

БИБЛИЯ



БИБЛИЯ

Пэ Балтїткo Романї чиб (Романэс)

**БАЛТИТКО РОМАНЫ ЧИБ (БАЛТИТКО РОМАНЭС)
Беларусконэ-Літоўсконэнгіро (Бáлтэ-Славяні́тко)
Романó ракирибэн (диалéкто)**

BALTIC ROMANI LANGUAGE (BALTIC ROMANES)
Belarus-Lithuanian (Balt-Slavic) Romani dialect

Пирильджинó Юдытконэ и Грекитконэ Библиякирэ
подстрочникэндэр и лылварьэндэр:

Translated from the Hebrew and Greek Interlinear Bibles and handbooks:

- A Translator's Handbook. Vol. I-XVI. Publ. E. J. Brill. Leiden: United Bible Societies, 1971.
- Marshall, Alfred. The NIV Interlinear Greek-English New Testament. Grand Rapids: Zondervan, 1976.
- VanGemerén, Willem. New International Dictionary of Old Testament Theology and Exegesis. Grand Rapids: Zondervan, 1997.

© 2014 Valdemar Kalinin and Distribution of Christian Literature

Кхэтань буты

U.B.S. (Кроли, Англия)

G.B.V. (Дилленбург, Германия)

Спóнсоры

G.B.F. (Атланта, США)

GfC (Херблиген, Швейцария)

Мисиякиро цэнтро

«Mission und Gemeindebau»

Пиричхуибэн

Вальдэмаро Калинино

Печатындрó Кхэр

DCL, Биэл, Швейцария

MiDi Bible (Distribution

of the Bible in Minority Languages)

Av. Croix-de-Rive 32

1028 Préverenges, Switzerland

Дистрибьюторы

Офис, АСД

Романи Библия

ул. Аннаева, 28

220037, Минск, Респ. Беларусь

Distribution of Christian Literature

P.O. Box 8554

2500 Biel 8, Switzerland

www.dclit.net

In collaboration with

U.B.S. (Crawley, England)

G.B.V. (Dillenburg, Germany)

With support of

G.B.F. (Atlanta, USA)

GfC (Herbligen, Switzerland)

Foundation «Mission und

Gemeindebau»

Translation by

Valdemar Kalinin

Published by

DCL, Biel, Switzerland

MiDi Bible (Distribution of the

Bible in Minority Languages)

Av. Croix-de-Rive 32

1028 Préverenges, Switzerland

Distributors

Office, SDA

Romani Bible

ul. Annayeva, 28

220037, Minsk, Rep. of Belarus

Distribution of Christian Literature

P.O. Box 8554

2500 Biel 8, Switzerland

www.dclit.net

ISBN 978-2-940059-20-1

Printed in Belarus

РОМАЛЭ!

Примите с благословением Слово Божие, переведенное мной на такой цыганский язык, на котором общаются цыгане старшего поколения в Белоруссии, Литве, Латгалии и западной части России.

Я перевёл Ветхий Завет с древнееврейского подстрочника и Новый Завет с греческого подстрочника на цыганский язык. Вы безусловно заметите, что некоторые стихи переведены не так, как в Русской Синодальной Библии. Это объясняется тем, что смысл некоторых стихов сейчас другой, как понимали и передали нецыгане – переводчики оригиналов на русский язык много лет тому назад, в 1830–1871 годах. Псалмы расположены в таком порядке, как в оригиналах, и подобный порядок в Библии на западноевропейских языках, но отличающийся от такого, который остался в Русской Синодальной Библии.

Я усердно трудился более, чем двадцать три года и старался, чтобы передать точно смысл оригинала по-цыгански, дабы сохранить исконный цыганский язык, чтобы укрепить цыганскую культуру и традиции в слове Божиим.

Вы встретите отдельные слова, которые вы можете не знать, — посмотрите в скобки и сноски, и в словарь в конце книги. Эти слова я заимствовал у стариков цыган. Я прошу понять меня, что я не смог «подстроить» язык Библии под говор каждой семьи в отдельности, потому что существует много местных говоров. Там, где единый перевод оказался не возможен, синонимы или наиболее сходные слова приведены в скобках с указанием на оригинал.

Я должен также выразить благодарность всем людям, Цыганам и Нецыганам, кто помогал мне. Их имена известны Господу. Я также обращаю ваше внимание на их имена в конце Библии.

Знайте, Ромалэ, это слово Божие верующие люди записали много лет тому назад, ведомое Святым Духом.

Да благословит Господь вас, да укажет вам путь к истинному счастью с Ним, к неумирающей радости и жизни вечной!

С христианской любовью

Вальдемар

РОМАЛЭ!

Прилэн бахत्याкирибнаса лав Дэвлэскиро, саво мэ пирилыджиём пэ кадасави романы чиб, пэ сави ракирэна пхурэ Рома пэ Беларусь, Литва, Латгалия и Западно Расея.

Мэ пиричхудём Юдытко Библиякиро подстрочнико пэ романы чиб дро Пхурано Завёто и Грэкитко подстрочнико пэ романы чиб дро Нэво Завёто. Палдава тумэ могоинэна тэ дыкхэн, со (кай) дрэ вари-савэ штэты пхэныбэна (стихи) дро амаро пирилыджаибэн насарэса явэна тэ зджанпэ, сыр исын дрэ Русиканы-Гаджиканы Синодально Библия. Дава исын палдова, со (кай) дрэ вари-савэ штэты аканэ исын явир смýсло, саво сыс, сыр ғалынэ и пиридынэ Гаджэ пирилыджаибнаскирэ мануша оригиналэндыр пэ Русиканы чиб бут бэрш палэ, дрэ 1830–1871 бэрша. Псалмэнгиро гиибэн (порядко) сыс кэрдó, сыр исын дрэ оригиналы, и сыр исын дрэ сарэ Западна пирилыджаибэна, а нэ сыр исын дрэ Русиканы Синодально Библия.

Мэ кэрдём буты биш тэ трин бэрш и причхудём зор, соб (кай) тэ дав то́чно смýсло оригинало́стыр пэ романы чиб, соб (кай) тэ зракхав ғаратуны Романы чиб, соб (кай) тэ подрикирав Романы культу́ра, традиция дро Дэвлэскиро лав.

Тумэ латхэна вари-савэ лава, со тумэ могоинэна тэ нэ ғалён, – дыкхэн дрэ ско́бки и тэлэ дрэ сно́ски и дро лавэнгиро лыл (гласа́рие) пэ ко́нцо (пэ яго́ро). Ғалён, со кадалэ на́джиндлэ лава мэ лыём пхурэ ромэндыр и ромнэндыр. Мэ манғава тумэн тэ ғалён ман, со (кай) мэ нэ могоиндём тэ подкэрав чиб дрэ Библия адыкэ, сыр ракирэна дрэ ка́жно сэм'я (ири́), пал-дова со исын бут штэтытка ракирэбэна. Одóй,кай сыс нашты́ тэ кэрэл екхэ-лавитко пирилыджаибэн, сино́нимы и схóдна лава сыс чхудэ дрэ ско́бки сыкаибна́са пэ оригина́ло.

Мангэ трэй адыкэ-паць тэ парикирав сарэнгэ, Ромэнгэ и Гаджэнгэ (сарэн Ромэн и Гаджэн), савэ дэнас васт (помогинэнас) мангэ. Лэнгирэ лава исын джиндлэ Рáскэ-Дэвлэскэ. Мэ явава адыкэ-паць тэ рискирэв годы́ пэ лэнгирэ лава пэ ко́нцо (пэ яго́ро) дрэ Библия.

Джинэн, Ромалэ, дава Дэвлэскиро лав зачхиндлэ Дэвлэскирэ мануша́ бут бэрш палэ, савэн лыджия́ Свэ́нто Духо́ (Фа́но).

Мэк Дэвлэ тэ бахत्याкирэл тумэн, тэ сыкавэл дром кэ чачуны бахт Дэвлэса, кэ радыма, сави на мэрэла, кэ вэчно джиибэн!

Христианытконэ Патываса

Вальдэмаро

БИБЛІЯ

Пэ Балтїткo Рoмaнї чїб (Рoмaнэс)
Baltic Romani: Белорусско-литовский диалект

Оглавление

Пэ́рвo Мoйзaскїрї Лы́лвaрї (Джїїбэ́н)	33
Шэ́рo 1	33
Шэ́рo 2	34
Шэ́рo 3	35
Шэ́рo 4	36
Шэ́рo 5	37
Шэ́рo 6	38
Шэ́рo 7	39
Шэ́рo 8	39
Шэ́рo 9	40
Шэ́рo 10	41
Шэ́рo 11	42
Шэ́рo 12	43
Шэ́рo 13	44
Шэ́рo 14	44
Шэ́рo 15	45
Шэ́рo 16	46
Шэ́рo 17	46
Шэ́рo 18	47
Шэ́рo 19	48
Шэ́рo 20	50
Шэ́рo 21	51
Шэ́рo 22	52
Шэ́рo 23	53
Шэ́рo 24	53
Шэ́рo 25	55
Шэ́рo 26	56
Шэ́рo 27	58
Шэ́рo 28	59
Шэ́рo 29	60
Шэ́рo 30	61

Шэрó 31	63
Шэрó 32	64
Шэрó 33	66
Шэрó 34	66
Шэрó 35	67
Шэрó 36	68
Шэрó 37	70
Шэрó 38	71
Шэрó 39	72
Шэрó 40	73
Шэрó 41	73
Шэрó 42	75
Шэрó 43	76
Шэрó 44	78
Шэрó 45	79
Шэрó 46	80
Шэрó 47	81
Шэрó 48	82
Шэрó 49	83
Шэрó 50	84
Явír Мойзаскири Лылварí (Выгийбэн)	85
Шэрó 1	85
Шэрó 2	86
Шэрó 3	87
Шэрó 4	88
Шэрó 5	89
Шэрó 6	90
Шэрó 7	91
Шэрó 8	92
Шэрó 9	93
Шэрó 10	94
Шэрó 11	95
Шэрó 12	96
Шэрó 13	98
Шэрó 14	99
Шэрó 15	100
Шэрó 16	101
Шэрó 17	102
Шэрó 18	103

Шэрó 19	104
Шэрó 20	105
Шэрó 21	106
Шэрó 22	107
Шэрó 23	108
Шэрó 24	110
Шэрó 25	110
Шэрó 26	112
Шэрó 27	113
Шэрó 28	114
Шэрó 29	115
Шэрó 30	117
Шэрó 31	118
Шэрó 32	119
Шэрó 33	120
Шэрó 34	121
Шэрó 35	123
Шэрó 36	124
Шэрó 37	126
Шэрó 38	127
Шэрó 39	128
Шэрó 40	130
Трýто Мойзаскири Лылварý (Левито).....	131
Шэрó 1	131
Шэрó 2	131
Шэрó 3	132
Шэрó 4	133
Шэрó 5	134
Шэрó 6	135
Шэрó 7	136
Шэрó 8	138
Шэрó 9	139
Шэрó 10	140
Шэрó 11	141
Шэрó 12	142
Шэрó 13	143
Шэрó 14	145
Шэрó 15	147
Шэрó 16	148

Шэрó 17	149
Шэрó 18	150
Шэрó 19	151
Шэрó 20	152
Шэрó 21	153
Шэрó 22	154
Шэрó 23	155
Шэрó 24	157
Шэрó 25	158
Шэрó 26	160
Шэрó 27	162
Штáрто Мойзаскири Лылварí (Чыслы)	163
Шэрó 1	163
Шэрó 2	165
Шэрó 3	166
Шэрó 4	168
Шэрó 5	170
Шэрó 6	171
Шэрó 7	172
Шэрó 8	175
Шэрó 9	176
Шэрó 10	177
Шэрó 11	178
Шэрó 12	179
Шэрó 13	180
Шэрó 14	181
Шэрó 15	182
Шэрó 16	184
Шэрó 17	186
Шэрó 18	186
Шэрó 19	188
Шэрó 20	189
Шэрó 21	190
Шэрó 22	191
Шэрó 23	193
Шэрó 24	194
Шэрó 25	195
Шэрó 26	196
Шэрó 27	197

Шэрó 28	198
Шэрó 29	200
Шэрó 30	201
Шэрó 31	202
Шэрó 32	203
Шэрó 33	205
Шэрó 34	206
Шэрó 35	207
Шэрó 36	208
Пáнджто Мойзаскири Лылварí (Явír Зако́но)	209
Шэрó 1	209
Шэрó 2	211
Шэрó 3	212
Шэрó 4	214
Шэрó 5	216
Шэрó 6	217
Шэрó 7	218
Шэрó 8	219
Шэрó 9	220
Шэрó 10	221
Шэрó 11	222
Шэрó 12	223
Шэрó 13	224
Шэрó 14	225
Шэрó 15	226
Шэрó 16	227
Шэрó 17	228
Шэрó 18	229
Шэрó 19	230
Шэрó 20	231
Шэрó 21	232
Шэрó 22	233
Шэрó 23	234
Шэрó 24	235
Шэрó 25	236
Шэрó 26	237
Шэрó 27	238
Шэрó 28	239
Шэрó 29	241

Шэрó 30	243
Шэрó 31	244
Шэрó 32	245
Шэрó 33	247
Шэрó 34	248
Исусóскирэ Навиноскири Лылварí	248
Шэрó 1	249
Шэрó 2	249
Шэрó 3	250
Шэрó 4	251
Шэрó 5	252
Шэрó 6	253
Шэрó 7	254
Шэрó 8	255
Шэрó 9	256
Шэрó 10	257
Шэрó 11	259
Шэрó 12	260
Шэрó 13	261
Шэрó 14	262
Шэрó 15	263
Шэрó 16	264
Шэрó 17	265
Шэрó 18	266
Шэрó 19	267
Шэрó 20	268
Шэрó 21	269
Шэрó 22	270
Шэрó 23	272
Шэрó 24	272
Сэндарьенгири Лылварí	274
Шэрó 1	274
Шэрó 2	275
Шэрó 3	276
Шэрó 4	277
Шэрó 5	278
Шэрó 6	279
Шэрó 7	281
Шэрó 8	282

Шэрó 9	283
Шэрó 10	285
Шэрó 11	286
Шэрó 12	288
Шэрó 13	288
Шэрó 14	289
Шэрó 15	290
Шэрó 16	291
Шэрó 17	292
Шэрó 18	293
Шэрó 19	294
Шэрó 20	295
Шэрó 21	297
Рутакири (Руфьякири) Лылварí.....	298
Шэрó 1	298
Шэрó 2	299
Шэрó 3	300
Шэрó 4	300
Пэрво Кралипнаскири Лылварí.....	301
Шэрó 1	301
Шэрó 2	302
Шэрó 3	304
Шэрó 4	304
Шэрó 5	305
Шэрó 6	306
Шэрó 7	307
Шэрó 8	307
Шэрó 9	308
Шэрó 10	309
Шэрó 11	310
Шэрó 12	311
Шэрó 13	312
Шэрó 14	313
Шэрó 15	315
Шэрó 16	316
Шэрó 17	317
Шэрó 18	319
Шэрó 19	320
Шэрó 20	321

Шэрó 21	323
Шэрó 22	323
Шэрó 23	324
Шэрó 24	325
Шэрó 25	326
Шэрó 26	328
Шэрó 27	329
Шэрó 28	329
Шэрó 29	330
Шэрó 30	331
Шэрó 31	332
Явír Кралипнаскири Лылварí.....	332
Шэрó 1	332
Шэрó 2	333
Шэрó 3	334
Шэрó 4	336
Шэрó 5	336
Шэрó 6	337
Шэрó 7	338
Шэрó 8	339
Шэрó 9	340
Шэрó 10	341
Шэрó 11	341
Шэрó 12	342
Шэрó 13	344
Шэрó 14	345
Шэрó 15	346
Шэрó 16	348
Шэрó 17	349
Шэрó 18	350
Шэрó 19	351
Шэрó 20	353
Шэрó 21	354
Шэрó 22	355
Шэрó 23	356
Шэрó 24	357
Трýто Кралипнаскири Лылварí	358
Шэрó 1	358
Шэрó 2	360

Шэрó 3	362
Шэрó 4	363
Шэрó 5	364
Шэрó 6	365
Шэрó 7	366
Шэрó 8	368
Шэрó 9	370
Шэрó 10	371
Шэрó 11	372
Шэрó 12	374
Шэрó 13	375
Шэрó 14	377
Шэрó 15	378
Шэрó 16	379
Шэрó 17	380
Шэрó 18	381
Шэрó 19	383
Шэрó 20	384
Шэрó 21	385
Шэрó 22	387
Штáрто Кралипнаскири Лылварí	389
Шэрó 1	389
Шэрó 2	389
Шэрó 3	390
Шэрó 4	392
Шэрó 5	393
Шэрó 6	394
Шэрó 7	395
Шэрó 8	396
Шэрó 9	397
Шэрó 10	399
Шэрó 11	400
Шэрó 12	401
Шэрó 13	402
Шэрó 14	403
Шэрó 15	404
Шэрó 16	406
Шэрó 17	406
Шэрó 18	408

Шэрó 19	410
Шэрó 20	411
Шэрó 21	412
Шэрó 22	413
Шэрó 23	414
Шэрó 24	415
Шэрó 25	416
Пэрво Хронология (1 Паралипоменоно)	417
Шэрó 1	417
Шэрó 2	419
Шэрó 3	420
Шэрó 4	421
Шэрó 5	422
Шэрó 6	423
Шэрó 7	425
Шэрó 8	426
Шэрó 9	427
Шэрó 10	429
Шэрó 11	429
Шэрó 12	431
Шэрó 13	432
Шэрó 14	433
Шэрó 15	433
Шэрó 16	434
Шэрó 17	435
Шэрó 18	436
Шэрó 19	437
Шэрó 20	438
Шэрó 21	439
Шэрó 22	440
Шэрó 23	441
Шэрó 24	442
Шэрó 25	443
Шэрó 26	443
Шэрó 27	445
Шэрó 28	446
Шэрó 29	447
Явír Хронология (2 Паралипоменоно)	448
Шэрó 1	448

Шэрó 2	449
Шэрó 3	450
Шэрó 4	451
Шэрó 5	451
Шэрó 6	452
Шэрó 7	454
Шэрó 8	455
Шэрó 9	455
Шэрó 10	457
Шэрó 11	457
Шэрó 12	458
Шэрó 13	459
Шэрó 14	460
Шэрó 15	460
Шэрó 16	461
Шэрó 17	462
Шэрó 18	462
Шэрó 19	464
Шэрó 20	464
Шэрó 21	466
Шэрó 22	466
Шэрó 23	467
Шэрó 24	468
Шэрó 25	469
Шэрó 26	470
Шэрó 27	471
Шэрó 28	472
Шэрó 29	473
Шэрó 30	474
Шэрó 31	475
Шэрó 32	476
Шэрó 33	478
Шэрó 34	479
Шэрó 35	480
Шэрó 36	482
Ездраскири Лылварй	483
Шэрó 1	483
Шэрó 2	483
Шэрó 3	485

Шэрó 4	486
Шэрó 5	487
Шэрó 6	488
Шэрó 7	489
Шэрó 8	490
Шэрó 9	492
Шэрó 10	493
Ниемияскири Лылварí.....	494
Шэрó 1	494
Шэрó 2	495
Шэрó 3	496
Шэрó 4	497
Шэрó 5	498
Шэрó 6	499
Шэрó 7	500
Шэрó 8	501
Шэрó 9	502
Шэрó 10	504
Шэрó 11	505
Шэрó 12	506
Шэрó 13	508
Эстэракири (Эсфирьякири) Лылварí	509
Шэрó 1	509
Шэрó 2	510
Шэрó 3	511
Шэрó 4	512
Шэрó 5	513
Шэрó 6	514
Шэрó 7	514
Шэрó 8	515
Шэрó 9	516
Шэрó 10	517
Иовоскири Лылварí	517
Шэрó 1	517
Шэрó 2	518
Шэрó 3	519
Шэрó 4	520
Шэрó 5	520
Шэрó 6	521

Шэрó 7	522
Шэрó 8	523
Шэрó 9	523
Шэрó 10	524
Шэрó 11	525
Шэрó 12	525
Шэрó 13	526
Шэрó 14	527
Шэрó 15	527
Шэрó 16	528
Шэрó 17	529
Шэрó 18	530
Шэрó 19	530
Шэрó 20	531
Шэрó 21	532
Шэрó 22	533
Шэрó 23	533
Шэрó 24	534
Шэрó 25	535
Шэрó 26	535
Шэрó 27	535
Шэрó 28	536
Шэрó 29	537
Шэрó 30	537
Шэрó 31	538
Шэрó 32	539
Шэрó 33	540
Шэрó 34	541
Шэрó 35	542
Шэрó 36	542
Шэрó 37	543
Шэрó 38	544
Шэрó 39	545
Шэрó 40	546
Шэрó 41	546
Шэрó 42	547
Псалмы.....	548
Шэрó 1	548
Шэрó 2	548

IIIპო 3	548
IIIპო 4	549
IIIპო 5	549
IIIპო 6	549
IIIპო 7	550
IIIპო 8	550
IIIპო 10	551
IIIპო 11	552
IIIპო 12	552
IIIპო 13	553
IIIპო 14	553
IIIპო 15	553
IIIპო 16	553
IIIპო 17	554
IIIპო 18	554
IIIპო 19	556
IIIპო 20	556
IIIპო 21	556
IIIპო 22	557
IIIპო 23	558
IIIპო 24	558
IIIპო 25	558
IIIპო 26	559
IIIპო 27	559
IIIპო 28	560
IIIპო 29	560
IIIპო 30	561
IIIპო 31	561
IIIპო 32	562
IIIპო 33	562
IIIპო 34	563
IIIპო 35	563
IIIპო 36	564
IIIპო 37	565
IIIპო 38	566
IIIპო 39	566
IIIპო 40	567
IIIპო 41	568
IIIპო 42	568

IIIპო 43	568
IIIპო 44	569
IIIპო 45	569
IIIპო 46	570
IIIპო 47	570
IIIპო 48	571
IIIპო 49	571
IIIპო 50	572
IIIპო 51	572
IIIპო 52	573
IIIპო 53	573
IIIპო 54	574
IIIპო 55	574
IIIპო 56	575
IIIპო 57	575
IIIპო 58	575
IIIპო 59	576
IIIპო 60	576
IIIპო 61	577
IIIპო 62	577
IIIპო 63	578
IIIპო 64	578
IIIპო 65	578
IIIპო 66	579
IIIპო 67	579
IIIპო 68	580
IIIპო 69	581
IIIპო 70	582
IIIპო 71	582
IIIპო 72	583
IIIპო 73	583
IIIპო 74	584
IIIპო 75	585
IIIპო 76	585
IIIპო 77	585
IIIპო 78	586
IIIპო 79	588
IIIპო 80	588
IIIპო 81	589

IIIპრო 82	589
IIIპრო 83	590
IIIპრო 84	590
IIIპრო 85	590
IIIპრო 86	591
IIIპრო 87	591
IIIპრო 88	592
IIIპრო 89	592
IIIპრო 90	593
IIIპრო 91	594
IIIპრო 92	594
IIIპრო 93	595
IIIპრო 94	595
IIIპრო 95	596
IIIპრო 96	596
IIIპრო 97	596
IIIპრო 98	597
IIIპრო 99	597
IIIპრო 100	597
IIIპრო 101	598
IIIპრო 102	598
IIIპრო 103	599
IIIპრო 104	599
IIIპრო 105	600
IIIპრო 106	601
IIIპრო 107	602
IIIპრო 108	604
IIIპრო 109	604
IIIპრო 110	605
IIIპრო 111	605
IIIპრო 112	605
IIIპრო 113	606
IIIპრო 114	606
IIIპრო 115	606
IIIპრო 116	607
IIIპრო 117	607
IIIპრო 118	607
IIIპრო 119	608
IIIპრო 120	612

Шэрó 121	612
Шэрó 122	612
Шэрó 123	612
Шэрó 124	613
Шэрó 125	613
Шэрó 126	613
Шэрó 127	613
Шэрó 128	614
Шэрó 129	614
Шэрó 130	614
Шэрó 131	614
Шэрó 132	615
Шэрó 133	615
Шэрó 134	615
Шэрó 135	616
Шэрó 136	616
Шэрó 137	617
Шэрó 138	617
Шэрó 139	617
Шэрó 140	618
Шэрó 141	619
Шэрó 142	619
Шэрó 143	619
Шэрó 144	620
Шэрó 145	620
Шэрó 146	621
Шэрó 147	621
Шэрó 148	622
Шэрó 149	622
Шэрó 150	622
Притчы.....	623
Шэрó 1	623
Шэрó 2	624
Шэрó 3	624
Шэрó 4	625
Шэрó 5	626
Шэрó 6	626
Шэрó 7	627
Шэрó 8	628

Шэрó 9	629
Шэрó 10	630
Шэрó 11	631
Шэрó 12	632
Шэрó 13	632
Шэрó 14	633
Шэрó 15	634
Шэрó 16	635
Шэрó 17	636
Шэрó 18	637
Шэрó 19	637
Шэрó 20	638
Шэрó 21	639
Шэрó 22	640
Шэрó 23	641
Шэрó 24	641
Шэрó 25	642
Шэрó 26	643
Шэрó 27	644
Шэрó 28	645
Шэрó 29	646
Шэрó 30	646
Шэрó 31	647
Эклесиастоскири Лылварí	648
Шэрó 1	648
Шэрó 2	649
Шэрó 3	650
Шэрó 4	651
Шэрó 5	651
Шэрó 6	652
Шэрó 7	653
Шэрó 8	654
Шэрó 9	654
Шэрó 10	655
Шэрó 11	656
Шэрó 12	657
Гилengiри (Соломонóскири) Гилы.....	657
Шэрó 1	657
Шэрó 2	658

Шэрó 8	663
Исаёскири Лылварí.....	663
Шэрó 1	663
Шэрó 2	665
Шэрó 3	665
Шэрó 4	666
Шэрó 5	667
Шэрó 6	668
Шэрó 7	668
Шэрó 8	669
Шэрó 9	670
Шэрó 10	671
Шэрó 11	672
Шэрó 12	673
Шэрó 13	673
Шэрó 14	674
Шэрó 15	675
Шэрó 16	676
Шэрó 17	676
Шэрó 18	677
Шэрó 19	677
Шэрó 20	678
Шэрó 21	679
Шэрó 22	679
Шэрó 23	680
Шэрó 24	681
Шэрó 25	682
Шэрó 26	682
Шэрó 27	683
Шэрó 28	684
Шэрó 29	685
Шэрó 30	686
Шэрó 31	687
Шэрó 32	687
Шэрó 33	688
Шэрó 34	689
Шэрó 35	690
Шэрó 36	690
Шэрó 37	691

Шэрó 38	692
Шэрó 39	693
Шэрó 40	694
Шэрó 41	695
Шэрó 42	696
Шэрó 43	697
Шэрó 44	698
Шэрó 45	699
Шэрó 46	700
Шэрó 47	701
Шэрó 48	701
Шэрó 49	702
Шэрó 50	703
Шэрó 51	704
Шэрó 52	705
Шэрó 53	705
Шэрó 54	706
Шэрó 55	707
Шэрó 56	707
Шэрó 57	708
Шэрó 58	709
Шэрó 59	709
Шэрó 60	710
Шэрó 61	711
Шэрó 62	712
Шэрó 63	712
Шэрó 64	713
Шэрó 65	713
Шэрó 66	714
Еремеевскири Лылварй.....	716
Шэрó 1	716
Шэрó 2	717
Шэрó 3	718
Шэрó 4	719
Шэрó 5	721
Шэрó 6	722
Шэрó 7	724
Шэрó 8	725
Шэрó 9	726

IIIპრო 10	728
IIIპრო 11	729
IIIპრო 12	730
IIIპრო 13	731
IIIპრო 14	732
IIIპრო 15	733
IIIპრო 16	734
IIIპრო 17	735
IIIპრო 18	737
IIIპრო 19	738
IIIპრო 20	739
IIIპრო 21	740
IIIპრო 22	740
IIIპრო 23	742
IIIპრო 24	744
IIIპრო 25	744
IIIპრო 26	746
IIIპრო 27	747
IIIპრო 28	748
IIIპრო 29	749
IIIპრო 30	750
IIIპრო 31	752
IIIპრო 32	754
IIIპრო 33	756
IIIპრო 34	757
IIIპრო 35	758
IIIპრო 36	759
IIIპრო 37	761
IIIპრო 38	762
IIIპრო 39	763
IIIპრო 40	764
IIIპრო 41	765
IIIპრო 42	766
IIIპრო 43	767
IIIპრო 44	768
IIIპრო 45	770
IIIპრო 46	770
IIIპრო 47	771
IIIპრო 48	772

Шэрó 49	774
Шэрó 50	776
Шэрó 51	778
Шэрó 52	781
Роибэн Еремее́скиро	783
Шэрó 1	783
Шэрó 2	784
Шэрó 3	785
Шэрó 4	786
Шэрó 5	787
Езэкилёскири Лылварí	788
Шэрó 1	788
Шэрó 2	789
Шэрó 3	789
Шэрó 4	791
Шэрó 5	791
Шэрó 6	792
Шэрó 7	793
Шэрó 8	794
Шэрó 9	795
Шэрó 10	795
Шэрó 11	796
Шэрó 12	797
Шэрó 13	798
Шэрó 14	799
Шэрó 15	800
Шэрó 16	801
Шэрó 17	803
Шэрó 18	804
Шэрó 19	806
Шэрó 20	806
Шэрó 21	808
Шэрó 22	810
Шэрó 23	811
Шэрó 24	813
Шэрó 25	814
Шэрó 26	815
Шэрó 27	816
Шэрó 28	817

Шэрó 29	819
Шэрó 30	820
Шэрó 31	821
Шэрó 32	821
Шэрó 33	823
Шэрó 34	824
Шэрó 35	826
Шэрó 36	826
Шэрó 37	828
Шэрó 38	829
Шэрó 39	830
Шэрó 40	831
Шэрó 41	833
Шэрó 42	834
Шэрó 43	835
Шэрó 44	836
Шэрó 45	838
Шэрó 46	839
Шэрó 47	840
Шэрó 48	841
Даниелёскири Лылварí.....	843
Шэрó 1	843
Шэрó 2	844
Шэрó 3	846
Шэрó 4	847
Шэрó 5	849
Шэрó 6	851
Шэрó 7	852
Шэрó 8	854
Шэрó 9	855
Шэрó 10	856
Шэрó 11	857
Шэрó 12	859
Осияскири Лылварí	860
Шэрó 1	860
Шэрó 2	861
Шэрó 3	862
Шэрó 4	862
Шэрó 5	863

Шэрó 6	864
Шэрó 7	864
Шэрó 8	865
Шэрó 9	866
Шэрó 10	867
Шэрó 11	867
Шэрó 12	868
Шэрó 13	869
Шэрó 14	869
Иоилёскири Лылварí	870
Шэрó 1	870
Шэрó 2	871
Шэрó 3	872
Амососкири Лылварí	873
Шэрó 1	873
Шэрó 2	874
Шэрó 3	875
Шэрó 4	876
Шэрó 5	877
Шэрó 6	878
Шэрó 7	878
Шэрó 8	879
Шэрó 9	880
Авдиёскири Лылварí	881
Шэрó 1	881
Ионаскири (Ёнаскири) Лылварí	882
Шэрó 1	882
Шэрó 2	883
Шэрó 3	884
Шэрó 4	884
Михеёскири Лылварí	885
Шэрó 1	885
Шэрó 2	886
Шэрó 3	887
Шэрó 4	887
Шэрó 5	888
Шэрó 6	889
Шэрó 7	890
Наумоскири Лылварí	891

Шэрó 1	891
Шэрó 2	891
Шэрó 3	892
Авакумоскири Лылварí	893
Шэрó 1	893
Шэрó 2	894
Шэрó 3	895
Софонияскири Лылварí	896
Шэрó 1	896
Шэрó 2	897
Шэрó 3	898
Агеёскири Лылварí	899
Шэрó 1	899
Шэрó 2	900
Захарияскири Лылварí	901
Шэрó 1	901
Шэрó 2	902
Шэрó 3	903
Шэрó 4	903
Шэрó 5	904
Шэрó 6	904
Шэрó 7	905
Шэрó 8	906
Шэрó 9	907
Шэрó 10	907
Шэрó 11	908
Шэрó 12	909
Шэрó 13	910
Шэрó 14	910
Малахияскири Лылварí	911
Шэрó 1	911
Шэрó 2	912
Шэрó 3	913
Шэрó 4	914
Евáнгелия Матфеёстыр	915
Шэрó 1	915
Шэрó 2	916
Шэрó 3	917
Шэрó 4	917

Шэрó 5	918
Шэрó 6	920
Шэрó 7	922
Шэрó 8	923
Шэрó 9	924
Шэрó 10	926
Шэрó 11	928
Шэрó 12	929
Шэрó 13	931
Шэрó 14	933
Шэрó 15	934
Шэрó 16	936
Шэрó 17	937
Шэрó 18	938
Шэрó 19	940
Шэрó 20	941
Шэрó 21	942
Шэрó 22	944
Шэрó 23	945
Шэрó 24	947
Шэрó 25	949
Шэрó 26	950
Шэрó 27	953
Шэрó 28	955
Евáнгелия Маркостыр	956
Шэрó 1	956
Шэрó 2	957
Шэрó 3	958
Шэрó 4	960
Шэрó 5	961
Шэрó 6	963
Шэрó 7	965
Шэрó 8	966
Шэрó 9	967
Шэрó 10	969
Шэрó 11	971
Шэрó 12	972
Шэрó 13	974
Шэрó 14	975

Шэрó 15	978
Шэрó 16	980
Евáнгелия Лукастыр	981
Шэрó 1	981
Шэрó 2	983
Шэрó 3	985
Шэрó 4	986
Шэрó 5	988
Шэрó 6	989
Шэрó 7	992
Шэрó 8	993
Шэрó 9	996
Шэрó 10	999
Шэрó 11	1000
Шэрó 12	1003
Шэрó 13	1005
Шэрó 14	1007
Шэрó 15	1008
Шэрó 16	1009
Шэрó 17	1011
Шэрó 18	1012
Шэрó 19	1014
Шэрó 20	1015
Шэрó 21	1017
Шэрó 22	1018
Шэрó 23	1021
Шэрó 24	1023
Евáнгелия Ианóстыр	1025
Шэрó 1	1025
Шэрó 2	1026
Шэрó 3	1027
Шэрó 4	1028
Шэрó 5	1030
Шэрó 6	1031
Шэрó 7	1033
Шэрó 8	1035
Шэрó 9	1037
Шэрó 10	1039
Шэрó 11	1040

Шэрó 12	1042
Шэрó 13	1043
Шэрó 14	1045
Шэрó 15	1046
Шэрó 16	1047
Шэрó 17	1048
Шэрó 18	1049
Шэрó 19	1050
Шэрó 20	1052
Шэрó 21	1053
Апостолэнгири Буты	1055
Шэрó 1	1055
Шэрó 2	1056
Шэрó 3	1058
Шэрó 4	1059
Шэрó 5	1060
Шэрó 6	1061
Шэрó 7	1062
Шэрó 8	1064
Шэрó 9	1065
Шэрó 10	1067
Шэрó 11	1068
Шэрó 12	1069
Шэрó 13	1070
Шэрó 14	1072
Шэрó 15	1073
Шэрó 16	1075
Шэрó 17	1076
Шэрó 18	1078
Шэрó 19	1079
Шэрó 20	1080
Шэрó 21	1082
Шэрó 22	1083
Шэрó 23	1084
Шэрó 24	1086
Шэрó 25	1087
Шэрó 26	1088
Шэрó 27	1089
Шэрó 28	1091

Павліскиро Лыл Римлянэнгэ	1092
Шэрó 1	1092
Шэрó 2	1093
Шэрó 3	1094
Шэрó 4	1095
Шэрó 5	1096
Шэрó 6	1097
Шэрó 7	1098
Шэрó 8	1099
Шэрó 9	1101
Шэрó 10	1102
Шэрó 11	1103
Шэрó 12	1104
Шэрó 13	1105
Шэрó 14	1106
Шэрó 15	1107
Шэрó 16	1108
Пэрво Павліскиро Лыл Коринфянэнгэ	1109
Шэрó 1	1109
Шэрó 2	1110
Шэрó 3	1111
Шэрó 4	1112
Шэрó 5	1112
Шэрó 6	1113
Шэрó 7	1114
Шэрó 8	1116
Шэрó 9	1116
Шэрó 10	1117
Шэрó 11	1118
Шэрó 12	1119
Шэрó 13	1120
Шэрó 14	1121
Шэрó 15	1123
Шэрó 16	1124
Явір Павліскиро Лыл Коринфянэнгэ	1125
Шэрó 1	1125
Шэрó 2	1126
Шэрó 3	1127
Шэрó 4	1128

Шэрó 5	1129
Шэрó 6	1130
Шэрó 7	1130
Шэрó 8	1131
Шэрó 9	1132
Шэрó 10	1133
Шэрó 11	1133
Шэрó 12	1135
Шэрó 13	1136
Павлйскиро Лыл Галатэнгэ	1136
Шэрó 1	1136
Шэрó 2	1137
Шэрó 3	1138
Шэрó 4	1139
Шэрó 5	1141
Шэрó 6	1142
Павлйскиро Лыл Эфесянэнгэ	1142
Шэрó 1	1142
Шэрó 2	1143
Шэрó 3	1144
Шэрó 4	1145
Шэрó 5	1146
Шэрó 6	1147
Павлйскиро Лыл Филиппийцэнгэ	1148
Шэрó 1	1148
Шэрó 2	1149
Шэрó 3	1150
Шэрó 4	1151
Павлйскиро Лыл Колосянэнгэ.....	1152
Шэрó 1	1152
Шэрó 2	1153
Шэрó 3	1154
Шэрó 4	1155
Пэрво Павлйскиро Лыл Фесалоникийцэнгэ	1155
Шэрó 1	1155
Шэрó 2	1156
Шэрó 3	1157
Шэрó 4	1157
Шэрó 5	1158

Явѣр Павлѣскиро Лыл Фесалоникийцэнгэ	1159
Шэрó 1	1159
Шэрó 2	1159
Шэрó 3	1160
Пэрво Павлѣскиро Лыл Химаскэ (Тимофеёскэ).....	1161
Шэрó 1	1161
Шэрó 2	1162
Шэрó 3	1162
Шэрó 4	1163
Шэрó 5	1164
Шэрó 6	1165
Явѣр Павлѣскиро Лыл Химаскэ (Тимофеёскэ)	1166
Шэрó 1	1166
Шэрó 2	1167
Шэрó 3	1168
Шэрó 4	1168
Павлѣскиро Лыл Титоскэ	1169
Шэрó 1	1169
Шэрó 2	1170
Шэрó 3	1170
Павлѣскиро Лыл Филимонóскэ.....	1171
Шэрó 1	1171
Лыл Юдэнгэ	1172
Шэрó 1	1172
Шэрó 2	1173
Шэрó 3	1173
Шэрó 4	1174
Шэрó 5	1175
Шэрó 6	1176
Шэрó 7	1176
Шэрó 8	1178
Шэрó 9	1178
Шэрó 10	1179
Шэрó 11	1181
Шэрó 12	1182
Шэрó 13	1184
Яковóскиро Лыл	1185
Шэрó 1	1185
Шэрó 2	1186

Шэрó 3	1187
Шэрó 4	1188
Шэрó 5	1188
Пэрво Пэтрискиро Лыл.....	1189
Шэрó 1	1189
Шэрó 2	1190
Шэрó 3	1191
Шэрó 4	1192
Шэрó 5	1193
Явír Пэтрискиро Лыл.....	1194
Шэрó 1	1194
Шэрó 2	1195
Шэрó 3	1196
Пэрво Ианоскиро Лыл.....	1197
Шэрó 1	1197
Шэрó 2	1197
Шэрó 3	1198
Шэрó 4	1199
Шэрó 5	1200
Явír Ианоскиро Лыл	1201
Шэрó 1	1201
Трýто Ианоскиро Лыл.....	1202
Шэрó 1	1202
Юдáскиро Лыл.....	1202
Шэрó 1	1202
Сыкадыипэн (Апокалипсисо).....	1204
Шэрó 1	1204
Шэрó 2	1205
Шэрó 3	1206
Шэрó 4	1207
Шэрó 5	1208
Шэрó 6	1208
Шэрó 7	1209
Шэрó 8	1210
Шэрó 9	1211
Шэрó 10	1211
Шэрó 11	1212
Шэрó 12	1213
Шэрó 13	1214

Шэрó 14	1215
Шэрó 15	1216
Шэрó 16	1216
Шэрó 17	1217
Шэрó 18	1218
Шэрó 19	1219
Шэрó 20	1220
Шэрó 21	1221
Шэрó 22	1222

Пэрво Мойзаскири Лылварí (Джиибэ́н)

^[1] Лылварí (Джиибэ́н)

: ^[1] Акэ, явír лавá, савэ́нца Ромá кхарэ́на лэс: Мойся, Мося, Мойша. Дро Юды́тко оригина́ло пхэ́нэлапэ: Мойшэх.

Шэрó 1

Сыр Дэвэл Созды́я Свэ́то (Лот)

¹ Англэды́р сарэ́стыр Дэвэл созды́я болыбэ́н и пхув. ² Пхув сыс биформа́кири и чхучí (пусто), калыпéн сыс пэ сарó хорипéн (бэ́здна), и Дэвлэ́скиро Духó (Фáно) кхарэ́ласпэ (дви́гинэласпэ) упрáл паня́. ³ И пхэндя́ Дэвэл: “Мэк тэ явэл дуд (свэ́то).” И дуд яця́. ⁴ И дыкхця́ Дэвэл дуд, со ёв сыс шука́р; и роскэ́рдя (росчхудя́) Дэвэл дуд калыпна́стыр. ⁵ И дыя́ лав Дэвэл дудэскэ́ Дывэ́с, а калыпна́скэ Рат. И сыс бэ́львэ́ль и сыс злóко (ра́нко)-пэрво дывэ́с. ⁶ И пхэндя́ Дэвэл: “Мэк тэ явэл свóдо (твердь) машкíр пани́, и мэк ёв тэ роскэ́рэл пани́ панэ́стыр.” ⁷ И кэрдя́ Дэвэл свóдо, и роскэ́рдя пани́, савó сыс тэл буглó свóдо долé панэ́стыр, и савó сыс упрáл, кай сыс буглó свóдо. И яця́ адя́кэ. ⁸ И дыя́ лав Дэвэл сводóскэ́ Болыбэ́н. И сыс бэ́львэ́ль, и сыс злóко (ра́нко) – явír дывэ́с. ⁹ И пхэндя́ Дэвэл: “Мэк тэ скэдэ́нпэ паня́, савэ́ сыс тэл болыбэ́н, дро екх штéто, и мэк тэ ячэл шуки́ пхув.” И яця́ адя́кэ. ¹⁰ И дыя́ лав Дэвэл шука́ пхувья́кэ, Пхув, а панéнгэ, савэ́ сыс скэ́дынэ́, Мóри ^[1] (Дэ́рьява́). И дыкхця́ Дэвэл, со дава́ сыс шука́р. ¹¹ И пхэндя́ Дэвэл: “Мэк тэ барья́кирэл пхув зэлэ́ныбэ́н, чар, савí дэ́ла семи (ви́рингли); и кашт (дрéво), савó дэ́ла барья́кирдó (плóдо) пир пэски́ро рóдо, савэ́скирэ сéми исын пэ пхув.” И яця́ адя́кэ. ¹² И барья́кирдя пхув зэлэ́ныбэ́н; чар, савí дэ́ла семё; и кашт (дрéво), савó дэ́ла барья́кирдó (плóдо) пир пэски́ро рóдо, савэ́скирэ семи исын пэ пхув. И дыкхця́ Дэвэл, со дава́ сыс шука́р. ¹³ И сыс бэ́львэ́ль, и сыс злóко (ра́нко) – трíто дывэ́с. ¹⁴ Тэ́ньци пхэндя́ Дэвэл: “Мэк тэ явэ́н дуда (свети́лы) пэ свóдо пир болыбэ́н, соб (кай) ё́нэ тэ роскэ́рэн дывэ́с ратя́тыр, соб (кай) ё́нэ тэ явэ́н сыр знамéнии (герты́ка) ваш часы́ (цыры), дывэ́са́ и бэрша́; ¹⁵ и мэк тэ явэ́н дуда пэ свóдо пир болыбэ́н, соб (кай) тэ дэн дуд пэ пхув.” И яця́ адя́кэ. ¹⁶ И кэрдя́ Дэвэл дуй барé дуда: екх барэ́дыр дуд, соб (кай) тэ рики́рэл зор пэ дывэ́са́, екх тыкнэ́дыр дуд, соб (кай) тэ рики́рэл зор пэ ратя́, адя́кэ-паць и чэ́ргэня́. ¹⁷ И чхудя́ Дэвэл лэн пэ свóдо пир болыбэ́н, соб (кай) ё́нэ тэ дэн дуд пэ пхув, ¹⁸ и тэ рики́рэн зор пэ дывэ́са́ и ратя́, и тэ роскэ́рэн (тэ росчхувэ́н) дуд (свэ́то) калыпна́стыр. И

дыкхцй Дэвэл, со дава сыс шукар. ¹⁹ И сыс бэльвэль и сыс злоко (ранко) – штарто дывэс. ²⁰ И пхэндй Дэвэл: “Мэк тэ явэн паня пхэрдэ одолэнца [мэк тэ создэн паня одолэн-р.с.], савэ ползынэна, савэ исын джидэ, и мэк тэ вурнян чирикля упрал пхув пир болыбэн.” ²¹ И создйя Дэвэл барэн морёскирэ (дэрьявёскирэ) мачхэн, и каждо джидо ди, саво кхарэлапэ, савэнца паня исын пхэрдэ пир пёскиро родо, и разна чирикля пхакэнца пир пёскиро родо. И дыкхцй Дэвэл, со дава сыс шукар. ²² И бахтякирдй Дэвэл лэн, ракири: “Биянэн и тэ явэн тумэн бут-бут, и пхэрдякирэн паня дрэ мори (дэрьява), мэк тэ бияндён бут чирикля пэ пхув.” ²³ И сыс бэльвэль, и сыс злоко (ранко)-панджто дывэс. ²⁴ И пхэндй Дэвэл: “Мэк пхув тэ дэл джибэн джидэ дескэ пир пёскиро родо; кхэритконэ мурдалэнгэ (скотоскэ) и цапненгэ, ползучонэ джидыпнэнгэ и мурдалэнгэ пир пхув, кажнонэскэ пир пёскиро родо.” И яцй адякэ. ²⁵ И создйя Дэвэл пхувитконэ мурдалэн пир лэнгиро родо, и кхэритконэ мурдалэн пир лэнгиро родо, и кажнона цапня пэ пхув пир пёскиро родо. И дыкхцй Дэвэл, со дава сыс шукар. ²⁶ И пхэндй Дэвэл: “Создаса манушэс, соб (кай) ёв тэ удэлпэ пир Амарй патрин (образо), соб (кай) ёв тэ явэл кадасаво-паць сыр Амэ сам; и мэк ёв тэ хулаинэл пэ морёскирэ (дэрьявёскирэ) мачхэндэ, пэ болыбнаскирэ чириклендэ, и пэ кхэритконэ мурдалэндэ и пэ сарй пхув, и пэ сарэ цапнендэ, савэ ползынэна пир пхув.” ²⁷ И создйя Дэвэл манушэс пир Пёскири патрин (образо), пир Дэвлэскири патрин (образо) Ёв создйя лэс: муршэс и джувля создйя Ёв. ²⁸ И бахтякирдй Дэвэл лэн, и Дэвэл пхэндй лэнгэ: “Биянэн и тэ явэн тумэн бут-бут, и пхэрдякирэн пхув и тэ лэн зор пэ латэ, и тэ хулаинэн тумэ пэ морёскирэ (дэрьявёскирэ) мачхэндэ, и пэ болыбнаскирэ чириклендэ и пэ кажнонэ мурдалэстэ, саво кхарэлапэ пир пхув.” ²⁹ И пхэндй Дэвэл: “Акэ, Мэ дыём тумэнгэ кажно чар, савй дэла семи (вириглы), со исын пэ пхув, и кажно кашт (дрэво), дро саво исын каштуно семё, саво дэла барьякирдэ (плóды): дава явэла хабэн тумэнгэ. ³⁰ И кажнонэ мурдалэскэ пэ пхув и кажнонэ болыбнаскирэ чириклякэ, и кажнонэ цапнякэ, савй ползынэла пир пхув, и дрэ савэндэ исын джидо ди Мэ дыём кажно зэлэны (зэлэно) чар тэ хан.” И яцй адякэ. ³¹ И дыкхцй Дэвэл, со Ёв создйя и, акэ, дава сыс древан шукар. И сыс бэльвэль, и сыс злоко (ранко) – шовто дывэс.

1:10 ^[1] Вари-савэ Романэ поэты чхинэна “дэрьява (дэрьяв).”

Шэро 2

¹ Адякэ сыс создынэ болыбэн и пхув и саро свэто. ² И кончындй Дэвэл Пёскирэ рэнды (делы) кэ эфтато (битринэнгиро дэшто) дывэс, савэ Ёв кэрэлас и пэ эфтато дывэс Ёв откхиныя сарэ Пёскирэ рэндэндйр (делэндйр), савэ Ёв кэрдй. ³ Дэвэл бахтякирдй эфтато (битринэнгиро дэшто) дывэс и освэнцындй лэс, пал-дова со дрэ дава дывэс откхиныя Ёв сарэ Пёскирэ рэндэндйр, савэ Ёв создйя и кэрдй. ⁴ Акэ, исын лав, сыр ячнэ болыбэн и пхув, кели сыс создынэ ёнэ, дрэ дова часо (цёро), кели Рай Дэвэл (Яхва), Дэвэл создйя пхув и болыбэн, ⁵ И кажно фэлдытко хрúсто (кусто), саво англэдыр на сыс пэ пхув, и кажно фэлдытко чар, савй англэдыр на бария; пал-дова со Рай Дэвэл, Дэвэл англэдыр на бичхадй брышынд пэ пхув, и на сыс манушэс, соб (кай) тэ кэрэл буты пэ пхув; ⁶ нэ пхувьятыр газдыпэ паро, и панякирдй пир сарй пхув. ⁷ И Рай Дэвэл, Дэвэл пхувитконэ прахостыр создйя манушэс, и пхурдыя дрэ лэскирэ рутхуня (ноздри) дúхо (фáно) джибнаскиро и яцй мануш джидэ деса. ⁸ И Рай Дэвэл почхудя дро Эдэмо пэ вастóко унта (садо) ^[1]; и мэкця одой манушэс, савэс Ёв создйя. ⁹ И Рай Дэвэл кэрдй адякэ, соб (кай) тэ барьёл пхувьятыр кажно кашт (дрэво), шукар ваш якхэ и лачхó ваш хабэн, и маширал унта сыс джибнытко кашт, и кашт, саво дэла джиныбэн пал фуипэн и лачхипэн. ¹⁰ Эдэмоустыр тхадэлас рэка (лэнь), савй панякирдй унта; и одотхыр розджаласпэ пэ штар рёки (лэня). ¹¹ Екха кхардэ Фисоно (Пишоно): ёй тхадэла пир сарй Хавиласкири пхув, доя пхув, кай исын сувнакай; ¹² и долэ-пхувьякиро сувнакай исын лачхó; одой исын бдалахо и ониксо бар. ¹³ И явирья рэка (лэнь) кхардэ Гихоно; ёй тхадэла пир сарй Кушоскири пхув. ¹⁴ Тритона рэка (лэнь) кхардэ Хидэкёлё (Тигро); ёй тхадэла ангил Асирия. Штартó рэка (лэнь) исын Евфрато. ¹⁵ И лыя Рай Дэвэл,

Дэвэл манушэс, и мэкця тэ дживэл лэс дрэ Эдэмоскири ўнта (садо), соб (кай) ёв тэ барьякирэл и тэ раххэл ла. ¹⁶ И припхэндя Рай Дэвэл, Дэвэл манушэскэ, пхэни: “Дрэ ўнта каштэстыр (дрэвостыр) ту явэса тэ хас; ¹⁷ а каштэстыр, саво дэла джиныбэн пал фуипэн и лачхипэн, лэстыр на ха; пал-дова дрэ дава дывэс дро, дро саво ту хаса лэстыр барьякирдó (плóдо), ту мэрэса.” ¹⁸ И Рай Дэвэл, Дэвэл пхэндя: “Налачхэс манушэскэ тэ явэс екхджинэскэ, Амэ создаса помогибнаскирэс (помошникос) пир лэстэ.” ¹⁹ О Рай Дэвэл, Дэвэл пхувьятыр вычхудя сарэ фэлдытконэ мурдалэн (животнóнэн) и сарэн болыбнытконэ чириклен, и яндя кэ мануш, соб (кай) ёв тэ дыкхэл, сыр ёв кхарэла лэн, и соб (кай), сыр мануш кхарэла кажно джидó ди, дасаво лав тэ ячэлпэ лэскэ. ²⁰ И дыя лав (кхарибэн) мануш кажнонэ кхэритконэ мурдалэскэ и болыбнаскирэ чирикленгэ и фэлдытконэ мурдалэнгэ; нэ ваш манушэскэ помогибнаскиро на латхяпэ (ластяпэ), на пир лэстэ. ²¹ И кэрдя Рай Дэвэл, Дэвэл адякэ, со зоралó соибэн пыя пэ манушэстэ; и, кэли засуця ёв, то Рай Дэвэл, Дэвэл лыя екх лэскиро пашваро, и одова штэто зачхакирдя лочаса (плотяса). ²² И Рай Дэвэл, Дэвэл создыя пашварэстыр джувля, саво Ёв лыя манушэстыр, и яндя ла кэ мануш. ²³ И пхэндя мануш: “Ѓада, дава исын кокало мирé кокалэндэр и лоч (плоть) мирé лочатыр; ёй явэла тэ кхарэлпэ джувляса (ромняса): пал-дова со сыс лыны ромэстыр.” ²⁴ Палдава мануш мэкэла пэскирэ дадэс и да, и приячэла кэ пэскири ромны, и ёнэ явэна екх лоч. ²⁵ И сыс дуйджинэ нангэ, Адамо и лэскири ромны, и ёнэ на ладжандынэ.

2:8 ^[1] Адякэ пхэнэлапэ дро Юдытко оригинало. Нэ дрэ Руситко Библия адай пхэнэлапэ ‘рай’.

Шэро 3

Евакиро Искушэниё, Манушэскиро Пэрибэн

¹ Сап сыс мэндрэдыр сарэ фэлдытконэ мурдалэндэр, савэн Рай Дэвэл (Яхвá), Дэвэл создыя. И пхэндя сап джувлякэ: “Ци чачипэн пхэндя Дэвэл: ‘На хан ни савэ каштэстыр дрэ ўнта (садо)?’” ² И джувлы пхэндя сапэскэ: “Амэ сашты (моги́наса) тэ хас барьякирдэ (плóды) каштэндэр. ³ Нэ пал каштэскирэ барьякирдэ (плóды), саво исын машкирал ўнта, Дэвэл пхэндя: “На хан лэндэр и на дочилавэнтэ кэ ёнэ, соб (кай) тумэ тэ на мэрэн.” ⁴ И пхэндя сап джувлякэ: “Над, на мэрэна. ⁵ Нэ Дэвэл джинэла, со дро дывэс, дро саво тумэ хана лэн, тумарэ якхá отчхакирэнапэ, и явэна тумэ, сыр дэвэла (Дэвэл) ^[1], тэ джинэн лачхипэн и фуипэн.” ⁶ И джувлы ^[2] дыкхця, со кашт (дрéво) сыс лачхó ваш хабэн, и со ёв сыс куч ваш якхá, пал-дова со дэла джиныбэн, и ёй лыя лэскирэ барьякирдэ (плóды), и хая; и адякэ-паць дыя ёй пэскирэ ромэскэ пашыл латэ, и ёв хая. ⁷ И дуендэ лэндэ отчхакирдэпэ якхá, и галынэ ёнэ, со ёнэ сыс нангэ, и судэ смоковитка патря (ли́сты), и кэрдэ пэскэ бутлэ кустыка (по́ясы). ⁸ И шундлэ Рáскирэ-Дэвлэскири, Дэвлэскири зан (глос), сыр Ёв псирдя дрэ ўнта дрэ дова дывэс пэ вастóко, сыр спыя хачкирибэн; Адамо и лэскири ромны гарадынэ Рáскирэ-Дэвлэскирэ, Дэвлэскирэ якхэндэр машкирал каштá дрэ ўнта. ⁹ И кхардя Рай Дэвэл, Дэвэл кэ пэ Адамос, и пхэндя лэскэ: “Кай ту сан?” ¹⁰ И ёв пхэндя: “Тыри зан мэ шундём дрэ ўнта, и страхадёём, пал-дова, со мэ сом нанго, и гарадыём.” ¹¹ И Рай Дэвэл, Дэвэл пхэндя: “Кон тукэ пхэндя, со ту сан нанго? Ци на хаян ту долэ каштэстыр, савэстыр Мэ запхэндём тукэ тэ на хас?” ¹² О Адамо пхэндя: “Джувлы, савья Ту дыян мангэ, ёй мангэ дыя каштэстыр, и мэ хаём.” ¹³ И Рай Дэвэл, Дэвэл пхэндя джувлякэ: “Палсó дава ту кэрдян?” “Сап хохадя ман, и мэ хаём.” ¹⁴ И пхэндя Рай Дэвэл, Дэвэл сапэскэ: “Пал-дова со ту дава кэрдян, ту явэса прокошнó ангил сарэ кхэритконэ мурдалэндэ (ското) и ангил сарэ фэлдытконэ мурдалэндэ (зверендэ): ту явэса пэ тыро пэр тэ псирэс, и явэса сарó пэскиро джиибэн тэ хас пра́хо.” ¹⁵ И нараманё (на́миро) кэрава Мэ машкир тóтэ и джувлятэ, и машкир рóдо тыро и ла́киро; ёв явэла дро шэро тэ дукхавэл тут, а ту явэса тэ дукхавэс лэс дрэ пента (кхур). ¹⁶ И джувлякэ Ёв пхэндя: “Убарьякирава Мэ и кэрава бут бутыр тырэ мэньки дро дова часо, сыр явэса ту тэ псирэс

пхарй; дрэ дукхá явэса тэ биянэс чхаворэн, и тырó камибэн кэ тырó ром, и ёв явэла тэ хулаинэл пэ түтэ.”¹⁷ Адамоскэ Ёв пхэндя: “Пал-довá, со ту кандыян пэскирьá ромня, и хаян каштэстыр, пал савó Мэ припхэндём түкэ, пхэни: ‘На ха лэстыр’, прокошны явэла пал түтэ пхув, пхарипнаса сарó тырó джибэн ту явэса тэ чаравэспэ латыр.”¹⁸ Хрусты сувьенца (тернии) и жылта хрусты пхусадэнца (волчцы) биянэла ёй, пхув, түкэ; и явэса ту тэ хас фэлдытко чар.”¹⁹ Кхамлынаса (потоса) пэ муй ту явэса тэ хас пэскиро марó, пака ту рисёса дрэ пхув, савьятыр ту санас лыно; пал-довá со ту сан прахо, и рисёса дро прахо.”²⁰ И дыя пэскирэ ромнякэ лав Ева ^[3], пал-довá со ёй яця даса сарэ джидыпнаскэ.”²¹ И кэрдя Рай Дэвэл, Дэвэл цыпитка йди Адамоскэ и лэскирэ ромнякэ и уридя лэн.”²² И пхэндя Рай Дэвэл, Дэвэл: “Гáда, яця Адамо сыр екх амэндыр, тэ джинэл лачхипэн и фуипэн; и аканá, сыр ёв тэ на протырдел пэскиро васт и адякэ-паць тэ на лэл джибнаскирэ каштэстыр, и тэ на хал, и тэ на явэл тэ дживэл вэчнэс.”²³ И бичхадя Рай Дэвэл, Дэвэл криг лэс Эдэмоскирэ унтатыр (садостыр), соб (кай) ёв тэ кэрэл буты пэ пхув, савьятыр ёв сыс создыно.”²⁴ И Ёв традыя Адамос криг, и пэ вастóко пашыл Эдэмоскирэ унта чхудя херувимос курталаса (мечоса), сави хачола ягаса, соб (кай) кэ джибнытко кашт тэ рахэл дром.

3:5 ^[1] Дро Юдытко оригинало пхэнэлапэ “Дэвэл” (екхипнаскиро чысло), нэ Руситка сыклякирдэ пирилыджинэ “дэвлэ” (бутыпнаскиро чысло).

3:6 ^[2] Дро Юдытко оригинало адай адякэ-паць пхэнэлапэ “джувлы” (иша), на “ромны.”

3:20 ^[3] Ева значынэла дро Юдытко оригинало “Джиды, Джибэн”

Шэрó 4

О Каино Мулякирэла Авелёс

¹ О Адамо лыя тэ дживэл Еваса сыр ромняса; и ёй запхария, и бияндя Каинос ^[1], и пхэндя: “Латхём мэ манушэс Рáстыр-Дэвлэстыр.”² И явир мóло ёй бияндя лэскирэ пшалэс, Авелёс. И Авелё сыс бакрэнгиро чхупнари (пастухо), а Каино обкэрэлас пхув.³ Сыр прогия вари-савó часо, Каино яндя пхувьякирэ барьякирдэ (плóды) сыр даро Рáскэ-Дэвлэскэ.”⁴ И Авелё адякэ-паць яндя пэскирэ пэвонэ бияныпнытконэ гуртостыр и лэнгирэ чэкэнэстыр (тукостыр). Рай Дэвэл сыкадя патыв Авелёскэ пэ лэскиро даро.”⁵ А Каиноскэ, и пэ лэскиро даро, Ёв на сыкадя патыв. О Каино древán холясыя, и калыя мина пэ лэскиро муй.”⁶ И пхэндя Рай Дэвэл Каиноскэ: “Сóскэ ту холясыян? И сóскэ мина пэ тырó муй калыя?”⁷ Кóли кэрэса лачхипэн, то сóскэ на газдэса муй радыпнаса? А кóли на кэрэса лачхипэн, тэды пашыл вудар исын паштó грéхо (бизо), ёв тырдэла тут кэ пэ, нэ ту яв хулáса пэ лэстэ.”⁸ И пхэндя Каино пэскирэ пшалэскэ, Авелёскэ: “Явэн, пэ фэлда.” И кели сыс ёнэ пэ фэлда, Каино газдыяпэ пэ пэскирэ пшалэстэ Авелёстэ, и мулякирдя лэс.”⁹ И пхэндя Рай Дэвэл Каиноскэ: “Кай исын тырó пшал Авелё?” Ёв пхэндя: “Мэ на джинóm (на джинáв), со мэ сом раххибнари (сторожо) пэскирэ пшалэскэ?”¹⁰ И пхэндя: “Со ту кэрдян? Тырэ-пшалэскирэ ратэскири зан дэла гóдла пхувьятыр кэ Мэ.”¹¹ И аканá ту сан прокошнó пхувьятыр, сави отчхакирдя пэскирэ уштá тэ прилэл тырэ-пшалэскиро рат тырэ вастэстыр.”¹² Кели ту явэса тэ обкэрэс пхув, ёй бутыр на явэла тэ дэл ваш түкэ пэскири зор; ту явэса тэ гарадэс и тэ псирэс би кхэрэскиро пэ пхув.”¹³ И Каино пхэндя Рáскэ-Дэвлэскэ: “Чорипэн миро исын древán барó, соб (кай) тэ бистрэс лэс.”¹⁴ Гáда, кадалэ дывэсэстыр Ту традэса ман пхувьятыр, и Тырэ мóстыр мэ явáва тэ гарадэвав, и тэ псирав би кхэрэскиро пэ пхув; и явэла адякэ: кажно, кон мánца стрэнинэлапэ, мулякирэла ман.”¹⁵ И пхэндя лэскэ Рай Дэвэл: “Палдава́ кажнонэскэ, кон Каинос мулякирэла, отдэлапэ палэ фуипнаса дрэ эфтá (битринэнгиро дэш) мóлы.” И Рай Дэвэл кэрдя Каиноскэ гертýк (знамэниё), соб (кай) никон, кон стрэнинэлапэ лэса, тэ на мулякирэл лэс.

Каиноскири Сэм'я (Ири)

¹⁶ И гия криг Каино Растыр-Дэвлэстыр; и лыя тэ дживэл пэ Нодоскири пхув, пэ вастоко Эдэмоустыр. ¹⁷ И лыя тэ дживэл Каино пэскирэ ромняса; и ей запхария, и бияндя Енохос. И чхудя ёв форо, и пир пэскирэ чхавэскиро лав кхардя форо: Енохо. ¹⁸ Енохостыр бияндя Ирадо; Ирадостыр бияндя Мехиаэлэ ^[2]. Мехиаэлэ дья пэ свэто Мафусалос: Мафусало дья пэ свэто Ламехос. ¹⁹ И Ламехо лыя пэскэ дуэн ромнён: екхакиро лав сыс Ада и явирьякиро лав сыс Цыла. ²⁰ Ада бияндя Иавалос (Явалос): ёв сыс дад манушэнгэ, савэ дживдэ пэ шатры кхэритконэ мурдалэнца. ²¹ Лэскирэ пшалэс кхардэ Иувало (Ювало): ёв сыс дад сарэнгирэ-манушэнгиро, савэ башадэ пэ гусли и свиролька (свирель). ²² Цыла адякэ-паць бияндя Тувалкаинос, савэ сыс фаурнари (ковалё) пэ сарэ струмёнты састырэстыр и харкоматыр (медятыр). И пхэн Тувалкаиноскири сыс Ноема [Наама-ю.о.]. ²³ И пхэндя Ламехо пэскирэ ромнёнгэ: “Ада и Цыла, шунён мирй зан, Ламехоскирэ ромнялэ! Шунён мирэ лавá: мэ мулякирдём муршэс и тэрнэ-бэршэнгирэс (отрокос) пал пэскири дукхады (рана). ²⁴ Кóли пал Каиностэ отдалэпэ палэ фуипнаса дрэ эфта (битринэнгиро дэш) мóлы, то пал Ламехостэ дрэ эфтадэша эфта мóлы.” ²⁵ И лыя тэ дживэл Адамо пэскирэ ромняса явир мóло, и ей бияндя чхаворэс, и дья лэскэ лав Сифо, пал-довá со ей ракирдя: “Дэвэл чхудя мангэ явир сёмё, замест Авелёстэ, савэс мулякирдя Каино.” ²⁶ И Сифостэ адякэ-паць бияндя чхавó; и ёв дья лэскэ лав Еносо [Еношо-ю.о.]; тэньци манушá лынэ тэ прикхарэн Дэвлэскиро лав, кэли мангнэпэ.

4:1 ^[1] Каино значынóла дро Юдытко оригинало “Яндло.”

4:18 ^[2] Дрэ Юдытко оригинало адякэ пхэнэлапэ лэскиро лав.

Шэрó 5

Адамоскири Сэм'я (Ири)

¹ Ѓáда, исын пхэныбён пал Адамоскиро рóдо: кэли Дэвэл создья манушэс, Ёв создэлэс лэс адякэ, соб (кай) мануш тэ зджал (тэ поджал) пэ Лэстэ. ² Муршэс и джувля создья, и бахтякирдя лэн дро дывэс, кэли создья лэн и дья лэнгэ лав мануш (Адамо). ³ Адамо дживдя шэл тэ триянда бэрш, и лэстыр бияндя чхавó, савó зджалас пэ лэстэ, и савó сыс пир лэскири патрин (óбразо) и дья лэскэ лав: Сифо. ⁴ Кэли Адамостыр бияндя чхавó Сифо, лэскэ сыс охтошэла (бидуешэлэнгиро бар) бэрш, и бияндынэ лэстыр чхавó и чхая. ⁵ Адамо дживдя еняшэла (бишэлэнгиро бар) триянда бэрш; и мыя. ⁶ Кэли Сифоскэ сыс шэл тэ пандж бэрш, лэстыр бияндя Еносо. ⁷ Кэли латхяпэ Еносо, Сифо дживдя охтошэла эфта (тринэнгиро дэш) бэрш и бияндынэ лэстыр чхавó и чхая. ⁸ Сифо дживдя еняшэла дэшудуй бэрш; и ёв мыя. ⁹ Кэли Енососкэ сыс енядэша бэрш, лэстыр бияндя Каинано. ¹⁰ Кэли бияндя Каинано, Еносо дживдя охтошэла дэшупандж бэрш, и бияндынэ лэстыр чхавó и чхая. ¹¹ Еносо дживдя еняшэла пандж бэрш; и ёв мыя. ¹² Кэли Каинаноскэ сыс эфтадэша бэрш, лэстыр бияндя Малэлэило (Махалаэлё). ¹³ Кэли латхяпэ Малэлэило, Каинано дживдя охтошэла штардэша бэрш, и бияндынэ лэстыр чхая и чхавó. ¹⁴ Каинано дживдя еняшэла дэш бэрш; и ёв мыя. ¹⁵ Кэли Малэлэилоскэ сыс шовдэшапандж бэрш, лэстыр бияндя Иарéдо (Яредо). ¹⁶ Палó (после) Иаредоскиро бияныпэн, Малэлэило дживдя охтошэла триянда бэрш, и бияндынэ лэстэ чхая и чхавó. ¹⁷ Малэлэило дживдя охтошэла енядэша пандж бэрш; и ёв мыя. ¹⁸ Кэли Яредоскэ сыс шэл шовдэша дуй бэрш, лэстыр бияндя Енохо. ¹⁹ Палó Енохоскиро бияныпэн, Ярéдо дживдя охтошэла бэрш, и лэстыр бияндынэ чхавó и чхая. ²⁰ Ярéдо дживдя еняшэла шовдэша дуй бэрш; и ёв мыя. ²¹ Кэли Енохоскэ сыс шовдэша пандж бэрш, лэстыр бияндя Мафусало. ²² Палó Мафусалоскиро бияныпэн Енохо дживдя ангил Дэвлэстэ триншэла бэрш, и бияндынэ лэстыр чхавó и чхая. ²³ Енохо дживдя триншэла шовдэша пандж бэрш. ²⁴ И псирдя Енохо ангил Дэвлэстэ; и на

яцй лэс, пал-довá со Дэвэл лыя лэс. ²⁵ Кéли Мафусалоскэ сыс шэл эфтадэшá охтó бэрш, лэстыр бияндыя Ламехо. ²⁶ Палó Ламехоскиро бияныпэн, Мафусало дживдй ишчо (инкэ) эфтá шэлá охтодэшá дуй бэрш, и лэстыр латхнэпэ чхавэ и чхая. ²⁷ Мафусало дживдй еняшэла шовдэшá еня бэрш; и ёв мыя. ²⁸ Кéли Ламехоскэ сыс шэл охтодэшá дуй бэрш, лэстыр бияндыя чхавó. ²⁹ И кхардй лэс Ноё, и пхэндй: “Ёв обрадынэла амэн дрэ буты, амарй и дрэ пхарй амарэ-вастэнгири буты сыр яваса тэ обкэрас пхув, савй прокостя Дэвэл.” ³⁰ И сыс Ламехоскэ, кéли лэстыр бияндыя Ноё, панджшэлá енядэша пандж бэрш, и бияндынэ лэстыр чхавэ и чхая. ³¹ Ламéхо дживдй эфтá шэлá эфтадэшá эфтá бэрш, и ёв мыя. ³² Кéли Ноёскэ сыс панджшэлá бэрш, лэстыр бияндынэ: Симо, Хамо и Иафето.

Шэро 6

Манушýтко Фуипэн. Потопо

¹ И сыс адйкэ, кéли манушá пэ пхув бияндынэ (лотинэ) бутыр, и лэндыр бияндынэ чхая, ² то Дэвлэскирэ чхавэ дыкхнэ манушэнгирэн чхаён, со ёнэ сыс шукáр, и лэнас лэн палорóm, савья кон выкэдыя. ³ И пхэндй Рай Дэвэл: “На сарó джибён мануш тэ на рискирэл годы пэ Миро Дýхо (Фáно) ^[1] [на ўсáды/на сак (всегда) Мирé Духоскэ тэ дживэл дрэ манушэстэ-ю.о.] ^[2]; пал-довá со ёнэ исын лоч (плоть); мэк тэ дживэн ёнэ шэл тэ биш бэрш.” ⁴ Дрэ долэ дывэсá пэ пхув сыс древáн вучé манушá, бутыр одолэ часостыр, сыр Дэвлэскирэ чхавэ лынэ тэ псирэн кэ манушэнгирэ чхая, и ёнэ лынэ тэ биянэн лэнгэ. Ёнэ сыс зоралэ, гаратунэ, славутна манушá. ⁵ И Рай Дэвэл дыкхцй, со манушá лынэ бут тэ кэрэн фуипэн пэ пхув, со сарэ лэнгирэ думки и илэ сыс холынакирэ пэ кажно дывэс. ⁶ И Рай Дэвэл лыя тэ тангинэл (тэ жалинэл), со создйá манушэс пэ пхув, и Ёв лыя тэ тугинэл дро Пэскиро илó. ⁷ И пхэндй Рай Дэвэл: “Мэ хасякирэва манушэн пхувьякирэ мóстыр, савэн Мэ создйём, манушэстыр кэ кхэритко мурдал (ското), и цаппен и болыбна́скирэ чириклен пэ болыбён, пал-довá со Мэ тангинава, со лэн создйём.” ⁸ Нэ Ноё латхя бахтякирибён ангил Рáскирэ-Дэвлэскирэ якхá. ⁹ Ѓáда, исын лав пал Ноёскиро рóдо: Ноё сыс чачунó мануш и би грэхоскиро дро пэскиро рóдо, Ноё псирдй дро екхипэн ангил Дэвлэстэ. ¹⁰ Ноёстыр бияндынэ трин чхавэ: Симо, Хамо и Иафето. ¹¹ Нэ пхув яцй бипатывалы ангил Дэвлэстэ и ёй сыс пхэрды нахратонэ рэндэнца (делэнца). ¹² И Дэвэл дыкхцй пэ пхув и, га́да, ёй сыс хасибны́тко: пал-довá со кажно лоч (плоть) лыя тэ кэрэл бипатывалэ рэндэ (дэлы). ¹³ И Дэвэл пхэндй Ноёскэ: “Ангил Мáндэ кажнóнэ лочакэ явэла кóнцо (ягóро); пал-довá со пхув пхэрдйá лэнгирэ нахратонэ рэндэнца (злодеяниенца). И га́да, Мэ хасякирэва лэн пхувьятыр. ¹⁴ Кэр пэскэ гоферытконэ вэшэстыр ковчэго ^[3] (барó мохтó); кэр коморки дро ковчэго, яврэстыр и андрáл обмакх лэс смоласа. ¹⁵ И кэр лэс адйкэ: длэнгипэн ковчэгоскиро явэла трин шэлá куня (логци), лэскиро буглыпэн-пандждэшá куня (логци), а лэскиро вучипэн-триянда куня. ¹⁶ И кэр фэнштрори (дудали) дро ковчэго и дрэ кунь вучипна́са, пхандэ лэс упрál и дрэ ковчэгоскирэ ригá кэр вудáр; кэр дрэ лэстэ тэлатуно, явйр и трйто ярусы. ¹⁷ И га́да, Мэ зачхувава дáй пхув панэса, соб (кай) кажно лоч (плоть) тэ хасякирэв, дрэ савй исын джибны́тко дýхо (фáно) тэл болыбён; сарó, со исын пэ пхув, соб (кай) тэ мэрэл. ¹⁸ Нэ тýса Мэ кэра́ва Миро завéто, и ту заджаса дрэ ковчэго, и тырэ чхавэ, и тырй ромны́, и тýса тырэ-чхавэнгирэ ромня́. ¹⁹ Адйкэ-паць залыджа дрэ ковчэго кажнóнэ мурдалэндыр и кажнóнэ лочатыр пир дуй, соб (кай) тýса ёнэ тэ ячэ́нпэ джидэ: мэк ёнэ тэ явэн муршканэ и джувликанэ родóстыр. ²⁰ Чириклендыр пир лэнгиро рóдо, и кхэритконэ мурдалэндыр пир лэнгиро рóдо, и сарэндыр, кон ползынэла пир пхув пир лэнгиро рóдо, сарэндыр пир дуй кэ ту тэ заджáн, соб (кай) тэ ячэ́нпэ джидэ. ²¹ Ту лэ пэскэ савó трэй хабён, савó хána, и скэдэ кэ пэ; и ёв явэла ваш тýкэ и ваш лэнгэ хабнаса.” ²² И Ноё сарó кэрдй, сыр Дэвэл лэскэ припхэндй, адйкэ ёв и кэрдй.

6:3 ^[1] Адйкэ пхэнэлапэ дрэ Руситко Синодально Библия

6:3 ^[2] Адйкэ пхэнэлапэ дро Юды́тко Оригиналó

6:14 ^[3] Дрэ Юды́тко оригина́ло пхэ́нэлапэ “свóдо (арка).”

Шэро́ 7

Потопо

¹ И пхэндя Рай Дэвэл Ноёскэ: “Заджа́ ту и сары́ тыры́ чэкарь (семейство) дро ковчэго, пал-дова́ со Мэ дыкха́ва, со ту сан чачуно́ ангил Мандэ сарэ́ далэ́ родо́стыр. ² И лэ́ кажно́нэ́ жужэ́ rischiрибна́скирэ́ мурдалэндыр [зверендыр-ю.о.] [скотостыр-р.с.] пир эфта́ (битринэнгиро дэш), муршканэ́ и джувликанэ́ родо́стыр, а нажужэ́ мурдалэндыр пир дуй, муршканэ́ и джувликанэ́ родо́стыр. ³ Ады́кэ-паць и болыбны́тконэ́ чириклендыр пир эфта́ муршканэ́ и джувликанэ́ родо́стыр, соб (кай) тэ́ зракхэс рóдо ваш сары́ пхув. ⁴ Пал-дова́ со пир эфта́ дывэ́са, Мэ ява́ва тэ́ чхува́в пэ́ пхув брышы́нд штардэ́ша́ дывэ́са́ и штардэ́ша́ ратя́; и саро́, со исын пэ́ пхув, и со Мэ созды́ём, Мэ хася́кира́ва.” ⁵ Ноё́ кэрдя́ саро́, со припхэндя́ Рай Дэвэл лэ́скэ. ⁶ Ноё́скэ́ сыс шов шэ́ла́ бэрш, сыр пэ́ пхув я́ця панитко́ зачхуи́бэн (потопо). ⁷ И за́гий Ноё́, и лэ́скирэ́ чхавэ́, и лэ́скири ромны́, и лэ́са лэ́скирэ́-чхавэнгирэ́ ромня́ дро ковчэго панэ́скирэ́ зачхуи́бнастыр. ⁸ И жужэ́ мурдалэндыр (скотостыр) и нажужэ́ мурдалэндыр (скотостыр), чириклендыр и сарэндыр, кон ползы́нэла́ пи́ры пхув. ⁹ Пир дуй, муршканэ́ и джувликанэ́ родо́стыр, кэ́ Ноё́ за́гинэ́ дро ковчэго, сыр Дэвэл Ноё́скэ́ припхэндя́. ¹⁰ Пир эфта́ дывэ́са, пэ́ пхув я́ця тэ́ чхувэлпэ́ пани́. ¹¹ Кэ́ли Ноё́скэ́ сыс шовшэ́ла́ бэрш, пэ́ яви́р чхон, дрэ дэ́шуэфтато́ дывэ́с, дро да́ва́ дывэ́с роспхандлэ́пэ́ сарэ́ барэ́ хорипна́скирэ́ (безднакирэ́) ганы́нга́, и отчха́кирдэ́пэ́ болыбна́скирэ́ фэнштры; ¹² и пэ́ пхув чхудя́пэ́ брышы́нд штардэ́ша́ дывэ́са́ и штардэ́ша́ ратя́. ¹³ Дрэ да́ва-паць дывэ́с за́гий дро ковчэго́ Ноё́, и Симо, Ха́мо и Иафе́то, Ноё́скирэ́ чхавэ́, и Ноё́скири ромны́ и тринэ́ лэ́скирэ́-чхавэнгирэ́ ромня́ лэ́са. ¹⁴ Ё́нэ, и сарэ́ rischiрибна́скирэ́ мурдала́ (звэ́ри) пир лэнгиро́ рóдо, и ка́жно кхэ́ры́тко мурда́л (ското) пир лэ́скиро́ рóдо, и сарэ́ джидэ́ создыи́бэна, савэ́ ползы́нэна́ пир пхув, пир лэнгиро́ рóдо, и сарэ́ чирикля́, савэ́ вурня́на пир лэнгиро́ рóдо – сарэ́ чирикля́, конэ́стэ́ исын пха́ка́ (крылы). ¹⁵ И за́гинэ́ кэ́ Ноё́ дро ковчэго́ пир дуй ка́жнонэ́́ лочаты́р (плотя́тыр), дрэ саво́ исын джидо́ ду́хо. ¹⁶ И кон за́гий, сыс муршканэ́ и джувликанэ́ джино́ ка́жнонэ́́ лочаты́р, сыр Дэвэл припхэндя́ лэ́скэ. И за́чхаки́рдя́ ковчэго́ Дэвэл пал лэ́стэ́. ¹⁷ И панэ́скиро́ зачхуи́бэн (потопо) сыс штардэ́ша́ дывэ́са́ пэ́ пхув, и барьё́лас вучэ́ды́р пани́, и газды́япэ́ ковчэго́, и ё́в газды́япэ́ упрэ́ пхувья́тыр. ¹⁸ Пани зоралэ́с газдэ́ласпэ́ вучэ́ды́р и сы́г барьё́лас пэ́ пхув; и ковчэго́ пльви́нэла́ (дэ́ла пли́ма) пир пани́. ¹⁹ И я́ця древа́н бут пани́ пэ́ пхув, ады́кэ, со за́чхудэ́пэ́ сарэ́ вучэ́ бэ́рги, савэ́ сыс тэл саро́ болыбэ́н. ²⁰ Пэ́ дэ́шупандж куня́ (локци) пэ́ лэ́ндэ́ газды́япэ́ пани́ и за́чхаки́рдэ́пэ́ бэ́рги. ²¹ И хаси́я саро́, со сыс джидо́ пэ́ пхув, ка́жно лоч (плоть), сави́ псирэ́лас пир пхув: и чирикля́, и кхэ́ры́тка мурдала́ (ското), и rischiрибна́скирэ́ мурдала́ (звэ́ри), и сарэ́ гады́ (плазуны́), савэ́ ползы́нэна́с пир пхув, и сарэ́ ману́ша́. ²² Саро́, со ды́хинэ́лас дрэ́ рутху́ня (ноздри) джи́ибна́скирэ́́ духо́са, мы́я. ²³ Хаси́я саро́, со сыс джидо́ пэ́ пхув: ману́шэ́стыр кэ́ кхэ́ры́тко мурда́л (ското), и кэ́ ца́пня, и кэ́ болыбна́скирэ́́ чирикля́, саро́ хаси́я пхувья́тыр. Я́цяпэ́́ екх Ноё́́ джидо́, и со лэ́са́ сыс дро ковчэго́. ²⁴ Пани пэ́ пхув я́чэ́лас бу́тыр шэ́л тэ́ панджэ́ша́́ дывэ́са́.

Шэро́ 8

Ноё́ Зракхця́пэ́

¹ И при́рипи́рдя́ Дэвэл пал Ноё́стэ́, и пал ка́жно джидо́́ создыи́бэн, и пал сарэ́́ кхэ́ритко́нэ́́ мурдалэ́ндэ́ (ското), савэ́ сыс лэ́са́ дро ковчэго́; и газды́я́ Дэвэл балва́л пэ́ пхув, и пи́рия́ця́ пани́. ² И за́чхаки́рдэ́пэ́ хорипна́скирэ́́ ганы́нга́ и болыбна́скирэ́́ фэнштры́ (дудала́), и болыбна́стыр пи́рия́ця́ тэ́́ джал брышы́нд. ³ Пани пэ́́ на́бут рисё́лас пхувья́тыр, и пало́́ шэ́л тэ́́ панджэ́ша́́ дывэ́са́́ пани́́ я́ця́ тэ́́ ты́кнёл. ⁴ И дро э́фта́то́ (битринэнгиро́́ дэ́што) чхон, пэ́́

дэшуэфтатонэ-чхонэскиро дывэс, пэ Араратоскирэ бэрги тэрдия ковчэго. ⁵ Пани саро часо тыкнёлас кэ дэшто чхон; дро англатунó дывэс дэштонэ-чхонэскиро ячнó дыццлэ упралэстыр бэрги. ⁶ Пир штардэша дывэса, Ноё отчхакирдя фэнштрори дро ковчэго, сави ёв кокорó кэрдя. ⁷ И вымэкця коракос (воронос), савó вурняндия, отурняндия и рисия, пака вышутия пхув панэстыр. ⁸ Адякэ-паць ёв отмэкця пэстыр голумбос, соб (кай) тэ дыкхэл, ци згия пани пхувьятыр. ⁹ Нэ голумбо на латхя (ластя) шуко штэто ваш пэскирэ гэрэ, и рисия кэ ёв дро ковчэго; пал-дава со пани сыс упрал пир сари пхув; и ёв протырдыя пэскиро васт, и лыи лэс, прилыя кэ пэ дро ковчэго. ¹⁰ И промэкця явир эфта дывэса; и нэвэстыр (нэвэс) вымэкця голумбос ковчэгостыр. ¹¹ Голумбо кэ ёв рисия бэльвэлякиро; и гада, яло (свяжо) оливитко патрин (листо) сыс лэстэ дро муй: и Ноё галыя, со пани гия криг пхувьятыр. ¹² Ёв промэкця явир эфта дывэса, и вымэкця голумбос; и ёв бутыр на рисия кэ ёв. ¹³ Шовшэла пэрво бэрш кэ пэрво (англатунó) дывэс, пэрвонэ-чхонэскиро, вышутия пани пэ пхув; и Ноё отчхакирдя стрэха (чхакин) дро ковчэго, и подыхця, и гада, пхув упрал яця шуки. ¹⁴ И пэ явир чхон, пэ биш тэ эфата-чхонэскиро дывэс, пхув вышутия. ¹⁵ И Дэвэл пхэндя Ноёскэ: ¹⁶ “Выджа ковчэгостыр ту, и тыри ромны, и чхавэ тырэ, и тырэ-чхавэнгирэ ромня туса. ¹⁷ Вылыджа кажно джидó создывэн, савó исын туса, кажнó лочатыр, чириклендыр, и кхэритконэ мурдалэндир (скотостыр), и сарэ гадэн, савó ползынэна пир пхув: мэк ёнэ тэ розджанпэ пир пхув, и мэк ёнэ тэ биянэн тыкнэн и тэ явэн лэн бут пэ пхув.” ¹⁸ И выгия Ноё, и лэскирэ чхавэ, и ромны лэскири и лэса лэскирэ-чхавэнгирэ ромня. ¹⁹ И кажно рискирибнаскиро мурдал (зверё), и кажно цапны (плазуно), и кажно чириклы, и сарó, со ползынэла пир пхув, пир рóдо пэскиро, выгинэ ковчэгостыр.

Дэвэл Кэрэла Завето Манушэнца

²⁰ И кэрдя Ноё алтарё (жэртвенико) Рáскэ-Дэвлэскэ; и лыя кажнó жужэ кхэритконэ мурдалэстыр (скотостыр) и кажнó жужэ чириклятыр, и яндя цэла хачкирибнаскирэ свэнта дыибэнá пэ алтарё. ²¹ И сунгадя Рай Дэвэл гудлó тхув (дымо) и пхэндя Рай Дэвэл дро Пэскиро илó: “Мэ на явава бутыр тэ прокошав пал пхув манушэс, пал-дова со манушэскиро илó исын тэ кэрэл фуипэн лэскирэ тэрныпнастыр: и бутыр Мэ на явава тэ хасякирав сарó, со исын джидó, сыр Мэ кэрдём. ²² Аканá дрэ сарэ дывэса явэна тэ почхувэн дрэ пхув и тэ укэдэн, шыл и хачкирибэн, ивант (зима) и лынай (милай), дывэс и рат на пириячэна.”

Шэрó 9

¹ И Дэвэл бахтякирдя Ноёс и лэскирэ чхавэн, и пхэндя лэнгэ: “Тэ бияндён чхаворэ тумэндэ и тэ явэн тумэн бутыр, и тэ пхэрдякирэн тумэ пхув. ² Мэк тэ дарэн и тэ трашадён тумэндир сарэ пхувитка рискирибнаскирэ мурдалá (звэри), и сарэ болыбнаскирэ чирикля, сарó, со псирэла пир пхув, и сарэ морёскирэ (дэрьявэскирэ) мачхэ; отдынэ ёнэ дрэ тумарэ вастá. ³ Сарó, со псирэла и дживэла, явэла тумэнгэ дро хабэн; сыр чар Мэ дава сарó тумэнгэ. ⁴ На хан джиды лоч (плоть), ратэса на хан. ⁵ Мэ, галён, пхучавапэ пал и тумарó рат, дро савó исын тумарó джибэн, Мэ пхучавапэ кажнó рискирибнаскирэ мурдалэстыр (зверёстыр), адякэ-паць Мэ пхучавапэ манушэскиро ди манушэскирэ вастэстыр, лэскирэ-пшалэскирэ вастэстыр. ⁶ Кон прочхувэла манушэскиро рат, кодолэскиро рат прочхувэлапэ явирэ манушэскирэ вастэса: пал-дова со мануш сыс создынó пир Дэвлэскири патрин (образо). ⁷ И тэ бияндён чхаворэ тумэндэ и тэ ячэн тумэн бутыр, и тэ розджанпэ тумэ пир пхув, и тэ явэн тумэн бутыр пэ латэ.” ⁸ И пхэндя Дэвэл Ноёскэ и лэскирэ чхавэнгэ лэса: ⁹ “Акэ, Мэ чхувава Миро завето тумэнца и тумарэ родоса коригэдыр (позжэдыр) тумэндир. ¹⁰ И кажнó джидэ дэса, савó исын тумэнца, чирикленца и кхэритконэ мурдалэса (скотоса), и сарэ рискирибнаскирэ мурдалэнца (зверенца) пэ пхув, савэ исын тумэндэ, сарэнца, кон выгия ковчэгостыр, кажнó мурдалэса (животнóнэса), савó исын пэ пхув. ¹¹ Мэ чхувава Миро завето тумэнца, со бутыр на явэла хасякирдо кажно лоч панитконэ зачхуибнаса (потопоса), и на явэла бутыр панитко зачхуибэн пэ хасибэн пхувьякэ.” ¹² И пхэндя Дэвэл: “Гáда, исын

шпэра (знако) пал завето, саво Мэ чхувава машкир Мандэ и машкир тумэндэ, и машкир кажно джидо ди, саво тэ явэл тумэнца, дро тумаро родо пэ саро веко. ¹³ Мэ сыкавава Мири банги (радуга) дрэ облоки ^[1], соб (кай) ей тэ явэл шпэраса пал завето машкир Мандэ и машкир пхув. ¹⁴ И явэла, кели Мэ янава облоко пэ пхув, тэды пэ облоко явэла банги; ¹⁵ и Мэ лава тэ рипирав Миро завето, саво исын машкир Мандэ и машкир тумэндэ, и машкир кажнэ джидэ деса дрэ кажно лоч (плоть), пани бутыр на явэла сыр потопо тэ хасякирэл кажно лоч. ¹⁶ И явэла банги (радуга) пэ облоко, и Мэ дыкхава ла, и рипирава завето пэ саро веко машкир Дэвлэстэ и машкир кажно джидо ди дрэ кажно лоч, сави исын пэ пхув.” ¹⁷ И пхэндя Дэвэл Ноёскэ: “Тáда, исын гертык (знамэниё) пал завето, саво Мэ чхудём машкир Мандэ и машкир кажно лоч, сави исын пэ пхув.”

Ноё и Лэскирэ Чхавэ

¹⁸ Ноёскирэ чхавэ, савэ выгинэ ковчэгостыр сыс: Симо, Хамо и Иафэто. Хамо сыс Ханааноскиро дад. ¹⁹ Кадалэ трин сыс Ноёскирэ чхавэ, и лэндыр ячнэ манушá тэ розджанпэ пир сарí пхув. ²⁰ Ноё яця тэ ганавэл пхув, и почхудя винаградо (дракх). ²¹ И выпия ёв мол (вино), и матия, и сыс нанго пашто дрэ пэскири шатра. ²² И дыкхця Хамо, Ханааноскиро дад, пэскирэ-дадэскиро нангипэн, и кели выгия, роспхэндя дуенгэ пэскирэ пшалэнгэ. ²³ Симо и Иафэто лынэ йди, и чхудэ ла пэ пэскирэ псикэ, гинэ палалэса, и лэнгирэ-дадэскиро нангипэн чхакирдэ; лэнгирэ муя сыс пирискирдэ палэ, и ёнэ лэнгирэ-дадэскиро нангипэн на дыкхнэ. ²⁴ И просутяпэ Ноё пэскирэ молятыр (виностыр), и уджиндя, со кэрдя пэ лэстэ лэскиро тыкнэдыр чхаво; ²⁵ И пхэндя ёв: “Тэ явэл прокошно Ханаано, писхарьэнгиродынари ёв явэла пэскирэ пшалэнгэ.” ²⁶ И пхэндя ёв: “Тэ явэл бахтякирдó Рай Дэвэл, Дэвэл Симоскиро, Ханаано тэ явэл писхариса лэскэ. ²⁷ Мэк тэ барьякирэл Дэвэл Иафетос; и мэк ёв тэ лэл тэ дживэл пэ Симоноскирэ шатры; Ханаано явэла лэскэ писхариса.” ²⁸ И Ноё дживдя палó панэскиро зачхуибэн (потопо) трин шэлá пандждэша бэрш. ²⁹ И саро пэ саро адакицы дывэса сыс Ноёскирэ: еняшэла пандждэша бэрш; и ёв мыя.

9:13 ^[1] Вари-савэ Балтытка Романэ поэты чхинэна “синэпи (синэпо).”

Шэро 10

Савэ Нацыи Ячнэ Ноёскирэ Родостыр

¹ Акэ, исын Ноёскирэ-чхавэнгиро родо: Симо, Хамо и Иафето. Палó (после) панэскиро зачхуибэн (потопо) лэндыр бияндынэ чхавэ. ² Иафетоскирэ чхавэ сыс: Гомеро, Магого, Мадаё, Явано [Иавано-р.с.], Фувало, Мешэхо и Фирасо. ³ Гомероскирэ чхавэ сыс: Ашкеназо [Аскеназо-р.с.], Рифато и Фогарма. ⁴ Яваноскирэ чхавэ сыс: Елиша [Елиса-р.с.], Фарсисо, Китимо (Китими) и Доданимо (Доданими). ⁵ Лэндыр ячнэпэ острова (джипá) манушытконэ нацыэнца, пэ лэнгирэ пхувья, кажно ракирдя пэ пэскири чиб, пир пэскиро кхэритко родо (племё), машкирал пэскирэ манушэндэ. ⁶ Хамоскирэ чхавэ сыс: Хушо, Мицраимо, Футо и Ханаано. ⁷ Хушоскирэ чхавэ сыс: Сева, Хавила, Савта, Раама и Савтеха. Рамоскирэ чхавэ: Шэва и Дедано. ⁸ Хушостыр бияндыя Нимродо: лэскэ трэиндя тэ явэл зоралэса пэ пхув. ⁹ Ёв сыс ангил Растэ-Дэвлэстэ зоралó мурдалэнгиро (зверенгиро) старибнари, палдава и ракирэна: зоралó мурдалэнгиро (зверэнгиро) старибнари, сыр ангил Растэ-Дэвлэстэ Нимродо. ¹⁰ Кралипэн лэскиро вагэдыр (англэдыр) сыс: Вавилоно, Эрэхо, Акадо и Халнэ, пэ Сенаароскири пхув. ¹¹ Далэ пхувьятыр выгия Асури (Ассуро), и ёв чхудя Ниневия, Рэховоф-иро, Калахо, ¹² И Ресэно машкир Ниневия и машкир Калахо, дава исын барó форо. ¹³ Мицраимостыр бияндынэ Лудимо, Анамиме, Легавиме, Нафтухиме, ¹⁴ Патрусиме, Каслухиме, катыр выгинэ Филистимляни и Кафториме. ¹⁵ Ханааностыр бияндынэ: Сидоно, лэскиро англатунó чхаво, и Хэто, ¹⁶ Евусеё, Амореё, Гергесёе, ¹⁷ Евёе, Аркеёе, Синёе, ¹⁸

Арвадее, Цэмарее и Химафее [Хаматее-ю.о.]. Кодолэ дывэсэндыр Ханааноскирэ кхэритка рёды (плёми) розгинэпэ пир рэзна штэты, ¹⁹ и сыс мёжа, кай дживдэ Хананэи Сидоностыр проти Гераро кэ Газа, адатхыр кэ Содомо, Гомора, Адма и Цевоимо, кэ Лаша. ²⁰ Кадалэ сыс Хамоскирэ чхавэ, пир лонгирэ кхэритка рёды (плёми), пир лонгирэ екхэ-чибакирэ ирья (чиб/чибья) (языки), пэ лонгирэ пхувья, пир лонгирэ манушйтка нацыи. ²¹ Сыс и Симостэ чхавэ, и ёв сыс дад сарэнгэ Евероскирэ чхавэнгэ, ёв сыс пхурэдыр пшал Иафетоскэ, пхурэдырэ пшалэскэ. ²² Симаскирэ чхавэ сыс: Еламо, Асуро, Арфаксадо, Лудо, Арамо. ²³ Арамоскирэ чхавэ сыс: Ёцо, Хуло, Гёфери и Машо. ²⁴ Арфаксастыр бияндыя Сала, Саластыр бияндыя Еверо. ²⁵ Еверостыр бияндынэ дуй чхавэ; екхэс кхардэ Фалёко, пал-довá со дрэ лэскирэ дывэсá росчхуды пэ пашá сыс пхув; лэскирэ пшалэс кхардэ Иоктано. ²⁶ Иоктаностыр бияндынэ Алмодадо, Шалефо, Хацармавефо, Ерахо, ²⁷ Гадорамо, Узало, Дикла, ²⁸ Овало, Авимаило, Шэва, ²⁹ Офиро, Хавила и Иоваво. Сарэ кадалэ сыс Иоктаноскирэ чхавэ. ³⁰ Дживдэ ёнэ Мешатыр кэ Сефара, восточнонэ бэргатыр. ³¹ Кадалэ сыс Симоскирэ чхавэ пир лонгирэ кхэритка рёды (плёми), пир лонгири екхэ-чибакирэ ирья (чиб/чибья) (языки), пэ лонгирэ пхувья, пир лонгирэ манушйтка нацыи. ³² Кадалэ сыс Ноёскирэ-чхавэнгирэ кхэритка рёды (плёми), пир лонгиро рёдо, дрэ лонгирэ манушйтка нацыи. Лэндыр ячнэ рэзна манушá пэ пхув палó потопо (панёскиро зачхуибэн).

Шэро 11

Вавилоноскири Вучарды (Башня)

¹ Пэ сарí пхув сыс екх чиб, и екх ракирибэн. ² И сыс адякэ: востокостыр гинэ ёнэ дромэса, пэ Синароскири пхув латхнэ ёнэ доло и лынэ тэ дживэн одой. ³ И пхэндлэ ёнэ екх екхэскэ: “Явэн, кэраса бут кирпичы (кинтá) и обхачкираса лэн ягáса.” И ячнэ лэндэ кирпичы замест барá, а пхувитко смола замест звёска. ⁴ И пхэндлэ ёнэ: “Явэн, кэраса пэскэ форо и вучарды (башня), вучипнаса кэ болыбэн; и даса пэскэ лав, соб (кай) тэ на розджаспэ пир сарí пхув.” ⁵ И гия тэлэ Рай Дэвэл тэ дыкхэл форо и вучарды (башня), сави кэрдэ манушэнгирэ чхавэ. ⁶ И пхэндя Рай Дэвэл: “Акэ, екх исын нацыя, и сарэ ракирэна пэ екх чиб; и гада, со ёнэ лынэ тэ кэрэн, и на отячэна ёнэ далэстыр, со закамлэ тэ кэрэн; ⁷ явэн, джáса тэлэ, и пирипэнтынаса одой лонгиро ракирибэн адякэ, соб (кай) екх мануш тэ на галёл, со ракирэла явир мануш.” ⁸ И росчхудя Рай Дэвэл лэн одотхыр пир сарí пхув; и ёнэ пириячнэ тэ кэрэн форо. ⁹ Палдава лэскэ дыно лав Вавилоно, одой Рай Дэвэл пирипэнтынды пир сарí пхув ракирибэн, и одотхыр лэн Рай Дэвэл росчхудя тэ дживэн пир сарí пхув. ¹⁰ Гада, исын лав пал Симоскиро рёдо: Симоскэ сыс шэл бэрш, и пир дуй бэрш палó панёскиро зачхуибэн (потопо), лэстыр бияндыя Арфаксадо; ¹¹ палó Арфаксастоскиро бияныпэн, о Симо дживдя панджшэла бэрш, и лэстыр бияндынэ чхавэ и чхая. ¹² Дрэ триандапандж бэрш Арфаксастыр бияндыя Сала. ¹³ Палó Саласкиро бияныпэн, Арфаксадо дживдя штаршэлатрин бэрш, и лэстыр бияндынэ чхавэ и чхая. ¹⁴ Дрэ трианда бэрш Саластыр бияндыя Еверо. ¹⁵ Палó Евероскиро бияныпэн Сала дживдя штаршэлатрин бэрш, и лэстыр бияндынэ чхавэ и чхая. ¹⁶ Дрэ трианда триндэша штар бэрш Еверостыр бияндыя Фалёко. ¹⁷ Палó Фалекоскиро бияныпэн, Еверо дживдя штаршэла триндэша бэрш, и лэстыр бияндынэ чхавэ и чхая. ¹⁸ Дрэ трианда (триндэша) бэрш Фалекостыр бияндыя Рагаво. ¹⁹ Палó Рагавоскиро бияныпэн Фалёко дживдя дуйшэла еня бэрш, и лэстыр бияндынэ чхавэ и чхая. ²⁰ Дрэ трианда (триндэша) дуй бэрш Рагавостыр бияндыя Серухо. ²¹ Палó Серухоскиро бияныпэн Рагаво дживдя дуй шэла эфта бэрш, и лэстыр бияндынэ чхавэ и чхая. ²² Дрэ трианда (триндэша) бэрш Серухостыр бияндыя Нахоро. ²³ Палó Нахороскиро бияныпэн Серухо дживдя дуй шэла бэрш, и лэстыр бияндынэ чхавэ и чхая. ²⁴ Дрэ биш тэ еня бэрш Нахоростыр бияндыя Фара ^[1]. ²⁵ Палó Фараскиро бияныпэн Нахоро дживдя шэл тэ дэшуеня бэрш, и лэстыр бияндынэ чхавэ и чхая. ²⁶ Дрэ эфтадэша бэрш Фарастыр бияндыя Аврамо [Абрамо-ю.о.], Нахоро и Гарано.

Фараскирэ Чхавэ

²⁷ Гада, исын Фараскиро родо: Фарастыр бияндья Аврамо, Нахоро и Гарано. Гараностыр бияндья Лото. ²⁸ И Гарано мыя ангил пэскирэ дадэстэ Фарастэ, пэ пхув, пэ сави ёв бияндья, Ёро Халдеэнгиро. ²⁹ Аврамо и Нахоро лынэ пэскэ ромнён, Аврамоскирэ ромня кхардэ: Сара; Нахороскирэ ромня кхардэ Милка [Милька-ю.о.], сави сыс Гараноскири чхай, Милкакирэ-дадэскири и Искаскирэ-дадэскири. ³⁰ Сара сыс накхабны джувлы, бичхаворэнгири. ³¹ И лыя Фара Аврамос, пэскирэ чхавэс, и Лотос, Араноскирэ чхавэс, пэскирэ унукос, и Сара, пэскирья борья, пэскирэ-чхавэскирэ Аврамоскирэ ромня, и гия криг лэнца Уростыр Халдеэнгиростыр, соб (кай) тэ джан пэ Ханааноскири пхув; кели догинэ ёнэ кэ Харано, ёнэ тэрдинэ одой. ³² И дживдя Фара дуйшэла пандж бэрш, и мыя Фара дро Харано.

11:24 ^[1] Давá лав пхэнэлапэ дро Юдытко оригинало Тэрах.

Шэро 12

Дэвлэскиро Лав Аврамоскэ

¹ И, акэ, Рай Дэвэл пхэндя Аврамоскэ: “Джа тырэ пхувьятыр, тырэ родостыр и тырэ-дадэскирэ кхэрэстыр, пэ доя пхув, сави Мэ түкэ сыкавава. ² И Мэ создава тутыр бари нация, и Мэ бахтякирава тут, и барьякирава лав тыро; и тутыр явэла бахтякирибэн ваш явирэнгэ. ³ Мэ бахтякирава манушён, савэ явэна тэ бахтякирэн тут, и кон прокошэл тут, одолён Мэ прокошава; и дрэ тутэ явэна бахтякирдэ сарэ кхэритка роды пэ пхув.” ⁴ И гия Аврамо, сыр пхэндя Рай Дэвэл лэскэ; и гия лэса Лото. Аврамоскэ сыс эфтадэша падж бэрш, кели ёв гия криг Хараностыр. ⁵ И Аврамо лыя пэса пэскирья ромня Сара, Лотос, пэскирэ пшалэскирэ чхавэс, и саро лэнгиро маёнка, со ёнэ скэдынэ, и манушён сарён, савэ лэндэ сыс дро Харано; и выгинэ, соб (кай) тэ джан пэ Ханааноскири пхув; и явнэ пэ Ханааноскири пхув. ⁶ И прогия Аврамо пир дая пхув кэ Сихемоскиро штэто, кэ доло дэмбитконэ вэшорэса Морэ. Тэды пэ дая пхув дживдэ Хананэи. ⁷ И Дэвэл сыкадыя Аврамоскэ, и пхэндя: “Дая пхув Мэ дава тырэ родоскэ, саво явэла ангил.” И ёв кэрдя алтарё одой Рáскэ-Дэвлэскэ, Саво сыкадыя лэскэ. ⁸ Одотхыр ёв гия пэ вастоко Вефилёстыр кэ бэрга; и чхудя пэскири шатра адякэ, со латыр Вефилё сыс пэ западо (пал-паня), а Гаё пэ вастоко; и чхудя одой Рáскэ-Дэвлэскэ алтарё и приххардя лав Рáскирэ-Дэвлэскиро. ⁹ И газдыяпэ Аврамо, и дурэдыр гия пэ паш-дывэс (юго). ¹⁰ И дрэ доя пхув сыс бокх. И явдя Аврамо дро Египто тэ дживэл одой; пал-довá со пэ доя пхув яця пхарэдыр бокх. ¹¹ И сыс адякэ: кели ёв джалас пашылэдыр кэ Египто, тэды пхэндя пэскирэ ромнякэ Саракэ: “Гада, мэ джином (джинав), со ту сан шукáр джувлы; ¹² и кели Египтяни дыкхэна тут, то ёнэ пхэнэна: ‘Акэ, исын лэскири ромны;’ и замарна ман, а тут ячкирэна джидя; ¹³ пхэн, со ту сан мирí пхэн, соб (кай) мангэ пир тутэ тэ явэл шукáр, и, соб (кай) миро ди тэ явэл джидо пир тутэ.” ¹⁴ И сыс адякэ: кели Аврамо явдя дро Египто, Египтяни дыкхнэ, со ёй сыс древán шукáр. ¹⁵ И адякэ-паць дыкхнэ ла фараоноскирэ тхагарья (князи), и шардэ ла фараоноскэ; и лынэ ла дро фараоноскиро кхэр. ¹⁶ И ёв пир латэ кэрдя Аврамоскэ бут миштыпэн; и сыс лэстэ кхэритка мурдала (тыкно и баро ското): бакрэ и ослы (мегарья), и слуги (дынарья) и дынарицы (слугицы), и лошаки и верблюды. ¹⁷ Нэ Рай Дэвэл чхудя бари кáра пэ фараоностэ и пэ лэскиро кхэр пал Аврамоскирэ ромнятэ Саратэ. ¹⁸ И фараоно кхардя Аврамос, и пхэндя: “Со да ту манца кэрдян? Ваш со на пхэндян мангэ, со ёй исын тыри ромны? ¹⁹ ваш со ту пхэндян: ‘Ёй исын пхэн мирí?’ И мэ камдём тэ лав ла пал ромнятэ пэскэ. И аканá, гада, тыри ромны, лэ ла и джá.” ²⁰ И фараоно дыя пал лэстэ припхэныбэн манушэнгэ, и лыджинэ дур лэс, и лэскирэ ромня, и саро, со сыс лэстэ.

Шэрó 13

Дэвэл Дэла Аврамóскэ Ханаано

¹ И гия Авра́мо Египто́стыр, кокорó и лэскири ромнý, и сарó, со сыс лэстэ, и Лото гия лэса пэ паш-дывэс пэ Ханаано. ² И Авра́мо сыс древáн барвалó кхэритконэ мурдалэнца (скотоса), и рупэса, и сувнакаса. ³ И джалас ёв дромэса паш-дывэсэстыр кэ Вефýлë, пэ штэто, кай англэдыр сыс лэскири шáтра машкёр Вефýлë и машкёр Гаё, ⁴ кэ дова́ штэто, кай сыс алтáрё, савó ёв англэдыр одóй кэрдя; и одóй Авра́мо прикхардя лав Рáскирэ-Дэвлэскиро. ⁵ И Лотостэ, савó Аврамóса псирдя, адякэ-паць сыс кхэритка мурдалá (тыкнó и барó ското), и шáтры. ⁶ И пхув на могиндя лэн дуэн тэ рикирэн, соб (кай) тэ дживэн кхэтанэ, пал-дова́ со лэнги́ро миштыпэн сыс дасаво барó, со ёнэ на могиндлэ тэ дживэн кхэтанэ. ⁷ И сыс кошыбэн машкёр Аврамóскирэ чхупнарьендэ (пастухэндэ) и машкёр Лотоскирэ чхупнарьендэ (пастухэндэ); и Хананеи и Ферезеи тэды дживдэ пэ доя́ пхув. ⁸ И пхэндя Авра́мо Лотоскэ: “Мэк тэ на явэл кошыбэн машкёр мэндэ и тýtэ, и машкёр мирэ скотоскирэ чхупнарьендэ и тырэндэ; пал-дова́ со амэ сам сэмэнца. ⁹ Ци на сарý пхув исын ангýл тýtэ? Лэ пэскири паш и джá. Кóли ту джáса пэ зэрво (лэво) риг, то мэ пэ чачý (право) риг; а кóли ту пэ чачý риг, тэды мэ пэ зэрво.” ¹⁰ Лото газды́ пэскирэ якхá и, акэ, дыкхця́ сарý Иорданоскири округа (савý сыс ангýл дова́, сыр Рай Дэвэл хасякирдя Содóмо и Гомóра), сарý кэ Сигоро чхувэласпэ панéса, сыр Рáскирэ-Дэвлэскири у́нта (садо), сыр Египто́скири пхув. ¹¹ Тэньци выкэды́ пэскэ Лото сарé Иорданоскирэ штэты; и гия́ Лото пэ вастóко. И роскэрдэ ёнэ пэскирэ пашá екх екхэстыр. ¹² Авра́мо яця́ тэ дживэл пэ Ханаанóскири пхув; а Лото яця́ тэ дживэл дрэ округакирэ фóрья, и чхудя́ пэскирэ шáтры кэ Содóмо. ¹³ Манушá, савэ дживдэ кэ Содóмо, сыс фуй и древáн грэхитка ангýл Растэ-Дэвлэстэ. ¹⁴ И пхэндя Рай Дэвэл Аврамóскэ палó дова́, сыр Лото отгия́ лэстыр: “Гáздэ пэскирэ якхá, и далé штэтóстыр, пэ савó ту сан аканá, подыхк пэ паш-рат, и пэ паш-дывэс, и пэ вастóко и пэ западо; ¹⁵ пал-дова́ со сарý пхув, савý ту дыкхэса, Мэ да́ва тýкэ и тырэ родóскэ пэ ве́ки, ¹⁶ и созда́ва Мэ тырэ родóстыр бут бут манушэн, сыр пхувья́киро пра́хо; кóли вари-кон сапты́ (могинéла) тэ пиригинэл пхувья́киро пра́хо, тэды и рóдо тырэ явэ́ла згиндло; ¹⁷ ушты́, джá пир да́я пхув дрэ ла́киро длэнгипэн и буглыпэн, пал-дова́ со Мэ да́ва ла тýкэ.” ¹⁸ И пиричхудя́ Авра́мо пэскири шáтра, и гия́, и яця́ тэ дживэл пашýл дэмбитко вэ́шоро Мамрэ́, со исын дро Хевро́но; и одóй кэрдя́ алтáрё Рáскэ-Дэвлэскэ.

Шэрó 14

Авра́мо Зракхэ́ла Лотос

¹ Дава́ сыс адякэ: кéли дживдя́ Амрафело, Сенаароскиро (Шиноароскиро ^[1]) крáли, о Ариохо, Еласароскиро крáли, Кедорлаомеро, Еламоскиро крáли, и Тидало, Гоимэнги́ро крáли, ² то гинé ёнэ марибна́са пэ Берастэ, Содомóскирэ крáли́стэ, пэ Биршастэ, Гоморакирэ крáли́стэ, Шына́востэ, Адмаскирэ крáли́стэ, Шэмеверостэ, Цэвоимоскирэ крáли́стэ, и пэ Беласкирэ крáли́стэ, савó аканá исын Сигоро (Цоаро). ³ Ёнэ сарé явнэ кхэтанэ пэ Сидимоскиро до́ло, кай аканá исын Лондо мо́рё (дэрья́в). ⁴ Дэшуду́й бэрш ёнэ сыс слýги (дына́рья) Кедорлаомеростэ, а пэ дэшутрито бэрш газдынé ёнэ бýнто. ⁵ Пэ дэшуштарто бэрш явдя́ Кедорлаомеро и крáлья, савэ сыс лэса, и замардэ Рефаимэн дро Аштэроф-Карнаимо, Зузимэн дро Гамо, Эмимэн дро Шав-Кириафаимо, ⁶ и Хореен пэ бэ́рга лэнгири Сеиро, кэ Эл-Фарано, со исын пашýл чхучý пхув. ⁷ И кéли рисинé ёнэ одотхýр, ёнэ явнэ кэ Мишпато, савó исын Кадéсо, и розмардэ Амаликитя́нэнгири сарý риг, и адякэ-паць Амореен, савэ дживдэ кэ Хаца́цон-Фамаро. ⁸ И выгинé Содомоскиро крáли, Гоморакиро крáли, Адмаскиро крáли, Цэвоимоскиро крáли и Беласкиро крáли, савó исын Сигоро (Цоаро); и лынé тэ марэ́нпэ лэнца пэ Сидимоскиро до́ло, ⁹ Кедорлаомероса, Еламоскирэ крáли́са, Тидалоса,

Гоимэнгирэ краліса, Амрафелоса, Сенаароскирэ краліса, Ариохомоса, Еласароскирэ краліса, – штар кралья проти панджэндэ. ¹⁰ Дро Сидимоскиро доло бут със смолакирэ ганбиня (ямы). Содомоскиро и Гоморакиро кралья, мэкнэпэ тэ нашэн, пынэ дрэ лэндэ; а палатунэ (последня) нашнэ дрэ бэрги. ¹¹ Одолэ, кон пиризорякирдэ, лынэ Гоморакиро и Содомоскиро маёнка (миштыпэн), и саро лэнгиро хабэн, и гинэ пэскэ. ¹² И Лотос лынэ, Аврамоскирэ плименикос, саво дживдя кэ Содомо, и маёнка лэскиро, и гинэ пэскэ. ¹³ И екх мануш, саво яцяпэ джидо, явдя, и роспхэндя Юдоскэ Аврамоскэ, саво тэды дживдя пашыл дэмбитко вэшоро Мамрэ, Амореянинос, Эшколоскирэ пшалэс и Анероскирэ пшалэс, савэ със дро доракирибэн Аврамоса. ¹⁴ Аврамо, сыр шундя, со лэскири сэмэнца лынэ дро плéно, скэдыя пэскирэн дынарьён, савэ бийндынэ дро лэскиро кхэр, триншэла дэшуохто манушэн, и традыя вэргэн кэ Дано; ¹⁵ и ёв розмардя лэн пэ отряды, и ёв, и лэскирэ дынарья пынэ пэ лэндэ раты, и розмардя лэн, и традыя лэн кэ Хо́ва, со исын пир зэрво (лёво) риг Дамаскостыр; ¹⁶ и рискирдя Лотос и саро лэскиро маёнка, и пэскири сэмэнца, и саро лэскиро миштыпэн рискирдя, адякэ-паць джувлэн и манушэн. ¹⁷ Кéли ёв рисия палэ палó Кедорлаомероскиро и кральенгиро розмарибэн, савэ исыс лэса, то Содомоскиро крالی выгия ангил лэстэ пэ доло Шавэ, со исын аканá краліскиро доло; ¹⁸ и Салимоскиро крالی, Мелхисэдэко, вылыджия марó и мол (вино). Ёв със рашай Най Вучэдырэскиро Дэвлэскиро, ¹⁹ и бахтякирдя ёв и пхэндя: “Тэ явэл бахталó Аврамо Дэвлэстыр, Най Вучэдырэстыр, Барэ Растыр пэ болыбэн и пэ пхув. ²⁰ Тэ явэл барьякирдó Дэвэл, Най Вучэдырэскиро, Саво отдыя вэргэн дрэ тырэ вастá.” Аврамо сарэстыр дыя лэскэ дэшто паш. ²¹ И пхэндя Содомоскиро крالی Аврамоскэ: “Дэ мангэ манушэн, а маёнка лэ пэскэ.” ²² Нэ Аврамо пхэндя Содомакирэ краліскэ: “Ѓазада миро васт кэ Най Вучэдырэскиро Рай Дэвэл (Яхвá), Дэвэл, Саво исын пхувьякирэ и болыбна́скиро Барó Рай. ²³ Со мэ на лавá ни тхав, ни гэритконэндыр симироро сарэ тырэстыр, соб (кай) ту тэ на пхэнэс: ‘Мэ барвалякирдём Аврамос’, ²⁴ апріч долэстыр, со ханэ тэрнэ-бэршэнгирэ манушá, и апріч пашáтыр, саві исын манушэнгэ, савэ манца псирдэ; Энэро, Эшко́ло и Мамрэ, мэк ёнэ тэ лэн пэскири паш.”

14:1 ^[1] Адякэ дава штэто пхэнэлапэ дро Юды́тко оригина́ло.

Шэро́ 15

Дэвлэскиро Завето Аврамоса

¹ Палó далé рэнды (дэлы) Рáскирэ-Дэвлэскиро лав със дро дыкхибэн Аврамоскэ, и със пхэндлó: “Авраме, на дар; Мэ сом тыро́ шчы́то; мазу́ри (награда) тукэ тыро́ исын древáн бари. ² Аврамо пхэндя: “Барó Раё, Дэвла! Со Ту дэса мангэ? Мэ яцёмпэ би чхаворэнгиро, а хула́й дро миро кхэр исын дава́ Елиезэро Дамаскостыр.” ³ И ишчо (инкэ) Аврамо пхэндя: “Ѓада, Ту на дыян мангэ чхавэн, и, гада, екх мирé кхэрэстыр явэла, пэ миро мэкно́ миштыпэн хула́са.” ⁴ И, акэ, със Рáскирэ-Дэвлэскиро лав кэ ёв, и със пхэндлó: “На дорэсэла (на долэла) ёв тыро́ мэкно́ миштыпэн; нэ одова́, кон выджáла тырэ нутрятыр (масэндыр), одова́ дорэсэла тыро́ миштыпэн.” ⁵ И вылыджия лэс яврі, и пхэндя: “Подыхк пэ болыбэн, и гин чэргэня́, ко́ли ту мого́нэса (сашты) тэ гинэс лэн.” И пхэндя лэскэ: “Ада́кицы тута́ явэна чхаворé.” ⁶ Аврамо патяндя Рáскэ-Дэвлэскэ, и Ёв пригалыя дава́ лэскэ дро чачипэн. ⁷ И пхэндя лэскэ: “Мэ сом Рай Дэвэл, Саво вылыджия тут Уростыр Халдеенгирэстыр, соб (кай) тэ дав тукэ да́я пхув дро мэкно́ миштыпэн пэскэ.” ⁸ Ёв пхэндя: “Раё Барó, Дэвлалé! Пир со мангэ тэ джина́в, со мэ прилава ла?” ⁹ Рай Дэвэл пхэндя лэскэ: “Лэ мангэ тринэ-бэршыткона рэца́ (телица), тринэ-бэршыткона бу́зня (коза), тринэ-бэршытконэ бакрэс, голумбица и тэрнэ голумбос.” ¹⁰ Ёв лыя лэн сарэн, росчингирдя пэ паш проти лэн, и чхудя екх пашыл явир; екхэ чириклен на росчингирдя. ¹¹ И приурняндынэ пэ тру́пы rischiрибна́скирэ чирикля́; нэ Аврамо традэлас лэн. ¹² Кéли кхам бэшэлас, пыя зорало́ соибэн пэ Аврамостэ; и, гада, пыя пэ лэстэ дар и барó калыпэн. ¹³ И пхэндя Рай Дэвэл Аврамоскэ: “Джин, со ро́до тыро́ явэла

чужо пэ пхув, сави на явэла лэнгири, и кэрэна лэн писхарьёнца, и явэна тэ притасавэн лэн штаршэла бэрш, ¹⁴ нэ Мэ кэрава сэндо пэ манушэндэ, савэнгэ ёнэ явэна тэ дынаринэн; палó дава ёнэ выджана барэ барвалыпнаса, ¹⁵ а ту джаса кэ тырэ дада раманёса (миро́са), и ту явэса гарадо дро лачхо пхурипэн; ¹⁶ нэ дрэ штáрто стрэч (поколéниё) ёнэ рисёна адары́к: пал-довá со аканá Амореёскиро чорипэн кэ дава часо исын на пхэрдó.” ¹⁷ Кéли бэсцá кхам, и яцá калыпэн, га́да, тхув (дымо) сыс бовэстыр и яга чибакирэ прогинé машкирál росчингирдэ котэра мурдалэнгирэ. ¹⁸ Дро дова́ дывэс Рай Дэвэл кэрдя́ завето Аврамóса, и пхэндя́: “Тырэ-чхавэнгирэ чхавэнца Мэ дава́ да́я пхув, Египтóскирэ рэка́тыр (лэня́тыр) кэ бари рэка (лэнь), рэка (лэнь) Евфрато, ¹⁹ Кенеенгири, Кенезеенгири, Кедмонеенгири, ²⁰ Хетеенгири, Ферезеенгири, Рефаимэнгири, ²¹ Амореенгири, Хананеенгири, Гергесеенгири и Евусеенгири.”

Шэрó 16

Сыр Измаило Бияндыя

¹ Нэ Аврамоскири ромны́, Сара, на биянэлас чхаворэн лэскэ. Лátэ сыс дына́рица (служица) Египтянка, савья́ кхардэ Агарь. ² И Сара пхэндя́ Аврамоскэ: “Га́да, Рай Дэвэл закэрдя́ миро пэр, соб (кай) ма́нгэ тэ на биянав чхаворэн, мэ манга́ва, заджа́ кэ ми́ри дына́рица; сашты́ (могинéла) тэ явэл, соб (кай) ма́нгэ тэ явэн ла́тыр чхаворé.” Авра́мо канды́я Сара. ³ И лы́я Аврамоскири ромны́, Сара, пэскирýя дына́рица Египтянка Агарь, и ды́я ла Аврамоскэ, пэскирэ ромэскэ дрэ ромня́тэ, пал-довá, сыр ёй дживдýя пэ Ханаанóскири пхув дэш бэрш. ⁴ Ёв заги́я кэ Агарь, и ёй запхария. Кéли дыкхцá ёй, со запхария, то ёй лы́я тэ бидыкхэл пэскирýя хуланя. ⁵ И Сара пхэндя́ Аврамоскэ: “Дрэ холы́ ми́ри ту сан банго́; мэ отдыём ми́рья дына́рица кэ колы́н тыро́; а ёй, сыр дыкхцá, со запхария, то лы́я тэ бидыкхэл ман; мэ́к тэ явэл Рай Дэвэл сэндариса машки́р ма́ндэ и ту́тэ.” ⁶ Авра́мо пхэндя́ Саракэ: “А́кэ, ты́ри дына́рица исын дрэ тырэ вастá; кэр ла́са, со ту́кэ трéй.” И Сара лы́я тэ на дэл ла́кэ во́ля, и ёй настýя ла́тыр. ⁷ И латхýя ла Ра́скирэ-Дэвлэскиро Янгóло пэ чхучи́ пхув (пустыня) пашы́л панэскири ганы́нг, каты́р джа́ла пани́ пэ дром кэ Суро. ⁸ И пхэндя́ ла́кэ: “Ага́рие, Саракири дына́рица! Каты́р ту явдýн, и карик джа́са?” Ёй пхэндя́: “Мэ прастава Сараты́р, ми́рэ хуланяты́р.” ⁹ Ра́скирэ-Дэвлэскиро Янгóло пхэндя́ ла́кэ: “Рисёв кэ пэскири хуланы́ и яч тэ кандэс.” ¹⁰ И пхэндя́ Ра́скирэ-Дэвлэскиро Янгóло ла́кэ: “Мэ бутэды́рьякирава́ и кэра́ва барó, тырэ-чхавэнгиро ро́до адýкэ, со явэла нашты́ тэ пиригинэс лэс.” ¹¹ И дурэдýр пхэндя́ Ра́скирэ-Дэвлэскиро Янгóло ла́кэ: “Га́да, ту сан пха́ри, и ту биянэса чхавэ́с, и дэ́са лав лэскэ Измаило, пал-довá со Рай Дэвэл шундýя тырэ мэ́ньки; ¹² ёв явэла бу́со (дико) ма́нуш; лэскирэ вастá явэна пэ сарэ́ндэ, и сарэнгирэ вастá пэ лэ́стэ; ёв явэла тэ дживéл ангил сарэ́ндэ пэскирэ пшалэ́ндэ.” ¹³ И ды́я лав Агарь Ра́скэ-Дэвлэскэ, Савó ракирдýя ла́кэ, кадасавó лав: “Ту сан Дэвэл, Савó дыкхэ́ла ман.” Палдава́ пхэндя́ ёй: “Мэ, чачунэ́с, ада́й дыкхцём Кодолэ́с, Кон дыкхцá ман.” ¹⁴ Палдава́ да́я ганы́нг, каты́р джа́ла пани́, кхарэ́лапэ: Беэр-лахай-рои (Эль рой). Ёй исын машки́р Кадéсо и Баредо [Бередо-ю.о.]. ¹⁵ Э Агарь бияндя́ чхавэ́с Аврамоскэ; и ды́я лав Авра́мо пэскирэ чхавэ́скэ, савó биянды́я Агарьаты́р: Измаило. ¹⁶ Аврамоскэ сыс охтодэ́шашов бэрш, кéли Агарь бияндя́ лэскэ Измаилос.

Шэрó 17

Заветоскири Гертык (Знамений)

¹ Аврамоскэ сыс енядэ́ша еня́ бэрш, и Рай Дэвэл сыкады́я Аврамоскэ и пхэндя́ лэскэ: “Мэ сом Сарэ́зорьякиро Рай Дэвэл; псир ангил Ма́ндэ и яв бидошэнгиро; ² ‘и Мэ кэра́ва Завето (доракирибэ́н) Миро машки́р ту́тэ и Ма́ндэ, и Мэ древа́н бутэды́рьякирава́ тыро́ ро́до.” ³ И пы́я Авра́мо пэ пэскиро муй, а Дэвэл дурэдýр ракирдýя лэ́са, и пхэндя́: ⁴ “А́кэ, исын дава́

Завэто Миро туса; ту явэса дадэса бутэнгэ манушытконэ нацыэнгэ,⁵ и ту на явэса бутыр тэ кхарэспэ Аврамаса, нэ явэла тукэ лав: Авраамо; пал-довá со Мэ кэрава тут дадэса ваш бут манушытка нацыи (народы).⁶ Мэ кэрава адякэ, со тутыр древán бут манушá бияндэна, и тутыр выджана бут манушытка нацыи, и крálья явэна тутыр;⁷ и Мэ чхувава Миро Завето машкír Мándэ и тутэ и машкír тырэ-чхаворэнгиро рóдо палó тутэ дро лэнгиро рóдо, доракирибэн пэ véко дро довá, со Мэ явава тырó Дэвэл,⁸ и Мэ дава тукэ и тырэ-чхавэнгирэ родóскэ палó тутэ Мэ дава дая пхув, пир сави ту псирэса, сарí Ханаанóскири пхув, сыр тырó миштыпэн пэ véко; и Мэ явава лэнгиро Дэвэл.”⁹ И Дэвэл пхэндя Авраамóскэ: “Ту рахх Миро Завето, ту и тырэ-чхавэнгиро рóдо палó тутэ дрэ лэнгирэ-родэнгирэ стрэчы (поколении).¹⁰ Давá исын Миро Завето, савó тумэ сан бангэ (мусинэна) тэ зракхэн машкír Мándэ и тумэндэ и машкír тырэ-чхавэнгиро рóдо пал тутэ: мэк тэ явэл тумэндэ обчхиндло кажно муршканó биято; ¹¹ обчхинэн ягóро (краё) цыпатыр пэ тумарí лоч (плоть): и дава явэла гертык (знамэниё) пэ Завето (доракирибэн) машкír Мándэ и тумэндэ. ¹² Пэ охтото (бидуэнгиро дэшто) дывэс бияныпнастыр, мэк тэ явэл обчхиндло тумэндэ дрэ тумарí стрэч кажно муршканó биято, савó бияндыя дро кхэр и киндло пал руп, вари-конэстыр чужонэстыр, кон исын на тырэ родóстыр. ¹³ Кажнонэс трэй тэ обчхинэн, кон бияндыя дро тырó кхэр, одовá, кон и киндло пал тырó руп, и явэла Миро Завето пэ тумарí лоч доракирибнаса пэ véко. ¹⁴ Наобчхиндло мурш, савэстэ явэла наобчхиндло ягóро (краё) пэ лэскири лоч, мэк тэ хасёл дава ди далэ манушэндыр, пал-довá со ёв на зракхця Миро Завето.” ¹⁵ И пхэндя Дэвэл Авраамóскэ: “Сара, тырья ромня, на кхар ‘Сара’; нэ мэк тэ явэл лакиро лав: Сárра ¹⁶ Мэ бахтякирава ла, и Мэ дава тукэ латыр чхавэс, Мэ бахтякирава ла, и явэна латыр манушытка нацыи, манушэнгирэ крálья явэна латыр.” ¹⁷ И пыя Авраамо мóса, и засандяпэ, и кокорó дрэ пэстэ пхэндя: “Наушто (хай) шэлэ – бэршытконэстэ явэла чхавó. И енядэшэнгири Сárра, наушто биянэла?” ¹⁸ И Авраамо пхэндя Дэвлэскэ: “Мэк Измаило тэ явэл джидó ангил Тутэ!” ¹⁹ И пхэндя Дэвэл: “Чачэс, Сárра, тырí ромны, биянэла тукэ чхавэс, и ту дэса лэскэ лав: Исаáко (Ицхако); и чхувава Мэ Миро Завето лэса пэ véко, и лэскирэ родоса коригэдыр (позжэдыр) лэстыр. ²⁰ И пал Измаилостэ Мэ шундём тутыр: “Гáда, Мэ бахтякирава лэс, и Мэ кэрава, со лэстыр явэла барó рóдо; и Мэ дава джиибэн бутэнгэ лэскирэ родóстыр, дэшудуй тхагарья бияндэна лэстыр, и Мэ создава лэстыр барó народо. ²¹ Нэ Миро Завето Мэ чхувава Исаакоса, савэс биянэла Сárра тукэ дро дава-паць часо пэ явír бэрш.” ²² И Дэвэл пирияця тэ ракирэл Авраамоса; и гия лэстыр. ²³ И Авраамо лыя Измаилос, пэскирэ чхавэс, и сарэн, кон бияндыя дро лэскиро кхэр, и сарэн, кон сыс киндло пал лэскиро руп, сарэн Авраамóскирэ-кхэрэскирэ муршэн; и обчхиндя ягóро (краё) пэ лэнгири лоч (плоть) дро довá-паць дывэс, сыр Дэвэл пхэндя лэскэ. ²⁴ Авраамóскэ сыс енядэша еня бэрш, кэли сыс обчхиндлы пэ ягóро (пэ краё) лэскири лоч. ²⁵ А Измаилоскэ, лэскирэ чхавэскэ, сыс дэшутрин бэрш, кэли сыс обчхиндлы пэ ягóро (пэ краё) лэскири лоч. ²⁶ Дро довá-паць дывэс обчхиндлэ сыс Авраамо и Измаило, лэскиро чхавó, ²⁷ и лэса обчхиндлэ сыс сарэ муршá лэскирэ кхэрэстыр, савэ бияндынэ дро кхэр, и савэ сыс киндлэ явирэ-родоскирэ манушэстыр пал руп.

Шэрó 18

Ужакирдо Чхавó

¹ И сыкадыя лэскэ Рай Дэвэл пашыл дэмбитко вэшоро кэ Мамрэ, кэли ёв сыс бэштó ангил загиибэн дрэ шáтра, дро дывэсытко хачкирибэн. ² Ёв газдыя пэскирэ якхá, и дыкхця, и, гáда, трин муршá сыс тэрдэ мамуй лэстэ. Сыр дыкхця ёв лэн, то прастандыя тэ пирилэл лэн загиибнастыр дрэ шáтра, и кэрдя шэрэса (клониндяпэ) кэ пхув, ³ и пхэндя: “Раё Барó! Кóли мангэ тэ явэл ласка, мэ мангáва бахталыпэн ангил Тырэ якхá, на проджа мамуй Тырэ дынаристэ; ⁴ и янэна náбут пани́, и обморэна тумарэ гэрá; и откинён тумэ тэл далэ каштá (дрэвы), ⁵ а мэ янава марó, и тумэ зоралыкирэна тумарэ илэ; коригэдыр (позжэдыр) джана пэскэ; адякэ сыр тумэ, джана мамуй тумарэ дынаристэ.” Ёнэ пхэндлэ: “Адякэ кэр, сыр ту

ракирэса.”⁶ И Авраамо сыгэс гия, кэ Сárра дрэ шáтра, и пхэндя: “Сыгнэдыр розлыджа трин саты фэдыршо яржó, кэр посно марó, сыр ростасавэса хумэр (цясто).”⁷ И прастáндья Авраамо кэ гурто мурдалэнца, и лыя най фэдыршонэс гурувóрэс, и дыя тэрнэ-бэршэнгирэскэ, и одовá сыгэс лыя тэ кэравэл лэс.⁸ И лыя ёв ксил и тхуд, и кэрадя гурувóрэс, и чхудя дава ангил лэндэ; а кокорó тэрдó сыс пашыл лэндэ тэл кашт. И ёнэ ханó.⁹ И пхэндлэ лэскэ: “Кай исын Сárра, тыри ромны?” Ёв отпхэндя: “Адай, исын дрэ шáтра.”¹⁰ И екх лэндыр пхэндя: “Мэ нэвэстыр (нэвэс) дрэ дава-паць бэршэскиро часо явава кэ ту, и, акэ, тырэ ромнятэ Сарратэ явэла чхавó.” Сárра пашыл загиибэн дрэ шáтра шундя лэс пал лэстэ.¹¹ Авраамо и Сárра сыс пхурэ дрэ бэршá; и дова, со трэй тэ явэл джувлэндэ, Сарратэ пирияця.¹² И Сárра засандяпэ дрэ пэстэ: “Ци мангэ, кэли мэ пхуриём, тэ явэл дая бахт, и хулай миро исын пхурó.”¹³ И пхэндя Дэвэл Авраамóскэ: “Сóстыр салапэ Сárра, и пхэндя ‘Наушто мэ, чачэс, могонава тэ биянав, кэли мэ пхуриём?’”¹⁴ “Ци исын вари-со тэ явэл пхарó ваш Рáскэ-Дэвлэскэ? Дро пхэндлэ часо Мэ явава кэ ту пэ явир бэрш, и Сарратэ явэла чхавó.”¹⁵ Сárра на пригaлыяпэ, а пхэндя: “Мэ на сандёмпэ.” Пал-дова со ёй страхадыя. Нэ Ёв пхэндя: “Над, ту сандяпэ.”¹⁶ И одолэ манушá уштынэ, и одотхыр гинэ кэ Содóмо, Авраамо гия лэн тэ пролыджал.¹⁷ И Рай Дэвэл пхэндя: “Ци гаравава Мэ Авраамостыр, со кама́м тэ кэра́в!”¹⁸ Авраамостыр, чачэс, выджана зоралэ манушá, и дрэ лэстэ бахтякирэнапэ сарэ пхувьякирэ-манушýтка на́цыи,¹⁹ пал-дова со Мэ лэс выкэдыём ваш дава, соб (кай) ёв тэ припхэнэл пэскирэ чхавэнгэ и пэскирэ кхэрэскэ, со явэла палó лэстэ, тэ псирэн Рáскирэ-Дэвлэскирэ дромэса, тэ кэрэн чачипэн и сэндо; и кэрэла пэ Авраамостэ Рай Дэвэл дова, со пхэндя пал лэстэ.”²⁰ И Рай Дэвэл пхэндя: “Гóдла дро Содóмо и Гомóра исын бари, и пхарó исын древáн лэнгиро грéхо; ²¹ джа́ва Мэ и дыкха́ва, ци адя́кэ ёнэ кэрэна грéхо, пал савó гóдла пал лэндэ, джа́ла кэ Мэ, ци над, уджинава.”²² И рисинэ манушá одотхыр, и гинэ дро Содóмо; Авраамо уса́ сыс тэрдó ангил Растэ-Дэвлэстэ.²³ И подгия́ Авраамо, и пхэндя: “Наушто Ту хасякирэса чачунэ манушэс кхэтанэ злыднитконэса?”²⁴ Хай (можа) тэ явэл дро дава фóро пандждэша́ манушá, савэ патя́на? Наушто Ту хасякирэса, и на потангинэса (на́ пожалинэса) дава штéто ваш пандждэшэ манушэнгэ, савэ патя́на?²⁵ Нашты́ тэ явэл, соб (кай) Ту тэ кэрэс адя́кэ, соб (кай) Ту тэ хасякирэс чачунэ манушэс кхэтанэ злыднитконэса, соб (кай) дова-паць тэ явэл чачунэ манушэса; со и злыднитконэса; нашты́ тэ явэл Тýтыр! Сэндáри сарэ пхувьякиро тэ кэрэл на пир чачипэн?”²⁶ О Рай Дэвэл пхэндя: “Кóли Мэ латхава дро фóро Содóмо пандждэша́ манушэн, савэ патя́на, то тэды Мэ зракха́ва сарó дава штéто ваш лэнгэ.”²⁷ Авраамо пхэндя дро отпхэныбэн: “Гáда, мэ прилыём дума тэ ракира́в Барэ-Рáскэ, мэ сом пра́хо и пра́ска (пепло): ²⁸ сашты́ (могинэ́ла) тэ явэл, со кэ пандждэша́ чачунэ манушэн, наухтылла (на́доси) панджэн, наушто, со кóли наухтылла пандж манушá, то Ту хасякирэса сарó фóро?” Ёв пхэндя: “На хасякира́ва, кóли одóй латхава штардэша́пандж манушэн.”²⁹ Авраамо дурэдыр Лэса ракирдя, и пхэндя: “Сашты́ тэ явэл, со одóй латхэнапэ штардэша́ манушá.” Ёв пхэндя: “На кэра́ва дова́ и, кóли одóй латхэнапэ штардэша́ манушá.”³⁰ И пхэндя Авраамо: “Мэ манга́ва, Раё Барó, тэ на холясос, со мэ явава тэ ракира́в: сашты́ тэ явэл, со одóй латхэнапэ трийнда́ манушá?” Ёв пхэндя: “На кэра́ва, кóли одóй латхэнапэ трийнда́.”³¹ Авраамо пхэндя: “Гáда, мэ прилыём дума тэ ракира́в Рáскэ-Барэскэ: сашты́ тэ явэл, со одóй латхэнапэ биш манушá? Ёв пхэндя: “На хасякира́ва ваш бишэнгэ.”³² Авраамо пхэндя: “Мэк тэ на холясол Барó Рай, со мэ пхэна́ва ишчо (инкэ) ёкхвар: сашты́ тэ явэл, со одóй латхэнапэ дэш манушá? Ёв пхэндя: “На хасякира́ва ваш дэшэнгэ.”³³ И Рай Дэвэл гия, пирияця́ тэ ракирэ́л Авраамоса, а Авраамо рисия́ пэ пэскиро штéто.

Шэрó 19

Содомоскиро Хасибэн

¹ И явнэ дуй Янгóлы бэ́львэ́лэ дро Содóмо, кэли Лото сыс бэштó пашыл пóрта (враты) дро Содóмо. Лото дыкхця́ лэн, и ушты́я тэ пирилэл лэн и кэрдя́ шэрэ́са (клониндя́пэ) кэ пхув, ²

и пхэндя: “Раялэ мирэ! Заджэн дрэ тумарэ-дынарискиро кхэр, и ратькирэн, и выморэн тумарэ гэрэ, и уштэн тасярлэс (рэнэс), и джэн пэскирэ дромэса.” Нэ ёнэ пхэндлэ: “Над, амэ ратькираса яврі.” ³ Ёв древэн зоралэс зракирэлас лэн; и ёнэ гинэ кэ ёв, и явнэ дро лэскиро кхэр. Ёв кэрдя лэнгэ баро скамйнд, и пэкця посно маро; и ёнэ ханэ. ⁴ Ёнэ ишчо (инкэ) на пасинэ тэ совэн, сыр манушэ далэ форостыр, Содомляни, тэрнэстыр кэ пхуро, сарэ манушэ сарэ фороскирэ ригэндир, подгинэ кэ кхэр трусцял (кругоса). ⁵ И ёнэ выкхардэ Лотос, и ракирдэ лэскэ: “Кай исын манушэ, савэ явнэ кэ ту тэ ратькирэн? Вылыджа лэн кэ амэ; соб (кай) амэ тэ джинас лэн.” ⁶ Лото выгия кэ ёнэ кэ загибён, и чхакирдя пал пэстэ вудар, ⁷ и пхэндя: “Мангав тумэ, пшалалэ мирэ, на кэрэн чорипэн; ⁸ гада, мандэ исын дуй чхэй, савэ на сыс палором; фэдыр лэн, мэ вылыджава кэ тумэ, кэрэн лэнца, со тумэнгэ исын пир годы; адалэ манушэнгэ на кэрэн ничі, адякэ сыр ёнэ явнэ кэ мэ тэл кхэрэскири стрэха (чхакін).” ⁹ Нэ ёнэ пхэндлэ: “Яв адарік.” И пхэндлэ: “Гада, мануш, савэ явдэ тэ дживэл адай, и камэла тэ сэндякирэл? Аканэ амэ фуедыр кэраса туса, сыр лэнца.” И древэн приачэнас кэ дава мануш, кэ Лото, и подгинэ, соб (кай) тэ пхагирэн вудар. ¹⁰ Тэды одолэ манушэ газдынэ пэскирэ вастэ, и залыджинэ Лотос кэ пэ дро кхэр, и пхэндлэ вудар; ¹¹ а манушэн, савэ исыс ангил загибён дро кхэр, корьякирдэ, барэстыр кэ тыкно, адякэ, со ёнэ замэнчиндлэпэ, родыи загибён.

Содомо и Гомора Хасёна

¹² Одолэ манушэ пхэндлэ Лотоскэ: “Кон исын бутыр тутэ адай? Ци зятё (джамутро), ци тырэ чхавэ, ци тырэ чхэй, и соб (кай) тэ на явэл дрэ форо тутэ, сарэн вылыджа далэ штэтостыр, ¹³ пал-довэ со амэ хасякираса дава штэто; палдава со бари годлыма исын пэ манушэндэ, савэ дживэна адай кэ Рай Дэвэл, и Рай Дэвэл бичхадя амэн тэ хасякирас лэс.” ¹⁴ И выгия Лото, и ракирдэ пэскирэ зятенца (джамутрэнца), савэ лэнас пал пэстэ лэскирэ чхаён, и пхэндя: “Уштэн, выджэн далэ штэтостыр; пал-довэ со Рай Дэвэл хасякирэла дава форо.” Нэ лэскирэ зятенгэ здыяпэ, со ёв салапэ. ¹⁵ Кэли яця тэ дывэсёл, э Янгóлы лынэ тэ сыгнякирэн Лотос, и ракирдэ: “Ушты, лэ тырря ромня и дуэн тырэн чхаён, савэ исын тутэ, соб (кай) тут тэ на хасякирас пал бизладо дро форо.” ¹⁶ И сыр ёв гарэ ячэласпэ пэ штэто, тэды одолэ манушэ, пир Рэскирэ-Дэвлэскиро тангипэн кэ ёв, лынэ лэс пал васт, и лэскирря ромня, и дуэн лэскирэ чхаён, и вылыджинэ лэс, и чхудэ лэс пал форо. ¹⁷ Кэли лэн вылыджинэ яврі, тэды екх лэндир пхэндя: “Зракх пэскиро ди, на дыкх палал, и никай тэ на тэрдэс пашыл дава доло; зракхпэ пэ бэрга, соб (кай) тэ на хасёс тукэ.” ¹⁸ Нэ Лото пхэндя лэнгэ: “Над, Раё Баро.” ¹⁹ “Гада, Тырэ писхари латхя тангипэн ангил Тырэ якхэ, и баро исын Тырэ лачхипэн, савэ Ту кэрдян мангэ, со зракхцян миро джибён; нэ мэ нашты (на могонава) тэ гарадэвав пэ бэрга, соб (кай) тэ на латхэл ман бйда и мангэ тэ на мэрав; ²⁰ гада, пашылэдыр мэ тэ прастав дро дава форо; прастава мэ одорік ёв жа тыкно, и явэла зракхно миро джибён.” ²¹ И пхэндя Янгóло лэскэ: “Гада, пир тырэ ило Мэ кэрава дава: на чилавава форо, пал савэ ту ракирэса. ²² Сыгнэдыр, джа одорік; пал-довэ со Мэ нашты (на могонава) тэ кэрав рэндо, пака ту явэса одорік.” Палдава и дава форо кхарэна: Сигоро. ²³ Кхам газдыяпэ пэ пхув, и Лото явдэ дро Сигоро. ²⁴ И чхудя Рай Дэвэл пэ Содомо и Гомора брышынд дзэвэлятыр (сератыр) и яг болыбнастыр Растыр-Дэвлэстыр, ²⁵ и чиладя хасибнаса Рай Дэвэл дава форо, и саро, со исын пашыл дава доло, и адалэ-форьёнгирэ сарэ манушэн, и дова, со бария пэ пхув. ²⁶ Нэ Лотоскири ромны рисия палал пал лэстэ, и яця лондэскирэ стылбоса. ²⁷ И уштыя Авраамó тасярлэс (рэнэс) пэ сáмо злокицо (рэнко) и гия пэ штэто, кай сыс тэрдó ангил Растэ-Дэвлэстэ, ²⁸ и подыкхця пэ Содомо и Гомора, и пэ саро штэто, со сыс пашыл, и дыкхця: гада, тхув (дымо) газдэлапэ пхувьятыр, сыр тхув бовэстыр. ²⁹ И сыс адякэ, кэли Дэвэл хасякирэлас сарэ пашатунэ форя, Дэвэл пририпирдя пал Авраамостэ, и выбичхадя Лотоскирэ-чхавэнгиро рóдо одолэ штэтостыр, кай Ёв хасякирэлас форя, кэ савэ дживдэ Лото. ³⁰ И выгия Лото Сигоростыр, и лыя тэ дживэл дрэ гебар (пешчэра) пэ бэрга, и лэса сыс лэскирэ дуй чхэй: пал-довэ со ёв дарандыя тэ дживэл кэ Сигоро. И дживдэ пэ бэрга, и лэскирэ дуй чхэй лэса. ³¹ И пхурыдыршо пхэн пхэндя тыкнэдыршонакэ: “Дад амаро исын

пхурó; и нанэ пэ пхув манушэс, савó тэ заджал кэ амэ, сыр дава кэрэлапэ пир сарí пхув; ³² и яв, адякэ матякираса амарэ дадэс, и пирисоваса лэса, и биянаса чхавэн амарэ дадэстыр.” ³³ И дрэ доя рат ёнэ матькирдэ пэскирэ дадэс; и загия пхурэдыршо пхэн и сыс суты пэскирэ дадэса: а ёв на джидя, кели ёй пасия и кели уштыя. ³⁴ Пэ явир дывэс пхурэдыршо пхэн пхэндя тыкнэдыршонакэ: “Гáда, мэ тася сомас суты мирé дадэса: матькираса лэс и дрэ дая рат; и ту джá и сов лэса, и биянаса амарэ дадэстыр чхавэн.” ³⁵ И дрэ дая рат матькирдэ ёнэ пэскирэ дадэс; и гия тыкнэдыршо пхэн и сыс суты лэса: и ёв на джидя, кели ёй пасия и кели уштыя. ³⁶ И дуй Лотоскирэ чхая запхаринэ пэскирэ дадэстыр, ³⁷ и пхурэдыршо пхэн бияндя чхавэс, и дья лэскэ лав: Моáво. Ёв аканá исын Моавитянэнгиро дад. ³⁸ И адякэ-паць тыкнэдыршо пхэн бияндя чхавэс, и дья лэскэ лав: Бен-Амми. Ёв аканá исын Амонитянэнгиро дад.

Шэрó 20

Авраáмо и Авимелéхо

¹ Авраáмо гия одотхыр пэ паш-дывэс (юго), и лыя тэ дживэл машкир Кадесо и Суро; и вари-киць дывэса сыс дро Гераро. ² И Авраáмо пхэндя пал пэскирэ ромнятэ Сарратэ: “Ёй исын мирí пхэн.” И о Авимелéхо, Герароскиро крáli, бичхадя, и лыя Сáрра. ³ И Дэвэл явдя ратякиро дро сунó кэ Авимелéхо, и пхэндя лэскэ: “Гáда, ту пал джувлятэ мэрэса, савья ту лыян, пал-довá со латэ исын ром.” ⁴ Авимелéхо на чиладя ла, и пхэндя: “Раё Барó! Наушто Ту хасякирэса манушэн, савэ исын на бангэ?” ⁵ Ци на кокорó ёв пхэндя мангэ: “Ёй исын мирí пхэн?” И кокори ёй пхэндя: “Ёв исын миро пшал?” Мэ кэрдём дава сарé мирé илэстыр и дрэ мирé-вастэнгири жужыма (чыстота).” ⁶ И Дэвэл пхэндя лэскэ дро сунó: “И Мэ джидём, со ту дава кэрдян дрэ тырэ илэскири-жужыма (чыстота), и рикирдём тут ангил Мандэ грэхостыр; пал-довá и на домэкцём тут тэ чилавэс ла; ⁷ аканá рíскир ромня палэ ромэскэ: пал-довá со ёв исын прорóко, и ёв явэла тэ мангэлпэ пал тýtэ, и ту явэса джидó; а кóли на рискирэса, тэды джид, со ту, и сарé тырэ, мэрэна.” ⁸ И адякэ пэ злóко тасярлэс (ранэс) Авимелéхо, скэдыя сарэн пэскирэн писхарьён, и роспхэндя далэ сарэ лава лонгэ; и адалэ манушá древáн страхáдынэ. ⁹ И Авимелéхо кхардя кэ пэ Авраамос, и пхэндя лэскэ: “Со ту амэнца кэрдян? Дрэ со мирí банг исын ангил тýtэ, со ту камдян тэ лыджас бída пэ мандэ и пэ миро кралипэн барó грэхó? Ту кэрдян манца рэндэ (делы), савэ на кэрэна.” ¹⁰ И Авимелéхо пхэндя Авраамóскэ: “Со ту камдян, кели кэрдян дава рэндó (дело)?” ¹¹ Авраáмо пхэндя: “Пал-довá со мэ думиндём, со адай нанэ дар ангил Дэвлэстэ, и замарэна ман пал мирé ромнятэ; ¹² дава исын чачипэн, ёй исын мангэ пхэн; ёй исын мирé-дадэскири чхай, нэ на мирé-дакири чхай; и яця мирé ромняса; ¹³ кели Дэвэл пхэндя мангэ тэ джав криг мирé-дадэскирэ кхэрэстыр, тэды мэ пхэндём лáкэ: ‘Кэр дава лачхипэн ваш мангэ, дрэ савó тэ на явас амэ штéто, одóй рáкир пал мандэ: гáда, исын миро пшал.’” ¹⁴ И Авимелéхо лыя бакрэн и гурувэн, и дынарьён (слугэн) и дынарицэн, и дья Авраамóскэ; и рискирдя лэскэ Сáрра, лэскирья ромня. ¹⁵ И пхэндя Авимелéхо: “Гáда, мирí пхув исын ангил тýtэ, джив, кай тукэ исын пир илó.” ¹⁶ И Сарракэ пхэндя: “Гáда, мэ дыём тырэ пшалэскэ шэл шéкели руп, гáда, мэ дава тукэ учхакирибэн ваш якхá ангил сарэндэ, савэ исын туса, и ангил сарэндэ, со ту на сан банги.” ¹⁷ И Авраáмо мангдяпэ Дэвлэскэ, и Дэвэл высастякирдя Авимелехос и лэскирья ромня и лэскирэ писхарицэн (рабынён), и ёнэ лынэ тэ биянэн чхавэн. ¹⁸ Пал-довá со Рай Дэвэл запхандя кажно лочовí (чрэво) дро кхэр Авимелехоскири пал Сарратэ, Авраамóскирэ ромнятэ.

Шэрó 21

Исаа́ко Бия́ндыя

¹ И кэрдя паты́в Рай Дэвэл Сарракэ, сыр Ёв пхэндя; и кэрдя Рай Дэвэл Сарракэ адякэ, сыр ракирдя. ² Сárра яця пхарі, и Авраамóскэ дрэ барэ лэскирэ бэрша бияндя чхавэс дрэ дова́ часо, пал саво ракирдя лэскэ Дэвэл; ³ и Авраа́мо дыя пэскирэ чхавэскэ лав, саво бияндыя лэстэ, савэс бияндя лэскэ Сárра: Исаа́ко [Ицхо́ко-ю.о.]; ⁴ и Авраа́мо обчхиндя Исаакос, пэскирэ чхавэс, пэ охто́то (биду́енгиро дэ́што) дывэс, сыр Дэвэл лэскэ припхэндя. ⁵ Авраамóскэ сыс шэл бэрш, кэли лэстыр бияндыя Исаа́ко, лэскиро чхаво́. ⁶ И пхэндя Сárра: “Дэвэл кэрдя сабэн ма́нгэ, кон шунэла пал ма́ндэ, явэла тэ салпэ.” ⁷ И пхэндя: “Кон пхэнэла Авраамóскэ: Сárра явэла тэ чаравэл чхаворэн колынэса? Пал-дова́ со дро лэскиро пхурипэн и мэ чхавэс бияндём.” ⁸ Чхаворó выбра́ия, и отлынэ лэс колынэстыр; и дро дова́ дывэс, кэли Исаа́ко сыс отлыно колынэстыр, Авраа́мо кэрдя баро́ свэнко. ⁹ И дыкхця́ Сárра, со Египтянкакирэ-Агариякиро чхаво́, савэс ёй бияндя Авраамóскэ, салапэ. ¹⁰ И пхэндя ёй Авраамóскэ: “Традэ адалья писхарица (рабыня) и ла́кирэ чхавэс; пал-дова́ со на явэла тэ прилэл мэ́кно́ миштыпэн адалэ-писхарицакиро чхаво́ кхэтанэ́ мирэ́ чхавэ́са Исаакоса.” ¹¹ И дава́ сыкады́я Авраамóскэ древа́н на пир ило́ ваш лэскирэ чхавэскэ. ¹² Нэ Дэвэл пхэндя Авраамóскэ: “На пириджив пал тырэ́ чхавэ́стэ и писхарицатэ; дрэ саро́, со пхэнэла ту́кэ Сárра, кандэ ла; пал-дова́ со пир Исаакостэ́ явэла дыно́ ту́кэ тырэ́-чхавэнгиро́ ро́до; ¹³ и писхарицакирэ́ чхавэ́стыр Мэ созда́ва манушы́тко на́ция, пал-дова́ со и лэстыр явэла тырэ́-чхавэнгиро́ ро́до.” ¹⁴ Авраа́мо ушты́я тася́рлэс (ра́нэс) пэ зло́ко, и лы́я маро́; цыпитко́ гоно́ панэ́са, и ды́я Агариякэ́, чхудя́ ла́кэ пэ псикэ́, и чхавэс и отмэ́кця́ ла. Ёй гия́, и заблэ́ндыня́пэ пэ чхучи́ пхув Вирса́вия; ¹⁵ и дро гоно́ на яця́ пани́, и ячкирдя́ ёй чхавэ́с тэл екх хру́сто (кусто), ¹⁶ и гия́, дурал́ бэ́стя́, пэ ада́кици дур, сыр ма́рибны́тко буст (стрела) вурня́ла. Пал-дова́ со ёй пхэндя: “На кама́м чхавэ́скиро мэ́рибэн тэ дыкха́в.” И ёй бэ́сця́ проти́ лэ́стэ, и газды́я годла, и рондя́. ¹⁷ И шундя́ Дэвэл чхавэ́скири зан (глос); и Дэвлэ́скиро Янгóло болы́бна́стыр кхардя́ зоралэ́с Ага́рья, и пхэндя́ ла́кэ: “Со ту́са, Ага́ре? На анды́рша, Дэвэл одотхы́р шундя́ зан чхавэ́скири, кай ёв исын; ¹⁸ ушты́, га́здэ чхавэ́с, и лэ́ лэс пало́ васт; пал-дова́ со лэ́стыр Мэ созда́ва бари манушы́тко на́ция.” ¹⁹ И Дэвэл отчха́кирдя́ ла́кэ якха́, и ёй дыкхця́ ганы́нг панэ́са, и гия́, и пхэ́рдяки́рдя гоно́ панэ́са, и паны́кирдя чхавэ́с. ²⁰ И Дэвэл сыс чхавэ́са; и ёв выбра́ия, и лы́я тэ дживэ́л пэ чхучи́ пхув; и яця́ тэ дэл карье́ лукосты́р. ²¹ Ёв дживдя́ пэ чхучи́ пхув Фа́рано; и лэ́скири дай лы́я лэ́скэ ромня́ Египто́скирэ пхувья́тыр.

За́вето Авимелехоса

²² И сыс дрэ долэ́ дывэ́са: Авимелéхо Фихолоса, пэ́скирэ барыды́рэса пэ халадэ́ндэ, пхэндя́ Авраамóскэ: “Ту́са Дэвэл дро саро́ исын, со ту тэ на кэ́рэсас; ²³ и акана́ совлаха́ ма́нгэ ада́й Дэвлэ́са, со ту на кэ́рэса биба́хт ни ма́нгэ, ни мирэ́ чхавэ́скэ, ни ўну́коскэ́ мирэ́скэ; и, сыр мэ́ шука́р и со́мас ту́са, адя́кэ и ту явэ́са тэ кэ́рэс ма́нца и пхувья́са, пэ сави́ ту дживэ́са сыр гостё́.” ²⁴ И Авраа́мо пхэндя́: “Мэ совлаха́ва.” ²⁵ И Авраа́мо сыкады́ банг Авимелехоскэ́ пал ганы́нг панэ́са, саво отлынэ́ Авимелехоскирэ́ писха́рья. ²⁶ И пхэндя́ Авимелéхо: “На джино́м, кон дава́ кэ́рдя, и ту на пхэндя́н ма́нгэ; мэ пал дава́ и на шундём́ кэ́ дава́ часо.” ²⁷ И лы́я Авраа́мо бакрэ́н и гурувэ́н, и ды́я Авимелехоскэ́, и ё́нэ дуйджинэ́ кэ́рдэ́ за́вето пал малы́пэн (дружба). ²⁸ И Авраа́мо чхудя́ эф́та́ (битринэ́нгиро дэ́ш) лачхэ́ бакрорьэ́н ты́кнэ́ гуртосты́р. ²⁹ И пхэндя́ Авимелéхо Авраамóскэ: “Ваш со ада́й далэ́ эф́та́ бакрорья́, савэ́н ту чхудя́н?” ³⁰ Ёв пхэндя́: “Эф́та́ бакрорьэ́н адалэ́н лэ́ мирэ́ вастэ́стыр, соб (кай) ё́нэ тэ́ явэ́н ма́нгэ до́пхэны́бна́са, со мэ́ вы́ганадём́ да́я ганы́нг.” ³¹ Палдава́ и кхардя́ ёв дава́ штэ́то: Вирса́вия, ада́й ё́нэ дуйджинэ́ совлаха́дэ. ³² Адя́кэ ё́нэ кэ́рдэ́ за́вето дрэ́ Вирса́вия. И ушты́я Авимелéхо, и Фихоло́, лэ́скиро барыды́ро́ пэ халадэ́ндэ, и рисинэ́ ё́нэ пэ́ Филистимия́кири пхув. ³³ И Авраа́мо чхудя́ тэ́ барьэ́н дэмбитко́ вэ́ладин (рошча́) пашы́л Вирса́вия, и мангдя́пэ одо́й

Рáскэ-Дэвлэскэ, Вечнонэ Дэвлэскэ. ³⁴ И Авраáмо дживдý пэ Филистимиякири ^[1] пхув, сыр гостё, бут дывэсá.

21:34 ^[1] Ададывэс даý пхув кхарэлапэ “Палестина”

Шэрó 22

Авраамóскиро Патяибэн Зоралыя

¹ И със адыкэ, палó сарó дава́ Дэвэл спробинэлас (пропатиякирэлас) Авраамос, и пхэндý лэскэ: “Аврааме!” Ёв пхэндý: “Гáда, мэ сом.” ² О Дэвэл пхэндý: “Лэ пэскирэс чхавэс, савó тýtэ екх, и савó исын дрóго тýкэ, Исаакос; и джá пэ Мориаскири пхув, и схачкир лэс сыр свэ́нто дыибэ́н одóй пэ екх бэргэндýр, пал савý Мэ пхэна́ва тýкэ.” ³ Авраáмо ушты́я тасýрлэс (ра́нэс) пэ злóко (ра́нко), ды́я андрé пэскирэ́ ослóс (мегарис), лы́я пэ́са дуэ́н пэскирэ́н тэрнэ́-бэршэнгирэ́н и Исаакос, пэскирэ́ чхавэ́с. Ёв чингирдý ваш схачкирибэ́н кашта́, ушты́я, и гия́ пэ штéто, пал савó Дэвэл лэскэ пхэндý. ⁴ Пэ трýто дывэ́с Авраáмо газды́я пэскирэ́ якхá, и дурáл дыкхцý дова́ штéто. ⁵ И Авраáмо пхэндý пэскирэ́ тырнэ́-бэршэнгирэ́нгэ: “Тумé ячэ́нпэ ада́й ослоса; а мэ и чхавó джáса одорýк и помангасапэ, и рисёваса кэ тумé.” ⁶ И Авраáмо лы́я кашта́ ваш цéло схачкирибэ́н, и чхудý пэ Исаакостэ́, пэскирэ́ чхавэ́стэ; лы́я дрэ́ вастá яг и чхури, и гинé дуйджинé кхэтанé. ⁷ Нэ лы́я тэ ракирэ́л Исаáко Авраамóскэ, пэскирэ́ дадэ́скэ, и пхэндý: “Миро Дáдо! Ёв отпхэндý: “Гáда мэ сом, мро чха́ва.” Ёв пхэндý: “Гáда, яг и кашта́, кай исын бакро́ ваш схачкирибэ́н?” ⁸ И пхэндý Авраáмо: “Дэвэл латхэ́ла Пэ́скэ ваш цéло схачкирибэ́н бакрэ́с, мро чхавó.” И гинé дурэдýр кхэтанé. ⁹ И явнэ́ пэ штéто, пал савó Дэвэл пхэндý лэскэ, и кэрдý одóй Авраáмо алтáрэ, чхудý кашта́, и, спхандý пэскирэ́ чхавэ́с Исаакос, чхудý лэс упрé пэ кашта́ пэ алтáрэ. ¹⁰ И газды́я Авраáмо пэскиро́ васт, и лы́я чхури, соб (кай) тэ зачхинэл пэскирэ́ чхавэ́с. ¹¹ Нэ Дэвлэ́скиро Янгóло кхардý годлáса лэс болыбна́стыр и пхэндý: “Аврааме! Аврааме! Ёв пхэндý: “Гáда, мэ сом.” ¹² Янгóло пхэндý: “На гáздэ тырó васт пэ чхавэ́стэ и на кэр пэ лэстэ́ ничý; аканá Мэ джинóм (джина́в), со ту дарэ́са Дэвлэ́стыр и на тангиндýн пэскирэ́с чхавэ́с, савó тýtэ исын екх, ваш Мánгэ.” ¹³ И откэрдý Авраáмо пэскирэ́ якхá, и дыкхцý: и, гáда, със палáл бакро, савó запэ́нтындýпэ пэскирэ́ шэ́нгэнца (рогэ́нца) дрэ́ хрýсты (кусты). Авраáмо гия́, лы́я бакрэ́с, и яндý лэс пэ цéло схачкирибэ́н замéст пэскирэ́ чхавэ́стэ. ¹⁴ И ды́я лав Авраáмо долé штéтоскэ: Иго́ва-ирé (Яхвá-ирé). Палдава́ и аканá ракирэ́на: пэ бэ́рга Рай Дэвэл (Яхвá) явэ́ла дыкхно. ¹⁵ И явýр мо́ло ракирдý кэ Авраáмо болыбна́стыр Дэвлэ́скиро Янгóло, ¹⁶ и пхэндý: “Мэ Пэ́са совлаха́ва –, ракирэ́ла Рай Дэвэл –, со, адыкэ́ сыр ту кэрдýн дава́ рéндó (дéло), и на тангиндýн (на жалиндýн) пэскирэ́ чхавэ́с, савó тýtэ исын екх, ¹⁷ то Мэ бахтякирава́ тут, и барýякири, убарýякирава́ тырó рóдо, сыр чэргэ́нý пэ болыбэ́н, и сыр пра́хо пэ морёскиро́ (дэрьявэ́скиро) брэ́го; и прилэ́ла рóдо тырó пэскирэ́-вэ́ргэ́нгирэ́ фóрья; ¹⁸ и явэ́на бахтякирдэ́ пир тырó рóдо сарé пхувýякирэ́ манушы́тка рóды, пал-дова́, со ту кандýян Ми́рý зан.” ¹⁹ И Авраáмо риси́я кэ пэскирэ́ тэрнэ́-бэршэнгирэ́ манушá, и уштынé, и гинé кхэтанé дрэ́ Вирсáвия [Беэр-Шэ́ва-ю.о.]; и дживдý Авраáмо кэ Вирсáвия. ²⁰ Палó сарó дава́, со със, Авраамóскэ пхэндлэ́ нэвипэ́н: “Гáда, и Милка́ адыкэ́-паць бия́ндý Нахороскэ́, тырэ́ пшалэ́скэ, чхавэ́н: ²¹ Уцас, лэ́скирэ́ англатунэ́с, Вузас [Бузас-ю.о.], лэ́скирэ́ пшалэ́с, Кемуи́лос, Арамоскирэ́ дадэ́с, ²² Кеседос, Хазос, Пилдашос, Идлафос и Вафуи́лос”; ²³ Вафуи́лостýр бия́ндýя Ревéка. Адалэ́н охтó джинэ́н бия́ндý Милка́ Нахороскэ́, Авраамóскирэ́ пшалэ́скэ; ²⁴ и лэ́скири би-совлаха́кири джувлý (наложница), савý́я кхардэ́ Реума́, адыкэ́-паць бия́ндý Тевахос, Гахамос, Тахашос и Маахас.

Шэрó 23

Сарракиро Мэрибэн и Гараибэн

¹ Сárра дживдý пэ свэто шэл тэ биштээфта бэрш: гада, сыс лáкиро джиибэн. ² И мыя Сárра дрэ Кири́аф-Арба, со аканá исын Хевро́но, пэ Ханаанóскири пхув. И явдý Авраáмо тэ тугинэл ясвэнца, и тэ ровэл пал Сарратэ. ³ И отгий́ Авраáмо пэскирэ мулятыр, и ракирдý Хетоскирэ чхавэнгэ, и пхэндý: ⁴ “Мэ явдём и мэ дживáва машкёр тумэндэ; дэн мánгэ тэ явэл штэто ваш магила (кула) машкёр тумэндэ, соб (кай) мánгэ мирья муля тэ гаравав мирé якхэндý.” ⁵ Хетоскирэ чхавé отпхэндлэ́ Авраамóскэ и пхэндлэ́ лэскэ: ⁶ “Вышýн амэн, амарó раё; ту сан Дэвлэ́скиро тхагáри (князё) машкёр амэндэ; дрэ фэдыршо гараибны́тко штэто гарав тырья муля; никон амэндýр на отпхэнэла тукэ дро штэто ваш гараибэн тырэ мулякэ.” ⁷ Авраáмо уштыя, и кэрдý шэрэса (клониндяпэ) кэ пхув одолэ́ пхувья́кирэ манушэнгэ, Хетоскирэ чхавэнгэ; ⁸ и ракирдý лэнгэ и пхэндý: “Кóли тумэ камэна, соб (кай) мэ тэ гаравав мирья муля, тэды шунэн ман, мангэн пал мánдэ Ефронос, Цохароскирэ чхавэс, ⁹ соб (кай) ёв тэ дэл мánгэ Махпеласкири гебáр (пешчэра), сави́ лэстэ исын пэ лэскирэ-фэлдакиро ягóро (краё), соб (кай) пал лачхí тимíн (цэна) ла тэ отдэл мánгэ машкёр тумэндэ ваш гараибэн.” ¹⁰ Ефроно сыс бэштó машкёр Хетоскирэ чхавэндэ; и отпхэндý Ефроно Хетейнино Авраамóскэ ангил Хетоскирэ чхавэндэ, сарé кон сыс дрэ лэскирэ-форóскири пóрта, и пхэндý: ¹¹ “Над, миро хулаё, вышýн ман; мэ да́ва тукэ фэлда и дро гебáр (пешчэра), сави́ исын пэ латэ, мэ да́ва тукэ, ангил мирé-манушэнгирэ чхавэндэ мэ даринава ла тукэ, гарав тырья муля.” ¹² Авраáмо кэрдý шэрэса кэ пхув ангил одолэ́-пхувья́кирэ манушэндэ, ¹³ и пхэндý Ефроноскэ ангил манушэндэ: “Кóли камэса, мэ да́ва тукэ пал фэлда руп: лэ мánдыр, и мэ гаравава одóй мирья муля.” ¹⁴ Ефроно отпхэндý Авраамóскэ и пхэндý лэскэ: ¹⁵ “Мро раё! Вышýн ман: пхув исын мол штаршэ́ла руп; ваш мánгэ и ваш тукэ со да? Гарава́са тырья муля.” ¹⁶ Авраáмо вышундý Ефронос; и субладý (отважынды́) Авраáмо Ефроноскэ руп, ци бут ёв пхэндý ангил Хетоскирэ чхавэндэ, штардэ́ша шéкели руп, савó псирéла тылгарьендэ (купцэндэ). ¹⁷ И яцý Ефроноскири фэлда, сави́ сыс пашы́л Махпела, мамúй (проти) Мамре, фэлда и гебáр (пешчэра), сави́ сыс пэ латэ, и сарé вэша́, савэ сыс пэ фэлда и пашы́л межа трусця́л (кругом). ¹⁸ Авраáмо яцý хуласа ангил Хетоскирэ чхавэндэ, ангил сарэндэ, савэ заджанас дрэ далэ́-форóскири пóрта. ¹⁹ Палó сарó да́ва, Авраáмо гарадý пэскирýя ромнý Сárра, дрэ фэлдакири дро гебáр дрэ Махпела, мамúй Мамре, со аканá исын Хевро́но, пэ Ханааноскир пхув. ²⁰ Адýкэ яцýпэ́ Авраамóскэ Хетоскирэ чхавэнгирэ фэлда, и дро гебáр, сави́ исын пэ латэ, ваш гараибэн.

Шэрó 24

Тэрны́ ваш Исаакóскэ

¹ Авраáмо сыс пхурó и Рай Дэвэл бахтякирдý дро сарó Авраамос. ² И Авраáмо пхэндý лэскирэ писхарýскэ (рабоскэ), савó дрэ лэскиро кхэр сыс пхурыдыр (управляющчо), савó лыджия́ сарó хулаибэн, савó лэстэ сыс: “Чхув тырó васт тэл мирí гэрóй, ³ и совлахá мánгэ Рáса-Дэвлэ́са (Яхваса), болыбна́скирэ и пхувья́кирэ Дэвлэ́са, со ту на лэса мирé чхавэ́скэ ромнý Ханане́скирэ чха́ендыр, машкёр савэндэ мэ дживáва, ⁴ нэ ту джáса пэ мирí пхув, кай мэ бияндыём, и лэса мирé чхавэ́скэ Исаакóскэ ромнý.” ⁵ О писха́ри пхэндý лэскэ: “Сашты́ (могинэ́ла) тэ явэл, со на закамéла джувлы́ тэ джал мánца пэ да́я пхув, ци бангó мэ явáва тэ риско́рав тырэ чхавэс пэ пхув, савья́тыр ту выгиян?” ⁶ Авраáмо пхэндý лэскэ: “Ракхпэ, на рíскир мирé чхавэс одорíк; ⁷ Болыбна́скиро Рай Дэвэл, Дэвэл, Савó лыя́ ман мирé дадэ́скирэ кхэрэ́стыр и мирé пхувья́тыр, кай мэ бияндыём, Савó ракирдý мánгэ, и Савó мánгэ совлахадý, ракири́: ‘Родоскэ тырэ́скэ Мэ да́ва да́я пхув, – Ёв бичхавэ́ла Пэскирэ Янголóс ангил тýтэ, и ту лэса мирé чхавэ́скэ ромнý одотхýр’; ⁸ кóли джувлы́ на закамéла тэ

джал туса, ту явэса вольно мирэ совлахатыр; чхавэс мирэс на рíскир одорíк.”⁹ И чхудя писхари пэскиро васт тэл гэрóй Авраамóскэ, пэскирэ хулáскэ, и совлахадя лэскэ дро дава.¹⁰ И лыя писхари пэскирэ хулáскирэ верблюдэндýр дэш верблюды, и гия. Дрэ лэскирэ васта сыс кажна дрога вешчы (чысы) дро [кучипэна-р.с.] лэскирэ-хулáскирэ барвалыпнастыр. Ёв уштыя и гия дрэ Месопотамия, дро Нахороскиро фóро,¹¹ и тэрдякирдя верблюдэн пал фóро, пашыл ганýнг панéса, тэл бэльвэль дрэ дова часо, кели джана джувля палó пани тэ пхэрэн.¹² И пхэндя: “Раё Дэвлалэ, Дэвла мирэ хулáскэ Авраамóскиро! Бичхав ададывэс тэ дыкхавпэ мангэ, и кэр лачхипэн мирэ хулáскэ Авраамóскэ;¹³ гада, мэ сом тэрдó пашыл пани, и чхая, савэ дживэна кэ дава фóро, джана тэ пхэрэн пани;¹⁴ и чхаёри, савьякэ мэ пхэнава: “Бандякир тырó кхорó, мэ пъява нáбут”, и сави пхэнэла: ‘Пи, мэ и верблюдэнгэ тырэнгэ дава тэ пьён’, – гада, исын одоя, савья Ту выкэдыан Тырэскэ писхарискэ Исаакóскэ; и пир дава мэ уджинава, со Ту отлыджасапэ лачхипнаса кэ миро хулáй.”¹⁵ Ёв на пирияця тэ ракирэл, и, гада, выгия Ревéка, сави бияндя Вафуилостыр, Милкакирэ чхавэстыр, Нахороскирэ ромнятыр, Авраамóскирэ пшалэстыр, и кхорó (кувшыно) сыс пэ лáкиро псикó;¹⁶ патывалы тэрны джувлы сыс древán шукáр, патывалы чхай, сави на джиндя ромэс. Ёй гия тэлэ кэ ганýнг, пхэрдякирдя кхорó (кувшыно), и гия упрé.¹⁷ И писхари прастандыя тэ дыкхэлпэ ласа, и пхэндя: “Дэ мангэ тэ пъяв нáбут пани тырэ кхорэстыр.”¹⁸ Ёй жа пхэндя: “Пи, миро раё.” И мэкця тэлэ пэскиро кхорó (кувшыно) пэ пэскиро васт, и панякирдя лэс.¹⁹ И, кели ёй панякирдя лэс, то пхэндя: “Мэ кэдава пани и ваш тырэ верблюдэнгэ, пака ёнэ пьэна чалэс.”²⁰ И адай-паць ёй вычхудя пани кхорэстыр дрэ копана (корыто) верблюдэнгэ тэ пьён, и прастандыя нэвэстыр (нэвэс) кэ ганýнг палó пани, и кэдыя пани ваш сарэнгэ лэскирэ верблюдэндýр.²¹ Одова мануш дыкхця пэ латэ дивоса дро штылыпэн, и камдя тэ галёл, ци бахтякирдя Рай Дэвэл лэскиро дром, ци над.²² Кели верблюды пириячнэ тэ пьён, тэды одова мануш лыя сувнакуны чэн, пхарипнаса дрэ паш шéкелё, и дуй вастытка (браслеты) пэ лáкирэ васта, пхарипнаса дрэ дэш шéкели сувнакаса;²³ и пхэндя: “Конэскири сан ту, чхай? Пхэн мангэ, ци исын дрэ тырэ-дадэскиро кхэр штэто амэнгэ тэ ратькирас?”²⁴ Ёй пхэндя лэскэ: “Мэ сом Вафуилоскири чхай, Милкакирэ-чхавэскири, савэс ёй бияндя Нахороскэ.”²⁵ И бутыр пхэндя лэскэ: “Амэндэ исын бут пхус и хабэн мурдалэнгэ; и исын штэто, кай тэ ратькирэс.”²⁶ И бандия одова мануш и кэрдя шэрэса кэ пхув Рáскэ-Дэвлэскэ,²⁷ и пхэндя: “Тэ явэл бахтякирдó мирэ-хуласкиро Авраамóскиро Рай Дэвэл, Савó на ячкирдя мирэс хулáс Пэскирэ тангипнастыр и Пэскирэ чачипнастыр! Дэвэл чачунэ дромэса яндя ман кэ кхэр мирэ-хуласкиро, пшалэскиро кхэр.”²⁸ Патывалы тэрны джувлы прастандыя, и роспхэндя пал дава дрэ пэскирэ-дáкиро кхэр.²⁹ Ревекатэ сыс пшал, кхардэ лэс Лавáно. Лавáно выпрастандыя кэ одова мануш, кэ ганýнг.³⁰ И кели ёв дыкхця чэн и вастытка пэскирэ пхэнятэ пэ васта, и шундя Ревекакирэ лавá, пэскирэ пхэнякирэ, сави ракирдя: “Адыкэ ракирдя манца адава мануш; тэды явдя кэ мануш, и гада, ёв сыс тэрдó пашыл верблюдэндэ пашыл ганýнг;”³¹ то пхэндя: “Заджá, бахтякирдó Рáстыр-Дэвлэстыр, сóскэ ту сан тэрдó адай? Мэ кэдыём кхэр и штэто ваш верблюдэнгэ.”³² И загия мануш. Лавáно розмуздындя верблюдэн, и дыя пхус и хабэн верблюдэнгэ, и пани тэ морэл гэрá лэскэ и манушэнгэ, савэ сыс лэса;³³ и чхудо сыс ангил лэстэ хабэн; нэ ёв пхэндя: “Мэ на явава тэ хав, пака пхэнава пал пэскиро рэндо. И пхэндлэ: “Рáкир.”³⁴ Ёв пхэндя: “Мэ сом Авраамóскиро писхари (рабо);³⁵ Рай Дэвэл древán бахтякирдя мирэс хулáс, и ёв яця барэ мушэса: Ёв дыя лэскэ бакрэн и гурувэн, руп и сувнакай, писхарьён и писхарицэн, верблюдэн и ослэн;³⁶ Сáрра, мирэ-хуласкири ромны, кели сыс сарэса пхури, бияндя мирэ хулáскэ чхавэс, савэскэ ёв отдыя сарó, со исын лэстэ;³⁷ и миро хулáй лыя мандыр совлáх, и пхэндя: “На лэ мирэ чхавэскэ ромня Хананеёскирэ чхаэндýр, пэ пхув, кай мэ дживáва,³⁸ а джá дро мирэ-дадэскиро кхэр, кэ мирí сэмэнца, и лэса ромня мирэ чхавэскэ.”³⁹ Мэ пхэндём мирэ хулáскэ: “Сашты (могинэла) тэ явэл со на джала джувлы манца.”⁴⁰ Ёв пхэндя мангэ: “Рай Дэвэл, ангил Савэстэ мэ псирава, бичхавэла Пэскирэ Янголóс туса и бахтякирэла тырó дром, и лэса ромня мирэ чхавэскэ мирэ сэмэнцатыр и мирэ дадэскирэ кхэрэстыр;⁴¹ ту тэды явэса вольно (пси́ро) мирэ совлахатыр, кели спсирэса кэ мирí сэмэнца; и кóли ёнэ на дэна тукэ, тэды ту явэса вольно (пси́ро) мирэ совлахатыр.”⁴² И мэ аканá явдём кэ ганýнг, и

пхэндём: “Раё Дэвла! Дэвла мирé хуласкиро Авраамóскиро! Кóли Ту бахтякирэса дром, савó мэ кэрава, ⁴³ гада, мэ сом тэрдó пашы́л штéто, каты́р джа́ла пани́, и чхай явóла пал пани́, и савьякэ мэ пхэна́ва: ‘Дэ ма́нгэ на́бут тэ пъяв тырэ кхорэстыр’, ⁴⁴ и, сави́ пхэнэ́ла ма́нгэ: ‘И ту пи, и верблюдэн тырэн мэ паниякирава’, – гада, ромны́, савья́ Рай Дэвэл дья́ мирé-хуласкирэ чхавэ́скэ. ⁴⁵ Мэ на пирияцём тэ ракира́в дрэ мирí годы́, и, гада, вы́гия́ Ревéка и кхорó (гляко) пэ ла́киро псикó, и гия́ кэ га́нынг, и пхэ́рдя пани́; и мэ пхэндём ла́кэ: ‘Паниякир ман.’ ⁴⁶ Ёй дрэ дова́-паць часо злы́я пэскиро кхорó (гляко) пэстыр и пхэндя́: ‘Пи; и верблюдэн тырэн мэ паниякирава.’ И мэ пиём, и верблюдэнгэ ёй дья́ пани́. ⁴⁷ Мэ пхуцём ла́тыр и пхэндём: ‘Конэскири ту, чха́е?’ Ёй пхэндя́: ‘Вафуилоскири чхай, Нахороскирэ-чхавэ́скирэ, савэ́с лэ́скэ бияндя́ Милка [Милька-ю.о.].’ И мэ дыём ла́кэ чэн и васты́тка (корэ) пэ ла́кирэ васта́. ⁴⁸ И бандиём мэ шэрэ́са и дыём паты́в Ра́скэ-Дэвлэ́скэ, и бахтякирдём мирé хуласкирэ Авраамóскирэ Рас-Дэвлэ́с, Савó мамуе дромéса яндя́ ман, соб (кай) тэ лав мирé-хуласкирэ пшалэ́скирэ чха пал лэ́скирэ чхавэ́стэ. ⁴⁹ И, акана́ пхэнэн ма́нгэ, ци камэ́на тумэ́ тэ кэрэн лачхипэн и чачипэн мирé ра́скэ, ци над? Пхэнэн ма́нгэ, и мэ джа́ва дрэ екх риг ци дрэ я́йр.” ⁵⁰ И ракирдэ́ Лавано́ и Вафуило́, и пхэндлэ́: “Ра́стыр-Дэвлэ́стыр явдя́ дава́ рэндо; амэ на́шты́ (на моги́наса) тэ пхэ́нас тукэ́ анги́л ни чорипэн, ни лачхипэн. ⁵¹ Акэ́, Ревéка исын анги́л тута́; лэ́ и джа́; мэ́к ёй тэ́ явэл тырэ-хуласкирэ чхавэ́скэ ромня́са, сыр Рай Дэвэл пхэндя́.” ⁵² Кéли Авраамóскиро писха́ри шундя́ лэ́нгирэ́ лава́, тэды́ дья́ паты́в Ра́скэ-Дэвлэ́скэ, кéли кэ́рдя́ шэрэ́са кэ́ пхув. ⁵³ И вы́лыя́ писха́ри рупувэ́, и сувна́кунэ́ шука́рьякирибэ́на, и урибэ́на, и дья́ Реве́каэ́, адя́кэ-паць и ла́кирэ́ пшалэ́скэ́ и да́кэ́ дья́ барвалэ́ почасту́нки (подарки). ⁵⁴ Ханэ́ и пинэ́, ёв́ и ману́ша́, савэ́ сыс лэ́са, и я́чнэ́пэ́ тэ́ ратьки́рэн. Кéли ё́нэ́ ушты́нэ́ пэ́ зло́ко (пэ́ ра́нко), тэды́ ёв́ пхэндя́: “Отмэ́кэн ман кэ́ миро хула́й.” ⁵⁵ Нэ́ ла́киро́ пшал́ и ла́кири́ дай́ пхэндлэ́: “Мэ́к тэ́ явэл на́бут амэ́нца тэрны́ дывэ́са́ дэ́ш; кори́гэды́р (позжэ́) ёй́ джа́ла.” ⁵⁶ Ёв́ пхэндя́ лэ́нгэ́: “На́ зари́кирэн́ ман, пал-дова́ со́ Рай Дэвэл бахтяки́рдя́ миро́ дром; отмэ́кэн́ ман, и мэ́ джа́ва кэ́ миро хула́й.” ⁵⁷ Ё́нэ́ пхэндлэ́: “Кха́раса́ тэрня́ и пхуча́са, со́ ёй́ пхэнэ́ла” ⁵⁸ И кха́рдэ́ Реве́ка, и пхэндлэ́ ла́кэ́: “Ци́ джа́са́ ту адалэ́ ману́шэ́са?” Ёй́ пхэндя́: “Джа́ва.” ⁵⁹ И отмэ́кнэ́ Реве́ка, пэ́скирья́ пхэ́ня́, и джу́вля́, сави́ барья́ки́рдя́ ла́, и Авраамóскирэ́ писха́рис, и лэ́скирэ́ ману́шэ́н. ⁶⁰ И бахтяки́рдэ́ Реве́ка, и пхэндлэ́ ла́кэ́: “Ама́ри пхэ́нэ́! Мэ́к тэ́ бия́ндэ́н ту́тыр шэ́ла́ шэл, и мэ́к тэ́ хула́инэ́л тырэ́ – чхавэ́нгиро́ ро́до тырэ́ вэ́ргэ́нгирэ́ кхэ́рэнца́!” ⁶¹ И ушты́я́ Ревéка́ и ла́кири́ писха́рица́, и бэ́шнэ́ пэ́ верблюдэ́ндэ́, и тра́дынэ́ пал́ одолэ́стэ́ ману́шэ́стэ́. И писха́ри́ лы́я́ Реве́ка, и гия́. ⁶² А́ Иса́ако́ явдя́ Беэ́р-лахай́-роисты́р, пал-дова́ со́ ёв́ джи́вдя́ пэ́ паш-дывэ́сы́тко (ю́жно) пхув. ⁶³ Кéли́ я́ця́ бэ́львэ́ль, Иса́ако́ вы́гия́ пэ́ фэ́лда́ тэ́ обду́минэл; и газды́я́ пэ́скирэ́ я́хха́, и ды́кхця́: га́да, джа́на́с верблуды́. ⁶⁴ Ревéка́ поды́кхця́, и ды́кхця́ Иса́акос, и гия́ тэ́лэ́ верблудосы́р. ⁶⁵ И пхэндя́́ писха́рискэ́: “Кон́ исын́ ада́ва́ ману́ш, савó́ джа́ла́ пир́ фэ́лда́ гил́ (пэ́ стреч)́ амэ́нгэ́? Писха́ри́ пхэндя́: “Ада́ва́ исын́ миро́ хула́й.” И ёй́ лы́я́ учха́кирибэ́н, и чха́ки́рдя́пэ́. ⁶⁶ О́ писха́ри́ пхэндя́́ Иса́акоскэ́ сарó́, со́ кэ́рдя́. ⁶⁷ И́ Иса́ако́ лы́джия́́ ла́ дрэ́ Сарра́кири́ ша́тра, пэ́скирэ́-да́кири, и лы́я́ Реве́ка, и ёй́ я́ця́ лэ́скэ́ ромня́са, и ёв́ пока́мдя́ ла́; и Иса́ако́ пи́рия́ця́ тэ́ туги́нэл пал́ пэ́скирэ́ датэ́.

Шэ́ро 25

Авраа́мо и Хету́ра

¹ И́ Авраа́мо́ лы́я́ пэ́скэ́ яви́рья́ ромня́, савья́ кха́рдэ́ Хету́ра [Хету́ра-ю.о.]. ² Ёй́ бия́ндя́ лэ́скэ́ Зимра́нос, Екша́нос, Медано́с, Мадиа́нос, Ишба́кос и Шуа́хос. ³ Екша́носты́р бия́ндя́́ Шэ́ва́ и Де́дано. Де́даностэ́́ сыс́ чхавэ́́: Ашу́римо, Лету́шы́мо и Лею́мимэ. ⁴ Мадиа́носкирэ́ чхавэ́́ сыс: Э́фа, Эфе́ро, Ха́нохо, Ави́да и Елда́га. Са́рэ́ адалэ́́ чхавэ́́ Хету́ракирэ́. ⁵ И́ Авраа́мо́ отды́я́ са́рэ́, со́ лэ́стэ́́ сыс, Иса́акоскэ́, ⁶ А́ бисовла́хакирэ́-джу́вля́кирэ́ чхавэ́́нгэ́, савэ́́ сыс́ Авраа́мо́стэ́, Авраа́мо́ дья́́ почасту́нки́ (подарки), и отбичха́дя́ лэ́н Иса́акосы́р, пэ́скирэ́ чхавэ́́стыр, кéли́ ко́корó́ сыс́ джи́до́, пэ́ васто́ко, пэ́ да́я́ пхув. ⁷ Авраа́мо́ джи́вдя́́ пэ́ свэ́то́ шэл́ тэ́ э́фтадэ́ша́́ пандж́ бэ́рш; ⁸ и́ мы́я́ Авраа́мо́ дрэ́ лачхо́́ пху́рипэн, пху́ро́ и пхэ́рдэ́́ джи́ибна́са,

и причхудяпэ кэ пэскирэ манушá. ⁹ И лэскирэ чхавэ Исаáко и Измаило гарадэ лэс, дрэ Махпеласкири гебáр (пешчэра), пэ Ефроноскири фэлда, Цохароскирэ-Хетейиноскири, сави сыс мамуй (проти) Мамре, ¹⁰ пэ фэлда, сави Авраáмо киндя Хетоскирэ чхавэндыр. Одóй гарадэ Авраамос и Сáрра, лэскирýя ромнý. ¹¹ Палó (после) Авраамóскиро мэрибэн Дэвэл бахтиякирдý Исаакос, лэскирэ чхавэс. Исаáко дживдý пашыл Беэр-лахай-рои.

Измаилоскирэ и Исаакоскирэ Сэми (Ирья)

¹² Ѓáда, исын Измаилоскиро, Авраамóскирэ-чхавэскиро рóдо, савэс бияндý Авраамóскэ Агарь, Египтянка, Сарракири дына́рица (служица); ¹³ и, га́да, Измаилоскирэ-чхавэнгирэ лавá, пир лэнгиро рóдо, акэ, лэнгирэ лавá: англатунó Измаилоскиро сыс Наваёфо, пал лэстэ Кедаро, Адбеёло, Мивсамо, ¹⁴ Мишма, Дума, Масса, ¹⁵ Хададо, Фема, Етуро, Нафишо и Кедма. ¹⁶ Адалэ исын Измаилоскирэ чхавэ, и, акэ, лэнгирэ лавá, пэ штэты дрэ гаворэ, кай ёнэ дживдэ. Адалэ исын дэшудýй лэнгирэ-родоскирэ тхагáрья (князи). ¹⁷ Измаило дживдý пэ свéто шэл тэ трийнда эфтá бэрш; и мыя ёв, и причхудяпэ кэ пэскирэ манушá. ¹⁸ Ёнэ дживдэ Хавиластыр кэ Суро, со исын ангил Египто, сыр джáса кэ Асирия [Ашшур-ю.о.]. Ёнэ лынэ тэ дживэн ангил сарэндэ пэскирэ пшалэндэ. ¹⁹ Ѓáда, исын Авраамóскирэ-чхавэскиро Исаакоскиро рóдо. Авраамостыр бияндыя Исаáко. ²⁰ Исаакóскэ сыс штардэшá бэрш, кели ёв лыя пэскэ ромнý Ревека, Месопотамиятыр Вафуилоскирэ-Арамеяиноскирýя чха, Лаваноскирэ-Арамеяиноскирýя пхэня. ²¹ И Исаáко мангдýпэ Рáскэ-Дэвлэскэ пал пэскирэ ромнýтэ, пал-довá со латэ на сыс чхаворэ; и шундý лэс Рай Дэвэл, и лэскири ромнý Ревéка яцý пхари. ²² Чхаворэ андрэ лáкири лочови́ (утроба) ячнэ тэ марэмпэ, и ёй пхэндý: “Кóли адýкэ явэла, тэды ваш со мангэ дава?” И ёй гия тэ мангэл Рас-Дэвлэс. ²³ О Рай Дэвэл пхэндý лáкэ: “Дуй рáзна кхэрýтка рóды (плéми) исын дро тыри́ лочови́ (утроба), и дуй рáзна манушýтка нáции (народы) выджáна тырэ лочовýтыр; екх манушá явэна зоралэдыр явирэндыр, и пхурэдыр явэла тэ дынаринэл (тэ служынэл) тыкнэдыршонэскэ.” ²⁴ И лáкэ подгýя часо тэ биянэл: и, га́да, близняты (дүёрэ) сыс дрэ лáкири лочови́ (утроба). ²⁵ Англатунó выгýя сарó лолó, сыр цýпа, сарó дрэ балá; и дынэ лэскэ лав: Исáво. ²⁶ Палó (после) дава выгýя лэскиро пшал, савó ракирдýпэ пэскирэ вастэса пал Исавоскири пэнта (кхур); и сыс дынó лэскэ лав: Яково. Исаакóскэ сыс шовдэшá бэрш, кели ёнэ бияндынэ. ²⁷ Выбаринэ чхавэ, и яцý Исáво манушэса, савó роскэдэлáспэ дро мурдалэнгиро старибэн (охота), яцý фэлдытконэ манушэса; а Яково яцý шылонэ манушэса, савó дживдý пэ шáтры. ²⁸ Исаакóскэ сыс дрóго Исáво, пал-довá со ёв старэлáс и янэлáс тэ хал лэскэ пэскирэ дорэсыбнастыр, и дава сыс пир илó лэскэ; а Ревекакэ сыс дрóго Яково. ²⁹ И Яково кэрадя хабэн бобостыр (нуклэстыр); а Исáво явдý кхино фэлдатыр. ³⁰ И Исáво пхэндý Яковóскэ: “Дэ мангэ тэ хав дава лолó, пал-довá со мэ кхиныём.” Далэстыр лэс прокхардэ: Эдóмо. ³¹ Нэ Яково пхэндý: “Аканá бикин мангэ пэскиро англатунó бияныпэн.” ³² Исáво пхэндý: “Ѓáда, мэ мэрава; со мангэ дрэ дава англатунó бияныпнастыр?” ³³ Яково пхэндý: “Аканá совлáха мангэ.” Ёв совлахадý лэскэ, и бикиндý пэскиро англатунó бияныпэн Яковóскэ. ³⁴ И Яково дýя Исавоскэ марó и хабэн чэчэвицатыр; и ёв хая, и пия, и уштыя, и гия; и подыкхцý вучипнáстыр Исáво пэ англатунó бияныпэн.

Шэрó 26

Исаáко и Авимелéхо

¹ Сыс пэ пхув бокх, барэдыр англатунэ бокхáтыр, сави сыс, кели дживдý Авраáмо; и гия Исаáко кэ Авимелéхо, дро Гераро, кэ Филистимиякиро крáли. ² Рай Дэвэл сыкадыя лэскэ и пхэндý: “На джá дро Египто; джив пэ пхув, пал сави Мэ тýкэ пхэнава. ³ Псир пир сари́ пхув, и Мэ явава тýса, и бахтиякирава тут, пал-довá со тýкэ и тырэ родóскэ Мэ дава сари́ дая́ пхув, и Мэ рикирава совлáх, савýяса Мэ совлахадём Авраамóскэ, тырэ дадэскэ; ⁴ Мэ кэрава барó тырэ-чхавэнгиро рóдо, сыр болыбнáскирэ чэргэня, и тырэ родóскэ Мэ дава сарэ далэ пхувýя;

явэна бахтякирдэ дро тырo рoдо сарэ пхувьякирэ манушa. ⁵ Пал-довa со Авраамо кандыя Мирэ лавa и рикирдяпэ кэ сарo, со Мэ припхэндём тэ раххэн: Мирэ упхэныбэна, Мирэ статyты и Мирэ закoны.” ⁶ Исаако яця тэ дживэл кэ Гераро. ⁷ Одолэ штэтытка манушa пхучнэ лэстыр пал лэскирэ ромнятэ, и ёв пхэндя: “Давa исын мирi пхэн”, пал-довa со дарандыя тэ пхэнэл: ‘Ромнi мирi,’ соб (кай) тэ на замарэн ман адалэ штэтытка манушa пал Ревекатэ, думиндя ёв, пал-довa со ёй сыс шукaр. ⁸ Нэ кели ёв бут часо дживдя одой, о Авимелэхo, Филистимиякиро крaли, дыкхця дрэ фэнштра (дудали), и дыкхця, со Исаако броинэла Ревекаса, пэскирэ ромняса. ⁹ И Авимелэхo кхардя Исаакос, и пхэндя: “Гaда, ёй исын тырi ромнi, сыр дава ту пхэндян: ‘Ёй исын мирi пхэн’?” Исаако пхэндя лэскэ: “Пал-довa со мэ думиндём, тэ на мэрав мaнгэ пир лaтэ.” ¹⁰ Нэ Авимелэхo пхэндя: “Со дава ту амэнца кэрдян? Набут со и екх амарэ манушэндэр на пасия тырэ ромняса, и ту залыджасас амэн дро грэхo.” ¹¹ И Авимелэхo дыя упхэныбэн сарэ манушэнгэ, и пхэндя: “Кон чилавэла адалэ манушэс и лэскирья ромня, одовa явэла отдынo пэ мэрибэн.” ¹² И почхувэлас зярка дро доя пхув Исаако, и дро дова бэрш ёв дорэсця гив дрэ шэл мoлы бутыр: адякэ бахтякирдя лэс Рай Дэвэл. ¹³ И яця ёв барэ манушэса и бария дрэ патыв бутыр и бутыр кэ дова, со яця древaн славyтно. ¹⁴ Лэстэ сыс бут гурты, тыкнэ мурдалэн и табуны барэ кхэритконэ мурдалэн, и древaн бут фэлды тэ почхувэн гив, и Филистимляни лынэ лэскэ тэ дэн якхало (тэ завидынэн). ¹⁵ И сарэ ганынгa (колодцы), савэ выганадэ лэскирэ-дадэскирэ писхaрья, кели дживдя лэскиро дад Авраамо, Филистимляни зачхудэ и заганадэ пхувьяса. ¹⁶ И Авимелэхo пхэндя Исаакoскэ: “Джa пэскэ амэндэр, пал-довa со ту яцян пэ бут зоралэдыр амэндэр.” ¹⁷ И Исаако гия пэскэ одотхыр, чхудя шaтры пэ Герароскирэ дoло, и яця тэ дживэл одой. ¹⁸ И нэвэстыр выганадя Исаако ганынгa панэса, савэ сыс выганадэ, кели дживдя Авраамо, лэскиро дад, и савэ Филистимляни зачхудэ, кели мыя Авраамо и кхардя лэн долэ-паць лавэнца, савэнца лэскиро дад лэн кхардя. ¹⁹ И ганадэ Исаакоскирэ писхaрья дoло, и латхнэ одой ганынг джидэ панэса. ²⁰ И кошнэпэ Герароскирэ чхупнaрья (пастухи) Исаакоскирэнца, и ракирдэ: “Пани исын амарo.” И ёв кхардя ганынг лавэса: Есэко, пал-довa со сыс чингардa (споры) лэса пал лaтэ. ²¹ Выганадэ явiр ганынг; сыс чингардa адякэ-паць и пал лaтэ; и ёв кхардя ла лавэса: Ситна. ²² И ёв традыя пэскэ одотхыр, и выганадя явiр ганынг, пал савo на сыс чингардa; и кхардя лэс лавэса: Реховo, палдава ёв пхэндя: “Аканa пал лaтэ. Дэвэл амэнгэ дыя барo и буглo штэто, и амэн явэла бут пэ пхув.” ²³ Одотхыр ёв пиригия дрэ Вирсавия [Беёр-Шэба-ю.о.]. ²⁴ И дрэ доя рат сыкадыя лэскэ Рай Дэвэл, и пхэндя: “Мэ сом Дэвэл, тырэ-дадэскиро Аврамоскиро; на андырша, пал-довa со Мэ сом тyса; и Мэ бахтякирава тут, и Мэ кэрава тырэ-чхавэнгино рoдо, ваш Авраамoскэ, Мирэ писхaрыскэ.” ²⁵ И ёв кэрдя одой алтарё, и мангдяпэ Рaскэ-Дэвлэскэ. И чхудя одой пэскири шaтра, и Исаакоскирэ писхaрья выганадэ одой ганынг. ²⁶ Явдя кэ ёв Гераростыр Авимелэхo и Ахузафо, лэскиро дрyго (мал), и Фихоло, лэскирэ-халадэнгино барыдырo. ²⁷ Исаако пхэндя лэнгэ: “Ваш со тумэ явнэ кэ мэ, кели тумэнгэ на пир илo сoмас мэ и бичхадэ ман криг пэстыр?” ²⁸ Ёнэ пхэндлэ: “Амэ, чачэс, дыкхцям, со Рай Дэвэл исын тyса, и палдава амэ пхэндям: ‘Чхуваса машкирaл амэндэ и тyтэ совлах,’ и кэраса тyса доракирибэн (союзo), ²⁹ соб (кай) ту амэнгэ тэ на кэрэс чорипэн, сыр и амэ на чилавасас тут, а амэ кэрасас тyкэ екх лачхипэн и отмэцям тут раманэса (мирoса); аканa ту сан бахтякирдo Растыр-Дэвлэстыр.” ³⁰ Ёв кэрдя лэнгэ свэнкитко скамiнд, и ёнэ ханэ и пинэ. ³¹ И уштынэ тасярлэс пэ злoко, совлахадэ екх екхэскэ; и отмэкция лэн Исаако, и ёнэ гинэ лэстыр раманэса (мирoса). ³² Дро дова-паць дывэс явнэ Исаакоскирэ писхaрья, и роспхэндлэ лэскэ пал ганынг, савi ёнэ ганадэ, и пхэндлэ лэскэ: “Амэ латхям панi.” ³³ И ёв кхардя ла: Шыва. Пир дава лав далэ фороскэ Беер-Шыва (Беёр-Шэба) кэ дава дывэс. ³⁴ Исавоскэ сыс штардэшa бэрш, и лыя пэскэ ромня Егудифа, Беэроскирэ-Хетейиноскирья чха, и Васемафа, Елоноскирэ Хетейиноскирья чха; ³⁵ лэндэр сыс пхарипэн пэ годы Исаакoскэ и Ревекакэ.

Шэрó 27

Исаа́ко Бахтякирэ́ла Яковóс

¹ Кéли Исаа́ко яц́я пхурó, и лэскирэ́ якх́а ячн́е фуес тэ́ дыкх́эн, ёв кхард́я пэскирэ́ пхурыдыршонэ́ чхавэ́с Исавос и пхэнд́я лэскэ́: “Мро́ чх́ава!” Одо́ва пхэнд́я лэскэ́: “Ѓада, мэ́ сом.” ² Ёв пхэнд́я: “Ѓада, мэ́ яц́ём пхурó, мэ́ на джинóм (на джинáв) пэскиро́ мэрибны́тко дывэ́с; ³ лэ́ аканá тырэ́ частыра (орудии): колчано́ тырó, лúко́ тырó, дж́а пэ́ фэлда, и ухты́л (старав) ма́нгэ вэ́шэскирэ́ чириклен, ⁴ и кэ́рав ма́нгэ хаб́эн, савó мэ́ камáм, и ян ма́нгэ тэ́ хас, соб (кай) тут тэ́ бахтякирэ́л миро́ ило́, англэ́дыр сыр мэ́ мэ́рава.” ⁵ Ревéка шунд́я, кéли Исаа́ко ракирд́я пэскирэ́ чхавэ́скэ́ Исавоскэ́. И гия́ Исáво пэ́ фэлда тэ́ дорэ́сэл и тэ́ янэл вэ́шэскирэ́ чириклен (дич); ⁶ а Ревéка пхэнд́я пэскирэ́ чхавэ́скэ́ Яковóскэ́: “Ѓада, мэ́ шунд́ём, сыр тырó дад ракирд́я тырэ́ пшалэ́скэ́ Исавоскэ́: ⁷ ‘Ян ма́нгэ вэ́шэскирэ́ чириклен (дич) и кэ́рав ма́нгэ хаб́эн; мэ́ пириха́ва, и бахтякира́ва тут ангíл Растэ́-Дэвлэ́стэ́, ангíл миро́ мэриб́эн.’ ⁸ Аканá, мро́ чх́ава, шун мирé лавá, со мэ́ припхэ́нава тýкэ: ⁹ дж́а дрэ́ стада и лэ́ одотхýр ма́нгэ дуэ́н лачхиньконэ́н бузнорэ́н (козлэ́нкэ́н), и мэ́ кэ́равава лэ́ндыр тырэ́ дадэ́скэ́ хаб́эн, савó ёв камэ́ла, ¹⁰ а ту янэ́са тырэ́ дадэ́скэ́, и ёв пирихала́, соб (кай) тэ́ бахтякирэ́л тут ангíл лэ́скиро мэриб́эн.” ¹¹ Яково́ пхэнд́я Ревека́кэ́, пэскирэ́ да́кэ: “Исáво, миро́ пшал, исын ма́нуш балы́тко, а мэ́ сом ма́нуш би балэ́нгиро; ¹² сашты́ (могинэ́ла) тэ́ явэ́л, со чилава́ла ман миро́ дад; и мэ́ дрэ́ лэ́скирэ́ якх́а ява́ва сыр хоханю́ко, и кэ́рава пэ́ пэ́стэ́ прокошы́бэ́н, а на бахтякириб́эн.” ¹³ Лэ́скири дай пхэнд́я лэ́скэ́: “Мэ́к тэ́ явэ́л пэ́ ма́ндэ́ тырó прокошы́бэ́н, мро́ чх́ава, шун мирé лавá, и дж́а, ян ма́нгэ.” ¹⁴ Ёв гия́, и лы́я, и янд́я пэскирэ́ да́кэ; и лэ́скири дай кэ́радя хаб́эн, савó хая́ пир ило́ дад. ¹⁵ И Ревéка лы́я пэ́скирэ́ пхурэ́дыршонэ́скирэ́-чхавэ́скири Исавоски́ри фэ́дыр íдя, савí сыс ла́тэ́ дро́ кхэр, и ури́дя дрэ́ ла́тэ́ пэ́скирэ́ тыкнэ́дыршонэ́ чхавэ́с Яковóс; ¹⁶ а лэ́скирэ́ вастá и би балэ́нгири мэ́н обчхуд́я бузнэ́нгирэ́ (козля́тэ́нгирэ́) цы́паса; ¹⁷ хаб́эн и марó, савó ёй кэ́рд́я, ёй ды́я дрэ́ вастá пэ́скирэ́ чхавэ́скэ́ Яковóскэ́. ¹⁸ Ёв за́гия́ кэ́ пэ́скиро дад и пхэнд́я: “Миро́ да́до!” Одо́ва пхэнд́я: “Ѓада, мэ́ сом; кон ту́ сан, миро́ чхавó?” ¹⁹ Яково́ пхэнд́я пэ́скирэ́ дадэ́скэ́: “Мэ́ сом Исáво, англату́но́ тырó чхавó; мэ́ кэ́рдём, сыр ту ма́нгэ пхэнд́ян; ушты́, бэ́ш, и ха мирé вэ́шэскирэ́ чириклен, соб (кай) тэ́ бахтякирэ́л тырó ило́ ма́н.” ²⁰ И пхэнд́я Исаа́ко пэ́скирэ́ чхавэ́скэ́: “Сыр ту а́дякэ́ сы́гэс латх́ян, миро́ чхавó?” Ёв пхэнд́я: “Пал-до́ва со тырó Рай́ Дэвэ́л, Дэвэ́л, бичхад́я пэ́ дром ма́нгэ.” ²¹ Исаа́ко пхэнд́я Яковóскэ́: “Яв пашы́лэ́дыр, мэ́ чилава́ва тут, миро́ чхавó, ци́ ту сан, чачэ́с, миро́ чхавó Исáво, ци́ над?” ²² Яково́ подѓия́ кэ́ пэ́скиро дад Исаа́ко, и ёв чила́дя лэ́с, и пхэнд́я: “Зан (ѓлос), сыр Яковостэ́; а вастá, сыр вастá Исавостэ́.” ²³ И ёв на галы́я лэ́с, пал-до́ва со лэ́скирэ́ вастá сыс, сыр вастá Исавостэ́, лэ́скирэ́ пшалэ́стэ́, балэ́нца; и бахтякирд́я лэ́с, ²⁴ и пхэнд́я: “Ци́ ту сан миро́ чхавó Исáво?” Ёв отпхэнд́я: “Мэ́ сом.” ²⁵ И пхэнд́я Исаа́ко: “Подэ́ ма́нгэ, мэ́ пириха́ва мирé-чхавэ́скирэ́ вэ́шэскирэ́ чириклен (дич), соб (кай) тэ́ бахтякирэ́л тут миро́ ило́.” Яково́ поды́я лэ́скэ́, и ёв хая́; янд́я лэ́скэ́ и мол (вино), и ёв пия́. ²⁶ Исаа́ко, лэ́скиро дад, пхэнд́я лэ́скэ́: “Яв пашы́лэ́дыр, чамудэ́ ма́н, миро́ чх́ава.” ²⁷ Ёв подѓия́ и чамудя́ лэ́с. И сунга́дя Исаа́ко лэ́скирэ́ дýхо, и бахтякирд́я лэ́с и пхэнд́я: исын “Ѓада, дýхо исын мирé чхавэ́стыр, сыр фэлдаты́р кханды́пэ́н, савó бахтякирд́я Рай́ Дэвэ́л; ²⁸ мэ́к тэ́ дэл тýкэ́ Дэвэ́л болы́бна́скирэ́ пахлы́нятыр (росаты́р) и пхувы́якирэ́ тхулы́пнастыр, и бут марó и мол (вино); ²⁹ мэ́к тэ́ явэ́н дына́рьэ́нца тýкэ́ ма́нушы́тка расы́, и мэ́к тэ́ кэ́рэ́н шэ́рэ́са пэ́ пхув сэ́мэ́нцы́ тýкэ́; яв хула́са пэ́ тырэ́ пшалэ́ндэ́, и мэ́к тэ́ кэ́рэ́н шэ́рэ́са кэ́ пхув тýкэ́ тырэ́-да́кирэ́ чхавэ́; а кон ко́шэ́ла тут – явэ́ла ко́корó прокош́но́; кон бахтякирэ́ла тут – явэ́ла ко́корó бахтякирдó!”

Исаё́скиро Палату́но́ (Последнё́) Ужакириб́эн

³⁰ И сыс а́дякэ́: сыр фэ́ни (то́ка) кэ́рд́я Исаа́ко бахтякириб́эн пэ́ Яковостэ́, и сыр вы́гия́ Яково́ пэ́скирэ́ дадэ́стыр Исаакосты́р, то́ Исáво, лэ́скиро пшал, явд́я пэ́скирэ́ старибна́стыр (охотаты́р) пал вэ́шэскирэ́ чириклендэ́. ³¹ Кэ́радя и ёв а́дякэ́-па́ць хаб́эн, и янд́я пэ́скирэ́

дадэскэ, и пхэндя пэскирэ дадэскэ: “Ушты, мро дадо, и ха тырэ-чхавэскирэ вэшэскирэ чириклен, соб (кай) тэ бахтякирэл ман тыро ило.”³² Исаако, лэскиро дад, пхэндя лэскэ: “Кон ту сан?” Ёв пхэндя: “Мэ сом тыро чхаво, тыро англатуно Исаво.”³³ И издрандыя древан Исаако, и пхэндя: “Кон жа адава, саво яндя мангэ вэшэскирэ чириклен (дич), и мэ хаём сарэстыр, ангил сыр ту явдян, и мэ бахтякирдём лэс, ёв и явэла бахтякирдё.”³⁴ Исаво шундя пэскирэ дадэскирэ лавá, газдыя зоралы и древан кирки годла, и пхэндя пэскирэ дадэскэ: “Миро дадо! Бахтякир и ман.”³⁵ Нэ ёв пхэндя: “Тыро пшал явдя хохайбнаса и лыя тыро бахтякирибён.”³⁶ И пхэндя ёв: “Ци на палдава лэскэ дыно лав: Яково, со ёв ман дуй мо́лы облыджия? Ёв лыя миро англатуно бияныпён, и гада, аканá лыя миро бахтякирибён.” И пхэндя: “Наушто ту на мэкця́н мангэ бахтякирибён?”³⁷ Исаако отпхэндя Исавоскэ: “Гада, мэ чхудём лэс хуласа пэ тутэ, и сарён лэскирэ пшалён отдыём дро писхарибён (рабство) лэскэ, мэ дыём лэскэ маро́ и мол (вино); со мэ тэ кэрав ваш ту́кэ, миро чха́ва?”³⁸ Нэ Исаво пхэндя пэскирэ дадэскэ: “Наушто, миро дадо, тутэ исын екх бахтякирибён? Бахтякир и ман, миро дадо!” И газдыя Исаво пэскири зан, и зарондя.³⁹ И пхэндя Исаако, лэскиро дад, лэскэ: “Гада, пхувьякирэ тхулыпнастыр явэла джи́ибён тыро, и болыбна́скирэ пахлынятыр, со исын упрáл.”⁴⁰ И ту явэса тэ дживэс тырэ курталаса, и ту явэса тэ дынаринэс (тэ служынэс) тырэ пшалэскэ; нэ явэла часо, кели ту газдэсапэ пэ лэстэ и счхурдэса лэскиро га́мо трэ мэнятыр.”⁴¹ И древан лыя тэ на камэл Иса́во Яковос пал бахтякирибён, савэса лэскиро дад лэс бахтякирдя; и пхэндя Иса́во дрэ пэскиро ило: сыг явэна ро́ибнытка дывэса́ пал мирэ дадэстэ: и мэ замарава пэскирэ пшалэс, Яковос.⁴² И пиридынэ Ре́векакэ Исавоскирэ лавá, ла́кирэ-пхурэдыршонэскирэ чхавэскирэ; и ёй бичхадя́, и кхардя́ пэскирэ ты́кнэдыршонэс чхавэс Яковос, и пхэндя лэскэ: “Гада, Иса́во, тыро пшал, кэдэлапэ тэ замарэл тут; ⁴³ и аканá, миро чха́ва, кандэ мирэ лавá, ушты, наш кэ Лавáно, миро пшал, дро Харано, ⁴⁴ и джив лэстэ вари-саво́ часо, кэ дова́, сыр проджа́ла холы́ тырэ пшалэстэ, ⁴⁵ пака проджа́ла тырэ-пшалэскири холы́ пэ тутэ, и ёв бистрэла, со ту кэрдян лэскэ: тэды мэ бичхавáва, и мэ ла́ва тут одотхыр; ваш со мангэ дро екх дывэс тэ на́шава́ дуён тумэн?”⁴⁶ И пхэндя Ре́века Исаакоскэ: “Мэ на кама́м джи́ибён пал Хетоскирэ чхаендэ, ко́ли Яково лэ́ла чха палором Хетоскирэ чхаендыр, савэ исын адалэ пхувьякирэ чхаендыр, тэды кэ со мангэ и джи́ибён?”

Шэро́ 28

¹ И кхардя́ Исаа́ко Яковос, и бахтякирдя́ лэс, и припхэндя́ лэскэ, и пхэндя: “На лэ пэскэ Ханааноскирэ-чхаендыр ромня́. ² Ушты, джа́ дрэ Месопотамия, дро Вафуилоскиро кхэр, тырэ-да́киро дад, и лэ одотхыр пэскэ ромня́, Лаваноскирэ чхаендыр, тырэ-да́кирэ пшалэстыр; ³ Мэк Дэвэл Сарэзорьякиро, тэ бахтякирэл тут, мэк тэ бияндён бут ту́тыр, и мэк тэ явэл ту́тыр бут мануша́, мэк тэ явэн ту́тыр бут манушы́тка на́цыи (народы). ⁴ И мэк тэ дэл ту́кэ бахтякирибён Авраамоскиро, и тырэ-чхавэнгирэ родоскэ ту́са, соб (кай) ту тэ прилэс пхув сыр мэ́кно́ миштыпён, пэ сави́ ту са́нас чу́жо, сави́ Дэвэл дыя́ Авраамоскэ!”⁵ И отмэ́кця́ Исаа́ко Яковос, и ёв гия́ дрэ Месопотамия кэ Лавáно, Арамеяниноскирэ-Вафуилоскиро чхаво́, кэ Ре́векакиро пшал, Яковоскири и Исавоскири дай.

Иса́во Лэ́ла Палором Махалафа

⁶ Иса́во дыкхця́, со Исаа́ко бахтякирдя́ Яковос, и бичхадя́ лэс дрэ Месопотамия тэ лэл одотхыр пэскэ ромня́, и припхэндя́ лэскэ, пхэни́: “На лэ Ханааноскирэ чхаендыр ромня́;”⁷ и сыр Яково кандыя́ пэскирэ дадэс и да, то гия́ дрэ Месопотамия. ⁸ И дыкхця́ Иса́во, со Ханааноскирэ чхayá сыс на пир ило́ лэскирэ дадэскэ Исаакоскэ. ⁹ И гия́ Иса́во кэ Измаило, и лыя́ ромня́ пэскэ Махалафа, Измаилоскирья́ чха, Авраамоскирэ-чхавэскирэ, Наваифоскирэ (Нэваитофоскирэ) пхэня́, упрáл пэскирэ явирэ ромнендыр.

Дыкхибэн Яковоскэ Кэ Вефиль

¹⁰ Яково выгия Вирсавиятыр, и гия дро Харано, ¹¹ и явдя пэ екх штэто, и яцяпэ одой тэ ратькирэл, пал-дова со бэсця кхам. И лыя одолэ штэтостыр екх бар, и чхудя пэскэ тэл шэрó, и пасия пэ дова штэто. ¹² И дыкхця (дыя) сунэ: гада, стылба / укланй (лесвица) сыс тэрдэ пэ пхув, а лакиро вучипэн доджала кэ болыбэн; и, гада, Дэвлэскирэ Янгóлы газдэнапэ и джана тэлэ пир латэ. ¹³ И гада, Рай Дэвэл сыс тэрдó пэ латэ и ракирэлас: “Мэ сом Рай Дэвэл (Яхвá), Дэвэл Авраамóскиро, тырэ-дадэскиро, и Исаакоскиро Дэвэл. Пхув, пэ сави ту сан паштó, Мэ дава тукэ и тырэ-чхавэнгирэ родóскэ; ¹⁴ и явэла барó тырó родо, сыр пхувьякиро прахо; и ту явэса тэ дживэс дур аж кэ мórё (дэрьяв), и кэ вастóко, и кэ паш-рат, и кэ паш-дывэс; и бахтиякирэнапэ тугыр и тырэ родóстыр сарé кхэритка роды (плéми) пэ пхув; ¹⁵ и гада, Мэ сом туса, и Мэ зракхава тут, кай бы ту тэ на явэс, карик бы ту тэ на джас; и Мэ рискирава тут пэ дая пхув, Мэ на ячкирава тут, пака Мэ кэрава сарó пир дова, со Мэ тукэ пхэндём.” ¹⁶ Яково уштыя пэскирэ соибнастыр и пхэндя: “Чачэс, Рай Дэвэл исын пэ дава штэто; а мэ на джиндём!” ¹⁷ И страхадыя и пхэндя: “Сыр дарано исын дава штэто! Давá нисó явйр, сыр Дэвлэскиро Кхэр, а дава исын болыбнаскири порта (враты).” ¹⁸ И уштыя Яково тасярлэс (ранэс) пэ злóко, и лыя бар, савó ёв чхудя пэскэ тэл шэрó сыр шэрэнд, и чхудя лэс сыр рипирибнытко стылбо (помнико); и чхудя упрé пэ лэстэ елеё (оливйтко дзэт). ¹⁹ И кхардя дова штэто: Вефиль [Бэт-Эль-ю.о.], а англэдыр долé-форóскиро лав сыс: Лузо. ²⁰ И дыя Яково совлах и пхэндя: “Со Дэвэл тэ явэл манца, и Ёв зракхэла дрэ дава дром ман, дрэ савó мэ джава, и дэла мангэ тэ хав марó и идя тэ урьявпэ, ²¹ и мэ дро рамáнё (миро) рисёвава дрэ мирé-дадэскиро кхэр, и явэла Рай Дэвэл мирé Дэвлэса, ²² то дава бар, савó мэ чхудём сыр рипирибнытко стылбо (помнико), явэла Дэвлэскирэ Кхэрэса; и сарóстыр, со Ту, Дэвла, дэса мангэ, мэ дава Тукэ дэшто паш.”

Шэрó 29

Яково Дыкхэлапэ Рахияса

¹ И уштыя Яково пэ гэрá и гия пэ вастокоскирэ-чхавэнгири пхув. ² И дыкхця: гада, пэ фэлда ганынг, и одой сыс трин стады бакрэн, савэ сыс паштэ пашыл латэ; пал-дова со долé ганынгатыр панякирдэ стады бакрэнгирэ. Пэ ганынгакиро тхадыпэн сыс барó бар. ³ Кéли скэдэнаспэ одорйк сарé гурты, равэнас криг бар ганынгакирэ тхадыпнастыр и панякирдэ бакрэн, палó дава нэвэс чхудэ бар пэ лэскиро штэто. ⁴ Яково пхэндя лэнгэ: “Мирé пшалалэ! Катыр тумэ сан?” Ёнэ пхэндлэ: “Амэ сам Хараностыр.” ⁵ Ёв пхэндя лэнгэ: “Ци джинэна тумэ Лаванос, Нахороскирэ чхавэс?” Ёнэ пхэндлэ: “Джинаса.” ⁶ Ёв пхэндя лэнгэ: “Ци исын састó ёв? Ёнэ пхэндлэ: “Састо; и, гада, лэскири чхай, Рахиль, джала бакрэнца.” ⁷ И ёв пхэндя: “Акэ, дывэс исын барó; нанэ часо тэ скэдэс гурувэн; панякирэн бакрэн, и чаравэн.” ⁸ Ёнэ пхэндлэ: “Амэ нашты (на могонаса), пака притрадена сарó ското (кхэритконé мурдалэн), и равэна криг бар ганынгатыр; тэньчи амэ яваса тэ панякирас бакрэн.” ⁹ Ёв ракирдя дурэдыр лэнца, сыр явдя Рахиль пэскирэ дадэскирэ бакрэнца, пал-дова со ёй чарадя лэн. ¹⁰ Кéли Яково дыкхця Рахия, Лаваноскирья чха, пэскирэ-дакирэ пшалэскирья, то тэды подгия Яково, радя криг бар ганынгатыр и панякирдя Лаваноскирэ бакрэн, пэскирэ дакирэ и бакрэн Лаваноскирэн пшалэскирэн. ¹¹ И чамудя Яково Рахия, и газдыя пэскири зан и зарондя. ¹² И пхэндя Яково Рахиякэ, со ёв исын сэмэнца лакирэ дадэскэ, и со ёв исын Ревеакиро чхавó. А ёй прастандыя, и пхэндя пэскирэ дадэскэ. ¹³ О Лавáно, сыр шундя пал Яковостэ, пэскирэ-пхэнякирэ чхавэстэ; то прастандыя муял (гил) лэскэ, облыя лэс, и чамудя, и яндя лэс дрэ пэскиро кхэр; и ёв роспхэндя Лаваноскэ дава сарó. ¹⁴ Лавáно пхэндя лэскэ: “Чачэс, ту сан кокало миро и лоч (плоть).” И дживдя лэстэ Яково сарó чхон.

Яково Лэла Палором Лия и Рахиль

¹⁵ И Лавано пхэндя Яковоскэ: “Наушто ту би плэскирибнаскиро явэса тэ дынаринэс (тэ служынэс) мангэ, пал-довá со ту сан сэмэнца? Пхэн мангэ, со́са тэ плэскирав тукэ?” ¹⁶ Лаваностэ сыс дуй чхэй; пхурэдыршонакиро лав: Лия; тыкнэдыршонакиро лав: Рахиль. ¹⁷ Лия дыкхця фуес, а Рахиль сыс шукáр стэмáса (станóса) и сыс шукáр мо́са. ¹⁸ Яковоскэ яця пир ило́ (ёв покамдя) Рахиль, и пхэндя: “Мэ явáва тэ дынаринав тукэ эфта́ (битринэнгиро дэш) бэрш пал Рахиятэ, тырэ-тыкнэдыршонэ чхатэ.” ¹⁹ Лавано пхэндя: “Мангэ исын фэды́р тэ отдав ла пал тутэ, сыр ла тэ отдав пал савóстэ явирéстэ; джив мандэ.” ²⁰ Яково дынариндя пал Рахиятэ эфта́ бэрш; нэ ёнэ сыкадынэ лэскэ пал вари-кицы́ дывэса́, пал-довá со лэскэ сыс пир ило́ ёй. ²¹ И пхэндя Яково Лаваноскэ: “Дэ мирья ромня́, пал-довá со мангэ подгия́ часо (цы́ро), соб (кай) тэ заджав кэ ёй.” ²² О Лавано кхардя́ сарэн манушэ́н долэ штэ́тостыр и кэрдя́ бьяв. ²³ Бэ́львэ́ляса ёв лыя́ пэскирья́ чха́ Лия и яндя́ ла кэ ёв; и загия́ кэ ёй Яково. ²⁴ И Лавано дыя́ пэскирья́ дына́рица Зельфа́ пэскирэ́ чхакэ́ Лиякэ́. ²⁵ И сыс адя́кэ: пэ тася́рла (ранкостыр), акэ́, ёв дыкхця́, со дава́ сыс Лия. И пхэндя Лаваноскэ: “Со да ту кэрдян́ манца́? Ци на пал Рахиятэ́ мэ дынариндём́ тутэ́? Пал со ту хохадян́ ман?” ²⁶ Лавано пхэндя: “Нашты́ адя́кэ тэ кэ́рас пэ амаро́ штэ́то, соб (кай) тыкнэдыршона́ чха́ тэ отдас палором́ англэды́р пхурэдыршонаты́р; ²⁷ джив курко́ адаляса́; пало́ дава́ мэ да́ва тукэ́ и одолья́, пал дынарибэ́н, саво́ ту явэса́ тэ дынаринэс́ нэвэ́стыр явир́ эфта́ бэрш.” ²⁸ Яково адя́кэ и кэрдя́, и дживдя́ курко́ адаляса́. И Лавано дыя́ Рахия́, пэскирья́ чха́, лэскэ́ дрэ ромня́тэ. ²⁹ И Лавано дыя́ пэскирья́ дына́рица (слуги́ца) Вала́ пэскирэ́ чхакэ́ Рахия́кэ. ³⁰ Яково загия́ и кэ Рахиль, и ёв камдя́ буты́р Рахия́, сыр Лия; и сыс ёв дына́риса лэ́стэ явир́ эфта́ (битринэнгиро дэш) бэрш.

Яковоскирэ Чхавэ́

³¹ Кэ́ли Дэвэ́л дыкхця́, со ёв древа́н на камдя́ Лия, то отчхаки́рдя ла́кэ лочови́ (утроба), а Рахиль сыс бичхаворэнги́ри. ³² Лия пхария́ и бияндя́ чхавэ́с, и дыя́ лэскэ́ лав: Рувимо́, пал-довá со ёй пхэндя́: “О Рай Дэвэ́л дыкхця́ миро́ пхаро́ джи́ибэ́н, акана́ явэ́ла миро́ ром тэ камэл́ ман.” ³³ И явир́ мо́ло ёй яця́ пхари́, и бияндя́ чхавэ́с, и пхэндя́: “О Рай Дэвэ́л шундя́, со ман ром на камэ́ла, и дыя́ мангэ́ явирэ́с.” И дыя́ лэскэ́ лав: Симео́но (Семёно). ³⁴ И трито́ мо́ло яця́ пхари́, и бияндя́ чхавэ́с, и пхэндя́: “Акана́ припхандэ́лапэ́ кэ мэ́ миро́ ром; пал-довá со мэ́ бияндём́ лэскэ́ тринэ́н чхавэ́н.” Кодолэ́скэ тритонэ́скэ дыно́ лав: Ле́виё. ³⁵ И штáрто мо́ло яця́ пхари́, и бияндя́ чхавэ́с, и пхэндя́: “Акана́ мэ барья́кирава́ славáса Рас-Дэ́влэс.” Палдава́ дыя́ лэскэ́ лав: Юда́. И пи́рияця́ тэ биянэ́л.

Шэро́ 30

¹ И дыкхця́ Рахиль, со ёй на биянэ́ла чхавэ́н Яковоскэ́, и Рахиль дыя́ якхало́ пэскирэ́ пхэ́някэ́, и пхэндя́ Яковоскэ́: “Дэ мангэ́ чхавэ́н; а ко́ли на адя́кэ, то мэ́ мэра́ва.” ² Яково хо́лясыя́ пэ Рахия́тэ и пхэндя́: “Со мэ́ сом Дэвэ́л, Саво́ на дыя́ тукэ́ чхавэ́н?” ³ Ёй пхэндя́: Га́да, исын ми́ри дына́рица Вала́; заджа́ кэ ёй; мэ́к ёй тэ биянэ́л пэ ми́рэ чанга́, соб (кай) и ма́ндэ тэ явэ́л ла́тыр чхавэ́.” ⁴ И дыя́ ёй Вала́, пэскирья́ дына́рка лэскэ́ ромня́са; и загия́ кэ ёй Яково. ⁵ Вала́ яця́ пхари́, и бияндя́ Яковоскэ́ чхавэ́с. ⁶ И Рахиль пхэндя́: “Обсэ́ндиндя́ ман Дэвэ́л, и шундя́ ми́ри зан (глю́с), и дыя́ мангэ́ чхавэ́с.” Палдава́ дыя́ лэскэ́ лав: Дано́. ⁷ И нэвэ́стыр яця́ пхари́ и бияндя́ Вала́, Рахия́кири дына́рица, явирэ́ чхавэ́с Яковоскэ́. ⁸ И Рахиль пхэндя́: “Барэ́ зорья́са мэ́ пробиндём́ зорья́ пэскирэ́ пхэ́няса́ и пи́ризорья́кирдём́ ла.” И дыя́ лэскэ́ лав: Нефа́лимо. ⁹ Лия дыкхця́, со ёй пи́рияця́ тэ биянэ́л, и лыя́ пэскирья́ дына́рка Зельфа́, и дыя́ ла Яковоскэ́ ромня́са. ¹⁰ И Зельфа́, Лия́кири дына́рица, бияндя́ Яковоскэ́ чхавэ́с. ¹¹ И Лия пхэндя́: “Яця́ буты́р.” И дыя́ лэскэ́ лав: Гадо́. ¹² И Лия́кири дына́рица Зельфа́ бияндя́ явирэ́ чхавэ́с Яковоскэ́. ¹³ И пхэндя́ Лия: “Ба́хт мангэ́; палдава́ явэ́на тэ кха́рэн ман́ джувля́ “бахта́ляса.” И дыя́ лэскэ́ лав: Асиро́. ¹⁴ Рувимо́ гия́ дро дова́ часо́, кэ́ли укэ́дэна́с маро́

фэлдатыр, и латхя мандрагорытка пхаба пэ фэлда, и яндя лэн пэскирэ дакэ Лиякэ. И Рахиль пхэндя Лиякэ: “Дэ мангэ тырэ чхавэскирэ мандрагоры.”¹⁵ Нэ ёй пхэндя лакэ: “Наушто наухтылла (надоси) тукэ дова, со ту закэдыан мирэ ромэс, со ту камэса тэ закэдэс и мандрагоры мирэ чхавэскирэ?” Рахиль пхэндя: “Адякэ мэк ёв тэ пасёл дая рат туса, пал тырэ-чхавэскирэ мандрагоры.”¹⁶ Яково явдя бэльвэлэ фэлдатыр, и Лия выгия гил (пэ стреч) лэскэ, и пхэндя: “Заджа кэ мэ; пал-дова со мэ тут киндём пал мирэ-чхавэскирэ мандрагоры.” И пасия ёв ласа дрэ дая рат.¹⁷ И шундя Дэвэл Лия, и ёй яця пхарі, и бияндя Яковоскэ панджтонэ чхавэс.¹⁸ И пхэндя Лия: “Дэвэл дыя мангэ палэ, пал-дова со мэ дыём пэскир्या дынарица пэскирэ ромэскэ.” И дыя лэскэ лав: Исахаро.¹⁹ И нэвэстыр Лия яця пхарі, и бияндя Яковоскэ шовтонэ чхавэс.²⁰ И пхэндя Лия: “Дэвэл мангэ дыя най фэдыр миштышэн; аканá явэла тэ дживэл мандэ миро ром, пал-дова со мэ бияндём лэскэ шовэн чхавэн.” И дыя лэскэ лав: Завулоно.²¹ Коригэдыр (позжэдыр) ёй бияндя чха: и дыя лакэ лав: Дина.²² И лыя тэ пририпирэл Дэвэл пал Рахиятэ, и шундя ла Дэвэл, и отчхакирдя лакири лочові (пэр).²³ Ёй яця пхарі, и бияндя чхавэс, и пхэндя: “Дэвэл злыя мирі ладж.”²⁴ И дыя лэскэ лав: Иосифо (Ёза) и пхэндя: “Рай Дэвэл дэла мангэ и явирэс чхавэс.”²⁵ Коригэдыр (позжэдыр) долэстыр, сыр Рахиль бияндя Иосифос (Ёзас), Яково пхэндя Лаваноскэ: “Мэк ман, и мэ джава пэ пэскиро штэто и пэ пэскири пхув; ²⁶ отдэ мирэ ромнэн и чхавэн, пал савэндэ мэ дынариндём тукэ, и мэ джава; пал-дова со ту джинэса мирі буты, саві мэ кэрдём тукэ.”²⁷ И пхэндя Лавано лэскэ: “Кóли мэ тэ латхав ласка ангил тырэ якха, мэ лыём пэ якх, со пал тутэ Рай Дэвэл бахтиякирдя ман.”²⁸ И пхэндя: “Пхэн, кицы тэ плэскирав, и мэ дава.”²⁹ И пхэндя Яково лэскэ: “Ту джинэса, сыр мэ дынариндём тукэ, и савэ ячнэ тырэ кхэритка мурдала ангил мандэ; ³⁰ пал-дова со набут сыс кхэритка мурдала тутэ ангил мандэ, а аканá яця бут; Рай Дэвэл бахтиякирдя тут мирэ явибнаса; кели мэ явава тэ кэрав буты ваш пэскиро кхэр?”³¹ И пхэндя Лавано: “Со тэ дав тукэ?” Яково пхэндя: “На дэ мангэ ничі. Кóли екх мангэ кэрэса, со мэ пхэнава, тэды мэ нэвэстыр явава тэ чаравав и тэ ракхав тырэ бакрэн.”³² Мэ ададывэс проджава пир сарó тырэ-бакрэнгино гурто (стада); отлэ лэндыр разнонэ крапинкэнца и пятнэнца ското, сарó калó ското бакрендыр, адякэ-паць пятнэнца и крапинкэнца бузнэндыр (козэндыр). Дасаво ското явэла мангэ сыр мазури (награда).³³ И явэла тэ ракирэл пал мандэ ангил тутэ миро чачипэн дро часо, савó явэла, ту явэса тэ дыкхэс пэ мазури (награда) мирі. Кажно бузнэндыр на крапинкэнца и на пятнэнца, и бакрендыр, савэ исын накалэ, дава явэла сырбы чордо мандэ.”³⁴ Лавано пхэндя: “Мишто, мэк тэ явэл пир тырó лав.”³⁵ И отлыя дро дова дывэс бузнэн крапинкэнца и пятнэнца, и сарэн бузнэн крапинкэнца и пятнэнца, пэ савэндэ сыс вари-кицы парныпэн, и сарэн калэн бакрэн, и отдыя лэн пэ пэскирэ-чхавэнгирэ вастá; ³⁶ и сыкадя длэнгипэн машкір пэстэ и Яковостэ пэ тринэ-дывэсытко дром. Яково рахця Лаваноскиро тыкно ското, савó яцяпэ.³⁷ Яково лыя ялэ (свяжа) тополёскирэ рандёрья миндалёстыр и яворостыр, и вычхиндя пэ лэндэ парнэ дроморэ, злыя кэ парныпэн кора (чалка), саві сыс пэ рандёрья, ³⁸ и чхудя рандёрья вычхиныбнаса ангил ското дрэ панитка чараибнытка (корыты), карик ското явэлас тэ пьёл, и кай яви тэ пьёл, пхарьёлас ангил рандёрья.³⁹ И пхарьёлас ското ангил рандя, и бияндёлас (лотёлас) ското рябо, и крапинкэнца, и пятнэнца.⁴⁰ И отлыя Яково бакрорэн и чхудя мо́са ското кэ рябо и кэ сарó калó Лаваноскиро ското; и рикирдя пэскирэ гурты (стады) дрэ риг, и на чхудя кхэтанэ лэн Лаваноскирэ скотоса.⁴¹ Кажно мо́ло, кели пхарьёлас зоралó ското, Яково чхувэлас рандёрья дрэ чараибнытка (корыты) ангил скотоскирэ якха, соб (кай) ёв тэ пхарьёл ангил рандёрья.⁴² А кели пхарьёлас назорало ското, тэды ёв на чхудя. И Лаваноскэ ячэласпэ назорало ското, а зоралó Яковоскэ.⁴³ И кэрдяпэ дава мануш древан барвалó, и сыс лэстэ бут тыкно кхэритка мурдала (тыкно ското), и дынарицэн, и дынарьён, и верблюдэн, и ослэн.

Шэрó 31

Яково Нашэла Лаваностыр

¹ И шундя Яково Лаваноскирэ-чхавэнгирэ лавá, савэ ракирдэ: “Яково лыя пэскэ сарó, со сыс амарэстэ дадэстэ, и амарэ-дадэскирэ миштыпнастыр кэрдя сарó дава барвалыпэн.” ² И Яково дыкхця Лаваноскиро муй, и гада, ёв на сыс дасаво кэ ёв, сыр сыс тася. ³ И Рай Дэвэл пхэндя Яковóскэ: “Рисёв пэ тырэ-дадэнгири пхув, кай ту бияндыян; и Мэ явава туса.” ⁴ И бичхадя Яково, и кхардя Рахилья и Лия пэ фэлда, кэ пэскири тыкнэ-кхэритконэ-мурдалэнгири стада, ⁵ и пхэндя лэнгэ: “Мэ дыкхава тумарэ-дадэскиро муй, со ёв кэ мэ исын на дасаво, сыр сыс тася; нэ мирэ-дадэскиро Дэвэл сыс манца; ⁶ тумэ джинэна кокорэ, со мэ сарэ зорьятыр дынариндём тумарэ дадэскэ, ⁷ а тумарó дад хохадя ман и дэш мóлы пирипарудя мирí мазури (награда). Нэ Дэвэл на дыя лэскэ тэ кэрэл чорипэн мангэ.” ⁸ Кéли ёв пхэндя: ‘Со кхэритка мурдалá (ското) крапинкэнца явэла тукэ дрэ мазури,’ тэды сарó ското лыя тэ бияндёл крапинкэнца. А кéли ёв пхэндя: “Ряба явэна тукэ дрэ мазури, тэды сарó ското бияндя ряба.” ⁹ И Дэвэл отлыя тумарэ дадэстыр ското, и дыя мангэ. ¹⁰ Екхвар дрэ дасаво часо, кéли ското пхарьёла, мэ поддыкхцём, и дыкхцём дро сунó, и гада, бузнэ (козлы), газдынэпэ пэ бузнэндэ, ряба крапинкэнца и пятнэнца. ¹¹ Дэвлэскиро Янгóло пхэндя мангэ дро сунó: “Яково!” Мэ пхэндём: “Гада, мэ сом.” ¹² Ёв пхэндя: “Газдэ тырэ якхá и подыкх: сарэ бузнэ, савэ газдынэпэ пэ ското, ряба крапинкэнца и пятнэнца, палдава Мэ сарó дыкхава, со Лавáно кэрэла туса; ¹³ Мэ сом Дэвэл, Савó сыкадыя тукэ дро Вефíлэ, кай ту чхудян елеё (оливíтко дзэт) пэ рипирибнытко стылбо (помнико), и кай ту Мánгэ дыян лав; аканá, ушты, выджа далэ пхувьятыр и рисёв пэ тыри пхув, кай ту бияндыян.” ¹⁴ Рахíль и Лия пхэндлэ дро отпхэныбэн лэскэ: “Ци исын вари-савí паш ци мэкнó миштыпэн амэнгэ дро амарэ-дадэскиро кхэр? ¹⁵ Ци на пал пэскирэндэ ёв амэн гинэла? Пал-довá со ёв бикиндя амэн, и прохая амарó руп; ¹⁶ пир сарó барвалыпэн, савó отлыя Дэвэл амарэ дадэстыр, исын амарó и амарэ чхавэнгирэ, и адякэ сарó кэр, со Дэвэл пхэндя тукэ.” ¹⁷ Тэньци уштыя Яково, чхудя пэ верблюдэндэ пэскирэ чхавэн и ромнэн, ¹⁸ и лыя пэса сарó пэскиро барвалыпэн и сарó пэскиро ското, савó ёв дорэсця, лэскиро барвалыпэн, савó ёв лыя пэскэ дрэ Месопотамия, соб (кай) тэ джал кэ Исаáко, пэскиро дад, пэ Ханаанóскири пхув. ¹⁹ И сыр Лавáно гия тэ подчхинэл пэскиро тыкнó ското (бакрэн), тэды Рахíль чордя íдолы, савэ сыс лакирэ дадэстэ. ²⁰ Яково чордя Лаваностыр Арамеяниностэ илó, пал-довá со ёв на пхэндя лэскэ, со джáла. ²¹ И гия ёв лэстыр сарэса, со лэстэ сыс; и уштыи, пиригия рэка (лэнь) и гия кэ бэрга Галаáдо.

Лавáно Традэлапэ пал Яковостэ

²² Пэ трíто дывэс Лаваноскэ пхэндлэ, со Яково гия лэстыр. ²³ Тэды ёв лыя пэса сарэн пэскирэн сэмэнцэн, и традыяпэ пал лэстэ эфтá дывэсá, и дотрадыя лэс пэ бэрга Галаáдо. ²⁴ И Дэвэл явдя кэ Арамеянино Лавáно раты дро сунó, и пхэндя лэскэ: “Ракхпэ, на ráкир Яковóскэ ни лачхипэн, ни чорипэн.” ²⁵ И дотрадыя Лавáно Яковóс; а Яково чхудя пэскири шáтра пэ бэрга, и Лавáно чхудя шáтра пэскирэ сэмэнцаса пэ бэрга Галаáдо. ²⁶ И Лавáно пхэндя Яковóскэ: “Со ту кэрдян? Ваш со ту хохадян ман и лыджиян пэса мирэ чхаён, сыр пленнонэн, савэн лэна курталáса. ²⁷ Сóскэ ту чораханэс настан, и гарадыян мандыр, и на пхэндян мангэ? Мэ отмэкавас тут скаминдэса и гиленца, тимпаноса и гусленца; ²⁸ ту на дыян мангэ тэ чамудав пэскирэ ўнукэн и чхаён; на годьварэс ту кэрдян. ²⁹ Исын дрэ миро васт зор тэ кэрáв тумэнгэ чорипэн; нэ тырэ-дадэскиро Дэвэл тася ракирдя кэ мэ и пхэндя: ‘Ракхпэ, на ráкир Яковóскэ ни лачхипэн, ни чорипэн.’ ³⁰ Нэ мэк ту гиян мандыр, пал-довá со ту древáн закамдян тэ явэс дрэ тырэ-дадэскиро кхэр: палсó ту чордян мирэ дэвлорэ?” ³¹ Яково отпхэндя Лаваноскэ и пхэндя: “Мэ дарандыём (дардёмпэ), мэ думиндём, соб (кай) ту тэ на отлэс пэскирэ чхаён мандыр, ³² конэстэ ту латхэса тырэн дэвлорэ, одовá на явэла джидó. Ангíл амарí сэмэнца пхучпэ, со мандэ исын, и лэ пэскэ.” Яково на джиндя, со

Рахиль лэн чордя. ³³ И псирдя Лавано дрэ Яковоскири шатра, и дрэ Лиякири шатра, и дрэ дуё-дынарицэнгири шатра, нэ на латхя. И выгия Лиякирэ шатратыр, загия дрэ Рахилиякири шатра. ³⁴ Рахиль лыя идолэн, и чхудя лэн тэл верблюдоскири зэн (сидёлка), и бэстя пэ лэндэ. И Лавано обродыя сарй шатра, нэ на латхя лэн. ³⁵ Ёй пхэндя пэскирэ дадэскэ: “Мэк тэ на холясол миро хулай, со мэ нашты (на могиनाव) ангил тутэ тэ уштав; пал-довá со мандэ исын джувлитко.” И ёв родыя, нэ на латхя йдолы. ³⁶ Яково холясыя, и лыя тэ кошэлпэ Лаваноса. И лыя Яково тэ ракирэ, и пхэндя Лаваноскэ: “Сави исын мирй банг, саво исын миро грэхо, со ту традэсапэ пал мандэ? ³⁷ ту пиридыкхця мандэ саро, со ту латхян сарэстыр, со исын тырэ кхэрэстыр? Сыкав адай ангил мирэ сэмэнцатэ и тырэндэ; мэк ёнэ тэ россэндякирэн амэн дуэн. ³⁸ Гада, биш бэрш мэ сомас кэ ту; бакрэ и бузнэ (козлы) тырэ на вычхурдынэ; тырэ гуртостыр (стадатыр) бакрэн мэ на хаём; ³⁹ заханэс, ци розрискирдэ рискирибнаскирэ мурдалэса (зверёса) мэ кэ ту на яндём; дава сыс бы мирй урэжа (убытко); ту мандыр родэсас, ци дывэсэ со хасёлас, ци ратякиро; ⁴⁰ мэ мэнчындемпэ дывэсэ хачкирибнастыр, а раты шылыпнастыр; и соибэн миро нашэлас мирэ якхэндэр. ⁴¹ Дасавэ мирэ биш бэрш сыс дро тыро кхэр. Мэ дынариндём тукэ дэшуштар бэрш пал тырэ дуэндэ чхаэндэ и шов бэрш пал тырэ кхэритконэ мурдалэндэ; а ту дэш моль парудян мирй мазури (награда). ⁴² Коли тэ на явэл манца мирэ-дадэскиро Дэвэл, Авраамоскиро Дэвэл и Исаакоскири дар; то ту аканá ман нисоса отмэкэсас. Дэвэл дыкхця миро пхаро джиибэн и мирэ-вастэнгири пхарй буты кэ притасаибэн; и сыкадя тыри банг пал мандэ.”

Лаваноскиро Доракирибэн пал Раманё (Миро) Яковоса

⁴³ И отпхэндя Лавано и пхэндя Яковоскэ: “Э чхая – мирэ чхая; чхавэ – мирэ чхавэ; ското – миро ското, и саро, со ту дыкхэса, дава исын миро: ци сашты (могиनाव) мэ аканá вари-со тэ кэрав мирэ чхаэнца и лэнгирэ чхавэнца, савэн ёнэ бияндлэ? ⁴⁴ Аканá кэраса доракирибэн пал раманё (миро) мэ и ту, и дава явэла допхэныбнаса машкир мандэ и тутэ.” ⁴⁵ И лыя Яково бар, и чхудя лэс дро рипирибнытко стылбо (помнико). ⁴⁶ И пхэндя Яково пэскирэ сэмэнцакэ: “Кэдэн бара.” Ёнэ лынэ бара, и кэрдэ бэргица; и ханэ одой пэ бэргица. ⁴⁷ И кхардя лэс Лавано: Иегар-Сагадуфа [Егар-Сагадута-ю.о.]; а Яково кхардя лэс Галаáдо [Галь-Эдо-ю.о.]. ⁴⁸ И пхэндя Лавано: “Ададывэс дая бэргица машкир мандэ и тутэ исын сырбы якхитко (свидетелё). Палдава и лэскэ дыно лав: Галаáдо, ⁴⁹ адякэ-паць кхарэлапэ: Мицпа, долэстыр, со пхэндя Лавано: “Мэк тэ дыкхэл Рай Дэвэл пэ мандэ и пэ тутэ, кели амэ яваса дур екх екхэстыр. ⁵⁰ Коли ту явэса фуес тэ кэрэс мирэ чхаэнца, ци, коли ту лэса (тэ лэс ту) бутыр мирэ чхаэндэр явирэ ромнен, усаёкх коли нанэ манушэс машкир амэндэ, нэ дыкх, Дэвэл исын якхитко машкир мандэ и тутэ.” ⁵¹ И пхэндя Лавано Яковоскэ: “Гада, исын дая бэргица и, гада, исын рипирибнытко стылбо, саво мэ чхудём машкир мандэ и тутэ; ⁵² дая бэргица исын якхитко, и дава рипирибнытко стылбо (помнико) исын якхитко, со ни мэ на пириджава кэ ту пал дая бэргица, ни ту на пириджаса кэ мэ пал дая бэргица и пал дава рипирибнытко стылбо, ваш чорипэн. ⁵³ Авраамоскиро и Нахороскиро Дэвэл, мэк тэ явэл сэндариса машкир амэндэ, лэнгирэ-дадэскиро Дэвэл.” Яково совлахадя пэскирэ дадэскирэ Исаакоскирэ дараса. ⁵⁴ И зачхиндя и яндя Яково свэнто дыибэн (жэртва) пэ бэрга, и кхардя пэскирэ сэмэнцэн тэ хан маро; и ёнэ ханэ маро и ратькирдэ пэ бэргица. ⁵⁵ И Лавано уштыя тасярлэс пэ злоко (ранкоса) и чамудя пэскирэ ўнукэн и чхаён, и бахтякирдя лэн, и гия, и рисия Лавано пэ пэскиро штэто.

Шэро 32

Исаё Явэла тэ Дыкхэлпэ Яковоса

¹ И гия Яково пэскирэ дромэса, и пирилынэ лэс Дэвлэскирэ Янгóлы. ² Яково дыкхця лэн, и пхэндя: “Давá исын Дэвлэскиро таборо (лод).” И дыя лав долэ штэтоскэ: Маханаймо. ³ И бичхадя Яково ангил пэстэ манушэн кэ пэскиро пшал Исáво пэ Сеироскири пхув, пэ Эдо́мо

штэто, ⁴ и припхэндя лэнгэ, ракири: “Адьякэ пхэнэн мирэ хуласкэ Исавоскэ: ‘Гáда, со ракирэла тырo писхáри Яково: Мэ дживдём Лаваностэ, и дживдём пэскэ дава́ часо, ⁵ и исын мэндэ гурува и ослы (мега́рья) и тыкно́ ското (бакрэ), писхарицы (рабыни) и писхáрья (рабы); и мэ бичхадём манушэс тэ пхэнэл пал мэндэ мирэ хуласкэ, соб (кай) тэ латхав ласка ангил тырэ якхá.” ⁶ И манушá, савэ сыс бичхадэ тэ пхэнэн, рисинэ кэ Яково, и пхэндлэ: “Амэ псирдя́м кэ тырo пшал Исáво; ёв джáла муял кэ ту (пэ стреч), и лэса исын штаршэла́ манушá.” ⁷ Яково древа́н страхады́я и пы́я дрэ дар, и манушэн, савэ сыс лэса, ёв роскэрдя́ пэ паш, и тыкно́ и баро́ ското и верблюдэн, пэ дуй табуны. ⁸ И пхэндя: “Кóли Исáво пэрэла марибна́са пэ екх табуно и лэс розмарла, тэды палатунó (последнё) табуно сашты́ (могинэла) тэ зракхэлпэ.” ⁹ Яково пхэндя: “Мирэ дадэскиро Авраамóскиро Дэвэл и Дэвэл мирэ дадэскиро Исаакоскиро, Раё Дэвла, Саво пхэндя мэнгэ: “Рисён пэ тыри́ пхув, кай ту биянды́я, и Мэ ява́ва тэ помоги́нав тукэ! ¹⁰ Мэ на сом мол саро́ лачхипэн и тангипэн, савэ Ту кэрдян Тырэ писхари́скэ; пал-дова́ со мэ мирэ кхияса пиригиём дава́ Иорда́но; а акана́ мэндэ исын дуй табуны. ¹¹ Зра́кх ман мирэ-пшалэскирэ вастэстыр, Исаво́скирэ вастэстыр, пал-дова́ со мэ дарава лэстыр, соб (кай) ёв, сыр явэла, тэ на замарэл ман и да ла́кирэ чхаворэнца.” ¹² Ту пхэндя́н: “Мэ ява́ва тэ дав васт (тэ помоги́нав) тукэ, и тырэ – чхавэнгиро ро́до кэра́ва, сыр морёскиро (дэрьявэскиро) пра́хо, саво́ тэ на гинэс, пал-дова́, со лэс бут.” ¹³ И дрэ да́я рат Яково ратькирдя́ одо́й. И лы́я долэстыр, со лэстэ сыс, дро почастунко Исавоскэ, пэскирэ пшалэскэ: ¹⁴ дуйшэла́ бузнен (козэн), биш бузнэн (козлэн), дуйшэла́ бакрен, биш бакрэн, ¹⁵ трийнда верблюди́цэн, савэ дошэнапэ, лэнгирэ кхурорэнца штардэша́ гурумнен, дэш гурувэн, биш осли́цэн, дэш ослэн. ¹⁶ И пэскирэ писхарьёнгэ ёв ды́я дрэ васта́ кажно стада пэскирэнца (роздэ́льнэс), и пхэндя́ пэскирэ дынарьёнгэ: “Джа́н ангил мэндэ, и ячкирэн штэто́ стадатыр кэ стада.” ¹⁷ И припхэндя́ англатунэскэ, и пхэндя́: “Кéли миро пшал Исáво дыкхэлапэ туса́ и пхучэла́ тута́ыр, ракири́: “Конэскиро ту сан?” и “Карик джа́са?” и “Конэскири исын да́я стада ангил тута́?”, ¹⁸ то ту пхэн: “Тырэ-писхарискиро Яковóскиро, дава́ исын почастунко, бичхадэ́ мирэ хуласкэ Исавоскэ; га́да, и ёв ко́ро́ исын пал амэ́ндэ”. ¹⁹ Дова́-паць ёв припхэндя́ и явирэскэ и тритонэскэ, и сарэ́нгэ, савэ гинэ́ пал ста́ды, ракири́: “Адьякэ пхэнэн Исавоскэ, кэли дыкхэнапэ́ лэса; ²⁰ и пхэнэн: ‘Гáда, и тырo писхáри Яково джа́ла пал амэ́ндэ’. Палдава́ ёв пхэндя́ ко́ро́ дрэ пэстэ: ‘Ковлякирава мэ лэс почастункэнца (дарэнца), савэ джа́на ангил мэндэ; и коригэды́р (позжэ) дыкха́ва лэскиро муй; сашты́ (могинэла) тэ явэл, со ёв при́лэла ман.” ²¹ И гинэ́ почасту́нки ангил лэстэ; а ёв до́я рат ратькирдя́ дро та́боро / лод (ста́но).

Яково Зорьякирэлапэ Дэвлэса

²² И ушты́я ёв дрэ до́я рат, и лы́я ду́ен пэскирэ ромнён, и ду́ен пэскирэ писхари́цэн, и пэскирэн дэшу́екх чхавэн, пиригия́ пир пані́ Яво́ко бродоса. ²³ И лы́я лэн, и пирилы́джия пир тхады́пэн панескиро, и саро́, со лэстэ сыс. ²⁴ И я́цяпэ Яково екхджинó. И спробинэлас зорья́ Вари-Кон лэса, па́ка лы́я тэ шэринэлпэ́ дывэс; ²⁵ и одова́ Вари-Кон, дыкхí, со Ёв на лэ́ла упралы́пэн пэ Яковостэ, чила́дя лэскири гэрóй, кай исын стéгно (стаць) и дукхадя́ Яковоскири гэ́рьякири пха́бай (суста́во), кэли Яково спробинэлас зорья́ Лэ́са. ²⁶ И пхэндя́: “Отмэ́к Ман; пал-дова́ со я́ця́ злоки́цо.” О Яково пхэндя́: “На отмэ́ка́ва Тут, ангил дова́, сыр Ту бахтякирэ́са ман.” ²⁷ И пхэндя́: “Сыр исын тырo лав?” Ёв пхэндя́: “Яково.” ²⁸ И пхэндя́: “Акана́ лав тукэ́ явэ́ла на Яково, а Израилё́; пал-дова́ со ту спробинды́я зорья́ Дэвлэ́са, и ту манушэн пиризорьякирэ́са.” ²⁹ И Яково пху́ця лэстыр, ракири́: “Пхэн Тырo лав, мэ манга́ва.” Нэ Ёв пхэндя́: “Ваш со ту пхучэ́са пал Миро лав?” И бахтякирдя́ лэс одо́й. ³⁰ И ды́я Яково долэ́ штэ́тоскэ лав: Пенуэ́ло [Пэ́ни-Э́ль-ю.о.], пал-дова́ со ракирдя́ ёв: “Мэ дыкхце́мпэ Дэвлэ́са муй кэ́ муй, и зракхця́пэ миро джи́ибэн.” ³¹ И ушты́я кхам, кэли ёв джа́лас пашы́л Пенуэ́ло; и ланганды́я ёв пэ пэскиро стéгно. ³² Палдава́ и акана́ Израилё́скирэ чхавэ́ на ха́на жылы, савэ́ исын пэ пха́бай (суста́во) стéгноскири, пал-дова́ со, Кон спробинды́я зорья́, чила́дя жылы пэ Яковóскиро стéгно дрэ пха́бай.

Шэрó 33

Яково Исавоса Дыххэнапэ Муй Кэ Муй

¹ Ѓаздыя Яково якхá, и дыххцý, и, гада, джáла Исáво, и лэса штаршэлá манушá. И ёв роскэрдý пэ паш Лиякирэн чхавэн, Рахилиякирэн и дуён дынарицакирэн (служигэнгирэн). ² И чхудý дынарицакирэн и лэнгирэ чхавэн ангил, Лия и лáкирэ чхавэн палáл пал лэндэ, а Рахилия и Ёзас (Иосифос) палáл. ³ А кокорó гий ангил лэндэ, и кэрдý шэрэса (клониндяпэ) кэ пхув эфтá (битринэнгиро дэш) мóлы, подгий кэ пэскиро пшал. ⁴ Исáво прастандыя кэ ёв гил (пэ стреч), и облыя лэс, и пыý лэскэ пэ мэн, и чамудя лэс, и ёнэ рондлэ. ⁵ И дыххцý Исáво и дыххцý ромнэн и чхавэн, и пхэндý: “Кон исын адалэ тýtэ?” Яково пхэндý: “Чхавэ, савэн Дэвэл дыý тырэ писхарискэ.” ⁶ И подгинэ дынарицы и лэнгирэ чхавэ, и кэрдэ шэрэса кэ пхув; ⁷ подгийя и Лия и лáкирэ чхавэ, и кэрдэ шэрэса кэ пхув. И пэ кóнцо (пэ ягóро) подгинэ Ёза (Иосифо) и Рахиль, и кэрдэ шэрэса кэ пхув. ⁸ И пхэндý Исáво: “Ваш со тýкэ дава цéло таборо (лод), савó мэ стрэниндём?” И пхэндý Яково: “Соб (кай) тэ явэл тангипэн и лáска дрэ мирé-раскирэ якхá.” ⁹ О Исáво пхэндý: “Мíро пшáла, мáндэ исын бут; мэк тэ явэл тырó тýtэ.” ¹⁰ Яково пхэндý: “Над, кóли ваш мáнгэ исын (тэ явэл) лáска дрэ тырэ якхá, прилэ миро почастунко (дáро) мирé вастэстыр; пал-дова со мэ дыххцём муй тырó сырбы вари-кон дыххцý Дэвлэскиро муй, и ту илэса сáнас кэ мэ; ¹¹ прилэ миро бахтякирибэн, савó мэ яндём тýкэ; пал-дова со Дэвэл дыý мáнгэ, и мáндэ исын сарó.” И мангдý лэс: и одовá лыý почастунко. ¹² И пхэндý: “Ѓаздасапэ амэ дро дром и джáса; и мэ ангил тýtэ джáва.” ¹³ Яково пхэндý лэскэ: “Миро рай джинэла, со чхаворé исын назоралэ (зломка), а кхэритка мурдалá (ското) дэна цюця (тхуд) лэнгирэ тыкнэнгэ; кóли тэ традэс лэс екх дывэс, тэды мулэла сарó ското; ¹⁴ мэк миро рай тэ джал ангил пэскирэ писхаристэ, а мэ джáва пэ нáбут, сыр джáла ското, савó исын ангил мáндэ, и сыр джáна чхавэ, и мэ явáва дро Сеиро кэ миро хулáй.” ¹⁵ И пхэндý Исáво: “Мэ мэкава вари-кицы манушэн тýса, савó исын пашыл мáндэ.” Яково ж пхэндý: “Кэ со дава? Мáнгэ екх трэй тэ явэл лáска дрэ мирé-раскирэ якхá!” ¹⁶ И рисийя Исáво дрэ дова-паць дывэс пэскирэ дромэса дро Сеиро. ¹⁷ А Яково гий дро Сокхофо [Суккот-ю.о.] и чхудý пэскэ кхэр, и ваш пэскирэ кхэритконэ мурдалэндэ (ското) кэрдý шáтры. Одолэстыр ёв дыý долé штэтоскэ лав: Сокхофо. ¹⁸ Яково, рисии Месопотамиятыр, бахталэс явдý дрэ фóро Сихéмо, савó исын пэ Ханаанóскири пхув, и тэрдий ангил фóро. ¹⁹ И ёв киндý паш фэлда, пэ сави чхудý пэскири шáтра, Емороскирэ чхавэндýр, Сихемоскирэ дадэстыр, пал шэл гаспря (монеты). ²⁰ И одóй чхудý алтáрэ; и прикхардý ёв лав Рáскирэ-Дэвлэскиро (Яхваскиро) Израилэскирэ Дэвлэскиро [Эль – Элохе – Исраэль-ю.о.]

Шэрó 34

Дина и Сихэмоскирэ Манушá

¹ Лиякири чхай Дина, савýя ёй бияндý Яковóскэ, гий яврý тэ дыххэл пэ пхувýякирэ чхаендэ. ² И дыххцý ла о Сихéмо [Шэхем-ю.о.], Евейиноскирэ (Хэвианоскирэ)-Емороскиро чхавó, долé-пхувýякирэ тхагарискиро (князёскиро) чхавó, и лыý ла, и сутя лáса, и кэрдý дава пир зор. ³ И прияця лэскиро илó кэ Дина, Яковоскири чхай, и ёв камдý чха, и ракирдý пир илó чхакэ. ⁴ И пхэндý Сихéмо Емороскэ, пэскирэ дадэскэ, ракири: “Дэ мáнгэ адала чха дрэ ромнýtэ.” ⁵ Яково шундý, со Емороскиро чхавó лыý пэ зор Дина, лэскирýя чха; нэ сыр лэскирэ чхавó сыс кхэритконэ мурдалэнца (скотоса) пэ фэлда, тэды Яково сыс штыл, пака явнэ ёнэ. ⁶ Выгийя Еморо, Сихемоскиро дад, кэ Яково, тэ ракирэл лэса. ⁷ Чхавэ Яковóскирэ явнэ фэлдатыр, и кéли шундлэ дава, тэды холясынэ одолé муршá, и дрэ холы захачинэ, пал-дова со ёв кэрдý ладж Израилэскэ: пирисутя Яковóскирэ чхаса: а адýкэ на трэиндý тэ кэрэл. ⁸ Еморо яцý тэ ракирэл лэнгэ и пхэндý: “Сихéмо, миро чхавó, припхандýпэ илэса кэ тумарý чхай; дэн ла лэскэ дрэ ромнýtэ; ⁹ явэн сэмэнцаса амэнгэ; отдэн палорóм пал амэндэ тумарэн

чхаён; и амарэ чхаён лэн пэскэ,¹⁰ и дживён амэнца; дая пхув исын ангил тумэндэ, дживён и кэрэн буты и кофы пэ латэ, и явён хуланца пэ пхув дрэ латэ.”¹¹ Сихэмо пхэндя лакирэ дадэскэ и пшалэнгэ: “Мангэ тэ латхав ласка дрэ тумарэ якха, мэ дава, со пхэнэна мангэ;¹² пхэнэн най барэдыр вено (выкиныбён) и дары, мэ дава, со мангэ пхэнэна, отдэн мангэ чха дрэ ромнятэ.”¹³ И отпхэндлэ Яковоскирэ чхавэ Сихемоскэ и Емороскэ, лэскирэ дадэскэ мэндриппнаса; а ракирдэ ёнэ адякэ пал-дова со ёв кэрдя напатывалэс Динаса, лэнгирэ пхэняса;¹⁴ и пхэндлэ лэнгэ: “Амэ нашты (на могоинаса) дава тэ кэрэс, тэ отдас палором амарья пхэня пал манушэстэ, саво исын наобчхиндло, дава исын ваш амэнгэ ладж;¹⁵ пэ екх доракирибён амэ яваса тэ зджасапэ тумэнца, коли тумэ явэна, сыр амэ сам и тумэндэ сарэ мурша явэна обчхиндлэ;¹⁶ и яваса тэ отдас палором пал тумэндэ амарэ чхаён и тэ лас пал пэстэ тумарэ чхаён, и яваса тэ дживас тумэнца, и яваса екх манушытко нация;¹⁷ а коли тумэ на кандэна дро дава амэн, соб (кай) тэ обчхинэнпэ, тэды амэ ласа пэскирья чха и джаса пэскэ.”¹⁸ И сыс пир ило далэ лавэ Емороскэ и Сихемоскэ, Емороскирэ чхавэскэ.¹⁹ Тэрно мануш сыгэс кэрдя дава: пал-дова со камдя Яковоскирья чха. А ёв бутыр сарэндяры сыс дрэ патыв пэскирэ-дадэскирэ кхэрэстыр.²⁰ И явдя Еморо и лэскиро чхавэ Сихэмо, кэ пэскирэ-фороскири порта (враты), и лынэ тэ ракирэн пэскирэ фороскирэ манушэнгэ, и пхэндлэ:²¹ “Адалэ мануша исын дро раманё (миро) амэнца; мэк ёнэ тэ дживён пэ пхув и тэ кэрэн кофы (прибыли) пэ латэ; гада, пхув исын чхучи ангил лэндэ. Яваса тэ лас лэнгирэ чхаён пэскэ палором, и амарэ чхаён тэ отдас пал лэндэ. Фэни (тока) екх доракирибён ёнэ явэна дрэ екх годы амэнца,²² соб (кай) и амэндэ тэ явэн сарэ мурша обчхиндлэ, сыр ёнэ исын обчхиндлэ, тэды адалэ мануша явэна тэ дживён амэнца и явэна екх манушытко нация (народо).²³ Ци на ваш амэнгэ лэнгирэ стады, и лэнгиرو барвалыпэн, и кажно лэнгиرو мурдал? Екх трэй, – тэ зджаспэ лэнца дрэ годы и явэна тэ дживён амэнца.”²⁴ И кандынэ Еморо и лэскирэ чхавэс Сихемос, сарэ, савэ выджана лэскирэ фороскирэ портатыр; и обчхиндлэ сыс мурша, – сарэ, кон выджала далэ-фороскирэ портатыр.²⁵ Пэ трито дывэс, кэли ёнэ сыс дро насвалыпэн, дуй Яковоскирэ чхавэ, Симеоно (Семёно) и Лэвиё, Динакирэ пшала, кажно лыя пэскири куртала, и би даракиро пынэ марибнаса пэ форо, и замардэ сарэн муршэн;²⁶ кокорэс Еморо и лэскирэ чхавэс Сихемос, замардэ курталакирэ востримаса; и лынэ Сихемоскирэ кхэрэстыр Дина и гинэ криг.²⁷ Яковоскирэ чхавэ явнэ кэ замардэ мануша, и обкэдынэ форо, пал-дова, со ёнэ кэрдэ напатывалыпэн лэнгирэ пхэнякэ.²⁸ Ёнэ лынэ лэнгино тыкнэ и барэ кхэритонэ мурдалэн (ското), и лэнгирэ ослэн, и со сыс дро форо, и со сыс пэ фэлда;²⁹ и сарэ лэнгино барвалыпэн, и сарэн лэнгирэ чхавэн, и лэнгирэ ромнён лынэ дро плёно, и закэдынэ сарэ, со сыс дрэ кхэра.³⁰ И пхэндя Яково Симеоноска (Семёноска) и Лэвиёска: “Тумэ мангэ кэрдэ пхарипэн, кэрдэ ман вэргоса ваш одолэ-пхувьякирэ манушэнгэ, ваш Хананеёнгэ и Ферезеёнгэ. Мандэ мануша исын набут; скэдэнапэ пэ мандэ, замарна ман, и явава мэ хасякирдо и миро кхэр явэла.”³¹ Ёнэ пхэндлэ: “А сыр сашты сыс тэ кэрэн напатывалэс амарэ пхэняса, сыр биладжакунэ джувляса!”

Шэро 35

Яково Рисёла Палэ дрэ Вефиль

¹ И пхэндя Дэвэл Яковоскэ: “Ушты, джа дрэ Вефиль [Бэт-Эль-ю.о.], и джив одой; и кэр одой Дэвлэскэ алтарё (жэртвенико), Саво явдя кэ ту, кэли ту настан Исавостыр, тырэ пшалэстыр.”² Яково пхэндя пэскирэ кхэрэскэ [сэм’якэ-ю.о.] и сарэнгэ, кон лэса сыс: “Чхурдэн криг чужонэ дэвлорэ, савэ исын тумэндэ, и выжужакирэнпэ, и парувэн тумарэ йди;³ уштаса и джаса дрэ Вефиль; одой мэ кэрава алтарё Дэвлэскэ, Саво шундя ман дро дова дывэс, кэли мангэ сыс бибахт и Ёв сыс манца дрэ дром, савэса мэ псирдём.”⁴ И отдынэ Яковоскэ сарэн чужонэ дэвлорэ, савэ сыс дрэ лэнгирэ васта; чэня, савэ сыс дрэ лэнгирэ канэ, и заганадя Яково лэн тэл дэмбо, саво сыс пашыл Сихэмо.⁵ И гинэ ёнэ. И трашаибён Дэвлэскиро сыс пэ пашатынэ форя, и на традынэпэ пал Яковоскирэ чхавэндэ.⁶ И явдя Яково дро Лузо, со исын пэ Хананоскири пхув, дрэ Вефиль, кокорэ и сарэ мануша, савэ

сыс лэса, ⁷ и кэрдя одой алтарё, и кхардя дова штэто: Эль-Вефиль, пал-дова со адай сыкадыя Дэвэл лэскэ, кели ёв нашэлас пэскирэ пшалэстыр. ⁸ И мыя Девора (Дэбора), сави чарадя Ревека, и гарадэ ла тэлэдыр Вефилёстыр тэл дэмбо, саво и кхардя Яково ровибнытконэ дэмбоса (Аллон-Бахут). ⁹ И сыкадыя Яковоскэ Дэвэл, сыр ёв рисия Месопотамиятыр, и бахтиякирдя лэс, ¹⁰ и пхэндя Дэвэл лэскэ: “Тыро лав исын Яково; аканá ту на явэса тэ кхарэспэ Яковоса, нэ явэла тукэ лав Израилё.” И дыя лэскэ лав: Израилё [Израэль-ю.о.]. ¹¹ И пхэндя лэскэ Дэвэл: “Мэ сом Сарэзорьякиро Дэвэл; мэк тэ бияндён чхаворé тутэ и ячэн бут тумэн, о народо, и бут манушытка нацыи (народы) выджана тутыр, и кралья выджана тутыр; ¹² пхув, сави Мэ дыём Авраамоскэ и Исаакоскэ, Мэ дава тукэ, и тырэ-чхавэнгирэ родоскэ Мэ дава дая пхув.” ¹³ И газдыяпэ лэстыр Дэвэл штэтостыр, пэ саво ракирдя лэскэ. ¹⁴ И чхудя Яково рипирибнытко стылбо (помнико) пэ штэто, пэ саво ракирдя лэскэ Дэвэл, баруно рипирибнытко стылбо; и чхудя пэ лэстэ тхадунó свэнтó дыибён, и чхудя пэ лэстэ елеё (оливитко дзэт); ¹⁵ и дыя Яково лав штэтоскэ, пэ саво Дэвэл ракирдя лэскэ: Вефиль.

Рахиль Мэрэла

¹⁶ И гинэ ёнэ пэскэ Вефилёстыр. И кели яцяпэ надур кэ Ефрафа, то Рахиль бияндя, и лакиро бияныпэн сыс пхаро. ¹⁷ Кели ёй мэнчиндяпэ дро бияныпэн, пхури, сави прилэсас бияныпэн, пхэндя лэкэ: “На андырша, пал-дова со и дава явэла тукэ чхаво.” ¹⁸ И кели выджалас латыр ди, пал-дова со ёй мэрэлас; ёй дыя лэскэ лав: Бенони. Нэ лэскиро дад кхардя лэс Вениамино. ¹⁹ И Рахиль мыя, и гарадэ ла пэ дром дрэ Ефрафа, дава исын Вифлеёмо. ²⁰ Яково жа пэ лакири копліца чхудя нагробнико. Давá нагробнико Рахиякэ исын кэ дава дывэс. ²¹ И гия Израилё, чхудя пэскири шатра пал вучарды (башня) Гадэро (Эдэро). ²² Дро дава-паць часо, кели Израилё сыс дрэ доя риг, Рувимо гия и пирисутя Валаса, пэскирэ дадэскирэ бисовлахакирэ джувляса. И шундя Израилё. Яковостэ сыс дэшудуй чхаво. ²³ Лиякирэ чхаво сыс: англатунó Яковоскиро Рувимо, пал лэстэ Симеоно (Семёно), Лёвиё, Юда, Исахаро и Завулоно. ²⁴ Рахиякирэ чхаво сыс: Иосифо (Ёза) и Вениамино. ²⁵ Валакирэ чхаво сыс: Рахиякирэ дынарицакирэ: Дано и Нефалимо. ²⁶ Зелфакирэ чхаво сыс: Лиякирэ дынарицакирэ: Гадо и Асиро. Адалэ чхаво Яковоскирэ, саво бияндынэ кэ Месопотамия. ²⁷ И явдя Яково кэ пэскиро дад Исаако, дрэ Мамре, дрэ Кириаф-Арба, дро Хевроно, кай псирдэ Авраамо и Исаако. ²⁸ И дживдя пэскэ Исаако шэл тэ эфтадэша бэрш. ²⁹ И пирияця тэ дыхинэл (тэ пхурдэл) Исаако, и мыя, и причхудяпэ кэ пэскирэ мануша, дрэ пхурэ бэрша; и гарадэ лэс лэскирэ чхаво Исаво и Яково.

Шэрó 36

Исавоскиро Родо

¹ Гада, исын Исавоскиро родо, ёв кхардяпэ Эдо́мо. ² Иса́во лыя пэскэ ромнён Ханааноскирэ чхаёндыр: Ада Оливема, Елоноскирэ-Хетейниноскирэ чха, и Оливема, Анакирья чха, Цывеоноскирэ-Евеяниноскирэ чхавэскирэ, ³ и Васемафа, Измаилоскирья чха, Наваиофоскирья пхэня. ⁴ Ада бияндя Исавоскэ Елифазос, Васемафа бияндя Рагуилос, ⁵ Э Оливёма бияндя Еусос, Егломос и Кореёс. Адалэ сыс Исавоскирэ чхаво, саво бияндынэ пэ Ханааноскири пхув. ⁶ И лыя Иса́во пэскирэн ромнён, чхавэн и чхаён, и пэскирэ кхэрэскирэ сарэн манушэн, и сарэ пэскирэ стады (кхэритконэ мурдалэн), и саро ското, и саро пэскиро миштыпэн, саво ёв дорэсця пэ Ханааноскири пхув, и гия пэ явир пхув, пэскирэ пшалэстыр Яковостыр, ⁷ пал-дова со лэнги́ро барвалыпэн сыс дасаво баро, со ёнэ на могоиндлэ тэ дживэн кхэтанэ, и пхув, пир сави ёнэ лодынэ, сыс чу́жо, и на ухтылэлас (на сыс до́си) лэнгэ, пир барэ лэнгирэ стады. ⁸ И яця тэ дживэл Иса́во пэ бэрга Сеиро, Иса́во, ёв адякэ-паць кхардяпэ Эдо́мо (Едо́мо). ⁹ И, гада, Исавоскиро родо, Идумеенгирэ-дадэскиро, пэ бэрга Сеиро. ¹⁰ Гада, сыс Исавоскирэ-чхавэнгирэ лава: Елифазо, Адакиро чхаво, Исавоскирэ ромнякирэ, и Рагуило, Васемафакиро чхаво, Исавоскирэ-ромнякирэ. ¹¹ Елифазостэ сыс

чхавэ: Фемано, Омаро, Цэфо, Гафамо и Кеназо. ¹² Фамна́ сыс Елифазоскири би-совлакири джувлы́, Исавоскирэ-чхавэскири, и бияндя́ Елифазоскэ́ Амаликос. Га́да, сыс чхавэ́ Адакирэ́, Исавоскирэ-ромнякирэ́. ¹³ И, га́да, сыс Рагуи́лоскирэ́ чхавэ́: Нахафо́ и Зерахо́, Шамма́ и Миза́. Адалэ́ сыс Васемафакирэ́ чхавэ́, Исавоскирэ-ромнякирэ́. ¹⁴ И адалэ́ сыс чхавэ́ Оливемакирэ́, Анакирэ́-чхакирэ́, Цывеоноскирэ́ чхакирэ́, Исавоскирэ-ромнякирэ́: ёй бияндя́ Исавоскэ́ Еусос, Егломас и Корее́с.

Барыдыра́ Эдомоскирэ́

¹⁵ Га́да, сыс барыдыра́ Исавоскирэ́ чхавэ́ндыр, Елифазоскирэ́ чхавэ́, Исавоскирэ́ англатунэскирэ́: барыдыро́ Фемано́, барыдыро́ Омаро́, барыдыро́ Цэфо́, барыдыро́ Кеназо́, ¹⁶ барыдыро́ Корее́, барыдыро́ Гафамо́, барыдыро́ Амалико́. Адалэ́ сыс Елифазоскирэ́ барыдыра́ пэ́ Эдомоскири́ пхув; адалэ́ сыс Адакирэ́ чхавэ́. ¹⁷ Адалэ́ сыс Рагуи́лоскирэ́ чхавэ́, Исавоскирэ́-чхавэ́скирэ́: барыдыро́ Нахаё́, барыдыро́ Зерахо́, барыдыро́ Шамма́, барыдыро́ Миза́. Адалэ́ сыс барыдыра́ Рагуи́лоскирэ́ пэ́ Эдомоскири́ пхув; адалэ́ сыс Васемафакирэ́ чхавэ́, Исавоскирэ́ ромнякирэ́. ¹⁸ Адалэ́ сыс Оливемакирэ́ чхавэ́, Исавоскирэ́ ромнякирэ́: барыдыро́ Иеусо́, барыдыро́ Иегломо́ (Егломо́), барыдыро́ Корее́. Адалэ́ сыс Оливемакирэ́ барыдыра́, Анакирэ́ чхакирэ́, Исавоскирэ́ ромнякирэ́. ¹⁹ Га́да, сыс Исавоскирэ́ чхавэ́, и, га́да, лэ́нгирэ́ барыдыра́. Давá-пацэ́ исын, со́ исын Эдомостыр. ²⁰ Адалэ́ сыс Сеиракирэ́-Хореяниноскирэ́ чхавэ́, савэ́ дживдэ́ пэ́ дая́ пхув: Лотано́, Шовало́, Цывеоно́, Ана́, ²¹ Дишоно́, Эцэро́ и Дишано́. Адалэ́ сыс барыдыра́ Хореэ́ндыр, Сеироскирэ́ чхавэ́ндыр, пэ́ Эдомоскири́ пхув. ²² Лотаноскирэ́ чхавэ́ сыс: Хори́ и Гемано́; а пхэ́н Лотаностэ́ сыс: Фамна́. ²³ Адалэ́ сыс Шовалоскирэ́ чхавэ́: Алвано́, Манахафо́, Эвало́, Шэфо́ и Онамо́. ²⁴ Адалэ́ сыс Цывеоноскирэ́ чхавэ́: Аиá и Ана́. Давá сыс одова́ Ана́, саво́ латхя́ тато́ пани́ пэ́ чхучи́ пхув, кэ́ли рахця́ пэ́скирэ́ дадэ́скирэ́ Цывеоноскирэ́ ослэ́н. ²⁵ Адалэ́ сыс Анаскирэ́ чхавэ́: Дишоно́ и Оливема́, Анаскири́ чхай. ²⁶ Адалэ́ сыс Дишоноскирэ́ чхавэ́: Хемдано́, Эшбано́, Ифрано́ и Херано́. ²⁷ Адалэ́ сыс Эцэроскирэ́ чхавэ́: Билгано́, Заавано́ и Акано́. ²⁸ Адалэ́ сыс Дишаноскирэ́ чхавэ́: Уцо́ и Арано́. ²⁹ Адалэ́ сыс барыдыра́ Хореэ́ндыр: барыдыро́ Лотано́, барыдыро́ Шовало́, барыдыро́ Цывеоно́, барыдыро́ Ана́. ³⁰ Барыдыро́ Дишоно́, барыдыро́ Эцэро́, барыдыро́ Дишано́. Га́да, сыс барыдыра́ Хореэ́нгирэ́, пир лэ́нгири́ барыдыршы́ма пэ́ Сеироскири́ пхув.

Идумеенгирэ́ (Эдомоскирэ́) Кра́лья

³¹ Га́да, акана́ кра́лья, савэ́ сыс пэ́ Эдомоскири́ пхув, англэ́дыр, сыр сыс кра́лья тэ́ хулаинэ́н пэ́ Израилёскирэ́ чхавэ́ндэ: ³² сыс крали́са дро́ Эдо́мо о́ Бэ́ла, Веороскиро́ чхавэ́, а лав долэ́ фороскэ́ сыс Дингава́. ³³ И мыя́ Бэ́ла, и яця́ палó лэ́стэ́ крали́са Иоваво́, Зэрахоскиро́ чхавэ́, Восоратыр. ³⁴ И мыя́ Иоваво́, и яця́ палó лэ́стэ́ крали́са Хушамо́, Феманитиякирэ́ пхувья́тыр. ³⁵ И мыя́ Хушамо́, и яця́ палó лэ́стэ́ крали́са Гададо́, Бедадоскиро́ чхавэ́, саво́ пыя́ мэрибна́са пэ́ Маданитянэ́ндэ́ пэ́ Моавоскири́ фэ́лда, лэ́скирэ́-форóскиро́ лав сыс Ави́фо. ³⁶ И мыя́ Гададо́, и яця́ палó лэ́стэ́ крали́са Самла́ Масрекия́тыр. ³⁷ И мыя́ Самла́, и яця́ палó лэ́стэ́ крали́са Са́уло Рехово́фостыр, со́ сыс пашы́л рэ́ка (лэ́нь). ³⁸ И мыя́ Са́уло, и яця́ палó лэ́стэ́ крали́са Баал-Ханано́, Ахбороскиро́ чхавэ́. ³⁹ И мыя́ Баал-Ханано́, Ахбороскиро́ чхавэ́, и яця́ палó лэ́стэ́ крали́са Гадаро́; лэ́скирэ́ форóскиро́ лав сыс Пау́; лэ́скирэ́-ромнякиро́ лав сыс Мегетавеель [Метабель-ю.о.], Матредакири́ чхай, Мезагавоскирэ́-чхавэ́скири.

Исавоскирэ́ Барыдыра́

⁴⁰ Адалэ́ сыс лавá Исавоскирэ́ барыдырэ́нгирэ́, пир лэ́нгирэ́ кхэ́рйтка́ ро́ды (плéми), пир лэ́нгирэ́ штэ́ты, пир лэ́нгирэ́ лавá: барыдыро́ Фимна́, барыдыро́ Алва́, барыдыро́ Етефеё́, ⁴¹ барыдыро́ Олимефа́, барыдыро́ Эла́, барыдыро́ Пиноно́, ⁴² барыдыро́ Кеназо́, барыдыро́ Фемано́, барыдыро́ Мивцаро́, ⁴³ барыдыро́ Магди́ило, барыдыро́ Ирамо́. Га́да, сыс

Идумеенгирэ (Эдомоскирэ) барыдыра, пир лэнгирэ штэты, пэ лэнгири пхув, пэ сави ёнэ дживдэ. Гада, исын Исава, саво сыс Идумеенгиро дад.

Шэрó 37

Ёзаскэ Джала Сунó Пал Лэскиро Барипэн

¹ Яково дживдэ пэ Ханааноскири пхув пэскирэ дадэскири, кай ёв сыс чужо мануш. ² Гада, исын Яковоскиро джибэн. Ёзаскэ (Иосифоскэ) сыс дэшуэфта бэрш, ёв рахцэ гурты кхэритконэ мурдалэнца кхэтанэ пшалэнца, пэскирэ дадэскирэ ромнэнгирэ, Валакирэ и Зельфакирэ чхавэнца. И роспхэнэлэс Ёза (Иосифо) налачхи мавлын (малва) пал лэндэ лэскирэ дадэскэ. ³ Израилёскэ Ёза сыс пир ило бутыр сарэндыр пэскирэ чхавэндыр, пал-дова со ёв сыс лэскирэ пхурипнаскиро чхаво, – и ёв кэрдэ лэскэ цвятытко урибэн. ⁴ И дыкхнэ лэскирэ пшала, со лэнгиро дад газдэла лэс бутыр лэскирэ сарэндыр пшалэндыр; и лынэ тэ на дыкхэн пэ лэстэ ласкаса, и на могоиндлэ тэ ракирэн лэса илыткэс. ⁵ И дыкхцэ (дыя) Ёза сунэ, и роспхэндэ лэс пэскирэ пшалэнгэ; и ёнэ бутыр лынэ лэс тэ на вырикирэн. ⁶ Ёв пхэндэ лэнгэ: “Шунэн сунó, саво мэ дыкхцём: ⁷ Гада, амэ машкирал фэлда пхандаса гарбы (снопы); и гада, миро гарбо уштыя, и тэрдия мамуй (ровнэс); и гада, тумарэ гарбы тэрдинэ пашыл, и клониндлэпэ мирэскэ гарбоскэ.” ⁸ И пхэндлэ лэскирэ пшала лэскэ: “Наушто ту явэса ту хулаинэс амэнца? Ци наушто ту, чачэс, явэса тэ раинэс пэ амэндэ?” И бутэдыр лынэ тэ на вырикирэн лэс пал лэскирэ сунэ и лавá. ⁹ И дыкхцэ ёв явир сунэ, и роспхэндэ лэс пэскирэ пшалэнгэ, ракири: “Гада, мэ дыкхцём ишчо (инкэ) сунó: гада, кхам, и чхон, и дэшуэкх чэргэня клонинэнапэ мангэ.” ¹⁰ И ёв роспхэндэ лэскирэ дадэскэ и пшалэнгэ; и косця лэс лэскиро дад, и пхэндэ лэскэ: “Со да за сунэ, савэ ту дыкхцян? Наушто мэ, и тыри дай, и тырэ пшала явэса тэ кэрэс шэрэса тукэ кэ пхув?” ¹¹ Пшалэ лэскирэ дэнас якхало лэскэ, а лэскиро дад зарипирдя дава лав.

Пшала Бикнэна Ёзас

¹² Лэскирэ пшала гинэ тэ раххэн гурты кхэритконэ мурдалэнца, пэскирэ дадэскирэ дро Сихемо. ¹³ И пхэндэ Израилё Ёзаскэ: “Ци на чаравэна пшала тырэ дро Сихемо? Джа, мэ бичхавэна тут кэ ёнэ.” Ёв отпхэндэ лэскэ: “Гада, мэ сом.” ¹⁴ И пхэндэ лэскэ: “Джа, подыкх, ци састэ исын тырэ пшала, и ци сарэ кхэритка мурдала (ското) исын, и ян отпхэныбэн мангэ.” И бичхадэ лэс Хевроноскирэ долостыр; и ёв явдэ дро Сихемо. ¹⁵ И латхя лэс вари-саво мануш, псири пэ фэлда, и пхуцэ лэстыр одова мануш, ракири: “Со ту родэса?” ¹⁶ Ёв пхэндэ: “Мэ родава мирэ пшалэн; пхэн мангэ, кай ёнэ чаравэна пэскирэ гурты? ¹⁷ И одова мануш пхэндэ: “Ёнэ гинэ адатхыр, пал-дова со мэ шундём, сыр ёнэ ракирдэ: ‘Явэн дро Дофано.’ И гия Ёза пал пэскирэ пшалэндэ, и латхя лэн дро Дофано. ¹⁸ И дыкхнэ лэс ёнэ дурал, англэдыр сыр ёв подгия кэ ёнэ, и лынэ тэ думинэн фуипэн пэ лэстэ, соб (кай) тэ замарэн лэс. ¹⁹ И пхэндлэ екх екхэскэ: “Гада, джала одова, саво дыкхэла сунэ! ²⁰ Явэн, аканá, и замараса лэс, и чхурдаса лэс дрэ вари-сави ганбин (рово/хохой), и пхэнаса, со рискирибнаскиро мурдал (зверё) хая лэс; и дыкхаса, со явэла лэскирэ сунэндыр.” ²¹ И шундэ дава Рувимо, и зракхцэ лэс лэнгирэ вастэндыр, пхэни: “На мулякираса лэс.” ²² И пхэндэ лэнгэ Рувимо: “На прочхувэн рат, а чхурдэн лэс дрэ ганбин (рово/хохой), сави исын пэ чхучи пхув, а васта на чхувэн пэ лэстэ.” Дава ракирдэ ёв, соб (кай) тэ зракхэл лэс лэнгирэ вастэндыр и тэ рискирэл лэс кэ лэскиро дад. ²³ Кэли Ёза явдэ кэ пэскирэ пшала, ёнэ тырдынэ криг Ёзастыр лэскиро урибэн, цвятытко псикитко (накидка), сави сыс пэ лэстэ, ²⁴ и лынэ лэс и чхурдынэ дрэ ганбин; дая ганбин сыс чхучи, пани дрэ латэ на сыс. ²⁵ И ёнэ бэшнэ тэ хан марó, и, дыкхнэ, гада, джалас Галаадостыр каравано Измаильтянэнгиро, лэнгирэ верблюды лыджанас стиракса (ароматы), бальзамо и ладано: джанас ёнэ тэ лыджан дава дро Египто. ²⁶ Юда пхэндэ пэскирэ пшалэнгэ: “Саво лачхипэн явэла, коли амэ замараса амарэ пшалэс и гараваса лэскиро рат? ²⁷ Явэн, бикнаса лэс Измаильтянэнгэ, а амарэ васта мэк тэ на явэн пэ

лэстэ; пал-довá со ёв исын амарó пшал, лоч (плоть) амарí.” Пшáла лэс кандынó. ²⁸ Тэньци, кэли джáнас Мадиямоскирэ кúпцы (тылгáрья), ёнэ тырдынэ Ёзас яврí ганбинятыр, газдынó лэс и бикиндлэ Ёзас Измаильтянэнгэ пал биш рупувó; а ёнэ лыджинó Ёзас дро Егíпто. ²⁹ Рувимо нэвэстыр явдý кэ ганбín; и гáда, нанэ Ёзас дрэ ганбín. И роскостя ёв пэскирэ íди, ³⁰ и рисиý кэ пэскирэ пшáла, и пхэндý: “Тэрнó-бэршэнгирэс нанэ, а мэ карик кэравапэ?” ³¹ И лынé Ёзаскири íдя, и замардé бузнэс (козлос), и макхнэ íдя ратéса; ³² и почхудэ и цвятытко псикитко, и яндлэ кэ пэскиро дад, и пхэндлэ: “Амэ латхям дава́; подыкх, ци тырэскирэ-чхавэскири даý íдя, ци над.” ³³ Ёв галыý ла, и пхэндý: “Даý исын íдя мирé чхавэскири, яну́ро (хишчно звéрё) хая лэс; чачó, Ёза сыс рискирдо пэ котэра.” ³⁴ И роскостя Яково пэскирэ íди, и чхудý балытко гонó праскаса пэ пэскирэ пашварé, и обровэлас ёв бут дывэсá пэскирэ чхавэс. ³⁵ И скэдынэпэ сарé лэскирэ чхавé и чхай, соб (кай) тэ штылякирэн лэс; нэ ёв на камдý, соб (кай) тэ подрикирэн лэс, и пхэндý: “Обровибнаса джáва мэ кэ миро чхавó дро лóно (пэ дова́ свéто).” Адýкэ ровэлас лэскиро дад пал лэстэ. ³⁶ Мадиянитяни бикиндлэ лэс дро Егíпто Потифароскэ, фараонóскирэ барыдырэскэ, савó сыс рай пэ стрэгáрьэндэ (стражникэндэ).

Шэрó 38

Юда и Фамарь

¹ И адýкэ сыс дрэ дова́ часо (цýро): о Юда гíя криг пэскирэ пшалéндыр, и яцý тэ дживéл пашýл екхэстэ Одоламיתяниностэ, савэскиро лав сыс Хира́. ² И дыкхцý одóй Юда екха-Хананеяниноскирья чха, савýякиро лав сыс Шýа, и лыý ла, и загиý кэ ёй. ³ Ёй запхария, и бияндý чхавэс; и ёв дыý лэскэ лав: Иро. ⁴ И явíр мóло запхария, и бияндý чхавэс, и ёв дыý лэскэ лав: Онано. ⁵ И трýто мóло бияндý чхавэс, и дыý лэскэ лав: Шэлá. Юда сыс кэ Хезиво, кэли ёй бияндý лэс. ⁶ И лыý Юда ромнý Ироскэ, англатунé пэскирэ чхавэскэ; лав лáкиро сыс Фамáрь. ⁷ Англатунó Юдáскиро Иро, на сыс лачхó Дэвлэскэ, и Дэвэл лэс мулякирдý. ⁸ И пхэндý Юда Онаноскэ: “Заджá кэ тырэ-пшалэскири ромнý, лэ ла палорóм сыр дэвирé (сало), и чхув палэ, тырэ-пшалэскиро рóдо.” ⁹ Онано джиндý, со рóдо на явэла лэскэ, и, палдава́, кэли ёв джáлас кэ лэскирэ-пшалэскири ромнý, то вычхувэлас сал (семё) пэ пхув, соб (кай) тэ на дэл рóдо лэскирэ пшалэскэ.” ¹⁰ Давá сыс холý ангíл Растэ-Дэвлэстэ, пал дова́ со ёв кэрдý; и Ёв мулякирдý и лэс. ¹¹ И пхэндý Юда Фамарýкэ, пэскирэ борýкэ: “Джив пивлýса (удоваса) дрэ тырэ-дадэскиро кхэр, пака (ангíл дова́, сыр) подбарýела миро чхавó Шэлá.” Пал-довá со ёв пхэндý: “Тэ на мэрэл и ёв адýкэ-паць, сыр мынó лэскирэ пшáла.” Фамарь гíя и лыý тэ дживéл дрэ пэскирэ-дадэскиро кхэр. ¹² Прогíя (накхцý) бут часо, и мыý Шуоскири чхай, Юдаскири ромнý. Юда штылыи, гíя дрэ Фамна кэ манúш, савó обчхинэла вýлна пэ лэскирэ бакрэндэ, кокорó и лэскиро дрýго (мал) Хира, Одоламיתянино. ¹³ И пхэндлэ Фамарýкэ: “Гáда, тырó састро джáла дрэ Фамна, тэ обчхинэл вýлна пэ пэскирэ кхэритконé мурдалэндэ (бакрэндэ).” ¹⁴ И злыý ёй пэстыр пивлякиро (удовакиро) урибэн, учхакирдý пэс цэргицаса, и зачхакирдýпэ, бэсцý пашýл Енаимоскири пóрта (враты), со сыс пэ дром дрэ Фамна. Палдава́ со ёй дыкхцý, со Шэлá выбраия, и ёй на сыс дынý лэскэ дрэ ромнýтэ. ¹⁵ И дыкхцý ла Юда, и гиндý ла пал биладжакунé джувлýтэ, пал-довá со ёй учхакирдý пэскиро муй. ¹⁶ Ёв подгíя кэ ёй, и пхэндý: “Тэ заджав мэ кэ ту.” Пал-довá со ёв на джиндý, со ёй сыс лэскири бори. Ёй пхэндý: “Со ту дэса мангэ, коли заджаса кэ мэ?” ¹⁷ Ёв пхэндý: “Мэ бичхавáва тýкэ бузнорэс (козлénкос) стадатыр.” Ёй пхэндý: “Ци дэса ту мангэ сымадý (залого), пака бичхавэса?” ¹⁸ Ёв пхэндý: “Савí сымадý тэ дав тýкэ?” Ёй пхэндý: “Тырí ангрусты чэргонорýса (печатка), и тырí кустýк, и тырó дэстó (трость), савó исын дро тырó васт.” И дыý ёв лáкэ, и загиý кэ ёй; и ёй яцý пхарí лэстыр. ¹⁹ И, уштыý, и гíя ёй, злыý пэстыр цэргица, и уридяпэ дрэ пэскирэ-пивлякири (удовакири) íдя. ²⁰ Э Юда бичхадý бузнорэс (козлénкос) пир пэскирэ малэстэ Одоламיתяниностэ, соб (кай) тэ лэл сымадý (залого) джувлякирэ вастэндýр, нэ ёв на латхý ла. ²¹ И пхуцý одолé штэтоскирэ манушэндýр: “Кай исын биладжакунý джувлý, савí сыс дро Енаимо пашýл дром?” Нэ ёнэ пхэндлэ: “Ада́й, на

сыс биладжакуны джувлы.”²² И рисия ёв кэ Юда, и пхэндя: “Мэ на латхём ла; и мануша долэ штэтоскирэ пхэндлэ: “Адай, на сыс биладжакуны джувлы.”²³ Юда пхэндя: “Мэк ёй тэ лэл лэн пэскэ, соб (кай) мануша тэ на лэн тэ санпэ амэндры; гада, мэ бичхадём далэс бузнорэс; нэ ту на латхян ла.”²⁴ Прогия (нахця) пашыл трин чхона, и пхэндлэ Юдаскэ: “Фамарь, тыри бори, загия дро блэндо, и гада, ёй исын пэралы блэндостыр.” Юда пхэндя: “Вылыджан ла, и мэк ёй тэ явэл схачкирды.”²⁵ Нэ кэли лыджинэ ла, ёй бичхадя тэ пхэнэн лакирэ састрэскэ: “Мэ яцём пэралы одолэстыр, конэскирэ исын далэ предметы.” И пхэндя: “Пхэнэн тэ джинэн, конэскири дая антрусты чэрнорьяса (печатка), и кустык и дэсто (трость).”²⁶ Юда приджиндя предметы, и пхэндя: “Ёй исын чачунэдыр мандыр, пал-дова со мэ на дыём ла Шэласкэ, мирэ чхавэскэ.” И ёв на джинэлас ла бутыр.²⁷ И кэли ей биянэлас, то яця джиндло, со близняты (дуёре) сыс дрэ лакири лочови (утроба).²⁸ И кэли ей биянэлас, то сыкадыя васт, и лыя пхури, сави бабинэлас, и припхандя лэскэ пэ васт лолэ тхав, пхэндя: “Адава выгия англэдыр.”²⁹ Нэ ёв рискирдя пэскиро васт; и гада, выгия лэскиро пшал. И ёй пхэндя: “Сыр ту скэдыян пэскэ зор тэ выджас? И дыно лэскэ лав: Фарэсо.”³⁰ Палэ дава выгия лэскиро пшал лолэ тхавинаса пэ васт. И дыно лэскэ лав: Зара [Зарах-ю.о.].

Шэро 39

Ёза кэ Потифаро

¹ Ёзас (Иосифос) лыджинэ дро Египто, и киндя лэс Измаильтянэнгирэ вастэндры, савэ яндлэ лэс одорик, о Потифаро Египтянино, Фараонэскиро барыдыро пэ стрэгарьэндэ. ² И сыс Рай Дэвэл Ёзаса: ёв сыс бахталэ дрэ рэнды (дэлы), и дживдя дро пэскирэ-хуласкиро Египтяниноскиро кхэр. ³ И лэскиро хулай дыкхця, со лэса сыс Рай Дэвэл, и со сарэскэ, со ёв кэрэла, Рай Дэвэл дрэ лэскирэ васта дэла бахт. ⁴ И латхя Ёза дрэ лэскирэ якха ласка, и дынариндя лэскэ. И о Потифаро чхудя лэс дыкхибнаскирэса (надзирателёса) пэ пэскиро кхэр, и саро, со сыс лэстэ, ёв отдыя дрэ лэскирэ васта. ⁵ И долэ дывэсэндры, сыр ёв лэс чхудя пэ пэскиро кхэр и пэ саро, со сыс лэстэ, Рай Дэвэл бахтыкирдя Египтяниноскиро кхэр ваш Ёзаскэ, и сыс Рэскирэ-Дэвлэскиро бахтыкирибэн пэ саро, со сыс лэстэ дро кхэр и пэ фэлда. ⁶ И ячкирдя ёв саро, со сыс лэстэ, дрэ Ёзаскирэ васта; и на джиндя пал лэстэ ничи, априч маро, саво ёв хая. Ёза сыс шукар стэмаса (станоса) и моса. ⁷ И сыс адякэ пал долэ рэнды, со лыя тэ дыкхэл пэ Ёзастэ лэскирэ-хуласкири джувлы (ромны), и пхэндя: “Пасёв манца.”⁸ Нэ ёв отпхэндяпэ, и пхэндя пэскирэ хуласкирэ ромнякэ: “Гада, миро хулай на джинэла пал мандэ ничи дро кхэр, и саро, со сыс лэстэ, отдыя дрэ мирэ васта; ⁹ нанэ барэдыр мандыр дро дава кхэр; и ёв дыя зор мангэ пэ саро, априч тутэ, пал-дова со ту сан лэскэ ромны; сыр мэ кэрава дава баро фуипэн и явава грэхитко ангил Дэвлэстэ?”¹⁰ Кэли адякэ ёй кажно дывэс ракирдя Ёзаскэ, а ёв ла на кандыя, соб (кай) тэ пасёл ласа и тэ явэл ласа, ¹¹ то выгия со дро екх дывэс, со ёв загия дро кхэр тэ кэрэл пэскиро рэндо, а кхэритконэндры адай дро кхэр никон на сыс; ¹² ёй ухтылдя лэс пал лэскиро урибэн и пхэндя: “Пасёв манца.” Нэ ёв, ячкирдя лэскиро урибэн дрэ лакирэ васта, попрастандыя, и настя яври. ¹³ Ёй, дыкхи, со ёв ячкирдя лэскиро урибэн дрэ лакирэ васта и настя яври, ¹⁴ кхардя пэскирэ кхэритконэн, и пхэндя лэнгэ адякэ: “Дыкхэн, ёв яндя кэ амэ адалэ Юдос тэ салпэ амэндры. Ёв явдя кэ мэ, соб (кай) тэ пасёл манца, нэ мэ задыём годла, ¹⁵ и ёв, сыр шундя, со мэ газдыём годла, ячкирдя мандэ лэскиро урибэн, и прастандыя, и настя яври.”¹⁶ И ёй ячкирдя лэскиро урибэн пэстэ кэ лэскирэ хуласкиро явибэн дро пэскиро кхэр. ¹⁷ И роспхэндя лэскэ долэ-паць лавэ: “О писхари Юдо, савэс ту яндян кэ амэ, сыс яви кэ мэ тэ салпэ мандыр. ¹⁸ Нэ, кэли мэ газдыём годла, то ёв ячкирдя мандэ лэскиро урибэн и настя яври.”¹⁹ Кэли лэскиро хулай шундя пэскирэ-ромнякирэ лавэ, савэ ёй пхэндя лэскэ: “Адякэ кэрдя тыро писхари мангэ”, ёв захачия холяса; ²⁰ и лыя Ёзас лэскиро хулай, и отдыя лэс дрэ бэшыбэн, кай бэштэ сыс кралискирэ бэшыбнарья. И ёв одой сыс дро бэшыбэн. ²¹ Нэ Рай Дэвэл сыс Ёзаса, и дыя кэ ёв тангипэн, и дыя лэскэ ласка дрэ якха бэшыбнаскирэ барыдыр (фандарискэ). ²² И отдыя фандари дрэ васта Ёзаскэ сарэн бэшыбнарьен, савэ сыс дро бэшыбэн (штарибэн), и дро саро,

со ёнэ одой на кэрдэ, ёв сыс хулай пэ лэндэ. ²³ О фандари и нэ дыкхця ни пал чи, со сыс лэстэ дрэ васта, пал-дова со Рай Дэвэл сыс Ёзаса, и дрэ саро, со ёв кэрдя, Рай Дэвэл дэлас бахт лэскэ.

Шэрó 40

Сунэ дро Бэшыбэн

¹ И сыс адякэ палэ долэ рэндэ, со Египтоскирэ-кralи́скиро барыдырo виночерпиё (кучи́кари) и барыдырo хлебодарo (пэкаибна́ри) ячнó бангэ ангил пэскирэ хуластэ, Египтоскирэ кralи́стэ. ² И росхолясыя фараоно пэ дуендэ пэскирэ кralи́скирэ барыдырэндэ, пэ виночерпиёстэ (кучи́каристэ) и пэ хлебодаростэ (пэкаибна́ристэ), ³ и отдыя лэн дрэ кица (темница) стрэгарьёнгирэ раскэ, дро бэшыбэн, дро штэто, кай сыс бэштó Ёза. ⁴ Рай стрэгарьёнгиро чхудя кэ ёнэ Ёзас, и ёв дынариндя лэнгэ. И сыс ёнэ тэл раххибнарьёндэ вари-кицы́ часо. ⁵ Екхвар Египтоскирэ-кralи́скирэ кучика́ри и пэкаибна́ри, савэ сыс захандлэ дро бэшыбэн, дыкхнэ сунэ, кажно пэскиро сунó, дуэнгэ дрэ екх рат, кажнонэскэ сунó пэскирэ значыныбнаса. ⁶ И явдя кэ ёнэ Ёза пэ злóко (ранко), дыкхця лэн, и гада, ёнэ страхадынэ пэскэ. ⁷ И пхуця ёв фараонóскирэ барыдырэндэр, савэ сыс лэса дрэ кица (темница) хуласкири, ракири: “Сóскэ ададывэс тумэндэ исын смутна (смэнтна) муя?” ⁸ Ёнэ пхэндлэ лэскэ: “Амэ дыкхцям сунэ; а тэ пирипхэнэн лэн нанэ конэскэ.” О Ёза пхэндя лэнгэ: “Ци дава́ исын на Дэвлэстыр исын пирипхэныбэн (значи́ныбэн)? Роспхэнэн лэн мангэ.” ⁹ И роспхэндя барыдыр кучикари пэскиро сунó Ёзаскэ, и пхэндя лэскэ: “Мэ дыкхцём сунэ, гада, винаградоскиро (дракха́киро) хрúсто сыс ангил мандэ; ¹⁰ пэ хрúсто сыс трин рандя. Ёв розбарияпэ, сыкадыя пэ лэстэ лулуды́ (цвэто), выбаринэ и выспеиндлэ пэ лэстэ му́ри; ¹¹ и фараонóскиро тахтай сыс мандэ дро васт; мэ лыём му́ри, вытасадём лэн дро фараонóскиро тахтай (чаша), и подыём фараонóскэ тахтай дрэ васта.” ¹² И пхэндя лэскэ Ёза: “Га́да, исын лэскиро значи́ныбэн: трин рандя – далэ исын трин дывэса́; ¹³ пир трин дывэса́ фараоно газдэла тырo шэрo, и рискирэла тут пэ тырo штэто, и ту подэса фараонóскэ дро лэскиро васт тахтай (чаша), сыр гарэдыр, кели ту и сана́с лэстэ кучика́риса, ¹⁴ пририпир ман, кели шука́р явэла тукэ, и, мэ манга́ва тут, кэр мангэ лачхó рэндо, и пхэн пал мандэ фараонóскэ, и вылыджа ман далэ кхэрэстыр, ¹⁵ пал-дова со ман чордэ Юдэ́нгирэ пхувья́тыр; адякэ-паць и ада́й ничи́ на кэрдём, пал со тэ чхурдэн ман дро бэшыбэн.” ¹⁶ Барыдырo пэкаибна́ри дыкхця, со пирипхэндя ёв лачхэс, и пхэндя Ёзаскэ: “Мэ адякэ-паць дыкхцём сунэ: га́да, пэ шэрo мандэ сыс трин корзы́ны (кхудэ); ¹⁷ дрэ упратуно кхудо сыс любо фараонóскиро хабэн, со кэрдя ману́ш, савó пэкэла; и чирикля́ клюиндлэ лэс кхудэстыр пэ миро шэрo.” ¹⁸ И пхэндя Ёза: “Га́да, лэскиро значи́ныбэн: трин кхудэ – далэ исын трин дывэса́, ¹⁹ пир трин дывэса́ фараоно лэла криг тырo шэрo тۇтыр, и ублавэла тут пэ кашт (дрэво), и чирикля́ явэна тэ клюинэн тырo мас тۇтыр.” ²⁰ Пэ трýто дывэс, савó сыс фараонóскиро бияныпны́тко дывэс, кэрдя ёв свэнко ваш сарэ́нгэ пэскирэ дынарьё́нгэ (слугэ́нгэ), и пририпирдя пал барыдыршонэ кучика́ристэ (виночерпиё́стэ) и пэкаибна́ристэ (хлебодаростэ), машки́р пэскирэ дынарьё́ндэ (слугэ́ндэ); ²¹ и рискирдя барыдыршонэ кучика́рис пэ лэскиро штэто, и ёв подыя тахтай фараонóскэ дро васт, ²² а барыдыршонэ пэкаибна́рис убладя, сыр пирипхэндя о Ёза лэнгэ. ²³ И на пририпирдя кучикари пал Ёзастэ, нэ бистырдя лэс.

Шэрó 41

Сунэ Фараонóскирэ

¹ Сыр гия́ дуй бэрш о фараоно дыкхця сунэ: га́да, ёв сыс тэрдó пашыл рэка (лэнь); ² и га́да, выгинэ́ рэка́тыр (лэня́тыр) эфта́ (битринэ́нгиро дэш) гуру́мня, лачхó и масунэ, и чарадэ́пэ пэ тростникитко чар (тришчы́на). ³ Тэ́ньци, акэ, палó лэндэ выгинэ́ рэка́тыр (лэня́тыр) яви́р

эфта гурумня, шукэ, и тэрдинэ пашыл долэ гурумнэндэ, пэ брэго рэка (лэнь); ⁴ и сханэ шукэ гурумня эфта (эфтанэ) гурумнэн лачхэн и тхулэн. И уштыя фараоно, ⁵ и засутя нэвэстыр, и дыкхця сунэ явир: гада, пэ екх гэрэй (стеблэ) газдынэпэ эфта колосы (гивлия) зоралэ и лачхэ; ⁶ нэ гада, палó (после) лэндэ выбаринэ эфта колосы, санэ и сыс вышутькирдэ восточнонэ балвалыса; ⁷ и сханэ санэ колосы (гивлия) эфта зоралэ и пхэрдэ колосы. И уштыя фараоно, и галыя, со дава сыс сунó. ⁸ И сыс адякэ: злокоса (пэ ранко) пыя лэскиро дүхо (фано), и бичхадя ёв, и кхардя сарэн Египтоскирэ магэн (човаханэн) и сарэн лэскирэ танукэн (мудрецэн), и роспхэндя лэнгэ фараоно пэскиро сунó; нэ никон на сыс, кон бы тэ пирипхэнэл лэс фараонóскэ. ⁹ И лыя тэ ракирэл барыдыр кучикари фараонóскэ, и пхэндя: “Грэхи мирэ пририпирава мэ ададывэс; ¹⁰ сыр фараоно холясыя пэ пэскирэ писхарьендэ, и отдыя ман и барыдыршонэ пэкаибнарис (хлебодарос) тэл раххибнарьендэ дро кхэр, кай стрэгарьенгиро рай; ¹¹ и дрэ екх рат ёв и амэ дыкхцям сунó, и дро кажно сунó сыс явир значыныбэн. ¹² И сыс одой амэнца тэрно Юдо, писхари стрэгарьенгирэ раскэ; амэ роспхэндям лэскэ амарэ сунэ, и ёв амэнгэ кажнонэскэ пирипхэндя; ¹³ и сыр ёв роспхэндя значыныбэн амэнгэ, адякэ и сыс: мэ сом рискирдо пэ миро штэто, а одова сыс убладо.” ¹⁴ И бичхадя фараоно, и кхардя Ёзас (Иосифос). И сыгэс лыджинэ яврий лэс бэшыбнастыр. Ёв подчхиндятэ и мурадяпэ и парудя пэскири йдя, явдя кэ фараоно. ¹⁵ Фараоно пхэндя Ёзаскэ: “Мэ дыкхцём сунэ, и нанэ никонэс тэ пирипхэнэл лэс, а пал тутэ мэ шундём, со ту джине́са тэ пирипхэнэс сунэ.” ¹⁶ И пхэндя Ёза фараонóскэ: “Давá сарó исын на миро; Дэвэл дэла отпхэныбэн дро лачхипэн фараонóскэ.” ¹⁷ И пхэндя фараоно Ёзаскэ: “Мэ дыкхцём сунэ: гада, тэрдó мэ сом пэ брэго рэакиро (лэнякиро); ¹⁸ и гада, выгинэ рэкатыр (лэнятыр) эфта гурумня, тхулэ и лачхэ, и чарадэпэ дрэ тростникитко чар; ¹⁹ нэ гада, палó лэндэ выгинэ эфта явир гурумня, шукэ, выдыщёнас сыр насвалэ, древán налачхэ пир масá; мэ на дыкхцём пэ сарй Египтоскири пхув дасавэн шукэн, сыр ёнэ сыс; ²⁰ и сханэ шукэ гурумня англатунэн тхулэн гурумнэн; ²¹ и загинэ тхулэ дро лэнгиро пэр, нэ на сыс бицялó, со ёнэ загинэ дро лэнгиро пэр: ёнэ сыс адякэ-паць шукэ, сыр и англэдёр. И мэ уштыём. ²² И мэ дыкхцём явир сунэ: “Гáда, пэ екх рандь газдынэпэ эфта колосы (гивлия), пхэрдэ и лачхэ; ²³ нэ гада, палó лэндэ выбаринэ эфта колосы (гивлия) санэ, и сыс вышутькирдэ восточнонэ балвалыса; ²⁴ и сханэ санэ колосы (гивлия) эфта лачхэ колосы (гивлия). Мэ роспхэндём дава магэнгэ (човаханэнгэ), нэ никон на могондя (на дыя рада) тэ пирипхэнэл мангэ.” ²⁵ И пхэндя Ёза (Иосифо) фараонóскэ: “Сунó фараонóскиро исын екх: со Дэвэл кэрэла, то дова Ёв сыкавэла фараонóскэ: ²⁶ эфта лачхэ гурумня, дава исын эфта бэрш; и эфта лачхэ колосы, дава исын эфта бэрш: сунó екх; ²⁷ и эфта шукэ гурумня, савэ выгинэ палó долэндэ, дава эфта бэрш, адякэ-паць и эфта санэ колосы, со сыс вышутькирдэ восточнонэ балвалыса, адалэ эфта бэрш-бокх. ²⁸ Гáда, сóскэ мэ пхэндём фараонóскэ: со Дэвэл кэрэла, дова Ёв сыкадя фараонóскэ. ²⁹ Гáда, явэна эфта бэрш, со пир сарй Египтоскири пхув явэла сарó бут; ³⁰ нэ палó лэндэ явэна эфта бэрш бокх, и бистрэлапэ сарó дова, со сыс пэ Египтоскири пхув бут, и бокх богакирэла пхув, ³¹ и бицялó на явэла англатунó бутыпэн (достатко), со сыс пэ пхув, пирдал бокх, савй явэла, пал-дова со ёй явэла древán пхарй. ³² А дова, со сунó дыкхця фараоно дуй мóлы, дава исын, со дава Дэвлóскиро лав исын чачунó, и со сыг Дэвэл кэрэла дава. ³³ И палдава аканá, мэк тэ выкэдэл фараоно муршэс годьварэс и годэс, и мэк тэ чхувэл лэс пэ Египтоскири пхув. ³⁴ Мэк тэ припхэнэл фараоно тэ чхувэн пэ пхув дыкхибнаскирэн (надзирателен), и тэ скэдэн дрэ эфта барвалэ бэршá, кели явэна, панджто паш Египтоскирэ пхувьятыр; ³⁵ мэк ёнэ тэ лэн кажно марó далэ-лачхэнгирэ бэршэнгиро, кели ёнэ явэна, и скэдэна дрэ фóрья марó ваш хабэн тэл фараонóскиро джиныбэн, и мэк тэ раххэн; ³⁶ и явэла дава хабэн тэ пасёл ваш пхув пэ эфатонэ-бокхакирэ бэршá, савэ явэна пэ Египтоскири пхув, соб (кай) пхув тэ на хасёл бокхатыр.”

Ёзас газдэна дрэ Зор и Право

³⁷ Давá сыс пир илó фараонóскэ и сарэнгэ лэскирэ дынарьэнгэ. ³⁸ И пхэндя фараоно пэскирэ дынарьэнгэ: “Ци латхаса амэ адасавэс, сыр ёв исын, манушэс, дрэ савэстэ тэ явэл

Дэвлэскиро Дүхо (Фано)?”³⁹ И пхэндя фараоно Ёзаскэ (Иосифоскэ): “Адякэ сыр Дэвэл отчакирдя түкэ саро дава, и нанэ адасавэс годьварэс и годэс, сыр ту сан;”⁴⁰ то ту явэса пэ миро кхэр, и тырэ лавэскэ явэна тэ рикирэнпэ сарэ мирэ манушá; екхэ престолоса (троноса) мэ явава барэдыр тутыр.”⁴¹ И пхэндя фараоно Ёзаскэ: “Гада, мэ чхувава тут пэ сарí Египтоскири пхув.”⁴² И злыя фараоно пэскирэ вастэстыр ангрусты чэргэнорьяса (печатка), и уридя ла пэ Ёзаскиро васт; уридя лэс дрэ висоньтко йдя, чхудя лэскэ пэ мэн сувнакунý зандирори (цэпочка);⁴³ и пхэндя тэ лыджан лэс пэ явír пэскирэ марибнытконé вурдэнэндýр (колесницэндýр) и тэ дэн гóдла ангíл лэстэ: “Бангякирэн чанг”! И чхудя лэс пэ сарí Египтоскири пхув.⁴⁴ И пхэндя фараоно Ёзаскэ: “Мэ сом фараоно, и би-тырэ лавэскиро никон на газдэла ни пэскиро васт, ни гэрóй, пэ сарí Египтоскири пхув.”⁴⁵ И дýя фараоно Ёзаскэ лав: Цафнаф-Панеахо [Цафнат-Панеах-ю.о.]; и дýя лэскэ дрэ ромнятэ Асенефа [Асенат-ю.о.], Потифароскирья чха, Илиопольсконэ (Гелиополисконэ) жрецоскирья. И гия Ёза пир сарí Египтоскири пхув.⁴⁶ Э Ёзаскэ бияныпнастыр сыс триянда бэрш, кели ёв тэрдия ангíл фараонóскиро муй, Египтоскирэ крали́стэ. И гия Ёза фараоностыр, и гия пир сарí Египтоскирэ пхув.⁴⁷ Пхув дрэ далé лачхэ эфта́ бэрш янэлас екхэ зёрностыр (зяркатыр) пир бурнык (жменя).⁴⁸ И скэдыя ёв эфта́-бэршэнги́ро кажно марó, савé бут бияндéнас пэ Египтоскири пхув, и чхудя марó дрэ фóрья; дрэ кажно фóро чхудя фэлдакиро марó, савó сыс пашýл лэстэ.⁴⁹ И скэдыя Ёза древан бут марó, сыр морёскиро (дэрьявэскиро) пра́хо адякэ, со пирияця́ тэ гинэл, пал-довá со нашты́ сыс тэ пиригинэл.⁵⁰ Ангíл бокхалé бэршá Ёзастэ бияндынэ дуй чхавé, савэн бияндя́ Асенефа, Потифароскири чхай, Илиопольсконэ-жрецоскири.⁵¹ И дýя лав Ёза пэскирэ англатунé чхавэ́скэ: Манасия [Мэнашшэ-ю.о.], пал-довá со ёв ракирдя́: “Дэвэл дýя мангэ́ тэ бистрав сарé биды мирé и сарó мирé-дадэскиро кхэр.”⁵² А явирэскэ дýя лав: Ефрёмó, пал-довá со ёв ракирдя́: “Дэвэл ман создýя бутé чхаворэнца пэ пхув, кай ман притасавэ́на.”⁵³ И прогинé лачхэ эфта́ бэршá, савé сыс пэ Египтоскири пхув,⁵⁴ и ячнэ́ бокхалé эфта́ бэршá, сыр пхэндя́ Ёза. И пэ сарé пхувýя сыс бокх; а пэ сарí Египтоскири пхув сыс марó.⁵⁵ Нэ кели́ и сарí Египтоскири пхув лыя́ тэ бокхалёл, тэды манушá лынé тэ ракирэн пал марó фараонóскэ. И пхэндя́ фараоно сарэнгэ́ Египтянэнгэ́: “Джан кэ Ёза (Иосифо), и кэрэн, со ёв тумэнгэ́ пхэнэла.”⁵⁶ И сыс пир сарí пхув бокх: и откэрдя́ Ёза сарé пираля́ (жытницы), и лыя́ тэ бикнэл Египтянэнгэ́ марó. Бокх яця́ барэдыр пэ Египтоскири пхув.⁵⁷ И сарé ригэндýр явэ́нас манушá дро Египто́ тэ кинэн Ёзастыр марó; пал-довá со бокх ячэлас барэдыр пир сарí пхув.

Шэрó 42

Ёзаскирэ Пшáла Явэ́на Дро Егíпто

¹ И галыя́ Яково, со дро Егíпто́ исын марó, и пхэндя́ Яково пэскирэ чхавэнгэ́: “Со тумé сан бэштé и дыкхэ́на?”² И пхэндя́: “Гада, мэ шундём, со исын марó дро Егíпто; джан одорíк, и кинэн амэнгэ́ одотхýр марó, соб (кай) амэнгэ́ тэ дживáс и тэ на мэрас.”³ Э дэш Ёзаскирэ пшáла гинé тэ кинэн марó дро Егíпто,⁴ а Вениа́минос, Ёзаскирэ пшалэс, Яково на бичхадя́ лэскирэ пшалэнца; пал-довá со пхэндя́: “Тэ на кэрэлпэ́ лэса бída.”⁵ И явнэ́ Израилёскирэ чхавé тэ кинэн марó, кхэтанé явирэ́ манушэнца, пал-довá со пэ Ханаанóскири пхув сыс бокх.⁶ Ёза сыс рай пэ доя́ пхув; и ёв бикнэ́лас марó сарé пхувýякирэ манушэнгэ́. Ёзаскирэ пшáла явнэ́, и кэрдé шэрэ́са (клониндлэ́пэ) кэ пхув.⁷ И дыкхця́ Ёза пэскирэ пшалэн, и галыя́ лэн; нэ на сыка́дя, со ёв джинэ́ла лэн, и ракирдя́ лэнца шы́лалэс, и пхэндя́ лэнгэ́: “Каты́р тумé явнэ́? Ёнэ пхэндлэ́: “Ханааноскирэ́ пхувýятыр тэ кина́с хабэн.”⁸ О Ёза галыя́ пэскирэ пшалэн, нэ ёнэ на галынé лэс.⁹ И прири́пирдя Ёза сунó, савó ёв дыкхця́ пал лэндэ́; и пхэндя́ лэнгэ́: “Тумé сан поддыкхи́бна́рья (шпионы); тумé явнэ́ тэ выды́кхэн назоралé (зломка) штэ́ты далé пхувýякирэ.”¹⁰ Ёнэ пхэндлэ́ лэскэ: “Над, хула́ё амарó, тырэ́ писха́рья (рабы) явнэ́ тэ кинэн хабэн;”¹¹ амэ́ сарé сам чхавé екхэ́скирэ манушэ́скирэ, амэ́ сам манушá чачунé, тырэ́ писха́рья исын на поддыкхи́бна́рья.”¹² Ёв пхэндя́ лэнгэ́: “Над, тумé явнэ́ тэ выды́кхэн назоралé штэ́ты далé пхувýякирэ.”¹³ Ёнэ пхэндлэ́: “Амэ́, тырэ́ писха́рья, сам дэшудýй

пшала; амэ сам екхэ-манушэскирэ чхавэ пэ Ханааноскири пхув, и, гада, тыкнэдыр аканá исын амарэ дадэса, а екхэс на яця. ¹⁴ И пхэндя лэнгэ Ёза: “Давá-паць мэ и ракирдём тумэнгэ, ракири: тумэ сан поддыкхибнарья; ¹⁵ гада, сыр тумэ явэна спробиндлэ: мэ совлахава фараоноскирэ джибнаса, тумэ на выджана адатхыр, коли на явэла адарик тумаро тыкнэдыр пшал; ¹⁶ бичхавэн тумэндыр екхэс, и мэк ёв тэ янэл тумарэ пшалэс, а тумэ явэна зарикирдэ; и отчхакирэлапэ, ци исын чачипэн тумэндэ; и коли над, тэды совлахава фараоноскирэ джибнаса, со тумэ сан поддыкхибнарья.” ¹⁷ И отдыя лэн стрэгарьёнгэ пэ трин дывэса. ¹⁸ И пхэндя лэнгэ Ёза пэ трито дывэс: “Гада, со кэрэн, и тумэ ячэнапэ джидэ; пал-довá со мэ дарава Дэвлэстыр: ¹⁹ коли тумэ сан чачунэ манушá, тэды мэк тумэндыр екх пшал тэ явэл дро кица (темница), кай тумэ сан бэштэ; а тумэ джэн, лыджэн маро ваш бокх тумарэ сэм’якири. ²⁰ А тыкнэдыршонэ тумарэ пшалэс янэн кэ мэ, соб (кай) тэ явэн чачунэ тумарэ лавá, и, соб (кай) тумэ тэ на мэрэн.” Адякэ ёнэ кэрдэ. ²¹ И ракирдэ ёнэ екх екхэскэ: “Чачунэс амэн сэндыкирдя пхарэс Дэвлэ пал грэхо пал амарэ пшалэстэ; амэ дыкхцям лэскирэ илэскирэ мэньки, кэли ёв мангдя амэн, нэ амэ на шундям; пал-довá и яця амэнгэ дая бйда.” ²² Рувимо лэнгэ пхэндя: “Ци на ракирдём мэ тумэнгэ: ‘На кэрэн грэхо проти тэрнэ манушэстэ?’ Нэ тумэ на кандынэ; гада, лэскиро рат пал лэскиро рат явэла бибахт.” ²³ А довá на джиндлэ ёнэ, со Ёза галёла лэн; пал-довá со машкир лэндэ сыс мануш, саво пирилыджалас (пиричхувэлас). ²⁴ И отгия лэндыр, и зарондя. И рисия кэ ёнэ, и ракирдя лэнца, и лыя лэндыр Симеонос (Семёнос), пхэндя лэс ангил лэнгирэ якхá. ²⁵ О Ёза припхэндя тэ чхувэн лэнгирэ гонэ марэса, а лэнгиро руп тэ рискирэн кажнонэскэ (сваконэскэ) дро лэскиро гонó, и тэ дэн лэнгэ пэса пэ дром. Адякэ и кэрдó сыс лэнца. ²⁶ Ёнэ чхудэ марó пэ пэскирэ ослэндэ и гинэ одотхыр. ²⁷ И екх лэндыр отчхакирдя пэскиро гонó, соб (кай) тэ дэл тэ хал пэ рат пэскирэ ослóскэ (мегарискэ); и дыкхця дрэ пэскиро гонó руп, ²⁸ и пхэндя пэскирэ пшалэнгэ: “Руп миро отдынó палэ; гада, ёв мандэ исын дро гонó.” И лыя тэ марэлпэ зоралэс лэнгиро илó, и ёнэ ракирдэ дарáса екх екхэскэ: “Со давá Дэвлэ кэрдя амэнца?” ²⁹ И явнэ кэ Яково, пэскиро дад, пэ Ханааноскири пхув, и роспхэндлэ лэскэ сарó, со кэрдяпэ лэнца: ³⁰ “Хула́й долé пхувьякиро ракирдя амэнца шылалэс, и прилыя амэн пал долé-пхувьякирэ поддыкхибнарьендэ.” ³¹ И пхэндям амэ лэскэ: ‘Амэ сам чачунэ манушá; амэ на самас поддыкхибнарья; ³² амэ сам дэшудуй пшала, чхавэ амарэ дадэстэ; екхэс на яця, а тыкнэдыр пшал исын аканá амарэ дадэса пэ Ханааноскири пхув.’ ³³ И пхэндя амэнгэ долé-пхувьякиро хула́й: “Гада, сыр мэ доджинава, ци тумэ сан манушá чачунэ: ячкирэн мандэ екхэс тумарэ пшалэндыр; а тумэ лэн марó ваш тумарэ сэм’якири бокх и джэн, ³⁴ янэн кэ мэ тумарэ тыкнэдыршонэ пшалэс; и мэ доджинава, со тумэ на сан поддыкхибнарья, нэ манушá сан чачунэ; Мэ отдáва тумарэ пшалэс тумэнгэ, и тумэ сашты (могинэна) тэ дживэн пэ дая пхув.” ³⁵ Кэли ёнэ вычхувэнас пэскирэ гонэ, гада, кажнонэстэ лэскиро вэнзло (пинглé) сыс рупэса дро гонó. И дыкхнэ ёнэ пэскирэ вэнзлы рупэса, ёнэ и лэнгиро дад, и страхáдынэ. ³⁶ И пхэндя лэнгэ лэнгиро дад Яково: “Тумэ отлынэ мандыр чхавэн Ёзас нанэ, и Симеонос (Семёнос) нанэ, и Вениаминос тэ лэн камэна, – сарó давá пэ мандэ!” ³⁷ И пхэндя Рувимо пэскирэ дадэскэ: “Замар мирé дуён чхавэн, коли мэ на яна́ва лэс кэ ту; отдэ лэс пэ мирé вастá; мэ яна́ва лэс тукэ.” ³⁸ Ёв пхэндя: “На джáла миро чхавó тумэнца; пал-довá со лэскиро пшал мыя, и ёв яцяпэ екх. Коли кэрэлапэ лэса бйда пэ дром, дро савó тумэ джáна, тэды лыджáна тумэ мирé сыва балá тугаса дро люно (адо) [магилытко (коплицá)-ю.о.].”

Шэрó 43

Ёзаскирэ Пшáла Рисёна Палэ Вениаминоса

¹ Бокх яця барэдыр пэ пхув. ² И кэли ёнэ ханэ сарó марó, савó яндлэ Египтóстыр, тэды лэнгиро дад пхэндя лэнгэ: “Джэн нэвэстыр, кинэн амэнгэ нáбут хабэн.” ³ И пхэндя лэскэ Юда: “Одовá мануш пхарэс прираххця амэн: ‘На явэн кэ мэ, коли тумарó пшал на явэла тумэнца’. ⁴ Коли бичхавэса амэнца амарэ пшалэс, тэды джáса и кинаса тукэ хабэн, ⁵ а коли на бичхавэса, тэды на джáса, пал-довá со одовá мануш пхэндя амэнгэ: ‘На явэн кэ мэ, коли

тумарó пшал на явэла тумэнца’.”⁶ Израилё пхэндя: “Ваш со тумэ кэрдэ мангэ дасави холы, со пхэндлэ одолэскэ манушэскэ, со тумэндэ исын пшал?”⁷ Ёнэ пхэндлэ: “Одова мануш пхуцяпэ пал амэндэ и пал амарó рóдо, ракирдя: ‘Ци джидó исын тумарó дад? Ци исын тумэндэ пшал?’ Амэ и роспхэндям лэскэ пир лэскирэ пхучибэна. Ци могиндям (саштындям) амэ тэ джинас, со ёв пхэнэла: ‘Янэн тумарэ пшалэс?’”⁸ О Юда пхэндя Израилёскэ, пэскирэ дадэскэ: “Мэк тэрнэ-бэршэнгирэ манушэс манца, и амэ уштаса и джаса, и яваса джидэ и на мэраса и амэ, и ту, и амарэ чхавэ;”⁹ мэ отпхэнава пал лэстэ, мирэ вастэндыр пхучэса лэс. Кóли мэ на янава лэс кэ ту, и на чхувава лэс ангил тырó муй, тэды мэ ячавапэ ангил тóтэ бангó дрэ сарэ джибнаскирэ дывэса;”¹⁰ кóли амэ тэ на тырдасас часо, спсирасас бы дуй мóлы.”¹¹ Лэнгиро дад, о Израилё, пхэндя лэнгэ: “Кóли адякэ, тэды, гада, со кэрэн: лэн пэса далэ пхувьякирэ барьякирдэ (плóды), и лыджан дро почастунко одолэскэ манушэскэ: вари-кицы балзамо и вари-кицы авгін (мэда), ароматы и ладано, фисташки и миндалитка пэгэндэ (орехи);”¹² лэн и явир руп дрэ тумарэ васта; а руп, савó палэ чхудо дрэ тумарэ гонэ, отдэн палэ тумарэ вастэнца: сашты (могинэла) тэ явэл, дава ёнэ на додыкхнэ;”¹³ и лэн тумарэ пшалэс, и, уштэн, джан нэвэстыр кэ одова мануш;”¹⁴ О Дэвэл, Сарэзорьякиро, мэк тэ дэл тумэнгэ тэ латхэн ласка одолэ манушэстэ, соб (кай) ёв тэ отмэкэл тумэн и явирэс тумарэ пшалэс и Вениаинос, а мангэ, кóли трэй тэ явав би чхаворэнгиро, тэды мэк мэ ячавапэ би чхаворэнгиро.”¹⁵ И одолэ мануша лынэ далэ почастунки (дары), и дрэ дуй мóлы руп лынэ дрэ пэскирэ васта, и Вениаинос, уштынэ, и гинэ дро Египто и явнэ кэ Ёза.”¹⁶ О Ёза, сыр дыкхця машкир лэндэ Вениаинос, то пхэндя пэскирэ кхэрэскирэ раскэ: “Лыджа адалэ манушэн дро кхэр, и зачхин вари-со масэстыр, и кэрэв, пал-дова со дро паш-дывэс адалэ мануша явэна манца тэ хан.”¹⁷ И кэрдя одова мануш, сыр пхэндя о Ёза, и одова мануш лыджия кодолэн манушэн дро Ёзаскиро кхэр.”¹⁸ И мануша адалэ страхадынэ, со лыджинэ лэн дро Ёзаскиро кхэр, и пхэндлэ: “Давá исын пал руп, савó чхудо сыс англэдýр дрэ амарэ гонэ, залыджинэ амэн, соб (кай) тэ припхандэнпэ кэ амэ и тэ пэрэн пэ амэндэ, и тэ лэн амэн дро писхарибэн (рабство) и тэ замарэн ослэн.”¹⁹ И подгинэ ёнэ кэ Ёзаскирэ-кхэрэскиро рай, и лынэ тэ ракирэн лэскэ пашыл кхэрэскирэ вударá,”²⁰ и пхэндлэ: “Шун, амарó раё, англэдýр самас тэ кинас хабэн,”²¹ и кэрдяпэ, со кэли амэ явдям тэ ратькирас и отчхакирдям амарэ гонэ, – гада, сыс кажнонэстэ руп дрэ лэскиро гонó, амарó руп пир сарó лэскиро, и амэ отдаса лэс палэ пэскирэ вастэнца;”²² а, соб (кай) тэ кинас хабэн амэ яндям явир руп дрэ амарэ васта, амэ на джинаса, кон амарó руп чхудя дрэ амарэ гонэ.”²³ Ёв пхэндя: “На думинэн, на дарэн; тумарó Дэвэл и тумарэ-дадэскиро Дэвэл дыя тумэнгэ кладо дрэ тумарэ гонэ; тумарó руп догия кэ мэ.” И яндя кэ ёнэ Симеонс (Семенос).”²⁴ И одова мануш лыджия адалэ манушэн дро Ёзаскиро кхэр, и дыя пани лэнгэ, и ёнэ обмордэ пэскирэ гэрá; и дыя хабэн лэнгирэ ослэнгэ (мегарьэнгэ).”²⁵ И ёнэ скэдынэ почастунки (дары) кэ Ёзаскиро явибэн дро паш-дывэс, пал-дова со шундлэ, со одóй явэна тэ хан марó.”²⁶ И явдя Ёза кхэрэ; и ёнэ яндлэ лэскэ дро кхэр почастунки, савэ сыс пэ лэнгирэ васта, кэрдэ шэрэса лэскэ кэ пхув.”²⁷ Ёв пхуцяпэ лэндыр пал састыпэн, и пхэндя: “Ци састó исын тумарó пхурó дад, пал савэстэ тумэ ракирдэ? Ци исын джидó ёв?”²⁸ Ёнэ пхэндлэ: “Састо исын тырó писхари, амарó дад; джидó.” И бандинэ ёнэ и кэрдэ шэрэса кэ пхув.”²⁹ И газдыя Ёза пэскирэ якхá, и дыкхця Вениаинос, пэскирэ пшалэс, пэскирэ-дакирэ чхавэс, и пхэндя: “Ци адава исын тумарó тыкнэдýр пшал, пал савэстэ тумэ мангэ ракирдэ?” И пхэндя: “Мэк тэ явэл Дэвлэскири ласка тóса, чхавó миро!””³⁰ И сыгэс гия лэндыр Ёза, пал-дова со захачия ласка кэ лэскиро пшал, и ёв нáбут со на зарондя, и загия ёв дрэ андратуны штóба, и рондя одóй.”³¹ И обмордя пэскиро муй, выгия, лыя пэс дрэ васта и пхэндя: “Подэн хабэн.””³² И подынэ лэскэ лэскиро, и лэнгэ лэнгиро, и Египтянэнгэ, савэ ханэ лóса, хабэн фэни (тóка) ваш лэнгэ: пал-дова со Египтянэнгэ нашты (на могинэнас) тэ хан Юдэнца, пал-дова со дава исын магирипэн ваш Египтянэнгэ.”³³ И бэшнэ ёнэ ангил лэстэ, англатунэ-родоскиро пир лэскиро англатунó рóдо, и тырнэдыр пир лэскиро тэрныпэн, и дивиндлэпэ адалэ мануша екх ангил явирэстэ.”³⁴ И лэстыр бичхавэнас лэнгэ хабэн, и Вениаиноскэ хабэн сыс дрэ пандж мóлы бутýр, сыр кажнонэскэ лэндыр. И пинэ, и шукар матинэ ёнэ лóса.

Шэрó 44

Ёзаскиро Тахтáй

¹ И припхэндя Ёза (Иосифо) пэскирэ кхэратунэскэ, и пхэндя: “Чхув адалэ манушэнгирэ гонэ хабнаса, адакицы бут, кицы ёнэ дэна рада тэ лыджан, и кажнонэскиро чхув руп дрэ лэскиро гонó, ² а миро тахтáй (чаша), рупувó, чхув дрэ гонó тыкнэдырэскэ, кхэтанé рупéса, пал савó ёв киндя марó.” И кэрдя одовá мануш пир Ёзаскиро лав, савó ёв пхэндя. ³ Злокоса (пэ ранко), кели яця бицялó, адалэ манушá сыс отмэкнэ, ёнэ и лэнгирэ ослы (мегарья). ⁴ И сыр ёнэ нэдур гинé форóстыр, сыр Ёза пхэндя пэскирэ кхэратунэскэ: “Джá, дотрадэ адалэн манушэн, и, кели дотрадэса, то пхэн лэнгэ: ‘Ваш со тумэ заплэскирдэ чорипнаса пал лачхипэн?’” ⁵ Ци дава нанэ тахтáй, савэстыр пьéла миро хулáй? И ёв драбакирэла пэ лэстэ. Нашукар тумэ дава кэрдэ.” ⁶ Ёв дотрадыя лэн, и пхэндя лэнгэ далé лавá. ⁷ Ёнэ пхэндлэ лэскэ: “Ваш со амарó рай ракирэла дасавé лавá? Над, тырэ писхáрья на кэрэна дасаво рэндо (делó).” ⁸ Ѓáда, исын руп, савó амэ латхям дрэ амарé гонé, амэ палэ тукэ яндям руп Ханааноскирэ пхувьятыр: сыр амэнгэ тэ чорас тырэ-хулáскирэ кхэрэстыр руп ци сувнакай?” ⁹ Конэстэ тырэ писхарьэндям ту латхэса, одолэскэ мэрибэн, и амэ явáса писхáрья амарé рáскэ.” ¹⁰ Ёв пхэндя: “Шукáр, сыр тумэ пхэндлэ, адякэ мэк и тэ явэл, конэстэ латхэлапэ тахтáй (чаша), одовá явэла мánгэ писхариса, а тумэ на явэна бангэ.” ¹¹ Ёнэ сыгэс, кажно пэскэ, змэкнэ пэ пхув пэскиро гонó, и кажно отчхакирдя пэскиро гонó. ¹² Ёв обродыя, лыя пхурэдыршонэстыр, и кончындыя тыкнэдыршонэса; и латхяпэ тахтáй дро Вениаиноскиро гонó. ¹³ И роскушнэ ёнэ пэскирэ йди, и, чхудя кажно (свако) пэ ослостэ пэскиро гонó, и рисинэ ёнэ дро фóро. ¹⁴ И явнэ Юда и лэскирэ пшáла дро Ёзаскиро кхэр, савó сыс кхэрэ, и пынэ ангил лэстэ пэ пхув. ¹⁵ О Ёза пхэндя лэнгэ: “Со да тумэ кэрдэ? Наушто тумэ на джиндлэ, со адасавó мануш, сыр мэ, усаэкх галéла?” ¹⁶ О Юда пхэндя: “Со амэнгэ тэ пхэнас амарé рáскэ? Со тэ ракирас? Сóса тэ ячаспэ чачунэнца (тэ оправдынаспэ)? Дэвэл латхя тырэ-писхарьенгиро чорипэн: гáда, амэ сам писхáрья амарé хулáскэ, и амэ, и одовá, дрэ савэскирэ вастá латхяпэ тахтáй.” ¹⁷ Нэ Ёза пхэндя: “Над, мэ на кэрава дава; одовá, дрэ савэскирэ вастá латхяпэ тахтáй, явэла мánгэ писхариса, а тумэ джáн раманёса (миросá) кэ тумарó дад.”

Юда Затэрдéла Пал Вениаиностэ

¹⁸ И подгíя кэ ёв Юда и пхэндя: “Дэ воля тырэ писхарýскэ тэ затэрдéл тэ пхэна́в лав мирé рáскэ дрэ канá, и на холясов пэ тырэ писхаристэ, пал-довá со ту сан довá-паць, сыр фараóно исын. ¹⁹ Миро рай пхуця пэскирэн писхарьэндям, ракирдя: ‘Ци исын тумэндэ дад ци пшал?’” ²⁰ Амэ пхэндям амарé рáскэ, со амэндэ исын пхурó дад, и тэрнэдыр чхавó, лэскирэ-пхурипнаскиро чхавó, савэскиро пшал мыя, а ёв яцяпэ екх пэскирэ датыр, и дадэскэ ёв исын дро́го. ²¹ Ту пхэндян тырэ писхарьэнгэ: ‘Янэн лэс кэ мэ, соб (кай) мánгэ тэ подыкхав пэ лэстэ.’” ²² Амэ пхэндям амарé рáскэ: ‘Тэрнэ-бэршэнгиро на могоинéла тэ ячкирэл пэскирэ дадэс, тэды ёв мэрэла’. ²³ Нэ ту писхарьэнгэ пхэндян: ‘Кóли на явэла тумэнца тумарó тыкнэдыр пшал, тэды тумэ на явэна кэ мэ.’” ²⁴ Кéли амэ явдям кэ тырó писхáри, кэ амарó дад, тэды припхэндям лэскэ лавá мирé раскирэ. ²⁵ И амарó дад пхэндя: ‘Джáн нэвэстыр, кинэн амэнгэ нáбут хабэн’. ²⁶ Амэ пхэндям: ‘Нашты́ амэнгэ тэ джас; а кóли явэла амэнца тыкнэдыр амарó пшал, тэды джáса; пал-довá со нашты́ тэ дыкхас одолé-манушэскиро муй, кóли на явэла амэнца амарé тыкнэдыршонэ пшалэс.’” ²⁷ И пхэндя амэнгэ тырó писхáри, амарó дад: ‘Тумэ джинэн, со мирí ромны́ бияндя мánгэ дуэн чхавэн; ²⁸ екх гия́ мандыр, и мэ пхэндём: ‘Ёв, хай, роскушно’; и мэ на дыкхцём лэс кэ дава часо; ²⁹ кóли и кадалэс лéна мирé якхэндям, и кэрэлапэ лэса б́йда, тэды лыджáна тумэ ман мирé сывонэ балэнца дро люно (адо)’. ³⁰ Аканá, кóли мэ явáва кэ тырó писхáри, амарó дад, и на явэла амэнца тэрнэ-бэршэнгирэс, савэскирэ илэса пхандло исын лэскиро илó, ³¹ то, кéли ёв дыкхэла, со нанэ тэрнэ-бэршэнгирэс, ёв мэрэла; и лыджáна тырэ писхáрья, тырэ писхарýс, амарé дадэс, дро люно (адо). ³² Палдава́ мэ, тырó писхáри, лыёмпэ тэ отпхэнав пал тэрнэ-бэршэнгирэстэ мирé

дадэскэ, и пхэндём: ‘Кóли на яна́ва лэс кэ ту, тэды мэ ячавапэ бангó ангíл мирé дадэстэ дрэ сарé джи́бна́скирэ дывэса.’³³ Адыкэ мэк мэ, тыро́ писха́ри, замест тэрнэ-бэршэнгирэстэ тэ ячавпэ писхариса мирэстэ растэ; а тэрнэ-бэршэнгиро мэк тэ джал пэскирэ пшалэнца:³⁴ пал-дова́ со сыр мэ джа́ва кэ пэскиро дад, ко́ли тэрнэ-бэршэнгирэс на явэ́ла ма́нца? Мэк фэды́р мэ тэ дыкха́в, сави́ бй́да латхэлас мирé дадэс.”

Шэро́ 45

Ёза Пригалёлапэ Лэскирэ Пшалэнгэ

¹ Буты́р Ёза на мого́ндя́ тэ рикирэлпэ ангíл сарэ́ндэ, савэ́ сыс тэрдэ́ пашы́л лэстэ́, и задья́ го́дла: “Лы́джан ќриг ма́ндыр сарэ́н.” И на я́цяпэ пашы́л Ёзастэ́ никон, кэ́ли ёв прига́лыяпэ пэскирэ́ пшалэнгэ́. ² И ёв зоралэ́с рондя́, и шундлэ́ Египтя́ни, и шундя́ фараоно́скиро кхэр. ³ И пхэндя́ Ёза пэскирэ́ пшалэнгэ́: “Мэ сом Ёза (Иосифо), ци́ джидо́ исын миро́ дад?” Нэ́ лэскирэ́ пшала́ на мого́ндлэ́ тэ отпхэ́нэн лэскэ́, пал-дова́ со лэ́нгэ я́ця пха́ро пэ ило́ ангíл лэстэ́. ⁴ И пхэндя́ Ёза пэскирэ́ пшалэнгэ́: “Подд́жан кэ́ мэ.” Ё́нэ подгíне́. Ё́в пхэндя́: “Мэ сом Ёза, тумаро́ пшал, савэ́с тумэ́ би́киндлэ́ дро Егíпто; ⁵ нэ́ акана́ тумэ́ на пи́ридживэ́н и на хо́лясон пэ́ пэстэ́ пал дова́, со тумэ́ би́киндлэ́ ман ада́рик, пал-дова́ со Дэвэ́л бичха́дя ман ангíл тумэ́ндэ́ ваш тумаро́́ джи́бна́скиро зракхи́бэн; ⁶ пал-дова́ со акана́ пэ́ пхув явэ́ла ду́й бэрш бокх, и дурэ́дыр пандж бэрш явэ́ла, дрэ́ савэ́ ни тэ́ чхувэ́н дрэ́ пхув, ни тэ́ укэдэ́н на явэ́на; ⁷ Дэвэ́л бичха́дя ман ангíл тумэ́ндэ́, соб (кай) тэ́ ячкирэл́ тумэ́н пэ́ пхув и тэ́ зракхэл́ тумаро́́ джи́бэн ба́рэ́ выра́кхибна́са. ⁸ Адыкэ́ на тумэ́ бичха́дэ́ ман ада́рик, нэ́ Дэвэ́л, Саво́ и чху́дя ман фараоно́скэ́ дадэ́са и ра́са пир саро́́ лэскиро́ кхэр, и тэ́ хулаина́в пэ́ сарí Египто́скири пхув. ⁹ Джан сы́гнэдыр кэ́ миро́ дад и пхэ́нэн лэскэ́: ‘Адыкэ́ ракирэ́ла тыро́́ чхаво́ Ёза (Иосифо): Дэвэ́л чху́дя ман ра́са пэ́ саро́́ Егíпто; яв кэ́ мэ сы́гнэдыр; ¹⁰ ту явэ́са тэ́ дживэ́с пэ́ Гесемоски́ри пхув; и ту явэ́са пашы́л ма́ндэ́, ту, и тырэ́́ чхавэ́, и тырэ́́-чхавэ́нгирэ́́ чхавэ́, и кхэ́ритка му́рдала́ (тыкно́ и баро́́ тыро́́ ското), и саро́́ тыро́́; ¹¹ Одо́й мэ́ ява́ва тэ́ ча́лякирав ту́т, пал-дова́ со одо́й явэ́ла бокх ишчо́ (инкэ́) пандж бэрш, соб (кай) ту́ тэ́ на ячэ́с чороро́: ту и тыро́́ кхэр, и саро́́ тыро́́. ¹² И га́да, тумарэ́́ якха́ и мирэ́́-пшалэ́скирэ́́ якха́́ Вениа́минэ́скирэ́́ дыкхэ́на, со да́ва мирэ́́ ушта́ ракирэ́́на тумэ́́нца. ¹³ Пхэ́нэн мирэ́́ дадэ́скэ́ пал сарí́ ми́ри сла́ва дро Егíпто и пал саро́́, со тумэ́́ дыкхэ́нэ́, и я́нэн сы́гнэдыр мирэ́́ дадэ́с ада́рик.” ¹⁴ И пы́я ёв пэ́ мэ́н Вениа́миноскэ́́, пэскирэ́́ пшалэ́скэ́́, и рондя́́; и Вениа́мино рондя́́ пэ́ лэски́ри мэ́н. ¹⁵ И ча́мудя сарэ́́н пэ́скирэ́́ пшалэ́н, и рондя́́, облы́и лэ́н. Тэ́ньци ра́кирдэ́́ лэ́са лэ́скирэ́́ пшала́. ¹⁶ Дого́я кэ́ фараоно́скиро кхэр шу́ныбэ́н (мавлы́н), со я́внэ́ Ёза́скирэ́́ пшала́; и шука́р сыс фараоно́скэ́́ и лэ́скирэ́́ писха́рьэ́нгэ́. ¹⁷ И пхэндя́́ фарао́но Ёза́скэ́́: “Пхэ́н тырэ́́ пшалэ́нгэ́: Га́да, со кэ́рэ́н: скэ́дэ́н тумарэ́́ кхэ́ритконэ́́ му́рдалэ́́н [ското/жывотно́нэн-ю.о.], и джа́н пэ́ Ха́наано́скири пхув; ¹⁸ и лэ́н тумарэ́́ дадэ́с и тумарэ́́ сэм’и́ (ирья́), и я́вэ́н кэ́ мэ́; мэ́ да́ва тумэ́́нгэ́́ фэды́ршо котэ́р пхув пэ́ Египто́скири пхув, и тумэ́́ явэ́на тэ́ хан пхувья́киро ту́ко. ¹⁹ Ту́кэ́ ра́кира́ва тэ́ пхэ́нэ́с лэ́нгэ́: ‘Кэ́рэ́н да́ва: лэ́н пэ́скэ́́ Египто́скирэ́́ пхувья́тыр ву́рдэ́на́ ваш тумарэ́́́ чхавэ́́нгэ́́ и ваш тумарэ́́́ ромне́́нгэ́́, и я́нэн тумарэ́́́ дадэ́с и я́вэ́н; ²⁰ и на́ жа́линэ́́н тумаро́́́ ми́штыпэ́́н вешчы́́ (чы́сы), пал-дова́ со фэды́ршо сарэ́́́ Египто́скирэ́́́ пхувья́тыр мэ́́ да́ва тумэ́́́нгэ́́.” ²¹ Адыкэ́́ и кэ́рдэ́́ Израилё́скирэ́́́ чхавэ́́. И ды́я лэ́нгэ́́ Ёза́́ (Иосифо) ву́рдэ́на́, пир фараоно́скиро́́ при́пхэ́ныбэ́́н, и ды́я лэ́нгэ́́ ха́бэ́н пэ́́са пэ́́ дро́м, ²² ка́жнэ́нэ́скэ́́́ лэ́ндыр ё́в ды́я й́дя тэ́́ парувэ́́н (змена́), а Вениа́миноскэ́́́ ды́я трин шэ́ла́ ру́пувэ́́ и пандж й́дя тэ́́ парувэ́́н; ²³ ады́кэ́-па́ць и пэ́скирэ́́ дадэ́скэ́́́ бичха́́дя дэ́шэ́́ ослэ́́н (мега́рьэ́́н), савэ́́ сыс ла́ндадэ́́́ фэды́ршо́нэ́́́ Египто́скирэ́́́ ха́бнэ́́нца, и дэ́шэ́́́ осли́цэ́́н (мега́ри́цэ́́н) ла́ндадэ́́́ гивэ́́са, ма́рэ́са и пэ́скирэ́́ дадэ́скэ́́́ ха́бна́́са пэ́́ дро́м. ²⁴ И отма́кця́́ пэ́скирэ́́́ пшалэ́́н, и ё́нэ́́ гинэ́́. И пхэндя́́́ лэ́нгэ́́: “На ко́шэ́нпэ́́ пэ́́ дро́м.” ²⁵ И гинэ́́ ё́нэ́́ Египто́стыр, и я́внэ́́ пэ́́ Ха́наано́скири пхув кэ́́ Я́ково, пэ́скиро́́ дад, ²⁶ и роспхэ́́ндлэ́́́ лэ́скэ́́, и пхэ́́ндлэ́́: “О́ Ёза́́ исын джидо́́, и акана́́ хулаи́нэ́ла пэ́́ сарí́́ Египто́скири пхув.” Нэ́́ лэ́скиро́́́ ило́́ кашта́лыя, пал-дова́́ со ё́в на па́тянды́я лэ́нгэ́́. ²⁷ Кэ́́ли ё́нэ́́ пи́рипхэ́́ндлэ́́́ лэ́скэ́́́ сарэ́́́ Ёза́́скирэ́́́ ла́ва́, савэ́́́ ё́в ра́кирдя́́́ лэ́нгэ́́, и кэ́́ли ды́кхця́́́ ма́рибны́́тка ву́рдэ́на́́, савэ́́́ бичха́́дя Ёза́́, соб (кай) тэ́́ ла́джан лэ́с: тэ́́ды от́джиды́́я

Яковоскиро дүхо (фáно), лэнгирэ дадэскиро, ²⁸ и пхэндя Израилё: “Ухтылла (дóси), джидо ишчо (инкэ) исын миро чхаво Ёза; мэ джава тэ дыкхав лэс ангил дова, сыр тэ мэрав.”

Шэрó 46

Яковоскиро Традыпэн Кэ Егíпто

¹ И гия Израилё (Яково) сарэса, со лэстэ сыс, и явдя дрэ Вирсáвия, и яндя свэ́нто дыибэ́н (жэ́ртва) Дэвлэ́скэ пэскирэ дадэскирэ Исаакоскирэскэ. ² И пхэндя Дэвэл Израилёскэ раты́ дро сунó: “Якове! Якове!” Ёв пхэндя: “Гáда, мэ сом.” ³ О Дэвэл пхэндя: “Мэ, сом Дэвэл, тырэ дадэскиро Дэвэл; на дар, джа́ дро Егíпто, пал-дова́ со Мэ созда́ва тۇтыр бари манушы́тко нация, ⁴ Мэ джа́ва тۇса дро Егíпто, Мэ и лыджа́ва тут палэ. О Ёза пэскирэ вастэса учхакирэла тырэ якхá.” ⁵ Яково гия Вирсавиятыр; и лыджинэ́ Израилёскирэ чхавэ́ Яковос, пэскирэ дадэс, и пэскирэ биятэ́н, и пэскирэ ромнэ́н пэ марибны́тка вурдэ́на, савэ́ бичхадя́ фарао́но, соб (кай) тэ янэ́н лэс. ⁶ Ёнэ́ лынэ́ пэскирэ кхэ́ритконэ́ мурдалэ́н (ското) и пэскиро миштыпэ́н, саво́ сыс лэ́ндэ пэ́ Ханааноскири пхув, и явнэ́ дро Егíпто, – Яково и саро́ лэскиро ро́до лэ́са. ⁷ Пэскирэ́н чхавэ́н и ў́нукэ́н пэ́са, пэскирэ́н чхаэ́н и ў́нучкэ́н, и саро́ пэскиро ро́до яндя́ ёв пэ́са дро Егíпто. ⁸ Гáда, сыс Израилёскирэ-чхавэ́нгирэ́ лавá, савэ́ явнэ́ дро Егíпто: Яково и лэскирэ́ чхавэ́. Яковоскиро англатуно́ чхаво́ сыс Рувимо. ⁹ Рувимоскирэ́ чхавэ́ сыс: Ханохо́ и Фалу́, Хе́цроно́ и Харми. ¹⁰ Симеоноскирэ́ чхавэ́ сыс: Иемуило́ и Иамино́ (Ямино), и Огадо́, Иахино́, и Цохаро́, и Са́уло, Хананеянкакиро́ чхаво́. ¹¹ Левиёскирэ́ чхавэ́ сыс: Гирсоно́, Каафо́ и Мерари. ¹² Юда́скирэ́ чхавэ́ сыс: Иро́ и Онано́, и Шэ́ла, и Фарэ́со, и Заро́; нэ́ Иро́ и Онано́ мы́нэ пэ́ Ханааноскири пхув. Фаресоскирэ́ чхавэ́ сыс: Есро́мо и Хамуло́. ¹³ Исахароскирэ́ чхавэ́ сыс: Фола́ и Фува́, Ио́во и Шы́мроно. ¹⁴ Завуло́носкирэ́ чхавэ́ сыс: Середо́ и Ело́но, Иахле́ило (Яхле́ило). ¹⁵ Адалэ́ сыс Лия́кирэ́ чхавэ́, савэ́н ёй́ бия́ндя́ Яковоскэ́ дрэ́ Месопотамия́, и лэскирэ́ чхаса́ Дина́са. Сарэ́н лэскирэ́ чхавэ́н и чхаэ́н сыс трия́нда трина́ мануша́. ¹⁶ Гадоскирэ́ чхавэ́ сыс: Цы́фионо́ и Ха́ги, Шу́ни и Э́цбоно́, Ери́, Аро́ди и Арели́. ¹⁷ Асироскирэ́ чхавэ́ сыс: Имна́, Ишва́, Ишви́, Бри́а, и Сера́х, лэнги́ри пхэ́н. Брия́скирэ́ чхавэ́: Хе́веро́ и Малхи́ило. ¹⁸ Давá сыс Зельфа́кирэ́ чхавэ́, савья́ Лавáно́ дыя́ Лия́кэ, пэскирэ́ чхакэ́; ёй́ бия́ндя́ лэ́н Яковоскэ́ дэ́шушов дия́. ¹⁹ Рахия́кирэ́ чхавэ́, Яковоскирэ́ ромня́кирэ́ сыс: Ё́за (Иосифо́) и Вениа́мино. ²⁰ И бия́ндынэ́ Ё́застэ́ пэ́ Египто́скири пхув Ма́на́сия́ и Ефре́мо, савэ́н бия́ндя́ лэ́скэ́ Асене́фа, Потифароскири́ чхай, Илиопольско́нэ-жрецоскири́. ²¹ Вениа́миноскирэ́ чхавэ́ сыс: Бэ́ла́ и Бехе́ро, и Ашбе́ло; Ге́ра́ и Наама́но, Э́хий и Ро́шо, Мупи́мо и Хупи́мо, и А́рдо. ²² Адалэ́ сыс Рахия́кирэ́ чхавэ́, савэ́ бия́ндынэ́ Яковосты́р, саро́ пэ́ саро́ дэ́шуштар дия́. ²³ Даноскиро́ чхаво́ сыс: Хушы́мо. ²⁴ Нефалимоскирэ́ чхавэ́ сыс: Иахце́ило (Яхце́ило) и Гу́ни, и Ие́цэро́, и Шы́лэмо. ²⁵ Адалэ́ сыс Вала́кирэ́ чхавэ́: савья́ дыя́ Лавáно́ пэскирэ́ чхакэ́ Рахия́кэ; ёй́ бия́ндя́ лэ́н Яковоскэ́ сарэ́н э́фта́ манушэ́н. ²⁶ Сарэ́н манушэ́н, савэ́ явнэ́ Яковоса́ дро Егíпто, савэ́ вы́гинэ́ лэ́скирэ́ трушу́лэ́ндыр (чреслэ́ндыр), а́прич чхавэ́́ндэ́ Яковоскирэ́ ромнэ́ндыр, сыс сарэ́н шовдэ́ша́ шов дия́. ²⁷ Ё́заскирэ́ чхавэ́, савэ́ бия́ндынэ́ лэ́стыр дро Егíпто, сыс дуй́ дия́. Сарэ́н Яковоскирэ́ кхэ́рэскирэ́ манушэ́н, савэ́ явнэ́ дрэ́ Егíпто, сыс э́фта́дэ́ша́.

О Яково́ Лы́я тэ́ Дживэ́л кэ́ Гесемо́

²⁸ О Яково́ бичхадя́ Ю́дас ангил пэ́стэ́ кэ́ Ё́за, соб (кай) ёв тэ́ сыкава́л дро́м дро́ Гесемо́. И явнэ́ ёнэ́ пэ́ Гесемоскири́ пхув. ²⁹ О Ё́за дыя́ а́ндрэ́ пэ́скиро́ марибны́тко вурдэ́н, и трады́а муя́л (пэ́ стреч) Израилё́скэ, пэскирэ́ дадэ́скэ, дро́ Гесемо́, и, дыкхя́ лэс, пы́я лэ́скэ́ пэ́ мэ́н, и гара́ (длу́гэс) рондя́ лэ́стэ́ пэ́ мэ́н. ³⁰ И пхэндя́ Израилё́ Ё́заскэ́: “Мэ́рава́ мэ́ а́канá, дыкхя́ ты́ро́ муй, пал-дова́ со́ ту́ сан джидо́.” ³¹ И пхэндя́ Ё́за пэ́скирэ́ пшала́нгэ́ и пэ́скирэ́-дадэ́скирэ́ кхэ́рэскэ́: “Мэ́ джа́ва, и пхэ́на́ва́ фарао́но́скэ́: ‘Мирэ́-дад пшáла́ и мирэ́-дадэ́скиро́ кхэр, савэ́ сыс пэ́ Ханааноскири́ пхув, явнэ́ кэ́ мэ́’. ³² Адалэ́ мануша́́ исын бакрэ́нгирэ́́ чхупна́рья, пал-дова́ со́ ё́нэ́ залэ́напэ́ кхэ́ритконэ́́ мурдалэ́́нца; ты́кно́ и баро́́ пэ́скиро́́ ското́, и саро́́, со́ лэ́ндэ́

сыс, яндлэ ёнэ.”³³ Кóли фараóно кхарэла тумэн и пхэнэла: ‘Савó тумарó залыибэн (заёмка)?’³⁴ то тумэ пхэнэн: ‘Амэ, тырэ писхарья сам тэрнэ бэршэндыр и кэ (жыко) дава́ часо, дыкхасас амэ пал кхэритконэ мурдалэндэ, и амэ, и амарэ дада́, соб (кай) тумэ тэ мэкэн тэ дживэн пэ Гесемоскири пхув.’ Пал-дова́ со ваш Египтянэнгэ исын магирипэн кажно мануш, савó сыс чхупна́ри (пастухо) бакрэнгиро.

Шэрó 47

¹ И явдя́ Ё́за и пхэндя́ фараонóскэ: “Миро́ дад и мирé пшáла, тыкнэ́ и барé пэскирэ́ кхэритконэ́ мурдалэнца́, и сарéса, со лэндэ́ сыс, явнэ́ Ханааноскирэ́ пхувья́тыр; и га́да, ёнэ́ исын пэ́ Гесемоскири́ пхув.”² И пэскирэ́ пшалэндыр́ ёв лыя́ панджэ́ манушэн́, и яндя́ лэн кэ́ фараóно. ³ И фараóно пхэндя́ лэскирэ́ пшалэнгэ́: “Савó тумарó залыибэн (заёмка)?” Ё́нэ пхэндлэ́ фараонóскэ: “Бакрэнгирé чхупна́рья тырэ́ писхарья́ исын, амэ́, и амарé дада́.”⁴ И ё́нэ пхэндлэ́ фараонóскэ: “Амэ́ явдя́м тэ́ дживас́ náбут пэ́ дая́ пхув, пал-дова́ со́ нанэ́ хабэн́ ваш тырэ́-писхарьенгирé кхэритконэ́ мурдалэнгэ́; пэ́ Ханаанóскири́ пхув исын бари́ бокх. Ады́кэ мангаса́ тэ́ дэс во́ля (тэ́ позволинэс) тырэ́ писхарьенгэ́ тэ́ дживас́ пэ́ Гесемоскири́ пхув.”⁵ И пхэндя́ фараóно Ё́заскэ́: “Тыро́ дад и тырэ́ пшáла явнэ́ кэ́ ту. ⁶ Египтóскири́ пхув исын ангýл тýtэ; пэ́ фэдýр пхув чхув тэ́ дживэл́ тырэ́ дадэ́с и тырэ́ пшалэн́; мэќ ёнэ́ тэ́ дживэн́ пэ́ Гесемоскири́ пхув. И кóли джинéса, со́ машкёр́ лэндэ́ исын таланýтка (одаримэ́) манушá, чхув лэн́ дыкхибнаскирэнца́ (смотрителенца́) пал́ миро́ ското́.”⁷ И яндя́ Ё́за Яковóс, пэскирэ́с дадэ́с, и сыкады́ лэс фараонóскэ́; и бахтякирдя́ Яково́ фараонóс. ⁸ Фараóно пхуця́ Яковостыр́: “Ци́ бут исын тýкэ́ бэрш?”⁹ Яково́ пхэндя́ фараонóскэ́: “Мирé джиибна́скирэ́ дывэ́са́ джáná кэ́ шэл́ тэ́ трийнда́ бэрш; тыкнэ́ и набахталэ́ мирé джиибна́скирэ́ дывэ́са́, и на догинé́ кэ́ мирé дадэнгирé-джиибна́скирэ́ дывэ́са́.”¹⁰ И бахтякирдя́ Яково́ фараонóс, и выгия́ фараоностыр́. ¹¹ И чхудя́ тэ́ дживэл́ Ё́за пэскирэ́ дадэ́с и пэскирэн́ пшалэн́, и дыя́ лэнгэ́ пэ́ Египтóскири́ пхув фэдýр пхувья́кири́ паш, пэ́ Раамсесоскири́ пхув, сыр́ пхэндя́ фараóно. ¹² И дэ́лас о́ Ё́за пэскирэ́ дадэ́скэ́, и пэскирэ́ пшалэнгэ́, и сарé дадэ́скирэ́ кхэрэ́скэ́ марó, ци́ бут трэй́ кажно́ сэм’якэ́ (ирья́кэ). ¹³ И на́ сыс марó́ пир сарý́ пхув; пал-дова́ со́ бокх я́ця́ древа́н зоралэ́дыр, манушá я́чнэ́ бизорья́кирэ́ бокхаты́р пэ́ Египтóскири́ и Ханаанóскири́ пхувья́. ¹⁴ О́ Ё́за скэ́дыя́ сарó́ руп, савó́ сыс пэ́ Египтóскири́ и Ханаанóскири́ пхувья́, пал́ марó, савó́ кинэ́нас, и яндя́ Ё́за руп дро́ фараонóскиро́ кхэр. ¹⁵ И на́ я́ця́ руп (ловé) пэ́ Египтóскири́ и Ханаанóскири́ пхувья́. Сарé́ Египтя́ни явнэ́ кэ́ Ё́за и ракирдé: “Дэ́ амэнгэ́ марó; пал со́ амэнгэ́ тэ́ мэрас́ ангýл тýtэ, пир дава́ со́ руп бутýр нанэ́ амэндэ́?”¹⁶ О́ Ё́за пхэндя́: “Я́нэн тумарé́ кхэритконэ́ мурдалэн́, и мэ́ ява́ва тэ́ дав тумэнгэ́ пал́ тумарé́ кхэритконэ́ мурдалэндэ́, кóли руп нанэ́ тумэндэ́.”¹⁷ И притра́дэнас ё́нэ кэ́ Ё́за пэскирэ́ кхэритконэ́ мурдалэн́; и Ё́за дэ́лас лэнгэ́ марó́ пал грэндэ́, и пал ста́ды тыкнэ́, и барé мурдалэнгирé, и пал ослэндэ́ (мегарьендэ́); и дэ́лас лэнгэ́ марó́ дрэ́ дова́ бэрш пал сарé́ лэнгирé́ кхэритконэ́ мурдалэнгирэндэ́. ¹⁸ И гия́ пэ́скэ́ дава́ бэрш; и явнэ́ ё́нэ кэ́ ёв́ пэ́ явёр́ бэрш, и пхэндлэ́ лэ́скэ́: “На́ чхакираса́ амарé́ хуласты́р, со́ руп нанэ́ и амарó́ ското́ амарé́ хуластэ́; ничý на́ я́цяпэ́ амэндэ́ ангýл амарé́ хуластэ́, апрýч амэндэ́ и амарý́ пхув, ¹⁹ ваш со́ амэнгэ́ ангýл тырэ́ якхá́ тэ́ хасё́вас, амэнгэ́ и амарé́ пхувьенгэ́? Кин́ амэн́ и амарé́ пхувья́ пал́ марó, и амэ́ амарé́ пхувьенца́ ява́са писхарьенца́ фараонóскэ́, а ту́ дэ́ амэнгэ́ семи́, соб (кай) амэ́ тэ́ явас́ джидé́ и тэ́ на́ мэрас, и, соб (кай) тэ́ на́ явэл́ чхучý́ пхув.”²⁰ И киндя́ Ё́за сарý́ Египтóскири́ пхув ваш фараонóскэ́, пал-дова́ со́ бикиндлэ́ Египтя́ни кажно́ пэ́скири́ фэлда́; пал-дова́ со́ бокх притасавэ́лас лэн. И я́цяпэ́ пхув фараонóскэ́. ²¹ И кэ́рдя́ манушэн́ ёв́ писхарьенца́ екхэ́ Египтóскирэ́ ригаты́р кэ́ явёр. ²² Екхэ́ жрецэнгири́ пхув на́ киндя́, пал-дова́ со́ жрецэнгэ́ фараоностыр́ сыс дыны́ паш пхув, и ё́нэ́ чалякирэнáспэ́ пэскирэ́ пхувья́тыр; пал-дова́ и на́ бикиндлэ́ пэ́скири́ пхув. ²³ И пхэндя́ Ё́за манушэнгэ́: “Га́да, мэ́ акана́ киндём́ ваш фараонóскэ́ тумэн́ и тумарý́ пхув; га́да, тумэнгэ́ исын семи́ (ве/и́рингли), и чхувэн́ лэн́ дрэ́ пхув; ²⁴ кели́ тумэ́ явэ́на тэ́ укэдэн́, дэн́ пáнджто́ паш фараонóскэ́; а́ штáр пашá́ я́чэна́пэ́ тумэнгэ́ тэ́ почхувэн́ пэ́ фэлды́ пэ́ чалякирибэн́ тумэнгэ́ и одолэнгэ́, кон́ исын дрэ́ тумарé́ кхэ́ра́ и пэ́ чалякирибэн́ тумарé́ чхавэнгэ́.”²⁵ Ё́нэ пхэндлэ́: “Ту́ зракхцý́н амэнгэ́ джиибэн́; и ява́са тэ́ родас́ лáска дрэ́ – амарé́-

хулáскирэ якхá, и явáса писхарьёнца фараонóскэ.”²⁶ И чхудя Ёза пэ Египтóскири пхув закóно, дава́ исын кэ ададывóс: пáнджто паш тэ дэн фараонóскэ, апри́ч екхэ жрецéнгирэ пхувья́тыр, сави́ на сыс фараоноскири.²⁷ И дживдя́ Израилё пэ Египтóскири пхув, дро Гесéмо, и сыс ёнэ хула́я пэ лáтэ, бияндлэ, и яця́ лэн бут бут.²⁸ Яково дживдя́ пэ Египтóскири пхув дэшуэфта бэрш; и сыс дывэсá Яковóскирэ, лэскирэ джи́ибна́скирэ бэршá, шэл тэ штáрдэшá эфтá бэрш.²⁹ И явдя́ часо Израилё́скэ тэ мэрэл, и кхардя́ ёв пэскирэ чхавэ́с Ёзас, и пхэндя́ лэскэ: “Кóли мэ латхём дрэ тырэ якхá лáска, чхув тырó васт тэл стаць (стёгно) мáндэ и совлахá, со ту кэрэса пир мáнгэ тангипэн и чачипэн, на гаравэса ман дро Египто.”³⁰ Соб (кай) мáнгэ тэ пасёвав мирé дадэнца, ту вылыджаса ман Египтóстыр и гаравэса ман дро лэнгиро гараибны́тко штéто.” О Ёза пхэндя́: “Кэра́ва пир тырó лав.”³¹ И пхэндя́ Яково: “Совла́ха мáнгэ.” И совлахадя́ лэскэ. И совлахадя́ Израилё пэ чхуибóн пашыл шэрэскири шэрандуны.

Шэрó 48

Яково Бахтякирэ́ла Ёза́скирэ Чхавéн

¹ Палó (после) дава́ Ёза́скэ пхэндлэ: “Гáда, тырó дад исын насвалó.” И ёв лыя́ пэса дуэн пэскирэ чхавéн: Манасияс и Ефремóс.² Яковóскэ пхэндлэ: “Гáда, тырó чхавó Ёза (Иосифо) джáла кэ ту.” Израилё скэдыя́ пэскири зор и бэсця́ пэ чхуибóн.³ И пхэндя́ Яково Ёза́скэ: “Дэвэл Сарэзорья́киро сыкадыя́ мáнгэ дрэ Луза, пэ Ханаанóскири пхув, и бахтякирдя́ ман,⁴ и пхэндя́ мáнгэ: “Гáда, Мэ дава́ тукэ бут чхаворэн и явэ́ла бут бут тумэн, и Мэ кэра́ва адя́кэ, со тۇтыр выджáна бут манушы́тка на́цыи, и Мэ дава́ палó (после) тۇтэ да́я пхув тырэ родóскэ, соб (кай) ёнэ вéчнэс тэ явэн хуланца.”⁵ И аканá дуй тырэ чхавэ́, савэ́ бияндынэ пэ Египтóскири пхув, ангил дова́, сыр мэ явдём кэ ту дро Египто, ёнэ исын мирé; Ефрémо и Манасия, сыр Рувимó и Симеоно (Семёно) явэ́на мирé;⁶ чхавэ́ тырэ, савэ́ бияндёна палó лóндэ, явэ́на тырэ; ёнэ тэл пэскирэ-пшалэнгиро лав явэ́на тэ гинэнпэ дрэ паш лэнгирэ мэкнэ миштыпна́стыр.⁷ Кéли мэ гиём Месопотамия́тыр, пэ Ханаанóскири пхув мыя́ мáндэ Рахиль, пэ дром, на догии вари-кицы́ кэ Ефрафа, и мэ гарадём ла одóй пэ дром кэ Ефрафа, со каканá исын Вифлеéмо.”⁸ И дыкхця́ Израилё Ёза́скирэ чхавéн, и пхэндя́: “Кон исын адава́?”⁹ И пхэндя́ Ёза пэскирэ дадэ́скэ: “Далé исын мирé чхавэ́, савэ́н Дэвэл дыя́ мáнгэ ада́й.” О Яково пхэндя́: “Лы́джа пашылэды́р лэн кэ мэ, и мэ бахтякирава лэн.”¹⁰ Израилёскирэ якхá пхурипна́стыр фуес дыкхнэ; ёв на мого́ндя́ шука́р тэ дыкхэл. Ёза лыджия́ пашылэды́р лэн кэ ёв, и чамудя́ ёв лэн, и облыя лэн.¹¹ И пхэндя́ Израилё Ёза́скэ: мэ и на думиндём тэ дыкхáв тырó муй, гáда, Дэвэл сыкадыя́ мáнгэ и тырэн чхавéн.”¹² И лыджия́ лэн криг Ёза лэскирэ чангэндýр, и кэрдя́ шэрэса лэскэ кэ пхув.¹³ И лыя́ Ёза дуэн, Ефремóс дро чачó пэскиро васт проти зэрво́ (лэво) и Израилёскиро, а Манасияс дро зэрво́ (лэво) проти Израилёскиро чачó (право), и лыджия́ вастэ́са пашылэды́р лэн кэ ёв.¹⁴ Нэ Израилё протырдýя пэскиро чачó (право) васт и чхудя́ Ефремóскэ пэ шэрó, усаéкх со одовá сыс тыкнэдыршо, а зэрво́ (лэво) пэ шэрó Манасиястэ. Пэфроми ёв чхудя́ адя́кэ пэскирэ вастá, на дыкхи́ пэ дова́, со Манасия сыс англатунó.¹⁵ И бахтякирдя́ Ёза, и пхэндя́: “Дэвэл, ангил Савэ́стэ псирдэ́ мирé дада́, Авраáмо и Исаáко, Дэвэл, Савó раххэ́ла ман долé дывэсэндýр, сыр мэ бияндыём, ададывóс,¹⁶ О Янгóло, савó выракхця́ ман ка́жнóнэ чорипна́стыр, мэк тэ бахтякирэ́л адалé тэрнэ манушэ́н; мэк тэ явэл пэ лóндэ дыно́ миро лав и лав мирé дадэнгиро Авраáмоскиро и Исаакоскиро, и мэк тэ явэл лэн бут машкёр пхув.”¹⁷ И дыкхця́ Ёза, со лэскиро дад чхудя́ пэскиро чачó (право) васт пэ шэрó Ефремóскэ; и на пир илó лэскэ сыс дава́. И лыя́ ёв пэскирэ-дадэ́скиро васт, соб (кай) тэ пиричхувэл лэс Ефремóскирэ шэрэстыр пэ Манасия́скиро шэрó,¹⁸ и пхэндя́ Ёза пэскирэ дадэ́скэ: “На адя́кэ, миро да́до, пал-дова́ со адава́ чхавó исын англатунó, чхув пэ лэскиро шэрó чачó (право) тырó васт.¹⁹ Нэ лэскиро дад на закамды́я и пхэндя́: “Мэ джинóм (джина́в), мро чхáва, джинóм, и лэстыр выджáна манушá, и ёв явэ́ла барó; нэ лэскиро тыкнэды́р пшал явэ́ла барэды́р лэстыр, и лэстыр выджáла бари манушы́тко на́цыя (народо).”²⁰ И бахтякирдя́ Израилё дро дова́ дывэс лэн,

ракири: “Туса явэна тэ бахтякирэнпэ мануша Израилёстыр, ракири: ‘Мэк тэ кэрэл түкэ Дэвл, сыр Ефремоскэ и Манасияскэ’.” И чхудя Ефремос вучэдыр Манасиястыр. ²¹ И пхэндя Израилё Ёзаскэ: “Гада, мэ мэрава: и Дэвл явэла тумэнца, и рискирэла тумэн палэ пэ тумарэ-дадэнгири пхув; ²² и мэ дава түкэ бутыр ангил тырэ пшалэндэ, екх пхувьякиро котэр [склоно-ю.о.], саво мэ лыём Амореэнгирэ вастэндэр мирэ курталаса и лукоса.”

Шэрó 49

Яково Пхэнэла Палатунэ Лавá Чхавэнгэ

¹ И кхардя Яково пэскирэ чхавэн, и пхэндя: “Скэдэнпэ и мэ роспхэнава тумэнгэ, со явэла тумэнца пэ дывэса; со явэна ангил: ² скэдэнпэ и шунэн, Яковоскирэ чхавэ, шунэн, Израилё, тумарэ дадэс. ³ Рувимо, англатунó миро! Ту сан миро зоралыпэн и англатунó мирэ зорьякэ, най патывалэдыр пир мина и най зоралэдыр; ⁴ нэ ту сан шумно, сыр пани, ту на явэса тэ припхэнэс явирэнгэ, пал-довá со ту гиян пэ тырэ-дадэскиро чхуибэн; ту магирдян миро чхуибэн. ⁵ Пшала Симеоно и Левиё, лэнгирэ курталы на тангинэна; ⁶ дрэ лэнгирэ мысли мэк тэ на дыкхэл миро ди, и кэ лэнгиро скэдыибэн мэк тэ на явэл мирí слáва, пал-довá со ёнэ дрэ пэскири холы замардэ манушэс, и пир пэскиро илó пиричхиндлэ гурувэскэ жылы; ⁷ мэк тэ хасёл лэнгири холы, пал-довá со латэ нанэ тангипэн, и лэнгири бари холы, пал-довá со ёй исын на манушаны; мэ роскэрава пэ пашá лэн тэ дживэн пир Яковостэ, и росчхуава лэн пир Израилё. ⁸ Юда! Явэна тэ шарэн тут тырэ пшала. Тырó васт явэла пэ тырэ-вэргэнгиро думо; түкэ кэрэна шэрэса кэ пхув тырэ-дадэскирэ чхавэ. ⁹ Тэрнó шчэр (лёво) Юда, дорэсыбнастыр, сыр ёв захала, миро чхавó, газдэлапэ ёв. Пасия ёв, сыр шчэр (лёво) и сыр шчэриха (львица): кон газдэла лэс? ¹⁰ На отджала Юдастыр скипетро и законоскиро дыибнари лэскирэ трушулэндэр, кэ дава часо, пака явэла Раманёскиро (Примирителё), и лэс явэна тэ кандэн манушá. ¹¹ Ёв припхандэла кэ винаградытко (дракхйтко) кашторо пэскирэ ослёнкóс (мегариторэс), и кэ фэдыршо винаградытко (дракхйтко) кашторо пэскирэ ослицакирэ (мегаритцакирэ) чхавэс; морэла дрэ мол (вино) пэскири йдя и дрэ гроздэнгиро рат пэскиро урибэн; ¹² хачона лэскирэ якхá молятыр (виностыр), и парнэ лэскирэ дандá тхудэстыр. ¹³ Завулоно явэла тэ дживэл пашыл морёскиро (дэрьявэскиро) брэго, кай исын тэрдэ пармы ^[1] (корабли), и кóнцо (ягóро) лэскиро кэ Сидоно. ¹⁴ Исахаро исын зоралó óсло (мегáри), савó исын паштó машкирал панёскиро тхадыпэн; ¹⁵ и дыкхця ёв, со откхиныбэн сыс лачхó, и со пхув сыс шукáр: и бандякирдя пэскирэ псикé ваш пхарипэн и лыя тэ кэрэл буты дро плэскирибэн. ¹⁶ Дано явэла тэ сэндинэл пэскирэ манушэн, сыр екх Израилёскирэ родыцэндэр (чангэндэр); ¹⁷ Дано явэла сапэса пэ дром, саплыняса пэ дром, сави дукхавэла грэскэ гэрóй адякэ, со мануш, савó бэштó уклисто, пэрэла палэ. ¹⁸ Пэ тырó подрикирибэн (помощч) мэ розгинава, Раё Дэвла! ¹⁹ Гадос, манушá сыр халадэ явэна тэ притасавэн, нэ ёв лэн отчхурдэла пир пэнты (кхурья). ²⁰ Ваш Асироскэ лэскиро марó исын древán тхуло, и ёв явэла тэ дорэсэл кралёскирэ присмаки (фришмаки). ²¹ Нефалимо исын сыр шукáр олениха, савó пир илó ракирэла. ²² Ёза (Иосифо) исын отбарипэн лачхэ вэшэскиро, отбарипэн пашыл джиибнаскири ганынг; лэскирэ рандя розбарьёнапэ пэ ванта; ²³ холякирэнас лэс, и дэнас карье лукостыр дрэ лэстэ и на могоиндлэ тэ дыкхэн пэ лэстэ манушá, савó дынэ карье лукостыр; ²⁴ нэ яцяпэ зоралó лэскиро луко, и зоралэ исын лэскирэ-вастэнгирэ масá, зоралэ Яковоскирэ-Дэвлэскирэ вастэндэр. Одотхыр исын Чхупнари и Израилёскири твардыма, ²⁵ тырэ-дадэскирэ Дэвлэстыр, Савó помогинэла түкэ, и Сарэзорьякирэстыр, Савó и бахтякирэла тут вучипнастыр болыбнаскирэ бахтякирибнаса, хорипнаскирэ бахтякирибнаса, савó исын паштó дро дóло, бахтякирибнаса цюцендыр (сосцендыр) и лочовятыр (утробатыр), ²⁶ тырэ-дадэскирэ бахтякирибнэнца, савó исын вучэдыр бахтякирибнастыр пхуранэ бэргэндэр и лачхипнастыр вечнóнэ бэргицэнгиро. Мэк тэ явэн ёнэ пэ Ёзаскиро шэрó и пэ темё (гутуп), савó сыс выкэдыно машкир пэскирэ пшалэндэ. ²⁷ Вениамино исын rischiрибнаскиро рув (яну́ро) ^[2], пэ злóко (ранкоса) явэла тэ хал дова, со ёв ухтылэла и бэльвэляса явэла тэ роскэрэл (тэ делинэл) дова, со дорэсэла.” ²⁸ Гада, исын

сарэ Израилёскирэ дэшудуй рёдыцы: и гада, со лэнгэ пхэндя лэнгиро дад; и бахтякирдя лэн, и дыя бахтякирибэн лэнгэ, кажнонэскэ пэскиро.

Яковёскиро Мэрибэн и Гараибэн

²⁹ И припхэндя ёв лэнгэ, и пхэндя лэнгэ: “Мэ причхувавапэ кэ пэскирэ мануша; гаравэн ман мирэ дадэнца дрэ гебэр (пешчэра), сави исын пэ Ефроноскирэ-Хетяниноскири фэлда, ³⁰ дрэ гебэр (пешчэра), сави исын пэ Махпеласкири фэлда, со исын ангил Мамре, пэ Ханаанёскири пхув, сави киндя Авраамо фэлдаса Ефроностыр Хетяниностыр ваш пэскэ ваш гараибэн; ³¹ одой гарадэ Авраамос и Сэрра, лэскирья ромня; одой гарадэ Исаакос и Ревека, лэскирья ромня; и одой гарадэ Лия; ³² дая фэлда и гебэр (пешчэра), сави със пэ латэ, със киндлы Хетянгирэ чхавэндэр.” ³³ И пирияця Яково тэ ракирэл пэскирэ чхавэнгэ, и чхудя кхэтанэ пэскирэ гэрэ пэ чхуибэн, и мыя, и причхудяпэ кэ пэскирэ мануша.

49:13 ^[1] Вари-савэ Балтытка Романэ поэты чхинэна “бэрэ (бэро)”

49:27 ^[2] янури-хишчничко

Шэрó 50

¹ И Ёза пыя пэ лэскирэ-дадэскиро муй, и рондя пэ лэстэ, и чамудя лэс. ² И пхэндя Ёза пэскирэнгэ дынарьэнгэ, састыпнарьэнгэ (урачэнгэ) тэ бальзаминэн лэскирэ дадэс; и састыпнарьэ бальзаминдлэ Израилёс. ³ И прогия лэскэ штардэша дывэса, пал-дова со адакицы дывэса трэй ваш бальзаминыбэн, и обровэнас лэс Египтяни эфтадэша дывэса. ⁴ Кэли прогинэ (нахлэ) роибнытка дывэса пал лэстэ, о Ёза пхэндя фараонёскирэ кхэритконэнгэ: “Кóли мэ латхём ласка дрэ тумарэ якха, тэды пхэнэн фараонёскэ адякэ: ⁵ ‘Дад миро совлахадя ман, пхэндя: Гада, мэ мэрава; дрэ миро магилытко (коплица), саво мэ выганадём пэскэ пэ Ханаанёскири пхув, одой гарав ман. И аканэ мэ камдём тэ джав, и тэ гаравав мирэ дадэс, и тэ рисёвав.’” ⁶ И пхэндя фараоно: “Джа и гарав тырэ дадэс, сыр ёв засовлахадя тут.” ⁷ И гия Ёза тэ гаравэл пэскирэ дадэс. И гинэ сарэ лэса фараонёскирэ дынарьэ, лэскирэ пхурыдырэ, и сарэ Египтоскирэ-пхувьякирэ пхурыдырэ, ⁸ и сарэ Ёзаскиро кхэр, и лэскирэ пшала, и лэскирэ-дадэскиро кхэр. Екхэ пэскирэ чхавэн и тыкнэ и барэ кхэритконэ мурдалэн (ското) ячкирдэ пэ Гесемоскири пхув. ⁹ И лэса гинэ адякэ-паць марибнытка вурдэнэ и мануша, адякэ со таборо (лод) със древэн баро. ¹⁰ И догинэ ёнэ кэ Горён-гаатада (гиваобмарибнаскири шурна кэ Атадо) пашыл Иордано, и рондлэ одой барэ роибнаса и древэн зоралэс; и кэрдя Ёза роибэн пал пэскирэ дадэстэ эфта дывэса. ¹¹ И дыкхнэ Хананейи одолэ пхувьякирэ мануша роибэн дро Горён-гаатада, и пхэндлэ: “Баро дасаво роибэн исын Египтянэндэ! Палдава дыно далэ штэтоскэ лав: Египтянгиро роибэн, со исын пашыл Иордано. ¹² И кэрдэ Яковёскирэ чхавэ лэса, сыр ёв ракирдя лэнгэ; ¹³ и отлыджинэ лэскирэ чхавэ лэс пэ Ханаанёскири пхув и гарадэ лэс дрэ гебэр (пешчэра), пэ Махпелоскири фэлда, сави Авраамо киндя фэлдаса ваш пэскэ ваш гараибэн Ефроностэ Хетяниностыр ангил Мамре. ¹⁴ И рися Ёза дро Египто, кокорó и лэскирэ пшала, и сарэ, кон псирдя лэса тэ гаравэн лэскирэ дадэс.

Ёза Дэла Зоралó Лав Лэскирэ Пшалэнгэ

¹⁵ И дыкхнэ Ёзаскиро пшала, со лэнгиро дад мыя, и пхэндлэ: “Со, кóли амэ на яваса дрога Ёзаскэ, и ёв закамэла тэ отхал палэ амэнгэ пал сарó фуипэн, саво амэ лэскэ кэрдям?” ¹⁶ И бичхадэ ёнэ тэ пхэнэн Ёзаскэ: “Тыро дад ангил лэскиро мэрибэн дыя лав, ракири: ¹⁷ Адякэ пхэнэн Ёзаскэ: ‘Мэ мангава тэ примангэс тырэ пшалэнгэ лэнгиро чорипэн, и грэхо, адякэ сыр ёнэ кэрдэ тукэ фуипэн. И аканэ приманг тырэ дадэскирэ Дэвлэскирэ писхарьнгиро чорипэн.’” Ёза рондя, кэли лэскэ ракирдэ дава. ¹⁸ Явнэ и кокорэ лэскирэ пшала, пынэ ангил

лэстэ лэнгирэ муенца, и пхэндлэ: “Гáда, амэ сам писхáрья тукэ.” ¹⁹ И пхэндя Ёза: “На дарэн, пал-довá со мэ Дэвлэстыр дарава; ²⁰ гáда, тумэ кэрдэ мánгэ фуипэн; нэ Дэвэл пирикэрдя дава дрэ лачхипэн, соб (кай) тэ кэрэл дова, со аканá исын: тэ зракхэс джиибэн бутэ манушэнгэ; ²¹ и палдава на дарэн: мэ явава тэ чалякирав тумэн и тумарэ чхавэн.” И подрикирдя дүхо (фáно) дрэ лэндэ, и ракирдя пир лэнгиро илó.

Ёзаскиро Мэрибэн

²² И дживдя Ёза кокорó кэ Егíпто и кэ лэскирэ-дадэскиро кхэр; о Ёза дживдя шэл тэ дэш бэрш. ²³ И дыкхцá Ёза Ефремóскирэ чхавэн кэ трíто рóдо, адякэ-паць Махироскирэ чхавэн, Манасияскирэ чхавэс, савэ бияндынэ пэ Ёзаскирэ чангá. ²⁴ И пхэндя Ёза пэскирэ пшалэнгэ: “Мэ мэрава, нэ Дэвэл явэла тэ помогинэл, и вылыджала тумэн далэ пхувьятыр пэ пхув, пал сави Ёв совлахадя Авраамóскэ, Исаакóскэ и Яковóскэ.” ²⁵ И засовлахадя Ёза Израилёскирэ чхавэн, и пхэндя: “Дэвэл явэла тэ помогинэл тумэнгэ и тумэ вылыджан мирэ кокалы адатхыр.” ²⁶ И мыя Ёза шэл тэ дэш бэрш. И бальзаминдлэ лэс, и чхудэ дро Егíпто дро мулыкано /гробó [ковчэго-р.с.]

Явiр Мойзаскири Лылварi (Выгиибэн)

Шэрó 1

Израилёскирэ Чхавэн Притасавэна

¹ Гáда (Акэ), исын Израилёскирэ-чхавэнгирэ лавá, савэ загинэ Яковоса дро Егíпто, загинэ кажно пэскирэ кхэрэса: ² Рувимо, Симеоно, Левиё и Юда, ³ Исахаро, Завулоно и Вениамино, ⁴ Дано и Нефалимо, Гадо и Асиро. ⁵ Сарэн манушэн, савэ выгинэ Яковостыр, сыс эфтадэшá, а Ёза (Иосифо) сыс англэдыр кэ Егíпто. ⁶ И мыя Ёза (Иосифо) и сарэ лэскирэ пшáла, и сарó лэскиро рóдо; ⁷ а Израилёскирэ чхавэ ячнэ бут, и ёнэ розбаринэпэ и ячнэ ёнэ древán зоралэ, и доя пхув пхэрдия лэнца. ⁸ И тэрдия дро Егíпто нэвó крáli, савó на джидя Ёзас (Иосифос), ⁹ и пхэндя пэскирэ манушэнгэ: “Гáда, Израилёскирэ-чхавэнгирэ манушá, лэн исын древán бут и ёнэ исын зоралэдыр амэндь; ¹⁰ акэ, хохаваса лэн, соб (кай) лэн тэ на явэл бут, пал-довá со, кэли явэла марибэн, то кхэтаниякирэнапэ ёнэ амарэ вэргэнца (врогэнца), и джáна пэ амэндэ, и выджáна амарэ пхувьятыр.” ¹¹ И чхудэ пэ лэндэ барыдырэн пэ буты, соб (кай) тэ мэнчынэн лэн пхарэ бутенца. И ёнэ кэрдэ фараонóскэ Пифомо и Раамсесо, фóрья, ваш пригараибэн (запасы). ¹² Нэ со лэн бутыр мэнчынлэ, то лэн бутыр бияндёна, и бутыр ёнэ барьёна адякэ, со ёнэ, Египтяни, дарáндынэ Израилёскирэ чхавэндь. ¹³ И палдава Египтяни зачхувэнас би тангипнаскиро (би жалостякиро) Израилёскирэ чхавэн тэ кэрэн пхарэ бутя ¹⁴ и лэнгиро джиибэн кэрдэ киркэса пхарэ бутятыр пэ глина (глэя) и барá, и кажнó фэлдакирэ бутятыр, кэ кажно буты, кэ сави зачхудэ лэн тэ кэрэн марибнаса. ¹⁵ Египтóскиро крáli припхэндя пхурьенгэ, савэ бабинэнас тыкнэмасэн (биятэн) Юдыцэндэ, лэндьр екхакиро лав сыс Шыфра, а явирьякиро Фуа, ¹⁶ и пхэндя: “Кэли тумэ явэна тэ бабинэн чхаворэн Юдыцэндэ, то тумэ дыкхэн, сыр ёнэ биянэна: кóли явэла чхавó, тэды мулякирэн лэс; а кóли чхай, тэды мэк тэ дживэл.” ¹⁷ Нэ пхурья, савэ бабиндлэ тыкнэмасэн, сыр джувлы биянэла, дарáндынэ Дэвлэстыр, и на кэрдэ адякэ, сыр ракирдя лэнгэ Египтóскиро крáli, и ячкирэнас чхаворэн джидэнца. ¹⁸ Египтóскиро крáli кхардя кхэтанэ пхурьен, савэ бабиндлэ тыкнэмасэн и пхэндя лэнгэ: “Ваш со тумэ кэрэна дасаво рэндо (делó), со мэкóна чхаворэн джидэн?” ¹⁹ Пхурья, савэ бабинэнас тыкнэмасэн, отпхэндлэ фараонóскэ: “Юдэнгирэ джувля на адякэ, сыр Египтóскирэ; ёнэ исын зоралэ, пал-довá со англэдыр, сыр явэла кэ ёнэ пхури, сави бабинэла тыкнэмасэс, ёнэ ужэ бияндлэ.” ²⁰ Дэвэл палдава кэрдя лачхипэн пхурьенгэ, савэ бабинэнас тыкнэмасэн; а манушá ячэнас бут и ёнэ древán зоралёнас. ²¹ И адякэ сыр пхурья, савэ бабиндлэ тыкнэмасэн, дарáндынэ Дэвлэстыр,

то Ёв кэрдя лэнгэ кхэра. ²² Тэды фараоно припхэндя сарэнгэ пэскирэ манушэнгэ: “Кажнонэс чхавэс, саво бияндёла Юдэндэ, чхурдэн дрэ рэка (лэнь); а кажнона чха ячкирэн тэ дживэл.”

Шэро 2

Мойза Бияндыя

¹ Вари-кон Левиёскирэ кхэритконэ родостыр (племёстыр) гия, и лыя пэскэ ромня долэ-паць родостыр. ² Джувлы запхария и бияндя чхавэс, и, дыкхй, со ёв сыс древан шукар, гарадя лэс трин чхона; ³ нэ на могины дурэдыр тэ гаравэл лэс, лыя тришчынатыр (тросникостыр) кхудо (корзина), и обчхудя лэс асфальтоса и смоласа; и, чхуви дрэ лэстэ тыкнэмасэс, чхудя дрэ тришчына (троснико) пашыл брэго рэкакиро (лэнякиро). ⁴ А лэскири пхэн тэрдия дурал тэ дыкхэл, со лэса явэла. ⁵ И фараоноскири чхай выгия пэ рэка (лэнь) тэ морэлпэ, а лакирэ дынарицы (слугицы) псирдэ пир брэго рэкакиро (лэнякиро). Ёй дыкхця маширал тришчына кхудо, и бичхадя пэскирья дынарица тэ лэл лэс. ⁶ Отчхакирдя и дыкхця тыкнэмасэс; и гада, чхаворó ровэлас; и ёй потангиндя лэс (пожалиндя) и пхэндя: “Адава исын Юдэнгирэ чхаворэндыр.” ⁷ И пхэндя лэскири пхэн фараоноскирэ чхакэ: “Ци тэ на спсирав мангэ и тэ кхарав кэ ту Юдыцэндыр чараибнарка, соб (кай) ёй тэ чаравэл тукэ тыкнэмасэс?” ⁸ Фараоноскири чхай пхэндя лэкэ: “Джа!” Э патывалы тэрны джувлы гия, и кхардя тыкнэмасэскирья да. ⁹ Фараоноскири чхай пхэндя лэкэ: “Лэ адалэ тыкнэмасэс и чалякир мангэ лэс: мэ дава тукэ ловэ.” Джувлы лыя тыкнэмасэс и чалякир лэс. ¹⁰ И выбария тыкномас, и ёй яндя лэс кэ фараоноскири чхай, и ёв сыс латэ замест чхавэстэ, и дыя лав лэскэ: Мойза (Моисеё), пал-довá со ёй ракирдя: “Мэ панэстыр выльём лэс.” ¹¹ Прогинэ бут дывэса и бэрша, кели Мойза выбария, кэрдяпэ адякэ, со ёв выгия кэ пэскирэ пшала, Израилёскирэ чхавэ, и дыкхця лэнгири пхарй буты; и дыкхця, со Египтянино марэла екхэ Юдос, лэскирэ пшалэндыр. ¹² Подыкхця одорик и адарик пир рига, и дыкхця, со нанэ никонэс, ёв замардя Египтянинос, и заганадя лэс дро прахо. ¹³ И выгия ёв пэ явир дывэс, и гада, дуй Юды кошэнапэ; и пхэндя ёв одолэскэ, саво марэлас: “Палсо ту марэса тырэ пашатунэс?” ¹⁴ А одовá пхэндя: “Кон чхудя тут барыдырэса и сэндариса пэ амэндэ? Ци на камэс ту тэ замарэс ман, сыр замардян Египтянинос?” Мойза страхадыя, и пхэндя: “Чачо, уджиндлэ пал дава рэндо (дело).” ¹⁵ И шундя фараоно пал дава рэндо, и камдя тэ замарэл Мойзас; нэ Мойза настя фараоностыр, и тэрдия пэ Мадиамитянэнгири пхув, и бэстя пашыл ганынг. ¹⁶ Мадиамитянэнгирэ рашастэ сыс эфта (битринэнгиро дэш) чхая. Ёнэ явнэ и кэдынэ пани, и пхэрдякирдэ чараибнытка (корыты), соб (кай) тэ панякирэн бакрэн пэскирэ дадэскирэн. ¹⁷ И явнэ чхупнарья (пастухи), и оттрадынэ лэн. Тэды уштыя Мойза, и затэрдия пал лэндэ, и панякирдя лэнгирэ бакрэн. ¹⁸ И явнэ ёнэ кэ Рагуило, лэнгиро дад, и ёв пхэндя: “Со тумэ адякэ сыг явнэ ададывэс?” ¹⁹ Ёнэ пхэндлэ: “Вари-саво Египтянино затэрдия пал амэндэ чхупнарьендыр, и пхэрия (зачэрпниндя) амонгэ пани, и панякирдя бакрэн.” ²⁰ Ёв пхэндя пэскирэ чхаенгэ: “Кай ёв исын? Соскэ тумэ лэс ячкирдэ? Кхарэн лэс, и мэк ёв тэ хал маро.” ²¹ Мойзаскэ сыс пир ило тэ дживэл далэ манушэстэ; и ёв отдыя палором пал Мойзастэ пэскирья чха Сепфора. ²² Ёй бияндя чхавэс, и Мойза дыя лэскэ лав: Гирсамо, пал-довá со, – ракирдя ёв, – Мэ явдём пэ чужо пхув.” ²³ Прогия бут бэрш, мыя Египтоскиро крали. И хасёнас Израилёскирэ чхавэ бутятыр и дэнас гóдла, и лэнгири гóдла бутятыр догия кэ Дэвэл. ²⁴ И шундя Дэвэл лэнгирэ мэньки, и пририпирдя Дэвэл Пэскиро завето (доракирибэн) Авраамоса, Исаакоса и Яковоса. ²⁵ И дыкхця Дэвэл Израилёскирэ чхавэн, и потангиндя лэн Дэвэл.

Шэрó 3

Мóйза Пашыл Хрúсто

¹ Мóйза раххцý бaкрэн Иофоростэ, Мaдиaмитянэнгирэ рашастэ, савó сыс лэскиро састро (тестё). Екхвар традыя ёв кхэритконэ мурдалэн (ското) дур пэ чхучí (пусто) пхув, и явдý кэ Дэвлэскири бэрга Хориво. ² И сыкадыя лэскэ Рáскирэ-Дэвлэскиро Янгóло машкíр хрúсто (кусто) дрэ яг. И дыкхцý ёв, со хрúсто хачолас ягáса, нэ хрúсто на выхачола. ³ Мóйза пхэндý: “Джáва мэ и дыкхáва пэ дава барó дíво, сóскэ хрúсто на выхачола.” ⁴ Дэвэл дыкхцý, со ёв джáла тэ дыкхэл, и кхардý лэс Дэвэл машкирál хрустостыр, и пхэндý: “Мойзэ! Мойзэ!” Ёв пхэндý: “Гáда, мэ сом!” ⁵ И пхэндý Дэвэл: “На джá адарýк; злэ тэлэ тырэ гэритка гэрэндýр; пал-довá со штéто, пэ савó ту сан тэрдó, исын свэнтó пхув.” ⁶ И пхэндý Ёв: “Мэ сом Дэвэл тырэ-дадэскиро, Авраамóскиро Дэвэл, Исаакоскиро Дэвэл и Яковóскиро Дэвэл.” Мóйза зачхакирдý пэскиро муй; пал-довá со дарандýя тэ дыкхэл пэ Дэвлэстэ. ⁷ И пхэндý Рай Дэвэл: “Мэ дыкхцём Мирé-манушэнгирэ мэньки дро Егíпто, и Мэ шундём лэнгири гóдла пал лэнгирэ манушэндэ, савэн чхудэ тэ дыкхэн пал лэндэ, Мэ джинóm лэнгиро пиридживипэн, ⁸ и Мэ джáва тэ раххав лэн Египтянэнгирэ вастэндýр и тэ вылыджав лэн далэ пхувýятыр пэ лачхí и бари пхув, кай тхадэла тхуд и авгín, пэ Хананеенгири, Хитеенгири, Амореенгири, Ферезеенгири, Евеенгири и Евусеенгири пхув. ⁹ И гáда, аканá гóдла Израилэскирэ-чхавэнгири догий кэ Мэ, и Мэ дыкхáва мэньки, савэнца лэн мэнчынэна Египтýни. ¹⁰ И адýкэ джá; Мэ бичхавáва тут кэ фараóно; и вылыджа Египтóстыр Мирé манушэн, Израилэскирэ чхавэн.” ¹¹ Мóйза пхэндý Дэвлэскэ: “Кон мэ сом, соб (кай) мánгэ тэ джав кэ фараóно, и тэ вылыджав Египтóстыр Израилэскирэ чхавэн?” ¹² И пхэндý Дэвэл: “Мэ явáва тýса, и, гáда, тýкэ явэла допхэныбэн, со Мэ бичхадём тут: кели ту вылыджаса Египтóстыр манушэн, то тумэ кэрэн мангипэн Дэвлэскэ пэ даý бэрга.” ¹³ И пхэндý Мóйза Дэвлэскэ: “Гáда, мэ явáва кэ Израилэскирэ чхавэ и пхэнава лэнгэ: “Дэвэл тумарé дадэнгиро бичхадý ман кэ тумэ.” А ёнэ пхэнэна: “Сыр исын Лэскиро лав? Со тэ пхэнав мánгэ лэнгэ?” ¹⁴ Дэвэл пхэндý Мойзáскэ: “Мэ Сом, Савó исын Джидó усады (сак) (Яхвá).” И пхэндý: “Адýкэ пхэн Израилэскирэ чхавэнгэ: “Савó исын Джидó Усады (Яхвá) бичхадý ман кэ тумэ.” ¹⁵ И пхэндý ишчо (инкэ) Дэвэл Мойзáскэ: “Адýкэ пхэн Израилэскирэ чхавэнгэ: ‘Рай Дэвэл (Яхвá), Дэвэл тумарé дадэнгиро, Авраамóскиро Дэвэл, Исаакоскиро Дэвэл и Яковóскиро Дэвэл, бичхадý ман кэ тумэ.’ Гáда, Миро лав пэ вéко, рипирибэн пал Мánдэ исын родóстыр дро родó. ¹⁶ Джá, скэдэ пхурыдырэн Израилэскирэн и пхэн лэнгэ: “Рай Дэвэл, Дэвэл тумарé-дадэнгиро, сыкадыя мánгэ, Дэвэл Авраамóскиро, Исаакоскиро и Яковóскиро, и пхэндý: “Мэ явдём тэ дыкхав тумэн и дыкхцём, со кэрэлапэ тумэнца дро Егíпто.” ¹⁷ И пхэндý: “Мэ вылыджавá тумэн Египтóскирэ пхарé дынарибнастыр пэ пхув Хананеенгири, Хеттеенгири, Аморреенгири, Ферезеенгири, Евеенгири и Иевусеенгири, пэ пхув, кай тхадэла тхуд и авгín (мэда).” ¹⁸ И ёнэ явэна пэ шунэн зан тырí, и джáса ту и Израилэскирэ пхурыдырá кэ Египтóскиро крáli, и пхэнэна лэскэ: “Рай Дэвэл, Дэвэл Юдэнгиро, кхардý амэн; и адýкэ отмэк амэн пэ чхучí пхув, пэ тринэ-дывэсэнгиро дром, соб (кай) тэ янас свэнтó дыибэн (жэртва) Рáскэ-Дэвлэскэ, амарé Дэвлэскэ.” ¹⁹ Нэ Мэ джинóm, со Египтóскиро крáli на мэкэла тумэн тэ джán, кóли на зачхувэса лэс зоралэ вастэса; ²⁰ и Мэ газдáва Миро васт, и Мэ дивакирава (здивинава) Егíпто сарé Мирé дивэнца, савэ кэрáва машкíр лэндэ; и палó дава ёв отмэкэла тумэн. ²¹ И Мэ дава адалэ манушэнгэ тангипэн (жалима) пэ Египтянэнгирэ якхá; и кели джána, джán на чхучé вастэнца: ²² кажно джувлы вымангэла пэскирэ суседкатыр (котаркатыр) и, кон дживэла дрэ лáкиро кхэр, рупувэ и сувнакунэ предметы, и йди; и тумэ прикэдэн лэнца чхавэн и чхаён тумарэн, и адýкэ тумэ обкэдэна Египтянэн.”

Шэрó 4

Дівна гертыкá ваш Фараонóскэ

¹ И отпхэндя Мóйза и пхэндя: “А кóли ёнэ на патяна мánгэ, и на шунэна мирí зан, и пхэнэна: ‘На сыкадыя тукэ Рай Дэвэл?’” ² И пхэндя лэскэ Рай Дэвэл: “Со дава́ исын дро васт тóтэ? Ёв отпхэндя: “Дэстó.” ³ Рай Дэвэл пхэндя: “Чхурдэ лэс пэ пхув.” Ёв чхурдыя лэс пэ пхув, и дэстó рисия дрэ сапэстэ, и прастáндые лэстыр. ⁴ И пхэндя Рай Дэвэл Мойзáскэ: “Гáздэ тырó васт и лэ лэс пал пори.” Ёв газдыя пэскиро васт и лыя лэс; и ёв яця дэстэса дро лэскиро васт. ⁵ Акэ, ваш дова́, соб (кай) тэ патян, со сыкадыя тукэ Рай Дэвэл, Дэвэл лэнгирэ-дадэнгиро, Авраамóскиро Дэвэл, Исаакоскиро Дэвэл и Яковóскиро Дэвэл.” ⁶ Ишчо пхэндя лэскэ Рай Дэвэл: “Чхув тырó васт кэ пэ пал брэк.” И ёв чхудя пэскиро васт кэ пэ пал брэк, вылыя лэс, и гáда, лэскиро васт парныя проказатыр, сыр ив. ⁷ Ишчо пхэндя: “Чхув нэвэстыр (нэвэс) тырó васт пэскэ пал брэк.” И вылыя лэс пал пэскирэ брэкатыр, и гáда, ёв нэвэстыр яця дасаво, сыр лэскирэ масá. ⁸ Кóли ёнэ на патяна тукэ, и на шунэна зан англатунé допхэныбнаскэ, тэды явэна тэ патян глосакэ явирэ допхэныбнаскэ; ⁹ кóли на патяна и далэнгэ дуенгэ допхэныбнэнгэ и на шунэна тырí зан, тэды лэ рэкатыр (лэнятыр) панí и вычхув пэ пхув; и панí лыны рэкатыр (лэнятыр), кэрэлапэ ратэса пэ пхув. ¹⁰ И пхэндя Мóйза Рáскэ-Дэвлэскэ: “О, миро Раё Дэвла! Мануш мэ на сом ракирибнытко, и адасавó сóмас и атася, и трíто дывэс, и кели Ту яцян тэ ракирэс Тырэ дынариса: мэ пхарэс ракирава и намиштэс.” ¹¹ И Рай Дэвэл пхэндя: “Кон дыя уштá манушэскэ? Кон кэрэла манушэс бичибакирэса, ци кашукэса, ци дыкхибнытконэса, ци корорэса? Ци на Мэ сом Рай Дэвэл? ¹² И адякэ джá, и Мэ ява́ва пашыл тырэ уштá, и высыклякирава тут, со тукэ тэ ракирэс.” ¹³ Мóйза пхэндя: “Раё Дэвла! Бичхáв явирэс, конэс мoгинэса тэ бичхавэс?” ¹⁴ И захачия холы Дэвлэскири пэ Мойзастэ, и Ёв пхэндя: “Наушто нанэ тóтэ Ааронóс пшалэс, Левитянинос? Мэ джинóм, со ёв мoгинэла тэ ракирэл, гáда, ёв выджáла ангил тукэ, и, дыкхэла тут, обрадынэлапэ дро пэскиро илó; ¹⁵ ту явэса тэ ракирэс лэскэ и тэ чхувэс лавá дрэ лэскирэ уштá, а Мэ ява́ва пашыл тырэ уштá и пашыл лэскирэ, и Мэ ява́ва тэ сыклякирав тумэн, со тумэнгэ тэ кэрэн; ¹⁶ и явэла ёв тэ ракирэл замéст тóтэ манушэнгэ; и адякэ ёв явэла тырэ уштэнца, а ту явэса лэскэ замéст Дэвлэстэ; ¹⁷ и лэ дэстó дава́ дро тырó васт: лэса ту явэса тэ кэрэс знамэнии (гертыкá).”

Мóйза Джáла кэ Егíпто

¹⁸ И гия Мóйза, и рисия кэ Иофоро, пэскиро састро, и пхэндя лэскэ: “Джáва мэ, и рисёва́ва кэ мирé пшáла, савэ исын дро Егíпто, и подыкхава, ци джидэ ёнэ исын?” И пхэндя Иофоро Мойзáскэ: “Джá раманёса (миро́са).” ¹⁹ И пхэндя Рай Дэвэл Мойзáскэ пэ Мадиямоскири пхув: “Джá, рисёв дро Егíпто, пал-дова́ со мынó сарэ, савэ родынэ тырó илó.” ²⁰ И лыя Мóйза пэскирья ромня́ и пэскирэ чхавэн, чхудя лэн пэ ослостэ, и гия пэ Египтóскири пхув. И Дэвлэскиро дэстó Мóйза лыя дро пэскиро васт. ²¹ И Рай Дэвэл пхэндя Мойзáскэ: “Кэли ту джáса и рисёса дро Егíпто, дыкх, сарэ дивы, савэ Мэ дыём тэ кэрэс тукэ, кэр лэн ангил фараоностэ, а Мэ холякирава лэскиро илó, и ёв на отмэкэла манушэн. ²² И пхэн фараонóскэ: ‘Адякэ ракирэла Рай Дэвэл: “Израилё исын Миро чхавó, англатунó Миро; ²³ мэ ракирава тукэ: ‘Отмэк Мирé чхавэс, соб (кай) ёв тэ дынаринэл Мánгэ;’ а кóли на отмэкэса лэс, тэды, гáда, Мэ замарава тырэ чхавэс, англатунэс тырэс.”’ ²⁴ Дромэса пэ ратькирибэн кэрдяпэ, со стрэиндя лэс Рай Дэвэл, и камдя тэ мулякирэл лэс. ²⁵ Тэды Сепфора ^[1], лыя чхури барэстыр, обчхиндя ягóро (краё) пэскирэ-чхавэскири лоч (плоть), и, чхурдыя лэс кэ лэскирэ гэрá, пхэндя: “Ту сан ратэскиро тэрнó мánдэ.” ²⁶ И отгия лэстыр Рай Дэвэл. Тэды пхэндя ёй: ‘Ратэскиро’ тэрнó – пир обчхиныбэн.” ²⁷ И Дэвэл пхэндя Ааронóскэ: “Джá пэ чхучí пхув гил Мойзáскэ. И ёв гия, и стрэиндяпэ лэса пашыл Дэвлэскири бэрга, и чамудя лэс. ²⁸ И пирипхэндя Мóйза Ааронóскэ сарэ Дэвлэскирэ лавá, Савó лэс бичхадя, и сарэ дивы, савэ Ёв упхэндя. ²⁹ И гия Мóйза Ааронóса, и скэдынé ёнэ сарэн Израилёскирэ-чхавэнгирэ

барыдырэн,³⁰ и пирипхэндя Аароно сарэ лава, савэ ракирдя Дэвэл Мойзаскэ, и кэрдя Мойза дивы ангил манушэнгирэ якха,³¹ и патяндынэ мануша; и шундлэ, со Рай Дэвэл сыс кэ Израилёскирэ чхавэ и дыкхця лэнгирэ мёньки и тэрдинэ ёнэ пэ чанга и поклониндлэпэ.

4:25 ^[1] Дро Юдытко оригинало Цыппора

Шэро 5

Пэрво Мёло Ракирибэн Фараонеса

¹ Палó дава Мóйза и Аарóно явнэ кэ фараóно и пхэндлэ: “Адýкэ ракирэла Рай Дэвэл (Яхвá), Дэвэл Израилёскиро: ‘Отмэк Мирé манушэн, соб (кай) ёнэ тэ кэрэн Мánгэ свэнко пэ чхучи пхув.’” ² Нэ фараóно пхэндя: “Кон исын адасавó Рай Дэвэл, соб (кай) мэ тэ кандав Лэскири зан и тэ отмэкав Израилё? Мэ на джинóм Рас-Дэвлэс, и Израилё на отмэкава.” ³ Ёнэ пхэндлэ: “Дэвэл Юдэнгиро кхардя амэн; отмэк амэн пэ чхучи пхув пэ трин дромэскирэ дывэса, тэ янас свэнто дыибэн (жэртва) Рáскэ-Дэвлэскэ, амарэскэ Дэвлэскэ, соб (кай) Ёв тэ на хасякирэл амэн франсэнца (язваса) ци курталаса.” ⁴ И пхэндя лэнгэ Египтóскиро крáli: “Ваш со тумэ, Мóйза и Аарóно, отмарэна манушэн лэскирэ рэндэндýр? Джán пэ пэскири бутý.” ⁵ И пхэндя фараóно: “Гáда, пэ дая пхув мануша исын древán бут, и тумэ лэн отмарэна лэнгирэ бутýтыр.” ⁶ И дро дова-паць дывэс фараóно дýя упхэныбэн причхувибнарьенгэ /дыкхибнарьенгэ (приставникэнгэ) пир бутý, и манушэнгэ, савэн чхудэ тэ дыкхэн пал бутý, ракири: ⁷ “На дэн бутýр манушэнгэ пхус тэ кэрэн кирпичо, сыр тася и пэ трýто дывэс, мэк ёнэ кокорэ тэ псирэн и тэ кэдэн пэскэ пхус, ⁸ а барá чхувэн пэ лэндэ адакицы-паць, ци бут ёнэ кэрдэ тася и пэ трýто дывэс, и на тыкнякирэн; ёнэ исын сырбы пэ свэнко, палдава и годлэна: ‘Джáса, и янаса свэнто дыибэн (жэртва) амарэ Рáскэ-Дэвлэскэ’” ⁹ дэн лэнгэ бутýр бутý, соб (кай) ёнэ тэ кэрэн бутý, и тэ на залэнпэ чхучонэ (пустонэ) ракирибнэнца.” ¹⁰ И выгинэ мануша, савэн чхудэ тэ дыкхэн пал лэндэ, и пхэндлэ манушэнгэ: “Адýкэ ракирэла фараóно: мэ на дава тумэнгэ пхус; ¹¹ нэ тумэ кокорэ джán, лэн пэскэ пхус, кай латхэна, а тумарэ бутýтыр ничи на тыкнякирэлапэ.” ¹² И розгинэпэ мануша пир сари Египтóскири пхув, тэ скэдэн жниво замéст пхус. ¹³ А причхувибнарья, савэ пал лэндэ дыкхнэ, ракирдэ: “Кэрэн пэскири бутý пэ кажно дывэс, сыр и гарэдыр, кели сыс тумэндэ пхус.” ¹⁴ А дыкхибнарьен пал бутý Израилёскирэ чхавэндýр, савэн чхудэ пэ лэндэ фараонóскирэ причхуибнарья тэ дыкхэн, мардэ, ракири: “Сóскэ тумэ тася и ададывэс на кэрэна адакицы кирпичо, сыр кэрдэ кэ /жýко дава часо?” ¹⁵ И явнэ Израилёскирэ-чхавэнгирэ дыкхибнарья кэ фараóно, и загодлынэ, ракири: “Ваш со ту адýкэ пэс лыджáса тырэнца писхарьэнца? ¹⁶ пхус на дэна тырэ писхарьэнгэ, а кирпичи, ракирэна амэнгэ, кэрэн. И гáда, тырэн писхарьэн марэна; грэхó исын тырэ манушэнгэ.” ¹⁷ Нэ ёв пхэндя: “Тумэ сан сырбы пэ свэнко, пэ свэнко, палдава и ракирэна: ‘Джáса, янаса свэнто дыибэн (жэртва) Рáскэ-Дэвлэскэ’.” ¹⁸ Джán, кэрэн бутý, пхус на дэна тумэнгэ, а ци бут трэй кирпичи, адакицы дэн.” ¹⁹ И дыкхнэ Израилёскирэ-чхавэнгирэ дыкхибнарья пэскири бýда дрэ лава: “На тыкнякирэн, ци бут трэй пэ кажно дывэс кирпичи.” ²⁰ И кели ёнэ выгинэ фараоностýр, стрэниндлэпэ Мойзаса и Ааронеса, савэ сыс тэрдэ, и лэн ужакирдэ, ²¹ и пхэндлэ лэнгэ: “Мэк тэ дыкхэл, и тэ сэндякирэл тумэн Рай Дэвэл пал дова, со тумэ кэрдэ амэн налачхэнца дрэ фараонóскирэ и лэскирэ-писхарьенгирэ якха, и дынэ лэнгэ куртáла дрэ вастá, соб (кай) тэ замарэн амэн. ²² И рисия лавэса Мóйза кэ Рай Дэвэл, и пхэндя: “Раё Дэвла! Ваш со Ту домэкця́н адалэн манушэн кэ дасави бýда, ваш со бичхадýн ман? ²³ пал-дова со долэ часостýр, сыр мэ явдём кэ фараóно и лыём тэ ракирав Тырэ лавэса, ёв лыя фуедýр тэ обджалпэ адалэ манушэнца, тэ зракхэс лэн, – Ту на зракхця́н Тырэ манушэн.”

Шэрó 6

¹ И пхэндя Рай Дэвэл Мойзаскэ: “Каканá ту дыкхэса, со Мэ кэрава фараонеса; пир зоралó вастэскиро пэкаибэн ёв отмэкэла лэн; пир зоралó вастэскиро пэкаибэн ёв аж вытрадэла лэн пэскирэ пхувьятыр.” ² И ракирдя Дэвэл Мойзаскэ, и пхэндя лэскэ: “Мэ сом Рай Дэвэл. ³ Мэ сыкадыём Авраамоскэ, Исаакоскэ и Яковоскэ дасавэ лавэса: “Дэвэл Сарэзорьякиро”, а лавэса Мирэса: “Рай Дэвэл” на сыкадыём лэнгэ; ⁴ и Мэ чхудём завето Миро лэнца, соб (кай) лэнгэ тэ дав Ханаанэнгири пхув, пэ сави ёнэ дживдó. ⁵ И Мэ шундём Израилёскирэ-чхавэнгирэ гондя пал дова, со Египтяни рикирэна лэн дрэ писхарибэн, и пририпирдём Миро завето. ⁶ И адякэ пхэн Израилёскирэ чхавэнгэ: ‘Мэ сом Рай Дэвэл, и Мэ вылыджава тумэн Египтянэнгирэ дынарибнастыр, и вылыджава тумэн лэнгирэ пленостыр, и зракхава тумэн протырдынэ вастэскирэ масэса и барэ сэндэнца; ⁷ и Мэ прилава тумэн Пэскэ сыр манушэн и Мэ явава тумэнгэ Дэвлэса, и тумэ уджинэна, со Мэ сом Рай Дэвэл, Дэвэл тумарó, вылыджии тумэн Египтоскирэ дынарибнастыр; ⁸ и Мэ залыджава тумэн пэ доя пхув, пал сави Мэ газдыём Миро васт, совлахадём тэ дав ла Авраамоскэ, Исаакоскэ и Яковоскэ, и Мэ дава ла тумэнгэ пэ сарó тумарэ-родоскиро джибэн. Мэ сом Рай Дэвэл.’” ⁹ Мóйза припхэндя дава Израилёскирэ чхавэнгэ; нэ ёнэ на шундлэ Мойзас пир напатяибэн и пхари буты. ¹⁰ И пхэндя Рай Дэвэл Мойзаскэ, ракири: ¹¹ “Заджá, пхэн фараоноскэ, Египтоскирэ краліскэ, соб (кай) ёв тэ отмэкэл Израилёскирэ чхавэн пэскирэ пхувьятыр.” ¹² И пхэндя Мóйза ангил Растэ-Дэвлэстэ: “Ѓáда, Израилёскирэ чхавэ на шунэна ман, сыр кандэла ман фараóно? А мэ на сом ракирибнытко.” ¹³ И ракирдя Рай Дэвэл Мойзаскэ и Аароноскэ, и дэлас лэнгэ, сыр трэй тэ ракирэн Израилёскирэ чхавэнгэ и фараоноскэ, Египтоскирэ краліскэ, соб (кай) тэ вылыджан Израилёскирэ чхавэн Египтоскирэ пхувьятыр.

Рóдо Мойзаскиро и Аароноскиро

¹⁴ Ѓáда (акэ), исын лэнгирэ барыдыра пэ стрэчы (поколении): Рувимоскирэ чхавэ, кон сыс англатунó Израилёскиро: Ханохо и Фало, Хецроно и Харми: далэ исын Рувимоскирэ чэкарья (семействы). ¹⁵ Симеоноскирэ чхавэ сыс: Емуило, и Ямино, и Огадо, и Яхино, и Цохаро, и Сауло, Хананеянкакиро чхавó: дава исын Симеоноскирэ чэкарья (семействы). ¹⁶ Ѓáда, исын Левиёскирэ-чхавэнгирэ лавá пир лэнгиро рóдо: Гирсоно и Каафо, и Мерари. А дживдя Левиё шэл тэ триянда эфта бэрш. ¹⁷ Гирсоноскирэ чхавэ сыс: Ливни и Шымеи лэнгирэ чэкарьенца (семействэнца). ¹⁸ Каафоскирэ чхавэ сыс: Амрамо и Ицгаро, и Хевроно, и Узиило. А дживдя Каафо шэл тэ триянда трин бэрш. ¹⁹ Мерарискирэ чхавэ сыс: Махли и Мушы. Давá исын Левиёскирэ чэкарья (семействы) пир лэнгиро рóдо. ²⁰ Амрамо лыя Иохаведа, пэскирья бибья, палорóm, и ёй бияндя лэскэ Ааронóс и Мойзас. А дживдя Амрамо шэл тэ триянда эфта бэрш. ²¹ Ицгароскирэ чхавэ сыс: Корее, и Нефего, и Зихри. ²² Узилоскирэ чхавэ сыс: Мисаило, и Элцафано, и Сифри. ²³ Аарóно лыя пэскэ ромня Елисавета, Аминадавоскирья чха, Наасоноскирья пхэня, и ёй бияндя лэскэ Надавос и Авиудос, Елизарос и Ифамарос. ²⁴ Кореескирэ чхавэ сыс: Асиро, Елкано и Авиасафо: дава исын Кореескирэ чэкарья (семействы). ²⁵ Елизáро, Аароноскиро чхавó, лыя пэскэ ромня екха Футилоскирэ чхаендыр, и ёй бияндя лэскэ Финесос. Ѓáда, исын Левитэнгирэ барыдыра пир стрэчы (поколении) и пир лэнгирэ чэкарья (семействы). ²⁶ Аарóно и Мóйза, дава исын одолэ, савэнгэ пхэндя Рай Дэвэл: “Вылыджан Израилёскирэ чхавэн Египтоскирэ пхувьятыр пир лэнгирэ отряды.” ²⁷ Ёнэ и ракирдэ фараоноскэ, Египтоскирэ краліскэ, соб (кай) ёнэ тэ вылыджан Израилёскирэ чхавэн Египтостыр; гада, исын Мóйза и Аарóно.

Аарóно Ракирэла пал Мойзастэ

²⁸ И адякэ дро дова часо, кэли Рай Дэвэл ракирдя Мойзаскэ пэ Египтоскири пхув, ²⁹ Рай Дэвэл пхэндя Мойзаскэ: “Мэ сом Рай Дэвэл! Пхэн фараоноскэ, Египтоскирэ краліскэ, сарó,

со Мэ түкэ ракирава.”³⁰ Мойза жа пхэндя ангил Растэ-Дэвлэстэ: “Гада, мэ на сом ракирибнытко: сыр кандэла ман фараоно?”

Шэрó 7

¹ И Рай Дэвэл пхэндя Мойзаскэ: “Дыхх, Мэ чхудём тут дэвлэса фараонóскэ, а Аарóно, тырó пшал, явэла тырэса пророкоса: ² ту явэса тэ ракирэс сарó, со Мэ пхэнава түкэ, а Аарóно, тырó пшал, явэла тэ ракирэл фараонóскэ, соб (кай) ёв тэ отмэкэл Израилёскирэ чхавэн пэскирэ пхувьятыр; ³ нэ Мэ пхарьякирава фараонóскиро илó, и кэрава бут Мирé знамэнии (гертыка) и Мирé дивы пэ Египтóскири пхув; ⁴ фараоно на кандэла тумэн, и Мэ чхувава Миро васт пэ Египто, и вылыджава Мирэн халадэн, Мирé манушэн, Израилёскирэ чхавэн, Египтóскирэ пхувьятыр – барé сэндэнца; ⁵ тэды Египтяни уджинэна, со Мэ сом Рай Дэвэл, кэли чхувава Миро васт пэ Египто и вылыджава Израилёскирэ чхавэн Египтóстыр.” ⁶ И кэрдэ Мойза и Аарóно, сыр пхэндя лэнгэ Дэвэл, адякэ ёнэ и кэрдэ. ⁷ Мойзаскэ сыс охтодэша бэрш, а Ааронóскэ сыс охтодэша трин бэрш, кэли ёнэ лынэ тэ ракирэн фараонóскэ.

Аароноскиро Дэстó

⁸ И пхэндя Рай Дэвэл Мойзаскэ и Ааронóскэ: ⁹ “Кóли фараоно пхэнэла тумэнгэ: ‘Кэрэн диво’, тэды ту пхэн Ааронóскэ: ‘Лэ тырó дэстó и чхурдэ лэс ангил фараоностэ, – ёв кэрэлапэ сапэса.’” ¹⁰ Мойза и Аарóно явнэ кэ фараоно и кэрдэ адякэ, сыр ракирдя Рай Дэвэл. И чхурдыя Аарóно пэскиро дэстó ангил фараоностэ и ангил лэскирэ писхарьендэ, и ёв кэрдяпэ сапэса. ¹¹ И кхардя фараоно магэн и джиныбнаскирэн пир чэргэня; и адалэ Египтóскирэ човаханэ кэрдэ дова-паць пэскирэ чарэнца: ¹² кажно лэндыр чхурдыя пэскиро дэстó, и ёнэ кэрдэпэ сапэнца; нэ Аароноскиро дэстó проглыниндя лэнгирэ дэстэ. ¹³ Фараонóскиро илó яця холямó, и ёв на кандыя лэн, сыр и ракирдя Рай Дэвэл.

Пэрво Бида: Пани Кэрдяпэ Ратэса

¹⁴ И пхэндя Рай Дэвэл Мойзаскэ: “Нарто (упрямо) исын фараонóскиро илó: ёв на камэла тэ отмэкэл манушэн. ¹⁵ Джá кэ фараоно атася: гада, ёв выджала кэ пани, ту тэрдэв пэ лэскиро дром, пэ брэго рэка (лэнь), и дэстó, савó пиририся дрэ сапэстэ, лэ трэ тырó васт, ¹⁶ и пхэн лэскэ: ‘Рай Дэвэл, Дэвэл Юдэнгиро, бичхадя ман тэ пхэнав түкэ: Отмэк Мирé манушэн, соб (кай) ёнэ тэ кэрэн Мánгэ мангипэн (пáтери) пэ чхучи пхув; нэ, гада, ту кэ дава часо на кандыян. ¹⁷ Адякэ ракирэла Рай Дэвэл: Ту уджинэса далэстыр, со Мэ сом Рай Дэвэл: гада, далэса дэстэса, савó исын дро миро васт, мэ пэкавава пир пани, савó дрэ рэка (лэнь), и ёв рисёла дро рат, ¹⁸ и мачхэ дрэ рэка (лэнь) мэрэна; и рэка (лэнь) явэла тэ кхандэл, и Египтянэнгэ явэла джунгалó (гидко) тэ пьен пани рэкатыр (лэнятыр).’” ¹⁹ И пхэндя Рай Дэвэл Мойзаскэ: “Пхэн Ааронóскэ: ‘Лэ тырó дэстó и чхув тырó васт пэ Египтянэнгирэ паня: пэ лэнгирэ рэки (лэня), пэ лэнгирэ тхадыпна, пэ лэнгирэ зеры (озеры) и пэ кажно штэто, кай исын пани; и рисёна дро рат, и явэла рат пир сарí Египтóскири пхув и дрэ каштунэ кхорэ и дрэ барунэ кхорэ (сасуды).’” ²⁰ И кэрдэ Мойза и Аарóно, сыр припхэндя Рай Дэвэл. И газдыя Аарóно дэстó, и пэкадя пир рэкакиро (лэнякиро) пани ангил фараонóскирэ якхá и ангил якхá лэскирэ писхарьенгирэ, и сарó пани, со сыс дрэ рэка (лэнь), рисия дрэ рат, ²¹ и мачхэ дрэ рэка (лэнь) вымынэ, и рэка (лэнь) лыя тэ кхандэл, и Египтяни на могоиндлэ тэ пьен пани рэкатыр (лэнятыр); и сыс рат пир сарí Египтóскири пхув. ²² И Египтóскирэ човаханэ пэскирэ заракирибнаса кэрдэ дова-паць. И яця пхарэдыр фараонóскиро илó, и ёв на кандыя лэн, сыр и ракирдя Рай Дэвэл. ²³ И рисия фараоно, и гия дро пэскиро кхэр; и илó лэскиро на парудыя и далэстыр. ²⁴ И лынэ сарэ Египтяни тэ ганава пашыл рэка (лэнь), соб (кай) тэ латхэн пани ваш пибэн, пал-дова со на могоиндлэ тэ пьен пани рэкатыр (лэнятыр). ²⁵ И прогинэ эфта (битринэнгиро дэш) дывэса палó дова, сыр Рай Дэвэл хасякирдя рэка (лэнь).

Шэрó 8

Явír Бида: Жамбы

¹ И пхэндя Рай Дэвэл Мойзаскэ: “Джá кэ фараóно и пхэн лэскэ: ‘Адýкэ ракирэла Рай Дэвэл: ‘Отмэк Мирé манушэн, соб (кай) ёнэ тэ дынаринэн Мánгэ’; ² кóли ту явэса проти тэ отмэкэс лэн, тэды гáда, Мэ хасякирава сарó тырó штэто жамбэнца (цаппенца); ³ и явэла – пхэрдý (тэ кишынэл) рэка (лэнь) жамбэнца, и ёнэ выджáна, и заджáна дрэ тырó кхэр, и кай ту сан сутó, и пэ тырó чхуибэн, и дрэ тырэ-дынарьенгирэ кхэрá, и тырэ манушэнгирэ, и дрэ тырэ бова, и дрэ тырэ хумэра (тясты), ⁴ и пэ тýtэ, и пэ тырэ манушэндэ, и пэ сарé тырэ дынарьендэ джáна упрé жамбы.” ⁵ И пхэндя Рай Дэвэл Мойзаскэ: “Пхэн Ааронóскэ: ‘Чхув тырó васт тырэ дэстэса пэ рэки (лэнь), пэ тхадýпэна и пэ зеры (озеры); и вылыджа жамбэн пэ Египтóскири пхув.” ⁶ Аарóно чхудя пэскиро васт пэ Египтóскиро пани́; и выгинé жамбы, и зачхакирдэ Египтóскири пхув. ⁷ Дова-паць кэрдé и човаханэ (тануки) пэскирэ заракирибнаса и вылыджинé жамбэн пэ Египтóскири пхув. ⁸ И кхардý фараóно Мойзас и Ааронóс и пхэндя: “Мангэнпэ Рáскэ-Дэвлэскэ, соб (кай) Ёв тэ отлэл жамбэн мандыр и мирé манушэндýр, и мэ отмэкава Израилёскирэ манушэн тэ янэн свéнто дыибэн (жёртва) Рáскэ-Дэвлэскэ.” ⁹ Мóйза пхэндя фараонóскэ: “Упхэн часо мánгэ кокорó, кéли тэ мангавпэ пал тýtэ, пал тырэ дынарьендэ и пал тырэ манушэндэ, соб (кай) тэ хасён жамбы тýtыр, тырэ кхэрэндýр, и тэ ячэмпэ дрэ екх рэка (лэнь).” ¹⁰ Ёв пхэндя: “Атася.” Мóйза отпхэндя: “Явэла пир тырó лав, соб (кай) ту тэ джинэс, со нанэ никонэс, сыр Рай Дэвэл, Дэвэл амарó; ¹¹ и джáна криг жамбы тýtыр, тырэ кхэрэндýр, и тырэ дынарьэндýр (слугэндýр), и тырэ манушэндýр; екх дрэ рэка (лэнь) ёнэ ячэнапэ.” ¹² Мóйза и Аарóно выгинé фараоностýр, и Мóйза рискирдý мангипэн кэ Рай Дэвэл пал жамбэндэ, савэн Ёв лыджия пэ фараоностэ. ¹³ И Рай Дэвэл кэрдý пир Мойзаскиро лав. Жамбы мулынэ дрэ кхэрá, пэ вулицы (гáсы) и пэ фóлды. ¹⁴ И скэдынé лэн дрэ кучы, и захандýя пхув. ¹⁵ И дыкхцý фараóно, со кэрдýпэ локхэдýр, и лэскиро илó яцý нартэдýр, и ёв на кандýя лэн, сыр и ракирдý Рай Дэвэл.

Трýто Бида: Мошки

¹⁶ И пхэндя Рай Дэвэл Мойзаскэ: “Пхэн Ааронóскэ: ‘Чхув тырó дэстó и пэкав дро пхувýякиро прáхо, и кэрэлапэ прáхо мошкэнца пир сарý Египтóскири пхув.” ¹⁷ Адýкэ ёнэ и кэрдé: Аарóно чхудя пэскиро васт пэскирэ дэстэса, и пэкадý дро пхувýякиро прáхо, и явнэ мошки пэ манушэндэ и пэ кхэритконé мурдалэндэ (пэ ското). Сарó пхувýякиро прáхо кэрдýпэ мошкэнца пир сарý Египтóскири пхув. ¹⁸ Адýкэ-паць и човаханэ камлэ пэскирэ заракирибнаса тэ выкхарэн мошкэн, нэ на дынэ рáда (на змогиндлэ). И сыс мошки пэ манушэндэ и пэ кхэритконé мурдалэндэ. ¹⁹ И пхэндлэ човаханэ фараонóскэ: “Давá исын Дэвлэскиро ангýшт.” Нэ фараонóскиро илó яцý пхарэдýр, и ёв на кандýя лэн, сыр и ракирдý Рай Дэвэл.

Штáрто Бида: Джукланэ Пушума

²⁰ И пхэндя Рай Дэвэл Мойзаскэ: “Атася ушты тасýрлэс (рánэс), и яв ангýл фараонóскиро муй. Гáда, ёв джáла кэ пани́, и ту пхэн лэскэ: ‘Адýкэ ракирэла Рай Дэвэл: Отмэк Мирé манушэн, соб (кай) ёнэ тэ кэрэн Мánгэ мангипэн. ²¹ А кóли на отмэкэса Мирé манушэн, тэды, гáда, Мэ бичхавáва пэ тýtэ, и пэ тырэ дынарьендэ, и пэ тырэ манушэндэ, и дрэ тырэ кхэрá джукланэ пушумэн, и явэна пхэрдé Египтянэнгирэ кхэрá джукланэ пушумэнца и кокори пхув, пэ савý ёнэ дживэна; ²² и дрэ дова́ дывэс Мэ чхувáва дрэ риг Гесемоскири пхув, пэ савý исын Мирé манушá, и одóй на явэна джукланэ пушума; соб (кай) ту тэ джинэс, со Мэ, Рай Дэвэл, сом машкёр пхув; ²³ Мэ откэдава Мирé манушэн тырэндýр. Атася явэла давá явибэн.” ²⁴ Адýкэ и кэрдý Рай Дэвэл: приурняндынэ древán бут джукланэ пушума (джукланэ мухи) дро фараонóскиро кхэр, и дрэ лэскирэ-дынарьенгирэ кхэрá, и пэ сарý

Египтоскири пхув, хасия пхув джукланэ пушумэндь. ²⁵ И кхардя фараоно Мойзас и Ааронос и пхэндя: “Джэн, янэн тумарэ Дэвлэскэ свэнто дыибэн (жэртва) пэ дая пхув.” ²⁶ Нэ Мойза пхэндя: “Нашты дава тэ кэрэс, пал-дова со джунгало (брытко) исын ваш Египтянэнгэ амаро яныбэн амарэ Раскэ-Дэвлэскэ; коли амэ ласа тэ янас свэнто дыибэн (жэртва), со исын джунгало ваш Египтянэнгэ дрэ лэнгирэ якха, тэды ци на домарэна ёнэ амэн барэнца?” ²⁷ Амэ джаса пэ чхучи пхув, пэ тринэ-дывэсэнгиро дром, и янаса свэнто дыибэн Раскэ-Дэвлэскэ, амарэ Дэвлэскэ, сыр Ёв пхэнэла амэнгэ.” ²⁸ И пхэндя фараоно: “Мэ отмэкава тумэн тэ янэн Раскэ-Дэвлэскэ, тумарэ Дэвлэскэ свэнто дыибэн (жэртва) пэ чхучи пхув, екх со на джэн дур; мангэнпэ пал мандэ.” ²⁹ Мойза пхэндя: “Т’ада, мэ выджава т’утир и явава тэ мангавпэ Раскэ-Дэвлэскэ, и отджана джукланэ пушума фараоностыр, и лэскирэ дынарьэндь (слугэндь), и лэскирэ манушэндь атася; екх со мэк фараоно тэ пириячэл тэ хохавэл, на отмэки манушэн тэ янэн Раскэ-Дэвлэскэ свэнто дыибэн.” ³⁰ И гия яври Мойза фараоностыр, и мангдипэ Раскэ-Дэвлэскэ. ³¹ И кэрдя Рай Дэвэл пир Мойзаскиро лав, и отлыджия джукланэ пушумэн фараоностыр, лэскирэ дынарьэндь (слугэндь) и лэскирэ манушэндь; на яцпэ ни екх. ³² Нэ фараоно холякирдя пэскиро ило и пэ дава мола, и ёв на отмэкия манушэн.

Шэро 9

Панджто Бида

¹ И пхэндя Рай Дэвэл Мойзаскэ: “Джа кэ фараоно и пхэн лэскэ: ‘Адьякэ ракирэла Рай Дэвэл, Дэвэл Юдэнгиро’: ‘Отмэк Мирэ манушэн, соб (кай) ёнэ тэ кэрэн Мэнгэ патыв. ² Нэ, коли ту на закамэса тэ отмэкэс лэн, и дурэдыр явэса лэн тэ рикирэс, ³ то тэды, гада, Раскирэ-Дэвлэскиро васт явэла пэ тырэ кхэритконэ мурдалэндэ (пэ ското), саво исын пэ фэлда, пэ грэндэ, пэ ослэндэ, пэ верблюдэндэ, пэ гурувэндэ и бакрэндэ; явэла дукх кэ мэрибэн древэн пхари; ⁴ и роскэрэла Рай Дэвэл Израилёскирэ кхэритконэ мурдалэн (ското) Египтоскирэ мурдалэндь, и сарэ Израилёскирэ чхавэнгирэ-мурдалэндь на мэрэла (мулёла) ничи.’” ⁵ И упхэндя Рай Дэвэл часо, пхэны: “Атася Рай Дэвэл кэрэла дава пэ дая пхув.”

Шовто Бида

⁶ И кэрдя дава Рай Дэвэл пэ явир дывэс, и вымынэ сарэ Египтоскирэ кхэритка мурдала; Израилёскирэ-чхавэнгирэ кхэритконэ мурдалэндь (скотостыр) ниэкх на мулыя. ⁷ Фараоно бичхадя тэ уджинэл, и гада, Израилтянэнгирэ кхэритконэ мурдалэндь на мулыя ниэкх. Нэ ило фараоноскиро яця сыр бар, и ёв на отмэкия манушэн. ⁸ И пхэндя Рай Дэвэл Мойзаскэ и Аароноскэ: “Лэн пхэрдь бурнык (жменя) бовэстыр праска (пепло), и мэк тэ чхурдэл ла Мойза кэ болыбэн дрэ фараоноскирэ якха; ⁹ и газдэлапэ пыло пир сари Египтоскири пхув, и явэла пэ манушэндэ и пэ кхэритконэ мурдалэндэ шувлыпэн чыльчакэнца (нарывэнца), пэ сари Египтоскири пхув.” ¹⁰ Ёнэ лынэ бовэстыр праска, и тэрдинэ ангил фараоноскиро муй. Мойза чхурдыя ла кэ болыбэн, и кэрдяпэ шувлыпэн чыльчакэнца пэ манушэндэ и пэ кхэритконэ мурдалэндэ. ¹¹ И на могоиндлэ човаханэ тэ вырикирэн ангил Мойзастэ пир шувлыпнаскири причына, пал-дова со шувлыпэн сыс пэ човаханэндэ и пэ сарэ Египтянэндэ. ¹² О Рай Дэвэл пхарьякирдя ило фараоноскиро, и ёв на кандыя лэн, сыр и ракирдя Рай Дэвэл Мойзаскэ.

Эфгáто Бида

¹³ И пхэндя Рай Дэвэл Мойзаскэ: “Атася ушты тасярлэс (рэнэс), и яв ангил фараоноскиро муй, и пхэн лэскэ: ‘Адьякэ ракирэла Рай Дэвэл, Дэвэл Юдэнгиро: Отмэк Мирэ манушэн, соб (кай) ёнэ тэ кэрэн Мэнгэ патыв; ¹⁴ пал-дова со дава мола Мэ бичхавэла сарэ Мирэ мэрибнытка фрэнсы (язвы) дро тыро ило, и пэ тырэ дынарьэндэ, и пэ тырэ манушэндэ, соб (кай) ту тэ джынэс, со нанэ адасавэс, сыр Мэ сом, пир сари пхув; ¹⁵ адьякэ, сыр Мэ тэ чхував

Миро васт, тэды тэ насвалякирав тут и тырэ манушэн мэрибнытконэ франсэнца (язваса), и ту явэса тэ хасёс пхувьятыр: ¹⁶ нэ ваш дава́ Мэ тут зракхцём, соб (кай) тэ сыкавав пэ тутэ Мирі зор, и, соб (кай) тэ явэл Мирó лав выпхэндло пир сарі пхув; ¹⁷ ту ишчо (инкэ) сан проти Мирэ манушэндэ, соб (кай) тэ на отмэкэс лэн, ¹⁸ Га́да, Мэ атася бичхавáва, дрэ дава́-паць часо градо древа́н баро́, саво́ ние́кхвар на сыс дро Египто́ лэскирэ явибнаскирэ дывэсэстыр кэ дава́ часо; ¹⁹ и адякэ бичхав тэ скэдэн тырэ стады и саро́, со исын тутэ пэ фэлда: пэ сарэ́ манушэндэ и кхэритконэ мурдалэндэ, савэ́ ячэнапэ пэ фэлда и на скэдэнапэ дрэ кхэра́, пэрэла градо, и ёнэ мэ́рэна.” ²⁰ Одолэ-фараонóскирэ писхарьендыр, савэ́ страха́дынэ Ра́скирэ-Дэвлэскирэ лавэндыр, сы́гэс скэдынэ пэскирэ писхарьён и пэскирэ стады дрэ кхэра́; ²¹ а кон на рискирдя́ пэскиро ило́ кэ Ра́скирэ-Дэвлэскиро лав, одова́ мэ́кця́ пэскирэн писхарьён и пэскирэ стады пэ фэлда. ²² И пхэндя́ Рай Дэвэл Мойза́скэ: “Га́здэ васт тыро́ кэ болыбён, тэ джал градо пэ сарі́ Египто́скири пхув, пэ манушэндэ, пэ кхэритконэ мурдалэндэ, и пэ сарі́ чар фэлдытко пэ Египто́скири пхув.” ²³ И газды́я Мойза́ пэскиро дэсто́ кэ болыбён, и Рай Дэвэл кэрдя́ громо́ и градо, и яг росчхувэлапэ пир пхув, и бичхадя́ Рай Дэвэл градо пэ Египто́скири пхув; ²⁴ и сыс градо́ и яг машкира́л градо, древа́н зорало́ градо, саво́ на сыс пир сарі́ Египто́скири пхув долэ́ часостыр, сыр́ яця́ джи́ибён пэ ла́тэ. ²⁵ И вымардя́ градо саро́ пир Египто́скири пхув, со сыс дрэ́ фэлда, манушэ́стыр кэ кхэ́рйтка мурдала́, и сарі́ чар фэлдытко вымардя́ градо, и саро́ вэш пэ́ фэлда выпхагирдя. ²⁶ Пэ́ екх Гесемоскири пхув, кай́ дживдэ́ Израилёскирэ́ чхавэ́, на сыс градо. ²⁷ И бичхадя́ фарао́но, и кхардя́ Мойза́с и Ааронóс, и пхэндя́ лёнгэ́ “Дава́ мо́ло мэ́ кэрдём грэ́хо; Рай Дэвэл исын чачуно́, а мэ́ и мирэ́ мануша́ сам бангэ́; ²⁸ мангэ́нпэ́ Ра́скэ-Дэвлэ́скэ: мэ́к тэ́ пи́риятэ́н Ра́скирэ-Дэвлэ́скирэ грóмы́ и градо;́ и мэ́ отмэ́кава́ тумэ́н, и мэ́ на́ ява́ва буты́р тэ́ зарики́рав.” ²⁹ Мойза́ пхэндя́ лё́скэ: “Сыр́ сы́г мэ́ вы́джава́ форо́стыр, и газда́ва мирэ́ васта́ кэ́ Рай Дэвэл;́ то грóмы́ пи́риятэ́на, и градо́ буты́р на́ явэ́ла, соб (кай)́ ту́ тэ́ уджи́нэс, со́ пхув́ исын́ Раскири́-Дэвлэ́скири;” ³⁰ нэ́ мэ́ джино́м, со́ ту,́ и тырэ́ писха́рья́ ишчо́ (инкэ́) на́ дарэ́на Ра́стыр-Дэвлэ́стыр. ³¹ Лё́но (гандладо)́ и ячменё́ (гэрсто)́ сыс́ вымардэ́, пал-дова́́ со́ ячменё́́ (гэрсто)́ вы́колосиндя́пэ,́ а лё́но ды́я семи;́ ³² а́ парно́́ гив́ и гив́́ (полба)́ на́ вымардэ́, пал-дова́́ со́ ёнэ́ сыс́ поздня́́ (коригитка). ³³ И́ вы́гия́ Мойза́ фараоно́стыр́ и форо́стыр,́ и газды́я пэ́скирэ́ васта́́ кэ́ Рай Дэвэл,́ и пи́риятя́́ громо́́ и градо,́ и брышы́нд пи́риятя́́ тэ́ чхувэ́лпэ́ пэ́ пхув. ³⁴ И́ ды́кхця́́ фарао́но, со́ пи́риятя́́ брышы́нд и градо́́ и громо,́ и дуры́дыр грэ́шындя,́ и кэ́рдя́́ кокоро́́ пхаро́́ пэ́скиро́́ и писхарьенгиро́́ ило́. ³⁵ И́ яця́́ пхарэ́дыр́ фараонóскиро́́ ило́,́ и ёв́ на́ отмэ́кця́́ Израилёскирэ́́ чхавэ́́н, сыр́́ и раки́рдя́́ Рай Дэвэл́ пир́ Мойзастэ́.

Шэро́ 10

Охто́то Би́да: Пха́китка́ Ско́чки́ (Са́ранча)

¹ И пхэндя́ Рай Дэвэл Мойза́скэ: “Заджа́ кэ́ фарао́но, пал-дова́́ со́ Мэ́ кэрдём́ пхаро́́ лэскиро́́ ило́́ и лэскирэ́ писхарьенгиро́́, соб (кай)́ тэ́ сыкавав́ машки́р лё́ндэ́ далэ́́ Мирэ́́ дывы,́ ² и́ соб (кай)́ ту́ тэ́ роспхэ́нэс тырэ́́ чхавэ́́скэ́́ и тырэ́́-чхавэ́́скирэ́́ чхавэ́́скэ́́ пал дова́́, со́ Мэ́ кэрдём́ дро́ Египто́, и пал́ Мирэ́́ дывы,́ савэ́́ Мэ́ сыкадём́ пир́ лё́стэ,́ и соб (кай)́ тумэ́́ тэ́ джи́нэ́н, со́ Мэ́ сом́ Рай Дэвэл” ³ Мойза́ и Ааро́но́ гинэ́́ кэ́ фарао́но́ и пхэндлэ́́ лё́скэ: “А́дякэ́́ раки́рэла́́ Рай Дэвэл,́ Дэвэл́ Юдэ́нгиро:́ ‘Ци́́ гара́́ (длу́гэс)́ ту́ явэ́са́ тэ́ на́́ явэ́с дрэ́́ екх́́ годы́́ анги́л Ма́ндэ?́ Отмэ́к Мирэ́́ манушэ́н, соб (кай)́ ё́нэ́ тэ́́ кэ́рэ́н Ма́нгэ́́ паты́в;́ ⁴ а́ ко́ли́ ту́ на́ отмэ́кэ́са́ Мирэ́́ манушэ́н, тэ́ды,́ га́да,́ атася́́ Мэ́ лы́джава́́ пэ́ тыро́́ штэ́то́ пха́китконэ́́ ско́чкэ́н (са́ранча):́ ⁵ ё́й учха́кирэ́ла́ пхув́ а́дякэ́, со́ на́шты́́ явэ́ла́́ тэ́́ ды́кхэ́с пхув,́ и со́́ яця́́пэ́́ тумэ́́ндэ́́ градосты́р, то́ ё́й схала́, обхала́́ а́дякэ́́-паць́́ сарэ́́ вэ́ша́, савэ́́ тумэ́́ндэ́́ барьё́на́́ пэ́ фэлда,́ ⁶ и́ ё́й (са́ранча)́ пхэ́рдяки́рэла́́ тырэ́́ кхэ́ра́, сарэ́́ тырэ́́-писхарьенгирэ́́ кхэ́ра́́ и сарэ́́ Египтя́нэ́нгирэ́́ кхэ́ра́, со́ на́ ды́кхне́́ тырэ́́ да́да,́ ни́ тырэ́́-дадэ́нгирэ́́ да́да́ дывэ́сэсты́р, сыр́́ дживэ́́на́́ ё́нэ́́ пэ́́ пхув,́ а́дякэ́́-паць́́ кэ́́ дава́́́ дывэ́́с.” И́ Мойза́ пхэндя́́ анги́л сарэ́́ндэ́́ и вы́гия́́ фараоно́стыр.́ ⁷ Тэ́ды́́ фараонóскирэ́́ писха́рья́́ пхэндлэ́́ лё́скэ: “Ци́́ гара́́ (длу́гэс)́ ё́в явэ́ла́́ тэ́́ мэ́нчы́нэл́́ амэ́н?́ Отмэ́к а́далэ́́ манушэ́н, мэ́к ё́нэ́́ тэ́́ кэ́рэ́н паты́в́ Ра́скэ́́-Дэвлэ́́скэ́́, пэ́скирэ́́ Дэвлэ́́скэ́́; на́ушто́́ ту́ на́́

дыкхэса, со Египто хасёла?”⁸ И рискирдэ палэ Мойзас и Ааронос кэ фараоно, и фараоно пхэндя лэнгэ: “Джэн, кэрэн патыв Раскэ-Дэвлэскэ, Дэвлэскэ тумарэскэ; нэ кон тумэндэр джала?”⁹ И пхэндя Мойза: “Джаса амэ амарэ тыкнэмасэнца и пхурэнца, амарэ чхавэнца и чхаенца, и амарэ бакрэнца и гурувэнца джаса, пал-дова со амэндэ исын свэнко Раскэ-Дэвлэскэ.”¹⁰ Фараоно пхэндя лэнгэ: “Тэ явэл адякэ, Рай Дэвэл тэ явэл тумэнца! Мэ скэдыёмпэ тэ отмэкав тумэн: нэ соскэ чхавэнца? Дыкхэн, тумэндэ исын налачхэ думы!”¹¹ Над: джэн екх мурша, и кэрэн патыв Раскэ-Дэвлэскэ, адякэ, сыр тумэ дава мангнэ.” И вытрадынэ лэн фараоностыр.¹² Тэды Рай Дэвэл пхэндя Мойзаскэ: “Гэздэ тырө васт пэ Египтоскири пхув, мэк тэ пэрэн пхакитка скочки (саранча) пэ Египтоскири пхув, и мэк тэ выхал сарй пхувьякири чар и сарө, со яцяпэ градостыр.”¹³ И газдыя Мойза пэскиро дэсто пэ Египтоскири пхув, и Рай Дэвэл яндя пэ дая пхув вастокостыр балвал, сави сыс сарө дова дывэс и рат. Яця злоко (ранко), и вастокостыр балвал лыджия пхакитконэ скочкэн (саранча).¹⁴ И пынэ пхакитка скочки пэ сарй Египтоскири пхув, и пасинэ пир сарй Египтоскири риг древэн бут; англэдыр на сыс дасавэн пхакитконэ скочкэн, и палө дава на явэла дасавэн;¹⁵ ёнэ учхакирдэ сарй пхув адякэ, со пхув на сыс бицялы, и выханэ сарй пхувьякири чар и сарө вышэскирэ барьякирдэ (плөды), савэ ячнэпэ градостыр, и на яцяпэ ни савө зэлэныбэн ни дрэ вэша, ни пэ фэлдытко чар пэ сарй Египтоскири пхув.¹⁶ Фараоно сыгнэдыр кхардя Мойзас и Ааронос и пхэндя: “Кэрдём мэ грэхө ангил Растэ-Дэвлэстэ, Дэвлэстэ тумарэстэ, и ангил тумэндэ;¹⁷ аканэ примангэн грэхө миро ишчо (инкэ) мөло, и пхэнэн пäterи (молитва) Раскэ-Дэвлэскэ, Дэвлэскэ тумарэскэ, соб (кай) Ёв тэ отлыджал мандыр дава мэрибэн.”¹⁸ Мойза выгия фараоностыр, и пхэндя пäterи (молитва) Раскэ-Дэвлэскэ.¹⁹ И газдыя Рай Дэвэл явирэ ригатыр западостыр древэн зоралы балвал, и ёв лыджия саранча и чхурдыя ла дро Лолө мөрө (дэрьяв): на яцяпэ ни екх пхакитко скочко пэ сарй Египтоскири пхув.²⁰ Нэ Рай Дэвэл пхарьякирдя фараоноскиро илө, и ёв на отмэкця Израилэскирэ чхавэн.

Енято (Бидуэнгиро Дэшто) Бида: Цямлыпэн

²¹ И пхэндя Рай Дэвэл Мойзаскэ: “Гэздэ тырө васт кэ болыбэн, и явэла калыпэн (цямылыпэн) пэ Египтоскири пхув дасави гэнсто, со почхуинэса лэс.”²² Мойза газдыя пэскиро васт кэ болыбэн, и сыс гэнсто калыпэн пир сарй Египтоскири пхув трин дывэса;²³ и на дыкхнэ мануша екх екхэс, и никон на уштыя пэскирэ штэтостыр трин дывэса; Израилэскирэ чхавэндэ сарэндэ сыс дуд (свөто) дрэ лэнгирэ кхэра.²⁴ Фараоно кхардя Мойзас и пхэндя: “Джэн, кэрэн патыв Раскэ-Дэвлэскэ, мэк тэ ячэлпэ тумарө тыкно и барө ското (кхэритка мурдала), а тумарэ чхавэ мэк тэ джэн тумэнца.”²⁵ Нэ Мойза пхэндя: “Дэ адякэ-паць дрэ амарэ васта свэнто дыибэн (жэртва) и цөло схачкирибэн, соб (кай) тэ янас Раскэ-Дэвлэскэ, Дэвлэскэ амарэскэ;²⁶ мэк тэ джэн и стады амарэ амэнца, на ячэлапэ ниэкх най (копыто), палдава лэндыр амэ ласа ваш свэнто дыибэн Раскэ-Дэвлэскэ, Дэвлэскэ амарэскэ, нэ пака амэ яваса одорик, амэ на джинаса, со тэ янас дро свэнто дыибэн Раскэ-Дэвлэскэ.”²⁷ И пхарьякирдя Рай Дэвэл фараоноскиро илө, и ёв на закамдя тэ отмэкэл лэн.²⁸ И пхэндя лэскэ фараоно: “Джэ мандыр; рахпэ, на яв бутыр ангил муй миро; дрэ дова дывэс, кели ту дыкхэса муй миро, ту мэрэса.”²⁹ И пхэндя Мойза: “Сыр пхэндян ту, адякэ и явэла; мэ на дыкхава бутыр муй тырө.”

Шэрө 11

Мэрибэн Англатунэ Биятэнгиро

¹ И пхэндя Рай Дэвэл Мойзаскэ: “Ишчо екх бйда Мэ лыджава пэ фараоностэ и пэ Египтянэндэ; палө дава ёв отмэкэла тумэн адатхыр; кели ёв явэла тэ отмэкэл, сыгнымаса явэла тэ традэл тумэн адатхыр;² то пхэн манушэнгэ, соб (кай) кажно мурш пэскирэ пашатунэстыр и кажно джувлы пэскирэ пашатунятыр тэ вымангэн рупувэ и сувнакунэ куч вешчы (вешча).”³ И дыя Рай Дэвэл патыв Пэскирэ манушэнгэ дрэ Египтоскирэ якха; нэ и

Мойза със древан баро пэ Египтоскири пхув, дрэ фараоноскирэ-писхарьенгирэ якха и манушэнгирэ. ⁴ И пхэндя Мойза: ‘Адыкэ ракирэла Рай Дэвэл: “Дро пашрат Мэ проджава машкирал Египто, ⁵ и мэрэла кажно биято англатунэ бияныпнастыр пэ Египтоскири пхув, фараоноскирэ англатунэ бияныпнастыр, саво исын бэшто пэ трено пэскиро, кэ англатунэ бияныпнэ писхарицакиро, сави исын пашыл жорны (бэлэдин), и кэ саро англатунэ бияныпнаскиро кхэритконэ мурдалэндэр; ⁶ и явэла баро ровибэн пир сары Египтоскири пхув, саво на със, и саво на явэла бутыр; ⁷ сарэ Израилёскирэ чхавэндэ ни пэ манушэстэ, ни пэ кхэритконэ мурдалэндэ на рискирэла джукэл пэскирэ чибаса, соб (кай) тумэ тэ джигэн, сави рознь кэрэла Рай Дэвэл машкыр Египтянэндэ и Израильтянэндэ. ⁸ И явэна сарэ тырэ писхарья кэ мэ, и поклонинэнапэ (кэрэна шэрэса) мангэ, ракири: “Выджа ту и сарэ мануша, савэнца ту хулаинэса. Палэ саро мэ и выджава.” И выгия Мойза фараоностыр холяса. ⁹ И пхэндя Рай Дэвэл Мойзаскэ: “На кандыя тумэн фараоно, соб (кай) тэ явэн бутыр Мирэ дивы пэ Египтоскири пхув.” ¹⁰ Мойза и Аароно кэрдэ сарэ далэ дивы ангил фараоностэ; нэ Рай Дэвэл пхарьякирдя фараоноскиро ило, и ёв на отмэкця Израилёскирэ чхавэн пэскирэ пхувьятыр.

Шэро 12

Патради

¹ И пхэндя Рай Дэвэл Мойзаскэ и Аароноскэ пэ Египтоскири пхув: ² “Дава чхон мэк тэ явэл тумэндэ чхонэнгирэ англыпнаса (началоса), пэрвонэса мэк тэ явэл ёв тумэндэ машкирал бэршэскирэ чхона. ³ Пхэнэн сарэнгэ Израилёскирэ манушэнгэ: ‘Лэ дэшто дывэс далэ-чхонэскиро, мэк тэ лэн пэскэ кажно екхэс бакрэс пир чэкарь (семейство), пир бакрэстэ пэ чэкарь (пэ семейство); ⁴ а коли чэкарь адыкэ исын тыкны, со на схала бакрэс, тэды мэк ёй тэ лэл пэскирэ суседоса (котариса), саво дживэла пашыл лэскиро кхэр, пэ кажгонэ манушэстэ чэкарьятыр: адакицы ци бут кажно схала, розгинэн пэ бакрэстэ. ⁵ Бакро тумэндэ трэй тэ явэл бидошэнгиро, муршытко, екхэ-бэршытко; лэн лэс бакрэндэр ци бузнэндэр, ⁶ и мэк ёв тэ явэл тумэндэр далэ-чхонэскиро кэ дэшуштарто дывэс: тэды мэк тэ зачхинэн лэс саро Израилёскирэ-манушэнгиро скэдыибэн бэльвэлэ, ⁷ и мэк тэ лэн лэскирэ ратэстыр и тэ обмакэн лэса пэ дуй косяки и пэ вударэнгири пириклагина дрэ кхэра, кай явэна тэ хан лэс; ⁸ мэк тэ хан лэскиро мас дрэ дая-паць рат, пэкно пэ яг; преснонэ марэса и киркэ чарьенца мэк тэ хан лэс; ⁹ на хан лэстыр надопэкно, ци кэрадо дро пани, нэ хан пэкно пэ яг, шэро гэрэнца и андратунэ масэнца; ¹⁰ на ячкирэн лэстыр кэ злоко, нэ со ячэлапэ лэстыр кэ злоко, дова хачкирэн пэ яг. ¹¹ Хан лэс адыкэ: мэк тэ явэн тумарэ пэра подпхандлэ, гэра тумарэ тэ явэн уридэ и дэстэ тумарэ тэ явэн дрэ тумарэ васта, и хан лэс сыгэс: гада, исын Патради Раскирэ-Дэвлэскири. ¹² А Мэ джава дрэ дая-паць рат пир Египтоскири пхув, и мулякирава кажгонэ англатунэ биятос пэ Египтоскири пхув манушэстыр кэ кхэритко мурдал, и пэ сарэндэ Египтоскирэ дэвлорэндэ Мэ кэрава сэндо. Мэ сом Рай Дэвэл. ¹³ И явэла тумэндэ рат гертыкаса (знамениёса) пэ кхэра, кай тумэ сан, и дыкхава рат, и Мэ проджава мамуй тумэндэ, и на явэла машкыр тумэндэ хасибнытко дукх, кели Мэ явава тэ хасякирав Египтоскири пхув. ¹⁴ И мэк тэ явэл тумэнгэ дава дывэс рипирдо, и свэнкинэн дро дава свэнко Раскэ-Дэвлэскэ, дрэ сарэ тумарэ роды, сыр упхэныбэн вечно тэ свэнкинэн лэс. ¹⁵ Эфта дывэса хан пресно маро; пэрвонэ англатунэ дывэсэстыр вычхурдэн шутипэн (кислыма) тумарэ кхэрэндэр, пал-дова со, кон явэла тэ хал квашэно (шутло) англатунэ дывэсэстыр кэ эфтата дывэс, дова ди явэла мулякирдэ Израилёскирэ манушэндэр. ¹⁶ И дро англатунэ дывэс мэк тэ явэл тумэндэ свэнто скэдыибэн, и пэ эфтата дывэс свэнто скэдыибэн: ни сави буты тумэнгэ нашты тэ кэрэн дрэ далэ дывэса; екх со тэ хал кажно мануш, екх дава сашты тэ кэрэн тумэнгэ. ¹⁷ Дыкхэн ракхунэс (ракхибнаса) пэ опресноки, пал-дова со дро дава-паць дывэс Мэ вылыджиём тумарэ манушэн Египтоскирэ пхувьятыр, и ракхэн дава дывэс дрэ сарэ тумарэ роды, сыр упхэныбэн вечно. ¹⁸ Дэшуштарэнгирэ дывэсэстыр дро англатунэ чхон, бэльвелятыр хан пресно маро кэ бэльвэль биш тэ-

екхэскиро дывэсэскиро дро дова-паць чхон; ¹⁹ эфта дывэса наштý тэ явэл квашэно дрэ тумарэ кхэрá, пал-дова со, кон явэла тэ хал квашэно (пэ дрожжы), одова ди явэла мулякирдо Израилёскирэ манушэндýр, ци мануш, саво явдý, ци саво дживэла пэ доя пхув. ²⁰ Ничи квашэно на хан; пэ кажно штэто, кай тумэ явэна, хан пресно маро.” ²¹ И скэдыя Мойза сарэн Израилёскирэ пхурыдырэн, и пхэндý лэнгэ: “Выкэдэн и лэн пэскэ бакрэн пир тумарэ чэкарья и зачхинэн бакрорэс ваш патрадý; ²² и лэн пучко исопо, и булавэн (обмакнинэн) дрэ рат, саво исын дрэ судинки [кхорэ-р.с] и макхэн пирикладина и дуй косяки вударэнгирэ ратэса, саво исын дрэ судинки; а тумэ никон тэ на выджан пал пэскирэ кхэрэскирэ вударá кэ ранко. ²³ И сыр джала Рай Дэвэл тэ хасякирэл Егýпто, и дыкхэла рат пэ пирикладина и пэ дуй косяки и проджала Рай Дэвэл мамуý вударá, и на домэкэла мэрибэн тэ заджал дрэ тумарэ кхэрá ваш хасякирибэн. ²⁴ Ракхэн дава, сыр статýто ваш пэскэ и ваш пэскирэ чхавэнгэ пэ вéко. ²⁵ Кéли заджана тумэ пэ пхув, савý Рай Дэвэл дэла тумэнгэ, сыр Ёв ракирдý, ракхэн дава дынарибэн.” ²⁶ И кéли пхэнэна тумэнгэ тумарэ чхавэ: “Саво исын дава дынарибэн (служэниё)?” ²⁷ то тумэ пхэнэн: “Давá исын патрадитко свэнто дыибэн (жэртва) Рáскэ-Дэвлэскэ, Саво прогия мамуý Израилёскирэ-чхавэнгирэ кхэрá дро Егýпто, кéли мулякирдý Египтянэн, и амарэ кхэрá ракхцý. И тэрдинэ манушá пэ чангá и клониндлэпэ.” ²⁸ И гинэ Израилёскирэ чхавэ, и кэрдэ, сыр пхэндý Рай Дэвэл Мойзаскэ и Ааронóскэ, адýкэ и кэрдé.

Дэшто Бида: Мерибэн Англатунэ-Бияныпнаскиро

²⁹ Дрэ пашрат Рай Дэвэл мулякирдý сарэн англатунэ биятэн пэ Египтóскири пхув, фараонóскирэ англатунэстыр, саво сыс бэштó пэ пэскиро трóно, кэ бэшыбнарискирэ англатунэстэ, саво сыс бэштó дро штарибэн, и сарó англатунó бияныпнаскиро кхэритконé мурдалэндýр. ³⁰ И уштыя фараоно ратý кокорó и сарé лэскирэ писхэрья, и сарó Егýпто; и кэрдýпэ пэ Египтóскири пхув барó ровибэн, пал-дова со на сыс кхэр, кай тэ на явэл мулó.

Выгиибэн

³¹ И фараоно кхардý Мойзас и Ааронóс ратý, и пхэндý: “Уштэн, выджан мирé манушэндýр, сыр тумэ, адýкэ Израилёскирэ чхавэ, и джан, кэрэн патýв Рáскэ-Дэвлэскэ, сыр тумэ ракирдé; ³² тыкнэ и барé кхэритконé мурдалэн лэн, сыр тумэ ракирдé; джан и бахтякирэн ман.” ³³ И сыгнякирэнас Египтýни манушэн, соб (кай) сыгнэдыр лэн тэ выбичхавэн долé пхувýтыр; пал-дова со ракирдé ёнэ: ‘Амэ сарé мэраса’. ³⁴ И лыджинэ манушá пэскиро тясто (хумэр), англэдýр сыр ёв зашутлыя (закисниндý); лэнгирэ квашни, запхандлэ дрэ лэнгирэ ýди, сыс пэ лэнгирэ псикé. ³⁵ И кэрдé Израилёскирэ чхавэ пир Мойзаскиро лав и вымангнэ Египтянэндýр рупувé и сувнакунэ предметы и ýди. ³⁶ О Рай Дэвэл кэрдý адýкэ, соб (кай) тэ явэл ласка Пэскирэ манушэнгэ дрэ Египтянэнгирэ якхá: и ёнэ дэнас лэнгэ, и ёнэ обкэдынэ Египтянэн. ³⁷ И гинэ Израилёскирэ чхавэ Раамсесостýр кэ Сокхофо кэ шов шэлá тысёнцы (барá) муршэн пэзал, апрýч чхаворэндэ; ³⁸ и бут явирэ-родоскирэ манушá выгинé лэнца, и тыкнó и барó кхэритко мурдал, стада сыс древán бари. ³⁹ И спэкнэ ёнэ тястостýр (хумэрэстыр), саво вылыджинэ Египтóстыр, пресна марикля, пал-дова со ёв ишчо (инкé) на заквасиндýпэ, пал-дова со ёнэ сыс вытрадынé Египтóстыр, и на могиндлэ тэ на сыгнякирэн, и хабэн на скэдынé пэскэ пэ дром. ⁴⁰ Часо (цýро), саво Израилёскирэ чхавэ дживдé кэ Егýпто, сыс штаршэлá трийнда бэрш. ⁴¹ Сыр прогинé штаршэлá трийнда бэрш, дрэ дова-паць дывэс выгинé сарé Рáскирэ-Дэвлэскирэ отряды Египтóскирэ пхувýтыр ратý. ⁴² Давá-исын рат бдения (тэ на совэн) Рáскэ-Дэвлэскэ пал лэнгиро вылыджиибэн Египтóскирэ пхувýтыр; даý рат-бдения Рáскэ-Дэвлэскэ сарé Израилёскирэ чхавэндэ дрэ лэнгирэ рóды. ⁴³ И пхэндý Рай Дэвэл Мойзаскэ и Ааронóскэ: “Гáда, исын статýто (уставо) Патрадякиро: ни саво явирэ-родоскиро мануш наштý тэ хал дава, ⁴⁴ а кажно писхáри (рабо), саво киндло пал руп, кéли обчхинэса лэс, саштý (могинéла) тэ хал ла; ⁴⁵ мануш, саво явдý явирэ ригáтыр и лыно пэ бутý, наштý тэ хал ла. ⁴⁶ Дро екх кхэр трэй тэ хас ла, и на лыджан мас кхэрэстыр,

и кокалы далэ на пхагирэн. ⁴⁷ Сарэ Израилёскирэ манушэнгэ трэй тэ кэрэн ла. ⁴⁸ Кóли түтэ явэла тэ дживэл мануш явирэ ригатыр, и закамэла ёв тэ кэрэл Патради Рáскирэ-Дэвлэскири, то тэды обчхин сарэ муршэн, и тэды мэк ёв лэл тэ кэрэл ла, и явэла сыр далэ-пхувьякиро мануш; а нисавó наобчхиндлю наштý тэ хал ла; ⁴⁹ екх Зако́но мэк тэ явэл и ваш тумэнгэ и ваш манушэскэ, савó яця тэ дживэл машкирал тумэндэ.” ⁵⁰ И сарó кэрдэ Израилёскирэ чхавэ: сыр пхэндя Рай Дэвэл Мойзаскэ и Ааронóскэ, адякэ и кэрдэ. ⁵¹ Дро дова-паць дывэс Рай Дэвэл вылыджия Израилёскирэ чхавэн Египтóскирэ пхувьятыр.

Шэрó 13

Тэ Высвэнцынэс Кажно́нэ Англатунэс Биятос (Чхаворэс)

¹ И пхэндя Рай Дэвэл Мойзаскэ: ² “Высвэнцын Мánгэ кажно́нэс англатунэс (пэ́рвонэс) биятос, савó откэрэла кажно́ лочови́ (утроба) машкирал Израилёскирэ чхавэндэ, манушэстыр кэ кхэритка мурдала́ (кэ ското): ёнэ исын Мирэ.”

Свэнко пал Нашутло Маро

³ И пхэндя Мойза манушэнгэ: “Рипирэн дава́ дывэс, дрэ савó выгинэ́ тумэ́ Египтóстыр, писхарьенгирэ кхэрэстыр, пал-дова́ со зоралэ́ вастэ́са вылыджия́ тумэн Рай Дэвэл одотхыр, и на хан квашэно; ⁴ ададывэс выджан́ тумэ́, дро чхон Авиво (Сентябрё). ⁵ И кэли залыджала тут Рай Дэвэл пэ Хананеенгири, и Хетеенгири, и Амореенгири, и Евесеенгири и Иевусеенгири пхув, пал сави́ совлахадя́ Ёв тырэ́ дадэнгэ́, со дэла́ түкэ́ пхув, кай́ тхадэла́ тхуд и авгін, кэр дава́ дынарибэн́ дрэ́ дава́ чхон, ⁶ эф́та́ дывэ́са́ ха пресно́ маро́, и пэ́ эф́та́то́ дывэ́с-свэнко́ Рáскэ-Дэвлэ́скэ; ⁷ пресно́ маро́ трэй́ тэ́ хан эф́та́ дывэ́са́, и наштý́ тэ́ явэл́ түтэ́ квашэно́ маро́, и наштý́ тэ́ явэл́ түтэ́ шутло́ (квашэно́) дрэ́ сарэ́ ригá́ тырэ́. ⁸ И пхэн́ дрэ́ дова́ дывэ́с тырэ́ чхавэ́скэ: дава́ ваш дова́, со Рай Дэвэл́ кэрдя́ ма́нца, кэли́ мэ́ выгиём́ Египтóстыр. ⁹ И мэќ тэ́ явэл́ түкэ́ дава́ шпэ́раса (знакоса) пэ́ тыро́ васт и рипирибна́са а́нгил тырэ́́ якха́, соб (кай) Рáскирэ-Дэвлэ́скиро́ зако́но тэ́ явэл́ дрэ́ тырэ́ уш́та, пал-дова́ со зоралэ́ вастэ́са вылыджия́ тут Рай Дэвэл́ Египтóстыр. ¹⁰ Кэр дава́ стату́то дрэ́ упхэндлю́ часо́, бэршэстыр дро́ бэрш.

Зако́но пал Англатунэ́ Бияндлэ́стэ

¹¹ И кэли́ янэ́ла тут Рай Дэвэл́ пэ́ Ханаанóскири́ пхув, сыр Ёв́ совлахадя́́ түкэ́ и тырэ́́ дадэнгэ́, и дэ́ла ла́ түкэ́, — ¹² отдэ́ Рáскэ-Дэвлэ́скэ́ саро́, со откэрэ́ла лочови́́ (утроба); и саро́́ англатуно́́ тыкно́́ кхэритконэ́́ мурдалэндýр (скотóстыр), савó́́ явэ́ла түтэ́́, му́ршканэ́́ родóстыр, Рáскэ-Дэвлэ́скэ, ¹³ а́ кажно́́нэс ослэндýр, савó́́ распхандэ́лапэ́, запарув́ бакрэ́са; а́ ко́ли на запарувэ́са, выки́н лэ́с; и кажно́́нэс манушэ́скирэс англатуно́́ бияны́пнаскирэс тырэ́́ чхавэндýр выки́н. ¹⁴ И кэли́́ коригэ́дыр (позжэ́дыр) пхучэ́ла ту́тыр тыро́́ чхаво́́, ракири́: ‘Со исын́ дава́?’ Тэ́ды пхэн́́ лэ́скэ: ‘Зоралэ́́ вастэ́са вылыджия́́ амэн Рай Дэвэл́́ Египтóстыр, писхарьенгирэ́ кхэрэ́стыр. ¹⁵ Пал-дова́́ со, кэли́́ фарао́но на камдя́́ тэ́ отмэкэ́л амэн, Рай Дэвэл́́ мулякирдя́́ сарэн, кон́́ бия́ндыя англатуно́́ пэ́́ Египтóскири́ пхув, кон́́ бия́ндыя англатуно́́ манушэ́стэ́ кэ́ англатуно́́ тыкно́́ кхэритконэ́́ мурдалэндýр; палдава́́ мэ́ яна́ва саро́́ дро́ свэнто́́ дыибэн́́ (жэ́ртва) Рáскэ-Дэвлэ́скэ, со распхандэ́ла лочови́́ (ложэ́сна), му́ршытконэ́́ родóстыр, а́ кажно́́нэс, кон́́ бия́ндыя англатуно́́ мирэ́́ чхавэндýр, выкина́ва. ¹⁶ И мэќ́ тэ́ явэл́́ да́я шпэ́ра (знако́) пэ́́ тыро́́ васт и за́мэст пхандлу́ны (повязка) пэ́́ тырэ́́ якха́́, пал-дова́́ со зоралэ́́ вастэ́са Рай Дэвэл́́ вылыджия́́ амэн Египтóстыр.”

Дром пир Чхучі Пхув

¹⁷ Кéли фараóно отмэкцá манушэн, то Дэвэл на лыджия лэн пир Филистимийкирэ-пхувьякиро дром, пал-довá со ёй сыс пашыл; пал-довá со Рай Дэвэл пхэндя: “Соб (кай) тэ на пиридуминэн манушá, сыр дыкхэна марибэн, и тэ на рисён дро Египто.” ¹⁸ И Рай Дэвэл облыджия манушэн чхучэ дромэса кэ Лолó мórё (дэрьяв). И выгинэ Израилёскирэ чхавэ курталэнца Египтоскирэ пхувьятыр. ¹⁹ И лыя Мойза пэса Ёзаскирэ (Иосифоскирэ) кокалы, пал-довá со Ёза совлахадя Израилёскирэ чхавэн, и пхэндя: “Явэла тэ дыкхэл тумэн Дэвэл, и тумэ вылыджан пэса адатхыр мирэ кокалы.” ²⁰ И гинэ Израилёскирэ чхавэ Сокхофостыр, и тэрдинэ станóса (табороса) дрэ Ефамо, кай сыс чхучэ-пхувьякиро ягóро (краё). ²¹ Рай Дэвэл гия ангил лэндэ дывэсэ дрэ стылбо облокоскиро, сыкадя лэнгэ дром, а ратякиро дро стылбо ягакиро, свэнцындя лэнгэ, соб (кай) лэнгэ тэ джэн дывэсэ и раты. ²² На отджалас облокоскиро стылбо дывэсэ и ягакиро стылбо раты манушэнгирэ мостыр.

Шэрó 14

Сыр Юды Пиригинэ Лолó Мórё (дэрьяв)

¹ И пхэндя Рай Дэвэл Мойзаскэ адякэ: ² “Пхэн Израилёскирэ чхавэнгэ, соб (кай) ёнэ тэ рисён и тэ тэрдён станóса (табороса) ангил Пи-Гахирофомо, машкёр Мигдоломо и машкёр мórё (дэрьяв), ангил Ваало-Цэфономо; мамуй (проти) лэстэ чхувэн стáно пашыл мórё (дэрьяв).” ³ И пхэнэла фараóно пал Израилёскирэ чхавэндэ: “Ёнэ заблэндывдэлэ пэ доя пхув, запхандя лэн чхучі пхув.” ⁴ А Мэ пхарьякирава фараонóскиро илó, и ёв явэла тэ традэллэ пал лэндэ, и Мэ сыкавава слáва Мирі пэ фараоностэ и пэ сарэ лэскирэ халадэндэ; и уджинэна Египтяни, со Мэ сом Рай Дэвэл.” И кэрдэ адякэ. ⁵ И пхэндлó сыс Египтоскирэ краліскэ, со манушá нашнэ; и рисия фараонóскиро и лэскирэ-дынарьенгиро илó проти адалэ манушэндэ, и ёнэ пхэндлэ: “Со да мэ кэрдям? Палсó отмэкцям Израильтянэн, соб (кай) ёнэ тэ на кэрэн буты амэнгэ?” ⁶ Фараóно дыя андрэ пэскиро марибнйтко вурдэн и пэскирэ манушэн лыя пэса; ⁷ и лыя шовшэлá фэдырша марибнйтка вурдэнá (колесницы) и сарэ Египтоскирэ вурдэнá, и пэ сарэндэ лэндэ барыдырэн. ⁸ И пхарьякирдя Рай Дэвэл Египтоскирэ-краліскирэ-фараонóскиро илó, и ёв традыяпэ пал Израилёскирэ чхавэндэ; Израилёскирэ чхавэ гинэ тэл вучó васт. ⁹ И традынэпэ пал лэндэ Египтяни, и сарэ фараонóскирэ марибнйтка вурдэнá дынэ андрэ, и манушá уклистэ пэ грэндэ, и сарэ лэскирэ халадэ дотрадынэ лэн, кай ёнэ тэрдинэ пашыл мórё (дэрьяв), пашыл Пи-Гахирофо ангил Ваал-Цэфоно. ¹⁰ Фараóно подгия пашыл, и Израилёскирэ чхавэ порисинэ якхэнца, и гада, Египтяни джána пал лэндэ; и древán страхáдынэ и загодлынэ кэ Рай Дэвэл Израилёскирэ чхавэ, ¹¹ и пхэндлэ Мойзаскэ: “Наушто нанэ магила/кулы [гробы-р.с.] дро Египто, со ту яндян амэн тэ мэрас пэ чхучі пхув? Со да ту кэрдян амэнца, вылыджии амэн Египтостыр?” ¹² Ци на дава-паць амэ ракирдям тукэ дрэ Египто: ‘Ячкир амэн, мэк амэ яваса тэ кэрас буты Египтянэнгэ?’ Палдава со фэдыр амэнгэ тэ явас дро дынарибэн Египтянэндэ, сыр тэ мэрас пэ чхучі пхув.” ¹³ Нэ Мойза пхэндя манушэнгэ: “На дарэн, тэрдён, и дыкхэна Рáскирэ-Дэвлэскиро зракхибэн, савó Ёв кэрэла тумэнгэ аканá, пал-довá со Египтянэн, савэн тумэ аканá дыкхэна, тумэ бутыр на дыкхэна дрэ веки; ¹⁴ О Рай Дэвэл явэла тэ тэрдёл пал тумэндэ, а тумэ явэн штыл.” ¹⁵ И пхэндя Рай Дэвэл Мойзаскэ: “Со ту годлэса кэ Мэ? Пхэн Израилёскирэ чхавэнгэ, соб (кай) ёнэ тэ джэн: ¹⁶ а ту гáздэ тырó дэстó и чхув тырó васт пэ мórё (дэрьяв), и роскэр лэс, и проджána Израилёскирэ чхавэ машкёр мórё (дэрьяв) пир шуки пхув; ¹⁷ а Мэ пхарьякирава Египтянэнгиро илó, и ёнэ джána палал пал лэндэ. И Мэ сыкавава Миро барипэн пэ фараоностэ и пэ сарэ лэскирэ халадэндэ, пэ лэскирэ марибнйтка вурдэнá и пэ лэскирэ манушэндэ, савэ уклистэ пэ грэндэ; ¹⁸ и уджинэна Египтяни, со Мэ сом Рай Дэвэл, кэли сыкавава Миро барипэн пэ фараоностэ, пэ лэскирэ марибнйтка вурдэнá, и пэ лэскирэ манушэндэ, савэ уклистэ пэ грэндэ.” ¹⁹ И гия Рáскирэ-Дэвлэскиро Янгóло, савó гия ангил Израильтянэнгиро стáно, и гия палал пал лэндэ; гия и облокоскиро

стылбо лэнгирэ мостыр, и тэрдия палал пал лэндэ; ²⁰ и загия дрэ паш машкір Египтоскиро стано и машкір Израильтяннгиро стано, и сыс облокоса и цямлыпнаса ваш екхэнгэ и свэнцынэлас раты ваш явирэнгэ, дрэ сарі рат, ёнэ на явэнас пашылэдыр екх кэ явір. ²¹ И чхудя Мойза пэскиро васт пэ мөрё (дэрьяв), и традыя Рай Дэвэл мөрё (дэрьяв) зоралэ восточнонэ балвалыса сарі рат, и кэрдяпэ мөрё (дэрьяв) шукэ пхувьяса, и отгинэ паня. ²² И гинэ Израилёскирэ чхавэ машкір мөрё (дэрьяв) пир шуки пхув: пані лэнгэ сыс вантаса пир чачо (право) и пир зэрво (лёво) риг. ²³ Традынэпэ Египтяни, и загинэ пал лэндэ дрэ паш морёскири сарэ фараоноскирэ граё, лэскирэ марибнытка вурдэна и лэскирэ мануша уклистэ пэ грэндэ. ²⁴ И дрэ тасярлакири (раннэ) стрэга подыхця Рай Дэвэл пэ Египтяннгиро стано ягакирэ облокоскирэ стылбостыр, и кэрдя конфузо дро Египтяннгиро стано; ²⁵ и отлыя роты лэнгирэ марибнытконэ вурдэнэдыр адякэ, со ёнэ тырдынэ лэн барэ зорьяса. И пхэндлэ Египтяни: “Прастаса Израильтянэндыр, пал-довá со Рай Дэвэл исын тэрдó пал лэндэ проти Египтянэндэ.” ²⁶ И пхэндя Рай Дэвэл Мойзаскэ: “Чхув тырó васт пэ мөрё, и мэк тэ рисён паня пэ Египтянэндэ, пэ лэнгирэ марибнытка вурдэна и пэ лэнгирэ манушэндэ, савэ уклистэ пэ грэндэ.” ²⁷ И чхудя Мойза пэскиро васт пэ мөрё (дэрьяв), и кэ ранко (кэ злоко) пані рисия пэ пэскиро штэто; а Египтяни прастандыне гил панескэ. Адякэ тасадякирдя Рай Дэвэл Египтянэн машкір мөрё (дэрьяв). ²⁸ И пані рисия, и учхакирдя марибнытка вурдэна и манушэн, савэ сыс уклистэ пэ грэндэ сарэн фараоноскирэ халадэн, савэ загинэ пал лэндэ дрэ мөрё (дэрьяв); на яцяпэ лэндыр ни екхэс. ²⁹ А Израилёскирэ чхавэ прогинэ пир шуки пхув машкір мөрё (дэрьяв): пані сыс лэнгэ вантаса пир чачо (право) и пир зэрво (лёво) риг. ³⁰ И зракхця Рай Дэвэл дро довá дывэс Израильтянэн Египтяннгирэ вастэндыр; и дыкхнэ Израильтяни Египтянэн мулэнца пэ брэго морёскиро (дэрьявэскиро). ³¹ И дыкхнэ Израильтяни зоралó васт, савэса кэрдя сарó Рай Дэвэл пэ Египтянэндэ, и страхáдынэ мануша Рáстыр-Дэвлэстыр, и патяндынэ Рáскэ-Дэвлэскэ и Мойзаскэ, Лэскирэ писхаріскэ. Тэды Мойза и Израилёскирэ чхавэ багандлэ Рáскэ-Дэвлэскэ дая гилы и ракирдэ:

Шэрó 15

Мойзаскири Гилы

¹ “Багава Мэ Рáскэ-Дэвлэскэ, пал-довá со Ёв вучэс газдыяпэ; грэс и лэскирэ манушэс, савó сыс бэштó уклистэ, чхурдыя дрэ мөрё (дэрьяв). ² Рай Дэвэл исын зоралыпэн миро и слава мирі, Ёв сыс миро зракхибэн: Ёв исын миро Дэвэл, и Мэ славинава Лэс; мирэ-дадэскиро Дэвэл, и мэ барьякирава Лэс. ³ Рай Дэвэл исын мурш марибнаскэ, лав Лэскэ Яхвá (Иегова). ⁴ Фараоноскирэ марибнытка вурдэна и лэскирэ халадэн Ёв тасадякирдя дро мөрё (дэрьяв), и лэскирэ выкэдынэ барыдыра тасадынэ дро Лолó мөрё (дэрьяв). ⁵ Валны (вэлны) хорипнастыр зачхакирдэ лэн: ёнэ гинэ тэ тасадён дро хорипэн, сыр бар. ⁶ Тырó чачó васт (десница), Рай Дэвэл, славинэлапэ зорьяса; Тырó чачó васт, Рай Дэвэл розрискирдя пэ котэра вэргос (врогос). ⁷ Барэ Тырэ слава́са Ту тэлякирдян одолэн, савэ газдынэпэ пэ Түтэ. Ту бичхадян Тырó холямипэн, и ёв схачкирдя лэн, сыр пхус. ⁸ Тырэ пхурдыпнастыр паня рокэрдэпэ (ростэмпиндлэпэ), панингá ячнэ, сыр ванта, яця гэнсто пена дро морёскиро (дэрьявэскиро) илó. ⁹ О вэргó пхэндя: “Традава мэ, дотрадава, рокэрава дорэсыбэн; чалёла лэнца миро ди, вылава мэ мирі куртáла, хасякирэла миро васт лэн. ¹⁰ Ту пхурдыян Тырэ духóса, и зачхакирдя лэн мөрё (дэрьяв): ёнэ тасадынэ, сыр молови (свинцо), дрэ барэ паня. ¹¹ Кон исын сыр Ту, Раё Дэвла, машкір дэвлорэндэ? Кон исын, сыр Ту, най барыдыр свэнтыпнаса, шарибнаса кэ дар Ту, дивэнгиро Кэрибнари? ¹² Ту чхудян Тырó чачó васт (десница); накхадя (проглытындя) лэн пхув. ¹³ Ту лыджáса Тырэ тангипнаса адалэн манушэн, савэн Ту зракхця, – пролыджаса лэн Тырэ зорьяса дрэ Тырэ свэнта кхэра. ¹⁴ Шундлэ манушы́тка нáцыи, и тринскирэнапэ: дар облыя Филистимиякирэ манушэн; ¹⁵ тэды страхáдынэ Эдомоскирэ тхагáрья, дар облыя Моавитоскирэ ран, засмэнтниндлэ сарэ Ханааноскирэ мануша. ¹⁶ Мэк тэ пэрэл пэ лэндэ дар и траш; Тырэ-вастэнгирэ славатыр мэк

тэ явэн ёнэ мута (нема), сыр бар, кэ дава́ часо (цýро), пака проджа́на Тырэ мануша́, Раё Дэвла, кэ дава́ часо, пака проджа́на адалэ мануша́, савэн Ту дорэсця́н. ¹⁷ Залыджа лэн и росчхув тэ дживэн лэн пэ бэрга Тырэ мэ́кнэ миштыпна́стыр, пэ штэ́то, саво́ Ту кэрдян Пё́скэ кхэ́рэса, Раё Дэвла, пэ свэ́нто штэ́то, саво́ создынэ Тырэ васта́, Раё Баро́! ¹⁸ Рай Дэвэл явэ́ла кралы́са дрэ ве́ки и дрэ вечны́ма. ¹⁹ Кéли за́гінэ фараоно́скирэ граё́ лэ́скирэ марибны́тконэ вурдэ́нэнца и манушэ́нца, савэ́ сыс уклизтэ́ пэ грэ́ндэ дро мо́рэ (дэ́рьяв), тэды Рай Дэвэл пориски́рдя пэ лэ́ндэ морё́скирэ (дэ́рьявё́скирэ) паня́, а Израилё́скирэ чхавэ́ про́гінэ пир шу́кй пхув машкёр мо́рэ (дэ́рьяв).

Мариамакири Гилы́

²⁰ И лы́я Мариам проро́чица, Аароно́скири пхэ́н, дрэ пё́скиро васт бубно́ (тимпа́но), и вы́гінэ пал ла́тэ сарэ́ джу́вля бубнэ́нца и багаибна́са. ²¹ И ба́гандя Мариам а́нгыл лэ́ндэ: “Ба́ган Ра́скэ-Дэ́влэ́скэ, пал-до́ва со вучэ́с газды́пэ Ё́в, грэс и манушэ́с лэ́скирэс таса́дяки́рдя Ё́в дро мо́рэ (дэ́рьяв).”

Киркэ́ Паня́ Кэ́рдэпэ́ Гудлэ́

²² И лы́джия́ Мо́йза Израилё́тыя́нэ́н Лолэ́ морё́стыр (дэ́рьявэ́стыр), и ё́нэ за́гінэ пэ́ чхучи́ пхув Су́ро; и гинэ́ ё́нэ трин дывэ́са́ пир чхучи́ пхув, и на латхэ́нас па́ни. ²³ Я́внэ дрэ́ Ме́ра (Ма́ра), и на мо́гиндлэ́ тэ́ пьен па́ни дрэ́ Ме́ра, пал-до́ва со ё́в сыс кирко́, палда́ва́ и ды́нэ до́лэ штэ́тоскэ́ лав: Ме́ра. ²⁴ И лы́нэ тэ́ дэн го́дла мануша́́ пэ́ Мойза́стэ́, раки́ри: “Со а́мэ́нгэ́ тэ́ пьас?” ²⁵ Мо́йза ды́пэ́ тэ́ кхарэ́л Рас-Дэ́влэ́с, и Рай Дэвэл сы́кадя́ лэ́скэ́ вэ́ш, и ё́в чхурды́я лэ́с дро па́ни, и па́ни я́ця́ гудло́. Одо́й Рай Дэвэл ды́я манушэ́́нгэ́ упхэ́ныбэ́н и Зако́но, и одо́й Ё́в спробинэ́лас лэ́н. ²⁶ И пхэ́ндя́: “Ко́ли ту я́вэ́са тэ́ шунэ́с ра́кхунэ́с Ра́скирэ́-Дэ́влэ́скири, ты́рэ Дэ́влэ́скири зан, и тэ́ кэ́рэс лачхи́пэ́н а́нгыл Лэ́скирэ́ якха́, и тэ́ шунэ́с Лэ́скирэ́ при́пхэ́ныбэ́на́, и тэ́ ра́кхэ́с сарэ́́ Лэ́скирэ́ упхэ́ныбэ́на́, тэды́ Мэ́ на лы́джа́ва пэ́ ту́тэ́ ни екх ду́кхэ́ндыр, савэ́́ Мэ́ лы́джиём́́ пэ́ Егип́то, пал-до́ва́ со Мэ́ сом Рай Дэвэл, Ты́ро састя́кирибна́ри.” ²⁷ И я́внэ́ ё́нэ дро Е́лимо: одо́й сыс дэ́шуду́й панески́рэ́ ганы́нгорья́ (исто́чники) и э́фтадэ́ша́ финики́тка кашта́, и тэ́рдинэ́ одо́й та́бороса́ (стано́са) па́шы́л па́ня́.

Шэ́ро 16

Манна́ (Ма́ро) Бо́лыбна́стыр

¹ И гинэ́ Е́лимосты́р, и я́вдя́ саро́́ скэ́дыибэ́́н Израилё́скирэ́-чхавэ́́нгиро́́ пэ́ чхучи́́ (пу́сто) пхув Си́но, со и́сын машкёр́́ Е́лимо́́ и машкёр́́ Синаё́́, пэ́ дэ́шупанджто́́ дывэ́́с я́ви́рэ-чхо́но́скиро́́ пир лэ́́нгиро́́ вы́ги́ибэ́́н Египто́́скирэ́́ пхувья́́тыр. ² И лы́нэ́ тэ́ жа́линэ́́нпэ́́ хо́ля́са (заго́длы́нэ́́) Израилё́скирэ́-чхавэ́́нгиро́́ скэ́дыибэ́́н пэ́́ Мойза́стэ́́ и Ааро́но́стэ́́ пэ́́ чхучи́́ пхув, ³ и пхэ́́ндлэ́́ лэ́́нгэ́́ Израилё́скирэ́́ чхавэ́́: “Нэ́́, ко́́ли а́́мэ́́ тэ́́ мэ́́рас Ра́́скирэ́́-Дэ́́влэ́́скирэ́́ вастэ́́стыр пэ́́ Египто́́скири́́ пхув, кé́́ли а́́мэ́́ са́́мас бэ́́штэ́́ па́́шы́́л пи́́рья́́ масэ́́са, и кé́́ли а́́мэ́́ хая́́м ма́́ро́́ кэ́́ ча́́лыпэ́́н! Палда́́ва́ со вы́́лыджинэ́́́ тумэ́́́ а́́мэ́́́н пэ́́ да́́я чхучи́́́ пхув, со́́б (ка́́й) саро́́́ да́́ва́́ скэ́́дыибэ́́́н тэ́́ му́́ляки́́рэ́́н бо́́кхаса́́.” ⁴ И пхэ́́ндя́́ Рай Дэвэл Мойза́́скэ́́: “Га́́да, Мэ́́ мэ́́кава́́ тэ́́лэ́́ тумэ́́́нгэ́́́ сыр бры́́шы́́нд ма́́ро́́́ бо́́лыбна́́стыр, и мэ́́к ма́́нуша́́́ тэ́́ вы́́джан́́́ и тэ́́ скэ́́дэ́́н ка́́жно дывэ́́с, ци́́ бут трэ́́й пэ́́ дывэ́́с, со́́б (ка́́й) Ма́́́нгэ́́́ тэ́́ спробина́́́в лэ́́н, ци́́ я́́вэ́́на ё́́нэ́́ тэ́́ кэ́́рэ́́н пир Ми́́ро Зако́́но, ци́́ на́́д; ⁵ а́́ пэ́́ шо́́вто́́ дывэ́́с мэ́́к тэ́́ скэ́́дэ́́н, со́́ я́́нэ́́на, и я́́вэ́́ла дрэ́́ дуй мо́́лы бу́́тыр про́́ти до́́ва́, пэ́́ ки́́цы́́ скэ́́дэ́́на́́ ё́́нэ́́ дрэ́́ я́́ви́́р дывэ́́са́́.” ⁶ И пхэ́́ндлэ́́́ Мо́́йза́́ и Ааро́́но сарэ́́́ Израилё́скирэ́́-чхавэ́́́нгирэ́́́ скэ́́дыибна́́́скэ́́: “Ба́́львэ́́лэ́́ уджи́́нэ́́на́́́ тумэ́́́, со́́ Рай Дэвэл вы́́лыджия́́́ тумэ́́́н Египто́́скирэ́́́ пхувья́́́тыр, ⁷ и пэ́́ ра́́нко́́ (пэ́́ зло́́ко) ды́́кхэ́́на́́́ Ра́́скирэ́́-Дэ́́влэ́́скири́́ сла́́ва, пал-до́́ва́ со шу́́ндя́́ Ё́́в тумаро́́́ хо́́лямо́́́ ра́́кирибэ́́́н пэ́́ Ра́́стэ́́-Дэ́́влэ́́стэ́́: а́́ а́́мэ́́́, ко́́н са́́м ада́́савэ́́́, со́́ тумэ́́́ ра́́кирэ́́на́́́ пэ́́ а́́мэ́́́ндэ́́?” ⁸ И пхэ́́ндя́́́ Мо́́йза́́: “Тумэ́́́ уджи́́нэ́́на́́́, кé́́ли Рай Дэвэл ба́́львэ́́лэ́́ дэ́́ла́́ тумэ́́́нгэ́́́ мас дрэ́́ ха́́бэ́́н, а́́ пэ́́ ра́́нко́́́ ма́́ро́́́, ки́́цы́́́ тумэ́́́ ка́́мэ́́на́́́, пал-до́́ва́ со́́ Рай Дэвэл

шундя гóдла тумарí, савí тумэ газдынэ проти Лэстэ: а амэ со? Тумарí гóдла на пэ амэндэ, а пэ Растэ-Дэвлэстэ. ⁹ И пхэндя Мóйза Ааронóскэ: “Пхэн сарэ Израилёскирэ чхавэнгирэ скэдыбнаскэ: тэрдэн ангил Рáскирэ-Дэвлэскиро муй, пал-довá со Ёв шундя тумарí гóдла.” ¹⁰ И кéли ракирдя Аарóно кэ сарó Израилёскиро-чхавэнгирэ скэдыбэн, тэды ёнэ рисинэ мóса пэ чхучí пхув, и гада, Раскири-Дэвлэскири слáва явдя дро óблоко. ¹¹ И пхэндя Рай Дэвэл Мóйзаскэ: ¹² “Мэ шундём Израилёскирэ-чхавэнгири гóдла; пхэн лóнгэ: ‘Бэльвэлé явэна тэ хан мас, а пэ злóко чалёна марéса, и уджинэна, со Мэ сом Рай Дэвэл (Яхвá), Дэвэл тумарó.” ¹³ Бэльвэлé приурняндынэ перепёлы и зачхакирдэ стáно, а пэ рáнко сыс пашты пахлын (роса) пашыл стáно; ¹⁴ пахлын газдыпэ, и гада, упрáл пэ чхучí пхув вари-со дробно (хурдо), сыр крупа, дробно, сыр инее пэ пхув. ¹⁵ И дыкхнэ Израилёскирэ чхавэ, и ракирдэ екх екхэскэ: “Со исын дава?” Пал-довá со ёнэ на джиндлэ, со сыс дава. И Мóйза пхэндя лóнгэ: “Давá исын марó, савó Рай Дэвэл дыя тумэнгэ дро хабэн; ¹⁶ гада, со пхэндя Рай Дэвэл: ‘Скэдэн лэс кажно мануш пэ адакицы, ци бут лэскэ тэ хал, пир гоморо пэ манушэстэ, ци бут исын манушытка дия, дрэ доя шáтра, скэдэн адакицы.” ¹⁷ И кэрдэ адякэ Израилёскирэ чхавэ, и скэдынэ, кон бут, кон náбут. ¹⁸ И мериндлэ гомороса, и одолэстэ, кон скэдыя бут, на сыс бутыр мератыр, и кодолэстэ, кон скэдыя náбут, на сыс наухтылыбэн. Кажно скэдыя адакицы, ци бут трэиндя тэ схал лэскэ. ¹⁹ И пхэндя лóнгэ Мóйза: “Никон тэ на ячкирэл дава кэ рáнко.” ²⁰ Нэ ёнэ на кандынэ Мóйзас, и ячкирдэ вари-савэ котэра далэстыр кэ рáнко, – и залыджинэпэ кирмэ, и ёй заххандыя. И холясыя пэ лóндэ Мóйза. ²¹ И ёнэ скэдэнас лэс тасярлэс (рáнэс) пэ кажно рáнко, кажно ци бут лэскэ тэ схал; нэ кéли притатькирэла кхам, ёв марó, биладыя (таиндя). ²² Пэ шóвто дывэс скэдынэ марó дрэ дуй мóлы, пир дуй гоморы пэ кажнóстэ, и явнó сарэ барыдыра скэдыбнаскирэ, и роспхэндлэ Мóйзаскэ. ²³ И ёв пхэндя лóнгэ: “Гáда, со пхэндя Рай Дэвэл: атася откхиныбэн, свéнто Рáскирэ-Дэвлэскиро сáвато (субóта); со трэй тэ пэкэн, пэкэн, и со трэй тэ кэравэн, кэравэн ададывэс, а со ячóлапэ, отчхувэн и зракхэн кэ рáнко. ²⁴ И отчхудэ дова кэ рáнко, сыр пхэндя Мóйза, и ёв на заххандыя, и кирмэн на сыс дрэ лэстэ. ²⁵ И пхэндя Мóйза: “Хан лэс ададывэс, пал-довá со ададывэс Рáскирэ-Дэвлэскиро сáвато; ададывэс на латхэна лэс пэ фéлда; ²⁶ шов дывэсе скэдэн лэс, а пэ эфтáто дывэс – сáвато, на явэла лэс дро дава дывэс.” ²⁷ Нэ вари-савэ манушэндыр выгинэ дро эфтáто дывэс тэ скэдэн, и на латхнэ. ²⁸ И пхэндя Рай Дэвэл Мóйзаскэ: “Ци бут (длугэс) тумэ явэна тэ на кэрэн пир Мирé упхэныбэнá и Мирé закóны? ²⁹ Дыкхэн, Рай Дэвэл дыя тумэнгэ сáвато, пал-довá Ёв дэла дрэ шóвто дывэс марó пэ дуй дывэсá: ячóнпэ кажно пéстэ. Никон тэ на выджáл пэскирэ штэтóстыр пэ эфтáто дывэс.” ³⁰ И мангнэпэ манушá пэ эфтáто дывэс. ³¹ И дыя Израилёскиро кхэр долэ марэскэ лав: манна; ёй сыс сыр кориандрэскиро семё, парнó, смакоса сыр мариклы авгинэса. ³² И пхэндя Мóйза: “Гáда, со пхэндя Рай Дэвэл: ‘Чхувэн пхэрдэс маннаса гоморо ваш зракхибэн дрэ тумарé рóды, соб (кай) тумэ тэ дыкхэн марó, савэса Мэ чарадём тумэн пэ чхучí пхув, сыр вылыджиём тумэн Египтóскирэ пхувьятыр.” ³³ И пхэндя Мóйза Ааронóскэ: “Лэ екх кхорó (сасудо), и чхув дрэ лэстэ пхэрдó гоморо манна, и чхув лэс ангил Растэ-Дэвлэстэ ваш зракхибэн дрэ тумарé рóды.” ³⁴ И чхудя лэс Аарóно ангил ковчэго (мохтó) тэ допхэнэл пал зракхибэн, сыр пхэндя Рай Дэвэл Мóйзаскэ. ³⁵ Израилёскирэ чхавэ ханэ манна штардэшá бэрш, пака явнó пэ пхув, пэ савí дживдэ; манна ханэ ёнэ, пака явнó пэ Ханааноскирэ-ригакири мéжа. ³⁶ А гоморо исын дэшто паш эфатыр.

Шэрó 17

Пани Скалатыр

¹ И гия сарó Израилёскирэ-чхавэнгиро скэдыбэн чхучэ пхувьятыр Син пэскирэ дромéса, пир Рáскиро-Дэвлэскиро упхэныбэн; и тэрдинэ станóса дро Рефидимо, и на сыс пани тэ пьен манушэнгэ. ² И выракирэнас манушá Мóйзаскэ, и ракирдэ: “Дэн амэнгэ тэ пьас пани.” И пхэндя лóнгэ Мóйза: “Со тумэ выракирэна мánгэ? Со тумэ спробинэна Рас-Дэвлэс?” ³ И камлэ одóй манушá пани, и кошнэпэ манушá пэ Мóйзастэ, и ракирдэ: “Палó ту вылыджиян

амэн Египтостыр, тэ мулякирэс амэн и чхавэн амарэн и стады амарэ би панескиро?”⁴ Мойза дыя гóдла кэ Рай Дэвэл и пхэндя: “Со мангэ адалэ манушэнца тэ кэрэв? Сарэса náбут, и замарна ман барэнца.”⁵ И пхэндя Рай Дэвэл Мойзаскэ: “Проджа ангил манушэндэ, и лэ пэса вари-савэн Израилёскирэ пхурэндэр и тырó дэстó, савэса ту пэкадян пир пани, лэ дрэ пэскиро васт, и джэ; ⁶ гада, Мэ тэрдёвава ангил түтэ одой пэ скáла дро Хориво, и ту пэкавэса дрэ скáла, и джэла латыр пани, и явэна тэ пьен манушá.” И кэрдя Мойза адякэ дро якхá Израилёскирэ пхурыдырэнгирэ. ⁷ И дыя долэ штэтоскэ лав: Масá и Мерива, пирдál дова, со Израилёскирэ чхавэ пининдлэ и пал-дова со ёнэ спробиндлэ Дэвлэс: ракири “Ци исын Рай Дэвэл машкир амэндэ, ци нанэ?”

Израильтяни Пиризорьякирдэ Амаликитянэн

⁸ И явнэ Амаликитяни и лыджинэ марибэн Израильтянэнца дро Рефидимо. ⁹ Мойза пхэндя Исусóскэ (Ёхошуаскэ): “Выкэдэ амэнгэ мушэн, и джэ марпэ Амаликитянэнца; атася мэ тэрдёвава пэ бэргицакиро вучипэн, и Рáскирэ-Дэвлэскиро дэстó явэла дро миро васт.” ¹⁰ И кэрдя Исусó (Ёхошуá), сыр пхэндя лэскэ Мойза, и гия тэ марэлпэ Амаликитянэнца; а Мойза и Аарóно и Оро гинэ упрэ пэ бэргицакиро вучипэн. ¹¹ И кэли Мойза газдэлас пэскирэ вастá, то пиризорьякирэлас Израилё, а кэли ёв обмэкэлас пэскирэ вастá, то пиризорьякирэлас Амалико; ¹² нэ Мойзаскирэ вастá ячнэ пхарэ, и тэды ёнэ лынэ бар и подчхудэ тэл лэстэ, и ёв бэстá пэ лэстэ, Аарóно и Оро подрикирэнас лэскирэ вастá, екх екхэ, а явир явирэ ригатыр. И сыс лэскирэ вастá газдынэ, пака загия кхам. ¹³ И домардя Исусó (Ёхошуá) Амаликос и лэскирэ манушэн курталакирэ востримаса. ¹⁴ И пхэндя Рай Дэвэл Мойзаскэ: “Зачхин дава ваш рипирибэн дрэ лылварí, и патякир Исусóс (Ёхошуас), со Мэ сарэса кхосава криг рипирибэн Амаликитянэнгиро болыбнастыр.” ¹⁵ И кэрдя Мойза алтарё (жэртвенико), и дыя лэскэ лав: Иегова (Яхвá) Нисси. ¹⁶ “Пал-дова со, пхэндя ёв, васт Рáскирэ-Дэвлэскиро исын пэ трóно: марибэн Растэ-Дэвлэстэ проти Амаликостэ сыс родóстыр дрэ роды.

Шэрó 18

Иофоро Дэла Годыпэн Мойзаскэ

¹ И шундя Иофоро, Мадиамитянэнгиро рашáй, Мойзаскиро састро, пал сарó, со кэрдя Рай Дэвэл ваш Мойзаскэ и ваш Израилё, Пэскирэ манушэнгэ, кэли вылыджия Рай Дэвэл Израилё Египтостыр, ² и лыя Иофоро, Мойзаскиро састро, Сепфора, Мойзаскирья ромня, сави ангил дава сыс бичхады палэ, ³ и дуэн лáкирэ чхавэн, савэндэр екхэскэ лав сыс Гирсамо [Герш-ю.о.], пал-дова со ракирдя Мойза: “Мэ явдём пэ чужо пхув”; ⁴ а явирэскэ лав сыс Елизэро, пал-дова со, ракирдя ёв – Дэвэл мирэ-дадэскиро сыс мангэ Помогибнаскиро и зракхця ман фараонóскирэ курталáтыр. ⁵ И явдя Иофоро, Мойзаскиро састро, лэскирэ чхавэнца и лэскирэ ромняса кэ Мойза пэ чхучи пхув, кай ёв сыс тэрдó станóса (табороса) пашыл Рáскирэ-Дэвлэскири бэрга, ⁶ и дыя тэ джинэл Мойзаскэ: “Мэ, тырó састро Иофоро, джáва кэ ту, и тыри ромны, и дуй лáкирэ чхавэ ласа.” ⁷ Мойза выгия гил пэскирэ састрэскэ, и кэрдя шэрэса и чамудя лэс, и палó сарó ёнэ загинэ дрэ шáтра. ⁸ И роспхэндя Мойза пэскирэ састрэскэ пал сарó, со кэрдя Рай Дэвэл фараонóса и Египтянэнца пал Израилё, и пал сарó пхарипэн, савó сыс лэнца пэ дром, и сыр зракхця лэн Рай Дэвэл. ⁹ Иофоро сыс радо пал сарэ бахталэ рэндэ, савэ Рай Дэвэл кэрдя Израилёскэ, кэли зракхця лэс Египтянэнгирэ вастэндэр. ¹⁰ И пхэндя Иофоро: “Тэ явэл бахтиякирдó Рай Дэвэл, Савó зракхця тумэн Египтóскирэ вастэстыр и фараонóскирэ вастэстыр, Савó зракхця адалэ манушэн Египтянэнгирэ зоралыпнастыр; ¹¹ канá мэ уджиндём, со Рай Дэвэл исын барó, вучэдýр сарэ дэвлорэндэр, дрэ дова-паць, сóса ёнэ шардэпэ вучэдýр пэ Израильтянэндэ.” ¹² И яндя Иофоро, Мойзаскиро састро, цэла схачкирибэна и свэнта дыибэна (жэртвы) Дэвлэскэ; и явдя Аарóно и сарэ Израилёскирэ пхурыдыра тэ хан марó Мойзаскирэ састрэса ангил Дэвлэстэ. ¹³ Пэ явир дывэс бэсця Мойза тэ сэндякирэл манушэн, и тэрдэ сыс манушá

ангил Мойзастэ злокостыр (ранкостыр) кэ бэльвэль. ¹⁴ И дыкхця Мойзаскиро састро сарó, со ёв кэрэла манушэнца, и пхэндя: “Со да дасаво исын, со ту кэрэса манушэнца? Ваш со ту сан екхджинó бэштó, а сарé манушá исын тэрдé ангил түтэ ранкостыр кэ бэльвэль?” ¹⁵ И пхэндя Мойза пэскирэ састрэскэ: “Манушá явэна кэ мэ тэ мангэн Дэвлэстыр сэндо; ¹⁶ кели лэндэ кэрэлапэ вари-савó рэндо, ёнэ явэна кэ мэ и мэ дынаринава машкир адалэстэ и явирэстэ и, мэ пхэнава зоралэс Дэвлэскирэ упхэныбэнá и Лэскирэ законы.” ¹⁷ Нэ Мойзаскиро састро пхэндя лэскэ: “Накуч дава́ ту кэрэса: ¹⁸ ту змэнчынэса и пэс и адалэ манушэн, савé исын туса, пал-дова́ со исын древáн пхарó ваш тукэ дава́ рэндо (дело): ту екхджинó наштý (ту на могоинэса) лэс тэ кэрэс; ¹⁹ адякэ пошун мирé лава́; мэ дава́ тукэ годý, и Рай Дэвэл явэла туса: яв ту ваш манушэнгэ машкиратунэса (посредникоса) ангил Растэ-Дэвлэстэ и пиридэ Дэвлэскэ манушэнгирэ рэнды; ²⁰ сыклякир лэн Дэвлэскирэ упхэныбнэнгэ и законэнгэ, сыкав лэнгэ дром Лэскиро, пир савó лэнгэ трэй тэ джан, и рэнды, савé ёнэ исын бангэ тэ кэрэн; ²¹ ту выкэдэ сарé манушэндýр одаримэ манушэн, савé дарэна Дэвлэстыр, чачунэн манушэн, савé бидыкхэна кофы, и чхув лэн барыдырэнца пэ тысёнцо, барыдырэнца пэ шэлэндэ, барыдырэнца пэ пандждэшэндэ и барыдырэнца пэ дэшэ манушэндэ, ²² мэк ёнэ тэ сэндыкирэн манушэн дро кажно часо, и пал кажно барó рэндо тэ роспхэнэн тукэ, а сарé тыкнэ рэнды тэ сэндыкирэн кокорé: и явэла тукэ локхэдýр, и ёнэ лыджана туса пхарипэн; ²³ кóли ту кэрэса дава́, и Рай Дэвэл пхэнэла тукэ, тэды ту саштý (могоинэса) тэ вытэрдэс, и сарé адалэ манушá явэна тэ отджан пэ пэскиро штэто раманэса (мирóса).” ²⁴ И Мойза кандыя пэскирэ-састрэскирэ лава́, и сарó кэрдя́, со ёв ракирдя́; ²⁵ и выкэдыя́ Мойза сарé Израилэстыр одаримэ манушэн, и чхудя́ лэн барыдырэнца пэ манушэндэ; тысёнцэнгирэнца, шэлэнгирэнца, пандждэшэнгирэнца и дэшэнгирэнца. ²⁶ И сэндиндлэ ёнэ манушэн дро кажно часо; пал барé рэнды роспхэнэнас Мойзаскэ, а сарé тыкнэ рэнды (делы) сэндиндлэ кокорé. ²⁷ И отмэкця́ Мойза пэскирэ састрэс, и ёв гия́ пэ пэскири пхув.

Шэрó 19

Израилё исын Тэрдó Пашýл Бэрга Синаё

¹ Дро трýто чхон, сыр Израилэскирэ чхавé выгинé Египтóскирэ пхувья́тыр, явнó ёнэ пэ чхучý пхув Синаёскири. ² И гинé ёнэ Рефидимостыр и явнó пэ чхучý пхув Синаёскири, и тэрдинé одóй станóса (табороса) пэ чхучý пхув; и тэрдия́ одóй Израилё станóса проти бэрга. ³ Мойза гия́ упрé пэ бэрга кэ Дэвэл и прикхардя́ лэс Рай Дэвэл бэргáтыр, и ракирдя́: “Адякэ пхэн Яковóскирэ кхэрэскэ и роспхэн Израилэскирэ кхэрэскэ: ⁴ ‘Тумé дыкхнэ, со Мэ кэрдём Египтянэнгэ, и сыр Мэ лыджиём тумэн сырбы пэ орлоскирэ (кидоскирэ) пхакá, и яндём тумэн кэ Пэ; ⁵ адякэ, кóли тумэ явэна тэ шунэн Мирý зан и тэ раххэн дрэ годý Мирó завето (доракирибэн), тэды тумэ явэна Мирé выкэдынé народоса сарé манушытконé нацыэндýр, пал-дова́ со сарý пхув исын Мирý, ⁶ а тумэ Мándэ явэна рашангирэ кралиппаса и свэнтонé манушэнца; га́да, исын лава́, савé ту пхэнэса Израилэскирэ чхавэнгэ.” ⁷ И явдя́ Мойза и кхардя́ кэ пэ манушэнгирэ пхурыдырэн, и роспхэндя́ лэнгэ сарé далé лава́, савé ракирдя́ лэскэ Рай Дэвэл. ⁸ И сарé манушá отпхэндлэ пал екх, и ракирдé: “Сарó, со пхэндя́ Рай Дэвэл, кэрáса.” И Мойза долыджия́ манушэнгирэ лава́ Рáскэ-Дэвлэскэ. ⁹ И пхэндя́ Рай Дэвэл Мойзаскэ: “Гáда, Мэ джа́ва кэ ту дро гэнсто óблоко, соб (кай) тэ шунэн манушá, сыр Мэ ява́ва тэ ракира́в туса, и, соб (кай) манушá тэ патян тукэ сарó часо.” И Мойза дыя́ тэ джинэл манушэнгирэ лава́ Рáскэ-Дэвлэскэ. ¹⁰ И пхэндя́ Рай Дэвэл Мойзаскэ: “Джа́ кэ манушá, и высвэнцын лэн ададывэс и атася́; мэк ёнэ тэ выморэн пэскирэ ýди (ризы), ¹¹ соб (кай) тэ явэн скэдынé кэ трýто дывэс: пал-дова́ со пэ трýто дывэс зджа́ла Рай Дэвэл ангил сарé манушэнгирэ якхá пэ бэрга Синаё; ¹² и пролыджа́ ваш манушэнгэ сарé ригэндýр шпéра (чэрта), и пхэн: ‘Ракхэнпэ тэ заджан пэ бэрга и тэ чилавэнпэ кэ ла́кири подэшва (низо); кажно (сва́ко), кон чилавэлапэ кэ бэрга, отдынó явэла мэрибна́скэ; ¹³ васт мэк тэ на касынэлпэ кэ ёй, а мэк тэ марэн лэс барэнца ци тэ дэн карьё марибнытконé бустяса (стреласа); ци кхэрýтко мурдál (ското) дава́, ци ману́ш, мэк на ячэлапэ джидó.’ Дро часо,

кэли явэла гарá (длүгэс) звуко (знико) рогóстыр (трубáтыр), то могоинэна ёнэ тэ джáн упрé пэ бэрга.” ¹⁴ И згия Мóйза бэргáтыр кэ манушá, и высвэнцындя манушэн, и ёнэ вымордэ пэскири идя. ¹⁵ И пхэндя манушэнгэ: “Явэн скэдынэ кэ трýто дывэс, на касынэнпэ кэ ромня.” ¹⁶ Пэ трýто дывэс, кэли яцý злоко (рáнко), сыс грóмы, и блискави́цы, и гэнсто óблоко пэ бэрга, и рогоскиро (трубакири) знико (звуко) дрéвáн зоралó; затринскирдэпэ сарé манушá, савé сыс дро стáно. ¹⁷ И вылыджия Мóйза станостыр манушэн тэ дыкхэнпэ Дэвлэса, и тэрдинэ ёнэ пашыл сáмо низо бэргáкиро. ¹⁸ Бэрга Синаё сарí сыс дро тхув (дымо) далэстыр, со згия пэ латэ Рай Дэвэл дрэ яг; и джáлас лáтыр тхув, сыр тхув бовэстыр, и сарí бэрга дрéвáн тринскирдяпэ; ¹⁹ и рогоскиро знико (звуко) ячэлас зоралэдыр и зоралыдыр. Мóйза ракирдя, и Рай Дэвэл отпхэнэлас лэскэ занýса. ²⁰ И згия Рай Дэвэл пэ бэрга Синаё, пэ бэргáкиро вучипэн, и кхардý Рай Дэвэл Мóйзас пэ бэргáкиро вучипэн, и гия Мóйза. ²¹ И пхэндя Рай Дэвэл Мóйзаскэ: “Джá тэлэ и допхэн манушэнгэ, соб (кай) ёнэ тэ на кушэнпэ кэ Рай Дэвэл тэ дыкхэн Лэс, и, соб (кай) бут лэндýр тэ на хасэн; ²² рашая, савé джáнас пашылэдыр кэ Рай Дэвэл, лэнгэ трэиндý тэ освэнцынэн пэс, соб (кай) тэ на хаськирэл лэн Рай Дэвэл. ²³ И пхэндя Мóйза Рáскэ-Дэвлэскэ: “Манушá нашты́ (на могоинэна) тэ джáн упрé пэ бэрга Синаё, пал-довá со Ту ангýл подракхциян амэн, и пхэндýн: “Пролыджа шпэра (чэрта) трусцýл (кругом) бэрга и освэнцын ла.” ²⁴ И Рай Дэвэл пхэндý лэскэ: “Джá тэлэ, тэньчи джá упрé ту, и тýса Аарóно; а рашая и манушá, мэк тэ на скэдэнпэ тэ джáн кэ Рай Дэвэл, соб (кай) лэн тэ на хасякирэл.” ²⁵ И гия тэлэ Мóйза кэ манушá, и пирипхэндя лэнгэ.

Шэрó 20

Дэш Припхэныбэна́ (Дэшатунэ)

¹ И пхэндя Рай Дэвэл сарé далэ лавá, и ракирдý: ² “Мэ сом Рай Дэвэл, тырó Дэвэл, Савó вылыджия тут Египтóскирэ пхувýятыр, писхарибнаскирэ кхэрэстыр; ³ мэк тэ на явэл тýтэ явирэн дэвлэн ангýл Мáндэ. ⁴ На кэр пэскэ ни савó вычхиндло óбразо (кумиро) и нисави́ фигура кэ довá, со исын упрáл пэ болыбэн, и со исын тэлáл пэ пхув, и со исын дро пани́ тэл пхув; ⁵ на кэр шэрэса (на клóнинпэ) лэнгэ и на дынарин (на служын) лэнгэ; пал-довá со Мэ Рай Дэвэл, Дэвэл тырó, Дэвэл, Савó зэвлынэла (ревнинэла), чхувэла кáра пэ чхавэндэ пал дадэнгири банг кэ трýто и штáрто рóдо, конэскэ на сом дрóго Мэ, ⁶ и Мэ кэрáва лачхипэн кэ тысэнцы рóды, конэскэ сом дрóго Мэ, и кон ракхэла дрэ годý Мирé упхэныбэна́. ⁷ На рáкир тырэ-Рáскирэ Дэвлэскиро лав ивьá (напрáснэс), пал-довá со Дэвэл на ячкирэла одолэс, соб (кай) тэ на чхувэл кáра, кон ракирэла Лэскиро лав ивьá. ⁸ Рипир дывэс сáвато (субóта), соб (кай) тэ свэнкинэс лэс; ⁹ шов дывэсá кэр бутý, и кэр тырэ рэндý, ¹⁰ а эфтáто (сэдьмо) дывэс – сáвато Рáскэ-Дэвлэскэ, тырэ Дэвлэскэ: на кэр дро давá дывэс нисавó рэндó (дéло) ни ту, ни тырó чхавó, ни тырí чхай, ни тырó писхáри (рабо), ни тырí писхарица, ни тырó кхэрýтко мурдáл (ското), ни савó мануш, савó явдý кэ ту, савó исын дрэ тырэ кхэра; ¹¹ пал-довá со пал шов дывэсá создýя Рай Дэвэл болыбэн и пхув, мóрё (дэрьáв) и сарó, со исын дрэ лэндэ, а пэ эфтáто дывэс откхияныя; пал-довá со Рай Дэвэл бахтякирдý дывэс сáвато и освэнцындя лэс. ¹² Кутякир (важын) тырэ дадэс и тырэ да, соб (кай) тэ явэн гарá (длуга) тырэ дывэсá пэ пхув, сави́ Рай Дэвэл, Дэвэл тырó, дэла тýкэ. ¹³ На замар (на умар). ¹⁴ На кэр биладжаипэн. ¹⁵ На чор. ¹⁶ На рáкир хоханó допхэныбэн пэ тырэ пашатунэстэ. ¹⁷ На тырдэпэ кэ тырэ пашатунэскиро кхэр; на причхýв илó кэ тырэ-пашатунэскири ромнý, ни лэскирэ писхари́с, ни лэскирэ писхарица, ни лэскирэ гурувэс, ни лэскирэ ослóс, ничý, со исын тырэ пашатунэстэ.”

Манушá Дарна Дэвлэстыр

¹⁸ Сарé манушá дыкхнэ грóмы и бари яг, и рогоскиро знико (звуко), и бэрга, савýятыр гия тхув (дымо); и, сыр дыкхнэ давá, то манушá отгинэ, и тэрдинэ дурáл. ¹⁹ И пхэндлэ Мóйзаскэ: “Рáкир ту амэнца, и амэ явáса тэ шунас, нэ соб (кай) тэ на ракирэл амэнца Дэвэл, соб (кай)

амэнгэ тэ на мэрас.”²⁰ И пхэндя Мойза манушэнгэ: “На дарэн, Дэвэл явдя, соб (кай) тэ спробинэл тумэн, и, соб (кай) Лэскири дар тэ явэл ангил тумарэ муя, соб (кай) тумэ тэ на кэрэн грэхо.”²¹ И сыс тэрдэ мануша дурал, а Мойза загия дро калыпэн (цямлыпэн), кай сыс Дэвэл.

Алтарёскиро Закóно

²² И пхэндя Рай Дэвэл Мойзаскэ: “Адьякэ пхэн Израилёскирэ чхавэнгэ: ‘Тумэ дыкхнэ, сыр Мэ болыбнастыр ракирдём тумэнца; ²³ на кэрэн ангил Мандэ рупувэ дэвлорэ ци сувнакунэн дэвлорэ, на кэрэн пэскэ: ²⁴ кэр Мángэ алтарё (жэртвенико) пхувьятыр, и ян пэ лэстэ цэла схачкирибэна тырэ и раманёна (мирна) свэнта дыибэна тырэ и тырэ бакрэн и тырэ гурувэн; пэ кажно штэто, кай Мэ чхувава рипирибэн ваш Миро лав, Мэ явава кэ ту, и Мэ бахтиякирава тут; ²⁵ коли ту явэса тэ кэрэс Мángэ алтарё барэндыр, то тэды на счхув лэс вычингирдэ (тёсанонэ) барэндыр, пал-дова со, сыр ту чхувэса пэ лэндэ тыри далта (тесло), тэды магирэса лэн; ²⁶ и на заджа пир гэруня (ступеньки) кэ Миро алтарё, соб (кай) тэ на отчхакирэлпэ ангил лэстэ тыро нангипэн.’”

Шэрó 21

Закóны Пал Писхарьендэ (Рабэндэ) и Дынарьендэ (Слугэндэ)

¹ И гада, исын закóны, савэ ту дэса тэ джинэс лонгэ (Израильтянэнгэ): ² “Кóли ту кинэса писхарис Юдос, мэк ёв тэ кэрэл буты шов бэрш, а пэ эфтáто (битринэнгиро дэшто) мэк ёв тэ выджал пэ воля би ловэнгиро; ³ кóли ёв явдя екхджинó, мэк екхджинó и тэ выджал; а кóли ёв исын романдуно, мэк тэ выджал лэса и лэскири ромны; ⁴ кóли лэскиро хулай дыя лэскэ ромня, и ёй бияндя лэскэ чхавэн и чхаён, тэды ромны и лакирэ чхавэ мэк тэ ячэнпэ адалэ хуластэ, а ёв выджала екхджинó; ⁵ нэ кóли писхари пхэнэла: ‘Миро хулай исын дро́го мánгэ, миры ромны и мирэ чхавэ, мэ на джава пэ воля,’ – ⁶ тэды мэк лэскиро хулай тэ янэл лэс ангил сэндарьендэ (дэвлорэндэ), и тэ чхувэл лэс кэ вудар ци кэ косяко, и лэскиро хулай тэ пропхусавэл лэскиро кан ярьяса, и ёв ячэлапэ лэскирэ писхариса пэ сарó ве́ко. ⁷ Кóли вари-кон бикнэла пэскирья чха дрэ писхарицатэ, тэды ёй наштý (на мого́нэла) тэ выджал, сыр выджана писхарья; ⁸ кóли ёй на кэрдя пир ило пэскирэ хуласкэ, и ёв ла на обрэнчынэла (ангрустякирэла), мэк ёв тэ дэл воля лакэ, соб (кай) ла тэ выкинэн; а чужонэ манушэнгэ наштý ла тэ бикнэл лэскэ, кели кокорó на закамдя ла; ⁹ кóли ёв обрэнчынэла (ангрустякирэла) ла пэскирэ чхавэскэ, мэк тэ обжалпэ ласа, сыр пэскирэ чхаенца; ¹⁰ кóли явирья пал лэстэ лэла, тэды ёй на банги тэ ячэлпэ би хабнаскиро, би идякиро и би романдуно джи́ибна́скиро; ¹¹ а кóли ёв далэ трин рэнды на кэрэла ваш лакэ, мэк ёй тэ отджал вольно, би выкиныбнаскиро.

Закóно, Кон Пэкавэла Манушэс

¹² Кон пэкавэла манушэс адьякэ, со ёв мэрэла, мэк одова́ мануш тэ явэл отдынó пэ мэрибэн; ¹³ нэ, кóли вари-кон на камдя, а Дэвэл домэкця лэскэ тэ попэрэл тэл лэскирэ вастá, тэды Мэ упхэнава тукэ штэто, карик тэ наштý о мануш, савó замардя; ¹⁴ а кóли, кон скэдэлапэ тэ замарэл пашатунэс, тэды и Мирэ алтарёстыр (жэртвеникостыр) лэ лэс пэ мэрибэн. ¹⁵ Кон пэкавэла пэскирэ дадэс ци пэскирэ да, одолэс трэй тэ отдэн пэ мэрибэн. ¹⁶ Кон чорэла манушэс и бикнэла лэс; ци ёв латхэлапэ дрэ лэскирэ вастá, тэды трэй тэ отдэс лэс пэ мэрибэн. ¹⁷ Кон кошэла пэскирэ дадэс ци пэскирья да, одолэс трэй тэ отдэс пэ мэрибэн. ¹⁸ Кели кошэнапэ, и екх мануш пэкавэла явирэс барэса ци бурныкаса (кулакоса), и одова́ на мэрэла, нэ занасвалёла, ¹⁹ тэды, кóли ёв уштэла и явэла тэ выджал кхэрэстыр каштэса, кон пэкадя лэс, на явэла отдынó пэ мэрибэн; екх мэк одова́ мануш тэ заплэскирэл ловэ пал дова́ часо, ци бут ёв на кэрдя буты и тэ дэл ловэ пэ лэскиро састякирибэн. ²⁰ А кóли кон пэкавэла

пэскирэ писхарис ци дынарица каштэса, и ёнэ мэрэна тэл лэскиро васт, тэды ёв исын бангó тэ лыджал кáра; ²¹ нэ кóли ёнэ екх дывэс ци дуй дывэсá явэна джидэ, тэды наштý тэ чхувэл кáра пэ лэстэ, пал-довá со ёнэ исын лэскиро руп. ²² Кéли марэнапэ манушá, и пэкавэна пэраля джувля, и ёй счхурдэла, нэ на явэла явйр дош, тэды трэй тэ лэс бангé манушэстыр штрафо, савó чхувэла пэ лэстэ одолэ-джувлякиро ром, и ёв исын бангó тэ заплэскирэл, ци бут лэскэ пхэнэна сэндáрья ангил манушэндэ; ²³ а кóли явэла дош, тэды отдэ ди пал ди, ²⁴ якх пал якх, данд пал данд, васт пал васт, гэрóй пал гэрóй, ²⁵ обхачкирибэн пал обхачкирибэн, рана (дукхады) пал рана (дукхады), пэкаибэн пал пэкаибэн. ²⁶ Кóли вари-кон пэкавэла пэскирэ писхарис дрэ якх, ци пэскирья писхарица дрэ якх, и пошководынэла ла: мэк тэ отмэкэл лэн пэ воля пал якх; ²⁷ и кóли вымарла пэскирэ писхарискэ ци пэскирэ писхарицакэ данд, мэк тэ отмэкэл пэ воля пал данд.

Закóно Пал Мурдалэндэ

²⁸ Кóли гурув запхусавэла муршэс ци джувля кэ мэрибэн, тэды гурувэс тэ замарэн барэнца, и лэскиро мас тэ на хан; а хула́й гурувэскиро на бангó; ²⁹ нэ кóли гурув англедýр пхусадяпэ (бодиндяпэ) и тася и пэ трýто дывэс, и лэскирэ хуласкэ сыс пхэндлó пал дава́, и ёв на раххцý лэс, а гурув замардý муршэс ци джувля, тэды гурувэс тэ замарэн барэнца, и лэскирэ хулас тэ отдэн пэ мэрибэн; ³⁰ кóли пэ лэстэ явэла чхудо выкиныбэн, мэк тэ дэл выкиныбэн пал пэскиро ди, савó чхудо явэла пэ лэстэ. ³¹ Нэ кóли ёв запхусавэла ци чхаворэс, ци запхусавэла чхаёрья, – пир дава́-паць закóно тэ обжанпэ лэса. ³² Кóли гурув запхусавэла дына́рис ци дына́рица, тэды лэскирэ хуласкэ тэ заплэскирэл трийнда шэкэли руп, а гурувэс тэ замарэн барэнца. ³³ Кóли кон росчхакирэла ганбýн (яма), ци, кóли кон выганавэла ганбýн (яма) и на зачхакирэла ла, и пэрэла дрэ латэ гурув ци óсло (мега́ри), ³⁴ тэды хула́й ганбинакиро исын бангó тэ заплэскирэл, тэ отдэл руп лэнгирэ хуласкэ, а мас явэла лэскиро. ³⁵ Кóли конэскиро гурув запхусавэла кэ мэрибэн лэскирэ-суседоскирэ гурувэс, мэк тэ бикнэн джидэ гурувэс и тэ роскэрэн пэ паш лэскири тимýн; адýкэ-паць и замардэ гурувэс мэк тэ роскэрэн пэ паш; ³⁶ а кóли исын джидлó, со гурув пхусавэлапэ (бодинэлапэ) и тася и пэ трýто дывэс, нэ лэскиро хула́й на раххцý лэс, тэды ёв исын бангó тэ заплэскирэл гурувэс пал гурувэстэ, а замардо явэла лэскиро.

Шэрó 22

Закóны Пал Миштыпэн

¹ Кóли вари-кон чорэла гурувэс ци бакрý, и зачхинэла, ци бикнэла, тэды ёв исын бангó пандж гурувэн тэ выплэскирэл пал гурувэстэ, и штар бакрен пал бакрýтэ. ² Кóли вари-кон ухтылэла чорэс, савó подганавэлапэ тэ чорэл, и пэкавэла лэс адýкэ, со ёв мэрэла, тэды рат на явэла пэ лэстэ; ³ нэ кóли газды́пэ кхам пэ лэстэ, тэды лэскиро рат явэла пэ лэстэ. Чор исын бангó тэ заплэскирэл; а кóли нанэ со́са, тэды мэк лэс тэ бикнэн ваш выплэскирибэн лэса пал чордо миштыпэн; ⁴ кóли латхэлапэ чордо дрэ лэскирэ вастá, со исын джидó, ци гурув, ци óсло (мега́ри), ци бакри, мэк тэ выплэскирэл ёв дрэ дуй мо́лы. ⁵ Кóли вари-кон мэкэ́ла кхэритконé мурдалэс (ското) пэ чу́жо фэ́лда ци дро винагра́днико тэ выхал, пал-довá со ёв мэкцý пэскирэ мурдалэс тэ выхал чу́жо фэ́лда, то мэк ёв тэ отдэл фэдыршо да́ро пэскирэ фэлдатыр и фэдыршонэ лэскирэ винаградникостыр. ⁶ Кóли ячэ́ла яг и облэ́ла тернё (кодро), и выхачкирла гарбы (снопы), ци жатва, ци фэ́лда, тэды одова́ мануш исын бангó тэ заплэскирэл, кон кэрдý дава́ схачкирибэн. ⁷ Кóли вари-кон отдэ́ла пашатунэскэ тэ зраххэл руп ци йди, и ёнэ явэна чордэ лэскирэ кхэрэстыр, тэды, кóли латхэлапэ чор, мэк ёв тэ заплэскирэл дрэ дуй мо́лы; ⁸ а кóли на латхэлапэ чор, мэк кхэрэскиро хула́й тэ явэл ангил сэндáрьендэ и тэ совлахал, со ёв на газды́я пэскиро васт пэ лэскирэ-пашатунэскиро миштыпэн. ⁹ Пал кажно спрэчно рэндо, пал гурувэстэ, пал ослостэ, пал бакрýтэ, пал йди, пал кажно вешча (вешч), сави́ хасия́, пал сави́ вари-кон пхэнэ́ла, со ёй исын лэскири, рэндо

(дело) дуенгиро бангó тэ явэл долыджино кэ сэндáрья. Конэс сэндáрья бангякирэна, одовá заплэскирэла пэскирэ пашатунэскэ дрэ дуй мóлы. ¹⁰ Кóли вари-кон отдэла пэскирэ пашатунэскэ ослóс, ци гурувэс, ци бакрý, ци явирэс вари-савэс кхэритконé мурдалэс пэ зракхибэн, а ёв мэрэла, ци явэла калечындло, ци отлыджино адýкэ, со никон дава на дыкхэла, ¹¹ то совлáх ангýл Растэ-Дэвлэстэ мэк тэ явэл машкёр дуендэ дрэ дова, со кон лыя пэ зракхибэн, на газдыя пэскиро васт пэ пэскирэ-пашатунэскиро миштыпэн; и хулаý исын бангó тэ прилэл, а одовá на явэла тэ плэскирэл; ¹² а кóли лэстэ явэла чордо, тэды ёв исын бангó тэ заплэскирэл лэскирэ хулáскэ; ¹³ кóли явэла захано rischiрибнаскирэ мурдалэса (зверёса), тэды мэк дро допхэныбэн тэ янэл захано дова: пал захано ёв на плэскирэла. ¹⁴ Кóли вари-кон залэла пэскирэ пашатунэстыр кхэритконé мурдалэс (ското), и ёв явэла калечындло, ци мурдэла, а лэскирэ хулáс на сыс пашýл лэстэ, тэды ёв исын исын бангó тэ заплэскирэл; ¹⁵ нэ кóли лэскиро хулаý сыс пашýл лэстэ, тэды ёв исын на бангó тэ плэскирэл; кóли ёв сыс лыно пал вужлыпэн (длуго) пал ловэ, тэды мэк ёв и тэ джал пал доя тимýн.

Закóны Пал Патывалыпэн

¹⁶ Кóли вари-кон обхохавэла напалоромиткона чха, савý исын наобрэнчындлы (наангрустякирды) и пирисовэла лáса, мэк тэ дэл лáкэ вено (дáро) и тэ лэл ла пэскэ палором (тэ лэл ла ромнýса); ¹⁷ а кóли дад на закамéла тэ отдэл ла пал лэстэ, мэк ёв тэ заплэскирэл адакицы руп, ци бут трэй пэ вено, сыр пал напалоромитконэ чхаендэ. ¹⁸ Драбакирибнаскирэн на ячкир джидэнца. ¹⁹ Кажно скотоложнико мэк тэ явэл отдынó пэ мэрибэн. ²⁰ Кон янэла свэнто дыибэн (жэртва) дэвлорэнгэ, апрýч екхэ Растэ-Дэвлэстэ, мэк ёв тэ явэл мулякирдо. ²¹ Манушэс, савó явэла явирэ ригáтыр, на притасав, и на дукхав лэс, пал-дова со тумэ кокорé сáнас явирэ-ригакирэ манушá, савэ явнэ пэ Египтóскири пхув. ²² Ни ўдовэн (пивлен), ни сиротэн (пиротэн) на притасавэн; ²³ кóли ту притасавэса лэн, тэды, кéли ёнэ явэна тэ годлэн кэ Мэ, Мэ шунава лэнгири гóдла, ²⁴ и захачкирэлапэ Мирý холý, и Мэ замарава тумэн курталáса (мечоса), и явэна тумарé ромнý ўдовэнца (пивленца), и тумарé чхавэ сиротэнца (пиротэнца). ²⁵ Кóли дэса ту дро длуго (вужлыпэн) ловэ чорорэскэ Мирé манушэндýр, тэды на притасав лэн, и на чхув пэ лэндэ кóфо (процэнто). ²⁶ Кóли лэса дрэ сымады (залого) тырэ-пашатунэскири ýдя, кэ кхамэскиро загиибэн, отдэ ла палэ, ²⁷ пал-дова со ёй (ýдя) исын екхори учхакирибэн лэстэ, ёй-лэскирэ-масэнгиро урибэн: дро со ёв явэла тэ совэл? Адýкэ, кéли ёв загодлэла кэ Мэ, Мэ ушунава, пал-дова со Мэ сом тангипнаскиро. ²⁸ Сэндáрьен на кош, и тхагарýен дрэ тырэ манушэндэ на обракир. ²⁹ На зарикир тэ янэс Мánгэ пэрва барýакирдé (плóды) тырэ гумностýр (гиваобкэрибнаскирэ шурнатýр) и тырэ пресостýр (точыlostýр); отдэ Мánгэ одолэ чхавэндýр, кон бияндýа англатунó; ³⁰ дава-пацý кэр тырэ гурувэса и тырэ бакрýса. Эфтá дывэсá мэк ёнэ тэ явэн пашýл пэскирэ датэ, а пэ охтóто (бидуэнгиро дэшто) дывэс отдэ лэн Мánгэ. ³¹ И явэна тумэ Мánдэ свэнтонé манушэнца; и мас, савó rischiрдýа rischiрибнаскиро мурдál (зверё) пэ фэлда, на хан, чхурдэн лэс джуклэнгэ.

Шэрó 23

Чачипэн ваш Сарэнгэ

¹ На розлыджа чхучó (пусто) ракирибэн, на дэ тырó васт напатяибнытконэскэ, соб (кай) тэ явэс якхитконэса хохаибнаскэ. ² На джá палал пал манушэнгиро скопо тэ кэрэс фуипэн, и на допхэн дро рэндо адýкэ, соб (кай) чачипэн тэ rischiрэн, сыр бут манушá. ³ И чорорэс на подрикир дро лэскиро рэндо пир чачипэн, ⁴ кóли латхэса тырэ-вэргоскирэ гурувэс, ци лэскирэс ослóс; савó заблэндýндýа, ян лэс палэ кэ ёв. ⁵ Кóли дыкхэса тырэ-вэргоскирэ ослóс, савó пýя тэл пэскиро пхарипэн, тэды на ячкир лэс, злэ лэстыр пхарипэн; ⁶ на сэндякир хоханэс тырэ-чорорэскиро рэндо пир чачипэн, ⁷ отджа хохаибнастыр, и на мулякир набангэс и савó исын чачипнаскиро; пал-дова со Мэ на чачакирава (на оправдынава), кон

кэрэла фуес. ⁸ Мыты (взятки) на прилэ: пал-довá со мыты (взятки) кэрэна корорэнца, кон дыкхэла, и пирикэрэна лавá чачунó манушэндýр. ⁹ Кон явэла явирэ ригáтыр, на дукхав (на притасав) лэс: тумэ джинэна лэскиро ди, пал-довá со тумэ кокорé сáнас на пэскирэ манушá пэ Египтóскири пхув.

Закóно Пал Сáвато

¹⁰ Шов бэрш чхув зýрка (зýрно) дрэ тырý пхув и скэдэ, со ёй биянэла, ¹¹ а пэ эфтáто (битринэнгиро дэшто) бэрш ячкир ла тэ откхинёл, соб (кай) тэ чаравэнпэ тырэ манушэндýр чорорé, а со ячэлапэ пал лэндэ, то мэк тэ чаравэнпэ фэлдытка rischiрибнáскирэ мурдалá (звери); адýкэ-пацэ кэр тырэ винаградникоса и тырэ оливитконэ унтаса (маслинаса). ¹² Шов дывэсá кэр тырэ рэндý, а пэ эфтáто дывэс откхинёв, соб (кай) тэ откхинёл тырó гурув и тырó óсло (мегáри), и тэ откхинёл бутýтыр тырэ-дынарицакиро чхавó, и кон явдý явирэ ригáтыр. ¹³ Ракхэн сарó, со Мэ пхэндём тумэнгэ; и явирэ-дэвлэнгирэ лавá на ракирэн: мэк тэ на явэл давá шундло тырэ уштэндýр.

Пал Бэршытка Свэнки

¹⁴ Трин мóлы дро бэрш свэнкин Мánгэ: ¹⁵ дыкх (ракх) свэнко апреснокэнгиро: эфтá дывэсá ха пресно марó, сыр Мэ ракирдём тýкэ, дро упхэндлó часо чхонэскиро Авиво; пал-довá со дро давá чхон ту выгиян Египтóстыр; и мэк тэ на явэн манушá ангýл Мándэ чхучé вастэнца; ¹⁶ дыкх (ракх) и свэнко убияныпнаскиро пэрвонé барьякирдэнца (плодэнца) пхарé бутýтыр, савé ту почхудян пэ фэлда, и свэнко плодэнгиро скэдыибэн дро бэршэскиро кóнцо (ягóро), кéли укэдэса фэлдатыр тырý бутý. ¹⁷ Трин мóлы дро бэрш исын бангэ тэ явэн сарé тырэ мушá ангýл Барэ-Рáскиро, Рáскирэ-Дэвлэскиро муй. ¹⁸ На чхув рат Мирé-свэнтонé дыибнáстыр (жэртватыр) квашэнонэ марэса, и чэкэн (тýко) Мирé свэнкоскирэ жэртватыр наштý тэ ячэлпэ кэ рáнко (кэ злóко). ¹⁹ Тырэ пэрва (англатунé) пхувýякирэ барьякирдé (плóды) ян дрэ Рáскиро-Дэвлэскиро, тырэ Дэвлэскиро Кхэр. На кэрáв бузнорэс дро лэскирэ – дáкиро тхуд.

Янгóло, Савó Дэла Лав Рáстыр-Дэвлэстыр

²⁰ Ѓáда, Мэ бичхавáва ангýл тýtэ Янгóлос тэ ракхэл тут пэ дром и тэ залыджал тут пэ довá штéто, савó Мэ кэрдём скэдынó. ²¹ Ракх пэс ангýл Лэскиро муй, и шун Лэскири зан; на яв проти Лэстэ, пал-довá со Ёв на отмэкéла тумарó грéхо; пал-довá со Мирó лав исын дрэ Лэстэ. ²² Кóли ту явэса тэ шунэс Лэскири зан и тэ кэрэс сарó, со Мэ пхэнáва, тэдý Мэ явáва вэргоса (врогоса) тырэ вэргэнгэ и намалэса (противникоса) тырэ намалэнгэ. ²³ Кéли джáла ангýл тýtэ Мирó Янгóло, и лыджáла тут кэ Амореи, Хетеи, Ферезеи, Хананеи, Евеи и Евусеи, и Мэ вымаравá лэн: ²⁴ тэдý на клонинпэ (на кэр шэрэса) лэнгирэ дэвлорэнгэ, и на дынарин лэнгэ, и на пирилэ лэнгирэ рэндý, нэ пхагир лэн, и распхагир лэнгирэ стýлбы: ²⁵ дынарин Рáскэ-Дэвлэскэ, тумарé Дэвлэскэ, и Ёв бахтякирэла Тырó марó и Тырó пани; и Мэ отлыджавá насвалыпэна тумэндýр. ²⁶ На явэла би часоскиро тэ биянэн и на явэла накхабнэн (бичхаворэнгирэн) пэ тырý пхув; Мэ кэрáва пхэрдé тырэ-джиибнáскирэ дывэсá. ²⁷ Мэ бичхавáва Мирý траш (дар) ангýл тýtэ, и дро конфузо Мэ янáва кажнонé манушэн, кэ савé ту явэса, и Мэ явáва тэ обрискирав кэ ту палалэса сарэн тырэ вэргэн; ²⁸ Мэ бичхавáва ангýл тýtэ шэршнен (вослэн), и ёнэ традэна тырэ мóстыр Евееен, Хананеен и Хетеен; ²⁹ Мэ на вытрадавá лэн тырэ мóстыр дро екх бэрш, соб (кай) пхув тэ на кэрэлпэ чхучý и тэ на выбарьён проти тýtэ фэлдытка rischiрибнáскирэ мурдалá (звери); ³⁰ нáбут пэ нáбут Мэ явáва тэ традав лэн тýтыр, кэ давá часо, пака ту выбарьёса дрэ манушэндэ и на лэса дрэ пэскирэ вастá дáя пхув. ³¹ Пролыджавá тырэ мéжы Лолé морёстыр (дэрьявэстыр) кэ мóрё (дэрьяв) Филистимиякиро и чхучé пхувýятыр кэ рэка (лэнь); пал-довá со Мэ отдáва дрэ тумарé вастá адалэ-пхувýякирэ манушэн, и ту традэса лэн криг тырэ мóстыр; ³² на кэр завето

(доракирибэн) ни лэнца, ни лэнгирэ дэвлорэнца; ³³ лэнгэ наштý тэ дживэн пэ тырý пхув, соб (кай) ёнэ тэ на залыджан тут дро грэхó пэ Мándэ; пал-довá со, кóли ту явэса тэ мангэспэ лэнгирэ дэвлорэнгэ, то давá явэла тýкэ фэляса (сеткаса).”

Шэрó 24

Дэвэл Дэла Закóно Мойзáскэ

¹ И пхэндý Ёв Мойзáскэ: “Джá упрé кэ Рай Дэвэл, ту и Аарóно, Надаво и Авиудо и эфтадэшá Израилёскирэ пхурыдырá, и кэрэн шэрэса (поклонинэнпэ) дурáл. ² И Мойза, мэк екхджинó тэ подджáл кэ Рай Дэвэл, а ёнэ мэк тэ на подджан, и манушá мэк тэ на газдэнпэ лэса.” ³ И явдý Мойза, и пирипхэндý манушэнгэ сарé лавá Рáстыр-Дэвлэстыр и сарé закóны. И отпхэндлэ сарé манушá дрé екх зан, и пхэндлэ: “Сарó, со пхэндý Рай Дэвэл, кэрáса.” ⁴ И зачхиндý Мойза сарé лавá Рáстыр-Дэвлэстыр, и, уштýи пэ рáнко, чхудý тэл бэрга алтáрэ (жэртвенико) и дэшудýй барá, пир дэшудýй Израилёскирэ рóдыцы; ⁵ и бичхадý Израилёскирэ чхавэндýр тэрнэн, и ёнэ яндлэ цэла схачкирибэна, и замардэ гуруворэн (тельцэн) ваш мýрно свэнто дыибэн (жэртва) Рáскэ-Дэвлэскэ. ⁶ Мойза лыя паш рат, чхудý дрé тахтай, а явирé пашэса обчхудý алтáрэ; ⁷ и лыя заветоскири лылварý, и прогиндý зоралэс (дыя упрé) манушэнгэ, и пхэндлэ ёнэ: “Сарó, со пхэндý Дэвэл, кэрáса и явáса тэ кандас.” ⁸ И лыя Мойза рат, и обрызгиндý манушэн, ракирý: “Гáда, исын заветóскиро рат, савó Рай Дэвэл кэрдý тумэнца пир сарé далé лавá.” ⁹ Тэньци гия упрé Мойза и Аарóно, Надаво и Авиудо и эфтадэшá Израилёскирэ пхурыдырá, ¹⁰ и дыкхнэ ёнэ Израилёскирэ Дэвлэс; и тэл Лэскирэ гэрá сыс вари-со, со поджалас сыр бутý кэрды жужэ сапфиростыр, и сыс ясно, сыр кокорó болыбэн. ¹¹ И Ёв на протырдыя Пэскиро васт пэ выкэдынэ Израилёскирэ чхавэндэ: ёнэ дыкхнэ Дэвлэс, и ханэ, и пинэ. ¹² И пхэндý Рай Дэвэл Мойзáскэ: “Джá упрé кэ Мэ пэ бэрга; и яв одóй, и Мэ дава тýкэ барунэ скрижáли (таблицы), и Закóно и припхэныбэнá (дэшатунэ), савé Мэ чхиндём тэ сыклякирэс лэнгэ.” ¹³ И уштýя Мойза Исусóса (Ёхошуаса), пэскирэ помогибнаскирэса, и гия Мойза пэ Дэвлэскири бэрга, ¹⁴ а пхурыдырэнгэ пхэндý: “Ячэнпэ адáй, пака амэ рисёваса кэ тумэ; гáда, Аарóно и Оро исын тумэнца; кóли явэла тумэндэ рэндо, мэк тэ явэл кэ ёнэ.” ¹⁵ И гия упрé Мойза пэ бэрга, и учхакирдý óблоко бэрга, ¹⁶ и Рáскирэ-Дэвлэскири слáва закэрдý бэрга Синаё; и учхакирэла ла óблоко шов дывэсá, а пэ эфтáто дывэс кхардý Рай Дэвэл кэ Пэ Мойзас óблокостыр. ¹⁷ Бицялы сыс слáва Рáскирэ-Дэвлэскири пэ бэргáкиро вучипэн ангýл Израилёскирэ-чхавэнгирэ якхá, сыр яг, савý схачкирэла. ¹⁸ Мойза загия дрé машкирál óблоко, и гия упрé пэ бэрга; и сыс Мойза пэ бэрга штардэшá дывэсá и штардэшá ратя.

Шэрó 25

Яныбэн Ваш Свэнто Штэто

¹ И пхэндý Рай Дэвэл Мойзáскэ, и ракирдý: ² “Пхэн Израилёскирэ чхавэнгэ, соб (кай) ёнэ тэ кэрэн Мángэ яныбэн; кажнонэ манушэстыр, савó пэ илó явэла тэ дэл, прилэн яныбэн Мángэ.” ³ Гáда, исын яныбэн, савé тумэ сан бангэ тэ прилэн лэндýр: сувнакай, и руп, и харкóма (медь), ⁴ и голубово вýлна (шэрсь), пурпурно и чэрвлéно, и висоно, и бузненгири вýлна, ⁵ и бакранэ лолэ цыпи, синэ цыпи, и вэш ситимо, ⁶ дзэт (елее) ваш шандало (светýльнико), ароматытка чарýя тэ макхэс и ваш гудлó тхув (дымо), ⁷ бар ониксо и учхудэ барá ваш эфóдо и ваш наперснико (жýлетка). ⁸ И кэрэна ёнэ Мángэ свэнто штэто, и Мэ явáва тэ дживáв машкёр лэндэ; ⁹ сарó, сыр Мэ тýкэ сыкавáва, и сыкаибэн (образцо) шатракиро (скиниякиро), и сыкаибэн сарé далé лáкирэ кхорэнгиро; адýкэ и кэрэн.

Ковчэго Заветоса

¹⁰ Кэрэн ковчэго (мохто) вэшэстыр ситимо: длэнгипэн лэскэ тэ явэл дуй пашэса куня (локти), и буглыпэн лэскэ тэ явэл екх пашэса куня, и вучипэн лэскэ екх пашэса куня; ¹¹ и обчхув лэс жужэ сувнакаса, андрэстыр и яврестыр, учхакир лэс; и кэр упрал пашыл лэстэ сувнакуны вянка. ¹² И вычхув ваш лэскэ штар сувнакунэ барэ ангрустя и призорьякир (прикэр) пэ штар тэлатунэ лэскирэ вэнглы; дуй барэ ангрустя пэ екх лэскири риг, дуй барэ ангрустя пэ явир лэскири риг. ¹³ Кэр вэшэстыр ситимо баландиня (шосты), и обчхув лэн сувнакаса; ¹⁴ И чхув андрэ шосты дрэ барэ ангрустя, пир ковчэгоскирэ ригá, соб (кай) лэнца тэ лыджан ковчэго; ¹⁵ дрэ ковчэгоскирэ барэ ангрустя бангэ тэ явэн шосты и нашты тэ отлэн лэстыр. ¹⁶ И чхув лэн дрэ ковчэго досыкаибнаса (откровенияса), саво Мэ тукэ дыём. ¹⁷ Кэр адякэ-паць жужэ сувнакастыр дэнко (крышка): длэнгипэн лакиро дуй куня пашэса, а буглыпэн лакиро екх пашэса куня; ¹⁸ и кэр сувнакастыр дуэн херувимэн: чеканонэ бутятыр кэр лэн пэ дуй заучхакирибнытка ягёры (концы); ¹⁹ кэр екхэ херувимос екхэ ягоростыр, а явирэ херувимос явирэ ягоростыр; кэрэн херувимэн кхэтанэ дэнкоса (крышкаса) пэ лакирэ дуй ягёры; ²⁰ и явэна херувимы газдынэ упрэ пхакэнца, заучхакири пэскирэ пхакэнца крышка, а пэскирэ муенца явэна екх кэ екх; кэ дэнко явэна херувимэнгирэ муя. ²¹ И чхув пэ ковчэго (мохто) упрэ, дро ковчэго чхув досыкаибэн (откровения), саво Мэ тукэ дава; ²² одой Мэ явава тэ сыкадэвав тукэ и тэ ракирав туса упрал, кай упрэ дэнко, машикирал дуй херувимы, савэ пэ ковчэго досыкаибнаса (откровенияса), пал саро, со Мэ явава тэ пиридав пир тутэ Израилёскирэ чхавэнгэ. ²³ И кэр скаминд вэшэстыр ситимо, длэнгипнаса дрэ дуй куня, буглыпнаса дрэ екх кунь, а вучипнаса дрэ екх кунь пашэса, ²⁴ и обчхув лэс жужэ сувнакаса, и кэр пашыл лэстэ сувнакуны вянка (фризо). ²⁵ И кэр пашыл лэскирэ ригá (боки) дрэ бурнык (ладошка) буглыпнаса, и пашыл лэскирэ ригá кэр сувнакуны вянка пашыл; ²⁶ и кэр ваш лэскэ штар сувнакунэ барэ ангрустя, и призорьякир (прикэр) ангрустя пэ штар вэнглы пашыл лэскирэ штар гэрорэ; ²⁷ пашыл боки (ригá) бангэ тэ явэн брэнчы (обручи), соб (кай) тэ чхувэс баландиня (шосты), соб (кай) тэ лыджас пэ лэндэ скаминд; ²⁸ а баландиня кэр вэшэстыр ситимо, и обчхув лэн сувнакаса, и явэна тэ лыджан пэ лэндэ дава скаминд; ²⁹ кэр адякэ-паць ваш лэскэ чарорэ, кадилы, тахтая и кучика, соб (кай) лэнца тэ обчхувэс: жужэ сувнакастыр кэр лэн; ³⁰ и чхув пэ скаминд свэнта марэ (предложения) ангил Миро муй саро часо. ³¹ И кэр момолытко (светильнико) жужэ сувнакастыр; чеканиндло банго тэ явэл дава момолытко; лэскиро дэсто, лэскирэ рандя, кучикоря лэскирэ, пхаба лэскирэ и лулудя (цвэты) лэскирэ трэй, соб (кай) ёнэ тэ выджан лэстыр; ³² трэй, соб (кай) шов рандя тэ выджан лэскирэ ригэндыр: трин рандя момолытконэскирэ екхэ лэскирэ ригатыр, и трин рандя момолытконэскирэ явирэ лэскирэ ригатыр; ³³ трин кучикоря, савэ поджана пэ миндально лулудя (цвэто) тэ явэн пэ екх рандь, пхабаса и лулуденца и трин кучикоря, савэ подджана пэ миндально лулудя (цвэто) пэ явир рандь, пхабаса и лулуденца: адякэ явэла пэ сарэ шов рандя, савэ выджана момолытконэстыр; ³⁴ а пэ момолытконэскиро дэсто трэй, соб (кай) тэ явэл штар кучикоря, савэ тэ явэн сырбы миндально лулудя пхабэнца и лулуденца; ³⁵ шовэ рандендыр, савэ выджана момолытконэскирэ гэрятыр тэ явэл пхабай тэл дуй лэскирэ рандя, и пхабай тэл трита дуге лэскирэ рандендыр. ³⁶ Пхаба и рандя лэнгирэ трэй, соб (кай) ёнэ тэ выджан лэндыр: трэй, соб (кай) ёв саро тэ явэл чекандло, цэло, жужэ сувнакастыр. ³⁷ И кэр кэ ёв эфта лампы, и чхув пэ лэстэ лампы лэскирэ, соб (кай) тэ свенцынэн (тэ дэн дуд) пэ англатуны лэскири риг (боко); ³⁸ и шчыпцы (цымты) кэ ёв и лотки кэ ёв тэ явэн жужэ сувнакастыр; ³⁹ талантостыр, жужэ сувнакастыр, тэ кэрэн лэс сарэ лэскирэ судинкэнца. ⁴⁰ Дыхх, кэр лэн пир дова сыкаибэн (образцо), саво сыс сыкадо тукэ пэ бэрга.

Шэрó 26

Скíния (Шáтра)

¹ Шáтра (скíния) кэр дэшэ цэргэндýр (покрывалэндýр) крэнцэнонэ висонóстыр, и голубовонатыр, пурпуровонатыр и чэрвлёнонэ вылнáтыр, и кэр херувимы пэ лэндэ высудэ бутяса; ² длэнгипэн кажнонэ-цэргакирэ тэ явэл биш тэ охтó (бидуэнгиро дэш) куня (локти), а буглыпэн кажнонэ-цэргкиро ядыкэ-паць тэ явэл штар куня: тэ явэл екх барипэн сарэ цэргэнгэ. ³ Пандж цэрги мэк тэ явэн кхэтаниякирдэ екх екхаса, и явёр пандж цэрги кхэтаниякирдэ екх екхаса. ⁴ Кэр фэля (петли) голубовонэ цвятоса (мастиняса) пэ ягóро (краё) дрэ англатуны цэрга пэ ягóро, кай кхэтаниякирэнапэ дуй пашá; адякэ кэр и пэ ягóро (краё) пэ палатуны цэрга. ⁵ Пандждэшá фэля (петли) кэр дрэ екх цэрга, и пандждэшá фэля (петли) кэр пэ ягóро цэргакиро, сави кхэтаниякирэлапэ явирьяса; фэля трэй, соб (кай) тэ поджан екх кэ явёр; ⁶ и кэр пандждэшá нанглорэ (крючки) сувнакунэ, и нанглорэнца кхэтаниякир цэрги екх явирьяса, и явэла шáтра (скíния) сыр екх цэло. ⁷ И кэр дэки (цэрги) бузненгирэ вылнáтыр, соб (кай) тэ заучхакирэн шáтра; дэшуекх цэрги кэр дасавэ; ⁸ длэнгипэн дрэ екх цэрга тэ явэл трийнда куня (локти), а буглыпэн штар куня; дава исын екх цэрга: дрэ дэшуекх цэрги екх барипэн (размеро). ⁹ И кхэтаниякир пандж цэрги ишчо (инкэ) ёкхвар и шов цэрги ишчо (инкэ) ёкхвар; шовто цэрга кэр дуендыр англатунэ-шатракирэ ригáтыр. ¹⁰ Кэр пандждэшá фэля (петли) пэ ягóро дро крайнэ цэрга, соб (кай) тэ кхэтаниякирэс ла явирьяса, и пандждэшá фэля пэ ягóро дрэ явёр цэрга, ваш кхэтаниякирибэн лáса; ¹¹ кэр пандждэшá нанглорэ харкомáтыр (медятыр), и чхув дрэ фэля, и кхэтаниякир лэн, соб (кай) ёв тэ явэл сыр екх цэрга. ¹² А лишнэ ишчо (инкэ) котэр, со ячэлапэ шатракирэ цэргэндýр, – паш лишнэ цэрга мэк тэ явэл змэкны пэ палатуны шатракири риг (боко); ¹³ а лишнэ котэр шатракирэ-цэргакирэ длэнгипнастыр, пэ кунь екхэ ригáтыр, и пэ кунь явирэ ригáтыр, мэк тэ явэл змэкно пир ригá дрэ шáтра долэ и явирэ ригáтыр, ваш лáкиро учхакирибэн. ¹⁴ И кэр дэка (покрышка) бакранэ лолэ цыпэндýр, и ишчо (инкэ) упратуны дэка синэ (барсукэнгирэ) цыпэндýр. ¹⁵ И кэр брусy ваш шáтра вэшэстыр ситимо, соб (кай) ёнэ тэ тэрдён: ¹⁶ длэнгипнаса бусо дрэ дэш куня (локти), и екх пашэса кунь буглыпэн дрэ кажно бусо; ¹⁷ дрэ кажно бусо пир дуй шыпы, екх ангил явирэстэ; адякэ кэр дрэ сарэ брусy дрэ шáтра. ¹⁸ Адякэ кэр брусy ваш шáтра: биш брусy пир паш-дывэсы́тко риг, кэ юго, ¹⁹ И тэл биш брусy кэр штардэшá рупунэ (рупувэ) гэрорэ: дуй гэрорэ тэл екх бусо ваш дуй лэскирэ шыпы, и дуй гэрорэ тэл явёр бусо ваш дуй лэскирэ шыпы; ²⁰ и биш брусy ваш явирэ-шатракири риг кэ паш-рат (северо), ²¹ и ваш лэнгэ штардэшá рупувэ гэрорья: дуй гэрорья тэл екх бусо, и дуй гэрорья тэл явёр бусо. ²² Ваш палатуны шатракири риг кэ западо кэр шов брусy. ²³ И дуй брусy кэр ваш шатракирэ вэнглы пэ палатуны риг; ²⁴ трэй, соб (кай) ёнэ тэ явэн кхэтаниякирдэ дро низо и кхэтаниякирдэ упрэ кэ екх бари ангрусты (брэнчо): адякэ трэй тэ явэл лэнца дуенца; ваш дуй вэнглы мэк ёнэ тэ явэн; ²⁵ и адякэ явэла охтó (бидуэнгиро дэш) брусy, и ваш лэнгэ дэшушов рупувэ гэрорья: дуй гэрорья тэл екх бусо, и дуй гэрорья тэл явёр бусо. ²⁶ И кэр баландиня (шосты) вэшэстыр ситимо, пандж ваш брусy екхэ-ригакирэ скиниятыр, ²⁷ и пандж баландиня ваш брусy явирэ ригáтыр дрэ шáтра, и пандж баландиня ваш брусy палатунэ ригáтыр (бокостыр) палэ шáтра, кэ западо; ²⁸ а андратуны баландин явэла тэ проджал машкирал брусy екхэ ягорóстыр кэ явёр; ²⁹ брусy обчхув сувнакаса, и барэ ангрустя (брэнчы) тэ чхувэн андрэ баландиня, кэр сувнакастыр, и баландиня (шосты) обчхув сувнакаса. ³⁰ И чхув шáтра (скíния) упрэ пир сыкаибэн (образцо), савó сыс сыкадо тукэ пэ бэрга. ³¹ И кэр полого (завеса) голубовонэ, пурпуронэ и чэрвлёнонэ вылнáтыр и крэнцонэ висонóстыр; узорэнца спецоскирэ бутятыр трэй тэ явэн кэрдэ пэ латэ херувимы; ³² и ублав ла пэ штар ситимоскирэ стýлбы, обчхудэ сувнакаса, сувнакунэ нанглорэнца, пэ штар рупувэ гэрорья; ³³ и ублав полого тэлэ пэ нанглорэ, и залыджа одорик пал шырма, сави исын ангил ковчэго досыкаибна́са (откровениё); и явэла шырма, тэ роскэрэл свэнто штэ́то Свэнтонэ – Свэнтонэндýр. ³⁴ И чхув дэнко (крышка) пэ ковчэго досыкаибна́са (откровенияса) дро Свэнто-Свэнтонэндýр. ³⁵ И чхув скамíнд пал шырма, и момолы́тко (свети́льнико) проти

скамынд пэ риг шатракири кэ паш-дывэс (юго); скамынд чхув пэ паш-ратитко (северно) риг. ³⁶ И кэр шырма тэ учхакирэс загибён дрэ шатра голубовонэ и пурпуронэ и чэрвлёнонэ вылнатыр и крэнцононэ висоностыр высудэ бутятыр пир узоро; ³⁷ и кэр ваш шырма пандж стылбы ситимостыр, и обчхув лэн сувнакаса; нанглорэ кэ ёнэ тэ явён сувнакунэ; и вычхув ваш лэнгэ пандж гэрорья харкоматыр (медятыр).

Шэрó 27

Алтáрэ Ваш Цэла Схачкирибэна

¹ И кэр алтáрэ (жэртвенико) вэшэстыр ситимо (акацыя) длэнгипнаса дрэ пандж куня (локти) и буглыпнаса пандж куня адякэ, соб (кай) ёв тэ явёл алтáрэ штарэ-вэнглытко, и вучипнаса трин куня. ² И кэр шынга (роги) пэ лэскирэ штар вэнглы, адякэ, соб (кай) лэстыр тэ выджан шынга; и обчхув лэс харкомаса (медяса). ³ Кэр кэ ёв пирья тэ вычхувэн дрэ лэндэ праска (пепло), и лопаткицы, копаныцы тэ скэдэл, и бустя (видэлки), лопаткицы ваш вангар; сарэ приборы кэр харкоматыр (медятыр). ⁴ Кэр кэ ёв решотка, кхудякирэ (сеткакирэ) родостыр, харкоматыр, и скэр пэ харкомакири кхуды, пэ лакирэ штар вэнглы, штар барэ ангрустя харкоматыр; ⁵ и чхув ла пир ягóро алтарёскиро тэлал, адякэ, соб (кай) кхуды (сетка) тэ явёл кэ паш алтáрэ. ⁶ И кэр баландиня ваш алтáрэ вэшэстыр ситимо, и обчхув лэн харкомаса; ⁷ и чхув андрэ баландиня лэскирэ дрэ брэнчы адякэ, соб (кай) баландиня тэ явён пир дуй рига дро алтáрэ, кэли тэ лыджас лэс. ⁸ Кэр лэс чхучэса андрал, пхалендыр, сыр сыс сыкадо тукэ пэ бэрга, адякэ мэк тэ кэрэн.

Грэда (Двóро) дрэ Шатра

⁹ И кэр грэда ^[1] (двóро): паш-дывэсытконэ (южнóнэ) ригатыр кэ юго. Убладытка (шырмы) ваш грэда трэй тэ явён крэнцона, висоностыр, длэнгипнаса дрэ шэл куня пир екх риг; ¹⁰ стылбы ваш лэнгэ биш, и основы ваш лэнгэ тэ явён биш харкунэ (медитка); нанглорэ пэ стылбы и спхандыпэна пэ лэндэ рупэстыр. ¹¹ Адякэ-паць и пир паш-ратитко (северно) риг-убладытка (шырмы) шэл куня длэнгипнаса; стылбы ваш лэнгэ биш, и основы ваш лэнгэ (стылбы) биш харкунэ; нанглорэ пэ стылбы и спхандыпэна пэ лэндэ рупэстыр. ¹² И пир грэдакиро буглыпэн западоскирэ ригатыр-убладытка (шырмы) длэнгипнаса пандждэша куня; стылбы ваш лэнгэ дэш, и основы кэ ёнэ дэш. ¹³ И дро грэдакиро буглыпэн англатунэ ригатыр кэ вастóко-убладытка (шырмы) тэ явён пандждэша куня. ¹⁴ Кэ екх риг-убладытка (шырмы) дрэ дэшупандж куня, стылбы ваш лэнгэ трин, основы ваш лэнгэ трин; ¹⁵ и кэ явир риг-убладытка (шырмы) дрэ дэшупандж куня; стылбы ваш лэнгэ трин и стылбы ваш лэнгэ трин. ¹⁶ А ваш грэдакири пórта шырма дрэ биш куня голубовонэ и пурпуронэ и чэрвлёнонэ вылнатыр и крэнцонэ висоностыр высудэ бутятыр спецостыр; стылбы ваш лэкэ тэ явён штар, и основы кэ ёнэ штар. ¹⁷ Сарэ стылбы пашыл грэда трэй, соб (кай) ёнэ тэ явён кхэтанякирдэ спхандыпнаса рупэстыр; нанглорэ лэндэ рупэстыр, а основы кэ ёнэ харкоматыр (медятыр). ¹⁸ Грэдакиро длэнгипэн явэла шэл куня, а буглыпэн пир сарó длэнгипэн-пандждэша, вучипэн пандж куня; шырмы крэнцонэ висоностыр, а основы тэл стылбы харкоматыр. ¹⁹ Сарэ приборы дрэ шатра ваш кажно дынарибён дрэ латэ, и сарэ килэ далэ, и сарэ килэ пир грэда-харкоматыр. ²⁰ И припхэн Израилёскирэ чхавэнгэ, соб (кай) ёнэ тэ янён тукэ елеё (оливитко дзэт) жужó, вымардо маслинэндэр тэ освэнцынэн, соб (кай) тэ хачол дуд (свэто) дро кажно часо; ²¹ дрэ шатра скэдыибнаскири, пал пологи, савó исын ангил ковчэго досыкаибнаса (откровенияса), явэла тэ захачкирэл Аарóно и лэскирэ чхавэ, бэльвелятыр кэ ранко, ангил Рáскирэ-Дэвлэскиро муй. Дава исын статүто вечно ваш лэнгирэ стрэчы (поколении) Израилёскирэ чхавэндэр.

27:9 ^[1] Вари-савэ Балтытка Романэ поэты чхинэна “авли(ы)н”

Шэрó 28

Урибэна Рашáнгирэ

¹ Аканá лэ кэ пэ Ааронóс, тырэ пшалэс, и лэскирэ чхавэн лэса, чхавэн Израилёскирэ родóстыр, соб (кай) ёв тэ явэл Мánгэ рашáса, Ааронóс и Надавос, Авиудос, Елизарос и Ифоамарос, Ааронóскирэ чхавэн. ² И кэр тырэ пшалэскэ Ааронóскэ свэнта урибэна ваш слáва и шукарипэн. ³ И пхэн сарэнгэ годьварэ илэса, савэн Мэ пхэрдякирдём годэ духóса (фаноса), соб (кай) ёнэ тэ кэрэн Ааронóскэ урибэна тэ высвэнцынэн лэс, соб (кай) ёв тэ явэл рашáй Мánгэ. ⁴ Ѓáда, исын йди, савэ ёнэ исын бангэ тэ кэрэн: наперстнико (жылетка), эфóдо, упратуны риза, хитоно стяжно, кидаро и кусты́к. Мэк тэ кэрэн свэнта йди Ааронóскэ, тырэ пшалэскэ, и лэскирэ чхавэнгэ, соб (кай) ёв тэ явэл рашáй ваш Мánгэ.

Эфóдо

⁵ Мэк ёнэ тэ лэн сувнака́й, голубово и пурпурно и чэрвлéно вылна (шэрсь) и висоно, ⁶ и мэк тэ кэрэн эфóдо сувнака́стыр, голубовонэ, пурпурнонэ и чэрвлéнонэ вылнатыр и крэнцононэ висонóстыр, высудэ бутя́тыр спецостыр. ⁷ Лэстэ трэй тэ явэн пэ дуй лэскирэ ягóры (концы) дуй нарамники тэ спхандэн лэс, соб (кай) ёв тэ явэл спхандло. ⁸ И кусты́к эфодоскири, сави́ тэ явэл упралэстыр, трэй, соб (кай) ёй тэ явэл екхэ бутя́тыр лэса (эфодоса), сувнака́стыр, голубовонэ, пурпуронэ и чэрвлéнонэ вылнатыр и крэнцононэ висонóстыр. ⁹ И лэ дуй барá аниксостыр и вычхин пэ лэндэ Израилёскирэ-чхавэнгирэ лавá: ¹⁰ шов лэнгирэ лавá пэ екх бар, и шов лавá, савэ ячэнапэ, пэ явир бар пир лэнгиро бияныпэн: кон джал пэрво; ¹¹ трэй, соб (кай) тэ кэрэл дава́ о чхиныбнари пэ бар, саво вычхинэла якхйтка (чэргэнорья), вычхин пэ дуй барá Израилёскирэ-чхавэнгирэ лавá; и чхув лэн андрэ дрэ сувнакунэ оправы; ¹² и чхув далэ дуй барá пэ эфодоскирэ нарамники: далэ барá пэ рипирибэн Израилёскирэ чхавэнгэ; и явэла Аарóно тэ лыджал лэнгирэ лавá ангил Растэ-Дэвлэстэ пэ дуй пэскирэ псикэ ваш рипирибэн. ¹³ И кэр оправы сувнака́стыр; ¹⁴ и дуй цэпочки (зандирорья) жужэ сувнака́стыр, кэр лэн крэнцонэнца кхудэ бутя́тыр, и прикэр крэнцона зандирорья кэ оправы.

Наперстнико (Жылетка)

¹⁵ Кэр наперстнико (жылетка) тэ сэндинэс вастэнгирэ бутя́тыр, сыр эфóдо: сувнака́стыр, голубовонэ, пурпуронэ и чэрвлéнонэ вылнатыр и крэнцононэ висонóстыр кэр лэс; ¹⁶ трэй, соб (кай) ёв тэ явэл штáрэ вэнглэнца, дүе ригэндыр, дрэ бурнык (пядень) длэнгипна́са и дрэ бурнык буглыпна́са; ¹⁷ и чхув андрэ дрэ лэстэ барá дрэ оправы дрэ штáр ряды; пэрво рядо: рубино, топазо, изумрудо, – дава́ исын екх рядо; ¹⁸ явир рядо: карбункуло, сапфиро и алмазо (диаманто); ¹⁹ трйто рядо: яхонто, агато и аметисто ²⁰ штáрто рядо: хрисолито, ониксо и ясписо; дрэ сувнакунэ оправы трэй, соб (кай) ёнэ тэ явэн чхудэ андрэ. ²¹ Трэй, соб (кай) сарэ барá тэ явэн дэшудуй, адакицы, ци бут исын Израилёскирэ чхавэ, пир лэнгирэ лавá; пэ кажно, сы́рбы пэ якхйтко (чэргэнорй), трэй, соб (кай) ёнэ тэ явэн вычхиндлэ пир екх лав дэшудуэ родыцэндыр. ²² Кэ наперстнико (жылетка) кэр крэнцона цэпочки (ланцужки) крэнцононэ кхудэ бутя́тыр жужэ сувнака́стыр; ²³ и кэр кэ наперстнико (жылетка) дуй барэ ангрустя́ сувнака́стыр, и прикэр дуй барэ ангрустя́ кэ дуй наперстникоскирэ ягóры; ²⁴ и чхув андрэ дуй кхудэ цэпочки (зандирорья) сувнака́стыр дрэ барэ ангрустя́ пир наперстникоскирэ ягóры (концы), ²⁵ а дуй явир ягóры (край) дүе далэ зандирорьенгирэ (цэпочкэнгирэ) прикэр кэ дуй оправы, и прикэр кэ эфодоскирэ нарамники лэскирэ ригатыр, сави́ исын ангил; ²⁶ ишчо (инкэ) кэр дуй сувнакунэ барэ ангрустя́ и прикэр лэн кэ явир дуй наперстникоскирэ ягóры, пэ доя́ риг, сави́ исын пашты кэ эфóдо андрал; ²⁷ адя́кэ-паць кэр дуй сувнакунэ барэ ангрустя́ и прикэр лэн кэ дуй эфодоскирэ нарамники тэлал, лэскирэ ригатыр, сави́ исын ангил, пашы́л лэскиро шово, пэ эфодоскири кусты́к; ²⁸ и прикэрэн кэ ёнэ наперстнико (жылетка) лэскирэ барэ ангрустенца кэ эфодоскирэ барэ ангрустя́ шну́роса

(дорьяса) голубовонэ вылнатыр, соб (кай) ёв тэ явэл пэ эфодоскири кустык, и, соб (кай) кай тэ на пэрэл наперстнико эфодостыр. ²⁹ И явэла тэ лыджал Аароно Израилёскирэ чхавэнгирэ лава пэ наперстнико, соб (кай) тэ сэндыкирэл (тэ роспхандэл чачипэн) пашыл лэскиро ило, кели явэла тэ заджал андрэ свэнто штэто, ваш кажно рипирибэн пал чачипэн ангил Растэ-Дэвлэстэ. ³⁰ И чхув пэ наперстнико, соб (кай) тэ роспхандэл чачипэн Уримо и Тумимо, и ёнэ явэна пэ ило Аароностэ, кели ёв явэла тэ джал андрэ свэнто штэто ангил муй Раскиро-Дэвлэскиро, и явэла Аароно саро часо (цыро) тэ лыджал Израилёскирэ-чхавэнгиро сэндо пашыл пэскиро ило ангил Раскиро-Дэвлэскиро муй.

Явир Урибэна Пэ Рашастэ

³¹ И кэр упратуны риза кэ ефодо сарі голубовонэ цвятоса (мастиняса); ³² машкирал латэ трэй, соб (кай) тэ явэл отчакирибэн (кула) ваш шэрó; пашыл дава отчакирибэн трэй, соб (кай) ёв тэ явэл обсудо похтанэса, адякэ-паць сыр пашыл бронякиро (панцырёскиро) отчакирибэн, соб (кай) ёв тэ на кушэлпэ; ³³ пир лакири подя кэр пхаба голубовонэ тхавэндыр, яхонтовонэ, пурпуронэ и чэрвлёнонэ цвятоса (мастиняса), пашыл лакири подя; сувнакунэ кудуноря (позвонки) машкир лэндэ пашыл: ³⁴ сувнакуны кудунори и пхабай, сувнакуны кудунори и пхабай, трусцьял (кругом) пир упратунэ-ризакири подя; ³⁵ ёй явэла пэ Аароностэ, кели ёв явэла тэ дынаринэл сыр рашай, соб (кай) тэ явэл шундлы лэстыр знико (звукó), кели ёв явэла тэ заджал андрэ свэнто штэто ангил Раскирэ-Дэвлэскиро муй и, кели явэла тэ выджал, соб (кай) лэскэ тэ на мэрэл. ³⁶ И кэр пхалёри (досочка) жужэ сувнакастыр, и вычхин пэ латэ, сыр вычхинэна пэ якхитко (чэргэнорі): “Свэнтыма Дэвлэскири”, ³⁷ и прикэр ла голубовонэ-цвятоскирэ шнурóса (дорьяса) кэ кидаро, адякэ, соб (кай) ёй тэ явэл пэ англатуны кидароскири риг; ³⁸ и явэла ёй пэ Аароноскиро шэрó, и лыджала пэ пэстэ Аароно яныбнаскирэ надо ухтылыбэна, кели высвэнцынэнас Израилёскирэ чхавэндыр, и сарэ дары, савэ ёнэ янэна; и явэла ёй саро часо пэ лэскиро шэрó, соб (кай) ёнэ тэ латхэн ласка ангил Растэ-Дэвлэстэ. ³⁹ И кэр хитоно висонóстыр и кидаро висонóстыр, и кэр кустык высудэ бутятыр узорэнца; ⁴⁰ кэр Ааронóскирэ чхавэнгэ хитоны, скэр лэнгэ кустыка, и пхандлуня (повязки) пэ шэрó, кэр лэнгэ ваш слава и шукарипэн, ⁴¹ и ури дрэ лэндэ Ааронóс, тырэ пшалэс, и лэскирэ чхавэн лэса, и помакх лэн, и пхэрдякир лэнгирэ васта, и высвэнцын лэн, и ёнэ явэна рашая Мánгэ. ⁴² И кэр лэнгэ тэлатунэ їди лёностыр (гандладэстыр) тэ учхакирэн нангэ маса трушулэндыр кэ чанга, ⁴³ и мэк тэ явэн ёнэ пэ Аароностэ и пэ лэскирэ чхавэндэ, кели ёнэ явэна тэ заджан дрэ шатра (скїния) ваш скэдыибэн ци тэ подджан кэ алтарё (жэртвенико) тэ дынаринэн пэ свэнто штэто, соб (кай) лэнгэ тэ на лыджан пэ пэстэ грэхó и тэ на мэрэн. Давá исын статýто пэ вéко ваш лэскэ и ваш лэскирэ-чхавэнгирэ чхавэнгэ пал лэстэ.

Шэрó 29

Сыр тэ Высвэнцынэн Рашан

¹ Ѓада, со тукэ трэй тэ кэрэс пэ лэндэ, соб (кай) ту тэ высвэнцинэс лэн дрэ рашандэ Мánгэ: лэ екхэс гуруворэс (тельцос) гурувэндыр, и дуэн бакрэн би дошэнгиро, ² и пресна марэ (маца), и апресноки, пиримешиндлэ елеёса и пресна марикля, помакхнэ елеёса: парнэ гивэстыр кэр лэн, ³ и чхув лэн дро екх кхудо (корзина), и ян лэн дро кхудо, и кхэтанэ гуруворэс и дуэн бакрэн. ⁴ Ааронóс и лэскирэ чхавэн ян кэ загиибэн дрэ шатра ваш скэдыибэн, и обмор лэн панéса. ⁵ И лэ урибэна, и Ааронóс ури дро хитоно и дрэ упратуны риза, дро эфóдо и дро наперстнико, и обпхандэ лэс пир эфóдо; ⁶ и чхув лэскэ пэ шэрó кидаро, и прикэр диадэма свэнто пэ кидаро; ⁷ и лэ елеё тэ макхэс, и чхув лэс лэскэ пэ шэрó, и помакх лэс. ⁸ И ян адякэ-паць лэскирэ чхавэн, и ури лэн дрэ хитоны; ⁹ и обпхандэ лэн кустыкаса, Ааронóс и лэскирэ чхавэн, и чхув пэ лэндэ пхандлуня (повязки), и явэла лэнгэ дыно рашаибэн пир статýто пэ вéко; и пхэрдякир Ааронóскирэ и лэскирэ-чхавэнгирэ васта. ¹⁰ И

ян гурувóрэс ангíл шáтра ваш скэдыбéн, и чхувéна Аарóно и лэскирэ чхавé пэскирэ вастá пэ гуруворэскиро шэрó; ¹¹ и зачхин гурувóрэс ангíл Растэ-Дэвлэстэ ангíл загиибéн дрэ шáтра ваш скэдыбéн; ¹² лэ гуруворэскиро рат, и чхув тырэ ангуштэса (пальцоса) пэ алтарёскирэ шынга́ (ро́ги), а сарó рат вычхув пашы́л алта́рë; ¹³ лэ сарó чэкэ́н (ту́ко), савó учхакирэ́ла букэ́ (андратунé масá), и сальнико калé букэ́са (печонкаса), и дуй букорэ́ (почки) и ту́ко, савó исын пэ лэндэ́, и схачкир пэ алта́рë; ¹⁴ а гуруворэскиро мас и лэскири цы́па и лэскиро гнэ́ (мэста) схачкир пэ яг пал ста́но: дава́ – свéнто дыибéн (жэ́ртва) пал грéхо. ¹⁵ И лэ екхэ́с бакрэ́с, и чхувéна Аарóно и лэскирэ чхавé пэскирэ вастá пэ бакрэскиро шэрó; ¹⁶ и зачхин бакрэ́с, и лэ лэскиро рат, и брызгин пэ алта́рë сарé ригéндыр; ¹⁷ росчингир бакрэ́с пэ пашá, вымор лэскирэ букэ́ (андратунé масá) и лэскирэ гэ́ра и чхув лэн пэ росчингирдэ лэскирэ пашá и пэ лэскиро шэрó; ¹⁸ и схачкир сарé бакрэ́с пэ алта́рë. Давá исын цéло схачкирибéн Ра́скэ-Дэвлэ́скэ, гудло́ тхув, свéнто дыибéн, Ра́скэ-Дэвлэ́скэ. ¹⁹ Лэ и явирэ бакрэ́с, и чхувéна Аарóно и лэскирэ чхавé пэскирэ вастá пэ бакрэскиро шэрó; ²⁰ и зачхин бакрэ́с, и лэ лэскиро рат, и чхув пэ чачó (право) Аароноскиро кан пэ ягóро (краё) и пэ лэскирэ-чхавéнгиро чачó кан пэ ягóро, и лэ лéнгиро правонэ-вастэскиро барó ангу́шт (пальцо), и пэ лéнгиро правонэ-гэр'якиро барó ангу́шт; и обрызгин ратэ́са алта́рë сарé ригéндыр; ²¹ и лэ рат, савó исын пэ алта́рë, и макхибны́тко але́е, и брызгин пэ Аароно́стэ и пэ лэскирэ урибéна́, и пэ лэскирэ чхавéндэ́, и пэ лэскирэ-чхавéнгирэ урибéна́ лэ́са – и явéна высвэ́нцындлэ́ ё́нэ, ё́в и лэскирэ́ йди́, и лэскирэ́ чхавé и лéнгирэ́ урибéна́ лэ́нца. ²² И лэ бакрэ́стыр чэкэ́н и курдю́ко, и чэкэ́н, савó учхакирэ́ла букэ́ (андратунé масá), и сальнико калé букэ́стыр, и дуй букорэ́ и чэкэ́н, савó исын пэ лэндэ́, чачó (право) псикó, ²³ и лэ екх крэ́нгло ма́ро, екх ма́риклы пэ еле́е и екх апресно́ко кхудэ́стыр (корзинаты́р), савó исын ангíл Растэ-Дэвлэ́стэ, ²⁴ и чхув сарó пэ вастá Аароно́скэ и пэ лэскирэ-чхавéнгирэ вастá, и ян дава́, тринскири ангíл Ра́скирэ-Дэвлэ́скиро муй; ²⁵ и лэ дава́ лéнгирэ вастéндыр, и хачкир сарéса пэ алта́рë цéлонé схачкирибна́са сыр гудло́ тхув ангíл Растэ-Дэвлэ́стэ: дава́ исын свéнто дыибéн (жэ́ртва) Ра́скэ-Дэвлэ́скэ. ²⁶ И лэ ко́лын бакря́тыр тэ обсвэ́нцынэс, савó ваш Аароно́скэ, и ян лэс, тринскири ангíл Ра́скирэ-Дэвлэ́скиро муй, – и дава́ явéла ты́ри паш (до́ля); ²⁷ и обсвэ́нцын ко́лын, савó сыс трински́рдо, и псикó, савó сыс газдыно́, обсвэ́нцындлэ́ бакрэ́стыр, савó исын ваш Аароно́скэ и ваш лэскирэ́ чхавéнгэ́, ²⁸ и явéла дава́ Аароно́скэ и лэскирэ́ чхавéнгэ́ дро вéчно стату́то (уста́во), пал-дова́ со дава́ исын свéнто дыибéн газды́пнаса и дава́ явéла яныбéн Израилё́скирэ чхавéндыр, савó трэй, соб (кай) ё́в тэ явéл ангíл мирна́ свéнта дыибéна́ лэндэ́, дава́ явéла лéнгиро свéнто дыибéн газды́пнаса Ра́скэ-Дэвлэ́скэ. ²⁹ А обсвэ́нцындлэ́ урибéна́, савé исын ваш Аароно́скэ, пириджана́ коригэ́дыр (позже́дыр) лэ́стыр кэ́ лэскирэ́ чхавé, соб (кай) дрэ лэндэ́ тэ макхэ́с лэн и тэ высвэ́нцынэс лэн сыр раша́н; ³⁰ э́фта́ дывэ́са́ трэй, соб (кай) тэ урьелпэ́ дрэ лэндэ́ чхавé лэскирэ́ чхавéндыр, савó тэрдéла пэ лэскиро́ штéто сыр раша́й, савó явéла тэ заджа́л дрэ шáтра скэдыибна́скири тэ дына́ринэл пэ свéнто штéто. ³¹ Бакрэ́с, савó сыс обсвэ́нцындло, лэ, и кэ́рав лэскиро́ мас пэ свéнто штéто; ³² и мэ́к тэ схан Аарóно и лэскирэ́ чхавé сарó бакрэ́скиро мас кхудэ́стыр, пашы́л вудара́ дрэ шáтра скэдыибна́скири, ³³ пал-дова́ со далéса сыс кэ́рдó жу́жакирибэ́н тэ пири́дэ́н лéнгэ́ раша́ипэ́н, и тэ высвэ́нцякирэ́н лэн; явй́р ману́ш нашты́ тэ хал дава́, пал-дова́ со дава́ исын свéнто; ³⁴ а ко́ли вари-савó мас ячéлапэ́, со́са свэ́нцякирэ́нас и ма́ро кэ́ ра́нко, то схачкир лэ́с пэ яг, со я́цяпэ́: нашты́ тэ хас лэ́с, пал-дова́ со дава́ исын свéнто. ³⁵ И кэ́р Аароно́са и лэскирэ́ чхавéнца дро сарó а́дякэ́, сыр Мэ́ пхэ́ндём ту́кэ́; пал э́фта́ дывэ́са́ высвэ́нцынэ́са лэн. ³⁶ И гурувóрэс пал грéхо́ ян ка́жно дывэ́с ваш лэскиро́ жу́жакирибэ́н, и свéнто дыибéн (жэ́ртва) пал грéхо, соб (кай) тэ жу́жакирэ́л алта́рë и пома́кх лэ́с ваш лэскиро́ обсвэ́нцыныбэ́н; ³⁷ э́фта́ (битринéнгиро́ дэ́ш) дывэ́са́ жу́жакир алта́рë, и обсвэ́нцын лэ́с, и явéла алта́рë ба́ри свэ́нтыма: сарé, кон чила́вэ́ла алта́рë, освэ́нцынэ́напэ́.

Яныбэна пэ Кажно Дывэс

³⁸ Ёада, со ту явэса тэ янэс пэ алтарё: дуён бакрэн екхэ-бэршытконэн кажно дывэс саро часо; ³⁹ екхэс бакрэс ян злокостыр (ранкостыр), а явирэ бакрэс ян бэльвэлэ, ⁴⁰ и дэшто паш эфакири парнэ гивэстыр фэдэдыронэ яржэстыр, смешиндло штартонэ пашэса гиноса вытасадэ елееса, а тэ янэс тхадунэ свэнтэ дыибээн – штартэ паш гино молятыр (виностыр), ваш екхэ бакрэскэ; ⁴¹ явирэс бакрэс ян бэльвэлэ: яржэскирэ дароса, дасаво-паць сыр ранкоса (злокоса), и дасавэса тхадунэ-свэнтонэ дыибнаса ян лэс дрэ гудлэ тхув, дро ягуно свэнтэ дыибээн Рáскэ-Дэвлэскэ. ⁴² Давá явэла сыр цэло схачкирибээн саро часо дрэ тумарэ стрэчы (поколении) ангил вударá дрэ шáтра ваш скэдыибээн ангил Растэ-Дэвлэстэ, кай Мэ явáва тэ сыкадэвав тумэнгэ, соб (кай) тэ ракирав туса; ⁴³ одой Мэ явáва тэ сыкадэвав Израилэскирэ чхавэнгэ, и обсвэнцякирэлапэ давá штэто Мирэ славáса. ⁴⁴ И Мэ высвэнцякирава шáтра ваш скэдыибээн и алтарё; и Ааронóс и лэскирэ чхавэн высвэнцякирава, соб (кай) ёнэ свэнтэс тэ дынаринэн Мánгэ; ⁴⁵ и Мэ явáва тэ дживáв машкíр Израилэскирэ чхавэндэ, Мэ явáва лэнгэ Дэвлэса, ⁴⁶ и уджинэна, со Мэ сом Рай Дэвэл, лэнгиро Дэвэл, Савó вылыджия лэн Египтóскирэ пхувьятыр, соб (кай) Мánгэ тэ дживáв машкíр лэндэ. Мэ сом Рай Дэвэл, лэнгиро Дэвэл.

Шэрó 30

Пал Алтарё и пал Свэнта Дыибэна

¹ И кэр алтарё тэ хачкирэс гудлэ смóлы, ситимоскирэ вэшэстыр кэр лэс: ² длэнгипэн лэскэ тэ явэл кунь (локтё), и буглыпэн лэскэ тэ явэл кунь, соб (кай) ёв тэ явэл штарэ-вэнглытко; а вучипэн лэскэ тэ явэл дуй куня; лэстыр бангэ тэ выджан лэскирэ шынга (роги); ³ обчхув лэс жужэ сувнакаса, лэскиро упралыпэн и лэскирэ ригá трусцял (кругом), и лэскирэ шынга; и кэр кэ ёв сувнакуно крэнглыпэн (фризо) трусцял. ⁴ Тэл лэскиро крэнглыпэн, пэ дуй лэскирэ вэнглы, кэр дуй барэ ангрустя сувнакастыр; кэр лэн дуге лэскирэ ригэндэр; и явэна ёнэ чхуибнаса ваш баландиня (шосты), соб (кай) тэ лыджас лэс пэ лэндэ; ⁵ баландиня кэр вэшэстыр ситимо (акация), и обчхув лэн сувнакаса. ⁶ И чхув алтарё ангил полого, савó тэ явэл ангил ковчэго досыкаибнаса (откровенияса), кай Мэ явáва тэ сыкадэвав тукэ. ⁷ Пэ лэстэ Аарóно явэла тэ хачкирэл дрога смóлы (фимиáмо); кажно ранко, кели ёв скэдэла лампыды, явэла тэ хачкирэл дрога смóлы лэнгэ; ⁸ и кели Аарóно хачкирэла бэльвэлэ лампыды, ёв явэла тэ хачкирэл дрога смóлы (фимиáмо) лэнгэ: давá исын кажнóнэ тхувлякирибэн пэ кажно дывэс ангил Растэ-Дэвлэстэ дрэ тумарэ рóды. ⁹ На чхувэн пэ лэстэ нисавó явир тхувлякирибэн, ни цэло схачкирибэн, ни маруно яныбээн, и ни тхадунэ свэнтэ яныбээн на чхувэн пэ лэстэ. ¹⁰ И явэла тэ жужакирэл Аарóно свэнтонэ дыибнастыр лэскирэ шынга (роги) ёкхвар дрэ бэрш; ёв явэла лэс тэ жужакирэл ёкхвар дро бэрш дрэ тумарэ рóды жужакирдэ жэртвакирэ ратэса пал грэхó. Давá исын бари свэнтыма Растэ-Дэвлэстэ.

Ловé Тэ Выкинэн Дия

¹¹ И пхэндя Рай Дэвэл Мойзáскэ, ракири: ¹² “Кели ту явэса тэ кэрэс Израилэскирэ чхавэнгэ гиныбээн пир шэрэ ангил, сыр лэн тэ пиридыкхэн, то мэк кажно тэ дэл выкиныбээн пал пэскиро ди Рáскэ-Дэвлэскэ ангил лэнгиро пиригиныбээн, и на явэла машкирал лэндэ хашибнётка фрáнсы ангил лэнгиро гиныбээн; ¹³ кажно, кон заджала дро гиныбээн, исын бангó тэ дэл паш шэкелё, свэнцындло шэкелё; дро шэкелё биш геры, паш шэкелё тэ явэл яныбээн Рáскэ-Дэвлэскэ; ¹⁴ кажно, кон попэрэла дро пиригиныбээн бишэ бэршэндэр и бутыр, трэй, соб (кай) ёв тэ дэл яныбээн Рáскэ-Дэвлэскэ; ¹⁵ барвалó на бутэдэр и чорорó на тыкнэдэр сыр паш шэкелё трэй, соб (кай) ёнэ тэ дэн дро свэнтэ яныбээн Рáскэ-Дэвлэскэ, ваш лэнгирэ дия тэ выкинэн; ¹⁶ и лэ выкиныбнаскиро руп Израилэскирэ чхавэндэр, и мэк лэс дро рэндо пэ

скинияжири шáтра скэдыибнаскири тэ дынаринэн; и дава́ явэла ваш Израилёскирэ чхавэнгэ дро рипирибэн ангил Растэ-Дэвлэстэ, ваш тумарэ дия́ тэ выкинэн.”

Москиро Чарó Тэ Обморэспэ

¹⁷ И пхэндя́ Рай Дэвэл Мойзаскэ, ракири́: ¹⁸ “Кэр москэ чарó харкомáтыр (медятыр) тэ обморэспэ и тэл лэскирэ гэрá прэдкицо харкомáтыр, и чхув лэс машкíр скэдыибнаскири шáтра и машкирál алтáрë, и чхув дрэ лэстэ пани́; ¹⁹ и мэк Аарóно и лэскирэ чхавэ́ лэстыр исын тэ обморэн пэскирэ вастá и пэскирэ гэрá; ²⁰ кэли лэнгэ трэй тэ заджáн дрэ скэдыибнаскири шáтра, мэк ёнэ тэ обморэнпэ панéса, соб (кай) лэнгэ тэ на мэрэн; ци кэли лэнгэ трэй тэ подджан тэ явэн пашылэдýр кэ алтáрë тэ дынаринэн, тэ янэн цэла схачкирибэна Рáскэ-Дэвлэскэ, ²¹ мэк ёнэ тэ обморэн панéса пэскирэ вастá и гэрá, соб (кай) лэнгэ тэ на мэрэн; и явэла лэнгэ дава́ вéчно статýто, лэскэ и лэскирэ родóскэ дрэ лэнгирэ рóды.”

Свэ́нто Дзэт (Елеё) тэ Макхэс

²² И пхэндя́ Рай Дэвэл Мойзаскэ, ракири́: ²³ “Лэ пэскэ са́мо фэдэдýр лачхэ-кхандыпнытка чарьендыр (парфуны): сми́рна саматочно панджшэ́лá шéкели, гудлы кори́ца кхандуны паш проти дова́, дуй шэ́лá пандждэ́шá гудлы тришчы́на (троснико) дуй шэ́лá пандждэ́шá, ²⁴ касия панджшэ́лá шéкели, пир шéкелё́ обсвэнцындло, и оливи́тко дзэт гино; ²⁵ и кэр сарэ́стыр миро ваш обсвэнцыбнытко макхи́бэн, чхудо кхосы́бэн, дава́ явэла миро ваш макхи́бэн тэ обсвэнцынэс; ²⁶ и помакх лэ́са шáтра ваш скэдыибэн и ковчэ́го досыкаибна́са (откровения́са), ²⁷ и сками́нд и сарэ́ лэскирэ приборы́, и момолы́тко (свети́льнико) и сарэ́ лэскирэ приборы́, и кури́ныбнаскиро алтáрë (жэ́ртвенико), ²⁸ и алтáрë ваш цэла схачкирибэна и сарэ́ лэскирэ приборы́, и москиро чарó тэ обморэспэ (умыва́льнико) и лэскиро тэл прэдкицо; ²⁹ и высвэнцын лэн, и явэла бари свэ́нтыма: сарó, со причилавэ́лапэ кэ ёнэ, явэла освэнцындло; ³⁰ помакх и Ааро́нос и лэскирэ чхавэн, и высвэнцын лэн, соб (кай) ёнэ тэ явэн раша́я Ма́нгэ. ³¹ А Израилёскирэ чхавэнгэ пхэн: ‘Давá явэла Ма́ндэ макхи́бнаскиро миро тэ освэнцынэнпэ дрэ тумарэ рóды; ³² нашты́ тэ чхувэ́с дава́ миро пэ явирэ манушэ́ндэ, и пирó лэскиро чхуи́бэн (составо) на кэрэн дасаво-па́ць лэскэ. Ёв исын свэ́нтыма: трэй, соб (кай) свэ́нто ёв тэ явэл ваш тумэ́нгэ; ³³ кон чхувэ́ла дасаво-па́ць миро, ци кон лэ́са макхэ́ла явирэ́с манушэ́с, одова́ ману́ш хасё́ла пэскирэ манушэ́ндыр.”’ ³⁴ И пхэндя́ Рай Дэвэл Мойзаскэ: “Лэ пэскэ лачхэ-кхандыпнытка чарьендыр: стака́, они́хо, гудло́ халвано́ и жу́жó ливано́, сарó пир шэ́рá (ра́внэс), ³⁵ и кэр лэнды́р гудлэ́ смóлы (фими́амо) тэ хачкирэ́с, дасаво чхуи́бэн, сыр кэрэ́ла спе́цо пир парфуны́ (парфю́меро): лондо́, жу́жó, свэ́нто. ³⁶ И ростасав (ростолки́н) лэс хурдэ́с (дробнэ́с), и чхув лэс ангил ковчэ́го досыкаибна́са (откровения́са), дрэ шáтра скэдыибнаскири, кай Мэ́ ява́ва тэ сыкадэ́вав ту́кэ, дава́ явэла бари свэ́нтыма ваш тумэ́нгэ; ³⁷ на кэрэн пэскэ́ гудлэ́ смóлы (фими́амо), кэрдо́ пир дава́ чхуи́бэн, свэ́нтонэ́са мэк тэ явэл ёв ту́тэ ваш Рáскэ-Дэвлэскэ; ³⁸ кон кэрэ́ла дасаво, соб (кай) тэ тхувляки́рэн лэнца́, одова́ ману́ш тэ хасё́л пэскирэ манушэ́ндыр.”

Шэ́ро 31

Спе́цы тэ Чхувэ́н Шáтра (Ски́ния)

¹ И пхэндя́ Рай Дэвэл Мойзаскэ: ² “Ды́кх, Мэ́ чхува́ва украт (как раз) Веселеи́лос, Урия́скирэ чхавэ́с, Оровоски́рэ чхавэ́с, Юда́скирэ роды́щóстыр; ³ и Мэ́ лэс пхэ́рдяки́рдём Дэвлэ́скирэ Ду́хóса (Фано́са), годы́пна́са, годя́са, джи́ныбна́са и ка́жнóнэ́ иску́ствоса, ⁴ тэ вы́думинэл вучэ́-масте́ритка тхана́ тэ кэрэл бу́ты сувна́ка́са, рупэ́са и харкома́са (медя́са), ⁵ тэ чхинэл куч ба́ра ваш чхуи́бэн андра́л опра́ва и тэ вы́чхинэл вэ́ш, соб (кай) тэ кэрэ́с ка́жно рэ́ндó; ⁶

и, гада, Мэ дава лэскэ помогибнаскирэн Аголиавос, Ахисамаховоскирэ чхавэс, Даноскирэ родыцостыр, и дро кажно годьварэскиро ило мэ чхувава годыпэн, соб (кай) ёнэ тэ кэрэн саро, со Мэ припхэндём тукэ: ⁷ шатра скэдыбнаскири и ковчэго досыкаибнаса (откровенияса) и дэнко (крышка) пэ лэстэ, и саро, со трэй ваш шатра, ⁸ и скаминд, и со трэй ваш лэскэ, и момолытко (светильнико) жужэ сувнакастыр и сарэ приборы, со трэй ваш лэскэ, и алтарё тэ тхувлякирэс гудлэ смолы (фимиамы), ⁹ и алтарё ваш цэло схачкирибэн, и саро, со трэй ваш лэскэ, и москэ чаро (умывальнико) и прэдкицо тэл лэстэ, ¹⁰ и урибэна тэ дынаринэл рашаса и свэнта урибэна рашаскэ Аароноскэ, и лэскирэ чхавэнгэ урибэна ваш свэнто дынарибэн, ¹¹ и дзэт (елеё) тэ макхэс и гудлэ смолы тэ хачкирэс ваш свэнто штэто; саро адякэ, сыр Мэ пхэндём тукэ, ёнэ кэрэна.”

Закóно Пал Сáвато (Субóта)

¹² И пхэндя Рай Дэвэл Мойзаскэ: ¹³ “Пхэн адякэ Израилёскирэ чхавэнгэ: ‘Сáваты (суботы) Мирэ раххэн, пал-дова со-дава со знамении (гертыка) машкир Мандэ и тумэндэ дрэ тумарэ роды, соб (кай) тумэ тэ джинэн, со Мэ сом Рай Дэвэл, Саво свэнцякирэла тумэн; ¹⁴ и раххэн сáвато, пал-дова со ёв исын свэнто ваш тумэнгэ: кон магирэла лэс, одова мэк тэ явэл отдынó мэрибнаскэ; кон лэла тэ кэрэл дрэ дава дывэс вари-сави буты (рэндо), дова ди исын бангó тэ явэл хасякирдо пэскирэ манушэндэр; ¹⁵ шов дывэса мэк тэ кэрэн рэндо, а пэ эфтáто (битринэнгиро дэшто) дывэс сáвато тэ откхинён, ёв исын отдынó Рáскэ-Дэвлэскэ: кажно, кон кэрэла рэндо дро саватоскиро дывэс, мэк тэ явэл отдынó мэрибнаскэ; ¹⁶ и мэк тэ раххэн Израилёскирэ чхавэ сáвато, тэ свэнкинэн сáвато дрэ пэскирэ роды, сыр вечно завето; ¹⁷ дава исын гертык (знамении) машкир Мандэ и Израилёскирэ чхавэндэ пэ véко, пал-дова со пал шов дывэса Дэвэл создыя болыбэн и пхув, а пэ эфтáто дывэс откиныя.” ¹⁸ И кэли Дэвэл пирияця тэ ракирэл Мойзаса пэ бэрга Синаё, Ёв дыя лэскэ дуй таблицы (скрижáли) досыкаибнаса (откровенияса), барунэ скрижáли, пэ савэ чхиндло сыс Дэвлэскирэ ангиштэса.

Шэрó 32

Сувнакунó Гуруворо

¹ Кэли манушá дыкхнэ, со Мóйза гарá (длүгэс) на джáла тэлэ бэргáтыр, то скэдынэпэ кэ Аарóно и пхэндлэ лэскэ: “Ушты, и кэр амэнгэ дэвлорэс, савó тэ джал ангил амэндэ; пал-дова со адалэ манушэса, Мойзаса, савó вылыджия амэн Египтóскирэ пхувьятыр, амэ на джинаса, со кэрдяпэ лэса.” ² И пхэндя лэнгэ Аарóно: “Вылэн сувнакунэ чэня, савэ исын дрэ тумарэ-ромненгирэ канá, тумарэ чхавэнгирэ и тумарэ чхаенгирэ, и янэн кэ мэ.” ³ И сарэ манушá вылынэ пэскирэ канэндэр сувнакунэ чэня, и яндлэ кэ Аарóно. ⁴ Ёв лыя лэн лэнгирэ вастэндэр, и кэрдя лэндэр вычхудэс гуруворэс, и обкэрдя лэс далтаса (резцоса). И пхэндлэ ёнэ: “Гáда, исын дэвлоро тырó, Израилё, савó вылыджия тут Египтóскирэ пхувьятыр!” ⁵ Дыкхí дава, Аарóно чхудя ангил лэстэ алтарё, и пхэндя Аарóно: “Атася явэла свэнко Рáскэ-Дэвлэскэ.” ⁶ Пэ явир дывэс ёнэ уштынэ тасярлэс (рэнэс), и яндлэ цэла схачкирибэна, и яндлэ мирна свэнта дыибэна: и бэшнэ манушá тэ хан и тэ пьен, а коригэдýр (позжэдýр) уштынэ тэ кхэлэн. ⁷ И пхэндя Рай Дэвэл Мойзаскэ: “Сыгнэдыр джá тэлэ; пал-дова со розмэкнэпэ тырэ манушá, савэн ту вылыджиян Египтóскирэ пхувьятыр; ⁸ ёнэ сыг отгинэ дромэстыр, савó Мэ упхэндём лэнгэ: ёнэ кэрдэ пэскэ вычхудэ гуруворэс, и клониндлэпэ лэскэ (кэрдэ шэрэса), и яндлэ лэскэ свэнта дыибэна, и пхэндлэ: ‘Гáда, исын тырó дэвлоро, Израилё, савó вылыджия тут Египтóскирэ пхувьятыр!’” ⁹ И пхэндя Рай Дэвэл Мойзаскэ: “Мэ дыкхáва адалэ манушэн, и гада, манушá адалэ, ёнэ – пхарэ-шэритка; ¹⁰ и адякэ мэк Ман, мэк тэ захачол Миро холякирибэн пэ лэндэ, и Мэ домарава лэн, и кэрáва тýтыр барó народо.” ¹¹ Нэ Мóйза лыя тэ примангэл Рас-Дэвлэс, Пэскирэ Дэвлэс, и пхэндя: “Мэк тэ на захачол, Раё Дэвла, Тырó холякирибэн пэ Тырэ манушэндэ, савэн Ту вылыджиян барэ зорьяса и зоралэ

вастэса Египтоскирэ пхувьятыр, ¹² соб (кай) Египтяни тэ на ракирэн: ‘Пэ хасибэн Ёв вылыджия лэн, соб (кай) тэ мулякирэс лэн дрэ бэрги и тэ домарэс лэн пхувьякирэ мостыр;’ рйскир Тырo хачкирдо холямипэн, и отпарув Тырэ-манушэнгиро хасякирибэн; ¹³ пририпир Авраамос, Исаакос и Израилё, Тырэ писхарьён, савэнгэ Ту совлахадян Пэса, ракири: ‘Мэ убарьякирава тумарo родo, сыр болыбнаскирэ чэргеня, и сари дая пхув, пал сави Мэ пхэндём, Мэ дава тумарэ родоскэ, и явэна вечна хулая.’” ¹⁴ И отрискирдя Рай Дэвэл холы, пал сави пхэндя, со янэла ла пэ Пэскирэ манушэндэ. ¹⁵ И рисия и гия тэлэ Мойза бэргатыр; дро лэскиро васт сыс дуй скрижали досыкаибнаса (откровенияса), пэ савэ сыс чхиндлo дуге ригэндыр: и пэ доя и пэ явир риг сыс чхиндлo; ¹⁶ скрижали сыс Дэвлэскири буты, и со сыс чхиндлo пэ скрижали, сыс Дэвлэскирэ чхиныбнаса. ¹⁷ И шундя Исусо (Ёхошуа) зан манушэнгири, савэ годлэнас, и пхэндя Мойзаскэ: “Сави исын марибнытко гoдла дро стано.” ¹⁸ Нэ Мойза пхэндя: “Давá нанэ гoдла одолэнгирэ манушэнгири, савэ пиризорьякирдэ дро марибэн, и на роибэн манушэнгири, савэн домардэ; мэ шунава багаибнытко зан.” ¹⁹ Кэли ёв подгия кэ стано и дыкхця гуруворэс и кхэлыбэн, тэды ёв захачия холяса, и чхурдыя пэскирэ вастэндыр скрижали, и розмардя лэн тэл бэрга; ²⁰ и лыя гуруворэс, саво ёнэ кэрдэ, и хачкирдя лэс дрэ яг, рострииндя лэс дро прахо, и росчхудя пир пани, и дыя лэс тэ пьен Израилёскирэ чхавэнгэ. ²¹ И пхэндя Мойза Аароноскэ: “Со кэрдэ тукэ адалэ мануша, со ту залыджиян лэн дрэ барo грэхo?” ²² Нэ Аароно пхэндя: “Мэк тэ на захачол бутыр холы мирэ хуласкири; ту джинэс адалэ манушэн, со ёнэ исын бибахталэ. ²³ Ёнэ пхэндлэ мангэ: ‘Кэр амэнгэ дэвлорэс, саво тэ джал ангил амэндэ; пал-довá со, со Мойзаса, адалэ манушэса, саво вылыджия амэн Египтоскирэ пхувьятыр, амэ на джинас, со лэса кэрдяпэ’.” ²⁴ И мэ лэнгэ пхэндём: ‘Конэстэ исын сувнакай, злэн пэстыр’. И отдынэ мангэ; мэ чхурдыём лэс дрэ яг, и выгия дава гуруворо.” ²⁵ Мойза дыкхця, со адалэ манушэн на обрикирэса, пал-довá со Аароно домэкця, со лэн нашты тэ обрикирэл, кэ ладж ангил лэскирэ вэргэндэ (врогэндэ). ²⁶ И тэрдия Мойза дрэ станоскирэ (табороскирэ) вударá и пхэндя: “Кон исын пэ риг Рáскирэ-Дэвлэскири, – джáн кэ мэ!” И скэдынэпэ кэ ёв сарэ Левиёскирэ чхавэ. ²⁷ И ёв пхэндя лэнгэ: “Адýкэ ракирэла Рай Дэвэл, Дэвэл Израилёскиро: ‘Чхувэн кажно пэскири куртáла пэ пэскиро пашварo, проджан пир стано вударэндыр кэ вудáр и палэ, и замарэн кажно пэскирэ пшалэс, кажно пэскирэ малэс, кажно пэскирэ пашатунэс.’” ²⁸ И кэрдэ Левиёскирэ чхавэ пир Мойзаскиро лав: и хасинэ дро довá дывэс манушэндыр пашыл трин тысёнцы (барá) манушэн. ²⁹ Пал-довá со Мойза пхэндя: “Ададывэс отдэн тумарэ вастá Рáскэ-Дэвлэскэ, кажно дрэ пэскирэ чхавэстэ и пэскирэ пшалэстэ, мэк тэ бичхавэл ададывэс Ёв тумэнгэ бахтыкирибэн.” ³⁰ Пэ явир дывэс Мойза пхэндя манушэнгэ: “Тумэ кэрдэ барo грэхo; и адýкэ мэ джáва упрэ кэ Рай Дэвэл, соб (кай) тэ вымангав тэ отмэкэл тумарo грэхo.” ³¹ И рисия Мойза кэ Рай Дэвэл, и пхэндя: “Адалэ мануша кэрдэ барo грэхo: кэрдэ пэскэ сувнакунэ дэвлорэс; ³² отмэк лэнгиро грэхo лэнгэ, а кóли над, тэды кхос криг и ман Тырэ лылварьятыр, дрэ сави Ту зачхиндян.” ³³ И Рай Дэвэл пхэндя Мойзаскэ: “Одолэс, кон кэрдя грэхo ангил Мándэ, Мэ кхосава криг Мирэ лылварьятыр (книгатыр); ³⁴ и адýкэ джá, лыджа адалэ манушэн, карик Мэ тукэ пхэндём; гáда, Миро Янгóло джáла ангил тýtэ, и дро Миро дывэс, сыр Мэ явáва тэ чхував кáра, Мэ заджава кэ ёнэ пал лэнгиро грэхo.” ³⁵ И чхудя мэрибнытко кáра Рай Дэвэл пэ манушэндэ пал гуруворэстэ, саво кэрдя Аароно.

Шэрo 33

Припхэныбэн тэ Ячкирэт Синаё

¹ И пхэндя Рай Дэвэл Мойзаскэ: “Джá адатхыр, ту и мануша, савэн ту вылыджиян Египтоскирэ пхувьятыр, пэ пхув, пал сави Мэ совлахадём Авраамоскэ, Исаакоскэ и Яковоскэ, ракири: ‘Тырэ-чхавэнгирэ родоскэ Мэ дава ла.’” ² И ангил тýtэ бичхавáва Мэ Янгóлос, и традава криг Хананеен, Амореен, Хетеен, Ферезеен, Евеен и Евусеен, ³ [и лыджáла Ёв тумэн-р.с.] пэ пхув, кай тхадэла тхуд и авгйн; пал-довá со Мэ Кокорo на джáва машкир тумэндэ, соб (кай) тэ на хасякирав Мánгэ тумэн пир дром, пал-довá со тумэ сан

манушá пхарé-илытка.”⁴ Манушá шундлэ холямó давá лав, зарондлэ, и никон на чхудя пэ пэстэ пэскирэ шукарьякирибэна (прикэдыибэна).⁵ Палдава со Рай Дэвэл пхэндя Мойзаскэ: “Пхэн Израилёскирэ чхавэнгэ: ‘Тумэ сан пхарé-илытка манушá; коли Мэ джава машкир тумэндэ, то тэды Мэ дрэ екх мэнта (минута) хасякирава тумэн; и адякэ злэн пэстыр шукарьякирибэна пэскирэ; Мэ явава тэ дыкхав, со Мánгэ тэ кэрáв тумэнца.’”⁶ Израилёскирэ чхавэ злынгэ пэстыр шукарьякирибэна пэскирэ пашыл Хоривоскири бэрга.

Мойза Стрэнинэлапэ Раса-Дэвлэса

⁷ Мойза лыя и чхудя пэскэ шáтра пал стáно, дурáл станостыр, и кхардя ла шáтра скэдыибнаскири, и кажно, кон родыя Рас-Дэвлэс, явэлас дрэ шáтра скэдыибнаскири, сави сыс палó стáно.⁸ И кэли Мойза джалас кэ шáтра, сарé манушá уштэнас, и кажно тэрдэлас пашыл загиибэн дро пэскири шáтра и дыкхця дро Мойзаскиро слядо, пака ёв заджалас дрэ шáтра.⁹ Кэли Мойза заджалас дрэ шáтра, тэды змэкэласпэ облокоскиро стýлбо и тэрдэлас пашыл загиибэн дрэ шáтра, и Рай Дэвэл ракирдя Мойзаса.¹⁰ И дыкхнэ сарé манушá облокоскиро стýлбо, савó сыс тэрдó пашыл загиибэн дрэ шáтра и уштэнас сарé манушá, и кажно кэрдя шэрэса (клониндяпэ) пашыл загиибэн дрэ пэскири шáтра.¹¹ И ракирдя Рай Дэвэл Мойзаса муй пэ муй, сырбы ракирдя кон пэскирэ малэса; и ёв рисия дро стáно; а лэскиро дынари Исýсо (Ёхошуá), Навиноскиро чхавó, тэрнó, на отджалас шатратыр.

Мойзаскири Пáтери (Молítва)

¹² Мойза пхэндя Рáскэ-Дэвлэскэ: “Гáда, Ту ракирэса мánгэ: ‘Лыджа адалé манушэн’, а дыян тэ джинав мánгэ, конэс бичхавэса мánца, мэк (хоць). Ту пхэндян: ‘Мэ джинóm тут пир лав, и тýtэ исын лáска дрэ Мирé якхá’;¹³ и адякэ, коли мэ латхём (ластем) лáска дрэ Тырэ якхá, тэды мэ мангáва; сыкáв мánгэ Тырó дром, соб (кай) мэ тэ джинав Тут, соб (кай) тэ латхав лáска дрэ Тырэ якхá; и дэпэ мыслякэ, со адалé манушá исын Тырэ манушá.”¹⁴ Рай Дэвэл пхэндя: “Мэ Кокорó джава [Миро очэртаниё-ю.о.], и лыджава тут дро штýлыпэн (покоё).”¹⁵ Мойза пхэндя Лэскэ: “Кóли Ту на джáса Кокорó амэнца, тэды и на лыджа амэн адатхыр,¹⁶ палдава со пир со тэ уджинас, со мэ и Тырэ манушá латхям лáска дрэ Тырэ якхá? Ци на пир давá, кэли Ту джáса амэнца? Тэды мэ и Тырэ манушá явáса тэ выдаспэ славутнэдыр кажнóнó явирэ манушэндыр пэ пхув.”¹⁷ И пхэндя Рай Дэвэл Мойзаскэ: “И давá пал со ту ракирдян, Мэ кэрáва, пал-довá со ту латхян лáска дрэ Мирé якхá, и Мэ джинóm тут пир лав.”¹⁸ Мойза пхэндя: “Сыкáв мánгэ Тырi слáва (барипэн).”¹⁹ И пхэндя Рай Дэвэл: “Мэ лыджава ангил тýtэ сарi Мирi слáва, и барьякирава ангил тýtэ лав Иегова (Яхвá), и конэс тэ примангэс, Мэ примангава, конэс тэ потангинэс – Мэ потангинава.”²⁰ И палó довá Ёв пхэндя: “Миро муй наштý тýкэ тэ дыкхэс, пал-довá со манушэскэ наштý тэ дыкхэл Ман и тэ ячэлпэ джидэса.”²¹ И пхэндя Рай Дэвэл: “Гáда, исын Мánдэ штéто, тэрдёв пэ дая скáла;²² кэли явэла тэ джал Мирi слáва, Мэ чхувава тут дрэ скалакири респхарадыибэн, и учхакирава тут Мирé вастэса, пака Мэ проджава;²³ и кэли Мэ злава Миро васт, ту дыкхэса Ман палалэстыр, а Миро муй на явэла бицялó.”

Шэрó 34

Мойза Кэрэла Нэвэ Скрижáли (Таблицы)

¹ И пхэндя Рай Дэвэл Мойзаскэ: “Вычингир далтаса (резцоса) пэскэ дуй скрижáли (таблицы) барунé, дасавé-паць, савé сыс ангил лэндэ, и Мэ чхинáва пэ далé скрижáли лавá, савé сыс ангил лэндэ, савé ту розмардян;² и кэр сарó кэ ранко, и джá упрé пэ бэрга Синаё ранкоса, и тэрдёв ангил Мánдэ одóй пэ бэргáкиро вучипэн;³ нэ никонэскэ наштý тэ джал упрé тýса, и никон наштý тэ сыкадёл пэ сарi бэрга; ни тыкнó, и ни барé кхэрýтка мурдалá (барó ското), наштý, соб (кай) ёнэ тэ чаравэнпэ пашыл дая бэрга.”⁴ И вычингирдя далтаса (резцоса)

Мойза дуй барунэ скрижали, дасавэ сыр сыс англэдёр, и, уштыи пэ ранко, гия упрэ пэ бэрга Синаё, сыр пхэндя лэскэ Рай Дэвэл; и лыя дрэ пэскирэ васта дуй барунэ скрижали. ⁵ И гия тэлэ Дэвэл дро облоко, и тэрдия одой пашыл лэстэ, и выпхэндя Лэскиро лав Игова (Яхвэ). ⁶ И прогия Рай Дэвэл ангил лэскиро муй, и пхэндя: “Рай Дэвэл, Рай Дэвэл (Яхвэ), Дэвэл, Савэскэ исын дрога мануша и Саво тангинэла, Саво гарá (длугэс) вырикирэла и бут тангэ-илытко и чачуно, ⁷ Саво раххэла ласка ваш тысёнцы манушэнгэ, Саво отмэкэла банг и чорипэн, и грэхо, Саво на ячкирэла би отпхэныбнаскиро, Саво чхувэла кара пал дадэнгири банг дрэ чхавэндэ и чхавэнгирэ чхавэндэ кэ трито и штáрто рóдо.” ⁸ Мойза дова-паць моменто пыя пэ пхув, и кэрдя шэрэса (клониндяпэ) Рáскэ-Дэвлэскэ, ⁹ и пхэндя: “Кóли тэ явэл ласка ваш мánгэ дрэ Тырэ якхá, Раё Барó, тэды мэк тэ джал Рай Барó машкёр амэндэ; пал-дová со адалэ мануша исын пхарэ-шэритка. Отмэк амарó чорипэн и грэху амарэ, и кэр амэн Тырэ прилыбнаскирэнца (наследникэнца) ваш Тырó мэкно миштыпэн.”

Завето Нэвякирдо

¹⁰ И Рай Дэвэл пхэндя: “Гáда, Мэ счхувава завето (доракирибэн): ангил сарэ тырэ манушэндэ Мэ кэрава дивы, савэ на сыс пир сарй пхув и ни савэ манушэндэ; и дыкхэна сарэ мануша, машкёр савэндэ Ту сан, Мирй Дэвлэскири буты; пал-дová со дарано явэла дова, со Мэ кэрава ваш тукэ; ¹¹ зрáкх дова, со Мэ ракирава тукэ аканá: “Гáда, Мэ вытрадава тырэ мóстыр Амореен, Хананеен, Хетеен, Фerezеен, Евееен, и Евусеен; ¹² дыкх, на заджá дрэ малыпэн (дружба) одолэ-пхувьякирэ манушэнца, пэ савй ту заджаса, соб (кай) ёнэ тэ на кэрэнпэ фэляса (сеткаса) машкёр тумэндэ. ¹³ Алтáри лэнгирэ роскэдэн, стылбы лэнгирэ пхагирэн, вычингирэн лэнгирэ свэнта вэладиня (рошчы), ¹⁴ пал-дová со тукэ нашты тэ мангэспэ явирэ дэвлорэскэ, априч Растэ-Дэвлэстэ; пал-дová со лав Лэскиро-Ревнителё (Зэвлынари); Ёв исын Дэвэл Зэвлынари. ¹⁵ На заджá дрэ малыпэн одолэ пхувьякирэ манушэнца, соб (кай), кэли ёнэ явэна тэ кэрэн блэндо палал пэскирэ дэвлорэндэ и тэ янэн свэнта дыибэнá пэскирэ дэвлорэнгэ, тэ на кхарэн и тут, и ту, соб (кай) тэ на хас бы лэнгирэ свэнта дыибэнá (жэртвы); ¹⁶ на лэ лэнгирэ чхаендыр пэскирэ чхавэнгэ ромнен, соб (кай) лэнгирэ чхай, савэ кэрэна блэндо палал пал пэскирэ дэвлорэндэ, тэ на залыджан и тырэ чхавэн дро блэндо палал пал пэскирэ дэвлорэндэ. ¹⁷ На кэр пэскэ вычхудэ дэвлорэ. ¹⁸ Опреснокэнги́ро свэнко рахх: эф́та (битринэнги́ро дэш) дывэ́са ха пресно марó, сыр Мэ пхэндём тукэ, дро упхэндлó чхонэскиро часо Авиво, пал-дová со дро чхон Авиво ту выгиян Египтóстыр. ¹⁹ Сарэ, кон роскэрэла лочовй (ложэсны) Мánгэ, сыр и сарó тырó кхэритко мурдál (ското) муршытконэ родóстыр, кон роскэрэла лочовй, гурувэндэр и бакрэндэр; ²⁰ англáтунэ (пэ́рвонэ) бияныпнытконэн ослэндэр запарув бакрэса, а кóли на запарувэса, тэды выкин лэс; сарэн англáтунэн (пэ́рвонэн) тырэ чхавэндэр выкин; мэк тэ на явэн ангил Мирó муй чхучэ вастэнца. ²¹ Шов дываса кэр буты, а пэ эф́тáто дывэс откхинёв; откинёв и дро часо, кэли почхувэна дрэ пхув и укэдэна. ²² И свэнкин свэнко седмица (эф́туны), свэнко, кэли лэна тэ укэдэн пшэница (парной гив) и свэнко скэдыибэн плодэнги́ро пэ бэршэскиро кóнцо (ягóро); ²³ трин мóлы дрэ бэрш тумэ сан бангэ тэ явэн сарэ тырэ муршá ангил Рáскирэ-Барэскиро муй, Рáскирэ-Дэвлэскиро, Израилёскирэ Дэвлэскиро, ²⁴ палдová, со Мэ традава криг манушэн тырэ мóстыр, и кэрава барыдыр тырэ пхувьякиро штéто, и никон на закамэла тырй пхув, кóли ту явэса тэ явэс ангил Рáскирэ-Дэвлэскиро, тырэ Дэвлэскиро муй, трин мóлы дро бэрш. ²⁵ На чхув рат Мирé свэнтонé яныбнастыр пэ квашэно, и свэнто дыибэн (жэ́ртва) ваш свэнко Патрадй нашты, соб (кай) тэ ратькирэл кэ ранко. ²⁶ Сама англáтунэ тырэ пхувьякирэ барьякирдэ (плóды) ян дрэ Рáскирэ-Дэвлэскиро, тырэ Дэвлэскиро Кхэр. На кэрав бузнорэс (козлёнкос) дрэ лэскирэ-дакиро тхуд. ²⁷ И пхэндя Рай Дэвэл Мойзáскэ: “Чхин пэскэ далэ лавá, пал-дová со далэ лавэнца Мэ кэрава завето (доракирибэн) туса и Израилёса.” ²⁸ И сыс одой Мойза Растэ-Дэвлэстэ штáрдэшá дывэ́са и штáрдэшá ратя, на хая марó, и на пия пани; и чхиндя пэ скрижали доракирибнаскирэ лавá, дэшэ-лавэнги́ро (дэштуно). ²⁹ Кэли Мойза джáлас тэлэ Синаёскирэ бэргáтыр, и дуй скрижали досыкаибна́са (откровенияса) сыс Мойзастэ дрэ васт, и сыр ёв джáлас тэлэ бэргáтыр, то тэды Мóйза на

джиндя, то лэскиро муй яця тэ зяинэл лучэнца (лункэнца) долэстыр, со Дэвэл ракирдя лэса. ³⁰ И дыкхця Аароно и сарэ Израилёскирэ чхавэ Мойзас, и гада, лэскиро муй зяинэлас, и дарандынэ тэ подджан кэ ёв. ³¹ И кхардя лэн кэ пэ Мойза, и явнэ кэ ёв Аароно и сарэ скэдыибаскирэ барыдыра, и ракирдя Мойза лэнца. ³² Палó (после) дава явнэ сарэ Израилёскирэ чхавэ, и ёв роспхэндя лэнгэ сарó, со ракирдя лэскэ Рай Дэвэл пэ бэрга Синаё. ³³ И кэли Мойза пирияця тэ ракирэл лэнца, тэды ёв чхудя пэ пэскиро муй похтан тэ учхакирэл. ³⁴ Кэли Мойза заджала ангил Рáскирэ-Дэвлэскиро муй, соб (кай) тэ ракирэл Лэса, тэды ёв злэлас похтан, пака ёв выджала; а выгии роспхэнэлас Израилёскирэ чхавэнгэ сарó, со пхэндлó сыс. ³⁵ И дыкхнэ Израилёскирэ чхавэ, со зяинэлас Мойзаскиро муй, и Мойза нэвэс чхувэлас похтан тэ учхакирэл пэскиро муй, ангил дова, сыр ёв заджалас тэ ракирэл Лэса.

Шэрó 35

Закóно Пал Сáваты

¹ И скэдыя Мойза сарó Израилёскирэ-чхавэнгиро скэдыибэн, и пхэндя лэнгэ: “Гáда, со припхэндя Рай Дэвэл тэ кэрэн: ² ‘Шов дывэсá кэрэн рэндэ (бутя), а эфтáто дывэс тумэндэ трэй, соб (кай) тэ явэл свэнтонэса, сáвато (субóта) откхиныбэн Рáскэ-Дэвлэскэ: кажно (свáко), кон явэла тэ кэрэл дрэ лáтэ рэндó, отдынó явэла мэрибнáскэ; ³ на хачкирэн яг дрэ сарé тумарэ кхэрá пэ саватоскиро дывэс.”

Свэнта Яныбэнá

⁴ И пхэндя Мойза сарé Израилёскирэ-чхавэнгирэ скэдыибнаскэ: “Гáда, со припхэндя Рай Дэвэл: ⁵ Скэдэн пэстыр яныбэн Рáскэ-Дэвлэскэ: кажно пэскирэ илэстыр, со ёв сашты тэ янэл Рáскэ-Дэвлэскэ сыр свэнто яныбэн, сувнакай, руп, харкóма (медь), ⁶ вылна голубовонэ, пурпуронэ и чэрвлёнонэ цвятоса (мастиняса), и висоно, и бузнякири (козакири) вылна, ⁷ цыпи бакранэ лолэ, и цыпи синя (барсукутка), и ситимо вэш, ⁸ и елеё ваш момолытко (светильнико), и ароматытка чарья ваш дова, соб (кай) тэ хачкирэл гудлэ тхувэса (дымоса), ⁹ бар ониксо и барá, соб (кай) тэ чхувэс андрé ваш эфóдо и ваш наперстнико (жылетка). ¹⁰ И кажно тумэндэр, кон исын годó и лачхó илэса, мэк тэ явэл и тэ кэрэл сарó, со припхэндя Рай Дэвэл: ¹¹ шáтра и лáкиро учхакирибэн и лáкиро упратуно учхакирибэн, лáкирэ нанглорэ и бруски, лáкирэ баландиня (шосты), лáкирэ стýлбы и лáкирэ прэдкицы тэл гэрá, ¹² ковчэго и лэскирэ баландиня, дэнко (крышка) и полого (завеса) тэ закэрэл дром, ¹³ скамýнд и лэскирэ баландиня и сарé лэскирэ приборы (судинки), и свэнцона марé, ¹⁴ и момолытко ваш свéто лэскирэ приборэнца, и лэскирэ лампы и елёё (дзэт) ваш свéто, ¹⁵ и алтáрё ваш хачкирибэн смолэнгиро и лэскирэ баландиня, и макхибнаскиро елеё, и ароматытка чарья, и полого кэ скиниякиро загиибэн, ¹⁶ алтáрё ваш цéло схачкирибэн и ваш лэскэ харкуны (медно) ришотка, и лэскирэ баландиня (шосты) и сарé приборы лэскирэ, москэ чарó (умывальнико) и лэскиро прэдкицо тэл гэрá, ¹⁷ грэдакирэ (двороскирэ) убладытка шырмы (завесы), лэскирэ стýлбы и лэнгирэ прэдкицы тэл гэрá, и шýрма пашýл загиибэн пэ грéда (двóро), ¹⁸ шатракирэ килэ, и грэдакирэ килэ и лэнгирэ шолэ, ¹⁹ тханунэ урибэнá тэ дынаринэн, пэ свэнто штéто, и свэнта урибэнá Ааронóскэ рашáскэ и лэскирэ чхавэнгэ ваш свэнто буты рашáса.”

Яныбэнá Ваш Шáтра

²⁰ И гия криг сарó скэдыибэн Израилёскирэ чхавэндэр Мойзастыр. ²¹ И явэнас сарé, савэн лыджия кэ дова илó, и сарé, савэн джингадя дýхо, и лыджинэ яныбэн Рáскэ-Дэвлэскэ тэ кэрэн скэдыибнаскири шáтра и ваш сарó, со трэй ваш лáкэ и ваш свэнта урибэнá; ²² и явэнас ромá ромнэнца, и сарé, конэскиро илó лыджия лэн, и яндлэ прикэрдя (брошки), чэня,

ангрустя пэ васт, кулоны (мирикля), и кажно сувнакунэ предметы, кажно (свако), кон камдя тэ янэл сувнакай Рáскэ-Дэвлэскэ; ²³ и кажно, конэстэ сыс вылна голубовонэ, пурпуронэ и чэрвлёнонэ цвятоса (мастиняса), висоно и бузнякири вылна, цыпи бакранэ лолэ и цыпи синэ, одова мануш янэлас лэн; ²⁴ и кажно, кон янэлас сыр свэнто дыибён руп ци харкома (медь), янэлас дава дро даро Рáскэ-Дэвлэскэ; и кажно, конэстэ сыс вэш ситимо, янэлас дава вэш пэ кажно трэбима ваш шáтра; ²⁵ и сарэ джувля, лачхэ илэса, кхудэ пэскирэ вастэнца и янэнас пряжа (тхава тэ кхувэс) голубовонэ, пурпуронэ и чэрвлёнонэ цвятоса и висоно; ²⁶ и сарэ джувля, савэн тырдыя илэ, савэ джиндлэ тэ кхувэн, кхудэ бузненгири вылна (козэнгири); ²⁷ тхагарья (князи) янэнас бар ониксо и бара тэ чхувэн ваш эфодо и наперстнико (жылетка), ²⁸ адякэ-паць ароматытка чарья тэ тхувлякирэн, и елеё (дзэт) ваш момолытко (светильнико) и ваш дова, соб (кай) тэ чхувэн макхибнаскиро елеё и ваш фимиáмо (дрога смóлы); ²⁹ и сарэ муршá и джувля Израилёскирэ чхавэндыр, савэн тырдыя илэ тэ янэн пэ кажно рэндо, саво Рай Дэвэл пир Мойзастэ припхэндя тэ кэрэн, янэнас пир пэскиро илэ даро Рáскэ-Дэвлэскэ.

Спецы (Мастеры), Савэн Кхардя Дэвэл

³⁰ И пхэндя Мóйза Израилёскирэ чхавэнгэ: “Дыкхэн, Рай Дэвэл выкэдыя укрat (пир лав) Веселеилос, Уриискирэ чхавэс, Ораскирэ чхавэс, Юдáскирэ родыцостыр. ³¹ И Ёв пхэрдякирдя лэс Дэвлэскирэ духóса, годяса, галыибнаса, лыджиибнаса тэ джинэл и одаримаса (искуствоса) кэ кажно буты, ³² тэ чхувэл паркали узорэнца (тхана), тэ кэрэл вастытка бутя сувнакастыр, рупэстыр и харкомáтыр (медятыр), ³³ и тэ вычхинэл далтаса бара тэ чхувэл лэн дрэ оправица, и тэ чхинэл вэш, и тэ кэрэл кажно саны буты; ³⁴ и, соб (кай) лэстэ тэ явэл илэ тэ сыклякирэл явирэн, чхудя дро лэскиро илэ, и дро илэ Аголиавоскиро, Ахисамаховóскирэ чхавэскиро, Данóскирэ родыцостыр. ³⁵ Ёв, Рай Дэвэл, пхэрдякирдя лэнгири илэ годяса, соб (кай) тэ кэрэл кажно буты, сави кэрэла вычхиныбнари (резчыко) и сави кэрэла одаримо кхувибнари (ткачо) и высуибнари (вышывальшчыко) пир голубово, пурпурно, чэрвлёно и висоньтко паркалэ (тхан), и кхувибнари, саво кэрэла кажно буты и чхувэла санэ-бутякирэ паркали (тхана).

Шэрó 36

¹ И лыя тэ кэрэл буты Веселеило и Аголиаво и сарэ годэ илэса, савэнгэ Рай Дэвэл дыя годы и галыибён, соб (кай) тэ джинэн тэ кэрэн кажно буты, сави трэй ваш свэнто штэто, сыр припхэндя Рай Дэвэл.

Манушá Дóна Бутыр, Сыр Трэй

² И кхардя Мóйза Веселеилос и Аголиавос и сарэн годэ илэса, савэнгэ Рай Дэвэл дыя годы, и сарэ, конэскиро илэ тырдыя тэ явэн пашылэдыр кэ буты и тэ кэрэн буты. ³ И лынэ ёнэ Мойзастыр сарó яныбён, савэ яндлэ Израилёскирэ чхавэ, пэ трэбима ваш свэнто штэто, соб (кай) тэ кэрэн буты. Нэ усаэкх на пириячнэ тэ лыджан кэ ёв пир пэскиро илэ яныбён кажно злоко (ранко). ⁴ Тэды явнэ сарэ годэ илэса (спецы), савэ кэрдэ рáзна бутя пэ свэнто штэто, кажно пэскирэ бутятыр, савьяса, кон залыяпэ, ⁵ и пхэндлэ Мойзáскэ: “Манушá янэна бутыр, сыр трэй ваш буты, сави припхэндя тэ кэрэл Рай Дэвэл.” ⁶ И припхэндя Мóйза, и сыс дыно тэ джинэн сарэнгэ дро стáно, соб (кай) ни мурш, ни джувлы тэ на кэрэн бутыр ничы ваш яныбён пэ свэнто штэто; и пириячнэ манушá тэ лыджан. ⁷ А скэдыно материалó (запасо), саво ухтылэлас (сыс дóси) пэ кажна бутя, савэ трэиндя тэ кэрэл, и аж яцяпэ.

Веселеило Чхувэла Шáтра (Скíния)

⁸ И кэрдэ сарэ годэ илэса, савэ залэнаспэ скиниякирэ бутяса пэ шáтра: дэш цэрги (дэки) крэнцононэ висонóстыр и голубовонэ, пурпуронэ и чэрвлёнонэ вылнáтыр; и херувимы кэрдэ ёнэ пэ лóндэ высудэ бутяса; ⁹ длэнгипэн кажнонэ цэргакиро сыс биш тэ эфтá куня (логци), и буглышэн кажнонэ цэргакиро сыс штар куня: сарэ цэргэнгэ екх барипэн (размеро). ¹⁰ И кхэтанякирдя ёв (Веселеило) пандж цэрги екх явирьяса, и явир пандж цэрги кхэтанякирдя екх явирьяса. ¹¹ И кэрдя ёв фэля (петли) голубовонэ цвятоса пэ ягóро (краё) екхэ цэргакиро, кай ёв кхэтанякирэлáпэ явирьяса; адякэ-паць кэрдя ёв и пэ ягóро (краё) палатунэ (последнёнэ) цэргакиро, ваш лáкиро кхэтанякирибэн явирьяса; ¹² пандждэшá фэля (петли) ёв кэрдя дрэ екх цэрга, и пандждэшá фэля (петли) кэрдя пэ ягóро явирэ цэргакиро, кай ёй кхэтанякирэлáпэ явирьяса; далэ фэля (петли) подджанас екх явирьяса; ¹³ и кэрдя ёв пандждэшá нанглорэ (крючки) сувнакунэ, и далэ нанглорэнца ёв кхэтанякирдя екх цэрга явирьяса, и яця шáтра екх цэло. ¹⁴ Коригэдыр (позже) ёв кэрдя цэрга бузнякирэ (козакирэ) вылнáтыр тэ учхакирэн шáтра: дэшукх цэрги дасавэ кэрдя; ¹⁵ длэнгипнаса цэрга сыс трийнда куня, и буглыпнаса цэрга сыс штар куня: дэшукхэ цэргэнгэ сыс екх барипэн. ¹⁶ И кхэтанякирдя ёв пандж цэрги ишчо (инкэ) мóло и шов цэрги ишчо (инкэ) мóло пир екх (отдельнэс). ¹⁷ И кэрдя ёв пандждэшá фэля (петли) пэ ягóро (пэ краё) крайнёнэ цэргакиро, кай ёв кхэтанякирэлáпэ явирьяса, и пандждэшá фэля (петли) кэрдя пэ цэргакиро ягóро, савó кхэтанякирэлáпэ явирьяса; ¹⁸ и кэрдя ёв пандждэшá харкунэ нанглорэ (медитка крючки) тэ учхакирэн кхэтанякирибэн, соб (кай) тэ счхувэлпэ екх цэло. ¹⁹ И кэрдя ваш шáтра полого лолэ бакранэ цыпэндыр и упралэстыр учхакирибэн синёнэ (барсукирконэ) цыпэндыр. ²⁰ И кэрдя ёв бруски ваш шáтра вэшэстыр ситимо, савэ сыс тэрдэ мамуй (прямэс). ²¹ Дэш куня сыс брусоскиро длэнгипэн, и екх пашэса сыс кунь дро буглышэн кажнонэ брусоскиро; ²² дро кажно бусо сыс пир дуй шыпы, екх проти явирэстэ: адякэ ёв кэрдя сарэ шатракирэ бруски. ²³ И кэрдя ваш скíния дасавэ биш бруски ваш паш-дывэсытко риг (южно), ²⁴ и штардэшá рупувэ прэдкицы тэл гэрá кэрдя тэл биш бруски: дуй прэдки (падножыи) тэл гэрá тэл екх бруско ваш лэскирэ дуй шыпы, и дуй прэдки тэл гэрá тэл явир бруско ваш лэскирэ дуй шыпы; ²⁵ и ваш явир шатракири риг, кэ паш-рат (северо), кэрдя биш бусы, ²⁶ и штардэшá рупувэ прэдкицы тэл гэрá: дуй прэдки тэл гэрá тэл екх бусо, и дуй тэл гэрá прэдки тэл явир бусо; ²⁷ а ваш палатуны шатракири риг кэ западо, кэрдя ёв шов бусы, ²⁸ и дуй бусы ёв кэрдя ваш вэнгло дрэ шáтра пэ палатуны риг; ²⁹ и сыс ёнэ кхэтанякирдэ тэлáл и кхэтанякирдэ упрэ кэ екх бари ангрусты: адякэ ёв кэрдя лэнца дуенца пэ дуй вэнглы; ³⁰ и сыс охтó бусы, и рупувэ прэдки тэл гэрá дэшушов пир дуй прэдки тэл гэрá тэл кажно бусо. ³¹ И кэрдя баландиня (шосты) вэшэстыр ситимо (акация), пандж ваш бусы екхэ-шатракирэ ригáтыр, ³² и пандж баландиня ваш бусы явирэ-шатракирэ ригáтыр, и пандж баландиня ваш бусы палатунэ-шатракирэ ригáтыр; ³³ и кэрдя андратуны баландин, сави продолалас бы пир машкирál барэ-ангрустякиро екхэ ягорóстыр кэ явир; ³⁴ бруски обчхудя сувнакаса, и барэ ангрустя, дрэ савэ чхувэнапэ палэ баландиня, кэрдя сувнакастыр, и баландиня обчхудя сувнакаса. ³⁵ И кэрдя шырма голубовонэ, пурпуронэ и чэрвлёнонэ вылнáтыр и крэнцонэ висонóстыр, и высудэ санэ бутяса кэрдя ёв пэ латэ херувимы; ³⁶ и кэрдя ваш лáкэ штар стýлбы ситимостыр и обчхудя лэн сувнакаса, сувнакунэ нанглорэнца (крючкэнца), и вычхудя ёв ваш лэнгэ штар рупувэ прэдки тэл гэрá. ³⁷ И кэрдя ёв шырма кэ шатракиро загиибэн голубовонэ, пурпуронэ и чэрвлёнонэ вылнáтыр и крэнцононэ висонóстыр, высудэ санэ бутятыр, ³⁸ и пандж стýлбы ваш лáкэ нанглорэнца (крючкэнца); и обчхудя лэнгиرو вучипэн и лэнгиرو спхандыпэн сувнакаса, и вычхудя пандж харкунэ (медитка) прэдки тэл гэрá.

Шэрó 37

Сыр Кэрдэ Ковчэго (Мохтó) Досыкаи́бна́са

¹ И кэрдя Веселеило ковчэго (мохтó) ситимоскирэ вэшэстыр; лэскиро длэнгипэн сыс дуй куня пашэса, буглыпэн лэскиро сыс екх пашэса кунь и лэскиро вучипэн сыс екх пашэса кунь; ² и обчхудя лэс андрэ и яврестыр жужэ сувнака́са, и кэрдя трусцял (кругом) лэстэ сувнакуны́ вьянка (фризо); ³ и вычхудя ёв ваш ла́кэ штар сувнакунó барэ ангрустя́, пэ штар лэскирэ тэлатунé вэнглы: дуй брэнчы пэ екх лэскири риг, и дуй брэнчы пэ лэскири явир риг. ⁴ И кэрдя баландиня́ (шосты) ситимоскирэ вэшэстыр, и обчхудя лэн сувнака́са; ⁵ и чхудя баландиня́ дрэ барэ ангрустя́, пир ковчэгоскирэ рига́, соб (кай) тэ лыджан ковчэго. ⁶ И кэрдя дэнко (крышка) жужэ сувнака́стыр: лэскиро длэнгипэн сыс дуй куня пашэса, а буглыпэн сыс екх пашэса кунь. ⁷ И кэрдя дуй херувимы сувнака́стыр: чэканнонэ бутяса кэрдя лэн пэ дуй заучхакирибнаскирэ ягóры, ⁸ екх херувимо екхэ ягорóстыр, а явир херувимо явирэ ягорóстыр: ёв кэрдя херувимы далэ дуге ягорэндыр адя́кэ, со ёнэ заджанас пал ягóры пэ дэнко. ⁹ И сыс херувимы, савé газдынó упрé пхакэнца, и учхакирэна́с пэскирэ пхакэнца (крылэнца) дэнко, а пэскирэ муенца сыс рискирдэ екх кэ екх; кэ дэнко сыс херувимэнгирэ муя́.

Сыр Кэрдэ Скамíнд Свэнцонэ Марэ́са

¹⁰ И кэрдя Веселиило ситимоскирэ вэшэстыр скамíнд длэнгипна́са дрэ дуй куня́, буглыпна́са сыс дрэ кунь и вучипна́са дрэ екх пашэса кунь, ¹¹ и обчхудя лэс жужэ сувнака́са, и кэрдя трусцял (кругом) пашы́л лэстэ сувнакуны́ вьянка (фризо); ¹² и кэрдя трусцял лэстэ ванты́ (сцяны) дрэ бурнык (ладошка) и кэрдя сувнакуны́ вьянка пашы́л лэскирэ ванты́; ¹³ и вычхудя ваш лэскэ штар сувнакунó барэ ангрустя́, и чхудя брэнчы пэ штар вэнглы, паш штар лэскирэ гэрорья́; ¹⁴ пэ ягóры пашы́л кэ ванты́ сыс барэ ангрустя́, соб (кай) тэ учхувэн андрэ баландиня́ тэ лыджан скамíнд; ¹⁵ И кэрдя ёв баландиня́ (шосты) вэшэстыр ситим, и ёв обчхудя лэн сувнака́са тэ лыджан скамíнд, ¹⁶ тóньчи ёв кэрдя кхорé (сасу́ды), савó трэй кэ скамíнд: чарé (блюды), кадила, кучика (кружки) и тахтая́ (чашы), соб (кай) тэ чхувэн лэнца, жужэ сувнака́стыр.

Сыр Кэрдэ Сувнакунó Момолы́тко

¹⁷ И кэрдя жужэ сувнака́стыр момолы́тко (свети́льнико), чэканно кэрдя момолы́тко; лэскири гэрóй (стеблэ́), лэскирэ рандя́ (вэ́тки), лэскирэ тахтаёрэ́ (чашэ́чки), пхаба́ лэскирэ и лулудя́ (цвэ́ты) лэскирэ выджана́с лэстыр; ¹⁸ шов рандя́ выджана́с лэскирэ ригэндыр: трин момолы́тконэскирэ рандя́ екхэ лэскирэ рига́тыр, и трин рандя́ момолы́тконэскирэ явирэ лэскирэ рига́тыр; ¹⁹ трин тахтаёрэ́, савé здэна́спэ (поджана́с) пэ миндально лулудёри (цвятко́), пхабай и лулудя́ пэ екх рандь, и трин тахтаёрэ́, савé здэна́спэ пэ миндально лулудёри (цвятко́), пхабай и лулудя́ пэ явир рандь: адя́кэ пэ сарé шов рандя́, савé выджана́с момолы́тконэстыр; ²⁰ а пэ момолы́тконэскири гэрóй (стеблэ́) сыс штар тахтаёрэ́, савé здэна́с (поджана́с) пэ миндально лулудёри пхабэнца́ и лулуденца́; ²¹ тэл шов рандя́, савé выджана́с лэстыр, сыс пхабай тэл англатунé дуй рандя́, и пхабай тэл явир дуй рандя́, и сыс пхабай тэл трита́ дуй рандя́; ²² лэнгирэ́ пхаба́ и лэнгирэ́ рандя́ выджана́с лэстыр; сарó ёв сыс чэканно, цёло́, жужэ сувнака́стыр. ²³ И кэрдя кэ ёв эфта́ лампады́, и шчы́пцы (цы́мты) кэ ёв и лотки кэ ёв, жужэ сувнака́стыр; ²⁴ талантостыр жужэ сувнака́стыр ёв кэрдя лэс сарé лэскирэ приборэнца́.

Сыр Кэрдэ Алтаре

²⁵ И кэрдя ёв алтаре тэ хачкирэн фимиамо (гудлэ смолы) ситимоскирэ вэшэстыр: длэнгипэн лэскиро сыс кунь и буглыпэн лэскиро сыс кунь, штарэ-вэнглытко, вучипэн лэскиро дуй куня; лэстыр выгинэ лэскирэ шынга (роги); ²⁶ и обчхудя лэс жужэ сувнакаса, лэскиро вучипэн и лэскирэ рига трусцял (кругом) пашыл, и лэскирэ шынга, и кэрдя кэ ёв сувнакуня вянка (фризо) трусцял; ²⁷ тэл лэскири вянка пэ дуй лэскирэ вэнглы кэрдя ёв дуй сувнакуня барэ ангрустя; дие лэскирэ ригэндэр кэрдя лэн, соб (кай) тэ чхувэн дрэ лэндэ баландиня (шосты) тэ лыджан лэс; ²⁸ баландиня кэрдя ёв ситимоскирэ вэшэстыр, и обчхудя лэн сувнакаса. ²⁹ И кэрдя миро ваш свэнто макхибэн и ароматытка чарья тэ хачкирэн, жужэ, спецоскирэ бутятыр тэ чхувэн лачхэ-кхандунэ (парфуны).

Шэро 38

Алтаре Ваш Цэло Схачкирибэн

¹ И кэрдя ёв алтаре ваш цэло схачкирибэн ситимоскирэ вэшэстыр длэнгипнаса дрэ пандж куня и буглыпнаса дрэ пандж куня (локти), штарэ-вэнглытко, вучипнаса дрэ трин куня; ² и кэрдя ёв шынга (роги) пэ штар лэскирэ вэнглы адякэ, со лэстыр выджана шынга (роги), и обчхудя лэс харкомаса (медяса). ³ И кэрдя ёв сарэ алтарёскирэ приборы кэ алтаре: пирья, лопатки, тахтая, бустя (видэлки) и угольницы; сарэ лэскирэ приборы кэрдя ёв харкоматыр (медятыр). ⁴ И кэрдя ёв ваш алтаре решетка, родо сеткакиро харкоматыр (медятыр), пир лэскири ягоро (краё) тэлал кэ лэскири паш; ⁵ и кэрдя штар барэ ангрустя пэ штар вэнглы харкуны (медно) решетка тэ чхувэн баландиня. ⁶ И кэрдя баландиня ситимоскирэ вэшэстыр, и обчхудя лэн харкомаса (медяса), ⁷ и чхудя андрэ баландиня дрэ барэ ангрустя пэ рига алтарёскирэ, соб (кай) тэ лыджан лэн лэнца; чхучо (пусто) андрал пхалендыр ёв кэрдя лэс.

Москэ Чаро (Умывальнико)

⁸ И кэрдя Веселиило москэ чаро (умывальнико) харкоматыр (медятыр) и лэскиро прэдко тэл гэрэ харкоматыр (медятыр) гононэ патриненца (рисункэнца), савэ лынэ джувлендыр, кон гожакирэла загиибэн дрэ скэдыибнаскири шатра.

Грэда (Дворо)

⁹ И кэрдя ёв грэда (дворо) пашыл-дивэсытконэ (южнонэ) ригатыр, кэ паш-дивэс, убладытка шырмы (завесы) крэнцононэ висоностыр, длэнгипнаса дрэ шэл куня; ¹⁰ стылбы ваш лэнгэ сыс биш и прэдки тэл гэрэ кэ ёнэ сыс биш харкоматыр (медитка); нанглорэ (крючки) пэ стылбы и лэнгирэ спхандыпэна сыс рупэстыр. ¹¹ И пир паш-ратитко сыс убладытка шырмы дрэ шэл куня; стылбы ваш лэнгэ сыс биш и основы кэ ёнэ сыс биш харкунэ (медитка); нанглорэ пэ стылбы и лэнгирэ спхандыпэна сыс рупэстыр. ¹² И пир западно (бэльвэлитко) риг убладытка шырмы сыс дрэ пандждэша куня, стылбы ваш лэнгэ сыс дэш, и прэдки тэл гэрэ сыс дэш, наглорэ пэ стылбы и лэнгирэ спхандыпэна сыс рупэстыр. ¹³ И англатунэ ригатыр кэ вастоко-убладытка шырмы дрэ пандждэша куня. ¹⁴ Пэ екх риг пэ грэдакири порта-убладытка шырмы дрэ дэшупандж куня; стылбы ваш лэнгэ трин, и основы кэ ёнэ сыс трин; ¹⁵ и ваш явир риг, пир дуй рига пэ грэдакири порта-убладытка шырмы дрэ дэшупандж куня и стылбы ваш лэнгэ трин, и прэдки тэл гэрэ кэ ёнэ сыс трин. ¹⁶ Сарэ убладытка шырмы пэ сарэ грэдакирэ рига сыс крэнцонэ висоностыр, ¹⁷ а основы тэл стылбы сыс харкоматыр (медятыр), нанглорэ (крючки) пэ стылбы и лэнгирэ спхандыпэна сыс рупэстыр; вучипэн лэнгиро сыс обчхудо рупэса, и сарэ стылбы дрэ грэда кхэтанякирдэпэ рупувэ спхандыипнаса.

Порта Дрэ Грэда

¹⁸ Шырма ваш порта дрэ грэда (двóро) сыс узорэнгирэ бутятыр, голубовонэ, пурпуронэ и чэрвлёнонэ вылнатыр и крэнцонэ висонóстыр, длэнгипнаса дрэ биш куня, вучипнаса дрэ пандж куня, пир сарó длэнгипэн, дасавэ-паць сыр грэдакири шырма; ¹⁹ и ваш лóнгэ сыс штар стылбы, и основы тэл стылбы сыс штар харкунэ (медйтка); нанглорэ лóндэ сыс рупувэ, а вучипэн лэнгиро сыс обчхудо рупэса, и лэнгиро спхандыпэн сыс рупувó. ²⁰ Сарé килэ пашыл шáтра (скíния) и грэда (двóро) сыс харкунэ (медйтка).

Материалы Ваш Скíния

²¹ Ѓáда, исын материалоскиро гиныбэн долэскэ, со гия ваш шáтра досыкаибнаса (скíния откровенияса), кэрдó пир Мойзáскиро припхэныбэн, и Левíты подынэ васт тэл дыкхибэн Ифамароскиро, Ааронóскирэ-чхавэскиро, рашаскиро. ²² А кэрдя сарó о Веселеило, со припхэндя Рай Дэвэл Мойзáскэ. Веселиило сыс Урияскиро чхавó, Ораскирэ-чхавэскиро, Юдáскирэ родыцóстыр, ²³ и лэса кэрдя буты Аголиаво, Ахисамахоскиро чхавó, Данóскирэ родыцóстыр, спецo-вычхиныбнари и вучэ-класоскиро кхувибнари и высуибнари пир голубово, пурпурно, чэрвлёно и висонытко паркалё (тхан). ²⁴ Сарó сувнакай, савó гия пэ рэндо (дéло) пэ сарí буты пэ свэнто штéто, сувнакай, савó яндлэ дро дáро, сыс биш тэ еня талáнты и эфташэлá триянда шéкели, пир пхарипэн дро шéкелё ваш свэнто штéто; ²⁵ И руп, савó гиндлэ скэдыибнаскирэ манушэндýр дро скэдыибэн, сыс шэл талáнты и тысёнцо (бар) эфташэлá эфтадэшá пандж шéкелё, пир пхарипэн дро шéкелё ваш свэнто штéто. ²⁶ Пир паш шéкелё манушэстыр пир пхарипэн пир шéкелё ваш свэнто штéто шовэ шэлэндýр тринэ тысёнцэндýр, панджé шэлэндýр пандждэшэ манушэндýр, кажнонэстыр, савэ загинэ дрэ гиныбэн, бишэ бэршэндýр и буты́р. ²⁷ Шэл талáнты руп гия пэ вычхуибэн ваш основы тэл стылбы пэ свэнто штéто и прэдки тэл гэрá пашыл шырмы; шэл основы шэлэ талантэндýр, пир таланто пэ екх основа; ²⁸ а тысёнцостýр (барэстыр) эфтá шэлэндýр эфтадэшэндýр панджэндýр шэкелендýр кэрдя ёв нанглорэ пэ стылбы и учхакирдя лэнгиро вучипэн, и кэрдя ваш лóнгэ спхандыпэн. ²⁹ Харкóма (медь), савí яндлэ дрэ дáро, сыс эфтадэшá талáнты и дуй тысёнцы штаршэлá шéкели; ³⁰ лáтыр кэрдя ёв тэл основы ваш стылбы пашыл загиибэн дрэ шáтра досыкаибнаскири, и харкуно (медно) алтáрэ, решотка медно ваш лэскэ, и сарé кхорэ ваш алтáрэ, ³¹ и основы ваш стылбы пэ грэда (двóро), основы ваш ударэнгирэ стылбы трусцял (кругом) грэда, и сарé шатракирэ килэ и сарé килэ пашыл грэда (двóро).

Шэрó 39

Урибэна Тэ Дынаринэн Дэвлэскэ

¹ Голубовонэ, пурпуронэ и чэрвлёнонэ вылнатыр кэрдэ ёнэ урибэна тэ дынаринэн (тэ кэрэн Дэвлэскири буты) пэ свэнто штéто; адякэ-паць кэрдэ ёнэ свэнта урибэна Ааронóскэ, сыр припхэндя Рай Дэвэл Мойзáскэ. ² И кэрдэ эфóдо сувнакастыр, голубовонэ, пурпуронэ и чэрвлёнонэ вылнатыр и крэнцонэ висонóстыр; ³ и розмардэ ёнэ сувнакай пэ листы и рочхиндлэ пэ тхава, соб (кай) лэн тэ чхувэс машкирál голубова, пурпурна, чэрвлёна и висонытка тхава, вучэ-класоскирэ бутятыр. ⁴ И кэрдэ лэскэ спхандыпнытка (нарамники); пэ дуй лэскирэ ягóры ёв сыс спхандло. ⁵ И эфодоскири кусты́к, савí сыс упрáл лэстэ, екхэ лэса бутяса, кэрдó сыс сувнакастыр, голубовонэ, пурпуронэ и чэрвлёнонэ вылнатыр и крэнцонэ висонóстыр, сыр припхэндя Рай Дэвэл Мойзáскэ. ⁶ И обкэрдэ ёнэ ониксостýр барá, чхуви лэн дрэ сувнакунэ оправицы и вычхиндлэ пэ лóндэ Израилёскирэ-чхавэнгирэ лавá, сыр вычхинэна пэ чэргэнорí (штампо); ⁷ и чхудя ёв (Веселеило) лэн пэ эфодоскиро нарамнико, ваш Израилёскирэ-чхавэнгиро рипирибэн, сыр пхэндя Рай Дэвэл Мойзáскэ. ⁸ И кэрдя ёв наперстнико (жылетка) вучэ-класоскирэ бутятыр, дасавэ кхудэ бутяса, сыр эфóдо, сувнакастыр, голубовонэ, пурпуронэ и чэрвлёнонэ вылнатыр и крэнцонэ висонóстыр; ⁹ ёв

сыс штарэ-вэнглытко; дуге ригэндур кэрдэ ёнэ наперстнико (жылетка) дрэ бурнык (пядень) длэнгипнаса и дрэ бурнык (пядень) буглыпнаса, дуге ригэндур ёв сыс; ¹⁰ и чхудэ андрэ дрэ лэстэ дрэ штар ряды барá. Рядоса: рубино, топазо, изумрудо (мириклэ), – дава́ екх рядо; ¹¹ дро явир рядо: карбункуло, сапфиро и алмазо (дыаманто); ¹² дро трито рядо: яхонто, агато и аметисто; ¹³ дро штáрто рядо: хризолит, ониксо и ясписо; и чхудэ ёнэ лэн дрэ сувнакунэ оправицы. ¹⁴ Барá сыс адакицы, ци бут сыс Израилёскирэ-чхавэнгирэ лавá: дэшудуй сыс лэн, адакицы ци бут лэнгирэ лавá, и пэ кажно лэндыр сыс вычхиндло, сыр чэргэнорí, пир екх лав, ваш дэшудуй рóды. ¹⁵ Кэ наперстнико кэрдэ ёнэ грэмба зандироря (цэпочки) крэнцононэ бутятур жужэ сувнакастыр; ¹⁶ и кэрдэ дуй сувнакунэ оправицы и дуй сувнакунэ барэ ангрустá, и прикэрдэ барэ ангрустá кэ дуй наперстникоскирэ ягóры (концы); ¹⁷ и уридэ дуй кхудэ сувнакастыр зандироря (цэпочки) дрэ дуй барэ ангрустá пир наперстникоскирэ ягóры (край), ¹⁸ А дуй ягóры (концы) пэ дуй зандироря прикэрдэ кэ дуй оправицы, и прикэрдэ лэн кэ эфодоскирэ нарамники пэ англатуны риг лэскири; ¹⁹ ишчо (инкэ) кэрдэ ёнэ дуй сувнакунэ барэ ангрустá, и прикэрдэ кэ дуй явир наперстникоскирэ ягóры, пэ доя риг, сави сыс андрэ кэ эфóдо; ²⁰ и ишчо (инкэ) кэрдэ дуй сувнакунэ барэ ангрустá, и прикэрдэ лэн кэ дуй нарамники эфодоскирэ тэлáл, англатунэ лэскирэ ригáтыр, пашыл лэскиро кхэтаниякирибэн пэ эфодоскири кустык; ²¹ и прикэрдэ ёнэ наперстнико (жылетка) лэскирэ барэ ангрустенца кэ эфодоскирэ барэ ангрустá шэлорэса голубовонэ вылнáтыр, соб (кай) ёв тэ явэл пэ эфодоскири кустык, и, соб (кай) тэ на отячэл наперстнико эфодостыр, сыр припхэндá Рай Дэвэл Мойзáскэ.

Сыр Кэрдэ Явир Ризы Рашáскэ

²² И кэрдá ёв упратуны риза кэ эфóдо, кхуды, сари голубовонэ вылнáтыр, ²³ и машкир упратуны риза кэрдá ёв отчхакирибэн, сыр отчхакирибэн дрэ панцырё, и пашыл лэстэ обсуибэн, соб (кай) тэ на кушэлпэ; ²⁴ пир подя упратунэ ризакири кэрдэ ёнэ пхаба́ голубовонэ, пурпуронэ и чэрвлёнонэ вылнáтыр; ²⁵ и кэрдэ жужэ сувнакастыр кудуноря (звонки) и убладэ кудуноря машкир пхаба́ пир подя упратуны ризакири трусцýл (кругом); ²⁶ кудунори (звонко) и пхабай, кудунори и пхабай пир подя трусцýл пашыл упратуно ризакиро ягóро, тэ дынаринэл, сыр пхэндá Рай Дэвэл Мойзáскэ. ²⁷ И кэрдэ ёнэ ваш Ааронóскэ и ваш лэскирэ чхавэнгэ хитоны кхудэ висонóстыр, ²⁸ и кидаро висонóстыр, и пхандлу́ня (повязки) пэ шэрó, висонóстыр и тэлáтунэ ризы (голо́ва) лёностыр (гандладэстыр) крэнцонэ висонóстыр, ²⁹ и кустык крэнцонэ висонóстыр и голубовонэ, пурпуронэ и чэрвлёнонэ вылнáтыр, высудэ бутятур пир узоро, сыр припхэндá Рай Дэвэл Мойзáскэ. ³⁰ И кэрдэ полировано пхалёри, свэнто диáдэма, жужэ сувнакастыр, и вычэрти́ндлэ пэ лáтэ чхиныбнаса, сыр вычхинэна пэ чэргэнорí (шта́мпо): “Свэнты́ма Дэвлэ́скири” ³¹ и прикэрдэ ёнэ кэ ёй шэлоро (шну́ро) голубовонэ вылнáтыр, соб (кай) тэ припхандэн ла кэ кидаро упрé, сыр припхэндá Рай Дэвэл Мойзáскэ. ³² Адыкэ кэрдэ сыс сари буты́ ваш скэдыибна́скири шáтра; и кэрдэ Израилёскирэ чхавé сарó, сыр припхэндá Рай Дэвэл Мойзáскэ, адыкэ и кэрдэ пир лав. ³³ И яндлэ кэ Мойза шáтра, поло́го, и сарé лакирэ приборы, лакирэ нанглогé, лакирэ бруски, лакирэ баландиня́ (шосты), лакирэ стýлбы и лакирэ тэлгэра прэ́дки, ³⁴ и шы́рма тэ учхакирэн бакранэ лóлэ цыпэндур, и шы́рма синэ цыпэндур и поло́го, савó учхакирэла, ³⁵ ковчэго досыкаибна́са (откровения́са) и лэскирэ баландиня́, и дэнко (кры́шка), ³⁶ ска́ми́нд сарé лэскирэ приборэ́нца и свэ́нтонэ марéса, ³⁷ момолы́тко жужэ сувнакастыр, лампы́ чхудэ пэ лэстэ и сарé лэскирэ приборы, и елеё ваш дуд (свэ́то), ³⁸ сувнакунó алтáрэ и макхи́бны́тко елеё, и фимиáмо (гудлэ смóлы тэ хачкирэн), и ублады́тко шы́рма кэ за́гийбэн дрэ шáтра, ³⁹ харкуно (медно) алтáрэ и харкуны решотка кэ ёв, лэскирэ баландиня́ и сарé лэскирэ приборы, москэ чарó и лэскирэ тэл’ гэра прэ́дки, ⁴⁰ шы́рмы грэ́дакирэ (двороскирэ), стýлбы и тэлгэра прэ́дки, ублады́тко шы́рма кэ вудáр грэ́дакиро, шэлэ и килэ и сарé приборы, савé трэй, соб (кай) тэ дынаринэн дрэ скэдыибна́скири шáтра, ⁴¹ урибэ́нá рашáнгирэ тэ дынаринэн пэ свэнто штéто, свэнта урибэ́нá Ааронóскэ рашáскэ, и урибэ́нá лэскирэ чхавэнгэ ваш свэнто буты́. ⁴² Сыр припхэндá

Рай Дэвэл Мойзаскэ, адякэ и кэрдэ Израилёскирэ чхавэ сарэ далэ бутя. ⁴³ И дыкхця Мойза сарі буты, и гада, ёнэ кэрдэ ла, сыр припхэндя Рай Дэвэл, адякэ и кэрдэ. И бахтякирдя лэн Мойза.

Шэро 40

Шатра (Скїния) Чхуды Скэдыны

¹ И пхэндя Рай Дэвэл Мойзаскэ: ² “Дрэ англатунó (пэрво) чхон, пэ англатунó дывэс чхонэскиро, чхув упрэ скэдыбнаскири шатра, ³ и чхув дрэ латэ ковчэго (мохто) досыкаибнаса (откровенияса), и учхакир ковчэго шырмаса; ⁴ и залыджа скамінд, и росчхув пэ лэстэ сарэ лэскирэ приборы, и ян момолытко (светільнико), и чхув пэ лэстэ лэскирэ лампы; ⁵ и чхув сувнакуно алтарё тэ хачкирэн дрога смóлы (фимиамо) ангил ковчэго досыкаибнаса (откровенияса), и чхув шырма пашыл загиибэн дрэ шатра; ⁶ и чхув алтарё ваш цэло схачкирибэн ангил загиибэн дрэ скэдыбнаскири шатра; ⁷ и чхув москэ чарó (умывальнико) машкирал скэдыбнаскири шатра и машкирал алтарё и чхув дрэ лэстэ пані; ⁸ и чхув грэда (двóро) трусцял и ублав шырма пэ грэдакири порта. ⁹ И лэ макхибнытко елеё (дзэт), и помакх шатра и сарó, со исын дрэ латэ, и обсвэнцын ла и сарэ лакирэ приборы, и ёй явэла свэнто; ¹⁰ помакх алтарё ваш цэло схачкирибэн и сарэ лэскирэ приборы, и свэнцякир алтарё, и явэла алтарё древан свэнто; ¹¹ и помакх москэ чарó (умывальнико) и лэскирэ тэл гэрá прэдки, и свэнцякир лэс. ¹² И ян Ааронóс и лэскирэ чхавэн кэ загиибэн дрэ скэдыбнаскири шатра и обмор лэн панеса, ¹³ и чхув пэ Аароностэ свэнта урибэнá, и помакх лэс и высвэнцын лэс, соб (кай) ёв тэ явэл Мánгэ рашаса. ¹⁴ И лэскирэ чхавэн ян, и ури лэн дрэ хитоны, ¹⁵ и помакх лэн, сыр помакхцян ту лэнгирэ дадэс, соб (кай) ёнэ тэ явэн Мánгэ рашанца, и лэнги́ро помакхибэн тэ высвэнцынэл лэн пэ ве́ки дрэ лэнгирэ ро́ды.” ¹⁶ И кэрдя Мойза сарó, сыр припхэндя лэскэ Рай Дэвэл, адякэ и кэрдя. ¹⁷ Дрэ англатунó (пэрво) явирэ – бэршэскиро чхон, пэ англатунé-чхонэскиро дывэс сыс чхуды упрэ шатра. ¹⁸ И чхудя Мойза шатра, чхудя лакирэ тэл гэракирэ прэдки ваш фунда́менто, чхудя лакирэ бруски, чхудя баландиня и чхудя лакирэ стылбы, ¹⁹ ростырдыя ёв учхакирибэн пэ шатра, и чхудя полого упрáл дава́ учхакирибэн, сыр пхэндя Рай Дэвэл Мойзаскэ. ²⁰ И лыя и чхудя досыкаибэн (откровения) дрэ ковчэго, и учхудя баландиня дрэ барэ ангрустя ковчэгоскирэ, и чхудя дэнко (крышка) пэ ковчэго упрáл. ²¹ И залыджия ковчэго дрэ шатра, и убладя шырма, и учхакирдя ковчэго досыкаибнаса (откровенияса), сыр пхэндя Рай Дэвэл Мойзаскэ. ²² И чхудя скамінд дрэ скэдыбнаскири шатра, пэ паш-раты́тко (северно) шатракири риг, пал полого, ²³ и росчхудя пэ лэстэ марэ рядоса ангил Растэ-Дэвлэстэ, сыр припхэндя Рай Дэвэл Мойзаскэ. ²⁴ И чхудя момолытко дрэ скэдыбнаскири шатра проти скамінд, пэ паш-дывэсы́тко (южно) риг дрэ шатра, ²⁵ и чхудя лампы ангил Растэ-Дэвлэстэ, сыр пхэндя Рай Дэвэл Мойзаскэ. ²⁶ И чхудя сувнакуно алтарё дрэ скэдыбнаскири шатра ангил полого. ²⁷ И захачкирдя пэ лэстэ дрога смóлы, сыр пхэндя Рай Дэвэл Мойзаскэ. ²⁸ И убладя шырма ангил загиибэн дрэ шатра; ²⁹ И алтарё ваш цэло схачкирибэн чхудя ёв ангил загиибэн дрэ скэдыбнаскири шатра, и яндя пэ латэ цэло схачкирибэн и маруно яныбэн, сыр пхэндя Рай Дэвэл Мойзаскэ. ³⁰ И чхудя москэ чарó (умывальнико) машкир скэдыбнаскири шатра и алтарё, и чхудя дрэ лэстэ пані ваш обморибэн, ³¹ и морэнас лэстыр Мойза и Аароно и лэскирэ чхавэ пэскирэ вастá и пэскирэ гэрá: ³² кели ёнэ заджанас дрэ скэдыбнаскири шатра и подджанас кэ алтарё, то ёнэ обморэнаспэ, сыр пхэндя Рай Дэвэл Мойзаскэ. ³³ И чхудя грэда (двóро) пашыл скїния и алтарё, и убладя шырма пэ порта грэдакири. И адякэ кэрдя Мойза рэндо.

Облоко и Барипэн

³⁴ И учхакирдя облоко скэдыбнаскири шатра, и барипэн Раскиро-Дэвлэскиро пхэрдякирдя шатра; ³⁵ и нашты́ сыс Мойзаскэ тэ заджал дрэ скэдыбнаскири шатра, пал-дова́ со обчхудя

ла облоко, и барипэн Рáскирэ-Дэвлэскиро пхэрдякирдя шáтра. ³⁶ Кéли газдэлáспэ облоко шатратыр, тэды джáнас дромéса Израилéскирэ чхавé дрэ сарé пэскирэ дромá; ³⁷ кóли на газдэлапэ облоко, то и ёнэ на джáнас дромéса, пака ёв газдэлапэ, ³⁸ пал-довá со Рáскирэ-Дэвлэскиро облоко сыс тэрдó упрáл шáтра дывэсэ, и яг сыс ратý дрэ лáтэ ангíл якхá сарé Израилéскирэ кхэрэскиро, дрэ сарé лóнгирэ дромá.

Трíто Мойзаскири Лылварí (Левито)

Шэрó 1

Пал Цéла Схачкирибэна

¹ И кхардý Рай Дэвэл Мойзáс, и пхэндý лэскэ скэдыибнаскирэ шатратыр, пхэни: ² “Пхэн Израилéскирэ чхавэ́нгэ и пхэн лóнгэ: кéли вари-кон тумэндýр камэла тэ янэл свéнто дыибéн (жэ́ртва) Рáскэ-Дэвлэскэ, тэды, кóли кхэритконé мурдалэндýр (скотóстыр), то соб (кай) тэ янэн тумé тумарó свéнто дыибéн гуртостыр ци стада́тыр: ³ кóли лэскиро свéнто дыибéн исын цéло схачкирибнаскиро дыибéн барé кхэритконé мурдалэндýр, мэк тэ янэл лэс му́ршканé родóстыр, тэ явэл ёв бидошóнгиро; мэк тэ янэл лэс кэ вударá скэдыибнаскири шáтра, соб (кай) лэскэ тэ латхэл лáска ангíл Растэ-Дэвлэстэ; ⁴ и чхувэла пэскиро васт пэ шэрó ваш цéло схачкирибнаскиро свéнто дыибéн, и латхэла ёв лáска, тэ жу́жакирэл ёв пэс грэхэндýр; ⁵ и за́чхинэла гурувóрэс (тельцос) ангíл Растэ-Дэвлэстэ. Ааронóскирэ чхавé, раша́я, мэк тэ янэн рат, и мэк тэ брызгинэн ратéса сарé ригэндýр пэ алта́рё, савó исын пашýл за́гиибéн дрэ скэдыибнаскири шáтра; ⁶ и злэла цýпа цéлонé-хачкирибнаскирэ свэ́нтонé дыибна́стыр, и росчингирэла лэс пэ пашá; ⁷ Ааронóскирэ чхавé, раша́я, чхувэна пэ алта́рё яг, и пэ яг росчхувэна кашта́; ⁸ и росчхувэна Ааронóскирэ чхавé, раша́я, пашá, шэрó и тýко (чэкэн) пэ кашта́, савé исын пэ яг пэ алта́рё; ⁹ а свэ́нтонé дыибнаскирэ пашá андрýпнастыр (букорé) и ла́кирэ гэрá выморэла ёв панéса, и схачкирэла рашáй сарó пэ алта́рё: да́ва исын цéло схачкирибéн, свéнто дыибéн, гудлó тхув Рáскэ-Дэвлэскэ. ¹⁰ Кóли лэскиро цéлонé-хачкирибнаскиро свéнто дыибéн тыкнэ кхэритконé мурдалэстыр, бакрэндýр ци бу́знендыр, мэк тэ янэл ёв му́ршканé родóстыр, тэ явэл ёв бидошóнгиро, ¹¹ и за́чхинэла лэс ангíл Растэ-Дэвлэстэ пэ паш-ратýтко (северно) алтарёскири риг, и Ааронóскирэ чхавé, раша́я, мэк тэ брызгинэн далé ратéса пэ алта́рё сарé ригэндýр; ¹² и росчингирэна лэс пэ пашá, отдэна да́ва шэрó и да́ва тýко (чэкэн), и росчхувэла лэн рашáй пэ кашта́, савé исын пэ яг, пэ алта́рё, ¹³ а пашá андрýпнастыр (букорé) и гэрá выморэла панéса, и сарó янэла рашáй, и пэ алта́рё схачкирэла, да́ва исын цéло схачкирибéн, свéнто дыибéн (жэ́ртва), гудлó тхув, Рáскэ-Дэвлэскэ. ¹⁴ Кóли ёв янэла Рáскэ-Дэвлэскэ чириклендыр цéло схачкирибéн, мэк тэ янэл пэскиро свéнто дыибéн горлицэндýр ци тэрнó голумбэндýр; ¹⁵ рашáй лэс янэла кэ алта́рё, и пхагирэла лэскэ шэрó, и схачкирэла пэ алта́рё, а рат вы́тасавэла кэ алтарёскири ва́нта; ¹⁶ лэскиро валё ла́кирэ порэнца отлэла и чхурдэла ла пашýл алта́рё пэ вастокоскири риг, кай исын пепло (прáска); ¹⁷ и пхагирэла ла (чирикля́) дрэ ла́кирэ пхака́ (крылы), на отлыи лэн, и схачкирэла ла рашáй пэ алта́рё, пэ кашта́, савé исын пэ яг: да́ва исын цéло схачкирибéн, свéнто дыибéн, гудлó тхув, Рáскэ-Дэвлэскэ.

Шэрó 2

Пал Марунó Яныбéн

¹ Кóли вари-конéстэ пэ илó тэ янэл Рáскэ-Дэвлэскэ марунó свéнто дыибéн, мэк тэ янэл яржó парнэ гивэстыр, и чхувэла пэ лэстэ елеё (оливítко дзэт), и чхувэла пэ лэстэ ливано, ² и янэла лэс кэ Ааронóскирэ чхавé, кэ раша́я, и лэла пхэрдý бурнык (жменя́) яржó елеёса и сарé

ливаноса, и схачкирэла рашай дава сыр рипирибэн пэ алтарё; дава исын свэнто дыибэн, гудло тхув, Рáскэ-Дэвлэскэ; ³ а со ячэла марунэ яныбнастыр, дова явэла Ааронóскэ и лэскирэ чхавэнгэ: дава исын най барэдýр свэнтыма Рáскирэ-Дэвлэскирэ свэнтонé дыибнастыр (жэртвэндýр). ⁴ Кóли янэса свэнто дыибэн сыр марунó яныбэн, савó исын пэкно дро бов, тэды ян пшенична марé пресна, пиримешындлэ елеёса, ци пресна марикля, помакхнэ елеёса. ⁵ Кóли тырó свэнто дыибэн исын марунó яныбэн скороведатыр (хичатыр), то тэды дава трэй тэ явэл пшенично яржó, пиримешындло елеёса, пресно; ⁶ роспахгир лэс пэ котэрá (куски), и чхув пэ лэстэ елеё: дава исын марунó яныбэн. ⁷ Кóли тырó свэнто дыибэн исын марунó яныбэн пирьятыр, то тэды трэй тэ кэрэл лэс пшеничнонэ яржэстыр елеёса (оливитконэ дзэтэса), ⁸ и ян марунó яныбэн, савó счхудо далэстыр, Рáскэ-Дэвлэскэ; отдэ лэс рашáскэ, а ёв лэс янэла кэ алтарё; ⁹ и лэла рашай далэ свэнтонé дыибнастыр паш сыр рипирибэн, и схачкирэла пэ алтарё: дава исын свэнто дыибэн, гудло тхув, Рáскэ-Дэвлэскэ; ¹⁰ а со ячэлапэ марунэ яныбнастыр, то мэк тэ явэл Ааронóскэ и лэскирэ чхавэнгэ: дай исын бари свэнтыма свэнтонé дыибнастыр (жэртвэндýр) Рáскэ-Дэвлэскэ. ¹¹ Ни савó марунó яныбэн, савó янэна Рáскэ-Дэвлэскэ, на кэрэн квашэно пэ дрожжы, пал-дова со ни квашэно, ни авгін нашты тумé тэ хачкирэн дро свэнто дыибэн Рáскэ-Дэвлэскэ; ¹² сыр яныбэн пэrvонé барьякирдэндýр (плодэндýр) янэна лэн Рáскэ-Дэвлэскэ, а пэ алтарё нашты тэ чхувэн лэн ваш гудло тхув. ¹³ Кажно тырó марунó яныбэн лондыкир лондэса, и на ячкир тырó свэнто дыибэн би лондэскиро тырэ Дэвлэскирэ заветостыр: кажнонэ тырэ яныбнаса ян лонд. ¹⁴ Кóли янэса Рáскэ-Дэвлэскэ пэrvонé барьякирдэндýр марунó яныбэн, ян дро дáро тырэ англатунé барьякирдэндýр, савэ исын колосэндýр, савэ вышутькирдэ пэ яг, ростасадэ зýрки, ¹⁵ и чхув пэ лэндэ елеё, и чхув пэ лэндэ ливано: дава исын марунó яныбэн; ¹⁶ и схачкирэла рашай сыр рипирибэн паш зýрки и елеё сарé ливаноса: дава исын свэнто дыибэн (жэртва) Рáскэ-Дэвлэскэ.

Шэрó 3

Мýрно Свэнто Дыибэн

¹ Кóли вари-конэскиро свэнто дыибэн исын мýрно (раманёно), и, кóли ёв янэла барé кхэритконé мурдалэндýр (скотóстыр), муршканэс ци джувликанэс, мэк тэ янэл лэс Рáскэ-Дэвлэскэ, тэ явэл ёв бидошэнгиро, ² и чхувэла пэскиро васт пэ пэскирэ-жэртвакиро шэрó, и зачхинэла лэс пашыл вудáр скэдыибнаскири шáтра; а Ааронóскирэ чхавé, рашай, побрызгинэна ратэса пэ алтарё сарé ригэндýр; ³ и янэла ёв мирнонэ жэртватыр дро свэнто дыибэн Рáскэ-Дэвлэскэ тýко (чэкэн), савó учхакирэла андратунé масá (букорé), и сарó чэкэн (тýко), савó исын пэ андратунé масá, ⁴ и дуй букорé (почки) и чэкэн (тýко), савó тэ явэл пэ лэндэ, савó исын пэ стэгны, и сальнико, савó исын пэ калó буко (печонка); букорэнца (почкэнца) ёв роскэдэла дава; ⁵ и Ааронóскирэ чхавé схачкирэна дава пэ алтарё кхэтанé цэлонé схачкирибнаса, савó исын пэ каштá пэ яг: дова исын свэнто дыибэн, гудло тхув, Рáскэ-Дэвлэскэ. ⁶ А кóли тыкнэ кхэритконé мурдалэндýр янэла ёв Рáскэ-Дэвлэскэ мýрно (раманёно) свэнто дыибэн, муршканó ци джувликано, мэк тэ янэл лэс, тэ явэл бидошэнгиро. ⁷ Кóли ёв янэла пэскиро свэнто дыибэн бакрэндýр, мэк тэ янэл лэс тэ явэл ангил Растэ-Дэвлэстэ, ⁸ и чхувэла пэскиро васт пэ шэрó пэскирэ жэртвакиро, и зачхинэла ла ангил скэдыибнаскири шáтра, и Ааронóскирэ чхавé побрызгинэна лáкирэ ратэса пэ алтарё сарé ригэндýр; ⁹ и мэк тэ янэл мирнонэ жэртватыр Рáскэ-Дэвлэскэ дро свэнто дыибэн лáкиро чэкэн, сарó курдюко, отчихины лэс пир сáмо хребтоскиро кокало, и чэкэн (тýко), савó заучхакирэла андратунé масá (букорé), и сарó чэкэн, савó исын пэ андратунé масá, ¹⁰ и дуй букорé (почки) и чэкэн, савó исын пэ лэндэ, савó исын пэ стэгны, и сальнико, савó исын пэ калó буко (печонка); букорэнца ёв откэдэла дава; ¹¹ рашай схачкирэла дава пэ алтарё; дава исын ягакиро марó – свэнто дыибэн Рáскэ-Дэвлэскэ. ¹² А кóли ёв янэла свэнто дыибэн бузнендыр, мэк тэ янэл лэс ангил Растэ-Дэвлэстэ, ¹³ и чхувэла пэскиро васт пэ лáкиро шэрó, и зачхинэла ла ангил скэдыибнаскири шáтра, и побрызгинэна Ааронóскирэ чхавé лэскирэ

ратэса пэ алтарё сарэ ригэндэр; ¹⁴ и янэна лэстыр дро яныбэн, дро свэнто дыибэн Рáскэ-Дэвлэскэ чэкэн, савó учхакирэла андратунé масá, ¹⁵ и дуй букорэ (почки) и чэкэн (тýко), савó исын пэ лэндэ, савó исын пэ стэгны, и сальнико, савó исын пэ калó буко (печонка); букорэнца (почкэнца) ёв откэдэла дава; ¹⁶ и схачкирэла лэн рашáй пэ алтарё: дава исын ягакиро марó, гудлó тхув, Рáскэ-Дэвлэскэ; а сарó чэкэн Рáскэ-Дэвлэскэ. ¹⁷ Давá исын упхэныбэн вéчно дрэ тумарé рóды, дрэ сарé тумарé кхэрá; ни савó чэкэн (тýко), и ни савó рат тэ на хан.

Шэрó 4

Свэнто Дыибэн пал Грэхó

¹ И пхэндя Рай Дэвэл Мойзáскэ ракирý: ² “Пхэн Израилёскирэ чхавэнгэ: кóли савó ди кэрэла грэхó на джинý проти вари-савé Рáскирэ-Дэвлэскирэ припхэныбэнá и кэрэла вари-со, со наштý тэ кэрэл; ³ кóли помакхно рашáй кэрэла грэхó и кэрэла манушэн бангэнца, то тэды пал пэскиро грэхó, савó кэрдя ёв, мэк тэ янэл барé кхэритконé мурдалэстыр гурувóрэс, бидошэнгирэс, Рáскэ-Дэвлэскэ дро свэнто дыибэн пал грэхó, ⁴ и тэ янэл гурувóрэс кэ шатракирэ-скэдыибнаскиро вудáр ангýл Растэ-Дэвлэстэ, и чхувэла пэскирэ вастá пэ гуруворэскиро шэрó, и зачхинэла гурувóрэс ангýл Растэ-Дэвлэстэ; ⁵ и лэла помакхно рашáй гуруворэскиро рат, и лыджáла лэс дрэ скэдыибнаскири шáтра, ⁶ и обмакнинэла (булавэла) рашáй пэскиро ангýшт (пальцо) дро рат, и побрызгинэла ратэса эфтá (битринэнгиро дэш) мóлы ангýл Растэ-Дэвлэстэ ангýл шырма пэ свэнто штéто; ⁷ и чхувэла рашáй гуруворэскиро рат ангýл Растэ-Дэвлэстэ пэ алтарёскирэ шынгá ваш гудлó тхув, савó исын дрэ скэдыибнаскири шáтра, а палатунó гуруворэскиро рат вычхувэла тэл гэрá дро алтарё ваш цéла схачкирибэна, савó исын пашýл скэдыибнаскиро загиибэн дрэ шáтра; ⁸ и вылэла гуруворэстыр пал сарó грэхó лэскиро чэкэн (тýко), савó учхакирэла андратунé масá, и сарó чэкэн, савó исын пэ андратунé масá, ⁹ и дуй букорэ (почки) и чэкэн, савó исын пэ лэндэ, савó исын пэ стэгны, и сальнико пэ калó буко (печонка); букурэнца откэдэла ёв дава, ¹⁰ сыр откэдэлапэ гуруворэстыр мирна свэнта дыибэнá (жэртвы); и схачкирэла лэн сарé рашáй пэ схачкирибнаскиро алтарё; ¹¹ а гуруворэскири цýпа и сарó лэскиро мас лэскирэ шэрэса и гэрэнца, и лэскирэ андратунé масá и лэскиро нажужыпэн, ¹² сарé гурувóрэс мэк ёв тэ вылыджал пал стáно пэ жужó штéто, кай вычхувэлапэ прáска (пепло), и схачкирэла лэс ягáса пэ каштá; кай вычхувэлапэ прáска, одóй мэк тэ явэл ёв схачкирдо. ¹³ Кóли сарó Израилёскиро скэдыибэн кэрэла грэхó, на джинý пал дава, и гарадó явэла рэндо (дéло) скэдыибнаскирэ якхэндэр, и кэрэла вари-со проти Рáскирэ-Дэвлэскирэ припхэныбэнá, со на трэиндя тэ кэрэл, и явэла бангó, ¹⁴ то тэды, кéли грэхó явэла уджиндло, савó ёнэ кэрдé, мэк сарé скэдыибнастыр ёнэ тэ янэн гурувóрэс барé кхэритконé мурдалэндэр дро свэнто дыибэн (жэртва) пал грэхó, и тэ янэн лэс ангýл скэдыибнаскири шáтра; ¹⁵ и чхувэна скэдыибнаскирэ пхурыдырá пэскирэ вастá пэ гуруворэскиро шэрó ангýл Растэ-Дэвлэстэ, и зачхинэна гурувóрэс ангýл Растэ-Дэвлэстэ. ¹⁶ И залыджала помакхно рашáй гуруворэскиро рат дрэ скэдыибнаскири шáтра, ¹⁷ и обмакнинэла (булавэла) рашáй пэскиро ангýшт (пальцо) дрэ рат и побрызгинэла эфтá мóлы ангýл Растэ-Дэвлэстэ ангýл шырма пэ свэнто штéто, ¹⁸ и почхувэла рат пэ алтарёскирэ шынгá (рóги), савó исын ангýл Растэ-Дэвлэстэ дрэ скэдыибнаскири шáтра, а палатунó рат вычхувэла тэл гэрá дро алтарё ваш цéла схачкирибэна, савó исын пашýл загиибэн дрэ скэдыибнаскири шáтра; ¹⁹ и сарó лэскиро чэкэн вылэла лэстыр, и схачкирэла пэ алтарё; ²⁰ и ёв кэрэла гуруворэса довá, со кэрэлапэ гуруворэса пал грэхó; адякэ трэй тэ кэрэл лэса, и адякэ жужакирэла лэн рашáй, отмэкно явэла лэнгэ; ²¹ и вылыджала гурувóрэс пал стáно (таборо (лод)), и схачкирэла лэс адякэ, сыр схачкирдя пэрвонé гурувóрэс. Давá исын свэнто дыибэн пал скэдыибнаскиро грэхó. ²² А кóли кэрэла грэхó барэдýр, и кэрэла на джинý вари-со проти Рáскирэ-Дэвлэскирэ, Дэвлэскирэ припхэныбэнá, со на трэиндя тэ кэрэл, и явэла бангó, ²³ то тэды, кéли уджиндло явэла грэхó, савó ёв кэрдя, мэк тэ янэл ёв дро свэнто дыибэн бузнэс (козлос) бидошэнгирэс,

²⁴ и чхувэла пэскиро васт пэ бузнэскиро шэрó, и зачхинэла лэс пэ штэто, кай сарé цэла схачкирибэна зачхинэнапэ ангил Растэ-Дэвлэстэ, дава́ исын свэ́нто дыибéн пал грéхо; ²⁵ и лэ́ла рашáй пэскирэ ангуштэса (пальцоса) жэртватыр рат пал грéхо, и почхувэла лэс пэ сарé схачкирибнаскирэ шынга́ (ро́ги), а палатунó лэскиро рат вычхувэла тэл гэрá дро алтáрё ваш цэ́ла схачкирибэна; ²⁶ и сарó лэскиро чэкэ́н (ту́ко) схачкирэла пэ алтáрё, адя́кэ-паць сыр чэкэ́н мирно́нэ жэртвакиро, и адя́кэ выжужакирэла лэс рашáй лэскирэ грэхостыр, и отмэ́кно лэ́скэ явэ́ла. ²⁷ Кóли вари-кон манушэндýр пэ пхув кэрэ́ла грéхо, и на джинéла и кэрэ́ла вари-со проти Рáскирэ-Дэвлэскирэ припхэныбэ́на, со на трéиндý тэ кэрэл, и явэ́ла бангó, ²⁸ то тэды, кéли уджинэ́ла ёв пэскиро грéхо, савó ёв кэрдý, мэк тэ янэл ёв дро свэ́нто дыибéн (жэ́ртва) бу́зня бидошэнги́рья пал пэскиро грéхо, савó ёв кэрдý, ²⁹ и чхувэ́ла ёв пэскиро васт пэ жэ́ртвакиро шэрó пал цэ́ло грéхо, и зачхинэ́на бу́зня (ко́за) дро свэ́нто дыибéн пал грéхо пэ штэто, кай зачхинэ́на цэ́ла схачкирибнаскирэ свэ́нта дыибэ́на (жэ́ртвы); ³⁰ и лэ́ла рашáй дава́ рат пэскирэ ангуштэса, и росчхувэ́ла алтарёскирэ шынга́, ваш цэ́ла схачкирибэна ла́киро рат, савó ячэ́лапэ, вычхувэ́ла кэ гэрá дро алтáрё; ³¹ и сарó ла́киро чэкэ́н откэ́дэла, адя́кэ-паць сыр откэ́дэла чэкэ́н рама́нэ́нэ (мирно́нэ) свэ́нтонé дыибна́стыр (жэ́ртватыр), и схачкирэ́ла лэс рашáй пэ алтáрё дро гудло́ тхув, Рáскэ-Дэвлэ́скэ; и адя́кэ выжужакирэ́ла лэс рашáй, и отмэ́кно лэ́скэ явэ́ла. ³² А кóли ёв за́камэ́ла тэ янэл свэ́нто дыибéн пал грéхо бакрэ́н стада́тыр, мэк тэ янэл джу́вликанэ́ родо́стыр, бидошэнги́рья, ³³ и чхувэ́ла ёв пэскиро васт пэ свэ́нтонé-дыибна́скиро шэрó пал грéхо пэ дова́ штэто, кай зачхинэ́на цэ́ла схачкирибна́скира свэ́нта дыибэ́на; ³⁴ и лэ́ла рашáй пэскирэ ангуштэса рат свэ́нтонé дыибна́стыр пал грéхо, и почхувэ́ла пэ сарé алтарёскирэ шынга́ (ро́ги) ваш цэ́ла схачкирибэна, а ла́киро рат, савó ячэ́лапэ, вычхувэ́ла кэ алтарёскирэ гэрá; ³⁵ и сарó ла́киро чэкэ́н откэ́дэла, сыр откэ́дэлапэ бакря́киро чэкэ́н мирно́нэ жэ́ртватыр, и схачкирэ́ла дава́ рашáй пэ алтáрё дро свэ́нто дыибéн Рáскэ-Дэвлэ́скэ; и адя́кэ выжужакирэ́ла лэс рашáй грэхостыр, савó ёв кэрдý, и отмэ́кно явэ́ла лэ́скэ.

Шэрó 5

Свэ́нто Дыибéн пал Банг

¹ Кóли вари-кон кэрэ́ла грéхо долэ́са, со шундý про́кошыбна́скири зан и сыс якхítко, ци дыкхцý ци джиндý, нэ на пхэндý дава́, тэды ёв лы́джáла пэ пэ́стэ грéхо. ² Ци, кóли вари-кон чила́вэ́лапэ кэ вари-со на́жужо, ци кэ на́жужэ́ rischiрибна́скирэ мурдалэ́скиро (зверё́скиро) трóпо, ци кэ на́жужэ́ кхэ́ритконé мурдалэ́скиро (скотоски́ро) трóпо, ци кэ на́жужэ́-га́доскиро трóпо, нэ ёв на джиндý дава́, тэды ёв исын на́жужо и явэ́ла бангó. ³ Ци кóли ёв чила́вэ́лапэ кэ манушэ́скиро на́жужыпэ́н (начы́стота), савó тэ на явэл дава́ на́жужыпэ́н, савэ́стыр ма́гирэ́напэ, и ёв на джиндý дава́, нэ коригэ́дыр (позжэ́дыр) ёв уджинэ́ла, тэды ёв явэ́ла бангó. ⁴ Ци, кóли вари-кон, на подуми́ны пэскирэ уштэ́нца, совлаха́дý тэ кэрэл вари-со на́лачхо ци лачхó, савó б тэ на явэл дава́ рэ́ндо (де́ло), дрэ савó на думи́ны манушá совлаха́на, и ёв на джиндý дава́, нэ коригэ́дыр уджинэ́ла, тэды ёв дро дава́ явэ́ла бангó. ⁵ Кóли ёв исын бангó дро вари-со далэ́стыр, и при́джиндý банг, дрэ со ёв кэрдý грéхо, ⁶ тэды мэк тэ янэл Рáскэ-Дэвлэ́скэ пал пэскиро грéхо, савó ёв кэрдý, свэ́нто дыибéн сы́рбы пал банг ты́кнэ́ кхэ́ритконé мурдалэ́ндыр (ското́стыр), бакря́ ци бу́зня, пал грéхо, и выжужакирэ́ла лэс рашáй лэскирэ грэхостыр. ⁷ Кóли ёв на мого́нэ́ла тэ янэл бакря́, тэды дрэ банг пал пэскиро грéхо, мэк тэ янэл Рáскэ-Дэвлэ́скэ ду́ен горлицэ́н ци ду́ен тэ́рнэ́н голумбэ́н, екхэ́с дро свэ́нто дыибéн пал грéхо, а яви́рэс дро цэ́ло схачкирибэ́н; ⁸ мэк тэ янэл лэ́н кэ рашáй, и рашáй тэ янэл англэ́дыр до́я далé чирикленды́р, сави́ тэ явэл пал грéхо и отрискирэ́ла ла́кэ шэрó мэ́нятыр ла́кирья́тыр, нэ тэ на откэ́дэл; ⁹ и побры́згинэ́ла далé-жэ́ртвакирэ́ ратэ́са пал грéхо пэ алтарёски́ри ва́нта, а палатунó рат, савó ячэ́лапэ, вы́тасавэ́ла кэ алтарёскирэ гэрá: дава́ исын свэ́нто дыибéн пал грéхо; ¹⁰ а яви́рья мэкэ́ла дро цэ́ло схачкирибэ́н пир упхэ́ныбэ́н; и адя́кэ выжужакирэ́ла лэс рашáй лэскирэ грэхостыр, савó ёв кэрдý, и отмэ́кно лэ́скэ явэ́ла. ¹¹ Кóли ёв на мого́нэ́ла тэ янэл ду́ен горлицэ́н ци ду́ен тэ́рнэ́ голумбэ́н, мэк тэ

янэл пал дава, со кэрдя грэхо, дэшто паш (эфа) дрэ свэнто дыибэн пал грэхо; мэк тэ на чхувэл пэ латэ елее, и ливано, мэк тэ на чхувэл пэ латэ, пал-дова со дава исын пал грэхо;¹² и янэла лэс кэ рашай, а рашай латыр лэла пхэрдэ бурнык (жменя) дро рипирибэн, и схачкирэла пэ алтарё дро дава свэнто дыибэн Рáскэ-Дэвлэскэ: дава исын свэнто дыибэн пал грэхо;¹³ и адякэ выжужакирэла лэс рашай лэскирэ грэхостыр, саво ёв кэрдя дро вари-со далэ ваканцыендыр (случаендыр), и отмэкно лэскэ явэла; а со ячэлапэ, дова явэла рашáскэ, сыр маруно яныбэн.

Яныбэн пал Чорипэн пир Наджиныбэн

¹⁴ И пхэндя Рай Дэвэл Мойзáскэ дасавэ лава: ¹⁵ “Кóли вари-кон кэрэла чорипэн и пир наджиныбэн кэрэла грэхо проти дова предмето, со сыс обсвэнцындло Рáскэ-Дэвлэскэ, мэк пал пэскири банг ёв тэ янэл Рáскэ-Дэвлэскэ бакрэнгирэ стадатыр бакрэс бидошэнгирэс, пир тырй тимйн, рупувэ шэкеленца пир шэкелё свэнтонэскиро, дро свэнто дыибэн (жэртва) пал чорипэн; ¹⁶ пал доя свэнтыма, проти савй ёв кэрдя грэхо, мэк ёв тэ отдэл и тэ дочхувэл кэ дова пándжто паш (дóля), и тэ отдэл ла рашáскэ, и рашай выжужакирэла лэс бакрэскирэ яныбнаса пал чорипэн, и отмэкно лэскэ явэла. ¹⁷ Кóли вари-кон кэрэла грэхо и кэрэла вари-со проти Рáскирэ-Дэвлэскирэ припхэныбэна, со на трэиндя тэ кэрэл, и пир наджиныбэн кэрэлапэ бангэса и лыджала пэ пэстэ грэхо, ¹⁸ мэк тэ янэл кэ рашай дро свэнто дыибэн пал чорипэн бакрэс бидошэнгирэс, пир тырй тимйн и выжужакирэла рашай тырэ чорипнастыр, со ёв кэрдя пир наджиныбэн, и отмэкно лэскэ явэла. ¹⁹ Акэ, исын свэнто дыибэн пал банг, саво ёв кэрдя ангил Растэ-Дэвлэстэ.”

Шэро 6

¹ И пхэндя Рай Дэвэл Мойзáскэ, ракири: ² “Кóли вари-кон кэрэла грэхо и кэрэла чорипэн ангил Растэ-Дэвлэстэ, и явэла тэ хохавэл ангил пэскирэ пашатунэстэ дрэ дова, со лэскэ сыс дыно тэ гаравэл, ци лэстэ чхудо, ци дро дова, дро со ёв чордя, ци дро дова, со ёв хохавэла пэскирэ пашатунэс, ³ ци кóли ёв латхэла хасякирдо, и хохавэла дро дова, и совлахала хоханэс дро вари-со, со манушá кэрэна и кэрэна грэхо долэса, ⁴ то тэды, сыр ёв кэрдя грэхо и яця банго, лэскэ трэй тэ рискирэл; чордо ци со чордя, ци отлыно, ци дова, со сыс дыно тэ гаравэл, ци нашадо, ци дова, со ёв латхя; ⁵ ци кóли ёв дро со совлахадя хоханэс, то тэды лэскэ трэй тэ отдэл саро, и тэ причхувэл кэ дова пándжто дóля, и тэ отдэл одолэскэ, конэскэ трэй, дро дывэс, кели ёв янэла свэнто дыибэн пал чорипэн; ⁶ и пал пэскири банг мэк ёв тэ янэл Рáскэ-Дэвлэскэ кэ рашай дрэ свэнто дыибэн (жэртва) пал чорипэн бакрэнгирэ стадатыр бакрэс бидошэнгирэс, пир тырй тимйн; ⁷ и выжужакирэла лэс рашай ангил Растэ-Дэвлэстэ, и отмэкно лэскэ явэла, со бы ёв тэ на кэрэл, саро, дро со ёв кэрдя чорипэн. ⁸ И пхэндя Рай Дэвэл Мойзáскэ, ракири: ⁹ “Припхэн Ааронóскэ и лэскирэ чхавэнгэ: ‘Гáда, исын Зако́но пал цéло схачкирибэн: цéло схачкирибэн мэк тэ ячэлпэ пэ схачкирибнаскиро штéто пэ алтарё сарй рат кэ злóко (рáнко), и алтарёскири яг мэк тэ хачол пэ лэстэ; ¹⁰ и мэк рашай тэ урьелпэ дрэ пэскири гандладытко (лёнытко) йдя, и урьела пэ пэскирэ масá похтанытка тэлатунé холова, и злэла прáска (пепло) цéлонé схачкирибнастыр, саво хачкирдя яг пэ алтарё, и чхувэла лэс пашыл алтарё; ¹¹ и мэк тэ злэл пэстыр йди пэскирэ, и урьавэла явийр йди, и вылыджала прáска (пепло) пал стáно пэ жу́жé штéто; ¹² а яг пэ алтарё мэк тэ хачол, тэ на мурдёл, и мэк рашай тэ хачкирэл пэ лэстэ каштá кажно злóко (рáнко), и росчхувэла пэ лэстэ цéло схачкирибэн, и хачкирэла пэ лэстэ чэкэн (ту́ко) мирнонэ свэнтонé дыибнастыр (жэртватыр); ¹³ яг пэ алтарё мэк саро часо тэ хачол и тэ на мурдёл.

Пал Маруно Свэнто Дыибэн

¹⁴ Гáда, исын Зако́но пал маруно яныбэн: Ааронóскирэ чхавэнгэ трэй тэ янэн лэс ангил Растэ-Дэвлэстэ кэ алтарё; ¹⁵ и мэк тэ лэл рашай пэскирэ бурныкаса (жменяса) марунэ

яныбнастыр и парнэ-гивэскирэ яржэстыр и елеёстыр и сарó ливано, савó пэ алтáрë: дава исын гудлó тхув дро рипирибэн, лачхó, ангил Растэ-Дэвлэстэ; ¹⁶ а палатунó лэстыр мэк тэ хан Аарóно и лэскирэ чхавэ; пресно трэй тэ хан лэс пэ свэнто штéто, пэ грéда (двóро) дрэ скэдыибнаскири шáтра мэк тэ хан лэс; ¹⁷ нашты тэ пэкэн лэс квашэно. Давá Мэ дава лэнгэ дрэ дóля Мирэ свэнтонé дыибнэндыр. Акэ, исын бари свэнтыма, дасави-паць исын сыр свэнто дыибэн пал грéхо и свэнто дыибэн пал чорипэн. ¹⁸ Сарó Ааронóскирэ-муршытко рóдо могоинэла лэс тэ хал. Акэ, исын вéчно котэр дрэ тумарé рóды Рáскирэ-Дэвлэскирэ свэнтонé дыибнэндыр. Сарэ, кон причилавлэпэ кэ ёнэ, освэнцинэнапэ.” ¹⁹ И пхэндя Рай Дэвэл Мойзаскэ дасавэ лавá: ²⁰ “Гáда, исын яныбэн Аароностыр и лэскирэ чхавэстыр, савó ёнэ янэна Рáскэ-Дэвлэскэ дро свэнто дыибэн дро дывэс, кéли лэс помакхэна: дэшто эфакири паш парнэ-гивэскири яржэстыр дро свэнто дыибэн сарó часо, паш далэстыр ваш злóко (рáнко) и явир паш ваш бэльвэль; ²¹ пэ скороведа (хич) дро елеё лэс трэй тэ кэрэвэс; кóли ёв прочхудо елеёса ян лэс дрэ котэрá (куски), сыр пхагэлапэ дро котэрá сыр марунó яныбэн; ян лэс дро гудлó тхув, лачхó Рáскэ-Дэвлэскэ; ²² и рашáскэ, савó помакхно пэ лэскиро (Аароноскиро) штéто лэскирэ чхавэндыр, трэй тэ кэрэл дава: дава исын вéчно упхэныбэн Рáстыр-Дэвлэстыр. Сарó трэй тэ явэл хачкирдо; ²³ и кажно марунó яныбэн рашастыр, сарó мэк тэ явэл схачкирдо, а на схано.”

Закóно пал Свэнто Дыибэн пал Грéхо

²⁴ И пхэндя Рай Дэвэл Мойзаскэ, ракири: ²⁵ “Пхэн Ааронóскэ и лэскирэ чхавэнгэ: ‘Гáда, исын Закóно пал грэхоскиро свэнто дыибэн (жэртва): пал грéхо свэнто дыибэн тэ явэл зачхиндлó ангил Растэ-Дэвлэстэ пэ дова штéто, кай зачхинэлапэ цéло схачкирибэн; дава исын бари свэнтыма; ²⁶ О рашáй, савó янэла свэнто дыибэн пал грéхо, бангó тэ хал лэс. Лэс трэй тэ хал пэ свэнто штéто, пэ грéда (двóро) ангил шáтра скэдыибнаскири. ²⁷ Сарэ, кон причилавлэпэ кэ лэскиро мас, освэнцынэнапэ; и кóли лэскирэ ратэса обрызгиндлы явэла йдя, тэды обрызгиндло штéто вымор пэ свэнто штéто; ²⁸ Кхорó глэатыр (глиняно сасудо), дрэ савó ёй кэрадыя, трэй тэ розмарэн; кóли ёй кэрадыя дро кхорó харкомáтыр (дрэ медýтка судинки), тэды трэй ла выжужакирэн и выморэн панéса; ²⁹ сарэ муршá рашаскирэ родóстыр могоинэна тэ хан лэс: дава исын бари свэнтыма; ³⁰ кажно свэнто дыибэн пал грéхо, савэстыр рат лыджалапэ дрэ скэдыибнаскири шáтра ваш жужакирибэн пэ свэнто штéто, на трэй тэ явэл схано; лэс трэй тэ хачкирэл пэ яг.

Шэрó 7

Закóно пал Свэнто Дыибэн пал Чорипэн

¹ Гáда, исын Закóно пал свэнто дыибэн пал грéхо: дава исын бари свэнтыма; ² свэнто дыибэн пал грéхо трэй тэ зачхинэн пэ дова штéто, кай зачхинэна цéло схачкирибэн, и лáкирэ ратэса трэй тэ брызгинэс пэ алтáрë сарэ ригэндыр; ³ кон янэла, одолэскэ трэй тэ сыкавэл лáтыр сарó чэкэн (тýко), курдюко и чэкэн (тýко), савó учхакирэла андратунé масá, ⁴ и дуй букорэ (почки) и чэкэн (тýко), савó исын пэ лэндэ, савó исын пэ стéгны, и сальнико, савó исын пэ калó буко (печонка); букорэнца (почкэнца) мэк ёв тэ роскэдэл дава; ⁵ и схачкирэла дава рашáй пэ алтáрë пал грéхо Рáскэ-Дэвлэскэ: акэ, исын свэнто дыибэн пал грéхо. ⁶ Сарэ рашаскирэ-родоскирэ муршá сашты (могоинэна) тэ хан лэс; пэ свэнто штéто трэй тэ хан лэс: дава исын бари свэнтыма. ⁷ Сыр пал грэхоскиро свэнто дыибэн, адякэ и пал свэнто дыибэн пал чорипэн Закóно исын екх: ёв отлыджалапэ рашáскэ, савó жужакирэла лэса. ⁸ И кéли рашáй янэла вари-конэскиро свэнто дыибэн цэлонé схачкирибнаскиро, а цýпа цэлонé-схачкирибнаскирэ свэнтонé дыибнастыр, сави ёв янэла, отлыджалапэ рашáскэ; ⁹ и кажно марунó яныбэн, савó исын пэкно дро бов, и кажно кэрадо дрэ пирí ци пэ скороведа (хич), отлыджалапэ рашáскэ, савэскэ янэна лэс; ¹⁰ и кажно марунó яныбэн, савó исын пиримешындло елеёса и исын шуко, отлыджалапэ сарэ Ааронóскирэ чхавэнгэ, сыр екхэскэ,

адякэ и явирэскэ. ¹¹ Ѓада, исын Зако́но пал ми́рно (раманёно) свэ́нто дыибэ́н, саво́ янэ́на Ра́скэ-Дэвлэ́скэ: ¹² ко́ли вари-кон дро парикирибэ́н лэс янэ́ла, тэды кхэтанэ́ парикибнаскирэ́ свэ́нтонэ́ дыибна́са лэ́скэ трэ́й тэ́ янэл пресна марэ́, пиримешындлэ́ елеёса, и пресна марикля, помакхнэ́ елеёса, и яржо́ парнэ́ гивэ́стыр, почхудо елеёса, марэ́, пиримешындлэ́ елеёса; ¹³ апри́ч марикля мэќ ёв тэ́ янэл дрэ́ пэ́скиро яныбэ́н ква́шэно маро́, кхэтанэ́ парикирибнаскирэ́ мирно́нэ свэ́нтонэ́ яныбна́са; ¹⁴ екх вари-со сарэ́ яныбна́стыр пэ́скирэ́стыр, мэќ тэ́ янэл ёв дро газдыпэ́н Ра́скэ-Дэвлэ́скэ: дава́ отлыджалапэ́ раша́скэ, саво́ брызгинэ́ла мирно́нэ-жэ́ртвакирэ́ (раманё́нэ-свэ́нтонэ́ дыибна́скирэ́) ратэ́са; ¹⁵ а мас раманё́нэ-свэ́нтонэ́ дыибна́стыр дро парикирибэ́н трэ́й тэ́ хан дро лэ́скиро яныбны́тко дывэ́с, на́шты́ тэ́ ячкирэл лэ́стыр кэ́ ра́нко (кэ́ зло́ко). ¹⁶ Ко́ли вари-кон янэ́ла свэ́нто дыибэ́н пир совла́х ци илэ́стыр, тэды лэ́скиро свэ́нто дыибэ́н трэ́й тэ́ хан дро яныбны́тко дывэ́с, и пэ́ яви́р дывэ́с, со ячэ́лапэ́ лэ́стыр, лэс сашты́ тэ́ хан, ¹⁷ а со ячэ́лапэ́ алтарё́стыр, мас, кэ́ трито́ дывэ́с трэ́й тэ́ схачкирэ́н пэ́ яг; ¹⁸ ко́ли явэ́на тэ́ хан мас мирно́нэ-жэ́ртвакиро пэ́ трито́ дывэ́с, тэды ёв на́ явэ́ла лачхо́; кон ла́ янэ́ла, одолэ́скэ ни дрэ́ со на́ загинэ́лапэ́: дава́ исын ма́гирипэ́н, и кон явэ́ла лэс тэ́ хал, одова́ лыджала́ пэ́ пэ́стэ́ грэ́хо; ¹⁹ дава́ мас, ко́ли ёв причила́вэлапэ́ кэ́ вари-со, со исын на́жужо, на́шты́ тэ́ хан, нэ́ трэ́й тэ́ схачкирэ́н лэс пэ́ яг; а мас жу́жо мо́гинэ́ла тэ́ хас ка́жно жу́жо ма́нуш; ²⁰ ко́ли вари-саво́ ди, конэ́стэ́ исын пэ́ пэ́стэ́ на́жужыпэ́н, явэ́ла тэ́ хал мас мирно́нэ-жэ́ртваты́р Ра́скирэ́-Дэвлэ́скирэ́, тэды хасё́ла дова́ ди пэ́скирэ́ ма́нушэ́ндыр; ²¹ и ко́ли вари-саво́ ди, кон причила́вэла кэ́ вари-со на́жужо, кэ́ на́жужыпэ́н Ма́нушэ́скиро, ци кэ́ на́жужо кхэ́ры́тко му́рдэл (кэ́ ското́), ци кэ́ вари-саво́ на́жужо га́до (ползуно́), явэ́ла тэ́ хал мас мирно́нэ Ра́скирэ́-Дэвлэ́скирэ́ свэ́нтонэ́ дыибна́стыр, тэды хасё́ла дова́ ди пэ́скирэ́ ма́нушэ́ндыр.”

Чэ́кэ́н и Ра́т тэ́ на́ Ха́н

²² И пхэ́ндя́ Ра́й Дэвэ́л Мо́йза́скэ, ра́кири: ²³ “Пхэ́н Израилё́скирэ́ чхавэ́нгэ́: нисаво́ чэ́кэ́н (ту́ко) ни гу́рувэ́стыр, ни бакря́тыр, ни бу́знэ́стыр (ко́злосты́р) тэ́ на́ хан. ²⁴ Чэ́кэ́н му́лэ́стыр и чэ́кэ́н, саво́ роску́стя рискирибна́скиро му́рдэл (зверё́), сашты́ тэ́ ма́кэ́н пэ́ ка́жно ре́ндо; а ва́ш ха́бэ́н, на́ хан лэ́с; ²⁵ пал-дова́ со, кон явэ́ла тэ́ хал чэ́кэ́н кхэ́ритко́нэ му́рдалэ́стыр, саво́ янэ́лапэ́ дро свэ́нто дыибэ́н Ра́скэ-Дэвлэ́скэ, то хасё́ла дова́ ди пэ́скирэ́ ма́нушэ́ндыр; ²⁶ и нисаво́ ра́т на́ хан дрэ́ сарэ́ тумаре́ кхэ́ра́ ни чирикленды́р, ни кхэ́ритко́нэ му́рдалэ́стыр; ²⁷ а кон явэ́ла тэ́ хал вари-саво́ ра́т, хасё́ла дова́ ди пэ́скирэ́ ма́нушэ́ндыр.” ²⁸ И пхэ́ндя́ Ра́й Дэвэ́л Мо́йза́скэ дасавэ́ лава́: ²⁹ “Пхэ́н Израилё́скирэ́ чхавэ́нгэ́: кон янэ́ла пэ́скиро ми́рно свэ́нто дыибэ́н Ра́скэ-Дэвлэ́скэ, одова́ мирно́нэ свэ́нтонэ́ дыибна́стыр па́ш трэ́й тэ́ янэл дро яныбэ́н Ра́скэ-Дэвлэ́скэ; ³⁰ пэ́скирэ́ ва́стэ́нца исын ба́нгэ́ ёв тэ́ янэл дро свэ́нто дыибэ́н Ра́скэ-Дэвлэ́скэ: чэ́кэ́н ко́лынэ́са исын ба́нгэ́ ёв тэ́ янэл, со́б (ка́й) ёв тэ́ тринскирэ́л ко́лынэ́са а́нгил Ра́стэ́-Дэвлэ́стэ́; ³¹ а чэ́кэ́н схачкирэ́ла ра́шай пэ́ алта́рэ́, а ко́лын отлыджалапэ́ Аа́роно́скэ и лэ́скирэ́ чхавэ́нгэ́; ³² и ча́чо́ (пра́во) пси́ко́, сы́р газдыпэ́н, мирно́нэ тумаре́ свэ́нтонэ́ дыибна́ндыр же́ртвэ́ндыр отде́н раша́скэ; ³³ кон Аа́роно́скирэ́ чхавэ́ндыр янэ́ла ра́т мирно́нэ же́ртваты́р и чэ́кэ́н (ту́ко), одолэ́скэ и ча́чо́ (пра́во) пси́ко́ пэ́ до́ля; ³⁴ пал-дова́ со Ма́ ла́ва Израилё́скирэ́ чхавэ́ндыр мирно́нэ свэ́нтонэ́ дыибна́ндыр ле́нгиро ко́лын тринскирибна́скиро и пси́ко́ газдыпна́скиро, и Ма́ отда́ва ле́н Аа́роно́скэ раша́скэ и лэ́скирэ́ чхавэ́нгэ́ сы́р ве́чно па́ш Израилё́скирэ́ чхавэ́ндыр. ³⁵ Ѓада, исын па́ш Аа́роно́скэ и па́ш лэ́скирэ́ чхавэ́нгэ́ Ра́скирэ́-Дэвлэ́скирэ́ же́ртвэ́ндыр пэ́ яг дывэ́сэ́стыр, кэ́ли ё́нэ́ явэ́на а́нгил Ра́стэ́-Дэвлэ́стэ́ ва́ш свэ́нто бу́ты, ³⁶ саво́ пхэ́ндя́ Ра́й Дэвэ́л тэ́ дэ́л ле́нгэ́ дывэ́сэ́стыр ле́нгирэ́ ма́кхибна́стыр Израилё́скирэ́ чхавэ́ндыр. Дава́ исын ве́чно упхэ́ныбэ́н дрэ́ ле́нгирэ́ ро́ды. ³⁷ Ѓада, исын Зако́но пал це́ло схачкирибэ́н, пал ма́руно́ яныбэ́н, пал свэ́нто дыибэ́н пало́ грэ́хо, пал свэ́нто дыибэ́н пал чо́рипэ́н, пал свэ́нто дыибэ́н высвэ́нцякирибна́скиро и пал ми́рно свэ́нто дыибэ́н, ³⁸ саво́ ды́я Ра́й Дэвэ́л Мо́йза́скэ пэ́ Синаё́скири бэ́рга, кэ́ли пхэ́ндя́ Израилё́скирэ́ чхавэ́нгэ́, пэ́ Синаё́скири чху́чи́ пхув, тэ́ я́нэ́н Ра́скэ-Дэвлэ́скэ ле́нгиро яныбэ́н.”

Шэрó 8

¹ И пхэндя Рай Дэвэл Мойзаскэ дасавэ лавá: ² “Лэ Ааронóс и лэскирэ чхавэн лэса, и йди, и оливйтко дзэт (елеё) тэ макхэс, и гурувóрэс (тельцос) ваш свэнто дыибэн пал грéхо и дуэн бакрэн (овнэн), и кхудо (корзина) апреснокэнца, ³ и скэдэ сарэ манушэн кэ скэдыибнаскири шáтра кэ загиибэн.” ⁴ Мóйза кэрдя адякэ, сыр пхэндя лэскэ Рай Дэвэл, и скэдынэпэ манушá кэ скэдыибнаскири шáтра кэ загиибэн. ⁵ И пхэндя Мóйза манушэнгэ: “Тáда, со пхэндя Рай Дэвэл тэ кэрэн.” ⁶ И яндя Мóйза Ааронóс и лэскирэ чхавэн, и обмордя лэн панéса; ⁷ и чхудя пэ лэстэ (Аароностэ) хитоно, и обпхандя лэс кустыкаса и чхудя пэ лэстэ упратуны риза и чхудя пэ лэстэ эфóдо и обпхандя лэс эфодоскирэ кустыкаса и прикэрдя лэса эфóдо пэ лэстэ, ⁸ и чхудя пэ лэстэ наперстнико (жылетка), и пэ наперстнико чхудя Уримо и Тумимо, ⁹ и чхудя пэ лэскиро шэрó кидаро, а пэ кидаро лэскирэ англатунé ригáтыр чхудя сувнакунý пхалёри (досэчка), свэнто диадэма (корóна), сыр пхэндя Рай Дэвэл Мойзаскэ. ¹⁰ И лыя Мóйза макхибнытко елеё, и помакхця шáтра и сарó, со сыс дрэ латэ, и освэнцякирдя дава; ¹¹ и лэса побрызгиндя пэ алтáрэ эфтá (битринэнгиро дэш) мóлы, и помакхця алтáрэ и сарэ лэскирэ приборы, и чарó москэ (умывальница) и лáкиро прэдко тэл гэрá, соб (кай) лэн тэ освэнцынэл; ¹² и чхудя макхибнытко елеё пэ шэрó Ааронóскэ, и помакхця лэс, соб (кай) тэ высвэнцынэл лэс. ¹³ И яндя Мóйза Ааронóскирэ чхавэн, и уридя лэн дрэ хитоны, и обпхандя лэн кустыкаса, и чхудя пэ лэндэ кидары, сыр пхэндя Рай Дэвэл Мойзаскэ. ¹⁴ И яндя гурувóрэс (тельцос) пал грéхо ваш свэнто дыибэн, и Аарóно и лэскирэ чхавэ чхудэ пэскирэ вастá пэ гуруворэскиро шэрó пал грéхо; ¹⁵ и зачхиндя лэс, и лыя рат, и пэскирэ ангуштэса чхудя пэ алтарёскирэ шынга (рóги) сарэ ригэндýр, и выжужакирдя алтáрэ, а рат, савó яцяпэ, вычхудя тэлгэра алтарёскэ, и освэнцындя лэс, соб (кай) тэ кэрэл лэс жужэса. ¹⁶ И лыя сарó чэкэн (тýко), савó сыс пэ андратунé масá, и сальнико пэ калó буко (печонка), и дуй букорэ (почки) и лэнгиро чэкэн, и схачкирдя Мóйза пэ алтáрэ; ¹⁷ а гурувóрэс (тельцос) и лэскири цýпа, и мас лэскиро, и лэскиро нажужышэн (начыстота) схачкирдя пэ яг пал стáно, сыр пхэндя Рай Дэвэл Мойзаскэ. ¹⁸ И яндя бакрэс (овнос) ваш цéло схачкирибэн, и чхудя Аарóно и лэскирэ чхавэ пэскирэ вастá пэ бакрэскиро шэрó; ¹⁹ и зачхиндя лэс Мóйза и брызгиндя кутý (набу́т) ратэса пэ алтáрэ сарэ ригэндýр; ²⁰ и росчингирдя бакрэс пэ пашá, и схачкирдя Мóйза шэрó и пашá и чэкэн, ²¹ а андратунé масá и гэрá вымордя панéса, и схачкирдя Мóйза сарэ бакрэс пэ алтáрэ: дава исын цéло схачкирибэн дрэ гудлó тхув, акэ, исын свэнто дыибэн Рáскэ-Дэвлэскэ, сыр пхэндя Рай Дэвэл Мойзаскэ. ²² И яндя явирэ бакрэс, освэнцыбнаскирэ бакрэс, и чхудя Аарóно и лэскирэ чхавэ пэскирэ вастá пэ бакрэскиро шэрó; ²³ и зачхиндя лэс Мóйза, и лыя лэскиро рат, и чхудя пэ ягóро (краё) чачé (правонэ) Ааронóскирэ канэстыр и пэ барó лэскирэ-чачé-вастэскиро ангушт (пальцо) и пэ барó ангушт, лэскирэ чачé-гэр'якиро. ²⁴ И яндя Мóйза Ааронóскирэ чхавэн, и чхудя рат пэ ягóро (пэ краё) лэнгирэ чачэскиро кан, и пэ барó лэнгирэ-чачé-вастэскиро ангушт и пэ барó лэнгирэ чачé-гэрьякиро ангушт, и побрызгиндя Мóйза ратэса пэ алтáрэ сарэ ригэндýр. ²⁵ И лыя чэкэн (тýко) и курдюко и сарó чэкэн, савó сыс пэ андратунé масá, и сальнико пэ калó буко (печонка), и дуй букорэ (почки) и лэнгиро чэкэн и чачó псикó; ²⁶ и кхудэ апреснокэнца, савó сыс ангýл Растэ-Дэвлэстэ, лыя екх апресноко и екх марó елеёса и екх мариклы, и чхудя лэн пэ чэкэн и пэ чачó псикó; ²⁷ и чхудя сарó дава пэ Ааронóскирэ вастá и пэ лэскирэ-чхавэнгирэ вастá, и яндя дава, тринскири ангýл Растэ-Дэвлэстэ; ²⁸ и лыя дава Мóйза лэнгирэ вастэндýр и схачкирдя пэ алтáрэ ваш цéло схачкирибэн: дава исын свэнто дыибэн посвэнциндло дро гудлó тхув, дава исын свэнто дыибэн Рáскэ-Дэвлэскэ. ²⁹ И лыя Мóйза колýн и яндя лэс, тринскири ангýл Растэ-Дэвлэстэ: дава сыс Мойзаскири дóля посвэнцынонэ бакрэстыр, сыр пхэндя Рай Дэвэл Мойзаскэ. ³⁰ И лыя Мóйза макхибнытко елеё и рат, савó сыс пэ алтáрэ, и побрызгиндя Ааронóс и лэскирэ йди, и лэскирэ чхавэн и лэскирэ чхавэнгирэ йди лэса; и адякэ высвэнцындя Ааронóс и лэскирэ йди, и лэскирэ чхавэн и йди лэскирэ чхавэнгирэ лэса. ³¹ И пхэндя Мóйза Ааронóскэ и лэскирэ чхавэнгэ: “Кэравэн мас пашýл скэдыибнаскири шáтра, и одóй хан лэс марéса, савó исын дро кхудо (корзина) освэнцындло, сыр мánгэ ракирдо и пхэндлó: Аарон и лэскирэ чхавэ исын бангó лэс тэ хан; ³² а со ячéлапэ масэстыр и марэстыр,

хачкирэн пэ яг. ³³ Эфта дывэса на отджан скэдыбнаскирэ вударэндыр дрэ шатра, пака проджана дывэса ваш тумаро высвэнцякирибэн, пал-дова со пир эфта дывэса исын банго тэ кэрэлпэ тумаро высвэнцякирибэн; ³⁴ сыр ададывэс сыс кэрдó, адякэ пхэндя Рай Дэвэл тэ кэрэн тумэнгэ тэ жужакирэнпэ; ³⁵ пашыл скэдыбнаскиро загибэн дрэ шатра явэн дывэс и рат эфта дывэса, и явэн рахунэс Растэ-Дэвлэстэ, соб (кай) тэ на мэрэн, пал-дова со адякэ мангэ сыс пхэндлó Растыр-Дэвлэстыр.” ³⁶ И кэрдя Аароно и лэскирэ чхавэ сарó, со ракирдя Рай Дэвэл пир Мойзастэ.

Шэрó 9

Рашая Лынó тэ Кэрэн Буты

¹ Пэ охтото (бидуэнгиро дэшто) дывэс кхардя кэ пэ Мойза Ааронóс и лэскирэ чхавэн, и Израилёскирэ пхурыдырэн, ² и пхэндя Ааронóскэ: “Лэ пэскэ гурувэндыр гурувóрэс (тельцос) дро свэнто дыибэн (жэртва) пал грэхó и бакрэс дро цэло схачкирибэн, дуэн бидошэнгирэн, и ян лэн ангил Растэ-Дэвлэстэ; ³ и Израилёскирэ чхавэнгэ пхэн: лэн бузнэс дро свэнто дыибэн пал грэхó, и гурувóрэс (тельцос), и бакрорэс, екхэ-бэршытконэн, бидошэнгирэн, дро цэло схачкирибэн, ⁴ и гурувэс и бакрэс дро свэнто дыибэн мýрно, соб (кай) тэ кэрэс свэнто яныбэн ангил Растэ-Дэвлэстэ, и марунó яныбэн, перемешиндло елеёса; пал-дова со ададывэс Рай Дэвэл сыкадэла тумэнгэ.” ⁵ И яндлэ дова, со припхэндя Мойза, ангил скэдыбнаскири шатра, и явнэ сарэ манушá и тэрдинэ ангил Растэ-Дэвлэстэ. ⁶ Тэньци пхэндя Мойза: “Давá исын чачипэн, савó Рай Дэвэл припхэндя тэ кэрэн тумэнгэ, и слава Рáскирэ-Дэвлэскири сыкадэла тумэнгэ.” ⁷ И пхэндя Мойза Ааронóскэ: “Яв кэ алтарё и кэр тырó свэнто дыибэн пал грэхó и тырó цэло схачкирибэн, и выжужакир пэс и манушэн, и кэр яныбэн манушэндыр, и выжужакир лэн, сыр припхэндя Рай Дэвэл.” ⁸ И подгýя Аароно кэ алтарё, и зачхиндя гурувóрэс (тельцос), савó сыс пал лэстэ, дро свэнто дыибэн пал грэхó: ⁹ Ааронóскирэ чхавэ подлыджинэ лэскэ рат, и ёв обмакниндя пэскиро ангушт (пальцо) дро рат, и чхудя пэ алтарёскирэ шынга (роги), а палатунó рат вычхудя тэл алтарёскирэ гэрá, ¹⁰ а чэкэн и букорэ (почки) и сальнико пэ калó буко (печонка) свэнтонэ дыибнастыр пал грэхó схачкирдя пэ алтарё, сыр припхэндя Рай Дэвэл Мойзаскэ; ¹¹ мас и цыпа схачкирдя пал стáно пэ яг. ¹² И зачхиндя Аароно мурдалэн (животнóнэн) ваш цэло схачкирибэн, и Ааронóскирэ чхавэ подлыджинэ лэскэ рат; ёв побрызгиндя лэса пэ алтарё сарэ ригэндыр; ¹³ и яндлэ лэскэ цэло схачкирибэн дрэ котэрá и шэрó, и ёв лэн хачкирдя пэ алтарё, ¹⁴ а андратунэ масá и гэрá обмордя и хачкирдя цэлóнэ схачкирибнаса пэ алтарё, ¹⁵ И яндя яныбэн манушэндыр, и лыя манушэндыр бузнэс пал грэхó, и зачхиндя лэс, и яндя лэс дро свэнто дыибэн пал грэхó, сыр и англатунэс. ¹⁶ И яндя цэло схачкирибэн и кэрдя лэс пир упхэныбэн. ¹⁷ И яндя марунó яныбэн и пхэрдякирдя лэса пэскирэ вастá, и схачкирдя пэ алтарё апрíч сарэ цэлóнэ схачкирибнастыр пэ ранко (пэ злóко). ¹⁸ И зачхиндя гурувóрэс и бузнэс (козлос), савэ сыс манушэндыр, дро мýрно свэнто дыибэн; и Ааронóскирэ чхавэ подлыджинэ лэскэ рат, и ёв обрызгиндя лэса пэ алтарё сарэ ригэндыр; ¹⁹ подлыджинэ и чэкэн гурувэстыр и бузнэстыр курдюко, и чэкэн, савó заучхакирэла андратунэ масá, букорэ и сальнико, со сыс пэ калó буко, ²⁰ и чхудэ чэкэн (тýко) пэ колýн, и ёв хачкирдя чэкэн пэ алтарё; ²¹ колýнд и чачó (право) псикó яндя Аароно, тринскири ангил Растэ-Дэвлэстэ, сыр припхэндя Мойза. ²² И газдыя Аароно пэскирэ вастá, рисии кэ манушá, и бахтякирдя лэн, и гия тэлэ, кэри, сыр кэрдя свэнто дыибэн (жэртва) пал грэхó, цэло схачкирибэн и мýрно свэнто дыибэн. ²³ И загинэ Мойза и Аароно дрэ скэдыбнаскири шатра, и выгинэ, и бахтякирдэ манушэн. И явдя слава Рáскирэ-Дэвлэскири сарэ манушэнгэ: ²⁴ И выгия яг Растыр-Дэвлэстыр и схачкирдя пэ цэлóнэ-схачкирибнаскиро алтарё и чэкэн; и дыкхнэ сарэ манушá, и дынэ гóдла радымáтыр, и пынэ пэ пэскирэ муя.

Шэрó 10

Надаво и Авиудо Яндлэ Чужо Яг

¹ Надаво и Авиудо (Авигу), Ааронóскирэ чхавé, лынé кажно пэскири кадила, и чхудé дрé лэндэ яг, и зачхудэ дрé латэ дрога смóлы тэ тхувлякирэн, и яндлэ ангил Растэ-Дэвлэстэ яг чужо, пэ сави Ёв на дыйá вóля лóнгэ; ² и выгия яг Рáстыр-Дэвлэстыр, и хачкирдя лэн, мынэ ёнэ ангил Растэ-Дэвлэстэ. ³ И пхэндя Мóйза Ааронóскэ: “Тáда, пал со ракирдя Рай Дэвэл, кели Ёв пхэндя: ‘Дрэ одолэндэ, савэ явóна пашылэдýр кэ Мэ и Мэ высвэнцынавапэ и ангил сарé манушэндэ прославинавапэ.’” Аарóно сыс штыл. ⁴ И кхардя Мóйза Мисаилос и Елцафанос, Узиилоскирэ чхавэн, Ааронóскирэ какэскирэн, и пхэндя лóнгэ: “Джáн, вылыджан тумарé пшалэн свэнтонé штэтóстыр пал стáно.” ⁵ И гинé, и вылыджинé лэн дрé хитоны лóнгирэ пал стáно. ⁶ И пхэндя Мóйза Ааронóскэ и Елизароскэ и Ифамароскэ, лэскирэ чхавэнгэ: “На злэн кидары тумарé шэрэндýр и йди тумарé тэ на кушэн, соб (кай) тумэнгэ тэ на мэрэн и тэ на выхарэн холы пэ сарé манушэндэ. Нэ тумарé пшáла, сарó Израилёскиро кхэр, сашты (могинéна) тэ ровэн пал схачкирдэндэ, савэн хачкирдя Рай Дэвэл, ⁷ и на выджáн скэдыбнаскирэ скиниякирэ вударэндýр, соб (кай) тумэнгэ тэ на мэрэн, пал-довá со пэ тумэндэ исын Рáскирэ-Дэвлэскиро макхибнаскиро елеё.” И кэрдэ ёнэ пир Мóйзаскиро лав.

Пал Рашандэ

⁸ И пхэндя Рай Дэвэл Ааронóскэ, ракири: ⁹ “На пи, ту и тырэ чхавé тýса, мол (вино) и пибэна зоралé, кели заджáна дрé скэдыбнаскири шáтра, соб (кай) тэ на мэрэн.” Давá явэла вéчно упхэныбэн дрé тумарé рóды, ¹⁰ соб (кай) тумэ мoгиндлэ тэ рокэдэн свéнто насвэнтонэстыр, и жужó нажужэстыр, ¹¹ и тэ сыклякирэн Израилёскирэ чхавэн сарé упхэныбнэнгэ, савэ дыйá лóнгэ Рай Дэвэл пир Мóйзастэ. ¹² И пхэндя Мóйза Ааронóскэ и Елизароскэ и Ифамароскэ, савэ ячнэпэ лэскирэ чхавэндýр: “Лэн марунó яныбэн, савó яцяпэ Рáскирэ-Дэвлэскирэ свэнтонé дыибнэндýр, и хан лэс преснонэ (бидрожджэнгирэ) пашыл алтáрэ, пал-довá со давá исын бари свэнтыма; ¹³ и хан лэс пэ свéнто штéто, пал-довá со давá исын котэр (куско) тырó, и котэр тырэ чхавэнгиро Рáскирэ-Дэвлэскирэ свэнтонé дыибнэндýр: адякэ мánгэ пхэндлó Рáстыр-Дэвлэстыр; ¹⁴ и колýн тринскирибнаскиро, псикó газдыпнаскиро хан пэ жужó штéто, ту и тырэ чхавé, и тырэ чхáя тýса, пал-довá со давá дынó дро котэр тýкэ и дро котэр тырэ чхавэнгэ Израилёскирэ чхавэнгирэ мирнонэ свэнтонé дыибнастыр; ¹⁵ газдыпнаскиро псикó и тринскирибнаскиро колýн ёнэ исын бангэ тэ янэн чэкэнэскирэ (тукоскирэ) свэнтонé дыибнэнца (жэртвэнца), тринскири ангил Растэ-Дэвлэстэ, и, мэк тэ явэл давá вечнонэ котэрэса тýкэ и тырэ чхавэнгэ тýса, сыр пхэндя Рай Дэвэл.” ¹⁶ И лыя добусовэс (старательнэс) тэ родэл Мóйза бузнэс сыр свéнто дыибэн пал грéхо, и гáда, ёв схачкирдо. И росхолясыя ёв пэ Елизаростэ и Ифамаростэ, савэ ячнэпэ Ааронóскирэ чхавэндýр, и пхэндя: ¹⁷ “Сóскэ тумэ на ханé свéнта дыибэнá пал грéхо пэ свéнто штéто? Пал-довá со ёй исын бари свэнтыма, и ёй дыны тумэнгэ, соб (кай) тэ лэн пэ пэстэ грéхи манушэндýр и тэ жужакирэн лэн ангил Дэвлэстэ; ¹⁸ гáда, лэскиро рат на залыджино андрé свéнто штéто, а тумэнгэ трэиндя сыс тэ хан лэс пэ свéнто штéто, сыр сыс пхэндлó мánгэ.” ¹⁹ Аарóно пхэндя Мóйзаскэ: “Тáда, ададывэс яндлэ ёнэ пэскиро свéнто дыибэн пал грéхо и пэскиро цéло схачкирибэн ангил Растэ-Дэвлэстэ, и давá кэрдяпэ мánца; кóли мэ ададывэс явáва тэ хав свéнто дыибэн пал грéхо, ци явэла давá лачхó Рáскэ-Дэвлэскэ?” ²⁰ И шундя Мóйза давá, и шардя.

Шэрó 11

Со Сашты́, и со Нашты́ тэ Хас

¹ И пхэндя Рай Дэвэл Мойзаскэ и Ааронóскэ, ракири́ лэнгэ: ² “Пхэнэн Израилёскирэ чхавэнгэ: ‘Гáда, исын мурдалá (животна), савэ́н сашты́ тумэнгэ тэ хан сарé мурдалэндыр пэ пхув: ³ кажно кхэритко мурдал (ското), савэ́стэ исын роскэрдо копыто (най), и пэ копыты исын хор росчхиныбэн (разрезо), и савó жуйскирэла жвачка, хан; ⁴ екхэ долэн на хан кодолэндыр, савэ́ жуйскирэна жвачка, и савэндэ исын на роскэрдо копыто: верблюдос, пал-довá со ёв жуйскирэла жвачка, нэ копыто лэ́стэ нароскэрдо, нажужо ёв исын ваш тумэнгэ; ⁵ и тушканчыкос, пал-довá со ёв жуйскирэла жвачка, нэ копыто лэ́стэ нароскэрдо, нажужо ёв исын ваш тумэнгэ, ⁶ и шушуёс (зайцос), пал-довá со ёв жуйскирэла жвачка, нэ копыто лэ́стэ нароскэрдо, нажужо ёв исын ваш тумэнгэ; ⁷ и балычэн, пал-довá со копыто лэндэ роскэрдо и пэ копыто исын хор росчхиныбэн (разрезо), нэ ёнэ на жуйскирэна жвачка, нажужэ ёнэ исын ваш тумэнгэ; ⁸ мас лэнгиро на хан и кэ трúпы лэнгирэ на причилавэнпэ; нажужэ ёнэ исын ваш тумэнгэ. ⁹ Сарé мурдалэндыр (животнэндыр), савэ́ исын дро пани́, хан долэн: савэндэ исын пора и чэшуя дро пани́, дро мóрё (дэрьяв) ци дрэ рэ́ка (лэнь), долэн хан; ¹⁰ а сарé долэ́, савэндэ нанэ пора и чэшуя, дро мóрё (дэрьяв) ци дрэ рэ́ки (лэня́), кон пливинэла дро пани́ и сарэндыр, кон дживэ́ла дро пани́, магирдэ́ ёнэ исын ваш тумэнгэ; ¹¹ ёнэ исын бангэ́ (мусинэн) тэ явэн магирдэ́ ваш тумэнгэ: мас лэнгиро на хан, и лэнгирэ трупэндыр гидинэнпэ; ¹² сарé мурдалá (животна), савэндэ нанэ пора и чэшуя дро пани́, магирдэ́ ёнэ исын ваш тумэнгэ. ¹³ Гидинэнпэ далэ́ чириклендыр: орлостыр (кидостыр), грифостыр и морёскирэ (дэрьявэскирэ) орлостыр (кидостыр), ¹⁴ кагнялэстыр (коршуностыр), и соколостыр лэ́скирэ родоса, ¹⁵ кажнóнэ коракостыр (вороностыр) лэ́скирэ родоса, ¹⁶ страусостыр, соватыр, чайкатыр, и ястребостыр (кагнялэстыр) лэ́скирэ родоса, ¹⁷ филиностыр, мачхэскирэ старибнаристыр и ибисостыр, ¹⁸ лебедёстыр, пелеканостыр и сипостыр, ¹⁹ бутяностыр (цаплятыр), зуёстыр лэ́скирэ родоса, удодостыр и нетопырёстыр (вурняибнытконэ кар-мусостыр). ²⁰ Сарé мурдалá (животна), савэ́ ползынэна, вурняна, псирэ́на пэ штар гэрá, магирдэ́ исын ваш тумэнгэ; ²¹ сарэндыр, савэ́ ползынэна, вурняна, псирэ́на пэ штар гэрá, кодолэн екхэ хан, савэндэ исын лытки вучэдýр гэрэндыр, соб (кай) лэнца тэ ухтэн пир пхув; ²² адалэн хан лэндыр: саранча лáкирэ родоса, соламос лáкирэ родоса, харго́лос (хрушчос) лáкирэ родоса, и хагабса лáкирэ родоса. ²³ Кажно явир вурняибнытко, савó ползынэла, савэ́стэ исын штар гэрá, магирдо́ исын ваш тумэнгэ.

Нажужэ́ Мурдалá

²⁴ Лэндыр тумэ́ явэ́на нажужэ́: кажно, кон причилавэлалапэ́ кэ лэнгиро трúпо, нажужо явэ́ла кэ бэ́львэ́ль; ²⁵ и кажнóнэскэ, кон лэ́ла лэнгиро трúпо, трэй́ тэ обморэл пэ́скири йдя́, и нажужо явэ́ла кэ бэ́львэ́ль. ²⁶ Кажно мурдал, савэ́стэ копыты (ная) роскэрдэ́ пэ дуй (раздвоена), нэ савэ́стэ нанэ барó рочхиныбэн (разрезо), и савó на жуйскирэла жвачка, нажужо исын ваш тумэнгэ: кажно, кон чилавэ́ла лэс, явэ́ла нажужо. ²⁷ Сарé мурдалэндыр, савó псирэ́ла пэ штар гэрá, пэ лапы, кон псирэ́ла, довá нажужо исын ваш тумэнгэ: кажно кон чилавэ́ла лэнгиро трúпо, одовá явэ́ла нажужо кэ бэ́львэ́ль. Ёв исын нажужо ваш тумэнгэ. ²⁸ Кон лэ́ла лэнгиро трúпо, одолэ́скэ трэй́ тэ обморэл пэ́скирэ йди́, и нажужо ёв явэ́ла кэ бэ́львэ́ль, нажужэ́ ёнэ исын ваш тумэнгэ. ²⁹ Гáда, со явэ́ла нажужо ваш тумэнгэ мурдалэндыр (животнэнэндыр), савэ́ ползынэна пир пхув: крото́, кармус (мышо), яшчэ́рка лáкирэ родоса, ³⁰ ана́ка, хамелео́но, лета́ (летахо), хомето́ и тиншэ́мето, ³¹ далэ́ исын нажужэ́ ваш тумэнгэ сарэндыр, савэ́ ползынэна: кажно, кон причилавэлалапэ́ кэ ёнэ мулэ́, нажужо явэ́ла кэ бэ́львэ́ль. ³² И сарó, пэ со пэрэ́ла вари-со лэндыр мулэндыр, кажно кхорó (сасудо) вэ́шэ́стыр, ци́ йдя́, ци́ цы́па, ци́ гонó, и кажно вешч, сави́ трэй́ пэ рэндо́, явэ́на нажужэ́: дро пани́ трэй́ тэ чхувэн лэн, и нажужэ́ явэ́на ёнэ кэ бэ́львэ́ль, коригэдýр (позжедыр) ёнэ явэ́на жужэ́; ³³ ко́ли вари-со лэндыр пэрэ́ла дро савó-ли́бо кхорó гли́натыр (глэ́ятыр), тэды́ со исын дрэ́

лэстэ, явэла нажужо, и кокорó кхорó (сасудо) розмарэн. ³⁴ Кажно хабэн, савó хана, пэ савó сыс панí дасавó кхоростыр, нажужо явэла, и кажно пибэн, савó пьена, дро кажно дасаво кхорó, нажужо явэла. ³⁵ Сарó, пэ со пэрэла вари-со лэндыр лэнгирэ трупостыр, нажужо явэла: бов и боворо трэй тэ роспахирэн, ёнэ явэна нажужэ: и ёнэ исын тэ явэн нажужэ ваш тумэнгэ; ³⁶ ганынгори (источнико) и ганýнг кокори, дрэ со исын панí, ячэнапэ жужэ; а кон причилавэлапэ кэ лэнгиро трúпо, одовá ячэлапэ нажужо. ³⁷ И ко́ли вари-со лэнгирэ трупостыр пэрэла пэ вари-савí зýрка (семё), савí чхувэна дрэ пхув, тэды ёй явэла жужы; ³⁸ нэ ко́ли тэды, сыр панí чхудо пэ зýрка, пэрэла пэ лэстэ вари-со лэнгирэ трупостыр, то ёй (зýрка) явэла нажужы ваш тумэнгэ. ³⁹ И кели мурдэла вари-савó кхэрítко мурдал (ското), савó тумé хана, тэды кон чилавэла лэскиро трúпо, явэла нажужо кэ бэ́львэ́ль; ⁴⁰ и одолэскэ, кон явэла тэ хал лэскирэ-мулэскиро мас, трэй тэ обморэл пэскирэ йди, и нажужо явэла кэ бэ́львэ́ль; и одовá, кон лыджала лэскиро трúпо, бангó тэ обморэл пэскирэ йди, и нажужо явэла бэ́львэ́ль. ⁴¹ Кажно мурдал (животно), савó ползынэла пири́ пхув, исын магирдо́ ваш тумэнгэ, наштý лэс тэ хан. ⁴² Сарé, кон ползынэла пэ пэр и сарé, кон псирэла пэ штар гэрá, и бутé-гэрэнгирэн мурдалэндýр (животнэндýр), савé ползынэна пир пхув, на хан, пал-довá со ёнэ исын магирдэ; ⁴³ на магирэн тумарé дия вари-савé мурдалэса (животнонэса), савó ползынэла, и на кэрэн пэс пир лэндэ нажужэнца, соб (кай) тэ явэн пир лэндэ магирдэнца, ⁴⁴ пал-довá со Мэ сом Рай Дэвэл, Дэвэл тумарó: свэнцякирэн пэс и явэн свэнта, пал-довá со Мэ сом Свэ́нто, и на магирэн тумарé дия вари-савé мурдалэса (животнонэса), савó ползынэла пири́ пхув, ⁴⁵ пал-довá со Мэ сом Рай Дэвэл, савó вы́льджи́я тумэн Египто́скирэ пхувýтыр, соб (кай) Мánгэ тэ явав тумарé Дэвлэса. И адýкэ явэн свэнта, пал-довá со Мэ сом свэ́нто. ⁴⁶ Ѓáда, исын Зако́но пал кхэрítконé мурдалэндэ (пал ското), пал чириклендэ, пал кажно джидó создýибэн, савó дживэла дро панí, и пал сарé мурдалэндэ (животнонэндэ), савé ползынэна пир пхув, ⁴⁷ соб (кай) тэ роскэдэн нажужо жужэстыр, и мурдалэн (животнонэн), савэн саштý тэ хас, мурдалэндýр, савэн наштý тэ хан.”

Шэрó 12

Жужыпэн Палó Бияныпэн

¹ И пхэндý Рай Дэвэл Мойзáскэ дасавé лавá: ² “Пхэн Израилёскирэ чхавэнгэ: ко́ли джувлы пхарьёла и биянэла чхаворэс (биятос), тэды ёй явэла нажужы эфтá (битринэнгиро дэш) дывэсá; сыр дрэ дывэсá лáкирэ жужакирибнаскирэ мэньки, ёй явэла нажужы; ³ пэ охтóто (бидуэнгиро дэшто) дывэс обчхинэлапэ лэстэ (чхаворэстэ) лэскири лоч (плоть) пэ ягóро (пэ краё); ⁴ и трийнда трин дывэсá банги ёй тэ бэшэл тэ жужакирэлпэ пэскирэ ратэндýр; нисó, со исын свэ́нто, лáкэ наштý тэ чилавэл, и кэ свэ́нто штéто наштý тэ явэл, пака проджана лáкирэ-жужакирибнаскирэ дывэсá. ⁵ Ко́ли ёй биянэла чхаёрья, то тэды дрэ пэскирэ-жужакирибнаскирэ дывэсá ёй явэла нажужы дуй куркэ, и шовдэшá шов дывэсá ёй исын банги тэ бэшэл тэ жужакирэлпэ пэскирэ ратэндýр. ⁶ Сыр проджана лáкирэ жужакирибнаскирэ дывэсá пал чхавэстэ ци пал чхатэ, лáкэ трэй тэ янэл екхэ-бэршытконэс бакрорэс ваш цéло схачкирибэн и тэрнó голумбицос ци горлица дро свэ́нто дыибэн пал грéхо, кэ загиибэн дрэ скэдыибнаскири шáтра кэ рашáй; ⁷ ёв янэла дава́ ангýл Растэ-Дэвлэстэ, и жужакирэла ла, и ёй явэла жужы пэскирэ ратэскирэ тхадýшнастыр. Ѓáда, исын Зако́но пал чхаворэскиро ци чхаёрьякиро бияныпэн. ⁸ Ко́ли ёй наштý тэ янэл бакрорэс, то тэды мэк тэ лэл дуэн горлицэн ци дуэн тэрнэн голумбэн, екхэс ваш цéло схачкирибэн, а явирэс дро свэ́нто дыибэн (жэ́ртва) пал грéхо, и жужакирэла ла рашáй, и ёй явэла жужы.”

Шэрó 13

Пал Проказытконэндэ Насвалэндэ

¹ И пхэндя Рай Дэвэл Мойзаскэ и Аароноскэ: ² “Кéли конэстэ ячэла пэ лэскирэ-масэнгири цы́па шулыпэн, ци лишаё ци пляма, и пэ лэскирэ-масэнгири цы́па ячэла, хай, проказакиро фр́ансо, тэды трэй тэ янэн лэс кэ Ааро́но, раша́й, ци кэ екх лэскирэ чхавэндыр, рашандыр; ³ раша́й обдыкхэла фр́ансо пэ цы́па пэ маса́, и ко́ли бала́ пэ фр́ансо парудынэ дрэ парнó, и фр́ансо исын хор (глубоко) дрэ лэскирэ-масэнгири цы́па, тэды дава́ исын прока́за; раша́й, обдыкхи лэс, дэла тэ джинэн пал лэстэ, со ёв исын нажужо. ⁴ А ко́ли пэ лэскирэ-масэнгири цы́па пляма (пятно) исын парны, нэ ёй нанэ хор дрэ цы́па, и бала́ пэ лэстэ на парудынэпэ дрэ парнó, тэды раша́й пхандэла манушэс, савэстэ исын фр́ансо пэ эф́та дывэса́; ⁵ пэ эф́тато дывэс раша́й лэс обдыкхэла, и ко́ли фр́ансо ячэлапэ дасаво, сыр сыс, и на розджалапэ фр́ансо пир цы́па, тэды раша́й бангó тэ пхандэл лэс пэ яв́ир эф́та дывэса́; ⁶ пэ эф́тато дывэс раша́й нэвэстыр обдыкхэла лэс, и ко́ли фр́ансо тыкнэдыр бицяло́, и на розгийпэ фр́ансо пир цы́па, тэды раша́й исын бангó тэ пхэнэл манушэнгэ, со ёв исын жужо́: дава́ исын лишаё, и мэк ёв тэ выморэл пэскирэ́ йди, и явэ́ла жужо́. ⁷ Ко́ли лишаё ячэла тэ розджалпэ пир цы́па, коригэдыр (позже) дова́, сыр ёв псирдя́ кэ раша́й тэ жужакирэлпэ, тэды ёв яв́ир мо́ло бангó тэ явэл кэ раша́й; ⁸ о раша́й, дыкх́и, со лишаё розджалапэ пир цы́па, ёв дэла тэ джинэл манушэнгэ, со ёв исын нажужо́: дава́ исын прока́за. ⁹ Ко́ли явэ́ла пэ вари-конэстэ фр́ансо кэ прока́за, тэды трэй лэс тэ янэл кэ раша́й; ¹⁰ о раша́й обдыкхэла лэс и, ко́ли шулыпэн пэ цы́па исын парнó, и бал парудыя дрэ парнó, и пэ шулыпэн исын джидо́ мас, ¹¹ то дава́ исын гаратуны прока́за пэ лэскирэ-масэнгири цы́па; и раша́й пригалёла лэс нажужэса и пхандэла лэс; пал-дова́ со ёв исын нажужо́. ¹² Ко́ли фр́ансо розбуглэ́ла пэ цы́па, и учхакирэ́ла прока́за сар́и цы́па насвалэскири, лэскирэ́ шэрэстыр кэ гэра́, ци бут мого́инэн тэ дыкх́эн рашаскирэ́ якха́, ¹³ и дыкх́эла раша́й, со фр́ансо учхакирдя́ сарэ́ лэскирэ́ маса́, то тэды ёв пригалёла насвалэс жужэса, пал-дова́ со саро́ кэрдя́пэ дро парнó, ёв исын жужо́. ¹⁴ Кéли ячэла пэ лэстэ джидо́ мас, тэды ёв исын нажужо́; ¹⁵ и о раша́й, дыкх́и джидо́ мас, пригалёла лэс нажужэса, пал-дова́ со джидо́ исын мас нажужо́: дава́ исын прока́за. ¹⁶ Ко́ли джидо́ мас парудёла и пиририсё́ла дро парнó, мэк ёв тэ явэл кэ раша́й; ¹⁷ и о раша́й обдыкхэла лэс, и ко́ли фр́ансо обрисия́ дро парнó, раша́й пригалёла насвалэс жужэса; ёв исын жужо́. ¹⁸ Ко́ли конэстэ пэ масэнгири цы́па, сыс чыльчако́ (нарыво) и ёв задживдя́, ¹⁹ и пэ чыльчако́скиро штэ́то яця́ парнó шулыпэн, ци пляма парны ци лоловато, тэды ёв исын бангó тэ явэл кэ раша́й; ²⁰ и раша́й обдыкхэла лэс и, ко́ли чыльчако́ явэ́ла тэл цы́па, и бал лэскиро́ парудыя дро парнó, тэды раша́й пригалёла лэс нажужэса: дава́ исын проказакиро фр́ансо, ёв росцвэ́цындя́ (розлулудия) пэ чыльчако́; ²¹ нэ ко́ли раша́й дыкх́эла, со бал пэ фр́ансо исын напарно, и ёв нанэ тэл цы́па, и на́бут (куты́) исын бицялы́, тэды раша́й пхандэла лэс пэ эф́та дывэса́; ²² ко́ли ёв ячэ́ла древа́н тэ розджалпэ пир цы́па, тэды раша́й пригалёла лэс нажужэса: дава́ исын проказакиро фр́ансо; ²³ ко́ли пляма ячэлапэ пэ пэскиро́ штэ́то и на розджалапэ, тэды дава́ исын чыльчако́скиро шулыпэн, и раша́й пригалёла лэс жужэса. ²⁴ И, ко́ли конэстэ пэ масэнгири цы́па явэ́ла обхачкирибэн, и пэ задживдо́ обхачкирибнаскиро́ ячэ́ла лоловато ци парны пляма, ²⁵ и раша́й удыкх́эла, со бал пэ пляма (пятно) пирипарудыя дро парнó, и ёв ячэ́ла хор дрэ цы́па, тэды дава́ исын прока́за, ёй за́цвэ́цындя́ пэ обхачкирибэн; и раша́й пригалёла лэс нажужэса: дава́ исын проказакиро фр́ансо; ²⁶ ко́ли раша́й дыкх́эла, со бал пэ пляма напарно, и ёв нанэ тэл цы́па, и нанэ древа́н бицяло́, тэды раша́й пхандэла лэс пэ эф́та дывэса́; ²⁷ пэ эф́тато дывэс раша́й обдыкхэла лэс, и ко́ли ёй древа́н розджалапэ пир цы́па, тэды раша́й пригалёла лэс нажужэса: дава́ исын проказакиро фр́ансо; ²⁸ ко́ли пляма ячэлапэ пэ пэскиро́ штэ́то, и на розджалапэ пир цы́па, и на́бут со нанэ бицялы́, тэды дава́ шулыпэн обхачкирибнастыр; раша́й пригалёла лэс жужэса, пал-дова́ со дава́ шулыпэн обхачкирибнастыр. ²⁹ Ко́ли му́ршэстэ́ ци джувля́тэ́ явэ́ла фр́ансо пэ шэрó ци пэ чхора́ (брода́), ³⁰ и тэ́ньчи обдыкхэ́ла раша́й фр́ансо, и ёв ячэ́ла хор дрэ цы́па и бал пэ ла́тэ жы́лто сано, тэды раша́й пригалёла лэн нажужэ́нца: дава́ исын пархима́, дава́ исын прока́за пэ шэрó

ци пэ чхора (брода); ³¹ ко́ли раша́й обдыкхэла ф́рансо пархимакиро, и ёй на ячэ́ла хор дрэ́ цы́па, и бал пэ́ латэ́ исын на кало́, тэ́ды раша́й одолэ́с, конэ́стэ исын ф́рансо пархимакиро, пхандэ́ла пэ́ эф́та́ дывэ́са; ³² пэ́ эф́та́то дывэ́с раша́й обдыкхэла ф́рансо, и ко́ли пархима на розджала́пэ, и нанэ́ пэ́ латэ́ жылто́ бал, и пархима на ячэ́ла хор дрэ́ цы́па, ³³ тэ́ды насвалэ́стэ трэ́й тэ́ обчхинэ́н бала́, нэ́ штэ́то, кай́ пархима тэ́ на обчхинэ́н, и раша́й исын банго́ пархатонэ́с яви́р мо́ло тэ́ запхандэ́л пэ́ эф́та́ дывэ́са; ³⁴ пэ́ эф́та́то дывэ́с раша́й обдыкхэла пархима, и ко́ли пархима на розгия́пэ пир цы́па и на ячэ́ла хор дрэ́ цы́па, тэ́ды раша́й пригалё́ла лэ́с жужэ́са; мэк ё́в тэ́ выморэ́л пэ́скирэ́ йди, и явэ́ла жужо́. ³⁵ Нэ́ ко́ли пало́ лэ́скиро жу́жакирибэ́н явэ́ла бут тэ́ розджалпэ́ пархима пир цы́па, ³⁶ и раша́й удыххэ́ла, со пархима розджала́пэ пир цы́па, тэ́ды раша́й мэк тэ́ на родэ́л жылто́ бал: ё́в исын на́жужо. ³⁷ Ко́ли пархима ячэ́лапэ́, сыр сы́с, и сы́кавэ́лапэ́ пэ́ латэ́ кало́ бал, тэ́ды пошара́ про́гия, ё́в исын жужо́; раша́й пригалё́ла лэ́с жужэ́са. ³⁸ Ко́ли му́ршэ́стэ ци́ джувля́тэ пэ́ лэ́нгирэ́-масэ́нгири цы́па явэ́на я́рка пля́мы, я́рка парне́ пля́мы, ³⁹ и раша́й дыкхэ́ла, со пэ́ лэ́нгирэ́-масэ́нгири цы́па бледна-парне́ пля́мы, тэ́ды дава́ исын лишаё́, со росцвэ́цындя пэ́ цы́па: ё́в исын жужо́. ⁴⁰ Ко́ли конэ́стэ пэ́ шэ́ро вырэ́снэ́ бала́, тэ́ды дава́ исын пле́шо: ё́в исын жужо́; ⁴¹ а ко́ли анги́л пэ́ чы́кат вырэ́снэ́ бала́, тэ́ды ё́в исын лы́со: ё́в исын жужо́. ⁴² Ко́ли пэ́ пле́шо ци́ пэ́ лы́сина явэ́ла парны́ ци́ лолова́то пля́ма, тэ́ды пэ́ лэ́скиро пле́шо ци́ пэ́ лэ́скири лы́сина росцвэ́цындя про́казакиро ф́рансо. ⁴³ И о́ раша́й обдыкхэ́ла лэ́с и, ко́ли дыкхэ́ла, со пэ́ шу́лыпэ́н пэ́ ф́рансо парно́ ци́ лолова́то пэ́ лэ́скиро пле́шо ци́ пэ́ лэ́скири лы́сина, би́цялы со подджа́ла пэ́ масэ́нгирэ́-цы́пакиро про́каза, ⁴⁴ тэ́ды адава́ ману́ш исын про́казы́тко, на́жужо ё́в исын; раша́й исын банго́ тэ́ пригалё́л лэ́с на́жужэ́са, лэ́стэ пэ́ шэ́ро ф́рансо. ⁴⁵ Про́казы́тконэ́стэ, пэ́ савэ́стэ исын дава́ ф́рансо, трэ́й, соб (кай́) пэ́ лэ́стэ тэ́ явэ́л розку́шны й́дя, и лэ́скиро шэ́ро исын банго́ тэ́ явэ́л на учха́кирдо, и кэ́ уш́та́ ё́в банго́ тэ́ явэ́л учха́кирдо и тэ́ дэ́л го́дла: ‘На́жужо! на́жужо!’ ⁴⁶ Дрэ́ сарэ́ дывэ́са, па́ка пэ́ лэ́стэ исын ф́рансо, ё́в исын банго́ тэ́ явэ́л на́жужо, на́жужо исын ё́в; ё́в исын банго́ тэ́ дживэ́л екх́джино́, пал ста́но тэ́ явэ́л лэ́скиро джи́ибэ́н.

Зако́но пал Ури́бэ́н пэ́ Про́казы́тконэ́ндэ́

⁴⁷ Ко́ли явэ́ла про́казакиро ф́рансо пэ́ йди, ци́ пэ́ й́дя вы́лнаты́р (шэ́рсяты́р), ци́ пэ́ й́дя лё́носты́р (гандладэ́стыр), ⁴⁸ ци́ пэ́ основа́ тхавэ́нгири, савэ́ джа́на упралэ́стыр, ци́ пэ́ уто́ко тха́ва, со джа́на пир буглы́пэ́н лё́носты́р (гандладэ́стыр) ци́ вы́лнаты́р, ци́ пэ́ цы́па, ци́ пэ́ вари-саво́ саво́ цы́питко кэ́рибэ́н, ⁴⁹ и франса́кири пля́ма (пятно́) явэ́ла зэ́лэновато́ ци́ лолова́то пэ́ й́дя, ци́ пэ́ цы́па, ци́ пэ́ основа́, ци́ пэ́ уто́ко, ци́ пэ́ вари-саво́ цы́питко ури́бэ́н, – тэ́ды дава́ исын ф́рансо кэ́ про́каза: трэ́й тэ́ сы́кавэ́н ла раша́скэ́; ⁵⁰ о́ раша́й обдыкхэ́ла ф́рансо, и запхандэ́ла насвалы́ й́дя про́казаса́ пэ́ эф́та́ (битринэ́нгиро́ дэ́ш) дывэ́са ⁵¹ пэ́ эф́та́то дывэ́с раша́й про́дыкхэ́ла ф́рансо, и, ко́ли ф́рансо розгия́пэ пир й́дя, ци́ пэ́ основа́, ци́ пэ́ уто́ко, ци́ пир цы́па, ци́ пир вари-со, со кэ́рдó цы́паты́р, тэ́ды дава́ исын про́каза́ захалы́, на́жужо исын ф́рансо; ⁵² ё́в исын банго́ тэ́ схачки́рэл й́дя, ци́ основа́, ци́ вы́лнакиро́ уто́ко ци́ гандладэ́скиро (лё́носкиро), ци́ сави́ да тэ́ на явэ́л, сави́ кэ́рды цы́паты́р, пэ́ сави́ явэ́ла ф́рансо, пал-дова́ со дава́ исын захалы́ про́каза: трэ́й тэ́ схачки́рэ́н ла пэ́ я́г. ⁵³ Ко́ли раша́й дыкхэ́ла, со ф́рансо на розгия́пэ пэ́ й́дя, ци́ пэ́ основа́, ци́ пэ́ уто́ко, ци́ пэ́ сави́ б тэ́ на явэ́л риза́, со кэ́рды цы́паты́р, ⁵⁴ тэ́ды раша́й упхэ́нэ́ла тэ́ обморэ́н дова́, пэ́ сави́ исын ф́рансо, и яви́р мо́ло запхандэ́ла пэ́ эф́та́ дывэ́са; ⁵⁵ ко́ли кори́гэды́р (позжэ́ды́р) насвалэ́-идя́киро вы́морибна́стыр раша́й удыххэ́ла, со ф́рансо на парудя́ пэ́скиро́ би́цялыбэ́н и ф́рансо на розгия́пэ, тэ́ды ё́й исын на́жужы, схачки́рла й́дя пэ́ я́г; дава́ исын вы́хано́ штэ́то пэ́ муитко́ риг ци́ пэ́ палату́ны; ⁵⁶ ко́ли раша́й дыкхэ́ла, со ф́рансо пир ла́киро́ мори́бэ́н я́ця ты́кнэды́р би́цяло́, тэ́ды раша́й мэк тэ́ отку́шэл штэ́то франсо́са идя́тыр, ци́ цы́паты́р, ци́ основаты́р, ци́ уто́косты́р. ⁵⁷ Ко́ли ё́в нэ́вэ́стыр сы́кадэ́ла пэ́ й́дя, ци́ пэ́ основа́, ци́ пэ́ уто́ко, ци́ пэ́ вари-со кэ́рдó цы́паты́р, тэ́ды дава́ исын про́каза́, сави́ розджала́пэ: хачки́р пэ́ я́г дава́, пэ́ со про́каза́ исын. ⁵⁸ Ко́ли й́дя, ци́ основа́, ци́ уто́ко, ци́ вари-со со кэ́рдó цы́паты́р вы́морэ́са, и джа́ла кри́г лё́ндыр ф́рансо, тэ́ды трэ́й тэ́ выморэ́н лэ́н яви́р мо́ло, и ё́нэ́ явэ́на жужо́. ⁵⁹ Га́да, исын

законо пал франсо кэ проказа пэ вылнакири ци гандладэскири (лёнытко) идя, ци пэ основа ци пэ утоко ци пэ вари-со, со кэрдó цыпатыр, сыр тэ пригалёс ла жужэса ци нажужэса.

Шэрó 14

Упхэныбэн, Сыр тэ Састякирэс Проказытконэн

¹ И пхэндя Рай Дэвэл Мойзаскэ, ракири: ² “Гáда, исын законо пал манушэстэ, савэстэ исын проказа, кели трэй лэс тэ выжужакирэс: янэн лэс кэ рашай; ³ и рашай выджала яври станостыр, и ко́ли рашай дыкхэла, со мануш, савэстэ сыс проказа, высастия пэскирэ дукхатыр, ⁴ то тэды рашай припхэнэла тэ лэс ваш далэ манушэскэ дуэн джидэн и жужэн чириклен, кедрытко вэш, чэрвлёно тхав и исопо, ⁵ и рашай припхэнэла екха чирикля́ тэ захусавэн упрáл глинытко кхорэстыр (сасудостыр), упрáл джидо пани́; ⁶ а кокорó ёв лэла джидя чирикля́, кедрытко вэш, чэрвлёно тхав и исопо, и киндякирэла лэн и джидя чирикля́ дро рат чириклякиро, сави́ сыс захусады упрáл джидо пани́, ⁷ и брызгинэла лэса пэ манушэстэ, саво́ жужакирэлапэ проказатыр эф́та́ мо́лы, и пригалёла лэс жужэса, и мэкэла джидя чирикля́ пэ ф́лда. ⁸ О мануш, саво́ жужакирэлапэ, выморла пэскирэ́ йди, обчхинэла пэскирэ́ сарé бала́, выморэлапэ панéса, и явэла жужо́; коригэдýр (позжé) заджала дрé стáно, и ячэла эф́та́ дывэса́ пал пэскири шáтра; ⁹ пэ эф́та́то дывэс вымуравэла сарé пэскирэ́ бала́, пэскиро шэрó, пэскирэ́ чхора (брода), пэскирэ́ якхэнгирé пховья́ (брови), сарé пэскирэ́ бала́ вымуравэла, и выморэла пэскирэ́ йди, и выморэла панéса пэскирэ́ масá, и явэла жужо́. ¹⁰ И пэ эф́та́то дывэс ёв лэла бидошэнгирé дуэн бакрэн, и екха бакря́ екхэ-бэршыткона бидошэнгирья́, и трин дэшэнгирé пашá ефатыр, пшэнично́нэ яржэскиро, змешындло елеёса (дзэтэса), дро яныбэн маруно́, и елеёскиро екх лого (0.3 литро); ¹¹ И рашай, саво́ жужакирэла, чхувэла манушэс, саво́ жужакирэлапэ лэнца ангил Растэ-Дэвлэс-тэ пашы́л загиибэн дрé шáтра скэдыибна́скири; ¹² и лэла о рашай екхэ бакрэс, и отдэла лэс дро свэнто дыибэн пал банг, и елеё́ лого, и янэла дава́, тринскири ангил Растэ-Дэвлэстэ; ¹³ и зачхинэла бакрэс пэ дова́ штéто, кай чхинэна ваш свэнто дыибэн пал грéхо, и цéло схачкирибэн, пэ свэнто штéто, пал-дова́ со дава́ чхинэна ваш свэнто дыибэн пал банг, саво́ подджала пэ свэнто дыибэн (жэ́ртва) пал грéхо, и ёв трэй, соб (кай) тэ явэл рашаскэ: дава́ исын бари свэнтыма; ¹⁴ и лэла рашай на́бут (куты́) рат пал банг свэнтонé дыибна́стыр, и чхувэла рашай рат пэ чачé-ягороскиро кан манушэскэ, саво́ жужакирэлапэ и пэ лэскиро чачé-вастэскиро барó ангу́шт и пэ барó ангу́шт (пальцо), саво́ пэ лэскири чачи́ гэрóй; ¹⁵ и лэла рашай лого елеё́, и чхувэла пэ пэскири зэрво́ (лёво) бурнык (ладошка); ¹⁶ и киндькирэла рашай чачо́ (право) пэскиро ангу́шт дро елеё́, саво́ исын пэ лэскири зэрво́ (лёво) бурнык (ладошка), и чхувэла елеёса́ пэскирэ́ ангуштэстыр эф́та́ мо́лы ангил Растэ-Дэвлэстэ; ¹⁷ и елеё́ (дзэт), саво́ яця́пэ пэ лэскири бурнык, рашай чхувэла пэ манушэстэ, саво́ жужакирэлапэ, пэ чачé-канэскиро ягóро (пэ краё́), пэ барó ангу́шт лэскирэ́ чачé-вастэскиро ангу́шт и пэ барó ангу́шт пэ лэскири чачи́ гэрóй пэ штéто, кай чхудя́ рат пал свэнтонé дыибна́стыр пал банг; ¹⁸ а елеё́ (дзэт), саво́ яця́пэ, саво́ исын пэ васт рашастэ, чхувэла ёв пэ шэрó манушэскэ, саво́ жужакирэлапэ, и жужакирэла лэс рашай ангил Рáскирэ-Дэвлэскиро муй. ¹⁹ И янэла рашай свэнто дыибэн пал грéхо, и жужакирэла ёв манушэс, саво́ жужакирэлапэ лэскирэ́ нажужыпнастыр; коригэдýр (позжэдýр) дава́, зачхинэла ёв ваш цéло схачкирибэн; ²⁰ и янэла рашай цéло схачкирибэн и маруно́ яныбэн пэ алтáрё; и жужакирэла лэс рашай, и ёв явэла жужо́. ²¹ Кóли ёв исын чорорó и лэстэ́ нанэ барвалыпэн, тэды мэк тэ лэл екхэ бакрэс дро свэнто дыибэн пал банг тэ тринскирэл, соб (кай) тэ жужакирэл пэс, и екх дэ́што паш э́фа яржó парнэ́ гивэстыр (пшэницатыр), змешындло елеёса́ (дзэтэса), дро маруно́ яныбэн, и лого елеё́; ²² и дуэн горлицэн ци дуэн тэрнэн голумбэн, со дорэсэла лэскиро васт, екха чирикля́ дро свэнто дыибэн пал грéхо, а яви́рья дро цéло схачкирибэн; ²³ и янэла лэн пэ охтóто (бидуэнгиро дэ́што) дывэс пэскирэ́ жужакирибнастыр кэ рашай кэ загиибэн дрé шáтра (скíния), ангил Растэ-Дэвлэстэ. ²⁴ И о рашай лэла бакрэс дро свэнто дыибэн пал банг и лого елеё́, и янэла дава́ кэ рашай, тринскири ангил Растэ-Дэвлэстэ. ²⁵ И чхинэла бакрэс

дро свѣнто дыибѣн пал банг, и лѣла рашай рат свѣнтонѣ дыибнастыр пал банг, и чхувѣла пѣ яго́ро (пѣ краѣ) пѣ чачѣ кан Манушѣскиро, савѣ жужакирэлапѣ, и пѣ барѣ ангушт (пальцо) лѣскирѣ чачѣ (правонѣ) вастѣскиро и пѣ барѣ ангушт лѣскиро чачѣ-гѣрьякиро; ²⁶ и чхувѣла рашай елѣѣ (дзѣт) пѣ пѣскиро зѣрво (лѣво) васт, ²⁷ и елѣѣса, савѣ исын пѣ лѣскиро лѣво васт, рашай почхувѣла чачѣ пѣскирѣ ангуштѣстыр эфѣта мо́лы ангіл Растѣ-Дѣвлѣстѣ; ²⁸ и чхувѣла рашай елѣѣ, савѣ исын пѣ лѣскиро васт, пѣ манушѣстѣ, савѣ жужакирэлапѣ, пѣ яго́ро (краѣ) пѣ чачѣ кан, пѣ барѣ ангушт лѣскирѣ чачѣ-ва́стѣскиро и пѣ барѣ ангушт лѣскирѣ чачѣ-гѣрьякиро, пѣ штѣто, кай сыс рат пал банг свѣнтонѣ дыибнастыр; ²⁹ а савѣ яцѣпѣ елѣѣ, савѣ сыс пѣ рашаскиро васт, чхувѣла ѣв пѣ шѣро манушѣскѣ, савѣ жужакирэлапѣ, соб (кай) тѣ выжужакирэл лѣс ангіл Растѣ-Дѣвлѣстѣ; ³⁰ и янѣла екха горлицѣндыр ци екхѣс тѣрнѣ голумбѣндыр, со дорѣсѣла васт манушѣскиро, савѣ жужакирэлапѣ, ³¹ долѣстыр, со дорѣсѣла лѣскиро васт, екх чириклы дро свѣнто дыибѣн пал грѣхо, а явѣ́р дро цѣло схачкирибѣн, кхѣтанѣ марунѣ яныбнаса; и жужакирэла рашай манушѣс, савѣ жужакирэлапѣ ангіл муй Рѣскирѣ-Дѣвлѣскиро. ³² Ѓа́да, исын за́коно пал манушѣстѣ, пѣ савѣстѣ сыс про́каза, савѣстѣ на сыс барвалыпѣн дро пѣскиро часо тѣ жужакирэлпѣ.

За́коно пал Кхѣра́ Проказы́тконѣнца

³³ И пхѣндѣ Рай Дѣвѣл Мойза́скѣ и Ааронѣскѣ дасавѣ лавѣ: ³⁴ “Кѣли тумѣ заджа́на пѣ Ханаанѣскири пхув, савѣ Мѣ да́ва тумѣнгѣ тѣ лѣн сыр пхув пѣскири, и Мѣ яна́ва фѣрансо кѣ про́каза пѣ кхѣра́ пѣ тумарѣ пхув, савѣ тумѣ лы́нѣ пѣскѣ, ³⁵ то тѣды одо́ва ману́ш, конѣскиро кхѣр исын, исын бангѣ тѣ джал и тѣ пхѣнѣл рашѣскѣ: ‘Мѣндѣ дро кхѣр сыкады́я, хай, фѣрансо.’ ³⁶ Тѣньци о рашай припхѣнѣла тѣ вылыджан сарѣ кхѣрѣстыр англѣдыр, сыр заджа́ла рашай тѣ дыкхѣл фѣрансо, соб (кай) тѣ на ячѣл сарѣ нажу́жѣса, со исын дро кхѣр; коригѣдыр (пѣзжѣдыр) да́ва явѣ́ла рашай тѣ обдыкхѣл кхѣр. ³⁷ Ко́ли ѣв, обдыкхи фѣрансо, удыххѣла, со пѣ кхѣрѣскирѣ ва́нты исын гаратунѣ зѣлѣна ци лоловата поло́сы ямкѣндыр, савѣ явѣ́на хор дрѣ ва́нта, ³⁸ то тѣды рашай выджѣла кхѣрѣстыро кѣ вуда́р кхѣрѣскиро и пхѣндѣла кхѣр пѣ эфѣта дывѣса, ³⁹ И пѣ эфѣта дывѣс нѣвѣстыр (нѣвѣс) явѣ́ла рашай: и ко́ли дыкхѣла, со фѣрансо розгѣяпѣ пѣр кхѣрѣскирѣ ва́нты, ⁴⁰ то мѣк рашай тѣ припхѣнѣл тѣ выпхагѣрен бара́, пѣ савѣ тѣ явѣ́н фѣрансы, и тѣ чхурдѣн лѣн пал фо́ро пѣ нажу́жо штѣто; ⁴¹ и мѣк тѣ выгаблинѣн андра́л сарѣ кхѣр, и мѣк тѣ выгаблинѣн сарѣ штука́турка, и тѣ вычхувѣн ла пѣ нажу́жо штѣто пал фо́ро. ⁴² И ѣнѣ лѣна явѣ́р бара́, и чхувѣ́на лѣн пѣ долѣ-барѣнгѣро штѣто, и лѣна явѣ́р штука́турка, и обмакхѣ́на кхѣр; ⁴³ ко́ли фѣрансо нѣвѣстыр явѣ́ла и розджалапѣ пѣ кхѣр коригѣдыр (пѣзжѣдыр) да́ва, сыр выпхагѣрдѣ бара́ и выгаблиндлѣ кхѣр и обмакхѣ́нѣ лѣс, ⁴⁴ тѣды рашай явѣ́ла и обдыкхѣла, и, ко́ли фѣрансо розгѣяпѣ пѣ кхѣр, тѣды да́ва исын захалы про́каза пѣ кхѣр, фѣрансо исын нажу́жо; ⁴⁵ то трѣ́й тѣ роспахѣгѣрен да́ва Кхѣр, и лѣскирѣ бара́, и лѣскиро вѣш и сарѣ кхѣрѣскири штука́турка тѣ вылыджан пал фо́ро пѣ нажу́жо штѣто; ⁴⁶ и кон заджа́ла дро кхѣр дро сарѣ часо, кѣли ѣв исын запхѣндлѣ, одо́ва ману́ш явѣ́ла нажу́жо кѣ бѣльвѣ́ль; ⁴⁷ и кон тѣ явѣ́л сутѣ дро до́ва кхѣр, одо́ва ману́ш исын бангѣ тѣ выморѣл пѣскирѣ ѣди; и кон хѣ́ла дро до́ва кхѣр, одо́ва исын бангѣ а́дыкѣ-па́ць тѣ выморѣл пѣскири ѣ́ды. ⁴⁸ Ко́ли рашай явѣ́ла и дыкхѣла, со фѣрансо пѣ кхѣр на розгѣяпѣ коригѣдыр (пѣзжѣ) да́ва, сыр обмакхѣ́нѣ кхѣр, тѣды рашай пригалѣ́ла кхѣр жу́жѣса, пал-до́ва со фѣрансо прогѣ́я. ⁴⁹ И, соб (кай) тѣ выжужакирэл кхѣр, лѣ́ла ѣв дуѣ́н чириклен, ке́дроскиро вѣш, чѣрвлѣ́но тхав и исопо, ⁵⁰ и за́чхинѣла екха чирикля́ пѣ кхѣро́ глѣ́ятыр (глины́тко сасудо), упрѣ́л джидѣ́ панѣ́; ⁵¹ и лѣ́ла ѣв ке́дрово вѣш и исопо, и чѣрвлѣ́но тхав и джидѣ́ чирикля́, и кинды́кирэла лѣн дро чирикля́киро рат, савѣ́я за́чхиндлѣ́ и дро джидѣ́ панѣ́, и обчхувѣ́ла кхѣр эфѣта мо́лы; ⁵² и выжужакирэ́ла кхѣр чирикля́кирѣ ратѣ́са и джидѣ́ панѣ́са, и джидѣ́ чирикля́са и ке́дровѣ́нѣскирѣ вѣшѣ́са, и исопѣ́са и чѣрвлѣ́нонѣ́ тхавѣ́са; ⁵³ и мѣ́кѣ́ла джидѣ́ чирикля́ пал фо́ро пѣ фѣ́лда, и выжужакирэ́ла кхѣр, и явѣ́ла жу́жо.” ⁵⁴ Ѓа́да, исын за́коно пал ка́жно фѣрансо кѣ про́каза и пал пархѣ́ма, ⁵⁵ и пал про́казы пѣ ѣ́ды и пѣ кхѣр, ⁵⁶ и пал шу́лыпѣ́н, и пал пле́шо, и пал пле́мы, ⁵⁷ соб (кай) тѣ сы́клякирэ́л, кѣ́ли да́ва исын нажу́жо, и кѣ́ли исын жу́жо. Акѣ́, исын за́коно пал про́каза.

Шэрó 15

Закóно пал Нажужыпэн дрэ Масá

¹ И пхэндя Рай Дэвэл Мойзáскэ и Ааронóскэ, ракири: ² “Ракирэн Израилёскирэ чхавэнгэ и пхэнэн лэнгэ: ‘Кóли конэстэ явэла тэ тхадэл лэскирэ масэндыр, тэды лэскирэ тхадыпнастыр ёв исын нажужо. ³ И гада, исын закóно пал лэскиро нажужыпэн лэскирэ тхадыпнастыр: кэли тхадэла лэскирэ масэндыр лэскиро тхадыпэн, и кэли зарикирэлапэ дрэ лэскирэ масá лэскиро тхадыпэн, дава исын лэскиро нажужыпэн. ⁴ Кажно пасиндлы (чхуибэн), пэ савó пасёла адава мануш, савэстэ тэ явэл тхадыпэн, нажужо, и кажно предмето, пэ савó ёв бэшэла, исын нажужо; ⁵ и кон чилавэла лэскиро чхуибэн, одолэскэ трэй тэ выморэл пэскирэ йди (ризы) и тэ обморэлпэ панэса, и нажужо явэла ёв кэ бэльвэль; ⁶ кон ёв бэшэла пэ вари-со, пэ савó сыс бэштó мануш, савэстэ тэ явэл тхадыпэн, одова исын бангó тэ выморэл пэскирэ йди и тэ обморэлпэ панэса, и ёв нажужо явэла кэ/жыко бэльвэль; ⁷ и кон чилавэла манушэскирэ масá, савэстэ исын тхадыпэн, одова исын бангó тэ выморэл пэскирэ йди и обморэлпэ панэса, и нажужо явэла ёв кэ бэльвэль; ⁸ кóли мануш, савэстэ исын тхадыпэн, чунгардэла пэ жужэ манушэстэ, тэды адава мануш исын бангó тэ выморэл пэскирэ йди и тэ обморэлпэ панэса, и нажужо явэла ёв кэ бэльвэль; ⁹ и кажно глябо (повозка), дрэ савó традыя мануш, савэстэ исын тхадыпэн, нажужо явэла кэ/жыко бэльвэль; ¹⁰ и кажно, кон чилавэла вари-со, со сыс тэл лэстэ нажужэстэ, нажужо явэла кэ бэльвэль; и кон лыджала дава, исын бангó тэ выморэл пэскирэ йди и тэ обморэлпэ панэса, и нажужо явэла кэ бэльвэль; ¹¹ и кажно, кон чилавэла манушэс, савэстэ исын тхадыпэн, намори пэскирэ вастá панэса, исын бангó тэ выморэл пэскирэ йди и тэ выморэлпэ панэса, и нажужо явэла кэ бэльвэль; ¹² кхорó глэятыр (глиняно сасудо), кэ савó чилавэлапэ мануш, савэстэ исын тхадыпэн, трэй тэ розмарэс, а кажно кхорó вэшэстыр трэй тэ выморэс панэса. ¹³ А кэли мануш, савэстэ сыс тхадыпэн, явэла вольно пэскирэ тхадыпнастыр, тэды ёв исын бангó тэ отгинэл пэскэ эфтá дывэсá ваш пэскиро жужыпэн, и тэ выморэл пэскирэ йди (ризы), и тэ обморэл пэскирэ масá джидэ панэса, и явэла ёв жужó; ¹⁴ и пэ охтóто (бидуэнгиро дэшто) дывэс ёв лэла пэскэ дуэн горлицэн ци дуэн тэрнэ голумбэн, и явэла ангил Растэ-Дэвлэстэ кэ загиибэн дрэ скэдыбнаскири шáтра и отдэла лэн рашáскэ; ¹⁵ и янэла рашáй далэ чириклендыр екха далэ чириклендыр дро свэнто дыибэн пал грэхó, а явирья дро цэло схачкирибэн, и жужакирэла лэс рашáй ангил Растэ-Дэвлэстэ лэскирэ тхадыпнастыр. ¹⁶ Кóли вари-савó мурш вычхувэла пэскири сал (семё), тэды ёв исын бангó тэ обморэл панэса сарé пэскирэ масá, и нажужо явэла ёв кэ бэльвэль; ¹⁷ и кажно идя и кажно цыпа, пэ сави пэрэла семё, бангó исын тэ явэл выморды панэса, нажужи явэла кэ бэльвэль; ¹⁸ кóли мурш пасёла джувляса и явэла лэстэ сал (семё) тэ вычхувэлпэ, тэды ёнэ исын бангэ тэ обморэнпэ панэса, и нажужэ дуйджинó ёнэ явэна кэ бэльвэль. ¹⁹ Кóли джувлятэ чхувэлапэ рат, савó тхадэла лáкирэ масэндыр, тэды ёй исын банги тэ бэшэл эфтá дывэсá дрэ пэскиро часо тэ жужакирэлпэ, и кажно, кон чилавэла ла, нажужо явэла кэ бэльвэль; ²⁰ и сарó, пэ со ёй пасёла дро часо (цыро) лáкэ тэ жужакирэлпэ, явэла нажужо; и сарó, пэ со ёй бэшэла, нажужо; ²¹ и кажно, кон чилавэла лáкири пасиндлы (чхуибэн), исын бангó тэ выморэл пэскирэ йди и тэ обморэлпэ панэса, и нажужо явэла кэ бэльвэль; ²² и кóли вари-кон чилавэла вари-со пэ чхуибэн, ци пэ дова предмето, пэ савó ёй сыс бэшты, нажужо явэла кэ бэльвэль; ²³ и кóли вари-кон чилавэла вари-савó предмето, савó сыс пэ лэскиро чхуибэн, пэ савó ёй сыс бэшты, нажужо явэла кэ бэльвэль. ²⁴ кóли пирисовэла ласа ром, тэды лáкиро нажужыпэн явэла пэ лэстэ, ёв нажужо явэла эфтá дывэсá, и кажно чхуибэн, пэ савó ёв пасёла, явэла нажужо; ²⁵ кóли джувлятэ бут дывэсá тхадэла рат на дро лáкиро джувликано часо, ци кóли латэ тырдэлапэ тхадыпэн гарэдыр (длугэдыр) лáкирэ-джувликанэ ужакирибнастыр, сыр прилыно ужакирибнаса, то тэды дрэ сарé дывэсá лáкирэ тхадыпнаскирэ, и адякэ-паць, кэли ёй жужакирэлапэ, ёй явэла нажужы; ²⁶ кажно чхуибэн, пэ савó ёй пасёла дрэ сарé дывэсá дро лáкиро джувликано часо, ёй – явэла нажужы, адякэ-паць сыр чхуибэн дрэ лáкиро жужакирибнаскиро часо; и кажно любо предмето, пэ савó ёй бэшэла, явэла нажужо, сыр нажужо дава предмето дрэ лáкиро часо, кэли ёй жужакирэлапэ.

²⁷ И кажно, кон чилавэла лэн, явэла нажужо, и лэскэ трэй тэ выморэл пэскирэ йди и тэ обморэлпэ панэса, и ёв нажужо явэла кэ бэльвэль. ²⁸ А кэли ёй явэла вольно пэскирэ тхадыпнастыр, тэды исын бангó тэ отгинэл пэскэ эфтá дывэса, и коригэдýр (позжэдýр) ёй явэла жужы; ²⁹ и пэ эфтáто дывэс лэла ёй пэскэ дуэн горлицэн ци дуэн тэрнэн голумбэн, и янэла лэн кэ рашáй дрэ шáтра; ³⁰ и янэла рашáй екхэ чириклендыр дро свэ́нто дыибэ́н пал грéхо, а яви́рья дро цéло схачкирибэ́н, и выжужакирэ́ла ла рашáй ангíл Растэ-Дэвлэ́стэ ла́кирэ нажужакирдэ тхадыпнастыр. ³¹ Ады́кэ ра́кхэн Израилёскирэ чхавэ́н лэнгирэ нажужакирибнастыр, соб (кай) ёнэ тэ на мэрэн дро пэскиро нажужыпэн, магири Миро кхэр (шáтра), савó исын машкира́л лэндэ. ³² Ѓáда, исын за́коно пал манушэ́ндэ, савэ́ндэ тхадэла масэ́ндыр и пал дова́, сыр вы́чхувэлапэ семё, савó кэрэ́на лэс нажужэ́са, ³³ и пал одолэ́ндэ, кон пиридживэ́ла пал пэскиро жужыпэн, и пал манушэ́ндэ, савэ́ндэ масэ́ндыр тхадэ́ла, му́ршэскэ ци джувля́кэ и пал ромэ́стэ, савó пи́рисовэ́ла нажужэ́ джувля́са.

Шэро́ 16

Пал Вы́ракхибэ́н/Вы́киныбэ́н

¹ И ракирдý Рай Дэвэл Мойза́скэ пал дуе Аароно́скирэ чхавэ́нгиро мэрибэ́н, кэли ёнэ тэрдинэ́ чужо́нэ (напэскирэ) яга́са ангíл Растэ-Дэвлэ́стэ, и мы́нэ, ² и пхэ́ндý Рай Дэвэл Мойза́скэ: “Пхэ́н Аароно́скэ, тырэ́ пшалэ́скэ, соб (кай) ёв на дро кажно́ часо́ тэ заджа́л пэ свэ́нто штéто пал поло́го ангíл дэ́нко (кры́шка), со исын пэ́ ковчэ́го (мохто́), соб (кай) лэ́скэ тэ на мэрэ́л, пал дова́ со пэ́ дэ́нко Мэ́ ява́ва тэ́ явав дро́ обло́ко. ³ Ѓáда, со́са трэй́ тэ заджа́л Аароно́скэ пэ́ свэ́нто штéто: гуруво́рэса дро́ свэ́нто дыибэ́н пал грéхо́ и бакрэ́са дро́ цéло схачкирибэ́н. ⁴ Лэ́скэ трэй́ тэ урьел́ свэ́нцындло́ гандладе́стыр (лэ́носты́р) хитоно́, тэлатуны́ йдя́ гандладе́стыр мэ́к тэ́ явэл́ пэ́ лэ́скирэ́ маса́, и гандлада́тконэ́ кустыка́са мэ́к ёв тэ́ подпхандэ́лпэ, и гандлада́ткó кидаро́ мэ́к ёв тэ́ урьел́: дава́ исын свэ́нцындлэ́ йди; и мэ́к ёв тэ́ обморэл́ пэ́скирэ́ маса́ панэ́са, и тэ́ урьел́ лэн. ⁵ И Израилёскирэ́ чхавэ́нгирэ́ скэ́дыибна́стыр мэ́к ёв тэ́ лэл́ дуэ́н бузнэ́н (козлэ́н) дро́ свэ́нто дыибэ́н пал грéхо́ и екхэ́ бакрэ́с ваш́ цéло схачкирибэ́н. ⁶ И тэ́ янэл́ Ааро́но гуруво́рэс (теля́нтос) дро́ свэ́нто дыибэ́н пал пэ́скиро грéхо́ пал пэ́стэ, и выжужакирэ́ла пэ́с и кхэр́ пэ́скиро. ⁷ И лэ́ла дуэ́н бузнэ́н, и чхувэ́ла лэн́ ангíл Растэ-Дэвлэ́стэ́ пашы́л за́гиибэ́н дрэ́ шáтра скэ́дыибна́скири; ⁸ и чхурдэ́ла Ааро́но пал́ дуе́ бузнэ́ндэ́ жрэ́биё: екх́ жрэ́биё́ ваш́ Ра́скэ-Дэвлэ́скэ, а яви́р жрэ́биё́ ваш́ отме́кибэ́н; ⁹ и янэ́ла Ааро́но бузнэ́с, пэ́ савэ́стэ́ вы́гия́ жрэ́биё́ ваш́ Ра́скэ-Дэвлэ́скэ, и янэ́ла лэ́с дро́ свэ́нто дыибэ́н пал грéхо́, ¹⁰ а бузнэ́с, пэ́ савэ́стэ́ вы́гия́ жрэ́биё́ ваш́ отме́кибэ́н, чхувэ́ла джидэ́с ангíл Растэ-Дэвлэ́стэ́, соб (кай) тэ́ кэрэ́л пэ́ лэ́стэ́ жу́жакирибэ́н, и тэ́ отбичхавэ́л лэ́с пэ́ чхучи́ пхув́ ваш́ отме́кибэ́н. ¹¹ И янэ́ла Ааро́но гуруво́рэс дро́ свэ́нто дыибэ́н пал грéхо́ пал пэ́стэ, и выжужакирэ́ла пэ́с и пэ́скиро кхэр́, и за́чхинэ́ла гуруво́рэс дро́ свэ́нто дыибэ́н пал пэ́скиро грéхо́; ¹² и лэ́ла хачкирдэ́ ванга́ра дрэ́ пхэ́рдý ка́дила алта́ре́стыр, савó исын ангíл Растэ-Дэвлэ́стэ́, и лэ́ла гу́длэ́ смóлы тэ́ хачкирэ́л пхэ́рдэ́ бурны́ка (приго́ршни), и вы́лыджала́ лэн́ пал поло́го; ¹³ и чхувэ́ла ла́ хачкирдэ́ ванга́рэнца́ пэ́ яг ангíл Растэ-Дэвлэ́стэ́, и обло́ко фи́миамосты́р (гу́длэ́ смолэ́ндыр) учха́кирэ́ла дэ́нко (кры́шка), савó тэ́ явэл́ пэ́ ковчэ́го до́сыкаи́бна́са (откро́вения́са), соб (кай) лэ́скэ́ тэ́ на мэрэ́л; ¹⁴ и лэ́ла ёв гуруво́рэскиро́ рат, и почхувэ́ла пэ́скиро́ ангу́шт (пальцо́) пэ́ дэ́нко ангíл и пашы́л дэ́нко, э́фтá мо́лы. ¹⁵ Тэ́ньци́ ёв за́чхинэ́ла бузнэ́с (козлос) дро́ свэ́нто дыибэ́н пал манушэ́нгиро грéхо́, и лы́джала́ андрэ́ лэ́скиро́ рат пал поло́го, и кэрэ́ла дова́-па́ць лэ́скирэ́ ратэ́са, со кэ́рдý гуруво́рэскирэ́ ратэ́са, и чхувэ́ла лэ́са пэ́ дэ́нко и ангíл дэ́нко, ¹⁶ и выжужакирэ́ла ёв свэ́нто штéто́ Израилёскирэ́-чхавэ́нгирэ́ нажужы́пнастыр́ и сарэ́ лэ́нгирэ́ нала́чхэ́ рэ́ндэ́ндыр (делэ́ндыр), дрэ́ сарэ́ лэ́нгирэ́ грéхи. Ады́кэ бангó́ исын ёв тэ́ кэрэ́л и ваш́ скэ́дыибна́скири шáтра, сави́ исын лэ́ндэ́, машки́р лэ́нгиро́ нажужы́пэн. ¹⁷ Ни́екх ма́нуш на́штý тэ́ явэл́ дрэ́ шáтра скэ́дыибна́скири, кэ́ли заджа́ла ёв, Ааро́но, тэ́ жу́жакирэ́л свэ́нто штéто́, па́ка ёв вы́джа́ла ко́корó. И ады́кэ вы́жужакирэ́ла ёв пэ́с, кхэр́ пэ́скиро́ и сарó́ Израилёскиро́ скэ́дыибэ́н. ¹⁸ И вы́джа́ла ёв кэ́ алта́рэ́, савó исын ангíл Растэ-Дэвлэ́стэ́, и выжужакирэ́ла

лэс, и лэла рат гуруворэскиро и рат бузнэскиро, и чхувэла пэ шынга (роги) алтарёскэ сарэ ригэндир, ¹⁹ и чхувэла ёв пэ лэстэ ратэса пэскирэ ангуштэстыр (пальцостыр) эфта мёлы, и выжужакирэла лэс, и свэнцякирэла лэс Израилёскирэ-чхавэнгирэ нажужыпнастыр. ²⁰ И кэли ёв выжужакирэла свэнто штэто, скэдыибнаскири шатра и алтарё, то янэла ёв джидэ бузнэс (козлос), ²¹ и чхувэла Аароно пэскирэ дуй васта пэ джидэ-бузнэскиро шэрó, и пригалёла сарó чорипэн пэ лэстэ Израилёскирэ чхавэнгиро, со ёнэ кэрдэ проти Закóно и сарэ лэнгирэ грэхи, и чхувэла лэн пэ бузнэскиро шэрó и бичхавэла криг бузнэс выкэдынэ манушэса пэ чхучи пхув: ²² и лыджала бузно пэ пэстэ сарэ лэнгирэ рэндэ, савэ ёнэ кэрдэ на пир Закóно пэ пхув, дрэ сави нашты тэ проджан, и мэкэла ёв бузнэс пэ чхучи пхув. ²³ И заджала Аароно дрэ шатра скэдыибнаскири, и злэла гандладытка (лёнытка) урибэна, савэ ёв урьявэлэс, сыр джалас ёв пэ свэнто штэто, и ячкирэла лэн одой, ²⁴ и обморэла пэскирэ маса панэса пэ свэнто штэто, и урьела пэскирэ йди (ризы), и выджала и янэла цёло схачкирибэн пал пэстэ и цёло схачкирибэн пал манушэндэ, и выжужакирэла пэс и манушэн; ²⁵ а чэкэн (туко) свэнтонэ дыибнастыр пал грэхó пэкэла пэ алтарё. ²⁶ И одова, кон лыджия криг бузнэс ваш отмэкибэн, исын бангó тэ выморэл пэскирэ урибэна и тэ обморэл пэскирэ маса панэса, и коригэдыр (позжэдыр) ёв сашты тэ заджал дрэ стáно. ²⁷ А гуруворэс пал грэхó и бузнэс пал грэхó, савэнгиро рат сыс залыджино тэ жужакирэл свэнто штэто, мэк тэ вылыджан яври станостыр и тэ схачкирэн лэнгирэ цыпи и лэнгиро мас и лэнгиро нажужыпэн; ²⁸ кон схачкирэла лэн, одова исын бангó тэ выморэл пэскирэ урибэна, и тэ обморэл пэскирэ маса панэса, и коригэдыр (позжэдыр) адава мануш могоинэла тэ заджал дро стáно. ²⁹ И дава мэк тэ явэл ваш тумэнгэ сыр вечно упхэныбэн: дро эфта́то (бидуэнгиро дэшто) чхон, дро дэштонэ-чхонэскиро дывэс тэ явэн ковлэ тумарэ дия, и ни савó рэндо тэ на кэрэн, ни мануш явирэ пхувьятыр, ни мануш, савó явирэ ригатыр, савó дживэла машкир тумэндэ, ³⁰ пал-дова со дро дава дывэс о рашай жужакирэла тумэн, соб (кай) тэ кэрэл ёв тумэн жужэнца сарэ тумарэ грэхэндир, соб (кай) тумэ тэ явэн жужэ (чыста) ангил Растэ-Дэвлэстэ; ³¹ дава исын савато (субóта) тэ откхинён ваш тумэнгэ, явэн шы́л (тиха) дрэ тумарэ дия: дава исын вечно упхэныбэн. ³² Тэ жужакирэл исын бангó о рашай, савó исын помакхно, и савó исын высвэнцындло, соб (кай) лэскэ тэ кэрэл буты рашаса пэ штэто пэскирэ дадэскиро: и урьела ёв гандладэстыр (лёностыр) урибэна, свэнта йди, ³³ и выжужакирэла Свэнто-Свэнтонэнгиро и шатра скэдыибнаскири, и алтарё выжужакирэла, и рашан и сарэн скэдыибнаскирэ манушэн выжужакирэла. ³⁴ И дава явэла ваш тумэнгэ сыр вечно упхэныбэн: тэ жужакирэн Израилёскирэ чхавэн сарэ лэнгирэ грэхэндир екх мóло дро бэрш.” И кэрдя ёв адякэ, сыр Рай Дэвэл припхэндя Мойзаскэ.

Шэрó 17

Со тэ Кэрэл Ратэса

¹ И пхэндя Рай Дэвэл Мойзаскэ дасавэ лавá: ² “Ракирэн Ааронóскэ и лэскирэ чхавэнгэ и сарэ Израилёскирэ чхавэнгэ и пхэн лэнгэ: ‘Гáда, со припхэнэла Рай Дэвэл: ³ кóли кон Израилёскирэ кхэрэстыр зачхинэла гуруворэс ци бакря́ ци бузня дро стáно, ци кóли вари-кон зачхинэла лэн пал стáно ⁴ и на янэла кэ загиибэн дрэ скэдыибнаскири шатра (скíния), соб (кай) тэ отдэл дро свэнто дыибэн Рáскэ-Дэвлэскэ ангил Рáскирэ-Дэвлэскиро Кхэр, тэды одолэскэ манушэстэ явэла зачхиндлó ратэскиро прочхувибэн: ёв прочхудя рат, и хасёла одова мануш пэскирэ манушэндир; ⁵ дава исын ваш дова, соб (кай) Израилёскирэ чхавэ тэ кэрэн пэскирэ свэнта дыибэна, савэ ёнэ зачхинэна пэ фэлда, соб (кай) тэ янэн лэн ангил Растэ-Дэвлэстэ кэ загиибэн дрэ шатра скэдыибнаскири, кэ рашай, и тэ зачхинэн лэн Рáскэ-Дэвлэскэ дро раманёно (ми́рно) свэнто дыибэн; ⁶ и почхувэла о рашай ратэса пэ алтарё Рáскэ-Дэвлэскэ пашыл загиибэн дрэ шатра скэдыибнаскири, и захачкирна чэкэн (туко) сыр гудлó тхув, лачхó Рáскэ-Дэвлэскэ, ⁷ соб (кай) ёнэ бутыр тэ на янэн свэнта дыибэн идолэнгэ, пал савэ ёнэ псирэна налачхэ мысленца. Мэк тэ явэл дава ваш лэнгэ вечнóнэ припхэныбнаса дрэ лэнгирэ рóды.’ ⁸ Ишчо пхэн лэнгэ: ‘Кóли вари-кон Израилёскирэ кхэрэстыр и

манушэндэр, савэ явнэ явирэ ригэндэр, савэ дживэна машкір тумэндэ, янэна цэло схачкирибэн ци свэнто дыибэн,⁹ и на лыджала кэ загиибэн дрэ шатра скэдыибнаскири, соб (кай) тэ янэс лэс Раскэ-Дэвлэскэ, тэды одова мануш хасэла пэскирэ манушэндэр.¹⁰ Кóли вари-кон Израилёскирэ кхэрэстыр и манушэндэр, савэ явнэ явирэ ригэндэр, савэ дживэна машкір тумэндэ, явэла тэ хал вари-саво рат, тэды Мэ rischiрава Миро муй пэ дова ди, кон явэла тэ хал рат, и хасякирава лэс адалэ манушэндэр,¹¹ пал-дова со масэнгиро джиибэн (ваш кажно создыибэн) исын дро рат, и Мэ дыём тумэнгэ лэс ваш алтарё, соб (кай) тэ выжужакирэн тумарэ дия;¹² палдава Мэ и пхэндём Израилёскирэ чхавэнгэ: Ниэкх ди тумэндэр нашты тэ хал рат, и мануш, саво явдя явирэ ригатыр, саво дживэла машкір тумэндэ, нашты тэ хал рат.¹³ Кóли вари-кон Израилёскирэ чхавэндэр и манушэндэр, савэ явнэ явирэ ригэндэр, савэ дживэна машкір тумэндэ, пэ старибэн ухтылэла rischiрибнаскирэ мурдалэс (зверёс) ци чирикля, савья сапты тэ хал, тэды ёв исын банго тэ дэл тэ вытхадэл лакирэ ратэскэ и тэ заучхакирэл ла пхувьяса,¹⁴ пал-дова со кажнонэ-масэнгиро джиибэн исын дро лэскиро рат, ёв исын лэскиро ди; палдава Мэ пхэндём Израилёскирэ чхавэнгэ: на хан рат ни савэстыр масэндэр, пал-дова со ди кажнонэ масэнгиро создыибэн исын дро лэскиро рат: кажно, кон явэла лэс тэ хал, хасэла.¹⁵ И кажно, кон явэла тэ хал мулэскиро мас, ци заханэ rischiрибнаскирэ-мурдалэскиро (зверёскиро) мас, пэскиро мануш ци мануш, саво явдя явирэ ригатыр, трэй, соб (кай) ёв тэ выморэл пэскирэ урибэна и тэ обморэлпэ панеса, и нажужо явэла ёв кэ бэльвэль, а коригэдыр (позжэдыр) ёв явэла жужо;¹⁶ кóли ёв на выморэла пэскирэ урибэна, и на обморэла пэскирэ маса, тэды ёв тэ лыджал пэ пэстэ пэскири банг.”

Шэрó 18

Закóно пал Романдыпэн

¹ И пхэндя Рай Дэвэл Мойзаскэ, ракири: ² “Ракирэн Израилёскирэ чхавэнгэ и пхэн лэнгэ: ‘Мэ сом Рай Дэвэл, тумаро Дэвэл. ³ На кэрэн рэндэ пир закóны Египтоскирэ-пхувьякирэ, пэ сави тумэ дживдэ, на кэрэн, и пир Ханааноскири-пхувьякирэ закóны, пэ сави Мэ лыджава тумэн, на кэрэн и пир лэнгирэ упхэныбэна на псирэн. ⁴ Нэ тэ кэрэн пир Мирэ закóны и тэ ракхэн Мирэ упхэныбэна, кэрэн пир лэндэ. Мэ сом Рай Дэвэл, тумаро Дэвэл. ⁵ Ракхэн Мирэ упхэныбэна и Мирэ закóны, савэ трэй тэ кэрэн кэ кóнцо / ягóро (тэ сполнинэн), и, кóли тумэ кэрэна пир лэндэ, тумэ явэна джидэ. Мэ сом Рай Дэвэл, тумаро Дэвэл. ⁶ Никон тумэндэр ни кэ сави сэмэнца пир лоч (плоть) нашты тэ подджал пашыл долэса, соб (кай) тэ отчхакирэл нангипэн. Мэ сом Рай Дэвэл. ⁷ Нангипэн тырэ-дадэскиро и нангипэн тырэ-дакири на отчхакир. Ёй исын тыри дай, на отчхакир лакиро нангипэн. ⁸ Нангипэн тырэ-дадэскирэ ромнякиро на отчхакир: дава исын нангипэн тырэ-дадэскиро. ⁹ Нангипэн тырэ-пхэнякиро, тырэ-дадэскирэ чхакиро ци тырэ-дакиро чхакиро, сави бияндыа дро кхэр ци на кхэрэ, на отчхакир лэнгиро нангипэн. ¹⁰ Нангипэн тырэ-чхавэскирэ чхакиро ци тырэ-чхакирэ чхакиро, на отчхакир лэнгиро нангипэн, пал-дова со ёнэ исын тыро нангипэн. ¹¹ Нангипэн тырэ-дадэскирэ ромнякирэ чхакиро, сави исын тырэ дадэстыр, ёй исын тыри пхэн пир дадэстэ, на отчхакир лакиро нангипэн. ¹² Нангипэн тырэ-дадэскирья пхэня на отчхакир, ёй исын дадэса екхэ ратэстыр. ¹³ Нангипэн тырэ-дакирэ пхэня на отчхакир, пал-дова со ёй исын даса екхэ ратэстыр. ¹⁴ Нангипэн тырэ-дадэскирэ пшалэскиро на отчхакир и на подджа кэ лэскири ромны, пал-дова со её исын тыри биби. ¹⁵ Нангипэн тырэ-борьякиро на отчхакир, пал-дова со её исын ромны тырэ чхавэскэ, на отчхакир лакиро нангипэн. ¹⁶ Нангипэн тырэ-пшалэскирэ ромнякиро на отчхакир, пал-дова со дава исын тырэ-пшалэскирэ нангипэн. ¹⁷ Нангипэн джувлякиро и лакирэ-чхакиро на отчхакир, лакирэ-чхавэскиро чха и лакирэ-чхакирэ чха на лэ палором, соб (кай) тэ отчхакирэл лэнгиро нангипэн. Ёнэ исын екхэ ратэстыр ласа, дава исын злыдниа. ¹⁸ На лэ палором пэскирэ джувля кхэтанэ лакирэ пхэняса, соб (кай) ёй тэ на зэвлынэл, и соб (кай) тэ отчхакирэл лакиро нангипэн, пака тыри ромны исын джиды. ¹⁹ И кэ ромны дро часо, кели латэ исын джувликаны дукх, на чилав ла,

соб (кай) тэ отчхакирэс лакиро нангипэн. ²⁰ И ромняса тырэ пашатунэскирэса на пасёв, соб (кай) тэ вычхувэс семё (сал) и тэ магирэспэ ласа. ²¹ Тырэ чхавэндэр на отдэ тэ дынаринэн Молохоскэ, и на ладжакир тырэ Дэвлэскиро лав. Мэ сом Рай Дэвэл. ²² На пасёв муршэса, сыр джувляса, дава́ исын магирипэн. ²³ И нисавэ кхэритконэ мурдалэса (скотоса) на пасёв, соб (кай) тэ вычхувэс семё (сал) и тэ магирэспэ лэстыр: и джувлы наштý тэ тэрдэл ангил кхэритконэ мурдалэстэ (ангил ското) ваш на́лачхо рэндо, дава́ исын джунгалыпэн (гидота). ²⁴ На магирэн пэс ни со́са далэса, пал-дова́ со сарэса далэса магирдэ пэс манушá, савэн Мэ традава тумэндэр. ²⁵ И магирдяпэ пхув, и Мэ дыкхцём лакиро фуипэн, и чхурды́я криг пэстыр пхув манушэн сы́рбы чадья, савэ дживдэ пэ латэ. ²⁶ А тумэ раххэн Мирэ упхэныбэна́ и Мирэ зако́ны, и на кэрэн сарэ далэ магирипэна, ни пэскиро ману́ш, ни ману́ш, саво́ явдя́ явирэ ригатыр, саво́ и дживэла машки́р тумэндэ. ²⁷ Пал-дова́ со сарэ далэ магирибэна кэрдэ далэ-пхувьякирэ манушá, савэ дживдэ ангил тумэндэ, и магирдяпэ пхув. ²⁸ Нэ, соб (кай) пхув тэ на отрискирэл тумэн пэстыр, сыр тумэ явэна тэ магирэн ла, адя́кэ-пацý сыр ёй уже отрискирдя пэстыр манушы́тка на́цыи, савэ сыс вагэдыр (англэды́р) тумэндэр. ²⁹ Пал-дова́ со, ко́ли вари-кон явэла тэ кэрэл далэ джунгалэ (стэтка) рэнды, то одолэнгирэ дия́, савэ кэрдэ адя́кэ, явэна чхурдынэ́ тэ хасён лэнгирэ манушэндэр. ³⁰ Палдава́ раххэн Мирэ упхэныбэна́, соб (кай) тумэ́ тэ на кэрэн пир джунгалэ присыкляибэна, пир савэ кэрдэ манушá, савэ сыс вагэдыр тумэндэр, и соб (кай) тумэнгэ́ тэ на магирэнпэ. Мэ сом Рай Дэвэл, Дэвэл тумаро́.”

Шэро́ 19

Пирипхэныбэн Дэштунэнгирэ

¹ И пхэндя́ Рай Дэвэл Мойза́скэ дасавэ лавá: ² “Ра́кир сарэ́ скэдыибнаскэ́ Израилёскирэ́ чхавэнгирэ́ и пхэн лэнгэ́: ‘Явэн свэ́нта, пал-дова́ со Мэ́ сом свэ́нто Рай Дэвэл, Дэвэл тумаро́. ³ Дар ка́жно (сва́ко) ману́ш пэскирэ́ датыр и пэскирэ́ дадэстыр, и раххэн Мирэ́ са́ваты (суботы). Мэ́ сом Рай Дэвэл, тумаро́ Дэвэл. ⁴ На мангэнпэ́ идолэнгэ́, и на кэрэн пэ́скэ вычхудо́ дэвлорé. Мэ́ сом Рай Дэвэл, тумаро́ Дэвэл. ⁵ Кéли явэ́на тэ янэн Ра́скэ-Дэвлэ́скэ мёрно́ свэ́нто дыибэ́н, тэды янэн лэс, соб (кай) тэ́ дорэсэн пэ́скэ Дэвлэ́скири ла́ска: ⁶ дро́ дывэ́с, кéли тумэ́ янэ́на свэ́нто дыибэ́н (жэ́ртва) дро́ дывэ́с и пэ́ яви́р дывэ́с тумэнгэ́ трэ́й тэ́ хан лэс, а со́ ячэ́лапэ́ кэ́ трито́ дывэ́с исын ба́нгэ́ тэ́ схачки́рэн пэ́ яг; ⁷ ко́ли вари-кон лэ́ла лэс тэ́ хал пэ́ трито́ дывэ́с, дава́ исын джунгало́ (бры́тко): дава́ на́ явэ́ла Ра́скэ-Дэвлэ́скэ пир Зако́но; ⁸ кон лэ́ла ла́ тэ́ хал, одова́ лы́джала́ пэ́ пэ́стэ́ грэ́хо, пал-дова́ со́ ёв ма́гирдя́ Ра́скирэ-Дэвлэ́скири свэ́нтыма, и хасё́ла дова́́ ди пэ́скирэ́ манушэндэр. ⁹ Кéли явэ́на тэ́ укэдэн, со́ выбра́ия пэ́ яго́ро (пэ́ краё́) пэ́ тыри́ фэ́лда, и со́ ячэ́лапэ́ тырэ́ укэдыибнастыр, на́ подкэ́дэ, ¹⁰ и тыро́ винаградо́ (дракх) на́ обкэ́дэ́ кэ́ жу́жыпэн, и му́ри, савэ́ пы́нэ́ дро́ винагра́дника, на́ га́здэ, я́чкир дава́́ чорорэ́скэ́ и манушэ́скэ́, саво́ явдя́́ явирэ́ ригатыр. Мэ́ сом Рай Дэвэл, Дэвэл тумаро́. ¹¹ На́ чорэ́н, на́ ра́кирэн на́чачипэ́н, на́ хохавэ́н екх екхэ́с. ¹² На́ дэн хоханы́ совэ́л, причху́ви кэ́ дава́́ лав Миро́ на́ ма́гирэн пэ́скирэ́ Дэвлэ́скиро. Мэ́ сом Рай Дэвэл. ¹³ На́ прита́сав тырэ́ пашатунэ́с, и на́ лэ́ буты́р сыр трэ́й. Плэ́скирибэ́н бутя́рнэскэ́ наштý́ тэ́ я́чкирэ́с кэ́ ра́нко́ (кэ́ зло́ко). ¹⁴ На́ обра́кир кашу́кэс, и на́ чхув ни́чы́ ангил ко́рорэстэ́, соб (кай) тэ́ на пэ́рэл ё́в, дар Ра́стыр-Дэвлэ́стыр тырэ́стыр. Мэ́ сом Рай Дэвэл. ¹⁵ На́ сэ́ндякирэ́с хоханэ́с пэ́ сэ́ндо; на́ яв проти́ чорорэ́стэ́ и на́ кэр гу́длэс (на́ ла́дин) ба́рвалэ́ манушэнгэ́. Пир ча́чипэ́н сэ́ндякир тырэ́ пашатунэ́с. ¹⁶ На́ псир пи́ридыибна́риса машки́р тырэ́ манушэндэ́, и на́ газдэ́пэ́ пэ́ тырэ́-пашатунэ́скиро джи́ибэ́н. Мэ́ сом Рай Дэвэл. ¹⁷ На́ рики́р холы́́ дрэ́ тыро́́ ило́́ пэ́ тырэ́́ пшала́стэ́; сы́ка́в ба́нг тырэ́́ пашатунэ́скэ́, и на́ явэ́ла пал лэ́стэ́ грэ́хо. ¹⁸ На́ отдэ́ палэ́́ чори́пна́са (на́ отха́ палэ́), и на́ рики́р холы́́ пэ́ тырэ́-манушэнгирэ́́ чхавэндэ́, а сы́ка́в па́ты́в кэ́ тыро́́ пашату́но, сыр пэ́скэ́. Мэ́ сом Рай Дэвэл. ¹⁹ Раххэ́н Мирэ́́ упхэ́ныбэ́на; тырэ́́ кхэ́ритконэ́́ мурдалэ́с (ското) на́ злы́жа́́ явирэ́́ поро́даса; фэ́лда ты́ри на́ за́чхув ду́е разно́нэ́ зя́ркэ́нца; на́ ури́пэ́ дрэ́́ ризы́́ (дро́ ури́бэ́н) ка́жнэ́нэ́́ тхавэндэр, вы́лнаты́р и га́ндладэ́стыр (лё́ностыр). ²⁰ Ко́ли вари-кон пи́рисовэ́ла́ джувля́са, а ё́й исын пи́схари́ца, ан́грустя́кирды́ (обрэ́нчы́ндлы) ро́мэ́са, нэ́ ишчо́́ (инкэ́́) на́выки́ндлы, ци́ во́льныма́́ ишчо́́ (инкэ́́) на́нэ́́ ды́ны́

лакэ: тэды трэй тэ чхувэс кáра ишчо (инкэ) пэ лэндэ, нэ на мэрибнаса, пал-довá со ёй исын на вольно. ²¹ Мэк ёв тэ янэл Рáскэ-Дэвлэскэ кэ загиибэн дрэ шáтра скэдыибнаскири бакрэс пал исын банг, дро свэнто дыибэн пал пэскири исын банг; ²² и выжужакирэла лэс о рашáй бакрэса пал банг ангил Растэ-Дэвлэстэ грэхостыр, и отмэкно явэла лэскэ грэхо, саво ёв кэрдя. ²³ Кéли тумэ явэна пэ пхув, сави Рай Дэвэл дэла тумэнгэ, и почхувэна тумэ вари-саво плодэнгиро вэш, тэды лэскирэ барьякирдэ (плóды) гинэн пал наобчхиндлэ, нашты тэ хан лэн; ²⁴ а пэ штáрто бэрш сарэ лэскирэ барьякирдэ трэй тэ явэн свэнциндлэ ваш Рáскирэ-Дэвлэскирэ свэнки; ²⁵ а пэ пáнджто бэрш тумэ сашты тэ хан лэскирэ барьякирдэ и тэ скэдэн пэскэ саро, со лэстыр исын. Мэ сом Рай Дэвэл, Дэвэл тумаро. ²⁶ На хан ничи ратэса; на драбакирэн и на човаханякирэн. ²⁷ На обчинэн тумарэ шэрэскирэ балá сарэ ригэндыр, и на подчин тырэ чхорэнгиро (бродакиро) ягóро (краё). ²⁸ Ваш рипирибэн пал мулэстэ на кэрэн чхиныбэн пэ тумарэ масá, и на выпхусавэн пэ тумарэ масá вари-саво зачхиныбэн. Мэ сом Рай Дэвэл. ²⁹ На магир тырýя чха, домэки ла кэ блэндо, соб (кай) тэ на явэл блэндо пэ пхув и тэ на пхэрдёл пхув злыднимаса. ³⁰ Ракхэн мирэ сáваты (суботы) и дэн патýв Мирэ свэнтонé штэтоскэ. Мэ сом Рай Дэвэл. ³¹ На рискирэн годý кэ манушá, савэ выкхарэна мулэн, и на псирэн кэ човаханэ, и на долыджан пэс кэ магирипэн лэндыр. Мэ сом Рай Дэвэл, тумаро Дэвэл. ³² Ангил пхурэ манушэстэ ушты и кутякир лэскиро пхурипэн, и дар тырэ Дэвлэстыр. Мэ сом Рай Дэвэл. ³³ Кéли явэла тэ дживэл мануш явирэ ригáтыр пэ тумари пхув, на притасавэн лэс; ³⁴ о мануш, саво притрадыя явирэ ригáтыр, и яцý тэ дживэл тумэндэ; мэк тэ явэл ваш тумэнгэ дасаво-паць, сыр тумаро мануш исын; сыкáв патýв лэскэ, сыр пэскэ; пал-довá со и тумэ сáнас манушá, савэ явнэ явирэ ригáтыр пэ Египтóскири пхув. Мэ сом Рай Дэвэл, тумаро Дэвэл. ³⁵ На кэрэн хохайбэн пэ сэндо, дрэ мéра, дрэ вага (весó) и дрэ мéра тэ чхувэс: ³⁶ мэк тэ явэн тумэндэ убладýтка (весы) чачунé, гири чачунé, эфа чачунý и гино чачунó. Мэ сом Рай Дэвэл, тумаро Дэвэл, Саво вылыджия тумэн Египтóскирэ пхувýятыр. ³⁷ Ракхэн сарэ Мирэ упхэныбэна и сарэ Мирэ Закóны и кэрэн пир лэндэ. Мэ сом Рай Дэвэл.”

Шэрó 20

Кары, Кóли Пхагирэна Закóны

¹ И пхэндя Рай Дэвэл Мойзáскэ, ракири: ² “Рáкир давá Израилёскирэ чхавэнгэ: Кóли вари-кон Израилёскирэ чхавэндыр и манушэндыр, савэ явнэ явирэ ригэндыр, савэ дживэна машкир Израилитянэндэ, дэла екхэс пэскирэ чхавэндыр Молохоскэ, одовá мэк тэ явэл отдынó мэрибнаскэ, адалэ пхувýякирэ манушá мэк тэ замарэн лэс барэнца; ³ и Мэ рискирава Миро муй пэ одолé манушэстэ и хасякирава лэс лэскирэ манушэндыр, пал-довá со ёв отдыя пэскирэ чхавэндыр Молохоскэ, соб (кай) тэ магирэл Миро свэнто штэто и тэ тэлякирэл свэнто Миро лав; ⁴ и, кóли адалэ-пхувýякирэ манушá на рискирэна пэскирэ якхá пэ одолé манушэстэ, кéли ёв дэла пэскирэ чхавэндыр Молохоскэ, и на мулякирэна лэс, ⁵ то тэды Мэ рискирава Миро муй пэ одолé манушэстэ и пэ лэскиро рóдо, и хасякирава лэс лэскирэ манушэндыр, и сарэн, кон псирéла пал лэстэ, соб (кай) блэндый тэ псирэн палáл Молохостэ. ⁶ И кóли вари-саво ди рискирéла годý кэ манушá, савэ выкхарэна мулэн и кэ човаханэ, соб (кай) блэндый тэ псирэс пал лэндэ, тэды Мэ рискирава пэскиро Муй пэ довá ди, и хасякирава лэс лáкирэ манушэндэ. ⁷ Свэнцякирэн пэс и явэн свэнта, пал-довá со Мэ сом Рай Дэвэл, тумаро Дэвэл, и Мэ сом Свэнто. ⁸ Ракхэн Мирэ статýты и кэрэн саро пир лэндэ, пал-довá со Мэ сом Рай Дэвэл, Саво свэнцякирэла тумэн. ⁹ Кон явэла тэ кошэл пэскирэ дадэс ци пэскирýя да, одовá мэк тэ явэл отдынó мэрибнаскэ; пэскирэ дадэс и да пэскирýя ёв костя: лэскиро рат явэла пэ лэстэ. ¹⁰ Кóли вари-кон явэла тэ кэрэл биладжаипэн палоромитконэ ромнýса, кóли вари-кон явэла тэ кэрэл биладжаипэн пэскирэ пашатунэскирэ ромнýса, мэк тэ явэн отдынé мэрибнаскэ, биладжакуно и биладжакуны. ¹¹ Кóли вари-кон пасéла пэскирэ-дадэскирэ ромнýса, одовá хай отчхакирдý лэскирэ-дадэскиро нангипэн, мэк тэ явэн отдынé мэрибнаскэ дуйджинé, лэнгиро рат тэ явэл пэ лэндэ. ¹² Кóли вари-кон пасéла пэскирэ

борьяса, тэды дуйджинэ ёнэ мэк тэ явэн отдынэ мэрибна́скэ: магирипэн ёнэ кэрдэ, лэнгиро рат тэ явэл пэ лэндэ. ¹³ Кóли вари-кон пасёла муршэса, сыр джувля́са, тэды ёнэ дуйджинэ кэрдэ магирипэн: мэк ёнэ тэ явэн отдынэ мэрибна́скэ, лэнгиро рат тэ явэл пэ лэндэ. ¹⁴ Кóли вари-кон лэ́ла пэ́скэ ромня́ и лакирья́ да: дава́ исын проти зако́но; пэ яг трэй тэ хачкирэн лэс и лэн, соб (кай) тэ на пхагирэн зако́но машки́р тумэндэ. ¹⁵ Кон кхэтанякирэ́лапэ кхэритконэ мурдалэ́са (скотоса), одолэ́с тэ отдэ́с мэрибна́скэ, и мурдалэ́с тэ замарэ́н. ¹⁶ Кóли джувлы́ джа́ла кэ вари-саво́ мурда́л (животно), соб (кай) тэ кэрэл биладжаипэн лэ́са, тэды замар джувля́ и мурдалэ́с, мэк тэ явэн ёнэ отдынэ мэрибна́скэ, лэнгиро рат тэ явэл пэ лэндэ. ¹⁷ Кóли вари-кон лэ́ла пэ́скирья́ пхэ́ня, пэ́скирэ-даде́скирэ чха́ ци пэ́скирэ-да́кирэ чха́, и удыххэ́ла ла́киро нангипэн, и ёй удыххэ́ла лэ́скиро нангипэн: дава́ исын ладж, мэк тэ явэн ёнэ хасякирдэ́ ангил пэ́скирэ-чхавэнгирэ́ манушэнгирэ́ якха́; ёв отчхакирдя́ пэ́скирэ-пхэ́някиро нангипэн: пэ́скиро грэ́хо лыджа́ла ёв. ¹⁸ Кóли кон пасёла ромня́са дрэ́ дава́ часо, кэ́ли ла́тэ джувликаны́ дукх, и отчхакирэ́ла ла́киро нангипэн, тэды ёв отчхакирдя́ ла́киро тхады́пэн, и ёй отчхакирдя́ пэ́скирэ рата́: дуйджинэ́ ёнэ мэк тэ явэн хасякирдэ́ пэ́скирэ манушэндýр. ¹⁹ На отчхакир нангипэн тырэ́-да́кирэ пхэ́някиро и тырэ́-даде́скирэ пхэ́някиро, пал-дова́ со адасаво́ ману́ш нангякирэ́ла пэ́скири сэмэнца́; грэ́хо пэ́скиро лыджа́на ёнэ. ²⁰ Кон пасёла пэ́скирэ би́бьяса, одова́ отчхакирдя́ нангипэн пэ́скирэ ка́кэскиро; грэ́хо пэ́скиро лыджа́на ёнэ, би́ чхаворэнгиро́ мэ́рэна ёнэ. ²¹ Кóли вари-кон лэ́ла пэ́скирэ-пшалэ́скирэ ромня́: дава́ исын джунгало́ (бры́дко) рэ́ндо; ёв отчхакирдя́ пэ́скирэ-пшалэ́скиро нангипэн, би́ чхаворэнгиро́ явэ́на ёнэ. ²² Ракхэ́н сарэ́ Мирэ́ стату́ты и сарэ́ зако́ны Мирэ́, и кэрэн саро́ пир лэндэ́, и на вычхурдэ́ла тумэн пэ́стыр пхув, пэ́ сави́ Мэ́ лыджа́ва тумэн тэ́ дживэ́н. ²³ На кэрэн пир манушы́тко присы́кляибэн, савэ́н Мэ́ традава́ криг тумэндýр; пал-дова́ со ёнэ кэрдэ́ саро́ дава́, и Мэ́ холясы́ём пэ́ лэндэ́, ²⁴ и пхэндём Мэ́ тумэ́нгэ: ‘тумэ́ хулаинэ́на лэнгирэ́ пхувья́са, и тумэ́нгэ отда́ва дро́ мэ́кно́ мишты́пэн (наследство) пхув, дрэ́ сави́ тхадэ́ла тхуд и авги́н. Мэ́ сом Рай́ Дэвэл, тумаро́ Дэвэл, саво́ чху́дя дрэ́ риг тумэн сарэ́ манушэндýр. ²⁵ Роскэдэн пэ́скэ жу́жэ мурдалэ́с на́жужэ́стыр и жу́жэ чи́рикля́ на́жужаты́р, и на магирэ́н тумарэ́ дия́ мурдалэ́са и чи́рикля́са и сарэ́са, со ползы́нэла пир пхув, со прига́лыём Мэ́, сыр на́жужо. ²⁶ Явэ́н свэ́нта ангил Ма́ндэ, пал-дова́ со Мэ́ сом Рай́ Дэвэл, тумаро́ Дэвэл, сом Свэ́нто, и Мэ́ чху́дём дрэ́ риг тумэн манушэндýр, соб (кай) тумэ́ тэ́ явэ́н Мирэ́. ²⁷ Мурш́ ци́ джувлы́, ко́ли ёнэ́ явэ́на тэ́ вы́кхарэ́н му́лэн ци́ тэ́ чо́ваханякирэ́н, мэк тэ́ явэ́н отдынэ́ ёнэ́ мэрибна́скэ, трэй́ тэ́ домарэ́н лэн́ барэ́нца, лэнгиро́ рат тэ́ явэл пэ́ лэндэ́.”

Шэ́ро 21

Упхэ́ныбэ́на́ Рашангэ́

¹ И пхэндя́ Рай́ Дэвэл Мойза́скэ: “Ра́кир рашангэ́, Аароно́скирэ́ чхавэ́нгэ, и пхэ́н лэ́нгэ: ‘Мэк ёнэ́ тэ́ на магирэ́н пэ́с чилави́бна́са кэ́ му́ло пэ́скирэ́ манушэндýр; ² екх́ со́ кэ́ пэ́скири па́шатуны́ сэмэнца́, кэ́ пэ́скири дай́ и кэ́ пэ́скиро да́д, кэ́ пэ́скиро чха́во́ и кэ́ пэ́скири чха́й, кэ́ пэ́скиро пшал́, ³ и кэ́ пэ́скири пхэ́н, сави́ тэ́ явэл́ дрэ́́ чха́я, и дживдя́ пашы́л лэ́стэ́ и на сыс палоро́м, сашты́ лэ́скэ́ тэ́ кэрэл́ дава́́ на́жужы́пэн; ⁴ и чилави́бна́са кэ́ кон́ бы́ да́ тэ́ на́ явэл́ дрэ́́ пэ́скирэ́ манушэ́ндэ́ ёв́ на́шты́ тэ́ ма́гирэл́ пэ́с, соб (кай) тэ́ на́ ячэл́ на́жужо. ⁵ Лэ́нгэ́ на́шты́ тэ́ чхинэ́н кэ́ нангипэ́н (тэ́ муравэ́н) пэ́скирэ́ шэ́рэ́ и тэ́ подчхинэ́н яго́ры (край)́ дрэ́́ пэ́скирэ́ чхора́ (бро́да), и тэ́ кэрэ́н чхины́бэ́н пэ́ пэ́скирэ́ маса́. ⁶ Лэ́нгэ́ трэй́́ тэ́ явэ́н свэ́нта пэ́скирэ́ Дэвлэ́скэ́, и лэ́нгэ́ на́шты́ тэ́ тэ́лякирэ́н пэ́скирэ́-Дэвлэ́скиро́ лав, пал-дова́ со́ ёнэ́ янэ́на Ра́скэ́-Дэвлэ́скэ́ свэ́нто дыи́бэ́н (жэ́ртва) пэ́ яг, ма́ро пэ́скирэ́ Дэвлэ́скэ́, и палда́ва́ исын ба́нгэ́ тэ́ явэ́н свэ́нта. ⁷ Лэ́нгэ́ на́шты́ тэ́ лэн́ пал́ пэ́стэ́ биладжа́ку́ня джувля́́ и дошва́ля чха́, и на́шты́ тэ́ лэн́ и джувля́́, савья́́ мэ́кця́ ла́киро́ ром, пал-дова́ со́ ёнэ́ исын свэ́нта пэ́скирэ́ Дэвлэ́скэ́. ⁸ Вы́свэ́нцы́н лэн́, пал-дова́ со́ ёнэ́ янэ́на ма́ро ты́рэ́ Дэвлэ́скэ́: мэк тэ́́ явэ́н ёнэ́́ ту́тэ́ свэ́нта, пал дова́́ со́ Мэ́́ сом свэ́нто Рай́́ Дэвэл, Са́во́ свэ́нцякирэ́ла́ тумэ́н. ⁹ Кóли́ э́ рашаски́ри чха́й ма́гирэ́ла́ пэ́с биладжа́ипна́са, тэ́ды́ ёй́ тэ́лякирэ́ла́ пэ́скирэ́ да́дэ́с; я́га́са трэй́́ ла́ тэ́ хачкирэ́н. ¹⁰ И́ баро́́ раша́й пэ́скирэ́́ пшалэ́ндýр, пэ́́ савэ́скиро́́ шэ́ро́́ чхувэ́́ла ма́кхи́бна́скиро́́ еле́е́ (дзэ́т),

и саво исын высвэнцындло, соб (кай) тэ урьелпэ дрэ свэнта ризы, наштý тэ нангякирэл пэскиро шэрó и тэ на кушэл пэскирэ ризы; ¹¹ и ни кэ кон мулэндýр наштý ёв тэ подджал: адýкэ-паць чилавибнаса кэ муло пэскиро дад и пэскири дай ёв наштý тэ магирэл пэс. ¹² И свэнтонé штэтóстыр ёв наштý тэ отджал и тэ тэлякирэл пэскирэ Дэвлэскиро свэнто штэто, пал-довá лэс высвэнцындлэ макхибнаскирэ елеёса ваш лэскирэ-Дэвлэскэ. Мэ сом Рай Дэвэл. ¹³ Палорóм лэскэ трэй тэ лэл патывала тэрня джувля. ¹⁴ Лэскэ наштý тэ лэл джувля, савýтэ мыя ром, ци савý ром мэкця, ци савý обхохадэ, ци биладжакуня джувля, нэ патывала тэрня джувля пэскирэ манушэндýр исын бангó ёв тэ лэл палорóм; ¹⁵ Лэскэ наштý тэ ладжакирэл пэскиро семё (сал) дрэ пэскирэ манушэндэ, пал дова со Мэ сом Рай Дэвэл, Савó лэс свэнцякирава.” ¹⁶ И пхэндý Рай Дэвэл Мойзаскэ дасавэ лавá: ¹⁷ “Рáкир Ааронóскэ дасавэ лавá: ‘Никон тырэ родóстыр дрэ сарé лэнгирэ рóды, савэндэ пэ масá явэла наухтылыбэн, наштý тэ подджал, соб (кай) тэ янэл марó пэскирэ-Дэвлэскэ; ¹⁸ никон, конэстэ пэ масá исын наухтылыбэн, наштý тэ подджал, ни корорó, ни лангало, ни рагандо (уродо), ¹⁹ ни савó, конэстэ исын пирипхагирды гэрóй, ци пирипхагирдо васт, ²⁰ ни гырбаса, ни шукé членоса, ни карлико, ни плямаса пэ якх, ни гэрало, ни джувало (пошэсяса), ни дошвало мурш (евнухо); ²¹ ниéкх мануш рашаскирэ Ааронóскирэ родóстыр, савэстэ пэ масá исын наухтылыбэн, наштý тэ подджал, соб (кай) тэ янэл Рáскэ-Дэвлэскэ свэнта дыибэна; наухтылыбэн исын пэ лэстэ, палдава лэскэ наштý тэ подджал, соб (кай) тэ янэл марó пэскирэ-Дэвлэскэ. ²² Маро пэскирэ Дэвлэскиро исын барé свэнтыматýр и свэнтыматýр ёв саштý тэ хал; ²³ нэ кэ полоого ёв наштý тэ явэл, и кэ алтарё наштý лэскэ тэ подджал, пал-дова со наухтылыбэн исын пэ лэстэ: ёв наштý тэ тэлякирэл Миро свэнто штэто, пал-дова со Мэ сом Рай Дэвэл, Савó свэнцякирэла лэн.” ²⁴ И дыя тэ джинэл дава Мойза Ааронóскэ и лэскирэ чхавэнгэ и сарé Израилэскирэ чхавэнгэ.

Шэрó 22

Сыр Бангé Тэ Дживэн Рашая

¹ И пхэндý Рай Дэвэл Мойзаскэ, ракири: ² “Рáкир Ааронóскэ и лэскирэ чхавэнгэ, соб (кай) ёнэ ракхибнаса тэ рикирэн пэс ангил Израилэскирэ-чхавэнгирэ свэнтыма, и тэ на магирэн Миро свэнто лав дро дова, со ёнэ ракирэна Мánгэ. Мэ сом Рай Дэвэл. ³ Пхэн лэнгэ: ‘Кóли вари-кон сарé тумарé манушэндýр дрэ тумарé рóды, тэ рикирэл пэ пэстэ нажужыпэн, тэ подджал кэ свэнтыма, савэ посвэнцынэна Израилэскирэ чхавэ Рáскэ-Дэвлэскэ, тэды тэ хасёл дова ди Мирé мóстыр. Мэ сом Рай Дэвэл. ⁴ Ниéкх Ааронóскирэ родóстыр проказаса ци конэстэ тхадэла, одолэскэ наштý тэ хал свэнтыма, пака ёв на выжужакирэлапэ; и кон чилавэла вари-со нажужо мулэстыр, ци конэстэ вычхувэлапэ семё (сал), ⁵ ци кóли вари-кон чилавэла вари-савó создыйибэн, со ползынэла, савэстыр ёв ячэла нажужо, ци чилавэла манушэс, савэстыр ёв ячэла нажужо, савó тэ на явэл нажужыпэн, ⁶ одовá, кон чилавэла сарó, нажужо явэла ёв кэ бэльвэль, и лэскэ наштý тэ хал свэнто англэдыр, сыр ёв обморэла пэскирэ масá панéса; ⁷ нэ кéли заджáла кхам и ёв явэла жужó, тэды ёв могинэла тэ хал свэнтыма, пал-дова со дава сыс лэскиро хабэн. ⁸ Падаль и мас, со яцяпэ rischiрибнаскирэ мурдалэстыр (зверёстыр) ёв тэ на хал, соб (кай) тэ на магирэлпэ далéса. Мэ сом Рай Дэвэл. ⁹ Мэк тэ ракхэн ёнэ Мирé упхэныбэна, соб (кай) тэ на лыджан пэ пэстэ грéхо, и тэ на мэрэн дрэ лэстэ, кéли ёнэ пхагирэна дава. Мэ сом Рай Дэвэл, савó свэнцякирэла лэн. ¹⁰ Никонéскэ явирэ манушэскэ наштý тэ хал свэнтыма: савó дживэла кэ рашáй и налыно бутярно наштý тэ хал свэнтыма; ¹¹ кóли рашáй кинэла пэскэ манушэс пал руп, тэды ёв саштý (могинэла) тэ хал свэнтыма; адýкэ-паць и лэскирэ кхэрýтка саштý тэ хан лэскиро марó. ¹² Кóли рашаскири чхай выджáла палорóм пал явирэ манушэстэ ригáтыр, тэды ёй наштý тэ хал, со янэна дрэ свэнтыма; ¹³ кéли рашаскири чхай ячэлапэ пивляса (удоваса) ци розджалапэ ромэса, и чхавэн лáтэ нанэ, и рисёла дрэ пэскирэ дадэскиро кхэр, сыр сыс дро пэскиро тэрныпэн, тэды ёй саштý (могинэла) тэ хал пэскирэ-дадэскиро марó; а ниéкх явирэ ригáтыр наштý лэс тэ хал. ¹⁴ Кон дэлапэ дукhá (кэрэла доша) и хáла вари-со свэнтыматýр, одовá исын бангó тэ

отдэл рашаскэ свэнто и тэ дочхувэл кэ ёй лакири пэнджто паш. ¹⁵ Рашангэ кокорэнгэ наштý тэ магирэн Израилёскирэ-чхавэнгири свэнтыма, савó ёнэ янóна Рáскэ-Дэвлéскэ, ¹⁶ и лóнгэ наштý тэ выххарэн пэ пóстэ банг дро чорипэн, кéли явóна тэ хан пэскири свэнтыма, пал-довá со Мэ сом Рай Дэвэл, Савó свэнцынэла лэн.”

Савэ Свэнта Дыибэна на Прилэнапэ

¹⁷ И пхэндя Рай Дэвэл Мойзаскэ дасавэ лавá: ¹⁸ “Рáкир Ааронóскэ и лэскирэ чхавэнгэ и сарé Израилёски-рэ чхавэнгэ, и пхэн лóнгэ: ‘Кóли вари-кон Израилёскирэ кхэрэстыр, и манушэндýр, савé явнэ явирэ ригáтыр, и дживéна машкíр Израильтянэндэ, ци пир савí совлáх, ци пир илó янэла пэскиро свэнто дыибэн, савó янóна Рáскэ-Дэвлéскэ дро цéло схачкирибэн, ¹⁹ тэды, соб (кай) лóнгэ тэ явэл Рáстыр-Дэвлэстыр лáска, свэнто дыибэн трэй тэ явэл бидошэнги́ро, мурш, барé мурдалэстыр, бакрэндýр и бузнэндýр (козлэндýр); ²⁰ нисавó мурдал (животно), пэ савэстэ исын дош, тэ на янэн; пал-довá со давá на дэла тумэнгэ Рáстыр-Дэвлэстыр лáска. ²¹ И кóли вари-кон янэла мíрно свэнто дыибэн Рáскэ-Дэвлéскэ, соб (кай) тэ кэрэл пир совлáх, ци пир илó, барé мурдалэстыр ци тыкнэстыр, тэды свэнто дыибэн исын бангó тэ явэл бидошэнги́ро, соб (кай) тэ явэл лачхó Рáскэ-Дэвлéскэ: нисавí дош наштý пэ лэстэ тэ явэл; ²² корорэс мурдалэс, ци савэс домардэс, ци уродос, ци насвалэс, ци гэралэс, ци джувалэс, дасавэн на янэн Рáскэ-Дэвлéскэ, и дро свэнто дыибэн на дэн лэн пэ Рáскирэ-Дэвлэскиро алтáрэ; ²³ гурувóрэс и бакрэс членэнца древáн длэнгонэнца ци тыкнэнца, сыр свэнто дыибэн пэскирэ илэстыр ту могинэса тэ янэс; а кóли пир совлáх, тэды давá на явóла пир лáска Дэвлéскэ; ²⁴ мурдалá, савэстэ ятры ростасадэ, розмардэ, откушнэ ци вычхиндлэ на янэн Рáскэ-Дэвлéскэ, и пэ тумарí пхув давá на кэрэн; ²⁵ и явирэ-пхувьякирэ манушэнгирэ вастэндýр на янэн сарэн дасавэн мурдалэн дро свэнто дыибэн тумарé Рáскэ-Дэвлéскэ, пал-довá со пэ лóндэ исын дош; ёнэ на янóна тумэнгэ лáска Дэвлэстыр.” ²⁶ И пхэндя Рай Дэвэл Мойзаскэ дасавэ лавá: ²⁷ “Кéли бияндёла (лотёла) гуруворо, ци бакрорó, ци бузноро, тэды эфтá дывэсá лэскэ трэй тэ явэл пашыл пэскирэ датэ, а охотонэ (бидуенгирэ дэштонэ) дывэсэстыр явэла лачхó ваш яныбэн дро свэнто дыибэн Рáскэ-Дэвлéскэ; ²⁸ нэ ни гурумня, ни бакрý на чхинэн дро екх дывэс лóнгирэ даса. ²⁹ Кóли янóна Рáскэ-Дэвлéскэ парикирибнаскиро свэнто дыибэн, тэды янэн лэс адякэ, соб (кай) ёв тэ дэл тумэнгэ лáска; ³⁰ дрэ дова-паць дывэс трэй лэс тэ хан, на ячкирэн лáтыр кэ рáнко (кэ злóко). Мэ сом Рай Дэвэл. ³¹ И ракхэн Мирé припхэныбэна и кэрэн сарó пир лóндэ. Мэ сом Рай Дэвэл. ³² На магирэн Мирó свэнто лав, соб (кай) Мэ тэ явав свэнтонэса машкíр Израилёскирэ чхавэндэ. Мэ сом Рай Дэвэл, Савó свэнцякирэла тумэн, ³³ Савó вылыджия тумэн Египтóскирэ пхувьятыр, соб (кай) тэ явэл тумарó Дэвэл. Мэ сом Рай Дэвэл.”

Шэрó 23

Свэнки Дэвлэскирэ

¹ И пхэндя Рай Дэвэл Мойзаскэ, ракирí: ² “Дэ тэ джинэн Израилёскирэ чхавэнэ и пхэн лóнгэ пал Рáскирэ-Дэвлэскирэ свэнки, дрэ савé тумэнгэ трэй тэ скэдэн свэнта скэдыибэна. Ѓáда, Мирé свэнки исын дасавэ:

Сáвато

³ шов дывэсá саштý тэ кэрэс бутý, а пэ эфтáто (битринэнги́ро дэшто) дывэс сáвато (субóта) тэ откинён, свэнто скэдыибэн; нисавí бутý на кэрэн: давá исын сáвато Рáскиро-Дэвлэскиро дрэ сарé тумарé кхэрá.

Патрадї (Пасха)

⁴ Гада, исын Рáскирэ-Дэвлэскирэ свэнки, свэнта скэдыибэна, савэ тумэнгэ трэй тэ кэрэн дрэ пэскиро часо (цýро); ⁵ дро пэрво (англатуно) чхон, пэ дэшуштартонэ-чхонэскиро дывэс бэльвэлé тэ явэл Патрадї Рáскирэ-Дэвлэскири;

Опреснокэнгиро Свэнко

⁶ и пэ дэшупанджто дывэс долэ чхонэскиро свэнко опресноки Рáскэ-Дэвлэскэ; эфтá дывэсá хан апресноки. ⁷ А пэ англатуно (пэрво) дывэс мэк тэ явэл тумэндэ свэнто скэдыибэн; нисавї буты на кэрэн; ⁸ и дрэ сарэ эфтá (битринэнгиро дэш) дывэсá янэн Рáскэ-Дэвлэскэ свэнта дыибэна; пэ эфтáто дывэс адякэ-паць свэнто скэдыибэн; нисавї буты на кэрэн.”

Свэнко пал Пэрва Барьякирдэ (Плóды)

⁹ И пхэндя Рай Дэвэл Мойзáскэ дасавэ лавá: ¹⁰ “Дэ тэ джинэн Израилэскирэ чхавэнгэ и пхэн лэнгэ: ‘Кéли явэна пэ пхув, савї Мэ дава тумэнгэ, и явэна тэ чхинэн пэ латэ жатва, тэды янэн пэрво тумарэ-жатвакиро гарбо (снопо) кэ рашáй; ¹¹ ёв газдэла дава гарбо ангил Растэ-Дэвлэстэ, соб (кай) тумэнгэ тэ явэл Рáскирэ-Дэвлэскири лáска; пэ явїр свэнкоскиро дывэс газдэла лэс рашáй; ¹² и дро дывэс, кéли газдэна гарбо, янэн Рáскэ-Дэвлэскэ дрэ цéло схачкирибэн екхэ-бэршытконэ бидошэнгирэ бакрорэс, ¹³ и кхэтанэ лэса марунó яныбэн дуй дэшта пашá эфа пшэнично (парнэ гивэстыр) яржó пиримешындло елеёса, дро Рáскирэ-Дэвлэскиро свэнто дыибэн, ваш гудлó тхув, и вычхуибэн кэ ёв штáрто гино мол (вино); ¹⁴ ни савó нэвó марó, ни шукé зýрки, ни киндэ зýрки на хан кэ дова дывэс, дро савó янэна амарэ Рáскэ-Дэвлэскэ яныбэн: дава исын вéчно упхэныбэн дрэ тумарэ рóды дрэ сарэ тумарэ кхэрá.

Свэнки пэ Курко

¹⁵ Отгинэн пэскэ пэрвонé дывэсэстыр коригэдýр (позжэ) свэнко, одолé дывэсэстыр, дро савó тумэ янэна тринскирибнаскиро гарбо, эфтá пхэрдэ куркэ, ¹⁶ кэ пэрво дывэс коригэдýр (позжэ) эфтáто курко отгинэн пандждэшá дывэсá и тэды янэн нэвó марунó яныбэн Рáскэ-Дэвлэскэ: ¹⁷ янэн тумарэ кхэрэндýр дуй лабы марó тэ газдэн, савэ трэй, соб (кай) тэ явэн дýе-дэшэнгирэ пашэндýр, савэ исын дрэ эфа пшэничнонэ яржэстыр, и трэй тэ явэн спэкнэ шуtlэ, сыр пэрво барьякирдó (плóдо) Рáскэ-Дэвлэскэ; ¹⁸ янэн кхэтанэ марэса эфтá бакрорэн бидошакирэн, екхэ-бэршытконэн, и барэ кхэритконé мурдалэндýр (скотóстыр) екхэ гурувóрэс и дуэн бакрэн; мэк тэ явэл дава дро цéло схачкирибэн Рáскэ-Дэвлэскэ, и марунó яныбэн кхэтанэ свэнтонé дыибнаса тэ почхувэн, дро свэнто дыибэн, дро гудлó тхув, лачхó Рáскэ-Дэвлэскэ. ¹⁹ Кэрэн адякэ-паць бузнэнгирэ стадатыр екхэ бузнэс дрэ свэнто дыибэн пал грéхо, и дуэн екхэ-бэршытконэн бакрэн дрэ мїрно свэнто дыибэн. ²⁰ О рашáй исын бангó тэ янэл дава, тринскири ангил Растэ-Дэвлэстэ, кхэтанэ тринскирдэ марэса пэрвонé барьякирдэскирэ (плодоскирэ) и дýе бакрэнца. Давá явэла посвэнцындло Рáскэ-Дэвлэскэ; ваш рашáскэ, ²¹ и кхарэн манушэн дро дава дывэс, мэк тэ явэл тумэндэ свэнто скэдыибэн, нисавї буты тэ на кэрэн: дава исын вéчно упхэныбэн дрэ сарэ тумарэ кхэрá дрэ тумарэ рóды. ²² Кéли явэна тумэ пэ тумарї пхув тэ счхинэн жатва, на чхинэн кэ кóнцо (кэ ягóро) тырї фóлда, кéли счхинэса, и со ячéлапэ тырэ жатватыр, на подкэдэ; чорорэскэ и манушэскэ, савó явдý явирэ ригáтыр ячкир дава: Мэ сом Рай Дэвэл, тумарó Дэвэл.”

Свэнко Рогэнгиро (Трубэнгиро)

²³ И пхэндя Рай Дэвэл Мойзáскэ, ракирї: ²⁴ “Пхэн Израилэскирэ чхавэнгэ: дрэ эфтáто чхон, пэ англатуно-чхонэскиро дывэс мэк тэ явэл тумэндэ откхиныбэн, свэнко рогэнгиро

(трубэнгиро), свэнто скэдыибэн; ²⁵ на кэрэн нисаві буты, и янэн Рáскэ-Дэвлэскэ свэнто дыибэн.” ²⁶ И пхэндя Рай Дэвэл Мойзáскэ дасавэ лавá:

Диенгиро Миро (Рамáнэ)

²⁷ “Адjáкэ-паць пэ дэшто дывэс дро дава-паць эфтáто чхон, дывэс тэ жужакирэн пэс, мэк тэ явэл тумэндэ свэнто скэдыибэн; прикирэн (притасавэн) тумарэ дия, и янэн Рáскэ-Дэвлэскэ свэнто дыибэн; ²⁸ на кэрэн нисавó рэндо (дело) дро дава дывэс, пал-довá со дава исын дывэс тэ жужакирэнпэ, соб (кай) тэ жужакирэн тумэ пэс ангил Растэ-Дэвлэстэ, тумарэ Дэвлэстэ; ²⁹ а кажно ди, савó на прикирэла пэс пэ дава дывэс, явэла хасякирдо пэскирэ манушэндэр; ³⁰ и кóли вари-савó ди явэла тэ кэрэл вари-савó рэндо дро дава дывэс, Мэ хасякирэва дава ди лáкирэ манушэндэр; ³¹ на кэрэн нисавó рэндо: дава сын векоскиро упхэныбэн дрэ тумарэ рóды дрэ сарэ тумарэ кхэрá; ³² дава исын ваш тумэнгэ дро сáвато тэ откхинёл, и обрикирэн тумарэ дия, бэльвэлятыр долэ дывэсэстыр дро енято дывэс чхонэскиро; бэльвэлятыр кэ бэльвэль свэнкинэн тумарó сáвато.” ³³ И пхэндя Рай Дэвэл Мойзáскэ, ракири:

Пал Кушчы (Буды)

³⁴ “Пхэн Израилёскирэ чхавэнгэ: дэшупанджэнгиро дывэсэскиро дро дова-паць эфтáто чхон явэла свэнко кушчы (буды), эфтá дывэсá Рáскэ-Дэвлэскэ; ³⁵ пэ пэрво дывэсá свэнто скэдыибэн, на кэрэн нисаві буты; ³⁶ сарэ эфтá дывэсá янэн Рáскэ-Дэвлэскэ свэнто дыибэн; пэ охтóто (бидуэнгиро дэшто) дывэс мэк тэ явэл тумэндэ свэнто скэдыибэн, и янэн свэнто дыибэн Рáскэ-Дэвлэскэ: дава исын отдыибэн свэнкоскирэ, на кэрэн нисаві буты. ³⁷ Ѓáда, исын Рáскэ-Дэвлэскэ свэнки, дрэ савэ тумэнгэ трэй тэ скэдэн свэнто скэдыибэн, соб (кай) тэ янэс дро ягитко свэнто дыибэн Рáскэ-Дэвлэскэ цэло схачкирибэн, марунó яныбэн, зачхиндлэ свэнта дыибэна́ и тхадунó дыибэн, кажно дро пэскиро дывэс: ³⁸ апрíч сáваты Рáскирэ-Дэвлэскирэ, и апрíч тумарэ дáры, и апрíч сарэ тумарэ совлахá и апрíч сарó, со тумэ янэна пир тумарó илó, со тумэ дэна Рáскэ-Дэвлэскэ. ³⁹ А пэ дэшупанджто дывэс дро енято (биекхэскиро дэшто) чхон, кéли тумэ укэдэна, со бияндя пхув, свэнкинэн Рáскирэ-Дэвлэскиро свэнко эфтá дывэсá: дро пэрво дывэс откиныбэн и пэ охтóто дывэс тэ явэл откиныбэн. ⁴⁰ А пэ пэрво дывэс лэн пэскэ гожонэ вэшэстыр рандя́ (вэтки), пальмакирэ рандя́ и рандя́ буглэ-патриненгирэ вэшэстыр и верба рэкáтыр (лэнятыр), и радынэнпэ пхэрдэс ангил Растэ-Дэвлэстэ, тумарэ Дэвлэстэ, эфтá дывэсá. ⁴¹ И свэнкинэн дава Рáскирэ-Дэвлэскиро свэнко эфтá дывэсá дро бэрш: дава явэла векоскиро упхэныбэн дрэ тумарэ рóды; пэ эфтáто чхон свэнкинэн лэс. ⁴² И явэна тумэ тэ дживэн эфтá дывэсá дрэ буды; кажно пэскиро мануш, Израильтянино исын бангó тэ дживэл дрэ буды, ⁴³ соб (кай) тэ джинэн тумарэ рóды, со дрэ буды чхудём Мэ тэ дживэн Израилёскирэ чхавэн, кéли Мэ вылыджиём лэн Египтóскирэ пхувьятыр. Мэ сом Рай Дэвэл, тумарó Дэвэл.” ⁴⁴ И дыя тэ джинэн Мóйза Израилёскирэ чхавэнгэ пал Рáскирэ-Дэвлэскирэ свэнки.

Шэрó 24

Упхэныбэна́ Пал Момолытко

¹ И пхэндя Рай Дэвэл Мойзáскэ дасавэ лавá: ² “Припхэн Израилёскирэ чхавэнгэ, соб (кай) ёнэ тэ янэн тукэ жужó, вымардо елеё (дзэт) ваш дуд (свэто), соб (кай) сарó часо тэ хачол момолытко (светильнико); ³ пал шырма ангил ковчэго досыкаибна́са (откровенияса) дрэ скэдыибна́скири шáтра Аарóно и лэскирэ чхавэ исын бангэ тэ чхувэн лэс ангил Растэ-Дэвлэстэ ўсáды (сак) бэльвэлятыр кэ рáнко (кэ злóко): дава явэла векоскиро упхэныбэн дрэ тумарэ рóды. ⁴ Пэ жужó шандало (подсвечнико) трэй лэскэ тэ чхувэл момолытко (светильнико) ўсáды (сак) ангил Растэ-Дэвлэстэ. ⁵ И лэ пшэнично яржó и спэк лэстыр

дэшудуй марэ; дро кажно марó трэй тэ явэл дуй дэшта эфатыр; ⁶ и чхув лэн дрэ дуй ряды, пир шов дро рядо, пэ жу́жо скаминд ангил Растэ-Дэвлэстэ; ⁷ и чхув пэ кажно рядо жу́жо ливано, и явэла дава пашыл марó, дро рипирибэн, дро свэнто дыибэн Рáскэ-Дэвлэскэ; ⁸ дро кажно саватоскиро (суботакиро) дывэс сарó часо (цы́ро) трэй лэскэ тэ чхувэл лэн ангил Растэ-Дэвлэстэ Израилёскирэ чхавэндэр: дава явэла векоскиро доракирибэн; ⁹ ёнэ явэна ваш Ааро́нскэ и ваш лэскирэ чхавэнгэ, савэ явэна тэ хан лэн (марэ) пэ свэнто штэ́то, пал-дова́ со дава́ исын бари свэнтыма ваш лэнгэ Рáскирэ-Дэвлэскирэ свэнтонé дыибна́стыр: дава́ исын векоскиро упхэныбэн.”

Пал Чачунó и Начачуно Сэндо

¹⁰ И выгия́ чхавó екхэ Израильтянкакиро, савó бия́ндыя Египтяниностыр, кэ Израилёскрэ чхавэ́, и роскостяпэ дрэ ста́но Израильтянкакиро чхавó Израильтяниноса; ¹¹ и кость Израильтянкакиро чхавó Рáскирэ-Дэвлэскиро лав и обракирдя. И яндлэ лэс кэ Мо́йза; ¹² и чхудэ лэс дрэ бэшыбэн кэ дава́ часо, пака явэла пхэндлы лэскэ Рáскирэ-Дэвлэскири во́ля.” ¹³ И пхэндя́ Рай Дэвэл Мо́йзаскэ, ракири́: ¹⁴ “Вылыджа манушэс, савó обракирдя Рáскирэ-Дэвлэскирэ лав яври́ станостыр, и сарэ́, кон шунэла, лэс мэк тэ чхувэн пэскирэ васта́ пэ лэскиро шэрó, и сарó скэдыибэн тэ домарэл лэс барэнца; ¹⁵ и Израилёскирэ чхавэнгэ пхэн: ‘Кон явэла тэ обракирэл пэскирэ Рас-Дэвлэс, одова́ лыджала пэскиро грéхо; ¹⁶ и одова́ ману́ш, савó кошэла Рáскирэ-Дэвлэскирэ лав исын бангó тэ мэрэл, барэнца замарэла лэс сарó скэдыибэн: ци ману́ш, савó явдя́ явирэ ригатыр, ци пэскиро ману́ш лэла тэ кошэл Рáскирэ-Дэвлэскирэ лав, адасавó отдынó явэла мэрибна́скэ. ¹⁷ Кон замарэла вари-савó манушэс, одова́ явэла отдынó мэрибна́скэ. ¹⁸ Кон замарэла кхэритконé мурдалэс (ското), одова́ исын бангó тэ заплэскирэл пал лэстэ, мурдал пал мурдалэстэ. ¹⁹ Кон кэрэла пэскирэ пашатунэскэ дош (шкода) пэ маса́, одолэскэ трэй тэ кэрэл дова́-паць, со ёв кэрдя́: ²⁰ пхагирибэн пал пхагирибэн, якх пал якх, данд пал данд; сыр ёв кэрдя́ дош пэ явирэ-манушэскирэ маса́, адякэ́ и лэскэ трэй тэ кэрэс. ²¹ Кон замарэла кхэритконé мурдалэс, одова́ исын бангó тэ заплэскирэл пал сарó; а кон замарэла манушэс, одолэс манушэс исын бангэ́ тэ отдэн мэрибна́скэ. ²² Екх сэндо́ исын бангó тэ явэл тумэндэ́, сыр ваш манушэскэ, савó явдя́ явирэ ригатыр, адякэ́ и ваш пэскирэ манушэскэ; пал-дова́ со Мэ сом Рай Дэвэл, Дэвэл тумарó.” ²³ И пирипхэндя́ Мо́йза Израилёскирэ чхавэнгэ; и вылыджинé манушэс, савó обракирдя Рáскирэ-Дэвлэскирэ лава́ яври́ станостыр, и домардэ́ лэс барэнца, и кэрдэ́ Израилёскирэ чхавэ́, сыр припхэндя́ Рай Дэвэл Мо́йзаскэ.

Шэрó 25

Саватытко Бэрш

¹ И пхэндя́ Рай Дэвэл Мо́йзаскэ пэ бэрга́ Синаё́ дасавó лава́: ² “Дэ́ тэ джинэн́ Израилёскирэ чхавэнгэ́ и пхэн лэнгэ́: ‘Кéли явэна́ пэ пхув, сави́ Мэ́ дава́ тумэнгэ́, тэды́ пхувьякэ́ трэй тэ откинёл́ пэ Рáскирэ-Дэвлэскиро́ са́вато; ³ шов бэрш́ почхув́ зя́рки дрэ́ тыри́ фэ́лда и шов бэрш́ обчхин́ тыро́ винагра́днико́ (дракхитко́), и скэдэ́ лэнгирэ́ барьякирдэ́ (плóды), ⁴ а пэ́ эф́та́то бэрш́ мэќ тэ явэл́ пхувья́киро са́вато ваш́ откхиныбэн́, Рáскирэ-Дэвлэскиро́ са́вато: пэ́ тыри́ фэ́лда на́ чхув, и тыро́ винагра́днико́ на́ обчхин; ⁵ со́ кокóро вы́барьё́ла пэ́ тыри́ фэ́лда, на́ чхин, и му́ри на́ обкуш́ наобчхиндлэ́ тырэ́ лозатыр; мэќ тэ явэл́ дава́ бэрш́ пхувья́кэ откхиныбэн; ⁶ и дава́, со́ вы́барьё́ла пэ́ пхув дро́ саваты́тко бэрш́, то́ дава́ явэ́ла тумэнгэ́ хабна́са, ту́кэ́ и тырэ́ писха́ри́скэ, и тырэ́ писха́рицакэ́, и тырэ́ андына́ршчы́коскэ, и одолэ́ манушэ́скэ, савó́ явдя́ явирэ́ ригатыр́ и дживэ́ла кэ́ ту; ⁷ и кхэ́ритконé́ мурдалэ́скэ (скотоскэ́) тырэ́скэ́ и риско́рибна́скирэ́ мурдалэнгэ́́ (зверенгэ́), савó́ дживэ́на пэ́ тыри́ пхув, мэќ тэ явэл́ сарó́, со́ бия́ндё́ла пэ́ ла́тэ́ хабна́са.

Свэнкитко (Юбилейно) Бэрш

⁸ И отгин пэскэ эфта саватытко бэрша, эфта мóлы пэ эфта бэрш, соб (кай) тэ явэл тутэ дрэ эфта саватытка бэрша штардэша еня бэрш; ⁹ и припхэн тэ башавэн пэ рóго дро эфто чхон, пэ дэшто-чхонэскиро дывэс, пэ дывэс тэ жужакирэнпэ башавэн пэ рóго пир сарí тумарí пхув; ¹⁰ и соб (кай) тэ свэнцынэн пандждэшэнгиро бэрш, и дэн тэ джинэн пал вольныма пэ пхув сарэ лакирэ манушэнгэ; мэк тэ явэл дава тумэндэ барó свэнко; и рисён кажно пэ пэскиро штэто, и кажно рисёв кэ пэскиро рóдыцо. ¹¹ Пандждэшытко бэрш мэк тэ явэл тумэндэ барó свэнко: на чхувэн дрэ пхув (на сеинэн) и на чхинэн (жнеинэн), со кокорó барьёла пэ пхув, и на куш мýри лакирэ наобчхиндлэ лозатыр, ¹² пал-довá со дава исын барó свэнко: свэнто мэк тэ явэл ёв ваш тумэнгэ; а со бияндыя пэ фэлда, хан. ¹³ Дро свэнкитко (юбилейно) бэрш кажно мануш рисёла пэ пэскиро штэто. ¹⁴ Кóли явэса тэ бикнэс вари-со тырэ пашатунэскэ, ци явэса со тэ кинэс тырэ пашатунэстыр, на притасавэн екх екхэс; ¹⁵ пир розгиндлэ бэрша коригэдýр (позжэдýр) ту сан бангó тэ кинэс тырэ пашатунэстыр, и пир розгиндлэ бэрша кофостыр ёв исын бангó тэ бикнэл тýкэ; ¹⁶ кóли бут ячэнапэ бэрша, барьякир тимín; а кóли náбут ячэнапэ бэрша, то тыкнякир тимín, пал-довá со джиндлэ бэрша, то ваш жатва ёв бикнэла тýкэ. ¹⁷ На притасавэн екх екхэс, дар тырэ Дэвлэстыр, пал-довá со Мэ сом Рай Дэвэл, тумарó Дэвэл. ¹⁸ Кэрэн сарó пир Мирé упхэныбэна, и раххэн Мирé закóны, и явэна тэ дживэн штылыткэс пэ пхув; ¹⁹ и явэла пхув тэ дэл пэскиро барьякирдó (плóдо), и явэна тэ хан чалэс, и явэна тэ дживэн пэ латэ штылыткэс. ²⁰ Кóли тумэ пхэнэна: ‘Со амэнгэ тэ хас пэ эфто бэрш, кéли амэ на яваса ни тэ чхинас (сеинас), ни тэ укэдас умалото (урожаё), со амэ кэраса?’ ²¹ Мэ бичхавáва пэ шóвто бэрш пэ тумэндэ Миро бахтякирибэн, и ёв янэла умалото пэ трин бэрш; ²² и тумэ явэна тэ почхувэн дрэ пхув пэ охтóто (бидуэнгиро дэшто) бэрш, нэ тэ хан явэна барьякирдé (плóды) пхуранé умалотостыр кэ енято бэрш, кэ дава часо, пака доджáла кэ спялыма умалото лэскиро, тэ хан явэна пхуранó умалото.

Сыр тэ Выкинэс Мэкнó Миштыпэн

²³ Пхув нашты тэ бикнэн сарэса: пал-довá со Мирí исын пхув, тумэ сан чýжа мануша и явирé-ригакирэ мануша; ²⁴ Пир сарí тумарí пхув тумэ дэн вóля тэ выкинэн пхув. ²⁵ Кóли тырó пшал ячэла чорорó и бикнэла пэскири пхув, тэды явэла лэскири пашатуны сэмэнца и выкинэла, со бикиндя лэскиро пшал; ²⁶ кóли нанэ конэскэ пал лэстэ тэ выкинэл, нэ кокорэстэ лэстэ явэла барвалыпэн, и латхэла, ци бут трэй пал выкиныбэн, ²⁷ то тэды ёв тэ розгинэл пэскирэ бикиибнытка бэрша, и тэ рискирэл, со ячэлапэ одолэскэ, конэскэ ёв бикиндя, и тэ лэл палэ нэвэстыр пэскиро хулаибэн; ²⁸ кóли лэскиро васт на латхэла, ци бут лэскэ трэй тэ рискирэл, тэды дова, со ёв бикиндя, ячэлапэ дрэ вастá манушэстэ, савó киндя ёв кэ свэнкоскиро бэрш, а пэ свэнкоскиро бэрш ёв отджала, и ёв нэвэстыр выкинэла пал пэстэ. ²⁹ Кóли вари-кон бикнэла дро фóро кхэр, дрэ савó сашты тэ дживэс, облыджино вантаса: тэды лэс сашты тэ выкинэс кэ бэршэскиро кóнцо (кэ ягóро) лэскирэ бикиибнастыр: сашты тэ выкинэс лэс пал сарó бэрш; ³⁰ кóли ёв на явэла выкиндло пал сарó бэрш, тэды кхэр, савó исын дрэ фóро, и дро савó исын ванта, ячэлапэ одолэ манушэстэ, савó лэс киндя дрэ лэскирэ рóды, и пэ свэнко кхэр на отджала лэстыр. ³¹ А кхэрá дрэ гавá, пашыл савэндэ нанэ ванта, трэй тэ гинэн лэн пал екх пхувьякирэ фэлдаса: тэ выкинэс лэн сашты, и пэ свэнко ёнэ отджана. ³² А Левитэнгирé фóрья, лэнгирé кхэрá дрэ фóрья, Левитэнгэ ўсады (сак) сашты тэ выкинэн; ³³ а кон Левитэндýр на выкинэла, тэды лэнгиро бикиндло кхэр дро фóро пэ свэнко отджала, пал-довá со дрэ фóрья Левитэнгирé кхэрá исын лэнгирé машкíр Израилёскирэ чхавэндэ; ³⁴ и фэлды пашыл лэнгирé фóрья тэ бикнэс нашты, пал-довá со дава исын векоскиро лэнгиро миштыпэн.

Пал Чорорэ Пшалэндэ

³⁵ Кóли тырó пшал ячéла чорорó, и пэрéла дрэ урежа, тэды подрикир лэс, ци тэ явэл ёв чужо, ци савó явдя явирэ ригáтыр, тэ дживэл туса. ³⁶ На лэ лэстыр барипэн (процэнта) и кóфо, и дар тырэ Дэвлэстыр; соб (кай) тэ дживэл тырó пшал туса. ³⁷ На дэ лэскэ тырэ ловэ тэл барипэн (процэнта), и на дэ тырó марó лэскэ ваш кóфо. ³⁸ Мэ сом Рай Дэвэл, Дэвэл тумарó, Савó вылыджия тумэн Египтокирэ пхувьятыр, соб (кай) тэ дэл тумэнгэ Ханаанóскири пхув, соб (кай) тэ явав тумарэ Дэвлэса. ³⁹ Кéли тóтэ чорорёла тырó пшал и бикиндло явэла тóкэ, тэды на чхув пэ лэстэ писхарьенгири буты; ⁴⁰ ёв исын бангó тóтэ тэ явэл сыр налыно, сыр мануш, савó явдя явирэ ригáтыр и гарá дживэла; кэ свэнкоскиро бэрш мэк тэ кэрэл буты тóтэ, ⁴¹ а тэды мэк тэ отджал ёв тóтыр, кокорó и лэса лэскирэ чхавэ, и рисёла кэ пэскиро кхэритко рóдо (племё), и нэвэстыр тэ заджál дрэ лэскирэ-дадэнгири миштыпэн. ⁴² Пал-довá со ёнэ исын Мирэ писхарья, савэн Мэ вылыджиём Египтóскирэ пхувьятыр: нашты лэн тэ бикнэн, сыр бикнэна писхарьён. ⁴³ На хулаин пэ лэндэ биманушйткэс, и дар тырэ Дэвлэстыр. ⁴⁴ А, соб (кай) тырó писхари и писхарица тэ явэн Наюдытконэ манушэндыр, савэ дживэна пашыл тумэндэ; то кинэн лэндыр пэскэ писхарис и писхарица. ⁴⁵ Адякэ-паць и манушэнгирэ чхаворэндыр, савэ явнэ явирэ ригáтыр, и дживэна пашыл тумэндэ, сашты (можна) тэ кинэн, и лэнгирэ кхэритконэ родóстыр (племёстыр), савó исын тумэндэ, савó лэндэ бияндыя пэ тумарй пхув, и ёнэ могоинэна тэ явэн тумарэ. ⁴⁶ Тумэ сашты тэ пиридэн лэн сыр мэкно миштыпэн и тумарэ чхавэнгэ пир пэстэ сыр маёнко; хулаинэн вéко лэнца, сыр писхарьэнца. А пэ тумарэ пшалэндэ, Израилёскирэ чхавэндэ, екх пэ екхэстэ на хулаинэн зорьяса. ⁴⁷ Кóли вари-конэстэ, кон явдя явирэ ригáтыр, ци, савó явдя тэ дживэл кэ ту, явэла лэстэ барвалыпэн, а пшал тырó ангил лэстэ ячéла чорорó и бикнэла пэс манушэскэ, савó явдя явирэ ригáтыр, савó явдя то дживэл тóтэ, ци вари-савэ манушэс, явирэ родыцóскэ, савó явдя явирэ ригáтыр; ⁴⁸ то тэды палó бикныбэн сашты лэс тэ выкинэл; вари-кон лэскирэ пшалэндыр исын бангó тэ выкинэл лэс, ⁴⁹ ци лэскиро как, ци лэскирэ-какэскиро чхавó исын бангó лэс тэ выкинэл, ци кон-либо лэскирэ сэмэнцатыр, лэскирэ родыцóстыр, исын бангó лэс тэ выкинэл, ци, кóли явэла лэстэ ловэ, кокорó пэс выкинэла. ⁵⁰ И ёв исын бангó тэ розгинэлпэ манушэса, савó лэс киндя, лóла тэ гинэл долé бэршэстыр, кéли ёв бикиндя пэс, кэ свэнкоскиро бэрш, и ловэ, пал савэ ёв бикиндя пэс, исын бангó тэ отдэл лэскэ пир бэршэнгири гиныбэн; сыр бутярно пир часо ёв исын бангó тэ явэл лэстэ; ⁵¹ и кóли ишчо (инкэ) бут ячéлапэ бэрш, тэды пир лэнгири гиныбэн ёв исын бангó тэ отдэл дрэ выкиныбэн пал пэстэ ловэ, пал савэ ёв сыс киндло; ⁵² кóли нáбут ячéлапэ бэрш кэ свэнкоскиро бэрш, тэды ёв исын бангó тэ пиригинэл, и пал далé бэршá тэ отдэл пал пэстэ выкиныбэн. ⁵³ Ёв исын бангó тэ явэл лэстэ, сыр налыно, пэ сарэ бэршá; ёв на бангó тэ явэл хулáса пэ лэстэ зорьяса дрэ тырэ якхá. ⁵⁴ Кóли ёв на выкинэлапэ адякэ, тэды дрэ свэнкоскиро бэрш отджала кокорó и лэскирэ чхавэ лэса, ⁵⁵ пал-довá со Израилёскирэ чхавэ исын Мирэ писхарья; ёнэ исын Мирэ писхарья, савэн Мэ вылыджиём Египтóскирэ пхувьятыр. Мэ сом Рай Дэвэл, тумарó Дэвэл.

Шэрó 26

О Дэвэл Дэла Лав тэ Бахтыкирэл

¹ На кэрэн пэскэ вычхудэ образы (кумиры) и вычхиндлэ муя (изваянии), и стылбы на чхувэн пэстэ, и барá вычхиндлэ муенца на чхувэн пэ тумарй пхув, соб (кай) тэ на бандён ангил лэндэ, пал-довá Мэ сом Рай Дэвэл, тумарó Дэвэл. ² Ракхэн сáваты (суботы) Мирэ и дэн патыв кэ свэнто Миро штэто. Мэ сом Рай Дэвэл. ³ Кóли тумэ явэна тэ кэрэн пир Мирэ упхэныбэнá, и Мирэ припхэныбэнá явэна тэ ракхэн и тэ кэрэн пир лэндэ, ⁴ тэды Мэ дава тумэнгэ брышында дрэ пэскиро часо (цыро), и пхув дэла пэскирэ барьякирдэ (плóды), и фэлдытка вэшá дэна пэскиро барьякирдó (плóдо); ⁵ и укэдыибэн маритко явэла тэ доджал тумэндэ кэ винаградоскиро скэдыибэн, а винаградоскиро скэдыибэн явэла тэ доджал кэ

сеиныбэн, и явэна тэ хан пэскиро марó чалэс, и явэна тэ дживэн пэ тумарí пхув штылыткэс (бидаракирэс). ⁶ Мэ бичхавáва рамáнэ (миро) пэ тумарí пхув, тумэ пасэна тэ совэн, и никон тумэн на страхакирэла, Мэ традава криг мижэхонэ rischiрибнáскирэ мурдалэн (зверен) тумарé пхувьятыр, и куртáла на проджáла пир тумарí пхув. ⁷ И тумэ явэна тэ традэн тумарэн вэргэн, и пэрэна ёнэ ангил тумэндэ курталáтыр; ⁸ И пандж тумэндýр протрадэна шэл манушэн, и шэл тумэндýр протрадэна бут вэргэн кэ калышэн, и пэрэна тумарé вэрги ангил тумэндэ курталáтыр. ⁹ Мэ подыкхавá пэ тумэндэ, и бутэ-бияныбнытконэнца (плодороднэнца) Мэ кэрáва тумэн, и Мэ бутырьякирава бут тумэн, и Мэ явáва твардо (би кунипнаскиро) дрэ Мирó завето (доракирибэн) тумэнца; ¹⁰ и тумэ явэна тэ хан пхуранó явирэ-бэршытко, и вычхурдэна пхуранó ваш нэво; ¹¹ и Мэ чхувáва Мирí шáтра (кхэр) машкíр тумэндэ, и Мирó дескэ тумэ на явэна джунгалé (стэтка); ¹² и Мэ явáва тэ псирав машкíр тумэндэ, и Мэ явáва тумарé Дэвлэса, а тумэ явэна Мирé манушá. ¹³ Мэ сом Рай Дэвэл, тумарó Дэвэл, Савó вылыджия тумэн Египтóскирэ пхувьятыр, соб (кай) тумэ тэ на явэн одой писхарьёнца, и тэ пхагирав састыра́ тумарé гамостыр, и Савó лыджия тумэн загаздынэ шэрэса. ¹⁴ Кóли тумэ на кандэна Ман, и на явэна тэ кэрэн пир сарé далé припхэныбэнá, ¹⁵ и кóли тумэ явэна тэ на прилэн патывáса Мирé упхэныбэнá, и кóли тумарó ди исын насвалó (брыдинэлапэ) Мирé законэндýр адýкэ, со тумэ на явэна тэ кэрэн пир сарé Мирé упхэныбэнá, пхагири Мирó завето, ¹⁶ то тэды и Мэ кэрáва тумэнца адýкэ: Мэ бичхавáва пэ тумэндэ дар, насвалыпэн и хачкирибэн, савэндýр кхинёна якхá и нашавэла зор ди, и тумэ явэна тэ почхувэн дрэ пхув тумарé зýрки (семи) ивьá, и тумарé вэрги схана лэн; ¹⁷ и Мэ rischiра́ва Мирó муй пэ тумэндэ, и тумэ пэрэна ангил тумарé вэргэндэ, и намала тумарé явэна хулаý пэ тумэндэ, и тумэ прастанá, кéли никон на явэла тэ традэлпэ пал тумэндэ. ¹⁸ Кóли пир сарó давá тумэ на кандэна Ман, то тэды Мэ эфтá мóлы кэрáва барэдýр кáра пал тумарé грéхи, ¹⁹ и Мэ пхагирава пхутькирды тумарí наргыма (упорство), и болыбэн тумарó упрáл кэрáва, сыр састýр, и пхув тумарí, сыр харкóма (медь); ²⁰ и ивьá (напрáснэс) явэла тэ зджал тумарí зор, и пхув тумарí на дэла пэскирэ чарьенгэ тэ барьён, и пхувьякирэ вэшá на дэна пэскирэ барьякирдé (плóды). ²¹ Кóли палó сарó давá тумэ джáна пэ Мándэ, и на закамэна тэ шунэн Ман, тэды Мэ дочхувава тумэнгэ марибэн дрэ эфтá мóлы пал тумарé грéхи; ²² и Мэ бичхавáва пэ тумэндэ фэлдытконэ rischiрибнáскирэ мурдалэн (зверен), савé отлэна тумарé чхавэн, хасякирэна тумарé кхэритконé мурдалэн (ското), и тумэн скэрэна тыкнэдýр, адýкэ, со явэна чхучé тумарé дромá. ²³ Кóли и палó давá Мэ на высклякирава тумэн, и тумэ джáна пэ Мándэ, ²⁴ то тэды и Мэ джáва пэ тумэндэ, и чхувáва кáра пэ тумэндэ дрэ эфтá мóлы пал тумарé грéхи, ²⁵ и янáва Мэ куртáла пэ тумэндэ тэ отхал палэ пал завето; и кóли тумэ гарадэна дрэ тумарé фóрья, тэды Мэ бичхавáва пэ тумэндэ фрáнсы (фуý), и отдынé тумэ явэна дрэ вэргоскирэ вастá. ²⁶ А марó, савó дэла зор манушэскэ, Мэ хасякира́ва тумэндэ; дэш джувля́ явэна тэ пэкэн тумарó марó дро екх бов, и явэна тэ отдэн марó тумарó, важыны лэс; тумэ явэна тэ хан, и на явэна чалэ. ²⁷ Нэ кóли ишчо (инкэ) и палó давá тумэ на кандэна Ман и джáна пэ Мándэ, ²⁸ тэды и Мэ дрэ холы́ джáва пэ тумэндэ, и чхувáва кáра пэ тумэндэ дрэ эфтá мóлы пал тумарé грéхи, ²⁹ и тумэ явэна тэ хан тумарé-чхавэнгири лоч (плоть), и лоч тумарé-чхаенгири явэна тэ хан; ³⁰ Мэ роспахгирава кэ пхув тумарé вучипэнá, и роспахгирава тумарé стýлбы, и чхурдава тэлé тумарé трýпы пэ тумарé-идолэнгирé котэрá, и ячэна джунгалé (брытка) тумэ Мирé дескэ; ³¹ а тумарé фoрьэндýр Мэ кэрáва чхучí пхув, и скэрава чхучé тумарé кхангирья, и Мэ, на явáва тэ сунгавав гудлó тхув тумарé яныбнастыр. ³² И Мэ кэрáва тумарí пхув чхучí адýкэ, со дэнапэ дивоскэ пал лáтэ тумарé вэрги, савé дживэна пэ лáтэ; ³³ а тумэн росчхурдава Мэ тэ дживэн машкíр манушэндэ и нангякирава палáл пал тумэндэ куртáла, и явэла пхув тумарí чхучí и фóрья тумарé роспахгирдэ. ³⁴ Тэды пхув чалякирэла пэс пал пэскирэ сáваты (суботы) дрэ сарé пэскирэ чхучипнаскирэ дывэсá; кéли тумэ явэна пэ тумарé-вэргэнгири пхув, тэды явэла тэ откхинёл пхув, и чалякирэла пэс пал пэскирэ сáваты. ³⁵ Ёй, пхув, явэла тэ откхинёл дрэ сарé пэскирэ чхучипнаскирэ дывэсá, ци бут ёй на откхияны дрэ тумарé сáваты, кéли тумэ дживдэ пэ лáтэ. ³⁶ Одолэнгэ, кон ячéлапэ тумэндýр, Мэ бичхавáва дрэ илó намуршыпэн пэ пхув лэнгирé вэргэнгири, и шумо патренгиро (листэнгиро), савó кунинэлапэ, традэла лэн, и тумэ

прастана, сыр курталатыр, и пэрэна, кели никон на традэлапэ, ³⁷ и обштавэнапэ екх пэ екхэстэ, сыр курталатыр, на дыкхй пэ дава, сыр никон на традэлапэ, и на явэла тумэндэ зор тэ тэрдён ангил тумарэ вэргэндэ; ³⁸ и хасэна тумэ машкёр манушэндэ, и схала тумэн пхув тумарэ вэргэнгири; ³⁹ а кон яцяпэ тумэндэр, явэна тэ хасён со дывэс пал пэскиро чорипэн пэ тумарэ-вэргэнгири пхув, и пал пэскирэ-дадэнгири чорипэн хасэна тумэ. ⁴⁰ Нэ коли ёнэ пригалёнапэ дро пэскиро чорипэн и дрэ пэскирэ-дадэнгири чорипэн, сыр ёнэ газдынэпэ проти Мандэ и гинэ пэ Мандэ, ⁴¹ пал со и Мэ гиём пэ лэндэ и лыджиём лэн андрэ пэ лэнгирэ-вэргэнгири пхув; тэньчи, сашты, лэнгири наобчхиндло ило ковлёла, и тэды ёнэ явэна тэ вырикинэн пал пэскиро чорипэн, ⁴² то Мэ пририпирава Миро завето Яковоса, и Миро завето Исаакоса, и пририпирава Миро завето Авраамоса, и пхув пририпирава. ⁴³ То тэды сыр пхув явэла ячкёрды лэнца, и явэла тэ чалякёрэл пэс пал пэскирэ саваты, палдава яця чхучи (пусто) лэндэр, и ёнэ явэна тэ вырикерэн пал пэскиро чорипэн, пал-дова, со ёнэ на прилэнас патыва́са Мирэ законы, и лэнгирэ дескэ сыс джунгалэ (брыдка) Мирэ упхэныбэна, ⁴⁴ и тэды, сыр ёнэ явэна пэ лэнгирэ-вэргэнгири пхув, – Мэ на явава тэ на прилав лэн патыва́са, и ёнэ на явэна джунгалэ Мэнгэ кэ дава, соб (кай) тэ хасякёрэв лэн, соб (кай) тэ роскушав Миро завето лэнца, пал-дова со Мэ сом Рай Дэвэл, лэнгири Дэвэл; ⁴⁵ Мэ пририпирава ваш лэнгэ завето лэнгирэ дадэнца, савэн вылыджиём Мэ Египтоскёрэ пхувьятыр ангил манушэнгирэ якхэ, соб (кай) тэ явав лэнгирэ Дэвлэса: Мэ сом Рай Дэвэл.”” ⁴⁶ Гада, исын упхэныбэна и стату́ты и законы, савэ Рай Дэвэл чхудя машкёр пэстэ и машкёр Израилёскёрэ чхавэндэ пэ бэрга Синаё, пир Мойзастэ.

Шэро 27

Сыр тэ Высвэнцынэс Манушэн и Миштыпэн Дэвлэскэ

¹ И пхэндя Рай Дэвэл Мойзаскэ, ракири: ² “Ракёр Израилёскёрэ чхавэнгэ и пхэн лэнгэ: ‘Кон совлахала тэ высвэнцынэл вари-конэскиро ди Раскэ-Дэвлэскэ пир тыри тимён (цэна), ³ то тыри тимён мушэскэ бишэ бэршэндэр кэ шовдэша исын банги тэ явэл пандждэша руповэ шэкели, пир шэкелё свэнтонэскэ; ⁴ коли дава исын джувлы, тэды тыри тимён исын банги тэ явэл трийнда шэкели; ⁵ панджэ бэршэндэр кэ биш бэрш тимён тыри мушэскэ исын банги тэ явэл трийнда шэкели, а джувлякэ дэш шэкели. ⁶ А чхонэстыр кэ пандж бэрш тимён тыри мушэскэ исын банги тэ явэл пандж рупувэ шэкели, а джувлякэ тыри тимён трин рупувэ шэкели; ⁷ шовдэшэ бэршэндэр и пхурэдыр мушэскэ тыри тимён исын банги тэ явэл дэшупандж рупувэ шэкели, а джувлякэ дэш шэкели. ⁸ Коли ёв исын чорорó и на дрэ зор тэ заплэскирэл пир тыри тимён, тэды мэк тэ сыкавэн лэс рашаскэ, и рашай мэк тэ дэл лэскэ тимён (чол): адакицы, кицы исын мол исын манушэскиро барвалыпэн, саво дыя совлах, мэк тэ дэл лэскэ тимён рашай. ⁹ Коли дова тэ явэн кхэритка мурдала (ското), савэн янэна дро свэнто дыибэн (жэртва) Раскэ-Дэвлэскэ, тэды сарó, со дыно́ Раскэ-Дэвлэскэ, исын бангó тэ явэл свэнто. ¹⁰ Нашты тэ выпарувэн лэс и тэ запарувэс лачхó налачхэса ци налачхо лачхэса; коли лэла кон тэ запарувэл мурдалэс мурдалэса, тэды и ёв и лэскиро запаруибэн явэла свэнто. ¹¹ Коли дова явэла вари-саво нажужо мурдал, савэс на янэна Раскэ-Дэвлэскэ дро свэнто дыибэн, то дова трэй тэ сыкавэн рашаскэ, ¹² и рашай дэла тимён лэскэ, ци лачхó ёй ци налачхо, и саво дэла рашай тимён, адякэ и трэй тэ явэл. ¹³ Нэ коли вари-кон (хулай) камэла тэ выкинэл лэс, тэды мэк тэ дочхувэл панджто паш кэ тыри тимён. ¹⁴ Коли кон отдэла пэскиро Кхэр Раскэ-Дэвлэскэ дрэ свэнтыма, тэды рашай исын бангó тэ дэл тимён лэскэ, адякэ и явэла. ¹⁵ Коли мануш, саво отдыя пэскиро кхэр, закамэла тэ выкинэл лэс, тэды мэк ёв тэ дочхувэл панджто рупэскири паш тырэ тиминакэ, и тэды явэла лэскиро. ¹⁶ Коли вари-кон пэскирэ хулаибнастыр отдэла фэлда Раскэ-Дэвлэскэ, тэды тыри тимён трэй тэ явэл пир сеиныбнаскири тимён: пал сеиныбэн хомеро гэрсто (ячменё) пандждэша шэкели рупэса. ¹⁷ Коли свэнкитконэ бэршэстыр вари-кон отдэла пэскири фэлда, дава трэй тэ явэл пир тыри тимён; ¹⁸ коли вари-кон отдэла пэскири фэлда палó свэнко, тэды рашай исын бангó тэ розгинэл руп пир бэрша, савэ ячнэпэ свэнкоскёрэ бэршэстыр, и исын бангó пэ

адакицы тэ тыкнякирэл тырй тимйн. ¹⁹ Кóли мануш, савó отдыя ф́лда, закамэла ла тэ выкинэл, тэды мэк ёв тэ дочхувэл пándжто рупэскиро/и паш тыр́ тиминакири, и ёй ячэлапэ пал лэстэ; ²⁰ кóли ёв ф́лда на выкинэла, и ф́лда явэла бикиндлы явирэ манушэскэ, тэды ла нашт́ тэ выкинэл: ²¹ доя ф́лда, кéли ёй отджала сыр свэнкоскири, явэла св́нто Рáскэ-Дэвлэскэ, сýрбы ф́лда совлахады; рашáскэ ёй ячэлапэ дро хулаибэн. ²² А кóли вари-кон отдэла киндлы ф́лда Рáскэ-Дэвлэскэ сыр св́нто, сави на лэскирэ ф́лдэндýр, ²³ тэды рашáй исын бангó тэ розгинэл лэскэ ци бут тимйн кэ свэнкоскиро бэрш, и ёв исын бангó ёв тэ отдэл пир розгиныбэн дрэ дова-паць дывэс, сыр Рáскирэ-Дэвлэскири св́нтыма. ²⁴ А ф́лда пэ свэнкоскиро бэрш пириджала нэвэс кэ одовá мануш, конэстыр киндлэ, конэскэ приджалапэ доя пхув дро хулаибэн. ²⁵ Кажно тырй тимйн исын банги тэ явэл пир шéкелё рашáскэ, биш геры трэй, соб (кай) тэ явэн дрэ шéкелё. ²⁶ Фэни (екхэ) пэrvонé тыкнорэн мурдалэндýр, савэ отлыджанапэ Рáскэ-Дэвлэскэ, нашт́ никон тэ дэл дрэ св́нтыма: ци гурув да, ци тыкнó кхэритко мурдál, ёнэ исын Рáскирэ-Дэвлэскирэ. ²⁷ Кóли мурдál исын нажужо, тэды исын бангэ тэ выкинэл пир тырй тимйн и тэ дочхувэл кэ дова пándжто паш; кóли на выкинэла, тэды исын бангэ тэ бикнэл пир тырй тимйн. ²⁸ Екх сарó засовлахадо, со тэл совлáх мануш отдэла Рáскэ-Дэвлэскэ пэскирэ хулаибнастыр, ци манушэс, ци кхэритконé мурдалэс, ци ф́лда пэскирэ маёнкостыр, на бикнэлапэ и на выкинэлапэ; сарó засовлахадо исын бари св́нтыма Раскири-Дэвлэскири; ²⁹ Сарó засовлахадо, со исын совлахадо манушэндýр, на выкинэлапэ: дава исын бангó тэ явэл отдынó мэрибна́скэ. ³⁰ И кажно дэшто паш, со пхув дэла ци зýрка, ци барьякирдó (плóдо) исын Рáскирэ-Дэвлэскирэ: дава исын Рáскирэ-Дэвлэскири св́нтыма. ³¹ Кóли вари-кон закамэла тэ выкинэл пэскири дэшто паш, тэды мэк ёв тэ причхувэл кэ лáкири тимйн пándжто паш. ³² И кажно дэшто паш барэ и тыкнó кхэритконé мурдалэндýр, сарэстыр, со проджала тэл дэстó чхупнарискиро (жэзлo), дэшто паш исын бангэ тэ отдэн Рáскэ-Дэвлэскэ; ³³ о мануш нашт́ тэ роскэдэл ци лачхó дова, ци фуй, и нашт́ тэ запарувэл лэс; кóли кон лэс запарувэла, тэды и кокорó ёв и лэскиро запаруибэн явэла св́нтонэса, и на мoгинэла тэ явэл выкиндлo.”” ³⁴ Ѓáда, исын припхэныбэна́, савэ ракирдý Рай Дэвэл Мойзáскэ ваш Израилёскирэ чхавэнгэ пэ бэрга Синаё.

Штáрто Мойзаскири Лылварй (Чыслы)

Шэрó 1

Пэrvо Пиригиныбэн пир Израиле

¹ И пхэндý Рай Дэвэл Мойзáскэ пэ Синаёскири чхучй пхув, дрэ скэдыибна́скири сќния, пэ пэrvо дывэс явирэ-чхонэскиро, дро явйр бэрш пир лэнги́ро выгибэн Египтóскирэ пхувьятыр, ракири: ² “Пиригинэн сарó кхэтаныбэн (обшчына) Израилёскирэ чхавэндýр пир лэнгирэ рóды лэнгирэ чэкарья ^[1] (семействы) [пир лэнгирэ-дадэнгирэ кхэра́-ю.о.], пир лавá, киць исын сарé муршэн пир шэрé. ³ Бишэ бэршэндýр и пхурэдýр, сарэн, кон сыс дрэ зор дро Израилё ваш марибэн, пир лэнгирэ отряды пиригинэн лэн – ту и Аарóно. ⁴ Тумэнца трэй, соб (кай) тэ явэл екх мануш тэ явэн кажнóнэ родыцóстыр пир екхэ манушэстэ, савó дро пэскирэ-дадэскиро рóдо исын шэралó. ⁵ И, акэ, исын муршэнгирэ лавá, савэ явэна тумэнца: Рувимостыр Елицуро, Шэдэураскиро чхавó; ⁶ Симеоностыр (Семёностыр) Шелумиило, Цуришадаёскиро чхавó; ⁷ Юдастыр Наасóно, Аминадавóскиро чхавó; ⁸ Исахаростыр Нафанаило, Цуароскиро чхавó; ⁹ Завулоностыр Елиано, Хелоноскиро чхавó; ¹⁰ Иосифóскирэ (Ёзáскирэ) чхавэндýр: Ефремостыр Елишамо, Амиудоскиро чхавó; Манасиястыр Гамалиило, Педацуроскиро чхавó; ¹¹ Вениаминостыр Авидано, Гидеониякиро чхавó; ¹² Даностыр Ахиэзеро, Амишадаескиро чхавó; ¹³ Асиростыр Пагиило, Охраноскиро чхавó; ¹⁴ Гадостыр Елиасафо, Регуиласкиро чхавó; ¹⁵ Нефалимостыр Ахиро, Енаноскиро чхавó.” ¹⁶ Давá исын выкэдынó муршá кхэтаныбнастыр, барыдыра́ пэскирэ-

дадэнгирэ родыцэндэр (чангэндэр), Израилёскирэ-тысёнцэнгирэ шэралэ. ¹⁷ И лыя Мойза и Аароно адалэн муршэн, савэн кхардэ пир лав. ¹⁸ И скэдынэ ёнэ саро скэдыибэн пэ пэрво дывсэ явирэ-чхонэскиро. И пирипхэндлэ ёнэ пэскиро бияныпнаскиро родо, пир лэнгирэ роды, пир лэнгирэ чэкарья (семеиствы), пир лавэнгиро гиныбэн, бишэ бэршэндэр и пхурэдыр пир шэрэ, ¹⁹ сыр ракирдэ Рай Дэвэл Мойзаскэ. И кэрдэ ёв лэнгэ пиригиныбэн пэ Синаёскири чхучи пхув. ²⁰ И сыс Рувимоскирэ чхавэн, саво сыс Израилёскиро англатунó (пэрво), пир лэнгирэ роды, пир лэнгирэ кхэритка роды, пир лэнгирэ-дадэскирэ чэкарья (семеиствы), пир лавэнгиро гиныбэн, пир шэрэ, сарэн муршэн, бишэ бэршэндэр и пхурэдыр, сарэн, конэстэ сыс зор тэ джал пэ марибэн, ²¹ пиригиндло сыс дрэ Рувимоскиро родыцо (чанг) штардэшá шов тысёнцы панджшэлá. ²² Симеоноскирэ чхавэн пир лэнгирэ роды, пир лэнгирэ родыцы, пир лэнгирэ чэкарья (семеиствы), пир лавэнгиро гиныбэн, пир шэрэ, сарэн муршэн, бишэ бэршэндэр и пхурэдыр, сарэн, кон сыс дрэ зор тэ джал пэ марибэн, ²³ пиригиндло сыс дрэ Симеоноскири родыцо пандждэшá еня тысёнцы триншэлá. ²⁴ Гадоскирэ чхавэн пир лэнгирэ роды, пир лэнгирэ кхэритка роды (плéми), пир лэнгирэ чэкарья (семеиствы), пир лавэнгиро гиныбэн, бишэ бэршэндэр и пхурэдыр, сарэн, кон сыс дрэ зор тэ джал пэ марибэн, ²⁵ пиригиндло сыс дрэ Гадоскиро родыцо (чанг) штардэшá пандж тысёнцы шовшэлá пандждэшá. ²⁶ Юдаскирэ чхавэн пир лэнгирэ роды, пир лэнгирэ кхэритка роды (плéми), пир лэнгирэ чэкарья (семеиствы), пир лавэнгиро гиныбэн, бишэ бэршэндэр и пхурэдыр, сарэ, кон сыс дрэ зор тэ джал пэ марибэн, ²⁷ пиригиндло сыс дрэ Юдаскиро родыцо эфтадэшá штар тысёнцы шовшэлá. ²⁸ Исахароскирэ чхавэн пир лэнгирэ роды, пир лэнгирэ кхэритка роды (плéми), пир лэнгирэ чэкарья (семеиствы), пир лавэнгиро гиныбэн, бишэ бэршэндэр и пхурэдыр, сарэн, кон сыс дрэ зор тэ джал пэ марибэн, ²⁹ пиригиндло сыс дрэ Исахароскиро родыцо пандждэшá штар тысёнцы штаршэлá. ³⁰ Завулоноскирэ чхавэн пир лэнгирэ роды, кхэритка роды (плéми), пир лэнгирэ чэкарья (семеиствы), пир лавэнгиро гиныбэн, бишэ бэршэндэр и пхурэдыр, сарэн, кон сыс дрэ зор тэ джал пэ марибэн, ³¹ пиригиндло сыс дрэ Завулоноскиро родыцо (чанг) пандждэшá эфта (битринэнсиро дэш) тысёнцы штаршэлá. ³² Иосифоскирэ (Ёзаскирэ) чхавэн, Ефремоскирэ чхавэн пир лэнгирэ роды, пир лэнгирэ кхэритка роды (плéми), пир лэнгирэ чэкарья (семеиствы), пир лавэнгиро гиныбэн, бишэ бэршэндэр и пхурэдыр, сарэн, кон сыс дрэ зор тэ джал пэ марибэн, ³³ пиригиндло сыс дрэ Ефремоскиро родыцо штардэшá тысёнцы панджшэлá. ³⁴ Манасияскирэ чхавэн пир лэнгирэ роды, пир лэнгирэ кхэритка роды (плéми), пир лэнгирэ чэкарья (семеиствы), пир лавэнгиро гиныбэн, бишэ бэршэндэр и пхурэдыр, сарэн, кон сыс дрэ зор тэ джал пэ марибэн, ³⁵ пиригиндло сыс дрэ Манасияскиро родыцо (чанг) триянда дуй тысёнцы дуйшэлá. ³⁶ Вениаминоскирэ чхавэн пир лэнгирэ роды, пир лэнгирэ кхэритка роды (плéми), пир лэнгири чэкарья (семеиствы), пир лавэнгиро гиныбэн, бишэ бэршэндэр и пхурэдыр, сарэн, кон сыс дрэ зор тэ джал пэ марибэн, ³⁷ пиригиндло сыс дрэ Вениаминоскиро родыцо триянда пандж тысёнцы штаршэлá. ³⁸ Даноскирэ чхавэн пир лэнгирэ роды, пир лэнгирэ кхэритка роды (плéми), пир лэнгирэ чэкарья (семеиствы), пир лавэнгиро гиныбэн, бишэ бэршэндэр и пхурэдыр, сарэн, кон сыс дрэ зор тэ джал пэ марибэн, ³⁹ пиригиндло сыс дрэ Даноскиро родыцо шовдэшá дуй тысёнцы эфталэлá. ⁴⁰ Асироскирэ чхавэн пир лэнгирэ роды, пир лэнгирэ кхэритка роды (плéми), пир лэнгирэ чэкарья (семеиствы), пир лавэнгиро гиныбэн, бишэ бэршэндэр и пхурэдыр, сарэн, кон сыс дрэ зор тэ джал пэ марибэн, ⁴¹ пиригиндло сыс дрэ Асироскиро родыцо штардэшá екх тысёнцо панджшэлá. ⁴² Нефалимоскирэ чхавэн пир лэнгирэ роды, пир лэнгирэ кхэритка роды (плéми), пир лэнгирэ чэкарья (семеиствы), пир лавэнгиро гиныбэн, бишэ бэршэндэр и пхурэдыр, сарэн, кон сыс дрэ зор тэ джал пэ марибэн, ⁴³ пиригиндло сыс дрэ Нефалимоскиро родыцо (чанг) панджэшá трин тысёнцы штаршэлá. ⁴⁴ Акэ, исын манушá, савэ загинэ дрэ пиригиныбэн, савэн пиригиндлэ Мойза и Аароно и Израилёскирэ барыдыра – дэшудуй манушá, пэ екхэ манушэстэ кхэритконэ родостыр (племёстыр). ⁴⁵ И сыс сарэн, савэ загинэ дро пиригиныбэн, Израилёскирэ чхавэн, пир лэнгирэ чэкарья (сэм'и (ирья)), бишэ бэршэндэр и пхурэдыр, сарэ, кон сыс дрэ зор тэ джал пэ марибэн дро Израилё, ⁴⁶ и сыс сарэн, савэ загинэ дро пиригиныбэн шовшэлá трин тысёнцы панджшэлá пандждэшá. ⁴⁷

А Левіты пир лэнгирэ-дадэнгирэ стрэчы (поколении) на сыс пиригиндлэ машкір лэндэ.”⁴⁸ И пхэндя Рай Дэвэл Мойзаскэ дасавэ лавá: ⁴⁹ “Екх Левиёскирэ рóдыцы на залыджа дро пиригиныбэн, и на гин лэн кхэтанэ Израилёскирэ чхавэнца; ⁵⁰ нэ допатыя Левитэнгэ шáтра досыкаибна́са и сарó, со трэй ваш лáкэ, со исын пашыл лáтэ; мэк ёнэ тэ лыджан шáтра досыкаибна́са и сарó, со трэй ваш лáкэ, и тэ дынаринэн (тэ служынэн) пашыл лáтэ, и пашыл шáтра мэк тэ чхувэн пэскиро стáно; ⁵¹ и кэли явэла трэй тэ пирилыджас шáтра, мэк Левіты тэ газдэн ла; и кэли явэла трэй тэ чхувэн шáтра, мэк Левіты тэ чхувэн ла; а кóли подджáла вари-кон явирэ манушэндыр, явэла отдынó пэ мэрибэн. ⁵² Израилёскирэ чхавэ исын бангэ кажно тэ тэрдэл дро пэскиро стáно и кажно пашыл пэскиро сцяго (знамя), пир пэскирэ отряды; ⁵³ а Левіты сыс бангэ тэ чхувэн стáно пашыл шáтра досыкаибна́са, соб (кай) тэ на явэл холы пэ Израилёскирэ-чхавэнгиро кхэтаныбэн, и явэна тэ тэрдэн Левіты пэ стрéга пашыл шáтра досыкаибна́са.” ⁵⁴ И кэрдэ Израилёскирэ чхавэ, сыр припхэндя Рай Дэвэл Мойзаскэ, адякэ ёнэ и кэрдэ.

1:2 ^[1] чэкарь (чэкарья) – гаратуно лав, савó сыкавэла “семейство”, “клано”, “бари сэм’я (бари ири)”

Шэро́ 2

Рóдыцы и Барыдыра́ пэ Отряды

¹ И пхэндя Рай Дэвэл Мойзаскэ и Ааронóскэ дасавэ лавá: ² “Израилёскирэ чхавэ, кажно (сва́ко) исын бангэ тэ чхувэл пэскиро стáно пашыл пэскиро сцяго (знамя), пашыл пэскирэ-чэкарьякирэ шпэры (знаки); ангил скэдыибна́скири шáтра исын бангэ тэ чхувэн пэскиро стáно. ³ Англатунэ ригáтыр кэ вастóко чхувэна стáно: Юдаскирэ-станоскиро сцяго пир лэнгирэ отряды, и барыдырó Юдаскирэ чхавэнгиро, Наасóно Аминадавóскиро чхавó, ⁴ и лэскирэ халадэ, савэ загинэ дро лэскиро пиригиныбэн, сыс эфтадэша́ штáр тысёнцы шовшэла́; ⁵ палó лэстэ чхувэла стáно Исахароскиро рóдыцо, о барыдырó чхавэнгиро Исахаро Нафанаило, Цуараскиро чхавó, ⁶ и лэскирэ халадэ, савэ загинэ дро лэскиро пиригиныбэн сыс пандждэша́ штáр тысёнцы штáршэла́; ⁷ дурэдýр чхувэла стáно Завулоноскиро рóдыцо (чанг), и о барыдырó Завулоноскирэ-чхавэнгиро Елиаво, Хелоноскиро чхавó, ⁸ и лэскирэ халадэ, савэ загинэ дрэ лэскиро пиригиныбэн, сыс пандждэша́ эфта́ тысёнцы штáршэла́; ⁹ сарэ, савэ загинэ дро пиригиныбэн кэ Юдаскиро стáно сыс шэл тэ охтодэша́ шов тысёнцы штáршэла́, пир лэнгирэ отряды; ангил ёнэ сыс бангэ (мусиндлэ) тэ джáн марибна́са. ¹⁰ Рувимóскирэ-станоскиро сцяго сыс кэ паш-дывэс (юго) пир лэнгирэ отряды, и о барыдырó Рувимóскирэ-чхавэнгиро Елицуро, Шэдэураскиро чхавó, ¹¹ и лэскирэ халадэ, савэ загинэ дро лэскиро пиригиныбэн, сыс штáрдэша́ шов тысёнцы панджшэла́; ¹² нáдур лэстыр чхувэла стáно Симёоноскиро (Семёноскиро) рóдыцо, и о барыдырó чхавэнгиро-Шэлумиило, Цуришадоскиро чхавó, ¹³ и лэскирэ халадэ, савэ загинэ дро лэскиро пиригиныбэн, сыс пандждэша́ еня́ тысёнцы триншэла́; ¹⁴ Пал лэндэ явэла Гадоскиро рóдыцо, и о барыдырó Гадóскирэ-чхавэнгиро о Елиасафо, Регуилоскиро чхавó, ¹⁵ и лэскирэ халадэ, савэ загинэ дро лэскиро пиригиныбэн, сыс штáрдэша́ пандж тысёнцы шовшэла́ пандждэша́; ¹⁶ сарэ, савэ загинэ дро пиригиныбэн кэ Рувимоскиро стáно, сыс шэл пандждэша́ екх тысёнцо штáршэла́ пандждэша́, пир лэнгирэ отряды; яв́ир (втора) ёнэ сыс бангэ тэ джáн марибна́са. ¹⁷ Кэли джáла скэдыибна́скири шáтра, то Левитэнгиро стáно явэла машкирál дрэ станы. Сыр сыс тэрдэ, адякэ и сыс бангэ тэ джáн, кажно пэ пэскиро штéто пашыл пэскирэ сцяги (знами). ¹⁸ Ефремóскирэ-станоскиро сцяго сыс пир лэнгирэ отряды кэ западо, и Ефремóскирэ-чхавэнгиро барыдырó о Елишамо, Амиудоскиро чхавó, ¹⁹ и лэскирэ халадэ, савэ загинэ дро лэскиро пиригиныбэн, сыс штáрдэша́ тысёнцы панджшэла́; ²⁰ нáдур лэстыр Манасия́скиро сыс рóдыцо (чанг), и Манасия́скирэ-чхавэнгиро барыдырó Гамалиило, Педацуроскиро чхавó, ²¹ и лэскирэ халадэ, савэ загинэ дро лэскиро

пиригиныбэн, сыс трийнда дуй тысэнцы дуйшэла; ²² палó дава Вениаиноскиро рóдыцо, и Вениаиноскирэ-чхавэнгиро барыдырó Авидано, Гидеиноскиро чхавó, ²³ и лэскирэ халадэ, савэ загинé дро лэскиро пиригиныбэн, сыс трийнда пандж тысэнцы штаршэла; ²⁴ сарэн манушэн, савэ загинé дро пиригиныбэн кэ Ефремоскиро стáно, сыс шэл тэ охтó (бидуэнгиро дэш) тысэнцы шэла, пир лэнгирэ отряды; трита ёнэ сыс бангэ тэ джэн марибнаса. ²⁵ Данóскирэ-станоскиро сцяго сыс кэ паш-рат (северо) пир лэнгирэ отряды, и Данóскирэ-чхавэнгиро барыдырó Ахиезеро, Амишадаёскиро чхавó, ²⁶ и лэскирэ халадэ, савэ загинé дро лэнгиро пиригиныбэн, сыс шовдэшадуй тысэнцы эфташэла; ²⁷ нэдур лэстыр чхувэла стáно Асироскиро рóдыцо, и Асироскирэ-чхавэнгиро барыдырó о Пагиило, Охраноскиро чхавó, ²⁸ и лэскирэ халадэ, савэ загинé дро лэскиро пиригиныбэн, сыс штардэша екх тысэнцы панджшэла; ²⁹ дурыдыр сыс Нефалимоскиро рóдыцо, и Нефалимоскирэ-чхавэнгиро барыдырó о Ахиро, Енаноскиро чхавó, ³⁰ и лэскирэ халадэ, савэ загинé дро лэскиро пиригиныбэн, сыс пандждэша трин тысэнцы штаршэла; ³¹ сарэн манушэн, савэ загинé дро пиригиныбэн дрэ Даноскиро стáно, сыс шэл пандждэша эфта тысэнцы шовшэла; ёнэ сыс бангэ тэ джэн палатунé (последня) пашыл пэскирэ сцяги. ³² Акэ, исын мануша, савэ загинé дрэ Израилёскирэ-чхавэнгиро пиригиныбэн, кажно пир лэнгирэ чэкарья (семействы). Сарэн, кон загия дро пиригиныбэн дрэ станы, пир лэнгиро отряды, сыс шовшэла трин тысэнцы панджшэла пандждэша.” ³³ А Левíты на загинé дро пиригиныбэн кхэтанé Израилёскирэ чхавэнца, сыр пхэндя Рай Дэвэл Мойзаскэ. ³⁴ И кэрдэ сарó Израилёскирэ чхавэ, со припхэндя Рай Дэвэл Мойзаскэ: адякэ ёнэ тэрдёнас станэнца (таборэнца) пашыл пэскирэ сцяги, и адякэ гинé кажно ангил пир пэскиро кхэр, пир пэскирэ-дадэскирэ чэкарья.

Шэрó 3

Ааронóскирэ Чхавé

¹ Ёада, исын Мойзаскиро и Аароноскиро рóдо, кэли ракирдя Рай Дэвэл Мойзаскэ пэ бóрга Синаё, ² и, акэ, исын Ааронóскирэ-чхавэнгирэ лава: англатунó (пóрво) Надаво, Авиудо, Елизáро и Ифамаро; ³ акэ, исын Ааронóскирэ-чхавэнгирэ лава, рашангирэ, савэн помакхнэ, савэн ёв (Аарóно) высвэнцындя, соб (кай) ёнэ тэ кэрэн буты сыр рашая; ⁴ нэ Надаво и Авиудо мынэ ангил Растэ-Дэвлэстэ, кэли ёнэ яндрé явирэ-манушэнгири яг ангил Растэ-Дэвлэстэ пэ Синаёскири чхучи пхув, чхавэн лэндэ на сыс; и ячнэпэ рашанца Елизáро и Ифамаро пашыл пэскирэ дадэстэ Аароностэ.

Левíты Кэрэна Буты дрэ Шáтра

⁵ И пхэндя Рай Дэвэл Мойзаскэ дасавэ лава: ⁶ “Ян Левиёскиро рóдыцо (чанг), и чхув лэс рашаса ангил Аароностэ, соб (кай) ёнэ тэ дынаринэн (тэ служынэн) лэскэ; ⁷ и мэк ёнэ тэ явэн пэ стрéга пал лэстэ, и пэ стрéга пал сарó скэдыибэн пашыл шáтра скэдыибнаскири, соб (кай) ёнэ тэ лыджэн буты пашыл шáтра; ⁸ и мэк ёнэ тэ раххэн сарé приборы скэдыибнаскирэ шатратыр, и явэна пэ стрéга пал Израилёскирэ чхавэндэ, соб (кай) тэ лыджэн буты пашыл шáтра. ⁹ Отдэ Левитэн Ааронóскэ и лэскирэ чхавэнгэ сарэса: мэк тэ явэн ёнэ отдынó лэскэ Израилёскирэ чхавэндэр; ¹⁰ Ааронóс и лэскирэ чхавэн чхув тэ кэрэн буты, соб (кай) ёнэ тэ дыкхэн пэскири рашаскири буты; а кóли подджала явир мануш, одовá мануш явэла отдынó мэрибнаскэ.” ¹¹ И пхэндя Рай Дэвэл Мойзаскэ, ракири: ¹² “Ёада, Мэ лыём Левитэн Израилёскирэ чхавэндэр замéст (пэ штéто) сарé англатунэндэ (пэрвонэндэ), савó выджала лочовятыр (лоностыр) машкир Израилёскирэ чхавэндэ, Левíты исын бангэ тэ явэн Мирé; ¹³ пал-довá со сарé англатунэ чхаворé – Мирé; дро довá дывэс, кэли Мэ хасякирдём сарэн англатунэн бияторэн пэ Египтóскири пхув, Мэ высвэнцякирдём Пэскэ сарэн англатунэн Израилёскирэ манушэстыр кэ кхэрítка мурдалá (ското); ёнэ исын бангэ тэ явэн Мирé. Мэ сом Рай Дэвэл.” ¹⁴ И пхэндя Рай Дэвэл Мойзаскэ пэ Синаёскири чхучи пхув дасавэ лава:

Пиригиныбэн Левитэнгиро

¹⁵ “Пиригин Левиёскирэ чхавэн пир лэнгирэ чэкарья (семеиствы), пир лэнгирэ рёды; гин сарэн муршэн екхэ чхонэстыр и пхурэдýр.” ¹⁶ И пиригиндя лэн Мойза пир Рáскирэ-Дэвлэскиро лав, сыр сыс припхэндло. ¹⁷ И гада, исын Левиёскирэ чхавэ пир лэнгирэ лавá: Гирсоно, Каафо и Мерари. ¹⁸ И, акэ, исын Гирсоноскирэ-чхавэнгирэ лавá пир лэнгирэ рёды: Ливнэ и Шымеё. ¹⁹ И Каафоскирэ чхавэ пир лэнгирэ рёды: Амрамо и Ицгаро, Хевроно и Узиило. ²⁰ И Мерарискирэ чхавэ пир лэнгирэ рёды: Махли и Муша. Ѓада, исын Левиёскиро рёдо пир лэнгирэ чэкарья. ²¹ Гирсоностыр джáла рёдо Ливнискиро и рёдо Шымеяскиро: дава исын Гирсоноскиро рёдо. ²² Пиригиндлэ сыр сарэ муршá, екхэ чхонэстыр и пхурэдýр, лэн сыр эфтá тысёнцы панджшэлá. ²³ Гирсоноскирэ рёды бангэ сыр тэ тэрдён станóса (табороса) палэ шáтра пэ западо; ²⁴ барыдырó пэ Гирсоноскирэ-чхавэнгиро, лэнгирэ-дадэнгири стрэч (поколениё) сыр Елиасафо, Лаелоскиро чхавó. ²⁵ Гирсоноскирэ чхавэнгэ допатылапэ скэдыибнаскири шáтра тэ раххэн, и лáкиро учхакирибэн (полого), и скэдыибнаскири шырма пэ загибэн, дрэ шáтра, ²⁶ и пэ грэда (двóро) и двороскирэ-загиибнаскири шырма, сави исын трусцýл (кругом) скýния и алтáрё, и лáкирэ шэлэ, сарэнца лэнгирэ приборэнца. ²⁷ Каафостыр сыр рёдо Амрамоскиро и рёдо Ицгараскиро, Хевроноскиро рёдо, и Узиилоскиро рёдо: далэ исын Каафоскирэ рёды. ²⁸ Пир гиныбэн сарэ муршэн екхэ чхонэстыр и пхурэдýр, сыр охтó тысёнцы шовшэлá, савэ раххнэ свэнто штэто. ²⁹ Каафоскирэ-чхавэнгирэ рёды сыр бангэ тэ чхувэн пэскиро стáно пэ паш-дывэсыткó (южно) шатракири риг; ³⁰ о барыдырó Каафоскирэ родóстыр сыр о Елцафано, Узиилоскиро чхавó; ³¹ Лэнгэ сыр дынó тэ раххэн ковчэго, скамýнд, момолýткó (светильнико), алтáрё, свэнта кхорэ (сасýды), савэнца сыр трэй лэнгэ тэ дынаринэн (тэ служынэн), и шырма сарэ лáкирэ приборэнца. ³² Шэралó барыдырó пэ Левитэнгирэ барыдырэндэ сыр о Елизáро, Ааронóскирэ-рапашкиро чхавó; тэл лэскиро раххибэн сыр одолэ, савэнгэ сыр допатындло тэ раххэн свэнто штэто. ³³ Мераристыр сыр Махлискиро рёдо и Мушискиро рёдо: дава сыр Мерарискиро рёдо; ³⁴ пиригиндлэ сарэн муршэн, екхэ чхонэстыр и пхурэдýр – шов тысёнцы дуйшэлá; ³⁵ о барыдырó Мерарискирэ-дадэнгиро родóстыр сыр о Цуриило, Авихаилоскиро чхавó; ёнэ сыр бангэ тэ чхувэн пэскиро стáно пэ паш-ратýткó (северно) риг шатратыр; ³⁶ Мерарискирэ чхавэнгэ допатынас тэ раххэн шатракирэ бэльки (брусы) и лáкирэ баландиня (шосты), и лáкирэ стýлбы, и лáкирэ тэл гэрá прэдки и сарэ лáкирэ приборы сарэ лэнгирэ кэрибнаса, ³⁷ и стýлбы пэ грэда (двóро) сарэ ригэндýр и лэнгирэ прэдки (основы), и лэнгирэ килорэ и лэнгирэ шэлэ. ³⁸ Англатунэ ригáтыр дрэ шáтра, кэ вастóко ангýл скэдыибнаскири шáтра, сави сыр рисии, кай газдэлапэ кхам, сыр бангэ тэ чхувэн стáно (таборо (лод)) Мойза и Аарóно и лэскирэ чхавэ, савэнгэ сыр допатындыно тэ раххэн свэнто штэто пал Израилёскирэ чхавэндэ; а кóли вари-кон подджáла явирэ манушэндýр (савó на Аароностыр), явэла отдынó мэрибнаскэ. ³⁹ Сарэн гиндлэн Левитэн, савэн пиригиндлэ Мойза и Аарóно пир припхэныбэн Рáстыр-Дэвлэстыр, пир лэнгирэ рёды, сарэн муршэн, екхэ чхонэстыр и пхурэдýр, сыр биш тэ дуй тысёнцы.

Левýты Дынé Дэвлэскэ

⁴⁰ И пхэндя Рай Дэвэл Мойзáскэ: “Пиригин сарэн англатунэн чхаворэн Израилёскирэ чхавэндýр екхэ чхонэстыр и пхурэдýр, и пиригин лэн пир лавá; ⁴¹ и лэ Левитэн ваш Мánгэ, – Мэ сом Рай Дэвэл, – и замéст (пэ штэто) сарэндэ англатунэндэ Израилёскирэ чхавэндýр, а Левитэнгирэ кхэритконé мурдалэн замéст (пэ штэто) сарó пэрвонэ-бияныпныткó мурдалэнгиро кхэритконé Израилёскирэ чхавэндýр.” ⁴² И пиригиндя Мойза, сыр припхэндя лэскэ Рай Дэвэл, сарэн Израилёскирэ чхавэнгирэ англатунэ чхаворэн; ⁴³ и сыр сарэ англатунэ чхаворэн, пир лавэнгиро гиныбэн, екхэ чхонэстыр и пхурэдýр биш тэ дуй тысёнцы дуйшэлá эфтадэшá трин. ⁴⁴ И пхэндя Рай Дэвэл Мойзáскэ дасавэ лавá: ⁴⁵ “Лэ Левитэн замéст сарэн англатунэн чхаворэн Израилёскирэ чхавэндýр, и Левитэнгирэ кхэритконé мурдалэн (ското) замéст лэнгирэ кхэритконé мурдалэндэ; мэк Левýты тэ явэн

Мирэ. Мэ сом Рай Дэвэл. ⁴⁶ А дро выкиныбэн пал дуйшэлá эфтадэша́ тринэндэ, савэ ячнэпэ бутыр Левитэнгирэ гиныбнастыр, Израилёскирэ англатунэ чхаворэндыр, ⁴⁷ то лэ пэ пандж шэкели пал манушэстэ, пир свэнто шэкелё лэ, биш геры дро шэкелё, ⁴⁸ и отдэ дава́ руп Ааронóскэ и лэскирэ чхавэнгэ, дро выкиныбэн пал лишнёнэ (савэ ячнэпэ) манушэндэ.” ⁴⁹ И лыя́ Мойза выкиныбнаскиро руп пал лишнёнэ манушэндэ, савэн запарудэ Левыты, ⁵⁰ Израилёскирэ англатунэ чхаворэндыр ёв лыя́ руп тысёнцо (бар) трин шэлá шовдэша́ пандж шэкели, пир свэнто шэкелё, ⁵¹ и отдыя́ о Мойза выкиныбнаскиро руп Ааронóскэ и лэскирэ чхавэнгэ пир Рáскирэ-Дэвлэскиро лав, сыр припхэндя́ Рай Дэвэл Мойзáскэ.

Шэро́ 4

Буты́ ваш Каафоскирэ Чхавэнгэ

¹ И пхэндя́ Рай Дэвэл Мойзáскэ и Ааронóскэ адякэ дасавэ лава́: ² “Пиригин Каафовоскирэ чхавэн Левийёскирэ чхавэндыр пир лэнгирэ рóды, пир лэнгирэ чэкарья (семействы), ³ трия́нда бэршэндыр и пхурэдýр кэ пандждэша́ бэрш, сарэн, кон сыс дрэ зор тэ кэрэл буты́, соб (кай) тэ бичхавэс тэ кэрэн буты́ дрэ скэдыибнаскири шáтра. ⁴ Тада, сави́ исын Каафоскирэ-чхавэнгири буты́ дрэ скэдыибнаскири шáтра: тэ лыджáн Свэнто-свэнтонэнгиро (сама свэнта предметы). ⁵ Кéли станóскэ (таборóскэ) трэй явэла́ тэ джал дро дром, Аарóно и лэскирэ чхавэ́ заджána, и злэна полого, савó учхакирэла, и зачхакирэна лэса ковчэго досыкаибна́са (откровенияса); ⁶ и чхувэ́на пэ лэстэ учхакирибэн синёнэ-цвятоскирэ барсукэнгирэ цыпатыр, и упрáл лэстэ чхурдэна учхакирибэн сарó голубовонэ вылнатыр (шэрсятыр), и чхувэ́на андрэ лэскирэ баландиня́ (шосты); ⁷ и марэскиро скаминд учхакирэна тханы́са (матерьялоса) голубовонэ вылнатыр, и чхувэ́на пэ лэстэ чарэ́, барэ́ чарэ́, тахтая́ и кучика, соб (кай) тэ почхувэн, и, лэскиро марó ваш кажно́ дывэс трэй, соб (кай) тэ явэл пэ лэстэ; ⁸ и чхувэ́на пэ лэндэ́ тхан (матерьяло) лолы, и зачхакирэна ла учхакирибна́са синэ-цвятоскирэ цыпатыр, и учхувэ́на лэскирэ баландиня́; ⁹ и лэ́на тхан голубовонэ вылнатыр, и зачхакирэна момолы́тко (светильнико) и лэскирэ лампы́, и лэскирэ шчыпцы́ (цымты), и лэскирэ лотки, и сарэ́ кхорэ́ (сасу́ды) ваш дзэт (елеё), савэнца́ ёнэ кэрэ́на буты́ пашыл лэстэ, ¹⁰ и зачхакирэна лэс и сарэ́ лэскирэ судинки учхакирибна́са синёнэ цыпэндыр, и чхувэ́на пэ носилки; ¹¹ и пэ сувнакунó алтáрэ чхувэ́на тхан голубовонэ вылнатыр, и учхакирэна ла синёнэ-барсукэнгирэ цыпэндыр учхакирибна́са, и чхувэ́на лэскирэ баландиня́. ¹² И лэ́на сарэ́ бутярнэ́ предметы, савэ́ трэй ваш буты́ пэ свэнто́ штэ́то, и чхувэ́на дрэ́ тхан голубовонэ вылнатыр, и зачхакирэна лэн учхакирибна́са синёнэ-барсукэнгирэ цыпэндыр, и чхувэ́на пэ носилки. ¹³ И выжужакирэна алтáрэ́ праскатыр (пеплостыр), и учхакирэна лэс пурпурно́нэ тханы́са; ¹⁴ и чхувэ́на пэ лэстэ́ сарэ́ лэскирэ кхорэ́ (сасу́ды), савэ́ трэй ваш буты́ пашыл лэстэ́, – лопаткицы́ ваш вангар, бустя́ (вилки), лопатки, и тахтая́, сарэ́ кхорэ́ (сасу́ды) алтарё́стыр, и учхакирэна лэс учхакирибна́са синёнэ цыпэндыр, и чхувэ́на андрэ́ лэскирэ баландиня́. ¹⁵ И кéли скэдэлапэ́ дрэ́ дром стáно (таборо́ (лод)), Аарóно и лэскирэ чхавэ́ учхакирэна сарэ́ свэнта́ штэ́ты и сарэ́ свэнтонэ́-штэтоскирэ предметы, тэды́ Каафоскирэ чхавэ́ явэ́на, соб (кай) тэ лыджáн; нэ́ нашты́ ёнэ́ тэ́ чилавэн свэнто́ штэ́то, соб (кай) тэ́ на мэрэн. Далэ́-скэдыибнаскирэ скиниякирэ́ пашá исын бангэ́ тэ́ лыджáн Каафоскирэ чхавэ́. ¹⁶ Елизарóскэ, Ааронóскирэ-рашаскирэ́ чхавэ́скэ, допаты́лапэ́ елеё́ (дзэт) оливатыр ваш момолы́тко (светильнико) и фимиáмо (гудлэ́ смóлы) тэ́ тхувлякирэн, и кажно́нэ́-дывэсэнгиро маруно́ яныбэн и макхибнаскиро елеё́, тэ́ дыкхэл пал сари́ шáтра и сарó, со́ исын дрэ́ латэ́, свэнто́ штэ́то и ла́кирэ предметы.” ¹⁷ И пхэндя́ Рай Дэвэл Мойзáскэ и Ааронóскэ дасавэ лава́: ¹⁸ “На домэкэн, соб (кай) тэ́ хасён Каафоскиро кхэ́рýтко рóдо (племё) Левитэндыр, ¹⁹ нэ́, га́да, со́ трэй лэнгэ́ тэ́ кэрэн, соб (кай) ёнэ́ тэ́ явэн джидэ́ и тэ́ на мэрэн, кéли явэ́на кэ́ Свэнто-свэнтонэнгиро: Аарóно и лэскирэ чхавэ́ мэк ёнэ́ тэ́ явэн и тэ́ чхувэн лэн кажно́нэс дрэ́ буты́ лэскири и пашыл дро́ лэнгиро лыджайбэн; ²⁰ нэ́ кокорэ́ ёнэ́ нашты́ тэ́ явэн, тэ́ дыкхэн свэнто́ штэ́то, кéли учхакирэна лэс, соб (кай) тэ́ на мэрэн.”

Бутя тэ Кэрэн Чхавэнгэ Гирсоноскирэнгэ

²¹ И пхэндя Рай Дэвэл Мойзаскэ дасавэ лавá: ²² “Пиригин и Гирсоноскирэ чхавэн пир чэкарья/семеиствы [лэнгирэ-дадэнгирэ сэм’и (ирья)-ю.о.], пир лэнгирэ рóды, ²³ трияндэ бэршэндэр и пхурэдыр кэ пандждэша́ бэрш, пиригин лэн сарэн, кон сыс дрэ зор тэ кэрэл буты, соб (кай) тэ дынаринэн пашыл скэдыибнаскири шáтра. ²⁴ Гада, исын Гирсоноскирэ-чэкарьякирэ бутя, пашыл лэнгирэ дынарибэн и тэ лыджан пхарипэн: ²⁵ энэ исын бангэ тэ лыджан шатракиро учхакирибэн и скэдыибнаскири шáтра, и учхакирибэн лакиро, и учхакирибэн синэ-цыпитко, савó упралэстыр, и скэдыибнаскирэ-шатракири шырма пашыл загиибэн, ²⁶ и грэдакирэ (двороскирэ) шырмы, и убладытко шырма пэ грэда, сави́ исын пашыл шáтра и алтарё, и лэнгирэ шэлэ, и сарэ предметы, савэ трэй тэ дынаринэн и сарó, со кэрэлапэ пашыл лэндэ: энэ исын бангэ тэ кэрэн буты. ²⁷ Пир Аароноскиро и лэскирэ-чхавэнгиро упхэныбэн исын бангэ тэ кэрэнпэ сарэ Гирсоноскирэ-чхавэнгирэ бутя пашыл кажно пхарипнаскиро лыджаибэн и кажно лэнгири буты, и допатын лэнгирэскэ раххибнаскэ сарó, со энэ лыджана. ²⁸ Гада, исын чхавэнгиро отпхэныбэн Гирсоноскирэ родóстыр дрэ скэдыибнаскири шáтра, и, гада, со допатылапэ лэнгирэ раххибнаскэ тэл Ифамароскиро дыкхибэн, Ааронóскирэ, рашаскирэ чхавэс. ²⁹ Мерарискирэ чхавэн пиригин пир лэнгирэ рóды, пир лэнгирэ чэкарья (семеиствы), ³⁰ триянданэ бэршэндэр и пхурэдыр кэ пандждэша́ бэрш, пиригин сарэн, кон сыс дрэ зор тэ кэрэл буты, соб (кай) тэ дынаринэн пашыл скэдыибнаскири шáтра. ³¹ Гада, со энэ исын бангэ тэ лыджан, пир дынарибэн пашыл скэдыибнаскири шáтра: лакирэ бруски и лакирэ баландиня, и лакирэ стылбы и лакирэ тэл гэрá прэдки, ³² и стылбы пэ грэда сарэ ригэндэр, и лэнгирэ основы, и лэнгирэ килэ (конки), и лэнгирэ шэлэ, и сарэ струмэнтэ пашыл лэндэ, и сарэ лэнгирэ судинки; и пир лэнгиро лав пиригинэн струмэнтэ, савэ энэ исын бангэ тэ лыджан. ³³ Гада, исын бутя Мераринэнгирэ-чхавэнгирэ родóстыр, пир лэнгиро дынарибэн пашыл скэдыибнаскири шáтра, тэл Ифамароскиро дыкхибэн, Ааронóскирэ-рашаскирэ чхавэстэ.”

Мойза и Аарóно Пиригинэна Левитэн

³⁴ И пиригиндлэ Мойза и Аарóно и барыдыра́ Каафавоскирэ чхавэн пир лэнгирэ рóды и пир лэнгирэ чэкарья, ³⁵ трияндэ бэршэндэр и пхурэдыр кэ пандждэша́ бэрш, сарэн, кон сыс дрэ зор тэ кэрэл буты, тэ дынаринэн дрэ скэдыибнаскири шáтра; ³⁶ и сыс пиригиндло, пир лэнгирэ рóды, дуй тысёнцы эфташэла́ пандждэша́. ³⁷ Акэ, сыс сарэ, савэн пиригиндлэ Каафавоскирэ родэндэр, кон сыс дрэ зор тэ дынаринэн пашыл скэдыибнаскири шáтра, савэн пиригиндя́ Мойза и Аарóно пир Рáскирэ-Дэвлэскиро припхэныбэн, савó дыя́ Ёв пир Мойзастэ. ³⁸ И пиригиндлэ Гирсоноскирэ чхавэн пир лэнгирэ рóды и пир лэнгирэ чэкарья (семеиствы), ³⁹ триянданэ бэршэндэр и пхурэдыр кэ пандждэша́ бэрш, сарэн, кон сыс дрэ зор тэ кэрэл буты, дрэ скэдыибнаскири шáтра; ⁴⁰ и пиригиндло сыс пир лэнгирэ рóды, пир лэнгирэ чэкарья (семеиствы), сыс дуй тысёнцы шовшэла́ триянда; ⁴¹ акэ, исын пиригиныбэн Гирсоноскирэ-чхавэнгирэ родóстыр, сарэн, кон сыс дрэ зор тэ кэрэл буты пашыл скэдыибнаскири шáтра, савэн пиригиндя́ Мойза и Аарóно, пир Рáскирэ-Дэвлэскиро припхэныбэн. ⁴² И пиригиндлэ сыс Мерариноскирэ-чхавэнгирэ рóды пир лэнгирэ рóды, пир лэнгирэ чэкарья (семеиствы), ⁴³ трияндэ бэршэндэр и пхурэдыр кэ пандждэша́ бэрш, сарэн, кон сыс дрэ зор тэ кэрэл буты, дрэ скэдыибнаскири шáтра; ⁴⁴ и сыс пиригиндло пир лэнгирэ рóды, трин тысёнцы дуйшэла́: ⁴⁵ акэ, исын пиригиныбэн Мерарискирэ-чхавэнгирэ родóстыр, савэн пиригиндя́ Мойза и Аарóно пир Рáскирэ-Дэвлэскиро припхэныбэн, савó сыс дыно́ пир Мойзастэ. ⁴⁶ И пиригиндлэ сарэн Левитэн, савэн пиригиндя́ Мойза и Аарóно и Израилёскирэ барыдыра́ пир лэнгирэ рóды и пир лэнгирэ чэкарья, ⁴⁷ Трияндэ бэршэндэр и пхурэдыр кэ пандждэша́ бэрш, сарэн, кон сыс дрэ зор тэ кэрэл буты и тэ лыджал скэдыибнаскири ски́ния; ⁴⁸ и сыс пиригиндло лэн охто́ (бидуэнгиро дэшто) тысёнцы панджшэла́ эфтадэша́; ⁴⁹ кажнонэскэ лэстыр пир Дэвлэскиро припхэныбэн пир Мойзастэ сыс дыны́ пэскири буты и лыджаибэн, и пиригиндлэ, сыр припхэндя́ Рай Дэвэл Мойзаскэ.

Шэрó 5

Сыр тэ Жужакирэс Стáно (Тáборо)

¹ И пхэндя Рай Дэвэл Мойзáскэ дасавó бутя: ² “Припхэн Израилёскирэ чхавóнгэ тэ выбичхавэн станостыр сарён, конэстэ сыс прокáза, и сарён, конэстэ тхадэлас масэндыр, и сарён, кон магирэлáспэ мулэстыр, ³ и выбичхавэн муршён и джувлэн, пал стáно выбичхавэн лэн, соб (кай) тэ на магирён ёнэ пэскирэ станы, машикирál савóндэ Мэ дживáва.” ⁴ И кэрдé адякэ Израилёскирэ чхавó, и выбичхадэ лэн яврё станостыр; сыр ракирдя Рай Дэвэл Мойзáскэ, адякэ и кэрдé Израилёскирэ чхавó.

Грэхоскиро Приеалыибэн и Свэ́нто Яныб́эн пал Давá

⁵ И пхэндя Рай Дэвэл Мойзáскэ дасавó лавá: ⁶ “Пхэн Израилёскирэ чхавóнгэ: кóли мурш ци джувлý кэрэла вари-савó грéхо проти манушэстэ, и пир давá кэрэла чорипэн проти Растэ-Дэвлэстэ, и бангó явэла дова́ ди: ⁷ тэды мэк тэ пригалёнпэ дро пэскиро грéхо, савó ёнэ кэрдé, и тэ рискирэн сарó дова́, дрé со ёнэ сыс бангé, и тэ дочхувэн кэ дова́ пáнджто паш и тэ отдэн одолэскэ, проти конэстэ ёнэ кэрдé грéхо; ⁸ кóли лэстэ нанэ чхавó, савэскэ трэй тэ отдэс пал банг: тэды тэ отдэс давá Рáскэ-Дэвлэскэ; мэк тэ явóл давá рашáскэ, адякэ-паць, сыр и бакро ваш жужакирибэн пир патяиб́эн, савóса ёв жужакирэлапэ; ⁹ и кажно свэ́нто яныб́эн Израилёскирэ чхавóндыр сарó свэ́нтонэндыр, савé ёнэ янóна кэ рашáй, отдэн лэскэ, ¹⁰ и сарó яндло, со вари-кон высвэ́нцынэла, отдэн лэскэ (рашáскэ); сарó, со дэла вари-кон рашáскэ, исын лэскиро.”

Пал Напатяибнытконэ Джувлендэ

¹¹ И пхэндя Рай Дэвэл Мойзáскэ дасавó лавá: ¹² “Рáкир Израилёскирэ чхавóнгэ и пхэн лóнгэ: ‘Кóли вари-конэскири ромны́ джáла дро блéндо, и кэрэла биладжаипэн, ¹³ и пирисовэла вари-кон лáса и вычхувэла семё (сал), и явэла давá счхакирдо лáкирэ-ромэскирэ якхэндыр, и ёй магирэлапэ чораханэс, и на явэла пэ лáтэ якхитконэс (свидетелёс), и ёй на явэла ухтылды дро дова́, ¹⁴ и кóли явэла пэ лэстэ зэвлыпнаскиро дýхо (фáно) и ёв явэла тэ зэвлынэл (тэ ревнинэл) пэскирýя ромнýя, кéли ёй исын магирды, ци кéли пэрэла пэ лэстэ зэвлыпнаскиро дýхо (фáно), и ёв явэла тэ зэвлынэл пэскирýя ромнýя, кéли ёй нанэ магирды, – ¹⁵ мэк тэ янэло ром пэскирýя ромнýя кэ рашáй, и тэ янэл пал лáтэ дро свэ́нто дыиб́эн (жэ́ртва) дэшто паш эфа ячменёстыр (гэрстытко) яржó; нэ мэк тэ на чхувэл пэ лáтэ елее́, и мэк тэ на чхувэл ливано, пал-дова́ со давá исын яныб́эн зэвлыныпнаскиро, яныб́эн тэ пририпирэл, савó янэла рипириб́эн пал чорипэн; ¹⁶ а рашáй мэк тэ янэл ла и тэ чхувэл ла ангíл Рáскирэ-Дэвлэскиро муй, ¹⁷ и лэла рашáй свэ́нто панí дрé глиняно кхорó (сасудо), и лэла рашáй пхув шатракирэ пэтостыр (полостыр) и чхувэла дро панí; ¹⁸ и чхувэла рашáй джувлý ангíл муй Рáскирэ Дэвлэскиро, и злэла ромнякирэ шэрэстыр дыкхло, и дэла лáкэ дрé вастá пририпирибнаскиро яныб́эн, – давá яныб́эн исын зэвлыныпнаскиро, рашастэ дро васт явэла кирко панí, савó янэла прокошыб́эн. ¹⁹ И засовлахала ла рашáй, и пхэнэла джувлýкэ: ‘Кóли никон тýса на пирисутя, и ту на сан магирды, и на кэрдýн напатяиб́эн пэскирэ ромэскэ, тэды на явэла тýкэ нисавó фуипэн далé киркэ панéстыр, савó янэла прокошыб́эн; ²⁰ нэ кóли ту кэрдýн напатяиб́эн тырэ ромэскэ и магирдýнпэ, и кóли вари-кон тýса пирисутя апрíч тырэ ромэстэ,’ – ²¹ тэды мэк рашáй тэ засовлахал джувлýя прокошыбнытконэ совлахаса, и пхэнэла рашáй ромнякэ: ‘Мэк тэ отдэл тут Рай Дэвэл прокошыбнаскэ и совлахакэ дрé тырэ манушéндэ, и мэк тэ кэрэл Рай Дэвэл адякэ, со тырí брэг и тэ явэл ди тырó шулэса; ²² и мэк тэ проджал давá панí, савó янэла прокошыб́эн дрé тырэ андратунé масá, дро тырó пэр, соб (кай) тэ шулёл тырó ди и тэ отпэрэл тырí брэг.’ И пхэнэла джувлý: “Амíнь, амíнь.” ²³ И чхинэла рашáй далé совлахá пэ свítко, и морэла лэн дро кирко панí; ²⁴ и дэла тэ выпьел джувлýкэ кирко панí, савó янэла прокошыб́эн, и заджáла

дрэ латэ пани, саво янэла прокошыбэн лакэ кэ дукха.²⁵ И лэла рашай джувлякирэ вастэндыр зэвлыныпнаскиро яныбэн марэстыр, и газдэла дава яныбэн ангил Растэ-Дэвлэстэ, и лыджала лэс кэ алтарё;²⁶ и лэла рашай бурныкаса (жменяса) марунэ яныбнастыр паш дрэ рипирибэн, и схачкирэла лэс пэ алтарё, и палó дава ёв дэла джувлякэ тэ выпьел пани;²⁷ и кэли панякирэла о рашай ла панеса, тэды, коли ёй исын нажужы и кэрдя чорипэн ангил пэскирэ ромэстэ, кирко паны, саво янэла прокошыбэн, заджала дрэ латэ, кэ фуипэн лакэ, и шулёла лакиро пэр и пэрэла лакири брэг, и явэла адая джувлы прокошны дрэ пэскирэ манушэндэ.²⁸ Коли джувлы на сыс магирды и сыс жужы (чысто), тэды ячэлапэ састы и явэла пхарй семёстыр (саятыр).²⁹ Гада, исын Закóно пал зэвлыныпэн, кэли джувлы джала дро блэндо пэскирэ ромэстыр и магирэлапэ,³⁰ ци, кэли пэ ромэстэ пэрэла зэвлыныпнаскиро дүхо (фáно), и ёв явэла тэ зэвлынэл пэскирýа джувля: тэды мэк ёв тэ чхувэл ромня ангил Рáскирэ-Дэвлэскиро муй, и кэрэла ласа рашай сарó пир дава Закóно.³¹ И явэла ром жужó грэхостыр, а джувлы лыджала пэскиро грэхó пэ пэстэ.”

Шэрó 6

Закóно пал Назореендэ

¹ И пхэндя Рай Дэвэл Мойзаскэ дасавé лава: ² “Рáкир Израилёскирэ чхавэнгэ и пхэн лэнгэ: коли мурш ци джувлы закамэла тэ дэл совлах “назорейство”, соб (кай) тэ отдэл пэс дрэ назореи Рáскэ-Дэвлэскэ, ³ тэды ёв исын бангó тэ отпхэнэлпэ молятыр (виностыр) и зоралé пибнастыр, и наштý лэскэ тэ пьел ни уксусо (шутло), молятыр (виностыр) ни уксусо зоралé пибнастыр, и ничи со кэрдó винаградостыр наштý тэ пьел, и наштý тэ хал ни кэрадэ, наштýкирдэ винаградýтка мýри; ⁴ дрэ сарé дывэсá пэскирэ ‘назорействоскирэ’ наштý лэскэ тэ хал ничи, со кэрдó винаградостыр, зяркэндыр кэ цýпа. ⁵ Дрэ сарé ‘назорействоскирэ’ совлахадэ дывэсá ёв (лэскэ) наштý тэ обчхинэл пэ пэскиро шэрó балá; пака проджана дывэсá, пэ савé ёв отдыя пэс Рáскэ-Дэвлэскэ дрэ назореендэ, ёв явэла свэнто: ёв исын бангó тэ барьякирэл балá пэ пэскиро шэрó. ⁶ Дрэ сарé дывэсá, пэ савé ёв отдыя пэс Рáскэ-Дэвлэскэ дрэ назореи, наштý лэскэ тэ подджал кэ мулó трупó: ⁷ касыныбнаса кэ пэскиро дад и пэскири дай, и кэ пэскиро пшал, и кэ пэскири пхэн, наштý лэскэ тэ магирэлпэ, кэли ёнэ мэрэна, пал-дова со лэскиро отдыибэн Рáскэ-Дэвлэскэ исын пэ лэскиро шэрó; ⁸ дрэ сарé пэскирэ ‘назорействоскирэ’ дывэсá ёв исын свэнто Рáскэ-Дэвлэскэ. ⁹ Коли мэрэла варикон пашыл лэстэ сыг, наджины, и ёв долэса магирэла шэрó пэскирэ назорействоса: тэды ёв исын бангó тэ обчхинэл балá пэскирэ шэрэстыр дрэ лэскиро жужакирибнаскиро дывэс, пэ эфтáто (битринэнгиро дэшто) дывэс ёв исын бангó тэ обчхинэл балá пэ шэрó, ¹⁰ и пэ охтóто (бидуэнгиро дэшто) дывэс ёв исын бангó тэ янэл дуэн горлицэн, ци дуэн тэрнэн голумбэн, кэ рашай, кэ загиибэн дрэ шáтра скэдыибнаскири. ¹¹ О рашай екха чириклендыр янэла дро свэнто дыибэн (жэртва) пал грэхó, а явирья дро цéло схачкирибэн, и выжужакирэла лэс трупоскирэ магирибнастыр, и свэнцякирэла лэскиро шэрó дро дова дывэс; ¹² и бангó исын ёв нэвэстыр (нэвэс) тэ лэл тэ отдэл Рáскэ-Дэвлэскэ дывэсá пэскирэ назорействоскирэ и тэ янэл екхэ-бэршытконэ бакрорэс дро свэнто дыибэн пал банг; англатунэ дывэсá хасинэ, пал дова со назорейство лэскиро магирдó. ¹³ И гада, исын Закóно пал назорейство, кэли проджана дывэсá лэскирэ назорействóскирэ: трэй лэс тэ янэн кэ скэдыибнаскирэ-шатракиро загиибэн, ¹⁴ и ёв янэла дрэ свэнто дыибэн Рáскэ-Дэвлэскэ екхэс екхэ-бэршытконэ бакрэс бидошакирэс дрэ свэнто дыибэн пал грэхó, и екхэ бакрэс бидошакирэс дрэ свэнто дыибэн мýрно, ¹⁵ и кхудо (корзина) опреснокэнца пшеничнонэ яржэстыр, марó, савó сыс спэкно елеёса, и пресна марикля, савé сыс помакнэ елеёса, и пашыл лэндэ марунó яныбэн и вычхуибэн; ¹⁶ и янэла дава рашай ангил Растэ-Дэвлэстэ, и янэла лэскиро свэнто дыибэн пал грэхó и лэскиро цéло схачкирибэн; ¹⁷ бакрэс янэла дрэ мýрно свэнто дыибэн Рáскэ-Дэвлэскэ дро кхудо пхэрдó апреснокэнца, адякэ кэрэла рашай лэскиро марунó яныбэн и лэскиро иычхуибэн; ¹⁸ и обчхинэла назореё пашыл дрэ загиибэн скэдыибнаскири шáтра пэскирэ – ‘назорействоскиро’ шэрó, и лэла пэскирэ ‘назорействоскирэ’ шэрэскирэ балá, и чхувэла пэ

яг, сави́ исын тэл мiрно свѣнто дыибѣн; ¹⁹ и лѣла о рашай кѣрадо бакрэскиро псикѣ и екх посно парамо кхудѣстыр и екх посно мариклы, и чхувѣла пѣ васта́ назорейскѣ, палѣ дова́, сыр обчхинѣла ѣв шѣро́ пѣскирѣ ‘назорействовстыр.’ ²⁰ и газдѣла адава́ рашай, тринскири ангил Растѣ-Дѣвлѣстѣ: дава́ исын свѣнто. Акѣ, исын свѣнто дыибѣн ваш рашаскѣ, адякѣ-паць, сыр колынѣскиро тринскирибѣн и адякѣ-паць псикѣскиро газдыибѣн ваш жужакирибѣн пир патяибѣн, савѣса ѣв жужакирѣлапѣ. Палѣ дава́ сарѣ назорей сашты́ тѣ пѣл мол (вино). ²¹ Акѣ, исын Зако́но пал назорейстѣ, савѣ дья́ совла́х, и лѣскиро свѣнто дыибѣн (жѣртва) Раскѣ-Дѣвлѣскѣ пал пѣскиро назорейство, апрѣч лѣстѣ, со дѣла во́ля лѣскѣ лѣскиро барвалыпѣн; пир пѣскири совла́х, сави́ ѣв дѣла, адякѣ и бангѣ ѣв исын тѣ кѣрѣл.”

Раша́нгиро Бахтякирибѣн

²² И пхѣндя́ Рай Дѣвѣл Мойза́скѣ, ракири́: ²³ “Ра́кир Ааронѣскѣ и лѣскирѣ чхавѣнгѣ: адякѣ бахтякирѣн Израилѣскирѣ чхавѣн, ракири́ лѣнгѣ: ²⁴ “Мѣк тѣ бахтякирѣл тут Рай Дѣвѣл и тѣ раххѣл тут! ²⁵ Мѣк тѣ подыххѣл пѣ тѣтѣ Рай Дѣвѣл Пѣскирѣ зяиндлѣ мо́са и тѣ отмѣкѣл тѣкѣ! ²⁶ Мѣк тѣ рискирѣл Рай Дѣвѣл Пѣскиро муй пѣ тѣтѣ и дѣла тѣкѣ рама́нѣ (миро)!” ²⁷ Адякѣ мѣк тѣ прикхарѣн Мирѣ лав пѣ Израилѣскирѣ чхавѣндѣ, и Мѣ бахтякирава лѣн.”

Шѣро́ 7

Да́ры Ба́рыдырѣндыр

¹ Кѣли Мо́йза чхудя́ шѣтра (скѣния), и помакхѣя ла, и обсвѣнцындя ла и алтѣрѣ, и сарѣ, со трѣй ваш лѣскѣ, и помакхѣя лѣн и обсвѣнцындя лѣн, ² то явнѣ Израилѣскирѣ барыдыра́, шѣралѣ лѣнгирѣ чѣкарьѣндыр (сѣмействѣндыр), барыдыра́ пѣ ро́дыцы, савѣ пиригинѣнас, и ѣнѣ яндлѣ свѣнта дыибѣна́ ^[1], ³ и яндлѣ пѣскирѣ да́ры ангил Растѣ-Дѣвлѣстѣ, шов зачхакирдѣ глѣбы (повозки) и дѣшудѣй гурувѣн, пир екх глѣбо дуѣндыр барыдырѣндыр и пир екхѣ гурувѣстѣ кажно́нѣ манушѣстыр, и чхудѣ дава́ сарѣ ангил шѣтра (скѣния). ⁴ И пхѣндя́ Рай Дѣвѣл Мойза́скѣ дасавѣ лава́: ⁵ “Лѣ дава́ лѣндыр, дава́ явѣла трѣй, соб (кай) тѣ кѣрѣн бутя́ пашыл скѣдыибна́скири шѣтра; и отдѣ дава́ Левитѣнгѣ, дыкхи́ пир лѣнгири буты́.” ⁶ И лыя́ Мо́йза глѣбы и гурувѣн, и дья́ лѣн Левитѣнгѣ: ⁷ дуй глѣбы и штарѣн гурувѣн дья́ Гирсоносирѣ чхавѣнгѣ пир лѣнгири буты́: ⁸ и штар вурдѣна́ и охтѣ (бидуѣнгиро дѣш) гурувѣн дья́ Мерарискирѣ чхавѣнгѣ пир лѣнгири буты́, тѣл Ифамарѣскиро дыкхибѣн, Ааронѣскирѣ-чхавѣскирѣ, савѣ сыс рашай; ⁹ а Каафоскирѣ чхавѣнгѣ на дья́, пал-дова́ со буты́ лѣнгири сыс тѣ лыджѣн свѣнто штѣто – пѣ псикѣ ѣнѣ сыс бангѣ тѣ лыджѣн. ¹⁰ И яндлѣ барыдыра́ свѣнто дыибѣн ваш алтѣрѣ тѣ обсвѣнцынѣн лѣс дрѣ лѣскиро макхибна́скиро дывѣс, и чхудѣ барыдыра́ пѣскиро яныбѣн ангил алтѣрѣ. ¹¹ И пхѣндя́ Рай Дѣвѣл Мойза́скѣ: “Пир екхѣ барыдырѣстѣ пѣ дывѣс мѣк тѣ янѣн пѣскирѣ да́ры тѣ обсвѣнцынѣн алтѣрѣ.” ¹² Дро пѣрво дывѣс яндя́ пѣскиро о Наасѣно, Аминадаво́скиро чхавѣ, Юда́скирѣ родыцѣстыр; ¹³ яныбѣн (да́ры) лѣскиро сыс: екх рупувѣ барѣ чарѣ, важындя ѣв шѣл тѣ трийнда́ шѣкели, екх рупувѣ тахта́й дрѣ эфтадѣша́ шѣкели, пир свѣнто шѣкелѣ, чхудо пшѣнично́нѣ яржѣса, пиримешындло елеѣса, дро маруно́ яныбѣн, ¹⁴ екх сувнакуны́ кадила дрѣ дѣш шѣкели, чхуды́ пхѣрдѣс фимиамоса (гудлѣ смолѣнца), ¹⁵ екх телянто, екх бакро, екхѣ-бѣршытко бакро́ро, дро цѣло схачкирибѣн, ¹⁶ екх бузно дрѣ свѣнто дыибѣн пал грѣхо, ¹⁷ и дро раманѣно (ми́рно) свѣнто дыибѣн дуѣн гурувѣн, панджѣ бакрѣн, панджѣ бузнѣн, панджѣ екхѣ-бѣршытконѣ бакро́рѣн; га́да, исын Аминадаво́скирѣ-чхавѣскиро, Наасонѣскиро яныбѣн. ¹⁸ Пѣ яви́р дывѣс яндя́ да́ры о Нафанаило, Цуароскиро чхавѣ, барыдыро́ Исахароскирѣ родыцѣстыр; ¹⁹ ѣв яндя́ пѣскирѣ да́ры: екх рупувѣ барѣ чарѣ (блюдо), савѣ важындя шѣл тѣ трийнда́ шѣкели, екх рупувѣ тахта́й дрѣ эфтадѣша́ шѣкели, пир свѣнто шѣкелѣ, чхудо пшѣнично́нѣ яржѣса, перемешындло елеѣса, дро маруно́ яныбѣн, ²⁰ екх сувнакуны́ кадила дрѣ дѣш шѣкели, савѣ сыс чхудѣ пхѣрдѣс фимиамоса (гудлѣ смолѣнца), ²¹ екхѣ телянтос, екхѣ бакрѣс, екхѣс екхѣ-бѣршытконѣ бакро́рѣс, ваш цѣло схачкирибѣн, ²² екхѣ бузнѣс (козлос) дро свѣнто дыибѣн пал грѣхо, ²³ и

дро раманёно (мірно) свэнто дыибэн дуге гурувэн, панджэ бакрэн, панджэ бузнэн, панджэ екхэ-бэршытконэн бакрорэн; гада, сыс Цуароскирэ-чхавэскиро, Нафанаилоскиро яныбэн.²⁴ Пэ трито дывэс барыдырo Завулоноскирэ-чхавэнгиро, о Елиаво, Хелоноскиро чхаво, яндя пэскирэ дары.²⁵ Яныбэн лэскиро сыс: екх рупувó барó чарó, савó важындя шэл тэ трийнда шэкели, екх рупувó тахтай дрэ эфтадэшá шэкели, пир свэнто шэкелё, чхудо пхэрдэс пшэничнонэ яржэса, перемешиндло елеёса, дро марунó яныбэн,²⁶ екх сувнакуны кадила дрэ дэш шэкели, чхудэ пхэрдэс фимиамоса (гудлэ смолэнца),²⁷ екхэ гурувóрэс, екхэ бакрэс, екхэ екхэ-бэршытконэ бакрорэс, ваш цэло схачкирибэн,²⁸ екхэ бузнэс дро свэнто дыибэн пал грэхo,²⁹ и дро раманёно (мірно) свэнто дыибэн дуге гурувэн, панджэ бакрэн, панджэ бузнэн (козлэн), панджэ екхэ-бэршытконэн бакрорэн; гада, сыс Хелоновоскирэ-чхавэскиро, Елиавоскиро яныбэн.³⁰ Пэ штáрто дывэс барыдырo Рувимóскирэ-чхавэнгиро, о Елицуро, Шэдеуроскиро чхаво, яндя пэскирэ дары.³¹ Яныбэн лэскиро сыс: екх рупувó барó чарó, савó важындя шэл тэ трийнда шэкели, екх рупувó тахтай дрэ эфтадэшá шэкели, пир свэнто шэкелё, чхудэ пхэрдэс пшэничнонэ яржэса, перемешиндло елеёса, дро марунó яныбэн,³² екх сувнакуны кадила дрэ дэш шэкели, сави сыс чхуды пхэрдэс фимиамоса (гудлэ смолэнца),³³ екх гуруворо, екх бакро, екх екхэ-бэршытко бакрорó, ваш цэло схачкирибэн,³⁴ екх бузно дро свэнто дыибэн пал грэхo,³⁵ и дро раманёно (мірно) свэнто дыибэн дуэн гурувэн, панджэ бакрэн, панджэ бузнэн и панджэ екхэ-бэршытконэ бакрорэн; гада, сыс Шэдеуроскирэ-чхавэскиро, Елицуроскиро яныбэн.³⁶ Пэ панджто дывэс барыдырo Симеоноскирэ-чхавэнгиро, о Шэлумиило, чхаво Цуришадоскиро.³⁷ Яныбэн лэскиро сыс: екх рупувó барó чарó, савó важындя шэл тэ трийнда шэкели, екх рупувó тахтай дрэ эфтадэшá шэкели, пир свэнто шэкелё, чхудэ пхэрдэс пшэничнонэ яржэса, перемешиндло елеёса, дро марунó яныбэн,³⁸ екх сувнакуны кадила дрэ дэш шэкели, чхуды пхэрдэс фимиамоса (гудлэ смолэнца),³⁹ екх гуруворо (телянто), екх бакро, екх екхэ-бэршытко бакрорó, ваш цэло схачкирибэн;⁴⁰ екх бузно дро свэнто дыибэн пал грэхo,⁴¹ и дро раманёно свэнто дыибэн дуге гурувэн, панджэ бакрэн, панджэ бузнэн, и панджэ екхэ-бэршытконэн бакрорэн; гада, сыс Цуришадоскирэ-чхавэскиро, Шэлумиилоскиро яныбэн.⁴² Пэ шóвто дывэс барыдырo Гадóскирэ-чхавэнгиро, о Елиасафо, Регуилоскиро чхаво яндя.⁴³ Яныбэн лэскиро сыс: екх рупувó барó чарó, савó важындя шэл тэ трийнда шэкели, екх рупувó тахтай дрэ эфтадэшá шэкели, пир шэкелё свэнто, чхудэ пхэрдэс пшэничнонэ яржэса, перемешиндла алеёса, дро марунó яныбэн,⁴⁴ екх сувнакуны кадила дрэ дэш шэкели, чхуды пхэрдэс фимиамоса (гудлэ смолэнца),⁴⁵ екх гуруворо (телянто), екх бакро, екх екхэ-бэршытко бакро, дро цэло схачкирибэн,⁴⁶ екх бузно (козло) дро свэнто дыибэн пал грэхo,⁴⁷ и дро раманёно (мірно) свэнто дыибэн: дуге гурувэн, панджэ бакрэн, панджэ бузнэн и панджэ екхэ-бэршытконэн бакрорэн; гада, сыс Регуилоскирэ-чхавэскиро, Елиасафоскиро яныбэн.⁴⁸ Пэ эфтáто дывэс барыдырo Ефремóскирэ-чхавэнгиро, о Елишамо, Амиудоскиро чхаво.⁴⁹ Яныбэн лэскиро сыс: екх рупувó барó чарó, савó важындя шэл тэ трийнда шэкели, екх рупувó тахтай дрэ эфтадэшá шэкели, пир свэнто шэкелё, чхудэ пхэрдэс пшэничнонэ яржэса, пиремешиндло елеёса дро марунó яныбэн,⁵⁰ екх сувнакуны кадила дрэ дэш шэкели, чхуды пхэрдэс фимиамоса (гудлэ смолэнца),⁵¹ екх гуруворо (телянто), екх бакро, екх екхэ-бэршытко бакрорó ваш цэло схачкирибэн,⁵² екх бузно дро свэнто дыибэн пал грэхo,⁵³ и дро раманёно (мірно) свэнто дыибэн дуге гурувэн, панджэ бакрэн, панджэ бузнэн, панджэ екхэ-бэршытконэн бакрорэн; гада, сыс Амиудоскирэ-чхавэскиро, Елишамоскиро яныбэн.⁵⁴ Пэ охтóто дывэс барыдырo Манасияскирэ-чхавэнгиро, о Гамалиило, Педацуроскиро чхаво.⁵⁵ Яныбэн лэскиро сыс: екх рупувó барó чарó, савó важындя шэл трийнда шэкели, екх рупувó тахтай дрэ эфтадэшá шэкели, пир свэнто шэкелё, чхудэ пхэрдэс пшэничнонэ яржэса, перемешиндло елеёса, дро марунó яныбэн,⁵⁶ екх сувнакуны кадила дрэ дэш шэкели, чхуды пхэрдэс фимиамоса (гудлэ смолэнца),⁵⁷ екх гуруворо (телянто), екх бакро, екх екхэ-бэршытко бакрорэ, ваш цэло схачкирибэн,⁵⁸ екх бузно дро свэнто дыибэн пал грэхo,⁵⁹ и дро раманёно свэнто дыибэн дуге гурувэн, панджэ бакрэн, панджэ бузнэн, панджэ екхэ-бэршытконэн бакрорэн; гада, сыс Педацуроскирэ-чхавэскиро, Гамалиилоскиро яныбэн.⁶⁰ Пэ енято (биекхэскиро дэшто) дывэс барыдырo

Вениаминовоскирэ-чхавэнгиро, о Авидано, Гидеониёскиро чхаво. ⁶¹ Яныбэн лэскиро сыс: екх рупувэ баро чаро, саво важындя шэл трийнда шэкели, екх рупувэ тахтай дрэ эфтадэша шэкели, пир свэнто шэкелё, чхудэ пхэрдэс пшэничнонэ яржэса, пиримешындло елеёса, дро маруно яныбэн, ⁶² екх сувнакуны кадила дрэ дэш шэкели, чхуды пхэрдэс фимиамоса (гудлэ смолэнца), ⁶³ екх гуруворо (телянто), екх бакро, екх екхэ-бэршытко бакрорэ, ваш цэло схачкирибэн, ⁶⁴ екх бузно дро свэнто дыибэн пал грэхо, ⁶⁵ и дро раманёно (мирно) свэнто дыибэн дуге гурувэн, панджэ бакрэн, панджэ бузнэн, панджэ екхэ-бэршытконэ бакрорэн; гада сыс Гидеониёскирэ-чхавэскиро, Авиданоскиро яныбэн. ⁶⁶ Пэ дэшто дывэс барыдырэ Даноскирэ-чхавэнгиро, о Ахиезэро, Амишадаёскиро чхаво. ⁶⁷ Яныбэн лэскиро сыс: екх рупувэ баро чаро, саво важындя шэл трийнда шэкели, екх рупувэ тахтай, эфта дэша шэкели, пир свэнто шэкелё, чхудэ пхэрдэс пшэничнонэ яржэса, перемешындло елеёса, дро маруно яныбэн, ⁶⁸ екх сувнакуны кадила дрэ дэш шэкели, чхуды пхэрдэс фимиамоса (гудлэ смолэнца), ⁶⁹ екх гуруворо (телянто), екх бакро, екх екхэ-бэршытко бакрорэ, ваш цэло схачкирибэн, ⁷⁰ екх бузно дро свэнто дыибэн пал грэхо, ⁷¹ и дро раманёно (мирно) свэнто дыибэн мирно дуге гурувэн, панджэ бакрэн, панджэ бузнэн, панджэ екхэ-бэршытконэн бакрорэн; гада, сыс Амишадаёскирэ-чхавэскиро, Ахиезэроскиро яныбэн. ⁷² Пэ дэшупэрво дывэс барыдырэ Асироскирэ-чхавэнгиро, о Пагиило, Охраноскиро чхаво яндя. ⁷³ Яныбэн лэскиро сыс: екх рупувэ баро чаро, саво важындя шэл трийнда шэкели, екх рупувэ тахтай дрэ эфтадэша шэкели, пир свэнто шэкелё, чхудэ пхэрдэс пшэничнонэ яржэса, пиримешындло елеёса, дро маруно яныбэн, ⁷⁴ екх сувнакуны кадила дрэ дэш шэкели, чхуды пхэрдэс фимиамоса (гудлэ смолэнца), ⁷⁵ екх гуруворо (телянто), екх бакро, екх екхэ-бэршытко бакрорэ, дро цэло схачкирибэн, ⁷⁶ екх бузно дро свэнто дыибэн пал грэхо, ⁷⁷ и дро раманёно свэнто дыибэн дуге гурувэн, панджэ бакрэн, панджэ бузнэн (козлэн), панджэ екхэ-бэршытконэ бакрорэн; гада, сыс Пагиилоскиро, Охраноскирэ-чхавэскиро яныбэн. ⁷⁸ Пэ дэшувир дывэс барыдырэ Нефалимоскирэ-чхавэнгиро, о Ахиро, Энаноскиро чхаво. ⁷⁹ Яныбэн лэскиро сыс: екх рупувэ баро чаро, саво важынэла шэл трийнда шэкели, екх рупувэ тахтай дрэ эфтадэша шэкели, пир свэнто шэкелё, чхудэ пхэрдэс пшэничнонэ яржэса, перемешындло елеёса, дро маруно яныбэн, ⁸⁰ екх сувнакуны кадила дрэ дэш шэкели, чхуды пхэрдэс фимиамоса (гудлэ смолэнца), ⁸¹ екх гуруворо (телянто), екх бакро, екх екхэ-бэршытко бакрорэ, ваш цэло схачкирибэн, ⁸² екх бузно дро свэнто дыибэн пал грэхо, ⁸³ и дро раманёно свэнто дыибэн дуге гурувэн, панджэ бакрэн, панджэ бузнэн, панджэ екхэ-бэршытконэ бакрорэн; гада, сыс Энаноскирэ-чхавэскиро, Ахироскиро яныбэн. ⁸⁴ Акэ, сыс Израилёскирэ барыдырэндэр яныбэн тэ обсвэнцынэн алтарэ дро дывэс, кэли помакхнэ лэс: дэшудуй барэ чарэ, дэшудуй рупувэ тахтая, дэшудуй сувнакунэ кадилы; ⁸⁵ пир шэл тэ трийнда шэкели руп дро кажно чаро, и пир эфтадэша дро кажно тахтай: и адякэ саро руп дрэ далэ кхорэ (сасуды) сыс дуй тысёнцы штаршэла шэкели, пир свэнто шэкелё; ⁸⁶ сувнакунэ кадилы, чхудэ пхэрдэс фимиамоса (гудлэ смолэнца), дэшудуй, дрэ кажно кадила пир дэш шэкели, пир свэнто шэкелё: саро сувнакай дрэ кадилы сыс шэл тэ биш шэкели. ⁸⁷ Дро цэло схачкирибэн сыс дэшудуй гуруворэ (телянты), барэ кхэритконэ мурдалэстыр (скотостыр), дэшудуй бакрэ, дэшудуй екхэ-бэршытконэн бакрорэ и пашыл лэндэ маруно яныбэн, и дро свэнто дыибэн пал грэхо дэшудуй бузнэн, ⁸⁸ и дро раманёно (мирно) свэнто дыибэн саро кхэритконэ мурдалэндэр (барэ скотостыр) сыс биш тэ штар гуруворэ (телянты), шовдэша бакрэ, шовдэша бузнэ, шовдэша екхэ-бэршытконэ бакрорэ. Акэ, саво сыс яныбэн тэ жужакирэл алтарэ палэ лэскиро макхибэн. ⁸⁹ Кэли Мойза заджалас дрэ скэдыибнаскири шатра, соб (кай) тэ ракирэл Раса-Дэвлэса, то ёв шундя зан (глос), сави лэскэ ракирдя дэнкостыр (крышкатыр), саво сыс пэ ковчэго сыкадыибнаса (откровениёса) машкир дуй херувимы, и Ёв ракирдя лэскэ.

Шэрó 8

Пал Момолытка (Светильники) и Лампады

¹ И пхэндя Рай Дэвэл Мойзаскэ дасавэ лавá: ² “Дэ тэ джинэл Аароноскэ и пхэн лэскэ: ‘Кэли ту явэса тэ захачкирэс лампады, тэды пэ англатуны риг дро момолытко (светильнико) трэй, соб (кай) тэ хачон эфта лампады.’” ³ Аароно адякэ и кэрдя: пэ англатуны риг дро момолытко (светильнико) захачкирдя лэскирэ лампады, сыр пхэндя Мойзаскэ. ⁴ И гада, сыр кэрдó сыс момолытко: ёв сыс чэканó сувнакастыр, лэскирэ дэсторэстыр (гэрьятыр) и кэ лулудя (цвэты) ёв сыс чэканó. Пир сыкаибэн (образцо) дасаво-паць, савó сыкадя Рай Дэвэл Мойзаскэ, ёв кэрдя момолытко.

Сыр тэ Высвэнцынэс Левитэн

⁵ И пхэндя Рай Дэвэл Мойзаскэ дасавэ лавá: ⁶ “Лэ Левитэн Израилёскирэ чхавэндыр, и выжужакир лэн; ⁷ а соб (кай) лэн тэ выжужакирэс, кэр лэнца адякэ: обчхув лэн жужакирибнаскирэ (чыстонэ) панэса, и мэк ёнэ тэ вымуравэн пэскирэ (выбриинэн) сарэ масá мурадлуныса (бритваса) и тэ выморэн пэскирэ урибэнá, и явэна ёнэ жужэ (чыста); ⁸ и мэк тэ лэн гурувóрэс и кэ ёв марунó яныбэн, пшэнично яржó, перемешындло елеёса, и явирэ гурувóрэс лэ дро свэнто дыибэн пал грэхó; ⁹ и ян Левитэн ангил скэдыибнаскири шáтра, и скэдэ сарó скэдыибэн Израилёскирэ чхавэнгиро. ¹⁰ И ян лэнгирэ Левитэн ангил Растэ-Дэвлэстэ, и мэк тэ чхувэн упрэ Израилёскирэ чхавэ пэскирэ вастá пэ Левитэндэ. ¹¹ А Аароно мэк тэ высвэнцынэл Левитэн ангил Растэ-Дэвлэстэ Израилёскирэ чхавэндыр, соб (кай) ёнэ тэ дынаринэн Рáскэ-Дэвлэскэ; ¹² а Левиты мэк тэ чхувэн пэскирэ вастá пэ телянтэнгиро шэрó, и ян екхэс дрэ свэнто дыибэн пал грэхó, а явирэс ваш цэло схачкирибэн Рáскэ-Дэвлэскэ, соб (кай) Левитэн тэ жужакирэн; ¹³ и чхув Левитэн ангил Аароностэ и ангил лэскирэ чхавэндэ, и ян лэн ангил Растэ-Дэвлэстэ тэ высвэнцынэл. ¹⁴ И адякэ роскэр (роскэдэ) Левитэн Израилёскирэ чхавэндыр, соб (кай) Левиты тэ явэн Мирé. ¹⁵ Палó дава Левиты заджана дрэ скэдыибнаскири шáтра тэ кэрэн буты, кэли ту лэн выжужакирэса и высвэнцынэса лэн, пал-дова со ёнэ отдынэ Мánгэ Израилёскирэ чхавэндыр. ¹⁶ Замэст (пэ штэто) сарэн англатунэн Израилёскирэ чхавэндыр, кажно (свако), савэ роскушэна дакири лочови (утроба), Мэ лава лэн кэ Пэ; ¹⁷ пал-дова со сарэ англатунэ (первенцы) Израилёскирэ чхавэндыр исын Мирé, манушэстыр кэ кхэритко мурдál (ското): дро дова дывэс, кэли Мэ хасякирдём сарэн англатунэн пэ Египтóскири пхув, Мэ освэнцындём лэн Пэскэ, ¹⁸ и лыём Левитэн замéст (пэ штэто) сарэ англатунэ Израилёскирэ чхавэндыр. ¹⁹ И Мэ дыём Левитэн Аароноскэ и лэскирэ чхавэнгэ, Израилёскирэ чхавэндыр, соб (кай) ёнэ тэ лыджан свэнто буты пал Израилёскирэ чхавэндэ пашыл скэдыибнаскири шáтра и тэ кэрэн буты раххибнарьенца ваш Израилёскирэ чхавэнгэ, соб (кай) тэ на явэл пэ Израилёскирэ чхавэндэ морóво (мэрибнытка фрэнсы), кэли Израилёскирэ чхавэ тэ подджан кэ свэнто штэто.” ²⁰ И адякэ кэрдэ Мойза и Аароно и сарó Израилёскирэ-чхавэнгиро скэдыибэн Левитэнца: сыр припхэндя Рай Дэвэл Мойзаскэ пал Левитэндэ, адякэ и кэрдэ лэнца Израилёскирэ чхавэ. ²¹ И выжужакирдэпэ Левиты, и вымордэ пэскирэ урибэнá и высвэнцындя лэн Аароно ангил Растэ-Дэвлэстэ, и выжужакирдя лэн Аароно, соб (кай) ёнэ тэ явэн жужэ. ²² Палó дава загинэ Левиты тэ кэрэн пэскирэ бутя дрэ скэдыибнаскири шáтра ангил Аароностэ и ангил лэскирэ чхавэндэ. Сыр пхэндя Рай Дэвэл Мойзаскэ пал Левитэндэ, адякэ и кэрдэ ёнэ лэнца. ²³ И пхэндя Рай Дэвэл Мойзаскэ дасавэ лавá: ²⁴ “Гáда, исын Зако́но пал Левитэндэ: биш тэ панджэ бэршэндыр и пхурэдыр ёнэ исын бангэ тэ лэн тэ дынаринэн (тэ служынэн) пэ буты пашыл скэдыибнаскири шáтра, ²⁵ а дрэ панджэша бэрш ёнэ исын бангэ тэ мэкэн пэскири буты и бутыр тэ на кэрэн буты; ²⁶ тэды мэк ёнэ тэ дэн васт (тэ помогинэн) пэскирэ пшалэнгэ тэ рикирэн стрéга пашыл скэдыибнаскири шáтра, нэ тэ кэрэн буты мэк ёнэ кокóрэ тэ на кэрэн; адякэ кэрэн Левитэнца, со пхэнэлапэ пал лэнгири буты.”

Шэрó 9

Явír Патрадí

¹ И пхэндя Рай Дэвэл Мойзаскэ пэ Синаёскири чхучí пхув, пэ явír бэрш, сыр Юды выгинэ Египтоскирэ пхувьятыр, дро пэрво чхон: ² “Мэк Израилёскирэ чхавэ тэ кэрэн Патрадí дро упхэндлó ваш лákэ часо: ³ пэ дэшуштарто дывэс далэ-чхонёскиро дывэс, бэльвэлé, тэ кэрэн ла дро упхэндлó ваш лákэ часо, пир сарé упхэныбэнá и пир сарé лáкирэ закóны кэрэн ла.” ⁴ И пхэндя Мóйза Израилёскирэ чхавэнгэ, соб (кай) ёнэ тэ кэрэн Патрадí. ⁵ И кэрдé ёнэ Патрадí дро пэрво чхон, пэ дэшуштарто чхонёскиро дывэс бэльвэлé, пэ Синаёскири чхучí пхув: дрé сарó, сыр припхэндя Рай Дэвэл Мойзаскэ, адякэ и кэрдé Израилёскирэ чхавé. ⁶ Сыс манушá, савé сыс нажужé, савé чиладэпэ кэ манушýтка трýпы, и на могиндлэ тэ кэрэн Патрадí дрé дова́ дывэс; и явнэ ёнэ кэ Мóйза и Аарóно дрé дова́ дывэс, ⁷ и пхэндлэ лэскэ одолé манушá: “Амэ сам нажужé, со чиладямпэ кэ манушýтка трýпы; ваш со амэнгэ тэ на дас дова́, соб (кай) амэ тэ янас свэ́нто дыибэн Рáскэ-Дэвлэскэ дрé упхэндлó часо машкíр Израилёскирэ чхавэндэ?” ⁸ И пхэндя лэнгэ Мóйза: “Тэрдён, мэ шунава, со пхэнэла пал тумэндэ Рай Дэвэл.” ⁹ И пхэндя Рай Дэвэл Мойзаскэ, ракири: ¹⁰ “Пхэн Израилёскирэ чхавэнгэ: кóли кон тумэндýр ци тумарé родóстыр явэла нажужо, со чилавэласпэ кэ трýпо, ци явэла дро барó дром, тэды и ёв исын бангó тэ кэрэл Дэвлэскири Патрадí; ¹¹ пэ дэшуштарто дывэс явирé-чхонёскиро, бэльвэлé, мэк дасавэ тэ кэрэн ла, и опреснокэнца и кирконэ чарьенца мэк тэ хан ла; ¹² и мэк тэ на ячкирэн лáтыр нисó кэ рáнко (кэ злóко), и лáкирэ кокалы на пхагирэн; мэк тэ кэрэн ла пир сарé упхэныбэнá пал Патрадí; ¹³ а кон исын жужó и нанэ дро дром, и на кэрэла Патрадí, – хасёла дова́ ди пэскирэ манушэндýр, пал-дова́ со ёв на яндя́ свэ́нто дыибэн Рáскэ-Дэвлэскэ дрé пэскиро часо: лыджáла пэ пэстэ грéхо одовá манýш, ¹⁴ кóли тумэндэ явэла тэ дживэл манýш явирé ригáтыр, тэды и ёв исын бангó тэ кэрэл Рáскирэ-Дэвлэскири Патрадí: пир упхэныбэн пал Патрадí и пир лáкиро Закóно ёв исын бангó тэ кэрэл ла; екх упхэныбэн мэк тэ явэл тумэндэ и ваш манушэнгэ явирé ригáтыр, и ваш пэскирэ манушэскэ.

Облоко и Яг

¹⁵ Дро дова́ дывэс, кéли сыс чхудý упрáл шáтра (скíния), óблоко учхакирдя́ шáтра досыкаибнáса (откровенияса), и бэльвэлятыр пэ шáтра сыс бицялы сы́рбы яг (савó сыс сыр стýлбо) кэ сáмо рáнко (кэ злóко). ¹⁶ Адякэ сыс усады (сак): óблоко учхакирэлас ла дывэсэ, и дасаво-паць сыр ягитко стýлбо сыс ратý. ¹⁷ И кéли óблоко шатраты́р газдэласпэ, тэды Израилёскирэ чхавэ джáнас дро дром, и пэ штэ́то, кай óблоко тэрдéлас, одóй тэрдéнас Израилёскирэ чхавэ станóса (табороса). ¹⁸ Пир Рáскирэ-Дэвлэскиро упхэныбэн Израилёскирэ чхавэ джáнас дро дром, и пир Рáскирэ-Дэвлэскиро упхэныбэн тэрдéнас: дро сарó дова́ часо, кéли óблоко тэрдó сыс пэ шáтра, и ёнэ сыс тэрдé; ¹⁹ и кóли óблоко гарá (длýгэс) сыс тэрдó пэ шáтра, тэды и Израилёскирэ чхавэ кэрдé пир дава́ Рáскиро-Дэвлэскиро упхэныбэн и на джáнас; ²⁰ явír мóло óблоко нáбут дывэсá сыс пэ шáтра: ёнэ пир Рáскирэ-Дэвлэскиро упхэныбэн тэрдéнас, и пир Рáскирэ-Дэвлэскиро упхэныбэн джáнас дро дром. ²¹ Явír мóло óблоко сыс тэрдó фэ́ни (тóка) бэльвэлятыр кэ рáнко (кэ злóко), и ранкосты́р газдэласпэ óблоко, тэды и ёнэ джáнас; цí, кóли дывэсэ и ратý сыс тэрдó óблоко, то кéли газдэласпэ, то и ёнэ тэды джáнас; ²² цí, кóли дуй дывэсá, ци чхон, ци вари-кицý дывэсá сыс тэрдó óблоко пэ шáтра, то тэды и Израилёскирэ чхавэ сыс тэрдé и на джáнас дро дром; а кéли ёв газдэласпэ, тэды и ёнэ джáнас. ²³ Пир Рáскирэ-Дэвлэскиро упхэныбэн ёнэ тэрдéнас, и пир Рáскирэ-Дэвлэскиро упхэныбэн ёнэ джáнас дро дром: ёнэ кэрдé пир Рáскирэ-Дэвлэскиро упхэныбэн, савó Ёв дыя́ пир Мойзастэ.

Шэрó 10

Дуй Рупувé Рóги (Трубы)

¹ И пхэндя Рай Дэвэл Мойзаскэ дасавэ лава: ² “Кэр пэскэ дуй рупувé рóги (трубы), чэканэнца кэр лэн (сувнакунэ котэрэстыр), соб (кай) ёнэ тэ явэн ваш тукэ тэ кхарэл кхэтаныбэн (обшчына) и ваш дова, соб (кай) тэ скэдэлпэ стáно (таборо (лод)). ³ Кéли пхурдэна дрé рóги (трубы), то скэдэнапэ кэ ту сарé манушá кэ загиибэн пашыл скэдыибнаскири шáтра. ⁴ Кéли екхэ рогоса запхурдэна, то скэдэнапэ кэ ту тхагáрья (князи) и барыдырá пэ тысёнцэндэ Израилёскирэндэ. ⁵ Кéли пхурдэна тривога, то газдэнапэ станы, савэ сыс тэрдэ кэ вастóко; ⁶ кéли дро явёр мóло пхурдэна тривога, то газдэнапэ станы, савэ сыс тэрдэ кэ паш-дывэс (юго); тривога мэк тэ башавэн ангил лэнгиро скэдыибэн дро дром; ⁷ а кéли трэй явэла тэ скэдэс манушэнгиро скэдыибэн, то башавэн, нэ на тривога. ⁸ Ааронóскирэ чхавэ, э рашая, исын бангэ тэ башавэн рогэнца: дава явэла тумэнгэ векоскирэ упхэныбнаса дрé тумарé рóды; ⁹ и, кéли джана тумэ пэ марибэн пэ тумарй пхув проти вэргостэ, савó джала марибнаса пэ тумэндэ, башавэн гарá (длугэс) тривога, – и тумэ явэна пририпирдэ ангил Растэ-Дэвлэстэ тумарэстэ, и явэна зракхнэ тумэ вэргэндэр; ¹⁰ и дрé тумарé-радымакиро дывэс, и пэ тумарé свэнки, и пэ сáмо англыпэн (начало) дро чхон башавэн рогэнца ваш тумарó цéло схачкирибэн и ваш раманёно (мирно) тумарó свэнтó дыибэн и дава явэла пал тумэндэ рипирибнаса ангил тумарé Дэвлэстэ. Мэ сом Рай Дэвэл, Дэвэл тумарó.”

Э Юды Выхана Синаёстыр

¹¹ Пэ явёр бэрш, дро явёр чхон, пэ бишэнгирэ-чхонэскиро дывэс, газдыпэ óблоко отчакирибнаскирэ шатратыр досыкаибнаса (откровенияса); ¹² и гинэ Израилёскирэ чхавэ пир пэскирэ станы (таборы) Синаёскирэ чхучэ пхувьятыр, и тэрдия óблоко пэ чхучй пхув Фарано. ¹³ И газдынэпэ ёнэ дро пэрво мóло, пир Рáскирэ-Дэвлэскиро упхэныбэн, савó сыс дынó пир Мойзастэ. ¹⁴ Сыс газдынó пэрво Юдáскирэ-чхавэнгирэ станоскиро сцяго (знамя) пир лэнгирэ отряды; пэ отряды лэнгирэ родыцóстыр сыс Наасóно, Аминадавóскиро чхавó; ¹⁵ и пэ отряды Исахароскирэ-чхавэнгирэ родыцóстыр сыс Нафанаило, Цуараскиро чхавó; ¹⁶ и пэ отряды Завулоноскирэ-чхавэнгирэ родыцóстыр сыс Елиаво, Хелоноскиро чхавó. ¹⁷ И рокэдыны сыс шáтра, и гинэ Гирсоноскирэ чхавэ и Мерарискирэ чхавэ, савэ лыджанас шáтра. ¹⁸ И газдынó сыс Рувимóскирэ-станоскиро сцяго пир лэнгирэ отряды; и пэ отряды лэнгирэ сыс Елицуро, Шэдеуроскиро чхавó; ¹⁹ и пэ отряды Симеоноскирэ-чхавэнгирэ родыцóстыр сыс Шэлумиило, Цуришадаёскиро чхавó; ²⁰ и пэ отряды, Гадóскирэ-чхавэнгирэ родыцóстыр сыс Елиасафо, Регуилоскиро чхавó. ²¹ Тэньци (после) гинэ Каафовоскирэ чхавэ, савэ лыджанас приборы свэнтонé штэтóстыр; шáтра сыс чхуды ангил лэнгиро явибэн. ²² И газдынó сыс Ефремóскирэ-чхавэнгиро станоскиро сцяго (знамя) пир лэнгирэ отряды; и пэ лэнгирэ отряды сыс Елишамó, Амиудаскиро чхавó; ²³ и пэ отряды Манасияскирэ-чхавэнгирэ родыцóстыр сыс Гамалиило, Педацураскиро чхавó; ²⁴ и пэ отряды Вениаминóскирэ-чхавэнгирэ родыцóстыр сыс Авидано, Гидеониёскиро чхавó. ²⁵ Палатунó (последнэ) сарэ станэндэр газдынó сыс сцяго (знамя) Данóскирэ-чхавэнгиро лэнгирэ отрядэндэр; и пэ лэнгирэ отряды сыс Ахиезэро, Амишадаёскиро чхавó; ²⁶ и пэ отряды Асироскирэ-чхавэнгирэ родыцóстыр сыс Пагиило, Охраноскиро чхавó; ²⁷ и пэ отряды Нефалимоскирэ-чхавэнгирэ родыцóстыр сыс Ахиро, Энаноскиро чхавó. ²⁸ Гада, сыс гиибнытко (порядко) Израилёскирэ чхавэнгиро пир лэнгирэ отряды. И ёнэ гинэ дро дром. ²⁹ И пхэндя Мóйза Ховавоскэ, Рагуилоскирэ чхавэскэ, Маданитяниноскэ, Мойзаскирэ састрэскэ [сэмэнцакэ-р.с.]: “Амэ джаса ангил пэ дова штéто, пал савó Рай Дэвэл пхэндя: ‘Тумэнгэ Мэ дава лэс’, джá амэнца, амэ кэраса тукэ лачхипэн, пал-дова со Рай Дэвэл лачхипэн пхэндя пал Израилё.” ³⁰ Нэ ёв пхэндя лэскэ: “На джава, мэ джава пэ пэскири пхув, кай бияндыём.” ³¹ Мóйза пхэндя: “На мэк амэн, пал-дова со ту джинэса, сыр амэ тэрдёваса станóса пэ чхучй пхув, и ту явэса ваш амэнгэ хай (сырбы) якхá тэ лыджас; ³² кóли ту джаса

амэнца, то дова лачхипэн, саво Рай Дэвэл кэрэла амэнгэ, амэ кэрэса тукэ.”³³ И гинэ дро дром ёнэ Рáскирэ-Дэвлэскирэ бэргатыр, трин дывэса сыс дро дром, и ковчэго Рáскирэ-Дэвлэскиро заветоса гия ангил лэндэ трин дывэса, соб (кай) тэ выдыкхэн лэнгэ штэто, кай тэ тэрдён.³⁴ И óблоко Рáскирэ-Дэвлэскиро свэнцындя лэнгэ дывэсэ, кели ёнэ гинэ станостыр.³⁵ Кели газдэлапэ ковчэго дро дром, Мóйза ракирдя: “Затэрдёв, Раё Дэвла, и рознашэнапэ Тырэ вэрги, и нашэна Тырэ мостыр, савэнгэ древáн Ту сан на пир ило!”³⁶ А кели тэрдёлас ковчэго, ёв ракирдя: “Рисёв, Раё Дэвла, кэ Израилёскирэ тысёнцы, савэн аж нашты тэ пиригинэс.”

Шэрó 11

Манушá Жалинэнапэ пал Хабэн

¹ Манушá лынэ дро сарó шуныбэн тэ жалинэнпэ Рáскэ-Дэвлэскэ; и Рай Дэвэл шундя, и росхачия Лэскири холы, и захачия пэ лэндэ Раскири-Дэвлэскири яг, и лыя Ёв тэ хасякирэл станоскиро ягóро (краё). ² И лынэ тэ дэн гóдла манушá Мойзáскэ; и помангдяпэ Мóйза Рáскэ-Дэвлэскэ, и штылыя яг. ³ И дынэ лав далэ штэтоскэ: Тавера ^[1], пал-дова со одóй захачия пэ лэндэ Рáскирэ-Дэвлэскири яг. ⁴ Манушá, савэ явнэ явирэ ригатыр, машкёр лэндэ лынэ тэ латхэн ласка пэ гарá (пэ длугэс); лэнца и Израилёскирэ чхавэ сыс бэштэ и рондлэ, и ракирдэ: “Кон чалякирэла пхэрдэс амэн масэса? ⁵ Амэ рипираса мачхэ, савэ амэ хаям дро Египто ивьá (дармэс) и гурки (бобирки), и дыни, и пурум, и пурум-порее и сырь (чэсноко); ⁶ а аканá ди амарó нашавэла зор, ничи нанэ, екх манна дрэ амарэ якхá.” ⁷ Манна сыс дасави-паць сыр кориандрытко семё, видоса сыр бдолахо; ⁸ манушá псирдэ и скэдэнас ла, и мелиндлэ дрэ жэрновы бэлэдин ци курдэ (толкиндлэ) дрэ ступа, и кэрадэ дрэ какави (котло), и кэрдэ латыр марикля; пир смако ёй сыс дасави-паць, сыр мариклы елесе. ⁹ И кели пахлын (роса) зджала пэ стáно раты, тэды зджала пэ лэстэ и манна. ¹⁰ О Мóйза шундя, со манушá ровэнас дрэ пэскирэ чэкарья (семеиствы), кажно (свако) пашыл пэскирэ шатракирэ вударá; и зоралэс захачия Рáскирэ-Дэвлэскири холы, и смэнтно сыс ваш Мойзáскэ. ¹¹ И пхэндя Мóйза Рáскэ-Дэвлэскэ: “Ваш со Ту мэнчынэса Тырэ писхарис? И сóскэ мэ на латхём тангипэн ангил Тырэ якхá, со Ту чхудян пэ мандэ сарó адалэ-манушэнгиро пхарипэн? ¹² Наушто мэ лыджавас сарэ адалэ манушэн дро миро пэр, и наушто мэ бияндём лэн, со Ту ракирэса мánгэ: ‘Лыджа лэн пэ тырэ вастá, сыр нянька лыджала биятос (тыкнэмасэс)’, пэ пхув, сави Ту совлахаса пхэндян тэ дэс лэнгирэ дадэнгэ? ¹³ катыр мánгэ тэ лав мас, соб (кай) тэ дав сарэ адалэ манушэнгэ? Пал-дова со ёнэ ровэна ангил мánдэ и ракирэна: ‘Дэ амэнгэ тэ хас мас.’ ¹⁴ Мэ екхджинó нашты (на могонав) тэ лыджав сарэн адалэ манушэн; пал-дова со ёнэ сыс пхарэ ваш мánгэ, ¹⁵ кели Ту адякэ кэрэса мánца, тэды фэдыр мулякир ман, коли мэ латхём тангипэн (жалима) ангил Тырэ якхá, соб (кай) мánгэ тэ на дыкхав миро хасибэн.”

Эфтадэшá Пхурыдырá

¹⁶ И пхэндя Рай Дэвэл Мойзáскэ: “Скэдэ Мánгэ эфтадэшá муршэн Израилёскирэ пхурыдырэндыр, савэн ту джинэса, со (кай) ёнэ исын пхурыдырá и лэскирэ дыкхибнаскирэ, и лэ лэн кэ скэдыбнаскири шáтра, соб (кай) ёнэ тэ ячэн одóй туса. ¹⁷ Мэ зджава, и Мэ явава тэ ракирав одóй туса, и Мэ лава Духостыр, саво исын пэ тутэ, и чхувава Лэс пэ лэндэ, соб (кай) ёнэ тэ лыджан туса манушэнгиро пхарипэн, а соб (кай) ту на екхджинó тэ лыджас. ¹⁸ Манушэнгэ пхэн: ‘Выжужакирэнпэ кэ атасятуно дывэс, и явэна тэ хан мас; адякэ сыр тумэ рондлэ ангил Рáскирэ-Дэвлэскиро шуныбэн и ракирдэ, кон чалякирэла пхэрдэс амэн масэса?’ Миштэс амэнгэ сыс дро Египто, – тэды и дэла тумэнгэ Рай Дэвэл мас, и тумэ явэна тэ хан: ¹⁹ на екх дывэс тумэ явэна тэ хан, на дуй дывэса, на пандж дывэса, и на дэш дывэса и на биш дывэса, ²⁰ нэ сарó чхон, пака ёв лэла тэ джал тумарэ накхэстыр и ячэла ваш тумэнгэ джунгалó (брыдко), пал-дова со тумэ бидыкхнэ Рас-Дэвлэс, Саво сыс машкёр тумэндэ, и рондлэ ангил Лэстэ, ракири: “Ваш со трэиндя сыс амэнгэ тэ выджас Египтостыр?” ²¹ И

пхэндя Мойза Рáскэ-Дэвлэскэ: “Шовшэла тысёнцы сарэн адалэ манушэн, машкір савэндэ и мэ сом; а Ту ракирэса: “Мэ дава лэнгэ мас, и явэна тэ хан саро чхон!”²² Ци тэ зачхинэс сарэн бакрэн и гурувэн, соб (кай) лэнгэ тэ ухтылэл (тэ явэл дóси)? Ци сарэ морёскирэ (дэрьявэскирэ) мачхэ скэдэнапэ, соб (кай) тэ чалякирэн лэн?”²³ И пхэндя Рай Дэвэл Мойзáскэ: “Наушто Рáскирэ-Дэвлэскиро васт яця кротко (тыкнó)? Аканá ту дыкхэса, ци кэрэлапэ лав Миро кэ Ту, ци над?”²⁴ Мойза выгия и пхэндя манушэнгэ Рáскирэ-Дэвлэскирэ лавá, и скэдыя эфтадэшэ муршэн пхурыдырэ манушэндыр, и чхудя лэн пашыл шáтра.²⁵ И згия Рай Дэвэл дро óблоко, и ракирдя лэса, и лья Духóстыр (Фаностыр), Савó сыс пэ лэстэ и дыя Лэс эфтадэшэ пхурыдырэнгэ. И кели мэкця пэ лэндэ Дúхо (Фáно), то нэ ёнэ лынэ тэ ангилпхэнэн (тэ пророчынэн), нэ коригэдыр (позжэ) на пириячнэ.²⁶ Дуй муршá ячнэпэ дро стáно, екхэскиро лав сыс Елдадо, а явирэскиро лав сыс Модадо; нэ пэ лэндэ сыс Дúхо (Фáно), и, со ёнэ ангилпхэнэнас дро стáно [ёнэ сыс зачхиндлэ (записындлэ) нэ ёнэ на гинэ дрэ шáтра шатратыр ёнэ ангилпхэнэнас дро стáно-ю.о.]²⁷ И припрастандыя тэрнó мануш и рoспхэндя Мойзáскэ, и пхэндя: “Елдадо и Модадо ангилпхэнэна.”²⁸ Дро отпхэныбэн пэ дава Исýсо (Ёхошуá), Навиноскиро чхавó, Мойзáскиро тэрнó помогибнаскиро, екх савэс ёв выкэдыя, пхэндя: “Раё миро, Мойза! Припхэн лэнгэ тэ на кэрэн.”²⁹ Нэ Мойза пхэндя лэскэ: “Ци на зэвлынэса ту пал мáндэ? Нэ, кóли б сарэ машкір Рáскирэ-Дэвлэскирэ манушэндэ тэ явэн прорóки, то Рай Дэвэл бичхавэлáс Пэскиро Дúхо (Фáно) пэ лэндэ!”³⁰ И рисия Мойза дро стáно, ёв и Израилёскирэ пхурыдырá (годэпхурэ).

Рай Дэвэл Бичхавэла Перепёлэн

³¹ И газдыяпэ балвал Рáстыр-Дэвлэстыр, и яндя морёстыр (дэрьявэстыр) перепёлэн, и рoсчхурдыя лэн пашыл стáно (таборо (лод)), пэ екхэ-дывэсэскиро дром пир екх риг и пэ екхэ-дывэсэскиро дром пир явир риг пашыл стáно, пэ дуй куня (локти) вучэдыр пхувьятыр.³² И тэрдинэ манушá, и сарó дова дывэс, и сарй рат, и сарó явир дывэс скэдынэ перепёлэн; и кон náбут скэдыя, одовá скэдыя дэш хомеры; и рoсчхудэ лэн ваш пэскэ пашыл стáно.³³ Мас сыс дрэ лэнгирэ дандá и на сыс схано, сыр Рáскирэ-Дэвлэскири холы рoсхачия пэ манушэндэ, то дыя кáра Рай Дэвэл манушэнгэ дрeвáн барé франсэнца.³⁴ И дынэ лав долé штэтоскэ: Киброт-Гатаава,^[2] пал-дова со одóй гарадэ манушэн, савэ сыс бокхалэ кэ хабэн.³⁵ Киброт-Гатааватыр гинэ манушá дро Асирофо и тэрдинэ кэ Асирофо.

11:3 ^[1] Давá значынэла Юдыткэс ‘схачкирдó/ы.’

11:34 ^[2] Адякэ пхэнэлапэ дро Юдытко оригинало, дава значынэла гробы одолэнгирэ, кон камэлапэ’.

Шэрó 12

Кáра пэ Аароностэ и Мариаматэ

¹ И выпхэндлэ холы Мариам и Аарóно Мойзáскэ пал ромнятэ Ефиоплянкáтэ, савья ёв лья, пал-дова ёв лья пал пэстэ Ефиоплянка,² и пхэндлэ: “Ци екхэскэ Мойзáскэ ракирдя Рай Дэвэл? Ци на ракирдя Ёв и амэнгэ?”, – и шундя дава Рай Дэвэл.³ Мойза сыс мануш ковлэдыр (смирэнэдыр) сарэ манушэндыр пэ пхув.⁴ И пхэндя Рай Дэвэл наужакирдэс Мойзáскэ и Ааронóскэ и Мариамáкэ: “Выджáн тумэ тринджинэ кэ скэдыибнаскири шáтра.” И выгинэ сарэ тринджинэ.⁵ И згия Рай Дэвэл дро облокоскиро стýлбо, и тэрдия пашыл скиниякиро загибэн, и кхардя Ааронóс и Мариам, и выгинэ ёнэ дуйджинэ.⁶ И пхэндя: “Шунэн Мирé лавá: кóли тэ явэл тумэндэ Рáскирэ-Дэвлэскиро прорóко, тэды Мэ отчхакиравапэ лэскэ дрэ дыкхибэн, и дро сунó Мэ ракиравас лэса;⁷ нэ на адякэ, сыр Мирé писхарйскэ Мойзáскэ, ёв исын чачунó пир сарó Миро кхэр:⁸ уштэнца кэ уштá Мэ ракирава лэса, и дыкхно (бицялэс), а на дро цямло пхэныбэн, и патрин (óбразо) Рáскирэ-Дэвлэскири

ёв дыкхэла; сыр тумэ на дарандынэ тэ выракирэн Мирэ писхарискэ Мойзаскэ?”⁹ И росхачия Рáскирэ-Дэвлэскири холы пэ лэндэ, и Ёв отгия.¹⁰ И óблоко отгия шатратыр, и гада, э Мариам учхакирдяпэ проказаса сыр ивэса. О Аарóно подыкхця пэ Мариаматэ, и гада, ёй сыс дрэ проказа.¹¹ И пхэндя Аарóно Мойзаскэ: “Миро Раё! На гин амэнгэ дро грэхо, со амэ кэрдям дылныпэн и кэрдям грэхо; ¹² на домэк, соб (кай) ёй тэ явэл, сыр муло бияндло (тыкномас): савэстэ, кэли ёв выджала пэскрэ дакирэ лочовятыр, то паш маса кирнынэ.”¹³ И задья годла Мойза кэ Рай Дэвэл: “Раё Дэвла! Састякир ла!”¹⁴ И пхэндя Рай Дэвэл Мойзаскэ: “Кóли láкиро дад чунгардэлас лákэ дро муй, тэды со, ци на трэиндя лákэ тэ ладжал эфта дывэса? И адякэ мэк тэ явэл ёй выбичхады пэ эфта дывэса пал стáно, а тэньчи (после) нэвэстыр тэ рисёл.”¹⁵ И сыс Мариам выбичхады пал стáно эфта дывэса и манушá на джана́с дро дром, кэ дава́ часо, пака рисия э Мариам.

Шэрó 13

Поддыкхи́бнаря́ Бичхадé кэ Ханаано

¹ Тэньци (после) сарó дава́ манушá гинé Асирофостыр и тэрдинэ пэ чхучи́ пхув Фарано. ² И пхэндя Рай Дэвэл Мойзаскэ дасавé лавá: ³ “Бичхáв пэстыр манушэн, соб (кай) ёнэ тэ выдыкхэн Ханаанóскири пхув, сави́ Мэ дава́ Израилёскирэ чхавэнгэ, пир екхэ манушэстэ лэнгирэ дадэскирэ-родыщóстыр бичхавэн, шэралэн лэндыр.”⁴ И бичхадя́ лэн Мойза чхучé пхувьятыр Фараностыр, пир Рáскирэ-Дэвлэскиро припхэныбэн, и сарé ёнэ сыс муршá, шэралé Израилёскирэ чхавэндэ. ⁵ Га́да, сыс лэнгирэ лавá: о Самуа, Рувимóскирэ родыщóстыр, Закхурóскиро чхавó, ⁶ Симеонóскирэ родыщóстыр о Сафато, Хорискиро чхавó, ⁷ Юдáскирэ родыщóстыр о Халево, Ефонияскиро чхавó, ⁸ Исахарóскирэ родыщóстыр о Игало, Ёзаскиро чхавó, ⁹ Ефремóскирэ родыщóстыр о Осия, Навиноскиро чхавó, ¹⁰ Вениаминóскирэ родыщóстыр о Фалти, Рафускиро чхавó, ¹¹ Завулоноскирэ родыщóстыр о Гадиило, Содиёскиро чхавó, ¹² Иосифóскирэ родыщóстыр, Манасиятыр, о Гадиё, Сусиёскиро чхавó, ¹³ Данóскирэ родыщóстыр о Амиило, Гемалиёскиро чхавó; ¹⁴ Асирóскирэ родыщóстыр о Сефуро, Михайлёскиро чхавó; ¹⁵ Нефалимоскирэ родыщóстыр о Нахбиё, Вофсиёскиро чхавó, ¹⁶ Гадóскирэ родыщóстыр о Гегуило, Махиёскиро чхавó, ¹⁷ Га́да, исын лавá муршэнгирэ, савэн бичхадя́ о Мойза тэ выдыкхэн пхув. И кхардя́ Мойза Осияс, Навиноскирэ чхавэс, Исусóса (Ёхошуаса). ¹⁸ И бичхадя́ лэн Мойза тэ выдыкхэн Ханаанóскири пхув, и пхэндя́ лэнгэ: “Джáн пэ дая́ паш-дывэсы́тко (южно) риг, и джáн упрé пэ бэрга, ¹⁹ и обдыкхэн пхув, сави́ ёй исын, и манушэн, савé дживэ́на пэ латэ, ци зоралé ёнэ исын, ци над, ци бут лэн, ци на́бут? ²⁰ и сави́ исын пхув, пэ сави́ ёнэ дживэ́на, ци лачхи́ ёй исын ци фуй? И савé исын фóрья, дрэ савé ёнэ дживэ́на, ци пэ шáтры ёнэ дживэ́на ци дрэ зорьякирдé фóрья (укреплении)? ²¹ И сави́ исын пхув, ци тхулы́ ёй исын ци посно? Ци исын пэ латэ вэш ци над? Явэн муршканé, и лэн пхувья́кирэ барьякирдэндыр (плодэндыр).” Давá сыс дрэ дова́ часо, кэли спеиндя́ винаградо́ (дракх). ²² Ёнэ гинé, и выдыкхнэ́ пхув чхучé пхувьятыр Син, адякэ-паць кэ Рехово, пашыл Эмафо; ²³ и гинé ёнэ пэ паш-дывэсы́тко (южно) риг, и догинé кэ Хевро́но, кай дживдэ́ Ахимано, Сесаё и Фалмаё [Фалман-ю.о.], Энакоскирэ чхавé: Хевро́но сыс докэрдо́ эфта́ (битринэнгиро дэш) бэршэнца́ англэды́р Цоаностыр, Египто́скирэ форо́стыр; ²⁴ и явнó пэ до́ло Есхоло, и чхиндлэ́ криг одóй винаградоскири рандь (гроздь) мурьенца, и лыджинé ла пэ баландин (шосто) дуйджинé; ёнэ лынó адякэ-паць гранаты́тка пхаба́ и инжыро; ²⁵ дава́ штéто кхардé ёнэ долоса́ Есхол, пир винаградоскири рандь, сави́ счхиндлэ́ криг одóй Израилёскирэ чхавé. ²⁶ И обдыкхи́ пхув, рисинé ёнэ пир штардэ́ша дывэса́. ²⁷ И гинé, и явнó кэ Мойза и Аарóно, и кэ сарó Израилёскирэ-чхавэнгиро́ скэдыибэн пэ чхучи́ пхув Фарано, дро Кадесо, и яндлэ́ лэнгэ и сарé скэдыибнаскэ́ отпхэныбэн, и сыкадэ́ лэнгэ пхувья́кирэ барьякирдé (плóды); ²⁸ и роспхэнэ́нас лэ́скэ (Мойзаскэ) и ракирдé: “Амэ псирдя́м пэ пхув, пэ сави́ ту бичхадя́н амэн; пэ латэ, чачэс, тхадэ́ла тхуд и авѓин, и га́да, исын лáкирэ барьякирдé (плóды); ²⁹ нэ манушá, савé дживэ́на пэ доя́ пхув, исын зоралé, и фóрья облыджынэ́ зоралé тыноса, и древáн барé,

и Енакоскирэ чхавэн амэ дыкхцям одой. ³⁰ Амалико дживэла пэ паш-дывэсытко пхувьякири паш, Хетеи, Евусеи и Амореи дживэна пэ бэрга, Хананеи дживэна пашыл мórё (дэрьяв) и пэ Иорданоскиро брэгó. ³¹ Нэ Халево шытыякирдя манушэн ангил Мойзастэ, пхэны: “Явэн и ухтыласа пэскэ ла, пал-довá со амэ сашты́ (могинас) тэ пиризорякирас лэн.” ³² А одолэ манушá, савэ псирдэ лэса, ракирдэ: “Амэ на могоинаса (нашты́) амэ тэ джас проти одолэ манушэндэ, пал-довá со ёнэ зоралэды́р амэндир.” ³³ И розмэкнэ налачхи мавлы́н (малва) пал пхув, сави́ ёнэ обдыкхнэ, машки́р Израилёскирэ чхавэндэ, пхэни: “Пхув, сави́ амэ прогиям ваш дыкхибэн, исын пхув, сави́ хала одолэс, кон дживэла пэ латэ, и сарэ манушá, савэн амэ дыкхцям машки́р лэндэ, манушá исын древáн вучэ. ³⁴ Одой амэ дыкхцям и исполинэн, Энакоскирэ чхавэн, исполинсконэ родóстыр; и амэ сáмас дрэ амарэ якхá ангил лэндэ, сыр саранча, адасавэ амэ и сáмас и дрэ лэнгирэ якхá.”

Шэрó 14

Юды на Камэна тэ Заджáн дро Ханаано

¹ И газды́я гóдла сарó скэдыибэн, и рондлэ манушá сари́ доя рат; ² и ракирдэ ёнэ холяса пэ Мойзастэ и Аароностэ сарэ Израилёскирэ чхавэ; и сарó скэдыибэн пхэндя́ лэнгэ: “О, ко́ли амэ мэрасас пэ Египто́скири пхув, ци ко́ли мэрасас амэ пэ дая́ чхучи́ пхув! ³ И ваш со Рай Дэвэл лыджáла амэн пэ дая́ пхув, соб (кай) амэ тэ хасёвас курталáтыр? Джувля́ амарэ и чхавэ амарэ дорэсэнапэ вэргэнгэ; ци нанэ фэдýр тэ рисёвас палэ дро Египто́?” ⁴ И пхэндлэ ёнэ екх екхэскэ: “Чхуваса пэскэ барыдырэс, и рисёваса дро Египто́.” ⁵ И пынэ Мойза и Аарóно пэ пэскирэ муя́ ангил сарэ Израилёскирэ-чхавэнгирэ скэдыибэн. ⁶ И Исýсо (Ёхошуá), Навиноскиро чхавó, и Халево, Ефонияскиро чхавó, савэ обдыкхэнас пхув, роскушнэ пэскирэ урибэна́, ⁷ и пхэндлэ сарэ Израилёскирэ-чхавэнгирэ скэдыибнаскэ: “Пхув, сави́ амэ псирдя́м тэ дыкхас, исын древáн лачхи́; ⁸ ко́ли Рай Дэвэл исын лачхó кэ амэ, тэды мэк тэ лыджáл Ёв амэн пэ дая́ пхув и дэла амэнгэ ла – дая́ пхув, дрэ сави́ тхадэла тхуд и авгин (мэда); ⁹ екх, соб (кай) проти Растэ-Дэвлэстэ тумэ тэ на газдэнпэ, и на дарэн адалэ-пхувьякирэ манушэндир; пал-довá со ёнэ доячэнапэ амэнгэ пэ хабэн, тэ затэрдён пал лэндэ нанэ конэскэ; а амэнца исын Рай Дэвэл, на дарэн лэндир.” ¹⁰ И пхэндлэ сарэ манушá скэдыибнастыр: “Тэ марэс лэн барэнца!” Нэ Рáскирэ Дэвлэскири слáва зазяиндя дрэ скэдыибнаскири шáтра сарэнгэ Израилёскирэ чхавэнгэ.

О Мойза Затэрдéла пал Манушэндэ

¹¹ И пхэндя́ Рай Дэвэл Мойзáскэ: “Кицы́ явэна тэ холякирэн Ман адалэ манушá? И кицы́ явэна ёнэ тэ на патя́н Мánгэ пир сарэ знамэнии (гертыка́), савэ Мэ кэрдём машки́р лэндэ? ¹² Занасвалякирава Мэ лэн франсэнца и хасякира́ва лэн, нэ и Мэ кэра́ва тýтыр бутýр манушýтко нация́ и зоралэды́р лэндир.” ¹³ Нэ о Мойза пхэндя́ Рáскэ-Дэвлэскэ: “Подшунэна Египтя́ни, манушá, савэндир Ту зорья́са Тырья́са вылыджия́н адалэ манушэн, ¹⁴ и пхэнэна далэ-пхувьякирэ манушэнгэ, савэ шундлэ, со Ту, Раё Дэвла, дживэса машки́р адалэ манушэндэ, и со Ту, Раё Дэвла, дэса лэнгэ тэ дыкхэс Пэс муй кэ муй, и óблоко Тырó тэрдó пэ лэндэ, и Ту джáса ангил лэндэ дывэсэ дро облокоскиро стýлбо, и раты́ дро ягакиро стýлбо; ¹⁵ и ко́ли Ту хасякирэса адалэ манушэн, сыр екхэс манушэс, тэды манушá, савэ шундлэ Тыри́ слáва, пхэнэна: ¹⁶ “О Рай Дэвэл на могоиндя́ тэ залыджал адалэ манушэн пэ пхув, сави́ Ёв совлахаса пхэндя́ тэ дэл лэскэ, а тэньчи (после) и хасякирдя́ лэн пэ чхучи́ пхув.” ¹⁷ И адя́кэ мэк тэ выбарьё́л Рáскирэ-Дэвлэскири зор, сыр Ту пхэндян: ¹⁸ “О Рай Дэвэл гарá (длугэс) ужакирэла и Ёв исын бутэ́-тангипнаскиро, Савó отмэкэ́ла грэх́и и чорипэн, и Ёв на ячкирэла би отпхэныбнаскиро, нэ Ёв чхувэ́ла кáра пал дадэнгиро чорипэн пэ чхавэндэ кэ трýто и штáрто рóдо. ¹⁹ Отмэк грэх́о адалэ манушэнгэ пир Тыри́ бари лáска, сыр Ту примангдя́н адалэ манушэнгэ Египто́стыр кэ далэ дывэсá.” ²⁰ И пхэндя́ Рай Дэвэл Мойзáскэ: “Отмэка́ва грэх́о лэнгэ пир тырó лав; ²¹ нэ Мэ сом джидó, и Мири́ Рáскирэ-Дэвлэскири слáва

исын пхэрдь пир сарь пхув: ²² сарэ, савэ дыкхнэ Мирь слава и Мирэ знамэнии (гертыка), савэ Мэ кэрдём дро Египто и пэ чхучь пхув, и спробинэнас Ман дэш молы, и на шундлэ Мирь зан, ²³ и ёнэ на явэна тэ дыкхэн пхув, савь Мэ совлахаса пхэндём тэ дав лэнгирэ дадэнгэ; сарэ, кон холякирдя Ман, на дыкхэна ла. ²⁴ Нэ Мирэ писхарис Халевос, пал-дова со дрэ лэстэ сыс явир дүхо (фано), и ёв дрэ саро кандыя Ман, залыджава пэ пхув, пэ савь ёв псирдя, и лэскиро семё явэла хуласа пэ латэ; ²⁵ Амаликитяни и Хананеи дживэна пэ доло; атася тумэ рисён и джан тумэ пэ чхучь пхув кэ Лоло мөрё (дэрьяв).”

Марибнаскири Кára пэ Бунтарьендэ

²⁶ И пхэндя Рай Дэвэл Мойзаскэ и Ааронóскэ дасавэ лавá: ²⁷ “Киць адалэ холямэ манушá явэна тэ жалинэнпэ холяса пэ Мándэ? Холямó выракирибэн Израилёскирэ чхавэнгиро, савэса ёнэ жалинэнапэ пэ Мándэ, Мэ шунава. ²⁸ Пхэн лэнгэ: “Мэ дживáва, – ракирэла Рай Дэвэл: –, сыр тумэ ракирдэ дро саро шуныбэн Мángэ, адякэ и Мэ кэрава тумэнгэ; ²⁹ пэ дая чхучь пхув пэрэна тумарэ масá, и сарэ тумэ сан пиригиндлэ, ци бут тумэн сыс, бишэ бэршэндьр и пхурэдыр, савэ жалиндлэпэ холяса пэ Мándэ, ³⁰ тумэ на заджана пэ пхув, пэ савь Мэ, газдыи Мирó васт, совлахадём тэ росчхував тэ дживэн тумэн, апріч Халевостэ, Ефонияскирэ чхавэстыр, и Исусостэ (Ёхошуастэ), Навиноскирэ чхавэстэ; ³¹ а тумарэ чхавэн, пал савэндэ тумэ ракирдэ, со ёнэ доячэнапэ дро дорэсыбэн вэргэнгэ, Мэ залыджава одорік, и ёнэ уджинэна пхув, савь тумэ бидыкхнэ, ³² а тумарэ трұпы пэрэна дрэ дая чхучь пхув; ³³ а тумарэ чхавэ явэна пэ чхучь пхув тэ лодэн штардэшá бэрш, и явэна тэ лыджан кára пал тумаро ладжаипэн, кэ дава часо, пака хасэна сарэ тумарэ трұпы пэ чхучь пхув; ³⁴ пир штарэ-дэшэнгиро-дывэсэнгиро прогиибэн, дрэ савэ тумэ обдыкхнэ пхув, тумэ лыджана кára пал тумарэ грэхи штардэшá бэрш, бэрш пал дывэс, соб (кай) тумэ тэ джинэн, со исын дасаво тэ явэн одолэнца манушэнца, савэн Мэ мэкцём. ³⁵ Мэ, Рай Дэвэл, ракирава, и кэрава адякэ сарэ адалэ холямэ манушэнца, савэ газдынэпэ проти Мándэ: пэ дая чхучь пхув сарэ ёнэ хасэна и вымэрэна.” ³⁶ И одолэ, савэн бичхадя Мойза, соб (кай) тэ обдыкхэн пхув, и савэ рисинэ палэ, и газдынэ проти лэстэ сарэ адалэ манушэн, розмэкны налачхи мавлы́н (малва) пал пхув, ³⁷ адалэ манушá, савэ розмэкнэ налачхи мавлы́н пал пхув, мынэ, ёнэ сыс хасякирдэ ангил Растэ-Дэвлэстэ; ³⁸ екх Исусо (Ёхошуá), Навиноскиро чхаво, и Халево, Ефонияскиро чхаво, ячнэпэ джидэ одолэ муршэндьр, савэ псирдэ тэ дыкхэн пхув.”

Израилё Гия тэ Марэлпэ Ивьá

³⁹ И пхэндя Мойза далэ лавá ангил сарэндэ Израилёскирэ чхавэндэ, и манушá древán засмэнтниндлэпэ. ⁴⁰ И, уштыи тасярлэс (рэнэс) пэ злóко, гинэ ёнэ пэ бэргáкиро вучипэн, ракири: “Гáда, амэ джаса пэ дова штéто, пал саво ракирдя Рай Дэвэл, пал-дова со амэ кэрдям грéхо.” ⁴¹ Тэньци Мойза пхэндя: “Ваш со тумэ пириджана Рáскирэ-Дэвлэскиро припхэныбэн? Давá явэла накуч; ⁴² на джан, пал-дова со нанэ машки́р тумэндэ Рас-Дэвлэс, соб (кай) тэ на пиримарэн тумэн тумарэ вэрги; ⁴³ пал-дова со Амаликитяни и Хананеи исын одой ангил тумэндэ, и тумэ пэрэна курталатыр, пал-дова со тумэ отгинэ Рáстыр-Дэвлэстыр, и на явэла тумэнца Рай Дэвэл.” ⁴⁴ Нэ ёнэ дынэ дума тэ газдэнпэ пэ бэргáкиро вучипэн; Рáскирэ-Дэвлэскиро заветóскиро ковчэго и Мойза на ячкирдэ стáно. ⁴⁵ И гинэ пэскэ Амаликитяни и Хананеи, савэ дживдэ пэ доя бэрга, и розмардэ лэн, и традынэ лэн кэ Хорма.

Шэрó 15

Пал Марунó Яныбэн

¹ И пхэндя Рай Дэвэл Мойзаскэ, ракири: ² “Дэ тэ джинэн Израилёскирэ чхавэнгэ и пхэн лэнгэ: ‘Кéли тумэ заджана пэ пхув тумарэ джиибнаскири, савь Мэ дава тумэнгэ, ³ и явэна тэ янэн свэ́нто дыибэн Рáскэ-Дэвлэскэ, цéло схачкирибэн, ци тэ явэл свэ́нто дыибэн

зачхиндлэ гурувэндьр и бакрэндьр, соб (кай) тэ кэрэл пир совлах, ци пир патыв, ци дрэ тумарэ свэнки, соб (кай) тэ кэрэн гудло тхув, лачхó Рáскэ-Дэвлэскэ, ⁴ тэды, кон янэла пэскиро свэнто дыибэн Рáскэ-Дэвлэскэ, то одовá мануш исын бангó тэ янэл дро яныбэн марэстыр дэшто паш ефатыр пшэничнонэ яржэстыр, перемешындло штартонэ пашэса гино елеё; ⁵ И мол (вино) екх штáрто паш гино ваш цэло схачкирибэн, ци ваш зачхиндло свэнто дыибэн, пэ кажнонэ (сваконэ) бакрэстэ; ⁶ а коли тумэ янэна бакрэс дро яныбэн маруно дуй дэшта пашá ефатыр пшэничнонэ яржэстыр, перемешындло тритонэ пашэса елеёскирэ гиноса. ⁷ И мол тэ вычхувэс ян трýто паш гиноскиро дро гудло тхув, лачхó Рáскэ-Дэвлэскэ; ⁸ Кóли тэрнэ гурувэс янэса ваш цэло схачкирибэн, ци сыр свэнто яныбэн зачхинэса пир совлах, соб (кай) тэ кэрэлпэ, ци дро мýрно свэнто дыибэн Рáскэ-Дэвлэскэ, ⁹ то тэды кхэтанэ гурувэса бангэ тэ янэн яныбэн маруно трин дэшта пашá эфакирэ пшэничнонэ яржэстыр, перемешындло пашэса елеёскирэ гиноса, ¹⁰ и мол (вино) ваш вычхуибэн ян паш гино дро свэнто яныбэн сыр гудло тхув, лачхó Рáскэ-Дэвлэскэ. ¹¹ Адыкэ кэр пашыл кажно яныбэн гурувэскиро и бакрэскиро, и бакрэс бакрендыр, ци бузнен (козэн); ¹² адыкэ тумэ кэрэн кажно мóло, адакицы мóлы, кицý тумэ янэна свэнто дыибэн. ¹³ Кажно пэскиро мануш адыкэ исын бангó тэ кэрэл дава, кéли янэла свэнто дыибэн дро гудло тхув, лачхó Рáскэ-Дэвлэскэ; ¹⁴ и кóли явэла машкёр тумэндэ тэ дживэл мануш явирэ ригатыр, ци кон бы тэ на явэл машкёр тумэндэ дро тумарэ рóды, и янэла свэнто яныбэн дро гудло тхув, лачхó Рáскэ-Дэвлэскэ, тэды и ёв исын бангó тэ кэрэл адыкэ, сыр тумэ кэрэна; ¹⁵ ваш тумэнгэ, скэдыибэн Рáскирэ-Дэвлэскиро, и ваш манушэскэ, савó явдя явирэ ригатыр, и савó дживэла машкёр тумэндэ, упхэныбэн екх, векоскиро упхэныбэн дрэ тумарэ рóды: со тумэ, одовá-паць и мануш, савó явдя явирэ ригатыр мэк тэ явэл ангýл Растэ-Дэвлэстэ; ¹⁶ закóно екх, и екх правы мэк тэ явэн ваш тумэнгэ и ваш манушэскэ, савó явдя явирэ ригатыр, и дживэла машкёр тумэндэ.’ ¹⁷ И пхэндя Рай Дэвэл Мойзáскэ дасавэ лавá: ¹⁸ “Рáкир Израилёскирэ чхавэнгэ и пхэн лэнгэ: ‘Кéли тумэ заджана пэ пхув, дрэ савý Мэ лыджава тумэн, ¹⁹ и явэна тэ хан марó адолэ-пхувьякиро, тэды янэн маруно свэнто дыибэн тринскирибнаса Рáскэ-Дэвлэскэ; ²⁰ начатки (пэрва барьякирдэ) тумарэ яржэстыр сыр мариклы, газдэн тринскирибнаса, кéли янэна тумэ дро тринскирибэн; газдэн лэс адыкэ, сыр янэна гумностыр; ²¹ начаткэндьр (пэровонэ мариклендыр) тумарэ хумэрэстыр (тястостыр) янэн дро газдыпэн триинскирибнаса Рáскэ-Дэвлэскэ дрэ тумарэ рóды.

Закóно Пал Грэхи, Савэ Кэрэна на Ками

²² Кóли кэрэна тумэ на пир джиныбэн, и на кэрэна пир сарэ далэ припхэныбэна, савэ пхэндя Рай Дэвэл Мойзáскэ: ²³ “Сарó, со припхэндя тумэнгэ Рай Дэвэл пир Мойзастэ, долэ дывэсэстыр, дрэ савэ Рай Дэвэл ракири тумэнгэ, и англэдыр дрэ тумарэ рóды, ²⁴ тэды, кóли пир манушэнгино надодыкхибэн кэрдэ дош, мэк сарó скэдыибэн тэ янэл екхэ гурувэс дро цэло схачкирибэн ваш гудло тхув, лачхó Рáскэ-Дэвлэскэ, марунэ яныбнаса и чхуибнаса лэс, пир упхэныбэн, и екхэ бузнэс (козлос) дро свэнто дыибэн пал грэхó; ²⁵ и выжужакирэла рашай сарэ скэдыибнастыр Израилёскирэ чхавэнгино, и явэла отмэкно лэнгэ: пал-довá со дава сыс дош пир наджиныбэн, и ёнэ яндлэ пэскиро свэнто дыибэн Рáскэ-Дэвлэскэ, и свэнто яныбэн пал пэскиро грэхó ангýл Растэ-Дэвлэстэ, пал пэскири дош; ²⁶ и явэла примангло сарэ скэдыибнаскэ Израилёскирэ чхавэнгирэскэ и манушэскэ, савó явдя явирэ ригатыр, и дживэла машкёр лэндэ, пал-довá со сарэ манушá кэрдэ дая дош пир наджиныбэн. ²⁷ Кóли екх вари-кон кэрэла грэхó пир наджиныбэн, тэды мэк тэ янэл екха-бэршыткона бузня дро свэнто яныбэн пал грэхó; ²⁸ и выжужакирэла рашай ди, савó кэрдя грэхó ангýл Растэ-Дэвлэстэ, и жужó явэла, и примангло явэла лэскэ; ²⁹ екх Закóно мэк тэ явэл ваш тумэнгэ, сыр ваш штэтытконэ манушэскэ Израилёскирэ чхавэндьр, адыкэ и ваш манушэскэ, савó явдя явирэ ригатыр, и дживэла машкёр тумэндэ, кóли вари-кон кэрэла дош пир наджиныбэн. ³⁰ Кóли вари-кон пэскирэ манушэндьр ци манушэндьр явирэ ригатыр кэрэла вари-со холямэ вастэса, тэды ёв, хай, калякирэла Рас-Дэвлэс: хасёла дова ди пэскирэ

манушэндэр, ³¹ пал-довá со лав Рáскирэ-Дэвлэскиро ёв бидыхця и припхэныбэн Лэскиро на зрахця; хасёла дова ди; грёхо лэскиро исын пэ лэстэ.”

Кáра пал Сáвато (Субóта)

³² Кéли Израилёскирэ чхавэ сыс пэ чхучи пхув, латхнэ ёнэ манушэс, саво скэдэла каштá дро саватоскиро дывэс; ³³ и яндлэ лэс манушá, савэ латхнэ лэс, скэдыи каштá, кэ Мóйза и Аарóно и кэ сарó скэдыибэн; ³⁴ и чхудэ лэс раххибнарьенгэ, пал-довá со на сыс ишчо (инкэ) джиндлó, со трэиндя лэса тэ кэрэн. ³⁵ И пхэндя Рай Дэвэл Мóйзаскэ: “Бангó исын тэ мэрэл адава мануш; мэк тэ марэл лэс барэнца сарó скэдыибэн пал стáно.” ³⁶ И вылыджия лэс сарó скэдыибэн яври станостыр, и мардэ лэс барэнца, и ёв мыя, сыр припхэндя Рай Дэвэл Мóйзаскэ.

Кисти (Чиба) пэ Ягóры (Краи)

³⁷ И пхэндя Рай Дэвэл Мóйзаскэ, ракири: ³⁸ “Рáкир Израилёскирэ чхавэнгэ и пхэн лэнгэ, соб (кай) ёнэ тэ кэрэн пэскэ чибá/чибья (кисти)пэ пэскирэ-иденгирэ ягóры (край) дрэ лэнгирэ рóды, и пэ чибá (чибья), савэ тэ явэн пэ ягóро (пэ краё), и тэ чхувэн андрэ голубовонэ вылнатыр тхава; ³⁹ и явэна ёнэ дрэ тумарэ чибá (кисти) ваш дова, соб (кай) тумэ, дыкхий пэ лэндэ, тэ пририпирэн сарэ Рáскирэ-Дэвлэскирэ припхэныбэна, и тэ кэрэн сарó пир лэндэ, и тэ на псирэн палал пал тумарó илó и пал тумарэ якхá, савэ лыджана тумэн кэ кэрэн биладжаипэн, ⁴⁰ соб (кай) тумэ тэ рипирэн и тэ кэрэн сарó, соб (кай) тэ сполнинэн сарэ Мирэ припхэныбэна и тэ явэн свэнта ангил тумарэ Дэвлэстэ. ⁴¹ Мэ сом Рай Дэвэл (Яхвá) тумарó, Саво вылыджия тумэн Египтóскирэ пхувьятыр, соб (кай) тэ явав Мэ тумарó Дэвэл: Мэ сом Рай Дэвэл, тумарó Дэвэл.”

Шэрó 16

Бýнто проти Мóйзастэ и Аароностэ

¹ О Корéе, Ицгароскиро чхавó, Каафоскиро чхавó, Левиёскиро чхавó, и Дафано и Авироно, Елиавоскиро чхавэ, и Авнано, Фалефоскиро чхавó, Рувимовоскирэ чхавэ, ² газдынэпэ холяса пэ Мóйзастэ, и лэнца Израилёскирэ чхавэндэр дуйшэлá пандждэша мурша, скэдыибнаскирэ барыдыра, савэн кхарэна пэ скэдыибэн, славутна манушá. ³ И скэдынэпэ проти Мóйзастэ и Аароностэ, и пхэндлэ лэнгэ: “Ухтылла (дóси) тумэнгэ, сарó скэдыибэн, сарэ манушá исын свэнта, и машкёр лэндэ исын Рай Дэвэл! Сóскэ тумэ газдэна пэс вучэдыр Рáскирэ-Дэвлэскирэ манушэндэр?” ⁴ О Мóйза, сыр шундя дава, то пыя пэ пэскиро муй, ⁵ и пхэндя Корéескэ и сарэ манушэнгэ, савэ сыс кхэтанэ лэса, ракири: “Атася сыкавэла Рай Дэвэл, кон исын Лэскиро, и кон исын свэнта, соб (кай) тэ кэрэл пашылэдыр лэс кэ Пэ; и конэс Ёв выкэдэла, одолэс и кэрэла Ёв пашылэдыр кэ Пэ. ⁶ Гада, со кэрэн: Корéе и сарэ лэскирэ мануш, лэн пэскэ кадилы, ⁷ и атася чхувэн дрэ лэндэ яг, и чхувэн дрэ лэндэ фимиáмо (гудлэ смóлы) тэ тхувлякирэн ангил Растэ-Дэвлэстэ; и конэс выкэдэла Рай Дэвэл, одова и явэла свэнта. Ухтылла (дóси) тумэнгэ, Левиёскирэ чхавэ!” ⁸ И тэньчи пхэндя Мóйза Корéескэ: “Шунэн, Левиёскирэ чхавэ! ⁹ Наушто наухтылла (надоси) тумэнгэ дова, со Израилёскиро Дэвэл откэдыя тумэн Израилёскирэ манушэндэр и кэрдя пашылэдыр тумэн кэ Пэ, соб (кай) тумэ тэ кэрэн буты пашыл Рáскирэ-Дэвлэскири шáтра и тэ тэрдэн ангил скэдыибэн пэ буты ваш лэнгэ? ¹⁰ Ёв кэрдя пашылэдыр тут кэ Пэ и туса сарэн тырэн пшалэн, Левиёскирэ чхавэн, и тумэ домарэнапэ ишчо (инкэ) тэ ячэн рашанца. ¹¹ И адякэ ту и сарэ тырэ манушá скэдынэпэ проти Растэ-Дэвлэстэ. Со исын дасаво Аароноса, со тумэ холяса жалинэнапэ пэ лэстэ?” ¹² И бичхадя Мóйза тэ кхарэн Дафанос и Авиронос, Елиавоскирэ чхавэн. Нэ ёнэ пхэндлэ: “На джáса!” ¹³ Наушто наухтылла (надоси) дова, со ту вылыджиян амэн пхувьятыр, пэ сави тхадэла тхуд и авгін, соб (кай) тэ хасякирэс амэн пэ чхучи пхув, и

ту бутыр камэса тэ явэс тхагариса пэ амэндэ! ¹⁴ Ци яндян ту амэн пэ пхув, кай тхадэла тхуд и авгін, и ци дыян ту дро хулаибэн фэлды и винаградники? Якхэ адалэ-манушэнгирэ ту камэс тэ корьякирэс? Амэ на джаса!” ¹⁵ Мойза древан холясыя, и пхэндя Рáскэ-Дэвлэскэ: “На рíскир Тырэ якхэ пэ лэнгиро яныбэн. Мэ на лыём лэндыр ни екхэ ослос, и на кэрдём фуипэн ниекхэскэ лэндыр.” ¹⁶ И пхэндя Мойза Корейскэ: “Атася ту, и сарэ тырэ манушá, явэн тэ тэрдён ангил Рáскирэ-Дэвлэскиро муй, ту, ёнэ, и адякэ-паць Аароно; ¹⁷ и лэн кажно (свáко) мануш пэскири кадила, и чхувэн дрэ лэндэ фимиáмо (гудлэ смóлы), и янэн ангил Рáскиро-Дэвлэскиро муй кажно (свáко) пэскири кадила, дуйшэлá пандждэшá кадилы; ту и Аароно, кажно пэскири кадила.” ¹⁸ И лыя кажно мануш пэскири кадила и чхудя дрэ лэндэ яг, и чхудэ андрэ дрэ лэндэ фимиáмо (гудлэ смóлы) тэ хачкирэн, и тэрдинэ пашыл загибэн дрэ скэдыибнаскири шáтра; адякэ-паць и Мойза и Аароно. ¹⁹ И скэдыя пэ лэндэ Корей сарэ манушэн кэ загибэн дрэ скэдыибнаскири шáтра. И сыкадыя Рáскирэ-Дэвлэскири слáва сарэ манушэнгэ. ²⁰ И пхэндя Рай Дэвэл Мойзáскэ и Ааронóскэ, ракири: ²¹ “Джáн дрэ риг адалэ манушэндыр, и Мэ хасякирава лэн дрэ екх мэнта (минута).” ²² Ёнэ пынэ пэ пэскирэ муя и пхэндлэ: “Дэвла, Дэвлалэ пэ кажнóнэ-масэскиро (лочакиро) дýхо (фáно)! Екх мануш кэрдя грéхо, и Ту холясоса пэ сарэ манушэндэ?” ²³ И пхэндя Рай Дэвэл Мойзáскэ дасавэ лавá: ²⁴ “Пхэн манушэнгэ: ‘Отджан сарэ ригэндыр Корейскирэ, Дафаноскирэ и Авироноскирэ шатрэндыр.’” ²⁵ И уштыя Мойза, и гия кэ Дафано и Авироно, и пал лэстэ гинэ Израилёскирэ пхурыдыра. ²⁶ И пхэндя манушэнгэ: “Отджан нажужэ-манушэнгирэ шатрэндыр, и на касынэнпэ ни кэ со, со исын лэнгиро, соб (кай) тэ на хасён тумэнгэ дрэ сарэ лэнгирэ грéхи.” ²⁷ И отгинэ ёнэ сарэ ригэндыр Корейскирэ шатрэндыр, Дафаноскирэ и Авироноскирэ; а Дафано и Авироно выгинэ и тэрдэ сыс пашыл пэскирэ шатрэнгирэ вударá пэскирэ джувлэнца, и пэскирэ чхавэнца, и пэскирэ тыкнэ чхаворэнца. ²⁸ Тэныци пхэндя о Мойза: “Далэстыр уджинэна, со Рай Дэвэл бичхадя ман тэ кэрáв сарэ далэ рэнды, а на пир пэскири мысля мэ кэрáва дава: ²⁹ кóли ёнэ мэрэна, сыр сарэ манушá мэрэна, и пэрэла пэ лэндэ кáра, сави, хай, судьба сарэ манушэнца: то на Рай Дэвэл бичхадя ман; ³⁰ а кóли Рай Дэвэл кэрэла дýво, и пхув росчхакирэла пэскирэ уштá и накхавэла (проглытынэла) лэн и сарó, со, лэндэ, и ёнэ джидэ зджана пэ дова свéто (дро люно), тэды джинэн, со адалэ манушá на прилынэ патыва́са Рас-Дэвлэс.” ³¹ И сыс адякэ: сыр ёв пхэндя далэ лавá, розгияпэ пхув тэл лэстэ; ³² росчхакирдя пхув пэскирэ уштá, и накхадя лэн и лэнгирэ кхэрá, и сарэ Корейскирэ манушэн и сарó, со лэндэ сыс; ³³ и гинэ тэлэ ёнэ сарэса, со сыс лэндэ джидó пэ дова свéто, и учхакирдя лэн пхув, и хасинэ ёнэ пэскирэ манушэндыр. ³⁴ И сарэ Израилэтыни, савэ сыс пашыл лэндэ, нашинэ лэнгирэ годлатыр, соб (кай), ракирдэ ёнэ, и амэн тэ на накхавэл пхув. ³⁵ И выгия яг Рáстыр-Дэвлэстыр и хая одолэн дуйшэлá пандждэшá мушэн, савэ яндлэ гудлэ смóлы (фимиáмо). ³⁶ И пхэндя Рай Дэвэл Мойзáскэ, ракири: ³⁷ “Пхэн Елизароскэ, Ааронóскирэ-чхавэскэ, рашáскэ, мэк ёв тэ кэдэл кадилы схачкирдэ манушэндыр, и яг тэ вычхурдэл яври; пал-дова со ёнэ освэнцындлэпэ, ³⁸ кадилы адалэ-грешникэнгирэ лэнгирэ мэрибнаса, и мэк тэ розмарэн лэн пэ санэ бляхи (листы) тэ учхакирэн алтáрэ, пал-дова со ёнэ яндлэ лэн ангил Рáскирэ-Дэвлэскиро муй, и ёнэ ячнэ освэнцындлэ; и явэна ёнэ гертыкаса (сыкаибнаса) ваш Израилёскирэ чхавэнгэ.” ³⁹ И лыя рашáй Елизáро харкунэ (медяна) кадилы, савэнгирэ манушэн Дэвэл схачкирдя, и розмардэ лэн дрэ санэ бляхи (листы) тэ учхакирэн алтáрэ, ⁴⁰ соб (кай) тэ рипирэн Израилёскирэ чхавэ, соб (кай) никон явир мануш, саво на Ааронóскирэ родóстыр, тэ на подджал тэ янэл гудлэ смóлы (фимиáмо) тэ хачкирэл ангил Рáскирэ-Дэвлэскиро муй, и, соб (кай) тэ на явэл лэса, со Корейса и лэскирэ манушэнца, савэ сыс лэса кхэтанэ, сыр ракирдя лэскэ Рай Дэвэл пир Мойзастэ.

Бýнто Манушэнгиро

⁴¹ Пэ явир дывэс сарó Израилёскирэ-чхавэнгиро скэдыибэн лыя тэ ракирэл холяса пэ Мойзастэ и Аароностэ, и ракирдэ: “Тумэ мулякирдэ Рáскирэ-Дэвлэскирэ манушэн.” ⁴² И кэли скэдынэпэ манушá проти Мойзастэ и Аароностэ, ёнэ рисинэ кэ скэдыибнаскири шáтра

(скіния), и гада, облоко учхакирдя ла, и явдя Раскирэ-Дэвлэскири слава. ⁴³ И явнэ Мойза и Аароно кэ скэдыибнаскири шатра. ⁴⁴ И пхэндя Рай Дэвэл Мойзаскэ дасавэ лавá: ⁴⁵ “Джан дрэ риг адалэ манушэндир, и Мэ хасякирава лэн дрэ екх мэнта (минута).” Нэ ёнэ пынэ пэ пэскирэ муй. ⁴⁶ И пхэндя Мойза Аароноскэ: “Лэ кадила, и чхув яг дрэ латэ алтарёстыр и чхув гудлэ смóлы (фимиáмо), и лýджа сыгнэдыр кэ манушá, и затэрдёв пал лэндэ, пал-довá со выгия холы Рáстыр-Дэвлэстыр и яцá хасякирибэн.” ⁴⁷ И лыя Аароно, сыр припхэндя Мойза, и прастандыя дрэ манушэнгиро скэдыибэн, и гада, лыяпэ хасякирибэн (морóво) пэ манушэндэ. И ёв чхудя фимиáмо, и затэрдия пал манушэндэ. ⁴⁸ Тэрдия ёв машкёр мулэндэ и джидэндэ, и хасякирибэн пирияця. ⁴⁹ И мынэ хасякирибнастыр дэшуштар тысёнцы эфташэлá манушэн, априч адалэ манушэндэ, савэ мынэ пир Кореескиро рэндо. ⁵⁰ И рисия Аароно кэ Мойза кэ загиибэн дрэ скэдыибнаскири шатра, палó дова, сыр хасякирибэн пирияця.

Шэрó 17

Сыр Мойзаскиро Дэстó Лындия (Зацвэтиндя)

¹ И пхэндя Рай Дэвэл Мойзаскэ, ракири: ² “Пхэн Израилёскирэ чхавэнгэ, и лэ лэндир пир дэстó дадэнгирэ родыцостыр, сарэ лэнгирэ барыдырэндир пир рóдыцы, дэшудуй и кажноэскиро лав зачхин пэ лэскиро дэстó; ³ лав Аароноскиро зачхин пэ Левиёскиро дэстó, пал-довá со екх дэстó лэнгирэ родыцоскирэ барыдырэстыр трэй ёнэ тэ дэн; ⁴ и чхув лэн дрэ скэдыибнаскири шатра, ангил ковчэго досыкаибнаса (откровениёса), кай сыкадёвава Мэ тумэнгэ; ⁵ и конэс Мэ выкэдава, одолэстэ дэстó лындёла (зацвэтинэла); и адякэ Мэ шылякирава Израилёскирэ чхавэнгиро ракирибэн холяса, савэса ёнэ ракирёна пэ амэндэ.” ⁶ И пхэндя Мойза Израилёскирэ чхавэнгэ, и дынэ лэскэ сарэ лэнгирэ барыдыра, кажноэ барыдырэстыр пир дэстó пир лэнгирэ дадэнгирэ рóдыцы дэшудуй дэстэ, и Аароноскиро дэстó сыс машкёр лэнгирэ дэстэ. ⁷ И чхудя Мойза дэстэ ангил Раскирэ-Дэвлэскиро муй, дрэ шатра досыкаибнаса (скіния). ⁸ Пэ явир дывэс загия Мойза дрэ досыкаибнаскири шатра, и гада, Аароноскиро дэстó, Левиёскирэ кхэрэстыр, лындия (зацвэтиндя), мэкця букорэ (почки), дыя лулудя (цвэты) и яндя миндали. ⁹ И вылыджия Мойза сарэ дэстэ Раскирэ-Дэвлэскирэ мóстыр кэ сарэ Израилёскирэ чхавэ. И дыкхнэ ёнэ дава, и лыя кажно пэскиро дэстó. ¹⁰ И пхэндя Рай Дэвэл Мойзаскэ: “Чхув нэвэстыр дэстó Аароноскиро пэ зракхибэн, сыр гертык (сыр сыкаибэн) ваш напатыибнытконэ манушэнгэ, соб (кай) тэ пириячэл лэнгиро холямо ракирибэн пэ Мэндэ, и ёнэ тэ на мэрэн.” ¹¹ О Мойза кэрдя дава сыр припхэндя лэскэ Рай Дэвэл, адякэ ёв и кэрдя. ¹² И пхэндлэ Израилёскирэ чхавэ Мойзаскэ: “Гáда, амэ мэраса, хасёваса, сарэ хасёваса! ¹³ Кажно, кон подджала кэ Раскирэ-Дэвлэскири шатра, мэрэла: ци на приджалапэ сарэнгэ амэнгэ тэ мэрас?”

Шэрó 18

Со Исын Бангэ тэ Кэрэн Рашая и Левиты

¹ И пхэндя Рай Дэвэл Аароноскэ: “Ту и тырэ чхавэ и кхэр тырэ-дадэскиро туса лыджана пэ пэстэ отпхэныбэн пал бизладо пэ свэнто штэто: и ту и тырэ чхавэ туса лыджана пэ пэстэ грэхо пал бизладо пэ тумарó свэнто штэто. ² Адякэ-паць и тырэ пшалэн, Левиёскиро рóдо, тырэ-дадэскиро кхэритко рóдо (племё), лэ пэскэ: мэк ёнэ тэ явэн паш тутэ и тэ кэрэн буты тукэ, а ту и тырэ чхавэ туса явэна паш досыкаибнаскири шатра; ³ мэк ёнэ тэ дынаринэн (тэ служынэн) тукэ и тэ дынаринэн пэ сарí скіния; екх, соб (кай) тэ на подджан кэ свэнтонэ-штэтоскирэ предметы и кэ алтарё, соб (кай) тэ на мэрэн и лэнгэ, и тумэнгэ. ⁴ Мэк ёнэ тэ явэн паш тутэ и лыджана тэ дынаринэн дрэ скэдыибнаскири шатра, сарэ бутя пир шатра; а явир мануш нашты тэ подджал кэ тумэ. ⁵ Адякэ дынаринэн пэ свэнто штэто и пашыл алтарё, соб

(кай) тэ на явэл бутыр холы пэ Израилёскирэ чхавэндэ; ⁶ пал-дова со тумарэ пшалэн, Левитэн, Мэ лыём Израилёскирэ чхавэндэр, и дыём лэн тумэнгэ, дро даро Мángэ, Рáскэ-Дэвлэскэ, соб (кай) ёнэ тэ кэрэн свэнто буты пашыл скэдыбнаскири шáтра; ⁷ и ту, и тырэ чхавэ туса, дыкхэн пал тумары свэнтыма дро саро, со исын алтарёскиро и со исын андрал пал шырма, и дынаринэн; тумэнгэ дава Мэ дрэ даро свэнто дынарибэн, а явир мануш, и саво подджала, отдыно явэла мэрибнаскэ.

Сыр тэ Чалякирэспэ Рашангэ Свэнтонэ Яныбнастыр

⁸ И пхэндя Рай Дэвэл Ааронóскэ: “Гáда, Мэ допатьява тукэ тэ дыкхэс, сыр янэна свэнто дыибэн газдыпнаса Мángэ; сарэстыр, со янэна Израилёскирэ чхавэ, Мэ дыём тукэ и тырэ чхавэнгэ, ваш тумаро рашаипэн, сыр упхэныбэн пэ веко. ⁹ Гáда, со исын тыро самонэ барэ яныбнаскирэ свэнтыматыр, со янэна пэ яг: кажно лэнгиро маруно яныбэн, и кажно лэнгиро свэнто яныбэн пал грэхо, и кажно свэнто яныбэн пал лэнгири банг, со ёнэ янэна Мángэ, дава тэ явэл сыр бари свэнтыма тукэ и тырэ чхавэнгэ. ¹⁰ Пэ само свэнто штэто хан дава, сарэ мурша сашты тэ хан, дава мэк тэ явэл ваш тукэ. ¹¹ И гáда, ишчо (инкэ) со тукэ: лэнгирэ свэнтонэ яныбнаскирэ тукэ дары и свэнта дыибэна газдыпнаса сарэ Израилёскирэ чхавэндэр. Мэ дыём тукэ свэнто дыибэн, и тырэ чхавэнгэ, и тырэ чхаенгэ туса сыр упхэныбэн пэ веко; кажно жужо мануш дро тыро кхэр сашты (могинэла) тэ хал дава. ¹² Саро фэдыршонэ алеёстыр и саро фэдыршонэ винаградостыр и марэстыр, лэнгирэ пэрва барьякирдэ (плóды), савэ ёнэ янэна Рáскэ-Дэвлэскэ, Мэ дыём лэн тукэ. ¹³ Саро пэрво, со дэла лэнгири пхув, савэ ёнэ янэна Рáскэ-Дэвлэскэ, мэк тэ явэн тырэ; кажно жужо (чысто) мануш дро тыро кхэр сашты (могинэла) тэ хал дава. ¹⁴ Саро совлахадо пэ Израилёскири пхув, мэк тэ явэл тыро. ¹⁵ Сарэ, савэ роскушэна дакири лочови дрэ кажно лоч (плоть), сави янэна Рáскэ-Дэвлэскэ, манушэндэр и кхэритконэ мурдалэндэр (скотóстыр), мэк тэ явэл тырэ; екх англатунó (пэрво) манушэндэр исын банго тэ явэл выкиндло, и англатунó нажужэ кхэритконэ мурдалэстыр тэ явэл выкиндло; ¹⁶ а выкиныбэн пал лэндэ: лэн екхэ чхонэстыр пир тыры тимйи, лэ выкиныбэн пандж шэкели рупэса, пир свэнто шэкелё, саво дрэ биш геры; ¹⁷ нэ пал пэрвонэ тыкнорэстэ гурумнендыр [гурувэндэр-р.с.], и пал пэрвонэстэ бакрэндэр, и пал пэрвонэстэ бузнэндэр, на лэ выкиныбэн: ёнэ исын свэнта; лэнгирэ ратэса обчхув алтарё, и адай лэн хачкир сыр свэнто дыибэн, дро гудло тхув, лачхó Рáскэ-Дэвлэскэ; ¹⁸ А мас лэнгиро приджалапэ тукэ, адякэ-паць сыр колын свэнтонэ дыибнастыр тринскирибнаса и право (чачó) псикó приджалапэ тукэ. ¹⁹ Кажно свэнто дыибэн газдыпнаса, саво Израилёскирэ чхавэ янэна Рáскэ-Дэвлэскэ, Мэ отдава тукэ, и тырэ чхавэнгэ, и чхаенгэ тырэнгэ туса сыр упхэныбэн дро веко, дава исын завето лондэскиро пэ веки ангил Растэ-Дэвлэстэ, саво сыс дыно ваш тукэ и родóскэ тырэскэ туса.” ²⁰ И тэньчи пхэндя Рай Дэвэл Ааронóскэ: “Пэ лэнгири пхув тутэ на явэла право пэ мэкно миштыпэн, и паш на явэла тукэ машкир лэндэ; Мэ сом паш тыры и мэкно миштыпэн тыро машкир Израилёскирэ чхавэндэ.”

Дэшэнгирия (Десятины) тэ Чалякирэспэ Левитэнгэ Свэнтонэ Яныбнастыр

²¹ А Левиёскирэ чхавэнгэ, гáда, Мэ дыём сыр мэкно миштыпэн дэшто (дэшэнгири) мэра сарэстыр, со исын дро Израилё, пал лэнгиро дынарибэн, пал дова, со ёнэ лыджана мангипэн дрэ скэдыбнаскири шáтра; ²² и палдава Израилёскирэ чхавэ нашты бутыр тэ подджан кэ скэдыбнаскири шáтра, соб (кай) тэ на кэрэн грэхо и тэ на мэрэн: ²³ мэк Левиты тэ кэрэн рашаитко буты дрэ скэдыбнаскири шáтра и тэ лыджан пэ пэстэ лэнгиро грэхо. Давá явэла упхэныбэн пэ веки дрэ тумарэ роды; машкир Израилёскирэ чхавэндэ ёнэ на дорэсэна миштыпнаскири мэра; ²⁴ адякэ, сыр дэшто паш Израилёскирэ чхавэнгири, сави ёнэ янэна дро свэнто яныбэн Рáскэ Дэвлэскэ, Мэ дава Левитэнгэ дрэ миштыпнаскири мэра, палдава Мэ и пхэндём лэнгэ, машкирал Израилёскирэ чхавэндэ ёнэ на дорэсэна миштыпнаскири мэра.”

Дэшэнгирья Левитэндыр

²⁵ И пхэндя Рай Дэвэл Мойзаскэ, ракири: ²⁶ “Дэ тэ джинэн Левитэнгэ и пхэн лэнгэ: ‘Кэли тумэ явэна тэ лэн Израилёскирэ чхавэндыр дэшто мэра, сави Мэ дыём тумэнгэ лэндыр дро мэкно миштыпэн, тэды янэн лэстыр свэнто дыибэн газдыпнаса Рáскэ-Дэвлэскэ, дэшто мэра дэшэнгирьятыр, ²⁷ и загиндло явэла тумэнгэ дава тумаро свэнто яныбэн, сыр маро гумностыр и сыр мол (вино) пресостыр; ²⁸ адякэ и явэна тумэ тэ янэн свэнто дыибэн газдыпнаса Рáскэ-Дэвлэскэ сарэ тумарэ дэштонэ мерэндыр (пашэндыр), савэ явэна тэ лэн Израилёскирэ чхавэндыр, и явэна тэ дэн лэндыр свэнто дыибэн Рáскирэ-Дэвлэскиро рашáскэ Ааронóскэ; ²⁹ сарэстыр, со дэлэлапэ тумэнгэ, янэн свэнто дыибэн газдыпинаса Рáскэ-Дэвлэскэ, сарэ фэдыршонэстыр, со сыс свэнцякирдо.’ ³⁰ И пхэн лэнгэ: ‘Кэли тумэ янэна сарэ фэдырша далэстыр, тэды дава явэла загиндло Левитэнгэ, сыр дыно (гиваобкэрибнаскирэ шурнатыр) гумностыр и сыр дыно пресостыр; ³¹ тумэ сашты (могинэна) тэ хан дава пэ кажно штэто, тумэ и тумарэ чэкарья (семействы), пал-дова со дава исын плэскирибэн пал тумарэ бутя дрэ скэдыбнаскири шáтра; ³² и тумэ на лыджана пал дава грэхо, кэли янэна фэдыршо сарэстыр; и тумэ на магирэна свэнцякирдо Израилёскирэ чхавэнца и на мэрэна тумэ.

Шэро 19

Сыр тэ Жужакирэспэ (Чыстинэспэ) Магирипнастыр

¹ И пхэндя Рай Дэвэл Мойзаскэ и Ааронóскэ дасавэ лава: ² “Гáда, исын упхэныбэн (статýто) пал Закóно, саво припхэндя Рай Дэвэл: ‘Пхэн Израилёскирэ чхавэнгэ, мэк тэ янэн тýкэ тэрня рыжона рэца (тёлка) би дошэнгирья, савьятэ нанэ наухтылыбэн, и пэ савьятэ на сыс гáмо; ³ и отдэн ла Елизароскэ рашáскэ, и ёв вылыджала ла яври станостыр и зачхинэна ла ангил лэстэ; ⁴ и мэк тэ лэл рашáй Елизáро пэскирэ ангуштэса (пальцоса) дава рат, и ратэса чхувэла кэ англатуны риг пэ скэдыбнаскири шáтра эфтá (битринэнгиро дэш) мóлы; ⁵ и схачкирэна рэца ангил лэскирэ яхá: а цыпа láкири мэк тэ хачкирэн; ⁶ и мэк тэ лэл рашáй кедроскиро вэш, и исопо, и тхав червлёнонэ вылнатыр, и чхурдэла лэн пэ хачкирибнаскирэ рэцатэ; ⁷ и мэк тэ выморэл рашáй пэскирэ урибэнá, и обморэла панэса пэскирэ масá, и палó дава заджáла дро стáно, и рашáй нажужо явэла кэ бэльвэль. ⁸ И манýш, саво хачкирдя рэца, мэк тэ выморэл панэса пэскиро урибэн и обморэла пэскирэ масá панэса, и нажужо явэла кэ бэльвэль; ⁹ и тэньчи вари-кон жужо мэк тэ скэдэл рэцакири прáска (пепло) и чхувэла ла пал стáно пэ жужо штэто, и явэла ёй тэ раххэлпэ ваш Израилёскирэ манушэнгэ сыр пани тэ жужакирэмпэ: дава явэла свэнто яныбэн Рáскэ-Дэвлэскэ пал грэхо; ¹⁰ и кон скэдыя рэцакири прáска (пепло), мэк тэ выморэл пэскиро урибэн, и явэла нажужо кэ бэльвэль. Мэк тэ явэл дава сыр векоскиро упхэныбэн ваш Израилёскирэ чхавэнгэ, и ваш манушэнгэ, савэ явнэ явирэ ригатыр, и дживэна кэ ёнэ. ¹¹ Кон лэлапэ пал савэскирэ-манушэскиро трýпо, одовá явэла нажужо эфтá дывэсá. ¹² Ёв исын бангó (мусинэла) тэ выжужакирэл далэ панэса пэ трýто дывэс и пэ эфтáто дывэс, тэньчи ёв явэла жужо. Нэ кóли ёв на жужакирэла пэс пэ трýто и пэ эфтáто дывэс, тэды ёв на явэла жужо. ¹³ Кажно, кон лэлапэ пал савэскирэ-манушэскиро трýпо, саво мыя и на выжужакирдя пэс, магирэла Рáскирэ-Дэвлэскири шáтра; и хасэла одовá манýш Израилёскирэ манушэндыр. Пал-дова со ёв на сыс обчхудо жужакирибнаскирэ панэса, ёв исын нажужо, исын лэскири мэл пэ лэстэ. ¹⁴ Гáда, исын закóно: кóли манýш мэрэла дрэ шáтра, тэды кажно (свáко), кон явэла дрэ шáтра, и сарó, со дрэ шáтра, явэла нажужо эфтá дывэсá. ¹⁵ Кажно отчхакирдо кхорó (сасудо), саво сыс назапхандло и научхакирдо дэнкоса (крышкаса), исын нажужо. ¹⁶ Кажно, кон пэ фэлда лэлапэ пал замардэ-манушэскири куртáла (мечо), ци пал манушэскирэ кокалы, ци пал мулыкано (гробо), явэла нажужо эфтá дывэсá; ¹⁷ Ваш нажужэскэ мэк тэ лэн зола (прáска) долэ схачкирдэ свэнтонэ яныбнастыр (рэцатыр) Рáскэ-Дэвлэскэ пал грэхо, и чхувэна пэ лэстэ джидó пани дро кхорó, ¹⁸ и мэк вари-кон тэ лэл жужо исопо, и обмакнинэла лэс дро

пані, и почхувэла лэса шáтра и сарé кхорé и манушэ́н, савé исын дрé лэстэ, и манушэ́с, савó лыяпэ пал манушэ́скиро кокало, ци кэ замардо, ци кэ мулó, ци кэ мулыканó; ¹⁹ и мэк тэ обчхувэл жужó ману́ш нажужэс пэ трýто дывэс и пэ эфтáто дывэс, и выжужакирэ́ла лэс пэ эфтáто дывэс; и выморэ́ла ёв пэ́скирэ́ йди, и обморэ́ла пэ́скирэ́ масá панéса, и кэ бэ́львэ́ль явэ́ла жужó. ²⁰ Нэ́ ко́ли вари-кон манушэ́ндыр явэ́ла нажужо и на выжужакирэ́ла пэс, тэ́ды хасё́ла одова́ ману́ш пэ́скирэ́ манушэ́ндыр, пал-дова́ со ёв магирдя́ Рáскирэ́-Дэвлэ́скиро свэ́нто штéто; жужакирибнаскирэ́ панéса ёв на обчхудо, ёв исын нажужо. ²¹ И мэк тэ́ явэл дава́ ваш лэ́нгэ́ ве́коскирэ́ упхэ́ныбна́са. И ману́ш, савó обчхувэ́ла жужакирибнаскирэ́ панéса, мэк тэ́ выморэл пэ́скиро́ йди и урибэ́н; и кон лэ́лапэ́ кэ́ жужакирибнаскиро́ пані́, одова́ явэ́ла нажужо кэ́ бэ́львэ́ль. ²² И сарó, кэ́ со лэ́лапэ́ нажужо ману́ш, явэ́ла нажужо; и ману́ш, савó лэ́лапэ́, явэ́ла нажужо кэ́ бэ́львэ́ль.”

Шэ́ро 20

Мóйза Дыяпэ́ Дукхá кэ́ Кадесо́

¹ И явнэ́ Израилэ́скирэ́ чхавэ́, сарó скэ́дыибэ́н, пэ́ чхучі́ пхув Син дро пэ́рво чхон, и тэ́рдинэ́ манушá дро Кадесо, и одóй мы́я Мариам, и одóй ла гарадэ́. ² И на сыс пані́ ваш манушэ́нгэ́, и скэ́дынэ́пэ́ ёнэ́ пэ́ Мойзастэ́ и Аароностэ́; ³ и манушá лы́нэ́ хо́ляса тэ́ жалинэ́нпэ́ пэ́ Мойзастэ́ и пхэ́ндлэ́: “Ко́ли фэ́ни (екх) тэ́ мэ́рас тэ́ды и амэ́, кэ́ли мы́нэ́ амарé пшáла франсэ́ндыр ангі́л Растэ́-Дэвлэ́стэ́! ⁴ со́скэ́ тумэ́ я́ндлэ́ Рáскирэ́-Дэвлэ́скиро скэ́дыибэ́н пэ́ дай чхучі́ пхув, соб (кай) тэ́ мэ́рас ада́й амэ́нгэ́ и амарé кхэ́ритконé мурдалэ́скэ́ (скотоскэ́)? ⁵ И ваш со́ тумэ́ вы́лыджинé амэ́н Египто́стыр, соб (кай) тэ́ я́нэ́н амэ́н пэ́ дава́ чхучó штéто, кай на́шты́ зы́рки тэ́ почхувэ́с дрé пхув, нанэ́ инжыро, ни винаградо́ (дракх), ни гранаты́тка пха́ба, и ады́кэ-па́ць нанэ́ пані́ ваш пи́бэ́н?” ⁶ И гия́ Мóйза и Аарóно манушэ́ндыр кэ́ за́гиибэ́н дрé скэ́дыибна́скири шáтра, и пы́нэ́ пэ́ пэ́скирэ́ муя́, и явдя́ лэ́нгэ́ Рáскирэ́-Дэвлэ́скири сла́ва. ⁷ И пхэ́ндя́ Рай Дэвэл́ Мойза́скэ́, раки́ри: ⁸ “Лэ́ дэ́сто́ кхени́нгоскиро́ (жэ́зло) и скé́дэ́ манушэ́н, ту́ и Аарóно, ты́ро́ пшал, и пхэ́нэ́н дрé лэ́нгирé́ якхá бэ́ргакэ́, и ёй дэ́ла пэ́стыр пані́: и ады́кэ́ ту́ кэ́рэ́са лэ́нгэ́ пані́ бэ́ргáтыр, и паня́кирэ́са манушэ́н и лэ́нгирé́ кхэ́ритконé мурдалэ́н.” ⁹ И лы́я Мóйза кхени́нгоскиро́ дэ́сто́ Рáскирэ́-Дэвлэ́скирэ́ мо́стыр, сыр Ё́в при́пхэ́ндя́ лэ́скэ́. ¹⁰ И скэ́дынэ́ Мóйза и Аарóно манушэ́н кэ́ бэ́рга, и пхэ́ндя́ ёв лэ́нгэ́: “Шу́нэ́н, манушáлэ́, савé на кандэ́на, на́ушто́ амэ́нгэ́ далé́ бэ́ргáтыр тэ́ дорэ́сэс ваш тумэ́нгэ́ пані́?” ¹¹ И газды́я Мóйза пэ́скиро́ васт и пэ́кады́ дрé бэ́рга пэ́скирэ́ кхени́нгоскирэ́ дэ́стэ́са дуй мо́лы, и тхады́я зоры́са бут пані́, и пинé́ манушá и лэ́нгирé́ кхэ́ри́тка мурдалá. ¹² И пхэ́ндя́ Рай Дэвэл́́ Мойза́скэ́ и Ааронóскэ́: “Пал дова́, со́ тумэ́ на патя́ндынэ́ Ма́нгэ́, соб (кай) тэ́ сы́кавав Ми́ри свэ́нтыма́ ангі́л якхá Израилэ́скирэ́ чхавэ́нгирé́, тумэ́ на залы́джана́ адалé́ манушэ́н пэ́ пхув, саві́ Мэ́ дава́ лэ́нгэ́.” ¹³ Давá сыс пані́ Мерива́киро, пашы́л саві́ за́гинé́ дрé чинга́рд Израилэ́скирэ́ чхавé́ Рáса-Дэвлэ́са, и Ё́в сы́кады́ лэ́нгэ́ Пэ́скири́ свэ́нтыма. ¹⁴ И бичхадя́ Мóйза Кадесосты́р манушэ́н кэ́ Едомоскиро́ кра́ли тэ́ пхэ́нэ́н: “Ады́кэ́ раки́рэ́ла ты́ро́ пшал, Израилé: ту́ джинé́са сарó́ пхари́пэ́н, савó пы́я пэ́ амэ́ндэ́; ¹⁵ да́да́ амарé́ пи́ригинé́ дро Египто́, и амэ́ дживдя́м кэ́ Египто́ барó́ часо, и фуес кэ́рдэ́ Египтя́ни амэ́нгэ́ и амарé́ дадэ́нгэ́; ¹⁶ и ды́ям го́дла манги́пна́са кэ́ Рай Дэвэл́, и шу́ндя́ Ё́в амари́ зан (глос), и бичхадя́ Я́нголос, и Ё́в вы́лыджия́ амэ́н Египто́стыр; и га́да, амэ́ сом дро Кадесо́, фо́ро пашы́л ты́ро́ я́го́ро (краё́). ¹⁷ Амэ́ мангаса́ тэ́ мэ́кэ́с амэ́н тэ́ проджас пир ты́ри́ пхув: амэ́ на джа́са пир фэ́лды́ и на пир винагра́дни́ки, и амэ́ на ява́са тэ́ пы́яс пані́ ты́рэ́ ганы́нгэ́ндыр; нэ́ джа́са кра́ли́скирэ́ дро́мэ́са, на риски́раса́ ни пэ́ право́ (чачó), ни пэ́ ле́во (зы́рво) риг, па́ка пи́риджаса́ ме́жы пэ́ ты́ри́ пхув.” ¹⁸ Нэ́ Э́до́мо пхэ́ндя́ лэ́скэ́: “На джа́ пир ми́ри́ пхув, а то́ мэ́ курта́ла́са (мечоса) вы́джава́ пэ́ ту́тэ́.” ¹⁹ И пхэ́ндлэ́ гил лэ́скэ́ Израилэ́скирэ́ чхавэ́: “Амэ́ джа́са́ барé́ дро́мэ́са, и, ко́ли ява́са тэ́ пы́яс ты́ро́ пані́, мэ́ и ми́рэ́ кхэ́ри́тка мурдалá (ми́ро́ ското), тэ́ды мэ́ ява́ва тэ́ плэ́ски́рав пал лэ́стэ́; екхэ́ гэ́рэ́нца ми́рэ́нца́ проджа́ва, со́ ничі́ на мол.” ²⁰ Нэ́ ёв пхэ́ндя́: “Ту́ на проджаса́.” И вы́гия́ пэ́ лэ́стэ́ о́ Э́до́мо бутé́ манушэ́нца́ и зора́лэ́ вастé́са. ²¹ И ады́кэ́ на

закамдѣ Эдóмо тэ дэл воля Израилёскэ тэ проджал пир лэскири пхув, и Израилё гия дрэ риг лэстыр.

Аарóно Мэрэла

²² И гинэ криг Израилёскирэ чхавэ Кадесостыр, и явнэ сарэ манушá кэ бэрга Ор. ²³ И пхэндѣ Рай Дэвэл Мойзáскэ и Ааронóскэ пэ бэрга Ор, пашыл ягóро Эдомоскирэ-пхувѣтыр: ²⁴ “Мэк тэ причхувэлпэ Аарóно кэ пэскирэ манушá; пал-довá со ёв на заджала пэ пхув, сави Мэ дава Израилёскирэ чхавэнгэ, пал-довá, со тумэ на шундлэ Мирó припхэныбэн пашыл Меривакиро пани; ²⁵ и лэ Ааронóс и Елизарос, лэскирэ чхавэс, и залыджа лэн пэ бэрга Ор; ²⁶ и лэ Аароностыр лэскиро урибэн и ури дрэ лэстэ Елизарос, лэскирэ чхавэс, и мэк Аарóно тэ отджал и ёв мэрэла одóй.” ²⁷ И кэрдѣ Мóйза адѣкэ, сыр припхэндѣ Рай Дэвэл. Гинэ ёнэ пэ бэрга Оро ангил сарэ манушэнгирэ якхá, ²⁸ и злыя Мóйза Аароностыр лэскиро урибэн, и уриды дрэ лэстэ Елизарос, лэскирэ чхавэс. И мыя одóй Аарóно пэ бэргáкиро вучипэн. А Мóйза и Елизáро гинэ тэлэ бэргатыр. ²⁹ И дыкхнэ сарэ манушá, со Аарóно мыя, и обровэнас Ааронóс сарó Израилёскиро кхэр трийнда дывэсá.

Шэрó 21

Э Юды Пиризорѣкирдэ Арадас

¹ Кéли Ханааноскиро крáли о Арада, савó дживдѣ кэ паш-дывэсы́тко риг (юго), шундѣ, со Израилё джала дромéса Афаримостыр, то тэрдия пэ марибэн Израильтянэнца и вари-кицѣ лэндыр лыя дро плéно. ² И дыя Израилё совэл Рáскэ-Дэвлэскэ, и пхэндѣ: “Кóли отдэса адалэ манушэн дрэ мирэ вастá, то розмаравá кэ руйны лэнгирэ фóрья.” ³ И Рай Дэвэл шундѣ Израилёскири зан и отдыя Хананеен дрэ лэскирэ вастá, и ёв розмардѣ кэ руйны лэнгирэ фóрья, и дыя лав долé штэтоскэ: Хорма.

Харкуно Сап

⁴ Бэргáтыр Ор гинэ ёнэ Лолэ-морёскирэ (дэрьявэскирэ) дромéса, соб (кай) тэ обджан Эдомоскири пхув, ⁵ и ракирдэ манушá проти Растэ-Дэвлэстэ и прóти Мойзастэ: “Сóскэ тумэ вылыджинэ амэн Египтóстыр, соб (кай) тэ мэрас амэнгэ пэ чхучи пхув, пал-довá со адáй нанэ ни марó, ни пани, и амарэ дескэ яцѣ джунгалó (збрыдиндѣ) давá нáлaчxo хабэн.” ⁶ И бичхадѣ Рай Дэвэл пэ манушэндэ мижэх сапэн, савэ дукхавэнас манушэн, и мынэ бут манушá Израилёскирэ чхавэндѣ. ⁷ И явнэ манушá кэ Мóйза и пхэндлэ: “Кэрдѣ амэ грéхо, со ракирдѣм проти Растэ-Дэвлэстэ и пэ тýtэ; помангпэ Рáскэ-Дэвлэскэ, соб (кай), Ёв тэ отлыджал амэндѣ сапэн.” И мангдѣпэ Мóйза пал манушэндэ. ⁸ И пхэндѣ Рай Дэвэл Мойзáскэ: “Кэр пэскэ сапэс и чхув лэс пэ вучó кило, и мануш, савэс дандырэлас сап, дыкхи пэ лэстэ, ячéлапэ джидó.” ⁹ И кэрдѣ Мóйза харкунэ сапэс и чхудѣ лэс пэ вучó кило, и сыс адѣкэ: и кéли сап дандырэлас манушэс, ёв, дыкхи, пэ харкунэ сапэстэ, ячéлапэ джидó. ¹⁰ И гинэ Израилёскирэ чхавэ, и тэрдинэ кэ Вамофо [Овото-ю.о.]; ¹¹ И гинэ Вамофостыр, и тэрдинэ дро Ийе-Аваримо, пэ чхучи пхув, со исын проти Моáво, кэ риг, кай уштéла кхам (вастóко). ¹² Одотхýр гинэ ёнэ, и тэрдинэ пэ дóло Заредо. ¹³ Гии одотхýр, тэрдинэ ёнэ пэ доя Арноноскири паш пэ чхучи пхув, пир сави тхадéла русло палэ мéжа Амореёскири, пал-довá со Арноно исын пэ мéжа Моавоскири, машкёр Моáво и Амореё. ¹⁴ Палдавá и пхэндлó дрэ лылвари пал брани (марибэна) Рáскирэ-Дэвлэскирэ. ¹⁵ “Одотхýр гинэ кэ Вагебо пэ Суфа и Арноноскирэ сыгна рэкицы, и склоны, пир савэ рэкицы вытхадэна, савэ бандéна кэ Шебет-Аро и тхадэна кэ Моавоскиро ягóро (краё).” ¹⁶ Одотхýр гинэ ёнэ кэ Беэр, давá исын ганýнг, пал сави Рай Дэвэл пхэндѣ Мойзáскэ: “Скэдэ манушэн, и Мэ дава лэнгэ пани.” ¹⁷ Тэды Израилё забагандѣ дáя гилы: “Пхэрдѣкирпэ, ганýнг, багáн лэскэ; ¹⁸ ганýнг, сави выганадэ тхaгáрья, выганадэ манушэнгирэ шэралэ пир упхэныбэн жэзлоскиро пэскирэ

дэстэнца.” Чхучэ пхувьятыр гинэ ёнэ дрэ Матана. ¹⁹ Матанатыр дро Нагалиило, Нагалиилостыр дро Вамофо, ²⁰ Вамофостыр дро Гаё, саво сыс пэ Моавоскири лошчына, пэ Фасгакирэ-бэргакиро вучипэн, саво сыс рискирдо мо́са кэ чхучи пхув.

Израилё Пиризорякирдя Сигонос

²¹ И бичхадя Израилё манушён кэ Сигоно, Амореенгиро крáli, соб (кай) тэ пхэнэн: ²² “Дэ во́ля ма́нгэ тэ проджав тыри́ пхув, амэ на ява́са тэ заджас пэ фэ́лды и винаградники, амэ на ява́са тэ пьяс пани́ тырэ ганынгэндыр, а джа́са крали́скирэ дромэ́са, пака проджаса тыро́ тхэм.” ²³ Нэ Сигоно на мэ́кця Израилё тэ джал пир лэскиро тхэм; и скэ́дыя Сигоно сарэн пэскирэ манушён, и вы́гия пэ Израилё пэ чхучи́ пхув, и до́гия кэ Яацо, и мард́япэ Израилё́са. ²⁴ И домард́я лэс Израилё курталаса, и лы́я пэ́скэ лэскири пхув Арноностыр кэ Яво́ко (Иаво́ко), кэ Амонитя́нэнгиро тхэм, пал-до́ва со зор сыс пэ Амонитя́нэнгирэ-тхэмэскири ме́жа. ²⁵ И лы́я Израилё сарэ́ далэ́ фо́рья, и дживд́я Израилё дрэ́ сарэ́ Амонитя́нэнгирэ́ фо́рья, кэ Есевóно и дрэ́ сарэ́ гавá, савэ́ сыс тэл лэскири зор; ²⁶ пал-до́ва со Есевóно сыс Сигоноскиро́ фо́ро, Аморе́энгирэ-крал́искиро, и ёв мард́япэ, пэ́рвонэ́ Моавитоскирэ́ крал́иса, саво́ сыс анѓил лэ́стэ, и лы́я лэ́скирэ вастэ́стыр сари́ лэскири пхув кэ Арноно. ²⁷ Палда́ва ракирэ́на мануша́, савэ́ багана: “Джа́н дро Есевóно, мэ́к тэ кэ́рэн и тэ зоря́кирэн фо́ро Сигоно”; ²⁸ пал-до́ва со яг вы́гия Есевоностыр, бари́ яг Сигоноскирэ́ форóстыр, и хая Ар-Моáво и тхагарьен, савэ́ рикирдэ́ Арноноскирэ́ вучипэ́на. ²⁹ Би́да ту́кэ, Моáво! Хасинэ́ тумэ́, Хамососкирэ́ мануша́! Нашнэ́ лэ́скирэ́ чхавэ́, и лэ́скирэ́ чха́ен лы́я Аморе́енгиро крáli Сигоно дро́ плéно; ³⁰ амэ́ домард́ям лэн мариб́нытконэ́ бустенца́ (стрелэнца́); хаси́я Есевóно кэ́ Дивоно, амэ́ чхучакирд́ям (спустошы́ндям) лэн кэ́ Но́фа, сави́ исын на́дур Ме́деватыр. ³¹ И дживд́я Израилё́ пэ́ Аморе́енгири пхув. ³² И бичхад́я Мо́йза тэ́ выды́кхэн Иа́зеро (Я́зеро), и лы́нэ гавá, савэ́ сыс тэл лэ́нгири зор, и ё́нэ трады́нэ кри́г Аморе́ен, савэ́ сыс дрэ́ лэ́ндэ.

Израилё Домард́я Огос

³³ И риси́нэ, и гинэ́ кэ́ Васáно. И вы́гия пэ́ лэ́ндэ́ Ого, Васаноскиро крáli, ко́корó и сарэ́ лэ́скирэ́ мануша́, пэ́ мариб́ён кэ́ Едре́я. ³⁴ И пхэ́ндя́ Рай Дэвэ́л Мойза́скэ: “На дар лэ́стыр, пал-да́ва со Мэ́ отда́ва лэс и сарэ́ лэ́скирэ́ манушён и сари́ лэ́скири пхув дрэ́ тырэ́ вастá, и ту кэ́рэ́са лэ́са, сыр ту кэ́рдян Сигоно́са, Аморе́энгирэ́ крал́иса, саво́ дживд́я кэ́ Есевóно.” ³⁵ И домард́э́ ё́нэ лэс и лэ́скирэ́ чхавэ́н и сарэ́ лэ́скирэ́ манушён, адя́кэ со́ ни́е́кх на́ я́ця́пэ, и зальнэ́ лэ́скири пхув.

Шэ́ро 22

О Ва́ла́ко Бичхавэ́ла Лав кэ́ Ва́лаáмо

¹ Тэ́ньци гинэ́ Израилё́скирэ́ чхавэ́, и тэ́рдинэ́ пэ́ Моавоскирэ́ лошчыны́ (равнины́), пашы́л Иорда́но, проти́ Ерихо́но. ² И ды́кхця́ о Ва́ла́ко, Сепфороскиро́ чхаво́ саро́, со кэ́рдя́ Израилё́ Аморе́енгэ; ³ и древа́н дардэ́пэ (дарáндынэ́) Моавитя́ни адалэ́ манушэ́ндыр, пал-до́ва со лэн сыс бут, и страха́дынэ́ Моавитя́ни Израилё́скирэ́ чхавэ́ндыр. ⁴ И пхэ́ндлэ́ Моавитя́ни Мадиа́москирэ́ пхурыдырэ́нгэ: “Адалэ́ мануша́ а́канá хана́ саро́, со исын пашы́л амэ́ндэ́, сыр гурув хáла фэ́лды́тко чар.” О Ва́ла́ко ^[1], Сепфороскиро́ чхаво́, сыс Моавитя́нэнгиро крáli дрэ́ долэ́ дывэ́са. ⁵ И бичхад́я ё́в манушён кэ́ Ва́лаáмо, Веороскиро́ чхаво́, дро Пе́форо, саво́ исын пэ́ рэ́ка (лэ́нь) Евфра́то, пэ́ пхув лэ́скирэ́ манушэ́нгирэ́-чхавэ́нгири, соб (кай) тэ́ кхарэл лэс и тэ́ пхэ́нэл. “Га́да, мануша́, савэ́ вы́гинэ́ Египто́стыр, и за́чхакирдэ́ пхувья́киро муй, и дживэ́на ё́нэ на́дур ма́ндыр; ⁶ и адя́кэ, яв, про́кош ма́нгэ адалэ́ манушён, пал-до́ва со ё́нэ исын зоралэ́дыр ма́ндыр: са́шты́ (мо́гинэ́ла) тэ́ явэл, со мэ́ тэ́ды́ ява́ва дрэ́ зор тэ́ домара́в лэн, и тэ́ вы́трада́в лэн пхувья́тыр, мэ́ джино́м, со конэ́с ту ба́хтия́кирэ́са, одо́ва́ явэ́ла ба́хтия́кирдó, и конэ́с ту про́кошэ́са, одо́ва́ явэ́ла про́кошно́.” ⁷ И гинэ́ Моавитя́нэнгирэ́ пхурыды́ра́ и

Мадиамоскирэ пхурыдыра почастункэнца (дарэнца) дрэ васта пал драбакирибэн (магитко буты), и явнэ кэ Валаамо, и пирипхэндлэ лэскэ Валакоскирэ лавá. ⁸ И пхэндя ёв лэнгэ: “Ратькирэн адай рат, и мэ дава тумэнгэ отпхэныбэн, сыр пхэнэла мангэ Рай Дэвэл.” И ячнэпэ Моавитянэнгиро пхурыдыра Валаамостэ. ⁹ И явдя Рай Дэвэл кэ Валаамо, и пхэндя: “Савэ исын адалэ мануша тутэ?” ¹⁰ О Валаамо пхэндя Рáскэ-Дэвлэскэ: “О Валако, Сепфороскиро чхаво, Моавитянэнгиро крáli, бичхадя лэн кэ мэ тэ пхэнэн: ¹¹ “Гáда, исын мануша, савэ выгинэ Египтостыр и зачхакирдэ пхувьякиро муй; и адякэ, яв, прокош лэн мангэ, сашты (могинэла) тэ явэл, со мэ тэды явава дрэ зор тэ маравпэ лэнца и тэ вытрадав лэн.” ¹² И пхэндя Рай Дэвэл Валаамоскэ: “На джá лэнца, на кош одолэ манушэн; пал-довá со ёнэ исын бахтякирдэ.” ¹³ И уштыя Валаамо пэ ранко, и пхэндя Валакоскирэ тхагарьенгэ: “Джáн пэ тумарй пхув; пал-довá со Рай Дэвэл на мэкэла ман тэ джав тумэнца.” ¹⁴ И уштынэ Моавитоскирэ тхагарья, и явнэ кэ Валако, и пхэндлэ лэскэ: “Валаамо на закамдя тэ джал амэнца.” ¹⁵ Тэньци Валако бичхадя бутыр тхагарьен, бутыр и славутнэдыр одолэндыр. ¹⁶ И явнэ ёнэ кэ Валаамо, и пхэндлэ лэскэ: “Адякэ ракирэла Валако, Сепфороскиро чхаво: ‘На отпхэн тэ явэс кэ мэ; ¹⁷ мэ сыкавава тукэ бари патыв и кэрава тукэ саро, со ту пхэнэса мангэ. Яв, прокош мангэ адалэ манушэн.” ¹⁸ И отпхэндя Валаамо, и пхэндя Валакоскирэ писхарьенгэ: “Мэк Валако тэ дэл мангэ пхэрдó пэскиро кхэр руп и сувнакай, мэ наштý (на могоинава) тэ на кандав мирé Рáскирэ-Дэвлэскиро упхэныбэн, и тэ кэрав вари-со тыкно, ци барó [пир пэскири годý-р.с.]. ¹⁹ Аканá, камэн, ячэнпэ дай и тумэ пэ рат, и мэ уджинава, со явйр мо́ло пхэнэла мангэ Рай Дэвэл.” ²⁰ И явдя Дэвэл раты кэ Валаамо, и пхэндя лэскэ: “Кóли адалэ мануша явнэ тэ кхарэн тут, ушты, джá лэнца; нэ екх кэр довá, со Мэ явава тэ ракирав тукэ.” ²¹ Валаамо уштыя пэ злóко (пэ ранко) и гия Моавитянэнгирэ тхагарьенца.

Валаамо, Ослица и Янгóло

²² И захачия Дэвлэскири холы пал дава, со ёв гия, и тэрдия Рáскирэ-Дэвлэскиро Янгóло пэ дром, соб (кай) тэ на домэкэл лэс. Ёв традыя пэ пэскирьятэ ослицатэ, и кхэтанэ лэса сыс дуй лэскирэ дынарья. ²³ И дыкхця ослица Рáскирэ-Дэвлэскирэ Янгóлос, Савó сыс тэрдó пэ дром нангэ курталаса дро васт, и гия дрэ риг ослица дромэстыр, и гия пэ фёлда; а Валаамо лыя тэ марэл ослица, соб (кай) тэ рискирэл ла пэ дром. ²⁴ И тэрдия Рáскирэ-Дэвлэскирэ Янгóло пэ вэнзко (пэ танго) дром, машкёр винаградники, кай сыс екхэ ригатыр ванта и явирэ ригатыр ванта. ²⁵ Ослица, сыр дыкхця Рáскирэ-Дэвлэскирэ Янгóлос, то притасадяпэ ёй кэ ванта, и притасадя Валаамоскири гэрóй кэ ванта; и ёв нэвэстыр лыя тэ марэл ла. ²⁶ Рáскирэ-Дэвлэскиро Янгóло нэвэстыр пиригия, и тэрдия дро тыкно штэто, кай на сыс карик тэ зджал, ни пэ (чачó) право, ни пэ (зэрво) лёво риг. ²⁷ Ослица, дыкхй Рáскирэ-Дэвлэскирэ Янгóлос, пасия тэл Валаамостэ. И захачия холы Валамоскири, и лыя ёв тэ марэл ослица каштэса. ²⁸ И отпхандя Рай Дэвэл уштá ослицакэ, и ёй пхэндя Валаамоскэ: “Со мэ тукэ кэрдём, со ту марэса ман, гáда, аканá трйто мо́ло?” ²⁹ Валаамо пхэндя ослицакэ: “Пал-довá, со ту высандян ман; кóли мэндэ дрэ васт тэ явэл куртала, тэды мэ аканá замаравас тут.” ³⁰ Ослица пхэндя Валаамоскэ: “Ци на мэ сом тыры ослица, пэ савьятэ ту традэса англыпнастыр и кэ/жýко дава дывэс? Ци кэрдём мэ адякэ тукэ? Ёв пхэндя: “Над.” ³¹ И отчхакирдя Рай Дэвэл якхá Валаамоскэ, и дыкхця ёв Рáскирэ-Дэвлэскирэ Янгóлос, савó сыс тэрдó пэ дром курталаса дрэ вастá, и поклониндяпэ, и пыя пэ пэскиро муй. ³² И пхэндя лэскэ Рáскирэ-Дэвлэскиро Янгóло: “Пал со ту мардян тырья ослица, гáда, трин мо́лы? Мэ выгийём, соб (кай) тэ тэрдэвав пэ дром тукэ, пал-довá со дром тырó исын начачуно ангйл Мэндэ. ³³ И ослица, дыкхй Ман, рискирдя дрэ риг Мандыр, гáда, трин мо́лы; кóли б ёй тэ на рисёл Мандыр, тэды Мэ замаравас тут, а ла ячкиравас джидя.” ³⁴ И пхэндя Валаамо Рáскирэ-Дэвлэскирэ Янгóлоскэ: “Мэ кэрдём грéхо, пал-довá со Мэ на джиндём, со Ту тэрдó проти мэндэ пэ дром; и адякэ, кóли дават исын накуч дрэ Тырэ якхá, тэды мэ рисёвава.” ³⁵ И пхэндя Рáскирэ-Дэвлэскиро Янгóло Валаамоскэ: “Джá адалэ манушэнца, екх рáкир довá, со Мэ явава тэ ракирав тукэ.” И гия Валаамо Валакоскирэ тхагарьенца.” ³⁶ О Валако, шундя, со джáла Валаамо, выгия тэ пирилэл лэс дро Моавитоскиро фóро, савó исын пэ мэжа паш Арноно, со исын пашыл сама

штэты пэ ягóро (пэ краё). ³⁷ И пхэндя Валако Валаамоскэ: “Ци на бичхадём мэ кэ ту, тэ кхарэн тут? Соскэ ту на гиян кэ мэ? Наушто мэ пэ чачипэн нашты (на могонава) тэ сыкавав патыв тукэ?” ³⁸ И пхэндя Валаамо Валакоскэ: “Дыхх, мэ и явдём кэ ту, нэ ци могонава мэ вари-со пэстыр тэ пхэнав? Со чхувэла Дэвэл дрэ мирэ ушта, дова и мэ явава тэ ракирав.” ³⁹ И гия Валаамо Валакоса, и явнэ ёнэ дро Кирйаф-Хуцофо. ⁴⁰ И зачхиндя Валако гурувэн и бакрэн, и бичхадя кэ Валаамо и кэ тхагарья, савэ сыс лэса.

Пэрво Ангилпхэныбэн Валакостыр

⁴¹ Пэ явир дывэс пэ ранко Валако лыя Валаамос и лыджия лэс упрэ пэ Ваалоскирэ вучипэна, соб (кай) ёв тэ дыкхэл одотхыр бут манушэн трусцял.

22:4 ^[1] Дро Юдытк оригинало “Балак”

Шэрó 23

¹ Тэньци пхэндя Валаамо Валакоскэ: “Кэр мангэ адай эфта алтари, и ян мангэ эфта гурувэн (телянтэн) и эфта бакрэн.” ² О Валако кэрдя адякэ, сыр ракирдя Валаамо, и яндлэ ваш свэнто отдыибэн Раскэ-Дэвлэскэ пир гуруворэстэ и пир бакрэстэ пэ кажно алтарё. ³ И пхэндя Валаамо Валакоскэ: “Тэрдёв пашыл цёло схачкирибэн тыро, а мэ джава; сашты (могинэла) тэ явэл, со Рай Дэвэл выджала мангэ тэ дыкхэлпэ гил (пэ стреч), и со Ёв отчхакирла мангэ, дова мэ пхэнава тукэ.” И гия ёв пэ вучо штэто. ⁴ И дыкхцяпэ Дэвэл Валаамоса, и пхэндя лэскэ Валаамо: “Эфта алтари кэрдём мэ, и яндём дро свэнто отдыибэн пир гуруворэстэ (телянтостэ) и пир бакрэстэ пэ кажно алтарё.” ⁵ И чхудя Рай Дэвэл дрэ Валаамоскирэ ушта лав, и пхэндя: “Рисёв кэ Валако и адякэ пхэн.” ⁶ И рисия ёв кэ Валако, и, акэ, ёв сыс тэрдó пашыл цёло схачкирибэн пэскиро, ёв и сарэ Моавоскирэ тхагарья (князи). ⁷ И проракирдя ёв пэскири притча и пхэндя: “Месопотамиятыр, яндя ман о Валако, Моавоскиро крали, восточнонэ бэргэндыр: ‘яв, прокош мангэ Яковос, яв, кэр фуипэн пэ Израилё!’” ⁸ Сыр тэ прокошав мэ? О Дэвэл на прокошэла лэс. Сыр тэ выпхэнав фуипэн? О Рай Дэвэл на выпхэнэла пэ лэстэ фуипэн. ⁹ Бэргакирэ вучипнастыр мэ дыкхава лэс, и бэргичэндыр пэ лэстэ дыкхава: акэ, мануша дживэна, кон пэскэ роздельнэс, и машкир манушэндэ на гинэлапэ. ¹⁰ Кон пиригинэла Яковоскиро прахо и пиригинэла Израилёскиро штартó паш? Мэк тэ мэрэл миро ди чачипнаскирэ мэрибнаса, и мэк тэ явэл миро мэрибэн сыр лэнгири!” ¹¹ И пхэндя о Валако Валаамоскэ: “Со ту манца кэрэса? Мэ лыём тут, соб (кай) тэ прокошэс мирэ вэргэн, а ту, гада, бахтякирэса лэн?” ¹² И отпхэндя ёв и ракирдя: Ци бангó мэ сом, лав дро лав, тэ пхэнав дова, со чхувэла Рай Дэвэл дрэ мирэ ушта?

Валаамоскиро Явир Ангилпхэныбэн

¹³ И пхэндя лэскэ Валако: “Яв манца пэ явир штэто, савэстыр ту дыкхэса лэн, нэ екх лэнгири паш дыкхэса, а сарэн лэн на дыкхэса; и прокош лэн мангэ одотхыр.” ¹⁴ И лыя лэс пэ фэлда Цохим, тэньчи, пэ бэргакиро Фастякиро вучипэн, и кэрдя ёв эфта алтари, и яндя пэ кажно алтарё свэнто отдыибэн Раскэ-Дэвлэскэ пир гуруворэстэ и пир бакрэстэ пэ кажно алтарё. ¹⁵ И пхэндя о Валаамо Валакоскэ: “Тэрдёв адай пашыл тыро цёло схачкирибэн, а мэ джава одорик тэ стрэнинавпэ Раса-Дэвлэса.” ¹⁶ И дыкхцяпэ Рай Дэвэл Валаамоса, и чхудя ёв лавá дрэ лэскирэ ушта, и пхэндя: “Рисёв кэ Валако и одой ракир.” ¹⁷ И явдя кэ ёв, и, акэ, ёв сыс тэрдó пашыл пэскиро цёло схачкирибэн, и лэса Моавоскирэ тхагарья. И пхэндя лэскэ о Валако: “Со ракирдя Рай Дэвэл?” ¹⁸ Ёв выпхэндя пэскиро примéro (притча) и пхэндя: “Ушты, Валако, Сепфорооскиро чхавó, шун и зарипир ман. ¹⁹ Дэвэл исын на мануш, соб (кай) Лэскэ тэ хохавэл, и Ёв на Манушэскиро чхавó, соб (кай) Лэскэ тэ парувэлпэ. Ци Ёв пхэнэла, и на скэрэла? Явэла тэ ракирэл, и на кэрэла кэ концо/кэ ягóро (на сполнинэла)?” ²⁰

Гáда, лыём мэ тэ бахтякирав, пал-довá со Ёв бахтякирдý, и мэ наштý (на могоináва) тэ парував давá. ²¹ Нанэ дыкхно чорипэн дрэ Яковостэ, и нанэ бицялы бýда дро Израилё; лэскиро Рай Дэвэл, исын лэса, и трубитко зан лэстэ, сыр крали́стэ; ²² О Дэвэл вылыджия лэн Египтостыр, сыгныма лэстэ сыс сыр шынгалэстэ (лосёстэ); ²³ Нанэ човаханякирибэн дрэ Яковостэ, и нанэ драбакирибэн дро Израилё. Дро пэскиро часо пхэнэна пал Яковостэ и пал Израилё: “Гáда, со кэрэла Дэвэл!” ²⁴ Гáда, ману́ш сыр шчэриха (левица) уштэла и сыр шчэр (лёво) газдэлапэ, на пасёла, пака хáла дорэсыбэн и на пýела чалэс замардэнгиро рат.” ²⁵ И пхэндý Вала́ко Валаамоскэ: “Тэ кошэс, на кош лэс, тэ бахтякирэс, на бахтякир лэс.” ²⁶ И отпхэндý Вала́мо, и пхэндý Валакоскэ: “Ци на пхэндём мэ тýкэ, со мэ явáва тэ кэрáв сарó дова́, со пхэнэла мангэ Дэвэл?”

Валаамоскиро Трýто Ангилпхэныбэн

²⁷ И пхэндý Вала́ко Валаамоскэ: “Джá, мэ лáва тут пэ явýр штэто; саштý (могинэ́ла) тэ явэл, со явэ́ла лачхó Дэвлэскэ, и одотхýр прокошэса мангэ лэс.” ²⁸ И лыя Вала́ко Валаамос пэ Фегоракиро вучипэн, савó сыс рискирдо пэ чхучý пхув. ²⁹ И пхэндý Вала́мо Валакоскэ: “Кэр мангэ адай эф́та алтáри, и ян мангэ адарýк эф́та гуруворэн и эф́та бакрэн.” ³⁰ И кэрдý о Вала́ко, сыр пхэндý Вала́мо, и яндý свэнто отдыибэн (жэ́ртва) Рáскэ-Дэвлэскэ пир гуруворэстэ и бакрэстэ пэ кажно алтáрэ.

Шэрó 24

¹ Вала́мо дыкхцý, со Рáскэ-Дэвлэскэ исын лачхó тэ бахтякирэл Израилё, и ёв на гия, сыр англэды́р, ваш човаханякирибэн, нэ рисия пэскирэ мóса кэ чхучý пхув. ² И подыкхцý Вала́мо, и дыкхцý Израилё, савó сыс тэрдó пир пэскирэ рóдыцы (чангá), и сыс пэ лэстэ Дэвлэскиро Дýхо (Фáно). ³ И выпхэндý ёв пэскири притча, и пхэндý: “Ракирэ́ла Вала́мо, Веороскиро чхавó, ракирэ́ла мурш отчхакирдэ якхаса, ⁴ ракирэ́ла о ману́ш, савó шундý Дэвлэскирэ лавá, савó дыкхэ́ла Сарэзорьякирэ-Рáскиро Дэвлэскиро сыкаибэн, пэрэ́ла, нэ якхá лэскирэ отчхакирдэ: ⁵ савэ́ гожа исын тырэ шáтры, Яково, тырэ кхэ́ра, Израилё! ⁶ диндыкирэнапэ ёнэ сыр лошчыны, сыр унты пашýл рэ́ка (лэнь), сыр алоитка вэ́ша, савэ́ Рай Дэвэл почхудý, сыр кедры пашýл панý; ⁷ чхувэ́лапэ панý лэскирэ вэдрэндýр, и семё лэскири явэ́ла сыр барэ́ панý, лэскиро крáли явэ́ла вучэды́р Агагостыр, и явэ́ла славýтно лэскиро кралипэн. ⁸ О Дэвэл вылыджия лэс Египтостыр, сыгныма лэстэ сыр екхэ шынгалэскирэстэ, ёв хáла манушэн, савэ́ явэ́на тэ джáн пэ лэстэ, ростасавэ́ла ёв лэнгирэ кокалы́ и пэскирэ марибнытконэ́ бустенца (стрелэнца) домарэ́ла вэргэн. ⁹ Ёв прибандия, исын паштó сыр шчэр (лёво) и сыр шчэриха, кон газдэ́ла лэс? Кон бахтякирэ́ла тут, явэ́ла бахтякирдó, и кон кошэ́ла тут, явэ́ла прокошнó!” ¹⁰ И захачия холý Валакоскири пэ Валаамостэ, и пэкадý ёв пэс дрэ вастá, и пхэндý Вала́ко Валаамоскэ: “Мэ кхардём тут тэ прокошэс мирэ́ вэргэн, дыкх, а ту бахтякирэ́са лэн, дыкх, давá исын трýто мóло; ¹¹ и адýкэ, праста ту пэ пэскиро штэто, мэ камдём тýкэ тэ сыкавав патýв, нэ, акэ, Рай Дэвэл откэдýя тýтыр патýв.” ¹² И пхэндý Вала́мо Валакоскэ: “Ци на пхэндём мэ тырэ манушэнгэ, савэн ту прибичхадýн кэ мэ: ¹³ “Мэк тэ дэл мангэ Вала́ко пхэрдó пэскиро кхэр руп и сувнака́й, Мэ наштý (на могоináва) тэ пириуштавав Рáскирэ-Дэвлэскиро припхэныбэн, соб (кай) тэ кэрáв вари-со лачхипэн ци чорипэн пир пэскиро илó: нэ со пхэнэ́ла Рай Дэвэл, дова́ и Мэ явáва тэ ракирэ́в?” ¹⁴ И адýкэ аканá, гáда, мэ джáва кэ пэскирэ манушá. Ту джá, мэ пхэна́ва тýкэ, со кэрэ́на адалэ́ манушá тырэ манушэнца дрэ палатунэ́ (последня) дывэ́са.”

Валаамоскиро Штáрто Ангилпхэныбэн

¹⁵ И ропхэндý пэскири притча, и пхэндý: “Ракирэ́ла Вала́мо, Веороскиро чхавó, ракирэ́ла мурш отчхакирдэ якхаса, ¹⁶ ракирэ́ла о ману́ш, савó шунэ́ла Дэвлэскирэ лавá, савэ́стэ исын дыкхибэн Най Вучэдырэскирэ Рáстыр-Дэвлэстыр, савó дыкхэ́ла Сарэзорьякирэ-Рáскирэ-

Дэвлэскиро сыкаибэн, пэрэла, нэ лэскирэ якхэ исын отчакирдэ. ¹⁷ Мэ дыкхава Лэс, нэ аканá, хай, лэс нанэ, акэ, дыкхава Лэс, нэ нанэ Лэс пашыл. Джáла чэргэн Яковостыр и газдэлапэ кхенингоскиро дэстó Израилёстыр, и розмарэла Моавоскиро тхагарьен и хасякирэла сарэн Сифоскирэ чхавэн. ¹⁸ Эдомоса явэна тэ хулаинэн явёр манушá, Сеироса явэна тэ хулаинэн лэнгирэ вэрги, а Израилё сыкавэла пэскири зор. ¹⁹ Кон бияндёла Яковостыр, одовá заухтылэла и хасякирэла, со яцýпэ форóстыр.” ²⁰ И дыкхцý ёв Амаликос, и проракирдя пэскири притча и пхэндý: “Англатунó (пэрво) манушэндýр исын Амалико, нэ кóнцо (ягóро) лэскиро авэла мэрибэн.” ²¹ И дыкхцý ёв Кенееен, и проракирдя пэскири притча, и пхэндý: “Зоралó исын тырó кхэр, и пэ бэрга чхудý тырý гнýзда (кúфо); ²² Каино явэла чорорó, и надлугэс (нагара) кэ довá, со Асуро залэла тут дро плéно.” ²³ И проракирдя пэскири притча, и пхэндý: “Бида, кон ячэлапэ джидó, кéли янэла давá Дэвэл! ²⁴ Явэна пáрмы (корабли) Китимостыр, и притасавэна Асурос, и притасавэна Еверос; нэ и лэскэ [лэнгэ-р.с.] явэла мэрибэн!” ²⁵ И уштыя Валаáмо, и гия палэ пэ пэскиро штéто, а Валаáко адýкэ-паць гия пэскирэ дромéса.

Шэрó 25

Израилёскиро Биладжаипэн

¹ И дживдý Израилё кэ Ситимо, и лынé манушá тэ кэрэн биладжаипэн Моавоскирэ чхаенца, ² и кхардэ ёнэ манушэн кэ пэскирэ-дэвлэнгиро свéнто яныбэн, и ханэ манушá лэнгиро свéнто яныбэн и мангнэпэ лэнгирэ дэвлорэнгэ. ³ И прияця Израилё кэ Ваал-Фегоро. И захачýя Рáскирэ-Дэвлэскири холý пэ Израилё. ⁴ И пхэндý Рай Дэвэл Мойзáскэ: “Лэ манушэнгирэн сарэн барыдырэн, и ублав лэн ангýл Растэ-Дэвлэстэ ангýл кхам, и отрисёла Израилёстыр Рáскирэ-Дэвлэскири холý.” ⁵ И пхэндý Мóйза Израилёскирэ сэндáрьенгэ: “Кажно (свáко) тэ мулякирэл пэскирэ манушэн, савэ причхудэпэ кэ Ваало-Фегоро.” ⁶ И гáда, вари-кон Израилёскирэ чхавэндýр явдý, и яндý кэ пэскирэ пшáла Маданитянка, пэ Мойзáскирэ якхэ и пэ якхэ Израилёскирэ чхавэнгиро пэ сарó скэдыибэн, кéли ёнэ рондлэ пашыл скэдыибнаскиро загиибэн. ⁷ О Финеесо, чхавó Елизароскиро, Ааронóскирэ-рашаскиро чхавэскиро, дыкхý давá, газдыяпэ скэдыибнаскирэ манушэндýр, и лый дро васт пэскиро чхурдыбнытко буст (коп´ё), ⁸ и гия ёв палáл пал Израильтяностэ, кай ёнэ сыс сутэ, и пропусадя лэн дуэн, Израильтянос и джувлý дрэ лáкиро пэр: и пирияцý Израилёскирэ-чхавэнгиро мэрибэн. ⁹ Манушэн, савэ мынэ моровостыр, сыс биш тэ штáр тысёнцы. ¹⁰ И пхэндý Рай Дэвэл Мойзáскэ дасавэ лавá: ¹¹ “О Финеесо, чхавó Елизароскиро, Ааронóскирэ-рашаскиро чхавэскиро, отлыджия Мирý холý Израилёскирэ чхавэндýр, сыр лыя тэ зэвлынэл (тэ чхуинэл накуч) пир Мándэ машкёр лэндэ, и Мэ на хасякирдём Израилёскирэ чхавэн дро зэвлыныпэн Мирó; ¹² палдавá пхэн лэскэ: Гáда, Мэ дáва лэскэ Мирó завето пал рамáнэ (миро),’ ¹³ и явэла ёв лэскэ и лэскирэ-чхавэскирэ родóскэ пал лэстэ векоскирэ пхэндлэ лавэса (заветоса) пал рашаипэн, пал-довá со ёв сыкадý зэвлыныпэн пал пэскирэ Дэвлэстэ и затэрдия пал Израилёскирэ чхавэндэ. ¹⁴ Лав Израильтяниноскиро, савэс замардý Маданитянка, сыс Зимри, Салоскиро чхавó, барыдырó Симеоноскирэ родóстыр; ¹⁵ а лав Маданитянкакиро, савýя замардэ, сыс Хазва; ёй сыс Цураскири чай, Омофоскирэ-барыдырэскири, Мадиамоскирэ кхэритконé родóстыр (племёстыр). ¹⁶ И пхэндý Рай Дэвэл Мойзáскэ дасавэ лавá: ¹⁷ “Притасавэн Маданитянэн и марэн лэн, ¹⁸ палдавá со ёнэ накуч кэрдэ тумэнца дро пэскиро хохаибэн, подлынэ тумэн Фегороса и Хазваса, Мадиамоскирэ-барыдырэскирэ чхаса, пэскирэ пхэняса, савýя замардэ дро марибнаскиро дывэс пал Фегоро.”

Шэрó 26

Явír Пиригиньбэн Манушэн дро Израилё

¹ Палó давá марибэн Рай Дэвэл пхэндя Мойзаскэ и Елизароскэ, Ааронóскирэ-рашаскирэ чхавэскэ: ² “Пиригинэн сарó Израилёскирэ-чхавэнгиро скэдыибэн бишэ бэршэндьр и пхурэдьр, пир лэнгирэ чэкарья (семействы), [дадэскири сэмэнца-ю.о.], сарэн, кон исын лахчо ваш марибэн дро Израилё.” ³ И пхэндлэ лэнгэ Мойза и Елизáро, рашáй, пэ лошчына Моавитоскири пашыл Иордáно, проти Ерихóно: ⁴ “Пиригинэн сарэн манушэн бишэ бэршэндьр и пхурэдьр, сыр пхэндя Рай Дэвэл Мойзаскэ и Израилёскирэ чхавэнгэ, савэ выгинэ Египтóскирэ пхувьятыр: ⁵ О Рувимо, англатунó (пэрво) чхавó Израилёскиро. Рувимóскирэ чхавэ сыс: Ханохостыр стрэч (поколение) Ханохоскири, Фалустыр Фалускири стрэч (поколение), ⁶ Хецроностыр стрэч Хецроноскири, Хармастыр стрэч Хармаскири. ⁷ Ѓáда, исын стрэчы Рувимóскирэ: и пиригиндлю лэн сыс штардэшá трин тысёнцы эфташэлá триянда. ⁸ И Фалускирэ чхавэ: Елиаво. ⁹ Елиавоскирэ чхавэ сыс: Немуило, Дафано и Авироно. Давá сыс одолэ Дафано и Авироно, савэ кхардэ пэ скэдыибэн тэ ракирэн, савэ подракирдэ манушэн проти Мойзастэ и Аароностэ кхэтанэ Корёэскирэ манушэнца, кели ёнэ подракирдэ манушэн пэ Растэ-Дэвлэстэ; ¹⁰ и росчхакирдя пхув пэскирэ уштá и проглытындя лэн и Корёёс; кхэтанэ лэнца мынэ и дру́ги (малá) лэнгирэ, кели яг схая дуйшэлá пандждэшá манушэн, и ячнэ ёнэ сыр гертýк (знамэниё). ¹¹ Нэ Корёэскирэ чхавэ на мынэ. ¹² Симеоноскирэ чхавэ пир лэнгирэ стрэчы (поколении) сыс: Немуилостыр стрэч Немуилоскири, Яминостыр стрэч Яминоскири, Яхиностыр стрэч Яхиноскири, ¹³ Заростыр стрэч Зароскири, Саулостыр стрэч Саулоскири. ¹⁴ Ѓáда, исын Симёноскирэ стрэчы: биш тэ дуй тысёнцы дуйшэлá. ¹⁵ Гадóскирэ чхавэ пир лэнгирэ стрэчы сыс: Цэфоностыр стрэч Цэфоноскири, Хагеестыр стрэч Хагеескири, Шунистыр стрэч Шунискири, ¹⁶ Озниёстыр стрэч Озниёскири, Ериёстыр стрэч Ериёскири, ¹⁷ Ародостыр стрэч Ародоскири, Арелиёстыр стрэч Арелиёскири. ¹⁸ Ѓáда, исын Гадóскирэ стрэчы, пир лэнгиро пиригиныбэн: штардэшá тысёнцы панджшэлá. ¹⁹ Юдáскирэ чхавэ сыс: Иро и Онано; нэ Иро и Онано мынэ пэ Ханаанóскири пхув; ²⁰ и Юдáскирэ чхавэ пир лэнгирэ стрэчы сыс: Шэластыр стрэч Шеласкири, Фаресостыр стрэч Фаресоскири, Заростыр стрэч Зароскири; ²¹ и Фаресоскирэ чхавэ сыс: Эсромостыр стрэч Эсромóскиро, Хамулостыр стрэч Хамулоскири; ²² Ѓáда, исын Юдáскирэ стрэчы, пир гиныбэн лэнгиро: эфтадэшашов тысёнцы панджшэлá. ²³ Исахароскирэ чхавэ пир лэнгирэ стрэчы сыс: Фоластыр стрэч Фоласкири, Фувастыр стрэч Фуваскири, ²⁴ Яшувастыр стрэч Яшуваскири, Шымроностыр стрэч Шымроноскири. ²⁵ Ѓáда, исын Исахароскирэ стрэчы пир лэнгиро гиныбэн: шовдэшá штар тысёнцы триншэлá. ²⁶ Завулоноскирэ чхавэ пир лэнгирэ стрэчы сыс: Сэредостыр стрэч Сэредоскири, Елоностыр стрэч Елоноскири, Яхлеилостыр стрэч Яхлеилоскири; ²⁷ гáда, исын Завулоноскирэ стрэчы пир лэнгиро гиныбэн: шовдэшá тысёнцы панджшэлá. ²⁸ Иосифóскирэ (Ёзáскирэ) чхавэ пир лэнгирэ стрэчы сыс: Манáсия и Ефрёмо. ²⁹ Манасия́скирэ чхавэ: Махиростыр стрэч Махироскири, Махиростыр бияндя Галаáдо, Галаадостыр стрэч Галаадоскири. ³⁰ Ѓáда, исын Галаадóскирэ чхавэ: Езеростыр стрэч Езероскири, Хелекостыр стрэч Хелекоскири, ³¹ Асриилостыр стрэч Асриилоскири, Шэхемостыр стрэч Шэхемоскири, ³² Шэмидастыр стрэч Шэмидаскири, Хеферостыр стрэч Хефероскири. ³³ Салпаадостэ, Хефероскирэ чхавэстэ на сыс чхавэн, а екх чхая; лавá Салпаадоскирэ чхаенгирэ: Махла, Ноа, Хогла, Милка и Фирца. ³⁴ Ѓáда, исын Манасия́скирэ стрэчы, а пиригиндо лэн сыс пандждэшá дуй тысёнцы эфташэлá. ³⁵ Ѓáда, исын Ефремóскирэ чхавэ пир лэнгирэ стрэчы: Шутеластыр стрэч Шутеласкири, Бехеростыр стрэч Бехероскири, Таханостыр стрэч Таханоскири; ³⁶ и гáда, исын Шутеласкирэ чхавэ: Араностыр стрэч Араноскири; ³⁷ гáда, исын Ефремóскирэ стрэчы, пир лэнгиро гиныбэн: трияндадуй тысёнцы панджшэлá. Ѓáда, исын Иосифóскирэ (Ёзáскирэ) чхавэ пир лэнгирэ стрэчы. ³⁸ Вениаминóскирэ чхавэ пир лэнгирэ стрэчы: Бэластыр стрэч Бэласкири, Ашбелостыр стрэч Ашбелоскири, Ахирамостыр стрэч Ахирамоскири, ³⁹ Шэфуфамостыр

стрэч Шэфуфамоскири, Хуфамостыр стрэч Хуфамоскири. ⁴⁰ И Беласкирэ чхавэ сыс: Ардо и Наамано; Ардостыр стрэч Ардоскири, Нааманостыр стрэч Нааманоскири. ⁴¹ Ёада, исын Вениаминоскирэ чхавэ пир лэнгирэ стрэчы; а пиригиндло сыс лэн штардэша пандж тысёңцы шовшэла. ⁴² Ёада, исын Даноскирэ чхавэ пир лэнгирэ стрэчы: Шухамостыр стрэч Шухамоскири. Ёада, исын Даноскирэ чэкарья (семеиствы) пир лэнгирэ стрэчы. ⁴³ И сарэ Шухамоскирэ стрэчы пир лэнгиро гиныбён сыс: шовдэша штар тысёңцы штаршэла. ⁴⁴ Асироскирэ чхавэ пир лэнгирэ стрэчы сыс: Имнастыр стрэч Имнаскири, Ишвастыр стрэч Ишваскири, Вериятыр стрэч Верияскири; ⁴⁵ Верияскирэ чхавэндэр: Хеверостыр стрэч Хевероскири, Малхиилостыр стрэч Малхиилоскири; ⁴⁶ Асироскирэ-чхакиро лав сыс Сара [Сэрах-ю.о.]. ⁴⁷ Ёада, исын Асироскирэ-чхавэнгиро стрэчы, пир лэнгиро гиныбён: пандждэша трин тысёңцы штаршэла. ⁴⁸ Нефалимоскирэ чхавэ пир лэнгирэ стрэчы сыс: Яхцэилостыр стрэч Яхцэилоскири, Гуниёстыр стрэч Гуниёскири, ⁴⁹ Ецэроостыр стрэч Ецэроскири, Шылемостыр стрэч Шылемоскири; ⁵⁰ гада, исын стрэч Нефалимоскири пир лэнгирэ стрэчы; пиригиндло лэн сыс штардэша пандж тысёңцы штаршэла. ⁵¹ Ёада, кичы сыс манушён, савэ загинэ дрэ Израилёскирэ-чхавэнгиро пиригиныбён: шовшэла екх тысёңцо эфташэла триянда мануша. ⁵² И пхэндя Рай Дэвэл Мойзаскэ, ракири: ⁵³ “Пир дава пиригиныбён трэй тэ роздэс пхув сыр мэкно миштыпэн адалэ манушёнгэ пир лэнгиро гиныбён (кицыпэн) пир лав. ⁵⁴ Конэс бутыр, одолэнгэ пхув дэ бутыр; а конэс тыкнэдыр, одолэнгэ пхув дэ тыкнэдыр: кажноэскэ трэй тэ дэн пхув дакицы, ци бут манушён загинэ дро гиныбён. ⁵⁵ Пир жрэбиё трэй тэ роздэн пхув: пир лава лэнгирэ-дадэнгирэ родыцы ёнэ исын бангэ тэ дорэсэн пхув; ⁵⁶ пир жрэбиё трэй лэнгэ тэ роздэн лэнгири пхув сыр мэкно миштыпэн, сыр бутэ-манушэнгирэнгэ, адякэ и тыкнэ-манушэнгирэнгэ. ⁵⁷ Акэ, адалэ исын, кон загия дрэ гиныбён Левитэнгиро пир лэнгирэ стрэчы: Гирсоностыр стрэч Гирсоноскири, Каафостыр стрэч Каафоскири, Мераристыр стрэч Мерарискири. ⁵⁸ Ёада, исын стрэчы Левиёноскирэ: стрэч Ливниёскири, стрэч Хевроноскири, стрэч Махлиёскири, стрэч Мушыёскири, стрэч Корёёскири. Каафостыр бияндыа Амрамо. ⁵⁹ Амрамоскирэ-ромнякиро лав сыс Иохаведа, Левиёскири чхай, савья бияндя Левиёскири ромны дро Египто, а ёй бияндя Амрамоскэ Ааронэс, Мойзас и Мариам, лэнгирэ пхэня. ⁶⁰ И бияндынэ Аароностыр Надаво и Авиудо, Елизарэ и Ифамаро; ⁶¹ нэ Надаво и Авиудо мынэ, кели яндлэ натрэбимо яг ангил Растэ-Дэвлэстэ. ⁶² И сыс пиригиндло лэн биштэ трин тысёңцы сарэн муршён, екхэ чхонэстыр и бутыр, пал-дова со ёнэ на сыс пиригиндлэ кхэтанэ Израилёскирэ чхавэнца, пал-дова со на сыс дыно лэнгэ участко (пхув) машкир Израилёскирэ чхавэндэ пир пхув сыр мэкно миштыпэн. ⁶³ Ёада, исын одолэ, савэн пиригиндлэ Мойза и Елизарэ, рашай, савэ гиндлэ Израилёскирэ чхавэн пэ Моавоскирэ лошчыны пашыл Иордано, проти Ерихоно; ⁶⁴ машкир лэндэ на сыс ни екхэ манушэс, савэн гиндя Мойза и Аароно, рашай, савэ гиндлэ Израилёскирэ чхавэн пэ Синаёскири чхучи пхув; ⁶⁵ пал-дова со Рай Дэвэл пхэндя лэнгэ, со мэрэна ёнэ пэ чхучи пхув, – и на яцяпэ лэндэр никон (никонэс), априч Халевостэ, Ефонияскирэ чхавэстэ, и Исусостэ (Ёхошуастэ), Навиноскирэ чхавэстэ.

Шэро 27

Закёны пал Мэкно Миштыпэн

¹ И явнэ Салпаадоскирэ чхай, Хефероскирэ чхавэскирэ, Галаадоскирэ чхавэскирэ, Махироскирэ чхавэскирэ, Манасийскирэ-чхавэскирэ стрэчатыр, Иосифоскирэ чхавэскиро, и гада, сыс лэскирэ-чхаенгирэ лава: Махла, Ноа, Хогла, Милка и Фирца; ² и тэрдинэ ёнэ ангил Мойзастэ и ангил Елизаростэ рашастэ, и ангил тхагарьендэ и ангил сарэ скэдыибён, пашыл загибён дрэ скэдыибнаскири шатра, и пхэндлэ: ³ “Амарэ дад мыя пэ чхучи пхув, и ёв на сыс кхэтанэ одолэ манушэнца, савэ скэдынэпэ проти Растэ-Дэвлэстэ кхэтанэ Корёёскирэ малэнца, нэ ёв пал пэскиро грэхэ мыя, и чхавэ лэстэ на сыс; ⁴ пал со тэ хасёл амарэ-дадэскиро лав лэскирэ родыцостыр, пал-дова со лэстэ нанэ чхавэс? Дэ амэнгэ пхув машкир амарэ дадэскирэ пшалэндэ.” ⁵ И яндя Мойза лэнгиро рэндо (дело) ангил Растэ-

Дэвлэстэ. ⁶ И пхэндя Рай Дэвэл Мойзаскэ: ⁷ “Чачипэн ракирэна Салпаадоскирэ чхая, дэ лэнгэ миштыпнаскири мёра пир пхув машкир лэнгирэ-дадэскирэ пшалэндэ и пиридэ лэнгэ лэнгирэ дадэскири пхув, сыр мэкно миштыпэн. ⁸ И Израилёскирэ чхавэнгэ дэ тэ джінэн, и пхэн: ‘Кóли кон мэрэла, и на сыс лэстэ чхавэс, тэды пиридэн лэскири пхув лэскирэ чхакэ’; ⁹ кóли лэстэ нанэ чха, пиридэн лэскири пхув лэскирэ пшалэнгэ; ¹⁰ кóли нанэ лэстэ пшалэн, отдэн лэскири пхув лэскирэ-дадэскирэ пшалэнгэ; ¹¹ кóли нанэ лэскирэ-дадэскирэ пшалэн, отдэн лэскири пхув лэскирэ-пашатунэ сэмэнцакэ лэскирэ стрэчатыр, соб (кай) ёй тэ явэл лэстэ; и мэк тэ явэл дава ваш Израилёскирэ чхавэнгэ залыджино дро Зако́но, сыр пхэндя Рай Дэвэл Мойзаскэ.”

Исусо (Ёхошуа) Ячэлапэ Шэралэса

¹² И пхэндя Рай Дэвэл Мойзаскэ: “Джа упрэ пэ дая бэрга Аваримо, и подыкх пэ пхув, сави Мэ дава Израилёскирэ чхавэнгэ; ¹³ и кели подыкхэса пэ латэ, прияч кэ пэскирэ мануша и ту, сыр прияця Аароно, тыро пшал; ¹⁴ пал-дова со тумэ на кандынэ Мירו ракирибэн пэ чхучи пхув Син, дро дова часо, кели сыс кошыбэн пэ скэдыибэн, соб (кай) тэ сыкавэс ангил лэнгирэ якха Мيري свэнтыма пашыл пани Мерива.” ¹⁵ И пхэндя Мойза Раскэ-Дэвлэскэ дасавэ лавá: ¹⁶ “Мэк тэ чхувэл Рай Дэвэл, Саво исын пэ кажно дүхо (фáно) дрэ кажно лоч (плоть) манушэс пэ скэдыибэн; ¹⁷ саво выджала ангил лэндэ и саво заджала ангил лэндэ, саво вылыджала лэн и саво янэла лэн, соб (кай) тэ на ячэлпэ Раскирэ-Дэвлэскиро скэдыибэн, сыр бакрэ, савэндэ нанэ чхупнарис (пастухос).” ¹⁸ И пхэндя Рай Дэвэл Мойзаскэ: “Лэ пэскэ Исусос (Ёхошуас), Навиноскирэ чхавэс, манушэс, дрэ савэстэ исын Дүхо (Фáно), и чхув пэ лэстэ тыро васт, ¹⁹ и чхув лэс ангил Елизаростэ, рашастэ, и ангил саро скэдыибэн, и дэ лэскэ припхэныбэн ангил лэнгирэ якха, ²⁰ и дэ лэскэ тырэ славатыр, соб (кай) тэ шунэл лэс саро скэдыибэн Израилёскирэ чхавэндэр; ²¹ и явэла ёв тэ тэрдэл кэ Елизáро рашай, и тэ пхучэл лэстыр пал лэстэ тэ дэл годыпэн лэскэ, Уримоскирэ сэндоса ангил Растэ-Дэвлэстэ; и пир лэскиро лав бангэ исын ёнэ (мусинэна) тэ выджан, и пир лэскиро лав бангэ тэ заджан, ёв и сарэ Израилёскирэ чхавэ лэса, и саро скэдыибэн.” ²² И кэрдя Мойза, сыр припхэндя лэскэ Рай Дэвэл, и лыя Исусос (Ёхошуас), и чхудя лэс ангил Елизаростэ рашастэ и ангил саро скэдыибэн; ²³ и чхудя упрэ пэ лэстэ пэскирэ вастá, и дыя лэскэ припхэныбэн, сыр ракирдя Рай Дэвэл пир Мойзастэ.

Шэрó 28

Сыр тэ Янэн Свэнто Дыибэн

¹ И пхэндя Рай Дэвэл Мойзаскэ, ракири: ² “Припхэн Израилёскирэ чхавэнгэ и пхэн лэнгэ: ‘Дыкхэн, соб (кай) Мירו яныбэн, марó Мירו сыр свэнто яныбэн Мánгэ, дро гудло тхув Мánгэ, тэ янэн Мánгэ дро пэскиро часо.’” ³ И пхэн лэнгэ: “Давá исын свэнто яныбэн ваш яг, сави тумэ сан бангэ тэ янэн Рáскэ Дэвлэскэ: дуй бакрэ екхэ-бэршытка би дошакирэ пэ дывэс, дро цэло схачкирибэн кажно дывэс. ⁴ Екхэ бакрэс ян ранкоса (злокоса), а явирэ бакрэс ян бэльвэлé; ⁵ и дро маруно яныбэн ян дэшто паш ефа пшэничнонэ яржэстыр, перемешындло екхэ штартонэ гинаса вымардэ елеёстыр; ⁶ дава-цэло схачкирибэн пэ кажно дывэс, саво кэрдó сыс пашыл бэрга Синаё, дро гудло тхув, свэнто яныбэн Рáскэ-Дэвлэскэ; ⁷ и ваш тхадунó свэнто дыибэн пашыл латэ тэ явэл екх штáрто гино пэ екхэ бакрэстэ: пэ свэнто штéто кэр вычхуибэн, мол (вино) Рáскэ-Дэвлэскэ. ⁸ Явирэс бакрэс бэльвэлé, дасавэ марунэ яныбнаса, сыр злокостыр (ранкостыр), и дасавэ вычхуибнаса пашыл лэстэ ян лэс дрэ свэнто яныбэн, дро гудло тхув, лачхó Рáскэ-Дэвлэскэ.

Саватытко (Суботытко) Свѣнто Дыибѣн

⁹ А дро савато (субота) янѣн дуѣн екхѣ-бѣршытконѣн бакрѣн би дошакиро, и ваш марунѣ дыибѣн янѣн дуй-дѣшѣнгирѣ пашѣ эфатыр пшѣничнонѣ яржѣстыр, пиримешындло елѣѣса и вычхуибѣн пашыл лѣстѣ: ¹⁰ дава-саватоскиро цѣло схачкирибѣн дро кажно савато, бутыр кажнонѣ-дывѣсѣскирѣ цѣлонѣ схачкирибнастыр и вычхуибѣн пашыл лѣстѣ. ¹¹ И дро нѣвѣ чхон тумарѣ, янѣн цѣло схачкирибѣн Рѣскѣ-Дѣвлѣскѣ: барѣ кхѣритконѣ мурдалѣстыр (скотѣстыр) дуѣн тѣрнѣн гуруворѣн, екхѣс бакрѣс и эфтѣ екхѣ-бѣршытконѣн бакрѣн би дошакиро,

Яныбѣнѣ дро Кажно Чхон

¹² и трин дѣшта пашѣ эфатыр пшѣничнонѣ яржѣстыр, пиримешындло елѣѣса, дро марунѣ яныбѣн пѣ екхѣстѣ гурувѣстѣ, и дуй дѣшта пашѣ эфатыр пшѣничнонѣ яржѣстыр, перемешандло елѣѣса, дро марунѣ яныбѣн пѣ бакрѣстѣ, ¹³ и пир дѣшто паш эфатыр пшѣничнонѣ яржѣстыр, перемешындло елѣѣса, дро марунѣ яныбѣн пѣ кажнонѣ бакрѣстѣ; дава-цѣло схачкирибѣн, гудлѣ тхув, свѣнто яныбѣн, лачхѣ Рѣскѣ-Дѣвлѣскѣ; ¹⁴ и вычхуибѣн кхѣтанѣ лѣнца бангѣ тѣ явѣл паш гино мол (вино) пѣ гуруворѣстѣ, екх трѣто паш гиностыр пѣ бакрѣстѣ, и екх штѣрто паш гиностыр пѣ бакрѣстѣ; дава-цѣло схачкирибѣн дро кажно нѣвѣ чхон дрѣ сарѣ бѣршытка чхонѣ. ¹⁵ И екхѣс бузнѣс янѣн Рѣскѣ-Дѣвлѣскѣ дрѣ свѣнто яныбѣн пал грѣхо: бутыр цѣлонѣ схачкирибнастыр, со пѣ кажно дывѣс тумѣ сан бангѣ тѣ янѣн лѣс вычхуибнаса лѣскирѣса.

Яныбѣн пѣ Патрадѣ

¹⁶ Дро пѣрво чхон, пѣ дѣшуштарто чхонѣскиро дывѣс-Патрадѣ Рѣскирѣ-Дѣвлѣскири. ¹⁷ И пѣ дѣшупанджто дывѣс далѣ-чхонѣскиро тѣ явѣл свѣнко; эфтѣ (битринѣнгиро дѣш) дывѣсѣ ѣнѣ исын бангѣ тѣ хан опресноки. ¹⁸ Пѣ пѣрво дывѣс мѣк тѣ явѣл тумѣндѣ свѣнто скѣдыибѣн, нисавѣ бутѣ тѣ на кѣрѣн; ¹⁹ и янѣн свѣнто яныбѣн, цѣло схачкирибѣн Рѣскѣ-Дѣвлѣскѣ: барѣ кхѣритконѣ мурдалѣстыр (скотѣстыр) дуѣ гурувѣн, екхѣ бакрѣс и эфтѣ екхѣ-бѣршытконѣ бакрѣн; би дошакиро бангѣ ѣнѣ тѣ явѣн тумѣндѣ. ²⁰ И кхѣтанѣ лѣнца дро марунѣ яныбѣн янѣн пшѣнично яржѣ, пиримешиндло елѣѣса, трин дѣшта пашѣ эфатыр пѣ кажнонѣ гурувѣстѣ, и дуй дѣшта пашѣ эфатыр пѣ бакрѣстѣ, ²¹ и пир дѣшто паш эфатыр ян пѣ кажнонѣстѣ эфтѣ бакрѣндыр, ²² и екхѣ бузнѣс дро свѣнто дыибѣн Рѣскѣ-Дѣвлѣскѣ пал грѣхо, ваш жужакирибѣн тумарѣ; ²³ апрѣч цѣло схачкирибѣн пѣ рѣнко (пѣ злѣко), савѣ исын цѣло схачкирибѣн кажнонѣ дывѣсѣскиро. ²⁴ Адѣкѣ янѣн и дро кажно эфтѣ дывѣсѣндыр, дава исын марѣ, свѣнто дыибѣн, гудлѣ тхув, лачхѣ Рѣскѣ-Дѣвлѣскѣ; апрѣч кажнонѣ-дывѣсѣскиро цѣло схачкирибѣн и лѣскирѣ вычхуибнастыр, трѣй тѣ янѣн дава. ²⁵ И пѣ эфтѣто дывѣс мѣк тѣ явѣл тумѣндѣ свѣнто скѣдыибѣн; на кѣрѣн нисавѣ бутѣ.

Яныбѣн пѣ Свѣнки Куркитка

²⁶ И дро дывѣс, кѣли янѣна пѣрва барѣякирдѣ (плѣды) и кѣли янѣна Рѣскѣ-Дѣвлѣскѣ нѣвѣ марунѣ яныбѣн дрѣ эфтангирѣя (седмицы) тумарѣ, мѣк тѣ явѣл тумѣндѣ свѣнто скѣдыибѣн; нисавѣ бутѣ тѣ на кѣрѣн; ²⁷ и янѣн цѣло схачкирибѣн дро гудлѣ тхув Рѣскѣ-Дѣвлѣскѣ: кхѣритконѣ мурдалѣстыр (барѣ скотѣстыр) дуѣн гуруворѣн, екхѣ бакрѣс и эфтѣ екхѣ-бѣршытконѣ бакрѣн, ²⁸ и ваш лѣнгѣ дро марунѣ яныбѣн пшѣнично яржѣ, перемешындло елѣѣса, трин дѣшта пашѣ эфатыр пѣ кажнонѣ гуруворѣстѣ, дуй дѣшта пашѣ эфатыр пѣ бакрѣстѣ, ²⁹ и пир дѣшто паш эфатыр пѣ кажнонѣстѣ эфтѣ бакрѣндыр, ³⁰ и екхѣ бакрѣс дрѣ свѣнто дыибѣн Рѣскѣ-Дѣвлѣскѣ пал грѣхо, ваш жужакирибѣн тумарѣ; ³¹ Апрѣч кажнонѣ-дывѣсытконѣскиро цѣло схачкирибѣн и марунѣ яныбѣн ваш лѣнгѣ, янѣн дава Мѣнгѣ лѣнгирѣ вычхуибнаса: би дошакиро ѣнѣ исын бангѣ тѣ явѣн ѣнѣ тумѣндѣ.

Шэрó 29

Яныбóн пэ Свэ́нки Рогоскирэ (Трубакирэ)

¹ И дро эф́та́то чхон, пэ пэ́рво-чхонэ́скиро дывэ́с, мэк тэ явэл тумэндэ свэ́нто скэдыибóн; на кэрэн нисави́ буты́; мэк тэ явэл дава́ тумэндэ радымакиро дывэ́с рогоскирэ зникоса (трубакирэ звуко́са). ² И янэн цэ́ло схачкирибóн дрэ гу́дло́ тхув, лачхо́ Ра́скэ-Дэвлэ́скэ: екхэ гуруво́рэс, екхэ бакрэ́с, эф́та́ екхэ-бэршы́тконэ бакрэн, би дошакирэн, ³ и ваш лэ́нгэ дро маруно́ яныбóн тэ явэл пшэ́нично яржо́, перемешы́ндло елеё́са, трин дэ́шта паша́ эфатыр пэ гуруворэ́стэ, дуй дэ́шта паша́ эфатыр пэ бакрэ́стэ, ⁴ и екх дэ́што паш эфатыр пэ кажно́нэстэ эф́та́ бакрэ́ндыр, ⁵ и екхэ́с бузнэ́с (козлос) дрэ свэ́нто дыибóн Ра́скэ-Дэвлэ́скэ пал грéхо, ваш жу́жакирибэн тумаро́, ⁶ апри́ч нэво́нэ-чхонэ́скирэ цэ́ло схачкирибнэн и лэ́скиро маруно́ яныбóн, и апри́ч цэ́ло схачкирибэн пэ ка́жно дывэ́с и лэ́скиро маруно́ яныбóн, и лэ́нгиро вы́чхуибэн, пир упхэ́ныбэн, дро гу́дло́ тхув, лачхо́ Ра́скэ-Дэвлэ́скэ.

Яныбóн пэ Постоскиро Дывэ́с

⁷ И пэ дэ́што дывэ́с далэ́ эф́та́-чхонэ́скиро, мэк тэ явэл тумэндэ свэ́нто скэдыибóн. Чхувэн пэс тэлэ́дыр дрэ тумарэ́ илэ, и нисаво́ рэндо́ тэ на кэрэн; ⁸ и янэн цэ́ло схачкирибэн Ра́скэ-Дэвлэ́скэ дро гу́дло́ тхув: екхэ гуруво́рэс, екхэ бакрэ́с, эф́та́ екхэ-бэршы́тконэн бакрэн; би дошакирэн, бангэ́ ё́нэ тэ явэн тумэндэ; ⁹ и ваш лэ́нгэ дро маруно́ яныбóн пшэ́нично яржо́, перемешы́ндло елеё́са, трин дэ́шта паша́ эфатыр пэ гуруворэ́стэ, дуй дэ́шта паша́ эфатыр пэ бакрэ́стэ, ¹⁰ и пир дэ́што паш эфатыр пэ кажно́нэстэ эфтанэ́ бакрэ́ндыр, ¹¹ и екхэ́ бузнэ́с (козлос) дрэ свэ́нто дыибóн Ра́скэ-Дэвлэ́скэ пал грéхо, апри́ч свэ́нтонэ́ яныбна́стыр Ра́скэ-Дэвлэ́скэ пал грéхо, саво́ янэ́на пэ жу́жакирибна́скиро дывэ́с, и апри́ч кажно́нэ-дывэ́сэскирэ цэ́ло схачкирибэн и лэ́скиро маруно́ яныбóн, и лэ́скиро вы́чхуибэн.

Яныбóн пэ Свэ́нко Шатрэ́нгиро

¹² И пэ дэ́шупанджто́ дывэ́с эф́та́-чхонэ́скиро мэк тэ явэл тумэндэ свэ́нто скэдыибóн; нисави́ буты́ тэ на кэрэн, и свэ́нкинэн Ра́скирэ-Дэвлэ́скиро свэ́нко эф́та́ дывэ́са; ¹³ и янэн цэ́ло схачкирибэн, свэ́нто яныбóн, гу́дло́ тхув, лачхо́ Ра́скэ-Дэвлэ́скэ: дэ́шутрин гуруворэн, ду́ен бакрэн, дэ́шуштар екхэ-бэршы́тконэн бакрэн; би дошакирэн, мэк тэ явэн ё́нэ; ¹⁴ и ваш лэ́нгэ дро маруно́ яныбóн пшэ́нично яржо́, перемешы́ндло елеё́са, трин дэ́шта паша́ эфатыр пэ кажно́нэстэ дэ́шутринэ́ндыр гуруворэ́ндыр, дуй дэ́шта паша́ эфатыр пэ кажно́нэ дуэ́ндыр бакрэ́ндыр, ¹⁵ и пир дэ́што паш эфатыр пэ кажно́нэстэ дэ́шуштарэ́ндыр бакрэ́ндыр, ¹⁶ и екхэ́ бузнэ́с дрэ свэ́нто дыибóн Ра́скэ-Дэвлэ́скэ пал грéхо, упрэ́дыр кажно́нэ-дывэ́сытконэ́ цэ́лонэ́ схачкирибна́стыр и лэ́скирэ маруно́ яныбна́стыр и лэ́скирэ вы́чхуибна́стыр. ¹⁷ И пэ яви́р дывэ́с дэ́шуду́й гуруворэн, ду́ен бакрэн дэ́шуштар екхэ-бэршы́тконэ бакрорэн, би дошакирэн, ¹⁸ и ваш лэ́нгэ маруно́ яныбóн и вы́чхуибэн ваш гуруворэ́нгэ, бакрэ́нгэ и бакрорэ́нгэ, пир лэ́нгиро ги́ныбэн, пир упхэ́ныбэн, ¹⁹ и екхэ́ бузнэ́с дрэ свэ́нто дыибóн Ра́скэ-Дэвлэ́скэ пал грéхо, упрэ́дыр кажно́нэ-дывэ́сытконэ́ цэ́лонэ́ схачкирибна́стыр и маруно́ яныбна́стыр и лэ́нгирэ́ вы́чхуибна́стыр. ²⁰ И пэ три́то дывэ́с дэ́шукх гуруворэн, ду́ен бакрэн, дэ́шуштар екхэ-бэршы́тконэ бакрорэн, би дошакирэн, ²¹ и ваш лэ́нгэ маруно́ яныбóн и вы́чхуибэн ваш гуруворэ́нгэ, бакрэн и бакрорэн, пир лэ́нгиро ги́ныбэн, пир упхэ́ныбэн, ²² и екхэ́ бузнэ́с (козлос) дро свэ́нто дыибóн Ра́скэ-Дэвлэ́скэ пал грéхо, упрэ́дыр кажно́нэ-дывэ́сытконэ́ цэ́лонэ́ схачкирибна́стыр и маруно́ яныбна́стыр и лэ́скирэ вы́чхуибна́стыр. ²³ И пэ штáрто́ дывэ́с дэ́ш гуруворэн, дуэ́ бакрэн, дэ́шуштар екхэ-бэршы́тконэн бакрорэн, би дошакирэн, ²⁴ и ваш лэ́нгэ маруно́ яныбóн и вы́чхуибэн ваш гуруворэ́нгэ, бакрэн и тэрнэ́ бакрорэн, пир лэ́нгиро ги́ныбэн, пир упхэ́ныбэн, ²⁵ И екхэ́ бузнэ́с дрэ свэ́нто дыибóн Ра́скэ-Дэвлэ́скэ пал грéхо, упрэ́дыр кажно́нэ-дывэ́сэскиро цэ́лонэ́ схачкирибна́стыр и маруно́ яныбна́стыр и лэ́скирэ вы́чхуибна́стыр. ²⁶ И пэ па́нджто́ дывэ́с е́ня́ (биекхэ́скиро дэ́ш)

гуруворэн, дуге бакрэн, дэшуштар екхэ-бэршытконэ бакрорэн, би дошакирэн, ²⁷ и ваш лэнгэ марунó яныбэн и вычхуибэн ваш гуруворэнгэ, бакрэнгэ и бакрорэнгэ, пир лэнгиро гиныбэн, пир упхэныбэн, ²⁸ и екхэ бузнэ дрэ свэнто дыибэн Рáскэ-Дэвлэскэ пал грэхó, упрэдыр кажнонэ-дывэсытконэ цэлонэ схачкирибнастыр и марунэ яныбнастыр и лэскирэ вычхуибнастыр. ²⁹ И пэ шóвто дывэс охтó гуруворэн, дуге бакрэн, дэшуштар екхэ-бэршытконэн бакрорэн, би дошакирэн, ³⁰ и ваш лэнгэ марунó яныбэн и вычхуибэн ваш гуруворэнгэ, бакрэнгэ и бакрорэнгэ, пир лэнгиро гиныбэн, пир упхэныбэн, ³¹ и екхэ бузнэс дрэ свэнто дыибэн Рáскэ-Дэвлэскэ пал грэхó, апрíч кажнонэ-дывэсытконэ цэло схачкирибэн и лэскиро марунó яныбэн, и лэскиро вычхуибэн. ³² И пэ эфтáто дывэс эфтá гуруворэн, дуэн бакрэн, дэшуштар екхэ-бэршытконэн бакрорэн би дошакирэн, ³³ и ваш лэнгэ марунó яныбэн и вычхуибэн ваш гуруворэнгэ, бакрэнгэ и бакрорэнгэ, пир лэнгиро гиныбэн, пир упхэныбэн, ³⁴ и екхэ бузнэс дрэ свэнто дыибэн Рáскэ-Дэвлэскэ пал грэхó, упрэдыр кажнонэ-дывэсытконэ цэлонэ схачкирибнастыр и марунэ яныбнастыр и лэскирэ вычхуибнастыр. ³⁵ Пэ охтóто дывэс тумэндэ мэк тэ явэл свэнто скэдыибэн. На кэрэн нисави буты. ³⁶ И янэн цэло схачкирибэн, свэнто дыибэн, гудлó тхув, лачхó Рáскэ-Дэвлэскэ; екхэ гуруворэс, екхэ бакрэс, эфтá екхэ-бэршытконэн бакрорэн, би дошакирэн; ³⁷ и кхэтанэ лэнца марунó яныбэн и почхуибэн ваш гуруворэскэ, бакрэскэ и бакрорэнгэ пир лэнгиро гиныбэн, пир упхэныбэн, ³⁸ и екхэ бузнэс дрэ свэнто дыибэн Рáскэ-Дэвлэскэ пал грэхó, апрíч кажнонэ-дывэсытконэ цэло схачкирибэн и лэскиро марунó яныбэн, и лэнгиро вычхуибэн. ³⁹ Янэн дава Рáскэ-Дэвлэскэ дрэ тумарэ свэнки, упрэдыр долэндэр, со тумэ англэдыр яндлэ, пир совэл, ци пир илó, сарэ цэлонэ схачкирибэндэр тумарэ и марунэ тумарэ яныбнастыр, и тумарэ вычхуибнастыр и мирнонэ свэнтонэ дыибнастыр.”

Шэрó 30

Закóны пал Совлахá

¹ И припхэндя Мóйза Израилёскирэ чхавэнгэ сарó, со ракирдя Рай Дэвэл Мойзáскэ. ² И пхэндя Мóйза барыдырэнгэ пэ рóдыцы Израилёскирэ чхавэндэр: “Гáда, со припхэндя Рай Дэвэл: ³ ‘Кóли вари-кон дэла совэл Рáскэ-Дэвлэскэ ци совлахала кошыбнаса, чхуви отпхэныбэн пал пэскиро ди, тэды ёв нашты́ (на мусинэла) тэ парувэл пэскиро лав, нэ ёв исын бангó тэ кэрэл сарó, со выгия́ лэскирэ уштэндэр. ⁴ Кóли джувлы́ дэла совэл Рáскэ-Дэвлэскэ, и чхувэла пэ пэстэ отпхэныбэн дрэ пэскирэ-дадэскиро кхэр, дро пэскиро тэрныпэн, ⁵ и шунэла дад лáкири совэл и отпхэныбэн, савó ёй чхудя́ пэ пэскиро илó, и на пхэнэла пал дова́ лáкиро дад, тэды сарэ́ лáкирэ совэла явэна́ тэ тэрдён пал латэ́, и кажно лáкиро отпхэныбэн, савó ёй чхудя́ пэ пэскиро илó, явэла; ⁶ кóли лáкиро дад, шундя́, и припхэнэла лáкэ тэ на рикирэл совэл дурэды́р, тэды сарэ́ лáкирэ совэла и отпхэныбэна, савó ёй чхудя́ пэ пэскиро илó, на явэна́ дрэ зор, и Рай Дэвэл отмэкэ́ла лáкэ, пал-дава́ со лáкэ запхэндя лáкиро дад. ⁷ Кóли ёй выджáла палорóм, а пэ латэ́ лáкири совэл, ци лав лáкирэ уштэндэр, савэса́ ёй спхандя́ пэс, ⁸ и шунэла лáкиро ром, и шуны, ничи́ на пхэнэла: тэды лáкири совэл явэла, и лáкирэ отпхэныбэна, савó ёй чхудя́ пэ пэскиро илó, явэна; ⁹ кóли лáкиро ром, шуны, запхэнэла лáкэ, и отлыджала лáкири совэл, сави́ сыс пэ латэ́, и лав лáкирэ уштэндэр, савэнца́ ёй спхандя́ пэс, тэды ёнэ на явэна, и Рай Дэвэл отмэкэ́ла лáкэ. ¹⁰ Совэл пивлякири (удовакири) и джувлякири, сави́ розлыджия́пэ ромэса, савó б ёй тэ на чхувэл отпхэныбэн пэ пэскиро илó, явэла тэ рикирэлпэ. ¹¹ Кóли ромны́ дрэ пэскирэ-ромэскиро кхэр дыя́ совэл, ци чхудя́ отпхэныбэн пэ пэскиро илó совлахаса, ¹² и лáкиро ром шундя́, и ёв сыс штыл пал дова́, и на запхэндя лáкэ, тэды сарэ́ лáкирэ совэла явэна, и кажно отпхэныбэн, савó ёй чхудя́ пэ пэскиро илó, явэла дрэ зор; ¹³ кóли лáкиро ром, шуны, отлыджала лэн, тэды сарэ́, савó выгинэ́ лáкирэ уштэндэр лáкирэ совэла и отпхэныбэна лáкирэ илэскирэ на явэна: лáкиро ром отлыя́ зор лэндэр, и Рай Дэвэл отмэкэ́ла лáкэ. ¹⁴ Кажно совэл и кажно совлах кошыбнаса, соб (кай) тэ чхувэл тэлэды́р пэскиро ди, лáкиро ром сашты́ (могинэла) тэ зоралыкирэл, и лáкиро ром сашты́ (могинэла) тэ отлыджал; ¹⁵ кóли лáкиро ром на ракирдя́

ничы пал дова дывэс, тэды ёв долэса зоралякирдя сарэ лакирэ совэла, и сарэ лакирэ совлахá кошыбнаса, савэ сыс пэ латэ, ёв зоралякирдя, пал-дова со ёв, шуны, на ракирдя пал дова; ¹⁶ а ко́ли отлыджия лэн, то палó (после) дова, сыр шундя, тэды ёв лыя пэ пэстэ лакиро грэхо. ¹⁷ Га́да, исын упхэныбэна, савэ Рай Дэвэл припхэндя Мойзаскэ пал отлыджаибэн машки́р ромэстэ и лэскирэ ромня́тэ, машки́р дадэстэ и лакирэ чхатэ дрэ лакирэ тэрнэ бэрша́, дро лакирэ-дадэскиро кхэр.

Шэро́ 31

Сэ́ндо пэ Мадия́нтя́ндэ

¹ И пхэндя Рай Дэвэл Мойзаскэ, ракири́: ² “Отха палэ Мадия́нтя́нэ́нгэ пал Израилёскирэ чхавэндэ, и палó (после) дова́ оджаса кэ тырэ мануша́.” ³ И пхэндя Мойза манушэ́нгэ: “Скэдэ́н пэсты́р манушэ́н пэ марибэ́н, соб (кай) ё́нэ тэ джа́н пэ Мадия́нтя́нэ́ндэ, тэ кэрэ́н сэ́ндо Ра́скиро-Дэ́влэскиро пэ Мадия́нтя́нэ́ндэ; ⁴ пир тысе́нцо роды́цосты́р, ка́жно́ Израилёскирэ роды́цэнды́р бичхавэ́н пэ марибэ́н. ⁵ И сыс выке́дыно Израилёскирэ тысе́нцэнды́р, пир тысе́нцо роды́цосты́р, дэ́шуду́й тысе́нцы ске́дынэ манушэ́н пэ марибэ́н. ⁶ И бичхадя́ лэн Мойза пэ марибэ́н, пир тысе́нцо роды́цосты́р, лэн и Финее́сос, рашаскирэ Елизароскирэ чхавэ́с пэ марибэ́н, и дрэ лэскиро васт сыс свэ́нта кхорэ́ (сасу́ды) и ро́ги (трубы) ваш сигна́ло. ⁷ И гинэ́ марибна́са пэ Мадия́нтя́нэ́ндэ, сыр припхэндя́ Рай Дэвэл Мойзаскэ, и домардэ́ сарэ́ му́ршэ́н; ⁸ и кхэ́танэ́ лэ́нгирэ́ замардэ́нца ё́нэ муляки́кирдэ́ Мадия́москирэ́ кра́льэ́н: Еви́ёс, Реке́мас, Цу́рас, Ху́рас и Ревас, пандже́ Мадия́москирэ́ кра́льэ́н, и Вала́амос, Веоро́скирэ́ чхавэ́с, замардэ́ курталаса́; ⁹ а Мадия́москирэ́ джувле́н и лэ́нгирэ́ чхавэ́н лы́нэ дро плéно, и сарэ́ лэ́нгирэ́ кхэ́ритко́нэ му́рдалэ́н (ското), и сарэ́ лэ́нгирэ́ ста́ды и саро́ лэ́нгиро маё́нко лы́нэ дро дорэ́сыбэ́н, ¹⁰ и сарэ́ лэ́нгирэ́ фо́рья́ и сарэ́ лэ́нгирэ́ фо́рицы схачки́рдэ́ яга́са; ¹¹ и лы́нэ саро́, со заке́дынэ́ и саро́ барвалы́пэ́н, манушэ́сты́р кэ́ кхэ́ритка́ му́рдала́ (ското);

Риси́бэ́н Мари́бна́сты́р

¹² и я́ндрэ́ плено́нэ́н и дорэ́сыбэ́н и саро́, со заке́дынэ́ кэ́ Мойза́ и кэ́ раша́й Елиза́ро́ и кэ́ Израилёскирэ́-чхавэ́нгиро́ ске́дыибэ́н, кэ́ ста́но, пэ́ Моавито́скирэ́ ло́шчыны́ (равни́ны), со исын пашы́л Иорда́но про́ти Ерихо́но. ¹³ И вы́гинэ́ Мойза́, и раша́й Елиза́ро, и сарэ́ тхага́рья́ ске́дыибна́сты́р тэ́ пирилэ́н лэ́н стано́сты́р. ¹⁴ И хо́лясы́я Мойза́ пэ́ халадэ́нгирэ́ барыды́рэ́ндэ, тысе́нцэ́нгирэ́ барыды́рэ́ндэ́ и шэ́лэ́нгирэ́ барыды́рэ́ндэ, савэ́ я́внэ́ мари́бна́сты́р, ¹⁵ и пхэндя́ лэ́нгэ́ Мойза́: “Ваш со́ тумэ́ мэ́кнэ́ джидэ́н сарэ́́н джувле́н? ¹⁶ Акэ́, ё́нэ, пир Вала́амоскиро́ го́дыпэ́н, сыс ваш Израилёскирэ́ чхавэ́нгэ́ лы́джаибна́са тэ́ одджан Ра́сты́р-Дэ́влэ́сты́р пир Фе́горостэ́, пал со́ и хася́кирибэ́н сыс дро Ра́скирэ́-Дэ́влэ́скиро́ ске́дыибэ́н; ¹⁷ и а́дякэ́ замарэ́н сарэ́́н чхаво́рэ́н, и сарэ́́н джувле́н, савэ́ уджиндрэ́́ му́ршэ́с пэ́ ромэ́скиро́ чхуи́бэ́н, замарэ́н (муляки́рэ́н); ¹⁸ а сарэ́́н патыва́лэ́ ты́рнэ́ джувле́н, савэ́ на уджиндрэ́́ му́ршэ́скиро́ чхуи́бэ́н, я́чкирэ́н ваш пэ́скэ́; ¹⁹ и я́вэ́н пал ста́но э́фта́ дывэ́са́; ка́жно́ (сва́ко), кон замарэ́ла́ манушэ́с и лэ́лапэ́ пал замардэ́стэ́, тэ́ жу́жакирэ́лпэ́ пэ́ тры́то дывэ́с и пэ́ э́фта́то дывэ́с, тумэ́́ и тумарэ́́ мануша́́ дро плéно; ²⁰ и сарэ́́ ури́бэ́на́, и сарэ́́ цы́питка́ ризы́, и саро́, со исын кэ́рдэ́ бу́зненгирэ́́ вы́лнаты́р, и сарэ́́ кашту́нэ́ кхорэ́́ (сасу́ды) вы́жу́жакирэ́́н.” ²¹ И пхэндя́ раша́й Елиза́ро халадэ́нгэ́, савэ́ пси́рдэ́ пэ́ марибэ́́н: “Га́да, исын Зако́носкиро́ упхэ́ныбэ́́н, саво́́ припхэндя́́ Рай Дэвэл Мойзаскэ́: ²² Сувнака́й, руп, харко́ма (медь), састы́р, му́слови (во́лыво) и мо́лови (сви́нцо), ²³ и саро́, со про́джала́ пир я́г, про́лыджан пир я́г, соб (кай) ё́в тэ́ вы́жу́жакирэ́́лпэ́, а а́прич да́ва жу́жакирибна́скирэ́́ панéса́ тумэ́́ сан ба́нгэ́́ (муси́нэ́на) тэ́ вы́жу́жакирэ́́н; саро́, со на про́джала́ пир я́г, про́лыджан пир па́ни; ²⁴ и тумарэ́́ ури́бэ́на́ вы́морэ́́н пэ́ э́фта́то дывэ́с, и вы́жу́жакирэ́́нпэ́, и палó́ да́ва за́джан дро ста́но.”

О Мѡйза Роскэрэла Чордо Дорэсыбэн

²⁵ И пхэндя Рай Дэвэл Мѡйзаскэ, ракири: ²⁶ “Пиригин чордо дорэсыбэн, саво лынэ дро плéно, манушэстыр кэ кхэритко мурдал, ту и рашай Елизáро [Елеазаро-р.с.] и барыдыра скэдыибнастыр; ²⁷ и роскэрэн чордо дорэсыбэн пэ дуй паша машкир манушэндэ, савэ мардэпэ, псирдэ пэ марибэн, и машкир саро скэдыибэн; ²⁸ и халадэндэр, савэ псирдэ пэ марибэн, лэ дань Рáскэ-Дэвлэскэ, пир екх ди панджэшэлэндэр, манушэндэр и барэ кхэритконэ мурдалэндэр (скотостыр), и ослэндэр и тыкнэ кхэритконэ мурдалэндэр; ²⁹ лэ дава лэнгирэ пашатыр и отдэ рашаскэ Елизароскэ дрэ свэнто отдыибэн газдыпнаса Рáскэ-Дэвлэскэ; ³⁰ и Израилёскирэ чхавэнгирэ пашатыр лэ пир екхэ манушэстэ (мэра) пандждэшэ манушэндэр, барэ мурдалэндэр, пир екх шэрó ослэндэр и тыкнэ кхэритконэ мурдалэндэр, и отдэ дава Левитэнгэ, савэ дынаринэна пашыл Рáскирэ-Дэвлэскири шáтра.” ³¹ И кэрдэ Мѡйза и Елизáро, рашай, сыр припхэндя Рай Дэвэл Мѡйзаскэ. ³² И сыс чордо дорэсыбэн, саво яцяпэ дорэсыбнастыр, со закэдынэ манушэ, савэ сыс пэ марибэн: тыкнэ кхэритка мурдала шовшэла эфтадэша пандж тысёнцы, ³³ барэ кхэритка мурдала эфтадэша дуй тысёнцы, ³⁴ ослэн шовдэша екх тысёнцо, ³⁵ манушэн, джувлэн, савэ на джиндлэ мушэскиро чхуибэн, сарэнгирэ дия сыс триянда дуй тысёнцы. ³⁶ Паш бажын манушэнгири, савэ псирдэ пэ марибэн, пир розгиныбэн сыс: тыкнэ кхэритконэ мурдалэн триншэла триянда эфта тысёнцы панджшэла, ³⁷ и дань Рáскэ-Дэвлэскэ тыкнэ кхэритконэ мурдалэндэр сыс шовшэла эфтадэша пандж; ³⁸ барэ кхэритконэ мурдалэн триянда шов тысёнцы, и лэндэр дань Рáскэ-Дэвлэскэ эфтадэша дуй; ³⁹ ослэн триянда тысёнцы панджшэла, и лэндэр дань Рáскэ-Дэвлэскэ шовдэша екх; ⁴⁰ манушэн дэшушов тысёнцы, и лэндэр дань Рáскэ-Дэвлэскэ триянда дуй дия. ⁴¹ И отдыя Мѡйза дань, свэнто отдыибэн Газдыпнаса Рáскэ-Дэвлэскэ, рашаскэ Елизароскэ, сыр припхэндя Рай Дэвэл Мѡйзаскэ. ⁴² И Израилёскирэ-чхавэнгирэ пашатыр, саво роскэрдя Мѡйза манушэндэр, савэ сыс пэ марибэн; ⁴³ паш, сави сыс пэ скэдыибнаскири бажын: тыкнэ кхэритка мурдала сыс триншэла трияндаэфта тысёнцы панджшэла, ⁴⁴ барэ кхэритка мурдала сыс триянда шов тысёнцы, ⁴⁵ ослэн триянда тысёнцы панджшэла, ⁴⁶ манушэн дэшушов тысёнцы. ⁴⁷ Израилёскирэ-чхавэнгирэ пашатыр Мѡйза лыя екх пандждэштона паш манушэндэр и кхэритконэ мурдалэндэр, и отдыя дава Левитэнгэ, савэ дынаринэнас (служынэнас) пашыл Рáскирэ-Дэвлэскири шáтра, сыр припхэндя Рай Дэвэл Мѡйзаскэ. ⁴⁸ И явнэ кэ Мѡйза тысёнцэнгирэ барыдыра пэ халадэндэ, тысёнцэнгирэ барыдыра и шэлэнгирэ барыдыра, ⁴⁹ и пхэндлэ Мѡйзаскэ: “Тырэ писхарья пиригиндлэ халадэн, савэн амэнгэ отдынэ, и на гия криг ниэкх амэндэр [лэндэр–р.с.]; ⁵⁰ и гада, амэ яндям [янаса-ю.о.] свэнто дыибэн Рáскэ-Дэвлэскэ, кон со дорэсця сувнакунэ дарэндэр: зандирорья (ланцужки), вастытка (корэ), ангрустя, чэня и кулоны тэ жужакирас дия амарэ ангил Растэ-Дэвлэстэ.” ⁵¹ И лынэ лэндэр Мѡйза и рашай Елизáро сувнакай дрэ сарэ далэ дрога предметы; ⁵² и сыс саро сувнакай, саво яндлэ дрэ свэнто дыибэн газдыпнаса Рáскэ-Дэвлэскэ, дэшушов тысёнцы эфташэла пандждэша шэкели, тысёнцэнгирэ барыдырэндэр и шэлэнгирэ барыдырэндэр. ⁵³ Халадэ чордэ, кажно (свако) ваш пэскэ. ⁵⁴ И лынэ Мѡйза и рашай Елизáро сувнакай тысёнцэнгирэ барыдырэндэр и шэлэнгирэ барыдырэндэр, и яндлэ лэс дрэ скэдыибнаскири шáтра, дро рипирибэн Израилёскирэ-чхавэнгири, ангил Растэ-Дэвлэстэ.

Шэрó 32

Рóдыцы (Кхэра), Савэ Ячнэ тэ Дживэн пэ Дая Риг Иорданоскири

¹ Рувимоскирэ и Гадоскирэ чхавэндэ стады сыс древан барэ; и дыкхнэ ёнэ, со пхув Назеро (Язеро) и Галаáдо, и, акэ, исын штэто лачхó ваш стады кхэритконэ мурдалэнгирэ; ² и явнэ чхавэ Гадоскирэ и Рувимоскирэ, и пхэндлэ Мѡйзаскэ и рашаскэ Елизароскэ и скэдыибнаскирэ тхагарьенгэ: ³ “Трусцял исын штэты Атарофо и Дивоно, и Иазеро, и Нимра, и Есёвоно, и Елеало, и Севамо, и Нево, и Веоно, ⁴ и дая пхув, сави Рай Дэвэл хасякирдя

ангил Израилёскиро скэдыибэн, исын пхув лачхи ваш стады, а тырэ писхарьендэ исын стады.”⁵ И пхэндлэ: “Кóли амэ латхям ласка дрэ тырэ якхá, то отдэ дай пхув тырэ дынарьэнгэ дро хулаибэн; на лыджа амэн пир Иордано.”⁶ И пхэндя Мойза Гадóскирэ и Рувимóскирэ чхавэнгэ: “Пшáла тумарé джána пэ марибэн, а тумэ ячэнапэ адай? ⁷ Ваш со тумэ отрискирэна илó Израилёскирэ чхавэндэ тэ пириджан пэ пхув, сави дóла лэнгэ Рай Дэвэл? ⁸ Адыкэ кэрдэ тумарé дада, кели мэ бичхадём лэн Кадес-Варнистыр тэ обдыкхэн пхув: ⁹ ёнэ догинé кэ дóло Есхоло, и дыкхнэ пхув, и отрискирдэ Израилёскирэ-чхавэнгиро илó, соб (кай) ёнэ тэ на джán пэ пхув, сави Рай Дэвэл дóла лэнгэ; ¹⁰ и захачия дрэ дова дывэс Рáскирэ-Дэвлэскири холы, и совлахадя Ёв дасавэ лавэнца: ¹¹ “Адалэ манушá, савé выгинé Египтóстыр, бишэ бэршэндýр и пхурэдýр, на явэна тэ дыкхэн пхув, пал сави Мэ дыём совлáх Авраамóскэ, Исаакóскэ и Яковóскэ, пал-дова со ёнэ на кандынé Ман, ¹² апрíч Халевостэ, Ефонияскирэ чхавэстэ, Кенезеяниностэ, и Исусóстэ (Ёхошуастэ), Навиноскирэ чхавэстэ, пал-дова со ёнэ кандынé Рас-Дэвлэс.” ¹³ И захачия Рáскирэ-Дэвлэскири холы пэ Израилё, и лыджия Ёв лэн пир чхучи пхув штардэшá бэрш, пака хасия сарó рóдо, савó кэрдя фуипэн дрэ Рáскирэ-Дэвлэскирэ якхá. ¹⁴ И дыкхэн, замéст тумарé дадэндэ, газдынэпэ тумэ, грешникэнгиро рóдо, соб (кай) тэ кэрэн бутýр Рáскирэ-Дэвлэскири холы пэ Израилё. ¹⁵ Кóли тумэ отрисёна Лэстыр, тэды Ёв нэвэстыр ячкирэла тумэн пэ чхучи пхув, и тумэ хасякирэна сарé адалэ манушэн.” ¹⁶ И подгинé ёнэ кэ ёв, и пхэндлэ: “Амэ кэрáса адай бакранэ дворы (гражы) ваш амарé стады и фóрья ваш амарé чхавэнгэ; ¹⁷ амэ кокорé англэдýр скэдасапэ и джáса пэ марибэн ангил Израилёскирэ чхавэндэ, пака лэн на янаса пэ лэнгирэ штэты; а амарé чхавé мэк тэ ячэнпэ дрэ фóрья зоралé тынэнца тэ раххэнпэ адалэ-пхувьякирэ манушэндýр; ¹⁸ на рисёваса дрэ амарé кхэрá, пака заджána Израилёскирэ чхавé кажно (свáко) пэ пхув мэкнэ миштыпнастыр; ¹⁹ пал-дова со амэ на лáса лэнца пхув пир доя Иорданоскири риг и дурэдýр, кóли пхув дро мэкнó миштыпэн доячэлапэ амэнгэ пир дай Иорданоскири риг, кэ вастóко.” ²⁰ И пхэндя лэнгэ Мойза: “Кóли тумэ кэрэна дава, кóли курталэнца джána пэ марибэн, ангил Растэ-Дэвлэстэ, ²¹ и кажно (свáко) тумэндýр джála курталáса пал Иордано ангил Растэ-Дэвлэстэ, пака хасякирэла Ёв Пэскирэ вэргэн ангил Пэстэ, ²² и залыны явэла пхув ангил Растэ-Дэвлэстэ, то тэды коригэдýр (позжэдýр) рисён и на явэна бангé ангил Растэ-Дэвлэстэ и ангил Израилё, и явэла дай пхув дро хулаибэн ангил Растэ-Дэвлэстэ. ²³ Кóли тумэ на кэрэна адыкэ, тэды тумэ кэрэна грéхо ангил Растэ-Дэвлэстэ, и джинэн, со кáра пал тумарó грéхо, савó латхэла тумэн; ²⁴ кэрэн пэскэ фóрья ваш тумарé чхавэнгэ и дворы (гражы) ваш тумарé бакрэнгэ, и кэрэн, со пхэндлэ тумарé уштá.” ²⁵ И пхэндлэ Гадóскирэ и Рувимóскирэ чхавé Мойзáскэ: “Писхáрья тырэ скэрэна, сыр пхэндя амарó рай; ²⁶ чхавé амарé, ромня амарé, стады амарé и сарé амарé кхэрытка мурдалá ячэнапэ адай дрэ Галаадóскирэ фóрья, ²⁷ а писхáрья тырэ, сарé скэдынэпэ, сыр халадэ, джána ангил Растэ-Дэвлэстэ пэ марибэн, сыр ракирэла амарó рай.” ²⁸ И дыя Мойза пал лэндэ припхэныбэн рашáскэ Елизароскэ и Исусóскэ (Ёхошуаскэ), Навиноскирэ чхавэскэ, и Израилёскирэ-чхавэнгирэ барыдырэнгэ пир рóдыцы, ²⁹ и пхэндя лэнгэ Мойза: “Кóли Гадóскирэ и Рувимóскирэ чхавé пириджана тумэнца пал Иордано, сарé, кон скэдыапэ пэ марибэн ангил Растэ-Дэвлэстэ, и пхув явэла тумарí: тэды отдэн лэнгэ Галаадоскири пхув тэ хулаинэн; ³⁰ кóли ёнэ на джána тумэнца курталэнца, то ёнэ дорэсэна пхув кхэтанé тумэнца пэ Ханаанóскири пхув.” ³¹ И пхэндлэ Гадóскирэ и Рувимóскирэ чхавé: “Сыр пхэндя Рай Дэвэл тырэ писхарьэнгэ, адыкэ и кэрáса; ³² амэ джáса курталэнца ангил Растэ-Дэвлэстэ пэ Ханаанóскири пхув, а дрэ амарó хулаибэн мэкнэ миштыпнастыр мэк тэ явэл пир дай Иорданоскири риг.” ³³ И отдыя Мойза лэнгэ, Гадóскирэ и Рувимóскирэ чхавэнгэ, и пашакэ (пашэскэ) Манасияскирэ родыцóскэ, Иосифóскирэ чхавэскэ, Сигоноскиро кралипэн, Амореэнгирэ кралис, и Огоскиро кралипэн, Васаноскирэ кралис, пхув лáкирэ форьенца и штэтэнца пашýл лэндэ, – пхувьякирэ фóрья пэ сарé ригá. ³⁴ И чхудэ Гадóскирэ чхавé Дивоно и Атарофо, и Ароэро, ³⁵ и Атарофо-Шофано, и Иазеро, и Иогбего, ³⁶ и Беф-Нимра и Беф-Гарано, фóрья зоралé тынэнца (заборэнца) и дворы (гражы) ваш бакрэнгэ. ³⁷ И Рувимóскирэ чхавé чхудэ Есевóно, Елеалё, Кириафаимо, ³⁸ и Нево, и Ваал-Меоно, савэнгирэ лавá парудэ, и Сивма, и дынэ кхарибэна форьенгэ, савé ёнэ кэрдэ. ³⁹ И гинé Махироскирэ чхавé,

Манасияскирэ чхавэскирэ, пэ Галаадо, и лынэ лэс, и вытрадынэ Амореен, савэ сыс дрэ лэстэ; ⁴⁰ и отдыя Мойза Галаадо Махироскэ, Манасияскирэ чхавэскэ, и ёв яця тэ дживэл дрэ лэстэ. ⁴¹ И Иаиро (Яиро), Манасияскиро чхаво, гия и лыя лэнгирэ гавá, и кхардя лэн: Иаироскирэ форицы. ⁴² И гия Новахо, и лыя Кенафо и фóрья, савэ сыс тэл лэстэ, и кхардя лэс пэскирэ лавэса: Новахо.

Шэрó 33

Ишчо Пхэнэлапэ, Сыр Юды Гинэ Египтóстыр кэ Иордáно

¹ Гада, исын Израилёскирэ-чхавэнгирэ дромá [станы-р.с.], савэнца гинэ ёнэ Египтóскирэ пхувьятыр пир пэскирэ отряды, тэл барыдырэндэ Мойзастэ и Аароностэ. ² О Мойза, пир Рáскирэ-Дэвлэскиро припхэныбэн, зачхиндя лэнгирэ дромá, сыр гинэ ёнэ пир лэнгирэ дромá станэнца, и, гада, исын лэнгиро дром и, кай ёнэ сыс тэрдэ: ³ Раамсэсостыр гинэ ёнэ дро пэрво чхон, пэ дэшупанджто дывэс пэрвонэ чхонэскиро; пэ явир дывэс, Патради, выгинэ Израилёскирэ чхавэ тэл вучо васт ангил сарэ Египтóскирэ якхá; ⁴ дрэ дова часо Египтяни гарадэ сарэн англатунэн чхаворэн, савэн хасякирдя лэндэ Рай Дэвэл, и пэ лэнгирэ дэвлорэндэ Рай Дэвэл кэрдя сэндо. ⁵ И адякэ гинэ Израилёскирэ чхавэ Раамсэсостыр и тэрдинэ станóса (табороса) дро Сокхофо. ⁶ И гинэ Сокхофостыр, и тэрдинэ станóса дро Ефамо, со пэ чхучэ-пхувьякиро ягоро (краё). ⁷ И гинэ Ефамостыр, и рискирдэ кэ Пи-Гахирофо, со исын ангил Ваал-Цэфономо, и тэрдинэ станóса ангил Мигдоломо. ⁸ Тэньци гинэ ёнэ Пи-Гахирофостыр, прогинэ машкирал мórё (дэрьяв) пэ чхучи пхув, и гинэ трин дывэса дромэса чхучэ пхувьякирэ Ефамоса, и тэрдинэ станóса дрэ Мэра [Мара-ю.о.]. ⁹ И гинэ Мератыр, и явнэ дро Елимо; дро Елимо сыс дэшудуй штэты ганынгэнца, катыр джала пани и эфтадэша финикитка дрэвы, и тэрдинэ одой станóса. ¹⁰ И гинэ Елимостыр, и тэрдинэ станóса пашыл Лолó мórё (дэрьяв). ¹¹ И гинэ ёнэ Лолэ морёстыр (дэрьявэстыр), и тэрдинэ станóса пэ чхучи пхув Син. ¹² И гинэ чхучэ пхувьятыр Син, и тэрдинэ станóса дрэ Дофка. ¹³ И гинэ ёнэ Дофкатыр, и тэрдинэ станóса дро Алушо. ¹⁴ И гинэ Алушостыр, и тэрдинэ станóса дро Рефидимо, и на сыс одой пани, соб (кай) тэ пьен мануша. ¹⁵ И гинэ Рефидимостыр, и тэрдинэ станóса пэ чхучи пхув Синаёскири. ¹⁶ И гинэ Синаёскирэ чхучэ пхувьятыр и тэрдинэ станóса дро Киброт-Гатаава. ¹⁷ И гинэ Киброт-Гатааватыр, и тэрдинэ станóса дро Асирофо. ¹⁸ И гинэ Асирофостыр, и тэрдинэ станóса дрэ Рифма. ¹⁹ И гинэ Рифматыр, и тэрдинэ станóса дро Римнон-Фарецо. ²⁰ И гинэ Римнон-Фарецостыр, и тэрдинэ станóса дрэ Ливна. ²¹ И гинэ Ливнатыр и тэрдинэ станóса дрэ Риса. ²² И гинэ Рисатыр, и тэрдинэ станóса дро Кегелафо. ²³ И гинэ Кегелафостыр и тэрдинэ станóса пэ бэрга Шафер. ²⁴ И гинэ Шаферостыр и тэрдинэ станóса дрэ Харада. ²⁵ И гинэ Харадатыр и тэрдинэ станóса дро Макелофо. ²⁶ И гинэ Макелофостыр и тэрдинэ станóса дро Тахафо. ²⁷ И гинэ Тахафостыр и тэрдинэ станóса дро Тарахо. ²⁸ И гинэ Тарахостыр и тэрдинэ станóса дрэ Мафка. ²⁹ И гинэ Мифкатыр и тэрдинэ станóса дрэ Хашмона. ³⁰ И гинэ Хашмонатыр и тэрдинэ станóса дро Масерофо. ³¹ И гинэ Масерофостыр и тэрдинэ станóса дрэ Бене-Яакана. ³² И гинэ Бене-Яаканатыр и тэрдинэ станóса дро Хор-Агидгадо. ³³ И гинэ Хор-Агидгадостыр и тэрдинэ станóса дрэ Иотвафа. ³⁴ И гинэ Иотвафатыр и тэрдинэ станóса дро Авроно. ³⁵ И гинэ Авроностыр и тэрдинэ станóса дро Ецыон-Гаверо. ³⁶ И гинэ Ецион-Гаверостыр и тэрдинэ станóса пэ чхучи пхув Син, ёй адякэ-паць кхарэлапэ Кадесо. ³⁷ И гинэ Кадесостыр и тэрдинэ станóса пэ бэрга Оро, пашыл Эдомоскирэ-пхувьякиро ягоро (мэжа). ³⁸ И гия упрé рашай Аарóно пэ бэрга пир Рáскирэ-Дэвлэскиро припхэныбэн, и мыя одой дро штардэшытко бэрш палó дава, сыр Израилёскирэ чхавэ явнэ Египтóскирэ пхувьятыр, дро панджто чхон, дро пэрво-чхонэскиро дывэс; ³⁹ Ааронóскэ сыс шэл тэ биш тэ трин бэрш, кели мыя ёв пэ бэрга Ор. ⁴⁰ Ханааноскиро крáli Арада, савó дживдя кэ паш-дывэс (юго) Ханаансконэ пхувьятыр, шундя, со джана Израилёскирэ чхавэ. ⁴¹ И гинэ ёнэ бэргатыр Ор и тэрдинэ станóса дрэ Салмона. ⁴² И гинэ Салмонатыр и тэрдинэ станóса дро Пуноно. ⁴³ И гинэ Пуноностыр и тэрдинэ станóса дро Овофо. ⁴⁴ И гинэ Овофостыр и тэрдинэ станóса дрэ

Ие Аваримо [Иймо-р.с.], пэ Моавоскиро ягоро (мэжа). ⁴⁵ И гинэ Иймоустыр и тэрдинэ станоса дро Дивон-Гадо. ⁴⁶ И гинэ Дивон-Гадостыр и тэрдинэ станоса дро Алмон-Дивлафаимо. ⁴⁷ И гинэ Алмон-Дивлафаимостыр и тэрдинэ станоса пэ Аваримоскирэ бэрги ангил Нево. ⁴⁸ И гинэ Аваримоскирэ бэргэндэр и тэрдинэ станоса пэ Моавитоскирэ лошчыны (равнины) пашыл Иордано, проти Ерихоно; ⁴⁹ ёнэ тэрдинэ станоса пашыл Иордано Беф-Ешимофостыр кэ Аве-Ситимо пэ Моавитоскирэ лошчыны.

Упхэныбэн, Сыр тэ Пиризорьякирэс Ханаано

⁵⁰ И пхэндя Рай Дэвэл Мойзаскэ пэ Моавитоскирэ лошчыны пашыл Иордано, проти Ерихоно дасавэ лавэ: ⁵¹ “Ракир Израилёскирэ чхавэнгэ и пхэн лэнгэ: ‘Кэли пириджана тумэ пир Иордано пэ Ханааноскири пхув, ⁵² тэды традэн криг пэстыр сарэн адалэ-пхувьякирэ манушэн, и хасякирэн сарэ лэнгирэ вычхиндлэ муя, и хасякирэн сарэ лэнгирэ вычхудэ йдолы, и сарэ лэнгирэ вучипэна роспахирэн. ⁵³ И лэн пэскэ дая пхув, и дживэн пэ латэ, пал-дова со Мэ дава тумэнгэ дая пхув; ⁵⁴ и роздэн пхув пир жребие сыр мэкно миштыпэн тумарэ кхэритконэ родэнгэ: коли барэдыр, то родо дэн бутыр миштыпнаскири мэра, а тыкнэдыр родо, то дэ тыкнэдыр миштыпнаскири мэра; конэскэ кай выджала, одой лэскэ и явэла миштыпнаскири мэра; пир тумарэ-дадэнгиро родо лэн пэскэ миштыпнаскири мэра; ⁵⁵ коли тумэ на вытрадена криг пэстыр адалэ-пхувьякирэ манушэн, то тэды, савэ ячэнапэ лэндыр мануша, явэна сыр пхусадэ хрүсты ваш тумарэ якха и сувьенца ваш тумарэ пашварэ и явэна тэ стасавэн тумэн пэ пхув, пэ сави тумэ явэна тэ дживэн, ⁵⁶ и тэды, со Мэ скэдыёмпэ лэнгэ тэ кэрав, кэрава тумэнгэ.”

Шэро 34

Мэжы пэ Ханааноскири Пхув

¹ И пхэндя Рай Дэвэл Мойзаскэ, ракири: ² “Дэ упхэныбэн Израилёскирэ чхавэнгэ и пхэн лэнгэ: ‘Кэли тумэ заджана пэ Ханааноскири пхув, тэды, гада, исын пхув, сави доячэлапэ тумэнгэ сыр мэкно миштыпэн, Ханааноскири пхув лакирэ межэнца: ³ паш-дывэсытко (южно) ригакиро ягоро (мэжа) явэла тумэндэ чхучэ пхувьятыр Син, пашыл Эдómo, и джала тумэндэ паш-дывэсытко мэжа Лондэ-морёскиро (дэрьявёскиро) ягоростыр, ⁴ и джала мэжа пэ паш-дывэс кэ Акравимоскирэ вучипэна и джала пир Син, и явэна лакирэ выгийбэна пэ паш-дывэс кэ Кадес-Варна, одотхыр джала кэ Гацар-Адаро и джала пир Ацмоно. ⁵ Ацмоностыр джала мэжа кэ Египтоскиро панитко тхадыпэн, и явэна лакирэ выгийбэна кэ мórё (дэрьяв); ⁶ а западнэ межаса явэла тумэндэ баро мórё (дэрьяв): дава явэла тумэндэ мэжа кэ западо (пал-панитко риг); ⁷ кэ паш-рат явэла тумэндэ мэжа: барэ морёстыр (дэрьявэстыр) пролыджан ла кэ бэрга Ор, ⁸ бэргатыр Ор пролыджан мэжа кэ Емафо, и явэна ригакирэ выгийбэна кэ Цэдадо; ⁹ одотхыр джала мэжа кэ Цыфроно, и лакирэ-межакирэ выгийбэна явэна кэ Гацар-Энано: дая явэла тумэндэ паш-ратитко мэжа; ¹⁰ восточно мэжа пролыджан пэскэ Гацар-Энаностыр кэ Шэфамо, ¹¹ Шэфамостыр джала мэжа кэ Рибло, Аиноскирэ-восточнэ ригатыр, палó дава джала мэжа и касынэлапэ морёскирэ (дэрьявёскирэ) брэги восточнэ ригатыр Кинерифоскирэ; ¹² и джала мэжа кэ Иордано, и явэна выгийбэна лакирэ кэ Лондо мórё (дэрьяв). Дая пхув явэла тумари пир лакирэ мэжы сарэ ригэндэр.

Лыджаибнаскирэ тэ Роздэн Пхув

¹³ И дыя припхэныбэн Мойза Израилёскирэ чхавэнгэ, и пхэндя: “Гáда, исын пхув, сави тумэ роздэна сыр мэкно миштыпэн пир жребие пир мэра, пал сави дыя лав Рай Дэвэл тэ дэл еня (биекхэскиро дэш) родыцэнгэ и пашэ родыцоскэ; ¹⁴ пал-дова со Рувимоскирэ-чхавэнгиро родыцо пир лэнгирэ чэкарья (семействы), и Гадоскирэ-чхавэнгиро родыцо пир лэнгирэ

чэкарья (семејствы), и Манасияскири паш рёдыцо, дорэснэ пэскири мэра мэкнэ миштыпнастыр; ¹⁵ дуй рёдыцы и паш рёдыцо дорэснэ пэскири мэра мэкнэ миштыпнастыр пал Иордано проти Ерихоно кэ вастоко. ¹⁶ И пхэндя Рай Дэвэл Мойзаскэ дасавэ лавá: ¹⁷ “Гáда, исын муршэнгирэ лавá, савэ явэна тэ роздэн тумэнгэ пхув: рашай Елизáро (Елеазаро) и Исýсо (Ёхошуá), Навиноскиро чхавó; ¹⁸ и лэн пир екхэ тхагаристэ (князёстэ) родыцостыр ваш пхувьякиро роздыбэн. ¹⁹ И гáда, исын далэ муршэнгирэ (тхагарьенгирэ) лавá: ваш рёдыцо Юдаскиро о Халево, Ефонияскиро чхавó; ²⁰ ваш Симеоноскирэ-чхавэнгиро рёдыцо о Самуило, Амиудоскиро чхавó; ²¹ ваш Вениаиноскиро рёдыцо о Елидадо, Кислоноскиро чхавó; ²² ваш Даноскирэ-чхавэнгиро рёдыцо тхагáри о Буки, Еглиёскиро чхавó; ²³ ваш Иосифоскирэ чхавэнгэ, ваш Манасияскирэ-чхавэнгиро рёдыцо о тхагáри Ханиило, Ефодоскиро чхавó; ²⁴ ваш Ефремоскирэ-чхавэнгиро рёдыцо тхагáри о Кемуило, Шифтаноскиро чхавó; ²⁵ ваш Завулоноскирэ-чхавэнгиро рёдыцо тхагáри о Елицафано, Фарнакоскиро чхавó; ²⁶ ваш Исахароскирэ-чхавэнгиро рёдыцо тхагáри о Фалтиило, Азаноскиро чхавó; ²⁷ ваш Асироскирэ-чхавэнгиро рёдыцо тхагáри о Ахиудо, Шеломияскиро чхавó; ²⁸ ваш Нефалимоскирэ-чхавэнгиро рёдыцо тхагáри о Педаило, Амиудоскиро чхавó.” ²⁹ Акэ, исын одолэ, савэнгэ припхэндя Рай Дэвэл тэ роздэн пхувьякири мэра мэкнэ миштыпнастыр Израилёскирэ чхавэнгэ пэ Ханааноскири пхув.

Шэрó 35

Фóрья ваш Левитэнгэ

¹ И пхэндя Рай Дэвэл Мойзаскэ пэ Моавитоскирэ лошчыны (равнины) пашыл Иордано проти Ерихоно, ракири: ² “Припхэн Израилёскирэ чхавэнгэ, соб (кай) ёнэ пэскирэ миштыпнаскирэ мератыр тэ дэн Левитэнгэ фóрья, соб (кай) ёнэ одой тэ дживэн, и фёлды пашыл фóрья сарэ ригэндыр тэ дэн Левитэнгэ: ³ фóрья лэнгэ явэна ваш джиббэн, и фёлды явэна ваш лэнгирэ кхэритконэ мурдалэнгэ (ваш ското), и ваш лэнгиро маёнко, и ваш сарó, со лэнгэ трэй ваш джиббэн; ⁴ фёлды пашыл фóрья, савэ тумэ сан бангэ тэ дэн Левитэнгэ, фóроскирэ вантатыр бангэ тэ явэн пэ дуй тысёнцы куня, дрэ сарэ ригá; ⁵ и отмеринэн палó фóро кэ востокоскири риг дуй тысёнцы куня, и кэ паш-дывэсытко (южно) риг дуй тысёнцы куня, и кэ западо дуй тысёнцы куня, и кэ паш-ратытко (северно) риг дуй тысёнцы куня, а машкирал тэ явэл фóро: дасавэ явэна лэндэ фёлды пашыл фóрья. ⁶ Форьэндыр, савэ тумэ дэна Левитэнгэ, явэна шов фóрья ваш зракхибэн, дрэ савэ тумэ дэна саштыпэн (шансо) тэ нашэл замарибнаriskэ; и бутыр лэндыр дэн штардэша дуй фóрья: ⁷ сарэ фóрья, савэ тумэ бангэ тэ дэн Левитэнгэ, явэла штардэша охто фóрья, фэлдэнца, савэ явэна пашэыл лэндэ. ⁸ И кели явэна тэ дэн фóрья Израилёскирэ чхавэнгирэ миштыпнаскирэ мератыр, тэды барэстыр дэн бутыр, тыкнэстыр тыкнэдыр; кажно рёдыцо, дыкхи пир миштыпнаскири мэра, сави дорэсэна, исын бангэ (мусинэна) тэ дэн фóрья пэскирэ форьэндыр Левитэнгэ.”

Фóрья тэ Нашэн

⁹ И пхэндя Рай Дэвэл Мойзаскэ дасавэ лавá: ¹⁰ “Дэ тэ джинэн Израилёскирэ чхавэнгэ и пхэн лэнгэ: ‘Кели тумэ пириджана пир Иордано пэ Ханааноскири пхув, ¹¹ выкэдэн пэскэ фóрья, савэ явэна тумэндэ форьенца ваш зракхибэн, карик могоинэла тэ нашэл замарибнари, савó мулякирдя манушэс наками; ¹² и явэна лэндэ [тумэндэ-р.с.] далэ фóрья ваш зракхибэн манушэнгэ, савэ тумэндэ камэнас тэ отхан палэ (тэ отомстинэн), соб (кай) тэ на явэл замарибнари-мануш, савó мулякирдя, англэдыр, сыр ёв явэла ангил манушэндэ пэ сэндо. ¹³ Фóрья, савэ тумэнгэ трэй тэ дэн, фóрья ваш зракхибэн, исын бангэ тэ явэл тумэндэ шов: ¹⁴ трин фóрья дэн пир дая Иорданоскири риг и трин фóрья дэн пэ Ханааноскири пхув; знашыбнаскирэ форьенца ваш нашаибэн бангэ тэ явэн ёнэ; ¹⁵ ваш Израилёскирэ чхавэнгэ, и ваш манушэскэ, савó явдя явирэ ригатыр, и ваш манушэскэ, савó дживэла машкир тумэндэ, явэна далэ шов фóрья ваш зракхибэн, соб (кай) тэ нашэл одорик кажно (свако) мануш, савó

замардѣ (мулякирдѣ) манушѣс наками. ¹⁶ Кóли кон пѣкавѣла вари-конѣс саструнѣ струментоса, адѣкѣ, со одовѣ мануш мэрѣла, – тѣды ѣв исын замарибнари: лѣс исын бангѣ (мусинѣна) тѣ отдѣн пѣ мэрибѣн; ¹⁷ и кóли вари-кон пѣкавѣла явирѣс барѣса дро васт, сóстыр саштѣ тѣ мэрѣс адѣкѣ, со одовѣ мануш мэрѣла, – тѣды ѣв исын замарибнари: лѣс бангѣ тѣ отдѣн пѣ мэрибѣн; ¹⁸ цѣ, кóли вари-кон каштунѣ струментоса пѣкавѣла явирѣс, савѣстыр саштѣ тѣ мэрѣс, и пѣкавѣла вастѣса адѣкѣ, со одовѣ мануш мэрѣла, – тѣды ѣв исын замарибнари: лѣс бангѣ тѣ отдѣн пѣ мэрибѣн; ¹⁹ мануш, савó камѣла тѣ отхал палѣ пал рат, кокорó саштѣ (могинѣла) тѣ мулякирѣл замарибнарис: сыр лѣс фѣни (тóка) пирилѣла, кокорó саштѣ (могинѣла) тѣ мулякирѣл лѣс; ²⁰ кóли вари-кон пихнинѣла (шпулѣла) вари-конѣс пир холѣ, ци ками чхурдѣла пѣ лѣстѣ вари-со адѣкѣ, со одовѣ мануш мэрѣла, ²¹ ци дро кошыбѣн пѣкавѣла лѣс вастѣса адѣкѣ, со одовѣ мануш мэрѣла: тѣды одолѣс манушѣс, савó пѣкадѣ, манушѣ исын бангѣ (мусинѣна) тѣ отдѣн пѣ мэрибѣн, – ѣв исын замарибнари; мануш, савó отхала палѣ пал рат саштѣ (могинѣла) тѣ мулякирѣл замарибнарис, сыр лѣс пирилѣла. ²² Кóли ѣв пихнинѣла (шпулѣла) лѣс наками, би кошыбнаскиро, ци чхурдѣла пѣ лѣстѣ вари-со, наками, ²³ ци вари-савó бар, савѣстыр саштѣ тѣ мэрѣс, надыкхи чхурдѣла пѣ лѣстѣ адѣкѣ, со одовѣ мэрѣла, нѣ ѣв на сыс лѣскирѣ вѣргоса и на камдѣ лѣскѣ фуипѣн, ²⁴ то тѣды манушѣнгиро скѣдыибѣн исын бангó (мусинѣла) тѣ кэрѣл сѣндо машкѣр замарибнаристѣ и манушѣстѣ, савó камѣла тѣ отхал палѣ пал рат пир сарó упхѣныбѣн. ²⁵ И манушѣнгирѣ скѣдыибнаскѣ трѣй тѣ зракхѣл замарибнарис манушытконѣ вастѣстыр, савó камѣла тѣ отхал палѣ пал рат, и скѣдыибѣн исын бангó лѣс тѣ рискирѣл дро лѣскиро фóро, кай ѣв сыс дро нашыбѣн, карик ѣв настѣ, соб (кай) ѣв одóй тѣ дживѣл кѣ барѣ-рашаскиро мэрибѣн, савó сыс макхно свѣнтонѣ елеѣса; ²⁶ кóли мануш, савó замардѣ, выдѣжала пал фóро, дрѣ савó ѣв сыс дро нашыбѣн, дро савó ѣв настѣ, ²⁷ и латхѣла лѣс мануш, савó камѣла тѣ отхал палѣ пал рат на дро лѣскиро фóро, кай ѣв сыс дро нашыбѣн, и мулякирѣла адалѣс манушѣс, кон замардѣ кодолѣ замарибнарис, тѣды на явѣла пѣ лѣстѣ банг пал ратѣскиро прочхуибѣн, ²⁸ пал-довѣ со одовѣ сыс бангó (лѣскѣ трѣиндѣ) тѣ дживѣл дро пѣскиро фóро, кай ѣв сыс дро нашыбѣн кѣ барѣ-рашаскиро мэрибѣн, а кѣли мэрѣла барó рашѣй, то мануш, савó замардѣ, сыс бангó тѣ рисѣл пѣ пѣскири пхув. ²⁹ Мѣк давѣ мѣк тѣ явѣл тумѣндѣ чхудѣ законоса (статутоса) дрѣ тумарѣ рóды, дрѣ сарѣ тумарѣ кхѣрѣ. ³⁰ Кóли вари-кон замарѣла манушѣс, тѣды одолѣ манушѣс, исын бангѣ тѣ замарѣс пир манушѣнгирѣ лавѣ, савѣ дыкхнѣ; нѣ екхѣ якхитконѣс (свидетелѣс) наухтылла (надóси), соб (кай) тѣ сѣндякирѣн лѣс пѣ мэрибѣн. ³¹ И на лѣн выкиныбѣн пал замарибнаскиро ди, савó исын бангó тѣ мэрѣл, нѣ лѣс трѣй тѣ отдѣс мэрибнѣскѣ; ³² и на лѣн выкиныбѣн пал манушѣстѣ, савó настѣ дро зракхибнаскиро фóро, соб (кай) лѣскѣ тѣ дѣс саштыпѣн тѣ дживѣл пѣ пѣскири пхув англѣдѣр, сыр мэрѣла барó рашѣй. ³³ На магирѣн пхув, пѣ савѣ тумѣ явѣна тѣ дживѣн; пал-довѣ со рат магирѣла пхув, и пхув на жужакирѣлапѣ пѣ явѣр (явирчанѣс) ратѣстыр, савó сыс прочхудо пѣ лѣтѣ, сыр ратѣса, савó прочхудѣ лѣс. ³⁴ Тумѣ наштѣ тѣ магирѣн пхув, пѣ савѣ тумѣ дживѣна, машкѣр савѣ сом Мѣ: пал-довѣ со Мѣ Рай Дѣвѣл дживѣва машкѣр Израилѣскирѣ чхавѣндѣ.”

Шѣрó 36

Сыр Роздѣлапѣ Мѣкнó Миштыпѣн

¹ Явнѣ пхурыдырѣ дадѣнгирѣ Галаадóскирѣ-чхавѣнгирѣ кхѣритконѣ родóстыр, Махироскирѣ чхавѣскирѣ, Манасѣйскирѣ-чхавѣскирѣ Иосифóскирѣ чхавѣнгирѣ родыцóстыр, и ракирдѣ ангѣл Мойзастѣ и ангѣл тхагарѣндѣ, Израилѣскирѣ-чхавѣнгирѣ барыдырѣндѣ пѣ стрѣчы (поколении), ² и пхѣндлѣ: “О Рай Дѣвѣл припхѣндѣ амарѣ рѣскѣ тѣ дѣс пхув дрѣ мѣкнѣ-миштыпнѣскири мѣра Израилѣскирѣ чхавѣнгѣ пир жрѣбиѣ и амарѣ рѣскѣ пхѣндлѣ Рѣстыр-Дѣвлѣстыр тѣ дѣс миштыпнѣскири мѣра Салпаадоскири, амарѣ пшалѣскири, лѣскирѣ чхаенгѣ; ³ кóли ѣнѣ явѣна чхавѣнгирѣ джувлѣнца вари-савѣ явирѣ Израилѣскирѣ чхавѣнгирѣ-родыцóстыр, тѣды лѣнгирѣ-миштыпнѣскири мѣра отлѣлапѣ амарѣ дадѣнгирѣ-миштыпнаскирѣ мератыр и причхувѣлапѣ долѣ родыцóскѣ миштыпнѣскири мѣра, дрѣ савѣ

ёна явэна, и отлэлапэ долэстыр, со дояцяпэ пир жрэбиё амарэ миштыпнаскирэ мератыр. ⁴ И кэли явэла Израилёскирэ-чхавэндэ свэнко, тэды лэнгири миштыпнаскири мэра причхувэлапэ кэ долэ-родыцоскири миштыпнаскири мэра, дрэ сави ёна явэна, и миштыпнаскири мэра амарэ-дадэнгирэ родыцостыр отлэлапэ лэнгири миштыпнаскири мэра.” ⁵ И дья Мойза припхэныбэн Израилёскирэ чхавэнгэ, пир Раскирэ-Дэвлэскиро лав, и пхэндя: “Чачипэн ракирэла Иосифоскирэ-(Ёзаскиро) чхавэнгиро родыцо. ⁶ Ёада, со ракирэла Рай Дэвэл пал Салпаадоскирэ чхаендэ: ёна сашты (могинэна) тэ явэн долэнгирэ джувлэнца, кон исын пир ило лэнгирэ якхэнгэ, екх (фэни) со ёна исын бангэ тэ явэн джувлэнца пир родыцо дрэ пэскирэ дадэскирэ кхэритко родо (племё), соб (кай) чхавэ Израилёскирэ тэ прилэн мэкно миштыпэн, кажно пэскирэ дадэндыр, ⁷ соб (кай) Израилёскирэ-чхавэнгири миштыпнаскири мэра мэкно миштыпнастыр тэ на пириджал родыцостыр дро родыцо; пал-довá со кажно (свако) Израилёскирэ чхавэндыр исын бангэ тэ явэл припхандло кэ пэскирэ-дадэнгирэ родыцоскири мэра (пхув) мэкно миштыпнастыр. ⁸ И кажно чхай, савьякэ трэй миштыпнаскири мэра дрэ Израилёскирэ-чхавэнгиро родыцо, исын банги тэ явэл джувляса вари-конэскирэс пэскирэ дадэскирэ родыцостыр пир кхэритко родо, соб (кай) чхавэ Израилёскирэ тэ прилэл мэкно миштыпэн пир кажно (свако) мэра, ⁹ и, соб (кай) тэ на пириджал миштыпнаскири мэра родыцостыр дрэ явир родыцо; пал-довá со кажно Израилёскирэ чхавэнгирэ родыцостыр исын бангэ тэ явэл припхандло кэ пэскири миштыпнаскири мэра.” ¹⁰ Сыр припхэндя Рай Дэвэл Мойзаскэ, адякэ и кэрдэ Салпаадоскирэ чхая. ¹¹ И выгинэ Салпаадоскирэ чхая Махла, Фирца, Хогла, Милка и Ноа палором пал лэнгирэ-какэнгирэ чхавэндэ. ¹² Ёна сыс джувля пир кхэритко родо Манасияскирэ-чхавэнгиро, Иосифоскирэ чхавэскирэ, и яцяпэ лэнгири миштыпнаскири мэра дрэ лэнгирэ-дадэскирэ родыцоскиро кхэритко родо. ¹³ Дава исын припхэныбэна и упхэныбэна, савэ дья Рай Дэвэл Израилёскирэ чхавэнгэ пир Мойзастэ пэ Моавитоскирэ лошчыны (равнины), пашыл Иордано, проти Ерихоно.

Пáнджто Мойзаскири Лылварí (Явír Закóно)

Шэрó 1

Припхэныбэн тэ Заджán дро Ханаано

¹ Далэ исын лавá, савэ ракирдя Мойза (Моисеё) сарэ манушэнгэ Израилёстыр [Израильтянэнгэ-р.с.] пал Иордано пэ чхучи пхув пэ лошчына проти Суфо, машкир Фарано и Тофело, и Лавано, и Асирофо и Дизагаво, ² дава исын дром пэ дэшуекх дывэсá тэ джас пэзал Хоривостыр, пир дром бэргáтыр Сеир кэ Кадес-Варни. ³ Дава сыс дро штардэшытко бэрш, дэшуекхэ — чхонэскиро, пэ пэрво чхонэскиро дывэс, сыр ракирдя Мойза Израилёскирэ чхавэнгэ сарó, со припхэндя лэскэ Рай Дэвэл пал лэндэ. ⁴ Палó (после) довá, сыр ёв замардя (умардя) Сигонос, Амореэнгирэ краліс, савó дживдя кэ Есёвоно, и Огос, Васаноскирэ краліс, савó дживдя кэ Аштэрофа дрэ Едрея, ⁵ пал Иордано, пэ Моавитоскири пхув, лья Мойза тэ ракирэл ангил сарэндэ пал дава Закóно, и пхэндя: ⁶ “О Раё Дэвла (Яхвá), Дэвэл амарó, ракирдя амэнгэ дро Хориво и пхэндя: ‘Ухтылла (дóси) тумэнгэ тэ дживэн пэ дая бэрга! ⁷ Скэдэнпэ, джán дро дром, и джán пэ Амореэнгири бэрга и кэ сарэ лэнгирэ манушá, савэ дживэна пашыл, пэ лошчына, пэ бэрга, пэ тылякирдэ штэты и пэ паш-дывэсытко (южно) риг, и кэ брэги морёскирэ (дэрьявэскирэ), пэ Ханааноскири пхув и кэ Ливано, адякэ-паць кэ бари рэка (лэнь) Евфрато. ⁸ Ёада, Мэ дава тумэнгэ дая пхув, джán, лэн дро маённо пхув, сави совлахаса Рай Дэвэл дья лав тэ дэл тумарэ дадэнгэ Авраамоскэ, Исаакоскэ и Яковоскэ, лэнгэ и лэнгирэ родоскэ.

Барыдыра пэ Рóдыцы (Чанга)

⁹ И мэ пхэндём тумэнгэ дро дова́ часо (цыро): ‘Мэ нашты́ (на мого́нава) екхджинó тэ лыджав тумэн; ¹⁰ Рай Дэвэл, амарó, созды́ бут тумэн, и га́да, тумэ акана́ сан ада́кицы бут, сыр болыбна́скирэ чэргэня́; ¹¹ Рай Дэвэл, Дэвэл, тумарé-дадэнгиро, мэ́к тэ создэл тумэн бутэды́р дро тысе́нцо мо́лы проти дава́, ци бут тумэн акана́, и мэ́к тэ бахты́кирэл тумэн, сыр Ёв ракирдя́ тумэнгэ: ¹² сыр ма́нгэ екхджинэ́скэ тэ лыджав тумарó пхари́пэн, кошы́бэн тумарó и чинга́рд тумары́? ¹³ Выкэдэн пэ́скэ пир тумарó рóдыцо (чанг) му́ршэн мэ́ндронэн, годьва́рэн, и про́паты́кирдэн, и мэ́ чхува́ва лэн тумарé барыды́рэнца.’ ¹⁴ Тумэ отпхэндлэ́ ма́нгэ и пхэндлэ́: ‘Лачхо́ рэндо (де́ло) ту раки́рэса тэ кэ́рас.’ ¹⁵ И лы́ём мэ шэ́ралэн тумарé роды́цэндыр (чангэндыр), му́ршэн мэ́ндронэн и про́паты́кирдэн, и чху́дём лэн барыды́рэнца пэ́ тумэндэ́, тысе́нцэнгирэ́ барыды́рэнца, шэ́лэнгирэ́ барыды́рэнца, пандждэ́шэнгирэ́ барыды́рэнца, дэ́шэнгирэ́ барыды́рэнца и дыкхи́бна́скирэнца пир тумарó рóдыцо. ¹⁶ И ды́ём мэ упхэ́ныбэн тумарé сэ́ндарьенгэ́ дро дова́ часо, пхэ́ни: ‘Вышунэн тумарé пшале́н и сэ́ндинэн чачу́нэс лэн, сыр пшале́с пшале́са, ады́кэ и лэ́скирэ́ манушэ́с, саво́ явды́ яви́рэ рига́тыр; ¹⁷ на дыкхэ́н пэ́ муй пэ́ сэ́ндо, сыр ты́кнэс, ады́кэ и барэ́с вышунэн, на дарэ́н манушэ́скирэ́ мо́стыр: пал-дова́ со сэ́ндо – рэндо (де́ло) Дэвлэ́скиро. А рэндо, саво́ ваш тумэнгэ́ исын пха́ро, лы́джан лэ́с кэ́ мэ, и мэ́ вы́шунава лэ́с.’ ¹⁸ И ды́ём мэ упхэ́ныбэн тумэнгэ́ дро дова́ часо пал са́ро, со трэ́й тумэнгэ́ тэ кэ́рэн.

Израилё Отпхэнэлапэ́ тэ Заджа́л пэ́ Упхэндлы́ Пхув

¹⁹ И гия́м амэ́ Хоривосты́р, и гия́м пир са́ри да́я бари́ и дараны́ чхучи́ пхув, сави́ тумэ́ дыкхнэ́, пир дро́м кэ́ Аморе́енгири́ бэ́рга, сыр пхэ́ндя́ Рай Дэвэл, амарó Дэвэл, и явды́м дрэ́ Кадес-Варни́. ²⁰ И пхэндём мэ́ тумэнгэ́: ‘Тумэ́ явнэ́ кэ́ Аморе́енгири́ бэ́рга, сави́ Рай Дэвэл амарó Дэвэл де́ла амэ́нгэ; ²¹ га́да, исын Рай Дэвэл, ты́ро Дэвэл де́ла ту́кэ да́я пхув, джа́, лэ́ ла дро хула́ибэн, сыр ракирдя́ ту́кэ Рай Дэвэл ты́рэ-дадэнгиро, на дар и на страха́дэв.’ ²² Нэ́ тумэ́ са́рэ явнэ́ пашы́лэды́р кэ́ мэ, и пхэндлэ́: ‘Амэ́ бичхаваса́ анги́л пэ́стэ́ манушэ́н, соб (кай) ё́нэ амэ́нгэ́ тэ́ розга́лэн пхув, и тэ́ янэ́н амэ́нгэ́ джины́бэн пал дро́м, пир саво́ тэ́ джас амэ́нгэ, и пал фо́рья, дрэ́ саво́ тэ́ джас амэ́нгэ.’ ²³ Дова́ лав ма́нгэ́ сыс пир ило́, и мэ́ лы́ём тумэ́ндыр дэ́шудуен манушэ́н, пэ́ екхэ́ манушэ́стэ́ кажно́нэ́ роды́цосты́р. ²⁴ Ё́нэ гинэ́, гинэ́ упрэ́ пэ́ бэ́рга, и до́гинэ́ кэ́ до́ло Есхол, и обды́кхнэ́ ла. ²⁵ И лы́нэ ё́нэ дрэ́ пэ́скирэ́ васта́ пхувья́кирэ́ барья́кирдэ́ (плóды), и я́ндлэ́ амэ́нгэ́ и я́ндлэ́ амэ́нгэ́ нэ́випэн, и пхэндлэ́: ‘Лачхи́ исын пхув, сави́, Рай Дэвэл, амарó Дэвэл де́ла амэ́нгэ.’ ²⁶ Нэ́ тумэ́ на за́камлэ́ тэ́ джа́н и на канды́нэ́ Ра́скирэ́-Дэвлэ́скиро, амарó Дэвлэ́скиро упхэ́ныбэн, ²⁷ и танги́ндлэ́пэ́ (жали́ндлэ́пэ́) хо́ляса́ дрэ́ тумарé́ ша́тры, и раки́рдэ: ‘О Рай Дэвэл, пир хо́лы кэ́ амэ́, вы́лыджия́ амэ́н Еги́пто́скирэ́ пхувья́тыр, соб (кай) тэ́ отде́л амэ́н дрэ́ Аморе́енгирэ́ васта́ и тэ́ хасы́кирэ́л амэ́н; ²⁸ ка́рик амэ́ джа́са? Амарэ́ пша́ла бизо́рьякирдэ́ амарó́ ило́, пхэ́ни: ‘Мануша́ одо́лэ́ исын буты́р и вучэ́ды́р амэ́ндыр, фо́рья одо́й исын барэ́ и зорале́ ты́нэнца́ кэ́ болы́бэн, и Ена́коскирэ́ чхавэ́н дыкхця́м амэ́ одо́й.’ ²⁹ И мэ́ пхэндём тумэнгэ́ тэ́ на дарэ́н и на страха́дэн лэ́ндыр; ³⁰ О Рай Дэвэл, тумарó Дэвэл джа́ла анги́л тумэ́ндэ́, Ё́в явэ́ла тэ́ затэ́рдэл пал тумэ́ндэ́, сыр Ё́в кэ́рдя́ тумэ́нца́ дрэ́ Еги́пто, анги́л тумарé́ якха́, ³¹ и пэ́ да́я чхучи́ пхув, одо́й, кай, сыр ту́ дыкхця́н, Рай Дэвэл, ты́ро Дэвэл лы́джия́ тут, сыр ману́ш лы́джала́ пэ́скирэ́ чхавэ́с, пир са́ро дро́м, саво́са́ тумэ́ гинэ́, анги́л дова́, кэ́ли тумэ́́ явнэ́ пэ́ дава́́ штэ́то. ³² Нэ́ и уса́экх тумэ́́ на патя́ндынэ́ Ра́скэ́-Дэвлэ́скэ́, тумарé́ Дэвлэ́скэ́. ³³ Саво́́ гия́ анги́л тумэ́ндэ́ дро́мэ́са – тэ́ родэ́л тумэ́нгэ́́ штэ́то, тэ́ тэ́рдэн тумэ́нгэ́́, раты́́ дрэ́́ яг, соб (кай) тэ́ сы́кавэл тумэ́нгэ́́ дро́м, пир саво́́ тэ́ джас, а дывэ́сэ́ дро́ обло́ко.

Ка́ра пэ́ Израилё́

³⁴ И Рай Дэвэл шунды́а тумарé́ лава́, и хо́лясы́я, и совла́хадя́, и пхэ́ндя́: ³⁵ “Нико́н адалэ́́ манушэ́ндыр, далэ́́-хо́лына́кирэ́́ родо́стыр, на явэ́ла́ тэ́́ дыкхэ́л лачхи́́ пхув, сави́́ Мэ́́

совлахадём тэ дав тумарэ дадэнгэ; ³⁶ екх о Халево, Иефонияскиро чхаво [Эфунэскиро-ю.о.], удыххэла ла; лэскэ Мэ дава пхув, пир сави ёв гий, и лэскирэ чхавэнгэ, пал дова, со ёв кандыя Рас-Дэвлэс. ³⁷ И пэ мандэ холясыя Рай Дэвэл пал тумэндэ, и пхэндя: ‘И ту на заджаса одорик: ³⁸ о Исусо (Ёхошуа), Навиноскиро чхаво, саво исын пашыл тутэ, ёв заджала одорик; кэр лэс зоралэдыр, пал-дова со ёв залыджала Израилё пэ лэскири пхув, ³⁹ а чхавэ тумарэ, пал савэндэ тумэ ракирдэ, со ёнэ доячэнапэ вэргэнгэ, и тумарэ чхавэ, савэ на джинэна аканэ ни лачхипэн, ни чорипэн, ёнэ заджана одорик, лэнгэ Мэ дава ла, и ёнэ явэна хулая лэкэ; ⁴⁰ а тумэ тэ рисён и джэн пэ чхучи пхув пир дром кэ Лоло мórё (дэрьяв).’ ⁴¹ И тумэ отпхэндлэ тэды и пхэндлэ мангэ: ‘Амэ кэрдям грэхо ангил Растэ-Дэвлэстэ, джаса и марасапэ, сыр припхэндя амэнгэ Рай Дэвэл, амаро Дэвэл.’ И пирипхэндлэпэ тумэ кажно пэскирэ марибнытконэ мардытконэса (оружыёса), и надумины, скэдынэпэ тэ джэн упрэ пэ бэрга. ⁴² Нэ Рай Дэвэл пхэндя мангэ: ‘Пхэн лэнгэ: ‘На джэн упрэ и на марэньпэ, пал-дова со нанэ Ман машкир тумэндэ, соб (кай) тэ на замарэн тумэн тумарэ вэрги (вроги).’” ⁴³ И мэ тумэнгэ ракирдём, нэ тумэ на кандынэ и гинэ проти Рэскирэ-Дэвлэскиро лав, и пир пэскиро ило гинэ упрэ пэ бэрга. ⁴⁴ И выгий проти тумэндэ о Амореё, саво дживдэ пэ доя бэрга, и традынэ тумэн адякэ, сыр кэрэна бырлина (пчолы), и домардэ тумэн пэ Сеиро кэ Хорма. ⁴⁵ И рисинэ тумэ, и рондлэ ангил Растэ-Дэвлэстэ: нэ Рай Дэвэл на шундя тумарэ гóдла и на помогиндя тумэнгэ. ⁴⁶ И ячэнаспэ тумэ дро Кадесо адакицы бут часо, ци бут часо тумэ сáнас одой.

Шэрó 2

Псирибэн пир Чхучи Пхув

¹ И рисиям амэ и гиям пэ чхучи (пусто) пхув кэ Лоло мórё (дэрьяв), сыр ракирдэ мангэ Рай Дэвэл, и бут часо псирдя пашыл бэрга Сеиро. ² И пхэндя мангэ Рай Дэвэл, ракири: ³ “Ухтылла (дóси) тумэнгэ тэ псирэн пашыл дая бэрга, рисён кэ паш-рат (северо); ⁴ и дэ манушэнгэ упхэныбэн, и пхэн: ‘Тумэ явэна тэ джэн пир тумарэ-пшалэнгирэ пхувья, Исавоскирэ чхавэнгирэ, савэ дживэна кэ Сеиро, и ёнэ задарэна (страхадэна) тумэндэр; нэ раххэнпэ, соб (кай) ёнэ, ⁵ тэ на залыджан тумэнца марибэн, пал-дова со Мэ на дава тумэнгэ лэнгири пхув ни пэ гэрьякиро шаго (ламны), пал-дова со бэрга Сеиро Мэ дыём Исавоскэ; ⁶ кинэн лэндэр хабэн пал руп, и хан; и кинэн пані лэндэр пал руп, и пьен; ⁷ пал-дова со Рай Дэвэл, тырó Дэвэл бахтякирдэ тут дрэ кажно тырэ-вастэнгиро рэндо, раххця тут [дыххця пал тутэ-р.с.] дро часо, кэли ту псирдя пир бари дая чхучи пхув; гада, штардэша бэрш Рай Дэвэл, тырó Дэвэл исын туса; тутэ сарó сыс.”’ ⁸ И гиям амэ мамуй амарэ пшалэндэ, Исавоскирэ чхавэндэ, савэ дживдэ пэ Сеиро, лошчынакирэ (равниакирэ) дромэса, Елафостыр и Ецыон-Гаверостыр, и рискирдэ и гинэ пэ чхучи пхув Моавоскири. ⁹ И пхэндя мангэ Рай Дэвэл: “На заджа дро кошыбэн Моавоса и на залыджа лэса марибэн; пал-дова со Мэ на дава тукэ ничи лэскирэ пхувьятыр, пал-дова со Аро Мэ отдыём Лотоскирэ чхавэнгэ”; ¹⁰ Англэдыр одой дживдэ Эмимы, барэ мануша, бут и вучэ, сыр Енакоскирэ чхавэ, ¹¹ и ёнэ гиндлэпэ машкир Рефаимэндэ, сыр Енакоскирэ чхавэ; э Моавитяни кхарэна лэн Эмимы [Эмеи-ю.о.]; ¹² а пэ Сеиро дживдэ англэдыр Хореи; нэ Исавоскирэ чхавэ традынэ криг лэн, и хасякирдэ лэн пэскирэ мостыр, и лынэ тэ дживэн замест лэндэ, – адякэ, сыр кэрдэ Израилё пэскирэ пхувьяса, сави дыя лэнгэ о Рай Дэвэл; ¹³ и адякэ, уштэн и проджан лошчына [сыгно рэкица (лэнорі) -ю.о.] Заредо.” И прогиям амэ лошчына Заредо. ¹⁴ Долэ часостыр, сыр амэ гиям дрэ Кадес-Варни и сыр гиям дурэдыр пир лошчына Заредо, прогия трийнда охто (бидуэнгиро дэш) бэрш, и амэндэ пирилыджияпэ станостыр сарó манушэнгиро рóдо, савэ псирдэ пэ марибэн, сыр совлахадэ лэнгэ Рай Дэвэл; ¹⁵ И Дэвлэскиро васт сыс пэ лэндэ, соб (кай) тэ вымулякирэс лэн станостыр, пака ёнэ вымынэ. ¹⁶ И сыс адякэ: пирилыджинэпэ сарэ мануша, савэ псирдэ пэ марибэн, и савэ вымынэ адалэ манушэндэр, ¹⁷ тэды пхэндя мангэ Рай Дэвэл дасавэ лавэ: ¹⁸ “Ту аканэ джаса пашыл Моавоскири риг, пашыл фóро Аро, ¹⁹ и сыр ту явэса пашыл кэ Амонитяни: на заджа лэнца дро кошыбэн, и на залыджа лэнца марибэн, пал-дова со Мэ на дава тукэ ничи Амоноскирэ-чхавэнгирэ пхувьятыр, пал-дова со

Мэ отдыём ла Лотоскирэ чхавэнгэ.”²⁰ и ёй гиндяпэ Рефаимэнгирэ пхувьяса; вагэдыр (гарэдыр) дживдэ пэ латэ Рефаимы, Амонитяни кхарэна лэн Замзумимы; ²¹ ёнэ сыс мануша барэ, бут и вучэ, сыр Енакоскирэ чхавэ, и традыя криг лэн Рай Дэвэл ангил лэнгиро муй, и вытрадынэ ёнэ лэн, и ячнэ тэ дживэн ёнэ пэ лэнгиро штэто, ²² сыр Ёв кэрдя ваш Исавоскирэ чхавэнгэ, савэ дживдэ пэ Сеиро, протрадыи ангил лэнгиро муй Хорееи, и ёнэ вытрадынэ лэн, и ячнэ тэ дживэн пэ лэнгиро штэто, и дживэна кэ ададывэс; ²³ Кафторимы, савэ выгинэ Кафторостыр, мулякирдэ и Авееи, савэ дживдэ дрэ гавá кэ Газа, и ячнэ тэ дживэн пэ лэнгиро штэто. ²⁴ Уштэн, джэн и пириджан сыгно рэкица (лэнорí) Арноно, гада, Мэ пиридава дро тырó васт Сигонос, Есегоноскирэ кралíс, Амореянинос, и лэскири пхув; ту лэпэ тэ хулаинэс ласа, и лыджа лэса марибэн; ²⁵ далэ дывэсэстыр Мэ лава тэ розмэкав дар и траш ангил түтэ пэ манушэндэ тэл сарó болыбэн; одолэ, савэ шунэна пал түтэ, затринскирэнапэ и страхадэна түтыр.”

Юды Зорьякирдэ Сигонос

²⁶ И бичхадём мэ манушэн чхучэ пхувьятыр Кедемофо кэ Сигоно, Есегоноскиро крáli, лачхэ лавэнца, соб (кай) тэ пхэнэн: ²⁷ “Мэк ман тэ джав дурэдыр пир тырí пхув; мэ джава дромэса, Мэ на джава дрэ риг ни пэ чачó (пэ право), ни пэ зэрво (пэ лэво); ²⁸ хабэн бикин мангэ пал руп, и мэ явава тэ хав, и пани тэ пъяв дэ мангэ пал руп, и мэ явава тэ пъяв, екхэ гэрэнца мирэнца джава дурэдыр, ²⁹ адякэ, сыр кэрдэ мангэ Исавоскирэ чхавэ, савэ дживэна кэ Сеиро и Моавитяни, савэ дживэна кэ Аро, пака Мэ пириджава пир Иордано пэ пхув, савí Рай Дэвэл, амарó Дэвэл, дэла амэнгэ.” ³⁰ Нэ о Сигоно, Есегоноскиро крáli на закамдя тэ мэкэл амэн тэ джас дурэдыр пир лэскири пхув, пал-довá со Рай Дэвэл, тырó Дэвэл, кэрдя налачхо лэскиро дýхо (фáно), и лэскиро илó кэрдяпэ пхарэса, соб (кай) тэ пиридэл лэс дро тырó васт, сыр дава аканá бицялó. ³¹ И пхэндя мангэ Рай Дэвэл: “Гáда, Мэ лава тэ отдав түкэ Сигонос и лэскири пхув; яв лáкирэ хуласа.” ³² И Сигоно сарэ пэскирэ манушэнца выгия проти амэндэ пэ марибэн кэ Яаца; ³³ и отдыя лэс Рай Дэвэл, Дэвэл амарó, дрэ амарэ вастá, и амэ домардым лэс и лэскирэ чхавэн и сарэ лэскирэ манушэн, ³⁴ и лынэ дрэ довá часо сарэ лэскирэ фóрья, и отдынэ прокошыбнаскэ сарэ фóрья, муршэн и джувлэн и чхаворэн, на ячкирдэ никонэс джидэн; ³⁵ екх лыям амэ пэскэ дро дорэсыбэн (добыча) лэнгирэ кхэритконэ мурдалэн (ското) и миштыпэн фoрьэндýр, савэ амэ заухтылдым. ³⁶ Ароиростыр, савó исын пэ брэго Арноноскиро, сыгнонэ рэкицакиро (лэнорьякиро), и фoростыр, савó исын пэ лошчына [сыгно рэкица (лэнорí) -ю.о.], аж кэ/жýко Галаáдо на сыс фóро, савó сыс бы ваш амэнгэ на пир зор: сарó отдыя Рай Дэвэл, Дэвэл амарó дрэ амарэ вастá. ³⁷ Екх кэ Амонитянгирэ пхув ту на гýян, ни кэ штэты пашыл Явокоскири сыгно рэкица (лэнорí), ни кэ фóрья пэ бэрга, ни кэ сарó, со на припхэндя амэнгэ Рай Дэвэл, Дэвэл амарó.

Шэрó 3

Крáli Васаноскиро Ого Домардо

¹ И рисиям амэ одотхýр, и гиям кэ Васáно, и выгия проти амэндэ пэ марибэн Ого, о Васаноскиро крáli, сарэ пэскирэ манушэнца, пашыл Едрея. ² И пхэндя мангэ Рай Дэвэл: “На дар лэстыр, пал-довá со Мэ отдава лэс дро тырó васт, и сарэн лэскирэ манушэн, и сарí лэскири пхув, и ту кэрэса лэса адякэ, сыр ту кэрдян Сигоноса [Сихоноса-ю.о.], Амореэнгирэ кралíса, савó дживдя кэ Есегоно.” ³ И отдыя Рай Дэвэл, Дэвэл амарó, дрэ амарэ вастá и Огос, Васаноскирэ кралíс, и сарэн лэскирэ манушэн; и амэ домардым лэс адякэ, со никон на яцяпэ лэстэ джидó; ⁴ и лыям амэ дрэ довá часо сарэ лэскирэ фóрья, на сыс фóро, савó амэ тэ на лас лэндыр; шовдэша фóрья, сарí Арговоскири округа, Васаноскирэ-Огоскиро кралипнастыр. ⁵ Сарэ далэ фóрья, сыс кэрдэ зоралэ тынэнца, вучэ вантэнца, вударэнца, и заучхакирибнэнца, апрíч фóрья, савэ на сыс облыджинэ зоралэ тынэнца, сыс древán бут. ⁶ И отдыям амэ лэн прокошыбнаскэ, сыр кэрдям Сигоноса, Есегоноскирэ кралíса, отдыям

прокошыбнаскэ кажно ф́оро муршэнца, джувл́енца и чхаворэнца; ⁷ нэ сарэ кхэритконэ мурдалэн (ското) и саро закэдыно дрэ ф́орья льям амэ пэскэ дро дорэсыбэн (добыча). ⁸ И льям амэ дрэ дова́ часо дуге Аморе́нгирэ-кральенгирэ вастэстыр дая пхув, сави́ сыс пир дая Иорданоскири риг, Арноноскирэ сыгно́нэ рэка́тыр (лэня́тыр) кэ бэ́рга Ермоно, – ⁹ Сидоняни Ермоно кхарэ́на Сирионо, а Амореи кхарэ́на лэс Сениро, – ¹⁰ сарэ ф́орья пэ лошчы́на, саро Галаа́до и саро Васано́ кэ Салха и Едрея, Васаноскирэ-Огоскирэ кралиппнаскирэ ф́орья; ¹¹ екх Ого, о Васаноскиро кра́ли, яця́пэ Рефаимэндыр. Га́да, лэскиро чхуи́бэн (одро), чхуи́бэн са́струно, и акана́ исын дрэ Рава, Амоноскирэ чхавэ́ндэ: дленгип́эн лэскиро исын еня́ (биекхэскиро дэ́ш) куня́ (логци), а лэскиро буглы́пэн исын штар куня́, муршэнгирэ куня́.

Сыр Роскэрдэ Пхув пэ Васто́ко Иорданостыр

¹² Пхув дая́ амэ льям дрэ дова́ часо, льям Ароеростыр, саво́ исын пашы́л Арноноскири сы́гно рэ́кица (лэно́ри); и пашы́л бэ́рга Галаадоскири ла́кирэ форьенца отды́ем мэ Рувимоскирэ и Гадоскирэ роды́щоскэ; ¹³ а со яця́пэ Галаадостыр и саро Васано, Огоскиро крали́пэн, отды́ем мэ паш пхув Манасия́скирэ роды́щоскэ, сари́ округа Арговоскири сарэ Васаноса. ¹⁴ Иаиро (Яиро), о Манасия́скиро чхаво́, лыя́ сари́ Аргэнгири округа кэ Гесуроскирэ и Маахакирэ ме́жы, и ёв кхард́я ла Васано, пир пэскиро лав, Яироскирэ гавэ́нца, со кэ далэ́ дывэ́са; ¹⁵ И мэ ды́ем Галаа́до Махироскэ. ¹⁶ И Рувимоскирэ и Гадоскирэ роды́щоскэ ды́ем мэ пхув Галаадостыр кэ Арноноскири сы́гно рэ́кица (лэно́ри), пхув машкира́л сы́гно рэ́кица (лэно́ри) и ме́жа, кэ сы́гно рэ́кица (лэно́ри) Иавокоскири, Амоноскирэ-чхавэ́нгирэ ме́жа, ¹⁷ адя́кэ-паць лошчы́на и Иорда́но, саво́ и исын ме́жа Кинерефостыр кэ лошчы́на морёскири, Лондэ-морёскири, пашы́л Фасгакирэ-бэ́ргакиро склоно́ кэ васто́ко. ¹⁸ И ды́ем мэ тумэ́нгэ дро дова́ часо упхэ́ныбэн, ракири́: “Рай Дэвэ́л, Дэвэ́л тумаро́, дыя́ тумэ́нгэ дая́ пхув; сарэ́, кон мого́нэла тэ́ джал пэ́ марибэ́н, лэн марибны́тко (оружы́ё), джа́н анги́л тумарэ́ пшалэ́ндэ, Израилёскирэ чхавэ́ндэ; ¹⁹ екх тумарэ́ ромня́ и тумарэ́ чхавэ́ и тумарэ́ кхэ́ритка мурдала́ (ското) тумарэ́, мэ́к тэ́ ячэ́нпэ дрэ́ тумарэ́ ф́орья, савэ́ мэ ды́ем тумэ́нгэ, ²⁰ па́ка Рай Дэвэ́л дэ́ла рама́нэ (миро) тумарэ́ пшалэ́нгэ, сыр тумэ́нгэ, и па́ка и ё́нэ дорэ́сна дро хулаи́бэн пхув, сави́ Рай Дэвэ́л, Дэвэ́л тумаро́, дэ́ла лэ́нгэ пал Иорда́но; тэ́ды рисе́н кажно́ дро пэскиро хулаи́бэн, саво́ мэ ды́ем тумэ́нгэ.” ²¹ И Исусо́скэ (Ёхошуаскэ) ракирдэ́м мэ дро долэ́ дывэ́са: “Тырэ́ якха́ дыкхне́ саро́, со кэ́рдя́ Рай Дэвэ́л, Дэвэ́л тумаро́, дуге́ далэ́ кра́льенца; дова́-паць кэ́рэла́ Рай Дэвэ́л сарэ́ крали́ппэнца, савэ́ ту явэ́са тэ́ проджа́с; ²² на дарэ́н лэ́ндыр, пал-дова́ со Рай Дэвэ́л, Дэвэ́л тумаро́, Кокоро́ марэ́лапэ́ пал тумэ́ндэ.”

Мойза́скэ Пхэ́ндло́ тэ́ на Заджа́л пэ́ До́я Пхув

²³ И мангдэ́мпэ мэ Ра́скэ-Дэвлэ́скэ дрэ́ долэ́ дывэ́са́ дасавэ́ лавэ́нца: ²⁴ “Ба́ро Раё́, Раё́ Дэ́вла, Ту́ лыян тэ́ сы́кавэ́с Тырэ́ писха́ри́скэ сла́ва Ты́ри и зорало́ васт Ты́ро; пал-дова́ со, саво́ дэ́вэл исын пэ́ болы́бэн, ци́ пэ́ пхув, саво́ мого́ндя́ бы́ тэ́ кэ́рэ́л дасавэ́ рэ́нды, сыр Ты́рэ, и зорья́са дасавья́са, сыр Ты́ри исын? ²⁵ Дэ́ ма́нгэ́ тэ́ пи́риджа́в и тэ́ дыкха́в до́я лачхи́ пхув, сави́ исын пал Иорда́но, и до́я шука́р бэ́рга и Лива́но.” ²⁶ Нэ́ Рай Дэвэ́л хо́лясолас пэ́ ма́ндэ́ пал тумэ́ндэ́, и на канды́я ман, и пхэ́ндя́ ма́нгэ́ Рай Дэвэ́л: “Ухты́лла (до́си) ту́кэ́, анги́л на ра́кир Ма́нгэ́ буты́р пал да́ва; ²⁷ а джа́ упрэ́ пэ́ Фасгакиро́ вучип́эн, и поды́кх ты́рэ́ якхэ́нца кэ́ мо́рэ (дэ́рьяв), и кэ́ паш-рат (се́веро), и кэ́ паш-дывэ́с (ю́го), и кэ́ васто́ко, и поды́кх ты́рэ́ якхэ́нца, пал-дова́ со́ ту на проджа́са пир да́ва́ Иорда́но; ²⁸ нэ́ дэ́ упхэ́ныбэн Исусо́скэ (Ёхошуаскэ), и дэ́ зор лэ́скэ́ и зора́лякир лэ́с дро́ ду́хо (фа́но); пал-дова́ со́ ё́в явэ́ла анги́л адалэ́ манушэ́ндэ́, и ё́в роздэ́ла лэ́нгэ́ пир мишты́пна́скири ме́ра пхув, пэ́ сави́ ту́ поды́кхэ́са.” ²⁹ И тэ́рдия́м амэ́ пэ́ до́ло, проти́ Беф-Фегоро́.

Шэрó 4

Мóйза Припхэнэла тэ Кэрэл пир Упхэныбэн

¹ И аканá, Израилё, шун упхэныбэнá и закóны, савé мэ сыклякирава тумэн тэ кэрэн, соб (кай) тумэ тэ явэн джидэ, и тэ джэн и тэ дорэсэн доя пхув, сави Рай Дэвэл, тумарé дадэнгиро Дэвэл, дэла тумэнгэ; ² тэ на причхувэн кэ дова, со мэ ракирдём тумэнгэ, и тэ на отлэн долэстыр; раххэн Рáскирэ-Дэвлэскирэ, тумарé Дэвлэскирэ припхэныбэнá, савé мэ дава тумэнгэ. ³ Якхá тумарé дыкхнэ сарó, со кэрдя Рай Дэвэл Ваал-Фегороса: кажнонó манушэс, савó кэрдя сыр Ваал-Фегоро, традыя криг Рай Дэвэл, Дэвэл тырó, тырэ манушэндир; ⁴ а тумэ, савé рикирдэпэ зоралэс кэ Рай Дэвэл, Дэвэл тумарó, сан джидэ сарэ аканá. ⁵ Дыкхэн, мэ сыклякирдём тумэн упхэныбнэнгэ и законэнгэ, сыр ракирдя мánгэ Рай Дэвэл, Дэвэл миро, соб (кай) тумэ адякэ тэ кэрэн пэ доя пхув, дрэ сави тумэ заджана, соб (кай) тэ хулаинэн ласа; ⁶ и, соб (кай) тумэ тэ раххэн и тэ кэрэн пир лэндэ: пал-дова со дрэ дава исын годыпэн тумарó и годы тумарй ангил якхá манушэнгирэ, савэ шунэна пал сарэ далэ упхэныбэнá, и пхэнэна: ‘Екх адалэ барэ манушá исын манушá годé и барэ-годякирэ.’ ⁷ Пал-дова со, ци исын савэ барэ манушá, кэ савэ дэвэлá лэскирэ тэ явэн бы адякэ пашыл, сыр пашыл кэ амэ Рай Дэвэл, амарó Дэвэл, кели амэ кхараса Лэс? ⁸ И ци исын, савэ барэ манушá, савэндэ тэ явэн бы дасавэ чачунé упхэныбэнá и закóны, сыр сарó дава Закóно исын, пал савó мэ чхурдава лав ададывэс? ⁹ Фэни (тóка), раххпэ, и гарав раххунэс тырó ди, соб (кай) тукэ тэ на бистрэс долэ рэндэ, савэ дыкхнэ тырэ якхá, соб (кай) ёнэ тэ на выджэн тырэ илэстыр дрэ сарэ тырэ джибнáскирэ дывэсá; и роспхэн пал лэндэ тырэ чхавэнгэ и тырэ-чхавэнгирэ чхавэнгэ, ¹⁰ пал дова дывэс, кели ту сáнас тэрдó ангил Растэ-Дэвлэстэ, тырэстэ Дэвлэстэ, пашыл Хориво, и кели пхэндя Рай Дэвэл мánгэ: ‘Скэдэ кэ Мэ манушэн, и Мэ пхэнава лэнгэ Мирé лавá, савэндир ёнэ высылкэна тэ дарэн Мандыр дрэ сарэ пэскирэ джибнáскирэ дывэсá пэ пхув и высылкирэна пэскирэ чхавэн.’ ¹¹ Тумэ подгинэ и тэрдинэ тэл бэрга, а бэрга хачия ягаса кэ болыбэн, и сыс цямло (тёмно), óблоко и калыпэн. ¹² И ракирдя Рай Дэвэл кэ тумэ машкирál яг; Лэскирэ-лавэнгири зан (глос) тумэ шундлэ, нэ муй на дыкхнэ, а екх зан; ¹³ и дыя тэ джинэл Ёв тумэнгэ завето Пэскиро, савó пхэндя тумэнгэ тэ кэрэс сарó, пир дэш лавá (дэштунэ) и чхиндя лэс пэ дуй барунэ скрижáли (таблицы); ¹⁴ и пхэндя мánгэ Рай Дэвэл дрэ долэ дывэсá тэ сыклякирав тумэн упхэныбнэнгэ и законэнгэ, соб (кай) тумэ тэ кэрэн пир лэндэ пэ доя пхув, дрэ сави тумэ заджана, соб (кай) тэ хулаинэн ласа.

Тэ Ракхэнпэ Идолэндир

¹⁵ Ракхэн и рикирэн зоралэс тумарé дия, со тумэ на дыкхнэ ни савó москиро óбразо (стаць) дро дова дывэс, кели ракирдя кэ тумэ Рай Дэвэл пэ Хориво ягатыр, ¹⁶ соб (кай) тумэ тэ на пэрэн дро блэндо и тэ на вычхинэн пэскэ муя, ци форма вари-сави москири, муршэс ци джувля, ¹⁷ ци копия вари-савэ кхэритконэ-мурдалэскири, савó исын пэ пхув, ци вари-савья чирикля пхакэнца (крылэнца), сави вурняла тэл болыбэн, ¹⁸ ци копия вари-савэс гадос, савó ползынэла пир пхув, копия вари-савэ мачхэскири, савó исын дро панй тэлэдыр пхувьятыр; ¹⁹ и соб (кай) ту, дыкхи пэ болыбэн, и кели дыкхцян кхам, чхон и чэргэня и сарó, со исын пэ болыбэн, соб (кай) дава тэ на злыджал тут, и тэ на мангэспэ лэнгэ, и тэ на дынаринэс лэнгэ, адякэ сыр Рай Дэвэл, Дэвэл тырó, дыя лэн сарэ манушэнгэ тэл сарó болыбэн сыр мэкнó миштыпэн (наследство). ²⁰ А тумэн лыя Рай Дэвэл и вылыджия тумэн саструнэ бовэстыр, Египтóстыр, соб (кай) тумэ тэ явэн Лэскирэ манушá Лэскирэ мэкнэ миштыпнастыр, сыр дава аканá бицялó. ²¹ И Рай Дэвэл холясыя пэ мánдэ пал тумэндэ, и совлахадя, со мэ на пириджава пал Иордáно и на заджава пэ доя лачхи пхув, сави Рай Дэвэл, Дэвэл тырó, дэла тукэ дрэ миштыпнаскири мёра; ²² мэ мэрáва пэ дая пхув, на пиригии пал Иордáно, а тумэ пириджана, и явэна тумэ хулая пэ доя лачхи пхув. ²³ Ракхэнпэ, соб (кай) тэ на бистрэн тумэнгэ дынó завето (лав) Рáскирэ-Дэвлэскиро, савó Ёв чхудя тумэнца, и соб (кай) тэ на кэрэн пэскэ вари-савó муй дрэ вари-сави форма, сыр припхэндя тукэ Рай Дэвэл,

Дэвэл тыр^о; ²⁴ пал-дова со Рай Дэвэл, Дэвэл тыр^о, исын яг, сави хала, исын Дэвэл зэвлыныпнаскиро. ²⁵ Кóли бияндёна түтэ чхав^э и тыр^э чхавэндэ чхав^э, и гар^а (длугэс) дживи пэ пхув, а тумэ джана дро блэндо, и кэрэна копии, савэ сыкавэна йдолы, и кэрэна дая холы ангил Рáскирэ-Дэвлэскирэ, тумарэ Дэвлэскирэ якх^а, и росхолякирэна Лэс, ²⁶ то тэды мэ допхэнава тумэнгэ ададывэс болыбнаса и пхувьяса, со тумэ сыг хасякирэна пхув, ваш пэскэ, пир сави тумэ пириджана пал Иордано; тумэ на явэна бут дывэс^а пэ латэ, нэ хасэна; ²⁷ и росчхурдэла тумэн Рай Дэвэл пир сарэ манушэндэ тэ дживэн, и ячэнапэ пэ нэбут маширал манушэндэ, кэ савэ залыджала тумэн Рай Дэвэл. ²⁸ И тумэ явэна одой тэ дынаринэн дэвлорэнгэ, савэ кэрдэ манушэнгирэ васта каштэстыр и барэстыр, савэ на дыкхэна и на шунэна, и на хана, и на сунгавэна. ²⁹ Нэ кэли ту явэса тэ родэс одой Рас-Дэвлэс, тыр^э Дэвлэс, тэды латхэса Лэс, кóли явэса тэ родэс Лэс сарэ тыр^э илэса и сарэ тыр^э деса. ³⁰ Кэли ту явэса дрэ бйда, и кэли саро дава латхэла тут дрэ сарэ дывэс^а, со ишчо (инкэ) явэна, тэды ту рисэса илэса кэ Рай Дэвэл, Дэвэл тыр^о, и шунэса Лэскири зан (глос). ³¹ Пал-дова со Рай Дэвэл, тыр^о Дэвэл, исын Рай Дэвэл тангипнаскиро; Ёв на ячкирэла тут и на хасякирэла тут, и на забистрэла завето тыр^э дадэнца, саво Ёв совлахаса дыя лэнгэ. ³² Пал-дова со пхуч англатунэндыр, савэ сыс англэдыр түтыр, долэ дывэсэстыр, дрэ саво Дэвэл создыя манушэс пэ пхув, и екхэ болыбнаскирэ ягорóстыр (концостыр) кэ явир ягоро болыбнаскиро: ци сыс вари-со дасаво, сыр дава баро рэндо, ци шундло, ци со подджалас пэ дава (далэскэ)? ³³ Ци шундлэ вари-савэ мануша Дэвлэскири зан, сави ракирдя ягатыр, и ячнэпэ джидэ, сыр шундян ту? ³⁴ Ци скэдэласпэ вари-саво Дэвэл тэ джал, тэ лэл пэскэ манушэн машкир явирэ манушэндэ тхагарьенца, знамениэнца (гертыкэнца) и дивэнца, и марибнаса, и зоралэ вастэса, и вучэ вастэса, и барэ страхаса, сыр кэрдя ваш тумэнгэ Рай Дэвэл, тумаро Дэвэл, дро Египто ангил тыр^э якх^а? ³⁵ Түкэ сыс дыно тэ дыкхэс дава, соб (кай) ту тэ джинэс, со екх Рай Дэвэл исын Дэвэл, и нанэ бутыр априч (кроме) Лэстэ; ³⁶ болыбнастыр Ёв дыя түкэ тэ шунэс Пэскири зан, соб (кай) тэ сыклякирэс тут, и пэ пхув сыкадя түкэ Пэскири бари яг, и ту шундян Лэскирэ лава машкир яг; ³⁷ и адякэ сыр Лэскэ ячнэ дрога тыр^э дада, и Ёв выкэдыя тумэн, лэнгиро рóдо палó (после) лэндэ, тэды и вылыджия Ёв тут Кокорó барэ Пэскирэ зорьяса Египтóстыр, ³⁸ соб (кай) тэ традэс криг тыр^э мóстыр манушэн, савэ сыс барэдыр и зоралэдыр түтыр, и тэ залыджас тут, и тэ дэс лэнгири пхув дрэ миштыпнаскири мёра, сыр дава аканá бицялó. ³⁹ И ту аканá джин и чхув пэ тыр^о илó, со Рай Дэвэл исын Дэвэл упрал пэ болыбэн и пэ пхув тэлал, и нанэ бутыр априч Лэстэ; ⁴⁰ и рахх Лэскирэ упхэныбэнá и Лэскирэ припхэныбэнá, савэ мэ ракирэва аканá түкэ, соб (кай) шукáр тэ явэл түкэ и тыр^э чхавэнгэ палó (после) түтэ, и, соб (кай) ту бут часо (цыро) тэ явэс пэ доя пхув, сави Рай Дэвэл, тыр^о Дэвэл, дэла түкэ пэ сарó джиибэн.” ⁴¹ Тэды Мóйза отчхудя трин фóрья пир дая Иорданоскири риг пэ вастóко кхамэстыр, ⁴² соб (кай) тэ нашэл одорик замарибнари (умарибнари), саво мулякирэла пэскирэ пашатунэс, наками, саво на сыс вэрго (врого) лэскэ ни тася, ни пэ трито дывэс, и соб (кай) тэ нашэл дрэ екх далэ форьэндыр, тэ ячэлпэ джидó: ⁴³ Бецэро пэ чхучи пхув, пэ лошчына (равнина) дро Рувимоскиро рóдыцо, и Рамóфо дро Галаáдо дро Гадоскиро рóдыцо, и Голано дро Васано дрэ Манасияскиро рóдыцо. ⁴⁴ Ѓáда, исын Законо, саво чхудя ангил (пропониндя) Мóйза Израилёскирэ чхавэнгэ. ⁴⁵ Ѓáда, исын припхэныбэнá, упхэныбэнá и законы, савэ дыя Мóйза Израилёскирэ чхавэнгэ, сыр ёнэ выгинэ Египтóстыр, ⁴⁶ пал Иордано пэ лошчына проти Беф-Фегоро [Бэт Пеор-ю.о.], пэ Сигоноскири пхув, Амореэнгирэ-кралыскири, саво дживдя кэ Есевóно, савэс замардя (умардя) Мóйза Израилёскирэ чхавэнца, пир лэнгиро выгиибэн Египтóстыр. ⁴⁷ И залынэ ёнэ лэскири пхув и Васаноскирэ-кралыскирэ, Огоскири пхув, дус Амореэнгирэ кральенгирэ, савэ пал Иордано кэ вастóко кхамэскиро, ⁴⁸ лыи Ароеростыр, саво исын паштó пэ брэго Арноноскиро, сыгнóнэ рэкицатыр (лэнорьятыр), кэ бэрга Сиóно, ёй исын Ермоно, ⁴⁹ и лынэ сари лошчына пир дая Иорданоскири риг кэ вастóко, кэ мóрэ (дэрьяв), исын лошчыны пашыл Фасгакиро склоно.”

Шэрó 5

Пал Дэш Припхэныбэна́ (Дэштунэ)

¹ И скэдыя Мойза сарó Израилё, и пхэндя лэнгэ: “Шун, Израилё, упхэныбэн и закóны, савэ мэ лава тэ ракирав ададывэс дрэ тумарé канá, и высклякирэн лэн, и причхувэн зор тэ кэрэн сарó пир лэндэ. ² Рай Дэвэл, Дэвэл амарó, чхудя амэнца завето (доракирибэн) пэ Хориво; ³ на амарé дадэнца чхудя Рай Дэвэл дава доракирибэн, нэ амэнца, савэ ададывэс датэ [ада́й-р.с.] сарé исын джидэ. ⁴ Муй кэ муй ракирдя Рай Дэвэл тумэнца пэ бэрга машкирал яг; ⁵ мэ сомас тэрдó машкир Растэ-Дэвлэстэ и машкир тумэндэ дро дова́ часо, соб (кай) тэ пирипхэнав тумэнгэ Рáскирэ-Дэвлэскиро лав, пал-дова́ со тумэ дарáндынэ ягатыр и на гинé пэ бэрга. Ёв тэды пхэндя: ⁶ “Мэ сом Рай Дэвэл (Яхвá), Дэвэл тырó, Савó вылыджия тут Египтóскирэ пхувья́тыр, писхарибнаскирэ кхэрэстыр; ⁷ мэк тэ на явэл тýtэ явирэн дэвлэн (явир дэвэла́) ангил Мирó муй. ⁸ На кэр пэскэ нисавó вычхиндло муй и нисави́ копия одолэскэ, со исын упрал пэ болыбэн, и со исын пэ пхув тэлáл, и со исын дро пани́ тэл пхув, ⁹ на мангпэ лэнгэ и на дынарин (на служын) лэнгэ; пал-дова́ со Мэ Рай Дэвэл, Дэвэл тырó, исын Дэвэл зэвлыныпнаскиро (ревностякиро), пал дадэнгири банг Мэ чхува́ва кáра пэ чхавэндэ кэ трíто и кэ штáрто рóдо, савэнгэ на сом дрóго Мэ, ¹⁰ и, кон кэрэла лачхипэн кэ тысёнцо рóды, конэскэ Мэ сом дрóго, и кон сполнинэла Мирé припхэныбэна́. ¹¹ На ráкир тырэ Рáскирэ-Дэвлэскиро лав ивя́я (дармэс), пал-дова́ со на ячкирэла Рай Дэвэл би напхэныбнаскиро одолэс, кон пририпирэла Лэскиро лав ивя́я. ¹² Ракх дывэс сáвато (субóта), соб (кай) свэнтэс тэ ракхэс лэс, сыр ракирдя тукэ Рай Дэвэл, Дэвэл тырó; ¹³ шов дывэсá кэр буты́ и кэр кажна тырэ рэндэ, ¹⁴ а дывэс эфтáто (бидэшэнгиро дэшто) – сáвато Рáскэ-Дэвлэскэ, Дэвлэскэ тырэскэ. На кэр дро дава́ дывэс нисавó рэндо, ни ту, ни чхавó тырó, ни чхай тырí, ни писхáри тырó, ни писхарица тырí, ни гурув тырó, ни óсло (мегáри) тырó, ни вари-савó тырó кхэритко мурдáл (ското), ни савó тырó ману́ш, савó явдя́ кэ ту, соб (кай) тэ откхинёл тырó писхáри и тырí писхарица, сыр и ту; ¹⁵ и рíпир, со и ту сáнас писхариса пэ Египтóскири пхув, нэ Рай Дэвэл, Дэвэл тырó, вылыджия тут одотхýр зоралé вастэса и вучé псикэса, палдава́ и пхэндя тукэ Рай Дэвэл, Дэвэл тырó, тэ ракхэс дывэс сáвато. ¹⁶ Кандэ тырэ дадэс и тырýя да, сыр ракирдя тукэ Рай Дэвэл, Дэвэл тырó, соб (кай) тэ явэн гарá (длуга) тырэ джибна́скирэ дывэсá, и, соб (кай) шукар тукэ тэ явэл пэ доя́ пхув, сави́ Рай Дэвэл, Дэвэл тырó, дэла тукэ. ¹⁷ На замар (на умар). ¹⁸ На кэр биладжаипэн. ¹⁹ На чор. ²⁰ На ráкир хоханó допхэныбэн пэ тырэ пашатунэстэ.” ²¹ На чхурдэ якх пэ тырэ пашатунэскирэ ромня́тэ, и на чхурдэ якх пэ тырэ пашатунэскиро кхэр, ни пэ лэскирэ фэлды, ни пэ лэскирэ писхаристэ, ни пэ лэскирэ писхарицатэ, ни пэ лэскирэ гурувэстэ, ни пэ лэскирэ ослостэ, ни пэ сарó, со исын тырэ пашатунэстэ.” ²² Далé лава́ ракирдя Рай Дэвэл кэ сарó тумарó скэдыибэн пэ бэрга машкирал яг, óблоко и калыпэн, зоралé занаса, и бутýр на ракирдя, и чхиндя́ лэн пэ дуй барунэ́ скрижáли (таблицы), и дыя́ лэн мангэ. ²³ И кели́ тумэ шундлэ́ зан машкирал мроко, и бэрга хачия ягáса, тэды тумэ подгинé кэ мэ, сарé тумарé-родыцоскирэ барыдыра́ и тумарé пхурыдыра́, ²⁴ и пхэндлэ́: “Гáда, сыкадя́ амэнгэ Рай Дэвэл, Дэвэл амарó, Пэскири сла́ва и Пэскиро вучипэн, и зан (глос) Лэскири шундýм амэ машкирал яг; ададывэс дыкхцýм амэ, со Дэвэл ракирэла манушэ́са, и ёв ячэлапэ́ джидó; ²⁵ нэ аканá ваш со амэнгэ тэ мэрас? Пал-дова́ со бари да́я яг хáла сарэ́са амэн; кóли амэ бутýр на явáса тэ шунас Рáскирэ-Дэвлэскири, амарé Дэвлэскири зан, то тэды амэ мэраса, ²⁶ пал-дова́ со, ци исын сави́ лоч (плоть), сави́ шундя́ Рáскирэ-Дэвлэскири джидэскири зан (глос), сави́ ракирдя машкирал яг, сыр амэ и яцýмпэ́ джидэ? ²⁷ Яв пашýл (подджа) ту, и шун сарó, со пхэнэла тукэ Рай Дэвэл, Дэвэл амарó, и пирипхэн амэнгэ сарó, со явэла́ тэ ракирэл тукэ Рай Дэвэл, Дэвэл амарó, и амэ явáса тэ шунас и тэ кэрáс.” ²⁸ И Рай Дэвэл шундя́ тумарé лава́, сыр тумэ ракирдэ́ манца, и пхэндя́ мангэ Рай Дэвэл: “Мэ шундём адалé-манушэнгирé лава́, савэ ёнэ ракирдэ́ тукэ; сарó, со ёнэ ракирдэ́, шукар. ²⁹ Нэ, кóли бы лэнгиро илó тэ явэл лэндэ́ дасаво, соб (кай) ёнэ тэ дарэн Мándыр и тэ ракхэн сарé Мирé припхэныбэна́ дрэ сарé дывэсá, соб (кай) шукар тэ явэл лэнгэ и лэнгирé чхавэнгэ́ дро вéко! ³⁰ Джá, пхэн лэнгэ: ‘Рисён дрэ

пэскирэ шатры'; ³¹ а ту адай ячпэ Мánца, и Мэ рoспхэнава тукэ сарэ припхэныбэна, и упхэныбэна, и закóны, савэнгэ тукэ трэй тэ сыклякирэс лэн, соб (кай) ёнэ адякэ тэ кэрэн пэ доя пхув, сави Мэ давэ лэнгэ." ³² “Дыххэн, кэрэн адякэ, сыр ракирдя тумэнгэ Рай Дэвэл, тумаро Дэвэл; на джэн ни пэ чачо (право), ни пэ зэрво (лёво); ³³ нэ тумэ джэн пир дова дром, пир саво ракирдя тэ джэн тумэнгэ Рай Дэвэл, тумаро Дэвэл, соб (кай) тумэ тэ явэн джидэ, и шукар тэ явэл тумэнгэ, и тэ дживэн тумэ бут дывэса пэ доя пхув, сави явэла тумары.”

Шэрó 6

Най Барэдыр Припхэныбэн

¹ Аканá исын припхэныбэна, упхэныбэна и закóны, савэ ракирдя Рай Дэвэл, Дэвэл тумаро, тэ сыклякирэс тумэн, соб (кай) тумэ тэ кэрэн адякэ пэ доя пхув, пэ сави тумэ джана, соб (кай) тэ явэн тумэ хулая пэ латэ; ² соб (кай) ту тэ дарэс тырэ Рáстыр-Дэвлэстыр, и сарэ Лэскирэ упхэныбэндыр и Лэскирэ припхэныбэндыр, савэ ракирава тукэ, соб (кай) ту тэ раххэс, и тырэ чхавэ, и тырэ чхавэнгирэ-чхавэ дрэ сарэ тырэ джиибнаскирэ дывэса, соб (кай) тэ явэн гарэдыр (длугэдыр) тырэ дывэса. ³ И палдава шун, Израилё, и причхув зор тэ кэрэс дава, соб (кай) тукэ тэ явэл миштó, и соб (кай) тумэ тэ явэн древáн (збит) бут, сыр Рай Дэвэл, тырэ-дадэнгиро Дэвэл ракирдя тукэ, со Ёв дэла тукэ пхув, тхадэла тхуд и авгін (мэда). ⁴ Шун, Израилё: Рай Дэвэл, тумаро Рай Дэвэл исын Екх; ⁵ и сыкав паты́в тырэ Рáскэ-Дэвлэскэ, сарэ тырэ илэса, и сарэ тырэса деса, и сарэ зорьенца тырэнца. ⁶ И мэк тэ явэн далэ лавá, савэ Мэ пхэнава тукэ ададывэс, дро тыро ило; ⁷ и припхэн лэн тырэ чхавэнгэ и рáкир пал лэндэ, бэшындой дрэ тыро кхэр и гии дромэса, и пасии, и уштыи; ⁸ и припхэндэ лэн сыр шпэра (знако) пэ тыро васт, и мэк тэ явэн ёнэ сыр пхандлуны (повязка) пэ тырэ якхá, ⁹ и чхин лэн пэ тырэ-кхэрэскирэ касяки и пэ тырэ вударá (пóрты).

Приракхибэн тэ Кандэс

¹⁰ Кéли залыджала тут Рай Дэвэл, тыро Дэвэл, пэ доя пхув, сави Ёв совлахадя тэ дэл тырэ дадэнгэ, Авраамóскэ, Исаакóскэ и Яковóскэ, тэ дэл тукэ барэ и лачхэ форьенца, савэ ту на кэрдян, ¹¹ и кхэрэнца, со сыс чхудэ пхэрдэс кажнонэ миштыпнаса, савэ ту на чхудян, и ганынгэнца, вычхингирдэ барэстыр, савэ ту на вычингирдян, винаградникэнца и маслинэнца, савэ ту на чхудян дрэ пхув, и, савэ ту явэса тэ хас и тэ чалёс; ¹² тэды раххпэ, соб (кай) ту тэ на бистрэс Рас-Дэвлэс, Саво вылыджия тут Египтóскирэ пхувьятыр, писхарибнаскирэ кхэрэстыр. ¹³ Дар Рáстыр-Дэвлэстыр, тырэ Дэвлэстыр, и Лэскэ Екхэскэ дынарин, и Лэскирэ лавэса совлахá. ¹⁴ На мангэнпэ явирэ дэвлорэнгэ, дэвлорэнгэ одолэ-манушэнгирэ, савэ явэна пашыл тумэндэ; ¹⁵ пал-дова со Рай Дэвэл, тыро Дэвэл, Саво исын машкёр тугэ, исын Дэвэл зэвлыныпнаскиро; соб (кай) тэ на захачол Рáскирэ-Дэвлэскири, тырэ Дэвлэскири холы пэ тугэ, и тэ на традэл криг Ёв тут пхувьякирэ мóстыр. ¹⁶ На пропатякирэн Рас-Дэвлэс, тумарэ Дэвлэс, сыр тумэ Лэс пропатякирдэ дрэ Масá. ¹⁷ Ракхэн зоралэс тумарэ Рáскирэ-Дэвлэскирэ припхэныбэна, и Лэскирэ упхэныбэна и закóны, пир савэ Ёв припхэндя тэ кэрэс тукэ; ¹⁸ кэр чачипэн и лачхипэн ангил Рáскирэ-Дэвлэскирэ якхá, соб (кай) шукар тэ явэл тукэ, и соб (кай) ту тэ заджас и тэ хулаинэс лачхэ пхувьяса, сави Рай Дэвэл совлахадя тэ дэл тырэ дадэнгэ, ¹⁹ и, соб (кай) Ёв тэ традэл криг сарэн тырэн вэргэн тырэ мóстыр, сыр ракирдя Рай Дэвэл. ²⁰ Кóли пхучэла тугыр тыро чхаво дро явир часо, ракири: ‘Со значынэна далэ досыкаибэна, закóны, и упхэныбэна, савэ ракирдя тумэнгэ Рай Дэвэл, Дэвэл тумаро.’ ²¹ то ту тэды пхэн тырэ чхавэскэ: “Писхáрья амэ самас фараоностэ дро Египто, нэ Рай Дэвэл вылыджия амэн Египтóстыр зоралэ вастэса; ²² и сыкадя Рай Дэвэл знамэнии (гертыка), и дивы барэ и даракунэ пэ Египто, пэ фараоностэ и пэ саро лэскиро кхэр, ангил амарэ якхá; ²³ а амэн Ёв вылыджия одотхыр, соб (кай) тэ янэл амэн и тэ дэл амэнгэ пхув, сави Ёв совлахадя амарэ дадэнгэ тэ дэл амэнгэ. ²⁴ И припхэндя амэнгэ Рай Дэвэл тэ кэрэс саро пир сарэ далэ упхэныбэна, соб (кай) амэ тэ дарас Рáстыр-Дэвлэстыр,

Дэвлэстыр амарэстыр, соб (кай) шукар тэ явэл амэнгэ дрэ сарэ дывэса, соб (кай) тэ зракхэл амаро джибэн, сыр и аканá; ²⁵ и дро саро явэла амаро чачипэн, коли амэ яваса тэ причхувас зор тэ кэрэс пир сарэ далэ припхэныбэнá ангил Растэ-Дэвлэстэ, Дэвлэстэ амарэстэ, сыр Ёв ракирдя амэнгэ.”

Шэрó 7

Выкэдынэ Манушá

¹ Кéли залыджала тут Рай Дэвэл, Дэвэл тырó, пэ пхув, пэ сави ту джаса, соб (кай) тэ хулаинэс ласа, и ёв традэла криг тырэ мóстыр бутэдыр-манушэнгири нацыи, Хетееи, Гергесееи, Амореи, Хананеи, Ферезеи, Евеи и Евусеи, эфта манушйтка нацыи, савэ исын бутыр и зоралэдыр тóтыр, ² и отдэла лэн тóкэ Рай Дэвэл, Дэвэл тырó, и ту домарэса лэн, то тэды отдэ лэн прокошыбнаскэ, и на джá лэнца дро кхэтаныкирибэн и на тангинэ лэн; ³ и ту на сэмэнцынпэ (на джá лэнца дрэ сэмэнца): на отдэ чха тырья пал лэскирэ чхавэстэ и на лэ лэнгирия чха пал тырэ чхавэстэ; ⁴ пал-довá со ёнэ отрискирэна тырэ чхавэн Мандыр, соб (кай) тэ дынаринэн явирэ дэвлорэнгэ, и тэды захачола пэ тумэндэ Рáскирэ-Дэвлэскири холы, и Ёв сыг хасякирэла тут. ⁵ Нэ адякэ кэрэн лэнца: алтáри (жэртвеники) лэнгирэ роспахирэн, стылбы лэнгирэ пхакирэн, и вэшорэ лэнгирэ вычингирэн и лэнгирэ каштунэ дэвлорэ хачкирэн ягаса; ⁶ пал-довá со Растэ-Дэвлэстэ, тумарэ Дэвлэстэ, тумэ сан свэнта манушá: тумэн выкэдыя Рай Дэвэл, Дэвэл тумарó, соб (кай) тумэ тэ явэн екхэ Лэскирэ манушá (манушэнца) сарэ манушэндыр, савэ исын пэ пхув. ⁷ На пал-довá, со тумэ санас бутыр сарэ манушэндыр, рисия кэ тумэ Рай Дэвэл и выкэдыя тумэн, – пал-довá со тумэ сан тыкнэдыр сарэ манушэнгирэ нацыэндыр, ⁸ нэ палдава, со тумэ сан дрога Рáскэ-Дэвлэскэ, и ваш дова, соб (кай) Ёв тэ зракхэл совлах, савьяса Ёв совлахадя тумарэ дадэнгэ, палдава вылыджия тумэн Рай Дэвэл зоралэ вастэса, и выракхця тут писхарибнаскирэ кхэрэстыр, фараонóскирэ вастэстыр, Египтóскирэ кралыстыр. ⁹ И адякэ джин, со Рай Дэвэл, Дэвэл тырó, исын Рай Дэвэл чачунó, Савó рахэла Пэскиро завето (доракирибэн) и тангипэн кэ одолэ манушá, савэнгэ исын дрого Ёв, кон рахэла Лэскирэ припхэныбэнá кэ тысёнцы рóды, ¹⁰ и Ёв отдэла (рискирэла) палэ пэ лэнгиро шэрó одолэнгэ, кон Лэс древáи бидыкхэла, дро лэнгиро муй, хасякири лэн; Ёв на явэла тэ отчхувэл фуипэн пэ лэскиро шэрó, кон Лэс древáи бидыкхэла, кокорэскэ одолэ манушэскэ Ёв отдэла палэ. ¹¹ И палдава рах припхэныбэнá, и упхэныбэнá, и закóны, савэ ададывэс мэ припхэнава тумэнгэ тэ кэрэн сарó пир лэндэ.

Бахтякирибэн Одолэнгэ, Савэ Кандэна

¹² И коли тумэ явэна тэ шунэн далэ закóны, и тэ рахэн лэн, и тэ кэрэн сарó пир лэндэ, тэды Рай Дэвэл, Дэвэл тырó, явэла тэ рахэл завето и тангипэн (жалима) кэ ту, сыр Ёв совлахадя тырэ дадэнгэ, ¹³ и явэса ту дрого Лэскэ, и Ёв бахтякирэла тут, и Ёв кэрэла адякэ, со явэла бут тумэн, и бахтякирэла трэ-масэнгиро барьякирдó, и тырэ-пхувьякиро барьякирдó, и марó тырó, и мол (вино) тыри, и алеё (дзэт) тырó и дова, кон явэла бияндло барэ тырэ кхэритконэ мурдалэндыр (скотóстыр) и тырэ стадакирэ бакрэндыр пэ доя пхув, сави Ёв совлахадя тырэ дадэнгэ тэ дэл тóкэ; ¹⁴ бахтякирдó ту явэса бутыр сарэ манушэндыр; на явэла ни набияныпнытконэс-(наплородородноэс) ни тóтэ, ни дрэ кхэритконэ мурдалэндэ; ¹⁵ и отлыджала тóтыр Рай Дэвэл кажно насвалыпэн, и нисавó зоралó Египтóскиро насвалыпэн, савó ту джинэса, на лыджала пэ тóтэ, нэ Ёв янэла лэн пэ сарэндэ, кон древáи бидыкхэла тут; ¹⁶ и ту хасякирэса сарэ манушйтка нацыи, савэ Рай Дэвэл, Дэвэл тырó, дэла тóкэ: мэк тэ на тангинэл лэн тыри якх; и тэ на мангэспэ лэнгирэ дэвлорэнгэ; пал-довá со дава исын фэлы ваш тóкэ. ¹⁷ Коли ту пхэнэса дрэ тырó ило: ‘Адалэ манушá исын бутыр мандыр; сыр мэ дава рада (могинава) тэ вытрадав лэн?’ ¹⁸ На дар лэндыр, пририпир дова, со кэрдя Рай Дэвэл, Дэвэл тырó, фараноса и сарэ Египтоса, ¹⁹ дова сыс барó спробиныбэн, савó дыкхнэ тырэ якхá, знамэнии (гертыка), дивы, и васт зоралó и пикó вучó, савэнца вылыджия тут Рай

Дэвэл, Дэвэл тырo; дова-паць кэрэла Рай Дэвэл, Дэвэл тырo, сарэ манушэнца, савэндыр ту дарэса; ²⁰ и бичхавэла Рай Дэвэл, Дэвэл тырo, вослэн (шэршнен) пэ лэндэ, пака ёнэ хасёна, савэ ячнэпэ и гарадёна тырэ мостыр; ²¹ на дар лэндыр, пал-дова со Рай Дэвэл, Дэвэл тырo, исын машкир тутэ, Дэвэл барo и дарано. ²² И явэла Рай Дэвэл, Дэвэл тырo тэ традэл ангил тутэ набут пэ набут далэ манушытка нацыи; и ту дэса рада тэ хасякирэс лэн сыг, соб (кай) тэ на скэдэмпэ бут пэ тутэ фэлдытка мурдала; ²³ нэ отдэла лэн тукэ Рай Дэвэл, Дэвэл тырo, и янэла лэн дро бари туга (конфузо), адякэ со ёнэ хасёна; ²⁴ и отдэла лэнгирэ кральён дрэ тырэ васта, и ту хасякирэса лэнгиро лав тэл болыбнастыр: и никон на тэрдэла проти тутэ, пака ту розмарэса лэн пэ котэра (куски). ²⁵ Лэнгирэ дэвлорэнгирэ вычхиндлэ муя хачкирэн сарэса ягаса; на трэй тукэ тэ лэс пэскэ руп ци сувнакай, саво исын пэ лэндэ, соб (кай) дава тэ на явэл ваш тукэ сыр фэлы (сетка), пал-дова со дава исын магирипэн ваш Раскэ-Дэвлэскэ, тырэ Дэвлэскэ; ²⁶ и на лыджа магирипэн дро тырo кхэр, соб (кай) тэ на пэрэс совлахакэ, сыр ёв; отрисёв сарэстыр и гин сыр джунгалыпэн сарo (гидинпэ сарэстыр); пал-дова со дава исын совлахадо.

Шэрo 8

Рипир Рас-Дэвлэс, Тырэ Дэвлэс

¹ Сарэ припхэныбэна, савэ мэ ракирава ададывэс тумэнгэ, причхувэн зор тэ кэрэн, соб (кай) тумэ тэ явэн джидэ тэ ячэн тумэн бутыр, и тэ джан и тэ закэдэн пхув, пал сави совлахаса дыя лав Рай Дэвэл тумарэ дадэнгэ. ² И рипир сарo дром, савэса тут лыджия Рай Дэвэл, Дэвэл тырo, пир чхучи (пусто) пхув, гада, акана исын штардэша бэрш, соб (кай) тэ шылякирэл тут, соб (кай) тэ спробинэл тут и тэ уджинэл, со исын пэ тырo ило, ци явэса ту тэ раххэс Лэскирэ припхэныбэна, ци над. ³ Ёв шылякирдя тут, спробиндя пхарэс (мориндя) тут бокхаса и чалякирдя тут маннаса, сави ту на джидян, и на джидлэ тырэ дада, соб (кай) тэ сыкавэл тукэ, со на екхэ марэса дживэла мануш, нэ кажнoнэ лавэса, саво джала Дэвлэскирэ уштэндыр, дживэла мануш. ⁴ Урибэн тырo на кустяпэ пэ тутэ, и гэрoй тыри на шулыя, гада, сыр штардэша бэрш. ⁵ И джид дро тырo ило, со Рай Дэвэл, Дэвэл тырo, сыклякирэла тут, сыр мануш сыклякирэла пэскирэ чхавэс. ⁶ И палдава рахх припхэныбэна Раскирэ-Дэвлэскирэ, Дэвлэскирэ тырэскирэ, псир Лэскирэ дромэнца и дар Лэстыр. ⁷ Пал-дова со Рай Дэвэл, Дэвэл тырo, лыджала тут пэ лачхи пхув, пэ пхув, пир сави тхадэна сыгна рэкицы, и фолахара (фонтаны) и ганынгорья (источники), савэ выджана лошчынэндыр и бэргэндыр, ⁸ пэ пхув, парно гив (пшэница), гив, винаградытка (дракхитка) лозы, инжыро и гранатытка кашторэ пэ пхув, маслинытка вэша и авгин (мэда), ⁹ пэ пхув, пэ сави на ту явэса тэ хас тырo марo би меракиро и ни дро со на явэла тутэ наухтылыбэн (явэла дoси), пэ пхув, пэ сави исын бара састырэстыр, и бэргэндыр, савэндыр явэса тэ чингирэс харкoма (медь). ¹⁰ И кели явэса ту тэ хас и тэ чалёс, тэды бахтякир Рас-Дэвлэс, Дэвлэс тырэс пал лачхи пхув, сави Ёв дыя тукэ. ¹¹ Ракхпэ, соб (кай) ту тэ на бистрэс Рас-Дэвлэс, Дэвлэс тырэс, нэ рахх Лэскирэ припхэныбэна, и Лэскирэ законы, и Лэскирэ упхэныбэна, пал савэ ададывэс Мэ ракирава тукэ. ¹² Кели ту явэса тэ хас и тэ чалёс, и чхувэса лачхэ кхэра и ту явэса тэ дживэс дрэ лэндэ, ¹³ и кели тутэ явэла бут барэ и тыкнэ кхэрытка мурдала (ското), и явэла бут руп и сувнакай, и сарo тутэ явэла бут, ¹⁴ тэды дыкх, соб (кай) тэ на запхутёл тырo ило, и, соб (кай) ту тэ на бистрэс Рас-Дэвлэс, Дэвлэс тырэс, Саво вылыджия тут Египтoскирэ пхувьятыр, писхарибнаскирэ кхэрэстыр; ¹⁵ Саво лыджия тут пир чхучи пхув бари и дараны, кай сыс сапа, василиски, скорпионы и шукэ штэты, пэ савэ нанэ пани; Саво кэрдя ваш тукэ панескиро тхадыпэн гранитытконэ скалатыр, ¹⁶ Саво чалякирдя тут пэ чхучи пхув маннаса, сави на джидлэ тырэ дада, соб (кай) Ёв тэ шылякирэл тут и тэ спробинэл тут, соб (кай) дурэдыр тэ кэрэл тукэ лачхипэн, ¹⁷ и соб (кай) ту тэ на пхэнэс дрэ тырo ило: ‘Мирй зор и мирэ-вастэскири зор кэрдэ мангэ дава барвалыпэн’, ¹⁸ нэ, соб (кай) ту тэ рипирэс Рас-Дэвлэс, Дэвлэс тырэс, пал-дова со Ёв дэла тукэ зор тэ рикирэс барвалыпэн, соб (кай) тэ кэрэс, сыр акана, Пэскиро пхэндло лав, савэса Ёв совлахаса дыя тырэ дадэнгэ. ¹⁹ Кoли ту

бистрэса Рас-Дэвлэс, Дэвлэс тырэс, и джаса пал явирэ дэвлорэндэ, и ту явэса тэ дынаринэс лэнгэ и тэ мангэспэ лэнгэ, тэды Мэ ракирава тумэнгэ ададывэс, со тумэ хасэна; ²⁰ сыр мануша, савэн Рай Дэвэл хасякирэла тумарэ мостыр, адякэ хасэна и тумэ пал дова, со тумэ на кандынэ Раскирэ-Дэвлэскирэ, тумарэ Дэвлэскири зан.

Шэро 9

Израилё Нэвэстыр Кэрэла Бунто

¹ Шун, Израилё: ту аканá пириджаса Иордано, соб (кай) тэ джас тэ заухтылэс манушэн, савэ исын бутыр и зоралэдыр тутыр, барэ форьенца и зоралэ тынэнца кэ болыбэн, ² и адалэн манушэн исын бут, ёнэ исын вучэ, Енакоскирэ чхавэ, пал савэндэ ту джине́са и шундян: “Кон дэла рада тэ тэрдёл проти Енакоскирэ чхавэндэ?” ³ Джин аканá, со Рай Дэвэл, Дэвэл тыро, джала ангил тутэ, сыр яг, сави саро хала; Ёв явэла тэ традэл лэн и тэ тылякирэл лэн ангил тутэ, и ту традэса криг лэн, и розмарэса лэн сыг, сыр ракирдя түкэ Рай Дэвэл. ⁴ Кэли явэла тэ традэл лэн Рай Дэвэл, Дэвэл тыро, тырэ мостыр, на ракир дро тыро ило, со пал “миро чачипэн” яндя ман Рай Дэвэл тэ заухтылэл дая пхув, и со пал адалэ-манушэнгиро начачипэн Рай Дэвэл традэла лэн тырэ мостыр. ⁵ На пал чачипэн тыро, и на пал чачуно тыро ило ту джаса тэ заухтылэс лэнгири пхув, нэ пал начачипэн адалэ-манушытка на́цыи Рай Дэвэл, Дэвэл тыро, традэла лэн тырэ мостыр, соб (кай) тэ кэрэл саро пир лав, савэса совлахадя Рай Дэвэл тырэ дадэнгэ Авраамоскэ, Исаакоскэ и Яковоскэ; ⁶ палдава джин, со на пал тыро чачипэн Рай Дэвэл, Дэвэл тыро, дэла түкэ тэ заухтылэс дая лачхи пхув, пал-дова со тумэ пхарэ-илытка сан мануша. ⁷ Рипир, на бистыр, ци бут ту холякирдян Рас-Дэвлэс, Дэвлэс тырэс, пэ чхучи пхув: одолэ дывэсэстыр, сыр выгиян ту Египтоскирэ пхувьятыр, и кэ са́мо тумарэ явибэн пэ дава штэто, тумэ на кандынэ Рас-Дэвлэс. ⁸ И пашыл Хориво тумэ холякирдэ Рас-Дэвлэс, и холясыя пэ тумэндэ Рай Дэвэл адякэ, со камдя тэ традэл криг (тэ вымарэл сарэса) тумэн, ⁹ кэли мэ гиём упрэ пэ бэрга, соб (кай) тэ прилав барунэ скрижали, заветоскирэ скрижали, савэ чхудя Рай Дэвэл тумэнца, и со́мас мэ пэ бэрга штардэша дывэса и штардэша ратя, маро нахаи, и пани напии, ¹⁰ и дыя мангэ Рай Дэвэл дуй барунэ скрижали, савэ чхиндя Дэвлэскиро ангушт (пальцо), пэ лэндэ сарэ лава, савэ ракирдя Рай Дэвэл тумэнгэ пэ бэрга машкирал яг пэ скэдыбнаскиро дывэс. ¹¹ Сыр прогинэ штардэша дывэса и штардэша ратя, дыя мангэ Рай Дэвэл дуй барунэ скрижали, заветоскирэ скрижали, ¹² и пхэндя мангэ Рай Дэвэл: “Ушты, и джа сыгнэдыр адатхыр, пал-дова со розмэкнэпэ тырэ мануша, савэн ту вылыджиян Египтостыр; сыг ёнэ гинэ криг дромэстыр, саво Мэ пхэндём лэнгэ; ёнэ кэрдэ пэскэ вычхудо муй (идоло).” ¹³ И пхэндя мангэ Рай Дэвэл: “Дыкхава Мэ адалэ манушэн, гада, ёнэ исын пхарэ-илытка. ¹⁴ На обрикир ман, и Мэ традава криг лэн, и Мэ (кхосава криг) злава лэнгиро лав болыбнастыр; а тутыр Мэ создава манушэн, савэ явэна зоралэдыр и бутыр лэндыр.” ¹⁵ Мэ рисиём и гиём бэргатыр, бэрга хачия ягаса; дуй скрижали заветоскирэ сыс дрэ мирэ дуй васта; ¹⁶ и дыкхцём мэ, со тумэ кэрдэ грэхо ангил Растэ-Дэвлэстэ, тумарэ Дэвлэстэ, кэрдэ пэскэ гуруворэс састырэстыр, сыг гинэ криг дромэстыр, савэскэ тэ рикирэспэ, ракирдя тумэнгэ Рай Дэвэл; ¹⁷ и лыём мэ дуй скрижали, и чхурдыём лэн пэскирэ дуге вастэндыр, и розмардём лэн ангил тумарэ якха. ¹⁸ И пыём мо́са мэ ангил Растэ-Дэвлэстэ, мангдёмпэ мэ, сыр гарэдыр, штардэша дывэса и штардэша ратя, на хаём маро, и пани на пиём, пал сарэ тумарэ грэхи, савэ тумэ кэрдэ, и далэса тумэ кэрдэ чорипэн дрэ якха Раскирэ-Дэвлэскирэ и холякирдэ Лэс; ¹⁹ палдава со мэ дарандыём холятыр и мижэхипнастыр, савэнца Рай Дэвэл холясыя пэ тумэндэ и камдя тэ мулякирэл тумэн. И кандыя ман Рай Дэвэл и дава мо́ло. ²⁰ И пэ Аароностэ древан (збит) холясыя Рай Дэвэл и камдя тэ мулякирэл лэс; нэ мэ мангдёмпэ и пал Аароностэ дро дова часо. ²¹ Грэхо тумаро, саво тумэ кэрдэ, – гуруворэс мэ лыём, хачкирдём сарэса лэс дрэ яг, розмардём лэс и сарэс скхостём кэ дова, со ёв яця тыкнинько, сыр пра́хо, и мэ чхурдыём дава пра́хо дро сы́гно рэ́кица (лэнори), сави тхадыя бэргатыр. ²² И дрэ Тавера, дрэ Масá и дрэ Киброт-Гатаава тумэ холякирдэ Рас-Дэвлэс. ²³ И кэли тумэн бичхадя Рай Дэвэл Кадес-Варнятыр и ракирдя:

‘Дж́ан, залэн пхув, сави́ Мэ да́ва тумэ́нгэ, то тэ́ды тумэ́ на канды́нэ Ра́скирэ-Дэ́влэскиро, тумарэ́ Дэ́влэскиро пхэ́ныбэ́н, и на патя́ндынэ́ Лэ́скэ, и тумэ́ на шундлэ́ Лэ́скири зан’.²⁴ Тумэ́ на канды́нэ Рас-Дэ́влэс долэ́-па́ць дывэ́сэстыр, сыр мэ́ яцём тэ́ джина́в тумэ́н.²⁵ И тэ́рдиндой пэ́ чанга́ ангил Ра́стэ-Дэ́влэстэ́, мангдёмпэ́ мэ́ штардэ́ша́ дывэ́са́ и штардэ́ша́ ратя́, дрэ́ савэ́ мэ́ мангдёмпэ́, пал-дова́ со́ Рай Дэ́влэ́ камдя́ тэ́ муляки́рэл тумэ́н;²⁶ и мангдёмпэ́ мэ́ Ра́скэ-Дэ́влэскэ́ и пхэндём: “Раё́ Баро́, Раё́ Дэ́вла, на муляки́р Ты́рэ́ манушэ́н и Ты́ри́ мишты́пна́скири ме́ра, савья́са Ту́ зракхця́н барэ́ Ты́рэ́ зорья́са, савья́са Ту́ вы́лыджия́н Египто́стыр зоралэ́ вастэ́са;²⁷ пририпи́р Ты́рэ́ писхарьё́н Авраа́мос, Исаа́кос и Яковос́; на дыкх пэ́ адалэ́-манушэ́нгири холы́ и пэ́ лэ́нгиро́ начачипэ́н и пэ́ лэ́скирэ́ грэ́хи,²⁸ со вари́кон дживэ́ла пэ́ до́я пхув, каты́р Ту́ вы́лыджия́н амэ́н, тэ́ на пхэ́нэл: “Рай Дэ́влэ́ на мого́ндя́ тэ́ залы́джал (тэ́ лы́джал кэ́ ко́нцо/яго́ро) лэ́н пэ́ пхув, пал сави́ Ё́в ды́я лав лэ́нгэ, и, на́ками лэ́н, Ё́в вы́лыджия́ лэ́н, соб (кай) тэ́ муляки́рэл лэ́н пэ́ чхучи́ пхув.”²⁹ ‘А ё́нэ́ исын Ты́рэ́ мануша́ и Ты́ри́ мишты́пна́скири ме́ра, савья́са Ту́ вы́лыджия́н лэ́н Египто́скирэ́ пхувья́тыр Ты́рэ́ барэ́ зорья́са и Ты́рэ́ вучэ́ псикэ́са.’

Шэ́ро 10

Яви́р Ду́й Скрижа́ли

¹ Дро долэ́ дывэ́са́ пхэндя́ ма́нгэ Рай Дэ́влэ́: “Вы́чингир пэ́скэ́ дуй бару́нэ́ скрижа́ли (та́блицы), дасавэ́-па́ць сыр сыс пэ́рва, и джа́ упрэ́ кэ́ Мэ́ пэ́ бэ́рга, и кэ́р пэ́скэ́ кашту́но ковчэ́го (мохто́);² и Мэ́ за́чхина́ва пэ́ скрижа́ли долэ́ лава́, савэ́ сыс пэ́ пэ́рва скрижа́ли, савэ́ ту́ розмардя́н; и чхув лэ́н дро́ ковчэ́го.”³ И кэ́рдём мэ́ ковчэ́го вэ́шэ́стыр ситимо́, и вы́чингирдём дуй бару́нэ́ скрижа́ли, сыр пэ́рво (англату́но), и гиём упрэ́ пэ́ бэ́рга; и дуй далэ́ скрижа́ли сыс дрэ́ мирэ́ васта́.⁴ И за́чхиндя́ Ё́в пэ́ скрижа́ли, сыр сыс чхиндлэ́ англи́дыр, долэ́ дэ́ш лава́, савэ́ раки́рдя́ тумэ́нгэ Рай Дэ́влэ́ пэ́ бэ́рга машки́рал я́г дро́ скэ́дыбна́скиро дывэ́с, и отды́я лэ́н Рай Дэ́влэ́ ма́нгэ.⁵ И рисиём мэ́, и гиём тэ́лэ́ бэ́ргаты́р, и чху́дём скрижа́ли дро́ ковчэ́го, савэ́ мэ́ кэ́рдём, соб (кай) ё́нэ́ одо́й тэ́ явэ́н, сыр при́пхэндя́ ма́нгэ Рай Дэ́влэ́.⁶ И Израилё́скирэ́ чхавэ́ гинэ́ Бе́ероф-Бе́не-Яа́каносты́р дро́ Мозе́ро, и одо́й мы́я Ааро́но и гара́дэ́ лэ́с одо́й, и я́ця́ раша́са за́мэ́ст (пэ́ штэ́то лэ́скиро) лэ́стэ́ о́ Елизáро, лэ́скиро чхаво́.⁷ Одо́тхы́р гинэ́ ё́нэ́ дрэ́ Гудго́да, Гудго́даты́р дрэ́ Иотва́фа, пэ́ пхув, кай сыс панески́рэ сы́гна рэ́кицы.⁸ Дро до́ва́ часо́ вы́кэ́дыя́ (чху́дя́ дрэ́ риг) Рай Дэ́влэ́ Ле́виёскиро́ ро́дыцо́, соб (кай) ё́нэ́ тэ́ лы́джан Ра́скирэ-Дэ́влэскиро́ за́вето́скиро ковчэ́го, тэ́ ды́наринэ́н Лэ́скэ́ и тэ́ бахтя́кирэ́н Лэ́скирэ́ лавэ́са, сыр да́ва́ кэ́рэ́на кэ́ да́ва́ дывэ́с;⁹ палда́ва́ нанэ́ Ле́витоскэ́ паш и ме́ра дро́ мэ́кно́ мишты́пэ́н лэ́скирэ́ пшалэ́нца: сыр раки́рдя́ лэ́скэ́ Рай Дэ́влэ́ ты́ро́.¹⁰ И со́мас мэ́ (Мо́йза) пэ́ бэ́рга, сыр и дро́ англату́но (пэ́рво) часо́, штардэ́ша́ дывэ́са́ и штардэ́ша́ ратя́, и канды́я ман Рай Дэ́влэ́ и да́ва́ мо́ло; и на за́камдя́ Рай Дэ́влэ́ тэ́ муляки́рэл тут;¹¹ и пхэндя́ ма́нгэ Рай Дэ́влэ́: “Ушты́, джа́ дро́ дром англи́ адалэ́ манушэ́ндэ́; мэ́к ё́нэ́ тэ́ джа́н, и тэ́ за́кэ́дэ́н пхув, сави́ Мэ́ совла́хадём тэ́ дав лэ́нгирэ́ да́дэ́нгэ.”

Пал Со́ исын Зако́но

¹² И палда́ва́, Израилё́, со́ ка́мэ́ла ту́тыр Рай Дэ́влэ́, Дэ́влэ́ ты́ро́? Екх до́ва́, соб (кай) ту́ тэ́ дарэ́с Ра́стыр-Дэ́влэ́стыр, Дэ́влэ́стыр ты́рэ́стыр, соб (кай) ту́ тэ́ псирэ́с са́рэ́ Лэ́скирэ́ дро́мэ́нца, и тэ́ сы́кавэ́н паты́в Лэ́скэ́, и тэ́ ды́наринэ́с Ра́скэ́-Дэ́влэ́скэ́, Дэ́влэ́скэ́ ты́рэ́скэ́, са́рэ́ ты́рэ́ илэ́стыр и са́рэ́ ты́рэ́ дэ́стыр,¹³ и, соб (кай) ту́ тэ́ ра́кхэ́с при́пхэ́ныбэ́на́ Ра́скирэ́-Дэ́влэ́скирэ́ и Лэ́скирэ́ упхэ́ныбэ́на́, савэ́ ада́дывэ́с ра́кира́ва ту́кэ́, соб (кай) ту́кэ́ тэ́ явэ́л мишты́с.¹⁴ Акэ́, Ра́стэ-Дэ́влэ́стэ́, ты́рэ́ Дэ́влэ́стэ́, исын бо́лыбэ́н и бо́лыбна́скиро бо́лыбэ́н, пхув и са́ро́, со́ исын пэ́ ла́тэ́;¹⁵ нэ́ екхэ́ да́дэ́н ты́рэ́н при́лыя́ Рай Дэ́влэ́ и ё́нэ́ я́чнэ́ дро́га́ Лэ́скэ́, и Ё́в вы́кэ́дыя́ тумэ́н, пало́ (после) лэ́ндэ́ лэ́нгиро́ семё́ [лэ́нгирэ́-чхавэ́нгирэ́ чхаворэ́н-ю.о.], са́рэ́ манушэ́нды́р, сыр а́кана́ ту́ дыкхэ́са.¹⁶ И палда́ва́ об́чхинэ́н тумарэ́-илэ́скирэ́ мас пэ́ яго́ро (краё́) [парувэ́н ило́ и го́ды.-ю.о.], и тэ́ на явэ́н тумэ́ бу́ты́р пха́рэ́-илы́тка;¹⁷ пал-

довá со Рай Дэвэл, Дэвэл тумарó, исын дэвлэнги́ро Дэвэл, и Рай Барó барэ-ранги́ро, Дэвэл барó, зоралó и дарано, Савó на дыкхэла пэ муя и на лэла дары, ¹⁸ Савó дэла чачунó сэндо пиротоскэ (сиротаскэ) и пивлякэ (удовакэ), и Савэскэ исын дро́га манушá, савэ явнэ явирэ ригáтыр, и Ёв дэла лэскэ марó и урибэн. ¹⁹ Прилэн илэса и тумэ манушэс, савó кэ тумэ явэла тэ дживэл: пал-довá со тумэ кокорэ явнэ пэ Египтоскири пхув. ²⁰ Дар Рáстыр-Дэвлэстыр, Дэвлэстыр тырэстыр, и Лэскэ Екхэскэ дынарин (служын), и кэ Ёв прияч, и Лэскирэ лавэса совлахá: ²¹ Ёв исын шарибэн тырó и Ёв исын Рай Дэвэл тырó, Савó кэрдя туса долэ барэ и даранэ рэнды, савэ дыкхнэ тырэ якхá. ²² Сыс эфтадэшá дия (манушá), кэли явнэ тырэ дада дро Египто, а аканá Рай Дэвэл, Дэвэл тырó, создыя тумэн адякэ бут, кицы исын болыбна́скирэ чэргэня.

Шэрó 11

Рай Дэвэл Бахтякирэла Одолэн, Кон Кандэла

¹ И палдава сыка́в патыв Рáскэ-Дэвлэскэ, Дэвлэскэ тырэскэ, и ра́кх, со Ёв пхэндя тэ ра́кхэс, и упхэныбэна́ Лэскирэ и зако́ны Лэскирэ и припхэныбэна́ Лэскирэ дрэ сарэ дывэса. ² И аканá пририпирэн, – пал-довá со мэ ракира́ва на тумарэ чхавэнца, савэ на джинэна и на дыкхнэ ка́ра Рáскирэ-Дэвлэскири, тумарэ Дэвлэскири; Лэскири сла́ва, Лэскиро зоралó васт и Лэскиро вучó псикó, ³ знамэнии (гертыка́) Лэскирэ и Лэскирэ рэнды (дэлы), савэ Ёв кэрдя маши́рал Египто фараонэнца, Египтоскирэ крали́са, и сарэ лэскирэ пхувья́са, ⁴ и со Ёв кэрдя Египтоскирэ халадыбна́са, лэскирэ грэнца и лэскирэ марибнытконэ вурдэнэнца, савэн Ёв тасадя дрэ Лолэ-морёскирэ (дэрьявэскирэ) паня́, кэли ёнэ традынэпэ пал тумэндэ, – и мулякирдя лэн Рай Дэвэл аж кэ/жы́ко дава́ дывэс; ⁵ и со Ёв кэрдя ваш тумэнгэ пэ чхучи́ пхув, па́ка тумэ до́гинэ кэ дава́ штэ́то, ⁶ и со Ёв кэрдя Дафаноса и Авироноса, Елиавоскирэ чхавэнца, Рувимоскирэ чхавэ́са, кэли пхув роскэрдя пэскирэ уш́та маши́р сарó Израилё и на́кхадя (проглыниндя) лэн, и лэнгирэ чэ́карья (семе́йствы), и лэнгирэ ша́тры, и сарó барвалыпэн лэнги́ро, савó сыс лэндэ. ⁷ Пал-довá со якхá тумарэ дыкхнэ сарэ барэ Рáскирэ-Дэвлэскирэ рэнды, савэ Ёв кэрдя. ⁸ И палдава ра́кхэн сарэ Лэскирэ припхэныбэна́, савэ мэ ракира́ва тумэнгэ ададывэс, соб (кай) тумэ тэ зоралён, и тэ джа́н и тэ лэн пхув, пэ сави́ тумэ пириджана, соб (кай) тэ лэн ла; ⁹ и, соб (кай) тумэ тэ дживэн бут часо пэ до́я пхув, сави́ совлахадя Рай Дэвэл тумарэ дадэнгэ тэ дэл лэнгэ и лэнгирэ родоскэ пэ пхув, пэ сави́ тхадэла тхуд и авѓйн (мэда). ¹⁰ Пал-довá со пхув, пэ сави́ ту джа́са, соб (кай) тэ лэс ла, на дасави́, сыр Египтоскири пхув, савья́тыр выгинэ́ тумэ, ту почхудян семё тырó, панякирдян ла тырэ гэрэнгирэ подрикирибна́са (помошшаса), сыр масли́нитко у́нта (садо), ¹¹ нэ пхув, пэ сави́ тумэ пириджана, соб (кай) тэ залэн ла, исын пхув бэ́ргэнца и ло́шчы́нэнца, и сави́ болыбна́скирэ брышы́ндэстыр панякирэлапэ, ¹² пхув, пал сави́ Рай Дэвэл, Дэвэл тырó, пэ́кэлапэ, якхá Рáскирэ-Дэвлэскирэ, Дэвлэскирэ тырэскирэ, сарó часо исын пэ ла́тэ, бэршэскирэ англывна́стыр и кэ бэршэскиро ко́нцо (кэ я́гóро). ¹³ Ко́ли тумэ явэна тэ шунэн Мирэ припхэныбэна́, савэ Мэ ракира́ва тумэнгэ ададывэс, тэ рикирэн сыр Дро́гима дро тумарó ило́ Рас-Дэвлэс, Дэвлэс тумарэс, и тэ дынаринэн Лэскэ сарэ тумарэ илэстыр и сарэ тумарэ дестыр, ¹⁴ то Мэ да́ва тумарэ пхувья́кэ брышы́нд дрэ пэскиро часо, тася́рлуно/пэрвотуно (раннё) и кори́гуно (позднё); и ту скэдэ́са тырó марó и тыри́ мол (вино), и елеё́ тырó; ¹⁵ и Мэ да́ва чар пэ фэ́лда тыри́ ваш тырэ кхэ́ритконэ му́рдалэнгэ (ското) и, ту явэ́са тэ хас и тэ ча́лэс. ¹⁶ Ра́кхэнпэ, соб (кай) тэ на хохавэлпэ ило́ тумарó, и тумэ тэ на одджан дрэ риг, и тэ на лэн тэ дынаринэн явирэ дэ́влорэнгэ, и тэ на мангэнпэ лэнгэ; ¹⁷ и тэды, захачо́ла холы́ Рáскирэ-Дэвлэскири пэ тумэндэ, и Ёв за́чхакирэла болыбэн; со на явэ́ла брышы́нд, и пхув на янэ́ла пэскиро умалото (урожаё), и тумэ сы́г хасёна лачхэ́ пхувья́тыр, сави́ Рай Дэвэл дэла тумэнгэ. ¹⁸ И палдава чхувэн (прилэн) далэ Мирэ лава́ дро тумарó ило́ и дро тумарó ди, и пхандэн лэн пэ рипирибэн пэ пэскиро васт, и мэк тэ явэн ёнэ пханды́пна́са маши́р тумарэ якхá; ¹⁹ и сы́клякирэн лэнгэ пэскирэ чхавэн, ра́кири́ пал лэндэ, кэли ту сан бэ́што дро тырó кхэр, и кэли ту джа́са дро́мэса, и кэли ту пасё́са, и кэли уш́тэ́са; ²⁰ и чхин

лэн пэ тыр-кхэрэскирэ косяки и пэ тыр-вударá, ²¹ соб (кай) адакицы бут тэ явэн тумарэ дывэса и тумар-чхавэнгирэ дывэса пэ доя пхув, сави Рай Дэвэл совлахадя тэ дэл тумарэ дадэнгэ, ци бут дывэса болыбэн явэла пэ пхув. ²² Кóли тумэ явэна тэ раххэн сарэ далэ припхэныбэна, савэ Мэ ракирава тумэнгэ тэ кэрэн саро пир лэндэ, и тумэ явэна тэ рикирэн сыр Дрогима дро пэскиро ило Рас-Дэвлэс, Дэвлэс тумарэс, тэ псирэн сарэ Лэскирэ дромэнца и тэ причхувэнпэ кэ Ёв, ²³ то тэды вытрадэла Рай Дэвэл сарэ адалэ манушэн тумарэ мостыр, и тумэ лэна лофо (власть) пэ манушэндэ, савэ исын бутыр и зоралэдыр тумэндыр; ²⁴ кажно штэто, пэ саво тэрдэла тумарі гэрóй, явэла тумаро; чхучэ пхувьятыр и Ливаностыр, рэкатыр (лэнятыр) Ефратостыр, адякэ-пацэ кэ западно (пал-панитко) мórё (дэрьяв) явэна штэты тумарэ. ²⁵ Никон на вытэрдэла проти тумэндэ: Рай Дэвэл, Дэвэл тумаро, янэла дар ангил тумэндэ пэ кажно пхув, пэ сави тумэ тэрдэна, сыр Ёв ракирдя тумэнгэ. ²⁶ Акэ, мэ выпхэнава тумэнгэ ададывэс бахтякирибэн и прокошыбэн: ²⁷ бахтякирибэн, кóли тумэ шунэна припхэныбэна Рáскирэ-Дэвлэскирэ, тумарэ Дэвлэскирэ, савэ мэ ракирава тумэнгэ ададывэс, ²⁸ а прокошыбэн, кóли тумэ на явэна тэ шунэн припхэныбэна Рáскирэ-Дэвлэскирэ, тумарэ Дэвлэскирэ и джана дрэ риг дромэстыр, пал саво ракирава тумэнгэ ададывэс, и джана палал пал явирэ дэвлорэндэ, савэн тумэ на джинэна. ²⁹ Кéли янэла тут Рай Дэвэл, Дэвэл тырo, пэ доя пхув, пэ сави ту джаса, соб (кай) тэ лэс лофо пэ латэ, тэды пхэнэн бахтякирибэн пэ бэрга Гаризимо, а прокошыбэн (арман) пэ бэрга Гевало. ³⁰ Ё́ада, ё́нэ исын пал Иордано, пир дром кэ кхамэскиро загибэн, пэ пхув Хананеенгири, савэ дживэна пэ лошчына (равнина), проти Галгало, нэдур дэмбитконэ вэшорэстыр Море. ³¹ Пал-довá со тумэ пириджана Иордано, соб (кай) тэ джэн тэ лэс пхув, сави Рай Дэвэл, тумаро Дэвэл, дэла тумэнгэ и тумэ лэна ла, и явэна тэ дживэн пэ латэ. ³² И палдава кэрэн саро пир сарэ упхэныбэна и Лэскирэ закóны, савэ Мэ выпхэнава тумэнгэ ададывэс.

Шэрó 12

Кай тэ Мангэнпэ Дэвлэскэ

¹ Акэ, исын упхэныбэна и закóны, савэ тумэнгэ трэй тэ причхувэн зор тэ кэрэн кэ кóнцо/ягóро (тэ сполнинэн пэ пхув), сави Рай Дэвэл тыр-дадэнгиро Дэвэл дэла тукэ дро хулаибэн, пэ сарэ дывэса, савэ тумэ явэна тэ дживэн пэ доя пхув. ² Розмарэн сарэса (пэ котэра) сарэ штэты, кай исын манушытка на́цыи (народы), пэ савэндэ тумэ лэна лофо (власть), и савэ дынариндлэ пэскирэ дэвлорэнгэ, пэ вучэ бэрги, и пэ бэргицы, и тэл кажно кашт (дрéво) ранденца; ³ и распхагирэн лэнгирэ алтáри, и пхагирэн лэнгирэ стýлбы, и хачкирэн ягаса лэнгирэ вэладия (рошчы), и розмарэн лэнгирэ-дэвлорэнгирэ истуканы, и протрадэн лэнгиро лав долэ штэтостыр. ⁴ Тумэнгэ нашты тэ кэрэн дова ваш Рáскэ-Дэвлэскэ, Дэвлэскэ тумарэскэ. ⁵ Нэ пэ штэто, саво выкэдэла Рай Дэвэл, Дэвэл тумаро, сарэ тумарэ родыцэндыр, соб (кай) тэ явэл Лэскиро Лав одóй, родэн Лэс одóй и явэн одорíк, ⁶ и одорíк янэн тумарэ цэла схачкирибэна, и тумарэ свэнта дыибэна Рáскэ-Дэвлэскэ, и тумарэ дэшэнги́рья (десятины), и тумарэ вастэнгиро газдыпэн, и тумарэ совэла, и тумарэ яныбэн пир пэскиро ило, и англатунэн (пэ́рвонé бияндлэн) тумарэ барэ и тыкнэ тумарэ кхэритконэ мурдалэндыр (скотóстыр); ⁷ и тумэ хан одóй ангил Растэ-Дэвлэстэ, Дэвлэстэ тумарэстэ, и радынэнпэ тумэ и чэкарья (семе́йствы) тумарэ, пал саро, со кэрдэ тумарэ вастá, со́са бахтякирдя тумэн Рай Дэвэл, Дэвэл тырo. ⁸ Одóй тумэнгэ нашты тэ кэрэн саро, сыр адай амэ аканá кэра́са, кажно, пир пэскири годы, со лэскэ здэлапэ чачипна́са; ⁹ пал-довá со тумэ аканá ишчо (инкэ) на загинэ пэ штэто тэ откхинён и пэ пхув дрэ миштыпна́скири мéра тэ прилэн, сави Рай Дэвэл, Дэвэл тырo, дэла тукэ. ¹⁰ Нэ кéли тумэ пириджана Иордано и лэна тэ дживэн пэ пхув, сави Рай Дэвэл, Дэвэл тумаро, дэла тумэнгэ дрэ миштыпна́скири мéра тэ прилэн, и кéли Ёв штылякирэла тумэн сарэ тумарэ вэргэндыр, савэ явэна пашыл тумэндэ, и тумэ явэна тэ дживэн би трашакиро (би дара́киро), ¹¹ то тэды, саво штэто выкэдэла Рай Дэвэл, Дэвэл тумаро, соб (кай) тэ явэл лав Лэскиро одóй, одорíк янэн саро, со мэ пхэна́ва тумэнгэ: тумарэ цэла схачкирибэна и тумарэ свэнта дыибэна Рáскэ-Дэвлэскэ, тумарэ дэшэнги́рья (десятины)

и тумарэ вастэнгиро газдыпэн, и сарó, со исын выкэдымо фэдýр пир тумарэ совэла, пал со тумэ дынэ лав Рáскэ-Дэвлэскэ; ¹² и радынэнпэ ангил Растэ-Дэвлэстэ, Дэвлэстэ тумарэстэ, тумэ и тумарэ чхавó, и тумарэ чхая, и тумарэ писхáрья, и тумарэ писхарицы, и Левито, савó исын машкирál тумарэ кхэрá, пал-довá со нанэ лэскэ паш и миштыпнаскири мéра тумэнца. ¹³ Ракхпэ тэ янэс тырó цэло схачкирибэн пэ кажно штэто, савó ту дыкхэса; ¹⁴ нэ пэ екх пэ довá штэто, савó выкэдэла Рай Дэвэл дрэ екх тырэ родыцостыр, ян тырó цэло схачкирибэн, и кэр сарó, со Мэ ракирава тукэ. ¹⁵ Нэ кóли закамэла ди тырó, тукэ сашты (можна) тэ зачхинэс и тэ хас, пир Рáскирэ-Дэвлэскиро, тырэ Дэвлэскиро бахтякирибэн, мас, савó Ёв дыя тукэ, дрэ сарэ тырэ кхэрá: нажуо и жуо сашты (можна) тэ хан дава, сыр серна и сыр оленёс; ¹⁶ екх рат на хан: пэ пхув вычхувэн лэс, сыр пани. ¹⁷ Нашты тукэ тэ хас дрэ тырэ кхэрá дэшэнгирья тырэ марэстыр, и мол (вино) тыри и елеё тырó, и тырэ барэ мурдалэнгирэн (скотоскирэ) англатунэн и тырэ тыкнэ мурдалэнгирэн, и сарэстыр, пэ со исын тырэ совэла, савó ту совлахадян и яныбэн пир пэскиро ило, и тырэ вастэнгирэ газдыпнастыр; ¹⁸ нэ ха дава ангил Растэ-Дэвлэстэ, тырэ Дэвлэстэ, пэ довá штэто, савó выкэдэла Рай Дэвэл, тырó Дэвэл, – ту и тырó чхавó, и тыри чхай, и тырó писхáри, и тыри писхарица, и Левито, и мануш, савó явдя тэ дживэл дрэ тырэ кхэрá, и радынпэ ангил Растэ-Дэвлэстэ, тырэ Дэвлэстэ, пал сарó, со кэрдэ тырэ вастá. ¹⁹ Дыкх, на ячкир Левитос дрэ сарэ дывэса, савó явэса тэ дживэс пэ тыри пхув. ²⁰ Кéли Рай Дэвэл, Дэвэл тырó, розбуглякирэла тырэ мэжы, сыр Ёв ракирдя тукэ, и ту пхэнэса: “Хава мэ мас”, пал-довá со ди тырó закамэла тэ хал мас, – то тэды, пир тырэ-дескири радыма, ха мас. ²¹ Кóли дур явэла тутыр довá штэто, савó выкэдэла Рай Дэвэл, тырó Дэвэл, соб (кай) тэ явэл Лэскиро лав одой, тэды зачхин барэ и тыкнэ тырэ кхэритконэ мурдалэндыр, савó дыя тукэ Рай Дэвэл, сыр мэ припхэндём тукэ, и ха дрэ тырэ кхэрá, пир тырэ-дескири радыма; ²² нэ ха лэн адякэ, сыр хана серна и оленёс; адякэ нажуо, сыр и жуо сашты (можна) тэ хан. ²³ екх шылалэс дыкх, соб (кай) тэ на хас рат, пал-довá со рат исын ди, и джибэн исын дро рат, на ха ди кхэтанэ масэса. ²⁴ На ха лэс; вычхув лэс пэ пхув, сыр пани. ²⁵ На ха лэс, соб (кай) шукар тэ явэл тукэ и тырэ чхавэнгэ палó (после) тутэ, кóли ту явэса тэ кэрэс чачипэн ангил Рáскирэ-Дэвлэскирэ якхá. ²⁶ Екх свэнтими тырэ, савó исын тутэ, и тырэ совэла ян, и яв пэ довá штэто, савó выкэдэла Рай Дэвэл. ²⁷ И ян цэло схачкирибэн тырó, мас и рат, пэ Рáскирэ-Дэвлэскиро, тырó Дэвлэскиро алтарё; нэ рат явирэ тырэ свэнтонэ яныбнастыр Рáскэ-Дэвлэскэ трэй, соб (кай) тэ явэл прочхудо пашыл Рáскирэ-Дэвлэскиро, тырэ Дэвлэскиро алтарё, а мас ха. ²⁸ Шун и кэр сарó пир сарэ далэ лавá, савó мэ припхэнава тукэ, соб (кай) шукар тэ явэл тукэ и тырэ чхавэнгэ палó (после) тутэ дро вéко, кóли явэса тэ кэрэс, со исын лачхó и чачунó ангил Рáскирэ-Дэвлэскирэ, тырэ Дэвлэскирэ якхá. ²⁹ Кéли Рай Дэвэл, Дэвэл тырó традэла криг манушэн тырэ мóстыр, кэ савó ту джáса, соб (кай) тэ лэс лофо пэскэ пэ лэндэ, и ту, лыи лэн, лэса тэ дживэс пэ лэнгири пхув; ³⁰ то ракхпэ, соб (кай) ту тэ на попэрэс дрэ фэлы (сетка), адякэ-паць сыр ёнэ, кéли ту традэса криг лэн тырэ мóстыр, и, соб (кай) ту на родыян лэнгирэ дэвлорэ, ракири: “Сыр дынариндлэ далэ манушытка нацыи пэскирэ дэвлорэнгэ, адякэ явава и мэ тэ кэрáв.” ³¹ На кэр адякэ Рáскэ-Дэвлэскэ, Дэвлэскэ тырэскэ довá, пал-довá со сарó, сóстыр гинэла сыр джунгалыпэн (гидинэлапэ) Рай Дэвэл, со на камэла Ёв, довá ёнэ кэрэна дэвлорэнгэ пэскирэнгэ: ёнэ и пэскирэ чхавэн, и пэскирэ чхаён хачкирэна пэ яг дэвлорэнгэ пэскирэнгэ. ³² Сарó, со мэ ракирава тумэнгэ, причхувэн зор тэ кэрэн; ту на причхув кэ довá и на отлэ долэстыр.

Шэрó 13

Сыр тэ Лыджас Пэс Хоханэ Пророкэнца

¹ Кóли явэла машкир тутэ прорóко, ци одовá, кон пирипхэнэла сунэ, и сыкавэла тукэ знамэнии (гертыка) ци дýво, ² и явэла дро чачипэн доя гертык (знамэниё) ци дýво, пал савó ёв ракирдя тукэ, и пхэнэла: “Явэн пал явирэ дэвлорэндэ, савэн ту на джинэса, и яваса тэ дынаринас лэнгэ”, ³ то ту на шун лавá далэ-пророкоскирэ, ци адалэскирэ, кон пирипхэнэла

сунэ; пал-дова со пир дава спробинэла тумэн Рай Дэвэл, Дэвэл тумаро, соб (кай) тэ джінэл, ци дро́го исын тумэ́нгэ Рай Дэвэл, Дэвэл тумаро сарэ тумарэ илэскэ и сарэ тумарэ дескэ. ⁴ Джан пал Растэ-Дэвлэстэ, тумарэ Дэвлэстэ, и Лэстыр дарэн; раххэн припхэныбэна Лэскирэ, и Лэскири зан шунэн, и Лэскэ дынаринэн, и кэ Ёв причхувэнпэ; ⁵ а одолэс пророкос ци одолэс, кон пирипхэнэла сунэ тэ отдэн мэрибнаскэ пал дова, со ёв подракирэлас тумэн тэ отджан Ра́стыр-Дэвлэ́стыр, Дэвлэ́стыр тумарэ́стыр, Саво вы́лыджия́ тумэн Египто́скирэ пхувья́тыр, и, Саво выра́хця тут писха́рибнаскирэ кхэ́рэстыр; нэ одова́ ману́ш камэ́ла тэ rischiрэл (тэ змарэл) тут дромэ́стыр, пир саво припхэндя́ ту́кэ тэ джал Рай Дэвэл, Дэвэл тыро́; и адя́кэ традэ́ криг холы́ кокоро́ пэ́стыр. ⁶ Кóли явэ́ла тэ подракирэл тут чораханэ́с тыро́ пшал; тырэ-да́киро чхаво́, ци тыро́ чхаво́, ци тыри́ чхай, ци пэ́ тыро́ чхуибэ́н ромны́, ци тыро́ мал, саво́ исын дро́го ваш ту́кэ сыр исын тыро́ ди, ракири́: “Явэ́н и яваса́ тэ дынарина́с явирэ́ дэвлорэ́нгэ, савэ́н ту на джіндя́н и тырэ́ дада́”, ⁷ одолэ́-манушэ́нгирэ́ дэвлорэ́нгэ, саво́ исын пашы́л ту́тэ, пашатунэ́н кэ́ ту ци дуратунэ́н ту́тыр, екхэ́-пхувья́кирэ́ ягорóстыр (краё́стыр) кэ́ яви́р, ⁸ тэды́ на поддэ́пэ лэ́скэ и на шун лэ́с; и мэк тэ́ на тангинэ́л лэ́с тыри́ якх, на тангинэ́ лэ́с и на счха́кир лэ́с, ⁹ нэ́ муля́кир (замар) лэ́с; тыро́ васт англэ́дыр сарэ́ндыр банго́ тэ́ явэл пэ́ лэ́стэ, соб (кай) тэ́ замарэ́с лэ́с, а коригэ́дыр (позжэ́дыр) сарэ́ манушэ́нгирэ́ васта́; ¹⁰ мар лэ́с барэ́нца кэ́ мэрибэ́н; пал-дова́ со ёв камдя́ тэ́ отрискирэл тут Ра́стыр-Дэвлэ́стыр, Дэвлэ́стыр тырэ́стыр, Саво́ вы́лыджия́ тут Египто́скирэ пхувья́тыр писха́рибнаскирэ кхэ́рэстыр; ¹¹ и саро́ Израилё́ шунэ́ла дава́, и страха́дэла, и на явэ́на буты́р тэ́ кэрэ́н машки́р ту́тэ дасаво́ фуипэ́н. ¹² Кóли ту шунэ́са пал вари-саво́ тырэ́ форы́ндыр, саво́ Рай Дэвэл, тыро́ Дэвэл, дэ́ла ту́кэ ваш джи́ибэ́н, ¹³ со я́чнэ́ дрэ́ лэ́стэ надэ́влытка́ мануша́ машки́р ту́тэ и лы́джинэ́ криг манушэ́н лэ́нгирэ́ форо́стыр, ракири́: “Явэ́н и яваса́ тэ́ дынарина́с явирэ́ дэвлорэ́нгэ, савэ́н тумэ́ на джіндлэ́”, ¹⁴ тэды́ ту розро́дэ, до́джин и миштэ́с роспхуч; и кóли дава́ исын чачипэ́н, со кэ́рдя́пэ дава́ джунгалы́пэ́н (дая́ бры́ткима) машки́р ту́тэ, ¹⁵ то́ пхусав андрэ́ одолэ́-форо́скирэ́ манушэ́н курталаса́ (мечоса), отдэ́ прокошы́бнаскэ́ лэ́с и саро́, со явэ́ла дрэ́ лэ́стэ, и кхэ́ритконэ́ мурдалэ́н (ското) лэ́скирэн пхусав андрэ́ курталаса́; ¹⁶ а саро́ дорэ́сыбэ́н лэ́скиро скэ́дэ машки́р лэ́скири фору́ны (плóшча), и схачки́р ягаса́ фóро и саро́ лэ́скиро дорэ́сыбэ́н дро́ цэ́ло схачки́рибэ́н Ра́скэ-Дэвлэ́скэ, Дэвлэ́скэ тырэ́скэ, и мэк тэ́ явэл ёв саро́ ве́ко дро́ росчхурды́пэ́н, нашты́ никели́ нэ́вэ́стыр тэ́ кэрэ́с лэ́с; ¹⁷ нисо́, со исын прокошнó, мэк тэ́ на причхувэлпэ́ кэ́ тыро́ васт, соб (кай) тэ́ ты́княкирэл Рай Дэвэл Пэ́скири холы́, и тэ́ дэл ту́кэ тангипэ́н, и тэ́ промангэл тут, и тэ́ создэл ту́тыр буты́р манушэ́н, сыр Ёв совлахадя́ тырэ́ дадэ́нгэ, ¹⁸ кóли ту явэ́са тэ́ шунэ́с Ра́скирэ-Дэвлэ́скири, тырэ́ Дэвлэ́скири зан (глос), раххи́ сарэ́ Лэ́скирэ́ припхэ́ныбэ́на, саво́ аканá ракира́ва ту́кэ, кэ́ри лачхэ́с ангил Ра́скирэ-Дэвлэ́скирэ, тырэ́ Дэвлэ́скирэ́ якха́.

Шэро́ 14

Тэ́ на Кэрэ́н Шпэ́ры (Знаки) пал Мулэ́стэ

¹ Тумэ́ сан Ра́скирэ-Дэвлэ́скирэ, тумарэ́ Дэвлэ́скирэ́ чхавэ́; на кэрэ́н чхины́бэ́на пэ́ тумарэ́ маса́, и на обчхинэ́н пэ́ чикат бала́ машки́р тумарэ́́ якха́, пал мулэ́ндэ; ² пал-дова́ со тумэ́ сан свэ́нта мануша́ Растэ-Дэвлэ́стэ, Дэвлэ́стэ тумарэ́́стэ, и тумэ́н вы́кэды́я Рай Дэвэл, соб (кай) тумэ́ тэ́ явэ́н екх Лэ́скирэ́ мануша́ сарэ́ манушэ́ндыр, саво́ исын пэ́ пхув.

Жужо́ и Нажужо́ Хабэ́н

³ На ха́ нисаво́ маги́рипэ́н. ⁴ Акэ́, исын кхэ́ритка́ мурдала́/ското́ [животна-ю.о.], савэ́н тумэ́нгэ сашты́ (можна́) тэ́ хан: гу́рува, бакрэ́, бу́зня, ⁵ оленё́ и серна, и гу́рув, и лань (ми́рга), и зубро́, и ори́ксо (бэ́ргитко́ бу́зно), и камелопа́рдо (бэ́ргитко́ бакро́). ⁶ Кажно́ кхэ́ритко́ мурда́л (ското́), савэ́стэ́ пэ́ копы́то исын ду́й кока́лки и пэ́ ка́жна ду́й копы́ты исын хо́р росчхины́бэ́н, и саво́ кхэ́ритко́ мурда́л жу́инэ́ла жвачка́, долэ́н хан; ⁷ екхэ́ долэ́н на хан, савэ́ жу́инэ́на жвачка́ и савэ́ндэ́ ду́й копы́ты исын хо́р росчхины́бна́са: верблюда́с, шу́шуёс и

тушканчыкос, пал-довá со усаéкх со ёнэ жуинэна жвачка, пэ копыто лэндэ нанэ дуй кокалки: нажужэ ёнэ исын ваш тумэнгэ; ⁸ и балычэн, пал-довá со мэк копыты лэндэ исын росчихиыбнаса, нэ ёнэ на жуинэна жвачка: нажужэ ёнэ исын ваш тумэнгэ; на хан лэнгиро мас, и пал лэнгирэ трúпы на лэнпэ. ⁹ И сарэн мурдалэн, савэ исын дро пани́, хан сарэн, савэндэ исын пора и чэшуя; ¹⁰ а сарэн долэн, савэндэ нанэ пора и чэшуи, на хан: нажужо дава́ исын ваш тумэнгэ. ¹¹ Хан кажнона жу́жа чирикля́; ¹² нэ кадалэн лэндыр наштý тумэнгэ тэ хан: орлос (кидос), грифос и морёскирэ (дэрьявэскирэ) орлос, ¹³ и коршунос, и соколос, и кречэ́тос лэскирэ родоса, ¹⁴ и кажно́нэ коракос (воронос) лэскирэ родоса, ¹⁵ и страусос, и сова, и чайка, и кагня́лос (ястребос) лэскирэ родоса, ¹⁶ и филинос, и ибисос, и лебедёс, ¹⁷ и пеликанос, и сипос, и рыболовос, ¹⁸ и цапля, и зуёс лэскирэ родоса, и удодос, и нетопырёс (вурняибнытконэ кармусос). ¹⁹ Сарэ мурдала́, савэ вурняна, исын нажужэ исын ваш тумэнгэ, на хан лэн. ²⁰ Хан кажнона жу́жа чирикля́. ²¹ На хан ни саво муло́ мас; манушэ́скэ явирэ ригаты́р, саво явэ́ла дро тыро́ кхэр, отдэ́ лэскэ, ёв мэк тэ хал лэс, ци бикин лэскэ, пал-довá со тумэ сан манушá свэ́нта Растэ-Дэвлэ́стэ, тырэ́ Дэвлэ́стэ. На кэра́в бузнорэс дро тхуд лэскирэ дакирэса. ²² Отлэ́ дэшэнгири (дэ́што паш) сарэ́ тырэ́ прибарипнасты́р дрэ́ семи (зы́рки), савэ́ явэ́на тырэ́ фэлдаты́р кажно́ бэрш, ²³ и ха ангил Растэ-Дэвлэ́стэ, тырэ́ Дэвлэ́стэ, пэ́ дова́ штэ́то, саво́ Ёв выкэдэ́ла, соб (кай) тэ́ явэ́л лав Лэски́ро одо́й, дэшэнгири (дэ́што паш) тырэ́ марэ́стыр, тырэ́ моля́тыр (вино́стыр) и тырэ́ елеё́стыр, и тырэ́ барэ́ мурдалэндýр англатунэн (пэрвонэн) и тырэ́ тыкнэ́ мурдалэндýр, соб (кай) ту́ тэ́ высылкёс тэ́ дарэс Ра́стыр-Дэвлэ́стыр, тырэ́ Дэвлэ́стыр, пэ́ сарэ́ дывэ́са. ²⁴ Кóли длэнго́ явэ́ла ваш ту́кэ́ дром ады́кэ, со ту́ на дэ́са ра́да тэ́ лыджас саро́, пал-довá со дур ту́тыр дова́ штэ́то, саво́ выкэдэ́ла Рай Дэвэ́л тыро́, соб (кай) тэ́ чхувэ́л одо́й лав Пэски́ро, и Рай Дэвэ́л, Дэвэ́л тыро́, бахтякирдя́ тут, ²⁵ тэ́ды парув дава́ пэ́ руп, и лэ́ руп дро тыро́ васт, и яв пэ́ штэ́то, саво́ выкэдэ́ла Рай Дэвэ́л, Дэвэ́л тыро́; ²⁶ и кин пэ́ дава́ руп саро́, со закамэ́ла тыро́ ди: гурувэ́н, бакрэ́н, мол, сикера́ и саро́, со закамэ́ла ту́тыр тыро́ ди; и ха одо́й ангил Растэ-Дэвлэ́стэ, Дэвлэ́стэ тырэ́стэ, и ра́дынпэ́ ту, и тыри́ чэ́карь (семе́йство). ²⁷ И Левитос, саво́ исын дрэ́ тырэ́ кхэ́ра, на ячки́р, пал-довá со нанэ́ лэскэ́ паш и мишты́пнаски́ри ме́ра ту́са. ²⁸ Сы́р проджа́на трин бэрш, отлэ́ сарэ́ дэшэнги́рья тырэ́ прибарипнасты́р дро дова́ бэрш, и чхув дава́ дрэ́ тырэ́ кхэ́ра; ²⁹ и мэк явэ́ла Левито, пал-довá со нанэ́ лэскэ́ паш и мишты́пнаски́ри ме́ра ту́са, и ману́ш, саво́ явдя́ кэ́ ту, и пирото́ (сирота), и пивлы́ (удова), савэ́ дживэ́на дрэ́ тырэ́ кхэ́ра, и мэк тэ́ хан и тэ́ чалё́н, соб (кай) тэ́ бахтякирэ́л тут Рай Дэвэ́л, Дэвэ́л тыро́, дро кажно́ тырэ́-вастэнги́ри буты́, сави́ ту́ явэ́са тэ́ кэ́рэс.

Шэ́ро 15

Палэ́ Длуги (Вужлы́пэна)

¹ Пэ́ эф́та́то (битринэ́нгиро дэ́што) бэрш змэк (дарин) вужлы́пэн (длуго). ² Тэ́ змэкэ́с вужлы́пэн исын дрэ́ дова́, соб (кай) кажно́ (сва́ко) ману́ш, саво́ дэ́ла дро длуго пэ́скирэ пашатунэ́скэ, тэ́ змэкэ́л (тэ́ даринэ́л) вужлы́пэн и тэ́ на пхучэлпэ́ пэ́скирэ пашатунэ́стыр ци пэ́скирэ пшалэ́стыр, пал-довá со дыно́ тэ́ змэкэ́л вужлы́пэн ваш Ра́скэ-Дэвлэ́скэ; ³ манушэ́стыр явирэ ригаты́р пхучпэ́, а со явэ́ла тырэ́ пшалэ́стэ тырэ́стэ, змэк лэ́скэ. ⁴ Нэ́ ниé́кх тэ́ на явэ́л ту́тэ́ бо́го: пал-довá со бахтякирэ́ла тут Рай Дэвэ́л пэ́ доя́ пхув, сави́ Рай Дэвэ́л, Дэвэ́л тыро́, дэ́ла ту́кэ́ дрэ́ мишты́пнаски́ри ме́ра, со ту́ лыян ла сы́р мэ́кно́ мишты́пэн, ⁵ ко́ли ту́ явэ́са тэ́ шунэ́с Ра́скирэ-Дэвлэ́скири, тырэ́-Дэвлэ́скири зан, и тэ́ причхувэ́с зор тэ́ сполнинэ́с сарэ́ далэ́ при́пхэныбэ́на, савэ́ мэ́ адады́вэс ракира́ва ту́кэ; ⁶ пал-довá со Рай Дэвэ́л, тыро́ Дэвэ́л, бахтякирэ́ла тут, сы́р Ёв ракирдя́ ту́кэ, и ту́ явэ́са тэ́ дэс дро вужлы́пэн бутэ́нгэ манушэ́нгэ, а ту́ ко́ро́ на явэ́са тэ́ лэс дро длуго; и хула́й ту́ явэ́са пэ́ бутэ́ манушэ́ндэ, а ёнэ́ пэ́ ту́тэ́ на явэ́на хула́я. ⁷ Кóли явэ́ла ту́тэ́ чорорó вари-кон тырэ́ пшалэндýр, пэ́ тыри́ пхув, сави́ Рай Дэвэ́л, Дэвэ́л тыро́, дэ́ла ту́кэ, тэ́ды на хо́ляки́р тыро́ ило́ и на [на гарав-ю.о.] тасав тыро́ васт ангил тырэ́ чорорé пшалэ́стэ, ⁸ нэ́ отчхаки́р лэ́скэ́ тыро́ васт и дэ́ лэ́скэ́ дро вужлы́пэн, ды́кхй́ пир лэ́скири трé́бима, со лэ́скэ́ на ухты́лэ́ла (на́доси);

⁹ раххпэ, соб (кай) тэ на заджал дрэ тырo илo налaчхи думa: “Явэла (подджала сыг) эфтáто бэрш, бэрш тэ змэкав вужлыпэн”, и, соб (кай) долэстыр тырi якх тэ на кэрэлпэ холями кэ чорорo тырo пшал, и ту тэ на отпхэнэс лэскэ; пал-довá со ёв явэла тэ дэл гóдла тóтэ кэ Рай Дэвэл, и явэла пэ тóтэ грэхo; ¹⁰ дэ лэскэ дро вужлыпэн, и, кэли явэса тэ дэс лэскэ, наштý, соб (кай) тэ тангинэл (тэ жалинэл) тырo илo, пал-довá со пал довá бахтякирэла тут Рай Дэвэл, тырo Дэвэл, дрэ сарé рэндý тырé и дро сарo, со явэна тэ кэрэн тырé вастá; ¹¹ пал-довá со чорорé ўсáды (сак) явэна машкiр тырi пхув, палдава́ мэ и ракира́ва тóкэ: “Отчхакир васт тырo тырé пшалэскэ, чорорэскэ тырэскэ и богоскэ тырэскэ пэ тырi пхув.” ¹² Кóли бикнэлапэ тóкэ тырo пшал, Юдос, ци Юдыца, тэды шов бэрш бангo исын ёв тэ явэл сыр дына́ри тóкэ, а пэ эфтáто бэрш отмэк лэс пэстыр пэ во́ля; ¹³ кэли явэса тэ отмэкэс лэс пэстыр пэ во́ля, на мэк лэс чхучé (пустонэ) вастэнца, ¹⁴ нэ дэ лэскэ тырé стадатыр, тырé гумностыр и тырé пресостыр: дэ лэскэ, сoса бахтякирдý тут Рай Дэвэл, Дэвэл тырo; ¹⁵ рiпир, со и ту сáнас писхариса пэ Египтoскири пхув, и зракхцý тут Рай Дэвэл, тырo Дэвэл, палдава́ мэ ададывэс и ракира́ва дава́ тóкэ. ¹⁶ Кóли ёв пхэнэла тóкэ: “На джа́ва мэ тóтыр, палдава́ со ту ма́нгэ сан дрóго и тырo кхэр”, пал-довá со миштó исын лэскэ тóтэ, ¹⁷ тэды лэ ярь (шыло), и пропхусав лэскиро кан кэ вудáр; и явэла ёв тырo писхáри пэ ве́ко. Ады́кэ кэр и тырé дынари́ца. ¹⁸ На гин дава́ ваш пэскэ пхари́пнаса, со ту сан бангo (мусинэса) тэ отмэкэс лэс пэстыр пэ во́ля, пал-довá со ёв пал шов бэрш закэрдý тóкэ дрэ дуй мо́лы бутýр сыр плэскирибэн бутярнэскэ, савo тóтэ сыс налыно; и бахтякирэла тут Рай Дэвэл, Дэвэл тырo, дрэ сарo, со ту явэса тэ кэрэс. ¹⁹ Сарo англатунo бияны́пнаскиро муршы́тко, со бияндéла барé тырé барé мурдалэндýр и тыкнé кхэритконé тырé мурдалэндýр, отдé Рáскэ-Дэвлэскэ, Дэвлэскэ тырэскэ: на кэр бутý пэ англатунé (пэ́рвонé) бияны́пнаскирэ гурувэстэ тырэстэ, и на обчхин англатунé бияны́пнаскирэс тырé тыкнé кхэритконé мурдалэндýр; ²⁰ ка́жно бэрш ха дава́, ту и тырi чэкарь (семе́йство) ангiл Растэ-Дэвлэстэ, Дэвлэстэ тырэстэ, пэ штéто, савo выкэдэ́ла Рай Дэвэл. ²¹ Кóли явэла пэ лэстэ дош, лангало, ци корорo, ци явiр вари-савi дош, тэды на лы́джа лэс дрэ свéнто яныбэн Рáскэ-Дэвлэскэ, тырэскэ Дэвлэскэ, ²² нэ тóкэ саштý (можна) тэ хас дава́ дро кхэр тырo, жужo и нажужо саштý тэ хал лэс, сыр серна (ми́рга), ады́кэ-паць и оленёс. ²³ екх лэскиро рат на ха; вычхув лэс пэ пхув, сыр панi.

Шэро́ 16

Пал Патради́

¹ Дыхх патыва́са пэ чхон Авиво, и свэнкин Патради́ Рáскирэ-Дэвлэскири, Дэвлэскири тырэскири, пал-довá со дро чхон Авиво вылыджия́ тут Рай Дэвэл, тырo Дэвэл ратý Египтoстыр. ² И зачхин Патради́ (патрадитконé бакрорэс) Рáскэ-Дэвлэскэ, Дэвлэскэ тырэскэ, тыкнé и барé кхэритконé мурдалэстыр пэ штéто, савo выкэдэ́ла Рай Дэвэл, соб (кай) тэ явэл одóй лав Лэскиро. ³ На ха лáса шутло (квасно); эфтá (битринэнгиро дэш) дывэса́ ха лáса опресноки, дава́ исын марo бидакиро, пал-довá со ту сыгны́пнаса выгиян Египтoскирэ пхувýтыр, соб (кай) ту тэ рипирэс пэскиро выгии́бнаскиро дывэс Египтoскирэ пхувýтыр дрэ сарé тырé джи́ибна́скирэ дывэса́. ⁴ Наштý, соб (кай) тэ явэл тóтэ нисo шутло дрэ сарi тырi мишты́пна́скири мэра дрэ сарé эфтá дывэса́, и мас, савo ту яндын дрэ свéнто дыибэн Рáскэ-Дэвлэскэ бэ́львэ́лэ дро пэ́рво дывэс, нисo наштý тэ ячэлпэ кэ ра́нко (кэ злóко). ⁵ Наштý, соб (кай) ту тэ зачхинэс Патради́ дро кхэр, савo Рай Дэвэл, Дэвэл тырo, дэла тóкэ; ⁶ нэ пэ екх довá штéто, савo выкэдэ́ла Рай Дэвэл, Дэвэл тырo, соб (кай) тэ явэл одóй лав Лэскиро, зачхин Патради́ бэ́львэ́лэ, ангiл кхамэскиро загии́бэн, дрэ довá-паць часо (цýро), дро савo ту выгиян Египтoстыр; ⁷ и пэк и ха пэ довá штéто, савo выкэдэ́ла Рай Дэвэл, Дэвэл тырo, а пэ явiр дывэс ту саштý (моги́нэса) тэ рисёс и тэ заджас дрэ тырé шáтры. ⁸ Шов дывэса́ ха пресна марé, а пэ эфтáто дывэс свéнто скэдыибэн Рáскэ-Дэвлэскэ, тырé Дэвлэскэ; на залэпэ бутýса.

Пал Свэнки Эфтангирья, Кушчэнгирэ

⁹ Эфтангирья (седмицы) отгин пэскэ; лэ тэ гинэс эфта эфтангирья долэ дывэсэндир, сыр явэла серпо (чхиндло) тэ укэдэл; ¹⁰ тэды свэнкин свэнко эфтангирьенгиро Рáскэ-Дэвлэскэ, Дэвлэскэ тырэскэ, пир зор тырэ вастэскиро, ци бут ту дэса, дыкхи пир дова, сáса бахтякирэла тут Рай Дэвэл, Дэвэл тырo; ¹¹ и ráдынпэ ангил Растэ-Дэвлэстэ, Дэвлэстэ тырэстэ, ту, и тырo чхавo, и тырi чхай, и тырo писхари, и тырi писхарица, и Левито, савo исын дро тырo кхэр, и мануш, савo явдя, и пирото (сирота), и пивлы (удова), савэ исын машкiр тýtэ, пэ штéто, савo выкэдэла Рай Дэвэл, Дэвэл тырo, соб (кай) тэ явэл одой лав Лэскиро; ¹² рiпир, со и ту сáнас писхари дро Егiпто, и рахх, и кэр сарo пир далэ упхэныбэна.

Пал Свэнко Кушчэнгиро

¹³ Свэнко кушчэнгиро кэр пэстэ эфта дывэсá, кели укэдэса сарo тырэ шурнатыр (гумностыр), и тырэ пресостыр; ¹⁴ и ráдынпэ пэ свэнко тырo ту, и тырo чхавo, и тырi чхай, и дынари тырo, и дынарица тырi, и Левито, и мануш, савo явдя, и пирото (сирота), и пивлы (удова), савэ исын дрэ тырэ кхэрá; ¹⁵ эфта (битринэнгиро дэш) дывэсá свэнкин Рáскэ-Дэвлэскэ, Дэвлэскэ тырэскэ, пэ штéто, савo выкэдэла Рай Дэвэл, тырo Дэвэл; пал-дова со бахтякирэла тут Рай Дэвэл, Дэвэл тырo, дрэ сарэ тырэ бутя, и дро кажно тырэ-вастэнгиро рэндо, и ту явэса екх со тэ радынэспэ. ¹⁶ Трин мoлы дро бэрш сарэ муршá исын бангэ тэ явэн ангил Рáскирэ-Дэвлэскиро, тырэ Дэвлэскиро муй, пэ штéто, савo выкэдэла Ёв: пэ свэнко опреснокэнгиро, пэ свэнко эфтангирьенгиро и пэ свэнко кушчэнгиро; и никонэскэ нашты, соб (кай) тэ явэл ангил муй Рáскирэ-Дэвлэскиро чхучэ вастэнца, ¹⁷ нэ кажно (свáко) тэ явэл дро пэскиро васт дароса, дыкхи пир Рáскирэ-Дэвлэскиро, тырэ-Дэвлэскиро бахтякирибэн, савo Ёв дыя тукэ. ¹⁸ Дрэ сарэ тырэ кхэрá, савэ Рай Дэвэл, Дэвэл тырo, дэла тукэ, чхув пэскэ сэндарьен и раххибнарьен пир тырэ рoдышы, соб (кай) ёнэ тэ сэндыкирэн манушэн чачунэ сэндоса; ¹⁹ на пирикрэнцын Законо, на дыкх пэ муя, и на лэ почастунко (дáро), пал-дова со почастунко корьякирэла годьварэнгирэ якхá и пирикрэнцынэла чачунэнгиро лавá; ²⁰ чачипэн, рoдэ чачипэн, соб (кай) ту тэ явэс джидo, и тэ явэл тýtэ пхув, савi Рай Дэвэл, Дэвэл тырo, дэла тукэ. ²¹ На почхув дрэ пхув вэшорэ вари-савэ каштэндир (дрэвэндир) пашыл свэнто яныбнаскиро штéто тырэ Рáскэ-Дэвлэскэ, савo ту кэрэса пэскэ, ²² и на чхув пэскэ свэнто стылбо [вэладiн/рошча-р.с.], со древán холякирэла Рас-Дэвлэс, Дэвлэс тырэс.

Шэрo 17

¹ На ян дрэ свэнто дыибэн Рáскэ-Дэвлэскэ, Дэвлэскэ тырэскэ, гурувэс, ци бакрэс, пэ савэндэ явэла дош, ци вари-савo фуипэн, пал-дова со дава исын магирипэн ваш Рáскэ-Дэвлэскэ, Дэвлэскэ тырэстэ. ² Кóли латхэлапэ вари-кон машкiр тýtэ дрэ вари-савo тырэ кхэрэндир, савэ Рай Дэвэл, Дэвэл тырo, дэла тукэ, мурш ци джувлы, кон кэрэла чорипэн ангил Рáскирэ-Дэвлэскирэ, тырэ Дэвлэскирэ якхá, и пхагирэла Лэскиро завето, ³ и джáла, и лэла тэ дынаринэл явирэ дэвлорэнгэ, и лэла тэ мангэлпэ лэнгэ, ци кхамэскэ, ци чхонэскэ, ци сарэ-болыбнаскирэ чэргэнякэ, со мэ припхэндём тэ на кэрэс, ⁴ и тукэ пхэндло явэла, и ту шунэса, то тэды ту шукáр розродэ, и, кóли дава исын чачипэн, кóли кэрдo дава магирипэн дро Израилё, ⁵ то вылыджа одолэс муршэс, ци одолья джувля, савэ кэрдэ дава фуипэн, кэ тырэ вударá (пóрты) и мар лэн барэнца кэ мэрибэн. ⁶ Пир дүе-якхитконэнгирэ (свидетеленгиро) лавá, ци тринэ-якхитконэнгирэ, бангo исын тэ мэрэл мануш, савo исын сэндиндло пэ мэрибэн. Нэ нашты тэ отдэс лэс мэрибнаскэ пир лавá екхэ якхитконэскирэ (свидетелёскиро). ⁷ О якхитконэнгиро васт исын бангo пэрво тэ явэл пэ лэстэ тэ чхурдэл бар англэдыр сарэндир, соб (кай) тэ домарэн лэс, пал лэндэ васт сарэ-манушэнгиро; и адякэ традэ криг фуипэн машкiр пэстэ. ⁸ Кóли пир савo рэндо (дéло) ваш тукэ явэла пхарo тэ россэндякирэс машкiр рат и рат, машкiр сэндо и сэндо, машкiр марибэн и марибэн, и явэна

манушá, савó на явэна дрэ екх годý дрэ тырý пóрта, то тэды уштý и джá пэ штéто, савó выкэдэла Рай Дэвэл, Дэвэл тырó, ⁹ и яв кэ рашая, Левýты, и кэ сэндáри, савó явэла дрэ долé дывэсá, и пхучпэ лэндýр, и ёнэ пхэнэна тýкэ, сыр тэ россэндýкирэс; ¹⁰ и кэр пир лав, савó ёнэ пхэнэна тýкэ, пэ дова штéто, савó выкэдэла Рай Дэвэл, и причхýв зор тэ кэрэс сарó, со ёнэ сыклякирэна тут; ¹¹ пир Законó, савэскэ сыклякирэна ёнэ тут, и пир сэндоскиро приракирибэн, савó ёнэ пхэнэна тýкэ, кэр, и на отджа ни пэ чачó (право), ни пэ зэрво (лэво) долéстыр, со ёнэ пхэнэна тýкэ. ¹² А кон кэрэла адыкэ холямé муршыпнаса, со на кандэла рашас, савó явэла тэрдó одóй пэ мангипэн ангýл Растэ-Дэвлэстэ, Дэвлэстэ тырэстэ, ци сэндаристэ, одовá манýш исын бангó тэ мэрэл, и адыкэ традэ криг холý Израилéстыр; ¹³ и сарé манушá явэна тэ шунэн, и страхадэна, и на явэна бутýр тэ кэрэн холямé муршыпнаса. ¹⁴ Кéли ту явэса пэ пхув, савý Рай Дэвэл, Дэвэл тырó, дэла тýкэ и ту явэса тэ хулаинэс ласа, и ту лэса тэ дживэс пэ латэ, и пхэнэса: “Чхувáва мэ пэ пэстэ кралýс, сыр явирэ манушэндэ, савé исын пашýл мандэ”, ¹⁵ то тэды чхув пэ пэстэ кралýс, савэс выкэдэла Рай Дэвэл, Дэвэл тырó; тырэ пшалэндýр чхув пэ пэстэ кралýс; наштý, соб (кай) тэ чхувэс пэ пэстэ кралýса манушэс явирэ ригáтыр, савó исын на пшал тýкэ. ¹⁶ Екх, соб (кай) ёв тэ на убарьякирэл (тэ на розлыджал) пэскэ бут грэн, и тэ на рискирэл манушэн дро Егýпто ваш дова, соб (кай) тэ убарьякирэл пэскэ бутýр грэн, пал-дова со Рай Дэвэл пхэндý тумэнгэ: “На рисён бутýр далé дромэса”; ¹⁷ и соб (кай) ёв тэ на скэдэл пэскэ бут ромнен, соб (кай) тэ на розмэкэлпэ лэскиро илó, и, соб (кай) руп и сувнакáй ёв тэ на скэдэл древáн бут пэскэ. ¹⁸ Нэ кéли ёв бэшэла пэ пэскирэ-кralипнаскиро престоло, исын бангó тэ счхувэл ваш пэскэ списко далé Законóскирэ лылварьятыр, савý исын Левитэнгирэ рашандэ, ¹⁹ и мэк дава списко тэ явэл лэстэ, и мэк ёв тэ гинэл лэс дрэ сарé пэскирэ джибнáскирэ дывэсá, соб (кай) тэ высылклéл тэ дарэл Рáстыр-Дэвлэстыр, пэскирэ Дэвлэстыр, и тэ причхувэл зор тэ сполнинэл сарé далé Законóскирэ лавá и далé упхэныбэна; ²⁰ соб (кай) тэ на пхутёл лэскиро илó ангýл лэскирэ пшалэндэ, и соб (кай) ёв тэ на отджал Законóстыр ни пэ чачó (право), ни пэ зэрво (лэво), соб (кай) ёв тэ явэл длуга дывэсá ёв пэ пэскиро кralипэн и тэ явэн чхавé лэскирэ машкёр Израилé.

Шэрó 18

Пал Левитэндэ

¹ Левитэнгирэ рашангэ, сарé Левиэскирэ родыцóскэ, на явэла паш и миштыпнáскири мéра Израилéса: ёнэ исын бангó тэ чалякирэмпэ свэнтонé яныбнастыр Рáскэ-Дэвлэскэ и Лэскирэ пашэса; ² и миштыпнáскири мéра на явэла лэнгэ машкёр лэскирэ пшалэндэ: Кокорó Рай Дэвэл исын лэнгири миштыпнáскири мéра, сыр ракирдý Ёв лóнгэ. ³ И, акэ, со трэй тэ явэл чхудо рашангэ манушэндýр, савé янэна дрэ свэнто дыибэн Рáскэ-Дэвлэскэ гурувэн ци бакрэн: ёнэ исын бангó тэ отдэн рашáскэ психó, жанды (пашчонки) и кужум (жэлудко); ⁴ адыкэ-паць и пэрва барьякирдé (начатки) марэстыр тырэстыр, молятыр (виностыр) тырьатыр и елеёстыр тырэстыр, и пэрва балытка тырэ бакрэнгирэ вылнáтыр отдé лэскэ, Левитоскэ, ⁵ пал-дова со лэс выкэдýя Рай Дэвэл, Дэвэл тырó, сарé родыцóстыр тырэстыр, соб (кай) ёв тэ тэрдёл ангýл Растэ-Дэвлэстэ, Дэвлэстэ тырэстэ, тэ дынаринэл Рáскирэ-Дэвлэскирэ лавэса, кокорó и лэскирэ чхавé дрэ сарé дывэсá. ⁶ И кóли Левито явэла екхэ тырэ штэтóстыр, сарé Израилéскирэ-чхавэнгирэ пхувьятыр, ёв дживдý, и явэла пир пэскирэ-дескиро выкэдыибэн пэ штéто, савó выкэдэла Рай Дэвэл, ⁷ и ёв явэла тэ дынаринэл лавэса ваш Рáскэ-Дэвлэскэ, пэскирэ Дэвлэскирэскэ, сыр и сарé лэскирэ пшáла, Левýты, савé исын тэрдé одóй ангýл Растэ Дэвлэстэ, ⁸ то тэды мэк ёнэ тэ лэн кадасавé пашá сыр явёр Левýты, апрýч дова, со ёнэ дорэснэ дадэскирэ барвалыпнастыр, сыр ёнэ бикиндлэ лэс.

Ракхэн Пэс Налачхэ Присыкляибнастыр

⁹ Кéли ту заджаса пэ пхув, сави дэла тукэ Рай Дэвэл, Дэвэл тырo, тэды на сыклёв тэ кэрэс магирипэн, савэ кэрдэ одолэ манушá: ¹⁰ наштý, соб (кай) тэ явэл тутэ мануш, саво пролыджала пэскирэ чхавэс, ци пэскирья чха пирдал яг, зумакирибнаскиро, драбакирибнари, човахано, ¹¹ калэ-магитко (обаятелё), кон выкхарэла дүхи, знахарё, мулэнгиро човахано; ¹² пал-довá со магирдо тэ явэл ангил Растэ-Дэвлэстэ кажно (свáко), кон кэрэла дава, и пал далэ магирипэна Рай Дэвэл, Дэвэл тырo, традэла криг лэн тырэ мoстыр; ¹³ яв бидошакиро ангил Растэ-Дэвлэстэ, Дэвлэстэ тырэстэ; ¹⁴ пал-довá со адалэ манушá, савэн ту традэса криг, шунэна драбакирибнарьен пир болыбэн (чэргэня), зумакирибнаскирэн, а тукэ на дова дýя Рай Дэвэл, Дэвэл тырo. ¹⁵ Пророкoс машкёр тутэ, тырэ пшалэндýр, сыр ман, дэла тукэ Рай-Дэвэл, Дэвэл тырo, Лэс шунэн, – ¹⁶ адýкэ сыр ту мангдýн Рáстыр-Дэвлэстыр, тырэ Дэвлэстыр, пашыл Хориво пэ скэдыибнаскиро дывэс, ракири: “Мэ бутýр на шунава Рáскирэ-Дэвлэскирэ, мирэ Дэвлэскири зан (глос), и даý бари яг мэ бутýр на дыкхáв, соб (кай) мánгэ тэ на мэрав.” ¹⁷ И пхэндý мánгэ Рай Дэвэл: “Миштo дова, со ёнэ ракирдé. ¹⁸ Мэ дава лэнгэ Пророкoс лэнгирэ пшалэндýр, адасавэс сыр ту, и чхувава лавá Мирé дрé Лэскирэ уштá, и Ёв явэла тэ ракирэл лэнгэ сарo, со Мэ пхэнава Лэскэ; ¹⁹ а кон на явэла тэ шунэл Мирé лавá, савэ одовá прорoко явэла тэ ракирэл Мирé лавэса, одовá отпхэнэла Мánгэ. ²⁰ Нэ, пророкoс, саво явэла муршканo тэ ракирэл Мирé лавэса дова, со Мэ на пхэндём лэскэ тэ ракирэл, и саво явэла тэ ракирэл явирэ-дэвлорэнгирэ лавэса, адасавэс пророкoс отдэн мэрибнáскэ.” ²¹ И кoли пхэнэса дро илo тырo: “Сыр амэ уджинаса лав, савo на Рай Дэвэл ракирдý?” ²² Кoли прорoко пхэнэла Рáскирэ-Дэвлэскирэ лавэса, нэ лав дова на явэла дро чачипэн, и на кэрэлапэ, тэды на Рай Дэвэл ракирдý дава лав, нэ ракирдý дава прорoко пир пэскири нахратýма, на дар лэстыр.

Шэрo 19

Пал Фoрья тэ Гарадён Набангэнгэ

¹ Кéли Рай Дэвэл, Дэвэл тырo, хасякирэла манушýтка нáцыи (народы), савэнгири пхув дэла тукэ Рай Дэвэл, Дэвэл тырo, и ту прилэса мэкнo миштыпэн палo (после) лэндэ, и ту лэса тэ дживэс дрé лэнгирэ фoрья и кхэрá лэнгирэ, ² то выкэдэ (отлэ) пэскэ трин фoрья машкёр тыри пхув, сави Рай Дэвэл, Дэвэл тырo, дэла тукэ тэ хулаинэс; ³ кэр пэскэ дром, и роскэр (розделин) пэ трин пашá сари тыри пхув, сави Рай Дэвэл, Дэвэл тырo, дэла тукэ дрé миштыпнáскири мéра; ёнэ явэна ваш нашыбэн свако́нэ (кажнoнэ) манушéскэ (умарибнари́скэ). ⁴ И гáда, саво замарибнари (умарибнари) сашты (могинéла) тэ нашэл одорýк и тэ ячэлпэ джидo: кон замарэла пэскирэ пашатунэс наками, на сыс лэскэ вэргo (врого) тасý и трýто дывэс; ⁵ одовá, кон джáла пэскирэ пашатунэса дро вэш тэ чингирэл каштá, и замахнинэлапэ лэскиро васт товэрэса, соб (кай) тэ чингирэл вэш, и пэрэла састýр васторэстыр (товэришчатыр) и попэрла дрé пашатунэстэ, и ёв мэрэла, адасавo мануш мэк тэ нашэл дро екх фoро долé форýэндýр, соб (кай) тэ ячэлпэ ёв джидo, ⁶ соб (кай) мануш, савo явэла тэ отхал палэ (тэ отомстинэл) пал рат дрé лэскири холý тэ на традэлпэ пал замарибнаристэ (умарибнаристэ) и тэ на дотрадел лэс, кoли дур явэла дром, и тэ на замарэл лэс, машкёр дова, сыр ёв исын намол сэндоскэ пэ мэрибэн, пал-довá со ёв на сыс вэргo лэскэ тасý и трýто дывэс; ⁷ пир сарo мэ дыём тукэ упхэныбэн, ракири: “Выкэдэ ваш пэскэ трин фoрья.” ⁸ Кéли Рай Дэвэл, Дэвэл тырo, кэрэла барэдýр тыри пхув, сыр Ёв совлахадý тырэ дадэнгэ, и дэла тукэ сари пхув, пал сави Ёв дýя лав тэ дэл тырэ дадэнгэ, ⁹ кoли ту явэса тэ причхувэс зор тэ кэрэс сарo пир сарé далé припхэныбэна (дэшэнгирýя), пал савэ мэ ракирава ададывэс тукэ, тэ рикирэс дро илo сыр Дро́гима Рас-Дэвлэс, Дэвлэс тырэс, и тэ псирэс дрé сарé дывэсá Лэскирэ дромэнца, тэды кэ далé трин фoрья дочхув ишчо (инкэ) трин фoрья, ¹⁰ соб (кай) тэ на прочхувэлпэ рат Манушéскиро, савo на бангo машкёр тыри пхув, сави Рай Дэвэл, Дэвэл тырo, дэла тукэ дрé миштыпнáскири мéра, и соб (кай) тэ на явэл пэ тутэ

ратэскири банг. ¹¹ Нэ коли вари-кон явэла вэргоса (врогоса) пэскирэ пашатунэскэ и явэла тэ подракхэл лэс, и газдэлапэ пэ лэстэ и замарла лэс кэ мэрибэн, и нашэла дро екх форо долэ форьэндыр, ¹² тэды лэскирэ-фороскирэ шэралэ исын бангэ тэ бичхавэн, соб (кай) тэ лэн лэс одотхыр и тэ отдэс лэс дрэ васта манушэскэ, саво отхала (отомстинэла) палэ пал рат, соб (кай) ёв тэ мэрэл; ¹³ мэк тэ на тангинэл лэс тырй якх; вымор манушэскиро рат Израилёстыр, саво исын набанго, и явэла тукэ шукар.

Миштыпнаскирэ Мёжы

¹⁴ На пириджа мёжа тырэ пашатунэскирэ, сави чхудэ тырэ-дадэнгирэ дада дрэ тырй миштыпнаскирэ мёра, сави доцяпэ тукэ пэ пхув, сави Рай Дэвэл, Дэвэл тырө, дэла тукэ.

Закóно пал Якхитконэндэ

¹⁵ На ухтылэла (надоси) екхэ-якхитконэс (свидетелёс) проти вари-конэстэ дрэ вари-сави банг, и дро вари-саво грэхо, саво ёв кэрдя: пашыл дуге-якхитконэнгирэ лава, ци пашыл тринэ-якхитконэнгирэ лава, явэла рэндо. ¹⁶ Коли выштавэла проти конэстэ начачуно якхитко, кэри лэс бангэса, ¹⁷ то тэды, мэк тэ явэн дуй адалэ мануша, саво чингардэнапэ, ангил Растэ-Дэвлэстэ, ангил рашандэ и ангил сэндарьендэ, саво явэна дрэ долэ дывэса; ¹⁸ сэндарья исын бангэ миштэс тэ роскэдэнпэ, и, коли якхитко одова явэла хоханэ, и хохайбэн пхэндя пэ пэскирэ пшалэстэ, ¹⁹ то кэрэн лэскэ дова, со ёв камдя тэ кэрэл пэскирэ пшалэскэ; и адякэ вытрадэ фуипэн пэстыр; ²⁰ и явир шунэна, и страхадэна, и на явэна бутыр тэ кэрэн дасаво фуипэн машкир тутэ; ²¹ мэк тэ на тангинэл лэс тырй якх: ди пал ди, якх пал якх, данд пал данд, васт пал васт, гэрöй пал гэрöй.

Шэрö 20

Пал Марибэна

¹ Кéли ту выджаса пэ марибэн проти тырэ вэргостэ (врогостэ) и ту явэса тэ дыкхэс грэн и марибнётка вурдэна и манушэн бутыр сыр тутэ, тэды на дар лэндыр, пал-дова со туса исын Рай Дэвэл, Дэвэл тырө, Саво улыджия тут Египтоскирэ пхувьятыр. ² И явэла адякэ, кэли джана тумэ пэ марибэн, тэды мэк тэ подджал рашай, и тэ ракирэл манушэнгэ, ³ и тэ пхэнэл лэнгэ: “Шун, Израилё! Тумэ ададывэс джана пэ марибэн тумарэ вэргэнца, мэк тэ на кхинэл ило тумарө, на дарэн, на издран, и на трашадэн лэндыр, ⁴ пал-дова со Рай Дэвэл, Дэвэл тумарө, джала тумэнца, соб (кай) тэ марэлпэ пал тумэндэ тумарэ вэргэнца, и тэ выракхэл тумэн.” ⁵ Причхувибнарья [барыдыра пэ халадэндэ-ю.о.], мэк тэ пхэнэн ангил манушэндэ, ракири: “Кон чхудя нэво кхэр и на нэвякирдя лэс, одова мэк тэ джал и тэ рисёл дро пэскиро кхэр, соб (кай) ёв тэ на мэрэл пэ марибэн, и явир мануш тэ на нэвякирэл лэскиро кхэр; ⁶ и кон чхудя винаграднико и на хая мури лэстыр, одова мэк тэ джал и тэ рисёл дро пэскиро кхэр, соб (кай) ёв тэ на мэрэл пэ марибэн и явир мануш тэ на хал мури лэскирэ винаградникостыр; ⁷ и кон ангрустындяпэ (зарэнчындяпэ) ромняса и на лыя ла, одова мэк тэ джал и тэ рисёл дрэ пэскиро кхэр, соб (кай) тэ на мэрэл пэ марибэн, и соб (кай) явир мануш тэ на лэл лэскирья ромня.” ⁸ Причхувибнарья [барыдыра пэ халадэндэ-ю.о.] мэк тэ пхэнэн ангил манушэндэ, и пхэнэна: “Кон дарла (дарэла) и нанэ муршканө, одова мэк тэ джал и тэ рисёл дро пэскиро кхэр, соб (кай) ёв тэ на кэрэл намуршканэнца лэскирэ-пшалэнгирэ илэ, сыр лэскиро ило.” ⁹ Кéли мануша, саво дыкхэна, пхэнэна сарө дава манушэнгэ, тэды ёнэ исын бангэ тэ чхувэс халадэнгирэ барыдырэн, соб (кай) тэ лыджан манушэн пэ марибэн. ¹⁰ Кéли подджаса (явэса пашыл) кэ форо, соб (кай) тэ залэс лэс, то чхурдэ (пхэн) лав лэскэ пал раманё (миро); ¹¹ коли ёв доракирэлапэ туса пэ раманё (миро) и отчхакирэла тукэ вударэ, тэды сарө мануша, саво исын дрэ лэстэ, явэна тэ плэскирэн тукэ дань и тэ дынаринэн тукэ; ¹² коли ёв на доракирэлапэ туса пэ раманё и явэла тэ лыджал туса

марибэн, тэды чхув осада трусцýл лэстэ, ¹³ и кэли Рай Дэвэл, Дэвэл тырó, отдэла лэс дрэ тырэ вастá, пропхусав лэстэ сарé мушэн курталаса; ¹⁴ екхэ джувлэн и чхаворэн, и кхэритконэ мурдалэн (ското), и сарó, со исын дро фóро, сарó лэскиро дорэсыбэн лэ пэскэ, и лэ сыр трэй дорэсыбнастыр тырэ вэргэнгирэ, савэн отдыя тукэ Рай Дэвэл, Дэвэл тырó; ¹⁵ адýкэ кэр сарé форьенца, савэ исын тóтыр дрэвэн дур, савэ исын на адалэ-манушэнгирэ фóрья. ¹⁶ А дрэ адалэ-манушэнгирэ фóрья, савэ Рай Дэвэл, Дэвэл тырó, дэла тукэ, на ячкир джидó ниéкх ди. ¹⁷ А отдэ лэн прокошыбнаскэ: Хетее и Амореен, и Хананеен, и Ферезеен, и Евее, и Евусеен, сыр ракирдý тукэ Рай Дэвэл, Дэвэл тырó, ¹⁸ соб (кай) ёнэ тэ на высклякирэн тумэн тэ кэрэн дасавэ магирипэна, савэ ёнэ кэрдэ ваш пэскирэ дэвлорэнгэ, и соб (кай) тумэ тэ на кэрэн грéхо ангил Растэ-Дэвлэстэ, Дэвлэстэ тумарэстэ. ¹⁹ Кóли барó часо ту явэса тэ рикирэс дрэ осада вари-савó фóро, соб (кай) лэс тэ лэс, тэды на хасякир лэскиро вэш, савэстыр саштý (можно) тэ чаравэспэ, и на чхучакир ригá, пал-довá со кашт (дрéво) пэ фóлда исын на манóш, соб (кай) могиндý тэ джал тóтыр пэ штéто, кай исын осада. ²⁰ екх долé каштá, пал савэ ту джинэса, со ёнэ ничý на янэна дро хабэн, саштý тэ хасякирэс и тэ чингирэс, и тэ кэрэс зоралó тыно проти фóро, савó лыджáла тóса марибэн, пака ту заухтылэса лэс.

Шэрó 21

Пал Замардэстэ (Умардэстэ)

¹ Кóли пэ пхув, сави Рай Дэвэл, тырó Дэвэл, дэла тукэ, явэла латхно замардо (умардо) манóш, савó явэла паштó пэ фóлда, и исын на джиндлó, кон замардý (умардý) лэс, ² тэды мэк тэ выджэн пхурыдырá тырэ и сэндáрья тырэ, и вымеринэна штéто форьэндýр, савэ исын пашыл замардэстэ; ³ и пхурыдырá долé форóскирэ, савó явэла пашылэдыр кэ замардо, мэк тэ лэн рэца (тэрня гурумня), пэ савýятэ на кэрдэ бутý, и сави на лыджия гамо, ⁴ и мэк долé-форóскирэ пхурыдырá тэ лыджэн даля рэца дрэ бусо (дико) лошчýна, сави на сыс распашындлы и на засеиндлы, и зачхинэна одóй рэца дрэ лошчýна; ⁵ и явэна рашая, Левиэскирэ чхавэ; ⁶ и сарé долé-форóскирэ пхурыдырá, савэ сыс пашылэдыр кэ замардо, мэк тэ обморэн пэскирэ вастá пэ рэцакиро (тэрнэ-гурумнякиро) шэрó, сави сыс зачхиндлы дрэ лошчýна, ⁷ и дэна тэ джинэн и пхэнэна: “Вастá амарэ на прочхудэ давá рат, и якхá амарэ на дыкхнэ; ⁸ выжужакир (вычýстин) Тырэ манушэн, Израилэскирэн, савэн Ту, Раё Дэвла, выракхця, и на гин манушэнгэ Тырэнгэ, Израилэскэ, банг пал прочхудо рат.” И ёнэ выжужакирэнапэ ратэстыр. ⁹ Адýкэ тукэ трэй тэ отморэс пэстыр рат манушэскиро, савó на сыс бангó, кóли тóтэ исын пэ илó тэ кэрэс лачхипэн и чачипэн ангил Рáскирэ-Дэвлэскирэ якхá.

Пал Джувлýтэ Пленóстыр

¹⁰ Кэли ту выджаса пэ марибэн проти тырэ вэргэндэ (врогэндэ), и Рай Дэвэл, Дэвэл тырó, отдэла лэн дрэ тырэ вастá, и лэса лэн дро плéно, ¹¹ и ту дыкхэса машкёр пленонэндэ джувлý, гождона, и явэла ёй пир илó тукэ ла, и закамэса тэ лэс ла палорóm, ¹² тэды ян ла дро пэскиро кхэр, и мэк ёй тэ обчхинэл пэскиро шэрó и тэ обчхинэл пэскирэ ная (ногти), ¹³ и адáя злэла джувлý пэстыр пленоскиро пэскиро урибэн, и ёй дживэла дро тырó кхэр, и обровэла пэскирэ дадэс и пэскирэ да сарó чхон; и палó (после) довá ту саштý (могинэса) тэ заджас кэ ёй и тэ явэс лáкэ ромэса, и ёй явэла тукэ ромнýса; ¹⁴ кóли ёй коригэдыр (позжэдыр) на покамэлапэ тукэ, тэды отмэк ла, карик ёй закамэла, нэ на бикин ла пал руп и на рýскир ла дро дынарибэн, пал-довá со ту отлыян патýв и барипэн лáтыр.

Право пал Англатунэ-Бияндлэстэ

¹⁵ Кóли вари-конэстэ явёна дуй ромня, екх камлы, а явёр над, и сыр камлы, адякэ и накамлы биянэна лэскэ чхавэн, и англатунó явёла накамлякиро чхавó, ¹⁶ тэды явёла адякэ: сыр ёв явёла тэ роздэл пэскирэ чхавэнгэ пэскиро миштыпэн, лэскэ нашты (на могоинэл) камлякирэ-ромнякирэ чхавэскэ тэ дэл право пал пэрвонэстэ ангил англатунэ-бияныбнаскирэ чхавэстэ накамлэ ромнятыр; ¹⁷ нэ ёв исын бангó тэ пригалёл англатунэса чхавэс накамлэ ромнятыр, и тэ дэл лэскэ дуй паша сарэстыр, со лэстэ латхэлапэ, пал-довá со ёв исын англатунó лэскирэ зорьятыр, лэскэ исын право тэ явёл англатунэ-родоскирэса. ¹⁸ Кóли вари-конэстэ явёла чхавó на кандуно и бунтяритко, савó на шунёла, со ракирэла лэскиро дад и дай лэскэ, и ёнэ сыклякирдэ кэ дукхá лэс, нэ ёв на шунёла лэн, ¹⁹ то тэды лэскиро дад и дай мэк тэ лэн и тэ янэн лэс кэ пэскирэ-форóскирэ пхурыдырá и кэ вударá пэскирэ, штэтоскирэ, кай ёнэ дживёна, ²⁰ и пхэнэна пэскирэ форóскирэ пхурыдырэнгэ: “Давá амарó чхавó исын на кандуно и исын бунтяритко, на шунёла амарé лавá, ёв исын обхаячо (хáла, сыр на дрэ пэстэ) и матяро”; ²¹ тэды сарэ манушá лэскирэ форóскирэ мэк тэ марэн лэс барэнца кэ мэрибэн; и адякэ вытрадэ фуипэн пэстыр, и сарэ Израильтяни явёна тэ шунэн, и страхадёна. ²² Кóли вари-конэстэ латхэлапэ банг, сави мол мэрибнаскэ, и ёв явёла мулякирдо, и ту ублавэса лэс пэ кашт, ²³ то лэскиро трúпо нашты, соб (кай) тэ ратькирэл пэ кашт (дрéво), нэ гарав лэс дрэ дова-паць дывэс, пал-довá со явёла прокошнó ангил Растэ Дэвлэстэ кажно (свáко) мануш, кон исын убладо пэ кашт, и на магир тырi пхув, сави Рай Дэвэл, Дэвэл тырó, дэла тукэ сыр мэкнó миштыпэн.

Шэрó 22

¹ Кéли ту дыкхэса тырэ-пшалэскирэ гурувэс, ци лэскирья бакря, сави заблэндындя, на мэк лэн, нэ рiскир лэн тырэ пшалэскэ. ² Кóли дур явёла тóтыр тырó пшал, ци ту на джинэса лэс, тэды лэ лэн дрэ пэскиро кхэр, и мэк ёнэ явёна тóтэ, пака тырó пшал лéла тэ родэл лэн, и тэды отдэ лэн лэскэ; ³ адякэ кэр и лэскирэ ослоса, адякэ кэр лэскирэ урибнаса, адякэ кэр кажнонэ-тырэ-пшалэскирэ сарэса хасякирдэса, савó ёв хасякирэла, и савó ту латхэса; нашты тóкэ тэ отджас далэстыр. ⁴ Кéли ту дыкхэса тырэ-пшалэскирэ ослос, ци гурувэс лэскирэс, савé пынэ пэ дром, на ячкир лэн, нэ гáздэ лэн кхэтанé лэса. ⁵ Пэ джувлэстэ нашты тэ явёл муршканó урибэн, и мурш нашты тэ урьелпэ дро джувликано урибэн, пал-довá со магирдó явёла ангил Растэ-Дэвлэстэ, Дэвлэстэ тырэстэ, кажно (свáко) мануш, кон кэрэла давá. ⁶ Кóли попэрлапэ тóкэ пэ дром чириклякири (чириклэскири) гнýзда (кóфо) пэ вари-савó кашт (дрéво), ци пэ пхув чириклорэнца, ци парнорэнца, и чириклы-дай бэшты пэ чириклорэндэ, ци пэ парнорэ, тэды на лэ да кхэтанé чхаворэнца: ⁷ мэк да, а чхаворэн лэ пэскэ, соб (кай) тóкэ тэ явёл миштó, и соб (кай) тэ явэн длуга тырэ джиибнаскирэ дывэсá. ⁸ Кóли явэса тэ кэрэс нэвó кхэр, тэды кэр перилы трусцýл пэ ягóро (пэ краё) пэ тырi стрéха (чхакiн), соб (кай) тэ на лыджас тóкэ рат пэ тыр кхэр, кéли вари-кон пэрэла лэстыр.

Пал Жужыма /Чыстота дро Стáно

⁹ На чхув дрэ пхув винаграднико пэскиро дуге-семенгирэ сортэнца, соб (кай) тэ на кэрэс тóкэ прокошнó сарó умалото мурьенги́ро, савé ту чхувэса дрэ пхув, кхэтанé пэскирэ винаградникоскирэ барьякирдэнца (плодэнца). ¹⁰ На пахин (на пхарав пхув) пэ гурувэстэ и пэ ослостэ кхэтанé. ¹¹ На ури iдя, кэрды разнонэ тхавэндýр, вылнáтыр и гандладэстыр (лёностыр) кхэтанé. ¹² Кэр пэскэ кисточки пэ штар вэнглы пэ тырó урибэн, савэса ту учхакирэсапэ.

Закóны пал Джувликаны Патýв

¹³ Кóли кон лóла ромнý, и заджáла кэ ёй, и ёв лóла тэ бидыкхэл ла, ¹⁴ и ёв явóла тэ бангякирэл ла дро биладжаипэн, и мэкóла пал латэ налачхи мавлýн (малва), и пхэнóла: “Мэ лыём адалья ромнý, и загиём кэ ёй, и на латхём латэ чхаитко”, ¹⁵ тэды дад тэрниньконэ-чхакиро и дай лáкири мэк тэ лэн и тэ вылыджан чхаитко досыкаибэн кэ форóскирэ пхурыдырá, кэ пórта (кэ враты); ¹⁶ и дад тэрниньконэ-чхакиро пхэнóла пхурыдырэнгэ: “Чха мирья мэ отдыём палорóm адалэ манушэскэ, и аканá ёв ла на камóла, ¹⁷ и гáда, ёв бангякирэла ла дро биладжаипэн, ракири: ‘Мэ на латхём тырэ чхатэ чхаитко.’ И чхувéна идя ангил форóскирэ пхурыдырэндэ.” ¹⁸ Тэды пхурыдырá долэ-форóскиро мэк тэ лэн ромэс, и тэ чхувэн кáра пэ лэстэ, ¹⁹ и тэ чхувэн пэ лэстэ шэл шéкели руп намирья (пени), и тэ отдэн ловé дадэскэ тэрниньконэ-чхакирэскэ пал довá, со ёв мэкцý налачхи мавлýн пал Израилёскирэ чхатэ; ёй мэк тэ ячэлпэ лэскирэ ромнýса, и ёв наштý (на могоинóла) тэ розджалпэ лáса дро сарó пэскиро джиибэн. ²⁰ Кóли довá, со сыс пхэндлó, явóла дро чачипэн, и на явóла чхаитко досыкаибэн тэрнэ джувлýтэ (отроковицатэ), ²¹ то тэрня джувлý мэк тэ янэн кэ лáкирэ-дадэскирэ кхэрэскирэ вударá, и адалэ-форóскирэ манушá замарэна ла барэнца кэ мэрибэн; пал-довá со ёй кэрдý ладжаипнаскиро рэндо машкёр Израилё, кэрдý биладжаипэн дро пэскирэ-дадэскиро кхэр; и адýкэ вытрадэ фуипэн пэстыр. ²² Кóли латхно явóла, со вари-кон сыс паштó палоромитконэ джувлýса, то трэй тэ отдэс мэрибнáскэ дуэн, и муршэс, савó исыс паштó джувлýса, и джувлý; и адýкэ вытрадэ фуипэн Израилёстыр. ²³ Кóли явóла тэрнý патывалý джувлý ангрустякирды (зарэнчынды) ромэскэ, и вари-кон дыкхэлапэ лáса дро фóро и пасёла лáса, ²⁴ тэды дуэн лэн янэн кэ долэ-форóскири пórта, и замарэн (умарэн) лэн барэнца кэ мэрибэн: тэрня джувлý (отроковица) пал довá, со ёй на годлыя дро фóро, а муршэс пал довá, со ёв чхудý тэлé патýв пэскирэ-пашатунэскирэ ромнякири: и адýкэ вытрадэ фуипэн пэстыр. ²⁵ Кóли вари-кон пэ фéлда дыкхэлапэ ангрустякирдыса (обрэнчындыяса) и, ухтылы ла, пасёла лáса, тэ отдэн мэрибнáскэ екхэ муршэс, савó паштó сыс лáса, ²⁶ а тэрнэ джувлýкэ ничý на кэр; пэ латэ нанэ банг кэ мэрибэн: пал-довá со давá исын довá-паць, сыр кóли бы вари-кон тэ газдэлпэ пэ пэскирэ пашатунэстэ и тэ замарéл лэс; ²⁷ пал-довá со ёв пирилыя ла пэ фéлда, и усаéкх, кóли тэрнý патывалý джувлý ангрустякирды годлыя, нэ на сыс конэскэ тэ зракхэл ла. ²⁸ Кóли вари-кон дыкхэлапэ патывалé джувлýса наангрустякирдыса, и ухтылэла ла и пасёла лáса, и дыкхэна лэн, ²⁹ то тэды мурш, савó сыс паштó лáса, исын бангó тэ дэл патывалé-джувлякирэ дадэскэ пандждэшá шéкели руп, а ёй мэк тэ явэл лэскирэ ромнýса, пал-довá со ёв чхудý тэлé лáкири патýв; сарó пэскиро джиибэн ёв наштý (на могоинóла) тэ розлыджалпэ лáса. ³⁰ Никонéскэ наштý тэ лэл пэскирэ дадэскирэ ромнý и тэ отчхакирэл ягóро (краё) пэскирэ дадэскирэ урибнастыр.

Шэрó 23

Конéскэ Наштý тэ Явэл пэ Скэдыибэн

¹ Конэстэ ростасадэ ятры (муршканé масá), ци отчхиндло кова, одовá наштý (на могоинóла) тэ заджál пэ Рáскирэ-Дэвлэскирэ скэдыибэн. ² Кхэлбо (нададэскиро чхавó) наштý тэ заджál пэ Рáскирэ-Дэвлэскиро скэдыибэн, и дэшто рóдо лэскиро наштý тэ заджál пэ Рáскирэ-Дэвлэскиро скэдыибэн. ³ Амонитянино и Моавитянино наштý (на могоинóна) тэ заджán пэ Рáскирэ-Дэвлэскиро скэдыибэн, и лэнги́ро дэшто рóдо наштý тэ заджál пэ Рáскирэ-Дэвлэскиро скэдыибэн дрé вéки, ⁴ палдавá со ёнэ на стрэниндлэ тумэн марéса и панéса пэ дром, кéли тумэ гинэ Египтóстыр, и палдавá со ёнэ лынé проти тумэндэ Валаамос, Веороскирэ чхавэс, Пефоростыр Месопотамиякирэстыр, соб (кай) ёв тэ прокошэл тут; ⁵ нэ Рай Дэвэл, Дэвэл тырó, на закамдý тэ шунэл Валаамос, и обрискирды Рай Дэвэл, Дэвэл тырó лэскиро прокошыбэн дро бахтякирибэн тýкэ, пал-довá со ту сан дрóго Рáскэ Дэвлэскэ, тырэ Дэвлэскэ. ⁶ На манг лэнгэ рамáнэ (миро), и на бахталякир лэн дрé сарé тырэ дывэсá, дро

вёко. ⁷ На дыкх вучипна́са (на брыдинпэ) пэ Идумеяниностэ, пал-дова́ со ёв исын тыро́ пшал; на дыкх вучипна́са пэ Египтяниностэ, пал-дова́ со ту са́нас яви пэ лонгири пхув; ⁸ а чхаворэ, савэ лэндэ бияндёна дро трито́ родо, сашты́ (могинёна) тэ заджа́н пэ Ра́скирэ-Дэвлэ́скиро скэдыибэ́н.

Жужыпэн дро Стано́ (Таборо)

⁹ Кéли ту джа́са дро дром пэ тыро́ вэргэндэ́ (врогэндэ́), то рахпэ́ сарэ́ чорипна́стыр. ¹⁰ Кóли тутэ́ явэ́ла вари-кон нажу́жо, со кэрдя́пэ лэ́са раты́, то мэк ёв тэ выджáл яврё́ станостыр и тэ на заджа́л дро ста́но, ¹¹ а кéли ячэ́ла бэ́львэ́ль, то трэ́й лэ́скэ́ тэ обморэ́л пэ́скирэ́ маса́ панэ́са, и сыр заджа́ла кхам, то ёв мо́гинэ́ла тэ заджа́л палэ́ дро ста́но. ¹² Штэ́то исын банго́ тэ явэ́л тутэ́ пал ста́но, карик бы́ тукэ́ трэ́й тэ выджас; ¹³ апри́ч тыри́ курта́ла, трэ́й, соб (кай) тэ явэ́л тутэ́ рыдлэ́вкица; и кéли явэ́са тэ бэ́шэс пал ста́но, вы́ ганав ла́са ганбинори, и нэ́вэс за́ганав ла́са тыро́ нажу́жыпэн. ¹⁴ Пал-дова́ со Рай Дэвэ́л, Дэвэ́л тыро́, псирэ́ла машки́р ста́но тыро́, соб (кай) тэ зракхэ́л тут и тэ отдэ́л вэргэ́н тырэн дрэ́ васта́ тырэ́, а палдава́ ста́но тыро́ банго́ тэ явэ́л свэ́нто, соб (кай) Ёв тэ на дыкхэ́л тутэ́ вари-со нажу́жо, и тэ на отджал ту́тыр. ¹⁵ На выдэ́ писхарис́ лэ́скирэ́ хула́скэ, кéли ёв пра́стала сарэ́са кэ́ ту пэ́скирэ́ хула́стыр; ¹⁶ мэк ёв тэ дживэ́л тутэ́, машки́р тумэндэ́ пэ́ штэ́то, саво́ ёв выкэ́дэ́ла дро вари-саво́ тырэ́ форьэ́ндыр, лэ́скэ́ явэ́ла пир ило́; на притасав лэ́с. ¹⁷ И, соб (кай) тэ на явэ́л биладжакунэ́ джувлы́ Израилэ́скирэ́ чхаендыр, и нашты́, соб (кай) тэ явэ́л биладжакунэ́ мурш Израилэ́скирэ́ чхавэ́ндыр. ¹⁸ На ян ловэ́ биладжакунэ́-джувлякирэ́ и тимй́н джуклэ́скири дрэ́ Ра́скирэ-Дэвлэ́скиро, тырэ́ Дэвлэ́скиро Кхэ́р, ни пир сави́ совэ́л, пал-дова́ со адалэ́ дуйджинэ́ исын магирипэ́н анги́л Растэ́-Дэвлэ́стэ́, тырэ́ Дэвлэ́стэ́. ¹⁹ На дэ́ дро ко́фо (тэл процэ́нто) пшалэ́скэ́ тырэ́скэ́ ни руп, ни маро́, ни вари-со яви́р, со сашты́ тэ отдэ́с дро ко́фо, ²⁰ явирэ́ ригаты́р манушэ́скэ́ дэ́ дро ко́фо, а тырэ́ пшалэ́скэ́ на дэ́ дро ко́фо, соб (кай) Рай Дэвэ́л, Дэвэ́л тыро́, тэ бахтякирэ́л тут дрэ́ саро́, со кэрэ́лапэ́ тырэ́ вастэ́нца, пэ́ пхув, пэ́ сави́ ту джа́са, соб (кай) тэ лэ́с ла пэ́скэ́. ²¹ Кóли ту дэ́са совэ́л Ра́скэ́-Дэвлэ́скэ́, Дэвлэ́скэ́ тырэ́скэ́, сы́гэс кэр кэ́ ко́нцо (кэ́ яго́ро) лэ́с, пал-дова́ со Рай Дэвэ́л, Дэвэ́л тыро́, пхучэ́ла пал лэ́стэ́ ту́тыр, и пэ́ тутэ́ явэ́ла грэ́хо; ²² ко́ли ту на дыя́н совэ́л, тэ́ды на явэ́ла пэ́ тутэ́ грэ́хо. ²³ Со вы́гия́ тырэ́ уштэ́ндыр, рахх и кэр кэ́ ко́нцо (кэ́ яго́ро) адя́кэ, сыр ту дыя́н лав Ра́скэ́-Дэвлэ́скэ́, Дэвлэ́скэ́ тырэ́скэ́, пир пэ́скири во́ля, саво́ пхэндя́н ту пэ́скирэ́ уштэ́нца. ²⁴ Кéли заджаса́ ту дро винагра́днико́ тырэ́ пашатунэ́скиро, ту сашты́ (мо́гинэ́са) тэ хас му́ри чалэ́с, ци бут камэ́ла тыро́ ди, а дро кхорó (сасудо) тыро́ на чхув. ²⁵ Кéли ту явэ́са пэ́ жатва́ (счхиныбэ́н) тырэ́ пашатунэ́скири, куш колосы́ вастэ́нца тырэнца́, нэ́ серпо́ (чхиндло́) на ян пэ́ жатва́ тырэ́ пашатунэ́скири.

Шэро́ 24

Зако́но пал Одолэ́ндэ́, Кон Розджалапэ́

¹ Кóли вари-кон лэ́ла ромня́ и ячэ́ла ла́кирэ́ ромэ́са, и ёй на латхэ́ла ла́ска дрэ́ якха́ лэ́скирэ́, пал-дова́ со ёв латхэ́ла дрэ́ латэ́ вари-со джунгалó (бры́тко), и чхинэ́ла ла́кэ́ розгии́бны́тко лы́л, и дэ́ла ла́кэ́ дрэ́ васта́, и отмэ́кэ́ла ла пэ́скирэ́ кхэ́рэстыр, ² и ёй выджáла лэ́скирэ́ кхэ́рэстыр, джа́ла, и джа́ла пал явирэ́стэ́ палорóм, ³ нэ́ и адава́ палатунó (последнё́) ром роскамэ́ла ла, и чхинэ́ла ла́кэ́ розгии́бны́тко лы́л, и дэ́ла ла́кэ́ дрэ́ васта́, и отмэ́кэ́ла ла пэ́скирэ́ кхэ́рэстыр, ци мэ́рэла адава́ палатунó ром ла́киро, саво́ лы́я ла палорóм, ⁴ то тэ́ды нашты́, соб (кай) анги́латунó (пéрво) ла́киро ром, саво́ отмэ́кця́ ла, нэ́вэ́стыр тэ́ лэл ла пэ́скэ́ сыр ромня́, пал-дова́, сыр ёй я́ця́ магирды́, пал-дова́ со дава́ исын магирипэ́н анги́л Растэ́-Дэвлэ́стэ́, и на магир пхув, сави́ Рай Дэвэ́л, Дэвэ́л тыро́, дэ́ла тукэ́ дрэ́ мишты́пна́скири ме́ра.

Явир Романдуно Законо

⁵ Кóли вари-кон лыя ромня нагара, тэды ёв мэк тэ на джал пэ марибён, и нисавó бангипэн наштý тэ чхувэн пэ лэстэ; мэк ёв тэ ячэлпэ вольно дро кхэр пэскиро екх бэрш и тэ радынэлпэ пэскирэ ромняса, савья лыя. ⁶ Никон наштý тэ лэл дрэ сымады (залого) упратуно и тэлатуно жэрново (бэлэдин), пал-дова со адасаво мануш лэла дрэ сымады манушýтко ди. ⁷ Кóли вари-конэс латхэна, со ёв чордя вари-конэстыр пэскирэ пшалэндýр, Израилёскирэ чхавэндýр, и кэрдя писхариса лэс, и бикиндя лэс; тэды адасавэс чорэс трэй тэ отдэн мэрибнаскэ; адякэ вытрадэ фуипэн пэстыр. ⁸ Дыхх дро фрэнсо (язва) проказакиро, рахх миштэс и кэр сарó пир Законо, савэскэ высклякирэна тумэн рашая, Левýты; миштэс кэрэн, со мэ ракирдём лэнгэ; ⁹ рýпир, со Рай Дэвэл, Дэвэл тырó, кэрдя Мариамакэ пэ дром, кели тумэ гинэ Египтóстыр. ¹⁰ Кóли ту дэса тырэ пашатунэскэ вари-со дро вужлыпэн (длуго), тэды на псир кэ ёв дро кхэр, соб (кай) тэ лэс вужлыпэн лэстыр, ¹¹ а тэрдёв пэ вулица (пэ гáса), а одова мануш, савэскэ ту дыян дро вужлыпэн, вылыджала тýкэ пэскири сымады (залого) пэ гáса; ¹² кóли ёв явэла мануш чорорó, то ту на пасёв тэ совэс, кóли тýтэ исын лэскири сымады: ¹³ рýскир лэскэ сымады (залого) ангýл кхамэскиро загиибён, соб (кай) ёв тэ пасёл тэ совэл дрэ пэскири ýдя и тэ бахтякирэл тут, и тýкэ явэла дава дро чачипэн ангýл Растэ-Дэвлэстэ, Дэвлэстэ тырэстэ. ¹⁴ На притасав манушэс, савó исын тýтэ сыр андынаршчыко (прилыно пэ бутý), чорорэс и богос, тырэ пшалэндýр, ци тырэ манушэндýр, савэ явнэ явирэ ригатыр, савэ дживэна пэ пхув тырý, дрэ тырэ кхэрá; ¹⁵ дро дова-пацэ дывэс отдэ плэскирибэн лэскэ, соб (кай) кхам тэ на заджал ангýл дава, пал-дова со ёв исын чорорó, и ужакирэла лэскиро ди лэс; соб (кай) ёв тэ на дэл гóдла пэ тýтэ кэ Рай Дэвэл, и тэ на явэл пэ тýтэ грэхó. ¹⁶ Пэ дадэндэ наштý тэ чхувэс кáра мэрибнаса пал лэнгирэ чхавэндэ, и пэ чхавэндэ наштý тэ чхувэс кáра мэрибнаса пал дадэндэ, кажно (свáко) исын бангó тэ явэл мэрибнаскэ пал пэскиро грэхó. ¹⁷ На сэндякир хоханэс манушэс, савó явдя явирэ ригатыр и пиротос (сиротас); и пивлятыр (удоватыр) на лэ ýди дрэ сымады; ¹⁸ рýпир, со и ту сáнас писхариса дро Егýпто, и Рай Дэвэл выракхця тут одотхýр: палдава мэ и ракирава тýкэ тэ кэрэс дава. ¹⁹ Кéли ту явэса тэ чхинэс тэлé гив пэ фéлда тырý и бистрэса гарбо (снопо) пэ фéлда, на рисёв тэ лэс; мэк ёв тэ ячэлпэ манушэскэ, савó явдя явирэ ригатыр, пиротоскэ (сиротаскэ) и пивлякэ (удовакэ), соб (кай) Рай Дэвэл, Дэвэл тырó, тэ бахтякирэл тут дрэ сарé тырэ вастэнгирэ рэндý. ²⁰ Кéли явэса тэ обмарэс маслина тырý, тэды на пиридыкх пал пэстэ рандя (вэтки): мэк тэ ячэлпэ манушэскэ, савó явдя явирэ ригатыр, пиротоскэ и пивлякэ. ²¹ Кéли явэса тэ лэс пэскэ мýри дрэ тырó винаграднико, на скэдэ дова, со ячэлапэ пал пэстэ: мэк тэ ячэлпэ манушэскэ: савó явэла явирэ ригатыр, пиротоскэ (сиротаскэ) и пивлякэ (удовакэ); ²² и рýпир, со и ту сáнас писхариса пэ Египтóскири пхув: палдава мэ и ракирава тýкэ тэ кэрэс адякэ.

Шэрó 25

¹ Кóли явэла сэндытко рэндó машкýр манушэндэ, тэды мэк тэ янён лэн пэ сэндó и тэ россэндякирэн лэн, манушэс, савó исын на бангó, мэк лэс тэ отбичхавэн, а кон явэла бангó, мэк лэс тэ сэндякирэн; ² и кóли мануш, савó сыс бангó явэла мол марибнаскэ (дабэнгэ), тэды мэк сэндáри тэ пхэнэл тэ чхувэн лэс и тэ марэн лэс пашыл пэстэ, дыкхý пир лэскири банг, пир гиныбён; ³ штардэшá мóлы саштý (можна) тэ дэс лэскэ, нэ на бутýр, соб (кай) барэ марибнастыр пшал тырó тэ на явэл замардо ангýл тырэ якхá. ⁴ На замуздын муй гурувэскэ, кéли ёв молотинэла. ⁵ Кóли пшáла дживэна кхэтанэ, и екх лэндýр мэрэла, и на сыс лэстэ чхавэс, тэды мулэскирэ-пшалэскири ромнý наштý тэ выджал палорóm пал явирэ манушэстэ, нэ диверё лáкиро исын бангó тэ джал кэ ёй и тэ лэл ла палорóm, и тэ дживэл лáса, ⁶ и англатунó пэрво биято (тыкномас), савэс ёй биянэла, ячэлапэ лэскирэ-мулэскирэ пшалэскирэ лавэса, соб (кай) лэскиро лав тэ на хасёл дро Израилё. ⁷ Кóли ёв на закамэла тэ лэл палорóm пэскирýя пшалэскирэ ромня пивля, тэды бори лэскири джáла кэ пóрта (кэ враты), кэ пхурыдырá, и пхэнэла: “Диверё миро отпхэнэлапэ тэ рискирэл пэскирэ

пшалэскиро лав дро Израилё, на камэла тэ лэл ман палором”; ⁸ тэды лэскирэ фороскирэ пхурыдыра́ исын бангэ тэ кхарэн лэс и тэ доракирэн лэс, и коли ёв тэрдёла и пхэнэла: “Мэ на камам тэ лав ла”, ⁹ тэды бори лэскири тэ джал кэ ёв ангил пхурыдырэнгирэ якха, и злэла лэскири тырах лэскирэ гэрьятыр, и чунгардэла лэскэ дро муй, и пхэнэла: “Адьякэ кэрэна манушэса, саво на чхувэла палэ родо пэскирэ пшалэскирэ кхэрэскэ”, ¹⁰ и дэна лэскэ лав дро Израилё: “Кхэр розуридэскиро.” ¹¹ Кэли марэнапэ машкир пэстэ дуй мурша́, и ромны́ екхэскири подджала, соб (кай) тэ отлэл ромэс пэскирэс манушэскирэ вастэндыр, саво марла лэс, и, вытырдыи пэскиро васт, ухтылэла лэс пал ладжаво штэто, ¹² тэды отчингир лакэ васт: мэк тэ на тангинэл ла якх тыры́. ¹³ Дрэ тыры́ саква (сумка) нашты́, соб (кай) тэ явэл дуй гири, бари и тыкны; ¹⁴ дро тыро́ кхэр нашты́, соб (кай) тэ явэл дуй эфы, бари и тыкны; ¹⁵ гиря тутэ мусинэла тэ явэл чачипнаскири и чачуны́, и эфа тутэ трэй, соб (кай) тэ явэл чачипнаскири и чачуны́, соб (кай) тэ явэн длуга дывэса́ тырэ пэ пхув, сави Рай Дэвэл, Дэвэл тыро́, дэла түкэ; ¹⁶ пал-дова́ со магирдо́ явэла ангил Растэ-Дэвлэстэ, Дэвлэстэ тырэстэ, кажно (свако) мануш, саво кэрэла хохаибэн. ¹⁷ Рипир, сыр кэрдя́ туса Амалико пэ дром, кэли тумэ гинэ Египто́стыр: ¹⁸ сыр ёв стрэниндя тут пэ дром, и мардя сарэн палал пал тутэ, савэ сыс бизорьякирэ, кэли ту кхиныян и яцян бизорьякиро, и ёв на задарандыя Дэвлэстыр; ¹⁹ и палдава́, кэли Рай Дэвэл, Дэвэл тыро́, шылякирэла тут сарэ тырэ вэргэндыр сарэ ригэндыр, пэ пхув, сави Рай Дэвэл, Дэвэл тыро́, дэла түкэ дрэ миштыпнаскири мэра, соб (кай) тэ лэс ла, злэ (скхос) рипирибэн Амаликоскиро тэл болыбна́стыр; на бистыр.

Шэро́ 26

Тэ Янэс Пэрва Барьякирдэ (Пло́ды) и Дэшэнгирья (Десятины)

¹ Кэли ту явэса пэ пхув, сави Рай Дэвэл, Дэвэл тыро́, дэла түкэ дрэ миштыпнаскири мэра, и явэса тэ лэс ла, и лэса тэ дживэс пэ латэ; ² тэды лэ пэрва сарэ барьякирдэ (плóды) пхувья́кирэ, савэ ту дорэсэса тырэ пхувья́тыр, сави Рай Дэвэл, Дэвэл тыро́, дэла түкэ, и чхув дро кхудо (корзина), и джа́ пэ дова́ штэто, саво Рай Дэвэл, Дэвэл тыро́, выкэдэла, соб (кай) тэ явэл одой лав Лэскиро; ³ и яв кэ рашай́, саво явэла дрэ долэ дывэса́, и пхэн лэскэ: “Ададывэс мэ роспхэнава ангил Растэ-Дэвлэстэ, Дэвлэстэ тырэстэ, со мэ загиём пэ дая́ пхув, сави Рай Дэвэл совлахадя́ амарэ дадэнгэ́ тэ дэл амэнгэ́.” ⁴ Рашай́ лэла кхудо тырэ вастэстыр, и чхувэла лэс ангил Рáскирэ-Дэвлэскиро, тырэ Дэвлэскиро алтарё́. ⁵ Ту отпхэн и пхэн ангил Растэ-Дэвлэстэ, Дэвлэстэ тырэстэ: ‘Дад миро сыс Арамеянино, саво лодыя, и гия́ дро Египто́ и лыя́ тэ дживэл одой набутэ манушэнца, и выгинэ́ одой лэстыр барэ мануша́, зоралэ́ и бут; ⁶ нэ Египтя́ни кэрдэ фуипэн амэнгэ́, и притасавэнас амэн, и чхувэнас пэ амэндэ́ пхарэ́ бутя́; ⁷ и дыям амэ́ гóдла кэ Рай Дэвэл, Дэвэл амарэ-дадэнгиро, и шундя́ Рай Дэвэл амары́ гóдла, и дыкхця́ амары́ бй́да, буты́ амары́ и притасайбэн амаро́; ⁸ и вылыджия́ амэн Рай Дэвэл Египто́стыр зоралэ́ вастэса́ и протырдынэ́ псикэса́, барэ́ страхаса́, знамени́енца (гертыкэнца) и дивэнца́, ⁹ и яндя́ амэн пэ дава́ штэто, и дыя́ амэнгэ́ дая́ пхув, пхув пэ сави́ тхадэла́ тхуд и авгін; ¹⁰ и адьякэ́, мэ яндём пэрва барьякирдэ́ (начатки плодэнгирэ́) пхувья́тыр, сави́ Ту, Раё́ Дэвла́, дыян́ мангэ́.” И чхув дава́ ангил Растэ-Дэвлэстэ, Дэвлэстэ тырэстэ, и поклонинпэ́ (кэр шэрэса́) ангил Растэ-Дэвлэстэ, Дэвлэстэ тырэстэ, ¹¹ и ра́дынпэ́ пал саро́ лачхипэн, саво Рай Дэвэл, Дэвэл тыро́, дыя́ түкэ́ и кхэрэскэ́ тырэскэ́, ту́ и Левито́, и мануш, саво́ явдя́ явирэ́ ригаты́р, саво́ явэла́ тутэ́. ¹² Кэли ту отлэса́ (кончынэса́ тэ отчхувэс дрэ́ риг) сарэ́ дэшэнгирья́ (дэшта́ паша́), со́ дэла́ тыры́ пхув пэ́ трйто́ бэрш, дэшэнгиро́ бэрш, и отдэса́ Левитоскэ́, манушэскэ́, саво́ явдя́ явирэ́ ригаты́р, пиротоскэ́ (сиротаскэ́) и пивлякэ́ (удовакэ́), соб (кай) ёнэ́ тэ хан дрэ́ тырэ́ кхэра́ и тэ́ чалён, ¹³ то́ тэ́ньчи́ пхэн ангил Растэ-Дэвлэстэ, Дэвлэстэ тырэстэ: “Мэ́ выкэдыём́ мирэ́ кхэрэсты́р св́нта́ дэшэнгирья́, и отдыём́ лэн́ Левитоскэ́, манушэскэ́, саво́ явдя́ явирэ́ ригаты́р, пиротоскэ́ и пивлякэ́, пир саро́́ Тыро́́ упхэныбэн, саво́́ Ту́ ракирдян́ мангэ́: мэ́ на́ пиригиём́ Ты́рэ́ припхэныбэ́на́ и на́ бистырде́м; ¹⁴ мэ́ на́ хаём́ латы́р дрэ́́ туга́́ миры́́, и на́ отчхудём́ дро́́ риг ла́ дро́́ нажу́жакирибэн, и мэ́ на́ дыём́ латы́р ваш́́ мулэскэ́; мэ́ кандыём́́ Рáскирэ-Дэвлэскири́, мирэ́́ Дэвлэскири́ зан, кэрдём́́ саро́́, со́́ Ту́́

припхэндян мангэ. ¹⁵ Подыхк Тырэ свэнтонэ штэтостыр, болыбнастыр, и бахтякир Тырэ манушэн, Израилёскирэн, и пхув, сави Ту дыян амэнгэ, сыр Ту совлахадын дадэнгэ амарэнгэ тэ дэс амэнгэ пхув, пэ сави тхадэла тхуд и авгін.” ¹⁶ Дрэ дава дывэс Рай Дэвэл, Дэвэл тырө, припхэнэла тукэ тэ кэрэс сарө пир далэ упхэныбэнá и далэ законы: рахк и кэр кэ концо (кэ ягөро) лэн сарэ тырэ илэстыр и сарэ тырэ дестыр. ¹⁷ Рáскэ-Дэвлэскэ Ту пхэндян аканá, со Ёв явэла тырэ Дэвлэса, и со ту явэса тэ псирэс Лэскирэ дромэнца и тэ раххэс Лэскирэ упхэныбэнá, и припхэныбэнá Лэскирэ, и законы Лэскирэ, и тэ кандэс (тэ шунэс) Лэскири зан (глос). ¹⁸ И Рай Дэвэл ададывэс чхудя Лэскири зор пэ дава, сыр Ёв дыя лав тукэ, со ту явэса екхэ Лэскирэ манушэндыр, коли ту явэса тэ раххэс сарэ Лэскирэ припхэныбэнá, ¹⁹ и со ёв чхувэла тут вучэдыр сарэ манушэндыр, савэн Ёв создыя, пир барипэн, пир лав и пир патыв, и со тумэ явэна свэнта манушá Растэ-Дэвлэстэ, Дэвлэстэ тырэстэ, сыр Ёв ракирдя.”

Шэрö 27

Закóно Вычингирдо пэ Барунэ Скрижáли (Таблицы)

¹ И ракирдя Мóйза и пхурыдырá Израилёскирэ-чхавэнгирэ манушэнгэ: “Кэрэн кэ концо (кэ ягөро) сарэ припхэныбэнá, савэ мэ ракирава тумэнгэ аканá. ² И кэли тумэ пириджана пал Иордано, пэ пхув, сави Рай Дэвэл, Дэвэл тырө, дэла тукэ, тэды чхув пэскэ барэ бара и обмахк лэн звёскаса; ³ и чхин пэ далэ бара сарэ лава далэ Законóскирэ, кэли ту пириджаса Иордано, соб (кай) тэ тэрдэс (тэ заджас) пэ пхув, сави Рай Дэвэл, Дэвэл тырө, дэла тукэ, пхув, пир сави тхадэла тхуд и авгін, сыр ракирдя тукэ Рай Дэвэл, Дэвэл тырэ-дадэнгиро. ⁴ Кэли тумэ пириджана Иордано, чхувэн долэ бара, сыр мэ припхэнава тумэнгэ ададывэс, пэ бэрга Гевал [Эвал-ю.о.], и обмаххэн лэн звёскаса; ⁵ и кэр одой алтáрэ Рáскэ-Дэвлэскэ, Дэвлэскэ тырэскэ, алтáрэ барэндыр, на чхуви пэ лэндэ састыр; ⁶ цэлонэ барэндыр кэр алтáрэ Рáскэ-Дэвлэскэ, Дэвлэскэ тырэскэ, и ян пэ лэстэ цэло схачкирибэн Рáскэ-Дэвлэскэ, Дэвлэскэ тырэскэ, ⁷ и ян свэнто дыибэн раманёно (мирно) Рáскэ-Дэвлэскэ, и ха одой, и радынпэ ангил Растэ-Дэвлэстэ, Дэвлэстэ тырэстэ; ⁸ и чхин пэ бара сарэ лава сарэ Законóскирэ древán бицялэс (яснэс).” ⁹ И пхэндя Мóйза и рашая Левиты сарэ Израилёскэ: “Шун и зарипир, Израилё: дро дава дывэс ту яцян тырэ Рáскирэ-Дэвлэскирэ, Дэвлэскирэ манушытконэ нацыяса (народоса); ¹⁰ и адякэ шун Рáскирэ-Дэвлэскири, Дэвлэскирэ-тырэскири зан, и кэр кэ концо (кэ ягөро) Лэскирэ припхэныбэнá и упхэныбэнá Лэскирэ, савэ припхэндём Мэ тукэ ададывэс.”

Прокошыбэна пэ Бэрга Гевал

¹¹ И ракирдя Мóйза манушэнгэ дро дова дывэс, ракири: ¹² “Адалэ манушá исын бангэ тэ тэрдэн пэ бэрга Гаризим, соб (кай) ёнэ тэ бахтякирэн манушэн, кэли ёнэ пириджана Иордано: Симеоно (Семёно), Левиё, Юда, Исахаро, Иосифо (Ёза) и Вениамино; ¹³ а адалэ манушá исын бангэ тэ тэрдэн пэ бэрга Гевал, соб (кай) тэ ракирэн прокошыбэн: Рувимо, Гадо, Асиро, Завулоно, Дано и Нефалимо. ¹⁴ Левиты явэна тэ ракирэн зоралэс и пхэнэна зоралэ заняса сарэ Израильтянэнгэ: ¹⁵ “Прокошно явэла одова, кон кэрэла вычхиндло ци вычхудо обрaзо, магирипэн ангил Растэ-Дэвлэстэ дова, со кэрдэ манушэскирэ вастá, и ёв чхувэла лэс дро гарадо штэто! Сарэ манушá отпхэнэна зоралэс и пхэнэна: амінь. ¹⁶ Прокошно явэла мануш, саво кошэла пэскирэ дадэс ци пэскирьá да! И сарэ манушá пхэнэна: амінь. ¹⁷ Прокошно явэла мануш, саво пириджала ригá (мэжы) пэскирэ пашатунэскирэ! И сарэ манушá пхэнэна: амінь. ¹⁸ Прокошно явэла мануш, саво корорэс змарэла дромэстыр! И сарэ манушá пхэнэна: амінь. ¹⁹ Прокошно явэла мануш, саво хоханэс сэндинэла манушэс, кон явдя явирэ ригáтыр, пиротос (сиротас) и пивля (удова)! И сарэ манушá пхэнэна: амінь. ²⁰ Прокошно явэла мануш, саво пасэла пэскирэ-дадэскирэ ромняса, пал-дова со ёв отчхакирдя пэскирэ дадэскирэ-идякиро ягөро (краё)! И сарэ манушá пхэнэна: амінь. ²¹ Прокошно явэла мануш, саво пасэла вари-савэ кхэритконэ мурдалэса/скотоса

[рискирибнаскирэса мурдалэса/зверёса-ю.о.!] И сарэ манушá пхэнэна: амíнь. ²² Прокошнó явэла мануш, савó пасёла пэскирэ пхэняса, пэскирэ-дадэскирэ чхаса ци пэскирэ-дакирэ чхаса! И сарэ манушá пхэнэна: амíнь. ²³ Прокошнó явэла мануш, савó пасёла сасяса пэскирьяса! И сарэ манушá пхэнэна: амíнь. ²⁴ Прокошнó явэла мануш, савó чораханэс замарэла (мулякирэла) пэскирэ пашатунэс! И сарэ манушá пхэнэна: амíнь. ²⁵ Прокошнó явэла мануш, савó лэла ловз, соб (кай) тэ замарэл ди и тэ прочхувэл рат, савó исын набанго! И сарэ манушá пхэнэна: амíнь. ²⁶ Прокошнó явэла мануш, савó на кэрэла кэ кóнцо/кэ ягóро (на сполнинэла) лавá сарэ Законóскирэ, и на явэла тэ кэрэл пир лэндэ! И сарэ манушá пхэнэна: амíнь.

Шэрó 28

Пал Бахтякирдó Джиб́эн

¹ Кóли ту, [кэли пириджана пал Иордáно-р.с.], явэса тэ шунэс Рáскирэ-Дэвлэскири, тырэ Дэвлэскири зан, и явэса ракхунэс тэ кэрэс сарó пир сарэ Лэскирэ припхэныбэна́, савэ мэ припхэнава тукэ ададывэс, тэды Рай Дэвэл, Дэвэл тырó, чхувэла тут вучэдýр сарэ манушэндýр пэ пхув; ² и явэна пэ тýtэ сарэ далэ бахтякирибэна, и сполнинэнапэ пэ тýtэ, кóли ту явэса тэ шунэс Рáскирэ-Дэвлэскири, тырэ Дэвлэскири зан (глос). ³ Бахтякирдó явэса ту дрé фóро, и бахтякирдó явэса пэ фэлда. ⁴ Бахтякирдó явэла барьякирдó тырэ масэндýр, и барьякирдó (плóдо) тырэ пхувьякиро, и барьякирдó (плóдо) тырэ мурдалэнгиро, и барьякирдó тырэ гурувэнгиро, и барьякирдó тырэ бакрэнгиро. ⁵ Бахтякирдэ явэна тырэ шурны (житницы) и тырэ пиралý (кладовки). ⁶ Бахтякирдó явэса ту ангíл, сыр ту заджаса, и бахтякирдó ту явэса ангíл, сыр ту выджаса. ⁷ О Рай Дэвэл домарэла ангíл тýtэ вэргэн тырэн, савэ гáздэнапэ пэ тýtэ; екхэ дромéса ёнэ выджана пэ тýtэ, эфтá дромэнца ёнэ прастана пэскэ тýтыр. ⁸ Бичхавэла Рай Дэвэл тукэ бахтякирибэн дрé тырэ шурны и дро кажно тырэ-вастэнгиро рэндо; и бахтякирэла тут пэ пхув, савí Рай Дэвэл, Дэвэл тырó, дэла тукэ. ⁹ Чхувэла тут Рай Дэвэл Пэскирэ манушэнца свэнтонэнца, сыр Ёв совлахадý тукэ, кóли ту явэса тэ ракхэс припхэныбэна́ Рáскирэ-Дэвлэскирэ, Дэвлэскирэ тырэскирэ, и явэса тэ псирэс Лэскирэ дромэнца; ¹⁰ и явэна тэ дыкхэн сарэ манушá пэ пхув, со лав Рáскирэ-Дэвлэскиро исын пэ тýtэ и страхадэна тýтыр. ¹¹ И дэла тукэ Рай Дэвэл дрé сарэ тырэ лачхэ рэнды сарó бут, дро барьякирдó (плóдо) тырэ масэндýр, и дрé тырэ кхэритконé-мурдалэнгиро барьякирдó, и дрé тырэ-фэлдэнгиро барьякирдó пэ пхув, савí Рай Дэвэл совлахадý дадэнгэ тырэнгэ тэ дэл тукэ. ¹² Отчхакирэла тукэ Рай Дэвэл лачхí Пэскири кучипнаскири пиралý (сокровишница), болыбэн, соб (кай) ёв тэ дэл брышýнд тырэ пхувьякэ дро пэскиро уляго (пора), и соб (кай) тэ бахтякирэл сарэ рэнды тырэ вастэнгирэ: и ту явэса тэ дэс дрé длуго бутé манушэнгэ, а кокорó ту на явэса тэ залэс дро вужлыпэн (длуго). ¹³ И кэрэла тут Рай Дэвэл шэрэса, а на порьяса, и явэса ту пэ вучипэн, а на явэса тэлé, кóли явэса тэ прилэс дрé годý (тэ кэрэс пир) припхэныбэна́ Рáскирэ-Дэвлэскирэ, Дэвлэскирэ тырэскирэ, савэ мэ припхэнава тукэ ададывэс тэ ракхэс и тэ кэрэс сарó пир лэндэ, ¹⁴ и ту на отджаса сарэ лавэндýр, савэ ракира́ва тумэнгэ ададывэс, ни пэ чачó (право), ни пэ зэрво (лéво), соб (кай) тэ джас палáл пал явирé дэвлорэндэ и тэ дынаринэс лэнгэ.

Пал со Прокошыб́эн

¹⁵ И явэла адýкэ, со кóли ту на явэса тэ кандэс зан Рáскирэ-Дэвлэскири, Дэвлэскирэ тырэскири и, кóли ту на явэса тэ причхувэс зор тэ кэрэс пир сарэ Лэскирэ припхэныбэна́ и Лэскирэ упхэныбэна́, савэ мэ припхэнава тукэ ададывэс, то тэды явэна пэ тýtэ сарэ прокошыбэна далé и латхэна тут. ¹⁶ Прокошнó ту явэса дрé фóро, и прокошнó ту явэса пэ фэлда. ¹⁷ Прокошнэ явэна шурны тырэ и прокошнэ явэна пиралý (кладовки) тырэ. ¹⁸ Прокошнó явэла барьякирдó (плóдо) тырэ масэнгиро и барьякирдó тырэ пхувьякиро, барьякирдó тырэ гурувэнгиро и барьякирдó тырэ бакрэнгиро. ¹⁹ Прокошнó ту явэса ангíл

загиибэн тырo, и прокошно явса ангил выгиибэн тырo. ²⁰ Бичхавэла Рай Дэвэл пэ түтэ прокошыбэн, и пиридживипэн (конфузо), и бйда пэ кажно тырэ-вастэнгиро рэндо, саво ту лэса тэ кэрэс, пака ту явса традыно криг, – и ту сыг хасёса пал налачхэ тырэ рэнды, пал дова, со ту ячкирдян Ман. ²¹ Бичхавэла Рай Дэвэл пэ түтэ морово (мэрибнытка франсы), пака традэла криг Ёв тут пхувьятыр, пэ сави ту джаса, соб (кай) тэ лэс ла. ²² Занасвалякирэла тут Рай Дэвэл шукаса (чахоткаса), издранэ хачкирибнаса, шылаляса (лихорадкаса), флокаса (воспаленияса), зашутькирибнаса, хачкирдэ балваляса, и ржавчынаса, и ёнэ явэна тэ на отмэкэн тут, пака ту хасёса. ²³ И тырэ болыбэна, савэ исын упрал пэ тырo шэрo, кэрэнапэ харкомаса (мяса), и пхув тэл түтэ састырэса; ²⁴ замест брышынд Рай Дэвэл дэла түкэ пыло, и прахо болыбнастыр явэла тэ пэрэл, тэ пэрэл пэ түтэ, пака ту явса традыно криг. ²⁵ Отдэла тут Рай Дэвэл пэ мэрибэн (пэ хасибэн) тырэ вэргэнгэ (врогэнгэ); екхэ дромэса ту выджаса проти лэндэ, а эфта дромэнца нашэса лэндыр; и явса ту росчхурдыно тэ дживэс пир сарэ кралипэна пэ пхув. ²⁶ И явэна мулэ маса тырэ хабнаса сарэ болыбнаскирэ чирикленгэ и rischiрибнаскирэ мурдалэнгэ (зверенгэ), и на явэла никон лэн тэ оттрадэл. ²⁷ Занасвалякирэла тут Рай Дэвэл проказаса Египтоскирьяса, почэчуёса (вургулэнца), каростаса и гэраса, савэндыр ту на дэса рада тэ высастёс. ²⁸ Занасвалякирэла тут Рай Дэвэл дылныпнаса, корорипнаса и илэскирэ шумоса. ²⁹ И ту явса тэ мацынэс вастэса тэ псирэс дро пашдывэс, сыр корорo вастэса тэ мацынэл, кели псирэла дро калыпэн (дрэ тёмныма), и түтэ на явэла бахт дрэ тырэ дрома, и явэна тэ притасавэн тут и тэ дукхавэн тут (тэ збидинэн тут) кажно дывэс, и никон на зракхэла тут. ³⁰ Ромняса обрэнчынэсапэ (ангрустякирэсапэ) и явир явэла тэ совэл ласа; кхэр чхувэса и на явса тэ дживэс дрэ лэстэ; винаграднико почхувэса ту дрэ пхув, и на явса тэ лэс мури лэстыр. ³¹ Гурувэс тырэс зачхинэна ангил якха тырэ, и ту на явса тэ хас лэс; ослос тырэс лыджана криг туты, и на отдэна палэ түкэ; бакрэ тырэ явэна отдынэ тырэ вэргэнгэ (врогэнгэ), и никон на зракхэла тут. ³² Чхавэ тырэ и чхая тырэ явэна отдынэ явирэ манушэнгэ; якха тырэ явэна тэ дыкхэн и кажно дывэс тэ корьён пал лэндэ, и на явэла зор дрэ васта тырэ. ³³ Барьякирдэ (плóды) тырэ пхувьякирэ и сарo, со ту кэрэса, явэла тэ хал манушытко нация, савья ту на джиндя; и ту явса екх притасадо и мэнчындио дрэ сарэ дывэса. ³⁴ И ту зджаса годятыр долэстыр, со явэна тэ дыкхэн тырэ якха. ³⁵ Занасвалякирэла тут Рай Дэвэл холямэ проказаса пэ чанга и голени, савьятыр ту нашты (на змогинэса) тэ высастёс, тырэ гэрьякирэ подэшватыр кэ тырэ-шэрэскиро темё. ³⁶ Лыджала криг Рай Дэвэл тут и кралис тырэс, савэс ту чхувэса пэ пэстэ, кэ мануша, савэн на джиндя; ни ту, ни дада тырэ, и одой ту явса тэ дынаринэс явирэ дэвлорэнгэ, каштунэнгэ и барунэнгэ; ³⁷ и явэса дараса (дарьяса), притчаса и сабнаса машкир сарэ манушэндэ, кэ савэ залыджала тут Рай Дэвэл. ³⁸ Бут зярки (семи) вылыджаса пэ фэлда, а скэдэса набут, пал-дова со схана лэн (пхакитка скочки) (саранча). ³⁹ Винаградники явэса тэ чхувэс дрэ пхув и тэ кэрэс буты, а мол (вино) на явэса тэ пьес, и на скэдэса мури лэнгирэ, пал-дова со схала лэн кирмо. ⁴⁰ Маслины явэна түтэ дрэ сарэ тырэ рига, нэ дзэтэса (елеёса) на помакхэсапэ, пал-дова со обчхувэлапэ маслина тыри. ⁴¹ Чхавэн и чхаён биянэса, нэ на явэла түтэ лэн, пал-дова со ёнэ джана дро плéно. ⁴² Сарэ тырэ вэша и барьякирдэ (плóды) тырэ-пхувьякирэ схала ржавчина (кирныпэн). ⁴³ Мануш, саво явдя явирэ ригатыр, саво дживэла машкир түтэ, явэла тэ барьёл пэ түтэ вучэдыр, а ту явэса тэ обмэкэспэ тэлэ и тэлэ. ⁴⁴ Ёв явэла тэ дэл түкэ дро вужлыпэн (длуго), а ту на явэса тэ дэс дро длуго лэскэ; ёв явэла шэрo (шэрэса), а ту явэса пори (порьяса). ⁴⁵ И явэна пэ түтэ сарэ далэ прокошыбэна, и явэна тэ джан пал түтэ, и латхэна тут, пака ту явэса протрадыно пал дова, со ту на шундя Раскирэ-Дэвлэскири, тырэ Дэвлэскири зан, и на рахция Лэскирэ припхэныбэна и упхэныбэна Лэскирэ, савэ Ёв припхэндя түкэ: ⁴⁶ ёнэ явэна сыр гертык (знамэниё) и сыр упхэныбэн пэ түтэ и пэ тырo родо дро веко. ⁴⁷ Палдова со ту на дынариндя Рэскэ-Дэвлэскэ, тырэ Дэвлэскэ, весёлымаса (лошаса) и радымаса и лэскирьяса, пал сарo прибарипэн, ⁴⁸ и ту явэса тэ дынаринэс тырэ вэргоскэ (врогоскэ), савэс бичхавэла пэ түтэ Рай Дэвэл, дрэ бокх, и смэга, и дро нангипэн и дро кажно наухтылыбэн; ёв чхувэла пэ тыри мэн саструно гамо адякэ, со замэнчынэла тут. ⁴⁹ Бичхавэла пэ түтэ Рай Дэвэл манушытко нация (народо) дурипнастыр, ягороскирэ пхувьятыр: сыр орло (кíдо) привурняна мануша, савэнгири чиб ту на галёса, ⁵⁰ мануша

биладжаипнытка, савэ на дэна патыв пхурэ манушэскэ и на тангинэна (на жалинэна) тэрнэс;⁵¹ и явэла ёв тэ хал тырэ-мурдалэнгирэ барьякирдэ (плóдо), и тырэ-пхувьякирэ-барьякирдэ, пака кэрэна чорорэс тут адякэ, со на ячкирэна тукэ ни марó, ни мол, ни елее, ни тырэ-гурувэнгирэ барьякирдó, ни тырэ-бакрэнгиро-барьякирдó, пака хасякирэна тут;⁵² и явэна тэ тасавэн тут дрэ сарэ тырэ кхэрá, пака пэ сарí пхув тырí дай нацыя роспахирэла вучэ и зоралэ тырэ ванты, пэ савэ ту чхувэса зор; и явэла тэ тасавэл тут дрэ сарэ тырэ кхэрá, пэ сарí пхув тырí, савí Рай Дэвэл, Дэвэл тырó, дыя тукэ.⁵³ И ту явэса тэ хас барьякирдó тырэ масэндыр, лоч (плоть) тырэ-чхавэнгиро и чхаенгиро тырэнгиро, савэн Рай Дэвэл, Дэвэл тырó дыя тукэ дрэ осада и дрэ притасайбэн, дро савó притасавэла тут вэргó тырó.⁵⁴ Мурш, савó сыс негитко (розволякирдо) и, савó дживдý машкíр тумэндэ дро барó миштыпэн, натангипнаскирэ якхаса явэла тэ дыкхэл пэ пэскирэ пшалэстэ, пэ ромнýtэ пэскирэ брэгатыр и пэ пэскирэ чхавэндэ, савó ячэнапэ лэстэ,⁵⁵ и на дэла ниекхэскэ лэндыр лоч (плоть) пэскирэ чхавэнгири, савэн ёв явэла тэ хал, пал-довá со лэстэ на ячэлапэ ничы дрэ осада (обчхуибэн) и дро притасайбэн, дрэ савó притасавэла вэргó (врого) тырó дрэ сарэ тырэ кхэрá.⁵⁶ Джувлы, савí дживдý тýtэ дрэ негá и миштыпэн, савí ниекхвар пэскирэ гэрá на чхудý пэ пхув, пал-довá со дживдý дрэ миштыпэн и негá, явэла натангипнаскирэ якхаса тэ дыкхэл пэ ромэстэ пэскирэстэ, и пэ чхавэстэ пэскирэстэ, и пэ чхатэ пэскирýтэ,⁵⁷ и на дэла лэнгэ лочовитко штéто (последá), савó выджáла машкíр лáкирэ гэрá, и чхавэн, савэн ёй биянэла; пал-довá со ёй, пашыл наухтылыбэн дрэ сарó, чораханэс явэла тэ хал лэн, дрэ осада и дро притасайбэн, дро савó притасавэла тут вэргó тырó дрэ кхэрá тырэ.⁵⁸ Кóли ту на явэса тэ причхувэс зор тэ сполнинэс сарэ лавá далé-Законóскирэ, савó сыс чхиндлэ дрэ дай лылварí, и ту на явэса тэ дарэс далé славнóнэ и даранэ лавэстыр Рáскирэ-Дэвлэскирэ, Дэвлэскирэ тырэскирэ,⁵⁹ то Рай Дэвэл занасвалыкирэла тут и тырó рóдо напростонэ фуенца (язвэнца), барэ и сарэ франсэнца, савэ ячэнапэ гарá (длúгэс), и холынакирэ насвалыпнэнца пэ сарó часо;⁶⁰ и янэла пэ тýtэ сарэ фрэнсы Египтóскирэ, савэндыр ту дарандыян, и ёнэ приачэна кэ ту;⁶¹ и кажно насвалыпэн и кажно фрэнсо, савэ нанэ чхиндлэ дрэ лылварí далé Законóскирэ, Рай Дэвэл янэла пэ тýtэ, пака ту явэса традыно криг;⁶² и ячэлапэ тумэн нáбут, тэды сыр тумэн сыс бут, тумэ сáнас сыр болыбнáскирэ чэргэня, пал-довá со ту на шундýн тырэ Рáскирэ-Дэвлэскири, Дэвлэскири зан.⁶³ И явэла адякэ, со сыр радындяпэ Рай Дэвэл, кэли кэрдý тумэнгэ лачхипэн и кэрдý бутýр тумэн, адякэ явэла тэ радынэлпэ Рай Дэвэл, хасякири тумэн и традыи тумэн, и явэна вытрадынэ тумэ пхувьятыр, пэ савí джáса, соб (кай) тэ лэс ла.⁶⁴ И росчхурдэла тэ дживэл тут Рай Дэвэл пир сарэ манушэндэ, ягорóстыр (краёстыр) пхувьякирэстыр кэ явíр ягóро пхувьякиро, и ту явэса одóй тэ дынаринэс явирэ дэвлорэнгэ, савэн на джиндýн ни ту, ни дадá тырэ, каштэскэ и барэнгэ.⁶⁵ Нэ и машкíр адалэ манушэндэ ту на штылэса, и на явэла штыл штéто ваш тырí гэрóй, и Рай Дэвэл дэла тукэ одóй илó шумоса, дукх якхэнгири и ди, савó тугинэла.⁶⁶ И джиибэн тырó явэла убладó ангíл тýtэ, и ту явэса тэ издрас ратý и дывэсэ, и на явэса тэ патýс дро джиибэн тырó;⁶⁷ тырэ илэскирэ дарáтыр, савэса ту явэса облыно, и долэстыр, со ту явэса тэ дыкхэс тырэ якхэнца, ранкоса (злокоса) ту пхэнэса: “Кóли бы тэ явэл бэльвэлы!”, а бэльвэлэ пхэнэса: “Кóли бы тэ ячэл злóко (рáнко)!”⁶⁸ И рискирэла тут Рай Дэвэл дро Егíпто пэ пáрма (пэ кораблё) долé дромэса, пал савó мэ пхэндём тукэ: “Ту бутýр на дыкхэса лэс”; и одóй явэна тумэ тэ бикнэнпэ тумарэ вэргэнгэ дрэ писхарьэндэ и дрэ писхарицэндэ, и на явэла киныбнарис.”

Шэрó 29

Рай Дэвэл Кэрэла Нэвэстыр Завето Израилёса пэ Моавоскири Пхув

¹ Акэ, исын заветоскирэ лавá, савó Рай Дэвэл ракирдý Мойзáскэ тэ чхувэл Израилёскирэ чхавэнца пэ пхув Моавоскири, апрíч завето, савó Рай Дэвэл чхудý лэнца пэ Хориво. ² И скэдýй Мойза сарэн Израилёскирэ чхавэн, и пхэндý лэнгэ: “Тумэ дыкхнэ сарó, со кэрдý Рай Дэвэл ангíл тумарэ якхá пэ Египтóскири пхув фараонóса и сарэ лэскирэ слугэнца (дынарьэнца) и сарэ лэскирэ пхувьяса; ³ долé барэ злыджаибэна, савэ дыкхнэ тырэ якхá, и

долэ барэ знамэнии (гертыка) и дивы; ⁴ нэ кэ/жыко дава дывэс на дыя тумэнгэ Рай Дэвэл илэ, соб (кай) тумэ тэ галён, якха, соб (кай) тэ дыкхэн, и канэ, соб (кай) тэ шунэн. ⁵ Штардэша бэрш лыджия тумэн Рай Дэвэл пир чхучи пхув, и тумарэ йди пэ тумэндэ на роскушнэпэ и гэретка (обув) тырэ на роскушнэпэ пэ тумарэ гэрэй; ⁶ марэ тумэ на ханэ, и мол (вино) и сикера на пинэ, соб (кай) тумэ тэ джигэн, со Мэ сом Рай Дэвэл, сом Дэвэл тумарэ. ⁷ И кэли явнэ тумэ пэ штэто дава, выгия пэ амэндэ о Сигонэ, Есегоноскиро крэй, и Ого, Васаноскири крэй, соб (кай) тэ марэнпэ амэнца, и амэ розмардям лэн; ⁸ и лыям лэнгири пхув, и отдыям ла дрэ миштыпнаскири мэра Рувимоскирэ и Гадоскирэ родыцоскэ и пашакэ Манасияскирэ родыцостыр. ⁹ Ракхэн лава далэ заветоскирэ, и кэрэн кэ концо (кэ ягоро) лэн, соб (кай) тумэнгэ тэ явэл бахт дро сарэ, со тумэ явэна тэ кэрэн. ¹⁰ Сарэ тумэ ададывэс сан тэрдэ ангил муй Раскирэ-Дэвлэскиро, тумарэ Дэвлэскиро, тумарэ шэралэ пэ родыцы, пхурыдыра тумарэ, барыдыра тумарэ, сарэ Израильтэни, ¹¹ тумарэ чхавэ, тумарэ ромня и тумарэ мануша, савэ явнэ явирэ ригатыр, и дживэна дро тырэ стэно, манушэстыр, савэ чингирэла кашта тырэ кэ мануш, савэ лэла пани тырэ, ¹² соб (кай) тэ заджас тукэ дро завето Раскирэ-Дэвлэскирэса, тырэ Дэвлэскирэса, и дрэ доракирибнаскири совлах Лэса, савэ Рай Дэвэл, Дэвэл тырэ, ададывэс чхувэла туса, ¹³ соб (кай) Ёв тэ кэрэл тут ададывэс Лэскирэ манушэнца, и Лэскэ тэ явэл тукэ Дэвлэса, сыр Ёв ракирдя тукэ и, сыр Ёв совлахадя тырэ дадэнгэ Авраамоскэ, Исаакоскэ и Яковоскэ. ¹⁴ На екхэ тумэнца мэ чхувава дава завето и дава совлаходо доракирибэн, ¹⁵ нэ и одолэнца, савэ ададывэс адай амэнца исын тэрдэ ангил амарэ Раскирэ-Дэвлэскиро, Дэвлэскиро муй, адякэ и кодолэнца, савэ нанэ адай амэнца ададывэс. ¹⁶ Пал-дова со тумэ джигэна, сыр амэ дживдям пэ Египтоскири пхув, и сыр амэ гиям машкёр манушэндэ, пирдал савэ тумэ гинэ, ¹⁷ и дыкхцям магирипэн лэнгири и йдолы лэнгирэ, каштунэ и барунэ, рупувэ и сувнакунэ, савэ сыс лэндэ. ¹⁸ Мэк тэ на явэл машкёр тумэндэ муршэс, ци джувля, ци рэдо, ци рэдыцо (чанг), савэнгири илэ тэ отджал бы (хай) аканэ Растыр-Дэвлэстыр, Дэвлэстыр амарэстыр, соб (кай) ёв тэ псирэл тэ дынаринэл одолэ-манушэнгирэ дэвлорэнгэ; мэк тэ на явэл машкёр тумэндэ рукх (корнэ), савэ барьякирэла трута (ядо) и палыно, ¹⁹ и, соб (кай) тэ на явэл ададывэс манушэс, сыр адасавэ, савэ шундя далэ прокошыбнытка лава, соб (кай) тэ шарэлпэ дрэ пэскиро илэ, ракири: “Мэ явава бахталэ, на дыкхэ пэ дова, со Мэ явава тэ псирав пир выкэдыибэн мирэ илэскиро”; и адякэ хасэла кхэтанэ чало бокхалэса; ²⁰ на отмэкэла Рай Дэвэл адасавэ манушэскэ, нэ дова-паць часо захачола холы Раскирэ-Дэвлэскири и мижэхипэн Лэскиро пэ одолэ манушэстэ, и пэрэна пэ лэстэ сарэ далэ заветоскирэ прокошыбэна, савэ исын чхиндлэ дрэ дай лылварэ, и лэла криг (кхосэла криг) Рай Дэвэл лэскиро лав тэл болыбнастыр; ²¹ и чхувэла дро риг лэс адасавэ манушэс Рай Дэвэл пэ хасибэн сарэ Израилэскирэ родыцэндыр, кхэтанэ сарэ заветоскирэ прокошыбнэнца, савэ исын чхиндлэ дрэ дай лылварэ Законоскири. ²² И пхэнэла рэдо, савэ явэла пал тумэндэ и тумарэ чхавэ, савэ явэна палэ тумэндэ, и мануш явирэ пхувьятыр, савэ явэла дуратунэ пхувьятыр, дыкхэ пэ далэ-пхувьякиро хасибэн и насвалыпэн, савэнца замэнчынэла ла Рай Дэвэл: ²³ ‘Сера (дзэвэля) и лонд, схачкирибэн пир сарэ пхув; ёй на сеинэлапэ и на барьякирэла, и на выджала пэ латэ ни савэ чар, сыр палэ (после) дова, кэли сыс хасякирдэ Содомэ, Гомора, Адма и Севоимо, савэ хасякирдэ Рай Дэвэл дрэ холы Пэскири, и дрэ Пэскиро мижэхипэн’. ²⁴ И пхэнэна сарэ мануша: “Палсэ Рай Дэвэл адякэ кэрдэ лэса пхувьяса? Савэ барэ мижэхипэн Лэскирэ холятыр!” ²⁵ И пхэнэна: “Пал-дова со ёнэ мэкнэ завето Раскирэ-Дэвлэскиро, пэскирэ-дадэнгири Дэвлэскиро, савэ Ёв чхудя лэнца, кэли вылыджия лэн Египтоскирэ пхувьятыр, ²⁶ и гинэ, и лынэ тэ дынаринэн явирэ дэвлорэнгэ, и тэ мангэнпэ лэнгэ, дэвлорэнгэ, савэ ёнэ на джигдлэ, и пал савэндэ Ёв на ракирдя лэнгэ: ²⁷ палдава газдыяпэ Раскирэ-Дэвлэскири холы пэ дай пхув, и яндя Ёв пэ латэ сарэ заветоскирэ прокошыбэна, савэ сыс чхиндлэ дрэ дай лылварэ; ²⁸ и вытрадыя лэн Рай Дэвэл пхувьятыр дрэ холы, дро мижэхипэн и дрэ бари холы и вытрадыя лэн пэ явир пхув, сыр аканэ дыкхаса.” ²⁹ Бут исын Растэ-Дэвлэстэ, амарэ Дэвлэстэ чораханыбэна (секреты), савэ Ёв заучакирэла (гаравэла) манушэндыр, со исын отчакирдо амэнгэ и амарэ чхавэнгэ кэ вэко, соб (кай) амэ тэ кэрэс сарэ пир далэ-Законоскирэ лава.

Шэрó 30

Бахтякирибэн Одолэнгэ, Кон Рисёла Палэ кэ Дэвэл

¹ И явэла адыкэ: кэли явэна пэ түтэ сарэ далэ лава – бахтякирибэн и прокошыбэн, савэ ракирдём мэ түкэ, и ту лэса лэн кэ пэскиро илó машкёр сарэ манушэндэ, машкёр савэндэ росчхувэла тэ дживэл тут Рай Дэвэл, Дэвэл тырó, ² и рисёса ту кэ Рай Дэвэл, Дэвэл тырó, и ту кандэса Лэскири зан, сыр мэ ракирава түкэ ададывэс, ту и тырэ чхавэ сарэ тырэ илэстыр и сарэ тырэ дестыр, ³ тэды Рай Дэвэл, Дэвэл тырó рискирэла тырэ манушэн пленóстыр, и потангинэла тут, и нэвэстыр скэдэла тут сарэ манушэндэр (народэндэр), машкёр савэндэ Ёв росчхудя тут тэ дживэл Рай Дэвэл, Дэвэл тырó. ⁴ Усаэкх, коли б ту тэ явэс росчхудо кэ болыбнаскиро ягóро (кэ краё), и одотхыр скэдэла тут Рай Дэвэл, Дэвэл тырó, и одотхыр лэла тут, ⁵ и янэла тут Рай Дэвэл, Дэвэл тырó, пэ пхув, сави сыс тырэ-дадэнгири, и ту дорэсэса ла, и Ёв бахтякирэла тут, и создэла түтыр бутыр манушэн, сыр сыс тырэ дадэндэ. ⁶ И обчхинэла (парувэла) Рай Дэвэл, Дэвэл тырó, илó тырó и илó тырэ-родоскиро, соб (кай) түкэ тэ явэл дрогó Рай Дэвэл, Дэвэл тырó, сарэ тырэ илэстыр и сарэ дестыр тырэстыр, соб (кай) тэ дживэс түкэ; ⁷ тэньчи Рай Дэвэл, Дэвэл тырó, сарэ далэ прокошыбэна пиридэла пэ тырэ вэргэндэ (врогэндэ) и пэ одолэндэ, конэскэ ту на сан дрогó, савэ традынэ тут, ⁸ а ту рисёса и явэса тэ шунэс зан Рáскирэ-Дэвлэскири и тэ кэрэс сарó пир сарэ Лэскирэ припхэныбэна, савэ мэ припхэнава түкэ ададывэс. ⁹ И тэньчи бутыр дэла түкэ Рай Дэвэл, Дэвэл тырó, дро кажно тырэ-вастэнгири рэндо, дро барьякирдó тырэ масэндэр, дро барьякирдó тырэ кхэритконэ мурдалэндэр (скотóстыр), дро барьякирдó тырэ-пхувьятыр; пал-довá со нэвэстыр явэла тэ радынэлпэ Рай Дэвэл пал түтэ, Ёв бахтякирэла тут, сыр Ёв радындяпэ пал тырэ дадэндэ, ¹⁰ коли явэса ту тэ кандэс Рáскирэ-Дэвлэскири, тырэ-Дэвлэскири зан, тэ раххэс Лэскирэ припхэныбэна и упхэныбэна Лэскирэ, савэ сыс чхиндлэ дрэ даё Законоскири лылварí, и коли рисёса ту кэ Рай Дэвэл, Дэвэл тырó, сарэ илэса тырэса и сарэ деса тырэса.

Джибэн ци Мулыпэн

¹¹ Пал-довá со дава припхэныбэн (заповедь), савó мэ ракирава түкэ ададывэс, нанэ гарадó ваш түкэ и нанэ дур; ¹² ёв (припхэныбэн) на пэ болыбэн, соб (кай) тэ явэл сашты (можно) тэ ракирэс: ‘Кон джáла упрé ваш амэнгэ пэ болыбэн, и янэла лэс амэнгэ, и дэла амэнгэ тэ шунас лэс, и амэ сполнинаса лэс?’ ¹³ и на пал мórё (дэрьяв) ёв, соб (кай) тэ явэл сашты тэ ракирэс: ‘Кон псирéла пал амэндэ пал мórё (дэрьяв), и янэла лэс амэнгэ, и дэла амэнгэ тэ шунас лэс, и амэ кэрáса сарó пир лэстэ?’ ¹⁴ Давá лав исын дрéвэн пашыл кэ ту: ёв исын дрэ тырэ уштá и дро тырó илó, соб (кай) тэ сполнинэс лэс. ¹⁵ Дыхх, мэ ададывэс пропониндём түкэ (чхурдыём лав ангил түтэ) пал джибэн и лачхипэн, мулыпэн (мэрибэн) и чорипэн. ¹⁶ Мэ, Мóйза, савó ракирава түкэ ададывэс – тэ рикирэс сыр Дрогима дро илó Рас-Дэвлэс, Дэвлэс тырэс, тэ псирэс пир Лэскирэ дромá, и тэ кэрэс сарó пир Лэскирэ припхэныбэна, статúты и закóны Лэскирэ; и явэса ту дживэс и явэла бут тумэн, и бахтякирэла тут Рай Дэвэл, Дэвэл тырó, пэ пхув, пэ сави ту джáса, соб (кай) тэ лэс ла; ¹⁷ нэ, коли отрисёла илó тырó, и ту на явэса тэ шунэс, и заблэндынэса, и лэса тэ мангэспэ явирé дэвлорэнгэ и ту явэса тэ дынаринэс лэнгэ, ¹⁸ то тэды мэ дава тэ джинэн тумэнгэ ададывэс, со тумэ хасэна, и на явэна гарá (длугэс) пэ пхув, соб (кай) тэ лэс ла, ваш сави ту пириджаса Иордáно. ¹⁹ Соб (кай) тэ досыкавав ангил тумэндэ Мэ кхарáва ададывэс болыбэн и пхув: джибэн и мулыпэн (мэрибэн) мэ пропониндём түкэ, бахтякирибэн и прокошыбэн. Выкэдэ джибэн, соб (кай) тэ дживэс ту, и рóдо тырó, ²⁰ и тэ рикирэс сыр Дрогима дро илó Рас-Дэвлэс, Дэвлэс тырэс, тэ шунэс Лэскири зан и тэ причхувэспэ кэ Ёв; пал-довá со дро дава исын джибэн тырó и длуга тырэ дывэсá, соб (кай) тэ явэс түкэ гара (длугэс) пэ пхув, сави Рай Дэвэл совлахадя дадэнгэ тырэнгэ, Авраамóскэ, Исаакóскэ и Яковóскэ, тэ дэл лэнгэ.”

Шэрó 31

Исýсо (Ёхошуá) Нэвó Лыджаибнаскиро

¹ И гия Мóйза, и ракирдя далé лавá сарé Израилёскирэ чхавэнгэ, ² и пхэндя лэнгэ: “Аканá мánгэ шэл тэ биш бэрш, мэ на дава́ ра́да (на мoгинáва) тэ выджав и тэ заджав, и Рай Дэвэл пхэндя мánгэ: ‘Ту на пириджаса Иордáно’; ³ О Рай Дэвэл, Дэвэл тырó, Кокорó джáла ангил тýtэ, Ёв традэла адалé манушэн тырé мóстыр, и ту явэса тэ лэс лэн; Исýсо (Ёхошуá) ¹¹ джáла ангил тýtэ, сыр ракирдя Рай Дэвэл; ⁴ и кэрэла Рай Дэвэл лэнца адякэ-паць, сыр Ёв кэрдя Сигонoса и Огoса, Амореэнгирэ кральенца, и лэскирэ пхувьяса, савэн Ёв традыя криг; ⁵ и отдэла лэн Рай Дэвэл тумэнгэ, и тумé кэрэна лэнца пир сарé припхэныбэна́, савé ракирдём мэ тумэнгэ; ⁶ явэн зоралé-волякирэ, и явэн му́ршканó, на дарэн, и на страхадён лэндыр, пал-довá со Рай Дэвэл, Дэвэл тырó, Кокорó джáла тýса, и Ёв на отджала тýтыр, и на ячкирэла тут.”

Соб (кай) тэ Гинэн Зако́но Кажна Эфта́ Бэрш

⁷ И кхардя Мóйза Исусóс (Ёхошуас) и ангил сарé Израильтянэнгирэ якхá пхэндя лэскэ: “Яв зоралé-волякиро и му́ршканó, пал-довá со ту заджаса адалé манушэнца пэ пхув, сави́ Рай Дэвэл совлахадя́ дадэнгэ лэскирэнгэ тэ дэл лэскэ, и ту роскэрэса ла пэ миштыпна́скири мéра лэскэ; ⁸ Рай Дэвэл Кокорó джáла ангил тýtэ, Кокорó явэла тýса, Ёв на отджала тýтыр и на ячкирэла тут, на дар и на страхадёв.” ⁹ И чхиндя́ Мóйза дава́ Зако́но, и отдыя́ лэс рашангэ, Левиёскирэ чхавэнгэ, савé лыджа́нас Ра́скирэ-Дэвлэскиро Заветоскиро ковчэго, и сарé Израилёскирэ-чхавэнгирэ пхурыдырэнгэ. ¹⁰ И дыя́ лав лэнгэ Мóйза, и пхэндя: “Сыр проджа́на эфта́ (битринэнгиро дэш) бэрш, дро отмэкибнаскиро бэрш, пэ свэнко кушчэнгиро (будэнгиро), ¹¹ кели́ сарó Израилё́ явэла ангил [Растэ-Дэвлэстэ-ю.о.] Ра́скирэ-Дэвлэскиро, [тырé Дэвлэскиро муй-р.с.], пэ штэто́, савó выкэдэла Рай Дэвэл, дэ упрé (гин зоралэс) дава́ Зако́но ангил сарó Израилё́ дро сарó шуныбэн; ¹² скэдэ́ манушэн, му́ршэн и джувлэн, и чхаворэн, и тырé манушэн, савé явнэ́ явирэ́ ригатыр, савé явэна́ дрэ́ тырэ́ шáтры/буды́ [пóрта-ю.о.], соб (кай) ёнэ́ тэ́ шунэн и тэ́ сыклён, и, соб (кай) ёнэ́ тэ́ дарэн́ Ра́стыр-Дэвлэстыр, тумарé́ Дэвлэстыр, и тэ́ кэрэн́ кэ́ кóнцо/ягóро тэ́ причхувэн́ зор и тэ́ кэрэн́ кэ́ кóнцо/кэ́ ягóро (тэ́ сполнинэн) сарé́ далé́ Зако́но́скирэ́ лавá; ¹³ и соб (кай) лэнгирэ́ чхавэ́, савé на́ джинэ́на дава́, тэ́ шунэн и тэ́ высылён тэ́ дарэн́ Ра́стыр-Дэвлэстыр, дрэ́ сарé́ дывэса́, пака́ тумé́ явэна́ тэ́ дживэн́ пэ́ пхув, пэ́ сави́ тумé́ пириджана́ пал Иордáно, соб (кай) тэ́ лэс ла.” ¹⁴ И пхэндя́ Рай Дэвэл Мoйзáскэ: “Тáда, дывэса́ тырэ́ подгинé́ кэ́ мэрибэн́; кхар́ Исусóс и тэрдён́ пашы́л скэдыибна́скири шáтра (скíния), и Мэ́ дава́ лэскэ́ упхэныбэн́.” И явнэ́ Мóйза и Исýсо, и тэрдинé́ ёнэ́ пашы́л скэдыибна́скири шáтра. ¹⁵ И явдя́ Рай Дэвэл дрэ́ шáтра, дро́ облокоскиро́ стýлбо, и тэрдия́ облокоскиро́ стýлбо́ пашы́л шатракиро́ загиибэн́. ¹⁶ И пхэндя́ Рай Дэвэл Мoйзáскэ: “Тáда, ту́ пасёса́ тырэ́ дадэнца́, и адалé́ манушá́ лэна́ тэ́ блэндынэн́ и тэ́ псирэн́ пал́ явирэ́ дэвлорэндэ́ долé́-пхувьякирэ́, пэ́ сави́ ёнэ́ заджа́на, и ячкирэ́на Ман, и пхагирэ́на Мiро́ завето́, савó́ Мэ́ чхудём́ лэнца́; ¹⁷ и захачо́ла Мiри́ холы́ пэ́ лэндэ́ дро́ дова́́ дывэс, и Мэ́ ячкирава́ лэн, и Мэ́ гарава́ва Мiро́ муй́ лэндыр, и ёнэ́́ явэ́на традынэ́́ криг, и латхэ́на лэн барé́ биды́ и пиридживипэ́на, и пхэнэ́на ёнэ́́ дро́ дова́́ дывэс: “Ци́ на палдава́́ латхнэ́́ амэн далé́ биды́, со́ нанэ́́ Дэвлэс́ (нанэ́́ Дэвэл) машкíр амэндэ́?” ¹⁸ и Мэ́, чачэс, гарава́ва Мiро́ муй́ лэндыр дро́ дова́́ дывэс пал́ сарé́ лэскирэ́ фуй́ рэнды́, савé́ ёнэ́́ кэрэ́на, гии́ кэ́ явiр́ дэвлорé́. ¹⁹ И палдава́́ чхинэн́ (писынэн) пэ́скэ́ далé́-гилякирэ́ лавá, и сыкля́кир лáкэ́ Израилёскирэ́ чхавэн́; и зачхув́ лэн тэ́ багáн, соб (кай) да́я гилы́́ тэ́ явэл́ сыр́ якхиткима́ (свидетельство) пэ́ чхавэндэ́́ Израилёскирэндэ́, ²⁰ пал-довá́ со́ Мэ́ залыджа́ва лэн пэ́ пхув, сыр́ Мэ́ совлахадём́ лэнгирэ́ дадэнгэ́, кай́ тхадэ́ла тхуд́ и авгiн, и ёнэ́́ явэ́на тэ́ хан́ и тэ́ чалён, и явэ́на тхулэ́, и ёнэ́́ джа́на кэ́ явiр́ дэвлорé́, и явэ́на тэ́ дынаринэн́ лэнгэ́, а́ Ман́ мэкэ́на́ и пхагирэ́на Мiро́ завето́. ²¹ И кели́ латхэ́на лэн барé́ биды́ и пиридживипэ́на, тэ́ды́ да́я гилы́́ явэ́ла пэ́ лэндэ́ сыр́ допхэныбэн́, пал-довá́ со́ ёй́ на выджáла лэнгирэ́-родоскирэ́ уштэндыр. Мэ́́ джинóм лэнгири́

годы, сави́ исын лэндэ аканá, англэдыр сыр Мэ яндём лэн пэ пхув, пал сави́ Мэ совлахадём тэ дав лэнгэ.”²² И чхиндя́ о Мóйза дая́ гилы́ дро дова́ дывэс, и высклякирдя́ лáкэ Израилёскирэ чхавэн.²³ И припхэндя́ Рай Дэвэл Исусóскэ (Ёхошуаскэ), Навиноскирэ чхавэскэ, и пхэндя́ лэскэ: “Яв зоралэ-волякиро и муршканó; пал-дова́ со ту залыджаса Израилёскирэ чхавэн пэ пхув, пал сави́ Мэ совлахадём лэнгэ, и Мэ ява́ва т́уса.”²⁴ Кéли Мóйза дочхиндя́ дрэ лылварí сарé лавá далé Законóскирэ кэ кóнцо (кэ ягóро),²⁵ то тэды́ Мóйза пхэндя́ Левитэнгэ, савó лыджáнас Рáскирэ-Дэвлэ́скиро заветóскиро ковчэго (мохтó), пхэни́: ²⁶ “Лэн дая́ Законоскири лылварí, и чхувэн ла пэ чачí (право) риг Рáскирэ-Дэвлэ́скири, тумарé Дэвлэ́скиро ковчэго заветоса, и ёй одóй явэла допхэныбнаса пэ т́утэ; ²⁷ пал-дова́ со мэ джинóм, со тумé сан бунтуйтка и пхарé-илытка: Ѓáда и аканá, кéли мэ дживáва аканá тумэнца, тумé сан нарта (упряма) ангíл Растэ-Дэвлэ́стэ, и ишчо (инкэ) бутýр явэна, сыр мэ мэра́ва? ²⁸ Скэдэн кэ мэ сарэн пхурыдырэн пэ тумарé рóдыцы и дыкхийбнаскирэн (надзирателен) тумарэн, и мэ пхэна́ва лэнгэ дро сарó шуныбэн далé лавá, и кхарáва дро допхэныбэн пэ лэндэ болыбэн и пхув. ²⁹ Пал-дова́ со мэ джинóм, со сыр мэ мэра́ва, то тумé розмэкэнапэ и отджана дромэстыр, савó мэ дыём тумэнгэ, и сыр проджáла часо (цýро), то латхэна тумэн биды пал дова́, со тумé явэна тэ кэрэн чорипэн ангíл Рáскирэ-Дэвлэ́скирэ якхá, холякири Лэс пэскирэ вастэнгирэ рэндэнца.”

Мойзаскири Гилы́

³⁰ И пхэндя́ Мóйза дро сарó шуныбэн ангíл Израильтянэнгиро скэдыибэн далé-гилякирэ лавá кэ кóнцо (кэ ягóро):

31:3 ^[1] Ешуа-авир пхэныбэн/лав

Шэрó 32

¹ “Причхúв кан, болыбэн, со мэ ява́ва тэ ракира́в; и шун, пхув, лавá мирé уштэнгирэ. ² Почхувэлапэ сыр брышы́нд миро сыкляибэн, сыр пахлын (роса) лавá мирé, сыр тыкно́ брышы́нд пэ зэлэныбэн, сыр ливнё́ пэ чар: ³ пал-дова́ со мэ барьякирава (славинава) лав Рáскирэ-Дэвлэ́скиро; тумé дэн сла́ва амарé Дэвлэ́скэ. ⁴ Ёв исын зоралы́ Твардыма; Лэ́скирэ рэнды́ исын бидошэнгирэ, и сарé дромá Лэ́скирэ исын чачунé. Дэвэл исын чачунó, и нанэ начачипэн дрэ Лэ́стэ; Ёв исын чачунó и патяибнýтко. ⁵ Нэ ёнэ розмэкнэпэ ангíл Лэ́стэ, ёнэ нанэ Лэ́скирэ чхавé пир пэскирэ доша, рóдо лэнгиро исын бунтуйтко и розмэкно. ⁶ Ци адя́кэ, со тумé отдэна палэ Рáскэ-Дэвлэ́скэ, манушá дылынé и бигодякирэ? Ци на Ёв исын Дад тырó, Савó сыклякирдя́ тут, Савó создýя тут и чхудя́ тут? ⁷ Пририпир гаратунé дывэсá, думин пал гаратунé родэнгирэ бэршá; пхуч тырé дадэстыр, и ёв роспхэнэла т́укэ, тырé пхурэндýр, и ёнэ пхэнóна т́укэ. ⁸ Кéли Най Вучэдырэскиро дэлас миштыпна́скири мэра́ манушэнгэ и росчхудя́ тэ дживэн манушэнгирэ чхавэн, то тэды́ чхудя́ Ёв мэжы манушэнгирэ пир Израилёскирэ-чхавэнгиро гиныбэн. ⁹ Пал-дова́ со Рáскирэ-Дэвлэ́скири паш исын Лэ́скирэ манушá, а Яково исын Лэ́скири мэра́ дро Лэ́скиро мэкно́ миштыпэн. ¹⁰ Ёв латхя́ лэс пэ чхучí пхув, пэ мал (степ), сави́ сыс биманушэнгири и наобживдлы, раххця́ лэс, дыкхця́ пал лэ́стэ, раххця́ лэс, сыр Пэ́скири чачí (право) якх; ¹¹ сыр óрло (кíдо) кхарэ́ла пэскири гня́зда (кúфо), вурняла упрé пэ пэскирэ чириклорэндэ, росчхакирэла пэскирэ пха́кá, лэ́ла лэн и лыджáла лэн пэ пэскирэ пора, ¹² адя́кэ-пацэ екх Рай Дэвэл лыджия́ лэс, и на сыс Лэ́са явирэ дэвлорэс. ¹³ Ёв газды́я лэс пэ пхувья́киро вучипэн, и чалякирдя́ лэс долэса, со барьё́ла пэ фэ́лда, и панякирдя́ лэс авгинэса барэстыр и елеёса твардонэ бэргáтыр, ¹⁴ гурумнитконэ ксилэса, и бакранэ тхудэса, и масэса тэрнэ бакрэнгирэса и Васаноскирэ бакрэнца и бузнэнца, и выкэдымэ пшэни́цаса (парнэ́ тивэса), и ту, Израилё́, пиян мол (вино), рат винаградоскирэ мурьенгиро. ¹⁵ И тхулы́я Израилё́, и яця́ пхарé-илытко; яця́ тхуло, зоралы́я и ростхулы́я; и ячкирдя́ ёв Дэвлэ́с, Савó создýя лэс, и лы́я náбут тэ кутякирэл Лэс, Савó

выраххця лэс. ¹⁶ Ёнэ холякирэна Лэс явирэ дэвлорэнца и магирипнаса холякирдэ Лэс; ¹⁷ яндлэ свэнто дыибён ваш налчхэ дүхи, и на Дэвлэскэ, а дэвлорэнгэ, савэн ёнэ на джиндлэ, нэвонэнгэ, савэ явнэ суседендыр, и пал савэ на думиндлэ лэнгирэ дада. ¹⁸ Одолэс, Кон затэрдия пал тутэ, Израилё, бияндя тут, ту забистырдян, и на пририпирдя Дэвлэс, Саво тут создыя. ¹⁹ И кели Рай Дэвэл дыкхця дава, то Ёв и дрэ холы мэкця Пэскирэ чхавэн и Пэскирэ чхаён, ²⁰ и пхэндя Ёв: “Гаравава Мэ муй Миро лэндир, и Мэ явава тэ дыкхав, саво явэла лэнгиро концо (ягоро); пал-дова со ёнэ исын розмэкно родо, чхавэ, дрэ савэндэ нанэ чачипэн. ²¹ Ёнэ холякирдэ Ман лэнгирэ надэвлэса, нэ пэскирэ идолэнца ёнэ холякирдэ Ман: и Мэ лэн холякирава наманушэнца, а дылынэ манушытконэ нацыяса (народоса) холякирава Мэ лэн; ²² пал-дова со яг захачия дрэ холы Мирі, и ёй хачкирэла кэ преисподнё кэ само нижнё люно (адо), и хала пхув и со исын пэ латэ, и хачкирэла бэрги. ²³ И Мэ скэдава бёда пэ лэндэ и вымэкава пэ лэндэ Мирэ марибнётка бустя (стрёлы): ²⁴ ёнэ явэна кхинякирдэ бокхаса, хасякирдэ хачкирибнаса и даранэ франсэнца; и Мэ бичхавэла пэ лэндэ рискирибнаскирэ мурдалэнгирэ (зверенгирэ) дандэ и трута (ядо) одолэнгири, савэ ползынэна пир пхув; ²⁵ яврі явэла тэ хасякирэл лэн куртала, а дрэ кхэра дар – и тэрнэ чхавэс, и патывала чха, и колынытконэ биятос, и сывонэ пхурэс. ²⁶ Мэ пхэнаvas: “Мэ росчхурдава тэ дживэн лэн, и лавэ криг (скхосава) машкір манушэндэ рипирибён пал лэндэ”; ²⁷ нэ Мэ отчхудём дава ваш холы вэргэнгири, соб (кай) лэнгирэ вэрги тэ на запхутён, и тэ на пхэнэн: “Амаро васт исын вучо, и на Рай Дэвэл кэрдя саро дава.” ²⁸ Пал-дова ёнэ исын мануша, савэ хасякирдэ годы, и нанэ галыибён дрэ лэндэ. ²⁹ Нэ, коли бы ёнэ тэ явэн годэ, то ёнэ думинэнас пал саро, и галёнас, со лэнца явэла! ³⁰ Сырбы екх мануш дыя рада (могиндя) тэ традэлпэ пал тысёнцо, и дуй тэ традэн криг дэш тысёнцы тэ нашэн, коли б лэнгиро Затэрдибнаскиро (Застэмпнико) тэ на бикнэл лэн, и Рай Дэвэл тэ на отдэл лэн! ³¹ Пал-дова со затэрдибнаскиро лэнгиро нанэ адасаво, сыр исын амаро Затэрдибнаскиро; кокорэ вэрги (вроги) амарэ сэндэрья дрэ дова. ³² Пал-дова со лэнгиро винаградо исын Содомоскирэ-винаградоскирэ рандятыр и Гоморакирэ фэлдэндир, лэнгирэ мұри исын мэрибнётка, лэнгирэ вэткицы мурьенца исын киркэ; ³³ мол (вино) лэнгири исын трута (отрава) драконэнгири и хасибнётко трута аспидэнгири. ³⁴ Ци на гарадо дава Мандэ? Ци на запхандло дава исын дрэ Мирэ раххибнётка штэты? ³⁵ Мángэ тэ отхав палэ и тэ отдав, кели обштавэлапэ лэнгири гэрэй; пал-дова со сыг явэла лэнгиро хасибнётко дывэс, сыг явэла приготовиндло ваш лэнгэ. ³⁶ Нэ кели Рай Дэвэл явэла тэ сэндякирэл Лэскирэ манушэн, то Ёв потангинэла Пэскирэ писхарьён, пал-дова, со Ёв дыкхэла, со лэнгиро васт яця бизорьякиро, и на яця ни писхарис, ни вольнонэ манушэс. ³⁷ Тэды пхучэла Рай Дэвэл: “Кай исын лэнгирэ дэвлорэ, зоралы скэла [твердыня-р.с.], пэ саві ёнэ рикирдэ патяибён (надеиндлэпэ), ³⁸ савэ ханэ мас сыр свэнто дыибён лэнгиро и пинэ мол, саві чхувэнас сыр яныбён лэнгиро? Мэк ёнэ тэ газдэнпэ и тэ помогинэн (тэ подэн васт) тумэнгэ, мэк тэ явэн ёнэ ваш тумэнгэ учхакирибнаса! ³⁹ Тумэ дыкхэна аканэ, со дава Мэ сом, Мэ – и нанэ Дэвлэс (нанэ Дэвэл), апріч Мандэ: Мэ мулякирава и отджидякирава, Мэ насвалякирава, и Мэ састякирава, и никон на зраххэла Мирэ вастэстыр. ⁴⁰ Мэ газдава кэ болыбён васт Миро и ракирава: “Тэ дживав Мэ дро вёко!” ⁴¹ Кели востринава Мэ куртала Мирі зяиндлы, и васт Миро прилэла сэндо, то тэды отхава (отдава) палэ Мэ Мирэ вэргэнгэ, и конэскэ Мэ на сом дрого, Мэ отдава; ⁴² Мэ панякирава Мирэ марибнётка бустя (стрёлы) ратэса, и куртала Мирі чалякирэлапэ умардэнгирэ масэса, и пленонэнгирэ ратэса, шэрэнца вэргэнгирэ барыдырэндир. ⁴³ Радынэнпэ, Наюдытка нацыи, Лэскирэ манушэнца; пал-дова со Ёв отхала палэ пал Пэскирэ-писхарьенгиро рат, и Ёв отдэла палэ вэргэнгэ и Ёв выжужакирэла (вычистинэла) Пэскири пхув и Пэскирэ манушэн!” ⁴⁴ И явдя Мойза кэ мануша и пхэндя сарэ лавэ далэ гилытыр дро саро шуныбён манушэнгэ, ёв и Исусо (Ёхошуа), чхаво Навиноскиро. ⁴⁵ Кели Мойза пирипхэндя сарэ далэ лавэ сарэ Израилёскэ, ⁴⁶ то пхэндя лэнгэ: “Чхувэн пэ ило тумаро сарэ лавэ, савэ мэ дыём тэ джинэн тумэнгэ ададывэс, и пиридэн лэн пэскирэ чхавэнгэ, соб (кай) ёнэ тэ причхувэн зор тэ кэрэн кэ концо (кэ ягоро) сарэ далэ лавэ Законостыр; ⁴⁷ пал-дава со дава исын на чхучо сыклякирибён ваш тумэнгэ, нэ дава дэла джиибён тумэнгэ, и пир дава тумэ гарэ (длүгэс) явэна пэ доя пхув, пэ саві тумэ джана

пирдэл Иордано, соб (кай) тэ заухтылэн ла.”⁴⁸ И ракирдя Рай Дэвэл Мойзаскэ дро дова-
паць дывэс и пхэндя: ⁴⁹ “Джа упрэ пэ дай бэрга Аваримо, пэ бэрга Нево, сави исын пэ
Моавитоскири пхув, мамуй Ерихоно, и дыкх ‘гара (длугэс) пэ Ханааноскири пхув, сави Мэ
дава дро хулаибэн Израилёскирэ чхавэнгэ; ⁵⁰ и мэр пэ бэрга, пэ сави ту газдэсапэ, и
причхувпэ кэ тырэ мануша, сыр мыя Аароно, пшал тыро, пэ бэрга Ор, и причхудяпэ кэ
пэскирэ мануша, ⁵¹ пал-дова, со тумэ кэрдэ грэхо проти Мандэ машкир Израилёскирэ
чхавэндэ пашыл пани Мериво дро Кадесо, пэ чхучи пхув Син, пал-дова, со ёнэ на рахнэ
Мирй свэнтима машкир Израилёскирэ чхавэндэ. ⁵² Ту явэса тэ дыкхэс ангил пэстэ пхув, нэ
ту на заджаса одорйк, пэ пхув, сави Мэ дава Израилёскирэ чхавэнгэ.”

Шэрó 33

Мойза Бахтякирэла Израилё Палатунó (Последнё) Мóло

¹ Давá исын бахтякирибэн, савэса Мойза, мануш Дэвлэскиро, бахтякирдя Израилёскирэ
чхавэн ангил лэскиро мэрибэн. ² Ёв пхэндя: “О Рай Дэвэл явдя Синаёстыр, сыкадыя лэнгэ
Сеиростыр, Фараноскирэ бэргатыр, и гия древан бутэ свэнтонэнца; яндя Лэскири яг
Законóстыр Лэскирэ чачэ вастэса. ³ Чачунэс Лэскэ исын дрога Лэскирэ мануша, сарэ
Лэскирэ свэнта исын дро Лэскиро [Тыро-р.с.] васт, и ёнэ бэшнэ тэлал паш Лэскирэ пирэ
(стопы), соб (кай) тэ шунэн Лэскирэ лава. ⁴ Зако́но дыя амэнгэ Мойза, сыр мэкно миштыпэн,
Яковоскирэ скэдыбнаскэ. ⁵ И ёв сыс Израилёскиро крáli, кели скэдэнаспэ манушэнгирэ
барыдыра кхэтанэ Израилёскирэ родыцэнца. ⁶ Мэк тэ дживэл Рувимо, и мэк ёв тэ на мэрэл,
и мэк тэ на явэл лэндэ náбут мануша!” ⁷ Нэ пал Юдастэ пхэндя адякэ: “Шун, Раё Дэвла, зан
Юдаскири, и ян лэс кэ лэскирэ мануша; пэскирэ вастэнца мэк ёв тэ затэрдэл пал пэстэ (тэ
бронинэл пэс), и Ту, Раё Дэвла, яв тэ помогинэс проти лэскирэ вэргэндэ.” ⁸ И пал Левиёстэ
пхэндя: “Тэ явэл тумимо Тыро и уримо Тыро пэ свэнтонэ муршэстэ Тырэстэ, савэс Ту
спробиндян дрэ Масá [Масса-ю.о.], савэса Ту лыджиян чингáрд пашыл Меривакирэ паня, ⁹
савó ракирэла пал пэскирэ дадэстэ и пэскирэ датэ: “Мэ на дыкхава пэ лэндэ”, и, савó пэскирэ
пшалэн на пригалёла, и пэскирэ чхавэн на джинэла; пал-дова со ёнэ, Левиты, Тырэ лава
раххэна, и кэ завето Тыро рикирэнапэ зоралэс, ¹⁰ савэ сыклякирэна Тырэ законэнгэ
[Законоскэ-ю.о.] Яковос и Тырэ припхэныбнэнгэ Израилё, ёнэ чхувэна ароматытка чарья тэ
тхувлякирэн ангил муй Тыро и цёло схачкирибэн пэ алтáрэ Тыро. ¹¹ Бахтякир, Раё Дэвла,
лэскири зор, и рэндо лэскирэ вастэнгиро, занасвалякир трушула (думитко) одолэнгирэ, савэ
газдэнапэ пэ лэстэ и конэскэ ёв исын на пир ило, соб (кай) ёнэ тэ на могоинэн тэ тэрдён пэ
гэра.” ¹² Пал Вениаиностэ пхэндя: “Рáскирэ-Дэвлэскиро дро́го чхавó дживэла Лэстэ
бидаракиро, Рай Дэвэл дэла васт (помогинэла) лэскэ кажно дывэс, и ёв откинэла машкир
Лэскирэ ме́жы.” ¹³ Пал Иосифостэ (Ёзастэ) пхэндя: “Пхув лэскири исын бахтякирды
Рáстыр-Дэвлэстыр болыбна́скирэ пахлыняса (росаса) и безднакирэ дарэнца, савэ исын
паштэ тэлал, ¹⁴ выкэдынэ барьякирдэса (плодоса) кхамэстыр и выкэдынэ убарьякирибнаса
чхонэстыр, ¹⁵ самонэ фэдэдыршонэ пэrvонэ барьякирдэнца пхуранэ бэргэндыр и выкэдынэ
дарэнца вечнóнэ бэргицэндыр, ¹⁶ и выкэдынэ пхувьякирэ дарэнца и долэстыр, со
пхэрдякирэла ла. Бахтякирибэн Дэвлэскиро, Савó явдя дро тернытко хрúсто, мэк тэ явэл пэ
шэрó Иосифоскиро и пэ темё най фэдыршонэ пэскирэ пшалэндыр. ¹⁷ Лэскири зор исын сыр
англатунэ-бияныпнаскирэ гуруворэстэ, и шынга (ро́ги) лэскирэ, сыр шынга гурувэскирэ;
лэнца запхусавэла ёв сарэ манушы́тка náцыи кэ пхувьякиро ягóро (кэ краё): дава исын шэла
тысёнцы (тьмы) Ефремóскирэ, дава исын тысёнцы Манасия́скирэ.” ¹⁸ Пал Завулоностэ ёв
пхэндя: “Рáдынпэ, Завулоно, дрэ тырэ дромá, и Исахаро, дрэ тырэ шáтры; ¹⁹ кхарэна ёнэ
манушэн пэ бэрга, одой ёнэ чхинэна чачунэ свэнта дыибэна́ Рáскэ-Дэвлэскэ, пал-дова со ёнэ
чалякирэнапэ (чаравэнапэ) морёскирэ (дэрьявэскирэ) барвалыпнаса и кучипнэнца, савэ
исын гарадэ дро пра́хо.” ²⁰ Пал Гадостэ ёв пхэндя: “Бахтякирдó исын одова, кон
розбуглякирэла Гадоскэ пхув; ёв исын паштó сыр шчэр (лёво), и пхагирэла и васт, и шэрó;
²¹ ёв выкэдыя пэскэ пэrvо барьякирдó (начатко) пхувьякиро, одой ёв дорэсця

миштыпнаскири мѣра Законѣскирѣ дыибнаристыр, и явдѣ ѿ манушѣнгирѣ шѣралѣнца, и кѣрдѣ сарѣ пир чачипѣн Рѣскирѣ-Дѣвлѣскиро и сѣнды Израилѣскирѣ.”²² Пал Даностѣ ѿв пхѣндѣ: “Дано исын тѣрнѣ шѣр (лѣво), савѣ прастала Васаностыр.”²³ Пал Нефалимостѣ ѿв пхѣндѣ: “Нефалимо исын пхѣрдѣкирдо радѣмѣса и исын пхѣрдѣ пѣ лѣстѣ бахтѣкирибѣн Рѣстыр-Дѣвлѣстыр; мѣрѣ (дѣрѣяв) и пашдѣвѣс (юго) исын лѣскирѣ.”²⁴ Пал Асиростѣ ѿв пхѣндѣ: “Бахтѣкирдо тѣ явѣл машкѣр чхавѣндѣ Асиро, лѣскѣ явѣна тѣ сыкавѣн патѣв лѣскирѣ пшѣла и обмѣкнинѣла дрѣ елѣѣ лѣскири гѣрѣй; ²⁵ састѣр и харкѣма (медѣ) – запхѣндыпѣна (шыберѣ) исын тѣрѣ; сыр дѣвѣсѣ тѣрѣ, явѣла тѣ барѣѣл тѣрѣ барвалѣпѣн [миштыпѣн-ю.о.].²⁶ Нѣнѣ явирѣ Дѣвлѣс (нѣнѣ явѣр Дѣвлѣ) дро Израилѣ, Савѣ исын пир болѣбѣн, Савѣ явдѣ тѣ дѣл вѣст (тѣ помогинѣл) тѣкѣ, и Савѣ исын дрѣ Лѣскири слѣва пѣ ѣблоки; ²⁷ Тѣрѣ Рай Дѣвлѣ исын гарѣтуно штѣто тѣ гарѣдѣс, и ту сан тѣл вѣчна вѣстѣ; Ъв традѣла криг вѣргѣн (вѣрогѣн) тѣрѣ мѣстыр и пхѣнѣла: “Хѣсѣкир лѣн!”²⁸ Израилѣ дѣживѣла би дарѣкиро, екхѣджинѣ; якх Яковѣскири дѣкхѣла ангѣл пѣстѣ пхув барвалѣ марѣса и моляса (винѣса), и болѣбѣн лѣскиро чхувѣла капленѣца (чхѣлынѣнѣца) ^[1] пахлынтѣр (росѣтыр).²⁹ Бахталѣ ту сан, Израилѣ! Кон исын адасавѣ, сыр ту сан, савѣс Рай Дѣвлѣ ракхѣла, Ъв исын шѣбѣто тѣрѣ и куртѣла славакѣ тѣрѣякѣ. Вѣрги тѣрѣ поддѣнапѣ тѣкѣ, и ту штѣвѣса лѣнгирѣ вучѣ штѣты.”

33:28 ^[1] чхѣлын (дѣж) (чхѣлынѣ) – капля, кропля

Шѣрѣ 34

Мѣйза Мѣрѣла пѣ Бѣрго Нево

¹ И гѣя упрѣ Мѣйза Моавѣтѣскирѣ лошчѣнѣндыр пѣ бѣрга Нево, пѣ Фасгѣкиро вучипѣн, со исын прѣти Ерихѣно, и сыкадѣ лѣскѣ Рай Дѣвлѣ сарѣ пхув Гѣлаадѣскири кѣ Дано, ² и сарѣ Нефалимѣскири пхув, и сарѣ Ефрѣмѣскири пхув и Манѣсияскири, и сарѣ Юдѣскири пхув, аж кѣ запѣдно (пал-панѣтко) мѣрѣ (дѣрѣяв), ³ и паш-дѣвѣсѣтко (южно) рѣг, и лошчѣна пѣ дѣло Ерихѣно, Пѣльмѣнгирѣ фѣро, кѣ Сѣгоро. ⁴ И пхѣндѣ лѣскѣ Рай Дѣвлѣ: “Гѣда, исын пхув, пал савѣ мѣ совѣлахѣдѣм Аврѣамѣскѣ, Исѣаакѣскѣ и Яковѣскѣ, ракирѣ: ‘Рѣдѣскѣ тѣрѣскѣ Мѣ дѣва ла’; Мѣ дѣѣм тѣкѣ тѣ дѣкхѣс ла якхѣнѣца тѣрѣнѣца, нѣ пѣ лѣтѣ ту на задѣаса.”⁵ И мѣя ѣдѣй Мѣйза, писхѣри Рѣскирѣ-Дѣвлѣскиро, пѣ Моавѣтѣскири пхув, пир Рѣскирѣ-Дѣвлѣскиро лав; ⁶ и гарѣдѣ лѣс пѣ дѣло пѣ Моавѣтѣскири пхув прѣти Бѣф-Фѣгоро, и никѣн на дѣжинѣла штѣто гарѣибнѣтко лѣскиро аж кѣ дѣва дѣвѣс. ⁷ Мѣйзѣскѣ сѣс шѣл тѣ биш бѣрш, кѣли ѿв мѣя; нѣ якхѣ лѣскирѣ на корѣнѣ, и зѣр дрѣ лѣстѣ яцѣпѣ. ⁸ И рѣндлѣ пал Мѣйзѣстѣ Израилѣскирѣ чхавѣ пѣ Моавѣтѣскирѣ лошчѣны тѣрийнда дѣвѣсѣ. И прѣгинѣ роибнѣтка дѣвѣсѣ и пѣридѣживѣпѣн пал Мѣйзѣстѣ. ⁹ И Исѣсо (Ъхѣшуѣ), Нѣвинѣскиро чхавѣ, пхѣрдѣя гѣдѣкирѣ дѣхѣса, пал-дѣва со Мѣйза чхудѣ пѣ лѣстѣ вѣстѣ пѣскирѣ, и канѣдынѣ лѣс Израилѣскирѣ чхавѣ, и кѣрдѣ адѣкѣ, сыр ракирдѣ Рай Дѣвлѣ Мѣйзѣскѣ. ¹⁰ И на сѣс бутѣр Израилѣстѣ прѣрокѣс адасѣвѣс, сыр Мѣйза, савѣс Рай Дѣвлѣ дѣжинѣ мѣй кѣ мѣй, ¹¹ пир, сарѣ знамѣнии (гѣртѣкѣ) и дѣвы, савѣ бѣчхадѣ лѣс Рай Дѣвлѣ тѣ кѣрѣл пѣ Егѣптѣскири пхув пѣ фѣраѣностѣ, и пѣ сарѣ лѣскирѣ писхѣрѣнѣдѣ, и пѣ сарѣ лѣскири пхув, ¹² и пир зѣралѣ вѣст, и пир барѣ дѣвы, савѣ Мѣйза кѣрдѣ ангѣл сарѣ Израилѣскирѣ якхѣ.

Исѣсѣскирѣ Нѣвинѣскири Лѣлварѣ

^[1]

: ^[1] “Ъхѣшуѣскирѣ (Ешуѣскирѣ) Нуѣноскири” пхѣнѣлапѣ дро Юдѣйтѣко ѣригѣналѣ.

Шэрó 1

Дэвэл Выкэдыя Исусóс

¹ Кéли мыя о Мóйза (Моисеё), Рáскирэ-Дэвлэскиро писхáри, Рай Дэвэл пхэндя Исусóскэ (Ёхошуаскэ/Ешуаскэ), Навиноскирэ чхавэскэ, Мóйзаскирэ дынарыскэ: ² “Мóйза, писхáри (рабо) Мíро, мыя; и адякэ уштý, пириджа пир дава́ Иордáно, ту и сарé адалé манушá, пэ пхув, сави́ Мэ дава лэ́нгэ, Израилёскирэ чхавэ́нгэ. ³ Кажно штéто, пэ савó тэрдéна тумарé пирé (сто́пы) гэра́, Мэ дава тумэ́нгэ, сыр Мэ пхэндём Мóйзаскэ: ⁴ сарé чхучé пхувья́тыр и Ливаносты́р кэ рэ́ка (лэнь) бари, рэ́ка (лэнь) Евфрато, сари́ Хетеэнгири пхув; и кэ барó мóрё (дэрья́в), кэ кхамэскиро заги́ибэ́н (западо) явэ́на тумарé межакирэ́ ригá. ⁵ Никóн на утэрдéла ангил́ тутэ́ дрэ сарé тырэ́ джи́ибна́скирэ́ дывэ́са; и сыр Мэ со́мас Мóйзаса, адякэ́ Мэ ява́ва и тýса; Мэ на отджава́ тýтыр и на ячкирава́ тут. ⁶ Яв зоралó и муршканó; пал-дова́ со ту адалé манушэ́нгэ пириде́са пхув, сави́ Мэ совлахадём́ дадэ́нгэ лэ́нгирэ́нгэ тэ́ дав лэ́нгэ. ⁷ Дыкх, яв зоралó и древáн муршканó, и лачхэ́с ракх и кэ́р сарó пир Зако́но, савó ракирдя́ тýкэ́ Мóйза, о писхáри Мíро; на отджа́ лэ́стыр ни пэ́ право (чачó), ни пэ́ ле́во (зэ́рво), соб (кай) тэ́ тэ́ кэ́рэс годьварэ́с дрэ сарé тырэ́ рэ́нды (дэ́лы). ⁸ Мэ́к тэ́ на отджал́ дая́ Законоскири́ лылвари́ тырэ́ уштэ́ндыр; нэ́ сыклёв́ дрэ́ латэ́ дывэ́с и рат, соб (кай) дрэ́ чачипэ́н тэ́ кэ́рэс кэ́ ко́нцо (кэ́ ягóро) сарó, со́ дрэ́ латэ́ чхиндлó: тэ́ды ту́ явэ́са тэ́ прилэ́с бахт́ дрэ́ тырэ́ дромá и явэ́са тэ́ тэ́ кэ́рэс годьварэ́с. ⁹ Ѓáда, Мэ́ ракира́ва тýкэ́: яв зоралó и муршканó, на дар и на страхадёв; пал-дова́ со тýса Рай Дэвэл, тыро́ Дэвэл, исын усенде́ (езде), кариќ ту на́ джасас́”.

Припхэныбэ́н тэ́ пириджас́ Иордáно

¹⁰ И дýя Исýсо упхэ́ныбэ́н манушэ́нгирэ́ дыкхи́бнарьэ́нгэ и пхэндя́: ¹¹ “Проджан́ пир ста́но, и дэ́н упхэ́ныбэ́н манушэ́нгэ, и пхэ́нэ́н: ‘Скэдэ́н пэ́скэ́ хабэ́н ваш́ дром; пал-дова́ со, промэ́ки трин́ дывэ́са, тумэ́ джа́на пал дава́ Иордáно, соб (кай) тэ́ явэ́с тэ́ лэ́с пхув, сави́ Рай Дэвэл, Дэвэл дадэ́нгиро́ тумарэ́нгиро́, дэ́ла тумэ́нгэ́ дро́ мэ́кно́ миштыпэ́н (наследство).’” ¹² А́ родыцо́скэ́ Рувимóскирэ́, Гадóскирэ́ и пашакэ́ (пашэ́скэ) Манасия́скирэ́ родыцо́скэ́ Исýсо пхэндя́: ¹³ “Припи́рэн, со́ ракирдя́ тумэ́нгэ́ Мóйза, писхáри Рáскиро-Дэвлэ́скиро: Рай Дэвэл, Дэвэл, тумарó́ штыляки́рдя́ тумэ́н, и дýя́ тумэ́нгэ́ дая́ пхув. ¹⁴ Джувля́ тумарé́, чхавэ́ тумарé́ и кхэ́рйтка́ мурдалá (ското)́ тумарó́ мэ́к тэ́ ячэ́нпэ́ пэ́ пхув, сави́ дýя́ тумэ́нгэ́ Мóйза пал́ Иордáно; а́ тумэ́ сарé́, кон́ мого́нэ́ла тэ́ марэ́лпэ́, лэ́н марды́тко (оружиё́), джа́н ангил́ тумарé́ пшалэ́ндэ́ и дэ́н васт́ лэ́нгэ. ¹⁵ Па́ка Рай Дэвэл́ штыляки́рэ́ла тумарé́ пшалэ́н, сыр и тумэ́н; па́ка и ё́нэ́ дорэ́сэ́на дро́ мэ́кно́ миштыпэ́н (наследство)́ пхув, сави́ Рай Дэвэл, Дэвэл тумарó́, дэ́ла лэ́нгэ. Тэ́ды рисэ́н дро́ тумарó́ мэ́кно́ миштыпэ́н, и явэ́н хула́нца пэ́ пхув, сави́ Мóйза, писхáри Рáскирэ́-Дэвлэ́скиро, дýя́ тумэ́нгэ́ пал́ Иордáно кэ́ кхамэ́скиро́ ўзги́ибэ́н”. ¹⁶ Ё́нэ́ дро́ отпхэ́ныбэ́н Исусóскэ́ пхэндлэ́: “Са́ро, со́ пхэ́нэ́са́ амэ́нгэ́, кэ́раса́, и кариќ бичхавэ́са́ амэ́н, амэ́ джа́са. ¹⁷ Сы́р шундя́м амэ́ Мóйзас, адякэ́ ява́са тэ́ шуна́с и тут: екх́ Рай Дэвэл, Дэвэл тыро́, мэ́к тэ́ явэ́л тýса, сыр Ё́в сыс́ Мóйзаса. ¹⁸ Кажно́, кон́ явэ́ла́ проти́ тыро́ ракири́бэ́н и дро́ сарó́ на́ явэ́ла тэ́ шу́нэл тырэ́ лава́, со́ ту́ явэ́са́ лэ́скэ́ тэ́ ракирэ́с, явэ́ла́ отды́но мэ́рибна́скэ́. Дыкх, яв зоралó и муршканó!

Шэрó 2

Э́ Раав́ Гаравэ́ла́ Поддыкхи́бнаскирэ́н

¹ И бичхадя́ Исýсо, чхавó Навиноскиро, Ситиматы́р дуэ́н поддыкхи́бнаскирэ́н чораханэ́с, и пхэндя́: “Джа́н, обды́кхэ́н пхув и́ Ерихо́но”. Дуй́ тэ́рнэ́ манушá́ гинэ́ и́ явнэ́ дрэ́ биладжа́куня́киро́ кхэ́р, савья́киро́ лав́ сыс́ Раав, и́ ячнэ́пэ́ тэ́ ратьки́рэ́н одóй. ² И пхэндлó́ сыс́ Ерихо́носкирэ́ кра́ли́скэ́: “Ѓáда, ва́ри-савэ́ манушá́ Израилё́скирэ́ чхавэ́ндыр́ явнэ́́ дариќ

дрэ дая рат, соб (кай) тэ выдыкхэн пхув”. ³ Ерихоноскиро крáli бичхадя тэ пхэнэн Раавакэ: “Выдэ манушэн, савэ явнэ кэ ту, савэ загинэ дро тырö кхэр; пал-довá со ёнэ явнэ тэ выдыкхэн сарí пхув”. ⁴ Нэ джувлы лыя одолэн дуэн манушэн, и гарадя лэн, и пхэндя: “Чачэс, сыс загинэ кэ мэ манушá, нэ мэ на джиндём, катыр ёнэ сыс. ⁵ Кéли дро цямлыпэн трэиндя тэ заучхакирэс вударá, тэды ёнэ гинэ. Традэнпэ сыгнэдыр пал лэндэ; тумэ дотрадэна лэн”. ⁶ А кокори отлыджия лэн пэ стрéха (чхакín) и гарадя лэн дрэ лёноскирэ гарбы (снопы), савэ сыс росчхудэ латэ пэ стрéха (чхакín). ⁷ Манушá, савэ сыс бичхадэ, традынэпэ пал лэндэ пир дром кэ Иордáно кэ сáмо паясли (паромо); вударá довá-паць часо зачхакирдэпэ, палó (после) довá, сыр выгинэ манушá, савэ традынэпэ пал лэндэ. ⁸ Англэдыр, сыр ёнэ пасинэ тэ совэн, ёй гия упрé кэ ёнэ пэ стрéха (чхакín). ⁹ И пхэндя лэнгэ: “Мэ джинóm, со Рай Дэвэл отдыя дая пхув тумэнгэ; палдава́ тумэ яндлэ пэ амэндэ траш, и сарé манушá далэ пхувьякирэ ячнэ тумэнддыр дрэ дар. ¹⁰ Пал-довá со амэ шундям, сыр Рай Дэвэл вышутькирдя ангил тумэндэ Лолэ-морёскиро (дэрьявэскиро) панí, кéли тумэ гинэ Египтостыр, и сыр тумэ кэрдэ дус Амореэнгирэ кральенца пал Иордáно, Сигоноса и Огомоса, савэн тумэ традынэ. ¹¹ Кéли амэ шундям пал дава́, яця бизорьякиро амарó илó, и ни конэстэ амэнддыр на яця дýхо проти тумэндэ; пал-довá со Рай Дэвэл, Дэвэл тумарó, исын Дэвэл упрáл пэ болыбэн и пэ пхув тэлáл. ¹² И адякэ совлахан мánгэ Рáса Дэвлэса, со, сыр мэ кэрдём тумэнгэ тангипэн, адякэ и тумэ кэрэна тангипэн мирé-дадэскирэ кхэрэскэ: и дэн мánгэ чачунý шпэра (знако), ¹³ со тумэ ячкирэна джидэн дадэс мирэс и да мирья, и пшалэн мирэн, и пхэнен мирэн, и сарэн, кон исын лэндэ, и зракхэна дия амарé мэрибнастыр”. ¹⁴ Адалэ манушá пхэндлэ лáкэ: “Ди амарó замéст тумэндэ мэк тэ явэл отдынó мэрибнаскэ, кóли тумэ на отчхакирэна дава́ рэндо амарó; кéли Рай Дэвэл отдэла амэнгэ пхув, амэ кэрáса тýкэ тангипэн и чачипэн”. ¹⁵ И змэкхця ёй лэн пир шéло пир фэнштра, пал-довá со кхэр лáкиро сыс дрэ фóрóскири вáнта, и ёй дживдя дрэ вáнта; ¹⁶ И пхэндя лэнгэ: “Джáн пэ бэрга, соб (кай) тэ на стрэнинэн тумэн манушá, савэ родэна тумэн, и гарадён одóй трин дывэсá, пака рисёна манушá, савэ традынэпэ пал тумэндэ; а палó (после) дава́ джáн дрэ дром тумарó”. ¹⁷ И пхэндлэ лáкэ одолэ манушá: “Амэ явáса вольна тырэ совлахатыр, савьяса ту амэн совлахадян, кóли на кэрэса адякэ: ¹⁸ гáда, кéли амэ явáса пэ дая пхув, ту припхэндэ червлёно шéло кэ фэнштра, пир савí ту амэн змэкця, а дадэс тырэс и да тырья и пшалэн тырэн, сарó тырэ-дадэскиро рóдо, скэдэ кэ пэ дро пэскиро кхэр.” ¹⁹ И кóли вари-кон выджáла тырэ-кхэрэскирэ вударэнддыр яврí, одолэскиро рат явэла пэ шэрó лэскиро, а амэ явáса вольна сарé тырэ совлахатыр; а кон явэла тýса дро тырö кхэр, одолэскиро рат явэла пэ шэрó амарó, кóли конэскиро васт чилавэла лэс. ²⁰ Кóли ту отчхакирэса дава́ амарó рэндо, тэды амэ адякэ-паць вольна явáса тырэ совлахатыр, савьяса ту амэн совлахадян”. ²¹ Ёй пхэндя: “Мэк тэ явэл пир тумарé лава́!” И отмэкхця лэн, и ёнэ гинэ, а ёй припхандя кэ фэнштра червлено шéло. ²² Ёнэ гинэ и явнэ пэ бэрга, и сыс одóй трин дывэс, пака рисинэ манушá (шалэ), савэ традынэпэ пал лэндэ. Манушá (шалэ), савэ традынэпэ, родынэ лэн пир сарó дром и на латхнэ. ²³ Адякэ дуй адалэ манушá гинэ палэ, гинэ тэлэ бэргáтыр, пиригинэ Иордáно и явнэ кэ Исýсо (Ёхошуá), Навиноскиро чхавó, и пирипхэндлэ лэскэ сарó, со лэнца кэрдяпэ. ²⁴ И пхэндлэ Исусóскэ: “Рай Дэвэл отдыя сарí дая пхув дрэ амарé вастá, и сарé пхувьякирэ манушá дарэна амэнддыр”.

Шэрó 3

Израилё Пириджала Иордáно

¹ И уштыя Исýсо тасярлэс (рáнэс) пэ злóко, и гинэ ёнэ Ситиматыр, и явнэ кэ Иордáно, ёв и сарé Израилёскирэ чхавэ, и ратькирдэ одóй, ишчо (инкэ) на пиригии лэс. ² Пирдál трин дывэсá, гинэ поддыкхибнаскирэ пир стáно, ³ И дынэ манушэнгэ упхэныбэн, ракирí: “Кéли дыкхэна Рáскирэ-Дэвлэскиро, тумарé Дэвлэскиро заветóскиро ковчэго, и рашáн и Левитэн, савэ лыджáна лэс, тэды и тумэ джáн пэскирэ штэтóстыр и джáн пал лэстэ. ⁴ Усаэкх явэла штéто машкíр тумэндэ и лэндэ мусинэл тэ явэл кэ дуй тысёнцы куня (локти) мераса: на

подджан кэ ёв пашыл, соб (кай) тэ джинэс тумэнгэ дром, пир саво тэ джас; пал-дова со тумэ на псирдэ далэ дромэса ни тася, ни пэ трито дывэс”.⁵ И пхэндя Исусо манушэнгэ: “Высвэнцынэнпэ, пал-дова со атася кэрэла Рай Дэвэл машкир тумэндэ дивы”.⁶ Рашангэ пхэндя Исусо: “Лэн заветоскиро ковчэго и джан ангил манушэндэ”. Рашая лынэ заветоскиро ковчэго, и гинэ ангил манушэндэ.⁷ И Рай Дэвэл пхэндя Исусоскэ: “Дро дава дывэс Мэ лава тэ славиав тут ангил сарэ Израилёскирэ-чхавэнгирэ якха, соб (кай) ёнэ тэ джинэн со, сыр Мэ и сомас Мойзаса, адякэ Мэ явава и туса”.⁸ А ту дэ упхэныбэн рашангэ, савэ лыджана заветоскиро ковчэго, и пхэн: “Сыр заджана дро Иорданоскиро пани, тэрдён дро Иордано”.⁹ Исусо пхэндя Израилёскирэ чхавэнгэ: “Явэн адарик и шунэн Раскирэ-Дэвлэскирэ, тумарэ Дэвлэскирэ лава”.¹⁰ И пхэндя Исусо: “Далэстыр тумэ уджинэна, со машкир тумэндэ исын джидо Рай Дэвэл, Саво традэла тумэндэр Хананеен, и Хетееен, и Евееен, и Ферезеен, и Гергесеен, и Амореен, и Евусеен: ¹¹ гада, сарэ пхувьякиро Раскирэ-Дэвлэскиро заветоскиро ковчэго джала ангил тумэндэ пир Иордано. ¹² И лэн пэскэ дэшудуен манушэн Израилёскирэ родыцэндэр, пир екхэстэ манушэстэ родыцостыр. ¹³ И сыр фэни (тока) рашангирэ гэрэ, савэ лыджана Раскирэ-Дэвлэскиро ковчэго, сарэ пхувьякирэ Хуласкирэ, тэрдёна дрэ Иорданоскиро пани, Иорданоскиро пани хасёла, а пани, саво тхадья упрал пани, дова тэрдёла вантаса”. ¹⁴ И адякэ, кэли мануша гинэ пэскирэ шатрэндэр, соб (кай) тэ пириджан Иордано, и рашая лыджинэ заветоскиро ковчэго ангил манушэндэ: ¹⁵ то тэды екх мануша, савэ лыджана ковчэго загинэ дро Иордано, и гэра рашангирэ, лыджии ковчэго обмэкнэпэ дро Иорданоскиро пани (Иордано выджала сарэ пэскирэ брэгэндэр дрэ сарэ дывэса, кэли пшеницакиро укэдыибэн), ¹⁶ то пани, саво тхадэла упрал, тэрдий и тэрдий вантаса пэ древэн баро штэто кэ Адамоскиро форо, саво пашыл Цартано; и саво тхадэла дрэ морёскири лошчына, дро Лондо морё (дэрьяв), гия и хасия. ¹⁷ И мануша пириджанас проти Ерихоно; рашая, савэ лыджинэ Раскирэ-Дэвлэскиро заветоскиро ковчэго, сыс тэрдэ пэ шуки пхув машкир Иордано твардонэ гэрьяса. Сарэ Израилёскирэ чхавэ пиригинэ пир шуки пхув, пака сарэ мануша пиригинэ пирдал Иордано.

Шэро 4

Рипирибнытка Барэ

¹ Кэли сарэ мануша пиригинэ пирдал Иордано, Рай Дэвэл пхэндя Исусоскэ: ² “Лэн пэскэ манушэндэр дэшудуй манушэн, пир екхэ манушэстэ родыцостыр (чангатыр), ³ и дэн лэнгэ упхэныбэн и пхэнэн: “Лэн пэскэ адатхыр, машкирал Иорданос, кай сыс тэрдэ твардэс гэрэ рашангирэ, дэшудуй барэ, и лыджан лэн пэса, и чхувэн лэн пэ рат, кай явэна тэ ратькирэн дрэ дая рат”. ⁴ Исусо кхардя дэшудуен манушэн, савэн выкэдыя Израилёскирэ чхавэндэр, пир екхэ манушэстэ родыцостыр; ⁵ и пхэндя лэнгэ Исусо: “Джан ангил Раскирэ-Дэвлэскиро, тумарэ Дэвлэскиро ковчэго, машкирал Иордано, и лэн одотхыр и чхувэн пэ пэскиро псико кажно (свако) мануш пир екх бар, пир Израилёскирэ чхавэнгирэ-родыцоскиро гиныбэн, ⁶ соб (кай) ёнэ тэ явэн тумэндэ сыр знамении (гертыка). Кэли пхучэна тумэндэр дро (часо), саво явэла тумарэ чхавэ и пхэнэна: “Кэ со тумэндэ далэ барэ?” ⁷ Тумэ пхэнэна лэнгэ: “Дро рипирибэн пал дова, со пани Иорданоскиро розгийпэ ангил Раскирэ-Дэвлэскиро заветоскиро ковчэго; кэли ёв гия пирдал Иордано, тэды пани Иорданоскиро розгийпэ. Адякэ барэ далэ явэна ваш Израилёскирэ чхавэнгэ рипирибнаса пэ веко”. ⁸ И кэрдэ Израилёскирэ чхавэ адякэ, сыр припхэндя Исусо: лынэ дэшудуй барэ Иорданостыр, сыр ракирдя Рай Дэвэл Исусоскэ, пир Израилёскиро чхавэнгиро-родыцоскиро гиныбэн, и яндлэ лэн пэса пэ рат, и чхудэ лэн одой. ⁹ И явир дэшудуй барэ чхудя Исусо машкир Иордано пэ штэто, кай сыс тэрдэ рашангирэ гэрэ, савэ лыджинэ заветоскиро ковчэго. Ёнэ исын одой и кэ дава дывэс. ¹⁰ Рашая, савэ лыджинэ ковчэго, сыс тэрдэ машкир Иордано, пака кэрдэ сыс саро, со Рай Дэвэл припхэндя Исусоскэ тэ пхэнэс манушэнгэ, – адякэ, сыр ракирдя Мойза Исусоскэ; а мануша далэ часоса бахталэс пириджанас. ¹¹ Кэли сарэ мануша пиригинэ Иордано, тэды пиригия и Раскирэ-Дэвлэскиро заветоскиро ковчэго, и рашая ангил манушэндэ; ¹² И чхавэ

Рувимоскирэ, и чхавэ Гадоскирэ, и паш Манасияскиро родыцо пиригинэ ангил Израилёскирэ чхавэндэ мардытконэнца, сыр ракирдя лэнгэ Мойза. ¹³ Пашыл штардэша тысёнцы мардытконэнца пэ брань пиригинэ ангил Растэ-Дэвлэстэ пэ Ерихоноскирэ лошчыны, соб (кай) тэ марэмпэ. ¹⁴ Дрэ дова-паць дывэс барьякирдя Рай Дэвэл Исусос ангил сарэ Израилёскирэ якхэ, и ячнэ тэ дарэмпэ лэндыр, сыр дардэпэ Мойзастыр, дрэ сарэ лэскирэ джиибнаскирэ дывэсэ. ¹⁵ И пхэндя Рай Дэвэл Исусоскэ: ¹⁶ “Припхэн рашангэ, савэ лыджана ковчэго досыкаибнаса (откровенияса) тэ выджан Иорданостыр”. ¹⁷ Исусо припхэндя рашангэ и пхэндя: “Выджан Иорданостыр”. ¹⁸ И кэли рашая, савэ лыджинэ Раскирэ-Дэвлэскиро заветоскиро ковчэго, выгинэ Иорданостыр, тэды, сыр лэнгирэ гэрэ тэрдинэ пэ пхув, пани Иорданоскиро сыгэс потхадья пир пэскиро штэто и гия, сыр тася и пэ трито дывэс, вучэдыр сарэ пэскирэ брэгэндыр. ¹⁹ И выгинэ мануша Иорданостыр пэ дэшто дывэс пэровонэ-чхонэскиро, и чхудэ стано дрэ Галгало, пэ восточно Ерихоноскири риг. ²⁰ И дэшудуй бара, савэ лынэ ёнэ Иорданостыр, Исусо чхудя дро Галгало. ²¹ И пхэндя Израилёскирэ чхавэнгэ: “Кэли спхучэна дрэ пэрво часо чхавэ тумарэ пэскирэ дадыр: ‘Со значынэна далэ бара?’” ²² Пхэнэн тумарэ чхавэнгэ: “Израилё пиригия пирдал сарэ Иордано пир шуки пхув.” ²³ Палдава со Рай Дэвэл, Дэвэл тумаро, вышутькирдя пани Иорданоскиро ваш тумэнкэ, пака тумэ пиригинэ лэс, адякэ-паць сыр Рай Дэвэл, Дэвэл тумаро, кэрдя Лолэ морёса, савэ вышутькирдя ангил амэндэ, пака амэ пиригиям лэс, ²⁴ соб (кай) сарэ пхувьякирэ мануша уджиндлэ, со васт Раскирэ Дэвлэскиро исын зоралэ, и соб (кай) тумэ тэ дарэн Растыр-Дэвлэстыр, Дэвлэстыр тумарэстыр, дрэ сарэ дывэсэ.

Шэро 5

Явир Обчхиныбэн кэ Гилгало

¹ Кэли сарэ Амореэнгирэ кралья, савэ дживдэ пир дая риг Иорданоскири кэ мөрё (дэрьяв), и сарэ Ханааноскирэ кралья, савэ сыс пашыл мөрё (дэрьяв), шундлэ, со Рай Дэвэл, Дэвэл вышутькирдя пани Иорданоскиро ангил Израилёскирэ чхавэндэ, пака ёнэ пириджанас: то тэды яця би зорьякиро лэнгиро илэ, и на яця бутыр дрэ лэндэ дүхо проти Израилёскирэ чхавэндэ. ² Дро дова-паць часо Рай Дэвэл пхэндя Исусоскэ: “Кэр пэскэ востра чхурья и обчхин Израилёскирэ чхавэн дро явир мола”. ³ И кэрдя пэскэ Исусо востра чхурья, и обчхиндя Израилёскирэ чхавэн пэ штэто, савэ сыс кхардо “обчхиныбнаскири бэрга”. ⁴ Гада, соскэ обчхиндя Исусо Израилёскирэ чхавэн: сарэ мануша, савэ выгинэ Египтостыр, мурша, сарэ, кон сыс лачхэ кэ марибэн помынэ пэ чхучи пхув пэ дром пир выгибэн Египтостыр; ⁵ сарэ, савэ выгинэ мануша, сыс обчхиндлэ; нэ сарэ мануша, савэ бияндынэ пэ чхучи пхув пэ дром, палэ дава, сыр выгинэ Египтостыр, на сыс обчхиндлэ. ⁶ Пал-дова со Израилёскирэ чхавэ штардэша бэрш псирдэ пир чхучи пхув, пака мынэ сарэ мануша, савэ сыс лачхэ кэ марибэн, савэ выгинэ Египтостыр, савэ на шундлэ Раскири-Дэвлэскири зан, и савэнгэ Рай Дэвэл совлахадя, со ёнэ на дыкхэна пхув, сави Рай Дэвэл совлахаса дья лав лэнгирэ дадэнгэ, тэ дэл лэнгэ пхув, кай тхадэла тхуд и авгін. ⁷ А замест лэндэ газдыя лэнгирэ чхавэн, савэн обчхиндя Исусо, пал-дова со ёнэ сыс наобчхиндлэ; пал-дова со лэн пир дром на обчхинэнас. ⁸ Кэли сарэ мануша сыс обчхиндлэ, ячэнаспэ ёнэ пэ пэскиро штэто дрэ стано, пака высастэна. ⁹ И пхэндя Рай Дэвэл Исусоскэ (Ёхошуаскэ): “Аканэ Мэ злыём тумэндыр ладж Египтоскири. Соскэ и кхарэлапэ дова штэто: Галгало, адякэ-паць кэ дава дывэс”. ¹⁰ И сыс тэрдэ Израилёскирэ чхавэ станоса дро Галгало, и кэрдэ Патради пэ дэшуштарто чхонэскиро дывэс бэльвэлэ пэ Ерихоноскирэ лошчыны. ¹¹ И пэ явир дывэс Патради лынэ тэ хан, со выбария пэ дая пхув, опресноки и шукэ зярки (зёрны) дрэ дова-паць дывэс. ¹² А манна пирияця тэ пэрэл пэ явир дывэс палэ дова, сыр ёнэ лынэ тэ хан, со барьёла пэ пхув, и на сыс бутыр манна Израилёскирэ чхавэндэ, нэ ёнэ ханэ дрэ дов-паць бэрш дова, со барьёла пэ Ханааноскири пхув. ¹³ О Исусо, сыс надур Ерихоностыр, дыкхця упрэ и дыкхэла, и, гада, сыс тэрдэ ангил лэстэ мануш, и дрэ лэскиро васт сыс вытырдыны куртала. Исусо подгия кэ ёв и пхэндя лэскэ: “Ци амаро ту, ци вэргэндыр амарэндыр?” ¹⁴ Ёв пхэндя: “Над; мэ сом

шэралó пэ Рáскирэ-Дэвлэскирэ халадыбён (воинства), аканá явдём дарик”. Исýсо пыя пэскирэ мóса пэ пхув, и поклониндяпэ, и пхэндя лэскэ: “Со хула́й миро пхэнóла пэскирэ писхарýскэ?” ¹⁵ Шэралó пэ Рáскирэ-Дэвлэскиро халадыбён пхэндя Исусóскэ: “Лэ тырэ гэритка тырэ гэрэндýр, пал-довá со штэто, пэ савó ту сан тэрдó, исын свэ́нто”. Исýсо адя́кэ и кэрдя́.

Шэрó 6

Ерихоноскиро Хасибён

¹ Ерихо́но зачхакирдяпэ, и сыс зачхакирдо дарáтыр Израилэскирэ чхавэндýр: никон на выгия́ лэстыр, и никон на загия́. ¹ ² Тэды Рай Дэвэл пхэндя Исусóскэ: “Гáда, Мэ пиридава дрэ тырэ вастá Ерихо́но и лэскирэ кралýс, и зоралэн манушён, савэ исын дрэ лэстэ. ³ Джан пашыл фóро сарэ, савэ исын лачхэ кэ марибён, и обджан фóро ё́кхвар дрэ дывэс; и кэр дава шов дывэсá. ⁴ И эфтá рашая́ мэк тэ лыджан эфтá рóги (трубы) свэнкитка ангýл ковчэго; а пэ эфтáто дывэс обджан пашыл фóро эфтá мóлы, и рашая́ мэк тэ трубинэн дрэ рóги. ⁵ Кéли затрубинэла свэнкитко шынг (рóго), кéли ушунэна зан рогоскири, тэды сарэ манушá мэк тэ задэн гóдла зоралэ заня́са; и ванта фóроскири роспэрэлапэ кэ пэскиро фунда́менто, и сарэ манушá явэна тэ джан дрэ фóро, и явэна тэ заджан сы́гэс кажно (сва́ко) пэскирэ ригáтыр. ⁶ И кхардý кэ пэ Исýсо, Навиноскиро чхавó, Израилэскирэ рашан, и пхэндя лэ́нгэ: “Лыджан заветóскиро ковчэго; а эфтá рашая́ мэк тэ лыджан эфтá рóги свэнкитка ангýл Рáскирэ-Дэвлэскиро ковчэго”. ⁷ И пхэндя манушэ́нгэ: “Джан и обджан пашыл фóро: мардытконэнца мэк тэ джан ангýл Рáскирэ-Дэвлэскиро ковчэго”. ⁸ Сыр сыг Исýсо пхэндя манушэ́нгэ, эфтá рашая́, савэ лыджынэ эфтá рóги свэнкитка ангýл Растэ-Дэвлэстэ, гинэ и затрубиндлэ рогэнца, и Рáскирэ-Дэвлэскиро заветóскиро ковчэго гия́ пал лэндэ. ⁹ Манушá мардытконэнца гинэ ангýл рашандэ, савэ трубиндлэ рогэнца; а манушá, савэ гинэ палáл, гинэ пал ковчэго, кéли гинэ и трубиндлэ рогэнца. ¹⁰ Манушэ́нгэ Исýсо дýя упхэныбён и пхэндя: “На дэн гóдла и на дэн тэ шунэн тумарý зан (глос), и соб (кай) лав тэ на выджáл тумарэ уштэндýр кэ дова́ дывэс, пака мэ пхэна́ва тумэ́нгэ: ‘Задэн гóдла’, и тэды тумэ́ задэн гóдла”. ¹¹ Адя́кэ Рáскирэ-Дэвлэскиро заветóскиро ковчэго гия́ пашыл фóро, и обгия́ ё́кхвар; и явнэ дрэ стáно, и ратькирдэ дро стáно. ¹² Пэ явýр дывэс Исýсо ушты́я тасýрлэс (рáнэс) пэ рáнко, и рашая́ лыджинэ́ Рáскирэ-Дэвлэскиро заветóскиро ковчэго. ¹³ И эфтá рашая́, савэ лыджинэ́ эфтá рóги свэнкитка ангýл Рáскиро-Дэвлэскиро ковчэго, гинэ и трубиндлэ рогэнца; манушá мардытконэнца гинэ ангýл лэндэ, а манушá, савэ гинэ палáл, гинэ пал Рáскирэ-Дэвлэскиро заветóскиро ковчэго и гии, трубиндлэ рогэнца. ¹⁴ Адя́кэ-паць и пэ явýр дывэс обгинэ́ пашыл фóро ё́кхвар, и рисинэ́ дрэ стáно. И кэрдэ́ дава́ шов дывэсá. ¹⁵ Пэ эфтáто дывэс уштынэ́ тасýрлэс (рáнэс), ангýл злóко пэ зоря, и обгинэ́ адя́кэ-паць пашэ́ фóро эфтá мóлы; дрэ екх дава́ дывэс обгинэ́ пашыл фóро эфтá мóлы. ¹⁶ Кéли пэ эфтáто мóло рашая́ трубиндлэ рогэнца, Исýсо пхэндя манушэ́нгэ: “Задэн гóдла, пал-дава́ со Рай Дэвэл пириды́я тумэ́нгэ фóро!” ¹⁷ Фóро явэ́ла тэл арманя́ (прокошыбён), и сарó, со исын дрэ лэстэ, Рáскэ-Дэвлэскэ; екх Раав биладжакунý джувлý мэк тэ ячэлпэ́ джиды, ёй и кажно (сва́ко) ману́ш, кон явэ́ла латэ́ дро кхэр; пал-довá со ёй гара́дя манушён, савэн амэ́ бичхадям. ¹⁸ Нэ́ тумэ́ ра́кхэ́нпэ долэ́стыр, со исын прокошнó, соб (кай) и кокорэ́нгэ тэ на пэрэн тэл прокошыбён, кóли лэ́на вари-со прокошнэ́стыр, и соб (кай) пэ стáно Израилэскирэ чхавэ́нгиро тэ на лыджас прокошыбён и тэ на кэрэс лэскэ́ бída. ¹⁹ И сарó руп, и сувнака́й, и кхорэ́ (сасýды) харкунэ́ и саструнэ́, мэк тэ явэн свэ́нта Рáскэ-Дэвлэскэ, и заджа́на дрэ Рáскирэ-Дэвлэскири пиралý”. ²⁰ Манушá задынэ́ гóдла, и затрубиндлэ рогэнца. Сыр сыг шундлэ́ манушá зан рогоскири, задынэ́ манушá зоралэ́ заня́са; и роспыя́пэ ванта фóроскири кэ пэскиро фунда́менто и манушá гинэ́ дро фóро, кажно (сва́ко) пэскирэ ригáтыр, и лынэ́ фóро. ²¹ И отдынэ́ прокошыбна́скэ сарó, со сыс дрэ фóро, и му́ршэн и джувлэ́н, и тэрнэн и пхуранэн, и гурувэ́н, и бакрэ́н, и ослэн, сарó хася́кирдэ́ курталáса. ²² А́ дýе тэрнэ́ манушэ́нгэ, савэ́ обды́кхэ́нас пхув, Исýсо пхэндя: “Джан дро кхэр адалэ́ биладжакунэ́-джувля́киро и

вылыджан одотхыр ла и сарэн, кон исын латэ, адякэ сыр тумэ совлахадэ лакэ”.²³ И гинэ тэрнэ манушá, савэ обдыкхэнас фóро, дро кхэр джувлякиро и вылыджинэ Раав, и дадэс лакирэс, и да лакирья, и пшалэн лакирэн, и сарэн, кон латэ сыс, и сарэ сэмэнцэн лакирэн вылыджинэ, и чхудэ лэн пал стáно Израилёскирэ.²⁴ А фóро и сарó, со сыс дрэ лэстэ, схачкирдэ ягáса; екх руп, и сувнакай, и кхорэ (сасúды) харкунэ и саструнэ отдынэ дро зракхибэн дро Рáскирэ-Дэвлэскиро Кхэр.²⁵ Раав, биладжакуна джувля, и кхэр лáкирэ дадэскиро, и сарэн, кон латэ сыс, Исúсо ячкирдя джидэн, и ёй дживэла машкír Израилё кэ дава́ дывэс: пал-дова́ со ёй гарадя манушэн, савэн бичхадя Исúсо тэ обдыкхэн Ерихóно.²⁶ Дрэ дова́ часо Исúсо совлахадя и пхэндя: “Прокошно́ явэла ангил Растэ-Дэвлэстэ одова́, кон газдэла и скэрэла фóро дава́ Ерихóно; пэ англатунэстэ чхавэстэ пэскирэстэ ёв чхувэла фундаменто лэскиро, и пэ тыкныдыршонэстэ пэскирэ чхавэстэ чхувэла вударá лэскирэ”.²⁷ И Рай Дэвэл сыс Исусóса, и слава лэскири розгияпэ пир сарí пхув.

6:1 ^[1] Дава́ исын стихо 5.16 дрэ русиканы синодально библия (р.с.).

Шэрó 7

Аханоскири Банг

¹ Нэ Израилёскирэ чхавэ кэрдэ чорипэн и лынэ совлахадэстыр (прокошнэстыр): Ахано Хармияскиро чхавó, Завдияскирэ-чхавэскиро, Заракирэ чхавэскиро, Юдáскирэ родыцóстыр, лыя совлахадэстыр, и холы Рáскирэ-Дэвлэскири захачия пэ Израилёскирэ чхавэндэ.² Исúсо (Ёхошуá) Ерихоностыр бичхадя манушэн дро Гаё, со исын пашыл Беф-Авено, восточнонэ Вефилёскирэ ригáтыр, и пхэндя лэнгэ: “Джáн, обдыкхэн пхув”. Ёнэ гинэ и обдыкхнэ Гаё.³ И рисинэ кэ Исúсо, и пхэндлэ лэскэ: “На сарэ манушá мэк тэ джáн, а мэк тэ джáн пашыл дуй тысёнцы ци пашыл трин тысёнцы манушэн, и тумэ домарэн Гаё; сарэ манушэн на лы́джа одорик, пал-дова́ со лэн náбут одóй”.⁴ И адякэ гинэ одорик пашыл трин тысёнцы манушэн народóстыр; нэ ёнэ мэкнэпэ дро нашыбэн Гаёскирэ манушэндыр.⁵ Манушá Гаёскирэ замардэ лэндыр кэ триянда шов манушэн, и традынэ лэн вударэндыр кэ / жы́ко Севаримо, и домардэ лэн пэ змэкибэн бэргáтыр; со́стыр ило́ манушэнгиро розбиладя и яця, сыр пани́.⁶ Исúсо роскустя йди пэскирэ, и пыя́ пэскирэ мо́са пэ пхув ангил Рáскиро-Дэвлэскиро ковчэго, и пасия́ кэ бэ́львэ́ль, ёв и Израилёскирэ пхурыдыра́, и обчхувэнас прахоса пэскирэ шэрэ.⁷ И пхэндя Исúсо: “Нэ, Раё Дэвла, Хулаё! Ваш со Ту пирилыджиян адалэ манушэн пир Иордáно, соб (кай) тэ отдэс амэн дрэ Аморе́нгирэ вастá, и тэ хасякирэс амэн? Нэ, ко́ли бы амэ́ тэ ячаспэ и тэ дживáс пал Иордáно!”⁸ О, Раё Дэвла! Со ма́нгэ тэ пхэна́в палó дава́, сыр Израилё́ рися́ думэса кэ пэскирэ вэ́рги? ⁹ Хананеи и сарэ пхувья́кирэ манушá ушунэна, и обджана сарэ ригэндыр амэн, и хасякирэна лав амарó пхувья́тыр. И со скэрэса тэды лавэ́скэ Ты́рэскэ барэ́скэ?”¹⁰ Рай Дэвэл пхэндя Исусóскэ: “Ушты́, ваш со ту пыян пэ муй тыро́? ¹¹ Израилё́ кэрдя́ грэ́хо, и пиригинэ́ ёнэ́ Миро́ завето, савó Мэ́ дыём лав лэнгэ; и лынэ́ совлахадэстыр, и чордэ́, и схачкирдэ́, и чхудэ́ машкír пэскирэ́ вешчы́ (вешча). ¹² Палдава́ Израилёскирэ́ чхавэ́ на мого́ндлэ́ тэ́ вытэ́рдён ангил пэскирэ́ вэ́ргэндэ́, и сыкадэ́ палуй́ (тыло) пэскирэ́ вэ́ргэнгэ́, пал-дова́ со ёнэ́ попы́нэ тэл совэл́ (прокошы́бэн); Мэ́ на ява́ва буты́р тумэ́нца, ко́ли на хасякирэ́на пэ́стыр засовлахадэ́с. ¹³ Ушты́, обсвэнцы́н манушэн́ и пхэн: обсвэнцы́нэ́нпэ́ кэ́ зло́ко (ра́нко); пал-дова́ со адя́кэ ракирэ́ла Рай́ Дэвэл́, Дэвэл́ Израилёскиро́: совлахадó исын машкír ту́тэ, Израилё́: палдава́ ту на мого́нэса́ тэ́ затэ́рдэс ангил вэ́ргэндэ́ тырэ́ндэ, пака́ протра́дэса пэ́стыр засовлахадэ́с. ¹⁴ Атася́ подджан сарэ́ пир тумарó́ ро́дыцо, савó упхэ́нэла Рай́ Дэвэл́, мэк тэ́ подджа́л пир кхэ́ры́тко ро́до (пле́мь); кхэ́ры́тко ро́до, савó упхэ́нэла Рай́ Дэвэл́, мэк тэ́ подджа́л пир чэ́карь (семе́йство), сави́ упхэ́нэла Рай́ Дэвэл́, мэк тэ́ подджа́л пир екхэ́ манушэ́стэ. ¹⁵ И манушэ́с угалё́на, кон чордя́ совлахадэстыр, мэк лэ́с тэ́ схачкирэ́н ягáса, лэ́с и сарó, со лэ́стэ, пал-дова́ со ёв пири́гия Рáскирэ-Дэвлэскиро́ завето́ и кэрдя́ проти́ зако́но машкír Израилё́. ¹⁶ Исúсо, ушты́я тася́рлэс

(рaнэс) ранкоса, и пхэндя тэ подджал Израилёскэ пир лэскиро рoдыщo; и сыс упхэндлo рoдыщo Юдaскиро. ¹⁷ Коригэдьр (пoзжэ) пхэндя тэ подджал Юдaскирэ кхэриткoнэ рoдoскэ; и упхэндлo кхэриткo рoдo Заракиро. Пхэндя тэ подджал Зариноскиро рoдoскэ пир чэкарь, и сыс упхэндлы сыс чэкарь (сeмeйствo) Завдиёскири. ¹⁸ Пхэндя тэ подджал лэскирэ чэкарьякэ пир екхэ манушэстэ, и сыс упхэндлo Ахано, Хармиёскиро чхавo, Завдиёскиро чхавo, Заракиро чхавo, Юдaскирэ рoдыщoстыр. ¹⁹ Тэды Исусo пхэндя Аханоскэ: “Мирo чхавa! Воздэ Рaскэ-Дэвлэскэ, Израилёскирэ Дэвлэскэ слaвa, и пригалёвпэ ангил Лэстэ, и дэ тэ джинaв мaнгэ, co ту кэрдян; нa счхакир мaндыр”. ²⁰ Дрэ oтпхэныбэн Исусoскэ Ахано пхэндя: “Чачунэс, мэ кэрдём грéxo ангил Растэ-Дэвлэстэ, Дэвлэстэ Израилёскирэстэ и кэрдём довa и довa. ²¹ Машкирaл дорэсыбэн (дoбoчa) екх шукaр Сeнaарoскири идя, и дуй шэлa шéкeли руп, и кoтёр (кускo) сувнакaй вaгaсa дрэ пaндждэшa шéкeли; дaвa мaнгэ пoкaмдяпэ, и мэ лыём дaвa; и гaдa, ёв исын гaрaдo дрэ пхув машкирaл мирi шaтpa, и руп тэл лaтэ”. ²² Исусo бичхадя манушэн, и ёнэ прaстaндынэ дрэ шaтpa; и гaдa, сaрo дaвa сыс гaрaдo дрэ лэскири шaтpa, и руп тэл лaтэ. ²³ Ёнэ лынэ дaвa шaтpaтыр, и яндлэ кэ Исусo и кэ сaрэ Израилёскирэ чхавэ, и чхудэ ангил Растэ-Дэвлэстэ. ²⁴ Исусo и сaрэ Израильтaни лэсa лынэ Аханос, Зариёскирэ чхавэс, и руп, и идя, и кoтёр сувнакaй, и лэскирэ чхавэн, и лэскирэ чхaён, и лэскирэ гурувэн, и лэскирэ oслэн, и лэскирэ бaкрэн, и лэскири шaтpa, и сaрo, co лэстэ сыс, и вылыджинэ лэн пэ дoлo Ахорoскиро. ²⁵ И пхэндя Исусo: “Пал довa, co ту яндян пэ aмэндэ бидa, Рaй Дэвэл пэ тyтэ янэла бидa дрэ дaвa дывэс”. И мaрдэ лэс сaрэ Израильтaни бaрэнцa, и счaкирдэ лэн ягaсa, и чхурдынэ пэ лэндэ бaрa. ²⁶ И чхурдынэ пэ лэстэ бaри кучa бaрa, сaви исын и кэ дaвa дывэс. Палo дaвa штылыя Рaскири-Дэвлэскири холы. Палдaвa довa штэто сыс кxардo долoсa Ахор aдыкэ-пaцэ кэ дaвa дывэс.

Шэрo 8

Фoрo Гaй Пыя

¹ Рaй Дэвэл пхэндя Исусoскэ: “Нa дaр и нa стрaхaдэв; лэ пэсa сaрэ манушэн, сaвэ исын лaчхэ кэ мaрибэн, и уштыи, джa кэ Гaё; гaдa, Мэ oтдaвa дрэ тырэ вaстa Гaёскирэ крaлис и лэскирэ манушэн, лэскиро фoрo и лэскири пхув. ² Кэр Гaёсa и лэскирэ крaлисa дoвa-пaцэ, co ту кэрдян Ерихoнoсa и лэскирэ крaлисa, екх лэскиро дорэсыбэн и лэскирэ кхэриткa мурдaлa (скoтo) рoскэрэн пэскэ. Кэр зaсaдa пал фoрo”. ³ Исусo и сaрэ манушa, сaвэ сыс лaчхэ кэ мaрибэн, уштынэ, coб (кaй) тэ джaс пэ Гaё; и выкэдыя Исусo трийндa тысёнцы манушэн муршкaнэн, и бичхадя лэн рaты. ⁴ И дыя лэнгэ упхэныбэн, и пхэндя: “Дыкхэн, тумэ явэна тэ чхувэн зaсaдa пaшыл фoрo палo фoрo; нa джaн дур фoрoстыр, и явэн сaрэ скэдынэ. ⁵ A мэ и сaрэ манушa, сaвэ исын мaнцa, подджaсa кэ фoрo. И, кэли Гaёскирэ манушa выджaнa прoти aмэндэ, сыр и aнглэдьр, тэды aмэ нaшaсa лэндыр. ⁶ Ёнэ джaнa пал aмэндэ, aдыкэ co aмэ oтлыджaсa лэн фoрoстыр; пал-дoвa co ёнэ пхэнэна: “Нaшэна aмэндьр, сыр и гaрэдьр, кэли aмэ нaшaсaс лэндыр, ⁷ тo тэды тумэ уштэна зaсaдaтыр и зaлэна фoрo; и Рaй Дэвэл, Дэвэл тумaрo, oтдэла лэс дрэ тумaрэ вaстa. ⁸ Кэли лэна фoрo, зaчaкирэн фoрo ягaсa, пир лaв Дэвлэскиро кэрэн. Дыкхэн, мэ рaкирaвa тумэнгэ”. ⁹ Aдыкэ бичхадя лэн Исусo, и ёнэ гинэ дрэ зaсaдa, и гaрaдынэ машкир Вeфлиeмo и машкир Гaё, пaлaтунэ Гaёскирэ ригaтыр; a Исусo дрэ дoя рaт рaтыкирдя машкир манушэндэ. ¹⁰ Уштыи тaсaрлэс (рaнэс) пэ рaнкo, Исусo oбдыкхця манушэн, и гия ёв и Израилёскирэ пхурыдырa ангил манушэндэ кэ Гaё; ¹¹ И сaрэ манушa, гoднa кэ мaрибэн, сaвэ сыс лэсa, гинэ, пoдгинэ пaшэдьр и гинэ кэ фoрo. ¹² И чхудя стaнo пaш-рaтиткoнэ (сeвeрнoнэ) Гaёскирэ ригaтыр, a машкир лэстэ и Гaёстэ сыс дoлo. Коригэдьр (пoзжэ) ёв лыя пaшыл пaндж тысёнцы манушэн и чхудя лэн дрэ зaсaдa машкир Вeфлиeмo и Гaё, пaлaтунэ фoрoскирэ ригaтыр. ¹³ И манушa чхудэ сaрo стaнo, сaвo сыс пaш-дывэсыткoнэ фoрoскирэ ригaтыр aдыкэ, co пaлaтуны (o) пaшыл сыс фoрoскирэ пaлaтунэ ригaтыр. И гия Исусo дрэ дoя рaт машкирaл лoшчына. ¹⁴ Кэли дыкхця дaвa крaли Гaёскиро, сaвo сыс дoвa-пaцэ мoмeнтo фoрoскирэ манушэнцa, ёв уштыи тaсaрлэс (рaнэс), выгия пэ Израилэ пэ мaрибэн, ёв и сaрэ лэскирэ манушa, пэ упхэндлo штэто ангил лoшчына. Нэ ёв

на джидя, со ваш лэскэ исын засада (забэшыбэн) пал форо.¹⁵ Исусо и саро Израилё, хай (сырбы) домардэ лэнца, нашнэ пэ чхучи пхув.¹⁶ А ёнэ кхардэ кэ пэ сарэ манушэн, савэ сыс дро форо, соб (кай) тэ традэн лэн; и, традыи Исусос, отгинэ дур форостыр.¹⁷ Дро Гаё и Вефилё на яцяпэ ни екхэ манушэс, саво на традыяпэ пал Израилё. И форо пэскиро ячкирдэ отчакирдэса, традыи Израилё.¹⁸ Тэды Рай Дэвэл пхэндя Исусоскэ: “Протырде чхурдыбнытко буст (коп’ё), сави исын дрэ тыро васт, кэ Гаё, пал-дова со Мэ отдава лэс дрэ тырэ васта”. Исусо протырдыя чхурдыбнытко буст, сави сыс дрэ лэскиро васт, кэ форо.¹⁹ Мануша, савэ бэштэ сыс дрэ засада, сыгэс уштынэ пэскирэ штэтостыр и прастандынэ, сыр сыг ёв протырдыя пэскиро васт, загинэ дро форо, и лынэ лэс, и сыгэс захачкирдэ форо ягаса.²⁰ Мануша Гаёскирэ дыкхнэ палэ, и дыкхнэ, со тхув форостыр газдэлапэ кэ болыбэн. И на сыс ваш лэнгэ штэто, карик бы тэ нашэн, ни одорик, ни адарик; пал-дова со мануша, савэ нашнэ пэ чхучи пхув, рисинэ пэ адалэ манушэндэ, савэ традынэпэ пал лэндэ.²¹ Исусо и саро Израилё, дыкхнэ, со мануша, савэ сыс бэштэ дрэ засада, лынэ форо, и тхув форостыр газдэлапэ кэ болыбэн, рисинэ и лынэ тэ марэн Гаёскирэ манушэн.²² А далэ форостыр выгинэ гил лэнгэ, адякэ со ёнэ сыс машкирал Израильтянэндэ, савэ екх сыс долэ ригатыр, а явир явирьятыр. Адякэ мардэ лэн, со на ячкирдэ ни екхэс лэндыр, джидэс ци знашибнарис.²³ А кралис Гаёскирэс лынэ джидэс, и яндлэ лэс кэ Исусо.²⁴ Кэли Израильтяни домардэ сарэн манушэн Гаёскирэн пэ фэлда, пэ чхучи пхув, карик ёнэ традынэ лэн, и кэли сарэ ёнэ кэ палатунэ мануш пынэ курталатыр, то тэды сарэ Израильтяни рисинэ кэ Гаё, и домардэ лэс курталааса.²⁵ Мулэн дро дова дывэс муршэн и джувлэн, сарэн Гаёскирэ манушэн, сыс дэшудуй тысёнцы.²⁶ Исусо на обмэкця пэскиро васт, саво протырдыя чхурдыбнытко буст, пака на отдыя совлахаке (прокошыбнаскэ) сарэ Гаёскирэ манушэн.²⁷ Екх кхэритка мурдала (ското) и дорэсыбэн (добыча) далэ кхэритконэ мурдалэн фороскиро, Израилёскирэ чхавэ роскэрдэ машкир пэстэ, пир Раскир-Дэвлэскиро лав, саво Рай Дэвэл пхэндя Исусоскэ.²⁸ И схачкирдя Исусо Гаё, и кэрдя лэс дрэ векоскирэ росчхурдыпэна (руины), пэ чхучи пхув, кэ дава дывэс.²⁹ А кралис Гаёскирэс ублада пэ вэш, кэ бэльвэль: кэли загия кхам, то припхэндя Исусо, и злынэ лэс мулэс вэшэстыр, и чхурдынэ лэс пашыл фороскирэ вударэ, и чхурдынэ пэ лэстэ бари куча бара, сави исын кэ дава дывэс.³⁰ Тэды Исусо кэрдя алтарё (жэртвенико) Раскэ-Дэвлэскэ, Израилёскирэ Дэвлэскэ, пэ бэрга Гевало.³¹ Сыр ракирдя Мойза, писхари Раскирэ-Дэвлэскиро, Израилёскирэ чхавэнгэ, пал со исын зачхиндло дрэ Мойзаскирэ-законоскири лылвары, – алтарё (жэртвенико) барэндыр цэлонэндыр, пэ савэ на газдынэ састыра; и яндлэ пэ лэстэ цэло схачкирибэн Раскэ-Дэвлэскэ, и кэрдя свэнта мирна яныбэна.³² И чхиндя Исусо одой пэ бара счхиныбнытко (списко) Мойзаскирэ Законостыр, саво ёв зачхиндя ангил Израилёскирэ чхавэндэ.³³ Саро Израилё, пхурыдыра лэскирэ, и дыкхибнарья лэскирэ и сэндарья, тэрдинэ долэ и явирэ ригатыр ковчэгоскирэ проти рашандэ и Левитэндэ, савэ лыджанас Раскирэ-Дэвлэскиро заветоскиро ковчэго, сыр мануша явирэ ригатыр, адякэ и далэ-пхувьякирэ мануша, екх лэнгири паш мамуй бэрга Гаризимо, а явир паш пашыл бэрга Гевало, сыр англэдыр ракирдя Мойза, писхари Раскиро-Дэвлэскиро, тэ бахтыкирэс Израилёскирэ манушэн.³⁴ И коригэдыр (позжэ) Исусо гиндя дрэ зан сарэ Законоскирэ лава, бахтыкирибэн и прокошыбэн, сыр сыс зачхиндло дрэ лылвары Законоскири.³⁵ Сарэстыр, со Мойза ракирдя Исусоскэ, на сыс ниэкх лав, саво Исусо на прогиндя ангил саро Израилёскиро скэдыибэн и джувлендэ, и чхавэндэ, и манушэндэ, савэ явнэ явирэ ригатыр, и дживэна машкир лэндэ.

Шэро 9

Доракирибэн Гаваноса

¹ Шундлэ дава сарэ кралья, савэ сыс пал Иордано, пэ бэрга и пэ лошчына и пир саро барэ морёскиро (дэрьявёскиро) брэго, на́дур Ливаностыр, Хетеи, Амореи, Хананеи, Ферезеи, Евеи и Евусеи,² и скэдынэпэ кхэтанэ, соб (кай) пал екх тэ марэнпэ Исусоса и Израилёса.³ Нэ кэли Гаваноскирэ мануша шундлэ, со Исусо кэрдя Ерихоноса и Гаёса,⁴ то кэрдэ

мэндрэс: гинэ, скэдынэ маро пэ дром и чхудэ пхуранэ гонэ пэ пэскирэ ослэндэ и пхуранэ, покушнэ и лапикэнца гонэ ваш мол (вино); ⁵ и гэритка пэ лэнгирэ гэрэ сыс пхуранэ лапикэнца, и идя пэ лэндэ сыс пхураны; и саро лэнгиро дромитко маро сыс шуко и плесниво. ⁶ Ёнэ явнэ кэ Исусо дрэ Израилёскиро стано дрэ Галгало и пхэндлэ лэскэ и сарэ Израильтянэгэ: “Древан дуратунэ пхувьятыр явдям амэ; и адякэ кэрэн амэнца доракирибэн”. ⁷ Израильтяни пхэндлэ Евеегэ: “Могинэл (сашты) тэ явэл, со тумэ дживэна пашыл амэндэ? Сыр амэнгэ тэ кэрэс тумэнца доракирибэн?” ⁸ Ёнэ пхэндлэ Исусоскэ: “Амэ сам тырэ дынарья. Исусо пхэндя лэнгэ: “Кон тумэ сан, и катыр тумэ явнэ?” ⁹ Ёнэ пхэндлэ лэскэ: “Древан дуратунэ пхувьятыр явнэ тырэ дынарья дро лав Раскирэ-Дэвлэскирэ, тырэ Дэвлэскиро тырэскирэ; пал-довá со амэ шундям слава Лэскири и саро, со кэрдя Ёв дрэ Египто, ¹⁰ и саро, со Ёв кэрдя дуге Амореэнгирэ кральенгэ, савэ сыс пир доя Иорданоскири риг, Сигоноскэ, Есегоносирэ краліскэ, и Огоскэ, Васаноскирэ краліскэ, саво дживдя кэ Астарофо. ¹¹ Ушуны дава, пхурыдыра амарэ и сарэ амарэ-пхувьякирэ мануша, пхэндлэ амэнгэ: “Лэн дро пэскирэ васта маро пэ дром, и джан гил лэнгэ, и пхэнэн лэнгэ: амэ сам дынарья тумарэ; и адякэ кэрэн лэнца доракирибэн. ¹² Давá маро амаро кхэрэндур амарэндур амэ лыям тато дрэ дова дывэс, кели гиям кэ тумэ; а аканá, гада, ёв кэрдяпэ шуко и заплеснидья. ¹³ И далэ гонэ моляса (виноса), савэ сыс нэвэ амэ чхудям пхэрдэс, гада, роскушнэпэ; и дая идя амарі, и гэритка амарэ пхуранынэ древан (збит) дуратунэ дромэстыр”. ¹⁴ Израильтяни лынэ лэнгиро маро, а Растыр-Дэвлэстыр на пхучнэ. ¹⁵ И кэрдя Исусо лэнца раманэ (миро), и кэрдя лэнца доракирибэн дрэ дова, со ёв зракхэла лэнгэ джиібэн; и совлахадэ лэнгэ скэдыибнаскирэ барыдыра. ¹⁶ А пирдал трин дывэса, сыр ёнэ кэрдэ лэнца доракирибэн, то шундлэ, со ёнэ лэнгирэ пашатунэ/сусэды (котарья) дживэна надур лэндур. ¹⁷ Пал-довá со Израилёскирэ чхавэ, гии дрэ дром, явнэ дрэ лэнгиро форо пэ трито дывэс; форя лэнгирэ сыс: Гаваоно, Кефира, Беерофо и Кириаф-Иаримо. ¹⁸ Израилёскирэ чхавэ на мардэ лэн, пал-довá со скэдыибнаскирэ барыдыра совлахадэ лэнгэ Раса-Дэвлэса, Дэвлэса Израилёскирэса. Палдава саро Израилёскиро скэдыибэн задья годла пэ барыдырэндэ. ¹⁹ Сарэ барыдыра пхэндлэ сарэ скэдыибнаскэ: “Амэ совлахадям лэнгэ Раса-Дэвлэса, Израилёскирэ Дэвлэса, и пал-довá амэнгэ нашты (на могонаса) тэ чилавас лэн; ²⁰ а гада, со кэрэса лэнца: ячкираса лэн джидэнца, соб (кай) тэ на латхтэл амэн холы пал совлах, савьяса амэ совлахадям лэнгэ”. ²¹ И пхэндлэ лэнгэ барыдыра: “Мэк ёнэ тэ дживэн, нэ явэна тэ чингирэн кашта и пхэрэн пани ваш саро скэдыибэн”. И кэрдя саро скэдыибэн адякэ, сыр пхэндлэ лэнгэ барыдыра. ²² Исусо кхардэ лэн кэ пэ и пхэндя: “Ваш со тумэ хохадэ амэн, пхэны: ‘Мэ древан дур тумэндур’, тэды сыр жа тумэ дживэна надур амэндур? ²³ Палдава прокошнэ сан тумэ! Саро джиібэн тумэ явэна дынарьэнца; явэна тэ чингирэн кашта и тэ пхэрэн пани ваш кхэр мирэ Раскиро-Дэвлэскиро!” ²⁴ Ёнэ дро отпхэныбэн Исусоскэ пхэндлэ: “Догия кэ джиныбэн тырэ дынарьенгиро, со Рай Дэвэл, Дэвэл тыро, пхэндя Мойзаскэ, Пэскирэ писхаріскэ, тэ дэл тумэнгэ сарі пхув и тэ мулякирэл сарэн далэ пхувьякирэ манушэн ангил тумаро муй: пал-довá амэ древан дардымпэ, соб (кай) тумэ тэ на отлэн амаро джиібэн, и амэ кэрдям дава рэндо. ²⁵ Каканá гада, амэ сам дро тыро васт. Сыр фэдыр и чачунэс тукэ бицяло тэ кэрэс амэнца, адякэ и кэр”. ²⁶ И ёв, Исусо (Ёхошуá), кэрдя лэнца адякэ: зракхця лэн Израилёскирэ-чхавэнгирэ вастэстыр, и ёнэ на мулякирдэ лэн. ²⁷ И пхэндя дро дова дывэс Исусо, соб (кай) ёнэ тэ чингирэн кашта, и тэ чхувэн пани ваш скэдыибэн и ваш Раскиро-Дэвлэскиро алтарё, – адякэ-паць кэ дава дывэс, пэ штэто, саво бы тэ на выкэдэл Рай Дэвэл.

Шэро 10

Кхам Тэрдэла Штыл

¹ И сыс адякэ: кели Адониседэко, Ерусалимоскиро крالی, шундя, со Исусо лыя Гаё и отдыя лэс совлахакэ (прокошыбнаскэ), и со адякэ-паць кэрдя Гаёса и лэскирэ краліса, сыр кэрдя Ерихоноса и лэскирэ краліса, и со Гаваоноскирэ мануша кэрдэ раманэ (миро) Израилёса и

ячнэпэ тэ дживэн машкёр лэндэ, ² то тэды ёв зоралэс страхадыя, пал-дова со Гаваоно форо сыс баро, сыр екх кралёскирэ форёндыр, и сыс барэдыр Гаёстыр, и сарэ мануша лёскирэ сыс муршарья. ³ Палдава о Адониседэко, крало Ерусалимоскиро, бичхадя кэ Гогомо, Хевроноскиро крало, и кэ Фирамо, Иармуфоскиро крало, и кэ Яфие, Лахисоскиро крало, и кэ Девиро, Еглоноскиро крало, соб (кай) тэ пхэнэн: ⁴ “Явэн кэ мэ, и дэн васт мангэ тэ хасякирав Гаваоно, пал-дова, со ёв кэрдя раманё (миро) Исусоса и Израилёскирэ чхавэнца”. ⁵ Ёнэ скэдынэпэ, и гинэ пандж Амореэнгирэ крало: Ерусалимоскирэ крало, Хевроноскиро крало, Иармуфоскиро крало, Лахисоскиро крало, Еглоноскиро крало, ёнэ и сарэ лэнгирэ мануша, и тэрдинэ станоса пашыл Гаваоно, соб (кай) тэ джан марибнаса проти лэстэ. ⁶ Мануша Гаваоноскирэ бичхадэ кэ Исусо дро стано Израилёскиро, дро Галгало, тэ пхэнэн. “На отлэ васт тыро тырэ писхарьендыр, яв кэ амэ сыгнэдыр, зракх амэн и помогин амэнгэ; пал-дова со скэдынэпэ проти амэндэ сарэ Амореэнгирэ крало, савэ дживэна пэ бэрги”. ⁷ Исусо гия Галгалостыр кокоро, и лёса сарэ мануша, савэ сыс лачхэ кэ марибэн, и сарэ мурша муршканэ. ⁸ И пхэндя Рай Дэвэл Исусоскэ: “На дар лэндэр, пал-дова со Мэ отдыём лэн дрэ тырэ васта: никон лэндэр на вытэрдёла ангил муй тыро”. ⁹ И явдя пэ лэндэ Исусо наужакирдэс, пал-дова со сарэ рат гия ёв Галгалостыр. ¹⁰ Рай Дэвэл яндя лэн дро дар ангил Израилтянэндэ, и ёнэ домардэ зоралэс лэн дрэ Гаваоно, и традынэ лэн пир дром кэ Вефороноскиро вучипэн, и мардэ лэн кэ Азэко и кэ Македо. ¹¹ Кэли ёнэ нашенэ Израилтянэндэр пир Вефоронсконэ-бэргакиро змэкибэн, то Рай Дэвэл чхурдыя пэ лэндэ болыбнастыр барэ бара аж кэ Азэко, и ёнэ помынэ; бутыр сыс одолэндэр, савэ мынэ барэнгирэ чхуибнастыр, сыр кодолэндэр, савэн мулякирдэ Израилёскирэ чхавэ курталаса. ¹² Исусо ракирдя кэ Рай Дэвэл дрэ дова-паць дывэс, дро саво отдыя Рай Дэвэл Амореёс дрэ васта Израилёскэ, кэли домардя лэн дро Гаваоно, и ёнэ домардэ сыс ангил Израилёскирэ-чхавэнгиро якхэ, и пхэндя ангил Израилтянэндэ: “Тэрдёв, кхам, пэ Гаваоно, и чхон, пэ доло Аиалоноскиро!” ¹³ И тэрдия кхам, и чхон сыс тэрдё, пака мануша отханас (отомстинэнас) палэ пэскирэ вэргэнгэ. Ци на дава сыс чхиндло дрэ лылварэ “Чачипнаскирэскири”: “Тэрдё исын кхам машкирал болыбэн и на сыгнякирдяпэ кэ загибэн саро дывэс?” ¹⁴ И на сыс дасаво дывэс ни англэдыр, ни палё дава, дрэ саво Рай Дэвэл адякэ шундя бы манушэнгири зан. Пал-дава со Рай Дэвэл мардяпэ пал Израилё. ¹⁵ Коригэдыр рисия Исусо и саро Израилё лёса позжэ дро стано, дро Галгало. ¹⁶ А одолэ пандж крало нашенэ, и гарадынэ дрэ гебар (пешчэра) дро Македо. ¹⁷ Кэли яндло сыс Исусоскэ и пхэндло: “Латхнэпэ пандж крало, ёнэ гарадёна дрэ гебар (пешчэра) дро Македо”, ¹⁸ то пхэндя Исусо: “Причхурдэн барэ бара кэ гэбаракиро (пешчэракиро) загибэн, и чхувэн кэ ёй манушэн тэ раххэн лэн. ¹⁹ А тумэ на тэрдён, а традэн тумарэ вэргэн, и мулякирэн палатуны паш лэнгирэ халадэндэр, и на дэн лэнгэ тэ джан дрэ лэнгирэ форя; пал-дова со Рай Дэвэл, Дэвэл тумаро, отдыя лэн дрэ тумарэ васта”. ²⁰ Палё дава, сыр Исусо и чхавэ Израилёскирэ сарэса домардэ лэн древан зоралэс, и, савэ ячнэпэ джидэ лэндэр, нашенэ дрэ форя зоралэ тынэнца, ²¹ то сарэ мануша рисинэ дро стано кэ Исусо дро Македо раманёса (мироса), и никон Израилёскирэ чхавэндэр на рискирдя пэскирэ чибаса. ²² Тэды Исусо пхэндя: “Отчхакирэн загибэн кэ гебар, и вылыджан кэ мэ латыр панджэн одолэн кральён”. ²³ Адякэ и кэрдэ: вылыджинэ кэ ёв гебаратыр (пешчэратыр) панджэн одолэн кральён: Ерусалимоскирэ кралёс, Хевроноскирэ кралёс, Иармуфоскирэ кралёс, Лахисоскирэ кралёс и Еглоноскирэ кралёс. ²⁴ Кэли вылыджинэ адалэн кральён кэ Исусо, то Исусо кхардя кэ пэ сарэн Израилтянэн и пхэндя халадэнгирэ шэралэнгэ, савэ псирдэ лёса: “Подджан, тэрдён тумарэ гэрэнца пэ мэня далэ кральёнгэ”. Ёнэ подгинэ и тэрдинэ пэскирэ гэрэнца пэ лэнгирэ мэня. ²⁵ Исусо пхэндя лэнгэ: “На дарэн и на страхадён, явэн зоралэ и бидарипнаскирэ; пал-дова со адякэ кэрэла Рай Дэвэл сарэ тумарэ вэргэнца, савэнца явэна тэ марэнпэ”. ²⁶ Коригэдыр (позжэдыр) домардя лэн Исусо, и мулякирдя лэн, и убладя лэн пэ пандж вэшыны; и сыс убладэ ёнэ пэ вэшыны кэ бэльвэль. ²⁷ Сыр загия кхам, то припхэндя Исусо, и злынэ лэн вэшынэндэр, и чхурдынэ лэн дрэ гебар, дрэ сави ёнэ гарадынэ, и причхурдынэ барэ бара кэ гэбаракиро загибэн, савэ одой исын ёнэ аж кэ дава дывэс. ²⁸ Дро дова-паць дывэс лыя Исусо Македо, и домардя лёс курталаса и лёскирэ кралёс, и отдыя прокошыбнаскэ лэн и саро джидо, со сыс дрэ лэстэ;

никонэс на ячкирдя, кон бы яцяпэ джидо; и кэрдя адякэ-паць Македоскирэ краліса, сыр кэрдя Ерихоноскирэ краліса. ²⁹ И гия Исусо и сарэ Израильтяни лэса Македостыр кэ Ливна, и мардэпэ проти Ливна; ³⁰ и отдыя Рай Дэвэл и ла дрэ Израилёскирэ васта, и лакирэ краліс, и традыя криг ла Исусо курталаса и саро джидо, со сыс дрэ латэ: никонэс на ячкирдя дрэ латэ, кон бы тэ ячэлпэ джидо. И кэрдя адякэ-паць лакирэ краліса, сыр кэрдя Ерихоноскирэ краліса. ³¹ Ливнатыр гия Исусо и сарэ Израильтяни лэса кэ Лахисо; и тэрдинэ на́дур лэстыр станоса, и мардэпэ проти лэстэ; ³² и отдыя Рай Дэвэл Лахисо дрэ Израилёскирэ васта, и лыя ёв лэс пэ явйр дывэс, и домардя лэс курталаса и саро джидо, со сыс дрэ лэстэ адякэ, сыр кэрдя Ливнаса. ³³ Тэды явдя тэ помогинэл (тэ подрикирэл) Лахисоскэ о Горамо, Газероскиро крالی; нэ Исусо домардя лэс и лэскирэ манушэн курталаса адякэ, со никонэс лэстэ на ячкирдя, кон бы тэ ячэлпэ джидо. ³⁴ И гия Исусо и сарэ Израильтяни лэса Лахисостыр кэ Еглоно, и тэрдинэ на́дур лэстыр станоса, и мардэпэ проти лэстэ. ³⁵ И лынэ лэс дро дова-паць дывэс и домардэ лэс курталаса, и саро джидо, со сыс дрэ лэстэ дрэ дова-паць дывэс, и отдыя ёв совлахакэ, сыр кэрдя Лахисоса. ³⁶ И гия Исусо и сарэ Израильтяни лэса Еглоностыр кэ Хевроно, и мардэпэ проти лэстэ. ³⁷ И лынэ лэс, и домардэ лэс курталаса, и краліс лэскирэс, и сарэ форя лэскирэ, и саро джидо, со сыс дрэ лэстэ; никонэс на ячкирдя, кон бы тэ ячэлпэ джидо, сыр кэрдя ёв и Еглоноса: отдыя совлахакэ лэс и саро джидо, со сыс дрэ лэстэ. ³⁸ Коригэдыр (позжэ) гия Исусо и сарэ Израилё лэса кэ Давиро и мардяпэ проти лэстэ. ³⁹ И лыя лэс, краліс лэскирэс, и сарэ лэскирэ форя, и домардэ лэн курталаса, и отдынэ совлахакэ саро джидо, со сыс дрэ лэстэ; никонэс на яцяпэ, кон бы яцяпэ джидо. Сыр кэрдя Хевроноса и лэскирэ краліса, адякэ кэрдя Давироса и краліса лэскирэса, и сыр кэрдя Ливнаса и лэскирэ краліса. ⁴⁰ И домардя Исусо сарі бэргитко и паш-дывэсы́тко (полудёно) пхув, и тэлатунэ штэты, и пхув, саві исын пашыл бэрги, и сарэн лакирэн кральён; никонэс на ячкирдя, кон тэ ячэлпэ джидо, и саро джидо отдыя совлахакэ, сыр ракирдя Рай Дэвэл, Дэвэл Израилёскиро. ⁴¹ И домардя лэн Исусо Кадес-Варнатыр кэ Газа, и сарі пхув Гошэн аж кэ Гаваоно; ⁴² сарэн кральён далэн и лэнгири пхув Исусо лыя екхэ молостыр, пал-дова со Рай Дэвэл, Дэвэл Израилёскиро, мардяпэ пал Израилё. ⁴³ Коригэдыр (позжэ) Исусо и сарэ Израильтяни лэса рисинэ дро стано, дро Галгало.

Шэро́ 11

Паш-Ратитка Кра́лья Домардэ

¹ Сыр шундя дава́ Иавино (Явино), Асороскиро крالی, то бичхадя кэ Иоваво, Мадороскиро крالی, и кэ Шимроноскиро крالی, и кэ Ахсафоскиро крالی, ² и кэ кралья, савэ дживдэ пэ паш-ратитко риг пэ бэрга и пэ лошчына паш-дывэсы́тконэ Хинарофоскирэ ригатыр, и пэ тэлатунэ штэты, и дрэ Нафоф-Дора кэ западо, ³ кэ Хананеи, савэ дживдэ кэ вастоко и кэ мо́рэ (дэрьяв), кэ Амореи и Хитеи, кэ Ферезеи и кэ Евусеи, савэ дживдэ пэ бэрга, и кэ Евеи, савэ дживдэ на́дур Ермоностыр пэ пхув Масі́фа. ⁴ И выгинэ ёнэ и сарэ лэнгирэ отряды (ополчэнии) лэнца, бут мануша́, савэн сыс адякэ бут, кицы́ исын пра́хо пэ морёскиро (дэрьявёскиро) брэго; и грэн и марибны́тка вурдына́ сыс древа́н бут. ⁵ И скэдынэпэ сарэ далэ кралья, и явнэ и тэрдинэ станоса кхэтанэ пашыл Меромоскирэ паня́, соб (кай) тэ марэ́нпэ Израилёса. ⁶ Нэ Рай Дэвэл пхэндя Исусоскэ: “На дар лэндыр, пал-дова со атася́, пашыл дава́ часо, Мэ отда́ва лэн сарэн пэ марибён чхавэ́нгэ Израилёскирэ́нгэ; грэ́нгэ лэнгирэ́нгэ пири́чхин жылы́ и вурдына́ лэнгирэ́ схачки́р ягаса́”. ⁷ Исусо и лэса сарэ мануша́, савэ сыс лачхэ́ пэ марибён, сы́гэс выгинэ́ пэ лэндэ́ кэ Меромоскирэ паня́ и пы́нэ пэ лэндэ́. ⁸ И отдыя лэн Рай Дэвэл Израильтянэ́нгэ дрэ васта́, и домардэ́ ёнэ лэн, и традынэ́ лэн кэ баро́ Сидоно, и кэ Мисрефоф-Маима, и кэ до́ло Ми́цфа кэ васто́ко, и пиримардэ́ лэн адя́кэ, со никонэ́с лэндыр на яця́пэ, кон бы тэ явэл джидо́. ⁹ И кэрдя́ Исусо лэнца́ адя́кэ, сыр пхэндя́ лэскэ́ Рай Дэвэл: лэнгирэ́ грэ́нгэ ёв пири́чхиндя жылы́ и лэнгирэ́ марибны́тка вурдына́ схачки́рдя ягаса́. ¹⁰ Дрэ дова́-паць часо, Исусо́ рисия́, лыя́ Асорос и лэскирэ́ кралі́с замардя́ курталаса́ (Асоро́ англэды́р сыс сарэ́ далэ́-кralипнаскирэ́ шэ́ралэса́); ¹¹ и пиримардэ́ ёнэ саро́ джидо́,

со сыс дрэ лэстэ, курталаса, отдыи совлахакэ (прокошыбнаскэ); на яцйпэ ниекх джидо ди; а Асоро схачкирдя ёв ягаса. ¹² И сарэ далэнгирэ-кральенгирэ форя и сарэн кральён лэнгирэн лыя Исусо, и домардя курталаса, отдыи лэн совлахакэ, сыр ракирдя Мойза, Раскиро-Дэвлэскиро писхари; ¹³ нэ сарэ форя, савэ сыс пэ вучипэн, на хачкирдэ Израильтяни, априч екхэ Асоро, саво схачкирдя Исусо. ¹⁴ А саро дорэсыбэн (добыча) далэ форьенгиро и кхэритконэ мурдалэн (ското) росчордэ Израилёскирэ чхавэ пэскэ; манушэн сарэн пиримардэ курталаса адякэ, со протрадынэ сарэн лэн: на ячкирдэ ниекх ди. ¹⁵ Сыр припхэндя Рай Дэвэл Мойзаскэ, Пэскирэ писхарискэ, адякэ Мойза припхэндя Исусоскэ, а Исусо адякэ и кэрдя: на отгия ни екхэ лавэстыр дро саро, со припхэндя Рай Дэвэл Мойзаскэ.

Акэ, Дорэсыбэн Исусоскиро

¹⁶ Адякэ Исусо лыя сари дай пхув пэ бэргицы, сари пхув паш-дывэсытко (полудёно), сари пхув Гошэн и тэлатунэ штэты, и лошчына и бэрга Израилёскири, и тэлатунэ штэты, ¹⁷ бэргатыр Халако, сави залэла штэто кэ Сеиро, кэ Ваал-Гадо пэ Ливаноскиро доло, пашыл Ермоноскири бэрга, и сарэн лэнгирэ кральён лыя, и домардя лэн, и мулякирдя лэн. ¹⁸ Длуго часо Исусо лыджия марибэн сарэ адалэ кральенца. ¹⁹ На сыс форо, саво кэрдя бы раманё (миро) Израилёскирэ чхавэнца, априч Евеендэ, савэ дживдэ кэ Гаваоно: сарэ лынэ ёнэ марибнаса; ²⁰ пал-дова со Растыр-Дэвлэстыр сыс дова, со ёнэ холякирдэ ило пэскиро и марибнаса стрэниндлэ Израилё, ваш дова, соб (кай) тэ явэн отдынэ совлахакэ и соб (кай) тэ на явэл лэнгэ отмэкибэн, нэ, соб (кай) тэ явэн протрадынэ адякэ, сыр припхэндя Рай Дэвэл Мойзаскэ. ²¹ Дро дова-паць часо явдя Исусо и домардя Енакимэн пэ бэрга, дро Хевроно, дро Давиро, дрэ Анава, пэ сари Юдаскири бэрга и пэ сари Израилёскири бэрга; лэнгирэ форьенца отдыя лэн Исусо совлахакэ; ²² на яцйпэ ниекхэс Енакимостыр манушэс пэ Израилёскирэ-чхавэнгири пхув; яцйпэ екх дро Газо, дро Гефо и дро Азото. ²³ И адякэ лыя Исусо сари пхув, сыр ракирдя Рай Дэвэл Мойзаскэ, и отдыя ла Исусоскэ дрэ миштыпнаскири мэра Израильтянэнгэ, пир дова, сыр пхув роскэрдяпэ машкирал лэнгирэ родыцы. И шытыла пхув марибнастыр.

Шэро 12

Кралья, Савэн Пиризорьякирдя о Мойза

¹ Акэ, исын кралья долэ пхувьякирэ, савэн домардэ Израилёскирэ чхавэ и савэнгири пхув лынэ пэскэ пир доя Иорданоскири риг кэ кхамэскиро ўзгийбэн, Арноноскирэ сыгнонэ рэкицатыр (лэнорьятыр) кэ Ермоноскири бэрга и сари лошчына кэ вастоко: ² О Сигоно, Амореенгиро крали, саво дживдя кэ Есёвоно, саво рикирдя пхув Ароеростыр, со исын пашыл брэго Арноноскирэ рэкицатыр (лэнорьятыр), и кэ паш рэкица (лэнорй), пашыл Галаадо, кэ Явокоскири рэкица (лэнорй), кай сыс Амонитянэнгири риг, ³ и кэ лошчына кэ Хинерефоскиро мórё (дэрьяв) кэ вастоко и кэ морёскири лошчына, Лондо мórё (дэрьяв), кэ вастоко пир дром кэ Беф-Ешымофо, а кэ паш-дывэс (юго) штэтэнца, савэ сыс паштэ тэлал пашыл Фасга; ⁴ и Огоскири провинция, кон сыс Васаоскиро крали, палатунэ (последнё) Рефаимэндыр, саво дживдя кэ Астарофо и дрэ Едрея, ⁵ саво рикирдя бэрга Ермоно, и Салха, и саро Васано, кэ Гесуроскиро и Маахоскиро-межакири риг, и паш Галаадо, кэ Сигоноскири риг, Есёвонсконэ-кralйскири. ⁶ О Мойза, Раскирэ-Дэвлэскиро писхари, и Израилёскирэ чхавэ домардэ лэн; и дыя ла Мойза, Раскирэ-Дэвлэскиро писхари, дрэ мэкно миштыпэн (наследие) Рувимоскирэ и Гадоскирэ родыцоскэ и паш Манасияскирэ родыцоскэ.

Кралья, Савэн Пиризорьякирдя о Исусо мэкно миштыпэн

⁷ И, гада, исын кралья Амореэнгирэ пхувьякирэ, савэн домардя Исусо и Израилёскирэ чхавэ пир дай Иорданоскири риг кэ западо, Ваал-Гадостыр пэ Ливаноскиро долоскэ Халака, бэрга,

сави тырдэлапэ кэ Сеиро, сави отдыя Исусо Израилёскирэ родыцэнгэ дро мэкно миштыпэн (наследие), пир лэнгиро роскэрибэн, ⁸ пэ бэрга, пэ тэлатунэ штэты пэ лошчына, пэ штэты, савэ исын пашыл бэрги, и пэ чхучи пхув, и пэ паш-дывэс (юго), Хетеен, Амореен, Хананеен, Ферезеен, Евееен и Евусеен: ⁹ екх крáli Ерихоноскиро, екх Гаёскиро, со исын пашыл Вефилё, ¹⁰ екх крáli Ерусалимоскиро, екх крáli Хевроноскиро, ¹¹ екх крáli Ярмуфаскиро, екх крáli Лахисоскиро, ¹² екх крáli Еглоноскиро, екх крáli Гезероскиро, ¹³ екх крáli Давироскиро, екх крáli Гадероскиро, ¹⁴ екх крáli Хормакиро, екх крáli Арадоскиро, ¹⁵ екх крáli Ливнакиро, екх крáli Одоламоскиро, ¹⁶ екх крáli Македоскиро, екх крáli Вефилёскиро, ¹⁷ екх крáli Тапуахоскиро, екх крáli Хефероскиро, ¹⁸ екх крáli Афекоскиро, екх крáli Шароноскиро, ¹⁹ екх крáli Мадоноскиро, екх крáli Асороскиро, ²⁰ екх крáli Шимроно-Мероноскиро, екх крáli Ахсафоскиро, ²¹ екх крáli Фаанахоскиро, екх крáli Мегидоноскиро, ²² екх крáli Кедесоскиро, екх крáli Иокнеамоскиро пашыл Кармило, ²³ екх крáli Дороскиро пашыл Нафаф-Доро, екх крáli Гоимоскиро дро Галгало, ²⁴ екх крáli Фирцакиро: сарэн кральён сыс трийнда екх (савэн пиризорьякирдэ Израилёскирэ чхавэ).

Шэро 13

Пхувья, Савэ Ячнэпэ

¹ Кэли Исусо пхурия, и загия дрэ пхурэ бэрша, тэды Рай Дэвэл пхэндя лэскэ: “Ту пхуриян, загиян дрэ пхурэ бэрша, а пхув тэ лэс дрэ мэкно миштыпэн ячэлапэ ишчо (инкэ) древан бут. ² Гада, сави ячэлапэ пхув: сари провинция пашыл Филистимо и сари Гесуроскири пхув. ³ Сихоростыр, со исын ангил Египто кэ межа Екроноскири кэ паш-ратитко (северно риг), далэ пхувья гинэнапэ Ханаансконэнца, пэ савэ исын пандж хулая Филистимоскирэ: Газско, Азотско, Аскалонско, Гефско, Екронско и Авейско; ⁴ кэ паш-дывэс (юго) сари Ханааноскири пхув Меаратыр Сидонсконатыр кэ Афеко, кэ Амореэнгирэ рига, ⁵ адякэ-паць пхув Гевалоскири и саро Ливано кэ кхамэскиро ўзгийбэн Ваал-Гадо, со исын пашыл Ермоноскири бэрга, кэ загийбэн дрэ Емафо. ⁶ Сарэн бэргитконэн манушэн Ливаностыр кэ Мисрефоф-Маимо, сарэн Сидонянэн Мэ вытрадава Израилёскирэ-чхавэнгирэ мостыр; роздэ ла дрэ миштыпнаскири мэра Израилёскэ, сыр Мэ ракирдём тукэ; ⁷ роздэ дая пхув дрэ миштыпнаскири мэра еня родыцэнгэ и пашакэ Манасияскирэ родыцоскэ. ⁸ А родыцо (чанг) Рувимоскиро и Гадоскиро явирэ пашэса Манасияскирэ родыцоса дорэснэ пэскири миштыпнаскири мэра Мойзастыр пал Иордано кэ вастоко, сыр дыя лэнгэ Мойза, Раскиро-Дэвлэскиро писхари, ⁹ Ароеростыр, саво исын пэ брэго Арноноскирэ рэкицакиро (лэнорьякиро), и форо, саво исын машкир сыгно рэкица (лэнори) пэ доло, и сари лошчына Медева кэ Дивоно; ¹⁰ адякэ-паць сарэ Сигоноскирэ форя, Амореэнгирэ крالیскирэ, саво сыс крالیса кэ Есёвоно, кэ межы Амонитянэнгирэ, ¹¹ адякэ-паць Галаадо и межа Гесурско и Маахакирэ, и сари бэрга Ермоно и саро Васано кэ Салха, ¹² саро Васаноскирэ-Огоскиро кралипэн, саво сыс крالیса дрэ Астарофа и дрэ Едрея. Ёв яцяпэ екх Рефаимэндыр, савэн Мойза домардя и протрадыя. ¹³ Нэ чхавэ Израилёскирэ на вытрадынэ манушэн Гесуроскирэн и Маахискирэн, и дживэла Гесуро и Мааха машкир Израилё кэ дава дывэс. ¹⁴ Екхэ родыцоскэ Левиёскирэскэ на дыя миштыпнаскири мэра: свэнто яныбэн Раскиро-Дэвлэскирэ, Дэвлэскиро Израилёскиро, акэ, исын лэскири миштыпнаскири мэра, сыр пхэндя лэскэ Рай Дэвэл. ¹⁵ Родыцоскэ Рувимоскирэ чхавэнгэ пир лэнгирэ кхэра дыя миштыпнаскири мэра Мойза: ¹⁶ ригаса лэнгирьяса сыс Ароеро, саво исын пэ Арноноскирэ-рэкицакиро (лэнорьякиро) брэго, и форо, саво исын машкир рэкица (лэнори), и сари лошчына пашыл Медева, ¹⁷ Есёвоно и сарэ лэскирэ форя, савэ исын пэ лошчына, и Дивоно, Вамофо-Ваало и Беф-Ваал-Меоно, ¹⁸ Иааца (Яца), Кедемофо и Мефаафо, ¹⁹ Кириафаимо, Сивма и Цэреф-Шахаро пэ бэрга Емеко, ²⁰ Беф-Фегоро и штэты пашыл склоно Фасгакиро и Беф-Ешымофо, ²¹ и сарэ форя пэ лошчына, и саро Сигоноскиро кралипэн, Амореисконэ-краліскиро, саво сыс крالیса дрэ Есёвоно, савэс замардя Мойза, адякэ-паць и Мадиямсконэ шэралэн: Евияс, и Рекемос, и Цурас, и Хурас, и Ревос, Сигоноскирэ тхагарьен, савэ дживдэ

пэ доя пхув; ²² адякэ-паць Валаамос, Веороскирэ чхавэс, зумакирибнаскирэс, замардэ Израилёскирэ чхавэ курталаса кхэтанэ дрэ гиныбэн, кицы ёнэ замардэ. ²³ Ригаса пир межа Рувимоскирэ чхавэнгирэ сыс Иордано. Гада, исын миштыпнаскири мэра Рувимоскирэ чхавэнгири, пир лэнгирэ кхэриткароды, форя и гавá лэнгирэ. ²⁴ Мойза адякэ-паць дья миштыпнаскири мэра Гадоскирэ родыцоскэ, чхавэнгэ Гадоскирэнгэ, пир кхэритка роды лэнгирэ: ²⁵ ригаса лэнгирьяса сыс Язеро (Иазеро) и сарэ Галаадоскирэ форя, и паш Амоноскирэ чхавэнгиро пэ пхув кэ Ароеро, со исын ангил Рава, ²⁶ и пхувья Есегоноскирэ кэ Рамаф-Мицфа и Ветонимо, и Маханаимостыр кэ Давироскирэ-межакирэ ригá, ²⁷ и пэ доло Беф-Гарамо и Беф-Нимра и Сокхофо и Цафоно, со яцяпэ Сегоноскирэ кралипнастыр, Есегоноскирэ кралискиро; лэскирэ ригаса сыс Иордано кэ Хинерефоскиро пани пал Иордано кэ вастоко. ²⁸ Гада, исын Гадоскирэ-чхавэнгири миштыпнаскири мэра, пир кхэритка роды лэнгирэ, форя и гавá лэнгирэ. ²⁹ О Мойза дья миштыпнаскири мэра и пашакэ Манасияскирэ родыцоскэ, саво сыс пал паш Манасияскирэ-чхавэнгирэ родыцостыр, пир кхэритка роды лэнгирэ; ³⁰ Лэнгири риг пир межа сыс: Маханаимостыр саро Васано, саро Огаскиро кралипэн, Васаноскирэ-кралискиро, и сарэ гавá Яироскирэ, со исын дрэ Васано, шовдэша форя; ³¹ а паш Галаадаскири и Астарофоскири и Едреякири, Васаноскирэ-Огоскирэ-кралипнаскирэ форя, дынэ Махираскирэ чхавэнгэ, Манасияскирэ-чхавэскирэ и пашакэ Махироскирэ чхавэнгэ, пир кхэритка роды лэнгирэ. ³² Гада, со, Мойза дья дрэ миштыпнаскири мэра пэ Моавитоскирэ лошчыны пал Иордано проти Ерихоно кэ вастоко. ³³ Нэ Левиёскирэ родыцоскэ Мойза на дья миштыпнаскири мэра: Рай Дэвэл, Дэвэл Израилёскиро, Кокоро сыс лэнгири миштыпнаскири мэра, сыр Ёв ракирдя лэнгэ.

Шэро 14

Пхувьякиро Роздыибэн кэ Западо

¹ Гада, со, дорэснэ (долынэ) дрэ миштыпнаскири мэра Израилёскирэ чхавэ пэ Ханааноскири пхув, со роздынэ лэнгэ дрэ миштыпнаскири мэра рашай Елизáро и Исýсо, Навиноскиро чхаво, и родэнгирэ барыдыра пэ Израилёскирэ-чхавэнгирэ родыцы. ² Пир жребие роздынэ ёнэ, сыр припхэндя Рай Дэвэл пир Мойзастэ, еня родыцэнгэ и пашакэ Манасияскирэ родыцоскэ. ³ Палдава со дүе родыцэнгэ и пашакэ Манасияскирэ родыцоскэ Мойза дья дрэ миштыпнаскири мэра пал Иордано, Левитэнгэ на дья миштыпнаскири мэра машкирал лэндэ; ⁴ пал-дова со Иосифоскирэ чхавэндыр выгинэ дуй родыцы: Манасияскиро и Ефремоскиро; пир дава ёнэ и на дынэ Левитэнгэ пашá пэ пхув, а екх форя ваш джибэн лэнгирэ пхувьяса ваш кхэритконэ мурдалэнгэ (ското) лэнгирэ и ваш явир лэнгирэ льготы (выгоды). ⁵ Сыр припхэндя Рай Дэвэл Мойзаскэ, адякэ и кэрдэ Израилёскирэ чхавэ, кели роздэнас пхув дрэ миштыпнаскири мэра. ⁶ Юдаскирэ чхавэ явнэ дро Галгáло кэ Исýсо (Ёхошуá), и пхэндя лэскэ о Халево, Ефониёскиро чхаво, Кенезеянино: “Ту джинэса, со ракирдя Рай Дэвэл Мойзаскэ, Дэвлэскирэ манушэскэ, пал мандэ и пал түтэ дрэ Кадес-Варна. ⁷ Мángэ сыс штáрдэша бэрш, кели Мойза, писхари Рáскирэ-Дэвлэскиро, бичхадя ман Кадес-Варнатыр тэ обдыкхав пхув, и мэ яндём лэскэ дрэ отпхэныбэн, со сыс мандэ пэ илó: ⁸ пшáла мирэ, савэ псирдэ мánца, яндлэ дар дро илó манушэнгиро, а мэ кэрдём сарó дро чачипэн мирэскэ Рáскэ-Дэвлэскэ, Дэвлэскэ; ⁹ и совлахадя Мойза дрэ дова дывэс и пхэндя: ‘Пхув, пир сави псирдя тыри гэрóй, явэла миштыпнаскирэ мераса тукэ и тырэ чхавэнгэ пэ véко, пал-дова со ту дрэ чачипэн сарó кэрдян Рáскэ-Дэвлэскэ, Дэвлэскэ мирэскэ.’ ¹⁰ И адякэ, гада, Рай Дэвэл ячкирдя ман джидэс, сыр Ёв ракирдя; аканá штáрдэша пандж бэрш прогия долэ часостыр, кели Рай Дэвэл пхэндя Мойзаскэ дава лав, и Израилё псирдя пир чхучи пхув; аканá, гада, мánгэ охтодэша пандж бэрш; ¹¹ нэ и аканá мэ адякэ-паць сом зоралó, сыр и тэды, кели бичхадя ман Мойза: ци бут тэды сыс мандэ зор, адакицы и аканá исын ваш дова, соб (кай) тэ марапэ, и тэ выджав и тэ заджав; ¹² и адякэ, дэ мánгэ дая бэрга, пал сави ракирдя Рай Дэвэл дрэ дова дывэс; пал-дова со шундян дро дова дывэс, со одóй дживэна Енакоскирэ чхавэ, и форя лэндэ исын барэ и зоралэ тынэнца, могоинэла тэ явэл, со Рай Дэвэл явэла

манца, и мэ вытрадава лэн, сыр ракирдя Рай Дэвэл”.¹³ Исусо бахтякирдя лэс, и дыя дрэ миштыпнаскири мера Халевоскэ, Иефониёскирэ чхавэскэ Хевроно.¹⁴ Адыкэ Хевроно яцяпэ миштыпнаскирэ мераса Халевоскэ, Иефониёскирэ-чхавэскири, Кенезеяниноскири, кэ дава дывэс, пал-дова, со ёв дро чачипэн кэрдя саро, сыр пхэндя Рай Дэвэл, Дэвэл Израилёскиро.¹⁵ Лав Хевроноскэ англэдыр сыс Кириаф-Арба, сыр кхардяпэ машкирал Енакоскирэ чхавэндэ екх баро мануш. И пхув яця штыл марибнастыр.

Шэрó 15

Юдаскири Пхув

¹ И сыс жрэбиё Юдаскирэ чхавэнгирэ родоскэ, пир лэнгирэ кхэритка рóды, выпыя дасаво: пэ межа Идумеяса сыс чхучи пхув Син, кэ паш-дывэс (юго), пашыл Феманоскиро ягóро (краё); ² паш-дывэсытконэ лэнгирэ ригаса пир межа сыс Лондэскирэ-морёскиро (дэрьявэскиро) ягóро (краё), савó тырдэлапэ кэ паш-дывэс заливостыр; ³ пэ паш-дывэс ёв джала кэ вучипэн Акравимоскиро, джала пашыл Цино, и, джала упрэ паш-дывэсытконэ ригатыр кэ Кадес-Варни, джала пашыл Хецроно, и, джала упрэ кэ Адаро, порискирэла кэ Каркая, ⁴ Палó дава ёв проджала Ацмоно, джала пашылэдыр кэ Египтоскири рэкица (лэнорí) адыкэ, со ягóро далэ ригакиро исын мórё (дэрьяв). Давá явэла паш-дывэсытко тумарí риг. ⁵ Ригаса пир межа кэ вастóко сыс Лондо мórё (дэрьяв), кэ ягóро Иорданоскиро; а риг паш-ратитконэ севернонэ ригатыр лэлапэ морёскирэ (дэрьявэскирэ) заливостыр, Иорданоскирэ ягорóстыр; ⁶ адатхыр риг джала упрэ кэ Беф-Хогла и проджала паш-ратитконэ ригатыр кэ Беф-Арава, и джала риг упрэ кэ Боганоскиро бар, Рувимоскирэ чхавэскиро; ⁷ Тэньци (потом) джала упрэ риг кэ Давиро долостыр Ахоро, и пэ паш-рат (северо) рискирэла кэ Галгáло, савó исын проти Адумимоскиро вучипэн, савó исын паштó паш-дывэсытконэ рэкицакирэ ригатыр; адатхыр риг проджала кэ Ен-Шэмешоскирэ паня и кончынэлапэ пашыл Ен-Рогело. ⁸ Адатхыр риг пир межа джала упрэ кэ Еномоскирэ-чхавэскиро дóло паш-дывэсытконэ Евусоскирэ ригатыр, савó исын Ерусалимо, и газдэлапэ риг пэ бэргáкиро вучипэн, савó исын кэ западо проти Рефаимоскиро дóло кэ паш-рат; ⁹ бэргакирэ вучипнастыр межакири риг рискирэла кэ Нефтоахоскири панескири ганынгори (источнико) и джала кэ фóрья Ефроноскирэ бэргакирэ, и рискирэла межакири риг кэ Ваало, савó исын Кириаф-Яримо; ¹⁰ Тэньци (потом) рискирэла межа Ваалатыр кэ мórё (дэрьяв), кэ бэрга Сеиро, и джала паш-ратитконэ бэргакирэ Иеаримоскирэ ригаса, савí исын Кесалоно, и доджáла тэлэ кэ Вефсамисо, и проджала пирдál Фимна. ¹¹ Адатхыр межакири риг джала паш-ратитконэ (севернонэ) Екроноскирэ ригаса, и рискирэла риг кэ Шикароно, проджала пирдál бэрга Ваало и доджáла кэ Иавнеило, и ягóро межакиро доджáла кэ сáмо мórё (дэрьяв). Западнонэ-межакири риг исын пир брэгó барэ морёстыр (дэрьявэстыр). ¹² Ѓáда, исын межакири риг Юдаскирэ-чхавэнгиро пир лэнгирэ кхэритка рóды (плéми) сарэ ригэндыр.

О Халево Залэла Хевроно и Давиро

¹³ И Халевоскэ, Ефониёскирэ чхавэскэ, Исусо дыя паш машкир Юдаскирэ чхавэндэ, сыр припхэндя Рай Дэвэл Исусоскэ: Кириаф-Арба, Енакоскирэ дадэскиро, явирэс дава штéто кхарэлапэ Хевроно. ¹⁴ И вытрадыя одотхыр Халево тринэн Енакоскирэ чхавэн: Шешаёс, Ахиманос и Фалмаёс, Енакоскирэ чхавэн. ¹⁵ Адатхыр гия ёв проти Давироскирэ манушэндэ (лав Давироскиро англэдыр сыс Кириаф-Сефери). ¹⁶ И пхэндя Халево: “Кон джала марибнаса пэ Кириаф-Сефери и лэла лэс, одолэскэ отдава Ахса, чха мирья, палорóm”. ¹⁷ И лыя лэс Гофониило, Кеназоскиро чхавó, Халевоскирэ-пшалэскиро, и отдыя ёв лэскэ Ахса, пэскирья чха, дрэ ромня (ромнятэ). ¹⁸ Кéли явдя часо лáкэ тэ джал, ла высклякирдэ тэ мангэл лáкирэ дадэстыр фэлда, и ёй згия ослостыр. Халево пхэндя лáкэ: “Со тукэ?” ¹⁹ Ёй пхэндя: “Дэ мангэ бахтякирибэн; ту дыян мангэ пхув паш-дывэсытко (полудёно), дэ мангэ

ганынгорья (источники) панескирэ”. И дыя ёв лăкэ ганынгорья упратунэ и ганынгорья тэллатунэ.

Юдăскирэ Фóрья

²⁰ Ёада, исын миштыпнаскири мёра Юдăскирэ чхавэнгирэ родыцоскирэ, пир кхэритка рóды (плёми) лэнгирэ: ²¹ фóрья пэ ягóро (краё) Юдăскирэ чхавэнгирэ родыцóстыр сыс кхэтанэ Идумеёса пэ паш-дывэсытко (таты) риг: Кавцэило, Едеро и Иагуро, ²² Кина, Димона, Адада, ²³ Кедесо, Асоро и Ифнано, ²⁴ Зифо, Телемо и Валофо, ²⁵ Гацор-Хадафа, Кириафо, Хецроно, явирэс кхарэлапэ Гацоро, ²⁶ Амамо, Шэма и Молада, ²⁷ Хацар-Гада, Хешмоно и Веф-Палето, ²⁸ Хацар-Шуало, Вирсáвия и Визиофея, ²⁹ Ваало, Иимо и Ацэмо, ³⁰ Елфоладо, Кесило и Хорма, ³¹ Цыклаго, Мадмано и Сансана, ³² Леваофо, Шэлихимо, Аино и Римоно: сарэ биш тэ еня фóрья лэнгирэ гавэнца. ³³ Пэ тэллатунэ штэты: Ештаоло, Цора и Ашна, ³⁴ Заноахо, Ен-Ганимо, Тапуахо и Гаенамо, ³⁵ Иарамуфо, Одоламо, Сохо и Азека, ³⁶ Шаараимо, Адифаимо, Гедера ци Гедерофаимо: дэшуштар фóрья лэнгирэ гавэнца. ³⁷ Цэнано, Хадаша, Мигдал-Гадо, ³⁸ Дилеано, Мицфэ и Иокфеило, ³⁹ Лахисо, Воцкафо и Еглоно, ⁴⁰ Хабано, Лахмасо и Хифлисо, ⁴¹ Гедерофо, Беф-Дагоно, Наема и Македо: дэшушов фóрья лэнгирэ гавэнца. ⁴² Ливна, Ефери и Ашано, ⁴³ Ифофахо, Ашна и Нецыво, ⁴⁴ Кеила, Ахзиво и Мареша: еня фóрья лэнгирэ гавэнца. ⁴⁵ Екроно лэскирэ форьенца и гавэнца, савэ сыс тэл лэскири зор. ⁴⁶ И Екроностыр сарó кэ мóрэ (дэрьяв), со исын пашыл Азото, лэнгирэ гавэнца, ⁴⁷ Азото, лэскирэ фóрья и гавá, савэ сыс тэл лэскири зор, Газа лăкирэ фóрья и гавá, савэ сыс тэл лăкири зор, кэ кокори Египтóскири сыгно рэкица (лэнорí) и барó мóрэ (дэрьяв), савэскиро брэго исын межакири риг. ⁴⁸ Пэ бэрги сыс: Шамиро, Иатири и Сохо, ⁴⁹ Дана, Кириафо-Сана, явирэс Давиро, ⁵⁰ Анафо, Эштэмо и Анимо, ⁵¹ Гошэно, Холоно и Гило: дэшуекх фóрья лэнгирэ гавэнца. ⁵² Араво, Дума и Ешано, ⁵³ Ианумо, Беф-Тапуахо и Афека, ⁵⁴ Хумта, Кириаф-Арбы, явирэс кхарлапэ Хевроно и Цыгоро: еня фóрья лэнгирэ гавэнца. ⁵⁵ Маоно, Кармило, Зифо и Юта, ⁵⁶ Изреелё, Иокдамо и Заноахо, ⁵⁷ Каино, Гивá и Фимна: дэш фóрья лэнгирэ гавэнца. ⁵⁸ Халхуло, Беф-Цуро и Гедоро, ⁵⁹ Маарафо, Беф-Анофо и Елтеконо: шов фóрья лэнгирэ гавэнца. ⁶⁰ Кириаф-Ваало, явирэс кхарлапэ Кириафо-Яримо, и Арава: дуй фóрья лэнгирэ гавэнца. ⁶¹ Пэ чхучí пхув: Беф-Арава, Мидино и Секаха, ⁶² Нившано, Ир-Мелахо и Эн-Геди: шов фóрья лэнгирэ гавэнца. ⁶³ Нэ Евусеен, Ерусалимóскирэ манушэн, на могоиндлэ тэ вытрадэн Юдăскирэ чхавэ, и палдава Евусеи дживэна Юдăскирэ чхавэнца кэ Ерусалимо аж кэ дава дывэс.

Шэрó 16

Ефрёмó и Манáсия

¹ Тэньци (потом) выпыя жрэбиё Иосифóскирэ (Ёзăскирэ) чхавэнгэ: Иорданостыр пашыл Ерихóно, пашыл Ерихоноскиро панí пэ вастóко, кэ чхучí пхув, савí тырдэлапэ Ерихоностыр кэ Вефилёскири бэрга; ² Вефилёстыр джáла межакири риг кэ Луза, и пириджала кэ Архакири мёжа кэ Атарофо, ³ и змэкэлапэ кэ мóрэ (дэрьяв), кэ Иафлетоскири риг, пэ Тэллатуны риг Беф-Ороноскири и кэ Газеро, и ягóро исын пашыл мóрэ (дэрьяв). ⁴ Дава дорэснэ (долынэ) дрэ миштыпнаскири мёра Иосифóскирэ (Ёзăскирэ) чхавэ: Манáсия и Ефрёмó. ⁵ Риг пир мёжа Ефремóскирэ чхавэнгиро пир лэнгирэ кхэритка рóды сыс дасавí: вастокóстыр лэнгирэ миштыпнаскирэ меракирэ ригаса сыс Атарофо-Адаро кэ Беф-Ороно упратуно; ⁶ Тэньци (потом) джáла межакири риг кэ мóрэ (дэрьяв) севернонэ Михмефафоскирэ ригаса и рискирэла кэ восточно риг пэ Фаанаф-Силомо, и обджала лэс восточнонэ Ианохоскирэ ригáтыр; ⁷ Ианохостыр, мёжа джáла тэлэ кэ Атарофо и Наарафо, приячэла кэ Ерихóно и доджáла кэ Иордано. ⁸ Тапуахостыр джáла межакири риг кэ мóрэ (дэрьяв), кэ сыгно рэкица (лэнорí) Канá, и лăкиро ягóро заджáла дрэ мóрэ (дэрьяв). Ёада, исын миштыпнаскири мёра Ефремóскирэ чхавэнгирэ пир рóдыцы, пир кхэритка рóды

(плéми). ⁹ И фóрья отгинé Ефремóскирэ чхавéнгэ дрэ Манасия́скирэ-чхавэнгири миштыпна́скири мéра, сарé фóрья лéнгирэ гавэнца. ¹⁰ Нэ Ефремляни на вытрадынé Хананеен, савé дживдé кэ Газеро; палдава́ Хананеи дживдé машкира́л Ефремлянэндэ кэ дава́-паць дывэс, плэскири лéнгэ дань.

Шэрó 17

Явiр Рóдыцо Манасия́скиро

¹ И выпыя жрэбиé Манасия́скирэ родыцóскэ, адякэ сыр ёв сыс Иосифоскиро англатунó чхавó. Махироскэ, Манасия́скирэ англатунé чхавэ́скэ, Галаадóскирэ дадэ́скэ, савó сыс муршари пэ марибóн, яцýпэ Галаадо́ и Васано́. ² Яцýпэ миштыпна́скири мéра и явирéнгэ Манасия́скирэ чхавéнгэ, пир лéнгирэ кхэ́рiтка рóды, и Авиезэ́роскирэ чхавéнгэ, и Хелекоскирэ чхавéнгэ, и Асриилоскирэ чхавéнгэ, и Хефераскирэ чхавéнгэ, и Шеми́даскирэ чхавéнгэ. Га́да, сыс чхавé Манасия́скирэ, Иосифóскирэ-чхавэ́скирэ мурша́, пир лéнгирэ кхэ́рiтка рóды (плéми). ³ Салпаадостэ, Хефероскирэ чхавэ́стэ, Галаадóскирэ чхавэ́стэ, Махироскирэ чхавэ́стэ, Манасия́скирэ чхавэ́стэ, на сыс чхавéн, а сыс екх чхая́. Га́да, исын лéнгирэ чхаенгирэ лава́: Махла, Ноа, Хогла, Милка и Фирца. ⁴ Ёнэ явнó кэ раша́й Елизáро и кэ Исýсо, Навиноскиро чхавó, и кэ барыдыра́, и пхэндлэ: “Рай Дэвэл пхэндя́ Мойза́скэ тэ дэл амéнгэ миштыпна́скири мéра машкiр амарé пшалéндэ”. И дынэ лéнгэ миштыпна́скири мéра, пир Ра́скирэ-Дэвлэ́скиро упхэныбóн, машкiр лéнгирэ дадэ́скирэ пшалéндэ. ⁵ И выгийя́ Манасия́скэ дэш роздыибэ́на (участки), апрiч Галаадóскирэ и Васаноскири пхув, савi сыс пал Иорда́но; ⁶ пал-дова́ со Манасия́скирэ чхая́ дорэснэ́ (долынэ́) миштыпна́скири мéра машкира́л лэ́скирэ чхавéндэ, а Галаадоскири пхув яцýпэ явирэ́ Манасия́скирэ чхавéнгэ. ⁷ Межакири риг Манасия́скири джа́ла Асиросты́р кэ Михмефа́фо, савó исын проти́ Сихема; адатхýр джа́ла ме́жа пэ чачí (право) риг кэ Эн-Тапуа́хоскирэ мануша́. ⁸ Пхув Тапуа́хо яцýпэ Манасия́скэ, а фóро Тапуа́хоскиро пашýл межакири риг яцýпэ Манасия́скирэ-Ефремóскирэ чхавéнгэ. ⁹ Адатхýр межакири риг джа́ла тэлé кэ сы́гно рэ́кица (лэно́ри) Кано, паш-дывэсытконé (южно́нэ) панескирэ рига́тыр. Фóрья далé исын Ефремóскирэ, усаéкх со ёнэ исын тэрдé машкiр Манасия́скирэ фóрья. Ме́жа Манасия́скири – пэ северно́нэ рэ́кицакири (лэньрья́кири) риг, и кончынэ́лапэ дро мо́рэ (дэ́рьяв). ¹⁰ Дова́, со исын кэ паш-дывэс, дова́ исын Ефремоскиро, а со исын кэ паш-рат, дова́ исын Манасия́скиро; мо́рэ (дэ́рьяв) сыс лéнгирэ ме́жаса; кэ Асиро ёнэ при́чэна паш-дывэсытконé рига́тыр, и кэ Исахаро́ восточно́нэ рига́тыр. ¹¹ Исахаростэ́ и Асиростэ́ исын и Манасия́скэ Беф-Сан и штéты, савé исын тэл лэ́скири зор, Ивлеа́мо и лэ́скирэ штéты, и мануша́ Доракирэ́ и штéты, савé сыс тэл лэ́скири зор, мануша́ Эн-Доракирэ́ и штéты, савé сыс тэл лэ́скири зор, мануша́ Фаана́хоскирэ́ и штéты, савé сыс тэл лэ́скири зор, мануша́ Мегидоно́скирэ́ и штéты, савé сыс тэл лэ́скири зор, и трiто́ округакирэ́ паша́ Нафе́фоскиро. ¹² Манасия́скирэ чхавé на мого́ндлэ́ тэ вытрадэ́н далé-форьенгирэ́ манушэ́н, и Хананеи́ ячнэ́пэ тэ дживэ́н пэ да́я пхув. ¹³ Кéли Израилё́скирэ чхавé явнó дрэ зор, тэды ёнэ кэрдé Хананеен андына́ршчыкэ́нца (даникэ́нца), нэ́ тэ вытрадэ́н лэ́н на вытрадынé. ¹⁴ Иосифóскирэ́ (Ё́за́скирэ́) чхавé ракирдé́ Исусóскэ́ и пхэндлэ́: “Сóскэ́ ту дыя́н ма́нгэ́ дрэ́ миштыпна́скири мéра́ екх жрэ́биé́ и екх участко́, тэды́ сыр амэ́н бут мануша́, пал-дова́ со адя́кэ бахтяки́рдя́ ман Рай Дэвэл? ¹⁵ Исýсо пхэндя́ лéнгэ́: “Кóли́ тýтэ́ исын бут мануша́, тэды́ джа́ дро вэ́ш и одóй, пэ́ пхув Фере́зеенги́ри и Рефа́имэнги́ри, роскэр пэ́скэ́ штéто́, кóли́ Ефремóскири́ бэ́рга ваш тýкэ́ исын тя́сно (танго). ¹⁶ Иосифóскирэ́ чхавé́ пхэндлэ́: “На́ ячэ́лапэ́ пал амé́ндэ́ бэ́рга, пал-дова́ со са́струнэ́ марибнýтка́ вурдына́ сарé́ Хананеендэ́, савé́ дживэ́на́ пэ́ до́ло, сыр одолé́ндэ́, савé́ исын дрэ́ Беф-Сана́ и дрэ́ штéты, савé́ исын тэл лэ́скири зор, адя́кэ́ и одолé́ндэ́, савé́ исын пэ́ Израилё́скиро́ до́ло.” ¹⁷ Нэ́ Исýсо пхэндя́ Иосифóскирэ́, Ефремóскирэ́ и Манасия́скирэ́ кхэ́рэскэ́: “Тýтэ́ исын бут мануша́ и зор тýтэ́ исын бари́; на́ екх жрэ́биé́ явэ́ла тýтэ́: ¹⁸ и бэ́рга явэ́ла ты́ри, и да́ва вэ́ш, ту́ роскэрэ́са́ чашча́ и ёй явэ́ла кэ́ кокоро́ ла́киро́ яго́ро; пал-дова́ со

ту вытрадэса Хананеен, мэк и исын лэндэ марибнѣтка вурдына саструнэ, и мэк исын ёнэ зоралэ.”

Шэрó 18

Пхувьякиро Роскэрибэн, Саві Ячяпэ

¹ Сарó Израилёскирэ чхавэнгиро скэдыибэн скэдыяпэ дро Силомо, и чхудэ одой скэдыибнаскири шатра (скіния), пал-довá со пхув сыс залыны лэнца. ² Израилёскирэ чхавэндэр ячяпэ эфтá родыцы (чанга), савэ на дорэснэ (на долынэ) пэскири миштыпнаскири мэра. ³ И пхэндя Исусо Израилёскирэ чхавэнгэ: “Ци гарá (длугэс) тумэ явэна тэ кунинэнпэ (тэ на радинэн) пал дова, соб (кай) тэ джас и тэ лэс дрэ мэкно миштыпэн (наследіе) пхув, саві дья тумэнгэ Рай Дэвэл, Дэвэл, тумарэ-дадэнгиро? ⁴ Дэн пэстыр пир трин манушá родыцостыр, мэ бичхавáва лэн, и ёнэ, уштыи, проджа́на пир пхув и обчхинэна ла, сыр трэй тэ роздэс лэнгэ пэ миштыпнаскири мэра, и явэна кэ мэ; ⁵ мэк тэ роздэн ла пэ эфтá миштыпнаскирэ меры (пашá); Юда мэк тэ ячэлпэ пэ пэскири риг пэ паш-дывэс (юго), а Иосифоскиро кхэр мэк тэ ячэлпэ пэ пэскири риг пэ паш-рат (северно); ⁶ а тумэ росчхинэн пхув пэ эфтá миштыпнаскирэ меры (пашá) и янэн мангэ адарік: мэ чхурдава тумэнгэ жрэбиё адай ангил Рáскирэ-Дэвлэскиро, тумарэ Дэвлэскиро муй; ⁷ а Левитэнгэ нанэ паш машкір тумэндэ, пал-довá со свэнтыма Рáскирэ-Дэвлэскири исын лэнгири миштыпнаскири мэра; Гадо, Рувимо и паш Манасіяскирэ родыцостыр дорэснэ (долынэ) пэскири миштыпнаскири мэра пал Иордáно кэ вастóко, саві дья лэнгэ Мойза, Рáскиро-Дэвлэскиро писхари. ⁸ Адалэ манушá уштынэ и гинэ. Исусо дья манушэнгэ, савэ гинэ тэ росчхинэн пхув дасаво упхэныбэн: “Дж́ан, обджан пхув, обчхинэн ла и рисён кэ мэ; а мэ адай чхурдава тумэнгэ жрэбиё ангил Рáскирэ-Дэвлэскиро муй, дро Силомо”. ⁹ Ёнэ гинэ, прогинэ пир пхув и обчхиндлэ ла, пир лакирэ фóрья, пэ эфтá-миштыпнаскирэ меры (пашá), дрэ лылварі, и явнэ кэ Исусо дро стáно, дро Силомо. ¹⁰ Исусо чхурдыя лэнгэ жрэбиё дро Силомо ангил Растэ-Дэвлэстэ, и роздыя одой Исусо пхув Израилёскирэ чхавэнгэ пир лэнгирэ участки (роздыибэна). ¹¹ Пэ́рво жрэбиё выгия Вениаминóскирэ-чхавэнгирэ родыцоскэ, пир лэнгирэ кхэритка роды (плéми). Риг межакири лэнгири пир жрэбиё гия машкір Юдáскирэ чхавэндэ и машкір Иосифóскирэ чхавэндэ; ¹² ме́жа лэнгири пэ паш-раті́тко риг лэлапэ пашыл Иордáно, и проджа́ла да́я ме́жа пашыл Ерихóно паш-дывэсэстыр (северостыр), и джа́ла упрэ пэ бэ́рга кэ западо, и ла́киро ягóро исын пэ чхучі пхув Бефывено. ¹³ Одотхы́р межакири риг джа́ла кэ Луза, кэ паш-дывэсы́тко (южно) Лузакири риг, явирэс Вефíлэ, и на джа́ла тэлэ риг кэ Атароф-Адаро, кэ бэ́рга, саві исын пэ паш-дывэсы́тко (югоскири) риг Беф-Ороноскири тэлатуны; ¹⁴ тэ́ньчи (потом) ме́жа рискірэла и змэкэлапэ кэ морёскири риг пэ паш-дывэс (юго) бэ́ргáтыр, саві исын пэ паш-дывэс ангил Беф-Ороно, и ла́киро ягóро исын пашыл Ки́риаф-Ваало, явирэс кхарлапэ Ки́риаф-Иаримо, Юдáскирэ чхавэнгирэ фóрья. Да́я исын за́падно риг. ¹⁵ Паш-дывэсы́тконэ ригаса Ки́риаф-Иаримостыр джа́ла ме́жа кэ мо́рэ (дэ́рьяв) и доджáла кэ штéто, каты́р джа́ла пані Нефтоахостыр; ¹⁶ тэ́ньчи (потом) ме́жа джа́ла тэлэ кэ бэ́ргáкиро ягóро, савó исын ангил Еномоскирэ чхавэ́скиро до́ло, пэ Рефаимоскиро до́ло, кэ паш-рат (северо), и джа́ла тэлэ Еномаскирэ долоса кэ паш-дывэсы́тко Евусоскири риг, и джа́ла кэ Эн-Рогело; ¹⁷ Тэ́ньци (потом) рискірэла паш-ратятыр и джа́ла кэ Эн-Шемешо, и джа́ла кэ Гелилофо, савó исын проти Адумимоскиро вучипэн, и джа́ла тэлэ кэ Боганоскиро бар, Рувимóскирэ чхавэ́скиро; ¹⁸ тэ́ньчи (потом) джа́ла на́дур лошчына́тыр (Аравия́тыр) кэ паш-дывэс и джа́ла тэлэ пэ лошчы́на (Аравия); ¹⁹ адатхы́р джа́ла межакири риг пашыл Беф-Хогла пэ паш-рат, и ригакиро ягóро паш дрэ паш-раті́тко (северно) Лондэ морёскиро (дэ́рьявэ́скиро), пашыл паш-дывэсы́тко (южно) ягóро Иорданоскиро. Га́да, исын паш-дывэсы́тко ме́жа. Рига́тыр восточнона́тыр ме́жаса сыс Иордáно. ²⁰ Га́да, сыс Вениаминóскирэ чхавэнгири-миштыпнаскири мэра, лэ́скирэ ме́женца сарэ ригэндэр, пир лэнгирэ кхэритка роды (плéми). ²¹ Фóрья, со сыс Вениаминóскирэ чхавэндэ лэнгирэ родыцоскэ, пир лэнгирэ кхэритка роды (плéми): Ерихóно, Беф-Хогла и Емек-Кеци́цо, ²²

Беф-Арава, Цэмараимо и Вефíлë, ²³ Авимо, Фара и Офра, ²⁴ Кефар-Амонаë, Афни и Гева: дэшудуй фóрья лэнгирэ гавэнца. ²⁵ Гаваóно, Рáма и Борофо, ²⁶ Мицфэ, Кефира и Моца, ²⁷ Рекемо, Ирфеилë и Фарала, ²⁸ Цéла, Элефо и Евусо, явирéс кхарлапэ Ерусалимо, Гивеафо и Кириафо: дэшустар фóрья лэнгирэ гавэнца. Гáда, сыс Вениаминóскирэ-чхавэнгири миштыпнаскири мéра, пир лэнгирэ кхэрítка рóды (плéми).

Шэрó 19

Симеоноскиро Миштыпнэ Кхэтанé Юдаса

¹ Явír жрéбиë выгий Симеоноскэ, Симеоноскирэ-чхавэнгирэ родыцóскэ, пир лэнгирэ кхэрítка рóды (плéми); и сыс лэнгири миштыпнаскири мéра машкír Юдáскирэ-чхавэнгири миштыпнаскири мéра. ² Дрэ лэнгири миштыпнаскири мéра сыс: Вирсáвия ци Шэва, Молада, ³ Хацар-Шуало, Балá и Ацэмо, ⁴ Елтоладо, Вефуло и Хорма, ⁵ Цыклаго, Беф-Маркавофо и Хацар-Суса, ⁶ Беф-Леваофо и Шарухено: трийнда фóрья лэнгирэ гавэнца. ⁷ Аино, Римоно, Ефери и Ашано: штар фóрья лэнгирэ гавэнца, ⁸ и сарé гавá, савé сыс пашыл далé фóрья аж кэ Ваалаф-Беера, ци кэ паш-дывэсытко (южно) Рáма. Гáда, сыс Симеоноскирэ-чхавэнгирэ родыцоскири миштыпнаскири мéра, пир лэнгирэ кхэрítка рóды (плéми). ⁹ Юдáскирэ-чхавэнгирэ роздыбнастыр (участкостыр) дыны сыс мéра Симеоноскирэ-чхавэнгирэ родыцóскэ. Адякэ сыр Юдáскирэ-чхавэнгиро роздыбэн (участко) сыс древán барó ваш лэнгэ, то Симеоноскирэ чхавé и дорэснэ миштыпнаскири мéра машкír лэнгири миштыпнаскири мéра. ¹⁰ Трýто жрéбиë выпыя Завулоноскирэ чхавэнгэ пир лэнгирэ кхэрítка рóды, и тырдыапэ лэнгирэ-миштыпнаскирэ меракири риг кэ Саридо; ¹¹ И лэнгири исын межакири риг лэнгири джáла кэ мórë (дэрьáв) и кэ Марало и кхэтанякирэлапэ Дабешэфоса, и кхэтанякирэлапэ сыгнонэ рэкицаса, савí исын ангíл Иокнеамомо. ¹² Саридатыр джáла мéжа палэ кэ восточно риг, кэ кхамэскиро ўзгийбэн, кэ Кислоф-Фавороскири мéжа; адатхýр джáла кэ Даврафо и газдэлапэ кэ Иафíë; ¹³ адатхýр проджáла кэ востóко дро Геф-Хефери, дрэ Ита-Кацыно, и джáла кэ Римоно, Мифоари и Нея; ¹⁴ и рискíрэла межакири риг паш-ратятыр (северостыр), кэ Ханафоно и лáкиро ягóро пэ дóло Ифтах-Эла. ¹⁵ Дурэдýр: Катафо, Нагалало, Шымроно, Идеало и Вифлеéмо: дэшудуй фóрья лэнгирэ гавэнца. ¹⁶ Гáда, исын Завулоноскирэ-чхавэнгиро мэкнó миштыпнэ, пир лэнгирэ кхэрítка рóды (плéми); гáда, исын фóрья и лэнгирэ гавá. ¹⁷ Штáрто жрéбиë выгий Исахароскэ, чхавэнгэ Исахароскирэнгэ, пир лэнгирэ кхэрítка рóды (плéми); ¹⁸ межакирэ ригаса лэнгирýса сыс: Изреелë, Кесулофо и Сунемо, ¹⁹ Хафараимо, Шыоно и Анахарафо, ²⁰ Равифо, Кишыоно и Авецо, ²¹ Ремемо, Ен-Ганимо, Эн-Хада и Беф-Пацецо; ²² и кхэтанякирэлапэ риг Фавороса и Шагацымоса и Вефсамисоса, и лэнгирэ ригакиро ягóро пашыл Иордáно: дэшушов фóрья лэнгирэ гавэнца. ²³ Гáда, исын Исахароскирэ чхавэнгиро родыцоскиро мэкнó миштыпнэ, пир лэнгирэ кхэрítка рóды; гáда, исын фóрья и лэнгирэ гавá. ²⁴ Пáнджто жрéбиë выгий Асироскирэ чхавэнгирэ родыцóскэ, пир лэнгирэ кхэрítка рóды; ²⁵ межаса лэнгирýса сыс: Хелкафо, Хали, Ветено и Ахсафо, ²⁶ Аламелехо, Амадо и Мишало. И кхэтанякирэлапэ межакири риг Кармилоса палатунé ригáтыр и Шихоро-Ливнафоса; ²⁷ тэньчи (потом) джáла палэ кэ кхамэскиро ўзгийбэн дрэ Веф-Дагоно, и кхэтанякирэлапэ Завулоноса и долоса Ифтах-Эласа паш-дывэсэстыр, дро Беф-Емеко и Неиело, и джáла пашыл Кавуло, зэрвонэ (левонэ) ригáтыр; ²⁸ дурыдыр: Евроно, Рехово, Хамоно и Канá, кэ Сидоно барó; ²⁹ тэньчи (потом) мéжа рисéла кэ Рáма кэ Тíро фóро зоралé тыноса, и рискíрэла межакири риг кэ Хоса, и ягóро лáкиро пашыл мórë (дэрьáв) дро штéто Ахзива. ³⁰ Дурэдýр: Ума, Афеко и Рехово: биш тэ дуй фóрья лэнгирэ гавэнца. ³¹ Гáда, исын Асироскирэ-чхавэнгиро родыцоскиро мэкнó миштыпнэ, пир лэнгирэ кхэрítка рóды (плéми); гáда, сыс фóрья и лэнгирэ гавá. ³² Шóвто жрéбиë выгий Нефалимоскирэ чхавэнгэ, Нефалимоскирэ чхавэнгэ пир лэнгирэ кхэрítка рóды; ³³ межакири риг лэнгири гíя Хелефостыр и дубравэндýр, со сыс дрэ Цананима, кэ Адами-Некево и кэ Иавнеило, кэ Лакумо, и лáкиро ягóро (краë) сыс пашыл Иордáно; ³⁴ адатхýр рисéла мéжа пэ западо кэ

Азноф-Фаворо и джала одотхыр кэ Хукоко, и кхэтаниякирэлапэ Завулоноса паш-дывэсэстыр (югостыр), и Асироса кхэтаниякирэлапэ западостыр, и Юдаса пашыл Иордано, кхамэскирэ ўзгийбнастыр. ³⁵ Форя зоралэ тынэнца исын: Цыдимо, Цэро, Хамафо, Ракафо и Хинерефо, ³⁶ Адамо, Рама и Асоро, ³⁷ Кедесо, Едрея и Эн-Гацоро, ³⁸ Иреоно, Мигдал-Ело, Хоремото, Беф-Анафо и Вефсамисо: дэшуеня форя лэнгирэ гавэнца. ³⁹ Гада, сыс Нефалимоскирэ-чхавэнгирэ родыцоскири мэра дро мэкно миштыпэн пир лэнгирэ кхэритка роды (плэми); гада, сыс форя и гавэ лэнгирэ.

Даноскири Пхув

⁴⁰ Даноскирэ чхавэнгирэ родыцоскэ, пир лэнгирэ кхэритка роды, выгия эфта́то жрэбиё; ⁴¹ лэнгирэ миштыпнаскирэ меракирэ ригаса сыс: Цора, Ештаоло и Ир-Шэмешо, ⁴² Шаалавино, Аиалоно и Иола, ⁴³ Елоно, Фимнафа и Екроно, ⁴⁴ Елтеке, Гиввефоно и Ваалафо, ⁴⁵ Игудо, Бене-Верако и Гаф-Римоно, ⁴⁶ Ме-Иарконо и Раконо межаса на́дур Иопиятыр. И выгия Даноскирэ чхавэнгири риг тыкны ваш лэнгэ. ⁴⁷ И Даноскирэ чхавэ гинэ марибна́са пэ Ласемо, и лынэ лэс, и домардэ лэс курталаса, и дорэснэ лэс дро миштыпэн пэскэ, и лынэ тэ дживэн дрэ лэстэ, и кхардэ Ласемо Даноса пир пэскирэ дадэскиро лав Дано. ⁴⁸ Гада, исын Даноскирэ чхавэнгирэ родыцоскирэ миштыпнаскири мэра, пир лэнгирэ кхэритка роды; гада, форя и гавэ лэнгирэ. ⁴⁹ Кэли мэкно ёнэ пхув тэ роздэн, пир лакирэ мэжы, тэды Израилёскирэ чхавэ дынэ машкир пэстэ миштыпнаскири мэра Исусоскэ, Навиноскирэ чхавэскэ: ⁵⁰ пир Раскиро-Дэвлэскиро упхэныбэн дынэ ёнэ лэскэ форо Фамнаф-Сараи, саво ёв мангдя, пэ бэрга Ефремоскири; и кэрдя ёв форо и дживдя дрэ лэстэ. ⁵¹ Гада, сыс миштыпнаскирэ меры, савэ рашай о Елизаро, Исусо, Навиноскиро чхаво, и барыдыра пэ стрэчы роздынэ Израилёскирэ-чхавэнгирэ родыцэнгэ, пир жрэбиё, дрэ Силомо, ангил Раскирэ-Дэвлэскиро муй, пашыл скэдыбнаскирэ скиниякиро загийбэн. И мэкно тэ роздэн (тэ роскэрэн) пхув.

Шэро 20

Знашыбнаскирэ Форя

¹ И пхэндя Рай Дэвэл Исусоскэ: ² “Пхэн Израилёскирэ чхавэнгэ: кэрэн пэстэ знашыбнаскирэ форя, пал савэ Мэ ракирдём тумэнгэ пирдал Мойзастэ, ³ соб (кай) могиндя тэ нашэл одорик умарибнари, саво домардя манушэс, со дыяпэ дукха, накамишы; мэк далэ форя тэ явэн тумэндэ зракхибнаса манушэстыр, саво отхала палэ пал рат, ⁴ И кон нашэла дрэ екх далэ форьэндыр, мэк тэ тэрдэл пашыл фороскирэ вударэ и тэ роспхэнэл дро саро шуныбэн далэ фороскирэ пхурыдырэнгэ пэскиро рэндо; и ёнэ лэс прилэна кэ пэ дро форо, и дэна лэскэ штэто, соб (кай) ёв тэ дживэл лэндэ; ⁵ и кэли традэлапэ пал лэстэ мануш, саво отхала палэ пал рат, тэды лэнгэ нашты тэ выдэн дрэ лэскирэ васта умарибнарис, пал-довэ со ёв на камишы замардя пэскирэ пашатунэс, лэстэ на сыс кэ ёв накамибэн ни тася, ни пэ трито дывэс; ⁶ мэк ёв тэ дживэл дрэ дава форо, пака явэла ангил манушэндэ пэ сэндо, пака на мэрэла баро рашай, саво явэла дрэ долэ дывэса. А коригэдыр (позже) мэк тэ рисёл умарибнари и тэ джал дрэ пэскиро форо и дрэ пэскиро кхэр, дрэ форо, савэстыр ёв настя. ⁷ И выкэдынэ Кедесо дрэ Галилэя пэ Нефалимоскири бэрга, Сихемо пэ Ефремоскири бэрга, и Кириаф-Арба, явирэс Хевроно, пэ Юдаскири бэрга; ⁸ пал Иордано, проти Ерихоно кэ вастоко выкэдынэ: Бецэро пэ чхучи пхув, пэ лошчына, Рувимоскирэ родыцостыр, и Рамофо дро Галаадо Гадоскирэ родыцостыр, и Голано дро Васано Манасияскирэ родыцостыр. ⁹ Далэ форя сыс дынэ ваш сарэ Израилёскирэ чхавэнгэ и ваш манушэнгэ, савэ явнэ явирэ ригатыр, савэ дживэна дрэ лэндэ, соб (кай) тэ нашэл одорик кажно (свако), кон замардя манушэс пир дош, соб (кай) тэ на мэрэл ёв манушэскирэ вастэстыр, саво отхала палэ пал рат, пака явэла ангил манушэндэ пэ сэндо.

Шэрó 21

Знашыбнаскирэ фóрья

¹ Тэньци Левитэнгирэ-стрэчакирэ барыдыра́ явнэ кэ рашай Елизáро и кэ Исýсо, Навиноскиро чхавó, и кэ Израилёскирэ-чхавэ́нгирэ барыдыра́ пэ стрэ́чы, ² и ракирдэ лэ́нгэ дро Силóмо, пэ Ханаанóскири пхув, и пхэндлэ: “Рай Дэвэл ракирдя́ пир Мойзастэ тэ дэн амэ́нгэ фóрья ваш джи́ибэ́н и лэ́нгири пхув ваш амарé кхэ́ритконé мурдалэ́нгэ (ското)”. ³ И дынэ́ Израилёскирэ чхавé Левитэ́нгэ пэ́скирэ мишты́пнаскирэ мератыр, пир Рáскирэ-Дэвлэ́скиро упхэ́ныбэ́н, далé фóрья лэ́нгирэ пхувья́са. ⁴ Выгя́ жрэ́биё́ Каафóвоскирэ кхэ́ритконé родэ́нгэ; и я́цяпэ́ пир жрэ́биё́ рашаскирэ́ Ааронóскирэ чхавэ́нгэ, Левитэ́нгэ, Юдáскирэ роды́щóстыр, и Симео́носкирэ роды́щóстыр, и Вениа́минóскирэ роды́щóстыр, дэ́шутрин фóрья; ⁵ а явирэ́нгэ Каафóскирэ чхавэ́ндыр: Ефремóскирэ кхэ́ритконé родэ́ндыр роды́щóстыр, и Данóскирэ роды́щóстыр, и Манаси́яскирэ роды́щóскирэ пашатыр (пашэ́стыр), пир жрэ́биё́, я́цяпэ́ дэ́ш фóрья. ⁶ А Гирсо́носкирэ чхавэ́нгэ – Исахаро́скирэ-кхэ́ритконé родóстыр, со исын дрэ́ лэ́нгиро ро́дыщо́ и Асиро́скирэ роды́щóстыр, и Нефали́москирэ роды́щóстыр, и Манаси́яскирэ-родо́скирэ пашатыр дрэ́ Васáно, пир жрэ́биё́, я́чнэ́ дэ́шутрин фóрья; ⁷ Мерари́носкирэ чхавэ́нгэ, пир лэ́нгирэ кхэ́ритка ро́ды, Рувимóскирэ роды́щóстыр, Гадóскирэ роды́щóстыр и Завуло́носкирэ роды́щóстыр дэ́шуду́й фóрья. ⁸ И отды́нэ́ Израилёскирэ чхавé Левитэ́нгэ далé фóрья лэ́нгирэ пхувья́са, сыр ракирдя́ Рай Дэвэл пирдал́ Мойзастэ́, пир жрэ́биё́. ⁹ Юдáскирэ-чхавэ́нгирэ роды́щóстыр и Симео́носкирэ-чхавэ́нгирэ роды́щóстыр дынэ́ фóрья, савэ́ ада́й кхардэ́ пир лав: ¹⁰ Ааронóскирэ чхавэ́нгэ, Каафо́носкирэ кхэ́ритконé родóстыр, Леви́ёскирэ чхавэ́ндыр, адя́кэ сыр жрэ́биё́ лэ́нгиро сыс пэ́рво, ¹¹ дынэ́ фóро Ки́риаф-Арба́, Енако́скиро дад, явирэ́с кхарла́пэ́ Хевро́но, пэ́ Юдаски́ри бэ́рга, паш-форитко́ пхув сыс пашы́л латэ́; ¹² а фэ́лда далé фoро́скири и лэ́скирэ гавá отды́нэ́ дрэ́ маё́нко Халево́скэ, Ефoния́скирэ чхавэ́скэ. ¹³ И адя́кэ рашаскирэ́ Ааронóскирэ чхавэ́нгэ дынэ́ знашы́бнаскирэ фóрья ваш умари́бнарьэ́нгэ – Хевро́но и лэ́скири пхув, – Ливна́ и ла́кири пхув, ¹⁴ Иати́ро и лэ́скири кхэ́таны́ пхув, – Ештэ́мо и лэ́скири кхэ́таны́ пхув, ¹⁵ Холо́но и лэ́скири кхэ́таны́ пхув, – Дави́ро и лэ́скири кхэ́таны́ пхув, ¹⁶ Аино́ и лэ́скири кхэ́таны́ пхув, – Юта́ и ла́кири кхэ́таны́ пхув, – Беф-Шэ́мешо́ и лэ́скири кхэ́таны́ пхув: е́ня́ фóрья дуе́ далé роды́щэ́ндыр; ¹⁷ а Вениа́минóскирэ роды́щóстыр: – Гава́оно́ и лэ́скири кхэ́таны́ пхув, – Ге́ва и ла́кири кхэ́таны́ пхув, ¹⁸ Анафо́фо и лэ́скири кхэ́таны́ пхув, – Алмо́но и лэ́скири кхэ́таны́ пхув: штар фóрья. ¹⁹ Сарé фóрья Ааронóскирэ чхавэ́нгэ, раша́нгэ, я́чнэ́пэ́ дэ́шутрин фóрья лэ́нгирэ кхэ́тану́нэ́ пхувья́нца. ²⁰ И Каафóскирэ чхавэ́нгирэ кхэ́ритконé роды́щэ́нгэ, Левитэ́нгэ, явирэ́ Каафо́носкирэ чхавэ́ндыр, пир лэ́нгиро жрэ́биё́, я́чнэ́пэ́ фóрья Ефремóскирэ роды́щóстыр; ²¹ и дынэ́ лэ́нгэ знашы́бнаскиро́ фóро ваш умари́бна́рискэ́ – Сихе́мо и лэ́скири кхэ́таны́ пхув, пэ́ Ефремóски́ри бэ́рга, – Гезе́ро и лэ́скири кхэ́таны́ пхув, ²² и Кивца́ймо и лэ́скири кхэ́таны́ пхув, Беф-Оро́но́ и лэ́скири кхэ́таны́ пхув: штар фóрья; ²³ Данóскирэ роды́щóстыр: Елфе́ке и лэ́скири кхэ́таны́ пхув, – Гиве́фоно́ и лэ́скири кхэ́таны́ пхув, ²⁴ Аиало́но и лэ́скири кхэ́таны́ пхув, – Гаф-Римо́но́ и лэ́скири кхэ́таны́ пхув: штар фóрья; ²⁵ пашатыр (пашэ́стыр) Манаси́яскирэ роды́щóстыр: – Фаана́хо и лэ́скири кхэ́таны́ пхув, – Гаф-Римо́но́ и лэ́скири кхэ́таны́ пхув: дуй фóрья. ²⁶ Сарé фóрья лэ́нгирэ пхувья́нца сыс дэ́ш, со я́чнэ́пэ́ явирэ́ родэ́нгэ Каафóскирэ чхавэ́ндыр. ²⁷ А Гирсо́носкирэ чхавэ́нгэ, Левито́скирэ родóстыр, дынэ́: пашатыр Манаси́яскирэ роды́щóстыр знашы́бнаскиро́ фóро ваш умари́бна́рискэ́ – Голано́ дрэ́ Васáно́ и лэ́скири кхэ́таны́ пхув, и Бееште́ра и ла́кири кхэ́таны́ пхув: дуй фóрья; ²⁸ Исахаро́скирэ роды́щóстыр: – Кишы́оно́ и лэ́скири кхэ́таны́ пхув, – Давра́фо́ и лэ́скири кхэ́таны́ пхув, ²⁹ Ярму́фо́ и лэ́скири кхэ́таны́ пхув, – Ен-Гани́мо́ и лэ́скири кхэ́таны́ пхув: штар фóрья; ³⁰ Асиро́скирэ роды́щóстыр: – Мишало́ и лэ́скири кхэ́таны́ пхув, Авдо́но́ и лэ́скири пхув, ³¹ Хелка́фо́ и лэ́скири кхэ́таны́ пхув, – Рехо́во́ и лэ́скири кхэ́таны́ пхув: штар фóрья; ³² Нефали́москирэ роды́щóстыр знашы́бнаскиро́ фóро ваш умари́бна́рискэ́ – Ке́десо́ дрэ́ Галиле́я́ и лэ́скири кхэ́таны́ пхув, – Хамо́ф-Доро́́ и лэ́скири кхэ́таны́ пхув, – Карфа́но́ и лэ́скири кхэ́таны́ пхув: трин фóрья. ³³ Гирсо́носкирэ чхавэ́нгэ

пир лэнгирэ кхэритка рёды (плёми), дорэснэ дэшутрин фёрья лэнгирэ пхувьяса сарэ фөрёндыр. ³⁴ Мерарискирэ-чхавэнгирэ кхэритконэ родоскэ, палатунэ (последнёнэ) Левитэнгэ, дынэ: Завулоноскирэ родыцостыр Иокнеамо и лэскири кхэтаны пхув, Карфо и лэскири кхэтаны пхув, ³⁵ Димна и лакири кхэтаны пхув, Нагалало и лэскири кхэтаны пхув: штар фёрья; ³⁶ Рувимоскирэ родыцостыр Бецэро и лэскири кхэтаны пхув, Яца и лэскири кхэтаны пхув, ³⁷ Кедемофо и лэскири кхэтаны пхув, – Мефаафо и лэскири кхэтаны пхув: штар фёрья; ³⁸ Гадоскирэ родыцостыр: знашыбнаскирэ фёрья ваш умарибнарискэ – Рамóфо дрэ Галаадо и лэскири кхэтаны пхув, – Маханаимо и лэскири кхэтаны пхув, ³⁹ Есёвоно и лэскири кхэтаны пхув, – Иазеро и лэскири кхэтаны пхув: сарэ сыс штар фёрья. ⁴⁰ Сарэ фёрья Мерарискирэ чхавэнгэ пир лэнгирэ кхэритка рёды, палатунэ (последнёнэ) Левитэнтирэ родыцэнгэ, пир жрёбиё, ячнэпэ дэшудуй фёрья. ⁴¹ Сарэ Левитэнгирэ фёрья машкир Израилёскирэ-чхавэнгиро маенко (владение) сыс штардэша охто фёрья лэнгирэ пхувьяса кхэтанунэ. ⁴² Пашэ далэ фёрья сыс: пашыл кажно форо, пашыл лэстэ сыс кхэтаны пхув – адякэ сыс пашыл далэ сарэ фёрья. ⁴³ Адякэ отдыя Рай Дэвэл Израилёскэ сарй пхув, пал сави совлахадя Ёв тэ дэл лэнгирэ дадэнгэ, и ёнэ дорэснэ (долынэ) ла дро мэкно миштыпэн (наследие) и лынэ тэ дживэн пэ латэ. ⁴⁴ И дыя лэнгэ Рай Дэвэл раманё (покое) сарэ ригэндыр, сыр совлахадя лэнгирэ дадэнгэ; и никон лэнгирэ сарэ вэргэндыр на вырикирдя проти лэндэ; сарэн лэнгирэ вэргэн Рай Дэвэл отдыя дрэ лэнгирэ васта. ⁴⁵ На яцяпэ ниэкх лав, саво на кэрдяпэ чачипнаса сарэ лачхэ лавэндыр, савэ Рай Дэвэл ракирдя Израилёскирэ кхэрэскэ; саро кэрдяпэ кэ концо (кэ ягоро) (сполниндяпэ).

Шэро 22

Исусо Бичхавэла Пал-Иорданоскирэ Рёдыцы

¹ Тэды Исусо кхардя кэ пэ рёдыцо Рувимоскиро, Гадоскиро и паш Манасияскиро рёдыцо, и пхэндя лэнгэ: ² “Тумэ кэрдэ саро, со ракирдя тумэнгэ Мойза, Раскирэ-Дэвлэскиро писхари, и кандынэ мирэ лава дрэ саро, со мэ припхэндём тумэнгэ; ³ тумэ на ячкирдэ пэскирэ пшалэн пэ бут дывэса кэ дава дывэс, и кэрдэ, со трей тэ кэрэн пир Раскирэ-Дэвлэскиро, тумарэ Дэвлэскиро упхэныбэн: ⁴ аканэ тумаро Рай Дэвэл, Дэвэл, шылякирдя (успокоиндя) тумарэ пшалэн, сыр ракирдя лэнгэ; и адякэ, рисён и джан дрэ тумарэ шатры, пэ тумарэ пхувья, сави дыя тумэнгэ Мойза, Раскирэ-Дэвлэскиро писхари пал Иордано; ⁵ екх причхувэн зор (старинэнпэ) кучэс тэ кэрэн саро (заповеди) и Законо, саво дыя тэ кэрэн кэ концо (кэ ягоро) тумэнгэ Мойза, Раскирэ-Дэвлэскиро писхари: тэ рикирэн сыр Дрогима Рас-Дэвлэс, тумарэ Дэвлэс дро пэскиро ило, тэ псирэн сарэ Лэскирэ дромэнца, тэ раххэн Лэскирэ припхэныбэна, тэ причхувэспэ кэ Ёв и тэ дынаринэс Лэскэ сарэ тумарэ илэса и сарэ тумарэ деса”. ⁶ Коригэдыр (позже) Исусо бахтякирдя лэн и отмэхця лэн, и ёнэ розгинэпэ пир пэскирэ шатры. ⁷ Екхэ Манасияскирэ родыцоскирэ пашакэ дыя Мойза миштыпнаскири мэра дро Васано, а явирэ лэскирэ пашакэ дыя Исусо миштыпнаскири мэра лэскирэ пшалэнца пир дая риг Иордано кэ западо. И кэли лэн отмэця Исусо дрэ лэнгирэ шатры и бахтякирдя лэн, ⁸ то пхэндя лэнгэ: “Барэ барвалыпнаса тумэ рисёна дрэ тумарэ шатры, бутэ скотоса, рупэса, сувнакаса, харкомаса и састырэса, и бутэ идяса; роздэн дорэсыбэн, саво лынэ тумэ тумарэ вэргэндыр, машкир пэскирэ пшалэндэ”. ⁹ И рисинэ, и гинэ чхавэ Рувимоскирэ и чхавэ Гадоскирэ и паш Манасияскиро рёдыцо Израилёскирэ чхавэндыр Силомоустыр, саво исын пэ Ханааноскири пхув, соб (кай) тэ джас пэ Галаадоскиро пхув, пэ пхув пэскирэ маёнкоустыр (владение), сави дорэснэ ёнэ дрэ миштыпэн (владение) пир Раскирэ-Дэвлэскиро упхэныбэн, саво сыс дыно пир Мойзастэ. ¹⁰ Сыр явнэ ёнэ пашыл мэжы пэ пхув, со исын пашыл Иордано пэ Ханааноскиро пхув, чхавэ Рувимоскирэ и чхавэ Гадоскирэ и Манасияскири паш рёдыцо кэрдэ одой пашыл Иордано алтарё, баро жэртвенико пир бицялыбэн. ¹¹ И шундлэ явир Израилёскирэ чхавэ, со ракирэна: Гада, чхавэ Рувимоскирэ и чхавэ Гадоскирэ и паш Манасияскири рёдыцо кэрдэ алтарё пэ Ханааноскири пхув, пэ Иорданоскири пхув, ангил Израилёскирэ чхавэндэ. ¹² Кэли шундлэ дава

Израилёскирэ чхавэ, тэды скэдыяпэ сарó Израилёскирэ-чхавэнгиро скэдыибён дро Силомо, соб (кай) тэ джас проти лэндэ марибна́са. ¹³ Ё́алён, и Израилёскирэ чхавэ англэды́р бичхадé кэ чхавэ Рувимóскирэ и кэ чхавэ Гадóскирэ и кэ паш Манасия́скиро рóдыцо пэ Галаадоскири пхув Финее́сос, рашáс, Елизароскирэ чхавэ́с. ¹⁴ И лэ́са лы́нэ дэ́шэн барыды́рэн, пир барыды́рэстэ пэ стрéчы (поколении) сарé Израилёскирэ родэндýр; ка́жно (сва́ко) лэндýр сыс родоскирэ барыды́рэса пэ ты́сёнцы Израилёскирэ. ¹⁵ И явнэ́ ё́нэ кэ чхавэ Рувимóскирэ и кэ чхавэ Гадóскирэ и кэ паш Манасия́скиро рóдыцо, пэ Галаадоскири пхув, и ракирдé лéнгэ и пхэндлэ́: ¹⁶ “А́дякэ ракирэ́ла сарó Ра́скирэ-Дэвлéскиро скэдыибён: ‘Савó дасаво чорипён (приступлениё) кэрдé тумэ́ ангил Израилёскирэ Дэвлéстэ, со отгинé ка́канá Дэвлéстыр, кэри пэ́скэ алта́рэ и газдынэ́пэ а́канá проти Растэ-Дэвлéстэ? ¹⁷ Нау́што на ухты́лла (на́доси) ваш тумэ́нгэ Фе́гороскиро чорипён, савэ́стыр амэ́ на выжу́жакирдýмпэ кэ да́ва дывэ́с, и пал савó сыс мэ́рибён пэ Ра́скирэ-Дэвлéскиро скэдыибён? ¹⁸ А тумэ́ адады́вэс отджана Ра́стыр-Дэвлéстыр! Дады́вэс тумэ́ газдэ́напэ проти Растэ-Дэвлéстэ, атася́ росхо́лясо́ла Рай Дэвэл́ пэ сарé Израилёскирэ манушэ́ндэ. ¹⁹ Кóли пхув со тумэ́ дорэ́снэ здэ́лапэ тумэ́нгэ на́жужы, тэды пи́риджан пэ пхув Ра́скирэ-Дэвлéскиро маё́нкоскири (владениёскири), пэ сави́ исын Ра́скирэ-Дэвлéскири ша́тра (скíния), лэн мишты́пна́скири мэ́ра машкíр амэ́ндэ, и на газдэ́нпэ проти Растэ-Дэвлéстэ, и пэ амэ́ндэ на газдэ́нпэ, на кэ́рэн пэ́скэ алта́рэ, а́прíч амарé Ра́скирэ-Дэвлéскирэ, Дэвлéскирэ алтарё́стыр. ²⁰ Ци на екх А́хано, Зара́киро чхавó, кэрдя́ прошта́вибён (приступлениё), лы́я совла́хадэ́стыр, а холы́ сыс пэ сарé Израилёскирэ манушэ́ндэ? На екх ё́в, кон мы́я пал пэ́скиро чорипён.’” ²¹ Чхавэ́ Рувимóскирэ и чхавэ́ Гадóскирэ и паш Манасия́скиро рóдыцо дрэ́ отпхэ́ныбён пэ да́ва ракирдé Израилёскирэ ты́сёнцэнгирэ́ барыды́рэнгэ: ²² “Дэвэл́ дэвлэнгиро, Рай Дэвэл́, Дэвэл́ дэвлэнгиро, Рай Дэвэл́, Ё́в джинóла, и Израилё́ мэк тэ́ джинéл! Кóли амэ́ газдаса́пэ и отджаса́ Ра́стыр-Дэвлéстыр, тэды мэк тэ́ на тангинéл амэн Рай Дэвэл́ дрэ́ да́ва дывэ́с! ²³ Кóли амэ́ кэрдя́м алта́рэ (жэ́ртвени́ко) ваш до́ва, соб (кай) тэ́ отджас Ра́стыр-Дэвлéстыр, и ваш до́ва, соб (кай) тэ́ янас пэ́ лэ́стэ цéло схачки́рибён и маруно́ яны́бён и, соб (кай) тэ́ кэ́рас пэ́ лэ́стэ рама́нэ (ми́рно) свéнто яны́бён Ра́скэ-Дэвлéскэ: тэды мэк тэ́ пхучéл Кокорó Рай Дэвэл́! ²⁴ Нэ́ амэ́ кэрдя́м да́ва пир зракхи́бён долэ́стыр, соб (кай) дрэ́ яви́р часо́ тэ́ на пхэ́нэн тумарé чхавэ́ амарé чхавэ́нгэ: “Со тумэ́нгэ кэ́ Рай Дэвэл́, Дэвэл́ Израилё́скиро! ²⁵ О Рай Дэвэл́ чху́дя ме́жакирэ́ ригаса́ Иорда́но машкíр амэ́ндэ и тумэ́ндэ, чхавэ́ Рувимóскирэ и чхавэ́ Гадóскирэ: нанэ́ тумэ́нгэ паш дрэ́ Растэ-Дэвлéстэ”. А́дякэ тумарé чхавэ́ на домэ́кэ́нас бы́ амарé чхавэ́н тэ́ дэн паты́в Ра́скэ-Дэвлéскэ. ²⁶ Палда́ва амэ́ пхэндя́м: ‘Кэ́раса́ пэ́скэ алта́рэ на ваш цéло схачки́рибён и на ваш свéнто яны́бён Ра́скэ-Дэвлéскэ’, ²⁷ нэ́, соб (кай) ё́в, алта́рэ машкíр амэ́ндэ и тумэ́ндэ тэ́ явэ́л якхиткóнэса, машкíр яви́рэ амарé рóды, тэ́ явэ́л якхиткóнэса, со амэ́ мо́гина́са тэ́ дына́рина́с Дэвлéскэ́ цéлонэ́ схачки́рибна́са амарэ́са и амарé́ свэ́нтонэ́ яны́бна́са и амарé́ пари́кирибна́са, и, соб (кай) дро́ яви́р часо́ тэ́ на пхэ́нэн тумарé чхавэ́ амарé чхавэ́нгэ: ‘Нанэ́ тумэ́нгэ паш дрэ́ Растэ-Дэвлéстэ’. ²⁸ Амэ́ раки́рдя́м: ‘Кóли пхэ́нэна́ а́дякэ́ амэ́нгэ́ и родэ́нгэ́ амарэ́нгэ́ дрэ́ яви́р часо́, тэды́ амэ́ пхэ́на́са: Тумэ́ ды́кхэ́на Раски́ри-Дэвлéскири алтарё́скири ко́пия, сави́ кэрдé́ амарé́ да́да на ваш цéло схачки́рибён и на ваш свéнто яны́бён Раске́-Дэвлéскэ́, нэ́ соб (кай) да́ва тэ́ явэ́л якхиткóнэса машкíр тумэ́ндэ́ и амэ́ндэ.’ ²⁹ Мэк тэ́ на явэ́л да́ва, соб (кай) тэ́ газдэ́спэ́ амэ́нгэ́ проти Растэ-Дэвлéстэ́ и тэ́ отджас а́канá Ра́стыр-Дэвлéстыр, и тэ́ кэ́рас свéнто яны́бён Дэвлéскэ́ ваш цéло схачки́рибён и ваш ма́рэскиро́ яны́бён и ваш свéнто яны́бён, а́прíч амарé́ Ра́скирэ-Дэвлéскиро, Дэвлéскиро алта́рэ, савó́ исын ангил́ Лэ́скири ша́тра (скíния)”. ³⁰ Рашáй Финее́со, скэды́ибна́скирэ́ барыды́ра́ и шэ́ралé́ пэ́ ты́сёнцы́ Израилё́скирэ, савé́ сыс лэ́са, шундлэ́ ла́ва, савé́ ракирдé́ чхавэ́ Рувимóскирэ́ и чхавэ́ Гадóскирэ́ и чхавэ́ Манасия́скирэ́, и шардэ́ лэн. ³¹ И пхэндя́ Финее́со, Елизароскиро́ чхавó, рашáй, чхавэ́нгэ́ Рувимоски́рэнгэ́ и чхавэ́нгэ́ Гадоски́рэнгэ́ и чхавэ́нгэ́ Манасия́скирэнгэ́: “Адады́вэс амэ́ уджин́дя́м, со Рай Дэвэл́́ исын машкíр амэ́ндэ, со тумэ́ на кэрдé́ ангил́ Дэвлéстэ́ прошта́вибён дро́ да́ва, а́канá тумэ́ зракхнэ́ Израилё́скирэ́ чхавэ́н Ра́скирэ́ Дэвлéскирэ́ вастéстыр”. ³² И рисия́́ Финее́со, чхавó́ Елизароскиро́, рашáй, и барыды́ра́ Рувимóскирэ́ чхавэ́ндыр́ и Гадóскирэ́ чхавэ́ндыр́ пэ́ Ханаа́но́скири́ пхув кэ́ Израилё́скирэ́ чхавэ́, и я́ндлэ́́ лэ́нгэ́ отпхэ́ныбён. ³³ И чхавэ́́

Израилёскирэ шардэ дава́, и бахтякирдэ Израилёскирэ чхавэ Рас-Дэвлэс, и отчхудэ гиибэн проти лэндэ марибна́са, соб (кай) тэ на нангякирэн пхув, пэ сави́ дживдэ чхавэ Рувимоскирэ и чхавэ Гадоскирэ. ³⁴ И кхардэ чхавэ Рувимоскирэ и чхавэ Гадоскирэ алта́рэ Эд (Якхитко), пал-дова́ со ёнэ пхэндлэ: Эд исын Якхитко машки́р амэндэ, со Рай Дэвэл исын амаро́ Дэвэл.

Шэро́ 23

Исусо (Ёхошу́а) Розячэлапэ Манушэ́нца

¹ Сыр прогия́ бут часо палó дова́, сыр Рай Дэвэл штылякирдя Израилё сарé лэскирэ вэргэндыр сарé ригэндыр, Исусо пхурия, загия́ дрэ пхурé бэрша́. ² И кхардя́ кэ пэ Исусо сарэн Израилёскирэ чхавэн, лэнгирэ пхурыдырэн, лэнгирэ барыдырэн, лэнгирэ сэндарьен и лэнгирэ дыкхибнаскирэн, и пхэндя́ лэнгэ: “Мэ пхуриём, загийём дрэ пхурé бэрша́. ³ Тумэ дыкхнэ сарó, со кэрдя́ Рай Дэвэл, Дэвэл тумарó, ангил тумарó муй сарэнца адалэ манушэ́нца, пал-дова́ со Рай Дэвэл, Дэвэл тумарó, Кокорó мардя́пэ пал тумэндэ. ⁴ Ѓада, мэ роскэрдём (роздыём) тумэнгэ пир жрэбиё адалэ манушэн, савэ ячнэ́пэ дрэ миштыпна́скири ме́ра тумарé родыцэнгэ, сарé мануша́, савэн мэ традыём криг, Иорданостыр кэ барó мо́рэ (дэрьяв), пэ кхамэскиро загийбэн. ⁵ Рай Дэвэл, Дэвэл тумарó, Кокорó традэ́ла криг лэн тумэндыр, и замарэ́ла лэн ангил тумэндэ, соб (кай) тумэ тэ дорэсэн (тэ долэн) дро мэ́кно миштыпэн (наследие́) лэнгири пхув, сыр ракирдя́ тумэнгэ Рай Дэвэл, тумарó Дэвэл. ⁶ Пир сарó ады́кэ-паць старинэнпэ тэ ра́кхэн и кэрэн сарó, со чхиндло́ дрэ Мойза́скирэ-Законоскири лы́лвары́, на отгии́ лэстыр ни пэ чачо́ (право), ни пэ зэ́рво (ле́во). ⁷ На явэн кхэтанэ́ далэ́ манушэ́нца, савэ ячнэ́пэ машки́р тумэндэ, на пририпи́рэн лэнгирэ дэвлорэнгиро лав, на совлахан лэ́нца, и на дынаринэн лэнгэ, и на мангэнпэ́ лэнгэ, ⁸ нэ при́ячэн кэ Рай Дэвэл, Дэвэл тумарó, сыр тумэ́ кэрдэ́ кэ дава́ дывэс; ⁹ О Рай Дэвэл трады́я криг тумэндыр барé и зоралэ́ манушэн, и ангил тумэндэ никон на вы́тэрдия́ кэ дава́ дывэс; ¹⁰ екх тумэндыр протрадэ́ла тысе́нцо, пал-дова́ со Рай Дэвэл, тумарó Дэвэл, Кокорó марэ́лапэ пал тумэндэ, сыр ракирдя́ тумэнгэ. ¹¹ Палдава́ ка́жно мо́ло причхувэн тэ рики́рэн сыр Дро́гима Рас-Дэвлэс, Дэвлэс тумарэс. ¹² Ко́ли тумэ отрисё́на и при́ячэна кэ мануша́, савэ ячнэ́пэ адалэ́ манушэндыр, савэ ячнэ́пэ машкира́л тумэндэ, и заджа́на дро сэмэнцы́пэн лэ́нца, и явэ́на тэ псирэн кэ ёнэ и ёнэ кэ́ тумэ, ¹³ то тэды́ джिनэн, со тумарó Рай Дэвэл, Дэвэл, на явэ́ла буты́р тэ традэл тумэндыр адалэ́ манушэн, нэ ёнэ явэ́на ваш тумэнгэ́ фэ́ляса и сетка́са, чупня́са ваш тумарé пашварэ́ и пхусады́тконэ́ хру́стоса ваш тумарé́ якха́, па́ка тумэ́ явэ́на протрады́нэ долэ́ лачхэ́ пхувья́тыр, сави́ ды́я тумэнгэ́ Рай Дэвэл, Дэвэл тумарó. ¹⁴ Ѓада, мэ акана́ джа́ва сарэ́са дро дро́м сарé́ пхувья́киро. А тумэ́ джिनэн сарé́ тумарé́ илэ́са и сарé́ тумарé́ деса, со на я́цяпэ́ ивья́ ни екх лав сарé́ лачхэ́ лавэндыр, савэ ракирдя́ пал тумэндэ́ Рай Дэвэл, Дэвэл тумарó; сарó кэрдя́пэ́ чачипна́са ваш тумэнгэ́, ни екх лав на я́цяпэ́, саво́ тэ на кэ́рэлпэ́. ¹⁵ Нэ сыр кэрдя́пэ́ чачипна́са пэ́ тумэндэ́ ка́жно (сва́ко) лачхó лав, саво́ ракирдя́ тумэнгэ́ Рай Дэвэл, Дэвэл тумарó, ады́кэ Рай Дэвэл кэ́рэла пэ́ тумэндэ́ ка́жно (сва́ко) хо́лямо́ лав, па́ка Ёв традэ́ла криг кэ́ ха́сибэн́ тумэн далэ́ лачхэ́ пхувья́тыр, сави́ ды́я тумэнгэ́ Рай Дэвэл, Дэвэл тумарó. ¹⁶ Ко́ли тумэ́ пири́джана́ (кэ́рэна́ банг) Ра́скирэ-Дэвлэ́скиро, тумарé́ Дэвлэ́скиро за́вето, саво́ Ёв чху́дя́ тумэнца́, и джа́на и явэ́на тэ́ дына́ринэн́ яви́рэ дэвлорэнгэ́ и тэ́ мангэнпэ́́ лэнгэ́: тэды́ за́хачо́ла пэ́ тумэндэ́ Ра́скирэ-Дэвлэ́скири хо́лы, и сы́г ха́се́на тумэ́́ далэ́ лачхэ́ пхувья́тыр, сави́ ды́я тумэнгэ́ Рай Дэвэл”.

Шэро́ 24

За́вето дро́ Сихемо́

¹ И скэ́дыя́ Исусо́ сарé́ Израилё́скиро́ ро́дыцы́ дро́ Сихемо́, и кхардя́ Израилё́скирэ́ пхурыдырэн, и лэ́скирэ́ барыдырэн, и лэ́скирэ́ сэндарьен, и лэ́скирэ́ дыкхибнаскирэн, и

тэрдинэ ёнэ ангил Растэ-Дэвлэстэ, Дэвлэстэ. ² И пхэндя Исусо сарэ манушэнгэ: “Адякэ ракирэла Рай Дэвэл, Дэвэл Израилёскиро: ‘Пал рэка (лэнь) гарá дживдэ тумарэ дада, Фара, Авраамоскиро дад и Нахороскиро дад, и дынариндлэ явирэ дэвлорэнгэ. ³ Нэ Мэ лыём тумарэ дадэс Авраамос пирдал рэка (лэнь), и лыджиём лэс пир сарí Ханааноскири пхув, и создыём барó лэскиро рóдо, и дыём лэскэ Исаакос. ⁴ Исаакоскэ дыём Яковос и Исавос. Исавоскэ дыём Мэ бэрга Сеиро дрэ мэкно миштыпэн (наследие); Яково и лэскирэ чхавэ пиригинэ дро Египто. ⁵ И бичхадём Мэ Мойзас и Ааронос и Мэ домардём Египто язвэнца (франсэнца), савэ кэрдём Мэ машкёр лэстэ, и коригэдыр (позже) вылыджиём тумэн. ⁶ Мэ вылыджиём тумарэ дадэн Египтостыр, и тумэ явнэ кэ Лоло мórё (дэрьяв). Тэды Египтяни традынэпэ пал тумарэ дадэндэ пэ марибнётка вурдэнá вурдэнэнца и манушэнца, савэ сыс бэштэ уклистэ пэ грэндэ кэ Лоло мórё (дэрьяв); ⁷ Нэ ёнэ лынэ тэ дэн гóдла кэ Рай Дэвэл, и Ёв чхудя калыпэн машкёр тумэндэ и Египтянэндэ, и Ёв яндя пэ лэндэ мórё (дэрьяв), савó лэн и зачхакирдя. Тумарэ якхá дыкхнэ, со Мэ кэрдём дро Египто. Коригэдыр (позже) бут дывэсá тумэ сáнас пэ чхучí пхув. ⁸ И яндём Мэ тумэн пэ Амореенгири пхув, савэ дживдэ пал Иордáно; ёнэ мардэпэ тумэнца, нэ Мэ отдыём лэн дрэ тумарэ вастá, и тумэ дорэснэ (долынэ) дро мэкно миштыпэн (наследие) лэнгири пхув, и Мэ традыём криг лэн ангил тумэндэ. ⁹ Газдыяпэ о Вала́ко, Сепфороскиро чхавó Моавоскиро крáли, и гия марибна́са пэ Израилё, и бичхадя и кхардя Валаамос, Веоровоскирэ чхавэс, соб (кай) ёв тэ прокошэл тумэн; ¹⁰ нэ Мэ на камдём тэ кандав Валаамос, и ёв бахтыкирдя тумэн, и Мэ зракхцём тумэн лэскирэ вастэндыр. ¹¹ Тумэ пиригинэ Иордáно и явнэ кэ Ерихóно. И лынэ тэ марэмпэ тумэнца Ерихоноскирэ манушá, Амореи, и Ферезеи, и Хананеи, и Хетеи, и Гергесеи, нэ Мэ отдыём лэн дрэ тумарэ вастá. ¹² Мэ бичхадём ангил тумэндэ шершенен, савэ традынэ криг лэн тумэндыр, дуэн Амореэнгирэ кральён; на тырэ курталаса и на тырэ лукаса дава́ сыс кэрдó. ¹³ И дыём Мэ тумэнгэ пхув, пэ савí ту на кэрдян буты, и фóрья, савэ тумэ на кэрдэ, и тумэ дживэна дрэ лэндэ; винаградытконэ и инжыритконэ унтэндыр (садэндыр), савэ тумэ на чхудэ дрэ пхув, тумэ хана барьякирдэ (плóды). ¹⁴ И адякэ, дарэн Рáстыр-Дэвлэстыр, и дынаринэн Лэскэ дрэ жужыма и дро чачипэн: отчхурдэн дэвлорэ, савэнгэ дынариндлэ тумарэ дада пал рэка (лэнь) дро Египто, а дынаринэн Рáскэ-Дэвлэскэ. ¹⁵ Кóли тумэнгэ нанэ пир илó тэ дынаринэн Рáскэ-Дэвлэскэ, то тэды выкэдэн пэскэ аканá, конэскэ тэ дынаринэс, ци дэвлорэнгэ, савэнгэ дынариндлэ тумарэ дада, савэ сыс пал рэка (лэнь), ци Амореэнгирэ дэвлорэнгэ, пэ пхув савэнгири тумэ дживэна; а мэ и миро кхэр яваса тэ дынарина́с Рáскэ-Дэвлэскэ”. ¹⁶ И отпхэндлэ манушá и пхэндлэ: “Над, на явэла дова́, соб амэ тэ ячкирас Рас-Дэвлэс и яцям тэ дынарина́с явирэ дэвлорэнгэ! ¹⁷ Палдава́ со Рай Дэвэл, Дэвэл амарó, Ёв вылыджия́ амэн и амарэ дадэн Египтоскирэ пхувьятыр, дынарибна́скирэ кхэрэстыр, и кэрдя́ ангил амарэ якхá барэ знамэнии (гертыка́), и рахця́ амэн пэ сарó дром, пир савó амэ гиям, и машкёр сарэ манушэндэ, пирдал савэндэ амэ прогиям. ¹⁸ О Рай Дэвэл традыя́ криг амэндыр сарэ манушэн и Амореен, савэ дживдэ пэ дая́ пхув, пал-дова́ и амэ яваса тэ дынарина́с Рáскэ-Дэвлэскэ, пал-дова́ со Ёв исын амарó Дэвэл”. ¹⁹ Исусо пхэндя манушэнгэ: “Тумэнгэ нашты́ тэ дынаринэн Рáскэ-Дэвлэскэ, пал-дова́ со Ёв, Дэвэл, исын свэнто, исын Дэвэл зэвлыныпнытко (ревнителё), Ёв на явэла тэ вырикирэл тумарó проштавибэн (беззаконие́) и тумарэ грэхи. ²⁰ Кóли тумэ ячкирэна Рас-Дэвлэс и явэна тэ дынаринэн явирэ дэвлорэнгэ, тэды Ёв янэла пэ тумэндэ хась и протраделá тумэн, палó дава́, сыр Ёв кэрдя́ лачхипэн тумэнгэ”. ²¹ И пхэндлэ манушá Исусоскэ: “Над, амэ яваса тэ дынарина́с Рáскэ-Дэвлэскэ”. ²² Исусо пхэндя манушэнгэ: “Тумэ сан якхйтка пал пэстэ, со тумэ выкэдынэ пэскэ Рас-Дэвлэс – тэ дынаринэн Лэскэ?” Ёнэ отпхэндэ: “Якхйтка сам амэ”. ²³ “И адякэ, отчхурдэн на пэскирэ дэвлорэ, савэ исын тумэндэ, и рискирэн пэскиро илó кэ Рай Дэвэл, Дэвэл Израилёскиро”. ²⁴ Манушá пхэндлэ Исусоскэ: “Амарэ Рáскэ-Дэвлэскэ, Дэвлэскэ, амэ яваса тэ дынарина́с, и Лэскири зан (глос) яваса тэ шунас”. ²⁵ И кэрдя́ Исусо манушэнца завето дро дова́-паць дывэс, и дыя́ лэнгэ упхэныбэн и Зако́но дро Сихемо. ²⁶ И дочхиндя Исусо далэ лава́ дрэ Дэвлэскирэ-Законоскири лылварí, и лыя́ барó бар, и чхудя́ лэс одóй тэл дэмбо, савó сыс пашыл Рáскирэ-Дэвлэскиро свэнто штэто. ²⁷ И пхэндя́ Исусо сарэ манушэнгэ: “Гáда, дава́ бар явэла тумэнгэ якхитконэса, пал-дова́ со ёв шундя́ сарэ Рáскирэ-

Дэвлэскирэ лава, савэ Ёв ракирдя амэнца; мэк ёв тэ явэл якхитконэса проти тумэндэ, соб (кай) тумэ тэ на хохавэн ангил тумарэ Дэвлэстэ”.²⁸ И отмэххця Исусо манушэн, кажнонэс (сваконэс) дрэ пэскири миштыпнаскири мэра.²⁹ Палó дава мыя о Исусо (Ёхошуа), Навиноскиро чхавó, Раскиро-Дэвлэскиро писхари, сыс шэл еня бэрш лэскэ.³⁰ И гарадэ лэс пэ лэскири миштыпнаскири меракири риг дрэ Фамнаф-Сараи, со исын пэ Ефремóскири бэрга [Сэрах-ю.о.], пэ паш-рат (северо) бэргатыр Гаашатыр.³¹ И дынариндя Израилё Раскэ-Дэвлэскэ дрэ сарэ дывэса Исусóскирэ и дрэ пхурыдырэнгирэ дывэса, дживдэ пал Исусóстэ и, савэ дыкхнэ сарэ Дэвлэскирэ рэндэ, савэ Ёв кэрдя Израилёскэ.³² И кокалы Иосифóскирэ (Ёзаскирэ), савэ вылыджинэ Израилёскирэ чхавэ Египтóстыр, гарадэ дро Сихемо, дрэ фэлда, сави киндя Яково Емороскирэ чхавэндэ, Сихемоскирэ дадэстыр, пал шэл рупувэ гасталэ, и савэ яцяпэ дрэ миштыпнаскири мэра Иосифóскирэ чхавэнгэ.³³ Палó сарó мыя и Елеазаро, Аароноскиро чхавó, и гарадэ лэс пэ Финеесоскири бэрга, лэскирэ чхавэскири, сави сыс дыны лэскэ пэ Ефремóскири бэрга.³⁴ [Дро дова дывэс чхавэ Израилёскирэ, лынэ Дэвлэскиро ковчэго и ёнэ лыджинэ лэс пэса, и о Финеесо сыс рашай пэ штэто Елезароскиро, савó сыс лэскиро дад; сыр ёв мыя, то гарадэ лэс дро лэскиро фóро Гаваофо.³⁵ И чхавэ Израилёскирэ гинэ кажно (свако) пэ пэскиро штэто и дро пэскиро фóро.³⁶ И чхавэ Израилёскирэ лынэ тэ дынаринэн (тэ служынэн) Астартакэ и Астарофоскэ, и Дэвлорэнгэ, савэнгэ дэнас патыв нации, савэ дживдэ пашл лэндэ. И огдыя Рай Дэвэл лэн дрэ васта Еглоноскирэ, кон сыс Моавитэнгиро крáli, и ёв рикирдя зор пэ лэндэ дэшуохто бэрш.-р.с.]

Сэндарьенгири Лылварі

Шэрó 1

О Юда и о Симеоно (Семёно) Заухтылэна Ханаано

¹ Сыр Исусо (Ёхошуа) мыя, то Израилёскирэ чхавэ пхучэнас Растыр-Дэвлэстыр, ракири: “Кон амэндэ англэдыр джала пэ Хананеендэ – тэ марэлпэ лэнца?”² И пхэндя Рай Дэвэл: “О Юда джала, гада, Мэ пиридава пхув дрэ лэскирэ васта.”³ О Юда пхэндя Симеоноскэ (Симёноскэ), пэскирэ пшалэскэ: “Заджа манца дро миро жрэбиё, и амэ яваса тэ мараспэ Хананеенца; и мэ заджава дро тырó жрэбиё туса.” И гия лэса Симеоно.⁴ И гия Юда, и отдыя Рай Дэвэл Хананеен и Ферезеен дрэ лэнгирэ васта, и замардэ ёнэ лэндэ дэш бара (тысёнцы) манушэн дрэ Везека.⁵ Дрэ Везека ёнэ стрэниндлэпэ Адони-Везекоса, мардэпэ лэса и домардэ Хананеен и Ферезеен.⁶ Адони-Везеко настя; нэ ёнэ традынэпэ пал лэстэ, и ухтылдэ лэс, и отчингирдэ барэ ангушта (пальцы) пэ лэскирэ васта и пэ лэскирэ гэрэ.⁷ Тэды пхэндя о Адони-Везеко: “Эфтадэша крэлья отчингирдэ барэ ангуштэнца пэ лэнгирэ васта и гэрэ скэдынэ крошки тэл миро скаминд, сыр кэрдэм мэ, адякэ и мангэ дыя Дэвэл.” И яндлэ лэс дро Ерусалимо, и ёв мыя одой.⁸ И гинэ марибнаса Юдаскирэ чхавэ проти Ерусалимо, и лынэ лэс, и домардэ лэс курталаса, и фóро отдынэ ягакэ.⁹ Палó (после) дава гинэ Юдаскирэ чхавэ тэ марэппэ Хананеенца, савэ дживдэ пэ бэрги и пэ паш-дывэсытко (полуденно) пхув и пэ тэлатунэ штэты.¹⁰ И гия Юда пэ Хананеендэ, савэ дживдэ кэ Хевроно (лав Хевроноскэ сыс англэдыр Кириаф-Арба), и домардэ Шэшаёс, Ахиманос и Фалмаёс.¹¹ Одотхыр гия ёв пэ Давироскирэ манушэндэ; лав Давироскэ сыс англэдыр Кириаф-Сефери.¹² И пхэндя о Халево: “Кон домарла Кириаф-Сефери и лэла лэс, одолэскэ отдава мэ Ахса, мирья чха, палором.”¹³ И лыя лэс Гофониило, Кеназаскиро чхавó, тыкнэдыршонэ-Халевоскирэ пшалэс, и Халево отдыя дрэ ромня (ромнятэ) лэскэ Ахсака, пэскирья чха.¹⁴ Кэли явдя часо тэ джал, то Гофониило высклякирдя ла тэ мангэл лэкирэ дадэстыр фэлда, и ёй згия ослостыр. Халево пхэндя лэскэ: “Со тукэ трэй?”¹⁵ Э Ахса пхэндя лэскэ: “Дэ мангэ бахтиякирибэн; ту дыян мангэ паш-дывэсытко (полуденно) пхув, дэ мангэ и тхадыпэн панескиро.” И дыя лэскэ Халево упратунэ панескирэ ганынга (колодцы) и тэлатунэ панескирэ ганынга.¹⁶ И Иофороскирэ-Кенеяниноскирэ чхавэ, Мойзаскирэ састрэскирэ,

гинэ форóстыр Палым Юдаскирэ чхавэнца пэ Юдаскири чхучи пхув, сави исын пэ паш-дывэс (пэ юго) Арадостыр, и явнэ и лынэ тэ дживэн машкир манушэндэ. ¹⁷ И гия Юда Симёноса, пэскирэ пшалэса, и домардэ Хананеен, савэ дживдэ кэ Цэфафо, и отдынэ лэ прокошыбнаскэ, и долэстыр кхарэлапэ дава форо Хорма. ¹⁸ Юда лыя адякэ-паць Газа, лакирэ ригэнца, Аскалоно, лэскирэ ригэнца, и Екроно, лэскирэ ригэнца. ¹⁹ О Рай Дэвэл сыс Юдаса, и ёв заухтылдя бэрга; нэ манушэн долостыр на могиндя тэ протрадэл, пал-дова со лэндэ сыс саструнэ марибнытка вурдэна. ²⁰ И отдынэ ёнэ Халевоскэ Хевроно, сыр ракирдя о Мойза, и вытрадыя ёв одотхыр тринэн Енакоскирэ чхавэн. ²¹ Нэ Евусеен, савэ дживдэ кэ Ерусалимо, Вениаминóскирэ чхавэ на вытрадынэ, и дживэна Евусеи Вениаминóскирэ чхавэнца кэ Ерусалимо кэ дава дывэс. ²² И Иосифóскирэ чхавэ гинэ адякэ-паць пэ Вефилё, и Рай Дэвэл сыс лэнца. ²³ И выдыкхэнас Иосифóскирэ чхавэ Вефилё (лав англэдыр сыс фороскэ Лузо). ²⁴ И дыкхнэ рахибнарья манушэс, саво гия форóстыр, и пхэндлэ лэскэ: “Сыкав амэнгэ тэ заджас дро форо, и амэ сыкаваса тукэ тангипэн.” ²⁵ Ёв сыкадя лэнгэ дрэ форо загибэн, и домардэ ёнэ форо курталаса, адалэ манушэс и саро лэскиро родо отмэнэ. ²⁶ Давá мануш гия пэ Хетееңгири пхув, и чхудя форо, и дыя лэскэ лав Лузо. Давá лэскиро лав исын кэ дава дывэс. ²⁷ И Манасия на вытрадыя манушэн, савэ дживдэ кэ Бефсано и дрэ форя, савэ запасёна лэстыр, кэ Фаанаха и дрэ форя савэ запасёна лэстыр, манушэн, савэ дживэна кэ Дора и дрэ форя, савэ запасёна лэстыр, манушэн Ивлеамостыр и, савэ запасёна лэстыр форя, манушэн, савэ дживэна кэ Мегидоно и, савэ запасёна лэстыр форя, и ячнэпэ Хананеи тэ дживэн пэ доя пхув. ²⁸ Кэли Израилё явдя дрэ зор, то тэды кэрдя ёв Хананеен андынаршчыкэнца (даникэнца), нэ тэ вытрадэл лэн, на вытрадыя. ²⁹ И Ефрёмó на вытрадыя Хананеен, савэ дживдэ кэ Газеро, и дживдэ Хананеи машкир лэндэ кэ Газеро. ³⁰ И Завулоно на вытрадыя манушэн, савэ дживдэ кэ Китроно и манушэн, савэ дживдэ кэ Наглоло, и дживдэ Хананеи машкир лэндэ и плэскирдэ лэнгэ дань. ³¹ И Асиро на вытрадыя манушэн, савэ дживдэ кэ Акко и манушэн, савэ дживдэ кэ Сидоно, и кэ Ахлаво, кэ Ахзиво, кэ Хелва, кэ Афеко, и кэ Рехово. ³² И дживдя Асиро машкир Хананеендэ, манушэндэ, савэ дживдэ пэ доя пхув, пал-дова со ёв на вытрадыя лэн. ³³ И Нефалимо на вытрадыя манушэн, савэ дживдэ кэ Вефсамисо и манушэн, савэ дживдэ кэ Бефанафо, и дживдя машкир Хананеендэ, манушэндэ, савэ дживдэ пэ доя пхув; мануша, савэ дживдэ кэ Вефсамиса и кэ Бефанафа сыс лэскирэ андынаршчыки (данники). ³⁴ И стасадэ Амореи Данóскирэ чхавэн дрэ бэрги, пал-дова со на дынэ лэнгэ тэ зджан пэ доло. ³⁵ И ячнэпэ Амореи тэ дживэн пэ бэрга Хересо, дрэ Аиалоно и Шаалвима; нэ васт Иосифóскирэ-чхавэнгиро пиризорякирдя Амореен, и кэрдэ ёнэ лэн андынаршчыкэнца (даникэнца). ³⁶ Амореенгирэ-межакирэ ригá бэргицатыр Акравимо и Селатыр тырдэлэспэ и дурыдыр.

Шэрó 2

Исусó Мэрóла, Израилё на Кандэла Дэвлэс

¹ И явдя Рáскирэ-Дэвлэскиро Янгóло Галгалостыр дро Бохимо, и пхэндя: “Мэ вылыджиём тумэн Египтóстыр и яндём тумэн пэ пхув, пал сави совлахадём тумарэ дадэнгэ – тэ дав тумэнгэ, и пхэндём Мэ: “На парувава Миро завето тумэнца дрэ вéко; ² и, соб (кай) тумэ тэ на кхэтаниякирэнпэ далэ-пхувьякирэ манушэнца; лэнгирэ алтáри (жэртвеники) росспахирэн.” Нэ тумэ на шундлэ Мирí зан (глос). Со тумэ дава кэрдэ? ³ И палдова Мэ ракирава: “Мэ на протрадава лэн тумэндыр, и явэна ёнэ тумэнгэ чхупняса, лэнгирэ дэвлорé явэна ваш тумэнгэ фэляса (сеткаса).” ⁴ Кэли Рáскирэ-Дэвлэскиро Янгóло пхэндя далэ лава сарэ Израилёскирэ чхавэнгэ, тэды мануша газдынэ бари гóдла и зарондлэ. ⁵ Далэстыр и кхарэна дова штéто Бохимо. Одóй ёнэ яндлэ свэнто дыибэн (жэртва) Рáскэ-Дэвлэскэ. ⁶ Кэли Исусó отмэкця манушэн, и гинэ Израилёскирэ чхавэ, кажно (свако) дрэ пэскири миштыпнаскири мéра, соб (кай) тэ дорэсэн (тэ долэн) дро мэкно миштыпэн (наследие) пхув, ⁷ тэды мануша дынариндлэ Рáскэ-Дэвлэскэ дрэ сарэ Исусóскирэ дывэса и дрэ сарэ пхурыдырэнгирэ дывэса, савэ дживдэ коригэдыр (позже) Исусóстэ и савэ дыкхнэ сарэ барэ

рэнды Рáскирэ-Дэвлэскирэ, савэ Ёв кэрдя Израилёскэ. ⁸ Нэ кэли мыя о Исусо (Ёхошуа), Навиноскиро чхаво, Рáскирэ-Дэвлэскиро писхари, то сыс лэскэ шэл и дэш бэрш, ⁹ и гарадэ лэс дрэ лэскирэ миштыпнаскирэ-меракири риг дрэ Фамнаф-Сараё, пэ Ефремóскири бэрга, пэ паш-рат (северо) бэргатыр Гааша; ¹⁰ и кэли сарэ адалэ манушá отгинэ кэ пэскирэ дада, и газдыпэ коригэдыр (позже) лэндэ явир родо, саво на джиндя Рас-Дэвлэс и Лэскирэ рэнды, савэ Ёв кэрдя Израилёскэ, ¹¹ тэды Израилёскирэ чхавэ лынэ тэ кэрэн чорипэн ангил якхá Дэвлэскирэ, и лынэ тэ дынаринэн Вааламэнгэ; ¹² ёнэ ячкирдэ Рас-Дэвлэс, пэскирэ дадэнгирэ Дэвлэс, Саво вылыджия лэн Египтóскирэ пхувьятыр, и рисинэ кэ явир дэвлорэ, манушэнгирэ дэвлорэнгэ, савэ сыс пашыл лэндэ, и лынэ тэ мангэнпэ лэнгэ, и холякирдэ Рас-Дэвлэс; ¹³ и ёнэ ячкирдэ Рас-Дэвлэс и лынэ тэ дынаринэн Ваалоскэ и Астартэнгэ. ¹⁴ И захачия Рáскирэ-Дэвлэскири холы пэ Израилё, и отдыя лэн дрэ чорибнарьенгирэ вастá, и обчордэ лэн; и отдыя лэн дрэ вэргэнгирэ вастá, савэ сыс пашыл лэндэ, и на могиндлэ ёнэ бутыр тэ вырикирэн ангил пэскирэ вэргэндэ. ¹⁵ Карик ёнэ джана́с, Рáскирэ-Дэвлэскиро васт усенде сыс лэнгэ дрэ чорипэн, сыр ракирдя лэнгэ Рай Дэвэл и сыр совлахадя лэнгэ Рай Дэвэл. И лэнгэ сыс древа́н (збит) тясно. ¹⁶ И чхувэлас лэнгэ Рай Дэвэл сэндарьен, савэ зракхнэ лэн вастэндыр лэскирэ чорибнарьендыр; ¹⁷ нэ и сэндарьен ёнэ на шундлэ, а псирэнас, блэндыны палал пал явирэ дэвлорэндэ и мангнэпэ лэнгэ, сыг зджанас дромэстыр, савэса псирдэ лэнгирэ дада, кандыи Рáскирэ-Дэвлэскирэ припхэныбэна́ (заповеди). Ёнэ адякэ на кэрдэ. ¹⁸ Кэли Рай Дэвэл дэлас лэнгэ сэндарьен, тэды Кокорó Рай Дэвэл сыс сэндари и зракхця лэн лэнгирэ вэргэндыр дрэ сарэ сэндарьенгирэ дывэса́: пал-дова́ со тангиндя лэн Рай Дэвэл, шуны лэнгирэ гондя манушэндыр, савэ лэн бидыкхнэ и тасадэ. ¹⁹ Нэ сыр сыг мыя сэндари, ёнэ нэвэс (зноко) кэрдэ фуедыр пэскирэ дадэндыр, отрисии кэ явир дэворэ, дына́ри лэнгэ и мангнэпэ лэнгэ. На мэкнэ ёнэ пэскирэ рэндэндыр и налачхэ пэскирэ дромэстыр. ²⁰ И захачия Рáскирэ-Дэвлэскири холы пэ Израилё, и пхэндя Ёв: “Пал дова́, со адалэ манушá пириджана Миро завето, саво Мэ чхудём лэнгирэ дадэнца, и на шунэна Мирí зан, ²¹ то и Мэ на лава́ бутыр тэ традав лэндыр ни екхэс одолэ манушэндыр, савэн ячкирдём Исусоскэ, кэли ёв мэрэлас, ²² соб (кай) тэ злыджас лэнца Израилё: ци лэна ёнэ тэ рикирэнпэ Рáскирэ-Дэвлэскирэ дромэскэ и тэ псирэн пир лэстэ, сыр рикирдэпэ лэнгирэ дада, ци над?” ²³ И ячкирдя Рай Дэвэл адалэ манушэн, и на вытрадыя лэн сыг, и на отдыя лэн дрэ Исусоскирэ вастá.

Шэро́ 3

Народы, Савэ Ячнэпэ тэ Спробинэн Израилё

¹ Ё́ада, исын адалэ манушá, савэн ячкирдя Рай Дэвэл, соб (кай) тэ злыджал лэнца Израильтянэн, сарэн, савэ на джиндлэ пал сарэ Ханааноскирэ марибэна, ² ваш дава́ екх, соб (кай) тэ джинэн и тэ сыклён марибнаскэ явир роды, Израилёскирэ-чхавэнгирэ, савэ англэдыр на джиндлэ лэс; ³ пандж Филистимиякирэ хулая, сарэ Хананеи, Сидоняни, и Евеи, савэ дживдэ пэ бэрга Ливáно, бэргатыр Ваал-Ермоно кэ загиибэн дро Емафо. ⁴ Ёнэ сыс ячкирдэ, соб (кай) тэ злыджас лэнца Израильтянэн и тэ уджинэс, ци шунэна ёнэ Рáскирэ-Дэвлэскирэ припхэныбэна́ (заповеди), савэ Ёв припхэндя лэнгирэ дадэнгэ пир Мойзастэ. ⁵ И дживдэ Израилёскирэ чхавэ машкир Хананеендэ, Хеттеендэ, Амореендэ, Ферезеендэ, Евсеендэ и Евусеендэ, ⁶ и лынэ лэнгирэ чхаён пэскэ палором, и пэскирэ чхаён отдэнас пал лэнгирэ чхавэндэ, и дынариндлэ лэнгирэ дэвлорэнгэ. ⁷ И кэрдэ Израилёскирэ чхавэ фуипэн ангил Рáскирэ-Дэвлэскирэ якхá, и бистырдэ Рас-Дэвлэс, пэскирэс Дэвлэс, и дынариндлэ Ваалэнгэ и Астартэнгэ. ⁸ И захачия холы Рáскирэ-Дэвлэскири пэ Израилё, и отдыя Ёв лэн дрэ вастá Хусарсафемоскэ, Месопотамиякирэ кралёскэ, и дынариндлэ Израилёскирэ чхавэ Хусарсафемоскэ охто́ (бидуэнгиро дэш) бэрш. ⁹ Тэды задынэ гóдла Израилёскирэ чхавэ кэ Рай Дэвэл, и чхудя Дэвэл зракхибнарис Израилёскирэ чхавэнгэ, саво зракхця лэн, Гофониило, Кеназаскирэ чхавэс, тыкнэдыршонэ Халевоскирэ пшалэс. ¹⁰ Пэ лэстэ сыс Рáскирэ-Дэвлэскиро Духо́ (Фа́но), и сыс ёв сэндариса Израилёскэ. Ёв выгия́ пэ марибэн, и

отдыя Рай Дэвэл дрэ лэскирэ васта Хусарсафемос, Месопотамиякирэ крали́с, и пиризорьякирдя лэскиро васт Хусарсафемос. ¹¹ И откиныя пхув штардэша́ бэрш. И мыя о Гофониило, Кеназаскиро чхаво́. ¹² Израилёскирэ чхаво́ нэвэс лынэ́ тэ кэрэн фуипэн ангил якха́ Раскирэ-Дэвлэскирэ, и зорьякирдя Рай Дэвэл Еглонос, Моавитоскирэ крали́с, проти Израильтянэндэ, пал дова́, со ёнэ кэрдэ́ фуипэн ангил Раскирэ-Дэвлэскирэ якха́. ¹³ Ёв кэдыя кэ пэ Амонитянэн и Амаликитянэн, и гия́ и домардя́ Израилё, и залынэ́ ёнэ́ форо́ Пальм. ¹⁴ И дынариндлэ́ Израилёскирэ чхаво́ Еглоноскэ́, Моавитоскирэ крали́скэ́, дэшуохто́ бэрш. ¹⁵ Тэды задынэ́ гóдла Израилёскирэ чхаво́ кэ Рай Дэвэл, и Рай Дэвэл дыя́ лэнгэ́ зракхибна́рис Аодос, Гераскирэ чхавэ́с, Еминиёскирэ чхавэ́с, саво́ сыс левша́. И бичхадэ́ Израилёскирэ чхаво́ кэ ёнэ́ почасту́нки (да́ры) Еглоноскэ́, Моавитоскирэ крали́скэ́. ¹⁶ Аодо кэрдя́ пэскэ́ курта́ла дуге́ чхурьенца́, длэнгипна́са дрэ́ кунь (локцё́), и припхандя́ лэс тэл пэскиро́ плашчо́ кэ́ чачо́ (право́) бёдро́, ¹⁷ и подлыджия́ почасту́нки Еглоноскэ́, Моавитоскирэ крали́скэ́; Еглоно́ сыс ману́ш древáн (збит) тхуло́. ¹⁸ Кéли подлыджия́ Аодо сарэ́ почасту́нки и пролыджия́ манушэ́н, саво́ яндлэ́ почасту́нки, ¹⁹ то тэды́ кокоро́ рисия́ истуканэндыр, саво́ сыс дрэ́ Галгáло, и пхэндя́: “Мáндэ́ исын чорахано́ лав кэ́ ту, крáли.” Ёв пхэндя́: “Штыл!” И выгинэ́ лэстыр сарэ́, кон сыс тэрдó пашыл лэстэ́. ²⁰ Аодо загия́ кэ́ ёв: ёв сыс бэштó дрэ́ шылалы́ штúба, сави́ сыс лэстэ́ апри́ч явир. И пхэндя́ Аодо: “Мáндэ́ исын кэ́ ту лав Дэвлэскиро́.” Еглоно́ уштыя́ банкостыр. ²¹ Аодо газдыя́ зэрво́ (лёво́) пэскиро́ васт и лыя́ курта́ла чачэ́ (правонэ́) пэскирэ́ бёдростыр, и учхудя́ ла́ дрэ́ лэскиро́ пэр, ²² адя́кэ, со загия́ пал чхури́ и васторо́ (рукоятка́), и мас зачхакирдя́ чхури, пал-дова́ со Аодо на вылыя́ курта́ла лэскирэ́ пэрэстыр, и ёй прогия́ дрэ́ палатуны́ паш. ²³ И выгия́ Аодо дро́ трéмо (предвериё́), и закэрдя́ пал пэстэ́ штубакирэ́ вударá и запхандя́. ²⁴ Кéли ёв выгия́, Еглоноскирэ́ писхáрья (рабы́) явнэ́ и дыкхэ́на, га́да, штубакирэ́ вударá закэрдэ́ пэ́ клыдын, и ракирэ́на: “Чачэ́с, ёв исын, хачи, ваш́ нужда́ дрэ́ шылалы́ штúба. ²⁵ Ужакирдэ́ ёнэ́ древáн (збит) гарá (длúгэс), нэ́ дыкхэ́на, со никон́ на откэрэ́ла штубакирэ́ вударá, лынэ́ клыдын и отчхакирдэ́ и га́да, лэнгиро́ хула́й сыс паштó пэ́ пхув муло́. ²⁶ Пака́ ёнэ́ на галынэ́, то Аодо машкира́л дава́ угия́, прогия́ маму́й истуканы́ (идолы́) и зракхця́пэ́ дрэ́ Сеирафа́. ²⁷ Кéли ёв явдя́, то затрубиндя́ рогоса́ пэ́ Ефремóскири бэ́рга, и згинэ́ лэ́са Израилёскирэ́ чхаво́ бэ́ргатыр, и ёв гия́ ангил лэ́ндэ. ²⁸ И пхэндя́ лэ́нгэ: “Джа́н пал ма́ндэ, пал-дова́ со отдыя́ Рай Дэвэл тумарэ́ вэ́ргэн Моавитянэн дрэ́ тумарэ́ васта́.” И гинэ́ пал лэстэ́, и пириухтылдэ́ пириправа́ пир Иорда́но кэ́ Моáво, и на дынэ́ никонэ́скэ́ тэ́ пириджан. ²⁹ И домардэ́ ёнэ́ дро́ дова́ часо́ Моавитянэн пашыл́ дуй шэ́ла тысёнцы́ манушэ́н, сарэ́н зоралэ́н и састэ́н, и никон́ на настя́. ³⁰ Адя́кэ смириндлэ́пэ́ дрэ́ дова́ дывэ́с Моавитяни́ ангил Израилё́, и откиныя́ пхув охтодэ́ша́ (бибишэнгиро́ шэл) бэрш. ³¹ Коригэ́дыр (позжэ́дыр) Аодостэ́ сыс Самегаро́, Анафоскиро́ чхаво́, саво́ домардя́ шов шэ́ла манушэ́н Филистимля́нэн гурувэнгирэ́ шынгэ́са (рогоса́); и ёв адя́кэ-паць ёв зракхця́ Израилё́.

Шэ́ро 4

Девора

¹ Кéли мыя́ о Аодо, Израилёскирэ́ чхаво́ нэвэ́с лынэ́́ тэ́ кэрэн фуипэн ангил́ Раскирэ-Дэвлэскирэ́ якха́. ² И отдыя́ лэн Рай Дэвэл дрэ́ Навиноскирэ́ васта́, Ханааноскирэ́ крали́скирэ́, саво́ кралиндя́ пир Асора́; халадэ́нгирэ́ барыдырэ́са лэстэ́ сыс о́ Сисара, саво́ дживдя́ кэ́ Харoшэф-Гоимо́. ³ И задынэ́ гóдла Израилёскирэ́ чхаво́ кэ́ Рай Дэвэл, пал-дова́ со лэстэ́ сыс еняшэ́ла саструнэ́ вурды́на, и ёв зоралэ́с тасадя́ Израилёскирэ́ чхавэ́н биш бэрш. ⁴ Дрэ́ дова́ часо́ сыс Израилёскирэ́ сэндарка́са э́ Девора́, пророчы́ца, Лapidоскири́ ромны́. ⁵ Ёй дживдя́ тэл Деворакири́ Пальма́, машки́р Ра́ма и Вефíлэ́, пэ́ Ефремóскири бэ́рга; и псирдэ́ кэ́ ёй Израилёскирэ́ чхаво́ пэ́ сэ́ндэ. ⁶ Э́ Девора бичхадя́ и кхардя́ кэ́ пэ́ Вара́кос, Авиноамоскирэ́ чхавэ́с, Кедесостыр́ Нефалимоскирэ́стыр, и пхэндя́ лэ́скэ: “Ракирэ́ла́ тукэ́ Рай Дэвэл, Дэвэл Израилё́скиро: ‘Джа́, джа́ упрэ́ пэ́ Фавораскири́ бэ́рга и лэ́ пэ́са́ дэш тысёнцы́ манушэ́н Нефалимоскирэ́ чхавэ́ндыр и Завулоноскирэ́ чхавэ́ндыр; ⁷ а́ мэ́ яна́ва кэ́

ту, кэ Кисоноскири сыгно рэкица (лэнорй), Сисарас, халадэнгирэ барыдырэс Навинос, и лэскирэ марибнйтка вурдына и лэскирэ бутэ манушэн дро халадыбэн, и отдава лэс дрэ тырэ васта.”⁸ О Варако пхэндя лэкэ: “Кóли ту джаса манца, мэ джава; а кóли ту на джаса манца, то мэ на джава.”⁹ Ёй пхэндя лэскэ: “Тэ джав туса, джава; екх на тукэ бутыр явэла слава пэ дава дром, дрэ саво ту джаса; нэ дрэ васта джувлякэ отдэла Рай Дэвлэ Сисарас.” И уштыя Девора и гия Варакоса дро Кедесо.¹⁰ Варако кхардя Завулонянэн и Нефалимлянэн дро Кедесо, и гинэ палал пал лэндэ дэш тысёнцы манушэн, и Девора гия лэса.¹¹ Хеверо Кенеянино, отгия тэды Кенеянинэндир, Ховавоскирэ чхавэндир, Мойзаскирэ сэмэнцатыр, и чхудя пэскири шатра пашэ дэмбы дрэ Цаанимо надур Кедесостыр.¹² И роспхэндлэ Сисараскэ, со Варако, Авиноамоскиро чхаво, гия упрэ пэ бэрга Фаворо.¹³ Сисара скэдыя сарэ пэскирэ марибнйтка вурдэна, еня шэлэ саструнэ вурдэна, и сарэ манушэн, савэ сыс лэстэ Харошэф-Гоимостыр кэ Кисоноскири сыгно рэкица (лэнорй).¹⁴ И пхэндя Девора Вараоскэ: “Ушты, пал-дова со дава дывэс, дрэ саво Рай Дэвлэ отдэла Сисарас дрэ тырэ васта; Кокорó Рай Дэвлэ джала ангил тутэ.” И згия Варако бэргатыр Фаворостыр, и пал лэстэ сыс дэш тысёнцы мануша.¹⁵ Тэды Рай Дэвлэ яндя дрэ конфузо (замешательство) Сисарас и сарэ лэскирэ вурдэна и сарэ лэскирэ отряды Вараоскирэ курталатыр, и згия Сисара марибнйтконэ вурдэнэстыр, и прастандыя пэзал.¹⁶ Варако традыяпэ пал лэскирэ марибнйтка вурдэна и лэскирэ отряды кэ Харошэф-Гоимо, и пыя Сисараскиро отрядо курталатыр, на яцяпэ никонэс.¹⁷ О Сисара настя пэзал дрэ Иаилиякири шатра, Хевероскирэ-Кенеяниноскирэ ромнякири; пал-дова со машкир Иаивиностэ, Асорсконэ кралиэстэ, и Хевероскирэ-Кенеяниноскиро кхэр сыс раманё (миро).¹⁸ И выгия Иаиль пэ стреч Сисараскэ, и пхэндя лэскэ: “Заджа, хулаё миро, заджа кэ мэ, на дар.” Ёв загия кэ ёй дрэ шатра, и ёй учхакирдя лэс парингэса (ковроса).¹⁹ О Сисара пхэндя лэкэ: “Дэ мангэ набут пани тэ пъяв, мэ тэ пъяв камам.” Ёй роспхандя гонó тхудэса, и панякирдя лэс, и нэвэс учхакирдя лэс.²⁰ Сисара пхэндя лэкэ: “Тэрдёв пашыл шатракирэ вударá, и кóли, кон явэла и пхучэлапэ тутыр и пхэнэла: “Ци нанэ адай конэс?”, ту пхэн: ‘Нанэ.’”²¹ Э Иаиль, Хевероскири ромны, лья шатратыр кило, и лья дрэ пэскиро васт млотко, и подгия штылинькэс кэ ёв, и учхудя кило дрэ лэскиро виско (цэль) адякэ, со пропхусадя лэс кэ пхув; а ёв сутя кхиныбнастыр, и мыя.²² И гада, о Варако традэласпэ пал Сисарастэ! Иаиль выгия пэ стреч лэскэ и пхэндя лэскэ: “Заджа, мэ сыкавава тукэ манушэс, савэс ту родэса.” Ёв загия кэ ёй, и гада, Сисара сыс паштó мулó, и кило дрэ лэскиро виско (цэль).²³ И чхудя тэлэ Дэвлэ дро дова дывэс Иавинос (Явинос), Ханааноскирэ кралис, ангил Израилёскирэ чхавэндэ.²⁴ Васт Израилёскирэ чхавэнгиро ячэласпэ зоралэдыр и бутыр, и бутыр пэ Иавиностэ, Ханааноскирэ кралиэстэ, пака ёнэ протрадынэ Иавинос, Ханаансконэ кралис.

Шэрó 5

Деворакири Гилы

¹ Дро дова дывэс забагандлэ Девора и Варако, Авиноамоскирэ чхавэса, дасавэ лавэнца: ² “Израилё отхая палэ (отомстиндя), мануша сыкадэ, со ёнэ отдэна пэс; славинэн Рас-Дэвлэс! ³ Шунэн, крали, зарипирэн, тхагарьялэ: мэ Раскэ-Дэвлэскэ багава, брэнчынава Раскэ-Дэвлэскэ, Дэвлэскэ Израилёскирэ. ⁴ Кэли выджасас Ту, Раё Дэвла, Сеиростыр, кэли Ту гиян Эдомоскирэ фэлдатыр, тэды трискирдяпэ пхув, и тхадья болыбэн, и óблоки чхувэнас пани; ⁵ а бэрги таиндлэ (биладёнас) Раскирэ-Дэвлэскирэ мóстыр, адякэ-паць дава, сыс Синаё, Раскирэ-Дэвлэскирэ, Израилёскирэ Дэвлэскирэ мóстыр. ⁶ Дро Самегароскирэ дывэса, Анафовоскирэ чхавэскирэ, дрэ Иаилиякирэ дывэса, сыс чхудэ дромá, и мануша, савэ псирдэ англэдыр мамуе (вортонэ) дромэнца, тэды псирдэ пашатунэ дромэнца. ⁷ Хасинэ гавитка мануша кэ Израилё, на яця лэн, пака мэ, Девора, газдыёмпэ, пака газдыёмпэ мэ, э дай дро Израилё. ⁸ Выкэдынэ нэвэн дэвлорэн, далэстыр пашыл вударá джала марибэн. Ци бицялó сыс шчыто и чхурдыбнытко буст (коп’ё) машкир штардэшэ тысёнцы пир Израилё? ⁹ Илó миро исын кэ тумэ, Израилёскирэ барыдыра, кэ ревнителы (зэвлыныбнарья), савэ отдэна пэс

манушэнгэ; славинэн Рас-Дэвлэс! ¹⁰ Манушá, савэ традэна пэ парнэ ослицэндэ, савэ сыс бэштэ пэ паринга (ковры) и псирэна пир дром, баган гилы! ¹¹ Машкир манушэнгири зан (глос), савэ скэдэна стады пашэ ганынгá, одой мэк тэ забaгaн слáвa Рáскэ-Дэвлэскэ, слáвa Израилёскирэ тхагарьенгэ! Тэды выгинэ кэ порта (враты) Рáскирэ-Дэвлэскирэ манушá. ¹² “Гáздэпэ, гáздэпэ, Девора, гáздэпэ, гáздэпэ! Забaгa гилы! Уштý, Варако! И лýджа тырэ пленонэн, Авиноамоскиро чхавó! ¹³ Тэды Ёв пиридыя манушэн набутэнгэ зоралэндý; Рай Дэвэл дýя мánгэ мурушканэн (смялонэн). ¹⁴ Ефремостыр явнэ манушá, савэ дживдэ сарó пэскиро джиибэн пэ Амаликоскири пхув; пал тýtэ, Вениамино, машкёр тырэ манушэндэ, Махиростыр гинэ барыдырá, и Завулоностыр манушá, савэндэ сыс кхия (дэстó) ваш чхиныбнаriskэ (писцоскэ). ¹⁵ И Исахароскирэ тхагарья сыс Девораса, и адýкэ-паць Исахаро, сыр Варако, чхурдыяпэ пэ дóло пэзал. Дро Рувимоскиро кхэрýтко рóдо (племё) сыс бари чингáрд. ¹⁶ Со бэштó ту сан машкёр бакрэнгирэ, шуны стадэнгиро мекиныпэн (блеяныпэн)? Дро Рувимоскирэ кхэрýтка рóды джáла бари чингáрд. ¹⁷ Галаáдо дживэла штылэс пал Иордáно, и Даноскэ, сóстыр тэ дарэл пармэнца (корабленца)? Асиро исын бэштó пэ морёскиро (дэрьявэскиро) брéго и пашыл пэскирэ причхудя (пристани) ёв дживэла штылэс. ¹⁸ Дро Завулоно исын манушá, савэ отдынэ пэскиро ди пэ мэрибэн, и дро Нефалимо – пэ фэлдакирэ вучипэнá. ¹⁹ Явнэ крáлья, мардэпэ, тэды мардэпэ Ханааноскирэ крáлья дрэ Фанаахо пашыл Мегидонóскиро пани, нэ ёнэ на дорэснэ ни náбут руп. ²⁰ Болыбнастыр мардэпэ, чэргэня пэскирэ дромэндý мардэпэ Сисараса. ²¹ Кисоноскири сыгно рэкица (лэнорý) улыджия лэн, сыгно рэкица (лэнорý) улыджия лэн, сыгно рэкица (лэнорý) Кедумимо, сыгно рэкица (лэнорý) Кисоно. Кхарпэ (двигинпэ), ди миро, зорьяса! ²² Тэды пхадинэ грэнгирэ ная (копыты) прастаибнастыр, зоралэ лэскирэ прастыбнастыр! ²³ Прокошэн (кэрэн арманя) Мерозос, ракирэла Дэвлэскиро Янгóло, прокошэн, прокошэн лэскирэ манушэн пал довá, со на явнэ Рáскэ-Дэвлэскэ тэ подэн васт Рáскэ-Дэвлэскэ мурушканэнца. ²⁴ Мэк тэ явэл бахтякирды машкёр ромнендэ э Иаиль, Хевроскирэ-Кенейиноскири ромны, машкёр джувлендэ дрэ шáтры, мэк тэ явэл бахтякирды! ²⁵ Пани мангдý ёв: тхуд подыя ёй лэскэ, дро тхагаритко (вельможэскэ) тахтáй яндý ёй фэдыршо тхуд. ²⁶ А лéво (зэрво) пэскиро васт протырдыя кэ кило, а право (чачó) пэскиро кэ дынарьенгиро млотко; пэкадý Сисарас, промардý лэскиро шэрó, розмардý и пропхусадý лэскиро виско (цэль). ²⁷ Кэ лáкирэ гэрá збандия ёв, пыя, и пасия, кэ лáкирэ гэрá збандия ёв, пыя, кай збандия, одой и пыя домардо. ²⁸ Дрэ фэнштра выдыкхэла и дéла гóдла Сисараскири дай пирдál решотка: со длýгэс (гарá) на джáла лэскиро марибнýтка вурдэн, со на сыгнякирэна лэскирэ-вурдэнэскирэ рóты? ²⁹ Годьварэдыр лáтыр джувлý отпхэнэна лáкэ, и кокори ёй отпхэнэла пэ пэскирэ лавá: ³⁰ ‘Чачэс, ёнэ латхнэ, делинэна (роскэрэна) дорэсыбэн, пир патывалэ раклятэ, пэ дýе раклэндэ пэ кажнонэ (сваконэ) халадэстэ; дро дорэсыбэн ёнэ дорэснэ (долынэ) кажнонэ лулуденца (цвятэнца) идý Сисараскэ, сави дорэснэ ёнэ дро дорэсыбэн кажнонэ-лулуденца идý, высуды дýе ригэндý, злыны психэндý пленонэстыр.’ ³¹ Адýкэ мэк тэ хасён сарэ Тырэ вэрги, Раё Дэвла! А савэ рикирэна сыр Дрóгима Тут дро пэскиро илó, мэк тэ явэн сыр кхам, савó джáла упрэ дрэ сарý пэскири зор!” И откиныя пхув штардэшá бэрш.

Шэрó 6

Пал Гедеоностэ

¹ Израилёскирэ чхавэ нэвэс лынэ тэ кэрэн фуипэн ангил Рáскирэ-Дэвлэскирэ якхá, и отдыя лэн Дэвэл дрэ Маданитянэнгирэ вастá пэ эфтá бэрш. ² Пхарó сыс Маданитянэнгиро васт пэ Израилё, и Израилёскирэ чхавэ кэрдэ пэскэ Маданитянэндý ушчэлыи дрэ бэрги, и гебарá (пешчэры), и фóрья зоралэ тынэнца. ³ Кéли почхувэла дрэ пхув (посеинэла) Израилё, то явэна Маданитяни и Амаликитяни и манушá вастокóстыр, и псирэна лэндэ; ⁴ и тэрдэ сыс ёнэ лэндэ шатрэнца, знишчынэнас, со барьёла пэ пхув кэ кокори Газа, и на ячкирэна ваш хабэн Израилёскэ ни бакрý, ни гурувэс, ни ослóс. ⁵ Пал-довá со ёнэ явэнас пэскирэ

скотоса и пэскирэ шатрэнца адакицы бут, сыр саранча; лэнгэ и верблюдэнгэ лэнгирэнгэ на сыс гиныбэн, и псирдэ ёнэ пир Израилёскири пхув, соб (кай) тэ кэрэн ла чхучи. ⁶ И драван (збит) чория Израилё Маданитянэндир, и задынэ гóдла Израилёскирэ чхавэ кэ Рай Дэвэл. ⁷ И кели задынэ гóдла Израилёскирэ чхавэ кэ Рай Дэвэл пэ Маданитянэндэ, ⁸ то бичхадя Рай Дэвэл пророкóс кэ Израилёскирэ чхавэ, и пхэндя лэнгэ: “Адыкэ ракирэла Рай Дэвэл, Израилёскиро Дэвэл: ‘Мэ вылыджиём тумэн Египтостыр, вылыджиём тумэн писхарьенгирэ кхэрэстыр; ⁹ зракхцём тумэн Египтянэнгирэ вастэстыр и сарэнгирэ вастэндир, савэ притасавэнас тумэн, протрадыём лэн тумэндир, и дыём тумэнгэ лэнгири пхув, ¹⁰ и пхэндём тумэнгэ: ‘Мэ – Рай Дэвэл, Дэвэл тумарó; на гинэн Амореэнгирэ дэвлорé, пэ савэнгири пхув тумэ дживэна’, нэ тумэ на кандынэ Мирí зан.” ¹¹ И явдя Рáскирэ-Дэвлэскиро Янгóло, и бэстя дрэ Офра тэл дэмбо, савó сыс Иоасоскиро, Авиезэроскирэ родóскэ; лэскиро чхавó, о Гедеоно, вытринскирэлас тэды парно гив (гивны) дро точыло, соб (кай) тэ гаравэл ла Маданитянэндир. ¹² И сыкадыя лэскэ Рáскирэ-Дэвлэскиро Янгóло, и пхэндя лэскэ: “Тэ явэл Рай Дэвэл туса, мурш зоралó!” ¹³ Гедеоно пхэндя лэскэ: “Раё миро! Кóли Рай Дэвэл тэ явэл амэнца, тэды сóстыр латхя амэн сарó дава? И кай сарé Лэскирэ дывы, пал савэндэ роспхэндлэ амэнгэ амарé дада, ракири: “Египтостыр вылыджия амэн Рай Дэвэл? Каканá ячкирдя амэн Рай Дэвэл и отдыя амэн Маданитянэнгэ дрэ вастá.” ¹⁴ О Рай Дэвэл дыкхця пэ лэстэ, и пхэндя: “Джá дальяса тырэ зорьяса, и зракх Израилё Маданитянэнгирэ вастэстыр, Мэ бичхавáва тут.” ¹⁵ Гедеоно пхэндя Лэскэ: “Раё Дэвла! Сыр мэ тэ зракхав Израилё? Ѓáда, кхэритко рóдо (племё) миро дрэ Манасияскиро рóдыцо сáмо чорорó, и мэ дрэ мирé дадэскиро кхэр сом тыкнэдыршо.” ¹⁶ И пхэндя лэскэ Рай Дэвэл: “Мэ явáва туса, и ту протрадэса Маданитянэн, сыр екхэ манушэс.” ¹⁷ Гедеоно пхэндя Лэскэ: “Кóли мэ дорэсцём (долыём) ласка ангил Тырэ якхá, тэды кэр мánгэ гертык (знамэниё), со Ту ракирэса мánца. ¹⁸ На джá адатхыр, пака мэ явáва кэ Ту, и мэ янáва миро почастунко, и пропонинава Тукэ.” Ёв пхэндя: “Мэ ячавапэ кэ тырó рисибэн.” ¹⁹ Гедеоно гия и кэрадя бузнорэс (козлёнкос) и опресноки эфатыр яржэстыр; мас чхудя дро кхудо (корзина), а зумин чхудя дрэ пири, и яндя кэ Ёв тэл дэмбо, и подыя. ²⁰ И пхэндя лэскэ Рáскирэ-Дэвлэскиро Янгóло: “Лэ мас и апресноки, и чхув пэ лэндэ бар, и вычхув зумин.” Ёв адякэ и кэрдя. ²¹ Рáскирэ-Дэвлэскиро Янгóло, газдыи кхинынгоскирэ-дэстэскиро ягóро, савó сыс дро лэскиро васт, лыяпэ пал мас и опресноки; и Рáскирэ-Дэвлэскиро Янгóло счхакирдяпэ лэскирэ якхэндир. ²² И дыкхця Гедеоно, со дава сыс Рáскирэ-Дэвлэскиро Янгóло, и пхэндя Гедеоно: “Пал со мánгэ, Раё Барó, Раё Дэвлыкано! Пал-довá со мэ дыкхцём Рáскирэ-Дэвлэскирэ Янгóлос муй пэ муй. ²³ О Рай Дэвэл пхэндя лэскэ: “Рамánэ тукэ, на дар, на мэрэса.” ²⁴ И кэрдя одóй Гедеоно алтáрэ Рáскэ-Дэвлэскэ, и кхардя лэс: Игова (Яхвá) Шалом. Ёв исын каканá кэ дава дывэс дрэ Авиезероскири Офра. ²⁵ Дрэ доя рат Рай Дэвэл пхэндя лэскэ: “Лэ тырэ дадэскирэ стадатыр гурувóрэс и явирэс эфтá-бэршытконэс гурувóрэс, и роспахир Ваалоскиро алтáрэ, савó исын тырэ дадэстэ, и чингир тэлэ свэнто вэш, савó исын пашыл лэстэ. ²⁶ И чхув алтáрэ (жэртвенико) Рáскэ-Дэвлэскэ, тырэ Дэвлэскэ, пэ вучипэн далэ бэргáкиро, дро рядо, и лэ явирэ гурувóрэс, и ян дро цéло схачкирибэн пэ вэшэскирэ каштá, савó ту чингирэса тэлэ.” ²⁷ Гедеоно лыя дэшэ манушэн пэскирэ дынарьэндир (слугэндир) и кэрдя, сыр ракирдя лэскэ Рай Дэвэл; нэ сыр дава тэ кэрэс дывэсэ, пал-довá со ёв дардяпэ кхэритконэндир лэскирэ дадэстыр и манушэндир, савэ дживдэ кэ фóро, то дава кэрдя ёв ратý. ²⁸ Злокоса уштынэ форóскирэ манушá, и гáда, Ваалоскиро алтáрэ (жэртвенико) роспахирдо, и вэш пашыл лэстэ сыс чингирдо тэлэ, и явир гуруворо газдынó дро цéло схачкирибэн пэ нэвó кэрдó алтáрэ, ²⁹ И ракирдэ ёнэ екх екхэскэ: “Кон дава кэрдя?” Родынэ, пхучнэпэ и пхэндлэ: “Гедеоно, Иоасоскиро чхавó, кэрдя дава.” ³⁰ И пхэндлэ манушá форóскирэ Иоасоскэ: “Вылыджа тырэ чхавэс; ёв исын бангó (мусинэл) тэ мэрэл пал дова, со роспахирдя Ваалоскиро алтáрэ (жэртвенико) и чингирдя тэлэ вэш, савó сыс пашыл лэстэ. ³¹ Иоáсо пхэндя сарэнгэ, кон подгия кэ ёв: “Ци тумэнгэ тэ заячэн пал Ваалостэ, ци тумэнгэ тэ затэрдэн пал лэстэ? Кон заячэла пал лэстэ, одовá явэла отдынó мэрибнáскэ пэ до-паць злóко (рáнко); кóли ёв исын Дэвэл, то тэды мэк кокóро тэ заячэл пал пэстэ, пал-довá со ёв пхагирдя лэскиро алтáрэ.” ³² И лыя тэ кхарэл лэс Гедеонос долэ дывэсэстыр Иероваалоса, пал-довá

со пхэндя: “Мэк Ваало кокорó тэ сэндинэлпэ лэса, пал-дова, со ёв роспахирдя лэскиро алтарё.” ³³ Машкир дава часо сарé Маданитяни и Амаликитяни и востокоскирэ манушá скэдынэпэ кхэтанэ, пиригинэ рэка (лэнь) и тэрдинэ станóса пэ Изреелёскиро дóло. ³⁴ И Рáскирэ-Дэвлэскиро Дúхо (Фáно) облыя Гедеонос; ёв затрубиндя рогоса (трубаса), и кхардо сыс Авиезероскиро кхэрýтко рóдо (племё) тэ джал пал лэстэ. ³⁵ И бичхадя ёв манушэн пир сарó Манасияскиро рóдыщо, и ёнэ выкхардэпэ тэ джáн пал лэстэ; адякэ-паць ёв бичхадя манушэн кэ Асиро, Завулоно и Нефалимо, и сарé явнэ гил лэнгэ. ³⁶ И пхэндя Гедеоно Дэвлэскэ: “Кóли Ту зракхэса Израилё мирé вастэса, сыр ракирдян Ту, ³⁷ тэды гада, мэ росчхувава адай дрэ гиваобкэрибнаскири шýрна (пэ гумно) чхиндлы вýлна: кóли пахлын (роса) явэла пэ екх вýлна, а пэ сарí пхув явэла шуко, тэды явава мэ тэ джинав, со Ту зракхэса мирé вастэса Израилё, сыр Ту ракирдян.” ³⁸ Адякэ и кэрдяпэ: пэ явёр дывэс, уштыи злокоса (утроса), ёв яця тэ вытасавэл вýлна и вытасадя вылнатыр пахлын (роса) пхэрдó тахтай пани. ³⁹ И пхэндя Гедеоно Дэвлэскэ: “На холясов пэ мандэ, кóли явёр мóло пхэнава и явёр екх мóло кэрава спроба пэ вýлна: мэк тэ явэл шуко пэ екх вýлна, а пэ сарí пхув мэк тэ явэл пахлын.” ⁴⁰ Дэвэл адякэ и кэрдя дрэ доя рат; пэ екх вýлна сыс шуко, а пэ сарí пхув сыс пахлын.

Шэрó 7

Гедеоно Пиризорьякирэла Маданитянен

¹ Иероваало, ёв исын и Гедеоно, уштыи тасярлэс (ранэс) пэ злóко и сарé манушá, савé сыс лэса, и ёнэ тэрдинэ станóса пашé Хародоскири сыгно рэкица (лэнорí); Мадиамоскиро стáно сыс лэстыр кэ паш-рат (северо) пашé Морёскири бэргица дрэ дóло. ² И пхэндя Рай Дэвэл Гедеоноскэ: “Манушэн тýса исын древáн бут, на могонава Мэ тэ отдав Маданитянен дрэ лэнгирэ вастá, соб (кай) тэ на запхутёл ангýл Мандэ Израилё и тэ на пхэнэл: ‘Миро васт зракхця ман,’ ³ и адякэ дэ тэ джинэн (объявин) дрэ шуныбэн манушэнгэ и пхэн: ‘Кон дарэла и исын намурушкано, одова мэк тэ рисёл и тэ джал палэ бэргатыр Галаадостыр.’” И рисинэ биштэ дуй тысёнцы манушэн, а дэш тысёнцы ячнэпэ. ⁴ И пхэндя Рай Дэвэл Гедеоноскэ: “Усаэкх исын бут манушá; лыджа лэн кэ пани, одой Мэ выкэдава лэн тýкэ: пал конэстэ Мэ пхэнава; мэк тэ джал тýса, одова и мэк тэ джал тýса; а пал конэстэ пхэнава тýкэ, наштýи тэ джал тýса, одова мэк и тэ на джал.” ⁵ Ёв яндя манушэн кэ пани. И пхэндя Рай Дэвэл Гедеоноскэ: “Кон явэла тэ локчынэл пани пэскирэ чибáса, сыр локчынэла джукэл, одолэс чхув дрэ риг, адякэ-паць и одолэн сарэн, савé явэна тэ бандён пэ пэскирэ чанга и тэ пьен.” ⁶ И сыс манушá, савé локчынделэ пэскирэ мóса вастэстыр триншэла манушá; сарé палатунэ манушá бандёнас пэ пэскирэ чанга тэ пьен пани. ⁷ И пхэндя Рай Дэвэл Гедеоноскэ: “Тринэ шэлэнца манушэнца, савé локчынделэ пани, Мэ зракхава тумэн и отдава Маданитянен дрэ тумарé вастá, а сарé явёр манушá мэк тэ джáн, кажно пэ пэскиро штéто.” ⁸ И лынэ ёнэ скэдынó хабэн манушэндýр пэскэ и лэнгирэ рóги (трубы), и отмэкхця Гедеоно сарэн Израильтянен пир шáтры, и урикирдя пэстэ триншэла манушэн; Мадиамоскиро стáно сыс лэстэ тэлáл пэ дóло. ⁹ Дрэ доя рат пхэндя лэскэ Рай Дэвэл: “Уштýи, заджа дрэ стáно, Мэ отдава лэс дрэ тырэ вастá; ¹⁰ кóли ту дарэса тэ джас екхджинó, тэды джа дро стáно ту и Фура, тырó дынари; ¹¹ и шунэса, со ракирэна, и тэды ячэна зоралэдыр тырэ вастá, и джаса дрэ стáно.” И гия тэлэ ёв и Фура, лэскиро дынари, кэ сáмо ягóро (краё) полко, савó сыс дро стáно. ¹² Маданитяни и Амаликитяни, и сарé востокоскирэ манушá, тэрдинэ пэ дóло адакищык бут, сыр саранча; верблюдэнгэ лэнгирэнгэ на сыс гиныбэн, лэн сыс бут, сыр прахо пэ морёскиро (дэрьявэскиро) брэго. ¹³ Гедеоно явдя. И, гада, екх роспхэнэла явирэскэ сунó, и ракирэла: “Дыкхцём сунэ мэ, сырбы крэнгло лабо гивэскиро марó катындяпэ пир стáно Мадиамоскиро, и подкатындяпэ кэ шáтра, и пэкадя дрэ латэ адякэ, со ёй пыя, пирискирдя ла, и шáтра роспыяпэ.” ¹⁴ Явёр пхэндя дрэ отпхэныбэн лэскэ: “Давá нанэ со явёр со, сыр куртáла Гедеоноскирэ-чхавэскири Израильтяниноскири; отдыя Дэвэл дрэ лэскирэ вастá Маданитянен и сарó стáно.” ¹⁵ Гедеоно шундя сунэскиро роспхэныбэн и лэскиро

пирипхэныбэн, помангдяпэ Рáскэ-Дэвлэскэ, и рисия дрэ Израилёскиро стáно, и пхэндя: “Уштэн! Отдыя Рай Дэвэл дрэ тумарэ вастá Мадиямоскиро стáно.” ¹⁶ И роскэрдя (поделиндя) триншэлá манушэн пэ трин отряды, и дыя сарэнгэ лэнгэ дрэ вастá рóги (трубы) и чхучэ кхорэ (кувшыны), и дрэ кхорэ момолытка (светильники). ¹⁷ И пхэндя лэнгэ: “Дыкхэн пэ мандэ и кэрэн дова-паць (дова сáмо); гáда, мэ подджава кэ стáно, и со явáва тэ кэрáв, дова и тумэ кэрэн; ¹⁸ кэли мэ и манушá, савэ мánца затрубинаса рогоса, трубинэн и тумэ рогэнца тумарэнца пашыл пэскиро стáно и годлэн: ‘Дэвлэскири куртáла и Гедеоноскири!’” ¹⁹ И подгия Гедеоно и шэл манушэн лэса кэ стáно, дрэ англыпэн (начало) машкиратуны стрéга (стража), и розджингадэ ракхибнарьен, а ёнэ нагара чхудэ ракхибнарьен и затрубиндлэ рогэнца, и розмардэ кхорэ (кувшыны), савэ сыс дрэ лэнгирэ вастá. ²⁰ И затрубиндэ сарэ трин отряды рогэнца, и розмардэ кхорэ, и рикирдэ дро зэрво (лёво) пэскиро васт момолытка (светильники), а дро чачо васт рóги, и трубиндлэ, и годлынэ: “Дэвлэскири куртáла и Гедеоноскири! ²¹ И кажно (свáко) мануш сыс тэрдó пэ пэскиро штéто пашыл стáно; и лынэ тэ прастан Мадиянитяни дро сарó стáно, и годлынэ, и обрисинэ дро нашыбэн. ²² Кэли триншэлá манушá трубиндлэ рогэнца, обрискирдя Рай Дэвэл екхэскири куртáла пэ явирэстэ дро сарó стáно, и прастандыя ополчэниё (отрядо) кэ Бефшыта кэ Царэра, кэ Авелмехолоскирэ ригá, нáдур Табафатыр. ²³ И кхардэ кэ пэ Израильтэни Нефалимоскирэ родóстыр, Асироскирэ и сарэ Манасияскирэ родóстыр, и традынэпэ пал Мадиянитянэндэ. ²⁴ Гедеоно бичхадя манушэн пэ сарí Ефремóскири бэрга тэ пхэнэн: “Выджан гил Мадиянитянэнгэ, и пириухтылэн лэндыр пириправа (пиригиибэн) пир пани кэ Бефвара и Иордáно.” И скэдынэпэ сарэ Ефремляни, и пириухтылдэ пириправы пир пани кэ Бефвара и Иордáно. ²⁵ И ухтылдэ ёнэ дуэн Мадиямсконэ тхагарьен: Оривос и Зивос и домардэ Оривос дрэ Цур-Ориво, а Зивос дрэ Екев-Зиво и традынэпэ пал Мадиянитянэндэ: шэрэ Оривоскиро и Зивоскиро яндлэ кэ Гедеоно пал Иордáно.

Шэрó 8

Гедеоно Лэла Зор пэ Мадиянитянэндэ

¹ И пхэндлэ лэскэ Ефремляни: “Палсó ту дава кэрдян, со на кхардян амэн, кэли гиян тэ марэспэ Мадиянитянэнца?” И древán (збит) кошнэпэ лэса. ² Гедеоно отпхэндя лэнгэ: “Ци исын кэрдём мэ со вари-со дасаво, сыр тумэ каканá кэрдэ? Ци на бахталэдыр о Ефрёмо подкэдыя винаградо, сыр Авиезеро обкэдыя? ³ Дрэ вастá тумарэ отдыя Дэвэл Мадиямоскирэ тхагарьен Оривос и Зивос, и со мэ могоиндём тэ кэрáв дасаво, сыр тумэ?” Тэды штылыя лэнгиро дýхо (фáно) пэ лэстэ, кэли пхэндя ёв лэнгэ дасавó лавá. ⁴ И явдя Гедеоно кэ Иордáно, пиригия кокорó и триншэлá манушá, савэ сыс лэса. Ёнэ сыс кхинэ, традыи вэргэн. ⁵ И пхэндя ёв Сакхофоскирэ манушэнгэ: “Дэн марó манушэнгэ, савэ джána пал тумэндэ; ёнэ захинынэ, а мэ традава Зевеёс и Салманос, Мадиямоскирэ кральён.” ⁶ Сакхофоскирэ тхагарья (князи) пхэндлэ: “Наушто васт Зевеёскиро, Салманоскиро дро тырó васт, соб амэнгэ тырэ халадэнгэ тэ дас марó?” ⁷ И пхэндя Гедеоно: “Палдава, кэли отдэла Рай Дэвэл Зевеёс и Салманос дрэ мирэ вастá, мэ роскушава тумарэ масá чхучэ-пхувьякирэ терновникоса и саструнэ пхаленца дандэнца. ⁸ Одотхыр гия ёв дрэ Пенуэло, и дова-паць ёв пхэндя лэскирэ манушэнгэ, и Пенуэлоскирэ манушá отпхэндлэ лэскэ дова-паць, со отпхэндэ Сакхофоскирэ манушá. ⁹ Ёв пхэндя и Пенуэлоскирэ манушэнгэ: “Кэли мэ рисёвава раманёса (мирóса), то роспахгирава даё вучарды (башня).” ¹⁰ Зевеё и Салмано сыс дрэ Каркоро и лэнца лэнгирэ ополчэнии (отряды) кэ дэшупандж тысёнцы, сарэ, ячнэпэ сарэ ополчэниестыр вастокоскирэ манушэндыр; пынэ шэл тэ биш тысёнцы манушэн, савэ вытырдынэ куртáла. ¹¹ Гедеоно гия кэ манушá, савэ дживдэ пэ вастóко Новатыр и Иогбегатыр и домардя стáно, кэли стáно тэрдия бидаракирэс. ¹² Зевеё и Салмано прастандынэ; ёв традыяпэ пал лэндэ, и ухтылдя Гедеоно дуэн Мадиямоскирэ кральён, Зевеёс и Салманос, и пэ сарó стáно яндя дар. ¹³ И рисия Гедеоно, Иоасоскиро чхавó, марибнастыр Хересоскирэ вучипнастыр. ¹⁴ И ухтылдя тэрнэ манушэс Сакхофоскирэ

манушэндэр, и выпхуця лэстыр, и ёв зачхиндя лэскэ Сокхофосконэн тхагарьен и пхурыдырэн эфтадэша эфта манушэн. ¹⁵ И явдя ёв кэ Сакхофоскирэ мануша, и пхэндя: “Гада, исын Зевее и Салмано, пал савэндэ тумэ сандлэпэ мандыр, ракири: ‘Наушто Зевеескиро и Салманоскиро васт исын дрэ тырo васт, соб (кай) амэнгэ тэ дас марo тырэ кхининэн манушэнгэ?’” ¹⁶ И лыя фороскирэ пхурыдырэн и чхучэ-пхувьякиро терновнико (хрусто сувьенца) и саструнэ пхаля дандэнца, и дыя кара лэнца Сакхофоскирэ манушэнгэ; ¹⁷ и вучарды (башня) Пенуэльско роспахгирдя и пиримардя фороскирэ манушэн. ¹⁸ И пхэндя Зевеескэ и Салманоскэ: “Савэ сыс одолэ, савэн тумэ домардэ пэ Фаворо? Ёнэ пхэндлэ: “Ёнэ сыс адасавэ, сыр ту, кажно (свако) подджалас пэ краліскирэ чхавэндэ.” ¹⁹ Гедеоно пхэндя: “Давá сыс мирэ пшáла, мирэ-дакирэ чхавэ. Тэ явэл джидо Рай Дэвэл! Кóли тумэ ячкирдэ лэн джидэнца, мэ на замаравас тумэн.” ²⁰ И пхэндя Иефероскэ, англатунэ пэскирэ чхавэскэ: “Уштý, домар лэн.” Нэ тэрно чхаво на вытырдыя пэскири куртáла, пал-довá со дарандыя, адякэ сыр сыс ишчо (инкэ) тэрно. ²¹ И пхэндлэ Зевее и Салмано: “Уштý кокоро и мулякир амэн, пал-довá со пир манушэстэ и зор лэскири.” И уштý Гедеоно, и домардя Зевее и Салманос, и лыя пряжки, савэ сыс пэ лэнгирэ верблюдэнгирэ мэня.

Гедеоноскиро Эфóдо

²² И пхэндлэ Израильтяни Гедеоноскэ: “Яв хулáса амэнгэ, ту, и тырo чхаво, и тырэ-чхавэскиро чхаво, пал-довá со ту зракхця́н амэн Маданитянэнгирэ вастэстыр.” ²³ Гедеоно пхэндя лэнгэ: “Мэ на явáва тумэнгэ хулáса, ни миро чхаво на явэла тумэнгэ хулáса; Рай Дэвэл мэк тэ хулаинэл тумэнца.” ²⁴ И пхэндя лэнгэ Гедеоно: “Мангава тумэндэр екх: дэн мánгэ кажно (свако) пир чэн пэскирэ дорэсыбнастыр (добычатыр).” (Пал-довá со вэргэндэ бут сыс сувнакунэ чэня, пал-довá со ёнэ сыс Измаильтяни). ²⁵ Ёнэ пхэндлэ: “Даса.” И рочхудэ йдя, и чхурдынэ одорік кажно (свако) пир чэн пэскирэ дорэсыбнастыр. ²⁶ Вага (весó) дрэ сувнакунэ чэня, савэ ёв вымангдя, сыс тысёнца эфташэла сувнакунэ шóкели, апріч пряжки, гузики и пурпуронэ йди, савэ сыс пэ Мадиямоскирэ кральэндэ, и апріч сувнакунэ зандироря (ланцужки), савэ сыс пэ лэнгирэ верблюдэнгирэ мэня. ²⁷ Долэстыр Гедеоно кэрдя эфóдо и чхудя лэс дрэ пэскиро фóро, дрэ Офра, и лынэ сарэ Израильтяни биладжаипныткэс тэ псирэн одорік пал лэстэ, и сыс ёв (эфóдо) фэляса Гедеоноскэ и сарэ лэскирэ кхэрэскэ. ²⁸ Адякэ поддынэпэ (смириндлэпэ) Маданитяни ангил Израилёскирэ чхавэндэ, и на лынэ бутыр тэ газдэн пэскиро шэрó, и откиныя пхув штáрдэша бэрш дрэ Гедеоноскирэ дывэса. ²⁹ И гия Иероваало, Гедеоно, Иоасовоскиро чхаво, и дживдя дрэ пэскиро кхэр. ³⁰ Гедеоностэ сыс эфтадэша чхавэ, савэ выгинэ лэстыр, пал-довá со лэстэ бут сыс ромня. ³¹ Адякэ-паць и наложница (би-совлахакири джувлы), саві дживдя кэ Сихемо, бияндя лэскэ чхавэс, и ёв дыя лэскэ лав Авимелéхо. ³² И мыя Гедеоно, Иоасоскиро чхаво, дрэ барэ бэрша, и гарадо сыс дрэ пэскирэ Иоасасоскирэ-дадэскири-копліца, дрэ Авиезероскири Офра. ³³ Кéли мыя Гедеоно, то Израилёскирэ чхавэ нэвэс (зноко) лынэ биладжаипныткэс тэ псирэн пал Ваалоскирэ дэвлорэндэ и ёнэ чхудэ Ваалверифос сыр дэвлорэс пэскэ. ³⁴ И на пририпирдэ Израилёскирэ чхавэ Рас-Дэвлэс, Дэвлэс пэскирэс, Саво зракхця́ лэн сарэ лэнгирэ вэргэнгирэ вастэстыр, савэ сыс пашыл лэстэ; ³⁵ и кхэрэскэ Иероваалоскирэскэ, (ці Гедеоноскирэскэ), на кэрдэ лачхипэн пал сарэ лачхэ рэндэ (дэлы), савэ ёв кэрдя Израилёскэ.

Шэрó 9

Пал Авимелехостэ

¹ Авимелéхо, Иероваалоскиро (Гедеоноскиро) чхаво, гия дро Сихемо кэ пэскирэ-дакирэ пшáла, и ракирдя лэнгэ и сарэ пэскирэ-дакирэ дадэскирэ родóскэ, и пхэндя: ² “Допхэнэн сарэ Сихемоскирэ манушэнгэ: со явэла фэдыр ваш тумэнгэ, соб (кай) тумэ тэ явэн хуланца пэ тумэндэ сарэ эфтадэша Иероваалоскирэ чхавэ, ці, соб (кай) тэ явэл екх хулай? И

пририпирэн, со мэ сом тумаро кокало и лоч (плоть) тумары.”³ Пшала лэскирэ дакирэ, допхэндлэ пал лэстэ сарэ далэ лавá Сихемоскирэ манушэнгэ; и збандия лэнгиро ило кэ Авимелéхо, пал-довá со ракирдэ ёнэ: ёв исын амаро пшал.⁴ И дынэ лэскэ эфтадэшá шéкели руп Ваалверифоскирэ кхэрэстыр, о Авимелéхо прилыя пэ буты кэ пэ далэ балвалитконэ и локхэ-годякирэн (своевольнóнэ) манушэн, савэ и гинэ пал лэстэ.⁵ И явдя ёв дро лэскирэ-дадэскиро кхэр дрэ Офра, и замардя пэскирэ пшалэн эфтадэшá Иероваалоскирэ чхавэн, пэ екх бар. Яцяпэ екх Иофáмо, Иероваалоскиро тыкнэдыр чхавó, пал-довá со гарадыя.⁶ И скэдынэпэ сарэ Сихемоскирэ манушá и сарó Милоскиро кхэр, и гинэ и чхудэ Авимелехос кралýса пашыл дэмбо, со нáдур исын Сихемостыр.⁷ Кéли роспхэндлэ пал давá Иофамоскэ, ёв гия и тэрдия пэ Гаризимоскирэ-бэргáкиро вучипэн, и, газдыя пэскири зан (глос), дыя гóдла и ракирдя лэнгэ: “Шунэн ман, Сихемоскирэ манушáлэ, и тэ шунэл тумэн Дэвэл!”⁸ Гинэ вари-кéли дрэвы (каштá) тэ помакхэн пэ пóстэ кралýс и пхэндлэ маслинакэ: ‘Кралин пэ амэндэ.’⁹ Маслина отпхэндя лэнгэ: “Ци ячкирава мэ миро тýко, савэса манушá сыкавэна патýив дэвлэскэ и манушэнгэ, и ци джáва мэ тэ бадинав пир вэшá?”¹⁰ И пхэндлэ каштá смоковникакэ: ‘Джá ту, кралин пэ амэндэ.’¹¹ Смоковница пхэндя лэнгэ: “Ци ячкирава мэ миро гудлыпэн и лачхó миро барьякирдó (плóдо), и ци джáва тэ бадинав пир вэшá?”¹² И пхэндлэ каштá винаградоскирэ лозакэ: ‘Джá ту, – кралин пэ амэндэ.’¹³ Винаградоскири лоза пхэндя лэнгэ: ‘Ци ячкирава мэ миро сóко (хум), савó веселинэла (лошакирэла) дэвлэн и манушэн, и ци джáва тэ бадинав пир вэшá?’¹⁴ Пэ кóнцо (ягóро) пхэндлэ сарэ каштá терновникоскэ: ‘Джá ту, – кралин пэ амэндэ.’¹⁵ Терновнико пхэндя каштэнгэ: ‘Кóли тумэ пир чачипэн тэ чхувэн ман кралýса пэ пóстэ, то тэды джáн, откхинён тэл мирý зэр (тень); кóли над, тэды выджáла терновникостыр яг и схачкирэла Ливаноскирэ кедры.’¹⁶ И адýкэ дыкхэн, ци пир чачипэн, и ци пир патябэн тумэ кэрэна, чхуви Авимелехос кралýса? И ци шукáр тумэ кэрдэ Иероваалоса и лэскирэ кхэрэса, и ци пир лэскирэ лачхэ рэндý (дéлы) кэрдэ тумэ?¹⁷ Пал тумэндэ миро дад мардыпэ, на тангиндя пэскиро джиибэн и выракхця (збавиндя) тумэн Маданитянэнгирэ вастэстыр;¹⁸ а тумэ каканá газдынэпэ проти мирé-дадэскиро кхэр, и домардэ эфтадэшá мирé-дадэскирэ чхавэн пэ екх бар, и чхудэ кралýса пэ Сихемоскирэ манушэндэ Авимелехос, лэскирэ писхарицакирэ чхавэс, пал-довá со ёв исын тумаро пшал.¹⁹ Кóли тумэ каканá пир чачипэн и пир патябэн кэрдэ Иероваалоса и лэскирэ кхэрэса, тэды радынэнпэ пал Авимелехостэ, и ёв мэк тэ радынэлпэ пал тумэндэ;²⁰ кóли ишчо (инкэ) над, тэды мэк тэ выджáл яг Авимелехостыр и мэк тэ схачкирэл Сихемоскирэ манушэн и сарó Милоскиро кхэр, и мэк тэ выджáл яг Сихемоскирэ манушэндýр и Милоскирэ кхэрэстыр, и мэк тэ схачкирэл Авимелехос.”²¹ И прастáндыя Иофáмо, и настýя, и гия дрэ Беэра, и дживдя одóй, гарадыи пэскирэ пшалэстыр Авимелехостыр.²² Авимелéхо ишчо (инкэ) кралиндя пэ Израилé трин бэрш.²³ И бичхадя Дэвэл холямэ духос машкýр Авимелехостэ и машкýр Сихемоскирэ манушэндэ, и на лынэ тэ кандэн Сихемоскирэ манушá Авимелехос,²⁴ соб (кай) адýкэ-паць тэ отхал палэ пал эфтадэшá Иероваалоскирэ чхавэндэ, и рат лэнгиро тэ явэл пэ Авимелехостэ, лэнгирэ пшалэстэ, савó домардя лэн, и пэ Сихемоскирэ манушэндэ, савэ зоралýкирдэ лэскирэ вастá, соб (кай) ёв тэ домарэл пэскирэ пшалэн.”²⁵ Сихемоскирэ манушá чхудэ проти лэстэ дрэ гараибэн манушэн пэ бэргэнгиро вучипэн, савэ обчорэнас кажнóнэ (сваконэс), кон гия мамýй лэндэ пир дром. Пал сарó сыс роспхэндло Авимелихоскэ.²⁶ Явдя и Гаало Еведоскиро чхавó, пэскирэ пшалэнца дро Сихемо, и псирдэ ёнэ пир Сихемо, и Сихемоскирэ манушá чхудэ пэскиро ило пэ лэстэ.²⁷ И выгинэ пэ фóлда, и скэдынэ пэскиро винаградо (дракх), и тасадэ мýри, и кэрдэ свэнки, псирдэ дрэ пэскирэ дэвлэскиро кхэр, и ханэ и пинэ, и кошнэ Авимелехос.²⁸ Гаало, Еведоскиро чхавó, ракирдя: “Кон исын Авимелéхо, и со исын Сихемо, соб (кай) амэнгэ тэ дынаринас лэскэ? Ци на Иероваалоскиро чхавó ёв, и ци на Зевуло исын лэскиро шэралó барыдырó? Дынаринэн фэдыр Емороскирэ родóскэ, Сихемоскирэ дадэскэ, а лэскэ ваш со амэнгэ тэ дынаринас?”²⁹ Кóли бы кон тэ дэл адалэ манушэн, дрэ мирé вастá, то мэ протрадаvas Авимелехос.” И пхэндлó сыс Авимелехоскэ: “Кэр бутыдыр тырó халадыбэн и выджа.”³⁰ Зевуло, фóрóскиро барыдырó, шундя Гаалоскирэ лавá, Еведоскирэ-чхавэскирэ, и захачýя лэскири холы.³¹ Ёв мэндрипнаса бичхавэла манушэн кэ Авимелéхо, соб (кай) тэ

пхэнэн: “Акэ, Гаало, Еведоскиро чхаво, и лэскирэ пшала явнэ дрэ Сихемо, и гада, ёнэ газдэна пэ бунто форо проти тутэ; ³² и адякэ ушты раты, ту и мануша, савэ исын туса, и чхув дро гараибэн манушэн пэ фэлда; ³³ злокоса (утроса), сыр явэла тэ уштэл кхам, ушты тасярлэс (ранэс) и джа кэ форо; и кели ёв и мануша, савэ исын лэстэ, выджана кэ ту, тэды кэр лэнца, со могоинэла тырб васт.” ³⁴ И уштыя раты Авимелэхэ и сарэ мануша, савэ сыс лэса, и чхуэ дро гараибэн пашыл Сихемо штар отряды. ³⁵ Гаало, Еведоскиро чхаво, выгия и тэрдия пашыл фороскирэ вударэ; и уштыя Авимелэхэ и мануша, савэ сыс лэса, гараибнастыр. ³⁶ Гаало, дыкхця манушэн, и ракирэла Зевулоскэ: “Гáда, исын мануша, савэ змэкэнапэ бэргэнгирэ вучипнастыр.” А Зевуло пхэндя лэскэ: “Бэргэнгири зэр (тень) здэлапэ тукэ манушэнца.” ³⁷ Гаало нэвэс ракирэла, и пхэндя: “Гáда, э мануша, савэ змэкэнапэ вучипнастыр, и екх отрядо джала Меонимоскирэ дэмбостыр.” ³⁸ И пхэндя лэскэ Зевуло: “Кай исын тырэ ушта, савэ ракирдэ: ‘Кон исын Авимелэхэ, соб (кай) амэ тэ лас тэ дынаринас лэскэ?’ Давэ исын одолэ мануша, савэн ту бидыкхця; выджа аканэ и марпэ лэнца.” ³⁹ И гия Гаало ангил Сихемоскирэ манушэндэ, и мардяпэ Авимелехоса. ⁴⁰ И традыяпэ пал лэстэ Авимелэхэ, и прастандыя ёв лэстыр, и бут пынэ домардэ, кэ само фороскири порта (враты). ⁴¹ И яцяпэ Авимелэхэ дрэ Арума, а Гаалос и лэскирэ пшалэн Зевуло вытрадыя, соб (кай) ёнэ тэ на дживэн кэ Сихемо. ⁴² Пэ явир дывэс выгинэ мануша пэ фэлда, и роспхэндлэ пал сарб Авимелехоскэ. ⁴³ Ёв лыя пэскирэ манушэн, и роскэрдя (розделиндя) лэн пэ трин отряды, и чхуэ дро гараибэн пэ фэлда. И дыкхця, со мануша выгинэ форостыр, газдыяпэ пэ лэндэ и домардя лэн. ⁴⁴ Машкир дова часо, сыр Авимелэхэ и отряды, савэ сыс лэса, подгинэ и тэрдинэ пашыл фороскири порта, то явир дуй отряды пынэ пэ сарэндэ, савэ сыс дрэ фэлда, и домарэнас лэн. ⁴⁵ И мардяпэ Авимелэхэ фороса сарб дова дывэс, и лыя форо, и домардя манушэн, савэ сыс дрэ лэстэ, и роспахигирдя форо и почхуэ лэс лондэса. ⁴⁶ Сыр шундлэ пал дова сарэ мануша, савэ сыс дрэ Сихемоскири вучарды (башня), то загинэ дрэ вучарды дрэ капишча (мангипнытко штэто) Ваал-Верифо. ⁴⁷ Авимелехоскэ роспхэндлэ, со скэдынэпэ одорик сарэ, савэ сыс дрэ Сихемоскири вучарды. ⁴⁸ И гия Авимелэхэ пэ бэрга Селмон, кокорб и сарэ мануша, савэ сыс лэса, и лыя Авимелэхэ товэра пэса и вычингирдя вэшэскирэ сэнки (рандя), и чхуэ пэ пэскирэ псикэ, и пхэндя манушэнгэ, савэ сыс лэса: “Тумэ дыкхнэ, со мэ кэрдём; сыгнэдыр кэрэн и тумэ дова-паць, со мэ.” ⁴⁹ И вычингирдя кажно (свако) сарэ манушэндыр сэнки, и гинэ пал Авимелехостэ, и чхуэ кэ вучарды (башня), и подхачкирдэ лэнца вучарды ягаса, и мынэ сарэ, савэ сыс дрэ Сихемоскири вучарды, пашыл тысэнцо мушэн и джувлэн. ⁵⁰ Коригэдыр (позжэ) гия Авимелэхэ дро Тевцо, и обчхуэ халадыбнаса Тевцо, и лыя лэс. ⁵¹ Машкир форо сыс зоралы вучарды, и нашенэ одорик сарэ мушэ и джувля, и сарэ фороскирэ мануша, и запхандлэпэ, и гинэ упрэ пэ башнякири стрэха (чхакын). ⁵² Авимелэхэ явдя кэ вучарды и окрэнжындя ла, и подгия кэ вучардякирэ вударэ, соб тэ схачкирэл ла ягаса. ⁵³ Тэды екх джувлы чхурдыя котэр бар жэрновостыр (бэлэдинятыр) пэ Авимелехоскиро шэрб и пропахигирдя лэскэ чэрепо. ⁵⁴ Авимелэхэ дова-паць часо кхардя кэ пэ тэрнэ-бэршэнгирэс, пэскирэс оружэносцос, и пхэндя лэскэ: “Вытырдэ тыри куртала и мулякир ман, соб (кай) тэ на пхэнэн пал мандэ: ‘Э джувлы замардя лэс.’ И пропхусадя лэс тэрнэ-бэршэнгиро лэскиро, и ёв мыя. ⁵⁵ Израильтяни дыкхи, со мыя Авимелэхэ, гинэ кажно (свако) пэ пэскиро штэто. ⁵⁶ Адякэ отдыя Дэвэл палэ Авимелехоскэ пал фуипэн, савэ ёв кэрдя пэскирэ дадэскэ, сыр замардя эфтадэша пэскирэ пшалэн. ⁵⁷ И сарэ Сихемоскирэ-манушэнгирэ чорэ рэнды (дэлы) порискирдя Дэвэл пэ лэнгиро шэрб. И латхя лэн Иофамоскиро прокошыбэн, Иероваалоскирэ чхавэскиро.

Шэрб 10

Пал Фоластэ

¹ Коригэдыр (позжэ) Авимелехостэ газдыяпэ ваш Израилёс-киро зракхибэн о Фола (Тола), Фуискиро чхаво, Додовоскиро-чхавэскиро, Исахароскирэ родыцостыр. Ёв дживдя кэ

Шамиро пэ Ефремóскири бэрга. ² Ёв сыс Израилёскирэ сэндариса биш тэ трин бэрш, и мыя, и гарадо сыс дрэ Шамиро. ³ Коригэдýр (пóжэ) лэстэ газдыяпэ Иаиро Галаадостыр и сыс Израилёскирэ сэндариса биш тэ дуй бэрш. ⁴ Лэстэ сыс триянда (триндэша) чхавэ, савэ традэнас пэ триндэшэ тэрнэн ослэндэ, и триндэша фóрья сыс лэндэ; лэн кэ дава дывэс кхарэна Иаироскирэ гавэнца, со исын пэ Галаадоскири пхув. ⁵ И мыя Иаиро, и гарадо сыс дро Камоно.

Израилё исын Нэвэс Притасадо

⁶ Израилёскирэ чхавэ дурэдýр кэрдэ фуипэн ангил Рáскирэ-Дэвлэскирэ якхá и дынариндлэ Ваалэнгэ и Астартэнгэ, и Арамейсконэ дэвлорэнгэ, и Сидонсконэ дэвлорэнгэ, и Моавитсконэ дэвлорэнгэ, и Амонитсконэ дэвлорэнгэ, и Филистимсконэ дэвлорэнгэ; и ячкирдэ Рас-Дэвлэс и на дынариндлэ Лэскэ. ⁷ И захачия Рáскирэ-Дэвлэскири холы пэ Израилё, и Ёв отдыя лэн дрэ Филистимлянэнгирэ вастá и Амонитянэнгирэ вастá. ⁸ Ёнэ тасадэ и мэнчынлэ Израилёскирэ чхавэн долэ бэршэстыр дэшуохто (бидуэнгиро биш) бэрш, сарэн Израилёскирэ чхавэн пир доя Иорданоскири риг пэ Амореенгири пхув, сави сыс дрэ Галаадо. ⁹ Пэ кóнцо (ягóро) Амонитяни пиригинэ Иордано, соб (кай) тэ лыджан марибэн Юдаса и Вениаминаса и Ефремóскирэ кхэрэса, и дрэвэн (збит) тясно сыс Израилёскирэ чхавэнгэ. ¹⁰ И задынэ гóдла Израилёскирэ чхавэ кэ Рай Дэвэл, и ракирдэ: “Кэрдям амэ грéхо ангил Тýтэ, пал-дова со ячкирдям амарэс Дэвлэс и дынариндям Ваалэнгэ.” ¹¹ И пхэндя Рай Дэвэл Израилёскирэ чхавэнгэ: ци на притасавэнас тумэн Египтяни, и Амореи, и Амонитяни, и Филистимляни, ¹² И Сидоняни, и Амаликитяни, и Моавитяни, и, кэли тумэ годлынэ кэ Мэ, ци на зракхцём Мэ тумэн лэнгирэ вастэндýр? ¹³ А тумэ ячкирдэ Ман и лынэ тэ дынаринэн явирэ дэвлорэнгэ; пал-дова Мэ на явава бутýр тэ зракхав тумэн; ¹⁴ джэн, годлэн кэ дэвлорэ, савэн тумэ выкэдынэ, мэк ёнэ тэ зракхэн тумэн дро пхаро ваш тумэнгэ часо. ¹⁵ И пхэндлэ Израилёскирэ чхавэ Рáскэ-Дэвлэскэ: “Кэрдям грéхо амэ; кэр амэнца саро, со Тýкэ исын пир годы, екх зракх амэн аканá.” ¹⁶ И отчхурдынэ пэстыр явирэ дэвлорэ, и лынэ тэ дынаринэн Рáскэ-Дэвлэскэ. И на вырикирдя Лэскиро ди Израилёскирэ мёнки. ¹⁷ Амонитяни скэдынэпэ и тэрдинэ станóса дро Галаадо; скэдынэпэ адякэ-паць Израилёскирэ чхавэ и тэрдинэ станóса дрэ Масифа. ¹⁸ Манушá и тхагарья Галаадóскирэ пхэндлэ екх екхэскэ: “Кон зачнинэла марибэн проти Амонитянэндэ, одова явэла барыдырэса пэ сарэ Галаадсконэ манушэндэ.”

Шэрó 11

Пал Иефаёстэ

¹ Иефаё (Ефаё), Галаадитянино сыс мануш муршканó. Ёв сыс биладжакунэ-джувлякиро чхаво; Галаадостыр бияндыя Ефаё. ² И Галаадоскири ромны бияндя лэскэ чхавэн. Кэли выбаринэ ромнякирэ чхавэ, вытрадынэ ёнэ Ефаёс, пхэни лэскэ: “Ту на сан миштыпэн-прилыбнаскиро (наследнико) дро амарэ-дадэскиро кхэр, пал-дова со ту сан явирэ-джувлякиро чхаво.” ³ И настя Ефаё пэскирэ пшалэндýр, и дживдя пэ Товоскири пхув; и скэдынэпэ кэ Ефаё балвалитка манушá и выджанас лэса тэ чорэн. ⁴ Пирдал вари-киць часо Амонитяни гинэ марибнаса пэ Израилё. ⁵ Дро часо марибнаскиро ваш Амонитянэнгэ Израилитянэнца, явнэ Галаадóскирэ пхурыдырэ тэ лэн Ефаёс пхувьятыр Тов, ⁶ и пхэндлэ Ефаёскэ: “Яв, яв амэндэ шэралэса, и пиримарасапэ Амонитянэнца.” ⁷ Ефаё пхэндя Галаадóскирэ пхурыдырэнгэ: “Ци дава на тумэ на камлэ ман и вытрадынэ мирэ-дадэскирэ кхэрэстыр? Сóскэ явнэ кэ мэ каканá, кэли тумэ сан дрэ бйда?” ⁸ Пхурыдырэ Галаадóскирэ пхэндэ Ефаёскэ: “Ваш дова амэ аканá явдым кэ ту, соб (кай) ту тэ джас амэнца и тэ марэспэ Амонитянэнца, и тэ явэс амэндэ барыдырэса ваш сарэ Галаадóскирэ манушэнгэ.” ⁹ И пхэндя Ефаё Галаадóскирэ пхурыдырэнгэ: “Кóли тумэ рискирэна ман, соб (кай) мэ тэ маравпэ Амонитянэнца, и Рай Дэвэл отдэла мангэ лэн, то тэды ци ячавапэ мэ тумэндэ барыдырэса?”

¹⁰ Пхурыдыра Галаадоскирэ пхэндлэ Ефаёскэ: “Мэк тэ явэл Рай Дэвэл якхитконэса машкир тумэндэ, со амэ кэраса пир тырo лав!” ¹¹ И гия Ефаё пир Галаадоскирэ пхурыдырэндэ, и чхудэ лэс манушá пэ пэстэ барыдырэса и шэралэса, и Ефаё пхэндя сарэ лавá пэскирэ ангил Рáскирэ-Дэвлэскиро муй дрэ Масíфа. ¹² И бичхадя Ефаё манушэн кэ Амонитянэнги́ро крáli тэ пхэнэл: “Со тукэ кэ мэ, со ту явдя́н кэ мэ тэ марэспэ пэ мирí пхув?” ¹³ Амонитянэнги́ро крáli пхэндя Ефаёскирэ манушэнгэ: “Израилё, кели гия Египтoстыр, лыя мирí пхув Арноностыр кэ Иавоко и Иордано; и адякэ рíскир ла мánгэ раманёса (мирóса).” ¹⁴ Ефаё дрэ явíр мо́ло бичхадя манушэн кэ Амонитянэнги́ро крáli, ¹⁵ тэ пхэнэн лэскэ: “Адякэ ракирэла Ефаё: Израилё на лыя Моавитянэнги́ри пхув и Амонитянэнги́ри пхув; ¹⁶ пал-довá со кели амэ гиям Египтoстыр, то Израилё гия пэ чхучí пхув кэ Лолó мо́рё (дэрьяв) и гия дрэ Кадесo; ¹⁷ одотхýр бичхадя Израилё манушэн кэ Эдомоскиро крáli тэ пхэнэл: “Дэ во́ля (дозволин) мánгэ тэ проджав тырí пхув”; нэ Эдомоскиро крáli на кандыя; и кэ Моавититянэнги́ро крáli ёв бичхадя, нэ и одовá на дыя лав; палдавá Израилё яцяпэ дро Кадесo. ¹⁸ И гия Израилё чхучó пхувья́са, и прогия Эдомоскири пхув и Моавитянэнги́ри пхув, и, яви пэ Моавитянэнги́ри пхув пэ восточно риг, тэрдия́ станóса пал Арноно; нэ на загия́ дрэ Моавитянэнги́ри ригá, пал-довá со Арноно исыс Моавоскири ме́жа. ¹⁹ И бичхадя Израилё манушэн кэ Сигоно, Амореенги́ро крáli, Есeвоноскиро крáli, и пхэндя лэскэ Израилё: “Дэ во́ля (дозволин) амэнгэ тэ проджас тырí пхув пэ пэскиро штéто.” ²⁰ Нэ Сигоно на дыя во́ля тэ промэкэл Израилё пир пэскирэ ригá, и скэдыя́ Сигоно сарэн пэскирэ манушэн, и тэрдия́ станóса дрэ Иацо, и мардя́пэ Израилёса. ²¹ И отдыя́ Рай Дэвэл, Дэвэл Израилёскиро, Сигонос и сарэн лэскирэ манушэн дрэ вастá Израилёскэ, и ёв домардя́ лэн; и дорэсця́ (долыя) Израилё дро мэкно́ миштыпэн (наследие) сарí Амореенги́ри пхув, савó дживдя́ пэ доя́ пхув; ²² и дорэснó ёнэ дро мэкно́ миштыпэн (наследие) сарé Амореенгирэ ригá Арноностыр кэ Иавоко и чхучó пхувья́тыр кэ Иордано. ²³ И адякэ Рай Дэвэл, Дэвэл Израилёскиро вытрадыя́ Амореёс Пэскирэ Израилёскирэ манушэнгирэ мо́стыр, а ту камéса тэ лэс лэскиро мэкно́ миштыпэн (наследие)? ²⁴ Ци нанэ тóтэ дова́, со дыя́ тукэ́ Хамосо, тырo дэвлоро? И амэндэ́ исын сарó дова́, со дыя́ амэнгэ дро мэкно́ миштыпэн Рай Дэвэл, амарó Дэвэл. ²⁵ Нау́што ту фэдýр Валакостыр, Сепфороскирэ чхавэстыр, Моавитянэнгирэ крали́стыр? Ци костя́пэ ёв Израилёса, ци мардя́пэ лэнца? ²⁶ Израилё дживзла́ триншэ́ла бэрш кэ Есeво́но и дрэ фóрья, савó запасёна́ лэстыр, дро Ароеро и дрэ фóрья, савó запасёна́ лэстыр, и дрэ сарé фóрья, савó исын пашýл Арноно; ваш со тумэ́ дрэ дова́ часо на отлынэ́ лэн? ²⁷ А мэ на сом бангó ангил тóтэ, и ту кэрэса́ мánгэ фуипэн, выгии́ проти мánдэ́ марибна́са. Рай Дэвэл, Сэндари́, мэк тэ явэл ка́канá сэндариса машки́р Израилёскирэ чхавэндэ́ и машки́р Амонитянэндэ́!” ²⁸ Нэ Амонитянэнги́ро крáli на шундя́ Ефаёскирэ лавá, савэнца́ ёв бичхадя́ кэ ёв. ²⁹ И сыс пэ Ефаёстэ́ Дэвлэскиро́ Дýхо (Фáно), и прогия́ ёв Галаáдо и Манáсия, и прогия́ ёв Галаадоскири́ Масíфа, и Галаадоскирэ́ Масифаты́р гия́ кэ Амонитяни. ³⁰ И дыя́ Ефаё совэл́ Рáскэ-Дэвлэскэ́ и пхэндя́: “Кóли Ту отдэ́са Амонитянэн дрэ мирé вастá, ³¹ то тэды́ пир миро́ рисибэн раманё́са (мирóса) Амонитянэндýр, со выджáла мирé кхэрэ́скирэ вударэндýр пэ стреч мánгэ, явзла́ Рáскэ-Дэвлэскэ́, и мэ яна́ва дава́ пэ цéло схачкирибóн.” ³² И явдя́ Ефаё кэ Амонитяни – тэ марэлпэ́ лэнца, и отдыя́ лэн Рай Дэвэл дрэ лэскирэ вастá; ³³ и домардя́ ёв лэн древáн барé марибна́са, Ароеростыр кэ Мини́фа биш фóрья, и кэ Авель-Керами́ма, и Амонитяни́ поддынэ́пэ ангил Израилёскирэ чхавэндэ́. ³⁴ И явдя́ Ефаё дрэ Масíфа дро пэскиро́ кхэр, и га́да, лэскири́ чхай выджáла гил лэскэ́ бубноса́ и кхэлыбна́са; ёй сыс лэстэ́ екх, и на сыс лэстэ́ бутýр ни чхавэ́с, ни чха. ³⁵ Кéли ёв дыкхця́ ла, роску́стя пэскири́ йдя́ и пхэндя́: “Ах, мирí чхай! Ту домардя́н ман; и ту сан дрэ́ чýсло одолэнца́, савó пхагирдэ́ раманё́ (миро) мирé джи́ибна́скиро! Мэ́ отчхакирдём пал тóтэ мирé уштá́ ангил Растэ́-Дэвлэ́стэ, и мэ на мoгинáва тэ отпхэ́навпэ.” ³⁶ Ёй пхэндя́ лэскэ́: “Миро́ дадо! Ту отчхакирдя́н тырэ́ уштá́ ангил Растэ́-Дэвлэ́стэ – и кэр мánца́ дова́, со пхэндлэ́ тырэ́ уштá, кели Рай Дэвэл кэрдя́ пир тóтэ за́водо (отомстиныбэн) тырэ́ вэргэнгэ́ Амонитянэнгэ́.” ³⁷ И пхэндя́ ёй пэскирэ́ дадэ́скэ: “Кэр мánгэ, екх, га́да со: отмэќ ман пэ́ дуй чхонá; мэ́ джа́ва, джа́ва упрé́ пэ бэ́рги, и мэ́ оброва́ва миро́ чхай́тко мирé малненца́.” ³⁸ Ёв пхэндя́: “Джа́.” И отмэкхця́ ла пэ́ дуй чхонá. Ёй гия́ пэскирэ́ малненца́, и оброндя́ пэскиро́ чхай́тко дрэ бэ́рги. ³⁹ Пир дуенгирэ́-

чхонэнгиро прогиибэн, ёй рисия кэ пэскиро дад, и ёв кэрдя пэ латэ совэл пэскири, сави дья, и ёй на уджиндя ромэс. И загия дава дро обычаё (присыкляибэн) Израилё. ⁴⁰ Со кажно бэрш Израилёскирэ чхая псирдэ тэ обровэн Ефаёскирэ-Галаадитяниноскирья чха штар дывэса дро бэрш.

Шэрó 12

Ефаёскири Чингáрд Ефремлянэнца

¹ Ефремляни скэдынэпэ и пиригинэ Иордано дрэ Севино и пхэндлэ Ефаёскэ: “Ваш со ту псирдя тэ марэспэ Амонитянэнца, а амэн на кхардян пэса? Амэ схачкираса тырó кхэр ягаса и туса кхэтанэ.” ² Ефаё пхэндя лэнгэ: “Мэ и мирэ манушá лыджиям Амонитянэнца барó кошыбэн; мэ кхардём тумэн, нэ тумэ на зракхнэ ман лэнгирэ вастэстыр; ³ дыкхи, со тумэ на зракхэна ман, мэ отдыём хасибнаскэ миро джибэн, и гиём пэ Амонитянэндэ, и отдыя лэн Рай Дэвэл дрэ мирэ вастá; сóскэ тумэ явнэ каканá тэ марэнпэ мánца?” ⁴ И скэдыя Ефаё сарэн Галаадóскирэ манушэн, и мардяпэ Ефремлянэнца, и домардэ Галаадóскирэ манушá Ефремлянэн, ракири: “Тумэ, Ефремóскирэ знашыбнарья, Галаадóскирэ исын машкёр Ефремо́стэ и машкёр Манасиястэ. ⁵ И пириухтылдэ Галаадитяни пириправа пирдál Иордано Ефремлянэндыр, и, кели-кон Ефремлянэндыр, савэ ячнэпэ джидэ, ракирдя: ‘Дэн во́ля (дозволинэн) мánгэ тэ пириджав,’ тэды Галаадóскирэ манушá ракирдэ лэскэ: “Ци на Ефремлянино сан ту?” Ёв ракирдя: “Над.” ⁶ Ёнэ ракирдэ лэскэ: “Пхэн: ‘Шыбболет,’” а ёв ракирдя: “Сибболет”, и на мого́ндя явирчанэс (пэ явир) тэ выракирэл. Тэды ёнэ лэнас лэс, и мулякирэнас пашыл пириправа (форто) пир Иордано. И пынэ дро до часо Ефремлянэндыр штардэшá дуй тысёнцы. ⁷ Ефаё сыс Израилёскиро сэндари шов бэрш, и мыя Ефаё Галаадитянэнгиро, и гарадо́ сыс дро екх Галаадоскиро фóро.

Есевóно, Елоно и Авдоно

⁸ Коригэдыр (позжэдыр) лэстэ сыс Израилёскирэ сэндариса Есевóно Вифлеемо́стыр. ⁹ Лэстэ сыс трийнда (триндэша) чхавэн, и триндэша чхаён ёв отдыя кхэрэстыр палором, а триндэша чхаён лыя ригатыр пал пэскирэ чхавэндэ, и сыс ёв сэндари Израилёскиро эфта́ бэрш. ¹⁰ И мыя Есевóно и гарадо́ сыс дро Вифлеемо. ¹¹ Коригэдыр (позжэдыр) лэстэ Израилёскирэ сэндариса сыс Елоно, Завулонянино, и сэндякирдя Израилё дэш бэрш. ¹² И мыя Елоно Завулонянино, и гарадо́ сыс дрэ Аиалоно, пэ Завулоноскири пхув. ¹³ Коригэдыр лэстэ сыс Израилёскирэ сэндариса Авдоно, Гилелоскиро чхаво́, Пирафонянино. ¹⁴ Лэстэ сыс штардэшá чхавэн и трийнда ўнукэн, савэ традэнас пэ эфтадэшэ тэрнэ ослэндэ. Ёв сэндякирдя Израилё охто́ (бидуэнгиро дэш) бэрш. ¹⁵ И мыя Авдоно Гилелоскиро чхаво́, Пирафонянино, и гарадо́ сыс дро Пирафоно пэ Ефремóскири пхув, пэ Амаликоскири бэрга.

Шэрó 13

Пал Самсоно́стэ

¹ Израилёскирэ чхаво́ кэрдэ дурыдыр фуипэн ангил Рáскирэ-Дэвлэ́скирэ якхá, и отдыя лэн Рай Дэвэл дрэ Филистимлянэнгирэ вастá пэ штардэшá бэрш. ² Дрэ дова́ часо (цы́ро) сыс мануш Цоратыр, Данóскирэ кхэритконэ родóстыр, лавэса Маноё, ромны́ лэскири сыс бичхавэнгири и на биянэлас. ³ И явдя́ Рáскирэ-Дэвлэ́скиро Янгóло ромнякэ, и пхэндя́ лáкэ: “Гáда, ту сан бичхаворэнгири и на биянэса; нэ запхарьёса и биянэса чхаворэс; ⁴ и адя́кэ ра́кхпэ, на пи мол (вино) и сикера, и на ха ничы́ на́жужо; ⁵ пал-довá со, акэ, ту запхарьёса и биянэса чхавэс, и бритва (мурадлуны) на касынэлапэ лэскиро шэрó, пал-довá со ко́корэ да́кирэ масэстыр да́ва ты́кно́ бия́то явэ́ла Рáскирэ-Дэвлэ́скиро назореё, и ёв лэ́ла тэ зракхэл

Израилё Филистимлянэнгирэ вастэстыр.”⁶ Ромны явдя и роспхэндя пэскирэ ромэскэ: “Дэвлэскиро мануш сыс яви кэ мэ, саво подджала, сырбы Дэвлэскиро Янгóло, древан (збит) райкано, мэ на пхуцёмпэ лэстыр, катыр ёв сыс, и ёв на пхэндя мангэ лэскиро лав; ⁷ нэ ёв пхэндя мангэ: “Акэ, ту запхарьёса и биянэса чхавэс; и адякэ на пи мол и сикера, и на ха ничы нажуо, пал-дова со биято (тыкномас) дакирэ лочовятыр (утробатыр) кэ пэскиро мэрибэн явэла Дэвлэскиро назорё.” ⁸ Маноё мангдяпэ Рáскэ-Дэвлэскэ, и пхэндя: “Раё Дэвла! Мэк тэ явэл нэвэс (зноко) кэ амэ Дэвлэскиро мануш, савэс бичхадян Ту, и высыклякирэла амэн, со амэнгэ тэ кэрэс биятоса (тыкнэмасэса), саво бияндёла.” ⁹ И шундя Дэвлэ Маноёскири зан (глос), и Дэвлэскиро Янгóло нэвэс явдя кэ ромны, кели ёй сыс пэ фэлда, и Маноёс, лáкирэ ромэс, на сыс лáса. ¹⁰ Ромны сыгэс прастандыя, и пхэндя пэскирэ ромэскэ, и пхэндя лэскэ: “Гáда, явдя мангэ мануш, саво сыс яви тэды кэ мэ.” ¹¹ Маноё уштыя и гия пэскирэ ромняса, и явдя кэ одова мануш, и пхэндя лэскэ: “Ту сан одова мануш, саво ракирдя лáса, джувляса?” Янгóло пхэндя: “Мэ.” ¹² И пхэндя Маноё: “И адякэ, коли кэрэлапэ чачипнаса (збувинэлапэ) лав тырó, сыр амэнгэ тэ кэрэс адалэ биятоса (тыкнэмасэса) и со лэса тэ кэрэс?” ¹³ Дэвлэскиро Янгóло пхэндя Маноёскэ: “Мэк ёв тэ рахэлпэ сарэстыр, пал со мэ пхэндём ромнякэ; ¹⁴ мэк тэ на хал ничы, со дэла винаградоскири лоза; мэк тэ на пьел мол и сикера и тэ на хал ничы нажуо, и тэ прирахэл сарó, со мэ припхэндём лáкэ.” ¹⁵ И пхэндя Маноё Дэвлэскирэ Янгóлоскэ: “Дэ воля (дозволин) тэ урикирас тут, пака амэ кэраваса ваш тукэ бузнорэс (козлэнкос).” ¹⁶ Дэвлэскиро Янгóло пхэндя Маноёскэ: “Мэк (усаэкх) бы ту и тэ урикирэс ман, нэ мэ на явава тэ хав тырó марó; коли камэса тэ кэрэс цэло схачкирибэн Рáскэ-Дэвлэскэ, тэды гáздэ лэс.” Маноё на джиндя, со дава сыс Дэвлэскиро Янгóло. ¹⁷ И пхэндя Маноё Дэвлэскирэ Янгóлоскэ: “Сыр исын тырó лав? Соб (кай) амэнгэ тэ слави́на́с тут, кели кэрэлапэ чачипнаса тырó лав.” ¹⁸ Дэвлэскиро Янгóло пхэндя лэскэ: “Со ту пхучэса пал миро лав? Ёв исын дивно. ¹⁹ И лыя Маноё бузнорэс (козлэнкос) и маруно яныбэн, и газдыя Рáскэ-Дэвлэскэ пэ бар. И кэрдя Ёв диво, саво дыкхнэ Маноё и лэскири ромны. ²⁰ Кели полымя лыя тэ газдэлпэ алтарэстыр кэ болыбэн, то Рáскирэ-Дэвлэскиро Янгóло газдыяпэ дрэ полымя жэртвеникоскири. Дыкхí дава, Маноё и лэскири ромны пынэ мо́са пэ пхув. ²¹ И на яця бицяло Рáскирэ-Дэвлэскиро Янгóло Манаёскэ и лэскирэ ромнякэ. Тэды Маноё уджиндя, со дава сыс Рáскирэ-Дэвлэскиро Янгóло. ²² И пхэндя Маноё пэскирэ ромнякэ: “Чачэс, амэ мэраса, пал-дова со амэ дыкхцям Дэвлэс.” ²³ Ромны лэскири пхэндя лэскэ: “Кóли бы Рай Дэвлэ камдя тэ мулякирэл амэн, тэды на прилэлас бы амарэ вастэндыр цэло схачкирибэн и маруно яныбэн, и на сыкадя бы амэнгэ сарó дова, и каканá на отчхакирэлас амэнгэ сарó.” ²⁴ И бияндя ромны чхавэс и дыя лав лэскэ: Самсо́но. И бария тыкномас, и бахтякирдя лэс Рай Дэвлэ. ²⁵ И лыя Рáскирэ-Дэвлэскиро Ду́хо (Фа́но) тэ кэрэл дрэ лэстэ дрэ Даноскиро ста́но, машки́р Цора и Естаоло.

Шэро́ 14

Саломоскири Филистимлянка

¹ И гия Самсо́но дрэ Фимнафа, и дыкхця́ дрэ Фимнафа джувля́ Филистимия́кирэ чхаендыр. ² Ёв гия и пхэндя пэскирэ дадэскэ и пэскирэ да́кэ, и пхэндя: “Мэ дыкхцём дрэ Фимнафа Филистимия́кирэ чхаендыр джувля́: лэн мангэ ла дрэ ромны (ромня́тэ).” ³ Лэскиро дад и дай пхэндлэ́ лэскэ: “Наушто́ нанэ джувлén машки́р тырэ-пшалэнгирэ чхаендэ́ и дрэ сарé мирé манушэндэ́, со ту джа́са тэ лэс джувля́ наобчхиндлэндэ́ Филистимляндэ́?” И пхэндя Самсо́но пэскирэ дадэскэ: “Лэ ла мангэ, пал-дова со ёй исын мангэ пир ило́.” ⁴ Дад лэскиро и дай лэскири на джиндлэ́, со дава сыс Рáстыр-Дэвлэстыр, и со ёв родэла ваканцыя (случаё) тэ отомстинэл (тэ отхал палэ) Филистимлянэнгэ. А дро дова́ часо́ Филистимля́ни сыс хула́я пэ Израилё́. ⁵ И гия Самсо́но дадэса пэскирэса́ и даса пэскирья́са дрэ Фимнафа, а кели подгинé кэ винаградники́ Фимнафа́кирэ, га́да, тэрно́ ле́во (шчэр) рычыны́ джа́ла пэ стреч лэскэ. ⁶ И згия́ пэ лэстэ́ Рáскирэ-Дэвлэскиро Ду́хо (Фа́но), и ёв роску́стя левос сыр бузнорэс; а дро васт лэстэ́ ничы́ на сыс. И ёв на пхэндя́ пэскирэ дадэскэ́ и пэскирэ да́кэ, со ёв кэрдя́. ⁷

И явдъя, и ракирдъя джувляса, и ёй яця пир илó Самсоноскэ. ⁸ Сыр прогинé вари-кицы дывэсá, нэвэс гия ёв, соб (кай) тэ лэс ла, и загия тэ подыххэл левоскиро трúпо, и гада, роё бэрлинэн (пчолэн) дро левоскиро трúпо и авгйн. ⁹ Ёв лыя лэс дрэ пэскирэ вастá, и гия, и хая дромéса; и кели явдъя кэ пэскиро дад и пэскири дай, дыя и лэнгэ, и ёнэ ханé; нэ на пхэндя лэнгэ, со ёв левоскирэ трупостыр лыя дава авгйн. ¹⁰ И явдъя лэскиро дад кэ джувлы, и кэрдя одóй Самсоно скаминд, сыр исын прилыно, кэрэна тэрнэ. ¹¹ И сыр одóй дыкхнэ лэс, то дынэ лэскэ выкэдынэ триндэша бьявитконэ малэн, савэ бы явэна пашыл лэстэ. ¹² То тэньчи пхэндя лэнгэ Самсоно: “Задава мэ тумэнгэ шэрэпхарибнытко задыибэн (загадка); ко́ли тумэ роспхандэна (отгадынэна) ма́нгэ лэс пал эфта́ дывэсá пэ пирó роспхандэна и чачунэс, тэды мэ дава тумэнгэ триндэша синдоны и триндэша зменна йди; ¹³ ко́ли на дэна ра́да тэ роспхандэн ма́нгэ, тэды тумэ бангэ явэна тэ дэн ма́нгэ триндэша синдоны и триндэша зменна йди.” Ёнэ пхэндлэ лэскэ: “Загадын (задэ) тырó шэрэпхарибнытко, пошунаса.” ¹⁴ И пхэндя лэнгэ: “Хабнаскирэстыр выгия хабнытко, и зоралэстыр выгия гудлó.” И на могоиндлэ ёнэ тэ отгадынэн шэрэпхарибнытко (загадка) дрэ трин дывэс. ¹⁵ Пэ эфта́то дывэс пхэндлэ ёнэ Самсоноскирэ ромнякэ: “Уракир тырэ ромэс, соб (кай) ёв тэ роспхандэл амэнгэ шэрэпхарибнытко (загадка); а ко́ли над, то схачкираса ягáса тут и тырэ-дадэскиро кхэр; наушто тумэ кхардэ амэн, соб (кай) тэ обкэдэн амэн?” ¹⁶ рондья Самсоноскири ромны ангил лэстэ и ракирэла: “Ту бидыххэса ман, и мэ на сом пир илó тукэ; ту дыян мирé-манушэнгирэ чхавэнгэ шэрэпхарибнытка, а ма́нгэ на роспхандэса лэс.” Ёв пхэндя ла́кэ: “Мирé дадэскэ и мирé да́кэ на роспхандём лэс; и тукэ ци роспхандава?” ¹⁷ рондья ёй ангил лэстэ эфта́ дывэсá, дрэ савэ сыс лэндэ пирó. Кэ ко́нцо (ягóро) пэ эфта́то дывэс ёв роспхандя ла́кэ; пал-дова со ёй зоралэс мангд́я лэс. А ёй розгадындя шэрэпхарибнытка пэскирэ манушэнгирэ чхавэнгэ. ¹⁸ И пэ эфта́то дывэс ангил кхамэскиро загиибэн пхэндлэ лэскэ мануша́: “Со исын гудлэдыр авгинэстыр, и со исын зоралэдыр левостыр!” Ёв пхэндя лэнгэ: “Ко́ли бы тумэ тэ на дэн гóдла пэ мирé тэрнэ гурумнятэ, тэды на отгадынэнас бы миро шэрэпхарибнытко.” ¹⁹ И згия пэ лэстэ Дэвлэскиро Дúхо (Фáно), и гия ёв дро Аскалоно, и домард́я одóй триндэша манушэн, злыя лэндýр йди и отдыя змена лэнгирэ ризэндýр одолэнгэ, кон роспхандя (розгадындя) шэрэпхарибнытко (загадка). И захач́ия лэскири холы, и гия ёв дрэ пэскирэ-дадэскиро кхэр. ²⁰ А Самсоноскири ромны выгия палорóм пал бьявитконэ лэскирэ малэстэ, савó сыс дру́го (мал) пашыл лэстэ.

Шэрó 15

Самсо́но Пиризорьякирэла Филистимля́нэн

¹ Пир вари-кицы дывэсá, дрэ дывэсá, кели укэдэнас пшэница (парно́ гив), явд́я Самсо́но тэ дыкхэлпэ пэскирэ ромня́са, яны пэса бузнорэс; и кели пхэнд́я: “Заджава кэ мирí ромны́ дрэ соибнытко штúба” – ла́киро дад на дыя лэскэ тэ заджа́л. ² И пхэнд́я ла́киро дад: “Мэ думиндём, со ту ла роскамдя́н, и мэ отдыём ла тырэ малэскэ (другоскэ); га́да, тыкнэдыршо пхэн исын шукарэдыр ла́тыр; мэк ёй тэ явэл тукэ замест латэ.” ³ Нэ Самсо́но пхэнд́я лэнгэ: “Какана́ мэ ява́ва чачуно́ ангил Филистимля́нэндэ, ко́ли кэра́ва лэнгэ фуипэн.” ⁴ И гия Самсо́но, и ухтылд́я трийнда лисэн (локхнен), и лыя факелы (ягитка), и спханд́я пори порья́са, и припханд́я пир факело машки́р дýе порья́; ⁵ и захачкирд́я факелы, и мэ́кця лэн пэ Филистимля́нэнгири жатва, и выхачкирд́я и гарбы (снопы) и наукэдыно марó, и винаграды́тка унты (сады) и маслины́тка. ⁶ И ракирд́я Филистимля́ни: “Кон дава́ кэрд́я?” И пхэндлэ́: “О Самсо́но, Фимнафя́ниноскиро зятё; пал-дова́ со дава́ лыя лэскирэ ромня́ и отдыя лэскирэ малэскэ.” И гинэ́ Филистимля́ни, и хачкирд́я ягáса ла и ла́кирэ дадэс. ⁷ Самсо́но пхэнд́я лэнгэ: “Мэк тумэ кэрд́я дава́, нэ мэ отха́ва палэ (отомсти́нава) тумэнгэ ко́корэнгэ и тэды штылэ́вава.” ⁸ И пиримард́я ёв лэнгэ икры́ (голени) и ста́ця (бедры), и гия́ и бэ́стя́ дрэ ушчэ́лия бэ́ргакири Е́тамо. ⁹ И гинэ́ Филистимля́ни, и тэрдинэ́ станóса дрэ Юдэ́я, и проты́рдынэ́пэ кэ Ле́ха. ¹⁰ И пхэндлэ́ Юдэ́якирэ́ мануша́: “Палсо́ тумэ вы́гинэ́ проти амэндэ́?” Ёнэ пхэндлэ́: “Амэ́ явд́ям тэ пхандас Самсо́нос, соб (кай) тэ кэра́с лэ́са дова́, сыр

ёв кэрдя амэнца.”¹¹ И гинэ трин тысёнцы манушá Юдэятыр кэ бэргакири ушчэлия Етамо, и пхэндлэ Самсоноска: “Наушто ту на джинэса, со Филистимляни хулаинэна пэ амэндэ? Со ту кэрдян дава амэнгэ?” Ёв пхэндя лэнгэ: “Сыр ёнэ манца кэрдэ, адякэ и мэ кэрдём лэнца.”¹² И пхэндлэ лэскэ: “Амэ явдям тэ пхандас тут, соб (кай) тэ отдас тут дрэ Филистимлянэнгирэ вастá.” И пхэндя лэнгэ Самсоно: “Совлахан мангэ, со тумэ на мулякирэна ман.”¹³ И пхэндлэ лэскэ: “Над, амэ екх со пхандаса тут и отдаса тут дрэ лэнгирэ вастá, нэ тэ замарас, на замараса.” И пхандлэ лэс дуге нэвонэ шэлэнца, и лыджинэ лэс ушчэлиятыр.¹⁴ Кэли ёв подгйя кэ Леха, то Филистимляни годласа стрэниндлэ лэс. И згия пэ лэстэ Рáскирэ-Дэвлэскиро Духо (Фáно), и шэлэ, савэ сыс пэ лэскирэ вастá, кэрдэпэ сыр пирихачкирдо лёно (гандладо), и пынэ лэскирэ пхандышна лэскирэ вастэндыр.¹⁵ Латхя ёв ялы (свяжо) ослинытко жанда, и газдыя пэскиро васт, лыя ла, и домардя ласа тысёнцо манушэн.¹⁶ И пхэндя Самсоно: “Ослинытконэ жандаса толпа, дуй толпы, ослинытконэ жандаса домардём мэ тысёнцо манушэн.”¹⁷ Пхэни дава, ёв чхурдыя жанда вастэстыр пэскирэстыр и кхардя дова штэто: Рамаф-Лехи.¹⁸ И почхуиндя ёв бари смэга (жажда), и дыя гóдла кэ Рай Дэвэл и пхэндя: “Ту кэрдян Тырэ-писхарискирэ вастэса барó дава зракхибэн; а каканá мэ мэрава смэгатыр и пэрава дрэ наобчхиндлэнгирэ вастá.”¹⁹ И отчхакирдя Дэвэл ямина (кула) дрэ Леха, и потхадья латыр пани. Ёв пия пхэрдэс, и рисия лэскиро духо, и ёв отджидыя; долэстыр и кхардо лав далэ штэтоскэ “прикхарибнаскири ганынг”, сави исын дрэ Леха кэ дава дывэс.²⁰ И сыс ёв сэндари пэ Израилё дрэ Филистимлянэнгирэ дывэсá биш бэрш.

Шэрó 16

Самсоно и Далида

¹ Явдя ёкхвар Самсоно дрэ Газа и, дыкхця одой биладжакуня джувля, и загия кэ ёй. ² Манушэнгэ Газакирэнгэ пхэндлэ: “Самсоно явдя адарык.” И псирдэ ёинэ трусцял (кругом), и рахнэ лэс сарй рат дрэ форóскирэ вударá, и гарадынэ сарй рат, ракири: кэ дывэсытко ранко ужакираса и замараса лэс.”³ А Самсоно сыс сутó кэ паш рат; дрэ паш рат уштыя, сухтылдя вударá форóскирэ портэндыр дуге косякэнца, газдыя лэн кхэтанэ шыбэроса (запороса), чхудя пэ пэскирэ пикэ и отлыджия лэн пэ бэргáкиро вучипэн, сави исын пэ дром кэ Хевроно. ⁴ Коригэдыр (позжэ) дава лэскэ яця пир илó екх джувлы, сави дживдя пэ Сорекоскиро доло; лав лакиро сыс Далида. ⁵ Кэ ёй явнэ Филистимиякирэ хулая и ракирэна лáкэ: “Уракир лэс, и уджин, дрэ со исын бари лэскири зор, и сыр амэнгэ тэ пиризорьякирас (тэ збердынас) лэс, соб (кай) тэ спхандас лэс тэ штылякирас лэс; а амэ даса тукэ пал дава кажно тысёнцо шэкели дро руп.”⁶ И пхэндя Далида Самсоноска: ““Пхэн мангэ, дро со’ исын бари зор тыри, и соса тэ пхандэс тут, соб (кай) тэ штылякирэс тут?””⁷ Самсоно пхэндя лáкэ: “Кóли спхандэна ман эфта киндэ тетивэнца, савэ исын на зашутькирдэ, тэды мэ скэравапэ бизорьякиро и явава, сыр и явир манушá.”⁸ И яндлэ лáкэ Филистимнякирэ хулая эфта киндэ тетивы, савэ сыс на зашутинэ, и ёй пхандя лэс лэнца. ⁹ Машкир дова сыс екх гарадо мануш бэштó дрэ штуба, кай сыс сутэ. И пхэндя лэскэ: “Самсоно! Филистимляни джана пэ тутэ.” Ёв роскустя тетивы, сыр роскушэна тхав паклятыр, кэли пирихачкирэла ла яг. И на уджиндлэ лэскири зор. ¹⁰ И пхэндя Далида Самсоноска: “Гáда, ту хохадян ман и ракирдян мангэ хохаибэн; пхэн каканá мангэ, соса тэ спхандав тут?”¹¹ Ёв пхэндя лáкэ: “Кóли пхандэна ман нэвонэ шэлэнца, савэ на сыс дро рэндо, тэды мэ кэравапэ бизорьякиро и явава, сыр сарэ манушá.”¹² Э Далида лыя нэвэ шэлэ, и пхандя лэс, и пхэндя лэскэ: “Самсоно! Филистимляни джана пэ тутэ.” (Машкир дава сыс екх гарадо мануш, бэштó дрэ штуба, кай сыс сутэ). И скустя ёв лэн пэскирэ вастэндыр, сыр тхава. ¹³ И пхэндя Далида Самсоноска: “Уса ту хохавэса ман и ракирэса мангэ хохаибэн; пхэн мангэ, соса бы тэ пхандэн тут.” Ёв пхэндя лáкэ: “Кóли ту мирэ шэрэскирэ балэндыр скхувэса эфта чхурья (косы) дрэ тхан (ткань), и примарэса ла цвикоса кэ ткально калода. ¹⁴ И прикэрдя ёй лэн кэ калода, и пхэндя лэскэ: “Филистимляни джана пэ тутэ, Самсоно!” Ёв джангадыя пэскирэ соибнастыр и

вытырдыя ткально калода кхэтанэ тханэса (тканяса). ¹⁵ И пхэндя лэскэ Далида: “Сыр ту ракирэса: Ту сан дро́го ма́нгэ, а ило тыро́ нанэ ма́нца? Ё́ада, ту трин мо́лы хохадян ман и на пхэндян ма́нгэ, дрэ со исын бари зор тыри́.” ¹⁶ И адякэ ёй пэскирэ лавонца тасавэлэс лэс кажно дывэс, и мэнчындыя лэс, тэды лэскирэ дескэ яця пхаро́ кэ мэрибён. ¹⁷ И ёв отчхакирдя ла́кэ саро́ ило́ пэскиро, и пхэндя ла́кэ: “Бритва (мурадлуны) на касындыя́ миро шэро́; пал-дова́ со мэ сом Дэвлэскиро назорее́ мирэ-да́кирэ лочовятыр (утробатыр); ко́ли тэ обчхинэс ман, то отджала мири́ зор ма́ндыр; мэ кэравапэ бизорья́киро и ява́ва, сыр сарэ́ мануша́.” ¹⁸ Э Далида, со ёв отчхакирдя ла́кэ пэскиро саро́ ило́, бичхадя́ и кхардя́ Филистимлянэнгирэ хулан, пхэны лонгэ: “Джа́н кака́на; ёв отчхакирдя ма́нгэ саро́ пэскиро ило́.” И явнэ́ кэ ёй Филистимлянэнгирэ хула́я, и яндлэ́ руп дрэ пэскирэ васта́. ¹⁹ И засовлякирдя лэс Далида пэ ла́кирэ чанга́, и кхардя́ манушэс, и пхэндя лэскэ тэ обчхинэл эфта́ чхурья́ лэскирэ шэрэстыр. И лы́я ёв тэ нашавэл зор и отгия́ лэстыр зор лэскири. ²⁰ Ёй пхэндя: “Филистимля́ни джа́на пэ ту́тэ, Самсо́но!” Ёв джангадыя (прошниндыя́) пэскирэ соибнастыр и пхэндя: “Джа́ва, сыр и англадыр, и мэ ява́ва во́льно.” А на джидя́, со Рай Дэвэл отгия́ лэстыр. ²¹ Филистимля́ни лы́нэ лэс и выпхусадэ лэскэ якха́, яндлэ́ лэс дрэ Газа и закуиндлэ́ лэс дуге харкунэ́ зандирьенца (ланцугэнца), и ёв мелиндыя́ дрэ узникэнгиро кхэр. ²² Нэ палó (после) дава́ бала́ пэ лэскиро шэро́ лы́нэ тэ барьён, кай ёнэ́ сыс обчхиндлэ́. ²³ Филистимлянэнгирэ хула́я скэдынэ́пэ, соб (кай) тэ яндэн баро́ свэ́нто яныбён Дагоноскэ́, пэскирэскэ́ дэвлорэскэ́, и тэ лошалён (тэ повеселинэ́пэ), и пхэндлэ́: “Дэвэл амаро́ отдыя́ Самсонос, вэргос амарэс, дрэ амарэ́ васта́.” ²⁴ Адякэ-паць и мануша́, дыкхы́ лэс, славиндлэ́ пэскирэс дэвлорэс, ракири́: “Дэвэл амаро́ отдыя́ дрэ амарэ́ васта́ амарэ́ вэргос и амарэ́ пхувья́кирэ чхучиибнарис, саво́ домардя́ бутэн амэ́ндыр.” ²⁵ И кэли розвеселиндыя́ лонгиро ило́, то ёнэ́ пхэндлэ́: “Кхарэ́н Самсонос, мэ́к ёв тэ сандякирэ́л амэн.” И кхардэ́ Самсонос узникэнгирэ́ кхэрэстыр, и ёв сандякирдя́ лэн, и чхудэ́ лэс машки́р стылбы. ²⁶ И пхэндя́ Самсо́но тэрнэ́-бэршэнгирэскэ́ (отроко́скэ), саво́ лыджия́ лэс пал васт: “Подлы́джа ман, соб (кай) тэ чилава́в ма́нгэ стылбы, пэ савэ́ исын тэрдó кхэр, и тэ прикасы́навпэ́ кэ ёнэ́.” ²⁷ Муршэ́н и джувлэ́н сыс пхэрдó кхэр; одо́й сыс сарэ́ Филистимлянэнгирэ́ хула́я, и пэ стрэ́ха (чха́кин) сыс кэ трин тысе́нцы муршэ́н и джувлэ́н, савэ́ дыкхнэ́ пэ Самсоно́стэ, саво́ лэн сандякирэ́лас. ²⁸ И задья́ го́дла Самсо́но кэ Рай Дэвэл и пхэндя́: “Раё́ Дэ́вла! Пририпи́р ман и зорья́кир ман ё́кхвар кака́на, о Дэ́вла! Соб (кай) ма́нгэ дрэ екх мо́ло тэ отхав палэ́ Филистимлянэнгэ́ пал дуй мирэ́ якха́.” ²⁹ И злы́я Самсо́но штэ́то́стыр дуй машкирату́нэ стылбы, пэ савэ́ рикирдя́пэ кхэр, рикири́ пэс дрэ лондэ́, дрэ екх пэскирэ́са чачэ́ (правонэ́) вастэ́са, а дрэ яви́р зэ́рвонэ́ (левонэ́) вастэ́са. ³⁰ И пхэндя́ Самсо́но: “Мэр, ди миро́, Филистимлянэ́нца!” И таса́дя сарэ́ зорья́тыр и пы́я кхэр пэ хула́ндэ и пэ сарэ́ манушэ́ндэ, савэ́ сыс дрэ лэ́стэ. И сыс мулэ́н, савэ́н мулякирдя́ Самсо́но анги́л мэрибён пэскиро, бутыдыр, сыр ци́ бут ёв мулякирдя́ дрэ пэскиро джи́ибэ́н. ³¹ И явнэ́ лэскирэ́ пша́ла и саро́ лэскирэ́-дадэ́скиро кхэр, и лы́нэ лэс, и гинэ́, и гара́дэ́ лэс машки́р Цора́ и Естаоло́, дрэ Маноё́скири ко́плица, лэскирэ́ дадэ́скири. Ёв сыс сэ́ндари́ пэ Израилё́ биш бэрш.

Шэро́ 17

Миха́ Кэрэ́ла Идолы́

¹ И сыс вари-кон пэ Ефремо́скири бэ́рга, лавэ́са Миха́. ² Ёв пхэндя́ пэскирэ́ да́кэ: “Тысе́нцо шэл шэ́кели руп, савэ́ ту́тэ лы́нэ и, пал савэ́ ту пашы́л ма́ндэ пхэндян про́кошыбэ́на, дава́ руп ма́ндэ, мэ лы́ём лэс.” Дай лэскири́ пхэндя́: “Бахтя́кирдó тэ явэл миро́ чхаво́ Растэ́-Дэвлэ́стэ!” ³ И рискирдя́ ёв пэскирэ́ да́кэ тысе́нцо шэл шэ́кели руп. И пхэндя́ лэскири́ дай: “Дава́ руп мэ ту́тыр отды́ём Ра́скэ-Дэвлэ́скэ́ ваш мирэ́ чхавэ́скэ́, соб (кай) тэ кэ́рэс лэ́стыр и вычхиндло́ муй и вычхудо́ образо́; и адя́кэ мэ отда́ва лэс ту́кэ.” ⁴ Нэ ёв рискирдя́ руп пэскирэ́ да́кэ. Лэскири́ дай лы́я дуйшэ́ла шэ́кели руп и отды́я лэн вычхуи́бнарискэ́. Ёв кэ́рдя́ лэ́ндыр вычхиндло́ муй и вычхудо́ образо́ (куми́ро), саво́ и сыс дрэ Миха́скиро́ кхэр. ⁵ И сыс Миха́стэ́ Дэвлэ́скиро́ Кхэр. И кэ́рдя́ ёв эфо́до и терафимо́, и ёв высвэ́нцындыя́ пэскирэ́

чхавэндэр екхэс, соб (кай) ёв тэ явэл лэстэ рашаса. ⁶ Дрэ долэ дывэса на сыс краліс пэ Израилё; кажно (свако) кэрдя дова, со лэскэ здыапэ чачипнаса. ⁷ Екх тэрно мануш Юдэякирэ Вифлеемостыр, Юдаскирэ родыцостыр, о Левито, тэды дживдя одой; ⁸ адава мануш гия Юдэякирэ Вифлемоскирэ форостыр, соб (кай) тэ дживэл, кай приджалапэ, и, гии дромэса, явдя пэ Ефремоскири бэрга кэ Михаскиро кхэр. ⁹ И пхэндя лэскэ Миха: “Катёр ту джаса?” Ёв пхэндя лэскэ: “Мэ сом Левито Юдэякирэ Вифлеемостыр и мэ джава тэ дживав, кай приджалапэ.” ¹⁰ И пхэндя лэскэ Миха: “Ячпэ мандэ, и яв мандэ дадэса и рашаса; мэ явава тэ дав тукэ пир дэш шэкели руп пэ бэрш, и со трэй пэ идя и хабэн.” ¹¹ Левито гия кэ ёв и дыя лав Левито тэ ячэлпэ далэ манушэстэ, и сыс адава тэрно мануш лэстэ, сыр екх лэскирэ чхавэндэр. ¹² Миха высвэнцындя Левитос, и адава тэрно мануш сыс лэстэ рашаса, и дживдя дро Михаскиро кхэр. ¹³ И пхэндя Миха: “Каканэ мэ джином, со Рай Дэвэл явэла мангэ тэ кэрэл лачхипэн, пал-дова со Левито мандэ яця рашаса.”

Шэрó 18

Даноскиро Рóдыцо Прилэла

¹ Дрэ долэ дывэса на сыс Израилёскирэ краліс; и дрэ долэ дывэса Даноскиро рóдыцо родыя пэскэ миштыпнаскири мэра (удело), кай бы тэ дживэл, пал-дова со пака на выпыя лэскэ пхэрдэ (цэло) миштыпнаскири мэра машкір Израилёскирэ рóдыцы. ² И бичхадэ Даноскирэ чхавэ пэскирэ родыцостыр панджэ манушэн, зоралэн мушэн Цоратыр и Естаолостыр, соб (кай) ёнэ тэ обдыкхэн пхув и тэ уджинэн ла, и пхэндлэ лэнгэ: “Джан, обдыкхэн пхув.” Ёнэ явнэ пэ Ефремоскири пхув кэ Михаскиро кхэр, и ратькирдэ одой. ³ Сыр ёнэ сыс пашыл Михаскиро кхэр, то уджиндлэ ёнэ тэрнэ-Левитоскири зан (глос), и загинэ одорік, и пхучнэпэ лэстыр: “Кон яндя тут адарік? Со ту адай кэрэса, и палсо ту сан датэ?” ⁴ Ёв пхэндя лэнгэ: “Дова и дова кэрдя ваш мангэ о Миха, ёв лыя ман, и мэ яцём рашаса лэстэ.” ⁵ Ёнэ пхэндлэ лэскэ: “Пхучпэ Дэвлэстыр, соб (кай) тэ джинас амэнгэ, ци бахталó явэла амарó дром, пир савó амэ джаса.” ⁶ Рашай пхэндя лэнгэ: “Джан раманёса (миро́са); ангил Растэ-Дэвлэстэ тумарó дром, дрэ савó тумэ джана.” ⁷ И гинэ одолэ пандж мушэ, и явнэ дро Лаисо, и дыкхнэ манушэн, савэ сыс дрэ лэстэ, со ёнэ дживэна штылэс, пир обычаё (присыкляибэн) Сидонянэнги́ро, штыл и бидарипнаскирэс (безпечнэс), и со на сыс пэ доя пхув, кон кэрэлас фуй бы лэн тэ дрэ вари-со, ци рикирдя зор (власть): Сидонянэндэр ёнэ дживдэ дур, и ни конэса на сыс лэндэ нисавó рэндо. ⁸ И рисинэ панджджинэ кэ пэскирэ пшала дрэ Цора и Естаоло, и пхэндлэ лэнгэ пшала лэнгирэ: “Сóса явнэ тумэ?” ⁹ Ёнэ пхэндлэ: “Уштаса и джаса пэ лэндэ; амэ дыкхцям пхув, ёй исын древан лачхи; а тумэ задуминдлэпэ: галён, сыгэдыр джан и тэ лэн дро мэкно миштыпэн (наследіё) доя пхув; ¹⁰ кэли джана тумэ, явэна кэ манушэ бидарипнытка, и пхув доя бари. Дэвэл отдэла ла дрэ тумарэ васта; дава исын дасаво штэто, кай нанэ ни дрэ со наухтылыбэн, со дорэслапэ (лэлапэ) пхувьятыр.” ¹¹ И гинэ одотхыр Даноскирэ родыцостыр, Цоратыр и Естаолостыр, шовшэла мушэ, савэ сыс подпхандлэ халадытконэ мардытконэнца. ¹² Ёнэ гинэ и тэрдинэ станóса дрэ Кириаф-Яримо, дрэ Юдэя. Пир сарó и кхарэна дова штэто Даноскирэ станóса кэ дава дывэс. Ёв исын палал Кириаф-Яримо. ¹³ Одотхыр гинэ ёнэ пэ Ефремоскири бэрга и явнэ кэ Михаскиро кхэр. ¹⁴ И пхэндлэ одолэ пандж мушэ, савэ псирдэ тэ обдыкхэн пхув Лаиса, пэскирэ пшалэнца: “Ци джинэна тумэ, со дрэ екх далэ кхэрэндэр исын эфóдо, терафимо, вычхиндлэ и вычхудо образы? И адякэ подуминэн, со тэ кэрэн?” ¹⁵ И рисинэ пэ риг, и загинэ дро кхэр тэрнэ-Левитоскиро, дро Михаскиро кхэр, и дынэ “добридим” лэскэ. ¹⁶ А шовшэла манушэ Даноскирэ чхавэндэр пирипхандлэ халадытконэ мардытконэнца, сыс тэрдэ пашыл порта (враты). ¹⁷ Пандж манушэ, савэ псирдэ тэ обдыкхэн пхув, гинэ, загинэ одорік, лынэ истукано (вычхиндло муй), и эфóдо, и терафимо, и вычхудо кумиро. Рашай тэрдия пашыл порта одолэнца шовшэлэнца манушэнца, савэ сыс пирипхандлэ марибнытконэ мардытконэнца. ¹⁸ Кэли ёнэ загинэ дро Михаскиро кхэр и лынэ вычхиндло муй (истукано), эфóдо, терафимо и вычхудо óбразо (кумиро), рашай пхэндя лэнгэ: “Со тумэ кэрэна?” ¹⁹ Ёнэ

пхэндлэ лэскэ: “Яв штыл, чхув тырo васт пэ тырэ уштá, и джá амэнца; и яв амэндэ дадэса и рашáса. Ци фэдýр тýкэ тэ явэс рашáса пэ екхэ-Манушэскиро кхэр, сыр тэ явэс рашáса пэ рoдыцо, ци дро Израилёскиро кхэрйтко рoдо?” ²⁰ Рашáй обрадындяпэ, и лыя эфóдо, терафимо и вычхиндло муй, и гия манушэнца. ²¹ Ёнэ рисинэ, и гинэ, и отмэкнэ чхавэн, кхэритконэ мурдалэн (ското) и пхарипэна ангил. ²² Кéли ёнэ отгинэ Михаскирэ кхэрэстыр, кхэрэнгирэ манушá, савэ сыс пашыл Михаскиро кхэр, скэдынэпэ и традынэпэ пал Данóскирэ чхавэндэ, ²³ и дынэ гóдла Данóскирэ чхавэнгэ. Данóскирэ чхавэ рисинэ и пхэндлэ Михаскэ: “Со ту адýкэ дэса гóдла?” ²⁴ Миха пхэндя: “Тумэ лынэ мирэ дэвлорэ, савэн мэ кэрдём, и рашáс, и гинэ криг: со ишчо (инкэ) бутýр, сыр тумэ ракирэна: “Со тýкэ?” ²⁵ Данóскирэ чхавэ пхэндлэ лэскэ: “Яв штыл (молчын), соб (кай) амэ тэ на шунас тырi зан; явирэс вари-савэ амэндýр, росхолясови пэрэна пэ тумэндэ, и ту хасякирэса пэс и тырi сэм’я (ирi).” ²⁶ И гинэ Данóскирэ чхавэ пэскирэ дромэса; а Миха дыкхi, со ёнэ исын зоралэдýр лэстыр, гия палэ и рисия дро пэскиро кхэр. ²⁷ А Данóскирэ чхавэ лынэ дова, со кэрдя Миха, и рашáс, савó сыс лэстэ, и гинэ дро Лаисо, проти штылонэ и бидарипнаскирэ манушэндэ, и домардэ лэн курталáса, а фóро хачкирдэ ягáса. ²⁸ На сыс конэскэ тэ помогинэл лэнгэ, пал-дова со ёв сыс дур Сидоностыр и никонэса на рикирдя рэндý. Давá фóро сыс дро дóло, со исын пашыл Беф-Рехово. И кэрдэ ёнэ нэвэстыр фóро и лынэ тэ дживэн дрэ лэстэ. ²⁹ И дынэ лав фoроскэ Дано, пир пэскирэ дадэскиро Даноскиро лав, Израилёскирэ-чхавэскиро; а англэдýр долэ-фoроскиро лав сыс Лаисо. ³⁰ И чхудэ тэ тэрдён пэстэ Данóскирэ чхавэ вычхиндло муй (истукано); Ионафáно, Манасияскирэ-чхавэскиро, Гирсоноскиро чхавó, кокорó и лэскирэ чхавэ сыс рашанца дро Даноскиро рoдыцо кэ долэ дывэсá, сыр манушá пэ даý пхув сыс пиричхудэ тэ дживэн. ³¹ И сыс лэндэ вычхиндло муй (истукано), савó кэрдя о Миха, дро сарó дова часо, кéли Дэвлэскиро Кхэр сыс дро Силóмо.

Шэрó 19

Левитоскири Бисовлахакири Джувлы

¹ Дрэ долэ дывэсá, кéли на сыс пэ Израилё кралiс, дживдý екх Левито пэ Ефремóскирэ-бэргáкиро згийбэн. Ёв лыя пэскэ бисовлахакирýя джувлý (наложница) Вифлеемостыр дрэ Юдýя. ² Лэскири наложница на сыс чачунý лэскэ ^[1] [косцяпэ лэса] и гия пэскэ лэстыр дро пэскирэ-дадэскиро кхэр дро Юдýякиро Вифлеемо, и сыс одóй штáр чхонá. ³ Лáкиро ром уштыя и гия пал латэ, соб (кай) тэ ракирэл кэ лáкиро илó и тэ рискирэл ла кэ пэ. Лэса сыс лэскиро дынáри (слуга) и дуй ослы (мегáрья). Ёй залыджия лэс дрэ пэскирэ-дадэскиро кхэр. ⁴ Адалэ тэрнэ-джувлýкиро дад, дыкхi лэс, радымáса стрэниндя лэс, и урикирдя лэс лэскиро сáстро, тэрнэ-джувлýкиро дад. И сыс ёв лэстэ трин дывэсá; ёнэ ханэ и пинэ, и ратькирдэ одóй. ⁵ Пэ штáрто дывэс ёнэ уштынэ пэ злóко, и ёв уштыя, соб (кай) тэ джал. И пхэндý тэрнэ-джувлýкиро дад пэскирэ зятёскэ: “Зорýякир тырó илó котэрэ марэса и тэньчи (потом) тумэ джáна.” ⁶ Ёнэ ячнэпэ, и дуйджинэ кхэтанэ ханэ и пинэ. И пхэндý тэрнэ-джувлýкиро дад одолэ манушэскэ: “Ячпэ ишчо (инкэ) пэ рат, и мэк тэ порадынэлпэ тырó илó.” ⁷ Одовá мануш уштыи сыс, соб (кай) тэ джал, нэ лэскиро сáстро умангдý лэс, и ёв нэвэс (зноко) ратькирдя одóй. ⁸ Пэ пáнджто дывэс уштыя ёв пэ злóко, соб (кай) тэ джал. И пхэндý одолэ тэрнэ – джувлýкиро дад: “Зорýякир тырó илó марэса, и ужакирэн, пака проджáла дывэс.” И дуйджинэ ханэ ёнэ. ⁹ И уштыя одовá мануш, соб (кай) тэ джал, кокорó ёв, лэскири наложница и лэскиро дынáри. И пхэндý лэскэ лэскиро сáстро, тэрнэ-джувлýкиро дад: “Гáда, дывэс гия кэ бэвэль, ратькирэн адáй, мэ мангáва; гáда, дывэсэскэ сыг кóнцо (ягóро), ратькир адáй, мэк тэ порадынэлпэ тырó илó; атасý пэ злóко (рáнко) уштэна дрэ тумарó дром и джáса дрэ кхэр тырó.” ¹⁰ Нэ лáкиро ром на здыяпэ пэ лэскири годý тэ ратькирэл, уштыя и гия; и явдý кэ Иевусо, со каканá исын Ерусалимо; лэса сыс дуй навýючына ослы (мегáрья) и лэскири наложница лэса. ¹¹ Кéли ёнэ сыс пашыл Иевусо, дывэс древáн сыг прогия. И пхэндý дынáри пэскирэ хулáскэ: “Заджаса дрэ давá фóро Иевусеенгиро и ратькираса дрэ лэстэ.” ¹² Лэскиро хулáй пхэндý лэскэ: “Над, на джáса дро явирэ-родоскиро фóро, савэ исын на

Израилёскирэ чхавэндэр, нэ джаса кэ Гива.”¹³ И пхэндя пэскирэ дынарыскэ: “Доджаса кэ екх долэ штэтэндэр и ратькираса дрэ Гива, ци дрэ Рама.”¹⁴ И гинэ, и джанас, и гарадыя кхам пашыл Вениаиноскири Гива.¹⁵ И рискирдэ ёнэ одорик, соб (кай) тэ джан тэ ратькирэн дрэ Гива. И явдя ёв, и бэстя пэ вулица (гаса) дро форо; нэ никон на кхардя лэн дрэ кхэр тэ ратькирэн.¹⁶ И гада, джала екх пхурó пэскирэ бутятыр фэлдатыр, бэльвэлякиро; ёв родоса сыс Ефремóскирэ бэргатыр и дживдя кэ Гива. Далэ штэтоскирэ манушá сыс Вениаиноскирэ чхавэ.¹⁷ Ёв газдыя пэскирэ якхá, дыкхця манушэс, савó гия пир фороскири гаса. И пхэндя пхурó: “Карик ту джаса? И катыр ту явдя?”¹⁸ Ёв пхэндя лэскэ: “Амэ джаса Юдэякирэ Вифлеемостыр кэ Ефремóскири бэрга, одотхыр мэ; мэ псирдём дро Вифлеемо Юдэякиро, а каканá мэ джава кэ Раскирэ-Дэвлэскиро Кхэр; и никон на кхарэла ман дро кхэр; ¹⁹ амэндэ исын и пхус, и ваш амарэ ослэнгэ хабэн; адякэ-паць марó и мол (вино) ваш мангэ и ваш тырэ писхарицакэ и ваш адалэ дынарыскэ, савó исын тырэ дынарьендэ; ни дро со нанэ наухтылыбэн.”²⁰ Пхурó пхэндя лэскэ: “Яв надеимо: сарó тырэ наухтылыбэн тэ явэл пэ мандэ; екх со на ратькир пэ вулица (гаса).”²¹ И залыджия лэс дрэ пэскиро кхэр, и дыя лэскирэ ослэнгэ хабэн, а кокорé ёнэ обмордэ пэскирэ гэрá, и ханэ, и пинэ.²² Тэды, сыр ёнэ обрадындлэ пэскирэ илэ, гада, фороскирэ манушá, розмэкнэ манушá, заухтылдэ кхэр, грюкиндлэ дрэ вударá и ракирдэ пхурэскэ, кхэрэскирэ хулáскэ: “Вылыджа манушэс, савó загия дрэ тырэ кхэр, амэ галёваса лэс.”²³ Кхэрэскиро хулáй выгия кэ ёв и пхэндя лэскэ: “Над, мирé пшáла, на кэрэн фуипэн, кели адава мануш загия дро миро кхэр, на кэрэн дава дылныпэн; ²⁴ гада, мандэ исын напалоромитко чхай, и лэстэ наложница, вылыджава мэ лэн, лэн лэн и кэрэн лэнца, со тумэнгэ трэй; адалэ манушэса на кэрэн дава дылныпэн.”²⁵ Нэ ёнэ на камлэ тэ шунэн лэс. Тэды ром лыя пэскирья наложница и вылыджия ла кэ ёнэ пэ гаса. Ёнэ уджиндэ ла и сандлэпэ латыр сарí рат кэ ранко. И отмэкхнэ ла пэ ранко.²⁶ И явдя джувлы ангил ранко, и пыя пашыл адалэ – манушэскирэ кхэрэскирэ вударá, савэстэ исыс лáкиро хулáй, и пасия кэ свэто.²⁷ Лáкиро хулáй уштыи ранкоса, отпхэндя кхэрэскирэ вударá и выгия, соб (кай) тэ джал дрэ пэскиро дром: и гада, лэскири наложница сыс пашты пашыл кхэрэскирэ вударá, и лáкирэ вастá пэ прого.²⁸ Ёв пхэндя лáкэ: “Ушты, явэн.” Нэ отпхэныбэн на сыс, пал-дова со ёй мыя. Ёв чхудя ла пэ ослостэ, уштыя и гия дро пэскиро штэто.²⁹ Яви дро пэскиро кхэр, лыя чхури, и, лыя пэскирья наложница, росчхиндя ла пир лáкирэ котэра пэ дэшудуй пашá и бичхадя дрэ сарé Израилёскирэ ригá.³⁰ Кажно (свако), кон дыкхця дава, ракирдя: “На сыс и на сыс бицялó дасаво, сыр дава исын, сыр Израилёскирэ чхавэ выгинé долэ дывэсэстыр Египтóскирэ пхувьятыр кэ дава дывэс. Дыкхэн пэ дава, обракирэн и пхэнэн.”

19:2 ^[1] Адякэ пхэнэлапэ дро Юдытко оригинало

Шэрó 20

Израилё Марэлапэ Вениаиноскирэ Родыцоса

¹ И выгинé сарé Израилёскирэ чхавэ, и скэдыяпэ сарó скэдыибэн, сыр екх мануш, Даностыр кэ Вирсавиё, и Галаадоскири пхув ангил Растэ-Дэвлэстэ дрэ Масíфа. ² И скэдынэпэ сарé манушэнгирэ барыдыра, сарé Израилёскирэ родыцы, пэ Дэвлэскирэ манушэнгиро скэдыибэн, штар тысэнцы пэзал, савэ вылэна куртáла. ³ И Вениаиноскирэ чхавэ шундлэ, со Израилёскирэ чхавэ явнэ дрэ Масíфа. И пхэндлэ Израилёскирэ чхавэ: “Пхэнэн, сыр выгия дава фуипэн?”⁴ Левито, ром далья-умардя ромнякиро, отпхэндя и пхэндя: “Мэ мирé наложницаса явдём тэ ратькирав дрэ Вениаиноскири Гива; ⁵ и газдынэпэ пэ мандэ Гивакирэ манушá, и заухтылдэ пал мандэ раты кхэр. Ман скэдынэпэ тэ замарэн (тэ умарэн) и мирья наложница замэнчынлэ, адякэ, со ёй мыя; ⁶ мэ лыём мирья наложница, росчхиндём ла и бичхадём ла дрэ сарé Израилёскирэ ригá, пал-дова со ёнэ кэрдэ биладжаипэн и магирдó рэндо (дело) дро Израилё; ⁷ гада, сарé тумэ, Израилёскирэ чхавэ, роскэдэн (роздыкхэн) дава

рэндо и роспхандэн (роскэдэн) лэс адай.”⁸ И газдынэпэ сарэ манушá, сыр екх мануш, и пхэндлэ: “На джала никон дрэ пэскири шáтра и амэ на рисёваса дро пэскиро кхэр; ⁹ и гада, со амэ кэраса каканá Гивоса: джаса пэ лэстэ пир жрэбиё; ¹⁰ и амэ ласа пир дэш манушэн шэлэндэр сарэндэр Израилёскирэ родыцэндэр, пир шэл тысёнцостыр, и пир тысёнцо дэшэ тысёнцэндэр, соб (кай) ёнэ тэ янэн хабнытка запасы ваш манушэнгэ, савэ джана проти Вениаиноскири Гивá, тэ чхувас кáра пэ латэ пал магирдо рэндо, саво ёй кэрдя дро Израилё.¹¹ И скэдынэпэ сарэ Израильтjáни проти фóро сыр екх мануш. ¹² И бичхадэ Израилёскирэ рóдыцы дрэ сарэ Вениаиноскирэ рóдыцы тэ пхэнэн: “Саво дава náлачхо рэндо кэрдяпэ тумэндэ! ¹³ Вьдэн адалэн биладжаибнытконэ манушэн, савэ исын дрэ Гивá; амэ лэн мулякираса и амэ выльджаса фуипэн Израилёстыр.” Нэ Вениаиноскирэ чхавэ на камлэ тэ шунэн пэскирэ-пшалэнгири зан, Израилёскирэ-чхавэнгири; ¹⁴ а скэдынэпэ Вениаиноскирэ чхавэ форьэндэр дрэ Гивá, соб (кай) тэ джас марибнаса проти Израилёскирэ чхавэндэ. ¹⁵ И пиригиндлэ дрэ дова дывэс Вениаиноскирэ чхавэн, савэ скэдынэпэ форьэндэр, биш тэ шов тысёнцы манушэн, савэ вытырдэна куртáла апрíч одолэндэ, Гивакирэ манушэндэ гиндло сыс эфтадэшá фэдыршонэн. ¹⁶ Сарэ далэ манушэндэр сыс эфташэлá манушэн фэдыршонэн, савэ сыс левшы, и сарэ адалэ, кон чхурдэла прашчэндэр барá пэ бал, на чхурдынэ ивьá (напрáснэс). ¹⁷ Израильтянэн, апрíч Вениаиноскирэ чхавэндэ, пиригиндло сыс штáршэлá тысёнцы манушэн, савэ вытырдэна куртáла; сарэ ёнэ сыс лачхэ кэ мэрибэн. ¹⁸ И уштынэ и гинэ дро Дэвлэскиро Кхэр, и пхучнэпэ Дэвлэстыр, и пхэндлэ Израилёскирэ чхавэ: “Кон тумэндэр англэдэр джáла пэ марибэн Вениаиноскирэ чхавэнца?” И пхэндя Дэвлэ: “О Юда джáла ангíл.” ¹⁹ И уштынэ Израилёскирэ чхавэ пэ злóко (рáнко), и тэрдинэ станóса пашыл Гивá; ²⁰ и выгинэ Израильтjáни пэ марибэн проти Вениаиностэ, и тэрдинэ Израилёскирэ чхавэ дро марибнытко рядо нáдур Гиватыр. ²¹ И выгинэ Вениаиноскирэ чхавэ Гиватыр, и чхудэ пэ пхув дрэ дова дывэс биш тэ дуй тысёнцы Израильтянэн. ²² Нэ Израилёскирэ манушá подухтылдэпэ и нэвэстыр тэрдинэ дро марибнаскиро рядо пэ дова штéто, кай сыс тэрдэ пэ англатунó дывэс. ²³ И гинэ Израилёскирэ чхавэ, и рондлэ ангíл Дэвлэстэ кэ бэльвэль, и пхучнэпэ Дэвлэстыр: “Ци тэ тэрдэвав мánгэ бутыр дро марибэн Вениаиноскирэ чхавэнца, мирé пшалэса?” Дэвлэ пхэндя: “Джáн проти лэстэ.” ²⁴ И подгинэ Израилёскирэ чхавэ кэ Вениаиноскирэ чхавэ пэ явír дывэс. ²⁵ Вениаино выгийá проти лэндэ Гиватыр пэ явír дывэс, и бутыр чхудэ пэ пхув Израилёскирэ чхавэндэр дэшуохто тысёнцы манушэн, савэ вытырдэнас куртáла. ²⁶ Тэды сарэ Израилёскирэ чхавэ и сарэ манушá гинэ, и явнэ дро Кхэр Дэвлэскиро, и, бэшындой одóй, рондлэ ангíл Дэвлэстэ, и постиндлэ дрэ дова дывэс кэ бэльвэль, и яндлэ цéло схачкирибэн и мирна свéнта яныбэнá ангíл Дэвлэстэ. ²⁷ И пхучнэпэ Израилёскирэ чхавэ Дэвлэстыр дрэ дова часо Дэвлэскирэ-заветóскиро ковчéго сыс одóй, ²⁸ и Финеесо, Елизароскиро чхавó, Ааронóскирэ-чхавэскиро, сыс тэрдó сыс барыдэр ангíл лэстэ: “Ци тэ выджав мánгэ бутыр пэ марибэн Вениаиноскирэ чхавэнца, мирé пшалэскирэ, ци над?” Дэвлэ пхэндя: “Джáн; Мэ атася отдáва лэс дрэ тумарé вастá.” ²⁹ И Израилё чхудя манушэн тэ бэшэс чораханэс пашыл Гивá. ³⁰ И гинэ Израилёскирэ чхавэ пэ Вениаиноскирэ чхавэндэ дро трýто дывэс, и тэрдинэ дро марибнаскиро рядо ангíл Гивá, сыр англэдэр. ³¹ Вениаиноскирэ чхавэ выгинэ проти манушэндэ и отгинэ форóстыр, и лынэ сыр англэдэр, тэ мулякирэн манушэн пэ дромá, савэндэр екх джáла кэ Вефýлэ, а явír кэ Гивá фэлдаса, и дормардэ кэ трийнда манушэн Израильтянэндэр. ³² И пхэндлэ Вениаиноскирэ чхавэ: “Ёнэ пэрэна ангíл амэндэ, сыр и англэдэр.” А Израилёскирэ чхавэ пхэндлэ: “Прастаса лэндэр и оттырдаса лэн форóстыр пэ дром.” ³³ И сарэ Израильтjáни уштынэ пэскирэ штéтóстыр и тэрдинэ дрэ Ваал-Фамара. И Израилёскири засада гия пэскирэ штéтóстыр, западнонэ Гивакирэ ригáтыр. ³⁴ И явнэ ангíл Гивá дэш тысёнцы фэдыршонэн манушэн сарэ Израилёстыр, и лыяпэ барó марибэн; нэ Вениаиноскирэ чхавэ на джиндлэ, со лэнгэ явэла бýда. ³⁵ И домардя Рай Дэвлэ Вениаинос ангíл Израильтянэндэ, и чхудэ мулó даро дова дывэс Израильтjáни Вениаиноскирэ чхавэндэр биш тэ пандж тысёнцы шэл манушэн, савэ вытырдэнас куртáла. ³⁶ Кéли Вениаиноскирэ чхавэ дыкхнэ, со ёнэ домардэ, тэды Израильтjáни дынэ штéто Вениаиноскирэ чхавэнгэ, пал-дова со ёнэ росгиндлэ пэ засада, савý ёнэ чхудэ нáдур

Гиватыр. ³⁷ Засада сыгнякирдя пэс и гия кэ Гива, и загия, и домардя саро форо курталаса. ³⁸ Израильтяни доракирдэпэ засадаса пал сыкаибэн (сигнало) кэ марибэн, сыр газдэлапэ тхув (дымо) форостыр. ³⁹ И адякэ, кэли Израильтяни отгинэ марибнаскирэ штэтостыр, и Вениамино лыя тэ марэл, и домардя Израильтянэн кэ трийнда манушэн, и ракирдя: “Нэвэстыр ёнэ пэрэна ангил амэндэ, сыр и дро англатунó марибэн”, ⁴⁰ тэды лыя тэ газдэлпэ форостыр стылбоса тхув. Вениамино дыкхця палэ, и гада, тхув сарэ форостыр джала кэ болыбэн. ⁴¹ Израильтяни рисинэ, а Вениамино страхадыя, пал-довá со дыкхця, со латхя лэс бйда. ⁴² И прастандынэ ёнэ Израильтянэндыр пир дром пэ чхучи пхув; нэ марибэн традыя лэн, и мануша, савэ выджанас форьэндыр, мардэ лэн одой; ⁴³ ёнэ заухтылдэ Вениаминос, и традынэ лэс кэ Менуха, и мардэ кэ сáмо восточно Гивакири риг. ⁴⁴ И пынэ Вениаминóскирэ чхавэндыр дэшуохто тысёнцы манушэн, зоралэн манушэн. ⁴⁵ Мануша, савэ ячнэпэ рисинэ и нашнэ пэ чхучи пхув, кэ Римоноскири скáла, и домардэ Израильтяни бутыр пэ дромá пандж тысёнцы манушэн; и традынэпэ пал лэндэ кэ Гидомо, и бутыр Израильтяни домардэ лэндыр дуй тысёнцы манушэн. ⁴⁶ Сарэн Вениаминóскирэ чхавэн, савэ пынэ дрэ дова дывэс, сыс биш тэ пандж тысёнцы манушэн, савэ вытырдэнас куртáла, и сарэ ёнэ сыс зоралэ мурша. ⁴⁷ И рисинэ мануша, савэ ячнэпэ, и нашнэ пэ чхучи пхув, кэ Римоноскири скáла, шовшэла мануша, и ячнэпэ одой пэ баруны Римоноскири бэрга штáр чхонá. ⁴⁸ Израильтяни нэвэс гинэ кэ Вениаминóскирэ чхавэ, и домардэ лэн курталаса, и манушэн дрэ форо, и кхэритконэ манушэн (ското), и сарó, со ёнэ стрэниндлэ, и сарó, со сыс пэ форóскиро дром, схачкирдэ ягаса.

Шэрó 21

Пал Джувлендэ ваш Вениамитянэнгэ

¹ И совлахадэ Израильтяни дрэ Масíфа, ракири: “Никон амэндыр тэ на отдэл пэскирэ чха пал Вениаминóскирэ чхавэндэ палором.” ² И явнэ мануша дро Дэвлэскиро Кхэр, и сыс бэштэ одой кэ бэльвэль ангил Дэвлэстэ, и газдынэ зоралы гóдла, и дрéвáн рондлэ, ³ И пхэндлэ: “Раё Дэвла, Дэвэл Израилёскиро! Ваш со дава кэрдяпэ дро Израилё, со на яця каканá дро Израилё екх рóдыцо?” ⁴ Пэ явир дывэс уштынэ пэ злóко (рáнко) мануша, и кэрдэ одой алтáрё, и газдынэ цéло схачкирибэн и раманёса (мирна) свэнта яныбэна Рáскэ-Дэвлэскэ. ⁵ И пхэндлэ Израилёскирэ чхавэ: “Кон на псирдя пэ скэдыибэн ангил Рáстэ-Дэвлэстэ сарэ Израилёскирэ родыцэндыр?” Пал дова со барó прокошыбэн пхэндо сыс пэ одолэндэ, савэ на явнэ ангил Рáстэ-Дэвлэстэ дрэ Масíфа, и сыс пхэндлэ, со одолэ явэна отдынэ мэрибнаскэ. ⁶ И тангиндлэ (пожалиндлэ) Израилёскирэ чхавэ Вениаминос, пэскирэ пшалэс, и пхэндлэ: “Каканá исын отчингирдо екх рóдыцо Израилёстыр; ⁷ сыр тэ кэрáс амэнгэ, савэ ячнэпэ лэндыр, со касынэлапэ джувлэн (ромнен), кэли амэ совлахадям Рáса-Дэвлэса тэ на дас лóнгэ амарэ чхаендыр?” ⁸ И пхэндлэ: “Ци нанэ конэс Израилёскирэ родыцостыр, кон на явдя ангил Рáстэ-Дэвлэстэ дрэ Масíфа? И выгия, со Галаадóскирэ Иависóстыр никон на явдя ангил Рáстэ-Дэвлэстэ дро стáно пэ скэдыибэн. ⁹ И обдыкхнэ мануша, и гада, на сыс одой ни екхэс Галаадóскирэ Иависостыр манушэн. ¹⁰ И бичхадя скэдыибэн одорик дэшудуй тысёнцы манушэн, зоралэ муршэн, и дынэ лóнгэ припхэныбэн, ракири: “Джáн и домарэн Галаадóскирэ-Иависоскирэ манушэн курталаса, и джувлэн и чхаворэн; ¹¹ и гада, со кэрэн: кажнонэ (сваконэ) муршэс и свакона джувля, сави уджиндя муршэс, отдэн прокошыбнаскэ.” ¹² И латхнэ ёнэ машкир Галаадóскирэ-Иависоскирэ манушэндэ штáршэла чхаёрьен, савэ на джиндлэ муршэс, и яндлэ лэн дро стáно дро Силóмо, со исын пэ Ханаанóскири пхув. ¹³ И бичхадя сарó скэдыибэн тэ пириракирэн Вениаминóскирэ чхавэнца, савэ сыс пэ Римоноскири бэрга, и пхэндлэ зоралэс лóнгэ рамáнэ (миро). ¹⁴ Тэды рисинэ Вениаминóскирэ чхавэ, и Израильтяни дынэ лóнгэ джувлэн, савэн ячкирдэ джидэн Галаадóскирэ Иависоскирэ джувлендыр; нэ выгия, со дава сыс нáбут. ¹⁵ Мануша пиридживдэ пал Вениаминостэ, со Рай Дэвэл на рахця кажно рóдыцо цéло сарэ Израилёскирэ родыцэндыр. ¹⁶ И пхэндлэ скэдыибнаскирэ пхурыдыра: “Со амэнгэ тэ кэрáс

манушэнца, савэ ячнэпэ би джувленгиро, пал-довá со мулякирдэ джувля Вениаминостэ?”¹⁷ И пхэндлэ ёнэ: “Пхув мэк тэ ячэлпэ Вениаминоскирэ чхавэнгэ, савэ ячнэпэ джидэ, соб (кай) тэ на хасёл Израилёстыр рóдыцо; ¹⁸ нэ амэ на моги́наса тэ дас лóнгэ джувлén амарэ чхаендыр; пал-довá со Израилёскирэ чхавэ совлахадэ, ракири: ‘Прокошнó явэ́ла, кон дэ́ла джувля Вениаиноскэ.’”¹⁹ И пхэндлэ: “Гáда, кажно бэрш джáла Рáскирэ-Дэвлэскиро свэнко дрэ Силома, сави́ исын пэ паш-рат (северо) Вефилёстыр и пэ вастóко дромэстыр, савó лыджáла Вефилёстыр дро Сихемо, и пэ паш-дывэс (юго) Левоностыр. ²⁰ И припхэндлэ Вениаиноскирэ чхавэнгэ и пхэндлэ: “Джáн и гарадён дрэ винаградники, ²¹ и дыкхэн, кэли выджáна тэ кхэлэн Силомостыр тэрнэ патывалэ джувля дро круго, то тэды тумэ выджáн винаградникостыр, и ухтылэн кажно пэскэ ромня́ Силомсконэ тырнэ патывалэ джувлендыр, и джáн пэ Вениаиноскири пхув; ²² и кэли явэ́на лóнгирэ да́да, ци лóнгирэ пшáла тангипнаса кэ амэ, амэ пхэна́са лóнгэ: ‘Примангэн амэн пал лóндэ; палдава́ со амэ на лыям ваш свако́нэскэ лóндыр ромня́ пэ марибóн, и тумэ на дынó лóнгэ; каканá тумэ сан бангэ.’”²³ Вениаиноскирэ чхавэ ады́кэ и кэрдэ, и лынэ́ ромнен пир пэскиро гиныбóн, савэ сыс дро круго, савэн ёнэ чордэ, и гинэ́ и рисинэ́ дрэ пэскири миштыпна́скири мёра, и чхудэ́ фóрья, и лынэ́ тэ дживóн дрэ лóндэ. ²⁴ Дрэ дова́-паць часо Израильтя́ни розгинэ́пэ одотхýр кажно (сва́ко) пир пэскиро рóдыцо и пир пэскиро кхэри́тко рóдо, и гинэ́ одотхýр сва́ко дрэ пэскири миштыпна́скири мёра. ²⁵ Дрэ долэ́ дывэса́ на сыс пэ Израилё́ кралы́с; кажно (сва́ко) кэрдя́ дова́, со лэ́скэ зды́япэ чачунэ́са.

Рутакири (Руфьякири) Лылвары́

Шэро́ 1

¹ Дрэ долэ́ дывэса́, кэли хулаиндлэ сэндáрья, яця́ бокх пэ пхув. И гия́ екх ману́ш Юдэя́кирэ Вифлеимостыр, пэскирэ́ ромня́са и пэскирэ́ дуе чхавэнца́ тэ дживэл пэ Моавитоскирэ́ фэ́лды. ² Лав одолэ́-Манушэ́скиро сыс Елимелехо, лав лэ́скирэ́ ромня́киро сыс Ноэ́минь, а лав лэ́скирэ́ дуенгирэ́ чхавэнгиро́ сыс Махлоно́ и Хиле́оно; ёнэ́ сыс Ефра́фяни Юдэя́кирэ Вифлеимостыр. И явнэ́ ёнэ́ пэ Моавитоскирэ́ фэ́лды, и ячнэ́пэ одóй. ³ И мыя́ Елимехо, Ноэ́минья́киро ром, и яця́пэ ёй́ дуе пэскирэнца́ чхавэнца́. ⁴ Ёнэ́ лынэ́ пэскэ́ джувлén Моавитя́нкэндýр, екха́киро лав сыс э́ Орфа, а явирья́киро лав сыс Руфь́ (Рута́), и дживдэ́ одóй пашýл дэш бэрш. ⁵ Нэ́ коригэдýр (после) и дуй́ ла́кирэ́ чхавэ́, Махлоно́ и Хиле́оно, мынэ́, и яця́пэ до́я джувлы́ би пэскирэ́ дуе-чхавэнгиро́ и би пэскирэ́-ромэ́скиро. ⁶ И уштыя́ ёй́ пэскирэ́ борьенца́, и гия́ палэ́ Моавитоскирэ́ фэ́лдэндýр, пал-довá со ёй́ шундý пэ Моавитоскирэ́ фэ́лды со Дэвэл́ порисия́ кэ́ Пэ́скирэ́ манушá и дыя́ лóнгэ́ марó. ⁷ И вы́гия ёй́ долэ́ штэ́тостыр, пэ́ савó дживдý, и дуй́ борья́ ла́кирэ́ ла́са. Кэ́ли ёнэ́ гинэ́́ пир дром, рисё́ви пэ́ Юдэя́кири пхув, ⁸ то́ Ноэ́минь пхэндý́ дуенгэ́ пэскирэ́ борьенгэ́: “Джáн, рисён́ кажно́ дрэ́ пэскирэ́-да́киро кхэр; мэќ тэ́ кэрэл́ Рай́ Дэвэл́́ тумэнца́́ тангипэн, сыр́ тумэ́ обгинэ́пэ́ мулэнца́́ и ма́нца! ⁹ Мэќ тэ́ дэл́ тумэнгэ́́ Рай́ Дэвэл́, соб́ тумэ́ тэ́ латхэн́ джи́ибóн кажно́ дрэ́ пэскирэ́-ромэ́скиро кхэр!” И́ чамудя́ лэн. Нэ́ ёнэ́ газдынэ́́ гóдла́ и рондлэ́ ¹⁰ и пхэндлэ́: “Над, амэ́ тýса́ рисё́васа́ кэ́ тырэ́́ манушá.” ¹¹ Ноэ́минь пхэндý́: “Рисён́, мирэ́́ чхаялэ́; пал́ со́ тумэнгэ́́ тэ́ джáн ма́нца? Нау́што́ бутýр исын ма́ндэ́ чхавэ́́ дрэ́ мирэ́́ масá, савэ́́ тэ́ явэн́ бы́ тумэнгэ́́ ромэнца́́? ¹² Рисён́, мирэ́́ чхаялэ́, джáн, пал-довá со́ мэ́ сом́ пхури, соб́ (кай) тэ́́ явав́ палорóм. Мэќ, ко́ли б́ мэ́ и пхэндём́: ‘Исын ма́нгэ́́ бутýр надéя́’, и уса́екх, ко́ли бы́ мэ́ да́я-паць́ рат́ тэ́́ явав́ ромэ́са́ и коригэдýр (позжэ́) тэ́́ бия́нав чхавэн́, — ¹³ тэ́ды́ ци́ сашты́́ тумэнгэ́́ тэ́́ ужа́кирэн, па́ка ёнэ́́ выбра́рьёна́? Ци́ сашты́́ тумэнгэ́́ тэ́́ тырдэн́ и тэ́́ на́ выджáн́ палорóм? Над, мирэ́́ чхаялэ́, мэ́ древа́н пи́риджива́ва пал́ тумэндэ́, пал-довá со́ Рáскирэ́-Дэвлэ́скиро́ васт́ латхя́́ ман.” ¹⁴ Ёнэ́́ газдынэ́́ гóдла́ и нэ́вэ́стыр́ лынэ́́ тэ́́ ровэн́. И́ Орфа́ розя́цяпэ́ пэскирэ́́ сася́са, а́ Рута́́ яця́пэ́ ла́са. ¹⁵ Ноэ́минь пхэндý́ Рута́кэ́: “Гáда, ты́ри́ бори́́ рисия́́ кэ́ пэскирэ́́ манушá́ и кэ́ пэскирэ́́ дэвэ́ла́; рисё́в и ту́ палáл пал́ тырэ́́ борья́тэ́.” ¹⁶ Нэ́́ Рута́́ пхэндý́: “На́ за́чхув́ ман́ тэ́́ ячки́рав́ тут́ и тэ́́ рисё́вав́ тýтыр; нэ́́ кариќ ту́ джáса́, одо́риќ и мэ́́ джа́ва, и кай́́ ту́́ явэ́са́́ тэ́́ дживэ́с, одóй́ и мэ́́

явава тэ дживав; тырэ мануша явэна мирэ манушэнца, и тыро Дэвэл – мирэ Дэвлэса; ¹⁷ и кай ту мэрэса, одой и мэ мэрава и явава гарады; мэк дова и дова тэ кэрэл мангэ Рай Дэвэл, и ишчо (инкэ) бутыр кэрэла; екх мэрибэн ман розячкирэла туса.” ¹⁸ Ноэминь, дыкхй, со ёй древан скэдыяпэ тэ джал ласа, пирияця тэ уракирэл ла. ¹⁹ И гинэ ёнэ дуйджинэ, пака явнэ дро Вифлеемо. Кэли ёнэ явнэ дро Вифлеемо, саро форо заракирдя пал лэндэ, и ракирдэ: “Акэ, Ноэминь?” ²⁰ Ёй пхэндя лэнгэ: “На кхарэн ман Ноэминьяса, а кхарэн ман Мараса, пал-дова со Сарэзорьякирэ бичхадя мангэ баро киркипэн; ²¹ мэ выгийём адатхыр барвалыпнаса, а рискирдя ман Рай Дэвэл чхучэ вастэнца. Соскэ тэ кхарэн ман Ноэминьяса, кэли Рай Дэвэл зачхудя ман тэ страдынав, и Сарэзорьякиро бичхадя мангэ бйда?” ²² И рисия Ноэминь, и ласа лакири бори Рута Моавитянка, савй явдя Моавитоскирэ фэлдэндэр, и явнэ ёнэ дро Вифлеемо пэ концо (ягоро) дро гивэскиро укэдыибэн.

Шэро 2

¹ Ноэминьятэ сыс сэмэнца пир лакирэ ромэстэ, мануш древан слаўтно, Елимелехоскирэ кхэритконэ родостыр (племэстыр), лав лэскэ сыс Воозо. ² И пхэндя Рута Моавитянка Ноэминьякэ: “Джава мэ пэ фэлда и явава тэ подкэдав колосы пир долэ сляды, конэстэ латхава ласка.” Ёй пхэндя лэкэ: “Джа, мирй чхай.” ³ Ёй гия, и явдя, и подкэдыя пэ фэлда колосы палал укэдыбнарьэндэ. И выгия, со доя фэлдакиро паш сыс Воозоскири, саво сыс Елимелехоскирэ кхэритконэ родостыр (племэстыр). ⁴ И, гада, Воозо (Боаз) явдя Вифлеемостыр и пхэндя укэдыбнарьэнгэ: “Тэ явэл Рай Дэвэл тумэнца!” Ёнэ пхэнлдэ лэскэ: “Мэк тэ бахтякирэл тут Рай Дэвэл!” ⁵ И пхэндя Воозо пэскирэ дынарыскэ, саво дыкхця пал укэдыбнарьэндэ (жнецэнгэ): “Конэскири исын а дая тэрны джувлы?” ⁶ О дынари, саво дыкхця пал укэдыбнарьэндэ, отпхэндя и пхэндя: “Адая тэрны джувлы – Моавитянка, савй явдя Ноэминьяса Моавитсконэ фэлдэндэр; ⁷ ёй пхэндя: ‘Мэ явава тэ подкэдав и тэ скэдав машкир гарбы (снопы) палал пал укэдыбнарьэндэ, и явдя, и исын адай самонэ злокостыр (раницатыр) кэ дава часо (цыро); куты ёй исын кхэрэ.’” ⁸ И пхэндя Воозо Рутакэ: “Пошун, мирй чхай, на псир тэ подкэдэс пэ явир фэлда и на пириджа адатхыр, нэ яв адай мирэ дынарицэнца; ⁹ мэк дрэ тырэ якхэ тэ явэл доя фэлда, кай ёнэ укэдэна, и псир пал лэндэ; гада, мэ припхэндём мирэ дынарьэнгэ тэ чилавэн (на чэпинэн) тут; кэли закамэса тэ пьес, джа кэ кхорэ (сосуды) и пи, катыр лэна мирэ дынарья.” ¹⁰ Ёй пыя пэ пэскиро муй и поклониндяпэ кэ пхув, и пхэндя лэскэ: “Соса латхём мэ дрэ тырэ якхэ тангипэн, со ту прилэса ман, на дыкхй, со мэ явирэ ригатыр сом?” ¹¹ Воозо отпхэндя и пхэндя лэкэ: “Мангэ пхэнлдо саро, со ту кэрдян ваш пэскирэ сасякэ пир тырэ-ромэскиро мэрибэн, со ту ячкирдян тырэ дадэс, и тырря да, и тыри риг, кай ту бияндыян, и явдян кэ мануша, савэн ту на джиднян атася и три́то дывэс; ¹² мэк тэ дэл Рай Дэвэл пал дава рэндо тыро, и мэк тэ явэл тукэ пхэрдэ мазури (награда) Ра́стыр-Дэвлэстыр, Израилёскирэ Дэвлэстыр, кэ Саво ту явдян, соб тэ штылэс тэл Лэскирэ пхакэ!” ¹³ Ёй пхэндя: “Мэ явава дрэ тангипэн ангил тырэ якхэ, миро хулаё! Ту штылякирдян ман, и ракирдян пир ило тырэ дынарицакиро, машкир дова, сыр мэ на сом мол ни екха тырря дынарица.” ¹⁴ И пхэндя лэкэ Воозо: “Кэли явэла часо (цыро) тэ хас; яв дарик и ха маро, и болав (макин) тыро котэр дро шут (уксусо).” И бэстя ёй пашыл укэдыбнарьэндэ. Ёв подыя лэкэ маро; ёй хая, подхая, и яцяпэ. ¹⁵ И уштыя ёй, соб (кай) тэ подкэдэл. Воозо дыя припхэныбэн пэскирэ дынарьэнгэ, и пхэндя: “Мэк тэ подкэдэл ёй и машкирал гарбы (снопы), и на дукхавэн (на збидынэн) ла; ¹⁶ мэк и снопэндэр тэ отчхурдэн лэкэ и ячкирэн, мэк ёй тэ подкэдэл, и на кошэн ла.” ¹⁷ Адыкэ подкэдыя ёй пэ фэлда кэ бэльвэль, и вымолотиндя, со скэдыя, и выгия пашыл ефа гэрсто (ячменё). ¹⁸ Лыи дава, ёй гия пэ форо, и сасуй лакири дыкхця, со ёй скэдыя. И вылыя Рута пэскирэ брэкатыр и дыя лэкэ дова, со ячкирдя, подхаи кокори. ¹⁹ И пхэндя лэкэ лакири сасуй: “Кай ту скэдыян ададывэс, и кай кэрдян буты? Мэк тэ явэл бахтякирдэ одова, кон прилыя тут!” Рута пхэндя пэскирэ сасякэ, конэстэ ёй кэрдя буты, и пхэндя: “Манушэскирэ одолэскиро, конэстэ мэ ададывэс кэрдём буты, лав исын Воозо.” ²⁰ И пхэндя Ноэминь пэскирэ борьякэ: “Тэ явэл бахтякирдэ ёв Ра́стыр-Дэвлэстыр пал дова, со на обгия пэскирэ тангипнаса ни джидэн, ни

мулэн!” И пхэндя лăкэ Ноэминь: “Адава мануш исын пашатуно кэ амэ; ёв исын амарэ сэмэнцэндэр.” ²¹ Моавитянка Рута пхэндя: “Ёв адякэ и пхэндя мангэ: ‘Яв мирэ дынарицэнца, пака кончынэна ёнэ миро укэдыибэн.’” ²² И пхэндя Ноэминь пэскирэ борьякэ, Рутакэ: “Шукáр, мирí чхай, со ту явэса тэ псирэс лэскирэ дынарицэнца, и на явэна тэ обххарэн тут пэ явír фэлда.” ²³ Адякэ ёй сыс Воозоскирэ дынарицэнца и подкэдэлас кóлосы, пака на прогия гэрстоскиро (ячменёскиро) укэдыибэн и парнэ-гивэскиро (пшеницакиро) укэдыибэн, и дживдя кэ пэскири сасуй.

Шэрó 3

¹ И пхэндя лăкэ Ноэминь, лакири сасуй: “Мри чхай, ци тэ на породэс тукэ пэскэ штэто, соб тукэ тэ явэл шукáр?” ² Ѓáда, Воозо, конэскирэ дынарицэнца ту сáнас, исын амарí сэмэнца; гáда, ёв дрэ дая рат веинэла пэ шурна гэрсто (ячменё); ³ выморпэ, подмакхпэ, ури пэ пэстэ гожа тырэ иди и джá пэ шурна, нэ на сыкадёв лэскэ, пака ёв на мэкóла тэ хал и тэ пьел; ⁴ кели ёв пасёла тэ совэл, уджин штэто, кай ёв пасёла; тэды ту явэса и отчхакирэса пашыл лэскирэ гэрá, и пасёса; ёв пхэнóла тукэ, со тукэ тэ кэрэс.” ⁵ Рута пхэндя лăкэ: “Кэрава сарó, со ту пхэндян мангэ.” ⁶ И гия пэ шурна (гумно), и кэрдя сарó адякэ, сыр припхэндя лăкэ сасуй лакири. ⁷ Воозо хая и выпия чалэс и розвеселиндя пэскиро илó, и гия и пасия тэ совэл пашыл скирда. И ёй штылинькэс явдя, отчхакирдя пэскэ пашыл лэскирэ гэрá и пасия. ⁸ Дрэ паш рат ёв тринскирдяпэ, газдыяпэ, и, гáда, пашыл лэскирэ гэрá сыс пашты джувлы. ⁹ И пхэндя лăкэ Воозо: “Кон ту сан?” Ёй пхэндя: “Мэ сом Рута, дынарица тырí, гáздэ якх тырí пэ дынарицатэ тырьятэ, пал-довá со ту сан сэмэнца.” ¹⁰ Воозо пхэндя: “Бахтякирды ту сан Рáстыр-Дэвлэстыр, мирí чхай! Давá палатуно тырó лачхó рэндо кэрдян ту, пэ бут фэдýр англатунэстыр, со ту на гиян тэ родэс тэрнэ манушэн, ни чорорэн ни барвалэн; ¹¹ и адякэ, мирí чхай, на дар, мэ кэрава тукэ, сарó, со ту пхэндян; пал-довá со сарé мирé манушэнгирэ вударá джинэна, со ту сан лачхí джувлы; ¹² мэк и чачипэн, со мэ сом сэмэнца, нэ исын сэмэнца пашылэдýр мандыр; ¹³ ратькир дая рат; а тася, кóли ёв прилэла тут, тэды шукáр, мэк тэ прилэл; а кóли ёв на закамéла тэ прилэл тут, тэды мэ прилава; тэ явэл джидó Рай Дэвэл! Сов кэ злóко (рáнко). ¹⁴ И сыс суты ёй пашé лэскирэ гэрá кэ злóко, и уштыя anglэдýр, сыр могоиндлэ ёнэ тэ угалён екх екхэс. И пхэндя Воозо: “Мэк тэ на джинэн, со джувлы сыс яви пэ шурна (гумно).” ¹⁵ И пхэндя лăкэ: “Подэ упратуны идя, савí пэ тутэ, порикир ла.” Ёй рикирдя, и ёв отмериндя лăкэ шов меры гэрсто (ячменё), и чхудя пэ латэ, и гия дро фóро. ¹⁶ А Рута явдя кэ пэскири сасуй. Одоя пхэндя лăкэ: “Со, мирí чхай?” Ёй пирипхэндя сарó лăкэ, со кэрдя лăкэ одовá мануш. ¹⁷ И пхэндя лăкэ: “Далé шов меры гэрсто (ячменё) ёв дыя мангэ и пхэндя мангэ: ‘На джá кэ пэскири сасуй чхучé вастэнца.’” ¹⁸ Одоя пхэндя: “Ужакир мирí чхай, пака ту уджинэса, сóса выджáла давá рэндо; пал-довá со одовá мануш на ячóлапэ дро рамáнэ (миро), на кэри ададывэс рэнды.”

Шэрó 4

¹ Воозо выгия кэ порта и бэстя одóй. И гáда, джáла мамýй сэмэнца, пал савьятэ ракирдя Воозо. И пхэндя лэскэ Воозо: “Заджá адарíк и бэш адáй.” Одовá загия и бэстя. ² Воозо лыя фóроскирэ пхурыдырэндыр дэш манушэн и пхэндя: “Бэшэн адáй.” Одолé загинé и бэшнэ. ³ И пхэндя Воозо сэмэнцакэ: “Ноэминь, савí рисия Моавитóскирэ фэлдэндýр, бикнэла фэлдакири паш, савí сыс амарé пшалэскири Елимелехоскири; ⁴ мэ скэдыёмпэ тэ долыджав кэ тырэ канá и тэ пхэнáв: кин ангíл манушэндэ, савé исын бэштэ адáй и ангíл мирé манушэнгирэ пхурыдырэндэ. Кóли ту камэс тэ выкинэс, выкин; а кóли на камэса тэ выкинэс, пхэн мангэ, и мэ явáва тэ джинáв; пал-довá со апрíч тутэ нанэ конэскэ тэ выкинэн, а пир тутэ мэ.” Одовá пхэндя: “Мэ выкинава.” ⁵ Воозо пхэндя: “Кели ту кинэса Ноэминьятыр фэлда, тэды трэй тэ кинэс и Рутатыр Моавитянкатыр, мулэскирэ ромнятыр, и трэй тэ лэс ла палорóм, соб (кай) тэ рискирэс мулэскиро лав дрэ лэскирэ миштыпнаскири мéра.” ⁶ И

пхэндя одоя сэмэнца: “На могонава мэ тэ лав ла пэскэ, соб (кай) тэ на роскэрав пэскири миштыпнаскири мэра; прилэ ла ту, пал-дова со мэ на могонав тэ прилав.” ⁷ Англедыр сыс дасаво присыкляибэн (обычаё) дро Израилё, сыр выкинэна и сыр парувэна, ваш вари-саво рэндоскиро подрикирибэн: екх злэла пэскири тырах и дэлас явирэскэ, и дава сыс Израилёстэ якхитконэса. ⁸ И пхэндя доя сэмэнца Воозоскэ: “Кин пэскэ.” И злыя пэскири тырах. ⁹ И пхэндя Воозо пхурыдырэнгэ и сарэ манушэнгэ: “Тумэ сан каканá якхйтка долэскэ, со мэ кинава Ноэминьятыр саро Елимелехоскиро и саро Хилеоноскиро и Махлоноскиро; ¹⁰ адякэ-пацэ и Рута Моавитянка, Махлоноскирья ромня, мэ лава палором, соб (кай) тэ ячкирав мулэскиро лав дрэ лэскирэ миштыпнаскири мэра, и соб (кай) тэ на хасёл мулэскиро лав машкир лэскирэ пшалэндэ и пашыл лэскирэ штэтоскирэ вударá: тумэ сан ададывэс якхйтка далэскэ.” ¹¹ И пхэндлэ сарэ манушá, савэ сыс пашыл вударá, и пхурыдырá: “Амэ сам якхйтка, мэк тэ создэл Рай Дэвэл ромня, сави заджала дро тыро кхэр, сыр Рахиль и сыр Лия, савэ дуйджинэ счхудэ Израилёскиро кхэр; скэдэ барвалыпэн дро Ефрафо, и мэк тэ славинэлпэ тыро лав дро Вифлеэмо; ¹² и мэк тэ явэл тыро кхэр, сыр Фаресоскиро кхэр, савэс бияндя Фамарь Юдаскэ долэ родостыр, саво дэла тукэ Рай Дэвэл адалэ тэрнэ джувлятыр.” ¹³ И лыя Воозо Рута, и ёй кэрдяпэ лэскирэ ромняса. И загия ёв кэ ёй, и Рай Дэвэл дыя лэкэ тэ пхарьёл и ёй бияндя чхавэс. ¹⁴ И ракирдэ джувля Ноэминьякэ: “Тэ явэл бахтякирдэ Рай Дэвэл, со Ёв на ячкирдя каканá тут би прилыибнаскирэс пэ миштыпэн (наследникоскиро!) И мэк тэ явэл славутно лэскиро лав дро Израилё! ¹⁵ Ёв явэла тукэ радымаса и чараибнариса ваш тыро пхурипэн, пал-дова со лэс бияндя тыри бори, савьякэ исын дрого ту, сави ваш тукэ фэдыр сыр эфта чхавэ.” ¹⁶ И лыя Ноэминь адалэ тыкнэмасэс (биятос), и лыджия лэс дро пэскиро облыибэн (ангаля), и сыс лэскэ нянькаса. ¹⁷ Пашатунэ (соседки) дынэ лэскэ лав и ракирдэ: “Ноэминьятэ бияндя чхаво”, и дынэ лэскэ лав: Овидо. Ёв исын Есеёскиро дад, Давидоскирэ дадэскиро. ¹⁸ И гада, исын родо Фаресоскиро: Фаресостыр бияндя Есромо; ¹⁹ Есромостыр бияндя Арамо; Арамостыр бияндя Аминадаво; ²⁰ Аминадавостыр бияндя Наасоно; Наасоностыр бияндя Салмоно; ²¹ Салмоностыр бияндя Воозо; Воозостыр бияндя Овидо; ²² Овидостыр бияндя Есеё; Есеёстыр бияндя Давидо.

Пэрво Кралипнаскири Лылварі

Шэро 1

¹ Сыс екх мануш Рамафаимо Цофиматыр, Ефремоскирэ бэргатыр, лав лэскэ сыс Елкана, Ерохамоскиро (Иерохамоскиро) чхаво, Илиёскирэ чхавэскиро, Тохаскирэ чхавэскирэ, Цуфаскирэ-чхавэскирэ Ефрафянино; ² лэстэ сыс дуй ромня: лав екхакиро Анна, а лав явирьякиро Феннана; Феннанатэ сыс чхавэ, Аннатэ на сыс чхавэ. ³ И псирдя одова мануш пэскирэ форостыр дро савэ трэй дывэсá тэ мангэлпэ и тэ янэл свэнто дыибэн Рáскирэ-Дэвлэскири янголэнгирэ-болыбнаскирэскэ дро Силомо; одой сыс Илиё и дуй лэскирэ чхавэ, Офни и Финеесо, савэ сыс Рáскирэ-Дэвлэскирэ рашая. ⁴ Дро дова дывэс, кели о Елкана янэлас свэнто дыибэн, дэлас Феннанакэ, пэскирэ ромнякэ, и сарэнгэ лакирэ чхавэнгэ и лакирэ чхаенгэ пашá; ⁵ Аннакэ дэлас паш фэдэдыршо, пал-дова со ёв камдя Анна, на дыкхи пэ дова, со Рай Дэвэл закэрдя лакирэ-дакирэ масá. ⁶ Лакирэ-ромэскири явир ромны древán холякирэла ла, газдыи ла кэ тангипэн холяса ангил Растэ-Дэвлэстэ пэ дова, со Рай Дэвэл закэрдя лакирэ-дакирэ масá. ⁷ Адякэ сыс кажно бэрш, кели ёй псирдя дро Рáскирэ-Дэвлэскиро Кхэр; доя ла холякирдя, а дая рондя и на хая. ⁸ И пхэндя лэкэ Елкана, лакиро ром: “Анна! Со ту ровэса, и соскэ на хаса, и сосытхы пиридживэла тыро ило? Ци на фэдыр мэ сом ваш тукэ дэшэ чхавэндыр?” ⁹ И уштыя Анна палó (после) дова, сыр ёнэ ханэ и пинэ дро Силомо. О Илиё рашай сыс бэштó тэды пашыл загиибэн дро Рáскирэ-Дэвлэскири кхангирі. ¹⁰ И сыс ёй дро пиридживипнаскиро ди, и мангдяпэ Рáскирэ-Дэвлэскири, и киркэс рондя, ¹¹ и ёй дыя совэл, ракири: “Раё-Дэвла, болыбнаскирэ-янголэнгиро! Кóли ту подыххэса пэ Тырэ дынарицакиро пиридживипэн, и пририпирэса пал мандэ, и на бистрэса

Тырья дынарица, и дэса Тырэ дынарицакэ чхаворэс, то тэды мэ отдава лэс Рáскирэ-Дэвлэскири пэ сарэ лэскирэ джибна́скирэ дывэса́, и бритва (мурадлуны) на чилавэла лэскиро шэрó. ¹² Машкир дава сыр ёй гарá (длугэс) мангдяпэ ангил Растэ-Дэвлэстэ, Илиё дыкхця́ пэ ла́кирэ уштá; ¹³ и сыр Анна ракирдя́ дро пэскиро илó, а ла́кирэ уштá екх со откэрэнаспэ, и на сыс шундлы ла́кири зан (глос), тэды Илиё погиндя ла матяса. ¹⁴ И пхэндя́ лáкэ Илиё: “Кицык ту явэса маты? Просовпэ тырэ молятыр.” ¹⁵ И отпхэндя́ Анна, и пхэндя́: “Над, миро хулаё; мэ сом джувлы́, сави́ пиридживэла духóса, мол (вино) и сикера мэ на пиём, нэ отчхакирава миро ди ангил Растэ-Дэвлэстэ; ¹⁶ на гин тырэ дынарица хасибнытконэ джувля́са, пал-дова́ со барэ мирэ пиридживипнастыр и мирэ тугатыр мэ ракирдём кэ дава́ дывэс.” ¹⁷ И отпхэндя́ Илиё, и пхэндя́: “Джá раманёса (миро́са), и Израилёскиро Дэвэл кэрэла тукэ пир тыро́ мангипён, со ту мангдя́н Лэстыр.” ¹⁸ Ёй пхэндя́: “Мэк тэ латхэл тыри́ дынарица тангипён (жалима) дро тырэ якхá! И гия́ ёй пэскирэ дромэса, и хая, и ла́киро муй на сыс бутыр смэнтно, сыр англэдýр. ¹⁹ И уштынó ёнэ пэ злóко (ранкоса), и мангнэпэ ангил Растэ-Дэвлэстэ, и рисинé, и явнэ дро пэскиро кхэр дрэ Ра́ма. И уджиндя́ Елкана Анна, пэскирýя ромня́, и пририпирдя́ пал латэ Рай Дэвэл. ²⁰ Пирдал вари-кицы́ часо запхария Анна и бияндя́ чхавэс, и дыя́ лэскэ лав: “Самуило, пал-дова́ со ёй ракирдя́: “Рáстыр-Дэвлэстыр мэ вымангдём лэс.” ²¹ И гия́ ла́киро ром Елкана и сары́ лэскири сэм’я (ири́) тэ кэрэн бэршытко свэ́нто яныбён Рáскэ-Дэвлэскэ и пэскирэ совлахá. ²² Анна на гия́, пхэны пэскирэ ромэскэ: “Кéли тыкномас явэла отлыно колынэстыр и подбарьёла, то тэды мэ лэс лыджáва, и ёв тэрдéла ангил Растэ-Дэвлэстэ, и ячэлапэ одóй пэ сарó джибён.” ²³ И пхэндя́ лáкэ Елкана, ла́киро ром: “Кэр, со тукэ трэй; ячпэ, пака ту чалякирэса лэс колынэса; екх мэк тэ кэрэл твардо лав Рай Дэвэл, савó выгия́ тырэ уштэндýр. И яця́пэ лэскири ромны́, и чалякирдя́ колынэса пэскирэ чхавэс, пака выбарьякирдя́. ²⁴ Кéли выбарьякирдя́ лэс, гия́ лэса дро Сило́мо, лый́ тринэн гуруворён, и екх ефа яржó, гонó мол, и явдя́ дро Дэвлэскиро Кхэр дро Сило́мо; Рáскирэ-тэрнó бэршэнгиро (отроко) сыс набарó чхаворó. ²⁵ И зачхиндлэ гуруворэс, и яндя́ отрокос кэ Илиё, ²⁶ и пхэндя́: “О, миро хулаё! Мэк тэ дживэл ди тыро́, миро хулаё! Мэ одоя-паць джувлы́, сави́ адай ангил тýtэ тэрдие́м и мангдя́пэ Рáскэ Дэвлэскэ; ²⁷ пал далé чхаворэстэ мэ мангдёмпэ, и кэрдя́ мангэ Рай Рай Дэвэл пир миро мангипён, со мэ мангдём Лэстыр; ²⁸ и мэ отдава лэс Рáскэ-Дэвлэскэ пэ сарэ лэскирэ джибна́скирэ дывэса́ тэ дынаринэл Рáскэ-Дэвлэскэ.” И мангдя́пэ одóй Рáскэ-Дэвлэскэ.

Шэрó 2

¹ И мангдя́пэ Анна и ракирдя́: “Обрадындя́пэ миро илó дро Растэ-Дэвлэстэ; газдыи шынг миро дро мирэ Растэ-Дэвлэстэ; буглэс росчхакирдэпэ мирэ уштá пэ мирэ вэргэндэ (врогэндэ); пал-дова́ со мэ радынавапэ пал Тыро́ зракхибён. ² Нанэ дасавэс свэ́нтонэс, сыр Рай Дэвэл; пал-дова́ со нанэ явирэс, апрíч Тýtэ; и нанэ твардэдыр, сыр амарó Рай Дэвэл. ³ На ракирэн бут пхутькирдé лавá; налачхó лавá мэк тэ на выджán тумарэ уштэндýр; пал-дова́ со Рай Дэвэл исын дыкхиб-наскиро Дэвэл, и рэндý Лэстэ сыкадэ. ⁴ Лúко зоралэнгиро пхадéла, а бизорья́кирэ подпхандэнапэ зорья́са; ⁵ чалэ кэрэна буты́ марэстыр, а бокхалé откинёна, адя́кэ-паць джувля́, савé на могоинэна тэ маинэн чхаворён биянэна эфтá мóлы, а джувлы́, сави́ могоинэла тэ маинэл бут чхавэн, на могоинэла. ⁶ Рай Дэвэл мулякирэла и отджидя́кирэла, злыджала пэ до свéто и вылыджала; ⁷ Дэвэл кэрэла чорорэса и барваля́кирэла, тэля́кирэла и газдэла. ⁸ Прахостыр Ёв подгаздéла чорорэс, брениятыр газдэла богос, чхувэла тэ бэшэл тхагарьенца, и славакиро штéто дэла лóнгэ дро мэкнó миштыпён (наследство) пал-дова́ со Растэ-Дэвлэстэ основанийё (фунда́менто) пхувья́киро, и Ёв создýя пэ лóндэ сарó свéто. ⁹ Пэскирэ свэ́нтонэнгирэ гэрá (стопы) Ёв ра́кхэла, савé на пир за́коно дживёна, дро калыпён хасёна; пал-дова́ со на зорья́са ману́ш исын зоралó. ¹⁰ Рай Дэвэл тринскирэла криг манушэс, савó кошэлапэ Лэса; болыбна́стыр Ёв gryмитинэла пэ лóндэ. Рай Дэвэл явэла тэ сэндя́кирэл пхувья́кирэ ягóры (край), и Ёв дэла зор Пэскирэ кралíскэ, и газдэла Пэскирэ помакхибна́рискиро шынг (ро́го).” ¹¹ И гия́ Елкана дрэ Ра́ма дро пэскиро кхэр, а тэрнó ману́ш яця́пэ тэ дынаринэл Рáскирэ-Дэвлэскири ангил рашастэ Илиёстэ. ¹²

Илиёскирэ чхавэ сыс налачхэ манушá; ёнэ на джиндлэ Рас-Дэвлэс¹³ и со трэй рашангэ тэ отлыджанпэ кэ дова манушá. Кéли, кон янóла свéнто дыибóн Рáскэ-Дэвлэскэ, то рашáнгиро тэрнó мануш, дро масэскиро кэраибнаскиро часо (цыро), явэлас пэскиро васт пхусадяса (вилкаса)¹⁴ и обмэкэла ла дро какави (котло), ци дро чарó, ци пэ хич (скоровéда) ци дрэ пирí, и со вылэла пхусады, дова лóла пэскэ рашáй. Адýкэ ёнэ кэрдэ сарé Израильтянэнца, савэ явэнас одорíк дро Силóмо.¹⁵ Кóли англэдыр, сыр схачкирдэ чэкэн (тýко), явэлас рашáнгиро тэрнó мануш и ракирэлас манушэскэ, савó яндя свéнто дыибóн Рáскэ-Дэвлэскэ: “Дэ мас пэ жарёнка рашáскэ; ёв на лóла тýтэ кэрадо мас, а дэ сырово.”¹⁶ И кóли вари-кон ракирдя лэскэ: “Мэк тэ схачкирэн англэдыр тýко, сыр трэй тэ явэл и тэньчи (потом) лэса пэскэ, ци бут закамéла тырó ди.” Тэды ёв ракирдя: “Над, каканá дэ, а кóли над, тэды Мэ лáва зорýса.”¹⁷ И грéхо далé тэрнó-манушéнгиро сыс дрéвáн барó ангíл Растэ-Дэвлэстэ, пал-дова со ёнэ отрискирэна манушéн свéнтонé яныбнастыр Рáскэ-Дэвлэскэ.¹⁸ Тэрнó-бэршэнгиро Самуýло дынариндя ангíл Растэ-Дэвлэстэ, и сыс уридо дро паркалитко эфóдо.¹⁹ Упратуно тыкнó урибэн кэрдя лэскэ дай лэскири и янóла лэскэ кажно (свáко) бэрш, кéли ёй явэла пэскирэ ромэса, ваш савó трэй свéнто яныбэн Рáскэ-Дэвлэскэ.²⁰ И бахтиякирдя Илиё Елкана и лэскирýа ромнý, и пхэндя: “Мэк тэ дэл тýкэ Рай Дэвэл чхавэн адалé ромнятыр замéст адалэстэ, савэс ту отдыян Рáскэ-Дэвлэскэ!” И гинé ёнэ пэ пэскиро штéто.²¹ И явдя Рай Дэвэл кэ Анна, и запхария ёй, и бияндя тринэн чхавэн и дуэн чхаён; а тэрнэб манушéнгиро Самуýло бария Растэ-Дэвлэстэ.²² Илиё сыс дрéвáн пхурó и шундя сарó, сыр кэрэна лэскирэ чхавэ сарé Израильтянэнца, и со ёнэ сыс сутэ джувлэнца, савэ скэдэнаспэ пашýл загиибэн дро скэдыибнаскири скýния.²³ И пхэндя лéнгэ: “Ваш со тумé кэрэна дасавэ рéнды? Пал-дова со мэ шунава налачхэ лавá пал тумэндэ сарé манушэндýр.²⁴ Над, мирé чхавалэ исын налачхи мавлýн (слáва), савí мэ шунава; тумé змарэна чачунé дромэстыр Рáскирэ-Дэвлэскирэ манушéн;²⁵ кóли мануш кэрэла грéхо манушэскэ, тэды помангэнапэ пал лэстэ Рáскэ-Дэвлэскэ; кóли мануш кэрэла грéхо проти Растэ-Дэвлэстэ, тэды кон явэла тэ мангэлпэ пал лэстэ?” Нэ ёнэ на шундлэ пэскирэ-дадэскири зан (глос), пал-дова со Рай Дэвэл скэдыапэ тэ отдэл лэн мэрибнаскэ.²⁶ Тэрнó мануш Самуýло бутýр и бутýр барьёлас и дро лáска Растэ-Дэвлэстэ и манушэндэ.²⁷ И явдя Рáскирэ-Дэвлоскиро мануш кэ Илиё, и пхэндя лэскэ: “Адýкэ ракирэла Рай Дэвэл: ‘Ци на отчхакирдéмпэ Мэ тырэ дадэскирэ кхэрэскэ, кéли ёнэ сыс дро Егíпто, дро фараонóскиро кхэр?’²⁸ И ци на выкэдыём Мэ лэс сарэндýр Израилёскирэ родэндýр Пэскэ дро рашастэ, соб ёв тэ подджáл кэ Миро алтарё (жэртвенико), соб (кай) тэ хачкирэл фимиáмо, соб тэ лыджáл эфóдо ангíл Мáндэ? И ци на дыём Мэ тырэ дадэскирэ кхэрэскэ сарé схачкирдэ ягáса Израилёскирэ чхавэнгиро свéнтонé дыибнэндýр Рáскэ-Дэвлэскэ?”²⁹ Ваш со тумé чхурдэна гэрэнца Мирé свéнта яныбэнá Рáскирэ-Дэвлэскири и Миро марунó яныбэн, савэ Мэ пхэндём ваш Миро кхэр, и сóскэ ту камэса пэскирэ чхавэн бутýр сыр Ман, тхулякири пэс англатунé начаткэнца сарé яныбнэндýр Мирé Израилёскирэ манушéнгирé?”³⁰ Палдава адýкэ ракирэла Рай Дэвэл, Рай Дэвэл Израилёскиро: ‘Мэ пхэндём тэды: ‘Тырó кхэр и тырэ-дадэскиро кхэр явэна тэ псирэн ангíл Миро муй дро вéко.’ Нэ каканá ракирдя Рай Дэвэл: ‘Мэк тэ на явэл адýкэ, пал-дова со Мэ прославинава манушéн, савэ славинэна Ман, а кон на славинэла Ман, одолé явэна ладжакирдэ.’³¹ Ѓáда, джáна дывэсá, дро савэ Мэ подчингирава тырí мышца (масны) и тырэ-дадэскири кхэрэскири мышца адýкэ, со на явэла богос дро тырó кхэр;³² и ту явэса тэ дыкхэс бída Мирé кхэрэскири, на дыкхí пэ сарó дава, со Дэвлэскэ исын дрóго Израилё, и на явэла дро тырó кхэр богос дро сарé дывэсá.³³ Мэ на традава криг тýтэ сарэн Мирé алтарёстыр (жэртвеникостыр), соб тэ кхинякирэс тырэ якхá и тэ мэнчынэс тырó ди; нэ сарó тырэ кхэрэскиро рóдо явэла тэ мэрэл дро машкиратунэ бэршá.³⁴ И гáда, тýкэ гертýк (знамéниё), савí джáла дýе тырэ чхавэнца, Офниса и Финееcоса: ёнэ дуйджинé мэрэна дро екх дывэс.³⁵ И чхувава Мэ Пэскэ чачунэс рашáс; ёв явэла тэ кэрэл пир Миро илó и пир Миро ди; и лэскиро кхэр Мэ кэрáва зоралэса, и ёв явэла тэ псирэл ангíл Мирé помакхибнаристэ дро сарé дывэсá;³⁶ и кажно (свáко), кон яцýпэ тырэ кхэрэстыр, явэла лэскэ тэ мангэлпэ пал гера руп и котэр (куско) марó, и пхэнэла: “Дэ мánгэ вари-савí Левитэнгири бутý, соб (кай) тэ закэрав пэ джиибэн.”

Шэрó 3

¹ Тэрнó мануш Самуило дынариндя Рáскэ-Дэвлэскэ ангил Илиёстэ; Дэвлэскиро лав сыс на часто дро долé дывэсá, дыкхибэн сыс на часто. ² И сыс дро дова́ часо (цýро), кéли Илиё сыс паштó пэ пэскиро штéто, лэскирэ якхá лынэ тэ зачхакирэнпэ, и ёв на могоиндя́ тэ дыкхэл, ³ и Рáскирэ-Дэвлэскиро момолы́тко (светильнико) ишчо (инкэ) на мурдия, и Самуило сыс паштó дрэ Рáскирэ-Дэвлэскири Кханги́ри, кай сыс Рáскирэ-Дэвлэскиро ковчэго; ⁴ И кхардя́ Рай Дэвэл Самуилос, и ёв отпхэндя́: “Гáда, мэ сом!” ⁵ И ёв прастáндья кэ Илиё, и пхэндя́: “Гáда, мэ! Ту кхардя́н ман.” Нэ одовá пхэндя́: “Мэ на кхардём тут, джá палэ, пасёв.” И ёв гия́ и пасия́. ⁶ Нэ Рай Дэвэл дро явёр мо́ло кхардя́ Самуилос. Ёв уштыя́, и явдя́ кэ Илиё явёр мо́ло, и пхэндя́: “Гáда, мэ сом!” Нэ одовá пхэндя́: “Мэ на кхардём тут, миро чхавó; джá палэ, пасёв.” ⁷ О Самуило тэды на джиндя́ Рáскирэ-Дэвлэскири зан (глос), и ишчо (инкэ) на отчхакирэлáспэ лэскэ Рáскирэ-Дэвлэскиро лав. ⁸ И кхардя́ Рай Дэвэл Самуилос дро трýто мо́ло. Ёв уштыя́, и явдя́ кэ Илиё, и пхэндя́: “Гáда, мэ! Ту кхардя́н ман. Тэды галыя́ Илиё, со Рай Дэвэл кхарэ́ла тэрнэ-бэршэнгирэс (тэрнэ манушэс). ⁹ И пхэндя́ Илиё Самуилоскэ: “Джá палэ и пасёв, и, кéли кон кхарэ́ла тут, ту пхэн: ‘Рáкир, Раё Дэвла, пал-довá со шунэ́ла Тырó писхáри.’” И гия́ Самуило, и пасия́ пэ пэскиро штéто. ¹⁰ И явдя́ Рай Дэвэл, и тэрдия́, и кхардя́, сыр дро дова́ и явёр мо́ло: “Самуиле, Самуилэ!” И пхэндя́ Самуило: “Рáкир, Раё Дэвла, пал-довá со шунэ́ла Тырó писхáри.” ¹¹ И пхэндя́ Рай Дэвэл Самуилоскэ: “Гáда, Мэ кэрáва рэндо дро Израилё, пал савó, кóли вари-кон шунэ́ла, одолэ́стэ кудунякирэ́ла (звенинэ́ла) дрэ дуй канá; ¹² дро дова́ дывэс Мэ кэрáва пэ Илиёстэ сарó дова́, со Мэ ракирдём пал лэскиро кхэр; Мэ ла́ва и кэрáва; ¹³ Мэ дыём тэ джинэл лэскэ, со Мэ чхува́ва кáра пэ лэскиро кхэр пэ ве́ки пал доя́ банг, со ёв джиндя́, сыр лэскирэ чхавó кэрэ́нас фуес, и ёв на обрикирдя́ лэн; ¹⁴ и палдава́ совлаха́ва Илиёскирэ кхэрэ́скэ, со Илияскирэ-кхэрэ́скири банг на злэ́лапэ ни свэ́нтонэ́ яныбна́са Рáскэ-Дэвлэскэ, ни марунэ́ яныбна́са дро ве́ко.” ¹⁵ И сутя́ Самуило кэ злóко, и отчхакирдя́ Рáскирэ-Дэвлэскирэ Кхэрэ́скирэ вударá; и Самуило дардя́пэ (даранды́я) тэ дэл тэ джинэл дава́ дыкхибэн Илиёскэ. ¹⁶ Нэ Илиё кхардя́ Самуилос и пхэндя́: “Миро чха́ва, Самуиле!” Одовá пхэндя́: “Гáда, мэ сом!” ¹⁷ И пхэндя́ Илиё: “Со сыс пхэндлó тукэ́? На гарав мánдыр; дова́ и дова́ кэрэ́ла тýса Рай Дэвэл, и ишчо (инкэ) бутýр кэрэ́ла, кóли ту гаравэ́са мánдыр вари-со сарэ́стыр долэ́стыр, со сыс пхэндлó тукэ́.” ¹⁸ И дыя́ тэ джинэл лэскэ Самуило сарó, и на гара́дя лэ́стыр ничы́. Тэды пхэндя́ Илиё: “Ёв, Рай Дэвэл; со Лэ́скэ трэй, дова́ мэк тэ кэрэл.” ¹⁹ И выбра́рия Самуило, и Рай Дэвэл сыс лэ́са; и на яця́пэ ниéкх лэскирэ лавéндыр, савó на кэрдя́пэ дро чачипэн. ²⁰ И уджиндя́ сарó Израилё Даносты́р кэ Вирса́ва, со Самуило сыс чхудо тэ явэл Рáскирэ-Дэвлэскирэ проро́коса. ²¹ И палó (после) дова́ Рай Дэвэл дурэ́дыр явэ́лас дро Сило́мо, сыр отчхакирдя́ [сыкады́я-ю.о.] Самуилоскэ Пэс дро Сило́мо пирдál Рáскирэ-Дэвлэскиро лав.

Шэрó 4

¹ И сыс Самуилоскиро лав кэ сарó Израилё. И выгинэ́ Израильтя́ни проти Филистимля́нэндэ пэ марибэ́н, и тэрдинэ́ станóса (лодэ́са) пашы́л Авен-Е́зеро, а Филистимля́ни тэрдинэ́ пашы́л Афе́ка. ² И тэрдинэ́ Филистимля́ни проти Израильтя́нэндэ, и выгия́ марибэ́н, и домардэ́ Филистимля́ни Израильтя́нэн, савэ́н домардэ́ пэ фэ́лда, кай мардэ́пэ, пашы́л штар тысе́нцы манушэ́н. ³ И явнэ́ манушá дро ста́но (лод), и пхэндлэ́ Израилёскирэ пхурыды́ра: “Пал со домардя́ амэн Рай Дэвэл адады́вэс ангил Филистимля́нэндэ? Лáса пэ́скэ Сило́мосты́р ковчэ́го Рáскирэ-Дэвлэскирэ заветóса, и ёв джáла машкёр амэ́ндэ, и зракхэ́ла амэн вастэ́стыр амарэ́ вэргэнгирэ́ (врогэнгирэ́).” ⁴ И бичхадэ́ манушá дро Сило́мо, и яндлэ́ одотхы́р Рáскирэ-Дэвлэскиро янголэнгирэ́-болыбна́скирэ ковчэ́го заветóса, савó сыс бэ́штó пэ херувимы́; а пашы́л Рáскирэ-Дэвлэскирэ заветóскиро ковчэ́го сыс и дуй Илиёскирэ чхавэ́, Офни и Финее́со. ⁵ И кéли явдя́ Рáскирэ-Дэвлэскирэ заветóскиро ковчэ́го дро ста́но, сарó Израилё газды́я дасавы́ зоралы́ гóдла, со пхув дыя́ гондя́ (стониндя́). ⁶ И шундлэ́

Филистимляни гóдла радымакири, и пхэндлэ: “Сóстыр дасавэ бари гóдла радымакири дро Юдэнгиро стáно?” И уджиндлэ, со Рáскирэ-Дэвлэскиро ковчэго явд́я дро стáно. ⁷ И страхáдынэ Филистимляни, пал-довá со пхэндлэ: “Одовá Дэвэл явд́я кэ ёнэ дро стáно.” И пхэндлэ: “Бидá амэнгэ! Палдава́ со на сыс дасаво ни тася́, ни пэ трýто дывэс; ⁸ бидá амэнгэ! Кон зракхэла амэн далэ зоралэ Дэвлэскирэ вастэстыр? Ада одовá Рай Дэвэл, Савó домард́я Египтянэн разнóнэ (сваконэ) дукхэнца пэ чхуч́и пхув; ⁹ зоралён и явэн му́ршканэ (смяла), Филистимляни, соб (кай) тумэнгэ тэ на явэн дро дынариб́ён Юдэнгэ, сыр ёнэ исын тумэндэ дро дынариб́ён; явэн му́ршканэ и марэ́нпэ лэнца.” ¹⁰ И мардэ́пэ Филистимляни, и домардэ́ сыс Израильтя́ни, и ка́жно (сва́ко) наст́я дро пэскири ша́тра, и сыс мариб́ён древа́н барó, и пы́нэ Израильтя́нэн трийнда́ тысе́нцы ману́шэн, савэ́ сыс пэзал. ¹¹ И Дэвлэскиро ковчэго сыс залыно́, и дуй Илиёскирэ чхавэ́, Офни и Финее́со, мы́нэ. ¹² И наст́я екх Вениамитя́нино марибна́скирэ штэ́то́стыр, и явд́я дро Сило́мо, дро дова́-паць дывэс; й́дя пэ лэ́стэ сыс розкушны́ и пра́хо пэ лэ́скиро шэ́ро. ¹³ Кéли явд́я ёв, о Илиё́ сыс бэ́штó пэ штэ́то ангил́ дром пашы́л вудара́ и дыкхя́, пал-довá со лэ́скиро ило́ тринскирд́япэ пал Дэвлэскиро ковчэго (мохто́). И кéли одовá ману́ш явд́я и пхэнд́я сарэ́нгэ дро фо́ро, тэды́ зоралэ́с дыя́ гонд́я (уздыхни́ндя) сарó фо́ро. ¹⁴ И шунд́я Илиё́ гóдла, и пхэнд́я: “Сóстыр дасави́ гóдла?” И до́я-паць шт́унда́ подѓия одовá ману́ш, и пири́пхэнд́я Илиё́скэ. ¹⁵ Тэды́ Илиё́скэ сыс е́нядэ́ша охто́ бэрш; и лэ́скирэ якхá пи́риячнэ́ тэ дыкхэ́н, и ёв на мого́ндя́ тэ дыкхэ́л. ¹⁶ И пхэнд́я одовá ману́ш Илиё́скэ: “Мэ́ явдём́ стано́стыр, адады́вэс мэ́ настём́ марибна́скирэ штэ́то́стыр.” И пхэнд́я Илиё́: “Со кэ́рдя́пэ, ми́ро чха́ва?” ¹⁷ И отпхэнд́я ману́ш, савó я́ндя́ зан (звесь), и пхэнд́я: “Нашэ́лас Израилё́ ангил́ Филистимля́нэндэ́, и мариб́ён барó вы́гия́ дро ману́шэндэ́, и дуй чхавэ́ тырэ́, Офни и Финее́со, мы́нэ, и Дэвлэскиро ковчэго́ лыно́. ¹⁸ Кéли ёв при́рипи́рдя́ пал Дэвлэскиро ковчэго́, то́ Илиё́ пы́я штэ́то́стыр, пэ́ савó сыс бэ́штó пэ́ ду́мо пашы́л вудара́, пхагирд́я́ пэ́скэ́ ду́мало́ ко́кало́ и мы́я; пал-довá со ёв я́ця́ пху́ро и пха́ро. И сыс ёв Израилё́скэ́ сэ́ндариса́ штардэ́ша́ бэрш. ¹⁹ Лэ́скири́ бори́, Фе́неесоски́ри ромны́, сыс пха́ри́ ангил́ бия́ныпэ́н. И кéли шунд́я́ зан (звесь) пал Дэвлэскиро ковчэ́госкиро́ лыибэ́н и пал пэ́скирэ́ са́стрэ́скиро́ мэ́рибэ́н и пэ́скирэ́ ромэ́скиро, то́ тэды́ пы́я пэ́ ча́нг и бия́ндя́, пал-довá со подгинэ́ кэ́ ёй ла́кирэ́ дукхá. ²⁰ И кéли мэ́рэлас ё́й, джу́вля́, савэ́ сыс тэ́рдэ́ пашы́л ла́тэ́, раки́рдэ́ ла́кэ́: “На́ дар, ту́ бия́ндя́н чхавэ́с.” Нэ́ ёй на отпхэнд́я́ и на риски́рдя́ якхá. ²¹ И кхард́я́ ты́кнэ́масэ́с: Ихаво́до, пхэ́ни: “Отѓия́ сла́ва Израилё́стыр” Дэвлэскирэ́ ковчэ́госкирэ́ лыибна́са и ла́кирэ́ са́стрэ́скирэ́ мэ́рибна́са и ла́кирэ́ ромэ́скирэ́са. ²² Ё́й пхэнд́я: “Отѓия́ Израилё́стыр сла́ва, пал-довá со лыно́ Дэвлэскиро ковчэго́.”

Шэ́ро 5

¹ Филистимля́ни лы́нэ́ Дэвлэскиро ковчэго́ и я́ндлэ́ лэ́с Авен Е́зеросты́р дро А́зото. ² И лы́нэ́ Филистимля́ни Дэвлэскиро ковчэго́, залы́джинэ́ лэ́с дро Даго́носкиро́ мангипны́тко́ кхэр, и чху́дэ́ лэ́с пашы́л Даго́но. ³ И ушты́нэ́ А́зотя́ни пэ́ яви́р дывэ́с тася́рлэ́с (ра́нэс), и га́да, Даго́но сыс па́штó пэ́скирэ́ мо́са кэ́ пхув а́нгил́ Рáскирэ-Дэвлэскиро ковчэго́. И лы́нэ́ ё́нэ́ Даго́но, и нэ́вэ́стыр чху́дэ́ лэ́с пэ́ пэ́скиро́ штэ́то. ⁴ И ушты́нэ́ ё́нэ́ тася́рлэ́с пэ́ зло́ко пэ́ яви́р дывэ́с, и га́да, Даго́но сыс па́штó мо́са пэ́ пхув а́нгил́ Дэвлэскиро ковчэго́; шэ́ро́ Даго́носкиро́ и дуй лэ́скирэ́ вастá́ сыс па́штэ́ отчи́нгирдэ́, ка́жно (сва́ко) розма́рдэ́с, пэ́ про́го, я́ця́пэ́ екх Даго́носкиро́ шталто́ (торсо). ⁵ Палдава́ Даго́носкирэ́ жре́цы́ и сарэ́, савэ́ явэ́нас дро Даго́носкиро́ мангипны́тко́ кхэр дро А́зото, на тэ́рдэ́на пэ́ Даго́носкиро́ про́го кэ́ дава́ дывэ́с. ⁶ И обмэ́кця́пэ́ Рáскирэ-Дэвлэскиро́ васт пэ́ А́зотя́нэндэ́, и Ё́в домард́я́ лэ́н, и чху́д́я́ ка́ра пэ́ лэ́ндэ́ дукханэ́ гэ́раса, дро А́зото́ и пашы́л лэ́стэ́. ⁷ И дыкхнэ́ дава́ А́зотя́ни, и пхэндлэ́: “Мэ́к тэ́ на я́чэ́лпэ́ Израилё́скирэ-Дэвлэскиро ковчэго́ амэ́ндэ́, пал-довá со пха́ро́ исын Лэ́скиро́ васт и ва́ш амэ́нгэ́, и ва́ш Даго́но, ама́рэ́ дэ́влэ́скэ́.” ⁸ И бичха́дэ́, и скэ́дынэ́ кэ́ пэ́ сарэ́́н Фили́мия́кирэ́ хула́н, и пхэндлэ́: “Со́ амэ́нгэ́ тэ́ кэ́ра́с Израилё́скирэ-Дэвлэскирэ́ ковчэ́госа?” И пхэндлэ́: “Мэ́к Израилё́скирэ́ Дэвлэскиро ковчэго́ тэ́ пи́ри́джа́л дро Ге́фо.” И отбичха́дэ́ Израилё́скиро́ Дэвлэскиро ковчэго́ дро Ге́фо. ⁹ Пало́ (после) дова́́ сыр отбичха́дэ́ лэ́с, то́, сыс Рáскирэ-Дэвлэскиро́ васт пэ́ фо́ро́ и дар сыс древа́н бари́, и домард́я́ Рай Дэвэл́ фо́ро́скирэ́

манушэн тыкнэстыр кэ барó, и сыкадыя пэ лэндэ гэр (наросто). ¹⁰ И отбичхадэ ёнэ Дэвлэскиро ковчэго дро Аскалоно; и, кэли явдя Дэвлэскиро ковчэго дро Аскалоно, то лынэ тэ дэн гóдла Аскалонитяни, ракири: “Яндлэ кэ амэ Израилэскирэ Дэвлэскиро ковчэго, соб (кай) тэ мулякирэс амэн и амарэ манушэн.” ¹¹ И бичхадэ, и скэдынэ сарэн Филистимиякирэ хулан, и пхэндлэ: “Отбичхавэн Израилэскирэ Дэвлэскиро ковчэго; мэк ёв тэ рисёл пэ пэскиро штэто, соб (кай) тэ на мулякирэл ёв амэн и амарэ манушэн”; пал-довá со мулаканы дар сыс дро сарó фóро; древán пхарó сыс Дэвлэскиро васт пэ лэндэ. ¹² И одолэ, савэ на мынэ, сыс домардэ гэраса адякэ, со гóдла фóроскири догия кэ болыбэн.

Шэрó 6

¹ И сыс Рáскирэ-Дэвлэскиро ковчэго дро Филистимиякири провинция эфтá чхонá. ² И кхардэ Филистимляни жрецэн и зумакирибнаскирэн, и пхэндлэ: “Со амэнгэ тэ кэрáс Рáскирэ-Дэвлэскирэ ковчэгоса?” Подсыклякирэн амэн, сыр амэнгэ тэ отмэкас лэс пэ пэскиро штэто. ³ Одолэ пхэндлэ: “Кóли тумэ камэна тэ отмэкэн Израилэскирэ Дэвлэскиро ковчэго, тэды на отмэкэн лэс ни сóса, нэ янэн Лэскэ бангипнаскиро свэнто дыибэн; тэды высастёна и уджинэна, пал со на отджала тумэндýр Лэскиро васт.” ⁴ И пхэндлэ ёнэ: “Савó свэнто дыибэн пал чорипэн амэ мусинас тэ яндас Лэскэ?” Одолэ пхэндлэ: “Пир Филистимиякирэ-хулангиро гиныбэн пандж наросты сувнакунэ и пандж кармусэн (мышэн) сувнакунэн; пал-довá со хась (казнь) екх пэ тумэндэ сарэндэ и пэ тумарэ хуландэ; ⁵ и адякэ кэрэн формы тумарэн наростэнгирэ и формы тумарэ кармусэнгирэ, савэ кэрэна чхучí пхув, и дэн Израилэскирэ Дэвлэскэ слáва; могоинэла тэ явэл, Ёв кэрэла локхэдýр Пэскиро васт пэ тумэндэ, и пэ тумарэ дэвлэндэ, и пэ тумарí пхув; ⁶ и ваш со тумэнгэ тэ холякирэн тумарó илó, сыр холякирдэ пэскиро илó Египтяни и фараóно? Ѓáда, кэли Рай Дэвэл сыкадя Пэскири зор пэ лэндэ, тэды ёнэ отмэкнэ лэн, и долэ гинэ; ⁷ и адякэ лэн, кэрэн екх нэвó вурдэн, и лэн дуэн англатунэ бияндлэн гурумнен, пэ савэндэ на сыс гáмо, и дэн андрé гурумнен андрé вурдэн, а лэнгирэ тэрнэ гурумнен отлыджан лэндýр кхэрэ; ⁸ и лэн Рáскирэ-Дэвлэскиро ковчэго, и чхувэн лэс пэ вурдэн, а сувнакунэ вешчы (приборы), савэ янэна Лэскэ дро бангипнаскиро свэнто дыибэн, чхувэн дро тыкнори лэскирэ ригáтыр, и отмэкэн лэс, и мэк тэ джал; ⁹ и дыкхэн, кóли ёв джáла кэ пэскирэ ригá, кэ Вефсамиса, тэды ёв кэрдя амэнгэ бари холы; кóли над, тэды амэ явáса тэ джинас, со на лэскиро васт домардý амэн, а кэрдýпэ даvá амэнца пир ваканция.” ¹⁰ И кэрдэ ёнэ адякэ: “И лынэ дýе англатунэ бияндлэн гурумнен, и дынэ андрé лэн дро марибнýтко вурдэн, а лэнгирэ целянтэн урикирдэ кхэрэ. ¹¹ И чхудэ Рáскирэ-Дэвлэскиро ковчэго пэ марибнýтко вурдэн и мохтó (яшчыко) сувнакунэ кармусэнца и наростэнгирэ формэнца. ¹² И гинэ гурумня мамýй пэ дром кэ Вефсамисо; екхэ дромэса гинэ, гинэ и мычýндлэ, нэ на рискирдэ ни пэ чачó (право), ни пэ зýрво (лэво); Филистимиякирэ хулаý гинэ пал лэндэ кэ Вефсамисоскири мéжа. ¹³ Вефсамисоскирэ манушá тэды укэдэнас гив пэ дóло, и, подыкхи, дыкхнэ Рáскирэ-Дэвлэскиро ковчэго, и обрадынэпэ, со дыкхнэ лэс. ¹⁴ Марибнýтко вурдэн явдя пэ Вефсамитяниноскирэ Исусóскири фéлда и тэрдия одóй; и сыс адай барó бар, и манушá росчхингирдэ вурдэн пэ каштá, а гурумнен яндлэ дро цéло схачкирибэн Раск-Дэвлэскэ. ¹⁵ Левíты злынэ Рáскирэ-Дэвлэскиро ковчэго и мохтó (яшчыко), савó сыс пашýл лэстэ, дро савó сыс сувнакунэ вешчы, и чхудэ пэ доvá барó бар; Вефсамисоскирэ манушá яндлэ дро доvá дывэс цéло схачкирибэн и зачхиндлэ свэнта яныбэнá Раскэ-Дэвлэскэ. ¹⁶ И пандж Филистимиякирэ хулаý дыкхнэ даvá, и рисинэ дро доvá-паць дывэс дро Акароно. ¹⁷ Сувнакунэ далэ наросты, савэ яндлэ Филистимляни дро свэнто яныбэн Рáскэ-Дэвлэскэ пал банг сыс: екх пал Аскалоно, екх пал Гефа, екх пал Акароно; ¹⁸ а сувнакунэ кармуса сыс пир сарé Филистимиякирэ-фóроскиро гиныбэн панджé хулангирэ, фóрьэндýр зоралэ тынэнца и кэ отчхакирдэ гавá, кэ барó бар, пэ савó чхудэ Рáскирэ-Дэвлэскиро ковчэго, и савó исын кэ даvá дывэс пэ Вефсамитяниноскири фéлда. ¹⁹ И домардý Ёв Вефсамисоскирэ манушэн пал доvá, со ёнэ поддыкхэнас дро Рáскирэ-Дэвлэскиро ковчэго, и замардý манушэндýр пандждэшá тысёнцы эфтадэшá манушэн; и зарондлэ манушá, пал-довá со домардý Рай

Дэвэл манушэн барэ марибнаса. ²⁰ И пхэндлэ Вефсамисоскирэ мануша: “Кон могонала тэ тэрдёл ангил Растэ-Дэвлэстэ, адалэ Свэнтонэ Дэвлэстэ? И кэ кон Ёв джала амэндэр?” ²¹ И бичхадэ манушэн кэ Кириаф-Яримоскирэ мануша тэ пхэнэн: “Филистимляни рискирдэ палэ Раскирэ-Дэвлэскиро ковчэго; явэн, лэн кэ пэ лэс.”

Шэро 7

¹ И явнэ Кириаф-Иаримоскирэ мануша, и лынэ Раскирэ-Дэвлэскиро ковчэго, и яндлэ лэс дро Аминадаво́скиро кхэр, пэ бэрга, а Елизарос, лэскирэ чхавэс, высвэнцындлэ, соб (кай) ёв тэ раххэл Раскирэ-Дэвлэскиро ковчэго. ² Долэ дывэсэстыр, сыр яцяпэ ковчэго дро Кириаф-Иаримо, прогия бут часо, биш бэрш. И рисия саро Израилёскиро кхэр кэ Рай Дэвэл. ³ И пхэндя Самуило сарэ Израилёскирэ кхэрэскэ, ракири: “Кóли тумэ сарэ пэскирэ илэса рисёна кэ Рай Дэвэл, тэды отчхурдэн пэстыр явирэ-манушэнгирэ дэвлэн и Астартэн, и янэн тумаро илó кэ Рай Дэвэл, и Лэскэ Екхэскэ дынаринэн, и Ёв зраххэла тумэн Филистимлянэнгирэ вастэстыр. ⁴ И вычхурдынэ Израилёскирэ чхавэ Ваалэн и Астартэн, и лынэ екхэ Рáскэ-Дэвлэскэ тэ дынаринэн. ⁵ И пхэндя Самуило: “Скэдэн сарэн Израильтянэн дро Масíфа, и мэ помангавапэ пал тумэндэ Рáскэ-Дэвлэскэ.” ⁶ И скэдынэпэ дро Масíфа, и пхэрэнас пани́, и чхувэнас ангил Растэ-Дэвлэстэ, и постиндлэ дро дова́ дывэс, ракири: “Кэрдям амэ ангил Растэ-Дэвлэстэ грéхо.” И сэндиндя Самуило Израилёскирэ чхавэн дро Масíфа. ⁷ Кéли шундлэ Филистимляни, со скэдынэпэ Израилёскирэ чхавэ дрэ Масíфа, тэды гинэ Филистимиякирэ хула́я пэ Израилё. Израильтяни шундлэ пал дова́, и страхандынэ Филистимлянэндэр. ⁸ И пхэндлэ Израилёскирэ чхавэ Самуилоскэ: “На пирияч тэ мангэспэ пал амэндэ амарэскэ Рáскэ-Дэвлэскэ, Дэвлэскэ, соб (кай) Ёв тэ зраххэл амэн Филистимлянэнгирэ вастэстыр.” ⁹ И лыя Самуило екхэ бакрорэс цюцятыр, и яндя лэс дро цéло схачкирибэн Рáскэ-Дэвлэскэ, и мангдя зоралэс Самуило Рас-Дэвлэс пал Израилё, и шундя лэс Рай Дэвэл. ¹⁰ И кéли Самуило янэлас цéло схачкирибэн, Филистимляни явнэ тэ марэнпэ Израилёса. Нэ Рай Дэвэл загрюкиндя дро дова́ дывэс зоралэ громоса пэ Филистимлянэндэ, и яндя дар пэ лэндэ, и ёнэ сыс домардэ ангил Израилё. ¹¹ И выгинэ Израильтяни Масифатыр, и традынэ Филистимлянэн, и домардэ лэн пэ штéто тэл Вефхоро. ¹² И лыя Самуило екх бар, и чхудя машки́р Масíфа и машки́р Сеномо, и кхардя лэс Авен-Езеро ^[1], пхэни: “Пэ дава́ штéто дыя васт помогиндя амóнгэ Рай Дэвэл.” ¹³ Адыкэ штылякирдэ сыс Филистимляни и на лынэ бутыр тэ псирэн пэ Израилёскирэ межакирэ ригá; и сыс Рáскирэ-Дэвлэскиро васт пэ Филистимлянэндэ дрэ сарэ Самуилоскирэ дывэса́. ¹⁴ И рискирдэ сыс Израилёскэ фóрья, савэ лынэ Филистимляни Израилёстыр, Акароностыр и кэ Гефа, и лэнгирэ ригá кэрдя вольнонэнца Израилё Филистимлянэнгирэ вастэндэр, и сыс рамáнэ (миро) машки́р Израилё и Амореендэ. ¹⁵ И сыс Самуило Израилёскэ сэндариса дро сарэ пэскирэ джи́ибна́скирэ дывэса́: ¹⁶ бэрш бэршэстыр ёв псирдя́ и обджалас Вефíлэ, и Галгáло, и Масíфа и сэндякирдя Израилё пэ сарэ далэ штéты; ¹⁷ тóньчи (потом) рисия дро Рáма; пал-дова́ со одóй сыс лэскиро кхэр, и одóй сэндиндя ёв Израилё, и чхудя одóй Рáскэ-Дэвлэскэ алтáрэ.

7:12 ^[1] Давá значынла Романэс “бар, савó дéла васт”

Шэро 8

¹ Кéли пхурия Самуило, тэды чхудя пэскирэ чхавэн сэндарьенца пэ Израилё. ² Лэскирэ пхурыдыршонэскэ чхавэскэ лав сыс Иоилё, а явирэ лэскирэ чхавэскэ лав сыс Авия; ёнэ сыс сэндарьенца дрэ Вирсáвия. ³ Нэ лэскирэ чхавэ на псирдэ лэскирэ дромэнца, а отгинэ дро пэскиро кóфо, и лынэ почастýнки (подарки), и сэндиндлэ хоханэс. ⁴ И скэдынэпэ сарэ Израилёскирэ пхурыдыра́, и явнэ кэ Самуило дро Рáма, ⁵ и пхэндлэ лэскэ: “Гáда, ту пхурия́н,

а тырэ чхавэ на псирэна тырэ дромэнца, и адякэ чхув пэ амэндэ краліс, соб (кай) ёв тэ сэндякир амэн, сыр исын явирэ манушэндэ.”⁶ И на пир ило сыс дава лав Самуилоскэ, кели ёнэ пхэндлэ: “Дэ амэнгэ краліс, соб (кай) ёв тэ сэндякирэл амэн.” И мангдяпэ Самуило Раскэ-Дэвлэскэ.⁷ И пхэндя Рай Дэвэл Самуилоскэ: “Шун манушэнгири зан (глос) дро саро, со ёнэ тукэ ракирэна; пал-дова со на тут ёнэ отчхурдынэ, нэ Ман отчхурдынэ, соб (кай) Мэ тэ на явав краліса пэ лэндэ; ⁸ сыр ёнэ кэрдэ долэ дывэсэстыр, дро саво Мэ вылыджиём лэн Египтостыр, и кэ дава дывэс, ячкирдэ Ман и дынариндлэ явирэ дэвлэнгэ, адякэ ёнэ кэрэна и туса; ⁹ и адякэ шун лэнгири зан; нэ екх дэ лэнгэ тэ джінэн и пирипхэн лэнгэ краліскирэ правы, саво явэла краліса пэ лэндэ.” ¹⁰ И пиридыя Самуило сарэ Раскирэ-Дэвлэскирэ лава манушэнгэ, савэ мангнэ лэстыр краліс, ¹¹ и пхэндя: “Акэ, савэ явэна краліскирэ правы, саво явэла краліса пэ тумэндэ: тумарэн чхавэн ёв лэла, и чхувэла кэ пэскирэ марибнйтка вурдынэ, и ёв кэрэла пэскирэ уклістэнца, и явэна ёнэ тэ прастан ангил лэскирэ вурдынэ; ¹² и чхувэла лэн барыдырэнца пэстэ пэ тысёнцы и пэ пандждэша, и соб (кай) ёнэ тэ кэрэн буты пэ лэскирэ фэлды, и тэ укэдэн лэскиро маро, и тэ кэрэн лэскэ мардытка и частыра кэ вурдэнэ ваш марибэн; ¹³ и ёв лэла тумарэ чхаён, соб ёнэ тэ счхувэн макхибэна (масти), тэ кэравэн хабэн и тэ пэкэн маро; ¹⁴ и тумарэ фэлды и винаградоскирэ и маслична унты (сады) тумарэ ёв лэла фэдырша и отдэла пэскирэ дынарьэнгэ; ¹⁵ и со тумэ посеиндлэ и тумарэ винаградоскирэ унтэндэр лэла дэшто паш, и отдэла пэскирэ евнухэнгэ и пэскирэ дынарьэнгэ; ¹⁶ и тумарэ дынарьён, и тумарэ дынарицэн, и тумарэ фэдыршонэ тэрнэ манушэн, и тумарэ ослэн лэла, и лэла дрэ буты пэ пэскирэ рэнды; ¹⁷ тыкнэ тумарэ кхэритконэ мурдалэндэр (скотостыр) ёв лэла дэшто паш, и тумэ кокорэ явэна лэскэ дынарьэнца; ¹⁸ и загодлэна тэды тумэ тумарэ кралістыр, савэс тумэ пэскэ выкэдынэ; и на явэла Рай Дэвэл тэ отпхэнэл тумэнгэ.” ¹⁹ Нэ мануша на сыс дрэ екх годы тэ шунэн Самуилоскири зан и пхэндлэ: “Над, мэк крالی тэ явэл пэ амэндэ, ²⁰ и амэ яваса сыр явир мануша: ёв явэла тэ сэндинэл амэн сыр крالی амаро, и тэ псирэл ангил амэндэ, и тэ лыджал марибэна амарэ.” ²¹ И вышундя Самуило сарэ манушэнгирэ лава, и пирипхэндя лэн ваш Раскирэ-Дэвлэскиро шуныбэн. ²² И пхэндя Рай Дэвэл Самуилоскэ: “Шун лэнгири зан (глос) и чхув лэнгэ краліс.” И пхэндя Самуило Израильтянэнгэ: “Джан кажно (свако) дро пэскиро форо.”

Шэро 9

¹ Сыс вари-кон Вениаминоскирэ чхавэндэр, лав лэскиро сыс Кисо ^[1], Авиилоскиро чхаво, Цэроноскирэ-чхавэскиро, Бехорафоскирэ чхавэскиро, Афияскирэ чхавэскиро, вари-савэскирэ Вениамитяиноскирэ чхавэскирэ, слаўтно мануш. ² Лэстэ сыс чхаво, лав лэскиро Сауло, тэрно и шукар; и на сыс Израильтянэндэр никонэс лэстыр гожэдыр; ёв пэскирэ псикэндэр сыс вучэдыр сарэ манушэндэр. ³ И хасинэ ослицы Кисостэ, Саулоскирэ дадэстэ, и пхэндя Кисо Саулоскэ, пэскирэ чхавэскэ: “Лэ пэса екхэс дынарьэндэр (слугэндэр) и ушты, джа, родэ ослицэн.” ⁴ И прогия ёв Ефремоскири бэрга, и прогия Шалишаскири пхув, нэ ёнэ на латхнэ; и прогинэ Шаалимоскири пхув, и одой лэн нанэ; и прогия ёв Вениаминоскири пхув, и на латхнэ. ⁵ Кели ёнэ явнэ пэ Цуфаскири пхув, Сауло пхэндя пэскирэ дынарыскэ, саво сыс лэса: “Явэн палэ, соб (кай) миро дад, ячкири ослицэн, на лыя тэ дэл туга (клопотынэлпэ) пал амэндэ.” ⁶ Нэ дынари пхэндя лэскэ: “Гада, дро дава форо исын Дэвлэскиро мануш, патывало мануш; саро со ёв пхэнэла, кэрэлапэ чачипнаса; амэ каканэ одорык; могоинэла тэ явэл, ёв упхэнэла амэнгэ дром амаро, пир саво амэнгэ тэ джас.” ⁷ И пхэндя Сауло пэскирэ дынарыскэ: “Гада, амэ джаса, а со амэ янаса долэ манушэскэ? Пал-дова со маро на яця дро амарэ саквы, и почастунко (подарко) нанэ, соб тэ янас Дэвлэскирэ манушэскэ; со амэндэ? ⁸ И нэвэс отпхэндя дынари Саулоскэ и пхэндя: Гада, дро миро васт исын паш шэкелё руп; мэ отдава лэс Дэвлэскирэ манушэскэ, и ёв сыкавэла амэнгэ дром амаро.” ⁹ Англэдыр дро Израилё, кели вари-кон гия тэ пхучэл Дэвлэстыр, то ракирдэ адякэ: “Джаса кэ маги́ко (прозорливцо)”; пал-дова со о дова, конэс каканэ кхарэна пророкоса, англэдыр кхардяпэ прозорливцоса. ¹⁰ И пхэндя Сауло пэскирэ

дынарыскэ: “Мишто́ ту ракирэса; джаса.” И гинэ ёнэ дро форо, кай Дэвлэскиро мануш сыс. ¹¹ Кэли ёнэ газдэнаспэ упрэ дро форо, тэды стрэниндлэ тэрнэ патывалэ джувлэн, савэ выгинэ тэ пхэрэн пани, и пхэндлэ лэнгэ: “Ци исын адай прозорливцо?” ¹² Одолэ отпхэндлэ лэнгэ и пхэндлэ: “Исын; гада, ёв исын ангил түтэ; екх со сыгнякир, пал-дова со ёв ададывэс явдя дро форо, пал-дова со ададывэс манушэндэ свэнто яныбэн Дэвлэскэ пэ вучипэн; ¹³ кэли явэна дро форо, то тумэ заухтылэна лэс, пака ёв на гия пэ дава вучипэн, пэ обядо; пал-дова со мануша на лэна тэ хан, пака ёв явэла; пал-дова со ёв бахтякирэла свэнто яныбэн Дэвлэскэ, и палó (после) дава лэна тэ хан, мануша, савэн кхардэ; и адякэ, джэн, каканá заухтылэна лэс.” ¹⁴ И гинэ ёнэ дро форо. Кэли загинэ дро паш форо, тэды гада, и Самуило гия пэ стреч, соб (кай) тэ джал пэ вучипэн. ¹⁵ А Рай Дэвлэ отчхакирдя Самуилоскэ пал дывэс кэ Саулоскиро явибэн и пхэндя: ¹⁶ “Атася дро дава часо Мэ бичхавáва кэ ту манушэс Вениаминóскирэ пхувьятыр, и ту помакх лэс дрэ пхурэдырэстэ Мирэ манушэнгэ Израилэскэ, и ёв зракхэла Мирэ манушэн Филистимлянэнгирэ вастэстыр; пал-дова со Мэ придыкхцёмпэ пэ Мирэ манушэндэ, адякэ сыр лэскири гóдла догия кэ Мэ.” ¹⁷ Кэли Самуило дыкхця Саулос, тэды Рай Дэвлэ пхэндя лэскэ: “Гáда, исын мануш, пал савэстэ Мэ ракирдём түкэ; ёв явэла тэ рикирэл зор тэ припхэнэл Мирэ манушэнгэ.” ¹⁸ И подгия Сауло кэ Самуило, дро вударá, и пхуця лэстыр: “Пхэн мánгэ, кай исын кхэр прозорливцоскиро?” ¹⁹ И отпхэндя Самуило Саулóскэ, и пхэндя: “Мэ сом прозорливцо, джá ангил мánдэ пэ вучипэн; и тумэ явэна тэ хан ададывэс мánца, и мэ отмéкава тут злокоса (тасярлэ), и сарó, со түтэ пэ илó, Мэ пхэнава түкэ; ²⁰ А пал ослицэндэ, савэ түтэ хасинэ ужэ трин дывэс, на думин бут: ёнэ латхнэпэ. И конэскэ сарó бияндло дро Израилэ? Ци на түкэ и сарэ тырэ дадэскирэ кхэрэскэ?” ²¹ И отпхэндя Сауло и пхэндя: “Ци на чхавó мэ сом Вениаминоскиро, екхэ тыкнэдыршонэ Израилэскирэ кхэритконэ родэндыр? И ци на тыкнэдыр миро кхэритко рóдо машкир сарэн Вениаминóскирэ рóды (плéми)? Кэ со ту мánгэ ту ракирэса дава?” ²² И лыя Самуило Саулос и лэскирэ дынарыс, и залыджия лэн дрэ штóба, и дыя лэнгэ англатунó штóто машкир манушэндэ, савэ сыс кхардэ, савэн сыс пашыл триндэша манушэн. ²³ И пхэндя Самуило манушэскэ, савó кэрадя: “Подэ дая паш, сави (савó) мэ дыём түкэ, и пал савó мэ пхэндём түкэ: ‘Отчхув ла криг пэстэ.’” ²⁴ И лыя мануш, савó кэрадя псикó и со сыс пашыл лэстэ, и чхудя ангил Саулостэ. И пхэндя Самуило: “Гáда, дава ячкирдо, чхув ангил пэстэ и ха, пал-дова со кэ дава часо (цýро) зракхно дава ваш түкэ, кэли мэ скэдыём манушэн.” И хая Сауло Самуилоса дро дова дывэс. ²⁵ И гинэ ёнэ вучипнастыр дро форо, и Самуило ракирдя Саулоса пэ стрéха (чхакýн). ²⁶ Злокоса ёнэ уштынэ адякэ: кэли яця тэ дывэсёл, то Самуило гия упрэ кэ Сауло пэ стрéха (чхакýн) и пхэндя: “Ушты, мэ пролыджава тут.” И уштыя Сауло, и выгинэ ёнэ дуйджинэ кхэрэстыр, ёв и Самуило. ²⁷ Кэли ёнэ подгинэ кэ фóроскиро ягóро (краё), Самуило пхэндя Саулóскэ: “Пхэн дынарыскэ, соб (кай) ёв тэ джал ангил амэндэ. И ёв гия ангил, а ту тэрдёв каканá, и мэ отчхакирава түкэ, со пхэндя Дэвлэ.”

9:1 ^[1] Дро Юды́тко оригина́ло дава лав “Киш”

Шэро́ 10

¹ И лыя Самуило кхорó (сасудо) елеёса и вычхудя пэ лэскиро шэро́, и чамудя лэс, и пхэндя: “Гáда, Рай Дэвлэ помакхэла тут дро правителендэ (тхэмэскирэ барыдырэндэ) пир мэкно миштыпэн (наследие) Пэскиро. ² Кэли ту каканá джаса мандыр, тэды стрэнинэса дуге манушэн пашыл Рахилиякири коплéца (гробó), пэ Вениаминóскирэ ригá, дрэ Целцаха, и ёнэ пхэнэна түкэ: ‘Латхнэпэ ослицы, савэн ту псирдя́н тэ родэс, и гада, исын тырó дад, забистырдя пал ослицэндэ, дэла туги (клопотынэлапэ) пал тумэндэ, ракири: Со исын мирэ чхавэса?’ ³ И ту джаса одотхýр дурэдыр, и явэса кэ Фавоскири дэмбитко, и стрэнинэна тут одóй трин мануша, савэ джана кэ Рай Дэвлэ, дро Вефýлэ: екх лыджáла тринэн бузнорэн (козлятэн), явýр лыджáла трин марэ, а трýто лыджáла гонó моляса (виноса); ⁴ и явэна ёнэ тэ

дэн ‘добридим’ тукэ, и дэна тукэ дуй марэ, и ту лэса лэнгирэ вастэндэр. ⁵ Палó дова ту явэса пэ Дэвлэскири бэргица, кай исын Филистимиякиро раххибнаритко отрядо; и кэли заджаса одой дро форо, стрэнинэса тысэңцо пророкэн, савэ зджанас вучипнастыр, и ангил лэндэ псалтирь и тимпано, и свирель и гусыли, и ёнэ ангилпхэнэна (пророчынэна). ⁶ И зджала пэ тутэ Рáскирэ-Дэвлэскиро Духо, и ту явэса лэнца тэ ангилпхэнэс, и кэрэсапэ явирэ манушэса. ⁷ Кэли далэ знамэнии (гертыка) кэрэнапэ дро чачипэн туса, тэды кэр, со могоинэла тырó васт, пал-дова со туса исын Дэвл. ⁸ И ту джа англедыр мандыр дро Галгáло, карик и мэ явава кэ ту, соб (кай) тэ янав цэло схачкирибэн и мýрно свэнто яныбэн Дэвлэскэ. Эфта дывэса ужакир, пака мэ явава кэ ту, и тэды пхэнава тукэ, со тукэ тэ кэрэс.” ⁹ Сыр сыг Сауло рисия, соб (кай) тэ джал Самуилостыр, Дэвл дья лэскэ явир ило, и кэрдэпэ дро чачипэн сарэ долэ знамэнии (гертыка) дро дова-паць дывэс. ¹⁰ Кэли ёнэ явнэ кэ бэргица, гада, джала тысэңцо пророкэнгиро лэндэ и згия пэ лэстэ Дэвлэскиро Духо, и ёв ангилпхэндя машкир лэндэ. ¹¹ Сарэ, кон джиндя лэс тася и трýто дывэс, сыр дыкхнэ, со ёв пророкэнца ангилпхэнэла, ракирдэ машкир манушэндэ екх екхэскэ: “Со да яця Кисоскирэ чхавэса? Наушто и Сауло исын дро пророкэндэ?” ¹² И отпхэндя екх мануш, саво сыс одой и пхэндя: “А одолэндэ, кон исын лэнгиро дад?” Палдава выгия дро проракирибэн: “Наушто и Сауло дро пророкэндэ?” ¹³ И пирияця ёв тэ ангилпхэнэл, и гия пэ вучипэн. ¹⁴ И пхэндя Саулоскиро как лэскэ и дынари́скэ лэскирэскэ: “Карик тумэ псирдэ?” Ёв пхэндя: “Тэ родас ослицэн, нэ, дыкхí, со лэн нанэ, загиям кэ Самуило.” ¹⁵ И пхэндя как Саулоскиро: “Роспхэн мангэ, со пхэндя тумэнгэ Самуило.” ¹⁶ И пхэндя Сауло пэскирэ какэскэ: “Ёв дья тэ джинэл амэнгэ, со ослицы латхнэпэ.” А дова, со пхэндя лэскэ Самуило пал кралипэн, на отчхакирдя лэскэ. ¹⁷ И кхардя Самуило манушэн кэ Рай Дэвл дро Масíфа ¹⁸ и пхэндя Израилэскирэ чхавэнгэ: “Адыкэ ракирэла Рай Дэвл, Дэвл Израилэскиро: ‘Мэ вылыджиём Израилё Египтостыр, и зракхцём тумэн Египтянэнгирэ вастэстыр и сарэ кралиппнаскирэ вастэстыр, савэ тэлякирдэ тумэн. ¹⁹ А тумэ каканá мэкнэ тумарэ Дэвлэс, Саво зракхэла тумэн сарэ тумарэ бидатыр и тумарэ пиридживипнастыр, и пхэндлэ Лэскэ: “Кралис чхув пэ амэндэ.” И адыкэ тэрдён каканá ангил Дэвлэстэ пир тумарэ рóдыцы и пир кхэрýтка рóды (плéми) тумарэ.” ²⁰ И пхэндя Самуило, соб (кай) тэ подджан сарэ Израилэскирэ рóдыцы, и сыс упхэндлэ Вениаиноскиро рóдыцо. ²¹ И пхэндя тэ подджал рóдыцóскэ Вениаиноскирэскэ пирó кхэрýтка рóды (плéми), и сыс упхэндлэ Матриэскиро племё; и янэна Матриэскиро кхэрýтко рóдо (племё) пир муршэндэ, и кхардо сыс Сауло, Кисоскиро чхавó; и родынэ лэс, и на латхэнас. ²² И пхучнэпэ Рáстыр Дэвлэстыр: “Ци явэла бутыр ёв адарýк?” И пхэндя Рай Дэвл: “Гáда, ёв гарадэла машкир пашыл багажо (обозо) частырэнгиро.” ²³ И прастандынэ, и лынэ лэс одотхыр, и ёв тэрдия машкир манушэндэ, и сыс лэскирэ псикэ вучэдыр сарэ манушэндэр. ²⁴ И пхэндя Самуило сарэ манушэнгэ: “Ци дыкхэна, конэс выкэдыя Дэвл? Адасавэс, сыр ёв исын, нанэ дро сарэ манушэндэ.” Тэды сарэ манушá дынэ гóдла и пхэндлэ: “Мэк тэ дживэл крáли!” ²⁵ И пирипхэндя Самуило манушэнгэ кралиппнаскирэ правы, и зачхиндя дро лылварí, и чхудя лэн ангил Растэ-Дэвлэстэ. И отмэкхця сарэ манушэн, кажнонэс дро пэскиро кхэр. ²⁶ Адыкэ-паць и Сауло гия дро пэскиро кхэр, дрэ Гивá; и лэса гинэ муршканэ, савэнгирэ ило Дэвл чиладя. ²⁷ А налачхэ манушá ракирдэ: “Лэскэ ци тэ зракхэл амэн?” И на камлэ лэс, и на лыджинэ лэскэ дáры; нэ ёв сырбы на дыкхця дава.

Шэрó 11

¹ И явдя Амонитянино Наасо и заухтылдя Галаадоскиро Иависо. И пхэндлэ сарэ Иависоскирэ манушá Наасоскэ: “Кэр амэнца доракирибэн (союзо), и амэ яваса тэ дынаринас тукэ.” ² И пхэндя лэнгэ Амонитянино Насо: “Мэ кэрава тумэнца доракирибэн, нэ долэса, соб (кай) кажнонэстыр выпхусавав чачí (право) якх и долэса тэ чхував магирипэн пэ сарó Израилё.” ³ И пхэндлэ лэскэ Иависоскирэ пхурыдыра: “Дэ амэнгэ эфта дывэса пир часо, соб (кай) тэ бичхавас амэнгэ манушэн дро сарэ Израилэскирэ ригá, и кóли никон на дэла васт амэнгэ, тэды амэ выджаса кэ ту.” ⁴ И явнэ манушá дро Саулоскири Гивá, и пирипхэндлэ далэ лава дро манушэнгиро шуныбэн; и сарэ манушá газдынэ гóдла и зарондлэ. ⁵ И гада,

явдя Сауло палал гурувэндэ фэлдатыр и пхэндя: “Со кэрдяпэ манушэнца, со ёнэ ровэна?” И пирипхэндлэ лэскэ Иависоскирэ-манушэнгирэ лавá. ⁶ И згия Дэвлэскиро Дүхо пэ Саулостэ, кэли ёв шундя далэ лавá, и зоралэс захачия лэскири холы; ⁷ и лыя ёв дуэн гурувэн, и росчхингирдя лэн пэ пашá, и бичхадя дро сарэ Израилёскирэ ригá пир долэ манушэндэ, пирипхэны, со адякэ явэла кэрдó долэскирэ гурувэнца, кон на джáла палал Саулостэ и Самуилостэ. И пыя дар Рáскирэ-Дэвлэскири пэ манушэндэ, и выгинэ сарэ, сыр екх мануш. ⁸ Сауло обдыкхця лэн дро Везека, и латхяпэ Израилёскирэ чхавэн трин шэлá тысёнцы, и Юдáскирэ муршэн триянда тысёнцы. ⁹ И пхэндлэ манушэнгэ, савэ явнó: “Адякэ пхэнэн Галаадóскирэ Иависоскирэ манушэнгэ: Атася явэла кэ тумэ подрикирибэн, кэли обтатыкирэла кхам.” И явнó манушá, савэн бичхадэ, и пирипхэндлэ Иависоскирэ манушэнгэ, и ёнэ обрадынлэпэ. ¹⁰ И пхэндлэ Иависоскирэ манушá Наасоскэ: “Атася выджаса кэ ту, и кэрэн амэнца, сыр тумэнгэ исын пир илó.” ¹¹ Пэ явир дывэс Сауло росчхудя (розделиндя) манушэн пэ трин отряды, и ёнэ загинэ машкирал стáно дро раххибнарьенгиро часо пэ злóко, и домардэ Амонитянэн кэ дывэсэскиро хачкирибэн; манушá, савэ ячнэпэ, розгинэпэ, адякэ со на яцяпэ лэндыр дуэн кхэтáн. ¹² Тэды манушá пхэндлэ Самуилоскэ: кон ракирдя: “Ци Саулóскэ тэ кралинэл пэ амэндэ? Дэн далэ манушэн, и амэ мулякираса лэн.” ¹³ Нэ о Сауло пхэндя: “Дро дава дывэс никонэс нашты тэ мулякирэл, пал-довá со ададывэс Рай Дэвэл кэрдя зракхибэн дро Израилé.” ¹⁴ И пхэндя Самуило манушэнгэ: “Явэн дро Галгáло, и пхэнаса ангил сарэндэ одой пал кралипэн.” ¹⁵ И гинэ сарэ манушá дро Галгáло, и чхудэ одой Саулос кралиса ангил Растэ Дэвлэстэ дро Галгáло, и яндлэ одой мирна свэнта яныбэна ангил Растэ-Дэвлэстэ. И древáн радындлэпэ одой Сауло и сарэ Израильтяни.

Шэрó 12

¹ И пхэндя Самуило сарэ Израилёскэ: “Гáда, и мэ кандыём тумарí зан (глос) дро сарó, со тумэ ракирдэ мánгэ, и чхудём пэ тумэндэ крали́с, ² и гáда, кáли псирéла ангил тумэндэ; а мэ пхуриём и ссывиндём; и мирé чхавé исын тумэнца; мэ псирдём ангил тумэндэ мирé тэрныпнастыр и кэ/жýко кэ дава дывэс; ³ гáда, мэ сом, мэк тэ допхэнэн пэ мáндэ ангил Растэ-Дэвлэстэ и ангил Лэскирэ помакхибнаскирэстэ, ци конэстыр мэ лыём гурувэс, ци конэстыр лыём мэ ослóс, конэс дукхадём и конэс притасадём, ци конэстыр лыём мэ мыто (взятка) и зачхакирдём дро лэскиро рэндó якхá мирé, и мэ rischiрава тумэнгэ.” ⁴ И отпхэндлэ: “Ту на дукхадян (на збидиндя) амэн и на притасадян амэн, и ничы ни конэстэ на лыян.” ⁵ И пхэндя ёв лэнгэ: “Якхýтко пэ тумэндэ исын Рай Дэвэл, и якхýтко Лэскиро помакхибнаскиро дро дава дывэс, со тумэ на латхнэ ничы пал мáндэ.” И пхэндлэ: “Якхýтка исын.” ⁶ Тэды Самуило пхэндя манушэнгэ: “Якхýтко тэ явэл Рай Дэвэл, Савó чхудя Мойзас и Ааронóс и, Савó вылыджыя тумарé дадэн Египтóскирэ пхувьятыр. ⁷ Каканá тэрдэн, и мэ явáва тэ сэндякиравпэ тумэнца ангил Растэ-Дэвлэстэ пал сарэ миштыпэна, савэ Ёв кэрдя тумэнгэ и тумарé дадэнгэ. ⁸ Кéли явдя Яково дро Егýпто, и дада тумарé задынэ гóдла кэ Рай Дэвэл, тэды Рай Дэвэл бичхадя Мойзас и Ааронóс, и ёнэ вылыджинэ тумарé дадэн Египтóстыр и чхудэ лэн тэ бэшэн пэ дава штéто. ⁹ Нэ ёнэ бистырдэ пэскирэ Рас-Дэвлэс, Дэвлэс, и Ёв отдыя лэн дро Асороскирэ-халадэнгирэ барыдырэскирэ Сисараскирэ вастá, и дро Моавитоскирэ-крали́скирэ вастá, савэ мардэпэ (гинэ марибна́са) проти лэндэ. ¹⁰ Нэ кéли ёнэ задынэ гóдла кэ Рай Дэвэл и пхэндлэ: “Амэ кэрдям грéхо, пал-довá со амэ ячкирдям Рас-Дэвлэс и лыям тэ дынарина́с Ваалэнгэ и Астартэнгэ, каканá зрáкх амэн амарé вэргэнгирэ вастэстыр, и амэ явáса тэ дынарина́с Тýкэ”, ¹¹ тэды Рай Дэвэл бичхадя Иероваалос, и Варакос, и Иефаяс, и Самуилос, и зракхця тумэн тумарé вэргэнгирэ вастэстыр, савó сыс пашыл тумэндэ, и тумэ дживдэ бидаракиро. ¹² Нэ дыкхý, со Наасо, Амонитянэнгиро кáли, джáла проти тумэндэ, тумэ пхэндлэ мánгэ: “Над, мэк кáли тэ кралинэл пэ амэндэ”, тэды, сыр тумарó Рай Дэвэл, Дэвэл тумарó кáли. ¹³ И адякэ, акэ исын кáли, савэс тумэ выкэдынэ, савэс тумэ трэбиндлэ: гáда, Рай Дэвэл чхудя пэ тумэндэ крали́с. ¹⁴ Кóли явэна тэ дарэн Рáстыр-Дэвлэстыр, и тэ дынаринэн Лэскэ, и тэ шунэн Лэскири зан, и на лэна тэ джáн проти

Рáскирэ-Дэвлэскиро упхэныбэн, тэды явэна и тумэ и тумарó крáli, савó исын крáli пэ тумэндэ, тэ псирэн палал пал Растэ-Дэвлэстэ, тумарé Дэвлэстэ,¹⁵ а кóли на явэна тэ шунэн Рáскирэ-Дэвлэскири зан и джána проти Рáскирэ-Дэвлэскирэ упхэныбэна, тэды Рáскирэ-Дэвлэскиро васт явэла проти тумэндэ, сыр сыс проти тумарé дадэндэ.¹⁶ Каканá тэрдэн и подыкхэн пэ барó рэндо, савó кэрэла Рай Дэвэл ангил тумарé якхá:¹⁷ ци на укэдыибэн каканá дро парно гив (пшэница)? Нэ мэ рисиём кэ Рай Дэвэл, и Ёв бичхавэла громо и брышынд, и тумэ уджинэна и дыкхэна, сыр барó грэхo, савó тумэ кэрдэ ангил Рáскирэ-Дэвлэскирэ якхá, манги пэскэ краліс.”¹⁸ И риси́я тэ кхарэл Саму́ило кэ Рай Дэвэл и Рай Дэвэл бичхадя громо и брышынд дро дова дывэс; и явнэ сарé манушá дро бари дар Рáстыр-Дэвлэстыр и Самуилостыр.¹⁹ И пхэндлэ сарé манушá Самуилоскэ: “Помангпэ пал тырэ писхарьендэ ангил Растэ-Дэвлэстэ, тырэ Дэвлэстэ, соб (кай) тэ на мэрас амэнгэ, пал-дова со кэ сарé амарé грэхи амэ чхудям ишчо (инкэ) грэхo, кэли мангдям пэскэ краліс.”²⁰ И отпхэндя Саму́ило манушэнгэ: “На дарэн, грэхo дава кэрдэ тумэ, нэ тумэ екх со на отджан Рáстыр-Дэвлэстыр и дынаринэн Рáскэ-Дэвлэскэ сарé тумарé илэса²¹ и на джан палал бибахталэ дэвлорэндэ, савó на янэна лачхипэн и на зракхэна; пал дова со ёнэ – дылыныпэн.²² Рай Дэвэл на ячкирэла Пэскирэ манушэн ваш барó Пэскиро лав, пал-дова со Рáскэ-Дэвлэскэ сыс лачхó тэ выкэдэс тумэн Пэскирэ манушэнца;²³ и мэ адякэ-паць на домэкава пэскэ грэхo ангил Растэ-Дэвлэстэ, соб (кай) тэ пириячав тэ мангавпэ пал тумэндэ, и явава тэ сыклякирав тумэн пэ лачхó и мамуй дром;²⁴ екх дарэн Рáстыр-Дэвлэстыр и дынаринэн Лэскэ чачунэс, сарé тумарé илэстыр, пал-дова со тумэ дыкхнэ, савэ барé рэнды Ёв кэрдя тумэнца;²⁵ кóли тумэ явэна тэ кэрэн фуипэн, тэды и тумэ, и тумарó крáli хасэна.”

Шэрó 13

¹ Бэрш сыс Саулóскирэ кралиппнаскэ, и явір бэрш ёв кралиндя пэ Израилё, сыр выкэды́я Са́уло пэскэ трин тысёнцы манушэн Израильтянэндры: ² дуй тысёнцы сыс Саулоса дро Михмаса и пэ Вефилёскири бэрга, тысёнцо сыс Ионафаноса дро Вениаиноскири Гивá; а явір манушэн ёв отмэкця пир пэскирэ кхэра. ³ И розмардя Ионафáно Филистимиякирэ-ракхибнаритко отрядо, савó сыс дрэ Гивá; и шундлэ пал дава Филистимляни, а Са́уло пхурдыя рогоса (трубаса) пир сарі риг, дыи гóдла: “Мэк тэ шунэн Юды!” ⁴ Кэли сарó Израилё шундя, со розмардя Са́уло Филистимиякиро ракхибнаритко отрядо, и, со Израилё кэрдяпэ на пир илó Филистимлянэнгэ, тэды манушá скэдынэпэ кэ Са́уло дро Галгáло. ⁵ И скэдынэпэ Филистимляни пэ марибэн проти Израилё: трийнда тысёнцы марибнýtка вурдэна и шов тысёнцы уклистэ, и бут манушэн, сыр исын пра́хо пэ морёскиро (дэрьявэскиро) брэго; и явнэ и тэрдинэ лодэса (станóса) дрэ Михмаса, Беф-Авеноскирэ восточнонэ ригáтыр. ⁶ Израильтяни, дыкхí, со ёнэ сыс дро бíда, пал-дова со манушá сыс стасадэ, гарадынэ дро гэбара – (пешчэры) и дро бэргитка лошчыны, и машкír бэрги, и дро вучардя (башни), и дро ровы; ⁷ а вари-савé Юдэндры пиригинэ пал Иордáно, пэ Гадóскири и Галаадоскири ригá; Са́уло сыс дро Галгáло, и сарé манушá, савэ сыс лэса, сыс дро дар. ⁸ И ужакирдя ёв эфтá дывэсá, кэ часо, савó упхэндя Саму́ило, а Саму́ило на явдя дро Галгáло; и лынэ манушá тэ нашэн лэстыр. ⁹ И пхэндя Са́уло: “Янэн кэ мэ, со упхэндлó ваш свэ́нто яныбэн и ваш мёрно свэ́нто дыибэн.” И газды́я цéло схачкирибэн. ¹⁰ Нэ náбут со ёв кончынды́я тэ газдэл цэлонэ-схачкирибнаскиро, га́да, джáла Саму́ило; и выгия́ Са́уло кэ ёв гил, соб (кай) дэл “добридим” лэскэ. ¹¹ Нэ Саму́ило пхэндя: “Со ту кэрдян?” Са́уло отпхэндя: “Мэ дыкхцём, со манушá нашэна мандыр, а ту явдя́н кэ упхэндлó часо; Филистимляни скэдынэпэ дро Михмаса”; ¹² тэды мангэ явдя́ мысля: “Каканá явэна пэ мандэ Филистимляни дро Галгáло, а мэ ишчо (инкэ) на пхуцём Рáстыр-Дэвлэстыр”, и пал-дова скэдыёмпэ тэ янав цéло схачкирибэн.” ¹³ И пхэндя Саму́ило Саулóскэ: “Дылынэс кэрдян ту, со ту на сполнинды́я Рáскирэ Дэвлэскирэ, тырэ Дэвлэскиро упхэныбэн, савó сыс дыно́ тукэ, пал-дова со каканá зоралыкирэлас бы Рай Дэвэл тырó кралипэн пэ Израилё пэ ве́ки; ¹⁴ нэ каканá тэ на утэрдэл тырэ кралиппнаскэ; Рай Дэвэл латхэла Пэскэ му́ршэс пир Пэскиро илó, и пхэнэла лэскэ Рай Дэвэл тэ явэл Пэскирэ манушэнгэ лыджаибнариса, адякэ сыр ту на

сполниндян дова, со пхэндя тукэ Рай Дэвэл.”¹⁵ И уштыя Самуило и гия Галгалостыр дро Гива Вениаиноскири; а лэса, кэ шовшэла мануша.¹⁶ Сауло пэскирэ чхавэса Ионафаноса и манушэнца, савэ сыс пашыл лэндэ, бэшнэ дро Вениаиноскири Гива; Филистимляни сыс тэрдэ станоса дрэ Михмаса.¹⁷ И выгинэ Филистимиякирэ станостыр трин отряды тэ чхучакирэн пхув: екх гия пирй дром кэ Офра, дро обгиибэн Суаль,¹⁸ И явир отрядо гия пир дром Вефороскиро, а трито гия пир дром кэ кустык (граница) дро Цэвоимоскиро доло пэ чхучй пхув.¹⁹ Пэталэнгирэн (кузнецэн) на сыс пэ сарй Израилёскири пхув; пал-дова со Филистимляни дардэпэ, соб (кай) Юды тэ на кэрэн куртала ци чхурдыпнытко буст (коп’ё).²⁰ И лэнгэ трэиндя тэ псирэн сарэнгэ кэ Филистимляни тэ дэн чол (войстринэн) пэскирэ сошники (плуги), и пэскирэ заступы (мотыги), и пэскирэ товэра, и пэскирэ кирки,²¹ кэли кэрэлапэ шчэрбина пэ чхиныбнытко (остриё) дро сошники, и дро заступы, и пэ бустя (вилы), и пэ товэра, ци трэй тэ поправинэн рожно.²² Палдава дро марибнаскиро часо на сыс ни куртала, ни марибнытко буст сарэ манушэндэ, савэ сыс Саулоса и Ионафаноса, а екхэндэ ёнэ латхнэпэ Саулостэ и Ионафаностэ, лэскирэ чхавэстэ.²³ И выгия фэдыршо Филистимиякиро отрядо кэ Михмасоко пэ пириправа.

Шэрó 14

¹ Дро екх дывэс пхэндя Ионафано, Саулоскиро чхаво, пэскирэ дынарыскэ, саво лыджалас мардытко лэскиро: “Джа, пириджаса кэ Филистимиякиро отрядо, со исын пэ доя риг.” А пэскирэ дадэскэ на пхэндя пал дава.² Сауло сыс пэ Гивакиро ягоро (краё), тэл гранатытко вэш, со исын дро Мигроно. Лэса сыс пашыл шовшэла мануша³ и о Ахия, Ахитувоскиро чхаво, Иохаведоскиро пшал, Финееоскирэ-чхавэскирэ, Илиёскирэ-чхавэскирэ, Раскирэ-Дэвлэскиро рашай дро Силомо, саво лыджия эфодо. Мануша на джиндлэ, со Иофано гия.⁴ Машкир пиригиибэна, пир савэ Ионафано родыя тэ проджал кэ Филистимиякиро отрядо, сыс востро бэрга екхэ ригатыр и востро бэрга явирэ ригатыр: екхакиро лав сыс Боцэцо, а лав явирьякиро сыс Сене.⁵ Екх бэрга выджалас паш-ратятыр (северостыр) кэ Михмасо, явир паш-дывэсостыр (югостыр) кэ Гива.⁶ И пхэндя Ионафано пэскирэ дынарыскэ, саво лыджалас лэскиро мардытко: “Джа, пириджаса кэ адалэ наобчхиндлэнгиро отрядо; могоинэла тэ явэл, со Рай Дэвэл помогинэла амэнгэ; пал-дова со ваш Раскирэ-Дэвлэскэ нанэ пхаро тэ зракхэл пирдал бутэндэ, ци набутэндэ.”⁷ И отпхэндя мануш, саво лыджалас лэскиро мардытко: “Кэр саро, со тутэ пэ ило; джа, гада, мэ сом туса, карик тукэ исын лачхо.”⁸ И пхэндя Ионафано: “Гада, амэ пириджаса кэ далэ мануша, и тэрдёваса пэ якха лэнгэ;⁹ коли ёнэ адякэ пхэнэна амэнгэ: ‘Тэрдён, пака амэ джаса кэ тумэ’, тэды амэ тэрдёваса пэ пэскирэ штэты и на зджаса упрэ кэ ёнэ;¹⁰ а коли адякэ пхэнэна: ‘Гэздэнпэ кэ амэ’, тэды амэ зджаса упрэ, пал-дова со Рай Дэвэл отдыя лэн дро амарэ васта, и дава явэла сыкаибнаса ваш амэнгэ.”¹¹ Кэли ёнэ дуйджинэ тэрдинэ пэ якха Филистимиякирэ отрядостэ, тэды Филистимляни пхэндлэ: Гада, Юды выджана бэргитконэ лошчынэндыр, дро савэ ёнэ гарадынэ.¹² И задынэ гóдла мануша, савэ сыс дро отрядо, кэ Ионафано и кэ лэскиро мануш, саво лыджалас мардытко лэскиро, ракири: “Джан упрэ кэ амэ, и амэ пхэнаса вари-со.” Тэды Ионафано пхэндя пэскирэ манушэскэ, саво лыджалас мардытко: “Джа пал мандэ, пал-дова со Рай Дэвэл отдыя лэн дро Израилёскирэ васта.”¹³ И лыя тэ джал упрэ Иоанафано, лыипэ вастэнца и гэрэнца, и лэскиро мануш, саво лыджалас мардытко пал лэстэ. И пынэ Филистимляни ангил Ионафаностэ, а мануш, саво лыджия мардытко, домардя лэн пал лэстэ.¹⁴ И пынэ далэстыр англатунэ марибнастыр, саво кэрдя Ионафано лэскирэ манушэса, саво лыджия мардытко, пашыл биш манушэн, пэ фэлдакири паш, пэ савй кэрэнас буты дуй гурува дро дывэс.¹⁵ И выгия бари дар дро стано (лод) пэ фэлда и дро сарэ манушэндэ; англатунэ отряды и, савэ чхучакирдэ пхув, явнэ дро траш; тринскирдяпэ сарй пхув, и сыс бари дар Растыр-Дэвлэстыр.¹⁶ И дыкхнэ раххибнарья Саулос дро Гива Вениаиноскири, со толпа розджалапэ и прастала одорик и адарик.¹⁷ И пхэндя Сауло кэ мануша, савэ сыс лэса: “Пиридыкхэн и уджинэн, кон амарэндыр выгия.” И пиридыкхнэ, и гада, нанэ Ионафанос и лэскирэ манушэс, саво лыджала мардытко.¹⁸ И пхэндя Сауло Ахиёскэ: “Ян Дэвлэскиро

кивото, пал-довá со Дэвлэскиро кивото дро дова́ часо сыс Израилёскирэ чхавэнца.”¹⁹ Са́уло ишчо (инкэ) ракирдя́ кэ рашáй, сыр смятениё (конфузо) дро Филистимиякиро ста́но буты́р и буты́р розджаласпэ и бария. Тэды пхэндя́ Са́уло рашáскэ: “Счхув тырэ вастá.”²⁰ И задья́ гóдла Са́уло и сарé манушá, савé сыс лэса, и явнэ́ кэ штéто, кай мардэ́пэ, и га́да, одóй кажно́эскири (свако́нэскири) курта́ла сыс риско́рды проти пэскирэ́ пашатунэ́стэ; смятениё́ сыс древа́н бари.²¹ Тэды и Юды́, савé тася́ и трéто дывэ́с сыс Филистимля́нэндэ́ и савé ўсендзе́ (вездé) псирдэ́ лэ́нца дро ста́но, подгинé кэ Израильта́ни, савé сыс Саулоса́ и Ионафа́носа;²² и сарé Израильта́ни, савé гарады́нэ пэ́ Ефремо́скири бэ́рга, шуны, со Филистимля́ни нашнэ́, адя́кэ-па́ць прия́чнэ кэ́ пэскирэ́ дро марибэ́н.²³ И зракхця́ Рай Дэвэл дро дова́ дывэ́с Израилё́; марибэ́н догия́ адя́кэ-па́ць кэ́ Беф-Авено́.²⁴ Израилёскирэ́ манушá сыс кхи́ныи дро дова́ дывэ́с; а Са́уло засовлаха́дя манушэ́н, пхэ́ны: ‘Прокошнó явэ́ла одова́, кон хáла марó кэ́ бэ́львэ́ль, пака́ мэ́ отха́ва палэ́ (отомсти́нава) мирé вэ́ргэ́нгэ.’ И никóн манушэ́ндыр на хая́ хабэ́н.²⁵ И гинé сарé манушá дро вэ́ш, одóй сыс авги́н пэ́ вэ́ладин (поля́на).²⁶ И за́гинэ́ манушá дро вэ́ш, раки́ри: “Га́да, тхадéла авги́н.” Нэ́ никóн на проты́рдья́ пэ́скиро васт кэ́ муй пэ́скиро, пал-довá со манушá дарáндынэ́ совлахаты́р.²⁷ Ионафа́но на шундя́, кэ́ли лэ́скиро да́д совлаха́дя манушэ́н, и, проты́рдья́ каштэ́скиро ягóро, савó сыс дро лэ́скиро васт, обмэ́кция́ лэ́с дро сото́ авгинэ́скиро, и подлы́джия́ вастéса кэ́ пэ́скирэ́ уштá, и откэ́рдэ́пэ лэ́скирэ́ якха́.²⁸ И пхэндя́ лэ́скэ́ екх манушэ́ндыр, раки́ри: “Тыро́ да́д засовлаха́дя манушэ́н, пхэ́ни: “Прокошнó явэ́ла одова́, кон ада́дывэ́с хáла хабэ́н”, далэ́стыр манушá кхи́нынэ.”²⁹ И пхэндя́ Ионафа́но: “Злы́джия́ дро конфузо́ миро да́д пхув; дыкхэ́н, ма́ндэ́ просвятлы́ндлэ́ якха́, кэ́ли мэ́ хаём́ на́бут да́ва́ авги́н;³⁰ ко́ли бы́ тэ́ хан манушá дорэ́сыбна́стыр, савó мэ́ латхём́ пэ́скирэ́ вэ́ргэ́ндэ́, тэ́ды ци́ на буты́р явэ́ла бы́ домардэ́н Филистимля́нэ́н?”³¹ И домардэ́ Филистимля́нэ́н дро дова́ дывэ́с Михмасаты́р кэ́ Аиало́но, и манушá древа́н кхи́нынэ.³² И чхурды́нэ́пэ манушá пэ́ дорэ́сыбэ́н, и лы́нэ́ бакрэ́н, гурувэ́н и тэрнэ́ гурумне́н, и за́чхиндлэ́ лэ́н пэ́ пхув, и ханé манушá ратéса.³³ И роспхэ́ндлэ́ Саулóскэ́, раки́ри: “Га́да, манушá кэрэ́на грéхо анги́л Растэ́-Дэвлэ́стэ: ё́нэ хáна ратéса.” И пхэндя́ Са́уло: “Тумé кэ́рдэ́ грéхо, равэ́н кэ́ мэ́ ка́кана́ барó бар.”³⁴ Тэ́ныци́ пхэндя́ Са́уло: “Проджа́н машки́р манушэ́ндэ́ и пхэ́нэ́н лэ́нгэ́: ‘Мэ́к ка́жно тэ́ янэл кэ́ мэ́ пэ́скирэ́ гурувэ́с, и ка́жно пэ́скирý́я бакрэ́, и за́чхинэ́н ада́й и хан, и на кэрэ́н грéхо анги́л Растэ́-Дэвлэ́стэ, на хан ратéса.’” И я́ндлэ́ сарé манушэ́ндыр, ка́жно пэ́скирэ́ вастéса, пэ́скирэ́ гурувэ́с раты́, и за́чхиндлэ́ одóй.³⁵ И кэ́рдя́ Са́уло алта́рэ́ (жэ́ртвени́ко) Ра́скэ́-Дэвлэ́скэ́: дова́ сыс англи́тунó алта́рэ́, савó ё́в чху́дя́ Ра́скэ́-Дэвлэ́скэ́.³⁶ И пхэндя́ Са́уло: “Явэ́н дро шалé (трады́пэ́н) пал Филистимля́нэндэ́ раты́, и обкэ́даса́ лэ́н кэ́ зло́ко (ра́нко), и на я́чкираса́ лэ́ндэ́ ни екхэ́с манушэ́с.” И пхэ́ндлэ́: “Кэ́р сарó, со шука́р дро тырэ́ якха́.” Рашáй пхэ́ндя́: “Явáса пашы́лэды́р ада́й кэ́ Дэвэл.”³⁷ И пху́ця́ Са́уло Дэвлэ́стыр: “Ци́ тэ́ джав ма́нгэ́ дро шалé (трады́пэ́н) пал Филистимля́нэндэ́? Ци́ отдэ́са лэ́н дро Израилё́скирэ́ вастá?” Нэ́ Ё́в на отпхэ́ндя́ лэ́скэ́ дро дова́ дывэ́с.³⁸ Тэ́ды пхэндя́ Са́уло: “Мэ́к тэ́ подджа́н ада́рик сарé манушэ́нгирé барыды́ра, и розга́лёна́ и уджинэ́на, пэ́ конэ́стэ́ ка́кана́ грéхо исын? ³⁹ пал-довá со, тэ́ явэл джидó Дэвэл, Савó зракхця́ Израилё́, ко́ли явэ́ла и пэ́ Ионафа́ностэ́, мирé чхавэ́стэ́, тэ́ды и ё́в уса́екх мэ́рэла.” Нэ́ никóн лэ́скэ́ на отпхэ́ндя́ сарé манушэ́ндыр.⁴⁰ И пхэндя́ Са́уло сарé Израилитя́нэ́нгэ́: “Тэ́рдэ́н тумé пир екх́ риг, а мэ́ и миро́ чхавó Ионафа́но тэ́рдэ́васа́ пир яви́р риг.” И отпхэ́ндлэ́ манушá Саулóскэ́: “Кэ́р, со исын шука́р дро тырэ́ якха́.”⁴¹ И пхэндя́ Са́уло: “Раё́ Дэ́вла, Дэвэл Израилё́скиро! Дэ́ герты́к (знаме́ниё).” И сыка́дэ́ сыс Ионафа́но и Са́уло, а манушá вы́гинэ́ чачунэ́нца.⁴² Тэ́ды пхэндя́ Са́уло: “Чхурдэ́н жрэ́биё́ машки́р ма́ндэ́ и машки́р Ионафа́ностэ́, мирé чхавэ́стэ́. И пы́я жребий́ пэ́ Ионафа́ностэ́.⁴³ И пхэндя́ Са́уло Ионафа́носкэ́: “Роспхэ́н ма́нгэ́, со кэ́рдя́н ту?” И роспхэ́ндя́ лэ́скэ́ Ионафа́но, и пхэ́ндя́: мэ́ спробиндэ́м каштэ́скирэ́ ягоса́, савó исын дро миро́ васт, на́бут авги́н; и га́да, мэ́ мусина́в тэ́ мэ́рав.”⁴⁴ И пхэндя́ Са́уло: “Мэ́к дова́ и дова́ тэ́ кэрэ́л ма́нгэ́ Рай Дэвэл, и ишчо́ (инкэ́) буты́р тэ́ кэрэ́л; ту, Ионафа́но, мусинэ́са ада́дывэ́с тэ́ мэ́рэс!”⁴⁵ Нэ́ манушá пхэ́ндлэ́ Саулóскэ́: “Ци́ Ио́фаноскэ́ трэ́й тэ́ мэ́рэ́л, савó кэ́рдя́ дасаво́ барó зракхи́бэ́н Израилё́скэ́? Мэ́к на тэ́ явэл да́ва! Тэ́ явэл джидó Рай Дэвэл, со́ и бал лэ́скирэ́ шэ́рэсты́р на пэ́рэ́ла пэ́ пхув, пал-довá со Дэвлéса́ ё́в кэ́рдя́ ка́кана́.” И вызво́линдлэ́ манушá Ионафа́нос, и ё́в на мы́я.⁴⁶ И

рисяй Сауло Филистимлянэнгирэ традыпнастыр; а Филистимляни гинэ пэ пэскиро штэто. ⁴⁷ И кэрдя зоралэдыр Сауло пэскиро кралипэн пэ Израилё, и мардяпэ сарэнца пэскирэ пашатунэ вэргэнца, Моавомоса и Амонитянэнца, и Эдомоса и Совакирэ кральенца и Филистимлянэнца, и ўсады (сак), проти конэстэ гия, лэскэ джалас бахт. ⁴⁸ И скэдыя халадэн, и домардя Амаликос, и отмэкця (вызволіндя) Израилё лэскирэ чорэнгирэ вастэстыр. ⁴⁹ Чхавэ Саулостэ сыс: Ионафано, Есуи (Иессуи) и Мелхисуа; а лавá лэскирэ дүе чхаенгирэ сыс: лав пхурэдыршонакиро Мерова, а лав тыкнэдыршонакиро Мелхола. ⁵⁰ Лав Саулоскирэ ромнякиро Ахиноамь, Ахимаацоскири чхай; а лав лэскирэ халадэнгирэ барыдырэскиро Авениро, Нироскиро чхаво, Саулоскирэ-какэскиро. ⁵¹ Кисо, Саулоскиро дад, и Ниро, Авенироскиро дад, сыс Авиилоскирэ чхавэ. ⁵² И сыс зорало марибэн проти Филистимлянэндэ дро саро Саулоскиро часо. И кели Сауло дыкхця вари-савэ зоралэс манушэс, то лэлас ёв лэс кэ пэ.

Шэро 15

¹ И пхэндя Самуило Саулоскэ: “Рай Дэвэл бичхадя ман тэ помакхав тут кралиса пэ Лэскирэ манушэндэ, пэ Израилё; каканá шун Рáскирэ-Дэвлэскири зан (глос). ² Адякэ ракирэла Рай Дэвэл, янголэнгирэ-болыбнаскиро: ‘Пририпирдём Мэ пал дова, со кэрдя Амалико Израилёскэ, сыр ёв проти тэрдия лэскэ пэ дром, кели ёв гия Египтостыр; ³ каканá джа и домар Амаликос, и вымар саро, со лэстэ исын; и на тангинэ (жалин) лэс, нэ отдэ мэрибнаскэ ромэстыр кэ ромны, тэрнэ манушэстыр кэ колынытко тыкномас, гурувэстыр кэ бакри, верблюдостыр кэ осло (мегари).’” ⁴ И скэдыя Сауло манушэн, и пиригиндя лэн дро Телаима дуйшэла тысёнцы Израилитянэн, савэ сыс пэзал, и дэш тысёнцы Юдаскирэ родостыр. ⁵ И догия Сауло кэ Амаликоскиро форо, и кэрдя засада пэ доло. ⁶ И пхэндя Сауло Кинейнэнгэ: “Джэн, отджан, выджэн Амаликоскирэ манушэндыр, соб (кай) мангэ тэ на вымарав тумэн лэса, пал-дова со тумэ кэрдэ баро лачхипэн сарэнгэ Израильтянэнгэ, келё ёнэ гинэ Египтостыр.” И отгинэ Кинейни Амаликоскирэ манушэндыр. ⁷ И домардя Сауло Амаликос Хавилатыр кэ Суракирэ ригá, со исын ангил Египто; ⁸ и Агагас, Амаликоскирэ кралис, заухтылдя джидэс, а сарэ манушэн домардя курталаса. ⁹ Нэ Сауло и манушá потангиндлэ Агагас, и фэдыршонэ бакрэндыр и гурувэндыр, и тхулэн бакрорэн, и саро фэдыршо, и на камлэ тэ марэн, а сарэ вешча (вешчы), со на маинэна бари знáчыма и налачхэ, ёнэ вымардэ. ¹⁰ И сыс Рáскирэ-Дэвлэскиро лав кэ Самуило дасаво: ¹¹ “Мэ тангинава, со Мэ чхудём Саулос кралиса, пал-дова со ёв отрисия Мандыр и лав Миро на сполниндя.” И задуминдяпэ Самуило, и прикхарэлас Рас-Дэвлэс сарй рат. ¹² И уштыя Самуило тасярлэс (ранэс) пэ злóко (ранко), и гия гил Саулоскэ. И роспхэндлэ Самуилоскэ, со Сауло псирдя пэ Кармило, и одой чхудя пэскэ помнико (памятنيко), и гия дро Галгала. ¹³ Кели явдя Самуило кэ Сауло, то Сауло пхэндя лэскэ: “Бахтякирдó ту сан Растэ-Дэвлэстэ: мэ кэрдём саро пир Рáскирэ-Дэвлэскиро лав.” ¹⁴ И пхэндя Самуило: а со далэ бакрэнгири бляения дро мирэ канá и гурувэнгири мычания, савэ мэ шунава?” ¹⁵ И пхэндя Сауло: “Яндям мэ лэн Амаликостыр, адякэ, сыр манушá потангиндлэ фэдыршонэн бакрэндыр и гурувэндыр ваш свэнто яныбэн Рáскирэ-Дэвлэскиро, Дэвлэскэ тырэскэ; явйр амэ чхиндям.” ¹⁶ И пхэндя Самуило Саулоскэ: “Нэ ужакир, мэ пхэнава тукэ, со пхэндя Рай Дэвэл мангэ раты.” И пхэндя лэскэ Сауло: “Рáкир!” ¹⁷ И пхэндя Самуило: “Ци на барэса ту сáнас дро тырэ якхá, кели кэрдянпэ шэралэса пэ Израилёскирэ рóдыцы, и Рай Дэвэл помакхця тут кралиса пэ Израилё? ¹⁸ И бичхадя тут Рай Дэвэл дро дром, пхэни: “Джа и отдэ совлахакэ наобчиндлэ Амаликитянэн, и марпэ проти лэндэ, пака замарэса лэн.” ¹⁹ Сóскэ ту на кандыян Рáскирэ-Дэвлэскири зан, и чхурдыяппэ пэ дорэсыбэн, и кэрдян холы ангил Рáскирэ-Дэвлэскирэ якхá?” ²⁰ И пхэндя Сауло Самуилоскэ: “Мэ кандыём Рáскирэ-Дэвлэскири зан и гиём дро дром, карик бичхадя ман Рай Дэвэл, и яндём Агагос, Амаликитсконэ кралис, а Амаликос домардём; ²¹ манушá дорэсыбнастыр, бакрэндыр и гурувэндыр, лынэ фэдыршо совлахадэстыр, ваш свэнто яныбэн Рáскирэ-Дэвлэскири, тырэ Дэвлэскэ, дро Галгало.” ²² И отпхэндя Самуило: “Наушто цэло схачкирибэн и свэнта яныбэнá Рáскирэ-Дэвлэскирэ пэ адакицы исын дрога Рáскэ-

Дэвлэскэ сыр тэ кандэс Рáскирэ-Дэвлэскири зан? Кандыпэн исын фэдýр свэнтонé яныбнастыр и тэ пришунэспэ кэ Рай Дэвэл исын фэдýр бакрэскирэ масэстыр; ²³ пал-довá со накандыпэн исын дасаво-паць грéхо, сыр чованякирибэн, и бýнто исын дова-паць, со тэ дэс патýв хоханé дэвлэнгэ; пал-довá со ту на прилыян Рáскирэ-Дэвлэскиро лав, и Ёв на прилыя тут, соб (кай) ту тэ на явэс кралýса.” ²⁴ И пхэндя Сáуло Самуилоскэ: “Кэрдём мэ грéхо, пал-довá со пхагирдём Рáскирэ-Дэвлэскиро припхэныбэн и тырó лав; нэ мэ дарандыём манушэндýр и шундём лэнгири зан; ²⁵ каканá злэ мандýр грéхо миро и рисёв мánца, соб (кай) мэ тэ дав патýв Рáскэ-Дэвлэскэ. ²⁶ И отпхэндя Самуýло Саулóскэ: “На рисёвава мэ тýса, пал-довá со ту на прилыян Рáскирэ-Дэвлэскиро лав, и Рай Дэвэл на прилóла тут, соб (кай) ту на явэс кралýса пэ Израилё.” ²⁷ И обрисия Самуýло, соб (кай) тэ джал, нэ Сáуло ухтылдýпэ пал лэскирэ-идякиро ягóро и розкустя ла. ²⁸ Тэды пхэндя Самуýло: “Каканá рискирдý криг Рай Дэвэл Израилёскиро кралипэн тýтыр, и отдыя лэс тырó пашатунэскэ, савó исын фэдýр тýтыр; ²⁹ и на пхэнóла начачипэн, и на покаинэлапэ чачунó Израилё; пал-довá со Ёв исын на мануш, соб (кай) тэ покаинэлпэ Лóскэ.” ³⁰ И пхэндя Сáуло: “Мэ кэрдём грéхо, нэ сыкáв патýв мánгэ каканá ангýл мирé манушэнгирэ пхурыдырэндэ и ангýл Израилё, и рисёв мánца, и мэ дава патýв Рáскэ-Дэвлэскэ, тырé Дэвлэскэ.” ³¹ И рисия Самуýло пал Саулостэ, и дыя патýв Рáскэ-Дэвлэскэ Сáуло. ³² Тэньци Самуýло пхэндя: “Янэн кэ мэ Агагос, Амаликоскиро кралýс.” И подгýя кэ ёв Агаго и тринскирдýпэ, и пхэндя Агаго: “Би лавэнгиро мэрибнаскиро киркипэн прогия?” ³³ Нэ Самуýло пхэндя: “Сыр тырý куртáла отлэлас чхаворэн датыр, адýкэ дай тырý машкёр джувлендэ мэк тэ ячóлпэ ёй би пэскирэ чхавэскиро.” И росчингирдя Самуýло Агагос ангýл Растэ-Дэвлэстэ дро Галгáло. ³⁴ И гýя Самуýло дро Рáма, а Сáуло гýя дро пэскиро кхэр, дрэ Саулоскири Гивá. ³⁵ И бутýр на дыкхцýпэ Самуýло Саулоса кэ пэскиро мэрибнаскиро дывéс; нэ тугиндя Самуýло пал Саулостэ, пал-довá со Рай Дэвэл тангиндя (жалиндя), со чхудý Саулос кралýса пэ Израилё.

Шэрó 16

¹ И пхэндя Рай Дэвэл Самуилоскэ: “Кицý ту явэса тэ тугинэс пал Саулостэ, савэс Мэ на прилыём, соб (кай) ёв тэ на явэл кралýса пэ Израилё? Пхэр тырó шынг (рóго) елеёса и джá; Мэ бичхавава тут кэ Вифлеемлянино Есеё, пал-довá со машкёр лэскирэ чхавэндэ Мэ выдыкхцём Пэскэ кралýс. ² И пхэндя Самуýло: “Сыр мэ джáва? Сáуло шунóла и домарла ман.” Рай Дэвэл пхэндя: “Лэ дро тырó васт тэрнэ гурумня стадатыр и пхэн: ‘Мэ явдём ваш свэнто дыибэн Рáскирэ-Дэвлэскири’”; ³ и кхар Есеёс кэ свэнто яныбэн Рáскэ Дэвлэскэ; Мэ пхэнава тýкэ, со тэ кэрэс тýкэ, и ту помакхэса Мánгэ одолэс, пал савэстэ Мэ пхэнава тýкэ.” ⁴ И кэрдя Самуýло адýкэ, сыр пхэндя лэскэ Рай Дэвэл. Кéли ёв явдý дро Вифлеёмо, тэды форóскирэ пхурыдырá трашаса выгинé гил лэскэ, и пхэндлэ: “Ци раманёса (мирóса) ту явдýн?” ⁵ И отпхэндя ёв: “Раманёса (мирóса) ваш свэнто яныбэн Рáскэ-Дэвлэскэ явдём мэ; высвэнцынэнпэ и джán мánца кэ свэнто яныбэн Рáскэ-Дэвлэскэ.” И высвэнцындя Есеёс (Иесеёскэ) и лэскирэ чхавэн, и кхардý лэн кэ свэнто яныбэн Рáскэ-Дэвлэскэ. ⁶ И кéли ёнэ явнэ, то ёв дыкхцý Елиавос, и пхэндя: “Чачó, дава ангýл Растэ-Дэвлэстэ Лэскиро помакхибнаскиро!” ⁷ Нэ Рай Дэвэл пхэндя Самуилоскэ: “На дыкх пэ лэскири мина и пэ лэскиро барипэн; Мэ на прилыём лэс; Мэ дыкхáва на адýкэ, сыр дыкхéла мануш; пал-довá со мануш дыкхéла пэ муй, а Рай Дэвэл дыкхéла пэ илó.” ⁸ И кхардý Есеё Аминадавос, и подлыджыя лэс кэ Самуýло, и пхэндя Самуýло: “И кадалэс на выкэдýя Рай Дэвэл.” ⁹ И подлыджия Есеё Самас, и пхэндя Самуýло: “И кадалэс на выкэдýя Рай Дэвэл.” ¹⁰ Адýкэ подлыджия Есеё кэ Самуýло эфтá пэскирэ чхавэн, нэ Самуýло пхэндя Есеёскэ: “Никонэс далэндýр на выкэдýя Рай Дэвэл.” ¹¹ И пхэндя Самуýло Есеёскэ: “Ци сарé чхавé исын адáй?” И отпхэндя Есеё: “Исын ишчó (инкэ) тыкнэдыршо ёв ракхéла бакрэн.” И пхэндя Самуýло Есеёскэ: “Бичхáв и лэ лэс, пал-довá со амэ на бэшаса тэ хас, пака ёв на явéла адарýк.” ¹² И бичхадý Есеё, и яндлэ лэс. Ёв сыс парнэ балэнца, гожонэ якхэнца и патывалé мóса. И пхэндя Рай Дэвэл: “Уштý, помакх лэс, пал-довá со дава ёв исын.” ¹³ И лыя Самуýло шынг (рóго) елеёса, и помакхцý лэс машкёр лэскирэ пшалэндэ и сыс Рáскирэ-Дэвлэскиро Дýхо пэ

Давидостэ долэ дывэсэстыр и коригэдёр (позжэ); Самуило уштыя и гия дрэ Рама. ¹⁴ А Саулостыр отгия Раскирэ-Дэвлэскиро Духо, и холякирдя лэс холямó духо Дэвлэстыр. ¹⁵ И пхэндлэ Саулóскирэ дынарья лэскэ: “Гáда, холямó духо Дэвлэстыр холякирэла тут; ¹⁶ мэк амарó хулай тэ припхэнэл пэскирэ дынарьэнгэ, савó ангил тутэ, тэ родэн манушэс, савó миштэс башавэла пэ гусли, и кели явэла пэ тутэ холямó духо Растыр-Дэвлэстыр, тэды ёв, башави пэскирэ вастэса, явэла тэ штылякирэл тут.” ¹⁷ И отпхэндя Сауло пэскирэ дынарьэнгэ: “Латхэн мангэ манушэс, савó шукáр башавэла, и янэн лэс кэ мэ.” ¹⁸ Тэды екх лэскирэ дынарьэндёр (слугэндёр) пхэндя: “Гáда, мэ дыкхцём Вифлеемляниноскирэ чхавэстэ Есеестэ, савó джинэла тэ башавэл, манушэс муршканэс и марибнытконэс, и дро ракирибэн годьварэс, и куч кокорó пэса, и лэса исын Рай Дэвэл. ¹⁹ И бичхадя Сауло манушэн кэ Есее, и пхэндя: “Бичхав кэ мэ Давидос, тырэ чхавэс, савó исын пашыл стада.” ²⁰ И лыя Есее ослос марэса, и гонó мол, и екхэс бузнорэс, и бичхадя Давидоса пэскирэ чхавэса кэ Сауло. ²¹ И явдя Давидо кэ Сауло, и дынариндя ангил лэстэ, и древán яця пир илó лэскэ, и яця лэскэ мануш, савó лыджала мардытко. ²² И бичхадя Сауло тэ пхэнэн Есеескэ: “Мэк Давидо тэ дынаринэл пашыл мэндэ, пал-довá со ёв латхя ласка дро мирэ якхá. ²³ И кели духо Дэвлэстыр сыс пэ Саулостэ, тэды Давидо, лэла гусли, башадя, и локхэдёр и фэдёр ячэлас Саулóскэ, и холямó духо отджалас лэстыр.

Шэрó 17

¹ Филистимляни скэдынэ пэскирэ халадэн ваш марибэн, и скэдынэпэ дро Сокхофо, со исын дрэ Юдэя, и тэрдинэ станóса (лодэса) машкёр Сокхофо и Азеко дро Ефес-Дамима. ² А Сауло и Израильтяни скэдынэпэ и тэрдинэ станóса (лодэса) пэ дэмбитко дóло, и скэдынэпэ кэ марибэн проти Филистимляндэ. ³ И тэрдинэ Филистимляни пэ бэрга екхэ ригатыр, и Израильтяни пэ бэрга явирэ ригатыр, а машкёр лэндэ сыс дóло. ⁴ И выгия станостыр Филистимсконэстыр марибнытко пэ екх, пир лав Голиафо, Гефатыр; барипнаса ёв сыс шов куня (локти) и пяди. ⁵ Харкуно (мédно) шлёмó пэ пэскиро шэрó; и уридо ёв сыс дро чэшуитко бронь, и лэскирэ-бронякири вага пандж тысёнцы шэкэли харкóма; ⁶ харкунé наколенники пэ лэскирэ гэрá, и харкуно шчыто пал лэскирэ псикэ; ⁷ и древко дро лэскирэ чхурдыпнытко буст сыс дро шовшэлá шэкели састыр, и ангил лэстэ гия мануш, савó лыджалас мардытко. ⁸ И тэрдия ёв, и дыя гóдла кэ Израилэскирэ полки, ракири лонгэ: “Сóскэ тумэ выгинэ тэ марэнпэ? Ци на Филистимлянино мэ сом, а тумэ Саулóскирэ дынарья? Выкэдэн пэстэ манушэс, и мэк ёв тэ джал кэ мэ; ⁹ кóли ёв могоинэла тэ марэлпэ мánца и замарэла ман, тэды амэ явáса тумарэ дынарьэнца; кóли мэ лэс пиризорякирава и лэс замарава, тэды тумэ явэна амарэ дынарьэнца и явэна тэ дынаринэн амэнгэ.” ¹⁰ И пхэндя Филистимлянино: “Ададывэс мэ ладжакирава Израилэскирэ полки; дэн мангэ манушэс, и амэ марасапэ дуйджинэ.” ¹¹ И шундлэ Сауло и сарэ Израильтяни далэ Филистимляниноскирэ лавá, и древán страхáдынэ, и трашандынэ. ¹² Давидо сыс чхавó Ефрафяниноскиро Юдáскирэ Вифлеемостыр, пир лав Есее, савэстэ сыс охтó (бидуэнгиро дэш) чхавэ. Давá мануш дро Саулóскирэ дывэсá додживдя кэ пхурипэн и сыс пхурыдыр машкёр муршэндэ. ¹³ Трин пхурэдёр чхавэ Есеескирэ гинэ Саулоса пэ марибэн, акэ, лавá тринэ-лэскирэ чхавэнгирэ, савэ гинэ пэ марибэн: пхурэдёр Елиаво, явёр пал лэстэ Аминадаво, и трýто Сама; ¹⁴ Давидо сыс тыкнэдёр. Трин пхурэдёр пшала гинэ Саулоса, ¹⁵ а Давидо рисия Саулостыр, соб тэ раххэл бакрэн пэскирэ дадэскирэн дро Вифлеёмó. ¹⁶ И выджалас довá Филистимлянино пэ злóко (ранкоса) и бэльвэлé, и ладжакирэлас лэн штардэшá дывэсá. ¹⁷ И пхэндя Есее Давидóскэ, пэскирэ чхавэскэ: “Лэ ваш пэскирэ пшалэндэ ефа шутькирдэ зýрки (зярны) и далэ дэш марэ, и залыджа сыгнэдёр дро стáно (лод) кэ тырэ пшала; ¹⁸ а далэ дэш кирала (сыры) залыджа тысёнцэнгирэ барыдырэскэ, и уджин пал тырэ пшалэнгиро састыпэн, и уджин пал лэнгирэ трэбимы.” ¹⁹ Сауло и ёнэ сарэ, и сарэ Израильтяни сыс пэ дэмбитко дóло, и скэдэнаспэ пэ марибэн Филистимлянэнца. ²⁰ И уштыя Давидо тасярлэс (рánэс) пэ злóко (ранкоса) и допатындя бакрэн раххибнаriskэ, и, лыя ноша, гия, сыр припхэндя лэскэ Есее, и явдя кэ табороскиро багажо (обозо), кели халадэ

сыс вылыджинэ дро рядо и годласа скэдэнаспэ пэ марибэн. ²¹ И чхудэ Израильтяни и Филистимляни халадэн дрэ линии проти линии. ²² Давидо ячкирдя пэскири ноша табороскирэ раххибнарискэ, и прастандыя дро ряды, и, яви, пхуцяпэ пэскирэ пшалэндыр пал састыпэн. ²³ И гада, кэли ёв ракирдя лэнца, марибнѣтко пэ екх, пир лав Голиафо, Филистимлянино Гефатыр, выджалас Филистимиякирэ рядэндыр, и ракирэла долэ лавá, и Давидо шундя лэн. ²⁴ И сарэ Израильтяни, дыкхѣ далэ манушэс, нашэнас лэстыр и древáн дардэпэ. ²⁵ И ракирдэ Израильтяни: “Ци дыкхэна тумэ далэ манушэс, саво выджалас тэ ладжакирэл? Ёв выджала, соб (кай) тэ салпэ дро якхá Израилѣстыр. Кóли бы кон лэс тэ замарэл, одолэскэ крáли дэлас барó барвалыпэн, и пэскирѣя чха отдэлас бы пал лэстэ, и лэскирэ дадэскиро кхэр кэрэла бы вольнонэса (псирэса) дро Израилѣ.” ²⁶ И пхэндя Давидо манушэнгэ, савэ сыс тэрдэ лэса: “Со кэрэна одолэскэ, кон мулякирэла далэс Филистимлянинос и злэла ладж Израилѣстыр? Палдава со кон исын адава наобчхиндло Филистимлянино, со адякэ ёв ладжакирэл джидэ Дэвлэскирэ халадэн?” ²⁷ И пхэндлэ лэскэ манушá долэ-паць лавá, ракирѣ: “Гáда, со явэла кэрдó долэ манушэскэ, саво замарэла лэс.” ²⁸ И шундя Елиаво, пхурэдыр Давидоскиро пшал, со ракирдя ёв манушэнца, и холясыя Елиаво пэ Давидостэ, и пхэндя: “Сóскэ ту адарѣк явдѣн, и пэ конэстэ ячкирдѣн бутэн долэн бакрэн пэ чхучѣ пхув? Мэ джинóm тырó пхутькирибэн и тырó дылыно́ ило́, ту явдѣн тэ подыкхэс пэ марибэн.” ²⁹ И пхэндя Давидо: “Со да мэ кэрдём? Ци исын дава́ на лавá?” ³⁰ И отгѣя лэстыр кэ явѣр, и ракирдя долэ-паць лавá, и отпхэндлэ лэскэ манушá, сыр англэдыр. ³¹ И шундлэ лавá, савэ ракирдя Давидо, и пирипхэндлэ Саулоскэ, и одовá кхардѣ лэс. ³² И пхэндя Давидо Саулоскэ: “Мэк никон тэ на пэрэл духóса пал лэстэ; тырó писхáри джáла и марэлапэ пэ екх далэ Филистимляниноса.” ³³ И пхэндя Сáуло Давидоскэ: “На мого́нэса ту тэ джас проти адалэ Филистимляниностэ, соб (кай) тэ марэспэ лэса пэ екх, пал-довá со ту ишчо (инкэ) тэрно́ мануш, а ёв исын марибнѣтко тэрнал.” ³⁴ И пхэндя Давидо Саулоскэ: “Тырó писхáри раххѣя пэскирэ дадэстэ бакрэн, и кэли, сыс, явэлас шчэр (лэво) ци рич и чордѣ бакрѣ стадатыр, ³⁵ то тэды мэ традыёмпэ пал лэстэ, и пэравас пэ лэстэ, и отлавас бакрѣ лэскирэ мóстыр; а кóли ёв чхурдэласпэ пэ мáндэ, тэды мэ лавас лэс пал космы, и мардём лэс, и мулякиравас лэс; ³⁶ и шчэрэс (левос) и ричэс замарэлас тырó писхáри, и адалэ Филистимляниноса наобчхиндлэса явэла дова́-паць, со сыс лэнца, палдава со адякэ ёв ладжакирэла джидэ Дэвлэскирэ халадэн ³⁷ И пхэндя Давидо: “Рай Дэвэл, Саво зраххѣя ман шчэрэстыр (левостыр) и ричэстыр, зраххэла ман и адалэ Филистимляниноскирэ вастэстыр.” И пхэндя Сáуло Давидоскэ: “Джá, и мэк тэ явэл Рай Дэвэл туса.” ³⁸ И уриды Сáуло Давидос дро пэскирэ ѣди, и чхудя пэ лэскиро шэрó харкуно шлемо, и уриды пэ лэстэ бронь. ³⁹ И подпхандяпэ Давидо лэскирэ курталáса упрáл ѣдя и лыя́ тэ псирэл, пал-довá со ёв на сыс присылёви кэ дасаво марды́тко, тэньчи (потом) Давидо пхэндя Саулоскэ: “Мэ на мого́нава тэ псирав дро дава́: мэ на присыклым.” И злыя́ Давидо сарó дава́ пэстыр. ⁴⁰ И лыя́ пэскиро посохо (кхия) дро пэскиро васт, и выкэдыя́ пэскэ пандж гладка барá рэкицатыр (лэнорьятыр), и чхудя лэн дро чхупнаритко саква, савѣ сыс лэса; и сакваса и прашчаса дро пэскиро васт выгѣя́ проти Филистимлянэндэ. ⁴¹ Выгѣя́ и Филистимлянино, гѣи и подгѣи кэ Давидо, и мануш, саво лыджыя марды́тко, гѣя́ ангѣл лэстэ. ⁴² И дыкхѣяпэ Филистимлянино, и роздыкхѣя́ Давидос, бипатывакирэс подыкхѣя́ пэ лэстэ, палдава со ёв сыс тэрно́, парнó-балэнги́ро и шука́р мóса. ⁴³ И пхэндя Филистимлянино Давидоскэ: “Со ту джáса пэ мáндэ дэстэса? Нау́што мэ сом джукэл? И прокостѣ́ Филистимлянино Давидос пэскирэ дэвлорэнца.” ⁴⁴ И пхэндя Филистимлянино Давидоскэ: “Подджа́ кэ мэ, и мэ отдáва тырэ масá болыбна́скирэ чирикленгэ и фэлды́тконэ rischiрибна́скирэ мурдалэнгэ (зверэнгэ).” ⁴⁵ А Давидо отпхэндя́ Филистимляниноскэ: “Ту джáса проти мáндэ курталáса и чхурдыпны́тконэ бустѣса и шчы́тоса, а мэ джáва пэ тóтэ дро Рáскирэ-Дэвлэскиро лав, болыбна́скирэ-янголэнгирэс, Израилѣскирэ-Дэвлэскирэ халадэнгирó, савэн ту костѣн; ⁴⁶ каканá отдэла тут Рай Дэвэл дро миро васт, и мэ замарава тут, и злава тóтыр тырó шэрó, и отдáва Филистимсконэ-халадэнгирэ́ трóпы болыбна́скирэ чирикленгэ и пхувѣя́кирэ зверенгэ, и уджинэла сарѣ́ пхув, со исын Дэвэл дро Израилѣ; ⁴⁷ и уджинэла сарó дава́ халадыбэн, со на курталáса и чхурдыпны́тконэ бустѣса зраххэла Рай Дэвэл, пал-довá со дава́

марибэн Рáскирэ-Дэвлэскиро, и Ёв отдэла тумэн дро амарэ вастá.”⁴⁸ Кéли Филистимлянино газдыпэ и лыя тэ подджáл гил (пэ стреч) Давидóскэ, Давíдо сы́гэс прастáндья кэ рядо гил Филистимляниноскэ.⁴⁹ И обмэкця Давíдо пэскиро васт дро саква (сумка), и лыя одотхýр бар, и чхурдыя прашчаса, и попяя Филистимляниноскэ дро чыкат, адякэ, со бар упияпэ дро лэскиро чыкат, и ёв пыя пэ пхув мóса.⁵⁰ Адякэ пиризорьякирдя Давíдо Филистимлянинос прашчаса и барэса, и домардя Филистимлянинос и замардя лэс; куртáла на сыс дро Давидóскирэ вастá.⁵¹ Тэды Давíдо прастáндья и, тэрдия пэ Филистимляниностэ, лыя лэскири куртáла и вылыя ла ножнатыр, пэкадя лэс, и отчхингирдя лэса шэрó лэскиро; Филистимляни, дыкхý, со лэнгиро зоралюко мыя, попрастандынэ⁵² И газдынэпэ Израилёскирэ и Юдэякирэ муршá, и задынэ гóдла, и традынэ Филистимлянэн кэ загиибэн дро дóло и кэ Акароноскирэ вударá. И пынэ домардэ Филистимляни пир Шааримоскиро дром кэ Гефа и кэ Акароно.⁵³ И рисинэ Израилёскирэ чхавé традыпнастыр пал Филистимлянэндэ, и росчордэ лэнгиро стáно.⁵⁴ И лыя Давíдо Филистимляниноскиро шэрó, и отлыджыя лэс дро Ерусалимо, а лэскиро мардытко чхудя дрэ пэскири шáтра.⁵⁵ Кéли Сáуло дыкхцý Давидóс, выгии проти Филистимлянинэндэ, тэды пхэндý Авенироскэ, халадэнгирэ барыдырэскэ: “Авенíро! Конэскиро исын адава́ чхавó, тэрнó ману́ш?” Авенíро пхэндý: “Мэк тэ дживéл тырó ди, крáли; мэ на джинóм.”⁵⁶ И пхэндý крáли: “Адякэ пхуч, конэскиро чхавó исын адава́ тэрнó ману́ш?”⁵⁷ Кéли Давíдо рисия, сыр ёв домардя Филистимлянинос, то тэды Авенíро лыя лэс и яндý кэ Сáуло, и Филистимляниноскиро шэрó сыс дро лэскиро васт.⁵⁸ И пхуцý лэс Сáуло: “Конэскиро ту сан чхавó, тэрнó ману́ш?” И отпхэндý Давíдо: “Есеёскиро Вифлеемостыр, тырэ писхарискиро чхавó.”

Шэрó 18

¹ Кéли мэкцý Давíдо тэ ракирэл Саулоса, то Ионафаноскиро ди прияця кэ лэскиро ди, и Давíдо яцý дрóго Ионафаноскэ, сыр пэскиро ди.² И лыя лэс Сáуло дро дова́ дывэс, и на дыя во́ля (дозволиндя) лэскэ тэ рисёл дро лэскирэ-дадэскиро кхэр.³ Ионафáно кэрдý Давидоса доракирибэн, пал-дова́ со выкэдыя пэскэ лэс, сыр пэскиро ди.⁴ И злыя Иофано пэскири упратуны идя, сави сыс пэ лэстэ, и отдыя ла Давидóскэ, адякэ-паць и явёр пэскирэ ýди, и пэскири куртáла и пэскири чхурдыпнытко буст (коп’ё) и пэскири кустýк.⁵ И Давíдо кэрдý сарó годьварэс, карик на бичхадý лэс Сáуло, и кэрдý лэс Сáуло барыдырэса пэ халадытконэ манушэндэ; и дава́ сыс пир илó сарэ манушэнгэ и Саулóскирэ дынарьёнгэ.⁶ Кéли ёнэ гинэ, сыр рисия Давíдо домардя Филистимлянинэн, то тэды джувлý сарэ Израилёскирэ форьёндыр выгинé гил Саулóскэ крaли́скэ гиленца и кхэлыбнаса, тимпанэнца и кимвалэнца.⁷ И дынэ гóдла джувлý, савэ башадэ, ракирý: “Сáуло пиризорьякирдя тысёнцы, а Давíдо дэш тысёнцы!”⁸ И Сáуло дрéвaн холясыя, и на пир илó сыс лэскэ дава́ лав, и ёв пхэндý: “Давидóскэ дынэ дэш тысёнцы, а мaнгэ тысёнцы; лэскэ какaнa наухтылла екх (фэни) крaлипэн.”⁹ И долé дывэсэстыр, и тэньчи (потом) наилыткэс (бангэс) дыкхцý Сáуло пэ Давидóстэ.¹⁰ И сыс пэ явёр дывэс: пыя холямо́ дýхо Дэвлэстыр пэ Саулостэ, и ёв бэнгвалыя дро пэскиро кхэр, а Давíдо башадя пэскирэ вастэса пэ струны, сыр и дро явёр дывэсá; дрэ васт Саулостэ сыс чхурдыпнытко буст (коп’ё).¹¹ И чхурдыя Сáуло чхурдыбнытко буст, думины: “Примарава Давидóс кэ вaнтa лáса”; нэ Давíдо дуй мóлы отрисия лэстыр.¹² И яцý тэ дарэл Сáуло Давидостыр, пал-дова́ со Рай Дэвэл сыс лэса, а Саулостыр отгия.¹³ И отбичхадя лэс Сáуло пэстыр и чхудя лэс пэстэ барыдырэса пэ тысёнцо, и ёв выджáлас и заджалас aнгýл манушэндэ.¹⁴ И Давíдо дрэ сарэ пэскирэ рэнды кэрдý годьварэс, и Рай Дэвэл сыс лэса.¹⁵ И Сáуло дыкхцý, со ёв сыс дрéвaн годьварó, и дарандыя лэстыр.¹⁶ А сарó Израилё и Юда рикирдэ дро илó Давидóс, пал-дова́ со ёв выджáлас и заджалас aнгýл лэндэ.¹⁷ И пхэндý Сáуло Давидóскэ: “Гáда исын пхурэдýр мирí чхай, Мерова; мэ дава́ ла тýкэ пал ромнýтэ, екх, яв мaндэ муршканó и лы́джа Рáскирэ-Дэвлэскирэ марибэна.” Пал-дова́ со Сáуло думиндя: “Мэк тэ на явэл миро васт пэ лэстэ, нэ Филистимлянэнгиро явэла пэ лэстэ.”¹⁸ Нэ Давíдо пхэндý Саулóскэ: “Кон мэ сом, и со исын джиибэн миро, и мирé дадэскиро рóдо дро Израилё, соб (кай) мaнгэ тэ явав крaли́скирэ зятёса (джамутрэса)?”¹⁹ А кéли яцý

часо тэ отдэл Мерово, Саулоскирэ чха, Давидоскэ, тэды ёй сыс выдыны палором пал Адриэлоств Мехолатыр. ²⁰ Нэ Давидос покамдя явир чхай Саулоскири, Мелхола ^[1]; и кели пхэндлэ пал дава Саулоскэ, тэды дава сыс пир ило лэскэ. ²¹ Сауло думиндя: “Отдава мэ ла пал лэств, и ёй явэла лэскэ феяса (сеткаса), и Филистимляниноскиро васт явэла пэ лэств.” И пхэндя Сауло Давидоскэ: “Пир явирьятэ ту явэса сэмэнцаса каканá мánца.” ²² И припхэндя Сауло пэскирэ дынарьёнгэ: “Пхэнэн Давидоскэ чораханэс: ‘Гáда, крáli шукáр отлыджалапэ кэ ту, и сарэ лэскирэ дынарьёнгэ ту сан пир ило; и адякэ яв зятёса (джамутрэса) кралискэ.’” ²³ И пиридынэ Саулоскирэ дынарья дро канá Давидоскэ сарэ далэ лавá. И пхэндя Давидо: “Наушто локхо тумэнгэ здэлапэ тэ явэс кралискэ зятёса? Мэ сом мануш чорорó и на славúтно.” ²⁴ И роспхэндлэ Саулоскэ лэскирэ дынарья, и пхэндлэ: “Гáда, со ракирэла Давидо.” ²⁵ И пхэндя Сауло: “Адякэ пхэнэн Давидоскэ: ‘Крáli на камэла вено (пасаго), апрíч шэл Филистимлянэнгирэ обчихиыбэна, соб (кай) тэ отхал кралискирэ вэргэнгэ (врогэнгэ).’” Пал-довá со Сауло маиндя дро годý тэ хасякирэл Давидос Филистимлянинэнгирэ вастэнца. ²⁶ И припхэндлэ лэскирэ дынарья Давидоскэ далэ лавá, и закамдяпэ Давидоскэ тэ явэл зятёса (джамутрэса) кралискэ. ²⁷ Ишчо на прогинэ упхэндлэ дывэсá, сыр Давидо уштыя и гия кокорó и лэскирэ манушá лэса, и замардя дуйшэлá Филистимлянэнгирэ манушэн, и яндя Давидо лэнгирэ ягороскирэ обчихиыбэна, и яндя лэн сарэ кралискэ, соб (кай) тэ явэл зятёса (джамутрэса) кралискэ. И отдыя Сауло пал лэств Мелхола, пэскирья чха, палором. ²⁸ И дыкхця Сауло и уджиндя, со Рай Дэвэл сыс Давидоса, и со Мелхола, Саулоскири чхай, камдя Давидос. ²⁹ И яця Сауло ишчо (инкэ) бутыр тэ дарэлпэ Давидостыр, и кэрдяпэ лэскирэ вэргоса пэ сарó джибэн. ³⁰ И кели Филистимлянинэнтиро шэралэ выгинэ пэ марибэн, о Давидо, кокорé лэнгирэ выгибнастыр, кэрдя годьварэдыр сарэ Саулоскирэ дынарьёндыр (слугэндыр), и древáн яця славúтно лэскиро лав.

18:20 ^[1] Давá лав исын Юдыткэс “Мэрав”

Шэрó 19

¹ И ракирдя Сауло Ионафаноскэ, пэскирэ чхавэскэ, и сарэ пэскирэ дынарьёнгэ, соб (кай) тэ мулякирэн Давидос; нэ Ионафанó, Саулоскиро чхавó, сыкадя патыв Давидоскэ. ² И роспхэндя Ионафанó Давидоскэ, ракири: “Дад миро, Сауло, родэла тут тэ мулякирэл; и адякэ рахпэ атася; гарадёв и яв дро гарадыпнытко штóто. ³ А мэ выджава и тэрдёвава пашыл мирé дадóств пэ фэлда, кай ту явэса, и поракирава пал тýtэ мирé дадóскэ, и со мэ дыкхáва, то дова роспхэнава тýкэ.” ⁴ И ракирдя Ионафанó лачхипэн пал Давидостэ Саулоскэ, пэскирэ дадэскэ, и роспхэндя лэскэ: “Мэк на кэрэл грéхо крáli проти пэскирэ дынаристэ, Давидостэ, пал-довá со ёв нисоса на кэрдя грéхо проти тýtэ, и лэскирэ рэндý сыс древáн лачхэ (кофитка) ваш тýкэ; ⁵ ёв отдыя пэ риско пэскиро ди, соб (кай) тэ домарэл Филистимлянинос, и Рай Дэвэл кэрдя барó зракхибэн сарэ Израилёскэ; ту дыкхцян дава и радындяпэ; ваш со ту камэса тэ кэрэс грéхо проти бибангипнаскиро рат и тэ мулякирэс Давидос би причынакиро?” ⁶ И шундя Сауло Ионафаноскири зан (глос), и совлахадя Сауло: “Тэ явэл джидó Рай Дэвэл, а Давидо на мэрэла.” ⁷ И кхардя Ионафанó Давидос, и роспхэндя лэскэ Ионафанó сарэ далэ лавá, и яндя Ионафанó Давидос кэ Сауло, и ёв сыс пашыл лэств, сыр тася и пэ трíто дывэс. ⁸ Нэвэстыр яця марибэн, и выгия Давидо, и мардяпэ Филистимлянэнца, и домардя лэн зоралэс, и ёнэ нашенэ лэстыр. ⁹ И холямо дýхо Дэвлэстыр пыя пэ Саулостэ, и ёв сыс бэштó дро пэскиро кхэр, и лэскири чхурдыпнытко буст (коп’ё) сыс дро лэскиро васт, а Давидо башадя пэскирэ вастэса пэ струны. ¹⁰ И камдя Сауло тэ примарэл Давидос чхурдыпнытконэ бустяса кэ ванта, нэ Давидо отухця Саулостыр, и буст загия дро ванта; Давидо настя и зракхцяпэ дро доя рат. ¹¹ И бичхадя Сауло дынарьён кэ Давидо дро кхэр, соб тэ раххэн лэс кэ злóко (рáнко). И пхэндя Давидоскэ Мелхола, лэскири ромны: “Кóли ту на зракхэса тырó ди дро дая рат, тэды атася явэса замардо.” ¹² И змэкця

Мелхола Давидос фэнштратор, и ёв гия, и настя и зракхцяпэ. ¹³ Мелхола лыя статула и чхуя пэ чхуибэн, а дро лакиро шэро бузнякири цыпа и учхакирдя идяса. ¹⁴ И бичхадя Сауло дынарьён, соб (кай) тэ лэн Давидос; нэ Мелхола пхэндя: “Ёв исын насвалó.” ¹⁵ И бичхадя Сауло дынарьён, соб тэ обдыкхэн Давидос, ракири: “Янэн лэс кэ мэ пэ чхуибэн, соб тэ марав лэс.” ¹⁶ И явнэ дынарья, и гада, пэ чхуибэн статула, а дро лакиро шэро бузнякири цыпа. ¹⁷ Тэды Сауло пхэндя Мелхолакэ: “Ваш со ту адякэ хохадян ман, и отмэкиян мирэ вэргос (врогос), соб (кай) ёв тэ нашёл?” И пхэндя Мелхола Саулоскэ: “Ёв пхэндя мангэ: отмэк ман, пэ явир (явирчанэс) мэ домарава тут.” ¹⁸ И настя Давидо, и зракхцяпэ, и явдя кэ Самуило дро Рама, и роспхэндя лэскэ саро, со кэрдя лэса Сауло. И гия ёв Самуилоса, и тэрдинэ ёнэ дро Навафо. ¹⁹ И роспхэндлэ Саулоскэ, ракири: “Гада, Давидо исын дро Навафо, дро Рама. ²⁰ И бичхадя Сауло дынарьён тэ лэн Давидос, и кэли ёнэ дыкхнэ сонмо пророкэн, савэ ангилпхэнэнас и Самуилос, саво сыс барыдыр пэ лэндэ, тэды Дэвлэскиро Духо згия пэ Саулоскирэ дынарьэндэ, и ёнэ лынэ тэ ангилпхэнэн. ²¹ Роспхэндлэ пал дова Саулоскэ, и ёв бичхадя явирэн дынарьён, нэ и адалэ лынэ тэ ангилпхэнэн. Палó (после) дова бичхадя Сауло тритонэн дынарьён, и адалэ лынэ тэ ангилпхэнэн. ²² Сауло кокорó гия дрэ Рама, и догия кэ бари ганынгори, со исын дрэ Сефа, и пхуця, ракири: “Кай исын Самуило и Давидо?” И пхэндлэ: “Гада, дро Навафо, дрэ Рама.” ²³ И гия ёв одорик дро Навафо дрэ Рама, и пэ лэстэ згия Дэвлэскиро Духо, и ёв гия и ангилпхэндя, пака явдя дро Навафо дрэ Рама. ²⁴ И злыя и ёв пэскирэ йди, и ангилпхэндя ангил Самуилостэ, и саро дова дывэс и сари доя рат пасия уридо; палдава и ракирэна: “Наушто и Сауло исын машкир пророкэндэ?”

Шэро 20

¹ Давидо настя Навафостыр дрэ Рама, и явдя, и пхэндя Ионафаноскэ: “Со кэрдём мэ, дро со исын миро начачипэн, соса кэрдём грэхó мэ ангил тырэ дадэстэ, со ёв родэла миро ди (джибэн)?” ² И пхэндя лэскэ Ионафано: “Над, ту на мэрэса; гада, дад миро на кэрэла ни барó, ни тыкнó рэндо, на отчхакири мирэ канэнгэ; ваш со трэй мирэ дадэскэ тэ чхакирэл мандыр дава рэндо? Давá на явэла.” ³ Давидо совлахадя и ракирдя: “Тыро дад мишто джинула, со мэ латхём ласка дро тырэ якха, и палдава ракирэла кокорó дро пэстэ: ‘Мэк тэ на джинул пал дова Ионафано, соб (кай) ёв тэ на холясол, нэ тэ явёл джидó Рай Дэвэл и ди тыро джидó!’ Екх шаго (штавин) исын машкир мандэ и мэрибэн.” ⁴ И пхэндя Ионафано Давидоскэ: “Со камэла тыро ди, мэ кэрава ваш тукэ.” ⁵ И пхэндя Давидо Ионафаноскэ: “Гада атася явэла нэво чхон и трэй мангэ тэ бэшав кралиса пал скаминд; нэ отмэк ман, и мэ гарадэвава пэ фэлда кэ бэльвэль пэ трито дывэс. ⁶ Кóли тыро дад пхучэлапэ пал мандэ, ту пхэн: ‘Давидо вымангдяпэ тэ псирэл дро пэскиро фóро Вифлеемо; пал-дова со одой исын бэршытко свэнто яныбэн Дэвлэскэ сарэ лэскирэ родостыр.’ ⁷ Кóли пэ дава ёв пхэнэла: ‘Шукáр,’ тэды явэла раманё тырэ дынарыскэ; а кóли ёв холясóла, тэды джин, со холямо рэндо пэ годы лэстэ. ⁸ Ту сыкав тангипэн тырэ дынарыскэ, пал-дова со ту прилыян тырэ дынарыс дро Рáскирэ-Дэвлэскиро завето туса; и кóли сыс сави банг пэ мандэ, тэды ту мулякир ман; сóскэ тукэ тэ лыджас ман кэ тыро дад?” ⁹ И пхэндя Ионафано: “Ни сыр на явэла дава туса; палдава со, кóли мэ чачунэс уджинава, со мирэ дадэстэ скэдыно дро годы холямо рэндо тэ кэрэлпэ тутэ, тэды наушто мэ на пхэнава тукэ пал дава?” ¹⁰ И пхэндя Давидо Ионафаноскэ: “Кон пхэнэла мангэ, кóли тыро дад отпхэнэла тукэ пхарэс?” ¹¹ И пхэндя Ионафано Давидоскэ: “Джа, джаса дро фэлда.” И выгинэ дуйджинэ ёнэ пэ фэлда. ¹² И пхэндя Ионафано Давидоскэ: “Тэ явёл джидó Рай Дэвэл, Дэвэл Израилэскиро! Мэ атася пашыл дава часо, ци палó (после) атася выпхучава мирэ дадэстыр; и кóли ёв исын лачхó кэ Давидо, и мэ тэды на бичхавáва кэ ту и на отчхакирава ангил тырэ канá, ¹³ мэк дова и дова тэ кэрэл Рай Дэвэл Ионафаноса и ишчо (инкэ) бутыр кэрэла. Кóли миро дад скэдэлапэ тэ кэрэл тукэ холы, и мэ отчхакирава дава дро тырэ канá, и мэ отмэкава тут, и тэды джа раманёса (мироса): и мэк тэ явёл Рай Дэвэл туса, сыр тэ явёл мирэ дадэса! ¹⁴ Нэ и ту, кóли мэ явава джидó, кэр мангэ Рáскирэ-Дэвлэскиро тангипэн. ¹⁵ А кóли мэ мэрава, то тэды на отлэ тангипэн тыро мирэ кхэрэстыр дро веки, адякэ-паць и тэды, кэли Рай Дэвэл протрадэла

пхувьякирэ мостыр сарэ Давидоскирэ вэргэн (врогэн).”¹⁶ Адыкэ кэрдя Ионафано завето Давидоскирэ кхэрэса и пхэндя: “Мэк тэ Рай Дэвэл Давидоскирэ вэргэндыр!”¹⁷ И нэвэс Ионафано совлахадя Давидоскэ пэскирэ илэса кэ ёв, пал-довá со сыс дро́го лэскэ, сыр пэскиро ди.¹⁸ И пхэндя лэскэ Ионафано: “Атася явэла нэво́ чхон и пал тутэ спхучэна, пал-довá со тыро́ штэ́то явэла на залыно; ¹⁹ палдава́ пэ трй́то дывэс ту джа́, и сыгнэдыр джа́ пэ дова́ штэ́то, кай гарадыян ту англэдыр, и бэш пашыл бар Азелё; ²⁰ а мэ дро доя́ риг мэкава трин марибны́тка бустя́ (стрэ́лы), сыр бы тэ дав карьё́ дро цэ́лэ (метка) ²¹ тэ́ньчи (потом) мэ бичхавáва тэрнэ́-бэршэнгирэс (отро́кос), раки́ри: ‘Джа́, латх бустя́,’ и ко́ли мэ пхэна́ва тэрнэ́ манушэ́скэ: ‘Га́да, бустя́ палáл пал тутэ́, лэ лэн, то тэды́ ту яв кэ́ мэ,’ палдава́ со рама́нэ (миро) тукэ́, и, тэ явэл джидо́ Рай Дэвэл, ничы́ тукэ́ на явэла; ²² ко́ли адыкэ́ пхэна́ва тэрнэ́-бэршэнгирэ́скэ: ‘Га́да, бустя́ исын ангил тутэ́,’ тэды́ ту джа́ криг, пал-довá со отмэ́кэла тут Рай Дэвэл; ²³ а долэ́скэ, со амэ́ ракирдям, мэ и ту, исын якхитко́ Рай Дэвэл машки́р ма́ндэ и тутэ́ дро ве́ко.” ²⁴ И гарадыя́ Давидо́ пэ фэ́лда. И яця́ нэво́ чхон, и бэ́стя крэ́ли тэ хал. ²⁵ Крэ́ли бэ́стя пэ пэскиро́ штэ́то, пир манера́ (обычаё́), пэ зэдлэ́ пашыл ва́нта, и Ионафано́ уштыя́, и Авени́ро бэ́стя пашыл Саулостэ́; штэ́то Давидоскиро́ яця́пэ во́льно (пси́ро). ²⁶ И на пхэндя́ Са́уло дро дова́ дывэ́с ничы́, пал-довá со ёв подуминдя́, со дава́ исын ваканцыя́ (случаё́), со Давидо́ исын нажу́жо, на вы́жужакирдя́пэ. ²⁷ И яця́ и яви́р дывэ́с дро нэво́ чхон, а Давидоскиро́ штэ́то яця́пэ во́льно (пси́ро). Тэды́ пхэндя́ Са́уло пэскирэ́ чхавэ́скэ Ионафаноскэ́: “Со́скэ Есеёскиро́ чхаво́ на явдя́ пэ обя́до ни тася́, ни ада́дывэ́с?” ²⁸ И отпхэндя́ Ионафано́ Саулоскэ́: “Давидо́ вымангдя́пэ ма́ндыр дро Вифле́емо; ²⁹ ёв ракирдя́: ‘Отмэ́к ман, пал-довá со амэ́ндэ дро фо́ро исын сэ́мэнцакиро́ свэ́нто яныбо́н Ра́скэ-Дэвлэ́скэ, и миро́ пшал кхардя́ ман; и адыкэ́, ко́ли мэ латхём ла́ска дро тыро́ якха́, джа́ва мэ и дыкхавапэ́ пэскирэ́ пшалэ́нца;’ палдава́ ёв и на явдя́ кэ обя́до кра́лискиро́.” ³⁰ Тэды́ зоралэ́с холя́сыя Са́уло пэ Ионафаностэ́, и пхэндя́ лэскэ́: “Чхаво́ на́лачхо и на́кандуно сан ту! Нау́што мэ на джино́м, со ту змалынды́нпэ (здружынды́нпэ) Есеёскирэ́ чхавэ́са пэ ладж пэ́скэ и пэ ладж да́кэ тырья́кэ? ³¹ палдава́ со дро сарэ́ дывэ́са, па́ка Есеёскиро́ чхаво́ явэла́ тэ дживэ́л пэ пхув, на утэ́рдэ́са ни ту, ни тыро́ кра́липэ́н; ка́канá бичхав́ и ян лэ́с кэ́ мэ, пал-довá со ёв пир судьба́ (панда) исын ба́нгэ тэ мэ́рэл.” ³² И отпхэндя́ Ионафано́ Саулоскэ́, пэскирэ́ да́дэскэ́, и пхэндя́ лэскэ́: “Пал со тэ муля́кирэс лэ́с? Со ёв кэ́рдя?” ³³ Тэды́ Са́уло чхурды́я марибны́тко буст дро лэ́стэ, соб (кай) тэ зама́рэл лэ́с. И Ионафано́ галы́я, со лэ́скиро да́д скэ́дыяпэ́ тэ зама́рэл Давидо́с. ³⁴ И уштыя́ Ионафано́ пал скаминдэ́стыр дро ба́ри холы́, и на хая́ пэ яви́р дывэ́с дро нэво́ чхон, пал-довá со пи́ридживдя́ пал Давидостэ́, и пал-довá со кэ́рдя холы́ лэ́скэ да́д лэ́скиро. ³⁵ Пэ яви́р дывэ́с пэ зло́ко (ра́нко) вы́гия́ Ионафано́ пэ фэ́лда, дро часо́, саво́ упхэндя́ Давидоскэ́, и тэрно́ ману́ш (тэрнэ́-бэршэнги́ро) лэ́са. ³⁶ И пхэндя́ ёв тэрнэ́ манушэ́скэ: “Пра́ста, ро́дэ марибны́тка бустя́ (стрэ́лы), савэ́ мэ мэка́ва.” Тэрно́ ману́ш пра́ста́ндыя, а ёв мэ́кця́ бустя́ (стрэ́лы) ады́кэ, со ё́нэ вурня́ндынэ́ дурэ́дыр тэрнэ́ манушэ́стыр. ³⁷ И пра́ста́ндыя тэрно́ ману́ш одори́к, ка́рик Ионафано́ мэ́кця́ бустя́ (стрэ́лы) и за́дыя го́дла Ионафано́ палáл пал тэрнэ́ манушэ́стэ́ и пхэндя́: “Ды́кх, буст (стрела́) пы́я ангил тутэ́.” ³⁸ И нэвэ́с ды́я го́дла Ионафано́ палáл пал тэрнэ́ манушэ́стэ́: “Сы́гнэдыр пра́ста, на тэ́рдэв.” И скэ́дыя́ Ионафаноскиро́ тэрно́ ману́ш бустя́, и явдя́ кэ пэ́скиро хула́й. ³⁹ Тэрно́ ману́ш на джидя́ ничы́; екх́ Ионафано́ и Давидо́ джидлэ́, дро со рэ́ндэ сыс. ⁴⁰ И отды́я Ионафано́ пэскиро́ марды́тко (ору́жыё) тэрнэ́ манушэ́скэ, саво́ сыс пашы́л лэ́стэ, и пхэндя́ лэ́скэ: “Джа́, отлы́джа дро фо́ро. ⁴¹ Тэрно́ ману́ш гия́, а Давидо́ газды́япэ́ паш-дывэ́сытконэ́ (ю́жнэ) рига́тыр, и пы́я пэ́скирэ мо́са пэ пхув, и трин мо́лы покलोंиндя́пэ; и ча́мудэ́ ё́нэ екх́ екхэ́с, и рондлэ́ дуйджинэ́ кхэ́танэ́, нэ́ Давидо́ рондя́ буты́р. ⁴² И пхэндя́ Ионафано́ Давидоскэ́: “Джа́ рама́нэ́са (миро́са); а дро со совлахадя́м амэ́ дуйджинэ́ Ра́скирэ́-Дэвлэ́скирэ́ лавэ́са, раки́ри: ‘Рай Дэвэл мэ́к тэ явэл машки́р ма́ндэ и машки́р тутэ́ и машки́р сэ́м’я (и́ри) ми́ри и ты́ри сэ́м’я (и́ри), тэды́ мэ́к тэ явэл пэ́ ве́ко.”” ⁴³ И уштыя́ Давидо́ и гия́, а Ионафано́ рисия́ дро фо́ро.

Шэрó 21

¹ И явдя Давíдо дрэ Номва кэ рашай Ахимелехо, и заладжандыя Ахимелехо гил Давидóстэ, и пхэндя лэскэ: “Сóскэ ту сан екхджинó, и никонэс нанэ туса?” ² И пхэндя Давíдо рашáскэ Ахимелехоскэ: “Крáли дыя мánгэ рэндо и пхэндя мánгэ, мэк никон тэ на джинэл, пал со мэ бичхадём тут и со дыём тукэ”, пал-довá со манушэн мэ ячкирдём пэ джиндлó штэто; ³ и адякэ, со исын тутэ тэл васт, дэ мánгэ, марé пандж, ци со латхэлапэ.” ⁴ И отпхэндя рашай Давидóскэ, ракирй: “Нанэ мánдэ тэл васт просто марó, а исын свэнто марó, кóли фэни (тока) тырэ манушá урикирдэпэ джувлендыр!” ⁵ И отпхэндя Давíдо рашáскэ, и пхэндя лэскэ: “Джувлén пашыл амэндэ на сыс ни тася, ни трýто дывэс, долé часостыр, сыр мэ выгийём, и сасуды тэрнэ-манушэнгирэ исын жужэ, а кóли дром исын нажужо, тэды марó ячэлапэ жужэса дрэ сасуды. ⁶ И дыя лэскэ рашай свэнто марó; пал-довá со на сыс лэстэ марó, апрýч марé, савэ сыс тэ хан сыр свэнто, савэ лынэ сыс Рáскирэ-Дэвлэскирэ мóстыр, соб (кай) пир лэнгиро лыибэн криг тэ чхувэс тато марó. ⁷ Одóй сыс екх мануш дро довá дывэс ангýл Растэ-Дэвлэстэ екх Саулóскирэ дынарьэндýр (слугэндýр), пир лав Доико, Идумеянино, Саулóскирэ раххибнарискиро барыдыр. ⁸ И пхэндя Давíдо Ахимелехоскэ: “Ци нанэ адай тутэ тэл васт чхурдыпнытко буст ци куртáла? Пал-довá со мэ на лыём пэса ни куртáла, ни явýр мардытко, адякэ сыр кралýскиро припхэныбэн сыс сыгно.” ⁹ И пхэндя рашай: “Гáда, исын куртáла Филистимляниноскирэ-Голиафоскири, савэс ту замардян пэ дэмбитко дóло, закренцындлы дрэ ýдя, палáл эфóдо; кóли камэса, лэ ла; явýр апрýч далятыр нанэ адай.” И пхэндя Давíдо: “Нанэ фэдýр лáтыр, дэ мánгэ ла.” ¹⁰ И уштыя Давíдо, и настя дро довá-паць дывэс Саулостыр, и явдя кэ Анхусо, Гефоскиро крáли. ¹¹ И пхэндлэ Анхусоскэ лэскирэ дынарья: “Ци на адавá исын Давíдо, савó исын крáли долé ригакиро? Ци на лэскэ багандлэ дрэ хорогоды и ракирдэ ‘Сáуло домардя тысёнцы, а Давíдо дэш тысёнцы?’” ¹² Давíдо чхудя далэ лавá дро пэскиро илó, и древáн дардяпэ Анхусостыр, Гефоскирэ кралýстыр. ¹³ И парудя пэскиро муй ангýл лóндэ, и причхурдыяпэ дылынэса дро лэнгирэ якхá, и чхиндя пэ вударá, и мэкця слина (сая) пир пэскири чхора (брода). ¹⁴ И пхэндя Анхусо пэскирэ писхарьéнгэ: “Дыкхэна, ёв мануш исын дылыно; ваш со тумэ яндлэ лэс кэ мэ? ¹⁵ Наушто куты мánдэ дылынэ, со тумэ яндлэ лэс, соб (кай) ёв тэ дылнёл ангýл мánдэ? Наушто ёв заджáла дро миро кхэр?”

Шэрó 22

¹ И выгийя Давíдо одотхýр, и настя дро Адоламóскири гебáр (пешчэра), и шундлэ лэскирэ пшáла и сарó лэскирэ-дадэскиро кхэр, и явнэ кэ ёв одорýк. ² И скэдынэпэ кэ ёв сарэ, кон сыс притасáдо, и сарэ, кон сыс бангó, и сарэ, кон сыс пхарэ деса, и яця ёв барыдырэса пэ лóндэ; и сыс лэса пашыл штаршэлá манушэн. ³ Одотхýр гия Давíдо дро Моавитоскирэ Масíфа, и пхэндя Моавитоскири кралýскэ: “Мэк дад миро и дай мирй тэ явэн вари-кицы тумэндэ, пака мэ уджинава, со кэрэла Дэвэл мánца.” ⁴ И яндя лэн кэ Моавитоскиро крáли, и дживдэ ёнэ лэстэ сарó часо, пака Давíдо сыс дро давá знашыбэн. ⁵ Нэ прорóко Гадо пхэндя Давидóскэ: “На ячпэ дро давá зракхибэн, нэ джá, джá пэ Юдаскири пхув.” И гия Давíдо и явдя дро Херетоскиро вэш. ⁶ И шундя Сáуло, со Давíдо явдя и манушá, савэ сыс лэса. Сáуло тэды сыс бэштó дрэ Гивá тэл дэмбо пэ бэрга, чхурдыбнытконэ бустяса дрэ васт, и сарэ лэскирэ дынарья сыс пашыл лэстэ. ⁷ И пхэндя Сáуло пэскирэ дынарьéнгэ, савэ сыс пашыл лэстэ: “Шунэн, Вениаминóскирэ чхавэ: наушто сарэнгэ тумэнгэ дэла Есеёскиро чхавó фэлды и винаградники, и сарэн тумэн чхувэла барыдырэнца пэ тысёнцы и шэлá, ⁸ со тумэ сарэ зракирдэпэ проти мánдэ, и никон на отчхакирдя мánгэ, кели миро чхавó загия дро малыпэн Есеёскирэ чхавэса, и никон тумэндýр на потангиндя пал мánдэ, и на отчхакирдя мánгэ, со миро чхавó газдыя проти мánдэ дынарыс мирэс тэ кэрэл мánгэ хасибнýtка планы, сыр давá каканá бицялó?” ⁹ И отпхэндя Доико Идумеянино, савó сыс тэрдó Саулóскирэ дынарьэнца, и пхэндя: “Мэ дыкхцём, сыр Есеёскиро чхавó сыс яви дро Новма кэ Ахимелехо,

Ахитувоскиро чхаво,¹⁰ и дова мангдя пал лэстэ Рас-Дэвлэс, и дыя лэскэ хабэн, и Филистимляниноскирэ-Голиафоскири куртала отдыя лэскэ.”¹¹ И бичхадя крáli тэ кхарэн Ахимелехос, Ахитувоскирэ чхавэс, рашас, и саро лэскирэ дадэскиро рашангиро кхэр, со сыс дро Номва; и явнэ ёнэ сарэ кэ крáli.¹² И пхэндя Сауло: “Шун, Ахитувоскиро чхаво.” И одова отпхэндя: “Гáда мэ, миро хулаё.”¹³ И пхэндя лэскэ Сауло: “Ваш со тумэ зракирдэпэ пэ мандэ, ту и Есеёскиро чхаво, со ту дыян лэскэ маро и куртала, и мангдян пал лэстэ Дэвлэс, соб (кай) ёв тэ джал проти мандэ и тэ кэрэл мангэ хасибнытка планы, сыр дава каканá бицяло?”¹⁴ И отпхэндя Ахимелехо кралíскэ и пхэндя: “Кон сарэ тырэ дынарьэндыр (слугэндыр) исын адасаво чачуно, сыр исын Давíдо? Ёв и кралíскиро зятё (джамутро) исын, и кэрэла пир тырэ припхэныбэна, и дэла патыв лэскэ дро тыро кхэр.”¹⁵ Ци каканá мэ лыём тэ мангав ваш лэскэ Дэвлэс? Над, на бандькир дро дава, кралё, тырэ дынарис и саро мирэ-дадэскиро кхэр, пал-дова со дро саро дава рэндэ на джинэл тыро дынари ни тыкнэс, ни барэс.”¹⁶ И пхэндя крáli: “Ту сан банго (мусинэс) тэ мэрэс, Ахимелехо, ту, и саро тырэ-дадэскиро кхэр.”¹⁷ И пхэндя крáli пэскирэ раххибнарьенгэ, савэ сыс тэрдэ пашыл лэстэ: “Джáн, мулякирэн Рáскирэ-Дэвляскирэ рашан, пал-дова со и лэнгиро васт Давидоса, и ёнэ джиндлэ, со ёв настя, и на отчхакирдэ мангэ.” Нэ кралíскирэ дынарья на камлэ тэ газдэн пэскирэ вастá пэ Дэвлэскирэ рашандэ.¹⁸ И пхэндя крáli Доикоскэ: “Джá ту, и мулякир рашан.” И гия Доико Идумеянино, и пыя пэ рашандэ, и мулякирдя дро дова дывэс охтодэша (бибишэнгиро шэл) пандж муршэн, савэ урьенас паркалёскиро эфóдо; ¹⁹ и Номва, фóро рашангиро, вымардя курталаса; и муршэн и джувлэн, и тэрнэн чхавэн и тыкнэ масэн, и гурувэн и ослэн и бакрэн вымардя курталаса.²⁰ Зраххцяпэ екх Ахимелехоскиро чхаво, Ахитувоскирэ-чхавэскиро, пир лав Авиафаро, и настя кэ Давíдо.²¹ И роспхэндя Авиафаро Давидоскэ, со Сауло мулякирдя Рáскирэ-Дэвлэскирэ рашан.²² И пхэндя Давíдо Авиафароскэ: “Мэ джиндём дро дова дывэс, кели одой сыс Доико Идумеянино, со ёв усаэкх роспхэнэла Саулоскэ; мэ сом банго дро сарэ дия тырэ дадэскирэ кхэрэскэ; ²³ ячпэ мандэ, на дар; пал-дова со кон явэла тэ родэл и тыро ди, явэла тэ родэл и тыро ди; ту явэса мандэ тэл раххибэн.”

Шэрó 23

¹ И роспхэндлэ Давидоскэ, ракири: “Гáда, Филистимляни пынэ пэ Кеилё, и ростырэдэна шурны.”² И мангдя Давíдо Рас-Дэвлэс, ракири: “Ци тэ джав мангэ, и ци тэ вымарав мэ адалэ Филистимлянэн?” И отпхэндя Рай Дэвэл Давидоскэ: “Джá, ту вымарэса Филистимлянэн и зраххэса Кеилё.”³ Нэ манушá, савэ сыс Давидоса пхэндлэ лэскэ: “Гáда, амэ дараса адай дро Юдэя, сыр амэнгэ тэ джас дро Кеилё проти Филистимиякирэ халадэндэ?”⁴ Тэды нэвэс мангдя Давíдо Рас Дэвлэс, и отпхэндя лэскэ Рай Дэвэл, и пхэндя: “Ушты и джá дро Кеилё, пал-дова со Мэ отдáва Филистимлянэн дрэ тырэ вастá.”⁵ И гия Давíдо пэскирэ манушэнца дро Кеилё, и мардяпэ Филистимлянэнца, и традыя пэскэ лэнгирэ кхэритконэ мурдалэн (ското), и вымардя лэн кэ руйны, и зраххця Давíдо Кеилёскирэ манушэн.⁶ Кели Авиафаро, Ахимелехоскиро чхаво, прастандыя кэ Давíдо дро Кеилё, тэды яндя пэса и эфóдо.⁷ И роспхэндлэ Саулоскэ, со Давíдо явдя дро Кеилё, и Сауло пхэндя: “Дэвэл отдыя лэс дро мирэ вастá, пал-дова со ёв запхандя пэс, загии дро фóро вударэнца и шыбэрэнца (запорэнца).”⁸ И кхардя кэ пэ Сауло сарэ манушэн пэ марибэн, соб тэ джáн пэ Кеилё тэ обчхувэн ротаса Давидос и лэскирэ манушэн.⁹ Кели уджиндя Давíдо, со Сауло задуминдя проти лэстэ фуипэн, то пхэндя рашаскэ Авиафароскэ: “Ян эфóдо.”¹⁰ И пхэндя Давíдо: “О Раё Дэвла, Дэвэл Израилёскиро! Тыро дынари шундя, со Сауло камэла тэ явэл дро Кеилё тэ пхагирэл фóро пал мандэ.”¹¹ Ци отдэна ман Кеилёскирэ манушá дро лэскирэ вастá? И ци явэла адарик Сауло, сыр шундя Тыро дынари? Раё Дэвла, Дэвла Израилёскиро! Отчхакир Тырэ писхарискэ.” И пхэндя Рай Дэвэл: “Явэла.”¹² И пхэндя Давíдо: “Ци отдэна Кеилёскирэ манушá ман и мирэ манушэн дрэ Саулоскирэ вастá?” И пхэндя Рай Дэвэл: “Отдэна.”¹³ Тэды уштыя Давíдо и лэскирэ манушá, пашэл шовшэла манушэн, и выгинэ Кеилёстыр, и псирдэ, кай могоиндлэ. Саулоскэ сыс роспхэндло, со Давíдо настя Кеилёстыр,

и тэды ёв отпарудя гиибэн. ¹⁴ Давыдо сыс пэ чхучи пхув дро наподгиибнытка штэты и палó (после) дова пэ бэрга пэ чхучи пхув Зифа. Сауло родыя лэс кажно дывэс; нэ Дэвэл на отдыя Давидос дро лэскирэ васта. ¹⁵ И дыкхця Давыдо, со Сауло, выгия тэ родэл лэскиро ди; о Давыдо сыс пэ чхучи пхув Зифа дро вэш. ¹⁶ И уштыя Ионафано, Саулоскиро чхаво, и явдя кэ Давыдо дро вэш, и зоралякирдя лэс надеяса пэ Дэвлэстэ, ¹⁷ и пхэндя лэскэ: “На дар, пал-дова со латхэла тут мирэ дадэскирэ Саулоскиро васт, и ту явэса тэ кралинэс пэ Израилё, а мэ явава явирэса манушэса пал тутэ; и Сауло, миро дад джинэла дава. ¹⁸ И кэрдэ ёнэ машкир пэстэ завето ангил Раскирэ-Дэвлэскиро муй; и Давыдо яцяпэ дро вэш, а Ионафано гия дро пэскиро кхэр. ¹⁹ И явнэ Зифеи кэ Сауло дро Гива, ракири: “Гáда, Давыдо гарадэла амэндэ дро наподгиибнытка штэты, дро вэш, пэ Гахиласкири бэргица, со исын пэ чачо (право) Есимоностыр. ²⁰ И адякэ, пир тырэ-дескиро выкэдыбэн, крálё, джá; а амаро рэндо явэла тэ отдас лэс дро краліскирэ васта.” ²¹ И пхэндя лэнгэ Сауло: “Тэ явэн бахтякирдэ тумэ Растыр-Дэвлэстыр пал дова, со потангиндлэ (пожалиндлэ) пал мандэ. ²² Джáн, патякирэн ишчо (инкэ), розгалён и обдыкхэн лэскиро штэто, кай явэла лэскири гэрóй, и кон дыкхця лэс одóй; пал-дова со мánгэ ракирэна, со ёв древán мэндэ; ²³ и обдыкхэн, и розгалён пал сарэ знашыбнытка штэты, дро савэ ёв гарадэла, и рисён кэ мэ чачунэ джиныбнаса, и мэ джáва тумэнца; и кóли ёв исын пэ дая пхув, мэ явава тэ родав лэс пир сарэ Юдаскирэ тысёнцы.” ²⁴ И уштынэ ёнэ, и гинэ дрэ Зифа англэдыр Саулостыр. Давыдо и лэскирэ мануша сыс пэ чхучи пхув Маоно, пэ лошчына, пэ чачи (право) риг Есимоностыр. ²⁵ И гия Сауло пэскирэ манушэнца тэ родэн лэс. Нэ Давидоскэ пхэндлэ пал дава, и ёв пиригия кэ скáла, и яцяпэ пэ чхучи пхув Маоно. И шундя Сауло, и традыяпэ пал Давидостэ пэ чхучи пхув Маоно. ²⁶ И гия Сауло пир екх бэргакири риг, а Давыдо пэскирэ манушэнца сыс пэ явир бэргакири риг. И кэли Давыдо сыгнякирдя тэ джал Саулостыр, а Сауло пэскирэ манушэнца гия трустял Давидостэ тэ и лэскирэ манушэндэ, соб тэ ухтылэн лэн; ²⁷ тэды явдя кэ Сауло мануш заняса, ракири: “Сыгнякир и яв, пал-дова со Филистимляни пынэ пэ пхув.” ²⁸ И рисия Сауло тра дыпнастыр пал Давидостэ, и гия гил Филистимлянэнгэ; пал-дова и кхардэ дава штэто Села Гамахлекофо.

Шэрó 24

¹ И выгия Давыдо одотхыр, и дживдя дро бидаракирэ штэты Эн-Гади [Энгеди-ю.о.]. ² Кэли Сауло рисия Филистимлянэндэр, лэскэ пхукавэнас, ракири: “Гáда, Давыдо исын пэ чхучи пхув Эн-Гади.” ³ И лыя Сауло трин тысёнцы фэдыршонэ муршэн сарэ Израилёстыр, и гия тэ родэл Давидос и лэскирэ манушэн пир бэрги, кай дживэнас серны. ⁴ И явдя кэ бакрано затрадыпэн (гражо), пашыл дром; одóй сыс гебáр (пешчэра) и загия одорык Сауло ваш трэбима; Давыдо и лэскирэ мануша сыс бэштэ дро хорипэн гебаракиро. ⁵ И ракирдэ Давидоскэ лэскирэ мануша: “Гáда, исын дывэс, пал савэ ракирдя тукэ Рай Дэвэл: ‘Гáда, Мэ отдава тырэ вэргос дро тырэ васта, и кэрэса лэса, со тукэ исын лачхó.’” Давыдо уштыя и шылинькэс отчхиндя ягóро (краё) упратунэ Саулоскирэ идятыр. ⁶ Нэ палó дава сарó яця дукхано Давидоскирэ илэскэ, со ёв отчхиндя ягóро Сауло скирэ идятыр. ⁷ И пхэндя ёв пэскирэ манушэнгэ: “Мэк тэ на домэкэл ман Рай Дэвэл тэ кэрáв дава хулáскэ мирэскэ, Раскирэ-Дэвлэскирэ помакхибнаriskэ, соб (кай) тэ чхував васт миро пэ лэстэ, пал-дова со ёв исын Раскирэ-Дэвлэскиро помакхибнаскиро.” ⁸ И урикирдя Давыдо пэскирэ манушэн далэ лавэнца, и на дыя лэнгэ тэ газдэнпэ пэ Саулостэ. А Сауло уштыя и выгия гебаратыр (пешчэратыр) пэ дром. ⁹ Палó дова (после) уштыя и Давыдо, и выгия гебаратыр, и задья гóдла палáл Саулоскэ, ракири: “Хулáё миро, крáли!” Сауло подыкхця палэ, и Давыдо пыя мóса пэ пхув и дыя патыв лэскэ. ¹⁰ И пхэндя Давыдо Саулоскэ: “Сóскэ ту шунэса манушэнгирэ ракирибэна, савэ ракирэна: ‘Гáда, Давыдо скэдэла холы пэ тутэ?’” ¹¹ Гáда, ададывэс дыкхэна тырэ якхá, со Рай Дэвэл отдыя тут каканá дро мирэ васта дро гебáр; и мánгэ ракирдэ, соб мэ тэ замарав тут, нэ мэ потангиндём (пожалиндём) тут, и пхэндём: ‘На газдава миро васт пэ мирэ хуластэ, пал-дова со ёв исын Раскирэ-Дэвлэскиро помакхибнаскиро.’” ¹² Миро дадо! Подыкх пэ ягóро тырэ идякиро дрэ миро васт; мэ

отчхиндём ягóро тырэ идятыр, а тут на замардём: уджин и пропатиякир, со нанэ дро миро васт холы, ни хохаибён, и мэ на кэрдём грэхо проти түтэ; а ту родэса миро ди (джиибён), соб тэ отлэс лэс. ¹³ Мэк тэ россэндякирэл Рай Дэвэл машкир мандэ и түтэ, и мэк тэ отхал палэ (отомстинэл) түкэ Рай Дэвэл пал мандэ; нэ васт миро на явэла пэ түтэ, ¹⁴ сыр ракирэла пхураны притча: ‘Фуипнастыр джала фуипён.’ А миро васт на явэла пэ түтэ. ¹⁵ Проти конэстэ выгия Израилёскиро крáli? Пал конэстэ ту традэсапэ? Пал мулэ джуклэстэ, пал екхэ пушуматэ. ¹⁶ Мэк тэ явэл Рай Дэвэл сэндариса, и мэк тэ россэндякирэл машкир мандэ и түтэ. Ёв роздыкхэла, роскэдэла миро рэндо и зракхэла ман тырэ вастэстыр.” ¹⁷ Кéли мэкця Давидо тэ ракирэл далэ лавá кэ Сауло, Сауло пхэндя: “Ци тырй дая исын зан (глос), чхавó миро, Давидо? И газдыя Сауло пэскири зан, и рондя, ¹⁸ и пхэндя Давидóскэ: “Ту сан чачуныдыр мандыр, пал-довá со ту отдыян мánгэ лачхипна́са, а мэ кэрдём түкэ чорипён; ¹⁹ ту сыкадян дава ададывэс, обгиянпэ мánца тангипна́са, кеды Рай Дэвэл отдыя ман дро тырэ вастá, ту на замардян ман. ²⁰ Кон, латхи пэскирэ вэргос (врогос), отмэкия бы лэс дро лачхó дром? Дэвэл отдэла түкэ пал дава лачхипна́са, со ту кэрдян мánгэ ададывэс. ²¹ И каканá мэ джинóm, со ту ўсакх явэса тэ кралинэс, и Израилёскиро кралипён явэла твардо дро тырó васт. ²² И адякэ совлахá мánгэ Рáса-Дэвлэса, со ту на вымарэса миро рóдо палó мандэ и на хасякирэса миро лав дро мирé-дадэскиро кхэр.” ²³ И совлахадя Давидо Саулóскэ. И гия Сауло дро пэскиро кхэр, Давидо и лэскирэ манушá загинé пэ штéто зоралó тыноса.

Шэрó 25

¹ И мыя Самуило; и скэдынэпэ сарé Израильтяни, и рондлэ пал лэстэ, и гарадэ лэс дро лэскиро кхэр, дрэ Ра́ма. Давидо уштыя и гия пэ чхучй пхув Фарано. ² Сыс вари-кон дро Маона, а лэскири фэлатин сыс пэ Кармило, древán барвалó мануш; лэстэ сыс трин тысёнцы бакрэн и тысёнцо бузнэн; и сыс ёв пашыл пэскирэ бакрэнгиро подчхиныбэн пэ Кармило. ³ Лав долэ-манушэскиро сыс Навало, а лав лэскирэ ромнякиро сыс Авигея ^[1]; а дая джувлы сыс древán годьвари и шукáр мóса, а ёв сыс мануш пхарé-илытко и холямо характероса; ёв сыс Халевоскирэ родóстыр. ⁴ И шундя Давидо пэ чхучй пхув, со Навало обчхинэла пэскирэ бакрэн. ⁵ И бичхадя Давидо дэшэн тэрнэ манушён, и пхэндя Давидо тэрнэ манушёнгэ: “Джán упрé пэ Кармило, джán кэ Навало, и дэн “добридим” лэскэ мирé лавэстыр, ⁶ и пхэнэн адякэ: ‘Миро (раманё) түкэ, раманё тырэ кхэрэскэ, раманё сарэскэ тырэскэ; ⁷ каканá мэ шундём, со түтэ обчхинэна бакрэн. Ѓáда, тырэ бакрарья (пастухи) сыс амэнца, и амэ на дукхадям лэн, и нисó лэндэ на хасия дро сарó лэнгиро явибнаскиро часо пэ Кармило; ⁸ пхуч тырэ дынарьёндыр, и ёнэ пхэнэна түкэ; и адякэ, мэк тэ латхэн тэрнэ-бэршэнгирэ лачхипён дро тырэ якхá, пал-довá со дро лачхó дывэс явды́ам амэ; дэ тырэ дынарьёнгэ и тырэ чхавэскэ Давидóскэ, со латхэла тырó васт.” ⁹ И гинэ Давидóскирэ манушá, и пхэндэ Навалоскэ Давидóскирэ лавэстыр сарé далэ лавá, и штылынэ. ¹⁰ И Навало отпхэндя Давидóскирэ дынарьёнгэ, и пхэндя: “Кон исын дасаво Давидо, и кон исын дасаво Есеёскиро чхавó? Каканá яця бут дынарья, савэ нашэна пэскирэ хуландыр; ¹¹ наўшто мánгэ тэ лав марó миро и панй миро, и мас, савó мэ кэрадём ваш одолэнгэ, савэ обчхинэна бакрэн мандэ, и тэ отдав манушёнгэ, пал савэндэ на джинóm, каты́р ёнэ исын?” ¹² И гинэ палэ Давидóскирэ манушá пэскирэ дромэса, и рисинэ, и явнэ, и пиридынэ лэскэ сарé далэ лавá. ¹³ Тэды Давидо пхэндя пэскирэ манушёнгэ: “Обпхандэнпэ кажно (сва́ко) пэскирэ курталáса.” И сарé обпхандэпэ пэскирэ курталэнца, и гинэ пал Давидóстэ пашыл штаршэла́ манушён, а дуй шэла́ ячнэпэ пашыл вурдэна. ¹⁴ Авигеякэ жэ, Навалоскирэ ромнякэ, дыя зан екх дынарьёндыр (слугэндыр), и пхэндя: “Ѓáда, Давидо прибичхадя чхучэ пхувьятыр послэн тэ пхэнэн патыв амарé, хула́скэ, нэ ёв обгияпэ лэса холя́са; ¹⁵ адалэ манушá исын древán лачхэ кэ амэ, на притасадэ амэн, и ничы́ на хасия амэндэ дро сарó часо, кэли амэ псирды́ам лэнца, сыр и са́мас пэ фэлда; ¹⁶ ёнэ сыс ваш амэнгэ тыноса и дывэсэ и раты́ дро сарó часо, кэли амэ ра́кхцям ста́ды пашыл лэндэ; ¹⁷ и адякэ подумин и подыкх, со тэ кэра́с, пал-довá со на менинэла бй́да хула́с амарэс и сарó лэскиро кхэр; а ёв исын мануш холя́мо, нашты́ тэ ракирэс лэса.” ¹⁸ Тэды Авигея сы́гэс лыя́ дуйшэла́ марэ, и дуй гонé мол (вино), и пандж бакрэн кэравэн, и пандж

мэры шутькирдэ зярки, и шэл пучки зюмо, и шэла пучки инжыро, и чхудя пэ ослэндэ, ¹⁹ и пхэндя пэскирэ дынарьэнгэ: “Джэн ангил мандэ.” А ромэскэ пэскирэскэ Навалоскэ ничы на пхэндя. ²⁰ Кэли ёй, бэшындой пэ ослостэ, змэкцяпэ пир бэргакирэ выдиндыкирибэна, гада, гил лэкэ джала Давидо и лэскирэ мануша, и ёй стрэниндяпэ лэнца. ²¹ И Давидо пхэндя адякэ: “Чачо, ивья мэ рахцём пэ чхучы пхув саро маёнка далэ манушэскиро, и ничы на хасия, со сыс лэскиро; ёв плэскирэла мангэ фуипнаса пал лачхипэн; ²² мэк дова и дова тэ кэрэл Рай Дэвэл Давидоскирэ вэргэнца, и ишчо (инкэ) бутыр кэрэла, коли кэ злоко, кэли дывэсёла, сарэстыр, со исын Навалостэ, мэ ячкирава хоць екхэ джидэ мушэс.” ²³ Кэли Авигия дыкхця Давидос, тэды сыгнякирдя тэ зджал ослостыр и пыя ангил Давидостэ пэ пэскиро муй, и клониндяпэ кэ пхув; ²⁴ и пыя кэ лэскирэ гэрэ, и пхэндя: “Пэ мандэ исын грэхо, миро хулаё; дэ воля мангэ тэ ракирэл дро тырэ канэ и пошун тырэ дынарицакиро лав.” ²⁵ Мэк миро хулай тэ на прилэл кэ годы далэ-холынакирэ манушэс, Навалос; пал-дова со, саво лэскиро лав, дасаво и исын ёв. Навало исын лэскиро лав, и дылныпэн лэскиро исын лэса. А мэ, тыри дынарица, на дыкхцём мирэ хуласкирэ дынарьэн, савэн ту прибичхадян. ²⁶ И каканэ, миро хулаё, “тэ явэл джидо Рай Дэвэл и джидо тыро ди”, Рай Дэвэл на домэкэла тут тэ джас тэ прочхувэс рат и урикирэла тыро васт тэ отхас палэ (отомстиныбнастыр), и каканэ мэк тэ явэн, сыр Навало, вэрги тырэ и одолэ, савэ камэна фуипэн мирэ хуласкэ. ²⁷ Гада, далэ почастунки, савэ яндя тыри дынарица мирэ хуласкэ, соб (кай) тэ дав лэн тэрнэ манушэнгэ, савэ дынаринэна мирэ хуласкэ. ²⁸ Приманг (простин) банг тырэ дынарицакири; Рай Дэвэл усаэкх кэрэла мирэ хуласкэ зоралэ кхэр, пал-дова со Рэскирэ-Дэвлэскирэ марибэна лыджала миро хулай, и холы на латхэлапэ дро тутэ дро саро тыро джибэн. ²⁹ Коли газдыяпэ мануш тэ традэл тут и тэ родэл тыро ди, тэды ди мирэ хуласкиро явэла сырбы запхандло дро джибнаскиро вэнзло Растэ-Дэвлэстэ, тырэ Дэвлэстэ, а ди тырэ вэргэнгино чхурдэла Ёв сырбы прашчаса. ³⁰ И кэли кэрэла Рай Дэвэл мирэ хуласкэ саро, со ракирдя лачхипэн пал тутэ, и чхувэла тут шэралэса пэ Израилё, ³¹ то тэды на явэла дава мирэ хуласкирэ илэскэ кирипнаса и пиридживипнаса, со ту на прочхудян ивья (напрэснэс) рат и зракхцян пэс тэ отхас палэ (отомстиныбнастыр). И Рай Дэвэл отдэла лачхипнаса мирэ хуласкэ, и пририпирэса тырья дынарица.” ³² И пхэндя Давидо Авигеякэ: “Тэ явэл бахтякирдэ Рай Дэвэл Дэвэл Израилэскиро, Саво бичхадя каканэ тут гил мангэ, ³³ и бахтякирды исын годы тыри, и бахтякирды ту сан пал дова, со ту каканэ на домэцян ман тэ джав тэ прочхував и тэ отхав палэ (отомстинав) пал пэстэ. ³⁴ Нэ, “тэ явэл джидо Рай Дэвэл, Дэвэл Израилэскиро, Саво урикирдя ман лыджаипнастыр тукэ фуипэн, коли бы ту тэ на сыгнякирэс и тэ на явэс гил мангэ, тэды кэ злоко, кэли дывэсёла, мэ на ячкиравав Навалоскэ хоць екхэ джидэ мушэс.” ³⁵ И лыя Давидо лэкирэ вастэндыр дова, со ёй яндя лэскэ, и пхэндя лэскэ: “Джа раманёса (миросэ) дро тыро кхэр; гада, мэ шундём тыри зан (глас) и сыкадём патыв тырэ москэ.” ³⁶ И явдя Авигея кэ Навало, и гада, лэстэ пибэн сыс дро лэскиро кхэр, сыр кралитко пибэн, и ило Навалоскиро сыс хотно (весёло); ёв сыс древэн мато, и ёй на пхэндя лэскэ ни лав, ни баро ни тыкно, кэ злоко (ранко). ³⁷ Злокоса, кэли Навало яця трызво (нырно), лэскири ромны роспхэндя лэскэ пал дава, и замыя дро лэстэ ило лэскиро, и яця ёв сыр бар. ³⁸ Пирдал дэш дывэсэ домардя Рай Дэвэл Навалос, и ёв мыя. ³⁹ И шундя Давидо, со Навало мыя, и пхэндя: “Тэ явэл бахтякирдэ Рай Дэвэл, Саво отдыя пал ладж, саво кэрдя мангэ Навало, и зракхця Пэскирэ писхарис фуипнастыр; Рай Дэвэл обрискирдя холы Навалоскири пэ лэскиро шэрэ.” И бичхадя Давидо тэ пхэнэн Авигеякэ, со ёв лэла ла палором. ⁴⁰ И явнэ Давидоскирэ дынарьэ кэ Авигея пэ Кармило, и пхэндлэ лэскэ адякэ: “Давидо бичхадя амэн кэ ту, соб (кай) тэ лас тут лэскэ дро ромнятэ.” ⁴¹ Ёй уштыя, и клониндяпэ моса кэ пхув, и пхэндя: Гада, тыри дынарица исын скэдыны тэ явэл дынарицаса, соб (кай) тэ морэл гэрэ мирэ хуласкирэ дынарицаса.” ⁴² И скэдыяпэ Авигея сыгэс, и бэстя пэ ослостэ, и пандж дынарицы пролыджанас ла; и гия ёй пал Давидоскирэ бичхаибнаскирэ (послэндэ), и яця лэскирэ ромняса. ⁴³ И Ахиноама Изреелэстыр лыя Давидо, и дуйджинэ ёнэ сыс лэскирэ ромнэнца. ⁴⁴ Сауло отдыя пэскирья чха Мелхола, ромня Давидоскирья, Фалтиёскэ, Лаишаскирэ чхавэскэ, кон сыс Галимостыр.

25:3 ^[1] Дро Юды́тко оригинало пхэнэлапэ “Авигайль”

Шэрó 26

¹ Явнэ Зифеи кэ Са́уло дро Гива́ и пхэндлэ: “Ѓада, Дави́до гарадэ́ла амэ́ндэ пэ бэ́рга Гахи́ла, со исын пэ чачи́ (право) риг Есимоно́стыр. ² И ушты́я Са́уло, и гия́ тэлэ́ пэ чхучи́ пхув Зифа́, и лэ́са трин тысе́нцы выке́дынэ́ фэды́рша Израилё́скирэ́ му́рша́, соб (кай) тэ́ родэ́н Давидо́с пэ чхучы́ пхув Зифа́. ³ И тэ́рдия́ Са́уло пэ бэ́ргица́ Гахи́ла, со исын пэ чачи́ (право) риг Есимоно́стыр, пашы́л дром; Дави́до сыс пэ чхучи́ пхув и дыкхц́я, со Са́уло гия́ пал лэ́стэ́ пэ чхучи́ пхув; ⁴ и бичхад́я Дави́до поддыкхипна́скирэн и уджинд́я, со Са́уло, чачэ́с, явд́я. ⁵ И ушты́я Дави́до, и гия́ кэ́ штэ́то, пэ саво́ Са́уло тэ́рдия́ стано́са, и дыкця́ Дави́до штэ́то, кай сыс сутэ́ Са́уло и Авени́ро, Нировоски́ро чхаво́, лэ́скирэ́-халадэ́нгиро́ барыды́ро. Са́уло сыс суто́ дро ша́тра, а ману́ша́ тэ́рдинэ́ трусц́ял лэ́стэ́. ⁶ И риси́я мангипна́са Дави́до, и пхэнд́я Ахимелехоскэ́ Хетейя́ниноскэ́ и Авесаскэ́, Саруино́скирэ́ чхавэ́скэ́, Иоавоски́рэ пшалэ́скэ́, раки́ри: “Кон джа́ла тэлэ́ ма́нца кэ́ Са́уло дро ста́но?” И отпхэнд́я Авеса́: “Мэ́ джа́ва ту́са.” ⁷ И явд́я Дави́до Авесаса́ кэ́ Саулоски́рэ́ ману́ша́ раты́; и га́да, Са́уло сыс пашто́, суто́ дро ша́тра, и лэ́скиро́ чхурдыипны́тко буст (коп’ё) сыс чхуды́ дро пхув пашы́л лэ́скиро́ шэрó; Авени́ро и ману́ша́ сыс паштэ́ трусц́ял лэ́стэ́. ⁸ Авеса́ пхэнд́я Давидо́скэ́: “Отды́я Рай́ Дэвэл́ тырэ́ вэ́ргос (врого́с) дро тырэ́ васта́; и адя́кэ́ дэ́ во́ля, мэ́ примара́ва лэ́с чхурдыипны́тконэ́ бустя́са кэ́ пхув екхэ́ пэ́каибна́са, и яви́р мо́ло на пэ́кава́ва.” ⁹ Нэ́ Дави́до пхэнд́я Авесаскэ́: “На замар́ лэ́с; пал-дава́ со кон газдэ́ла васт, пэ́ Ра́скирэ́-Дэвлэ́скирэ́ помакхи́бна́скирэ́стэ́, ячэ́лапэ́ банго́?” ¹⁰ И пхэнд́я Дави́до: “Тэ́ явэл́ джидо́ Рай́ Дэвэл́! Мэ́к тэ́ домарэ́л лэ́с Рай́ Дэвэл́, ци́ явэ́ла лэ́скиро́ дывэ́с, и ё́в мэ́рэла́, ци́ джа́ла пэ́ марибэ́н и хасё́ла; мэ́к тэ́ на домэ́кэл Рай́ Дэвэл́ тэ́ газдав́ миро́ васт пэ́ Ра́скирэ́-Дэвлэ́скирэ́ помакхи́бна́скирэ́стэ́; ¹¹ а лэ́ лэ́скири́ чхурдыипны́тко буст (коп’ё), сави́ исын пашы́л лэ́скиро́ шэрó, и сасудо́ панэ́са, и явэ́н кэ́ пэ́. ¹² И лы́я Дави́до чхурдыипны́тко буст и сасудо́ панэ́са пашы́л Саулоски́ро шэрó, и гинэ́ ё́нэ́ кэ́ пэ́; и никон́ на дыкхц́я, и никон́ на джидн́я, и никон́ на джанга́дыя (прошнинд́япэ́), нэ́ сарэ́ сыс сутэ́, пал-дова́ со соибэ́н пы́я пэ́ лэ́ндэ́ Ра́стыр-Дэвлэ́стыр. ¹³ И пири́гия Дави́до пэ́ яви́р риг, и тэ́рдия́ дурал́ пэ́ бэ́рга́киро́ вучипэ́н; баро́ длэнгипэ́н сыс машки́р лэ́ндэ́. ¹⁴ И риси́я мангипна́са Дави́до кэ́ ману́ша́ и кэ́ Авени́ро, Нировоски́ро чхаво́, раки́ри: “Отпхэ́н, Авени́ро.” И отпхэнд́я Авени́ро и пхэнд́я: “Кон сан́ ту, со годлэ́са и мешы́нэса́ тэ́ совэл́ крали́скэ́? ¹⁵ И пхэнд́я Дави́до Авени́роскэ́: Ци́ на сан́ му́рш ту, и кон́ ту́кэ́ исын́ ровня́ дро Израилё́? Ваш со́ ту на ра́кхэ́са тырэ́ хула́с? Палда́ва со́ явд́я ва́ри-кон́ манушэ́ндыр, соб (кай) тэ́ хася́кирэн́ крали́с, тырэ́ хула́с. ¹⁶ На шука́р ту кэ́рэ́са да́ва; тэ́ явэл́ джидо́ Рай́ Дэвэл́! Тумэ́ сан́ мол мэ́рибна́скэ́ пал до́ва, со́ тумэ́ на ра́кхэ́на тумаре́ хула́с, Ра́скирэ́-Дэвлэ́скирэ́с помакхи́бна́скирэ́с. Поды́кх, кай́ чхурдыипны́тко буст крали́скири́ и сасудо́ панэ́са, со́ сыс пашы́л лэ́скиро́ шэрó? ¹⁷ И уджинд́я́ Са́уло Давидоски́ри́ зан, и пхэнд́я: “Ци́ исын́ ты́ри да́я зан (глас), миро́ чхаво́ Дави́до?” И пхэнд́я Дави́до: “Ми́ри зан, хула́ё миро́, кра́ли!” ¹⁸ И пхэнд́я ишчо́ (инкэ́): “Пал со́ хула́й миро́ традэ́лапэ́ пал пэ́скирэ́ дына́ристэ́? Со́ мэ́ кэ́рдём, саво́ фуипэ́н дро́ миро́ васт?” ¹⁹ И ка́канá, мэ́к тэ́ вышунэ́л хула́й миро́, кра́ли, пэ́скирэ́ дына́рискирэ́ лава́: ко́ли Рай́ Дэвэл́ газдэ́ла тут́ проти́ ма́ндэ́, тэ́ды́ мэ́к тэ́ явэл́ да́ва ту́тыр сы́р гу́дло́ тхув свэ́нтонэ́ дыи́бна́стыр Ра́скирэ́-Дэвлэ́скиро́, ко́ли чхаво́ манушэ́нгирэ́, тэ́ды́ про́кошнэ́ ё́нэ́ явэ́на анги́л Ра́стэ́-Дэвлэ́стэ́, пал-дова́ со́ ё́нэ́ вы́традынэ́ ка́канá ман, соб (кай) тэ́ на явэ́н ма́нгэ́ кэ́ Ра́скирэ́-Дэвлэ́скиро́ мэ́кно́ мишты́пэ́н, раки́ри: ‘Джа́, дына́рин чу́жонэ́ дэ́влэ́нгэ́.’ ²⁰ Мэ́к тэ́ на прочхувэ́лпэ́ миро́ рат пэ́ пхув анги́л Ра́скирэ́-Дэвлэ́скиро́ муй; пал-дова́ со́ Израилё́скиро́ кра́ли вы́гия́ тэ́ родэ́л екх́ пу́шум, сы́р традэ́напэ́ пал ку́ропатка́ пир бэ́рги. ²¹ И пхэнд́я́ Са́уло: “Кэ́рдём грэ́хо мэ́; рисё́в, миро́ чхаво́ Дави́до, пал-дова́ со́ мэ́ на ява́ва буты́р тэ́ кэ́рав ту́кэ́ фуипэ́н, пал-дова́ со́ ди́ миро́ сыс дро́го ка́канá дро́ тырэ́ якха́; дылы́нэс кэ́рдём мэ́, и древа́н бут кэ́рдём грэ́хо.” ²² И отпхэнд́я́ Дави́до, и пхэнд́я: “Ѓада, чхурдыипны́тко буст крали́скири́; мэ́к екх́ тэ́рнэ́ манушэ́ндыр тэ́ явэл́ и тэ́ лэл́ лэ́с; ²³ И мэ́к тэ́ дэл́ Рай́ Дэвэл́ сва́конэ́скэ́ пир лэ́скиро́ патяи́бэ́н, и пир лэ́скиро́ чачипэ́н, адя́кэ́ сы́р Рай́

Дэвэл отдыя тут дро мирэ васта, нэ мэ на закамдём тэ газдав миро васт пэ Рáскирэ-Дэвлэскирэстэ помакхибнаскирэстэ;²⁴ и мэк, сыр дро́го сыс тыро́ джи́ибэ́н ка́канá дро мирэ якхá, адякэ́ тэ́ явэл дро́го миро джи́ибэ́н дро Рáскирэ-Дэвлэскирэ́ якхá, и мэк тэ́ зракхэл ман ка́жнóнэ́ бидатыр!”²⁵ И пхэндя́ Са́уло Давидо́скэ: “Бахтякирдó ту сан, миро чхавó Дави́до; и рéндó кэрэ́са, и тэ́ пиризорьякирэ́с-пиризорьякирэ́са.” И гия́ Дави́до пэ́скирэ́ дро́мэ́са, а Са́уло рисия́ пэ́ пэ́скиро́ штéто.

Шэро́ 27

¹ И пхэндя́ Дави́до дро пэ́скиро́ ило́: “Мэ́ пэ́рава́ вари-кэ́ли дрэ́ васта́ Саулóскэ́, и нанэ́ ваш ма́нгэ́ ничы́ фэ́дыр, сыр тэ́ нашав пэ́ Филистимиякири́ пхув; и отячэ́ла ма́ндыр Са́уло, и на́ явэ́ла тэ́ родэл ман бу́тыр пир сарэ́ Израилёскирэ́ ригá, и мэ́ зракхава́пэ́ лэ́скирэ́ вастэ́стыр.”

² И уштыя́ Дави́до, и гия́ ко́кóро́ и шовшэ́ла́ му́ршá, савэ́ сыс лэ́са, кэ́ Анхусо́, Маохоскиро́ чхавó, Гефакиро́ крáли. ³ И дживд́я́ Дави́до Анхусостэ́ дро́ Гефа́, ко́кóро́ и лэ́скирэ́ манушá, сва́ко́ (ка́жно) пэ́скирэ́ сэм’яса́ (ирья́са), Дави́до и лэ́скирэ́ дуй ромня́ Ахиноама́ Израильтя́нка и Ави́гея, сави́ сыс Навалоскири́ ромны́, Кармилитя́нка. ⁴ И до́лыджинэ́ Саулóскэ́, со́ Дави́до на́стя́ дро́ Гефа́, и на́ лыя́ ёв бу́тыр тэ́ родэл лэ́с. ⁵ И пхэндя́ Дави́до Анхусо́скэ: “Ко́ли мэ́ латхём лáска дро́ тырэ́ якхá, то́ тэ́ды мэ́к дыно́ явэ́ла ма́нгэ́ штéто дро́ екх ты́кнэ́ форьéндыр, и мэ́ ява́ва тэ́ дживáв одóй; ваш со́ тырэ́ писхары́скэ́ тэ́ дживэ́л дро́ крaли́скиро́ фо́ро, кхэ́танэ́ ту́са?” ⁶ Тэ́ды дыя́ лэ́скэ́ Анхусо́ Секела́го, палдава́ Секела́го и я́ця́пэ́ пал Юдэ́якирэ́ крaльéндэ́ кэ́ дава́ часо́. ⁷ Сарó́ часо́, савó́ дживд́я́ Дави́до пэ́ Филистимиякири́ риг, сыс бэ́рш и шта́р чхóна́. ⁸ И вы́гия́ Дави́до пэ́скирэ́ манушэ́нца, и пы́я́ пэ́ Гесу́рянéндэ́, и Ги́рзеянéндэ́, и Ама́ликитя́нэ́ндэ́, савэ́ гара́ дживдэ́ пэ́ да́я риг кэ́ Су́ра и адя́кэ́-па́ць и кэ́ Египто́скири́ пхув. ⁹ И чхучакирд́я́ Дави́до до́я́ риг, и на́ ячкирд́я́ джидэ́н ни му́ршэ́н, ни джу́влéн, и за́кэ́дыя́ бакрэ́н и гу́рувэ́н, и ослéн, и верблю́дэ́н, и й́дя; и рисия́, и явэ́лас кэ́ Анхусо́. ¹⁰ И пхэндя́́ Анхусо́ Давидо́скэ: “Пэ́ ко́нэ́стэ́ пы́нэ́ ка́канá?” Дави́до пхэндя́: “Пэ́ паш-ды́вэ́сы́тко́ (полудéнно) Юдэ́якири́ риг, и пэ́ полудéнно́ Ерахмеелоскири́ риг, и пэ́ полудéнно́ Кене́якири́ риг. ¹¹ И на́ ячкирд́я́ Дави́до джидэ́н ни му́ршэ́н, ни джу́влéн, и на́ я́ндя́ дро́ Ге́фа, ра́кири́: “Ё́нэ́ мо́гинэ́на́ тэ́ до́лыджан пэ́ амéндэ́ и тэ́ пхэ́нэ́н: “А́дякэ́ кэ́рдя́ Дави́до, и дасаво́ о́бразо́ ваш лэ́скирэ́ рéнды́ дро́ сарó́ часо́ дро́ Филистимиякири́ риг сыр ё́в сыс.” ¹² И до́патя́ндыя́ Анхусо́ Давидо́скэ́, ра́кири́: “Ё́в я́ця́ джу́нгало́ пэ́скирэ́ Израилёскирэ́ манушэ́нгэ́ и явэ́ла мирэ́ писхариса́ пэ́ ве́ко́.”

Шэро́ 28

¹ Дро́ дова́ часо́ Филистимля́ни скэ́дынэ́ пэ́скирэ́н хала́дэ́н ваш ма́рибэ́н, соб (ка́й) тэ́ ма́рэ́нпэ́ Израилё́са. И пхэндя́́ Анхусо́ Давидо́скэ: “Мэ́к тэ́ явэл ту́кэ́ джидло́, со́ ту джа́са ма́нца дро́ ополчэ́ниё́ (отря́до), ту́ и тырэ́ манушá.” ² И пхэндя́́ Дави́до Анхусо́скэ: “Ка́канá ту́ уджинэ́са, со́ кэрэ́ла тыро́ писха́ри.” И пхэндя́́ Анхусо́ Давидо́скэ: “Палдава́ мэ́ кэ́рава́ тут мирэ́ шэ́рэскирэ́ ра́кхибна́риса́ пэ́ сарó́ часо́.” ³ И мы́я́ Саму́йло, и обровэ́нас лэ́с сарэ́́ Израильтя́ни, и гара́дэ́ лэ́с дрэ́ Ра́ма дро́ лэ́скиро́ фо́ро. Са́уло вы́трады́я́ чо́ваханэ́н и зу́макирибна́скирэ́н пэ́скирэ́ рига́тыр (тхэ́мэ́стыр). ⁴ И скэ́дынэ́пэ́ Филистимля́ни, и гинэ́ и тэ́рдинэ́ ста́но́са дро́ Со́нама; скэ́дыя́ и Са́уло сарэ́́н Израилёскирэ́ манушэ́н, и тэ́рдинэ́ ста́но́са пэ́ Ге́лвуа. ⁵ И ды́кхця́́ Са́уло Филистимиякиро́ ста́но, и стра́хады́я, и зора́лэ́с зама́рдя́пэ́ лэ́скиро́ ило́. ⁶ И пху́ця́́ Са́уло Ра́стыр-Дэ́влэ́стыр; нэ́ Ра́й Дэ́вэл на́ отпхэ́ндя́́ лэ́скэ́ ни дро́ суно́, ни пирда́л у́римо, ни пирда́л проро́кэ́ндэ́. ⁷ Тэ́ды пхэндя́́ Са́уло пэ́скирэ́ дына́рьéнгэ́: “Латхэ́н ма́нгэ́ джу́вля́ чо́ваханя́кирка, и мэ́ джа́ва кэ́ ё́й и пхуча́ва ла́тыр.” И отпхэ́ндлэ́́ лэ́скэ́ лэ́скирэ́ дына́рья: “А́да́й дро́ Аэ́ндора́ исын джу́влы́ чо́ваханя́кирка.” ⁸ И злы́я́ Са́уло пэ́скирэ́ й́ди пэ́стыр и у́риды́я́ я́ви́р, и гия́ ко́кóро́ и дуй лэ́са́ манушá, и я́внэ́ ё́нэ́ кэ́ джу́влы́ раты́. И пхэндя́́ ла́кэ́ Са́уло: “Ма́нга́ва́ тут, росчхурдэ́ ма́нгэ́, и у́джин ма́нгэ́, пал ко́нэ́стэ́ мэ́ пхэ́на́ва́ ту́кэ́.” ⁹ Нэ́ джу́влы́ отпхэ́ндя́́ лэ́скэ́: “Ту́ джидэ́с, со́ кэ́рдя́́ Са́уло, сыр ё́в

вытрадыя човаханэн и драбакирибнаскирэ манушён, савэ сыс пэскирэ ригатыр; ваш со ту чхувэса сеть (фелы) мирэ дескэ, пэ хасибён мангэ?”¹⁰ И совлахадя лэкэ Сауло Раса-Дэвлэса, ракири: “Тэ явэл джидо Рай Дэвэл! На явэла тукэ бйда пал дава рэндо.”¹¹ Тэды джувлы пхуця: “Конэс тукэ тэ уджинав?” И отпхэндя ёв: “Самуилос уджин мангэ.”¹² И дыкхця джувлы Самуилос, и зоралэс задья гóдла; и рисия джувлы кэ Сауло, ракири: “Сóскэ ту хохадян ман? Ту – Сауло.”¹³ И пхэндя лэкэ крáli: “На дар; со ту дыкхэса?” И отпхэндя джувлы: “Дыкхава сýрбы дэвлэс, савó выджáлас пхувьятыр.”¹⁴ “Сыр ёв выдыкхэла?”, пхуця латыр Сауло. Ёй пхэндя: “Выджала пхувьятыр пхурó муш, уридó дро длэнги йдя.” Тэды уджиндя Сауло, со дава сыс Самуило, и пыя мóса пэ пхув и поклониндяпэ.¹⁵ И пхэндя Самуило Саулóскэ: “Ваш со ту чилавэса (рушынэса) ман, соб (кай) мэ тэ выджав?” И отпхэндя Сауло: “Мангэ исын дрéвaн пхарó; Филистимляни гинэ марибнаса проти мандэ, а Дэвэл отгия мандыр и бутыр на отпхэнэла мангэ ни пирдál пророкэндэ, ни дро сунó; палдава мэ выкхардём тут, соб (кай) ту тэ подсыклякирэс ман, со мангэ тэ кэрáв?”¹⁶ И пхэндя Самуило: “Ваш со ту пхучэса мандыр, кели Рай Дэвэл отгия тóтыр и яця тырэ вэргоса (врогоса)?”¹⁷ Рай Дэвэл кэрэла дова, со ракирдя пирдál мандэ; отлэла Рай Дэвэл кралипэн тырэ вастэндыр и отдэла лэс тырэ пашатунэскэ, Давидóскэ.¹⁸ Адыкэ сыр ту на шундян Рáскирэ Дэвлэскири зан (глос) и на сполниндян пир Лэскирэ бари холын пэ Амáликостэ, тэды Рай Дэвэл и кэрэла дава пэ тóтэ каканá.¹⁹ И отдэла Рай Дэвэл Израилё, кхэтанэ тóса, дро Филистимлянэнгирэ вастá: тася ту и тырэ чхавэ явэна мánца, и Израилёскиро стáно (лод) отдэла Рай Дэвэл дро Филистимлянэнгирэ вастá.”²⁰ Тэды Сауло екхатыр пыя сарé пэскирэ масэнца пэ пхув, пал-довá со дрéвaн страхадыя Самуилоскирэ лавэндыр; пир сарó и зор на яця дрé лэстэ, пал-довá со ёв на хая марó сарó дова дывэс и сарí рат.²¹ И подгия о доя джувлы кэ Сауло, и дыкхця, со ёв дрéвaн страхадыя, и пхэндя: “Гáда, тыри дынарица шундя тыри зан, и отдыя джибён пэскиро даракэ (дарьякэ), и сполниндя припхэныбён, савó ту дыян мангэ.”²² Каканá мангава тут, пошун и ту, тырэ-дынарицакири зан: мэ сыкавава тэ хас тóкэ котэр марó, ха и явэла дро тóтэ зор, кели ту джáса дро дром.”²³ Нэ ёв отпхэндяпэ и пхэндя: “Мэ на явава тэ хав.” И лынэ тэ уракирэн лэс лэскирэ дынарья, и адыкэ-паць и джувлы; и ёв шундя лэнгири зан, и уштыя пхувьятыр и бэстя пэ чхуибён.²⁴ Джувлятэ сыс дро кхэр тхуло гуруворо, и ёй сýгэс зачхиндя лэс, и лыя яржó, замесиндя и пэкця опресноки,²⁵ и ёй сыкадя тэ хан Саулóскэ и лэскирэ дынарьёнгэ, и ёнэ ханэ, и уштынó, и гинэ пэскэ дро доя-паць рат.

Шэрó 29

¹ И скэдынэ Филистимляни сарé пэскирэ ополчэнии дро Афка, а Израилитяни тэрдинэ станóса (лодэса) пашыл ганынгори, со сыс дро Изреелё.² Филистимиякирэ кхенинги гинэ шэлэнца и тысёнцэнца, Давидó и лэскирэ манушá гинэ палáл Анхусоса.³ И ракирдэ Филистимиякирэ кхенинги: “Со да исын адалэ Юды?” Анхусо отпхэндя Филистимиякирэ кхенингэнгэ: “Наушто на джинэна, со дава исын Давидó, Саулоскиро писхари, Израилёскирэ крáлискиро? Ёв исын пашыл мандэ бутыр бэршэстыр, и мэ на латхём дро лэстэ ничы чорипэн долé часостыр, сыр ёв явдя кэ мэ кэ дава дывэс.”⁴ И росхолясынэ пэ лэстэ Филистимиякирэ кхенинги, и пхэндлэ лэскэ Филистимиякирэ кхенинги: “Отмэк ту а далэс манушэс, мэк ёв тэ бэшэл пэ пэскиро штóто, савó ту лэскэ дыян, соб (кай) ёв тэ на джал амэнца пэ марибён и тэ на кэрэлпэ проти амэндэ пэ марибён. Сóса ёв могоинёла тэ росколякирэл пэскирэ хулáс, сыр на шэрэнца далé мушэнгирэ?”⁵ Ци на одовá дава Давидó, савэскэ багандлэ дрé хороводы, ракири: ‘Сауло домардя тысёнцы, а Давидó дэш тысёнцы?’⁶ И кхардя кэ пэ Анхусо Давидóс, и пхэндя лэскэ: “Тэ явэл джидо Рай Дэвэл! Ту сан чачунó, и мирé якхэнгэ миштó тэ явэл бы, соб (кай) ту тэ выджас и тэ заджас мánца дро ополчэниё; палдава со мэ на дыкхцём дро тóтэ чорипэн тырэ явибнаскирэ часостыр кэ мэ кэ дава дывэс; нэ дро кхенингэнгирэ якхá ту сан нáлaчxo.”⁷ И адыкэ рисёв каканá, и джá раманёса (мирóса), и на холякир Филистимиякирэ кхенингэн.”⁸ Нэ Давидó пхэндя Анхусоскэ: “Со мэ кэрдём, и со ту латхян дрé тырэ дынаристэ долé часостыр, сыр мэ сом ангил тырó муй, и кэ дава

дывэс, сósкэ бы мánгэ тэ на джав и тэ на маравпэ мирé хулáскирэ вэргэнца, кралискирэнца?”⁹ И отпхэндя Анхусо Давидóскэ: “Яв упатяндло, со дро мирé якхá ту сан лачхó. Сыр Дэвлэскиро Янгóло; нэ Филистимиякирэ кхенинги пхэндлэ: “Мэк ёв тэ на джал амэнца пэ марибэн.”¹⁰ И адякэ уштý пэ злóко, ту и тырэ хулáскирэ дынáрья, савé явнэ тýса; и уштэн пэ злóко, и, кéли явэла бицялó, джáн.”¹¹ И уштýя Давíдо, кокорó и лэскирэ манушá, соб (кай) тэ джáн злокоса и тэ рисён пэ Филистимиякири пхув. А Филистимляни гинэ пэ марибэн дро Изреелё.

Шэрó 30

¹ Пэ трýто дывэс палó (после) дова, сыр Давíдо и лэскирэ манушá гинэ дро Секелаго, Амаликитяни пынэ паш-дывэсэстыр (югостыр) пэ Секелаго, и схачкирдé лэс ягáса, ² а джувлén и сарэн, кон сыс дро лэстэ, тыкнэстыр кэ барó, на мулякирдé, нэ лыджинэ криг дро плéно, и гинэ пэскирэ дромéса. ³ И явдя Давíдо и лэскирэ манушá кэ фóро, и гáда, ёв сыс хачкирдо ягáса, а лэнгирэ ромнý, и лэнгирэ чхавэ, и лэнгирэ чхaya сыс лынé дро плéно. ⁴ И газдыя гóдла Давíдо и манушá, савé сыс лэса, и рондлэ, пака на яця дро лэндэ зор тэ ровэн. ⁵ Лынé сыс дро плéно и дуй Давидóскирэ ромнý, Ахиноама Изреелитянка и Авигея, савý сыс Навалоскири ромнý, Кармилитянка. ⁶ Давíдо зоралэс замыя дро годý, адякэ сыр манушá камнэ тэ домарэн лэс барэнца; пал-дова со пиридживдэ деса сарé манушá, свáко (кажно) пал пэскирэ чхавэндэ и пэскирэ чхаендэ. ⁷ Нэ Давíдо скэдыя зор надéяса пэ Растэ-Дэвлэстэ пэскирэ Дэвлэстэ, и пхэндя Давíдо Авиафароскэ рашáскэ, Ахимелехоскирэ чхавэскэ: “Ян мánгэ эфóдо.” И яндя Авиафаро эфóдо Давíдо. ⁸ И пхуцяпэ Давíдо Рáстыр-Дэвлэстыр, ракирý: “Ци тэ традавпэ мánгэ пал дава барó вэргэнгиро халадыбэн, и ци дотрадава мэ лэн? И сыс пхэндлó лэскэ: “Традэпэ, дотрадэса лэн и отлэса.”⁹ И гия Давíдо кокорó и шовшэлá муршá, савé сыс лэса; и явнэ кэ сыгно рэкица (лэнорý) Восоро и, кхиныи, тэрдинэ одóй. ¹⁰ И традыяпэ кокорó Давíдо и штаршэлá манушá; дуйшэлá манушá тэрдинэ, пал-дова со сыс на дро зор тэ пириджан сыгно рэкица (лэнорý) Восоро. ¹¹ И латхнэ Египтянинос пэ фéлда, и яндлэ лэс кэ Давíдо, и дынэ лэскэ марó, и ёв хая, и панякирдэ лэс панéса; ¹² и дынэ лэскэ паш пучки инжыро и дуй пучки зюмо, и ёв хая, и зоралыя, пал-дова со ёв на хая марó, и на пия паны трин дывэсá и трин ратя. ¹³ И пхэндя лэскэ Давíдо: “Конэскиро сан ту, и катыр ту сан?” И пхэндя ёв: “Мэ сом тэрнó мануш Египтянино, писхáри екхэ Амаликитяниноскиро, и чхурдыя ман миро хулáй, пал-дова со аканá трин дывэсá, сыр мэ занасвалыём; ¹⁴ амэ загиям дрэ паш-дывэсытко паш Керети, и дрэ Юдаскири провинцыя, и дро паш-дывэсытко паш Халевоскири, а Секелаго хачкирдям ягáса.” ¹⁵ И пхэндя лэскэ Давíдо: “Ци долыджаса ту ман кэ дава барó вэргэнгиро халадыбэн. И пхэндя ёв: “Совлахá мánгэ Дэвлэса, со ту на мулякирэса ман, и на отдэса ман дро мирé хулáскирэ вастá, и мэ долыджава тут кэ дава халадыбэн.” ¹⁶ И ёв лыджия лэс; и гáда, Амаликитяни, рочхуви пир сарý доя риг, хána и пьена, и свэнкинэна барó дорэсыбэн, савó ёнэ лынэ Филистимиякирэ пхувьятыр и Юдэякирэ пхувьятыр. ¹⁷ И домарэлас лэн Давíдо калыпнастыр кэ бэльвэль явирэ дывэсэскири, и никон лэндýр на зракхцяпэ, апрýч штаршэлá тэрнó манушэндэ, савé бэшнэ пэ верблюдэндэ и нашнэ. ¹⁸ И отлыя Давíдо сарó, со лынэ Амаликитяны, и дуён пэскирэ ромнен отлыя Давíдо. ¹⁹ И на хасия лэстэ ничý, ни тыкнэстыр, ни барэстыр, ни чхавэндýр, ни чхаендыр, ни дорэсыбнастыр, ни сарэстыр, со Амаликитяни лынэ лэндýр, сарó рискирдя Давíдо, ²⁰ и лыя сарó тыкнэ и барэ мурда-лэндýр (скотóстыр), и традынэ лэс ангýл пэскиро ското, и ракирдé: дава дорэсыбэн – Давидóскиро. ²¹ И явдя Давíдо кэ долé дуйшэлá манушá, савé на сыс дро зор тэ джáн пал лэстэ, и савэн ёв ячкирдя пашýл сыгно рэкица (лэнорý) Восоро, и выгинэ ёнэ гил (пэ стрэч) Давидóскэ и гил манушэнгэ, савé сыс лэса. И подгия Давíдо кэ далэ манушá, и дыя “добридим” лэнгэ. ²² Тэды холямэ и напатывалэ манушэндýр, савэ псирдэ Давидоса, лынэ тэ ракирэн: “Пал-дова со ёнэ на псирдэ амэнца, на даса лэнгэ дорэсыбнастыр, савó амэ отлыям; мэк кажно (свáко) тэ лэл екха пэскирýя ромнý и чхаворэн и джáла.” ²³ Нэ Давíдо пхэндя: “На кэрэн адякэ, мирé пшáла, палó (после) дова, сыр Рай Дэвэл дыя амэнгэ дава, и зракхця амэн, и отдыя дро амарé

васта баро вэргэнгиро халадыбэн, саво явдя проти амэндэ. ²⁴ И кон шунэла тумэн дро дава рэндо? Сави исын паш манушэнгэ, саво псирдэ пэ марибэн, дасави тэ явэл паш и манушэнгэ, савэ ячнэпэ пашыл вурдэнгиро таборо (лод): пэ сарэндэ бангэ (мусинэн) тэ роздэн.” ²⁵ Адыкэ сыс далэ часостыр и коригэдыр (позжэдыр); и чхудя ёв дава дро законо и дро упхэныбэн ваш Израилё кэ дава дывэс. ²⁶ И явдя Давыдо дро Секелаго и бичхадя дорэсыбнастыр пхурыдырэнгэ Юдаскирэнгэ, пэскирэ малэнгэ, ракири: “Гада, тумэнгэ почастунко дорэсыбнастыр, лыны Рáскирэ-Дэвлэскирэ вэргэндэр”, ²⁷ одолэнгэ, савэ сыс дро Вефилё, и дрэ Рамофа паш-дывэсытко (южно), и дрэ Иатира, ²⁸ и дро Ароиро, и дро Шыфмофо, и дро Естемоа, ²⁹ и дрэ Рахаль, и дрэ Иерахмелэскирэ форя, и дро Кинэякирэ форя, ³⁰ и дрэ Хорма, и дро Хорашано, и дро Атаха, ³¹ и дро Хевроно, и дро сарэ штэты, кай псирдя Давыдо кокорó и лэскирэ манушá.

Шэро 31

¹ Филистимляни мардэпэ Израилэскирэнца, и прастандынэ Израилэскирэ муршá Филистимлянэндэр, и пынэ домардэ пэ бэрга Гелвуя. ² И дотрадынэ Филистимляни Саулос и лэскирэ чхавэн, и домардэ Филистимляни Саулос и лэскирэ чхавэн, и домардэ Филистимляни Ионафанос, и Аминадавос, и Малхисуасос, Саулóскирэ чхавэн. ³ И марибэн проти Саулостэ кэрдяпэ биковлыпнаскиро, и карье-дыибнаскирэ лукэндэр (стрелки) домардэ лэс, и ёнэ древан чхинлэ лэс. ⁴ И пхэндя Сауло пэскирэ манушэскэ, саво лыджыя мардытко: “Вылэ тыри куртала и запхусав ман ласа, соб (кай) тэ на явэн далэ наобчхиндлэ, и тэ на марэн ман, и тэ на санпэ мандыр.” Нэ мануш, саво лыджия мардытко, на камдя. Тэды Сауло лыя пэскири куртала, и пыя пэ латэ. ⁵ Лэскиро мануш, саво лыджия мардытко, дыкхця, со Сауло мыя, то кокорó пыя пэ пэскири куртала и мыя лэса. ⁶ Адыкэ мыя дро дова дывэс Сауло и трин лэскирэ чхавэ, и лэскиро мануш, саво лыджала мардытко, адыкэ-паць и сарэ лэскирэ манушá кхэтанэ. ⁷ Израильтэни, савэ дживдэ пэ долоскири риг и пал Иордано, дыкхи, со Израилэскирэ манушá прастандынэ и со мыя Сауло и лэскирэ чхавэ, мэкнэ пэскирэ форя и попрастандынэ, а Филистимляни явнэ и забэшнэ дро лэндэ. ⁸ Пэ явир дывэс Филистимляни явнэ тэ обчорэн домардэн и латхнэ Саулос и тринэ лэскирэ чхавэн, савэ пынэ пэ Гелвуякири бэрга. ⁹ И отчхингирдэ лэскэ шэро, и злынэ лэстыр мардытко и бичхадэ пир сари Филистимиякири пхув, соб (кай) тэ дэн зан пал сарó пэ мангипнытка штэты пэскирэн хоханэ дэвлэн и манушэнгэ; ¹⁰ и чхудэ лэскиро мардытко пэ мангипнытко штэто дро Астарта, а лэскиро трүпо убладэ пэ ванта Беф Сано. ¹¹ И шундлэ Иависоскирэ манушá Галаадостыр пал дова, сыр кэрдэ Филистимляни Саулоса, ¹² и газдынэпэ сарэ зоралэ манушá, и гинэ сари рат, и лынэ трүпо Саулоскиро и лэскирэ-чхавэнгирэ трүпы вантатыр Беф Саноскирэ, и явнэ дро Иависо, и хачкирдэ лэн одой; ¹³ и лынэ лэнгирэ кокалы, и гарадэ тэл дэмбо дро Иависо, и постиндлэпэ эфта дывэсá.

Явир Кралипнаскири Лылварй

Шэро 1

¹ Сыр Сауло мыя, кэли Давыдо рисия, палó (после) дова, кэли ёв домардя Амаликитянэн и сыс дро Секелаго дуй дывэсá, ² то гада, пэ трито дывэс явдя мануш Саулóскирэ станостыр; идя пэ лэстэ сыс роскушны и прахо сыс пэ лэскиро шэро. Явдя ёв кэ Давыдо, и пыя пэ пхув и поклониндяпэ лэскэ. ³ И пхэндя лэскэ Давыдо: “Катыр ту явдэн?” И пхэндя одова: “Мэ настём Израилэскирэ станостыр (лодэстыр).” ⁴ И пхэндя лэскэ Давыдо: “Со кэрдяпэ, роспхэн мангэ?” И одова пхэндя: “Манушá нашнэ марибнаскирэ штэтостыр, и бут манушэн замардэ, и Сауло, и лэскиро чхавэ Ионафано мынэ?” ⁵ И пхэндя Давыдо тэрнэ манушэскэ (тэрнэ-бэршэнгирэскэ), саво роспхэнэлэс лэскэ: “Сыр ту джинэса, со Сауло и лэскиро чхавэ

Ионафáно мынэ?”⁶ И пхэндя адава тэрно мануш, саво роспхэнэлас лэскэ: “Мáнгэ выгия тэ явав пэ Гелвуйакири бэрга, и гада, Са́уло пы́я пэ пэскири чхурдыпнытко буст (коп’ё), а марибнѣтка вурдына́ и мануша́ уклистэ́ пэ грэ́ндэ дотрадэнас лэс.”⁷ Тэды ёв рисия́ палэ, то дыкхц́я ман, и кхард́я ман.⁸ И мэ пхэндём: “Га́да, мэ сом. Ёв пхэндя́ ма́нгэ: “Кон ту сан?” И мэ пхэндём лэскэ: “Мэ – Амаликитянино.”⁹ Тэды ёв пхэндя́ ма́нгэ: “Яв пашэдыр кэ мэ, и замар ман, пал-дова́ со мэрибнаскири мэнька облы́я ман, ди миро уса́ ишчо (инкэ́) дрэ ма́ндэ.”¹⁰ И мэ подгиём кэ ёв и замардём лэс, пал-дова́ со мэ джиндём, со ёв на явэла джидо́ пало́ (после) пэскирэ́ пэрибэн; и лыём мэ в́янка, сави́ сыс пэ лэскиро шэро́, и браслето (коро), саво́ сыс пэ лэскиро васт и яндём лэн кэ миро хула́й адарик.”¹¹ Тэды сухтылд́я Давидо́ пэскирэ́ йди, и роскустя́ лэн, адя́кэ-паць и сарэ́ мануша́ кэрдэ́, савэ́ сыс лэса,¹² и тугиндлэ́ годла́са (голосиндлэ́) и рондлэ́, и постындлэ́ кэ бэ́львэ́ль пал Саулостэ́, и пал лэскирэ́ чхавэ́стэ́ Ионафаностэ́, и пал Ра́скирэ́-Дэвлэ́скирэ́ манушэ́ндэ, и пал Израилэ́скиро кхэр, со ё́нэ мынэ́ курталаты́р.¹³ И пхэндя́ Давидо́ тэрнэ́-баршэ́нгирэ́скэ, саво́ роспхэндя́ лэскэ: “Каты́р ту сан? И пхэндя́ ёв: “Мэ сом чхаво́ Амаликитяниноскиро, саво́ явд́я явирэ́ ригаты́р.”¹⁴ Тэды Давидо́ пхэндя́ лэскэ: “Сыр ту на поддаранды́ян тэ гадэ́с васт, соб (кай) тэ замарэ́с Ра́скирэ́-Дэвлэ́скирэ́ помакхи́бнаскирэ́с?”¹⁵ И кхард́я Давидо́ екхэ́с тэрнэ́-бэршэ́нгирэ́с, и пхэндя́ лэскэ: “Яв пашы́л, муляки́р лэс.”¹⁶ И дова́ замард́я лэс, и ёв мы́я. И пхэндя́ кэ ёв Давидо́: “Рат тыро́ исын пэ шэро́ тыро́, пал-дова́ со тырэ́ ушта́ допхэндлэ́ пэ ту́тэ, кэ́ли ту раки́рдян: ‘Мэ замардём Ра́скирэ́-Дэвлэ́скирэ́ помакхи́бнаскирэ́с.’”¹⁷ И обронд́я Давидо́ Саулос и лэскирэ́ чхавэ́с Ионафанос далэ́ ровибны́тконэ́ гия́са,¹⁸ и пхэндя́ тэ высы́кляки́рэн Юда́скирэ́ чхавэ́н лука (роибны́тко) гилы́, сыр сыс за́чхиндло́ дрэ́ Лылвары́ Чачу́нэскири, и пхэндя́: ¹⁹ “Шукари́пэн тыро́, о Израилэ́, домардо́ пэ тырэ́ вучипна! Сыр пы́нэ зоралэ́! ²⁰ На роспхэ́нэн дрэ́ Гефа, на раки́рэн зоралэ́с (на объ́явинэн) пэ ву́лицы (га́сы) Аскало́носкирэ́, соб (кай) тэ на рады́нэ́нпэ́ Филистимля́нэ́нгирэ́ чхая́, соб (кай) тэ на рады́нэ́нпэ́ зоралэ́с наобчхиндлэ́нгирэ́ чхая́. ²¹ Бэ́рги Гелвуйаки́рэ! Мэ́к тэ на зджал ни роса (пахлы́н), ни бры́шы́нд пэ́ тумэ́ндэ, и, мэ́к тэ на явэл пэ́ тумэ́ндэ́ фэ́лды баритко́нэ́нца (плодэ́нца), пал-дова́ со одо́й чхурдыно́ шчы́то зоралэ́нгиро Саулоскиро, шчы́то, сыр бы ёв тэ на явэл помакхно́ елеё́са. ²² Би ратэ́скиро раненэ́ндыр, би тукоскиро (чэ́кэноскиро) зоралэ́нгирэ́ Ионафаноскиро лу́ко на рисия́ палэ, и Саулоскири курта́ла на рисия́ чхучи́ (пусто). ²³ Са́уло и Ионафа́но, савэ́ сыкадэ́ паты́в екх екхэ́скэ́ и дживдэ́ сыр пша́ла дро пэ́скиро джи́ибэ́н, и ё́нэ на розя́чнэ́пэ́ дро мэрибэ́н пэ́скиро; сы́гныды́р орлэ́ндыр (кидэ́ндыр), зоралы́дыр шчэ́рэ́ндыр (левэ́ндыр) ё́нэ сыс. ²⁴ Чхая́лэ́ Израилэ́скирэ́! Ровэ́н пал Саулостэ́, саво́ ури́дя́ тумэ́н дрэ́ ба́гряница́ шука́рьякири́бна́са и дорэ́сэ́лас пэ́ тумарэ́́ йди сувна́кунэ́ укэ́дыибэ́на. ²⁵ Сыр зоралэ́ пы́нэ пэ́ марибэ́н! Замардо́ сыс Ионафа́но пэ́ пэскирэ́ вучипна. ²⁶ Пири́джива́ва мэ пал ту́тэ, миро пшал́ Ионафа́но; ту и са́нас древа́н дро́го ваш ма́нгэ; паты́в тыро́ кэ мэ сыс ваш ма́нгэ ба́рэды́р джу́влякирэ́ ками́бнасты́р. ²⁷ Сыр зоралэ́ пы́нэ, сыр хасия́ марибнаскиро ма́рды́тко (оружы́ё)!

Шэро́ 2

¹ Пало́ (после) дова́ Давидо́ пху́цяпэ́ Ра́стыр-Дэвлэ́сты́р, раки́ри: “Ци тэ джав ма́нгэ дро вари-саво́ Юда́скирэ́ форы́э́ндыр? И пхэндя́ лэскэ́ Дэвэл: “Джа́.” И пхэндя́ Давидо́: “Карик тэ джав?” И пхэндя́ Ёв: “Дро Хе́вро́но.” ² И гия́ одори́к Давидо́ и дуй лэскирэ́ ромня́ Ахиноа́ма Изреелитя́нка и Ави́гея, сави́ сыс Нава́лоскири ромны́, Кармилитя́нка. ³ И манушэ́н, савэ́ сыс лэ́са, яндя́ Давидо́, кажно́нэс (свако́нэс) лэ́скирэ́ сэм’я́са (ирья́са), и лы́нэ ё́нэ тэ дживэ́н кэ́ фо́ро Хе́вро́но. ⁴ И явнэ́ Юда́скирэ́ мануша́, и помакхнэ́ одо́й Давидо́с пэ́ кра́липэ́н пэ́ Юда́скиро кхэр. И роспхэ́ндлэ́ Давидо́скэ́, со мануша́ Галаадо́скирэ́ Иависосы́тр гара́дэ́ Саулос. ⁵ И бичха́дя́ Давидо́ пэ́скирэ́ манушэ́н кэ́ Иависо́ Галаадо́скирэ́ мануша́, тэ пхэ́нэ́н лэ́нгэ: “Тэ́ явэ́н ба́хтяки́рдэ́ тумэ́ Ра́стыр-Дэвлэ́сты́р, пал дова́ со кэ́рдэ́ дава́ лачхи́пэ́н пэ́скирэ́ хула́скэ́ Саулоскэ́́ и гара́дэ́ лэс. ⁶ И ка́канá мэ́к тэ́ отде́л тумэ́́нгэ́ Рай Дэвэл лачхи́пна́са́ и чачи́пна́са;́ и мэ́ кэ́рава́ тумэ́́нгэ́ мишты́пэ́н пал дова́, со тумэ́́ дава́ кэ́рдэ́; ⁷ ка́канá мэ́к тэ́ зорале́́н тумарэ́́ васта́,́ и тэ́ явэ́н тумэ́́ му́ршканэ́;́ пал-дова́ со тумаро́́ хула́й

Сауло мый, а ман помакхця Юдаскиро кхэр краліса пэ пэстэ.”⁸ Нэ Авеніро, Нироскиро чхаво, барыдыро Саулоскирэ халадэнгиро, лыя Евосфеёс, Саулоскирэ чхавэс, и яндя лэс дрэ Маханаимо,⁹ и чхудя лэс краліса пэ Галаадо, и Ашуро, и Изреелё, и Ефремо, и Вениамино, и пэ саро Израилё.¹⁰ Штардэша бэрш сыс Евосфеёскэ, Саулоскирэ чхавэскэ, кэли ёв яця краліса пэ Израилё, и сыс краліса дуй бэрш.” Екх кхэр Юдаскиро яцяпэ Давидоса.¹¹ Саро часо, дро саво Давідо сыс краліса дро Хевроно пэ Юдаскиро кхэр, сыс эфта бэрш и шов чхона.¹² И выгия Авеніро, Нироскиро чхаво и Евосфеёскирэ слуги (дынарья), Саулоскирэ-чхавэскирэ, Маханаимостыр дро Гаваоно.¹³ Выгия и Иоаво, Саруяскиро эскирэ, Давидоскирэ дынарьэнца, и стрэниндлэпэ пашыл Гаваоноскиро прудо (вэндэри), и забэшнэ одолэ пэ екх прудоскири риг, а адалэ пэ явір прудоскири риг.¹⁴ И пхэндя Авеніро Иоавоскэ: “Мэк тэ уштэн тэрнэ мануша и тэ побашавэн ангил амэндэ.” И пхэндя Иоаво: “Мэк тэ уштэн.”¹⁵ И уштынэ, и гинэ дэшудуй Вениамитяни Евосфеёскирэ ригатыр, Саулоскирэ-чхавэскирэ, и дэшудуй Давидоскирэ дынарьэндэр (слугэндэр).¹⁶ Ёнэ сухтылдэ екх екхэс пал шэро, учхудэ куртала екх екхэскэ дро пашваро, и пынэ кхэтанэ. И сыс кхардо дава штэто Хелкафо-Хацуримо, со сыс дрэ Гаваоно.¹⁷ И выгия дрэ дова дывэс баро марибэн, и Авенирос, Израилёскирэ манушэнца, домардэ Давидоскирэ дынарья.¹⁸ И сыс одой трин Саруяскирэ чхавэ: Иоаво, и Авеса, и Асаило. Асаило сыс локхо пэ гэра, сыр серна пэ фэлда.¹⁹ И традыяпэ Асаило пал Авениростэ, и традыя лэс, на рискири ни пэ чачі (пра во) риг, ни пэ зэрво (лёво) риг Авенироскирэ шпэратыр.²⁰ И обдыкхцяпэ Авеніро палэ, и пхэндя: “Ци ту сан адава, Асаило?” Одовэ пхэндя: “Мэ сом.”²¹ И пхэндя лэскэ Авеніро: “Рйскир пэ чачі, ци пэ зэрво, и выкэдэ пэскэ екхэс тэрнэ манушэндэр, и лэ пэскэ лэскиро мардытко.” Нэ Асаило на закамдя тэ отячэл лэстыр.²² И пхэндя Авеніро явір мо́ло Асаилоскэ: “Отяч мандыр, соб (кай) мэ тэ на чхував тут пэ пхув; тэды савэса мо́са ява́ва мэ кэ Иоаво, кэ тыро пшал?”²³ Нэ одовэ на закамдя тэ отячэл. Тэды Авеніро, рискирдя чхурдыпнытко буст (коп’ё), чхиндя лэс дрэ пэр; чхурдыпнытко буст прогия пирдал лэстэ, и ёв пыя одоя-паць, и мый пэ штэто, кай пыя и мый Асаило, сарэ, кон проджалас одой тэрдэнас.²⁴ И традынэ Иоаво и Авеса Авенирос. Кхам бэстя, кэли ёнэ явдэ кэ бэргица Ама, со исын проти Гиаха, пэ дром кэ Гаваоноскири чхучі пхув.²⁵ И скэдынэпэ Вениамитяни пашыл Авениростэ, и кэрдэ екх ополчэниё (отрядо), и тэрдинэ пэ екхэ бэргицакиро вучипэн.²⁶ И задья годла Авеніро кэ Иоаво, и пхэндя: “Ци саро ве́ко ява́са тэ хас куртала? Ци ту на джинэса, со выгиибэн явэла кирко? И пака ту на пхэнэса манушэнгэ, соб (кай) ёнэ тэ пириячэн тэ традэн пэскирэ пшалэн?”²⁷ И пхэндя Иоаво: “Тэ явэл джидо Дэвэл! Кóли бы ту тэ на ракирэс пэ явір (явирчанэс), тэды ишчо (инкэ) злокоса (ранкоса) пириячэнас бы мануша тэ традэн пэскирэн пшалэн.”²⁸ Забашадя Иоаво рогоса (трубаса), и тэрдинэ сарэ мануша, и на традынэ бутыр Израильтянэн; пирияця марибэн.²⁹ Авеніро и лэскирэ мануша гинэ лошчынаса сарі дай рат, и пиригинэ Иордано, и гинэ пир саро Битроно, и явнэ дро Маханаимо.³⁰ И рисия Иоаво Авенироскирэ традыпнастыр, и скэдыя сарэ манушэн, и на ухтылдя Давидоскирэ дынарьэндэр (слугэндэр) дэшуеня манушэн апріч Асаилостэ.³¹ Дынарья Давидоскирэ домардэ Вениамитянэн и Авенироскирэн манушэн: мынэ лэн трин шэла шовдэша манушэн.³² И лынэ Асаилос, и гарадэ лэс дрэ лэскирэ-дадэскири копліца, со сыс дро Вифлеёмо. Иоаво пэскирэ манушэнца гия сарі рат, и пэ злоко явдя дро Хевроно.

Шэро 3

¹ И сыс гарэ (длугэс) кошыбэн машкір Саулоскиро кхэр и Давидоскиро кхэр. Давідо уса бутыр и бутыр ячэлас зорало, а Саулоскиро кхэр бутыр и бутыр бизорьякирэласпэ.² И бияндынэ Давидостэ чхавэ дро Хевроно. Англатунó лэскиро чхаво сыс Амноно Ахиноаматыр Изреельтянкатыр,³ а явір лэскиро чхаво – Далуиа Авиגעятыр, саві сыс англэдыр Навалоскири ромны, Кармилитянка; трыто – Авесало́мо, Маахакиро чхаво, Фалмаёскирэ-чхакиро, Гесуроскирэ-краліскиро;⁴ штáрто – Адония, Агифаскиро чхаво; пándжто – Сафатия, Авиталакиро чхаво;⁵ шóвто – Ефераамо Эглатыр, Давидоскирэ-ромнятыр. Ёнэ бияндынэ Давидостэ дро Хевроно.⁶ Кэли сыс кошыбэн машкір кхэр

Саулоскиро и кхэр Давидоскиро, тэды Авениро подрикирэлас Саулоскиро кхэр. ⁷ Саулостэ сыс наложница (бисовлахири джувлы), пир лав Рицпа, Айёскири чхай. И пхэндя Евосфеё (Иевосфеё) Авенироскэ: “Соскэ ту загиян кэ мирэ-дадэскири наложница?” ⁸ Авениро древан росхолясыя пэ лавá Евосфеёскирэ и пхэндя: “Наушто мэ сом – джуклэскиро шэрó? Мэ проти Юдастэ кэрдём каканá лачхипэн Саулоскирэ кхэрэскэ, тырэ дадэскэ, лэскирэ пшалэнгэ и лэскирэ малэнгэ (другэнгэ), и мэ на отдыём тут дрэ Давидоскирэ вастá, а ту каканá родэса пэ мандэ грéхо пирдал джувлэтэ. ⁹ Довá и довá мэк тэ кэрэл Дэвэл Авенироскэ, и ишчо (инкэ) бутыр кэрэла лэскэ! Сыр совлахадя Рай Дэвэл Давидоскэ, адякэ и мэ кэрáва лэскэ: ¹⁰ Мэ отлава кралипэн Саулоскирэ кхэрэстыр, и чхувáва престоло Давидоскиро пэ Израилё и пэ Юдастэ, Даностыр кэ Вирсавиё.” ¹¹ И на могондя Евосфеё тэ отпхэнэл Авенироскэ, пал-довá со ёв дарандыя лэстыр. ¹² И бичхадя Авениро пэстыр манушэн кэ Давидо, тэ пхэнэн: “Конэскири исын дая пхув” и ишчо (инкэ) тэ пхэнэн: “Кэр доракирибэн манца, и миро васт явэла туса, соб (кай) тэ рискирэс кэ ту сарэ Израилёскирэ манушэн.” ¹³ И пхэндя Давидо: “Миштó, мэ кэрáва доракирибэн туса, фэни (тока) мангáва мэ тут пал екх, ту на дыкхэса муй миро, кóли на янэса пэса Мелхола, Саулоскирэ чха, кели ту явэса тэ дыкхэспэ манца.” ¹⁴ И отбичхадя Давидо пэскирэ манушэн кэ Евосфеё, Саулоскиро чхавó тэ пхэнэн: “Отдэ мирья ромня Мелхола, савья мэ дорэсцём пал шэл Филистимлянэнгирэ обчихиныбэна пэ ягóро (краё).” ¹⁵ И бичхадя Евосфеё, и лыя ла ромэстыр, Фалтиёстыр, Лаишоскирэ чхавэстыр. ¹⁶ Гия ласа и лакиро ром, и ровибнаса пролыджия ла кэ Бахурима; нэ Авениро пхэндя лэскэ: “Рисёв палэ.” И ёв рисия. ¹⁷ И рисия лавэса Авениро кэ Израилёскирэ пхурыдырэ, ракири: “И тася, и трито дывэс тумэ камлэ, соб (кай) Давидо тэ явэл кралыса пэ тумэндэ, ¹⁸ каканá кэрэн дава, пал-довá со Рай Дэвэл пхэндя Давидоскэ: “Вастэса Мирэ писхарискирэса Давидоскирэса Мэ зракхáва Мирэ манушэн, Израилё, вастэстыр Филистимлянэнгирэстыр и сарэ лэскирэ вэргэнгирэ вастэстыр.” ¹⁹ Довá-паць ракирдя Авениро и Вениамитянэнгэ. И гия Авениро дро Хевроно, соб (кай) тэ пирипхэнэл Давидоскэ сарó, со камлэ Израилё и Вениаминоскиро кхэр. ²⁰ И явдя Авениро кэ Давидо дрэ Хевроно и лэса биш манушá, и кэрдя Давидо барó скаминд ваш Авенироскэ и манушэнгэ, савэ сыс лэса. ²¹ И пхэндя Авениро Давидоскэ: “Мэ уштава, и джáва, и мэ скэдава кэ хулай, миро кралё, сарэ Израилёскирэ манушэн, и ёнэ заджána дро завето доракирибэн туса, и ту явэса кралыса пэ сарэндэ, сыр камэла тырó ди.” И отмэкця Давидо Авенирос, и ёв гия раманёса (миросá). ²² И гáда, Давидоскирэ дынарья Иоавоса явнэ дромэстыр, и яндлэ пэса бут дорэсыбэн (добыча); нэ Авенирос на сыс Давидоса дро Хевроно, пал-довá со Давидо отмэкця лэс, и ёв гия раманёса. ²³ Кели Иоáво и сарэ халадэ, савэ псирдэ лэса, явнэ, тэды Иоавоскэ роспхэндлэ: “Сыс Авениро, Нироскиро чхавó, кэ крáli, и одовá отмэкця лэс, и ёв гия раманёса (миросá).” ²⁴ И явдя Иоáво кэ крáli, и пхэндя: “Со ту кэрдян? Гáда, сыс кэ ту Авениро; соскэ ту отмэкця лэс, и ёв гия криг? ²⁵ Ту джинэса Авенирос, Нировоскирэс чхавэс: ёв сыс яви тэ хохавэл тут, тэ доджинэлпэ выгиибэн тырó и загиибэн тырó, и тэ розгалёл сарó, со ту кэрэса.” ²⁶ И выгия Иоáво Давидостыр, и бичхадя пэскирэ манушэн палáл пал Авениростэ; и рискирдэ ёнэ лэс Сироскирэ ганынгатыр, би Давидоскирэ джиныбнаскиро. ²⁷ Кели Авениро рисия дрэ Хевроно, тэды Иоáво отлыджия лэс андрé порта (враты), сырбы ваш довá, соб (кай) тэ ракирэл лэса екх пэ екх, и ёв одóй чхиндя лэс дро пэр. И мыя Авениро пал Асаилоскиро рат, Иоавоскирэ пшалэскиро. ²⁸ И шундя коригэдыр (позжэ) Давидо пал дава, и пхэндя: “Мэ на сом бангó и кралипэн миро дро вéко ангил Растэ-Дэвлэстэ пал Авенироскиро рат, Нироскирэ чхавэскиро; ²⁹ мэк тэ пэрэл ёв пэ Иоавоскиро шэрó и пэ сарó лэскирэ-дадэскиро кхэр; мэк никели тэ на ячэлпэ Иоавоскиро кхэр би одолэскиро, савó, ци савó обрикирэлапэ пэ дэстó, ци, савó пэрэла курталáтыр, ци савэстэ нанэ марó. ³⁰ Иоáво и лэскиро пшал Авеса замардэ Авенирос, пал-довá со ёв замардя лэнгирэ пшалэс Асаилос дро марибэн пашыл Гаваóно. ³¹ И пхэндя Давидо Иоавоскэ и сарэ манушэнгэ, савэ сыс лэса: “Роскушэн тумарé йди, и урьенпэ дрэ калыпэн, и ровэн пал Авениростэ.” И крáli Давидо гия пал лэскиро мулыкано (гробó). ³² Кели гарадэ Авенирос дрэ Хевроно, то тэды крáli зоралэс рондя пал Авенироскиро мулыкано, рондлэ и сарэ манушá. ³³ И оброндя крáli Авенирос, ракири: “Ци дылынэ

мэрибнаса тэ мэрэл Авенироскэ?”³⁴ Васта тырэ на сыс спхандлэ, и гэрэ тырэ на сыс дрэ састыра, и ту мыян, сыр мэрэна розмарыбнарьендыр.” И сарэ манушэ лынэ бутыр тэ ровэн пал лэстэ.³⁵ И явнэ сарэ манушэ тэ сыкавэн тэ дэн Давидоскэ маро, кэли сыс дывэс; нэ Давидо совлахадя, ракири: “Дова и дова мэк тэ кэрэл манца Рай Дэвэл, и ишчо (инкэ) бутыр кэрэла, коли мэ кэ кхамэскиро загибэн хава маро ци вари-со.”³⁶ И сарэ манушэ уджиндлэ дава, и пир ило сыс лэнгэ дава, сыр и саро, со кэрдя крэли, яця пир ило сарэ манушэнгэ.³⁷ И уджиндлэ сарэ манушэ и саро Израилё дро дова дывэс, со на крэлэстыр выгия Авенироскиро мэрибэн, Нироскирэ чхавэскиро.³⁸ И пхэндя крэли пэскирэ дынарьэнгэ: “Ци джінэна тумэ, со дро дава дывэс дрэ Израилё мыя шэрало и баро муш?”³⁹ Мэ каканэ ишчо (инкэ) бизорьякиро, мэк мэ(хоць) и сом помакхно пэ крэлэпэн, а адалэ манушэ, Саруяскирэ чхавэ, зоралэдыр мандыр; мэк тэ дэл Рай Дэвэл манушэскэ, саво кэрэла фуипэн пир лэскиро фуипэн!”

Шэро 4

¹ И шундя Иевосфеё, Саулоскиро чхаво, со мыя Авениро дро Хевроно, и обмэкнэпэ лэскирэ васта, и саро Израилё страхадыя. ² Иевосфеёстэ, Саулоскирэ чхавэстэ, сыс дуй халадэнгирэ барыдыра; лав екхэскиро – Баана, и лав явирэскиро – Рихаво, Беерофяниноскирэ-Ремоноскирэ чхавэ, Вениаминоскирэ родостыр, пал-дова со и Беерофо отлыджаласпэ кэ Вениамино. ³ И нашенэ Беерофяни дрэ Гифаима, и ячнэпэ одой манушэнца явирэ ригатыр кэ дава дывэс. ⁴ Ионафаностэ, Саулоскирэ чхавэстэ, сыс лангало чхаво. Пандж бэрш сыс лэскэ, кэли явдя зан (звесь) пал Саулостэ и Ионафаностэ Изреелэстыр, и нянька лэскири, лыи лэс, настя. И кэли ёй сыгэс прастандыя, тэды ёв пыя и кэрдяпэ лангалэса. Лав лэскиро сыс Мемфивосфеё ^[1]. ⁵ И гинэ Беерофяниноскирэ-Ремоноскирэ чхавэ, Рихаво и Баана, и явнэ дро дывэсэскиро баро хачкирибэн кэ Евосфеёскиро кхэр; а ёв сыс суто дрэ паш дывэс. ⁶ Рихаво и Баана, лэскиро пшал, загинэ андрэ дро кхэр, сырбы ваш дова, соб (кай) тэ лэн парно гив; и чхиндлэ лэс дро пэр, и нашенэ. ⁷ Кэли ёнэ загинэ дро кхэр, Иевосфеё сыс пашто пэ пэскиро чхуибэн, дрэ соибнытко пэскири штуба; и ёнэ замардэ лэс, и мулякирдэ лэс, и отчхингирдэ лэскиро шэро, и лынэ лэскиро шэро пэса, и гинэ чхучэ дромэса сары рат; ⁸ и яндлэ шэро Иевосфеёскиро кэ Давидо дро Хевроно, и пхэндэ крэлэскэ: “Гáда, исын Иевосфеёскиро шэро, Саулоскирэ чхавэскиро, тырэ вэргоскиро, саво родыя тыро ди; каканэ Рай Дэвэл отдыя пал мирэ хуластэ, крэлэстэ, Саулоскэ и лэскирэ родоскэ.” ⁹ И отпхэндя Давидо Рихавоскэ и Баанаскэ, лэскирэ пшалэскэ, Беерофяниноскирэ-Ремоноскирэ чхавэнгэ, и пхэндя лэнгэ: “Тэ явэл джидо Рай Дэвэл, саво зракхця миро ди кажнонэ бидатыр! ¹⁰ Коли долэс, кон яндя мангэ зан (звесь), пхэни: “Гáда, мыя Сауло”, и кон гиндя пэс, со ёв яндя лачхы звесь, то мэ ухтылдём и замардём лэс дро Секелаго, замест дова, соб (кай) тэ дав лэскэ мазури (награда), ¹¹ тэды каканэ, кеды налачхэ манушэ замардэ манушэс, саво исын набанго дро лэскиро кхэр пэ лэскиро чхуибэн, наушто мэ на зродава лэскиро рат тумарэ вастэстыр и на традава тумэн пхувьятыр?” ¹² И припхэндя Давидо дынарьэнгэ, и замардэ лэн, и отчхингирдэ лэнгэ васта и гэрэ, и убладэ лэн пашыл вэндэри (прудо) дро Хевроно. А шэро Евосфеёскиро лынэ и гарадэ дрэ коплица Авенироскири, дро Хевроно.

4:4 ^[1] Давэ лав исын Юдыткэс “Мефивошэт”, значынэла одова, кон исын отмэкно грэхитко

Шэро 5

¹ И явнэ сарэ родыцы (колены) Израилёскирэ кэ Давидо дро Хевроно, и пхэндлэ: “Гáда, амэ – кокалы тырэ и мас тыро; ² ишчо (инкэ) тася и трито дывэс, кэли Сауло сыс крэлэса пэ амэндэ, ту вылыджиян и залыджиян Израилё; и пхэндя Рай Дэвэл тукэ: “Ту явэса тэ раххэс Мирэ манушэн, Израилёскирэн, и ту явэса Израилёскирэ шэралэса.” ³ И явнэ сарэ

Израилёскирэ пхурыдыра кэ крали дро Хевроно, и кэрдя лэнца крали Давидо завето (доракирибэн) дро Хевроно ангил Растэ-Дэвлэстэ; и помакхнэ Давидос дро кралиэстэ пэ Израилё. ⁴ Триндэша (триянда) бэрш сыс Давидоскэ, кэли ёв яця кралиса; ёв сыс кралиса штардэша бэрш. ⁵ Дро Хевроно ёв сыс кралиса пэ Юдастэ эфта бэрш и шов чхона, и дро Ерусалимо сыс кралиса триянда трин бэрш пэ саро Израилё и Юдастэ. ⁶ И гинэ крали и лэскирэ мануша пэ Ерусалимо проти Евусеендэ (Иевусеендэ), одолэ-ригакирэ манушэндэ: нэ ёнэ ракирдэ Давидоскэ: “Ту на заджаса адарик; тут оттрадэна корорэ и лангалэ”, – ада значындя: “На заджала адарик Давидо.” ⁷ Нэ Давидо лыя твардыма (диз) Сионо: дава – форо Давидоскиро. ⁸ И пхэндя Давидо дрэ дова дывэс: “Кажно (свако) мануш, сыр замарэла Иевусеёс, мэк тэ пхусавэл чхурдыпнытконэ бустяса и лангалэн, и корорэн, савэнгэ исын на пир ило Давидоскиро ди.” Палдава и ракирэлапэ: “Корорэ и лангало на заджала дро Раскирэ-Дэвлэскиро Кхэр.” ⁹ И лыя тэ дживэл Давидо дрэ твардыма/диз (крепость), и кхардя лэс Давидоскирэ форо, и обчхудэ кхэра пашыл Милло и андрэ. ¹⁰ И яця Давидо зоралэдыр, и бария дрэ слава, и Рай Дэвэл, Дэвэл, болыбнаскирэ-янголэнги, сыс лэса. ¹¹ И прибичхадя Хирамо, Тироскиро крали, пэскирэн манушэн кэ Давидо и кедрытка кашта, и кхэра-кэрибнаскирэн (плотникэн), барэнгирэн (каменшчыкэн), и ёнэ кэрдэ Давидоскэ кхэр. ¹² И галыя Давидо, со Рай Дэвэл чхудя лэс кралиса пэ Израилё, и со газдыя лэскиро кралипэн ваш Израилёскирэ Пэскирэ манушэнгэ. ¹³ И лыя Давидо бутыр наложницэн и ромнен Ерусалимостыр, палэ дова, сыр явдя Хевроностыр. ¹⁴ И бияндынэ ишчо (инкэ) Давидостыр чхавэ и чхая. И гада, исын лавэ, савэ бияндынэ лэстыр дрэ Ерусалимо: Самусо, и Соваво, и Нафано, и Соломоно, ¹⁵ и Евеаро, и Елисуо, и Нафеко, и Иафио, ¹⁶ и Елисамо, и Елидао, и Елифалефо. ¹⁷ Кэли Филистимляни шундлэ, со Давидос помакхнэ пэ кралипэн пэ Израилё, тэды газдынэпэ сарэ Филистимляни тэ родэн Давидос. И шундя Давидо, и гия дрэ твардыма/диз (крепость). ¹⁸ А Филистимляни явнэ, и тэрдинэ пэ доло Рефаимо. ¹⁹ И выпхуцяпэ Давидо Растыр-Дэвлэстыр, ракири: “Ци тэ джав мангэ проти Филистимлянэндэ? Ци отдэса Ту лэн дрэ мирэ васта?” И пхэндя Рай Дэвэл Давидоскэ: “Джа, пал-дова со Мэ отдава Филистимлянэн дрэ тырэ васта.” ²⁰ И гия Давидо дрэ Ваало-Перацымо, и домардя лэн одой, и пхэндя Давидо: “Рай Дэвэл розмардя мирэ вэргэн ангил мандэ, сыр розлыджала пани.” Палдава и долэ штэтоскэ дыно лав Ваало-Перацымо. ²¹ И ячкирдэ одой Филистимляни пэскирэ вычхиндлэ муя, а Давидо пэскирэ манушэнца лыя лэн. ²² И нэвэс явнэ Филистимляни, и тэрдинэ пэ доло Рефаимо. ²³ И пхуцяпэ Давидо Растыр-Дэвлэстыр, и Ёв отпхэндя лэскэ: “На выджа гил лэнгэ, а заджа лэнгэ палалэстыр и джа кэ ёнэ бальзамитконэ-рошчакирэ (вэладинякирэ) ригатыр; ²⁴ и кэли шунэса шумо сырбы саво джала пир бальзамитко-вэшэнги вучипэн, то тэды джа, пал-дова со тэды гия Рай Дэвэл ангил тутэ, соб (кай) тэ до марэл Филистимоскирэ халадэн. ²⁵ И кэрдя Давидо, сыр ракирдя лэскэ Рай Дэвэл, и домардя Филистимлянэн Гаваятыр кэ Газеро.

Шэро 6

¹ И нэвэс скэдыя Давидо сарэн выкэдынэ манушэн Израилёстыр, триянда тысёнцы. ² И уштыя, и гия Давидо и сарэ мануша, савэ сыс лэса Ваалостыр Юдаскирэстыр, соб (кай) тэ пирилыджас одотхыр Дэвлэскиро ковчэго, саво кхарэлапэ Раскирэ-Дэвлэскирэ, болыбнаскирэ-янголэнги лавэса, саво исын бэшто пэ херувимы. ³ И чхудэ Дэвлэскиро ковчэго пэ нэво марибнытко вурдэн, и вылыджинэ лэс Аминадавоскирэ кхэрэстыр, со сыс пэ бэрга. Чхавэ Аминадавоскирэ, Озо и Ахио, лыджинэ нэво марибнытко вурдэн. ⁴ И лыджинэ лэс Дэвлэскирэ ковчэгоса Аминадавоскирэ кхэрэстыр, саво сыс пэ бэрга; и Ахио гия ангил ковчэго. ⁵ А Давидо и сарэ Израилёскирэ чхавэ башадэ ангил Дэвлэстэ пэ разна башаибнытка струменты кипарисоскирэ вэшэстыр, и пэ цытры (арфы), и пэ псалтири (луты), и пэ тимпаны (бубны), и пэ систры (гусли), и пэ цымбалы. ⁶ И кэли догинэ кэ Нахоноскири шурна (гумно), то Оза вытырдыя пэскиро васт кэ Дэвлэскиро ковчэго и лыяпэ пал лэстэ, пал-дова со гурува бандякирдэ лэс. ⁷ Нэ Рай Дэвэл росхолясыя пэ Озастэ, и замардя лэс одой Дэвэл пал дая нахрато банг, и мыя ёв одой пашыл Дэвлэскиро ковчэго. ⁸

И пы́я духо́са Дави́до, со Рай Дэвэл мулякирдя́ Озас. Штэ́то дава́ и кэ/жы́ко дава́ дывэ́с кхарэ́лапэ: “Озаскиро мулякирибэ́н.” ⁹ И страха́дыя Дави́до Ра́стыр-Дэвлэ́стыр дро дова́ дывэ́с, и пхэ́ндя: “Сыр тэ заджа́л кэ мэ Ра́скирэ-Дэвлэ́скирэ ковчэ́госкэ?” ¹⁰ И на закамд́я Дави́до тэ лыджа́л Ра́скирэ-Дэвлэ́скиро ковчэ́го кэ пэ, дро Давидо́скиро фо́ро, а залыджия́ лэс дро Гефя́ниноскирэ-Аведароскиро кхэр. ¹¹ И сыс Ра́скирэ-Дэвлэ́скиро ковчэ́го дро Гефя́ниноскирэ-Аведароскиро кхэр трин чхона́, и бахтякирдя́ Рай Дэвэл Аведарос и саро́ лэскиро кхэр. ¹² Кéли рoспхэндлэ́ кралы́скэ Давидо́скэ, пхэ́ни: “Рай Дэвэл бахтякирдя́ Аведароскиро кхэр и саро́, со сыс лэ́стэ, то гия́ Дави́до и свэнкиткэ́с пирилыджия́ Ра́скирэ-Дэвлэ́скиро ковчэ́го Аведароскирэ кхэрэ́стыр дро фо́ро Давидо́скиро. ¹³ И кéли мануша́, савэ́ лыджинэ́ Ра́скирэ-Дэвлэ́скиро ковчэ́го и гинэ́ пир шов гэрүня́ (шаги), то ёв янэ́лас дро свэ́нто дыибэ́н Ра́скэ-Дэвлэ́скэ гуруво́рэс и бакрэ́с. ¹⁴ Дави́до ухтэ́лас сарэ́ зорья́тыр анги́л Растэ́-Дэвлэ́стэ, уридо́ сыс Дави́до дро парка́литко э́фодо. ¹⁵ Ады́кэ Дави́до и саро́ Израилё́скиро кхэр лыджинэ́ Ра́скирэ-Дэвлэ́скиро ковчэ́го радыбна́скирэ годла́са и рогоскирэ́ башаибна́са. ¹⁶ Кéли вы́гия́ Ра́скирэ-Дэвлэ́скиро ковчэ́го дро Давидо́скиро фо́ро, то Мелхо́ла, Сауло́скири чхай, дыкхця́ дрэ́ фэ́нштра, и, дыкхы́ кралы́с Давидо́с, саво́ ухтэ́лас и кхэлэ́лас анги́л Растэ́-Дэвлэ́стэ, то ёй лы́я тэ на ку́тякирэ́л лэс дро пэ́скиро ило́. ¹⁷ И я́ндлэ́ Ра́скирэ-Дэвлэ́скиро ковчэ́го, и чху́дэ́ лэс пэ́ пэ́скиро штэ́то маши́ра́л ша́тра (скы́ния), сави́ кэрдя́ ваш лэ́скэ Дави́до; и я́ндя́ Дави́до цэ́ло схачкирибэ́н анги́л Растэ́-Дэвлэ́стэ и рама́нёна (мирна) свэ́нта дыибэ́на́ Ра́скэ-Дэвлэ́скэ. ¹⁸ Кéли Дави́до мэ́кця́ тэ я́нэл цэ́лонэ́ схачкирибна́скирэ и рама́нёна (мирна) свэ́нта яныбэ́на́, тэды́ бахтякирдя́ ёв манушэ́н Ра́скирэ-Дэвлэ́скирэ, болыбна́скирэ-янголэ́нгирэ́ лавэ́са; ¹⁹ и розды́я Дави́до сарэ́ манушэ́нгэ, сарэ́ бутэ́нгэ Израилы́тянэ́нгэ, сыр му́ршэ́нгэ, ады́кэ и джу́вленгэ́, пир екх ма́ро, и пир котэ́р пэ́кно мас, и пир екх ма́риклы́ кажно́нэ́скэ. И гинэ́ сарэ́ мануша́, ка́жно дро пэ́скиро кхэр. ²⁰ Кéли Дави́до рисия́, соб (кай) тэ бахтякирэ́л пэ́скиро кхэр, тэды́ э́ Мелхо́ла, Сауло́скири чхай, вы́гия́ лэ́скэ пэ́ стреч, и пхэ́ндя: “Сыр сы́кады́я пэ́с сарэ́нды́р адады́вэ́с Израилё́скиро кра́ли, сы́кады́я пэ́с адады́вэ́с анги́л пэ́скирэ́ дына́рицэ́нгирэ́ и дына́рьенгирэ́́ я́кха́, сыр сы́кава́эла пэ́с ва́ри-саво́ чхучо́/балвалитко́ ма́нуш!” ²¹ И пхэ́ндя́ Дави́до Мелхо́лакэ́: “А́нгил Растэ́-Дэвлэ́стэ, Саво́ вы́кэды́я ма́н ты́рэ́ дады́скэ́ и сарэ́ лэ́скирэ́ кхэрэ́скэ́ чхуви́ ма́н шэ́ралэ́са пэ́ Ра́скирэ-Дэвлэ́скирэ́ ма́нушэ́ндэ́, пэ́ Израилё́; анги́л Растэ́-Дэвлэ́стэ́ мэ́ ява́ва тэ́ башава́в и тэ́ кхэ́лав; ²² и мэ́ ишчо́ (инкэ́) бу́тыр тэ́лякирава́ пэ́с, и чхува́ва пэ́с тэ́лэды́р дрэ́ ми́рэ́ я́кха́, и анги́л дына́рицэ́ндэ́, па́л савэ́́ндэ́ ту ра́кирэ́са, мэ́ ява́ва славу́тно.” ²³ И Мелхо́латэ́, Сауло́скирэ́ чхатэ́, на сы́с бия́тэ́н (чхавэ́н) кэ́ ла́киро мэ́рибна́скиро дывэ́с.

Шэ́ро 7

¹ Кéли кра́ли дживды́я дро пэ́скиро кхэр, и Рай Дэвэл шты́лякирдя́ лэ́с сарэ́ лэ́скирэ́ пашатунэ́ вэ́ргэ́ндыр, ² тэды́ пхэ́ндя́ кра́ли проро́коскэ́ Нафа́носкэ́: “Ѓа́да, мэ́ джива́ва дро ке́дрытко́ кхэр, а Ра́скирэ-Дэвлэ́скиро ковчэ́го исын тэ́л ша́тра.” ³ И пхэ́ндя́ Нафа́но кралы́скэ́: “Са́ро, со исын ту́тэ́ пэ́ ило́, джа́, кэ́р; па́л-дова́ со Рай Дэвэл исын ту́са.” ⁴ Нэ́ дрэ́ до́я ра́т сы́с ла́в Ра́скирэ-Дэвлэ́скиро кэ́ Нафа́но: ⁵ “Джа́, пхэ́н Ми́рэ́скэ́ писха́ры́скэ́ Давидо́скэ́: ‘А́дыкэ́ ра́кирэ́ла Рай Дэвэл: ци́ ту кэ́рэ́са Ма́нгэ́ кхэр, соб (кай) Мэ́ тэ́ ява́в одо́й, ⁶ кéли Мэ́ на дживде́м до́лэ́ часосты́р дро кхэр, сыр вы́лыджи́ём Израилё́скирэ́ чхавэ́н Египто́стыр, и кэ́ дава́ дывэ́с, нэ́ пи́риги́ём дрэ́ ша́тра и дрэ́ скы́ния? ⁷ Кай́ Мэ́ на пси́рдэ́м сарэ́́нца́ Израилё́скирэ́ чхавэ́́нца́, ци́ ра́кирде́м Мэ́ екх ла́в ва́ри-савэ́́скэ́ родо́стыр, савэ́́скэ́ Мэ́ вы́кэды́ём тэ́ ра́кхэ́л Ми́рэ́, Израилё́скирэ́ ма́нушэ́н: “Со́скэ́ на чхува́на Ма́нгэ́ ке́дрытко́ кхэр?”” ⁸ И ка́кана́ ады́кэ́ пхэ́н Ми́рэ́ писха́ры́скэ́ Давидо́скэ́: “А́дыкэ́ ра́кирэ́ла Рай Дэвэл, болыбна́скирэ́-янголэ́́нгиро: ‘Мэ́ лы́ём ту́т бакрэ́́нгирэ́ ста́даты́р, соб (кай) ту́ тэ́ явэ́с Ми́рэ́ Израилё́скирэ́ ма́нушэ́́нгирэ́́ шэ́ралэ́са; ⁹ и Мэ́ со́мас ту́са усенде́ (везде), ка́рик на пси́рдя́ное́ ту, и тра́дыём ќриг сарэ́́н ты́рэ́ вэ́ргэ́н анги́л ту́тэ́, и кэ́рдэ́м ла́в ты́ро́ славу́тно́нэ́са, сыр исын ла́в славу́тно́нэ́́нгиро́ пэ́ пху́в. ¹⁰ И Мэ́ кэ́рава́ штэ́то ва́ш Ми́рэ́ ма́нушэ́́нгэ́, ва́ш Израилё́, и Мэ́ чхува́ва пэ́ пху́в лэ́с, и ява́ла ёв шты́лэ́с тэ́ дживэ́́л пэ́ пэ́скиро́ штэ́то, и на ява́ла тэ́ тугинэ́́ллэ́ бу́тыр, и на́лачхэ́ ма́нуша́ на ява́на бу́тыр тэ́ тра́дэ́н лэ́с, сыр а́нглэ́дыр, ¹¹ до́лэ́

часостыр (цыростыр), сыр Мэ чхудём сэндарьен пэ Мирэ Израилёскирэ манушэндэ; и Мэ штылякирава тут сарэ тырэ вэргэндыр. И Мэ Рай Дэвэл дэла лав тукэ, со Ёв кэрэла тукэ кхэр. ¹² Кэли сполнинэнапэ тырэ дывэса, и ту пасёса тырэ дадэнца, тэды Мэ чхувэва палó (после) тутэ тырó рóдо, савó выджала тырэ масэндыр, и зоралыкирава лэскиро кралипэн. ¹³ Ёв кэрэла кхэр ваш Мирэ лавэскэ, и Мэ чхувэва лэскиро кралипэн пэ вéко. ¹⁴ Мэ явэва лэскэ дадэса, и ёв явэла Мánгэ чхавэса; и кóли (со) ёв кэрэла грéхо, Мэ чхувэва хась (кáра) пэ лэстэ муршэнгирэ кхенингоскирэ дэстэса и марибна́са манушытконé чхавэндыр; ¹⁵ нэ тангипэн (жалима) Мирó Мэ на отлава лэстыр, сыр Мэ отлыём Саулостыр, савэс Мэ мэкцём ангил тутэ. ¹⁶ И явэла зоралэс тэрдó тырó кхэр и кралипэн тырó пэ вéко ангил Мáндэ, и престоло тырó тэрдéла пэ вéко.” ¹⁷ Сарэ далэ лавá и сарó давá дыкхибэн Нафано пирипхэндя Давидóскэ. ¹⁸ И гия крáли Давíдо, и тэрдия ангил Растэ-Дэвлэстэ, и пхэндя: “Кон мэ сом, Раё Дэвла, Раё Дэвла, и со дасаво кхэр миро, со Ту ман адякэ барьякирдян. ¹⁹ И давá сыкадыя ишчо (инкэ) нáбут дрэ Тырэ якхá, Раё Дэвла миро, Раё Дэвла; нэ Ту ракирдян ишчо (инкэ) пал кхэр Тырэ дынарискиро дро англыпэн. Давá исын пир манушы́тко, Раё Дэвла миро, Раё Дэвла! ²⁰ Со буты́р мого́нэла тэ пхэнэл Тукэ Давíдо? Ту джинэса писхарис Тырэс, Раё Дэвла миро, Раё Дэвла! ²¹ Ваш лав Тырó и пир илó Тырó Ту кэрэса давá, сыкави сарó давá Тырэ писхарискэ. ²² Пир сарó Ту сан барó, Раё Дэвла миро, Раё Дэвла! Палдавá со нанэ Никон дасаво-паць, сыр Ту сан, и нанэ Дэвлэс, апрíч Тутэ, пир сарó, со амэ шунды́м пэскирэ канэнца. ²³ И кон исын равно Дырэ манушэнгэ Израилёскэ, екхэ манушэнгэ пэ пхув, ваш савэнгэ явдя Рай Дэвэл, соб (кай) тэ зракхэл лэс Пэскэ дрэ манушэндэ, и тэ прославинэл Пэскиро лав, и тэ кэрэл барó и дарано ангил Тырэ манушэндэ, савэн Ту лыян Пэскэ Египтянэндыр, традыян криг манушэн и лэнгирэ дэвлорé? ²⁴ И Ту зорьякирдян пал Пэстэ Тырэ Израилёскирэ манушэн, сыр Пэскирэ манушэн, пэ вéко, и Ту, Раё Дэвла, яцян лэскирэ Дэвлэса. ²⁵ И каканá, Ту, Раё Дэвла, сполнин пэ вéки лав, савó ракирдян Ту пал Тырэ писхаристэ, и пал лэскиро кхэр, и кэр дова́, со Ту ракирдян. ²⁶ И мэк тэ славинэлпэ лав Тырó дрэ вéки, соб (кай) тэ ракирэн: “Рай Дэвэл, болыбна́скирэ-янголэнгиро – Дэвэл пэ Израилё.” И кхэр писхарискиро, Тырэ Давидóскиро мэк тэ явэл зоралó ангил Тутэ. ²⁷ Адякэ сыр Ту, Раё Дэвла, болыбна́скирэ-янголэнгиро, Дэвэл Израилёскиро, отчхакирдян писхарискэ Тырэскэ, ракири: ‘Кэра́ва тукэ кхэр, тэды писха́ри тырó отдыя́ пэскиро илó, соб (кай) тэ мангавпэ Тукэ дасавэ патерььяса (молитваса). ²⁸ И адякэ, Раё Дэвла миро, Раё Дэвла! Ту сан Дэвэл, и лавá Тырэ исын на хоханэ, и Ту дыян Тырэ писхарискэ дасаво лачхипэн! ²⁹ И каканá лэпэ и бахтякир Тырэ-писхарискиро кхэр, соб (кай) ёв тэ явэл вéчно ангил Тутэ; пал-дова́ со Ту, Раё Дэвла миро, Раё Дэвла, пхэндян давá, и бахтякирибна́са Тырэса ячэла Тырэ писхарискиро кхэр бахтякирдó дро вéко.”

Шэрó 8

¹ Палó (после) давá Давíдо домардя́ Филистимлянэн и штылякирдя лэн, и лыя́ Давíдо Мефего-Гаамма Филистимлянэнгирэ вастэндыр. ² И домардя́ ёв Моавитянэн, и змериндя лэн шэлэса, чхуви лэн пэ пхув; и отмериндя дуй шэлэ пэ мулякирдэндэ, а екх шэло тэ ячкирэн дрэ джидэндэ. И ячнó Моавитяни Давидóстэ писхарьёнца и плэскирдэ дань. ³ И замардя́ Давíдо Адраазарос, Реховоскирэ чхавэс, Сувакирэ кралис, кэли одовá гия, соб (кай) тэ рискирэл пэскири зор пэ кусты́к пашы́л рэка (лэнь) Ефрато; ⁴ и лыя́ Давíдо лэстыр тысёнцо эфташэла́ манушэн уклистэ пэ грэндэ и биш тысёнцы пэзал, и подчхиндя Давíдо жылы сарэ грэндэ, савэ сыс дынэ андрé дрэ марибны́тка вурдына́, а ячкирдя́ пэскэ лэндыр ваш шэл марибны́тка вурдына́. ⁵ И явнó Сирийцы Дамаскостыр тэ подэн васт Адразароскэ, кэ Сувакиро крáли; нэ Давíдо замардя́ биш тэ дуй тысёнцы манушэн Сирийцэн. ⁶ И чхудя́ Давíдо раххибна́рискирэ халадэн пэ Дамаскоскири Сирия, и ячнó Сирийцы писхарьёнца Давидоскэ, и плэскирдэ лэскэ дань. И раххця́ Рай Дэвэл Давидос усенде (езде), карик ёв тэ на джала.” ⁷ И лыя́ Давíдо сувнакунé шчыты, савэ сыс Адраазароскирэ писхарьэндэ, и яндя́ лэн дро Ерусалимо. ⁸ А дрэ Бефа и Берофа, фóрья Адраазароскирэ, лыя́ крáли Давíдо дрэвáн бут харкóма (медь). ⁹ И шундя́ Фоё ^[1], Имафаскиро крáли, со Давíдо замардя́ сарэ

Адразароскирэ халадэн, ¹⁰ и бичхадя Фоё Иорамос, пэскирэ чхавэс, кэ крáli Давíдо, тэ прилэл лэс и тэ парикирэл лэс пал дова́, со ёв мардя́пэ Адраазароса и замардя́ лэс; пал-дова́ со Адраазаро лыджия́ марибэна Фоёса. Дрэ васта́ Иорамоскирэ сыс кхорэ́ (сасу́ды) рупувэ́, сувнакунэ́ и харкунэ́. ¹¹ Лэн адя́кэ-паць крáli Давíдо отды́я Ра́скэ-Дэвлэ́скэ, кхэтанэ́ рупэ́са и сувнака́са, саво́ ёв отлы́я сарэ́ манушэ́ндыр, савэ́н ёв пиризорья́кирдя́ (збердындя́): ¹² Сирийцэ́ндыр, и Моавитя́нэ́ндыр, и Амонитя́нэ́ндыр, и Филистимля́нэ́ндыр, и Амаликитя́нэ́ндыр, дова́ и со отлы́я Адраазаросты́р, Реховоскирэ́-чхавэ́с-тыр, крали́стыр Сувакирэ́стыр. ¹³ И газды́я Давíдо пэскиро лав, сыр рисия́, кели́ ёв домардя́ дэшуохто тысе́нцы манушэ́н Сирийцэ́ндыр пэ Лондо́ до́ло. ¹⁴ И чхудя́ ёв ракхибна́скирэн халадэн пэ Идумея́; пир сары́ Идумея́ чхудя́ ёв ракхибна́скирэн халадэн, и сарэ́ Идумея́ни сыс Давидо́скэ писхарьэ́нца. И ракхця́ Дэвэл Давидо́с усенде, карик ёв тэ на псирэ́л. ¹⁵ И Давíдо сыс крали́са пэ саро́ Израилё́, и кэрдя́ Давíдо сэндо́ и чачипэ́н пэ сарэ́ пэскирэ́ манушэ́нды. ¹⁶ Иоа́во, Саруя́скиро чхаво́, сыс халадэ́нгиро барыды́ро; и Иосафа́то, Ахилудаскиро чхаво́ – канцэ́ляри; ¹⁷ Садо́ко, Ахитуваскиро чхаво́, и Ахимеле́хо, Авиафароскиро чхаво́ – раша́я, Сераё́ – лыла́-чхиныбна́скиро; ¹⁸ и Ване́я, Иодаё́скиро чхаво́ – барыды́ро пэ Хелеямэ́нды и Фелефе́ямэ́нды, и чхавэ́ Давидо́скирэ – англату́нэ барыды́ра.

8:9 ^[1] Дро Юды́тко оригина́ло “Тон”

Шэро́ 9

¹ И пхэ́ндя́ Давíдо: “Ци я́цяпэ́ вари-кон Сауло́скирэ́ кхэрэ́стыр? Мэ́ кэравас лэ́скэ лачхипэ́н (тангипэ́н) пал Иона́фаностэ́. ² Дро кхэр Сауло́скиро сыс писха́ри, пир лав Сива; и кхардэ́ лэс кэ́ Давíдо, и пхэ́ндя́ лэ́скэ крáli: “Ци сан ту́ Сива?” И одова́ пхэ́ндя́: “Мэ́, писха́ри тыро́.” ³ И пхэ́ндя́ крáli: “Ци исын бу́тыр вари-кон кхэрэ́стыр Сауло́скирэ́стыр? Мэ́ кэравас лэ́скэ лачхипэ́н (тангипэ́н) Дэвлэ́скиро.” И пхэ́ндя́ Сива крали́скэ: “Исын Иона́фаноскиро чхаво́, саво́ исын лангало́ гэрэ́нца.” ⁴ И пхэ́ндя́ лэ́скэ крáli: “Кай́ исын ёв?” И пхэ́ндя́ Сива крали́скэ: “Га́да, ёв исын дро Махи́ро́скиро кхэр, Амиэ́лоскирэ́-чхавэ́скиро, дро Лодева́ро.” ⁵ И бичхадя́ крáli Давíдо, и лыне́ лэс Махи́роскирэ́ кхэрэ́стыр, Амиэ́лоскирэ́ чхавэ́стыр, Лодеваросты́р. ⁶ И явдя́ Мефивосфе́е! (Мемфивосфе́е!) Иона́фаноскиро чхаво́, Сауло́скирэ́-чхавэ́скирэ, кэ́ Давíдо, и пы́я пэ́ пэскиро муй, и клониндя́пэ. И пхэ́ндя́ Давíдо: “Мефивосфе́е!” И пхэ́ндя́ дова́: “Га́да, писха́ри тыро́.” ⁷ И пхэ́ндя́ лэ́скэ Давíдо: “На дар; мэ́ кэра́ва ту́кэ лачхипэ́н (тангипэ́н) пал ты́рэ даде́стэ́ Ио́фаностэ́ и rischiра́ва ту́кэ сарэ́ Сауло́скирэ́ фэ́лды, даде́скирэ́-тырэ́скирэ, и ту́ ўса́ды (сак) ка́жно мо́ло явэ́са тэ́ хас маро́ пал миро́ сками́нд.” ⁸ И клониндя́пэ́ Мефивосфе́е и пхэ́ндя́: “Со адаса́во исын писха́ри тыро́, со ту́ дыкхця́н ласка́са пэ́ адасавэ́стэ́ мулэ́стэ́ джуклэ́стэ́, сыр мэ́ сом?” ⁹ И кхардя́ крáli Сивас, Сауло́скирэ́ дына́рыс, и пхэ́ндя́ лэ́скэ: “Саро́, со сыс Сауло́скиро и сар лэ́скирэ́ кхэрэ́скиро, мэ́ отда́ва ты́рэ хула́скирэ́ чхавэ́скэ; ¹⁰ и адя́кэ обкэр ваш лэ́скэ пхув ту́ и чхавэ́ ты́рэ писха́рья ты́рэ, и я́н ла́кирэ́ баритка́ (плóды), соб (кай) ты́рэ хула́скирэ́ чхавэ́стэ́ тэ́ явэ́л маро́ ваш ха́бэ́н; о Мемивосфе́е, хуласкиро чхаво́, ўса́ды (сак) явэ́ла тэ́ хал пал миро́ сками́нд.” Сивастэ́ сыс дэ́шупандж чхавэ́ и дэ́шуду́й писха́рья. ¹¹ И пхэ́ндя́ Сива крали́скэ: “Саро́, со при́пхэ́нэ́ла хула́й миро́, крáli, писха́рыскэ́ пэ́скирэ́скэ, кэ́рэ́ла писха́ри тыро́.” Мефивосфе́е хая́ пал Давидо́скиро сками́нд, сыр екх крали́скирэ́ чхавэ́ндыр. ¹² Мефивосфе́е́стэ́ сыс ты́кнэ́-бэ́ршы́тко чхаво́, пир лав Миха́. Сарэ́, кон дживдя́ дро Сиваскиро кхэр, сыс Мефивосфе́е́скирэ́ писха́рья. ¹³ И дживдя́ Мефивосфе́е́ кэ́ Ерусали́мо, пал-дова́ со ёв хая́ ўса́ды (сак) пал крали́скиро сками́нд. Ёв сыс лангало́ пэ́ дуй гэ́ра.

Шэрó 10

¹ Сыр прогия вари-киць часо, мыя Амонитянэнгиرو крáli, и яця пэ штэто лэскиро лэстэ кралиса лэскиро чхавó Аноно. ² И пхэндя Давíдо: “Кэрава мэ лачхипэн Аноноскэ, Наасовоскирэ чхавэскэ, пал лачхó рэндо, савó кэрдя мánгэ лэскиро дад.” И бичхадя Давíдо пэскирэ дынарьён тэ ракирэн пир илó Аноноскэ пал лэскирэ дадэстэ, и явнэ Давидóскирэ дынарья пэ Амонитянэнгири пхув. ³ Нэ тхагарья Амонитянэнгири пхэндлэ Аноноскэ, хуласкэ пэскирэскэ: “Наушто ту думинэса, со Давíдо пал патыв кэ дад тырó прибичхадя кэ ту пэскирэн манушэн тэ уракирэн тут? Ци на ваш дава, соб (кай) тэ обдыкхэл фóро, и тэ выдыкхэл дрэ лэстэ, и палó (после) дава тэ розмарэл лэс, прибичхадя Давíдо дынарьён пэскирэн кэ ту?” ⁴ И лыя Аноно дынарьён Давидоскирэн, и обчхиндя кажнонэстыр лэндэр паш чхора (брода), и обчхиндя йди лэнгирэ пэ паш, кэ трушула, и отмэкхця лэн. ⁵ Кéли рoспхэндлэ пал дава Давидóскэ, тэды ёв бичхадя кэ ёнэ пэ стреч, адякэ сыр ёнэ сыс дрéвaн ладжакирдэ. И припхэндя крáli тэ пхэнэн лэнгэ: “Ячэнпэ дро Ерихóно, пака отбарьёна чхора (броды) тумарэ, и тэды рисён.” ⁶ И дыкхнэ Амонитяни, со ёнэ кэрдэпэ вэргэнца ваш Давидóскэ; и бичхадэ Амонитяни тэ лэн пал ловэ Сирийцэн Бефо-Рефовостыр и Сирийцэн Суватыр биш тысёнцы пэзал, кралистэ Махастэ тысёнцо манушэн, и Истовостыр дэшудуй тысёнцы манушэн. ⁷ Кéли шундя пал дава Давíдо, тэды бичхадя Иоавос сарэ мушканэ халадэнца. ⁸ И выгинэ Амонитяни, и тэрдинэ пашыл пórта кэ марибён, а Сирийцы Сувакирэ, и Реховоскирэ, и Истовакирэ, и Маахакирэ тэрдинэ ригаса пэ фэлда. ⁹ И дыкхця Иоáво, со вэргэнгирэ халадэ сыс чхудэ проти лэстэ и ангил, и палал, и выкэдыя халадэн сарэндэр фэдыршонэн дро Израилё, и чхудя лэн проти Сирийцэндэ; ¹⁰ палатуны паш манушэн отдыя тэл зор Авесаскэ, пэскирэ пшалэскэ, соб (кай) ёв тэ чхувэл лэн проти Амонитянэндэ. ¹¹ И пхэндя Иоáво: “Кóли Сирийцы явэна тэ пиризорьякирэн ман, ту дэса васт мánгэ; а кóли Амонитяни тут лэна тэ пиризорьякирэн, то мэ явава кэ ту тэ дав васт; ¹² яв мушканэ, и яваса тэ тэрдэвас твардэс пал амарэ манушэндэ и пал фóрья амарэ Дэвлэскирэ, а Рай Дэвэл кэрэла, со Лэскэ явэла трэй.” ¹³ И выгия Иоáво и манушá, савэ сыс лэстэ, пэ марибён Сирийцэнца, и ёнэ прастандынэ лэстыр. ¹⁴ Амонитяни, дыкхй, со Сирийцы нашэна, прастандынэ Авесастыр, и гинэ дрэ фóро. И рисия Иоáво Амонитянэндэр и явдя дро Ерусалимо. ¹⁵ Сирийцы, дыкхй, со Израильтяни домардэ лэн, скэдынэпэ кхэтáнэ. ¹⁶ И бичхадя Адраазаро и кхардя Сирийцэн, савэ сыс пал рэка (лэнь), и явнэ ёнэ кэ Еламо; а Совако, халадэнгиро барыдырó, Адраазароскиро, рикирдя зор пэ лэндэ. ¹⁷ Кéли рoспхэндлэ пал дава Давидóскэ, тэды ёв скэдыя сарэн Израильтянэн, и пиригия Иордáно, и явдя кэ Еламо. Сирийцы тэрдинэ проти Давидóстэ, и мардэпэ лэса. ¹⁸ И прастандынэ Сирийцы Израильтянэндэр. Давíдо домардя Сирийцэндэ эфташэлá марибнйтка вурдына и штардэшá тысёнцы уклистэ пэ грэндэ манушэн; замардя халадэнгирэ барыдырэс Совакос, савó одóй и мыя. ¹⁹ Кéли сарэ крáлья, савэ сыс поддынэ Адразароскэ, дыкхнэ, со ёнэ Израильтяне домарлэ лэн, тэды кэрдэ рамáнэ (миро) Израильтянэнца и поддынэпэ лэнгэ. А Сирийцы (Сирияни) дарáндынэ бутыр тэ дэн васт Амонитянэнгэ.

Шэрó 11

¹ Пирдál бэрш, дрэ дова дывэс, кéли выджána крáлья дро марибнйтко дром (походо), то Давíдо бичхадя Иоавос и пэскирэ дынарьён лэса и сарэ Израильтянэн; и ёнэ домардэ Амонитянэн, и лынэ Равва, Давíдо яцяпэ дро Ерусалимо. ² Екхвар тэл бэльвэль, Давíдо уштыя чхуибнастыр, и джалас пэскэ пэ стрéха (пэ бэрга) кралискирэ-кхэрэскири, и дыкхця стрэхатыр джувля, савй коммпинэлапэ (нандёла) ^[1]; а одóй джувлы сыс дрéвaн шукар. ³ И бичхадя Давíдо манушэн тэ уджинэн, кон сыс адая джувлы? И пхэндлэ лэскэ: “Давá исын Вирсáвия, Елиамоскири чхай, Урияскири-Хетяниноскири ромны.” ⁴ Давíдо бичхадя дынарьён тэ лэн ла, и ёй явдя кэ ёв, и ёв сутя ласа. Кéли ёй выжужакирдяпэ пэскирэ магирибнастыр, то рисия дро пэскиро кхэр. ⁵ Дая джувлы яця пхарй, и бичхадя звесь (зан)

Давидоскэ, ракири: “Мэ сом пхари.”⁶ И бичхадя Дэвидо тэ пхэнэн Иоавоскэ: “Бичхав кэ мэ Урияс Хетейнинос.”⁷ И явдя кэ ёв Урия, и роспхуцяпэ лэстыр Дэвидо, и пал Иовостэ, и пал рэнды манушэндэ, и пал марибнаскиро гиибэн.⁸ И пхэндя Дэвидо Урияскэ: “Джэ кхэрэ и обмор пэскирэ гэрэ.” И выгия Урия крالیскирэ кхэрэстыр, а палал пал лэстэ лыджинэ и крالیскиро хабэн.⁹ Нэ Урия сыс сутó пашыл крالیскирэ-кхэрэскири порта сарэ пэскирэ хуласкирэ дынарьэнца, и на гия дро пэскиро кхэр.¹⁰ И роспхэндлэ Дэвидоскэ, ракири: “На гия Урия дро пэскиро кхэр.” И пхэндя Дэвидо Урияскэ: “Тáда, ту явдян дромэстыр: сóскэ ту на гиян дро пэскиро кхэр?”¹¹ И пхэндя Урия Дэвидоскэ: “Ковчэго, и Израилё, и Юда исын дрэ шáтры, и хулáй миро Иоáво, и писхáрья мирэ хуласкирэ исын пэ фэлда, а мэ заджавас дрэ пэскиро кхэр тэ хав, и тэ пýяв, и тэ совав пэскирэ ромнýса! Совлахава мэ тырэ джибнаса и тырэ-дэскирэ джибнаса, со дава мэ на кэрáва.”¹² И пхэндя Дэвидо Урияскэ: “Ячпэ адай и пэ дава дывэс, а атася мэ отмэкава тут.” И яцяпэ Урия кэ Ерусалимо пэ дава дывэс кэ атася.¹³ И кхардя лэс Дэвидо, и хая Урия ангил лэстэ, и пия, и панякирдя лэс Дэвидо. Нэ бэльвэлé Урия гия тэ совэл пэ пэскиро чхуибэн пэскирэ хуласкирэ писхарьэнца, а дро пэскиро кхэр на гия.¹⁴ Пэ злóко (ранкоса) Дэвидо чхиндя лыл Иоавоскэ, и бичхадя лэс Урияса.¹⁵ Дрэ лыл ёв чхиндя адякэ: “Чхувэн Урияс дой, кай явэла зоралó марибэн, и отджан лэстыр, соб (кай) ёв тэ явэл замардо и тэ мэрэл.”¹⁶ Пал-дова, со кели Иоáво лэлас фóро, тэды ёв чхудя Урияс пэ дасаво штéто, пал савó джиндя, со одóй явэна муршканé манушá.¹⁷ И выгинé манушá форóстыр, и мардэпэ Иоавоса, и пынé вари-кицы манушэндýр, Дэвидоскирэ дынарьэндýр (слугэндýр); сыс замардо адякэ-паць и Урия Хетейнино.¹⁸ И бичхадя Иоáво тэ роспхэнэн пал сарó марибнаскиро гиибэн.¹⁹ И припхэндя манушэскэ, савэс прибичхадэ, ракири: “Кéли ту роспхэнэса крالیскэ пал сарó марибнаскиро гиибэн,²⁰ и дыкхэса, со крáли холясóла и пхэнэла тýкэ: ‘Сóскэ тумэ адякэ пашыл подгинé кэ фóро тэ марэнпэ? Наушто тумэ на джиндлэ, со вантатыр явэна тэ чхурдэн пэ тумэндэ?’²¹ кон замардя Авимелехос, Ероваалоскирэ чхавэс? Ци на джувлы чхурдыя пэ лэстэ вантатыр жэрноскиро котэр, и ёв мыя дро Тевецо? Сóскэ тумэ пашыл подгинé кэ вáнта?” Тэды и пхэн: ‘И писхáри тырó Урия Хетейнино адякэ-паць мыя.’²² И гия мануш, савó сыс бичхадó, и явдя, и роспхэндя Дэвидоскэ пал сарó, ваш со бичхадя лэс Иоáво, пал сарó марибнаскиро гиибэн.²³ Тэды мануш, савó сыс бичхадó, пхэндя Дэвидоскэ: “Пиризорякирдэ амэн одолé манушá, и выгинé кэ амэ пэ фэлда, и амэ традыам лэн кэ загиибэн дрэ вударá;²⁴ тэды дынэ карье вантатыр пэ писхарьэндэ тырэндэ, и мынэ вари-савэ крالیскирэ писхарьэндýр; мыя адякэ-паць и тырó писхáри Урия Хетейнино.²⁵ Тэды пхэндя Дэвидо манушэскэ, савэс прибичхадэ: “Адякэ пхэн Иоавоскэ: ‘Мэк тэ на ладжакирэл тут пал дава рэндо, пал-дова со куртáла марэла явír мóло адолэс, явír мóло одалэс; зорякир марибэн тырó проти фóро и розмар лэс. Адякэ подрикир лэс.’”²⁶ И шундя ромнý Урияскири, со мыя Урия, лáкиро ром, и рондя пал пэскирэ ромэстэ.²⁷ Кéли прогия часо тэ обровэл лэс, то Дэвидо бичхадя и лыя ла дрэ пэскиро кхэр, и ёй яця лэскирэ ромнýса, и бияндя лэскэ чхавэс. И сыс дава náлaчxo рэндо, савó кэрдя Дэвидо, дрэ якхá Рáскирэ-Дэвлэскирэ.

11:2 ^[1] Вари-савэ Балтытка Романэ поэты чхинэна “нандéлас (тэ нандёс)”

Шэрó 12

¹ И бичхадя Рай Дэвэл Нафанос кэ Дэвидо и одовá явдя кэ ёв и пхэндя лэскэ: “Дро екх фóро сыс дуй манушá: екх барвалó, а явír чорорó; ² барвалэстэ сыс древáн бут кхэритконé мурдалэн (тыкнó и барó ското), ³ а чорорэстэ ничý, апрíч екхэ бакрýтэ, савýя ёв киндя тыкнинькона и вычарадя, и ёй выбария лэстэ кхэтанé лэскирэ чхавэнца; лэскирэ марэстыр ёй хая, и лэскирэ тахтастыр пия, и пэ лэскиро колынд сутя, и сыс ваш лэскэ, сыр чхай; ⁴ и явдя кэ барвалó мануш дромэскиро мануш, и одовá тангиндя (пожалиндя) тэ лэл пэскирэ бакрэн ци гурувэн, соб (кай) тэ кэравэл хабэн ваш манушэскэ дромэстыр, савó явдя кэ ёв, а лыя бакрý чорорэскирья и кэрадя ла ваш манушэскэ, савó явдя кэ ёв.”⁵ Зоралэс росхолясыя

Давидо пэ адалэ манушэстэ и пхэндя Нафаноскэ: “Тэ явэл джидо Рай Дэвэл! Мол мэрибнаскэ исын мануш, саво кэрдя дава; ⁶ и пал бакрятэ ёв исын банго тэ заплэскирэл дрэ штар мо́лы, пал дова́, со кэрдя дава́, и пал-дава́, со ёв на тангиндя.” ⁷ И пхэндя Нафано Давидоскэ: “Ту сан одова́ мануш. Адыкэ ракирэла Рай Дэвэл, Дэвэл Израилёскиро: ‘Мэ помакхцём тут дрэ кралістэ пэ Израилё, и Мэ зракхцём тут Саулоскирэ вастэстыр, ⁸ и дыём түкэ тырэ-хуласкиро кхэр и ромнен тырэ хуласкирэн пэ лоно тыро́, и дыём түкэ Израилёскиро и Юдаскиро кхэр, и ко́ли (со) дава́ ваш түкэ на ухтылэла (надоси), то Мэ дочхуавас түкэ ишчо (инкэ) бутыр; ⁹ со́скэ ту на зракхця́н лав Ра́скирэ-Дэвлёскиро, кэрдян холы́ ангил Лёскирэ якха́? Урияс Хетейянинос ту замардян курталаса́; ромня́ лэскирья́ лыян пэ́скэ дрэ ромня́тэ, а лэс замардян Амонитянэнгирэ курталаса́; ¹⁰ и адыкэ на отджала куртала тырэ кхэрэстыр дро ве́ко, пал-дова́, со ту на кандыян ман и лыян ромня́ Урияскирэ Хетейяниноскирья́, соб (кай) ёй тэ явэл түкэ ромня́са. ¹¹ Адыкэ ракирэла Рай Дэвэл: ‘Гада, Мэ чхува́ва пэ тутэ холы́ тырэ кхэрэстыр, и лава́ ромнен тырэ́н ангил тырэ́ якха́, и отда́ва тырэ́ пашатунэскэ, и явэ́ла ёв тэ совэл тырэ́ ромнёнца́ ангил дава́ кхам; ¹² ту кэрдян штылэс, а Мэ кэра́ва дава́ ангил са́ро Израилё́ и ангил кхам.’” ¹³ И пхэндя Давидо Нафаноскэ: “Кэрдём мэ грэ́хо ангил Растэ-Дэвлэстэ.” И пхэндя Нафано Давидоскэ: “И Рай Дэвэл злы́я ту́тыр грэ́хо тыро́, ту на мэ́рса; ¹⁴ нэ сыр ту далэ рэндоса ды́ян примэ́ро (сыкаибэ́н) Ра́скирэ-Дэвлёскирэ вэ́ргэ́нгэ тэ кошэ́н Лэс, тэды мэ́рэла тутэ́ чхаво́, саво́ бия́ндыя.” ¹⁵ И гия́ Нафано дрэ пэ́скиро кхэр. И замардя́ Рай Дэвэл тыкнэмасэс (бия́то́с), савэ́с бия́ндя́ Урияскири ромны́ Давидоскэ, и ёв занасвалы́я. ¹⁶ И мангдя́пэ Давидо Дэвлэскэ пал тыкнэмасэстэ, и постиндя́ Давидо, и, екхджино́ сыс раты́, пасии́ пэ пхув. ¹⁷ И загинэ́ кэ ёв лэ́скирэ-кхэрэскирэ́ пхурыдыра́, соб (кай) тэ газдэ́н лэс пхувья́тыр; нэ ёв на камдя́ и на хая́ лэ́нца ма́ро. ¹⁸ Пэ э́фтато́ (битринэнгиро́ дэ́што) дывэ́с тыкномас́ мы́я, и дына́рья́ Давидоскирэ́ даранды́нэ тэ пхэ́нэ́н лэ́скэ, со мы́я тыкномас́; пал-дова́ со, ё́нэ раки́рдэ: “Кэ́ли тыкномас́ сыс джидо́, и амэ́ уракирасас́ лэс, и ёв на шундя́ зан амарі́; сыр пхэ́на́са лэ́скэ: ‘Мы́я тыкномас́?’ Ё́в кэ́рэла ва́ри-саво́ чорипэ́н.” ¹⁹ И дыкхця́ Давидо, со дына́рья́ лэ́скирэ́ пириракирэ́напэ́ штылэ́с машкі́р пэ́стэ, и галы́я́ Давидо, со тыкномас́ мы́я, и пхуця́пэ́ Давидо пэ́скирэ́ дына́рьэндыр (слугэ́ндыр): “Мы́я тыкномас́?” И пхэ́ндлэ́: “Мы́я.” ²⁰ Тэды́ Давидо́ ушты́я пхувья́тыр, и вымордя́пэ, и помакця́пэ, и пирипарудя́ йди́ пэ́скирэ, и гия́ дро Ра́скирэ-Дэвлёскиро́ Кхэр, и мангдя́пэ. Рисии́ кхэрэ́, пхэндя́, соб (кай) тэ́ дэ́н лэ́скэ ма́ро, и ёв хая́. ²¹ И пхэ́ндлэ́ лэ́скэ дына́рья́ лэ́скирэ: “Со дава́ значы́нэ́ла, со ту ады́кэ кэ́рэса: кэ́ли тыкномас́ сыс джидо́, ту постиндя́нпэ́ и рондя́н; а кэ́ли тыкномас́ мы́я, ту ушты́ян и хая́н ма́ро?” ²² И пхэндя́ Давидо: “Па́ка тыкномас́ сыс джидо́, мэ́ постиндёмпэ́ и рондём, пал-дова́ со́ думиндём: кон джи́нэ́ла, ци́ на потангинэ́ла (пожали́нэла) ма́н Рай Дэвэл, и тыкномас́ ячэ́лапэ́ джидо́? ²³ А ка́кана́ ёв мы́я; со́скэ ма́нгэ́ тэ́ пости́нав? Нау́што мэ́ сашты́ (моги́на́ва) тэ́ rischíрав лэ́с? Мэ́ джа́ва кэ́ ёв, а ёв на рисё́ла кэ́ мэ.” ²⁴ И штыля́кирдя́ Давидо́ Вирса́вия, ромня́ пэ́скирья́, и за́гий кэ́ ёй, и су́тя ла́са; и ёв бия́ндя́ чхавэ́с, и ды́я лэ́скэ ла́в: Соломо́но. И Рай Дэвэл вы́кэды́я лэ́с Пэ́скэ, и ёв я́ця дро́го Ра́скэ-Дэвлэ́скэ, ²⁵ и бичха́дя́ пророко́с Нафанос, и ёв ды́я лэ́скэ ла́в: Иеди́диа (Дэвлёскиро́ Дро́го), пир Ра́скирэ-Дэвлёскиро́ ла́в. ²⁶ Иоа́во ма́рдя́пэ́ проти́ Ра́ва Амонитско́натэ́ и на́бут со́ ёв на лы́я кра́липина́скиро́ фо́ро. ²⁷ И бичха́дя́ Иоа́во ма́нушэ́н кэ́ Давидо́ тэ́ пхэ́нэ́н лэ́скэ: “Мэ́ гиём́ ма́рибна́са пэ́ Ра́ва и за́лыём́ па́ни́ фо́роскиро́; ²⁸ ка́кана́ скэ́дэ ма́нушэ́н, и джа́ па́шы́л кэ́ фо́ро, и лэ́ лэ́с; пал-дава́ со, ко́ли мэ́ ла́ва лэ́с, тэ́ды ми́ро ла́в явэ́ла ды́но лэ́скэ.” ²⁹ И скэ́ды́я Давидо́ са́рэ ма́нушэ́н, савэ́ я́чнэ́пэ, и гия́ кэ́ Ра́ва, и ма́рдя́пэ́ проти́ лэ́стэ, и лы́я лэ́с. ³⁰ И лы́я Давидо́ вя́нка (коро́на) лэ́нгирэ́ кра́лі́скиро, лэ́скирэ́ шэ́рэстыр, – а дрэ́ лэ́стэ́ сыс су́внака́й и дро́го ба́р, – и чху́дя́ лэ́с Давидо́ пэ́ пэ́скиро́ шэ́ро, и дорэ́сыбэ́н древа́н бут вы́лыджия́́ фо́ро́стыр. ³¹ А ма́нушэ́н, савэ́ сыс дрэ́ лэ́стэ́, ёв вы́лыджия́́, и чху́дя́ лэ́н тэ́л пи́лы (ри́зи́ля), тэ́л са́стру́нэ́ мо́лотилки́ (гиваобма́рибна́скирэ́), тэ́л са́стру́нэ́ то́вэ́ра, и чху́рды́я лэ́н дрэ́ обха́чки́рдэ́ бо́ва. Ады́кэ ёв кэ́рдя́ са́рэ́ Амонитянэ́нгирэ́ фо́рьенца́. И риси́я палэ́ Давидо́ и са́рэ́ ма́нуша́́ дро́ Еру́сали́мо.

Шэрó 13

¹ И сыс адякэ палó (после) дава́: Авесаломостэ, Давидóскирэ чхавóстэ, сыс шукáр пхэн, пир лав Фамарь, и покамдя ла Амноно, Давидóскиро чхавó. ² И пиридживдя Амноно кэ дова́, со занасвалыя пирдál Фамарьятэ, пэскирэ пхэнятэ; пал-дова́ со ёй сыс патывалы́ чхай, и Амноскэ здыяпэ пхарэс вари-со тэ кэрэл ласа. ³ Нэ Амноностэ сыс дрúго (мал), пир лав Ионадаво, Самаёскиро чхавó, Давидóскирэ-пшалэскиро; и Ионадаво сыс древáн мэнд्रो ману́ш. ⁴ И ёв пхэндя лэскэ: “Сóстыр ту адякэ шутёса кажнонó дывэсэса, чхавó кралі́скиро, – ци на пхэнэса ту мánгэ?” И пхэндя лэскэ Амноно: “Фамарь, пхэня́ Авесаломоскирья, мирé пшалэскирья, мэ камám.” ⁵ И пхэндя лэскэ Ионадаво: “Пасёв дрэ чхуибэ́н тыро́ и причхувпэ насвалэса; и кэли тыро́ дад явэла тэ дыкхэл тут, пхэн лэскэ: ‘Мэк тэ явэл Фамарь, мирі́ пхэн, и чалякирэла ман хабнаса, кэрави хабэн паш мирé якхá, соб (кай) мэ дыкхáв и тэ хав лáкирэ вастэндыр.’” ⁶ И пасия́ Амноно и причхудяпэ насвалэса, и явдя́ крáли тэ дыкхэл лэс; и пхэндя́ Амноно кралі́скэ: “Мэк тэ явэл Фамарь, мирі́ пхэн, и тэ пэкэл пашы́л мирé якхá мариклы, ци дуй, и мэ хава лáкирэ вастэндыр.” ⁷ И бичхадя́ Давідо кэ Фамарь дро кхэр тэ пхэнэн: “Джá дро кхэр Амноноскиро, пшалэскирэ тырэскиро, и кэрáв лэскэ хабэн.” ⁸ И гия́ ёй дрэ пэскирэ-пшалэскиро Амонóскиро кхэр; а ёв сыс паштó. И лыя́ ёй яржó, и затвориндя, и кэрдя́ ангіл лэскирэ якхá и пэкця́ марикля, ⁹ и лыя́ скороведа (хич) и чхудя́ ангіл лэстэ; нэ ёв на камдя́ тэ хал. И пхэндя́ Амноно: “Мэк сарé тэ выджáн мánдыр.” И выгинé сарé лэстыр манушá, ¹⁰ и пхэндя́ Амноно Фамарьякэ: “Лы́джа адатхы́р хабэн дрэ андратуны́ штúба, и мэ хава тырэ вастэндыр.” И лыя́ Фамарь марикля, савó ёй пэкця́, и отлыджия́ лэн Амноноскэ, пэскирэ пшалэскэ, дрэ андратуны́ штúба. ¹¹ И кэли ёй чхудя́ ангіл лэстэ, соб (кай) ёв тэ хал, тэды ёв ухтылдя́ ла и пхэндя́ лáкэ: “Джá, пасёв мánца, пхэн мирі́.” ¹² Нэ ёй пхэндя́: “Над, миро пшáла, на отлэ паты́в мánдыр, пал-дова́ со на кэрэлапэ адякэ дро Израилё; на кэр дава́ дылныпэн. ¹³ И мэ карик джáва мирé бипатываса. И ту, ту явэса екхэ дылынэндыр дрэ Израилё. Ту рáкир кралі́са; ёв на отпхэнэла тэ отдэл ман тукэ.” ¹⁴ Нэ ёв на камдя́ тэ шунэл лáкирэ лавá, и пиризорьякирдя́ ла, и лыя́ пэ зор ла, и пасия́ ласа. ¹⁵ Палó (после) дова́ лыя́ зоралэс тэ на камэл ла Амноно най барé накамибнаса, адякэ, со накамибэн, савэса ёв на могиндя́ тэ дыкхэл пэ латэ, сыс зоралэдýр камибнастыр, савó сыс лэстэ кэ ёй; и пхэндя́ лáкэ Амноно: “Ушты́, джá.” ¹⁶ И Фамарь пхэндя́ лэскэ: “Над, тэ традэс криг ман – дава́ фуипэн исын буты́р англатунэстыр, савó ту кэрдян мánца.” Нэ ёв на камдя́ тэ шунэл ла. ¹⁷ И кхардя́ пэскирэ тэрнэ манушэс, савó дынариндя́ лэскэ, и пхэндя́: “Традэ криг мánдыр адалья́ яврі́, и пхандэ́ вударá пал латэ.” ¹⁸ Пэ латэ сыс цвятисто́ идя́, пал-дова́ со дасавэ упратунэ́ иди носиндлэ́ кралі́скирэ патывалé чхая́. И лыджия́ ла дына́ри яврі́ и пхандя́ пал латэ́ вудáр. ¹⁹ И чхудя́ Фамарь пеплоса́ пэскиро шэрó, и роскустя́ цвяты́тко́ идя́, саві́ сыс пэ пэстэ, и чхудя́ пэскирэ вастá пэ пэскиро шэрó, и адякэ́ гия́ и годлыя́. ²⁰ И пхэндя́ лáкэ Авесалóмо, лáкиро пшал: “Ци на Амноно, тыро́ пшал, сыс тýса? – Нэ каканá яв штыл, мирі́ пхэн; ёв – пшал тыро́; на пириджив тырэ́ илэса́ пал дава́ рэндо.” И дживдя́ Фамарь екхджины́ дрэ пэскирэ пшалэскиро Авесалоскиро кхэр. ²¹ И шундя́ крáли Давідо пал сарó дава́, и древáн росхолясыя́. ²² О Авесáломо на ракирдя́ Амноноса́ ни чорипэн, ни лачхипэн; пал-дова́ со Авесалóмо на могиндя́ тэ дыкхэл пэ Амноностэ́ пал дова́, со ёв обладжакирдя́ Фамарь, лэскирья́ пхэня́. ²³ Пирдál дуй бэрш сыс обчхиныбэн бакрэн́ Авесаломостэ́ дрэ Ваало-Гацоро, со исын пашы́л Ефремо́стэ, и кхардя́ Авесалóмо сарé кралі́скирэн чхавэн. ²⁴ И явдя́ Авесалóмо кэ крáли и пхэндя́: “Гáда, мэк тэ джал крáли и лэскирэ́ дына́рья тырэ́ писхариса.” ²⁵ Нэ крáли пхэндя́ Авесаломоскэ: “Над, миро чхавó, амэ на джáса сарé, соб (кай) тэ на явас тукэ́ дро пхарипэн.” И древáн ракирэлас пир илó Авесалóмо лэскэ; нэ ёв на закамдя́ тэ джал и бахтякирдя́ лэс. ²⁶ И пхэндя́ лэскэ Авесалóмо: “Тэды мэк тэ джал амэнца́ Амноно, пшал миро.” И пхэндя́ лэскэ крáли: “Сóскэ́ лэскэ́ тэ джал тýса?” ²⁷ Нэ Авесалóмо уракирдя́ лэс, и ёв отмэкця́ лэса́ Амнонос и сарé кралі́скирэ́ чхавэн; ²⁸ Авесалóмо припхэндя́ пэскирэ́ тэрнэ́ манушэнгэ́, пхэні́: “Дыкхэн, сыр моля́тыр (виностыр) Амноноскиро́ илó явэла́ хотно́ (весёло), и мэ пхэна́ва тумэнгэ́: ‘Замарэн́ Амнонос,’ тэды замарэн́ лэс, на дарэн; дава́ мэ припхэна́ва тумэнгэ́, явэн́ бидарипна́скирэ́ и муршканé.” ²⁹ И кэрдэ́ Авесаломоскирэ́

тэрнэ манушá Амноноса, сыр припхэндя Авесалóмо. Тэды уштынé сарé кралíскирé чхавé, бэшнэ кажно (свáко) пэ пэскирé мулостэ и нашнэ. ³⁰ Кéли ёнэ сыс пэ дром, догия шуныбэн кэ Давíдо, со Авесалóмо замардý сарэн кралíскирé чхавэн, и на яцýпэ ни екхэс лэндýр. ³¹ И уштыя крáли, и роскустя пэскирé йди, и пасия пэ пхув, и сарé дынáрья лэскирé, савé сыс тэрдé пашýл лэстэ, роскушнэ пэскирé йди. ³² Нэ Ионадаво, Самаёскиро чхавó, Давидóскирé-пшалэскиро, пхэндя: “Мэк тэ на думинэл миро хулáй, со сарэн тэрнэ манушэн, кралíскирé чхавэн, замардэ; екх Амноно мыя; пал-довá со Авесаломостэ сыс дая задумка долé дывэсэстыр, сыр Амноно обладжакирдя лэскирья пхэнý; ³³ и адýкэ мэк миро хулáй, крáли, тэ на пиридживэл пал довá, сырбы мынэ сарé кралíскирé чхавэ: мыя екх Амноно. ³⁴ И настý Авесалóмо. И газдыя тэрнó мануш, савó сыс тэрдó пэ ракхибэн, пэскирé якхá, и дыкхцý: гáда, бут манушá джáна пирí дром пир бэргáкиро згиибэн. ³⁵ Тэды Ионадаво пхэндý кралíскэ: “Акэ, джáна кралíскирé чхавэ; сыр ракирдý тырó писхáри, адýкэ и исын.” ³⁶ И сыр ёв пхэндý давá, гáда, явнэ кралíскирé чхавэ, и газдынэ гóдла и рондлэ. И кокорó крáли и сарé лэскирé дынáрья рондлэ древáн барé ровибнаса. ³⁷ Авесалóмо настý и гия кэ Фалмаё, Емиудаскиро чхавó, Гесуроскиро крáли. И рондý Давíдо пал пэскирé чхавэстэ дрé сарé дывэсá. ³⁸ Авесалóмо настý, и явдý дрé Гесуро и яцýпэ одóй трин бэрш. ³⁹ И на лыя крáли Давíдо тэ родэл Авесаломос; пал-довá со ёв штýлыя пал Амноноскиро мэрибэн.

Шэрó 14

¹ И галыя Иоáво, чхавó Сарияскиро, со илó кралíскиро рисия кэ Авесалóмо. ² И бичхадý Иоáво дрé Фекоя, и лыя одотхýр годьварýя джувлý, и пхэндý лáкэ: “Причхувпэ, со ту ровэса, и ури калы йдý, и вымакхпэ елееса, и причхувпэ джувлýса, савí бут дывэсá обровэла пал мулэстэ; ³ и джá кэ крáли, и пхэн лэскэ адýкэ и адýкэ.” И учхудý Иоáво дрé лáкирэ уштá, со тэ пхэнэл. ⁴ И загия джувлý Фекоитянка кэ крáли, и пыя мóса пэскирэса пэ пхув, и поклониндýпэ, и пхэндý: “Дэ васт, крáлè!” ⁵ И пхэндý лáкэ крáли: “Со пхарýякирэла тут?” И пхэндý ёй: “Мэ сом пивлы (удова), ром миро мыя; ⁶ и тырэ дынарицатэ сыс дуй чхавэ; ёнэ покошнэпэ пэ фэлда, и на сыс никонэскэ тэ розлэл лэн, и замардэ екх екхэс, и мулякирдý лэс. ⁷ И гáда, газдыяпэ сарó рóдо пэ дынарицатэ тырьятэ, и ракирэла: ‘Отдэ пэскирэ пшалэскирэ умарибнарис; амэ замараса лэс пал лэскирэ-пшалэскиро ди, савó ёв хасякирдý, и замараса миштыпэн прилыибнаскирэс (наследникос).’ И адýкэ ёнэ мурдыкирэна палатуны (последнэ) яг мирí, соб (кай) тэ на ячкирэс ромэскэ мирэскэ лав и рóдо пэ пхув.” ⁸ И пхэндý крáли джувлýкэ: “Джá штýлэс кхэрé, мэ дáва припхэныбэн пал тýtэ.” ⁹ Нэ джувлý Фекоитянка пхэндý кралíскэ: “Мэк тэ явэл банг пэ мáндэ, миро хулáё, крáли и пэ мирé дадэскиро кхэр, крáли и лэскиро престоло исын на бангó.” ¹⁰ И пхэндý крáли: “Одолэс, кон явэла пэ тýtэ, ян кэ мэ, и ёв бутýр на чилавэла тут.” ¹¹ Ёй пхэндý: “Мэ мангáва тут, крáлè, рíпир, Рас-Дэвлэс, Дэвлэс тырэс, соб (кай) тэ на явэн бутýр, кон отхала (отомстиныбнари) пал рат и тэ на домарэн мирé чхавэс.” И пхэндý крáли: “Тэ явэл джидó Рай Дэвэл! На пэрэла и бал чхавэскирэ тырэскиро пэ пхув.” ¹² И пхэндý джувлý: “Дэ дазво́ло (во́ля) тырэ писхарицáкэ тэ пхэнэл екх лав хулáскэ мирэскэ, кралíскэ.” ¹³ Ёв пхэндý: “Рáкир.” И пхэндý джувлý: “Сóскэ ту адýкэ думинэса проти Дэвлэскирэ манушэндэ? О крáли, пхэни давá лав, бангýкирдý кокорó пэс, пал-довá со ёв на рискирэла пэскирэ чхавэс, савэс ёв традыя криг. ¹⁴ Амэ мэраса и явáса сыр пани́, савó исын вычхудо пэ пхув, савó наштý тэ скэдэс; нэ Дэвэл на камэла тэ хасякирэл ди и дэл годý, сыр бы тэ на отрискирэл Пэстыр и одолэс, савэс традынэ яврí.” ¹⁵ И каканá мэ явдэм тэ пхэнáв кралíскэ, хулáскэ мирэскэ, далé лавá, пал-довá со манушá страхакирна ман; и тырí писхарка пхэндý: “Пириракирава мэ кралíса, ци на кэрэла ёв пир лав пэскирэ дынарицакиро; ¹⁶ чачэс, крáли вышунэла и зракхэла пэскирья писхарица манушытконé вастэстыр, савэ камэна тэ замарэн ман кхэтанé мирé чхавэса Дэвлэскирэ мэкнэ миштыпнастыр (Израилэстыр).” ¹⁷ И пхэндý дынáрица тырí: ‘Мэк тэ явэл лав хулáскирэ мирэскирэ, кралíскирэ, дро рамáнэ (миро) мáнгэ, пал-довá со хулáй миро, крáли, исын сыр Дэвлэскиро Янгóло, и ёв саштý (могинэла) тэ вышунэл и лачхипэн, и фуипэн. И Рай Дэвэл, Дэвэл тырó, явэла тýса.” ¹⁸ И отпхэндý крáли, и пхэндý джувлýкэ: “На

гарав мандыр, пал со мэ пхучавапэ тۇтыр.” И пхэндя джувлы: “Ракир, хулаё миро, крали.”¹⁹ И пхэндя крали: “Ци исын Иоавоскиро васт дро саро дава туса?” И отпхэндя джувлы, и пхэндя: “Мэк тэ дживэл ди тыро, миро хулай, крали; ни пэ чачи, ни пэ зэрво (лёво) риг нашты тэ отджав долэстыр, со пхэндя хулай миро, крали; чачэс, тыро писхари Иоаво пхэндя мангэ, и ёв чхудя дрэ тырэ писхарицакирэ уштá сарэ далэ лавá; ²⁰ соб (кай) притчасá тэ дэс рэндоскэ дасаво выгибэн, о писхари тыро Иоаво высклякирдя ман; нэ хулай миро исын годó, сыр годó исын Дэвлэскиро Янгóло, соб (кай) тэ джинэл сарó, со кэрэлапэ пэ пхув.”²¹ И пхэндя крали Иоавоскэ: “Гáда, мэ кэрдём пир тыро лав, джá рíскир тэрнэ манушэс Авесаломос.”²² Тэды Иоаво пыя мо́са пэ пхув, и поклониндяпэ, и бахтякирдя крали́с, и пхэндя: “Каканá джинэла писхари тыро, со дорэсця ласка ангил якхá тырэ, хулай миро, крали, адякэ сыр крали кэрдя пир лав пэскирэ писхарискиро.”²³ И уштыя Иоаво, и гия дро Гесуро, и яндя Авесаломос дро Ерусалимо.²⁴ И пхэндя крали: “Мэк ёв тэ рисёл дро пэскиро кхэр, а муй миро тэ на дыкхэл.” И гия Авесалóмо дро пэскиро кхэр, а муй крали́скиро на дыкхця.²⁵ На сыс дрэ сарó Израилё адасавэ гожонэ му́ршэс, сыр Авесалóмо, и ада́кицы шардэс пал дава, сыр ёв; слядэндыр гэрэнгирэндыр кэ лэскирэ-шэрэскиро вучипён на сыс лэстэ дош.²⁶ Кéли ёв обчхинэлас пэскиро шэрó, – а ёв обчхинэлас лэс кажно (сва́ко) бэрш, пал-дова со ёнэ сыс пхарэ лэскэ, – тэды балá лэскирэ шэрэстыр важындлэ дуйшэла шéкели пир крали́скиро весо (убладытко).²⁷ И бияндынэ Авесаломостэ трин чхавэ и екх чхай, пир лав Фамарь; ёй сыс шукáр джувлы.²⁸ И дживдя Авесалóмо кэ Ерусалимо дуй бэрш, а крали́скиро муй на дыкхця.²⁹ И бичхадя Авесалóмо пал Иоавостэ, соб (кай) тэ бичхавэс лэс кэ крали, нэ одовá на закамдя тэ явэл кэ ёв. Бичхадя и явир мо́ло; нэ одовá на закамдя тэ явэл.³⁰ И пхэндя Авесалóмо пэскирэ дынарьёнгэ: “Дыкхэна тумэ фэ́лда Иоавоскири пашыл ми́ри, и лэстэ одóй гэрсто (ячмене); джáн, выхачкирэн лэс ягáса.” И выхачкирдэ дына́рья Авессаломоскирэ дова́ котэр фэ́лдакиро ягáса.³¹ И уштыя Иоаво, и явдя кэ Авесалóмо дро кхэр, и пхэндя лэскэ: “Сóскэ тырэ дына́рья выхачкирдэ миро фэ́лда ягáса?”³² И пхэндя Авесалóмо Иоавоскэ: “Гáда, мэ бичхадём пал тýtэ, ракири: ‘Яв адары́к’, и мэ бичхавáва тут кэ крали тэ пхэнэс: ‘Сóскэ мэ явдём Гесуростыр? Фэ́дыр тэ явэл бы ма́нгэ тэ ячавпэ одóй.’ Мэ камáм тэ дыкхáв крали́скиро муй. Кóли мэ сом бангó дрэ вари-со, тэды замар ман.”³³ И явдя Иоаво кэ крали, и пирипхэндя лэскэ дава. И кхардя крали Авесаломос; ёв явдя кэ крали, и пыя пэскирэ мо́са пэ пхув ангил крали́стэ; и чамудя крали Авесаломос.

Шэрó 15

¹ Палó (после) дава́ сарó о Авесалóмо залыджия́ пэскэ марибнýтка вурдына́, и грэн, и пандждэша́ манушён, савэ сы́гэс прастанды́нэ ангил лэстэ.² И уштэла Авесалóмо тасýрлэс (ра́нэс) пэ злóко, и тэрдёла пашыл дром кэ по́рта, и кéли вари-кон, конэ́стэ сыс пхарипён, гия кэ крали пэ сэндо, тэды Авесалóмо кхарэлас лэс кэ пэ и пхучэласпэ: “Савэстыр фóростыр ту сан?” И кéли одовá отпхэнэла: “Дасавэстыр Израилёскирэ родóстыр писхари тыро, ³ то тэды ракирдя лэскэ Авесалóмо: “Гáда, рэндо тыро исын лачхó и чачунó, нэ крали́стэ нанэ конэ́скэ тэ вышунэл тут.”⁴ И ракирдя Авесалóмо: “О, кóли бы ман тэ чхувён сэндариса пэ да́я пхув! Кэ мэ явэла бы кажно (сва́ко), конэ́стэ сыс чингáрд (спрэчка) и пхарипён (пхаги), и мэ сэндякиравас лэс пир чачипён.”⁵ И кéли подджáла вари-кон тэ клонинэлпэ лэскэ, тэды ёв протырдэлас пэскиро васт, и облэла лэс, и чамудэла лэс.⁶ Адякэ кэрдя Авесалóмо сваконэ Израильтяноса, савó явдя пэ сэндо кэ крали, и заджалас Авесалóмо дрэ илэ Израильтянэнгирэ.⁷ Сыр прогия́ штáрдэша́ бэрш тэл Давидóскиро крали́пён, Авесалóмо пхэндя крали́скэ: “Джáва мэ, и кэр пир лав миро, савó мэ дыём Рáскэ-Дэвлэ́скэ, дрэ Хевро́но.”⁸ Пал-дова со мэ, писхари тыро, дживи кэ Гесуро дрэ Си́рия, дыём лав: ‘Кóли Рай Дэвэл рискирэ́ла ман дро Ерусалимо, тэды мэ яна́ва свэ́нто дыибэн Рáскэ-Дэвлэ́скэ.’⁹ И пхэндя лэскэ крали: “Джá раманёса (ми́роса).” И уштыя ёв, и гия дро Хевро́но.¹⁰ И бичхадя Авесалóмо поддыкхибнаскирэ манушён пир сарэ́ Израилёскирэ рóды, пхэни́: “Кéли тумэ шунэ́на зан (глос) рогоскири, тэды ракирэн: “Авесоломо́ яця́ крали́са дро Хевро́но.”¹¹ Авесаломоса́ гинэ́ Ерусалимо́стыр дуйшэла́ мануша́, савэ сыс

кхардэ лэса, и гинэ пир пэскири наджиныбэн (простота), наджины, дро со сыс рэндо (дело).¹² Дро часо, кэли янэнас свэнто дыибэн Рáскэ-Дэвлэскэ, Авесалóмо бичхадя и кхардэ Ахитофедос Гилонянинос, советникос (юнкарос) Давидоскирэс, лэскирэ форóстыр Гилостыр. И сыс барó ракирибэн, и манушá джáнас, и ячэнас бутыр пашыл Авесаломостэ.¹³ И явдэ мануш, савó яндэ нэвипэн кэ Давидо, и пхэндэ: “Илó Израильтянэнгиро пиригия пэ риг Авесаломоскири.”¹⁴ И пхэндэ Давидо сарэ пэскирэ дынарьэнгэ, савэ сыс пашыл лэстэ дрэ Ерусалимо: “Уштэн, нашаса, пал-довá со на явэла амэнгэ зракхибэн Авесаломостыр; сыгнякирэн, соб (кай) амэнгэ тэ джас, соб (кай) ёв тэ на заячкирэл и тэ на заухтылэл амэн, и тэ на янэл пэ амэндэ бйда, и тэ на домарэл ёв курталáса фóрья.”¹⁵ И пхэндлэ кралйскирэ дынарья кралйскэ: “Дро сарó, со исын лахчо хулáскэ амарэскэ, кралйскэ, амэ сам тырэ писхáрья.”¹⁶ И выгия крáli и сарó лэскиро кхэр пал лэстэ пэзал. Ячкирдэ крáli дэш ромнен, пэскирэ наложницэн тэ раххэн кхэр.¹⁷ И выгия крáli и сарэ манушá пэзал, и тэрдинэ пашыл Беф-Мерхато.¹⁸ И сарэ дынарья лэскирэ гинэ пир лэскирэ ригá, и сарэ Хелефеи и сарэ Фелефеи, и сарэ Гефяни кэ шовшэлá манушá, савэ явнэ кхэтанэ лэса Гефатыр, гинэ ангйл кралйстэ.¹⁹ И пхэндэ крáli Ефеёскэ Гефяниноскэ: “Сóскэ и ту джáса амэнца?” Рисёв и ячпэ одолэ кралйса; пал-довá со ту – мануш сан на амарэ пхувьятыр и явдэн адарйк пэскирэ штэтóстыр;²⁰ тася ту явдэн, а ададывэс мэ зачхувава тут тэ джас амэнца? Мэ джáва, карик приджалапэ; рисёв и рйскир пэскирэ пшалэн пóса; лáска и чачипэн тóса тэ явэн!”²¹ И отпхэндэ Ефеё кралйскэ, и пхэндэ: “Тэ явэл джидó Рай Дэвэл, и мэк тэ дживэл хулáй миро, крáli: кай бы на явэл хулáй миро, крáli, ци дро джибэн, ци дро мэрибэн, одóй явэла и тырó писхáри.”²² И пхэндэ Давидо Ефеёскэ: “И адякэ джá, и псир мánца.” И гия Ефеё Гефянино, и сарэ лэскирэ манушá, и сарэ чхаворэ, савэ сыс лэса.²³ И рондэ сарй пхув зоралэ заняса. И сарэ манушá пиригинэ, и крáli пиригия сыгно рэкица (лэнорй) Кедрóно; и гинэ сарэ манушá пир дром пэ чхучй пхув.²⁴ Ѓáда и Садóко, и сарэ Левйты лэса лыджинэ Дэвлэскирэ заветóскиро ковчэго Вефаратыр, и чхудэ Дэвлэскиро ковчэго; Авиафаро сыс тэрдó пэ вучипэн, пака сарэ манушá выгинэ форóстыр.²⁵ И пхэндэ крáli Садóкоскэ: “Рйскир Дэвлэскиро ковчэго дро фóро. Кóли мánдэ тэ явэл лáска ангйл якхá Рáскирэ-Дэвлэскирэ, тэды Ёв рискирэла ман и дэла мánгэ тэ дыкхáв лэс и лэскиро кхэр.”²⁶ А кóли Ёв пхэнэла адякэ: ‘Нанэ Мирй лáска кэ ту,’ тэды, ģáда, мэ; мэк тэ кэрэл мánца, со Лóскэ исын лахчо.”²⁷ И пхэндэ крáli Садóкоскэ рашáскэ: “Ци дыкхэса ту? Рисёв дрэ фóро раманёса (мирóса), и Ахимаасо, тырó чхавó, и Ионафáно, Авиафароскиро чхавó, дуй тумарэ чхавэ явэна тумэнца;²⁸ дыкхэн, мэ ужакирава пэ лошчына пэ чхучй пхув, пака явэла нэвипэн тумэндэр кэ мэ.”²⁹ И рискирдэ Садóко и Авиафаро Дэвлэскиро ковчэго дро Ерусалимо, и ячнэпэ одóй.³⁰ А Давидо гия пэ Елеоноскири бэрга, гия и рондэ; шэрó лэстэ сыс учхакирдо; ёв гия пиранго, и сарэ манушá, савэ сыс лэса, учхакирдэ кажно пэскиро шэрó, гинэ и рондлэ.³¹ Пирипхэндлэ Давидóскэ и пхэндлэ: “И Ахитофелё кхэтанэ зракхирибнарьенца Авесаломоса.” И пхэндэ Давидо: “Раё Дэвла! Пхагир доракирибэн Ахитофелёскиро.”³² Кэли Давидо гия упрэ пэ бэргáкиро вучипэн, кай ёв мангдяпэ Дэвлэскэ, акэ, гил (пэ стреч) лэскэ джáла Хусиё Архитянино, Давидóскиро мал; йдя пэ лэстэ сыс роскушны, и прáхо сыс пэ лэскиро шэрó.³³ И пхэндэ лэскэ Давидо: “Кóли ту джáса мánца, тэды явэса мánгэ дрэ пхарипэн;³⁴ нэ кóли ту рисёса дрэ фóро и пхэнэса Авесаломоскэ: ‘Крáле, мэ сом писхáри тырó; англэдыр мэ и сóмас тырэ дадэскирэ писхариса, а каканá мэ – тырó писхáри’: тэды ту пхагирэса ваш мánгэ доракирибэн Ахитофелёскиро.”³⁵ Ѓáда, одóй тóса исын Садóко и Авиафаро, рашáя, и кажно лав, савó шунэса кралйскирэ кхэрэстыр, пирипхэн Садóкоскэ и Авиафароскэ рашангэ.³⁶ Одóй лэнца и дуй лэнгирэ чхавэ, Ахимаасо, Садóкоскиро чхавó, и Ионафáно, Авиафароскиро чхавó; пирдál лэндэ бичхавэн кэ мэ кажно зан (звесь), савй шунэна.”³⁷ И явдэ Хусиё, мал Давидóскиро, дро фóро; Авесалóмо заджалас тэды дро Ерусалимо.

Шэрó 16

¹ Кéли Давíдо náбут згия бэргакирэ вучипнастыр, стрэнинэласпэ лэскэ о Сива, дына́ри Мефивосфеёскиро, дүе ослэнца тэл зэня (сёдлы) грузоса, и пэ лэндэ дуйшэла марэ, шэл пучки зүмо, шэл пучки инжыро и гонó моляса (виноса). ² И пхэндя крáli Сиваскэ: “Ваш со дава́ тутэ?” И отпхэндя Сива: “Ослы исын ваш краліскиро кхэр тэ традэс, а марó и барьякирдэ (плóды) ваш хабэн тэрнэ манушэнгэ, а мол ваш пибэн манушэнгэ, савэ ячэна би зорьякиро пэ чхучі пхув.” ³ И пхэндя крáli: “Кай исын чхавó тырэ-хуласкиро?” И отпхэндя Сива краліскэ: “Га́да, ёв яцяпэ дро Ерусалимо и ракирэла: ‘Каканá кхэр Израилёскиро рискірэла мангэ краліпэн мирé дадэскиро.’” ⁴ И пхэндя крáli Сиваскэ: “Га́да, тукэ сарó, со исын Мефивосфеёстэ.” И отпхэндя Сива, клонины: “Мэк мэ тэ латхав ласка дрэ якхá мирé хуласкирэ краліскирэ!” ⁵ Кéли догия крáli Давíдо кэ Бахуримо, га́да, выгия одотхыр мануш Саулóскирэ кхэрэскирэ родóстыр, пир лав Семее ^[1], Гераскиро чхавó; ёв гия и косцяпэ, ⁶ и чхурдыя барэнца пэ Давидóстэ и пэ сарé Давидóскирэ-краліскирэ писхарьендэ; сарé мануша́ и сарé муршканé сыс пир чачі и пир зэрво краліскири риг. ⁷ Адыкэ ракирдя́ Семее, кошыи лэс: “Джа́ криг, джа пэскэ, замарибнари и прахари!” ⁸ Рай Дэвэл рискірдя́ пэ тутэ сарó рат Саулóскирэ кхэрэскиро, замéст савэстэ ту яцян краліса, и отдыя Рай Дэвэл краліпэн дрэ Авесаломоскирэ вастá, тырэ чхавэскирэ; и га́да, ту сан дрэ бй́да, пал-дова́ со ту сан ратпибнаскиро.” ⁹ И пхэндя Авесо, Саруяскиро чхавó, краліскэ: “Сóскэ кошэла дава́ мулó джукэл хулас мирэс, краліс? Джа́ва мэ, и злава лэстыр шэрó.” ¹⁰ И пхэндя крáli: “Со мангэ и тумэнгэ, Саруяскирэ чхавэ? Мэк ёв тэ кошэлпэ, пал-дова́ со Рай Дэвэл пхэндя лэскэ тэ кошэл Давидóс. Кон мого́нэла тэ пхэнэл: ‘Сóскэ ту адыкэ кэрэса?’” ¹¹ И пхэндя Давíдо Авесаскэ и сарэнгэ пэскирэ дынарьэнгэ: Га́да, ко́ли миро чхавó, савó выгия мирé масэндыр, родэла ди (джи́ибэн) миро, то бутыр тэ кэрэл Вениамитяниноскиро чхавó; ячкирэн лэс, мэк ёв тэ кошэлпэ, пал-дова́ со Рай Дэвэл пхэндя лэскэ. ¹² Мого́нэла тэ явэл, со Рай Дэвэл дыкхэла пэ миро тэлякирибэн, и отдэла Рай Дэвэл мангэ лачхипна́са пал ададывэсатуно лэскиро кошыбэн.” ¹³ И гия Давíдо и лэскирэ мануша́ пэскирэ дромэса, а Семее́ гия пир бэргакиро зги́ибэн, ригатыр лэскирьятыр, гия и косцяпэ, и чхурдыяпэ барэнца пэ лэскири риг и пылоса. ¹⁴ И явдя́ крáli и сарé мануша́, савэ сыс лэса, кхиныи, и откиныя одой. ¹⁵ Авесало́мо и сарé Израилёскирэ мануша́ явнэ дро Ерусалимо, и Ахитофелё́ лэнца. ¹⁶ Кéли Хусиё́ Архитянино, мал Давидóскиро, явдя́ кэ Авесало́мо, то тэды пхэндя́ Хусиё́ Авесаломоскэ: “Мэк тэ дживэл крáli, мэк тэ дживэл крáli!” ¹⁷ И пхэндя́ Авесало́мо Хусиё́скэ: “Дасаві́ исын тырі́ ласка кэ тыро́ дру́го (мал)! Сóскэ ту на́ гиян тырэ малэса?” ¹⁸ И пхэндя́ Хусиё́ Авесаломоскэ: “Над, конэс выкэдыя́ Рай Дэвэл и адалэ́ мануша́ и сарó Израилё́, одолэса и мэ сом, и ячавапэ́ лэса. ¹⁹ И пир сарó конэскэ́ мэ ява́ва тэ дынаринав? Ци на́ лэскирэ чхавэ́скэ? Сыр дынариндём́ мэ дадэ́скэ тырэ́скэ, адыкэ́ Мэ́ ява́ва тэ дынаринав и тукэ́.” ²⁰ И пхэндя́ Авесало́мо Ахитофелё́скэ: “Дэн́ годыпэн, со амэнгэ́ тэ кэра́с.” ²¹ И пхэндя́ Ахитофелё́ Авесаломоскэ: “Заджа́ кэ тырэ́-дадэ́скирэ́ наложницы, савэн́ ёв ячкирдя́ тэ ра́кхэн пэ́скиро кхэр; и шунэ́на сарé Израильтя́ни, со ту кэрдянпэ́ нала́чхэса́ ваш тырэ́ дадэ́скэ, и зоралё́на сарэнгирэ́ манушэнгирэ́ вастá, савэ́ исын ту́са.” ²² И чхудэ́ ваш Авесаломоскэ́ ша́тра пэ́ стрéха (чхакін), и за́гия́ Авесало́мо кэ́ наложницы, лэ́скирэ-дадэ́скирэ, ангі́л якхá́ сарé Израилё́скирэ. ²³ Годыпэн́ Ахитофелоскиро, савó ёв дэ́лас дрэ́ долэ́ дывэ́са́ гиндя́пэ, сыр ко́ли бы́ вари-кон́ пху́цяпэ́ упхэ́ныбэн́ Дэвлэ́стыр. Дасаво́ сыс ка́жно (сва́ко) годыпэн́ Ахитофелоскиро, сыр ваш́ Давидóскэ́, адыкэ́ и ваш́ Авесаломоскэ́.

16:5 ^[1] Давá лав исын Юды́ткэс “Шими́”

Шэрó 17

¹ И пхэндя Ахитофелё Авесаломоскэ: “Мэ выкэдава дэшудуй тысёнцы манушэн, и уштава, и джава, дро традыпэн пал Давидостэ дрэ дая рат; ² и пэрава пэ лэстэ, кели ёв явэла кхино и обмэкнэ вастэнца, и мэ янава лэс дрэ дар; и сарэ мануша, савэ исын лэса, рознашэнапэ; и мэ замарава екхэ краліс ³ и сарэн манушэн рискирава кэ ту; и кели на явэла екхэс, конэскири ди ту родэса, тэды сарэ мануша явэна дрэ раманё (миро).” ⁴ И сыс пир ило дава лав Авесаломоскэ и сарэ Израилёскирэ пхурыдырэнгэ. ⁵ И пхэндя Авесаломо: “Кхарэн Хусиёс Архитянинос, шунаса, со ёв пхэнэла.” ⁶ И явдя Хусиё кэ Авесаломо, и пхэндя лэскэ Авесаломо, ракири: “Акэ, со пхэндя Ахитофелё, ци пир лэскирэ лава тэ кэрэс? А коли над, тэды ракир ту.” ⁷ И пхэндя Хусиё Авесаломоскэ: “Налачхо годыпэн исын дава мо́ло, саво дья Ахитофелё.” ⁸ И ракирдя дурэдыр Хусиё: “Ту джінэса пэскирэ дадэс и лэскирэ манушэн; ёнэ исын мурша бидарипнаскирэ и древан пиридживэна, сыр ричыха пэ фэлда, савьятыр отлынэ чхаворэн, и дад тыро – мануш исын марибнаскиро; ёв на тэрдёла тэ ратькирэл манушэнца. ⁹ Ё́ада, каканá ёв гарадёла дрэ вари-сави гебáр (пешчэра), ци дро явир штэто, и коли вари-кон лэндыр пэрэла англэдыр, и шунэна, и пхэнэна мануша, ‘Исыс марибэн манушэнги́ро, савэ гинэ пал Авесаломостэ,’ ¹⁰ тэды и кокорó мурш бидарипнаскиро, савэстэ исын ило, сыр шчэрэскиро (левоскиро) ило, пэрэла духóса; пал-дова со сарэ Израилёскэ исын джіндло, сыр муршканó исын тыро дад и муршканэ исын одолэ мануша, савэ исын лэса. ¹¹ Палдава мэ ради́нава: “Мэк тэ скэдэлпэ кэ ту сарó Израилё Даностыр кэ Вирсáвия, манушэн явэла бут, сыр пра́хо исын пашы́л мо́рэ (дэрья́в), и ту кокорó джа́са машки́р лэндэ; ¹² и тэды амэ джа́са пэ лэстэ, дро савó бы штэто ёв тэ на явэл, и пэраса пэ лэстэ, сыр пэрэла пахлын (роса) пэ пхув; и на ячэлапэ лэстэ ни екхэ манушэс сарэндыр, савэ явэна лэса; ¹³ а коли ёв заджа́ла дро вари-савó фо́ро, тэды сарó Израилё янэла кэ дова́ фо́ро шэлэн, и амэ стырда́са лэс дрэ рэ́ка (лэнь), ады́кэ, со на ячэлапэ ни екхэ манушэс.” ¹⁴ И пхэндя Авесаломо и сарó Израилё: “Годыпэн Хусиёскиро Архитяниноскиро исын фэды́р лавэндыр Ахитофелёскирэстыр.” Ады́кэ Рай Дэвэл сэндякирдя тэ розмарэл фэдыршо годыпэн Ахитофелёскиро, соб (кай) тэ янэл Ра́скэ-Дэвлэ́скэ б́йда пэ Авесаломостэ.” ¹⁵ И пхэндя Хусиё Садо́коскэ и Авиафароскэ рашангэ: “Ады́кэ и ады́кэ дья́ годыпэн (радиня) Ахитофелё Авесаломоскэ и Израилёскирэ пхурыдырэнгэ, нэ ады́кэ и ады́кэ дыём годыпэн мэ. ¹⁶ И каканá бичхавэн сы́гнэдыр, и пхэнэн Давидо́скэ ады́кэ: ‘На ячпэ дрэ дая рат пэ лошчы́на пэ чхучи́ пхув, нэ сы́гнэдыр пириджа, соб (кай) тэ на хасёл кралі́скэ и сарэ манушэнгэ, савэ исын лэса.’” ¹⁷ Ионафа́но и Ахимаасо сыс тэрдэ пашы́л панескири ганынгори Рогелё. И гия дына́рица, и роспхэндя лэнгэ, а ёнэ гинэ и роспхэндлэ кралі́скэ Давидо́скэ; пал-дова со ёнэ на мого́ндлэ тэ сы́кадён дро фо́ро. ¹⁸ И дыкхця́ лэн тэрно́ мануш, и пири́дия Авесаломоскэ; нэ ёнэ дуйджинэ́ сы́гэс гинэ, и явнэ дрэ Баху́рима, дрэ кхэр екхэ-манушэскиро, савэстэ пэ грэ́да (дво́ро) сыс ганы́нг, и змэ́кнэпэ одо́рык. ¹⁹ И джувлы́ лья́ и росчху́дя пэ брэ́го (устье) ганынга́киро цэ́рга, и чху́дя пэ лэстэ кхур́мя (крупы) ады́кэ, со на сыс нисó би́цяло. ²⁰ И явнэ́ Авесаломоскирэ́ писха́рья кэ джувлы́ дро кхэр, и пхэндлэ: “Кай исын Ахимаасо и Ионафа́но?” И пхэндя́ лэнгэ́ джувлы́: “Ёнэ пири́гинэ́ рэ́ка (лэнь).” И роды́нэ ёнэ, и на латхнэ́, и рисинэ́ дро Еру́салимо. ²¹ Кели́ ёнэ гинэ́ криг, то одолэ́ вы́гинэ́ ганынгаты́р, гинэ́ и роспхэндлэ́ кралі́скэ́ Давидо́скэ, и пхэндлэ́ Давидо́скэ: “Уштэн́ и сы́гэс пири́джан пани́; пал-дова́ со ады́кэ и ады́кэ дья́ годыпэн пал тумэ́ндэ́ Ахитофелё.” ²² И ушты́я Дави́до и сарэ́ мануша́, савэ́ сыс лэ́са, и пири́гинэ́ Иорда́но; кэ зло́ко на я́цяпэ́ ни екхэ́с манушэ́с, савó тэ на пири́джал бы́ Иорда́но. ²³ И дыкхця́ Ахитофелё́, со на кэ́рдяпэ́ (сполни́ндяпэ́) лэ́скиро́ годыпэн́ (совето́), и дья́ андрé́ ослóс, и скэ́дыяпэ́, и гия́ дрэ́ пэ́скиро́ кхэр, дрэ́ пэ́скиро́ фо́ро, и кэ́рдя́ ра́да (годыпэн́) пэ́скирэ́ кхэрэ́скэ, и убла́дыя, и мы́я, и сыс гарадо́ дрэ́ ко́пли́ца пэ́скирэ́ дадэ́скири. ²⁴ И явдя́ Дави́до дро́ Махана́ймо, а Авесало́мо пири́гия́ Иорда́но, ко́корó и сарó́ Израилё́ лэ́са. ²⁵ Авесало́мо чху́дя́ Амесаё́с, за́мэст Иоаво́стэ, пэ́ халадэ́ндэ́. Амесаё́ сыс чхаво́ екхэ́ манушэ́скиро, пир лав́ Иефе́ро Изреелё́стыр, савó за́гия́ кэ́ Ави́гея, Наасоски́ри чхай́, Сару́яскирэ́ пхэ́някэ́, Иоавоскирэ́ даки́ри. ²⁶ И Израилё́ Авесаломо́са тэ́рдия́ стано́са (лодэ́са) пэ́ Галаа́доски́ри пхув. ²⁷ Кели́ Дави́до явдя́

дро Манаханаимо, то тэды Сови, Наасоскиро чхаво, Амонитоскирэ Равватыр, и Махи́ро, Аминилоскиро чхаво, Лодаваростыр, и Верзелиё Галаадитянино Роглимостыр, ²⁸ ёнэ яндлэ чхуибэна, чарэ и глэяна кхорэ, и парно́ гив (пшэница), и гэрсто (ячменё), и яржэ, и пшэно, и нукло (бобо), и чэчэвица, и пэ́кнэ зя́рки, ²⁹ и авги́н (мэда), и ксил, и бакрэ́н, и сыро (кирал) гурумны́тко, яндлэ Давидоскэ и манушэ́нгэ, савэ́ сыс лэ́са тэ хан; пал-до́ва со ракирэ́на ёнэ, мануша́ сыс бокхалэ́ и кхи́нии, и вы́рикирдэ́ смэ́га (жажда) пэ́ чхучи́ пхув.

Шэро́ 18

¹ И пиридыкхця Давидо манушэ́н, савэ́ сыс лэ́са, и чхудя́ пэ́ лэ́ндэ́ барыдырэ́н пэ́ тысё́нцы и пэ́ шэ́ла. ² И бичхадя́ Давидо манушэ́н – пэ́ трито́ паш-шэ́ралэ́ Ио́аво, пэ́ трито́ паш-шэ́ралэ́ Авеса, Саруяскиро чхаво, Иоавоскирэ́ пшалэ́с, пэ́ трито́ паш шэ́ралэ́ Ефеё́ Гефя́нино. И пхэ́ндя́ кра́ли манушэ́нгэ: “Мэ́ кокоро́ джа́ва тумэ́нца.” ³ Нэ́ мануша́ отпхэ́ндлэ́ лэ́скэ: “На́ джа́; пал-до́ва со, ко́ли амэ́ и прастаса́, тэды́ мануша́ на́ рискирэ́на дыкхибэ́н пэ́ дава́; ко́ли и мэ́рэна́ амэ́ндыр паш мануша́, а́дякэ́-па́ць на́ рискирэ́на дыкхибэ́н; а́ ту екх до́ва-па́ць, со́ амэ́н дэ́ш тысё́нцы; и а́дякэ́ ваш амэ́нгэ́ фэ́дыр, соб (кай) ту́ тэ́ дэ́с васт амэ́нгэ́ фо́ро́стыр.” ⁴ И пхэ́ндя́ лэ́нгэ́ кра́ли: “Со́ исын лахчо́ дрэ́ тумаре́ якха́, до́ва и мэ́ кэ́рава.” И тэ́рдия́ кра́ли пашы́л по́рта, и са́рэ мануша́ вы́гинэ́ пир шэ́ла и пир тысё́нцы. ⁵ И при́пхэ́ндя́ кра́ли Иоавоскэ́ и Авесаскэ́ и Ефеё́скэ́, ракири́: “Ракхэ́н ма́нгэ́ тэ́рнэ́ манушэ́с Авесаломос.” И са́рэ мануша́ шундлэ́, сыр при́пхэ́ндя́ кра́ли са́рэ барыдырэ́нгэ́ пал Авесаломостэ́. ⁶ И вы́гинэ́ мануша́ пэ́ фэ́лда гил (пэ́ стреч) Израильтя́нэ́нгэ́, и сыс ма́рибэ́н дрэ́ вэ́ш Ефремоскиро. ⁷ И Давидоскирэ́ дына́рья́ домардэ́ Израилё́скирэ́ манушэ́н; сыс одо́й баро́ ма́рибэ́н дрэ́ до́ва дывэ́с, – домардэ́ биш тысё́нцы манушэ́н. ⁸ Ма́рибэ́н розги́япэ́ пир са́ри до́я риг, и вэ́ш домардя́ манушэ́н буты́р, сыр ци́ бут домардя́ курта́ла дро́ до́ва дывэ́с. ⁹ И стрэ́ниндя́пэ́ Авесало́мо Давидоскирэ́ дына́рьэ́нца, ёв сыс пэ́ муло́стэ́. Кэ́ли мул за́прастанды́я лэ́са тэ́л рандя́ барэ́ дэмбоскирэ́, тэды́ Авесало́мо за́плэ́нты́ндыяпэ́ пэ́скирэ́ балэ́нца́ дрэ́ рандя́ дэмбоскирэ́ и убладя́ машки́р болы́бэ́н и пхув, а́ мул, саво́ сыс тэ́л лэ́стэ́, на́стя. ¹⁰ И дыкхця́ дава́ вари-ко́н, и пхэ́ндя́ Иоавоскэ́, ракири́: “Га́да, мэ́ дыкхце́м Авесаломос, убладя́и пэ́ дэмбо.” ¹¹ И пхэ́ндя́ Ио́аво манушэ́скэ́, саво́ роспхэ́ндя́ пал да́ва: “Га́да, ту́ дыкхця́н; со́скэ́ ту́ на́ чхудя́н тэ́лэ́ лэ́с одо́й пэ́ пхув? Мэ́ да́вас ту́кэ́ дэ́ш шэ́кели́ руп и екх ку́стык.” ¹² И отпхэ́ндя́ до́ва Иоавоскэ́: “Ко́ли бы́ чхувэ́нас пэ́ мирэ́ васта́ и тысё́нцо́ шэ́кели́ руп, и тэды́ мэ́ на́ газда́вас бы́ васта́ пэ́ кра́лискирэ́ чхавэ́стэ́; пал-до́ва со́ дро́ ама́ро шуны́бэ́н кра́ли при́пхэ́ндя́ ту́кэ́ и Авесаскэ́ и Ефеё́скэ́, ракири́: ‘Ракхэ́н ма́нгэ́ тэ́рнэ́ манушэ́с Авесаломос’”; ¹³ и ко́ли бы́ мэ́ кэ́рдём пэ́ яви́р (явирчанэ́с) дари́пна́са ваш ми́ро джи́ибэ́н, тэды́ да́ва на́ счхакирэ́ласпэ́ кра́ли́стыр, и ту́ кокоро́ тэ́рдё́сас про́ти ма́ндэ́.” ¹⁴ Ио́аво пхэ́ндя́: “На́нэ со́ ма́нгэ́ тэ́ на́шава́в ту́са часо́.” И лы́я дрэ́ васта́ трин ма́рибны́тка́ бустя́ (стрэ́лы) и пхуса́дя лэ́н дро́ ило́ Авесаломоскиро, саво́ сыс ишчо́ (инкэ́) джи́до пэ́ дэмбо. ¹⁵ И обги́нэ́ трусця́л Авесаломостэ́ дэ́ш тэ́рнэ́ мануша́, Иоавоскирэ́ мануша́, савэ́ лы́джана́с ма́рды́тка (ору́жыё́), и чхиндлэ́, и муля́кирдэ́ лэ́с. ¹⁶ И за́пхурды́я Ио́аво ро́госа́ (труба́са), и риси́нэ́ мануша́ трады́пна́стыр пал Израилё́; пал-до́ва со́ Ио́аво та́нгиндя́ (жа́линдя́) манушэ́н. ¹⁷ И лы́нэ́ Авесаломос, и чхурды́нэ́ лэ́с дро́ вэ́ш дрэ́ хо́р га́нби́н (яма́), и чхурды́нэ́ пэ́ лэ́стэ́ ба́ри ку́ча ба́ра. И са́рэ Израильтя́ни́ роспра́станды́нэ́пэ́, ка́жно (сва́ко) дрэ́ пэ́скири́ ша́тра. ¹⁸ Авесало́мо, сыр сыс джи́до, лы́я и чхудя́ пэ́скэ́ на́гробни́ко (помни́ко) пэ́ кра́ли́скири́ до́ло; пал-до́ва со́ пхэ́ндя́ ёв: “На́нэ ма́ндэ́ чхавэ́с, соб (кай) тэ́ зракхэ́лпэ́ ми́рэ́ лавэ́скиро́ рипи́рибэ́н.” И кха́рдя́ на́гробни́ко пэ́скирэ́ лавэ́са. И кха́рэла́пэ́ да́ва на́гробни́ко ‘Авесаломоскиро́’ кэ́ да́ва дывэ́с. ¹⁹ Тэ́ньци́ Ахи́маасо, Са́докоскиро́ чхаво́, пхэ́ндя́ Иоавоскэ́: “Пра́става мэ́, пхэ́на́ва за́н (звесь) кра́ли́скэ́, со́ Ра́й Дэ́вэл сэ́ндоса́ Пэ́скирэ́са лэ́с зракхця́ лэ́скирэ́ вэ́ргэ́нгирэ́ вастэ́ндыр. ²⁰ Нэ́ Ио́аво пхэ́ндя́ лэ́скэ́: “Ту́ на́ явэ́са ада́дывэ́с пхэ́ны́бна́скирэ́ ла́чхэ́ за́ня́са; пхэ́н за́н (звесь) пэ́ яви́р дывэ́с, а́ на́ ада́дывэ́с; пал-до́ва со́ мы́я кра́ли́скиро́ чхаво́. ²¹ И пхэ́ндя́ Ио́аво Ху́сиё́скэ́: “Джа́, роспхэ́н кра́ли́скэ́, со́ дыкхця́н ту́.” И по́клони́ндыяпэ́ Ху́сиё́ Иоавоскэ́ и пра́ста́ндыя. ²² Нэ́ Ахи́маасо, Са́докоскиро́ чхаво́, нэ́вэ́стыр ма́нгдя́ и ра́кирдя́ Иоавоскэ́: “Соб тэ́ на́ явэ́л, нэ́ и мэ́ пра́става пал Ху́сиё́стэ́.” Ио́аво

отпхэндя: “Сóскэ тэ прастас тукэ, миро чхавó? Ту на янэса лачхí зан (звесь).” ²³ И пхэндя Ахимаасо: “Мэк адякэ тэ явэл, нэ мэ прастава.” И прастандыя Ахимаасо пир мамуй дром, и пиритрадыя Хусиёс. ²⁴ Давидо тэды бэштó сыс машкир дуй порты. И ракхибнари гия упрé пэ стрéха (чхакín) портэнгири дрé ванта, и, газдыя якхá, и дыкхцá: “Гáда, прастала екх мануш.” ²⁵ И задыя гóдла ракхибнари и пхэндя кралíскэ. И пхэндя крáли: “Кóли екх, тэды зан (звесь) дрé лэскирэ уштá.” А одовá джáлас усá пашылэдýр и пашылэдýр. ²⁶ Ракхибнари дыкхцá и явирé манушэс, савó прасталас: и задыя гóдла портэнгирé ракхибнарискэ: “Гáда, ишчо (инкэ) прастала екх мануш.” Крáли пхэндя: “И давá исын мануш, савó лыджáла зан (звесь).” ²⁷ Ракхибнари пхэндя: “Мэ дыкхáва со англатунó мануш подджáла гиибнаса пэ Ахимаасостэ, Садокоскирэ чхавэстэ.” И пхэндя крáли: “Давá мануш исын лачхó и джáла лачхэ занýса (звестяса).” ²⁸ И задыя гóдла Ахимаасо, и пхэндя кралíскэ: “Рамáнэ (миро) тукэ” И клониндяпэ кралíскэ мóса пэскирэса кэ пхув, и пхэндя: “Тэ явэл бахтякирдó Рай Дэвэл, Дэвэл тырó, отдыи манушэн, савó газдынé пэскирэ вастá пэ хуластэ мирэстэ, кралíстэ!” ²⁹ И пхэндя крáли: “Ци исын джидó тэрнó мануш Авесалóмо?” И пхэндя Ахимаасо: “Мэ дыкхцём барó пиридживипэн, кéли писхáри кралíскиро Иоáво бичхадя тырэ писхарис; нэ мэ на джиндём, со одóй сыс.” ³⁰ И пхэндя крáли: “Джá дрé риг, тэрдёв адай.” Ёв отгия и тэрдия. ³¹ Гáда, явдя и Хусиё. И пхэндя Хусиё: “Лачхí зан (звесь) хулáскэ мирéскэ кралíскэ! Рай Дэвэл дыя тукэ каканá чачипэн тэ зракхэл вастэстыр сарé манушэнгирэндýр, савó газдынэпэ проти тýtэ.” ³² И пхэндя крáли Хусиёскэ: “Ци исын джидó тэрнó мануш Авесалóмо?” И пхэндя Хусиё: “Мэк тэ явэл вэргэнца хуласкирэнца мирé кралискирэнца и сарэнца, кон камэла фуипэн тукэ, мэк тэ явэл дова-паць, со кэрдяпэ тэрнó манушэса.” ³³ И пыя дрé дýхо крáли, и гия дрé штýба упрé пэ порта, и рондя, и, кéли гия, то ракирдя адякэ: “Чхавó миро Авесалóмо! Чхавó миро Авесалóмо! Нэ, кон тэ дэл мánгэ тэ мэрав замéст тýtэ, Авесаломе, чхавó миро, чхавó миро!”

Шэрó 19

¹ И пхэндлэ Иоавоскэ: “Гáда, крáли ровэла и тугинэла годлáса (голосинэла) пал Авесаломостэ. ² И обрисия збердыма (победа) долé дывэсэскири дро ровибэн ваш сарé манушэнгэ; пал-довá со манушá шундлэ дрé дова дывэс и ракирдэ, сыр крáли пиридживэлас пал пэскирэстэ чхавэстэ. ³ И выджáнас тэды манушá дрé фóро чораханэс, сыр подчорэнапэ манушá, савó ладжана, савó дрé марибнаскиро часо рисинé дро нашыбэн. ⁴ А крáли зачхакирдя пэскиро муй, и зоралэс рондя: “Чхавó миро, Авесаломе! Авесаломе, чхавó миро, чхавó миро!” ⁵ И явдя Иоáво кэ крáли дро кхэр, и пхэндя: “Ту дрé ладж яндян ададывэс сарэн дынарьён тырэн, савó зракхнэ каканá тырó джиибэн и тырэ чхавэнгиро и чхаенгиро джиибэн, и ромненгиро джиибэн и тырэ наложницэнгиро джиибэн; ⁶ тукэ исын дрóга одолé, конэскэ сан дрóго ту и тукэ исын на дрóга одолé, конэскэ сан дрóго ту; пал-довá со ту сыкадян ададывэс, со нисó ваш тукэ и халадэнгирé шэралé и дынарья, мэ джиндём, со, кóли Авесалóмо тэ ячэлпэ джидó, а амэ сарé мыям, тэды тукэ явэла бы миштó; ⁷ и адякэ уштý, выджа и ráкир кэ илó тырэ писхарьенгиро, пал-довá со мэ совлахава Рáса-Дэвлэса, со, кóли ту на выджаса, то дрé дая рат на ячэлапэ тýtэ ни екхэ манушэс; и давá явэла ваш тукэ фуедýр сарé бидэндýр, савó сыс пэ тýtэ тырэ тэрнó бэршэндýр кэ давá дывэс.” ⁸ И уштыя крáли и бэстя пашыл порта; а сарé манушэнгэ пхэндлэ, со крáли сыс бэштó пашыл порта. И явнэ сарé манушá ангил кралíскиро муй; Израильтáни рознашнэпэ пир пэскирэ шáтры. ⁹ И сарé манушá дрé сарé рóды (стречы) Израилэскирэ кошнэпэ и ракирдэ: “Крáли зракхцá амэн амарé вэргэнгирé вастэндýр, и волякирдя (вызволиндя) амэн Филистимлянэнгирé вастэндýр, а каканá кокорó настя далé пхувьятыр, Авесаломостыр. ¹⁰ Нэ Авесалóмо, савэс амэ помакхцям дрé кралíстэ пэ амэндэ, мыя пэ марибэн; палсó каканá тумэ тырдэна тэ рискирэн кралíс?” ¹¹ И крáли Давидо бичхадя тэ пхэнэн рашангэ Садокоскэ и Авиафароскэ: “Пхэнэн Юдáскирэ пхурыдырэнгэ: ‘Сóскэ камэна тумэ тэ явэн палатунэнца, соб (кай) тэ рискирэс кралíс дро лэскиро кхэр, тэды сыр лавá сарé Израилэскирэ догинé кэ крáли дро лэскиро кхэр? ¹² Тумэ сан мирé пшáла, кокалы мирé и мас миро; сóскэ камэна тумэ тэ явэн

палатунэнца дро rischiрибэн краліскіро дро лэскіро кхэр? ¹³ И Амесаскэ пхэнэн: “Ци на сан ту кокало миро и мас миро? Мэк дова́ и дова́ тэ кэрэл манца Дэвэл, и ишчо (инкэ) бутыр кэрэла, коли ту на явса халадэнгирэ барыдырэса, пашыл мандэ, пэ Иоавоскиро штэто, пэ саро джибэн!” ¹⁴ И бандякирдя ёв ило сарэ Юдэякирэ манушэн, сыр екхэ-манушэскиро; и бичхадэ ёнэ кэ крالی тэ пхэнэн: “Рисёв ту и сарэ тырэ дына́рья.” ¹⁵ И рисия́ крالی, и явдя́ кэ Иорда́но, а Юдэякирэ мануша́ явнэ дро Галгало, соб (кай) тэ пирилэн краліс и тэ пирильджан краліс пирдал Иорда́но. ¹⁶ И гия́ сыгэс Семее́, Гераскиро чхаво́, Вениамитянино Бахуриматыр, и гия́ Юдэякирэнца гил (пэ стреч) краліскэ Давидоскэ, ¹⁷ и тысёнцо манушэн Вениамитяэндыр сыс лэса, и Сива, Саулоскирэ-кхэрэскиро дына́ри, дэшупанджэ пэскирэ чхавэнца и бишэ пэскирэ писхарьэнца; и пиригинэ ёнэ Иорда́но ангил краліскіро муй. ¹⁸ Кэли пириправиндлэ судно (па́рма), соб (кай) тэ пирильджас краліскіро кхэр и тэ дынарина́с лэскэ, тэды Семее́, Гераскиро чхаво́, пыя́ ангил кралістэ, сыр фэни (то́ка) ёв пиригия́ Иорда́но, ¹⁹ и пхэндя́ краліскэ: “На чхув ма́нгэ, хулаё миро, дро грэхо, со мэ кэрдём, и на пририпир дова́, саво кэрдя́ грэхо писха́ри тыро́ дрэ дова́ дывэс, кэли хула́й миро, крالی, выгия́ Ерусалимостыр, и на рикир доя́ холы, кралё́, пэ ило пэскиро; ²⁰ пал-дава́ со джінэла тыро́ писха́ри, со кэрдя́ грэхо, и га́да, кака́на мэ явдём англатуно́ (пэрво) сарэ Иосифоскирэ кхэрэстыр, соб (кай) тэ выджав гил (пэ стреч) хула́скэ мирэскэ краліскэ.” ²¹ И отпхэндя́ Авеса, Саруяскиро чхаво́, и пхэндя́: “Нау́што Семее́ на мэрэла пал дава́, со ёв костя́ Ра́скирэ-Дэвлэскирэ помакхибнаскирэс? ²² И пхэндя́ Давидо́: “Со ма́нгэ и тумэ́нгэ, Саруяскирэ чхаво́, со тумэ́ кака́на кэрэнапэ вэргэнца (наветникэнца). Ци кака́на тэ мулякирэс вари-конэс дро Израилё́? Ци на дыкха́ва мэ, со кака́на мэ – крالی пэ Израилё́?” ²³ И пхэндя́ крالی Семее́скэ: “Ту на мэрэса.” И совлахадя́ лэскэ крالی. ²⁴ И Мефивосфеё́, Ионавоскиро чхаво́, Саулоскирэ-чхавэскиро, выгия́ гил (пэ стреч) краліскэ. Ёв на мордя́ пэскирэ гэра́, на обчхиндя́ чхора́ пэскирэ (бро́да), и на мордя́ йди́ пэскирэ долэ́ дывэсэстыр, сыр выгия́ крالی кэ дывэс, кэли ёв рисия́ раманё́са (миро́са). ²⁵ Кэли ёв выгия́ Ерусалимостыр гил (пэ стреч) краліскэ, крالی пхэндя́ лэскэ: “Со́скэ ту Мефивосфеё́, на гия́н ма́нца?” ²⁶ Одова́ отпхэндя́: “Хулаё́, миро крالی! Дына́ри миро хохадя́ ман; пал-дова́ со мэ, писха́ри тыро́, ракирдём: ‘Мэ да́ва андрэ́ пэскэ ослос́ и бэшава́ пэ лэстэ́, и традава́ краліса́’; одя́кэ сыр писха́ри тыро́ исын лангало. ²⁷ А ёв обракирдя́ тырэ писхаріс ангил хуластэ́ мирэстэ́, кралістэ́. Нэ хула́й миро, крالی, сыр Дэвлэскиро Янгóло; кэр, со ту́кэ исын лачхо́; ²⁸ хоць саро́ мирэ́-дадэскиро кхэр исын банго́ сыс отдыно́ мэрибна́скэ ангил хуластэ́, мирэ́ кралістэ́, нэ ту чхудя́н тырэ писхаріс машкі́р одолэн́ манушэндэ́ тэ хас пал тыро́ скаминд; саво ма́ндэ исын право́ тэ тангинавпэ́ ишчо (инкэ) ангил кралістэ́?” ²⁹ И пхэндя́ лэскэ крالی: “Кэ со ту ракирэ́са саро́ дава́? Мэ пхэндём, соб (кай) ту и Сива́ тэ росчхувэн́ пэ пир машкі́р пэстэ́ фэлды.” ³⁰ Нэ Мефивосфеё́ отпхэндя́ краліскэ: “Мэк ёв тэ лэл аж саро́, пало́ (после) дова́, сыр хула́й миро, крالی, раманё́са (миро́са) рисия́ дро пэскиро кхэр.” ³¹ И Верзелиё́ Галаадитянино явдя́ Роглиматыр, и пиригия́ краліса́ Иорда́но, соб (кай) тэ лыджал лэс пал Иорда́но. ³² О Верзелиё́ сыс древа́н пхуро́, бэрша́ охтодэша́. Ёв дэлас саро́ краліскэ, кэли одова́ сыс дро Маханаимо́, пал-дова́ со сыс ману́ш барвалó. ³³ И пхэндя́ крالی Верзелиё́скэ: “Яв ма́нца, и мэ ява́ва тэ чарава́в тут дро Ерусалимо́.” ³⁴ Нэ Верзелиё́ отпхэндя́ краліскэ: “Ци длү́гэс (гара́) ма́нгэ яця́пэ тэ джива́в, соб (кай) тэ джав краліса́ дро Ерусалимо́? ³⁵ Ма́нгэ кака́на охтодэша́ бэрш; ци роскэ́дава мэ лачхипён́ фуипнастыр? Ци джінэла́ писха́ри тыро́ смако́ дрэ дова́, со мэ ява́ва тэ хав, и со мэ ява́ва тэ пы́яв? И ци ява́ва мэ дро зор тэ шунав́ зан багаибнаскирэнгири́ и багаибна́ркэнкири? Со́скэ писхарі́скэ тырэ́скэ тэ явэл дро пхарипён́ хула́скэ, мирэ́скэ краліскэ? ³⁶ Ишчо́ на́бут проджа́ла писха́ри тыро́ краліса́ пал Иорда́но; пал со кралі́скэ тэ барьякирэ́л ман дасаво́ лачхипна́са? ³⁷ Дозволин (дэ во́ля) писхарі́скэ тырэ́скэ тэ рисёл, соб (кай) мэ тэ мэрав дро пэскиро фо́ро, пашыл мирэ́-дадэскири́ коплі́ца и мирэ́-дакири́. Нэ га́да, дына́ри тыро́, миро чхаво́, Кимгамо́, мэ́к тэ джал хула́са мирэ́са, кралі́са, и кэр лэ́са, сыр ту́кэ исын лачхо́.” ³⁸ И пхэндя́ крالی: “Мэк тэ джал ма́нца Кимгамо́, и мэ кэра́ва ваш лэ́скэ, со ту́кэ исын лачхо́; и саро́, со бы ту тэ на за́камэс ма́ндыр, мэ кэра́ва ваш ту́кэ.” ³⁹ И пиригинэ́ саро́ мануша́ Иорда́но, и крالی ады́кэ-паць. И чамудя́ крالی Верзелиё́с, и бахтякирдя́ лэс, и ёв рисия́ пэ штэто́ пэскиро.

⁴⁰ И гия крáli дро Галгáло, гия лэса и Кимгамо; и сарé Юдáскирé манушá лыджинэ крали́с, и паш Израилески́рэ манушá. ⁴¹ И гада, сарé Израильтя́ни явнэ кэ крáli и пхэндэ крали́скэ: “Сóскэ пшáла амарé, Юдáскирé муршá, мэкнэ тут, и лыджинэ крали́с, и лэскиро кхэр, и сарэн манушэн Давидоски́рэн лэса пирдál Иордáно? ⁴² И отпхэндлэ сарé Юдáскирé муршá Израильтя́нэнгэ: пал-довá со крáli исын сэмэнца амэнгэ; пирдál со тумэнгэ тэ холясон пэ дава́? Нау́што амэ вари-со хаям крали́стэ, ци долыам (дорэсцям) лэстыр почасту́нки (подарки)?” ⁴³ И отпхэндлэ Израильтя́ни Юдáскирé муршэнгэ, и пхэндлэ: “Амэ сам дэш пашá крали́стэ, адя́кэ-паць и Давидóстэ амэ буты́р, сыр тумэ сан; палсó тумэ тэлякирдэ амэн? Ци на амэнгэ отлыджаласпэ англатуно́ лав пал дова́, соб (кай) тэ рискирас амарé крали́с? Нэ лав Юдáскирé муршэнги́ро със зоралэды́р, сыр лав Израильтя́нэнги́ро.

Шэро́ 20

¹ Одóй выгия́, со със екх náлaчxo ману́ш, пир лав Савеё́, чхавó Бихриски́ро, Вениамитя́ниноски́ро; ёв пхурды́я дро ро́го и пхэндя́: “Нанэ амэнгэ паш дрэ Давидóстэ, и нанэ амэнгэ бажын дрэ Есеёски́рэ чхавэ́стэ; сарé пир шáтры пэски́рэ, Израильтя́ни!” ² И гинэ дрэ риг сарé Израильтя́ни Давидосты́р, и гинэ пал Савеё́стэ, чхавэ́стэ Бихриски́рэстэ; Юдэнги́рэ манушá ячнэ́пэ пэ пэски́рэ-крали́скири риг, Иорданосты́р кэ Ерусали́мо. ³ И явдя́ Давидо́ дро пэски́ро кхэр дро Ерусали́мо, и лыя́ крáli дэшэн ромнен и “наложни́цен”, савэн ёв ячкирдя́ тэ ра́кхэн кхэр, и мэ́кця́ лэн дро выкэ́дыно кхэр и чхудя́ ра́кхибна́рьен, и рики́рдя лэн, нэ на псирдя́ кэ ё́нэ. И със ё́нэ одóй кэ пэски́ро мэри́бны́тко дывэ́с, дживи сыр пивля́ (удовы). ⁴ И пхэндя́ Давидо́ Амеса́скэ: “Скэ́дэ кэ пэ Юдэнги́рэн манушэн пал трин дывэ́са и ко́коро́ яв ада́рик.” ⁵ И гия́ Амеса́ тэ скэ́дэл Юдэнги́рэ манушэн, нэ про́гия́ буты́р часо, савó лэ́скэ със упхэндлó. ⁶ Тэды́ Давидо́ пхэндя́ Авеса́скэ: “Какáна́ кэрэ́ла амэнгэ фуипэн Савеё́, чхавó Бихриски́ро, буты́р, сыр Авесало́мо; лэ ту дына́рьен ты́рэ хула́скирэ, и традэ́ лэс, соб (кай) ёв тэ на латхэл пэ́скэ зоралэ́ тынэнца́ фо́рья́ и тэ на гараде́л амарé я́кхэнды́р.” ⁷ И вы́гинэ́ пал лэ́стэ манушá Иоавоски́рэ, и Хелефе́и и Фелефе́и, и сарé муршá гинэ́ Ерусали́мосты́р тэ традэн Савеё́с, чхавэ́с Бихриски́рэс. ⁸ И кэ́ли ё́нэ със пашы́л барó бар, со исын пашы́л Гавао́но, тэды́ стрэ́ниндлэ́ Амеса́с. Иоáво със уридо́ дрэ пэски́ри халады́тко́ йдя́ и подпхандлó курта́ласа, сави́ убладя́я пашы́л гэрóй дрэ но́жны́ и, сави́ локхэ́с вы́джáла лэнды́р и заджа́ла. ⁹ И пхэндя́ Иоáво Амесаё́скэ: “Ци сан састó ту, пшал ми́ро?” И лыя́ Иоáво чачé вастэ́са Амесаё́с пал чхора́ (бро́да), соб (кай) тэ ча́мудэл лэс. ¹⁰ Амеса́ на зракхця́пэ курта́латы́р, сави́ със дро Иоавоски́ро васт; и одова́ чхиндя́ лэс дрэ пэр адя́кэ, со выпы́нэ лэ́скирэ́ кужума́ пэ пхув, и яви́р мо́ло лэс на чхиндя́, и ёв мы́я. Иоáво и Авеса́, лэ́скиро пшал, трады́нэпэ́ пал Савеё́стэ, Бихриски́рэ чхавэ́стэ. ¹¹ Екх Иоавоски́рэ тэрнэ́ манушэнды́р/тэрнэ́-бэршэнги́рэн със тэрдó пашы́л Амеса́стэ́ и ра́кирдя́: “Одова́, кон исын ча́чуно́ Иоавоскэ́ и кон исын пал Давидóстэ, мэ́к тэ джал пал Иоавостэ́!” ¹² Амеса́ със пашто́ дро рат машки́р дром; и одова́ ману́ш, ды́кхй, со сарé манушá тэрдéна́ пэ лэ́стэ, ты́рды́я Амеса́с дро́мэсты́р пэ фэ́лда, и чхурды́я пэ лэ́стэ́ йдя́, адя́кэ, сыр ёв ды́кхця́, со ка́жно́ (сва́ко) ману́ш, савó джала́ пашы́л, тэрдéла́ пэ лэ́стэ. ¹³ Нэ кэ́ли ёв със ты́рдыно́ дро́мэсты́р, тэды́ сарé Израилё́скирэ́ манушá́ гинэ́ палáл пал Иоавостэ́ тэ традэн Савеё́с, Бихриски́рэ чхавэ́с. ¹⁴ А ёв про́гия́ пирдál сарé Израилё́скирэ́ ро́дыцы́ кэ́ Авел-Беф-Маа́хо и пирдál сарó Беримó; и манушá, савé дживдэ́ дай, скэ́дынэ́пэ́ и гинэ́ пал лэ́стэ. ¹⁵ И явнэ́ и обчхудэ́ лэс тру́сця́л дро́ Авел-Беф-Маа́хо: и чхудэ́ упрé́ валó анги́л фо́ро, и подгинэ́ кэ ва́нта, и сарé манушá, савé със Иоавоса́, стариндлэ́пэ́ тэ роспахиги́рэн ва́нта. ¹⁶ Тэды́ екх го́дьвари́ джувлы́ задя́я го́дла́ фо́ро́скирэ́ вантаты́р: “Шунэ́н, шунэ́н, пхэнэ́н Иоавоскэ́, соб (кай) ёв тэ джал ада́рик, и мэ́ ра́кирава́ лэ́са.” ¹⁷ И подги́я кэ́ ёй Иоáво, и пхэндя́ джувлы́: “Вышун́ лавá ты́рэ дына́рицаки́рэ.” И пхэндя́ ёв: “Шуна́ва.” ¹⁸ Ёй пхэндя́: “Англэ́ды́р (вагэ́ды́р) ра́кирэ́нас: ‘Кон камэ́ла тэ́ пхучэлпэ́, пхуч пэ́ Авелё́сты́р; и адя́кэ́ кэрэ́нас рэ́ндо. ¹⁹ Мэ́ мирно́нэ, ча́чуно́ Израилё́скирэ́ фо́рьэнды́р; а ту камэ́са́ тэ́ хася́кирэ́с фо́ро, и савó исын сы́рбы́ дай и фо́рьенги́ри пир Израилё́: ваш со́ тукэ́ тэ́ пха́гирэ́с Ра́скирэ́-Дэ́влэ́ски́ро ми́штыпэн?” ²⁰ И отпхэндя́ Иоáво, и пхэндя́: “Мэ́к тэ́ на явэл да́ва́ ма́нды́р, соб (кай) мэ́ тэ́ розма́рав ци́ тэ́ роспахира́в!” ²¹ Да́ва

рэндо исын на дро дова; нэ мануш Ефремоскирэ бэргатыр, пир лав Савеё, Бихрискиро чхаво, газдыя пэскиро васт пэ кралістэ Давидостэ; выдэн мангэ лэс екхэс, и мэ отджава форостыр.” И пхэндя джувлы Иоавоскэ: “Гáда, шэрó лэскиро явэла түкэ чхурдыно вантатыр.” ²² И гия джувлы пир сарэ манушэндэ пэскирэ годьварэ лавэса; и отчингирдэ шэрó Савеёскэ, Бихримоскирэ чхавэскэ, и чхурдынэ Иоавоскэ. Тэды Иоáво пхурдыя дро рого, и розгинэпэ форостыр сарэ манушá пир пэскирэ шáтры; Иоáво рисия дро Ерусалимо кэ крáли. ²³ И сыс Иоáво чхудо пэ сарэ Израильсконэ халадэндэ, а Ванея, Иодаскиро чхаво – пэ Хелефеянинэндэ и пэ Фелефеянинэндэ; ²⁴ Адорамо – пэ скэдыибэн таксэнгино; Иосафáто, Ахилудаскиро чхаво сыс канцэлярискирэса; ²⁵ Суса – лыла-чхиныбнаскирэса; Садоко и Авиафаро рашанца; ²⁶ адякэ-паць и Ира, Иаритянино, сыс рашáса Давидостэ.

Шэрó 21

¹ Сыс бокх пэ пхув дрэ Давидоскирэ дывэсá трин бэрш, бэрш пал бэрш. И пхуцяпэ Давíдо Рáстыр-Дэвлэстыр. И пхэндя Рай Дэвóл: “Давá исын пал Саулостэ и пал ратпибнаскиро лэскиро кхэр, пал-дова, со ёв замардэ Гаваонитянэн.” ² Тэды крáли кхардэ Гаваонитянэн и ракирдэ лэнца. Гаваонитяни сыс на Израилёскирэ чхавэндэр, нэ ёнэ сыс Амореендыр, савэ ячнэпэ; Израильтяни дынэ лэнгэ совэл, нэ Сáуло камдэ тэ замарэл лэн пир пэскиро зэвлыныпэн (ревность) пал рóдо Израилёскиро и Юдáскиро. ³ И пхэндя Давíдо Гаваонитянэнгэ: “Со мангэ тэ кэрáв ваш тумэнгэ, и сóса тэ раманякирав (тэ примиринав) тумэн, соб (кай) тумэ тэ бахтякирэн Рáскирэ-Дэвлэскиро мэкно миштыпэн (наследие)?” ⁴ И пхэндлэ лэскэ Гаваонитяни: “На трэй амэнгэ ни руп, ни сувнакай Саулостыр, ци лэскирэ кхэрэстыр, и на трэй амэнгэ, соб (кай) тэ замарэл конэс дро Израилё.” Ёв пхэндя: “Со тумэ камэна? Мэ кэрáва ваш тумэнгэ.” ⁵ И пхэндлэ ёнэ краліскэ: “Одолэ манушэс, саво хасякирдэ амэн и камдэ тэ домарэл амэн, соб (кай) тэ на явэл амэн ни дрэ екх Израилёскирэ пхувьендыр пир мэжы, – ⁶ лэскирэ родостыр выдэ амэнгэ эфáта манушэн, и амэ ублаваса лэн ангíл Растэ-Дэвлэстэ дрэ Гивá Саулоскири, выкэдыно Рáса-Дэвлэса.” И пхэндя крáли: “Мэ выдава.” ⁷ Нэ тангиндя крáли Мефивосфеёс, Ионафаноскирэ чхавэс, Саулоскирэ чхавэс, ваш совэл Рáскирэ-Дэвлэскирэ лавэса, сави сыс машкíр лэндэ, машкíр Давидостэ и Ионафаностэ, Саулоскирэ чхавэстэ. ⁸ И лыя крáли дуэн чхавэн Рицпакирэн, Айаскирэ-чхакирэн, сави бияндя Саулоскэ Армонос и Мефивосфеёс, и панджэн Мелхолакирэ чхавэн, Саулоскирэ-чхакирэн, савэн ёй бияндя Адриэлэскэ, чхавэскэ Верзэлиёскирэскэ, Мехолатыр, ⁹ и отдыя лэн дрэ вастá Гаваонитянэнгэ, и ёнэ убладэ лэн пэ бэрга ангíл Растэ-Дэвлэстэ. И мынэ сарэ эфáта кхэтанэ; ёнэ сыс мулякирдэ дрэ пэrvонэ-укэдыибнытка дывэсá, дро англыпэн укэдыибэн гэрстоскиро (ячменё).” ¹⁰ Тэды э Рицпа, Айаскири чхай, лыя калы цэрга и росчхудя ла пэскэ пэ доя бэрга, и бэшты сыс укэдыибнаскиро англыпнастыр кэ дова моменто, пака чхудэпэ пэ лэндэ Дэвлэскирэ паня болыбнастыр, и на домэкця, соб (кай) тэ чилавэн лэн чирикля болыбнаскирэ дывэсэ и мурдалá (звери) фэлдытка ратý. ¹¹ И роспхэндлэ Давидоскэ, со кэрдэ Рицпа, Айаскири чхай, наложница Саулоскири. ¹² И гия Давíдо, и лыя кокалы Саулоскирэ и кокалы Ионафаноскирэ, лэскирэ-чхавэскирэ, манушэндэр Иависостыр Галаадсконэндэр, савэ чораханэс лынэ лэн гасатыр (форунятыр/плошчатыр) Беф-Сано, кай убладэ Филистимляни, кэли замардэ Филистимляни Саулос пэ Гелвуя. ¹³ И пирилыджия ёв одотхыр кокалы Саулоскирэ и кокалы Ионафаноскирэ, лэскирэ-чхавэскирэ; и скэдынэ кокалы убладэнгирэ. ¹⁴ И гарадэ кокалы Саулоскирэ и Ионафаноскирэ, лэскирэ чхавэскирэ, пэ пхув Вениаиноскири, дрэ Цэла, дрэ копліца Кисаскири, лэскирэ-дадэскири. И кэрдэ сарó, со припхэндя крáли, и сыкадя ласка Дэвэл пэ доя пхув палó (после) дава. ¹⁵ И нэвэстыр яця марибэн машкíр Филистимлянэндэ и Израильтянэндэ. И выгия Давíдо и лэскирэ дынарья лэса, и мардэпэ Филистимлянэнца; и Давíдо кхиныя. ¹⁶ Тэды Есвиё (Иесвиё), екх Рефаимоскирэ родостыр, савэстэ марибнытко буст сыс пхарипнаса (вагаса) дрэ триншэлá харкóма и, саво обпхандло сыс нэвонэ курталáса, камдэ тэ замарэл Давидос. ¹⁷ Нэ лэскэ дыя васт (помогиндя) о Авеса, Саруяскиро чхаво, и домардэ Филистимлянинос, и мулякирдэ лэс. Тэды манушá

Давидоскирэ совлахадэ, ракири: “На джаса ту бутыр амэнца пэ марибэн, соб (кай) тэ на мурдёл Израилёскиро момолытко (светильнико). ¹⁸ Тэньци сыс нэвэстыр марибэн Филистимлянэнца дрэ Гоба; тэды Совеаё Хушатынино замардя Сафутос, екхэс Рефаимоскирэ родостыр. ¹⁹ Сыс и явир марибэн дрэ Гоба; тэды домардя Елханано, чхаво Ягаре-Оргимоскиро Вифлеемостыр, Голиафас Гефянинос, савэстэ кашт (древко) чхурдыпныконэ бустякиро сыс, сыр навоё ткачэндэ. ²⁰ Сыс ишчо (инкэ) марибэн дрэ Гефа; и сыс одой екх мануш вучо, савэстэ сыс пэ шов ангушта пэ васта и пэ гэрэ, сарэ биш тэ штар, адякэ-паць Рефаимоскирэ родостыр. ²¹ И ёв кость Израильтянэн; нэ лэс замардя Ионафано, чхаво Сафаёскиро, Давидоскирэ-пшалэскиро. ²² Адалэ штар сыс Рефаимоскирэ родостыр дрэ Гефа, и ёнэ мынэ Давидоскирэ вастэстыр и лэскирэ дынарьэндыр (слугэндыр).

Шэрó 22

¹ И лыя тэ багал Давидо гилы Рáскэ-Дэвлэскэ дрэ дова дывэс, кэли Рай Дэвэл раххця лэс вастэстыр сарэ лэскирэ вэргэндыр и Саулоскирэ вастэстыр, и пхэндя: ² “Рай Дэвэл исын твэрдыма (диз) мирí, и зор мирí, и Зраххибнаскиро миро. ³ Дэвэл исын бэрга мирí; пэ Лэстэ мэ розгинава; шчыто миро, шынг (ро́го) раххибнаскиро мирэскиро, вучарды (башня) мирí и нашыбэн миро; Зраххибнаскиро миро, бидатыр Ту зраххцян ман! ⁴ Мэ кхарáва Рас-Дэвлэс, Савэс трэй тэ шарэс и мэ вэргэндыр мирэндыр зраххавапэ. ⁵ Облынэ ман валны мэрибнытка, и беззакониякирэ сыгна рэкицы страхакирдэ ман. ⁶ Зандирья (цэпи) адоскиро обпэнтынлэ ман, и фэля (сети) мэрибнаскирэ обкхудэ ман; ⁷ нэ и дро тасадыибэн миро мэ кхардём Рас-Дэвлэс, и кэ Дэвэл миро дыём гóдла, и Ёв шундя Пэскирэ кхангирьятыр зан мирí, и гóдла мирí догий кэ Лэскиро шуныбэн. ⁸ Тринскирдяпэ, куниндяпэ пхув, издрандынэ и кхардэпэ (подвининдлэпэ) болыбнаскирэ фундаменты (основы); пал-дова со холясыя пэ лóндэ Рай Дэвэл. ⁹ Газдыяпэ тхув холятыр Лэскирьятыр, и уштэндыр Лэскирэндыр яг, сави хала сарó; хачкирдэ вангара чхудэпэ Лэстыр. ¹⁰ Бандякирдя Ёв болыбэн и гия тэлэ; и калыпэн тэл Лэскирэ гэрэ; ¹¹ и бэстя пэ херувимы, и вурняндыя, и традыя пэ пхакá (крылы) балвалякирэ; ¹² и калыпнаса учхакирдя Пэс, сыр шатраса, и Ёв скэдыя панí болыбнаскирэ облокэндыр; ¹³ зяиныбнастыр ангил Лэстэ росхачонас вангара ягакирэ. ¹⁴ Загреминдя болыбнастыр Рай Дэвэл, и Най Вучэдырэскиро дыя зан Пэскири; ¹⁵ и мэххця марибнытка бустя (стрéлы) и рострадыя лэн; зазяиндя блискавицаса и домардя лэн. ¹⁶ И отчхакирдэпэ/сыкадынэ морёскирэ (дэрьявэскирэ) источники (ганынгорья), счхакирдэпэ фундаменты пхувьякирэ холямé Рáскирэ-Дэвлэскирэ занятыр, холямé пхурдыпнастыр Лэскирэ духостыр. ¹⁷ Протырдыя Ёв васт вучипнастыр, и лыя ман, и вылыя ман бутэ панендыр; ¹⁸ зраххця ман вэргостыр мирé зоралэстыр, одолэ манушэндыр, савэ зоралэс бидыкхэна ман, савэ сыс зоралэдыр мандыр. ¹⁹ Ёнэ газдынэпэ пэ мандэ дро бидакиро дывэс миро; нэ Рай Дэвэл сыс подрикирибнаса ваш мánгэ ²⁰ и вылыджия ман на пэ дарано штéто, зраххця ман, пал-дова со Ёв лачхипнаса отлыджалапэ кэ мэ. ²¹ И отдыя мánгэ Дэвэл пир чачипэн миро, пир жужыпэн мирé вастэнгиро дыя мазури (награда) мánгэ. ²² Пал-дова со мэ раххцём дромá Рáскирэ-Дэвлэскирэ, и мэ на сóмас злыднитко ангил Растэ-Дэвлэстэ мирэстэ, ²³ пал-дова со сарэ упхэныбэнá Лэскирэ сыс ангил мандэ, и статутэндыр (уставэндыр) Лэскирэстыр мэ на отгий, ²⁴ и мэ сóмас бидошакиро ангил Лэстэ, и мэ раххцёмпэ, соб (кай) тэ на кэрáв грéхо мánгэ. ²⁵ И отдыя мánгэ Дэвэл пир чачипэн миро, пир жужыпэн миро ангил якхá Лэскирэ. ²⁶ Тангипнаскирэса (жалостнонэса) Ту, Дэвла, кэрэса пир тангипэн, мушэса чачунэса Ту кэрэса чачунэс, ²⁷ жужэса – жужэс, а хоханэса – пир хохайбэн лэскиро. ²⁸ Тэлякирдэ манушэн Ту зраххэса, и дыкхибнаса Пэскирэса Ту тэлякирэса пхутькирдэн. ²⁹ Ту, Раё Дэвла, сан момолытко миро; Ту, Раё Дэвла, пирикэрэса амарó калыпэн дро свéто (дуд). ³⁰ Туса мэ домарава халадыбэн; Дэвлэса мирэса мэ джáва упрé пэ ванта. ³¹ Дэвэл! – исын бидошэнгиро дром Лэскиро, жужó лав Рáскирэ-Дэвлэскиро, Ёв исын шчыто ваш сарэнгэ, кон ужакирэла лачхипэн (надеинэлапэ) пэ Лэстэ. ³² Пал-дова со, кон исын Дэвэл, апрíч Растэ-Дэвлэстэ, и кон исын скáла тэ гарадёл, апрíч Дэвлэстыр амарэстыр? ³³ Дэвэл пхэрдякирэла ман зорьяса,

Ёв сыкавэла мангэ чачуно дром; ³⁴ Ёв кэрэла гэрэ мирэ сыр оленёскирэ, и пэ вучипэна подрикирэла ман; ³⁵ Ёв сыклякирэла вастэ мирэ марибнаскэ, и масэ пэ психэ мирэ тырдэла, сыр харкуно (медно) лүко. ³⁶ Ту дэса мангэ шчыто тэ рахавпэ, и ковлыпэн Тырэ барьякирэла ман. ³⁷ Ту кэрэса буглыдыр дроморо миро тэл мандэ, и на кунинэнапэ гэрэ мирэ. ³⁸ Мэ градавапэ пал вэргэндэ мирэндэ и мэ марава лэн, и на рисёвава, пака вымарава лэн; ³⁹ и вымарава лэн, и домарава лэн, и ёнэ на уштэна, и пэрэна тэл гэрэ мирэ. ⁴⁰ Ту дэса мангэ зор ваш марибэн, и чхувэса ангил мандэ вэргэн мирэн, савэ джана пэ мандэ. ⁴¹ Ту рискирэса мэняса кэ мэ вэргэн мирэн, и мэ вымарава одолэн, кон бидыкхэла ман. ⁴² Ёнэ мангэна, нэ нанэ зракхибнарис, – кэ Рай Дэвэл, нэ Ёв на отпхэнэла лэнгэ. ⁴³ Мэ росчхувава лэн, сыр прахо пхувьякиро, сыр блата пэ вулица (гаса) мэ тасавава лэн, и штакирава лэн. ⁴⁴ Ту рахцын ман манушэндэр мирэндэр, савэ газдынэпэ проти мандэ; Ту рахцын ман, соб (кай) тэ явав мангэ шэралэса пэ явирэ-родэнгирэ манушэндэ, манушэн, савэн мэ на джидём, савэ дынаринэна мангэ. ⁴⁵ Манушэ явирэ-родэнгирэ шукар ракирэна ангил мандэ; пир шуныбэн пал мандэ кандэна ман. ⁴⁶ Манушэ явирэ-родэнгирэ парнёна и тринскирэнапэ дрэ пэскирэ фёрья зоралэ тынэнца. ⁴⁷ Тэ явэл Рай Дэвэл и бахтыкирдэ Застэмпнико (Затэрдыйбнаскиро) миро! Мэк тэ явэл шардо Дэвэл, Скала зракхибнаскэ мирэскирэскэ, ⁴⁸ Дэвэл, Савэ отхала палэ (мстинэла) пал мандэ и притасавэла ваш мангэ манушэн, ⁴⁹ и, Савэ зракхэла ман вэргэндэр мирэндэр! Пэ манушэндэ, савэ газдынэпэ проти мандэ, Ту газдын ман вучэс; манушэстыр холямэстыр Ту зракхцын ман. ⁵⁰ Палдава мэ явава тэ славиав Тут, Раё Дэвла, машкир Наюдытконэ манушэндэ, и мэ явава тэ багав лавэскэ Тырэскэ, ⁵¹ Лэскэ, Кон зракхэла краліс Пэскирэс и кэрэла милома помакхибнаскирэскэ Пэскирэскэ, Давидоскэ и родоскэ лэскирэскирэ пэ веки!”

Шэрэ 23

¹ Ёада, исын палатунэ (последня) лавэ Давидоскирэ, Есеёскирэ-чхавэскирэ, пхэныбэн мушэскиро, савэ сыс чхудо вучэс, помакхибнаскирэс Дэвлэскирэс Яковоскирэс и гудлэ-багаибнаскирэс Израилэстыр: ² Рэскирэ-Дэвлэскиро дүхо ракирэла дрэ мандэ, и лав Лэскиро сыс пэ чиб мандэ. ³ Пхэндэ Дэвэл Израилэскиро, и ракирэла пал мандэ бэрга Израилэскири: “Яв хуласэ пэ манушэндэ, яв чачуно, хулаин дараса (дарьяса) Дэвлэскирьяса. ⁴ И сыр пэ злэко (пэ ранко), кэли дывесёла, сыр джэла упрэ кхам пэ биоблокэнгиро болыбэн, савэ зяинэла палэ (после) брышынд, сыр барьёла чхар пхувьятыр, ⁵ ци на адякэ исын кхэр миро Дэвлэстэ? Пал-довэ со доракирибэн вечно чхуэ Ёв манца, твардо и напарудо. Ци на адякэ джэла Лэстыр сарэ зракхибэн миро и сарэ лачхипэн миро? ⁶ А налачхэ манушэ явэна, сыр вычхурдыно хрүсто сувьенца, савэ на лэна вастэса; ⁷ нэ кон чилавэла лэс, одовэ лэла састы́р, ци чхурдыпнытконэ-бустякирэ дэстэса, и ягаса хачкирэна лэс пэ штэто. ⁸ Ёада, исын лав мушканэнгирэ Давидостэ: Исбосефо Ахаманитянино, шэралэ тринэндэр; ёв газды́я пэскиро чхурдыпнытко буст пэ охтошэла манушэндэ, и замардэ лэн пал екх мо́ло. ⁹ Пал лэстэ Елизэро, чхавэ Додоскиро, Ахососкирэ-чхавэскиро, тринэ мушканэндэр, савэ сыс Давидоса, кэли ёнэ кошыбнаса выххардэ Филистимлянэн, савэ скэдынэпэ пэ марибэн. ¹⁰ Израильтэни выгинэ проти лэндэ, и ёв тэрдия, и мардэ Филистимлянэн кэ дова, со васт лэскиро кхинья и прилипни́ндэ кэ куртала. И дыя Рай Дэвэл дро дова дывэс бари збердыма (победа), и манушэ гинэ пал лэстэ ваш дова екх, соб (кай) тэ обкэдэн мулэн. ¹¹ Пал лэстэ Шама, чхавэ Агеёскиро, Гараритянино. Кэли Филистимляни скэдынэпэ дрэ Фирия, кай сыс фэлда, со сыс почхуды дрэ пхув чэчэви́ца, и манушэ прастандынэ Филистимлянэндэр: ¹² тэды ёв тэрдия машкир фэлда, и зракхцы́ ла, и мулякирэла Филистимлянэн. И дыя тэды Рай Дэвэл бари збердыма (пиризорьякирибэн). ¹³ Трин адалэ мушканэ трияндэндэр шэралэндэр гинэ и загинэ дро часо укэдыбнытко кэ Давидо дрэ гебэр (пешчэра) Одоламо, кэли бут Филистимляни сыс тэрдэ пэ Рефаимоскиро до́ло. ¹⁴ Давидо сыс тэды пэ штэто зоралэ тынэнца, а отрядо Филистимлянэнгиро – дро Вифлеэмо. ¹⁵ И закамдэ Давидо тэ пьел, и пхэндэ: “Кон панякирэла ман панэса Вифлеэмоскирэ ганынгатыр, со сыс пашыл порта?” ¹⁶ Тэды трин адалэ мушканэ манушэ

промардэпэ пирдал Филистимлянэнгиро стано (лод), и пхэрдэ пани Вифлеемоскирэ ганынгатыр, со сыс пашыл порта, и лынэ и янлэ Давидоскэ. Нэ ёв на закамдэ тэ пьел лэс и вычхудя лэс дрэ слава Раскэ-Дэвлэскэ,¹⁷ и пхэндя: “Зракх ман, Дэвла, соб (кай) мэ тэ кэрав дава! Ци дава исын на рат адалэ манушэнгиро, савэ псирдэ дараса (дарьяса) пал пэскиро джибэн?” И на закамдэ лэс тэ пьел. Гада, со кэрдэ далэ трин муршарья!¹⁸ И Авеса, Иоавоскиро пшал, Саруяскиро чхаво, сыс тринэндэр шэралэса; ёв замардэ пэскирэ чхурдыибнытконэ бустяса триншэла манушэн и сыс дрэ слава одолэ тринэндэ.¹⁹ Тринэндэр ёв сыс патывалэдыр и сыс барыдырэса, нэ одолэ тринэнца на ровниндяпэ.²⁰ О Ванея, Иодаёскиро чхаво, муршари, баро пир рэнды, Кавцэилостыр; ёв мулякирдэ дуэн Ариилоскирэ Моавитсконэ чхавэн; ёв гия и замардэ шчэрэс (левос) дро рово (хохой) дро ивитко часо;²¹ и ёв замардэ екхэ Египтянинос, шэралэ манушэс; дро Египтяниноскиро васт сыс чхурдыибнытко буст, а ёв гия кэ ёв каштэса, и отлыя чхурдыпнытко буст Египтяниноскирэ вастэстыр, и домардэ лэс лэскирэ бустяса:²² гада, со кэрдэ Ванея, Иодаёскиро чхаво, и ёв сыс дрэ слава тринэ муршканэ манушэндэ;²³ ёв сыс слаутнэдыр трияндэндэр, нэ одолэнца тринэнца на ровниндяпэ. И чхудя лэс Давидо пашатунэса фандариса (сполнителёса) пэ пэскирэ припхэныбэна.²⁴ Асаило, Иоавоскиро пшал – сыс машкир адалэ триянда манушэндэ; Елхано, Додоскиро чхаво, Вифлеемостыр,²⁵ Шама Хародитянино, Елико Хародитянино,²⁶ Херецо Палтитянино, Иро, Икешаскиро чхаво, Фекоитянино,²⁷ Евиезеро Анафофянино, Мебунаё Хушатянино,²⁸ Цалмоно Ахохитянино, Магараё Нетофатитянино,²⁹ Хелево, Бааноскиро чхаво, Нетофатитянино, Итаё, Рибавоскиро чхаво Гиватыр Вениаминоскирэ чхавэндэр,³⁰ Ванея Пирафонянино, Идаё Нахле-Гаашостыр,³¹ Ави-Албоно Арбатитянино, Азмавето Бархамитянино,³² Елияхба Шаалбонянино; Яшэноскирэ чхавэндэр, Ионафано,³³ Шама Гараритянино, Ахиамо, Шарароскиро чхаво, Араритянино,³⁴ Елифелето, Ахасбаёскиро чхаво, Магахатоскирэ-чхавэскирэ, Елиамо, Ахитофелёскиро чхаво, Гилонянино,³⁵ Хецраё Кармититянино, Паараё Арбитянино,³⁶ Игало, Нафаноскиро чхаво, Цобатыр, Бани Гадитянино,³⁷ Цэлеко Амонитянино, Нахараё Беротянино, мануш, саво лыджалас мардытко (оружыё) Иоавоскиро, Саруяскирэ чхавэскири,³⁸ Иро Итритянино, Гаребо Итритянино,³⁹ Уриё Хетянино. Сарэ сыс триндэша (триянда) эфта.

Шэро 24

¹ Холы Раскири-Дэвлэскири нэвэстыр росхачия пэ Израильтянэндэ, и газдыя Ёв дрэ лэндэ Давидос тэ пхэнэл: “Джа, пиригин Израилё и Юдас.” ² И пхэндя крáli Иоавоскэ, халадэнгирэ барыдырэскэ, саво сыс пашыл лэстэ: “Джа пир сарэ Израилёскирэ рóдыцы (чанга) Даностыр кэ Вирсаво, и пиригинэн манушэн, соб (кай) мангэ тэ джинав, кицы исын мануша.” ³ И пхэндя Иоаво кралискэ: “Рай Дэвэл, Дэвэл тыро, мэк тэ барьякирэл бутыр адакицы манушэн, ци бут исын, и бутыр дрэ шэл мо́лы адакицы, а якха хуласкирэ мирэскирэ, кралискирэ, мэк тэ дыкхэн дава; нэ ваш со хулай миро, крáli, камэла дава рэндо?” ⁴ Нэ лав кралискиро Иоавоскэ и халадэнгирэ барыдырэнгэ пиризорьякирдэ; и гия Иоаво халадэнгирэ барыдырэнца кралистыр тэ гинэн Израилёскирэ манушэн. ⁵ И пиригинэ ёнэ Иордано, и тэрдинэ дрэ Ароеро, пэ чачи (право) фороскири риг, саво сыс машкирал до́ло Гадоскиро, кэ Иазеро; ⁶ и явнэ дро Галаадо и пэ пхув Тахтим-Ходшы; и явнэ дро Дан-Яано, и обгинэ Сидоно; ⁷ и явнэ кэ форо зоралэ тыноса Тиро и дрэ сарэ форя Хивеянэнгирэ и Хананеянэнгирэ, и выгинэ кэ паш-дывэс (юго) Юдэякиро и Вирсавиё; ⁸ и обгинэ сари пхув, и явнэ пирдал еня чхона и биш дывэса дро Ерусалимо. ⁹ И подыя Иоаво кичыпэн (количество) пэ папири манушытконэ пиричхиныбнаса кралискэ; и выгия, со Израильтянэн сыс охтошэла тысёнцы зоралэ муршэн, савэ сыс лачхэ кэ марибэн, а Юдэякирэн сыс панджшэла тысёнцы. ¹⁰ И замардяпэ ило Давидоскиро палó (после) дава, сыр ёв пиригиндя манушэн. И пхэндя Давидо Раскэ-Дэвлэскэ: “Баро грэхо кэрдём мэ, кэри адякэ; и какана мангава Тут, Дэвла, приманг (простин) грэхо Тырэ писхарискиро, пал-дова со сарэса нагодьварэс кэрдём мэ.” ¹¹ Кэли Давидо уштыя пэ яви́р дывэс пэ зло́ко, тэды сыс лав

Рáскирэ-Дэвлэскиро кэ Гадо прорóко, маги́ко (прозорливцо) Давидóскиро: ¹² “Джа́ и пхэн Дэвидóскэ: ‘Адя́кэ ракирэ́ла Рай Дэвэл: Трин хася́ (кары) Мэ да́ва тэ выкэдэс ту́кэ, выкэдэ пэскэ екх лэндыр, саво́ Мэ тэ кэра́в пэ ту́тэ.’” ¹³ И явдя́ Гадо кэ Дави́до, и роспхэндя́ лэскэ, и пхэндя́ лэскэ: “Выкэдэ́ пэскэ, ци́ тэ явэл бокх пэ тыри́ риг эф́та́ бэрш, ци́ соб (кай) ту́ трин чхона́ тэ нашэс тырэ́ вэргэндыр, и ё́нэ тэ традэ́н тут, ци́, соб (кай) сарэ́ трин дывэ́са́ тэ явэл саро́ морóво (фра́нсы) пэ тыри́ риг? Какана́ дэ́ годы́ пэскэ, думин на́бут и пхэн, со ма́нгэ тэ отпхэ́нав Одолэ́скэ, Кон бичха́дя ман.” ¹⁴ И пхэндя́ Дави́до Гадоскэ: “Пхаро́ исын древа́н ма́нгэ; нэ́ мэк тэ пэрав мэ́ дрэ́ Рáскирэ-Дэвлэскирэ́ васта́, пал-дова́ со баро́ исын Лэ́скиро ковлы́пэн; екх со́ дрэ́ манушэ́нгирэ́ васта́ тэ на́ пэрав ма́нгэ.” ¹⁵ И бичха́дя Дэвэл морóво (фра́нсы) пэ́ Израильтя́нэндэ́ злокосты́р кэ́ упхэндло́ часо; и мы́нэ мануша́, Даносты́р кэ́ Вирсаво, эф́тадэ́ша́ тысе́нцы мануша́. ¹⁶ И газды́я Янгóло пэ́скиро васт пэ́ Ерусали́мо, соб (кай) тэ́ кэрэл чхучэ́са лэс; нэ́ Рай Дэвэл тангиндя́ (пожали́ндя) пал би́да, и пхэндя́ Янгóлоскэ, саво́ муляки́рдя манушэ́н: “Ухты́лла (дóси), какана́ обмэк ты́ро васт.” Янгóло Рáскирэ-Дэвлэскиро́ сыс тэ́ды пашы́л шу́рна Орна́скирэ-Евусе́яниноскири. ¹⁷ И пхэндя́ Дави́до Рáскэ-Дэвлэ́скэ, сыр ды́кхця́ Янгóлос, саво́ муляки́рэ́ла манушэ́н, раки́ри: “Га́да, мэ́ кэрдём грéхо, мэ́ кэрдём грéхо; а адалэ́ бакрэ́, со кэрдэ́ ё́нэ? ¹⁸ И явдя́ Гадо дро́ дова́ дывэ́с кэ́ Дави́до и пхэндя́ лэскэ: “Яв, чхув алта́рэ́ Рáскэ-Дэвлэ́скэ пэ́ шу́рна Орна́носкири, кон сыс Невуси́янино.” ¹⁹ Адя́кэ гия́ Дави́до пир лав Га́доскиро, сыр при́пхэндя́ Рай Дэвэл. ²⁰ Кéли Орна́ газды́я якха́, то ды́кхця́ кра́ли́с и лэ́скирэ́ манушэ́н [дына́рьён-р.с.], савэ́ джа́нас кэ́ ёв, и ёв кэ́рдя́ шэ́рэса́ (клони́ндяпэ́ мо́са) кра́ли́скэ кэ́ пхув. ²¹ И пхэндя́ Орна: “Пал со́ явдя́ миро рай, кра́ли, кэ́ пэ́скиро писха́ри (рабо)?” И пхэндя́ Дави́до: “Тэ́ кина́в шу́рна ты́ри́ тэ́ чхува́в алта́рэ́ Рáскэ-Дэвлэ́скэ, соб (кай) тэ́ пи́риячэл ха́сибэ́н (морóво) пэ́ манушэ́ндэ.” ²² И пхэндя́ Орна́ Давидóскэ: “Мэк тэ́ лэл миро рай, кра́ли, и тэ́ газдэл сыр свэ́нто ды́ибэ́н (жэ́ртва) дова́, со́ исын лачхо́ ваш лэ́скэ. Акэ́, исын гу́рува́ ваш цэ́ло схачки́рибэ́н и гля́бы (повозки) и га́мы гу́рувэ́нгирэ́ пэ́ кашта́. ²³ Саро́ да́ва, кра́ли Орна́ дэ́ла сарэ́са́ кра́ли́скэ “И и́шчо (инкэ́) пхэндя́ Орна́ кра́ли́скэ: “Мэк Рай Дэвэл, Дэвэл тэ́ тангинэ́л тут [тэ́ сы́кавэл ла́ска-р.с.].!” ²⁴ Нэ́ кра́ли пхэндя́ Орна́скэ: “Над, мэ́ плэ́скирава́ (поки́нава) ту́кэ, со́ да́ва́ исын мол, и мы́ на́ яна́ва свэ́нто ды́ибэ́н Рáскэ-Дэвлэ́скэ, мирé́ Дэвлэ́скэ долэ́стыр со́ мэ́ лы́ём би́ ловэ́нгиро (ивья́).” И киндя́ Дави́до шу́рна и гу́рувэ́н пал пандждэ́ша́ шéкели дро́ руп. ²⁵ И чху́дя одо́й Дави́до алта́рэ́ Рáскэ-Дэвлэ́скэ и ёв я́ндя́ цэ́ла ска́чкирибэ́на и свэ́нта ды́ибэ́на́ (жэ́рты) пал рама́нэ́ (миро).

Три́то Кра́липна́скири Лылва́ри

[1]

: [1] Дро́ Юды́тко Ори́гинало да́я лы́лварі́ (кни́га) кхарэ́лапэ́ ‘Пэ́рво Кра́лье́нгирі́’, пир Гре́кы́тко чи́б ёй кхарэ́лапэ́ ‘Три́то Кра́липна́скири’

Шэ́ро 1

¹ Кéли кра́ли Дави́до пху́рия, иа́ явдя́ дрэ́ пху́ранэ́ бэрша́, тэ́ды учха́кирэ́нас лэс идэ́нца, нэ́ ёв на́ мого́ндя́ тэ́ статéл. ² И пхэндлэ́ лэ́скэ лэ́скирэ́ слуги́ (дына́рья): “Мэк тэ́ родэ́н ваш ху́ла́скэ ама́рэскэ, кра́ли́скэ, паты́вала́ джу́влорья́, соб (кай) ёй тэ́ тэ́рдéл анги́л кра́ли́стэ, и тэ́ пси́рэл пал лэ́стэ, и тэ́ пасéл лэ́са, – и явэ́ла тато́ ху́ла́скэ ама́рэскэ, кра́ли́скэ.” ³ И роды́нэ́ го́жона́ паты́вала́ джу́влорья́ дрэ́ сарэ́ ригá Израилé́скирэ, и латхнэ́ Ависа́га Суна́митя́нка, и я́ндлэ́ ла́ кэ́ кра́ли. ⁴ Паты́валы́ джу́влы́ сыс древа́н шука́р, и пси́рдя́ ёй пал кра́ли́стэ, и ды́нариндя́ лэ́скэ, нэ́ кра́ли на́ угалы́я ла. ⁵ О́ Адония́, Аги́факи́ро чхаво́, запху́тии, раки́рдя: “Мэ́ ява́ва кра́ли.” И за́лыджия́ пэ́скэ ма́рибны́тка ву́рдына́, и манушэ́н, савэ́ традэ́на укли́стэ, и пандждэ́ша́ манушэ́н, савэ́ сы́гэс пра́стана. ⁶ Дад ни́экхвар на́ прита́савэ́лас лэс пхучи́бна́са: “Ваш со́ ту́ да́ва́ кэ́рэса́?” Ёв сыс древа́н шука́р и би́я́ндя́ лэ́стыр палó (после)

Авесаломостэ. ⁷ И радиндяпэ ёв Иоавоса, Саруяскирэ чхавэса, и Авиафароса рашаса, и ёнэ помогиндлэ Адонияскэ. ⁸ Нэ рашай Садоко и Ванёя, Иодаёскиро чхаво, и пророко Нафано, и Семее, и Рисиё, и зоралэ Давидоскирэ на сыс пэ Адонияскири риг. ⁹ И зачхиндя Адония бакрэн и гурувэн, и гуруворэн пашыл бар Зохелето, со сыс пашыл ганынгори Рогель, и кхардя сарэн пэскирэн пшалэн, чхавэн кралискирэн, сарэ Юдэякирэнца, савэ дынариндлэ кралистэ. ¹⁰ А пророкос Нафанос, и Ванеяс, и одолэн зоралэн, и Соломонос, пшалэс пэскирэс, ёв на кхардя. ¹¹ Тэды Нафано пхэндя Вирсавиякэ, Соломоноскирэ дакэ, ракири: “Ци шундян ту, со Адония, чхаво Агифакиро, кэрдяпэ крали, а хулай амаро, Давидо, на джинэла пал дава? ¹² Аканá, гада, мэ радинава тукэ: зракх джибэн тыро, и джибэн тырэ чхавёскиро Соломоноскиро. ¹³ Джá и заджá кэ крали Давидо, и пхэн лэскэ: “А ци на совлахадян ту, хулаё миро, крали, дынарицакэ тырьякэ, ракири: ‘А чхаво тыро Соломоно явэла крали палó (после) мандэ, и ёв бэшэла пэ миро трono?’” Соскэ яця кралиса Адония. ¹⁴ И гада, кели ту бутыр явэса тэ ракирэс одой кралиса, то и мэ заджава палал пал тутэ, и дочхувава кэ тырэ лавá.” ¹⁵ Вирсавия гия кэ крали дрэ соибнытка штуба, кай исын сутэ: крали сыс древán пхурó и Ависага Сунамитянка дынариндя кралискэ. ¹⁶ И збандия Вирсавия и поклониндяпэ кралискэ; и пхэндя крали: “Со тукэ трэй?” ¹⁷ Ёй пхэндя лэскэ: “Хулаё миро, крали! Ту совлахадян тырэ дынарицакэ Раса-Дэвлэса, Дэвлэса тырэса: “Чхаво тыро Соломоно, явэла крали палó (после) мандэ, и ёв бэшэла пэ трono миро.” ¹⁸ А аканá, гада, о Адония яця кралиса, и ту, хулаё миро, крали, на джинэса пал дава. ¹⁹ И зачхиндя ёв бут гурувэн, гуруворэн и бакрэн, и кхардя сарэн чхавэн кралискирэн, и рашас Авиафарос, и халадэнгирэ барыдырэс Иоавос; а Соломонос, тырэ писхарис, на кхардя. ²⁰ Нэ ту, хулаё миро, – крали, и якхá сарэ Израильтянэнгирэ, дыкхэна пэ тутэ, соб (кай) кай ту тэ дэс тэ джинэн лэнгэ, кон бэшэла пэ трono хуласкирэ-мирэскиро, кралискиро палó (после) лэстэ. ²¹ Явирэс (пэ явир), кели хулай миро, крали, явэла гарадо пэскирэ дадэнца, то пэрэла банг пэ мандэ и пэ мирэ чхавэстэ Соломоностэ.” ²² Кели ёй ракирдя кралиса, то явдя и пророко Нафано. ²³ И пхэндлэ кралискэ, ракири: “Гáда, Нафано пророко.” И загия ёв кэ крали, и поклониндяпэ кралискэ мо́са кэ пхув. ²⁴ И пхэндя Нафано: “Хулаё миро, крали! Ци пхэндян ту: ‘Адония явэла крали палó (после) мандэ, и ёв бэшэла пэ трono миро?’” ²⁵ Пал-довá со ёв аканá явдя и зачхиндя бут гурувэн, гуруворэн и бакрэн и кхардя сарэн кралискирэн чхавэн, и халадэнгирэн барыдырэн, и рашас Авиафарос; и гада, ёнэ хана и пьена лэстэ, и ракирэна: ‘Мэк тэ дживэл крали Адония!’” ²⁶ А ман, тырэ писхарис, и рашас Садокос, и Ванеяс, чхавэс Иодаёскирэс, и Соломонос, писхарис тырэс, на кхардя. ²⁷ Ци на яця дава пир ило хуласкирэ мирэскирэ, кралискиро, и ваш со ту на пхэндян писхарискэ тырэскэ, кон бэшэла пэ трono хуласкирэ мирэскиро, кралискиро, палó (после) лэстэ?” ²⁸ И отпхэндя крали Давидо и пхэндя: “Кхарэн кэ мэ Вирсавия.” И загия ёй, и тэрдия ангил кралистэ. ²⁹ И совлахадя крали, и пхэндя: “Тэ явэл джидо Рай Дэвэл, Саво зракхэла ди (джибэн) миро кажно́нэ бидатыр! ³⁰ Сыр-мэ совлахадём тукэ Раса-Дэвлэса (Яхваса), Дэвлэса Израилёскирэса, ракири, со Соломоно, чхаво тыро, явэла крали палó (после) мандэ, и ёв бэшэла пэ трono миро замест мандэр, адыкэ мэ и кэрава дава ададывэс.” ³¹ И поклониндяпэ Вирсавия мо́са кэ пхув, и поклониндяпэ кралискэ, и пхэндя: “Мэк тэ дживэл хулай миро, крали Давидо, дро ве́ко!” ³² И пхэндя крали Давидо: “Кхарэн кэ мэ рашас Садокос, и пророкос Нафанос, и Ванеяс, чхавэс Иодаёскирэс.” И загинэ ёнэ кэ крали. ³³ И пхэндя лэнгэ крали: “Лэн пэса тумарэ хуласкирэ дынарьэн и чхувэн тэ бэшэл Соломонос, чхавэс мирэс, пэ мирэ мулостэ, и лыджан лэс кэ Гионо. ³⁴ И мэк тэ макхэл лэс одой Садоко, рашай, и Нафано, пророко, дрэ кралистэ пэ Израилё, и забашавэн рогоса (трубаса), и дэн гóдла: ‘Мэк тэ дживэл крали Соломоно!’” ³⁵ Палó (после) янэн лэс палэ, и ёв явэла, и бэшэла пэ трono миро; ёв явэла крали замест мандэр; лэскэ мэ дыём лав тэ явэл шэралэса пэ Израилё и дрэ Юдэя.” ³⁶ И отпхэндя Ванёя, чхаво Иодаёскиро, кралискэ, и пхэндя: “Аминь, – мэк тэ пхэнэл адыкэ Рай Дэвэл, Дэвэл хуласкиро мирэскиро, кралискиро! ³⁷ Сыр сыс Рай Дэвэл, Дэвэл хуласа мирэса, крали, адыкэ мэк тэ явэл Ёв Соломоноса и мэк тэ кэрэл зоралэдыр кралипэн лэскиро бутыр хуласкирэ мирэскирэ кралипнастыр, Давидоскирэ кралискирэ!” ³⁸ И гинэ Садоко, рашай, и Нафано, пророко, и Ванёя, чхаво Иодаёскиро, Хелефеи и Фелефеи; и чхудэ тэ бэшэн

Соломонос пэ мулостэ краліскірэ Давидоскирэстэ, и лыджинэ лэс кэ Гионо. ³⁹ И лыя Садоко рашай шынг (ро́го) елеёса скиниятыр, и помакхця Соломонос. И пхурдынэ дро ро́го (трубаса), и сарэ манушá дынэ годла: “Мэк тэ дживэл крáli Соломо́но!” ⁴⁰ И сарэ манушá лыджинэ дур Соломонос, и башадэ манушá пэ свиролька (свирель), и древáн радындлэпэ адякэ, со пхув тринскирдяпэ лонгирэ годлэндыр. ⁴¹ И шундя Адония и сарэ манушá, савэ сыс кхардэ лэса, сыр мэкнэ тэ хан; а Иоáво, сыр шундя зан рогоскири, и пхэндя: “Сóстыр дава́ шумо джа́ла бунтуитконэ форо́скиро?” ⁴² Ишчо ёв ракирдя, сыр явдя Ионафа́но, Авиафароскирэ-рашаскиро чхаво́. И пхэндя Адония: “Заджа́; ту сан патывало ману́ш, и лыджаса лачхй зан (звесь).” ⁴³ И отпхэндя Ионафа́но, и пхэндя Адонияскэ: “Чачо́, хула́й амаро́, крáli Дави́до, чхудя Соломонос краліса.” ⁴⁴ И бичхадя крáli лэса Садокос, рашас, и Нафанос, пророко́с, и Ванеяс, Иодаёскирэ чхавэс, и Хелефеён, и Фелефеён, и ёнэ чхудэ лэс пэ краліскірэ мулостэ. ⁴⁵ И помакхнэ лэс Садоко, рашай, и Нафано, проро́ко, сыр краліс дро Гионо, и одотхыр гинэ радымаса, и явнэ тэ свэнкинэн дрэ фо́ро. Га́да, со́стыр джа́ла шумо, саво́ тумэ шунэна. ⁴⁶ И Соломо́но акана́ бэстя́ пэ краліскиро трono. ⁴⁷ И дына́рья краліскірэ явэна́ тэ барьякирэн хулас амарэс краліс Давидос, ракири: ‘Дэвэл тыро́ мэк тэ славинэл лав Соломоно́скиро бутыр тырэ лавэстыр, и мэк тэ кэрэл слаутнэдыр лэскиро краліпэн бутыр тырэ краліпнастыр. И поклониндяпэ крáli пэ пэскиро чхуибэн.’ ⁴⁸ И пхэндя крáli адякэ: “Тэ явэл бахтякирдó Рай Дэвэл, Дэвэл Израилёскиро, Саво́ ададывэс дыя манушэс, саво́ явэла бэштó пэ миро штэто, и якхá мирé дыкхэна дава́!” ⁴⁹ Тэды страха́дынэ и уштынэ сарэ, савэ сыс кхардэ, кон сыс Адониястэ, и кажно (сва́ко) гия́ пэскирэ дромэса. ⁵⁰ Адония, дарандыя Соломоностыр, уштыя́ и гия́, и ухтылдяпэ пал шынгá алтарёскирэ (жэртвеникоскирэ). ⁵¹ И роспхэндлэ Соломоно́скэ, ракири: “Га́да, Адония дарэла кралістыр Соломоностыр; и га́да, ёв рикирэлапэ пал шынгá алтарёскирэ (жэртвеникоскирэ), ракири: ‘Мэк тэ совлахал ма́нгэ акана́ крáli Соломо́но, со ёв на мулякирэла писхаріс пэскирэс курталаса.’” ⁵² И пхэндя Соломо́но: “Ко́ли ёв явэла патывало ману́ш, тэды ни екх лэскиро бал шэрэстыр на пэрэла пэ пхув; ко́ли латхэлапэ дрэ лэстэ фуипэн, тэды мэ́рэла.” ⁵³ И бичхадя крáli Соломо́но, и яндлэ лэс алтарёстыр. И ёв явдя, и поклониндяпэ краліскэ Соломоно́скэ; и пхэндя лэскэ Соломо́но: “Джа́ дро кхэр пэскиро.”

Шэро́ 2

¹ Явдя́ дывэс тэ мэ́рэл Давидо́скэ, и припхэндя́ ёв пэскирэ чхавэ́скэ Соломоно́скэ, ракири: ² “Га́да, мэ́ отджава сарэ́-пхувья́кирэ дромэса, ту яв твардо́ и яв му́ршканó. ³ И ра́кх заве́то Ра́скирэ-Дэвлэ́скиро, тырэ Дэвлэ́скиро, псир Лэ́скирэ дромэ́нца и ра́кх Лэ́скирэ упхэныбэ́на, и припхэныбэ́на Лэ́скирэ, и Лэ́скиро чачипэн́ и упхэныбэ́на Лэ́скирэ, сыр исын́ чхиндлó дро Мойза́скиро Зако́но, соб (кай) тэ́ явэс ту́кэ годьварэ́са дро сарó, со́ явэ́са тэ́ кэрэ́с, и ўсенде́ (езде), карик ту́ джа́са. ⁴ Соб (кай) Рай́ Дэвэл тэ́ сполнинэл́ лав Пэ́скиро, саво́ Ёв́ пхэндя́ пал ма́ндэ, ракири: “Ко́ли чхавэ́ тырэ́ явэ́на тэ́ дыкхэ́н пал дро́ма пэ́скирэ, соб (кай) тэ́ псирэ́н анги́л Ма́ндэ дро чачипэ́н сарэ́ пэ́скирэ илэ́стыр и сарэ́ пэ́скирэ де́стыр, тэ́ды му́рш тырэ́ сэм’ яты́р явэ́ла пэ́ Израилё́скиро трono.” ⁵ Ишчо: ту́ джинэ́са, со́ кэрдя́ ма́нгэ Иоáво, Саруя́скиро чхаво́, сыр кэрдя́ ёв дуэ́нца Израилё́скирэ халадэ́нгирэ́ шэ́ралэ́нца, Авени́роса, Ниро́скирэ чхавэ́са, и Амеса́са, Иефе́роскирэ́ чхавэ́са, сыр ёв́ замардя́ лэн, и прочху́дя рат на́ дро ма́рибна́скиро часо, ло́лякирдя́ ратэ́са ку́стык пэ́ трушу́ла пэ́скирэ́ и гэ́ритка пэ́ пэ́скирэ́ гэ́ра. ⁶ Кэр́ пир го́ды ты́ри, соб (кай) тэ́ на́ дэс лэ́скирэ́ сыво́нэ́ шэ́рэскэ́ тэ́ мэ́рэл пху́рипна́стыр. ⁷ А́ чхавэ́нгэ́ Верзели́ёскирэ́нгэ́ Галаа́дитянино́скирэ́нгэ́ кэр́ лачхипэ́н, соб (кай) кай́ ёнэ́ тэ́ явэ́н машки́р манушэ́ндэ, саво́ ха́на пал ты́ро́ ска́ми́нд; пал-до́ва со́ ёнэ́ явнэ́ кэ́ мэ, кэ́ли мэ́ настём́ Авеса́ломостыр, тырэ́ пшала́стыр. ⁸ Га́да, ишчо́ (инкэ́) ту́тэ́ исын́ Семее́, чхаво́ Гераски́ро, Вениа́митянино́скиро́ Баху́римостыр; ёв́ ко́стя́ ма́н пха́рэ́ про́кошы́бна́са, кэ́ли мэ́ гиём́ дро́ Махана́ймо; нэ́ ёв́ гия́́ гил ма́нгэ́ пашы́л Ио́рдано́, и мэ́ совлахадём́ лэ́скэ́ Ра́са-Дэвлэ́са, ракири: “Мэ́ на́ муля́кирава́ тут ку́рталаса́.” ⁹ Ту́ на́ про́мэк лэ́скэ́; пал-до́ва со́ ту́ сан ма́нуш го́дьварó́ и джинэ́са, со́ ту́кэ́ тэ́ кэрэ́с лэ́са, соб (кай) тэ́ дэс лэ́скирэ́ сыво́нэ́ шэ́рэскэ́ тэ́ джа́л дро́ рат дро́ лю́но (адо).” ¹⁰ И́ мыя́ Дави́до да́дэ́нца́ пэ́скирэ́нца, и гара́до́

сыс дро Давидóскиро фóро. ¹¹ Дывэса́ Давидóскиро сыр крали́с пэ Израилё сыс штардэша́ бэрш: дро Хевро́но ёв сыс кра́ли эфта́ бэрш и трийнда́ трин бэрш дро Ерусалимо. ¹² И бэстя́ Соломо́но пэ Давидóскиро штéто, пэскирэ́ дадэскиро, и кралипéн лэскиро сыс древа́н зорало́. ¹³ И явдя́ Адония, чхаво́ Агифакиро, кэ Вирса́вия, дай Соломонóскири. Ёй пхэндя́: “Ци раманё́са (миро́са) явдя́н?” И пхэндя́ ёв: “Раманё́са.” ¹⁴ И пхэндя́ ёв: “Мáндэ исын лав кэ ту.” Ёй пхэндя́: “Ра́кир.” ¹⁵ И пхэндя́ ёв: “Ту джинё́са, со кралипéн исыс миро, и саро́ Израилё́ дыкхця́ пэ мáндэ сыр пэ крали́стэ; нэ кралипéн отгия́ мэндыр и дояця́пэ пшалéскэ мирéскэ; пал-дова́ со Ра́стыр-Дэвлэ́стыр дава́ сыс. ¹⁶ Аканá мэ манга́ва тут пал екх, на отпхэ́н мэнгэ.” Ёй пхэндя́ лэскэ: “Ра́кир.” ¹⁷ И пхэндя́ ёв: “Манга́ва тут, пхэ́н крали́скэ Соломонóскэ, пал-дова́ со ёв на отпхэ́нэла́ тукэ, соб (кай) ёв тэ дэл мэ́нгэ Ависага, Сунамитя́нка, дрэ ромня́тэ. ¹⁸ И пхэндя́ Вирса́вия: “Миштó, мэ пириракирава́ пал тута́ крали́са.” ¹⁹ И загия́ Вирса́вия кэ кра́ли Соломо́но тэ ракирэ́л лэскэ пал Адония́стэ. Кра́ли ушты́я ангил́ латэ, и поклониндя́пэ ла́кэ, и бэсця́ пэ пэскиро́ штéто. Чху́дэ трóно и ваш да́кэ крали́скирья́кэ, и ёй бэсця́ пэ чачо́ (право) васт лэскиро. ²⁰ И пхэндя́: “Мáндэ исын кэ ту екх набаро́ мангипéн, на отпхэ́н мэнгэ.” И пхэндя́ ла́кэ кра́ли: “Манг, дай ми́ри; мэ на отпхэ́нава́ тукэ.” ²¹ И пхэндя́ ёй: “Дэ Ависага Сунамитя́нка Адония́скэ, пшалéскэ тырэ́скэ, дрэ ромня́тэ.” ²² И отпхэ́ндя́ кра́ли Соломо́но, и пхэндя́ пэскирэ́ да́кэ: “Со́скэ ту мангэ́са Ависага Сунамитя́нка ваш Адония́скэ? Манг лэ́скэ ады́кэ-паць и кралипéн; пал-дова́ со ёв исын миро пхурэ́дыр пшал, и лэскирэ́ раша́скэ Авиафароскэ, и Иоавоскэ, Саруа́кирэ-чхавэ́скэ мал.” ²³ И совлахадя́ кра́ли Соломо́но Ра́са-Дэвлэ́са, раки́ри: “Дова́ и дова́ мэ́к тэ кэрэ́л мэ́нца Дэвэл и ишчо́ (инкэ) буты́р кэрэ́ла, ко́ли на пэ пэскиро́ ди пхэндя́ Адония́ дасаво лав. ²⁴ Аканá, – тэ явэл джидо́ Рай Дэвэл, Саво зорья́кирдя́ ман и чхудя́ ман пэ трóно Давидóскиро, мирé дадэскиро, и кэрдя́ мэ́нгэ кхэр, сыр раки́рдя Ёв, аканá Адония́ исын банго́ тэ мэ́рэл.” ²⁵ И бичхадя́ кра́ли Соломо́но Ване́яс, чхавэ́с Иодаё́скирэс, саво́ замардя́ лэс, и ёв мы́я. ²⁶ А раша́скэ Авиафароскэ кра́ли пхэндя́: “Джа́ дро Анафо́фо пэ ты́ри фэ́лда; ту сан банго́ тэ мэ́рэс, нэ адады́вэс дро часо́ мэ на замарава́ тут; пал-дова́ со ту лыджия́н ковчэ́го Барэ́ Ра́скирэ-Дэвлэ́скиро ангил́ Давидóстэ, дадэ́стэ мирэ́стэ, и выри́кирдя́н саро́, со выри́кирдя́ дад миро.” ²⁷ И дурья́кирдя́ Соломо́но Авиафарос свэ́нтыматы́р Раски́рьяты́р-Дэвлэ́скирья́тыр, и сполниндя́пэ лав Ра́скирэ-Дэвлэ́скиро, саво́ пхэндя́ Ёв пал кхэр Илия́скиро дрэ Сило́ма. ²⁸ Шуны́бэ́н пал дава́ до́гия́ кэ Иоáво, – ады́кэ сыр Иоáво сыс пэ Адония́скири риг, а на пэ Соломонóскири риг, – и настя́ Иоáво дрэ скы́ния Дэвлэ́скири, и ухты́лдя́пэ пал шы́нга алтарё́скирэ́ (жэ́ртвени́коскирэ́). ²⁹ Сыс пхэ́ндло́ Соломонóскэ, со Иоáво насця́ дрэ скы́ния Дэвлэ́скири, и со ёв сыс пашы́л алта́рэ. “Джа́, муля́кир лэс!” – пхэндя́ зоралэ́с Соломо́но, Ване́яскэ, саво́ сыс чхаво́ Иодаё́скиро. ³⁰ И явдя́ Ване́я дрэ скы́ния (ша́тра) Ра́скирэ-Дэвлэ́скири, и пхэндя́ лэскэ: “Ады́кэ пхэндя́ кра́ли: ‘Вы́джа.’” И пхэндя́ дова́: “Над, мэ камáм тэ мэ́рав явры́.” Ване́я пири́дыя дава́ крали́скэ, раки́ри: “Ады́кэ пхэндя́ Иоáво и ады́кэ отпхэ́ндя́ мэ́нгэ.” ³¹ Кра́ли пхэндя́ лэскэ: “Кэр, сыр ёв пхэндя́, и муля́кир лэс, и гарав лэс, и злэ́ набанго́ рат, саво́ прочху́дя Иоáво, мэ́ндыр и мирé-дадэ́скирэ́ кхэрэ́стыр. ³² Мэ́к тэ обриски́рэ́л Рай Дэвэл рат лэскиро́ пэ шэ́ро лэскиро́ пал дова́, со ёв замардя́ дуэ́н му́ршэ́н, саво́ на сыс банго́ и фэ́дыр лэ́стыр: замардя́ курта́ласа, би джины́бна́скиро мирé дадэ́скиро Давидóскиро, Авени́рос, Ни́роскирэ́ чхавэ́с Израилё́скирэ-халадэ́нгирэ́ барыды́рэс, и Амесаё́с, Иефе́роскирэ́ чхавэ́с, Юде́якирэ́ халадэ́нгирэ́-барыды́рэс. ³³ Мэ́к тэ обрисе́л рат лэ́нгиро́ пэ шэ́ро Иоавоски́ро и пэ шэ́ро лэ́скирэ́-родоски́ро пэ ве́ко, а Давидóскэ, и родо́скэ лэ́скирэ́скэ, и лэ́скирэ́ кхэрэ́скэ, и лэ́скирэ́ трóно́скэ, мэ́к тэ явэл рама́нэ́ (миро) пэ ве́ко Ра́стыр-Дэвлэ́стыр!” ³⁴ И гия́ Ване́я, Иодаё́скиро чхаво́, и замардя́ Иоавос, и муля́кирдя́ лэс, и ёв сыс гарадо́ дро пэскиро́ кхэр пэ чхучи́ пхув. ³⁵ И чху́дя кра́ли Соломо́но Ване́яс, Иодаё́скирэ́ чхавэ́с, пэ лэ́скиро́ штéто барыды́рэса́ пэ халадэ́ндэ: а Са́докос, раша́с, чху́дя кра́ли заме́ст Авиафаростэ. ³⁶ И бичхадя́, кра́ли тэ кхарэ́н Семее́с и пхэндя́ лэскэ: “Чхув пэ́скэ кхэр дро Ерусали́мо, и джив да́тэ, и ника́рик на вы́джа да́тыр.” ³⁷ И джи́н, со дро дова́ дывэ́с, дрэ саво́ ту вы́джаса́ и пири́джаса́ сы́гно ре́кица́ (лэно́ри) Ке́дрóно, уса́екх мэ́рэса; рат ты́ро явэ́ла пэ шэ́ро ты́ро.” ³⁸ И пхэндя́ Семее́ крали́скэ: “Миштó; сыр при́пхэ́ндя́ хула́й миро, кра́ли, ады́кэ кэрэ́ла писха́ри ты́ро.” И дживдя́ Семее́ дро Ерусали́мо баро́ часо. ³⁹ Нэ

пирдал трин бэрш выгия, со Семейстэ дуй писхэрья нашенэ кэ Анхусо, Маахаскиро чхаво, крáli Гефакиро. И пхэндлэ Семейскэ, ракири: “Гада, писхэрья исын тырэ дрэ Гэфа.” ⁴⁰ И уштыя Семей, и дыя андрэ ослос пэскирэс, и гия дрэ Гэфа кэ Анхусо, тэ родэл пэскирэн писхэрьэн. И рисия Семей, и яндя пэскирэ писхэрьэн Гефатыр. ⁴¹ И роспхэндлэ Соломоноскэ, со Семей псирдя Ерусалимостыр дрэ Гефа и рисия. ⁴² И бичхадя, кхардя крáli Семейс, и пхэндя лэскэ: “Ци на совлахадём мэ түкэ Раса-Дэвлэса, и ци на дыём тэ джинэс түкэ, ракири: ‘Джин, со дрэ дова дывэс, дрэ саво ту выджаса и джаса карик-либо, усаэкх мэрсэ?’ и ту пхэндян мангэ: ‘Шукар.’” ⁴³ Соскэ ту на рахциян припхэныбэн, саво мэ дыём түкэ ангил Растэ-Дэвлэстэ совлахаса?” ⁴⁴ И пхэндя крáli Семейскэ: “Ту джинэса и джинэла ило тыро саро фуипэн, саво ту кэрдян мирэ дадэскэ Давидоскэ; мэк тэ обрискирэл Рай Дэвэл холы тыри пэ шэро тыро! ⁴⁵ А крáli Соломоно мэк тэ явэл бахтякирдó, и трóно Давидоскиро мэк тэ явэл чхудо ангил Растэ-Дэвлэстэ дро вéко!” ⁴⁶ И припхэндя крáli Ванеяскэ, Иодаэскирэ чхавэскэ, и ёв гия, и замардя Семейс, и одова мыя.

Шэро 3

¹ Соломоно яця тэ сэмэнцынэлпэ фараноса, кралиса Египтоскирэса, и лыя палором фараноскирья чха, и лыджия ла дро форо Давидоскиро, пака чхудя пэскиро кхэр, и Раскирэ-Дэвлэскиро Кхэр, и ванты пашыл Ерусалимо. ² Мануша ишчо (инкэ) янэнас свэнта дыибэна Раскэ-Дэвлэскэ пэ вучэ штэты, пал-дова со на сыс кэрдó кхэр Раскирэ-Дэвлэскирэ лавэса кэ/жыко дова часо. ³ И лыя тэ рикирэл дро пэскиро ило Соломоно Рас-Дэвлэс сыр Дрогима, псирдя пир упхэныбэн Давидоскиро, пэскирэ-дадэскиро; нэ и ёв янэлас свэнта дыибэна Раскэ-Дэвлэскэ и тхувлякирэлас дрогонэ смолэнца пэ вучэ штэты. ⁴ И гия крáli дро Гаваоно, соб (кай) тэ янэл одой свэнто дыибэн Раскэ-Дэвлэскэ, пал-дова со одой сыс главно алтарё. Тысёнцо цэло схачкирибэн лыджия упрэ Соломоно пэ дова алтарё. ⁵ Дро Гаваоно явдя Рай Дэвэл Соломоноскэ дро сунэ раты, и пхэндя Дэвэл: “Манг, со тэ дав түкэ.” ⁶ И пхэндя Соломоно: “Ту кэрдян писхэрыскэ Тырэскэ, Давидоскэ, дадэскэ мирэскэ, баро лачхипэн; и пал дова, со ёв псирдя ангил Түтэ дро патяибэн и чачипэн, и чачунэ илэса сыс ангил Түтэ, Ту зракхциян лэскэ дава баро лачхипэн и дыян лэскэ чхавэс, саво бэшэлас бы пэ лэскиро трóно, сыр дава и исын аканá.” ⁷ И аканá, Раё Дэвла, Дэвэл миро, Ту чхудян писхэрыс Тырэс крáli пэ штэто Давидоскиро, мирэ дадэскиро; нэ мэ – тэрно мануш тыкно, мэ на джином (на джинав) ни миро выгийбэн, ни загийбэн. ⁸ И писхэри Тыро исын – машкир манушэндэ Тырэндэ, савэн зракхциян Ту, манушэн адакицы бут, со лэн нашты ни тэ пиригинэс, ни тэ згинэс якхэнца. ⁹ Дэ Тырэ писхэрыскэ ило годьваро, соб (кай) мэ тэ сэндинякирав манушэн Тырэн и тэ розгалёвав, со исын лачхипэн, и со исын чорипэн; пал-дова со кон могинэла тэ сэндыкирэл адалэ дакицы бут Тырэ манушэн?” ¹⁰ И мишто сыс Раскэ-Дэвлэскэ, со Соломоно мангдя дава. ¹¹ И пхэндя лэскэ Рай Дэвэл: “Пал-дова со ту мангдян дава и на мангдян пэскэ длуго джибэн, на мангдян пэскэ барвалыпэн, на мангдян пэскэ тырэ вэргэнгиرو мэрибэн, нэ мангдян пэскэ годы, соб (кай) тэ джинэс тэ сэндыкирэс, ¹² то гада, Мэ кэрава пир лав тыро. Акэ, Мэ дава түкэ ило годó и годьваро, адякэ со шэра (равнэс) түкэ на сыс англэдыр тэтыр, и палó (после) түтэ на явэла ровня түкэ. ¹³ И дова, со ту на мангдян, Мэ дава түкэ, и барвалыпэн и слава адякэ, со на явэла шэра (равнэс) түкэ машкир кральэндэ дрэ сарэ дывэса тырэ. ¹⁴ И коли ту явэса тэ псирэс дромэса Мирэса, раххи упхэныбэна Мирэ, и припхэныбэна Мирэ, сыр псирдя дад тыро Давидо, то Мэ кэрава длугэдыр и дывэса тырэ.” ¹⁵ И джангадыя (прошниндяпэ) Соломоно, и гада, дава сыс, со Рай Дэвэл ракирдя лэса дро сунó. И гия ёв дро Ерусалимо, и тэрдия ангил Раскирэ-Дэвлэскиро заветоскиро ковчэго, и яндя цэло схачкирибэн, и яндя раманёно (мирно) свэнто дыибэн Раскэ-Дэвлэскэ, и кэрдя баро свэнко ваш сарэ пэскирэ дынарьэнгэ. ¹⁶ Тэды явнэ дуй биладжакуно джувля кэ крáli и тэрдинэ ангил лэстэ. ¹⁷ И пхэндя екх джувлы: “О, хулаё миро! Мэ и адая джувлы дживаса дро екх кхэр; и мэ бияндём ангил латэ дро дава Кхэр. ¹⁸ Пэ трито дывэс палó (после) дава, сыр мэ бияндём, бияндя и адая джувлы; и самас амэ кхэтанэ, и дро кхэр никонэс явирэс амэнца на сыс; екх амэ дуйджинэ самас дро кхэр. ¹⁹ И

мыя чхаво адалэ-джувлякиро раты; пал-дова со ей просуця лэс. ²⁰ И уштыя ей раты, и лыя мирэ чхавэс мандыр, кели мэ, писхарка тырй, сутём, и чхудя лэс кэ пэскиро колын, а пэскирэ мулэс чхавэс чхудя кэ миро колын. ²¹ Пэ злоко (ранко) мэ уштыём, соб (кай) тэ чаравав мирэ чхавэс, и гада, ёв сыс муло; а кели мэ придыкхцёмпэ дрэ лэстэ злокоса, тэды дава сыс на миро чхаво, савэс мэ бияндём.” ²² И пхэндя явир джувлы: “Над, миро чхаво исын джидо, а тыро чхаво муло.” А одоя ракирдя лакэ: “Над, тыро чхаво исын муло, а миро исын джидо.” И ракирдэ ёнэ адякэ ангил кралиэстэ. ²³ И пхэндя крали: “Адая ракирэла: ‘Миро чхаво исын джидо, а тыро чхаво муло’; а одоя ракирэла: ‘Над, тыро чхаво исын муло, а миро чхаво исын джидо’.” ²⁴ И пхэндя крали: “Дэн мангэ куртала.” И яндлэ куртала кэ крали. ²⁵ И пхэндя крали: “Росчингирэн джидэс чхаворэс пэ дуй паша, и отдэн паш екхакэ и паш явирьякэ.” ²⁶ И отпхэндя одоя джувлы, савьякиро чхаво сыс джидо, кралискэ, пал-дова со затринскирдяпэ саро андрал латэ тангипнастыр кэ пэскиро чхаво: “О, хулаё миро! Отдэн лакэ далэс чхаворэ джидэс, и на мулякирэн лэс.” А явир ракирдя: “Мэк тэ на явэл ни мангэ, ни тукэ, чингирэн.” ²⁷ И отпхэндя крали, и пхэндя: “Отдэн адалэ джувлякэ джидэс чхаворэс и на мулякирэн лэс; ей исын лэскири дай.” ²⁸ И шундя саро Израилё пал сэндо, сыр розсэндякирдя крали; и лынэ тэ дарэн кралиэстыр, пал-дова со дыкхнэ, со годыпэн Дэвлэскири сыс дрэ лэстэ, соб (кай) ёв тэ кэрэл сэндо.

Шэро 4

¹ И сыс крали Соломоно пэ саро Израилё. ² И, гада, барыдыра, савэ сыс лэстэ: Азэрия, Садокоскирэ-рашаскиро чхаво. ³ Елихорефо и Ахия, Сиваскирэ чхавэ, лыла-чхиныбнаскирэ; Иосафато; Ахилудаскиро чхаво, мануш, саво зачхинэлас пир бэрша (канцэляри). ⁴ Ванэя, Иодаёскиро чхаво, халадэнгиро барыдыро; Садоко и Авиафоро – рашая. ⁵ Азэрия, Нафаноскиро чхаво, барыдыро пэ упратунэндэ (приставникэндэ), и Завуфо, Нафаноскирэ-рашаскиро чхаво – мал кралискиро. ⁶ Ахисаро – барыдыро пэ кралискиро кхэр, и Адонирамо, Авдоскиро чхаво, тэ такса пэ плэскирэн мануша. ⁷ И сыс Соломоностэ дэшудуй барыдыра пэ саро Израилё, и ёнэ янэнас хабэн кралискэ и лэскирэ кхэрэскэ; кажно (свако) мусиндя тэ явэл тэ янэл хабэн пэ екх чхон дро бэрш. ⁸ Гада, исын лава лэнгирэ: Бен-Хуро – пэ Ефремоскири бэрга; ⁹ Бен-Декеро – дро Макацо и дро Шаалбимо, дро Вефсамисо, и дро Елоно, и дро Бен-Ханано; ¹⁰ Бен-Хеседо – дро Арюбофо; лэскири сыс Соко и сарй пхув Хефер; ¹¹ Бен-Авинадаво – пэ саро Нафаф-Доромо; Тафафо, Соломоноскири чхай сыс лэскирэ ромняса; ¹² Ваана, Ахилудаскиро чхаво, дрэ Фаанаха, и Мегидо, и пир сара Беф-Сано, со исын пашыл Цартано тэлэдыр Езреелёстыр, Беф-Саностыр кэ Абел-Мехоло, и адякэ-паць пал Ёкмеамо; ¹³ Бен-Геверо – дро Рамофо Галаадоскиро; лэстэ сыс гавэ Иаироскирэ, Манасияскирэ-чхавэскирэ, со дрэ Галаадо; лэстэ адякэ-паць провинция Арговоскири дро Васано, шовдэша барэ форя вантэнца и харкунэ зачхакирибнаса (шыберэнца) пэ порта. ¹⁴ Ахинадаво, Гидоскиро чхаво, дрэ Маханаимо; ¹⁵ Ахимаасо – пэ Нефалимоскири пхув; ёв лыя пэскэ ромня Васемафа, Соломоноскирья чха; ¹⁶ Ваана, Хушаёскиро чхаво, пэ Асироскири пхув и дро Баалофо; ¹⁷ Иосафато, Паруахоскиро чхаво, пэ Исахароскири пхув; ¹⁸ Шымеё, Еласкиро чхаво, пэ Вениаиноскири пхув; ¹⁹ Геверо, Урияскиро чхаво, пэ Галаадоскири пхув, пэ пхув Сигоноскири, Амореисконэ-кралискири, и Огаскирэ, кралискирэ Васансконэскирэ. Ёв сыс упратуно (приставнико) пэ дай пхув. ²⁰ Юда и Израилё, дрэ савэ сыс бут мануша, сыр исын прахо пашыл море (дэрьяв), ханэ, пинэ и радындлэпэ. ²¹ Соломоно хулаиндя сарэ кралиппэнца рэкастыр (лэнятыр) Евфратостыр кэ пхув Филистимиякири и кэ межа ригакири Египтоскири. Ёнэ янэнас дары и дынариндлэ Соломоноска дрэ сарэ лэскирэ джибнаскирэ дывэса. ²² Хабэн Соломоноскиро пэ кажно дывэс сыс: трийнда корцы яржэ парнэ гивэстыр и шовдэша корцы явир яржэ; ²³ Дэш гурувэн, савэн чарадэ дрэ штала и биш гурувэн фэлдатыр, и шэл бакрэн, априч оленэндыр, и сernатыр, и сайгакостыр, и чириклен, савэн чарадэ дрэ шурна. ²⁴ Пал-дова со ёв хулаиндя пэ сарй пхув пир дай риг рэкакири (лэнякири), Типсахостыр кэ Гиза, пэ сарэ кральэндэ пир доя риг рэкакири (лэнякири), и сыс лэстэ раманё (миро) сарэнца

пашатунэ ригэнца. ²⁵ И дживдэ Юда и Израилё штылэс, кажно (свако) тэл пэскиро винограднико и тэл пэскиро инжыро, Даностыр кэ Вирсавия, дрэ сарэ дывэса Соломонóскэрэ. ²⁶ И сыс Соломоностэ штардэша тысёнцы штэты дрэ шталы ваш грэнгэ, савэн дэна андрэ и дэшудуй тысёнцы ваш грэнгэ, пэ савэндэ традэнас уклистэ. ²⁷ И одолэ упратунэ (приставники) янэнас кралёскэ Соломонóскэ сарó, со сыс трэй кэ кралёскиро скамíнд, кажно (свако) дро пэскиро чхон, и на домэкэнас наухтылыбэн ни дрэ со. ²⁸ И гэрсто (ячменё), и пхус ваш грэнгэ и ваш мулэнгэ янэнас кажно (свако) дрэ пэскири стэчка (рядо) пэ штэто, кай сыс крáli. ²⁹ И дыя Дэвэл Соломонóскэ годыпэн и древán бари годы, бугло ило, сыр прахо пэ морёскиро (дэрьявёскиро) брэгó. ³⁰ И сыс годы Соломонóскири вучэдыр годятыр сарэ чхавэндэ Вастокóстыр и сарэ Египтянэнгирэ годятыр. ³¹ Ёв сыс годьварэдыр сарэ манушэндэ, годьварэдыр и Ефаностыр Езрахитяниностыр, и Еманостыр, и Халколостыр, и Дардястыр, Махоласкирэ чхавэндэ, и лав лэскиро сыс дрэ слава сарэ пашатунэ ригэнгирэ манушэндэ. ³² И роспхэндя ёв трин тысёнцы притчы (масала), и гиля лэскирэ сыс тысёнцо и пандж. ³³ И ракирдя ёв пал вэша кедростыр, со сыс дро Ливáно, кэ исopo, савó барьёла вантатыр; ракирдя пал мурдалэндэ (жывёлэндэ), и пал чириклендэ, и пал долэндэ, савó ползынэна пир пхув, и пал мачхэндэ. ³⁴ И явэна сарэ джинэ манушэндэ тэ пошунэн годы Соломонóскири, сарэ-пхувьякирэ кральэндэ, савó шундлэ пал годы лэскири.

Шэрó 5

¹ И бичхадя Хирамо, крáli Тироскиро, пэскирэ дынарьён кэ Соломо́но, кэли шундя, со лэс помакхнэ дрэ кралёстэ пэ лэскирэ-дадэскиро штэто; пал-довá со Хирамо сыс мал пир ило Давидóскэ пир сарó джибён. ² И бичхадя адякэ-паць и Соломо́но кэ Хирамо тэ пхэнэн: ³ “Ту джинэса, со Давíдо, миро дад, на могиндя тэ чхувэл Кхэр ваш лав Рáскирэ-Дэвлéскиро (Яхваскиро), пэскиро Дэвлéскиро, пирдал (кай) марибён пашатунэ-ригэнгирэ манушэнца, пака Рай Дэвэл отдыя лэн тэл лэскирэ гэрá. ⁴ Аканá Рай Дэвэл, Дэвэл миро, дыя мánгэ рамáнэ (миро) сарэ ригэндэ: нанэ вэргос (врогос) и нанэ бутыр приграда. ⁵ И гада, мэ скэдавапэ тэ чхував Кхэр ваш лав Рáскирэ-Дэвлéскиро, миро Дэвлéскиро, сыр пхэндя Рай Дэвэл мирé дадэскэ Давидóскэ, ракири; “Чхавó тырó, савэс Мэ чхувава пэ тырó штэто пэ трóно, ёв чхувэла Кхэр лавэскэ Мирéскэ.” ⁶ И адякэ припхэн тэ вычингирэн ваш мánгэ кедры Ливаностыр; и, гада, писхáрья мирé явэна кхэтанэ тырэнца писхáрьэнца, и мэ явава тэ плэскирав тукэ пал тырэ дынарьэндэ, ци бут ту пхэнэса; пал-довá со ту джинэса, со тумэндэ нанэ манушэн, савэ джиндлэ бы, сыр тэ чингирэс вэш адякэ, сыр Сидоняни.” ⁷ Кэли шундя Хирамо лавá Соломонóскирэ, то древán обрадындяпэ, и пхэндя: “Тэ бахтякирэн Рай Дэвэл, Савó дыя Давидóскэ чхавэс годьварэс, соб (кай) ёв тэ явэл крáli пэ дава барó наро́до.” ⁸ И бичхадя Хирамо кэ Соломо́но тэ пхэнэл: “Мэ вышундём дова, палсó ту бичхадян кэ мэ, и мэ кэрава (сполнинава) сарó пир ило тырó пал кашта кедрытка и кашта кипарисытка. ⁹ Писхáрья мирé лыджáна лэн Ливаностыр кэ мóрэ (дэрьяв), и мэ плотэнца янава лэн морёса кэ штэто, савó ту пхэнэса мánгэ, и одой счхувава лэн, и ту лэса. Нэ и ту выкэр сарó (сполнин) пир миро ило, соб (кай) тэ янэс марó ваш миро скамíнд.” ¹⁰ И дыя Хирамо Соломонóскэ кашта кедрытка и кашта кипарисытка, ци бут ёв камдя. ¹¹ А Соломо́но дыя Хирамоскэ биш тысёнцы корцы парно́ гив, соб (кай) тэ чалякирэн лэскиро кхэр, и биш корцы оливитко дзэт (ксил), савó сыс выкэдыно. Адакицы дыя Соломо́но Хирамоскэ кажно бэрш. ¹² Рай Дэвэл дыя годы Соломонóскэ, сыр дыя лав лэскэ. И сыс рамáнэ (миро) машкёр Хирамо́стэ и Соломоностэ, и ёнэ кэрдэ машкёр пэстэ доракирибён (союзо). ¹³ И припхэндя крáli Соломо́но сарэ Израилёскэ тэ дэн ваш буты трийнда тысёнцы манушэн. ¹⁴ И бичхадя лэн пэ Ливáно, пир дэш шэла пэ чхон, тэ парувэн екх екхэс; чхон ёнэ сыс дро Ливáно, а дуй чхонá дро пэскиро кхэр. Адонирамо сыс барыдырó пэ лэндэ. ¹⁵ Ишчо Соломоностэ сыс эфтадэша тысёнцы мануша, савэ лыджáна пхарипэна и охтодэша тысёнцы манушэн, савэ вычингирдэ бара́ дрэ бэрги. ¹⁶ Апри́ч трин тысёнцы триншэла барыдырэндэ, савэн чхудя Соломо́но тэ дыкхэн пал манушэнгири буты, савэ кэрдэ буты. ¹⁷ И пхэндя крáli тэ янэн барэ бара́, бара́

дрóга, ваш Кхэрэскиро фундаменто, барá обкэрдэ. ¹⁸ И обкэрэнас лэн Соломонóскирэ бутярнэ, и бутярнэ Хирамоскирэ, и Гивлитяни, и кэрэнас вэш и барá, соб (кай) тэ кэрэн Кхэр.

Шэрó 6

¹ Дрэ штаршэлá охтодэшто бэрш палó (после) дова́, кэли выгинé Израилёскирэ чхавé Египтóскирэ пхувья́тыр, дро штáрто бэрш Соломонóскиро кралипэн пэ Израилё, дро чхон Зифо, савó исын яв́ир чхон, лыя́ ёв тэ чхувэл Дэвлéскэ Кхэр (Кханги́рй). ² Кханги́рй, сави́ чхудя́ кра́ли Соломо́но Ра́скэ-Дэвлéскэ, длэнгипна́са сыс дрэ шовдэша́ куня́, буглыпнаса дрэ биш и вучипна́са дрэ триндэша́ куня́. ³ И трéмо (крыльцо) ангýл Кханги́рй сыс дрэ биш куня́ длэнгипна́са, дасаво паць, сыр буглыпэн Кханги́рьякири, и дрэ дэш куня́ сыс буглыпэн лэскиро ангýл Кханги́рй. ⁴ И кэрдя́ ёв дро Кхэр фэнштры решоткэнца, савé сыс вэнскэдыр кэ явритуно проёмо. ⁵ И кэрдя́ ёв штýбы пашýл Кханги́рьякирэ ванты, трусця́л (кругом) Кханги́рй и давиро; и кэрдя́ штýбы пир ригá трусця́л. ⁶ Тэлатуно этажо дрэ пристройка сыс буглыпнаса дрэ пандж куня́, маширалатуно этажо сыс буглыпнаса дрэ шов куня́, а трýто этажо буглыпнаса дрэ эф́та куня́; пал-дова́ со пашýл Кханги́рй яв́ри сыс кэрдé прогиибэна, соб (кай) бэ́льки дрэ пристройка тэ на прикасынэлпэ кэ ванты Кханги́рьякирэ. ⁷ Кэли чхудя́пэ Кханги́рй, пэ кэрибэн чхудé фэни (то́ка) вычингирдэ барá; ни млотко свиринд, ни товэр, ни савó яв́ир саструно струменто на сыс шундло, кэли кэрэнас Кханги́рй. ⁸ Загиибэн дро маширалатуно этажо сыс чачé Кханги́рьякирэ ригáтыр. Пир крэнгла лесвицы (лэтры) джа́на́с упрé мануша́ дро маширалатуно этажо (ярусó), а маширалатунэстыр пэ трýто. ⁹ И докэрдя́ ёв Кханги́рй, и кончынды́ ла, и обсудя́ Кханги́рй кедрытконэ пхалэнца. ¹⁰ И кэрдя́ ёв кэ сарé-Кханги́рьякирэ штýбы пир ригá вучипна́са дрэ пандж куня́; ёнэ сыс прикэрдé кэ Кханги́рй кедрытконэ брэвнэнца. ¹¹ И сыс Ра́скирэ-Дэвлéскиро лав кэ Соломо́но, и пхэндя́ лэскэ: ¹² Га́да, ту кэрэса́ Кханги́рй; ко́ли ту явэ́са тэ псирéс пир упхэныбэна́ Мирé, и тэ кэрэс пир за́коны Мирé, и тэ ра́кхэс сарé при́пхэныбэна́ Мирé, тэ кэрэс пир лэндэ, то тэды́ Мэ сполнина́ва пэ ту́тэ лав Мирó, савó Мэ пхэндём Давидóскэ, дадэскэ тырэскэ. ¹³ И Мэ ява́ва тэ джива́в машки́р чхавэндэ́ Израилёскирэндэ, и Мэ на ячкирава́ Мирé Израилёскирэ манушэ́н. ¹⁴ И чхудя́ Соломо́но Кханги́рй, и кончынды́ ла. ¹⁵ И обчхудя́ андрé Кханги́рьякирэ ванты кедрытконэ пхалэнца; Кханги́рьякирэ пэ́тостыр кэ пато́ (потолко) андрé обчхудя́ вэшэ́са, и учхаки́рдя кханги́рьякиро пэ́то (по́ло) кипарисытконэ пхалэнца. ¹⁶ И кэрдя́ дрэ Кханги́рьякирэ-палатуны́ риг, дрэ биш куня́ ягорóстыр (краё́стыр), ванта, и обчхудя́ ванты и пато́ кедрытконэ пхалэнца, и кэрдя́ давиро (палатуны́ штýба) ваш́ Свэ́нтонé-свэ́нтонэндэ́. ¹⁷ Штардэша́ куня́ сыс дрэ Кханги́рй (Кхэр), англатуны́ паш́ Кханги́рьякири. ¹⁸ Пэ́ кедры́ андрé Кханги́рй сыс вычхиндлэ́ бобирки́ (гурки́) и розмэ́кнэ лу́лудя́ (цвяты́); сарó сыс учхаки́рдо ке́дрóса, бар на сыс би́цяло́. ¹⁹ Давиро андрé Кханги́рй ёв кэрдя́ ваш́ дова́, соб (кай) тэ чхувэн одóй Ра́скирэ-Дэвлéскиро заветóскиро ковчэ́го. ²⁰ И давиро сыс длэнгипна́са дрэ биш куня́, буглыпнаса сыс дрэ биш куня́ и вучипна́са сыс дрэ биш куня́; ёв обчхудя́ лэс жу́жэ сувна́ка́са; обчхудя́ а́дякэ-паць и кедры́тко алта́рэ. ²¹ И обчхудя́ Соломо́но Кханги́рй андрé жу́жэ сувна́ка́са, и проты́рдья́ сувна́кунé за́ндирья́ (цэ́пи) ангýл давиро, и обчхудя́ лэс сувна́ка́са. ²² Са́ри Кханги́рй ёв обчхудя́ сувна́ка́са, са́ри Кханги́рй кэ я́горо́ (краё́), и са́ро алта́рэ (жэ́ртвенико), савó сыс ангýл давиро, обчхудя́ сувна́ка́са. ²³ И кэрдя́ ёв дро давиро ду́й херуви́мы масли́нитконэ́ вэшэ́стыр, вучипна́са дрэ дэш куня́. ²⁴ Е́кх пха́к сыс дрэ пандж куня́ и яв́ир пха́к херувимоскири́ сыс дрэ пандж куня́; дэш куня́ сыс екхэ́ лэскирэ́ пха́кэскирэ́ ягорóстыр (краё́стыр) кэ́ яв́ир, лэскирэ́ пха́какиро́ я́горо́. ²⁵ Дрэ́ дэш куня́ сыс и яв́ир херувимó; екхэ́ длэнгипна́са и екхэ́ выды́кхибна́са сыс ду́й херуви́мы. ²⁶ Вучипэ́н екхэ́ херувимоскиро́ сыс дэш куня́, а́дякэ-паць и яви́рэ херувимоскиро́. ²⁷ И чхудя́ ёв херуви́мы маши́рал андра́туны́ кханги́рьякири́ грэ́да (дво́ро). Пха́ка́ херувимэ́нгирэ́ сыс розмэ́кнэ, и касы́ндлэ́пэ пха́к екхэ́скиро́ екх ва́нта, а пха́к яви́рэскири́ яв́ир ва́нта касы́ндяпэ́; яв́ир пха́ка́ лэ́нгирэ́ маши́ки́р Кханги́рй зджа́на́спэ́ пха́к пха́ка́са. ²⁸ И обчхудя́ ёв херуви́мы сувна́ка́са. ²⁹ И пэ́ сарé́ ванты́ Кханги́рьякирэ́ тру́сця́л кэрдя́ ёв ка́жна вычхиндлэ́ му́я херувимэ́нгирэ́, и

пальмитка вэша́, и розмэкнэ лулудя́ (цвэты), андрэ́ и яврестыр. ³⁰ И пэто́ (пóло/мосто) дрэ́ Кхангири́ обчхудя́ сувнака́са дрэ́ андратуны́ и англатуны́ паш. ³¹ Ваш загиибэ́н дро́ давиро́ кэрдя́ ёв вударá маслиниконэ́ вэшэ́стыр, панджэ́-вэнглытка. ³² Пэ́ дуй вударэнгирэ́ паша́ маслиниконэ́ вэшэ́стыр ёв кэрдя́ вычхиндлэ́ херувимы, и пальмы, и розмэкнэ́ лулудя́, и обчхудя́ сувнака́са; учхакирдя́ сувнака́са и херувимы, и пальмы. ³³ И пашы́л загиибэ́н дрэ́ Кхангири́ кэрдя́ стылбы́ маслиниконэ́ вэшэ́стыр штарэ́-вэнглытка. ³⁴ И дуй вударá кипарисовонэ́ вэшэ́стыр; дуй паша́ екхэ́-вударэнгирэ́ счхувэнаспэ́, и дуй паша́ явирэ́-вударэнгирэ́ чхувэнаспэ́. ³⁵ И вычхиндя́ пэ́ лэндэ́ херувимы и пальмы, и лулудя́, савэ́ розмэкнэ́пэ, и обчхудя́ сувнака́са пир резы́ба. ³⁶ И чхудя́ андратуны́ грэ́да (двóро) тринэ́ рядэндыр обчингирдэ́ барэ́стыр и кедрьтконэ́ брусэндыр. ³⁷ Дро́ штáрто бэрш, дрэ́ чхон Зифа, чхудя́ ёв фунда́менто Рáскирэ-Дэвлэ́скирэ́ Кханги́рьякэ́. ³⁸ А пэ́ дэшуекхто́ бэрш, дрэ́ чхон Було́ – дава́ исын охто́то чхон, – ёв кэрдя́ Кхангири́ сарэ́ ла́кирэ́ пашэнца́ и пир сарэ́ ла́кирэ́ планы; кэрдя́ ёв ла́ эфта́ бэрш.

Шэро́ 7

¹ А пэ́скиро кхэр Соломо́но кэрдя́ дэшутрин бэрш, и кэрдя́ саро́ пэ́скиро кхэр. ² И кэрдя́ ёв кхэр Ливаноскирэ́ вэшэ́стыр длэнгипна́са дрэ́ шэл куня́, буглыпна́са дрэ́ пандждэша́ куня́, а вучипна́са дрэ́ трия́нда (триндэша́) куня́, пэ́ штáр ряды́ кедрьтка́ стылбы́; и кедрьтка́ бэрны́ (бэ́льки) сыс чхудо́ пэ́ стылбы́. ³ И чхудо́ сыс упрáло (потолко́) кедростыр пэ́ бэрны́ пэ́ штáрдэша́ пандж стылбы́, пэ́ дэшупандж дро́ рядо́. ⁴ Фэнштрэнгирэ́ рамы́ сыс дрэ́ трин ряды́; и трин ряды́ фэнштры, фэнштра́ прóти фэнштра́. ⁵ И сарэ́ вударá, и вударэнгирэ́ стылбы́ сыс штáрэ-вэнглытка, и фэнштра́ прóти фэнштра́, дрэ́ трин ряды́. ⁶ И трéмо стылбэндыр кэрдя́ ёв длэнгипна́са дрэ́ трэм пандждэша́ куня́, буглыпна́са дрэ́ трия́нда куня́, и ангíл лэндэ́ ганко́, и стылбы́, и прого́ ангíл лэндэ́. ⁷ Ишчо́ кэрдя́ ёв баро́ трéмо тронóса, савэ́стыр ёв сэндякирдя́, трéмо ваш сэндо́ кэрдя́ ёв и учхакирдя́ саро́ пэто́ (пóло/мосто) кедрóса. ⁸ Дро́ кхэр, кай́ ёв дживдя́, явíр грэ́да (двóро) палáл трéмо сыс адя́кэ-паць кэрды́. И дро́ кхэр, фараонóскирэ-чхакиро́, савы́я лы́я палорóм Соломо́но, ёв кэрдя́ дасаво-паць трéмо. ⁹ Саро́ дава́ сыс кэрдó дрогонэ́ барэндыр, вычингирдэ́ пир барипэн, обчхиндлэ́ фуксаса́ (пилкаса́), андратунэ́ и яврескирэ́ ригáтыр, фунда́ментостыр кэ́ выступо́ (фризо́), и яврескирэ́ ригэндыр кэ́ бари грэ́да (двóро). ¹⁰ И дро́ фунда́менто сыс чхудо́ дро́га барá, барэ́ барá, барá дрэ́ дэш куня́ и барá дрэ́ охто́ куня́. ¹¹ И упрэ́ сыс дро́га барá, обчингирдэ́ пир барипэн, и кедрьтка́ бэ́льки бэрны́. ¹² Бари грэ́да (двóро) сыс облыджины́ тыно́са трусця́л тринэ́ рядэнца́ обчингирдэ́ барэндыр и екхэ́ рядóса кедрьтконэ́ бэрнэндыр; адя́кэ-паць и андратуны́ грэ́да Кханги́рьякирэ-Рáскирэ-Дэвлэ́скирья́кири, и рядóса Кханги́рьякиро́. ¹³ И бичхадя́ крáли Соломо́но, и лы́я Тиростыр Хирамос, ¹⁴ саво́ сыс чхаво́ екхэ́ удова́киро (пивля́киро), Нефалимоскирэ́ родóстыр. Дад лэ́скиро, Ти́рянино, сыс ману́ш, саво́ кэрла́ буты́ харкомаса́ (медяса́); ёв сыс годó, одаримо́, ёв шука́р джиндя́ тэ́ кэрэл кажна́ бутя́ харкомáтыр. И явдя́ ёв кэ́ крáли Соломо́но, и кэрдя́ лэ́стэ́ кажна́ бутя́. ¹⁵ И кэрдя́ ёв дуй харкунэ́ стылбы́, кажно́ дрэ́ дэшуохтодэша́ куня́ вучипна́са, и линия́ дрэ́ дэшуду́й куня́ обкрэнцынэ́лас трусця́л дова́ и явíр стылбо́. ¹⁶ И дуй венцы́, вычхудо́ харкомáтыр, ёв кэрдя́, соб (кай) тэ́ чхувэ́с упрэ́ пэ́ стылбы́: пандж куня́ вучипэн дрэ́ екх венцо́ и пандж куня́ вучипэн дрэ́ явíр венцо́, ¹⁷ и сыс фэ́ля (сетки́) кхудо́-бу́тякирэ́ и шнурки́, савэ́ здэнаспэ́ пэ́ зандироры́я (ланцу́жки) ваш венцы́, савэ́ сыс упрáл пэ́ стылбы́: эфта́ пэ́ екх венцо́ и эфта́ пэ́ явíр венцо́. ¹⁸ Адя́кэ ёв кэрдя́ стылбы́ и дуй ряды́ гранаты́тка пха́ба́ пашы́л сетка́ (капиталы́), соб тэ́ учхакирэн венцы́, савэ́ сыс упрáл дрэ́ стылбы́; дова́-паць кэрдя́ ёв и ваш явíр венцо́. ¹⁹ А дро́ трéмо венцы́ упрáл пэ́ стылбы́ сыс кэрдэ́ пир ли́лиякири́ форма́, дрэ́ штáр куня́. ²⁰ И венцы́ пэ́ дуй стылбы́ упрэ́, маму́й (пря́мо) пэ́ выги́ибэн, саво́ сыс пашы́л сетка́, и пэ́ явíр венцо́, рядэнца́ трусця́л, дуйшэ́ла́ гранаты́тка пха́ба́. ²¹ И чхудя́ стылбы́ ёв кэ́ Кханги́рьякиро́ трéмо; чхудя́ стылбо́ пэ́ чачí (право́) риг и ды́я лэ́скэ́ лав Иахи́но, и чхудя́ стылбо́ пэ́ зэ́рво (ле́во) риг, и ды́я лэ́скэ́ лав Во́азо. ²² И пэ́ стылбы́ чхудя́ венцы́, савэ́ сыс кэрдэ́ пир ли́лиякири́ форма́; адя́кэ кончынды́ буты́ пэ́ стылбы́. ²³ И кэрдя́ вычхудо́ мо́рэ (дэ́рьяв) харкомáтыр, – кхэ́ ягорóстыр

(краёстыр) лэскирэстыр кэ явир лэскиро ягóро дэш куня, – сарэса крэнгло вучипна́са дрэ пандж куня облэлас лэс трусцял. ²⁴ Формаса сырбы плóды (баритка) тэл лэскирэ ягóры обкрэнцынэнас мóрё (дэрьяв) – сарэ ригэндýр дрэ дуй; погиибэн лэнгиро сыс вычхудэ лэса екхэ чхуибнаса. ²⁵ Ёв, мóрё (дэрьяв), сыс тэрдó пэ дэшудуэндэ гурувэндэ; трин гурува дыкхнó пэ паш-рат, трин дыкхнó пэ западо, трин дыкхнó пэ паш-дывэс и трин дыкхнó пэ вастóко; мóрё (дэрьяв) сыс паштó пэ лэндэ, и лэнгирэ палуя рискирдэ сыс андрé тэл лэстэ. ²⁶ Грубимаса ёв сыс дрэ бурнык (ладонь), и лэскирэ ягóры, савэ сыс кэрдэ дасавэ-паць сыр тахтаскирэ ягóры, подджанас пэ лилия, сави́ розмэкцяпэ. Дрэ лэстэ заджалас дуй тысёнцы баты. ²⁷ И кэрдя ёв дэш харкунé подчхуибэна (прэдки), длэнгипэн кажно́нэ подчхуибнаскиро – штар куня, буглыпэн – штар куня и трин куня вучипэн. ²⁸ И, гада, сыр сыс кэрдэ подчхуибэна: лэндэ сыс вантыцы, вантыцы машкёр вэнглытка рамы. ²⁹ Пэ вантыцы, савэ сыс машкёр рамы, кэрдэ сыс формы шчэрэнгирэ (левэнгирэ), гурувэнгирэ и херувимэнгирэ; адякэ-паць и пэ рамы, а вучэдýр и тэлэдýр шчэрэндýр и гурувэндýр – венцы барé рандэнца. ³⁰ Тэл кажно подчхуибэн сыс пир штар харкунé рóты и оси харкунé. Пэ штар вэнглы сыс выгиибэна, формаса сыр псикé, выгиибэна сыс вычхудэ тэлал, тэл тахтай (чаша), пашыл кажно венцо. ³¹ Кула (отверстиё) вянкатыр кэ вучипэн сыс дрэ екх кунь; кула лэскири сыс крэнгло, сави́ сыс формаса сыр стылбэнгири основа дрэ екх пашэса кунь, и пашыл кула лэскири сыс формы; нэ ригэнгирэ вантыцы сыс штарé-вэнглытка, на крэнгла. ³² Тэл вантыцы сыс штар рóты, и оси ротэнгирэ сыс дрэ подчхуибэна; вучипэн кажно́нэ ротакиро – екх пашэса кунь. ³³ Адякэ-паць сыс кэрдэ рóты, сыр сыс кэрдэ рóты дрэ марибнýтко вурдэн; лэнгирэ оси, и ободы лэнгирэ, и спицы, и ступицы лэнгирэ, сарó сыс вычхудо. ³⁴ Штар выгиибэна (выступы) пэ штар вэнглы дро кажно подчхуибэн; подчхуибнастыр выджанас лакирэ выгиибэна. ³⁵ И пэ вучипэн подчхуибнаскиро крэнгло чэботарь (возвышэниё) пэ паш кунь вучипна́са; и пэ вучипэн подчхуибнаскиро лакирэ рукоятки и вантыцы лакирэ сыс екхэ ласа матерьялостыр. ³⁶ И вычхиндя ёв пэ пхалёрья лакирэ рукоятки и пэ вантыцы лакирэ херувимы, шчэрá (левы) и пальмы, ци бут, кай сыс вóльно штéто, и трусцял сыс пхалорья (венцы). ³⁷ Адякэ ёв кэрдя дэш подчхуибэна: сарэндэ лэндэ екх сыс вычхуибэн, екх барипэн, екхэс выдыкхэна. ³⁸ И кэрдя ёв дэш харкунé чарé москирэ; дро кажно чарó москиро заджалас штардэша́ баты; кажно москиро чарó сыс дрэ штар куня; кажно москиро чарó сыс тэрдó пэ екх дэшэндýр подчхуибнэндýр. ³⁹ И чхудя ёв подчхуибэна – пандж пир чачи́ риг Кхангирья́кири и пандж пир зэрво (лёво) риг Кхангирья́кири; а мóрё (дэрьяв) чхудя пэ чачи́ (право) риг Кхангирья́кири, пэ востокитко-паш-дывэсы́тко риг. ⁴⁰ И кэрдя Хирамо чарé москирэ, лопатыцы, и тахтай (чашы). И кончындя Хирамо сари́ буты, сави́ кэрдя крали́стэ Соломоностэ ваш Рáскирэ-Дэвлэскири Кхангирí. ⁴¹ Дуй стýлбы и дуй опояски пэ вянки (венцы), савэ сыс пэ вучипэн стылбэнгиро, и дуй фэля́ (сетки) ваш учхакирибэн дуй опояски пир венцы, савэ сыс пэ вучипэн стылбэнгиро. ⁴² И штаршэлá гранаты́тка пхаба́ пэ дуй сетки; дуй ряды гранаты́тка пхаба́ ваш кажно сетка, тэ учхакирэн дуй сетки, савэ сыс пэ стýлбы. ⁴³ И дэш подчхуибэна, и дэш чарé москирэ пэ подчхуибэна. ⁴⁴ Екх мóрё (дэрьяв) и дэшудýй гурува тэл мóрё (дэрьяв). ⁴⁵ И барé чарé, и лопатыцы, и тахтай. Сарé кхорé (сасúды), савэ кэрдя Хирамо крали́скэ Соломо́нóскэ ваш Рáскирэ-Дэвлэскири Кхангирí, сыс полированэ харкомáтыр. ⁴⁶ Крали́скэ вычхувэна́с лэн пэ глэйтко (глины́тко) пхув, пашыл Иордáно, машкёр Сокхофо и Цартано. ⁴⁷ И чхудя Соломо́но сарé далé кхорé (сасúды) пэ штéто. Пирдал дава́, со лэн сыс древáн бут, весо харкомакиро на сыс джиндлó. ⁴⁸ И кэрдя Соломо́но сарé кхорé (сасúды), савэ сыс дрэ Рáскирэ-Дэвлэскири Кхангирí: сувнаку́но алтáрё и сувнаку́но сками́нд, пэ савó сыс свэнцындлó марó. ⁴⁹ И момолы́тка (светильники) – пандж пир чачи́ риг и пандж пир зэрво (лёво) риг, анги́л палатуны штúба, свэнто штéто Кхангирья́киро, жужэ сувнака́стыр, и лулудя́; и лампадки, и цымты (шчы́пцы) сувнака́стыр. ⁵⁰ И барé чарé, и чхурья, и тахтай, и кадилы, жужэ сувнака́стыр, и феля́ пашыл вударá андратунé Кхангирья́киро дрэ Свэнто-свэнтонэнгиро и пашыл вударá дрэ Кхангирí адякэ-паць сувнака́стыр. ⁵¹ Адякэ сыс кэрды сари́ буты; сави́ кэрдя кра́ли Соломо́но ваш Рáскирэ-Дэвлэскири Кхангирí. И яндя́

Соломоно кхорэ (сасуды), савэ обсвэнцындя Давидо, лэскиро дад; руп и сувнакай и кхорэ отдыя дрэ пиралэ (сокровишчницы) Рáскирэ-Дэвлэскирэ Кхангиры́якирэ.

Шэро 8

¹ Тэды кхардэ кэ пэ Соломоно Израилэскирэ пхурыдырэн и сарэн родыцэнгирэ барыдырэн, шэралэн пэ Израилэскирэ-чхавэнгирэ стрэчы (поколении), кэ крáli Соломоно дро Ерусалимо, соб (кай) тэ пирилыджас Рáскирэ-Дэвлэскиро заветóскиро ковчэго Давидóскирэ форóстыр, Сионóстыр. ² И скэдынэпэ кэ крáli Соломоно пэ свэнко сарэ Израильтýни, дро чхон Афанимо, савó исын эфтáто чхон. ³ И явнó сарэ пхурыдырэ Израилэскирэ; и газдынэ рашая ковчэго. ⁴ И лыджинэ Рáскирэ-Дэвлэскиро ковчэго и скэдыибнáскири скýния и сарэ свэнта предметы, савэ сыс дрэ скýния; и лыджинэ лэн рашая и Левýты. ⁵ А крáli Соломоно и лэса сарэ Израилэскирэ манушá, савэ скэдынэпэ кэ ёв, гинэ ангýл ковчэго, и янэнас свэнто дыибэн Рáскэ-Дэвлэскэ тыкнэ и барэ скотóстыр, савэн нашты тэ згинэс и тэ уджинэс, пал-довá со лэн сыс древáн бут. ⁶ И лыджинэ рашая Рáскирэ-Дэвлэскиро заветóскиро ковчэго пэ лэскиро штéто, дро Кхангиры́якиро давиро, дрэ Свэнто-свэнтонэнгиро, тэл херувимэнгирэ пхака́ (крылы). ⁷ Пал-довá со херувимы протырдэнас пхака́ пэ ковчэгоскиро штéто, и учхакирдэ херувимы упралэстыр ковчэго и лэскирэ баландиня́ (шосты). ⁸ И выгинэ шосты адýкэ, со шэрорэ шостэнгирэ бицялэ сыс свэнтонэ штэтóстыр ангýл давиро, нэ на сыс бицялэ яврэстыр; ёнэ одóй и кэ дава́ дывэс. ⁹ Дро ковчэго ничы на сыс, апрýч дуй барунэ таблицы, савэ чхудя́ одорýк Мóйза пэ Хориво, кэли Рай Дэвэл кэрдя́ доракирибэн Израилэскирэ чхавэнца, пир лэнгиро выгийбэн Египтóскирэ пхувья́тыр. ¹⁰ Кэли рашая выгинэ свэнтонэ штэтóстыр, то, óблоко пхэрдякирдя́ Рáскирэ-Дэвлэскири Кханги́ри (Кхэр). ¹¹ И на могоиндлэ рашая тэ тэрдэн тэ дынаринэн пирдал́ óблоко; пал-довá со слава́ Рáскирэ-Дэвлэскири пхэрдякирдя́ Рáскирэ-Дэвлэскири Кханги́ри. ¹² Тэды пхэндя́ Соломоно: “Рай Дэвэл пхэндя́, со Ёв камэла тэ дживэл дро калыпэн. ¹³ Мэ кэрдём Кханги́ри ваш Тýкэ, Раё Дэвла, тэ дживэс пэ штéто, соб (кай) тэ явэс Тýкэ дро ве́ко.” ¹⁴ И рисия́ крáli пэскирэ мóса, и бахтякирдя́ сарó скэдыибэн Израилэскиро; сарó Израилэскиро скэдыибэн сыс тэрдó. ¹⁵ И пхэндя́ ёв: “Тэ явэл бахтякирдó Рай Дэвэл (Яхвá), Дэвэл Израилэскиро, савó пхэндя́ Пэскирэ уштэнца Давидóскэ, мирé дадэскэ, и аканá кэрдя́ Пэскирэ вастэса! Ёв ракирдя́: ¹⁶ “Долэ дывэсэстыр, сыр Мэ вылыджиём Мирé Израилэскирэ манушэн Египтóстыр, Мэ на выкэдыём фóро ни дрэ екх Израилэскирэ родыцэндýр, соб (кай) тэ явэл Кханги́ри чхуды́, дрэ савó тэ явэл бы лав Мирó; и выкэдыём Давидóс, соб (кай) тэ явав лэскэ пэ Мирé Израилэскирэ манушэндэ.” ¹⁷ Давидóстэ, мирé дадэстэ, сыс пэ илó тэ чхувэл Кханги́ри ваш лав Рáскирэ-Дэвлэскиро (Яхваскиро), Дэвлэскиро Израилэскиро. ¹⁸ Нэ Рай Дэвэл пхэндя́ Давидóскэ, мирé дадэскэ: “Тýтэ исын пэ илó тэ чхувэс Кханги́ри лавэскэ Мирэ́скэ; шукáр, со дава́ тýтэ паштó пэ илó. ¹⁹ Усаэкх ту на чхувэса Кханги́ри, а чхавó тырó, савó выгия́ тырэ масэндýр, ёв чхувэла Кханги́ри лавэскэ Мирэ́скэ.” ²⁰ И сполниндя́ Рай Дэвэл Пэскиро лав, савó дыя́, мэ тэрдием пэ мирé-дадэскиро Давидóскиро штéто и бэсцём пэ Израилэскиро трóно, сыр пхэндя́ Рай Дэвэл, и мэ чхудём Кханги́ри ваш лав Рáскирэ-Дэвлэскиро, Дэвлэскиро Израилэскиро. ²¹ И кэрдём одóй штéто ваш ковчэго, дро савó исын Рáскирэ-Дэвлэскиро завето, савó Ёв кэрдя́ амарé дадэнца, кэли Ёв вылыджия́ лэн Египтóскирэ пхувья́тыр.” ²² И тэрдия́ Соломоно ангýл Рáскирэ-Дэвлэскиро алтáрэ (жэртвенико) ангýл сарó Израильтянэнгиро скэдыибэн, и газдыя́ пэскирэ вастá кэ болыбэн. ²³ И пхэндя́: “Раё Дэвла, Дэвэл Израилэскиро! Нанэ адасавэс Дэвлэс сыр Ту сан, Савó пэ болыбэн упрáл и пэ пхув тэлáл; Ту раххэса завето и тангипэн кэ Тырэ писхарья́, савэ псирэна ангýл Тýтэ илэса пэскирэса. ²⁴ Ту сполниндя́ Тырэ писхарýскэ Давидóскэ, мирé дадэскэ, со ракирдян лэскэ; со пхэндя́н Ту уштэнца Тырэнца дова́ дро дова́ дывэс кэрдя́н Тырэ вастэса. ²⁵ И аканá, Раё Дэвла, Дэвла Израилэскиро, кэр пир лав тырэ писхарýскэ Давидóскэ, дадэскэ мирэ́скэ, дова́, со ракирдян Ту лэскэ, пхэни́: “На пириячэла тýтэ ангýл муй Мирó ману́ш, савó явэла тэ бэшэл пэ трóно Израилэскиро, кóли тырэ чхавэ́ явэна тэ рикирэнпэ пэскирэ дромэскэ, тэ псирэн ангýл Мándэ адýкэ, сыр ту псирдя́н ангýл Мándэ. ²⁶ И аканá, Рай Дэвэл

Израилёскиро, мэк тэ явэл чачуно лав Тыро, саво Ту дыян писхарискэ Тырэскэ, Давидоскэ, мирэ дадэскэ! ²⁷ Чачунэс, ци Дэвлэскэ тэ дживэс пэ пхув? Болыбэн и болыбэн болыбнаскиро на могоинэла тэ прилэн Тут, Дэвла, и Кхангири, сави мэ чхудём. ²⁸ Нэ дыкх пэ патели (моли́тва) Тырэ писхарискиро и пэ мангипэн лэскиро, Раё Дэвла, Дэвла миро: шун мангипэн и ровибэн, савэса Тыро писхари мангэла Тут аканэ. ²⁹ Мэк тэ явэн Тырэ якхэ отчакирдэ пэ дая Кхангири дывэс и рат, пэ дава штэто, пал саво Ту пхэндян: “Миро лав явэла одой; шун мангипэн, савэса явэла тэ мангэлпэ Тыро писхари пэ дава штэто. ³⁰ Шун мангипэн Тырэ писхарискиро и Тырэ Израилёскирэ манушэнги́ро, кели ёнэ явэна тэ мангэнпэ кэ дава штэто; шун пэ штэто Тырэ джи́ибнаскиро, пэ болыбэн, шун и приманг (простин). ³¹ Кели кон кэрэла грёхо проти пашатунэстэ пэскирэстэ и лэс зачхувэна тэ совлахал и ваш совэл ёв явэла ангил алтарё Тыро, дрэ дая Кхангири, ³² то тэньчи Ту шун болыбнастыр и кэр сэндо пэ Тырэ писхарьэндэ, чхув кара пэ бангэстэ, чхув лэскири банг пэ лэскиро шэро, и мануш, саво исын набанго, оправдын (чачакир) лэс, отдэ лэскэ пир чачипэн лэскиро. ³³ Кели Тырэ мануша́ Израилёстыр явэна домардэ вэргоса, пал-дова, со кэрдэ грёхо ангил Тутэ, и кели ёнэ рисэна илэса кэ Ту, и пригалёна лав Тыро, и явэна тэ мангэн и тэ пиримангэн Тут дрэ дая Кхангири, ³⁴ то тэды Ту шун болыбнастыр и приманг грёхо Тырэ Израилёскирэ манушэнги́ро, и рискир лэн пэ пхув, сави Ту дыян лэнгирэ дадэнгэ. ³⁵ Кели зачхакирэлапэ болыбэн, и на явэла брышы́нд пал дова, со ёнэ кэрэна грёхо ангил Тутэ, и коли помангэнапэ пэ дава штэто; и славинэна лав Тыро, и отджана пэскирэ грэхостыр, пал-дова со Ту прими́риндя́н лэн, ³⁶ то шун болыбнастыр, и приманг (отмэк) Тырэ писхарьэнги́ро грёхо и Тырэ Израилёскирэ манушэнги́ро, сыка́в лэнгэ лачхо дром, пир саво тэ джэн, и бичхав брышы́нд пэ Тыри́ пхув, сави Ту дыян манушэнгэ Тырэнгэ дрэ мэкно́ миштыпэн. ³⁷ Ци явэла пэ пхув бок, ци явэна мороскирэ фуя, ци явэла хачкирды балва́л, ржа, пхакитка скочки (саранча), кирмэ, ци вэ́рго явэла тэ притасавэл лэс пэ пхув лэскири, ци явэла сави́ бйда, ци саво насвалыпэн, ³⁸ ци дрэ кажно патели (моли́тва), ци дрэ кажно мангипэн, саво явэла вари́савэ манушэстыр пир сарэ Тырэ Израилёскирэ манушэндэ, кели ёнэ почуинэна бйда дрэ пэскиро ило́ и газдэна васта́ пэскирэ кэ дая Кхангири. ³⁹ Ту пошун болыбнастыр, штэто́стыр, кай Ту дживэса, и приманг; кэр и отдэ кажно́эскэ пир лэскирэ дро́ма, сыр Ту дыкхэса ило́ лэскиро, пал-дова со Ту, Екх, джину́са сарэ илэ, манушэнгирэ чхавэнгирэ, ⁴⁰ соб (кай) ёнэ тэ дарэн Тутыр дрэ сарэ дывэса́, пака ёнэ дживэна пэ пхув, сави Ту дыян амарэ дадэнгэ. ⁴¹ Коли́ мануш явдя́ явирэ ригатыр, саво явэлас на Тырэ Израилёскирэ манушэндыр, саво явэла дура́л пхувья́тыр ваш лав Тыро, ⁴² пал-дова со и ёнэ шунэна пал Тыро́ баро́ лав, и пал Тыро́ васт газдыно́, – и явэна ёнэ и помангэнапэ пашыл дая Кхангири. ⁴³ Ту пошун болыбнастыр, Тырэ штэто́стыр, кай Ту дживэса, и кэр саро́, пал со явэна тэ мангэн Тут мануша́, савэ явнэ́ явирэ ригатыр, соб (кай) сарэ мануша́ пхувья́кирэ тэ джину́н лав Тыро́, соб (кай) тэ дарэн Тутыр, сыр тырэ мануша́ Израилё, соб (кай) джидлэ́, со лавэса Тырэ́са кхарэлапэ дая Кхангири, сави мэ кэрдём. ⁴⁴ Коли́ выджана́ Тырэ мануша́ пэ марибэн пэ вэргэндэ́ пэскирэ́ндэ дро́мэса, савэса Ту бичхавэса лэн, и явэна тэ мангэнпэ́ Ра́скэ-Дэ́влэскэ, риси́и кэ фо́ро, саво Ту выкэ́дыян, и кэ Кхангири́, сави́ Мэ чхудём лавэ́скэ Тырэ́скэ. ⁴⁵ То тэды́ пришунпэ́ болыбна́стыр кэ патели́ (моли́тва) лэнги́ри и мангипэн лэнги́ро, и кэр, со трэй́ ваш лэнгэ́. ⁴⁶ Кели́ ёнэ кэрэна́ грёхо́ ангил́ Тутэ́: (пал-дова́ со нанэ́ манушэ́с, саво́ на кэрдя́ бы́ грёхо), – и Ту холя́соса пэ́ лэндэ́, и отдэ́са лэн вэ́ргэнгэ́, и мануша́ залэ́на лэн дро́ плéно и залы́джана лэн пэ́ вэ́ргоски́ри пхув, дур ци́ пашыл. ⁴⁷ И кели́ ёнэ явэ́на пэ́ пхув, пэ́ сави́ явэ́на дро́ плéно, явэ́на дрэ́ пэ́стэ и рисэ́на, и явэ́на тэ́ мангэнпэ́́ Тукэ́ пэ́ пхув адалэ́-манушэнги́ри, савэ́ лы́нэ лэн дро́ плéно, раки́ри: “Амэ́ кэрдя́м грёхо́, ци́ кэрдя́м фуипэн, амэ́ сам бангэ́”, ⁴⁸ и, коли́ рисэ́на кэ́ Ту сарэ́ пэ́скирэ́ илэ́са и сарэ́ деса́ пэ́скирэ́са пэ́ вэ́ргэнги́ри пхув, пэ́ сави́ лы́нэ лэн дро́ плéно, и явэ́на тэ́ мангэнпэ́́ Тукэ́, риси́и кэ́ пхув пэ́скири, сави́ Ту дыян лэнгирэ́ дадэнгэ́, кэ́ фо́ро, саво́ Ту выкэ́дыян, и кэ́ Кхангири́, сави́ мэ чхудём лавэ́скэ Тырэ́скэ, ⁴⁹ то вы́шун болыбна́стыр, штэто́стыр, кай Ту дживэ́са, патели́ (моли́тва) и мангипэн лэнги́ро, и кэр, со трэй́́ ваш лэнгэ́. ⁵⁰ И приманг (отмэк) манушэнгэ́ Тырэнгэ́, дрэ со ёнэ́ кэрдэ́ грёхо́ ангил́ Тутэ́, и сыка́в тангипэн (жали́ма) кэ́ ёнэ лэнгирэ́ вэ́ргэндыр, соб (кай) ёнэ́ тэ́ явэн ко́влэи́лытка кэ́ ёнэ. ⁵¹ Пал-дова́ со ёнэ́ исын Тырэ́ мануша́ и Тыри́

миштыпнаскири мѣра, савьяса Ту вылыджиян Египтостыр, саструнѣ бовѣстыр. ⁵² Мѣк тѣ явѣн якхѣ Тѣрѣ отчхакирдѣ пѣ пѣтери (молѣтва) Тѣрѣ-дынарискири и пѣ пѣтери Тѣрѣ-Израилѣскирѣ манушѣнгири, соб (кай) тѣ шунѣс лѣн усады (сак), кѣли ѣнѣ явѣна тѣ кхарѣн Тут. ⁵³ Пал-довѣ со Ту выкѣдыян лѣн Пѣскѣ дрѣ миштыпнаскири мѣра сарѣ манушѣнгирѣ пхувьятыр, сыр Ту пхѣндян пирдѣл Мойзастѣ, Тѣрѣ писхаристѣ, кѣли вылыджиян амарѣн дадѣн Египтостыр, Раѣ Барѣ, Раѣ Дѣвла!” ⁵⁴ Кѣли Соломоно пхѣндя сарѣ далѣ патерья (молитвы) и мангипѣн кѣ Рай Дѣвл, тѣды уштыѣ чангѣндыр Рѣскирѣ-Дѣвлѣскирѣ алтарѣстыр, вастѣ лѣскирѣ сыс газдынѣ кѣ болыбѣн. ⁵⁵ И, тѣрдиндой, бахтякирдѣ сарѣ Израилѣтянѣнгиро скѣдыибѣн, зоралѣ занѣса, ракирѣ: ⁵⁶ “Лачхѣ Рай Дѣвл тѣ явѣл бахтякирдѣ, савѣ дѣя рамѣнѣ (миро) Пѣскирѣ Израилѣскирѣ манушѣнгѣ, сыр ракирдѣ, на яцѣпѣ на сполниндло ни екх лав сарѣ Лѣскирѣ лачхѣ лавѣндыр, савѣ Ёв пхѣндя пирдѣл Пѣскирѣ писхаристѣ Мойзастѣ. ⁵⁷ Мѣк тѣ явѣл амѣнца Рай Дѣвл, Дѣвл амарѣ, сыр сыс Ёв амарѣ дадѣнца, мѣк тѣ на ячкирѣл амѣн, мѣк тѣ на чхурдѣл амѣн. ⁵⁸ Притырѣ кѣ Пѣ илѣ амарѣ, соб (кай) амѣ тѣ псирас пир сарѣ Лѣскирѣ дромѣ и тѣ раххас Лѣскирѣ припхѣныбѣнѣ (заповѣди) и упхѣныбѣнѣ Лѣскирѣ, закѣны Лѣскирѣ, савѣ Ёв дѣя амарѣ дадѣнгѣ. ⁵⁹ И мѣк тѣ явѣн далѣ лавѣ, савѣнца мѣ мангдѣмпѣ ангѣл Растѣ-Дѣвлѣстѣ, пашыл кѣ амарѣ Рай Дѣвл, Дѣвл, рат и дывѣс, соб (кай) Ёв тѣ кѣрѣл, со трѣй ваш Пѣскирѣ писхарѣскѣ, и со трѣй ваш Пѣскирѣ Израилѣскирѣ манушѣнгѣ, дывѣс дывѣсѣстыр, ⁶⁰ соб (кай) сарѣ манушѣ уджиндлѣ, со Рай Дѣвл исын Дѣвл, и нанѣ апрѣч Лѣстѣ. ⁶¹ Мѣк тѣ явѣл илѣ тумарѣ сарѣ отдынѣ Рѣскѣ-Дѣвлѣскѣ, Дѣвлѣскѣ амарѣскѣ, соб (кай) тѣ псирас пир Лѣскирѣ упхѣныбѣнѣ и тѣ раххав припхѣныбѣнѣ Лѣскирѣ, сыр аканѣ.” ⁶² И крѣли и сарѣ Израилѣтяни лѣса яндлѣ свѣнто дыибѣн Рѣскѣ-Дѣвлѣскѣ. ⁶³ И яндя Соломоно дро рамѣнѣно (мѣрно) свѣнто дыибѣн Рѣскѣ-Дѣвлѣскѣ, савѣ яндя ѣв Рѣскѣ-Дѣвлѣскѣ, биш тѣ дуй тысѣнцы (барѣ) барѣ ското (кхѣритконѣ мурдалѣн) и шѣл тѣ биш тысѣнцы тыкнѣ ското. Адѣкѣ обсвѣнцындлѣ Кхангирѣ Рѣскѣ-Дѣвлѣскѣ крѣли и сарѣ Израилѣскирѣ чхавѣ. ⁶⁴ Дрѣ довѣ-пацѣ дывѣс обсвѣнцындя крѣли машкиралатуны грѣдакири (двороскири) паш, савѣ сыс ангѣл Рѣскирѣ-Дѣвлѣскири Кхангирѣ, кѣрдя ѣв одѣй цѣло схачкирибѣн и марѣскиро яныбѣн, и газдыѣ тѣко (чѣкѣн) ваш мѣрно свѣнто яныбѣн; пал-довѣ со харкуно алтарѣ (жѣртвенико), савѣ сыс ангѣл Растѣ-Дѣвлѣстѣ, сыс тыкнѣ штѣто ваш цѣло схачкирибѣн и марѣскиро яныбѣн и тѣко (чѣкѣн) мирна свѣнта дыибѣнѣ. ⁶⁵ И кѣрдя Соломоно дрѣ далѣ дывѣсѣ свѣнко, и сарѣ Израилѣ лѣса-барѣ скѣдыибѣн, дрѣ савѣ явѣнас манушѣ, кай заджѣна дро Емафо кѣ рѣка (лѣнь) Египтѣскири, ангѣл Растѣ-Дѣвлѣстѣ, Дѣвлѣстѣ амарѣстѣ; – ѣфтѣ дывѣсѣ и ишчо (инкѣ) ѣфтѣ дывѣсѣ, дѣшуштар дывѣсѣ. ⁶⁶ Пѣ охтѣто дывѣс (бидуѣнгиро дѣшто) Соломоно отмѣкѣя манушѣн. И бахтякирдѣ ѣнѣ крѣлис, и гинѣ дрѣ шѣтры пѣскирѣ, радындой и веселиндой (лошалындой) дро илѣ пѣскиро пал сарѣ лачхипѣн, со кѣрдя Рай Дѣвл Пѣскирѣ писхарѣскѣ Давидѣскѣ и Израилѣскирѣ Пѣскирѣ манушѣнгѣ.

Шѣрѣ 9

¹ Палѣ (после) довѣ, сыр Соломоно кѣрдя Рѣскирѣ-Дѣвлѣскири Кхангирѣ и крѣлискиро кхѣр и сарѣ, со Соломоно камдѣ тѣ кѣрѣл, ² то явдѣ дро сунѣ Соломонѣскѣ Рай Дѣвл явѣр мѣло, сыр явдѣ лѣскѣ дро Гаваѣно. ³ И пхѣндя лѣскѣ Рай Дѣвл: “Мѣ шундѣм пѣтери (молѣтва) тырѣ и мангипѣн тырѣ, пал со ту мангдѣн Ман. Мѣ обсвѣнцындѣм дѣя Кхангирѣ, савѣ ту кѣрдян, соб (кай) тѣ явѣл лав Мирѣ одѣй дро вѣко; и явѣна якхѣ Мирѣ и илѣ Мирѣ одѣй дрѣ сарѣ дывѣсѣ. ⁴ И кѣли ту явѣсѣ тѣ псирѣс ангѣл муй Мирѣ, сыр псирдѣ дад тырѣ Давѣдо, дро жужѣ илѣ и дро чачипѣн, кѣр сарѣ, со Мѣ ракирдѣм тѣкѣ, и кѣли явѣсѣ тѣ раххѣс упхѣныбѣнѣ Мирѣ и закѣны Мирѣ, ⁵ то тѣды Мѣ чхувѣва крѣлискиро трѣно тырѣ пѣ Израилѣ дро вѣко; сыр Мѣ пхѣндѣм дадѣскѣ тырѣскѣ, Давидѣскѣ, ракирѣ: ‘На пирилыджалапѣ тѣтѣ дро рѣдо манѣш, кон явѣла тѣ бѣшѣл пѣ трѣно Израилѣскиро.’ ⁶ Кѣли тумѣ и чхавѣ тумарѣ отджана Мѣндыр, и тумѣ на явѣна тѣ раххѣн припхѣныбѣнѣ Мирѣ и упхѣныбѣнѣ Мирѣ, савѣ Мѣ дыѣм тумѣнгѣ, и джѣна, и лѣна тѣ дынаринѣн явирѣ дѣвлорѣнгѣ и тѣ мангѣнпѣ лѣнгѣ, ⁷ то тѣды Мѣ традава криг Израилѣ пхувьятыр, савѣ Мѣ дыѣм лѣскѣ, и Кхангирѣ, савѣ Мѣ обсвѣнцындѣм лавѣса

Мирэса, отрискирава мостыр Мирэстыр, и явэла Израилё притчаса и сабнаса сарэ манушэндэ. ⁸ И пал Кхангири дая вучи, кажно, кон явэла тэ проджал мамуй ла, страхадёла, и дэла шоля (свиснинэла), и пхэнэла: “Палсэ Рай Дэвэл кэрдя адякэ далэ пхувьяса и далэ Кхангирьяса?” ⁹ И пхэнэна: “Палдова, со ёнэ ячкирдэ Рас-Дэвлэс, пэскирэ Дэвлэс, Саво вылыджия лэнгирэ дадэн Египтоскирэ пхувьятыр, и прилынэ явирэ дэвлорэ, и мангнэпэ лэнгэ, и дынариндлэ лэнгэ, – пал дова яндя пэ лэндэ Рай Дэвэл сари дая бйда.” ¹⁰ И сыс адякэ: сыр (накхлэ) прогинэ биш бэрш, дрэ савэ Соломоно кэрдя дуй кхэра, – Дэвлэскиро Кхэр (Кхангири) и крالیскиро кхэр, ¹¹ ваш савэ о Хирамо, крáli Тироскирэ, янэлас Соломоноскэ вэша (дрэвы) кедрытка кашта и вэша кипарисытка и сувнакай, пир лэскиро илэ, – крáli Соломоно дыя Хирамоскэ биш фэрья пэ Галилеякири пхув. ¹² И выгия Хирамо Тиростыр тэ обдыкхэл фэрья, савэ дыя лэскэ Соломоно; и ёнэ на сыс пир илэ лэскэ. ¹³ И пхэндя ёв: “Со исын далэ фэрья, савэ ту, миро пшал, дыян мангэ?” И кхардян лэн пхувьяса Кавуло, сыр кхарэнапэ ёнэ кэ дава дывэс. ¹⁴ И бичхадя Хирамо крالیскэ шэл тэ биш таланты сувнакай. ¹⁵ Гада, исын упхэныбэн пал намирья (подать), савэ чхудя крáli Соломоно, соб (кай) тэ кэрэл Раскирэ-Дэвлэскири Кхангири и кхэр пэскиро, и Мило (квартало) дро Ерусалимо, и ванта Ерусалимоскири, Гацоро, и Мегидо, и Газеро. ¹⁶ О фараоно, Египтоскиро крáli, явдя и лыя Газеро, и хачкирдя лэс ягаса, и Хананеен, савэ дживдэ дро фэро, мулякирдя, и отдыя лэс дро пасаго чхакэ пэскирьякэ, Соломоноскирэ ромнякэ. ¹⁷ И кэрдя Соломоно Газеро и тэлатуно Бефорано; ¹⁸ И Валафо и Фадморо пэ чхучи пхув дрэ Юдэя. ¹⁹ И сарэ фэрья ваш запасы, савэ сыс Соломоностэ, и фэрья ваш марибнытка вурдына, и фэрья ваш грэнгэ пэ савэ традэна уклистэ, и сарэ дова, со Соломоно камдя тэ кэрэл, дро Ерусалимо и пэ Ливано и пэ сари пхув, пэ сави ёв сыс хулай. ²⁰ Сарэ мануша, савэ ячнэпэ Амореэндир, Хетеэндир, Ферезеэндир, Евеендир и Евусеэндир, савэ сыс на Израилэскирэ чхавэндир. ²¹ Чхавэн лэнгирэн, савэ ячнэпэ палэ лэндэ пэ пхув, савэн Израилэскирэ чхавэ на могоиндлэ тэ традэн пэстыр, Соломоно кэрдя андынаршчыкэнца кэ дава дывэс. ²² Израилэскирэ чхавэн Соломоно на кэрдя бутярнэнца; нэ ёнэ сыс лэскирэ халадэ, лэскирэ слуги (дынарья), лэскирэ упратунэ, лэскирэ халадэнгирэ барыдыра и шэралэ пэ лэскирэ марибнытка вурдэна и лэскирэ мануша, савэ сыс уклистэ пэ грэндэ. ²³ Гада, сыс барыдыр упратунэ (приставники) пэ Соломоноскирэ бутя: савэ дыкхнэ пал манушэндэ, савэ кэрдэ бутя, сыс панджшэла пандждэша мануша. ²⁴ Чхай фараоноскири пиригия Давидоскирэ фэростыр дро пэскиро кхэр, савэ кэрдя ваш лэскэ Соломоно; пал дова кэрдя ёв Мило. ²⁵ И янэла Соломоно трин мо́лы дрэ бэрш сарэ схачкирибэн и мирна свэнта дыибэна Рэскэ-Дэвлэскэ пэ алтарё, савэ ёв кэрдя Рэскэ-Дэвлэскэ, и хачкирдя гудлэ смолы пэ лэстэ ангил Растэ-Дэвлэстэ. И закончындя ёв тэ кэрэл кхэр. ²⁶ Крáli Соломоно адякэ-паць кэрдя парма (кораблэ) дрэ Ецыон-Гаверо, со исын пашыл Елафа, пэ Лолэ морэскиро (дэрьявэскиро) брэго, пэ Идумеякири пхув. ²⁷ И бичхадя Хирамо пэ парма пэскирэ отдынэ дынарьён, савэ джигэнас мэрэ (дэрьяв), Соломоноскирэ дынарьэнца. ²⁸ И гинэ ёнэ дро Офиро, и лынэ одотхыр сувнакай штаршэла биш таланты, и яндлэ крالیскэ Соломоноскэ.

Шэро 10

¹ Крáliца Саватыр [Шэватыр-ю.о.], кэли шундя мавлын пал слава Соломоноскири ваш лав Рэскирэ-Дэвлэскиро, то ёй явдя тэ спробинэл лэс пхарэ пхучыбнэнца. ² И явдя ёй дро Ерусалимо древан барэ барвалыпнаса: верблюды сыс ландадэ (обуладэ) ароматытконэ чарьэнца и древан бут сувнакаса и дрогонэ барэнца; и явдя кэ Соломоно, и ракирдя лэса пал сарэ, со сыс латэ пэ илэ. ³ И пирипхэндя лэскэ Соломоно сарэ лэкирэ лавэ, и на сыс ничы на джигдлэ крالیскэ, соб (кай) ёв на пирипхэнэл лэскэ. ⁴ И дыкхця крáliца Савакири сари годы Соломоноскири и кхэр, савэ ёв кэрдя. ⁵ И хабэн пал лэскиро скаминд, и штэто, кай дживэна лэскирэ писхарья, и буты лэскирэ дынарьэнгири, и идя лэнгири, и кучикарьэнгирэн (виночэрпи) лэскирэн, цэло схачкирибэн лэскиро, савэ ёв янэлас дрэ Рэскирэ-Дэвлэскири Кхангири. И на могоиндя ёй бутыр тэ урикирэлпэ. ⁶ И пхэндя крالیскэ: “Чачо, дова, со мэ шундём пэ пэскири пхув пал рэнды (дэлы) тырэ и пал годы тыри; ⁷ нэ мэ на патяндём

лавэнгэ, пака явдём, и дыкхнэ мирэ якхэ: и, гада, мангэ и дрэ паш на сыс пхэндлэ. Годы и барвалыпэн тутэ бутыр, сыр мэ шундём. ⁸ Бахталэ исын манушэ тырэ и бахталэ далэ дынарья тырэ, савэ ўсэды/сак (всегда) исын ангил тутэ и шунэна годьварэ тырэ лава! ⁹ Мэк тэ явэл бахтиякирдэ Рай Дэвэл (Яхвэ), Дэвэл тыро, Савэ закамдэ тэ чхувэл тут пэ Израилёскиро трона! О Рай Дэвэл, пир вечно ласка Пэскири кэ Израилё, чхудя тут крэли, тэ кэрэс сэндо и чачипэн.” ¹⁰ И дыя дро дэро ёй крالیскэ шэл тэ биш таланты сувнакай и древан бут ароматытка чарья и дрога бара; никели бутыр на сыс адакицы бут ароматытка чарья, кицы дыя дро дэро крэлица Савакири крالیскэ Соломоноскэ. ¹¹ И парма (кораблэ) Хирамоскири, сави янэла сувнакай Офиростыр, яндя Офиростыр древан бут лолэ вэш и дрога бара. ¹² И кэрдя крэли далэ лолэ вэшэс-тыр парapéто (перилы) ваш Кхангирі Раскири-Дэвлэскири и ваш крالیскиро кхэр, и гусли, и псалтири ваш манушэнгэ, савэ баганас. Никели на явдя адакицы лолэ вэш, и на сыс бицялэ кэ дава дывэс. ¹³ И крэли Соломоно дыя кралицакэ Савакирьякэ сарэ, со ёй камдэ и со мангдэ, бутыр долэстыр, со дыя дрэ дэро лэкэ крэли Соломоно пэскирэ вастэнца. И гия ёй палэ пэ пэскири пхув, ёй и сарэ лакирэ дынарья. ¹⁴ Дро сувнакай, савэ явэлэс Соломоноскэ дро кажно бэрш, пхарипэн (вёсо) сыс шовшэла шовдэша шов таланты сувнакунэ. ¹⁵ Бутыр долэстыр, со сыс дорэсно манушэндыр, савэ розлыджанас товаро, и манушэндыр, савэ таргиндэ (тимисякирдэ), и сарэ кральэндыр Аравиякирэндыр, и провинциякиро барыдырэндыр. ¹⁶ И кэрдя крэли Соломоно дуйшэла барэ шчыты чикадэ сувнакастыр, пир шовшэла шыкелё гия пэ кажно шчыто. ¹⁷ И трин шэла тыкныдыршонэ шчыты сувнакастыр, пир трин мины сувнакай гия пэ кажно шчыто, и чхудя лэн крэли дро кхэр Ливаноскирэ вэшэстыр. ¹⁸ И кэрдя крэли барэ трона кокалостыр, и обчхудя лэс жужэ сувнакаса. ¹⁹ Кэ трона сыс шов гэруня (ступеньки) вучипэн палал трона сыс крэнгло, и сыс дуге ригэндыр пашыл штэты тэ чхувэс васта, и дуй шчэра (левы) сыс тэрдэ пашыл штэты ваш васта; ²⁰ И ишчо (инкэ) дэшудуй шчэра сыс тэрдэ одой пэ шов гэруня пир дуй рига. Дасаво на сыс ни дрэ екх кралипэн. ²¹ И сарэ кхорэ (сасуды) ваш пибэн крالیстэ Соломоностэ сыс сувнакунэ, и сарэ кхорэ дро кхэр Ливаноскирэ вэшэстыр сыс жужэ сувнакастыр; рупэстыр ничы на сыс; пал-дова со руп дрэ Соломоноскирэ дывэса гиндяпэ ни палсэ. ²² Пал-дова со крالیстэ сыс пэ мэрэ (дэрьяв) Фарсискирэ пармы Хирамоскирэ пармэнца; дрэ трин бэрш екхвар явэлэс Фарсискирэ пармы, савэ янэна сувнакай и руп, и слоньтко кокало, и порьялэн (обезьянэн), и павлинэн. ²³ Крэли Соломоно сыс барвалэдыр и годьварэдыр сарэ кральэндыр пэ пхув. ²⁴ И сарэ пхувьякирэ кралья камлэ тэ дыкхэн Соломонос, соб (кай) тэ шунэн годьварэ лава лэскирэ, савэ чхудя Дэвэл дрэ лэскиро илэ. ²⁵ И ёнэ янэна лэскэ, кажно пэстыр, дрэ дэро: кхорэ рупувэ и кхорэ сувнакунэ, и йди и мардытко (оружыё), и ароматытка чарья, грэн, мулэн, кажно бэрш. ²⁶ И скэдыя Соломоно марибнытка вурдына и манушэн уклистэ пэ грэндэ; лэстэ сыс тысэнца (бар) штаршэла марибнытка вурдэна и дэшудуй тысэнцы манушэн уклистэ пэ грэндэ; и чхудя тэ дживэн ёв лэн дрэ фэрья, кай сыс вурдына, и пашыл крالیстэ дро Ерусалимо. ²⁷ И кэрдя крэли руп дро Ерусалимо дасавэ-паць тиминаса сыр проста бара, а кедры, сыр лэн сыс древан бут, кэрдя дасавэ-паць тиминаса сыр сикоморы, савэ баринэ пэ талатунэ штэты. ²⁸ Грэн крالیскэ Соломоноскэ янэна Египтостыр и Куватыр; крالیскирэ кўпцы (тылгарья) кинэнас лэн Куватыр пал ловэ. ²⁹ Марибнытко вурдэн Египтостыр лэнас и янэнас пал шовшэла шыкели руп, а грэс пал шэл пандждэша. Адякэ-паць ёнэ пэскирэ вастэнца янэнас сарэ дава кральэнгэ Хетеенгирэ и кральэнгэ Арамейцэнгирэнгэ.

Шэрэ 11

¹ И камдэ крэли Соломоно бутэн джувлэн явирэ ригэндыр, апріч фараоноскирэ чхатэ, Моавитянкэн, Амонитянкэн, Идумеянкэн, Сидонянкэн и Хетейанкэн. ² Долэ-манушытконэ нацыэндыр, пал савэндэ Рай Дэвэл пхэндя Израилёскирэ чхавэнгэ: “На заджан кэ ёнэ, ёнэ мэк тэ на заджан кэ тумэ, соб (кай) ёнэ тэ на пиритырдэн тумарэ илэ кэ пэскирэ дэвлорэ.” Кэ ёнэ Соломоно припхандяпэ илэса. ³ И сыс лэстэ эфташэла ромня и триншэла наложницы; и лыджинэ криг лэс и лэскирэ ромня чачунэ дромэстыр илэ лэскиро. ⁴ Кэли Соломоно яця

пхурó, лэскирэ ромня пиритырдынэ лэскиро илó кэ явír дэвлорé, и илó лэскиро на сыс сарéса отдыно́ Рáскэ-Дэвлэ́скэ (Яхваскэ), пэскирэ Дэвлэ́скэ, сыр Давидóскиро илó, лэскирэ дадэ́скиро. ⁵ И яцý Соломо́но тэ мангэлпэ Астартакэ, дэвлыткимакэ Сидоноскирэ́скэ, и Милхомоскэ, Амонитоскирэ́ магирибнаскэ. ⁶ И кэрдý Соломо́но фуипэн ангíл Растэ-Дэвлэ́стэ, и на сарéса ёв гíя пал Растэ-Дэвлэ́стэ, сыр Давíдо, лэскиро дад. ⁷ Тэды кэрдý Соломо́но мангипны́тко штéто пэ бэ́ргица Хамососкэ, магирипнаскэ Моавитоскирэ́скэ, пэ бэ́рга, савí исын ангíл Ерусалимо, и Малахоскэ, магирипнаскэ Амонитоскирэ́скэ. ⁸ Адýкэ ёв кэрдý ваш сарéнгэ пэскирэ явирэ-ригэнгирэ ромненгэ, савé хачкирдé дро́га смóлы и янэ́нас свéнта дыибэ́на пэскирэ дэвлорéнгэ. ⁹ И холя́сыя Рай Дэвэл пэ Соломо́ностэ пал дова́, со ёв рискирдý пэскиро илó Рáстыр-Дэвлэ́стыр, Израилё́скирэ Дэвлэ́стыр, савó дуй мо́лы сыс яви дрэ сунó лэскэ. ¹⁰ И припхэндý лэскэ, соб (кай) ёв тэ на джал кэ явír дэвлорé; нэ ёв на кэрдý дова́, со припхэндý лэскэ Рай Дэвэл. ¹¹ И пхэндý Рай Дэвэл Соломо́но́скэ: “Пал-дова́ со адýкэ тýtэ кэрэ́лапэ, и ту на зракхцýн завето́ Миро и Мирé упхэ́ныбэ́на, савé Мэ припхэндём тýкэ, Мэ отлава тýтыр кра́липэн и отда́ва лэс тырэ́ писхарýскэ. ¹² Нэ пака ту сан джидó, Мэ на кэра́ва дава́ ваш Давидóскэ, тырэ́ дадэ́скэ; тырэ́-чхавэ́скирэ вастэ́стыр отлава лэс. ¹³ И на сарó кра́липэн отлава; екх ро́дыцо дава́ тырэ́ чхавэ́скэ ваш Давидóскэ, Мирé писхарýскэ, и ваш Ерусалимо, савó Мэ выкэ́дыём.” ¹⁴ И газды́я Рай Дэвэл вэ́ргос (врогос) пэ Соломо́ностэ, Адэ́рос Идумея́нинос, кра́ли́скирэ-Идуме́йсконэ родóстыр. ¹⁵ Кéли Давíдо сыс дрэ Идуме́я, и халадэ́нгиро барыды́ро Иоáво явдý, соб (кай) тэ гаравэл замардэн манушэ́н, и замардý сарэ́н му́ршэ́н дрэ Идуме́я, ¹⁶ пал-дова́ со шов чхонá дживдý одóй Иоáво и сарé Израилéты́ни, пака замардé сарé му́ршэ́н дрэ Идуме́я, ¹⁷ то тэды дава́ Адэ́ро настý дро Егíпто и лэ́са вари-ки́цы́ Идуме́янэн, савé дына́риндлэ́ лэскирэ дадэ́скэ; Адэ́ро тэды сыс тыкно́ чхаворó. ¹⁸ Гии криг Мадиа́мо́стыр, ёнэ́ явнэ́ дро Фарано́ и лы́нэ пэ́са манушэ́н фарано́стыр, и явнэ́ дро Егíпто кэ́ фарао́но, кра́ли Египто́скиро. Ёв ды́я лэ́скэ кхэр, и ды́я лэ́скэ ловé, и ды́я лэ́скэ пхув. ¹⁹ Адэ́ро дорэ́сцý фарао́но́стыр бари ла́ска, адýкэ со ёв ды́я лэ́скэ дрэ ромнý (ромнýтэ) и пэскирэ ромня́кирэ пхэ́нý, кра́лица́кирэ-Тахпенеса́кирýя пхэ́нý. ²⁰ И бия́ндý лэ́скэ пхэн Тахпенеса́кири чхавэ́с Генуватос. Тахпенеса́ барýякирдý лэс дрэ фарао́но́скиро кхэр; и дживдý Генувато́ дрэ фарао́но́скиро кхэр кхэ́танэ́ фарао́но́скирэ чхавэ́нца. ²¹ Кéли Адэ́ро шундý, со Давíдо мы́я и гарадо́ пэскирэ дадэ́нца и со халадэ́нгиро барыды́ро Иоáво мы́я, тэды пхэндý фарао́но́скэ: “Отмэ́к ман; мэ́ джа́ва пэ́скири пхув.” ²² И пхэндý лэ́скэ фарао́но: “Нау́што тýtэ исын трéбима́ дрэ вари-со ма́ндэ, со ту камéса тэ джас пэ́скири пхув?” Ёв отпхэндý: “Над, нэ́ отмэ́к ман.” ²³ И газды́я Дэвэл проти́ Соломо́ностэ ишчо́ (инкэ́) вэ́ргос, Разо́нос, Елиа́даскирэ́ чхавэ́с, савó настý пэскирэ кра́ли́стыр Адраа́заростыр, Сува́кирэ кра́ли́стыр. ²⁴ И ёв скэ́дыя́ тру́сцýл пэ́стэ́ манушэ́н, яцý барыды́рэса́ пэ дава́ ско́по, палó (после) дова́, сыр Давíдо розмардý Адраа́зарос; и гинé ёнэ́ дро Дамáско, и дживдé одóй, и хула́индлэ́ дро Дамáско. ²⁵ И сыс ёв вэ́ргоса́ Израилё́скэ́ пака сыс джидó Соломо́но. Апри́ч хо́лы, савí кэрдý Адэ́ро, ёв уса́ды (сак) кэрдý фуипэн Израилё́скэ́ и яцý кра́ли́са дрэ Си́рия. ²⁶ И Еровоáмо, Навато́скиро чхавó, Ефре́мля́нино Царедатýр, – лав лэ́скирэ́ да́кирэ-удова́киро – Це́руа, писха́ри Соломо́но́скиро, газды́я васт пэ́ кра́ли́стэ. ²⁷ И га́да, вы́гíя, со́скэ́ ёв газды́я васт пэ́ кра́ли́стэ: Соломо́но кэрдý Мило, чы́ниндý домардé ва́нты дрэ фо́ро Давидóскиро, пэскирэ дадэ́скиро. ²⁸ Еровоáмо сыс ману́ш му́ршканó. Соломо́но, ды́кхí дава́, со ада́ва́ тэрно́ ману́ш джинéл тэ́ кэрэл рé́ндо, чхудý лэс тэ́ ды́кхэл пал манушэ́ндэ, савé сыс бангé́ тэ́ плэ́скирэн обро́ко Иосифóскирэ́ кхэрэ́стыр. ²⁹ Дрэ долé дывэ́са́ при́гияпэ́ Еровоа́москэ́ тэ́ вы́джáл Ерусалимо́стыр: и стрэ́ниндý лэс пэ́ дром проро́ко́ Ахия, Си́ломля́нино, и пэ́ лэ́стэ́ сыс нэ́ви́ íдя. Пэ́ фэ́лда́ ёнэ́ сыс дуйджинé. ³⁰ И лы́я Ахия́ нэ́ви́ íдя, савí сыс пэ́ лэ́стэ́, и роску́стя́ ла пэ́ дэшудýй па́ша. ³¹ И пхэндý Еровоа́москэ́: “Лэ́ пэ́скэ́ дэш па́ша; пал-дова́ со адýкэ́ ра́кирэ́ла Рай Дэвэл, Дэвэл Израилё́скиро: ‘Га́да, Мэ отлава кра́липэн Соломо́но́скирэ́ вастэ́стыр и дава́ тýкэ́ дэш ро́дыцы. ³² А екх ро́дыцо́ ячэ́лапэ́ пал лэ́стэ́ ваш Мирé́ писхарýскэ́ Давидó́стэ́ и ваш фо́ро Ерусалимо, савó Мэ выкэ́дыём сарé́ Израилё́скирэ́ роды́цэндýр. ³³ Дава́ пал дова́, со ёнэ́ я́чкирдé́ Ман, и лы́нэ́ тэ́ мангэ́нпэ́ Астартакэ́, дэвлыткимакэ́ Сидонско́накэ́, и Ха́мососкэ́, дэвлорé́скэ́ Моавитоскирэ́скэ́, и Милхомоскэ́, дэвлорé́скэ́ Амонитоскирэ́скэ́, и ёнэ́ на гинé́ Мирé́

дромэнца, соб (кай) тэ кэрэн лачхипэн ангил якхэ Мирэ и тэ раххэс упхэныбэнэ Мирэ и припхэныбэнэ Мирэ, сыр Давыдо, лэскиро дад. ³⁴ Мэ на лава саро кралипэн лэскирэ вастэстыр; нэ Мэ ячкирава лэс тхагариса, пака ёв явэла тэ дживэл ваш Давидоскэ, писхарискэ Мирэскэ, савэс Мэ выкэдыём, саво раххэ Мирэ припхэныбэнэ и упхэныбэнэ Мирэ. ³⁵ Нэ Мэ лава кралипэн лэскирэ-чхавэскирэ вастэстыр, и Мэ дава түкэ лэстыр дэш рёдыцы. ³⁶ А чхавэскэ лэскирэскэ екх рёдыцо, соб (кай) тэ ячэлпэ момолытко (светильнико) Давидоскиро, Мирэ писхарискирэ, дро саро джиббэн ангил Мандэ, дро форо Ерусалимо, саво Мэ выкэдыём Пэскэ, соб (кай) тэ явэл одой лав Миро. ³⁷ Тут Мэ выкэдава, и ту явэса тэ кралинэс пэ саро, со закамэла ди тырй, и ту явэса крáli пэ Израилё. ³⁸ И коли ту явэса тэ раххэс саро, со Мэ пхэнава түкэ, и явэса тэ псирэс Мирэ дромэнца, рахх и упхэныбэнэ Мирэ и припхэныбэнэ Мирэ, сыр кэрдя Миро писхари Давыдо, тэды Мэ явава түса и кэрава түкэ кхэр твардо, сыр Мэ кэрдём Давидоскэ, и отдава түкэ Израилё. ³⁹ И чхувава тэлэ Мэ родо Давидоскиро пал дава, нэ на пэ сарэ дывэса. ⁴⁰ Соломоно камдя тэ замарэл Еровоамос; нэ Еровоамо уштыя и настя дро Египто кэ Сусакимо [Шышако-ю.о.], Египтоскиро крáli, и дживдя кэ Египто кэ Соломоноскиро мэрибэн. ⁴¹ Явир кэрибэна Соломоноскирэ и саро, со ёв кэрдя, и годы лэскири исын чхиндлэ дрэ лылварй пал рэнды (дэлы) Соломоноскирэ. ⁴² Соломоно кралиндя дро Ерусалимо штардэша бэрш. ⁴³ И мыя Соломоно и сыс гарадо пэскирэ дадэнца дро форо Давидоскиро, пэскирэ-дадэскиро, и яця крáli (кралыса) пэ штэто лэскиро, чхаво лэскиро, Ровоамо.

Шэрó 12

¹ И гия Ровоамо дро Сихемо, пал-дова со дро Сихемо явнэ сарэ Израильтяни, соб (кай) тэ чхувэн лэс кралыса. ² И шундя пал дова Еровоамо, Наватоскиро чхаво, кели сыс дрэ Египто, карик настя кралыстыр Соломоностыр, и рисия Еровоамо Египтостыр. ³ И бичхадэ пал лэстэ, и кхардэ лэс. Тэды Еровоамо и саро Израильтянгиро скэдыибэн явнэ, и ракирдэ Ровоамоскэ, и пхэндлэ: ⁴ “Дад тыро чхудя пэ амэндэ пхарй буты, ту аканэ кэр локхэдыр амэнгэ тырэ дадэскири пхарй буты, савй ёв чхудя пэ амэндэ, и тэды амэ яваса тэ дынаринас түкэ. ⁵ И пхэндя ёв лэнгэ: “Джан и пирдал трин дывэса нэвэстыр (нэвэс) явэн кэ мэ.” И гинэ мануша. ⁶ Крáli Ровоамо лыя годыпэн (радиндяпэ) годэ пхурэнца, савэ сыс ангил Соломоностэ, лэскирэ дадэстэ, кели ёв сыс джидо, и ракирдя: “Сыр дэна годыпэн (радинэна) тумэ мангэ тэ отпхэнав адалэ манушэнгэ?” ⁷ Ёнэ ракирдэ лэскэ и пхэндлэ: “Кóли ту пэ дава дывэс явэса дынари адалэ манушэнгэ, и годинэса лэнгэ, и явэса тэ ракирэс лэнгэ лачхипэн, тэды ёнэ явэна тырэ писхарьэнца пэ саро джиббэн.” ⁸ Нэ ёв на кандыя рада годэ пхурэндыр, со ёнэ радиндлэ лэскэ; и лыя годыпэн (радиндяпэ) тэрнэ манушэнца, савэ выбаринэ кхэтанэ лэса и савэ сыс тэрдэ ангил лэстэ. ⁹ И пхэндя лэнгэ: “Со тумэ лыя годыпэн (радинэна) мангэ тэ отпхэнав адалэ манушэнгэ, савэ ракирдэ мангэ и пхэндлэ: ‘Кэр локхэдыр амэнгэ буты, савй чхудя пэ амэндэ тыро дад?’” ¹⁰ И ракирдэ лэскэ тэрнэ мануша, савэ выбаринэ кхэтанэ лэса, и пхэндлэ: “Адыкэ пхэн адалэ манушэнгэ, савэ ракирдэ түкэ и пхэндлэ: “Дад тыро чхудя пэ амэндэ пхарй буты, ту кэр локхэдыр амэнгэ”; адыкэ пхэн лэнгэ: миро мезено ангушт исын грубэдыр трушулэндыр мирэ дадэскирэ.” ¹¹ И адыкэ, кóли дад миро зачхувэлэс тумэн тэ кэрэн пхарй буты, тэды мэ кэрава пхарэдыр тумарй буты; миро дад чхувэлэс кáра пэ тумэндэ карбачоса (бичоса), а мэ явава тэ чхував хась (кáра) пэ тумэндэ скорпионэнца.” ¹² Еровоамо и сарэ мануша явнэ кэ Ровоамо пэ трито дывэс, сыр припхэндя крáli, пхэни: “Явэн кэ мэ пэ трито дывэс.” ¹³ И отпхэндя крáli манушэнгэ холямэс, и на кандыя годыпэн (совето) пхурэ манушэндыр, со ёнэ радиндлэ лэскэ. ¹⁴ И ракирдя ёв пир годыпэн (рада) тэрнэ манушэнгири, и пхэндя: “Миро дад чхудя пэ тумэндэ пхарй буты, а мэ кэрава пхарыдыр тумарй буты; миро дад сыс пэ тумэндэ карбачэнца (бичэнца), а мэ явава тэ чхував кáра пэ тумэндэ худя хась (кáра) скорпионэнца.” ¹⁵ И на кандыя крáli манушэн, пал-дова со адыкэ трэиндя тэ явэл Растыр-Дэвлэстыр, соб (кай) тэ сполнинэлпэ лав Лэскиро, саво ракирдя Дэвэл пирдал Ахиястэ Силомляниностэ Еровоамоскэ, Наватоскирэ чхавэскэ. ¹⁶ И дыкхнэ сарэ Израильтяни, со крáli на кандыя лэн. И отпхэндлэ мануша кралыскэ, и

пхэндлэ: “Сави амэнгэ паш дрэ Давидостэ? Нанэ амэнгэ бажын дрэ Есеёскирэ чхавэстэ; пир шатры пэскирэ, Израилё! Аканá исын пэскиро кхэр Давидо!” И розгийпэ Израилё пир пэскирэ шатры. ¹⁷ Екх пэ Израилёскирэ чхавэндэ, савэ дживдэ дрэ Юдэякирэ фóрья, сыс крáli Ровоáмо. ¹⁸ И бичхадя крáli Ровоáмо, Адонирамос, барыдырэс пэ бутярнэндэ; нэ сарэ Израильтяни зачхурдынэ лэс барэнца, и ёв мыя; крáli Ровоáмо сыгэс гия упрэ пэ марибнйтко вурдэн, соб (кай) тэ нашэл дро Ерусалимо. ¹⁹ И отгия Израилё кхэрэстыр Давидоскирэстыр кэ дава дывэс. ²⁰ Кéли шундлэ сарэ Израильтяни, со Еровоáмо рисия, тэды бичхадэ, и кхардэ лэс дрэ скэдыибэн, и чхудэ лэс крали́са пэ сарэ Израильтянэндэ. Пал кхэр Давидоскиро на яцяпэ никонэс, апрíч Юдэякиро и Вениаиноскиро рóдыцы. ²¹ Ровоáмо явдя дро Ерусалимо, скэдыя сарэ кхэрэстыр Юдаскирэстыр и родóстыр Вениаиноскирэстыр шэл охтодэша́ тысёнцы фэдыршонэн халадэн, соб (кай) тэ марэнпэ Израилёскирэ кхэрэса ваш дава́, соб (кай) тэ рискирэс кралипэн Ровоамоскэ, Соломонóскирэ чхавэскэ. ²² И сыс лав Дэвлэскиро кэ Самеё, Дэвлэскиро мануш, и пхэндлэ: ²³ “Пхэн Ровоамоскэ, Соломонóскирэ чхавэскэ, крали́скэ Юдаскирэскэ, и сарэ кхэрэскэ Юдаскирэскэ, и Вениаиноскирэскэ, и явирэн манушэнгэ. ²⁴ Адякэ ракирэла Рай Дэвэл: “На псирэн и на лэнпэ тэ джэн пэ марибэн пшалэнца тумарэнца, Израилёскирэ чхавэнца; рисён кажно (сва́ко) дро пэскиро кхэр, пал-дова́ со Мандыр дава́ сыс.” И кандынэ ёнэ Рáскирэ-Дэвлэскирэ лава́, и гинэ палэ пир Рáскирэ-Дэвлэскиро лав. ²⁵ И кэрдя зоралэдыр Еровоáмо Сихемо пэ бóрга Ефремóскири, и лыя тэ дживэл дрэ лэстэ; одотхыр гия и кэрдя Пенуило. ²⁶ И ракирдя Еровоáмо дро пэскиро ило: “Кралипэн могинэла нэвэстыр тэ пириджал кэ Давидоскиро кхэр.” ²⁷ Кóли адалэ мануша́ явэна тэ псирэн дро Ерусалимо ваш свэнто яныбэн Рáскэ-Дэвлэскэ дро Кхэр Дэвлэскиро, тэды ило далэ манушэнгиро порисёла кэ пэскиро крáli, кэ Ровоáмо, крáli Юдэякиро; и замарэна ёнэ ман, и рисёна кэ Ровоáмо, крáli Юдэякиро. ²⁸ И, лый годыпэн (порадины), крáli кэрдя дуэн сувнакунэн тэрнэ гурувэн и пхэндя манушэнгэ: “На тумэнгэ тэ псирэс дро Ерусалимо; га́да, исын тырэ дэвэла́, Израилё, савэ вылыджинэ тут Египтóскирэ пхувьятыр. ²⁹ И чхудя екхэс дро Вефíлэ, а явирэс дро Дано. ³⁰ И яндя дава́ кэ грэхо; пал-дова́ со мануша́ лынэ тэ псирэн кэ екх лэндыр, адякэ-паць дро Дано. ³¹ И кэрдя ёв мангипнытко штэто пэ вучипэн, и чхудя манушэндыр рашан, савэ на сыс Левиёскирэ чхавэндыр. ³² И кэрдя Еровоáмо свэнко дро охтото́ чхон, пэ дэшупаджто дывэс чхонэскиро, дасаво-паць свэнко, саво сыс дрэ Юдэя, и янэлас свэнта дыибэна́ Дэвлэскэ пэ алтáрэ; дова́-паць кэрдя ёв дро Вефíлэ, соб (кай) тэ янэл свэнто яныбэн тэрнэ гурувэнгэ, савэ кэрдя. И чхудя дро Вефíлэ рашан пэ вучэ штэты, саво кэрдя. ³³ И яндя свэнта дыибэна́ Рáскэ-Дэвлэскэ пэ алтáрэ, саво ёв кэрдя дро Вефíлэ, дрэ дэшупаджто дывэс охтотонэ-чхонэскиро, саво ёв кокорó пэстыр выкэдыя и кэрдя свэнко ваш Израилёскирэ чхавэнгэ, и подгия́ кэ алтáрэ, соб (кай) тэ хачкирэл ароматытка чарья́.

Шэрó 13

¹ И, га́да, Дэвлэскиро мануш явдя́ Юдэятыр пир Рáскирэ-Дэвлэскиро лав дро Вефíлэ, дрэ дова́ часо, сыр Еровоáмо сыс тэрдó пашыл алтáрэ, соб (кай) тэ хачкирэл дрóга смóлы. ² И пхэндя́ кэ алтáрэ Рáскирэ-Дэвлэскиро лав, и пхэндя: “Алтаре! Алтаре! Адякэ ракирэла Рай Дэвэл: Га́да, бияндёла чхаво́ кхэрэскэ Давидоскирэскэ, лав лэскэ явэла́ Иосия, и янэла пэ түтэ дрэ свэнто дыибэн рашан вучэ штэтэндыр, савэ хачкирэна пэ түтэ дрóга смóлы, и манушэнгирэ кокалы́ схачкирэла пэ түтэ. ³ И дыя́ ёв дро дова́ дывэс герты́к (знамэниё), пхэни́: ‘Га́да, исын герты́к одолэскири, со дава́ пхэндя́ Рай Дэвэл: “Га́да, дава́ алтáрэ роспэрэлапэ, и пепло, саво пэ лэстэ, росчхувэлапэ.”’ ⁴ Кéли крáli шундя́ Дэвлэскирэ-манушэскиро лав, саво ёв ракирдя́ кэ алтáрэ дро Вефíлэ, тэды газдыя́ Еровоáмо васт пэскиро алтарёстыр, ракири́: “Лэн лэс.” И кашталыя васт лэскиро, саво ёв чхудя́ пэ лэстэ, и на могиндя́ ёв тэ рискирэл лэс кэ пэ. ⁵ И алтáрэ роспыапэ, и пепло алтарёстыр росчхуа́пэ, пир гэрты́к, сави́ дыя́ Дэвлэскиро мануш лавэса́ Рáскирэ-Дэвлэскирэса. ⁶ И пхэндя́ крáli Дэвлэскирэ манушэскэ: “Ковлякир Рас-Дэвлэс, Дэвлэс тырэс, и мангпэ акана пал мандэ, соб (кай) васт миро могиндя́ тэ рисёл кэ мэ.” И ковялякирдя́ Дэвлэскиро мануш муй Рас-Дэвлэс,

и васт краліскіро рися кэ ёв, и яця, сыр англэдыр. ⁷ И пхэндя крәли Дэвлэскірэ манушэскэ: “Заджа мánца дро кхэр, пириха набут, и мэ дава тукэ почастунко.” ⁸ Нэ мануш Дэвлэскіро пхэндя краліскэ: “Мэк бы ту дэсас мánгэ паш кхэр тырo, мэ на джава туса, и на явава тэ хав марo, и на явава тэ пъяв пани пэ дава штэто. ⁹ Пал-дова со адякэ сыс пхэндлo мánгэ лавэса Рáскірэ-Дэвлэскірэса: “На ха одой марo и на пи пани, и на рисёв долэ дромэса, савэса ту гиян.” ¹⁰ И гия ёв явирэ дромэса, и на гия палэ долэ дромэса, савэса явдя ёв дро Вефíлë. ¹¹ Дро Вефíлë дживдя екх прорóко-пхурo. Чхавo лэскіро явдя и роспхэндя лэскэ сарo, со кэрдя ададывэс Дэвлэскіро мануш дро Вефíлë; и савэ лавá ёв ракирдя краліскэ, исын пирипхэндлэ чхавo лэскірэ дадэскэ. ¹² И пхуцяпэ лэндыр дад лэнгиро: “Савэ дромэса ёв гия?” И сыкадэ чхавo лэскірэ, савэса дромэса гия Дэвлэскіро мануш, савo сыс яви Юдэятыр. ¹³ И пхэндя ёв пэскірэ чхавэнгэ: “Чхувэн тэл зэн мánгэ ослóс.” И чхудэ тэл зэн лэскэ ослóс, и ёв бэсця пэ лэстэ. ¹⁴ И традыя ёв пал Дэвлэскірэ манушэстэ, и латхя лэс, бэшындой тэл дэмбо, и пхэндя лэскэ: “Ци ту сан Дэвлэскіро мануш, савo явдя Юдэятыр?” И пхэндя одова: “Мэ сом.” ¹⁵ И пхэндя лэскэ: “Заджа кэ мэ дро кхэр, и пириха марo.” ¹⁶ Одова пхэндя: “Мэ на мoгинáва тэ рисёвав туса и тэ джав кэ ту; мэ на явава тэ хав марo и на явава тэ пъяв тутэ пани пэ дава штэто. ¹⁷ Пал-дова со Рáскірэ-Дэвлэскірэ лавэса сыс пхэндлo мánгэ: ‘На ха марo и на пи одой пани, и на рисёв долэ дромэса, савэса ту гиян.’” ¹⁸ И пхэндя ёв лэскэ: “И мэ сом прорóко адасавo-паць, сыр ту сан, и Янгóло ракирдя мánгэ Рáскірэ-Дэвлэскірэ лавэса, и пхэндя: ‘Рíскір лэс кэ пэ дро кхэр; мэк ёв тэ похал марo и тэ выпьел пани’”. – Ёв хохадя лэскэ. ¹⁹ И одова рися лэса, и хая марo дрэ лэскіро кхэр, и пия пани. ²⁰ Кéли ёнэ ишчо (инкэ) сыс бэштэ пал скамíнд, Рáскірэ-Дэвлэскіро лав сыс кэ прорóко, савo рискірдя лэс. ²¹ И пхэндя ёв кэ Дэвлэскіро мануш, савo явдя Юдэятыр, и пхэндя: “Адякэ ракирэла Рай-Дэвэл: ‘Пал дова, со ту на кандыян Рáскірэ-Дэвлэскірэ лавá и на рахцян упхэныбэн, савo ракирдя тукэ Рай Дэвэл, Дэвэл тырo. ²² Нэ ту рисян, хаян марo и пиян пани дро дова штэто, пал савo Ёв пхэндя тукэ: На ха марo и на пи пани, – масá тырэ на джа́на дрэ коплица дадэнгири тырэнгири.’” ²³ Палo дова, сыр одова хая марo и пия, ёв чхудя тэл зэн ослóс ваш пророкоскэ, савэс ёв рискірдя. ²⁴ И гия одова. И стрэниндя лэс пэ дром шчэр (лёво), и мулякирдя лэс. И сыс паштo трупo лэскіро, чхурдыно пэ дром; óсло (мега́ри) сыс тэрдo пашыл лэстэ, и шчэр сыс тэрдo пашыл трупo. ²⁵ И, гада, мануша́, савo проджанас мамуй, дыкхнэ трупo, савo сыс чхурдыно пэ дром, и шчэрэс, савo сыс тэрдo пашыл трупo, и гинэ и роспхэндлэ дро фóро, дрэ савo дживдя прорóко-пхурo. ²⁶ Прорóко, савo рискірдя лэс дромэстыр, шундя дава, и пхэндя: “Давá исын одова Дэвлэскіро мануш, савo на кандыя Рáскірэ-Дэвлэскірэ лавá; Рай Дэвэл отдыя лэс шчэрэскэ, савo пхагирдя пэ котэро лэс и мулякирдя лэс, пир Рáскірэ-Дэвлэскіро лав, савo Ёв ракирдя лэскэ.” ²⁷ И пхэндя пэскірэ чхавэнгэ: “Чхувэн тэл зэн мánгэ ослóс.” И ёнэ чхудэ тэл зан ослóс. ²⁸ Ёв гия и латхя лэскіро трупo, савo сыс чхурдыно пэ дром; óсло (мега́ри) и шчэр сыс тэрдэ пашыл трупo; шчэр на хая трупo и на пхагирдя ослóс. ²⁹ И газдыя прорóко трупo Дэвлэскірэ Манушэскіро, и чхудя лэс пэ ослостэ, и лыджия лэс палэ. И гия прорóко-пхурo дрэ пэскіро фóро, соб (кай) тэ обровэл и тэ гаравэл лэс. ³⁰ И чхудя трупo лэскіро дрэ пэскири коплица, и рондя пал лэстэ: “Сыр ту сан, пшал миро!” ³¹ Палo лэскіро гараибэн, ёв пхэндя пэскірэ чхавэнгэ: “Кéли мэ мэра́ва, то гаравэн тумэ ман дрэ коплица, дрэ сави гарадо́ Дэвлэскіро мануш; пашыл кокалы́ лэскірэ чхувэн мирэ кокалы́. ³² Палдава со сполнинэлапэ лав, савo ёв пир упхэныбэн Рáскірэ-Дэвлэскіро пхэндя пал алта́рэ дро Вефíлë и пал сарэ мангипнытка штэты пэ вучипэна́, дрэ Самариякирэ фóрья. ³³ И палo (после) дава, со выгия́, Еровоáмо на гия криг пэскірэ налачхэ дромэстыр, нэ дурыдыр чхувэлас манушэндыр рашан пэ вучипна; кон камдя́, одолэс ёв высвэнцындя, и одова ячэлас рашаса́ пэ вучипна. ³⁴ Давá лыджия́ кхэр Еровоамоскіро кэ грэхo, и кэ хасибэн, и кэ цéло хасибэн лэс пхувьякирэ мóстыр.

Шэрó 14

¹ Дрэ дова́ часо занасвалыя Ави́я, Еровоамоскиро чхаво́. ² И пхэндя́ Еровоа́мо (Иеровоамо) пэскирэ ромнякэ: “Ушты́ и пириурипэ, соб (кай) тэ на галён, со ту сан Еровоамоскири ромны́, и джа́ дро Сило́мо. Одóй исын прорóко Ахия; ёв англэды́р пхэндя́ ма́нгэ, со мэ ява́ва крáli пэ адалэ манушэндэ. ³ И лэ пэса дэш марэ, и марикля, и кхорó (гляко) авгín (мэда), и джа́ кэ ёв: ёв пхэнэ́ла тукэ́, со явэ́ла тэрнэ́ манушэ́са.” ⁴ Ромны́ Еровоамоскири адя́кэ и кэрдя́: ушты́я, гия́ дро Сило́мо и явдя́ дро кхэр Ахияскиро. Ахия на могиндя́ тэ дыкхэл; пал-дова́ со якхá лэскирэ коринэ пхурипнастыр. ⁵ И пхэндя́ Рай Дэвэл Ахияскэ: “Гáда, джа́ла Еровоамоскири ромны́ тэ пхучэлпэ тۇтыр пал пэскирэ чхавэ́стэ, пал-дова́ со ёв исын насвалó; адя́кэ и адя́кэ ра́кир ла́кэ, ёй явэ́ла пириуриды.” ⁶ Ахия шундя́ ла́кирэ-гэрэнгиро ги́ибэн, кели ёй за́гия дро вудáр, и пхэндя́: “Заджа́, Еровоамоскири ромны́; ваш со сыс тукэ́ тэ пириурэспэ? Мэ сом бичхаибнари нала́чхэ (заня́са) звесяса кэ ту. ⁷ Джа́, пхэн Еровоамоскэ: ‘Адя́кэ ра́кирэ́ла Рай Дэвэл, Дэвэл Израилёскиро: ‘Мэ газдыём тут простонэ манушэндýр и чхудём Мирэ́ шэралэ́са пэ Израилёскирэ манушэндэ. ⁸ И отлыём кралипэн Давидóскирэ кхэрэ́стыр, и дыём лэс тукэ́; а ту на сан адасавó, сыр писхáри Мирó Давидó, савó ра́кхця́ при́пхэныбэ́на Мирэ́ и, савó гия́ пал Ма́ндэ сарэ́ пэскирэ илэ́са, кэрдя́ екх лачхипэн ангíл Мирэ́ якхá. ⁹ Ту кэрдя́н фуеды́р сарэ́ндыр, савэ́ сыс англэды́р тۇтыр, и гия́н, и кэрдя́н пэскэ́ явирэ́ дэвлорé и вычхиндлэ́ муя́, соб (кай) тэ росхоля́кирэс Ман; Ман жа ту отчхурды́ян палэ. ¹⁰ Пал-дова́ Мэ яна́ва бй́да пэ кхэр Еровоамоскиро, и муля́кирава Еровоамостэ́ кэ палатунó (последнё́) му́рш, бэшы́бнарис, и кон я́цяпэ́ дрэ́ Израилё́, и вышулава́ва кхэр Еровоамоскиро, сыр вышула́вэна шума́ (мусоро), кэ жу́жыпэн (чы́стота). ¹¹ Кон мэ́рэла́ Еровоамостэ́ дрэ́ фо́ро, одолэ́с схана́ джукэ́ла, а кон мэ́рэла́ пэ́ фэ́лда, одолэ́с до́клоинэ́на чи́рикля́ болы́бна́скирэ; адя́кэ пхэндя́ Рай Дэвэл.’ ¹² Ушты́ и джа́ дро кхэр тыро́; и сыр сы́г гэрóй ты́ры́ шта́вэла (стэ́мпинэ́ла) дрэ́ фо́ро, мэ́рэла́ чхаворó. ¹³ И обровэ́на лэс сарэ́ Израилы́тяни, и гара́вэна лэс; пал-дова́ со ёв исын екх Еровоамостэ́, савó заджа́ла́ дрэ́ ко́пли́ца, адя́кэ сыр дрэ́ лэ́стэ, кхэрэ́стыр Еровоамоскирэ́стыр, латхя́пэ ва́ри-со лачхó ангíл Ра́стэ-Дэ́влэ́стэ, Дэ́влэ́стэ́ Израилё́скирэ́стэ. ¹⁴ И чхувэ́ла Пэ́скэ́ Рай Дэвэл пэ́ Израилё́ кралы́с, савó вы́марэ́ла кхэр Еровоамоскиро дрэ́ дова́-па́ць дывэ́с; и со? А́ж да́ва́ явэ́ла а́канá. ¹⁵ И домарэ́ла Рай Дэвэл Израилё́, и явэ́ла ёв, сыр три́шчына́ (тросни́ко), савы́ тринскирэ́лапэ́ дро па́ни, и вы́традэ́ла Израилы́тянэ́н далэ́ лачхó́ пхувя́тыр, савы́ ды́я да́дэ́нгэ́ лэ́нгирэ́нгэ, и розве́инэ́ла лэ́н пал рэ́ка (лэ́нь), пал-дова́ со ё́нэ кэ́рдэ́ пэ́стэ́ йдо́лы (ка́штунэ́ муя́), хо́лякири Ра́с-Дэ́влэ́с. ¹⁶ И отдэ́ла Рай Дэвэл Израилё́ пал грéхи́ Еровоамоскирэ́, савэ́ ёв ко́корó кэ́рдя́, и савэ́нца́ залы́джия́ дро грéхо́ Израилё́.” ¹⁷ И ушты́я Еровоамоскири ромны́, и гия́, и явдя́ дрэ́ Фи́рца; и сыр пи́ришта́дя (пи́ристэ́мпиндя́) пи́рдáл про́го кхэрэ́скиро, то́ чхаворó́ мы́я. ¹⁸ И гара́дэ́ лэс, и обро́ндлэ́ лэс сарэ́ Израилы́тяни, пи́р Ра́скирэ́-Дэ́влэ́скиро́ лав, савó Ё́в ра́кирдя́ пи́рдáл писха́ристэ́ Пэ́скирэ́стэ, Ахия́стэ́ проро́костэ́. ¹⁹ Явй́р рэ́нды (дэ́лы) Еровоамоскирэ́, сыр ё́в марды́пэ́ и сыр кра́линдя́, исын за́чхиндлэ́ дрэ́ бэ́ршы́тка архы́вы Израилё́скирэ́-кра́льенгирэ́. ²⁰ Еровоа́москирэ́-кра́липпна́скирэ́ дывэ́са́ сыс пэ́ биш тэ́ дуй бэ́рш; и мы́я ё́в пэ́скирэ́ да́дэ́нца, и Нава́то я́ця кра́лы́са, лэ́скиро́ чхаво́, пэ́ штэ́то лэ́скиро. ²¹ О́ Ровоа́мо, Соломо́носкиро́ чхаво́, сыс кра́ли пэ́ Юдэ́я. Шта́рдэ́ша́ екх бэ́рш сыс Ровоа́москэ́, кели ё́в я́ця кра́ли, и дэ́шуэфта́ бэ́рш ё́в сыс кра́ли дро́ Ерусали́мо, дрэ́ фо́ро, савó вы́кэды́я Рай Дэвэл сарэ́ Израилё́скирэ́ роды́щэндýр, соб (кай) тэ́ явэ́л одóй лав Лэ́скиро. Лав лэ́скирэ́-да́киро́ сыс На́ама, Амонитя́нка. ²² И кэ́рдя́ Иуда́ (Ю́да) фуипэ́н ангíл якхá́ Ра́скирэ́-Дэ́влэ́скирэ́, и хо́лякирдэ́ Лэ́с бу́тыр сарэ́́стыр до́лэ́стыр, со кэ́рдэ́ да́да́ лэ́нгирэ́ пэ́скирэ́ грéхэ́нца, савэ́нца́ ё́нэ кэ́рдэ́ грéхо́. ²³ И кэ́рдэ́ ё́нэ пэ́стэ́ вучипэ́на́, и стату́лы, и ма́нгипны́тка штэ́ты (ка́пишчы) пэ́ ка́жно бэ́рги́ца и тэ́л ка́жно гэ́нсто́ кашт. ²⁴ И ла́джакунэ́ рэ́нды сыс адя́кэ́-па́ць пэ́ да́я пхув, и кэ́рдэ́ сарэ́́ ма́гири́пэна́ одолэ́́ манушы́тконэ́-на́цыенгирэ́, савэ́н Рай Дэвэл тра́дыя́ кри́г Израилё́скирэ́ чхавэ́ндыр. ²⁵ Пэ́ па́нджто́ бэ́рш, сыр кра́линдя́ Ровоа́мо, о́ Суса́кимо [Шы́шако-ю.о.], Египто́скиро́ кра́ли, вы́гии пэ́ Ерусали́мо. ²⁶ И за́кэды́я ё́в кучипэ́на́ Ра́скирэ́-Дэ́влэ́скирэ́ Кхэ́рэ́скир и кучипэ́на́ кра́лы́скирэ́ кхэрэ́́стыр, – сарó́ залы́я; залы́я и сарé́ сувна́кунэ́ шчы́ты, савэ́ кэ́рдя́ Соломо́но. ²⁷ И кэ́рдя́ кра́ли Ровоа́мо за́мэ́ст лэ́ндэ́

харкунэ (мédна) шчыты, и отдыя лэн пэ васта барыдырэнгэ пэ раххибнарьендэ, савэ раххнэ загиибэн дро крالیскіро кхэр. ²⁸ Кéли крáli заджалас дро кхэр Рáскірэ Дэвлэскіро, то раххибна́рья лыджинэ лэн, и палó (после) дова́ ёнэ нэвэстыр (нэвэс) лыджанас лэн палэ дрэ коморка раххибнарьэнгири. ²⁹ Яв́ір зан (звесь) пал Ровоамостэ и пал сарó, со ёв кэрдя, исын чхиндлó дрэ бэршы́тка архівы кральёнги́рэ дрэ Юд́эя. ³⁰ Машки́р Ровоамостэ и Еровоамостэ сыс марибэн дрэ сарэ лэнги́рэ джи́ибна́скирэ дывэса́. ³¹ И мы́я Ровоа́мо, и сыс гарадо́ пэскирэ дадэнца дро Давидо́скиро фо́ро. Лав, лэскирэ-да́киро, сыс Наама, Амонитянка. И яця́ крالی́са Авия́, лэскиро чхаво́, пэ штэ́то лэскиро.

Шэро́ 15

¹ Пэ дэшуохтото бэрш, сыр лыя́ тэ кралинэл Еровоа́мо (Иеровоамо), Наватоскиро чхаво́, Авия́ яця́ крáli пэ Юдэякирэндэ. ² Трин бэрш ёв сыс крáli дро Ерусалимо; лав лэскирэ-да́киро сыс Мааха, Авесаломоскири чхай. ³ Ёв псирдя́ дрэ сарэ грэ́хи лэскирэ дадэскирэ, савэ одова́ кэрдя англи́дыр ла́тыр, и ило́ лэскиро на сыс сарэ́са отдыно́ Рáскэ-Дэвлэскэ, лэскирэ Дэвлэскэ, сыр ило́ Давидо́скиро, лэскирэ-дадэскиро. ⁴ Нэ ваш Давидо́скэ Рай Дэвэл, Дэвэл лэскиро, дыя́ лэскэ момолы́тко (свети́льнико) дро Ерусалимо, чхудя́ палó лэстэ крáli чхавэс лэскирэс и зораляки́рдя Ерусалимо. ⁵ Пал-дова́ со Дави́до кэрдя́ лачхипэн анги́л якха́ Рáскірэ-Дэвлэскирэ и ёв на отгия́ сарэ́стыр долэ́стыр, со Ёв раки́рдя лэскэ, дрэ сарэ́ пэскирэ джи́ибна́скирэ дывэса́, апри́ч дова́, со вы́гия Урия́са Хетя́ниноса. ⁶ И марибэн сыс машки́р Ровоамостэ и Еровоамостэ дрэ сарэ́ лэнги́рэ джи́ибна́скирэ дывэса́. ⁷ Яв́ір рэнды́ (дэлы) Авия́скирэ, сарó, со ёв кэрдя, исын зачхиндлэ́ дрэ бэршы́тка архівы кральёнги́рэ пэ Юд́эя. И сыс марибэн машки́р Авия́стэ и Еровоамостэ. ⁸ И мы́я Авия́ и гарадо́ лэс дадэнца лэскирэ́нца дро Давидо́скиро фо́ро. И Аса́ яця́ крáli, лэскиро чхаво́, пэ штэ́то лэскиро. ⁹ Дро бишэнги́ро бэрш, сыр лыя́ тэ кралинэл Еровоа́мо, Израилё́скиро крáli, яця́ тэ кралинэл Аса́ пэ Юдэякирэндэ. ¹⁰ И штардэ́шаекх бэрш ёв сыс крáli дро Ерусалимо. Лав да́кирэ-лэски́рьякиро сыс Ана́ [Маха-ю.о.], чхай Авесаломоскири. ¹¹ О Аса́ кэрдя́ лачхипэн анги́л якха́ Рáскірэ-Дэвлэскирэ, сыр Дави́до, лэскиро дад. ¹² Ёв трады́я криг биладжа́кунэн нэ манушэн пхувья́тыр и вычхурды́я сарэ́ йдолы, савэ кэрдэ́ лэскирэ дада́. ¹³ И адя́кэ-паць даты́р пэски́рьятыр, Анаты́р, ёв отлы́я кхари́бэн (титу́ло) кра́лицакиро пал дова́, со ёй кэрдя́ вычхиндло́ муй Астартакіро. И росчинги́рдя Аса́ вычхиндло́ муй ла́киро, и хачки́рдя лэс пашы́л сы́гно рэ́кица (лэно́ри) Ке́дроно. ¹⁴ Вучипэ́на на сыс пха́гирдэ́. Нэ ило́ Аса́скиро сыс отдыно́ Рáскэ-Дэвлэскэ дрэ сарэ́ лэскирэ джи́ибна́скирэ дывэса́. ¹⁵ И яндя́ ёв дро Кхэр Рáскірэ-Дэвлэскиро предме́ты и кхорэ́, савэ сыс обсвэнцы́ндэ лэскирэ дадэ́са, и предме́ты, савэ ёв обсвэнцы́ндя: руп, и сувнака́й, и кхорэ́. ¹⁶ И марибэн сыс машки́р Асастэ́ и Ваасастэ́, кра́ли́стэ Израилё́сконэ́стэ, дрэ сарэ́ дывэса́ лэнги́рэ. ¹⁷ И вы́гия Вааса́, крáli Израилё́скиро, проти́ Юдэ́я, и лыя́ тэ кэрэл Ра́ма, соб (кай) никон́ тэ на вы́джал и тэ на заджа́л кэ́ Аса́, крáli Юдэ́якиро. ¹⁸ И лыя́ Аса́ сарó руп и сувнака́й, саво́ сыс ячки́рдо дрэ пираля́ кучипна́скирэ дро Кхэр Рáскірэ-Дэвлэскиро, и дыя́ лэс дрэ васта́ дына́рьэнгэ пэскирэ́нгэ, и бичхадя́ лэн крáli Аса́ кэ Венада́до, чхаво́ Тавримоно́скиро, чхаво́ Хе́зионо́скиро, крáli Си́рийкиро, саво́ дживдя́ кэ́ Дамаско́, и пхэ́ндя: ¹⁹ “Дораки́рибэн (сою́зо) мэ́к тэ явэл машки́р ма́ндэ и машки́р ту́тэ, сыр сыс машки́р дадэ́стэ ми́рэстэ и машки́р ты́рэ дадэ́стэ; га́да, мэ́ бичхава́ва ту́кэ дро да́ро руп и сувнака́й; роскуш́ дораки́рибэн ты́ро Ваасаса́, крáli Израилё́скирэ́са, соб (кай) ёв тэ́ отджа́л ма́ндыр.” ²⁰ И канды́я Венада́до кра́ли́с Асас, и бичхадя́ пэскирэ́ халадэнги́рэ барыды́рэн проти́ Израилё́скирэ́ фо́рья, и розмардя́ Аино́ и Дано́, и Авел-Беф-Мааха́, и сарó Ки́нерофо́, пир са́ри пхув Не́фали́мско. ²¹ Сы́р шундя́ пал дава́ Вааса́, то пи́рияця́ тэ кэрэл Ра́ма и риси́я дрэ Фи́рца. ²² Кра́ли Аса́ кхардя́ сарэ́н Юдэ́якирэ́н, никонэ́с на про́ме́ки, и вы́лыджинэ́ ёнэ́ Раматы́р бара́ и вэ́ша, савэ́ Вааса́ мэ́кця́ тэ́ чхувэл́ кхэ́ра. И кэрдя́ лэ́ндыр кра́ли Аса́ Ги́ва Вениа́миноски́ри и Ми́цпа. ²³ Сарэ́ яв́ір рэнды́ (дэлы) Асаски́рэ, и сарэ́ славу́тна рэнды́ (подви́ги) лэскирэ́, и сарó, со ёв кэрдя́, и фо́рья, савэ́ ёв кэрдя́, исын зачхиндлэ́ дрэ бэршы́тка архівы кральёнги́рэ Юдэ́ятыр, апри́ч дова́, со дро пху́рипэн пэ́скиро ёв сыс насвало́ гэрэ́нца. ²⁴ И мы́я Аса́ и гарадо́ сыс пэ́скирэ дадэ́нца дрэ́

фóро Давидóскиро, пэскирэ дадэскиро. И Иосафáто яцý крáли, чхавó лэскиро, пэ штéто лэскиро. ²⁵ О Навато, чхавó Еровоамоскиро, яцý крáлиса пэ Израилё дро явёр бэрш Асáскиро, Юдэякирэ кралёскиро, и сыс крáли пэ Израилё дуй бэрш. ²⁶ И кэрдý ёв фуипэн ангил якхá Рáскирэ-Дэвлэскирэ, псирдý пэскирэ дадэскирэ дромéса и дрэ грéхи лэскирэ, савэнца одовá залыджия́ Израилё дрэ грéхо. ²⁷ И кэрдý зракирибэн проти лэстэ о Вааса, чхавó Ахиёскиро, кхэрэстыр Исахаронэскирэстыр, и замардý лэс Вааса пашыл Гавафоно Филистимско, кели Навато и сарé Израильтýни обчхувэнас трусцýл Гавафоно. ²⁸ И замардý лэс Вааса пэ трýто бэрш Асáскиро, кралёскиро Юдэякирэскиро, и яцý крáли пэ штéто лэскиро. ²⁹ Кели ёв яцý крáли, то тэды вымардý сарó кхэр Еровоамоскиро, и на ячкирдý ни екх ди Еровоамостыр, пака на замардý лэс, пир лав Рáскирэ-Дэвлэскиро, савó Ёв ракирдý пирдál писхаристэ Пэскирэстэ, Ахиястэ Силомляниностэ. ³⁰ Пал грéхи Еровоамоскирэ, савé ёв кокорó кэрдý, и савэнца лыджия́ дро грéхо Израилё, пал киркипэн, савéса ёв холякирдý Рас-Дэвлэс, Дэвлэс Израилёскирэс. ³¹ Явёр рэндý Наватоскирэ, сарó, со ёв кэрдý, исын зачхиндлэ дрэ бэршы́тка архивы кральёнги́рэ Израилёскирэ. ³² И марибэн сыс машки́р Асастэ и Ваасастэ, кралёстэ Израилёскирэстэ, дрэ сарé дывэсá лэнги́рэ. ³³ Пэ трýто бэрш Асáскиро, сыр кралёс Юдэякирэс, яцý крáли Вааса, чхавó Ахиёскиро, пэ сарé Израильтянэндэ дрэ Фирца, и сыс крáли биш тэ штар бэрш. ³⁴ И кэрдý фуипэн ангил якхá Рáскирэ-Дэвлэскирэ, и псирдý дромéса Еровоамоскирэса и дрэ грéхи лэскирэ, савэнца одовá лыджия́ дро грéхо Израилё.

Шэрó 16

¹ И сыс лав Рáскирэ-Дэвлэскиро кэ Иуё ^[1], чхавó Ананискиро, пал Ваасастэ: ² “Пал довá, со Мэ газдыём тут прахостыр и кэрдём тут Мирé Израилёскирэ манушёнги́рэ шэралэса, ту гия́н дромéса Еровоамоскирэса и лыджия́н дро грéхо Мирé манушён Израильтянён, соб (кай) ёнэ тэ холякирэн Ман грэхэнца пэскирэнца. ³ Ё́ада, Мэ вымарава кхэр Ваасаскиро и кхэр лэскирэ-родоскиро, и кэра́ва кхэрэса лэскирэса довá-паць, со кэрдём Еровоамоскирэ, Наватоскирэ чхавэскирэса. ⁴ Кон мэрэ́ла Ваасастэ дро фóро, одолэс схана джукэла; а кон мэрэ́ла лэстэ пэ фэ́лда, одолэс росклюинэна болыбна́скирэ чирикля́.” ⁵ Явёр рэндý Ваасаскирэ, сарó, со ёв кэрдý, и славутна рэндý лэскирэ исын зачхиндлэ дрэ бэршы́тка архивы Израилёскирэ кральёнги́рэ. ⁶ И мы́я Вааса и гарадо́ сыс пэскирэ дадэнца дрэ Фирца. И Ила яцý крáли, чхавó лэскиро, пэ штéто лэскиро. ⁷ Нэ пирдál Иуёстэ, чхавэстэ Ананискирэстэ, ангил сыс пхэндлó лав Рáскирэ-Дэвлэскиро пал Ваасастэ, и пал кхэр лэскиро, и пал сарó фуипэн, савó ёв кэрдý ангил якхá Рáскирэ-Дэвлэскирэ, холякири Лэс пэскирэ вастэнги́рэ рэндэнца, ёв кэрдý довá-паць со ангил лэстэ кэрдý Еровоамоскири сэм’я (ири́), палсó ёв замардо́ сыс. ⁸ Пэ биш тэ шóвто бэрш Асáскиро, сыр Юдэякиро крáли, яцý кралё́са Ила, чхавó Ваасаскиро, пэ Израилё дрэ Фирца и ёв сыс крáли дуй бэрш. ⁹ И кэрдý проти лэстэ зракирибэн дына́ри лэскиро Замвриё, савó сыс барыдырó пэ паш марибнýтка вурдэна́. Кели ёв дрэ Фирца выпия зоралэс дро кхэр Арсоскиро, савó сыс шэритко пэ фелатин дрэ Фирца, ¹⁰ то тэды загия́ Замвриё, и замардý лэс, дрэ биш тэ эфтáто бэрш Асáскиро, Юдэякирэ-кралёскиро, и яцý крáли, пэ штéто лэскиро. ¹¹ Кели ёв яцý крáли и бэстý пэ лэскиро трóно, тэды ёв замардý сарý Ваасаскири сэм’я (ири́), на ячкирдý лэскэ ни екхэ муршэ́с кэ ванта, ни лэскирэ сэмэнцэн, ни лэскирэ малэн. ¹² И замардý Замвриё сарý Ваасаскири сэм’я (ири́), пир лав Рáскирэ-Дэвласкиро, савó Ёв ракирдý пал Ваасастэ пирдál пророкостэ Иуёстэ. ¹³ Пал сарé Ваасаскирэ грéхи и пал Иласкирэ грéхи, лэскирэ чхавэскирэ, савé ёнэ кокорé кэрдé и савэнца лыджинé Израилё дро грéхо, холякири Рас-Дэвлэс, Дэвлэс Израилёскирэс, пэскирэ идолэнца. ¹⁴ Явёр рэндý Илоскирэ, сарé, со ёв кэрдý, исын зачхиндлэ дрэ бэршы́тка архивы Израилёскирэ кральёнги́рэ. ¹⁵ Пэ биш тэ эфтáто бэрш Асáскиро сыр Юдэякиро крáли, яцý кралё́са Замвриё, и сыс крáли эфтá дывэсá дрэ Фирца, кели манушá обчхувэнас трусцýл Гавафоно Филистимиякиро. ¹⁶ Кели манушá шундлэ, со Замвриё кэрдý зракирибэн и мулякирдý кралёс, тэды сарé Израильтýни чхудé кралё́са Амвриёс, халадэнги́рэ барыдырэс, пэ Израилё дрэ довá-паць дывэс, дро стáно. ¹⁷ И отгинó

Амвриё и сарэ Израильтяни лэса Гавафоностыр, и обчхудэ трусцял Фирца. ¹⁸ Кэли дыкхця Замвриё, со форо лыно, загия дрэ андратуны штуба, краліскірэ-кхэрэскири, и захачкирдя пал пэстэ краліскиро кхэр ягаса, и мыя. ¹⁹ Пал пэскирэ грэхи, дро со ёв кэрдя грэхи, сыр ёв кэрдя фуипэн ангил якхя Раскирэ-Дэвлэскирэ, псирдя дромэса Еровоамоскирэса и дрэ грэхи лэскирэ, саво дова кэрдя, соб (кай) тэ залыджал Израилё дро грэхо. ²⁰ Явир рэнды Замвриёскирэ и зракирибэн лэскиро, саво ёв счхудя, исын зачхиндлэ дрэ бэршытка архивы кральёнгирэ Израилёскирэнгирэ. ²¹ Тэды розгинэпэ мануша Израилёскирэ пэ дуй рига: паш мануша сыс тэрдэ пал Фамниёстэ, чхавэстэ Гонафоскирэстэ, соб (кай) тэ чхувэн лэс краліса, а явир паш пал Амвриёстэ. ²² И пирилынэ зор мануша, саво сыс пал Амвриёстэ, пэ манушэндэ, саво сыс пал Фамниёстэ, чхавэстэ Гонафоскирэстэ, и мыя Фамниё, и Амвриё яця крالی. ²³ Пэ трияндатрито бэрш Асаскиро, сыр Юдэякиро краліскиро, яця тэ кралинэл Амвриё пэ Израилё, и кралиндя дэшудуй бэрша. Дрэ Фирца кралиндя ёв шов бэрша. ²⁴ И киндя Амвриё бэрга Семерон Семиrostыр пал дуй таланты рупэса, и лыя ёв тэ чхувэл кхэра, и дыя лав фороскэ, со ёв кэрдя, Самария, пир лав Семиро, конэскири сыс дая бэрга. ²⁵ Нэ Амвриё кэрэлас фуипэн ангил якхя Раскирэ-Дэвлэскирэ, и кэрдя бутыр фуипэн сарэндыр, кон сыс кралья ангил лэстэ. ²⁶ Ёв псирдя Еровоамоскирэ дромэса дро саро, саво сыс чхаво Наватоскиро, и дрэ сарэ грэхи лэскирэ, савэнца одова залыджия дро грэхо Израильтянэн, соб (кай) тэ холякирэс Рас-Дэвлэс, Дэвлэс Израилёскирэс лэскирэ идолэнца. ²⁷ Явир рэнды (дэлы) Амвриёскирэ, саво ёв кэрдя, и муршыпэн, саво ёв сыкадя, исын зачхиндлэ дрэ бэршытка архивы кральёнгирэ Израилёстыр. ²⁸ И гия тэ откхинёл вэчнэс Амвриё пэскирэ дадэнца, и гарадэ лэс дрэ Самария. И лыя тэ кралинэл Ахаво, чхаво лэскиро, пэ штэто лэскиро. ²⁹ О Ахаво, чхаво Амвриёскиро, лыя тэ кралинэл пэ Израилё, сыр сыс трияндаохтото бэрш, кэли лыя тэ кралинэл Асэ пэ Юдэя, и Ахаво кралиндя пэ Израилё дрэ Самария биш тэ дуй бэрша. ³⁰ И кэрдя Ахаво фуипэн ангил якхя Раскирэ-Дэвлэскирэ бутыр сарэндыр, саво сыс ангил лэндэ. ³¹ Лэскэ на ухтылэлас (сыс надоси) дова, со ёв пия дрэ грэхи Еровоамоскирэ, кон сыс чхаво Наватоскиро, а ёв ишчо (инкэ) лыя Езавель дрэ ромнятэ, чха Ефваалоскирья, кон сыс крالی Сидоноскиро, и ёв лыя тэ дынаринэл Ваалоскэ и тэ дэл патыв лэскэ. ³² И чхудя ёв алтарё Ваалоскэ пэ мангипнытко штэто Ваалоскэ, саво ёв газдыя дрэ Самария. ³³ И кэрдя Ахаво дэмбитко вэшоро (Астартэ), и бутыр сарэндыр кральёндыр Израилёстыр, саво сыс ангил лэстэ Ахаво кэрдя дова, соса ёв холякирэлас Рас-Дэвлэс, Дэвлэс Израилёскирэс. ³⁴ Дрэ лэскирэ дывэса Ахиило Вефилянино зачхудя Ерихоно: пэ пэскирэ Пэrvонэстэ Авирамостэ ёв чхудя фундаменто, и пэ пэскирэ тэрнэдыршонэ чхавэстэ, Сегубастэ, ёв зачхудя фороскири порта, пир лав Раскирэ-Дэвлэскиро, саво Ёв выпхэндя пирдал Исусостэ, чхавэстэ Навиноскирэстэ.

16:1 ^[1] Дро Юдытко оригинало пхэнэлпэ “Егу”

Шэро 17

¹ И пхэндя Илия Фесвитянино, екх манушэндыр, саво дживдэ кэ Галаадо, Ахавоскэ: “Тэ явэл джидо Рай Дэвлэ, Дэвлэ Изра-илёскиро, ангил Савэстэ мэ сом тэрдэ! Дрэ далэ бэрша на явэла ни пахлын (роса), ни брышынд, коли фэни (тока) явэла пир миро лав” ² И сыс лав лэскэ Растыр-Дэвлэстыр: ³ “Джа адатхыр, и рисёв пэ чачи риг (вастоко), и гарадэв пашыл сыгно рэкица (лэнорі) Хорафо, со исын мамуй Иордано. ⁴ Далэ сыгнонэ рэкицатыр (лэнорьятыр) ту явэса тэ пьёс, а коракэнгэ (воронэнгэ) Мэ припхэнава, соб (кай) ёнэ тэ чалякирэн тут одой.” ⁵ И гия ёв, и кэрдя пир лав Раскирэ-Дэвлэскиро; гия одорик и яцяпэ пашыл сыгно рэкица (лэнорі) Хорафо, со исын мамуй Иордано. ⁶ И кораки янэнас лэскэ маро и мас злокоса (ранкоса), и маро и мас бельвеляса, а пия ёв сыгнонэ рэкицатыр (лэнорьятыр). ⁷ Палó вари-саво часо, дая сыгно рэкица (лэнорі) вышутия, пал-дова со на сыс брышынд пэ пхув. ⁸ И сыс лэскэ лав Раскирэ-Дэвлэскиро: ⁹ “Джа дрэ Сирепта Сидоноскири, и ячпэ одой. Мэ припхэндём джувлякэ ўдовакэ (пивлякэ) тэ чалякирэл тут”

¹⁰ И уштыя ёв, и гия дрэ Сарепта: и сыр ёв явдя кэ порта фороскири, акэ, одой э джувлы пивлы кэдэлас кашта. И кхардя ёв ла кэ пэ, и пхэндя: “Дэ мангэ набут пани тэ пыв кхорэстыр.” ¹¹ И гия ёй, соб (кай) тэ лэл: а ёв дыя гóдла пал латэ, и пхэндя: “Дэ мангэ и котэр марó дрэ васта тырэ.” ¹² И пхэндя ёй “Тэ дживэл Рай Дэвэл, Дэвэл миро пэ веки! – мандэ нанэ ни пресно мариклы, а фони бурнык (жменя) яржó дрэ бэрица (бóчкица) и набут ксил дро кхорó: и, акэ, мэ скэдава набут кашта, и мэ джава, и мэ спэкава дава ваш пэскэ, и ваш мирé чхавэскэ: амэ хаса дава и мэраса.” ¹³ И пхэндя Илия лакэ: “На дар, джа, кэр, со ту пхэндян; нэ ангил кэр набари пресно мариклы ваш мангэ и ян мангэ; нэ ваш пэскэ и ваш тырэ чхавэскэ кэрэса коригэдыр (позжэ).” ¹⁴ Пал-дова со адякэ пхэндя Рай-Дэвэл, Дэвэл Израилёскиро: “Яржó дро бэрица (бóчкица) на кончынэлапэ, и ксил дро кхорó на тыкнёла ангил дова дывэс, кели Рай Дэвэл дэла брышынд пэ пхув.” ¹⁵ И гия ёй и кэрдя адякэ, сыр пхэндя о Илия, и чалякирдыпэ ёй, и ёв, и кхэр лакиро пэ вари-савó часо. ¹⁶ Яржó дро бэрица на кончынэласпэ, и ксил дрэ кхорó на тыкнёла пир лав Рáскирэ-Дэвлэскиро, савó Ёв пхэндя пирдал Илиястэ. ¹⁷ Палó дова занасвалыя чхавó адаля-джувлякиро, кон сыс хуланы пэ дава Кхэр, и насвалыпэн сыс древán пхарó, со на сыс дыхо лэстыр. ¹⁸ И пхэндя ёй Илияскэ: “Со тукэ кэ мэ, мануш Дэвлэскиро? Ту явдян, соб (кай) тэ пририпирэс мирé грéхи и тэ мулякирэс мирé чхавэс?” ¹⁹ И пхэндя ёв лакэ: “Дэ мангэ трэ чхавэс.” И лыя ёв лакирэ ангалытыр, и лыджия лэс дро штуба упрал, кай ёв дживдя, и чхудя лэс пэ лэскири пасиндлы. ²⁰ И кхардя зоралэс Рас-Дэвлэс, и пхэндя: “Раё, Дэвла миро! Наушто Ту и пивлякэ, кэ сави мэ дживава, кэрэса фуипэн, и мулякирэса чхавэс лакирэс?” ²¹ И ёв выдиндия пэс пэ биятостэ трин мóлы, и кхарэлас зоралэс Рас-Дэвлэс, и ракирэлас: “Раё Дэвла, Дэвла миро! Рýскир палэ ди далé биятоскиро дрэ лэстэ.” ²² И шундя Рай Дэвэл зан Илияскири, и рисия палэ ди далé биятоскиро дрэ лэстэ, и ёв отджидыя. ²³ И лыя Илия биятос, и лыджия палэ лэс кэ дай штубатыр дро кхэр, и отдыя лэс лэскирэ дакэ, и пхэндя Илия: “Дыхх, тырó чхавó исын джидó.” ²⁴ И адая джувлы пхэндя Илияскэ: “Аканá мэ лыём тэ джинав, со ту сан мануш Дэвлэскиро, и со лав Рáскиро-Дэвлэскиро исын чачунó дрэ муй.”

Шэрó 18

¹ И сыс адякэ: сыр накхлэ (прогинэ) бут дывэса, то сыс лав Рáскирэ-Дэвлэскиро Илияскэ пэ трито бэрш: “Джа, сыкадэв Ахавоскэ, и Мэ дава брышынд пэ пхув.” ² И гия Илия, соб (кай) тэ сыкадёл Ахавоскэ. Сыс древán бари бокх дрэ Самáрия. ³ И кхардя Ахавó Авдияс, савó сыс шэралó кхэратуно пэ бари фелатин (колов). О Авдия сыс мануш, савó дарандыя древán Рáстыр-Дэвлэстыр. ⁴ Акэ, кели э Езавэль хасякирэлас пророкэн, Раскирэн-Дэвлэскирэн, то Авдия лыя шэл пророкэн, и гаравэлас лэн, пир пандждэша манушэн, дрэ гебарá (пешчэры), и ёв чалякирэлас лэн марэса и панэса. ⁵ И пхэндя Ахавó Авдияскэ: “Джа пир пхувья кэ сарé ганынгорья панескирэ, и кэ сарé сыгна рэкицы пэ пхув, одой, амэ сашты тэ латхас чар тэ хахавас (корминас) грэн и лошакэн, и, соб (кай) тэ на зачхинас кхэритконé мурдалэн (ското).” ⁶ И ёнэ роскэрдэ пхув машкир пэстэ, соб (кай) тэ обджан ла: Ахавó гия кокорó екхэ дромэса, и Авдия кокорó гия явирэ дромэса. ⁷ Кели Авдия джалас дромэса, гада, лэскэ муй кэ муй джала Илия. Ёв галыя лэс, пыя пэскирэ мóса, и пхэндя: “Ци дава ту сан, миро раё, Илия.” ⁸ Одова пхэндя лэскэ: “Мэ сом, джа, пхэн тырэ рáскэ: Илия исын адай.” ⁹ Ёв пхэндя: “Дрэ со мэ сом бангó, со ту отдэса тырэ писхарис дрэ васта Ахавоскэ, соб (кай) тэ мулякирэл ман? ¹⁰ “Тэ, дживэл пэ веки Рай Дэвэл, тырó Дэвэл! Нанэ ни екх народо, и ни екх кралипэн, карик бичхавэлас ман рай миро тэ родэл тут: и, кели лэскэ ракирдэ, со нанэ тут, то ёв лэлас совлах долэ кралипнастыр и родóстыр, соб (кай) тэ на дэн рада тэ латхэн тут. ¹¹ И ту аканá ракирэса: “Джа, пхэн пэскирэ рáскэ, Илия исын адай.” ¹² Сыр мэ джава тóтыр, тэды Дýхо (Фáно), Рáскирэ-Дэвлэскиро, лыджала криг тут, мэ на джинóm, карик; и коли мэ джава тэ пхэнав Ахавоскэ, и ёв на латхэла тут, то ёв замарэла ман; нэ писхари тырó дарэла Рáстыр-Дэвлэстыр тэрнэ бэршэндыр. ¹³ Ци на сыс пхэндлó мирé рáскэ, со мэ кэравас, кели Езавэль мулякирэлас пророкэн Раскирэн-Дэвлэскирэн, сыр мэ гарадём шэл тэ пандждэша пророкэн Раскирэн-Дэвлэскирэн, пир пандждэша мануша, дрэ гебарá (пешчэры), и мэ чалякиравас

лэн марэса и панэса? ¹⁴ А ту аканá ракирэса: “Джá, пхэн тырэ рáскэ: ‘Или́я исын ада́й;’ ёв мулякирэла ман!” ¹⁵ И пхэндя́ Или́я: “Тэ дживэ́л пэ ве́ки Рай-Дэвэ́л, болыбна́скиро-янголэнгиро, ангил Саво́стэ мэ сом тэрдó! Ададывэ́с мэ сыкава́ва пэс лэскэ.” ¹⁶ И гия́ Авдия́ тэ пирилэл Ахавос, и пхэндя́ лэскэ. И гия́ Аха́во тэ дыкхэлпэ муй кэ муй Или́яса. ¹⁷ Кéли о Аха́во дыкхця́ лэс, Или́яс, то ёв пхэндя́: “Ци на сан дава́ кхэр ту, кон кэрэ́ла пхарипэ́н Израилё́скэ.” ¹⁸ И отпхэндя́ Или́я: “Мэ на кэра́ва пхарипэ́н Израилё́скэ; нэ дава́ ту, и тырэ-дадэ́скиро кхэр кэрэ́на дава́ далэ́са, со тумэ́ мэкнэ́ припхэ́ныбэ́на Рáскирэ-Дэвлэ́скирэ и джа́на пал Ваало́. ¹⁹ Аканá, бичхáв, и кэдэ́ кхэтанэ́ пэ бэ́рга Кармило́ сарó Израилё́, и штáршэ́лá пандждэ́шá пророкэ́н Ваалоскирэ́н, и штáршэ́лá пророкэ́н, саво́ чалякирэ́напэ́ Езавеля́кирэ́ скаминдэ́стыр.” ²⁰ И бичхадя́ Аха́во зан (звесь) сарэ́ чхавэ́нгэ́ Израилё́стыр, и кэды́я кхэтанэ́ сарэ́ пророкэ́н пэ бэ́рга Кармило́. ²¹ И тэды́ подгíя кэ сарэ́ манушá и пхэндя́: “Ци гарá (длугэ́с) тумэ́ явэ́на тэ ланган пэ́ дуй гэрá? Кóли Рай Дэвэ́л (Яхвá) исын Дэвэ́л, то джа́н палáл пал Лэ́стэ, нэ кóли Ваало́, то джа́н палáл пал лэ́стэ.” ²² И пхэндя́ Или́я народоскэ́: “Мэ екхд́жинó яцём́пэ́ прорóко Рáскирэ-Дэвлэ́скиро; а исын штáршэ́лá пандждэ́шá пророкэ́н Ваалоскирэ́н. ²³ Мэк тэ́ дэн амóнгэ́ дуэ́н гуруворэ́н, и мэк ё́нэ тэ́ выкэдэ́н пэ́скэ́ екхэ́ гуруворэ́с, и мэк тэ́ росчингирэ́н лэс, и мэк тэ́ чхувэ́н лэс пэ́ каштá, нэ мэк тэ́ на подчхувэ́н яг тэлэ́; нэ мэ́ пригoтовина́ва явирэ́ гуруворэ́с, и чхува́ва лэс пэ́ каштá, нэ мэ́ на ява́ва тэ́ подчхува́в яг тэлэ́. ²⁴ И кхарэ́н тумэ́ лав тумарэ́́ дэвлорэ́скиро, а мэ́ кхарáва лав Рáскирэ-Дэвлэ́скиро, мирэ́́ Дэвлэ́скиро. Одо́ва́ исын Дэвэ́л, Савó отпхэ́нэ́ла ягáса.” И отпхэндлэ́ сарэ́ манушá и пхэндлэ́: “Миштó.” ²⁵ И пхэндя́ Или́я пророкэ́нгэ́ ваш Ваало́: “Выкэдэ́н пэ́скэ́ екхэ́ гуруворэ́с и янэ́н лэс сыр свéнто дыибэ́н ангил, пал-до́ва́ со тумэ́ сан бут; и кхарэ́н лав тумарэ́́ дэвлорэ́скиро, нэ на подчхувэ́н яг тэлэ́. ²⁶ И ё́нэ лы́нэ́ гуруворэ́с, савó сыс дыно́́ лэ́нгэ́, и яндлэ́́ лэс дро́́ свéнто дыибэ́н, и кхарэ́нас лав Ваалоскиро́́ злокосты́р (ранкосты́р) кэ́ пашдывэ́с, ракири́: “Ваале́, шун амэ́н!” ²⁷ Нэ́ на сыс ни зан (глос), ни отпхэ́ныбэ́н. И ё́нэ ухтэ́нас пашы́л алтáрэ́́ (жэ́ртвенико́), савó ё́нэ кэ́рдэ́. Дрэ́ пашдывэ́с Или́я лы́я тэ́ салпэ́́ лэ́ндыр, и ё́в ракирдя́́: “Дэн гóдла зоралэ́с, пал-до́ва́ со ё́в исын дэ́влоро; ё́в, хай, задуминдя́́пэ́, ци ё́в исын залы́мо вари-сóса, ци ё́в исын дрэ́́ дром, а сашты́́ тэ́ явэ́л, со ё́в исын сутó, адя́кэ́ ё́в джангадэ́́ла.” ²⁸ И ячнэ́́ ё́нэ тэ́́ дэн гóдла зоралэ́с, и пхусавэ́́нас ё́нэ пэ́с, пир лэ́нгири манера́́, чхурьенца́́ и чхурды́бнытконэ́́ бустенца́́ адя́кэ́, со рат тхадэ́́лас пир лэ́ндэ́. ²⁹ И явдя́́ пашдывэ́с, нэ́ ё́нэ уса́́ ишчо́́ (инкэ́́) ангилпхэ́́нэ́нас бигодя́́кирэ́с аж кэ́́ пора́́, кéли янэ́́нас бэ́львеля́́киро свéнто дыибэ́́н; нэ́ на сыс ни зан, ни отпхэ́́ныбэ́́н, ни шуны́́бэ́́н. ³⁰ Тэды́́ Или́я пхэндя́́ сарэ́́ народоскэ́́: “Явэ́́н пашы́́лэдýр кэ́́ мэ́́.” Адя́́кэ́́ сарэ́́ манушá́́ явнэ́́ кэ́́ ё́в. И ё́в пирикэ́́рдя алтáрэ́́́ Рáскэ́́-Дэвлэ́́скэ́́, савó́́ сыс пхагирдо́́. ³¹ И Или́я лы́я́́ дэшудýй́́ бара́́ пир кицы́́пэн (чы́́сло) пэ́́ кхэ́́рйтка́́ рóды, савó́́ выгинэ́́́ Яковó́́скирэ́́ чхавэ́́ндыр, конэ́́скэ́́ Рай Дэвэ́́л пхэндя́́́ адя́́кэ́́: “Израилё́́́ явэ́́ла лав ты́́ро.” ³² И чхудя́́́ далэ́́́ барэ́́ндыр ё́в алтáрэ́́́ ваш лав Рáскирэ́́-Дэвлэ́́скиро, и вы́́гана́́дя тру́́сця́́л алтáрэ́́́ рово́́ (хохо́́й), барипна́́са дрэ́́́ дуй саты́́́ зя́́рки. ³³ И ё́в чхудя́́́ каштá́́, росчингирдя́́́ гуруворэ́́с, и чхудя́́́ упрэ́́́ лэс пэ́́́ каштá́́, и пхэндя́́́: “Пхэ́́рэн штá́́р вэ́́дры (нэ́́мры) панéса́́́ и чхувэ́́н яв́́ри пани́́́ пэ́́́ цéло́́ схачкири́́бна́́скиро свéнто дыибэ́́́н и пэ́́́ каштá́́” ³⁴ И пхэндя́́́: “Кэ́́рэн да́́ва́ яв́́ри мо́́ло, и ё́́нэ кэ́́рдэ́́́ нэ́́вэ́́стыр (нэ́́вэ́́с) и ё́́в пхэндя́́́: “Кэ́́рэн да́́ва́ трý́то мо́́ло”, и ё́́нэ кэ́́рдэ́́́ трý́то мо́́ло. ³⁵ И пани́́́ тхадя́́́ тру́́сця́́́л (кругом) алтáрэ́́́, и рово́́́ (хохо́́й) пхэ́́рдия́́́ панéса́́́. ³⁶ А кéли́́́ сыс пора́́́ тэ́́́ янэл́́́ бэ́́львеля́́́киро свéнто дыибэ́́́н, явдя́́́ пашы́́́лэдýр Или́́я, свéнто прорó́́ко, и пхэндя́́́: “Раё́́́ Дэ́́вла, Дэ́́вл Авраа́́мо́́скиро, Иса́́ко́́скиро и Израилё́́скиро! Мэк тэ́́́ джинэ́́́н дрэ́́́ да́́ва́ дывэ́́с, со́́́ Ту сан Е́́кх, Дэ́́вл дро́́́ Израилё́́, и со́́́ мэ́́́ сом писха́́́ри Ты́́ро, и со́́́ мэ́́́ кэ́́рдём сарó́́́ пир лав Ты́́ро. ³⁷ Шун ман, Раё́́́ Дэ́́вла, шун ман! Соб (кай) а́́далэ́́́ манушá́́́ мoгинэ́́́нас тэ́́́ джинэ́́́н, со́́́́ Ту, Раё́́́ Дэ́́вла, сан Дэ́́вл, и со́́́́ Ту рискирэ́́́са нэ́́́вэ́́́стыр (нэ́́́вэ́́́с) лэ́́́нгирэ́́́ илэ́́́ палэ́́́ кэ́́́ Ту.” ³⁸ И спы́́́я тэлэ́́́́ яг Рáскирэ́́́-Дэвлэ́́́скири, и по́́́хая́́́ цéло́́́́ схачкири́́́бэ́́́н, и каштá́́́́ и бара́́́́, и пра́́́хо, и на́́́кхадя́́́́ пани́́́́, савó́́́́ сыс дрэ́́́́ рово́́́́ (хохо́́́й). ³⁹ И сыр сарэ́́́́ манушá́́́́ дыкхнэ́́́́ да́́ва́́́́, то ё́́́́нэ́́́́ пы́́́́нэ́́́́ лэ́́́́нгирэ́́́́ мо́́́́са и пхэндлэ́́́́: “Рай Дэ́́вл (Яхвá), Ё́́́́в исын Дэ́́вл, Рай Дэ́́вл (Яхвá) исын Дэ́́вл.” ⁴⁰ И Или́́я пхэндя́́́́ лэ́́́́нгэ́́́́: “Ухты́́́́лэн пророкэ́́́́н Ваалоскирэ́́́́н! На до́́́́мэкэ́́́́н, соб (кай) екх лэ́́́́ндыр тэ́́́́́ нашé́́́́л.” И адя́́́́кэ́́́́ ё́́́́нэ́́́́́ ухты́́́́лдэ́́́́ лэ́́́́н; и о́́́́́ Или́́я лы́́́́джия́́́́́ тэлэ́́́́́ лэ́́́́н кэ́́́́́ сы́́́́́гно́́́́́ рэ́́́́́кица́́́́́ (лэ́́́́́но́́́́́ри) Кисо́́́́но, и ё́́́́́в за́́́́́чхиндя́́́́́ лэ́́́́́н одó́́́́й. ⁴¹ И пхэндя́́́́́ тэды́́́́́ Или́́я Ахавоскэ́́́́́: “Джá, ха, и пи, пал-до́́́́́ва́́́́́ со́́́́́ шундло́́́́́, сыр бры́́́́шы́́́́нд

пэрэла.”⁴² И гия Ахаво тэ хал и тэ пьел, а Илия гия упрэ пэ бэрга Кармило; тэньчи одой ёв бандия кэ пхув, и чхудя пэскиро муй машкир чанга.⁴³ И пхэндя ёв пэскирэ тэрнэ дынарыскэ: “Джа аканá, подыхкэ кэ мórё (дэрьяв).” И одова гия, и дыкхця сыгэс, и пхэндя: “Ничы нанэ.” И пхэндя Илия лэскэ: “Псир одорик кэ эфта мóлы.”⁴⁴ И пэ эфэто мóло тэрнó дынари пхэндя: “Акэ, набарó облоко, дасаво сыр манушýтко бурнык (ладожка).” Илия пхэндя: “Джа, дэ андрэ марибнýтко вурдэн тырó и традэ, соб (кай) тэ на ухтылэл тут брышýнд.”⁴⁵ Пир вари-саво моментó болыбэн яця калó хмарэнца и балваляса, и гия барó брышýнд.⁴⁶ И сыс васт Рáскирэ-Дэвлэскиро пэ Илиястэ. Ёв обпхандя пэскирэ трушула и прастандыя ангил Ахавостэ кэ сáмо Изреелё.

Шэрó 19

¹ И роспхэндя Ахаво Езавелякэ, сарó, со кэрдя о Илия, и адякэ-паць дова, со ёв мулякирдя сарэ пророкэн курталаса. ² И тэды бичхадя э Езавель манушэс тэ пиридэл Илияскэ: “Мэк дова и дова тэ кэрэн мангэ дэвлорэ, коли мэ кэ атася на кэрава тырэ деса дова, со кэрдян ту деса кажнонэса (сваконэса) лэндыр.” ³ Кэли Илия дыкхця дава, то ёв уштыя и гия, соб (кай) тэ раххэл пэскиро джибэн, и ёв явдя дрэ Вирсáвия, сави исын дрэ Юдэя, и мэкця лэскирэ тэрнэ дынарыс одой. ⁴ И гия ёв пэ чхучи пхув пэ цэло дывэс, и явдя, и бэспя тэл вэрэсытко хрúсто. И ёв мангдяпэ Рáскэ-Дэвлэскэ, соб (кай) ёв, тэ мэрэл, и пхэндя: “Ухтылла (дóси) ужэ мангэ, Раё Дэвла, лэ миро джибэн, пал-дова со мэ на сом фэдыр мирэ дадэндыр.”⁵ Тэньчи ёв пасия, и засутя тэл вэрэсытко хрúсто. И, акэ, Янгóло чиладя лэс и пхэндя: “Ушты, ха.”⁶ И Илия дыкхця сыгэс, и, акэ, пашыл лэскиро шэрó, сыс пэкны мариклы, и кхорó панэса. Ёв хая, пия чалэс, и нэвэстыр засутя. ⁷ И Янгóло Рáскирэ-Дэвлэскиро явдя явир мóло, и чиладя лэс и пхэндя: “Ушты, ха; пал-дова со барó дром трэй тэ джас тукэ.”⁸ Адякэ ёв уштыя, и хая, и пия, и сыр ёв хая дова хабэн, то гия штардэша дывэса и штардэша ратя кэ бэрга Дэвлэскири, Хориво. ⁹ И гия ёв дрэ гебар (пешчэра) одой, и ратькирдя одой. И, акэ, сыс лав Рэстыр-Дэвлэстыр лэскэ, и пхэндя лэскэ Рай Дэвэл: “Со кэрэса ту адай, Илия?”¹⁰ Ёв пхэндя: “Захачиём мэ пал Растэ-Дэвлэстэ пал болыбнаскирэ-янгóлэнгирэстэ; пал-дова со чхавэ Израилёскирэ мэкнэ Тырó завето, алтари Тырэ роспахирдэ и замардэ Тырэ пророкэн курталаса; и мэ яцёмпэ екхджинó, нэ ёнэ родэна тэ отлэн миро джибэн.”¹¹ И пхэндя Рай Дэвэл: “Джа ангил и тэрдэв ангил Миро муй. И, акэ, Рай Дэвэл проджала, и бари и зоралы балвал, сави явэла тэ роскушэл бэрги, и сави явэла тэ пхагирэл скалы ангил Растэ-Дэвлэстэ; нэ Рай Дэвэл нанэ дрэ балвал. Палó балвал явэла издраны пхувьякири, нэ Рай Дэвэл нанэ дрэ издраны пхувьякири.”¹² Палó издраны явэла пхувьякири яг, нэ Рай Дэвэл нанэ дрэ яг. Палó яг явэла занори (глосори) балвалякири.”¹³ И сыс адякэ: кэли Илия шундя, то ёв учхакирдя пэскиро муй лэскирэ плашчоса, и выгия, и тэрдия пашыл загибэн дрэ гебар (пешчэра). И сыс сырбы занори (глосори) лэскэ, и пхэндя лэскэ: “Со кэрэса ту адай, Илия?”¹⁴ И пхэндя ёв: “Захачиём мэ пал Растэ-Дэвлэстэ, пал болыбнаскирэ-янгóлэнгирэстэ, пал-дова со чхавэ Израилёскирэ мэкнэ Тырó завето, алтари Тырэ роспахирдэ и замардэ Тырэ пророкэн курталаса; и мэ яцёмпэ екхджинó, нэ ёнэ родэна тэ отлэн миро джибэн.”¹⁵ И пхэндя лэскэ Рай Дэвэл: “Джа палэ пэскирэ дромэса дро Дамаско; и, кэли ту явэса одорик, то помакх Азаилос сыр кралис пэ Сирия.”¹⁶ И ту адякэ-паць помакх Ииуёс, чхавэс Намесиёскирэс сыр кралис пэ Израилё, а Елисеёс, чхавэс Сафатоскирэс Авэл-Мехолатыр, помакх сыр пэ штэто пэскиро. ¹⁷ Кон нашэла Азаилоскирэ курталатыр, одолэс мулякирэла Ииуё, а кон зракхэлапэ Ииуёскирэ курталатыр, одолэс мулякирэла о Елисеё. ¹⁸ Ишчо Мэ ячкирдём машкир Израильтянэндэ эфта тысёнцы мушэн: сарэ далэ кхэритка рóды на пынэ пэ чанга ангил Ваалостэ, и сарэнгирэ ушта лэндыр на чамудэнас лэс.”¹⁹ И дурия ёв одотхыр, и латхя Елисеёс, чхавэс Саватоскирэс, кэли ёв пашындя; лэстэ сыс дэшудуй пары ослэнгирэ тэл гамо, и ишчо (инкэ) пашыл лэстэ сыс дэшудуй пары. ²⁰ И мэкця Елисеё гурувэн, и прастандыя пал Илиястэ, и пхэндя: “Дэ воля мангэ тэ чамудав мирэ дадэс и мирэ да, и мэ джава пал тугэ.” Ёв пхэндя: “Джа и яв палэ, пал-дова со мэ на сом пэ дром тукэ.”²¹ Адякэ Елисеё отгия лэстыр, лыя пара гурувэнгири и зачхиндя лэн, и ёв захачкирдя плуго

гурувэнгиро, спэкця мас лэнгиро, и роздыя манушэнгэ, и ёнэ ханэ. А кокорó уштыя ёв и гия пал Илиястэ, и яця тэ дынаринэл лэскэ.

Шэрó 20

¹ О Венададо, крáli пэ Сирия, скэдыя сарé пэскирэ халадыбэна, и лэса сыс триянда дуй крálья, лэнгирэ грэнца и марибнытконé вурдэнэнца. И гия ёв и обчхудя трусцял халадыбнаса Самáрия, и лыджия марибэн проти латэ. ² И бичхадя ёв послэн кэ Ахáво, крáli пэ Израилё, дро фóро. ³ И пхэндя Венададо: “Адякэ ракирэла Венададо: ‘Руп тырó, и сувнакай тырó-мирé, ромня тырэ и фэдýр чхавé тырэ-мирé.’” ⁴ И отпхэндя крáli пэ Израилё и пхэндя: “Тэ явэл пир лав тырó, раё миро, крáli; мэ и сарó миро исын тырэ.” ⁵ И нэвэс явнэ послы и пхэндлэ: “Адякэ ракирэла Венададо: ‘Мэ бичхадём кэ ту тэ пхэна́в тýкэ: руп тырó, и сувнакай тырó, и ромнен тырэн, и чхавэн отдэ мангэ; ⁶ пал-довá мэ атася кэ давá часо бичхавáва кэ ту мирé писхарьён, соб (кай) ёнэ тэ обдыкхэн тырó кхэр и кхэрá тырэ дынарьёнгирэ, и сарó, со исын шукáр дрэ тырэ якхá, соб (кай) ёнэ тэ лэн дрэ вастá и тэ лыджан тýтыр.’” ⁷ И кхардя кэ пэ крáli пэ Израилё пхурыдырэн пэ пхув, и пхэндя: “Мэ мангáва тумэн, дыкхэн и обдуминэн, сыр ёв придуминэла фуипэн; кели ёв бичхавэлас кэ мэ пал мирé ромнэндэ, и мирé чхавэндэ, и пал миро руп, и пал миро сувнакай, мэ лэскэ на отпхэндём.” ⁸ И пхэндлэ лэскэ, сарé пхурыдырá и сарé манушá: “На кандэ лэн, и на здэпэ пэ лэндэ.” ⁹ И бичхадя ёв палдава лав послэнгэ Венададостыр: “Пхэнэн мирé рáскэ, крали́скэ: ‘Сарó, пал со ту бичхадян дро пэрво мóло, тырэ писхары́скэ мэ сом скэдымо тэ кэрэл, нэ довá мэ нашты́ тэ кэрáв.’” И дурина́ послы и яндлэ отпхэныбэн Венададоскэ. ¹⁰ Тэньчи о Венададо бичхадя лав лэскэ тэ пхэнэл: “Мэк довá и довá тэ кэрэн мангэ дэвлорé, и ишчо (инкэ) бутýр тэ кэрэн, ко́ли ухты́лла (дóси) пра́хо Самариякиро пир бурнык (жменя) ваш сарé манушэнгэ, савé джána пал мэндэ.” ¹¹ Адякэ крáli Израилёскиро отпхэндя и пхэндя: “Пхэнэн лэскэ: ‘Мэк тэ на шарэлпэ одовá, кон подпхандяпэ курталáса сы́рбы довá, кон роспхандя куртáла пэстыр.’” ¹² И сыс адякэ: сыр шундя о Венададо далé лавá, кели ёв пия кхэтанé кральёнца дрэ буды (шатрицы), то пхэндя лэскирэ писхарьёнгэ: “Скэдэнпэ тэ обчхувэн фóро.” И ёнэ обчхудэ фóро халадыбнаса. ¹³ И, акэ, екх прорóко, подгия́ кэ Ахáво, крáli пэ Израилё, и пхэндя: “Адякэ ракирэла Рай Дэвэл: ‘Ту дыкхэса ту дая бари кэ дар банда? Ѓáда, ададывэс Мэ отдáва лэн дрэ васт тырó, соб (кай) ту тэ джинэс, со Мэ сом Рай Дэвэл.’” ¹⁴ И Ахáво пхэндя: “Пирдал конэстэ?” О прорóко отпхэндя: “Пир дынарьэндэ барыдырэндыр пэ провинцыи.” И пхэндя Ахáво: “Кон пэрво джáла пэ марибэн?” Ёв пхэндя: “Ту.” ¹⁵ О Ахáво пиригиндя дынарьён барыдырэнгирэн пэ провинцыи, и выгия́, со сыс лэн дуй шэла́ биш тэ дуй; тэньчи ёв пиригиндя сарó наро́до, сарэн чхавэн Израилёскирэн, эфта́ тысёнцы. ¹⁶ И ёнэ выгинé дрэ пашдывэс. А о Венададо пия кэ матыбэн дрэ шáтры кхэтанé кральёнца, трияндадуе кральёнца, савé помогинэнас лэскэ. ¹⁷ И выгинé пэрва дына́рья барыдырэнгирэ пэ провинцыи. И бичхадя Венададо розгалыбэн (разведка) и пиридынэ лэскэ, со манушá выгинé Самариятыр. ¹⁸ О Венададо пхэндя: “Ко́ли явнэ пал рама́нэ (миро), то ухтылэн лэн джидэнца; и ко́ли пэ мэрибэн, то ухтылэн лэн адякэ-па́ць джидэнца.” ¹⁹ И выгинé дына́рья барыдырэнгирэ провинцыёндыр форо́стыр, и халадыбэн гия́ пал лэндэ. ²⁰ И кажно (сва́ко) лэндýр замарэлас пэскирэ манушэс, и лынэ́ тэ нашэн Сирияни, а Израильтя́ни традынэпэ пал лэндэ. О Венададо, крáli Сирия́киро, зракхця́ пэс пэ грэстэ уклისტэнгирэнца. ²¹ И выгия́ крáli Израилёскиро, и лыя́ грэн и марибны́тка вурдэна́, и ёв зоралэс домардя́ лэн. ²² И подгия́ прорóко кэ крáli Израилёскиро, и пхэндя лэскэ: “Джа́, зорьякир пэс, и джин, и дыкх, со тýкэ тэ кэрэс: пал-довá со сыр проджа́ла (накхэл) бэрш, крáli Сирия́киро нэвэс джáла пэ тýтэ.” ²³ И дына́рья Сирия́кирэ крали́стэ пхэндлэ лэскэ: “Лэнгирэ дэвэла́ исын дэвэла́ пир бэрги, пал-довá ёнэ пиризорьякирдэ амэн. Ко́ли амэ яваса́ тэ мараспэ пэ лошчы́на (равни́на), то, чачэс, амэ пиризорьякираса лэн. ²⁴ Адякэ дыкх, со кэр: мэк кэ джан́ пэскэ крálья, и пэ штэ́то лэнгиро чхув барыдырэн пир провинцыи, ²⁵ и скэдэ пэскэ халадэн ада́кицы, ки́цы хасия́ тýтэ, и ки́цы сыс тýтэ грэн, и, ки́цы сыс марибны́тка вурдэна́, ада́кицы скэдэ грэн, ада́кицы скэдэ марибны́тка вурдэна́, и джа́са амэ тэ мараспэ

пэ лошчы́на лэ́нца, и тэды, чачэс, амэ пиризорьякираса лэн.”²⁶ Сыр прогия́ (накхья) бэрш, то о Венададо скэды́я Сирия́нэн (Арамейцэн), и ёв гия́ кэ Афеко, соб (кай) тэ марэ́нпэ Израильтя́нэнца.²⁷ И сыс пиригиндлэ чхавэ́ Израилёскирэ́ и дорэ́снэ́ ёнэ́ хабэ́н, и гинэ́ муял (гил) лэ́нгэ. И тэрдинэ́ чхавэ́ Израилёскирэ́ табороса (лодоса) ангил лэ́ндэ, сы́рбы дуй набары ста́ды бузненгирэ́, а Сирия́ни пхэ́рдякирдэ́ сары́ пхув.²⁸ Тэ́ньци явдя́ пашы́лэды́р ману́ш Дэвлэ́скиро́ и пхэ́ндя́ крали́скэ́ пэ́ Израилё́ дасавэ́ лавá: “Ады́кэ ракирэ́ла Рай Дэвэ́л: ‘Пал-дова́, со Сирия́ни ракирэ́на: ‘Рай Дэвэ́л исын Дэвэ́л бэ́ргицэнгиро́, нэ́ Ёв исын на Дэвэ́л долэ́нгиро́’, то палдава́ Мэ́ баро́ кэ́ дар дава́ баро́ халады́бэ́н пиридава́ дро васт ты́ро, и тумэ́ явэ́на тэ́ джинэ́н, со Мэ́ сом Рай Дэвэ́л’.”²⁹ И сыс тэ́рдэ́ ёнэ́ таборэ́нца екх́ проти́ явы́р эф́та (битринэ́нгиро́ дэш) дывэ́са. Пэ́ эф́та́то дывэ́с гинэ́ ёнэ́ тэ́ марэ́нпэ́, и чхавэ́ Израилёскирэ́ замардэ́ шэ́л тысе́нцы халадэ́н пэ́залунэ́н Сирия́нэ́ндыр дро екх́ дывэ́с.³⁰ Нэ́ явы́р, савэ́ ячнэ́пэ́, нашнэ́ дро фо́ро Афеко. Одо́й пы́я тэ́лэ́ ван́та пэ́ биш тэ́ эф́та́ тысе́нцы манушэ́ндэ́, кон я́цяпэ́. А о Венададо́ гия́ криг пэ́скэ́ дро фо́ро и прасталас екхэ́ штубаты́р андра́л дрэ́ явы́р.³¹ И пхэ́ндлэ́ лэ́скирэ́ дына́рья лэ́скэ́: “Амэ́ шундя́м, со кра́ля Израилёскирэ́ кхэ́рэсты́р исын лачхэ́-илэ́скирэ́. Дэ́ во́ля амэ́нгэ́ (дозволин) тэ́ чхувэ́с упрэ́ пэ́ трушула́ амарэ́ балы́тка гонэ́ и шэ́лэ́ пэ́ шэ́рэ́ амарэ́ и тэ́ джас кэ́ кра́ли Израилёскиро́; ёв, хай, мэ́кэ́ла амэ́н джидэ́нца.”³² И отпхэ́ндлэ́ ёнэ́ пэ́скирэ́ трушула́ балы́тконэ́ гонэ́нца, и чху́дэ́ упрэ́ шэ́лэ́ пэ́ шэ́рэ́ лэ́нгирэ́, и явнэ́ кэ́ кра́ли Израилёскиро́, и пхэ́ндлэ́: “Писха́ри ты́ро, о Венададо́, ракирэ́ла: ‘Мэ́к ман джидэ́са.’” О Аха́во пхэ́ндя́: “Ци́ ёв исын джидо́? Ёв исын миро́ пшал!”³³ Э́ мануша́ приле́на дава́ пал лачхы́ шпэ́ра (знако), и сы́гэс ёнэ́ пириухты́лдэ́ лав лэ́скирэ́ уштэ́ндыр, и пхэ́ндлэ́: “Ты́ро пшал Венададо́.” И ёв тэ́ды пхэ́ндя́: “Джа́н, янэ́н лэ́с.” И гия́ кэ́ ёв Венададо́, и ёв за́чху́дя лэ́с тэ́ бэ́шэ́л пэ́са дрэ́ ма́рибны́тко вурдэ́н.³⁴ Тэ́ньци пхэ́ндя́ лэ́скэ́ Венададо́: “Фо́рья, савэ́ лы́я миро́ дад ты́рэ́ дадэ́стыр, мэ́ rischiра́ва, и ту сашты́ (могинэ́са) тэ́ чхувэ́с палэ́ га́сы [фору́ня-р.с.] ваш пэ́скэ́ дро Дама́ско, сыр сыс мирэ́ дадэ́стэ́ дрэ́ Сама́рия. О Аха́во пхэ́ндя́: “Мэ́ отмэ́ка́ва тут, сыр кэ́ра́са дора́кирибэ́н.” И, сыр ёв кэ́рдя́ дора́кирибэ́н лэ́са, то отмэ́кця́ лэ́с.³⁵ А́кэ, екх́ ману́ш проро́кэ́нгирэ́ чхавэ́ндыр пхэ́ндя́ яви́рэскэ́ пир лав Ра́скиро-Дэвлэ́скиро́: “Мар ман, манга́ва.” Нэ́ одова́ ману́ш отпхэ́ндя́пэ́ тэ́ марэ́л лэ́с.³⁶ И одова́ ману́ш тэ́ды пхэ́ндя́ лэ́скэ́: “Пал-дова́ со ту на канды́ян зан Раски́ри-Дэвлэ́скири, акэ́, сыр ту джа́са ма́ндыр, то шчэ́р (лёво) му́лякирэ́ла тут.” И сыр ёв ду́рия лэ́стыр, то шчэ́р латхя́ лэ́с и му́лякирдя́.³⁷ И ёв латхя́ яви́рэ манушэ́с, и пхэ́ндя́: “Мар ман.” Кодова́ ману́ш ады́кэ ма́рдя лэ́с, со ёв доша́дя лэ́скирэ́ маса́ дабэ́нца.³⁸ И гия́ одова́ проро́ко, и тэ́рдия́ ангил кра́ли́стэ́ пэ́ дром, учха́кири пхэ́ндлу́няса (повязка́са) якха́ пэ́скирэ́.³⁹ Кéли кра́ли традэ́лас пашы́л, то ёв ды́я го́дла кра́ли́скэ́ и пхэ́ндя́: “О писха́ри ты́ро гия́ пэ́ ма́рибэ́н, и, акэ́, екх́ ману́ш отгия́ дрэ́ риг, лы́джия́ кэ́ мэ́, манушэ́с и пхэ́ндя́: “Ракх́ адалэ́ манушэ́с; ко́ли тэ́ на явэ́л ёв, то ты́ро джи́ибэ́н явэ́ла пал лэ́скиро́ джи́ибэ́н, ци́ ту явэ́са банго́ тэ́ ублавэ́с таланто́ руп.⁴⁰ Кéли писха́ри ты́ро залы́апэ́ одолэ́ и явы́р рэ́ндэ́нца, то ёв хаси́я.” И пхэ́ндя́ лэ́скэ́ кра́ли Израилёскиро́: “Дасаво́ и сэ́ндо исын ту́кэ: ту ко́коро́ сэ́ндяки́рдя́н пэ́с.”⁴¹ Ёв дрэ́ дова́ мо́менто злы́я пхэ́ндлу́ны (повязка́) пэ́скирэ́ якхэ́ндыр, и пинджирдя́ лэ́с о кра́ли, со ёв сыс екх́ проро́кэ́ндыр.⁴² И пхэ́ндя́ лэ́скэ́: “Ады́кэ ракирэ́ла Рай Дэвэ́л: ‘Пал-дова́ со ту домэ́кця́н, соб (кай) гия́н пэ́скэ́ ману́ш ты́рэ́ вастэ́ндыр, савэ́с Мэ́ отды́ём пэ́ хаси́бэ́н, то ты́ро джи́ибэ́н джа́ла пал лэ́скиро́ джи́ибэ́н, а ты́рэ́ мануша́ джа́на пал лэ́скирэ́ манушэ́ндэ́.””⁴³ И гия́ кра́ли Израилёскиро́ кхэ́рэ́, лэ́скэ́ лэ́скиро́ муй сыс хо́лямо́ и кирко́.

Шэ́ро 21

¹ И пал одолэ́ сарэ́ рэ́нды сыс ады́кэ: Навуфе́эстэ́ ^[1], саво́ сыс Изреэ́льтя́нино, сыс винагра́днико́ (дракх) пашы́л бари́ фэ́латин/ко́лов (дворцо́) ^[2] Ахавоски́ри, саво́ сыс кра́ли пэ́ Израиле́.² И пхэ́ндя́ Аха́во Навуфе́эскэ́ дасавэ́ лавá: “Отдэ́ ма́нгэ́ пэ́скиро́ винагра́днико́; соб (кай) ма́нгэ́ тэ́ кэ́ра́в лэ́стыр ша́хитко́ у́нта (овошы́тко садо); пал-дова́ со ёв исын пашы́л миро́ кхэ́р, и мэ́ да́ва ту́кэ́ винагра́днико́ фэ́ды́р ка́далэ́стыр, ци́, ко́ли дава́ здэ́лапэ́ мишто́ ту́кэ́, то мэ́ да́ва ту́кэ́ руп, ки́цы ёв исын мол.”³ Нэ́ Навуфе́е́ пхэ́ндя́ Ахавоскэ́: “О Рай Дэвэ́л при́пхэ́ндя́ ма́нгэ́ тэ́ на отда́в ту́кэ́ мэ́кно́ мишты́пэ́н мирэ́ дадэ́ндыр.”⁴ И явдя́ кхэ́рэ́ Аха́во

холямэ и киркэ мóса далэ лавэстыр, со пхэндя лэскэ Навуфеё, савó сыс Изреельтянино, ракирй: “На отдава мэ тукэ мэкно миштыпэн мирэ дадэндэр.” И пасия ёв пэ пэскиро чхуибён, и отрискирдя муй пэскиро, и марó на хая.⁵ И загия кэ ёв лэскири ромны э Езавель, и пхэндя лэскэ: “Сóскэ тырó дүхо холямó, со ту на хаса марó?”⁶ Ёв пхэндя лакэ: “Кéли мэ яцём тэ ракирав Навуфеёскэ Израильтяниноскэ, и пхэндём лэскэ: ‘Отдэ мангэ винаграднико тырó пал руп, ци, ко́ли камэса, мэ дава тукэ явйр винограднико пал лэстэ,’ то тэды ёв пхэндя: ‘На отдава тукэ миро винаграднико.’”⁷ И Езавель, ромны лэскири, пхэндя лэскэ: “Со дасаво кралипэн исын, ко́ли ту адякэ кэрэса? Ушты́, ха марó и яв штыл; мэ дава тукэ винаграднико Навуфеёскиро Изреелитяниноскиро.”⁸ И чхиндя ёй лыла Ахавоскирэ лавэстыр, и ёй запечатындя лэн Ахавоскирэ барэ ангрустяса, и ей бичхадя далэ лыла пхурыдырэнгэ и лачхэ-родоскирэ манушэнгэ дро лэскиро фóро, савэ дживдэ Навуфеёса.⁹ Дрэ лыла чхиндя ёй адякэ: “Пхэнэн ангил сарэндэ пал посто, и чхувэн Навуфеёс пэ пэрво штэто машкир манушэндэ;¹⁰ и чхувэн дуэн манушэн, злыднен, мамуй проти лэстэ, савэ досыкавэнас пэ лэстэ, пхэни: “Ту калякирдя Дэвлэс и кралис; а тэньчи лыджан лэс яврий, и домарэн лэс барэнца, соб (кай) ёв тэ мэрэл.”¹¹ Адякэ кэрдэ му́рша фóроскирэ, пхурыдыра́ и лачхэ-родоскирэ мануша́, савэ дживдэ дро лэскиро фóро, сыр припхэндя э Езавель лэнгэ, адякэ, сыр сыс чхиндло́ дрэ лыла, савэ ёй бичхадя лэнгэ.¹² Ёнэ пхэндлэ ангил сарэндэ пал посто, и чху́дэ Навуфеёс барэ патыва́са машкир манушэндэ.¹³ И дуй мануша́, злыдни, бэ́шнэ мамуй лэстэ, и лынэ́ тэ досыкавэн пэ лэстэ далэ налачхэ мануша́ ангил манушэндэ, и ракирдэ: “Навуфеё калякирдя Дэвлэс и кралис.” И лыджинэ́ лэс пал фóро, и домардэ́ лэс барэнца, и мыя́ ёв.¹⁴ И бичхадэ́ тэньчи кэ Езавель, пхэни: “Навуфеё домардо́ барэнца и ёв мыя́.”¹⁵ И сыс адякэ: кэ́ли Езавель шундя́, со Навуфеё домардо́ барэнца и мыя́, то пхэндя ёй Ахавостэ. “Ушты́, лэ пэскэ винаграднико Навуфеёскиро, савó сыс Изреельтянино, кон на камдя́ тэ дэл тукэ палó руп, пал-довá со Навуфеё исын наджидо, ёв мыя́.”¹⁶ Сыр шундя́ Аха́во, со Навуфеё сыс домардо, то ушты́я Аха́во, соб (кай) тэ джал дро винаграднико Навуфеёскиро, савó сыс Езреелёстыр, соб (кай) тэ лэл лэс пэскэ.¹⁷ И сыс лав Илияскэ Ра́стыр-Дэвлэстыр, кон сыс Фесвоностыр:¹⁸ “Ушты́, джа́ гил Ахавоскэ крали́скэ пэ Израилё, савó исын дрэ Самáрия; акэ, ёв аканá исын дрэ винаграднико Навуфеёскиро, соб (кай) тэ лэл лэс пэскэ.¹⁹ И пхэн лэскэ: ‘Адякэ ракирэ́ла Рай Дэвэл: Ту замардя́н, и ту ишчо (инкэ) лэса дро мэкно миштыпэн пэскэ?’ И пхэн лэскэ: ‘Пэ дова́ штэто, кай джукэ́ла чардэ рат Навуфеёскиро, джукэ́ла явэ́на тэ чарэн и тырó рат.’”²⁰ И пхэндя́ Аха́во Илияскэ: “Латхя́н ту ман, вэ́рго миро!” Ёв пхэндя́: “Латхём, пал-довá со ту отды́ян пэс адякэ, со ту кэрэ́са фуипэн ангил якха́ Ра́скирэ-Дэвлэскирэ.”²¹ Адякэ ракирэ́ла Рай Дэвэл: ‘Гáда, Мэ яна́ва бари б́ида, и Мэ вышулава́ва тырó рóдо пал т́утэ, и Мэ хасякира́ва Ахавостэ кажно́нэ му́ршорэс дро Израилё, и одолэ́с, кон исын дрэ наво́ля и исын пэ во́ля.²² И Мэ кэра́ва тырэ кхэрэ́са адякэ, сыр Мэ кэрдём кхэрэ́са Еровоамоскирэ́са, кон сыс чхавó Наватоскиро, и сыр кхэрэ́са Ваасаскирэ́са, кон сыс чхавó Ахииноскиро, пал-довá, со тумэ́ сыкадэ́ бипаты́в, савья́са ту холякирэ́сас Ман и со́са ту яндя́н Израилё дро грéхо.’²³ Адякэ́ и пал Езавеля́тэ пхэндя́ Рай Дэвэл: ‘Джукэ́ла ха́на Езавель пал ва́нта Изреелёскири.’²⁴ Кон мэрэ́ла Ахавостэ́ дро фóро, одолэ́с схана́ джукэ́ла; а кон мэрэ́ла пэ фэ́лда, одолэ́с чирикля́ болыбны́тка росклюинэ́на.”²⁵ На сыс ишчо́ (инкэ) адасавэ́с, сыр Аха́во, савó отды́я пэс тэ кэрэ́л злыднитка́ рэ́нды ангил якха́ Ра́скирэ-Дэвлэскирэ, кэ со лэс подмарэ́лас лэскири ромны́ Езавель.²⁶ Ёв кэрдя́ древа́н бры́тка рэ́нды, кэ́ли джа́лас пал йдо́лы, сыр кэрдэ́ Амореи, конэ́с о Рай Дэвэл трады́я криг мо́стыр чхавэ́ндыр Израилёскирэ́н.”²⁷ И сыс адякэ́: сыр Аха́во вышундя́ далэ́ лавá, то ёв роскусця́ йди пэ́скирэ, и причху́дя гоно́ праска́са пэ маса́ пэскирэ, и постиндя́ ёв, и сыс суто́ дро гоно́, и ёв псирдя́ пхарэ́ мина́са.²⁸ И сыс лав Ра́скирэ-Дэвлэскиро́ Илияскэ́ Фесвоностыр; и пхэндя́ Рай Дэвэл:²⁹ “Ци дыкхэ́са, сыр Аха́во тыкнякирдя́ пэс ангил Ма́ндэ? Пал-довá со о Аха́во тыкнякирдя́ пэс ангил Ма́ндэ, то Мэ на ява́ва тэ янав бари б́ида пэ кхэр лэ́скиро, нэ́ Мэ яна́ва бари б́ида дрэ дывэ́са́ чхавэ́скирэ лэ́скирэ.”

21:1 ^[2] Вари-савэ Балтытка Романэ поэты чхинэна “диз (диза/дизья)”

Шэрó 22

¹ И прогинэ (накхлэ) ишчо (инкэ) трин бэршá, и на сыс марибэн машкíр Сирия (Арамея) и Израиле. ² Пэ трíто бэрш гíя о Иосафáто, крáли пэ Юдэя; кэ крáли Израилёскиро. ³ И пхэндя крáли пэ Израилё пэскирэ дынарьёнгэ: “Ци джинэна тумэ, со Рамóфо, со исын пэ Галаáдо, исын амарó? Амэ адякэ гарá сам штыл, и амэ на отласа лэс вастэстыр Сириякирэ кралíстыр. ⁴ И пхэндя ёв Иосафатоскэ: “Ци джáса ту мánца пэ мэрибэн проти Рамóфо Галаадоскиро?” И пхэндя Иосафáто кралíскэ Израилёстыр: “Сыр ту, адякэ и мэ, сыр тырэ манушá, адякэ и мирэ манушá; сыр тырэ граё, адякэ и мирэ граё.” ⁵ И отпхэндя Иосафáто кралíскэ пэ Израилё: “Пхучпэ ададывэс, со пхэнэла Рай Дэвэл?” ⁶ И кэдыя кэ пэ крáли Израилёскиро пророкэн, пашыл штаршэлá манушэн, и пхэндя лэнгэ: “Ци тэ джав мánгэ марибнáса пэ Рамóфо Галаадостыр, ци тэ обрикирав пэс?” Ёнэ пхэндлэ: “Джá, Рай Дэвэл отдэла лэс дрэ вастá кралíскирэ.” ⁷ И пхэндя Иосафáто: “Ци исын адай ишчо (инкэ) прорóко, соб (кай) амэнгэ тэ выпхучаспэ лэстыр?” ⁸ И пхэндя крáли Израилёскиро Иосафатоскэ: “Исын екх мануш, о Михеё, чхавó Емвлаёскиро [Имлахо-ю.о.], пирдál конэстэ сашты тэ пхучас Рáстыр-Дэвлэстыр, нэ мэ на камáм лэс, пал-довá со ёв ангилпхэнэла (пророчынэла) налачхипэн, а екх фуипэн!” И пхэндя Иосафáто: “На рáкир, крálё, адякэ!” ⁹ Тэньци крáли Израилёскиро кхардя кэ пэ екхэ евнухос (кон сыс дынáри дро кхэр), и пхэндя: “Джá сыгэдýр пал Михеёстэ, кон исын чхавó Емфлаёскэ!” ¹⁰ О крáли Израилёскиро, и Иосафáто, крáли Юдэякиро, сыс бэштэ кáжно пэ пэскиро трóно, и сыс уридэ дрэ кралитка йди (ризы) пэ барó откэрдо штéто пашыл пóрта тэ заджас дрэ Самáрия, и сарэ прорóки ангилпхэнэнас ангíл лэндэ. ¹¹ И кэрдя пэскэ о Сэдэкия, Хенаанаскиро чхавó, саструнэ шынга (роги), и пхэндя: “Лэнца выпихинэса (вышпулэса) Сириянэн (Арамейцэн) пака ту хасякирэса лэн.” ¹² И сарэ прорóки ангилпхэнэнас довá-паць, ракирí: “Джá пэ Рамóфо, со исын пэ Галаáдо, ту пиризорьякирэса, о Рай Дэвэл отдэла лэс дрэ васт кралíскиро.” ¹³ О бичхадó мануш, савó гíя тэ кхарэл Михеёс, ракирэла лэскэ: “Аканá прорóки со кэ екх ангилпхэнэнас лачхипэн кралíскэ; мэк и тэ явэл тырó лав дасаво, сыр кáжно (свáко) лав лэндýр, ангилпхэн и ту вари-савó лачхипэн.” ¹⁴ И пхэндя Михеё: “Тэ явэл джидó пэ вéки Рай Дэвэл! Мэ пхэнáва довá, со пхэнэла мánгэ Рай Дэвэл.” ¹⁵ Тэньци явдý ёв кэ крáли. О крáли пхэндя лэскэ: “Михеё! Ци тэ джав амэнгэ марибнáса пэ Рамóфо Галаадостыр, ци над?” И пхэндя Михеё лэскэ: “Джá, ту пиризорьякирэса, Рай Дэвэл отдэла лэс дрэ васт тырó.” ¹⁶ И пхэндя лэскэ крáли: “Кицьы мóлы мэ тэ засовлаха́в тут, соб (кай) ту тэ на ракирэс ничы мánгэ апрíч чачипнастыр дро лав Рáскирэ-Дэвлэскиро.” ¹⁷ И пхэндя Михеё: “Мэ дыкхцём сарэ Израильтянэн, савó сыс росчхурдынэ, сыр бакрэ, савэндэ на сыс чхупнарис. И пхэндя Рай Дэвэл: “Лэндэ нанэ барыдырэс, мэк ёнэ тэ джáн пэскэ рамáнэса (мирóса) кáжно (свáко) дро пэскиро кхэр.”” ¹⁸ И пхэндя Ахáво, крáли Израилёскиро, Иосафатоскэ: “Ци на пхэндём мэ тýкэ, со ёв на ангилпхэнэла пал мánдэ лачхипэн, а екх фуипэн?” ¹⁹ И пхэндя Михеё: “Пал-довá шун лав Рáстыр-Дэвлэстыр: мэ дыкхцём Рас-Дэвлэс, Савó сыс бэштó пал Лэскиро трóно, и сарэ янголы и дýхи болыбнáскирэ сыр халадыпэн сыс тэрдэ пашыл Лэстэ, пир чачí и пир зэрво (лёво) васт Лэстыр. ²⁰ И пхэндя Рай Дэвэл: “Кон тэ уракирэл Ахавос, соб (кай) ёв тэ джал и тэ пэрэл пэ Рамóфо Галаадоскиро?” И екх ракирдя адякэ, явír ракирдя явирчанэс. ²¹ И екх дýхо (фáно) гíя ангíл, тэрдия ангíл муй Рáскиро-Дэвлэскиро и пхэндя: “Мэ уракирава лэс.” И пхэндя лэскэ Рай Дэвэл: “Сóса?” ²² Ёв отпхэндя: “Мэ выджава и ячавапэ хоханэ духóса пэ уштá сарэ пророкэндэ.” О Рай Дэвэл пхэндя: “Ту уракирэса лэс и лэса упралыпэн пэ давá; джá и кэр адякэ.” ²³ И, акэ, аканá Рай Дэвэл чхудя хоханó дýхо (фáно) пэ уштá сарэ далэстыр пророкэндэ, нэ Рай Дэвэл выпхэндя бари бибáхт пал тýтэ.” ²⁴ И тэньчи подгíя Сэдэкия, Хенаанаскиро чхавó, и пэкадя Михеёс дрэ чам (шчока), пхэни: “Кай, сыр давá аканá отгíя мánдыр Дýхо (Фáно) Рáстыр-Дэвлэстыр, соб (кай) тэ ракирэл тýтыр?” ²⁵ И пхэндя Михеё: “Чачэс, ту явэса тэ дыкхэс дрэ давá дывэс, кéли ту явэса тэ прастас екхэ штубатыр дрэ явír, соб (кай) тэ гарадэс.” ²⁶ И пхэндя Ахáво, крáли Израилёскиро: “Лэн Михеёс и лыджáн лэс

кэ Амано кэ барыдырo пэ фoро, и кэ Иоасo, кэ чхавo крaлiскиро. ²⁷ И пхэнэн, “Адякэ ракирeла крaли: ‘Чхувэн далэ манушэс дрэ бэшyбэн и чaлякирэн лэс скэмпэс и панякирэн скэмпэс, пака мэ рисёвава раманёса (мирoса).’” ²⁸ И пхэндя Михеё: “Кoли ту рисёса дро рамaнё, то дава на Рай Дэвэл ракирдя дрэ мaндэ.” И ишчо (инкэ) пхэндя ёв: “Шунэн ман, сарé манушaлэ!” ²⁹ И гия крaли Израилёскиро Ахавo и крaли Юдэякиро Иосaфaтo кэ Рaмoфo пэ Гaлaадо. ³⁰ И пхэндя крaли Израилёскиро Иосaфaтoскэ: “Мэ пириурьявaпэ, соб (кай) тэ на галён ман, а ту ури пэскирэ крaлиткa йди (ризy).” ³¹ О крaли Сириякиро припхэндя пхурыдырэнгэ пэ мaрибнйткa вурдэнa, савó сыс лэстэ триянда дуй, пхэндя: “На марэнпэ ни тыкнэса, ни барэса, а екхэ крaлиса Израилёскирэса.” ³² Э пхурыдырa пэ мaрибнйткa вурдэнa, сыр дыкхнэ Иосaфaтoс, подуминдлэ: “Чачó, дава исын крaли Израилёскиро” и ёнэ рисинэ пэ лэстэ, соб (кай) тэ марэнпэ лэса. И дыя гóдла Иосaфaтo. ³³ Пхурыдырa пэ мaрибнйткa вурдэнa, дыкхi, со дава нанэ крaли Израилёскиро, рисинэ лэстыр. ³⁴ И сыс адякэ, со екх мануш оттырдыя пэскиро лyкo би мыслякиро, и ёв дошадя крaлис Израилёскирэс, попый машкiр шовы дрэ кольчугa. И пхэндя крaли пэскирэ фурманоскэ: “Рисёв палэ и вылыджа ман мaрибнастыр, пал-довá со ман дукхадэ (раниндлэ).” ³⁵ Нэ мaрибэн яця зоралэдыр дро довá дывэс, и о крaли сыс тэрдó дрэ пэскиро мaрибнйткo вурдэн прoти Сирия, и мыя бэльвэлé, и рат франсостыр (ранатыр) тхадэлaс дро мaрибнйткo вурдэн. ³⁶ И сыр кхам джaлaс тэлэ, то гóдла прогия пир сарó халадыбэн: “Кажно джá дрэ пэскиро фoро, кажно пэ пэскири пхув.” ³⁷ Адякэ мыя крaли и лэс яндлэ дрэ Самáрия, и гарадэ крaлис дрэ Самáрия. ³⁸ И вымордэ мaрибнйткo вурдэн дрэ вэндэри (прудo), и джукэла чардэ рат лэскиро и биладжакунэ джувля обморэнас вурдэн пир лав Рáскиро-Дэвлэскиро, савó Ёв выпхэндя. ³⁹ Явiр рэнды Ахавоскирэ, сарó, со ёв кэрдя, и кхэр слонытконэ кокалостыр, савó ёв чхудя и сарé фoрья, со ёв чхудя, исын зачхиндлэ дрэ бэршытка архивы пал крaльэндэ Израилёстыр. ⁴⁰ И гарадэ Ахавос пэскирэ дадэнца и яця тэ крaлинэл Охозия, чхавó лэскиро, пэ штéто лэскиро. ⁴¹ О Иосaфaтo, чхавó Асакиро яця тэ крaлинэл пэ Юдэя, кели сыс штáрто бэрш Ахавоскирэ крaлипнаскэ, сыр ёв яця крaли пэ Израилё. ⁴² Иосaфaтoскэ сыс триянда пандж бэрш, сыр ёв яця тэ крaлинэл, и ёв крaлиндя биш тэ пандж бэрш дро Ерусалимo. Лэскирэ-дaкиро лав сыс Азува, чхай Салаилоскэ. ⁴³ Ёв кэрдя сарó, сыр лэскиро дад Асá, ёв на рисёлaс далэ дромэстыр, кэри со сыс лачхó aнгiл якхá Рáскирэ-Дэвлэскирэ. Екх со вучипэнá на сыс отпарудэ, манушá ишчо (инкэ) янэнас свэнта дыибэнá и хачкирэнас дрóга смóлы пэ вучипэнá. ⁴⁴ Иосaфaтo кэрдя доракирибэн Ахавосa, крaлиса пэ Израилё, ⁴⁵ Явiр рэнды Иосaфaтoскирэ, и лэскирэ славутна кэрибэна и, сыр ёв мардяпэ, исын зачхиндлэ дрэ бэршытка архивы пал крaльэндэ Юдэятыр. ⁴⁶ И одолэ содомиткa (блудники), кон яцяпэ джидó дрэ дывэсá Асаскирэ, савó сыс дад лэскэ, ёв традыя явri тхэмэстыр. ⁴⁷ Дрэ Идумея (Эдóмо) на сыс крaли; нэ сыс крaлискиро чачэ-вастыткo (наместникo). ⁴⁸ Иосaфaтo кэрдя пáрмы (корабли) пир мóрё (дэрьявá), соб (кай) тэ пливинэн (тэ дэн плима) дро Офиро пал сувнакай. ⁴⁹ Тэныцi пхэндя Охозия, чхавó Ахавоскиро Иосaфaтoскэ “Мэк мирé дынарья тэ джáн тырэ дынарьэнца пэ пáрмы.” Нэ Иосaфaтo на камдя. ⁵⁰ И чхудэ Иосaфaтoс сыр ёв мыя, лэскирэ дадэнца дро фoро Давидóскиро, пэскирэ-дадэскиро. И яця тэ крaлинэл Иорáмо, лэскиро чхавó, пэ штéто лэскиро. ⁵¹ Охозия, чхавó Ахавоскиро яця тэ крaлинэл пэ Израилё дрэ Самáрия, сыр сыс дэшуэфтaто бэрш Иосaфaтoскэ, крaлискэ пэ Юдэя, сыр ёв яця тэ крaлинэл, и крaлиндя ёв пэ Израилё дуй бэрш. ⁵² И кэрдя ёв нaлaчхэс aнгiл якхá Рáскирэ-Дэвлэскирэ, и кэрдя сарó, сыр лэскиро дад и сыр лэскири дай, и псирдя Еровоамоскирэ дромэса, кон сыс чхавó Наватоскэ, савó залыджия Израилё дро грéхо. ⁵³ Ёв дынариндя Ваалоскэ, и ёв дэлас патыв лэскэ, и холякирдя Рас-Дэвлэс, Дэвлэс Израилёскирэс далэса-пaцэ, со кэрдя дад лэскиро.

Штáрто Кралипнаскири Лылварі

Шэро́ 1

¹ И отгия́ Моáво Израилёстыр палó мэрибён Ахавоскиро. ² Охозия пыя́ пирдал решотка пёскирэ штубатыр, со дрэ Самáрия, и занасвалыя. И бичхадя́ манушён и пхэндя́ лонгэ: “Джáн, пхучён Веельзевулостыр, Акаронóскирэ дэвлыткиматыр: Ци высастёвава мэ далé дукхатыр?” ³ Тэды Рáскирэ-Дэвлэскиро Янгóло пхэндя́ Илияскэ Фесвитяниноскэ: “Ушты́, джá гил (муял) манушёнгэ, савён бичхадя́ Самариякиро крáли и пхэн лонгэ: ‘Нау́што нанэ Дэвлэс дро Израилё, со тумэ́ джáна тэ пхучён Веельзевулостыр, Акароноскирэ дэвлыткиматыр?’” ⁴ Пал дава́ адякэ ракирэла Рай Дэвэл: ‘Чхуибнастыр, пэ савó ту пасиян, на зджаса лáстыр, нэ ту мэрэса.’” И гия́ Илія. ⁵ И рисинэ́ кэ Охозия манушá, савён ёв бичхадя́. И ёв пхэндя́ лонгэ: “Со да тумэ́ рисинэ́?” ⁶ И пхэндлэ́ лэскэ: “Гил (пэ стреч) амэнгэ выгия́ ману́ш и пхэндя́ амэнгэ: ‘Джáн, рисён кэ крáли, савó бичхадя́ тумэн, и пхэнэн лэскэ: адякэ ракирэла Рай Дэвэл: ‘Нау́што нанэ Дэвлэс дро Израилё, со ту бичхавэса тэ пхучэс Веельзевулостыр, Акаронóскирэ дэвлыткиматыр? Палдава́ чхуибнастыр, пэ саві́ ту пасиян, ту на зджаса лэстыр, нэ мэрэса.’” ⁷ И пхэндя́ ёв лонгэ: “Сыр выдыкхэла одовá ману́ш, савó выгия́ гил тумэнгэ и ракирдя́ тумэнгэ далé лавá?” ⁸ Ёнэ пхэндлэ́ лэскэ: “Ману́ш одовá сыс сарó дрэ балá и цыпитконэ́ симириса сыс подпхандло пир пёскирэ трушула. И пхэндя́ ёв: “Давá исын Илія́ Фесвитянино.” ⁹ И бичхадя́ кэ ёв пандждэшытконэс лэскирэ пандждэшытконэса. И ёв загия́ кэ ёв, кэли Илія́ сыс бэштó пэ бэргáкиро вучипён, и пхэндя́ лэскэ: “Ману́ш Дэвлэскиро! Крáли ракирэла: ‘Джá тэлé.’” ¹⁰ И отпхэндя́ Илія, и пхэндя́ пандждэшытконэскэ: “Кóли мэ сом ману́ш Дэвлэскиро, тэды мэк тэ зджал яг болыбна́стыр и схачкирэла тут и тырэ пандждэшá манушён.” И згия́ яг болыбна́стыр, и схачкирдя́ лэс и лэскирэ пандждэшэн манушён. ¹¹ И бичхадя́ кэ ёв крáли явирэс пандждэшытконэс пёскирэ пандждэшэ манушёнца. И ёв яця́ тэ ракирэл лэскэ: “Ману́ш Дэвлэскиро! Адякэ пхэндя́ крáли: ‘Джá сыгныдыр.’” ¹² И отпхэндя́ Илія, и пхэндя́ лэскэ: “Кóли мэ сом ману́ш Дэвлэскиро, тэды мэк тэ зджал яг болыбна́стыр и схачкирэла тут и тырэ пандждэшá манушён.” И згия́ яг Дэвлэскири болыбна́стыр, и схачкирдя́ лэс и пандждэшá лэскирэ манушён. ¹³ И нэвэстыр бичхадя́ пэ трі́то мо́ло пандждэшытконэс лэскирэ пандждэшэ манушёнца. И газдыя́пэ, и явдя́ трі́то пандждэшытко, и пыя́ пэ пёскирэ чангá ангíл Илиястэ, и мангдя́ лэс, и ракирдя́ лэскэ: “О Ману́ш Дэвлэскиро! Мэк тэ на явэл ди миро и ди тырэ-писхарьёнги́ро – далé пандждэшá манушёнги́ри – ангíл якхá тырэ. ¹⁴ Га́да, згия́ яг болыбна́стыр и схачкирдя́ дуён пандждэшытконэн кхэтанé лэскирэ пандждэшэ манушёнца: нэ аканá мэк тэ на явэл ди миро ангíл тырэ якхá!” ¹⁵ И пхэндя́ Рáскирэ-Дэвлэскиро Янгóло Илияскэ: “Джá лэса, на дар лэстыр.” И ёв уштыя́, и гия́ лэса кэ крáли. ¹⁶ И пхэндя́ Илія лэскэ: “Адякэ ракирэла Рай Дэвэл: ‘Палдовá, со ту бичхадян манушён тэ пхучэспэ Веельзевулостыр, Акаронóскирэ дэвлыткиматыр, сы́рбы дро Израилё нанэ Дэвлэс, соб (кай) тэ пхучэспэ пал лав Лэскиро, – чхуибнастыр, пэ савó ту пасиян, на зджаса лэстыр, а мэрэса.’” ¹⁷ И мыя́ ёв пир Рáскирэ-Дэвлэскиро лав, савó пхэндя́ Илія. И яця́ кралі́са Иора́мо пэ штéто лэскиро, пэ явір бэрш Иорамóскиро, Иосафатоскирэ-чхавэскиро, Юдэя́кирэ кралі́скиро, адякэ сыр чхавэс долэстэ на сыс. ¹⁸ Явір пал Охозиястэ, со ёв кэрдя́, сыс зачхиндлó дрэ бэршы́тка архі́вы Израилёскирэ кральёнги́рэ.

Шэро́ 2

¹ И сыс адякэ: кэли Рай Дэвэл скэдэлáспэ тэ газдэл Илияс пэ болыбён рискирибна́скирэ балвалы́са, то ёв дро дова́ момéнто джáлас Елисеёса Галгалостыр. ² И пхэндя́ Илія Елисеёскэ: “Ячпэ ада́й пал-довá со Рай Дэвэл бичхавэла ман дрэ Вефиль.” Нэ Елисеё пхэндя́: “Тэ явэл джидó Рай Дэвэл пэ ве́ки, и тэ явэл джидó тырó ди, со мэ на мэкава тут!”

И гинэ ёнэ дро Вефиль. ³ И выгинэ кэ Елисеё чхавэ пророкэнгирэ, и пхэндлэ лэскэ: “Ту джинэса, со ададывэс Рай Дэвэл газдэла тырэ рас упрэ тырэ шэрэстыр?” Ёв отпхэндя: “Мэ адякэ-паць джином (джинав), явэн штыл (молчынэн!)” ⁴ Тэньци Илия пхэндя лэскэ: “Елисеё, ячпэ адай, пал-дова со Рай Дэвэл бичхавэла ман дро Ерихоно.” И отпхэндя Елисеё: “Тэ явэл джидо Рай Дэвэл пэ веки, и тэ явэл джидо тыро ди: Мэ на мэкава тут.” И явнэ ёнэ дро Ерихоно. ⁵ И чхавэ пророкэнгирэ, савэ сыс дрэ Ерихоно, подгинэ кэ Елисеё, и пхэндлэ лэскэ: “Ци джинэса ту, со Рай Дэвэл ададывэс газдэла тырэ рас упрэ тырэ шэрэстыр?” И ёв отпхэндя: “Мэ адякэ-паць джином, явэн штыл (молчынэн):” ⁶ И пхэндя лэскэ Илия: “Ячпэ адай, пал-дова со Рай Дэвэл бичхавэла ман кэ Иордано.” И пхэндя ёв: “Тэ явэл джидо Рай Дэвэл пэ веки, и тэ явэл джидо тыро ди: мэ на мэкава тут.” И гинэ дуйджинэ. ⁷ И пандждэша мануша пророкэнгирэ чхавэндэр, гинэ и тэрдинэ проти лэндэ, нэ ёнэ сыс тэрдэ дуйджинэ дро Иордано. ⁸ И лыя Илия плашчо пэскиро, и скрэнцындя, и пэкадя лэса пир пани, и розгияпэ ёв одорик и адарик, и пиригинэ ёнэ дуйджинэ пир шуки пхув. ⁹ Кэли ёнэ пиригинэ, Илия пхэндя Елисеёскэ: “Манг, со тэ кэрав түкэ, англэдыр, сыр мэ явава лыно тутыр.” И пхэндя Елисеё: “Дүхо (Фано), саво исын дрэ тутэ, мэк тэ явэл пэ мандэ дрэ дуй молы.” ¹⁰ И пхэндя ёв: “Пхарипэн ту мангэса. Кóли дыкхэса, сыр мэ явава лыно тутыр, тэды явэла түкэ адякэ; а кóли на дыкхэса, то на явэла.” ¹¹ Кэли ёнэ гинэ и дромэса ракирдэ, вари-катыр лыяпэ марибнытко вурдэн, саво хачолас ягаса и грая, саво хачонас ягаса, и разлучындрэ лэн дуэн, и газдыяпэ Илия дрэ вихро (рискирибнаскири балвал) пэ болыбэн. ¹² Елисеё дыкхця и дыя гóдла: “Дáдо миро, дáдо миро, вурдэн Израилёскиро и грая лэскирэ!” И на дыкхця лэс бутыр. И ухтылдя ёв иди пэскирэ, и роскустя лэн пэ дуй паша. ¹³ И газдыя плашчо Илияскиро, саво пыя тэлэ лэстыр, и гия палэ, и тэрдия пэ Иорданоскиро брэго. ¹⁴ И лыя плашчо Илияскиро, саво пыя тэлэ лэстыр, и пэкадя лэса пир пани, и пхэндя: “Кай исын Рай, Дэвэл Илияскиро, – Ёв Кокорó?” И пэкадя пир пани, и ёв розгияпэ одорик и адарик, и пиригия Елисеё. ¹⁵ И дыкхнэ лэс пророкэнгирэ чхавэ, савэ сыс дро Ерихоно, дурал, и пхэндлэ: “Пасия дүхо (фано) Илияскиро пэ Елисеёстэ.” И гинэ гил лэскэ, и поклониндрэ лэскэ кэ пхув. ¹⁶ И пхэндлэ лэскэ: “Гáда, исын амэндэ, писхарьэндэ тырэндэ, манушэн пандждэша, мануша зоралэ: мэк бы ёнэ гинэ и породынэ тырэ хулас; могоинэла (мо) тэ явэл, со лыджия лэс Дүхо (Фано) Рáскирэ-Дэвлэскиро и ячкирдя лэс пэ екх бэргэндэр, ци пэ екх дóло.” Ёв пхэндя: “На бичхавэн.” ¹⁷ Нэ ёнэ причэнас кэ ёв гарá (длүгэс) адякэ, со доханэ лэскэ, и ёв пхэндя: “Бичхавэн.” И бичхадэ пандждэша манушэн, и родынэ трин дывэса, и на латхнэ лэс. ¹⁸ И рисинэ кэ ёв, машкир дава, сыр ёв яцяпэ дро Ерихоно, и ёв пхэндя лэскэ: “Ци на ракирдём мэ тумэнгэ: ‘На псирэн?’” ¹⁹ И пхэндлэ мануша, савэ дживдэ кэ фóро Елисеёскэ: “Гáда, дава фóро кэрдó шукар, сыр дыкхэла хулай миро; нэ пани исын нáлaчxo и пхув на биянэла.” ²⁰ И пхэндя ёв: “Дэн мánгэ нэво тахтай (чаша) и чхувэн лонд одорик.” И дынэ лэскэ. ²¹ И выгия ёв кэ панэскири ганынгори, и чхурдыя одорик лонд, и пхэндя: “Адыкэ ракирэла Рай Дэвэл: ‘Мэ кэрдём дава пани зоралэса, на явэла лэстыр бутыр ни мэрибэн, ни набияныпэн.’” ²² И пани яця зорало кэ дава дывэс, пир лав Елисеёскиро, саво ёв пхэндя. ²³ И гия ёв одотхыр дрэ Вефиль. Кэли ёв гия дромэса, тыкнэ бияты выгинэ фóростыр, и сандлэпэ лэстыр, и ракирдэ лэскэ: “Джá, плешытко, джá, плешытко!” ²⁴ Ёв обрисия и дыкхця лэн, и прокостя лэн лавэса Рáскирэ-Дэвлэскирэса. И выгинэ дуй ричыцы вэшэстыр, и роскушнэ лэндэр штáрдэша дуге биятэн. ²⁵ Адатхыр гия ёв пэ бэрга Кармило, а одотхыр рисия дрэ Самáрия.

Шэро 3

¹ Иорáмо, Ахавоскиро чхавó, яця кралíса пэ Израилё дрэ Самáрия пэ дэшуохтото бэрш Иосафатóскиро, ёв яця кралíса Юдэякирэса, и сыс ёв крáли дэшудуй бэрш. ² И кэрдя ёв нaлaчxэс дрэ якхá Рáскирэ-Дэвлэскирэ, мэк на адякэ, сыр лэскиро дад и лэскири дай: ёв злыя статула Ваалоскири, сави кэрдя лэскиро дад; ³ Усаэкх кэ грэхи Еровоамоскирэ, чхавэскирэ Наватоскирэ, саво залыджия дрэ грэхо Израилё, ёв рикирдяпэ, на отгия лэндэр. ⁴ О Меса ^[1], Моавитоскиро крáли, сыс барвалó скотоса и бичхавэлaс Израилёскирэ кралíскэ пир шэл

тысёнцы бакрэн и пир шэл тысёнцы бакрэн наобчхиндлэн. ⁵ Нэ кэли мыя Ахаво, то Моавитоскиро крáli отгия Израилёскирэ кралíстыр. ⁶ И выгия крáli Иорáмо дрэ долэ дывэса Самариятыр, и кэрдя обдыкхибэн сарэ Израильтянэнгэ; ⁷ И гия, и бичхадя кэ Иосафáто, Юдэякиро крáli, тэ пхэнэн: “Крáli Моавитоскиро отгия мандыр, ци джаса ту манца пэ марибэн проти Моáво?” Ёв пхэндя: “Джава; сыр ту, адякэ и мэ, сыр тырэ мануша, адякэ и мирэ мануша, сыр тырэ граё, адякэ и мирэ грая.” ⁸ И пхэндя: “Савэ дромэса тэ джас амэнгэ?” Ёв пхэндя: “Чхучэ пхувьякирэ, Эдомоскирэ дромэса.” ⁹ И гия Израилёскиро крáli, и Юдэякиро крáli, и Эдомоскиро крáli, и гинэ ёнэ трусцял эфта дывэса, и на сыс пани ваш халадэнгэ и ваш кхэритконэ мурдалэндэ (ското), саво гия пал лэндэ. ¹⁰ И пхэндя Израилёскиро крáli: “Ах! Кхардя кхэтанэ Рай Дэвэл тринэн адалэн кральён, соб (кай) тэ отдэл лэн дрэ Моавоскирэ васта.” ¹¹ И пхэндя Иосафáто: “Ци нанэ адай Рáскирэ-Дэвлэскирэ пророкóс, соб (кай) амэнгэ тэ пхучаспэ Рáстыр-Дэвлэстыр пирдал лэстэ?” И отпхэндя екх дынарьэндыр (слугэндыр) Израилёскирэ кралíскирэндыр, и пхэндя: “Адай исын Елисее, чхаво Сафатоскиро, саво подэлас пани пэ васта Илияскэ.” ¹² И пхэндя Иосафáто: “Исын лэстэ лав Рáскирэ-Дэвлэскиро.” И гинэ кэ ёв крáli Израилёскиро, и Иосафáто, и крáli Едомоскиро. ¹³ И пхэндя Елисее Израилёскирэ кралíскэ: “Со мангэ и тукэ? Джá кэ тырэ-дадэскирэ пророки и кэ тырэ дакирэ пророки.” И пхэндя лэскэ крáli Израилёскиро: “Над, пал-дова со Рай Дэвэл кхардя кхэтанэ адарик тринэ адалэн кральён, соб (кай) тэ отдэл лэн дрэ Моавоскиро васт.” ¹⁴ И пхэндя Елисее: “Тэ явэл джидо пэ веки Рай Дэвэл, Дэвэл болыбна́скирэ-янголэнгирэ, ангил Савэстэ мэ сом тэрдó! Кóли бы мэ тэ на кутякирав Иосафатос, кралíс Юдэякирэс, тэды мэ на подыкхава бы пэ тутэ и тэ на дыкхав бы тут. ¹⁵ Аканá кхарэн мангэ манушэс, саво башавэла пэ гусли.” И кэли мануш башады пэ гусли, тэды васт Рáскирэ-Дэвлэскиро чилады Елисее. ¹⁶ И ёв пхэндя: “Адякэ ракирэла Рай Дэвэл: ‘Кэрэн пэ дава доло (хохой) ровы (хохой) палэ’; ¹⁷ пал-дова со адякэ ракирэла Рай Дэвэл: ‘Тумэ на дыкхэна балвал, и тумэ на дыкхэна брышы́нд, а дава доло тэ пхэрдэл панэса, саво явэла тэ пьел тумэ и тыкно́ и баро тумаро ското. ¹⁸ Нэ дава náбут (куты) ангил Рáскирэ-Дэвлэскирэ якхá; Ёв и Моавос отдэла дрэ тумарэ васта. ¹⁹ И тумэ домарэна сарэ фóрья зоралэ тынэнца, и сарэ, шэритка фóрья и сарэ фэдырша вэша́ счингирэна, и сарэ панескирэ ганынгорья запрудинэна, и сарэ фэдырша фэлды́тка штэты зачхурдэна барэнца. ²⁰ Нэ злокоса (ранкоса), кэли газдэна марэскиро яныбэн, екхáтыр (срáзу) лыя́ тэ чхувэл пани пир дром Эдомостыр, и пэрдия пхув панэса. ²¹ Кэли Моавитяни шундлэ, со джана кралья́ тэ марэнпэ лэнца, тэды скэдынэ сыс сарэ, лыи манушэстыр, саво носиндя симири и пхурэды́р, и тэрдинэ пэ кусты́к (граница). ²² Пэ злóко (рáнко) уштынэ ёнэ тася́рлэс (рáнэс); и, кэли кхам зазяиндя пэ пани́, Моавитянэнгэ дурал сыкады́я дава пани́ лолэса, сыр рат. ²³ И пхэндлэ ёнэ: “Давá исын рат: мардэпэ кралья́ машки́р пэстэ и домардэ екх екхэс; аканá пэ дорэсыбэн, Моáво!” ²⁴ И явнэ ёнэ кэ Израилёскиро стáно. И уштынэ Израильтя́ни, и лынэ́ тэ марэн Моавитянэн, и одолэ прастанды́нэ лэндыр, а ёнэ уса́екх на пириячнэ́ тэ джáн пэ лэндэ́ и тэ марэн Моавитянэн. ²⁵ И фóрья распхагирдэ́, и пэ кажно́ фэдыршо́ пэ фэ́лда котэр (куско) чхурдынэ́ кажно́ пир бар и зачхурдынэ́ лэс; и сарэ панескирэ́ тхадьипэ́на запрудиндлэ́, и сарэ фэды́р вэша́ чингирдэ́ тэлэ́, адякэ́ со ячнэ́пэ екх бара́ дрэ Кир-Харешэто́. И обгинэ́ лэскирэ́ халадэ́ прашчаса́, и распхагирдэ́ лэс. ²⁶ И дыкхця́ Моавитоскиро крáli, со марибэн́ пиризорьякирэ́ла (пиридолинэ́ла) лэс, и лыя́ пэса́ эф́ташэ́ла манушэн́, саво́ марэна́спэ курталаса́, соб (кай) тэ́ проджал кэ́ Едомоскиро крáli; нэ́ на мого́ндлэ́. ²⁷ И лыя́ ёв англатунэ́с-пэ́скирэ́ чхавэ́с, савэ́скэ́ трэ́индя́ тэ́ явэл кралíса́ пэ́ штэ́то лэ́скиро, и газды́я ёв лэс ваш цэ́ло схачкирибэн́ пэ́ ванта́. Давá кэрдя́ бари холы́ дрэ Израильтянэндэ́, и ёнэ́ отгинэ́ лэсты́р, и рисинэ́ пэ́ пэ́скири пхув.”

Шэрó 4

¹ Екх пророкэнгирэ-чхавэнгири джувлы роибнаса ракирдя Елисеёскэ: “Писхари тырó, мирó, мыя. А ту джинэса, со писхари тырó дарандыя Растыр-Дэвлэстыр. Каканá явдя ловитко кофари тэ лэл дуэн мирэн чхавэн дрэ писхарьэндэ пэскэ.” ² И пхэндя лэкэ Елисеё: “Со мангэ тэ кэрáв тукэ? Пхэн мангэ, со исын тутэ дро кхэр?” Ёй пхэндя: “Нанэ писхарицатэ ничы дро кхэр, апрйч кхорó (сасудо) елеёса.” ³ И пхэндя ёв: “Джá, поманг пэскэ кхорé пэ риг, сарé тырэ суседэндыр (котарьэндыр), кхорé (сасуды) чхучэ; скэдэ бут.” ⁴ И джá, зачхакир вудар пал пэстэ и пал тырэ чхавэндэ, и чхув дрэ сарé далэ кхорé; отчхув пхэрдэ.” ⁵ И гия лэстыр, и зачхакирдя вудар пал пэстэ и пал пэскирэ чхавэндэ. Ёнэ подэнас лэкэ, а ёй чхувэлас. ⁶ Кéли пхэрдякирдэ сыс кхорé, ёй пхэндя пэскирэ чхавэскэ: “Подэ мангэ ишчо (инкэ) кхорó.” Ёв пхэндя лэкэ: “Нанэ бутыр кхорé.” И пирияця ксил. ⁷ И явдя ёй, и роспхэндя Дэвлэскирэ манушэскэ. Ёв пхэндя: “Джá, бикин ксил и заплэскир тырэ длуги; со ячэлапэ, долэса явэса тэ дживэс тырэ чхавэнца.” ⁸ Дро екх дывэс явдя Елисеё дро Сонамо. Одóй екх барвалы джувлы мангдя лэс кэ пэ тэ хал марó; и кéли ёв явэлас, усады (сак) заджалас одорик тэ хал марó. ⁹ И пхэндя ёй пэскирэ ромэскэ: “Гáда, мэ джином, со Дэвлэскиро мануш, савó проджала кажно мóло мамуй амэндэ, исын свэнто. ¹⁰ Кэрáса набари штуба упрал пэ ванта и чхуваса лэскэ одóй чхуибэн (пасиндлы), и скаминд, и банко (скабус), и момолытко (светильнико); и кéли ёв явэла тэ явэл кэ амэ, мэк тэ заджал одорик.” ¹¹ Дро екх дывэс ёв явдя одорик, и загия дрэ набари штуба, и пасия одóй. ¹² И пхэндя ёв Гиезиёскэ, пэскирэ дынарыскэ: “Кхар адалья Сонамитянка.” И кхардя ла, и ёй тэрдия ангил лэстэ. ¹³ И пхэндя лэскэ: “Пхэн лэкэ: ‘Гáда, ту адыкэ думинэса илыткэс пал амэндэ; со тэ кэрáс бы тукэ? Ци на трэй тэ поракирас нáбут пал тутэ кралиса, ци халадэнгирэ барыдырэса?’” Ёй пхэндя: “Над, машкир пэскирэ манушэндэ мэ дживáва.” ¹⁴ И пхэндя ёв: “Со тэ кэрэс лэкэ?” И пхэндя Гиезеё: “Гáда, чхавэс нанэ латэ, а ром лэкиро исын пхурó.” ¹⁵ И пхэндя ёв: “Кхар ла.” Ёв кхардя ла, и тэрдия ёй дрэ вударá. ¹⁶ И пхэндя ёв: “Пирдал бэрш, дро дава-паць часо, ту явэса тэ рикирэс пэ вастá чхавэс.” И пхэндя ёй: “Над, хулаё мирó, Дэвлэскиро мануш, на хохав тырья дынарка. ¹⁷ И джувлы яця пхари, и бияндя чхавэс пэ явир бэрш, дрэ дова-паць часо, сыр пхэндя лэкэ Елисеё. ¹⁸ И подбария чхаворó, и дро екх дывэс гия кэ пэскиро дад, кэ жнецы. ¹⁹ И пхэндя пэскирэ дадэскэ: “Шэрó мирó! Шэрó мирó дукхала!” И пхэндя одовá пэскирэ дынарыскэ: “Лыджа лэс кэ лэскири дай.” ²⁰ И лыджия лэс, и яндя лэс кэ дай лэскири. И ёв сыс бэштó пэ чангá латэ кэ пашдывэс, и мыя. ²¹ И гия ёй, и чхудя лэс пэ чхуибэн Дэвлэскирэ манушэскиро, и зачхакирдя лэс, и выгия. ²² И кхардя пэскирэ ромэс, и пхэндя: “Бичхав мангэ екхэс дынарьэндыр (слугэндыр) и екха ослица; мэ традава кэ Дэвлэскиро мануш и рисёвава.” ²³ Ёв пхэндя: “Палсó тукэ тэ традэс кэ ёв? Ададывэс исын на нэвочхон и на савато.” Нэ ёй пхэндя: “Миштó.” ²⁴ И дыя ёй андрé ослица, и пхэндя пэскирэ дынарыскэ: “Лыджа и джá; на тэрдёв, пака мэ пхэнава тукэ.” ²⁵ И гия, и явдя кэ Дэвлэскиро мануш, кэ бэрга Кармило. И кéли дыкхця Дэвлэскиро мануш ла дурал, то тэды пхэндя пэскирэ дынарыскэ Гиезиёскэ: “Давá исын одоя Сонамитянка. ²⁶ Праста гил лэкэ и пхэн лэкэ: ‘Ци састы ту сан? Ци састó тырó ром исын? Ци састó чхаворó исын?’” – Ёй пхэндя: “Састэ.” ²⁷ Кéли ёй явдя кэ Дэвлэскиро мануш пэ бэрга, то ухтылдя лэс пал гэрá. И подгия Гиезеё, соб (кай) тэ отлыджал ла; нэ Дэвлэскиро мануш пхэндя: “Ячкир ла; ди латэ дукхала, а Дэвлэ гарадя дава мандыр и на дыя зан (звесь) мангэ.” ²⁸ И пхэндя ёй: “Ци мангдём мэ чхавэс мирé хуластыр? Ци на ракирдём мэ: ‘На хохав ман?’” ²⁹ И пхэндя ёв Гиезеёскэ: “Обпхандэ тырэ трушула, и лэ дэстó мирó дрэ тырó васт, и джá. Кóли стрэнинэса вари-конэс-то, на дэ “добридим” лэскэ, и кóли кон явэла тэ дэл “добридим” тукэ, на отпхэн лэскэ. И чхув мирí кхия пэ муй чхаворэскэ.” ³⁰ И пхэндя чхаворэскири дай: “Тэ явэл пэ веки джидó Рай Дэвлэ и джидó ди тырó! На отячава тутыр.” И ёв уштыя, и гия пал латэ. ³¹ Гиезеё гия ангил лэндэ и чхудя дэстó пэ чхаворэскиро муй. Нэ на сыс ни зан, ни отпхэныбэн. И выгия пэ стреч лэскэ, и роспхэндя лэскэ, и пхэндя: “На просовэлапэ чхаворó.” ³² И загия Елисеё дро кхэр, и гáда, мулó чхаворó исын паштó пэ лэскиро чхуибэн. ³³ И загия, и зачхакирдя вудар пал пэстэ, и мангдяпэ Рáскэ-Дэвлэскэ. ³⁴ И газдыяпэ и пасия пэ чхаворэстэ и чхудя пэскирэ уштá

кэ лэскирэ уштá, и пэскирэ якхá кэ лэскирэ якхá, и пэскирэ вастá кэ лэскирэ вастá, и выдиндыкирдя масá пэскирэ пэ лэстэ, и статия чхаворэскиро трүпо. ³⁵ И уштыя, и прогия пир штүба палэ и англэ; тэньчи (потом) нэвэстыр газдыяпэ и выдиндыкирдя масá пэскирэ пэ лэстэ. И чихниндя чхаворó эфтá мóлы, и отчхакирдя чхаворó пэскирэ якхá. ³⁶ И кхардя ёв Гиезиёс, и пхэндя: “Кхар адалья Сонамитянка.” И одовá кхардя ла. Ёй явдя кэ ёв, и ёв пхэндя: “Лэ тырэ чхавэс.” ³⁷ И подгия, и пыя лэскэ дрэ гэрá, и поклониндяпэ кэ пхув. И лыя пэскирэ чхавэс, и гия. ³⁸ Елисеё рисия дро Галгáло. И сыс бокх пэ доя пхув; и пророкэнгирэ чхавэ сыс бэштэ ангил лэстэ. И пхэндя ёв пэскирэ дынарискэ: “Чхув барó котло (какави) и кэрáв пахлэбка ваш пророкэнгирэ чхавэнгэ.” ³⁹ И выгия екх лэндэр пэ фэлда тэ скэдэл шаха, и латхя бусо (дико) хрүсто, савó крэнцынэлапэ, и скэдыя лэстыр буса бобирки (гурки) пхэрдý пэскири йдя. И явдя и чхиндя лэн пэ котэрá дрэ какави (котло), адякэ, сыр ёнэ на джиндлэ лэн. ⁴⁰ И чхудэ лэнгэ тэ хан. Нэ сыр сыг ёнэ лынэ тэ хан гэнсто зуми, тэды газдынэ гóдла и ракирдэ: “Мэрибэн дрэ какави, Дэвлэскиро мануш!” И на могоиндлэ тэ хан. ⁴¹ И пхэндя ёв: “Дэн яржó.” И чхудя лэс дрэ какави, и пхэндя Гиезиёскэ: “Чхув манушэнгэ, мэк тэ хан.” И на яця ничы фуипэн дрэ какави. ⁴² Явдя вари-кон Ваалшалишатыр и яндя Рáскирэ-Дэвлэскирэ манушэскэ пэрво марунó барьякирдó (плóдо): биш гэрстытка (ячменытка) лабы марó и сырова зярны дрэ шылуха (лупины). И пхэндя Елисеё: “Отдэ манушэнгэ, мэк тэ хан.” ⁴³ И пхэндя лэскиро дынари: “Со датэ мэ тэ дав шэлэ манушэнгэ?” И пхэндя ёв: “Отдэ манушэнгэ, мэк тэ хан; пал-довá со адякэ ракирэла Рай Дэвэл: “Чалёна и ячéлапэ.”” ⁴⁴ Ёв подыя лэнгэ, и ёнэ чалынэ, и ишчо (инкэ) яцяпэ, пир Рáскиро-Дэвлэскиро лав.

Шэрó 5

¹ Неемано, халадэнгиро барыдырó кэ Сириякиро крáli, сыс славүтно мануш пэскирэ хуластэ и дрэ патыв, пал-довá со пирдál лэстэ дыя Рай Дэвэл Сириянэнгэ тэ пиризорякирэн. И адавá мануш сыс лачхó халадо, нэ сыс проказытко. ² Сирияни екх мóло гинэ отрядэнца и лынэ дрэ плéно Израилэскирэ пхувьятыр тыкнинькона раклорья, и ёй дынариндя Нееманоскирэ ромнякэ. ³ И пхэндя ёй пэскирэ хуланякэ: “Кóли бы миро хулáй тэ явэл кэ прорóко, савó исын дрэ Самáрия, тэды ёв лэла бы криг лэстыр лэскири прокáза!” ⁴ И гия Неемано, и роспхэндя давá пэскирэ хуласкэ, ракири: “Адякэ и адякэ ракирэла раклори, савй исын Израилэскирэ пхувьятыр. ⁵ И пхэндя Сириякиро крáli Нееманоскэ: “Джá, спсир, а мэ бичхавáва лыл Израилэскирэ кралйскэ.” Ёв гия и лыя пэса дэш таланы руп, и шов тысёнцы шэкэли сувнакай, и дэш змены йди. ⁶ И яндя Израилэскирэ кралйскэ лыл, дрэ савó сыс пхэндлó: “Кхэтанэ далэ лылэса, гада, мэ бичхавáва кэ ту Нееманос, мирé дынарис, соб (кай) ёв тэ лэл криг лэстыр лэскири прокáза. ⁷ Израилэскиро крáli, прогиндя лыл, роскустя пэскирэ йди: “Со мэ Дэвэл сом, соб (кай) тэ мулякирав и тэ отджидякирав, со ёв бичхавéла кэ мэ, соб (кай) мэ тэ лав криг манушэстыр лэскири прокáза. Гада, каканá джинэн и дыкхэн, со ёв родэла причина тэ джал марибнаса проти мандэ.” ⁸ Кéли шундя о Елисеё, Дэвлэскиро мануш, со Израилэскиро крáli роскустя пэскирэ йди, то бичхадя манушэс тэ пхэнэл кралйскэ: “Ваш со ту роскустян пэскирэ йди? Мэк ёв тэ явэл кэ мэ, и ёв уджинэла, со исын прорóко дро Израилэ.” ⁹ И явдя Неемано пэ пэскирэ грэндэ и пэ пэскиро марибнытко вурдэн, и тэрдия пашыл загиибэн дро Елисеёскиро кхэр. ¹⁰ И бичхадя кэ ёв Елисеё дынарис тэ пхэнэл: “Джá, обморпэ эфтá мóлы дро Иордáно, и явэна нэвэ масá түтэ, и ту явэса жужó.” ¹¹ И росхолясыя Неемано, и гия, и пхэндя: “Гада, мэ думиндём, со ёв выджáла, тэрдéла, и кхарэла Рáскирэ-Дэвлэскиро, пэскирэ Дэвлэскиро лав, и чхувéла пэскиро васт пэ довá штéто, и лэла криг прокáза. ¹² Наушто Авана и Фарфаро, рэки (лэня) Дамаскоскирэ, нанэ фэдýр сарé Израилэскирэ панэстыр? Наушто мэ на могоиндём тэ обморавпэ дрэ лэндэ и тэ выжужакиравпэ?” И рисия, и гия пэскэ холяса. ¹³ И подгинэ лэскирэ писхарья, и ракирдэ лэскэ, и пхэндлэ: “Миро дáдо, кóли бы вари-со главно пхэндя түкэ прорóко, тэды, ци на кэрэса бы ту? А ишчо (инкэ) бутýр, кéли ёв пхэндя түкэ екх: “Обморпэ и явэса жужó.”” ¹⁴ И гия ёв, и обмордяпэ дро Иордáно эфтá мóлы, пир Дэвлэскирэ-манушэскиро лав, и ячнэ нэвэ лэскирэ масá, сыр масá тыкнэ-чхаворэскирэ, и

выжужакирдяпэ. ¹⁵ И рисия ёв кэ Дэвлэскиро мануш – ёв и сарэ лэскирэ мануша, савэ сыс лэса, и явдя, и тэрдия ангил лэстэ, и пхэндя: “Гáда, мэ уджиндём, со пэ сарй пхув нанэ Дэвлэс, сыр исын дрэ екх Израилё; и адякэ прилэ даро тырэ писхаристыр.” ¹⁶ И пхэндя ёв: “Тэ явэл джидо пэ веки Рай Дэвэл, ангил муй Савэскиро мэ сом тэрдó! На прилава.” И дова зачхувэлас лэс тэ лэл, нэ ёв на подыяпэ (на дыя лав). ¹⁷ И пхэндя Неемано: “Кóли со на адякэ, тэды мэк тырэ писхарискэ тэ дэн пхув, ци бут злыджана дуй мулы; пал-дова со на явэла бутыр тыро писхари тэ янэл цélo схачкирибэн и свэнта яныбэна явирэ дэвлорэнгэ, апрйч Растэ-Дэвлэстыр. ¹⁸ Екх, гáда дрэ со мэк тэ примангэл (тэ простинэл) Рай Дэвэл тырэ писхарис; кели джала миро хулай дро кхэр Римоноскиро ваш мангипэн одой и облокотинэлапэ пэ миро васт, и клонинавапэ мэ дрэ Римоноскиро кхэр, то тэды, кели мэ клонинавапэ дро кхэр Римоноскиро, мэк тэ примангэл Рай Дэвэл писхарис тырэс дрэ дая ваканция (дава случаё).” ¹⁹ И пхэндя лэскэ: “Джá Дэвлэса.” И ёв традыя криг лэстыр пэ нобаро дром пхувьякиро. ²⁰ Нэ пхэндя Гиэзиё, Елисеёскиро дынари, Дэвлэскирэ-манушэскиро: “Гáда, миро хулай отпхэндяпэ тэ лэл Нееманоскирэ вастэстыр, далэ Сирияниностыр дова, со ёв яндя.” “Тэ явэл джидо пэ веки Рай Дэвэл! Прастава мэ пал лэстэ; и лавá лэстыр вари-со.” ²¹ И потрадыяпэ Гиэзиё пал Нееманостэ. И дыкхця Неемано манушэс, саво прасталас пал лэстэ, и згия марибнытконэ вурдэнэстыр пэ стреч лэскэ, и пхэндя: “Ци раманёса (миро́са) ту сан?” ²² Ёв отпхэндя: “Раманёса (миро́са); миро хулай бичхадя ман тэ пхэнав: Гáда, аканá явнэ кэ мэ Ефремóскирэ бэргатыр дуй тэрнэ мануша пророкэнгирэ чхавэндыр; дэ лэнгэ талáно руп и дуй змены йди.” ²³ И пхэндя Неемано: “Лэ, мэ мангáва, дуй таланы.” И мангдя лэс. И запхандя ёв дуй таланы руп дрэ дуй гонэ и дуй змены йди, и отдыя дуэ пэскирэ дынарьэнгэ, и лыджинэ ангил лэндэ. ²⁴ Кели ёв явдя кэ бэргица, то тэды лыя лэнгирэ вастэндыр и гарадя кхэрэ. И отмэкця манушэн, и ёнэ гинэ пэскэ. ²⁵ Кели ёв явдя и явдя кэ пэскиро хулай, то Елисеё пхэндя лэскэ: “Катыр сан ту, Гиэзеё?” И пхэндя ёв: “Никарик на псирдём, тыро писхари.” ²⁶ И пхэндя ёв лэскэ: “Наушто ило миро на помогиндя тукэ, кели рисия гил тукэ одова мануш пэскирэ вурдэнэстыр? Ци часо (пора) тэ лэс руп и тэ лэс йди, ци кеилытка вэшá и винаградники, и тыкно́ ци баро ското, ци дынарьён, ци дынарицен?” ²⁷ Мэк Нееманоскири проказа тэ пириячэл кэ ту и кэ тыро рóдо пэ веко.” И выгия ёв лэстыр парно́ проказатыр, сыр ив.

Шэро́ 6

¹ И пхэндлэ чхавэ пророкэнгирэ Елисеёскэ: “Гáда, штэто, кай амэ дживаса пашыл тутэ, тясно (танго) исын ваш амэнгэ. ² Джáса кэ Иордáно, и лáса одотхыр кажно (сва́ко) пир екх бэрно, и кэраса пэскэ одой штэто ваш джибэн.” Ёв пхэндя: “Джáн.” ³ И пхэндя екх: “Кэр лачхипэн, джá и ту дынарьэнца тырэнца.” И пхэндя ёв: “Джáва.” ⁴ И явдя лэнца, и явнэ кэ Иордáно, и лынэ тэ чингирэн вэш. ⁵ И кели екх лэндыр радя вэш, то лэскиро товэр пыя дрэ паний. И задья годла ёв, и пхэндя: “Ай, миро хулаё! Товэр лыно́ сыс пэ подрикирибэн!” ⁶ И пхэндя Дэвлэскиро мануш: “Кай ёв пыя?” Ёв сыкадя лэскэ штэто. И отчхингирдя ёв котэр (куско) вэшэстыр, и чхурдыя одорик, и выплывиндя (дыя плýма упрэ) товэр. ⁷ И пхэндя ёв: “Лэ пэскэ.” Ёв протырдыя пэскиро васт и лыя лэс. ⁸ Крáli Сириякиро гия марибна́са пэ Израильтянэндэ и радиндяпэ пэскирэ дынарьэнца, ракири: “Дро дасаво и дро дасаво штэто мэ тэрдякирава пэскиро халадыбэн.” ⁹ И бичхадя Дэвлэскиро мануш кэ крáli Израилёскиро тэ пхэнэн: “Ракхпэ тэ джас далэ штэтоса, пал-дова со одой Сирияни запасинэ.” ¹⁰ И бичхадя Израилёскиро крáli пэ дова штэто, пал саво ракирдя лэскэ Дэвлэскиро мануш и прираххця лэс; и зракхця пэс одой на ёкхвар и на дуй мо́лы. ¹¹ И лыя тэ пхарьёл Сириякирэ-кралýскиро ило пир дая ваканция (дава случаё), и кхардя ёв пэскирэн дынарьён, и пхэндя лэнгэ: “Пхэнэн мангэ, кон амарэндыр исын палó екх Израилёскирэ кралýса?” ¹² И пхэндя екх лэскирэ дынарьэндыр (слугэндыр): “Никон, миро хулаё, крáli; а Елисеё проро́ко, саво исын кэ Израилё, ёв пирипхэнэла Израилёскирэ кралýскэ и долэ лавá, савэ ту ракирэса дрэ соибнытко тыри́ штýба.” ¹³ И пхэндя ёв: “Джáн, доджинэнпэ, кай ёв исын; мэ бичхавáва и лавá лэс.” И роспхэндлэ лэскэ, и пхэндлэ: “Гáда, ёв исын дрэ Дофаима.” ¹⁴ И бичхадя одорик

грэн, и марибнйтка вурдэна, и бут халадэн. И явнэ раты, и облынэ трусцл форо.¹⁵ Пэ злоко (рэнко) Дэвлэскирэ-манушэскиро бутярно уштыя и выгия; и гада, халадэ сыс трусцл форо, и граё, и марибнйтка вурдына. И пхэндя лэскэ дынари лэскиро: “Саро, миро хулаё, со амэнгэ тэ кэрэс?”¹⁶ И пхэндя ёв: “На дар, пал-дова со одолэн, савэ исын амэнца, бутыр сыр одолэн, савэ исын лэнца.”¹⁷ И мангдяпэ Елисее, и ракирдя: “Раё Дэвла! Отчакир лэскэ якха, соб (кай) ёв тэ дыкхэл.” И отчакирдя Рай Дэвлэ якха дынарискэ, и ёв дыкхця, и гада, сари бэрга исын пхэрдэ грэнца и марибнйтконэ вурдынэнца дрэ яг трусцл Елисеестэ.¹⁸ Кэли гинэ кэ ёв Сирияни, Елисее мангдяпэ Рэскэ-Дэвлэскэ и пхэндя: “Корьякир лэн.” И Ёв корьякирдя лэн, пир Елисеескиро лав.¹⁹ И пхэндя лэнгэ Елисее: “Давэ исын на дова дром и на дова форо; джан пал мандэ, мэ лыджава тумэн кэ одова мануш, савэс тумэ родэна.” И яндя лэн дрэ Самария.²⁰ Кэли ёнэ явнэ дрэ Самария, Елисее пхэндя: “Раё Дэвла! Отчакир якха лэнгэ, соб (кай) ёнэ тэ дыкхэн.” И отчакирдя Рай Дэвлэ якха лэнгэ, и дыкхнэ, со ёнэ сыс машкирал Самария.²¹ И пхэндя Израилэскиро крэли Елисеескэ, дыкхи лэн: “Ци тэ на домарэс лэн, миро дадо?”²² И пхэндя ёв: “На домар. Наушто тырэ курталаса и тырэ лукаса ту льян лэн дро плэно, соб (кай) тэ домарэс лэн? Сыкав лэнгэ маро и пани; мэк ёнэ тэ хан и тэ пьен, и мэк ёнэ тэ джан кэ пэскиро кхенинго.”²³ И кэрдя ёв лэнгэ баро хабэн, и ёнэ ханэ и пинэ. И отмэкця ёв лэн, и гинэ ёнэ кэ пэскиро кхенинго. И на псирдэ бутыр долэ барэ кэ дар халадыбэна Сириякирэ пэ Израилэскири пхув.²⁴ Палó давэ (после) скэдыя о Венададо, Сириякиро крэли, сарэн пэскирэ халадэн, и выгия, и обчхудя трусцл халадыбнаса Самария.²⁵ И сыс бари бокх дрэ Самария, кэли ёнэ обчхудэ трусцл халадыбнаса ла, адякэ, со ослытко шэрó бикиндяпэ пир охтодэшэ шэкели руп, и штэрто паш голумбоскирэ гнэицо – пэ пандж шэкели руп.²⁶ Екхвар Израилэскиро крэли гия пир ванта, и джувлы годласа ракирдя лэскэ: “Помогин, хулаё миро, крэли.”²⁷ И пхэндя ёв: “Кóли на помогинэла тукэ Рай Дэвлэ, ци помогава мэ тукэ, ци шурнатыр, ци пресостыр?”²⁸ И пхэндя крэли лэкэ: “Со тукэ?” И пхэндя ёй: “Адая джувлы ракирдя мангэ: ‘Отдэ пэскирэс чхавэс, соб (кай) тэ хас лэс ададывэс, а мирэс чхавэс схаса атася.’”²⁹ И кэрадам амэ мирэ чхавэс, и хаям лэс. И мэ пхэндём лэкэ пэ явир дывэс: ‘Отдэ тырэ чхавэс, и хаса лэс.’ Нэ ёй гарадя пэскирэс чхавэс.”³⁰ Крэли вышундя лавэ джувлякирэ, роскустя пэскирэ йди: и гия ёв пир ванта, и манушэ дыкхнэ, со гонó праскаса (золаса) сыс пэ кокорэ лэскирэ маса.³¹ И пхэндя ёв: “Мэк дова и дова кэрэла мангэ Дэвлэ, и ишчо (инкэ) бутыр кэрэла, кóли ячэлапэ шэрó Елисеескиро, Сафатовоскирэ-чхавэскиро, пэ лэстэ ададывэс.”³² Елисее сыс бэштó дро пэскиро кхэр, и годэпхурэ сыс бэштэ лэстэ. И бичхадя крэли манушэс пэстыр. Англедыр, сыр явдя мануш, савэс бичхадэ кэ ёв, ёв пхэндя годэ пхурэнгэ: “Ци дыкхэна тумэ, со адава мануш, чхаво умарибнарискиро, бичхадя тэ злэн мандыр шэрó? Дыкхэн, кэли явэла мануш, савэс бичхадэ, закэрэн вудар и притасавэн лэс вударэнца. А гада, и лопотымо лэскирэ хуласкирэ гэрэнгири пал лэстэ.”³³ Ишчо ёв ракирдя лэнца, и гада, мануш, саво сыс бичхадэ, явдя кэ ёв и пхэндя: “Гада, саво фуипэн Растыр-Дэвлэстыр, со ишчо (инкэ) мангэ ангил тэ ужакирав Растыр-Дэвлэстыр?”

Шэрó 7

¹ И отпхэндя Елисее: “Шунэн Рэскирэ-Дэвлэскиро лав: “Адякэ ракирэла Рай Дэвлэ: атася дрэ давэ часо мэра фэдыршонэ яржэскири явэла пир шэкелё, и дуй меры гэрсто (ячменё) пир шэкели, пашыл порта Самариякири.”² И отпхэндя тхагарискиро-мануш, пэ васт савэскиро крэли чхудя кунь, Дэвлэскирэ манушэскэ, и пхэндя: “Кóли бы Дэвлэ и тэ отчакирэл фэнштры пэ болыбэн, и тэды, ци могоинэла давэ тэ явэл?” И пхэндя одова: “Гада, дыкхэса тырэ якхэнца, нэ тэ хас давэ на явэса.”³ Штар проказытка манушэ сыс ангил загиибэн дрэ порта и ракирдэ ёнэ екх екхэскэ: “Со амэнгэ тэ бэшас адай, ужакири мэрибэн?”⁴ Кóли тэ скэдэспэ амэнгэ тэ джас дрэ форо, тэды дрэ форо исын бокх, и амэ одой мэраса; кóли тэ бэшас адай, тэды амэ адякэ-паць мэраса. Джаса фэдыр дро Сириякиро стано (лод). Кóли ячкирэна ёнэ амэн джидэн, яваса тэ дживас; а кóли мулякирэна, то мэраса.”⁵ И уштынэ ёнэ дро цямлыпэн, сыр ишчо (инкэ) дывэсэла, соб (кай) тэ джан дро Сириякиро стано. И

явнэ кэ Сириякирэ-станоскиро ягóро (краё), и гада, нанэ одóй ни екхэ манушэс. ⁶ Рай Дэвэл кэрдя дова, со Сириякирэ станоскэ пошундяпэ груко марибнытконэ-вурдэнэнгиرو и грэнгири гримитыма, шумо бутэ-халадэнгиرو. И пхэндлэ ёнэ екх екхэскэ: “Чачэс, лыя пал ловэ проти амэндэ Хетейсконэ и Египтоскирэ кральён, соб (кай) тэ джас пэ амэндэ.” ⁷ И уштынэ, и прастандынэ дро цямлыпэн, и мэкнэ пэскирэ шатры, и грэн пэскирэн, и ослэн пэскирэн, сарó стáно, сыр ёв сыс, и прастандынэ, зракхи пэс. ⁸ И явнэ одолэ (проказытка) манушá кэ станоскиро ягóро (краё), и загинэ дрэ екх шáтра, и ханэ и пинэ, и лынэ одотхыр руп, и сувнакай, и йди, и гинэ и гарадэ. Гинэ ишчо (инкэ) дрэ явир шáтра, и одóй лынэ, и гинэ и гарадэ. ⁹ И пхэндэ екх екхэскэ: “На адякэ амэ кэрáса. Дывэс дава – дывэс бахталэ нэвиписна. Кóли амэ на сыгнякираса и явáса тэ ужакирас злóко, то тэды пэрэла пэ амэндэ банг. Джáса и роспхэнаса краліскирэ кхэрэскэ.” ¹⁰ И явнэ, и кхардэ форóскирэ раххибнарьён пэ пóрты, и роспхэндлэ лэнгэ, ракири: “Амэ псирдым дро Сириякиро стáно и роспхэндям лэнгэ, и гада, нанэ одóй ни манушэс, ни манушэскири зан, а екх граё припхандлэ, и ослы (мегáрья) припхандлэ, и шáтры, сыр тэ явэн лэнгэ. ¹¹ И кхардэ ёнэ раххибнарьён и пиридынэ нэвипэн дрэ кокорó краліскиро кхэр. ¹² И уштыя крáли раты, и пхэндя пэскирэ дынарьёнгэ: “Мэ пхэнава тумэнгэ, со кэрэна амэнца Сирияни. Ёнэ джинэна, со амэ пирилыджаса бокх, и выгинэ ёнэ станостыр, соб (кай) тэ гарадён дрэ фэлда, думины адякэ; кэли ёнэ выджáна форóстыр, амэ заухтыласа лэн джидэнца и заджаса дрэ фóро.” ¹³ И отпхэндя екх мануш, савó сыс дынариса пашыл лэстэ, и пхэндя: “Мэк тэ лэн панджэ грэн, савэ ячнэпэ дро фóро (сарэ вольнонэ отрядэндыр Израильтянэндыр екх и яцяпэ дрэ лэстэ, – сарэ вольна отряды Израильтянэн, савэ хасинэ), и бичхаваса и дыкхаса. ¹⁴ И лынэ дуэн грэн, дынэ андрэ лэн дрэ марибнытка вурдына. И бичхадя крáли палáл Сириякирэ халадэндэ, пхэни: “Джáн, подыкхэн.” ¹⁵ И традынэ пал лэндэ кэ Иордáно, и гада, сарó дром сыс засчхудо идэнца и багажоса, савэ чхурдынэ Сирияни, кэли сыгнякирдэ пэскиро нашыбэн. И рисинэ манушá, савэ сыс бичхадэ, и роспхэндлэ краліскэ. ¹⁶ И выгинэ манушá, и росчордэ стáно Сириякиро, и сыс мёра яржó фэдыршо пир шéкелё, и дуй меры гэрсто (ячмёнё) пир шéкелё, пир Рáскирэ-Дэвлэскиро лав. ¹⁷ И крáли чхудя одолэс тхагарискирэ-помогибнаскиро (сановникос), пэ васт савэскиро ёв обрикирдяпэ, пашыл пóрта; и росштакурдэ лэс манушá дрэ пóрта, и ёв мыя, сыр пхэндя Дэвлэскиро мануш, савó ракирдя, кэли ёв кэ крáли. ¹⁸ Кэли ракирдя Дэвлэскиро мануш краліскэ адякэ: “Дуй меры гэрсто (ячмёнё) пир шéкелё, и мёра фэдыр яржó пир шéкелё явэла атася дрэ дава часо пашыл пóрта Самариякири”, ¹⁹ Тэды и отпхэндя дава тхагарискиро-помогибнаскиро (сановнико) Дэвлэскирэ манушэскэ и пхэндя: “Кóли бы Дэвэл и отчхакирдя фэнштры пэ болыбэн, и тэды ци могоинэлас дава тэ явэл?” А ёв пхэндя: “Дыкхэса тырэ якхэнца, нэ тэ хас дава на явэса.” ²⁰ Адякэ и кэрдяпэ лэса; и затопчындрэ (росштакирдэ) лэс манушá дрэ пóрта, и ёв мыя.

Шэрó 8

¹ И ракирдя Елисее джувлякэ, савьякирэ чхавэс ёв отджидякирдя, и пхэндя: “Ушты и джá, ту и тырó кхэр, и джив одóй, кай могоинэса тэ дживэс куты (набут); пал-дова со кхардя Рай Дэвэл бокх, и ёй явэла пэ дая пхув эфта (битринэнгино дэш) бэрш.” ² И уштыя одоя джувлы, и кэрдя пир Дэвлэскирэ-манушэскиро лав; и гия ёй и лáкиро кхэр, и дживдя пэ Филистиякири пхув эфта бэрш. ³ Сыр прогинэ эфта бэрш, то рисия адая джувлы Филистиякири пхувьятыр, и явдя тэ мангэл краліс пал пэскиро кхэр и пал пэскири фэлда. ⁴ Крáли тэды ракирдя Гиезиёса, дынариса Дэвлэскирэ манушэскирэса, и пхэндя: “Роспхэн мангэ сарó славу́тно, со кэрдя Елисее.” ⁵ И машкир дава, сыр ёв роспхэнэлас краліскэ, со одова отджидякирдя мулэс, э джувлы, савьякирэ чхавэс ёв отджидякирдя, мангдя краліс пал пэскиро кхэр и пал пэскири фэлда. И пхэндя Гиезее: “Хулаё миро, крáли, ада исын доя-паць джувлы и дова-паць лáкиро чхавó, савэс отджидякирдя Елисее.” ⁶ И пхуцяпэ крáли джувлятыр, и ёй роспхэндя лэскэ. И дыя лáкэ крáли екхэ манушэс фэлатинитконэс (придворнонэс) и пхэндя: “Тэ рискирэс лáкэ сарó, со сыс лáкиро, и сарó со лынэ фэлдатыр,

долэ дывэсэстыр, сыр ёй ячкирдя пхув, кэ дава дывэс.”⁷ И явдя Елисеё дро Дамаско, кели Венададо, Сириякиро крали, сыс насвалó. И роспхэндлэ лэскэ, ракири: “Явдя Дэвлэскиро мануш дарик.”⁸ И пхэндя крали Азаилоско: “Лэ дрэ тырó васт почастунко (подарко), и джа гил Дэвлэскирэ манушэскэ, и пхучпэ Растыр-Дэвлэстыр пирдал лэстэ, ракири: “Ци высастёвава мэ далэ дукхатыр?”.”⁹ И гия Азаило гил (пэ стреч) лэскэ, и лыя почастунко дро пэскиро васт и сарó фэдыршо дро Дамаско, ци бут могоина тэ лыджан штардэша верблюды, и явдя, и тэрдия ангил лэскиро муй, и пхэндя: “Чхавó тырó Венададо, Сириякиро крали, бичхадя ман кэ ту тэ пхучавпэ: “Ци высастёвава мэ далэ дукхатыр?”.”¹⁰ И пхэндя лэскэ Елисеё: “Джа, пхэн лэскэ: высастёса; нэ усаёкх отчхакирдя мангэ Рай Дэвэл, со ёв мэрэла.”¹¹ И пхучибныткэс подыхця пэ лэстэ Елисеё, и адякэ яцяпэ кэ дова, со залыджия лэс дрэ ладж; и зарондя Дэвлэскиро мануш.¹² И пхэндя Азаило: “Сóстыр хулай миро ровэла?” И пхэндя ёв: “Долэстыр, со мэ джином, савó кэрэса ту фуипэн чхавэнгэ Израилэстыр; твардыми (крепости) лэнгирэ ту отдэса ягакэ, и тэрнэн лэнгирэн манушэн курталаса мулякирэса, и колынытконэ лэнгирэ чхаворэн домарэса, и пэралэн лэндэ джувлэн росчингирэса.”¹³ И пхэндя Азаило: “Со дасаво дынари тырó исын джукэл, соб (кай) могоиндя тэ кэрэл дасаво барó рэндо?” И пхэндя Елисеё: “Сыкадя мангэ Рай Дэвэл, со ту явэса Сириякиро крали.”¹⁴ И гия ёв Елисеёстыр, и явдя кэ пэскиро кхенинго. И пхэндя лэскэ дава мануш: “Со ракирдя тукэ Елисеё?” И пхэндя: “Ёв ракирдя мангэ, со ту высастёса.”¹⁵ А пэ явир дывэс ёв лыя кури (похтан), киндякирдя ла панэса и чхудя пэ лэскиро муй, и ёв мыя. И яця кралиса Азаило пэ штэто лэскиро.¹⁶ Пэ панджто бэрш Иорамоскиро, Ахавоскирэ чхавэстэ, савó сыс крали пэ Израилё, пал Иосафатостэ, Юдэякирэ кралистэ, яця кралиса Иорамó, Иосафатоскиро чхавó, крали пэ Юдэя.¹⁷ Трияндадуй бэрша сыс лэскэ, кели ёв яця кралиса, и охто (бидуэнгиро дэш) бэрш сыс кралиса дро Ерусалимо.¹⁸ И псирдя ёв Израилэскирэ-кральэнгирэ дромэса, сыр кэрдя Ахавоскиро кхэр, пал-дова со Ахавоскири чхай сыс лэскирэ ромняса; и кэрдя налачхэс дрэ якха Раскирэ-Дэвлэскирэ.¹⁹ Нэ усаёкх на камдя Рай Дэвэл тэ хасякирэл Юдас, ваш Давидоскэ, Пэскирэ писхарискэ, адякэ сыр Ёв дыя лав тэ дэл лэскэ момолытко (светильнико) дрэ лэскирэ чхавэндэ пэ сарэ дывэса.²⁰ Дрэ дывэса лэскирэ выгия Эдóмо тэл Юдаскирэ вастэстыр, и чхудэ ёнэ пэ пэстэ кралис.²¹ И гия Иорамó дрэ Цаиро, и сарэ марибнытка вурдына лэса; и уштыя ёв раты, и домардя Идумеянэн, савó сыс трусцял лэстэ, и барыдырэн пэ марибнытка вурдына, нэ мануша нашнэ дрэ пэскирэ шатры.²² И выгия Эдóмо Юдаскирэ вастэстыр кэ дава дывэс. Дрэ дова-паць часо выгия и Ливна.²³ Явир лав пал Иорамостэ и пал сарó, со ёв кэрдя, исын зачхиндло дро бэршытка архивы Юдэякирэ кральэнгирэ.²⁴ И пасия Иорамó пэскирэ дадэнца, и гарадо сыс пэскирэ дадэнца дро Давидоскиро фóро. И яця кралиса Охозия, чхавó лэскиро, пэ штэто лэскиро.²⁵ Пэ дэшуявир бэрш Иорамоскиро, Ахавоскирэ-чхавэскиро, Израилэскирэ кралискиро, яця кралиса Охозия, Иорамоскиро чхавó, савó сыс пэ Юдэя.²⁶ Биш тэ дуй бэрш сыс Охозияскэ, кели ёв яця кралиса, и екх бэрш сыс кралиса дро Ерусалимо. Лав лэскирэ-дакиро сыс Гофолия, Амвриёскири чхай, савó сыс крали пэ Израилё.²⁷ И псирдя Охозия Ахавоскирэ кхэрэса, и кэрдя налачхэс дрэ Раскирэ-Дэвлэскирэ якха, адякэ-паць сыр Ахавоскиро кхэр, пал-дова со ёв сыс сэмэнца Ахавоскирэ кхэрэса.²⁸ И гия ёв Иорамоса, Ахавоскирэ чхавэса, пэ марибэн Азаилоса, Сириякирэ кралиса, дро Рамóфо Галаадоскиро, и чхиндлэ Сирияни Иорамос.²⁹ И рисия крали Иорамó, соб (кай) тэ састякирэлпэ дрэ Изреёлэ чхиныбнастыр, савó кэрдэ лэскэ Сирияни дро Рамóфо, кели ёв мардяпэ Азаилоса, Сириякирэ кралиса. И Охозия, Иорамоскиро чхавó, крали пэ Юдэя, явдя тэ дыкхэлпэ Иорамоса, Ахавоскирэ чхавэса, дро Изреёлэ, адякэ сыр ёв сыс насвалó.

Шэрó 9

¹ Прорóко Елисеё кхардя екхэс пророкэнгирэ чхавэндир и пхэндя лэскэ: “Пхандэ трусцял тырó трушула, и лэ дава кхорó (сасудо) елеёса дро тырó васт, и джа дро Рамóфо Галаадоскиро.² Яви одорик, латх одой Ииуёс, Иосафатоскирэ чхавэс, Намесиёскирэ чхавэс, и подджа, и пхэн лэскэ тэ выджал пэскирэ пшалэндир, и залыджа лэс дрэ андратуны штуба.

³ И лэ кхорó елеёса, и вычхув пэ лэскиро шэрó, и пхэн: ‘Адýкэ ракирэла Рай Дэвэл: Мэ помакхава тут дрэ крали́стэ пэ Израилё.’ Тэньци отчхакир вудáр, и праста, и на ужакир.” ⁴ И гия́ тэрно́ ману́ш, пророкэнгиро чхавó, дрэ Рамóфо Галаадоскиро. ⁵ И явдý, и га́да, исын бэштé халадэнгирé барыдыра́. И пхэндý: “Мáндэ исын лав кэ ту, халадэнгиро барыдыро.” И пхэндý Ииуё: “Кэ кон сарэн амэндý?” И пхэндý ёв: “Кэ ту, халадэнгиро барыдыро.” ⁶ И уштыя́ ёв, и загия́ дро кхэр. И тэрно́ ману́ш вычхудý елeё пэ лэскиро шэрó, и пхэндý лэскэ: “Адýкэ ракирэла Рай Дэвэл, Дэвэл Израилёскиро: ‘Акана Мэ макхава тут дрэ крали́стэ пэ Рáскирэ-Дэвлэскирэ манушэндэ, пэ Израилё.’” ⁷ И ту вымарэса кхэр Ахавоскиро, тырэ-хуласкиро, соб (кай) Мánгэ тэ отхав палэ (отомсцинав) пал рат писхарьёнгиро, Мирé пророкэнгиро и пал рат сарé писхарьёнгиро, савé сыс Рáскирэ-Дэвлэскирэ, савé мынэ Езавелякирэ вастэстыр. ⁸ И хасёла сарó Ахавоскиро кхэр, и Мэ замарава Ахавостэ кажнонó му́ршэс, кон киндякирэлапэ кэ вáнта, и бэшыбнарис и кон яця́пэ дро Израилё. ⁹ И кэра́ва Мэ кхэр Ахавоскиро, сыр кхэр Еровоамоскиро, Наватоскирэ чхавэскиро, и сыр Ваасаскиро кхэр, Ахииноскирэ чхавэскиро. ¹⁰ Езавеля схана джукэла пэ Израилёскири фэлда, и никон на гаравэла ла.” И отчхакирдý вудáр, и настý. ¹¹ И выгия́ Ииуё кэ лэскирэ-хулáскирэ дына́ри, и пхэндлэ́ лэскэ: “Ци раманёса (миро́са)? Пал со сыс яви кэ ту дава́ бигодякиро.” И пхэндý лэнгэ: “Тумé джинэна адалэс манушэс и со ёв ракирэла.” ¹² И пхэндлэ́: “На чачипэн, пхэн амэнгэ.” И пхэндý ёв: “Дова́ и дова́ ёв пхэндý мánгэ, ракири́: ‘Адýкэ ракирэла Рай Дэвэл: Помакхава тут дрэ крали́стэ пэ Израилё.’” ¹³ И сыгнякирдэ ёнэ, и лынó кажно (сва́ко) пэскири́ идý, и почхудэ́ лэскэ пэ сама гэруня́ (ступеньки), и забашадэ́ рогоса, и пхэндлэ́: “Ииуё́ яця́ крали́са!” ¹⁴ И гия́ Ииуё́, Иосафатóскиро чхавó, Намесиевоскирэ-чхавэскиро, пэ Иорамостэ; Иора́мо ж сыс сарэнца́ Израильтянэнца́ дро Рамóфо Галаадско́ пэ раххибэн проти́ Азаилостэ, Сириякирэ крали́стэ. ¹⁵ Трэ́й тэ пхэнас, со кокорó кра́ли Иора́мо рисия́, соб (кай) тэ састякирэ́лпэ дрэ Изреелё́ чхиныбнастыр, савó кэрдэ́ лэскэ́ Сирияни́ (Арамéйцы), кели́ ёв мардýпэ́ Азаилоса, Сириякирэ крали́са. И пхэндý Иуё́: “Кóли тумэ́ сан дрэ екх годý, тэды́ мэк никон тэ на джал пэскэ́ форóстыр, соб (кай) тэ джас тэ подэс зан (звесь) дрэ Изреелё́.” ¹⁶ И бэштý Ииуё́ пэ грэстэ́, и трады́ дрэ Изреелё́, кай сыс паштó Иора́мо, и карик Охозия́, кра́ли пэ́ Юдýя явдý тэ дыкхэлпэ́ Иорамоса. ¹⁷ Пэ вучарды́ (башня) дро Изреелё́ сыс тэрдó раххибнари, и дыкхця́ ёв барó кэ дар халадыбóн Ииуёскиро, кели́ ёнэ гинé, и пхэндý: “Барó кэ дар халадыбóн дыкхáва мэ.” И пхэндý Иора́мо: “Лэ́ манушэс, савó бэштó уклистé пэ грэстэ́, и бичхáв гил (пэ стреч) лэнгэ́, и мэк тэ пхэнэл́ ци раманёса (миро́са)?” ¹⁸ И вытрады́ ману́ш уклисто́ пэ грэстэ́ гил лэскэ́, и пхэндý: “Адýкэ ракирэла кра́ли: ‘Ци раманёса (миро́са)?’” И пхэндý Ииуё́: “Со тýкэ́ кэ рама́нэ (миро)? Традэ́ пал мánдэ.” И роспхэндý раххибнари, и пхэндý: “Уклисто́ дотрады́ кэ ёнэ́, нэ на рисёла.” ¹⁹ И бичхадэ́ явирэс манушэс уклистé пэ грэстэ́, и ёв притрады́ кэ ёнэ́, и пхэндý: “Адýкэ ракирэла кра́ли: ‘Ци раманёса?’” И пхэндý Ииуё́: “Со тýкэ́ кэ рама́нэ? Традэ́ пал мánдэ.” ²⁰ И роспхэндý раххибнари, и пхэндý: “Дотрады́ уклисто́ кэ ёнэ́, и на рисёла; а мина, сыр ёв джа́ла, исын сы́рбы Ииуёскири, Намесиёскирэ́ чхавэскири, пал-дова́ со ёв джа́ла сы́гэс.” ²¹ И пхэндý Иора́мо: “Дэ́ андрé”: и дынó андрé́ лэскиро́ марибны́тко вурдэн. И выгия́ Иора́мо, Израилёскиро кра́ли, и Охозия́, кра́ли пэ́ Юдýя, кажно́ (сва́ко) пэ́ пэскиро́ вурдэн. И выгинé гил Ииуёскэ́, и стрэниндлэ́пэ́ лэса́ пэ́ Навуфеёскири-Изреелтяниноскири́ фэлда. ²² И кели́ дыкхця́ Иора́мо Ииуёс, тэды́ пхэндý: “Ци раманёса́ сан ту, Ииуё́?” И пхэндý ёв: “Савó рама́нэ пашыл́ Езавелякиро́ биладжаипэн, тырэ-да́киро, и пашыл́ бут ла́кирэ́ човаханякирибэна?” ²³ И рискирдý Иора́мо пэскирэ́ васта́, и прастáндыя, и пхэндý Охозие́: “Би́киндлэ́ амэн, Охозие́!” ²⁴ А Ииуё́ оттырды́я́ лúко́ пэскирэ́ вастэ́са и по́пыя́ Иорамоскэ́ машки́р лэскирэ́ псикэ́, и прогия́ марибны́тко́ буст пирда́л лэскиро́ ило́, и пы́я ёв пэ́ пэскиро́ марибны́тко́ вурдэн. ²⁵ И пхэндý Ииуё́ Бидэкароскэ́, ра́скэ́ пэскирэ́скэ́ пэ́ халадэндэ́: “Лэ́, чхурдэ́ лэс пэ́ Навуфеёскирэ́-Изреелитяниноскиро́ фэ́лдакиро́ котэ́р; пал-дова́ со́ пририпи́р, сыр амé тýса трады́ям дуйджинé́ палáл Ахавостэ́, лэскирэ́ дадэ́стэ́, и сыр Рай́ Дэвэл пхэндý́ пэ́ лэстэ́ дасаво́ ангилпхэныбóн. ²⁶ Чачó, рат Навуфеёскиро́ и рат, лэскирэ́-чхавэнгиро́, дыкхцём́ мэ́ тасý, ракирэ́ла Рай́ Дэвэл, и Мэ́ отха́ва палэ́ (отомсти́нава) тýкэ́ пэ́ да́я фэлда. И адýкэ́ лэ́, чхурдэ́ лэс пэ́ фэлда, пир Рáскирэ-Дэвлэскиро́ лав.” ²⁷ Охозия́, Юдýякиро́ кра́ли, сыр дыкхця́ дава́,

то прастандыя пир дром кэ кхэр, со сыс дрэ ўнта (садо). И традыяпэ пал лэстэ Ииуё, и пхэндя: “Марэн лэс пэ вурдэн.” Давá сыс пэ вучипэн Гур, со исын пашыл Ивлеамо. И прастандыя ёв дрэ Мегидоно, и мыя одой. ²⁸ И лыджинэ лэс писхарья лэскирэ дро Ерусалимо, и гарадэ лэс дрэ лэскири копліца, лэскирэ дадэса, дро Давидоскиро форо. ²⁹ Пэ дэшупэрво бэрш Иорамоскиро, Ахавоскирэ-чхавэскиро, яця краліса Охозия дрэ Юдэя. ³⁰ И явдя Ииуё дро Изреелё. Э Езавель, дорэсця зан, вымакця пэскиро муй, и прикэдыя пэскиро шэрó, и дыкхця дрэ фэнштра. ³¹ Кэли Ииуё загия дрэ порта, то ёй пхэндя: “Ци исын раманё Замвриёскэ, пэскирэ кхенингоскирэ замарибнарискэ?” ³² И газдыя ёв пэскиро муй кэ фэнштра, и пхэндя: “Кон исын манца, кон?” И выдыкхнэ кэ ёв дуй, трин ёвнухи. ³³ И пхэндя ёв: “Чхурдэн ла яврі.” И вычхурдынэ ла. И брызниндя лакиро рат пэ ванта и пэ грэндэ, и затопчындрэ (штакирдэ) ла. ³⁴ И явдя Ииуё, и хая, и пия, и пхэндя: “Латхэн адаля бибахтала и гаравэн ла, адякэ, сыр ёй исын краліскири чхай.” ³⁵ И гинэ тэ гаравэн ла, и на латхнэ латыр ничы, апріч чэрепостыр и гэрэндыр, и ангуштэндыр пэ васта. ³⁶ И рисинэ, и роспхэндлэ лэскэ. И пхэндя ёв: “Дасаво сыс Рáскирэ-Дэвлэскиро лав, савó Ёв пхэндя пирдал Пэскирэ писхаристэ, Илиястэ Фесвитяниностэ, кэли пхэндя ёв пэ Израилэскири фэлда “Схана джукэла Езавелякиро трүпо. ³⁷ И явэла Езавелякиро трүпо пэ котэр пхув Изреелэскири, сыр гнэё пэ фэлда, адякэ со никон на пхэнэла: ‘Давá исын Езавель.’”

Шэрó 10

¹ Ахавостэ сыс эфтадэша (битрияндэнгино шэл) чхавэ дро Самария. И чхиндя Ииуё лыла, и бичхадя дрэ Самария кэ барыдыра Изреелэскирэ, пхурыдырэнгэ и опекунэнгэ Ахавоскирэ чхаворэнгирэнгэ, дасавэ лавэнца: ² “Кэли явэла дава лыл кэ тумэ, тэды адякэ сыр тумэндэ и чхавэ тумарэ хуласкирэ, тумэндэ и вурдына, и грая, и форо зоралэ тыноса, и мардытко (оружыё), – ³ Выкэдэн фэдыршонэ и славутнонэ чхавэндыр пэскирэ кхенингос, и чхувэн лэс тэ бэшэл пэ трено лэскирэ дадэскиро, и марэнпэ пал кхэр пэскирэ кхенингоскиро.” ⁴ Ёнэ хор страхэдынэ и пхэндлэ: “Ѓада, дуй кралья на вытэрдинэ ангил лэстэ, сыр амэнгэ тэ вытэрдёвас?” ⁵ И бичхадя барыдыро пэ кхэр краліскиро, и фороскиро барыдыро, и пхурыдыра, и опекуны кэ Ииуё тэ пхэнэн: “Амэ сом тырэ дынарья, и со пхэнэса амэнгэ, дова и амэ кэраса. Амэ никонэс на чхуваса краліса; со исын лачхó тукэ, дова и кэр. ⁶ И чхиндя ёв кэ ёнэ лыл явир мо́ло дасаво: “Кóли тумэ сан мирэ и лав миро кандэна, тэды лэн шэрэ пэскирэ кхенингоскирэ чхавэнгирэ и явэн кэ мэ атася дрэ дава часо дро Изреелё. (Краліскирэн чхавэн сыс эфтадэша манушэн; барьякирдэ лэн славутна мануша дро форо). ⁷ Кэли явдя кэ ёнэ лыл, ёнэ лынэ краліскирэн чхавэн, и запхусадэ лэн – эфтадэша манушэн, и чхудэ лэнгирэ шэрэ дрэ корзіны (кхудэ), и бичхадэ кэ ёв дро Изреелё. ⁸ И явдя мануш, савэс бичхадэ, и роспхэндя лэскэ, и пхэндя: “Яндлэ шэрэ краліскирэ чхавэнгирэ.” И пхэндя ёв: “Чхувэн лэн пэ дуй кучы, пашыл загибён дро вудар, кэ злоко (ранко).” ⁹ Пэ злоко ёв выгия, и тэрдия, и пхэндя сарэ манушэнгэ: “Тумэ на сан бангэ. Ѓада, мэ тэрдием проти мирэ кхенингостэ и мулякирдём лэс; а лэн сарэн кон замардя? ¹⁰ Джинэн аканá, со на пэрэла пэ пхув ни екх Рáскирэ-Дэвлэскиро лав, савó Ёв пхэндя пал кхэр Ахавоскиро; Рай Дэвэл кэрэла дова, со Ёв пхэндя пирдал Пэскирэ писхаристэ Илиястэ.” ¹¹ И мулякирдя Иуё сарэн манушэн, савэ ячнэпэ Ахавоскирэ кхэрэстыр дро Изреелё, и сарэ барэ ран лэскирэн, и пашатунэ лэскирэн, и рашан лэскирэн адякэ, со на яцяпэ лэстыр ни екхэс джидэс манушэс. ¹² И уштыя, и гия, и явдя дро Самария. Кэли ёв гия пирі дром пашыл Беф-Екедо, кай джана чхупнарья, ¹³ то стрэниндя Ииуё пшалэн Охозияскирэн, Юдэякирэ-краліскирэн, и пхэндя: “Кон сан тумэ?” Ёнэ отпхэндлэ: “Амэ сам Охозияскирэ пшала, джаса тэ уджинас пал састыпэн краліскирэ-чхавэнгиро, и кхенингакирэ-чхавэнгиро.” ¹⁴ И пхэндя ёв: “Лэн лэн джидэнца.” И лынэ лэн джидэнца, и запхусадэ лэн – штардэша дуй мануша, пашыл ганынг Беф-Екедо, и на яцяпэ ниэкх лэндыр. ¹⁵ И традыя ёв одотхыр, и стрэниндяпэ Ионадавоса, Рихавоскирэ чхавэса, савó гия гил лэскэ, и дыя “добридим” лэскэ, и пхэндя лэскэ: “Ци пашто исын тыро ило адякэ, сыр миро ило кэ тыро ило?” И пхэндя Ионадаво: “Адякэ.” “Кóли адякэ, тэды дэ тыро васт.” И дыя ёв пэскиро васт, и газдыя ёв лэс кэ пэ дро

марибнѣтко вурдѣн. ¹⁶ И пхэндя: “Традѣ мѣнца и дыкх пѣ миро чачипѣн пал Растѣ-Дѣвлѣстѣ.” И чхудѣ тѣ бѣшѣл лѣс дро марибнѣтко вурдѣн. ¹⁷ Сыр явдѣ Ииуѣ дрѣ Самѣрия, ѣв домардѣ сарѣн манушѣн, савѣ ячнѣпѣ Ахавостѣ дрѣ Самѣрия адѣкѣ, со сарѣса вымардѣ лѣс, пир Рѣскирѣ-Дѣвлѣскиро лав, савѣ Ёв пхэндѣ Илияскѣ. ¹⁸ И скѣдыѣ Ииуѣ сарѣ манушѣн, и пхэндѣ лѣнгѣ: “Ахѣво нѣбут (кутѣ) дынариндѣ Ваалоскѣ, Ииуѣ явѣла тѣ дынаринѣл лѣскѣ бутѣр. ¹⁹ И адѣкѣ кхарѣн кѣ мѣ сарѣн Ваалоскирѣ пророкѣн, сарѣн лѣскирѣ бутѣрнѣн и сарѣн лѣскирѣ рашѣн, соб (кай) никѣн тѣ на явѣл ишчѣ (инкѣ) вари-кай; пал-довѣ со мѣндѣ явѣла барѣ свѣнто яныбѣн Ваалоскѣ. А кѣжно (свѣко), кон на явѣла, на ячѣлапѣ джидѣ.” Ииуѣ кѣрдѣ давѣ мѣндримаса, соб (кай) тѣ марѣл Ваалоскирѣ бутѣрнѣн. ²⁰ И пхэндѣ Ииуѣ: “Пхѣнѣн пал дывѣс свѣнкоскиро ваш скѣдыибѣн ваш Ваалоскѣ.” И дынѣ тѣ джинѣн пал скѣдыибѣн. ²¹ И бичхадѣ Ииуѣ пир сарѣ Израилѣ; и явнѣ сарѣ Ваалоскирѣ бутѣрнѣ: на ячѣпѣ ниѣкх мануш, кон бы на явдѣ; и загинѣ дро Ваалоскиро кхѣр, и ячѣ пхѣрдѣ Ваалоскиро кхѣр ягорѣстыр (краѣстыр) кѣ ягорѣ. ²² И пхэндѣ ѣв идѣнгирѣ раххибнарискѣ (хранитѣлѣскѣ): “Ян идѣ ваш сарѣнгѣ Ваалоскирѣ бутѣрнѣнгѣ.” И ѣв яндѣ идѣ лѣнгѣ. ²³ И загиѣ Ииуѣ Ионадавѣса, Рихавоскирѣ чхавѣса, дро Ваалоскиро кхѣр, и пхэндѣ Ваалоскирѣ бутѣрнѣнгѣ: “Уджинѣн и роздыкхѣн, ци нанѣ тумѣндѣ вари-кон Рѣскирѣ-Дѣвлѣскирѣ бутѣрнѣндыр, адѣкѣ сыр адѣй мусинѣн тѣ явѣн ѣкх Ваалоскирѣ дынарѣя.” ²⁴ И лынѣпѣ ѣнѣ пал свѣнто яныбѣн и цѣло схачкирибѣн. А Ииуѣ чхудѣ пал кхѣр охтодѣшѣ манушѣн и пхэндѣ: “Одолѣскиро ди, савѣстыр зрахѣлапѣ вари-кон манушѣндыр, савѣн мѣ отдѣва тумѣнгѣ дрѣ вастѣ, явѣла пѣ штѣто одолѣскиро, кон зрахѣлапѣ.” ²⁵ Кѣли кѣрдѣ сыс цѣло схачкирибѣн, пхэндѣ Ииуѣ манушѣнгѣ, савѣ сѣгѣс псирѣна и барыдырѣнгѣ: “Джѣн, марѣн лѣн, соб (кай) ниѣкх тѣ на джал криг пѣскѣ.” И домардѣ лѣн курталѣса, и чхурдынѣ лѣн манушѣ, савѣ сѣгѣс псирѣна и барыдырѣ, и гинѣ дро фѣро, кай сыс мангипнытко штѣто Ваалоскиро. ²⁶ И вылыджинѣ статулы Ваалоскирѣ мангипнытконѣ штѣтоѣстыр, и схачкирдѣ лѣн. ²⁷ И розмардѣ Ваалоскири статула, и роспахирдѣ Ваалоскиро мангипнытко штѣто; и кѣрдѣ лѣстыр штѣто ваш шума, кѣ давѣ дывѣс. ²⁸ И вымардѣ Ииуѣ Ваалос Израилѣскирѣ пхувѣятыр. ²⁹ Усаѣкх Еровоамоскирѣ грѣхѣндыр, Наватоскирѣ-чхавѣскирѣ, савѣ лыджѣя Израилѣ дро грѣхо, лѣндыр на отгиѣ Ииуѣ, – сувнакунѣ гурувѣндыр, савѣ сыс дро Вефѣлѣ, и савѣ сыс дро Дано. ³⁰ И пхэндѣ Рай Дѣвѣл Ииуѣскѣ: “Пал-довѣ, со ту илѣса кѣрдѣн, со сыс чачунѣ дрѣ Мирѣ якхѣ, кѣрдѣн пѣ Ахавоскиро кхѣр сарѣ, со сыс пѣ илѣ Мѣндѣ, тырѣ чхавѣ кѣ штѣрто рѣдо явѣна тѣ бѣшѣн пѣ Израилѣскиро трѣно.” ³¹ Нѣ Ииуѣ на стариндѣпѣ тѣ псирѣл пир Рѣскирѣ-Дѣвлѣскиро, Дѣвлѣскирѣ-Израилѣскиро закѣно, сарѣ илѣстыр. Ёв на отгиѣ Еровоамоскирѣ грѣхѣндыр, савѣ залыджѣя Израилѣ дро грѣхо. ³² Дрѣ долѣ дывѣсѣ лыѣ Рай Дѣвѣл тѣ отчхинѣл пашѣ Израилѣтянѣндыр, и домардѣ лѣн Азаило пѣ сарѣ Израилѣскири риг. ³³ Пѣ вастѣко Иорданѣстыр, сарѣ пхув Галаадоскири, рѣдыщѣ Гадоскиро, Рувимоскиро, Манасѣяскиро, лыи Ароѣрѣстыр, савѣ сыс пашыл сѣгно рѣкица (лѣнѣри) Арноно, и Галаадѣ и Васѣно. ³⁴ Явѣр лав пал Ииуѣстѣ и пал сарѣ, со ѣв кѣрдѣ, и пал муршканѣ рѣнды (подвиги) лѣскирѣ, исын зачхиндлѣ дро Израилѣскирѣ-кральѣнгирѣ бѣршѣтка архѣвы. ³⁵ И пасѣя Ииуѣ пѣскирѣ дадѣнѣца, и гарадѣ лѣс дрѣ Самѣрия. И ячѣ кральѣса Иоахазѣ, лѣскиро чхавѣ, пѣ штѣто лѣскиро. ³⁶ Ииуѣ кралиндѣ пѣ Израилѣ, дро Самѣрия, биш тѣ охтѣ бѣрш.

Шѣрѣ 11

¹ Э Гофолия, Охозѣяскири дай, дыкхѣ, со лѣкиро чхавѣ мыѣ, уштѣя и вымардѣ сарѣ кральѣскиро рѣдо. ² Нѣ э Иосавѣф, Иорамоскирѣ-кральѣскири чхай, Охозѣяскири пхѣн, лыѣ Иоасасѣс, Охозѣяскирѣ чхавѣс, и чѣрахѣнѣс лыджѣя лѣс криг мулѣ кральѣскирѣ чхавѣндыр, лѣс и нянька лѣскирѣя, дрѣ соибнытко штѣубѣ; и гарадѣ лѣс Гофолиятыр, и ѣв на сыс замардо. ³ И сыс ѣв лѣса гарадѣ дро Рѣскирѣ-Дѣвлѣскиро Кхѣр шѣв бѣрш, сыр Гофолия сыс кральѣлица пѣ пхув. ⁴ Пѣ ѣфтѣто бѣрш бичхадѣ Иодаѣ, и лыѣ барыдырѣн пѣ шѣлѣ раххибнарьѣндѣ и манушѣн, савѣ сѣгѣс псирѣна, и яндѣ лѣн кѣ пѣ дро Дѣвлѣскиро Кхѣр, и кѣрдѣ лѣнѣца дѣракирибѣн, и лыѣ лѣндыр совѣл дро Рѣскирѣ-Дѣвлѣскиро Кхѣр, и сыкадѣ лѣнгѣ кральѣскирѣ чхавѣс. ⁵ И дыѣ лѣнгѣ припхѣныбѣн, пхѣнѣ: “Гѣда, со тумѣ кѣрѣн: трѣто паш тумѣндыр, савѣ

явэнас дро савато (субота), явэла тэ рикирэл стрэга пашыл крالیскіро кхэр. ⁶ Трїто паш явэла пашыл порта Суро, и трїто паш пашыл порта палал раххибнарьэндэ. И рикирэн стрэга кхэрэскэ, соб (кай) тэ на явэл пхагирдó нисó. ⁷ И дуй пашá тумэндыр, сарэндыр, савэ джана дро савато (субота), явэна тэ рикирэн стрэга пашэ би Рáскірэ-Дэвлэскіро Кхэр ваш крالیскэ. ⁸ И залэн муй (обкрэнглякирэн) крالیс сарэ ригэндыр, кажно (свако) мардытконэса (оружыёса) пэскирэса дрэ пэскирэ вастá; и кон загия бы дрэ ряды, одовá мэк тэ явэл замардо. И явэн пашэ крالیстэ, кели ёв выджáла и кели заджáла.” ⁹ И кэрдэ шэлытка сарó, со припхэндя Иодаё рашáй, и лынó кажно пэскирэн манушэн, савэ сыс яви дрэ савато и савэ гинэ пэскэ дрэ савато, и явнэ кэ Иодаё рашáй. ¹⁰ И роздыя рашáй шэлытконэнгэ чхурдыбнытка бустя (коп’и) и шчыты Давидóскірэ крالیскірэ, савэ сыс дро Рáскірэ-Дэвлэскіро Кхэр. ¹¹ И тэрдинэ манушá, савэ сыгэс псирэна, кажно мардытконэса (оружыёса) дро пэскиро васт, чачэ-кхэрэскірэ ригáтыр кэ зэрво (лёво) кхэрэскири риг, пашо алтáрэ и пашо кхэр, трусцял крالیстэ. ¹² И вылыджыя ёв крالیскірэ чхавэс, и чхудя пэ лэстэ крالیскири корóна и шукарьякирибэн, и кэрдэ крالیса лэс, и помакхнэ лэс, и мардэ дрэ вастá и годлэнас радымáса: “Мэк тэ дживэл крáли!” ¹³ И шундя Гофолия зан манушэнгири, савэ прастáндынэ, и гия кэ манушá дро Рáскірэ-Дэвлэскіро Кхэр. ¹⁴ И дыкхэла, и гáда, крáли сыс тэрдó пэ вучипэн, сыр исын прилыно, и тхагáрья, и рóги пашыл крالیстэ; и сарэ манушá пхув радынэнапэ, и башавэна рогэнца. И роскустя Гофолия пэскирэ їди, и задыя годлы: “Зракирибэн, Зракирибэн!” ¹⁵ И дыя припхэныбэн рашáй Иодаё шэлытконэнгэ, барыдырэнгэ пэ халадэндэ, и пхэндя лэнгэ: “Вылыджан ла пал раххибнарьенгирэ ряды; а кон джáла пал лáтэ, замарэн курталáса, адякэ сыр думиндя о рашáй, соб (кай) тэ на замарэн ла дро Рáскірэ-Дэвлэскіро Кхэр. ¹⁶ И дынэ лáкэ штéто, и ёй гия пирдál загиибэн грэнгиро кэ крالیскіро кхэр, и замардэ ла одой. ¹⁷ И кэрдя Иодаё завéто машкїр Растэ-Дэвлэстэ, и машкїр крالیстэ, и машкїр манушэндэ, соб (кай) ёнэ тэ явэн Рáскірэ-Дэвлэскірэ манушэнца, и машкїр крالیстэ, и манушэндэ. ¹⁸ И гинэ сарэ манушá пхувьякирэ дро Ваалоскіро кхэр, и роспахирдэ лэскірэ алтáри, и лэскірэ фигуры сарэса розмардэ, и Матфанос, рашáс-жрецос Ваалоскирэс, замардэ ангїл алтáри. И чхудя рашáй дыкхибэн пал Кхэр Рáскірэ-Дэвлэскіро. ¹⁹ И лыя шэлытконэн, и раххибнарьен, и манушэн, савэ сыгэс псирэна, и сарэ пхувьякирэ манушэн, и лыджинэ крالیс Рáскірэ-Дэвлэскірэ Кхэрэстыр, и явнэ пир дром пир раххибнарьенгирэ порта дро крالیскіро кхэр; и ёв бэстя пэ кральёнгиро трóно. ²⁰ И радындлэпэ сарэ пхувьякирэ манушá, и фóро штылыя. А Гофолия мулякирдэ курталáса дро крالیскіро кхэр. ²¹ Эфтá бэрш сыс Иоасоскэ, кели ёв яця крالیса.

Шэрó 12

¹ Пэ эфтáто бэрш Ииуёскіро, яця крالیса Иоáсо, и ёв штáрдэшá бэрш сыс крالیса дро Ерусалимо. Лав лэскірэ дáкиро сыс Цывья, Вирсавиятыр. ² И кэрдя Иоáсо довá, со сыс лачхэс дрэ Рáскірэ-Дэвлэскірэ якхá дрэ сарэ пэскирэ дывэсá, пака сыклякирдя лэс рашáй Иодаё. ³ Екх вучэ штéты на сыс розрадэ; манушá ишчо (инкэ) янэнас свэнта дыибэнá и хачкирдэ дрóга смóлы пэ вучипэнá. ⁴ И пхэндя Иоáсо рашангэ: “Сарó руп исын обсвэнцындло, савó янэна дро Рáскірэ-Дэвлэскіро Кхэр, руп манушэндыр, савэ явэнас, руп, савó вылыджана пал кажно (свако) ди пир тимін, сарó руп, ци бут конэскэ явэла пэ илó тэ янэл дро Рáскірэ-Дэвлэскіро Кхэр. ⁵ Мэк тэ лэн рашáя пэскэ, кажно пэскирэ джіндлэ манушэстыр, и мэк ёнэ тэ подкэрэн, со сыс пхагирдó дрэ Кхангирї; пэ кажно штéто усэнде (езде), кай латхэлапэ пхагирибэн.” ⁶ Нэ сыр кэ биш тэ трїто бэрш, кели лыя тэ кралинэл Иоáсо, рашáя на подкэрдэ пхагирибэн дро Кхангирї, ⁷ то тэды о крáли Иоáсо кхардя рашáс Иодаёс и рашáн и пхэндя лэнгэ: “Сóскэ тумэ на кэрэна ремóнто пэ пхагирибэн дрэ Кхангирї? На лэн аканá руп пэскирэ пинджкирдэндыр, а ловэ тэ ремонтынэн пхагирибэн дрэ Кхангирї отдэн палэ.” ⁸ И ячнэ дрэ екх годы рашáя тэ на лэн руп манушэндыр тэ ремонтынэн пхагирибэн дрэ Кхангирї. ⁹ И лыя рашáй Иодаё екх мохтó (яшчыко), и кэрдя кула (отверстїё) упрé лэстыр, и чхудя лэс пашыл алтáрэ пэ чачї (право) риг, кай заджáна

дро Рáскирэ-Дэвлэскиро Кхэр. И чхудэ одорйк рашая, савэ сыс тэрдэ пэ раххибэн пашы́л прого, сарó руп, савó янэнас дро Рáскирэ-Дэвлэскиро Кхэр. ¹⁰ И кэли ёнэ дыкхнэ, со бут руп сыс дро мохто́ (яшчыко), то явэлас лыла-чхибнаскиро (писарё) кра́лискиро и англатунó раша́й, и запхандэна дрэ гонэ, и пиригинэнас руп, савó сыс латхно дро Рáскирэ-Дэвлэскиро Кхэр. ¹¹ И отдэнас пиригиндло руп дрэ васта манушэ́нгирэ, савэ дыкхнэ пал бутя́, конэс чхудэ пэ буты́ кэ Рáскирэ-Дэвлэскиро Кхэр, а одолэ́ лэнас лэс пэ кхэра́-кэрибнаскирэндрэ (плотникэндэ) и стройкакирэндрэ, савэ кэрдэ буты́ дро Рáскирэ-Дэвлэскиро Кхэр. ¹² И пэ манушэндэ, савэ кэрдэ ванты́ и пэ бутярнэндэ, савэ вычингирэнас бара́, адя́кэ-паць пэ киныбэн вэш, и обкэрдэ бара́, тэ ремонтынэн пхагирибэн дро Рáскирэ-Дэвлэскиро Кхэр, и пэ сарó, со розгийпэ ваш Кханги́рьякиро подрикирибэн. ¹³ Нэ на сыс кэрдэ ваш Рáскирэ-Дэвлэскиро Кхэр рупувэ́ чарэ́, чхурья́, тахта́й (чашы́) тэ почхувэн, ро́ги (трубы́), кажна кхорэ́ сувнакунэ́ и кхорэ́ рупэ́стыр, савэ сыс яндлэ́ дро Рáскирэ-Дэвлэскиро Кхэр. ¹⁴ А манушэ́нгэ, савэ кэрэ́нас буты́, отдэ́нас лэс, и чыниндлэ́ лэ́нгэ Рáскирэ-Дэвлэскиро Кхэр. ¹⁵ И на пхучнэ́ отпхэныбэн одолэ́ манушэндыр, савэ́нгэ допатя́нас руп тэ роздэн манушэ́нгэ, савэ кэрдэ буты́; пал-дова́ со ёнэ кэрдэ́ чачунэ́с. ¹⁶ Руп пал свэ́нто яныбэн Рáскэ-Дэвлэскэ́ пал чорипэн́ и руп пал свэ́нто яныбэн Рáскэ-Дэвлэскэ́ пал грэ́хо на янэ́нас дро Рáскирэ-Дэвлэскиро Кхэр: рашангэ́ ёв сыс тэ́ отдэлпэ́. ¹⁷ Тэды́ выгия́ дро дром Азаило́, кра́ли Си́риякиро, и гия́ марибна́са пэ́ Ге́фо, и лы́я лэс; и скэ́дыяпэ́ Азаило́ тэ́ джал пэ́ Ерусали́мо. ¹⁸ Нэ́ Иоа́со, кра́ли Юдэ́якиро, лы́я сарó, со сыс яндло́ сыр да́ро, со яндлэ́ ваш Кханги́ри, и Иора́мо и Охозия́, дада́ лэскирэ́, кра́лья́ Иудэ́якирэ́, и со ёв ко́корó яндя́ сыр да́ро, и сарó сувнака́й, савó сыс латхно́ дрэ́ пираля́ дро Кхэр Рáскирэ-Дэвлэскиро́ и дро кхэр кра́лискиро, и бичхадя́ дава́ Иоа́со Азаило́скэ́, кра́лискэ́ Си́риякирэ́скэ́; и ёв отгия́ Ерусали́мо́стыр. ¹⁹ Яви́р пал Иоасостэ́ и пал сарó, со ёв кэрдя́, сыс за́чхиндло́ дрэ́ бэршы́тка архивы́ кра́льё́нгэ́ Юдэ́якирэ́нгэ́. ²⁰ И газдынэ́пэ́ лэскирэ́ дына́рья, и зракирдэ́пэ, и мулякирдэ́ Иоасос дро кхэр Мило́скиро, пэ́ дром кэ́ Сило́. ²¹ Лэс замардэ́ лэскирэ́ дына́рья: Ио́закаро, Шы́метоскиро́ чхаво́, и Е́гозавадо́, чхаво́ Шо́мероскиро́: и ёв мы́я, и гарадэ́ лэс дадэ́нца лэскирэ́нца дро Давидо́скиро́ фо́ро. И я́ця кра́ли́са Ама́сия, чхаво́ лэскиро, пэ́ штэ́то лэскиро.

Шэро́ 13

¹ Пэ́ биш тэ́ трито́ бэрш́ Иоасоскиро́, Охозия́скирэ́-чхавэ́скиро, кон сыс кра́ли пэ́ Юдэ́я, я́ця кра́ли́са Иоа́хазо, Ииуё́скиро чхаво́, пэ́ Израилё́ дрэ́ Самáрия, и сыс кра́ли́са дэ́шуэфта́ бэрш́. ² И кэрдя́ ёв фуипэн́ дрэ́ якха́ Рáскирэ-Дэвлэскирэ́, и псирдя́ дрэ́ грэ́хи Еровоа́москирэ́, Наватоскирэ́ чхавэ́скирэ́, савó лы́джия́ Израилё́ дро грэ́хо, и на отя́ця лэ́ндыр. ³ И захачия́ холы́ Рáскирэ-Дэвлэскири́ пэ́ Израилё́, и Ёв отды́я лэн дрэ́ Азаило́скиро васт, Си́риякиро-кра́лискиро, и дро Венада́доскиро васт, Азаило́скирэ́ чхавэ́скиро, дрэ́ сарэ́ дывэ́са. ⁴ И мангдя́пэ́ о Иоа́хазо Рáскэ-Дэвлэскэ́, и шундя́ лэс Рай́ Дэвэл; пал-дова́ со Ёв дыкхця́ Израильтя́нэнги́ро притаса́ибэн, сыр таса́дя лэн Си́риякиро кра́ли. ⁵ И ды́я Рай́ Дэвэл Израильтя́нэнгэ́ зракхи́бна́рис, и вы́гинэ́ ёнэ́ тэл Си́риянэнгирэ́ вастэ́стыр, и дживдэ́ Израилё́скирэ́ чхавэ́ дрэ́ пэ́скирэ́ ша́тры, сыр тася́ и пэ́ трито́ дывэ́с. ⁶ Нэ́ ёнэ́ уса́е́кх на отгине́ грэхэ́ндыр Еровоа́москирэ́ кхэрэ́стыр, савó лы́джия́ Израилё́ дро грэ́хо; псирдэ́ дрэ́ лэ́ндэ, и дэмбитко́ вэ́шоро тэ́рдия́ дро Самáрия. ⁷ Иоа́хазостэ́ я́цяпэ́ халадэ́н екх пандждэ́ша́ мануша́, савэ́ сыс укли́стэ́ пэ́ грэ́ндэ, дэ́ш марибны́тка вурды́на́ и дэ́ш тысе́нцы́ мануша́, савэ́ сыс пэ́зал, пал-дова́ со вымардя́ лэн Си́риякиро кра́ли и кэрдя́ лэ́ндыр пра́хо тэ́ штаки́рэн гэрэ́нца. ⁸ Яви́р лав пал Иоа́хазостэ́ и пал сарó, со ёв кэрдя́, и пал му́ршканэ́ рэ́нды лэ́скирэ́, исын за́чхиндло́ дро бэршы́тка архивы́ пал Израилё́скирэ́ кра́льё́ндэ. ⁹ И пасия́ Иоа́хазо пэ́скирэ́ дадэ́нца, и гарадэ́ лэс дрэ́ Самáрия. И я́ця кра́ли́са Иоа́со, лэ́скиро чхаво́, пэ́ штэ́то лэ́скиро. ¹⁰ Пэ́ трия́нда э́фтáто бэрш́́ Иоасоскиро́, кон сыс кра́ли пэ́ Юдэ́я, я́ця кра́ли́са Иоа́со, Иоа́хазоскиро́ чхаво́, пэ́ Израилё́ дро Самáрия и сыс кра́ли́са дэ́шушов бэрш́. ¹¹ И кэрдя́ ёв фуипэн́ дрэ́ якха́ Рáскирэ-Дэвлэскирэ́; ёв на я́чкирдя́ сарэ́ Еровоа́москирэ́ грэ́хи, кон сыс Наватоскиро́ чхаво́, савó залы́джия́ Израилё́ дро грэ́хо, нэ́ псирдя́ дрэ́ лэ́ндэ. ¹² Яви́р лав пал Иоасостэ́ и пал сарó, со ёв кэрдя́, и пал му́ршканэ́ лэ́скирэ́ рэ́нды, сыр ёв мардя́пэ́ Ама́сияса,

Юдэякирэ краліса, исын зачхиндлío дрэ бэршы́тка архівы пал Израилёскирэ кральёндэ. ¹³ И пасия́ Иоáсо пэскирэ дадэ́нца, а Еровоáмо бэ́стя пэ лэ́скиро трóно. И гарадó сыс Иоáсо дрэ Самáрия Израилёскирэ кральё́нца. ¹⁴ О Елисее́ занасвалы́я насвалы́пнаса, савья́тыр ёв коригэ́дыр (пóжэ) и мы́я. И явд́я кэ ёв Иоáсо, Израилёскиро крáли, и ронд́я пэ лэ́стэ, и ракирд́я: “Дáдо мирó! Дáдо мирó! Марибн́ытко вурд́эн Израилёскиро и грáя лэ́скирэ!” ¹⁵ И пхэнд́я лэ́скэ Елисее́: “Лэ́ лúко и марибн́ытка буст́я (стрéлы).” И лы́я ёв лúко и марибн́ытка буст́я (стрéлы). ¹⁶ И пхэнд́я Елисее́ Израилёскирэ кралі́скэ: “Чхув ты́ро васт пэ́ лúко.” И чхуд́я ёв пэ́скиро васт. И чхуд́я упрé Елисее́ пэ́скирэ вастá пэ кралі́скирэ вастá. ¹⁷ И пхэнд́я Елисее́: “Отчхакир фэ́нштра пэ́ вастóко.” И ёв отчхакирд́я. И пхэнд́я Елисее́: “Дэ́ карье́.” И ёв ды́я карье́. И пхэнд́я: “Дáя марибн́ытко буст (стрéла) исын зракхиб́эн Рáстыр-Дэ́влэстыр и буст ваш зракхиб́эн прот́и Си́рия, и ту домарэ́са Си́риянэн дро Афэ́ко дро кóнцо (ягóро).” ¹⁸ И пхэнд́я Елисее́: “Лэ́ буст́я.” И ёв лы́я. И пхэнд́я Израилёскирэ кралі́скэ: “Мар пир пхув.” И пэ́кад́я ёв трин мóлы, и тэ́рд́я. ¹⁹ И хо́лясыя пэ́ лэ́стэ Рáскирэ-Дэ́влэскиро ману́ш, и пхэнд́я: “Трэ́инд́я тэ́ марэ́с пандж, ци шов мóлы; тэ́ды ту домарэ́сас Си́риянэн сарéса, а акáна ф́эни трин мóлы домарэ́са Си́риянэн.” ²⁰ И мы́я Елисее́, и гарад́э лэ́с. И барó кэ дар халады́бэн Моавитя́нэнд́ыр явд́я пэ́ пхув пэ́ яв́ир бэрш. ²¹ И сыс ад́якэ, со, кéли гарад́э екхэ́с мануш́эс, тэ́ды ды́кх́и дава́ барó кэ дар халады́бэн, мануш́а, савé гарад́э, чхурдынé одолé мануш́эс дрэ Елисее́скири коплі́ца; и ёв сыр пы́я, чилад́япэ́ кэ Елисее́скирэ кокалы́ и отджид́ыя, и ушты́я пэ́ пэ́скирэ гэрá. ²² О Аза́ило, Си́риякиро крáли, притасавэ́лас Израильтя́нэн дрэ сарé дывэ́са Иоахазоскирэ. ²³ Нэ́ Рай Дэ́вэл сы́кад́я тангип́эн (зми́лынд́япэ́) пэ́ лэ́ндэ, и отмэ́кц́я лэ́нгэ, и порисия́ кэ ё́нэ ваш заве́то Пэ́скиро Авраа́моса, Исаа́коса и Яковóса, и на камд́я тэ́ протрадэ́л лэн, и на отрискирд́я лэн Пэ́скирэ мóстыр кэ дава́ дывэ́с. ²⁴ И мы́я Аза́ило, крáли Си́риякиро, и яц́я кралі́са Венада́до, лэ́скиро чхавó, пэ́ штéто лэ́скиро. ²⁵ И лы́я палэ́ Иоáсо, Иоахазоскиро чхавó, Венада́доскирэ вастéстыр, Аза́илоскиро чхавó, фóрья, савé ёв лы́я марибн́аса лэ́скирэ дадэ́скирэ вастéстыр Иоахазостыр. Трин мóлы розмард́я лэ́с Иоáсо и рискирд́я Израилёскирэ фóрья.

Шэ́ро 14

¹ Пэ́ яв́ир бэрш Иоасоскиро, Иоахазоскирэ-чхавэ́скиро, кон кра́линд́я пэ́ Израилё́, яц́я кралі́са Ама́сия, Иоасоскиро чхавó, крáли пэ́ Юдэ́я. ² Биш тэ́ пандж бэрш сыс ё́в, кéли ё́в яц́я кралі́са, и биш тэ́ е́ня бэрш сыс кралі́са дро Еруса́лимо. Лав лэ́скирэ-да́киро Иегоада́нь, Еруса́лимóстыр. ³ И кэ́рд́я ё́в лачхэ́с дрэ якх́а Рáскирэ-Дэ́влэскирэ, сарéса на ад́якэ, сыр лэ́скиро дад Дэ́в́идо. Ё́в дро сарó кэ́рд́я ад́якэ, сыр лэ́скиро дад Иоáсо. ⁴ Екх вучипэ́на́ на сыс отпарудэ́; мануш́а ишчо́ (инкэ́) кэ́рдэ́ свэ́нта яны́бэ́на́ Рáскэ-Дэ́влэскэ́ и хачкирд́э дро́га смóлы пэ́ вучипэ́на́. ⁵ Кéли яц́я зоралó кра́липэн дрэ лэ́скирэ вастá, тэ́ды ё́в мулякирд́я пэ́скирэн дына́рьбэн, савé замард́э кралі́с, лэ́скирэ дадэ́с. ⁶ Нэ́ чхавэ́н умарибна́рьбэнгирэн ё́в на домард́я, ад́якэ, сыр исын чхиндлío дрэ Мойза́скирэ-Законоскири лы́лварі́, дрэ саві́ Рай Дэ́вэл при́пхэнд́я, раки́ри: “Нашты́ тэ́ кэрэ́с ад́якэ, соб (кай) тэ́ чхувэ́н ка́ра дадэ́нгэ мэ́рибна́са пал чхавэ́ндэ, и чхавэ́нгэ нашты́ тэ́ дэн ка́ра мэ́рибна́са пал дадэ́ндэ; нэ́ ка́жно (сва́ко) пал пэ́скиро рэ́ндо (де́ло) исын бангó (мусинэ́ла) тэ́ явэ́л дрэ хась (ка́ра) мэ́рибна́са.” ⁷ Ё́в вымард́я дэ́ш ты́сэ́нцы Идуме́янэн пэ́ Лондо́ до́ло, и лы́я Села марибн́аса, и ды́я ла́кэ лав Иокофе́ило, савó ячэ́лапэ́ и кэ́ дава́ дывэ́с. ⁸ Тэ́ды бичхад́я о Ама́сия мануш́эн кэ́ Иоáсо, Израилёскиро крáли, кон сыс Иоахазоскиро чхавó, и Ииуё́скиро ў́нуко (непóто), тэ́ пхэ́нэл: “Вы́джа, ды́кхаса́пэ́ екх пэ́ екх.” ⁹ И бичхад́я о Иоáсо, Израилёскиро крáли, кэ́ Ама́сия, Юдэ́якиро крáли, тэ́ пхэ́нэн: “Жы́лто хру́сто пхусаде́нца, савó сыс пэ́ Ливáно, бичхад́я кэ́ ке́дро, савó сыс пэ́ Ливáно, тэ́ пхэ́нэн: ‘Отдэ́ пэ́скир́я чха палорóм мирé чхавэ́скэ.’ Нэ́ про́гинэ́ буса (дика) му́рдала́ (звери), со сыс пэ́ Ливáно и штакирд́э дава́ жы́лто хру́сто пхусаде́нца (терно). ¹⁰ Ту домард́ян Идуме́янэн, и запху́тия ты́ро и́ло. Пхутэ́в и бэ́ш пэ́скэ кхэ́рэ. Кэ́ со ту́кэ́ тэ́ кэрэ́с кошы́бэн пэ́ пэ́скири б́ида? Пэ́рэса ту́ и Ю́’да ту́са.” ¹¹ Нэ́ на канд́ыя лэ́с о Ама́сия. И вы́ги́я Иоáсо, Израилёскиро крáли, и ды́кхнэ́пэ, ко́коро́ ё́в и Ама́сия, Юдэ́якиро крáли, дрэ Ве́фсамиса, со сыс дрэ́ Юдэ́я. ¹² И розмард́э́ Израильтя́ни Юдэ́якирэн,

и рознашнэпэ одолэ пир пэскирэ шатры. ¹³ И Амасияскэ, Юдэякирэ краліс, Иоасоскирэ чхавэс, кон сыс ўнуко Охозияскэ, заухтылдя о Иоасо, Израилёскиро крالی, дрэ Вефсамиса, и гия пэ Ерусалимо, и роспахирдя ванта Ерусалимóскири Ефремóскирэ портатыр кэ вэнглытко порта пэ штардэша куня (локти). ¹⁴ И лыя сарó сувнакай и руп, и сарé кхорé (сасуды), савэ латхнэпэ дро Рáскирэ-Дэвлэскиро Кхэр, и дрэ пираля, и рисия дрэ Самария. ¹⁵ Явир лав пал Иоасостэ, со ёв кэрдя, и пал муршканэ лэскирэ рэндэ, и сыр ёв мардяпэ Амасияса, Юдэякирэ краліса, исын зачхиндлэ дрэ бэршытка архівы пал Израилёскирэ кральэндэ. ¹⁶ И пасия о Иоасо пэскирэ дадэнца, и гарадо сыс дрэ Самария Израилёскирэ кральэнца. И яця краліса о Еровоамо, лэскиро чхаво, пэ штэто лэскиро. ¹⁷ И дживдя о Амасия, Иоасаскиро чхаво, крالی пэ Юдэя, палó мэрибэн Иоасоскиро, Иоахазоскирэ-чхавэскиро, кон сыс крالی пэ Израилё, дэшупандж бэрш. ¹⁸ Явир лав пал Амасияскирэ рэндэ, исын зачхиндлэ дрэ бэршытка архівы пал кральэндэ Юдэятыр. ¹⁹ И доракирдэпэ проти лэстэ дро Ерусалимо, и настя ёв дро Лахисо. И бичхадэ пал лэстэ дро Лахисо, и замардэ лэс одой. ²⁰ И яндлэ лэс пэ грэндэ, и гарадо ёв сыс дро Ерусалимо пэскирэ дадэнца дро Давидóскиро форо. ²¹ И лынэ сарé Юдэякирэ мануша Азарияс, савэскэ сыс дэшушов бэрш, и чхудэ лэс краліса замест лэскирэ дадэстэ Амасиястэ. ²² Ёв обкэрдя Елафо и отдья лэс Юдаскэ, палó (после) дова, сыр крالی пасия пэскирэ дадэнца. ²³ Пэ дэшупанджто бэрш Амасияскиро, Иоасоскирэ-чхавэскиро, кон сыс крالی пэ Юдэя, яця краліса Еровоамо, Иоасоскиро чхаво, Израилёскиро крالی, дрэ Самария, и сыс ёв краліса штардэша екх бэрш. ²⁴ И кэрдя ёв фуипэн дрэ Рáскирэ-Дэвлэскирэ якха: ёв на отгия сарé Еровоамоскирэ грэхэндэр, Наватоскирэ-чхавэскирэндэр, саво залыджия Израилё дро грэхо. ²⁵ Ёв рискирдя брэгоскирэ рига Израилёскирэ, загибнастыр дрэ Емафо кэ мórё (дэрьяв) пэ чхучі пхув, пир лав Рáскирэ-Дэвлэскиро, Дэвлэскиро Израилёскиро, саво Ёв пхэндя пирдал Пэскирэ писхаристэ Ионастэ, Амафииноскирэ чхавэстэ, пророкостэ Гафхеферостыр. ²⁶ Пал-дова со Рай Дэвэл дыкхця бйда Израилёскири, древан кирки адякэ, со на яцяпэ ни бэшыбнарис, ни вольнонэ манушэс, саво яцяпэ, и на сыс никонэс, кон дэлас бы васт Израилёскэ. ²⁷ И на закамдя Рай Дэвэл тэ вылыджал лав Израильтэнэнгиро тэл болыбнастыр, и зракхця лэн Еровоамоскирэ вастэса, Иоасоскирэ-чхавэскирэса. ²⁸ Явир лав пал Еровоамостэ и пал сарó, со ёв кэрдя, и пал муршканэ лэскирэ рэндэ, сыр ёв мардяпэ и сыр рискирдя Израилёскэ Дамаско и Емафо, саві сыс Юдаскири, исын зачхиндлэ дрэ бэршытка архівы пал Израилёскирэ кральэндэ. ²⁹ И пасия Еровоамо пэскирэ дадэнца, Израилёскиро кральэнца. И яця краліса Захария, лэскиро чхаво, пэ штэто лэскиро.

Шэрó 15

¹ Пэ биш тэ эфтата бэрш Еровоамоскиро, кон сыс крالی пэ Израилё, яця краліса о Азария, Амасияскиро чхаво, крالی пэ Юдэя. ² Дэшушов бэрш сыс лэскэ, кели яця ёв краліса, и пандждэша дуй бэрш ёв сыс краліса дро Ерусалимо. Лав лэскирэ-дакиро сыс э Еходия, Ерусалимóстыр. ³ Ёв кэрдя лачхипэн дрэ Рáскирэ-Дэвлэскирэ якха дро сарó адякэ, сыр кэрдя о Амасия, лэскиро дад. ⁴ Екх вучипэнэ на сыс отпарудэ: мануша кэрдэ ишчо (инкэ) свэнта яныбэнэ (жэртвы) и хачкирдэ дрога смóлы пэ вучипэнэ. ⁵ И домардя Рай Дэвэл дукхаса краліс, и сыс ёв насвалó проказаса кэ пэскиро мэрибнаскиро дывэс, и дживдя дро явир кхэр. А Иофáмо, краліскиро чхаво, сыс барыдырэса пэ кхэр и рикирдя зор пэ пхувьякирэ манушэндэ. ⁶ Явир лав пал Азариястэ и пал сарó, со ёв кэрдя, исын зачхиндлэ дрэ бэршытка архівы пал Юдэякирэ кральэндэ. ⁷ И пасия о Азария пэскирэ дадэнца, и гарадэ лэс дадэнца лэскирэнца дро Давидóскиро форо. И яця краліса Иофáмо, лэскиро чхаво, пэ штэто лэскиро. ⁸ Пэ трийнда-охто́то бэрш Азарияскиро, краліскиро Юдэятыр, яця краліса о Захария, Еровоамоскиро чхаво, пэ Израилё дрэ Самария, и сыс краліса шов чхонá. ⁹ Ёв кэрдя фуипэн дрэ якха Рáскирэ-Дэвлэскирэ, сыр кэрдэ лэскирэ дада: на ячкирдя Еровоамоскирэ грэхі, Наватоскирэ чхавэскирэ, саво залыджия Израилё дро грэхо. ¹⁰ И доракирдяпэ проти лэстэ о Селумо, Иависоскиро чхаво, дыя дрэ лэстэ и мардя лэс ангил манушэндэ, и мулакирдя лэс; и яця краліса пэ штэто лэскиро. ¹¹ Явир лав пал Захариястэ

исын зачхиндлô дрэ бэршы́тка архíвы пал Израилёскирэ кральёндэ. ¹² Дасаво със лав Рáскирэ-Дэвлэскиро, савó ёв пхэндя́ Ииуёскэ, пхэни: “Тырэ чхавó кэ штáрто рóдо явóна тэ бэшэн пэ Израилёскиро трóно.” И със адя́кэ. ¹³ О Селумо, Иависоскиро чхавó, я́ця кралíса дрэ трийнда еня́то бэрш Азарияскиро, Юдэя́кирэ-кралíскиро, и със кралíса екх чхон дрэ Самáрия. ¹⁴ И гия́ о Менаимо, Гадíёскиро чхавó, Фирцатыр, и явд́я дрэ Самáрия, и чхинд́я Селумос, Иависоскирэс чхавэ́с, дрэ Самáрия, и замард́я лэс, и я́ця кралíса пэ штéто лэскиро. ¹⁵ Яв́ир лав пал Селумостэ́ и пал лэскиро зракириб́эн, савó ёв счхудя́, исын зачхиндлô дрэ Израилёскирэ-кральёнгирэ́ бэршы́тка архíвы. ¹⁶ И домард́я о Менаимо фóро Типсахо́ и сарэ́н мануш́эн, савэ́ със дрэ лэстэ́ и пашы́л лэстэ́, лыи Фирцатыр, пал-довá со фóро на отчхакирд́я пóрта, и розмард́я лэс; и сарэ́ пэралэн́ джувлén дрэ лэстэ́ росчингирд́я [лэнгирэ́ пэра-ю.о.]. ¹⁷ Пэ́ трийнда еня́то бэрш Азарияскиро, кон със крáли пэ́ Юдэя́, я́ця кралíса о Менаимо, Гадíёскиро чхавó, пэ́ Израилё́; и със крáли ёв́ дэш бэрш дрэ Самáрия. ¹⁸ И кэрд́я ёв́ фуипэн́ дрэ Рáскирэ-Дэвлэскирэ́ якхá; ёв́ на ячкирд́я Еровоамоскирэ́ грéхи, Наватоскирэ́-чхавэ́скирэ, савó залыдж́ия́ Израилё́ дро грéхо, дрэ сарэ́ пэ́скирэ́ дывэ́сá. ¹⁹ Тэды́ явд́я о Фуло́ [Пул-ю.о.], Асирия́киро (Арамейцэнгиро) крáли, пэ́ Израилё́скири пхув. И ды́я Менаимо Фулоскэ́ тысёнцо́ шéкели руп, соб (кай) вастá лэскирэ́ тэ́ явэн́ със пал лэстэ́, и соб (кай) тэ́ кэрэл́ зоралэд́ыр кралипэн́ дрэ лэскиро́ васт. ²⁰ И росчхуд́я о Менаимо давá руп пэ́ Израильтя́нэндэ́, пэ́ сарэ́ барвалэ́ мануш́эндэ́, пир пандждэ́шá шéкели руп пэ́ кажно́нэ (свако́нэ) мануш́эстэ́, соб (кай) тэ́ отдэл́ Асирия́кирэ кралíскэ́. И риси́я палэ́ крáли Асирия́тыр и на я́цяпэ́ ёв́ одóй пэ́ пхув. ²¹ Яв́ир лав пал Менаимостэ́́ и пал сарó, со ёв́ кэрд́я, исын зачхиндлô дрэ бэршы́тка архíвы пал Израилёскирэ́ кральёндэ́. ²² И паси́я Менаимо пэ́скирэ́ дадэнца́. И я́ця кралíса о Факия́, лэскиро́ чхавó, пэ́ штéто лэскиро. ²³ Дрэ́ пандждэ́шытко́ бэрш Азарияскиро, Юдэя́скирэ-кралíскиро, я́ця кралíса Факия́, Менаимоскиро́ чхавó, пэ́ Израилё́ дрэ Самáрия, и със кралíса дуй бэрш. ²⁴ И кэрд́я ёв́ налачхэ́с дрэ Рáскирэ-Дэвлэскирэ́ якхá; ёв́ на ячкирд́я Еровоамоскирэ́ грéхи, Наватоскирэ́-чхавэ́скирэ, савó залыдж́ия́ Израилё́ дро грéхо. ²⁵ И счхудя́ проти́ лэстэ́ зракириб́эн о́ Факее́, Ремалия́скиро чхавó, барыды́ро (сановнико) лэскиро, и мулякирд́я лэс дрэ Самáрия дрэ штúба́ кралíскирэ-кхэрэ́скири, кхэтанэ́́ Арговоса́ и Ариемоса́, ёв́ янд́я п́са пандждэ́шá мануш́эн Галаадитя́нэн, и замард́я лэс, и я́ця кралíса пэ́ штéто лэскиро. ²⁶ Яв́ир лав пал Факее́стэ́́ и пал сарó, со ёв́ кэрд́я, исын зачхиндлô дрэ бэршы́тка архíвы Израилёскирэ́ кральёнгирэ́. ²⁷ Пэ́ пандждэ́шá яв́ир бэрш Азарияскиро, Юдэя́кирэ кралíскиро, я́ця кралíса Факее́, Ремалиё́скиро чхавó, пэ́ Израилё́ дрэ Самáрия, и със кралíса биш бэрш. ²⁸ И кэрд́я ёв́ фуипэн́ дрэ Рáскирэ-Дэвлэскирэ́ якхá, ёв́ на ячкирд́я Еровоамоскирэ́ грéхи, Наватоскирэ́-чхавэ́скирэ, савó залыдж́ия́ Израилё́ дрэ грéхо. ²⁹ Дрэ́ дывэ́сá Факее́скирэ́, Израилё́скирэ-кралíскирэ́, явд́я Феглафеласаро́, Асирия́киро крáли, и лы́я Ионо́, и Асоро́, и Галаáдо, и Галил́ея, сарí́ пхув Нефалимоскири́, и пирилыдж́ия́ лэн́ тэ́ дживэн́ дрэ Асирия́. ³⁰ И счхудя́ зракириб́эн о́ Осия́, Илоскиро́ чхавó, прóти Факее́стэ́, Ремалиино́скирэ́ чхавэ́стэ́, и пэ́кад́я лэс, и замард́я лэс, и я́ця кралíса замéст лэстэ́ пэ́ бишэнгиро́ бэрш Иоафамоскиро́, Озия́скирэ́ чхавэ́скиро. ³¹ Яв́ир лав пал Факее́стэ́́ и пал сарó, со ёв́ кэрд́я, исын зачхиндлô дрэ бэршы́тка архíвы Израилёскирэ́-кральёнгирэ́. ³² Пэ́ яв́ир бэрш Факее́скиро, Ремалиино́скирэ́ чхавэ́скиро, кон със Израилё́скиро крáли я́ця кралíса Иоафа́мо, Озия́скиро чхавó, кон със крáли пэ́́ Юдэя́. ³³ Биш́ тэ́ пандж́ бэрш със лэскэ́, кéли ёв́ я́ця кралíса, и дэшушов́ бэрш ёв́ със кралíса дро́ Ерусали́мо. Лав лэскирэ́ да́киро със Еруша́, Садокоскири́ чхай. ³⁴ Ёв́ кэрд́я лачхэ́с дрэ́ якхá Рáскирэ-Дэвлэскирэ́ дрэ сарó, сыр́ кэрд́я Ози́я, лэскиро́ дад, адя́кэ кэрд́я и ёв́. ³⁵ Екх́ вучипэ́на́ на със отпарудэ́: мануш́á кэрдэ́ ишчо́ (инкэ́) свéнта яныбэ́на́ (жэ́ртвы) и хачкирдэ́́ дро́га смóлы (кури́ныбэн) пэ́ вучипэ́на́. Ёв́ чхуд́я упратуны́ пóрта пашы́л Рáскирэ-Дэвлэскиро́ Кхэр. ³⁶ Яв́ир лав пал Иоафамостэ́́ и пал сарó, со ёв́ кэрд́я, исын зачхиндлô дрэ́ Юдэя́кирэ-кральёнгирэ́ бэршы́тка архíвы. ³⁷ Дрэ́ долэ́ дывэ́сá лы́я Рай́ Дэвэл́ тэ́ бичхавэл́ пэ́́ Юдэя́ Ре́цынос, Си́риякирэ́ кралíс, и Факее́с, Ремалиино́скирэ́ чхавэ́с. ³⁸ И паси́я Иоафа́мо пэ́скирэ́ дадэнца́, и със гарадо́́ пэ́скирэ́ дадэнца́ дрэ́ Давидо́скиро фóро, лэскирэ́ дадэ́скиро. И я́ця кралíса Ахáзо, лэскиро́ чхавó, пэ́ штéто лэскиро.

Шэрó 16

¹ Пэ дэшуэфтато бэрш Факее́скиро, Ремалииноскирэ-чхавэ́скиро, яця́ кралі́са Аха́зо, Иоафамоскиро чхаво́, кон сыс крالی́ пэ́ Юдэ́я. ² Биш бэрш сыс Ахазоскэ́, кэ́ли ёв́ яця́ кралі́са, и дэшушов бэрш ёв́ сыс кралі́са дрэ́ Ерусалимо́, и ёв́ на кэрдя́ лачхэ́с дрэ́ якх́а пэ́скирэ́ Ра́скирэ-Дэвлэ́скирэ́, сыр́ Даві́до, лэ́скиро́ дад. ³ Нэ́ псирдя́ ёв́ дромэ́са Израилё́скирэ́ кральенгирэ́са и адя́кэ-паць́ чхавэ́с пэ́скирэ́с лыджия́ пирда́л яг, кэрдя́ манушэ́нгирэ́ магирибэ́на, савэ́н протрады́я Рай́ Дэвэ́л мо́стыр Израилё́скирэ́-чхавэ́ндыр. ⁴ И кэрдя́ свэ́нта яныбэ́на́ (жэ́ртвы) и хачкирдя́ дро́га смóлы пэ́ вучипэ́на́ и пэ́ бэ́рги и тэ́л кажно́ зэлэ́но кашт. ⁵ Тэ́ды гия́ Рецы́но, Сирия́киро крالی́, и Факия́, Ремалииноскиро чхаво́, кон сыс Израилё́скиро крالی́, проти́ Ерусалимо́, соб́ (кай) тэ́ лэн́ лэ́с, и рикирдэ́ Ахазос дрэ́ осада́, нэ́ тэ́ пиризорьякирэ́н на могиндлэ́. ⁶ Дрэ́ дова́ часо́ Рецы́но, Сирия́киро крالی́, рискирдя́ Сирия́кэ́ Елафо́ и вытрады́я Юдэ́якирэ́ манушэ́н Елафосты́р; и Идумеяни́ загинэ́ дро́ Елафо́, и дживэ́на одо́й кэ́ дава́ дывэ́с. ⁷ И бичхадя́ Аха́зо манушэ́н кэ́ Феглафеласаро́ [Тиглат-Пилэ́сэро-ю.о.], Асирия́киро крالی́, тэ́ пхэ́нэл: “Писха́ри тыро́ и чхаво́ тыро́ мэ́ сом; яв́ и зра́кх ман́ Сирия́кирэ́-кралі́скирэ́ вастэ́стыр и Израилё́скирэ́-кралі́скирэ́ вастэ́стыр, савэ́ газдынэ́пэ́ пэ́ ма́ндэ. ⁸ И лы́я Аха́зо руп́ и сувнака́й, саво́ сыс дрэ́ Ра́скирэ-Дэвлэ́скиро Кхэ́р и дрэ́ пираля́ кралі́скирэ́-кхэ́рэскирэ́, и бичхадя́ Асирия́скирэ́ кралі́скэ́ сыр́ дрэ́ да́ро (почастунко́). ⁹ И канды́я лэ́с Асирия́киро крالی́; и гия́ Асирия́киро крالی́ пэ́ Дамаско́, и лы́я лэ́с, и пирилыджия́ лэ́скирэ́ манушэ́н дрэ́ Ки́ро, а Рецы́нос замардя́. ¹⁰ И гия́ крالی́ Аха́зо гил́ (пэ́ стрéч) Феглафеласароскэ́, кон сыс крالی́ пэ́ Аси́рия, дрэ́ Дамаско́, и дыкхця́ алта́рэ́ (жэ́ртвенико́), саво́ сыс дро́ Дамаско́, и бичхадя́ крالی́ Аха́зо Урия́скэ́ раша́скэ́ рисунко́ пал алта́рэ́ и плано́, сыр́ саро́́ тэ́ кэ́рэн. ¹¹ И кэрдя́ раша́й У́рия алта́рэ́ пир́ сыкаибны́тко (примéрно) рисунко́, саво́ бичхадя́ крالی́ Аха́зо Дамаскосты́р; и кэрдя́ адя́кэ́ раша́й У́рия кэ́ явибэ́н Ахазо́скиро, кралі́стыр пэ́ Дамаско́. ¹² И явдя́ крالی́ Дамаскосты́р, и дыкхця́ крالی́ алта́рэ́, и подгі́я крالی́ кэ́ алта́рэ́, и яндя́ пэ́ лэ́стэ́ свэ́нто яныбэ́н Ра́скэ́-Дэвлэ́скэ́. ¹³ И хачкирдя́ цэ́ло схачкирибэ́н пэ́скиро́ и маруно́́ яныбэ́н, и почхудя́ чхуибэ́н пэ́скиро́, и брызгиндя́ ратэ́са́ пэ́скирэ́ мирно́нэ́ свэ́нтонэ́-дыибна́стыр Ра́скэ́-Дэвлэ́скэ́ пэ́скиро́ алта́рэ́. ¹⁴ А харкуно́ алта́рэ́, саво́ сыс анги́л муй́ Ра́скирэ-Дэвлэ́скирэ́, ёв́ пиричхудя́ Кханги́рьякирэ́ москирэ́ рига́тыр, штэ́то́стыр, саво́ сыс машкира́л нэ́вонэ́ алтарё́стыр и кхэ́рэса́ Ра́скирэ-Дэвлэ́скирэ́са, и чхудя́ лэ́с далэ́́ рига́тыр пэ́ шылалы́/паш-раті́тко (се́верно) риг. ¹⁵ И ды́я упхэ́ныбэ́н крالی́ Аха́зо раша́скэ́ У́рияскэ́, пхэ́ні: “Пэ́ баро́ алта́рэ́ хачки́р пэ́ зло́ко (ра́нко) цэ́ло схачкирибэ́н и бэ́львэ́литко́ маруно́́ яныбэ́н, и цэ́ло схачкирибэ́н кралі́стыр и марэ́скиро́ яныбэ́н лэ́стыр, и цэ́ло схачкирибэ́н сарэ́-пхувья́кирэ́ манушэ́ндыр и маруно́́ яныбэ́н лэ́ндыр, и чхуибэ́н пэ́ лэ́ндэ́, и кажно́́ ратэ́са́ цэ́ло схачкирибэ́н и кажно́́ свэ́нтонэ́́ яныбна́скирэ́ Ра́скэ́-Дэвлэ́скэ́ ратэ́са́ почхув́ лэ́с; а алта́рэ́ харкуно́́ ячэ́лапэ́ кэ́ миро́ дыкхибэ́н.” ¹⁶ И кэрдя́ раша́й У́рия саро́́ адя́кэ́, сыр́ припхэ́ндя́ крالی́ Аха́зо. ¹⁷ И выпхагирдя́ крالی́ Аха́зо крэ́нгла́ рамки́цы тру́сця́л прэ́дки пэ́ ро́ты, и злы́я лэ́ндыр чарэ́́ ваш́ муй́, и мо́рэ́ (дэ́рьяв) злы́я харкуно́́ гурувэ́ндыр, савэ́ сыс тэ́л лэ́стэ́, и чхудя́ лэ́с пэ́ баруно́́ пэ́то (по́ло/мо́сто). ¹⁸ И отпарудя́ учхаки́рдо саватоски́ро (субота́киро) пси́рибэ́н, саво́ кэ́рдэ́ пашы́л Кханги́ри, и андратуно́ кралі́скиро́ заги́ибэ́н кэ́ Ра́скирэ-Дэвлэ́скиро́ Кхэ́р, ваш́ Аси́рия́кирэ́ кралі́стэ́. ¹⁹ Яви́р лав́ пал́ Ахазостэ́, со́ ёв́ кэрдя́, исын́ зачхиндло́́ дрэ́ бэршы́тка архі́вы пал́ кралье́ндэ́́ Юдэ́яты́р. ²⁰ И паси́я Аха́зо пэ́скирэ́ даде́ннца́, и сыс гарадо́́ пэ́скирэ́ даде́ннца́ дрэ́ Давидо́скиро́ кхэ́р. И яця́ кралі́са́ Езе́кы́я, лэ́скиро́ чхаво́́, пэ́ штэ́то́ лэ́скиро́.

Шэрó 17

¹ Пэ́ дэшуя́вир бэрш́ Ахазо́скиро́, Юдэ́якирэ́ кралі́скиро́, яця́ кралі́са́ Осия́, Илоски́ро чхаво́́, дрэ́ Самарія́́ пэ́ Израилё́́, и сыс кралі́са́ еня́́ (биекхэ́скиро́́ дэ́ш) бэрш́. ² И кэрдя́́ ёв́ фуипэ́н дрэ́́ якх́а́ Ра́скирэ-Дэвлэ́скирэ́́, нэ́́ на адя́кэ́́, сыр́́ Израилё́́скирэ́́ кралья́́, савэ́́ сыс анги́лэ́ды́р лэ́стыр. ³ Пэ́́ лэ́стэ́́ выгі́я Салманасаро́́, Аси́рия́киро крالی́́, и подды́япэ́́ Осия́́ сыр́́ вужло́́

лэскэ и отдэлас лэскэ дань (притасады). ⁴ И дыкхця Асириякиро крáli, со Осия парудя лэскэ, адякэ сыр ёв бичхадя манушэн кэ Сигоро, Египтоскиро крáli и на янэлас дань Асириякирэ кралíскэ кажно бэрш; и лыя лэс Асириякиро крáli тэл раххибэн, и запхандя лэс дрэ бэшыбэн. ⁵ И гия Асириякиро крáli пэ сарí пхув, и подгия кэ Самáрия, и рикирдя ла дрэ осада трин бэрш. ⁶ Пэ енято бэрш, сыр лыя тэ кралинэл Осия, Асириякиро крáli лыя Самáрия, и лыджия Израильтянэн тэ дживэн кэ Асирия, и чхудя лэн дрэ Халахо и дро Хаворо, пашыл рэка (лэнь) Гозано, и дрэ фóрья Мидиякирэ. ⁷ Келы лынэ тэ кэрэн грéхо Израилёскирэ чхавэ ангíл пэскирэ Растэ-Дэвлэстэ, Савó вылыджия лэн Египтоскирэ пхувьятыр, тэл фараоноскирэ вастэстыр, савó сыс крáli пэ Егíпто, и лынэ тэ дэн патыв явирэ дэвлорэнгэ, ⁸ и лынэ тэ кэрэн пир манушэнгирэ упхэныбэна, савэ сыс Наюды, и, савэн традыя криг Рай Дэвэл мостыр Израилёскирэ чхавэнгирэстыр, и пир упхэныбэна Израилёскирэ кральэндыр, сыр кэрдэ ёнэ. ⁹ И лынэ тэ кэрэн Израилёскирэ чхавэ налачхэ рэндэ пэскирэ Рáскэ-Дэвлэскэ, и кэрдэ пэскэ вучипэна дрэ сарэ пэскирэ фóрья, лыи раххибнарьитконэ вучардытыр (башнятыр) кэ фóро зоралэ тынэнца. ¹⁰ И чхудэ пэстэ статулы и формы Астартакэ пэ кажно вучí бэрга и тэл кажно зэлэно кашт. ¹¹ И лынэ одой тэ хачкирэн дрога смóлы пэ сарэ вучипэна, сыр Наюдытка манушá, савэн вытрадыя лэндыр Рай Дэвэл, и кэрдэ налачхэ рэндэ, савэ холякирэнас Рас-Дэвлэс. ¹² И дынариндлэ (служындрэ) идолэнгэ, пал савэндэ ракирдя лэнгэ Рай Дэвэл: “На кэрэн дава.” ¹³ Тэды Рай Дэвэл пирдал сарэ Пэскирэ пророкэндэ, пирдал кажнонэстэ, прираххэлас Израилё и Юдас, ракири: “Рисён тумарэ фуе дромэндыр, и раххэн Мирэ припхэныбэна, упхэныбэна Мирэ, пир сарó сыкляибэн, савó Мэ припхэндём дадэнгэ тумарэнгэ, и савó Мэ дыём тумэнгэ пирдал Мирэ пророкэндэ.” ¹⁴ Нэ ёнэ на кандынэ и кашталякирдэ мэня пэскирэ, сыр сыс мэня лэнгирэ дадэнгирэ, савэ на патяндынэ дрэ пэскирэ Растэ-Дэвлэстэ. ¹⁵ И лынэ тэ на прилэн Лэскирэ упхэныбэна, и Завéто Лэскиро, савó Ёв кэрдя лэнгирэ дадэнца, и прираххибэна Лэскирэ, савэнца Ёв прираххця лэн, и гинэ ёнэ палал пал харныпэн (пустота), и палал пал манушэндэ, савэ дживдэ пашыл, пал савэндэ Рай Дэвэл ракирдя лэнгэ, соб (кай) тэ на кэрэн адякэ, сыр ёнэ. ¹⁶ И ячкирдэ сарэ припхэныбэна Рáскирэ-Дэвлэскирэ, пэскирэ Дэвлэскирэ, и кэрдэ пэскэ вычхудэ муя дуён гурувэн, и кэрдэ дэмбитко вешоро, и мангнэпэ сарэ духэнгэ болыбнаскирэнгэ, и дынариндлэ Ваалоскэ. ¹⁷ И лыджанас пэскирэ чхавэн и чхаён пэскирэ пирдал яг, и драбакирдэ, и човаханякирдэ, и отдынэпэ долэскэ, соб (кай) тэ кэрэн налачхэс дрэ Рáскирэ-Дэвлэскирэ якхá и тэ холякирэн Лэс. ¹⁸ И росхолясыя Рай Дэвэл зоралэс пэ Израильтянэндэ, и отрискирдя лэн Пэскирэ мостыр. На яцяпэ никонэс апрíч екхэ Юдáскиро рóдыцо. ¹⁹ И о Юда адякэ-паць на раххця Рáскирэ-Дэвлэскирэ, пэскирэ Дэвлэскирэ припхэныбэна, и кэрдя пир Израилёскирэ упхэныбэна, сыр кэрдэ ёнэ. ²⁰ И отрисия Рай Дэвэл сарэ Израилёскирэ родэндыр, и примириндя (тэлякирдя) лэн, и отдыя лэн дрэ вастá чорэнгэ, и пэ кóнцо (ягóро) отрискирдя лэн Пэскирэ мостыр. ²¹ Сыр Израильтяни дуринэ Давидоскирэ кхэрэстыр, и чхудэ кралíса Еровоамос, Наватоскирэ чхавэс; то и оттрадыя Еровоáмо Израильтянэн Рáстыр-Дэвлэстыр и залыджия лэн дро барó грéхо. ²² И кэрдэ Израилёскирэ чхавэ пир сарэ Еровоамоскирэ грéхи, савэ ёв кэрдя, на отячнэ лэндыр, ²³ пака Рай Дэвэл отрискирдя Израилё Пэскирэ мостыр, сыр ракирдя пирдал Пэскирэ писхарьэндэ, пророкэндэ. И сыс пирилыджинó Израилё пэскирэ пхувьятыр дрэ Асирия, кай ёв и кэ дава дывэс. ²⁴ И пирилыджия тэ дживэн крáli Асириякирэ манушэн Вавилонóстыр, и Кутатыр, и Аватыр, и Емафатыр, и Сепарваиматыр, и обчхудя тэ дживэн лэн дрэ Самариякирэ фóрья пэ штéто Израилёскирэ чхавэнгиро. И ёнэ заухтылдэ Самáрия, и лынэ тэ дживэн дрэ лáкирэ фóрья. ²⁵ И сыр дрэ англатунó пэскиро джибэн ёнэ одой на дынэ патыв Рáскэ-Дэвлэскэ, тэды Рай Дэвэл бичхадя пэ лэндэ шчэрэн (левэн), савэ мулякирдэ лэн. ²⁶ И роспхэндлэ Асириякирэ кралíскэ, и пхэндлэ: “Манушá, савэн ту пиричхудян тэ дживэн, и дыян тэ дживэн лэн дрэ Самариякирэ фóрья, на джинэна закóно долэ пхувьякирэ Дэвлэскиро, и пал дова Ёв бичхавэла пэ лэндэ шчэрэн (левэн), и гада, ёнэ мулякирэна лэн, пал-дова со ёнэ на джинэна закóно Дэвлэскиро долэ пхувьякиро.” ²⁷ И припхэндя Асириякиро крáli, и пхэндя: “Бичхавэн одорíк екхэ манушэс рашандыр, савэн тумэ пиричхудэ зорьяса (высилиндрэ) одотхыр; мэк тэ джал и тэ дживэл одой, и ёв высыклякирэла лэн законоскэ долэ пхувьякирэ

пал Дэвлэстэ.”²⁸ И явдя екх мануш рашандыр, савэн вычхудэ Самариятыр, и дживдя кэ Вефилё, и сыклякирдя лэн, сыр тэ дэн патыв Рáскэ-Дэвлэскэ.²⁹ Ёлён, ёнэ кэрдэ кажна (свака) манушá и пэскирэн дэвлорé, и чхудэ лэн дрэ мангипнытка штэты пэ вучипэнá, савé кэрдэ Самаряни, – свака манушá дрэ пэскирэ фóрья, кай дживэнас ёнэ.³⁰ Вавилоняни кэрдэ Суккотбенофэнос, Кутийцы кэрдэ Нергалос, Емафяни кэрдэ Ашыма.³¹ Авийцы кэрдэ Нивхазос и Тартакос, а Сепарваимцы хачкирдэ пэскирэн чхавэн дрэ яг Адрамелехоскэ и Анамелехоскэ, Сепарваимсконэ дэвлорéнгэ.³² Машкир дава сарó ёнэ дэнас патыв и Рáскэ-Дэвлэскэ, и чхудэ пэстэ рашán пэ вучипэнá пэскирэ манушэндыр, и ёнэ дынариндлэ лэндэ дрэ мангипнытка штэты пэ вучипэнá.³³ Рáскэ-Дэвлэскэ ёнэ дэнас патыв, и дэвлорéнгэ пэскирэнгэ ёнэ дынариндлэ пир манэра манушэнгири, савэндыр вычхурдынэ лэн.³⁴ Кэ дава дывэс кэрэна ёнэ пир англатунэ пэскирэ манэры: ёнэ на дарэн Рáстыр-Дэвлэстыр, и на кэрэна пир статúты и пир упхэныбэнá, и пир Зако́но и пир Припхэныбэнá, савé припхэндя тэ кэрэн Рай Дэвэл Яковóскирэ чхавэнгэ, савэскэ дыя Ёв Израилёскиро лав.³⁵ Счхудя Рай Дэвэл лэнца Завéто и припхэндя шылалэс лэнгэ, ракири: “На дэн патыв дэвлорéнгэ явирéнгэ, и на мангэнпэ лэнгэ, и на дынаринэн лэнгэ, и на янэн свэнта дыибэнá лэнгэ:”³⁶ Нэ Рас-Дэвлэс, Савó вылыджия тумэн Египтóскирэ пхувьятыр барэ зорьяса барьяса и протырдынэ вастэса, – Лэскэ дэн патыв, и Лэскэ мангэнпэ, и Лэскэ янэн свэнта дыибэн.³⁷ И статúты, и упхэныбэнá, и Зако́но, и припхэныбэнá, савé Ёв чхудя тумэнгэ, причхувэн зор тэ сполнинэн дрэ сарэ дывэсá, и на дэн патыв дэвлорéнгэ явирéнгэ.³⁸ И Завéто, савó Мэ чхудём тумэнца, на бистрэн, и на дэн патыв дэвлорéнгэ явирéнгэ.³⁹ Екхэ Рáскэ-Дэвлэскэ (Яхваскэ), Дэвлэскэ тумарэскэ, дэн патыв, и Ёв зракхэла тумэн сарэ тумарэ вэргэнгирэ (врогэнгирэ) вастэстыр.”⁴⁰ Нэ ёнэ на кандынэ, а кэрдэ пир англатунэ пэскирэ манэры.⁴¹ Далэ манушытка náцыи дэнас патыв Рáскэ-Дэвлэскэ, нэ и пэскирэнгэ вычхиндлэ муэнгэ дынариндлэ. Адыкэ и чхавэ лэнгирэ и чхавэ лэнгирэ чхавэнгирэ кэ дава дывэс кэрэна адыкэ-паць, сыр кэрдэ лэнгирэ дада.

Шэрó 18

¹ Пэ трýто бэрш Осияскиро, Иласкирэ-чхавэскиро, кон сыс крáли пэ Израилё, яця кралýса Езэкýя, Ахазóскиро чхавó, Юдэякирэ-кралýскиро.² Биш тэ пандж бэрш сыс лэскэ, кели ёв яця кралýса, и биш тэ еня бэрш ёв сыс кралýса дро Ерусалимо; лав лэскирэ-дакиро сыс Ави, Захарияскири чхай.³ И кэрдя ёв лачхэс дрэ якхá Рáскирэ-Дэвлэскирэ дро сарó адыкэ, сыр кэрдя Давýдо, лэскиро дад.⁴ Ёв отпарудя вучипэнá, розмардя статулы, вычингирдя дэмбы и харкунэ сапэс, савэс кэрдя Мóйза, – пал-довá со кэ сама долэ дывэсá Израилёскирэ чхавэ тхувалякирдэ лэскэ и кхардэ лэс ‘Нехуштано.’⁵ Ёв патяндья зоралэс дрэ Растэ-Дэвлэстэ, Израилёскирэ Дэвлэстэ; и ададысавэс, сыр ёв, на сыс машкир сарэндэ Юдэиякирэ кральэндэ и палó (после) лэстэ и англэдыр лэстыр.⁶ И прилипнидя ёв кэ Рай Дэвэл, и на отгия Лэстыр, и рахкця Лэскирэ припхэныбэнá, савэ припхэндя Рай-Дэвэл Мóйзáскэ.⁷ И сыс Рай Дэвэл лэса усэнде (езде), и карик ёв на псирдя, то кэрдя ёв годьварэс. И счхудя гáмо ёв пэстыр Асириякирэ кралýстыр, и на яця тэ дынаринэл лэскэ.⁸ Ёв традыя Филистимлянэн кэ Газа и дрэ лáкирэ мэжы пир ригá, раххибнарьякирэ вучардятыр (башнятыр) кэ фóро зоралэ тыноса.⁹ Пэ штáрто бэрш, сыр лыя тэ кралинэл Езэкýя, дрэ савó сыс пэ эфтáто бэрш Осияскиро, Иласкирэ-чхавэскиро, Израилёскирэ кралýскиро, гия Салманасаро, Асириякиро кхенинго, пэ Самáрия и обчхудя халадыбнаса ла.¹⁰ И лыя ла пирдál трин бэрш. Пэ шóвто бэрш Езэкýяскиро, савó сыс пэ енято бэрш Осияскиро, Израилёскирэ-кралýскиро, Асирийцы лынэ Самáрия.¹¹ И пиричхудя тэ дживэн Асириякиро крáли Израильтянэн дрэ Асирия, и мэкця лэн тэ дживэн кэ Халахо и дро Хаворо, пашыл рэка (лэнь) Гозана, и дрэ Мидиякирэ фóрья.¹² Пал-довá, со ёнэ на шундлэ пэскирэ Рáскирэ-Дэвлэскири зан (глос), и пиригинэ Завéто Лэскиро, сарó, со припхэндя лэнгэ Мóйза (Моисеё), Рáскирэ-Дэвлэскиро писхáри; ёнэ и на шундлэ, и на сполниндлэ.¹³ Пэ дэшуштáрто бэрш Езэкýяскиро кралýскиро, гия Сенахиримо, Асириякиро крáли, проти сарэндэ Юдáскирэ фóрья зоралэ тынэнца и лыя лэн.¹⁴ И бичхадя Езэкýя, крáли Юдэякиро, кэ крáли Асириякиро дро Лахизо тэ пхэнэл: “Бангó

мэ сом; оджа мандыр; со чхувэса пэ мандэ, дова мэ отдава.” И чхудя крáli Асириякиро пэ Езекиястэ, Юдэякирэ кралістэ триншэла шéкели руп и триянда шéкели сувнакай. ¹⁵ И отдыя Езэкия сарó руп, савó латхяпэ дро Рáскирэ-Дэвлэскиро Кхэр и дрэ пираля краліскирэ кхэрэскиро. ¹⁶ Дрэ долэ дывэса злыя Езэкия сувнакай Рáскирэ-Дэвлэскирэ Кхэрэскирэ вударэндыр и стылбэнгирэ вударэндыр, савó сувнакунякирдя Езэкия, Юдэякиро крáli, и отдыя лэс Асириякирэ краліскэ. ¹⁷ И бичхадя Асириякиро крáli Тартанос, и Рабсарисос, и Рабсакос Лахисостыр кэ крáli Езэкия бутэ халадэнца дрэ Ерусалимо. И гинэ, и явнэ ёнэ кэ Ерусалимо; и гинэ, и явнэ, и тэрдинэ пашыл панескиро пролыджиибнытко (водопроводе) упратунэ вэндэрьятыр (прудостыр), савó сыс пэ дром кэ фэлда, кай парнякирэнас похтана. ¹⁸ И кхардэ ёнэ краліс. И выгия кэ ёнэ Елиакимо, Хелкииноскиро чхавó, фэлятинякиро/коловóскиро (дворцоскиро) барыдырó, и Сэвна, лыла-чхиныбнаскиро (писцо), и Иоахо, Асафоскиро чхавó, канцэляри. ¹⁹ И пхэндя лэнгэ Рабсако: “Пхэнэн Езекияскэ: ‘Адякэ ракирэла крáli барó Асириякиро крáli: саві исын надэя, пэ саві ту розгинэса (савó дава исын тырó лачхó ужакирибэн, пэ савó ту допатяса).’ ²⁰ Ту ракирдян екх чхучэ (пуста) лавá: ваш марибэн трэй годыпэн и зор. Каканá, пэ конэстэ ту чхувэса надэя, со отгиян мандыр? ²¹ Ё́ада, ту думинэса тэ рикирэспэ пал Египто, дава дэстó пхагирдó, савó, ко́ли кон явэла тэ рикирэспэ пал лэстэ, адо́лэ манушэскэ заджа́ла ёв (дэстó) лэскэ дро васт и пропхусавэла лэс. Давá исын фараóно, Египтóскиро крáli, ваш сарэнгэ, кон чхувэла надэя пэ лэстэ. ²² А ко́ли тумэ пхэнэна мангэ: ‘Пэ Растэ-Дэвлэстэ амарэстэ амэ чхуваса надэя,’ тэды ци пэ долэстэ, савэскирэ вучипэна́ и алтарья отпарудя Езэкия, и пхэндя Юда́скэ и Ерусалимоскэ: Ангил дава́ ё́кх алта́рэ (жэртвенико) мангэнпэ дрэ Ерусалимо? ²³ И адыка заджа́ дрэ доракирибэн совлахаса мирé хула́са Асириякирэ кралі́са; мэ да́ва ту́кэ дуй тысе́нцы грэн, ци ту мого́нэса тэ дорэсэс пэскэ манушэн, савэ бэ́шэна уклизтэ́ пэ лэндэ? ²⁴ Сыр ту́кэ тэ пиризорьякирэс (тэ здо́линэс) и екхэс шэ́ралэс мирé хула́скирэ тыкнэдыршонэндыр дына́ріс? И ту чхувэса надэя пэ Египто ваш вурдына́ и грэнгэ? ²⁵ Пир сарó аканá, нау́што мэ би Рáскирэ-Дэвлэскирэ лавэскиро гиёмас пэ дава́ штэ́то, соб (кай) тэ хасякира́в лэс? Рай Дэвэл пхэндя мангэ: ‘Джа́ пэ да́я пхув, и хасякир ла.’” ²⁶ И пхэндя Елиакимо, Хелкииноскиро чхавó, и Сэвна [Шэ́бна-ю.о.], и Иоахо Рабсакоскэ: “Ра́кир писхарьэ́нгэ тырэ́нгэ пир арамеитко чиб, пал-дова́ со галёваса амэ, а на ра́кир амэнца пир юды́тко чиб дрэ сарó шуныбэн манушэнгиро, савэ исын пэ ва́нта.” ²⁷ И пхэндя лэнгэ Рабсако: “Нау́што ё́кх кэ тырó хула́й и кэ ту бичхадя́ ман хула́й миро тэ пхэна́в далэ лавá? Над, ады́кэ-паць и кэ мануша́, савэ исын бэ́штэ́ пэ ва́нта, соб (кай) тэ хан на́жужыпэн пэскиро и тэ пьен мутыра пэскирэ тумэнца.” ²⁸ И уштыя́ Рабсако, и пхэндя сарэнгэ зоралэ́ заня́са пир юды́тко, и ракирдя́, и пхэндя: “Шунэн лав барэ́ кралі́скиро, Асирия́кирэ-кралі́скиро! ²⁹ Адя́кэ ракирэ́ла крáli: ‘Мэк тэ на хохавэл тумэн Езэ́кия, пал-дова́ со ёв на мого́нэла тумэн тэ зракхэл мирé вастэ́стыр.’” ³⁰ И мэк тэ на дэл надэя тумэнгэ Езэ́кия Ра́са Дэвлэ́са, ракири́: ‘Зракхэ́ла амэн Рай Дэвэл, и на явэ́ла дава́ фо́ро отдыно́ дрэ Асирия́кирэ-кралі́скирэ васта́.’” ³¹ На шунэн Езе́кияс. Пал-дова́ со ады́кэ ракирэ́ла Асирия́киро крáli: ‘Кэ́рэн доракирибэн (союзó) ма́нца и выджáн кэ мэ, и мэк ка́жно (сва́ко) тэ хал му́ри пэскирэ-винаграды́тконэ хрустостыр и инжыро пэскиро, и мэк ка́жно (сва́ко) тэ пьел пані́ пэскирэ ганы́нгатыр. ³² Па́ка мэ ява́ва и лавá тумэн пэ дасаві́-паць пхув, сыр и тумарі́ пхув исын, пэ пхув маритко и молитко марэскири и молякири, пэ оливі́тко пхув и пэ авгінэскири пхув, и явэ́на тумэ́ тэ дживэн, и на мэ́рэна. На шунэн Езе́кияс, савó хохавэ́ла тумэн, ракири́: ‘Рай Дэвэл зракхэ́ла амэн.’” ³³ Ци зракхнэ́ дэвлорé манушэнгирэ на́цыэндыр, ка́жно (сва́ко) пэ пэскири пхув, Асирия́кирэ-кралі́скирэ вастэ́стыр? ³⁴ Кай исын дэвлорé Емафоскирэ́ и Арпа́доскирэ́? Кай исын дэвлорé Сепарва́имоскирэ́, Ена́скирэ́ и Ива́скирэ́? Ци зракхнэ́ ёнэ Сама́рия мирé вастэ́стыр? ³⁵ Кон сарé́ дэвлорэндыр далэ́ пхувьендыр зракця́ пхув пэскири мирé вастэ́стыр? Адя́кэ нау́што Рай Дэвэл зракхэ́ла Ерусалимо мирé вастэ́стыр?”” ³⁶ И молчындрэ́ (сыс штыл) мануша́, и на отпхэндлэ́ лэскэ́ ни лав; пал-дова́ со сыс при́пхэныбэн кралі́скиро: на отпхэнэн лэскэ́. ³⁷ И явдя́ Елиакимо, Хелкииноскиро чхавó, фэлятинякиро барыдырó, и Сэвна, лыла-чхиныбнаскиро, и Иоахо, Асафоскиро чхавó, канцэляри (дееписателё), кэ Езэ́кия дрэ роскушнэ́ їди, и пири́пхэндлэ́ лэскэ́ лавá Рабсакоскирэ́.

Шэрó 19

¹ Кéли шундя крáли Езэкíя дава́, то тэды роскустя пэскирэ йди, и учхакирдяпэ гонэса дрэ прáска (пепло), и гия́ дро Рáскирэ-Дэвлэскиро Кхэр. ² И бичхадя́ крáли Елиакимос, фэлатинякирэ барыдырэс, и Севнас, и пхурэдыршонэ рашáн, учхакирдэн гонэнца дрэ прáска, кэ Исаё прорóко, Амасоскиро чхавó. ³ И ёнэ пхэндлэ лэскэ: “Адjáкэ ракирэла Езэкíя: ‘Давá дывэс исын дывэс ваш туга и ваш напхэныбэн и ваш ладжаипэн пхарó, и калó, и ладжакирдó; пал-дова́ со догинé тыкнэмаса кэ кула (выгиибэн) дрэ лочовí (утроба) даэнгири, а тэ биянэл джувля́кэ нанэ зор. ⁴ Сашты́ (могинэ́ла) тэ явэл, со шунэ́ла Рай Дэвэл, Дэвэл тырó, сарé Рабсакоскирэ лавá, савé бичхадя́ Асирия́киро крáли, лэскиро хула́й, тэ кошэл Дэвлэс джидэс и тэ калякирэ́л лэс лавэнца, савé шундя́ Рай Дэвэл, Дэвэл тырó. Пхэн упрé пáтери (молítва). Мангпэ пал манушэндэ, савé ячнэ́пэ, савé исын ишчо (инкэ) джидэ.”

⁵ И явнó дына́рья кралíскирэ Езэкиаскирэ кэ Исаё. ⁶ И пхэндя́ лэнгэ́ Исаё: “Адjáкэ пхэнэн тумарé хула́скэ: ‘Адjáкэ ракирэла Рай Дэвэл: на дар лавэндýр, савé ту шундя́н, савэнца калякирдэ́ Ман Асирия́кирэ-кралíскирэ дына́рья. ⁷ Ѓáда, Мэ бичхавáва дрэ лэстэ́ дýхо (фáно), и ёв шунэ́ла зан (звесь), и рисёла пэ пэскири пхув, и Мэ домарава лэс курталáса пэ лэскири пхув.”

⁸ И рисия́ о Рабсако, и латхя́ Асирия́кирэ кралíс, савó мардя́пэ проти Ливна; пал-дова́ со ёв шундя́, со одовá отгия́ Лахисостýр. ⁹ И шундя́ ёв зан (звесь) пал Тиргакостэ́, Ефиопия́кирэ кралíстэ; сыр лэскэ пхэндлэ́: “Ѓáда, ёв выгия́ тэ марэлпэ́ тýса.” И нэвэс бичхадя́ ёв манушэн кэ Езэкíя тэ пхэнэн. ¹⁰ “Адjáкэ пхэнэн Езекиаскэ́, Юдэя́кирэ кралíскэ: ‘Мэк тэ на хохавэл тут Дэвэл тырó, пэ Савэстэ́ ту рикирэса́ надéя, думины: на явэ́ла отдынó Ерусалимо́ дрэ Асирия́кирэ-кралíскирэ вастá. ¹¹ Хай, ту шундя́н, со кэрдэ́ Асирия́кирэ крáлья сарé пхувьёнца, чхудé пэ лэндэ́ прокошыбэ́на (арманя), – и со, ту зракхэса́пэ? ¹² Дэвлорé манушэнгирé, савэн роспахирдэ́ мирé дада́, ци зракхнэ́ лэн? Ци зракхнэ́ ёнэ Гозанос, и Харанос, и Рецэфос, и Еденоскирэ́ чхавэн, савé сыс дрэ́ Фаласара? ¹³ Кай исын крáли Емафоскиро, и крáли Арпадоскирэ, и крáли пэ́ фóрья Сепарваимо, Ена и Ива’?”

¹⁴ И лыя́ Езэкíя лыл вастэ́стыр манушэнгирэндýр, савé сыс приби́чхадэ́, и гиндя́ (дыя упрé) лэс, и гия́ дро Рáскирэ-Дэвлэскиро Кхэр, и розрискирдя́ лэс Езэкíя ангíл Рáскирэ-Дэвлэскиро муй. ¹⁵ И мангдя́пэ Езэкíя ангíл Растэ́-Дэвлэстэ́, и ракирдя́: “Раё́ Дэвла, Дэвэл Израилёскиро, Савó исын бэштó пэ херувимы! Ту сан ё́кх Дэвэл пэ сарé пхувья́кирэ кралипэ́на, Ту создýян болыбэн и пхув. ¹⁶ Раё́ Дэвла, причхýв кан Тырó, и шун; откэр, Раё́ Дэвла, якхá Тырé, и ўздыкх, и шун лавá Сенахиримоскирэ, савó бичхадя́ тэ калякирэ́н Дэвлэс джидэс! ¹⁷ Чачипэн, о, Раё́ Дэвла, крáлья Асирия́кирэ роспахирдэ́ кэ руйны манушэн и лэнгирé пхувья́. ¹⁸ И чхурдынé лэнгирэн дэвлорé дрэ яг; нэ далé нанэ дэвэ́ла, а вычхиндлы буты́ манушэнгирé-вастэнгири, кашт и бар; пал-дова́ и хасякирдэ́ лэн. ¹⁹ И каканá, Раё́ Дэвла, Дэвэл амарó, зрáкх амэн лэскирэ́ вастэ́стыр, и мэк тэ джинэн сарé пхувья́кирэ кралипэ́на, со Ту, Раё́ Дэвла, сан Дэвэл Екх.”

²⁰ Тэ́ныци бичхадя́ Исаё, Амососкиро чхавó зан (звесь), кэ Езэкíя тэ пхэнэл: ‘Адjáкэ ракирэла Рай Дэвэл, Дэвэл Израилёскиро: Довá, пал со ту мангдя́пэ Мánгэ проти Сенахиримостэ́, Асирия́кирэ кралíстэ, Мэ шундём. ²¹ Ѓáда, исын лав, савó выпхэндя́ Рай Дэвэл пал лэстэ́: ‘Подыкхэ́ла вучипна́стыр пэ тýtэ, и явэ́ла тэ салпэ тýtыр патывалы́ Сионóскири чхай; палáл пал тýtэ кунинэ́ла шэрэ́са Ерусалимóскири чхай. ²² Конэс ту калякирдýн и прокостýн? И пэ конэстэ́ ту газды́ян зан (глос), и газды́ян адjáкэ вучэ́с якхá пэскирэ? Пэ Свэнто́ Израилé? ²³ Пирдáл манушэндэ́ тырэндэ́, савэн ту приби́чхадýн ту калякирдýн Рас-Дэвлэс, и пхэндýн: ‘Бутé мирé марибны́тконé вурдынэнца мэ гиём упрé пэ бэргэнгирó вучипэн, пэ пашварé Ливаноскирэ, и чингирдём барé лэскирэ кипарисы, фэдырша́ лэскирэ кипарисы и явдём пэ сáмо ягороскиро (краёскиро) штéто лэскиро, дро лэскиро унтакиро (сады́тко) вэ́шоро. ²⁴ И ганадёмпэ́ мэ и пиём пани́ чýжо, и мэ вышутькирава́ Мирé-гэрэнгирé подэ́шваса (пирéса) сарé Египтóскирэ рэ́ки (лэ́ня). ²⁵ Наўшто ту на шундя́н, со Мэ гарым кэрдём дава́, дрэ гаратунé дывэ́са придуминдём дава́, а каканá кэрдём лэнгэ́, со ту кэрэ́са чхучé фóрья зоралé тынэнца, кэри лэндýр руйны. ²⁶ И манушá лэнгирé кэрдэ́пэ бизорья́кирэ, тринскирэ́напэ́ и ячэ́напэ́ дрэ ладж. Ёнэ ячнó сыр чар пэ́ фэлда́ и негитко́ зэлэныбэн, сыр забарино́ пэ стрэ́хи (чхаки́ня) и пирипэ́кно марó англи́дыр, сыр

поспеинэла. ²⁷ Бэшэса ци ту, ци выджаса, ци заджаса Мэ сарó джинóм (джина́в) и холы́ тыр́и проти Мándэ. ²⁸ Пал тыр́и холы́ проти Мándэ и пал дова́, со пхутькириб́эн тыр́о догия́ кэ канá Мирэ́, Мэ чхува́ва нанглоро́ Мирó дрэ рутхуня́ (храпы) тыр́э и замуздка́ (цугля) Мирэ́ дрэ муй тыр́о, и rischiра́ва тут палэ долэ́-паць дромэ́са, савэ́са ту явд́ян. ²⁹ И га́да тукэ́, Езэ́кия, герты́к (знамэ́ниё): хан дрэ́ дава́ бэрш, со выбра́рия зяркатыр, сави́ пыя́, и пэ́ яви́р бэрш – кокорó бияныбнаскиро́, а пэ́ трито́ бэрш сеинэн и укэдэн, и чхувэ́н дрэ́ пхув винаграды́тка унты́ (сады) и хан лэ́нгирэ́ барьякирдэ́ (плóды). ³⁰ И манушá, савэ́ ячэ́напэ́ джидэ́ дрэ́ Юда́скиро́ кхэр, кон я́цяпэ́, ё́нэ мэкэ́на нэ́вэс ру́кх (корнё́) тэ́лал и я́нэна барьякирдэ́ (плóды) упрэ́. ³¹ Пал-дова́ со Ерусалимо́стыр выджáла ячаиб́эн, и зракхно́ Сионоскирэ́ бэргáтыр, Рáскирэ́-Дэвлэ́скиро́, болыбна́скирэ́-янголэ́нгиро́ зэвлыныпэ́н кэрэ́ла дава́. ³² Палдава́ адя́кэ ракирэ́ла Рай Дэвэл пал Аси́рийкирэ́ крали́стэ: ‘На заджáла ё́в дро дава́ фóро, и на чхурдэ́ла одоры́к марибны́тка бустя́ (стрéлы), и на поджала́ кэ ё́в шчы́тоса, и на чхувэ́ла вучэ́с проти лэ́стэ валó. ³³ Долэ́-паць дромэ́са, савэ́са ё́в явд́ян, тэ́ рисё́с долэ́ дромэ́са ё́в рисё́ла, и дрэ́ дава́ фóро ё́в на заджáла,’ – ракирэ́ла Рай Дэвэл. ³⁴ Мэ́ ява́ва тэ́ ра́кхав дава́ фóро, соб (кай) тэ́ зракхэ́с лэ́с ваш Пэ́скэ́ и ваш Давидо́скэ́, Мирэ́ писха́рыскэ́.” ³⁵ И акэ́, со кэ́рдяпэ́ дрэ́ да́я рат: гия́ Янго́ло Рáскирэ́-Дэвлэ́скиро́ и мулякирдя́ дрэ́ Аси́рийкиро́ халады́бэн шэ́л охтодэ́ша́ пандж тысе́нцы манушэ́н. И ушты́нэ ё́нэ пэ́ зло́ко (пэ́ ра́нко), и га́да, сы́с сарэ́ тру́пы. ³⁶ И скэ́дыяпэ́, и гия́, и рисия́ Сенахиримо́, Аси́рийскиро́ кра́ли, и дживдя́ кэ́ Нинэ́вия. ³⁷ И кэ́ли ё́в мангдя́пэ́ дро кхэр Нисро́хоскиро́, пэ́скирэ́ дэвлорэ́скиро́, тэ́ды Адрамелéхо́ и Шаре́цэро́, лэ́скирэ́ чхавэ́, замардэ́ лэ́с курталáса, а кокорé на́шнэ́ пэ́ Араратоскири́ пхув. И я́ця кра́ли́са Асардано́, лэ́скиро́ чхаво́, пэ́ штэ́то лэ́скиро́.

Шэрó 20

¹ Дрэ́ долэ́ дывэ́са́ занасвалы́я о́ Езэ́кия́ кэ́ мэриб́эн; и явд́я кэ́ ё́в Исаё́, Амососкиро́ чхаво́, проро́ко, и пхэндя́ лэ́скэ́: “Адя́кэ ракирэ́ла Рай Дэвэл: ‘Припхэн со тэ́ кэрэ́с тыр́э кхэрэ́са, пал-дова́ со мэрэ́са ту, и на высастё́са.”” ² И отрисия́ Езэ́кия́ пэ́скирэ́ мо́са кэ́ ва́нта (сця́на), и мангдя́пэ́ Рáскэ́-Дэвлэ́скэ́, раки́ри: ³ “О, Раё́ Дэ́вла! Пририпи́р, со мэ́ псирдём́ ангил́ муй Ты́ро́ чачунэ́с и чачунэ́са кэ́ Ту илэ́са, и кэ́рдём лачхэ́с дрэ́ якхá Ты́рэ́.” И заронд́я Езэ́кия́ зоралэ́с. ⁴ Исаё́ ишчо́ (инкэ́) на вы́гия́ форо́стыр, сыр сы́с кэ́ ё́в Рáскирэ́-Дэвлэ́скиро́ лав: ⁵ “Рисё́в и пхэн́ Езэ́кия́скэ́, хула́скэ́ Мирэ́́ манушэ́нгирэ́скэ́: Адя́кэ ракирэ́ла Рай Дэвэл, Дэвэл Давидо́скиро́, тыр́э́ дадэ́скиро́: ‘Мэ́ шундём́ ты́ро́ мангипэ́н, ды́кхцём́ ты́рэ́ ясва. Га́да, Мэ́ высастя́кирава́ тут; пэ́ трито́ дывэ́с ту джа́са дро Рáскирэ́-Дэвлэ́скиро́ Кхэр. ⁶ И дочхува́ва Мэ́ кэ́ тыр́э́ дывэ́са́ дэшупандж́ бэрш, и вастэ́стыр Аси́рийкирэ́-квали́скирэ́стыр Мэ́ зракха́ва тут и дава́ фóро, и зракха́ва дава́ фóро ваш Пэ́скэ́ и ваш Давидо́скэ́, Мирэ́ писха́рыскэ́.”” ⁷ И пхэндя́ Исаё́: “Лэ́н пучко́ инжы́ро.” И лы́нэ, и причхудэ́ кэ́ чыльча́ко (нары́во); и ё́в высастия́. ⁸ И пхэндя́ Езэ́кия́ Исаё́скэ́: “Сави́ исын герты́к (знамэ́ниё), со Рай Дэвэл высастя́кирэ́ла ман, и со мэ́ джа́ва пэ́ трито́ дывэ́с дро Рáскирэ́-Дэвлэ́скиро́ Кхэр.” ⁹ И пхэндя́ Исаё́: “Га́да, тукэ́ исын герты́к Ра́стыр-Дэвлэ́стыр, со рикирэ́ла Рай Дэвэл лав, саво́ Ё́в пхэндя́: “Ангил́ ци тэ́ проджал зэ́рьякэ́ (теня́кэ) пэ́ дэш геру́ня (ступе́ньки); ци тэ́ рисёл́ пэ́ дэш геру́ня.”” ¹⁰ И пхэндя́ Езэ́кия́: “Локхэ́с теня́кэ́ (зэ́рьякэ́) тэ́ джал ангил́ (тэ́ кхарэл́пэ) пэ́ дэш геру́ня; над, мэќ тэ́ рисёл́ зэр́ (те́нь) палэ́ пэ́ дэш геру́ня.”” ¹¹ И кхард́я зоралэ́с Исаё́ проро́ко кэ́ Рай Дэвэл, и rischiрд́я зэр́ (те́нь) палэ́ пэ́ дэш геру́ня (ступе́ньки), кай ё́й змэкэ́ласпэ́ пир сты́лба (лесви́ца) Ахазоскири́, пэ́ дэш геру́ня (ступе́ньки). ¹² Дрэ́ долэ́ дывеса́ бичхад́я Боро́дахо́ Баладано́, чхаво́ Баладано́скиро́, Вавилонóскиро́ кра́ли, лы́ла и почасту́нко Езэ́кия́скэ́; пал-дова́ со ё́в шунд́я, со Езэ́кия́ сы́с насвалó. ¹³ Езэ́кия́, вы́шундя́ манушэ́н, савэ́ сы́с бичхадэ́ кэ́ ё́в, сы́кадя́ лэ́нгэ́ пи́раля́ пэ́скирэ́, руп и сувна́кай, и ароматы́тка смóлы, и дро́га масти́, и сарó́ арсенало́ (мардя́рня) дро́ пэ́скиро́ кхэр и сарó́, со исы́с дрэ́ ты́кно́рья́ и пи́раля́ лэ́скирэ́; на я́цяпэ́ ниé́кх предме́то (чы́са), саво́ тэ́ на сы́кава́л бы́ лэ́нгэ́ Езэ́кия́ дро́ пэ́скиро́ кхэр и дро́ сарó́ пэ́скиро́ хулаиб́эн. ¹⁴ И явд́я Исаё́ проро́ко кэ́ кра́ли Езэ́кия́, и пхэндя́ лэ́скэ́: “Со́ ракирдэ́ адалэ́ манушá, и каты́р ё́нэ́ явнэ́ кэ́ ту?” И пхэндя́ Езэ́кия́: “Дурату́нэ́ пхувя́тыр ё́нэ́ явнэ́, Вавилонóстыр.”” ¹⁵ И пхэндя́ Исаё́: “Со́ ё́нэ́ ды́кхнэ́ дрэ́ ты́ро́ кхэр?” И пхэндя́ Езэ́кия́: “Сарó́,

со исын дрэ кхэр миро, ёнэ дыкхнэ; на яцяпэ ни екх предмето, саво мэ тэ на сыкавав бы лэнгэ дрэ тыкнорья мирэ.”¹⁶ И пхэндя Исаё Езэкияскэ: “Вышун Рáскирэ-Дэвлэскиро лав: ¹⁷ ‘Гáда, явэна дывэсá, и лыно́ явэла саро́, со исын дро кхэр тыро́, и со скэдынэ тырэ дада́ кэ дава́ дывэс, дро Вавило́но; ничы́ на ячэлапэ”, – ракирэла Рай Дэвэл. ¹⁸ “Чхавэндэр тырэндэр, савэ́ явэна тۇтыр, савэ́ тۇтыр бияндёна, лёна, и явэна ёнэ ёвнухи дрэ Вавилонóскирэ-кралёскири фелатин/колов (дворцо).” ¹⁹ И пхэндя Езэкия Исаёскэ: “Лачхó исын лав Рáскирэ-Дэвлэскиро, саво́ ту пхэндян.” И ракирдя дурэдёр: “Мэк тэ явэл раманё (миро) и лачхипэн дрэ мирэ́ дывэсá!” ²⁰ Явёр лав пал Езэкиастэ и пал сарэ́ муршканэ́ рэндэ́ лэскирэ, и пал дова́, со ёв кэрдя́ вэндэри (прудо) и панитко пролыджиибэн и пролыджия пани́ дро фóро, исын зачхиндло́ дрэ бэршы́тка архивы пал Юдэякирэ́ кральэндэ́. ²¹ И пасия́ вэчнэс Езэкия́ пэскирэ́ дадэнца, и яця́ кралиска́ Манасия́, лэскиро́ чхаво́, пэ штэто́ лэскиро́.

Шэрó 21

¹ Дэшудуй бэрш сыс Манасияскэ, кели ёв яця́ кралё́са, и пандждэша́ бэрш сыс ёв кралё́са дро Ерусалимо; лав лэскирэ́-да́киро сыс Хефцыба. ² И кэрдя́ ёв фуипэн дрэ́ якхá Рáскирэ-Дэвлэ́скирэ, кэри пир примёро́ (сыкаибэн) магирипэн сыр явёр манушы́тка на́цыи, савэн протрады́я Рай Дэвэл Израилё́скирэ́ чхавэнгирэ́ мо́стыр. ³ И нэвэс кэрдя́ вучипэна́, савэ́ роспахирдя́ сарэ́са лэскиро́ дад о́ Езэкия́, и чхудя́ алтáри Ваалоскэ́, и кэрдя́ дэмбитко вэшоро́, сыр кэрдя́ Ахáво, Израилё́скиро крáли; и мангдя́пэ пэскирэ́ болыбны́тконэ халады́бнаскэ́, и дынариндя́ лэскэ́. ⁴ И кэрдя́ алтáри дрэ́ Рáскирэ-Дэвлэ́скиро Кхэр, пал саво́ пхэндя́ Рай Дэвэл: “Дро Ерусалимо́ чхува́ва Мэ́ Миро лав.” ⁵ И кэрдя́ ёв алтáри сарэ́ болыбны́тконэ халады́бнаскэ́ пэ́ дуй грэды́ (дворы) Рáскирэ-Дэвлэ́скирэ́ Кхэрэ́скирэ. ⁶ И лыджия́ пэскирэ́с чхавэ́с пирдал́ яг, и драбакирдя́, и човаханякирдя́, и залыджы́я манушён, савэ́ выкхарэ́на мулэн и човаханэн пир примёты́ (шпэры); бут кэрдя́ фуипэн ёв дрэ́ якхá Рáскирэ-Дэвлэ́скирэ, соб (кай) тэ́ холякирэ́л Лэс. ⁷ И чхудя́ вычхиндло́ муй Астартáкиро, саво́ кэрдя́ ёв дро кхэр, пал саво́ ракирдя́ Рай Дэвэл Давидóскэ́ и Соломонóскэ́, лэскирэ́ чхавэ́скэ: “Дро дава́ Кхэр и дро Ерусалимо́, саво́ Мэ́ выкэдыём сарэ́ Израилё́скирэ́ родэндэр, Мэ́ да́ва лав Миро́ пэ́ ве́ко. ⁸ И Мэ́ на да́ва бутыр, соб (кай) тэ́ выджáл гэрóй манушэ́скири Израильтя́ниноскиро́ пхувья́тыр, сави́ Мэ́ дыём лэнгирэ́ дадэнгэ́, ко́ли екх ёнэ́ явэна́ тэ́ причхувэн зор тэ́ кэрэн дрэ́ екх годы́ сарэ́са долэ́са, со Мэ́ пхэндём лэнгэ́, и сарэ́ Законо́са, саво́ припхэндя́ лэнгэ́ Миро́ писхáри Мо́йза. ⁹ Нэ́ ёнэ́ на кандынэ́; и затырды́я лэн Манасия́ кэ́ дова́, со ёнэ́ кэрдэ́ фуедыр́ долэ́ манушы́тконэ́ нацыёндыр, савэн вымардя́ Рай Дэвэл Израилё́скирэ́ чхавэндэр. ¹⁰ И ракирдя́ Рай Дэвэл пирдал́ Пэ́скирэ́ндэ́ дынарьэндэ́, пророкэндэ́, и пхэндя́: ¹¹ “Пал-дова́, со кэрдя́ Манасия́, Юдэя́киро крáли, дасаво́ магирипэ́на, фуедыр́ сарэ́стыр долэ́стыр, со кэрдэ́ Аморе́и, савэ́ сыс англэ́дыр лэ́стыр, и лыджия́ Юдас дро грéхо пэ́скирэ́ идолэнца́, ¹² палдава́, – адя́кэ ракирэ́ла Рай Дэвэл, Дэвэл Израилё́скиро, – гáда, Мэ́ яна́ва дасави́ холы́ пэ́ Ерусалимо́ и пэ́ Юдастэ́, пал савэ́стэ́, кон шунэ́ла, кудунё́ла (завининэ́ла) дрэ́ дуй канá одолэ́стэ́. ¹³ И проты́рдава Мэ́ пэ́ Ерусалимо́ шэ́ло тэ́ меринэн́ Самария́тыр и отвесо́ Ахавоскирэ́ кхэрэ́стыр, и выкхоса́ва Ерусалимо́ адя́кэ, сыр выкхосэ́на тахтáй, – выкхосэ́на и пири́рискирэ́на лэс. ¹⁴ И Мэ́ отрискира́ва ячаибэн́ (остатко́) Мирэ́ мишты́пнаскирэ́ мератыр, и Мэ́ отда́ва лэн дрэ́ лэнгирэ́ вэргэнгирэ́ (врогэнгирэ́) вастá, и ёнэ́ явэна́ тэ́ откэдэн́ саро́ лэндэр́ сарэ́ лэнгирэ́ вэ́рги.” ¹⁵ Палдава́, со ёнэ́ кэрдэ́ фуипэн дрэ́ якхá Мирэ́, и холякирдэ́ Ман долэ́ дывэ́сэ́стыр, сыр выгинэ́ лэнгирэ́ дада́ Египто́стыр, и кэ́ дава́ дывэ́с.” ¹⁶ Ишчо́ прочхудя́ Манасия́ древа́н бут рат би́бангипнаскирэ́ манушёнги́ро адя́кэ, со пхэ́рдякирдя́ лё́нца Ерусалимо́ ягорóстыр кэ́ ягóро, бутыр пэ́скирэ́ грэхосты́р, со ёв залыджия́ Юдас дро грéхо – тэ́ кэрэл́ фуипэн дрэ́ якхá Рáскирэ-Дэвлэ́скирэ. ¹⁷ Явёр лав пал Манасия́стэ́ и пал саро́, со ёв кэрдя́, и пал лэ́скирэ́ грéхи, дро со ёв кэрдя́ грéхо, исын зачхиндло́ дрэ́ бэршы́тка архивы пал Юдэя́кирэ́ кральэндэ́. ¹⁸ И пасия́ вэчнэс Манасия́ пэ́скирэ́ дадэнца, и гарадо́ сыс дрэ́ у́нта (садо) пашыл́ кхэр лэ́скиро, дрэ́ у́нта Узаски́ри. И яця́ кралё́са Амо́но, лэ́скиро́ чхаво́, пэ́ штэто́ лэ́скиро. ¹⁹ Биш тэ́ дуй бэрш сыс Амо́носкэ́, кели ёв яця́ кралё́са, и дуй бэрш ёв сыс кралё́са дро Ерусалимо; лав лэ́скирэ́ да́киро сыс

Мешуллемеф, Харуцоскири чхай, Ятбатыр. ²⁰ И кэрдя ёв налачхэс (фуипэн) дрэ якхэ Рáскирэ-Дэвлэскирэ адякэ, сыр кэрдя о Манáсия, лэскиро дад. ²¹ И псирдя долэ-паць дромэса, савэса псирдя лэскиро дад, и дынариндя idolэнгэ, савэнгэ дынариндя лэскиро дад, и мангдяпэ лэнгэ. ²² И ячкирдя ёв Рас-Дэвлэс, пэскирэ дадэнгирэ Дэвлэс, на псирдя Рáскирэ-Дэвлэскирэ дромэса. ²³ И счхудэ зракирибэн Амоноскирэ дынарья проти лэстэ, и замардэ краліс дро лэскиро кхэр. ²⁴ Нэ манушá долэ-пхувьякирэ пиримардэ сарэн манушэн, савэ сыс дрэ зракирибэн проти кралістэ Амоностэ; и манушá долэ-пхувьякирэ чхудэ краліса Иосияс, лэскирэ чхавэс, пэ штэто лэскиро. ²⁵ Явір лав пал Амоностэ, со ёв кэрдя, исын зачхиндлэ дрэ бэршытка архівы пал Юдеякирэ кральэндэ. ²⁶ И гарадэ лэс дрэ лэскири копліца, дрэ Узаскири ўнта (садо). И яця краліса Иосия, лэскиро чхавэ, пэ штэто лэскиро.

Шэрó 22

¹ Охтó (бидуэнгиро дэш) бэрш сыс Иосияскэ, кэли ёв яця краліса, и трияндаекх бэрш ёв сыс краліса дро Ерусалимо; лав лэскирэ-дáкиро исыс Иедида, Адаияскири чхай, Боцкафатыр. ² И кэрдя ёв лачхэс дрэ якхэ Рáскирэ-Дэвлэскирэ, и псирдя дро сарó пэскирэ-дадэскирэ Давидóскирэ дромэса, и на гия криг ни пэ чачі (право), ни пэ зэрво (лёво) риг. ³ Пэ дэшуохтото бэрш краліскирэ Иосияскирэ, бичхадя крáли Шафанос, Ацалиёскирэ чхавэс, Мешуламоскирэ чхавэс, лыла-чхиныбнаскирэс (писцос), дро Рáскирэ-Дэвлэскиро Кхэр, пхэні: ⁴ “Джá кэ Хелкия, англатунó рашáй, мэк ёв тэ пиригинэл руп, савó сыс яндло дро Рáскирэ-Дэвлэскиро Кхэр, савó скэдынэ манушэндыр, савэ сыс тэрдэ пэ раххибэн, пашыл прого. ⁵ И мэк тэ отдэн лэс дрэ вастá манушэнгэ, савэ дыкхэнас пал бутя, савэн чхудэ кэ Рáскирэ-Дэвлэскиро Кхэр, а далэ мэк тэ роздэн лэс манушэнгэ, савэ кэрэна буты дро Рáскиро-Дэвлэскиро Кхэр, соб (кай) на тэ подкэрэн пхагирибэн кхэрэскиро. ⁶ Манушэнгэ, савэ кэрэна буты вэшэса (кхэрá-кхэрибнаскирэнгэ) и барэнца (барунарьенгэ), и савэ кэрэна ванты (сцяны), и соб (кай) тэ кинэн каштá и вычингирдэ барá ваш Кхэр. ⁷ И сырбы тэ на пхучэн лэндыр отгиныбэн дро руп, савó сыс пиридыно дрэ лэнгирэ вастá, пал-довá со ёнэ кэрэнас чачунэс. ⁸ И пхэндя Хелкия, англатунó рашáй, Шафаноскэ лыла-чхиныбнаскирэскэ: “Законоскири лылварі мэ латхём (ластём) дро Рáскирэ-Дэвлэскиро Кхэр.” И подыя Хелкия лылварі (книга) Шафаноскэ, и ёв гиндя ла. ⁹ И явдя Шафано, лыла-чхиныбнаскиро (писцо) кэ крáли, и яндя краліскэ отпхэныбэн, и пхэндя: “Писхáрья тырэ лынэ тырэ дынарья руп, савó латхнэ (ластнэ) дро Кхэр, и пиридынэ лэс дрэ вастá манушэнгэ, савэ дыкхэнас пал бутя, савэн чхудэ кэ Рáскирэ-Дэвлэскиро Кхэр. ¹⁰ И роспхэндя о Шафано, лыла-чхиныбнаскиро краліскэ, ракирі: “Лылварі дыя мánгэ Хелкия, рашáй.” И гиндя ла Шафано ангіл кралістэ. ¹¹ Кэли шундя крáли лавá Законóскирэ лылварьятыр, то роскустя їди пэскирэ. ¹² И припхэндя крáли Хелкияскэ, рашáскэ, и Ахикамоскэ, Шафаноскирэ чхавэскэ, и Ахбороскэ, Михеиноскирэ чхавэскэ, и Шафаноскэ, лыла-чхиныбнаскирэскэ, и Асаиёскэ, краліскирэ дынаріскэ, ракирі: ¹³ “Джáн, мангэн Рас-Дэвлэс пал мандэ, и пал манушэндэ, и пал сарі Юдэя пал лавá далэ лылварьякирэ, саві тумэ савья латхнэ (ластнэ); пал-довá со бари исын холы Рáскирэ-Дэвлэскири, саві захачія пэ амэндэ пал дова, со на шундлэ амарэ дадá лавá далэ лылварьякирэ, соб (кай) тэ кэрэн адякэ-паць, со сыс чхиндлэ амэнгэ.” ¹⁴ И гия Хелкия, рашáй, и Ахикамо, и Ахбор, и Шафано, и Асаия кэ Алдама, пророчыца, Шалумоскири джувлы, Тыввоскирэ-чхавэскирэ, Хархасоскирэ чхавэскирэ, савó раххця їди, – дживдя ёй кэ Ерусалимо, пэ явір кварталó, – и ракирдэ лáса. ¹⁵ И ёй пхэндя лэнгэ: “Адякэ ракирэла Рай Дэвэл (Яхвá), Дэвэл Израилёскиро: Пхэнэн манушэскэ, савó бичхадя тумэн кэ мэ: ¹⁶ ‘Адякэ ракирэла Рай Дэвэл: Мэ янава холы пэ дава штэто и пэ лэскирэ манушэндэ, – сарэ лылварьякирэ лавá, саві гиндя Юдэякиро крáли. ¹⁷ Пал-довá, со ёнэ ячкирдэ Ман и тхувалякирэна явирэ дэвлорэнгэ, соб (кай) тэ холякирэн Ман сарэ рэндэнца пэскирэ вастэнгирэ, то захачія холы Мирі пэ дава штэто, и на мурдэла.’ ¹⁸ А Юдэякирэ краліскэ, савó бичхадя тумэн тэ мангэн Рас-Дэвлэс, пхэнэн: ‘Адякэ ракирэла Рай Дэвэл, Дэвэл Израилёскиро, пал лавá, савэ ту шундян: ¹⁹ Адякэ, сыр поковлыя илó тырó, и ту тэлякирдян пэс ангіл Растэ-Дэвлэстэ, сыр шундян дова, со Мэ пхэндём пэ дава штэто и пэ лэскирэ

манушэндэ, со ёнэ явэна дараса и прокошыбнаса, и ту роскустян йди пэскирэ, и рондян ангил Мандэ, тэды и Мэ шундём тут, – ракирэла Рай Дэвэл.²⁰ Пал дава, акэ, Мэ чхувава тут кэ тырэ дада, и ту явэса чхудо дрэ копліца тырэ раманёса (миро́са), и на дыкхэна тырэ якха саро дова фуипэн, савэ Мэ янава пэ дава штэто.” И яндлэ ёнэ крали́скэ отпхэныбэн.

Шэро́ 23

¹ И бичхадя́ кра́ли, и скэдынэ́ кэ ёв сарэ́н Юдэякирэ́н и Ерусалимо́скирэ́ пхурыдырэ́н. ² И гия́ кра́ли дро Ра́скирэ-Дэвлэ́скиро Кхэр, и сарэ́ Юдэякирэ́ мануша́ и сарэ́ мануша́ Ерусалимо́скирэ́ лэса, и рашая́, и проро́ки, и сарэ́ мануша́, тыкнэстыр кэ баро́, и гиндя́ дро шуныбэн (дыя упрэ́) сарэ́ Заветоскирэ́ лылварьякирэ́ лавá, сави́ латхия́ (ластя́) дро Ра́скирэ-Дэвлэ́скиро Кхэр. ³ Пало́ (после) дова́ кра́ли тэрдия́ пэ вучо́ штэто́ пашы́л сты́лбо (чэботарь) и кэрдя́ ангил Ра́скирэ-Дэвлэ́скиро муй завето́ – тэ джас пал Ра́стэ-Дэвлэ́стэ и тэ ра́ххэн при́пхэныбэ́на Лэ́скирэ, и сыкады́ибэн от́чхакирибэн Лэ́скиро и упхэны́бэ́на Лэ́скирэ сарэ́ илэ́стыр и сарэ́ дэ́стыр, соб (кай) тэ сполнинэ́н далэ́ Заветоскирэ́ лавá, савэ́ исын чхиндлэ́ дрэ́ да́я лылвары́. И сарэ́ мануша́ загинэ́ дро Завето́. ⁴ И при́пхэндя́ кра́ли Хелкия́скэ англатунэ́ раша́скэ, и явирэ́ рашангэ́, и манушэ́нгэ, савэ́ сыс тэрдэ́ пэ ра́ххибэн пашы́л про́го тэ вы́лыджан Ра́скирэ-Дэвлэ́скирэ́ Кханги́рьятыр сарэ́ кхорэ́ (сасу́ды), савэ́ кэрдэ́ ваш Ваало́, и ваш А́старта, и ваш саро́ халады́бэн болы́бнытко, и тэ хачкирэ́н лэн пал Ерусали́мо, пэ до́ло Кедро́но, и при́пхэндя́ лэнгиро́ пра́хо тэ отлы́джан дро Вефи́лэ. ⁵ И от́чхудя́ дрэ́ риг ё́в раша́н-жре́цэн, савэ́н чху́дэ́ Юдэякирэ́ кра́ल्या, соб (кай) тэ тхувля́кирэ́н пэ вучипэ́на́ дрэ́ Юдэякирэ́ фо́рья́ и пашы́л Ерусали́мо, – и савэ́ тхувля́кирэ́дэ Ваалоскэ́, кхамэ́скэ, и чхонэ́скэ, и чэ́ргэненгэ́, и сарэ́ халады́бна́скэ пэ́ болы́бэн. ⁶ И вы́лыджия́ А́старта (свэ́нто дрэ́во) Ра́скирэ-Дэвлэ́скирэ́ Кхэ́рэскир пал Ерусали́мо, кэ Кедроно́скири сы́гно рэ́кица (лэно́ри), и схачкирэ́дя ла пашы́л Кедроно́скири сы́гно рэ́кица (лэно́ри), и стрэ́индя́ ла дрэ́ пра́хо, и чхурды́я ла пэ́ мулы́тка (му́рсы), кай гара́дэ сарэ́ мануша́. ⁷ И роспахи́рдя́ ё́в кхэ́ра́ била́джакунэ́-джувле́нгирэ́, савэ́ сыс пашы́л Ра́скирэ-Дэвлэ́скири Кханги́ри, кай джувля́ кху́дэ́ йди ваш А́старта. ⁸ И вы́лыджия́ сарэ́н раша́н-жре́цэн Юдэякирэ́ форэ́ндыр, и ма́гирдя́ вучипэ́на́, пэ́ савэ́ кэрдэ́ хачки́рибэн, Геваты́р кэ Ви́рсавия́, и роспахи́гдя́ вучипэ́на́ ангил по́рта, – до́я, сави́ пашы́л за́ги́ибэн дрэ́ по́рта Исусо́скири, кон сыс фо́ро́скиро бары́дыр, и до́я, сави́ сыс пэ́ зэ́рво (ле́во) риг пашы́л фо́ро́скири по́рта. ⁹ Кэ́ саро́ рашая́ пэ́ вучипэ́на́ на яндлэ́ свэ́нта ды́ибэ́на́ Ра́скэ-Дэвлэ́скэ пэ́ алта́рэ́ Ра́скирэ-Дэвлэ́скиро дро Ерусали́мо, пресна́ ма́рикля́ ханэ́ кхэ́танэ́ пэ́скирэ́ пшала́энца. ¹⁰ И ма́гирдя́ ё́в Тофето́, со исын пэ́ Ено́москирэ́-чхавэ́нгиро́ до́ло, соб (кай) ни́ко́н тэ́ на про́лы́джал чхавэ́с пэ́скирэ́с и чха́ пэ́скирэ́я́ пирда́л я́г Молохо́скэ. ¹¹ И отпа́рудя́ грэ́н, савэ́н чху́дэ́ Юдэякирэ́ кра́ल्या́ кхамэ́скэ ангил за́ги́ибэн дро Ра́скирэ-Дэвлэ́скиро Кхэр пашы́л штубы́ Нефа́нэ-Меле́хоскирэ́, кон сыс ско́пцо (э́внухо), со сыс дрэ́ Фару́има, ма́рибны́тка вурды́на́ кхамэ́скэ схачкирэ́дя я́гаса. ¹² И алта́ри пэ́ штуба́кири стрэ́ха (чха́кин) А́хазовоскири, савэ́ кэрдэ́ Юдэякирэ́ кра́ल्या, и алта́ри, савэ́ кэрдя́ Ма́на́сия пэ́ дуй грэ́ды (дво́ры) Ра́скирэ-Дэвлэ́скирэ́ Кхэ́рэскирэ́, роспахи́рдя́ кра́ли Ио́сия, и мэ́кця́ тэ́лэ́ одотхы́р, и чхурды́я пра́хо лэнгиро́ дрэ́ Кедроно́скири сы́гно рэ́кица (лэно́ри). ¹³ И вучипэ́на́, савэ́ сыс ангил Ерусали́мо, пэ́ чачи́ риг Оли́витконэ́ бэ́ргаты́р, савэ́ кэрдя́ Соломо́но, Израилё́скиро кра́ли А́стартакэ́, джунгальпы́н Си́доно́скиро, и Ха́мососкэ́, джунгальпы́н Моавито́скиро, и Ми́лхомоскэ́, джунгальпы́н Амо́нитоскиро́, ма́гирдя́ кра́ли. ¹⁴ И пха́гирдя́ екх пал екх стату́лы, и вы́чингирдя́ дэ́мбы вы́чихины́бнаса, и пхэ́рдякирэ́дя лэнгиро́ штэто́ манушэ́нгирэ́ ко́калэ́нца. ¹⁵ А́дякэ́-па́ць и алта́рэ́, саво́ сыс дро Вефи́лэ, и вучипэ́н, саво́ кэрдя́ Еро́воа́мо, Нава́тоскиро́ чхаво́, саво́ залы́джия́ Израилё́ дро грэ́хо, – а́дякэ́-па́ць и алта́рэ́ до́ва́ и вучипэ́н ё́в роспахи́рдя́, и хачкирэ́дя да́ва вучипэ́н, стрэ́индя́ дро пра́хо, и схачкирэ́дя дэ́мбы вы́чихины́бнаса. ¹⁶ И поды́кхця́ Ио́сия, и ды́кхця́ мулы́тка (му́рсы), савэ́ сыс одо́й пэ́ бэ́рга, и бичхадя́, и лы́я ко́калы́ мо́гилкэ́ндыр, и хачкирэ́дя пэ́ алта́рэ́, и ма́гирдя́ лэ́с пир Ра́скирэ-Дэвлэ́скиро лав, саво́ ра́кирэ́дя ангил сарэ́ндэ́ Ра́скирэ-Дэвлэ́скиро ма́нуш, саво́ ангилпхэ́ндя́ (про́рочы́ндя) далэ́ ды́вэ́са. ¹⁷ И пхэ́ндя́ Ио́сия: “Со да́ва́ за по́мни́ко (обе́ли́ско), саво́ мэ́ ды́кха́ва?” И пхэ́ндлэ́

лэскэ фороскирэ манушá: “Давá исын Дэвлэскирэ-манушэскири коплíца, савó явэлас Юдэятыр, и савó дыя тэ джинэл пал дова́, со ту кэрэса пэ алтáрэ Вефилэскиро. ¹⁸ И пхэндя́ ёв: “Ячкирэн лэс дро рамáнэ (миро); никон тэ на чилавэл лэскирэ кокалы?” И зракхнэ кокалы́ лэскирэ и пророкоскирэ кокалы́, савó сыс Самариятыр. ¹⁹ Адякэ-паць и сарэ мангипнытка штэты вучипнаскирэ дрэ Самариякирэ фóрья, савэ кэрдэ Израилэскирэ крáлья, холякири Рас-Дэвлэс, роспахгирдя́ Иосия, и кэрдя́ лэнца дова́-паць, со кэрдя́ ёв дро Вефíлэ. ²⁰ И запхусадя ёв сарэн рашáн-жрецен вучипнаскирэн, савэ одóй сыс, пэ алтáри, и хачкирдя́ манушэнгирэ кокалы́ пэ лэндэ, – и рисия́ дро Ерусалимо. ²¹ И припхэндя́ крáли сарэ манушэнгэ, пхэни/ы: “Кэрэн Патрадй́ Рáскэ-Дэвлэскэ тумарэскэ, сыр исын чхиндлó дрэ дая́ заветоскири лылварй́.” ²² Пал-дова́ со на сыс кэрдэ дасавй́ Патрадй́ сэндáрьэнгирэ дывэсэндэ, савэ сэндякирдэ́ Израилэ, и дрэ сарэ́ дывэсá Израилэскирэ кральэ́нгирэ и Юдэякирэ-кральэ́нгирэ. ²³ А пэ дэшуохтотó бэрш крaлй́скирэ Иосияскирэ сыс кэрдэ́ доя́ Патрадй́ Рáскэ-Дэвлэскэ дро Ерусалимо. ²⁴ И манушэ́н, савэ выкхарэ́на мулэн, и човаханэн пир примéты, и кхэ́рйткa йдолы, и йдолы, и сарэ́ брыткíмы, савэ́ явнэ́ пэ́ Юдэякири пхув и дро Ерусалимо, вытрады́ и розмарды́ Иосия, соб (кай) тэ́ кэрэл сарó пир лавá Законóскирэ, савэ́ исын зачхиндлэ́ дрэ лылварй́, савй́ латхья́ (ластя) Хелкия, рашáй, дро Рáскирэ-Дэвлэскиро Кхэр. ²⁵ Ада́савэс, сыр ёв, на сыс крaлй́с англэды́р лэстыр, савó тэ́ рисёлас кэ́ Рай Дэвэл сарэ́ пэ́скирэ илэ́са, и сарэ́ дэ́са пэ́скирэ́са, и сарэ́ пэ́скирэ зорьэ́нца, пир сарó́ Мойзáскиро́ Зако́но; и палó (после) лэ́стэ на тэ́рдий ада́савó сыр ёв. ²⁶ Уса́екх Рай Дэвэл на отчхудя́ Пэ́скири бари холы́, савья́са захачй́я холы́ Лэ́скири на Юда́стэ пал сарэ́ тэ́лякирибэ́на, савэ́нца холякирдя́ Лэ́с Манáсия. ²⁷ И пхэндя́ Рай Дэвэл: “Юдас отчхурда́ва Мэ́ Мирэ́ мо́стыр, сыр отчхурды́ём Мэ́ Израилэ́, и отрискира́ва да́ва́ фóро Ерусалимо, савó́ Мэ́ выкэ́дыём, и Кхэр, пал савó́ Мэ́ пхэндём: ‘Явэ́ла лав Мирó одóй.’” ²⁸ Явй́р лав пал Иосия́стэ и пал сарó́, со ёв кэрдя́, исын зачхиндлó дрэ бэршы́тка архй́вы пал кральэ́ндэ́ Юдэятыр. ²⁹ Дрэ сарэ́ лэ́скирэ дывэ́сá гй́я́ фараóно́ Нехао, о́ Египтóскиро крáли, проти́ Аси́рийкирэ крaлй́стэ, пэ́ рэ́ка (лэнь) Евфрато. И вы́гий крáли Иосия́ проти́ лэ́скэ, и одова́ замарды́ лэс дро Мегидоно́, кэ́ли дыкхця́ лэс. ³⁰ И лэ́скирэ писхáрья́ лыджинэ́ лэс мулэ́с Мегидоно́стыр, и я́ндлэ́ лэс дро Ерусалимо, и гара́дэ́ лэс дрэ́ лэ́скири коплíца. И лы́нэ́ манушá́ долэ́ пхувья́тыр Иоа́хазос, Иосия́скирэ чхавэ́скири, и помакхнэ́ лэс и чху́дэ́ лэс крaлй́са́ замéст лэ́скирэ-да́дэ́стэ. ³¹ Биш тэ́ трин бэрш сыс Иоа́хазоскэ́, кэ́ли ёв я́ця крaлй́са, и трин чхонá́ ёв сыс крaлй́са дро Ерусалимо; лав лэ́скирэ-да́киро сыс Хамуталь, Ереме́е́скири чхай, Ливнаты́р. ³² И кэрдя́ ёв фуипэ́н дрэ́ Рáскирэ-Дэвлэ́скирэ я́кхá дро сарó́ адя́кэ, сыр кэрдэ́ лэ́скирэ да́да. ³³ И зарики́рдя лэс фараóно́ Нехао дрэ́ Ривла, пэ́ Ема́фоскири пхув, соб (кай) ёв тэ́ на крaлинэ́л дро Ерусалимо, – и чху́дя́ штра́фо пэ́ пхув шэ́л тaлáнты́ руп и тaлaнто́ сувна́кай. ³⁴ И чху́дя́ крaлй́са́ фараóно́ Нехао́ Елиакимос, Иосия́скиро чхавэ́с, пэ́ штэ́то замéст Иосия́скиро, лэ́скирэ-да́дэ́стэ, и парудя́ лэ́скиро лав пэ́ Иоакимос́тэ; Иоа́хазос лы́я и отлы́джия́ лэс дро Егíпто, кай ёв и мы́я. ³⁵ Ёв лэ́лас и руп и сувна́кай и дэ́лас Иоакимó фараонó́скэ: ёв кэрдя́́ тимй́н пхувья́кэ́ кажно́нэ́ манушэ́стыр пхувья́тыр пир пэ́скири тимй́н ваш до́ва, соб (кай) тэ́́ отдэл́ фараонó́скэ́ Нехаоскэ́. ³⁶ Биш тэ́ пандж бэрш сыс Иоакимоскэ́, кэ́ли ёв я́ця крaлй́са, и дэ́шуекх бэрш сыс ёв крaлй́са дро Ерусалимо; лав лэ́скирэ-да́киро сыс Зебу́да, Феда́ияскири чхай, Руматы́р. ³⁷ И кэрдя́ ёв на́лaчхэ́с дрэ́ Рáскирэ-Дэвлэ́скирэ я́кхá дро сарó́ адя́кэ, сыр кэрдэ́ лэ́скирэ да́да.

Шэ́ро́ 24

¹ Дрэ́ лэ́скирэ дывэ́сá гй́я́ пэ́ лэ́стэ́ Наву́ходоносо́ро, Вавилонóскиро крáли, и кэрдя́́пэ́ Иоакимó вужло́ лэ́скэ́ пэ́ трин бэрш, нэ́ палó́ дова́́ (после) отгй́я́ лэ́стыр. ² И бичхадя́́ пэ́ лэ́стэ́ Рай́ Дэвэл барó́ кэ́ дар халады́бэ́н Халде́энгиро, и халады́бэ́н Си́рия́нэ́нгиро, и халады́бэ́н Моави́тянэ́нгиро, и халады́бэ́н Амонитя́нэ́нгиро, – бичхадя́́ лэн пэ́́ Юда́стэ, соб (кай) тэ́́ хася́кирэл лэс пир Рáскирэ-Дэвлэ́скиро лав, савó́ Ёв пхэндя́́ пирдáл Пэ́скирэ́ писхáрьэ́ндэ́, пророкэ́ндэ́. ³ Пир упхэ́ныбэ́н Рáскиро-Дэвлэ́скиро сыс Юдаса́ дова́, соб (кай) тэ́́ отриски́рэл лэс Лэ́скирэ́ мо́стыр пал грéхи́ Манасия́скирэ, пал сарó́, со ёв кэрдя́́. ⁴ И пал рат, савó́ сыс

бибангипнаскиро, савó ёв прочхудя, пхэрдякирдя Ерусалимо бибангипнаскирэ ратэса, Рай Дэвэл на закамдя лэскэ тэ отмэкэл. ⁵ Явир лав пал Иоакимостэ и пал сарó, со ёв кэрдя исын зачхиндлó дрэ бэршýтка архíвы пал кральэндэ Юдэятыр. ⁶ И пасия вéчнэс Иоакимо пэскирэ дадэнца, и яця кралíса Иехония (Ехония), лэскиро чхавó, пэ штэто лэскиро. ⁷ Крáli Египтóскиро на выгия марибнаса бутыр пэскирэ пхувьятыр, пал-довá со лыя крáli Вавилонóскиро сарó, Египтóскирэ сыгнонэ рэкицатыр (лэнорьятыр) кэ рэка (лэнь) Евфрато, со сыс Египтóскирэ-кралíскири. ⁸ Дэшуохто бэрш сыс Ехонияскэ, кэли ёв яця кралíса, и трин чхонá сыс кралíса дро Ерусалимо; лав лэскирэ дакиро сыс Нехушта, Елнафаноскири чхай, Ерусалимóстыр. ⁹ И кэрдя ёв фуипэн дрэ Рáскирэ-Дэвлэскирэ якхá дро сарó адякэ, сыр кэрдя лэскиро дад. ¹⁰ Дрэ долэ дывэсá подгинé писхáрья Навуходоносороскирэ, Вавилонóскирэ-кралíскирэ, кэ Ерусалимо, и облынэ (обчхудэ) трусцýл (кругом) халадыбнаса фóро. ¹¹ И явдя Навуходоносóро, Вавилонóскиро крáli, кэ фóро, кэли лэскирэ писхáрья обчхувэнас лэс трусцýл (кругом). ¹² И выгия Ехония, Юдэякиро крáli, кэ Вавилонóскиро крáli, ёв и дай лэскири, и дынáрья лэскирэ, и тхагáрья лэскирэ, и евнухи (скопцы) лэскирэ, и лыя лэн Вавилонóскирэ крáli дро плéно пэ охтóто (бидуэнгиро дэшто) бэрш пэскирэ кралипнаскиро. ¹³ И вылыджия ёв одотхýр сарé кучипэна Рáскирэ-Дэвлэскирэ Кхэрэскир и барвалыпэн кралíскирэ кхэрэскиро; и пхагирдя, сыр выпхэндя Рай Дэвэл, сарé сувнакунé кхорé (сасýды), савó о Соломóно, Израилэскиро крáli, кэрдя дрэ Кхангири Рáскирэ-Дэвлэскири. ¹⁴ И выбичхадя сарó Ерусалимо, и сарэн тхагарьен, и сарэн муршканэн халадэн, – дэш тысёнцы сыс выбичхадэ, – и сарэн кхэрá-кэрибнаскирэн (плотникэн) и фаурнарьен (пэталэнгирэн, кузнецэн); никонэс на яцýпэ, апрíч чорорé манушэндэ пэ доя пхув. ¹⁵ И пиричхудя ёв тэ дживэл Ехонияс дро Вавилóно; и кралискирья да, и кралíскирэ джувлén (ромнен), и лэскирэ скопцэн, и ёв зоралэн отлыджия ёв, сыр пленнонэн Ерусалимóстыр дро Вавилóно. ¹⁶ И сарé халадэн гиныбнаса эфтá тысёнцы манушэн, и графарьен (спецэн тэ рисынэн) и спецэн тэ газдэн кхэрá тысёнцо, сарэн муршканэн, савó псирдэ пэ марибэн, залыджия Вавилонóскиро крáli дро плéно тэ дживэн кэ Вавилóно. ¹⁷ И чхудя Вавилонóскиро крáli Матфанияс кралíса, какэс Ехонияскирэс, пэ штэто лэскиро, и парудя лэскиро лав пэ Сэдэкия. ¹⁸ Биш тэ екх бэрш сыс Сэдэкияскэ, кэли ёв яця кралíса, и дэшуекх бэрш ёв сыс кралíса дро Ерусалимо; лав лэскирэ дакиро сыс Хамуталь, Еремеескири чхай, Ливнатыр. ¹⁹ И кэрдя ёв налачхэс дро Рáскирэ-Дэвлэскирэ якхá дрэ сарó адякэ, сыр кэрдя Иоакимо. ²⁰ Бари холы Рáскирэ-Дэвлэскири сыс пэ Ерусалимо и пэ Юдастэ кэ довá, со Ёв отрискирдя лэн Пэстыр. И отчхудя пэс Сэдэкия Вавилонóскирэ кралíстыр.

Шэрó 25

¹ Пэ енято (биекхэскиро дэшто) бэрш пэскирэ кралипнаскэ, дро дэшто чхон, дрэ дэшто-чхонэскиро дывэс, явдя о Навуходоносóро, Вавилонóскиро крáli, сарé пэскирэ халадэнца кэ Ерусалимо, и залыя лэс, и кэрдя трусцýл (кругом) лэстэ рово (хохой). ² И сыс фóро дрэ осада кэ дэшупэрво бэрш Сэдекияскиро. ³ Пэ енято дывэс чхонэскиро яця барэдýр бокх дро фóро, и на сыс марó пхувьякирэ манушэндэ. ⁴ И лыно сыс фóро, и прастандынэ сарé халадэ ратыр пир дром кэ пóрта, машкíр дуй вáнты, со сыс пашыл кралíскири ýнта (садо); Халдéи сыс тэрдэ трусцýл фóро, и крáli гия дромэса, кэ лошчýна (равнина). ⁵ И традынэпэ Халдеенгирэ халадэ пал кралíстэ, и дотрадынэ лэс пэ Ерихоноскирэ лошчыны, и сарé лэскирэ халадэ нашинэ лэстыр. ⁶ И лынэ кралíс, и лыджинé лэс кэ Вавилонóскиро крáli дрэ Ривла: и кэрдэ пэ лэстэ сэндо. ⁷ И Сэдэкияскирэ чхавэн запхусадэ ангíл лэскирэ якхá; а кокорэскэ Сэдекияскэ выпхусадэ якхá, закуиндлэ лэс састырэнца, и лыджинé лэс дро Вавилóно. ⁸ Пэ пáнджто чхон, пэ эфатонэ-чхонэскиро дывэс, (савó сыс дро дэшуенято бэрш Навуходоносороскиро), явдя Навузардано, писхáри Вавилонóскиро кралíскиро манушэнгирэ-ракхибнарьэнгиро барыдырó, Вавилонóскиро кралíскиро дро Ерусалимо. ⁹ И схачкирдя Рáскирэ-Дэвлэскиро Кхэр и кралíскиро кхэр; и сарé кхэрá дро Ерусалимо, и сарé барé кхэрá хачкирдя ягáса. ¹⁰ И вáнты трусцýл (кругом) Ерусалимо роспахгирдэ

Халдеёскирэ халадэ, савэ сыс тэл барыдырэстэ пэ раххибнарьэндэ. ¹¹ И явир манушá, савэ ячнэпэ дро фóро, савэ пиригинэ кэ Вавилонóскиро крáли, и явир простонэ манушэн выбичхадя Навузардано, барыдырó раххибнарьэнги́ро. ¹² Екхэ вари-кицы́ одолэ́ чорорé манушэн пхувья́тыр ячкирдя́ барыдыр пэ раххибнарьэндэ, бутярнэнца дрэ винаградники и пхув тэ пашынэн. ¹³ И стýлбы харкунэ́ (медйтка), савэ сыс пашыл Рáскирэ-Дэвлэ́скиро Кхэр, и мóрё (дэрьяв) харкуно, савó сыс дро Рáскирэ-Дэвлэ́скиро Кхэр, пхагирдэ́ Халдэи, и лыджинэ́ лэнгири харкóма (медь) дро Вавило́но. ¹⁴ И хор чарэ́ (мыски), и лопаткицы, и чхурья, и роя, и сарэ́ харкунэ́ кхорэ́ (сасуды), савэ сыс дрэ буты́, кели мангнэпэ́ Рáскэ-Дэвлэ́скэ, Халдэи́ лынэ́. ¹⁵ И кадилы, и тахтай́ (чашы), савэ сыс сувнакунэ́ и со сыс рупувó, лыя́ барыдырó раххибнарьэнги́ро. ¹⁶ Дуй стýлбы, екх мóрё (дэрьяв), и прэдки пэ рóты (подставки) савэ кэрдя́ Соломóно дро Кхэр Рáскирэ-Дэвлэ́скиро, – харкóма дрэ сарэ́ далэ́ предметы́ (чысы́) на сыс важындлэ́. ¹⁷ Дэшуохто куня́ вучипэн сыс дро екх стýлбо; вянка пэ лэ́стэ сыс харкуны, а вучипэн вянкакиро сыс трин куня́, и сетка и гранатытка пхабá трусцял вянка – сарэ́ харкунэ́. Довá-паць и пэ явир стýлбо сеткаса. ¹⁸ И лыя́ барыдырó раххибнарьэнги́ро Сераияс, англатунэ́ рашáс, и Цэфанияс, явирэ́ рашáс, и тринэн, савэ сыс тэрдэ́ пэ раххибэн пашыл прого. ¹⁹ И фóростыр лыя́ екхэ скопчос, савó сыс барыдырó пэ халадэндэ, и панджé манушэн, савэ сыс тэрдэ́ ангýл кралýскиро муй, савэ сыс дрэ фóро, и халадэнгирэ́ шэралэс, савó зачхинэлас дро халадыбэн пхувья́кирэ манушэн, и шовдэшá манушэн долé-пхувья́кирэ манушэндýр, савэ сыс дрэ фóро. ²⁰ И лыя́ лэн Навузардано, барыдырó раххибнарьэнги́ро, и лыджия́ лэн кэ Вавилонóскиро крáли дрэ Ривла. ²¹ И замардý лэн Вавилонóскиро крáли, и мулякирдý лэн дрэ Ривла, пэ Емафоскири пхув. И вытрадынэ́ Юдэн дро плéно пэ́скирэ пхувья́тыр. ²² Пэ манушэндэ́, савэ́ ячнэпэ́ пэ́ Юдэякири пхув, савэн ячкирдя́ Навуходоносóро, Вавилонóскиро крáли, – пэ лэндэ́ чхудя́ барыдырэ́са Годолияс, чхавэ́с Ахикамоскирэс, Шафаноскирэс чхавэ́с. ²³ Кéли шундлэ́ сарэ́ халадэнгирэ́ барыдыра́, ёнэ́ и лэнгирэ́ манушá, со Вавилонóскиро крáли чхудя́ барыдырэ́са Годолияс, то тэды́ явнэ́ кэ́ Годолия́ дрэ Масýфа, и савэ́: Исмаило, чхавó Нефанияскиро, и Еханано, Карее́скиро чхавó, и Сераия, Танхумефоскиро чхавó Нетофастыр, и Иезания́ (Езания), Маахитяниноскиро чхавó, ёнэ́ и лэнгирэ́ манушá. ²⁴ И совлахадя́ Годолия́ лэнгэ́ и лэнгирэ́ манушэнгэ́, и пхэндя́ лэнгэ́: “На дарэн тэ́ явэн тэл Халде́энгири зор, дживэн пэ́ пхув и дынаринэн Вавилонóскирэ́ кралýскэ, и явóла тумэнгэ́ миштэ́с.” ²⁵ Нэ́ пэ́ эфтáто чхон явдý Исмаило, чхавó Нефанияскиро, Елишамоскирэ́ чхавэ́с, кралýскирэ́ родóстыр, дэшэ́ манушэнца, и замардý́ Годолияс, и ёв мыя́, и Юдэн, и Халде́ен, савэ́ сыс лэ́са дрэ́ Масýфа. ²⁶ И уштынэ́ сарэ́ манушá, тыкнэстыр кэ́ барó, и халадэнгирэ́ барыдыра́, и гинэ́ дро Егýпто, пал-довá со дарáндынэ́ Халде́ендыр. ²⁷ Дрэ́ трия́нда эфтáто (битринэнгирó дэшто) бэрш, сыр пиричхудэ́ тэ́ дживэл́ Ехонияс, Юдэя́кирэ́ кралýс дро дэшуявир чхон, пэ́ биш тэ́ эфтáто дывэ́с чхонэ́скиро, о́ Евилмеродахо, Вавилонóскирэ́ крáли, дро бэрш пэ́скирэ́ кралипнаскиро, ёв лыджия́ Ехонияс, Юдэя́кирэ́ кралýс бэшыбнытконэ́ кхэрэ́стыр. ²⁸ И ракирдя́ лачхэ́с лэ́са, и чхудя́ трóно лэ́скиро вучэдýр кральэнгирэ́ тронэндýр, савэ́ сыс лэ́стэ дро Вавило́но. ²⁹ И парудя́ Ехония́ лэ́скирэ́ бэшыбнытка́ йди, и лэ́стэ́ ўсады́ (сак) сыс хабэн лэ́стэ́, дрэ́ сарэ́ лэ́скирэ́ джиибна́скирэ́ дывэ́сá. ³⁰ И подрикирибэн́ (харчо) лэ́скиро, подрикирибэн́ ваш лэ́скэ́ пэ́ сарэ́ дывэ́сá, дыно́ сыс лэ́скэ́ кралýстыр, дывэ́с дро дывэ́с, дрэ́ сарэ́ лэ́скирэ́ джиибна́скирэ́ дывэ́сá.

Пэ́рво Хронология́ (1 Паралипоменóно)

Шэ́рó 1

Адамоскири́ Сэм'я́ (Ири) кэ́ Авраáмо

¹ Адамо, Сифо, Еносо, ² Каинано, Малелеило, Иаредо (Ярэдо), ³ Енохо, Мафусало, Ламехо, ⁴ Ноё, Симо, Хамо и Иафето (Яфэто). ⁵ Чхавé́ Иафетоскирэ́ сыс: Гомéро, Магого, Мадаё́,

Иавано, Фувало, Мешэхо и Фирасо. ⁶ Чхав́ Гомероскирэ сыс: Аскеназо, Рифато и Фогарма. ⁷ Чхав́ Иаваноскирэ сыс: Елисо, Фарсисо, Китимо и Доданимо. ⁸ Чхав́ Хамоскирэ сыс: Хушо, Мицраимо, Футо и Ханаано. ⁹ Чхав́ Хушоскирэ сыс: Сэва, Хавила, Савта, Раама и Савтэха. Чхав́ Раамаскирэ сыс: Шэва и Дедано. ¹⁰ Хушостыр бияндыа адя́кэ-паць Нимродо: адава́ яця́ пэрво зорало́ пэ пхув. ¹¹ Мицраимостыр бияндынэ: Лудимо, Анамимом, Легавимом, Нафтухимом, ¹² Патрусимом, Каслухимом, сав́остыр выгинэ́ Филистимляни, и Кафторимы. ¹³ Ханааностыр бияндынэ: Сидоно, англатунэ́ лэскиро, Хэто́, ¹⁴ Евусе́е, Аморе́е, Гергесе́е, ¹⁵ Еве́е, Арке́е, Сине́е, ¹⁶ Арваде́е, Цэмаре́е и Хамафе́е. ¹⁷ Чхав́ Симаскирэ сыс: Еламо, Асуром, Арфаксадо, Лудом, Ара́мом, У́цо, Хуло, Гефери и Мешэхом. ¹⁸ Арфаксастыр бияндыа Сала, Саластыр бияндыа Евэро. ¹⁹ Еверостыр бияндынэ́ дуй чхав́: екхэскиро лав сыс Фалэ́ком, пал-дова́ со дрэ́ лэскирэ́ дывэ́са́ розгия́пэ́ (розделиндя́пэ́) пхув сыс росчхуды́ пэ́ паша́ (уладя́пэ́); лав лэскирэ́ пшалэскиро сыс Иоктаном. ²⁰ Иоктаностыр бияндынэ́ Алмодадо, Шалéфо, Хацармавэ́то, Иерахом, ²¹ Гадорамом, Узало, Дикло, ²² Евало, Авимаило, Шэва, ²³ Офиро, Хавило и Иоваво. Сар́ адалэ́ сыс чхав́ Иоктаноскирэ. ²⁴ Симо, Арфаксадо, Сала, ²⁵ Евэро, Фалэ́ком, Рагавом, ²⁶ Серухом, Нахором, Фара, ²⁷ Авра́мом, ёв адя́кэ-паць исын Авра́мом. ²⁸ Чхав́ Авраамоскирэ сыс: Иса́аком и Измаилом. ²⁹ Ё́ада, исын лэ́нгиро ро́до: англатунэ́ Измаилоскиро Наваиофо, пал лэ́стэ́ Кедаром, Адбе́елом, Мивсамом, ³⁰ Мишма, Дума, Масá, Хададо, Фема, ³¹ Иетуром, Нафишом и Кедма. Давá исын чхав́ Измаилоскирэ. ³² Чхав́ Хетуракирэ, наложницатыр Авраамоскирьятыр: ёй бияндя́ Зимранос, Иокшанос, Меданос, Маданос, Ишбакос и Шуахос. Чхав́ Иокшаноскирэ сыс: Шэва и Дедано. ³³ Чхав́ Маданоскирэ сыс: Ефа, Ефе́ро, Ханохом, Авидом и Елдагом. Сар́ адалэ́ чхав́ сыс Хетуракирэ. ³⁴ И бияндыа Авраамостыр Иса́аком. Чхав́ Исаакоскирэ сыс: Иса́вом и Израилё́. ³⁵ Чхав́ Исавоскирэ сыс: Елифазом, Рагуилом, Еусом, Егломом и Корее́. ³⁶ Чхав́ Елифазоскирэ сыс: Феманом, Омаром, Цэ́фом, Гафамом, Кеназом, Амаликом. ³⁷ Чхав́ Рагуилоскирэ сыс: Нахафом, Зерахом, Шама и Миза. ³⁸ Чхав́ Сеироскирэ сыс: Лотаном, Шовалом, Цывеоном, Ана, Дишом, Ецэ́ром и Дишаном. ³⁹ Чхав́ Лотаноскирэ сыс: Хори и Гемамом; а пхэ́н Лотаностэ́ сыс Фимна. ⁴⁰ Чхав́ Шовалоскирэ сыс: Алеаном, Манахафом, Евало, Шэ́фом и Онамом. Чхав́ Цывеоноскирэ сыс: Аия́а и Ана. ⁴¹ Чхав́ Анаскирэ сыс: Дишом. Чхав́ Дишаноскирэ сыс: Хемданом, Ешбаном, Ифраном и Хераном. ⁴² Чхав́ Ецэ́роскирэ сыс: Билганом, Зааваном и Аканом. Чхав́ Дишаноскирэ сыс: У́цо и Араном. ⁴³ Адалэ́ сыс кра́ля, сав́ кра́линдлэ́ пэ́ Эдомоскири́ пхув, англэ́ды́р, сыр́ яця́ кра́ли́са пэ́ Израилё́скирэ́ чхав́эндэ́: Бэ́ла, чхав́ Веороскиро́, и лав́ форо́скэ́ лэ́скирэ́скэ́ (Эдомоскирэ́скэ́) – Дингава́;

Эдомоскирэ Кра́ля

⁴⁴ и мы́я Бэ́ла, и яця́ кра́ли́са пал лэ́стэ́ Иоваво́, чхав́ Зерахоскиро́, Восоратыр. ⁴⁵ И мы́я Иоваво́, и яця́ кра́ли́са пал лэ́стэ́ Хушамом, Феманитя́нэ́нтирэ́ пхувья́тыр. ⁴⁶ И мы́я Хушамом и яця́ кра́ли́са пал лэ́стэ́ Гададо́, чхав́ Бедадоскиро́, сав́ домардя́ Маданитя́нэ́н пэ́ Моавоскири́ пхув; лав лэ́скирэ́ форо́скэ́ сыс Авивом. ⁴⁷ И мы́я Гададо́, и яця́ кра́ли́са пал лэ́стэ́ Самло́, Масрекатыр. ⁴⁸ И мы́я Са́уло, и яця́ кра́ли́са пал лэ́стэ́ Са́уло Реховофостыр, со сыс пашы́л рэ́ка (лэ́нь). ⁴⁹ И мы́я Са́уло, и яця́ пал лэ́стэ́ кра́ли́са Баал-Хананом, чхав́ Ахбороскиро́. ⁵⁰ И мы́я Баал-Хананом, и яця́ пал лэ́стэ́ кра́ли́са Гадаром; лав лэ́скирэ́ форо́скэ́ сыс Пау; лав лэ́скирэ́ ромня́кэ́ сыс Мегетавее́ль, чхай́ Матредоскири́, чхай́ Мезагавоскири́. ⁵¹ И мы́я Гадаром. И сыс пхурыды́ра́ пир Эдо́мом: пхурыды́ро Фимна, пхурыды́ро Алва, пхурыды́ро Иете́фом (Ете́фом), ⁵² пхурыды́ро Оливéмом, пхурыды́ро Э́ла, пхурыды́ро Пино́ном, ⁵³ пхурыды́ро Кеназо́, пхурыды́ро Феманом, пхурыды́ро Мивцаром, ⁵⁴ пхурыды́ро Магди́ило, пхурыды́ро Ирамом. Ё́ада, сыс Идуме́якирэ́ пхурыды́ра́.

Шэрó 2

Израилёскири Сэм'я (Ири)

¹ Ѓада, сыс Израилёскирэ чхавó: Рувимо, Симеоно, Лёвиё, Юда, Исахаро, Завулоно, ² Дано, Ёза (Иосифо), Вениамино, Нефалимо, Гадо и Асиро.

Юдастыр кэ Давíдо

³ Чхавó Юдáскирэ сыс: Иро, Онано и Силóмо, – трин бияндынэ лэстэ Шувескирэ чхатыр, Хананеянкатыр. И сыс Иро, англатунó Юдáскиро чхавó, náлaчxo дрé Рáскирэ-Дэвлéскирэ якхá; и Ёв мулякирдя лэс. ⁴ И Фамарь, лэскири бори, бияндя лэскэ Фаресос и Зарас. Сарэн чхавэн Юдастэ сыс панджинэ. ⁵ Чхавó Фаресоскирэ сыс: Есромо и Хамуло. ⁶ Чхавó Зароскирэ сыс: Зимри, Ефано, Емано, Халколо и Дáро; сарэн лэн сыс пандж. ⁷ Чхавó Хамрискирэ сыс: Ахаро, савó яндя бйда пэ Израилё, и савó отпарудя совэл. ⁸ Чхавó Ефаноскиро сыс: Азáрия. ⁹ Чхавó Есромоскирэ, савó бияндынэ лэстыр: Иерахмеило, Арáмо и Хелуваё. ¹⁰ Арамостыр бияндя Аминадаво; Аминадавостыр бияндя Наасóно, Юдáскирэ-чхавэнгиро тхагáри (князё); ¹¹ Наасоностыр бияндя Соломóно, Соломоностыр бияндя Воозо; ¹² Воозостыр бияндя Овидо, Овидостыр бияндя Иесёё (Есёё); ¹³ Есёёстыр бияндя англатунó лэскиро чхавó Елиавасо, явír – Амидаво, трíто – Саму, ¹⁴ штáрто – Нафанаило, пáнджто – Радаё, ¹⁵ шóвто – Оцэмо, эфтáто – Давíдо. ¹⁶ Пхэня лэнгирэ сыс: Саруия и Авигéя. Чхавó Саруиякирэ сыс: Авéса, Иоáво и Азаило, трин. ¹⁷ Авигéя бияндя Амесас; дад Амесаскиро – Иефéro, Измаильтянино. ¹⁸ Халевостыр, кон сыс чхавó Есромоскиро, бияндя Азува, лэскири ромнý, и Ериофа, и гáда, сыс лэскирэ чхавó: Ешэро, Шоваво и Ардоно. ¹⁹ И мыя Азува; и лыя пэскэ Халéво ромня Ефрафа, и ёй бияндя лэскэ Хурос. ²⁰ Хуростыр бияндя Уриё, Уриёстыр бияндя Веселиило. ²¹ Палó дава Есромо загия кэ чхай Махироскири, Галаадóскирэ-дадэскири, и лыя ла, лэскэ сыс шовдэшá бэрш; и ёй бияндя лэскэ Сегувос. ²² Сегувостыр бияндя Иаиро, и сыс лэстэ биш тэ трин фóрья пэ Галаадоскири пхув. ²³ Нэ Гесуряни и Сирияни лынэ лэндýр гаворé Иаироскирэ, Кенафо и фóрья, савó сыс тэл лэскири зор – шовдэшá фóрья. Сарé далé фóрья Махироскирэ чхавэнгирé, Галаадóскирэ дадэскирэ. ²⁴ Сыр Есромо мыя дро Халев-Ефрафо, Есромоскири ромнý, Авия, бияндя лэскэ Ашхурос, Фекояскирэ дадэс. ²⁵ Чхавó Ерахмеилоскирэ, англатунé-Есромоскирэ чхавóскирэ сыс: англатунó чхавó Рамо, пал лэстэ Вуно, Орéно, Оцэмо и Ахия. ²⁶ Сыс Ерахмеилостэ и явír ромнý, лав láкиро сыс Афара; ёй сыс дай Онамоскири. ²⁷ Чхавó Рамоскирэ, англатунé Ерахмеилоскирэ чхавóскирэ, сыс: Маацо, Иамино (Ямино) и Екéро. ²⁸ Чхавó Онаманоскирэ сыс: Шамаё и Иада (Яда). Чхавó Шамаёскирэ: Надаво и Авишуро. ²⁹ Лав Авишуроскирэ ромнякэ сыс Авихаиль, и ёй бияндя лэскэ Ахбанос и Молидос. ³⁰ Чхавó Надавоскирэ сыс: Селéдо, и Афраймо. И мыя Селéдо, на сыс чхавó лэстэ. ³¹ Чхавó Афаимоскиро сыс: Ишыё. Чхавó Ишы'ёскиро сыс: Шэшано; Шэшаноскиро чхавó сыс Ахлаё. ³² Чхавó Иадоскирэ, Шамаёскирэ пшалэскирэ: Иефéро и Ионафáно. Иефéро мыя, на сыс лэстэ чхавó. ³³ Чхавó Ионафаноскирэ: Пелéфо и Заза. Далé сыс Иерахмеилоскирэ чхавó. ³⁴ Шэшаностэ на сыс чхавó, а екх чхай. Шэшаностэ сыс писхáри, Египтянино, лав лэскиро сыс Ярха (Иарха); ³⁵ Шэшано отдýя пэскирýя чха палорóм Ярхаскэ, пал пэскирэ писхаристэ; и ёй бияндя лэскэ Атаёс. ³⁶ Атаёстыр бияндя Нафано, Нафаностыр бияндя Завадо; ³⁷ Завадостыр бияндя Ефлало, Ефлалостыр бияндя Овидо; ³⁸ Овидостыр бияндя Иеуё (Еуё), Еуёстыр бияндя Азáрия; ³⁹ Азариястыр бияндя Хелéцо, Хелецостыр бияндя Елеасо; ⁴⁰ Елеасостыр бияндя Сисмаё, Сисмаёстыр бияндя Салумо; ⁴¹ Салумостыр бияндя Иекамия (Екамия), Иекамиястыр бияндя Елишама. ⁴² Чхавó Халевоскирэ, Ерахмеилоскирэ пшалэскирэ сыс: Меша, англатунó лэскиро чхавó, – ёв сыс Зифаскиро дад; а лэстыр бияндя Марéша, ёв сыс дад Хевроноскэ. ⁴³ Чхавó Хевроноскирэ сыс: Корéё и Тапуахо, и Рекéмо и Шэма. ⁴⁴ Шэмастыр бияндя Рахамо, кон сыс Ёркеамоскиро дад, а Рекемостыр бияндя Шамаё. ⁴⁵ Чхавó Шамаёскиро

сыс: Маоно, а Маоно сыс Беф-Цуроскиро дад.⁴⁶ И Ефа, Халевоскири наложница, бияндя Харанос, Моцас и Газезос. И Хараностыр бияндя Газэзо.⁴⁷ Чхавэ Егдаёскирэ (Иегдаёскирэ) сыс: Регэмо, Иофáмо, Гешано, Пелéто, Ефа и Шаафо.⁴⁸ А Маха, явир Халевоскири наложница, бияндя Шеверос и Фирханос;⁴⁹ ей адякэ-паць бияндя Шаафос, Мадманаскирэ дадэс, Шэвос, Махбеноскирэ дадэс и Гевеёскирэ дадэс. Чхай Халевоскири сыс Ахса.⁵⁰ Ѓáда, сыс чхавэ Халевоскирэ: чхаво Хуро, англатунó Ефрафоскиро; Шовало, Кириаф-Яримоскиро дад;⁵¹ Салма, Вифлеемоскиро дад; Харéфо, Бефгадероскиро дад.⁵² Шовалостэ, Кириаф-Яримоскирэ (Иаримоскирэ) дадэстэ, сыс чхавэ: Гарое, [Хацы, Галменюхото-р.с.] [Паш Манахитийцэнгири-ю.о.].⁵³ Кириаф-Яримоскирэ кхэритка рóды (плéми): Ифрияни, Футияни, Шумафани и Мидраитяни. Адалэндыр выгинé Цоряни и Ештаоляни.⁵⁴ Чхавэ Салмаскирэ исын: Вифлеемляни и Нетофафяни, Иоавовоскирэ-кхэрэскири [вьянка-р.с.] и паш Менухотянэнгири-Цоряни,⁵⁵ и Соферийцэнгирэ кхэритка рóды (плéми) (ёнэ сыс пиричхиныбнаскирэ/писари), савэ дживдэ кэ Иабéцо, Тирéйцы, Шимéйцы, Сухайцы: адалэ исын Кинейяни, савэ выгинé Хамафостыр, Бетрехавоскирэ дадэстыр.

Шэро́ 3

Давидоскири Сэм'я (Ири)

¹ Чхавэ Давидóскирэ, савэ бияндынэ лэстыр дро Хевро́но, сыс: англатунó чхавó-Амноно, Ахиноаматыр Изреелитянкатыр; явир – Далуия [Даниéлэ-ю.о.], Авигеятыр Кармилитянкатыр; ² трéто – Авесалóмо, Маахиякиро чхавó, Фалмаёскирэ-чхакирэ, Гесуроскирэ кралéскирэ; штáрто – Адония, Агифаскиро чхавó; ³ пáнджто – Сафатия, Авиталатыр; шóвто – Ифреамó, Аглаятыр, лэскирэ ромнятыр, – ⁴ адалэ шов бияндынэ лэстыр дро Хевро́но; одóй ёв сыс кралéса эф́та (битринэнгири дэш) бэрш и шов чхонá; а трия́нда трин бэрш сыс крáли дро Ерусалимо. ⁵ Адалэ чхавэ лэстыр бияндынэ дро Ерусалимо: Шымо, Шоваво, Нафано и Соломо́но, штáр Вирсавиятыр, Амиилоскирэ чхатыр; ⁶ Ивхаро, Елишамó, Елифелéто, ⁷ Ногаго, Нефéго, Иафиа (Яфиа), ⁸ Елишамá, Елиада и Елифелéто – еня́ (биекхэскиро дэш). ⁹ Ѓáда, сыс сарэ Давидóскирэ чхавэ, апрéч чхавэндэ наложницэндыр. Пхэн лэнгири сыс Фамарь. ¹⁰ Чхавó Соломонóскиро сыс Ровоáмо; лэскиро чхавó Авия́; лэскиро чхавó Асá; лэскиро чхавó Иосафáто; ¹¹ Лэскиро чхавó Иорáмо; лэскиро чхавó Охозия́; лэскиро чхавó Иоáсо; ¹² Лэскиро чхавó Амáсия; лэскиро чхавó Азáрия; лэскиро чхавó Иофáмо; ¹³ Лэскиро чхавó Ахáзо; лэскиро чхавó Езэкéя; лэскиро чхавó Манáсия; ¹⁴ Лэскиро чхавó Амоно́; лэскиро чхавó Иосия́. ¹⁵ Чхавэ Иосия́скирэ сыс: англатунó чхавó Иоахазо́, явир Иоакимо́, трéто Сэдэкéя, штáрто Селумо́. ¹⁶ Чхавэ Иоакимоскирэ сыс: Ехония́, лэскиро чхавó; Сэдэкéя, лэскиро чхавó. ¹⁷ Чхавэ Ехония́скирэ сыс: Асиро́, Салафиило́, лэскиро чхавó; ¹⁸ Малкирамо́, Федаия́, Шэнацаро́, Езэкéя, Гошамó и Савадия́. ¹⁹ И чхавэ Федаия́скирэ сыс: Зоровавелé и Шымéё. Чхавэ Зоровавелéскирэ: Мешуламо́ и Ханания́, и Шеломиф, лэнгири пхэн, ²⁰ и ишчо (инкэ) пандж сыс: Хашува́, Огéло, Берéхия, Хасадия́ и Иушав (Юшав)-Хесéдо. ²¹ И чхавэ Ханания́скирэ сыс: Фелатия́ и Исаё́; лэскиро чхавó Арнано́; лэскиро чхавó Овадия́, лэскиро чхавó Шэхания́. ²² Чхавó Шэхания́скиро сыс: Шэмаия́; чхавэ Шемаия́скирэ: Хатушо́, Игеало́, Бариахо́, Неарие́ и Шафато́, шовджинэ. ²³ Чхавэ Неария́скирэ сыс: Елиознаё́, Езэкéя и Азрикамо́, тринджинэ. ²⁴ Чхавэ Елиознаё́скирэ сыс: Годавьягу́, Елеашыво́, Фелаия́, Акуво́, Иоханано́, Делаия́ и Анани́, эф́таджинэ.

Шэрó 4

Юдаскири Сэм'я (Ири)

¹ Чхавé Юдáскирэ сыс: Фарéсо, Есромо, Харми, Хуро и Шовало. ² Рэаиястыр, кон сыс Шовалоскиро чхавó, бияндыя Иахафо; Иахафостыр бияндыя Ахумо и Лагадо: лэндыр сыс Цорянэнгиро рóдыцо. ³ И адалé сыс чхавé Етамоскирэ: Изреёлé, Ишма и Идбашо, и лэнгири пхэн, пир лав сыс Гацлелпони, ⁴ Пенуэло, Гедороскиро дад, и Езéро, Хушаноскиро дад. Ѓáда, исын чхавé Хураскирэ, савó сыс англатунó чхавó Ефрафостэ, Вифлеемоскирэ дадэстэ. ⁵ Ахшуростэ, Фекояскирэ дадэстэ, сыс дуй ромня: Хела и Наара. ⁶ И бияндя лэскэ Наара Ахузамос, Хеферос, Фимниёс и Ахашфарос; адалé сыс Нааракирэ чхавó. ⁷ Чхавé Хелакирэ сыс: Цэрéфо, Цохаро и Ефнано. ⁸ Коцостыр бияндыя: Ануво и Цовéво и Ахархелоскирэ кхэрйтка рóды (плéми), савó сыс Гарумоскиро чхавó. ⁹ Иависо сыс славутнэдыр пэскирэ пшалэндыр. Э дай дыя лэскэ лав Иависо, пхэндя: “Мэ бияндём лэс насвалыпнаса.” ¹⁰ И кхардя зоралэс Иависо Дэвлэс Израилёскирэс, и пхэндя: “О, ко́ли бы Ту бахтякирдян ман Тырэ бахтякирибнаса, и тэ кэрэс барэдыр мирé ригá, и васт Тырó тэ явэл мánца, тэ раххэл ман фуипнастыр, соб (кай) мэ тэ на пэрав!” И Дэвэл дыя лэскэ, со ёв мангдя. ¹¹ Хелувостыр, Шухаскирэ пшалэстыр, бияндыя Махи́ро; ёв сыс Ештоноскиро дад. ¹² Ештоностыр бияндыя Беф-Рафо, Пасаехо и Техина, кон сыс дад фороскэ Наасо; адалé сыс манушá Рехатыр. ¹³ Чхавé Кеназоскирэ сыс: Гофониило и Сераия. Гофониилоскиро чхавó сыс: Хафафо, ¹⁴ и Меонофаё, савэстыр бияндыя Офра, а Сераиястыр бияндыя Иоáво, кон сыс барыдырó пэ плотникэнгиро до́ло, пал-довá со ёнэ сыс кхэра́-кэрибнаскирэ (плотники). ¹⁵ Чхавé Халевоскирэ, Иефонииноскирэ чхавэскирэ сыс: Иро, Ила и Наамо. Иласкиро чхавó сыс: Кеназо. ¹⁶ Чхавé Егалелэлоскирэ сыс: Зифо, Зифа, Фирия и Асарее́ло. ¹⁷ Чхавé Езраскирэ сыс: Иефéро, Мерéдо, Эфéро и Иалоно; Иеферостыр бияндыя Меромо, Шамаё и Ишбахо, кон сыс Ешфемояскиро дад. ¹⁸ И лэскири ромны́ Юдия бияндя Ередос (Иередос), Гедороскирэс дадэс, и Хеверос, Сохоскирэс дадэс, и Екуфиилос, Занаохаскирэс дадэс. Адалé сыс Бифьякирэ чхавé, фараонóскирэ чхакирэ, савья лыя палорóм Мерéдо. ¹⁹ Чхавé Годиякирэ, лэскирэ ромнякирэ, кон сыс пхэн Нахамоскири, Кеилоскирэ-дадэскири: Гармо и Ешфемоа-Маахатянино. ²⁰ Чхавé Симеоноскирэ сыс: Амноно, Рина, Бенханано и Филоно. Чхавé Ишыяскирэ сыс: Зохéфо и Бензохéфо. ²¹ Чхавé Силомоскирэ, Юдáскирэ чхавэскирэ, сыс: Иро, Лехоскиро дад, и Лаедо, Марешаскиро дад, и конэскири сэм'я (ири́) обкэрэлас висоно, Ашбеёскирэ кхэрэстыр, ²² и Иокимо, и манушá Хозевакирэ, и Иоашо и Сарафо, савэндэ сыс фэлатиня́ дро Моáво, и дрэ Иашувилехемо; нэ дава́ сыс древáн гарá. ²³ Ёнэ кэрдэ пирья и дживдэ пашыл унты (сады) и дрэ барья (огороды); одóй дживдэ ёнэ ваш краліскэ пашыл лэскирэ бутя́. ²⁴ Чхавé Симеоноскирэ сыс: Немуило, Ямино (Иамино), Яриво (Иариво), Зерахо и Са́уло, ²⁵ И чхавó лэскиро Шалумо; и чхавó лэскиро Мивсамо; и лэскиро чхавó Мишма. ²⁶ Чхавé Мишмаскирэ сыс: Хамуило, лэскиро чхавó; лэскиро чхавó Закуро; лэскиро чхавó Шымéё. ²⁷ Шымéестэ сыс дэшушов чхавé и шов чхая; лэскирэ пшалэндэ чхавэн сыс нáбут, и сарó лэнгиро кхэрйтко рóдо (плéмё) на адякэ сыс барó, сыр кхэрйтко рóдо Юдáскирэ-чхавэнгиро. ²⁸ Ёнэ дживдэ кэ Вирсáвия, Молада, Хацаршуала, ²⁹ кэ Билга, кэ Ецэмо, кэ Фоладо, ³⁰ кэ Бефуило, кэ Хорма, кэ Циклаго, ³¹ кэ Беф-Маркавофо, кэ Хацарсусима, кэ Беф-Бирея и кэ Шааримо. Ѓáда, сыс лэнгирэ фóрья кэ Давидóскиро кралипэн, ³² лэнгирэ гавэнца: Етамо, Аино, Римono, Фокéно и Ашано, – пандж фóрья. ³³ Сарэ лэнгирэ гавá, савэ сыс трусцял далé фóрья кэ Ваала; гада, сыс лэнгирэ-джи́ибна́скирэ штэты и лэнгирэ-родэнгири история. ³⁴ Мешоваво, Иамлехо и Иосия, Амасияскиро чхавó, ³⁵ Иоило и Егу (Иéгу), Иошывискиро чхавó, Сераияскирэ чхавэскиро, Асиилувоскирэ чхавэскиро, ³⁶ Елиоенаё, Иакова, Ишохаия, Асаия, Адиило, Ишымиило и Ванéя, ³⁷ и Зиза, Шыфияскиро чхавó, Алоноскиро чхавó, Иедаияскиро чхавó, Шимриёскиро чхавó, Шэмаёскиро чхавó. ³⁸ Адалé манушá, савэ исын чхиндлэ пир лав, сыс тхага́рья пир пэскирэ кхэрйтка рóды, и лэнгирэ-дадэнгиро кхэр, розбарияпэ пэ бут сэмэнцы, ³⁹ ёнэ догинé кэ Герара и кэ восточно риг долоскири, соб (кай) тэ латхэн чаритка фэ́лды ваш пэскирэ

кхэритконэ мурдалэнгэ (ското): ⁴⁰ и латхнэ чаритка фэлды кэ чалыпэн и лачхэ и пхув бари, штыл и бидаракири, пал-довá со кэ ёнэ дживдэ одой екх набут Хамитяни. ⁴¹ И явнэ адалэ манушá, савэ сыс зачхиндлэ пир лав, дрэ дывэсá Езэкияскирэ, Юдэякирэ-краліскирэ, и домардэ манушэн, савэ лодынэ и штэтытконэ манушэн, савэ одой дживдэ, и протрадынэ лэн сарэса, и лынэ тэ дживэн пэ лэнгиро штэто; пал-довá со одой сыс чаритка фэлды ваш лэнгирэ кхэритконэ мурдалэнгэ. ⁴² Лэндыр, Симеоноскирэ чхавэндыр, гинэ кэ бэрга Сеиро панджшэлá манушá: Фелатия, Неария, Рефаия и Узиило, Ишыяскирэ чхавэ, ёнэ сыс лэнгирэ шэралэ (главна манушá). ⁴³ И домардэ ёнэ Амаликитянэн, савэ ячнэпэ джидэ одой, и дживэна одой кэ дава дывэс.

Шэро 5

Рувимоскири Сэм'я (Ири)

¹ Чхавэ Рувимоскирэ, англатунэ-Израилёскирэ чхавэскирэ, – ёв сыс англатунэ чхавэ; нэ кэли ёв магирдя пэскирэ-дадэскиро чхуибэн, нэ лэскиро англатуныбэн сыс отдынэ Ёзаскирэ (Иосифоскирэ) чхавэнгэ, чхавэскэ Израилёскирэскэ долэса, соб (кай) тэ на гинэнпэ лэнгэ [Ёзаскирэнгэ] англатунэ бияныбнытконэнца; ² пал-довá со Юда сыс зоралэдёр пэскирэ пшалэндыр, и тхагариса яця ёв, нэ англатуныбэн зачхиндлэ сыс пэ Ёзастэ (Иосифостэ). ³ Чхавэ Рувимоскирэ, англатунэ Израилёскирэ-чхавэскирэ сыс: Ханохо, Фалу, Хецроно и Харми. ⁴ Чхавэ Иоилёскирэ сыс: Шэмаё, лэскиро чхавэ; лэскиро чхавэ Гого, лэскиро чхавэ Шымеё, ⁵ лэскиро чхавэ Миха, лэскиро чхавэ Реаия, лэскиро чхавэ Ваало, ⁶ лэскиро чхавэ Беера, савэс залыджия дрэ плéно Феглафеласаро, Асириякиро крáli. Ёв сыс тхагари Рувимлянэнгэ. ⁷ И лэскирэ пшáла, пир лэнгирэ кхэритка рóды (плéми) ^[1], пир лэнгирэ родоскиро зачхиныбэн сыс: шэралэ Иеизлэ (Уизлэ), палэ лэстэ Захáрия. ⁸ И Бэла, чхавэ Азасоскиро, Шэмаёскирэ-чхавэскиро, Иоилёскирэ-чхавэскиро. Ёв дживдэ кэ Ароэро кэ Нэво и Ваал-Меоно; ⁹ а кэ вастóко ёв дживдэ кэ загиибэн пэ чхучи пхув (пустыня), сави гия рэкатыр (лэнятыр) Евфратостыр, пал-довá со кхэритка мурдалá ското лэнгиро сыс бут пэ Галаадоскиро пхув. ¹⁰ Дрэ дывэсá Саулоскирэ лыджинэ ёнэ марибэн Агарянэнца, савэ хасинэ лэнгирэ вастэстыр; а ёнэ лынэ тэ дживэн дрэ лэнгирэ шáтры, пир сари Галаадоскирэ-восточно риг.

Гадоскири Сэм'я (Ири)

¹¹ Чхавэ Гадоскирэ дживдэ проти лэндэ пэ Васаноскири пхув кэ Салха: ¹² дро Васáно Иоилэ сыс шэралэ, Шафано явир, палэ лэстэ Иаанаё (Яанаё) и Шафато. ¹³ Лэнгирэ пшалэн лэнгирэ чэкарьятыр [лэнгирэ-дадэнгирэ сэмэнцатыр-ю.о.] сыс эфта: Михайло, Мешуламо, Шэва, Иораё, Якано (Иакано), Зия и Евéро. ¹⁴ Гáда, сыс Авихаилоскирэ чхавэ, Хуриёскирэ-чхавэскирэ, Иороахоскирэ (Яроахоскирэ) чхавэскирэ, Галаадоскирэ чхавэскирэ, Михаилоскирэ чхавэскирэ, Ешышаёскирэ чхавэскирэ, Яхдоскирэ (Иахдоскирэ) чхавэскирэ, Бузаскирэ чхавэскирэ. ¹⁵ Ахи, чхавэ Авдиилоскиро, Гуниёкирэ-чхавэскиро, сыс шэралэ пэ пэскиро рóдо. ¹⁶ Ёнэ дживдэ кэ Галаáдо, кэ Васáно и дрэ фóрья, савэ сыс тэл зор лэстэ и дрэ сарэ фóрья, савэ сыс трусцял Сароно, кэ/жыко лэнгири мэжа. ¹⁷ Сарэ ёнэ сыс пиригиндлэ дрэ дывэсá Иоафамоскирэ, Юдэякирэ краліскирэ, и дрэ дывэсá Иеровоамоскирэ, Израилёскирэ краліскирэ. ¹⁸ Чхавэндэ Рувимоскирэ и Гадоскирэндэ и дро паш кхэритко рóдо Манасияскиро сыс манушá марибнытка, муршá, савэ лыджáнас шчыто и куртáла, савэ мардэ лукостыр и сыс сыклякирдэ кэ марибэн, лэн сыс штардэшá штар тысёнцы эфташэлá шовдэшá манушэн, савэ выгинэ пэ марибэн. ¹⁹ И мардэпэ ёнэ Агарянэнца: Иетуромоса, Нафишоса и Надавомоса. ²⁰ И дыно сыс лэнгэ васт проти лэндэ, и отдынэ сыс дрэ лэнгирэ вастá Агаряни и сарó, со лэндэ сыс. Пал-довá со ёнэ дрэ марибнаскиро часо (цýро) кхардэ зоралэс Дэвлэс, и Ёв шундя лэн, пал-довá со ёнэ патяндынэпэ дрэ Лэстэ. ²¹ И лынэ ёнэ лэнгирэ кхэритконэ мурдалэн: верблюдэн пандждэшá тысёнцы, тыкнэ мурдалэндыр

дуйшэла пандждэша тысёнцы, ослэн дуй тысёнцы, и шэл тысёнцы манушэн, ²² пал-дова со бут лэндыр пынэ мулэнца, адякэ, сыр Дэвлэстыр сыс дава марибэн. И дживдэ ёнэ пэ лэнгиро штэто кэ пиритрадыпэн. ²³ Чхавэ Манасияскирэ пашэ-родыщостыр, дживдэ пэ доя пхув, Васаностыр кэ Ваал-Ермоно и Сениро и кэ/жыко бэрга Ермоноскири; и лэн сыс бут. ²⁴ И гада, сыс лэнгирэ славутна шэралэ пэ стрэчы (поколении): Ефери, Ишы, Елиило, Азриило, Еремее, Годавия и Ягдиило (Иагдиило), мурша зоралэ, мурша славутна, савэ сыс шэралэ пэ пэскирэ рёды. ²⁵ Нэ кели ёнэ кэрдэ грэхо проти пэскирэ-дадэнгирэ Дэвлэстэ и лынэ биладжакунэс тэ псирэн палал пал долэ-пхувьякирэ манушэнгирэ дэвлорэндэ, савэн традыя криг Дэвлэ лэнгирэ мостыр, ²⁶ то тэды Израилёскиро Дэвлэ газдыя дүхо (фано) Фулоскиро, Асириякирэ-кралёскиро, и дүхо (фано) Феглафеласароскиро, Асириякирэ-кралёскиро, и ёв традыя криг Рувимлянэн и Гадитянэн и паш рёдыцо Манасияскири/о, и лыджия лэн дро Халахо, и дро Хаворо, и дро Аро, и пэ рэка (лэнь) Гозано, кай ёнэ дживёна кэ дава дывэс.

5:7 ^[1] Дрэ Юдытко гаратуно оригинало пхэнэлапэ “поколение”

Шэрó 6

Левие́скири Сэм'я (Ири)

¹ Чхавэ Левие́скирэ сыс: Гирсоно, Каафо и Мерари. ² Чхавэ Каафоскирэ сыс: Амрамо, Ицгаро, Хевроно и Узиило. ³ Чхавэ Амрамоскирэ сыс: Аароно, Моисеё (Мо́йза/ Мося) и Мариам. Чхавэ Аароноскирэ сыс: Надаво, Авиудо, Елизáро и Ифамаро. ⁴ Елизаростыр бияндыя Финее́со, Финее́состыр бияндыя Авишуё; ⁵ Авишуёстыр бияндыя Букиё, Букиёстыр бияндыя Озия; ⁶ Озиястыр бияндыя Зэрахия; Зэрахиястыр бияндыя Мераиофо; ⁷ Мераиофостыр бияндыя Амария, Амариястыр бияндыя Ахитуво; ⁸ Ахитувостыр бияндыя Садоко, Садокостыр бияндыя Ахимаасо; ⁹ Ахимаасостыр бияндыя Аза́рия, Азариястыр бияндыя Иоанано; ¹⁰ Иоананостыр бияндыя Аза́рия, – акэ, сыс одова́, саво сыс рашай дрэ Кхангирй, сави чхудя Соломо́но дро Ерусалимо. ¹¹ И бияндыя Азариястыр Амария, Амариястыр бияндыя Ахитуво; ¹² Ахитувостыр бияндыя Садоко, Садокостыр бияндыя Селумо; ¹³ Селумостыр бияндыя Хелкия, Хелкиястыр бияндыя Аза́рия; ¹⁴ Азариястыр бияндыя Сераё, Сераёстыр бияндыя Иоседеко. ¹⁵ Иоседеко гия дро плéно, кели Рай Дэвлэ пирилыджия тэ дживэн Юдэн и Ерусалимлянэн вастэса Навуходонососкирэса. ¹⁶ И адякэ чхавэ Левие́скирэ сыс: Гирсоно, Каафо и Мерари. ¹⁷ Гада, лавá Гирсоновоскирэ чхавэнгирэ сыс: Ливни и Шымеё. ¹⁸ Чхавэ Каафоскирэ сыс: Амрамо, Ицгаро, Хевроно и Узиило. ¹⁹ Чхавэ Мерарискирэ сыс: Махли и Мушы. Гада, сыс рёдо Левие́скиро пир лэнгиро рёдо. ²⁰ Гирсоностэ сыс: Ливни, чхаво лэскиро; Иахаво, чхаво лэскиро; Зима, чхаво лэскиро; ²¹ Иоахо, чхаво лэскиро; Идо, чхаво лэскиро; Зерахо, чхаво лэскиро; Иеафраё, чхаво лэскиро. ²² Чхавэ Каафоскирэ сыс: Аминадаво, чхаво лэскиро; Корее, чхаво лэскиро; Асиро, чхаво лэскиро; ²³ Елкано, чхаво лэскиро; Евиасафо, чхаво лэскиро; Асиро, чхаво лэскиро; ²⁴ Тахафо, чхаво лэскиро; Уриило, чхаво лэскиро; Узия, чхаво лэскиро; Сауло, чхаво лэскиро. ²⁵ Чхавэ Елканоскирэ сыс: Амаса и Ахимофо. ²⁶ Елкано, чхаво лэскиро; Цофаё, чхаво лэскиро; Нахафо, чхаво лэскиро; ²⁷ Елиафо, лэскиро чхаво; Ерохамо (Иерохамо), чхаво лэскиро; Елкана, чхаво лэскиро. ²⁸ Чхавэ Самуилоскирэ: англатунó Иоилё, явир Авия. ²⁹ Чхавэ Мерарискирэ: Махли, Ливни, чхаво лэскиро; Шымеё, чхаво лэскиро; Уза, чхаво лэскиро; ³⁰ Шыма, чхаво лэскиро; Хагия, чхаво лэскиро; Асаия, чхаво лэскиро. ³¹ Гада, исын одолэ, савэн Давидо чхудя барыдырэнца пэ манушэндэ, савэ багандлэ дро Рáскирэ-Дэвлэскиро Кхэр, долэ дывэсэндыр, сыр чхудэ дрэ лэстэ ковчэго. ³² Ёнэ дынариндлэ (служиндлэ) манушэнгэ, савэ багандлэ ангил скэдыбна́скири скýния, пака Соломо́но чхудя Рáскирэ-Дэвлэскиро Кхэр дрэ Ерусалимо. И ёнэ тэрдинэ пэ пэскири буты пир пэскиро гийбэн (порядко). ³³ Гада, исын, одолэ, савэ тэрдинэ пэскирэ чхавэнца: чхавэндыр Каафоскирэндыр – Емано багандя, чхаво Иоилёскиро, чхаво Самуилоскиро, ³⁴ чхаво

Елканаскиро, чхаво Ерохамоскиро (Иерохамоскиро), чхаво Елиилоскиро, чхаво Тоахаскиро, ³⁵ чхаво Цуфоскиро, чхаво Елканаскиро, чхаво Махафоскиро, чхаво Амасаёскиро, ³⁶ чхаво Елканаскиро, чхаво Иоилёскиро, чхаво Азарияскиро, чхаво Цэфанияскиро, ³⁷ чхаво Тахафоскиро, чхаво Асироскиро, чхаво Ависафоскиро, чхаво Кореёскиро, ³⁸ чхаво Ицгароскиро, чхаво Каафоскиро, чхаво Левиёскиро, чхаво Израилёскиро; ³⁹ и лэскиро пшал Асафо, саво сыс тэрдó пэ лэскири чачи (право) риг, – Асафо, чхаво Берехияскиро, чхаво Шымаскиро, ⁴⁰ чхаво Михайлоскиро, чхаво Ваасеяскиро, чхаво Малхияскиро, ⁴¹ чхаво Ефнияскиро, чхаво Зерахоскиро, чхаво Адаияскиро, ⁴² чхаво Ефаноскиро, чхаво Зимаскиро, чхаво Шымиёскиро, ⁴³ чхаво Иахафоскиро, чхаво Гирсоноскиро, чхаво Левиёскиро. ⁴⁴ А чхавэндыр Мерарискирэндыр, лэнгирэ пшалэн, – пэ зэрво (лёво) риг: Ефано, чхаво Кишыёскиро, чхаво Авдиёскиро, чхаво Малухаскиро, ⁴⁵ чхаво Хашавияскиро, чхаво Амасияскиро, чхаво Хелкияскиро, ⁴⁶ чхаво Амцыёскиро, чхаво Ванияскиро, чхаво Шэмероскиро, ⁴⁷ чхаво Махлиёскиро, чхаво Мушыскиро [Мушыёскиро-р.с.], чхаво Мерарискиро, чхаво Левиёскиро. ⁴⁸ Лэнгирэ пшала, адякэ-паць Левиты, сыс чхудо пэ рэзна бутя пашыл Дэвлэскиро Кхэр; ⁴⁹ Нэ Аароно и лэскирэ чхаво хачкирдэ пэ алтарё (жэртвенико) цэло схачкирибэн и пэ алтарё кадилэнца, и кэрдэ кажно свэнто рэндо дрэ Свэнто – свэнтэдыр штэто и ваш жужакирибэн Израилё дро саро, сыр припхэндя писхари Дэвлэскиро Моисеё (Мо́йза). ⁵⁰ Гада, исын чхаво Ааронóскирэ: Елизáро, чхаво лэскиро; Финее́со, чхаво лэскиро; Авиудо, чхаво лэскиро; ⁵¹ Букиё, чхаво лэскиро; Узиё, чхаво лэскиро; Зэрахия, чхаво лэскиро; ⁵² Мераифо, чхаво лэскиро; Амария, чхаво лэскиро; Ахитуво, чхаво лэскиро; ⁵³ Садоко, чхаво лэскиро; Ахимаасо, чхаво лэскиро. ⁵⁴ И гада, исын кхэра лэнгирэ пир гавá лэнгирэ дрэ мэжы лэнгирэ: чхаво Ааронóскирэ Каафовоскирэ кхэритконэ родэндыр, адякэ сыр жрэбиё выгия лэнгэ, ⁵⁵ то дынэ лэнгэ Хевро́но, пэ Юдаскири пхув, и штэты пашыл форо лэскиро трусцял (вокруг) лэстэ; ⁵⁶ далэ-форóскирэ фэлды и гавá лэскирэ отдынэ Халевоскэ, чхавэскэ Ефонияскирэскэ. ⁵⁷ Чхавэнгэ Аароноскирэскирэ адякэ-паць дынэ знашыбнытка форя: Хевро́но и Ливна лэнгирэ штэтэнца пашыл форо, Ятиро (Иати́ро) и Ештэмоа и лэскирэ штэты пашыл форо, ⁵⁸ и Хилéно и лэскирэ штэты пашыл форо, Давиро и лэскирэ штэты пашыл форо. ⁵⁹ И Ашано и лэскирэ штэты пашыл форо, Вефсамисо и лэскирэ штэты пашыл форо. ⁶⁰ А Вениаминóскирэ кхэрэскирэ родоскэ – Гева и лэскирэ штэты пашыл форо, и Алемефо, и лэскирэ штэты пашыл форо, и Анафофо и лэскирэ штэты пашыл форо: сарэ лэнгирэ форя дрэ лэнгирэ роды сыс трийнда форя. ⁶¹ Каафоскирэ чхавэнгэ, савэ, ячнэпэ, далэ чэкарьендыр пир дава родыцо, дыно сыс пир жрэбиё дэш форя миштыпнаскирэ мератыр Манасияскирэ родыцостыр. ⁶² Чхавэнгэ Гирсоноскирэнгэ пир лэнгирэ роды, Исахароскирэ родыцостыр и Асироскирэ родыцостыр, и Нефалимоскирэ родыцостыр, и Манасияскирэ родыцостыр дро Васано, дыно дэшрутин форя. ⁶³ Чхавэнгэ Мерарискирэнгэ пир лэнгирэ роды, Рувимóскирэ родыцостыр, и Гадóскирэ родыцостыр, и Завулоноскирэ родыцостыр, сыс дыно пир жрэбиё дэшудуй форя. ⁶⁴ Адякэ дынэ Израилёскирэ чхаво Левитэнгэ далэ форя и лэнгирэ штэты пашыл форя. ⁶⁵ И дынэ ёнэ пир жрэбиё Юдаскирэ-чхавэнгирэ родыцостыр, и Симёноскирэ чхавэнгирэ родыцостыр, и Вениаминóскирэ-чхавэнгирэ родыцостыр долэ форя, савэ ёнэ кхардэ пир лэнгирэ лава. ⁶⁶ Вари-савэнгэ Каафоскирэ чхавэнгирэ кхэритконэ родэнгэ дынэ сыс форя Ефремóскирэ родыцостыр. ⁶⁷ И дынэ сыс лэнгэ знашыбнытка форя: Сихéмо и лэскирэ штэты пашыл форо пэ Ефремóскири бэрга, и Гезеро и лэскирэ штэты пашыл форо, ⁶⁸ и Иокмеамо и лэскирэ штэты пашыл форо, и Беф-Ороно и лэскирэ штэты пашыл форо, ⁶⁹ и Аиалоно и лэскирэ штэты пашыл форо, и Гаф-Римоно и лэскирэ штэты пашыл форо; ⁷⁰ пашатыр Манасияскирэ родыцостыр – Анéро и лэскирэ штэты пашыл форо, Билеамо и лэскирэ штэты пашыл форо. Дава сыс Каафоскирэ чхавэнгирэ стрэчакэ, савэ ячнэпэ. ⁷¹ Чхавэнгэ Гирсоноскирэ кхэритконэ родыцостыр Манасияскирэ пашэ-родыцостыр дынэ сыс Голано дрэ Васана и лэскирэ штэты пашыл форо, и Аштарофо и лэскирэ штэты пашыл форо. ⁷² Исахароскирэ родыцостыр – Кедéсо и лэскирэ штэты пашыл форо, Даврафо и лэскирэ штэты пашыл форо, ⁷³ и Рамóфо и лэскирэ штэты пашыл форо, и Анéмо и лэскирэ штэты пашыл форо; ⁷⁴ Асироскирэ родыцостыр – Машало и лэскирэ штэты пашыл форо, и

Авдоно и лэскирэ штэты пашыл форо,⁷⁵ и Хукоко и лэскирэ штэты пашыл форо, и Рехово и лэскирэ штэты пашыл форо;⁷⁶ Нефалимоскирэ родыцостыр – Кедесо дрэ Галилэя и лэскирэ штэты пашыл форо, и Хамоно и лэскирэ штэты пашыл форо, и Кириафаимо и лэскирэ штэты пашыл форо.⁷⁷ А явирэ Мерарискирэ чхавэнгэ – дыно сыс Завулоноскирэ родыцостыр Римоно и лэскирэ штэты пашыл форо, Фаворо и лэскирэ штэты пашыл форо.⁷⁸ Пэ доя Иорданоскири риг, проти Ерихоно, пэ вастоко Иорданостыр, Рувимоскирэ родыцостыр дынэ сыс Восоро пэ чхучі пхув и лэскирэ штэты пашыл форо, и Иааца (Яаца) и лакирэ штэты пашыл форо,⁷⁹ и Кедемофо и лэскирэ штэты пашыл форо, и Мефаафо и лэскирэ штэты пашыл форо;⁸⁰ Гадоскирэ родыцостыр – Рамофо дро Галаадо и лэскирэ штэты пашыл форо, и Маханаимо и лэскирэ штэты пашыл форо,⁸¹ и Есёвоно и лэскирэ штэты пашыл форо, и Иазэро и лэскирэ штэты пашыл форо.

Шэро 7

Исахароскири Сэм'я (Ири)

¹ Чхавэ Исхароскирэ сыс: Фола, Фуа, Иашуво (Яшуво) и Шымроно, штарджинэ. ² Чхавэ Фоласкирэ сыс: Узиё, Рефаия, Ериило, Яхмаё, Ивсамо и Самуйло, шэралэ пэ Фоласкирэ стрэчы (поколэнии), мануша, савэ дрэ пэскирэ роды сыс муршканэ ваш марибэн; сыс лэн дрэ Давидоскирэ дывэса биш тэ дуй тысёнци и шовшэла. ³ Чхавэ Узиёскиро сыс: Израхия; чхавэ Израхискирэ сыс: Михаило, Овадия, Иоилё и Ишыя, панджинэ. Сарэ ёнэ сыс шэралэ мануша. ⁴ Лэндэ, пир роды лэнгирэ, пир стрэчы лэнгирэ, сыс скэдынэ кэ марибэн халадэн трийнда шов тысёнци; пал-дова со лэндэ сыс бут ромнён и чхавэн. ⁵ Лэнгирэ пшалэн, дрэ сарэ Исхароскирэ стрэчы, манушэн, савэ псирдэ пэ марибэн, сыс охтодэша эфта (бибишэнгиро шэл) тысёнци, зачхиндлэ дрэ родоскирэ зачхиныбэна (списки).

Вениаиноскири Сэм'я (Ири)

⁶ Вениаиностэ сыс: Бэла, Бехэро и Едиаило, трин чхавэ. ⁷ Чхавэ Беласкирэ сыс: Ецбоно, Узиё, Узиило, Еримофо (Иеримофо) и Ири, пандж, шэралэ пэ стрэчы (поколэнии) мануша, савэ псирдэ пэ марибэн. Дрэ родоскирэ зачхиныбэна (списки) ёнэ сыс зачхиндлэ: биш тэ дуй тысёнци трияндаштар. ⁸ Чхавэ Бехероскирэ: Земира, Иоашо, Елизэро (Елизэро), Елиоэнаё, Омри, Иремофо, Авия, Анафофо и Алемёфо: сарэ адалэ сыс чхавэ Бехероскирэ. ⁹ Дрэ родоскирэ списки сыс зачхиндлэ ёнэ пир роды лэнгирэ, пир шэралэндэ пэ стрэчы, манушэн, савэ сыс муршканэ ваш марибэн – биш тысёнци и дуйшэла. ¹⁰ Адякэ-паць чхавэ Едиаалоскиро сыс: Билгано. Чхавэ Билганоскирэ сыс: Еусо, Вениаино, Егудо, Хенаана, Зефано, Фарсисо и Ахишахаро. ¹¹ Сарэ адалэ Иедиаалоскирэ чхавэ сыс стрэчакирэ шэралэ, мануша, савэ сыс мурша ваш марибэн; дэшуэфта тысёнци и дуйшэла сыс, савэ выгинэ пэ марибэн. ¹² И Шупимо и Хупимо, сыс чхавэ Ираскирэ: Хушым, сыс чхавэ Ахероскиро.

Нефалимоскири Сэм'я (Ири)

¹³ Чхавэ Нефалимоскирэ сыс: Яхцэило (Иахцеилё), Гуни, Ецэро и Шилёмо, чхавэ Валакирэ.

Манасияскирэ Сэм'я (Ири)

¹⁴ Чхавэ Манасияскирэ сыс: Асриило, савэс бияндя лэскири наложница Арамеянка; ёй бияндя Махирос, Галаадоскирэс дадэс. ¹⁵ Махиро лыя палором Хупимоскирэ и Шупимоскирэ пхэня, – лэнгирэ-пхэнякиро лав сыс Мааха; лав явирэскэ сыс Салпаадо. Салпаадостэ сыс екх чхая. ¹⁶ Мааха, Махироскири ромны, бияндя чхавэс и дыя лэскэ лав Керёшо, а лав лэскирэ пшалэскэ сыс Шэрёшо. Чхавэ лэскирэ сыс: Уламо и Рекёмо. ¹⁷ Чхавэ Уламоскиро сыс: Бедано. Ѓада, сыс чхавэ Галаадоскирэ, Махироскирэ-чхавэскирэ,

Манасияскирэ-чхавэскирэ. ¹⁸ Лэскири пхэн Молахэф бияндя Ишгодас, Авиезерос и Махлос.

¹⁹ Чхавэ Шэмидаскирэ сыс: Ахиано, Шэхемо, Ликхи и Аниамо.

Ефремóскири Сэм'я (Ири)

²⁰ Чхавэ Ефремóскирэ сыс: Шутелахо, и Берéдо, чхавó лэскиро, и Елеадо, чхавó лэскиро, и Фамафо, чхавó лэскиро. ²¹ И Завадо, чхавó лэскиро, и Шутелахо, чхавó лэскиро, и Езéро и Елеада. И мулякирдé лэн манушá Гефоскирэ, савé бияндынэ пэ доя пхув, пал-довá, со ёнэ гинé тэ залэн лэнгирé кхэритконé мурдалэн. ²² И рондý пал лэндé Ефрémо, дад лэнгирó, бут дывэсá, и явэнас лэскирэ пшáла тэ штылякирэн лэс. ²³ Палó (после) давá ёв загия кэ пэскири ромнý, и ёй запхария и бияндý чхавэс, и ёв дýя лэскé лав: Берия, пал-довá со бída (бибáхт) латхý кхэр лэскиро. ²⁴ И чхай лэстэ сыс Шеéра. Ёй чхудý Беф-Ороно тэлатуно и упратуно, и Узéн-Шэéро. ²⁵ И Рефаё, чхавó лэскиро, и Решэфо, и Ослахо, чхавó лэскиро, и Фахано, чхавó лэскиро, ²⁶ Лаедано, чхавó лэскиро, Амиудо, чхавó лэскиро, Елишамо, чхавó лэскиро, ²⁷ Ноно, чхавó лэскиро, Исýсо, чхавó лэскиро. ²⁸ Маёнки лэнгирé и лэнгирé штэты, кай ёнэ дживдé, сыс: Вефýлэ (Бет-Эль) и фóрья, савé сыс тэл лэскири зор; кэ вастóко Наарано, кэ западо Гезéро и фóрья, савé сыс тэл лэскири зор; Сихéмо и фóрья, савé сыс тэл лэскири зор кэ Газа и фóрья, савé сыс тэл лáкири зор. ²⁹ А Манасияскирэ-чхавэнгирé ригáтыр: Беф-Сано и фóрья, савé сыс тэл лэскири зор, Фаанахо и фóрья, савé сыс тэл лэскири зор, Мегидо и фóрья, савé сыс тэл лэскири зор, Доро и фóрья, савé сыс тэл лэскири зор. Дрé лэндé дживдé Иосифóскирэ (Ёзáскирэ) чхавé, Израилéскирэ чхавэскирэ.

Асироскири Сэм'я (Ири)

³⁰ Чхавэ Асироскирэ сыс: Имна, Ишва, Ишви и Берия, и лэнгири пхэн Серах. ³¹ Чхавé Берияскирэ сыс: Хевéро и Малхиило. Ёв сыс Бирзаифоскиро дад. ³² Хеверостыр бияндыя Яфлéто (Иафлéто), Шомéро и Хофамо, и Шуя, лэнгирé пхэн. ³³ Чхавé Яфлетоскирэ сыс: Пасахо, Бимгало и Ашвафо. Ѓáда, сыс чхавé Иафлетоскирэ. ³⁴ Чхавé Шэмероскирэ сыс: Ахи, Рохга, Ихуба и Арамо. ³⁵ Чхавé Гелемоскирэ, лэскирэ-пшалэскирэ сыс: Цофахо, Имна, Шэлéшо и Амало. ³⁶ Чхавé Цофакоскирэ сыс: Суахо, Харнефéро, Шуало, Бэри, Имра, ³⁷ Бецэро, Годó, Шама, Шылшо, Ифрано и Беéра. ³⁸ Чхавé Ефероскирэ сыс: Ефуниё, Фиспо и Ара. ³⁹ Чхавé Уласкирэ сыс: Арахо, Ханиило и Рицыя. ⁴⁰ Сарé адалé чхавé Асироскирэ сыс шэралé пэ лэнгирé стрéчы (поколéнии), манушá выкэдынé, манушá, савé сыс муршá пэ марибэ́н, шэралé барыдыра́. Зачхиндлé сыс ёнэ дрé родоскирэ списки ваш халадэнгэ, ваш марибэ́н, пир гиныбэ́н сыс лэн биш тэ шов тысёнцы манушá.

Шэрó 8

Вениамоскиро Рóдо

¹ Вениаиностыр бияндыя Бэла, лэскиро англатунó чхавó, явír Ашбéло, трýто Ахраё, ² Штáрто Ноха и пáнджто Рафа. ³ Чхавé Бэласкирэ сыс: Адаро, Гера, Авиудо, ⁴ Авишуа, Наамано, Ахоахо, ⁵ Гера, Шефуфано и Хурамо. ⁶ И гáда, сыс чхавé Егудоскирэ, савé сыс родэнгирé шэралé, савé дживдé кэ Гéва и пиритрадынé дро Манахафо: ⁷ Наамано, Ахия и Гера, савó вытрадыя лэн, лэстыр бияндыя Уза и Ахихудо. ⁸ Шегараиностыр бияндынэ чхавé пэ Моавитоскири пхув палó давá, сыр ёв отмэкцý пэстыр Хушима и Баара, пэскирэ ромнен. ⁹ И бияндý лэстыр Ходеша, лэскири ромнý, Иовавос, Цывиёс, Мешос, Малхамос, ¹⁰ Еуцос, Шахиёс и Мирмос: гáда, сыс лэскирэ чхавé, шэралé пэ стрéчы. ¹¹ Хушыма бияндý лэскé Авитувос и Елпаалос. ¹² Чхавé Елпаалоскирэ сыс: Евéро, Мишамо и Шэмéро, савó чхудý Оно и Лодо и фóрья, савé сыс тэл лэскири зор, – ¹³ и Берия и Шэма. Ёнэ сыс шэралé пэ Аиалоноскирэ-манушэнгирé стрéчы. Ёнэ вытрадынé Гефоскирэ манушэн. ¹⁴ Ахио, Шашако, Иремофо, ¹⁵ Зэвадия, Арадо, Едéро, ¹⁶ Михаило, Ишфа и Иоха – Берияскирэ чхавé. ¹⁷

Зэвадия, Мешуламо, Хизкиё, Хевéro, ¹⁸ Ишмераё, Излия и Иоваво – чхавó Елпаалоскирэ. ¹⁹ Якимо, Зихриё, Завдиё, ²⁰ Елиенаё, Цылфаё, Елиило, ²¹ Адаия, Бераия и Шымрафо – Шымеяскирэ чхавó. ²² Ишпано, Евéro, Елиило, ²³ Авдоно, Зихриё, Ханано, ²⁴ Ханания, Еламо, Антофия, ²⁵ Ифдия и Фенуило – Шашакоскирэ чхавó. ²⁶ Шамшэраё, Шэхария, Афалия, ²⁷ Иарéшыя (Ярéшия), Елия и Зихриё, Ерохамоскирэ чхавó. ²⁸ Адалó сыс родэнгирé шэралó, дрé пэскирэ стрéчы шэралó. Ёнэ дживдó кэ Ерусалимо. ²⁹ Кэ Гаваóно дживдó: Гаваонитянэнгиро дад, – лэскирэ-ромнякиро лав сыс Мааха, – ³⁰ И лэскиро чхавó, англатунó Авдоно, пал лэстэ Цуро, Кисо, Ваало, Надаво, ³¹ Гедоро, Ахио, Зехéro и Миклофо. ³² Миклофостыр бияндыя Шымея. И ёнэ дживдó пашыл пэскирэ пшалэндэ кэ Ерусалимо, кхэтанé пэскирэ пшалэнца. ³³ Неростыр бияндыя Кисо; Кисостыр бияндыя Сауло; Саулостыр бияндыя Ионафáно, Мелхисуё, Авинадаво и Эшбаало. ³⁴ Чхавó Ионафаноскиро сыс Мерибаало, Мерибаалостыр бияндыя Миха. ³⁵ Чхавó Михаскирэ: Пифоно, Мелéго, Фаарéя и Ахáзо. ³⁶ Ахазостыр бияндыя Иоиада; Иоиадостыр бияндыя Алемéфо, Азмавéфо и Замвриё; Замвриёстыр бияндыя Моца; ³⁷ Моцастыр бияндыя Бинé. Рефаия лэскиро чхавó; Елеасо, лэскиро чхавó; Ацéло, лэскиро чхавó. ³⁸ Ацéлостэ сыс шов чхавó, и, гáда, сыс лэнгирé лавá: Азрикамо, Бохру, Исмаило, Шэария, Овадия и Ханано; сарé ёнэ сыс Ацéлоскирэ чхавó. ³⁹ Чхавó Ешэкоскирэ, лэскирэ пшалэскирэ сыс: Уламо, лэскиро англатунó чхавó, явёр Иеушо, трéто Елифелéто. ⁴⁰ Чхавó Уламоскирэ сыс манушá мурушканé, савó дéнас карье лукостыр, лэндэ сыс бут чхавó и ўнуки (непóты): шэл тэ пандждэшá. Сарé ёнэ сыс Вениаминóскирэ чхавэндыр.

Шэрó 9

¹ Адýкэ, сыс пиригиндлэ пир пэскирэ рóды сарé Израильтýни, и, акэ, ёнэ сыс зачхиндлэ дрé бэршýтка архýвы Израилёскирэ кральэндэ. Манушá Юдэýтыр пал пэскиро чорипэн сыс пирилыджинэ тэ дживóн кэ Вавилоно. ² Англатунé манушá, савó дживдó пэ пэскирэ штéты, пир Израилёскирэ фóрья, сыс Израильтýни, рашая, Левýты и Нефинеи, кон дживдý кэ Ерусалимо.

Кон дживдý кэ Ерусалимо

³ Кэ Ерусалимо дживдó вари-савó манушá Юдáскирэ чхавэндыр и Вениаминóскирэ чхавэндыр, и Ефремóскирэ и Манасия́скирэ чхавэндыр: ⁴ Уфаё, чхавó Амиудоскиро, чхавó Омрискиро, чхавó Имриёскиро, чхавó Ваниёскиро – чхавэндыр Фаресоскирэндыр, Юдáскирэ-чхавóскирэ; ⁵ чхавэндыр Шылоноскирэндыр – Асаия, англатунó биято и лэскирэ чхавó; ⁶ Чхавэндыр Зараскирэндыр – Иеуило и лэнгирé пшáла, – шовшéлá енядэша; ⁷ чхавэндыр Вениаиноскирэндыр, Салу, чхавó Мешуламоскиро, чхавó Годавиёскиро, чхавó Гасенуёскиро; ⁸ и Ивния, чхавó Ерохамоскиро, и Эла, чхавó Узиёскиро, Михриёскирэ-чхавóскиро, и Мешуламо, чхавó Шэфатияскиро, Регуилоскирэ чхавóскиро, Ивнияскирэ чхавóскиро, ⁹ и лэнгирé пшáла, пир лэнгирé рóды; еняшéла пандждэшá шов, – сарé адалó мурушá сыс родэнгирé шэралó дрé пэскирэ стрéчы (поколении).

Рашая Ерусалимóстыр

¹⁰ А рашандыр: Едаия, Иоиариво, Иахино, ¹¹ и Азáрия, чхавó Хелкияскиро, чхавó Мешуламоскиро, чхавó Садокоскиро, чхавó Мераиофоскиро, чхавó Ахитувоскиро, савó сыс барыдырэса дро Дэвлэскиро Кхэр; ¹² и Адаия, чхавó Ерохамоскиро, чхавó Пашхуроскиро, чхавó Малхияскиро; и Маасаё, чхавó Адилоскиро, чхавó Яхзероскиро, чхавó Мешуламоскиро, чхавó Имероскиро; ¹³ и лэнгирé пшáла, савó сыс шэралó пэ пэскирэ рóды: тысéнцо эфташéлá шовдэшá – манушá сама фэдыр дрé бутý сыр рашая дро Дэвлэскиро Кхэр.

Левіты Ерусалимостыр

¹⁴ А Левитэндыр: Шэмаия, чхаво Хашувоскиро, чхаво Азрикамоскиро, чхаво Хашавияскиро, – Мерарискирэ чавэндыр; ¹⁵ и Вакбакаро, Херéшо, Галало, и Матфания, чхаво Михаскиро чхаво Зихриёскиро, чхаво Асафоскиро; ¹⁶ и Овадия, чхаво Шемаияскиро, чхаво Галалоскиро, чхаво Идифуноскиро, и Берехия, чхаво Асáскиро, чхаво Елканоскиро, саво дживдэ дрэ гавá Нетофафоскирэ.

Ракхибна́рья пэ Пóрта

¹⁷ Портэнгирэ ракхибна́рья (привратники): Шалумо, Акубо, Талмоно и Ахимано, и лэнгирэ пшáла; Шалумо сыс шэралó. ¹⁸ И кэ далé дывэсá далé ракхибна́рья исын пашыл кральенгири пóрта, кэ вастóко, рикирэна стрéга ваш Левиёскирэ чхавéнгэ. ¹⁹ Шалумо, чхаво Корескиро, чхаво Евиасафоскиро, чхаво Корёёскиро, и лэскирэ пшáла лэскирэ родóстыр, Кореяни, пир пэскиро бутярно рéндó, сыс ракхибна́рья пашыл скиниякирэ проги, а лэнгирэ дада рахнэ загиббэн дро Рáскирэ-Дэвлэскиро стáно (лод). ²⁰ Финее́со, чхаво Елизароскиро, сыс англэды́р (вагэдыр) барыды́р пэ лéндэ, и Рай Дэвэл сыс лэса. ²¹ Захáрия, чхаво Мешэлемияскиро, сыс портэнги́ро ракхибна́ри пашыл вударá дрэ скэдыибна́скири скíния. ²² Сарэ́н лэн, выкэдынэн дрэ ракхибна́рьéндэ пашэ́ пóрта кэ проги, сыс дуйшэла́ дэшуду́й. Лэн зачхиндлэ́ дрэ родоскирэ списки пир лэнгирэ гавá. Лэн чхудя́ Дави́до и Самуи́ло – ясновидцо (магико) пал лэнгиро чачипéн. ²³ И ё́нэ, и лэнгирэ чхавé сыс пэ ракхибэн пашыл Рáскирэ-Дэвлэскирэ-Кхэрэскири пóрта, пашыл скиниякиро кхэр. ²⁴ Пэ штар ригá сыс портэнгирэ ракхибна́рья: пэ восточно, зáпадно (пэ пал-панякири риг), паш-дывэсы́тко (южно). ²⁵ Пшáла лэнгирэ дживдэ́ дрэ пэскирэ гавá, ё́нэ явэ́нас кэ пшáла часостыр кэ часо пэ э́фтá (битринэнгиро дэш) дывэсá. ²⁶ Адалé штар барыды́ра пэ портэнгирэ ракхибна́рьéндэ, Левіты, сыс дрэ паты́в; ё́нэ сыс чхудэ́ тэ раххэ́н кхэ́ра и пиралé Дэвлэскирэ Кхэрэ́скир. ²⁷ Трусця́л (кругом) Дэвлэскиро Кхэр ё́нэ и ратькирдэ́, пал-довá со пэ лéндэ сыс отпхэныбэ́н тэ раххэ́н, и лэ́нгэ сыс трэ́й ка́жно злóко тэ отчхакирэ́н вударá.

Левитэ́нгирэ Яви́р бутя́

²⁸ Вари-савé лэ́ндыр сыс чхудэ́ кэ кхорé (сасу́ды) ваш свéнто буты́, адя́кэ со гиныбна́са ё́нэ прилэ́нас кхорé и гиныбна́са ё́нэ выдэ́нас. ²⁹ Явирэ́нгэ лэ́ндыр сыс допатя́ндлэ́ яви́р кханги́рьякирэ́ чарé и сарé свéнта хабэ́на: фэды́р яржó, и мол, и елéё, и ладано, и ароматы́тка чарь́я. ³⁰ А вари-савé рашáнгирэ́ чхавэ́ндыр счхувэ́нас миро ароматы́тконэ́ чарьéндыр. ³¹ Матафия́ Левитэ́ндыр, – ё́в сыс англату́но Селумоскирэ́-Кореяниноскиро, лэ́скэ сыс допатя́ндло тэ пэ́кэл пэ́ скоровéды (хича), ³² Вари-савэ́нгэ лэ́нгирэ́ пшалéндыр, Каафоскирэ́ чхавэ́ндыр, сыс допатя́ндло тэ́ скэдэ́н (тэ́ пригото́винэн) свéнта марé, соб (кай) тэ́ янэс лэн ка́жно са́вато (субóта). ³³ Манушá, савé ба́ганас, сыс шэралé́ пэ́ Левитэ́нгирэ́ стрéчы (поколéнии), дрэ́ кханги́рьякирэ́ штúбы, и сыс вольна́ (псирэ́) залыибна́стыр, пал-довá со дывэ́с и рат ё́нэ сыс бангé́ тэ́ залэ́нпэ́ пэ́скирэ́ багаибна́са. ³⁴ Адалé́ сыс шэралé́ пэ́ Левитэ́нгирэ́ стрéчы, шэралé́ дрэ́ пэ́скирэ́ ро́ды. Ё́нэ дживдэ́́ кэ́ Ерусали́мо. ³⁵ Кэ́ Гавао́но дживдэ́́: дад Гаваонитя́нэгиро́ Иеи́ло – лав лэ́скирэ́-ромнякиро́ сыс Маа́ха, – ³⁶ и чхавó лэ́скиро, англату́но Авдо́но, пал лэ́стэ́ Цуро, Кисо, Ваало, Не́ро, Надаво, ³⁷ Гедоро, Ахио, Захáрия и Миклофо. ³⁸ Миклофостыр́ бия́ндыя́ Шымеа́мо. И ё́нэ дживдэ́́ пашыл пэ́скирэ́ндэ́ пшалé́ндэ́ кэ́ Ерусали́мо, кхэ́танэ́ пэ́скирэ́ пшалé́нца. ³⁹ Неростыр́ бия́ндыя́ Кисо, Кисостыр́ бия́ндыя́ Са́уло, Саулостыр́ бия́ндыя́ Ионафа́но, Мелхису́ё, Авинада́во и Ешбаало. ⁴⁰ Чхавó Ионафаноскиро́ сыс Мерибаало́; Мерибаалостыр́ бия́ндыя́ Миха. ⁴¹ Чхавé́ Михаскирэ́ сыс: Пифо́но, Мелéхо, Фарéё́ и Аха́зо. ⁴² Ахазостыр́ бия́ндыя́ Иаéро; Иаеростыр́ бия́ндыя́ Алемéфо, Азмавéфо́ и Замврия́; Замврия́стыр́ бия́ндыя́ Мо́ца; ⁴³ Мо́цастыр́ бия́ндыя́ Бинéё́: Рефа́ия, лэ́скиро́ чхавó; Еле́аса, чхавó лэ́скиро; Ацéло, чхавó лэ́скиро. ⁴⁴ Ацéлостыр́ сыс шов

чхавэ, и гада, лэнгирэ лавá сыс: Азрикамо, Бохру, Исмаило, Шэария, Овадия и Ханано. Адалэ сыс чхавэ Ацэлоскирэ.

Шэрó 10

Сыр Мынэ Сáуло и Лэскирэ Чхавэ

¹ Филистимляни мардэпэ Израилёса, и пиризорьякирэнас дро марибён Филистимляни Израильтянэн, и пынэ домардэ пэ бэрга Гелвуа. ² И традынэпэ Филистимляни пал Саулостэ и лэскирэ чхавэндэ, и домардэ Филистимляни Ионафанос, и Авинадавос, и Мелхисуёс, Саулоскирэн чхавэн. ³ Марибён проти Саулостэ яця зоралэдыр, и карье-дыибнаскирэ (стрелки) лукэндыр сыгэс гинэ пэ лэстэ, адякэ со ёв сыс пхусадó андрэ лукэнца. ⁴ И пхэндя Сáуло пэскирэ манушэскэ, савó лыджалас мардытко (оружыё): “Вылэ тырй куртала и пхусав пэ мэрибён ласа ман, соб (кай) тэ на явэн адалэ наобчхиндлэ, и тэ на здекинэнпэ пэ мандэ.” Нэ мануш, савó лыджала мардытко, на дэлас рада; пал-довá со древán страхадыя. Тэды Сáуло лыя куртала и пыя пэ латэ. ⁵ Лэскиро мануш, савó лыджалас мардытко, дыкхця, со Сáуло мыя, и кокорó пыя пэ куртала, и мыя. ⁶ И мыя Сáуло, и трин лэскирэ чхавэ, и сарó лэскиро кхэр кхэтанэ лэса мыя. ⁷ Кéли дыкхнэ Израильтяни, савэ сыс пэ дóло, со сарé нашэна, и со Сáуло и лэскирэ чхавэ мынэ, тэды мэкнэ пэскирэ фóрья и рознашнэпэ; а Филистимляни явнэ и лынэ тэ дживэн дрэ лэндэ. ⁸ Пэ явйр дывэс явнэ Филистимляни тэ обкэдэн мулэн и латхнэ Саулос и лэскирэ чхавэн, мулэн пэ Гелвуяскири бэрга. ⁹ И розуридэ лэс, и злынэ лэстыр лэскиро шэрó и лэскири мардытко, и бичхадэ пир Филистимиякири пхув, соб (кай) дэн тэ джинэн пал дава ангил лэнгирэ йдолы и ангил манушэндэ. ¹⁰ И чхудэ лэскиро мардытко пэ мангипнытко штэто (капишча) пэскирэ дэвлорэнгиро, и лэскиро шэрó чхудэ дро Дагоноскиро кхэр. ¹¹ И шундя сарó Иависо Галаадоскиро сарó, со кэрдэ Филистимляни Саулоса. ¹² И газдынэпэ сарé зоралэ манушá, лынэ Саулоскиро трúпо и лэскирэ-чхавэнгирэ трúпы, и яндлэ лэс дро Иависо, и гарадэ лэнгирэ кокалы тэл дэмбо дро Иависо, и постындлэ эфта дывэсá. ¹³ Адякэ мыя Сáуло пал пэскиро чорипэн, савó ёв кэрдя ангил Растэ-Дэвлэстэ, пал дова, со на рахця Рáскирэ-Дэвлэскиро лав и обрисия кэ човаханы пхучыбнаса, ¹⁴ а на пхуцяпэ Рáстыр-Дэвлэстыр. Палдава Ёв и мулякирдя лэс, и пиридыя кралипэн Давидóскэ, Есеёскирэ чхавэскэ.

Шэрó 11

Давíдо Ячэлапэ Крáли пэ Израилё

¹ И скэдынэпэ сарэ Израильтяни кэ Давíдо дрэ Хевроно, и пхэндлэ: “Гáда, амэ сам тырó кокало и лоч (плоть) тырй; ² и тася, и трýто дывэс, кéли ишчо (инкэ) Сáуло сыс кралýса, ту вылыджиян и залыджиян Израилё, и Рай Дэвэл, тырó Дэвэл, пхэндя тукэ: ‘Ту явэса тэ раххэс Мирэн Израилёскирэ манушэн, и ту явэса Мирэ-Израилёскирэ манушэнгирэ барыдырэса.’” ³ И явнэ сарэ пхурыдырэ Израилёскирэ кэ крáли дро Хевроно, и кэрдя лэнца Давíдо заветó дро Хевроно ангил Рáскирэ-Дэвлэскиро муй; и ёнэ помакхнэ Давидóс дрэ кралистэ пэ Израилё, пир Рáскирэ-Дэвлэскиро лав, пирдал Самуилостэ.

Давидóскиро Фóро

⁴ И гия Давíдо и сарó Израилё кэ Ерусалимо, кэ Евусо. А одой сыс Евусеи, манушá, савэ дживдэ пэ доя пхув. ⁵ И пхэндлэ Евусоскирэ манушá Давидóскэ: “Ту на заджаса адарýк.” Нэ Давíдо лыя твáрдýма/диз (крéпость) Сиóно; дава исын фóро Давидóскиро. ⁶ И пхэндя Давíдо: “Кон англэдыр сарэндыр пиримарэла Евусеэн, одовá мануш явэла шэралэса и халадэнгирэ барыдырэса.” И загия англэдыр сарэндыр Иоáво, чхавó Саруяскиро, и кэрдяпэ

шэралэса. ⁷ Давыдо дживдя дрэ доя твэрдума/диз, палдава́ и кхардэ́ ла Давидоскирэ́ фороса.

⁸ И ёв обкэрдя́ форо́ трусця́л, лыи Милосты́р (форосты́р), саро́ трусця́л, и Иоаво́, обнэвяки́рдя палатунэ́ (последня́) форо́скирэ́ паша́. ⁹ Саро́ гия́ лачхэ́с Давидостэ́, и барьёлас ёв дрэ́ патыв́ буты́р и буты́р, и Рай́ Дэвэл́, болыбна́скирэ́-янголэнгиро́ Дэвэл́ сыс лэ́са. ¹⁰ Га́да, исын шэралэ́ зоралэ́ муршэнды́р Давидостэ́, савэ́ зоралэ́с лынэ́пэ лэ́са дро́ лэскиро́ кралипэн́, кхэтанэ́ сарэ́ Израилё́са, соб (кай) тэ́ чхувэ́с лэ́с крали́са, пир Ра́скирэ́-Дэвлэ́скиро лав́, пэ́ Израилё́, ¹¹ и га́да, ци́ бут исын зоралэ́ мурша́, савэ́ сыс Давидостэ́: Иесваало́ [Ешобеамо-ю.о.], чхаво́ Ахаманияскиро́, шэрало́ пэ́ трия́нда манушэндэ́. Ёв газды́я пэ́скиро́ чхурдыибны́тко буст пэ́ триншэ́ла манушэндэ́ и домардя́ лэн пал́ ё́кх мо́ло. ¹² Пал лэ́стэ́ сыс Елеазаро́ (Елизáро), чхаво́ Додоскирэ́-Ахохияниноскиро́, ёв сыс тринэ́ зоралэнды́р. ¹³ Ёв сыс Давидоса́ кэ́ Фасдамимо́, кариќ Филистимля́ни скэ́дынэ́пэ пэ́ марибэ́н. Одо́й паш́ фэ́лда сыс засе́ндлы гэрстоса́ (ячменё́са), и мануша́ нашнэ́ Филистимля́нэнды́р. ¹⁴ Нэ́ ёнэ́ тэрдинэ́ машки́р фэ́лда, зракхнэ́ ла и домардэ́ Филистимля́нэн. И дариндя́ Рай́ Дэвэл́ баро́ зракхибэ́н! ¹⁵ Тринджинэ́ адалэн шэралэн трия́ндаты́р гинэ́ упрэ́ пэ́ бэ́рга кэ́ Давыдо́, дрэ́ геба́р (пешчэ́ра) Одо́ламо, кэ́ли Филистимля́ннгиро́ ста́но сыс тэ́рдэ́ пэ́ до́ло Рефа́имэнгиро́. ¹⁶ Давыдо́ тэ́ды сыс дро́ зоралэ́ тынэ́нца штэ́то, а ра́кхибны́тка халадэ́ Филистимля́ннгирэ́ сыс тэ́ды дро́ Вифле́емо. ¹⁷ И зоралэ́с за́камдя́пэ́ тэ́ пьел́ Давидоскэ́, и ёв пхэ́ндя́: “Кон́ паня́кирэ́ла ман панё́са Вифле́емоскирэ́ ганы́нгаты́р, со́ исын пашы́л по́рта?” ¹⁸ Тэ́ды адалэ́ трин́ промардэ́пэ́ пирда́л Фили́стимия́киро ста́но, и кэ́дынэ́ пхэ́рдэ́с пані́ Вифле́емоскирэ́ ганы́нгаты́р, со́ исын пашы́л по́рта, и лынэ́, и я́ндлэ́ Давидоскэ́. Нэ́ Давыдо́ на за́камдя́ тэ́ пьел́ лэ́с и вы́чхудя́ лэ́с ваш Ра́скирэ́-Дэвлэ́скири́ сла́ва, ¹⁹ и пхэ́ндя́: “Зра́кх ман, Раё́ Дэ́вла, соб (кай) мэ́ тэ́ кэ́рав да́ва! Ци́ лавá мэ́ тэ́ пъя́в рат адалэнгирэ́ муршэнгирэ́, савэ́ от́дэнас пэ́скирэ́ дия́! Пал-да́ва со́ ёнэ́ рискинэ́ пэ́скирэ́ джи́ибна́са, и ёнэ́ я́ндлэ́ пані́.” И на за́камдя́ тэ́ пьел́ лэ́с. Га́да, со́ кэ́рдэ́ трин́ адалэ́ муршканэ́ мануша́. ²⁰ И Авё́са, пшал́ Иоавоскиро́, сыс шэрало́ тринэнды́р; ёв домардя́ пэ́скирэ́ чхурдыибны́тконэ́ бустя́са триншэ́ла манушэ́н, и сыс дрэ́ сла́ва одолэ́ тринэндэ́. ²¹ Тринэнды́р ёв сыс сла́вутнэ́дыр и сыс бары́дырэ́са; нэ́ одолэ́нца тринэ́нца ёв на ровни́ндяпэ́. ²² О Ванё́я, чхаво́ Ио́даёскиро́, муршканэ́-муршэ́скиро, баро́ пир рэ́нды, Кавце́илосты́р. Ёв домардя́ ду́ён Арми́лоскирэ́ Моавитонски́рэн чхавэ́н; ёв з́гия́ и за́мардя́ шчэ́рэс дро́ рово́ (хохой), дро́ иви́тко часо́. ²³ Ёв муля́кирдя́ Еги́птянино́с, манушэ́с барипна́са дрэ́ пандж́ куня́. Дрэ́ васт́ Еги́птяниноскиро́ сыс чхурдыибны́тко буст, сыр́ навое́ ткачостэ́ (катвалэ́стэ́); а ёв под́гия́ кэ́ ёв каштэ́са, и, вы́кусця́ чхурдыибны́тко буст́ Еги́птяниноскирэ́ вастэ́сты́р, и за́мардя́ лэ́с лэ́скирэ́ бустя́са; ²⁴ Га́да, со́ кэ́рдя́ Ване́я, чхаво́ Ио́даёскиро́. И ёв сыс дрэ́ сла́ва одолэ́ тринэндэ́ муршканэндэ́; ²⁵ ёв сыс сла́вутнэ́дыр триндэ́шэнды́р, нэ́ пэ́рвонэ́ тринэ́нца на ровни́ндяпэ́. И Давыдо́ чху́дя лэ́с орди́нарцоса́, саво́ сполни́нэ́лас лэ́скирэ́ при́пхэны́бэ́на. ²⁶ А шэралэ́ халадэнды́р сыс: Аса́ило, пшал́ Иоавоскиро́; Елханано́, чхаво́ Додоскиро́, Вифле́еMOSTы́р; ²⁷ Ша́ма Гароди́тянино́; Хе́рецо́ Пелони́тянино́; ²⁸ Ира́, чхаво́ Икешоскиро́, Фе́коитя́нино; Е́виезэ́ро Анафо́фянино́; ²⁹ Сивхаё́ Хушати́нянино́, Илаё́ Ахохия́нино; ³⁰ Ма́гараё́ Нето́фатитя́нино; Хе́лэдо́, чхаво́ Ваана́скиро, Хе́тофа́фянино́; ³¹ Итаё́, чхаво́ Рибáёскиро́, Гиваты́р Вениа́миновоски́рьяты́р; Ванё́я Пира́фоня́нино; ³² Хураё́ Нага́лэ-Га́ашосты́р; А́виэло́ А́раваты́р; ³³ А́змавэ́фо Ба́харумия́нино; Е́лияхба́ Ша́албоня́нино. ³⁴ Чхаво́ Га́шемоскирэ́ Гизи́онитя́ниноскирэ́ сыс: Ио́нафа́но, чхаво́ Ша́гэ́скиро, Га́раритя́нино; ³⁵ А́хиамо́, чхаво́ Са́хароскиро́, Га́раритя́нино; Е́лифало́, чхаво́ У́роскиро́; ³⁶ Хе́фэ́ро Ма́херосты́р; А́хиа́ Пелони́тянино́; ³⁷ Хе́цпроё́ Карми́литя́нино; На́араё́, чхаво́ Е́збаё́скиро; ³⁸ Ио́илэ́, пшал́ На́фаноскиро́; Ми́вхаро́, чхаво́ Га́гриё́скиро; ³⁹ Цэ́лэ́ко А́монитя́нино; На́хараё́ Бери́фянино́, ману́ш, саво́ лы́джалас ма́рды́тко (ору́жыё́) Ио́авоскэ́, чхавэ́скэ́ Са́руя́скирэ́скэ́; ⁴⁰ Ира́ Иф́рия́нино; Га́рэбо́ Иф́рия́нино; ⁴¹ У́рия́ Хе́тея́нино; За́вадо́, чхаво́ А́хлаё́скиро; ⁴² А́дина́, чхаво́ Шы́заскиро́, Ру́вимля́нино, шэрало́ Ру́вимля́ннгиро́, и лэ́стэ́ сыс дэ́шутрин; ⁴³ Ха́нано́, чхаво́ Ма́ахаскиро́; Ио́сафа́то Ми́фния́нино; ⁴⁴ У́зия́ А́штеро́фянино́; Ша́мо и Ие́иэ́лэ́ [Е́хиэ́лэ-ю.о.], чхаво́ Хо́фамоскирэ́ А́роеря́ниноскирэ́; ⁴⁵ Ие́диаэ́ло, чхаво́ Ши́мрия́скиро, и Ио́ха, пшал́ лэ́скиро́ Фи́цыя́нино; ⁴⁶ Е́лиэ́лэ́ Ма́хавимосты́р, и Ие́риваё́ и Ио́шавия́, чхаво́ Е́лнаа́москирэ́, и И́фма́ Моави́тянино́; ⁴⁷ Е́лиэ́ло, О́вэ́до и Иа́сиелэ́ Ме́цовая́ты́р.

Шэрó 12

Сыр Яцý Зоралэдыр Халадыбэн Давидóскиро

¹ И адалэ манушá адýкэ-паць явнэ кэ Давýдо дро Секелаго, кэли ёв ишчо (инкэ) гарадэлас (чхакирэласпэ) кригал Саулостыр, чхавэстыр Кисоскирэстыр, и сыс муршканэндыр, савэ подынэ васт (помогиндлэ) дро марибэн, ² лэндэ сыс луки, ёнэ и чхурдэнас зэрвонэ (левонэ) и чачэ (правонэ) вастэса барá и, ёнэ дэнас карýе лукэндыр. Ёнэ сыс пшалэндыр Саулоскирэндыр, Вениаминостыр: ³ шэралó сыс Ахиезэро, пал лэстэ сыс Иоáсо, пал лэстэ сыс чхавэ Шемаяскирэ Гиватыр; Езиéло и Фелéто; чхавэ Азмавефоскирэ; Бераха и Иегу Анафостыр; ⁴ Ишмаия Гаваонитянино, муршари трияндэндыр и барыдырó пэ трияндэндэ; Еремéё, Яхазиило, Иозавадо Гедератыр. ⁵ Елузаё, Еримофо, Веалия, Шемария, Сафатия Харифиянино; ⁶ Елкана, Ишыяху, Азарило, Иоезэро и Иошавамо, Кореяни; ⁷ и Иоела и Зевадия, чхавэ Ерохамоскирэ Гедоростыр. ⁸ И вари-савэ манушá Гадитянэндыр пиригинэ кэ Давýдо дрэ фóрья зоралэ тынэнца, пэ чхучý пхув, манушá муршканэ, марибнýтка, савэндэ сыс шчыты и чхурдыбнýтка бустя (коп'и); лэндэ сыс муя сыр шчэрэндэ (левэндэ) – муя лэнгирэ, и ёнэ сыс сыгна сыр серны пэ бэрги. ⁹ Шэралó Езеро, явýр Овадия, трýто Елиаво, ¹⁰ штáрто Мишмана, пáнджто Еремéё, ¹¹ шóвто Афаё, эфтáто (битринэнгиро дэшто) Елиэло, ¹² охтóто (бидуэнгиро дэшто) Иоханано, енято Елзавадо, ¹³ дэшто Еремéё, дэшупэрво Махбанаё. ¹⁴ Ёнэ сыс шэралэ чхавэндыр Гадоскирэндыр пэ халадэндэ: тыкнэдыр пэ шэлá, и барыдырó пэ тысёнцы. ¹⁵ Ёнэ пиригинэ Иордáно дро пэрво чхон, кэли ёв выдýала пэскирэ бэргэндыр, и рострадынэ сарэн манушэн, савэ дживдэ пэ дóло, кэ вастóко и кэ западо (кэ пал-паня). ¹⁶ И явнэ адýкэ-паць вари-савэ манушá чхавэндыр Вениаиноскирэндыр и Юдаскирэндыр дрэ фóрья зоралэ тынэнца кэ Давýдо. ¹⁷ Давýдо гия ангил пэ стрéч лэнгэ и пхэндя лэнгэ: “Кóли раманёса (мирóса) явнэ тумэ кэ мэ, соб (кай) тэ помогинэн мánгэ, тэды мэк тэ явэл мáндэ тумэнца екх илó; а кóли ваш дова́, соб (кай) хохавэс тэ отдэн ман вэргэнгэ мирэнгэ, то дыкхý, со нанэ дош пэ мирэ вастá, тэды мэк тэ дыкхэл Дэвэл амарэ дадэнгиро и тэ розсэндякирэл.” ¹⁸ Тэньци згия дýхо (фáно) пэ Амасаёстэ, кон сыс шэралó пэ триянда, и пхэндя ёв: “Рамáнэ (миро) тýкэ, Давýдэ, и тэ явэл тýса, чхавó Есеёскиро; рамáнэ тýкэ, и рамáнэ помогибнаскирэнгэ тырэнгэ; пал-дова́ со помогинэла тýкэ Дэвэл тырó.” Тэды прилыя лэн Давýдо и чхудя лэн шэралэнца пэ халадэндэ. ¹⁹ И вари-савэ манушá Манасияскирэ родóстыр пиригинэ кэ Давýдо, кэли ёв гия Филистимлянэнца пэ марибэн пэ Саулостэ, нэ на помогиндя лэнгэ, пал-дова́ со шэралэ Филистимска, порадины, отбичхадэ лэс, ракирý: “Пэ амарó шэрó ёв пириджала кэ хулáй лэскиро, Сáуло.” ²⁰ Кэли ёв рисия дро Секелаго, тэды пиригинэ кэ ёв Манасиянэндыр: Аднахо, Иозавадо, Иедиаélo, Михаилo, Иозавадо, Елигу и Цýльфаё, тысёнцэнгирэ барыдырá Манасиянэндэ. ²¹ И ёнэ помогиндлэ Давидóскэ проти барэ кэ дар халадыбэна, пал-дова́ со сарэ адалэ манушá сыс муршарýа и сыс барыдырá пэ халадэндэ. ²² Адýкэ кажнонэ дывэсэса явэнас кэ Давýдо тэ подэн васт кэ дова́, со лэскиро халадыбэн яцý барó, сыр барó халадыбэн Дэвлэскиро.

Давидóскиро Халадыбэн дро Хеврóно

²³ Ѓáда, ци бут сыс шэралэ пэ халадэндэ, савэ явнэ кэ Давýдо дро Хеврóно, соб (кай) тэ пиридэн лэскэ кралипэн Саулоскиро, пир Рáскирэ-Дэвлэскиро лав: ²⁴ чхавэн Юдаскирэндыр, савэ лыджинэ шчыто и чхурдыпнýтко буст (коп'ё), сыс шов тысёнцы охтошэла скэдымэ пэ марибэн; ²⁵ чхавэндыр Симеоноскирэндыр, манушэн муршканэн, дрэ халадыбэн сыс охтó тысёнцы и шэл; ²⁶ чхавэндыр Левиёскирэндыр сыс штар тысёнцы шовшэла, ²⁷ и Иодаё, тхагáри кхэритконэ родóстыр Аароноскирэстыр, и лэса сыс трин тысёнцы эфташэла; ²⁸ и Садоко, муршканó тэрнó манýш, и рóдо лэскиро сыс биш тэ дуй барыдырá; ²⁹ чхавэндыр Вениаиноскирэндыр, пшалэн Саулоскирэн, сыс трин тысёнцы, – нэ ишчо (инкэ) бут лэндыр рикирдэпэ кэ кхэр Саулоскиро; ³⁰ чхавэндыр Ефремоскирэндыр

сыс биш тысёңцы охтошэла манушён муршканэн, манушён слаутнонэн пир пёскирэ рёды;
³¹ пашэ-родыцёстыр Манасияскирэстыр сыс дэшуохто тысёңцы, савэ сыс пир лав выкхардэ, соб (кай) тэ джан тэ чхувён Давидос кралёса; ³² чхавёндыр Исахароскирэндыр явнё мануша годьварэ, савэ джиндлэ, со, кёли трэиндя тэ кэрэн Израилёскэ, – лэн сыс дуйшэла шэралэн, и сарэ пшала лёнгирэ рикирдэпэ лёнгирэ лавёскэ; ³³ родыцёстыр Завулоноскирэстыр скэдынэ пэ марибён, савэ рикирдэ кажно халадытко мардытко, сыс пандждэша тысёңцы, дрэ строё екхэ-диёнгино; ³⁴ родыцёстыр Нефалимоскирэстыр сыс тысёңцо шэралэ; лэнца сыс трийнда эфта тысёңцы шчытэнца и чхурдыбнытконэ бустэнца; ³⁵ родыцёстыр (чангатыр) Даноскирэстыр, савэ сыс скэдынэ пэ марибён, сыс биш тэ охто тысёңцы шовшэла; ³⁶ Асиростыр халадён, скэдынэ пэ марибён, сыс штардэша тысёңцы; ³⁷ пал Иорданостыр, родыцёстыр Рувимоскирэстыр, Гадоскирэстыр и пашыл-родыцёстыр Манасияскирэстыр, сыс шэл биш тысёңцы, кажно халадытконэ мардытконэнца. ³⁸ Сарэ адалэ халадэ, дро строё, сарэ илэстыр явнё дро Хевроно тэ чхувён кралёса Давидос пэ саро Израилё. Адыкэ и сарэ явёр Израильтяни сыс дро екх дүхо (фано), соб (кай) тэ чхувёс кралёса Давидос. ³⁹ И сыс ёнэ одой кэ Давидо трин дывёса, ханэ и пинэ; пал-дова со лёнгирэ пшала саро кэрдэ ваш лёнгэ; ⁴⁰ адыкэ-пацэ и пашатунэ кэ ёнэ, аж кэ рёдыцо Исахароскиро, Завулоноскиро и Нефалимоскиро, янэнас саро хабён пэ ослэндэ, и верблюдэндэ, и гурувэндэ: яржэ, инжыро, и зюмо, и мол (вино), и елёё, и бут барэ и тыкнё кхэрытка мурдала; адыкэ, сыр радыма сыс ваш Израилё.

Шэрó 13

Ковчэго Яндлэ Кириаф-Паримостыр

¹ И радиндяпэ Давидо барыдырэнца пэ тысёңцы, барыдырэнца пэ шэла и сарэнца шэралэнца, ² и пхэндя Давидо сарэ Израильтянэнгирэ скэдыибнаскэ: “Кёли трэй тумэнгэ, и кёли пэ дова явёла воля амарэ Раскирэ-Дэвлэскири, амарэ Дэвлэскири, то бичхаваса пир саро свэто кэ явёр амарэ пшала, пир сары Израилёскири пхув, и кхэтанэ лэнца кэ рашая и Левиты, дрэ фёрья и гавá лёнгирэ, об (кай) ёнэ тэ скэдэппэ кэ амэ; ³ и янаса кэ пэ ковчэго амарэ Дэвлэскиро, пал-дова со дрэ Саулоскирэ дывёса амэ на рисёвасас илэса кэ ёв.” ⁴ И пхэндя саро скэдыибён: “Мэк тэ явёл адыкэ”, пал-дова со дава рэндо (дело) сарэнгэ манушёнгэ здыяпэ чачуно. ⁵ Адыкэ скэдыя Давидо сарэн Израильтянэн, Шихоростыр Египтоскирэстыр кэ загиибён дро Емафо, соб (кай) тэ янэн Дэвлэскиро ковчэго о Кириаф-Иаримостыр. ⁶ И гия Давидо и саро Израилё дро Кириаф-Иаримо, со исын дрэ Юдэя, соб (кай) тэ янэн одотхыр ковчэго Раскирэ-Дэвлэскиро, Дэвлэскиро, саво исын бэштó пэ херувимы, пэ саво пхэнэлапэ Лэскиро лав. ⁷ И лыджинэ ковчэго Дэвлэскиро пэ нэво вурдэн Авинадавоскирэ кхэрэстыр; и Оза и Ахия лыджинэ вурдэн. ⁸ Давидо и сарэ Израильтяни башадэ ангил Дэвлэстэ сарэ зорьятыр, гилёнца, пэ луты и арфы, и бубны, и цымбалы и рóги (трубы). ⁹ Кёли догинэ ёнэ кэ Хидоноскири шурна (гумно), Оза протырдыя пёскиро васт, соб (кай) тэ подрикирэл ковчэго, пал-дова со гурува бандькирдэ лэс. ¹⁰ Нэ Дэвэл холясыя пэ Озастэ и мулякирдя лэс пал дова, со ёв протырдыя пёскиро васт кэ ковчэго; и ёв дай-пацэ мыя ангил Дэвлэскиро муй. ¹¹ И задуминдяпэ Давидо, со Дэвэл мулякирдя Озас. И кхардя дова штэто Пэрэц-Уцца “Озаскиро хасибён”, адыкэ ёв кхарэлапэ кэ дава дывёс. ¹² И страхадя Давидо Дэвлэстыр дро дова дывёс, и пхэндя: “Сыр залыджава мэ кэ пэ Дэвлэскиро ковчэго?” ¹³ И на лыджия Давидо ковчэго кэ пэ дро фёро Давидоскиро, а рискирдя дром лэса кэ Аведароскирэ-Гефяниноскиро кхэр. ¹⁴ И яцяпэ ковчэго Дэвлэскиро Аведаростэ, дро лэскиро кхэр, трин чхонá, и бахтякирдя Дэвэл Аведароскиро кхэр и саро, со сыс лэстэ.

Шэрó 14

Давíдо Барьёла дрэ Патýв кэ Ерусалимо

¹ И бичхадя Хирамо, Тироскиро крáli, кэ Давíдо манушэн тэ ракирэн, и кедрытко вэш, и барунарьен (каменшчыкэн), и кхэрá-кэрибнаскирэн (плотникэн), соб (кай) тэ кэрэн лэскэ кхэр. ² Кéли уджиндя Давíдо, со чхудя лэс Рай Дэвэл кралиса пэ Израилё, со сыс газдынó вучэс лэскиро кралипэн, ваш лэскирэ Израилёскирэ манушэнгэ; ³ то тэды лыя Давíдо бутыр джувлэн сыр ромнен дро Ерусалимо и бияндынэ Давидостыр бутыр чхавэ и чхая. ⁴ И гáда, исын лавá, савэ бияндынэ лэстыр дро Ерусалимо: Самусо, Соваво, Нафано, Соломоно, ⁵ Евеаро, Елисуа, Елфалéто, ⁶ Ногахо, Нафéко, Яфия, ⁷ и Елисама, Веелиада, и Елифалéфо. ⁸ И шундлэ Филистимляни, со помакхно сыс Давíдо дрэ кралистэ пэ сарó Израилё, и газдынэпэ сарэ Филистимляни тэ родэн Давидос. И шундя пал дава Давíдо, и гия проти лэндэ. ⁹ И Филистимляни явнэ, и тэрдинэ пэ доло Рефаимэнгиро. ¹⁰ И пхуцяпэ Давíдо Рáстыр-Дэвлэстыр, ракири: “Ци тэ джав мánгэ проти пэ Филистимлянэндэ, и ци отдэса Ту лэн дрэ мирé вастá?” И пхэндя лэскэ Рай Дэвэл: “Джá, и Мэ отдава лэн дрэ тырэ вастá.” ¹¹ И гинэ ёнэ дро Ваал-Перацымо, и домардя лэн адай Давíдо; и пхэндя Давíдо: “Пхагирдя Дэвэл вэргэн мирэн вастэса мирэса, сыр прокошыбэн панескиро.” Палдава и дынэ лав долé штэтоскэ: Ваал-Перацымо. ¹² И ячкирдэ одой Филистимляни пэскирэ дэвлорэ, и припхэндя Давíдо, и хачкирдэ ёнэ лэн ягáса. ¹³ И нэвэстыр (нэвэс) явнэ Филистимляни, и тэрдинэ пэ доло. ¹⁴ И ишчо (инкэ) пхуцяпэ Давíдо Дэвлэстыр, и пхэндя лэскэ Дэвэл: “На джá мамуй пэ лэндэ, рисев криг лэндыр и джá кэ ёнэ бальзамитконэ вэшэскирэ ригáтыр; ¹⁵ и кéли шунэса глумо сырбы шаги (ламня) пэ бальзамитконэ-вэшэскирэ вучипэна, тэды джá дро марибэн; пал-дова со выгия Дэвэл ангил түтэ, соб (кай) тэ домарэл Филистимлянэнгиро стáно (лод).” ¹⁶ И кэрдя Давíдо, сыр припхэндя лэскэ Дэвэл; и домардэ ёнэ Филистимлянэнгиро стáно, Гаваоностыр кэ Газéро. ¹⁷ И прогия лав Давидоскиро пир сарэ пхувья, и Рай Дэвэл кэрдя лэс сыр дар ваш сарэ манушэнгэ.

Шэрó 15

Ковчэго Яндлэ дро Ерусалимо

¹ И кэрдя Давíдо пэскэ кхэрá дрэ Давидоскиро фóро, и скэдыя штэто ваш Дэвлэскиро ковчэго и кэрдя ваш лэскэ бари шáтра (скýния). ² Тэды пхэндя Давíдо: “Никонэскэ нашты́ тэ лыджáл Дэвлэскиро ковчэго, апрíч Левитэндэ; пал-дова со лэн выкэдыя пэ дава Дэвэл, соб (кай) тэ лыджán Дэвлэскиро ковчэго и тэ дынаринэн (тэ служинэн) Лэскэ пэ вéко.” ³ И скэдыя Давíдо сарэн Израильтянэн дро Ерусалимо, соб (кай) тэ лыджán Дэвлэскиро ковчэго пэ лэскиро штэто, савó ёв ваш лэскэ кэрдя. ⁴ И кхардя кэ пэ Давíдо Аароноскирэн и Левитэнгирэн чхавэн: ⁵ чхавэндыр Каафоскирэндыр, Уриилос барыдырэс и лэскирэ пшалэн – шэл тэ биш манушэн; ⁶ чхавэндыр Мерарискирэндыр, Асаияс барыдырэс и лэскирэ пшалэн – дуйшэла биш манушэн; ⁷ чхавэндыр Гирсоноскирэндыр, Иоилёс барыдырэс и лэскирэ пшалэн – шэл тэ триянда манушэн; ⁸ чхавэндыр Елисафаноскирэндыр, Шэмаияс барыдэрэс и лэскирэ пшалэн – дуйшэла; ⁹ чхавэндыр Хевроноскирэндыр, Елиелос барыдырэс и лэскирэ пшалэн – охтодэша; ¹⁰ чхавэндыр Узиилоскирэндыр, Аминадавос барыдырэс и лэскирэ пшалэн – шэл тэдэшудуй. ¹¹ И кхардя Давíдо рашán: Садокос и Авиафарос, и Левитэн: Уриилос, Асаияс, Иоилёс, Шемаияс, Елиелос и Аминадавос, ¹² и пхэндя лэнгэ: “Тумэ, барыдыра́ Левитэнгирэ родэнгирэ, высвэнцынэнпэ кокорэ и тумарэ пшáла, и янэн Рáскирэ-Дэвлэскиро, Израилёскирэ-Дэвлэскирэ ковчэго пэ штэто, савó мэ приготовиндём ваш лэскэ; ¹³ пал-дова со сыр англэдыр на тумэ кэрдэ дава, то тэды Рай Дэвэл, амарó Дэвэл, пхагирдя (домардя) амэн пал дова, со амэ на пхуцямпэ Лэстыр, сыр трэй.” ¹⁴ И высвэнцындлэпэ рашая́ и Левíты ваш дова, соб (кай) тэ лыджán Рáскирэ-

Дэвлэскиро, Израилёскирэ Дэвлэскиро ковчэго. ¹⁵ И лыджинэ Левитэнгирэ чхавэ Дэвлэскиро ковчэго, сыр припхэндя Мойза пир Рáскирэ-Дэвлэскиро лав, пэ псикэ пэ шосты (баландиня). ¹⁶ И припхэндя Давído барыдырэнгэ Левитэнгирэнгэ тэ чхувэн пэскирэ пшалэн, савэ баганас пэ музыкакирэ струмэнты, арфы, и луты, и цымбалы, соб (кай) ёнэ зоралэс тэ поддэн зан радымакири. ¹⁷ И чхудэ Левýты Еманос, Иоилёскирэс чхавэс, и лэскирэ пшалэндыр, Асафос, Верехииноскирэ чхавэс, а Мерарискирэ чхавэндыр, пшалэн лэнгирэн, Ефанос, Кушаияскирэс чхавэс; ¹⁸ и лэнца пшалэн лэнгирэн явирэн пир талáно: Захарияс, Бенос, Иазиилос (Язиилос), Шэмирамофос, Иехиилос, Униёс, Елиавос, Ванеяс, Маасеяс, Матанияс, Елифлеёс, Микнеёс и Овед-Эдомос и Еиэлэс, сыр раххибнарьен пэ пórты. ¹⁹ Емано, Асафо и Ефано башадэ зоралас пэ харкунэ (медýтка) цымбалы, ²⁰ а Захáрия, Азиило, Шэмирамофо, Ехиило, Униё, Елиаво, Маасеё и Ванёя – пэ арфы, санэ башадэ заняса. ²¹ А Матафия, Елифлеуё, Микнеё, Овед-Эдóмо, Иеиэлэ и Азасия – пэ луты, соб (кай) тэ кэрэн начало. ²² А Хенания, Левитэнгиро барыдырó, сыс багаибнаскиро сыклякирибнари, пал-довá со ёв сыс таланытко дрэ пэстэ. ²³ Верехия и Елкана сыс раххибнарья пашýл ковчэго. ²⁴ Шэвания, Иосафáто, Нафанаило, Амасаё, Захáрия, Ванёя и Элиззеро, рашая пхурдынэ рогэнца ангýл Дэвлэскиро ковчэго. Овед-Эдóмо и Ехия сыс раххибнарья пашýл ковчэго. ²⁵ Адýкэ Давído и пхурыдырá Израилёскирэ и барыдырá пэ тысёнцы гинэ тэ янэн Дэвлэскирэ-заветóскиро ковчэго Овед-Едомоскирэ кхэрэстыр, радымáса. ²⁶ И кэли Дэвэл помогиндя Левитэнгэ, савэ лыджинэ ковчэго Рáскирэ-Дэвлэскирэ заветóскиро, тэды зачхиндлэ дро свэнтó дыибён Дэвлэскэ эфтá (битринэнгиро дэш) гуруворэн и эфтá бакрэн. ²⁷ Давído сыс уридó дрэ висонытко ýдя, и адýкэ-пацэ и сарэ Левýты, савэ лыджинэ ковчэго, и манушá, савэ багандлэ, и Хенания, барыдырó манушэнгиро, савэ башадэ и багандлэ. Пэ Давидóстэ сыс ишчо (инкэ) эфóдо паркалэстыр. ²⁸ Адýкэ сарó Израилё залыджалас Рáскирэ-Дэвлэскирэ заветóскиро ковчэго радымáса, пашýл рогоскири зан и горнэнгири и цымбалэнгири, башави пэ арфы и луты. ²⁹ Кэли Рáскирэ-Дэвлэскиро заветóскиро ковчэго загия дрэ фóро Давидóскиро, э Мелхола, э Саулоскири чхай, дыкхцý дрэ фэнштра и, дыкхцý кралýс Давидóс, савó ухтэлас радымакирэс (радыныбнаса), то ёй лыя тэ тэлякирэл лэс дро пэскиро илó.

Шэрó 16

Ковчэго Чхудо дрэ Скýния

¹ И яндлэ Дэвлэскиро ковчэго, и чхудэ лэс машкёр скýния, савý кэрдý ваш лэскэ Давído, и яндлэ Дэвлэскэ цéло схачкирибён и мирна (раманёна) свэнта дыибэна. ² Кэли Давído кэрдý цéло схачкирибён и свэнтó дыибён Дэвлэскэ, тэды бахтякирдý манушэн Рáскирэ-Дэвлэскирэ лавэса. ³ И роздыя сарэнгэ Израильтянэнгэ, и муршэнгэ, и джувленгэ, пир екх марó, и пир котёр мас, и пир кучик (кружка) мол (вино). ⁴ И чхудý тэ дынаринэн (тэ служинэн) ангýл Рáскирэ-Дэвлэскиро ковчэго вари-савэн Левитэндыр, соб (кай) ёнэ тэ рипирэн (тэ славинэн), тэ парикирэн и тэ барьякирэн Рас-Дэвлэс, Дэвлэс Израилёскирэс: ⁵ Асафос шэралэса, явирэс пал лэстэ Захарияс, Иеилос, Шэмирамофос, Иехиилос, Матафияс, Елиавос, и Ванеяс, Оведо-Эдомос и Еиэлос арфэнца и лутэнца и Асафос ваш башаибэн пэ кимвалы. ⁶ А Ванеяс и Озиилос, рашán, соб (кай) ёнэ сарó часо тэ трубинэн ангýл Дэвлэскирэ-заветóскиро ковчэго.

Давído Парикирэла Дэвлэскэ Псалмоса

⁷ Дрэ довá дывэс Давído, дрэ пёрво мóло, дыя псáлмо тэ парикирэн Рáскэ-Дэвлэскэ пир Асафостэ и лэскирэ пшалэндэ; ⁸ “Парикирэн Рáскэ-Дэвлэскэ, кхарэн зоралэс Лэскиро лав; роспхэнэн манушэнгэ пал Лэскирэ рэндý; ⁹ багán Лэскэ, башавэн псалмы Лэскэ; ракирэн пал сарэ Лэскирэ дýвы; ¹⁰ шарэнпэ Лэскирэ свэнтонэ лавэса; мэк тэ радынэлпэ илó манушэнгиро, савэндэ исын Рай-Дэвэл; ¹¹ родэн Рас-Дэвлэс и Лэскири зор, родэн сарó часо

Лэскиро муй; ¹² пририпирэн дивы, савэ Ёв кэрдя, Лэскирэ знамэнии (гертыка) и сэнды Лэскирэ уштэндэр, ¹³ тумэ, Израилёскиро родо, сан писхэрья Лэскирэ, чхавэ Яковоскирэ, выкэдынэ Лэскирэ! ¹⁴ Ёв, Рай Дэвэл, Дэвэл амаро; сэнды Лэскирэ джана пир сарі пхув. ¹⁵ Рипирэн усады (сак) Завето Лэскиро, лав, савэ Ёв ракирдя дрэ тысёңцы родёңгэ, ¹⁶ Дова, пал со Ёв доракирдяпэ Авраамоса, и дрэ со Ёв совлахадя Исаакоскэ, ¹⁷ И со чхудя Яковоскэ дро законо, и Израилёскэ дрэ завето веоскиро, ¹⁸ ракири: “Тукэ Мэ дава пхув Ханаоскири, дрэ мэкны миштыпнаскири мэра тумёңгэ.” ¹⁹ Ёнэ сыс тэды тыкнэ и набарэ, мануша, савэ явнэ явирэ ригёңдыр пэ латэ, ²⁰ и ёнэ пиригинэ манушёңдыр кэ мануша, екхэ кралипнастыр кэ явир мануша; ²¹ нэ Ёв никонёскэ на дыя воля тэ кэрэл фуипён лёңгэ и выракирдя пал лёндэ кральён: ²² “На чилавэн касынёңпэ кэ помакхнэ Мирэ, и на кэрэн фуипён Мирэ пророкёңгэ.” ²³ Баган Раскэ-Дэвлёскэ, сарі пхув роспхэн зоралёс дывёс дро дывёс пал Лэскиро зракхибён. ²⁴ Роспхёнэн Наюдёңгэ пал Лэскири слава, сарэ манушёңгэ пал Лэскирэ дивы. ²⁵ Пал-дова со баро исын Рай Дэвэл и исын мол, соб (кай) тэ шарён Лэс, Ёв исын даранёдыр сарэ явирэ дэвлорёңдыр. ²⁶ Пал-дова со сарэ манушёңгирэ дэвлорэ исын нисо; а Рай Дэвэл создыя болыбён. ²⁷ Патыв и райканыпэн ангил муй Лэскиро, зоралыпён и радыма пэ штэто Лэскиро. ²⁸ Отдэн Раскэ-Дэвлёскэ, родыцы манушёңгирэ, отдэн Дэвлёскэ барипён и патыв. ²⁹ Отдэн Раскэ-Дэвлёскэ слава лавёскэ Лэскирэскэ. Лэн даро, джан ангил муй Лэскиро, клонинёңпэ Раскэ-Дэвлёскэ дро шукарипён Лэскирэ свэнтымакири. ³⁰ Издран ангил Лэстэ, сарі пхув, пал-дова со Ёв создыя свэто; ёв на зджала штэтостыр. ³¹ Мэк тэ радынёңпэ болыбэна, мэк тэ веселинёлпэ (тэ лошалёл) пхув, и мэк тэ пхёнэн дрэ манушёңдэ: ‘Тэ дживёл Рай Дэвэл пэ веки!’ ³² Мэк тэ плэскинэл зорьяса мёрё (дэрьяв), и дова, со пхэрдякирэла лэс, мэк тэ радынёлпэ фёлда и саро, со исын пэ латэ. ³³ Мэк тэ радынёңпэ кхэтанэ сарэ вэша дэмбитка ангил муй Раскирэ-Дэвлёскиро; пал-дова со Ёв джала тэ сэндинякирэл пхув. ³⁴ Славинён Рас-Дэвлэс, пал-дова со дрэ веко тангипён Лэскиро, ³⁵ И пхёнэн: “Зракх амэн, Дэвла, Зракхибнари амаро! Скэдэ амэн и выракх (збавин) амэн Наюдытконэ манушёңдыр, амэ барьякираса свэто лав Тыро и шарасапэ славаса Тырьяса! ³⁶ Тэ явёл бахтякирдё Рай Дэвэл, Дэвэл Израилёскиро, векостыр и кэ веко!” И пхэндлэ сарэ мануша: “Амёнь! Аллилуя!”

Буты ваш Дэвлёскэ Нэвякирды

³⁷ Давидо ячкирдя одой, ангил Раскирэ-Дэвлёскирэ заветоскиро ковчэго, Асафос и лэскирэ пшалён, соб (кай) ёнэ тэ дынаринён ангил ковчэго саро часо, кажно дывёс, ³⁸ и Овед-Эдомос и лэскирэ пшалён шовдэша охто манушён; Овед-Эдомос, чхавэс Идифуноскирэс, и Хосас – ракхибнарьёңца пэ порта. ³⁹ А рашас Садокос и лэскирэ пшалён рашан – ангил Раскирэ-Дэвлёскири скёния, со сыс пэ вучипён дрэ Гаваоно, ⁴⁰ ваш дова тэ янён цёло схачкирибён Раскэ-Дэвлёскэ пэ алтарё, кай хачкирэна саро часо, злокоса (ранкоса) и бэльвэлэ, и ваш саро, со исын чхиндло дрэ Раскирэ-Дэвлёскиро Законо, савэ Ёв припхэндя Израилёскэ; ⁴¹ и лёнца сыс Емано и Идифуно и явир выкэдынэ, савён упхэндлэ пир лав, соб (кай) тэ славинён Рас-Дэвлэс, пал-дова со тангипён Лэскиро ячёлпэ пэ веко. ⁴² Пашыл лёндэ сыс Емано и Идифуно, и, соб (кай) тэ славинён Дэвлэс, тэ башавэн пэ рогі, цымбалы и явир башайбнытка струменты; а чхавён Идифуноскирэн ёв чхудя пашыл порта. ⁴³ И гинэ сарэ мануша, кажно дрэ пэскиро кхэр; рисия и Давидо, соб (кай) тэ бахтякирэл пэскиро кхэр.

Шэро 17

Дэвлёскиро Завето Давидоса

¹ Кёли Давидо дживдя дро пэскиро кхэр, то тэды пхэндя Давидо Нафаноскэ пророкоскэ: Ѓада, мэ дживава дро кедрытко кхэр, а Дэвлёскирэ-заветоскиро ковчэго исын тэл шатра.” ² И пхэндя Нафано Давидоскэ: “Саро, со тутэ исын пэ ило, кэр; пал-дова со туса исын Дэвэл.” ³ Нэ дрэ доя-паць рат сыс Дэвлёскиро лав кэ Нафано: ⁴ “Джа и пхэн Мирэ писхариёскэ

Давидоскэ: ‘Адыкэ ракирэла Рай Дэвэл: на ту кэрэса Мángэ кхэр тэ дживав, ⁵ пал-довá со Мэ на дживдём дро кхэр долэ дывэсэстыр, сыр вылыджиём Израилёскирэ чхавэн, и кэ дава дывэс, а псирдём скиниятыр дрэ скíния и кхэрэстыр дро кхэр. ⁶ Кай Мэ на псирдём сарэ Израилёса, ци пхэндём Мэ екх лав вари-савэскэ Израилёскирэ сэндарьенгэ, савэнгэ Мэ пхэндём тэ раххэн Мирэ манушэн: сósкэ тумэ на кэрэна Мángэ кхэр кедрытко?’ ⁷ И аканá адыкэ пхэн Мирэ писхарискэ Давидоскэ: ‘Адыкэ ракирэла Рай Дэвэл, Дэвэл болыбна́скирэ-янголэнгиро: Мэ лыём тут бакрэнгирэ стадатыр, соб (кай) ту явэс шэралэса Мирэ Израилёскирэ манушэнгэ; ⁸ и Мэ sóмас туса ўсэнде (вездé), карик ту на псирдя́н, и вымардём сарэн Тырэ вэргэн ангил тыро́ муй, и кэрдём лав тыро́, сыр барэн-манушэнгирэ лав, савэ исын пэ пхув; ⁹ и Мэ кэрава штэто ваш Мирэ Израилёскирэ манушэнгэ и Мэ зоралыкирава лэн, и явэна ёнэ штылэс тэ дживэн пэ пэскиро штэто, и на явэла бутыр чиладо, и нажужэ на лэна бутыр тэ притасавэн лэн, сыр англэдыр, ¹⁰ дрэ долэ дывэса́, кэли Мэ чхудём сэндарьен пэ Мирэ Израилёскирэ манушэндэ, и Мэ штылякирдём сарэ тырэ вэргэн, и Мэ дава тэ джинэс тукэ, со Рай Дэвэл кэрэла тукэ кхэр. ¹¹ Кэли сполнинэнапэ тырэ дывэса́, и ту оджаса кэ тырэ дада́, тэды Мэ чхува́ва родо́ тыро́ палó (после) тўтэ, саво́ явэла тырэ чхавэндыр, и чхува́ва лэскиро кралипэн. ¹² Ёв кэрэла Мángэ кхэр и чхува́ва трóно лэскиро пэ вéко. ¹³ Мэ ява́ва лэскэ дадэ́са, и ёв явэла Мángэ чхавэ́са, – и тангипэн (жалима) Мирó Мэ на отлава лэстыр, сыр Мэ отлыём долэстыр, саво́ сыс англэдыр тўтыр. ¹⁴ Мэ чхува́ва лэс дро Мирó кхэр и дро Мирó кралипэн пэ вéко, и трóно лэскиро явэла твардо пэ вéко.’” ¹⁵ Сарэ далэ лавá и сарэ дыкхибэна украт (точнэс) пирипхэндя Нафано Давидоскэ. ¹⁶ И явдя́ крали Давидо, и тэрдия́ ангил Растэ-Дэвлэстэ, и пхэндя́: “Кон мэ сом, Раё Дэвла, и со дасаво кхэр мирó исын, со Ту адыкэ чхудян упрэ ман. ¹⁷ Нэ и дава́ ишчо (инкэ) нáбут сыкадыя́ дрэ Тырэ якхá, Дэвла; Ту ракирэса пал кхэр Тырэ-писхарискиро дурáл, и дыкхэса пэ мáндэ, сыр пэ барэ́ манушэ́стэ, Раё Дэвла! Дэвла! ¹⁸ Со ишчо (инкэ) мoгинэ́ла тэ дочхувэл ангил Тўтэ Давидо ваш барипэн Тырэ писхарискэ? Ту джинэ́са Тырэ писхарис! ¹⁹ Раё Дэвла! Ваш Тырэ писхарискэ, пир илó Тыро́, Ту кэрэса сарó дава́ барó, соб (кай) тэ сыкавэс кажно райканыпэн. ²⁰ Раё Дэвла! Нанэ явирэс, сыр Ту сан, и нанэ Дэвлэс, апрíч Тўтэ, пир сарó, со шундя́м амэ пэскирэ канэнца. ²¹ И кон исын явír, сыр Тырэ Израилёскирэ манушá, ёкх манушá пэ пхув, кэ савэ́ сыс яви Дэвэл, соб (кай) тэ выракхэл лэн Пэскэ дрэ манушэндэ, тэ кэрэл Пэскэ лав барэ́ и даранэ́ рэндоса – манушэнгирэ традыпна́са криг Тырэ манушэнгирэ мóстыр, савэн Ту зракхця́н Египтóстыр. ²² Ту кэрдян Тырэ Израилёскирэ манушэн, Пэскирэнца манушэнца пэ вéко, и Ту, Раё Дэвла, яця́н лэнгирэ Дэвлэ́са. ²³ И адыкэ аканá, о, Раё Дэвла, лав, саво́ Ту пхэндян пал Тырэ писхаристэ́ и пал лэскиро кхэр, кэр твардонэ́са пэ вéко и кэр, сыр Ту пхэндян. ²⁴ И мэк тэ явэл и мэк тэ барьёл лав Тыро́ дро вéко, соб (кай) ракирдэ́: “Рай Дэвэл, болыбна́скирэ-янголэнгиро Дэвэл Израилёскиро, исын Дэвэл пэ Израилё́”; и кхэр Тырэ писхарискиро Давидоскиро, мэк тэ явэл твардо ангил Тыро́ муй. ²⁵ Пал-довá со Ту, Дэвла мирó, откэрдян Тырэ писхарискэ, со Ту кэрэса лэскэ кхэр; палдовá Тыро́ писхáри и ячан му́ршканó тэ мангэлпэ ангил Тўтэ. ²⁶ И аканá, Раё Дэвла, Ту Дэвэл, и Ту пхэндян пал Тырэ писхаристэ́ дасаво лачхипэн. ²⁷ Сыр сыс лачхó Тўкэ лэ́ тэ бахтыкирэс кхэр Тырэ писхарискиро, соб (кай) ёв тэ явэл пэ вéко ангил Тыро́ муй. Пал-довá, со ко́ли Ту, Раё Дэвла, бахтыкирэса, тэды явэла ёв бахтыкирдó вéчнэс пэ вéки.”

Шэрó 18

Давидо́ Бутэды́р Кэрэ́ла Пэски́ро Крали́пэн

¹ Палó (после) дава́ Давидо́ пиримардя́ Филистимлянэн, и штылякирдя́ лэн, и лыя́ Гёфо и фóрья, савэ́ сыс тэл лэскири зор. ² Ёв пиримардя́ адыкэ-паць Моавитянэн, и кэрдэ́пэ Моавитяни Давидоскирэ писхарьёнца, и лыджинэ́ лэскэ дыибэн (дань). ³ И пиримардя́ Давидо́ Адраазарос, Сувакирэ́ крали́с, дро Емафо, кэли одовá гия́ тэ зоралыкирэл пэскиро васт пашы́л рэ́ка (лэнь) Евфрато. ⁴ И лыя́ Давидо́ лэстыр тысёнцо марибны́тка вурдына́, эфта́ (битринэнгиро дэш) тысёнцы́ манушэн, савэ́ сыс уклизтэ́ пэ грэ́ндэ́ и биш тысёнцы́

манушэн, савэ гинэ пэзал, и роспахирдя Давидо сарэ марибнйтка вурдына, (пиричхины жылы грэндэ) и ячкирдя лэндыр фэни шэл. ⁵ Сирияни Дамаскостыр явнэ тэ подэн васт (пэ помош) Адраазароскэ, Сувакирэ краліскэ, нэ Давидо домардя биш тэ дуй тысёнцы Сириянэн. ⁶ И чхудя Давидо раххибнытконэ халадэн дрэ Сирия Дамаскоскири, и кэрдэпэ Сирияни Давидоскирэ писхарьёнца, лыджыи лэскэ дыибэн. И помогиндя Рай Дэвэл усэнде (кай ёв тэ на джал) Давидоскэ. ⁷ И лыя Давидо сувнакунэ шчыты, савэ сыс Адраазароскирэ писхарьэндэ, и яндя лэн дро Ерусалимо. ⁸ А Тивхафатыр и Куностыр Адраазароскирэ форьэндыр лыя Давидо древан бут харкóма (медь). Латыр Соломоно кэрдя харкуно мórё (дэрьяв), и стылбы харкунэ, и кхорэ (сасуды) харкунэ. ⁹ И шундя Фоё ^[1], крالی Имафостыр, со Давидо домардя сарэ халадэн Адраазароскирэн, Сувакирэн краліскірэн. ¹⁰ И бичхадя Иорамос, пэскирэ чхавэс, кэ крالی Давидо, тэ выпхэнэл “шэл лачхэ дывэсá” лэскэ и тэ парікирэл лэскэ пал дова, со ёв мардяпэ Адраазароса и замардя лэс, – пал-дава со Фоё сыс дрэ марибэн Адраазароса, – и ёв лыя пэса кажна (разна) кхорэ сувнакунэ, рупувэ и харкунэ. ¹¹ И отдыя лэн крالی Давидо Рáскэ-Дэвлэскэ кхэтанэ рупэса и сувнакаса, саво ёв лыя сарэ Наюдытконэ манушэндыр: Идумеянэндыр, Моавитянэндыр, Амонитянэндыр, Филистимлянэндыр и Амаликитянэндыр. ¹² И Авеса, Саруяскиро чхаво, домардя Идумеянэн, пэ Лондо доло, дэшуохто тысёнцы; ¹³ И чхудя Давидо дрэ Идумея раххибнарьёнгирэ халадэн, и кэрдэпэ сарэ Идумеяни Давидоскэ писхарьёнца. Рай Дэвэл помогиндя Давидоскэ ўсенде, карик ёв на псирдя. ¹⁴ И сыс краліса Давидо пэ саро Израилё, и кэрдя сэндэ и чачипэн сарэнгэ пэскирэ манушэнгэ. ¹⁵ Иоáво, Саруяскиро чхаво, сыс халадэнгиро барыдыро, и Иосафáто, Ахилудоскиро чхаво сыс канцэляри (писарё), ¹⁶ Садоко, Ахитувоскиро чхаво, и Авимелéхо, Авиафароскиро чхаво – рашая, а Суса – чхиныбнари пэ лыла. ¹⁷ О Ванёя, Иодаёскиро чхаво – пэ Хелефеэндэ и Фелефеэндэ; а Давидоскирэ чхаво сыс англатунэ шэритка пашыл кралістэ.

18:9 ^[1] Дро Юды́тко оригина́ло пхэ́нэлапэ “Тоу”

Шэрó 19

Амонитяни и Сирияни (Арамейцы) Домардэ

¹ Палó (после) дава мыя Наасо ^[1], Амоноскиро [Амонитянэнгиро-р.с.] крالی, и яця краліса лэскиро чхаво, пэ штэто лэскиро. ² И пхэндя Давидо: “Сыкавава мэ тангипэн Аноноскэ ^[2], Наасоскирэ чхавэскэ, пал лачхипэн, саво лэскиро дад кэрдя мангэ.” И бичхадя Давидо манушэн тэ подрикирэн (тэ штылякирэн) лэс пал лэскирэ дадэстэ; и явнэ Давидоскирэ слуги (дына́рья) пэ Амоноскиро пхув, кэ Аноно, соб (кай) тэ тэ подрикирэн (тэ штылякирэн) лэс. ³ Нэ Амоноскирэ тхагарья (князи) пхэндлэ Аноноскэ: “Наўшто тэ думинэса, со Давидо тангипнастыр (жалиматыр) кэ тыро дад прибичхадя кэ ту подрикирибнаскирэн (обрадыпнаскирэн)? Ци на ваш дова явнэ дына́рья лэскирэ кэ ту, соб (кай) тэ угалён и тэ выдыкхэн пхув и тэ обчхорэн ла?” ⁴ И лыя Аноно Давидоскирэ дынарьён, и обмурадя лэн, и обчхиндя лэнгирэ йди пэ паш, кэ трушула, и отмэкця лэн. ⁵ И гинэ ёнэ. И роспхэндло сыс Давидоскэ пал далэ манушэндэ, и ёв бичхадя лэнгэ пэ стреч, адякэ сыр ёнэ сыс древан магирдэ; и пхэндя крالی: “Ячэ́нпэ дро Ерихо́но, пака отбарьёна тумарэ чхора (броды), и, тэды рисён.” ⁶ Кэли Амонитяни дыкхнэ, со ёнэ кэрдэпэ намилонэ Давидоскэ, тэды бичхадя Аноно и Амонитяни тысёнцо таланты дро руп, соб (кай) тэ лэс пэскэ марибнйтка вурдына и манушэн уклистэ пэ грэндэ Месопотамиякирэ Сириятыр, и Маахоскирэ Сириятыр, и Суватыр. ⁷ И лынэ пэскэ триндэша дуй тысёнцы марибнйтка вурдына и краліс Маахоскирэс лэскирэ манушёнца, савэ явнэ и тэрдинэ шэренгэнца ангил Медево́я. И Амонитяни скэдынэпэ пэскирэ форьэндыр, и выгинэ пэ марибэн. ⁸ Кэли шундя Давидо пал дава, то бичхадя Иоавос сарэ му́ршканэ халадэнца. ⁹ И выгинэ Амонитяни, и тэрдинэ кэ марибэн пашыл фороскири порта, а кралья, савэ явнэ кокорэ, сыс пэ фэлда. ¹⁰ Иоáво

дыкхэла, со явэла лэскэ марибэн ангил и палал, выкэдыя халадэн сарэндэр фэдыршонэ дро Израилё и чхудя лэн проти Сириянэндэ. ¹¹ А палатунó (последнё) паш манушён ёв допатындя Авесеёскэ, пэскирэ пшалэскэ, соб (кай) ёнэ тэ тэрдён проти Амонитянэндэ. ¹² И пхэндя ёв: “Кóли Сирияни (Арамéйцы) явэна тэ пиризорьякирэн ман, тэды ту подэса васт мангэ; а кóли Амонитяни явэна тэ пиризорьякирэн тут, тэды мэ дава васт тукэ. ¹³ Яв муршканó, и яваса твардэс (бидаракирэс) тэ тэрдёвас пал амарэ манушэндэ и пал амарэ Дэвлэскирэ фóрья, – и Дэвэл мэк тэ кэрэл, со Лэскэ исын лачхó.” ¹⁴ И выгия Иоáво и мануша, савэ сыс лэстэ, пэ марибэн Сириянэнца; и ёнэ прастандынэ лэстыр. ¹⁵ Амонитяни дыкхнэ со Сирияни нашэна и кокорэ прастандынэ Авесостыр, лэскирэ пшалэстыр, и гинэ андро фóро. И явдя Иоáво дро Ерусалимо. ¹⁶ Сирияни, сыр дыкхнэ, со лэн домардэ Израильтяни, то ёнэ бичхадэ манушён и вылыджпнэ Сириянэн, савэ сыс пэ доя риг рэакири (лэнякири), и Совако, кон сыс барыдырó пэ халадэндэ Адраазаростэ, савó лыджия ангил лэн. ¹⁷ Кéли роспхэндлэ пал дава Давидóскэ, ёв скэдыя сарэн Израильтянэн, пиригия Иордано и, явдя кэ ёнэ, тэрдия проти лэндэ; и выгия Давидо пэ марибэн Сириянэнца, и ёнэ мардэпэ лэнца. ¹⁸ И Сирияни прастандынэ криг Израильтянэндэр, и пхагирдя Давидо Сириянэндэ эфта тысёнцы марибнйтка вурдына и штардэша тысёнцы манушён, савэ сыс пэзал, и Совакос, халадэнгирэ барыдырэс, мулякирдя. ¹⁹ Кéли дыкхнэ Адраазароскирэ дынарья, со лэн пиримардэ Израильтяни, то кэрдэ Давидоса раманё (миро), и поддынэпэ лэскэ. И на камлэ Сирияни тэ подэн васт бутыр Амонитянэнгэ.

19:1 ^[1] Дро Юдытко оригинало пхэнэлапэ “Нахаш”

19:2 ^[2] Дро Юдытко оригинало пхэнэлапэ “Ханун”

Шэрó 20

Израильтяни Лынэ Рава

¹ Пирдал бэрш, дро дова-паць часо, кэли крálья выджана пэ марибэн, вылыджия Иоáво халадэн и лыя тэ чхучакирэл (тэ опустошынэл) Амонитянэнгири пхув, и явдя и обчхудя трусцял халадыбнаса Рава. Давидо яцяпэ дро Ерусалимо. Иоáво, залыя Рава, роспахирдя ла. ² И лыя Давидо венцо (корóна) лэнгирэ кралёскиро шэрэстыр; и дрэ лэстэ сыс таланто сувнакай пхарипнаса, и дрога барá сыс пэ лэстэ; и сыс ёв чхудо пэ шэрó Давидóскиро. И древан бут дорэсыбэн вылыджия фóростыр. ³ А манушён, савэ сыс дрэ лэстэ, вылыджия и мулякирдя лэн пилэнца (ризилэнца), саструнó вымаралкэнца и товэрэнца. Адыкэ кэрдя Давидо сарэнца Амонитянэнгирэ форьенца, и рисия Давидо и сарэ мануша дро Ерусалимо. ⁴ Палó дова яця марибэн Филистимлянэнца дро Газéro. Тэды Совохаё, Хушатянино, домардя Сафос, екхэс Рефаимоскирэ родóстыр. И ёнэ штылынэ. ⁵ И нэвэстыр (нэвэс) сыс марибэн Филистимлянэнца. Тэды о Елханамо, Иаироскиро чхавó, домардя Лахмиёс, пшалэс Голиафоноскирэс, Гефянинос, савэстэ кашт дрэ чхурдыбнытко буст сыс сыр взшына дрэ ткачоскиро станко. ⁶ Сыс ишчо (инкэ) марибэн дрэ Гефа. Одóй сыс екх барó мануш, савэстэ сыс пир шов ангушта, сарэн биш тэ штар. И ёв адыкэ-паць сыс Рафаимоскирэ родóстыр. ⁷ Ёв косця Израилё; нэ Ионафано, чхавó Шымаскиро, Давидóскирэ пшалэскиро, чхиндя лэс кэ марибэн. ⁸ Давá сыс одолэ, савэ бияндынэ Рефаимэндэр дрэ Гефа, и ёнэ пынэ Давидóскирэ вастэстыр и лэскирэ-дынарьэнгирэ вастэндэр.

Шэрó 21

Пиригиныбэн дро Израилё и дрэ Юдэя

¹ И газдыяпэ náлaчxo (бэнг) пэ Израилё, и зачхудя Давидóс тэ пиригинэл манушён Израильтянэндыр. ² И пхэндя Давíдо Иоавоскэ и манушёнгэ, савé сыс барыдырá пэ манушёндрэ: “Джáн, пиригинэн Израильтянён, Вирсавиятыр кэ/жýко Дано, и пхэнэн мánгэ, соб (кай) мэ тэ джинав, ци бут исын лэн.” ³ И пхэндя Иоáво: “Мэк тэ кэрэл бутыр Рай Дэвэл манушён Пэскирэн дрэ шэл мóлы проти довá, ци бут исын лэн. Ци на сарé ёнэ, раё миро, крálё, исын мирé-хулáскирэ писхáрья? Ваш со трэй давá, миро раё, хулáё? Соб (кай) тэ явэл давá дрэ банг Израилёскэ?” ⁴ Нэ крálýскиро лав пиризорьякирдя Иоавос; и гия Иоáво, и обгия сарó Израилё, и явдя дро Ерусалимо. ⁵ И подыя Иоáво Давидóскэ манушёнги́ро пиричхиныбэн; и сыс сарэн Израильтянён тысёнцо тысёнцы (милионо), и шэл тысёнцы мушён, савé вытырдэнас куртáла, и Юдэякирэ – штаршэлá эфтадэшá тысёнцы, савé вытырдэнас куртáла. ⁶ А Левитён и Вениаминянэн ёв на пиригиндя машкирál лэндэ, пал-довá со крálýскиро лав сыс джунгалó (брытко) Иоавоскэ. ⁷ И на сыс лачхó дрэ Дэвлэскирэ якхá давá рэндо, и Ёв дукхадя Израилё. ⁸ И пхэндя Давíдо Дэвлэскэ: “Мэ кэрдём барó грéхо, со кэрдём давá. И аканá отмэк банг Тырэ писхарискири, пал-довá со мэ кэрдём дрéвáн дылынэс.” ⁹ И ракирдя Рай Дэвэл Гадоскэ, магикоскэ Давидоскирэскэ, и пхэндя: ¹⁰ “Джá и пхэн Давидóскэ: ‘Адýкэ ракирэла Дэвэл: Трин дукхá Мánгэ явнэ пэ годý тэ выкэдэс тýкэ, выкэдэ пэскэ екх лэндыр, и Мэ бичхавáва лэс пэ тýтэ.’” ¹¹ И явдя Гадо кэ Давíдо, и пхэндя лэскэ: “Адýкэ ракирэла Дэвэл: ‘Выкэдэ пэскэ’: ¹² ци трин бэршá бокх; ци трин чхонá явэна тут тэ традэн тырэ вэрги, и тырэ-вэргэнгири куртáла явэла тэ дорэсэл (тэ доячэл) тут; ци трин дывэсá – куртáла Рáскирэ-Дэвлэскири и фрáнсы пэ пхув, и Янгóло Дэвлэскиро, савó явэла тэ замарэл дрэ сарé Израилёскирэ ригá. И адýкэ, роздыкх, со мánгэ тэ отпхэнав Одолэскэ, Кон ман бичхадя лавэса.” ¹³ И пхэндя Давíдо Гадоскэ: “Мánгэ исын дрéвáн пхарó; нэ мэк фэдýр мэ тэ пэрав дрэ Рáскирэ-Дэвлэскирэ вастá, пал-довá со дрéвáн барó исын Лэскиро тангипён (жалима), екх бы мánгэ тэ на пэрав дрэ манушёнги́рэ вастá.” ¹⁴ И бичхадя Рай Дэвэл фрáнсы пэ Израилё; и мынэ Израильтян эфтадэшá тысёнцы манушá. ¹⁵ И бичхадя Дэвэл Янгóлос дро Ерусалимо, соб (кай) тэ хасякирэл лэс. И кели ёв лыя тэ хасякирэл, дыкхцý Рай Дэвэл, и потангиндя пал довá бари бýда, и пхэндя Янгóлоскэ, Савó хасякирдя: “Ухтýлла (дóси)! Аканá обмэк тырó васт.” Янгóло Рáскирэ-Дэвлэскиро сыс тэды тэрдó пэ шýрна Орнаскирэ-Евусеяниноскири. ¹⁶ И газдыя Давíдо пэскирэ якхá, и дыкхцý Янгóлос Рáскирэ-Дэвлэскирэс, Савó сыс тэрдó машкёр пхув и болыбён, вытырдынэса курталáса дро лэскиро васт, протырдыи куртáла пэ Ерусалимо; и пыя Давíдо и пхурыдырá, учхакирдэ балытконэ гонэнца пэ пэскирэ муя. ¹⁷ И пхэндя Давíдо Дэвлэскэ: “Ци на мэ пхэндём тэ пиригинэс манушён? Мэ кэрдём грéхо, мэ кэрдём фуипён; а далэ бакрэ со кэрдэ? Раё Дэвла, Дэвла миро! Мэк тэ явэл васт Тырó пэ мánдэ и пэ кхэр мирé дадэскиро, а на пэ Тырэ манушёндрэ, соб (кай) Ту тэ хасякирэс лэн.” ¹⁸ И Янгóло Рáскирэ-Дэвлэскиро пхэндя Гадоскэ, соб (кай) одовá тэ пхэнэл Давидóскэ: “Мэк Давíдо тэ явэл и тэ чхувэл алтáрэ Рáскэ-Дэвлэскэ пэ Орнаскирэ-Евусеяниноскири шýрна, кай обмарэна гивá.” ¹⁹ И гия Давíдо, пир лав Гадоскиро, савó ёв ракирдя лавэса Рáскирэ-Дэвлэскирэса. ²⁰ Орна обрисия, дыкхцý Янгóлос, и штар лэскирэ чхавé счхакирдэпэ (гарадынэ) лэса. Орна молотиндя тэды парнó гив. ²¹ И явдя Давíдо кэ Орна. О Орна, подыкхцý и дыкхцý Давидóс, выгия шурнатыр и поклониндяпэ Давидóскэ мóса кэ пхув. ²² И пхэндя Давíдо Орнаскэ: “Отдé мánгэ штéто тэл шýрна; мэ кэрáва пэ лэстэ алтáрэ Рáскэ-Дэвлэскэ; пал адáкицы, ци бут мол отдé мánгэ лэс, соб (кай) тэ пириячэл хасякирибэн манушёнги́ро.” ²³ И пхэндя Орна Давидóскэ: “Лэ пэскэ; мэк тэ кэрэл миро хулáй, крáli, со лэскэ исын лачхó; гáда, мэ отдáва и гурувэн пэ цéло схачкирибэн, и обмарибнытка струмэнтý пэ каштá, и парнó гив пэ яныбён: сарó давá мэ отдáва би ловэнги́ро.” ²⁴ И пхэндя крáli Давíдо Орнаскэ: “Над, мэ камáм тэ кинав тýтыр пал дасавý тимýн, ци бут мол исын давá сарó; пал-довá со мэ на лавá тэ лыджав тырó миштыпён Дэвлэскэ, и мэ на явáва тэ янав довá дро цéло схачкирибэн лынó би ловэнги́ро

(ивья).”²⁵ И дыйя Давидо Орнаскэ пал дова штэто шовшэла шэкели сувнакай. ²⁶ И кэрдя одой Давидо алтарё Раскэ-Дэвлэскэ, и вычхудя цэло схачкирибэн и мирна (раманёна) свэнта дыибэна Раскэ-Дэвлэскэ; и кхардя Рас-Дэвлэс, и Ёв шундя лэс, бичхадя яг болыбнастыр пэ цэлонэ-схачкирибнаскиро алтарё. ²⁷ И пхэндя Рай Дэвэл Янголоскэ: “Рискир куртала тыри дрэ лэскирэ ножны.” ²⁸ Дрэ дава часо Давидо, дыкхи, со Рай Дэвэл шундя лэс пэ Орнаскирэ-Евусеяниоскири шурна, яндя одой свэнто дыибэн Раскэ-Дэвлэскэ. ²⁹ Раскирэ-Дэвлэскири скиния, сави кэрдя Мойза пэ чхучи пхув (пустыня), и алтарё цэлонэ-схачкирибнаскиро сыс дрэ дова часо пэ вучипэн дро Гаваоно. ³⁰ И на могоиндя Давидо тэ джал одорик, соб (кай) тэ пхучэлпэ Дэвлэстыр, пал-дова со страходо сыс Янголоскирэ курталатыр, Саво сыс Растыр-Дэвлэстыр.

Шэро 22

Давидо Скэдэлапэ тэ Чхувэл Кхангири

¹ И пхэндя Давидо: “Гáда, исын Кхэр Раскирэ-Дэвлэскиро и гáда, алтарё ваш цэло схачкирибэн Израилёскиро. ² И припхэндя Давидо тэ кэдэн манушэн, савэ явнэ явирэ ригэндир, савэ сыс пэ Израилёскири пхув, и чхудя бутярнэн, соб (кай) тэ обчингирэн бара ваш Дэвлэскирэ-Кхэрэскиро чхуибэн. ³ И бут састыр ваш гвозди (карфина) кэ вударá портатыр и ваш спхандыпэн кэрдя Давидо, и бут харкома (медь), на ублави (на важыны), ⁴ и кедрытко вэш, на гины, пал-дова со Сидоняни и Тирияни яндлэ Давидоскэ бут кедрытко вэш. ⁵ И пхэндя Давидо: “Соломоно, чхаво миро, исын тэрно и набарэ-зорьякиро, а Кхэр, саво трэй тэ кэрэс ваш Раскэ-Дэвлэскэ, мусинэл тэ явэл древán баро кэ райканыпэн, кэ слава и шукарипэн ангил сарэ пхувья, и адякэ явава мэ тэ кэрэв ваш лэскэ.” И кэрдя Давидо бут кэ лэскиро мэрибэн. ⁶ И кхардя Соломонос, чхавэс пэскирэс, и пхэндя лэскэ тэ кэрэл Кхэр Раскэ-Дэвлэскэ, Израилёскирэ Дэвлэскэ. ⁷ И пхэндя Давидо Соломоноскэ: “Миро чхаво! Мándэ сыс пэ ило тэ кэрэв Кхэр ваш мирэ Раскирэ-Дэвлэскиро, Дэвлэскиро лав; ⁸ нэ сыс кэ мэ лав Раскирэ-Дэвлэскиро, и сыс пхэндлэ: “Ту прочхудян бут рат и лыджиян барэ марибэна; тукэ нашты (на мусинэса) тэ кэрэс кхэрá лавэскэ Мирэскэ, пал-дова со ту чхудян бут рат пэ пхув ангил муй Мирó. ⁹ Гáда, тутэ бияндёла чхаво: ёв явэла мануш раманёно (мирно); Мэ дава лэскэ рамáнэ сарэ лэскирэ вэргэндир трусцял: палдава лав лэскэ явэла Соломоно. И Мэ дава рамáнэ и спокоё Израилёскэ дрэ лэскирэ дывэса. ¹⁰ Ёв кэрэла Кхэр лавэскэ Мирэскэ, и ёв явэла Мángэ чхавэса, а Мэ явава лэскэ Дад (Дадэса), и кэрэва твардо трóно пир лэскиро кралипэн пэ Израилё пэ вéко.” ¹¹ “И каканá, миро чхаво! Мэк тэ явэл Рай Дэвэл туса, соб (кай) тукэ тэ удэлпэ саро; и, соб (кай) ту кэрдян Кхэр тырэ Раскэ-Дэвлэскэ, тырэ Дэвлэскэ, сыр Ёв ракирдя пал тутэ. ¹² Мэк тэ дэл тукэ Рай Дэвэл галыибэн и годы и тэ чхувэл тут пэ Израилё; и ту зрáкх тырэ Раскирэ-Дэвлэскиро, тырэ Дэвлэскиро Закóно. ¹³ Тэды ту явэса бахталякирдо, коли тэ явэса тэ причхувэс зор (тэ старинэспэ) тэ сполнинэс упхэныбэна и закóны, савэ ракирдя Рай Дэвэл Мойзáскэ ваш Израилё. Яв зоралэ-волякиро (твардо) и муршканó, на дар и на пириджив. ¹⁴ И гáда, мэ пхарипнаса скэдыём ваш Раскирэ-Дэвлэскиро Кхэр шэл тысёнцы талáнты сувнакай и тысёнцо тысёнцы талáнты руп, а харкомакэ (медякэ) и састырэскэ нанэ вага, пал-дова со лэн сыс древán бут; и вэшá и бара мэ адякэ-паць кэрдём; а ту ишчо (инкэ) дочхув кэ дава. ¹⁵ Тутэ исын древán бут бутярнэ, и барунарья (каменотёсы), и вычхиныбнарья, и кхэрá-кэрибнаскирэ (плотники), и кажнонэн манушэн, савэ могоинэна тэ кэрэн кажно буты; ¹⁶ сувнакай, руп, и харкома, и састыр нашты тэ гинэс (тэ рахинэс): лэ и кэр; Рай Дэвэл явэла туса.” ¹⁷ И ракирдя Давидо сарэ тхагарьенгэ Израилёскирэнгэ тэ дэн васт Соломоноскэ, лэскирэ чхавэскэ; ¹⁸ “Ци нанэ тумэнца Рай Дэвэл, Дэвэл амарó, саво дыйя тумэнгэ рамáнэ (миро) сарэ ригэндир, пал-дова со Ёв отдыя дрэ мирэ вастá манушэн пхувьякирэн, и поддыяпэ пхув ангил Растэ-Дэвлэстэ и ангил Лэскирэ манушэндэ. ¹⁹ И адякэ причхувэн ило тумарó и ди тумарó кэ дова, соб (кай) тэ латхэс Рас-Дэвлэс, Дэвлэс тумарэс. Уштэн и кэрэн свэнто штэто Раскэ-Дэвлэскэ, Дэвлэскэ,

соб (кай) тэ пирилыджас Рáскирэ-Дэвлэскиро заветóскиро ковчэго и свэнта кхорэ Дэвлэскирэ дро Кхэр, савó явэла кэрдó лавэскэ Рáскирэ-Дэвлэскирэскэ.”

Шэрó 23

Давíдо Рочхудя Левитэн

¹ Давíдо пхурия и чалыя джиибнастыр, и чхудя пэ Израилё чхавэс пэскирэс Соломонос. ² И скэдыя сарэн Израилёскирэ тхагарьен, и рашан, и Левитэн; ³ и пиригиндлэ сыс Левиты триянда бэршэндыр и бутыр: и сыс чысло (гин) лэнгиро, гины пир шэрэ, трияндаохто тысёнцы манушá. ⁴ Лэндыр чхудэ ваш рэндо дро Дэвлэскиро Кхэр биш тэ штар тысёнцы, лыла-чхиныбнаскирэн и сэндарьён шов тысёнцы. ⁵ И штар тысёнцы раххибнарьён пэ пórта (враты), и штар тысёнцы манушэн, савэ славиндлэ Рас Дэвлэс пэ багаибнытка струмэнтэ, савэ ёв кэрдя тэ славинэн (тэ барьякирэн). ⁶ И роскэрдя лэн Давíдо пир ряды (пир стэчки/очэреди) пир чхавэндэ Левиёскирэндэ-Гирсоноскирэ, Каафоскирэ и Мерарискэ. ⁷ Гирсонянэндыр – Лаэдано и Шымеё. ⁸ Чхавэ Лаэданоскирэ: англатунó Иехиило, Зефамо и Иоилё, трин. ⁹ Чхавэ Шымеёскирэ: Шэломифо, Хазиило и Гарано, трин. Ёнэ сыс Лаэданоскирэ-стрэчакирэ шэралó. ¹⁰ Ишчо (инкэ) чхавэ Шымеёскирэ: Яхафо (Иахафо), Зиза, Иеушо и Берия. Далэ сыс чхавэ Шымеёскирэ, штарджинэ. ¹¹ Иахафо сыс англатунó, Зиза явёр; Иеушостэ и Бериястэ сыс нáбут чхавэ, и палдава ёнэ сыс дро екх гиныбэн пашыл кхэр дадэскиро. ¹² Чхавэ Каафоскирэ: Амрамо, Ицгаро, Хевроно и Озиило, штарджинэ. ¹³ Чхавэ Амрамоскирэ: Аароно и Мойза. Аароно отдынó сыс пэ свэнцыныбэн кэ Свэнто-свэнтонэнгиро, ёв и лэскирэ чхавэ, пэ вéко, соб (кай) тэ тхувлякирэн (тэ кэрэн куриныбэн) ангил Рáскирэ-Дэвлэскиро муй, соб (кай) тэ дынаринэн (тэ служынэн) Лэскэ и тэ бахтякирэн Лэскирэ лавэса пэ вéко. ¹⁴ А Мойза, мануш Дэвлэскиро, и чхавэ лэскирэ сыс причхудэ кэ рóдыцо Левиёскиро. ¹⁵ Чхавэ Мойзаскирэ сыс: Гирсоно и Елизээрó. ¹⁶ Чхавэ Гирсоноскирэ сыс: англатунó сыс Шэвуило. ¹⁷ Чхавэ Елизээрóскирэ сыс: англатунó Рефавия. И на сыс Елизээростэ явёр чхавэ; Рехавиястэ сыс древан бут чхавэ. ¹⁸ Чхавэ Ицгароскирэ сыс: англатунó Шэломифо. ¹⁹ Чхавэ Хевроноскирэ сыс: англатунó Иерия и явёр Амария, трито Яхазиило и штáрто Екамамо. ²⁰ Чхавэ Озиилоскирэ сыс: англатунó Миха и явёр Ишыя. ²¹ Чхавэ Мерарискирэ сыс: Махли, и Мушы. Чхавэ Махлискирэ сыс: Елизáро и Кисо. ²² И мыя Елизáро, и на сыс лэстэ чхавэ, а екх чхая: и лынэ лэн пал пэстэ чхавэ Кисоскирэ, пшáла лэнгирэ. ²³ Чхавэ Мушыёскирэ сыс: Махли, Едэро и Иремофо-тринджинэ. ²⁴ Ѓáда, сыс чхавэ Левиёскирэ, пир лэнгирэ дадэнгирэ кхэрá, шэритка пэ чóкарья (смействы), пир лэнгирэ-лавэскиро гиныбэн пир шэрэ, савэ кэрдэ дынарибнытка (служыбнытка) бутя дро Рáскирэ-Дэвлэскиро Кхэр, бишэ бэршэндыр и бутыр. ²⁵ Пал-довá со Давíдо пхэндя: “Рай Дэвэл, Израилёскиро Дэвэл, дыя рамáнэ Пэскирэ манушэнгэ и чхудя тэ дживэн лэн дро Ерусалимо пэ вéко, ²⁶ И Левитэнгэ на трэй тэ лыджан скíния и кажна предметы (чысы) лáкирэ тэ дынаринэн дрэ латэ.” ²⁷ Пал-довá со пир палатунó (последнэ) ракирибэн Давидóскиро сыс пиригиндлэ Левиты бишэ бэршэндыр и бутыр, ²⁸ соб (кай) ёнэ тэ явэн пашыл Ааронóскирэ чхавэндэ тэ дынаринэн Рáскирэ-Дэвлэскирэ Кхэрэскэ, пэ грэда (двóро) и дрэ пристройки, ваш дыкхибэн пал жужыпэн (чыстота), савó тэ явэл пэ свэнто штэто и ваш кэрибэн кажно буты пашыл Рáскирэ-Дэвлэскиро Кхэр, ²⁹ тэ придыкхэн пал свэнто марó, и парнó-гивэскиро яржó ваш марэскиро яныбэн, и пресна марикля, пал пэкно, жариндло, и пал кажно мéра и весо, ³⁰ и соб (кай) тэ тэрдэн кажно злóко (рáнко) тэ парикирэн и шарэн Рас-Дэвлэс, адякэ-паць и бэльвэлé, ³¹ и пашыл цéло схачкирибэн, савó янэна Рáскэ-Дэвлэскэ дрэ сáваты (суботы), дрэ нэвэ чхонá и пэ свэнки пир чыслы (гина), сыр чхиндлó пал лэндэ, – сарó часо ангил Рáскирэ-Дэвлэскиро муй, ³² и, соб (кай) тэ раххэн скíния досыкаибнáса (откровенияса) и свэнто штэто и чхавэн Аароноскирэн, пэскирэ пшалэн, кéли ёнэ кэрэна свэнто буты Рáскирэ-Дэвлэскирэ Кхэрэскэ.

Шэрó 24

Рашай пир Лэнгиро Дынарибэн

¹ И гада, сыр росчхудэ пир гиибэн (порядко) Ааронóскирэ чхавé: чхавé Ааронóскирэ: Надаво, Авиудо, Елизáро и Ифамаро. ² Надаво и Авиудо мынэ англэдýр пэскирэ дадэстыр, чхавé на сыс лэндэ; и пал-довá Елизáро и Ифамаро сыс рашай. ³ И росчхудя лэн Давíдо-Садокос, Елизароскирэ чхавэндýр, и Ахимелехос, Ифамароскирэ чхавэндýр, екх пал екхэстэ пэ лэнгиро дынарибэн (служба). ⁴ И латхяпэ, со машкíр Елизароскирэ чхавэндэ машкíр стрэчэнгирэ (поколиенгирэ) шэралэндэ сыс бутýр, сыр машкíр Ифамароскирэ чхавэндэ. И ёв росчхудя лэн адякэ: Елизароскирэ чхавэндýр дэшушов чэкарьенгирэ (семействэнгирэ) шэралэ, а Ифамароскирэ чхавэндýр охтó. ⁵ Росчхудя лэн пир жрэбиё; пал-довá со шэралэнца пэ свэнто штéто и шэралэнца ангíл Растэ-Дэвлэстэ сыс манушá Елизароскирэ чхавэндýр и Ифамароскирэ чхавэндýр, ⁶ и зачхиндя лэн Шэмия, чхавó Нафанаилоскиро, лыла-чхиныбнаскиро (писцо) Левитэндýр, ангíл муй кралíскиро и тхагарьенгиро, и ангíл рашастэ Садокостэ и Ахимелехостэ, Авиафароскирэ чхавэстэ, и ангíл рашáнгирэ сэм'енгирэ шэралэндэ и Левитэнгирэндэ: лынэ, сыр тэ чхурдэн жрэбиё, екх чэкарь (семейство) Елизароскирэ родóстыр, палó (после) довá лынэ Ифамароскирэ родóстыр. ⁷ И выгия пэрво жрэбиё Егoиаривоскэ, явíр Едаиёскэ, ⁸ трíто Харимоскэ, штáрто Сеоримоскэ, ⁹ пáнджто Малхиёскэ, шóвто Мияминоскэ, ¹⁰ эфтáто Гакоцоскэ, охтóто Авияскэ, ¹¹ енято (биекхэскиро дэшто) Иешуаскэ, дэшто Шэханияскэ, ¹² дэшуэкто Елиашывоскэ, дэшуявир Якимоскэ, ¹³ дэшутрито Хушаёскэ, дэшуштарто Ешэвавоскэ, ¹⁴ дэшупанджто Вилгаскэ, дэшушовто Имероскэ, ¹⁵ дэшуэфтáто Хезироскэ, дэшуохтото Гапицэцоскэ, ¹⁶ дэшуенято Петахияскэ, бишэнгиро Езэкиилёскэ, ¹⁷ биш тэ пэрво Иахиноскэ, биш тэ явíр Гамулоскэ, ¹⁸ биш тэ трíто Делаиёскэ, биш тэ штáрто Маазияскэ. ¹⁹ Гада, сыс лэнгиро гиибэн (порядко) пашыл дынарибэн лэнгиро, сыр лэнгэ тэ явэн дро Рáскирэ-Дэвлэскиро Кхэр, пир упхэныбэн лэнгиро пир Аароностэ, лэнгирэ дадэстэ, сыр припхэндя лэскэ Рай Дэвэл, Дэвэл Израилёскиро.

Явíр Левíты

²⁰ Акэ, сыр росчхудэ пир гиибэн (порядко) явирэ чхавэн Левииёскирэн: Амрамоскирэ чхавэндýр: Шуваило; чхавэндýр Шуваилоскирэндýр: Иедия; ²¹ Рехавиястыр: чхавэндýр Рехавияскирэндýр Ишыя сыс англатунó; ²² Ицгаростыр: Шэломофо; чхавэндýр Шэломофоскирэндýр: Иахаво; ²³ чхавэндýр Хевроноскирэндýр: англатунó Иерия, явíр Амария, трíто Яхазиило, штáрто Екамамо. ²⁴ Чхавэндýр Озиилоскирэндýр: Миха; чхавэндýр Михаскирэндýр: Шамиро. ²⁵ Пшал Михаскиро Ишыя; чхавэндýр Ишыяскирэндýр: Захáрия. ²⁶ Чхавé Мерарискирэ: Махли и Муша; чхавэндýр Иазияскирэндýр: Бéно. ²⁷ Чхавэндýр Мерарискирэндýр Иазиятэ: Бéно и Шогамо, и Закуро и Иври. ²⁸ Махлистэ-Елизáро (Элеазаро); лэстэ на сыс чхавé. ²⁹ Кисостэ: чхавэндýр Кисоскирэндýр: Ерахмиило. ³⁰ Чхавé Мушаскирэ: Махли, Едéро и Еримофо. Гада, сыс чхавé Левитэнгирэ пир стрэчы (поколении) лэнгирэ. ³¹ Чхурдынэ и ёнэ жрэбиё, кхэтанэ пэскирэ пшалэнца, Ааронóскирэ пшалэнца, ангíл муй кралíскиро Давидóскиро и Садокоскиро и Ахимелехоскиро, и рашáнгирэ-шэралэнгиро и Левитэнгиро: чэкарьенгирэ (семействэнгирэ) шэралэнгиро кхэтанэ пэскирэ тыкнэдыршонэ пшалэса.

Шэрó 25

Башаибнаскиро (Фрагарья)

¹ И отчхудя дрэ риг (росчхудя) Давíдо и барыдыра халадэнгирэ пэ дынарибэн (служыныбэн) чхавэн Асафоскирэн, Еманоскирэн и Идифуноскирэн, соб (кай) ёнэ тэ ангилпхэнэн (тэ пророчынэн) пэ луты, арфы и цымбалы; и сыс отмэкнэ ёнэ пэ пэскиро рэндо тэ дынаринэн: ² чхавэндыр Асафоскирэндыр: Закуро, Иосифо (Ёза), Нефания и Ашарэла, чхавэ Асафоскирэ, савэ сыс тэл васт Асафоскиро, саво башады пир краліскиро упхэныбэн. ³ Идифуностыр чхавэ Идифуноскирэ: Гедалия, Цэри, Исаё, Семее, Хашавия и Матафия, шовджинэ, тэл васт пэскирэ-дадэскиро Идифуноскиро, саво башады пэ лута ваш слава и ваш шарібэн Рáскэ-Дэвлэскэ. ⁴ Еманостыр чхавэ Еманоскирэ: Букия, Матфания, Озиило, Шэвуило и Иеримофо, Ханания, Ханани, Елиафа, Гидалти, Ромамти-Езэро, Иошбекаша, Малофи, Гофиро и Махазіофо. ⁵ Сарэ адалэ сыс чхавэ Еманоскирэ, магикоскирэ краліскирэ, пир лавá Дэвлэскирэ, соб (кай) тэ барыякирэн слава Лэскири. И дыя Дэвэл Еманоскэ дэшуштар чхавэн и тринэн чхаён. ⁶ Сарэ ёнэ тэл васт пэскирэ дадэскиро багандлэ дро Рáскирэ-Дэвлэскиро Кхэр цымбалэнца, арфэнца и лутэнца дро дынарибэн дрэ Рáскирэ-Дэвлэскиро Кхэр, пир упхэныбэн краліскиро, ци Асафоскиро, ци Идифуноскиро и ци Еманоскиро. ⁷ И сыс лэн гиныбнаса лэнгирэ пшалэнца, савэ сыс высыклякирдэ тэ баган ангил Растэ-Дэвлэстэ, сарэн, савэ джіндлэ дава рэндо, дуйшэла охтодэша охто (бидуэнгиро дэш). ⁸ И чхурдынэ ёнэ жрэбиё пал стэчка (рядо) служыныбнаскири (дынарибнаскири), тыкно ровнэс кхэтанэ барэса, сыклякирибнарья кхэтанэ сыкляибнытконэнца. ⁹ И выгия пэрво жрэбиё Асафоскэ, ваш Ёзаскэ (Иосифоскэ); явир Гедалияскэ лэскирэ пшалэнца и лэскирэ чхавэнца; лэн сыс дэшудуй; ¹⁰ тріто Закуроскэ лэскирэ чхавэнца; и лэскирэ пшалэнца, лэн-дэшудуй; ¹¹ штáрто Ицриёскэ лэскирэ чхавэнца и лэскирэ пшалэнца; лэн-дэшудуй; ¹² панджто Нафанияскэ лэскирэ чхавэнца и лэскирэ пшалэнца; лэн-дэшудуй; ¹³ шовто Букияскэ лэскирэ чхавэнца и лэскирэ пшалэнца: лэн-дэшудуй; ¹⁴ эфтáто (битринэнгиро дэшто) Иесарелёскэ лэскирэ чхавэнца и лэскирэ пшалэнца; лэн-дэшудуй; ¹⁵ охтото Исаёскэ лэскирэ чхавэнца и лэскирэ пшалэнца; лэн-дэшудуй; ¹⁶ енято Матфанияскэ лэскирэ чхавэнца и лэскирэ пшалэнца; лэн-дэшудуй; ¹⁷ дэшто Шымеёскэ лэскирэ чхавэнца и лэскирэ пшалэнца; лэн-дэшудуй; ¹⁸ дэшуэкхто Азариилоскэ лэскирэ чхавэнца и лэскирэ пшалэнца; лэн-дэшудуй; ¹⁹ дэшуявир Хашавияскэ лэскирэ чхавэнца и лэскирэ пшалэнца; лэн-дэшудуй; ²⁰ дэшутрито Шуваилоскэ лэскирэ чхавэнца и лэскирэ пшалэнца; лэн-дэшудуй; ²¹ дэшуштарто Матафияскэ лэскирэ чхавэнца и лэскирэ пшалэнца; лэн-дэшудуй; ²² дэшупанджто Еримофоскэ лэскирэ чхавэнца и лэскирэ пшалэнца; лэн-дэшудуй; ²³ дэшушовто Хананияскэ лэскирэ чхавэнца и лэскирэ пшалэнца; лэн-дэшудуй; ²⁴ дэшуэфтáто Иошбекашоскэ лэскирэ чхавэнца и лэскирэ пшалэнца; лэн-дэшудуй; ²⁵ дэшуохтото Хананискэ лэскирэ чхавэнца и лэскирэ пшалэнца; лэн-дэшудуй; ²⁶ дэшуенято Малофиёскэ лэскирэ чхавэнца и лэскирэ пшалэнца; лэн-дэшудуй; ²⁷ бишэнгиро Елиафоскэ лэскирэ чхавэнца и лэскирэ пшалэнца; лэн-дэшудуй; ²⁸ биш тэ пэрво Гофироскэ лэскирэ чхавэнца и лэскирэ пшалэнца; лэн-дэшудуй; ²⁹ биш тэ явир Гидалтиёскэ лэскирэ чхавэнца и лэскирэ пшалэнца; лэн-дэшудуй; ³⁰ биш тэ тріто Махазіофоскэ лэскирэ чхавэнца и лэскирэ пшалэнца; лэн-дэшудуй; ³¹ биш тэ штáрто Ромамти-Езэроскэ лэскирэ чхавэнца и лэскирэ пшалэнца; лэн-дэшудуй.

Шэрó 26

Ракхибнарья пэ Пóрта

¹ Ѓáда, сыр росчхудэ ракхибнарьён пэ вударá: Кореянэндыр Мешэлэмия, Кореёскиро чхаво, чхавэндыр Асафоскирэндыр. ² Чхавэ Мешэлэмияскирэ сыс: англатунó Захáрия, явир

Едиало, тріто Зевадия, штáрто Яфниило, ³ пáнджто Еламо, шóвто Егоханано (Иегоханано), эфтáто Елиегоэнаё. ⁴ Чхавó Оведо-Эдомоскирэ сыс: англатунó Шэмаия, явír Егозавадо (Иегозавадо), тріто Иоахо, штáрто Сахаро, пáнджто Нафанаило, ⁵ шóвто Амиило, эфтáто Исахаро, охтóто Пеульфаё, пал-дава́ со Дэвэл бахтиякирдя́ лэс. ⁶ Лэскирэ чхавэстыр Шемаиястыр бийндынэ адя́кэ-паць чхавэ́, савэ́ сыс барыдырэнца дро пэскиро рóдо; пал-дова́ со ёнэ сыс зоралэ́ мурша́. ⁷ Чхавэ́ Шемаияскирэ сыс: Офни, Рефаило, Овёдо и Елзавадо, пшáла лэскирэ, мурша́ зоралэ́, Елия и Семахия. ⁸ Сарэ́ ёнэ сыс Овед-Эдомоскирэ чхавэндыр; ёнэ, и лэнгирэ́ чхавэ́, и лэнгирэ́ пшáла сыс лачхэ́ мануша́ кэ́ дова́ и сыс дрэ́ зор: лэн сыс Овед-Эдомостэ́ шовдэша́ дуй. ⁹ Мешэлемиястэ́ сыс дэшухто́ чхавэ́ и пшáла, мануша́ таланытка. ¹⁰ Хосостэ́, чхавэндыр Мерариноскирэндыр, чхавэ́ сыс: Шимри шэралó (надыкхи пэ́ дава́, со ёв на сыс англатунó), нэ́ дад лэс чхудя́ шэралэ́са; ¹¹ Явír Хелкия, тріто Тевалия, штáрто Захáрия, сарэн́ чхавэн́ и пшалэн́ Хосостэ́ сыс дэшутрин. ¹² Ѓáда, сыр росчхудэ́ раххибнарьён́ пэ́ порты́ пир чэкарьенгиро́ (семе́йствэнгиро́) шэралыпэн, кон сыс дрэ́ зор пэ́ буты́ кхэтанэ́ лэнгирэ́ пшалэнца́, тэ́ дынаринэн́ дро Рáскирэ-Дэвлэ́скиро Кхэр. ¹³ И чхурдынэ́ ёнэ́ жрэ́биё, сыр тыкно́, адя́кэ́ и барó, пир пэскирэ́ чэка́рья (семе́йствы) пэ́ кажна́ порты́. ¹⁴ И выпы́я жрэ́биё́ пэ́ вастóко Шеле́мияскэ́; и Захарияскэ́, лэскирэ́ чхавэ́скэ́, годьварэ́ юнкароскэ́ (советникоскэ́), чхурдынэ́ жрэ́биё, и вы́гия́ лэ́скэ́ жрэ́биё́ пэ́ паш-рат; ¹⁵ Овед-Эдомоскэ́ пэ́ паш-дывэ́с, а лэскирэ́ чхавэнгэ́ пашы́л пираля́. ¹⁶ Шупимоскэ́ и Хососкэ́ пэ́ западо́ (пал паня́), пашы́л порта́ Шелехет, кай́ дром газдэ́лапэ́, и кай́ раххибна́рья́ проти раххибна́рьэндэ́. ¹⁷ Кэ́ вастóко сыс пир шов́ Левы́ты, кэ́ паш-рат сыс пир штар, кэ́ паш-дывэ́с пир штар, а пашы́л пираля́ пир дуй. ¹⁸ Кэ́ западо́ пашы́л трéмо сыс пэ́ дром пир штар, пашы́л са́мо трéмо пир дуй. ¹⁹ Ѓáда, сыр росчхудэ́ раххибна́рьён́ пэ́ порты́ чхавэндыр́ Коре́эскирэ́ндыр и чхавэндыр́ Мерарискирэ́ндыр. ²⁰ Левы́ты, лэнгирэ́ пшáла, дыкхнэ́ пал кучипэ́на Рáскирэ-Дэвлэ́скирэ́ Кхэрэ́скир и пал кучипна́скирэ́ пираля́, кай́ чхувэ́нас отдынэ́ да́ры. ²¹ Чхавэ́ Лаэ́даноскирэ́, Герсо́носкирэ́ чхавэ́скирэ́ – Лаэ́даностыр, чэка́рьенгирэ́ (семе́йствэнгирэ́) шэралэ́стыр Лаэ́даностыр Герсонсконэ́стыр: Ехиэ́ло (Иехи́ело). ²² Чхавэ́ Ехиэ́лоскирэ́ сыс: Зефа́мо и Ио́ило, лэскиро́ пшал, дыкхнэ́ пал кучипна́скирэ́ пираля́ Рáскирэ-Дэвлэ́скирэ́ Кхэрэ́скир, ²³ кхэтанэ́ Амра́москирэ́ родоса́, Ицга́роскирэ́са, Хевро́носкирэ́са, Ози́лоскирэ́са. ²⁴ Ше́вуило, чхавэ́ Гирсо́носкиро́, Мойза́скирэ́ (Моисе́эскирэ́) чхавэ́скиро, сыс шэралó́ дыкхибна́ри пэ́ кучипна́скирэ́ пираля́. ²⁵ Лэ́скирэ́ пшалэ́стэ́ Елизе́ростэ́ сыс: чхавэ́ Реха́вия, лэ́стэ́ чхавэ́ Иса́ё, лэ́стэ́ чхавэ́ Ио́рамо́, лэ́стэ́ чхавэ́ Зихри́ё, лэ́стэ́ чхавэ́ Шэ́ломифо́. ²⁶ Шэ́ломифо́ и лэ́скирэ́ пшáла дыкхнэ́ пал сарэ́ кучипна́скирэ́ пираля́ ваш отдынэ́ да́ры, савэ́ отды́я крáли Дави́до и шэралэ́́ чэка́рьенгирэ́, и барыды́ра пэ́ тысе́нцы, и барыды́ра пэ́ шэ́ла, барыды́ра (команди́ры) халадэ́нгирэ́. ²⁷ Дорэ́сыбна́стыр пэ́ марибэ́н и заухты́лыбна́стыр (добы́чатыр) ёнэ́ дэ́нас пэ́ Рáскирэ-Дэвлэ́скиро́ Кхэр тэ́ подри́кирен. ²⁸ И сарó, со отды́я проро́ко́ Самуи́ло, и Са́уло, чхавэ́ Кисоски́ро, и Авени́ро, чхавэ́ Нироски́ро, и Ио́аво, чхавэ́ Сару́яскиро, сарó сыс отдынó́ сыс пэ́ вастá́ Шэ́ломифоскэ́ и лэ́скирэ́ пшалэнгэ́. ²⁹ Ицга́роскирэ́ родóстыр: Хенания́ и чхавэ́ лэ́скирэ́ сыс чхудэ́ тэ́ дынаринэн́́ Израильтя́нэнгэ́, лы́ла-чхиныбна́рьёнца́ и сэнда́рьёнца́. ³⁰ Хевро́носкирэ́ кхэ́ритконэ́́ родóстыр (пле́мёстыр): Хашави́я и лэ́скирэ́ пшáла, мануша́ муршканэ́́, тысе́нцо эфта́шэла́́ мануша́, савэ́́ дыкхнэ́́ пэ́ Израилё́́ пир да́я риѓ́ Иордано́скири кэ́́ западо́, пир сарэ́́ рэ́нды́ пир свэ́нто́́ буты́́ Рáскэ́́-Дэвлэ́́скэ́́ и пир дына́рибэ́́н крaли́́скэ́́. ³¹ Хевро́носкирэ́ кхэ́ритконэ́́ радóстыр о́́ Ерия́́ (Иерия́́) сыс шэралó́́ Хевро́нянэ́́ндэ́́, дрэ́́ лэнгирэ́́ рóды́́, дрэ́́ стрэ́́чы. Дрэ́́ штардэ́́шытко́́ бэ́́рш Давидó́́скиро́́ крaли́́пэн́́ лэн́́ загиндлэ́́, и латхнэ́́ машкíр лэ́́ндэ́́ манушэ́́н муршканэ́́н дрэ́́ Иазé́́ро Галаа́́доскиро́́, ³² И лэ́́скирэ́́ пшáла, мануша́́ таланытка́́ сыс дуй тысе́́нцы эфта́́шэла́́, ёнэ́́ сыс шэралэ́́́ чэка́́рьенгирэ́́́ (семе́́йствэнгирэ́́́). Лэн́́ чхудя́́ крáли́́ Дави́́до пэ́́ Рувимоски́́ро рóды́́цо, и Га́́доскиро́́, и пэ́́ паш-рóды́́цо Мана́́сия́́скиро́́, пир сарэ́́́ Дэвлэ́́́скирэ́́́ рэ́́нды́́ и крaли́́́скирэ́́́ рэ́́нды́́.

Шэрó 27

Халадэнгирэ Барыдырá

¹ Ѓáда, сыс чхавé Израилёскирэ пир лэнгиро гиныбён, шэралé чэкарьенгирэ, тысёнцэнгирэ барыдырá и шэлэнгирэ барыдырá, и савé пир отделёнии дынариндлэ (служындрэ) кралíскэ дрэ сарé рэндэ, яви и отгии кажно чхон, дрэ сарé чхонá бэршэскирэ. Дрэ кажно отделёниё [дивизия-ю.о.] сыс лэн пир биш тэ штар тысёнцы. ² Пэ пёрво отделёниё, ваш пёрво чхон, сыс барыдырó Иашовамо, чхавó Завдиилоскиро; дро лэскиро отделёниё сыс биш тэ штар тысёнцы; ³ ёв сыс екх Фаресоскирэ чхавэндэр, шэралó пэ сарэндэ халадэнгирэ барыдырэндэ дро пёрво чхон. ⁴ Пэ отделёниё явирэ-чхонэскиро сыс барыдырó Додаё Ахохиянино; дро лэскиро отделёниё сыс и тхагáри Миклофо, и дрэ лэскиро отделёниё сыс биш тэ штар тысёнцы. ⁵ Трýто шэралó халадэнгиро барыдырó, ваш трýто чхон сыс о Ванея, чхавó рашаскиро Иодаёскиро, и дро лэскиро отделёниё сыс биш тэ штар тысёнцы. ⁶ адавá Ванея – екх трияндэндэр муршканэндэр (муршарьендыр) и барыдырó пэ лэндэ, и дро лэскиро отделёниё сыс Амизавадо, лэскиро чхавó. ⁷ Штáрто, ваш штáрто чхон, сыс барыдырó Асаило, пшал Иоавоскиро, и пал лэстэ Завадиа, лэскиро чхавó; и дро лэскиро отделёниё сыс биш тэ штар тысёнцы. ⁸ Пáнджто, ваш пáнджто чхон, сыс барыдырó тхагáри Шамгуфо Израхитянино; и дро лэскиро отделёниё сыс биш тэ штар тысёнцы. ⁹ Шóвто, ваш шóвто чхон, сыс барыдырó Ира, Икешоскиро чхавó, Фекоянино; и дро лэскиро отделёниё сыс биш тэ штар тысёнцы. ¹⁰ Эфтáто, ваш эфтáто чхон сыс барыдырó Хелецо Пелонитянино, Ефремóскирэ чхавэндэр, и дро лэскиро отделёниё сыс биш тэ штар тысёнцы. ¹¹ Охтóто, ваш охтóто чхон сыс барыдырó Совохаё Хушатянино, Зараскирэ родóстыр, и дро лэскиро отделёниё сыс биш тэ штар тысёнцы. ¹² Енýто, ваш енýто чхон сыс барыдырó Авиезеро Анафóфянино, Вениаминóскирэ чхавэндэр, и дро лэскиро отделёниё сыс биш тэ штар тысёнцы. ¹³ Дéшто, ваш дéшто чхон сыс барыдырó Магараё Нетофафянино, Зараскирэ родыцóстыр; и дро лэскиро отделёниё сыс биш тэ штар тысёнцы. ¹⁴ Дэшукхто, ваш дэшукхто чхон сыс барыдырó Ванея Пирафонянино, Ефремóскирэ чхавэндэр, и дро лэскиро отделёниё сыс биш тэ штар тысёнцы. ¹⁵ Дэшуявир, ваш дэшукхто чхон, сыс барыдырó Хелдаё Нетофафянино, Гофониилоскирэ родóстыр; и дро лэскиро отделёниё сыс биш тэ штар тысёнцы.

Барыдырá пэ Дэшудýй Рóдыцы

¹⁶ А пэ Израилёскирэ рóдыцы, – Рувимляндэ, шэралó барыдырó сыс Елиззеро [Елиззеро-р.с.], Зихрискиро чхавó; Симеоностэ (Семёностэ) – Сафатия, Маахискиро чхавó; ¹⁷ Левиёстэ – Хашавия, Кемуилоскиро чхавó; Аароностэ – Садоко; ¹⁸ Юдастэ – Елиаво, Давидóскирэ пшалэндэр; Исахаростэ – Омри, Михаилоскиро чхавó; ¹⁹ Завулоностэ – Ишмаия, Овадияскиро чхавó; Нефалимостэ – Еримофо, Азриилоскиро чхавó; ²⁰ Ефремóскирэ чхавэндэ – Осия, Азазияскиро чхавó; дро Манасия́скирэ паш-рóдыцо – Иоилё, Федаяскиро чхавó; ²¹ дро Манасия́скирэ дро паш-рóдыцо пэ Галаáдо – Идо, Захарияскиро чхавó; Вениаминостэ – Ясиило, Авенироскиро чхавó; ²² Даностэ – Азариило, Ерохамоскиро чхавó. Ѓáда, сыс шэралé пэ Израилёскирэ рóды. ²³ Давýдо на пиригиндя одолэн, савé сыс бишэ бэршэндэр и тыкнэдыр, пал-довá со Рай Дэвэл пхэндя, со Ёв убарьякирэла (кэрэла барэдыр) Израилё, сыр болыбнáскирэ чэргэня. ²⁴ Иоáво, Саруяскиро чхавó, лыя тэ кэрэл пиригиныбён, нэ на кэрдя кэ кóнцо (кэ ягóро). И сыс пал давá холы Дэвлэскири пэ Израилё; и на загия довá пиригиныбён дрэ Давидóскирэ-кралíскиро бэршытко зачхиныбён. ²⁵ Пэ кралитка кучипэна сыс Азмавёфо, Адиилоскиро чхавó; а пэ запасы дрэ фэлда, дрэ фóрья, и дрэ гава, и дрэ твáрдыми (башни) – Ионафáно, Уззиилоскиро чхавó; ²⁶ пэ манушэндэ, савé залэнапэ фэлдытконэ бутенца, савé обкэрэнас пхув – Езриё, Хелувоскиро чхавó; ²⁷ пэ манушэндэ, савé кэрэна буты пэ винаградники (дракхиня) Шымéё, Раматыр, а пэ запасы мол (вино) дрэ винаградники (дракхиня) – Завдиё, Шэфамостыр; ²⁸ пэ маслины и инжиро

пэ дóло сýс – Баал-Ханано Гедеритянино, а пэ запасы дрэ вэшытко дзэт сýс – Иоáсо; ²⁹ пэ барэ кхэритконэ мурдалэндэ, савó чаравэлáспэ дрэ Шароно – Шытраё Шаронянино; а пэ ското дрэ дóло – Шафато, Адлаёскиро чхавó; ³⁰ пэ верблюдэндэ – Овило Исмаильтянино; пэ ослицэндэ – Ехдиё Меронифянино; ³¹ пэ тыкнэ кхэритконэ мурдалэндэ – Язизо [Иазизо-р.с.] Агаритянино. Сарэ далэ сýс барыдырá пэ фэлáтин, савý сýс кралýстэ Давидóстэ. ³² Ионафáно, Давидóскиро как, сýс юнкаро (годý-дыибнаскиро), годýварó мануш и лылá-чхиныбнаскиро (писцо); Ехило, Хахмонискиро чхавó, сýс пашэ кралýскирэ чхавэндэ; ³³ Ахитофéло сýс юнкаро (годý-дыибнаскиро) кралýскиро; Хусеё Архитянино – сýс дрýго (мал) кралýскиро; ³⁴ Палó Ахитофелостэ сýс Иодаё, Ванеяскиро чхавó, и Авиафаро; а Иоáво сýс халадэнгиро барыдырó кралýстэ.

Шэрó 28

Халадэнгиро Гиибэн (Порядко)

¹ И кэдыя Давýдо кэ пэ дро Ерусалимо сарэн Израилёскирэ тхагарýен [лыджаибнаскирэн-ю.о.], барыдырэн пэ рóды и барыдырэн пэ дружыны [отделы-р.с.], савэ дынариндлэ кралýскэ, и тысёнцэнгирэ барыдырэн, и шэлэнгирэ барыдырэн, и манушэн, савэ сýс барыдырá пэ сарý фелáтин и пэ стáды кралýскирэ, и лэскирэ чхавэн скопцэнца (евнухэнца), халадэнгирэ барыдырэн, и сарэн муршканэ муршэн. ² И тэрдия крáли Давýдо пэ пэскиро гэрá, и пхэндя: “Шунэн ман, мирэ пшалалэ и мирэ манушáлэ! Сýс мáндэ пэ илó тэ кэрáв кхэр ваш рамáнэ ваш Рáскирэ-Дэвлэскиро заветóскиро ковчэго и прэдко тэл гэрá амарэ Дэвлэскирэ, и сарó, со трэй тэ чхувэн Кхэр, мэ скэдыём ваш бутý. ³ Нэ Дэвэл пхэндя мáнгэ: “На кэр Кхэрá Мирэ лавэскэ, пал-довá со ту сан мануш, савó псирдян пэ марибэн и прочхудян рат.” ⁴ Усаэкх выкэдыя Рай Дэвэл, Дэвэл Израилёскиро, ман сарэ мирэ-дадэскирэ кхэрэстыр, соб (кай) тэ явав мáнгэ кралýса пэ Израилё пэ вéко, пал-довá со Юдас выкэдыя Ёв тхагариса, а дро кхэр Юдáскиро исын кхэр мирэ-дадэскиро, а мирэ-дадэскирэ чхавэндýр ман закамдý тэ чхувэл кралýса пэ сарó Израилё, ⁵ и сарэндýр мирэндýр чхавэндýр, – пал-довá со бут чхавэн дýя мáнгэ Рай Дэвэл, Ёв выкэдыя Соломонос, мирэ чхавэс, тэ бэшэл пэ Рáскирэ-Дэвлэскиро кралипнаскиро трóно пэ Израилё, ⁶ и пхэндя мáнгэ: “Соломóно, тырó чхавó, кэрэла Кхэр Мирó и грэды (дворы) Мирэ, пал-довá со Мэ выкэдыём лэс Пэскэ дрэ чхавэстэ, и Мэ явáва лэскэ Дадэса. ⁷ И кэрáва Мэ лэскиро кралипэн пэ вéко, кóли ёв явэла твaрдэс тэ кэрэл сарó пир Мирэ припхэныбэнá и упхэныбэнá Мирэ, сыр кэ давá дывэс.” ⁸ И аканá ангýл якхá сарэ Израилёскирэ, Рáскирэ-Дэвлэскирэ скэдыибнаскирэ, и дрэ канá амарэ Дэвлэскирэ ракирáва: “Ракхэн и рикирэнпэ кэ сарэ припхэныбэнá Рáскирэ-Дэвлэскирэ, амарэ Дэвлэскирэ, соб (кай) тэ заухтылэн тумэнгэ далэ лачхэ пхувýя и тэ ячкирэн ла палó (после) пэстэ дрэ мэкнó миштыпэн пэскирэ чхавэнгэ пэ вéко; ⁹ и ту Соломóно, миро чхавó, джин Дэвлэс тырэ дадэскирэс, и дынарин Лэскэ сарэ илэстыр и сарэ дэстыр, пал-довá со Рай Дэвэл спробинэла сарэ илэ и джинэла сарэ дýмы. Кóли ту явэса тэ родэс Лэс, тэды латхэса Лэс, а кóли ячкирэса Лэс, Ёв ячкирэла тут сарэса. ¹⁰ Дыхх аканá, кéли Рай Дэвэл выкэдыя тут тэ кэрэс Кхэр ваш свэнто штéто, яв зоралэ-волякиро (твардо) и кэр. ¹¹ И отдыя Давýдо Соломонóскэ, пэскирэ чхавэскэ, чэртё’жо ваш трéмо, и лэскирэ-кхэрэнгиро, и ваш штýбы упрáл, и пиралý лэскирэ, и лэскирэ андратунэ коморы (харомы), и кхэрá ваш ковчэго, ¹² и чэртёжо ваш сарó, со сýс лэстэ пэ ди, грэды пашýл Рáскирэ-Дэвлэскирэ Кхэрэскиро и сарэ штýбы трусцýл, ваш пиралý Рáскирэ-Дэвлэскирэ Кхэрэскирэ и ваш пиралý, кай тэ рикирэн свэнта кхорэ; ¹³ и ваш коморы рашáнгирэ и Левитэнгирэ, и ваш кажно рэндо, сыр тэ дынаринэн дрэ Рáскирэ-Дэвлэскиро Кхэр, и ваш сарэ кхорэ, сыр тэ лэс лэн дрэ бутý пэ Рáскирэ-Дэвлэскиро Кхэр; ¹⁴ и пал сувнакунэ предметы (чысы), упхэндлэ пхарипнаса (весоса), ваш кажно кхорó, со сýс дрэ бутý, пал сарэ предметы рупувэ, упхэндлэ вагаса, ваш кажно кхорó тэ дынаринэн. ¹⁵ И дýя сувнакáй ваш момолытка (светильники) и ваш сувнакунэ лэнгирэ лампы, упхэндлэ вагаса ваш кажно момэлытко и лэскирэ лампы, адýкэ-паць ваш момолытка рупувэ, упхэндлэ вагаса ваш кажно момолытко и лэскирэ

лампады, дыкхй пир упхэныбён кажнонэ момэлытконэскэ тэ лэс лэн ваш дынарибён. ¹⁶ И сувнакай дыя ёв ваш скаминда, кай сыс свэнто маро, ваш кажно сувнакуно скаминд, и руп ваш скаминда рупувэ, ¹⁷ и видэлки (бустя), и тахтая (чашы), и кучика (кружки) тэ кропинэн жужэ сувнакастыр, и сувнакунэ чарэ упхэндлэ пхарипнаса (весоса) ваш кажно чаро, и рупувэ чарэ, упхэндлэ вагаса ваш кажно чаро, ¹⁸ и ваш алтарё вычхудэ сувнакастыр тэ тхувлякирэс упхэндлы вага, и чэртёжо, сыр тэ кэрэс марибнытко вурдэн сувнакунэ херувимэнца, савэ розмэкэна пхака (крылы) и, савэ учхакирэнас ковчэго Рáскирэ-Дэвлэскиро Заветоса. ¹⁹ Саро дава исын дро лыл Рáстыр-Дэвлэстыр, ракирдя Давидо, сыр Ёв сыклякирдя ман пэ сарэ рэнды стройкакирэ.” ²⁰ И пхэндя Давидо пэскирэ чхавэскэ Соломонóскэ: “Яв зоралэ-волякиро (твардо) и муршканó, и лэпэ пал рэндо; на дар и на страхандёв, пал-дова со Рай Дэвлэ, Дэвлэ миро, явэла туса; Ёв на отджала тугыр, и на ячкирэла тут, пака ту кэрэса саро рэндо, саво трэй ваш свэнто буты дро Рáскирэ-Дэвлэскиро Кхэр. ²¹ И, акэ, отдёлы рашангирэ и Левитэнгирэ, ваш кажно буты пашыл Кхэр Рáскирэ-Дэвлэскиро. И тутэ исын ваш кажно рэндо лачхэ мануша, ваш кажно буты, савэ камэна ла и исын спёцы; и барыдыра и сарэ мануша, кон исын пир зор и годы пэ сарэ тырэ упхэныбэна.”

Шэро 29

Упхэныбён Саламоноскэ тэ Чхувэл Кхангири

¹ И ишчо (инкэ) пхэндя крáli Давидо сарэ скэдыибнаскэ: “Соломоно, миро чхаво, савэс екхэс выкэдыя Дэвлэ, тэрно и набарэ-зорьякиро, а буты дая исын бари; пал-дова со на ваш манушэскэ явэла Кхэр дава, а ваш Рáскэ-Дэвлэскэ. ² Сарэ зорьэндир мэ скэдыём ваш Кхэр Дэвлэскиро мирэскиро сувнакай ваш сувнакунэ предметы, и руп ваш рупувэ предметы, и харкома ваш харкунэ предметы, састыр ваш саструнэ предметы, и вэш ваш вэшэскирэ предметы, барá ониксо и барá учхудэ, барá гожа и кажнонэ мастинэнгирэ (цвятэнгирэ), и люба дрога барá, и бут мраморо [мраморытка плиты-ю.о.]; ³ и ишчо (инкэ): пир миро дова, со мэ отдыён пэс Кхэрэскэ мирэ Дэвлэскиро, исын мандэ миро кучипэн сувнакастыр и рупэстыр; и лэс мэ отдава ваш мирэ-Дэвлэскиро Кхэр, упрал сарэстыр, со мэ скэдыём ваш свэнто Кхэр; ⁴ трин тысёнцы таланты сувнакай, сувнакай Офирско, и эфта тысёнцы таланты жужо руп, тэ обчхувэн ванты дрэ кхэра, ⁵ ваш кажно сувнакуно предмето, и ваш кажно рупувэ предмето, и ваш кажно выкэрибэн, со кэрэла спёцо пир вастэнгири буты. Ци камэла ишчо (инкэ) вари-кон тэ дэл ададывэс ваш Рáскэ-Дэвлэскэ?” ⁶ И лынэ тэ дэн чэкарьэнгирэ барыдыра, и барыдыра Израилэскирэ пэ родыцы, и барыдыра пэ тысёнцы и пэ шэла, и барыдыра пэ фэлатин кралискиро. ⁷ И ёнэ дынэ, соб (кай) тэ чхувэн Дэвлэскиро Кхэр пандж тысёнцы таланты и дэш тысёнцы драхмы сувнакай, и руп дэш тысёнцы, и харкунэ дэшуохто тысёнцы таланты, и састыр шэл тысёнцы таланты. ⁸ И конэстэ латхнэпэ дрога барá, то одолэ отдынэ и лэн дрэ кучипнаскири пиралы Рáскирэ-Дэвлэскирэ Кхэрэскэ, пэ васта Ехиилоскэ Герсонитяниноскэ. ⁹ И радындлэпэ мануша зэвлыпнаскэ лэнгирэскэ, пал-дова со ёнэ сарэ илэстыр отдэнас Рáскэ-Дэвлэскэ; адякэ-паць и крáli Давидо дрэван радындяпэ.

Давидо Барьякирэла Дэвлэс

¹⁰ И бахтякирдя Давидо Рас-Дэвлэс ангил саро скэдыибён, и пхэндя Давидо: “Тэ явэс бахтякирдэ Ту, Раё Дэвла, Израилэскиро, амарэ дадэскиро, векостыр и пэ веко! ¹¹ Тыро, Раё Дэвла, райканыпэн, и зоралыпэн, и слава, и збёрдыма (побэда), и саро, со исын пэ болыбён и пэ пхув, исын Тыро; Тыро, Дэвла, кралипэн, и Ту сан вучэдыр сарэстыр, сыр Баро Рай, Саво хулаинэла. ¹² И барвалыпэн, и слава Тырэ мо́стыр, и Ту хулаинэса пэ саро; и дро Тыро васт зор исын зор и зоралыпэн; и дрэ Тыри зор тэ барьякирэс и тэ зоралыкирэс саро. ¹³ И аканá, амаро Дэвла, амэ парикираса Тукэ, и шараса славутно лав Тыро. ¹⁴ Пал-дава со кон мэ сом, и кон мирэ мануша исын, со амэ могоиндям адякэ тэ отдас куч предметы? Нэ Тугыр

исын сарó, и Тырэ вастэстыр дорэсно, со амэ отдыам Тукэ, ¹⁵ пал-дова со чужа манушá амэ сам ангил Тútэ и сыр манушá, савэ явдям явирэ ригатыр, сыр и сарэ амарэ дада; сыр зэр (цень) исын амарэ дывэсá пэ пхув, и нанэ ничи, со гарá (длугэс) тырдэлапэ (исын вечно). ¹⁶ Раё Дэвла, Дэвла амарó! Сарó дава барó запасо, савó скэдыам амэ, соб (кай) тэ чхувас Кхэр Тукэ, свэнтонé Тырэ лавэскэ, Тырэ вастэстыр исын ёв, и сарó исын Тúтыр. ¹⁷ Джинóм, миро Дэвла, со Ту спробинэса илó и камэса жужэилыткима; мэ жужэ (чыстонэ) илэстыр мирэстыр дыём сарó дава, и аканá мэ дыкхава, со и Тырэ манушá адякэ-паць, савэ адай исын, радымаса янэна Тукэ. ¹⁸ Раё Дэвла, Дэвла Авраамóскиро, Исаакоскиро и Израилёскиро, дадэнгирэ-амарэнгиро! Зрáкх дава пэ véко, дава отлыджыибэн думкакиро, пэ илэ манушэнгирэ Тырэнгирэ, и ян илó лэнгиро кэ Ту. ¹⁹ Соломонóскэ, мирé чхавэскэ, дэ илó чачунó, соб (кай) ёв тэ рахэл припхэныбэна Тырэ, отчхакирибэн Тырó и упхэныбэна Тырэ, и тэ кэрэл сарó дава и тэ кэрэл кхэр, ваш савó мэ кэрдём запасы.” ²⁰ И пхэндя Давидó сарэ скэдыибнаскэ: “Тэ бахтякирэн сарэ амарэс Рас Дэвлэс, Дэвлэс амарэс.” – И бахтякирдя сарó скэдыибэн Рас-Дэвлэс, Дэвлэс пэскирэ-дадэнгирэс, и пынэ, и поклониндлэпэ Рáскэ-Дэвлэскэ и краліскэ.

Соломонос Помакхнэ

²¹ И яндлэ свэнта дыибэна Рáскэ-Дэвлэскэ, и газдынэ цэло схачкирибэн Рáскэ-Дэвлэскэ, пэ явир дывэс палó (после) дава дывэс: тысёнце тэрнэ гурувэн, тысёнце бакрэн, тысёнце бакрорэн лэнгирэ тхадунэ чхуибнаса, и бут свэнта яныбэна Рáскэ-Дэвлэскэ сарэ Израилёстыр. ²² И ханэ, и пинэ ангил Растэ-Дэвлэстэ дрэ дова дывэс, барэ радымаса, и дрэ явир мóло чхудэ краліса Соломонос, Давидóскирэ чхавэс, и помакхнэ лэс ангил Растэ-Дэвлэстэ дрэ шэралэ барыдырэстэ, а Садокос дрэ рашастэ. ²³ И бэстя Соломоно пэ трóно Рáскирэ-Дэвлэскиро, сыр крáли, пэ штéто Давидóскиро, пэскирэ дадэскиро, и сыс миштó сарó лэстэ, и сарó Израилё кандыя лэс. ²⁴ И сарэ барыдыра и манушá дрэ зор, адякэ-паць и сарэ краліскирэ Давидóскирэ чхавэ поддынэпэ Соломонóскэ, краліскэ. ²⁵ И газдыя вучэс Рай Дэвэл Соломонос ангил сарэ якхá Израилёскирэ, и дыя лэскэ слáва кралипнаскири, сави на сыс англэдыр лэстыр ни екхэ кралістэ пэ Израилё. ²⁶ И Давидó, чхавó Есеёскиро, сыс краліса пэ сарó Израилё. ²⁷ Часо лэскирэ кралипнаскэ пэ Израилё сыс штáрдэшá бэрш: дро Хевроно сыс краліса ёв эфтá бэрш, и дро Ерусалимо сыс краліса трийнда трин бэрш. ²⁸ И мыя дро лачхó пхурипэн, бахталыи джиибнаса, барвалыпнаса и славаса; и яця краліса о Соломоно, лэскиро чхавó, пэ штéто лэскиро. ²⁹ Рэндэ (дэлы) краліскирэ Давидóскирэ, англатунэ и палатунó (последня), чхиндлэ дрэ зачхиныбэна Самуилоскирэ, и дрэ зачхиныбэна Нафаноскирэ-пророкоскирэ, и дрэ зачхиныбэна Гадóскирэ. ³⁰ Адякэ-паць и сарó кралипэн лэскиро, и муршкипэн лэскиро, и ваканцыи (случаи), савэ кэрдэпэ лэса, и Израилёса, и сарэ пхувьякирэ кралипнэнца.

Явир Хронология (2 Паралипоменоно)

Шэрó 1

¹ И яця зоралэдыр Соломоно, Давидóскиро чхавó, дрэ кралипэн пэскиро; и Рай Дэвэл, Дэвэл лэскиро, сыс лэса, и газдыя лэс вучэс. ² И припхэндя Соломоно тэ скэдэнпэ сарэ Израилёскэ: барыдырэнгэ пэ тысёнцы, и барыдырэнгэ пэ шэла, и сэндарьенгэ, и сарэнгэ, кон сыс барыдырó пир сарó Израилё – родэнгирэ (стрэчэнгирэ) шэралэнгэ. ³ И гинэ Соломоно и сарó скэдыибэн лэса пэ вучипэн, со сыс дро Гаваóно; пал-дова со одой сыс Дэвлэскири скэдыибнаскири скіния, сави кэрдя Мойза (Моисеё), Рáскирэ-Дэвлэскиро писхари, пэ чхучи пхув. ⁴ Ковчэго Дэвлэскиро яндя Давидó Кириафиаримостыр [Кириаф-Яримостыр-ю.о.] пэ штéто, савó пригòтовиндя ваш лэскэ Давидó, кэрдя ваш Лэскэ скіния дро Ерусалимо. ⁵ А харкуно (медно) алтарё, савó кэрдя Веселеило, Урияскиро чхавó, Ораскирэ-

чхавэскиро, яцйпэ одой, ангил Рáскирэ-Дэвлэскири скýния, и дэнас патыв одой Лэскэ Соломо́но скэдыбнаса. ⁶ И одой ангил муй Рáскирэ-Дэвлэскиро, пэ харкуно алтáрё, саво сыс ангил скэдыбнаскири скýния, газдыя Соломо́но тысёнцо цэло схачкирибэн. ⁷ Дрэ доя рат сыкадыя Дэвэл Соломонóскэ и пхэндя лэскэ: “Манг, со Мánгэ тэ дав тукэ?” ⁸ И пхэндя Соломо́но Дэвлэскэ: “Ту кэрдян Давидóскэ, мирé дадэскэ, барó лачхипэн и чхудян ман кралýса пэ штéто лэскиро. ⁹ Мэк тэ кэрэлпэ кэ кóнцо/ягóро (тэ сполнинэлпэ), Раё Дэвла, лав Тырó кэ Давýдо, миро дад. Адякэ сыр Ту чхудян ман кралýса пэ бутэ манушэндэ, савэ исын сыр пра́хо пхувьякиро, ¹⁰ то тэды аканá дэ мánгэ годы́ и джиныбэн, соб (кай) мэ тэ джина́в ангил адалэ манушэндэ, сыр тэ выджав и тэ заджав; пал-довá со, кон могоинéла тэ хулаинéл (тэ сэндякирэл) чачунэс далэ Тырэ бутэ манушэнца?” ¹¹ И пхэндя Дэвэл Соломонóскэ: “Пал-довá, со давá сыс пэ тырó ило́, и ту на мангдян ни барвалыпэн, ни фелатин и ни слáва, и ни ди вэргэнгирэ тырэнгирэ, и адякэ-паць ту на мангдян пэскэ бут дывэса́, а мангдян пэскэ годы́ и джиныбэн, соб (кай) тэ хулаинэс (тэ сэндякирэс) чачунэс Мирé манушэнца, пэ савэндэ Мэ чхудём кралýса тут, ¹² годы́ и джиныбэн дэлапэ тукэ, а барвалыпэн, и фелатиня, и слáва Мэ да́ва тукэ дасавэ́, ровня савэнгэ на сыс кральэндэ англэдыр тۇтыр, и на явэла палó (после) тۇтэ.” ¹³ И явдя Соломо́но вучипна́стыр, со сыс дро Гавао́но, скэдыбнаскирэ скиниятыр дро Ерусалимо; и сыс ёв кралýса пэ Израилё. ¹⁴ И скэдыя Соломо́но марибнýтка вурдына́ и манушэн, савэ сыс уклистэ́ пэ грэндэ; и сыс лэстэ́ тысёнцо штáршэлá вурдына́ и дэшудýй тысёнцы манушá, савэ сыс уклистэ́ пэ грэндэ; и ёв рочхудя́ лэн тэ дживэн дрэ вурдэнытка фóрья и пашыл кралýстэ́ дро Ерусалимо. ¹⁵ И кэрдя́ крáли руп и сувнака́й дро Ерусалимо пир дасавý-паць тимýн, сыр просто бар, а кедры, сыр лэн бут, кэрдя́ дасавý-паць тимýн сыр сикоморэнгэ, савэ исын пэ тэлатунé штéты. ¹⁶ Грэн Соломонóскэ янэнас Египтóстыр Куватыр: кúпцы (тылгáрья) кральенгирэ Куватыр кинэнас лэн пал ловэ́. ¹⁷ Марибнýтко вурдэн сыс дорэсно и яндлю сыс Египтóстыр пал шовшэлá шéкели руп, а грай пал шэл тэ пандждэшá. Адякэ-паць ёнэ пэскирэ вастэнца янэнас давá сарé кральэнгэ Хетеенгирэнгэ и кральэнгэ Арамеенгирэнгэ.

Шэро́ 2

¹ И прилыя́ дума Соломо́но тэ кэрэл Кхэр ваш лав Рáскирэ-Дэвлэскиро и кхэр кралýскиро ваш пэскэ. ² И отгиндя Соломо́но эфтадэшá тысёнцы манушэн, савэ лыджáнас и охтодэшá тысёнцы манушэн, савэ бара́ чингирдэ дрэ бэрги, и манушэн, соб (кай) тэ придыкхэн пал лэндэ сыс трин тысёнцы шовшэлá. ³ И бичхадя́ Соломо́но кэ Хирамо, крáли Тироскиро, тэ пхэнэл: “Сыр кэрдян ту Давидоса, мирé дадэса, и бичхадян лэскэ кедры тэ чхувэл кхэр ваш лэскиро джибэн, адякэ кэр и мánца.” ⁴ Га́да, мэ кэра́ва Кхэр Рáскирэ-Дэвлэскиро , мирé Дэвлэскирэ лавэскэ, тэ свэнцынав Лэскэ, соб (кай) тэ хачкирэс ангил Лэстэ́ дро́га смóлы, тэ чхувэс сарó часо (цýро) марó пэ злóко (пэ рáнко) и бэльвэлé дрэ сáваты (суботы), и дрэ нэво́ чхон, и дрэ свэнки Рáскирэ-Дэвлэскирэ, амарé Дэвлэскирэ, со пэ сарó джибэн тэ явэл упхэндлó Израилёскэ. ⁵ И Кхэр, савó мэ кэра́ва, явэла барó-барó, пал-довá со древáн барó исын Дэвэл амарó, вучэдыр сарé дэвлорэндыр. ⁶ И ци ухтылла (дóси) конэстэ зор тэ кэрэл Лэскэ Кхэр, кéли болыбэн и болыбэна исын тыкнэ́ ваш Лэскэ? И кон мэ сом, соб (кай) тэ могоинав тэ кэра́в Лэскэ Кхэр? Нау́што екх ваш давá (фóни), соб (кай) тэ хачкирэн дро́га смóлы ангил муй Лэскиро. ⁷ И адякэ бичхáв мánгэ манушэс, савó джинэла тэ кэрэл формы сувнака́стыр, и рупэстыр, и харкомáтыр, и састырэстыр, и тхавэндыр пурпуровонэ́, лолэ́ и яхонтонэ́ мастинятыр (цвято́стыр), и манушэс, савó джинэлас тэ вычхинэл вычхиндытко буты́, кхэтанэ́ художникэнца (графарьэнца), савэ исын мánдэ дрэ Юдэя́ и дро Ерусалимо, савэн скэдыя́ Давýдо, миро дад. ⁸ И бичхáв мánгэ кедрытко вэш, и кипарисо́ и сандалытко вэш Ливаностыр; пал-довá со мэ джинóм, со тырэ писхáрья джинэна́ тэ чингирэн вэш Ливаноскиро. И га́да, мирé писхáрья джáна тырэ писхaрьэнца, ⁹ соб (кай) мánгэ тэ скэдав бут вэш, пал-довá со Кхэр, савó мэ кэра́ва, тэ явэл барó и дивно. ¹⁰ И га́да, манушэнгэ, савэ чингирэна́ вэш, тырэ писхaрьэнгэ, мэ да́ва ваш хабэн: парнó гив биш тысёнцы коровы, и мол биш тысёнцы баты, и оливýтко дзэт биш тысёнцы баты.” ¹¹ И отпхэндя́ Хирамо, крáли

Тиростыр, лылэса, савó бичхадя кэ Соломóно: “Пир ласка кэ манушá Лэскирэ, Рай Дэвэл чхудя тут кралйса пэ лэндэ.” ¹² И ишчо (инкэ) пхэндя Хирамо: “Тэ явэл бахтякирдó Рай Дэвэл, Дэвэл Израилёскиро, Савó создыя болыбэн и пхув, дыи кралйскэ Давидóскэ годьварэ чхавэс, савэстэ исын джиныбэн и годы, савó камэла тэ кэрэл Кхэр Рáскэ-Дэвлэскэ и кхэр кралйскиро ваш пэскэ. ¹³ И адякэ мэ бичхавáва тукэ манушэс годьварэс, савэстэ исын джиныбэн, Хирам-Авиёс, ¹⁴ чхавэс екхэ джувлякирэс Данóскирэ чхаэндэр, – дад лэскиро Тириянино, савó джинэла тэ кэрэл фигуры сувнакастыр и рупэстыр, харкомáтыр, састырэстыр, барэндэр и вэшэстыр, тхавэндэр пурпуронэ, яхонтонэ мастинытыр (цвятостыр), и висонóстыр, и лолэ похтанэстыр, и тэ вычхинэл, савй камэс вычхиныбнытко буты, и тэ кэрэл сарó, со явэла пхэндлó лэскэ кхэтанэ художникэнца тырэнца и художникэнца (графарьэнца) хулáскирэ мирэскирэ Давидóскирэ, тырэ дадэскирэ. ¹⁵ А парнó гив и гэрсто (ячменё), ксил и мол (вино), пал савэндэ ракирдян ту, миро хулаё, бичхав тырэ писхарьэнгэ. ¹⁶ Амэ вычингираса вэш Ливаностыр, ци бут трэй тукэ, и притрадаса лэн плотэнца пир мórё (дэрьяв) дрэ Яфа; а ту отлыджаса лэн дро Ерусалимо. ¹⁷ И гиндя Соломóно сарэн манушэн явирэ ригэндэр, савэ сыс тэды пэ Израилёскири пхув, палó (после) лэнгиро пиригиныбэн, со кэрдя Давýдо, лэскиро дад, – и латхяпэ лэн шэл пандждэшá трин тысёнцы шовшэлá. ¹⁸ И кэрдя ёв лэндэр эфтадэшá тысёнцы манушэн, савэ лыджáнас, и охтодэшá тысёнцы манушэн, савэ вычингирэнас барá пэ бэрги, и трин тысёнцы шовшэлá манушэн, савэ дыкхнэ, соб (кай) тэ газдэн манушэн кэ буты.

Шэрó 3

¹ И лыя Соломóно тэ кэрэл Рáскирэ-Дэвлэскиро Кхэр дро Еруса-лимо, пэ бэрга Мориа, савй сыс упхэндлы Давидóскэ, лэскирэ дадэскэ, пэ штэто, савó пригатовиндя Давýдо, пэ Орнаскирэ-Иевусеяниноскири шýрна. ² Лыя ёв тэ кэрэл пэ явйр дывэс явирэ чхонэскиро, дро штáрто бэрш пэскирэ кралиппнаскиро. ³ И акэ, подмуровка, савй чхудя Соломóно, кэли кэрэнас Рáскирэ-Дэвлэскиро Кхэр: длэнгипэн лэскиро сыс шовдэшá куня, пир доя мёра, а буглыпэн биш куня; ⁴ и трэмо, савó сыс ангйл кхэр, длэнгипнаса, пир кхэрэскиро буглыпэн, сыс дрэ биш куня, а вучипнаса дрэ шэл тэ биш. И обчхудя лэс андрé жужэ сувнакаса. ⁵ Англуно кхэр обсудя ёв кипарисытконэ вэшэса и обчхудя лэс фэдыршонэ сувнакаса, и кэрдя пэ лэстэ пальмы и зандирорья (цэпочки). ⁶ И обчхудя Кхэр дрогонэ барэнца ваш шукарипэн; сувнакай сыс Парваимостыр. ⁷ И учхакирдя Кхэр, брэвны, проги, и ванты лэскирэ, и вударá лэскирэ сувнакаса, и вычхиндя пэ ванты херувимы. ⁸ И кэрдя ёв Свэ́нто-свэ́нтонэнгиро: длэнгипэн лэскиро, пир буглыпэн кхэрэскиро, сыс дрэ биш куня, и буглыпэн лэскиро дрэ биш куня, и лэскиро буглыпэн дрэ биш куня; и учхакирдя лэс фэдыршонэ сувнакаса, пэ шовшэлá талáнты. ⁹ Дрэ гвозды (карфина) пхарипэн (весó) вага сыс пэ пандждэшá шéкели сувнакай. Залы адякэ-паць ёв учхакирдя сувнакаса. ¹⁰ И кэрдя ёв дрэ Свэ́нто-свэ́нтонэнгиро дуй херувимы вычхиндытконэ бутятыр, и учхакирдя лэн сувнакаса. ¹¹ Пхакá (крылы) херувимэнгирэ сыс длэнгипнаса дрэ биш куня. Екх пхак дрэ пандж куня дорэсэла кэ Кхэрэскири вáнта, а явйр пхак дрэ пандж куня зджалапэ пхакаса явирэ херувимоскирьяса; ¹² дасавй-паць сыс и пхак явирэ херувимоскиро дрэ пандж куня и дорэсэла кхэрэскирэ ванты, а явйр пхак дрэ пандж куня зджалапэ пхакаса явирэ херувимоскирэса. ¹³ Пхакá далэ херувимэнгирэ сыс розмэкнэ пэ биш куня; и ёнэ сыс тэрдэ пэ пэскирэ гэрá, пэскирэ муэнца кэ Кхангири. ¹⁴ И кэрдя ёв полого яхонтытконэ, пурпуронэ, и ярконэ-лолэ тханэстыр/матер’алостыр (похтанэстыр) и вылыджия пэ лэстэ херувимы. ¹⁵ И кэрдя ёв ангйл Кхангири дуй стылбы, длэнгипнаса пир триянда пандж куня, и капитэль упрáл кажно сыс дрэ пандж куня. ¹⁶ И кэрдя зандирорья (цэпочки), сыр дрэ свэ́нто штэто, и чхудя упрé пэ стылбы, и кэрдя шэл гранатытка пхабá, и чхудя лэн пэ зандирорья. ¹⁷ И чхудя стылбы ангйл Кхангири, екх пэ чачй (право) риг, явйр пэ зэрво (лёво) риг и дыя лав чачунэскэ Иахино (Яхино), а зэрвонэскэ лав Воазо.

Шэрó 4

¹ И кэрдя ёв харкуно алтáрë: лэскиро длэнгипэн сыс биш куня, и биш куня сыс лэскиро буглыпэн, и вучипэн лэскиро сыс дэш куня. ² И кэрдя ёв мórë (дэрьяв) вычхудо, – лэскирэ ягорóстыр кэ лэскиро явír ягóро сыс дэш куня, – сарó крэнгло, вучипна́са сыс дрэ пандж куня; и дрэ трийнда куня облэлас лэс трусцял (кругоса); ³ и вычхудэ копии гурувэн, со сыс тэрдэ тэл лэстэ трусцял сарэ ригэндýр; пэ дэш куня облэнас мórë (дэрьяв) трусцял дуй ряды гурувэн, вычхудэ екхэ чхуибна́са лэса. ⁴ Тэрдó сыс ёв пэ бишэ гурувэндэ: трин дыкхнэ пэ паш-рат (пэ северо), и трин дыкхнэ пэ западо (пал-панитко риг) и трин дыкхнэ пэ паш-диввэс (пэ юго), и трин дыкхнэ пэ вастóко, – и мórë (дэрьяв) упрáл пэ лэндэ; лэнгирэ палуя сыс рискирдэ андрé тэл лэстэ. ⁵ Грэмби́пнаса ёв сыс дрэ бурнык (ладонь); и лэскирэ ягóры (край), кэрдэ сыс, сыр тахтаскирэ ягóры (край), савэ поджанас пэ лилия, савí розмэ́кцяпэ. Дрэ лэстэ заджалас кэ трин тысёнцы баты. ⁶ И кэрдя ёв дэш москирэ чарэ, и чхудя пандж пир чачí риг и пандж пир зэрво риг, соб (кай) дова́, со сыс приладиндлю кэ цэ́ло схачкирибэн тэ морэн дрэ лэндэ; мórë (дэрьяв) – ваш рашангэ, соб (кай) ёнэ тэ морэ́нпэ дрэ лэстэ. ⁷ И кэрдя ёв дэш сувна́кунэ момолы́тка (светильники), сыр лэнгэ трэй тэ явэн, и чхудя дрэ Кханги́рй, пандж пир зэрво риг и пандж пир чачí риг. ⁸ И кэрдя ёв дэш скаминда, и чхудя дрэ Кханги́рй, пандж пэ чачí риг и пандж пэ зэрво риг, и кэрдя шэл сувна́кунэ тахтая́ (чашы). ⁹ И кэрдя ёв рашанги́ри грэ́да (двóро), и бари грэ́да, и вударá кэ грэ́да, и верéи лэнгирэ обчхудя харкомаса (медяса). ¹⁰ Мórë (дэрьяв) чхудя пэ чачí риг, пэ паш-диввэс-вастóко. ¹¹ И кэрдя Хирамо барэ чарэ (мыски) и лопатки, и тахтая́. И кэрдя Хирамо буты́, савí кэрдя ваш кралíскэ Соломо́нóскэ дрэ Рáскирэ-Дэвлэ́скиро Кхэр. ¹² Дуй стýлбы, и дуй кусты́ка венцэнгирэ пэ стýлбэнгиро вучипэн, и дуй кхудя ваш учхакирибэн дуй кусты́ка вэнцэнгирэ, савэ сыс пэ стýлбэнгиро шэрó, ¹³ и штáршэлá гранаты́тка пхабá пэ дуй кхудя, дуй ряды гранаты́тка пхабá ваш ка́жно кхуды́, ваш учхакирибэн дуй кусты́ка вэнцэнгирэ, савэ сыс пэ стýлбы. ¹⁴ И подчхуибэ́на кэрдя ёв, и москирэ чарэ кэрдя пэ подчхуибэ́на; ¹⁵ екх мórë (дэрьяв), и дэшуду́й гурува тэл лэстэ, ¹⁶ и барэ чарэ (мыски), и лопатки, и бустя́, и сарэ струмэ́нты лэнгирэ кэрдя Хирам-Ави́ё кралíскэ Соломо́нóскэ, ваш Рáскирэ-Дэвлэ́скиро Кхэр, полированонэ харкомáтыр. ¹⁷ Дрэ штэ́ты пашэ-форитка Иорда́но вычхудя лэн крáли, дрэ глэ́итко (глины́тко) пхув, машкíр Сокхо́фомо и Цэ́реда. ¹⁸ И кэрдя Соломо́но сарэ далэ предметы (чы́сы) древа́н бут ады́кэ, со на джиндлэ харкуна́кэ (медя́ке) вага. ¹⁹ Ады́кэ-па́ць кэрдя Соломо́но сарэ кхорэ́ (сасу́ды) ваш Рáскирэ-Дэвлэ́скиро Кхэр и сувна́кунэ алтáрë, и скаминда, пэ савэ свэ́нто марó чхувэ́нас, ²⁰ и момолы́тка (светильники), и лампа́дки лэнгирэ, соб (кай) тэ захачкирэс лэн пир упхэ́ныбэн а́нгíл давиро, ёнэ сыс жужэ́ сувна́ка́стыр; ²¹ и лулудя́ (цвэ́ты), и лампа́дки, и обцуги (шчы́пцы) сувна́ка́стыр, най́ жужэ́ сувна́ка́стыр, ²² и чхуря́, и ко́паныцы, и тахтая́, и лотки сувна́ка́стыр най́ жужэ́стыр; и вударá Кханги́рьякирэ, – вударá ла́кирэ андратунэ́ дрэ Свэ́нто-свэ́нтонэнгиро, и вударá Кханги́рьякирэ пэ са́мо свэ́нто штэ́то, сувна́ка́стыр.

Шэрó 5

¹ И закончы́ндяпэ сарí буты́, савí кэрдя Соломо́но ваш Рáскирэ-Дэвлэ́скиро Кхэр. И я́ндя Соломо́но да́ры, со отды́я Дави́до, лэскиро дад; и руп, и сувна́кай, и сарэ струмэ́нты отды́я дрэ Дэвлэ́скирэ-Кхэрэ́скирэ пираля́. ² Тэды скэ́дыя Соломо́но Израилё́скирэ пхурыды́рэн и сарэ́н шэ́ралэн пэ ро́дыцы, барыды́рэн Израилё́скирэ́н пэ чхавэ́нгирэ стрэ́чы, дро Ерусали́мо, соб (кай) тэ лы́джан пэ явír штэ́то Дэвлэ́скирэ-заветóскиро ковчэ́го Давидо́скирэ фо́ро́стыр, Сионо́стыр. ³ И скэ́дынэ́пэ кэ крáли сарэ́ Израилё́ты́ни пэ свэ́нко, пэ э́фтáто чхон. ⁴ И явнэ́ сарэ́ Израилё́скирэ пхурыды́ра. Левíты лы́нэ ковчэ́го; ⁵ и лы́джинэ́ ковчэ́го, и скэ́дыибна́скири скíния, и сарэ́ свэ́нта кхорэ́, савэ сыс дрэ скíния, лы́джинэ́ лэн раша́я и Левíты. ⁶ Крáли Соломо́но и сарэ́ Израилё́скирэ мануша́, савэ скэ́дынэ́пэ кэ ёв а́нгíл ковчэ́го, я́нэнас свэ́нта дыибэ́на́ Рáскэ-Дэвлэ́скэ бакрэ́ндыр и гурувэндýр, савэ́н сыс нашты́

тэ згинэс и тэ уджинэс, пал-дова со лэн сыс древан бут. ⁷ И яндлэ рашая Рáскирэ-Дэвлэскирэ заветóскиро ковчэго пэ лэскиро штэто, дрэ Кхангирьякиро давиро – дрэ Свэнтó-свэнтонэнги́ро, тэл пхакá (крылы) херувимэнгирэ. ⁸ И херувимы росчхудэ пхакá пэ ковчэгоскиро штэто и баландиня (шосты) лэскирэ упрáл. ⁹ И вытырдынэ пэ баландиня (шосты) ковчэгоскирэ адякэ, со ягóры (край) баладинэнги́ро сыс бицялэ ангíл давиро, нэ на сыкадынэ яври́, и ёнэ одóй кэ дава́ дывэс. ¹⁰ На сыс дро ковчэго ничы́ апрíч дуй скрижáли (таблицы), савó чхудя Мóйза пэ Хориво, кели Рай Дэвэл кэрдя́ завето́ Израилёскирэ чхавэнца, пир лэнги́ро выги́ибэн Египтóстыр. ¹¹ Кели рашая выгинэ́ свэнтонэ́ штэто́стыр, пал-дова со сарé рашая, савó сыс одóй, высвэнцындлэпэ, би дыкхибнаскиро пэ отdéлы, савэндýр сыс ёнэ; ¹² и Левíты-багаибнарья, – савó сыс Асафо, Эмано, Идифуно, и лэнги́рэ чхавэ́, и лэнги́рэ пшáла, – ури́дэ дро парно́ похтан, цымбалэнца, и лутэнца, и арфэнца сыс тэрдé пэ восточно́ риг алтарёскири, и лэнца сыс шэл тэ биш рашая, трубиндлэ́ рогэнца, ¹³ и сыс, сыр екх трубиндлэ́ и багандлэ́, выды́и екхэ заня́са кэ шарибэ́н и кэ парикирибэн Рáскэ-Дэвлэскэ; и, кели загреминдя́ зан рогэнги́ри, и цымбалэнги́ри, и багаибнытконэ́-струментэнги́ри, и шардэ́ Рас-Дэвлэс, и багандлэ́: “Ёв исын лачхó, пал-дова со дро вéко тангипэн Лэскиро”, тэды́ Кхэр, Рáскирэ-Дэвлэскиро Кхэр пхэрдякирдя́ óблоко, ¹⁴ и на мого́ндлэ́ рашая́ тэ тэрдён пэ дынарибэ́н (служба) пирдál óблоко; пал-дова со сла́ва Рáскирэ-Дэвлэскири пхэрдякирдя́ Дэвлэскиро Кхэр.

Шэрó 6

¹ Тэды́ пхэндя́ Соломóно: “Рай Дэвэл пхэндя́, со Ёв камéла тэ дживэл дро калыпэн (мрако), ² ‘мэ кэрдём Кхэр ваш джи́ибэн Тукэ́, штэто́ ваш Тукэ́ тэ дживэс (тэ ячэс вéчнэс).” ³ И рисия́ кра́ли пэскирэ́ мо́са, и бахтякирдя́ сарó Израильёскиро скэдыибэ́н, сарó Израильёскиро скэдыипэн сыс тэрдó, – ⁴ и пхэндя́: “Тэ явэл бахтякирдó Рай Дэвэл, Дэвэл Израилёскиро, Савó, со пхэндя́ Пэскирэ́ уштэнца́ Давидóскэ, мирé дадэ́скэ, то кэрдя́ аканá Пэскирэ́ вастéса!” Ёв ракирдя́: ⁵ “Долé дывэсэ́стыр, сыр Мэ́ вылыджиём́ манушэн́ Мирэн́ Египтóскирэ́ пхувья́тыр, Мэ́ на выкэдыём́ фóро ни дрэ́ екх роды́цэндýр Израилёскирэнды́р ваш Мánгэ́ тэ кэрэн́ кхэр, дрэ́ савó явэ́лас бы лав́ Мирó, и на выкэдыём́ манушэ́с, савó тэ явэл́ бы Мирé́ Израилёскирэ́ манушэнги́рэ́ кра́ли́са, ⁶ нэ́ Мэ́ выкэдыём́ Ерусали́мо, соб (кай) одóй тэ́ явэл́ Мирó лав, и Мэ́ выкэдыём́ Давидóс, соб (кай) ёв тэ́ явэл́ пэ́ Мирé́ Израилёскирэ́ манушэндэ́.” ⁷ И сыс пэ́ ило́ Давидóстэ́, мирé дадэ́стэ́, тэ кэрэл́ Кхэр́ ваш лав́ Рáскирэ-Дэвлэ́скиро, Израилёскирэ́ Дэвлэ́скиро. ⁸ Нэ́ Рай Дэвэл пхэндя́́ Давидóскэ́, мирé дадэ́скэ: “Тутэ́ исын пэ́ ило́ тэ́ кэрэ́с Кханги́ри́ Мирé́ лавэ́скэ; шука́р, со дава́ исын пэ́ ило́ тутэ́: ⁹ нэ́ ту уса́екх на кэрэ́са́ Кханги́ри́, а ты́ро чхавó, савó явэ́ла ты́рэ масэ́ндыр, ёв кэрэ́ла́ Кхэр́ (Кханги́ри́) Мирé́ лавэ́скэ. ¹⁰ И кэрдя́́ кэ́ концо́/ягóро (сполниндя́) Рай Дэвэл́ Пэскиро́ лав, савó ракирдя́: “Мэ́ тэрдие́м пэ́ Давидóскиро́ штэто́, мирé дадэ́скиро, и бэсцём́ пэ́ Израилёскиро́ трóно, сыр пхэндя́́ Рай Дэвэл, и кэрдём́ Кхэр́ Рáскирэ-Дэвлэ́скиро , Израилёскирэ́ Дэвлэ́скирэ́ лавэ́скэ. ¹¹ И мэ́ чхудём́ одóй ковчэго́, дро савó́ исын Рáскирэ-Дэвлэ́скиро́ завето́, савó кэрдэ́́ Лэ́са́ Израилёскирэ́ чхавэ́.” ¹² И тэрдия́́ Соломóно́ пашы́л Рáскирэ-Дэвлэ́скиро́ алта́рэ́ ангíл сарó́ Израилёскиро́ скэдыибэ́н, и газды́я пэ́скирэ́ вастá, – ¹³ пал-дова́ со Соломóно́ кэрдя́́ харкуно́ амво́но, длэнгипна́са дрэ́ пандж куня́́ и буглы́пнаса́ дрэ́ пандж куня́́, а вучипна́са дрэ́ трин куня́́, и чхудя́́ лэс машки́р грэ́да; и тэрдия́́ пэ́ лэ́стэ́, и тэрдия́́ пэ́ чанга́́ ангíл сарó́́ Израилёскиро́ скэдыибэ́н, и газды́я пэ́скирэ́ вастá́ кэ́ болы́бэ́н, ¹⁴ и пхэндя́́: “Раё́́ Дэ́вла, Дэ́вла́ Израилёскиро́! Нанэ́́ Дэ́влэс, адасавэ́с сыр́ Ту сан, ни пэ́́ пхув, ни пэ́́ болы́бэ́н. Ту́ ра́кхэ́са завето́́ и тангипэн́ кэ́ Ты́рэ́ писха́рья, савэ́́ псирэ́на́ ангíл́ Тутэ́́ сарé́ пэ́скирэ́́ илэ́са. ¹⁵ Ту́ кэрдян́ Ты́рэ́ писха́ри́скэ́́ Давидóскэ́́, мирé́ дадэ́скэ́, со́ Ту́ раки́рдян лэ́скэ́; со́ раки́рдя́́ Ту́ Ты́рэ́ уштэнца́́, дро́ дова́́ дывэ́с кэ́рдян́́ Ту́ Ты́рэ́ вастé́са. ¹⁶ И́ аканá́, Раё́́ Дэ́вла, Дэ́вла́ Израилёскиро́! Кэ́р Ты́рэ́ писха́ри́скэ́́ Давидóскэ́́, мирé́ дадэ́скэ́, дова́́, со́ Ту́ пхэндян́́ Лэ́скэ́, раки́ри́: “На́ пи́риячэ́ла́ тутэ́́ му́рш, савó́́ явэ́ла́ тэ́ бэ́шэл́́ ангíл́́ Мирó́́ му́й пэ́́ Израилёскиро́́ трóно, ко́ли́ екх́ ты́рэ́́ чхавэ́́ явэ́на́́ тэ́ ды́кхэн́́ пал́́ пэ́скирэ́́ дро́ма́, пси́ри́ пир́ Мирó́́ Зако́но́́ адя́кэ, сыр́ ту́ пси́рдян́́ ангíл́́ Мánдэ́.” ¹⁷ И́ аканá́, Раё́́ Дэ́вла, Дэ́вла́

Израилёскиро! Мэк тэ явэл чачунó Тырó лав, савó Ту ракирдян Тырэ писхарискэ Давидóскэ.

¹⁸ Ци пир чачипэн Дэвлéскэ тэ дживéс манушэнца пэ пхув? Кóли болыбэн и болыбна болыбнаскирэ исын тыкнэ ваш Тукэ, – долэса тыкнэдýр исын Кхангири́ дая, сави́ мэ кэрдём.

¹⁹ Нэ подыкх пэ Тырэ писхарискири пáтери (молитва) и пэ лэскиро мангипэн, Раё Дэвла, Дэвэл миро! Пришунпэ кэ гóдла и кэ пáтери, савья́са Тырó писхари́ мангэлапэ ангил Түтэ.

²⁰ Мэк тэ явэн Тырэ якхá отчхакирдэ пэ дая Кхангири́ дывэсэ и раты́, пэ штéто, кай Ту дыян лав тэ чхувэс Тырó лав, соб (кай) тэ шунэс пáтери, савья́са Тырó писхари́ явэла тэ мангэлпэ пэ дава́ штéто. ²¹ Вышýн мангипэн Тырэ-писхарискиро и Тырэ-Израилёскирэ манушэнги́ро, савэнца ёнэ явэна тэ мангэнпэ пэ дава́ штéто; вышýн Тырэ джиибна́скирэ штэтóстыр, болыбна́стыр, вышýн и отмэк грéхо! ²² Кéли вари-кон кэрэла грéхо проти пэскирэ пашатунэстэ и пхучэла лэстыр совэл, соб (кай) ёв тэ совлахал, и явэла тэ кэрэлпэ совэл ангил алтарё Тырó дрэ дая Кхангири́: ²³ то тэды Ту вышýн болыбна́стыр и кэр сэндо пэ Тырэ писхарьэндэ, отдэ бангэскэ, чхуви, со ёв кэрдя́ пэ лэскиро шэрó, и оправдын (чачакир) чачунэс, дэ лэскэ пир лэскиро чачипэн. ²⁴ Кéли явэна домардэ манушá Тырэ Израилёскирэ вэргоса пал дова́, со ёнэ кэрдэ грéхо ангил Түтэ, и ёнэ рисёна илэса кэ Ту, и пригалёна лав Тырó, и явэна тэ мангэн и тэ мангэнпэ ангил Түтэ дро дова́ Кхэр (дрэ дая Кхангири́), ²⁵ то тэды Ту вышýн болыбна́стыр и отмэк Тырэ Израилёскирэ манушэнги́ро грéхо, и рýскир лэн пэ пхув, сави́ Ту дыян лэнгэ и лэнги́рэ дадэнгэ. ²⁶ Кéли зачхакирлапэ болыбэн, и на явэла брышы́нд пал дова́, со ёнэ кэрдэ грéхо ангил Түтэ, и явэна тэ мангэнпэ пэ дава́ штéто, и пригалёна лав Тырó, и отджана пэскирэ грэхостыр, пал-дова́ со Ту чхудян лэн тэлэ, ²⁷ тэды Ту вышýн болыбна́стыр, и отмэк грéхо Тырэ писхарьенги́ро и Израилёскиро Тырэ-манушэнги́ро, упхэн лэнгэ лачхó дром, пир савó тэ джán лэнгэ, и бичхáv брышы́нд пэ Тыри́ пхув, сави́ Ту дыян Тырэ манушэнгэ дрэ мэкнó миштышэн. ²⁸ Ци бокх явэла пэ пхув, ци мороскирэ фрэнсы явэна, ци хачкирды балвэл явэла, ци ржа, ци пхакитка скочки, ци кирмо, ци явэна тэ притасавэн лэс лэскирэ вэрги пэ пхув, сави́ исын лэскири, ци явэла сави́ бйда, ци савó насвалышэн, ²⁹ то Ту кажно пáтери (молитва), кажно мангипэн, савó явэла вари-савэ манушэстыр, ци сарэ Тырэ Израилёскирэ манушэндýр, кéли ёнэ почуинэна кажно пэскири бйда и пэскиро горё, и протырдэна пэскирэ вастá кэ дая Кхангири́, ³⁰ Ту вышýн болыбна́стыр – Тырэ джиибна́скирэ штэтóстыр, и отмэк (простин), и отдэ сваконэскэ (кожнóнэскэ) пир сарэ лэскирэ дромá, сыр Ту джинэса лэскиро илó, – пал-дова́ со Ту джинэса манушэнги́рэ-чхавэнги́ро илó, – ³¹ соб (кай) ёнэ тэ дарэн Түтыр и тэ псирэн Тырэ дромэнца дрэ сарэ дывэсá, пака ёнэ дживэна пэ пхув, сави́ Ту дыян амарé дадэнгэ.” ³² Нэ и мануш явирэ-родоскиро, савó исын на Тырэ Израилёскирэ манушэндýр, кéли ёв явэла дуратунэ пхувья́тыр ваш Тырó барó лав, и ваш Тырó васт зоралышна́скиро, и псикó Тырó, со исын протырдыно, и явэла и лэла тэ мангэлпэ дрэ дая Кхангири́: ³³ то Ту вышýн болыбна́стыр, Тырэ джиибна́скирэ штэтóстыр, и кэр сарó, пал со явэла тэ рисёл илэса кэ Ту явирэ-родоскиро мануш, соб (кай) сарэ манушá пхувья́кирэ тэ уджинэн Тырó лав, и, соб (кай) тэ дарэн Түтыр, сыр Тырэ манушá, Израилё, и, соб (кай) джиндлэ, со Тырэ лавэса кхарэлапэ дава́ Кхэр, савó кэрдём мэ. ³⁴ Кéли выджана Тырэ манушá пэ марибэн пэ пэскирэ вэргэндэ дромэса, савэнгэ Ту бичхавэса лэн, и явэна тэ мангэнпэ Тукэ, рисёви кэ дава́ фóро, савó Ту выкэдыян, и кэ Кхангири́, сави́ мэ кэрдём Тырэ лавэскэ, ³⁵ то тэды Ту вышýн болыбна́стыр лэнгири пáтери и лэнги́ро мангипэн и кэр, со трэй ваш лэнгэ. ³⁶ Кéли ёнэ кэрэна грéхо ангил Түтэ, – пал-дова́ со нанэ манушэс, савó на кэрдя́ грéхо, – и Ту росхолясоса пэ лэндэ, и отдэса лэн вэргоскэ, и отлыджана лэн манушá, савэ лынэ лэн дро плéно пэ дуратуны пхув ци пашатуны, ³⁷ и кéли ёнэ пэ пхув, пэ сави́ ёнэ явэна дро плéно, заджана дрэ пэстэ и рисёна илэса, и явэна тэ мангэнпэ Тукэ пэ пхув, пэ сави́ ёнэ явэна дро плéно, ракири́: “Амэ кэрдям грéхо, кэрдям на пир Зако́но, амэ бангэ сам, ³⁸ и рисёна кэ Ту сарэ пэскирэ илэса и сарэ пэскирэ дэса, пэ пхув, пэ сави́ ёнэ явэна дро плéно, карик отлыджана лэн дро плéно, и явэна тэ мангэнпэ, рисии кэ пэскири пхув, сави́ Ту дыян лэнги́рэ дадэнгэ, и кэ фóро, савó Ту выкэдыян, и кэ Кхангири́, сави́ мэ кэрдём Тырэ лавэскэ, – ³⁹ то Ту вышýн болыбна́стыр, Тырэ джиибна́скирэ штэтóстыр, пáтери (молитва) лэнгири и мангипэн лэнги́ро, и кэр, со трэй ваш лэнгэ, и отмэк (простин) Тырэ манушэнгэ, дрэ со ёнэ

кэрдэ грэхо ангил Түтэ. ⁴⁰ Дэвла миро! Мэк тэ явэн Тырэ якхэ отчхакирдэ и канá Тырэ откэрдэ кэ пáтери пэ дава штэто. ⁴¹ И аканá, Раё Дэвла, Дэвла, тэрдёв пэ штэто, кай рамáнэ Тырó, Ту и ковчэго Тырэ зоралыпнаскэ. Рашая Тырэ, Раё Дэвла, мэк тэ урьенпэ дро зракхибэн, и мэк свэнта Тырэ тэ чалён лачхипнаса. ⁴² Раё Дэвла! На отрискир муй Тырэ помакхибарискиро, рипир тангипэн кэ Тырó писхари Давíдо.”

Шэрó 7

¹ Кéли кончынды Соломóно дая пáтери, то гия тэлэ яг болыбнастыр и накхадя (проглыниндя) цéло схачкирибэн и свэнта дыибэна́ Рáскэ-Дэвлэскэ, и слава Рáскирэ-Дэвлэскири пхэрдякирдя́ кхэр. ² И на могиндлэ рашая́ тэ заджáн дро Рáскирэ-Дэвлэскиро Кхэр, пал-дова́ со слава Рáскирэ-Дэвлэскири пхэрдякирдя́ Рáскирэ-Дэвлэскиро Кхэр. ³ И сарé Израилёскирэ чхавэ́, дыкхнэ́, сыр гия́ яг и Рáскирэ-Дэвлэскири слава́ пэ кхэр, пынэ́ мóса пэ пхув, пэ чэботарь (помосто), и поклониндлэпэ, и шардэ́ и парикирдэ́ Рáскэ-Дэвлэскэ, пхэни́: “Ёв исын лачхó, пал-дова́ со дро вéко тангипэн Лэскиро.” ⁴ Крáли и сарé манушá лынэ́ тэ янэн свэнта дыибэна́ Рáскэ-Дэвлэскэ [ангил муй Растэ-Дэвлэстэ-р.с.]. ⁵ И яндя́ крáли Соломóно дро свэнта́ яныбэн Рáскэ-Дэвлэскэ биш тэ дуй тысёнцы гуруворэн и шэл тэ биш тысёнцы бакрэн: адыкэ́ обсвэнцындлэ́ Рáскирэ-Дэвлэскиро Кхэр крáли и сарé манушá. ⁶ Рашая́ сыс тэрдэ́ пэ пэскиро дынарибэн (служба), и Левíты багаибнытконэ́ струментэнца́ Дэвлэскирэнца, савэ́ кэрдя́ крáли Давíдо тэ славинэн (тэ барьякирэн) Дэвлэс, пал-дова́ со вéчно исын тангипэн Лэскиро, адыкэ́ сыр Давíдо ракирдя́ пирдал лэндэ́; рашая́ пхурдынэ́ дрэ рóги ангил лэстэ́ и сарó Израилё́ сыс тэрдó. ⁷ Обсвэнцындя́ Соломóно и андратуны́ паш дрэ грэда, сави́ сыс ангил Рáскирэ-Дэвлэскиро Кхэр, пал-дова́ со яндя́ одóй цéло схачкирибэн и тýко (чэкэн) мирнонэ́ свэнтонэ́-дыибнастыр Рáскэ-Дэвлэскэ, адыкэ́ сыр алтáрэ́ сыс харкуно, савó кэрдя́ Соломóно, дро лэстэ́ на могиндлэ́ тэ заджáн цéло схачкирибэн, и марунó яныбэн, и туки. ⁸ И кэрдя́ Соломóно дрэ дова́ часо (цы́ро) эф́та-дывэсы́тко свэнко, и сарó Израилё́ лэса-скэдыибэн древа́н барó, манушá скэдынэ́пэ загиибнастыр дро Емафо́ кэ Египтóскири рэ́ка (лэнь); ⁹ а пэ охтóто (бидуэнгиро дэ́што) дывэс кэрдэ́ палатунó (последнё́) свэнко, пал-дова́ со алтáрэ́ обсвэнцындлэ́ эф́та́ дывэсá и свэнко эф́та́ дывэсá. ¹⁰ И пэ биш тэ трýто дывэс эф́татонэ́-чхонэ́скиро о крáли отмэкця́ манушэн пир лэнгирэ́ шáтры, радымáса и веселыбнаса́ дро илó пал лачхипэн, савó кэрдя́ Рай Дэвэл Давидóскэ, и Соломонóскэ, и Израилё́скэ, Пэскирэ́ манушэнгэ. ¹¹ И кэрдя́ Соломóно Кхэр Рáскирэ-Дэвлэскиро и кхэр кралíскиро; и сарó, со чхудя́ Соломóно пэ илó пэскиро тэ кэрэл дрэ Дэвлэскиро Кхэр и дро пэскиро кхэр, кэрдя́ ёв миштэс. ¹² И явдя́ Рай Дэвэл Соломонóскэ раты́, и пхэндя́ лэскэ: “Мэ шундём пáтери (молýтва) тырý и выкэдыём Пэскэ́ дава́ штэто дро Кхэр, соб (кай) тэ янэн свэнта́ дыибэн. ¹³ Кóли Мэ зачхакирава́ болыбэн и на явэ́ла брышы́нд, и, кóли пхэна́ва пхакитконэ́ скочкэнгэ́ тэ хан пхув, ци бичхавáва мэрибнаскирэ́ фрáнсы пэ Мирé́ манушэндэ́, ¹⁴ и кóли ячэ́на штыл (прими́ринэнапэ́) Мирé́ манушá, савэ́ кхарэ́напэ́ Мирé́ лавэ́са, и явэ́на тэ мангэнпэ́, и латхэ́на Миро́ муй, и отджана́ пэскирэ́ налачхэ́ дромэндыр [чхувэ́на тэлэдýр пэскиро барипэн-р.с.]: то Мэ шунава́ болыбнастыр, и отмэ́кава лэнгирэ́ грэх́и, и высастякирава́ пхув лэнгири. ¹⁵ Аканá якхá Мирé́ явэ́на отчхакирдэ́ и канá Мирé́ шунэ́на раххунэс пáтери (молýтва) пэ дава́ штэто. ¹⁶ И аканá Мэ выкэдыём и обсвэнцындём дава́ Кхэр, соб (кай) Миро́ лав тэ явэл одóй дро вéко; и якхá Мирé́ и илó Миро́ явэ́на одóй дрэ сарé́ дывэсá. ¹⁷ И кóли ту явэ́са тэ псирэ́с ангил Миро́ муй, сыр псирдя́ Давíдо, тырó́ дад, и ту явэ́са тэ кэрэ́с сарó, со Мэ ракирдём тýкэ, и явэ́са тэ раххэ́с Мирé́ упхэныбэ́на́ и Мирé́ за́коны, ¹⁸ то Мэ зорьякирава́ трóно тырэ́-кралипнаскиро, сыр Мэ дыём лав Давидóскэ, тырэ́ дадэ́скэ, ракири́: “На пи́риячэ́ла тýтэ му́рш, савó явэ́ла тэ хулаинэ́л Израилё́са.” ¹⁹ Нэ́ кóли тумэ́ отрисэ́на и ячкирэ́на Мирé́ упхэныбэ́на́ и Мирé́ при́пхэныбэ́на́, савэ́ Мэ дыём тумэнгэ́, и джáна пэ́скэ, и лэ́на тэ дына́ринэн явирэ́ дэвлорэнгэ́ и тэ мангэнпэ́ лэнгэ́: ²⁰ то тэды́ Мэ тра́дава кри́г Израилё́ Мирé́ пхувья́тыр, сави́ Мэ дыём лэнгэ́, и дая́ Кханги́ри, сави́ Мэ обсвэнцындём Мирé́ лавэ́са, Мэ отрискирава́ Мирé́ мóстыр и кэ́рава ла́тыр притча́ и сабэн сарé́ манушэндэ́. ²¹ И пал дая́ вучи́ Кханги́ри́ ка́жно (сва́ко)

мануш, саво джала мамуй латэ, подэлапэ дивоскэ и пхэнэла: “Пал со кэрдя адякэ Рай Дэвлэс далэ пхувьяса и далэ Кхангирьяса?”²² И пхэнэна: “Пал дова, со энэ ячкирдэ пэскирэ Рас-Дэвлэс, дадэнгирэс Дэвлэс, Саво вылыджия лэн Египтоскирэ пхувьятыр, и приачнэ кэ явир дэвлорэ, и мангнэпэ лэнгэ, и дынариндлэ лэнгэ, пал-дова Ёв яндя пэ лэндэ сарй дая бйда.”

Шэро 8

¹ Сыр прогинэ биш бэрш, дрэ савэ Соломоно кэрдя Кхэр Раскирэ-Дэвлэскиро и пэскиро кхэр, ² и обкэрдя Соломоно и форя, савэ дья Соломоноскэ Хирамо, и чхудя тэ дживэн дрэ лэндэ Израилэскирэ чхавэн, ³ гия Соломоно пэ Емаф-Сува, и лья лэс. ⁴ И кэрдя ёв Фадморо пэ чхучй пхув, и сарэ форя ваш запасы, савэ кэрдя дро Емафо. ⁵ Ёв обкэрдя Вефороно упратуно и Вефороно тэлатуно, форя зоралэ вантэнца, вударэнца и шыберэнца (запорэнца), ⁶ и Ваалафо и сарэ форя ваш запасы, савэ сыс Соломоностэ, и сарэ форя ваш марибнйтка вурдэна, и форя ваш грэнгэ, и саро, со камдя Соломоно тэ кэрэл дро Ерусалимо, и пэ Ливано, и пэ сарй пхув, савй сыс лэстэ. ⁷ Сарэ мануша, савэ ячнэпэ Хетеэндир, и Амореэндир, и Ферезеэндир, и Евеэндир, и Евусеэндир, савэ сыс на Израилэскирэ чхавэндир, ⁸ чхавэн лэнгирэн, савэ ячнэпэ палó (после) лэндэ пэ пхув, савэн на мулякирдэ Израилэскирэ чхавэ, – кэрдя Соломоно бутярнэнца кэ/жыко дава дывэс. ⁹ Израилэскирэ чхавэн на кэрдя Соломоно бутярнэнца пир пэскирэ рэнды, нэ энэ сыс халадэ, и барыдыра лэскирэ пэ раххибнарьэндэ, и шэралэ пэ лэскирэ марибнйтка вурдэна и пэ лэскирэ манушэндэ, савэ сыс уклистэ пэ грэндэ. ¹⁰ И сыс шэралэ пэ барыдырэндэ кралістэ Соломоностэ, савэ хулаиндлэ манушэнца, дуйшэла пандждэша. ¹¹ А чха фараоноскирья пирилыджия Соломоно Давидоскирэ форостыр дро кхэр, саво кэрдя ваш лакэ; пал-дова со, ракирдя ёв, нашты тэ дживэл джувлы мандэ дро кхэр Давидоскиро, Израилэскирэ-краліскиро, пал-дова со свэнто ёв, штэто, адякэ, сыр загия дрэ лэстэ ковчэго Дэвлэскиро. ¹² Тэды лья тэ чхувэл Соломоно цэло схачкирибэн Раскэ-Дэвлэскэ пэ алтарё Раскирэ-Дэвлэскиро, саво ёв кэрдя ангил трэмо (притворо), ¹³ соб (кай) пир упхэныбэн кажно дывэс тэ янэс цэло схачкирибэн, пир Мойзаскиро припхэныбэн, дро савато (субота), и дро нэво-чхон, и дрэ свэнки трин мо́лы дро бэрш: дрэ свэнко опресноки, и дрэ свэнко эфтуно, и дрэ свэнко кушчэнгиро (будэнгиро). ¹⁴ И чхудя ёв, пир Давидоскиро припхэныбэн, пэскирэ-дадэскиро, змены, (отдэлы) рашангирэ пир лэнгиро дынарибэн, и Левитэн пир лэнгирэ стрэги, соб (кай) энэ славиндлэ и парикирдэ пашыл рашандэ пир упхэныбэн кажнэ-дывэсэскиро, и раххибнарьэн пэ порта пир лэнгирэ змены, кэ кажно порта, пал-дова со дасаво сыс припхэныбэн Давидоскиро, Дэвлэскирэ Манушэскиро. ¹⁵ И, соб (кай) энэ тэ на отджан краліскирэ упхэныбнастыр пал рашандэ и Левитэндэ ни дрэ со, ни пал кучипэна. ¹⁶ Адякэ кэрды сыс сарй буты Соломоноскирэ дывэсэстыр, кели лынэ тэ кэрэн Раскирэ-Дэвлэскиро Кхэр кэ саро кэрибэн лэскиро – кхэрэскиро Раскирэ-Дэвлэскиро. ¹⁷ Тэды гия Соломоно дрэ Ецыон-Гавэро и дрэ Елафо, саво сыс пэ морёскиро (дэрьявэскиро) брэго, пэ Идумеенгири пхув. ¹⁸ И бичхадя лэскэ Хирамо пирдал пэскирэ дынарьэндэ пармы (корабли) и бутярнэн, савэ джиндлэ мóre (дэрьяв), и гинэ энэ Соломоноскирэ дынарьэнца дро Офиро, и яндлэ одотхыр штаршэла пандждэша таланты сувнакай, и яндлэ краліскэ Соломоноскэ.

Шэро 9

¹ Кели Савакири крالیца [Шэбатыр-ю.о.] шундя пал Соломоноскири слава, то ёй явдя тэ спробинэл Соломонос шэрэпхарибнытконэнца (загадкэнца) дро Ерусалимо, и древан барэ барвалыпнаса и верблюдэнца, обчхудэ лачхэ-кхандыпнэнца (парфунэнца) и древан бут сувнакаса и дрогонэ барэнца. И явдя кэ Соломоно, и ракирдя лэса пал саро, со сыс пэ ило латэ. ² И пирипхэндя лакэ Соломоно сарэ лакирэ лава, и на латхяпэ нисо на джиндлэ Соломоноскэ, со ёв тэ на пирипхэнэл бы лакэ. ³ И дыкхця Савакири крالیца Соломоноскири годы и Кхэр, саво ёв кэрдя, ⁴ и хабэн пал скаминд лэскиро, и лэскирэ

писхарьёнгирэ кхэра, и савипэн (качество) манушёнги́ро, савэса лэскэ дынариндлэ и лэнгири йдя, и кучикэнгирэ (виночэрпии) лэскирэн, и йдя лэнгири, и загиибён, савэса ёв псирдя дро Дэвлэскиро Кхэр, – и сыс ёй на дрэ пэстэ радыматыр. ⁵ И пхэндя краліскэ: “Чачо, исын дова, со мэ шундём пэ мирі пхув пал тырэ рэнды и пал годы тырі; ⁶ нэ мэ на патяндыём лэнгирэ лавэнгэ, пака мэ явдём и дыкхцём пэскирэ якхэнца. И гада, мангэ и дрэ паш на сыс пхэндло пал бари тырі годы: ту сан бутыдыр славатыр, саві мэ шундём. ⁷ Бахталэ исын тырэ мануша, и бахталэ исын адалэ тырэ дына́рья, савэ ўсады (сак) исын тэрдэ ангил түтэ и шунэна годы тырі! ⁸ Мэк тэ явэл бахтякирдэ Рай Дэвэл, Дэвэл тыро, Саво закамдя тэ чхувэл тут пэ Пэскиро трено дрэ кралістэ пашыл Пэстэ Растэ-Дэвлэстэ, Дэвлэстэ тырестэ. Пир тырэ-Дэвлэскири ласка кэ Израилё, соб (кай) тэ чхувэс лэс пэ веко, Ёв чхудя тут краліса пэ лэстэ, тэ кэрэс сэндэ и чачипэн.” ⁹ И подариндя ёй краліскэ шэл тэ биш таланты сувнакай и древан бут лачхэ-кхандыпэна и дрога бара; и на сыс дасавэ парфуны (лачхэ-кхандыпнытка), савэ подариндя крالیца Савакири краліскэ Соломоноскэ. ¹⁰ И дына́рья Хирамоскирэ, и дына́рья Соломоноскирэ, савэ яндлэ сувнакай Офиростыр, яндлэ и лолэ вэш, и дрога бара. ¹¹ И кэрдя крالی далэ лолэ вышэстыр стылбы (лэсвицы) кэ Раскирэ-Дэвлэскиро Кхэр и кэ краліскиро кхэр, и луты и арфы ваш манушёнгэ, савэ багандлэ. И на сыс дыкхно дасаво англэдыр пэ Юдытко пхув. ¹² Крالی Соломоно дыя Савакирэ кралицакэ сарэ, со ёй камдя и со ёй мангдя, априч дасавэ дары, савэ ёй яндя краліскэ. И ёй гия палэ пэ пэскири пхув, ёй и лакирэ дына́рья. ¹³ Сувнакай важындя, савэ явэлэс кэ Соломоно дро екх бэрш, шовшэла шовдэша шов таланты сувнакаса. ¹⁴ Бутыр долэстыр, послы и купцы (тылгарья) янэнас, и сарэ Аравеякирэ кралья, и барыдыра округакірэ янэнас сувнакай и руп Соломоноскэ. ¹⁵ И кэрдя крالی Соломоно дуйшэла барэ шчыты вычикадэ (выкуиндлэ) сувнакастыр, – пир шовшэла шэкели сувнакай гия пэ кажно шчыто, – ¹⁶ и триншэла шчыты тыкнэдыршонэн чикадэ сувнакастыр, – пир триншэла шэкели сувнакай гия пэ кажно шчыто; и чхудя лэн крالی дрэ кхэр Ливансконэ вэшэстыр. ¹⁷ И кэрдя крالی барэ трено слонитконэ кокалостыр, и обчхудя лэс жужэ сувнакаса, ¹⁸ и шов гэруня (ступеньки) кэ трено, и сувнакуно тэл гэритко пэто (поло/пхалы) кэ трено прикэрдо, и рамки тэл куня пир дуй рига пашыл штэто тэ бэшэс, и дуэн шчэрэн (левэн), савэ сыс тэрдэ пашыл рамки тэл куня, ¹⁹ и ишчо (инкэ) дэшудуй шчэра, савэ сыс тэрдэ одой пэ шов гэруня (ступеньки), пир дуй рига. На сыс дасаво трено ни дро екх краліпэн. ²⁰ И сарэ кхорэ (корцы) ваш пибён кралістэ Соломоностэ сыс сувнакастыр, и сарэ кхорэ дро кхэр Ливаноскирэ вэшэстыр сыс фэдыршонэ сувнакастыр; руп дрэ дывэса Соломоноскирэ гиндяпэ ни дрэ-со. ²¹ Палдава со пармы краліскирэ псирдэ дрэ Фарсисо Хирамоскирэ дынарьэнца, и дрэ трин бэрш ёкхвар рисёна пармы Фарсисостыр, и янэнас сувнакай и руп, слонитко кокало, и порьялэн (обезьянэн), и павлинэн. ²² И сыс крالی Соломоно барвалэдыр и годьварэдыр сарэ кральэндыр пэ пхув. ²³ И сарэ кралья пхувьякирэ камлэ тэ дыкхэн Соломонос, соб (кай) тэ пэ шунэн лэскири годы, саві Дэвэл чхудя дро лэскиро ило. ²⁴ И кажно (свако) лэндыр янэлас пэстыр дро даро рупувэ кхорэ, и кхорэ сувнакунэ, и йди, мардытка и, грэн и лошақэн, бэрш бэршэстыр лачхэ-кхандыпнытка (парфуны). ²⁵ И сыс Соломоностэ штар тысёнцы шталы ваш грэнгэ и ваш марибнытка вурдына, и дэшудуй тысёнцы манушэн, савэ сыс уклистэ пэ грэндэ; и ёв росчхудя тэ дживэн лэн дрэ форя вурдынэнгирэ и пашыл кралістэ – дрэ Ерусалимо; ²⁶ и хулаиндя ёв пэ сарэ кральэндэ, рэка́тыр (лэня́тыр) Евфратостыр кэ Филистимиякири пхув и кэ/жыко Египтоскире-ригакири межа. ²⁷ И кэрдя крالی руп дрэ Ерусалимо дасавэ-паць тиминаса сыр просто бар, а кэдры, сыр сыс лэн бут, кэрдя дасавэ-паць тиминаса, сыр сикоморы, савэ исын пэ тэлатунэ штэты. ²⁸ Грэн янэнас Соломоноскэ Египтостыр и сарэ пхувьэндыр. ²⁹ Явир рэнды Соломоноскирэ, англатунэ и палатунэ, исын зачхиндлэ дрэ Нафаноскирэ-пророкоскирэ чхиныбэна, и дрэ ангилпхэныбэн Ахиёскирэ-Силомляниноскирэ, и дрэ дыкхибэн Иоилёскирэ магоскиро пал Иеровоамостэ (Еровоамостэ), Наватоскирэ чхавэстэ. ³⁰ Соломоно сыс краліса дро Ерусалимо пэ сарэ Израилё штардэша бэрш. ³¹ И пасия вечнэс Соломоно пэскирэ дадэнца, и гарадэ лэс дро Давидоскиро форо, лэскиро дадэскиро. И яця краліса Ровоамо, лэскиро чхаво, пэ штэто лэскиро.

Шэрó 10

¹ И гия Ровоáмо дро Сихéмо, пал-довá со дро Сихéмо явнó кхэтанé сарé Израильтýни, соб (кай) тэ чхувэн лэс кралíса. ² Кéли шундя пал дава́ Еровоáмо, Наватоскиро чхавó, – ёв сыс дрэ Егíпто, карик настý кралíстыр Соломонóстыр, – то тэды риси́я Еровоáмо Египтóстыр; ³ и бичхадé, и кхардé лэс; и явдя́ Еровоáмо и сарó Израилё́, и ракирдé Ровоамоскэ́ адýкэ: ⁴ “Тыро́ дад чхудý пэ амэндэ́ пхарí бутý: нэ ту кэр локхэды́р пхарí тырэ́ дадэскири бутý и пхарí бутý, савí ёв чхудý пэ амэндэ́, и амэ́ яваса́ тýкэ тэ дынарина́с.” ⁵ И пхэндý лэнгэ́ Ровоáмо: “Пирдал́ трин дывэса́ явэна́ нэвэстыр (нэвэс) кэ́ мэ.” И розгинэ́пэ манушá. ⁶ И радиндя́пэ крáли Ровоáмо пхурыдырэнца́, савé сыс тэрдé ангíл Соломонóскиро муй, лэскирэ́ дадэскиро, кéли ёв дживдý, и ракирдý: “Сыр тумé дэна́ годý мánгэ́ тэ отпхэнав адалé манушэнгэ́?” ⁷ Ёнэ́ пхэндлэ́ лэскэ́: “Кóли ту явэса́ лачхó кэ́ адалé манушá, и кэрэса́ пир илó лэнгэ́, и явэса́ тэ ракирэс́ лэнца́ шукáр, тэды ёнэ́ явэна́ тýкэ дынарьэнца́ пэ сарé дывэса́.” ⁸ Нэ́ ёв ячкирдý пхурыдырэнгиро́ годыпэн́, савó ёнэ́ дэнас́ лэскэ́, и лы́я тэ радинэллэ́ тэрнэ́ манушэнца́, савé выбаринэ́ кхэтанé лэса́, савé сыс тэрдé ангíл муй лэскиро; ⁹ и пхэндý лэнгэ́: “Со́ тумэ́ пхэнэна́ годэс́ мánгэ́ тэ отпхэнав адалé манушэнгэ́, савé ракирэна́ мánгэ́ адýкэ: ‘Кэр локхэды́р пхарипэн́, савó чхудý пэ амэндэ́ тыро́ дад?’” ¹⁰ И ракирдé лэскэ́ тэрнэ́ манушá, савé выбаринэ́ кхэтанé лэса́, и пхэндлэ́: “Адýкэ́ пхэн манушэнгэ́, савé ракирэна́ тýкэ: ‘Дад тыро́ чхудý пэ амэндэ́ барó пхарипэн́, а ту кэр локхэды́р амэнгэ́’, – адýкэ́ пхэн лэнгэ́: ‘Миро тыкнó ангýшт грубэды́р трушулэндýр мирé дадэскирэндыр. ¹¹ Миро дад чхудý пэ тумэндэ́ барó пхарипэн́, а мэ́ кэра́ва бутýр тумарó ярмо; миро дад дукхавэлас́ тумэн чхупнэнца́, а мэ́ ява́ва тэ марáв тумэн скорпионэнца́.”” ¹² И явдя́ Еровоáмо и сарé манушá кэ́ Ровоáмо пэ трýто дывэс́, сыр припхэндý крáли, пхэни́: “Явэн́ кэ́ мэ́ нэвэстыр (нэвэс) пирдал́ трин дывэса́.” ¹³ Тэды́ крáли отпхэндý лэнгэ́ пхарэс́, пал-довá со́ ячкирдý крáли, Ровоáмо, пхурыдырэнгири́ годý и ракирдý лэнгэ́, пир тэрнэ́-манушэнгиро́ годыпэн́, адýкэ́: ¹⁴ “Дад миро́ чхудý пэ тумэндэ́ пхарó гáмо, а мэ́ кэра́ва бутýр лэс; миро дад дукхадý тумэн чхупнэнца́, а мэ́ ява́ва тэ марáв тумэн скорпионэнца́.” ¹⁵ И на кандýя́ (на шундя́) крáли манушэн́, пал-довá со́ адýкэ́ кэрдó сыс Рáстыр-Дэвлэ́стыр, соб (кай) тэ сполнинэл́ Рай Дэвэл́ Пэскиро́ лав, савó Ёв́ ракирдý пирдал́ Ахиёстэ́ Силомляниностэ́ Иеровоамоскэ́ (Еровоамоскэ́), Наватоскирэ́ чхавэ́скэ. ¹⁶ Кéли сарó Израилё́ дыкхцý, со́ на шунэ́ла лэс крáли, тэды отпхэндлэ́ манушá кралíскэ́, ракири́: “Савí амэнгэ́ паш́ дрэ́ Давидóстэ́? Нанэ́ амэнгэ́ мэкнó миштыпэн́ дрэ́ Есеёскирэ́ чхавэ́стэ́; джáн пир шáтры пэскирэ́, Израилё́! Аканá джин пэскиро́ кхэр, Давíдо.” И розгинэ́пэ сарé Израильтýни пир пэскирэ́ шáтры. ¹⁷ Екх́ фэ́ни пэ Израилё́скирэ́ чхавэнде́, савé дживдэ́ кэ́ Юдáскирэ́ фóрья, яцýпэ́ кралíса́ Ровоáмо. ¹⁸ И бичхадý крáли Ровоáмо Адонирамос́, барыдырэс́ тэ́ кэдэн манушэндýр дыибэн́ (дань), и зачхурдынэ́ лэс Израилё́скирэ́ чхавэ́ барэнца́, и ёв мы́я. Крáли Ровоáмо сы́гэс бэ́сты́ пэ марибнýтко вурдэн́, соб (кай) тэ́ нашэл́ дро́ Ерусалимо. ¹⁹ Адýкэ́ отгинé́ Израильтýни Давидóскирэ́ кхэрэ́стыр кэ́ дава́ дывэс́.

Шэрó 11

¹ И явдя́ Ровоáмо дро́ Ерусалимо, и кхардý́ Юдáскирэ́ и Вениаминаскирэ́ кхэрэ́стыр шэл охтодэ́шá тысе́нцы фэ́дыршонэ́ халадэн́, соб (кай) тэ́ марэнпэ́ Израилё́са́ и тэ́ рискирэн́ кралипэн́ Ровоамоскэ́. ² И сыс Рáскирэ́-Дэвлэ́скиро лав́ кэ́ Самéе́, савó сыс Дэвлэ́скиро ману́ш, и сыс пхэндлó: ³ “Пхэн́ Ровоамоскэ́, Соломонóскирэ́ чхавэ́скэ́, Юдэ́якирэ́ кралíскэ́, и сарé́ Израилё́скэ́ дрэ́ Юдáскиро́ и Вениаминоскиро́ родыцóскэ́: ⁴ адýкэ́ ракирэ́ла Рай Дэвэл́: “На́ псирэн́ и на́ кэрэн́ марибэн́ тумарé́ пшалэнца́; рисён́ свáко́ (кажно́) дро́ пэскиро́ кхэр, пал-довá со́ Мэ́ кэрдём́ дава́.” Ёнэ́́ шундлэ́ Рáскирэ́-Дэвлэ́скирэ́ лавá́ и рисинé́ гиибнастыр́ проти́ Еровоамостэ́. ⁵ Ровоáмо́ дживдý́ кэ́ Ерусалимо; ёв́ облыджия́ фóрья́ дрэ́ Юдэ́я вантэнца́. ⁶ Ёв́ кэрдý́ зоралэ́дыр Вифле́емо, и Ефа́мо, и Фе́коя, ⁷ и Ве́фцу́ро, и Со́хо, и Одо́ламо, ⁸ и Гéфо, и Ма́рэшо, и Зи́фо, ⁹ и Адора́имо, и Ла́хисо, и Азе́ка, ¹⁰ и Цо́ра, и Аиало́но,

и Хевроно, савэ сыс дрэ Юдаскиро и Вениаиноскиро рóдыцо. ¹¹ И кэрдя ёв далэ твáрдыми (крéпости), и чхудя дрэ лэндэ барыдырэн пэ раххибэн ваш марó и вэшытко дзэт и мол. ¹² И дыя ёв дро кажно фóро шчыты и чхурдыбнытка бустя (коп'и), и кэрдя лэн древáн зоралэ. И ячнэпэ пал лэстэ Ю'да и Вениаино. ¹³ И рашая, и Левиты, савэ сыс пир сарí Израилёскири пхув, скэдынэпэ кэ ёв сарэ ригэндэр, ¹⁴ пал-довá со ячкирдэ Левиты пэскирэ пашыл-форитка кхэрá и пэскирэ маёнки, и явнэ дрэ Юдэя и дро Ерусалимо; адякэ сыр ячкирдя лэн Еровоáмо и лэскирэ чхавэ Рáскирэ-Дэвлэскирэ рашаибнастыр ¹⁵ и чхудя ёв пэстэ жрецэн пэ вучипэна, и кэ бузнэ (козлы), и кэ тэрнэ гурува, савэ ёв кэрдя. ¹⁶ А пал лэндэ сарэн Израилёскирэ родыцэндэр, савэ отдынэ илó пэскиро, соб (кай) тэ латхэс Рас-Дэвлэс, Дэвлэс Израилёскирэс, савэ явэнас дро Ерусалимо, соб (кай) тэ янэс свэнтó дыибэн пэскирэ Рáскэ-Дэвлэскэ, дадэнгирэ Дэвлэскэ. ¹⁷ И кэрдэ ёнэ зоралэдыр Юдаскиро кралипэн, и подрикирэнас Ровоамос, Соломонóскирэ чхавэс, трин бэрш, пал-довá со ёнэ псирдэ дромэса Давидоскирэса и Соломоноскирэса дрэ далэ трин бэрш. ¹⁸ И лыя пэскэ Ровоáмо дрэ ромнятэ (палорóm) Махалафа, чха Еримофоскирья, Давидóскирэ-чхавэскирэ, и Авихаиля, Елиавоскирья чха, Есеёскирэ-чхавэскирья, ¹⁹ и ёй бияндя лэскэ чхавэн: Иеусос, и Шэмарияс, и Загамос. ²⁰ Палó (после) латэ ёв лыя Мааха, Авесаломоскирья чха, и ёй бияндя лэскэ Авияс, и Атаёс, и Зизос и Шэломифос. ²¹ И камдя Ровоáмо Мааха, Авесаломоскирья чха, бутыр сарэндэр ромнэндэр и наложницэндэр пэскирэндэр, пал-довá со сыс лэстэ дэшуохто ромня и шовдэша наложницы, и лэстыр бияндынэ биш тэ охтó чхавэ и шовдэша чхая. ²² И чхудя Ровоáмо Авияс, Маахакырэ чхавэс, шэралэса и тхагариса (князёса) пэ лэскирэ пшалэндэ; пал-довá со ёв камдя тэ чхувэл лэс кралиса. ²³ И кэрдя ёв годьварэс, и бичхадя сарэн пэскирэн чхавэн пир сарэ Юдаскирэ и Вениаиноскирэ пхувья, дрэ сарэ фóрья зоралэ тынэнца, и дыя лэнгэ плэскирибэн барó, и ёв латхя бут ромнен ваш лэнгэ.

Шэрó 12

¹ Кéли Ровоамóскиро кралипэн яця зоралó, и ёв яцяпэ зоралó, тэды ёв ячкирдя Рáскирэ-Дэвлэскиро Закóно, и сарó Израилё лэса. ² Пэ пáнджто бэрш кралипэн Ровоамóскиро, о Сусакимо, Египтóскиро крáли, гия пэ Ерусалимо, – пал-довá со ёнэ отгинэ Рáстыр-Дэвлэстыр, ³ Лэстэ сыс тысёнцо дуй шэлá марибнытка вурдэна и шовдэша тысёнцы манушэн, савэ сыс уклистэ пэ грэндэ; и на сыс гиныбэн манушэнгэ, савэ явнэ лэса Египтóстыр: Ливиянэнгэ, Сукхитамэнгэ и Ефиоплянэнгэ; ⁴ и Сусакимо лыя фóрья зоралэ тынэнца дрэ Юдэя, и явдя кэ Ерусалимо. ⁵ Тэды Самее, прорóко, явдя кэ Ровоáмо и тхагарья Юдэякирэ, савэ скэдынэпэ дро Ерусалимо, зракхи пэс Сусакимоустыр, и пхэндя лэнгэ: “Адякэ ракирэла Рай Дэвэл: ‘Тумэ ячкирдэ Ман, пал довá и Мэ ячкирава тумэн дрэ вастá Сусакимоскирэ.’” ⁶ И примириндлэпэ тхагарья Израилёскирэ и крáли, и пхэндлэ: “Исын чачунó Рай Дэвэл!” ⁷ Кéли дыкхця Рай Дэвэл, со ёнэ лынэ тэ кандэн (примириндлэпэ), тэды сыс Рáскирэ-Дэвлэскиро лав кэ Самее, и сыс пхэндлэ: “Ёнэ ячнэ шытл (примириндлэпэ); на мулякирава лэн и сыгэс Мэ дава лэнгэ зракхибэн, и на прочхувэлáпэ холы Мирí пэ Ерусалимо Сусакимоскирэ вастэса; ⁸ усаэкх ёнэ явэна лэскирэ дынарьэнца, соб (кай) тэ джинэн, савó тэ явэл дынарибэн Мánгэ и тэ дынаринэн пхувьякирэ кралипнаскэ.” ⁹ И явдя Сусакимо, Египтóскиро крáли дро Ерусалимо, и ёв лыя пэскэ кучипэн Рáскирэ-Дэвлэскирэ Кхэрэскир и кралискирэ-кхэрэскиро кучипэн; сарó лыя ёв, лыя и сувнакунэ шчыты, савэ кэрдя Соломоно. ¹⁰ И кэрдя крáли Ровоáмо, пэ лэнгиро штэто, харкунэ шчыты, и отдыя лэн пэ вастá барыдырэнгэ раххибнарьэнгирэнгэ, савэ раххнэ загиибэн дро кралискиро кхэр. ¹¹ Кéли заджалас крáли дро Рáскирэ-Дэвлэскиро Кхэр, то явэнас раххибнарья и лыджинэ лэн, и палó довá нэвэс отлыджинэ лэн дрэ коморки раххибнарьэнгирэ. ¹² И кéли ёв яця тэ кандэл, тэды отрисия лэстыр Рáскирэ-Дэвлэскири холы, и на хасякирдя лэс кэ кóнцо (кэ ягóро); пир сарó и дрэ Юдэя сыс вари-со лачхó. ¹³ И тэрдия зоралэс крáли Ровоáмо дро Ерусалимо, и сыс кралиса. Штардэша екх бэрш сыс Ровоамоскэ, кéли ёв яця кралиса, и дэшуэфта бэрш сыс кралиса дро Ерусалимо, дрэ фóро, савó сарэ Израилёскирэ родэндэр выкэдыя Рай Дэвэл, соб (кай) одóй тэ явэл Лэскиро лав. Лав лэскирэ-дакиро сыс Наама, Амонитянка. ¹⁴

И кэрдя ёв фуипэн, пал-дова со ёв на чхудя пэскиро ило кэ дова, соб (кай) тэ латхэл Рас-Дэвлэс. ¹⁵ Рэнды (делы) Ровоамоскирэ, англатунэ и палатунэ (последня), исын зачхиндлэ дрэ архивы Самеевскирэ-пророкоскирэ и Адаскирэ-родэнгири история. И сыс марибэн Ровоамостэ Еровоамоса дрэ сарэ дывэса. ¹⁶ И пасия Ровоамо пэскирэ дадэнца, и сыс гарадо дрэ Давидоскиро форо. И яця краліса Авия, лэскиро чхаво, пэ штэто лэскиро.

Шэрó 13

¹ Пэ дэшуохтото бэрш дро Еровоамоскиро краліпэн яця краліса Авия пэ Юдэя (Юдастэ). ² Трин бэрш ёв сыс краліса дро Ерусалимо; лав лэскирэ-дакиро сыс Михаия, Уриилоскири чхай, Гиватыр. И сыс марибэн машкір Авиястэ и Еровоамостэ. ³ И вылыджия Авия пэ марибэн халадэн, савэ сыс мушканэ манушэндир, штаршэла тысёнцы манушэн фэдыршонэн; а Еровоамо выгия проти лэстэ пэ марибэн охто шэлэ тысёнцэнца манушэнца, адякэ-паць фэдыршонэнца, мушэнца. ⁴ И тэрдия Авия пэ бэргакіро вучипэн Цэмараимоскиро, екхэ Ефремоскирэ бэргатыр, и ракирдя: “Шунэн ман, Еровоамо и сарэ Израильтэни! ⁵ Ишчо на джінэна тумэ, со Рай Дэвэл, Дэвэл Израилёскиро, дья краліпэн Давидоскэ пэ Израилё пэ веко, лэскэ и лэскирэ чхавэнгэ, пир лондэскиро завето. ⁶ Нэ газдыпэ о Еровоамо, Наватоскиро чхаво, Соломоноскиро дынари, Давидоскирэ-чхавэскиро, и гия проти пэскирэ хуластэ. ⁷ И скэдынэпэ трусцял (кругом) лэстэ мануша чхучэ, мануша розмэкнэ, и гинэ проти Ровоамостэ, Соломоноскирэ чхавэстэ; Ровоамо сыс тэрно и набарэ-зорьякирэ илэса, и на вытэрдия проти лэндэ. ⁸ И аканэ тумэ думинэна, соб (кай) тэ вытэрдён проти Раскирэ-Дэвлэскиро краліпэн дрэ Давидоскирэ-чхавэнгири васт, пал-дова со тумэ сан древэн бут, и тумэндэ исын сувнакунэ гуруворэ, савэн Еровоамо кэрдя дэвлорэнца тумэнгэ. ⁹ Ци на тумэ вытрадынэ рашэн Раскирэ-Дэвлэскирэн, Аароноскирэн чхавэн, и Левитэн, и чхудэ ваш пэскэ рашэн, савэ сыс явирэ-пхувьякирэ манушэндэ? Кажно, кон явэла, тэ высвэнцынэл пэс, гуруворэса и эфта бакрэнца, кэрэлапэ тумэндэ хоханэ-дэвлэнгирэ рашаса. ¹⁰ А амэндэ – Рай Дэвэл, Дэвэл амаро; амэ на ячкирдям Лэс, и Раскэ-Дэвлэскэ дынаринэна (служынэна) рашая, Аароноскирэ чхавэ, и Левиты пашыл пэскиро рэндо. ¹¹ И хачкирэна ёнэ Раскэ-Дэвлэскэ цэло схачкирибэн кажно злоко (ранко) и кажно бэльвэль, и лачхэ-кхандыпнытка чарья, и чхувэна рядэнца маро пэ скаминд жужо, и захачкирэна сувнакунэ момолытко и лэскирэ лампы, соб (кай) тэ хачон кажно бэльвэль; пал-дова со амэ раххаса упхэныбэн амарэ Раскирэ-Дэвлэскиро, а тумэ ячкирдэ Лэс. ¹² И, акэ, амэндэ дрэ шэралыпэн исын Дэвэл, и Лэскирэ рашая, и роги (трубы) исын зоралэзанякирэ, соб (кай) тэ дэн гóдла проти тумэндэ. Чхавэ Израилёскирэ! На марэнпэ Раса-Дэвлэса, тумарэ-дадэнгирэ Дэвлэса; пал-дова со тумэ адякэ на дорэсэна лачхипэн.” ¹³ Машкир дава Еровоамо бичхадя отрядо тэ обджан лэн дро забэшыбэн (засада) лэнгэ палалэстыр, адякэ со кокоро ёв сыс ангил Юдэндэ, а забэшыбэн палал лэндэ. ¹⁴ И обдыкхнэпэ Юдэи, и гада, лэнгэ марибэн сыс ангил и палал; и задынэ гóдла ёнэ кэ Рай Дэвэл, а рашая забашадэ рогэнца. ¹⁵ И дынэ гóдла Юдэи (Юдэякирэ). И, кели задынэ гóдла Юдэи, то Дэвэл пэкадя Еровоамос и сарэн Израильтэнен ангил муй Авияскиро и Юдаскиро. ¹⁶ И прастандынэ Израилёскирэ чхавэ Юдээндыр (Юдэндыр), и отдыя лэн Дэвэл лэнгэ дрэ васта. ¹⁷ И мулякирдэ лэн Авия и мануша лэнгирэ барэ марибнаса; и пынэ мулэнца Израилёстэ панджшэла тысёнцы выкэдынэ мануша. ¹⁸ И ячнэ шытл тэды Израилёскирэ чхавэ, и сыс зоралэ Юдаскирэ чхавэ, пал-дова со ёнэ надеиндлэпэ пэ Растэ-Дэвлэстэ, пэскирэ дадэнгирэ Дэвлэстэ. ¹⁹ И традыя Авия Еровоамос, и лыя лэстыр форя: Вефилё и форя, савэ сыс тэл лэстэ, и Ешано и форя, савэ сыс тэл лэстэ, и Ефроно и форя, савэ сыс тэл лэстэ. ²⁰ И на загия (на догия) бутыр дрэ зор Еровоамо дрэ Авияскирэ дывэса. И мулякирдя лэс Рай Дэвэл, и ёв мыя. ²¹ Авия яця зоралэдыр; и лыя пэскэ дэшуштар джувлэн (ромнен), и бияндынэ лэстыр биш тэ дуй чхавэ и дэшушов чхая. ²² Явир рэнды Авияскирэ, и лэскирэ дрома джибнытка, и лэскирэ лава, исын зачхиндлэ дрэ Адаскирэ-пророкоскиро пхэныбэн.

Шэрó 14

¹ И пасия вéчнэс Авия пэскирэ дадэнца, и гарадэ лэс дро Давидóскиро фóро. И яця кралíса Асá, лэскиро чхавó, пэ лэскиро штéто. Дрэ лэскирэ дывэсá откиныя пхув дэш бэрш. ² И кэрдя Асá лачхипэн и чачипэн дрэ Рáскирэ-Дэвлэскирэ, пэскирэ Дэвлэскирэ якхá: ³ и пхагирдя ёв алтáри напэскирэ явирэ-дэвлорэнгирэ и вучипэнá, и розмардя статулы, и вычингирдя обсвэнцындлэ вэшá; ⁴ и припхэндя Юдээнгэ тэ родэн Рас-Дэвлэс, пэскирэ-дадэнгирэ Дэвлэс, и тэ сполнинэн Лэскиро за́коно и припхэныбэ́нá; ⁵ и ёв отпарудя (на прилыя) дрэ сарэ Юдээнгирэ фóрья вучипэнá и статулы кхамэскэ. И штыл сыс пашы́л лэстэ дро крали́пэн. ⁶ И кэрдя ёв фóрья зоралэ тынэнца дрэ Юдэя, пал-довá со штыл сыс пэ пхув, и на сыс лэстэ марибэн дрэ долэ бэршá, адякэ сыр Рай Дэвэл дыя рама́нэ лэскэ. ⁷ И пхэндя ёв Юдээнгэ: “Кэра́са амэ далэ фóрья и облыджаса лэн вантэнца вучарденца (башнэнца), портэнца и шыберэнца (запорэнца); пхув исын амарí, пал-довá со, амэ латхям Лэс, – и Ёв дыя амэнгэ рама́нэ сарэ ригэндыр.” И лынэ тэ кэрэн, и сыс бахт лэндэ. ⁸ И сыс Асастэ халадэнгири зор: гинэ пэ марибэн шчытэнца и чхурдыбнытконэ бустяса (коп’ёса) Юдáскирэ родыцóстыр трин шэла́ тысёнцы, и Вениаминóскирэ родыцóстыр, савэ гинэ шчытэнца и, савэ мардэ лукэндыр дуй шэла́ охтодэша́ тысёнцы, му́ршканэ мануша́. ⁹ И выгия́ пэ лэндэ Зараё Ефиоплянино халадыбнаса дрэ тысёнцо тысёнцы и тринэ шэлэнца марибнытконэ вурдынэнца, и догия́ кэ Марéша. ¹⁰ И выгия́ Асá проти лэстэ, и тэ́рдинэ пэ марибэн пэ до́ло Цэфато, пашы́л Марéша. ¹¹ И кхардя́ зоралэс Асá кэ Рай Дэвэл, пэскиро Дэвэл, и пхэндя: “Раё́ Дэвла! Ци на дрэ Ты́ри зор тэ помогинэс зоралэскэ, ци бизорьякирэскэ? Помогин амэнгэ, Раё́ Дэвла, Дэвэл амарó: пал-довá со амэ Тۇтыр ужакираса лачхипэн, и дрэ Ты́ро лав выгия́м амэ проти далэ бутэндэ манушэндэ. Раё́ Дэвла! Ту сан амарó Дэвэл: мэк тэ на пиризорьякирэ́л Тут ману́ш.” ¹² И мулякирдя́ Рай Дэвэл Ефиоплянэн ангíл муй Асáскиро и ангíл муй Юдáскиро, и прастанды́нэ криг Ефиопляни. ¹³ И традыя́ лэн Асá и мануша́, савэ сыс лэса, кэ Гераро, и пы́нэ Ефиопляни адякэ, со лэндэ никонэс на яця́пэ джидэндыр, пал-довá со ё́нэ сыс домардэ ангíл Растэ-Дэвлэстэ и ангíл Лэскиро халадыбэн. И лынэ дорэсыбэн древа́н бут. ¹⁴ И роспахирдэ́ сарэ фóрья трусця́л (вокруг) Гераро, пал-довá со пы́я пэ лэндэ дар Ра́стыр-Дэвлэстыр; и рочордэ ё́нэ сарэ фóрья, и вылыджинэ́ лэндыр древа́н бут чордо. ¹⁵ Адякэ-па́ць и чхупна́рьенгирэ (пастухэнгирэ) ша́тры росчордэ, и трады́нэ пэ́са бут кхэ́ритконэ му́рдалэн (ското), ты́кно́ ското и верблю́дэн, и риси́нэ дро Ерусали́мо.

Шэрó 15

¹ Тэды́ пэ Азария́стэ, О́дедоскирэ чхавэ́стэ, гия́ тэлэ́ Дэвлэскиро Ду́хо (Фа́но), ² и выгия́ ёв гил (пэ стреч) Асаскэ́ и пхэндя́ лэскэ: “Шун ман, Асá и сарó Ю’да́ и Вениами́но: тэ́ явэл Дэвэл́ тумэнца, кэ́ли тумэ́ явэ́на Лэ́са; и ко́ли явэ́на тэ́ родэн́ Лэ́с, тумэ́ латхэ́на Лэ́с; ко́ли ячкирэ́на Лэ́с, то́ и Ё́в ячкирэ́ла тумэ́н. ³ Бут дывэ́сá Израилё́ сыс би́ чачунэ́скиро Дэвлэ́скиро и би́ рашаски́ро, савó сы́клякирэ́лас, и би́ за́коноски́ро; ⁴ нэ́ кэ́ли ё́в рисё́ла годя́са дро пхари́пэн пэ́скиро кэ́ Рай́ Дэвэл́, Дэвэл́ Израилё́скиро, и латхэ́ла Лэ́с, Ё́в дэ́ла лэ́нгэ́ тэ́ латхэ́н Пэ́с. ⁵ Дрэ́ долэ́ дывэ́сá на́ явэ́ла рама́нэ́ (ми́ро) ни́ выги́ибнытконэ́скэ, ни́ за́ги́ибнытконэ́скэ, пал-довá со́ барó́ пири́дживипэ́н явэ́ла сарэ́ пхувья́кирэ́ манушэндэ́. ⁶ Мануша́́ явэ́на тэ́ марэ́нпэ́ манушэ́нца, и́ фóро́ форо́са, пал-довá со́ Дэвэл́́ янэ́ла лэ́н дрэ́ ту́га разно́нэ́ бидэ́нца. ⁷ Нэ́ тумэ́́ зоралэ́н, и́ мэк тэ́ на́ ячэ́н бизорья́кирэ́ тумарэ́́ васта́́, пал-довá со́ исын́ на́града́ (мазу́ри) пал́ тумарэ́́ рэ́нды.” ⁸ Кэ́ли шу́ндя́ Асá́ далэ́́ лавá́ и ангилпхэ́ныбэ́н (про́рочыны́бэ́н) О́дедоски́рэ-про́рокоски́рэ чхавэ́скирэ́, тэ́ды́ лы́я пэ́с дрэ́ васта́́ и вы́чхурды́я на́юды́тка ма́гирибэ́на сарэ́́ пхувья́тыр Ю́даски́рьятыр и Вениа́миноски́рьятыр и фо́рьндыр, савэ́́ ё́в лы́я пэ́ Ефре́мо́скири бэ́рга, и́ нэ́вяки́рдя́ Рáскирэ́-Дэвлэ́скиро алта́рэ́, савó́ сыс ангíл́ трэ́мо Рáскирэ́-Дэвлэ́скиро. ⁹ И́ скэ́дыя́ сарэ́н манушэ́н Ю́дасты́р и Вениа́миносты́р и манушэ́н, савэ́́ дживдэ́́ лэ́са, савэ́́ пири́гинэ́́ Ефре́мо́стыр и Ма́насия́стыр и Си́меоно́стыр; пал-довá со́́ бут Израилё́́стыр пи́ригинэ́́ кэ́́ ё́в, кэ́́ли ды́кхнэ́́, со́́ Рай́ Дэвэл́́, Дэвэл́́ лэ́скиро, сыс лэ́са. ¹⁰ И́

скэдынэпэ дро Ерусалимо пэ трито чхон, дрэ дэшупанджто бэрш, сыр Асá лыя тэ кралинэл;¹¹ и яндлэ дро дова дывэс свэнто дыибэн Рáскэ-Дэвлэскэ дорэсыбнастыр, савó яндлэ, барэ кхэритконэ мурдалэнддыр эфташэла и тыкнэ эфта тысёнци;¹² и загинэ дро завэто, соб (кай) тэ латхэс пэскирэ Рас-Дэвлэс, дадэнгирэ Дэвлэс, сарэ пэскирэ илэстыр и сарэ пэскирэ дэстыр;¹³ а кажно (свако), кон на лэла тэ родэл Рас-Дэвлэс, Израилёскирэ Дэвлэс, бангó явэла тэ мэрэл, ци тыкнó ёв, ци барó, ци мурш, ци джувлы.¹⁴ И совлахадэ Рáскэ-Дэвлэскэ зоралэ заняса (глосаса) и годлыпнаса, и пашыл зан рогэнгири и горноскири.¹⁵ И радындлэпэ сарэ Юдэякирэ манушá далэ совлахакэ, пал-дова со сарэ пэскирэ илэстыр и сарэ камибнаса латхнэ Лэс, и Ёв дыя лэнгэ тэ латхэн Пэс. И дыя лэнгэ Рай Дэвэл рамáнэ (миро) сарэ ригэнддыр.¹⁶ И Маахатыр, пэскирэ датыр, крáli Асá, отлыя кралипнаскиро барипэн пал дова, со ёй кэрдя идоло ваш дэмбитко вэшоро. И росчингирдя Асá идоло лáкиро, и чингирдя лэс пэ котэрá, и хачкирдя пэ Кедроноскиро доло.¹⁷ На дыкхí, со вучипына на сыс отпарудэ дро Израилё, нэ илó Асáскиро сыс сарэса отдынó Рáскэ-Дэвлэскэ дрэ сарэ лэскирэ дывэсá.¹⁸ И яндя ёв обсвэнцындлэ кхорэ (сасуды) лэскирэ дадэскирэ и лэскирэ предметы, савé ёв посвенцындя ваш Дэвлэскиро Кхэр, руп, и сувнакай, и кхорэ.¹⁹ И на сыс марибэн кэ трийнда пándжто бэрш дро Асáскиро кралипэн.

Шэрó 16

¹ Пэ трийнда шóвто бэрш Асáскиро кралипнаскэ, гия о Вааса, Израилёскиро крáli, пэ Юдэя, и лыя тэ кэрэл Рáма, соб (кай) тэ на дэл воля никонэскэ тэ на джал криг Асатыр, Юдэякирэ кралистыр, ни тэ на явэл кэ ёв.² И вылыджия Асá руп и сувнакай кучипнаскирэ пиралендыр Рáскирэ-Дэвлэскирэ Кхэрэскир и кралискирэ кхэрэстыр, и бичхадя кэ Венададо, Сириякиро крáli, савó дживдя кэ Дамáско, ракирý:³ “Мэк тэ явэл доракирибэн машкёр мáндэ и тýtэ, сыр сыс машкёр мирэ дадэстэ и тырэ дадэстэ; гáда, мэ бичхавáва тýкэ руп и сувнакай: джá, роспхандэ (отпарув) доракирибэн тырó Ваасаса, Израилёскирэ кралиса, соб (кай) ёв тэ отджал мáндыр.”⁴ И кандыя Венададо, кралис Асас, и бичхадя халадэнгирэ барыдырэн, савé сыс лэстэ, проти Израилёскирэ фóрья, и ёнэ кэрдэ чхучэ Ййоно и Дано, и Авелмаимо, и сарэ запасы дрэ Нефалимоскирэ фóрья.⁵ И кели шундя пал дава Вааса, то тэды пирияця тэ кэрэл Рáма и мэкця пэскири буты.⁶ О Асá, крáli, скэдыя сарэн Юдэякирэ манушэн, и ёнэ вылыджинэ Раматыр барá и вэш, савé лыя Вааса ваш кэрибэн, – и кэрдя лэнддыр Гева и Мицфа.⁷ Дрэ долэ дывэсá явдя Ананиё маги́ко, кэ Асá, Юдэякиро крáli, и пхэндя лэскэ: “Адыкэ, сыр ту ужакирдян лачхипэн Сириякирэ кралистыр и на надеиндяпэ пэ Растэ-Дэвлэстэ, тырэ Дэвлэстэ, пал-дова и зракхнэпэ халадэ Сириякирэ кралискирэ тырэ вастэстыр.”⁸ Ци на сыс Ефиопляни и Ливияни барэ зорьяса, и марибнытконэ вурдынэнца, и древáн бутэ манушэнца уклистэ пэ грэндэ? Нэ сыр ту чхудян надéя пэ Растэ-Дэвлэстэ, то Ёв и отдыя лэн дрэ тырэ вастá,⁹ пал-дова со якхá Рáскирэ-Дэвлэскирэ обдыкхэна сарí пхув, соб (кай) тэ подрикирэс одолэн, конэскиро илó сарэса отдынó Лэскэ. Нагодьварэс ту кэрдян аканá. Палдава далэ дывэсэнддыр явэна тýtэ марибэна.”¹⁰ И росхолясыя Асá пэ магикостэ, и чхудя лэс дрэ бэшыбэн, адыкэ сыр пал дава сыс дрэ холы пэ лэстэ; притасадя Асá и вари-савэн явирэ манушэн дрэ долэ дывэсá.¹¹ И гáда, кэрибна Асаскирэ, англатунó и палатунó (последне), исын зачхиндлэ дрэ Юдэякирэ и Израильсконэ-кральенгири лылварý.¹² И кэрдяпэ Асá насвалó гэрэнца пэ трийнда-енято бэрш пэскирэ-кралипнаскиро, и насвалыпэн лэскиро газдыяпэ кэ упратунэ масэнгирэ пашá; нэ ёв дрэ пэскиро насвалыпэн родыя на Рас Дэвлэс, а састыпнарьэн.¹³ И пасия Асá пэскирэ дадэнца, и мыя пэ штардэшá пёрво бэрш пэскирэ кралипнаскиро.¹⁴ И гарадэ лэс дрэ коплица, савí ёв кэрдя ваш пэскэ дро Давидóскиро фóро; и чхудэ лэс пэ пасиндлы (одро), савí пхэрдякирдэ лачхэ-кхандыпнытконэнца (парфунэнца) и кажнóнэ готовимэ макхибнэнца, и хачкирдэ лэн ваш лэскэ древáн бут.

Шэрó 17

¹ И яцý кралíса Иосафáто, лэскиро чхавó, пэ штéто лэскиро; и яцý ёв зоралэдýр проти Израильтянэндэ. ² И чхудý ёв халадэн дрэ сарé Юдэýкирэ фóрья зоралé тынэнца, и чхудý раххибнарьитконэ халадэн пир Юдэýкири пхув и пир Ефремóскирэ фóрья, савэнца хулаиндя Асá, лэскиро дад. ³ И сыс Рай Дэвэл Иосафатоса, пал-довá со ёв псирдý англатунé Давидóскирэ дромэнца, пэскирэ дадэскирэнца, и на родыя ёв Ваалэн, ⁴ нэ родыя ёв Рас-Дэвлэс, пэскирэ Дадэскирэс и кэрдý пир Лэскирэ припхэныбэнá, а на пир Израильтянэнгирэ рэнды. ⁵ И кэрдý Рай Дэвэл зоралó кралипэн дро лэскиро васт, и дынэ сарé Юды дáры Иосафатоскэ, и сыс лэстэ бут барвалыпэн и слáва. ⁶ И газдыяпэ лэскиро илó пэ Рáскирэ-Дэвлэскирэ дромá; ишчо (инкэ) и вучипэнá ёв отпарудя и дэмбы дрэ Юдэý. ⁷ И пэ трýто бэрш пэскирэ кралипнаскэ ёв бичхадý пэскирэн тхагарьэн: Бенхаилос и Овадияс, и Захарияс, и Нафанаилос, и Михеёс, соб (кай) тэ сыклякирэн пир Юдáскирэ фóрья манушэн, ⁸ и лэнца бичхадý Левитэн: Шемаияс и Нефанияс, и Зевадияс, и Азаилос, и Шэмирамофос, и Ионафанос, и Адонияс, и Товияс, и Тов-Адонияс, и лэнца рашán: Елишамос и Иорамос. ⁹ И ёнэ сыклякирдé дрэ Юдэý, лыджии пэса Рáскирэ-Дэвлэскирэ Законоскири лылварý; и ёнэ обджанас (обгинэ) сарé Юдэýкирэ фóрья, и сыклякирдé манушэн. ¹⁰ И сыс дар Рáскирэ-Дэвлэскири пэ сарé пхувý кралипнаскирэ, савé сыс трусцýл Юдэý, и на мардэпэ Иосафатоса. ¹¹ А Филистимлянэндýр янэнас Иосафатоскэ дáры и дро дыибэн руп; адýкэ-паць Аравитяни притрадэнас кэ ёв тыкнó ското: бакрэн эфтá тысёнцы эфтá шэлá и бузнэн (козлэн) эфтá тысёнцы эфташэлá. ¹² И газдэлапэ Иосафáто усá бутýр и бутýр, и чхудý дрэ Юдэý зоралé тыны и фóрья ваш запасы. ¹³ Бут лэстэ сыс запасы дрэ Юдэýкирэ фóрья, а дро Ерусалимо муршканé халадэнгирэ манушá. ¹⁴ И гáда, пиригиныбэн лэнгиро пир стрýчы лэнгирэ: Юдастэ сыс барыдырá тысёнцэнгирэ: Адна, барыдырó и лэстэ сыс фэдыршонэн халадэн триншэлá тысёнцы; ¹⁵ пал лэстэ сыс Иоханано барыдырó, и лэстэ сыс дуйшэлá охтодэшá тысёнцы; ¹⁶ пал лэстэ сыс Амáсия, Зихрискиро чхавó, савó отдыя пэс Рáскэ Дэвлэскэ, и лэстэ сыс дуйшэлá тысёнцы фэдыршонэ халадэ. ¹⁷ Вениаминостэ: фэдыршо халадо сыс Елиадо, и лэстэ рикирдэ лúко и шчýто дуйшэлá тысёнцы; ¹⁸ пал лэстэ сыс Иегозавадо, и лэстэ рикирдэ мардытка (мардыня) шэл охтодэшá тысёнцы халадэ. ¹⁹ Гáда, сыс манушá, савé дынариндлэ кралíскэ, апрíч одолэндэ, савэн росчхудý крáли дрэ фóрья зоралé тынэнца пир сарí Юдэý.

Шэрó 18

¹ И сыс Иосафатостэ бут барвалыпэн и слáва; и сэмэнцындяпэ ёв Ахавоса. ² И гия ёв пирдál вари-кицý бэрш кэ Ахáво дрэ Самáрия. И зачхиндý ваш лэскэ Ахáво древán бут тыкнó и барó ското, и ваш манушэнгэ, савé сыс лэса, и подракирэлас лэс тэ джал пэ Рамóфо Галаадоскиро. ³ И ракирдý Ахáво, Израилёскиро крáли, Иосафатоскэ, Юдытконэ кралíскэ: “Ци джáса ту мánца пэ Рамóфо Галаадоскиро?” Одовá отпхэндý лэскэ: “Сыр Ту, адýкэ и мэ; сыр тырé манушá, адýкэ и мирé манушá: мэ джáва тýса пэ марибэн!” ⁴ И пхэндý Иосафáто Израилёскирэ кралíскэ: “Пхучпэ ададывэс, со пхэнэла Рай Дэвэл.” ⁵ И скэдыя Израилёскиро крáли пророкэн штáршэлá манушэн, и пхэндý лэнгэ: “Ци тэ джас амэнгэ пэ Рамóфо, Галаадоскиро марибнáса, ци тэ ужакирас?” Ёнэ пхэндлэ: “Джá, и Дэвэл отдэла лэс дрэ кралíскирэ вастá.” ⁶ И пхэндý Иосафáто: “Ци нанэ адáй ишчо (инкэ) Рáскирэ-Дэвлэскирэ пророкóс? Пхучасапэ лэстыр.” ⁷ И пхэндý Израилёскиро крáли Иосафатоскэ: “Ишчо исын екх мануш, пирдál савэстэ саштý (можно) тэ пхучэспэ Рáстыр-Дэвлэстыр; нэ ёв на пир илó мánгэ, пал-довá со ёв на ангилпхэнэла (пророчынэла) пал мánдэ лачхипэн, а кажно мóло ангилпхэнэла фуипэн; дава исын Михеё, Иемвлаёскиро чхавó.” И пхэндý Иосафáто: “На рáкир адýкэ, крáли.” ⁸ И кхардý Израилёскиро крáли екхэс скопцос (евнухос), и пхэндý: “Джá и ян сыгэдýр Михеёс, Иемвлаёскирэ чхавэс.” ⁹ Израилёскиро крáли и Иосафáто, Юдэýкиро крáли, сыс бэштé кажно пэ пэскиро трóно, уридé дрэ кралитка йди,

бэштэ сыс ёнэ пэ форитко штэто пашыл порта Самариякири, и сарэ прорóки ангилпхэнэнас ангил лэндэ. ¹⁰ И кэрдя пэскэ Сэдэкия, Хенаанаскиро чхавó, саструнó шынга (роги), и пхэндя: “Адьякэ ракирэла Рай Дэвэл: ‘Далэнца ту заххусавэса Сириянэн пэ мэрибэн.’” ¹¹ И сарэ прорóки ангилпхэнэнас дова-паць, ракири: “Джа пэ Рамóфо Галаадоскиро: удэлапэ тукэ, и отдэла лэс Рай Дэвэл дрэ краліскірэ васта.” ¹² Мануш, савó сыс бичхадó, гия тэ кхарэл Михеёс, и ракирдя лэскэ: “Гáда, прорóки дрэ екх зан (глос) ракирэна лачхипэн краліскэ; мэк и тырó лав тэ явэл дасаво-паць, сыр кажнонэскиро лэндыр: пхэн и ту лачхó лав.” ¹³ И пхэндя Михеё: “Тэ явэл джидó Рай Дэвэл, – со пхэнэла мангэ миро Дэвэл, дова пхэнава мэ.” ¹⁴ И явдя ёв кэ крالی, и пхэндя лэскэ крالی: “Михеё, ци тэ джас амэнгэ марибнаса пэ Рамóфо Галаадоскиро, ци тэ ужакирас набут?” И пхэндя одова: “Джан, тумэнгэ удэлапэ тэ пиризорьякирэн, и ёнэ отдынэ явэна дрэ тумарэ васта.” ¹⁵ И пхэндя лэскэ крالی: “Ци бут мóлы мангэ тэ совлахов тукэ, соб (кай) ту тэ на ракирэс мангэ ничы, априч чачипэн, дро лав Рáскирэ-Дэвлэскиро?” ¹⁶ Тэды Михеё пхэндя: “Мэ дыкхцём сарэн Израилэскирэ чхавэн, савэ сыс росчхурдынэ пир бэрги, сыр бакрэ, савэндэ нанэ чхупнарис, – и пхэндя Рай Дэвэл: “Нанэ лэндэ барыдырó, мэк тэ рисэн кажно дро пэскиро кхэр раманёса (миро́са).”” ¹⁷ И пхэндя Израилэскиро крالی Иосафатоскэ: “Ци на ракирдём мэ тукэ, со ёв на ангилпхэнэла пал мандэ лачхипэн, а ёкх фуипэн?” ¹⁸ И пхэндя Михеё: “Адьякэ шунэн Рáскирэ-Дэвлэскиро лав: мэ дыкхцём Рас-Дэвлэс, бэшындой пэ Лэскиро трóно, и сарó халадыбэн болыбнаскиро сыс тэрдó пир чачó и пир зэрво васт Лэскиро.” ¹⁹ И пхэндя Рай Дэвэл: “Кон бы тэ хохавэл Ахавос, Израилэскирэ краліс, соб (кай) ёв тэ джал и тэ пэрэл пэ Рамóфо Галаадоскиро?” И екх ракирдя адьякэ, явир ракирдя пэ явир (явирчанэс). ²⁰ И выгия екх дүхо (фáно), и тэрдия ангил Растэ-Дэвлэстэ, и пхэндя: “Мэ хохававэ лэс.” И пхэндя лэскэ Рай Дэвэл: “Сóса?” ²¹ Одова пхэндя: “Мэ выджава и ява́ва хоханэ духóса (фаноса) дрэ сарэнгирэ лэскирэ-пророкэнгирэ ушта.” И пхэндя Ёв: “Ту утырдэса лэс, и ту дэса рáда (справинэсапэ); джа и кэр адьякэ.” ²² И аканá, гáда, мэкця Рай Дэвэл хохайбнаскиро дүхо (фáно) тэ заджал дрэ ушта далэ тырэ-пророкэнгирэ, нэ Рай Дэвэл ракирдя пал түтэ налачхипэн.” ²³ И подгия Сэдэкия, Хенаанаскиро чхавó, и пэкадя Михеёс пир чам (шчока), и пхэндя: “Пир савó да дром отгия мандыр Рáскирэ-Дэвлэскиро Дүхо (Фáно), соб (кай) тэ ракирэл дрэ түтэ?” ²⁴ И пхэндя Михеё: “Гáда, ту дыкхэса дава дрэ дова дывэс, кэли ту явэса тэ прастас штубатыр дрэ штуба, соб (кай) тэ гарадэс.” ²⁵ И пхэндя Израилэско крالی: “Лэн Михеёс и отлыджан лэс кэ Амоно, форóскиро барыдырó, и кэ Иоáсо, краліскиро чхавó.” ²⁶ И пхэнэн: “Адьякэ ракирэла крالی: ‘Чхувэн тэ бэшэл адалэс дро бэшыбэн и чалякирэн лэс марэса и панэса фуэс, пака мэ рисёва́ва дрэ рамáнэ (миро).’” ²⁷ И пхэндя Михеё: “Кóли ту рисёса дро рамáнэ (миро), тэды на Рай Дэвэл ракирдя пирдал мандэ.” И пхэндя: “Шунэн дава, сарэ манушá!” ²⁸ И гия Израилэско крالی и Иосафáто, Юдэякиро крالی, пэ Рамóфо Галаадоскиро. ²⁹ И пхэндя крالی Израилэскиро Иосафатоскэ: “Мэ пириурьявапэ и выджава пэ марибэн, а ту ури пэскирэ краліскирэ йди.” И пириуридяпэ Израилэскиро крالی; и выгия пэ марибэн. ³⁰ И Сириякиро крالی припхэндя барыдырэнгэ пэ марибнýtка вурдына, савэ сыс лэстэ, пхэни: “На марэнпэ ни тыкнэса, ни барэса, а екхэ Израилэскирэ краліса.” ³¹ И кэли дыкхнэ Иосафатос барыдыра вурдэнэнгирэ, тэды подуминдлэ: “Давá исын Израилэскиро крالی”, – и обгинэ трусцял лэстэ, соб (кай) тэ марэнпэ лэса.” Нэ Иосафáто задья гóдла, и Рай Дэвэл помогиндя лэскэ, и отлыджия лэн Рай Дэвэл лэстыр. ³² И кэли дыкхнэ барыдыра вурдэнэнгирэ, со дава на сыс Израилэскиро крالی, тэды рискирдэ лэстыр. ³³ Машкир дава сыс екх мануш, савó наками вытырдыя пэскиро лúко и раниндя Израилэскирэ краліс пирдал швы дрэ кальчуга. И пхэндя ёв шоляriskэ: “Рíскир палэ и лыджа ман халадэндыр, пал-дова со мэ сом раниндло (дукхадó).” ³⁴ Нэ марибэн дрэ дова дывэс яця зоралэдыр; и Израилэскиро крالی сыс тэрдó пэ проти Сириянэндэ кэ бэльвэ́ль и мыя, сыр загия кхам.

Шэрó 19

¹ И рисия кануто (цэло) Иосафáто, Юдэякиро крáli дро пэскиро кхэр дро Ерусалимо. ² И выгия гил лэскэ Ииуё, Ананияскиро чхавó, маги́ко, и пхэндя крали́скэ Иосафатоскэ: “Ци трэиндя тукэ тэ дэс васт (помогинэс) надывлытконэнгэ и тэ сыкавэс ласка манушэнгэ, савэ бидыхэна Рас-Дэвлэс? Палдава пэ тутэ холы Рáстыр-Дэвлэстыр. ³ Нэ и лачхипэн латхно дрэ тутэ, пал-довá со ту пхагирдя́н вычхиндлэ муя пэ Юдэякири пхув и отлыджия́н пэскиро илó кэ дова́, соб (кай) тэ латхэс Дэвлэс. ⁴ И дживдя́ Иосафáто кэ Ерусалимо. И нэвэс лыя́ ёв тэ обджал манушэн пэскирэн Вирсавиятыр кэ Ефремóскири бэрга, и обрискирдя́ годы́ (бэрша́) лэнгири кэ Рай-Дэвэл, Дэвэл лэнгирэ-дадэнгиро. ⁵ И чхудя́ сэндарьён пэ пхув пир сарэ́ Юдэякирэ фóрья зоралэ тынэнца, дро кажно́ фóро, ⁶ и пхэндя́ сэндарьёнгэ: “Дыххэн, со тумэ́ кэрэна, тумэ́ кэрэна на сэндо́ манушы́тко, нэ сэндо́ Рáскирэ-Дэвлэскиро; и Ёв явэла́ тумэнца дро рэндо́ сэндоскиро. ⁷ И адя́кэ мэк тэ явэл дар Рáскирэ-Дэвлэскири пэ тумэндэ: кэрэн, обдумины́ (обдыхи); пал-довá со нанэ́ Растэ-Дэвлэстэ, Дэвлэстэ́ амарэстэ, ни начачипэн, ни дуе́муиткима, ни соб (кай) тэ прилэн да́ры. ⁸ И дро Ерусалимо яндя́ Иосафáто вари-савэн́ Левитэндýр и рашандýр и шэралэн пэ стрэчы́ пир Израилё́ – кэ Рáскирэ-Дэвлэскиро сэндо́ и кэ пхарипэна. И рисинэ́ кэ Ерусалимо. ⁹ И дыя́ лэнгэ́ упхэныбэн, ракири́: “Ады́кэ кэрэн да́раса (дарьяса) Рáстыр-Дэвлэстыр, чачипна́са и жужэ́ илэса: ¹⁰ дро кажно́ спрэчно́ рэндо, саво́ явэла кэ́ тумэ́ тумарэ́ пшалэндýр, савэ́ дживэна дро пэскирэ́ фóрья, ци пал ратэскиро́ прочхуибэн, ци пал Зако́но, припхэныбэна́, упхэныбэна́, и припхэныбэна́, сыклякирэн́ лэн, соб (кай) ёнэ́ тэ на кэрэн́ нисаво́ фуипэн́ ангил́ Растэ-Дэвлэстэ, и тэ на явэл́ бы холы́ Лэскири пэ́ тумэндэ́ и пэ́ пшалэндэ́ тумарэндэ́; ады́кэ кэрэн, – и тумэ́ на кэрэна́ грэхо. ¹¹ И га́да, Амария, саво́ исын́ англатуно́ раша́й, пэ́ тумэндэ́ дро кажно́ рэндо́ Рáскирэ-Дэвлэскиро, а Зевадия, Исмаилоскиро́ чхавó, Юда́скирэ-кхэрэскиро́ тхага́ри (князе́), дро кажно́ крали́скиро рэндо, и дыкхибна́рьенца́ явэна́ Левиты́ ангил́ тумэндэ́. Явэн́ му́ршканэ́ и кэрэн, и явэла́ Рай Дэвэл́ лачхипна́са.”

Шэрó 20

¹ Палó после (дава́) Моавитяни́ и Амонитяни́, и лэнца́ вари-савэ́ Маонитсконэ́ ригáтыр, гинэ́ марибна́са пэ́ Иосафатостэ́. ² И явнэ́, и роспхэндлэ́ Иосафатоскэ́, ракири́: “Джа́на пэ́ тутэ́ древáн бут́ манушэн́ пал́ морёстыр́ (дэрьявэстыр), Сириятыр, и га́да, ёнэ́ явэна́ дрэ́ Хацацоно-Фамаро, саво́ исын́ дрэ́ Енгедди.” ³ И страхады́я Иосафáто, и рискирдя́ пэскиро́ муй́ тэ́ родэл́ Рас-Дэвлэс, и дыя́ тэ́ джинэл́ пир сары́ Юдэ́я, пал́ посто. ⁴ И скэ́дынэ́пэ́ Юдэ́и (Юдэ́якирэ) тэ́ мангэн́ васт́ (помошч) Рáстыр-Дэвлэстыр; и сарэ́́ Юдэнгирэ́ фoрьёндыр́ явнэ́ ёнэ́ тэ́ мангэн́ Рас-Дэвлэс. ⁵ И тэрдия́́ Иосафáто пэ́ скэ́дыибэн́ Юдэнгиро́ и Ерусалимля́нэнгиро́ дро́ Рáскирэ-Дэвлэскиро́ Кхэр, ангил́́ нэви́ грэ́да (двóро), ⁶ и пхэндя́: “Раё́ Дэвла, амарэ́́ дадэнгиро! Ци́ на сан́ Ту, Дэвэл́ пэ́ болыбэн? И́ Ту хулаинэ́са пэ́ сарэндэ́ крали́пнаскирэ́ манушэндэ́, и дро́ Тыро́ васт́ зор́ и зоралыпэн, и никон́ на утэрдёла́ проти́ Тутэ́! ⁷ Ци́ на Ту, Дэвла́ амаро́, вытрады́ян манушэн́ далэ́ пхувья́кирэ́ ангил́́ муй́ манушэндэ́, Тырэ́́ Израилё́скирэ́ндэ, и отды́ян ла́ родо́скэ́ Авраамоскирэ́скэ, малэ́скэ́ Тырэ́скэ́ пэ́ ве́ко? ⁸ И ёнэ́́ лыне́́ тэ́ дживэн́ пэ́ латэ́, и кэрдэ́́ Тукэ́ пэ́ латэ́́ свэ́нто́ штэ́то дро́ лав́ Тыро́, ракири́: ⁹ “‘Ко́ли явэла́ пэ́ амэндэ́́ бй́да: курта́ла, сави́́ дукхавэ́ла, ци́́ фра́нсы, ци́́ бокх, тэ́ды́ амэ́ тэрдёваса́ ангил́́ дава́́ Кхэр́ и ангил́́ Тыро́́ муй́, пал-довá́ со́ лав́́ Тыро́́ исын́́ дрэ́́ дава́́ Кхэр; и́ загодласа́ кэ́ Ту́ дро́ амаро́́ пхарипэн, и́ Ту́ шунэ́са́ и́ зракхэ́са.’ ¹⁰ И́ акана́, Амонитяни́ и Моавитяни́ и мануша́, савэ́́ дживэна́ пэ́ Сеироскири́ бэрга, пирда́л конэ́скирэ́́ пхувья́, Ту́ на́ ды́ян во́ля тэ́́ проджа́н Израильтя́нэнгэ́, кели́́ ёнэ́́ гинэ́́ Египто́скирэ́́ пхувья́тыр, и палдава́́ ёнэ́́ обгинэ́́ лэн́ и на́ замардэ́́ лэн, ¹¹ акана́, ёнэ́́ плэ́скирэ́на́ амэнгэ́́ долэ́са, со́ явнэ́́ тэ́́ вытрадэн́́ амэн́́ мишты́пнастыр́́ Тырэ́стыр, саво́́ Ту́ отды́ян амэнгэ́́. ¹² Дэвла́́ амаро́! Ту́ сэнды́акир́ лэн. Пал-довá́ со́ нанэ́́ дрэ́́ амэндэ́́ зор́́ проти́́ даки́цыќ древáн бутэ́́ манушэндэ́́, савэ́́ явнэ́́ пэ́́ амэндэ́́, и́ амэ́ на́ джи́на́са, со́́ тэ́́ кэ́рас, нэ́́ кэ́́ Ту́́ исын́́ якхá́ амарэ́!” ¹³ И́ сарэ́́ Юды́́ сыс́́ тэрдэ́́

ангил Растэ-Дэвлэстэ, и тыкнэ лэнгирэ чхавэ, лэнгирэ ромня и лэнгирэ чхавэ. ¹⁴ Тэды пэ Иозилюстэ, Захарияскирэ чхавэстэ, Ванеяскирэ чхавэстэ, Еиезлюскирэ чхавэстэ, Матфанияскирэ чхавэстэ, Левитостэ Асафоскирэ чхавэндэр, згия Рáскирэ-Дэвлэскиро Дүхо (Фáно), машкíр скэдыибэн, ¹⁵ и пхэндя ёв: “Шунэн, сарэ Юдэякирэ и Ерусалимостыр манушá, и крáли Иосафáто! Адякэ ракирэла Рай-Дэвэл кэ тумэ: “На дарэн и на страхадён древáн бутэ адалэ манушэндэр, пал-довá со давá исын на тумарó марибэн, а Дэвлэскиро. ¹⁶ Атася выджáн гил лэндэ: гáда ёнэ джána упрé пэ бэргица Цыцо, а тумэ латхэна лэн пэ долоскиро ягóро (краё), ангил чхучí пхув Иеруиломо. ¹⁷ На тумэнгэ трэй тэ марэнпэ давá мóло; тумэ тэрдён, тэрдён и дыкхэн пэ зракхибэн Рáскирэ-Дэвлэскиро, со явэла бичхадó тумэнгэ. Ю’да и Ерусалимо! На дарэн и на страхадён. Атася выджána гил (пэ стреч) лэнгэ, и Рай-Дэвэл явэла тумэнца.” ¹⁸ И поклониндяпэ Иосафáто мóса кэ пхув, и сарэ манушá Юдэякирэ и манушá Ерусалимóскирэ пынэ ангил Растэ-Дэвлэстэ, соб (кай) тэ поклонинэнпэ Рáскэ-Дэвлэскэ! ¹⁹ И уштынэ Левиты Каафоскирэ чхавэндэр и Корее́скирэ чхавэндэр – тэ шарэн Рас-Дэвлэс, Дэвлэс Израилёскирэс, древáн зоралэ заняса. ²⁰ И уштынэ ёнэ тася́рлэс (рáнэс) пэ злóко, и выгинэ пэ чхучí пхув Фекоякири; и кéли ёнэ выгинэ, то тэрдия́ Иосафáто и пхэндя: “Шунэн ман, Юдэякирэ и Ерусалимóскирэ манушá! Патян Рáскэ-Дэвлэскэ, тумарэ Дэвлэскэ, и явэн зоралэ-волякирэ: патян Лэскирэ пророкэнгэ, и явэла шукáр тумэнгэ.” ²¹ И обракирдя ёв манушэнца, и чхудя багаибнарьн Рáскэ-Дэвлэскэ, соб (кай) ёнэ дрэ гожыпнаскири свэнтима, тэ выджáн ангил халадэндэ, соб (кай) славиндлэ и ракирдэ: “Барьякирэн (славинэн) Рас-Дэвлэс, пал-довá со дро вéко тангипэн (жалость) Лэскиро!” ²² И дрэ довá часо (цýро), сыр ёнэ лынэ тэ шарэн и тэ барьякирэн, Рай Дэвэл газды́ розладо машкíр Амонитянэндэ, Моавитянэндэ и манушэндэ, савэ дживдэ пэ бэрга Сеиро, савэ явнэ пэ Юдэя, и сыс ёнэ домардэ; ²³ пал-довá со газдынэпэ Амонитяни и Моавитяни, савэ дживдэ пэ бэрга Сеиро, мардэ и традынэ лэн; а кéли ёнэ мэкнэ (кончындрэ) тэ марэнпэ манушэнца Сеироскирэнца, тэды лынэ тэ марэн екх екхэс. ²⁴ И кéли Юды (Юдэякирэ манушá) явнэ пэ вучипэн пэ чхучí пхув и дыкхнэ пэ одолэ древáн бутэ манушэндэ, и гáда – трúпы, савэ сыс паштэ пэ пхув, и нанэ никонэс, соб (кай) тэ зракхэлпэ. ²⁵ И явдя́ Иосафáто и лэскирэ манушá тэ закэдэн дорэсыбэн, и латхнэ лэндэ древáн бут барвалыпэн, и йди, и дрóга барá, и кэдынэ пэскэ адакицы, со на могоиндлэ тэ лыджáн. И трин дывэсá ёнэ закэдэнас дорэсыбэн; дасаво барó сыс ёв! ²⁶ А пэ штáрто дывэс скэдынэпэ пэ бахтякирибнаскиро дóло, адякэ сыр одóй ёнэ бахтякирдэ Рас-Дэвлэс. Палдавá и кхарэна довá штéто бахтякирибнаскирэ долоса кэ давá дывэс. ²⁷ И гинэ палэ сарэ Юдэи, Ерусалимляни и Иосафáто ангил лэндэ, соб (кай) тэ рисён дро Ерусалимо весéлымасá (лошасá), пал-довá со дыя́ лэнгэ Рай Дэвэл рáдыма пэ лэнгирэ вэргэндэ. ²⁸ И явнэ ёнэ дро Ерусалимо арфэнца, и лутэнца, и рогэнца, кэ Рáскирэ-Дэвлэскиро Кхэр. ²⁹ И сыс Дэвлэскири дар пэ сарэ кралиппэнгирэ пхувья́, кéли ёнэ шундлэ, со Кокорó Рай Дэвэл мардя́пэ проти Израилёскирэ вэргэндэ. ³⁰ И яця́ штыл дро кралипэн Иосафáтоскиро; и дыя́ лэскэ Дэвэл лэскиро покоё (откхиныбэн) сарэ ригэндэр. ³¹ Адякэ сыс крали́са Иосафáто пэ Юдэя: трияндапандж бэрш сыс лэскэ, кéли ёв яця́ крали́са, и биш тэ пандж бэрш сыс крали́са дро Ерусалимо. Лав дáкиро лэскирьякиро сыс Азува, Салаилоскири чхай. ³² И псирдя́ ёв пэскирэ дадэскирэ Асаскирэ дромэса, и на гия́ криг лэстыр, кэрдя́ годнэс (лачхэс) дрэ Рáскирэ-Дэвлэскирэ якхá. ³³ Екх вучипэнá на сыс отпарудэ, и манушá на рискирдэ зоралэс пэскиро илó кэ пэскирэ-дадэнгиро Дэвэл. ³⁴ Явír рэндэ (дэлы) Иосафáтоскирэ, англатунэ и палатунэ, исын зачхиндрэ дрэ Ананиёскирэ чхавэскирэ, Ииуёскирэ чхиныбэна, пал савэ ракирэлапэ дрэ Израилёскирэ-кральенгири лылварй. ³⁵ Нэ палó (после) довá загия́ Иосафáто, Юдэякиро крáли, дро малыпэн Охозияса, Израилёскирэ крали́са, савэ кэрдя́ на пир Закóно. ³⁶ И кхэтаниякирдя́пэ лэса, соб (кай) тэ кэрэн пáрмы (корабли) тэ пливинэн (тэ дэн плима) дро Фарсисо; и кэрдэ ёнэ пáрмы дрэ Ецыон-Гавéро. ³⁷ И пхэндя́ тэды Елиезэро, чхавó Додаваскиро Марешатыр, ангилпхэныбэн пэ Иосафáтостэ, ракири́: “Адякэ сыр Ту загиян дро малыпэн Охозияса, то распхагирдя́ Рай Дэвэл Тырó рэндо.” – И розмардэпэ пáрмы, и на могоиндрэ ёнэ тэ джáн дро Фарсисо.

Шэрó 21

¹ И пасия вéчнэс Иосафáто пэскирэ дадэнца, и сыс гарадó пэскирэ дадэнца дрэ Давидóскиро фóро. И яця кралíса Иорáмо, лэскиро чхавó, пэ штéто лэскиро. ² И лэстэ сыс пшáла, Иосафатоскирэ чхавó: Азáрия, и Иехиило (Ехиило), и Захáрия, и Азáрия, и Михаило, и Сафатия: сарé далé Иосафатоскирэ сыс чхавó, Израилёскирэ кралíскирэ. ³ И дыйя лэнгэ дад лэнгирэ барé почастýнки (подарки) рупéса, и сувнакáса, и дрогонé барэнца, кхэтанé зоралé-тынэнгирэ форьэнца дрэ Юдýя; а кралипэн ёв отдыйя Иорамоскэ, пал-довá со ёв сыс англатунó. ⁴ И тэрдия Иорáмо пэ пэскирэ-дадэскиро кралипэн и яця зоралó, и мулякирдя сарэн пэскирэ пшалэн курталáса и адякэ-паць вари-савэн Израилёскирэ тхагарьэндýр. ⁵ Трийнда дуй бэршá сыс Иорамоскэ, кели ёв яця кралíса, и охтó (бидуэнгиро дэш) бэрш ёв сыс кралíса дро Ерусалимо; ⁶ и псирдя ёв Израилёскирэ кральэнгирэ дромéса, сыр кэрдя Ахавоскиро кхэр – пал-довá со Ахавоскири чхай сыс лэскири ромны, – и кэрдя ёв налачхэс дрэ Рáскирэ-Дэвлэскирэ якхá. ⁷ Усаéкх на камдя Рай Дэвэл тэ хасякирэл Давидóскиро кхэр ваш Завéто, савó кэрдя Ёв Давидоса, и пал-довá со ёв дыйя лав (обисциндя) тэ дэл лэскэ и лэскирэ чхавэнгэ пэ сарé дывэсá. ⁸ Дрэ лэскирэ дывэсá выгия Эдóмо Юдáскирэ зорьятыр и чхудé ёнэ пэ пэстэ кралíс. ⁹ И гия Иорáмо пэскирэ халадэнгирэ барыдырэнца, и сарé марибнýтка вурдына сыс лэса; и, уштыи ратý, домардя Идумеянэн, савé облынэ трусцял лэс, и барыдырэн пэ марибнýтка вурдына. ¹⁰ Усаéкх выгия Эдóмо Юдáскирэ зорьятыр кэ дава дывэс. Дрэ долé-паць дывэсá выгия и Ливна лэскирэ зорьятыр, пал-довá со ёв ячкирдя Рас-Дэвлэс, пэскирэ дадэнгирэс Дэвлэс. ¹¹ Адякэ-паць вучипэнá кэрдя ёв пэ бэрги дрэ Юдýя, и залыджия дро блэндо Ерусалимóскирэ манушэн, и злыджия Юдýя. ¹² И явдя кэ ёв тэ лыл Илиястыр пророкостыр, дро савó сыс пхэндлó: “Адякэ ракирэла Рай Дэвэл, тырэ дадэскирэ-Давидóскиро Дэвэл: пал-довá, со ту на гиян тырэ дадэскирэ Иосафатоскирэ дромэнца, и Юдэякирэ-кралíскирэ Асаскирэ дромэнца, ¹³ а гиян Израилёскирэ-кральэнгирэ дромéса и лыджиян дро блэндо Юдýя и Ерусалимóскирэ манушэн адякэ-паць, сыр залыджия манушэн дро блэндо Ахавоскиро кхэр; ишчо (инкэ) и тырэ пшалэн, тырэ-дадэскиро кхэр, савé фэдýр тýтыр, ту мулякирдян лэн: ¹⁴ пал-довá, гада, Рай Дэвэл мулякирэла барé марибна́са тырэ манушэн, и тырэ чхавэн, и тырэ ромнэн, и сарó тырó барвалыпэн, ¹⁵ тут кокорэс-барé насвалыпна́са, тырэ-кужумэнгирэ дукхаса кэ дова́, со явэна тэ пэрэн яврий тырэ кужума насвалыпна́стыр дывэс дывэсэстыр.” ¹⁶ И газдыя Рай Дэвэл проти Иорамостэ дýхо (фáно) Филистимлянэнгиро и Аравитянэнгиро (Арабэнгиро), савé дживдэ пашýл Ефиоплянэндэ; ¹⁷ и ёнэ гинэ пэ Юдýя, и пынэ марибна́са пэ латэ, и заухтылдэ сарó миштыпэн (барвалыпэн), савó сыс дро кралíскиро кхэр, адякэ-паць и лэскирэ чхавэн, и ромнен лэскирэн; и на яцяпэ лэстэ чхавэс, апрíч Охозие́стэ, тыкнэдыршонэс лэскирэ чхавэндýр. ¹⁸ И палó (после) сарó дава́ Рай Дэвэл дукхадя лэскирэ кужума насвалыпна́са, савó сыс наштý тэ высастякирэс. ¹⁹ Адякэ сыс дывэсэстыр пэ дывэс, а пэ явирэ-бэршэскиро кóнцо (ягóро) выпынэ лэскирэ кужума насвалыпна́стыр лэскирэстыр, и ёв мыя́ дрэ барé мýньки; и манушá лэскирэ на схачкирдэ ваш лэскэ лачхэ-кхандыпны́тка (парфуны), сыр кэрдэ дава́ ваш лэскирэ дадэнгэ. ²⁰ Трийнда дуй бэрш сыс лэскэ, кели ёв яця кралíса, и охтó (бидуэнгиро дэш) бэрш ёв сыс кралíса дро Ерусалимо, и мыя́ на оброндлю, и гарадэ лэс дрэ Давидóскиро фóро, нэ на дрэ кралипна́скирэ коплицы.

Шэрó 22

¹ И чхудэ кралíса Ерусалимóскирэ манушá Охозияс, лэскирэ тыкнэдыршонэ чхавэс, пэ штéто лэскиро лэстэ, адякэ сыр сарэн пхурыдыршонэн домардя барó кэ дар халадыбэн, савé сыс Аравитянэнца кэ стáно (лод), и яця кралíса Охозия, Иорамóскиро чхавó, савó сыс крáli пэ Юдýя. ² Биш тэ дуй бэрш сыс Охозияскэ, кели ёв яця кралíса, и екх бэрш ёв сыс кралíса дро Ерусалимо; лав лэскирэ-да́киро сыс Гофо́лия, Амвариёскири чхай. ³ Ёв адякэ-паць псирдя Ахавоскирэ-кхэ́рскирэ дромэнца, пал-довá со лэскири дай дыйя годý лэскэ пал би-

законóскирэ рéнды. ⁴ И кэрдя ёв налaчхэс дрэ Рáскирэ-Дэвлэскирэ якхá, адякэ-паць сыр кэрдя Ахавоскиро кхэр: пал-довá со ёв лэскэ дэлас годы палó (после) лэскирэ-дадэскиро мэрибэ́н, пэ хасибэ́н лэскэ. ⁵ Адякэ-паць, кэри пир лэнгири годы, ёв гия́ Иорамоса, Ахавоскирэ-чхавэ́са, Израилэскирэ кралíса, пэ марибэ́н проти Азаилостэ, Сириякирэ кралíстэ, дро Рамóфо Галаадоскиро. И дукхадэ (раниндлэ) Сирияни Иорамос. ⁶ И рисия́ ёв дро Изреелё тэ драбакирэ́лпэ ранэндýр (франсэндýр), савэ́ кэрдэ́ лэскэ́ дрэ́ Рáма, кели́ ёв мардя́пэ Азаилоса, Сириякирэ кралíса. И Охозия́, Иорамóскиро чхавó, пэ́ Юдэ́я крáли, явдя́ тэ дыкхэлпэ́ Иорамоса, Ахавоскирэ́ чхавэ́са, дро Изреелё́, пал-довá со дова́ сыс насвалó. ⁷ И Дэвлэ́стыр сыс дава́ пэ мэрибэ́н Охозия́скэ, со ёв явдя́ кэ́ Иорáмо: палдовá со ёв гия́ проти Ииуё́стэ, Намесиё́скирэ чхавэ́стэ, савэ́с помакхця́ Рай Дэвэл́ пэ́ Ахавоскирэ́-кхэрэ́скиро хасибэ́н. ⁸ Кели́ кэрдя́ Ииуё́ сéндó пэ́ Ахавоскиро кхэр, тэды́ ёв латхя́́ Юдэ́якирэ́ тхагарьéн и Охозия́скирэ́-чхавэ́нгирэ́-пшалéн, савэ́ дынариндлэ́ (служындлэ́) Охозия́скэ, и мулякирдя́ лэн. ⁹ И припхэндя́ ёв тэ́ родéн Охозия́с, и лынé лэс, кели́ ёв гарады́я дрэ́ Самáрия, и яндлэ́ лэс кэ́ Ииуё́, и замардэ́ лэс, и гарадэ́ лэс; пал-довá со ракирдэ́: ёв сыс Иосафатóскиро чхавó, савó латхя́́ Рас-Дэвлэ́с сарэ́ пэ́скирэ́ илэ́стыр. И на́ яця́пэ́ ниéкх дро́ Охозия́скиро кхэр, кон бы́ могиндя́́ тэ́ явэл́ кралíса. ¹⁰ Пал-довá со́ Гофо́лия, Охозия́скири дай, сыр дыкхця́, со мы́я ла́киро чхавó, то ушты́я и мулякирдя́ сарó кралíскиро рóдо́ Юдáскирэ́ кхэрэ́стыр. ¹¹ Нэ́ Иосаве́ф, кралíскири чхай́ лы́я Иоасос, Охозия́скирэ́ чхавэ́с, и чордя́ лэс кралíскирэ́ чхавэ́ндыр, савэ́н замарэ́нас, и гара́дя лэс и одо́ля джувля́, сави́ лэс барья́кирдя́ дрэ́ штúба, кай́ сыс сутэ́; и адякэ́́ Ио́саве́ф, Иорамоскирэ́-кралíскири чхай́, ромны́ рашаскири́ Ио́даёскири, Охозия́скири пхэ́н, гара́дя Иоасос Гофо́лиятыр; и ёй на́ мулякирдя́ лэс. ¹² И сыс ёв лéндэ, дро́ Дэвлэ́скиро Кхэр, гарадó шов бэрш; Гофо́лия сыс кралица́са пэ́ пхув.

Шэро́ 23

¹ Нэ́ пэ́ эфта́то бэрш газды́япэ́ дро́ дýхо́ Ио́даё, и прилы́я дро́ кхэ́танякирибэ́н пóса шэлэ́нгирэ́ барыды́рэн: Аза́рияс, Иеро́хамоскирэ́-чхавэ́с, и И́смаилос, Иего́хананоскирэ́-чхавэ́с, и Аза́рияс, Оведоскирэ́-чхавэ́с, и Маасе́яс, Адаиё́скирэ́-чхавэ́с, и Елиша́фатос, Зихрискирэ́-чхавэ́с. ² И ё́нэ про́гинэ́ пир Юдэ́я, и скэ́дынэ́ Левитэ́н сарэ́́ Юдэ́якирэ́ форьéндыр и Израилэ́скирэ шэ́ралэ́н пэ́ стрэ́чы (поко́лэнии), и явнэ́ дро́ Ерусали́мо. ³ И кэрдя́ сарó скэ́дыибэ́н за́вето́ дрэ́ Дэвлэ́скиро Кхэр (Кханги́ри) кралíса, и пхэ́ндя́ лэ́нгэ́ Ио́даё: “Гáда, кралíскирэ́ чхавэ́скэ́ трэй́ тэ́ явэл́ кралíса, сыр ракирдя́́ Рай Дэвэл́ пал Дэвидóскирэ́ чхавэ́ндэ. ⁴ Гáда, со́ тумэ́нгэ́ трэй́ тэ́ кэрэ́н: трýто́ паш тумэ́ндыр, савэ́́ явэ́на дро́ са́вато (суботонэ́), рашанды́р и Левитэ́ндыр, явэ́на ра́кхибна́рья́ пашы́л про́ги, ⁵ и трýто́ паш пашы́л кралíскиро кхэр, и трýто́ паш пашы́л Иесодоскири́ по́рта; а сарэ́́ манушá́ пэ́ Рáскирэ́-Дэвлэ́скирэ́ Кхэрэ́скирэ́ грэ́ды (дворы). ⁶ И никóн мэќ тэ́ на заджа́л дро́ Рáскирэ́-Дэвлэ́скиро Кхэр, апри́ч рашандэ́́ и Левитэ́ндэ́́ бутя́рнэ́ндэ. Ё́нэ мо́гинэ́на тэ́ заджа́н, пал-довá со́ исын вы́свэ́нцындлэ́; сарэ́́ манушá́ мэќ тэ́ тэ́рдэ́н пэ́ ра́кхибэ́н Рáскирэ́-Дэвлэ́скиро. ⁷ И мэќ́ Левиты́ тэ́ тэ́рдэ́н тру́сця́л (кругом) кралíстэ́ сарэ́́ ригэ́ндыр, ка́жно пэ́скирэ́ марды́тконэ́са дро́ пэ́скиро васт, и кон́ явэ́ла тэ́ заджа́л дрэ́́ Кханги́ри, мэќ тэ́ явэл́́ муляки́рдо. И явэ́н тумэ́ пашы́л кралíстэ́, кели́́ ёв явэ́ла тэ́ заджа́л и тэ́ вы́джа́л.” ⁸ И кэрдэ́́ Левиты́ и сарэ́́́ Юды́, со́ припхэ́ндя́́ Ио́даё́ рашáй, и лынé́́ ка́жно пэ́скирэ́́ манушэ́́н, савэ́́́ явэ́на дро́ са́вато и савэ́́́ уджа́на дро́ са́вато; пал-довá со́ на́ отма́кця́́ рашáй Ио́даё́ манушэ́́н, савэ́́́ парудэ́́пэ. ⁹ И розды́я Ио́даё́ рашáй шэлэ́нгирэ́́ барыды́рэнгэ́́ чхурды́ибны́тка́ бустя́́ (коп’и) и ты́кнэ́́ и барэ́́́ шчы́ты Дэвидóскирэ́́ кралíскирэ́́, савэ́́́ сыс дрэ́́ Дэвлэ́скиро Кхэр. ¹⁰ И чху́дэ́́ сарэ́́́ манушá́́ свако́нэс (ка́жнóнэс) лэ́скирэ́́ марды́тконэ́са дро́ лэ́скиро васт, ча́чэ́-кханги́рья́кирэ́́ ригáтыр кэ́́ зэ́рво (ле́во) кханги́рья́кири́ риг, пашы́л алта́ре и пашы́л Кхэр тру́сця́л кралíстэ́. ¹¹ И вы́лыджинé́́ кралискирэ́́с чхавэ́́с, и чху́дэ́́ пэ́ лэ́стэ́́ вя́нка, и го́жыпэ́́на и чху́дэ́́ лэс кралíса; и пома́кхнэ́́ лэс Ио́даё́́ и лэ́скирэ́́ чхавэ́́, и пхэ́́ндлэ́́: “Мэќ́ тэ́́ дживэ́́л крáли!” ¹² И шу́ндя́́ Гофо́лия́́ манушэ́́нгири́ зан (глос), савэ́́́ пра́ста́ндынэ́́́ и ракирдэ́́ пал кралíстэ́́, и вы́гия́́ кэ́́ манушá́́ дро́ Рáскирэ́́-Дэвлэ́скиро Кхэр, ¹³ И кели́́́ дыкхця́́, и, акэ́́ со: сыс тэ́́рдó́ крáли пэ́́ пэ́скиро вучипэ́́н пашы́л за́гиибэ́́н, и тхага́́рья, и ро́́ги (трубы) пашы́л кралíстэ́́, и сарэ́́́ манушá́́ пхувя́́́кирэ́́́

радынэнапэ, и башавэна рогэнца, и манушá, савэ баганас багаибнытконэ струментэнца и савэ сыс лачхэ тэ шарэн. И роскустя Гофолия пэскирэ йди, и задья гóдла: “Зракирибэн! Зракирибэн!” ¹⁴ И выкхардя Иодаё, рашáй, шэлэнгирэ барыдырэн, савэ сыс барыдырá пэ халадэндэ, и пхэндя лэнгэ: “Лыджан ла яврý, и, кон джáла пал латэ, мэк тэ мулякирэн курталаса.” Пал-довá со рашáй пхэндя: “На мулякирэн ла дрэ Рáскирэ-Дэвлэскиро Кхэр.” ¹⁵ И дынэ лáкэ штéто, и, кели ёй явдя кэ загиибэн дрэ грэнгири пóрта кралýскирэ-кхэрэскири, одóй мулякирдэ ла. ¹⁶ И кэрдя Иодаё завéто машкёр пэстэ, и машкёр сарé манушэндэ, и кралýстэ, соб (кай) тэ явэн ёнэ Рáскирэ-Дэвлэскирэ манушá. ¹⁷ И гинэ сарé манушá пэ мангипнытко штéто Ваалоскиро, и роспахгирдэ лэс, и алтáри лэскирэ, и лэскирэ вычхиндлэ муя пхагирдэ: и Матфанос, жрецос Ваалоскирэс мулякирдэ ангýл алтáри. ¹⁸ И допатындья Иодаё Рáскирэ-Дэвлэскирэ Кхэрэскирэ рэндý рашангэ и Левитэнгэ, сыр лэн росчхудя пир бутя Дэвидо дро Рáскирэ-Дэвлэскиро Кхэр, тэ газдэн цéло схачкирибэн Рáскэ-Дэвлэскэ, сыр исын зачхиндлó дро Мойзáскиро Закóно, радýмáса и багаибнаса, пир Давидóскиро упхэныбэн. ¹⁹ И чхудя ёв раххибнарьён пашыл Рáскирэ-Дэвлэскирэ Кхэрэскири пóрта, соб (кай) на могиндя тэ заджál ниéкх наужо пир вари-со. ²⁰ И лыя Иодаё шэлэнгирэ барыдырэн, и барé ран, и барыдырэн пэ манушэндэ, и сарé пхувьякирэ манушэн, и пролыджия кралýс Рáскирэ-Дэвлэскирэ Кхэрэскир, и прогинэ пирдál упратуны пóрта дро кралýскиро Кхэр, и чхудэ тэ бэшэл кралýс пэ кралýскиро трóно. ²¹ И радýндлэпэ сарé манушá пэ пхув, и фóро яця штýл. А Гофолия замардэ курталаса.

Шэрó 24

¹ Эфтá бэрш сыс Иоасоскэ, кели ёв яця кралýса, и штардэшá бэрш ёв сыс кралýса дро Ерусалимо, лав лэскирэ дáкиро сыс Цывья, Вирсавиятыр. ² И кэрдя Иоáсо лачхэс дрэ Рáскирэ-Дэвлэскирэ якхá дрэ сарé дывэсá, сыр сыс рашáй Иодаё. ³ И лыя лэскэ Иодаё дуэн ромнэн, и лэстэ сыс лэндýр чхавэ и чхáя. ⁴ И палó давá (после) явдя пэ илó Иоасоскэ тэ нэвякирэл Рáскирэ-Дэвлэскиро Кхэр; ⁵ и скэдыя ёв рашán и Левитэн, и пхэндя лэнгэ: “Джан пир Юдэякирэ фóрья, и скэдэн сарэндýр Израильтянэндýр руп тэ кэрэн ремóнто пэ тумарé Рáскирэ-Дэвлэскиро Кхэр бэрш бэршэстыр, и сыгнякирэн дро давá рэндо.” Нэ на сыгнякирдэ Левýты ваш подрикирибэн. ⁶ И кхардя крáли Иодаёс, лэнгирэ шэралэс, и пхэндя лэскэ: “Сóскэ ту на трэбинэса Левитэндýр, соб (кай) ёнэ тэ янэн Юдэятыр и Ерусалимóстыр дыибэн, савó чхудя Мóйза, Дэвлэскиро писхáри, и скэдыибэн Израильёскиро ваш скэдыибнаскири скýния? ⁷ Пал-довá со наужы Гофолия и лáкирэ чхавэ роспахгирдэ (росчордэ) Рáскирэ-Дэвлэскиро Кхэр, и сарó, со сыс обсвэнцындло ваш Дэвлэскиро Кхэр, сыр дрэ бутý ваш Ваалы. ⁸ И припхэндя крáли, и кэрдэ екх мохтó (яшчыко), и чхудэ лэс пашыл загиибэн дро Рáскирэ-Дэвлэскиро Кхэр яврял. ⁹ И дыя тэ джинэн Иодаё пир Юдэя и Ерусалимо, соб (кай) тэ янэн Рáскэ-Дэвлэскэ дыибэн, савó чхудя Мóйза, Рáскирэ-Дэвлэскиро писхáри пэ Израильтянэндэ пэ чхучý пхув. ¹⁰ И обрадынлэпэ сарé барыдырá и сарé манушá, и яндлэ и чхудэ дро мохтó, пака ёв яця пхэрдó. ¹¹ Дрэ долэ дывэсá, кели янэна мохтó (яшчыко) кэ кральенгирэ барыдырá пирдál Левитэндэ, и кели ёнэ дыкхнэ, со сыр бут руп, то явэлас кралýскиро зачхиныбнари и допатыкирдо англатунэ рашастыр, и ёнэ вычхувэнас мохтостыр; и отлыджанас лэс и чхувэнас лэс пэ пэскиро штéто. Адýкэ кэрдэ ёнэ дывэс дро дывэс, и скэдынэ древán бут руп. ¹² И отдэнас лэс крáли и Иодаё манушэнгэ, савэ дыкхнэ пал бутя пир Рáскирэ-Дэвлэскиро Кхэр, и ёнэ прилэнас манушэн, савэ барá чингирдэ и кхэрá-кэрибнаскирэн (плотникэн) тэ нэвякирэн Рáскирэ-Дэвлэскиро Кхэр, адýкэ-паць фаурнарьён (кузнецэн) и манушэн, савэ кэрдэ бутý харкомаса (медяса) тэ зорьякирэн Рáскирэ-Дэвлэскиро Кхэр. ¹³ И кэрдэ бутý манушá, и кэрдэ ремóнто лэнгирэ вастá; и кэрдэ Рáскирэ-Дэвлэскиро Кхэр адýкэ, сыр лэскэ трэиндя тэ явэл, и зоралыкирдэ лэс. ¹⁴ И сыр кэрдэ ёнэ сарó, то ёнэ отдынэ кралýскэ и Иодаёскэ руп, савó яцяпэ. И кэрдэ лэстыр кхорé (сасúды) ваш Рáскирэ-Дэвлэскиро Кхэр, кхорé тэ дынаринэн и цéло схачкирибэн, тахтая и явёр кхорé сувнакунэ и рупувэ. И янэнас цéло схачкирибэн дро Рáскирэ-Дэвлэскиро Кхэр кажно мóло дрэ сарé Иодаёскирэ дывэсá. ¹⁵ И пхурия Иодаё,

чалыя дывэсэнца дро джибён, и мыя: шэл трийнда бэрш сыс лэскэ, кэли ёв мыя. ¹⁶ И гарадэ лэс дро Давидоскиро форо, пал-дова со ёв кэрдя лачхипэн дрэ Израилё и ваш Дэвлэскэ, и ваш Лэскиро кхэр. ¹⁷ Нэ палó (после) Иодаёскиро мэрибён, явнэ Юдэякирэ тхагарья и поклониндлэпэ кралёскэ, и тэды крالی лыя тэ кандэл лэн. ¹⁸ И ёнэ ячкирдэ пэскирэ-дадэнгиرو Рáскирэ-Дэвлэскиро, Дэвлэскиро Кхэр, и лынэ тэ дэн патыв вэшэнгэ, савэ сыс свэнта, и идолэнгэ, и сыс холы Рáскирэ-Дэвлэскири пэ Юдэя и Ерусалимо пал дая лэнгири банг. ¹⁹ И Ёв бичхадя кэ ёнэ пророкэн, соб (кай) ёнэ тэ рискирэн палэ кэ Ёв, и ёнэ досыкавэнас лэнгэ, нэ одолэ на шундлэ. ²⁰ И Дэвлэскиро Дúхо (Фáно) гия тэлэ пэ Захариястэ, Иодаёскирэ чхавэстэ, рашастэ, и ёв тэрдия пэ вучипэн ангил манушэндэ, и пхэндя лэнгэ: “Адякэ ракирэла Рай Дэвэл: ‘Ваш со тумэ пириуштавэна упхэныбён Рáскирэ-Дэвлэскиро? На явэла бахт тумэнгэ; и сыр тумэ ячкирдэ Рас-Дэвлэс, то адякэ и Ёв ячкирэла тумэн.’” ²¹ И зракирдэпэ проти лэстэ, и мардэ лэс барэнца, пир кралёскиро упхэныбён, пэ Рáскирэ-Дэвлэскири Кхэрэскири грэда (двóро). ²² И на пририпирдя крالی Иоáсо лачхипэн, саво кэрдя лэскэ Иодаё, лэскиро дад, и замардя лэскирэ чхавэс. И ёв, кэли мэрэлас, то ракирдя: “Мэк тэ дыкхэл Рай Дэвэл и мэк тэ отплэскирэл палэ!” ²³ И, сыр прогия бэрш, выгинэ проти лэстэ Сириякирэ халадэ, и загинэ пэ Юдэя и дро Ерусалимо, и вымардэ сарэн тхагарьён манушэнгирэн; и саро дорэсыбён, саво лынэ лэндыр, отбичхадэ кэ крالی дро Дамáско. ²⁴ Мэк и ёнэ náбут манушэн сыс машкёр Сириякирэ халадэндэ, нэ Рай Дэвэл отдыя дрэ лэнгирэ вастá древáн нисметно зор пал дава, со ячкирдэ ёнэ Рас-Дэвлэс, дадэнгирэ Дэвлэс. И пэ Иоасостэ кэрдэ ёнэ сэндо. ²⁵ И кэли ёнэ гинэ пэскэ лэстыр, ячкири лэс дрэ пхаро насвалыпэн, тэды счхудэ проти лэстэ зракирибён лэскирэ писхарья, пал рат Иодаёскирэ-чхавэскиро, рашаскиро, и замардэ лэс пэ лэскиро чхуибён, и ёв мыя. И гарадэ лэс дрэ Давидоскиро форо, нэ на гарадэ лэс дрэ кралёскирэ коплицы. ²⁶ Манушá, савэ зракирдэпэ проти лэстэ сыс: Завадо, Шимеафакирэ-Амонитянкакиро чхаво, и Иегозавадо, Шимрифакирэ-Моавитянкакиро чхаво. ²⁷ Пал лэскирэ чхавэндэ, и пал бут ангилпхэныбэна проти лэстэ, и пал пхарй буты, со ёв лыя пэ пэстэ, сыр кэрдэ буты (ремóнто) пэ Дэвлэскиро Кхэр, исын зачхиндлó дрэ кральэнгири лылварй. И яця кралёса Амáсия, лэскиро чхаво, пэ штэто лэскиро.

Шэрó 25

¹ Биш тэ пандж бэрш сыс Амáсияскэ, кэли ёв яця кралёса и биш тэ еня бэрш ёв сыс кралёса дро Ерусалимо; лав лэскирэ дáкиро сыс Иегоаадань Ерусалимóстыр. ² И кэрдя ёв лачхэс дрэ Рáскирэ-Дэвлэскирэ якхá, нэ на сарэ илэстыр. ³ Кэли яця зоралó пал лэстэ кралипэн, тэды ёв мулякирдя пэскирэн писхарьён, савэ замардэ кралёс, лэскирэ дадэс. ⁴ Нэ лэнгирэн чхавэн на мулякирдя, адякэ сыр исын чхиндлó дро Зако́но, дрэ Мойзаскири лылварй, кай припхэндя Рай Дэвэл, ракири: “Нашты тэ мулякирэн дадэн пал чхавэндэ, и чхавэн нашты тэ мулякирэн пал дадэндэ; нэ кажно (сва́ко) пал пэскиро грéхо исын бангó (мусинэла) тэ мэрэл.” ⁵ И скэдыя Амáсия Юдээнгирэн, и чхудя лэн пир стрэчы (поколéнии) тэл зор тысёнцэнгирэ-барыдырэнгири и шэлэнгирэ-барыдырэнгири, сарэн Юдээн и Вениаминянэн; и пиригиндя лэн бишэ бэршэндыр и бутыр, и латхя (ластя) лэндыр трин шэла тысёнцы манушэн фэдыршонэн, савэ псирдэ пэ марибён, савэ рикирдэ чхурдыпнытко буст (коп’ё) и шчыто. ⁶ И ишчо (инкэ) ёв лыя Израильтянэндыр шэл тысёнцы муршканэн халадэн пал шэл таланты руп. ⁷ Нэ явдя кэ ёв Дэвлы́тко мануш и пхэндя: “Крálё! Мэк тэ на джáн тýса Израилёскирэ халадэ; пал-дова со Рай Дэвэл нанэ Израильтянэнца, сарэ Ефремóскирэ чхавэнца. ⁸ Нэ ту джá екхджинó, кэр рэндо, муршканэс марпэ пэ марибён. А пэ явйр (явирчанэс) тут Дэвэл равэла тэлэ ангил муй вэргоскиро; пал-дова со исын зор Дэвлэстэ тэ подрикирэл и тэ равэл тэлэ.” ⁹ И пхэндя Амáсия Дэвлэскирэ манушэскэ: “Со тэ кэрáв шэлэ талантэнца, савэ мэ отдыём Израилёскирэ халадэнгэ?” И пхэндя Дэвлэскирэ мануш: “Сашты тэ явэл (могинэла) Рай Дэвэл тэ дэл тукэ бутыр далэстыр.” ¹⁰ И росчхудя пир ригá лэн Амáсия, – халадэн, савэ явнэ кэ ёв Ефремóскирэ пхувьятыр, – соб (кай) ёнэ тэ джáн пэ пэскиро штэто. И захачия зоралэс лэнгири холы пэ Юдэя, и ёнэ гинэ палэ дрэ пэскиро

штэто, дрэ яг холякири. ¹¹ А Ама́сия лы́я пэс дрэ васта́, и лыджия́ пэскирэ манушэ́н, и гия́ пэ Лондо́ до́ло, и домардя́ Сеироскирэ́ чхавэ́н дэш тысе́нцы; ¹² и дэш тысе́нцы джидэ́н лы́нэ Юда́скирэ́ чхавэ́ дро плéно; и яндлэ́ лэн пэ́ бэргáкиро вучипэ́н, и чхурды́нэ тэлэ́ лэн бэргáкирэ́ вучипна́стыр, и сарэ́ ёнэ́ розмардэ́пэ кэ́ екх. ¹³ Халадэ́, савэ́н Ама́сия отбичха́дя палэ́, соб (кай) ё́нэ тэ́ на джа́н лэ́са пэ́ марибэ́н, розгинэ́пэ пир Юдэ́якирэ́ фо́рья, Самария́тыр кэ́ Вефоро́но; и пиримардэ́ лэндýр трин тысе́нцы, и скэ́дынэ́ древа́н бут дорэ́сыбэ́н. ¹⁴ Ама́сия, сыр явдя́ палó (после) Идумея́нэнгиро муля́кирибэ́н, то яндя́ Сеироскирэ́ чхавэ́нгирэ́ дэвлорэ́, и чхудя́ лэн пэ́стэ́ дэвлорэ́нца, и анги́л лэ́ндэ́ клониндя́пэ, и лэ́нгэ́ кадиндя́. ¹⁵ И захачия́ холы́ Ра́скирэ́-Дэвлэ́скири пэ́ Амасия́стэ, и бичхадя́ Ё́в кэ́ ёв пророко́с, и одова́ пхэ́ндя́ лэ́скэ: “Сóскэ́ ту пра́стаса кэ́ дэвлорэ́, далэ́-манушэ́нгирэ́, савэ́ на зракхнэ́ пэ́скирэн манушэ́н тырэ́ вастэ́стыр?” ¹⁶ Кéли ё́в ракирдя́ лэ́скэ, о кра́ли отпхэ́ндя: “Нау́што крали́скирэ́ юнка́роса (советникоса) чхудэ́ тут? Пи́рияч, соб (кай) тэ́ на муля́кирэ́н тут.” И пи́рияця́ проро́ко, пхэ́ни: “Джина́в, со скэ́дыяпэ́ Дэвэл́ тэ́ хася́кирэ́л тут, пал-дова́ со ту кэ́рдя́н дава́ и на шунэ́са миро́ радины́бэ́н.” ¹⁷ И кéли дорэ́сця́ годы́ Ама́сия, Юдэ́якиро кра́ли, и бичхадя́ кэ́ Иоáсо, Иоа́хазоскиро чхаво́, Ииуё́скирэ́ чхавэ́с, Израилё́скиро кра́ли, тэ́ пхэ́нэл: “Вы́джа, дыкхаса́пэ муй́ кэ́ муй.” ¹⁸ И бичхадя́ Иоáсо, Израилё́скиро кра́ли, кэ́ Ама́сия, Юдэ́якиро кра́ли, тэ́ пхэ́нэл: “Тё́рно (жылто́ хру́сто сувьэ́нца), саво́ сыс пэ́ Лива́но, бичхадя́ кэ́ ке́дро, саво́ сыс пэ́ Лива́но, тэ́ пхэ́нэл. Отдэ́ пэ́скирэ́ чха́ палорóм пал мирэ́ чхавэ́стэ.” Нэ́ гинэ́ пашыл́ буса́ (дика) риско́рибна́скирэ́ мурдала́ (звери), савэ́ сыс пэ́ Лива́но, и штаку́рдэ́ (сто́пчындлэ́) дава́ тё́рно. ¹⁹ Ту ракирэ́са: Га́да, мэ́ домардём́ Идумея́нэ́н, – и газды́япэ́ тыро́ ило́ кэ́ ша́рибэ́н пэ́с. Бэ́ш фэ́дыр пэ́скэ́ кхэ́рэ. Кэ́ со ту́кэ́ тэ́ рэ́сэс дро да́рано рэ́ндэ? Хасэ́са ту́ и Юдэ́якирэ́ ту́са.” ²⁰ Нэ́ на канды́я лэ́с Ама́сия, адя́кэ́ сыр Дэвлэ́стыр сыс дава́, соб (кай) тэ́ отдэ́н лэн дрэ́ Иоасоскирэ́ васта́, пал-дова́, со лы́нэ́ тэ́ родэ́н годы́пэ́н Идумея́кирэ́ дэвлорэ́ндыр. ²¹ И вы́гия́ Иоáсо, Израилё́скиро кра́ли и дыкхнэ́пэ́ ё́нэ муй́ кэ́ муй, ё́в и Ама́сия, Юдэ́якиро кра́ли, дро Ве́фсамисо́ Юдэ́якиро. ²² И розмардэ́ Израиле́ты́ни Юдэ́якирэ́н манушэ́н, и розна́шнэ́пэ́ ка́жно (сва́ко) дрэ́ пэ́скири ша́тра. ²³ И Амасия́с, Юдэ́якирэ́ крали́с, Иоасоскирэ́ чхавэ́с, Иоа́хазоскирэ́ чхавэ́с, заухты́лдя́ Иоáсо, Израилё́скиро кра́ли, дро Ве́фсамисо́, и яндя́ лэ́с дро Еру́салимо́, и роспахирдя́ Еру́салимо́скири ва́нта Ефре́мо́скирэ́ портаты́р кэ́ вэ́нглоскири по́рта, пэ́ штаршэ́ла́ ку́ня; ²⁴ И лы́я саро́ сувнака́й, и руп, и сарэ́ кхорэ́ (сасу́ды), савэ́ сыс дрэ́ Дэвлэ́скиро Кхэ́р пашы́л Овед-Э́домо́, и крали́скирэ́-кхэ́рэскиро барвалы́пэ́н, и сыма́дытконэ́н (зало́жникэ́н), и рисия́ дрэ́ Самария́. ²⁵ И дживдя́ Ама́сия, Иоасоскиро чхаво́, Юдэ́якиро кра́ли, палó (после) Иоасоскиро мэ́рибэ́н, Иоа́хазоскирэ́-чхавэ́скиро, Израилё́скирэ́-крали́скиро, дэшупандж бэ́рш. ²⁶ Яви́р рэ́нды́ Амасия́скирэ́, англату́нэ́ и палату́нэ́ (последня́), исын за́чхиндлэ́́ дрэ́ Юдэ́энгирэ́́ и Израилё́скирэ́-кральэ́нгири лы́лвары́. ²⁷ И палó (после) долэ́́ дывэ́са́, сыр Ама́сия отгия́́ Ра́стыр-Дэвлэ́стыр, счхудэ́́ проти́́ лэ́стэ́́ зра́кирибэ́́н, дро Еру́салимо́, и ё́в на́штя́́ дрэ́́ Лахисо́. И бичхадэ́́ пал лэ́стэ́́ дрэ́́ Лахисо́, и муля́кирдэ́́ лэ́с одо́й. ²⁸ И яндлэ́́ лэ́с пэ́́ грэ́ндэ́́, и гара́дэ́́ лэ́с да́дэ́нца́́ лэ́скирэ́нца́́ дрэ́́ Юда́скиро́́ фо́ро.

Шэ́ро 26

¹ И лы́нэ́ сарэ́́ Юдэ́якирэ́́ мануша́́ Озия́с, савэ́скэ́́ сыс дэ́шушов бэ́рш, и чхудэ́́ лэ́с крали́́са пэ́́ лэ́скирэ́́-дадэ́́скиро́́ Амасия́́скиро́́ штэто́. ² Ё́в кэ́рдя́́ Ела́фо́ и отды́я́ лэ́с Юдэ́́нгэ́́, палó́́ дова́́ (после), сыр пасия́́ кра́ли́́ вэ́чнэ́с пэ́́скирэ́́ дадэ́́нца. ³ Дэ́шушов бэ́рш сыс Озия́́скэ́́, сыр я́ця́́ ё́в крали́́са, и пандждэ́́ша́́ дуй бэ́рш ё́в сыс крали́́са пэ́́ Еру́салимо́; лав лэ́́скирэ́́-да́́киро́́ сыс Иехо́лия́́, Еру́салимо́́стыр. ⁴ И кэ́рдя́́ ё́в лачхэ́́с дрэ́́ Ра́скирэ́́-Дэвлэ́́скирэ́́ якха́́ адя́́кэ́́-па́́ць, сыр кэ́рдя́́ Ама́сия́́, лэ́́скиро́́ да́́д; ⁵ И рисё́́лас го́дя́́са ё́в кэ́́ Дэвэл́́ дрэ́́ За́хария́́скирэ́́ дывэ́́са́́, саво́́ сыкля́́кирдя́́ пал Дэвлэ́́скири́́ да́́р; и дрэ́́ долэ́́́ дывэ́́са́́, кéли́́ ё́в рисё́́лас го́дя́́са кэ́́ Рай́́ Дэвэл́́, то помо́гиндя́́ лэ́́скэ́́́ Дэвэл́́. ⁶ И ё́в вы́́гия́́, и марды́́пэ́́ Фили́́стимля́́нэ́́нца, и роспахирдя́́ Ге́фоскирэ́́ ва́́нты, ва́́нты дрэ́́ Иавне́́я, ва́́нты дрэ́́ Азо́то; и кэ́рдя́́ фо́́рья́́ дрэ́́ Азо́то́скири́́ о́́кру́га́́ и Фили́́стимля́́нэ́́ндэ́́. ⁷ И помо́гиндя́́ лэ́́скэ́́́ Дэвэл́́́ проти́́́ Фили́́стимля́́нэ́́ндэ́́́ и проти́́́ Аравита́́нэ́́ндэ́́, савэ́́́ дживдэ́́́ дро́́ Гу́р-Ва́́ало, и проти́́́ Меу́́нитя́́нэ́́ндэ́́; ⁸ И дэ́́на́́с Амо́́нитя́́ни

дань Озияскэ, и догия лэскиро лав кэ Египтоскири риг; пал-довá со ёв сыс древан зоралó. ⁹ И кэрдя Озия вучардя (башни) дро Ерусалимо пэ вэнглытко пórта и пэ долоскири пórта и пэ вэнгло, и зорялякирдя лэн. ¹⁰ И кэрдя ёв туры пэ чхучи пхув (пушча) и ганадя бут вэндарины (водоё́мы), пал-довá со лэстэ сыс бут кхэритка мурдалá, и пэ тэлатунé пхувья, и пэ лошчыны, и пхувьякирэ бутярнэн и садовникэн (барьякирэн) пэ бэрги и пэ Кармило; пал-довá со ёв камдя, соб (кай) тэ обкэрэн пхув. ¹¹ Сыс Озиястэ и халадэ, савэ выджáнас пэ марибэн отрядэнца, пир лэнги́ро чысло (гин) дрэ чхиныбэн дрэ пиричхиныбэн, савó сыс чхудо вастэса Иеизлоскирэса чхиныбна́риса (писарё́са) и Маасеяскирэ дыкхибна́риса (надзирателё́са), тэл васт Хананияскиро, екхэ кральёнги́рэндыр рас пэ халадэндэ. ¹² Сарэн манушэнги́рэн шэралэн пэ стрэчы (поколéнии), муршканэ халадэн, сыс дуй тысёнцы шовшэ́лá, ¹³ и тэл васт лэнги́рэ халадэнги́рэ-зорьякиро сыс трин шэ́лá эф́тá тысёнцы панджшэ́лá, савэ выгинэ пэ марибэн муршканэ халадэнца, тэ дэн васт краліскэ проти вэргостэ. ¹⁴ И скэдыя ваш лэнгэ Озия, ваш сарэ халадэнгэ, шчы́ты, и чхурдышны́тка бустя́ (коп’и) и шлёмы, и латы, и луки, и прашчы тэ чхурдэн бара́. ¹⁵ И кэрдя ёв дро Ерусалимо годэс-придуминдлэ машины, соб (кай) ёнэ тэ явэн пэ туры и пэ вэнглы тэ чхурдэн марибны́тка бустя́ (стрéлы) и барэ́ бара́. И розлыджияпэ лэскиро лав дур; пал-довá со ёв дивнэс дурьякирдя пэс, и кэрдяпэ зоралó. ¹⁶ Нэ кэли ёв кэрдяпэ зоралó, то запхутия лэскиро илó пэ лэскиро хасибэн, и ёв кэрдяпэ злыдариса ангыл Растэ-Дэвлэстэ, Дэвлэстэ пэскирэстэ; пал-довá со ёв загия́ дрэ Кханги́ри Рáскирэ-Дэвлэскири, соб (кай) тэ хачкирэ́л фимиáмо пэ алтáрэ кадила́са. ¹⁷ И гия́ пал лэстэ Аза́рия, рашáй, и лэса охтодэша́ Рáскирэ-Дэвлэскирэ рашáя, фэдыршонэн манушэн. ¹⁸ И газдынэ́пэ проти Озиястэ, кралі́стэ, и пхэндлэ́ лэскэ: “На тукэ́, Охóзие, тэ кадинэс Рáскэ-Дэвлэскэ; дава́ рэндо исын рашáнгиро, Ааронóскирэ-чхавэнги́ро, савэ исын высвэнцындлэ́ тэ кадинэн; выджа́ свэнтонэ́ штэ́тостыр, пал-довá со ту кэрдян на пир Зако́но, и дава́ на явэ́ла тукэ́ дрэ патыв́ Растэ-Дэвлэстэ. ¹⁹ И розхоля́сыя Озия́, – а дрэ васт лэстэ сыс кадила́ тэ тхувлякирэ́л, и, кэли ёв холя́сыя, то прока́за явдя́ пэ лэскиро чэ́кат, ангыл муй рашáнгиро, дрэ Рáскирэ-Дэвлэскиро Кхэр, пашы́л алтáрэ кадилы́тко. ²⁰ И подыххця́ пэ лэстэ Аза́рия, англатунó рашáй, и сарэ́ рашáя; и га́да, сыс лэстэ прока́за пэ лэскиро чэ́кат. И зачхудэ́ лэс тэ выджáл одотхы́р, нэ и кокорó ёв лыя́ сыгэды́р тэ джал ќриг, ады́кэ сыр дукхадя́ лэс Рай́ Дэвэл. ²¹ И сыс кра́ли Озия́ насвалó́ прока́заса кэ пэскирэ-мэрибна́скиро дывэ́с, и дживдя́ дро особно́ кхэр, и одлыно́ сыс Рáскирэ-Дэвлэскирэ Кхэрэ́скир. А Иоа́фамо, лэскиро чхавó, сыс барыды́рэса пэ кралі́скиро кхэр и хулаиндя́ манушэнца́ пэ пхув. ²² Явы́р Озия́скирэ рэнды́, англатунé и палатунé (последня́), зачхиндя́ Исаё́, Амососкиро чхавó, проро́ко. ²³ И пасия́ Озия́ пэскирэ́ дадэнца́, и гарадэ́ лэс дадэнца́ лэскирэнца́ пэ фэ́лда кральёнги́ри дрэ ко́плицы; пал-довá со раки́рдэ: ёв исын насвалó́ прока́заса. И яця́ кралі́са Иоа́фамо, лэскиро чхавó, пэ штэ́то лэскиро.

Шэро́ 27

¹ Биш тэ пандж бэрш сыс Иоа́фамоскэ́, кэли ёв яця́ кралі́са, и дэшушов бэрш ёв сыс кралі́са дро Ерусалимо; лав лэскирэ-да́киро сыс Иеруша́, Садокоскири чхай. ² И кэрдя ёв лачхэс дрэ Рáскирэ-Дэвлэскирэ́ якхá ады́кэ-паць, сыр кэрдя́ Озия́, лэскиро да́д; екх со ёв на загия́ дрэ Рáскирэ-Дэвлэскири́ Кханги́ри; нэ и мануша́ на мэ́кнэ тэ кэрэн грэ́хи. ³ Ёв кэрдя́ упратуны́ пórта дро Рáскирэ-Дэвлэскиро́ Кхэр, и бут со кэрдя́ пэ Офелоскири́ ванта́; ⁴ И фо́рья кэрдя́ ёв пэ Юдэя́кири бэ́рга, и дрэ вэша́ кэрдя́ тва́рдыми/диза́ (крéпости) и вучардя́ (башни). ⁵ Ёв мардя́пэ Амонитя́нэнги́рэ кралі́са и пиризорья́кирдя лэн; и дынэ́ лэскэ́ Амонитя́ни дрэ дова́ бэрш шэл талáнты руп и дэш тысёнцы́ коры парно́ гив и дэш тысёнцы́ гэрсто́ (ячме́нэ). Давá дынэ́ лэскэ́ Амонитя́ни ада́кицы, и пэ явы́р бэрш и пэ трі́то. ⁶ Ады́кэ зоралó́ сыс Иоа́фамо, пал-довá со кэрдя́ ёв пэ́скирэ́ дрома́ дро джи́ибэн ангыл Растэ-Дэвлэстэ́, пэ́скирэ́ Дэвлэстэ́. ⁷ Явы́р Иоа́фамоскирэ́ рэнды́, и сарэ́ лэскирэ́ марибэ́на, и сыр ёв хулаиндя́, исын зачхиндлэ́ дрэ Израилё́скирэ́ и Юдэя́кирэ́-кральёнги́ри лы́лвары́. ⁸ Биш тэ пандж бэрш сыс лэскэ́, кэли ёв яця́ кралі́са, и дэшушов бэрш ёв сыс кралі́са дро Ерусалимо. ⁹ И пасия́ вэ́чнэс Иоа́фамо

пэскирэ дадэнца, и гарадэ лэс дрэ Давидоскиро форо. И яця краліса Ахазо, лэскиро чхаво, пэ штэто лэскиро.

Шэро 28

¹ Биш бэрш сыс Ахазоскэ, кэли ёв яця краліса, и дэшушов бэрш ёв сыс краліса дро Ерусалимо; и ёв на кэрдя лачхэс дрэ Раскирэ-Дэвлэскирэ якхэ, сыр кэрдя Давідо, лэскиро дад; ² Ёв гия Израилэскирэ-кральэнгирэ дромэнца и адякэ-паць кэрдя вычхудэ статулы Ваалоскэ; ³ и ёв хачкирдя дрога смолы пэ Еномоскирэ-чхавэнгиро доло, и пролыджия пэскирэ чхавэн пирдал яг, подрикири манушэнгирэ магирипэна, савэн вытрадыя Рай Дэвэл ангил Израилэскирэ-чхавэнгиро муй. ⁴ И янэлас ёв свэнта дыибэна и хачкирдя дрога смолы пэ вучипэна, и пэ бэрги, и тэл кажно гэнсто кашт. ⁵ И отдыя лэс Рай Дэвэл, Дэвэл лэскиро, дрэ Сириянэнгирэ-краліскирэ васта, и ёнэ мулякирэндэ лэс, и лынэ лэстэ дрэвэн бут пленонэн, и лыджинэ лэн дро Дамаско. Адякэ-паць и дрэ Израилэскирэ-краліскиро васт сыс отдынэ ёв, и одова домардя лэстэ дрэвэн бут манушэн. ⁶ И домардя Факсе, Ремалииноскиро чхаво, Юдэн шэл тэ биш тысёнцы дро екх дывэс, марибнытконэ манушэн, пал-дова со ёнэ ячкирдэ Рас-Дэвлэс, пэскирэ-дадэнгирэ Дэвлэс. ⁷ О Зихриё [Зихри-ю.о.], зоралюко Ефремлянэндир, замардя Маасеёс, краліскирэ чхавэс, и Азрикамос, саво сыс барыдыро пэ краліскири фелатин, и Елканос, явирэс манушэс пал кралістэ. ⁸ И лынэ Израилэскирэ чхавэ дро плэно пэскирэ пшалэндир, Юдээндыр, дуйшэла тысёнцы джувлэн, чхавэн и чхаён; адякэ-паць и дрэвэн бут дорэсыбэн скэдынэ лэндэ, и отбичхадэ дорэсыбэн дрэ Самария. ⁹ Одой сыс Раскирэ-Дэвлэскиро пророко; лав лэскиро сыс Оdedo. Ёв выгия ангил халадэнгиро муй, савэ гинэ дрэ Самария, и пхэндя лэнгэ: “Акэ, Рай Дэвэл, Дэвэл тумарэ-дадэнгиро, дрэ холы пэ Юдэндэ, отдыя лэн дро тумаро васт, и тумэ домардэ лэн дасавэ холяса, сави догия кэ болыбэн. ¹⁰ И аканэ тумэ думинэна тэ кэрэн дынарьэнца Юдаскирэн и Ерусалимоскирэн чхавэн дрэ дынарьэндэ и дынарицэндэ пэскэ. А наушто (соскэ) пэ тумэндэ кокорэндэ нанэ банг ангил Растэ-Дэвлэстэ, тумарэ Дэвлэстэ? ¹¹ И адякэ шунэн ман и рискирэн палэ пленонэн, савэн тумэ закэдынэ тумарэ пшалэндир; пал-дова со холынакири яг исын Раскирэ-Дэвлэскири пэ тумэндэ.” ¹² И уштынэ вари-савэ барыдырэндир Ефремоскирэ чхавэндир: Азария, Иегохананоскиро чхаво, Берехия, Мешылемофоскиро чхаво, и Езэкия, Шалумоскиро чхаво, и Амасэ, Хадлаёскиро чхаво, проти манушэндэ, савэ гинэ (явнэ) марибнастыр, ¹³ И пхэндлэ лэнгэ: “На лыджан адарик пленонэн, пал-дова со грэхо явэла амэнгэ ангил Растэ-Дэвлэстэ. Наушто тумэ думинэна тэ дочхувэн кэ тумарэ грэху и кэ тумаро чорипэн? Бари исын банг амари, и яг холынакири Раскирэ-Дэвлэскири пэ Израилэ.” ¹⁴ И ячкирдэ халадэ пленонэн и дорэсыбэн халадэнгирэ барыдырэнгэ и сарэ скэдыбнаскэ. ¹⁵ И уштынэ мурша, упхэндлэ пир лав, и лынэ пленонэн, и сарэн лэндир нангэн, и уридэ лэн дорэсыбнастыр, – и уридэ лэнгирэ гэрэ, и чалякирдэ лэн, и панякирдэ лэн, и помакхнэ лэн елеёса, и чхудэ пэ ослэндэ сарэн, савэ сыс бизорьякирэ лэндир, и бичхадэ лэн дро Ерихоно, форо пальмэнгиро; кэ лэнгирэ пшала, и рисинэ дрэ Самария. ¹⁶ Дрэ долэ дывэса бичхадя крالی Ахазо кэ Асириякиро крالی, соб (кай) ёнэ тэ дэн васт (тэ помогинэн) лэскэ. ¹⁷ Пал-дова со Идумеяни и ишчо (инкэ) явэнас, и бутэн домардэ дрэ Юдэя, и лынэ дрэ плэно; ¹⁸ и Филистимляни розгинэпэ пир форя пэ тэлатуны округа и паш-дывэс Юдээнгиро, и лынэ Вефсамисо и Аиалано, и Гедерофо, и Сохо и форя, савэ сыс тэл лэскири зор, и Фимна, и форя, савэ сыс тэл лэскири зор, и Гимзо и форя, савэ сыс тэл лэскири зор, и лынэ тэ дживэн одой. ¹⁹ Адякэ чхудя тэлэ Рай Дэвэл Юдэя пал Ахазостэ, Юдэякирэ кралістэ, пал-дова со ёв лыджия дро блэндо Юдэя и пхарэс кэрдя грэхо ангил Растэ-Дэвлэстэ. ²⁰ И явдя кэ ёв Феглафеласаро, Асириякиро крالی; нэ ёв сыс дро пхарипэн лэскэ ^[1], замест дова, соб (кай) тэ помогинэл лэскэ; ²¹ пал-дова со Ахазо лыя барвалыпэн Раскирэ-Дэвлэскирэ Кхэрэскир и краліскирэ кхэрэстыр и тхагарьэндир, и отдыя Асириякирэ краліскэ; нэ одова на помогиндя лэскэ. ²² И дрэ пхарэ ваш пэскэ дывэса ёв усаёкх кэрдя на пир Законо ангил Растэ-Дэвлэстэ, ёв – крالی Ахазо. ²³ И янэлас ёв свэнта дыибэна Дамасконэ дэвлорэнгэ, думины, со ёнэ дукхадэ лэс, и ракирдя: “Дэвэлэ Сириякирэ-

кральёнгирэ помогинэна лэнгэ: янава мэ свэнто дыибён лэнгэ, и ёнэ помогинэна мангэ.” Нэ ёнэ сыс пэ хасибён лэскэ и сарэ Израилёскэ. ²⁴ И скэдыя Ахазо кхорэ (сасуды) Дэвлэскирэ Кхэрэскир, и роспахирдя пэ котэра кхорэ Дэвлэскирэ Кхэрэскир захандя Рáскирэ-Дэвлэскирэ Кхэрэскирэ вударá, и кэрдя пэскэ алтáри пир сарэ вэнглы дрэ Ерусалимо; ²⁵ И пир сарэ Юдáскирэ фóрья ёв кэрдя вучипэна тэ кадинэн явирэ дэвлорэнгэ, и холякирдя Рас-Дэвлэс, пэскирэ-дадэнгирэс Дэвлэс. ²⁶ Явир лэскирэ рэндэ (дэлы) и сарэ лэскирэ кэрибэна, англатунэ и палатунэ (последня), исын зачхиндлэ дрэ Юдэякирэ и Израилёскирэ-кральёнгири лылварí. ²⁷ И пасия вэчнэс Ахазо пэскирэ дадэнца, и гарадэ лэс дрэ фóро, дро Ерусалимо; нэ на лыджинэ лэс дрэ коплицы Израилёскирэ-кральёнгирэ. И яця кралíса Езэкíя, лэскиро чхавó, пэ штэто лэскиро.

28:20 ^[1] Явир смысло: и яндя бíды лэскэ, замест дова́, соб(кай) тэ помогинэл лэскэ

Шэро 29

¹ Езэкíя яця кралíса, кели лэскэ сыс биш тэ пандж бэрш, и биш тэ еня бэрш сыс ёв кралíса дро Ерусалимо; лав лэскирэ-дакиро сыс Авия́, Захарияскири чхай. ² И кэрдя ёв лачхэс дрэ Рáскирэ-Дэвлэскирэ якхá адякэ-паць, сыр кэрдя Давíдо, лэскиро дад. ³ Пэ англатунó бэрш пэ пэскиро кралipэн, дро англатунó чхон, ёв псирадя (отчхакирдя) Рáскирэ-Дэвлэскирэ Кхэрэскирэ вударá и нэвякирдя лэн; ⁴ и пхэндя тэ явэн рашангэ и Левитэнгэ, и скэдыя лэн пэ восточно форуны [плóшча.-р.с.]. ⁵ И пхэндя лэнгэ: “Шунэн ман, Левитáлэ! Аканá высвэнцынэнпэ кокорэ, и обсвэнцынэн Кхэр Рáскирэ-Дэвлэскиро , тумарэ-дадэнгиро Дэвлэскиро, и вычхурдэн нажужыпэн (мэлалыпэн) Кхангирьятыр. ⁶ Пал-дова́ со, акэ, амарэ дада́ кэрдэ на пир за́коно и кэрдэ налачхэс дрэ якхá Рáскирэ-Дэвлэскирэ, амарэ Дэвлэскирэ, и ячкирдэ Лэс, и отрискирдэ ёнэ пэскирэ муя́ Рáскирэ-Дэвлэскирэ Кхэрэскир, и рисинэ думэса; ⁷ и пхандлэ вударá дро трéмо, и мудькирдэ момолытка (светильники), и на хачкирдэ дро́га смóлы, и на газдынэ цéло схачкирибён дрэ Израилёскирэ-Дэвлэскири Кхангирí. ⁸ И сыс Рáскирэ-Дэвлэскири холы́ пэ Юдэя и пэ Ерусалимо; и Ёв отдыя лэн пэ ладж, пэ чхучыпэн и пэ сабэн, сыр тумэ дыкхэна якхэнца тумарэнца. ⁹ И, акэ, пынэ амарэ дада́ курталáтыр; а амарэ чхавó, и амарэ чхая́, и джувля́ амарэ, пал дава́ исын дро плéно кэ далэ дывэса́. ¹⁰ Аканá мэндэ пэ ило – тэ кэрав Завето Рáса-Дэвлэса, Израилёскирэ Дэвлэса, мэк тэ рискирэ́л амэндыр Лэскирэ-холякири яг. ¹¹ Чхавáлэ мрэ! На явэн бишэритка; пал-дова́ со тумэн выкэдыя Рай Дэвэл тэ тэрдён ангíл Лэскиро муй, тэ дынаринэн Лэскэ и тэ явэн Лэстэ дынарьэнца и тэ хачкирэн дро́га смóлы. ¹² И уштынэ Левíты: Махафо, Амасаёскиро чхавó, и Иоёлé, Азарияскиро чхавó, Каафоскирэ чхавэндыр; и Мерарискирэ чхавэндыр; Кисо, Авдиёскиро чхавó, и Азáрия, Егалелелоскиро чхавó; и Гирсоноскирэ родыцóстыр: Иоахо, Зиммаскиро чхавó, и Едэно, Иоахоскиро чхавó; ¹³ Елицафаноскирэ чхавэндыр; Шимри и Иеиэло, Асафоскирэ чхавэндыр: Захáрия и Матфания; ¹⁴ И Еманоскирэ чхавэндыр: Иехиэло и Шымéё; и Идифуноскирэ чхавэндыр: Шемаия и Узиэло. ¹⁵ Ёнэ скэдынэ пэскирэн пшалэн и высвэнцындлэпэ; и гинэ, пир кралíскиро припхэныбён, тэ жужакирэн (тэ чыстинэн) Рáскирэ-Дэвлэскиро Кхэр пир лавá Рáскирэ-Дэвлэскирэ. ¹⁶ И гинэ андрэ рашая́ дро Рáскирэ-Дэвлэскиро Кхэр тэ жужакирэн, и вылыджинэ сарó нажужо, со латхнэ дрэ Рáскирэ-Дэвлэскири Кхангирí, пэ грéда (двóро) Дэвлэскирэ Кхэрэскиро. А Левíты лынэ дава́, соб (кай) тэ лыджан криг яврí кэ Кедроноскири сы́гно рэ́кица (лэнорí). ¹⁷ И лынэ ёнэ тэ освэнцынэн дро пэ́рво (англатунó)-чхонэскиро дывэс, и пэ охтóто (бидуэнгиро дэшто) дывэс долэ-паць чхонэскиро дывэс загинэ дро Рáскирэ-Дэвлэскиро грéда (двóро); и обсвэнцынэнас Рáскирэ-Дэвлэскиро Кхэр охтó дывэса́, и пэ дэшушовто англатунэ-чхонэскиро дывэс ёнэ кэрдэ. ¹⁸ Тэньци явнэ ёнэ дро кхэр кэ крáли Езэкíя и пхэндлэ: “Амэ выжужакирдым Рáскирэ-Дэвлэскиро Кхэр, и алтáрё ваш цéло схачкирибён, и сарэ лэскирэ кхорэ (сасуды), и скамíнд ваш свэнто марó, и сарэ лэскирэ кхорэ. ¹⁹ И сарэ кхорэ, савэ зачхурдыя крáли Ахазо дрэ пэскирэ кралipнаскирэ дывэса́, кэри́ чорипэн, амэ скэдыям и

обсвэнцындям, и, гада, ёнэ исын ангил Рáскирэ-Дэвлэскиро алтáрэ.”²⁰ И уштыя крáli Езэкия пэ злóко (пэ рáнко), и скэдыя форóскирэ барыдырэн, и гия дро Рáскирэ-Дэвлэскиро Кхэр.²¹ И яндлэ эфтá гуруворэн и эфтá бакрэн, и эфтá бакрорэн, и эфтá бузнэн (козлэн) пэ свэнто дыибэн Рáскэ-Дэвлэскэ пал грéхо пал кралипэн, и пал свэнто штéто, и пал Юдэя; и припхэндя ёв Ааронóскирэ чхавэнгэ, рашангэ, тэ газдэн цéло схачкирибэн пэ Рáскирэ-Дэвлэскиро алтáрэ.²² И зачхиндлэ гуруворэн, и лынэ рашая рат, и почхудэ ратэса алтáрэ; и зачхиндлэ бакрэн, и почхудэ ратэса алтáрэ; и зачхиндлэ бакрорэн, и почхудэ ратэса алтáрэ.²³ И яндлэ бузнэн пал грéхо ангил крали́скиро муй и скэдыибэн, и ёнэ чхудэ пэскирэ вастá пэ лэндэ.²⁴ И зачхиндлэ лэн рашая, и лэнгирэ ратэса выжужакирдэ алтáрэ, соб (кай) тэ явэн жужэ бангипнастыр пал сарé Израилёскирэ грéхи, пал-довá со пал сарó Израилё припхэндя крáli тэ янэн цéло схачкирибэн и свэнто яныбэн Рáскэ-Дэвлэскэ пал грéхо.²⁵ И чхудя ёв Левитэн дрэ Рáскирэ-Дэвлэскиро Кхэр цымбалэнца, арфэнца и лутэнца, пир Давидóскиро и Гадоскиро упхэныбэн, савó сыс крали́скиро маги́ко, и Нафанос, пророкóс, адякэ сыр Рáстыр-Дэвлэстыр сыс дава упхэныбэн пирдál Лэскирэ пророкэндэ.²⁶ И тэрдинэ Левиты башаибнытконэ струментэнца Давидоскирэнца и рашая рогэнца (трубэнца).²⁷ И припхэндя о Езэкия тэ газдэн цéло схачкирибэн пэ алтáрэ. И дрэ дова́ моментó, сыр лыя́ цéло схачкирибэн тэ хачол, лынэ тэ баган Рáскэ-Дэвлэскэ, тэл зан рогоскири и тэл струменты Давидóскирэ, Израилёскирэ крали́скирэ.²⁸ И сарé манушá дро скэдыибэн мангнэпэ и манушá багандлэ, и рóги башадэ, пака хачолас цéло схачкирибэн.²⁹ Сыр схачия цéло схачкирибэн, то крáli и сарé манушá, савэ сыс пашыл лэстэ, тэрдинэ пэ чангá и поклониндлэпэ (кэрдэ шэрэса).³⁰ И припхэндя крáli Езэкия и тхагарья Левитэнгэ, соб (кай) и ёнэ тэ барьякирэн (тэ славинэн) Рас-Дэвлэс Давидóскирэ лавэнца и Асафоскирэ маги́кэнца; и ёнэ славиндлэ радымáса, и тэрдинэ пэ чангá, и клониндлэпэ.³¹ И ракирдя́ Езэкия, и пхэндя: “Аканá тумэ отдынэ пэс Рáскэ-Дэвлэскэ; джán и янэн свэнта дыибэнá и яныбэн тэ парикирэн дро Рáскирэ-Дэвлэскиро Кхэр”, и лыджия сарó скэдыибэн свэнта дыибэнá и парикирибнаскиро яныбэн, кажно (сва́ко), кон сыс лыджино илэса, – цéло схачкирибэн.³² И сыс цéло схачкирибэн, савó яндлэ манушá, савэ скэдынэ: эфтадэша́ гурувэн, шэл бакрэн, дуйшэлá бакрорэн; сарó дава́ сыс ваш цéло схачкирибэн Рáскэ-Дэвлэскэ.³³ Явир свэнта дыибэнá Рáскэ-Дэвлэскэ сыс шовшэлá барé кхэритконé мурдалэндыр (скотóстыр) и трин тысэнцы тыкнэ мурдалэндыр (скотóстыр).³⁴ Нэ рашая сыс нáбут (куты), и ёнэ на могоиндлэ тэ злэн зандирья́ (цэпи) сарэндыр цэлонэ схачкирибнастыр; и протырдынэ васт (помогиндлэ) лэнгэ лэнгирэ пшáла, Левиты, пэ рэндоскиро кóнцо и пака высвэнцындлэпэ явир рашая; пал-довá со Левиты сыс бутыр добусова тэ свэнцынэн пэс, сыр рашая.³⁵ Апри́ч цéло схачкирибэн, савэ сыс древán бут чэкэнэса (тукоса) мирнонэ свэнтонэ дыибнэндыр Рáскэ-Дэвлэскэ и росчхуибнаса пашыл цéло схачкирибэн. Адякэ нэвэстыр кэрдó сыс дынарибэн (служыныбэн) дро Рáскирэ-Дэвлэскиро Кхэр.³⁶ И радындыпэ Езэкия и сарé манушá пал дова́, со Дэвэл адякэ рискирдя́ манушэн; пал-довá со дава́ кэрдя́пэ наужакири.

Шэрó 30

¹ И бичхадя́ Езэкия пэ сарí Израилёскири и Юдэякири пхув, и чхиндя́ лылá кэ Ефремо́ и Манасия, соб (кай) ёнэ тэ явэн дрэ Рáскирэ-Дэвлэскиро Кхэр дро Ерусалимо, тэ кэрэн Патрадй́ Рáскэ-Дэвлэскэ, Израилёскирэ Дэвлэскэ.² И обракирдэ крáli, и лэскирэ тхагарья́, и сарó скэдыибэн дро Ерусалимо – тэ кэрэн Патрадй́ пэ явир чхон;³ Пал-довá со ёнэ на могоиндлэ тэ кэрэн ла дро лáкиро дывэс, пал-довá со рашая ишчо (инкэ) на высвэнцындлэпэ, ци бут лэн трэй, и манушá на скэдынэпэ дро Ерусалимо.⁴ И сыс дава́ пир илó крали́скэ и сарé скэдыибнаскэ.⁵ И скэдынэпэ тэ дэн тэ джинэн дро сарó Израилё, Вирсавиятыр кэ Дано, соб (кай) тэ джán дро Ерусалимо тэ свэнкинэн Патрадй́ Рáскэ-Дэвлэскэ, Израилёскирэ Дэвлэскэ, пал-довá со гарá на свэнкинлэ ла, сыр исын зачхиндлó.⁶ И гинэ [прастáндынэ-ю.о.] манушá лылэнца крали́стыр и лэскирэ тхагарьэндыр пэ сарí Израилёскири пхув и Юдэякири, и дро крали́скиро упхэныбэн ракирдэ: “Чхавэ́ Израилёскирэ! Рисён кэ Рай

Дэвэл, Дэвэл Авраамоскиро, Исаакоскиро и Израилёскиро, и Ёв рисёла кэ манушá, савэ ячнэпэ, и савэ зракхнэпэ тумэндэ вастэстыр Асириякирэ кральэндыр. ⁷ И на явэн адасавэ, сыр тумарэ дада и тумарэ пшала, савэ на пир Закóно кэрдэ ангил Растэ-Дэвлэстэ, пэскирэ дадэнгирэ Дэвлэстэ; и Ёв отдыя лэн пэ хасибэн, сыр тумэ дыкхэна. ⁸ Аканá на явэн пхарэ-шэритка, сыр тумарэ дада, кандэн Рас-Дэвлэс и явэн дрэ Лэскири Кхангирй, савй Ёв обсвэнцындя пэ вéко; и дынаринэн (служынэн) Рáскэ-Дэвлэскэ, тумарэ Дэвлэскэ, и Ёв отрискирэла тумэндыр Пэскирэ-холякири яг. ⁹ Кéли тумэ рисёна илэса кэ Рай Дэвэл, тэды тумарэ пшалэн и тумарэ чхавэн явэна тэ тангинэн (тэ жалинэн) манушá, савэ лынэ лэн дро плéно, и рисёна пэ даё пхув; пал-довá со лачхó и лачхэ-илытко исын Рай Дэвэл, Дэвэл тумарó, и на отрискирэла муй тумэндыр, кóли тумэ рисёна илэса кэ Ёв.” ¹⁰ И псирдэ манушá фóрбостыр дро фóро пэ пхув Ефремóскири и Манасияскири и кэ Завулоноскири; нэ лэндыр сандлэпэ и кэрдэ напатывалэс (здикиндлэпэ). ¹¹ Усаéкх вари-савэ Асироскирэ, Манасияскирэ и Завулоноскирэ родóстыр кандынэ лэн и явнэ дро Ерусалимо. ¹² И пэ Юдээндэ сыс Дэвлэскиро васт, дый лэнгэ екх илó, соб (кай) тэ кэрэн пир упхэныбэн кралйскиро и тхагарьéнгиро, пир Рáскирэ-Дэвлэскиро лав. ¹³ И скэдынэпэ дро Ерусалимо древáн бут манушá тэ свэнкинэн свэнко опреснокэнгиро, пэ явйр чхон, – скэдыибэн древáн барó. ¹⁴ И уштынэ, и вычхурдынэ алтáри, савэ сыс дро Ерусалимо; и сарó, пэ со хачкирдэ дрóга смóлы идолэнгэ, рoспхагирдэ и чхурдынэ лэн дро Кедрoноскири сы́гно рэкица (лэнорй). ¹⁵ И зачхиндлэ патрадитконэс бакрорэс пэ дэшущтарто дывэс явирэ-чхонэскиро. Рашая и Левйты заладжандынэ, высвэнцындлэпэ и яндлэ цéло схачкирибэн дро Рáскирэ-Дэвлэскиро Кхэр. ¹⁶ И тэрдинэ пэ пэскиро штéто пэ упхэныбэн пэскиро, пир Закóно Мойзáскиро, Дэвлэскирэ-манушаскиро. Рашая чхувэнас ратэса алтáрё, лыи лэс Левитэнгирэ вастэндыр. ¹⁷ Адякэ сыр бут сыс пэ скэдыибэн дасавэн, савэ на высвэнцындлэпэ, то пал нажужэндэ, Левйты зачхинэнас патрадитконэс бакрорэс, соб (кай) тэ высвэнцынэн лэн ваш Рáскэ-Дэвлэскэ. ¹⁸ Бут манушэндыр, барэдыр паш родыцóстыр Ефремоскирэстыр и Манасияскирэстыр, Исахароскирэстыр и Завулоноскирэстыр на жужакирдэпэ; усаéкх ёнэ ханэ Патрадй, на пир упхэныбэн. ¹⁹ Нэ Езэкия мангдяпэ пал лэндэ, ракирй: “Раё Дэвла! Мэк тэ отмэкэл пэ грéхо кажнонэскэ, кон чхудя пэскиро илó кэ дова́ соб (кай) тэ латхэн Рас-Дэвлэс, Дэвлэс, пэскирэ дадэнгирэ Дэвлэс, мэк и би свэнтонэ жужакирибнаскиро!” ²⁰ И шундя Рай Дэвэл Езэкиас, и отмэкця грéхо манушэнгэ. ²¹ И свэнкиндлэ чхавэ Израилёскирэ, савэ сыс дро Ерусалимо, свэнко опреснокэнгиро эфтá дывэсá, барэ радымáса; кажно дывэс Левйты и рашая славиндлэ Рас-Дэвлэс пэ струмэнты, савэ кэрдэ тэ шарэн Рас-Дэвлэс. ²² И ракирдя Езэкия пир илó сарэнгэ Левитэнгэ, савэ миштэс галёнас дро дынарибэн (служыныбэн) Рáскэ-Дэвлэскэ. И ханэ свэнкитка эфтá дывэсá, и янэнас мирна свэнта дыибэна́ Рáскэ-Дэвлэскэ и шардэ Рас-Дэвлэс, Дэвлэс пэскирэ дадэнгирэс. ²³ И скэдыяпэ сарó скэдыибэн тэ свэнкинэл явйр эфтá дывэсá и пролыджинэ далé эфтá дывэс дрэ радыма; ²⁴ Пал-довá со Езэкия, Юдэякиро крáли, чхудя ваш манушэнгэ, савэ скэдынэпэ, тысёнцо гуруворэн и дэш тысёнцы тыкнэ кхэритконэ мурдалэн, и барэ раё чхудэ ваш манушэнгэ, савэ скэдынэпэ, тысёнцо гуруворэн и дэш тысёнцы тыкнэ кхэритконэ мурдалэн; и бут рашая высвэнцындлэпэ. ²⁵ И радындлэпэ сарэ манушá, савэ скэдынэпэ Юдэндыр, и рашая, и Левйты, и сарэ скэдынэ манушá, савэ явнэ Израилёстыр, и манушá, савэ явнэ явирэ ригэндыр, явй Израильсконэ пхувьятыр и савэ дживдэ кэ Юдэя. ²⁶ И сыс бари радыма дро Ерусалимо, пал-довá со Соломонóскирэ дывэсэндыр, Давидóскирэ чхавэскирэ, Израилёскирэ кралйскирэ, на сыс дасаво дро Ерусалимо. ²⁷ И уштынэ рашая и Левйты, и бахтякирдэ манушэн; и сыс шундлы лэнгири зан, и загия лэнгири пáтери (молítва) дрэ свэнта Кхэр Лэскиро пэ болыбэн.

Шэрó 31

¹ И пэ кóнцо (ягóро) сарэ далэскэ, гинэ сарэ Израильтáни, савэ одóй сыс, дрэ Юдэякирэ фóрья, и розмардэ статулы, чингирдэ тэлэ свэнцона вэшá, и рoспхагирдэ вучипэна́ и алтáри пэ сарй Юдэя и пэ пхув Вениаиноскири, Ефремóскири и Манасияскири, пэ кóнцо (ягóро).

И палó дова́ рисинэ сарэ́ Израилёскирэ чхавэ́, кажно дро пэскиро хулаибэн, дрэ пэскирэ фóрья. ² И чхудя́ Езе́кия змены раша́нгирэ и Левитэ́нгирэ, пэ лэ́нгиро росчхуибэн, кажно́нэс пашы́л пэскиро рэ́ндо, раша́нгиро ци Левитэ́нгиро, пашы́л цэ́ло схачкирибэ́н и пашы́л мирна свэ́нта дыибэ́на Рáскэ-Дэвлэ́скэ, ваш служыныбэн, ваш шарибэ́н и славиныбэн, пашы́л Рáскирэ-Дэвлэ́скири Кхэ́рэскири по́рта. ³ И отды́я крáли пэскири паш барвалыпнастыр пэ цэ́ло схачкирибэ́н; пэ злоко́скиро и бэ́львэлякиро цэ́ло схачкирибэ́н, и пэ цэ́ло схачкирибэ́н дрэ са́ваты и дрэ нэво́ чхон, и пэ свэ́нки, сыр исын зачхиндло́ дрэ Рáскирэ-Дэвлэ́скиро Зако́но. ⁴ И буты́р: припхэ́ндя ёв манушэ́нгэ, савэ́ дживэ́на кэ́ Ерусалимо, тэ́ дэн лэ́нгире бажын (плэ́скирибэн) тэ́ рикирэ́н раша́н и Левитэ́н, соб (кай) ё́нэ тэ́ явэ́н дро зорало́ дү́хо (фа́но) пир Рáскирэ-Дэвлэ́скиро Зако́но. ⁵ Кéли сыс пхэ́ндло́ зоралэ́с манушэ́нгэ дава́ упхэ́ныбэн, тэ́ды яндлэ́ Израилёскирэ чхавэ́ древáн бут англатунэ́ плóды марэ́стыр, моля́тыр (вино́стыр), и ксилэ́стыр, и авгинэ́стыр, и кажно со бария́ пэ фэ́лда; и дэ́шэ́нгирья сарэ́стыр яндлэ́ древáн бут. ⁶ И Израилэ́тыни и Юдэ́якирэ, савэ́ дживэ́на дрэ́ Юдэ́якирэ фóрья, адя́кэ-па́ць яндлэ́ дэ́шэ́нгирья (деся́тины) барэ́ и ты́кнэ́ мурдалэ́ндыр (скотóстыр) и дэ́шэ́нгирья свэ́нтонэ́ яныбна́стыр, саво́ сыс посвэ́нцындло́ Рáскэ-Дэвлэ́скэ, лэ́нгирэ́ Дэвлэ́скэ; и счхудэ́ лэн дрэ́ груды. ⁷ Пэ́ трйто́ чхон лы́нэ тэ́ чхувэ́н груды, и дро э́фтáто чхон мэ́кнэ. ⁸ И явнэ́ Езе́кия и тхага́рья, и ды́кхнэ́ груды, и парикирдэ́ Рáскэ-Дэвлэ́скэ и Лэ́скирэ́ Израилёскирэ́ манушэ́нгэ. ⁹ И пху́цяпэ́ Езе́кия раша́ндыр и Левитэ́ндыр пал далэ́ груды. ¹⁰ И отпхэ́ндя лэ́скэ́ Аза́рия, англатуно́ раша́й, Садоскирэ́ кхэ́рэстыр, и пхэ́ндя: “Долэ́ дывэ́сэ́стыр, сыр лы́нэ тэ́ янэ́н яныбэ́н дро Рáскирэ-Дэвлэ́скиро Кхэ́р, то амэ́ хаям ча́лэс, и бут я́цяпэ́; пал-дова́ со Рай Дэвэ́л бахтякирдя́ Пэ́скирэ́ манушэ́н. Далэ́стыр, со я́цяпэ́, сыс древáн бут.” ¹¹ И припхэ́ндя Езе́кия тэ́ кэрэ́н скэ́дынэ́ штү́бы пашы́л Рáскирэ-Дэвлэ́скиро Кхэ́р. И кэ́рдэ́ адя́кэ. ¹² И пири́лыджинэ́ одори́к яныбэ́н, и дэ́шэ́нгирья, и отды́нэ́ миштыпэ́на сарэ́ чачипна́са. И сыс барыдырэ́са пэ́ лэ́ндэ́ Хонания́, Левито́, и Симе́ё, лэ́скиро пшал, явирэ́са. ¹³ А́ Иехии́ло, и Аза́зия, и Наха́фо, и Аса́ило, и Иеримо́фо, и Ио́завадо, и Елиэ́ло, и Исма́хия, и Маха́фо и Бенания́ сыс ды́кхибна́рьэ́нца тэ́л васт Хонания́скиро и Симе́ёскиро, лэ́скирэ́ пшалэ́скиро, пир упхэ́ныбэ́н крaли́скиро Езе́кия́скиро и Аза́риэ́скиро, саво́ сыс барыдыро́ пэ́ Рáскирэ-Дэвлэ́скиро Кхэ́р. ¹⁴ Корé, Имна́скиро чхаво́, Левито́, ра́кхибна́ри пэ́ по́рта пэ́ васточно́ риг, сыс пашы́л яныбэ́на́ илэ́стыр Дэвлэ́скэ, тэ́ выдэ́л дова́, со сыс я́ндло́ Рáскэ-Дэвлэ́скэ и фэ́дыршонэ́ посвэ́нцындлэ́ вешчэ́ндыр. ¹⁵ И тэ́л лэ́скиро васт сыс Еде́но, и Мини́амино, и Иешу́а, и Шэ́маия, и Ама́рия, и Шэ́хания дрэ́ свэ́нцыбна́скирэ́ фóрья, соб (кай) чачу́нэс тэ́ роздэ́н пэ́скирэ́ пшалэ́нгэ́ паша́, сыр барэ́скэ, адя́кэ́ и ты́кнэ́скэ. ¹⁶ А́при́ч лэ́нгиро пири́гиныбэ́н (пири́чхиныбэн), сарэ́н му́ршэ́ндыр тринэ́ бэ́ршэ́ндыр и буты́р, сарэ́нгэ́, кон псирдя́ дро Рáскирэ-Дэвлэ́скиро Кхэ́р ваш ка́жно́нэ́ дывэ́сэ́скиро рэ́ндо, ваш лэ́нгиро дына́рибэ́н (служыныбэн), пэ́ лэ́нгирэ́ бутя́ и пэ́ лэ́нгирэ́ отде́лы (зме́ны). ¹⁷ И раша́нгэ́, савэ́н за́лыджинэ́ дро пири́чхиныбэн, пир лэ́нгирэ́ стрэ́чы (по́колэ́нии), и Левитэ́нгэ́ бишэ́ бэ́ршэ́ндыр и буты́р, пэ́ лэ́нгирэ́ бутя́, и пэ́ лэ́нгирэ́ отде́лы (зме́ны). ¹⁸ И манушэ́нгэ́, савэ́н за́лыджинэ́ дро пири́чхиныбэн сарэ́ лэ́нгирэ́нца́ ты́кнэ́ чхаворэ́нца, лэ́нгирэ́ ромне́нца, и лэ́нгирэ́ чхавэ́нца, и лэ́нгирэ́ чхаэ́нца, – сарэ́ скэ́дыбна́скэ; пал-дова́ со ё́нэ сарэ́ чачипна́са отды́нэ́ пэ́с пэ́ свэ́нто дына́рибэ́н (служыныбэн), сыр раша́я. ¹⁹ И ваш чхавэ́нгэ́ Ааро́носкирэ́нгэ́, раша́нгэ́ дрэ́ гава́, со сыс тру́сця́л фóрья лэ́нгирэ́, пашы́л ка́жно́ фóро́ чхудэ́ сыс му́рша́ пир лав, соб (кай) тэ́ роздэ́н паша́ пхувя́́кирэ́ сарэ́ му́ршэ́нгэ́, раша́нгэ́ и сарэ́нгэ́, кон сыс за́лыджи́но дро пири́чхиныбэн Левитэ́ндэ́. ²⁰ Га́да, со кэ́рдя́ Езе́кия́ пэ́ сарй́́ Юдэ́я, – и ё́в кэ́рдя́ лачхи́пэн, и чачи́пэн, и патя́ибэ́н а́нгыл Ра́стэ́-Дэвлэ́стэ́, пэ́скирэ́ Дэвлэ́стэ́. ²¹ И дрэ́ саро́, со ё́в кэ́рдя́ тэ́ дына́ринэ́н (тэ́ служы́нэ́н) Дэвлэ́скирэ́ Кхэ́рэ́скэ́ и тэ́ ра́кхэ́н Зако́но́ и припхэ́ныбэ́н и, думиндя́ пал пэ́скирэ́ Дэвлэ́стэ́, ё́в кэ́рдя́ сарэ́ пэ́скирэ́ илэ́стыр и лэ́стэ́ сыс бахт.

Шэ́ро 32

¹ Палó (после) дасавэ́ рэ́нды (дэ́лы) и дова́ чачи́пэн, сыр ё́в отды́я пэ́с, явдя́ Сенахи́римо ^[1], Аси́рия́киро крáли, гия́ пэ́ Юдэ́я, и заухты́лдя́ фóрья зоралэ́ ты́нэ́нца, и думиндя́ тэ́ залэ́л лэн

пэскэ. ² Кéли Езэки́я дыкхц́я, со явд́я Сенахиримо и скэдыяпэ тэ марэлпэ проти Ерусалимо, ³ то скэдыяпэ тхагарьёнца пэскирэнца и халадытконэ пэскирэ манушёнца тэ зачхувэн панэскирэ ганынгорья, савэ сыс пал форо; и одолэ дынэ васт (помогиндлэ) лэскэ. ⁴ И скэдынэпэ древ́ан бут мануш́а, и зачхудэ сарэ панескирэ ганынгорья и сы́гно рэ́кица (лэно́ри), сави́ тхад́я пир риг, раки́ри: “Мэк тэ на латхэн Аси́рийкирэ кр́алья, савэ явнэ адарик, бут пани́. ⁵ И зоралы́я ёв, и чхуд́я Езэки́я сари́ ван́та, сави́ распхагирдэ, и газды́я ла кэ вучарды́ (башни), и яври́ кэрд́я яви́р ван́та, и зорьяки́рдя Мило дро Давидо́скиро форо, и кэрд́я древ́ан бут марды́тка и шчы́ты. ⁶ И ёв чхуд́я халадэнгирэ барыды́рэн пэ мануш́эндэ, и скэды́я лэн кэ пэ фору́ны (плóшча) пашы́л форо́скири по́рта, и раки́рд́я кэ лэнгиро ило́, и пхэнд́я: ⁷ “Яв́эн зоралэ́ и муршканэ́, на дарэ́н, и на страхадён Аси́рийкирэ кр́али́стыр и адалэнд́ыр, сарэ́ древ́ан бутэндэ́ мануш́энд́ыр, савэ́ исын л́са; пал-до́ва со амэ́нца явэ́ла бутыды́р, сыр л́са: ⁸ л́са исын псико́ манушы́тко, а амэ́нца исын Рай Дэвэл, амаро́ Дэвэл, соб (кай) тэ помогинэл́ амэ́нгэ и тэ марэлпэ́ пэ амарэ́ марибэ́на.” И зорьяки́рдэпэ́ мануш́а Езэ́кияскирэ́ лавэ́ндыр, Юдэ́якирэ-кр́алискирэнца́. ⁹ Пало́ (после) да́ва бичхад́я Сенахиримо, Аси́рийкиро кр́али, пэскирэн́ дына́рьён дро Ерусалимо, – ко́коро ёв сыс тэ́рдó проти Лахисо, и сари́ лэ́скири зор л́са, – кэ́ Езэ́ки́я, Юдэ́якиро кр́али, и кэ́ сарэ́ Юдэ́и (Юдэ́якирэ), савэ́ сыс дрэ́ Ерусалимо, тэ́ пхэнэ́н: ¹⁰ “Ады́кэ раки́рэла Сенахиримо, Аси́рийкиро кр́али: Пэ́ со тумэ́ надеинэ́напэ́ и сан бэ́штэ́ дрэ́ тва́рдыма дро Ерусалимо? ¹¹ Ци́ на хохавэ́ла тумэ́н о Езэ́ки́я, соб (кай) тэ́ отдэ́л тумэ́н мэ́рибна́скэ бокха́тыр и смэ́гатыр, раки́ри: ‘Рай Дэвэл, Дэвэл амаро́, зракхэ́ла амэ́н Аси́рийкирэ-кр́али́скирэ вастэ́стыр?’ ¹² Ци́ на да́ва Езэ́ки́я распхагирд́я Лэ́скирэ́ вучипэ́на́ и Лэ́скирэ́ алта́ри, и пхэнд́я́ Юда́скэ́ и Ерусалимоскэ́: “Ангил́ екх алта́рэ́ клонинэ́нпэ́ (кэ́рэн шэ́рэса), и пэ́ лэ́стэ́ хачки́рэн дро́га смóлы? ¹³ Нау́што тумэ́ на джине́на, со кэ́рдём мэ́ и мирэ́ да́да сарэ́ мануш́ёнца пэ́ пхув? Ци́ мого́ндлэ́ дэвэ́ла, пхувья́кирэ-мануш́энгирэ́, тэ́ зракхэ́н пхув пэ́скири мирэ́ вастэ́стыр? ¹⁴ Кон сарэ́ дэвлэнд́ыр мануш́энгирэнд́ыр, савэ́ пхагирдэ́ мирэ́ да́да, мого́ндлэ́ тэ́ зракхэ́н пэ́скирэ́ мануш́ён мирэ́ вастэ́стыр? Сы́р мого́нэла́ тумаро́ Дэвэл тэ́ зракхэ́л тумэ́н мирэ́ вастэ́стыр? ¹⁵ И а́канá, мэ́к тэ́ на хохавэ́л тумэ́н Езэ́ки́я и тэ́ на отчхурдэ́л тумэ́н ады́кэ; и тумэ́ на патя́н лэ́скэ. Ко́ли исын на дрэ́ зор сыс ни́ екх дэвэл, ни́ екхэ́ мануш́энгиро́ и кр́алиппна́скиро тэ́ зракхэ́л пэ́скирэ́ мануш́ён мирэ́ вастэ́стыр и мирэ́-дадэ́нгирэ́ вастэ́стыр, тэ́ды и тумаро́ Дэвэл на зракхэ́ла тумэ́н мирэ́ вастэ́стыр.” ¹⁶ И ишчо́ (инкэ́) бут раки́рдэ́ лэ́скирэ́ писха́рья проти Растэ́-Дэвлэ́стэ́, Дэвлэ́стэ́ и проти Езэ́киястэ́, Лэ́скирэ́ писхари́стэ́. ¹⁷ И лы́ла чхинд́я ёв, дрэ́ савэ́ костя́ Рас-Дэвлэ́с, Израилё́скирэ́ Дэвлэ́с, и раки́рд́я проти Лэ́стэ́ дасавэ́ лава́: “Ады́кэ-па́ць сыр пхувье́нгирэ́-мануш́энгирэ́ дэвэ́ла на зракхэ́н пэ́скирэн́ мануш́ён мирэ́ вастэ́стыр, ады́кэ-па́ць Дэвэл Езэ́кия́скиро на зракхэ́ла Пэ́скирэ́ мануш́ён мирэ́ вастэ́стыр.” ¹⁸ И ды́нэ го́дла зоралэ́ заня́са (гласа́са) пэ́ Юды́тко́ чиб кэ́ Ерусалимо́скирэ́ мануш́а, савэ́ сыс пэ́ ван́та, соб (кай) тэ́ страха́кирэн лэн, и тэ́ трашавэ́н лэн, и тэ́ лэн форо. ¹⁹ И раки́рдэ́ пал Дэвлэ́стэ́ Ерусалимоскирэ́стэ́, сыр пал мануш́энгирэ́ дэвлорэ́н пэ́ пхув, савэ́н кэ́рдэ́ мануш́энгирэ́ васта́. ²⁰ И мангд́япэ́ кр́али Езэ́ки́я и Исаё́, Амососки́ро чхаво́, проро́ко, и зады́нэ го́дла кэ́ болыбо́н. ²¹ И бичхад́я́ Рай Дэвэл Янго́лос, и ёв вымард́я сарэ́н муршканэ́н, и шэ́ралэ́с барыды́рэскирэ́с, и барыды́рэн пэ́ халадэ́ндэ́ Аси́рийкирэ́ кр́али́скирэ́. И риси́я ёв ладжаса́ пэ́ пэ́скири́ пхув; и, кэ́ли явд́я дро́ кхэр пэ́скирэ́ Дэвлэ́скиро, то́ чхавэ́, савэ́ выгине́ лэ́скирэ́ масэ́ндыр, пхуса́дэ́ лэ́с одо́й курталáса. ²² Ады́кэ зракхц́я́ Рай Дэвэл Езэ́кия́с и Ерусалимо́скирэ́ мануш́ён Сенахиримоскирэ́ вастэ́стыр, Аси́рийкирэ́ кр́али́скирэ́, и сарэ́нгирэ́ вастэ́стыр; и ра́кхц́я́ лэн сарэ́стыр. ²³ Тэ́ды бут мануш́а́ янэ́нас Ра́скэ́-Дэвлэ́скэ́ дро Ерусалимо́ и дро́га поча́стунки́ Езэ́кия́скэ́, Юдэ́якирэ́ кр́али́скэ́. И ёв пху́тия пало́ (после) да́ва дрэ́ якха́ сарэ́ мануш́энгирэ́. ²⁴ Дрэ́ долэ́ дывэ́са́ занасвалы́я Езэ́ки́я кэ́ мэ́рибэ́н. И помангд́япэ́ Ра́скэ́-Дэвлэ́скэ́; и Ёв шу́ндя́ лэ́с, и ды́я лэ́скэ́ герты́к (знаме́ниё). ²⁵ Нэ́ на отды́я Езэ́ки́я пал кэ́рдэ́ лэ́скэ́ лачхипэ́н; пал-до́ва со запху́тия лэ́скиро́ ило́. И сыс пэ́ лэ́стэ́ Дэвлэ́скири́ холы́, и пэ́ Юдэ́я, и пэ́ Ерусалимо́. ²⁶ Нэ́, сыр чхуд́я́ пэ́с тэлэ́ды́р Езэ́ки́я дро́ пхутьки́рибэ́н пэ́скирэ́ и лэ́скиро, – ко́коро́ и мануш́а́ Ерусалимо́скирэ́, то́ на явд́я́ пэ́ лэ́ндэ́ Ра́скирэ́-Дэвлэ́скири́ холы́ дрэ́ Езэ́кия́скирэ́ дывэ́са́. ²⁷ И сыс Езэ́кия́стэ́ барвалы́пэ́н дре́ва́н бут и сла́ва; и ёв кэ́рд́я пэ́стэ́ пирал́я́ ваш руп, и ваш сувна́кай, и ваш дро́га бара́, и ваш

ароматытка чарья (парфуны) и шчыты, и ваш кажна дрога кхорэ (сасуды). ²⁸ И проста пираля ваш дова, со барьяла пэ пхув, ваш маро, ваш мол и ваш ксил, и шталы ваш кажно кхэритко мурдал, и гражы (дворы) ваш лэнгэ. ²⁹ И форя кэрдя пэскэ. И стады тыкнэ и барэ кхэритконэ мурдалэндир сыс лэстэ древан бут; пал-дова со дыя лэскэ Дэвэл древан баро миштыпэн. ³⁰ Ёв, Езэкия, зачхуя упратуно Геоноскиро панэскиро тхадьпэн и пролыджия лэн тэлэ кэ западно (пал-панитка) риг Давидоскирэ-фороскири. И кэрдя миштэс Езэкия дрэ кажно пэскиро рэндо. ³¹ Екх со ваш Вавилоноскирэ-кральэнгирэн послэнгэ савэн бичхавэнас кэ ёв тэ пхучэмпэ пал гертык, сави сыс пэ пхув, ячкирдя лэс Дэвэл, соб (кай) тэ спробинэл лэс и тэ отчакирэл саро, со лэстэ сыс пэ ило. ³² Явир Езэкиаскирэ бутя и лэскирэ лачхэ рэнды зачхиндлэ дрэ Исаёскиро дыкхибэн, Амососкирэ чхавэскиро, пророкоскиро, и дрэ Юдэякирэ и Израилёскирэ-кральэнгири лылвары. ³³ И пасия пэ веко Езэкия пэскирэ дадэнца, и гарадэ лэс упрэ пэ Давидоскирэ-чхавэнгирэ коплиты; и патыв дынэ лэскэ, палэ (после) лэскиро мэрибэн, сарэ Юдэякирэ и Ерусалимоскирэ мануша. И яця краліса Манасия, лэскиро чхаво, пэ штэто лэскиро.

32:1 ^[1] Давá лав пхэнэлапэ дро Юдытко оригинало ‘Синаххириб’

Шэро 33

¹ Дэшудуй бэрш сыс Манасияскэ, кэли ёв яця краліса, и пандждэша пандж бэрш сыс ёв краліса дро Ерусалимо. ² И кэрдя ёв налачхэс дрэ Рáскирэ-Дэвлэскирэ якхá, кэрдя магирибэн Наюдытконэ-манушэнгиро, савэн традыя криг Рай Дэвэл Израилёскирэ чхавэндир: ³ и нэвэстыр (нэвэс) кэрдя ёв вучипэна, савэ роспахирдя Езэкия, лэскиро дад, и чхудя алтари Ваалэнгэ, и кэрдя дэмбитка вэшорэ, и клониндяпэ сарэ болыбнаскирэ халадэнгэ, и дынариндя лэскэ, ⁴ и кэрдя ёв алтари дро Рáскирэ-Дэвлэскиро Кхэр, пал саво пхэндя Рай Дэвэл: “Дро Ерусалимо явэла Миро лав пэ веки”; ⁵ и кэрдя алтари сарэ болыбнаскирэ халадэнгэ пэ дуй грэды (дворы) дро Рáскирэ-Дэвлэскиро Кхэр. ⁶ Ёв адякэ-паць лыджия пэскирэн чхавэн пирдал яг пэ Еномоскирэ-чхавэскиро доло, и сыс ёв спэцо пэ чэргэня, и драбакирдя, и човаханякирдя, и чхудя манушэн, савэ выххарэнас мулэн и човаханэн; бут ёв кэрдя налачхэс дрэ Рáскирэ-Дэвлэскирэ якхá, пэ Лэскири холы. ⁷ И чхудя ёв вычхиндло идоло, саво кэрдя, дро Рáскирэ-Дэвлэскиро Кхэр, пал савэстэ ракирдя Дэвэл Давидоскэ и Соломоноскэ, лэскирэ чхавэскэ: “Дро дава Кхэр и дро Ерусалимо, саво Мэ выкэдыём сарэ Израилёскирэ родычэндир, Мэ чхувава Миро лав пэ веко; ⁸ и Мэ на дава бутыр, соб (кай) тэ пиричхувэлпэ [тэ пириджал-ю.о.] гэрэй Израилёскири далэ пхувьятыр, сави Мэ кэрдём зоралэса пал лэнгирэ дадэндэ, коли сыр трэй ёнэ явна тэ причхувэн зор тэ кэрэн саро, со Мэ ракирдём лэнгэ, пир саро Законо и упхэныбэна и припхэныбэна, савэ сыс дынэ Мойзаскирэ вастэса.” ⁹ Нэ Манасия долыджия Юдэя и манушэн Ерусалимоскирэн кэ дова, со ёнэ кэрдэ фуедыр долэ Наюдытконэ манушэндир, савэн традыя криг Рай Дэвэл Израилёскирэ-чхавэнгирэ мостыр. ¹⁰ И ракирдя Рай Дэвэл кэ Манасия и кэ лэскирэ мануша; нэ ёнэ на шундлэ. ¹¹ И палдава яндя Рай Дэвэл пэ лэндэ барыдырэн Асириякирэ-краліскирэ халадэндир; и закуиндлэ ёнэ Манасияс дрэ састыра, и закуиндлэ лэс зандирьэнца (цэпэнца), и лыджинэ лэс дро Вавилоно. ¹² И сыр лэс притасадэ, то ёв лыя тэ рискирэл ило кэ Рай Дэвэл, лэскирэ Дэвэл, и хор чхудэ пэс тэлэдыр (змириндяпэ) ангил пэскирэ дадэнгирэ Дэвлэстэ. ¹³ И помангдяпэ ёв Лэскэ, и Дэвэл пришундяпэ кэ ёв, и шундя лэскиро мангипэн, и рискирдя лэс дро Ерусалимо пэ лэскиро краліпэн. И уджиндя Манасия, со Рай Дэвэл исын Дэвэл. ¹⁴ И палэ (после) дава ёв газдыя Давидоскирэ фороскэ яврестыр ванта (сцяна), пэ западно Геоноскири риг, пир лошчына и кэ загиибэн дрэ мачэнгири порта; и облыджия ла трусцял Офэло, и вучэс ла газдыя. И чхудя халадэнгирэ барыдырэн пэ сарэ зоралэ тынэнца форя дрэ Юдэя. ¹⁵ И вычхурдыя явирэ пхувьэнгирэ дэвлорэ и идолэн Рáскирэ-Дэвлэскирэ Кхэрэскир, и сарэ мангипнытка штэты, савэ ёв кэрдя пэ Рáскирэ-Дэвлэскири Кхэрэскири бэрга и дро Ерусалимо, и вычхурдыя лэн пал форо. ¹⁶ И чхудя ёв палэ Рáскирэ-Дэвлэскиро

алтарё, и яндя пэ лэстэ свэнта дыибэна Рáскэ-Дэвлэскэ, мирна и шарибнытка, и пхэндя Юдэякирэнгэ, соб (кай) ёнэ тэ дынаринэн Рáскэ-Дэвлэскэ, Израилёскирэ Дэвлэскэ. ¹⁷ Нэ манушá ишчо (инкэ) янэнас свэнто дыибэн пэ вучипэна, нэ фэни (тока) Рáскэ-Дэвлэскэ, пэскирэ Дэвлэскэ. ¹⁸ Явир Манасияскирэ рэндэ (дэлы), и лэскири пáтери (молитва) кэ пэскиро Дэвэл, и лавá магикэнгирэ, савэ ракирдэ кэ ёв Рáскирэ-Дэвлэскирэ, Израилёскирэ Дэвлэскирэ лавэса, исын зачхиндлэ дрэ Израилёскирэ-кральёнгирэ чхиныбэна. ¹⁹ И лэскири пáтери (молитва), и дова, со Дэвэл пришундяпэ кэ ёв, и сарэ лэскирэ грэхи и лэскиро чорипэн, и штэты, пэ савэ ёв кэрдя вучипэна и чхудя фигуры Астартакэ и вычхиндлэ муя, англэдыр, сыр ёв лыя тэ кандэл (примириндяпэ), исын зачхиндлэ дрэ Хожаёскирэ чхиныбэна. ²⁰ И пасия пэ вéко Манасия пэскирэ дадэнца, и гарадэ лэс дро лэскиро кхэр. И яця кралíса Амоно, лэскиро чхаво, пэ штэто лэскиро. ²¹ Биш тэ дуй бэрш сыс Амоноска, кэли ёв яця кралíса, и дуй бэрш ёв сыс кралíса дро Ерусалимо. ²² И кэрдя ёв налачхэс дрэ Рáскирэ-Дэвлэскирэ якхá адякэ-паць, сыр кэрдя Манасия, лэскиро дад; и сарэ вычхудэ муэнгэ, савэ кэрдя Манасия, лэскиро дад, янэла Амоно свэнто дыибэн, и дынариндя лэнгэ. ²³ И на чхудя ёв пэс тэлэдыр (змириндяпэ) ангил Рáскирэ-Дэвлэскиро муй, сыр чхудя пэс тэлэдыр Манасия, лэскиро дад; нэ пэ проти, Амоно кэрдя бутыр пэскирэ грэхи. ²⁴ И счхудэ проти лэстэ лэскирэ дынарья зракирибэн, и мулякирдэ лэс дро лэскиро кхэр. ²⁵ Нэ манушá пэ доя пхув домардэ сарэн манушэн, савэ сыс дрэ зракирибэн проти кралíстэ Амоностэ; и чхудэ долэ-пхувьякирэ манушá Иосияс, лэскирэ чхавэс, пэ штэто лэскиро.

Шэрó 34

¹ Охто бэрш сыс Иосияскэ, кэли ёв яця кралíса, и трийнда екх бэрш сыс ёв кралíса дро Ерусалимо. ² И кэрдя ёв лачхэс дрэ Рáскирэ-Дэвлэскирэ якхá, и псирдя Давидóскирэ дромэнца, пэскирэ дадэскирэнца, и ёв на риселас ни пэ чачй риг, ни пэ зэрво (лёво) риг. ³ Пэ охто́то бэрш пэскирэ кралипнаскиро, кэли сыс ёв ишчо (инкэ) тэрно мануш, ёв лыя тэ явэл кэ пэскирэ-дадэскиро Давидóскиро Дэвэл; а пэ дэшуявир бэрш лыя тэ жужакирэл Юдэя и Ерусалимо вучипнэндэр и свэнцонэ вэшэстыр и кажнонэ вычхиндлэ и вычхудэ идолэндэр. ⁴ И роспахгирдэ ангил лэскиро муй Ваалэнгирэ алтáри и статулы, савэ сыс вучэс пэ лэндэ; и свэнцындлэ вэшá ёв вычингирдя, и кажна вычхиндлэ и вычхудэ муя роспахгирдя, и розмардя дро пра́хо, и росчхудя пэ коплицы долэнгирэ, савэ янэнас лэнгэ свэнто дыибэн. ⁵ И кокалы жрецэнгирэ схачкирдя пэ лэнгирэ алтáри, и выжужакирдя Юдэя и Ерусалимо. ⁶ И дрэ фóрья Манасияскирэ, и Ефремóскирэ, и Симеонóскирэ, аж кэ Нефалимоскиро рóдыцо, и дрэ лэскирэ чхучэ ригá. ⁷ И ёв роспахгирдя алтáри и свэнцона вэшá, и вычхудэ муя розмардя дро пра́хо, и сарэ статулы роспахгирдя пэ сарй Израилёскири пхув; и рисия дро Ерусалимо. ⁸ Пэ дэшуохтото бэрш пэскиро кралипнаскиро, сыр Иосия жужакиридя пхув и Дэвлэскиро Кхэр, ёв бичхадя Шафанос, Ацалияскирэ чхавэс, и Маасеёс, фóро́скирэ барыдырэс, и Иоахос, Иоахазоскирэ чхавэс, лыла-чхиныбнаскирис (писарёс), тэ нэвякирэн Рáскирэ-Дэвлэскиро, пэскирэ Дэвлэскиро Кхэр. ⁹ И явнэ ёнэ кэ Хэлкия, англатунó рашáй, и отдынэ руп, саво сыс яндло дрэ Рáскирэ-Дэвлэскиро Кхэр, саво Левíты, савэ сыс тэрдэ пэ раххибэн пашыл прого, скэдынэ вастэндэр Манасияскирэндэр и Ефремоскирэндэр и сарэндэр явирэ Израильтянэндэр, и сарэ Юдастыр и Вениаминостыр, и Ерусалимóскирэ манушэндэр; ¹⁰ И отдынэ ёнэ дрэ вастá манушэнгэ, савэ дыкхнэ пал буты, и чхудэ лэн кэ Рáскирэ-Дэвлэскиро Кхэр, соб (кай) ёнэ тэ роздэн лэс бутярнэнгэ, савэ кэрдэ буты дро Рáскирэ-Дэвлэскиро Кхэр, и кэрдэ ремо́нто и нэвякирдэ Кхэр. ¹¹ И ёнэ роздынэ кхэра-кэрибнаскирэнгэ (плотникэнгэ) и манушэнгэ, савэ кэрдэ явир бутя тэ кинэн вычингирдэ бара́ и вэш ваш спхандыпэн, соб (кай) тэ учхакирэн Кхэр, савэ роспахгирдэ Юдэякирэ кралéя. ¹² Адалэ манушá кэрдэ чачунэс бутя, и тэ дыкхэн пал лэндэ чхудэ сыс: Иахафо и Овадия, Левíты Мерарискирэ чхавэндэр, и Захáрия и Мешулам /Каафоскирэ чхавэндэр, и сарэ Левíты, савэ джиндлэ тэ башавэн пэ башаибнытка струмэнтэ. ¹³ Ёнэ сыс чхудэ пэ манушэндэ, савэ лыджáнас и дыкхэнас пал сарэндэ бутярнэндэ пашыл кажно буты; вари-савэ Левитэндэр адякэ-паць сыс и лыла-чхиныбнаскирэ, и дыкхибнарья

(надзиратели), и раххибна́рья пэ по́рты. ¹⁴ Кéли вылынэ ёнэ руп, саво сыс яндло дро Рáскирэ-Дэвлэскиро Кхэр, тэды Хелкия, рашай, латхя (ластя) лылварй Рáскирэ-Дэвлэскирэ Законоса, савй сыс дыны́ Мойзáскирэ вастэса. ¹⁵ И лыя́ Хелкия, и пхэндя́ Шафаноскэ лыла-чхиныбнаскирэскэ: “Лылварй́ Законоскири латхём мэ дро Рáскирэ-Дэвлэскиро Кхэр.” И отдыя́ Хелкия доя́ лылварй́ Шафаноскэ. ¹⁶ И лыджия́ Шафано лылварй́ кэ крáli, и яндя́ ла далэ́ нэвипнаса: “Сарó, со сыс допатяндло тырэ́ писхарьёнгэ, ёнэ кэрэна”; ¹⁷ И вычхудэ́ руп, саво латхнэ́ дро Рáскирэ-Дэвлэскиро Кхэр, и пиридынэ́ лэс дрэ́ васта́ дыкхибнарьёнгэ и дрэ́ васта́ манушёнгэ, савэ́ кэрэна́ буты́. ¹⁸ И адя́кэ-паць́ роспхэндя́ Шафано, лыла-чхиныбнаскиро кралй́скэ, ракири́: “Лылварй́ дыя́ мангэ́ Хелкия, рашай.” И гиндя́ ла Шафано ангйл́ кралй́стэ. ¹⁹ Кéли шундя́ крálí Законоскирэ́ лавá, то тэды́ роскусця́ пэскирэ́ йди. ²⁰ И дыя́ крálí упхэныбён́ Хелкияскэ́ и Ахикамоскэ́, Шафаноскирэ́ чхавэ́скэ, и Авдоноскэ́, Михеёскирэ́ чхавэ́скэ, и Шафаноскэ́, лыла-чхиныбнаскирэ́скэ, и Асаияскэ́, кралй́скирэ́ дынари́скэ, ракири́: ²¹ “Джáн, пхучэ́нпэ́ Рáстыр-Дэвлэ́стыр пал́ мандэ́, и пал́ манушёндэ́, савэ́ ячнэ́пэ́ дро́ Израилё́, и пал́ Юдастэ́ пал́ лавá далэ́, савэ́ латхнэ́ лылварья́кирэ́; пал́-довá со бари́ исын́ холы́ Рáскирэ-Дэвлэ́скири, Саво́ росхоля́сыя пэ́ амэ́ндэ́ пал́ дова́, со на́ раххнэ́ амарэ́ да́да́ Рáскирэ-Дэвлэ́скирэ́ лавá, соб́ (кай) тэ́ кэрэ́с пир́ сарó, со́ исын́ зачхиндлó́ дрэ́ да́я́ лылварй́.” ²² И гия́ Хелкия и одолэ́ манушá, савэ́ сыс кралй́стыр, кэ́ Олдана́, пророчы́ца, Шалумоскири́ ромны́, Тавкегафоскирэ́ чхавэ́скирэ́, Хасраскирэ́ чхавэ́скирэ́, саво́ раххця́ йди, а́ дживдя́ ёй́ дрэ́ яви́р паш́ Ерусалимо́скири, – и ракирдэ́ ла́са пал́ да́ва. ²³ И ёй́ пхэндя́ лэ́нгэ: “Адя́кэ́ ракирэ́ла́ Рай́ Дэвэл́, Дэвэл́́ Израилё́скиро: ‘Пхэ́нэ́н одолэ́́ манушэ́скэ, саво́ бичхадя́́ тумэ́н кэ́ мэ: ²⁴ адя́кэ́ ракирэ́ла́ Рай́ Дэвэл́: Га́да, Мэ́ яна́ва́ бй́да пэ́ да́ва́ штэ́то и пэ́ лэ́скирэ́ манушёндэ́́ сарэ́́ прокошы́бэна, савэ́́ исын́ зачхиндлэ́́ дрэ́́ лылварй́́, савй́́ гиндлэ́́ ангйл́́ Юдэ́я́кирэ́-кралй́́скиро́ муй. ²⁵ Пал́-довá, со́ ёнэ́ ячкирдэ́́ Ман́ и ка́диндлэ́́ яви́рэ́ дэвлорэ́́нгэ, соб́́ (кай) тэ́́ росхоля́́кирэ́́н Ман́ сарэ́́ пэ́́скирэ́́ вастэ́́нгирэ́́ рэ́́ндэ́́нца. И́ Мири́́ холы́́ захачо́ла пэ́́ да́ва́́ штэ́́то, и на́́ мурдэ́́ла.” ²⁶ А́ кралй́́скэ́́ Юде́́я́кирэ́́скэ, саво́́ бичхадя́́ тумэ́́н тэ́́ пхучэ́́нпэ́́ Рáстыр-Дэвлэ́́стыр, адя́́кэ́́ пхэ́́нэ́́н: ‘Адя́́кэ́́ ракирэ́́ла́ Рай́́ Дэвэл́́, Дэвэл́́́ Израилё́́скиро, пал́́ лавá, савэ́́ ту́ шундя́́н: ²⁷ адя́́кэ́́, сыр́́ ковля́́я ило́́ тыро́́, и ту́́ чхудя́́н пэ́́с тэ́́лэды́́р (зми́риндя́́нпэ́́) ангйл́́ Дэвлэ́́стэ́́, кéли́́ шундя́́н Лэ́́скирэ́́ лавá́́ пал́́ да́ва́́ штэ́́то и пал́́ лэ́́скирэ́́ манушёндэ́́, – и ту́́ чхудя́́н пэ́́с тэ́́лэды́́р ангйл́́ Ма́́ндэ́́, и роску́стя́́н пэ́́скирэ́́ йди, и рондя́́н ангйл́́ Ма́́ндэ́́, тэ́́ды́́ и Мэ́́ шундём́́ тут, ракирэ́́ла́ Рай́́ Дэвэл́́. ²⁸ Га́́да, Мэ́́ чхува́́ва тут кэ́́ тырэ́́ да́да́, и ту́́ явэ́́са́́ чхудо́́ дрэ́́ коплй́́ца ты́́ри́́ раманё́́са (миро́́са), и на́́ дыкхэ́́на ты́́рэ́́ якха́́ доя́́ бй́́да, савй́́ Мэ́́ яна́́ва пэ́́ да́ва́́ штэ́́то и пэ́́ лэ́́скирэ́́ манушёндэ́́.” И́ я́́ндлэ́́ отпхэ́́ныбён́́ кралй́́скэ́́.” ²⁹ И́ бичхадя́́ крálí, и скэ́́дыя́́ сарэ́́н Юдэ́́я́кирэ́́н и Ерусалимо́скирэ́́н пхуры́́дырэ́́н. ³⁰ И́ гия́́ крálí́ дро́ Рáскирэ́́-Дэвлэ́́скиро́́ Кхэр, и́ лэ́́са сарэ́́́ Юдэ́́я́кирэ́́, и Ерусалимо́скирэ́́ манушá, и́ раша́́я, и́ Левй́́ты, и́ сарэ́́́ манушá́́ барэ́́стыр кэ́́ тыкно́́; и ё́́в гиндя́́ дро́ шуны́́бён́́ (ды́́я упрэ́́) лэ́́нгиро́́ сарэ́́́ заветоскирэ́́ лылварья́́кирэ́́ лавá, савй́́́ латхнэ́́ дро́ Рáскирэ́́-Дэвлэ́́скиро́́ Кхэр. ³¹ И́ тэ́́рдия́́ крálí́ пэ́́ пэ́́скиро́́ штэ́́то, и́ кэ́́рдя́́́ завето́́ ангйл́́́ Рáскирэ́́-Дэвлэ́́скиро́́ муй – тэ́́́ джá́́н пал́́́ Дэвлэ́́стэ́́́ и тэ́́́ раххэ́́́н Лэ́́́скирэ́́́ при́́пхэ́́́ныбэ́́́на́́ (за́́поведи), и́ Лэ́́́скирэ́́́ сы́́кады́́ипэ́́́на, и́ Лэ́́́скирэ́́́ упхэ́́́ныбэ́́́на́́, сарэ́́́ пэ́́́скирэ́́́ илэ́́́стыр и́ сарэ́́́ пэ́́́скирэ́́́ дэ́́стыр, соб́́́ (кай) тэ́́́ кэрэ́́́н сарó́́́ пир́́́ заветоскирэ́́́ лавá, савэ́́́ исын́́́ чхиндлэ́́́ дрэ́́́ да́́я́́́ лылварй́́́. ³² И́ при́́пхэ́́́ндя́́́ крálí́́ тэ́́́ досы́́кавэ́́́н да́́ва́́́ сарó́́́ манушёнгэ́́́, савэ́́́ сыс дро́́́ Ерусали́́мо́́ и пэ́́́ Вениа́́ми́носки́́ри́́ пхув; и́ лы́́нэ́́́ тэ́́́ кэрэ́́́н Ерусали́́мо́́скирэ́́́ манушá́́́ пир́́́ пэ́́́скирэ́́́ да́́дэ́́́нгиро́́́ Дэвлэ́́́скиро, Дэвлэ́́́скиро́́ за́́вето. ³³ И́ вы́́чхурды́́я́́́ Иосия́́́ сарэ́́́ маги́́рибэ́́́на сарэ́́́ пхувья́́́тыр, савэ́́́ сыс Израилё́́́скирэ́́́ чхавэ́́́ндэ́́́; и́ при́́пхэ́́́ндя́́́ сарэ́́́́нгэ́́́, ко́́н джи́́вдя́́́ пэ́́́ Израилё́́́ски́́ри́́ пхув, тэ́́́ дына́́ринэ́́́н (тэ́́́ служы́́нэ́́́н) Рá́́скэ́́́-Дэвлэ́́́скэ́́́, пэ́́́скирэ́́́скэ́́́ Дэвлэ́́́скэ́́́. И́ дрэ́́́ сарэ́́́́ лэ́́́скирэ́́́́ джи́́и́́бна́́скирэ́́́́ дывэ́́́са́́ ё́́́нэ́́́ на́́ отги́́нэ́́́ пэ́́́скирэ́́́́ да́́дэ́́́нгирэ́́́́ Рá́́стыр-Дэвлэ́́́стыр.

Шэ́́ро́́ 35

¹ И́ кэ́́рдя́́́ Иосия́́́ дро́́́ Ерусали́́мо́́́ Па́́тради́́́ Рá́́скэ́́́-Дэвлэ́́́скэ́́́, и́ за́́чхиндлэ́́́́ па́́тради́́́тконэ́́́с ба́́крорэ́́́с пэ́́́ дэ́́шуштарто́́́́ дывэ́́́с, а́́нгла́́тунэ́́́-чхо́́но́́скиро. ² И́ чхудо́́́я́́́ ё́́́в ра́́шá́́н пэ́́́ лэ́́́нгирэ́́́́ штэ́́́ты, и́ ды́́я́́́ дý́́хо (фа́́но) лэ́́́нгэ́́́ тэ́́́ дына́́ринэ́́́н дро́́́ Рá́́скирэ́́́-Дэвлэ́́́скиро́́́ Кхэр. ³ И́ пхэ́́́ндя́́́

Левитэнгэ, савэ сыклякирдэ сарэн Израильтянэн, савэ сыс высвэнцындлэ Рáскэ-Дэвлэскэ: “Чхувэн свэнто ковчэго дрэ Кхангирй, савй кэрдя Соломоно, Давидоскиро чхаво, Израилэскиро крáli; нанэ тумэнгэ трэбима тэ лыджан лэс пэ психэ; дынаринэн аканá Рáскэ-Дэвлэскэ, Дэвлэскэ амарэскэ, и Лэскирэ манушэнгэ Израилэскирэнгэ. ⁴ Тэрдэн пир тумарэ стрэчы (поколэнии), пир змэны тумарэ, сыр упхэндя Давидо, Израилэскиро крáli, и сыр зачхиндя Соломоно, лэскиро чхаво; ⁵ И тэрдэн пэ свэнто штэто, пир стрэчэнгиро росчхуибэн (дадэнгирэ титулы) тумарэ пшалэндэ, манушэнгирэ чхавэндэ, и пир дова, сыр Левиты росчхудэ пэс пэ стрэчы. ⁶ И зачхинэн патрадитконэс бакрорэс, и высвэнцынэнпэ, и приговинэн лэс ваш тумарэ пшалэнгэ, кэрэн саро Рáскирэ-Дэвлэскирэ лавэса пир Мойзастэ. ⁷ И дыя Иосия дро дыибэн сарэнгэ манушэнгирэ чхавэнгэ, савэ сыс одой, тыкнэ кхэритконэ мурдалэндыр бакрорэн и бузнэн (козлэн) тэрнэн, саро ваш свэнто яныбэн Дэвлэскэ патрадитко, саро трийнда тысёнцы, и трин тысёнцы гурувэн. Давá сыс кралйскирэ миштыпнастыр. ⁸ И лэскирэ тхагарья (князи) илэстыр дынэ дро дыибэн манушэнгэ, рашангэ и Левитэнгэ. Хелкия, и Захария и Иехиило, савэ исыс барыдырэнца дро Дэвлэскиро Кхэр, дынэ рашангэ ваш патрадитко свэнто яныбэн Дэвлэскэ дуй тысёнцы шовшэла бакрен, бакрорэн и бузнэн (козлэн) и триншэла гурувэн; ⁹ И Хонаеия и Шемаия, и Нафанайло, лэскирэ пшала, и Хашавия, и Иеизло, и Иозавáдо, барыдыра Левитэнгирэ, дынэ Левитэнгэ патрадитко ваш свэнто яныбэн Дэвлэскэ бакрен пандж тысёнцы, и панджшэла тэрнэ гурувэн. ¹⁰ Адыкэ кэрдó сыс дынарибэн (служба). И тэрдинэ рашая пэ пэскиро штэто и Левиты пэ пэскирэ змэны пир кралйскиро упхэныбэн. ¹¹ И зачхиндлэ патрадитконэс бакрорэс. И чхувэнас рашая ратэса, лый лэс Левитэнгирэ вастэндэр, а Левиты злынэ цыпа. ¹² И росчхудэ ёнэ дова, со сыс припхэндло ваш саро схачкирибэн, соб (кай) тэ роздэн дова пир отдэлы дрэ стрэчы манушэнгирэ чхавэндэ, тэ янэн Рáскэ-Дэвлэскэ, сыр исын зачхиндло дрэ Мойзаскири лылварй. Дова-паць кэрдэ и гурувэнца. ¹³ И пэкнэ патрадитконэс бакрорэс пэ яг, пир упхэныбэн; и свэнта яныбэнá кэрадэ дрэ пирья, какавя (котлы) и мыски (каструли), и сыгэс роздынэ сарэ манушэнгэ; ¹⁴ А тэньчи (после) кэрдэ ваш пэскэ и ваш рашангэ: пал-дова со рашая, Ааронóскирэ чхавэ сыс залынэ (залымэ) яныбнаса цэлонэ схачкирибнастыр кэ рат; палдава и кэрадэ Левиты ваш пэскэ и ваш рашангэ, Ааронóскирэ чхавэнгэ. ¹⁵ И багаибнарья, Асафоскирэ чхавэ, ячнэпэ пэ пэскирэ штэты, пир упхэныбэн Давидоскиро, и Асафоскиро, и Еманоскиро и Идифуноскиро, кралйскирэ магикоскиро, и раххибнарья пашыл порта: на ваш со сыс лэнгэ тэ отджан пэскирэ дынарибнастыр, адыкэ сыр лэнгирэ пшала кэрадэ ваш лэнгэ. ¹⁶ Адыкэ сыс кэрдó саро дынарибэн Рáскэ-Дэвлэскэ дрэ дова дывэс, соб (кай) тэ свэнкинэн Патради и тэ янэн цэло схачкирибэн пэ Рáскирэ-Дэвлэскиро алтарё, пал Иосияскирэ кралйскиро упхэныбэн. ¹⁷ И свэнкиндлэ Израилэскирэ чхавэ, савэ сыс одой, Патради дрэ дова часо (цыро) и свэнко опрэснокэнгиро дрэ эфта дывэсá. ¹⁸ И на свэнкиндлэ дасави Патради Израилэстэ пророкоскирэ-Самуилоскирэ дывэсэндэр; и сарэ Израилэскирэ кральэндэр ниэкх на справиндя дасави Патради, савй кэрдя Иосия, и рашая, и Левиты, и сарэ Юдэякирэ, и Израильтяни, савэ сыс одой, и Ерусалимоскирэ мануша. ¹⁹ Дрэ дэшуохтото бэрш Иосияскиро, сыр ёв сыс крáli, свэнкиндлэ дая Патради. ²⁰ Палó (после) саро дава, со кэрдя Иосия дро Дэвлэскиро Кхэр, гия Нехар, Египтоскиро крáli, пэ марибэн кэ Кархемисо пэ Евфрато; и Иосия выгия гил (пэ стреч) лэскэ. ²¹ И гил бичхадя кэ ёв Нехао манушэн тэ пхэнэн: “Со мангэ и тукэ, Юдэякиро кралё? На проти тутэ аканá джава мэ, нэ одорик, кай мандэ марибэн. И Дэвэл припхэндя мангэ тэ сыгнякирав; на яв проти Дэвлэстэ, Саво исын манца, соб (кай) Ёв тэ на хасякирэл тут.” ²² Нэ Иосия на отгия лэстыр, а скэдыапэ, соб (кай) тэ марэлпэ лэса, и на шундя Нехаоскирэ лава Дэвлэскирэ мостыр, и выгия пэ марибэн, пэ лошчына Мегидо. ²³ И дынэ карье лукэндэр дрэ кралйстэ Иосиястэ; и пхэндя крáli пэскирэ дынарьэнгэ: “Лыджан ман, пал-дова со мэ пхарэс чхиндло.” ²⁴ И злынэ лэс дынарья лэскирэ марибнытконэ вурдэнэстыр, и чхудэ тэ бэшэл лэс дрэ явир вурдэн, савэ сыс лэстэ, и лыджинэ лэс дро Ерусалимо. И мыя ёв, и сыс гарадо дрэ пэскирэ дадэнгирэ коплицы. И сарэ Юдэякирэ и Ерусалимо оброндлэ Иосияс. ²⁵ Оброндя Иосияс и Еремее дрэ роибнаскири гилы; и ракирдэ сарэ багаибнарья и багаибнарицы пал Иосиястэ дрэ роибнытка пэскирэ гилы, савэ исын

джиндлэ кэ дава дывэс, и пиридынэ лэн дро багаибэн Израилёскэ; и гада, ёнэ исын зачхиндлэ дрэ лылварі, роибнытконэ-гиленгири. ²⁶ Явір рэнды Иосияскірэ и лачхипэн лэскиро, зджанапэ долэса, со исын зачхиндлэ дро Рáскірэ-Дэвлэскиро Закóно, ²⁷ И рэнды лэскирэ, англатунэ и палатунэ (последня), исын зачхиндлэ дрэ Израилёскирэ и Юдэякирэ-кральёнгири лылварі.

Шэрó 36

¹ И лынэ манушá пэ доя пхув Иоахазос, Иосияскірэ чхавэс, и чхудэ лэс краліса, пэ штэто лэскирэ дадэскиро, дро Ерусалимо. ² Биш тэ трин бэрш сыс Иоахазоскэ, кели ёв яця краліса, и трин чхонá сыс ёв краліса дро Ерусалимо. ³ И злыя лэс Египтóскиро крáли дро Ерусалимо, и чхудя пэ пхув притасады (пеня) шэл талáнты руп и екх таланто сувнакай. ⁴ И чхудя Египтóскиро крáли пэ Юдэя и Ерусалимо Елиакимос, лэскирэ пшалэс, и парудя лэскиро лав пэ Иоакимо; а Иоахазос, лэскирэ пшалэс, лыя Нехао и залыджия лэс дро Егíпто. ⁵ Биш тэ пандж бэрш сыс Иоакимоскэ, кели ёв яця краліса, и дэшукх бэрш ёв сыс краліса дро Ерусалимо. И кэрдя налачхэс дрэ якхá пэскирэ Рáскірэ-Дэвлэскирэ. ⁶ Проти лэстэ выгия Навуходоносóро, Вавилонóскиро крáли, и закуиндя лэс састырэнца, соб (кай) тэ лыджал лэс дро Вавилóно. ⁷ И паш кхорэндыр Рáскірэ-Дэвлэскирэ Кхэрэскир пирилыджия Навуходоносóро дро Вавилóно, и чхудя лэн дро пэскиро мангипнытко штэто дро Вавилóно. ⁸ Явір рэнды Иоакимоскирэ и лэскирэ магирибэна, савó ёв кэрдя и савó латхнэ дрэ лэстэ, исын зачхиндлэ дрэ Израилёскирэ и Юдэякирэ-кральёнгири лылварі. И яця краліса Иехония, лэскиро чхавó, пэ штэто лэскиро. ⁹ Дэшуохто бэрш сыс Ехонияскэ, кели яця ёв краліса, и трин чхонá и дэш дывэс ёв сыс краліса дро Ерусалимо. И кэрдя ёв налачхэс дрэ Рáскірэ-Дэвлэскирэ якхá. ¹⁰ Сыр гия бэрш, бичхадя крáли Навуходоносóро, и припхэндя тэ лэн лэс дро Вавилóно кхэтанэ дрогонэ кхорэнца Рáскірэ-Дэвлэскирэ Кхэрэскир, и яця краліса пэ Юдээндэ и Ерусалимо о Сэдэкия, лэскиро пшал. ¹¹ Биш тэ екх бэрш сыс Сэдэкияскэ, кели яця ёв краліса, и дэшукх бэрш ёв сыс краліса дро Ерусалимо. ¹² И кэрдя ёв налачхэс дрэ пэскирэ Рáскірэ-Дэвлэскирэ якхá. Ёв на лыя тэ кандэл пророкóс Еремеёс, савó ракирдя Рáскірэ-Дэвлэскирэ уштэндыр. ¹³ И отгия ёв кралістыр Навуходоносоростыр, савó лыя лэстыр совэл Дэвлэскирэ лавэса, – и кэрдя зоралы пэскири мэн, холякирдя пэскиро илó кэ дова, со на рисия илэса кэ Рай Дэвэл, Дэвэл Израилёскиро. ¹⁴ Адыкэ и сарэ барыдыра пэ рашандэ и пэ манушэндэ кэрдэ бут грэхи, дыкхй пэ сарэ магирипэна Наюдытконэ нацыэндыр, и магирдэ ёнэ Рáскірэ-Дэвлэскиро Кхэр, савó Ёв свэнцындя дро Ерусалимо. ¹⁵ И бичхадя кэ ёнэ Рай Дэвэл, Дэвэл лэнгирэ-дадэнгири, Пэскирэ бичхаибнаскирэн тасярлэс пэ злóко (пэ рáнко), пал-дова со Ёв тангиндя Пэскирэн манушэн и Пэскиро Кхэр. ¹⁶ Нэ ёнэ сандлэпэ напатывалэс (здикиндлэпэ) Дэвлэскирэ бичхаибнаскирэндыр, и на шундлэ Лэнгирэ лавá, и кошнэпэ пэ Лэскирэ пророкэндэ, пака згия Рáскірэ-Дэвлэскири холы пэ Лэскирэ манушэндэ адыкэ, со на сыс лэскэ зракхибэн. ¹⁷ И Ёв яндя пэ лэндэ Халдеенгирэ краліс, – и одовá мулякирдя тэрнэ манушэн лэнгирэ курталáса дрэ лэнгиро свэнтыныбнаскиро кхэр, и на потангиндя ни тэрнэ чхавэс, ни патывала чха, ни пхурэс, ни богос: сарó отдыя Дэвэл дрэ лэскиро васт. ¹⁸ И сарэ Дэвлэскирэ Кхэрэскирэ кхорэ (сасúды) барэ и тыкнэ, и кучипэна Рáскірэ-Дэвлэскирэ Кхэрэскирэ, и барвалыпэн лэскирэ краліскиро и тхагарьенгири (князенгири), сарó ёв яндя дро Вавилóно. ¹⁹ И хачкирдэ ёнэ Дэвлэскиро Кхэр, и распхагирдэ Ерусалимóскири ванта; и сарэ лэскирэ фэлатиня схачкирдэ ягáса, и сарэ дрога кхорэ лэскирэ домардэ. ²⁰ И пирилыджия ёв манушэн, савó ячнэпэ джидэ курталáтыр дро Вавилóно; и сыс ёнэ лэскирэ дынарьэнца и лэскирэ чхавэнгирэнца, кэ Персиякирэ-краліскиро краліпэн. ²¹ Ангйл дова, соб (кай) тэ сполнинэн Рáскірэ-Дэвлэскиро лав, савó сыс пхэндлэ Еремеёскирэ уштэнца, сыр пхув отсвэнкиндя пэскирэ сáваты (суботы). Дрэ сарэ чхучэ дывэсá ёй раххця сáвато кэ сполниныбэн эфтадэшá бэрш. ²² И дро англатунэ (пэрво) бэрш Кираскиро, Персиякирэ краліскиро, соб (кай) тэ сполнинэн Рáскірэ-Дэвлэскиро лав, савó пхэндлэ Еремеёскирэ уштá, Рай Дэвэл газдыя дúхо (фáно) Кираскиро, Персиякирэ краліскиро, и ёв припхэндя тэ дэн тэ джिनэн пир сарó пэскиро

кralипэн, лавэнца и чхиныбнаса, и тэ пхэнэн: ²³ “Адьякэ ракирэла о Кира, Персиякиро крáli: ‘Сарэ кralипэнá пэ пхув дыя мánгэ Рай Дэвэл, болыбнаскиро Дэвэл; и Ёв припхэндя мánгэ тэ кэрáв Лэскэ Кхэр дро Ерусалимо, со исын дрэ Юдэя. Кон исын тумэндýр-сарэ Лэскирэ манушэндýр, мэк тэ явэл лэскиро Рай Дэвэл, Дэвэл лэса, и мэк ёв одорýк тэ джал.’”

Ездраскири Лылварí

Шэрó 1

Кóнцо Пленоскэ дро Вавилóно

¹ Дро пэрво бэрш кralíскирэ Кираскиро, кéли Ёв лыя тэ кralинэл пэ Пёрсия, соб (кай) тэ сполнинэлпэ лав Рáскирэ-Дэвлэскиро, савó ракирдя прорóко Еремее, о Рай-Дэвэл джангадя дýхо (фáно) Кираскиро, Персиякирэ кralíскиро, и ёв дыя припхэныбэн тэ пхэнэн ангýл сарэндэ пир сарó кralипэн, и адьякэ-паць тэ зачхинэн далэ лавá: ² “Адьякэ ракирэла Кира, крáli Персиякиро: ‘О Рай Дэвэл, Дэвэл болыбнаскиро, дыя мánгэ сарэ кralипэнá пэ пхув. И Ёв припхэндя мánгэ тэ чхував Кхэр (Кхангири́) Лэскэ дро Ерусалимо, пэ Юдэя. ³ Кон исын машкíр тумэндэ Лэскирэ манушэндýр, мэк тэ явэл Лэскиро Дэвэл лэса! Аканá, мэк ёв тэ джал дро Ерусалимо, савó исын пэ Юдэя, и мэк ёв тэ чхувэл Кхэр (Кхангири́) Рáскэ-Дэвлэскэ, Савó исын дро Ерусалимо. ⁴ И пэ кажно штéто, пир савó дживэна Юды дро плéно, мэк штéтытка манушá тэ помогинэн лэнгэ рупэса, сувнакаса, и явирэ дарэнца, кхэритконé мурдалэнца, адьякэ-паць сыр и тэ дэн свэнто дыибэн, со кон камэла, ваш Кхэр (Кхангири́) Дэвлэскиро, савó исын дро Ерусалимо.’” ⁵ Тэньци шэралэ пэ стрéчы /дадэнгирэ-рóды (поколении) Юдастыр и Веньяминостыр, и рашая, и Левýты, кажно мануш, дрэ савэндэ Дэвэл джангадя дýхо (фáно), газдынэпэ тэ джáн тэ чхувэн нэвэс Кхэр (Кхангири́), Рáскирэ-Дэвлэскиро, савó исын дро Ерусалимо. ⁶ И сарэ одолэ, кон сыс пашýл лэндэ, зорьякирдэ лэнгирэ вастá рупувэ чарэнца, предметэнца (чысэнца) сувнакастыр, явирэ дарэнца маёнкостыр, и кхэритконé мурдалэнца, и кучипнэнца (дрогонé предметэнца), адьякэ-паць, сыр и сарэ дарэнца, со сыс яндло сыр свэнто дыибэн, со кон камдя’.” ⁷ И крáli Кира лыджия кхорé (сасýды). Кхэрэстыр (Кхангирия́тыр) Рáскирэ-Дэвлэскирэстыр, савó о Навуходоносóро лыджия криг Ерусалимóстыр и чхудя дро лэскирэ-дэвлорэскиро кхэр. ⁸ И о Кира, крáli Персиякиро, лыджия яври́ лэн Мифредатоскирэ вастэса, кон сыс раххибнаскиро (хранителё) пэ пиралы́ (сокровишчо), савó пиригиндя лэн Шэшбацароскэ, тхагарискэ Юдаскирэскэ. ⁹ Акэ, исын гиныбэн, со и кицы́ сыс: трия́нда сувнакунé барé чарэ, екх бар (тысёнцо) рупувэ барé чарэ, биш тэ еня́ чхурья; ¹⁰ трия́нда хор тахтая́ (чашы) сувнакастыр, штар шэлá тэ дэш кадасавэ-паць тахтая́ рупэстыр, и бар (тысёнцо) явир кхорé (сасýды). ¹¹ Сыс пандж барá штар шэлá кхорé (сасýды) сувнакастыр и рупэстыр. Сарэ далэ дары лыя о Шэшбацаро пленнонэнца, савэн лыджинé Вавилонóстыр кэ Ерусалимо.

Шэрó 2

Савэ и Кицы́ Манушá Рисинé Пленóстыр кэ Ерусалимо

¹ Аканá, акэ, исын манушá долэ округатыр, савó выгинé пленóстыр кодолэндýр, савэн вылыджия́ о Навуходоносóро, крáli Вавилонóскиро, кэ Вавилóно, и кон рисия́ палэ кэ Ерусалимо и кэ Юдэя, кажно дро пэскиро фóро, ² кон явдя́ кхэтанé Зоровавелёса, Исусóса (Ёхошуаса), Ниемияса, Сараияса, Реелаёса, Мардохеёса (Мордэхаёса), Билшаноса, Мисфароса, Бигваёса, Рехумоса и Вааноса. Акэ, кицы́ сыс манушá Израилёстыр: ³ чхавé Парошоскирэ, дуй́ тысёнцы́ екх шэл и эфтадэшá дуй; ⁴ чхавé Сафатияскирэ (Шэфатияскирэ), трин шэлá и эфтадэшá дуй; ⁵ чхавé Арахоскирэ, эфта́ шэлá и эфтадэшá

пандж; ⁶ чхавé Пахаф-Моавоскирэ, манушá Исусóскирэ и Иоавоскирэ, дуй тысёнцы охтó шэлá и дэшудуй; ⁷ чхавé Эламоскирэ, екх тысёнуцо дуй шэлá и пандждэшá дуй; ⁸ чхавé Затуйёскирэ, еня шэлá и штардэшá дуй; ⁹ чхавé Закаёскирэ, эфтá шэлá и шовдэшá; ¹⁰ чхавé Ваниёскирэ, шов шэлá и штардэшá дуй; ¹¹ чхавé Бебаёскирэ, шов шэлá и биш тэ трин; ¹² чхавé Азгадоскирэ, екх бар дуй шэлá и биш тэ дуй; ¹³ чхавé Адоникамоскирэ, шов шэлá и шовдэшá шов; ¹⁴ чхавé Бигваёскирэ, дуй тысёнцы (барá) и пандждэшá шов; ¹⁵ чхавé Адиноскирэ, штар шэлá и пандждэшá штар; ¹⁶ чхавé Атэроскирэ, Езэкиястыр, енядэшá охтó; ¹⁷ чхавé Бецаёскирэ, трин шэлá и биш тэ трин; ¹⁸ чхавé Иораскирэ, екх бар и дэшудуй; ¹⁹ чхавé Хашумоскирэ, дуй шэлá и биш тэ трин; ²⁰ чхавé Гибароскирэ, енядэшá пандж; ²¹ манушá Вифлеемостыр екх шэл и биш тэ трин; ²² манушá Нетофатыр пандждэшá шов; ²³ манушá Амафофостыр екх шэл и биш тэ охтó; ²⁴ манушá Азмавефоскирэ, штардэшá дуй; ²⁵ манушá Кириаф-Яриматыр, Кефиратыр и Беерофостыр эфтá шэлá и штардэшá дуй; ²⁶ манушá Раматыр и Гефатыр шов шэлá биш тэ ёкх; ²⁷ манушá Михмасостыр екх шэл и биш тэ ёкх; ²⁸ манушá Вефилёстыр и гаёстыр дуй шэлá и биш тэ трин; ²⁹ манушá Невостыр штардэшá дуй; ³⁰ манушá Магбишостыр екх шэл и пандждэшá шов; ³¹ чхавé явирé Эламоскирэ, екх тысёнцо (бар) дуй шэлá и штардэшаштар; ³² чхавé Харимоскирэ трин шэлá биш; ³³ манушá Лидатыр (Лёдостыр), Хадидостыр и Оностыр эфтá шэлá тэ биш тэ пандж. ³⁴ Манушá Ерихоностыр трин шэлá штардэшá пандж; ³⁵ манушá Сенаятыр трин барá шовшэлá трийнда. ³⁶ Э Рашая: чхавé Иедаяскирэ Исусóскирэ (Ёхошуаскирэ) кхэрэстыр, еня шэлá шовдэшá пандж; ³⁷ чхавé Имэроскирэ екх тысёнуо (бар) пандждэшá дуй; ³⁸ чхавé Пашхуроскирэ екх тысёнцо (бар) дуй шэлá и штардэшá эфтá; ³⁹ чхавé Харимоскирэ екх бар дэшудейта. ⁴⁰ Э Левиты: чхавé Исусóскирэ (Ехошуаскирэ) и Кадмиилоскирэ, чхавé Годавияскирэ кхэрэстыр эфтадэшá дуй. ⁴¹ Э Багаибна́скирэ: чхавé Асафоскирэ шэл биш тэ охтó. ⁴² Э чхавé стрэгáрьёнгирэ пашвударэнгирэ: чхавé Шалумоскирэ, чхавé Атэроскирэ, чхавé Талмоноскирэ, чхавé Акувскирэ, чхавé Хатитаскирэ, чхавé Шоваёскирэ, -сарó пэ сарó екх шэл трийндаея. ⁴³ Э Нефинéи: чхавé Цыхаскирэ, чхавé Хасуфаскирэ, чхавé Табаофоскирэ; ⁴⁴ чхавé Кероскирэ, чхавé Сиагаскирэ, чхавé Фадоноскирэ, ⁴⁵ чхавé Лебанаскирэ, чхавé Хагабаскирэ, чхавé Акувоскирэ; ⁴⁶ чхавé Хагавоскирэ, чхавé Шамлаёскирэ; чхавé Хананоскирэ; ⁴⁷ чхавé Гидэлёскирэ, чхавé Гахароскирэ, чхавé Рэаёскирэ; ⁴⁸ чхавé Рециноскирэ, чхавé Некодаскирэ, чхавé Газамоскирэ; ⁴⁹ чхавé Узаскирэ, чхавé Пасахоскирэ, чхавé Бесаёскирэ; ⁵⁰ чхавé Аснаскирэ, чхавé Меунимоскирэ, чхавé Нефисимоскирэ; ⁵¹ чхавé Бакбукоскирэ, чхавé Хакуфаскирэ, чхавé Хархуроскирэ; ⁵² чхавé Бацлфоскирэ, чхавé Мехидаскирэ, чхавé Харшаскирэ; ⁵³ чхавé Баркососкирэ, чхавé Сисраскирэ, чхавé Фамахоскирэ; ⁵⁴ чхавé Нецыахоскирэ, и чхавé Хатифаскирэ. ⁵⁵ Э чхавé Соломонóскирэ-писхарьёнгирэ: чхавé Сотáёскирэ, чхавé Гасоферефоскирэ, чхавé Ферудаскирэ; ⁵⁶ чхавé Иалоскирэ (Яалоскирэ), чхавé Дарконоскирэ, чхавé Гиделоскирэ; ⁵⁷ чхавé Сефатияскирэ (Шэфатияскирэ), чхавé Хатилоскирэ, чхавé Похерéф-Гацэбаимоскирэ, и чхавé Амиёскирэ. ⁵⁸ Сарэн: Нефинéен и чхавэн Соломонóскирэ-писхарьёнгирэнен сыс трин шэлá енядэшá дуй. ⁵⁹ И, акэ, сыс одолé, савé явнэ Тэл-Мелáхостыр, Тэл-Харшыстыр, Херубостыр-Аданостыр-Имэроостыр, савé на саштындрé (могиндрé) тэ досыкавэн пал стрéч/лэнгирэ-дадэнги́ро рóдо (поколение) ци пал лэнги́ро кхэрýтко рóдо (племé), со ёнэ сыс Израилёстыр: ⁶⁰ гáда, сыс чхавé Делаияскирэ, чхавé Товияскирэ, чхавé Некодаскирэ, шов шэлá пандждэшá дуй; ⁶¹ и рашáнгирé чхавэндýр: чхавé Хабаияскирэ, чхавé Гакоцоскирэ, и чхавé Верзелиёскирэ (Барцылаёскирэ), савó лыя ромнá пэскэ Верзелиёскирэ чхáэндýр, кон сыс Галаадостыр и кадасавó лэскиро лав яцá. ⁶² Ёнэ родынэ лэнги́р-родэнги́ро зачхиныбэн дро списокó, нэ ёнэ на латхнэ нисó; палдава́ лэн сыр мешындрé пир рóдо, отчхудэ дрé риг рашáнгирé бутáтыр. ⁶³ И о Тиршафа, барыдыро Персиякиро, пхэндá лэнгэ, соб (кай) ёнэ тэ на хан най свóнта яныбэнá хабнастыр ангýл дова́, сыр тэ явэл рашáй Уримоса и Тумимоса (тэ мангэлпэ Дэвлэскэ пал лэндэ). ⁶⁴ Сарé манушэн скэдыяпэ тэ рисён пленóстыр, сыс штардэшá барá трин шэлá шовдэшá манушá, ⁶⁵ апрýч лэнги́рэ писхарьёндрé и штубакирэ дынарицэндэ, савэн сыс эфтá тысёнцы (барá) трин шэлá трийнда манушá. Лэндэ сыс адýкэ-пацэ дуйшэлá багаипнытка муршá и багаипнытка джувлá. ⁶⁶ Лэндэ сыс

эфта шэла трияндашов грая; лэндэ сыс дуй шэла штардэша пандж лошаки (мулы); ⁶⁷ лэндэ сыс штар шэла триянда пандж верблюды (дромадара); шов тысёнцы (барá) эфта шэла биш ослы (мегарья). ⁶⁸ Вари-савэ э шэралэ стрэчэнгирэ (пэ поколении), кэли ёнэ явнэ кэ Кхэр (Кхангирí) Рáскирэ-Дэвлэскиро, со исын дро Ерусалимо, яндлэ дáры сарэ илэстыр ваш Кхэр (Кхангирí) Дэвлэскиро, соб (кай) тэ чхувэн палэ лэс пэ лэскиро штэто; ⁶⁹ ёнэ дынэ дава пир лэнгиро маёнко дрэ пиралы ваш буты тэ кэрэн: шовдэша екх бар сувнакунэ драхмы, пандж барá рупувэ мины, и екх шэл рашаитка йди. ⁷⁰ И э рашая, и э Левиты, и вари-савэ явир мануша, и багаибнаскирэ, и стрэгарья пэ вударá, и Нефенеи, лынэ тэ дживэн дрэ лэнгирэ фóрья, и сарó Израилё дрэ пэскирэ фóрья.

Шэро 3

Нэво Алтáрё и Мангипэн Дэвлэскэ

¹ И кэли эфэто чхон явдя, и чхавэ Израилёскирэ сыс дрэ фóрья, э мануша скэдынэпэ кхэтанэ со кэ екх дро Ерусалимо. ² Тэньци уштыя Ёхошуá (Исýсо), чхавó Иоседекоскиро (Ёзадакоскиро), и пшáла лэскирэ, рашая, и Зоровавелё, чхавó Шолтилоскиро, и лэскирэ пшáла, и кэрдэ алтáрё Израилёскирэ Дэвлэскэ, соб (кхай) тэ янэн цэла схачкирибэна, сыр чхиндлó дро Закóно Мойзáскиро, савó сыс мануш Дэвлэскиро. ³ И ёнэ кэрдэ алтáрё пэ лэскиро фундаменто пал доя дар, со сыс лэндэ Наюдытконэ манушэндýр долэ тхэмэндýр, и ёнэ лынэ тэ янэн цэла схачкирибэна Рáскэ-Дэвлэскэ, злокоскирэ и бэльвэлякирэ цэла схачкирибэна. ⁴ Ёнэ адякэ-паць кэрдэ Свэнко Кушчэнгиро (Шатрытко), сыр исын чхиндлó, и янэнас кажно дывэс цэла схачкирибэна адакицы, кичы трэиндя пир упхэныбэн ваш кажно дывэс; ⁵ и палó дава ёнэ яндлэ бипириячибнаскирэ свэнта дыибэна тэ хачкирэн, и одолэ, сыр нэво чхон исын и ваш сарэ упхэндлэ свэнки ваш Рáскэ-Дэвлэскэ, со лэскэ сыс посвэнцындлэ, и ваш кажно дáро, со явэлас сарэ илэстыр, сыр янэна свэнто дыибэн, конэскэ пир илó тэ дэл Рáскэ-Дэвлэскэ. ⁶ Пэrvонэ дывэсэстыр дро эфэто чхон ёнэ лынэ тэ янэн цэла схачкирибэна Рáскэ-Дэвлэскэ. Нэ фундаменто тэл Кхэр (Кхангирí) Рáскирэ-Дэвлэскиро на сыс чхудо. ⁷ Тэньци ёнэ адякэ-паць дэнас ловэ барэнгирэ спецэнгэ и кхэра-кэрибнаскирэнгэ, и хабэн, и пибэн, и маслиничко дзэт манушэнгэ Сидоностыр и Тиростыр, соб (кай) ёнэ тэ янэн кедрытко вэш Ливаностыр пир мóрё (дэрьяв) пашыл Яфа пир отмэкибнаскири (разрешэниё), сави сыс лэндэ Кирастыр, кралистыр Персиякирэстыр.

Сыр Лынэ Нэвэс тэ Кэрэн Кхэр (Кхангирí) Рáскирэ-Дэвлэскиро

⁸ Пэ явир бэрш, сыр ёнэ явнэ кэ Кхэр (Кхангирí) Рáскирэ-Дэвлэскиро дро Ерусалимо дро явир чхон, о Зоровавелё, чхавó Салафиилоскиро [Шалтилоскиро-ю.о.], о Ёхошуá (Исýсо), чхавó Иоседэкоскиро (Ёзадакоскиро), и явир лэнгирэ пшáла: э рашая и Левиты, и кодолэ сарэ, кон рисия пленóстыр кэ Ерусалимо, и ёнэ лынэ тэ кэрэн буты и чхудэ Левитэн, савэнгэ сыс биш бэрш и пхурэдýр тэ дыкхэн пал буты пэ Кхэр (Кхангирí) Рáскирэ-Дэвлэскиро. ⁹ И о Ёхошуá (Исýсо), лэскирэ чхавэ и лэскирэ пшáла; о Кадмиило лэскирэ чхавэнца; чхавэ Юдáскирэ, со кэ екх мануш лынэ кхэтанэ тэ дыкхэн пал бутярнэндэ пэ Кхэр (Кхангирí) Дэвлэскиро; адякэ-паць чхавэ Хенанадоскирэ, лэнгирэ чхавэ, и лэнгирэ пшáла, Левиты. ¹⁰ Кэли кхэра-кэрибнаскирэ мануша чхудэ фундаменто тэл Кхэр (Кхангирí) Рáскирэ-Дэвлэскиро, э рашая тэрдинэ дрэ лэнгирэ урибэна рогэнца и Левиты, чхавэ Асафоскирэ, цымбалэнца, тэ шарэн Рас-Дэвлэс пир статутно упхэныбэн кралистыр Дави-достыр дро Израилё. ¹¹ И ёнэ багандлэ екх пал явирэстэ, парикири Рáскэ-Дэвлэскэ: “Ёв исын лачхó, ваш дова со Лэскиро дро́го лачхипэн рикирэлапэ пэ сарэ веки пэ Израилё.” И сарэ мануша дынэ гóдла барэ годласа, кэли ёнэ шардэ Рас-Дэвлэс, ваш одова со сыс чхудо фундаменто тэл Кхэр (Кхангирí) Рáскирэ-Дэвлэскиро. ¹² Нэ, бут рашая, и Левиты, эшэралэ пэ стрэчы /дадэнгирэ-рóды (поколении), савэ сыс пхуранэ мануша, и дыкхнэ пэрво Кхангирí, рондлэ зоралэс, кэли чхудэ фундаменто ангил лэнгирэ якха, и бут дынэ гóдла радыматыр. ¹³ И

манушá на могоиндлэ тэ розгалён лачхэс шумо годлатыр радымакирэ шумостыр; пал-довá со манушá дынэ гóдла зоралэс, и шумо сыс шундло дурал.

Шэрó 4

Намала на Дóна тэ Кэрэн Кхэр (Кхангири) Рáскэ-Дэвлэскэ

¹ И шундлэ намала Юдáскирэ и Веньяминоскирэ, со кодолэнгирэ чхавэ, кон сыс дро плéно, кэрэнас Кхэр (Кхангири) Рáскирэ-Дэвлэскиро, Дэвлэскирэ-Израилёскиро, ² ёнэ явнэ кэ Зоровавелё, и кэ шэралэ пэ стрэчы/дадэнгирэ-родэнгирэ (поколéнии) и пхэндлэ лóнгэ: “Лáса амэ тэ кэрáс кхэр кхэтанэ, пал-довá со амэ родасас тэ дас патыв тумарэ Дэвлэскэ, сыр и тумэ, и амэ янасас свэнта дыибэна Лэскэ Асарданоскирэ дывэсэндыр, кралéстыр Сириякирэстыр, савó яндя амэн адарык.” ³ Нэ Зоровавелё и Ёхошуá, и явир шэралэ пэ стрэчы /дадэнгирэ-родэнгирэ (поколéнии) Израилёскирэ, пхэндлэ лóнгэ: “Тумэнгэ нанэ причына, соб (кай) амэнца кхэтанэ тэ кэрáс Кхэр (Кхангири) ваш амарэ Дэвлэскэ, нэ амэ кокорэ явэса тэ кэрáс кхэр, Рáскэ-Дэвлэскэ, Израилёскирэ Дэвлэскэ, сыр крáли Кира, крáли Персиякиро, припхэндя амэнгэ.” ⁴ И манушá долэ пхувьякири стариндлэпэ тэ отлэн зор манушэнгирэ вастэндыр Юдэятыр и ёнэ на дóнас лóнгэ тэ кэрэн Кхэр (Кхангири); ⁵ и ёнэ кинэнас советникэн (юнкарэн) проти лэндэ, соб (кай) тэ розмарэн лóнгэ лóнгиро плано дрэ сарэ Кираскирэ дывэсá Персиякирэ кралéскирэ аж кэ Дариёскирэ дывэсá, сыр ёв лыя тэ раинэл пэ Пёрсия.

Намала Тэрдякирэна Буты

⁶ И дро кралипэн Ахашверошоскиро, пэ сáмо англыпэн лэскирэ раипнастыр, ёнэ чхиндлэ бангякирибнаскиро был пэ манушэндэ Юдэятыр и Ерусалимóстыр. ⁷ И дрэ Артаксерксоскирэ дывэсá чхиндлэ о Бишламо, о Мифредато, о Табеёло, и явир лэскирэ малá пир буты был Артаксерксоскэ, кралéскэ Персиякирэскэ, и был сыс чхиндлэ пэ Сирийцытко (Арамейтко) чиб, и пирилыджино пэ Сирийцытко (Арамейтко) чиб. ⁸ О Рехумо, кралéскиро советнико (юнкаро) [шэралó-ю.о.], и о Шымшаё, лыла-чхиныбнаскиро (писарё) мануш чхиндлэ был пэ Ерусалимо, кралéскэ Артаксерксоскэ, дро савó ёнэ бангякирдэ: ⁹ Рехумостыр, кралéскирэ шэралэстыр, и Шымшаёстыр, савó сыс лыла-чхиныбнаскиро мануш (писарёстыр), и явирэ лóнгирэ малэндыр пир буты: э Динэи, и э Афарсафхэи, и э Тарпелеи, и э Апарсы, и э Арехьяни, э Вавилоняни, э Сусанцы, э Даги, э Еламитяни; ¹⁰ и явирэ манушэндыр, савэн барó и лачхэ-родоскиро Аснафаро яндя и чхудя тэ дживэн дрэ фóрья Самариякирэ и пэ явир штэты дрэ провинцыя палэ рэка (лэнь) Ефрато, и адякэ дурэдýр.” ¹¹ Акэ, исын лылэскири копия, со ёнэ бичхадэ лэскэ: “Э Кралéскэ Артаксерксоскэ – тырэ писхарьэндыр, манушэндыр, савó дживэна дро дая провинцыя палэ рэка (лэнь), и адякэ дурэдýр: ¹² Мэк тэ явэл джиндлэ кралéскэ, со Юды, савэ явнэ тóтыр кэ амэ дро Ерусалимо, и савэ кэрэна кадавá бунтуйтко и бибахталó фóро, и докончынэна лэскирэ вáнты и пирикирэна фундаменто. ¹³ Мэк тэ явэл джиндлэ кралéскэ, пал-довá со, кóли давá фóро тэ явэл кэрдó нэвэс и тэ кончынэн лэскирэ вáнты, то тэды ёнэ на явэна тэ плэскирэн ни намирья (подать), ни мыто, ни такса, и кралéскири пиралы явэла тыкнякирды. ¹⁴ Аканá, пир-довá со амэ хаса лонд кралéскирэ барэ фэлатинятыр/коловостыр (дворцостыр), то давá явэла намиштэс, кóли амэ дыкхаса, со исын урэжа ваш кралéскэ, палдавá амэ бичхадям и дыям зан (звесь) кралéскэ; ¹⁵ соб (кай) тэ розродэн дрэ трэ-дадэнгирэ зачхиныбнытко лылварí: соб (кай) тэ латхэн дрэ зачхиныбнытко лылварí и тэ уджинэс, со давá фóро исын бунтуйтко, савó кэрдя дош кральэнгэ и провинцыэнгэ, и со ёнэ тэрдéнас проти кральэндэ ишчо (инкэ) дрэ гаратунэ бэршá, пир довá давá фóро сыс пхагирдó кэ руйны. ¹⁶ Амэ даса зан кралéскэ, со кóли явэла давá фóро нэвэс кэрдó, и лэскирэ вáнты тэ закончынэн, тэды довá значынэлас, со на явэла бутýр паш пхувьякири пэ дая риг рэкакири (лэнякири).” ¹⁷ О крáли бичхадя отпхэныбэн Рехумоскэ, кралéскирэ шэралэскэ и Шымшаёскэ, лыла-

чхиныбнаскирэскэ, и явирэ лэнгирэ малэнгэ пир буты, кон дживэла кэ Самария, и пэ явир штэты, со исын палэ рэка (лэнь): ¹⁸ “Раманё пэ сарэ веки. Лыл, саво бичхадэ тумэ амэнгэ, гиндлэ саро, лав пир лав, ангил мандэ. ¹⁹ И мэ дыём припхэныбэн, и кэрдэ родыибэн, и латхнэ, со дро дова́ форо гаратунэ бэршэндэр манушá тэрдэнас проти кральэндэ, газдэнас бунты и холы дрэ манушэндэ. ²⁰ И одой сыс адякэ-паць кралья дрэ зор пэ Ерусалимо, саво хулаиндлэ пир сарэ провинцыи пал Рэка, и мыто, и намирья, и такса плэскирдэ лэнгэ. ²¹ Аканá припхэнэн манушэнгэ тэ пириячэн тэ кэрэн буты, соб (кай) ёнэ тэ на докэрэн дова́ форо ангил дова́, сыр явэла припхэныбэн мандыр. ²² Дыххэн раххибныткэс, соб (кай) тэ на дэнпэ дукхá, sóскэ бибахтэкэ тэ явэл бутэдыр тэ кэрэл дош краліскэ?” ²³ И, акэ, кэли лылэскири копия, саво чхиндя́ Артаксёрксо, прогиндлэ ангил Рехумостэ, Шымшаёстэ, лыла-чхиныбнаскирэстэ, и ангил лэнгирэ малэндэ пир буты, ёнэ гинэ сыгэс кэ Ерусалимо проти Юдэндэ, и зоралэ марибнытконэ вастэса тэрдякирдэ лэнгири буты. ²⁴ Адякэ тэрдий буты дро Кхэр (Кхангири́) Дэвлэскиро, Саво исын дро Ерусалимо и да́я буты сыс тэрдэ кэ явир бэрш, сыр лыя́ тэ кралинэл Дариё, крالی Персиякиро.”

Шэро́ 5

Буты́ дрэ Кхэр (Кхангири́) Кэрэлапэ Нэвэстыр

¹ Тэньци прорóко Агёё (Хагаё), и прорóко Захáрия, чхаво́ Идоскиро, ракирдэ́ Юдэнгэ, со явэла ангил Дэвлэскирэ́ Израилёскирэ́ лавэстыр, Саво́ сыс пэ лэндэ. ² И о Зоровавелё, чхаво́ Шалтилоскиро, и Ёхошуá (Исýсо), чхаво́ Ёзадакоскиро, гинэ и лынэ́ тэ кэрэн буты́ пэ Кхэр (Кхангири́) Дэвлэскиро, саво́ исын дро Ерусалимо, и сыс лэнца прорóки Дэвлэскирэ́, саво́ помогинэнас лэнгэ. ³ Дро до са́мо цы́ро (часо) явнэ́ Фафнае [Татэнаё-ю.о.], тхэмэскиро барыды́ро пэ до́я риг округакири и Шэфар-Бознаё, и лэнгирэ́ малá пир буты́, и пхучнэпэ́ лэндыр: “Кон припхэндя́ тумэнгэ́ тэ кэрэн Кхэр (Кхангири́), и тэ докончынэн далэ́ ванты?” ⁴ Тэды, сыр трэй, амэ́ пхэндям [пхуцям-ю.о.] манушэнгирэ́ лавá, саво́ кэрэнас буты́ пэ кхэр. ⁵ Нэ́ якхá Дэвлэскирэ́ сыс пэ́ Юдэнгирэ́ пхурыдырэндэ, и Персиякирэ́ рая на зачхудэ́ лэн тэ тэрдякирэн лэнгири буты́ ангил дова́, сыр рэндо́ явдя́ кэ́ Дариё, и тэньчи́ ангил дова́, сыр ёнэ́ дорэснэ́ отпхэныбэн лылэса́ пэ́ дава́ рэндо. ⁶ Акэ, исын лылэскири копия, саво́ бичхадэ́ о Фафнаё, тхэмэскиро барыды́ро пэ́ до́я риг округакири (пашы́л Рэка Евфрато), и о Шэфар-Бознаё, и лэнгирэ́ малá пир буты́, краліскэ́ Дариёскэ. ⁷ Ёнэ́ бичхадэ́ дава́ допхэныбнытко́ лыл лэскэ́, дро дава́ лыл ёнэ́ чхиндлэ́ адякэ́: ⁸ “Тэ́ явэл рама́нэ (миро) Краліскэ́ Дариёскэ́ дро саро́! Тэ́ явэл джиндло́ Краліскэ́, со амэ́ гиям дрэ́ округа́ Юдэ́я, кэ́ Кхэр (Кхангири́), Барэ́ Дэвлэскиро, саво́ обкэрэлапэ́ пхарэ́ барэнца, и каштуно́ матеряло́ чхувэлапэ́ дрэ́ ванты, и да́я буты́ кэрэлапэ́ кучэс, и джа́ла кэ́ миштыпэн дрэ́ лэнгирэ́ вастá. ⁹ Тэньци́ амэ́ пхутямпэ́ кодолэ́ пхурыдырэндэр, и амэ́ адякэ́ пхэндям лэнгэ́: “Кон припхэндя́ тумэнгэ́ тэ кэрэн дава́ Кхэр (Кхангири́) и тэ докончынэн далэ́ ванты?” ¹⁰ Амэ́ адякэ́-паць пхуцямпэ́ лэндыр пал лэнгирэ́ лавá, соб (кай) амэнгэ́ тэ́ зачхинас лавá манушэнгирэ́, саво́ сыс барыды́ра пэ́ лэндэ. ¹¹ Акэ, со ёнэ́ пхэндлэ́ дро отпхэныбэн: “Амэ́ сам писха́рья Дэвлэскирэ́, Саво́ исын пэ́ болыбэн и пэ́ пхув, и амэ́ кэра́са нэвэс кхэр, саво́ чхудэ́ бут бэршá палэ́, саво́ чхудя́ баро́ крالی́ Израилёскиро и ёв докончындя́ лэс. ¹² Нэ́ палó дова́, сыр амарэ́ дада́ холякирдэ́ Дэвлэс болыбнаскирэс, Ёв выды́я лэн дро́ Навуходоносороскиро васт, саво́ сыс крالی́ Вавилонóскиро, кон розмардя́ пэ́ котэра́ дава́ Кхэр (Кхангири́) и лыджия́ манушэн криг кэ́ Вавило́но. ¹³ Нэ́ пэ́ пэрво́ бэрш Кираскиро, краліскиро Вавилонóскиро, о крالی́ Кира ды́я упхэныбэн тэ́ кэрэл дава́ Кхэр (Кхангири́) Дэвлэскиро. ¹⁴ И адякэ́-паць кхорэ́ (сасу́ды) сувнакунэ́ и рупувэ́ кхэрэстыр Дэвлэскирэстыр, саво́ о Навуходоносóро лы́я кхэрэстыр Дэвлэскирэстыр, саво́ сыс дро́ Ерусалимо, и саво́ ёв яндя́ дро́ Вавило́но-кодолэ́ сама кхорэ́ о Крالی́ Кира лы́я кханги́рьятыр дро́ Вавило́но; и ёнэ́ сыс ды́нэ́ екхэ́ манушэскэ́ пир лав Шэшбацаро, савэ́с крالی́ чхудя́ барыдырэ́са пэ́ до́я округа. ¹⁵ И пхэндя́ крالی́ лэскэ́: “Лэ́ кадалэ́ кхорэ́, джа́ и лы́джа лэн дрэ́ Кхангири́, со исын дро́ Ерусалимо, и кэрэн нэвэс Кхэр (Кхангири́) Дэвлэскиро пэ́ лэскиро штэ́то.” ¹⁶ Тэньци́ одова́ са́мо Шэшбацаро́ явдя́ и чхудя́

фундаменто тэл Кхэр (Кхангири) Дэвлэскиро, саво исын дро Ерусалимо; и долэ поратыр кэ аканá кэрэна Кхэр (Кхангири) Дэвлэскиро, и ёв нанэ ишчо (инкэ) докончындрло.”¹⁷ И аканá палдава, коли дава тэ явэл мишто ваш крالیскэ, мэк тэ родэн дрэ пиралы, сави исын дро крالیскиро кхэр, одой дро Вавилоно, ци дава исын чачо, со о крáli Кира припхэндя тэ кэрэн дава Кхэр (Кхангири) Дэвлэскиро кэ Ерусалимо, и, коли тэ явэл лачхо крالیскэ, тэ бичхавэл Лэскиро лав амэнгэ пал дава рэндо.

Шэрó 6

Дариёскиро Припхэныбэн

¹ Тэньци о крáli Дариё дья припхэныбэн и обродынэ кхэр, дро саво рахнэ архивна свитки, кай сыс чхудэ кучипэна кэ Вавилоно. ² И дро Актабано, пэ штэто, саво сыс дрэ Мидиякири округа, латхнэ дасаво зачхиныбэн дро свйтко: ³ “Пэ пэрво бэрш, сыр о Кира яця крالیса, ёв дья припхэныбэн пал Кхэр (Кхангири) Дэвлэскиро кэ Ерусалимо: “Мэк тэ кэрэн Кхэр (Кхангири) Дэвлэскиро пэ штэто, кэ саво ёнэ янэна свэнта дыибэна; и мэк лачхэ фундаменты тэ чхувэн пир кадасавэ барипэна: лэскиро вучипэн тэ явэл шовдэша куня, и лэскиро буглыпэн тэ явэл шовдэша куня; ⁴ тэ явэн трин ряды барэ барэндыр, и екх рядо каштунэ матер’ялостыр, соб (кай) тэ плэскирэн пал дава крالیскирэ кхэрэстыр. ⁵ И адякэ-паць сувнакунэ и рупувэ кхорэ Кхэрэстыр Дэвлэскирэстыр, савэ о Навуходоносоро лыя Кхэрэстыр и яндя кэ Вавилоно, соб (кай) тэ отдэн палэ и тэ янэн палэ дро кхэр, саво исын кэ Ерусалимо, пэ лэнгиро штэто и, соб (кай) тэ чхувэн палэ лэн дро Кхэр (Кхангири) Дэвлэскиро. ⁶ Аканá, палдава, Фафнаё (Фафнаё), тхэмэскиро барыдырo пэ округа пал Рэка, и Шэфар-Бознаё, и тумарэ дромэскирэ малá Пёрсы, савэ исын палэ Рэка, рикирэнпэ дурал одотхыр. ⁷ Мэк буты пэ Кхэр (Кхангири) Дэвлэскиро тэ кэрэлпэ дурэдыр; мэк Юдэнгирэ-тхэмэскиро шэралó и Юдэнгирэ пхурыдыра тэ чхувэн дава Кхэр (Кхангири) Дэвлэскиро пэ лэскиро штэто. ⁸ И мэ адякэ-паць дава припхэныбэн пал дова, со тумэнгэ трэй тэ кэрэн ваш Юдэнгирэ пхурыдырэнгэ пэ Кхэр (Кхангири) Дэвлэскиро: мэк тэ плэскирэн пал дая буты крالیскирэ бажынятыр, сави скэдэлапэ манушэндыр дрэ провинция палэ Рэка, дава екхатыр трэй тэ дэн кодолэ манушэнгэ, соб (кай) тэ на тэрдэл дая буты. ⁹ И соб (кай) тэ дэн адакицы, кицы трэй – тэрнэ гуруворэн, бакрэн и бакрорэн тэ янэн цэла хачкирибна Дэвлэскэ болыбнаскирэскэ, и гивны (парно гив), и лонд, и мол (вино). Маслититко дзэт, сыр пхэнэна рашая, савэ исын дро Ерусалимо, соб (кай) тэ дэн лэнгэ со дывэс би зарикирибнаскиро, ¹⁰ соб (кай) ёнэ могоиндрэ тэ янэн гудлэ-кхандыпнаскирэ свэнта дыибэна Дэвлэскэ болыбнаскирэскэ, и соб (кай) ёнэ тэ мангэнпэ Дэвлэскэ пал крالیскиро састыпэн и лэскирэ-чхавэнгиро. ¹¹ Мэ адякэ-паць припхэндём, со, коли вари-кон парувэла миро чхиндрло припхэныбэн, мэк тэ вытырдэн бэрно лэскирэ кхэрэстыр, и тэ чхувэн лэс упрэ, и мэк тэ кэрэн далэ кхэрэстыр груда пхагирдэ-котэрэнгири. ¹² И мэк Дэвэл, Саво кэрдя адякэ, соб (кай) Лэскиро Лав тэ ячэлпэ одой, тэ равэл тэлэ кажнонэ крالیс ци манушэн, коли вари-кон лэндыр тэ газдэл ангил васт тэ парувэл ци тэ пхагирэл дая Кхангири, сави исын дро Ерусалимо. Мэ, Дариё, дыём дава припхэныбнытко статүто, тэ кэрэн добусовэс (кучэс) саро пир лэстэ”.

Кхэр (Кхангири) Кэрдэ и Освэнцындлэ

¹³ Тэньци о Фафэнаё, тхэмэскиро барыдырo, пир округа, со сыс палэ рэка (лэнь), о Шэфар-Бознаё, и лэнгирэ малá добусовэс кэрдэ саро пир дова, со бичхадя тэ кэрэн крáli Дариё. ¹⁴ Адякэ кэрдэ буты пхурыдыра Юдэнгирэ, и лэнгэ удэлэспэ кэ миштыпэн пир Агеёскиро ангилпхэныбэн, кон сыс пророко, и сыр ангилпхэнэлас о Захэрия, чхаво Идоскиро. И ёнэ кэрдэ буты и кончындрэ ла, сыр и припхэндя Дэвэл Израилёскиро, и сыр припхэндлэ Кира, Дариё, Артаксерксо-крáля Персиякирэ. ¹⁵ И акэ, Кхэр (Кхангири) сыс докэрдо пэ трито дывэс дро чхон Адаро, саво сыс дро шовто бэрш, сыр лыя тэ кралинэл крáli Дариё. ¹⁶ И

чхавэ Израилёскирэ, рашая и Левиты, и сарэ явир мануша, кон рися пленостыр, свэнкиндлэ радымаса, со сыс обсвэнцындло Кхэр (Кхангирй) Дэвлэскиро. ¹⁷ И яндлэ ёнэ свэнта дыибэна, кэли свэнцынэнас Кхэр (Кхангирй) Дэвлэскиро шэл гурува, дуйшэла бакрэ штаршэла бакрорэ, дэшудуй бузнэ (козлы), сыр свэнта дыибэн пал Израилё пир дова, со исын дэшудуй рёдыцы Израилёскирэ. ¹⁸ И ёнэ чхудэ рашан пир лэнгирэ-бутякирэ штэты и Левитэн пир бутя дрэ лэнгирэ группы тэ кэрэн буты ваш Дэвлэскэ дро Ерусалимо, сыр чхиндло дрэ Мойзаскири лылварй. ¹⁹ И свэнкиндлэ Патрадй чхавэ Юдэнгирэ, кон сыс дро плéно, пэ дэшустарто дывэс дро пэрво чхон. ²⁰ Пал-дова со э рашая и Левиты жужакирдэ (чыстиндлэ) пэс со кэ ёкх мануш: ёнэ сарэ сыс жужэ. И ёнэ замардэ Патрадйтконэ бакрорэн пал манушэнгирэ чхавэндэ, савэ сыс дро плéно, пал лэнгирэ пшалэндэ, пал рашандэ, и пал пэстэ. ²¹ И ханэ чхавэ Израилёскирэ, савэ рисинэ пленостыр, кхэтанэ сарэ одолэнца, кон дурия ваш пэскэ магирибнастыр, саво гия Наюдытконэ нацыэндыр пэ пхув, соб (кай) тэ родэн древан Рас-Дэвлэс, Дэвлэс Израилёскирэс. ²² И ёнэ кэрдэ опреснокэнгиро Свэнко пэ эфтá дывэса радымаса, пал-дова со Рай Дэвэл обрадындя лэн, и Ёв рискирдя ило кралискиро Асириятыр кэ ёнэ, тэ зоралякирэн лэнгирэ вастá дрэ буты пэ Кхэр (Кхангирй) Дэвлэскиро, Дэвлэскирэ Израилёскиро.

Шэро 7

Ёзра Явэла дро Ерусалимо

¹ Аканá, палó (после) вари-кицы бэршá, сыр дава кэрдяпэ, кэли кралиндя Артаксёрксо, крали Персиякиро, о Ёзра, чхаво Сэраияскиро, чхаво Азарияскиро, чхаво Хелкиякиро, ² чхаво Шалумоскиро, чхаво Садокоскиро, чхаво Ахитувоскиро, ³ чхаво Амарияскиро, чхаво Азарияскиро, чхаво Мараёфоскиро, ⁴ чхаво Захарияскиро, чхаво Узияскиро, чхаво Букиёскиро, ⁵ чхаво Абишуёскиро, чхаво Финехасоскиро, чхаво Елизароскиро, чхаво Ароноскиро, кон сыс барыдыр рашай ⁶ дова само Ёзра гия Вавилоностыр. Ёв сыс сыклякирдо сыр лылварйтко пир Мойзаскиро Зако́но, саво Рай Дэвэл Израилёскиро дья. О крали дья саро лэскэ, со ёв мангдя, пир дова, со Раскирэ-Дэвлэскиро васт сыс пэ лэстэ. ⁷ И гинэ лэса вари-савэ чхавэ Израилёскирэ, и рашая, и Левиты, и багаибнаскирэ, и стрэгарья паш-вударэнгирэ, и Нефинэи дро Ерусалимо дрэ эфтáто бэрш, сыр кралиндя Артаксёрксо. ⁸ И о Ёзра явдя дро Ерусалимо дро пэнджто чхон, дро эфтáто (битринэнгиро дэш) бэрш кралискиро. ⁹ Пал-дова со ёв дьяпэ дро дром Вавилоностыр пэ пэрво дывэс дро пэнджто чхон, и ёв явдя дро Ерусалимо пэ пэрво дывэс пэ пэрво чхон, пир дова со лачхо васт Дэвлэскиро сыс пэ лэстэ. ¹⁰ Пал-дова со о Ёзра рискирдя пэскиро ило тэ сыклёл Зако́но Дэвлэскиро, и тэ рикирэлпэ кэ Зако́но, тэ сыклякирэл дро Израилё. ¹¹ Давá исын копия лылэскири, саво дья крали Артаксёрксо Ездаскэ, рашаскэ, кон сыс лылварйтко, кон сыклякирдя лавэнгэ Раскирэ-Дэвлэскирэ припхэныбэндыр (заповёдендыр) и лэскирэ законэндыр дро Израилё:

О Артаксёрксо Дэла Лыл Ездаскэ

¹² “Артаксерксоостыр, саво исын крали кральэндыр, Ездаскэ рашаскэ, саво исын лылварйтко пир Зако́но Дэвлэскирэ болыбнаскиро: рамáнэ (миро) тумэнгэ аканá. ¹³ Мэ припхэнава, соб (кай) сарэ одолэ, савэ исын мануша Израилёскирэ, и рашая, и Левиты дро миро кралитко тхэм, кон камэла пир пэскири воля тэ джал дро Ерусалимо, -мэк ёнэ тэ джан туса. ¹⁴ И пал-дова, со тут бичхавэла крали и лэскирэ эфтá советники (юнкары), соб (кай) тэ роспхучэн пал рэндэ дрэ Юдэя и дро Ерусалимо пир тырэ Дэвлэскиро Зако́но, савй копия исын дро тыро васт; ¹⁵ и соб (кай) тэ янэс руп и сувнакай, савэ о крали и лэскирэ юнкары дынэ пэскирэ илэстыр Дэвлэскэ Израилёскирэскэ, Савэскиро кхэр исын кэ Ерусалимо; ¹⁶ и саро руп, и сувнакай, со тумэ могоинэна тэ латхэн дрэ округа Вавилоноскири, на гинь свэнта дыибэна, савэ дынэ пэскирэ илэстыр э мануша, и рашая, кон янэла пэскирэ илэстыр ваш

Кхэр (Кхангири) лэнгирэ Дэвлэскиро кэ Ерусалимо, ¹⁷ аканá палдава́ кин сы́гэс пэ далé ловé гурувэн, бакрэн и бакрорэн кхэтанé лэнгирэ свэнтонé дыибнаса гивэстыр и лэнгирэ тхадунэ свэнтонé дыибнаса, и ян лэн пэ алтáрё дро Кхэр (Кхангири) тумарé Дэвлэскиро кэ Ерусалимо. ¹⁸ И со явэла лачхэс пир тыри́ годы́ и тырэ-пшалэскири тэ кэрэн одолé рупэса и сувнака́са, со ячэлапé, кэрэн пир во́ля тумарé Дэвлэскири. ¹⁹ И кхорé (сасу́ды), со дынэ́ тукэ́, соб (кай) лэнца́ тэ дынаринэн дро Кхэр (Кхангири) Дэвлэскиро, ян ангил Дэвлэстэ Ерусалимоскирэстэ. ²⁰ И дова́ яви́р, со явэла трéй ваш Кхэр (Кхангири) тырэ́ Дэвлэскиро, и со ту янэса пир Пэскири годы́, отдé/плэскир пиралы́тыр дро кхэр Кралы́скиро. ²¹ И мэ, крáli Артаксёрксо, аканá дава́ припхэныбэн сарé ракхибнаскирэнгэ пэ пиралы́, савé исын палэ рэка́ (лэнь), со ко́ли Ездраскэ́, кон исын раша́й и лылваритко́ пир Зако́но Дэвлэскиро, Саво́ исын пэ болыбэн, явэла вари-со трéй, соб (кай) тэ дэн лэскэ́ саро́, ²² кэ екх шэл талáнты руп, кэ екх шэл мэры парно́ гив кэ екх шэл баты мол (вино), кэ екх шэл баты оливитко́ дзэт, и лонд би меракиро. ²³ Со тэ на припхэнэл Дэвэл болыбна́скиро, соб (кай) тэ кэрэн сыр трéй ваш Кхэр (Кхангири) Дэвлэскиро, Саво́ исын пэ болыбэн. Ваш одова́, соб (кай) тэ на явэл Лэскири бари холы́ пэ кралы́скири тхэм, и лэскирэ́ чхавэндэ́. ²⁴ Адя́кэ-пацэ́ амэ пхэна́са тумэнгэ́, со дава́ явэла на пир зако́но тэ зачхувэн тэ плэскирэн нами́рья, мыто́ и такса́ раша́н, Левитэн, багаибнаскирэн, стрэгарьён пашвударэнгирэн, Нефинеён, ци вари-савé дынарьён дро Кхэр (Кхангири) Дэвлэскиро. ²⁵ И ту, Ездра, пир годыпэн, со Дэвэл дыя́ тукэ́, чхув дрэ зор барыдырэн [барé сэндарьён-ю.о.], сэндарьён, савé мого́нэнас тэ сэндякирэн пир чачипэн сарé манушэн, кон исын дрэ округа́ палэ рэка́ (лэнь), сарэн кадасавэн, кон джинэ́ла зако́ны тумарé Дэвлэскирэ́, и сыклякирэн одолэн, савé на джинэ́на лэн. ²⁶ Ко́ли вари-кон на явэла тэ кэрэл саро́ пир Зако́но тумарé Дэвлэскиро, и пир зако́но кралы́скиро, мэ́к тэ сэндякирэн пхарэ́с лэс, ци пэ мэрибэн, ци тэ традэн лэс яври́ тхэмэстыр (странатыр), ци пэ конфиска́цыя маёнкоскэ́, ци дро штарибэн.”

Ё́зра Барьякирэ́ла Дэвлэ́с

²⁷ “Мэ́к тэ явэл бахтякирдó Рай Дэвэл, Дэвэл амарé-дадэнгиро, Саво́ чхудя́ кадасави дума дро кралы́скиро ило́, соб (кай) тэ шука́рьякирэн Кхэр (Кхангири) Ра́скирэ-Дэвлэскиро, саво́ исын кэ Ерусалимо; ²⁸ И Саво́ рискирдя́ лачхэ́-илы́ткима кэ мэ ангил кралы́стэ́ и лэскирэ́ советникэндэ́ (юнкарэндэ́), и ангил зор тхагарьэндэ́ кралы́скирэ́. И мэ, Ё́зра, яцём зоралэды́р дро дү́хо (фа́но), адя́кэ сыр васт Ра́скирэ-Дэвлэскиро, мирé Дэвлэскиро сыс пэ ма́ндэ́, и мэ скэдыём сарé Израилёскирэ́ шэралé му́ршэн, соб (кай) ё́нэ́ тэ джа́н ма́нца.”

Шэ́ро 8

Савэ́ Сэм’и Рисинé Ездраса́ дро Ерусалимо

¹ Акэ́, и сын шэралé пэ стрéчы /лэнгирэ-дадэнгирé ро́ды (поколении), и, акэ́, исын зачхиныбэн пал ро́до дрэ родэнгири матри́я (лылвары́ пал ро́до) пал ко́долэндэ́, кон гия́ ма́нца Вавилонóстыр, кели́ кра́линдя́ о кра́ли Артаксёрксо: ² о Гирсоно́ [Герша-ю.о.], Финхасоскирэ́ чхавэндыр; о Даниéлэ, Ифамароскирэ́ чхавэндыр, о Хатушо́, Давидóскирэ́ чхавэндыр; ³ о Заха́рия, Шэ́ханияскирэ́, Парошоскирэ́ чхавэндыр, и лэ́са сыс шэл тэ пандждэ́ша́ му́рша́, савé сыс зачхиндлэ́ дрэ родэнгири матри́я; ⁴ о Э́льего́наё́, чхаво́ Зе́рахияскиро, Па́хав-Моавэнгирé чхавэндыр, и лэ́са сыс дуй шэ́ла́ му́рша́; ⁵ о чхаво́ Я́хазило́скиро, Шэ́ха-нияскиро чхавэндыр, и лэ́са сыс трин шэ́ла́ му́рша́; ⁶ о Евéдо, чхаво́ Иона́фаноскиро, Ади́носкирэ́ чхавэндыр, и лэ́са сыс пандждэ́ша́ му́рша́; ⁷ о Иеша́ия, чхаво́ Афали́яскиро, Ела́москирэ́ чхавэндыр и лэ́са сыс э́фтадэ́ша́ му́рша́; ⁸ Зе́ваде́я, чхаво́ Михаило́скиро, Шэ́фатияскирэ́ чхавэндыр, и лэ́са сыс охтодэ́ша́ му́рша́; ⁹ о Ова́дия, чхаво́ Ехиелё́скиро, Иавоскирэ́ чхавэндыр, и лэ́са сыс дуйшэ́ла́ тэ дэ́шуохто́ му́рша́; ¹⁰ о чхаво́ Шэ́ломи́фоскиро, чхаво́ Ё́зафаё́скиро, и лэ́са сыс шэл тэ охтодэ́ша́ му́рша́; ¹¹ о Заха́рия, чхаво́ Бе́ваё́скиро, Бе́баё́скирэ́ чхавэндыр, и лэ́са сыс бэ́ш тэ охто́ му́рша́; ¹² о Иохана́но, чхаво́

Гакатаноскиро, Азгадоскирэ чхавэндэр, и лэса сыс шэл тэ дэш муршá; ¹³ Адоникамоскирэ чхавэндэр – палатунэ, конэскирэ лавá исын: о Елифелэто, о Иеилё, и о Шэмая – и лэнца сыс шовдэшá муршá; ¹⁴ Бигваёскирэ, Уфаёскирэ, и Забудоскирэ чхавэндэр, и лэнца сыс эфтадэшá муршá:

Дына́рья ваш Кхэр (Кханги́ри) Дэвлэскири

¹⁵ И мэ, Ё́зра, скэдыём лэн кхэтанэ пашы́л рэка (лэнь), сави́ тхадэ́ла дрэ Агава; и одой амэ росчхудям таборо (лод) пэ трин дывэса́: и мэ обдыкхцём сарэ манушэн и рашан, и мэ на латхём ниекхэс Левиёскирэ чхавэндэр. ¹⁶ Тэньци мэ бичхадём, соб (кай) тэ кхарэн Елиэзэрос, Ариэлёс, Шэмаяс, Бинафанос, Яривос, Элнафанос, Нафанос, Захарияс, и Мешуламос, савэ сыс шэралэ манушá; и тэ кхарэн Иоярифос, и Элнафанос, савэ сыс барэ-годякирэ манушá. ¹⁷ И мэ бичхадём лэн мирэ лавэса кэ Идо, саво сыс шэралэ пир штэто Касифия, и мэ пхэндём лэнгэ, со тэ пхэнэн Идоскэ, и лэскирэ пшалэнгэ Нефинеэ́нгэ пэ штэто Касифия, соб (кай) ё́нэ тэ янэн помогибнаскирэн рашаскирэн тэ дынаринэн дро Кхэр (Кханги́ри), амаро Дэвлэскиро. ¹⁸ Ады́кэ, сыр амарэ-Дэвлэскиро лачхó васт сыс пэ амэ́ндэ, то ё́нэ яндлэ амэ́нгэ барэ – годякирэ манушэ́с Махлияскирэ чхавэндэр, чхавэ́с Левиаскирэс, чхавэ́с Израилёскирэс пир лав Шэре́вия; и лэскирэ чхавэнца, и лэскирэ пшалэнца, дэшуохто манушá; ¹⁹ и Хашавияс, и лэса Иешаияс, Мэрарискирэ чхавэндэр, лэскирэ пшалэн и лэскирэ чхавэн, биш манушá; ²⁰ и ады́кэ-паць Нефинеэ́ндыр, конэс о Дави́до и шэралэ чхудэ́ дрэ зор тэ дынаринэн (тэ служынэн) Левитэ́нгэ, дуй шэла́ тэ биш Нефинéи: ка́жно ману́ш лэ́ндыр сыс вы́ххардо пир лав.

Посто и Па́тери пал Дыно́ Васт

²¹ И пхэндём мэ зоралэс ангил манушэ́ндэ, соб (кай) тэ постинас пашы́л рэка (лэнь) Агава, соб (кай) тэ тыкнякирас пэс дрэ амарэ́ илэ ангил амарэ́ Дэвлэстэ́, тэ вымангас Лэ́стыр бахталó дром амэ́нгэ и амарэ́ тыкнэ́нгэ, и ваш саро́ амаро́ миштыпэн. ²² Пал-до́ва со мэ ладжандыём тэ мангав крали́стыр стрéга халадэ́ндыр и уклистэнгирэ́ рулдэ́ндыр тэ ра́кхэн амэн дромэ́са проти вэ́ргэ́ндэ, пал-до́ва со амэ́ пхэндям крали́скэ, ра́кири: “Амарэ́-Дэвлэскиро васт исын ваш лачхипэн сарэнгиро, кон родэ́ла Лэ́с, нэ́ Лэ́скири зор и Лэ́скиро ми́жэхипэн пэ́рэна пэ́ одолэ́ндэ, савэ́ мэкэ́на Лэ́с.” ²³ И амэ́ постиндям и амэ́ мангдям Лэ́с, и Ё́в отпхэ́ндя́ пэ́ амаро́ мангипэн.

Да́ры ваш Кхэр (Кханги́ри)

²⁴ И мэ выкэдыём дэшудуен барыдырэн пэ рашандэ́ Шэре́вияс, и Хашавияс, и дэш пшалэн лэнгирэн – ²⁵ и мэ убладём (отважы́ндём) лэ́нгэ руп, сувнака́й, и хор кхорэ́ (сасу́ды), свэ́нта дыибэ́на́ ваш Кхэр (Кханги́ри) Дэвлэскиро, со я́ндлэ́ кра́ли, и лэ́скирэ́ юнкары́ (советники́), и лэ́скирэ́ тхага́рья (кня́зи), и сарэ́ манушá Израилё́стыр, кон сыс. ²⁶ И мэ убладём дрэ лэнгирэ́ вастá шов шэла́ тэ пандждэ́шá таланты́ руп, рупувэ́ кхорэ́ (сасу́ды), савэ́ важы́ндлэ́ шэл таланты́, ё́кх таланто́ сувнака́й, ²⁷ биш сувна́кунэ́ хор та́хтая́ (чашы́), со сыс мол екх бар драхмы́, дуй кхорэ́ шука́ронэ́ харкома́тыр, сави́ хачо́лас, и сыс дро́го сыр сувнака́й. ²⁸ И мэ пхэндём лэ́нгэ: “Тумэ́ сан вы́свэнцы́ндлэ́ Ра́скэ-Дэвлэ́скэ; и кхорэ́ ады́кэ-паць исын об́свэнцы́ндлэ́; и руп и сувнака́й, со я́ндлэ́ илэ́стыр Ра́скэ-Дэвлэ́скэ, Дэвлэ́скэ тумарэ́ да́дэнгирэ́скэ. ²⁹ Ды́кхэн цямкэ́с (дуге́ якхэ́нца) и ра́кхэн лэн ангил до́ва, сыр тумэ́ убла́вэна (отважы́нэна) лэн ангил шэралэ́ндэ́ рашангирэ́́ндэ́, Левитэ́́ндэ́, и ангил шэралэ́́ндэ́ пэ́ стрэ́чы /тумарэ́-да́дэнгирэ́́ ро́ды (по́коления́) Израилё́́стыр дро́ Еру́салимо́, дрэ́ пиралы́́тка ко́мо́ры дро́ Кхэр (Кханги́ри) Ра́скирэ́-Дэвлэ́скиро.” ³⁰ И ра́шáя и Леви́ты́ до́рэснэ́ руп, сувнака́й, и кхорэ́ пир убла́ибэн, соб (кай) тэ я́нэн лэн кэ́ Еру́салимо́ дрэ́ амарэ́́ Дэвлэ́скиро́ Кхэр (Кханги́ри).

Дром пэ Ерусалимо

³¹ Тэньци амэ дьямпэ дро дром рэкатыр (лэнятыр) Агаватыр пэ дэшудуйто дывэс дро пэрво чхон, тэ джас пэ Ерусалимо. И сыс васт Дэвлэскиро пэ амэндэ, и Ёв зракхэлас амэн вэргоскирэ вастэстыр, и кадасавэ манушэндыр, савэ подракхэнас тэ замарэн пэ дром. ³² И амэ явдям дро Ерусалимо и яцямпэ одой трин дывэса. ³³ И пэ штэрто дывэс руп, сувнакай, и кхорэ (сасуды) сыс убладэ пэ убладытка (весы) Меремофоскирэ вастэса, кон сыс чхаво рашаскирэ-Урияскиро; и сыс лэса Елизаро (Елеазаро), чхаво Финехасоскиро, и сыс лэнца Левиты: Ёзавадо, чхаво Ёшуаскиро, Ноадия, чхаво Винуёскиро; ³⁴ Саро сыс пиригиндло, пириубладо, и саро пхарипэн (весо) дрэ таланты сыс зачхиндло пэ штэто адай. ³⁵ Э чхавэ кодолэнгирэ, конэскирэн дадэн лыджинэ дро плéно, савэ явнэ пленóстыр, яндлэ цэла схачкирибнаскирэ свэнта дыибэна Израилёскирэ Дэвлэскэ: дэшудуй гурувэн пал саро Израилё, еня дэша шов бакрэ, эфтадэша эфта бакрорэ и дэшудуй бузнэ (козлы) сыр свэнто дыибэн пал грэхо. Саро дава сыс цэлонэс тэ хачкирэн сыр свэнто дыибэн Рáскэ-Дэвлэскэ. ³⁶ И ёнэ подынэ кралёскирэ припхэныбэна кралёскирэ барэдырэнгэ дрэ округа, и шэралэ рангэ дрэ доя пхув, со исын пэ дая риг рэакири (лэнякири). И ёнэ кэрдэ патыв манушэнгэ и Кхэрэскэ (Кхангирьякэ) Дэвлэскирэскэ.

Шэрó 9

Э Юды дро Плéно Лынé Нэюдытконэ Джувлén

¹ Аканá, кэли сарэ далэ рэндэ сыс кэрдэ, явнэ кэ мэ, кэ Ёзра, э лыджаибна́скирэ (шэрэ манушá), пхэны: “Израилёскирэ манушá, и рашая, и Левиты, на мэкнэ пэскирэ Наюдытконэ манушэн кхэтанэ лэнгирэ джунгалыпнаса (брыткимаса): Хананеэндыр Хетеендыр, Ферезеендыр, Евусеендыр, Амонитянэндыр, Моавитянэндыр, Египтянэндыр и Амореендыр. ² Ёнэ лынэ пэскэ лэнгирэ чхаён и ваш пэскирэ чхавэнгэ, и свэнто рат дрэ Дэвлэскиро рóдо змешындяпэ явирэ-манушытконэ нацыэнца пэ долэ пхувья, и чачэс, тхагарьёнги́ро и тхэмэскирэ-барыдырэнги́ро васт лыджия́ явирэн кэ чорипэн.” ³ И кэли мэ шундём дава, то мэ кусцём мирí йдя, и шални́ро (пальто), и мэ рискирдём балá мирé шэрэстыр и чхорэндыр (бродатыр), и мэ sóмас бэштó дрэ бари дар. ⁴ Тэньци кажно мануш, кон издрандыя лавэстыр Израилёскирэ Дэвлэстыр, пал-дова со напатяибнытка сыс одолэ, савэ сыс дро плéно, и мэ sóмас бэштó дрэ бари дар ангíл дова, сыр яндлэ бэльвэлякиро свэнто дыибэн. ⁵ Пэ бэльвэлякиро свэнто дыибэн мэ уштыём постостыр, и дрэ роскушны йдя и шални́ро, мэ пыём пэ чанга́ и диндыкирдём мирé вастá кэ Рай Дэвэл, миро Дэвэл, ⁶ и пхэндём мэ: “О миро Дэвла! Мэ ладжава и мангэ нанэ му́ршкипэн тэ газдав миро муй кэ Ту, миро Дэвла; пал-дова со амарó чорипэн газдыя́пэ вучэды́р амарé шэрэндыр, и амарí банг бария кэ болыбэн. ⁷ Амарé-дадэскирэ дывэсэндыр кэ дава дывэс амэндэ исын бари банг. Пал амарó чорипэн амэ, амарé крáлья, амарé рашая, пыям дрэ Кральёнги́рэ вастá явирэ тхэмэндыр, кон тэл куртáла, кон дро плéно, конэс росчордэ, конэс ладжакирдэ, сыр исын ададывэс. ⁸ И, аканá, пэ набарó цы́ро (часо) амарó Рай Дэвэл, амарó Дэвэл сыкады́ лáска, со Ёв дыя́ амэнгэ, ячкирдэ манушэнгэ, тэ ячаспэ джидэ, и со Ёв дыя́ амэнгэ бидарипнаскиро штэто тэ скэдас зор пэ Лэскиро свэнто штэто, соб (кай) Ёв, амарó Дэвэл, могоинэлас тэ дэл дуд (свэто) амарé якхэнгэ, соб (кай) тэ дэл амэнгэ нáбут тэ отджидёвав дрэ амарí наволя. ⁹ На дыкхí пэ дова, со амэ сам писхáрья, сароéкх Ёв, амарó Дэвэл, на мэкця́ амэн дрэ амарí наволя; нэ Ёв рискирдя́ кэ амэ лáска Персиякирэ Кральёндыр, соб (кай) амэнгэ тэ отджидёвас тэ газдас Кхэр (Кханги́ри), амарé Дэвлэскиро, тэ подкэрас лáкирэ ру́ины, и тэ дэл амэнгэ вáнта тэ зракхаспэ дрэ Юдэя́ и дро Ерусалимо. ¹⁰ И аканá, со амэнгэ тэ пхэнас, Дэвла амарó, пал сарó дава? Пал дова, со амэ ж мэкця́м Тырэ упхэныбэна́, ¹¹ савэ Ту припхэндян амэнгэ пир Тырэ пророкэндэ, пхэны: ‘Пхув, пэ савí тумэ заджана́ тэ лэн пэскэ ла, исын магирды́ джунгалыпнаса, савья́ магирдэ́ явир манушы́тка на́цыи лэнгирэ́ накуч рэндэнца, савэнца ёнэ пхэрдякирдэ́ ла екхэ́ ягорóстыр (краёстыр) кэ́ явир пал лэнги́ро

биладжакуно кэрибэн.”¹² Тэды пхэндян жа Ту пир Тырэ пророкэндэ, соб (кай) амэ тэ на дас амарэ чхаён сыр ромнён пал лэндэ, и, соб (кай) амэ тэ на лас амэ лэнгирэ чхаён ваш амарэ чхавэнгэ. Соб (кай) амэ никели и тэ на родас лэнгиро раманё (миро) ци лэнгиро лачхипэн ваш дова, соб (кай) амэ могоинасас тэ явас зоралэ, и тэ чалякираспэ лачхипнаса лэнгирэ пхувьятыр, и тэ ячкирас ла сыр мэкно миштыпэн амарэ чхавэнгэ пэ сарэ веки.’¹³ И палó сарó (после) дава, со явдя пэ амэндэ пал сарэ амарэ чорэ рэнды, и пал сарí амарí бари банг, дыкхí, со Ту, Дэвла амарó, сэндякирдян амэн на адякэ пхарэс, кицы амэ самас бангэ, и Ту зракхцян амэнгэ адакицы манушэн, –¹⁴ Наушто (неужэли) амэ нэвэстыр яваса тэ на кандас Тырэ припхэныбэнá, и яваса тэ кхэтаныкираспэ кадалэ накучонэ манушйтконэ нацыэнца? Ци на холясоса Ту пэ амэндэ пэ адакицы, со Ту хасякирэса амэн, соб (кай) ниéкх тэ на зракхэлпэ, и никон тэ на ячэлпэ джидó? ¹⁵ О, Раё Дэвла! Дэвла Израилёскиро, Ту сан чачипнаскиро! Ту ж ячкирдян амэн тэ дживас, сыр дава исын кэ ададывэс. Акэ, амэ сам ангил Түтэ амарэ чорипнаса; пал-дова со пал дова сарó амэнгэ нашты тэ тэрдёвас ангил Түтэ.”

Шэрó 10

Э Юды Пленóстыр Приджиндлэ Напатяибнытко Ромипэн

¹ Аканá, сыр о Ёзра мангэласпэ Дэвлэскэ, и сыр Ёв приджинэлас лэнгирэ грéхи, ровí и пэри шэрэса ангил Кхэр (Кхангирí) Дэвлэскиро древán бут манушá скэдынэпэ: муршá, джувля и бияты Израилёскирэ, ёнэ тэрдинэ екх пашыл екхэстэ, ёнэ адякэ-паць рондлэ киркэс. ² И о Шэхания, екх чхавó Иехиилоскиро, Еламоскирэ чхавэндэр, отпхэнэлас, и пхэндя Ёздраскэ: “Амэ кэрдям чорипэн ангил амарэ Дэвлэстэ, и амэ лыям джувлэн пэскэ Наюдытконэ нацыэндэр, савэ сыс чужонэ-манушйтконэ нацыэндэр, нэ аканá усаэкх исын надéя ваш Израилё дро дава рэндо.” ³ И аканá счхуваса Завэто амарэ Дэвлэса, соб (кай) тэ мэкэн криг сарэ джувлэн, и кодолэн, кон бияндыя лэндыр пир лав амарэ Дэвлэскиро и пир одолэнгирэ лавá, савэ дарэна амарэ Дэвлэскирэ припхэныбэндэр, и мэк тэ явэл кэрдó пир законо. ⁴ Тэрдёв пэ гэрá! Пал-дова со кадава рэндо исын дрэ тырэ вастá: амэ адякэ-паць яваса туса. Рикирпэ муршканэс и кэр дава.” ⁵ Тэньци тэрдия пэ гэрá Ёзра и зачхудя шэралэн пэ рашандэ, пэ Левитэндэ, и пэ сарó Израилё тэ дэн совлах, со ёнэ кэрэна пир дава лав. ⁶ И ёнэ дынэ совлах. И тэрдия пэ гэрá Ёзра ангил Кхэр (Кхангирí) Дэвлэскиро, и гия дро кхэр Иохананоскиро, кон сыс Елияшывоскиро чхавó. И кэли ёв сыс одóй, ёв на хая, и на пия, пал-дова со ёв тугиндя ясвэнца пал одолэнгири банг, савэ сыс дро плéно. ⁷ И пхэндлэ ёнэ дая звесь (зан) зоралэс ангил манушэндэ дрэ Юдэя, и дро Ерусалимо сарэнгэ, кон сыс дро плéно, соб (кай) ёнэ тэ кэдэнпэ дро Ерусалимо, ⁸ и со, кóли вари-кон на явэла пир трин дывэсá, то, соб (кай) сарó лэскиро миштыпэн тэ явэл конфисковиндло пир лав тхагарьэндэр и пхурыдырэндэр, а кхэтаныпэн манушэнгиро, кон сыс дро плéно, тэ чхувэл лэс яврí. ⁹ И кэдэнапэ сарэ манушá Юдэятыр и Веньяминоскирэ пхувьятыр пал трин дывэсá. Давá сыс дро енято чхон, пэ бишэнгиро дывэс дро дова чхон, и сарэ манушá сыс бэштэ яврí пэ форуны (плóшча) ангил Кхэр (Кхангири), Дэвлэскиро, издраиндой далэ бангипнастыр и барэ брышындэстыр. ¹⁰ И Ёзра, о рашáй, уштыя и пхэндя лэнгэ: “Тумэ кэрдэ напатяибныткэс и тумэ лынэ пэскэ джувлэн явирэ-тхэмэскирэ нацыэндэр, и далэса тумэ кэрдэ барэдыр банг Израилёскири. ¹¹ И аканá приджинэнпэ ангил Растэ-Дэвлэстэ тумарэ-дадэнгирэ, и кэрэн пир Лэскири воля. Дурьякирэн пэс явирэ-манушйтконэ нацыэндэр и явирэ-тхэмэскирэ джувлэндэр.” ¹² И отпхэндя сарó лэнгиро скэдыибэн зоралэ заняса: “Чачó! Амэ сом бангэ тэ кэрас, сыр ту пхэндям. ¹³ Нэ исын адакицы бут манушá; и, гáда, исын часо (цыро) тэ дэл зоралó брышынд, и дава нашты тэ тэрдён яврí. Априч дава, дава рэндо на кэрэлапэ пал екх ци дуй дывэсá, пал-дова со амэ сам адакицы бут манушá, савэ кэрдэ чорипэн пир дава рэндо. ¹⁴ Мэк аканá амарэ барыдырá тэ тэрдён пал сарэндэ, и мэк одолэ сарэ, кон лыя явирэ-тхэмэскирэ джувлэн пир амарэ фóрья, тэ явэн кэ упхэндлó часо, и тэ явэн лэнца пхурыдырá кажнóнэ фóростыр, и тэ явэн адякэ-паць сэндáрья пэ адакицы

бут ангил дова, сыр бари холы амарэ Дэвлэскири тэ рисёл амэндэр пал дава рэндо.”¹⁵ Фэни (тока) о Ионафано, чхаво Асаилоскиро, и о Яхзэия, чхаво Фихваскиро, тэрдинэ проти дава, и о Мешуламо, и о Левито Шамфаё [Шабетаё-ю.о.], подрикирдэ лэн.¹⁶ И одолэ, кон явдя пленостыр, кэрдэ адякэ. И о Ёздра, рашай, кхэтанэ шэралэнца пэ стрэчы /лэнгирэ-дадэнгирэ рёды (поколении), савэ сыс выкэдынэ пир дадэнгирэ рёды (стрэчы), кажно сыс кхардо пир лав. Пэ пэрво дывэс дро дэшто чхон бэшнэ ёнэ тэ выпхучэн ёкх явирэстыр пал дава рэндо.¹⁷ И пэ пэрво дывэс дро пэрво чхон ёнэ кончындрэ тэ пхучэнпэ манушэндэр, кон лыя пэскирэ джувлэн явирэ-манушытконэ нацыэндэр.

Наюдытконэ-Нацыэгирэ Джувлэн Мэкнэ

¹⁸ И латхнэ машкир рашангирэ чхавэндэ кодолэн, савэ лынэ джувлэн Наюдытконэ нацыэндэр: Исусоскирэ (Ёхошуаскирэ) чхавэндэр, кон сыс Иоседэкоскиро чхаво, и лэскирэ пшалэндэр: Маасея, Елиезэро, Яриво и Гедалия.¹⁹ И ёнэ дынэ васта сыр совлах, со бичхавэна криг лэнгирэ джувлэн, и со ёнэ янэна бакрэс стадатыр сыр лэнгиро свэнто дыибэн пал чорэ рэнды.²⁰ И Имэроскирэ чхавэндэр: Хананиё и Зевадия;²¹ И Харимоскирэ чхавэндэр: Маасея, Елия, Шэмаия, Иехиило, и Узия;²² Пашхуроскирэ чхавэндэр: Елиознаё, Маасея, Исмаило, Нафанаило, Иозавадо и Эласа.²³ И Левитэндэр: Иозавадо, Шымее, Келаия (ёв адякэ-паць сыс Клита); Пафахия, Юда, и Елиезэро.²⁴ И багаибнаскирэндэр: Елияшыво. И паш-вударэнгирэ стрэгарьэндэр: Шалумо, и Телемо, и Уриё.²⁵ И явир Израилэскирэндэр: Парошоскирэ чхавэндэр: Рамаия, и Изия, и Малхия, и Миямино, и Елизаро (Елеазаро), и Малхия, и Венаия.²⁶ И Еламоскирэ чхавэндэр: Матфания, Захэрия, Иехиэлэ, и Авдиё, и Еремофо, и Елия.²⁷ И Зафускирэ чхавэндэр: Елиознаё, Елияшыво, Матфания, и Иремофо, и Завадо, и Азиза.²⁸ И Беваёскирэ чхавэндэр: Иохонано, Ханания, Забваё, и Афлаё.²⁹ И Ваниёскирэ чхавэндэр: Мешуламо, Малухо, Адая, Яшуво, Шэало, и Иерамофо.³⁰ И Пахаф-Моавоскирэ чхавэндэр: Адна, Хелало, Венаия, Маасея, Матфания, Веселеило, Бинуё, и Манасия.³¹ И Харимоскирэ чхавэндэр: Елиезэро, Ишыя, Малхия, Шэмаия, Симеоно (Семёно),³² Вениамино, Малухо, Шэмария.³³ И Хашумоскирэ чхавэндэр: Мафнаё, Мафафа, Завадо, Елифелэто, Еремаё, Манасия, и Шымее.³⁴ Ваниёскирэ чхавэндэр: Маадаё;³⁵ Бенаия, Бидья, Келуги;³⁶ Ванея, Меремофо, Елиашыво,³⁷ Матфания, Мафнаё, Ясаё, –³⁸ Ваниё, Бинуё, Шымее;³⁹ Шэлэмия, Нафано, Адаия;⁴⁰ Махнадбаё, Шашаё;⁴¹ Азариэлэ, Шэлэмиягу, Шэмария;⁴² Шалумо, Амария, и Ёза (Иосифо);⁴³ И Невоскирэ чхавэндэр: Иеилэ, Матфия, Завадо, Зевина, Иаедаё, Иоэлэ, и Бенаия.⁴⁴ Сарэ кадалэ лынэ пэскэ джувлэн явирэ-тхэмэскирэ нацыэндэр, и сыс машкир лэндэ джувля, савэндэ сыс бияты (чхаворэ).

Ниемияскири Лылварі

Шэрó 1

Ниемия Мангэлапэ пал Лэскирэ Манушэндэ

¹ Лавá Ниемияскирэ ^[1], Ахалииноскирэ чхавэскирэ. Дро чхон Кислев, дро бишто бэрш, сомас мэ кэ Сузы, дро шэрутно форо [краліскири фэлэтин-ю.о.].² И явдя о Ханани, екх мирэ пшалэндэр, ёв и вари-кицы мануша Юдэятыр. И пхуцёмпэ мэ лэндэр пал Юдэндэ, савэ ячнэпэ джидэ пленостыр, и пал Ерусалимо.³ И пхэндлэ ёнэ мангэ: “Ячадэ мануша, савэ ячнэ джидэ пленостыр, исын одой, дро лэнгиро тхэм, дрэ бари бйда и дрэ напатыв; ванта Ерусалимоскири исын пхагирды, и порты лэскирэ исын хачкирдэ ягаса.”⁴ Сыр мэ шундём, мэ бэсцём и зарондём, и сомас мэ дрэ туга адакицы дывэса, рикирдём мэ бокхало посто и мангдёмпэ ангил болыбнаскирэ Дэвлэстэ,⁵ и ракиравас мэ: “Раё Дэвла, болыбнаскиро, Дэвла баро и трашадо, Саво рахэла завето и ласка кэ сарэ, савэнгэ Ту сан дрого, и савэ

рикирна Търэ припхэныбэна! ⁶ Тэ явэн Търэ канá и якхá Търэ откэрдэ, соб (кай) тэ шунэс пáтери (молítва) Търэ писхарискири, савьяса мэ мангавтэ ангíл Тútэ аканá рат и дывэс пал Израилёскирэ чхавэндэ, Търэ писхарьендэ, и пригалёвавпэ мэ дрэ грéхи Израилёскирэ чхавэнгирэ, савэнца кэрдям амэ грéхо ангíл Тútэ, грешындям – и мэ и мирé-дадэскиро кхэр. ⁷ Амэ яцям дошалэ ангíл Тútэ, и на зракхцям припхэныбэна и статúты (уставы) и сыклякирибэн, савэ Ту припхэндян о Мойзáскэ, Търэ писхарýскэ. ⁸ Нэ рýпир лав, савó Ту дыян дро припхэныбэн Мойзáскэ, Търэ писхарýскэ, ракири: “Кóли тумэ тэ кэрэнпэ прахарьенца, то Мэ росчхурдава тэ дживэн тумэн пир манушэндэ; ⁹ а кóли рисёна тумэ кэ Мэ, и лэна тэ раххэн Мирэ припхэныбэна, и тэ кэрэн пир лэндэ, тэньчи, мэк тэ явэн вытырдынэ кэ болыбнытко ягóро (краё), и одотхýр Мэ скэдава тумэн и лыджáва пэ штэто, савó Мэ выкэдыём, соб (кай) тэ чхувэн одóй Мирó лав. ¹⁰ Ёнэ исын Търэ писхарýря и народо Търó, савó Ту выкиндян Търэ баря зорýяса и Търэ зоралэ вастэса. ¹¹ Мэ мангáва зоралэс Тут, Раё Дэвла! Тэ явэл Търó кан откэрдо тэ шунэл пáтери (молítва) Търэ писхарискиро и пáтери Търэ писхарьенгиро, савэ камэна тэ лэн шукарипэн ангíл Търó Лав. И тэ дэс Ту лачхыпэн Търэ писхарýскэ аканá, и тэ дэс лэскэ ласка кадасавэ манушэстэ. Мэ сóмас молякиро дыибнáри (кучикáри) кралýстэ.

1:1 ^[1] Дро Юдыко оригинало пхэнэл(а)пэ “Нэгэмия”

Шэрó 2

Ниемýя Бичхадó кэ Ерусалимо

¹ Дро чхон Нисано, дро бишто бэрш, сыр кралиндя Артаксерксо, сыс ангíл лэстэ мол (вино). И мэ лыём мол, и подыём э кралýскэ, и, сыкадыя, со мэ на сóмас смэнтно (скучно) ангíл лэстэ. ² Нэ о крáли пхэндя мánгэ: “Палсó тútэ исын смэнтно муй; на сан ту насвалó, дава нанэ, ай, галёв, туга исын пэ илó?” Мэ древán дарандыём, ³ и пхэндём кралýскэ: “Мэк тэ дживэл о крáли дро вéко! Сыр тэ на явэл туга мрэ москэ, кóли фóро, кхэр, кай исын дадэнгýрэ коплцы, дро чхучипэн (запустениё), и пóрты лэскирэ хачкирдэ ягáса!” ⁴ И пхэндя мánгэ о крáли: “Со жé ту камэсас?” Мэ помангдёмпэ э Дэвлэскэ болыбнаскирэскэ, ⁵ и пхэндём мэ кралýскэ: “Кóли кралýскэ исын миштó пэ илó мánдыр, и, кóли дро лачхипэн исын о писхáри тýрó ангíл тýрó муй, то бичхáв ман дрэ Юдýя, дро фóро, кай исын коплцы мирé дадэнгýрэ, соб (кай) мэ тэ кэрáв ремóнто лэнгэ.” ⁶ И пхэндя мánгэ о крáли и э крáлица, савý сыс бэшты пашýл лэстэ: “Кицý дывэсá тырдэлапэ тýрó дром, кéли ту рисёса?” И лачхэ волятыр сыс кралýскэ тэ бичхавэл ман палó дава, сыр мэ дыём лэскэ часо. ⁷ Мэ пхэндём кралýскэ: “Кóли крáли адýкэ шукар камéла, мэк тэ дэл мánгэ лылá кэ палé-рэкýтка барыдырá округэнгирэ, соб (кай) ёнэ тэ дэн мánгэ отмэкибнытко (пропуско), пака мэ доджава кэ Юдýя; ⁸ и лыл кэ Асафо, кралýскиро вэшытко раххибнари, соб (кай) ёв тэ дэл мánгэ каштá ваш пóрта твардымакири (дизáкири), савý исын пашýл Дэвлэскиро Кхэр, и ваш вáнта форитко, и ваш кхэр, дро савó мэ лáва тэ дживáв.” И дыя мánгэ крáли адýкэ, сыр бахтыкирдó васт мирé Дэвлэскиро сыс упрáл мánдэ. ⁹ И явдём мэ кэ палé-рэкýтка барыдырá пэ округи, и отдыём лэнгэ кралýскирэ лылá. Бичхадý о крáли мánца о халадытконэ барыдырэн уклистэнца. ¹⁰ Кéли шундý дава о Санавалато, о Хоронито и о Товия, Амонýтко писхáри, то сыс лэнгэ древán пхарó, со явдý о манýш, и исын насвалó палó лачхипэн Израилитконэ чхавэнгиро. ¹¹ И явдём мэ дро Ерусалимо. И сóмас мэ одотхэ трин дывэсá, ¹² и уштыём мэ ратýкиро набутэ манушэнца, кай сыс пашýл мánдэ, и никонэскэ на пхэндём, со Мирó Дэвэл чхудý мánгэ пэ илó тэ кэрáв ваш Ерусалимо; мурдалэс нисавэс на сыс мánца, фэни кодовá, пэ савэстэ традыём мэ. ¹³ И традыём пэскэ мэ ратýкиро пирдál пóрты Долинакирэ ангíл Драконоскири ганýнг кэ пóрта Гнэёскири, и обдыкхцём мэ, со Ерусалимóскирэ вáнты сыс пхагирдэ, и лэскирэ пóрты схачкирдэ ягáса. ¹⁴ И подтрадыём мэ кэ пóрты Фонтаноскирэ, и кэ кралýскири колбань (водоёмó), нэ одóй на сыс штэто тэ

проджал о мурдалэскэ, саво сыс тэл мандэ. ¹⁵ И мэ газдыёмпэ палал пирó тэлуны фэлда ратякиро, и обдыкхтём ванта, и традый англэ ишчо (инкэ), кай сыс Долинакири порта, рисиём палэ. ¹⁶ И э барыдырa на галынэ, карик мэ псиравас, ни со на одкэравас: ани Юдэнгэ, ани рашангэ, ани славутнонэнгэ, ани барыдырэнгэ, ани явирэ бутярьенгэ мэ кэ часо ничи на одкэравас. ¹⁷ И пхэндём мэ лэнгэ: “Тумэ дыкхэна бйда, дрэ сави амэ-да сам; Ерусалимо исын чхучо и порта лэскири хачкирды ягаса; явэн, и кэрасам ванта Ерусалимоскири, и амэ на яваса дро англыпэн дро дасаво обракирибэн.” ¹⁸ И мэ роспхэндём лэнгэ палó лачхó васт ваш мангэ мирé Дэвлэскиро, и ишчо (инкэ) лавá кралитка, савé ёв ракирдя мангэ. И пхэндлэ ёнэ мангэ: “Ласам амэ тэ кэрас”, – и зорьякирдэ лэнгирэ вастá пэ дава лачхó рэндо. ¹⁹ Шуны дава, о Санавалато, о Хоронито и о Товия, Амоньтко писхари, и о Гешэмо, Аравитяно, сандлэпэ амэндир, и пхутибнаса ракирэнас: “Савó дава исын рэндо тумарó, савó тумэ кэрэна? Хабись, тумэ думинэна тэ бунтуинэн проти кралістэ?” ²⁰ Мэ дыём лэнгэ отпхэныбэн, и ракирдём лэнгэ: “О Дэвл болыбнаскиро, Ёв шукáр дэла амэнгэ, и амэ, Лэскирэ писхарья, ласам тэ кэрас буты, тумэнгэ нанэ ни котэр, ни право, ни рипирибэн дро Ерусалимо.

Шэрó 3

Ванта Нэвякирэна

¹ И уштыя о Елияшыво, барó рашай, и э пшáла лэскирэ, и рашай, и кэрдé Бакрэнгири порта: ёнэ обсвэнцякирдэ ла и чхудé вударá лэнгирэ, и вучардятыр (башнятыр) Меа кэ/жыко вучарды Хананэла обсвэнцякирдэ лэн. ² И пашыл лэстэ кэрэнас кхэрá Иерихонцы (Ерихоньтка), пашыл лэндэ кэрэлас кхэрá о Закхуро, Имриёскиро чхавó. ³ Мачхэнгирэ порты кэрэнас манушá, савé бияндлэ дрэ Сеная: ёнэ учхакирдэ лэн, и чхудé вударá лэнгирэ, о клыдына лэнгирэ, и шыберы (засовы) лэнгирэ. ⁴ Пашыл лэндэ кэрэлас ремóнто пэ ванта о Меремофо, Урияскиро чхавó, Гакоцоскиро чхавó; пашыл лэндэ кэрэлас ремóнто о Мешуламо, Берехияскиро чхавó, Мешызабелоскиро чхавó; пашыл лэндэ кэрэлас ремóнто о Садоко, Баанаскиро чхавó; ⁵ пашыл лэндэ кэрэнас ремóнто Фекоитка; нэ сама славутна лэндыр на бандькирдэ пэскири мэн, соб (кай) тэ кэрэл буты ваш пэскирэ Рáскэ-Дэвлэскэ. ⁶ Пэ Пхуранэ порты кэрдé ремóнто о Йоида, Пасаехоскиро чхавó, и о Мешуламо, Бесодияскиро чхавó: ёнэ учхакирдэ лэн, и чхудé лэнгирэ вударá, и клыдына, и шыберы лэнгирэ. ⁷ Пашыл лэндэ кэрэлас ремóнто о Мелатия Гаваонитянино, и о Иодоно Меронофостыр, Гаваоньткэнца, и Мицфитконэнца, савé сыс тэл зор пэ палэ-рэкитка барыдырэскэ округи. ⁸ Пашыл лэстэ кэрэлас ремóнто о Узило, Харгаияскиро чхавó, рупунари (серебрянико), и пашыл лэстэ кэрэлас ремóнто о Ханания, Гаракахимоскиро чхавó. И шукáр нэвякирдэ Ерусалимо кэ буглы ванта. ⁹ Пашыл лэндэ кэрэлас ремóнто о Рефаия, Хураскиро чхавó, о барыдырó пэ паш-округа Ерусалимоскири. ¹⁰ Пашыл лэндэ и проти пэскиро кхэр кэрэлас ремóнто о Иедаия, Харумафоскиро чхавó, и пашыл лэстэ кэрэлас ремóнто о Хатушо, Хашавнияскиро чхавó. ¹¹ Пэ второ штéто кэрэлас ремóнто о Малхия, Харимоскиро чхавó, и о Хашуво, Пахаф-Моавитко чхавó; ёнэ-паць кэрэнас ремóнто пэ Бовитко вучарды (башня). ¹² Пашыл лэндэ кэрэлас ремóнто о Шалумо, Галохешоскиро чхавó, барыдырó пэ паш-округа Ерусалимоскири, ёв сыс и лэскирэ чхай. ¹³ Долинакирэ портакэ кэрэлас ремóнто о Хануно, и э Заноахоскирэ манушá: ёнэ газдынэ лэн, и чхудé вударá лэнгирэ, и клыдына, и шыберы лэнгирэ, и ишчо (инкэ) кэрэнас ремóнто ёнэ пэ бар (тысёнцо) куня вантакирэ кэ порта Гнэёскири. ¹⁴ Гнэёскирэ портакэ кэрэлас ремóнто о Малхия, Рехавоскиро чхавó, барыдырó пэ Бефкаремоскири округа: ёв нэвякирдя ла и чхудя вударá лэнгирэ, клыдына лэнгирэ, и шыберы лэнгирэ. ¹⁵ Ганынгакирэ порты кэрэлас ремóнто о Шалумо Колхозеёскиро чхавó, барыдырó пэ Мицфакири округа: ёв газдыя лэн, и учхакирдя лэн, и чхудя вударá лэнгирэ, клыдына лэнгирэ, и шыберы лэнгирэ, – ёв и кэрэлас ремóнто пэ ванта пашыл вэндэрін (водоёмo) Селахо, проти краліскири ўнта (садо) кэ гэруня (ступеньки), кай змэкэнапэ Давидóскирэ форóстыр. ¹⁶ Пал лэстэ кэрэлас ремóнто о

Ниемйя, Азбукоскиро чхаво, барыдыро пэ паш-округа Бефцуроскири, кэ копліца Давидоскири, и кэ выганады вэндэрин (прудо), и кэ кхэр муршэнгиро. ¹⁷ Пал лэстэ кэрэнас ремо́нто Левіты: о Рехумо, Ванияскиро чхаво; пашыл лэстэ кэрэлас ремо́нто о Хашавия, барыдыро пэ паш-округа Кеилёскири, палó пэскири округа. ¹⁸ Пал лэстэ кэрэнас ремо́нто о пшала лэнгирэ: о Баваё, Хенададоскиро чхаво, барыдыро пэ Кеилёскири паш-округа. ¹⁹ И пашыл лэстэ кэрэлас ремо́нто о Езеро, Исусоскиро чхаво, барыдыро пэ Мицфа, пэ второ штэто, ангил сыр тэ джас андрэ мардьяня (оружэйнэ) пэ вэнгло. ²⁰ Пал лэстэ добусовэс (старательнэс) кэрэлас ремо́нто о Варухо, Забваскиро чхаво, пэ второ штэто, вэнглостыр кэ вударá, кэ Елияшывоскиро кхэр, барэ-рашаскиро. ²¹ Пал лэстэ кэрэлас ремо́нто о Меремофо, Урияскиро чхаво, Гакоцоскиро чхаво, пэ второ штэто, вударэндэр дрэ Елияшывоскиро кхэр кэ ягóро пэ Елияшывоскиро кхэр. ²² Пал лэстэ кэрэнас ремо́нто э рашая, савэ сыс трусцял манушá долостыр. ²³ Пал лэндэ кэрэлас ремо́нто о Вениамино, и о Хашуво, ангил лэнгиро кхэр; пал лэндэ кэрэлас ремо́нто о Азáрия, Масеёскиро чхаво, Ананияскиро чхаво, пашыл пэскиро кхэр. ²⁴ Пал лэстэ кэрэлас ремо́нто о Бинуё, Хенададоскro чхаво, пэ второ штэто, Азариёскирэ кхэрэстыр кэ вэнгло, кэ збангипэн дромэскиро. ²⁵ Пал лэстэ сыс о Фалало, Узаёскиро чхаво, ангил вэнгло и кэ вучарды (башня), со вытэрдёла краліскирэ-упратунэ кхэрэстыр, кай исын пашыл грэда (двóро) темницакири (штарибнаскири). Пал лэстэ сыс Федаия, Парошоскиро чхаво. ²⁶ Э Нефинеи, хачи, савэ дживдэ кэ Офелё, кэрдэ ремо́нто англал Панитка пóрты кэ вастóко и кэ вытырдыны вучарды. ²⁷ Пал лэндэ кэрэнас ремо́нто Фекоитка манушá, пэ второ штэто, штэтостыр ангил бари вытырдыны вучарды кэ Офелытко ванта. ²⁸ Дурэдыр Грэнгирэ портэндэр кэрэнас ремо́нто э рашая, кажно мамуй пэскиро кхэр. ²⁹ Пал лэндэ кэрэлас ремо́нто о Садоко, Имероскиро чхаво, мамуй пэскиро кхэр, и пал лэстэ кэрэлас ремо́нто о Шемаия, Шеханияскиро чхаво, стрэгари пэ востокитко пóрта. ³⁰ Пал лэстэ кэрэлас ремо́нто о Ханания, Шелемияскиро чхаво, и Хануно, шóвто чхаво Цалафоскиро, пэ второ штэто. Пал лэстэ кэрэлас ремо́нто о Мешуламо, Берехияскиро чхаво, мамуй пэскири штуба. ³¹ Пал лэстэ кэрэлас ремо́нто о Малхия, Гацорфиёскиро чхаво, кэ кхэр Нефинеитко и бикибнарьенгиро, мамуй Гамифкадытка пóрта и кэ вэнглытка джибнытка штубы. ³² А машкёр вэнглытка джибнытка штубы кэ Бакрэнгирэ пóрты кэрэнас ремо́нто рупунарья и бикибнарья/кофарья (торговцы).

Шэро 4

Ванта Зракхэла Лэн Вэргэндэр

¹ Кэли шундя о Санавалато, со амэ кэрасас ванта, то холясыя ёв и бут туги лыя, и ёв саласпэ Юдэндэр; ² и ракирлас пашыл пэскирэ пшалэндэ и пашыл Самаритка халадэндэ, и пхэндя: “Со кэрэна адалэ чорорэ Юдэи? Наўшто (неуж) лэнгэ дова́ домэкэна? Наўшто лэна ёнэ тэ янэн свэ́нто дыибэн? Наўшто ёнэ вари-кэли скэрна сарó? Наўшто ёнэ газдэна прахостыр, отджидякирэна хачкирдэ барá?” ³ О Товия Амонитянино, кон сыс пашыл лэстэ, пхэндя: “Мэк тэ кэрэн лэнгэ, джáла локхны (лиса), и пхагирэла лэнгири баруны ванта. ⁴ Шун, амарó Дэвла, дрэ сави напатыв амэ сам, обрискир кошыбэн лэнгиро пэ лэнгиро шэро, отдэ лэнгэ дрэ напатыв пэ пленытко пхув; ⁵ и на учхакир лэнгирэ бизаконытка рэндэ, и, мэк грэхó лэнгиро тэ на выкхосэлапэ ангил Тыро́ муй, пал-дова́ со ёнэ кэрдэ киркипэн бутярьенгэ! ⁶ Акэ, адякэ амэ кэрдям ванта, и сыс сарі ванта кэ паш вучипэн лакиро. И э манушá камэнас тэ кэрэн буты миштэс. ⁷ Кэли шундя и Санавалато, и о Товия, и Аравитяни, и Амонитяни, и Азотяни, со Ерусалимóскирэ ванты (сцяны) газдынэ исын упрэдыр, со пхагирдэ штэты закэрнапэ, то ваш лэнгэ сыс бари туга. ⁸ Доракирдэпэ ёнэ сарэ кхэтанэ тэ джан марибна́са пэ Ерусалимо, и тэ пхагирэн тэлэ лэс. ⁹ И амэ мангдымпэ Дэвлэскэ амарэскэ, и чхудян проти лэндэ э стрэга дывэсы́тко и раті́тко, соб (кай) тэ зракхаспэ амэ́нгэ лэндэр. ¹⁰ Нэ Юдэи пхэндлэ: “Тыкныя зор лыджаибнарьенгирэндэ и шума (мусоро) исын бут; амэ́ндэ нанэ зор тэ кэрас ванта. ¹¹ Амарэ вэрги ракирэнас: “На угалёна и на дыкхэна, сыр амэ екхатыр (сразу)

заджасам машкír лэндэ, и пиримарасам лэн, и тэрдякирасам буты. ¹² Кéли явэна́с Юдэя́кирэ, савэ дживдэ пашы́л лэндэ, и ракирэна́с амэ́нгэ дэшвар сарэ штэ́тэндýр, со кодо́лэ пэрна пэ амэ́ндэ: ¹³ Тэ́ньци пэ тэлутунэ штэ́ты пашы́л форо, палэ ва́нта, пэ шукэ́ штэ́ты чхува́вас мэ о наро́до пир даде́скири-сэмэ́нца (плéми) курталэ́нца лэнгирэ́нца, э чхурды́бнытконэ́ бусте́нца, и лукэ́нца лэнгирэ́нца. ¹⁴ И обды́хцём мэ, и ушты́ём, и мэ пхэ́ндём э сла́вутнэ́нгэ, и барыды́рэнгэ, и яви́рэ манушэ́нгэ: “На даран лэ́ндыр; рипи́рэн Рас-Дэ́влэс барэ́с и траша́дэс и марэ́нпэ палэ́ пэски́рэ пшалэ́ндэ, пал пэ́скирэ чхавэ́ндэ, и палэ́ чхае́ндэ, пал пэ́скирэ джувле́ндэ и пал пэ́скирэ кхэ́ра.” ¹⁵ Сы́р дава́ шундлэ́ амарэ́ вэ́рги (вро́ги), со амэ́нгэ сы́с джиндлэ́ лэнгирэ́ планы, то тэ́ньчи о Дэ́влэ пха́гирдя́ лэнгиро́ годы́пэн, и сарэ́ амэ́ рисия́м кэ ва́нта, ка́жно кэ пэ́скири буты́. ¹⁶ Кодолэ́ дывэ́сэсты́р паш тэрнэ́ му́ршэндýр ма́ндэ кэрдэ́ буты́, и яви́р паш лэ́ндыр рики́рэна́с чхурды́бнытка́ бустя́ (коп’и), шчы́ты и лу́ки и панцы́ри (латы́); и барыды́ра сы́с пала́л пал саро́ Юда́скиро́ кхэ́р. ¹⁷ Кон кэ́рдя ва́нта и кон янэ́лас пха́рипэ́на пэ пэ́стэ, савэ́ чхудэ́ пэ лэ́ндэ, екхэ́ вастэ́са ё́нэ кэрдэ́ буты́, и яви́рэса́ рики́рдэ о чхурды́бнытко́ буст (дрото́). ¹⁸ Ка́жно бу́тярьэндýр рики́рэлас ку́рта́ла пэ ку́сты́к пашы́л пэ́стэ, и ады́кэ ё́нэ кэрдэ́ буты́. Пашы́л ма́ндэ сы́с о рого́скиро́ (труба́чо). ¹⁹ И мэ пхэ́ндём сла́вутнэ́нгэ и барыды́рэнгэ и яви́рэ манушэ́нгэ: буты́ исын ба́ри и буглы́, амэ́ сам ду́р екх яви́рэсты́р пир ва́нта; ²⁰ палдава́, каты́р тумэ́ шунэ́на знико́ (звукó) рого́скиро́, дро дова́ штэ́то кэ́дэ́нпэ кэ́ амэ́; о Дэ́влэ амаро́ явэ́ла тэ́ марэ́лпэ пал амэ́ндэ. ²¹ Ады́кэ амэ́ кэ́рдям буты́; и паш амэ́ндыр рики́рдя́ чхурды́бнытка́ бустя́ (дру́ты) зорица́кирэ га́зды́пнасты́р кэ́ чэ́ргэ́нэ́нгиро́ яви́бэн. ²² Упрáл далэ́сты́р, дро дова́ часо́ мэ пхэ́ндём манушэ́нгэ, соб (кай) ё́нэ тэ́ ратьки́рэн дро Еру́сали́мо сарэ́ пэ́скирэ писха́рьэ́нца, и тэ́ явэ́н ё́нэ амэ́ндэ́ ратьа́киро пэ́ стрэ́га, а дывэ́сэ́ пэ́ буты́. ²³ Ни-да мэ, ни-да ми́рэ пша́ла, ни-да дына́рья ми́рэ, ни-да стрэ́гарья́, савэ́ сы́с ма́нца, на злэ́нас пэ́сты́р ури́бэн лэнгиро́, ка́ждо́нэ́стэ сы́с тэ́ло васт ку́рта́ла и па́ни.

Шэ́ро 5

Ние́мйя Роспха́ндэ́ла Прита́саи́бэн

¹ И кэ́рдя́пэ ба́ри го́дла машкír манушэ́ндэ, и э джувле́ндэ лэ́скирэ́ пэ да пэ́скирэ́ пшалэ́ндэ́ Юдэ́эндэ. ² Сы́с адасава́, савэ́ раки́рэна́с: “Амэ́н, о чхавэ́н амарэ́н, и чхае́н исын бу́т; и амэ́ ка́масас тэ́ до́рэ́сас ма́ро, и тэ́ ча́ляки́распэ́ и тэ́ джива́с. ³ Сы́с и ка́дасава́, савэ́ раки́рэна́с: “Э́ фэ́лды амарэ́, вина́градники́ амарэ́, кхэ́ра́ амарэ́, амэ́ дасас дро́ сыма́ды (зало́го), соб (кай) тэ́ ухты́лас ма́ро бо́кха́тыр.” ⁴ Сы́с и ка́дасава́, савэ́ раки́рэна́с: “Амэ́ зала́сам э́ руп дро́ дыи́бэн, кра́ли́скэ́ тэ́л сума́ды пэ́ амарэ́ фэ́лды и пэ́ амарэ́ вина́градники́; ⁵ амэ́ндэ́ исын дасава́-па́ць маса́, савэ́ маса́ исын амарэ́ пшалэ́ндэ, и о чхавэ́ амарэ́ исын ка́дасава́-па́ць, сы́р лэ́нгирэ́ чхавэ́ исын; акэ́, амэ́ сам ба́нгэ́ тэ́ от́дас амарэ́н чхавэ́н и амарэ́н чхае́н дрэ́ писха́рьэ́ндэ, и ада́кицы́ амарэ́ чхае́ндыр у́жэ́ исын дрэ́ писха́рима. На́нэ́ нисавэ́ ло́вэ́ тэ́ вы́кинэ́н лэ́н дрэ́ амарэ́ васта́; и фэ́лды амарэ́ и вина́градники́ амарэ́ исын яви́рэ́ндэ.” ⁶ Кéли мэ́ шундём лэ́нгиро́ годлы́тко́ ра́кири́бэн и дасава́ лава́, мэ́ древа́н хо́лясы́ём. ⁷ Ми́ро ило́ га́зды́я́пэ́ хо́ля́са, и мэ́ на́ртэ́с (шы́лалэ́с) выпхэ́ндём ла́чхэ́-ро́доски́рэ́нгэ́ и барыды́рэнгэ́, и пхэ́ндём лэ́нгэ́: “Тумэ́ лэ́на древа́н бу́т нача́чуно́ ко́фо тумарэ́́ пшалэ́ндыр.” И кха́рдём мэ́ пэ́ лэ́ндэ́ баро́ скэ́ды́ибэн. ⁸ И пхэ́ндём лэ́нгэ́: “Амэ́ вы́ки́ндям амарэ́́ пшалэ́н, Юдэ́я́скирэ́н, савэ́ сы́с би́киндрэ́ наро́дэ́нгэ́, ки́цы́ амэ́ндэ́ сы́с зо́р, а тумэ́, ха́чи, би́кнэ́на тумарэ́́ пшалэ́н, и ё́нэ би́кнэ́напэ́ амэ́нгэ́?” Ё́нэ́ цы́тэ́на́с (мо́л(ý)чы́нэ́нас) и на ла́тхнэ́ от́пхэ́ны́бэн. ⁹ И мэ́ пхэ́ндём: “На́шука́р тумэ́́ ады́кэ́ кэ́рэ́на. На́ушто́ на дрэ́ да́р Дэ́влэ́скирэ́ амаре́́скири́ тумэ́́нгэ́ трэ́й тэ́ пси́рэ́н, соб (кай) тэ́ об́джан на́паты́в наро́дэ́ндыр, амарэ́́ вэ́ргэ́ндыр: ¹⁰ И мэ́ ады́кэ́-па́ць, о пша́ла ми́рэ́ и дына́рья́, пашы́л ма́ндэ́ дэ́нас лэ́нгэ́ дро́ ву́жлы́пэн и руп и ма́ро; я́чки́расам лэ́нгэ́́ длу́го даса́во. ¹¹ От́дэ́н палэ́́ лэ́нгэ́́ ака́на́ лэ́нгирэ́́ фэ́лды, вина́грады́тка́ и масли́нитка́ у́нты (са́ды) лэ́нгирэ́́, и нача́чуно́ ко́фо мо́ля́тыр и оли́витко́нэ́́ дзэ́тэ́сты́р (еле́ё), пал савэ́́ндэ́ тумэ́́ ды́нэ́ лэ́нгэ́́ дро́ длу́го.” ¹² И ё́нэ́ пхэ́ндлэ́: “От́дасас палэ́́ и на ла́са лэ́ндыр тэ́́ вы́ты́рдас; и кэ́расам ады́кэ́́, сы́р ту́ ра́ки́рдя́н.” И мэ́ кха́рдём ра́ша́н, и пхэ́ндём лэ́нгэ́́ тэ́́ дэ́н со́влаха́́, со

ёнэ адякэ кэрна. ¹³ И тринскирдём мэ миро урибён и пхэндём: “Мэк тэ вытринскирэл о Дэвэл кажнонэ манушэс, саво на зрикирла дава лав, – лэскирэ кхэрэстыр и лэскирэ фелатинятыр, и тэ явэл лэстэ вытринскирдо и чхучо!” И саро скэдыибён пхэндя: “Аминь.” И шардыам амэ Дэвлэс; и о народо зрикирдя дава лав.

Ниемия Сыкавэла Пэскиро Тангипэн кэ Явир Мануш

¹⁴ Ишчо (инкэ): долэ дывэсэстыр, сыр сомас мэ бичхадó сыр барыдырó лэнгиро пэ округа пэ Юдытко пхув, биштонэ бэршэстыр кэ/жыко трийнда явир бэрш кэ крáli Артаксерксо, сарэ дэшудуй бэрш и мэ, и мирэ пшала на хаям марó барыдырэскиро пэ даё округа. ¹⁵ Явир барыдыра́ округакирэ, савэ сыс вагэдыр (гарэдыр) мандыр, пхарьякирдэ о народо, и лэнас лэндыр марó и мол (вино), апрйч штардэша́ шэкели рупувэ; ишчо (инкэ) э дына́рья лэнгирэ хулаиндлэ пэ манушэндэ. Мэ-да на кэравас адякэ пирó дар Дэвлэстыр. ¹⁶ Адякэ-паць бутя́ пэ даё ванта мэ подрикиравас; и фэлды амэ на закиндямас, и сарэ мирэ дына́рья скэдэнаспэ одорйк пэ буты́. ¹⁷ О Юдэякирэн и барыдырэн сыс пир шэл и пандждэша́ пал миро скаминд, и ишчо (инкэ) явэнас кэ амэ труялытконэ народэндыр. ¹⁸ Акэ, со сыс кэрадо пэ екх дывэс: екх гурув, шов выкэдымэ бакрэ́ и чирикля́ кэрадэнас мандэ; и дрэ дэш дывэса́ бут сыс пины мол (вино) вари-савй. Нэ на дыкхй пэ дава́, мэ на мангавас марó барыдырэскиро пэ округа, адякэ сыр пхаро́ дынарибён сыс пашто́ пэ дава́ народо. ¹⁹ Рипир, миро Дэвла, дро лачхипэн мангэ саро́, со мэ кэрдём ваш далэ манушэнгэ (народоскэ)!

Шэрó 6

Зракирибён пэ Немиястэ

¹ Сыр догия́ кэ Санавалатоскирэ канá и кэ Товия и кэ Гешэмо Аравитянино, и кэ сарэ́ явир амарэ́ вэрги, со мэ нэвякирдём ванта, и со на яця́пэ дрэ латэ доша – акэ, мэк кэ/жыко дова́ часо мэ ишчо (инкэ) на чхудём вударá дрэ порта и, ² тэньчи бичхадя́ о Санавалато и о Гешэмо кэ мэ тэ пхэнэн: “Яв адарйк, зджаса́пэ дро екх гав пэ Оноскиро штэто.” Ёнэ задуминдлэ тэ кэрэн мангэ фуипэн. ³ Нэ мэ бичхадём кэ ёнэ э послэн тэ пхэнэн: “Мэ сом залыно барэ́ рэндоса, мэ на могона́ва тэ джав; и тэрдэлас бы рэндо, ко́ли мэ мэкавас о рэндо и джавас кэ тумэ.” ⁴ Штар мо́лы бичхавэнас ёнэ кэ мэ кадасавэ́-паць кхарибна́са, и мэ одпхэна́вас лэнгэ адякэ-паць. ⁵ Тэды бичхадя́ кэ мэ о Санавалато дро пándжто мо́ло пэскирэ писхарй́с, савэ́стэ дро васт сыс одкэрдо лыл. ⁶ Дро лэстэ сыс чхиндло́: “Вурняла малва народэндэ, и о Гешэмо раки́рла, со, хачи, ту, и э Юдэякирэ задуминдлэ тэ отпэрэн, ваш кодова́ ту кэрэса ванта, со камэ́са тэ явэс лэндэ кралы́са, пир ко́доя-паць ма́лва; ⁷ о пророкэн ту чхудя́н упрэ́, соб (кай) ёнэ тэ годлякирэн пал ту́тэ дро Ерусалимо и тэ раки́рэн: ‘Юдэякиро крáli!’ И дасавэ́ лавá доджана кэ крáli. Адякэ́ яв, обракираса кхэтанэ.” ⁸ Нэ мэ бичхадём лэскэ́ тэ пхэнэн: “Ничи на сыс, пал со ту раки́рэса – ту придуминдя́н саро́ пэскирэ годя́са.” ⁹ Пал-дова́ сарэ́ ёнэ трашавэ́нас амэн, думини: “Обмэкэ́напэ тэлэ́ вастá лэнгирэ далэ рэндостыр, и на выджáла ёв”; нэ мэ-далэ́са бутэды́р зоралыкирдём мирэ́ вастá. ¹⁰ Явдём мэ дро Шэмаийа́скиро кхэр, кэ Дэлаия́скиро чхаво́, Мегетавелоскиро чхаво́, и ёв пхандя́ вударá и пхэндя́: “Явэн дро Дэвлэ́скиро Кхэр, андрэ́ Кханги́ри, пхандаса́ пал пэ́стэ сарэ́ Кханги́рьякирэ вударá, пал-дова́ со явэ́на тэ муляки́рэн тут, и явэ́на тэ муляки́рэн тут раты́.” ¹¹ Нэ мэ пхэндём: “Сашты́ (могинэ́ла) тэ нашэл адасаво́ ману́ш, сыр мэ сом?” Сашты́ адасаво́ тэ явэл, со, сыр дасаво́ сыр мэ сом, тэ джал андрэ́ Кханги́ри (Свэнто-свэнтонэнгиро), соб (кай) тэ ячэл джидэ́са? На джа́ва.” ¹² Мэ джиндём, со на Дэвэл бичхадя́ лэс, на дыкхй, со ёв раки́рэлас мангэ́ сыр о проро́ко, нэ со лэс подкиндлэ́ о Товия, и о Санавалато. ¹³ Ёв ваш дова́ сыс подкиндло́, соб (кай) мэ тэ страхадэ́вав, и тэ кэра́в адякэ́, и тэ пэрав дро грэ́хо, и соб (кай) ёнэ могоиндлэ́ тэ думинэн фуипэн пал мандэ́ и тэ обраки́рэн ман. ¹⁴ Рипир, миро Дэвла, Товия́с и о Санавалатос пир дасавэ́ лэнгирэ́ рэнды, и ишчо (инкэ) э пророчи́ца Ноадия́ и явирэ́ пророкэн, савэ́ камлэ́ тэ трашавэн ман!

Ванта Кэрдэ

¹⁵ Ванта сыс кэрдэ дрэ биш тэ пэнджто дывэс, дро чхон Елуло, пал пандждэшадуи дывэсá. ¹⁶ Кэли шунэнас пал дава сарэ амарэ вэрги, и дыкхнэ дава сарэ народы, савэ сыс трусцýл амэндэ, то ёнэ бут пынэ дрэ лэнгирэ якхá, и галынэ, со дава рэндэ сыс кэрдó амарэса Дэвлэса. ¹⁷ Априч дова дрэ долэ дывэсá славутна Юдэи чхинэнас бут лыла, савэ бичхавэнас кэ Товия; лыла Товияскирэ джанас кэ ёнэ. ¹⁸ Пал-дова со бутджинэ пэ Юдэитко тхэм сыс дрэ совлахá лэса, пал дова со ёв сыс Шэханияскиро зятё (джамутро), Арахоскиро чхавó, и лэскиро чхавó Иоханано лыл пал пэстэ чхаёрья Мешуламоскирья, Верехияскирэ-чхавэскири. ¹⁹ Ангил мэндэ ёнэ аж шарэнас лэскиро лачхипэн дескиро, и мирэ лава ёнэ лыджанас кэ ёв. И о Товия бичхавэлэс лыла, соб (кай) тэ трашавэл ман.

Шэрó 7

¹ И сыс адýкэ: кэли газдынэ ванта, и мэ чхудём вударá, и сыс чхудэ тэ дынаринэн (тэ служынэн) раххибнáрья пэ пórта, и багаибнаскирэ, и Левýты, ² то тэньчи мэ припхэндём мирэ пшалэскэ Хананискэ и барыдырэскэ пэ твáрдýма (диз) Хананияскэ, савó сыс дро Ерусалимо, пал-дова со ёв сыс патяибнýтко мануш бутýр явирэндýр и ёв дарандýя Дэвлэстыр бутýр явирэндýр. ³ И пхэндём мэ лэнгэ: “Мэк тэ на псиравэн пórта Ерусалимóскири, пака кхам тэ на татýкирэл ла; и кэли ёй исын тэрдý, мэк тэ запхандэн ла.” И мэ чхудём стрэгáрьенца манушэн Ерусалимóстыр кáждонэс пэ пэскири стрéга, и, соб (кай) кáждо тэ явэл тэрдó пэ стрéга проти пэскиро кхэр.

Манушá Пленóстыр, Савэ Рисинэ Ерусалимóстыр

⁴ Нэ фóро сыс барó и дро лэстэ сыс барó штéто: нэ манушá сыс нáбут одóй, и кхэрá на сыс чхудэ. ⁵ И чхудý миро Дэвэл дро миро илó, соб (кай) мэ тэ скэдав лачхэ-родоскирэ манушэн, и барыдырэн и явирэ манушэн, соб (кай) мэнгэ тэ пиричхинав лэн пир лэнгиро рóдо. И мэ латхём родэнгиро пиричхиныбэн (списко) одолэн, савэ явнэ палэ пэрва, и дро списко сыс зачхиндлó: ⁶ Акэ, исын манушá округатыр, савэ гинэ пленóстыр одолэндýр, савэн лыджия дро плéно Навуходоносóро, крáли Вавилонóскиро, и савэ рисинэ дро Ерусалимо, и дрэ Юдэя, кáждо дро пэскиро фóро. ⁷ Акэ, исын одолэ, савэ гинэ Зоровавелэса, Исусóса (Ёхошуаса), Ниемияса, Азарияса, Раамияса, Нахманиёса, Мардохеёса, Билшаноса, Мисферефоса, Бигваёса, Нехумоса, Ваанаса. И, акэ, кицý, сыс манушá Израилёскирэ: ⁸ Чхавэ Парошоскирэ, дуй тысёнцы, шэл тэ эфтадэшадуи; ⁹ Чхавэ Сафатияскирэ, дуйшэлá, эфтадэшá дуй; ¹⁰ Чхавэ Арахоскирэ, шовшэлá пандждэшá. ¹¹ Чхавэ Пахат-Моавоскирэ, чхавэндýр Исусоскирэн и Иоавоскирэндýр, дуй тысёнцы, охтошэла дэшуохто; ¹² Чхавэ Эламоскирэ, тысёнцо дуйшэлá пандждэшá штáр. ¹³ Чхавэ Затоскирэ, охто шэлá пандждэшá пандж; ¹⁴ Чхавэ Закхæскирэ, эфташэлá шовдэшá; ¹⁵ Чхавэ Бинуёскирэ, эфташэлá шовдэшá; ¹⁶ Чхавэ Беваёскирэ, шовшэлá биш тэ охто; ¹⁷ Чхавэ Азгадоскирэ, дуй тысёнцы, триншэлá биш тэ дуй; ¹⁸ Чхавэ Адоникамоскирэ, шовшэлá шовдэшá эфтá; ¹⁹ Чхавэ Бигваёскирэ, дуй тысёнцы шовшэлá эфтá; ²⁰ Чхавэ Адиноскирэ, шовшэлá пандждэшá дуй; ²¹ Чхавэ Атэроскирэ, Езэкияскирэ кхэрэстыр сыс енядэша охто; ²² Чхавэ Хашумоскирэ, триншэлá биш тэ охто; ²³ Чхавэ Вецаёскирэ, триншэлá биш тэ штáр; ²⁴ Чхавэ Харифоскирэ, шэл тэ дэшудýи; ²⁵ Савэ бияндынэ дрэ Гаваóно, енядэша пандж; ²⁶ Савэ дживдэ кэ Вифлеéмо и кэ Нетофа, шэл тэ охтодэшá охто; ²⁷ Савэ дживдэ кэ Анафофо, шэл тэ биш тэ охто; ²⁸ Савэ дживдэ кэ Беф-Азмавефо, штáрдэшá дуй; ²⁹ Савэ дживдэ, кэ Кариафиаримо, кэ Кефира и кэ Беерофо эфташэлá штáрдэшá трин; ³⁰ Савэ дживдэ кэ Фама и кэ Гева, шовшэлá биш тэ екх; ³¹ Савэ дживдэ кэ Михмасо, шэл тэ биш тэ дуй; ³² Савэ дживдэ кэ Вефýлэ и кэ Гаё, шэл тэ биш тэ трин; ³³ Савэ дживдэ кэ явёр Нево, пандждэшá дуй; ³⁴ Чхавэ явирэ Эламоскирэ, тысёнцо дуйшэлá пандждэшá штáр; ³⁵ Чхавэ Харимоскирэ, триншэлá биш; ³⁶ Савэ дживдэ кэ Ерихóно, триншэлá штáрдэшá пандж; ³⁷ Савэ дживдэ кэ Лодо, Хадидо и Оно, эфташэлá

биш тэ екх; ³⁸ Савэ бияндынэ кэ Сенаё, трин тысёнцо еняшэла трийнда; ³⁹ Рашая, Иодаияскирэ чхавэн, Исусоскирэ кхэрэстыр (Ёхошуаскирэ), еняшэла эфтадэша трин; ⁴⁰ Чхавэ Имероскирэ, тысёнцо пандждэша дуй; ⁴¹ Чхавэ Пашхуроскирэ, тысёнцо дуйшэла штардэша эфта; ⁴² Чхавэ Харимоскирэ, тысёнцо дэшуэфта. ⁴³ Левиты, чхавэ Исусоскирэ (Ёхошуаскирэ), Кадмиилоскирэ кхэрэстыр, кхэрэстыр, саво сыс Годеваскирэ чхавэндэ, эфтадэша штар; ⁴⁴ Багаибнаскирэ: чхавэ Асафоскирэ, шэл тэ штардэша охто; ⁴⁵ Ракхибнарья пэ порта: чхавэ Шалумоскирэ чхавэ Атэроскирэ, чхавэ Галмоноскирэ, чхавэ Акувоскирэ, чхавэ Хатитоскирэ, чхавэ Шоваёскирэ, – шэл тэ трийнда охто. ⁴⁶ Нефинеи: чхавэ Цыхаскирэ, чхавэ Хасуфаскирэ, чхавэ Табаофоскирэ; ⁴⁷ Чхавэ Кирососкирэ, чхавэ Сияскирэ, чхавэ Фадоноскирэ; ⁴⁸ Чхавэ Леванаскирэ, чхавэ Хагаваскирэ, чхавэ Салмаёскирэ; ⁴⁹ Чхавэ Хананаскирэ, чхавэ Гиделоскирэ, чхавэ Гахароскирэ; ⁵⁰ Чхавэ Реаияскирэ, чхавэ Рецыноскирэ, чхавэ Некодоскирэ; ⁵¹ Чхавэ Газамоскирэ, чхавэ Узаскирэ, чхавэ Пасахоскирэ; ⁵² Чхавэ Весаёскирэ, чхавэ Меунимоскирэ, чхавэ Нефишсимоскирэ; ⁵³ Чхавэ Ваквукоскирэ, чхавэ Хакуфаскирэ, чхавэ Хархуроскирэ; ⁵⁴ Чхавэ Вацлифоскирэ, чхавэ Мехидаскирэ, чхавэ Харшаскирэ; ⁵⁵ Чхавэ Варкососкирэ, чхавэ Сисараскирэ, чхавэ Фамахоскирэ; ⁵⁶ Чхавэ Нецыахоскирэ, чхавэ Хатифаскирэ. ⁵⁷ Чхавэ Соломоноскирэ писхарьендыр: чхавэ Сотаёскирэ, чхавэ Соферефоскирэ, чхавэ Феридаскирэ; ⁵⁸ Чхавэ Иалоскирэ, чхавэ Дарноноскирэ, чхавэ Гидэлоскирэ; ⁵⁹ Чхавэ Сафатияскирэ, чхавэ Хатилоскирэ, чхавэ Похереф-Гацэваимоскирэ, чхавэ Амоноскирэ. ⁶⁰ Сарэ Нефинеи и писхарья Соломоноскирэ сыс триншэла енядэша дуй. ⁶¹ И, акэ, сыс одолэ, савэ адякэ-паць выгинэ Телмелахостыр, Телхаратыр, Херув-Адоностыр и Имеростыр; нэ ёнэ на могоиндлэ тэ досыкавэн пал пэскиро родо, ни пал пэскири сэмэнца, со ёнэ сыс Израилёстыр. ⁶² Машкир лэндэ сыс: чхавэ Делаияскирэ, чхавэ Товияскирэ, чхавэ Некодаскирэ – шовшэла штардэша дуй. ⁶³ Рашандыр: чхавэ Ховаияскирэ, чхавэ Гакоцоскирэ, чхавэ Верзелиёскирэ, саво лыя палором екха чхаендыр Верзелиёскирэ Галаадоскирэндыр и лэс ячнэ тэ кхарэн лэнгирэ лавэса. ⁶⁴ Ёнэ родынэ лэнгирэ-родэнгиро пиричхиныбэн, и на латхнэ, и палдава лэн вычхурдынэ рашандыр. ⁶⁵ И Тиршафо пхэндя лэнгэ, соб (кай) ёнэ тэ на хан сама свэнта хабэна ангил дова, сыр явэла рашай уримоса и тумимоса. ⁶⁶ Сарэ манушэн кхэтанэ сыс штардэша дуй тысёнцы, триншэла шовдэша. ⁶⁷ На гиньы дава, лэндэ сыс эфта тысёнцы триншэла трийнда эфта писхарья и писхарицы и пашыл лэндэ сыс дуйшэла штардэша пандж багаибнаскирэ и багаибнарки. ⁶⁸ Лэндэ сыс эфташэла трийндаэфта шов граё, и сыс дуйшэла штардэша пандж лошаки. ⁶⁹ Лэндэ сыс штаршэла трийндапандж верблюды, и сыс шов тысёнцы эфташэла биш ослы (мегарья). ⁷⁰ Вари-савэ барыдыра пэ стрэчы (поколении) дынэ кокорэ пэстыр паша, соб (кай) тэ кэрэн бутя. О Тиршафо дыя дрэ пиралы бар драхмы сувнакаса, пандждэша тахтая, панджшэла трийнда рашайтка йди. ⁷¹ И вари-савэ барыдырэндыр пэ стрэчы дынэ дрэ пиралы, соб (кай) тэ кэрэн бутя биш тысёнцы драхмы сувнакаса. ⁷² И явир мануша дынэ биш бара драхмы сувнакаса, и дуй бара мины (1300 кило) рупэса, и шовдэша эфта рашайтка йди. ⁷³ И ячнэ тэ дживэн рашая, и Левиты, и ракхибнарья пэ порта, и багаибнаскирэ и явир мануша, и, Нефинеи и саро Израилё дрэ пэскирэ форя.

Шэро 8

Ёзра Гинэла Законо

¹ Кэли яця эфатэ чхон, и дживдэ Израилёскирэ чхавэ пир пэскирэ форя, тэды скэдынэпэ сарэ мануша, со кэ екх мануш, пэ форунь (плошча), саво сыс ангил Панитко порта, и пхэндлэ лылваритконэскэ (книжничоскэ) Езраскэ, соб (кай) ёв тэ янэл Мойзаскирэ-Законоскири лылвары, сави припхэндя Рай Дэвэл Израилёскэ. ² И яндя рашай Ёзра Законо ангил скэдыибэн мушэнгиро и джувленгиро и сарэ манушэнгиро, савэ могоиндлэ тэ галён, дро пэрво (англатуно) дывэс эфатонэ-чхонэскиро; ³ и гиндя лэстыр пэ форунь (плошча), саво сыс ангил Панитко порта, злокостыр кэ пашдывэс, ангил мушэндэ и джувлендэ и сарэндэ, савэ могоиндлэ тэ галён: и сарэ манушэнгирэ канэ шундлэ Законоскири лылвары. ⁴

Лылваритко Ёзра тэрдия пэ каштуно вучипён, саво ваш дова мануша кэрдэ: пашыл лэстэ, пир лэскиро право (чачо) васт, тэрдинэ Матифия, и Шэма, и Анаия, и Урия, и Хелкия, и Маасея, а пир лэскиро лево (зэрво) васт Федаия, и Масаило, и Малхия, и Хашумо и Хашбадано, и Захэрия, и Мешуламо. ⁵ И отчакирдя лылварй Ёзра ангил сарэ-манушэнгирэ якхэ, пал-дová со ёв сыс тэрдэ вучэдыр сарэ манушэндэр. И коли ёв отчакирдя ла, сарэ мануша уштынэ. ⁶ И Ёзра бахтякирдя Рас-Дэвлэс, Дэвлэс вучэс. И сарэ мануша отпхэндлэ: “Аминь, аминь”, газдыи упрэ пэскирэ васта, – мангнэпэ и дынэ паклоно ангил Растэ-Дэвлэстэ мóса кэ пхув. ⁷ Исусо (Ёхошуа), Ванаия, Шэревия, Иамино, Акуво, Шавтаё, Годия, Масея, Клито, Азэрия, Ёзавало, Ханано, Фелаия и Левиты пирипхэнэнас манушэнгэ Зако́но, машкир дова, сыр мануша сыс тэрдэ пэ пэскиро штэто. ⁸ И гиндлэ (дынэ упрэ) лылварьятыр, Дэвлэскирэ Законóстыр, яснэс, и причхувэнас смысло, и мануша галёнас, со сыс прогиндло. ⁹ Тэды Ниёмия, ёв жэ Тиршафо, и лылваритко Ёзра, рашай, и Левиты, савэ сыклякирдэ манушён, пхэндлэ сарэ манушэнгэ: “Дывэс дава исын свэ́нто Раскэ-Дэвлэскэ, тумарэ Дэвлэскэ; на пиридживэн и на ровэн”; пал-дová со сарэ мануша рондлэ, шуны Законóскирэ лавá. ¹⁰ И пхэндя лэнгэ: “Джэ́н, хан тхуло, и пьен гудлэ, и бичхавэн хабнытка котэ́ра (куски) одолэнгэ, конэ́стэ ничы́ нанэ заготовиндло; пал-дová со дывэс дава исын свэ́нто амарэ Раскэ-Дэвлэскэ. И на пиридживэн, пал-дová со ра́дыма Раскири-Дэвлэскири дэ́ла зор тумэнгэ. ¹¹ Левиты штылякирдэ сарэ манушён, раки́ри: “Пириячэн, пал-дová со дава дывэс исын свэ́нто, на пиридживэн.” ¹² И гинэ сарэ мануша тэ хан, и тэ пьен, и тэ бичхавэн хабнытка паша́ (котэ́ра), и тэ свэнкинэн барэ радымáса; пал-дová со ёнэ галынэ лавá, савэ пхэндлэ лэнгэ.

Кушчэнгиро Свэнко

¹³ Пэ явир дывэс скэдынэпэ стрэчэнгирэ (родоскирэ) барыдыра сарэ манушэндэр, рашай и Левиты кэ лылваритко Ёзра, соб (кай) ёв тэ пирипхэнэл лэнгэ Законóскирэ лавá. ¹⁴ И латхнэ зачхиндлэ дро Зако́но, саво дыя Рай-Дэвэл пир Мойзастэ, соб Израилёскиро чхавэ пэ эф́тáто битринэнгиро дэ́што чхон, пэ свэнко, дживдэ дрэ шáтры (кушчы). ¹⁵ И палдава дынэ тэ джинэн пир сарэ пэскирэ фóрья дро Ерусалимо, раки́ри: “Джэ́н пэ бэ́рга и лыджэ́н кхэ́ритконэ́ маслинакирэ рандя́, и лыджэ́н диконэ́ (бусонэ́) маслинакирэ рандя́, и миртакирэ рандя́, и пальмакирэ рандя́, и явирэ рандя́ буглэ-листенгирэ вэ́шэндэр, соб (кай) тэ кэрэн кушчы (шáтры), сыр исын зачхиндлэ.” ¹⁶ И гинэ мануша́, и яндлэ́, и кэрдэ́ пэ́скэ шáтры, ка́жно пэ́скири стрэ́ха (чхакын), и пэ грэ́ды (дворы) пэ́скирэ, и пэ Дэвлэ́скирэ-Кхэ́рэскирэ грэ́ды (дворы), и пэ́ форуны́ (плóшча), пашыл Пани́тко по́рта, и пэ́ маркпла́цо пашыл Ефре́мо́скири по́рта. ¹⁷ Сарэ мануша́, савэ́ рисинэ́ пленóстыр кэрдэ́ шáтры, и дживдэ́ дрэ шáтры. Дывэ́сэ́стыр Исусоскирэ́стыр (Ёхо́шуаскирэ́стыр), Навино́скирэ́ чхавэ́скирэ́стыр, на кэрдэ́ адя́кэ Израилё́скирэ́ чхавэ́. Ра́дыма сыс древа́н бари. ¹⁸ И гиндлэ́ Дэвлэ́скирэ-Зако́но́скирэ́ лылварья́тыр ка́жно дывэ́с, англату́нэ дывэ́сэ́стыр кэ́ палату́но́ (последне́) дывэ́с. И свэнки́ндлэ́ свэнко́ эф́та́ дывэ́са́, а охто́то дывэ́с свэнки́ндлэ́ пир стату́то (уставо́).

Шэро́ 9

Мануша́ Пригалёнас Лэнгирэ́ Грэ́хи

¹ Пэ биш тэ штáрто дывэс дро дава чхон скэдынэпэ сарэ чхавэ́ Израилё́скирэ́, савэ́ постынэ́на дрэ́ балы́тка гонэ́ (пеплоса) пэ́ шэро́. ² Семё́ (ро́до) Израилё́скиро́ гия́ дрэ́ риг (улады́япэ́/отдели́ндяпэ́) сарэ́ндыр явирэ́ндыр и уштынэ́ ёнэ́ и мангнэ́ тэ́ отмэ́кэн грэ́хи пал грэ́хи пэ́скирэ́ и пэ́скирэ́ дадэнгирэ́. ³ И ёнэ́ сыс тэрдэ́ пэ́ пэ́скирэ́ штэ́ты и штáрто часты́р (чась) дывэ́сы́тко гиндлэ́ Дэвлэ́скиро́ лав и мангнэ́ тэ́ отмэ́кэн грэ́хи штáрто часты́р (чась) манушэ́ндыр и мангнэ́пэ́ Дэвлэ́скэ. ⁴ Тэрдинэ́ упрэ́ пэ́ Левитэ́нгиро́ штэ́то: Исусо́ (Ёхо́шуа), Ванея́ ^[1], Кадми́ило, Шэ́вания, Вуни́ё, Шэ́ревия, Вания́, Хэ́нани, и зоралэ́с мангнэ́пэ́ кэ́ Рай Дэвэл, лэнгиро́ Дэвэл. ⁵ Левиты́ пхэндлэ́: “Исусо́ (Ёхо́шуа), Кадми́ило, Ванея́, Хашавни́я,

Шэревия, Годия, Шэвания, Петахия: “Уштэн и барьякирэн Рас-Дэвлэс, Дэвлэс тумарэс пэ сарэ бэршá. ⁶ Ту, Раё Дэвла, сан Екх, Ту создьян болыбэн, болыбэн пэ болыбэн и халадэн лэнгирэн, пхув и сарó, со исын пэ латэ, мórё (дэрьяв) и сарó, со исын дрэ лэстэ, и Ту дэса джибэн далэскэ сарэскэ и болыбнйтка халадыбэна дэна патыв Тукэ. ⁷ Ту Кокорó, Раё Дэвла, выкэдыян Авраамос, вылыджиян лэс Уростыр Халдеенгирэндэр и дыян лэскэ лав Авраáмо, ⁸ и Ту галыян лэс чачунэса ангил Пэстэ и дыян лэскэ завето, соб (кай) тэ дэс лэскирэ чхавэнгэ пхув Хананеенгири, Хетеенгири, Амореенгири, Ферезеенгири, Евусеенгири, Гергесеенгири. И Ту кэрдян пир Пэскиро лав, пал-довá со Ту сан чачунó. ⁹ Ту дыкхцян бйда амарэ-дадэнгири дро Египто, и Ту шундьян лэнгири годлыма пашыл Лоло мórё (дэрьяв). ¹⁰ Ту кэрдян знамэнии (гертыкá) и дивы ангил фараоностэ и ангил сарэндэ пэскирэндэ писхарьэндэ, и ангил сарó лэскиро народо, пал-довá со Ту джидьян, со ёнэ кэрдэ накуч лэнца и кэрдян пэскэ малва кэ ададывэсатуно дывэс. ¹¹ Ту ростырдыян ангил лэндэ мórё (дэрьяв) и ёнэ машкир пани гинэ, сыр пир шуки пхув, и одолэн, кон традыяпэ пал лэндэ, Ту тасадякирдыян лэн сыр бар дрэ барэ паня. ¹² Дро стылбо облокэнгири Ту лыджиян лэн-дывэсэ и дро стылбо ягало – раты, соб (кай) тэ пир лэнгири дром тэ явэл битяло. ¹³ Ту явдьян пэ бэрга Синаё и ракирдыян лэнца болыбнастыр и дыян лэнгэ чачунэ сэнды, патяибнйтка закóны, лачхэ упхэныбэна и припхэныбэна. ¹⁴ Пхэндян лэнгэ пал свэнто Тырó сáвато, и припхэныбэна, и упхэныбэн и сэнды пиридыян лэнгэ пир Пэскирэ писхаристэ, Мойзастэ. ¹⁵ Ту дыян лэнгэ марó болыбнастыр, сыр ёнэ сыс бокхалэ, и пани барэстыр Ту дыян, кели ёнэ камлэ тэ пьен, и пхэндян лэнгэ, соб (кай) ёнэ тэ джэн, и тэ лэн пхув, пал сави Ту совлахадьян лэнгэ тэ дэс, сыр Ту газдыян васт Пэскиро. ¹⁶ Нэ ёнэ и дада амарэ сыс нахрата и рикирдэ пэскири мэн вучэс, и на шундлэ Тырэ припхэныбэна. ¹⁷ Ёнэ на закамлэ тэ поддэнпэ, на пририпирдэ дивы тырэ, савэ ту кэрдян лэнца, и рикирдэ мэн упрэ и пир пэскири воля палэ чхудэ ангил пэстэ шэралэс, соб (кай) тэ явэн писхарьэнца. Нэ Ту, сан Дэвла, Савó выкэдэла тэ отмэкэл грэхэ, Савó длэнгэс вырикирэла, и Ту на ячкирдыян лэн. ¹⁸ На дыкхи, со ёнэ кэрдэ пэскэ сувнакуно вычхудо гуруворо и пхэндлэ: “Давá исын амарó дэвэл, савó вылыджия тут Египтостыр, и на дыкхи, со ёнэ кэрдэ барó обракирибэн. ¹⁹ Нэ Ту пир Пэскири ласка на чхурдыям лэн пэ чхучи пхув, стылбо облокэнгири на гия киг лэндэр дывэсэ, соб (кай) тэ лыджал лэн пир дром и стылбо латыр, савó лыджия лэн раты, соб (кай) лэнгэ тэ явэл бицяло, пир савó дром тэ джэн. ²⁰ И Ту дыян лэнгэ Пэскиро лачхó Дүхо, соб (кай) тэ сыклякирэс лэн и мана пэскири на отлэсас лэнгирэ мостыр и пани дыян лэнгэ тэ пьен. ²¹ Штардэшá бэрш Ту дыян лэнгэ тэ хас пэ чхучи пхув, ёнэ ни дро со на маиндлэ трэбима; йдя лэнгири на пхурия, и гэрá на шулынэ. ²² И Ту дыян лэнгэ кралипэна и народы и росчхудьян лэн пэ пашá и пхув Сигоноскири яця лэнгири, и пхув Есевонэскири, и пхув Огоскири, кралискирэ Васаноскири. ²³ Чхавэн лэнгирэн Ту убарьякирдыян пэ бут сыр чэргэня пэ болыбэн и лыджиян лэн пэ пхув, пал сави Ту ракирдыян лэнгирэ дадэнгэ, со ёй явэла лэнгири. ²⁴ И загинэ чхавэ лэнгирэ и пхув яця лэнгири. Ту отдыян Хананеенгирэ манушэн лэнгэ дрэ вастá и крálья лэнгирэ ячнó тырэ и манушэн, соб (кай) ёнэ тэ кэрэн лэнца, со закамэна. ²⁵ И залынэ ёнэ зоралэ фóрья и лачхи пхув и лынэ ёнэ пэскэ кхэрá сарэ барвалыпнаса, колбáни (водоёмы), савэ сыс барэстыр, винаградытка и маслиникта унты (сады) и бут дрэвы плодэнца ваш хабэн. Ёнэ ханэ, чалынэ, тхулынэ и коштынлэ пир Тыри ласка. ²⁶ И кэрдэпэ ёнэ нахрата (упряма), и на лынэ тэ кутякирэн Тут и ячкирдэ Закóно, замардэ пророкэн, савэ дэнас лэнгэ годы тэ патяс дрэ Түтэ, и кэрдэ барэ калякирибэна. ²⁷ Ту отдыян лэн лэнгирэ вэргэнгэ, савэ притасавэнас лэн. Нэ, сыр дро пхарó часо, ёнэ кхардэ Тут, Ту шундьян лэн болыбнастыр, пир Пэскири ласка Ту дэсас лэнгэ зракхибнаскирэн, и ёнэ зракхэнас лэн вэргэндэр. ²⁸ Сыр сарó сыс куч и штыл, нэвэс ёнэ лэнаспэ пал налачхипэн, и Ту отдэсас лэн вэргэнгэ дрэ вастá и вэрги сыс хулая пэ лэндэ. Нэ сыр ёнэ нэвэс кхардэ тут, Ту шундьян лэн и брoниндыян лэн (затэрдиян пал лэндэ) бут мóлы пир Тыри лачхэ-илыткима. ²⁹ Ту пририпирэсас лэнгэ тэ дживэн пир Закóно, нэ ёнэ на лыджинэ пэскиро джибэн адыкэ, и на шундлэ Тырэ припхэныбэна и гинэ на долэ дромэса, сыр Тырó статүто (уставо) ракирды, савэнца тэ явэл джидó мануш, кóли кэрдя бы пир статүто (уставо), и думо пэскиро кэрдэ твардо и мэн пэскири рикирдэ вучэс и на кандэнас Тут. ³⁰ Ужакири лэнгири рисибэн

кэ Ту, Ту учхакирдян бут бэрги и пририпирэсас лэнгэ Пэскирэ Духоса пир пророкэндэ, нэ ёнэ на шундлэ. И ту пиридыян лэн тэ васта явирэ народэнгэ. ³¹ Нэ, пир Пэскири лачхэ-илыткима Ту на замардян лэн кэ концо, и на мэкцял лэн, пал-довá со Ту сан Дэвэл лачхó и лачхэ-дескиро. ³² Аканá, амарó Дэвла, Дэвла барó, Савó исын, зоралó, трашало, Савó раххэла Завето и лáска! Мэк тэ на явэл набарипнаса сарí мэнька, савí кэрдяпэ амэнца, амарé краљенца, тхагарьенца амарэнца, рашанца амарэнца, пророкэнца амарэнца и амарé дадэнца и сарó народо тырó, дывэсэндыр Асириякир краљендыр кэ ададывэсатуно дывэс. ³³ Дро сарó, со амэнца кэрдяпэ, Ту сан чачуно (право), пал-довá со Ту кэрдэн пир чачипэн и амэ сам бангó. ³⁴ Амарé краљья, тхагарья амарé, рашая и дада амарé на дживдэ пир Зако́но и на шундлэ Тырэ припхэныбэна́ и пририпирибэна Тырэ. ³⁵ И дро лэскиро кралипэн ёнэ на дынариндлэ Тукэ, пир Тырó барó лачхипэн, савó Ту дыян лэнгэ, и пэ буглы и тхулы пхув, савí Ту откэдыян ваш лэнгэ, и ёнэ на рисёнас пэскирэ фуэ рэндэндыр. ³⁶ И, акэ, амэ сам писхэрья аканá, пэ дая пхув, савí Ту дыян амарé дадэнгэ, соб (кай) тэ хас лакирэ барьякирдэ (плóды), и тэ чараваспэ лакирэ лачхипна́са, акэ, амэ сам писхэрья пэ дая пхув. ³⁷ И лакирэ барьякирдэ ёй дэла бутэ краљенгэ, пир савэндэ Ту лыян зор пэ амэндэ пал грэхи амарé. И ёнэ рикирна зор пэ амарé масá и пэ амарé кхэритконэ мурдалэндэ (ското) пир пэскиро илó, и амэ сам притасадэ. ³⁸ И пир сарó дава́ амэ даса зоралó отпхэныбнытко лав, и подчхинаса, и пэ дава́ подчхиныбэн явэла чэргэн амарé тхагарьендыр, и амарé Левитэндыр, и амарé рашандыр.”

9:4 ^[1] Дро Юды́тко оригина́ло “Бани”

Шэрó 10

Манушá, Кон Чхудя́ Чэргэно́ри (Печать)

¹ Манушá, савé чхудé чэргэно́рья (печати), сыс: Ниёмия-Тиршафа, Гахалияскиро и Седэкияскиро чхавó, ² Сераия, Аза́рия, Еремее́, ³ Пашхуро, Амария, Малхия, ⁴ Хатушо, Шэвания, Малухó, ⁵ Харимо, Меремофо, Овадия, ⁶ Даниёлé, Гинефоно, Варухó, ⁷ Мешуламо, Авия́, Миямино, ⁸ Мазия, Вилгаё, Шэмаия: адалé сыс рашая. ⁹ Левíты: Исýсо (Ёхошуá), Азанияскиро чхавó, Бинуё, Хенададокирэ чхавэндыр, Кадмиило, ¹⁰ и лэнгирэ пшáла: Шэвания, Годия, Клита, Фелаия, Ханано, ¹¹ Миха, Рехово, Хашавия, ¹² Закхуро, Шэревия, Шэвания, ¹³ Годия, Ваниё, Венинуё. ¹⁴ Манушэнгирэ шэралé: Парошо, Пахавор-Моáво, Эламо, Зафу, Вания, ¹⁵ Вуниё, Азгадо, Беваё, ¹⁶ Адония, Бигваё, Адино, ¹⁷ Атеро, Езэкия, Азу́ро, ¹⁸ Годия, Хашумо, Бецаё, ¹⁹ Харифо, Анафофо, Неваё, ²⁰ Магпиашо, Мешуламо, Хезиро, ²¹ Мешэзаведо, Садоко, Ядуё, ²² Фелатия, Ханано, Анания, ²³ Осия, Ханания, Хашуво, ²⁴ Лохешо, Пилха, Шовеко, ²⁵ Рехумо, Хашавна, Маасея, ²⁶ Ахия, Ханано, Анано, ²⁷ Малухó, Харимо, Ваана. ²⁸ И явíр манушá, рашая́, Левíты, и манушá, савé раххэ́нэ по́рта, багаибнаскирэ Нефинеи, и сарé манушá, савé отгинé дрэ риг явирэ-тхэмэскирэ манушэндыр кэ Дэвлэскиро Зако́но, лэнгирэ джувля́, лэнгирэ чхавé и лэнгирэ чхая́, сарé, савé могиндлэ́ тэ галён, ²⁹ ёнэ приячнэ́ кэ пэскирэ пшáла, кэ лачхэ́-родоскирэ́нгэ (патывалэдырша) лэндыр, и гинé дро отпхэныбэн совлахаса́ и прокошы́бнаса – тэ кэрэн пир Дэвлэскиро Зако́но, савé сыс дыно́ Мойзаса́ Дэвлэскирэ-писхарискирэ́ вастэ́са, и тэ зракхэн, и тэ сполнинэн амарé Ра́скирэ-Дэвлэскирэ́, Дэвлэскирэ́ сарé запхэныбэна, и Лэ́скирэ́ припхэныбэна́, и Лэ́скирэ́ упхэныбэна́, ³⁰ и тэ на отдэн пэскирэн чхаён манушэнгэ́ явирэ́ тхэмэстыр, и лэнгирэ́ чхаён тэ на лэн пал пэскирэ́ чхавэндэ; ³¹ и ко́ли явэ́на манушá́ явирэ́ тхэмэстыр тэ янэн то́вары (арцýкулы) и сарó́ ваш бикны́бэн дро са́мато (субóта), тэ на лэн лэндыр дро са́мато, и дро свéнто́ дывэс, и пэ эф́тáто бэрш тэ ячкирэн вужлипэ́на (длуги), савé тэ на явэн. ³² И чхудям амэ́ пэскэ́ дро Зако́но тэ дас пэ́стыр пир трин шéкели дро бэрш ваш трéбима ваш амарé-Дэвлэскиро́ Кхэр: ³³ ваш свéнта́ марé, ваш ка́жно-дывэсы́тко маруно́ яныбэн и ваш ка́жно-дывэсы́тко цéло схачкири́бэн, ваш са́маты, ваш нэ́вочхон, ваш свéнки,

ваш свѣнта рѣнды и ваш свѣнта дыибѣна, соб (кай) тѣ жужакирѣнпѣ Израилѣскѣ грѣхостыр, и ваш сарѣ, со кѣрѣлапѣ дро амарѣ-Дѣвлѣскиро Кхѣр. ³⁴ И чхурдыям амѣ жрѣбиѣ, конѣскѣ тѣ янѣн каштѣ: рашая, Левѣты и манушѣ, кѣли, и савѣскѣ амарѣ родѣскѣ дрѣ упхѣндлѣ часо кажно бѣрш, тѣ янѣс лѣн кѣ амарѣскирѣ-Дѣвлѣскиро Кхѣр, соб (кай) ѣнѣ тѣ хачон ваш амарѣ Рѣскѣ-Дѣвлѣскѣ свѣнто дыибѣн, сыр исын зачхиндлѣ дро Закѣно. ³⁵ И дыям амѣ лав кажно бѣрш тѣ янас дро Рѣскирѣ-Дѣвлѣскиро Кхѣр пѣрва (англатунѣ) барѣякирдѣ (плѣды) кажнѣнѣ дрѣвостыр (каштѣстыр); ³⁶ адѣкѣ-пацѣ тѣ янас дро амарѣ-Дѣвлѣскиро Кхѣр кѣ рашая, кѣ манушѣ, савѣ дынаринѣна дрѣ амарѣ-Дѣвлѣскиро Кхѣр, амарѣ англатунѣн чхавѣн амарѣн чхавѣндыр и амарѣ кхѣритконѣ мурдалѣндыр (скотѣстыр), сыр исын зачхиндлѣ дро Закѣно, и англатунѣ амарѣ барѣ и тыкнѣ мурдалѣндыр (скотѣстыр). ³⁷ И тѣ янас англатунѣ амарѣ марѣ, и свѣнто яныбѣн амарѣ и барѣякирдѣ (плѣды) кажнѣнѣ вѣшѣстыр мол (вино) и ксил амѣ явѣса тѣ янас рашангѣ ваш амарѣ Рѣскирѣ-Дѣвлѣскири пиралѣ и дѣшѣнгири амарѣ пхувѣатыр Левитѣнгѣ. Ёнѣ, Левѣты, явѣна тѣ лѣн дѣшѣнгири дрѣ сарѣ фѣрѣя, кай амѣндѣ исын пхув. ³⁸ Пашыл Левитѣндѣ, кѣли ѣнѣ явѣна тѣ лѣн дѣшѣнгири, явѣла тѣ явѣл рашѣй, Ароноскиро чхавѣ, соб (кай) Левѣты тѣ лыджѣн дѣшѣнгири пѣскирѣ дѣшѣнгирыѣтыр дро амарѣ-Дѣвлѣскиро Кхѣр, дрѣ штѣбы, савѣ выкѣдынѣ ваш пиралѣ; ³⁹ пал-довѣ со дрѣ далѣ штѣбы сыр Израилѣскирѣ чхавѣ, адѣкѣ и Левѣты исын бангѣ тѣ янѣн свѣнто дыибѣн; марѣ, мол (вино) и ксил. Одѣй свѣнта кхѣрѣ (сасѣды), и рашая, савѣ дынаринѣна, и манушѣ, савѣ исын тѣрдѣ пашыл пѣрта, и багаибнаскирѣ. И амѣ на ячкираса амарѣ-Дѣвлѣскиро Кхѣр.

Шѣрѣ 11

Манушѣ, Савѣ Дживдѣ кѣ Ерусалимо

¹ И дживдѣ барыдырѣ манушѣнгирѣ кѣ Ерусалимо, и явѣр манушѣ народѣстыр и чхурдѣнас жрѣбиѣ, соб (кай) екх паш лѣндыр дѣшѣ пашѣндыр лѣнгирѣндыр тѣ джал тѣ дживѣл кѣ свѣнта фѣро Ерусалимо, а енѣ (биекхѣскиро дѣш) пашѣ лѣндыр тѣ ячѣнпѣ тѣ дживѣн дрѣ явѣр фѣрѣя. ² И бахтѣкирдѣ манушѣ сарѣн явирѣ манушѣн, савѣ догинѣ кѣ екх годѣ кокорѣ пѣстыр тѣ дживѣн кѣ Ерусалимо. ³ Акѣ, исын шѣралѣ дрѣ округа, савѣ дживдѣ кѣ Ерусалимо, а дрѣ фѣрѣя дрѣ Юдѣя дживдѣ кажно дрѣ пѣскири фелатин, пир пѣскиро фѣро: Израилѣтѣни, рашая, Левѣты, и Нефинѣи, и чхавѣ писхарѣнгирѣ Соломоноскирѣндыр. ⁴ Кѣ Ерусалимо дживдѣ вари-савѣ чхавѣндыр Юдаскирѣн, вари-савѣ чхавѣндыр Вениаиностыр. Юдаскирѣ чхавѣндыр: Афаия ^[1], Узияскиро чхавѣ, Захарияскиро чхавѣ, Амарияскиро чхавѣ, Сафатияскиро чхавѣ, Малелеилоскиро чхавѣ, Фаресѣскиро чхавѣ. ⁵ И о Маасѣя, чхавѣ Варухоскиро, чхавѣ Колхозѣѣскиро, чхавѣ Хазаияскиро, чхавѣ Адаияскиро, чхавѣ Яривоскиро чхавѣ, Захарияскиро, чхавѣ Шѣлонияскиро. ⁶ Сарѣ чхавѣн Фаресоскирѣн, савѣ дживдѣ кѣ Ерусалимо, сыс штѣршѣлѣ шовдѣшѣ охтѣ, манушѣ сыс муршканѣ. ⁷ И, акѣ, исын чхавѣ Вениаиноскирѣ: о Салу, чхавѣ Мешуламоскиро, чхавѣ Иѣодоскиро, чхавѣ Фѣдаияскиро, чхавѣ Колаияскиро, чхавѣ Маасѣяскиро, чхавѣ Ифиилоскиро, чхавѣ Исаѣскиро, ⁸ и пал лѣндѣ Габаѣ, и Салаѣ – еняшѣла биш тѣ охтѣ. ⁹ Иѣилѣ, чхавѣ Зихрискиро сыс барыдырѣ пѣ лѣндѣ, а Юда, чхавѣ Сѣнуяскиро, сыс явѣр манѣш пир фѣро. ¹⁰ Рашандыр: Едаия, чхавѣ Ёаривоскиро, Яхино, ¹¹ Сѣраия, чхавѣ Хѣлкияскиро, чхавѣ Мешуламоскиро, чхавѣ Садокоскиро, чхавѣ Мѣраиофоскиро, чхавѣ Ахитувоскиро, савѣ сыс барыдырѣ пѣ Кхѣр Дѣвлѣскиро, ¹² и пшалѣн лѣнгирѣн, савѣ кѣрдѣ свѣнто бутѣ дро Кхѣр Дѣвлѣскиро, сыс охтошѣла биш тѣ дуй, и Адаия, чхавѣ Иѣрохамоскиро, чхавѣ Фѣлалѣякиро, чхавѣ Амцѣѣскиро, чхавѣ Захарияскиро, чхавѣ Пашхуроскиро, чхавѣ Малхѣяскиро, ¹³ и лѣскирѣ пшѣла, савѣ сыс шѣралѣ пѣ стрѣчы (поколѣнии) – сыс дуйшѣлѣ штѣрдѣшѣ дуй, и Амашсаѣ, чхавѣ Азариилоскиро, чхавѣ Ахзаѣскиро, чхавѣ Мѣшылемофоскиро, чхавѣ Имероскиро, ¹⁴ И пшѣла лѣскирѣ, манушѣ муршканѣ – шѣл тѣ биш тѣ охтѣ, и лѣнгиро барыдырѣ сыс Завдиило, чхавѣ Гагѣдолимоскиро. ¹⁵ Адѣкѣ-пацѣ Левитѣндыр: о Шѣмая, чхавѣ Хашувоскиро, чхавѣ Хашавѣѣскиро, чхавѣ Вунияскиро, ¹⁶ И Шавгаѣ, и Ёзавадо, савѣ сыс барыдырѣ пѣ Левитѣндѣ, и савѣ лыджинѣ рѣнды свѣтѣса дро Кхѣр Дѣвлѣскиро. ¹⁷ И Матѣния,

чхавó Михаскиро, чхавó Завдиёскиро, чхавó Асафоскиро, сыс лыджаибнаскиро (ведушчо) тэ парикирэл Дэвлэскэ дрэ пáтери (молítва): и Бакбукия, кон сыс явír ману́ш пал лэстэ, и Авда, чхавó Шамуёскиро, чхавó Галалоскиро, чхавó Едутиноскиро; ¹⁸ Сарé Левитэн дро свéнто фóро сыс дуйшэла́ тэ охтодэша́ штар. ¹⁹ И ишчо (инкэ), раххибна́рья пэ по́рта, Акуво, Талмоно, и лэнгирэ пшáла, савé раххнэ по́рта, сыс шэл тэ эфтадэша́ дуй. ²⁰ И явír мануша́ Израилёстыр, рашая́ и Левítы, сыс пир сарé фóрья дрэ Юдэя, кажно пэ пэскиро миштыпэн. ²¹ А Нефинеи дживдэ́ кэ Офелё. И Цыха и Гишфа сыс шэралé пэ лэндэ. ²² И барыдырó пэ Левитэндэ дро Ерусалимо сыс Узиё, чхавó Ванеяскиро, чхавó Хашавияскиро, чхавó Матанияскиро, чхавó Михаскиро, Асафоскирэ чхавэндýр, савé багандлэ, сыр дынариндлэ ёнэ дро Кхэр Дэвлэскиро, ²³ пал-довá со крáли припхэндý, соб (кай) тэ чалякирэн багаибнаскирэн кажно дывэс. ²⁴ И Петахия, чхавó Мешазавадоскиро, екх чхавó, чхавэндýр Зараскирэндýр, кон сыс чхавó Юдáскиро, сыс кралýскиро чачó васт пир сарé рэндý (дэлы) манушэнгирэ.

Манушá, Савэ Дживдэ́ Яврý Ерусалимóстыр

²⁵ А пал одолэндэ, савé дживдэ́ дрэ гавá, пэскирэ фэлдэнца, чхавó Юдáскирэ дживдэ́ кэ Кириаф-Арба и дрэ лэскирэ форицы, савé сыс тэл лэскири зор, и дро Дивоно, и дрэ форицы, савé сыс тэл лэскири зор, дро Иекавцэилё, и дрэ лэскирэ гавá; ²⁶ дрэ Ешуя, дро Моладо, дро Беф-Палето, ²⁷ дро Хацар-Шуало, дрэ Вирсáвия, и дрэ форицы; савé сыс тэл лáкири зор ²⁸ дро Секелазо, и дро Мехоно, и дрэ форицы, савé сыс тэл лэскири зор, ²⁹ дро Эн-Римоно, дрэ Цора, и дро Иармуфо, ³⁰ дро Заноахо, дро Адаламо, и дрэ лэскирэ гавá, дро Лахисо, и пэ фэлды лэскирэ, дро Азэка и дрэ лáкирэ гавá. Ёнэ дживдэ́ Вирсавиятыр кэ/жýко дóло Эномоскиро. ³¹ И чхавó Вениаминóскирэ, кóли тэ лэс Геватыр, дживдэ́ кэ Михмасо, кэ Гаё, кэ Вефýлэ, и дрэ лэскирэ форицы, савé сыс тэл лэскири зор; ³² кэ Анафофо, кэ Номва, кэ Анания; ³³ кэ Гацоро, кэ Рáма, кэ Гифаимо; ³⁴ кэ Хади́до, кэ Цэвоимо, кэ Неволато, ³⁵ кэ Лодо, кэ Оно, и пэ дóло Харашымоскиро. ³⁶ И вари-савé Левítы дживдэ́ пэ пхувýякирэ паша делянки Юдáскирэ и Вениаминóскирэ.

11:4 ^[1] Дро Юдýтко оригина́ло “Атая”

Шэрó 12

Рашая́ и Левítы

¹ Га́да, исын рашая́ и Левítы, савé явнó Зоровавелёса, Салафилоскирэ чхавэ́са и Исусóса (Ёхошуаса): Сераия, Еремёё, Ё́здра, ² Амария, Малухо, Хатушо, ³ Шэхания, Рехумо, Меремофо, ⁴ Идо, Гинефоё, Авия́, ⁵ Миямино, Маадия, Вилга, ⁶ Шэмаия, Иоарифо (Еяриво), Иедая, ⁷ Салу, Амоко, Хелкия, Едаия. Акэ, ёнэ сыс рашáнгирэ шэралé и лэнгирэ пшáла дрэ Исусóскирэ (Ёхошуаскирэ) дывэсá. ⁸ А Левítы: Исýсо (Ёхошуá), Бинуё, Кадмиило, Шэре́вия, Юда, Матфания, шэралó тэ парикирэн Дэвлэскэ псалмэнца, ёв и лэскирэ пшáла, ⁹ И Бакбукия и Униё, лэнгирэ пшáла, кон адýкэ-паць, сыр ёнэ, раххнэ по́рта. ¹⁰ Исусóстыр бия́ндыя Иоакимо, Иоакимостыр бия́ндыя Елиашыво, Елиашывостыр бия́ндыя Иоуада, ¹¹ Иоаидастыр бия́ндыя Ионафа́но, Ионафаностыр бия́ндыя Иадуё. ¹² Дрэ Иоакимоскирэ дывэсá сыс рашая́, родоскирэ (стрэчакирэ) шэралé: Сераияскирэ кхэрэ́стыр Мераёскирэ, и Еремёёскирэ, кхэрэ́стыр Ханания, ¹³ Ездраскирэ кхэрэ́стыр Мешуламо, Амарияскирэ кхэрэ́стыр Иоханано, ¹⁴ Мелихоскирэ кхэрэ́стыр Ионафа́но, Шэванияскирэ кхэрэ́стыр Иосифо (Ё́за), ¹⁵ Харимоскирэ кхэрэ́стыр Адна, Мераиофоскирэ кхэрэ́стыр Хелкия, ¹⁶ Идоскирэ кхэрэ́стыр Заха́рия, Гинефоноскирэ кхэрэ́стыр Мешуламо, ¹⁷ Авиёскирэ кхэрэ́стыр Заха́рия, Миниаминоскирэ кхэрэ́стыр, Моадиёскирэ кхэрэ́стыр Пилтаё, ¹⁸ Вилгаскирэ кхэрэ́стыр Шамуё, Шэмаияскирэ кхэрэ́стыр Ионафа́но, ¹⁹ Иояривоскирэ

кхэрэстыр Мафнаё, Едаияскирэ кхэрэстыр Узиё, ²⁰ Салаёскирэ кхэрэстыр Калаё, Амокоскирэ кхэрэстыр Еверо, ²¹ Хелкияскирэ кхэрэстыр Хашавия, Недаияскирэ кхэрэстыр Нафанаило. ²² Акэ, исын Левиты, шэралэ пэ стрэчы дрэ дывэса Елиашывоскирэ, Иоиадаскирэ, Ехананоскирэ и Иадуёскирэ, савэ залыджинэ сыс дрэ зачхиныбэн, и адякэ-паць рашай, кэли кралиндя Дариё Персиятыр. ²³ Чхавэ Левиёскирэ, савэ сыс шэралэ пэ стрэчы, сыс зачхиндлэ дрэ родоскири лылварі кэ дывэса Иохананоскирэ, кон сыс чхаво Елишывоскиро. ²⁴ Шэралэ Левитэнгирэ сыс: Хашавия, Шэревия, и Исусо (Ёхошуа), чхаво Кадмиилоскиро, и пшала лэнгирэ, ёнэ сыс чхудэ тэ бахтякирэн, кэли парикирэна, пир Давидоскиро упхэныбэн, кон сыс мануш Дэвлэскиро – екх змена пал явир змена. ²⁵ Матфания, Бакбукия, Овадия, Мешуламо, Талмоно, Акуво-стрэгарья, раххибнарья пэ проги кэ порта. ²⁶ Ёнэ дживдэ дрэ дывэса, кэли сыс Иоакимо, чхаво Исусоскиро, чхаво Ёседэкоскиро, и дрэ дывэса, кэли барыдыро пэ округа сыс Ниёмия, и лылваритко сыс Ёзра, рашай.

Ниёмия Обсвэнцынэла Ванта

²⁷ Аканá, сыр обсвэнцынэна ванты Ерусалимоскирэ, то лэнгэ трэиндя тэ латхэн Левитэн пир сарэ штэты, соб (кай) тэ янэн лэн дро Ерусалимо, соб (кай) тэ свэнкинэн, кэли обсвэнцынэна и ваш радымакиро свэнко, парикирибнаса и багаибнаса тэл зан цымбалэнгири, псалтиренгири и арфакири. ²⁸ И скэдынэпэ чхавэ багаибнаскирэ округатыр Ерусалимсконатыр и гавэндэр Нетофафоскирэндэр, ²⁹ и Беф-Гагилгалостыр и фэлдэндэр дрэ Гева и Азмавето; пал-дова багаибнаскирэ чхудэ пэскэ гавá трусцýл Ерусалимо. ³⁰ И жужакирдэ (очистиндлэ) пэс рашай, и Левиты, и жужакирдэ явирэ манушэн, и порта, и ванта. ³¹ Адякэ мэ лыджиём барыдырэн Юдэятыр пэ ванта, и мэ чхудём дуй барэ хоры тэ джан парикирибнаса, и екх хоро гия пэ чачи риг вантакири кэ/жýко Гнэёскири порта. ³² Пал лэндэ гия Гашаия, и паш барыдыра пэ Юдэя; ³³ Азэрия, Ёзра и Мешуламо, ³⁴ Юда, и Вениамино, и Шэмаия, и Еремёе; ³⁵ и вари-савэ чхавэ рашангирэ рогэнца (трубэнца): Захэрия, чхаво Ёнафаноскиро, чхаво Шэмаияскиро, чхаво Матфанияскиро, чхаво Михеёскиро, чхаво Закуроскиро, чхаво Асафоскиро; ³⁶ и пшала лэскирэ: Шэмаия, Азарило, Милалаё, Гилалаё, Мааё, Нафанаило, Юда, и Хананиё музыкальнэ струментэнца Давидостыр, савэ сыс Дэвлэскиро мануш, и лылваритко Ёзра гия ангил лэндэ. ³⁷ Пашыл фолахароскири (фонтаноскири) порта ангил лэндэ, ёнэ гинэ упрэ пир гэруня (ступеньки) кэ форо Давидоскиро, пэ stylба/уклани (лесвица), сави сыс пэ ванта пал кхэр Давидоскиро адякэ дур, сыр кэ Панескири порта кэ вастоко. ³⁸ Явир хоро, савэ парикирэлас, гия дрэ явир риг, и пал лэндэ мэ, и паш народоскири пир ванта Бовэскирэ вучардытыр (башнятыр) и кэ буглы ванта. ³⁹ И Ефремоскирэ портатыр, пашыл пхураны порта, пашыл Мачхэнгири порта, и Хананелоскири портатыр, Меяскирэ портатыр, кэ Бакрэнгири порта, и тэрдинэ пашыл Штарибнаскири порта. ⁴⁰ Тэньци дуй далэ хоры парикирибнытка тэрдинэ проти Кхэр Дэвлэскиро, мэ и пашыл манца паш барыдырэн. ⁴¹ И рашай: Елиакимо, Маасея, Миниамино, Михеё, Елиознаё, Захэрия, Ханания рогэнца, ⁴² и адякэ-паць: Маасея, и Шэмаия, и Елизэро, и Узиё, и Ёханано, и Малхия, и Еламо, и Езеро. И багандлэ зоралэс багаибнаскирэ: лэнгиро барыдыро сыс Израхия. ⁴³ И янэнас дро дова дывэс барэ дыибэна, и радындлэпэ, пал-дова со Дэвлэ дья лэнгэ бари радыма. Радынлэпэ лошаса (радымаса) и джувля, и бияты, и радыма (лош) Ерусалимоскири сыс шундлы дур.

Свэнта Бутя дрэ Кхангирі

⁴⁴ И дро дова-паць дывэс сыс чхудэ мануша пир штубы дрэ пиралы (кладовка) тэ янэн свэнта дыибэна, соб (кай) тэ скэдэн фэлдэндэр трусцýл форя паша, савэ трэиндя рашангэ и Левитэнгэ пир Законо ваш рашангэ и Левитэнгэ; пал-дова со Юдээнгэ сыс радыпныткэс тэ дыкхэн пэ рашандэ, и пэ Левитэндэ, савэ сыс тэрдэ. ⁴⁵ Савэ кэрдэ свэнто буты пэскирэ Дэвлэскэ, и савэ жужакирдэ манушэн, и ёнэ сыс багаибнаскирэ и раххибнарья пэ порта пир

упхэныбэ́н Давидо́скиро и лэскиро-чхавэ́скиро Соломо́но. ⁴⁶ Пал-дова́ со гара́ дрэ дывэ́са Давидо́скирэ и Асафоскирэ, сыс чхудэ́ шэралэ́ пэ багаибнаскирэндэ, и шарибнытка гиля́ и гиля́ Дэвлэ́скэ, тэ барьякирэ́н и тэ парикирэ́н. ⁴⁷ Дрэ дывэ́са, кэ́ли дживдэ́ Зоровавелё́ и Неемия́, сарэ́ Израильтя́ни дэ́нас лэ́нгирэ́ хабнытка порцы́и багаибнаскирэнгэ́ пэ ка́жно дывэ́с, и ё́нэ отдэ́нас обсвэнцы́ндлэ́ предметы́ (чы́сы) Левитэ́нгэ́, а Леві́ты пири́дэнас обсвэнцы́ндлэ́ предметы́ Ааро́нэскэ́.

Шэро́ 13

Ниеми́я Зоралэ́с Марлапэ́ Бизладоса́

¹ Дро дова́ дывэ́с гиндлэ́ машки́р манушэ́ндэ́ лылварі́ Мойзаскири́ и галы́нэ́ дрэ́ латэ́: “Амонитя́нино́ и Моавитя́нино́ на мо́гинэ́на тэ́ заджа́н дро́ Дэвлэ́скиро́ кхэтаны́пэн никели́, ² пал-дова́ со ё́нэ на стрэ́ниндлэ́ Израилэ́скирэ́ чхавэ́н марэ́са и панэ́са и лы́нэ́ пэ́ лэ́ндэ́ Валамос, со́б (кай) тэ́ магирэ́с лэ́н; но Дэвэл́ амаро́ пирики́рдя магири́бэн дро́ бахтякири́бэн.” ³ Сыр ё́нэ шундлэ́ дава́ Зако́но, ё́нэ вы́лыджинэ́ саро́ наро́до, саво́ на сыс Израилэ́скирэ́ манушэ́ндыр. ⁴ Ангил́ дава́ раша́й Елиашы́во, саво́ сыс ты́рдо паш шу́бы (комнаты) дро́ амаро́ Дэвлэ́скиро́ Кхэр, саво́ сыс пашатуны́ сэмэ́нца Тония́скэ, ⁵ кэ́рдя́ ваш лэ́скэ́ бари шу́ба, дрэ́ саві́ англэ́дыр чхувэ́на́с да́ры марэ́стыр, ладано́ и штэ́клы и дэ́шэнгири́ (ме́ра) марэ́стыр, моля́тыр (вино́стыр) и ксилэ́стыр, савэ́ трэй́ тэ́ явэ́н пир Зако́но ваш Левитэ́нгэ́, багаибнаскирэнгэ́ и ра́кхибна́рьенгэ́, и да́ры ваш раша́нгэ́. ⁶ Сыр саро́ дава́ сыс, мэ́ на со́мас дро́ Ерусали́мо, пал-дова́ со́ дро́ трия́нда яви́р бэ́рш Вавило́нэскирэ́ кра́лі́скирэ́ Артаксерко́скирэ́ мэ́ псирде́м кэ́ кра́ли́ и пир ва́ри-савэ́ дывэ́са́ нэ́вэс вы́мангдэ́мпэ́ кра́лі́стыр. ⁷ Сыр мэ́ явде́м дро́ Ерусали́мо и уджинде́м пал на́лачхо́ рэ́ндо, саво́ кэ́рдя́ Елиашы́во, саво́ кэ́рдя́ шу́ба ваш Тония́скэ́ дро́ Дэвлэ́скиро́ Кхэр, ⁸ то ма́нгэ́ сыс зоралэ́с пха́рэс (на пир ило́), и мэ́ вычу́рдые́м сарэ́ кхэ́ры́тка предме́ты (чы́сы) Тония́скирэ́ яври́ шу́тубэ́ндыр. ⁹ И пхэ́нде́м, со́б (кай) тэ́ выжу́жакирэ́н шу́бы, и чху́рдые́м лав (пропо́нинде́м), со́б нэ́вэс тэ́ залы́джан кхо́рэ (сасу́ды) Дэвлэ́скирэ́ Кхэ́рэски́р одо́ры́к, да́ры марэ́стыр и ладано́. ¹⁰ Кэ́ саро́ уджинде́м мэ́, со́ Левитэ́нгэ́ на отдэ́нас лэ́нгири́ паш, и со́ Леві́ты и багаибнаскирэ́ розна́шнэ́пэ́ ка́жно пир пэ́скири́ фэ́лда. ¹¹ Мэ́ ко́стэ́м пал дава́ шу́ралэ́н, и пхэ́нде́м: “Пал со́ ячки́рдям а́мэ́ Дэвлэ́скиро́ Кхэр?” И мэ́ скэ́дые́м лэ́н и чху́де́м лэ́н пэ́ ски́ро шу́тэ́то. ¹² Сарэ́ Ю́дэ́и я́чнэ́ тэ́ я́нэ́н дэ́што паш пир ма́ро, мо́л (вино́), ксил́ дрэ́ пира́лы. ¹³ Мэ́ чху́де́м паш пира́ля́ раша́с Шэ́лэ́мийас и Са́до́кос лы́лваритко́нэс, и о́ Федания́с Левитэ́ндыр и паш лэ́ндэ́ сыс Ха́нана, чхаво́ Матфа́ния́скиро, пал дова́, со́ ё́нэ сыс ча́чунэ́. И пэ́ лэ́ндэ́ сыс зор тэ́ роздэ́н дава́ лэ́нгирэ́ пшалэ́нгэ́. ¹⁴ Рі́пир ма́н пал дава́, ми́ро Дэ́вла, и на би́стыр ми́рэ́ лачхэ́ рэ́нды, савэ́ мэ́ кэ́рдэ́м ваш ми́ро Дэвлэ́скиро́ Кхэр и ваш раша́нгирэ́ рэ́нды (де́лы) паш лэ́стэ́. ¹⁵ Дрэ́ долэ́ дывэ́са́ ды́кхце́м мэ́ дрэ́ Ю́дэ́я, со́ дро́ са́вато (субо́та) тасавэ́на дро́ пресо́, лы́джана́ гарбы́ (снопы́) и чхувэ́на́ мол, вина́градо́, инжы́ро и ка́жно пха́рипэ́н и лы́джана́ дро́ са́вато дро́ Ерусали́мо. И мэ́ зоралэ́с выпхэ́нде́м лэ́нгэ́ дро́ дова́ дывэ́с, сыр ё́нэ би́кнэ́нас ха́бны́тко. ¹⁶ Ти́ряни́ дживдэ́ кэ́ Ю́дэ́я и я́нэ́нас ма́чхэ́ и раз́но това́ро (арци́куло) и би́кнэ́нас лэ́с дро́ са́вато ма́нушэ́нгэ́ Ю́дэ́яты́р и Ерусали́мо́стыр. ¹⁷ И мэ́ ко́стэ́м бары́дырэ́н Ю́де́яты́р и пхэ́нде́м лэ́нгэ́: “Пал со́ тумэ́ кэ́рэ́на дасаво́ на́лачхи́пэн и ма́гирэ́на са́вато? ¹⁸ Хай, на а́дякэ́-па́цэ́ кэ́рдэ́ тумаре́ да́да́ и пал дава́ Дэвэл́ амаро́ я́ндя́ пэ́ а́мэ́ндэ́ и пэ́ дава́ фо́ро са́рі́ да́я би́да? Тумэ́ хо́лякирэ́на бу́тыр Дэ́влэ́с пэ́ Израилэ́, ма́гири́ са́вато (субо́та). ¹⁹ Пало́ (после) дава́, сыр кэ́рдя́пэ́ цямло́ (кало́) пашы́л Ерусали́мо́скири́ по́рта, анги́л са́вато, мэ́ при́пхэ́нде́м тэ́ за́кэ́рэ́н ву́дара́ и пхэ́нде́м, со́б (кай) тэ́ на пси́равэ́н (отпха́ндэ́н) лэ́н анги́л зло́ко па́ло́ (после) са́вато. ²⁰ Би́кибна́рья́ и ко́фа́рья́ ка́жнэ́нэ́ това́роса́ (арци́кулоса́) ра́тыки́рдэ́ на дро́ Ерусали́мо́ и э́кхвар и бу́тыр. ²¹ Мэ́ шы́лалэ́с выпхэ́нде́м лэ́нгэ́, и пхэ́нде́м: “Пал со́ тумэ́ ра́тыки́рна́ паш да́я ва́нта? Ко́ли тумэ́ ишчо́ (инкэ́) э́кхвар а́дякэ́ кэ́рна, то мэ́ чхува́ва ва́ст пэ́ тумэ́ндэ́.” Да́лэ́ дывэ́сэ́стыр ё́нэ бу́тыр на я́вэ́нас дро́ са́вато. ²² Мэ́ при́пхэ́нде́м Левитэ́нгэ́, со́б (кай) ё́нэ тэ́ кэ́рэ́нпэ́ жу́жэ́ (чы́ста) и тэ́ я́вэ́н тэ́ пи́кирэ́н стрэ́га́ пэ́ по́рта, ваш дова́, со́б (кай) тэ́ свэ́нкинэ́н дывэ́с са́ваты́тко. И пал дава́,

“Ріпир пал мандэ, Дэвла, и приманг ман пир Пэскири лачхэ-илыткима.”²³ Ишчо дрэ долэ дывэса мэ дыкхавас Юдэн, савэ лынэ пэскэ борьен Азотянкэндэр, Моавитянэндэр и Аммонитянэндэр,²⁴ И пал дова чхавэ лэнгирэ ракирна паш пир пир-азотытко, ци пэ чибá явирэ-манушэнгирэ и на джинэна тэ ракирэн Юдыткэс.²⁵ Мэ костём лэн пал дова и магирдём лэн, и вари-савэн муршэн лэндэр мардём, костём пал лэнгирэ балá и мангдём лэн Дэвлэса, соб (кай) ёнэ тэ на отдэн пэскирэн чхаён пал лэнгирэ чхавэндэ, и тэ на лэн чхаён лэнгирэн пал пэскирэ чхавэн и пал пэстэ.²⁶ Ци на пал лэндэ, – ракирдём мэ, – кэрдя грэху Соломоно, крáli Израилёскиро? На сарэндэ манушэндэ сыс дасаво крáli, сыр Соломоно. Лэскэ сыкадя лэскиро Дэвлэ и Дэвлэ чху́дя лэс кралы́са пэ сарэндэ Юдэндэ: и явирэ пхувьятыр джувля залыджинэ лэс дро блэндо.²⁷ И сашты́ ли амэнгэ тэ шунэс пал амэндэ, со тумэ кэрна саро́ дава́ налачхипэн ангил амарэ́ Дэвлэстэ, коли́ ласа́ явирэ́ джувлэн?”²⁸ Иоидаскиро чхавэндэр, чхавэс барэ́ рашас Елиашывос, лэскиро дад сыс джамутрэса (зятёса) Санавалатоскирэса, Хоронитконэса. Мэ вытрадыём лэс пэстыр.²⁹ “Ріпир лэнгэ, миро Дэвла, пал-дова́ со ёнэ магирдэ́ рашаибэн и завето рашангиро и Левитэнгиро.”³⁰ Адыкэ, мэ вымордём лэн сарэ́ манушэндэр на Израилёскирэ манушэндэр и кэрдём дынарибэн рашангиро и Левитэнгиро, кажно́эскиро пир лэскиро рэндо.³¹ И кашта́ тэ янэн кэ́ пэскиро часо́ и англатунэ́ барьякирдэ́ (плóды). Ріпир ман, Дэвла миро, ваш миро миштыпэн!

Эстэракири (Эсфирьякири) Лылварі

Шэро́ 1

О Крáli Чхувэла тэлэ Крáлица Астинь (Вашты)

¹ И сыс дава́ дрэ Артаксерксоскирэ дывэса́, адава́ Артаксёрксо сыс крáli пэ екх шэл тэ биш тэ эфта́ провинции, Индиятыр кэ/жы́ко Ефиопия.² Дрэ долэ́ дывэса́, сыр крáli Артаксёрксо бэстя́ пэ пэскиро кралы́тко трóно, со сыс дрэ Сузы [Шушан-ю.о.], дрэ лэскири кралы́скири фэлатин [шэрутно́ фóро-р.с.].³ То дро трýто бэрш лэскирэ-кralипнаскиро ёв кэрдя́ свэнко́ ваш сарэнгэ́ пэскирэ́ тхэмэскирэ́ барыдырэнгэ́ и ваш манушэнгэ́, савэ́ сыс дына́рья пашыл лэстэ́, ваш барэ́ Персиякирэ́ и Мидиякирэ́ – халадэнгирэ́ барыдырэнгэ́, ваш пэскирэ́ тхэмэскирэ́ рангэ́, и тхагарьэнгэ́.⁴ Сыкадя́ ёв древа́н баро́ пэскиро кralипнаскиро барвалыпэн и древа́н лачхо́ зяи́ныбэн лэскирэ́ райканыпнастыр. Мануша́ свэнкинэнас бут дывэса́, пал шэл тэ охтодэша́ (180) дывэса́.⁵ Кэли́ прогинэ́ (накхлэ́) далэ́ дывэса́, то крáli кэрдя́ свэнко́ ваш пэскирэ́ манушэнгэ́, савэ́ сыс дрэ́ унта́ (садо́) Сузы, барэстыр кэ́ тыкно́ эфта́ дывэсэнгиро пэ кралы́скирэ́, фэлатинякири пэ грэ́да (двóро).⁶ Парнэ́ папирья́тыр и яхонтовонэ́-цвятэнгиро́ вы́лнатыр сыс тханá (ткани), савэ́ сыс прикэрдэ́ висоньтконэ́ и пурпуровонэ́ шнурэнца́ (дорьенца́), ёнэ́ сыс убладэ́ пэ рупувэ́ брэньчы́ пир мраморы́тка стылбы́.⁷ Сувнакунэ́ и рупувэ́ чхуи́бэна сыс пэ пэто́ (пóло), саво́ сыс зачхудо́ зэлэнэ́ барэнца́, и мрамороса́, и перламутроса́, и калэ́ барэнца́.⁸ Пибэ́н сыс подыно́ дрэ сувнакунэ́ вучэ́ тахта́, савэ́ сыс разна́ пир шука́рьярибэн тимина́са трийнда́ дэша́ бара́ таланты́. Мол кралы́скиро сыс древа́н бут, пир кралы́скиро барвалыпэн. Пибэ́н гия́ штылэ́с, пир рэндо́ (зако́но), никон́ на зачхувэлас тэ пьен; пал-дава́ со крáli ды́я дасаво́ упхэны́бэн сарэнгэ́, кон лыджий́ рэнды́ дро лэскиро́ кхэр, соб (кай) тэ кэрэн пир ило́ кажно́э́ манушэ́скэ.⁹ И крáлица Астинь [Вашты-ю.о.] адыкэ́-паць кэрдя́ свэнко́ ваш джувлэнгэ́ дро Артаксерксоскирэ́-кралы́скиро кхэр.¹⁰ Пэ эфта́то (битринэнгиро́ дэшто́) дывэ́с, кэли́ пхэрдия́ моля́тыр (лолэ́ бравинтатыр) кралы́скиро ило́ радыва́са, ёв пхэндя́ Мегуманоскэ́, Бизфаскэ́, Харбонаскэ́, Бигфаскэ́ и Авагфаскэ́, Зефароскэ́ и Каркасоскэ́ эфта́ (эфтэ́) – евну́хэнгэ́, савэ́ дына́риндлэ́ ангил Артаксерксоскирэ́-кралы́скиро муй.¹¹ Соб (кай) ёнэ́ тэ янэн крáлица Астинь ангил кралы́скиро муй дрэ кралы́тко коро́на ваш дова́, соб (кай) тэ сыкавэл́ манушэнгэ́ и тхэмэскирэ́ рангэ́ ла́кири го́жыма (шук); пал-дава́ со ёй сыс древа́н шука́р.¹² Нэ́ крáлица

Астинь на закамдъя тэ явэл пир краліскіро упхэныбэн, саво сыс пирипхэндло пир евнухэнгэ, пал-дава́ древан росхолясыя крáli, и холы́ лэскири захачія дрэ лэстэ. ¹³ И пхэндя крáli манушэнгэ, савэ джіндлэ гаратунэ дывэса́, – пал-дава́ со краліскірэ рэндэ кэрдэ ангил сарэндэ манушэндэ, савэ джіндлэ Зако́но и лыджинэ сэнды. ¹⁴ Пашатунэ (приблизонна) мануша́ кэ ёв тэды сыс: Каршэна, Шэфаро [Шэтаро-ю.о.], Адмафа, Фарсисо [Паршышо-ю.о.], Мерэсо, Марсэна, Мемухано-эфта́ Персиякирэ и Мидиякирэ тхага́рья, савэ мого́ндлэ тэ дыкхэн краліскіро муй и сыс англатунэ мануша́ дро краліпэн: ¹⁵ “Со тэ кэрэн пир Зако́но крали́цаса Астиняса пал дова́, со ёй на кандыя́ Артаксерксоскиро краліскіро лав, саво сыс пхэндлэ пир евнухэндэ?” ¹⁶ И пхэндя Мемухано ангил краліскіро и тхага́рьэнгиро муй: “Крáliца Астинь исын банги на ангил екхэ кралістэ, а ангил сарэ тхага́рьэндэ и ангил сарэ манушэндэ, савэ дживэ́на пир сарэ Артаксерксоскирэ-краліскірэ провинцыи. ¹⁷ Палдава́ со дова́ лав, сыр лыджия́ пэс крáliца, доджала́ кэ сарэ джувля́, и ёнэ явэна́ тэ на кандэн пэскирэ ромэн и тэ ракирэн: ‘Крáli Артаксёрксо припхэндя́ тэ янэн крáliца Астинь ангил лэстэ, а ёй на гия́’. ¹⁸ Аканá тхагарицы́ Персиякирэ и Мидиякирэ, савэ сыр шунэна, сыр лыджия́ пэс крáliца, явэна́ дова́-паць тэ ракирэн сарэнгэ краліскірэ тхага́рьэнгэ; и накандыпэн и пхутькирибэн явэна́ древан барэ. ¹⁹ Кóли трэй краліскэ, мэк тэ выджал лэстыр краліскіро упхэныбэн, и тэ зачхинэн дрэ Персиякирэ и Мидиякирэ зако́ны, и тэ на отпарувэлпэ, пал-дова́, со Астинь на явэла́ тэ заджал ангил Артаксерксоскиро краліскіро муй, а ла́киро краліскіро штэ́то крáli пиридэлапэ яви́рькэ, сави́ явэла́ фэдыр ла́тыр. ²⁰ Кéли шунэна пал дава́ краліскіро упхэныбэн, саво розджалапэ пир саро́ лэскиро баро́ краліпэн, тэды сарэ джувля́ явэна́ тэ кутякирэн пэскирэн ромэн, барэстыр кэ тыкно́.” ²¹ И лачхо́ сыс дава́ лав дрэ краліскірэ и тхага́рьэнгирэ якха́; и кэрдя́ крáli пир Мемуханоскиро лав. ²² И бичхадя́ ёв дрэ сарэ краліскірэ провинцыи лыла́, чхиндлэ дрэ ка́жно провинцыякиро штэ́то ла́кирэ чхиныбна́са и кэ сарэ мануша́ пэ лэнгири чиб, соб (кай) ка́жно (сва́ко) му́рш тэ явэл хула́й дрэ пэскиро кхэр, и соб (кай) дава́ тэ явэл пхэндлэ ка́жнэ́скэ манушэ́скэ пэ лэскири родно́ чиб.

Шэро́ 2

Эстэ́ра Ячэ́лапэ Крали́цаса

¹ Пало́ (после) дава́, кéли штылыя́ Артаксерксоскирэ-краліскири холы́, ёв пририпирдя пал Астинятэ́ и палдова́, со ёй кэрдя́, и со сыс припхэндло пал ла́тэ. ² И пхэндлэ́ тэрнэ́-бэршэнгирэ́ (отроки), савэ дынариндлэ́ пашыл кралістэ́: мэк тэ родэн кучэ́с краліскэ́ тэрнэн гожонэн патывалэ́ джувлэн. ³ И мэк крáli тэ чхувэл дыкхибна́скирэн дрэ сарэ́ пэскирэ краліпна́скирэ-провинцыякирэ́ штэ́ты, савэ скэдэ́на сарэн тэрнэ́ патывалэ́ джувлэн, савэ сыс го́жа мо́са, кэ краліскири фэлатин [шэру́тно-р.с.] Сузы, дрэ джувлэнгиро́ кхэр тэл Гегаё́скирэ – краліскірэ-евнухоскиро́ раххи́бэн, саво сыс джувлэнгиро́ раххи́бнари, и мэк лэнгэ́ тэ выдэн макхлу́ня ваш шука́рипэн. ⁴ И тэрны́ патывалы́ джувлы́, сави́ явэла́ лачхи́ краліскірэ́ якхэнгэ́, мэк тэ явэл крали́цаса за́мэст Астинятэ́. И лачхо́ сыс дава́ лав дрэ краліскірэ́ якха́, и ёв а́дякэ́ и кэрдя́. ⁵ Сыс дрэ краліскири́ фэлатин дрэ Сузы, екх́ Юдо́; лав лэскиро́ сыс Мардохе́ё, Нароскиро́ чхаво́, Шымаскиро́ чхаво́, Кишоскиро́ чхаво́, Вениамино́скирэ́ родо́стыр. ⁶ Ёв сыс Ерусалимо́стыр выбичхадо́ кхэтанэ́ яви́рэ пленонэнца́, савэн вы́лыджия́ о́ Ехония́, Юдэ́якиро́ крáli, савэн выбичхадя́ Навуходоносо́ро, Вавилоноскиро́ крáli. ⁷ И барья́кирдя́ ёв Гадасса́, – ёй исын а́дякэ́-паць Эстэ́ра ^[1], – лэскирэ́-какэ́скири́ чхай, а́дякэ́ сыр ла́тэ на сыс ни да, ни да́дэс. Тэрны́ да́я Юды́ца сыс шука́р стэма́са (стано́са) и шука́р мо́са. И кéли мы́нэ ла́кирэ дай и да́д, Мардохе́ё лы́я ла́ кэ пэ за́мэст чхатэ́. ⁸ Кéли сыс пхэндлэ́ сарэнгэ́ краліскіро́ припхэны́бэн и лэскиро́ упхэны́бэн, и кéли сыс скэ́дынэ́ бут тэрнэ́ патывалэ́ джувля́ кэ краліскири́ фэлатин дрэ Сузы тэл Гегаё́скиро раххи́бэн, то тэды сыс лыны́ и Эстэ́ра дро краліскіро́ кхэр тэл Гегаё́скиро раххи́бэн, кон сыс джувлэнгиро́ раххи́бнари. ⁹ И я́ця лачхи́ лэскирэ́ якхэнгэ́ а́дя́я тэрны́ патывалы́ джувлы́, и я́ця лэ́стэ ла́ска кэ ёй, и ёв сы́гнякирдя́ тэ дэл ла́кэ́ макхлу́ня ваш го́жыма́ и саро́, со сыс

упхэндлô (назначындло) пэ лакири паш, и тэ чхувэн кэ ёй эфта патывалэ джувлэн, савэ сыс мол тэ явэн пашыл латэ, краліскірэ кхэрэстыр; и пирилыджия ла и лакирэ патывалэ джувлэн дрэ най фэдэдёр джувлэнгирэ-кхэрэскири паш. ¹⁰ На ракирдя Эстэра ни пал пэскирэ манушэндэ, ни пал пэскиро родо; пал-дова со Мардохее дья лакэ упхэныбэн, соб (кай) ёй тэ на ракирэл дава. ¹¹ И кажно дывэс Мардохее явэлас кэ джувлэнгирэ-кхэрэскири грэда (дворо), соб (кай) тэ уджинэл пал Эстэракиро састыпэн, и пал-дова, со кэрэлапэ ласа. ¹² Кэли явдя часо кажнóнэ тэрнэ патывалэ джувлякэ тэ заджал кэ крالی Артаксёрксо, палó дова, сыр дрэ прогинэ (нахлэ) дэшудуй чхонá сарó кэрдó сыс пэ латэ, со трэй джувлэнгэ, – пал-дова со адакицы дывэсá трэиндя тэ проджас лэнгирэ макхлуненца: шов чхонá мировонэ ксилтэса и шов чхонá кхандыпнэнца и явирэнца джувлитконэ макхлунэнца. ¹³ Тэды адякэ приготовиндлы тэрны патывалы джувлы тэ заджал кэ крالی. Соб (кай) ёй тэ на потребинэл, лакэ дэнас сарó ваш выгибэн джувлитконэ кхэрэстыр дро краліскиро кхэр. ¹⁴ Бэльвелé ёй заджалас, и пэ злóко (ранко) рисёлас дрэ явир джувлитко кхэр, тэл Шаазгазоскиро раххибэн, краліскірэ евнухоскиро, кон сыс краліскірэ-джувлэнгиро раххибнари; и бутыр на выджала кэ крالی, коли фэни крالی замангэла ла, и ёй кхарэласпэ пир лав. ¹⁵ Кэли подгья часо Эстэракиро, Абихайлоскирэ чхакэ, Мардохеескирэ-какэскирэ, савó лыя ла кэ пэ замест чхатэ – тэ джал кэ крالی, тэды ёй на мангдя ничы, апріч дова, пал со пхэндя лакэ Гегаё, краліскиро евнухо, джувлэнгиро раххибнари. И латхя Эстэра лачхó отлыджаибэн кэ пэ дрэ сарэ манушэнгирэ якхá, кон дыкхця ла. ¹⁶ И лынэ Эстэра кэ крالی Артаксёрксо, дрэ лэскиро краліскиро кхэр, дрэ дэшто чхон, дрэ чхон Тебёфо, дро эфатэ (битринэнгиро дэшто) бэрш лэскирэ кралипнаскиро. ¹⁷ И покамдя крالی Эстэра бутыр пэскирэ сарэ джувлэндыр, и ёй яця дро́го лэскэ и лачхó отлыджаибэн бутыр сарэндыр тэрнэ патывалэ джувлэндыр; и ёв чхудя кралітко коро́на пэ лакиро шэрó, и кэрдя ла кралицаса пэ Астинякиро штэ́то. ¹⁸ И кэрдя крالی барó свэнко ваш сарэнгэ пэскирэ тхэмэскирэ рангэ и ваш манушэнгэ, савэ дынариндлэ пашыл лэстэ, – свэнко ваш Эстэракэ, и кэрдя льгóта провинцыэнгэ и роздыа дáры кралитконэ нажалиматыр. ¹⁹ И, кэли явир мо́ло скэдынэ сыс тэрнэ патывалэ джувля, и Мардохее сыс бэштó пашыл краліскірэ вударá. ²⁰ Эстэра уса на ракирдя пал пэскиро родо и пал пэскирэ манушэндэ, сыр припхэндя лакэ Мардохее; а лав Мардохеескиро Эстэра кэрэлас кэ кóнцэ (кэ ягóро) и аканá адякэ-паць, сыр и тэды, кэли ёй бария кэ как. ²¹ Дрэ дова часо, сыр Мардохее сыс бэштó пашыл краліскірэ вударá, дуй краліскірэ евнухи, Гавафа [Бигтано-ю.о.] и Фара [Тэрэшо-ю.о.], савэ раххнэ прого, росхолясынэ и задуминдлэ тэ газдэн васт пэ Артаксерксостэ кралістэ. ²² То уджиндя пал дова рэндо, Мардохее, и пиридыа Эстэракэ кралицакэ, а Эстэра пхэндя краліскэ Мардохеескирэ лавэстыр. ²³ Рэндо сыс розгалыно и латхно чачунэса, и лэн дуэн, убладэ пэ кашт. И сыс зачхиндлó пал Мардохеескиро лачхó рэндо дрэ лылварі кралістэ ангил лэстэ.

2:7 ^[1] Дрэ Руситко Библия дава лав пхэнэлапэ “Эсфирь.”

Шэрó 3

Амáно Придуминдя тэ Мулякирэн Юдэн

¹ Палó (после) дава Артаксёрксо крالی дья барó право Аманоскэ, Амадафоскирэ чхавэскэ, Вугеяниноскэ, и газдыа лэс, и чхудя лэскиро штэ́то, кай ёв сыс бэштó, вучэдёр сарэндыр тхагарьэндыр, савэ сыс лэстэ. ² И сарэ, кон дынариндя пашыл кралістэ, савэ сыс пашыл краліскірэ вударá, клониндэпэ и пынэ мо́са пэ пхув ангил Аманостэ; пал-дова со адякэ припхэндя крالی. А Мардохее на клониндяпэ и на пыя мо́са пэ пхув. ³ И ракирдэ манушá, савэ дынариндлэ пашыл кралістэ, савэ сыс пашыл краліскірэ вударá Мардохеескэ: “Сóскэ ту пхагирэса краліскиро упхэныбэн?” ⁴ И сыр ёнэ лэскэ ракирдэ кажно дывэс, а ёв на кандыа лэн, тэды ёнэ роспхэндлэ Аманоскэ, соб (кай) тэ дыкхэн, ци вытэрдёла дрэ пэскиро лав Мардохее, пал-дова со ёв пхэндя лэнгэ, со ёв сыс Юдо. ⁵ И кэли дыкхця Амáно, со

Мардохее на клонинэласпэ, и на пэрэлас моса пэ пхув ангил лэстэ, тэды пхэрдия холяса Аmano. ⁶ И сыкадыя лэскэ, со нисо на мол тэ чхувэл васт пэ екхэстэ Мардохеестэ; нэ адякэ, сыр пхэндлэ лэскэ, савэндыр манушэндыр Мардохее, тэды задуминдя Аmano тэ мулякирэн Юдэн, савэ сыс дрэ саро Артаксерксоскиро кралипэн, сыр Мардохеескирэ манушэн. ⁷ Дро пэрво чхон, саво исын чхон Нисано, дрэ дэшуавир бэрш кралискиро Артаксерксоскиро чхурдынэ жрэбиё, ангил Аманоскиро муй дывэс дро дывэс и чхонэстыр дро чхон, и пыя жрэбиё пэ дэшуавир чхон, пэ чхон Адаро. ⁸ И пхэндя Аmano Артаксерксоскэ, кралискэ: ‘Исын екх мануша, савэ росчхурдынэ и выбичхадэ машкир манушэндэ пир сарэ тырэ-кралискирэ провинцыи; и лэнгирэ законы на зджанапэ сарэ манушытконэ законэнца, и кралискирэ законы ёнэ на сполнинэна; и кралискэ нашты адякэ тэ ячкирэс лэн. ⁹ Кóли кралискэ явэла пир ило, тэды мэк тэ явэл зачхиндло сыр припхэныбэн тэ мулякирэн лэн; и дэш бара таланты руп мэ плэскирава дрэ манушэнгирэ васта, кон кэрдя дая буты, соб (кай) тэ лыджан дрэ кралискири пиралы (казна).’ ¹⁰ Тэды крали злыя пэскири ангрусты чэргэнорьяса пэскирэ вастэстыр и отдыя ла Аманоскэ, Амадафоскирэ чхавэскэ, Вугеяниноскэ, саво сыс вэрго Юдэнгэ. ¹¹ И пхэндя крали Аманоскэ: “Мэ дава тукэ дава руп и манушэн; и кэр лэнца адякэ, сыр тукэ здэлапэ.” ¹² И сыс кхардэ кралискирэ лыла-чхиныбнаскирэ дро пэрво чхон, пэ лэскиро дэшутрито дывэс, и сыс чхиндло, сыр пхэндя Аmano, кралискирэ барыдырэнгэ дрэ провинцыи тхэмэскирэ и барыдырэнгэ пэ кажно провинцыя и тхагарьэнгэ кажнóнэ манушэнгирэ; дрэ кажно провинцыя лакирэ чхиныбнаса и сарэ манушэнгэ пэ лэнгири чиб. Саро сыс чхиндло Артаксерксоскирэ кралискирэ лавэстыр и спхандло кралискирэ ангрустяса чэргэнорьяса. ¹³ И бичхадэ сыс лыла пир манушэндэ дрэ сарэ кралискирэ провинцыи, соб (кай) тэ замарэн, (тэ хасякирэн) и тэ мулякирэн сарэн Юдэн, тыкнэн и пхуранэн, биятэн и джувлэн, дро екх дывэс, пэ дэшутрито дывэс дэшуавир-чхонэскиро, дро Адароскири чхон, и барвалыпэн лэнгиро тэ залэн. ¹⁴ Пиричхиныбэн далэ упхэныбнастыр сыс тэ отдэн дрэ кажно провинцыя сыр законом, саво сыс пхэндло (обьявиндло) ваш сарэ манушэнгэ, соб (кай) ёнэ тэ явэн скэдынэ кэ дова дывэс. ¹⁵ Мануша, савэн бичхадэ, сыгэс гинэ кралискирэ припхэныбнаса, и упхэныбэн сыс пхэндло и дрэ кралискири фэлэтин Сузы. И крали и Аmano сыс бэштэ и пинэ, а фóро Сузы сыс дрэ баро пиридживипэн.

Шэро 4

Э Эстэра Дэла Лав тэ Подэл Васт Юдэнгэ

¹ Кéли Мардохее уджиндя саро, со кэрдяпэ, ёв роскустя пэскирэ йди, и чхудя пэ пэстэ балытко гонó (вретишчо) и праска; и ёв выгия пэ машкирал фóро барэ и кирконэ ясвэнца, и задья гóдла. ² И догия кэ кралискирэ вударá; адякэ сыр нашты сыс тэ заджал дрэ кралискирэ вударá дро балытко гонó. ³ Адякэ-паць и дро кажно провинцыя и штэто, карик догия кралискиро припхэныбэн и лэскиро упхэныбэн, сыс баро пиридживипэн Юдэнгэ, и посто, и ровибэн, и гóдла; балытко гонó и праска сыс чхуибнаса ваш бутэнгэ манушэнгэ. ⁴ И явнэ бутярнэ Эстэракирэ и лакирэ ёвнухи, и роспхэндлэ лákэ, и дрéвaн зоралэс лыя тэ пиридживэл кралица. И ёй бичхадя йдя, соб (кай) Мардохее тэ урьавэл лэн и тэ злэл пэстыр пэскиро балытко гонó; нэ ёв на прилыя. ⁵ Тэды Эстэра кхардя Гафэхос, екхэ кралискирэ евнухэндыр, савэс крали чхудя кэ ёй, и бичхадя лэс кэ Мардохее тэ уджинэл: со сыс дасаво и сóстыр дава гия? ⁶ И гия Гафахо кэ Мардохее пэ фóроскири форуны (плóшча), сави сыс ангил кралискирэ вударá. ⁷ И роспхэндя лэскэ Мардохее пал саро, со лэса кэрдяпэ, и пал ци бут руп, пал саво дыя лав Аmano тэ плэскирэл дрэ кралискири пиралы (казна) пал Юдэндэ, соб (кай) тэ мулякирэн лэн. ⁸ И подья лэскэ манушэнгиро пиричхиныбэн припхэныбнастыр, саво сыс пхэндло дрэ Сузы, и пал мулякирибэн лэнгиро, соб (кай) тэ сыкавэл Эстэракэ и тэ дэл джиныбэн лákэ пал саро; априч дава ёв пхэндя лákэ, соб (кай) ёй тэ джал кэ крали и дрéвaн тэ мангэл лэс тэ потангинэл (тэ жалинэл) лэн и, соб (кай) ёй мангдя лэс пал пэскирэ манушэндэ. ⁹ И явдя Гафахо, и пирипхэндя Эстэракэ Мардохеескирэ лавá. ¹⁰ И пхэндя

Эстэра Гафахоскэ, и бичхадя лэс тэ пхэнэл Мардохеёскэ: ¹¹ “Сарэ манушá, савэ кэрэна буты пашыл крالیстэ и дрэ крالیскирэ провинцыи джинэна, со кажнонэскэ манушэскэ, и муршэскэ и джувлякэ, кон заджала кэ крáli дрэ андратуны грэда, и кон на сыс кхардо, екх сэндо – мэрибэн; екх одовá, кэ кон протырделá крáli пэскиро сувнакуно дэсто, кодова ячэлапэ джидо. А мэ на сом кхарды кэ крáli, гада, аж трийнда дывэсá.” ¹² И пирипхэндлэ Мардохеёскэ Эстэракирэ лавá. ¹³ И пхэндя Мардохеё дрэ отпхэныбэн Эстэракэ: “На думин, со ту екхджины зракхэсапэ дро крالیскиро кхэр сарэ Юдэндыр. ¹⁴ Кóли ту дро дава часо явэса штыл (промолчинэса), тэды васт (помошч) и зракхибэн явэна ваш Юдэнгэ явирэ штэтóстыр, а ту и тырэ – дадэскиро кхэр, хасэна. И кон джинэла, ци на ваш дава часо ту и дорэсцяи (долыян) крالیскири патыв?” ¹⁵ И пхэндя Эстэра адякэ дро отпхэныбэн Мардохеёскэ: ¹⁶ “Джá, скэдэ сарэ Юдэн, савэ исын дрэ Сузы, и постинэн ваш мánгэ, и на хан и на пьен трин дывэсá, ни дывэсэ, ни ратý, и мэ пэскирэ бутярнэнца адякэ-паць явáва тэ постинав, и коригэдыр (позжэ) мэ джáва кэ крáli, хоць дава исын проти закóно, и кóли трэй явэла тэ хасэвав, то хасэвава.” ¹⁷ И гия Мардохеё, и кэрдя, сыр припхэндя лэскэ Эстэра.

Шэрó 5

Эстэра Кэрэла Свэнкитко Скамíнд

¹ Пэ трýто дывэс Эстэра уридяпэ дрэ кралýтко íдя, и тэрдия ёй пэ андратунэ крالیскирэ-кхэрэскири грэда, ангýл крالیскиро кхэр; крáli тэды сыс бэштó пэ пэскирэ-крالیскиро трóно, дро крالیскиро кхэр, мамýй (проти) дро загиибэн дро кхэр. Кéли крáli дыкхцý крáлица Эстэра, савý сыс тэрдý пэ грэда; ёй латхý тангипэн (жалима) дрэ лэскирэ якхá. ² И протырдыя крáli кэ Эстэра сувнакуно дэсто, савó сыс дрэ лэскирэ вастá, и подгýя Эстэра, и лыяпэ пал дэстоскиро ягóро (концо). ³ И пхэндя лáкэ крáli: “Со тýкэ трэй, крáлица Эстэрэ, и савó исын мангипэн тырó? Аж кэ паш мирé кралипнастыр явэла дыно тýкэ.” ⁴ И пхэндя Эстэра: “Кóли кралýскэ явэла пир илó, мэк тэ явэл крáli Аманоса ададывэс пэ свэнко, савó мэ кэрдём лэскэ.” ⁵ И пхэндя крáli: “Джáи сыгэдыр пал Аманостэ, соб (кай) тэ кэрэн пир Эстэракиро лав.” И явдя крáli Аманоса пэ свэнко, савó кэрдя Эстэра. ⁶ И пхэндя крáli Эстэракэ, сыр ёнэ пинé мол (вино): “Со явэла пир илó тýкэ? Ёв явэла сполниндло; и савó исын тырó мангипэн? Мэк кэ паш кралипэн, ёй явэла сполниндло.” ⁷ И отпхэндя Эстэра, и пхэндя: “Гáда, исын пэ илó мánдэ и миро мангипэн: ⁸ кóли мэ латхём лáска дрэ крالیскирэ якхá, и кóли явэла пир илó кралýскэ, соб (кай) тэ сполнинэс пир илó мánгэ и миро мангипэн, тэды мэк крáli Аманоса тэ явэн пэ свэнко, савó мэ кэрáва ваш лэнгэ, и атася мэ сполнинава лав крالیскиро.” ⁹ И выгýя Амáно дрэ дова дывэс лошало (весёло) и лачх-дескиро. Нэ кéли дыкхцý Амáно Мардохеёс пашыл крالیскирэ вударá, и одовá на уштыя, и штэтóстыр на газдыяпэ ангýл лэстэ, тэды пхэрдия Амáно барé холяса пэ Мардохеёстэ. ¹⁰ Нэ Амáно зрикирдяпэ. А кеды явдя дрэ пэскиро кхэр, тэды бичхадя тэ кхарэн пэскирэн малэн, и пэскирýя ромнý Зэрэша. ¹¹ И роспхэндя лэнгэ Амáно пал дрéвáи барó пэскиро барвалыпэн, и пал дрéвáи бут пэскирэ чхавэндэ, и пал сарó дова, сыр лэс крáli газдыя вучэс и сыр чхудя лэс пэ тхэмэскирэ рандэ и бутярнэндэ кралискирэндэ. ¹² И пхэндя Амáно: “И крáлица Эстэра никонэс на кхардя кралýса пэ свэнко, савó ёй кэрдя, апрýч мánдэ; адякэ и пэ атася мэ сом кхардо кэ ёй кралýса. ¹³ Нэ сарó дава на ухтылла ваш мánгэ, пака мэ дыкхáва Мардохеёс, Юдос, бэшындой пашыл крالیскирэ вударá.” ¹⁴ И пхэндя лэскэ Зэрэш, лэскири ромнý, и сарэ лэскирэ малá: “Мэк тэ кэрэн вэшына (кашт) вучипнаса дрэ пандждэшá куня (локти), и пэ злóко (рáнко) пхэн кралýскэ, соб (кай) тэ ублавэн Мардохеёс пэ лэстэ: и тэды лошалэс джá пэ свэнко кралýса.” И сыс пир илó дава лав Аманоскэ, и ёв кэрдя вэшына.

Шэрó 6

О Крáли Кэрэла Патыв Мардохеёскэ

¹ Дрэ доя рат краліскэ на совэласпэ, и ёв пхэндя тэ янэн дывэсэнгирэ-зачхиныбнаскири лылварі ваш рипирибён; и гиндлэ ла ангил кралістэ. ² И латхно сыс, со сыс чхиндло одой, сыр допхэндя Мардохеё пэ Гавафостэ (Бигтэностэ) и Фарастэ (Тэрэшостэ), дуэндэ краліскирэ евнухэндэ, савэ рахнэ прого, савэ задуминдлэ тэ чхувэн васт пэ кралістэ Артаксеркостэ. ³ И пхэндя крáли: “Саві дынэ патыв и слава Мардохеёскэ пал дава?” И пхэндлэ тэрнэ манушá краліскирэ, савэ сыс бутярнэ пашыл лэстэ: “Нисó на сыс кэрдó лэскэ.” ⁴ И пхэндя крáли: “Кон исын пэ грéда (двóро)?” Амáно тэды явдя пэ андратунé краліскирэ-кхэрэскири грéда тэ ракирэл краліса, соб (кай) тэ ублавэн Мардохеёс пэ вэшына, савó ёв пригатовиндя ваш лэскэ. ⁵ И пхэндлэ тэрнэ манушá краліскэ: “Гáда, Амáно исын тэрдó пэ грéда.” И пхэндя крáли: “Мэк ёв тэ заджал.” ⁶ И загий Амáно. И пхэндя лэскэ крáли: “Со трэй тэ кэрэн одолé манушэскэ, савэс крáли древáн камéла тэ патывакирэс слава́са?” Амáно подуминдя дрэ пэскиро ило: “Конэскэ ж явирэскэ закамéла крáли тэ кэрэл сла́ва, апріч мандэ?” ⁷ И пхэндя Амáно краліскэ: “Кодолэскэ манушэскэ, савэс крáли камэл тэ патывакирэл слава́са, ⁸ мэк лэскэ тэ янэн краліскири ідя, дрэ саві урьелапэ крáли, и янэна грэс, пэ савэстэ традéла крáли, тэ чхувэн краліскири коро́на пэ грэскиро шэрó, ⁹ и мэк тэ подэн ідя и грэс дрэ вастá екхэ англатунé-краліскирэ тхагарьэндыр, и урьена одолэс манушэс, савэс крáли камéла тэ патывакирэл слава́са, и вылыджан лэс пэ грэстэ пэ форитко гáсы [пэфоруны (плóшча)-р.с.], и пхэнэна ангил лэстэ: адякэ кэрэна кодолé манушэскэ, савэс крáли камéла тэ патывакирэл слава́са!” ¹⁰ И пхэндя крáли Аманоскэ: “Дро дава́-паць момéнто лэ ідя и грэс, сыр ту пхэндян, и кэр дава́ Мардохеёскэ Юдоскэ, савó исын бэштó пашыл краліскирэ вударá; нисó на промэк сарэстыр, со ту ракирдян.” ¹¹ И лыя́ Амáно ідя и грэс, и уридя Мардохеёс, и вылыджия́ лэс пэ форитко маркплацо (форуны/плóшча), и пхэндя ангил лэстэ: “Адякэ кэрэна одолé манушэскэ, савэс крáли камéла тэ патывакирэл слава́са!” ¹² И рисия́ Мардохеё кэ краліскирэ вударá. Амáно сыгэды́р гия́ дрэ пэскиро кхэр, смэнтно и зачхакирдя шэрó. ¹³ И пиріпхэндя Амáно Зэрэшакэ, пэскирэ ромнякэ, и сарэнгэ пэскирэ малэнгэ, со кэрдяпэ лэса. И пхэндлэ лэскэ лэскирэ годé манушá и лэскири ромны́ Зэрэш: “Кóли Мардохеё исын Юдэнгирэ родóстыр, пир савэстэ ту лыян тэ пэрэс, тэды ту на пирізорьякирэса лэс, а сыгэды́р пэрэса ангил лэстэ.” ¹⁴ Ёнэ ишчо (инкэ) ракирдé лэса, сыр явнó краліскирэ ёвнухи, и лынó тэ сыгнякирэн Аманос тэ джал пэ свэнко, савó кэрдя́ Эстэра.

Шэрó 7

Аманоскиро Хасякирибэн

¹ И явнó крáли Аманоса пэ свэнкитко хабён кэ крáлица Эстэра. ² И пхэндя крáли Эстэрэ и дрэ дава́ явір дывэс пэ свэнко (банкéто): “Со исын пэ ило́ тутэ, крáлица Эстэра? Давá явэ́ла кэрдó пир лав. И савó исын мангипён тырó? Мэк кэ паш кралипён, дава́ явэ́ла кэрдó пир лав.” ³ Тэньци отпхэндя крáлица Эстэра, и пхэндя: “Кóли мэ латхём тангипён (жалима) дрэ тырэ́ якхá, о Крáли, и кóли краліскэ явэ́ла пир ило́, тэды мэк тэ явэл дариндло миро джиібён ма́нгэ, пир ило́ миро, и мирé манушэ́нгэ, пир миро мангипён! ⁴ Палдава́ со бикиндлэ амэн, ман и мирé манушэ́н, пэ традыпэн криг, умарибэн и хасибён. Кóли амэ́ тэ явас бикиндлэ сыр писхáрья и писхарицы, то мэ ява́ва штыл, усаéкх вэ́рго на рискирéла урэжа краліскири.” ⁵ И отпхэндя крáли Артаксёрксо, и пхэндя кралицакэ́ Эстэракэ: “Кон исын адасавó, и кай исын кодо́ва, савó сыс тромало (муршканó) дрэ пэскиро ило́ тэ кэрэл адякэ?” ⁶ И отпхэндя Эстэра: “Вэ́рго и на́лачхо ману́ш – кадава́ исын захало Амáно!” И Амáно страхадыя ангил кралістэ и кралицатэ. ⁷ И крáли уштыя́ дрэ бари холын пэскири свэнкостыр моляса, и гия́ дрэ фэлатинякири у́нта (садо); нэ Амáно яця́пэ тэ мангэл пал джиібён пэскиро крáлица

Эстэра, пал-дова со ёв дыкхця, со ужакирэла лэс панда (фуй судьба) кралистыр. ⁸ Кэли крали рисия фэлатинякирэ унтатыр пэ штэто дро кхэр, кай сыс свэнко, Аманос сыс пыи кэ чхуибэн, пэ саво сыс Эстэра. И пхэндя крали: “Аж камэла и тэ лэл пэ зор кралица дрэ кхэр мандэ, кэли мэ сом!” Лав выгия кралискирэ уштэндыр, и зачхакирдэ муй Аманоскэ! ⁹ И пхэндя Харбона, екх евнухэндыр, саво сыс пашыл кралистэ: “Гада, и вэшына (кашт) исын”, саво кэрдя Аманос ваш Мардохеёскэ, саво ракирдя лачхипэн ваш кралискэ, исын тэрдэ пашыл кхэр Аманоскиро, вучипнаса дрэ пандждэша куня. И пхэндя крали: “Ублавэн лэс пэ лэстэ.” ¹⁰ Адыкэ ёнэ убладэ Аманос пэ кашт, саво ёв кэрдя Мардохеёскэ. Тэньци бари холын кралискири штылыя.

Шэро 8

Эстэра Зракхэла Юдэн

¹ Дро до-паць дывэс крали Артаксёрксо отдыя краликакэ Эстэракэ Аманоскиро кхэр, Юдэнгирэ-вэргоскиро; а Мардохеё загия ангил муй кралискиро, пал-дова со ёв сыс лакиро как. ² И злыя крали пэскири ангрусты чэргэнорьяса, сави ёв отлыя Аманостыр, и отдыя Мардохеёскэ; Эстэра чхудя Мардохеёс дыкхибнаскирэса пэ Аманоскиро кхэр. ³ И дурэдыр Эстэра ракирдя ангил кралистэ, и пыя кэ лэскирэ гэра, и рондя, и мангдя лэс тэ рискирэл холы Аманоскири Вугеяниноскири и плано лэскиро, саво ёв задуминдя пэ Юдэндэ. ⁴ И протырдыя крали кэ Эстэра сувнакунэ дэсто; и газдыяпэ Эстэра, и тэрдия ангил муй кралискиро. ⁵ И пхэндя: “Кэли кралискэ явэла пир ило, и кэли мэ латхэм тангипэн ангил муй лэскиро, и чачуно дава рэндо ангил муй кралискиро, и со мило сом мэ якхэнгэ лэскирэнгэ; тэды мэк тэ явэл чхиндло, соб (кай) тэ явэн рискирдэ лыла пир задуминыбэн Аманоскиро, чхавэскирэ Гамедатоскирэ, Вугеяниноскирэ, савэ ёв чхиндя пал Юдэнгино замарибэн дрэ сарэ провинцыи кралискирэ. ⁶ Пал-дова со, сыр мэ могонава тэ дыкхав бёда, сави явэла пэ мирэ манушэндэ, и сыр мэ могонава тэ дыкхав мэрибэн мирэ манушэнгино?” ⁷ И пхэндя крали Артаксёрксо краликакэ Эстэракэ и Мардохеёскэ Юдоскэ: “Гада, мэ Аманоскиро кхэр отдыём Эстэракэ, и кокорэс лэс убладэ пэ вэшына пал дова, со ёв чхудя пэскиро васт пэ Юдэндэ. ⁸ Чхинэн и тумэ упхэныбэн пал Юдэндэ, со исын тумэнгэ лачхэ, кралискирэ лавэстыр, и пхэндян кралискирэ ангрустяса чэргонорьяса: пал-дова со лыла, савэ сыс чхиндлэ кралискирэ лавэстыр и пхэндян кралискирэ ангрустяса, нашты тэ отпарувэн.” ⁹ И кхардэ тэды кралискирэ лыла-пиричхиныбнаскирэн дро трито чхон, дро чхон Сивано, пэ лэскиро биш тэ трито дывэс, и сыс чхиндло сарэ адыкэ, сыр припхэндя Мардохеё, кэ/жыко Юды, и кэ/жыко барыдыра пэ провинцыи и тхэмэскирэ барыдырэнгэ, и кэ/жыко тхагарья провинцыякирэ Индиятыр кэ/жыко Ефиопия, шэл тэ биш тэ эфта провинцыи дрэ кажно провинцыя лылэнца лакирэнца и кэ/жыко сарэ мануша пэ лэнгири чиб, и кэ/жыко Юды лэнгирэ чхиныбнаса и пэ лэнгири чиб. ¹⁰ И чхиндя Мардохеё кралискирэ Артаксеркоскирэ лавэстыр, и пхэндя кралискирэ ангрустяса чэргонорьяса, и бичхадя лыла пир манушэндэ, савэ традэна пэ грэндэ, пэ верблюдэндэ (дромадарэндэ), и ослэндэ кралискирэндэ. ¹¹ Пал-дова, со далэ лыла дынэ воля Юдэнгэ, савэ дживдэ дро кажно форо, тэ скэдэнпэ и тэ затэрдён пал пэскиро джиибэн – тэ традэн криг, тэ замарэн и тэ хасякирэн сарэн зоралэн дрэ манушэндэ и дрэ провинцыя, савэ исын дрэ холы лэнца: биятэн и джувлэн и барвалыпэн лэнгино тэ залэн. ¹² Дро екх дывэс пир сарэ кралискирэ Артаксеркоскирэ провинцыи пэ дэшутрито дывэс дэшудуенгирэ чхонэскиро, Адароскиро чхон. ¹³ Пиричхиныбэн далэ упхэныбнаскиро тэ отдэн дрэ кажно провинцыя сыр законом, дыно тэ джинэн (объявиндло) ваш сарэ манушэнгэ, соб (кай) Юды тэ явэн скэдынэ кэ дова дывэс тэ отхан палэ пэскирэ вэргэнгэ. ¹⁴ Тэньци мануша, савэ традынэ уклистэ пэ кралискирэ прастыбнытконэ грэндэ, традынэ сыг и сыгэдыр кралискирэ упхэныбнаса. Давэ упхэныбэн сыс объявиндло (пхэндло) и дрэ кралискири фэлатин [шэрутно форо-р.с.] твардыма Сузы. ¹⁵ И, акэ, Мардохеё выгия кралистыр дрэ кралискиро урибэн яхонтовонэ и парнэ цвятоса, и барэ сувнакунэ коронаса, и дрэ мантия, висоньтко и пурпурьтко. И форо

Сузы отджидыя и зоралэс обрадындяпэ. ¹⁶ А Юдэндэ сыс тэды свэнцыныбэн, и радыма, и лош (веселиё), и свэнко. ¹⁷ И дрэ кажно провинцыя и дро кажно форо, и пэ кажно штэто, карик догия припхэныбэн краліскіро и лэскіро упхэныбэн, сыс радыма Юдэндэ и лош (веселиё), свэнко и свэнкитко дывэс. И бут мануша ригатыр ячнэ Юдэнца, пал-дова со пыя пэ лэндэ дар ангил Юдэндэ.

Шэрó 9

Юды Мулякирэна Лэнгирэ Вэргэн

¹ Акэ, дро дэшуявир чхон, дро чхон Адаро, пэ лэскіро дэшутрито дывэс, дрэ савó явдя часо тэ сполнинэлпэ краліскіро припхэныбэн и лэскірэ упхэныбэн, дро дова́ дывэс, кэли мыслиндлэ дро илó Юдэнгирэ вэргі тэ пиризорьякирэн лэн, а выгія пэ явір, со кокорé Юды лынé зор пэ лэнгирэ вэргэндэ. ² Скэдынэпэ Юды дрэ пэскірэ фóрья, пир сарé провинцыи Артаксерксоскирэ краліскірэ, соб (кай) тэ чхувэн васт пэ пэскирэндрэ вэргэндэ; и никон на могоиндя тэ вытэрдёл ангил лэнгиро муй, пал-дова́ со дар ангил лэндэ пыя пэ сарé манушэндэ. ³ И сарé тхэмэскирэ (государствалэ) рая дрэ провинцыи, и шэралé и тхэмэскирэ барыдыра́, и мануша́, савé сполнинэна краліскірэ рэндэ подрикирэнас Юдэн, пал-дава́ со пыя пэ лэндэ дар ангил Мардохеестэ. ⁴ Пал-дова́ со Мардохеé барé манушэса яця́ дрэ краліскири фэлатин, и мавлы́н (малва) пал лэстэ псирдя́ пир сарé провинцыи, адякэ сыр дава́ мануш, Мардохеé, газдэлэспэ вучэс и вучэс. ⁵ И мардé Юды сарэн пэскирэн вэргэн, чингирдэ курталаса, мулякирдэ и традынэ, и кэрдé пэскірэ вэргэнца со сыс лэндэ пэ годы́. ⁶ Дрэ Сузы, шэрутно фóро, замардэ́ Юды и мулякирдэ панджшэла́ манушэн. ⁷ И Паршандафос, и Далфонос, и Асфафос. ⁸ И Порафос, и Адальяс, и Аридафас, ⁹ И Пармашфас, и Арисаёс, и Аридаёс, и Ваиезафос, – ¹⁰ Дэшэн Аманоскирэ чхавэн Амадафоскирэ [Гамедатоскирэ-ю.о.] чхавэс, Юдэнгирэ вэргос, замардэ́ ёнэ, а пэ чорибэн ёнэ на чхудé пэскіро васт. ¹¹ Дрэ дова́-паць дывэс роспхэндлэ краліскэ, кицы́ манушэн замардэ́ дрэ краліскири фэлатин Сузы. ¹² И пхэндя́ крáli кралицакэ́ Эстэракэ: “Дрэ краліскири фэлатин Сузы Юды замардэ́ и мулякирдэ́ панджшэла́ манушэн и дэшэн Аманоскирэ чхавэн; со кэрдэ́ ёнэ дрэ явір провинцыи краліскірэ? Савó исын мангипэн тырó? И ёв явэла́ кэрдó. И савó ишчо (инкэ́) мангипэн исын тырó? И ёв явэла́ кэрдó.” ¹³ И пхэндя́ Эстэра: “Кóли краліскэ́ явэла́ пир илó, тэды мэк тэ явэл дэны воля́ Юдэнгэ, савэ́ исын дрэ Сузы, тэ кэрэн дова́-паць и атася́, со ададывэс, и соб (кай) тэ ублавэн дэшэн Аманоскирэ чхавэн пэ кашт.” ¹⁴ И припхэндя́ крáli тэ кэрэн адякэ; и дыно́ пэ дава́ упхэныбэн дрэ Сузы, и дэшэн Аманоскирэ чхавэн убладэ. ¹⁵ И скэдынэпэ Юды, савэ́ сыс дрэ Сузы, адякэ и пэ дэшуштарто́ дывэс чхонэскиро́ Адароскиро, и замардэ́ дрэ Сузы триншэла́ манушэн, а пэ чорибэн на чхудé пэскіро васт. ¹⁶ И явір Юды, савэ́ сыс дрэ краліскірэ провинцыи, скэдынэпэ, соб (кай) тэ затэрдён пал пэскіро́ джи́ибэн и, соб (кай) тэ явэл раманé (миро) пэскірэ вэргэндыр, и ёнэ замардэ́ пэскірэ вэргэндыр охтодэша́ пандж тысёнцы (барá), а пэ чорибэн на чхудé пэскіро васт. ¹⁷ Давá сыс пэ дэшутрито́ дывэс чхон Адароскиро; а пэ дэшуштарто́ дывэс дова́-паць чхон ёнэ штылынэ́ и кэрдé лэс свэнкитконэ́ дывэсэса и радымаса́.

Свэнко Пурино

¹⁸ Юды, савэ́ сыс дрэ Сузы, скэдынэпэ пэ лэскіро́ дэшутрито́ дывэс и пэ лэскіро́ дэшуштарто́ дывэс; а пэ лэскіро́ дэшупанджто́ дывэс штылынэ́, и кэрдé лэс свэнкитконэ́ дывэсэса и радымаса́. ¹⁹ Палдава́ Юды гавитка, савэ́ дживдэ́ дрэ отчхакирдэ́ гавá, пролыджана́ дэшуштарто́ чхонэскиро́ дывэс Адаро́ дрэ радыма́ и свэнко, сыр свэнкитко́ дывэс, бичхави́ почасту́нки екх екхэскэ. ²⁰ И зачхиндя́ Мардохеé́ да́я ваканцыя́ (случаё), и бичхадя́ лыла́ кэ сарé́ Юды, савэ́ дживдэ́ пир Артаксерксоскирэ́-краліскірэ́ провинцыи, кэ пашатунé́ и кэ дура́тунé, ²¹ ваш дова́, соб (кай) ёнэ тэ кэрэн кажно́ бэрш свэнко́ пэстэ́ пэ

дэшуштарто дывэс чхонэскиро Адаро и пэ лэскиро дэшупанджто дывэс. ²² Адякэ дасавэ дывэсá, дрэ савэ Юды кэрдэпэ штыл пэскирэ вэргэндэр, и адякэ дасаво чхон, дрэ саво пиририся лэндэ смэнтныма дрэ рáдыма, и пхарипэн – дро свэнкитко дывэс, соб (кай) тэ кэрэн лэнгирэ манушá свэнко и рáдыма (лош), бичхави екх екхэскэ почастунки и дыибэн чорорэнгэ. ²³ И прилынэ Юды дова присыкляибэн, со кокорэ лынэ тэ кэрэн, и пал со Мардохее чхиндя кэ ёнэ. ²⁴ Сыр Аманó, Гамедатоскиро чхавó, Вугеянино, сарэ-Юдэнгиро вэрго, думиндя тэ замарэл Юдэн и чхурдыя Пур, со исын кокалко (жрэбиё) пал лэнгиро традыпэн криг и замарибэн. ²⁵ Нэ сыр Эстэра догия кэ крáli, и сыр крáli припхэндя нэвонэ лылэса, соб (кай) калэ задумки Аманоскирэ, савэ ёв придуминдя пэ Юдэндэ, обрисинэ пэ лэскиро шэрó, и соб (кай) лэс и чхавэн лэскирэн тэ ублавэн пэ вэшына (кашт). ²⁶ Палдава и кхардэ далэ дывэсá Пури́м, лавэстыр “пур.” Палдава, пир сарэ далэ лылэскирэ лавá и долэса, со кокорэ дыкхнэ и кэ со лэндэ догия, ²⁷ зачхудэ Юды и прилынэ пэ пэстэ и пэ чхавэндэ пэскирэндэ и пэ сарэндэ, кон кхэтаниякирэлапэ лэнца, на отпаруви, соб (кай) тэ свэнкинэн далэ дуй дывэсá, пир чхиныбнаскиро упхэныбэн пал лэндэ и дрэ пэскиро ваш лэнгэ часо, кажно бэрш. ²⁸ И, соб (кай) далэ дывэсá тэ рипирэн и тэ свэнкинэн дрэ сарэ рóды, дрэ кажно чэкарé (кхэритко рóдо), дрэ кажно провинция и дро кажно фóро; и соб (кай) далэ дывэсá Пури́м тэ на отпарувэнпэ Юдэндэ, и рипирибэн пал лэндэ тэ на хасёл лэнгирэ чхавэндэ. ²⁹ Адякэ-паць зачхиндя крáliца Эстэра, Абихаилоскири чхай, и Мардохее Юдо, сарэ зорьяса, соб (кай) тэ сполнинэн дава явир лыл пал Пури́мо. ³⁰ И бичхадя Мардохее лыла кэ сарэ Юды, кэ шэл тэ биш тэ эфта́ Артаксерксоскирэ-квалипнэнгирэ провинции, мироскирэ и чачипнаскирэ лавэнца, ³¹ соб (кай) ёнэ зоралэс тэ раххэн далэ дывэсá ваш Пури́мо дрэ пэскиро часо, савó чхудя пал лэндэ Мардохее Юдо и крáliца Эстэра, и сыр ёнэ кокорэ упхэндлэ ваш пэскэ и ваш пэскирэ чхавэнгэ дрэ пхарэ дывэсá, кэли ёнэ постинэнас и ровэнас годлэнца. ³² Адякэ Эстэракиро упхэныбэн кэрдя зоралэдыр дава лав пал Пури́мо, и ёв сыс зачхиндлó дрэ лылварй.

Шэрó 10

Мардохее́с газдэна

¹ Палó (после) дова чхудя такса крáli Артаксэ́рксо тэ подэн пэ пхув и пэ морёскирэ (дэрьявэскирэ) острова́ (джи́па). ² Акэ, сарэ лэскирэ барэ рэндэ, и укратуно (точно) сыкаибэн пал Мардохее́скиро барипэн, савэса газдыя лэс крáli, чхиндлó дрэ лылварй ваш дывэсэнгирэ чхиныбэн Ми́диякирэ и Персия́кирэ кральёнгирэ. ³ Адякэ-паць, сыр и дова, со Мардохее́ Юдо сыс явир мануш пал крали́стэ Артаксерксостэ и сыс барó мануш ваш Юдэнгэ и ёв сыс пир илó ваш бутэнгэ пэскирэндэ пшалэнгэ, пал-дова со ев родыя лачхипэн пэскирэ манушэнгэ и ракирдя пал раманё́ (миро) сарэ пэскирэ родóскэ.

Иовоскири Лылварй

Шэрó 1

Налачхо Спробинэла Иовос

¹ Екх мануш сыс пэ пхув Уц, лэскиро лав сыс Ио́во, ёв сыс бибангипнаскиро и дэвлы́тко мануш. Ёв дарандыя (дардяпэ) Дэвлэстыр и обрикирэлас пэс тэ кэрэл биба́хт. ² И лэстэ латхнэпэ эфта́ чхавэ, и трин чхая. ³ И лэстэ сыс дасаво миштыпэн: эфта́ бара́ (тысёнцы) бакрэ, трин бара́ верблюдэ, пандж шэла́ гурувэнгирэ пары тэл га́мо, пандж шэла́ ослицы и древа́н бут дына́рья. И ёв сыс най барэдыр мануш пэ Васто́ко. ⁴ И лэскирэ чхавэ явэнас и свэнкинэнас кажно (сва́ко) дро пэскиро кхэр, дро дывэс, сыр лэскэ трэй, и ёнэ бичхавэнас и

кхарэнас кэ пэ пэскирэ тринэ пхэнен тэ хан и тэ пьен лэнца. ⁵ И сыс адякэ: сыр свэнкитка дывэса кончынэнаспэ, одова Йо́во бичхавэлас пал чхавэндэ, соб (кай) тэ освэнцынэн лэн. Ёв уштэлас тасярлэс (рэнэс) пэ злоко (пэ рэнко), и ёв хачкирэлас свэнто яныбэн пал кажнонэ (сваконэ) чхавэстэ; пал-дова со Йо́во ракирдя: “Мирэ чхавэ, хай, могиндлэ тэ кэрэн грэхи и тэ кошэн Дэвлэс дрэ пэскирэ илэ.” Адякэ ўсады (сак) кэрдя Йо́во.

Налачхо Бангякирэла Иовос

⁶ И, акэ, сыс дывэс, кэли Дэвлэскирэ чхавэ (Янгóлы) явнэ тэ сыкадён ангил Растэ-Дэвлэстэ, и на́лачхо явдя адякэ-паць лэнца. ⁷ И пхэндя Рай Дэвэл на́лачхэскэ: “Каты́р ту явдя́н?” И на́лачхо отпхэндя и пхэндя: “Мэ псирдём одорик и палэ пир пхув и штадём пир пхув упрэ и тэлэ.” ⁸ И пхэндя Рай Дэвэл на́лачхэскэ: “Ци придыкхця́нпэ ту кэ Мирó писхари́ Йо́во? Нанэ манушэс пэ пхув, кон исын адасаво бидошэнгиро и дэвлы́тко, саво дарэла Дэвлэстыр и обрикирэла пэс тэ кэрэл бибáхт?” ⁹ И на́лачхо отпхэндя Рáскэ-Дэвлэскэ и пхэндя: “Ци простэс Йо́во дарэла Дэвлэстыр?” ¹⁰ Ци на Ту кэрдян тыно трусця́л лэстэ, и трусця́л лэскиро кхэр, и трусця́л кажно миштыпэн, со исын лэстэ? Ту бахтякирдян лэскирэ-вастэнгирэ бутя́ и лэскиро барвалыпэн адякэ бут, со розбария пэ пхув. ¹¹ Нэ Ту, га́да, фэ́ни (то́ка) лэ Пэ́скирэ вастэса и закэдэ саро́, со исын лэстэ, и ёв, чачэс, на явэла тэ бахтякирэ́л Тут!” ¹² И пхэндя Рай Дэвэл на́лачхэскэ: “Акэ, саро́ лэскиро исын дро тыро́ васт, фэ́ни на чилав Иовос кокорэс.” Тэ́нцы на́лачхо гия́ криг одотхы́р, кай сыс Рай Дэвэл.

Иовостэ Хасинэ Чхаворэ и Саро́ Барвалыпэн

¹³ И сыс дро э́кх дывэс, кэли лэскирэ чхавэ и чхая́ ханэ и пинэ́ мол (вино) кэ екхэ-пшалэскиро кхэр, саво сыс пэрво́ (англатуно́) дадэстэ. ¹⁴ И, акэ, явдя́ екх бичхадó ману́ш кэ Йо́во и пхэндя: “Турува ханэ́ чар и ослицы́ пал лэндэ, ¹⁵ сыр Сабакирэ́ мануша́ (Савеяни) пы́нэ пэ лэндэ и лы́нэ лэн – дыкхэ́н, ё́нэ мулякирдэ́ ты́рнэ-бэршэскирэ́н курталакирэ́ (мечоскирэ́) чхиныбна́са: и мэ екхджинó́ насцём тэ пхэна́в тукэ́.” ¹⁶ Кэ́ли ёв ишчо́ (инкэ́) ракирдя́, яви́р бичхадó ману́ш явдя́ и пхэндя: “Дэвлэскири́ яг – блискави́ца, пы́я болыбна́стыр и схачкирдя́ бакрэн́ и тэрнэ́-бэршэскирэ́н и вы́хая лэн, и мэ екхджинó́ яцёмпэ́ джидó тэ пхэна́в тукэ́!” ¹⁷ Кэ́ли ёв ишчо́ (инкэ́) ракирдя́, яви́р бичхадó ману́ш явдя́ и пхэндя: “Э́ Халдэ́и кэрдэ́ трин шайки́, пы́нэ пэ верблюдэ́ндэ и лы́нэ лэн, и чачо́, – замардэ́ курталакирэ́ чхиныбна́скирэ́са дына́рбэн, и мэ екхджинó́ яцёмпэ́ джидó тэ пхэна́в тукэ́!” ¹⁸ Кэ́ли ёв ишчо́ (инкэ́) ракирдя́, трито́ бичхадó ману́ш явдя́ и пхэндя: “Ты́рэ чхавэ́ и чхая́ ханэ́ и пинэ́ мол кэ́ лэнгиро́ пшал, кон исын англатуно́; ¹⁹ и, га́да, я́ця бари́ балва́л, со явдя́ чхучэ́ прахэ́ндыр и пэ́кадя́ пир штар кхэрэ́скирэ́ кунты́ и кхэр пы́я пэ тэрнэ́ манушэ́ндэ, и ё́нэ исын мулэ́, и мэ, екхджинó́, яцёмпэ́ джидó тэ пхэна́в тукэ́!” ²⁰ И ушты́я Йо́во и рискирдя́ пэскиро урибэ́н, и мура́дя сарэ́са пэскиро́ шэро́, и пы́я пэ пхув, ды́я пакло́но, ²¹ и пхэндя́ ёв: “Нанго́ мэ рисёва́ва одориќ палэ́: Рай Дэвэл́ ды́я и Рай Дэвэл́ лы́я криг; тэ́ явэл шардо́ Рáскирэ́-Дэвлэ́скиро лав!” ²² Пало́ саро́ дава́ со кэрдя́пэ, Йо́во на пхэндя́ грэхитко́ лав, ци адякэ́-паць ёв на бангякирдя́ Рас-Дэвлэ́с ни дро со.

Шэро́ 2

Налачхо Спробинэла Иовос Нэвэстыр

¹ И сыс дывэс, кэли Дэвлэскирэ чхавэ́ (Янгóлы) явнэ́ тэ сыкадён ангил Растэ-Дэвлэстэ, и на́лачхо адякэ́-паць явдя́ машки́р лэндэ́ тэ сыкадёл ангил Растэ-Дэвлэстэ. ² И пхэндя Рай Дэвэл на́лачхэскэ: “Каты́р ту явдя́н? И на́лачхо отпхэндя́ Рáскэ-Дэвлэскэ́ и пхэндя́: “Мэ псирдём одориќ и палэ́ пир пхув и штадём пир пхув упрэ́ и тэлэ́.” ³ И Рай Дэвэл пхэндя́ на́лачхэскэ: “Ци придыкхця́нпэ ту пэ́ миро дына́ри Йо́во? Нанэ́ ниэ́кх ману́ш пэ пхув, кон тэ́ явэл адасаво́ бидошэнгиро́ и дэвлы́тко, саво́ дарэла́ Дэвлэсты́р и обрикирэ́ла пэс тэ́ на

кэрэл бибáхт? И савó сароéкх рикирэлапэ зоралэс дро пэскиро бибангипэн, на дыкхí пэ дова́, со ту подхачкирдян ман пэ лэстэ, соб (кай) Мэ тэ хасякира́в лэс би причынакиро.”⁴ И на́лaчxo отпхэнóлас Рáскэ-Дэвлэскэ и пхэндя: “Цы́па пал цы́па, и, чачо́, ману́ш саро́ отдэла пал пэскиро джи́ибэ́н.”⁵ Нэ ту протырдэ ангíл Тыро́ васт и чилав лэскирэ кокалы́, и, лэскирэ маса́, и подыхк, ци бахтякирэ́ла ёв тут [ёв, чалэс, кэрэ́ла прокошыбэ́н (арман) пэ тóтэ кэ муй Тыро́-ю.о.].”⁶ И пхэндя Рай Дэвэл на́лaчхэскэ: “Акэ, ёв исын дро тыро́ васт, нэ ту зра́кх лэскиро джи́ибэ́н.”⁷ И на́лaчxo гия́ криг Рáстыр-Дэвлэстыр, и ёв дукхадя Иовос холя́мэ проказаса (дукханэ франсэ́нца) гэ́рьякирэ подэшватыр кэ лэскиро шэро́.⁸ И лы́я Ио́во ваш пэскэ котэ́р (куско) чэ́репично́нэ пирьятыр, соб (кай) лэ́са тэ рандэл ко́коро́ пэс; и бэ́сця́ ёв машки́р пра́ска (пéпло).⁹ И пхэндя лэскири ромны́ лэскэ: “Ту саро́екх рикирэсапэ зоралэс дро пэскиро бибангипэн. Прокош (кэр арманя) Дэвлэс и мэ́р.”¹⁰ Нэ ёв пхэндя ла́кэ: “Ту ракирэ́са сыр ё́кх пхарэ́-шэрэскирэ джувлендыр, сави́ пхэнэ́лас: амэ а́дякэ-па́ць дорэ́сця́м лачхипэ́н Дэвлэстыр, и ци амэ́нгэ а́дякэ-па́ць тэ на прилас бибáхт?” Пало́ саро́ дава́ Ио́во на пхэндя грéхо пэскирэ уштэ́нца.

Иовоскирэ Трин Мала́

¹¹ И явнэ́ трин Иовоскирэ дру́ги (мала́), кели́ ёнэ шундлэ́ пал сари́ бибáхт, со пы́я пэ лэстэ. И ка́жно (сва́ко) лэ́ндыр явдя́ пэскирэ штэ́тостыр: О Эли́фазо Феманостыр, о Вилдадо Савхэятыр [Шуахостыр-ю.о.], о Со́фаро (Цо́фаро) Наамитостыр; и ёнэ доракирдэ́пэ тэ явэ́н, соб (кай) тэ тугинэ́н лэ́са, и соб (кай) тэ подри́кирэн лэс дро ду́хо (фа́но).¹² И сыр ё́нэ газды́нэ пэскирэ якха́ дурал, тэды́ ёнэ на пинджки́рдэ (на галы́нэ) лэс; ё́нэ дынэ́пэ тэ ровэ́н зоралэс. Ка́жно лэ́ндыр риско́рдя пэскиро ури́бэ́н, чхурды́я пра́хо упрэ́ пэ болы́бэ́н пэ пэскиро шэро́.¹³ И ё́нэ бэ́шнэ́ кхэ́танэ́ лэ́са пэ пхув пэ э́фта́ (битринэ́нгиро дэ́ш) дывэ́са́ и э́фта́ ратя́, и ниé́кх лэ́ндыр на пхэндя́ лав лэ́скэ, пал-дова́ со ё́нэ дыкхнэ́, со лэ́скэ сыс древа́н пхаро́.

Шэро́ 3

Ио́во Жалинэ́лапэ Дэвлэ́скэ

¹ Пало́ дава́ Ио́во пси́радя пэскиро муй и проко́стя (кэ́рдя арманя) дывэ́с, дро саво́ ёв бия́ндыя.² И отпхэ́ндя Ио́во лавэ́нца: ³ “Мэ́к тэ хасéл дывэ́с, дро саво́ мэ́ бия́ндыём, и рат, со ракирэ́на тэды́: ‘О муршоро́ латхэ́лапэ.’”⁴ Дова́ дывэ́с – мэ́к ёв тэ явэ́л ця́мло; мэ́к Дэвэл тэ на рипирэ́л пал дова́ дывэ́с, ци мэ́к дуд тэ на зя́инэл пэ дова́ дывэ́с.⁵ Мэ́к калы́пэн и мэ́рибнаски́ри зэр (те́нь) тэ учха́кирэ́л дова́ дывэ́с, мэ́к о́блоки тэ ячэ́нпэ́ ўса́ды (сак) пэ лэстэ́, мэ́к дывэ́сэнгиро калы́пэн тэ стра́хакирэ́л дова́ дывэ́с.⁶ И пэ ко́доя рат, соб (кай) цёмны́ма тэ заухты́лэл ла, мэ́к тэ на чхувэ́н андрэ́ ко́доя рат кхэ́танэ́ бэршэ́скирэ дывэ́сэнца; мэ́к ёй тэ на заджа́л дро чхонэ́нгиро ги́ныбэ́н.⁷ Мэ́к тэ явэ́л чхучи́ (пусто) ко́доя рат, мэ́к рады́макири го́дла тэ на явэ́л ниé́кхвар дро ко́доя рат.⁸ Мэ́к одо́лэ, кон про́кошэ́ла (кэ́рэла арманя) дывэ́с, тэ про́кошэ́н (тэ кэ́рэн арманя) пэ до́я рат, савэ́ исын скэ́дынэ́ тэ газдэ́н Ле́виафанос;⁹ мэ́к тэ му́рдэ́н тася́рлакирэ́ (ранко́скирэ) чэ́ргэ́ня; мэ́к ко́доя рат тэ ужа́кирэ́л дуд (свэ́то), нэ лэс нанэ́, и мэ́к ёй тэ на дыкхэ́л ранко́скирэ цымблы́ (ресни́цы):¹⁰ пал-дова́, сыр ёй на запхэ́ндя пэ клы́дын ву́дара́ мирэ́-да́кирэ́ лочо́вятыр, со лы́джинэ́ ман, сыр и на гара́дя пхари́пэн мирэ́ якхэ́ндыр.¹¹ Со́скэ мэ́ на мы́ем дрэ́ да́кирэ́ маса́, – сыр мэ́ вы́джавас да́кирэ́ лочо́вятыр и тэ на пхара́дэ́вав?¹² Со́скэ, ми́ри дай лы́я ман пэ ча́нгэ? И ваш со́ трэ́индя́ ма́нгэ тэ жу́искирав да́кири цю́ци?¹³ Ваш дова́, соб (кай) мэ́ тэ пасе́вав шты́лэс пэ́скэ, мэ́ я́ва́вас су́то пэ́скэ: мэ́ откхи́нё́вавас пэ́скэ,¹⁴ кхэ́танэ́ кра́льенца́ и го́ды-ды́ибнаски́рэнца́, кон сыс пэ́ пхув, савэ́ газды́нэ́ фелати́ня пэ́скэ пэ наобдживдлэ́ штэ́ты,¹⁵ ци тха́га́рьенца́, ко́нэ́стэ́ сыс сувна́кай, савэ́ пхэ́рдяки́рдэ́ пэ́скирэ́ кхэ́ра́ рупэ́са:¹⁶ ци со́скэ мэ́ на я́цём сы́рбы́ вы́чхурды́шны́тко чхаво́ро́ ци сы́рбы́ ты́кномас, саво́ ниé́кхвар на дыкхя́ дуд (свэ́то).¹⁷ Одо́й би́бахталэ́ пи́рия́чэ́на тэ кэ́рэн до́ш, и одо́й кхи́няки́рдэ́ откхи́нё́на (отпхурдэ́на).¹⁸ Одо́й

штарибнаскирэ манушá откхинёна кхэтанэ, ёнэ на явёна тэ шунэн зан, кон притасавэлас лэн.
¹⁹ Тыхнэ и древán барэ исын одой, и писхáрья исын вольна пэскирэ рандыр. ²⁰ Ваш со исын манушэскэ дуд (свэто), савэстэ исын бари бйда, и джибён одолэнгэ, конэскэ исын кирко пэ ди, ²¹ и одолэнгэ, кон тырдэлапэ, соб (кай) тэ мэрэн, нэ мэрибён на явэла, и одолэнгэ, кон родэла мэрибён зоралэдыр сыр родэна гарадэ барвалыпэна, ²² и савэ зоралэс радынэнаспэ и явэнас рада, коли ёнэ латхэнас концо (магила)? – ²³ ци конэскиро дром исын гарадо, и конэс Дэвэл учхакирдя яврэстыр, сыр тыноса. ²⁴ Пал-одовá мэ дáва гондя ангил, сыр тэ хав, и мирэ годля, сыр мэ дáва гондя (уздыхинава), чхувэнапэ сыр паня. ²⁵ Пал-одовá со доя-паць дар, – сóстыр мэ дарандыём, и пыя пэ мандэ и дова-паць, – сóстыр мэ трашадыём, – дова явдя кэ мэ. ²⁶ Мэ сом дрэ дар, мэ на сом штыл, мэ на откхиныём, и бари бйда явдя.”

Шэрó 4

Элифазоскиро Ракирибён

¹ О, Элифазо Феманиностыр, отпхэндя и ракирдя: ² “Кóли явёна тэ ракирэн лав кэ ту, соб (кай) ту тэды тэ на пэрэс дро дýхо (фáно)? Нэ кон сатаки могоинэла тэ обрикирэл явирэс тэ ракирэл? ³ Чачó, со ту сыклякирэсас бутэн, и ту зоралыкирдян бизорьякирэ вастá. ⁴ Тырэ лавá подрикирэнас одолэн, кон обштавэлапэ, и ту зоралыкирдян кодолэн, савэндэ чангá бандинэ. ⁵ Нэ аканá бибáхт пыя пэ тýtэ, и ту пэрэса дро дýхо (фáно); ёй чиладя тут и тýкэ аканá исын пхарó. ⁶ Ци тырй вага (бари патыв) кэ Дэвэл на дэла тýкэ зоралó патяибён; ци тырэ бидошэнгирэ джибнастыр нашты тэ ужакирэс лачхипэн? ⁷ Пририпир пэскэ, ци хасия вари-кон, кон сыс бибангипнаскиро? И, ци сыс адякэ, соб (кай) дэвлытконэ манушэн тэ чхурдэн тэ хасён. ⁸ Со мэ могоиндём тэ дыкхáв, сыс дова, со кон пхаравэла фуй пхувья, и кон росчхурдэла бибáхт сыр зýрки дрэ пхув, одолэ-паць манушá и одовá-паць чхинэна тэлé. ⁹ Ёнэ хасёна Дэвлэскирэ пхурдыпнастыр, Лэскирэ-духоскири холы похала лэн сарэса. ¹⁰ Мэк ёнэ тэ рыкинэн сыр шчэрá (лэвы), и тэ рыкинэн ёнэ сыр древán мижэх шчэрицы, сароекх тэрнэ – шчэрэнчирэ дандá пхадёна. ¹¹ Пхуранó шчэр мулэла, пал-довá со лэскэ на ухтылэла (надоси) со тэ рискирэл дандэнца, а шчэрицакирэ шчэнкэн росчхурдэна. ¹² Аканá екх лав чораханэс явдя кэ мэ, и миро кан шундя, со ёв гундяриндя (шэпчындя) мánгэ: ¹³ дрэ náбут трашанэ зданки, со мануш дыкхэла дро сунó ратý, кели хор соибэн лэла манушэс: ¹⁴ дар пыя пэ мандэ, и мэ издрава адякэ, со сарé мирé кокалы тринскирэнапэ; ¹⁵ и о дýхо прогия пашыл мандэ, и мирé балá пэ шэрó тэрдинэ. ¹⁶ Ёв уштыя и мэ на могоиндём тэ роздыкхав, сыр ёв выдыцёла: лэскиро стáно сыс ангил мирé якхá; и мэ шундем локхи зан (глос), со пхэндя: ¹⁷ Ци сашты тэ явэл соб (кай) мануш тэ явэл чачунэдыр Дэвлэстыр? Ци сашты тэ явэл, соб (кай) мануш тэ явэл бутыр бибангипнаскиро сыр Дэвэл? ¹⁸ Дыхх, Ёв на допатыла Пэскирэ (болыбнаскирэ) дынарьёнгэ, и, Ёв гинэла, со Лэскирэ Янгóлы исын нагодэ, ¹⁹ и пэ кичы бутыр Ёв на допатыла манушэнгэ, кон дживэла дрэ кхэрá блататыр, со кирнёна, кон выгинé прахостыр, кон роспхаравэлапэ сыр моль (мэль)! ²⁰ Ёнэ пхарадёна марибнастыр пэ котэрá злокостыр (ранкостыр) кэ бэльвэль, ёнэ хасёна пэ-усады (пэ сак), со ниэкх и на подыкхэла пэ дава. ²¹ Ци на кошэнапэ лэнгирэ шатракирэ шэлэ (ци на хасёла лэнгирос лачхипэн)? Ёнэ мэрэна, и на джинэна годыпэн.

Шэрó 5

Пэрво Чингáрд Машкир Иовостэ и Лэскирэ Малэндэ

¹ Кхар, Ио́во, кóли исын одовá тэ отпхэнэл тýкэ? И кэ савэ свэнта, ту рисёса? ² Пал-довá со холякирибён хасякирэла дылынэ манушэс, и зэвлыныпэн (зависть) марэла простонэ-годякирэ манушэс. ³ Мэ дыкхцём, сыр дылынинько мэкéла кóрни (рукхá), нэ мэ екхáтыр прокостём (кэрдём арманя) лэскиро кхэратуно штéто. ⁴ Лэскирэ чхавэ исын дур, соб (кай)

тэ явэн бахталэ, лэн домарэна пашыл порта, и нанэ ниекх, кон тэ зракхэл лэн: ⁵ о бокхало похала лэскиро умалото, аж лэла и пхусадытконэ хрустостыр и бокхалэ кэ хабэн манушá розухтылэна сарó, со исын лэстэ. ⁶ Пал-довá со бибахт на явэла прахостыр (пхувьятыр), сыр и пхарипэн на джала упрé пхувьятыр; ⁷ и мануш бияндэла ваш мэньки сыр тыкнэ ягорья, со вурняна упрé. ⁸ Нэ мэ, пэ тырó штэто, родавас Дэвлэс и мэ чхуавас миро рэндо ангил Дэвлэстэ. ⁹ Кон кэрэла древáн барэ рэндý, со манушэскэ наштý тэ галёл, и бут дýвна рэндý, со наштý тэ погинэс. ¹⁰ Ёв дэла брышýнд пхувьякэ, и Ёв бичхавэла паня пэ фэлды, ¹¹ Ёв чхувэла пэ вучэ штэты одолэн, кон исын тэлякирдэ, Ёв газдэла пэ бидаракирэ штэты одолэн, савэ зоралэс тугинэна. ¹² Ёв розмарэла дова, со фрэнта манушá придуминэна адýкэ, со лэнгирэ вастá тэ на докэрэн лэнгирэ рэндý. ¹³ Ёв ухтылэла бут-годякирэ манушэн дрэ лэнгири фрэнтыма адýкэ, со мэндронэ – манушэнгирэ кхэтанэ дýмы обрисёна фуипнаса пэ лэндэ: ¹⁴ ёнэ дыкхэнапэ калыпнаса дывэсэ, и ёнэ псирэна, чилави вастэнца сыр корорé дывэсэ, сырбы ёнэ исын раты. ¹⁵ И Ёв выракхэла курталáтыр одолэн, кон исын дрэ трэбима, зор-манушэнгирэ ракирибнастыр и лэнгирэ вастэстыр. ¹⁶ И чорорé явэна тэ ужакирэн лачхипэн, и начачунэ пхандэна пэскиро муй. ¹⁷ Акэ, бахталó исын одовá мануш, савэс Дэвэл зоралэс сыклякирэла, палдава́ на отпхэнпэ Сарэзоралыпнаскирэ Дэвлэскирэ сыклякирибнастыр кэ дукхá. ¹⁸ Пал-довá со Ёв пэкавэла кэ калé масá (синяки), и Ёв пирипхандэла лэн; Ёв дукхавэла и Лэскирэ вастá састякирэна. ¹⁹ Ёв зракхэла тут шовэ бидэндýр и дрэ эфтáто бибахт на чилавэла тут. ²⁰ Ёв выракхэла тут бокхáтыр, мэрибнастыр, и курталакирэ зорьятыр пэ марибэн. ²¹ Ту явэса гарадо́ бибахталé чибэндýр (чибыэндýр), и ту на явэса тэ дарэс хасякирибнастыр, кели ёв явэла. ²² Ту явэса тэ саспэ бокхáтыр и хасякирибнастыр, и ту на явэса тэ дарэс мурдалэндýр, савэ исын пэ пхув. ²³ Пал-довá со тýtэ явэла доракирибэн барэнца фэлдатыр и фэлдакирэ мурдалá явэна дро рамáнэ (миро) тýса. ²⁴ И ту явэса тэ джинэс, со тырý шáтра исын зракхны, и ту обдыкхэса пэскирэ-бакрэнгири шопа, со сарó одóй исын пэ пэскиро штэто. ²⁵ И ту явэса тэ джинэс, со тырэ палáл-явибнаскирэ чхаворé (патомки) явэна бут, и тырэ-родоскирэ чхавэ явэна адакицы бут, кицы исын чаринки пэ пхув. ²⁶ Ту додживэса кэ барэ бэршá сырбы парнэ-гивэскирэ гарбы (снопы) доджана кэ спялыма, со лэн чхувэна тэлé дро пэскиро уляго (пора). ²⁷ Ѓáда, дава́ исын сарó, со амэ розгалыям, дава́ исын чачипэн, шун дава́ и джин, со дава́ исын ваш тырó лачхипэн.”

Шэрó 6

Иóво Отпхэнэла

¹ И отпхэндý Иóво лавэнца: ² “О, тэ чхувэн пэ убладýтка (вэсы) миро сарó калышэн, и тэ чхувэн сарý мирý бари бýда пэ бизьмены? ³ Пал-одовá со аканá дая́ бýда явэлас пхарэдýр морэскирэ (дэрьявэскирэ) прахостыр, палдава́ мирé лава́ исын дасавэ сыгна. ⁴ Пал-одовá со Сарэзорьякирэ–Дэвлэскирэ марибнýтка бустý (стрéлы) исын андрáл мáндэ, мирé масá пьена лэнгири трута (отрава): трашаибэн ангил Дэвлэстэ тэрдýя дрэ стонка пэ мáндэ. ⁵ Ци годлэла бусо (дико) óсло (мегáри) пашыл чар, ци брылинэла гурув паш лэскиро хахаибэн (месиво)? ⁶ Ци саштý тэ хас би смакоскиро хабэн би лондэскиро? Ци исын вари-савó смако дро парнорэскиро бялтко? ⁷ Довá, со миро ди отпхэнэлапэ тэ хал, палдава́ исын миро намишто хабэн; ⁸ О, соб (кай) фэни мэ могоиндэмáс тэ помангав, и соб (кай) Дэвэл тэ явэл дро екхипэн мирé мысляса: ⁹ соб (кай) фэни тэ закамэл Дэвэл, соб (кай) Ёв тэ ростасавэл ман, соб (кай) Ёв тэ протырдэл Пэскиро васт и тэ хасякирэл ман. ¹⁰ Тэды явэлас мáнгэ раманипэн (спокойствиё); и мэ зоралэс радынаваспэ аж дрэ мирý дукх, со на жалинэла ман, со мэ на отпхэндéмпэ Свэнтонé Дэвлэскирэ лавэндýр. ¹¹ Кай тэ лав зор мáнгэ, соб (кай) тэ ужакирав лачхипэн? И савó исын миро кóнцо (ягóро), соб (кай) мáнгэ ишчо (инкэ) тэ вырикирав? ¹² Ци исын мирý зор дасавý, сыр зоралэ барá исын? Ци исын мирé масá дасавэ, сыр харкóма (медь)? ¹³ Ци дава́ рáда мэ кокóро пэскэ? Ци годыпэн ячкирдý ман? ¹⁴ Кодолэскэ, кон исын замэнчýндло, трэй тэ ужакирэл лачхипэн малэндýр? Кóли ёв фэни

(тока) тэ на ячкирэл дар ангил Сарэзорьякирэ Дэвлэстэ. ¹⁵ Мирэ пшала обгинэпэ манца хоханэс сырбы рэкица (лэнорі), сырбы рэкицэнгиро тхадыйпэн, со лыджала пани дурэдыр, ¹⁶ саво исын цямло лёдостыр, и дро саво ив гарадёла: ¹⁷ кели ёнэ вышущёна, тэды ёнэ тыкнёна; кели хачкирибён дэла дрэ лэндэ, ёнэ хасёна пэскирэ штэтэндэр: ¹⁸ ёнэ бандёна пир бэргакирэ ригá, ёнэ тхадэна пэ чхучі пхув и хасёна. ¹⁹ Фэманакирэ караваны дыкхэна пэ лэндэ, а лодыипнаскирэ манушá Савейтыр (Шэбатыр) розгинэна (рикирэна надёя) пэ лэндэ: ²⁰ ёнэ ладжана пэскирэ патяибнастыр; ёнэ явёна одой, и лэндэ саро пирипэнтэндяпэ дрэ годы. ²¹ Адыкэ-паць и тумэ аканá сан сырбы кодолэ рэкицы: тумэ дыкхэна вари-со дарано и тумэ аканá дарэна. ²² Ци пхэндём мэ: “Янэн вари-со мánгэ!” Ци: – “Кэрэн даро мánгэ тумарэ барвалыпнастыр!” ²³ Ци: – “Зракхэн ман вэргоскирэ вастэстыр!” Ци: – “Выракхэн ман притасайбнаскирэ вастэстыр!” ²⁴ Сыклякирэн ман и мэ явава тэ рикирав чиб, и кэрэн адыкэ, соб (кай) мэ тэ галёвав, дро со мэ дыёмпэ дукхá (хохадёмпэ). ²⁵ Саві зор исын дрэ чачунэ лава! Нэ саво ж исын лачхипэн, со тумэ чингардэнапэ манца? ²⁶ Ци тумэ придуминэна, соб (кай) тэ бангякирэн ман дрэ лава, джінэн – балвалитка исын манушэскирэ лава, конэскэ исын пхаро. ²⁷ Дыкхэн: тумэ чхурдэна жрэбие, соб (кай) сирота (пирото) тэ явэл тумаро писхари, и ганавэна ганбін (яма) тумарэ малэскэ. ²⁸ Аканá, дыкхэн пэ мánдэ: и ангил тумарэ муя, соб (кай) мэ тэ хохавав? ²⁹ Рисён, мэ мангáва тумэн, фуй на явэла; рисён ишчо (инкэ), соб (кай) тумэ тэ дыкхэн миро чачипэн. ³⁰ Ци исын саво начачипэн мирэ чибатыр? Ци на розгалёвава мэ лачхэс, кай исын фуипэн?

Шэрó 7

Иово Жалинэлапэ Бутыр

¹ Ци манушэскиро джибён нанэ саро дрэ пхарі буты пэ дай пхув? Ци манушэскирэ дывэса исын на сырбы андынаршчыкоскирэ (поробокоскирэ) дывэса? ² Сыр писхари хачкирдэс выкэдэла зэр (тень), адыкэ-паць и, андынаршчыко ужакирэла пэскири мазури (награда). ³ Адыкэ-паць и мánгэ дынэ хартытка (суетна) чхонá и кхинякирдэ ратя упхэндлэ мánгэ. ⁴ Кели мэ пасёвава, тэды мэ пхэнава: “Кели да мэ уштава, и рат джáла криг? И мэ пиририсёвава сарі рат ангил злóко (рáнко). ⁵ Мирэ масá исын чхакирдэ кирмэнца и прахоса, мирі цыпа пхарадыя и кирнэла. ⁶ Мирэ дывэса прастáна сыгэдыр тхачоскирэ ротатыр, и проджана адыкэ, со нанэ состыр тэ ужакирав лачхипэн. ⁷ Ріпир, Дэвла, со миро джибён исын балвал, мирэ якхá бутыр ниэкхвар на дыкхэна лачхипэн. ⁸ Кодоя якх, кон дыкхця ман, на удыххэла бутыр ман: кели Тырэ якхá рисёна пэ мánдэ, ман на явэла бутыр. ⁹ Сыр óблоко розджалапэ и нашадёла, адыкэ-паць и дова, кон джáла тэлэ дро ліóно (адо), на явэла палэ. ¹⁰ Ёв бутыр на рисёла дро пэскиро кхэр, ниэкх лэскирэ штэтóстыр бутыр на явэла тэ джінэл лэс. ¹¹ Пир дай причына мэ на явава тэ пхандав пэскиро муй: мэ явава тэ ракирав мирэ-духóскирэ тугатыр; мэ явава тэ жалинавпэ мирэ илэскирэ кирипнаса. ¹² О, Дэвла! Ци мэ сом морё (дэрьяв), ци мэ сом морёскиро (дэрьявэскиро) рупучо (чудовишчо), со Ту чхувэса стрéга пэ мánдэ? ¹³ Кели мэ пхэнава пэскэ: “Миро чхуибён раманякирэла ман, и мирі пасиндлы (кровать) локхякирэла мирі жалоба; ¹⁴ то тэды Ту трашакирэса ман сунэнца, и страхакирэса дыкхибнаскирэ зданкэнца; ¹⁵ палдава́ Миро ди выкэдыя, соб (кай) тэ затасавэн ман; мэрибён явэлас фэдыр дасавэ джибнастыр мирэ кокалэнгэ. ¹⁶ Мánгэ яця джунгалó (брыдиндя) миро джибён, мэ на явава ўсáды (сак) тэ дживав, мэк ман екхджинэс, пал-довá со мирэ дывэса исын чхучэ сырбы пхурдыпэн. ¹⁷ Со дасаво исын мануш, со Ту адыкэ барьякирэса лэскиро штэто, со Ту рискирэса илó пэ лэстэ, ¹⁸ со Ту явэса кэ ёв кажно злóко (рáнко), со Ту спробинэса лэс кажно мэнта (минута)? ¹⁹ Сóскэ гарá Ту на рискирэса Пэскирэ якхá мánдыр, и мэк ман екхджинэс ангил, сыр мэ нахвава (глытынава) пэскирэ сая (слина). ²⁰ Кóли мэ кэрдём грэхі, тэды со кэрдём мэ тукэ, о Манушэскиро Стрэгари, сóскэ Ту выкэдыян ман сыр бакрэс, адыкэ со мэ сырбы гáмо уридём пэ пэстэ. ²¹ Сóскэ тэды Ту на отмэкэса миро чорипэн, и на лэса криг мирі биба́хт? Пал-довá со мэ явава тэ пасёвав дро пра́хо, и Ту зоралэс явэса тэ родэс ман ранкоса (злокоса), нэ ман бутыр на явэла.”

Шэрó 8

Вилдадо Ракирэла

¹ И отпхэндя Вилдадо Шуахостыр и пхэндя: ² “Сыр гарá ту явэса тэ ракирэс адякэ? И тырэ лавá, со ту ракирэса, исын сырбы зоралы балвал? ³ Ци Дэвэл пиририскирэла сэндо, ци Сарэзорьякиро Дэвэл пиририскирэла чачипэн? ⁴ Кóли тырэ чхавэ кэрдэ грéхи проти Лэстэ, тэды Ёв и сэндыкирэла лэн пал лэнгиро чорипэн. ⁵ Кóли ту явэса тэ родэс хачкирдэс Дэвлэс, и тэ чхувэс пэскирэ мангипэна ангил Сарэзорьякирэстэ; ⁶ кóли ту сан бибангякиро и дэвлытко, тэды, чачó, Ёв уштэла пал түтэ, и Ёв кэрэла адякэ, соб (кай) тэ явэл миштыпэн тырэ кхэрэскэ. ⁷ Мэк вагэдыр (англэдыр) түтэ сыс нáбут (куты), нэ дро ягóро (дро кóнцо) түтэ явэла древáн бут. ⁸ Палдовá пхучпэ, мэ мангáва тут, пал рóды, со сыс вагэдыр и обдумин довá, со лэнгирэ дадá латхнэ, ⁹ пал-довá со, амэ сам адасавэ, сырбы тася бияндыям, и амэ нисó на джинáса, и амарэ дывэсá пэ пхув прастанá сыр зэр (тень). ¹⁰ Ци на сыклякирдэ прапáпы тут, ци на пхэндлэ түкэ, ци на выпхэндлэ лавá лэнгирэ илэстыр? ¹¹ Ци могоинэла папирусо тэ барьёл би дричакиро (би болотоскиро)? Ци могоинэла сил (камышо) тэ барьёл би панескиро? ¹² Кéли дая раслина ишчо (инкэ) зэлэны и наны чингирды, ей вышутэла сыгэдыр кажнóнэ чарьятыр. ¹³ Адякэ-паць и кодолэнгирэ дромá, кон бистрэл Дэвлэс и фуэ-манушэнгиро ужакирибэн пэ лачхипэн, адякэ-паць хасэла, ¹⁴ лэнгиро зоралó патяибэн хасэла, и довá пэ со ёв розгинэла, исын сыр мизгирёскири (паукоскири) тхава (плева). ¹⁵ Ёв подрикирэла пэс пал пэскиро кхэр, кхэр на тэрдéла, ёв ухтылэлапэ пал лэстэ, нэ кхэр на вырикирэла лэс. ¹⁶ Кадасавó мануш барьёла сырбы дылыны чар тэл кхам, и лáкирэ рандя пирибарьёна бар; ¹⁷ лáкирэ кóрни (рукхá) кхувэнапэ трусцял барэнгири бэргица, ёнэ промарэна штéто машкёр барá. ¹⁸ Нэ кóли Дэвэл выкошэла лэн лэнгирэ штэтóстыр, тэды пэ довá штéто отпхэнэнапэ лэндыр, пхэни: “Мэ на дыкхцём тумэн!”” ¹⁹ Акэ, сави исын рáдыма кадалэ фуэ-манушэнгири далэ джиибнастыр, и прахостыр явир барьёна. ²⁰ Акэ, Дэвэл на отчхурдэла Пэстыр бидошэнгирэ манушэс, сыр Ёв и на подрикирэла палó васт одолэс, кон кэрэла бибáхт. ²¹ Ишчо Ёв пхэрдякирэла тырó муй сабнаса, и тырэ уштá барэ радымáса, ²² Ёв учхакирэла ладжаса тырэ вэргэн, и шáтры, кай дживэна фуй манушá, хасэна!”

Шэрó 9

Иóво Отпхэнэла

¹ Тэньци Иóво отпхэндя лавэнца: ² “Мэ джинóм (джинáв), со давá исын чачипэн; нэ сыр о мануш сашты тэ явэл чачунó ангил Дэвлэстэ? ³ Кóли ёв выкэдэла тэ чингирэлпэ лавэнца Дэвлэса, ёв нашты тэ отпхэнэл аж ни пэ екх Лэскирэ тысёнцы пхучибэна. ⁴ Дэвэл исын годó илэса и зоралыпнаса: кон тэрдéлас дрэ стонка мамуй Лэстэ, ци кодовá ячэлапэ дро рамáнэ (покоё)? ⁵ Кон пиричхувэла бэрги, со никон на джинэла давá, кéли Ёв лэн равэла тэлó дрэ холы. ⁶ Кон тринскирэла пхув лáкирэ штэтóстыр, и лáкирэ стылбы издрана; ⁷ Кон припхэнэла кхамэскэ, и кхам на уштэла, и Ёв чхувэла чэргэня пэ якхитко чэргэнорí (печать). ⁸ Дэвэл Кокорó чхудя болыбэн, и Ёв штавэла пир вучэ-морёскирэ (дэрьявёскирэ) валны: ⁹ Ёв создыя пэ болыбэн Асос, Кесилёс и Химос и пашыл-дывэсытка чэргэня. ¹⁰ Кон кэрэла древáн барэ рэндэ, со ниéкх на галéла, и дивы, со нашты тэ погинэн. ¹¹ Акэ, Ёв проджáла пашыл мáндэ, и мэ на дыкхáва Лэс, и Ёв джáла пашыл дурэдыр, и мэ нашты тэ роздыкхав Лэс. ¹² Гáда, Ёв лэла криг и кон могоинэла (сашты) тэ мешынэл Лэскэ? Кон пхэнэла Лэскэ: “Со Ту кэрэса?” ¹³ Дэвэл на лэла кри Пэскири холы; Шуахостыр помогибнаскирэ бандэна тэл Лэстэ: ¹⁴ пэ кицы тэды мэ сом тыкнэдыр, соб (кай) мáнгэ тэ отпхэнав Лэскэ, тэ выкэдав лавá тэ чингиравпэ лавэнца Лэса? ¹⁵ Мэк мэ и сóмас чачипнаскиро, мэ на могоиндёмас тэ отпхэнав Лэскэ, нэ мэ фэни (тóка) помангавас мирэ Сэндáрис тэ тангинэл ман. ¹⁶ Кóли мэ кхаравас бы, и Ёв отпхэнэлас бы мáнгэ, мэ на

патяндыйём, со Ёв шундя мирй зан, – ¹⁷ Ёв-Кон лучкирэлас (лутькирэлас) ман сýрбы зоралы балвэл, и дукхавэлас ман бутыр и бутыр би причынакиро. ¹⁸ Ёв на домэкэла, соб (кай) мэ тэ выдыхинав, нэ Ёв дэла чалэс киркипэн мангэ. ¹⁹ Тэ явэл дава рэндо пал зор, дыкхэн, саво Ёв исын зоралыпнаскиро; а тэ явэл дава рэндо пал чачипэн, кон сашты тэ дэл миро дывэс тэ сэндинавпэ Лэса? ²⁰ Мэк и тэ явэл чачипэн пал мандэ, Ёв зоралэс сэндыкирэлас ман мирэ лавэнца; мэк мэ и тэ явав бибангипнаскиро, Ёв допхэнэла, со мэ сом начачуно. ²¹ Мэ на сом бангó, мэ на камам тэ джинав кокóрó пэс, а миро джибэн яця джунгалó (брыдиндя) мангэ. ²² Сарэнца исын екх; палдава мэ пхэндём: Ёв хасякирэла сыр бидошэнгирэс, адякэ-паць и фуэ манушэс. ²³ Кóли чхупны мулякирэла екхатыр (внезапнэс), Ёв салапэ бибангипнаскирэндыр, савэ пиридживэна кэ мóньки. ²⁴ Пхув исын дыны дрэ бибахталэ-манушэнгирэ васта; Ёв учхакирдя сэндыкэрэнгирэ муя. Кóли дава нанэ Ёв, то кон ишчо (инкэ) дава сашты тэ кэрэл? ²⁵ Мирэ дывэса прастана сыгэдыр прастаибнаскирэстыр: ёнэ нашэна криг, ёнэ на дыкхэна лачхипэн. ²⁶ Дывэса проджана сыр сыгна тришчынитка пэрмы (корабли), сýрбы óрло (кíдо), саво чхурдэлапэ наужакирдэс пэ чордо дорэсыбэн. ²⁷ Кóли мэ пхэнава: “Мэ бистрава пал миро калыпэн, со мэ жалиндёмпэ, мэ парувава пэскиро рондло муй и мэ подрикирава пэс сабнаса: ²⁸ мэ издрава сарэ мирэ мэнькэндыр, мэ джинóm, со Ту на приджинэса ман, со Мэ сом бибангипнаскиро. ²⁹ Кóли мэ тэ явав дасаво бибахталó, сóскэ тэды мэ кэрава пхарй буты ивья? ³⁰ Кóли мэ выморавапэ ивунэ панэса, и тэ кэрав мирэ васта, со энэ ниэкхвар на сыс; ³¹ нэ Ту и тэды тасадякирэса ман андрэ блáта и мирэ йди явэна сýрбы тэ дурьён мандыр.” ³² “Пал-довá со Дэвэл исын на мануш, сыр мэ сом, соб (кай) мангэ тэ отпхэнав Лэскэ, и соб (кай) амэнгэ тэ джас кхэтанэ Лэса пэ сэндо. ³³ Нанэ машкиратуно-мануш машкёр амэндэ, кон могоинэлас бы тэ чхувэл лэскиро васт пэ амэндэ. ³⁴ Мэк Дэвэл тэ лэл криг Пэскири ран мандыр, и мэк тэ явэл, соб (кай) Лэскиро трашаибэн тэ на даракирэл ман. ³⁵ Тóньци мэ явава тэ ракирав, и мэ на явава тэ дарав Лэстыр, нэ мэ на сом дасаво, со тумэ думинэна.”

Шэрó 10

Иóво Камэла тэ Мангэл Дэвлэс

¹ Миро ди кхинья мирэ джиибнастыр: мэ дава воля пэскэ тэ тангинавпэ (тэ жалинавпэ), мэ явава тэ ракирав мирэ дескирэ киркипнастыр. ² Мэ пхэнава Дэвлэскэ: “На сэндыкир зоралэс ман. Сыкав мангэ, пал со Ту лыджаса чингáрд (сора) манца.” ³ Саво ж лачхипэн исын Тукэ, со Ту тасавэса, со Ту дыкхэса вычипнастыр пэ дава, со Тырэ васта создынэ? И Ту зяинэса манушэнгирэ скэдынатыр? ⁴ Ци исын Тútэ якхá, сыр амэндэ? Ци дыкхэса Ту, сыр мануш? ⁵ Ци исын Тútэ, дасавó-паць дывэса, сыр манушэстэ, кон мэрэла? ⁶ Со Ту родэса дош дрэ мандэ, и со Ту выпхучэса пал грéхо дрэ мандэ? ⁷ Кон – сыр на Ту, джинэса, со мэ на сом фуй, и нанэ ниэкх тэ зракхэл ман Тырэ вастэстыр? ⁸ Тырэ васта кхудэ кхэтанэ ман и создынэ ман – саво мэ сом; и аканá Ту хасякирэса ман! ⁹ Рипир, со Ту создьян ман сыр глэя (глина), и Ту ж пирикирэса ман палэ дро пра́хо. ¹⁰ Ци на Ту вычхудян ман сыр тхуд? И ци на Ту вытолчиндян ман сыр гэнсто кирал? ¹¹ Ту учхакирдян ман цыпаса и масэнца, и Ту пирикхудян ман кокалэнца и жылэнца; ¹² Ту дариндян (подьян) мангэ джибэн и Тырй ласка, и дова, со Ту пэкэсапэ пал мандэ, раххян миро дúхо (фáно). ¹³ И сарó дава Ту гарадян дро пэскиро илó, мэ джинóm: дава исыс Тútэ пэ годы. ¹⁴ Кóли мэ кэрава грéхи, тэньчи Ту зарикирэса лэн дрэ годы. И Ту на отчхакирэса ман мирэ чорипнастыр. ¹⁵ Кóли мэ сом фуй мануш, тэды бйда пэ мандэ! Ровнэс сыр и кóли чачипэн исын пал мандэ, мэ нашты тэ газдав миро шэрó. Мэ сом, дрэ бипатыв, мандэ исын пхэрдó бибахтя. ¹⁶ Мирй биба́хт барьёла: Ту традэсапэ пал мандэ сýрбы дрéвáн мижэх шчэр (лéво); и нэвэстыр Ту сыкавэса пэскиро зоралыпэн кэ дар пэ мандэ. ¹⁷ Ту бичхавэса ўса нэвонé якхитконэн пэ мандэ, и Ту барьякирэса пэскири холы пэ мандэ, Ту ўса парувэса Пэскиро марибэн пэ мандэ. ¹⁸ И ваш со Ту домэкхцян, соб (кай) мэ тэ выджав да́кирэ лочатыр? Мангэ явэлас кóнцо (ягóро) и ниэкх якх тэ на дыкхэлас ман. ¹⁹ Мэ явавас сýрбы мэ и на сóмас ниэкхвар, ман

пирилыджанас лочовятыр кэ мулыкано (кэ гробо). ²⁰ Ци на́бут (куты́) дывэса́, со ячнэ́пэ ваш ма́нгэ? Пирияч, Дэвла! Ячкир ман екхджинэс, соб (кай) ма́нгэ на́бут тэ отджидёвав. ²¹ Ангил дова́, сыр мэ джа́ва и ни́екхвар на рисёва́ва палэ, – кэ цымакиро тхэм (страна) и тэл мэрибнаскири зэр (тень); ²² кэ тугитко тхэм калыпнаса, саво́ исын сыр калыпэ́н кокоро́, со кай нанэ́ гиибэ́н, кай дуд исын сыр гэ́нсто калыпэ́н.”

Шэро́ 11

Софаро зачхувэла Иовос тэ Приджинэл Грэхи

¹ Тэньци Софаро Наамостыр отпхэндя лавэнца: ² “Ци наштý тэ отпхэнэс пэ бут пхучибэна? Ци бутэ-ракирибнытконэ манушэ́нгэ яви́р мануша́ исын бангэ́ тэ пхэнэ́н, со лэскиро исын чачипэ́н? ³ Ци со тыро́ хоханó ракирибэ́н зачхувэла манушэ́н тэ явэ́н дро рама́нэ (миро)? Ци сыр ту сасапэ́ холя́мэс, тэды со ж наштý тэ ладжакирэн тут? ⁴ Пал-дова́ со ту ж пхэндя́н: “Мирэ́-патяибнаскиро сыклякирибэ́н исын бибангякири, и мэ сом бидошэ́нгиро дрэ тумарэ́ якха́.” ⁵ Нэ, соб (кай) Дэвэл тэ лэл тэ ракирэ́л и тэ откэрэл Пэскирэ́ ушта́ пэ ту́тэ; ⁶ и, соб (кай) Ёв тэ сыкавэл ту́кэ годыпнаскирэ́ чораханыбэ́на, сыр дава́ исын, со ёнэ́ дрэ дуй мо́лы пириджана дова́, со Тыри́ годы́ сашты́ тэ подуминэл. Джин, со Дэвэл отмэкэ́ла ту́кэ бут тырэ́ чорипна́стыр. ⁷ Ци мого́нэса ту тэ розгалёс саро́ хорипэ́н, Саво́ Дэвэл исын? ⁸ Ци мого́нэса ту тэ галёс Сарэзорьякирэ́ Дэвлэ́с кэ пхэрдыпэ́н? ⁹ Джиныбэ́н пал Дэвлэ́стэ исын длэ́нгэдыр пхувья́тыр и исын буглэ́дыр морё́стыр (дэрьявэ́стыр). ¹⁰ Ко́ли Ёв проджа́ла пашы́л, Ёв пхандэ́ла дрэ занди́рья (цэпи/ковы) и Ёв кхарэ́ла пэ сэ́ндо, кон мого́нэла (сашты́) тэ тэрдэл проти́ Лэ́стэ? ¹¹ Пал-дова́ со Ёв джине́ла годякирэ́ манушэ́н; Ёв адя́кэ-паць дыкхэ́ла фуипэ́н тэды, кэ́ли ману́ш наштý аж и тэ подуминэл; ¹² нэ бигодыпнаскиро ману́ш наштý тэ явэл годы́тко, ровнэ́с адя́кэ-паць сыр и ману́ш сашты́ тэ бияндэл дасаво́ сы́рбы кхуроро́ бусонэ́ (диконэ́) ослицаты́р. ¹³ Ко́ли ту рискирэ́са миштэ́с тыро́ ило́ и проты́рдэса пэ́скирэ́ васта́ кэ Ёв, ¹⁴ и чхувэ́са чорипэ́н дур пэ́скирэ́ вастэ́ндыр и ту на домэкэ́са, соб (кай) фуипэ́н тэ дживэ́н дрэ тырэ́ ша́тры, ¹⁵ тэды ту би кунипнаскиро мого́нэсас тэ газдэ́с пэ́скиро бидошэ́нгиро шэро́, и ту явэ́са набадыкирибны́тко, и ту на дарэ́сас нисосты́р, ¹⁶ пал-дова́ со ту бистрэ́са пал тыри́ бари́ бída, и приркирэ́са пал ла́тэ сы́рбы пал паня́, со на́шнэ́ криг, ¹⁷ и тыро́ джи́ибэ́н явэ́ла яснэ́дыр парнэ́ дывэ́сэсты́р, мэ́к и сыс цямло́ ту́тэ дрэ якха́, на явэ́ла ясно́ сыр зло́ко (ра́нко). ¹⁸ И явэ́ла ту́тэ зорало́ патяибэ́н, пал-дова́ со ту́тэ явэ́ла на́дёя, и кай ту на роздыкхэ́са паш пэ́стэ, явэ́са тэ откхинёс би дара́киро. ¹⁹ И явэ́са ту тэ пасё́с, и ни́екх на явэ́ла тэ даракирэ́л тут, и бут мануша́ явэ́на тэ пхэнэ́н помия́ (плётки), соб (кай) тэ покэрэ́нпэ́ ту́кэ. ²⁰ Нэ фуе́-манушэ́нгиро дыкхи́бэ́н хасё́ла, и ёнэ́ на на́шэ́на бидаты́р, и лэ́нгири на́дёя пи́риачэ́ла тэ дыхинэл сыр и лэ́нгиро джи́ибэ́н.”

Шэро́ 12

Иово́ Нэвэ́с Отпхэ́нэла

¹ И отпхэндя́ Иово́ лавэ́нца: ² “Чачо́, тумэ́ сан мануша́ и годыпэ́н мэ́рэла тумэ́нца. ³ Нэ мэ́ адя́кэ-паць бут галёва́ва, сыр и тумэ́, мэ на сом тэлэ́дыр тумэ́ндыр; и, чачо́, кон на джине́ла саро́ дава́, со тумэ́ пхэндлэ́? ⁴ Мэ́ сом екх ману́ш, пэ́ конэ́стэ дру́го (мал) дыкхэ́ла бангэ́ мо́са, – мэ́, кон кхарэ́ла Дэвлэ́с, и конэ́скэ́ Ёв отпхэ́нэла: Мэ́, дэвлы́тко и чачуно́ ману́ш, яце́м са́бнаса ваш яви́рэ́нгэ. ⁵ Вольна́ мануша́ дрэ годы́ сы́рбы дыкхэ́на бангэ́ мо́са пэ́ одолэ́ндэ́, савэ́нгирэ́ гэ́ра банди́нэ сы́рбы бída. ⁶ Розмари́бнытконэ́нгирэ́ ша́тры зяи́нэна мишты́пнаса, и ко́долэ́, савэ́ прэ́зэ́нты́нэна Дэвлэ́с, дживэ́на бидара́киро, – дава́ дэ́ла лэ́нгэ́ Дэвэл Пэ́скирэ́ вастэ́са. ⁷ Нэ а́канá пхучэ́нпэ́ кхэ́ритконэ́ мурдалэ́ндыр (ското́стыр), и ё́нэ́ явэ́на тэ сыклякирэ́н тумэ́н и болы́бна́скирэ́ чирикленды́р, и ё́нэ́ пхэ́нэ́на тумэ́нгэ; ⁸ ци ра́кирэ́н пхувья́са, и ё́й вы́сыклякирэ́ла тумэ́н, ци морё́скирэ́ (дэрьявэ́скирэ́) ма́чхэ́ пхэ́нэ́на тумэ́нгэ.”

⁹ Кон джинэла дава, со Дэвлэскиро васт создыя лэн; ¹⁰ со Лэскиро васт рикирэла джибэн пэ кажно (свако) джидо ди. ¹¹ Ци на спробинэна тумарэ канá лавá, сыр и муй чуинэла хабэн? ¹² Годыпэн исын пхурэ манушэндэ, и мануш лэла тэ галёл бутыр джибнаскирэ дывэсэндыр. ¹³ Нэ Дэвлэстэ исын годыпэн и зоралыпэн, Ёв дэла годы и галёла. ¹⁴ Ёада, Ёв пхагирэла, и дова ужэ на кэрэса нэвэстыр (зноко): Ёв пхандэла манушэс дро штарибэн и нанэ отмэкибэн пэ воля. ¹⁵ Ёада, Ёв пририкирэла паня, и ёнэ вышутёна: и Ёв бичхавэла лэн англэ, и ёнэ рискирэна тэлэ пхув. ¹⁶ Дэвлэстэ исын зоралыпэн и годыпнаскиро джиныбэн, хохадэ манушá и хохайбнаскирэ исын дрэ Лэскири зор. ¹⁷ Ёв лыджáла годы-дыибнаскирэн тэ кэрэн доша, Ёв кэрэла сэндарьен дылынэнца. ¹⁸ Ёв лэла криг зор кральэндыр, Ёв пхандэла кустыка пэ лэнгирэ трушула (чрэсло). ¹⁹ Ёв лыджáла рашán тэ кэрэн доша, и равэла тэлэ зоралыпнаскирэн, ²⁰ Ёв лэла криг чиб шукáр-ракирибнаскирэндыр (велеречывонэндыр) и кэрэла адякэ, со пхурэ пириячэна лачхэс тэ розгалён; ²¹ Ёв вычхувэла накутякирибэн пэ тхагарьэндэ и Ёв розвастакирэла зоралыпнаскирэн; ²² Ёв росчхакирэла хор котэра цямыпнастыр и Ёв янэла мэрибнаскири зэр (тень) пэ дуд; ²³ Ёв прибарьякирэла манушýтка нáцыи и вымарэла лэн; Ёв росчхурдэла манушýтка нáцыи и кэдэла лэн кхэтанэ. ²⁴ Ёв лэла криг годы манушэнгирэ шэралэндыр пэ пхув, и кэрэла адякэ, со ёнэ псирэна адякэ, сыр пир бидромэскири чхучи пхув. ²⁵ Ёнэ псирэна, чилави вастэнца дро калыпэн, кай дуд нанэ, и Ёв кэрэла адякэ, со ёнэ кунинэнапэ (шатынэнапэ) сыр матэ.

Шэрó 13

¹ Акэ, мирэ якхá дыкхнэ сарó дава, мирэ канá шундлэ и галынэ дава. ² Со тумэ джинэна и мэ адякэ-паць (джинав): мэ на сом тэлэдыр тумэндыр. ³ Нэ мэ камамас тэ ракирав Сарэзорьякирэ Дэвлэса, и мэ древán камáм тэ пириракирав причына Лэса пал мирí бída. ⁴ Э тумэ, чачэс, сан хоханэ-подкэрибнаскирэ, тумэ ж сан билачхипнаскирэ састыпнарья. ⁵ О, соб (кай) тумэ тэ явэн шытл кхэтанэ! И дава явэлáс тумарó годыпэн. ⁶ Шунэн, аканá мирэ дýмы, и прилэн кэ годы, пал со мирэ уштá явэна тэ затэрдён. ⁷ Со ж тумэ явэна тэ ракирэн начачипэн ваш Дэвлэскэ? И ваш Лэскэ тумэ явэна тэ хохавэн? ⁸ Ци тумэ камэна тэ прилэн Лэскири риг? Ци явэна тумэ тэ лыджán чингáрд манушá, соб (кай) тэ явэл лачхó (годно) Лэскэ? ⁹ Ци явэла миштó, кóли Ёв пропатякирэла тумэн? Ци (могинэна) сашты тумэ тэ санпэ Лэстыр сырбы тумэ санапэ манушэстыр? ¹⁰ Ёв би кунипнаскиро (шылалэс) сыкавэла тумарí банг, кóли тумэ чораханэс явэна тэ прилэн вари-конэскири риг. ¹¹ Ци на явэла Лэскиро райканыпэн тэ страхакирэл тумэн, ци со трашаибэн ангíл Лэстэ на пэрэла пэ тумэндэ? ¹² Тумаро сыклякирибэн исын сырбы годыпнытка лавá праскатыр (пеплостыр), а лавá, савэнца тумэ затэрдэна пал пэстэ, исын сырбы кэрдэ блататыр. ¹³ Явэн шытл, и шунэн ман, со мэ пхэнава, – мэк тэ явэл дова, со явэла. ¹⁴ Сóскэ мánгэ тэ рикирав пóскирэ масá (лоч) дандэнца кэ дар? И тэ чхував миро джибэн дро васт? ¹⁵ Ёада, кóли Ёв и мулякирэла ман, нэ мэ сароекх явáва зоралэс тэ патяв дрэ Лэстэ, нэ и мэ явáва тэ затэрдэвав пал пэстэ мирэ лавэнца ангíл Лэстэ. ¹⁶ Давá пэ сáмо нáбут (куты) адякэ-паць явэла миро зракхибэн, пал-дова со дуе-муенгиро (лицэмéро) мануш на явэла ангíл Лэстэ. ¹⁷ Шунэн важливэс миро ракирибэн, и дова, со мэ статэчнэс (официальнэс) пхэнава, шунэн канэнца. ¹⁸ Ёада, аканá, мэ росчхудём екх пал екх мирэ дýмы дро миро рэндо, мэ джинóм, со чачипэн явэла пал мánдэ. ¹⁹ Кон явэла муршканó тэ лыджáл чингáрд мánца? Пал-дова со, кóли мэ явáва шытл аканá, тэды явэла сарó мánгэ.

Иовоскири Пáтери (Моли́тва)

²⁰ Фэни мánдэ исыс дуй мангипэна кэ Ту, Дэвла, тэ на кэрэс мánгэ; тэньчи мэ на явáва тэ гарадэвав Тýтыр. ²¹ Лэ Тырó васт дур мánдыр; и мэк Тырó трашаибэн тэ на страхакирэл ман; ²² тэньчи кхар и мэ отпхэнава; – ци мэ явáва тэ ракирав, и Ту явэса тэ отпхэнэс мánгэ. ²³ Кицы мánдэ исын чорипэна и грэхí? Кэр адякэ, соб (кай) мэ тэ джинóм (джинав) мирэ чорэ рэнды и миро грэхó. ²⁴ Сóскэ Ту, Дэвла, рикирэсапэ ригаса мánдыр, и гинэса ман пал тырэ

вэргостэ? ²⁵ Ци на затрашавэса Ту патрін (листо), со кунинэлапэ одорік и палэ? И ци на традэсапэ Ту пал шукэ-гивэскири тетива? ²⁶ Пал-довá со Ту чхинэса киркипэн пал мандэ, и кэрэса адякэ, соб (кай) мэ тэ прилав чорипэн мирé тырныпнастыр сыр миро миштыпэн. ²⁷ Ту чхувэса мирé гэрá дрэ калода и Ту дыкхэса раххибнйткэс пал сарé мирé дроморэ; и Ту чхувэса шпэры пал мирé – гэрэнгирэ пирé (подэшвы). ²⁸ Нэ, о мануш, сыр и мэ, роскирнэлапэ сыр кирно котэр, сырбы урибэн, со моль (мэль) хала.

Шэрó 14

¹ О мануш, савэс джувлы бияндя, дживэла нагара, и лэстэ исын бут пхарипэна пэ илó. ² Ёв выбарьёла сыр лулуді (цвэто) и лэс чингирэна тэлé; и ёв нашэла криг сыр зэр (тень) и бутыр лэс нанэ. ³ Ци откэрэса Ту Пэскирэ яхха, Дэвла, пэ екхэстэ кадасавэстэ, сыр мэ; и ци лыджáса Ту ман пэ сэндо Пэса? ⁴ Ци сашты тэ бияндёл бидошэнгиро мануш манушэстэ дошэнца? Ниэкх! ⁵ Кóли лэскирэ дывэсá ангилпхэндлэ, и лэскирэ-джиибна́скирэ дывэсá исын джиндлэ Тукэ; и Ту газдыян вучэс лэскэ мёжы, соб (кай) ёв нашты тэ пириджал лэн, ⁶ тэды Ту рисёв лэстыр; и мэк ёв тэ откхинёл ангил дава́, сыр ёв кончынэла, сыр андынаршчыко (наёмнико) пэскиро дывэс. ⁷ Пал-довá со исын надёя ваш кашт: кóли ёв чингирдо тэлé, ёв барьёла нэвэстыр, и лэскирэ сэнки (сучки) на хасёна; ⁸ и мэк лэскиро корнё (рукх) пхурьёла дрэ пхув, и лэскиро корчо кирнёла дрэ пхув; ⁹ нэ кóли ёв чхуиндя (шундя) пани́, тэды ёв мэкэла бутоны, и лэскирэ рандя выбарьёна сыр нэво́ выбарьякирибэн. ¹⁰ Нэ мануш мэрэла и роспэрэлапэ; га́да-лэскэ кóнцо (ягóро), и кай ёв исын? ¹¹ Паня нашадёнапэ зеростыр, и рэка (лэнь) пириячэла тэ тхадэл: ¹² адякэ-паць и мануш пасёла и на уштэла палэ. Ангил дава́, сыр кончынэнапэ дава́ болыбён, ёнэ на джангадёна, на уштэна пэскирэ соибнастыр. ¹³ О, соб (кай) Ту, Дэвла, тэ гаравэсас ман дро люно (преисподня), соб (кай) Ту тэ рикирэс ман чораханэс, пака Тырй холы джáла пэскэ, соб (кай) Ту тэ ангилпхэнэс мангэ часо, со Ту дыян мангэ, и тэ рипирэс ман. ¹⁴ Кóли мануш мэрэла, ци отджидёла ёв нэвэс? Мэ ужакиравас сарé дывэсá, дрэ савé мэ кэрдём пхарй буты адякэ гарá, сыр явэла локхэдыр мангэ: ¹⁵ Ту кхарэсас ман, и мэ отпхэнавас Тукэ; соб (кай) Түтэ древан камэсас тэ дыкхэс ман, конэс Ту создыян. ¹⁶ Пал-довá со аканá Ту гинэса мирé шаги (ламня): соб (кай) ту тэ на дыкхэс раххибнйткэс пэ мирé грэхи? ¹⁷ Мирé чорé рэндэ исын пхандлэ пэ якхйтко (чэргэнорі) дро капшуко, и Ту запхандэса сарó миро чорипэн. ¹⁸ И, чачó; сыр бэрги пэрэна и роспхарадёна сарэса, и скáла кхарэлапэ (зджáла) пэскирэ штэтóстыр, ¹⁹ а паня роскэрэна пэ náбут (куты) барá, и барé панингá выморэна пыло пхувьятыр, адякэ-паць ту хасякирэса манушэскири надёя. ²⁰ Ту прилэса упралыпэн пэ лэстэ пэ ўсáды (сак), и ёв уджала сарэса; Ту парувэса лэскиро муй и бичхавэса криг лэс. ²¹ Тэ ячэн лэскирэ чхавé дрэ патыв, – ёв на джинэла, ци кóли телякирэна лэскирэ чхавэн, – ёв на роздыкхэла дава́. ²² Нэ адякэ гарá (длүгэс), сыр лэскирэ масá (лоч) исын джидэ, адакицы явэна и дукхá лэстэ, и лэскиро ди явэла зоралэс тэ тугинэл.”

Шэрó 15

Явір Чингáрд Машкир Иовостэ и Лэскирэ Малэндэ

¹ Тэньци Элифазо Фэманостыр отпхэндя лавэнца: ² “Ци явэла годó мануш тэ отпхэнэл чхучé лавэнца, и тэ пхэрдякирэл пэскиро колын балвалэса вастокóстыр; ³ и ци явэла ёв тэ лыджал чингáрд лавэнца, сóстыр нанэ лачхипэн, ци ракирибнэнца, со нисó на дэна? ⁴ Ту, хай, домэкця́н пэскэ тэ на дарэс Дэвлэстыр, и ту запхандян муй, соб (кай) тэ на розлэс заня́са пáтери (молітва) Дэвлэскэ. ⁵ Пал-довá со тырó чорипэн сыклякирэла тут адякэ тэ ракирэс, и ту выкэдыян пэскэ тэ ракирэс хоханэ чибáса. ⁶ Тырó муй кокорó зоралэс обсэндінэла тут, а на мэ, и тырэ уштá кокорé досыкавэна пэ түтэ. ⁷ Ио́во! Ци на сан ту пэрво мануш пэ свéто (лот), кон бияндыя? Ци со создыя́ Дэвэл тут ангил, сыр Ёв кэрдя́ бэргицы? ⁸ Ци, хай шундя́н

ту, сыр Дэвэл лыджия скэдыны? Ци, хай, сан ту екхоро мануш пэ свэто (лот), кон исын годо? ⁹ Со исын дасаво, со джинэса ту, со амэ на джинаса? Со дасаво галёса ту екхджинэ, со амэнгэ на джидло? ¹⁰ Машкир амэндэ исын дуйджинэ: о сывонэ-балэнгино мануш и пхурэ, савэ исын бут пхурэдыр тырэ дадэстыр. ¹¹ Ци на ухтылла (надоси) тукэ, со Дэвэл подрикирэла тут, ци лавá, со амэ локхэс пхэндям тукэ? ¹² Кэ со газдыя тут тырэ ило? Соскэ тырэ якхá дыкхэна холяса, ¹³ со ту рискирдян дүхо (фáно) пэ Дэвлэстэ, и сыр кадасавэ лавá выджана тырэ мостыр? ¹⁴ Саво ж трэй тэ явэл мануш, соб (кай) ёв тэ явэл бидошэнгино? Ци на кодовá, савэс джувлы бияндя, соб (кай) ёв сашты тэ явэл чачипнаскиро? ¹⁵ Кóли Дэвэл на допатыла Лэскирэ свэнтонэнгэ, и болыбэн нанэ бидошэнгино ангил Лэскирэ якхá: ¹⁶ – пэ адакицы бутыр о мануш исын джунгалó (брытко) и розмэкнэ-годякиро, кон кэрэла чорипэн адякэ-паць, сырбы ёв пьел пани: ¹⁷ “Мэ пхэнава тукэ, шун ман; дова, со мэ дыкхцём, – пал дова мэ подава звес (зан), ¹⁸ со годэ манушá пхэндлэ, савэ шундлэ пэскирэ дадэндир, савэ нисó на гарадэ лэндир, ¹⁹ конэскэ екхджинэнгэ сыс дыны пхув, и ниёкх, явирэ-тхэмэскиро мануш, на гия машкир лэндэ. ²⁰ Фуй мануш бандёла дукхаса пэскирэ бангатыр сарэ пэскирэ дывэсá, и кон притасавэла явирэн, лэскирэ бэршá исын гарадэ. ²¹ Дрэ лэскирэ канá исын даракунэ зники (звуки): кэли исын сарó миштó лэстэ, тэды розмарибнытко джáла пэ лэстэ. ²² Ёв на патяла, со ёв на рисёла цямлыпнастыр, и дыкхэла, со лэс ужакирэна курталáса. ²³ Ёв псирэла одорик и палэ пал марó, пхэни, – “Кай исын ёв?” Ёв джинэла, со калó дывэс исын дро лэскиро васт. ²⁴ Пхарипэн и бída рикирэна лэс дрэ дар, ёнэ сырбы пиризорьякирэна лэс, сырбы крáli, кон исын скэдыно кэ марибэн. ²⁵ Пал-довá со ёв диндыкирдя (протырдыя) васт пэ Дэвлэстэ, и со ёв кэдыя зор пэ Сарэзорьякирэ Дэвлэстэ, ²⁶ и ёв прастандыя пэ Лэстэ дзиндыкирдэ мэняса тэл грэмбонэ-пряжкэнгино шчыто. ²⁷ Пал-довá со ёв учхакирдя пэскиро муй пэскирэ тхулыпнаса, и кэдыя тхулыпэн паш пэскири кустык. ²⁸ И ёв дживэла дрэ наобдживдлэ фóрья, дрэ кхэрá, кай никон на дживэла, савэ сыс ангил-присэндиндлэ, соб (кай) лэндир тэ ячэн руйны. ²⁹ Ёв на явэла барвалó, адякэ-паць и лэскиро миштыпэн пириячэла тэ барьёл, и лэскиро маёнко на розбуглякирэлапэ пир пхув. ³⁰ Ёв на уджала цямлыпнастыр, бари яг вышутькирэла лэскирэ рандя сырбы балвалáса, ³¹ и Дэвлэскиро пхурдыпэн кошэла криг лэс штэтóстыр, сыр балвал лулудй (цвэто). ³² Мэк ёв тэ на патял зоралэс дрэ чхучэ рэндэ, сырбы хохайндой пэс, пал-довá со чхучэ рэндэ ёв дорэсэла палэ сыр плэскирибэн. Ёв сырбы кашт вышутёла ангил лэскиро дывэс, и лэскири рандэ на явэла нэвэс зэлэны. ³³ Ёв тринскирэла тэлэ пэстыр надогинэ винаградытка мýри сырбы винаградытко кашт, и ёв чхурдэла тэлэ пэскирэ лулудя (цвэты) сырбы маслиничко кашт. ³⁴ Кхэр, дро саво дживэна надэвлытка, явэла чхучó, и яг выхала шáтры, со ёнэ дорэснэ пал подкиндытко мыто. ³⁵ Ёнэ задуминдлэ бибахт, и зачхудэ чхучэ рэндэ (дэлы), лэнгири лочовй (утроба) барьякирэла хохайбэн.”

Шэрó 16

Иóво Бангякирэла Пэскирэ Битангипнаскирэ Малэн

¹ И отпхэндя Иóво лавэнца: ² “Мэ шундём бут кадалэ чачипэна; тумэ сан бэдытка подрикирибнаскирэ.” ³ Ци явэла кóнцо (ягóро) пэ далэ балвалитка лавá? Ци, со шпулэла (пихинэла) тут тэ отпхэнэс адякэ мангэ? ⁴ Мэ адякэ-паць могиनावас тэ ракирэв, сыр ту: кóли тэ явэс пэ миро штéто. Мэ могиनावас тэ скэдав лавá пэ тýtэ, и тэ тринскирав шэрэса пэ тумэндэ; ⁵ нэ мэ подрикиравас мирé лавэнца, и мирé-уштэнгино раманипэн (миро) локхякирэлас тырэ-илэскири дукх. ⁶ Мэк мэ и ракирэва, мирé-илэскири дукх на локхия, и мэк мэ пириячава, ци мангэ исын локхэдыр? ⁷ Нэ аканá Дэвэл кэрдя адякэ, со мэ сом кхинякирдо; Ту, Дэвла, хасякирдя сарй мирй сэм’я (ирй); ⁸ Ту кэрдян адякэ, со мэ сом сарó дрэ моршки и дава исын досыкаибэн пэ мандэ. Ту вышутькирдян ман дрэ петрénка (измождéно) – и дава адякэ-паць исын досыкаибэн, кон допхэнэла пэ мандэ. ⁹ Дэвэл кушэла ман Пэскирэ холякирибнастыр и Ёв бидыкхэла ман; Ёв рискирэла скрежэтаса Пэскирэ дандá пэ мандэ. Миро вэргó востринэла пэскирэ дандá пэ мандэ. ¹⁰ Э манушá путравэна

пэскирэ якхá пэ мандэ, ёнэ пэкавэна ман пир чхама (шчоки), бангякири, ёнэ кэдэнапэ кхэтанэ пэ мандэ. ¹¹ Дэвэл пиридыя ман надэвлытконэнгэ, и чхурдыя ман дрэ фуё-манушэнгирэ вастá. ¹² Мэ дживдём штылэс, нэ Дэвэл запхагирдя ман, Ёв адякэ-паць лыя ман пал мэн и ростринскирдя ман пэ котэра, и Ёв чхудя ман сыр бакрэс тэ дэн карье. ¹³ Лэскирэ карье-дыибнаскирэ (стрельцы) обгинэ трусцýл мандэ, Ёв промардя миро илó, и Ёв на тангинэла ман. Ёв вычхувэла миро жэлучо пэ пхув. ¹⁴ Ёв пхагирэла ман rischiрибнаса дрэ масá екх пал екх; Ёв прастала пэ мандэ, сырбы Ёв исын зоралыпнаскиро марибнýтко. ¹⁵ Мэ сыдём пэскэ жалобно гонó пэ мирí цýпа, и чхудём пэскиро шэрó дро прахо. ¹⁶ Миро муй исын лолó ясвэндýр, и пэ мирé цымблы исын мэрибнаскири зэр (тень), ¹⁷ мэк и нанэ нахрата рэндý пэ мирé вастá, и мирí пáтери (молýтва) исын бидошэнгири.”

Иово ракирла, со лэстэ исын якхýтко пэ болыбён

¹⁸ Э пхув! На чхакир миро рат, и мэ тэ явэл шундлы мирí гóдла. ¹⁹ Ёáда, аканá, исын миро Якхýтко пэ болыбён, и дава исын Ёв, Кон затэрдéла пал мандэ. ²⁰ Мирé малá санапэ холямэс мандýр, мирé якхá чхувэна ясва кэ Дэвэл. ²¹ О, соб (кай) тэ явэл вари-кон тэ мангэл зоралэс пал манушэстэ ангýл Дэвлэстэ, сыр и мануш мангэла зоралэс пал лэскирэ пашатунэстэ. ²² Пал-довá со сыг явэла кóнцо (ягóро) пэ кадалэ бэршá, Мэ джава дромэса одорýк, катыр нанэ рисибён.”

Шэрó 17

Иово Мангэлапэ Дэвлэскэ, соб (кай) тэ Ячэл Локхэдыр Лэскэ

¹ Мандэ нанэ дýхо (фáно), мирé дывэсэнгэ исын кóнцо (ягóро), магила (кула) исын скэдыны ваш мánгэ [мулыканэ/гробы-р.с.]. ² Пашýл мандэ исын манушá, кон салапэ холямэс, нэ мирé якхá дыкхэнас, сыр ёнэ биманушыткэс пэрэна пэ мандэ. ³ Дэвла! Яв миро дудвало! Чхув сýмады (залога) пал мандэ Пэскэ. Кон жа явýр сашты тэ марэл пир вастá пал мандэ? ⁴ Пал-довá со Ту гарадян лэнгирэ-малэнгирэ илэ тэ галён, палдава Ту на домэкэса, соб (кай) ёнэ тэ газдэнпэ. ⁵ Кон ракирэла хоханэс пэскирэ малэнца, кодолэ-чхавэнгирэ якхá пириячэна тэ дыкхэн.

Иово Жалинэлапэ, со Лэскирэ Малá на Патýна Лэскэ

⁶ И Дэвэл кэрдя адякэ, со мэ яцём сыр притча ваш манушэнгэ; мэ яцём кадасавó мануш, пэ конэстэ чунгардэна дро муй. ⁷ Мирé якхá пириячнэ тэ дыкхэн мирé тугатыр, и сарé мирé кокалы ячнэ сыр зэр (тень). ⁸ Чачунэ манушá дивинэнапэ далэстыр, и бибангипнаскиро газдэлапэ холяса пэ мандэ сырбы пэ дуё-муэнгирэстэ. ⁹ Нэ чачунó явэла тэ рикирэлпэ кэ пэскиро дром, и конэстэ исын жужэ вастá, одовá мануш явэла зоралэдыр дро пэскиро дýхо. ¹⁰ Нэ, мэ мангава, явэн сарé палэ, палэ-довá со мэ на латхём машкýр тумэндэ екхэ годэ манушэс. ¹¹ Мирé дывэсá прогинэ, миро камибэн дро джиибён биладýя (растопиндя), адякэ-паць и мирé-илэскирэ дýмы. ¹² Мирé малá парудэ рат дро дывэс, и кели явэла калыпён, ёнэ ракирэна, со сыг дуд явэла. ¹³ Кóли вари-со исын мánгэ тэ ужакирав, дава исын лóно (преисподня), соб (кай) ёв тэ явэл сыр кхэр мánгэ, и соб (кай) мánгэ тэ кэрáв миро чхуибён дро калыпён: ¹⁴ тэды мэ дава гóдла магилакэ: “Ту сан сыр дад мánгэ!” И кирмэскэ: “Ту сан сыр дай и пхэн мánгэ.” ¹⁵ Сóстыр мánгэ тэды тэ ужакирав лачхипён? О, мирí надéя, ци вари-кон джинэла пал дава? ¹⁶ Ци ёй, мирí надéя сашты тэ джал тэлэ пал мандэ кэ лóноскири пóрта (враты), соб (кай) амэнгэ кхэтанэ тэ откхинёвас дро прахо.”

Шэрó 18

Вилдадо: Фуге Манушэнгэ Явэла Кáра

¹ О Вилдадо Савхейнино (Шуахостыр) ракирэлас явир мóло, и отпхэндя лавэнца: ² “Кéли кончынэса ту тэ чингирэспэ лавэнца? Яв годыпнаскиро, и тэньчи (после) амэ явáса тэ ракирас. ³ Сóскэ ту дыкхэса пэ амэндэ сыр пэ мурдалэндэ (животнóнэндэ)? Иóво, сóскэ амэ сам нажужэ дрэ тумарэ якхá? ⁴ Ту роскушэса пэс пэскирэ холятыр, ци со тэды пал тóтэ манушэнгэ тэ ячавэн пхув? Ци, со скáла кхарэлапэ пэскирэ штэтóстыр? ⁵ Нэ фуэ-манушэнгиро дуд мурдэла, и момолы лэскирэ ягатыр на явэла тэ зяинэл. ⁶ Дуд ячэла цямло дрэ лэскири шáтра, и лэскиро момолытко (светильнико) мурдэла. ⁷ Зор явэла тэ уджал лэскирэ шагэндыр (ламнэндыр), а лэскиро плано лыджáла лэс кокорэс тэ пэрэл. ⁸ Пал-довá со лэскирэ гэрá кокорэ лыджáна лэс дрэ кхуды (мирéжа), и ёв штáвэла кэ фэля. ⁹ Чирикленгири фэлы подтырдэла лэс пал пента (кхур), а фэлы пэ пхув ухтылэла лэс пал гэрóй. ¹⁰ Шошкэнгиро (хорёскиро) капкано исын гарадо лэстыр, и фэлы сеткаса исын пэ дром. ¹¹ Трашаибэн пал трашаибэн дарьякирэна лэс кажнóнэ ригáтыр, и пал лэстэ традэнапэ палáл лэскирэ пэнтý (кхурья). ¹² Бокх сырбы выхая лэскиро зоралыпэн, и бари бýда, исын паш лэстэ, ужакирэла пэ лэстэ. ¹³ Мэрибнытко насвалыпэн схала сарэса лэскирэ масá, ёв похая сарэса лэскирэ гэрá и вастá. ¹⁴ Мэрибэн вырискирэла лэс лэскирэ шатратыр, кай ёв сыс би дарáкиро, и лыджáла лэс тэлэ кэ крáli пэ барэ биды. ¹⁵ Дрэ лэскири шáтра явэна тэ дживэн чýжа манушá, а сéра (дзэвэля) почхувэна пир лэскиро кхэратуно штéто: ¹⁶ лэскирэ кóрни (рукхá) вышутэна тэлалэстыр, а лэскирэ рандя зашутэна упрál. ¹⁷ Рипирибэн пал лэстэ хасэла пэ пхув, и лэскиро лав бистрэна пэ вулицы (пэ гáсы). ¹⁸ Лэс традэна криг дудэстыр (свэтóстыр) дро калыпэн, лэс вытрадэна пхувьятыр, кай манушá дживэна. ¹⁹ Лэстэ на явэла ни чхавó, ни плименико машкёр лэскирэ манушэндэ, ниéкх на ячэлапэ пэ лэскиро кхэратуно штéто. ²⁰ Дýво кэ дар ухтылэла манушэн западостыр долэ дывэсэстыр, а манушá востокóстыр трашадэна. ²¹ Адякэ исын кхэратунэ штэтоса, кай дживдя начиннаскиро мануш, дасаво-паць исын дром кодолэскэ, кон на джинэла Дэвлэс.”

Шэрó 19

Иовоскиро Отпхэныбэн: “Дэвэл Затэрдэла Пал Мáндэ”

¹ И отпхэндя Иóво дасавэ лавэнца: ² “Ци бут жа явэна тумэ тэ мэнчынэн миро ди, и тэ пхагирэн ман пэ котэрá лавэнца. ³ Кадава ужэ исын дэш мóлы, со тумэ обракирэна ман, тумэ на ладжана тэ дурьякирэн ман. ⁴ И мэк тэ явэл, со мэ дыёмпэ дукхá, и мэк мирí дукх тэ ячэлпэ мáнца. ⁵ Кóли тумэ, чачэс, камэна тэ барьякирэн пэс ангил мáндэ, и тумэ чхувэна ангил мирí бипатыв проти мáндэ, ⁶ то тэды джинэн, со адава Дэвэл чхурдыя тэлэ ман, и дава Ёв обгия трусцýл мáндэ Лэскирэ кхудяса (мирежаса). ⁷ Ѓáда, мэ дáва гóдла: “Нахратыма пэ мáндэ”, ман на шунэна; кóли мэ дáва гóдла сарэ зорьятыр, тэды нанэ сéндó. ⁸ Дэвэл чхудя тыно пэ миро дром, со мэ нашты тэ проджав, и Ёв росчхудя калыпэн пэ мирé дромá. ⁹ Ёв чорьякирдя тэлэ мáндыр миро барипэн, и Ёв злыя мирí кралитко стадык мирé шэрэстыр. ¹⁰ Ёв роспахирдя ман сарэ ригэндыр, и мáнгэ явэла сарó, а миро ужакирибэн пэ лачхипэн Ёв вырискирдя сыр кашт. ¹¹ Ёв адякэ-паць захачия холяса пэ мáндэ, и Ёв гинэла ман пал екхэ вэргостэ. ¹² Лэскирэ халадыбэна явнó кхэтанэ, ёнэ росчхувэна лагерё (лод) трусцýл мирí шáтра. ¹³ Ёв дурьякирдя мирé пшалэн мáндыр, и мирé пинджкирдэ манушá дурьякирдэ пэс сарэса криг мáндыр. ¹⁴ Мирí сэмэнца ячкирдя ман, и миря малá бистырде ман. ¹⁵ Мирэ-кхэрэскирэ манушá, и мирэ-штубакирэ дынарицы (слугицы) гинэна пал чужонэ манушэстэ, мэ сырбы сом явирэ-тхэмэскиро мануш дрэ лэнгирэ якхá. ¹⁶ Мэ кхарáва мирé дынари́с, и ёв на отпхэнэла мáнгэ, и мэ тэды штылэс мангáва лэс пэскирэ мóса. ¹⁷ Мирí ромны брыдинэла мирé духóстыр и сыр мэ дыхинава, дава исын джунгалó мирé пшалэнгэ.

¹⁸ Ровнэс и тыкнэ чхаворэ дыкхэна пэ мандэ бангэ моса, мэ газдавапэ тэ пхэнав, и ёнэ ракирэна пэ мандэ. ¹⁹ Сарэ мирэ пашатунэ малá дурьёна криг мандыр, и кодолэ, конэс мэ прилыём илэса, рисинэ холяса пэ мандэ. ²⁰ Мирэ кокалы зоралэс ухтылдэпэ пал мирí цыпа, и мирэ маса, и екх цыпа яцяпэ мандыр кэ мирэ дандá. ²¹ Потангинэн ман, потангинэн ман, о – тумэ, мирэ малá! Дыкхэн, Дэвлэскиро васт пэкадя ман. ²² Соскэ тумэ традэна ман, сыр Дэвлэ кэрэла адякэ, и со тумэ, – rischiрибнаскирэ мурдалá, – со на чалынэ мирэ масэндыр? ²³ О, соб (кай) тэ зачхинэн мирэ лавá! Тэ вчхинэн андрэ лэн ваш рипирибэн дрэ лылваря! ²⁴ Соб (кай) тэ вычхинэн лэн саструнэ порэса (резцоса) и муловиса (оловоса) пэ бар пэ сарэ веки! ²⁵ Нэ мэ джином мирэ джидэс, Выракхибнаскирэс, и дро сáмо кóнцо (ягóро), Ёв затэрдэла пал мандэ пэ пхув; ²⁶ и кóли, палó дова мирí цыпа роспэрэлапэ, нэ мэ усаэкх дро мирэ маса дыкхава Дэвлэс, ²⁷ мэ кокорó явáва тэ дыкхав Лэс, и, гада, дава явэна мирэ якхá, никонэскирэ явйр, сыр миро илó нашавэла зор! ²⁸ Кóли тумэ пхэнэнас: “Сыр амэ яваса тэ традас лэс?” Пал-дова со причына дрэ лэстэ кокорэстэ, со ёв мэнчынэлапэ; – ²⁹ нэ дарэн тумэ курталатыр! Ваш тумарí бари холы куртала явэла пэ тумэндэ, сыр росплэскирибэн, соб (кай) тумэ тэ джинэн, со исын чачипэн.”

Шэрó 20

Софароскирэ Патерья (Молитвы) пэ Фуе Манушэндэ

¹ И Софаро Ноамостыр отпхэндя лавэнца: ² “Акэ, соскэ мирэ думы дэна отпхэныбэн мангэ, и ваш дова мэ сыгнякиравапэ. ³ Мэ шундём, сыр ман зоралэс бангякирдэ, и ладжакирдэ, и миро дýхо (фáно) отпхэнэла пал мандэ адякэ, сыр мэ галёвава. ⁴ Ци на джинэса ту, со дава исын гаратунэ бэршэндыр тэды, сыр мануш явдя пэ свэто (лот), ⁵ со фуй манушá свэнкинэна кэ вучипэн нагара (надлугэс), и со фуе-манушэнгири радыма урикирэлапэ фэни (тóка) минута (мэнта)? ⁶ Мэк лэскири пышныма тэ газдэлпэ кэ болыбэн, и лэскиро шэрó тэ тырдэлпэ кэ óблоки, ⁷ нэ ёв хасёла пэ сарэ веки сырбы лэскирэ отбросы, сóса ёв псирэна яврий. И кодолэ, кон дыкхця лэс, пхэнэна: “Кай исын ёв?” ⁸ Ёв вурняла криг сыр годэнгиросуно, и лэс на латхэна; и ёв вари-кай хасёла, сырбы зданки раты. ⁹ Якхá, со дыкхнэ лэс, на дыкхэна бутыр, адякэ-паць и лэскиро штэто. ¹⁰ Лэскирэ чхавэ явэна тэ дэн палэ ловэ чорорэнгэ, а лэскирэ вастá rischiрэна палэ сарó пэскиро барвалыпэн. ¹¹ Лэскирэ кокалы исын пхэрдэ лэскирэ-тэрныпнаскирэ грэхэнца, нэ ёнэ хасэна лэса кхэтанэ дро прáхо. ¹² Мэк тэ кэрэл бибахт исын сырбы гудлó хабэн дро лэскиро муй, и ёв гаравэла ла тэл пэскири чиб, ¹³ мэк ёв и тэ пригараваэл ла, и тэ на мэкэл ла: а ёв рикирэла ла дро пэскиро муй; ¹⁴ дава лэскиро хабэн дрэ виндырья ячэла шутло, и пирикэрэлапэ дрэ сапэскири трута андрáл лэстэ. ¹⁵ Ёв наххадя (глытындя) барвалыпэн, нэ ёв чадэла лэса палэ: о Дэвлэ тырдэла яврий зорьяса дава барвалыпэн, аж пэрэстыр. ¹⁶ Ёв явэла тэ жуинэл мэрибнытконэ сапэскири трута; нэ саплынякири чиб мулякирэла лэс. ¹⁷ Ёв на явэла тэ дыкхэл рэкицы, рэки (лэня) со тхадэна авгинэса и тхуляса. ¹⁸ Ёв дэла палэ дова, со ёв дорэсця пхарэ бутятыр, ёв нашты тэ наххавэл ла; ёв на явэла тэ радынэлпэ кофостыр, со ёв дорэсця пэскирэ рэндостыр. ¹⁹ Пал-дова со ёв притасадя и мэкця чорорэн, со ёв нахратэс заухтылдя кхэр, савó ёв на газдыя. ²⁰ Ваш лэскири галкима ёв на откхинёлас, ёв нисó на зракхця, соб (кай) ёв тэ закамэл. ²¹ Ёв исыс прохаибнаскиро, и нисоса зракхцяпэ лэстыр: ваш-дова со лэскиро миштыпэн на явэла гарá тэ урикирэлпэ. ²² На дыкхй, со лэстэ исын пхэрдó миштыпэн, ёв явэла дрэ бари траш; кажнонэ – Манушэскиро вастá, конэскэ ёв кэрдя бари бйда, явэла пэ лэстэ. ²³ И явэла адякэ: ёв явэла пэ нáбут (куты) скэдыно тэ пхэрдякирэл пэскиро пэр, то тэды Дэвлэ бичхавэла пэ лэстэ Пэскири хачкирды холы, со дэлапэ сыр брышынд пэ лэстэ. ²⁴ Кóли ёв и нашэла криг марибнытконэ састырэндыр, тэды бронзытко лúко пусавэла лэс пирдál (скрозь). ²⁵ Ёв потырдэла саструны буст яврий масэндыр, ёй выджáла, и адякэ-паць выджáла зяиндлы остри́ма пэ бустякиро ягóро (кóнцо) пирдál жэлучытко буко: трашаибэн пэрэла екх пал екх пэ лэстэ. ²⁶ Пхэрдó калыпэн чхакирэла лэскиро барвалыпэн: яг, савй никон на мурдякирэла, хала сарэса сарó, со ячэлапэ дрэ лэскири шáтра. ²⁷ Болыбэн сыкавэла лэскиро чорипэн, и

пхув газдэлапэ пэ лэстэ. ²⁸ Лэскирэ-кхэрэскиро прибарипэн хасёла, а лэскиро миштыпэн лыджана криг барэ панинга дро дывэс, сыр Дэвэл холясёла тэ сэндинэл. ²⁹ Кадасави исын фуё-манушэскири дёля Дэвлэстыр; гада, исын лэскиро миштыпэн, со Сарорикирибнаскиро Дэвэл отчхиндя лэскэ.”

Шэрó 21

Иóво Отпхэнэла Софароскэ

¹ И отпхэндя Иóво лавэнца: ² “Шунэн важливэс (ракхибнйткэс) илэса миро ракирибэн, и мэк дава́ тэ явэл тумарó раманипэн (утешэниё) мангэ.” ³ Вырикирэн (потерпинэн) далэса, со мэ пхэна́ва: и палó дова́, сыр мэ выпхэнавапэ, тэды тумэ сашты́ тэ санпэ холямас мандыр. ⁴ Мэ на жалинавапэ пэ манушэстэ, чачо́? Ци, ко́ли и исын дава́ адя́кэ тэды и мандэ, хай, мого́нэла тэ на ухтылэл миро дýхо (фа́но)? ⁵ Придыкхэнпэ пэ мандэ, и мэк дýво тэ ухтылэл тумэн; причхувэн васт тэ запхандэн пэскиро муй. ⁶ Адя́кэ-паць и сыр мэ фэ́ни думинава пал дава́, тэды мандэ трашаибэн кэ мэрибэн, и сарэ мирэ маса́ издрана.

Иóво Кунинэлапэ, со Дэвэл Сэндинэла Фyе Манушэн

⁷ Га́да, со́скэ фуй мануша́ гарá (длýгэс) дживэ́на, и ячэ́на пхурэ́, и ячэ́на зоралыпнаскирэ машкíр манушэндэ? ⁸ А лэнгирэ палал – явибнаскирэ чхавэ́ (унуки) зачхувэ́на пэскиро джи́ибэн пашыл лэндэ́, и лэнгиро рóдо барьё́ла пэ лэнгирэ якхá. ⁹ Дрэ лэнгирэ кхэрá нанэ дар, адя́кэ-паць и нанэ Дэвлэскири ран тэ сыклякирэл лэн пэ лэндэ. ¹⁰ Лэнгирэ гурувэстыр лотё́на миштэ́с, целя́нты бидошакирэс, лэнгирэ гурумня́ исын цельна́, и на нашавэ́на тыкнэн. ¹¹ Ё́нэ вымэкэ́на пэскирэ биятэн сыр бакрорэнгиро гурты́цо, и лэнгирэ чхаворé кхэлэ́на. ¹² Ё́нэ багана зоралэ́с тэл бубно́ и лута́, и ё́нэ рады́нэнапэ пэскэ́ тэл свиролька́. ¹³ Лэнгирэ дывэ́са джа́на дро миштыпэн, и пирда́л мэнта́ ё́нэ джа́на тэлэ́ дро лю́но (преисподня́). ¹⁴ И ё́нэ пхэ́нэна Дэвлэ́скэ: “Дурьё́в амэндýр. Пал-дова́ со амэ́ на камаса зоралэ́с тэ джина́с Тырэ́ дромá! ¹⁵ Кон исын Сарэ́зорьякиро, соб (кай) амэ́ тэ дынарина́с Лэ́скэ? И саво́ лачхипэн амэ́нгэ, со амэ́ яваса́ тэ мангаспэ́ Лэ́скэ? ¹⁶ Га́да, лэнгиро миштыпэн исын дрэ́ лэнгирэ вастá: нэ́ мэ на пси́рава пэ кадалé бэдэ́-манушэнги́ри скэдыны́. ¹⁷ Ки́цы мо́лы тумэ́ дыкхнэ́, со бэдэ́-манушэнгиро момо́лытко (свети́льнико) му́рдёла? Ки́цы мо́лы бари́ бй́да пэрэ́ла пэ лэндэ́? Ци хася́кирэ́ла Дэвэл би́бахталé манушэн́ дрэ́ пэски́ри холы́? ¹⁸ Ци со, хай, балва́л роспхурдэ́ла криг лэн сыр пхув, и со, хай, бари́ балва́л ухтылэ́ла криг лэн сы́рбы чхучо́ пхус? ¹⁹ Тумэ́ пхэ́нэна: “Дэвэл при́раххэ́ла лэнгирэ́ чорé рэндý ваш лэнгирэ́ чхавэ́нгэ?” Над: мэк Дэвэл тэ отплэ́скирэл палэ́ дадэ́скэ, ²⁰ соб (кай) ё́в тэ джи́нэл дава́: акэ́, мэк лэ́скирэ якхá́ тэ дыкхэн́ пэскиро хаси́бэн, мэк ё́в тэ пьел тахтáй, со исын пхэ́рдó Сарэ́зорьякирэ́ барэ́ холя́са? ²¹ Сави́ ж забота́ явэ́ла лэ́скэ лэ́скирэ чхавэ́ндыр палó дова́, сыр кончы́нэнапэ́ лэ́скирэ чхонá́ тэ дживэ́н? ²² Ци ману́ш сашты́ тэ сыклякирэл́ Дэвлэ́с? И дава́ ж исын Ё́в, Кон сэндинэ́ла кодо́лэн, савэ́ исын пэ́ вучэ́ штэ́ты. ²³ Екх́ ману́ш мэ́рэла дрэ́ сари́ пэски́ри зор, саво́ дживд́я, вольнэ́с и бидара́киро; ²⁴ лэ́скирэ маса́ андра́л исын пхэ́рдé тхулы́пнаса, и чэ́кэн (тхулы́пэн) дрэ́ лэ́скирэ кока́лы исын са́пано. ²⁵ Яви́р ману́ш мэ́рэла кирки́пнаса пэ́ лэ́скиро ди, ё́в ниé́кхвар на хая́ чалэ́с: ²⁶ нэ́ е́нэ дуйджинэ́ кхэ́танэ́ пасё́на дро пра́хо, и кирмэ́ чха́кирэ́на лэн. ²⁷ Акэ́, мэ джи́но́м тумарé́ дýмы, и планы́, соб (кай) тэ бангя́кирэн ман. ²⁸ Тумэ́ ж ра́кирэ́на: “Кай́ исын тха́гариски́ро кхэр? И кай́ исын ша́тра, дрэ́ сави́ дживэ́на бэ́да мануша́?” ²⁹ Ци на пхучнэ́ тумэ́ манушэ́ндыр, савэ́ традэ́на дроме́нца? И со тумэ́ на шундлэ́ лэнгирэ́ допхэ́ныбэ́на? ³⁰ Со фуй ману́ш исын при́гарадо́ дро дывэ́с, сыр явэ́ла бари́ бй́да, и лэ́с лыджана́ дрэ́ риг, сыр явэ́ла Дэвлэ́скири холы́. ³¹ Кон бангя́кирэ́ла маму́й кэ́ лэ́скиро муй, со ё́в кэ́рэлас? Кон скушэ́ла холы́ пэ́ лэ́стэ? ³² А мануша́ лыджана́ лэ́с кэ́ ма́гила, и стрэ́га явэ́ла пашыл́ лэ́скир ко́пли́ца. ³³ Пхувья́кирэ́ котэ́ра́ дрэ́ ганби́н явэ́на гудлэ́ лэ́скэ, ка́жно ману́ш джа́ла пал лэ́скиро му́лыкано (гробо́) пэ́ гара́ибэн, и бут́ мануша́,

со наштý тэ погинэс, джа́на ангíл лэстэ. ³⁴ Сыр тэды тумэ подрикирэна миро дýхо (фа́но) чхучэ лавэнца? Савэ начачунэ исын тумарэ отпхэныбэна!”

Шэро́ 22

Элифазо Бангякирэла Иовос, со Ёв исын Бибахталó

¹ И отпхэндя Элифазо Феманостыр лавэнца: ² “Ци мого́нэла ману́ш тэ янэл ко́фо (лыго́та) Дэвлэ́скэ? Дава́ исын ваш лэ́скэ ко́корэскэ ко́фо, ко́ли о ману́ш исын годо́. ³ Сави́ ра́дыма (лош) исын Сарэ́зоралыпна́скирэ Дэвлэ́скэ, ко́ли ту сан чачуно́? Ци, со Ёв лэ́ла далэ́стыр, со ту дживэ́са бидошэ́нгирэс? ⁴ Ци, со Ёв сы́рбы дарэ́ла ту́тыр, и палдава́ Ёв лы́джа́ла чинга́рд ту́са, и палдава́ Ёв лы́джа́ла тут пэ сэ́ндо? – Над. ⁵ Ци, на кэрдя́н ту бут биба́хт, и со наштý аж тэ погинэс тырэ́ чорэ́ рэ́нды? ⁶ Пал-дова́ со ту лэ́сас сыма́ды (зало́го) Тырэ́ пшалэ́ндыр ни палсо́, и ту лучки́рдян й́дя нангэ́ манушэ́ндыр. ⁷ Ту на дэ́сас пани́ кхиняки́рдэ манушэ́нгэ, и ту жали́нэсас маро́ бокхалэ́ манушэ́нгэ. ⁸ Нэ́ ту ды́ян васт зоралы́пна́скирэ манушэ́нгэ тэ лэ́н пхув и манушэ́нгэ дрэ́ патыв́ тэ дживо́н пэ да́я пхув. ⁹ Ту бичхавэ́сас пивле́н (удовэ́н) чхучэ́ вастэ́нца, и ту пи́рипхагэ́сас васта́ пиротэ́нгэ (сиротэ́нгэ). ¹⁰ Палдава́ фэ́лы исын тру́сцял ту́тэ, и мэ́рибны́тко дар мэ́нчы́нэла тут; ¹¹ ци дава́ цямлы́пэ́н (тьма), со ту на мого́нэса нисо́ тэ ды́кхэс, и бут паня́ чхаки́рдэ тут. ¹² Ци со, – нанэ́ Дэвэл́ най вучэ́дыр сарэ́стыр пэ́ болыбэ́н? Ды́кх жа пэ́ чэ́ргэ́ня: сыр ё́нэ исын вучэ́с. ¹³ Нэ́ ту ишчо́ (инкэ́) раки́рэса: “Со джи́нэла Дэвэл́? Ци Ёв тэ́ сэ́ндинэл́ пир хор́ цямлы́пэ́н, ¹⁴ Пха́рэ о́блоки чхаки́рдэ лэ́с а́дякэ́, со Ёв наштý тэ́ ды́кхэл, и Ёв пси́рэла тру́сцял (круго́м) пир болы́бна́скиро круго́. ¹⁵ Ци явэ́са ту тэ́ рики́рэспэ́ кэ́ пхура́но́ дро́м, савэ́са фу́й мануша́ пси́рдэ? ¹⁶ И савэ́ сыс му́ляки́рдэ анги́л лэ́нгиро́ часо́, и сы́рбы фунда́менто, саво́ таса́дыпна́скиро пани́нг змор́дя кри́г сарэ́са. ¹⁷ Ё́нэ пхэ́ндлэ́ Дэвлэ́скэ: “Джа́ кри́г амэ́ндыр! И со амэ́нгэ́ Сарэ́зоралыпна́скиро Дэвэл́ мого́нэла тэ́ кэ́рэл?” ¹⁸ Нэ́ Ёв пхэ́рдяки́рдэ лэ́нгирэ́ кхэ́ра́ мишты́пна́са, а мэ́ дурьё́вава бэ́дэ-манушэ́нгирэ́ скэ́ды́нятыр. ¹⁹ Чачуно́́ мануша́ ды́кхэ́на, и ё́нэ ра́дынэ́напэ́, и набангэ́́ мануша́ сана́пэ, кэ́ли Дэвэл́ сэ́ндяки́рэла бэ́дэ манушэ́н, ²⁰ раки́ри: “Га́да, ама́рэ вэ́рги ха́сяки́рдэ, и яѓ по́хая са́ро, со я́цяпэ́ лэ́ндыр:” ²¹ Ака́на ко́вляки́р пэ́скиро ило́ анги́л Дэвлэ́стэ́ и яв дро́ рама́нэ́ (миро́) Лэ́са: палдава́́ явэ́ла лачхи́пэ́н ту́кэ. ²² При́лэ́ годя́са, мэ́ манга́ва, дова́́, сыр Ёв сы́кляки́рэла чачи́пна́скэ́ тут Лэ́скирэ́ уштэ́ндыр и чхув́ Лэ́скирэ́ лава́́ дро́ тыро́́ ило́. ²³ Ко́ли риски́рэса ту пэ́скиро ило́́ кэ́ Сарэ́зорья́киро Дэвэл́́, тэ́ды нэ́вэ́стыр ту́ явэ́са ба́ро ману́ш. Ко́ли дурья́кирэ́са ту чо́рипэ́н пэ́скирэ́ вастэ́ндыр, ²⁴ то́ тэ́ды явэ́са ту тэ́ гинэ́с сувнака́й сыр пра́хо, и Офи́роски́ро сувнака́й сыр ба́ро́рэ́ дрэ́́ рэ́кицы. ²⁵ Тэ́ньци́ Сарэ́зорья́киро Дэвэл́́ явэ́ла тыро́́ сувнака́й и Ёв явэ́ла сыр ба́ри ба́рга ру́пэ́стыр ваш ту́кэ; ²⁶ и явэ́са ж ту́ древа́н тэ́ ра́дынэ́спэ́ Сарэ́зоралыпна́скирэ́ Дэвлэ́скэ́, и ту га́здэ́са тыро́́ му́й кэ́ Дэвэл́́. ²⁷ И ту́ явэ́са тэ́ мангэ́спэ́́ Лэ́скэ́, и Ёв явэ́ла тэ́ шу́нэл тут, и ту́ дэ́са пэ́скирэ́ совлаха́́ анги́л Лэ́стэ́, ²⁸ и ту́ пхэ́нэ́са ста́тэ́чнэ́с ва́ри-со, и дава́́ рэ́ндо рисэ́ла дро́́ чачи́пэ́н; и ду́д явэ́ла тэ́ зяи́нэл пэ́́ тырэ́́ дро́ма́. ²⁹ Ко́ли манушэ́н чху́рдэ́на тэ́лэ́, ту́ пхэ́нэ́са: “Га́здэ́нпэ́!” И Дэвэл́́ зра́кхэ́ла на́пхутьки́рдэ́ манушэ́н. ³⁰ И а́дякэ́-па́ць Ёв вы́ра́кхэ́ла и ко́долэ́н, ко́н исын би́банги́пна́скирэ́, и Ёв вы́ра́кхэ́ла тумэ́н, ко́ли тумэ́ндэ́́ нанэ́́ банѓ́ (вина́) пэ́́ васта́́”

Шэро́ 23

И́ово Пхэ́нэ́ла Ста́тэ́чнэ́с, со Дэвэл́́ Сэ́ндяки́рэла́ Чачуно́́с

¹ И отпхэндя И́ово лавэнца: ² “А́дякэ́-па́ць и кэ́ ада́дывэ́с мэ́ ишчо́ (инкэ́́) жа́линава́пэ; ми́рэ́ мэ́ньки́ исын пха́рэ́дыр ми́рэ́ гонде́ндыр (уздо́хэ́ндыр). ³ О, со́б (кай) ма́нгэ́́ тэ́ джи́на́в, кай мэ́́ мого́на́вас тэ́́ латхав́́ Лэ́с, со́б (кай) ма́нгэ́́ тэ́́ я́вав кэ́́ Лэ́скиро́́ штэ́́то! ⁴ Мэ́́ чху́ва́вас анги́л ми́ро рэ́ндо анги́л Лэ́стэ́́ и ми́ро му́й явэ́́лас пхэ́́рдэ́́ зора́лэ́́ лавэ́́нца; ⁵ со́б (кай) мэ́́ тэ́́ джи́на́в

лава́, савэ́нца Ёв отпхэ́нэлас ма́нгэ, и соб (кай) мэ́ тэ галё́вав, со Ёв пхэ́нэла ма́нгэ. ⁶ Нау́што Ёв явэ́лас тэ лыджал чинга́рд ма́нца са́рэ Лэ́скирэ ба́рэ зорья́тыр? Над. Нэ Ёв рисё́ла тэ шунэ́л ман. ⁷ Одо́й дэвлы́тка мануша́ мого́нэнас тэ пи́рираки́рэн причы́ны Лэ́са, и мэ́ выра́кхаваспэ́ ўса́ды (сак) ми́рэ сэнда́ристыр. ⁸ Акэ́, – мэ́ джа́ва анги́л, нэ Ёв нанэ́ одо́й, и мэ́ палэ́, нэ мэ́ нашты́ тэ розды́кхав Лэ́с; ⁹ сы́р Ёв кэ́рэла бу́ты пэ́ зэ́рво (лё́во) ри́г, мэ́ нашты́ тэ дыкха́в Лэ́с; ке́ли Ёв рисё́ла пэ́ чачи́ (право) ри́г, мэ́ на мого́нава́ тэ дыкха́в Лэ́с. ¹⁰ Нэ Ёв джи́нэла дро́м, савэ́са мэ́ джа́ва, и Ёв про́патяки́рдя ман и мэ́ вы́джава сы́р сувнака́й. ¹¹ Ми́ри гэ́ро́й ри́кирдя́пэ зора́лэс пэ́ Лэ́скирэ дро́ма; мэ́ ги́ём украт (точне́с) Лэ́скирэ дро́мэса, и мэ́ на риси́ём дрэ́ ри́г. ¹² Мэ́ на чхурды́ём пэ́ ри́г при́пхэны́бэ́на Лэ́скирэ уштэ́ндыр, мэ́ ра́кхце́м дрэ́ го́ды сы́р сувнака́й Лэ́скирэ – уштэ́нгирэ́ лава́ фэ́дыр ми́рэ ха́бнастыр, со трэ́й ма́нгэ. ¹³ Нэ́ Лэ́скири го́ды на па́рудёла, ко́н са́шты́ тэ ри́скирэ́л Лэ́с Лэ́скирэ дро́мэстыр? До́ва, со Лэ́скиро ди́ камэ́ла, ко́дова́ Ёв и кэ́рэла. ¹⁴ И Ёв выпхэ́рдяки́рдя до́ва, со исы́н при́пхэ́ндло ма́нгэ, и ка́дасавэ́ при́пхэны́бэ́на исы́н бу́т Лэ́стэ. ¹⁵ Па́лдава́ ма́ндэ тра́шаи́бэ́н кэ́ мэ́рибэ́н анги́л Лэ́стэ: сы́р мэ́ обду́минава́ да́ва, тэ́ды мэ́ да́рава Лэ́стыр. ¹⁶ Па́л-до́ва со Дэ́вэл кэ́рдя́ миро́ ило́ ко́вло, и да́ва Ёв, Са́рэзо́ралы́пнаски́ро Дэ́вэл, стра́хаки́рэла ман; ¹⁷ сы́р Ёв на чхурды́я ман тэ́ ха́сёвав анги́л, сы́р явды́ калы́пэ́н, и Ёв на гара́дя ту́га калы́пна́са ми́рэ якхэ́ндыр.”

Шэ́ро 24

И́ово Пхучэ́лапэ́, со́скэ́ Ба́рвалэ́ Кэ́рэ́на Фу́й Чоро́рэнгэ́

¹ Со́скэ́ Са́рэзо́рьяки́ро Дэ́вэл на упхэ́ндя ча́сы тэ́ сэ́ндяки́рэ́л? Со́скэ́ ко́долэ́, ко́н джи́нэла́ Лэ́с, на дыкхэ́на Лэ́скирэ́ дывэ́са, со Ёв вы́кэды́я ва́ш сэ́ндэ? ² Э́ мануша́ пи́ричху́вэна шпэ́ры пэ́ пхув тэ́ лэ́н бу́тыр, ё́нэ на́хратэ́с заухты́лэна ба́крэ́нгирэ́ гу́рты и ё́нэ ча́равэ́на лэ́н кэ́ пэ́. ³ Ё́нэ тра́дэ́на зорья́са кэ́ пэ́ пи́ротэ́нгирэ́ (си́ротэ́нгирэ́) ослэ́н, ё́нэ лэ́на пи́вленги́рэ (удо́вэ́нгирэ́) гу́рувэ́н сы́р сы́мады́ (за́лого). ⁴ Ё́нэ шпу́лэна (пи́хинэ́на) бо́гэ́н кри́г дро́мэстыр: чо́ро́рэнгэ́ пэ́ да́й пхув трэ́й тэ́ гара́дэ́н. ⁵ Акэ́, ё́нэ исы́н сы́рбы́ буса́ (ди́ка) ослы́ (мега́рья) пэ́ чхучэ́ пра́хи, ё́нэ джа́на пэ́ бу́ты, и ё́нэ ро́дэ́на тася́рлэ́с (ра́нэс) ха́бэ́н: чхучэ́ сте́пи (ма́ля) дэ́на ха́бэ́н лэ́нгэ́ и лэ́нгирэ́ чха́ворэ́нгэ́. ⁶ Чоро́рэ́ чхи́нэ́на тэ́лэ́ на пэ́скиро́ ха́хаи́бэ́н пэ́ фэ́лда, ё́нэ кэ́дэ́на ви́награды́тка му́ри кэ́ фу́й мануша́; ⁷ ё́нэ ра́тьки́рэ́на нангэ́, би́ ури́бнаски́ро, лэ́ндэ́ нанэ́ со́са тэ́ чха́ки́рэ́нпэ́ дрэ́ шы́л. ⁸ Ё́нэ ки́ндэ́на бэ́ргитко́нэ бры́шы́ндэ́ндыр, и ё́нэ облё́на ска́лы сы́р гара́випна́скири (убе́жышча́) пэ́скэ́. ⁹ А ка́далэ́ фу́й мануша́ отлё́на кри́г пи́ротэ́н (си́ротэ́н) ко́лынэ́стыр и ё́нэ лэ́на сы́мады́ чо́ро́рэ́ндыр: ¹⁰ а ка́далэ́ чо́ро́рэ́ пси́рэ́на нангэ́, би́ иды́киро, и бо́кхалэ́, лы́джана́ га́рбы (сно́пы); ¹¹ ё́нэ таса́вэ́на оли́вы́тко дзэ́т машки́р ва́нты, и ё́нэ шта́вэ́на ви́награды́тка му́ри дро́ таса́вильня́ (пресо́) и ё́нэ мэ́нчы́нэ́напэ́ тру́шатэ́р (смэ́гаты́р). ¹² Э́ мануша́ дэ́на го́ндя́ го́дла́са фо́ро́бэ́стыр, и ду́кхадэ́ ди́я го́длы́кирэ́на; – нэ́ Дэ́вэл на причхи́нэ́ла ба́нг фу́е́ манушэ́нгэ́ па́л грэ́хы́тка рэ́нды. ¹³ Одо́лэ́ фу́е́-манушэ́ндыр исы́н ка́дасавэ́ вэ́рги, ко́н бу́нтуи́нэ́на сы́рбы́ пэ́ ду́д; ё́нэ на джи́нэ́на ни́ Лэ́скирэ́ дро́ма, ё́нэ на я́чэ́напэ́ пэ́ дро́м ду́дэ́са (све́тоса). ¹⁴ Сы́р дывэ́сэ́ла, уштэ́ла за́ма́рибна́скиро, ё́в му́ляки́рэ́ла чо́ро́рэ́н и бо́гэ́н, а ра́ты́ ё́в чо́рэ́ла. ¹⁵ Би́ла́джакунэ́скирэ́ якха́ ужа́кирэ́на бэ́львэ́ль, пхэ́ни́ пэ́скэ́: “Ни́е́кх на дыкхэ́ла ман”, и ё́в гара́вэ́ла пэ́скиро́ муй. ¹⁶ Дро́ калы́пэ́н ё́нэ подга́навэ́напэ́ тэ́л кхэ́ра́, пэ́ са́вэ́ ё́нэ чху́дэ́ шпэ́ра дывэ́сэ́, ё́нэ на джи́нэ́на ду́д. ¹⁷ Зо́ло́ко (ра́нко) исы́н ва́ш лэ́нгэ́ сы́рбы́ мэ́рибна́скири зэ́р (те́нь), па́л-до́ва со ё́нэ джи́нэ́на ра́ты́кири зэ́р, са́ви на тра́шавэ́ла лэ́н. ¹⁸ Ту́мэ́ ра́кирэ́на! Ё́в, ха́чи, исы́н сы́рбы́ ко́тэ́ро́рэ́ пэ́ па́ни́, со ва́лны (вэ́лны) сы́гэ́с лы́джана́ кри́г лэ́н, нэ́ лэ́нги́ри пхув исы́н тэ́л про́кошы́бэ́н (арма́ня), и ни́е́кх на рисё́ла пэ́ дро́м кэ́ лэ́нги́ри ба́р ви́награ́доса. ¹⁹ Шу́тьки́рибэ́н и ха́чкири́бэ́н вы́хала́ иви́тка па́ня́, а́ды́кэ́-па́ць и лю́но (преи́сподня́) кэ́рэ́ла ко́долэ́ манушэ́нца, са́вэ́ кэ́рдэ́ грэ́хи. ²⁰ Да́кири́ ло́чови́ (у́тро́ба) би́стрэ́ла лэ́с, ки́рмо́ явэ́ла тэ́ ча́раде́л лэ́стыр: лэ́с бу́тыр на явэ́на тэ́ ри́пи́рэ́н мануша́, и фу́й ману́ш пха́дэ́ла сы́р кашт. ²¹ Па́л-до́ва со ё́в при́таса́вэ́ла би́чха́ворэ́нгирэ́я́ джу́вля́, са́ви на би́янэ́ла, и ё́в на кэ́рэ́ла ла́чхи́пэ́н пи́вля́кэ́ (удо́вакэ́). ²² Нэ́ Дэ́вэл ты́рдэ́ла зо́ралы́пна́скирэ́ манушэ́н Пэ́скирэ́

зорьяса, мануш газдэлапэ, нэ ниекх мануш зоралэс на патяла дро пэскиро джибэн. ²³ Дэвэл дэла лэнгэ раххибэн, пэ саво ёнэ розгинэна, нэ Лэскирэ якхэ дыкхэна пэ лэнгирэ дромá. ²⁴ Ёнэ газдэнапэ пэ набаро часо, тэньчи ёнэ нашадэна. Тэньци Дэвэл чхувэла лэн тэлэ; ёнэ джана криг дромэстыр сыр и явир манушá, ёнэ вышутёна сыр гивэскирэ шэрорэ (колосы). ²⁵ Кóли на адякэ джала аканá, кон допхэнэла, со мэ хохавава, и со миро ракирибэн нисó нанэ мол?”

Шэрó 25

¹ О Вилдадо Савхеянино (Шуахостыр) ракирэлас трито мóло, ² и отпхэндя ёв дасавэ лавэнца: “Дэвэл кралинэла и сарэндэ исын дар ангил Лэстэ, Ёв рикирэла рамáнэ (миро) пэ Лэскирэ вучэ штэты. ³ Ци сашты тэ погинэс Лэскирэ Янголэн (халадэн), савэ дынаринэна сыр халадэ (воины)? И пэ конэстэ на газдэлапэ Лэскиро дуд? ⁴ Сыр мануш могоинэла тэ явэл чачунó ангил Дэвлэстэ? Ци сыр могоинэла вари-кон тэ явэл жужó, кон бияндыя джувлятыр? ⁵ Акэ, и чхон адякэ-паць на зяинэла сыр трэй, и чэргэня исын на жужэ ангил Лэскирэ якхэ. ⁶ Пэ киць тыкнэдыр исын мануш, кон исын сыр кирмо, и Манушэскиро чхавó, кон исын сыр моль (мэль)?”

Шэрó 26

Иóво Салапэ Вилдадоскирэ Лавэндыр

¹ И отпхэндя Иóво лавэнца: ² “Сыр ту подыян васт одолэскэ, конэстэ нанэ зор? Сыр ту прираххян кодолэскиро васт, со издрала? ³ Сыр ту дыян годы одолэскэ, савэстэ наны годыпэн? И сыр пхэрдэс ту подыян зан и годы лэскэ пал чачипэн? ⁴ Конэскэ ту выпхэндян лавá? И конэскиро дýхо (фáно) ракирдя тырэ уштэнца? ⁵ Рефаимы (мулэ-манушэнгирэ тени) издрана тэл панí и сарó, со дживэла одóй. ⁶ Люно исын псирадо ангил Дэвлэстэ, и Абадоно нанэ учхакирдо Лэскирэ якхэндыр. ⁷ Дэвэл роздиндыкирэла паш-ратякири риг пир чхучэ штэты; Ёв ублавэла пхув пэ нисó. ⁸ Ёв пхандэла кхэтанэ панí дрэ гэнста óблоки, пхарадэна панэндыр, ⁹ Ёв чхудя Пэскиро трóно, и Ёв росчхувэла Лэскиро óблоко упрáл пэ лэстэ. ¹⁰ Ёв отчэртиндя круго пэ панескирэ ягóры, кай кустык (граница) машкíр дуд и калыпэн. ¹¹ Болыбнаскирэ стылбы издрана, и ёнэ дарэна Лэскирэ трашаибнастыр. ¹² Ёв роскунякирэла паня дро мóрэ (дэрьяв) Пэскирэ зорьяса и Ёв пхагирэла пэ котэра морёскирэ (дэрьявэскирэ) драконос Рахабос. ¹³ Пэскирэ духóса Ёв вышукарьякирэла болыбэн и Лэскиро васт прокурдя сыгнóнэ сапэс. ¹⁴ Акэ, дава исын ягóры Лэскирэ дромэндыр, и амэ шунаса Лэскиро лав адякэ náбут (куты), сырбы локхо гундякирибэн! Нэ кон сашты тэ галёл Лэскирэ-зоралыпнаскиро грумо?”

Шэрó 27

Иóво Затэрдэла Пал Пэстэ Дэшто Мóло

¹ И ракирдя Иóво дурэдыр пэскири притча (масал) кадасавэ лавэнца: ² “Мэ совлахава джидэ Дэвлэса, Савó лыя криг мандыр чачипэн, и Ёв Сарэзорьякиро, Савó кирнякирдя миро ди, ³ адякэ гарá (длүгэс), пака миро дýхо (фáно) исын мандэ и Дэвлэскиро пхурдыпэн джала мирé рутхунендыр (ноздрендыр), ⁴ адакицы гарá мирé уштá на явэна тэ ракирэн бибахт, и мирí чиб на выпхэнэла хохаибэн! ⁵ Мэ сом дур далэстыр, соб (кай) мэ тэ чачакирав тумэн, пака мэ сом джидó, мэ на дурьякирава пэстыр миро бидошэнгирибэн. ⁶ Мэ рикирдёмпэ зоралэс кэ миро чачипэн, и мэ на мэкава дава пэстыр: миро илó на бангякирэла ман ни дро савó дывэс мирé джиибнастыр. ⁷ Мэк тэ явэл мирé вэргэнгэ сыр бибахталэнгэ, и кодолэскэ, кон газдэлапэ пэ мандэ, мэк тэ явэл лэскэ, сыр начачунэ манушэнгэ. ⁸ Пал-довá со савó лачхипэн

ужакирэла фуемуенгирэс, мэк ёв и тэ скэдэл бут, коли Дэвэл отлэла лэстыр джибён? ⁹ Ци явэла тэ шунэл Дэвэл лэскири гóдла, сыр бари дар пэрэла пэ лэстэ? ¹⁰ Ци явэла ёв тэ радынэллэ зоралэс Сарэзорьякирэ Дэвлэстыр? Ци явэла ёв усады (сак) тэ кхарэл Дэвлэс? ¹¹ Мэ явава тэ сыклякирав тумэн, со Дэвлэскиро васт кэрэла, мэ на явава тэ гаравав тумэндэр Сарэзоралыпнаскирэ Дэвлэскирэ дромá. ¹² Адякэ, тумэ ж сарэ дыкхнэ дава, сósкэ ж тумэ выпхэнэна адакицы ивя́ (дармэс)?”

Софаро (Цофаро) Ракирэла Пал Дóля, сави́ Дэвэл Дóла Фyе Манушэнгэ

¹³ “Кадасави исын фуе-манушэнгири дóля Дэвлэстыр, и мэкнó миштыпэн Сарэзорьякирэ Дэвлэстыр, со дорэсэла одовá мануш, кон притасавэла явирэн: ¹⁴ коли бут чхаворэ явэна лэстэ, тэды ёнэ джана тэл куртала; и лэскирэ палал-явибнаскирэ чхавэ на явэна чалэ марэса, ¹⁵ Кодолэн, кон ячэнапэ пал лэстэ, лэн гаравэна пхарэ насвалыпнэндэр, и лэскирэ пивля (удовы) на явэна тэ ровэн пал лэндэ. ¹⁶ Мэк ёв явэла тэ кэдэл руп сыр пра́хо, и мэк ёв тэ отчхувэл кхэтанэ йди сыр глэя (глина); ¹⁷ ёв приготовинэла дава́, нэ чачипнаскиро мануш явэла тэ урьел лэс; и бибангипнаскиро явэла тэ роскэрэл лэн. ¹⁸ Ёв чхувэла кхэр сыр моль, и сыр рахипнаскиро кэрэла пэскиро кхэро́ро (шалáшо). ¹⁹ Ёв пасэла сыр барвалó мануш, нэ бутыр ёв на явэла кадасавó, ёв откэрэла якхá, и нанэ ничы́ пашыл лэстэ. ²⁰ Трашаибэн явэла наужакирдэс пэ лэстэ, сыр тасадыипнаскиро панинг, барó штормо чорэла лэс раты́. ²¹ Восточно балвал лыджала криг лэс, и сы́рбы рискирибнаскири балвал ёв рискирэ́ла яври лэс лэскирэ штэ́то́стыр. ²² И Дэвэл чхурдэлапэ пэ лэстэ би тангипнаскиро, ёв на дóла ра́да тэ нашэл Лэскирэ вастэ́стыр. ²³ Манушá явэна тэ марэн дрэ вастá пэ лэстэ холя́мó радымáтыр, и ёнэ дэна шоля пэ лэстэ криг лэскирэ кхэрэ́стыр.”

Шэрó 28

Пхэныбэна Пал Годыпэн

¹ “Тумэ джинэна со исын шахта ваш руп, и исын штэ́то, кай билиакирэна сувнака́й. ² Састыр лэлапэ пхувья́тыр, и харкóма (медь) биладэ́ла (плавинэлапэ) барэ́стыр. ³ Мануш хачкирэ́ла яг дро калыпэн, и ёв пириодэ́ла сыр най фэдыр сарó кэ ягóры (край): бара́ дро калыпэн, кай исын мэрибнаскири зэр (тень). ⁴ Ёв ганавэ́ла шахты́тко ганы́нг криг манушэндэр: кай Манушэ́скиро гэрóй бистрэ́ла, ёнэ подублавэ́на пэс пэ шэлэ, ёнэ кунинэнапэ пэ лэндэ упрé и тэлé. ⁵ Дрэ пхув барьё́ла марó, нэ пхув тэлé исын сы́рбы пириriskирды ягáса. ⁶ Дрэ пхувья́кирэ бара́ исын бут сапфиры и дрэ пхув исын пра́хо сувнака́са. ⁷ Ниéкх riskирибнаскири чириклы на джинэ́ла дроморé дрэ шахты, и коршуноскири якх на дыкхц́я дава́. ⁸ Пхутькирдé шчэ́ра (левы) на штадэ́ пир дова́, и шакало на псирдя́ пир дова́. ⁹ Мануш чхувэ́ла пэскиро васт пэ кремнитко бар, ёв рискирэ́ла бэ́рги упрé фундаментэнца. ¹⁰ Ёв чингирэ́ла ангил проги́ибэна дрэ скалы, и лэскири якх дыкхэ́ла кажно куч бар. ¹¹ Ёв пиричхакирэ́ла рэ́кицы, соб (кай) ёнэ тэ на тхадэн, и ёв лыджала пэ дуд (свэ́то) сарó, со исын гарадо́ тэл пхув. ¹² Нэ кай сашты́ тэ латхэл годыпэн? И кай сашты́ тэ сыклéл, соб (кай) хор тэ галéл? ¹³ Мануш на джинэ́ла тимй́н далэскэ, и годыпэн нашты́ тэ латхэс пэ пхув, кай дживэ́на. ¹⁴ Хор паня́ ракирэ́на: “Мáндэ на латхэ́са годыпэн,” и мо́рэ (дэ́рьяв) ракирэ́ла: “Мáндэ на латхэ́са годыпэн.” ¹⁵ Годыпэн нашты́ тэ кинэс пал выкэ́дыно сувнака́й, ци тэ ублавэс (тэ важынэс) руп сыр тимй́н (цымин) пал годыпэн. ¹⁶ Нэ годыпэн нашты́ тэ дэс чол (тимй́н) Офисоскирэ сувнака́са, кучонé ониксоса, ци сапфиро́са. ¹⁷ Ни сувнака́й, ни кристалло нашты́ тэ роўнякирэс кэ годыпэн; адякэ-па́ць и кхорé (сасу́ды) сувнака́стыр. ¹⁸ Пал мириклэ́ (коралы) и мутин (жэмчу́го) и на ракирэ́на; адякэ сыр и тимй́н (цымин) пал годыпэн исын кучэ́дыр рубинэндэр. ¹⁹ Топазо́ Эфиопия́тыр нашты́ тэ роўнякирэс кэ годыпэн, адякэ-па́ць и нашты́ тэ чхувэ́с тимй́н пэ годыпэн жужé сувнака́са. ²⁰ И, кай сашты́ тэ латхэс годыпэн? И кай сашты́ тэ сыклéс, соб (кай) хор тэ галéс? ²¹ Давá исын гарадо́ манушэнгирé якхэндэр, савé дживэ́на, дава́ гаравэ́лапэ чириклендыр дро фáно (возду́хо). ²² Хась и мэрибэн

ракирэна: “Амэ шундям допхэныбэн пэскирэ канэнца.” ²³ Дэвэл галёла дром кэ годыпэн, Дэвэл джинёла штэто тэ латхэс годыпэн. ²⁴ Пал-довá со Ёв дыкхэла пхув кэ сама ягóры (концы), и Лэскэ бицялó сарó, со исын тэл болыбэн. ²⁵ Сыр Ёв чхувэлас весо балвалякэ, и Ёв выгинэлас паня мераса, ²⁶ и кэли Ёв чхувэлас статúто брышындэскэ и дроморо громоскирэ блискавицакэ; ²⁷ то тэньчи Ёв дыкхця годыпэн и Ёв пхэндя статэчнэс; Ёв зачхуда годыпэн и Ёв спробиндя годыпэн, ²⁸ и пхэндя Дэвэл манушэскэ: “Акэ, годыпэн исын дро довá, соб (кай) тэ дарэс Рáстыр-Дэвлэстыр, и галыибэн исын дро довá, соб (кай) тэ дурьёс бибахталэ рэндэндыр.”

Шэрó 29

Иóво Затэрдёла кэ Кóнцо

¹ Иóво затэрдёла пал пэстэ палатунó (последнё) мóло. ² “О, соб (кай) мánгэ тэ явав кадасавэса сыр дрэ прогинё чхонá, сыр дрэ дывэсá, кэли Дэвэл приракхэлас ман; ³ и кэли Лэскиро момолытко (светильнико) свэнцынэлас ангыл миро шэрó, и кэли Лэскирэ дудэса мэ гиём пирдál калыпэн (цямыпэн): ⁴ сыр дава́ сыс дрэ мирé бахталэ бэршá, кэли Дэвэл набицялэс дыкхця пал мирí шáтра, ⁵ кэли Сарэзорьякиро Дэвэл сыс паш мánдэ, сыр мирé тырнэ манушá сыс паш мánдэ, ⁶ кэли мирé гэрá компиндлэпэ дро тхуд, и кэли скáла чхувэлас пал мánдэ оливýтко дзэт рэкэнца! ⁷ Кэли мэ джавас кэ форóскири пóрта, кэли мэ бэшавас пэ пэскиро штэто яврí пэ форуны (плóшча); ⁸ то тэрнэ манушá дыкхэнас ман и гарадёнас, и мушá дрэ бэршá уштэнас и сыс тэрдэ, ⁹ тхагáрья пириячэнас тэ ракирэн, и ёнэ чхувэнас вастá пэ пэскирэ муя, ¹⁰ манушэнгири зан, савí сыс райканэ родóстыр, цыция (зникниндя), и лэнгири чиб приачэлас кэ талой (нёбо) дрэ лэнгирэ муя. ¹¹ Кажно (свáко), кон шундя ман, шарэлас ман; а кажно, кон дыкхця ман, приджинэлас вагаса ман; ¹² пал-довá со мэ вытырдаvas чорорэс, сыр ёв дыя гóдла, и адякэ-паць пиротос (бидадэскирэ чхавэс), савэстэ на сыс ниéкх тэ подэл васт. ¹³ Одовá, кон хасёлас, шарэлас ман, и мэ кэравас адякэ, со илó пивлятэ (удоватэ) багалас радымáтыр. ¹⁴ Мэ урьявас чачипэн пэ пэстэ: и ёв учхакирэлас ман, миро чачипэн сыс сыр понча и сыр турбано. ¹⁵ Мэ сóмас сýрбы якхá ваш корорэскэ, и сýрбы гэрá лангалэскэ. ¹⁶ Мэ сóмас дад одолэскэ, конэстэ сыс трéбима; и мэ розгалёваvas сарó пал рэндо, кóли мэ на джиндём лэс. ¹⁷ Мэ пхагавас жанды начачипнаскирэндэ, и мэ тырдаvas яврí чордо дорэсыбэн лэнгирэ дандэндыр. ¹⁸ Тэньци мэ пхэндем: “Мэ мэра́ва дрэ пэскири гня́зда, и мэ ява́ва тэ дживáв ада́кицы бут дывэсá, кицы прахинки исын; ¹⁹ миро корнё (рукх) диндыкирэлапэ (вытырдэлапэ) кэ паня́, и пахлын (роса) исын пашты сарí рат пэ мирé рандя́, ²⁰ миро барипэн на пхурьёла андрáл мánдэ, и миро лúко зоралэс рикирэлапэ дро миро васт. ²¹ Манушá шундлэ ман и ужакирдэ, и ёнэ прилэнас штылэс, сыр мэ даvas гóдла: ²² палэ мирé лава́ ёнэ на ракирдэ нэвэстыр и миро ракирибэн пэрэлас пэ лэндэ сыр капли (чулыня) брышындэстыр, ²³ Ёнэ ужакирдэ ман сыр брышýнд, и ёнэ отпхандэнас пэскирэ муя буглэс сыр пэ познё брышýнд. ²⁴ Кóли мэ сандёмпэ холямэс лэндыр, кэли ёнэ на патяндынэ мánгэ, тэды мирé-москири мина подрикирэлас лэн. ²⁵ Мэ выкэдаvas дром лэнгэ, и мэ сóмас бэштó сыр шэралó, и мэ ячаваспэ сыр крáли дро халадыбэн, сыр кодовá, кон подрикирэлас манушэн, савé тугинэна.

Шэрó 30

¹ Нэ аканá тэрнэ манушá санапэ холямэс мánдыр, савэнгирэ дадэн мэ вычхурдаvas илэстыр фэдýр, сыр тэ чхував пашýл джуклэндэ, со ракхэнас мирé – бакрэнгири стада. ² Дыкхэн, савó ж кóфо исын мánгэ лэнгирэ – вастэнгирэ зорьятыр? Лэнги́ро часо (цы́ро) хасия́. ³ Ёнэ вышутинэ бокхáтыр и наухтылыбнастыр; ёнэ нашнэ пэ чхучé прахи, кай нанэ манушá, и кай исын чхучó; ⁴ ёнэ, кон обкэдынэ лондэ чарья́ пашýл хрúсты, и кон хáла ракитытка мýри. ⁵ Лэн традынэ криг пэстыр манушá, и пэ лэндэ дынэ гóдла сыр пэ чорэндэ. ⁶ Ёнэ сыс бангэ тэ

дживэн дрэ цёмна рыцьвины, дрэ гебарá (пешчэры) машкір пхув, и дрэ скалы, ⁷ ёнэ годлынэ сырбы ослы (мегарья) машкір хрúсты, ёнэ притасадёнас екх кэ екх тэ татён тэл пхусадытка хрúсты. ⁸ Ёнэ сыс чхавэ дылынэндыр, чхавэ налачхэ-ирьякирэ манушэндыр; лэн традынэ криг пхувьятыр. ⁹ И аканá мэ яцём сырбы сабнытко гилы; галён, мэ яцём сырбы сабнытко сыкаибэн (примёро). ¹⁰ Ёнэ древáн на камэна ман, ёнэ исын тэрдэ кригал мандыр; ёнэ и на пригараვენáпэ, соб (кай) тэ чунгардэн мánгэ дро муй. ¹¹ Пал-довá со Дэвэл розмэкця шэло мирé лукостыр и кэрдя адякэ, со мэ яцём напхутькирдо. Ёнэ чхурдынэ криг пэстыр сырбы савари, соб (кай) тэ кэрэн, со камэна. ¹² Мирé чачэ ригáтыр лэндыр пирангачы (исчадии) газдэнапэ, ёнэ подчхувэна гэрóй мánгэ, и ёнэ газдэнапэ пэ мánдэ пэскирэ хасибнытконэ приемэнца, ¹³ Ёнэ гэралыкирдэ миро дром, ёнэ кэрдэ, соб (кай) мэ тэ пэрав, и ниéкх нанэ тэ подэл васт мánгэ лэндыр. ¹⁴ Ёнэ джана мамуй пэ мánдэ, сыр пирдал бугло выпхарипэн, ёнэ катынэнапэ пэ мánдэ сырбы штормо чхувэлапэ барэнца. ¹⁵ Трашаибэна рисёна пэ мánдэ, ёнэ традэнапэ пал мирí патыв сырбы балвал, и миро миштыпэн проурняндыя пашыл мánдэ сыр óблоко пэ болыбэн. ¹⁶ Нэ аканá миро ди чхувэлапэ криг мандыр хор тугатыр; дывэса мэнькаса лынэ трусцял ман. ¹⁷ Мирé кокалы промардэ дрэ мánдэ раты, и мирé дукхá хана ман би откхиныбнаскиро ¹⁸ Древáн пхарó исын мánгэ тэ злав мирí идя, мирé дукхá пхандлэ ман пал мирé-шалнироскиро (хитоноскиро) мэнитко. ¹⁹ Дэвэл чхурдыя ман дрэ дрич (болото), и мэ яцём сыр пра́хо и прáска (пепло). ²⁰ Дэвла! Мэ зоралэс кхарáва Тут, нэ sóскэ Ту на отпхэнэса мánгэ; мэ уштава и Ту фэни дыкхэса пэ мánдэ. ²¹ Ту яцян биилытко, и Ту рикирэсапэ проти мánдэ сарé Тырэ зорьятыр. ²² Ту газдыян ман, и Ту адякэ кэрэса, соб (кай) мэ тэ вурнявав пэ балвал; Ту кэрэса биба́хт мирé кучипнаскэ. ²³ Пал-довá со мэ джинóm, со Ту янэса ман кэ мэрибэн, и кэ упхэндлó кхэр, кай скэдэнапэ сарé джидэ. ²⁴ Чачó, кажно мангипэн кэ Дэвэл нанэ ивья (напрáснэс), кэли Ёв протырдэла Пэскиро васт пэ манушэстэ дрэ руйны; кóли ёнэ явэна тэ дэн гóдла, сыр Ёв вымарэла лэн. ²⁵ Ци на рондём мэ пал манушэстэ, конэскэ сыс пхарó? Ци на тугинэлас миро ди пал чорорэндэ? ²⁶ Пал-довá со мэ ужакирдём лачхипэн, нэ биба́хт явдя, и мэ ужакирдём дуд (свэто), нэ явдя калыпэн. ²⁷ Сарó андрáл мánдэ кирьёла, и на откхинёла; дывэса мэнькаса явнэ кэ миро муй. ²⁸ Мэ калыём, псириной, нэ дава́ на кхамэстыр, мэ уштава пэ скэдыибэн и мэ дава́ гóдла тэ помогинэн мánгэ. ²⁹ Мэ яцём пшалэса шакалэнгэ, и малэса страусэнгэ. ³⁰ Мирí цыпа калёла и пэрэла мандыр, мирé кокалы пэкэнапэ хачкирибнастыр. ³¹ Мирí лута (арфа) парудыя тэ тугинэл ровибнаса и мирí свиролька яця́ заняса, савí ровэла.

Шэрó 31

¹ Мэ кэрдём завето мирé якхэнца. Sóскэ тэды мэ ява́ва тэ дыкхáв пэ тэрнэ патывалó джувля́тэ? ² Палдава́, савí явэла мирí до́ля Дэвлэстыр вучипна́стыр, и, савó явэла миштыпэн Сарэзорьякирэ Дэвлэстыр, Савó исын пэ вучипэна́? ³ Ци со, нанэ бари б́йда пэ начачунэндэ? Ци со, нанэ биба́хт одолэнгэ, кон кэрэла чорипэн? ⁴ Ци на дыкхэла Ёв мирé дромá, ци на гинэла Ёв мирé ша́ги (ламня)? ⁵ Кóли псирдём мэ начачунэ дромэса, кóли джáлас сыгэды́р мирí гэрóй, соб (кай) мánгэ тэ хохавав, ⁶ то тэды мэк тэ ублавэн (тэ важынэн) ман пэ ро́уна ублады́тка (весы), соб (кай) Дэвэл тэ могоинэл тэ джинэл пал миро чачипэн. ⁷ Кóли мирé пирé (сто́пы) рисинэ криг дромэстыр, ци, кóли миро ило́ гия́ пал мирé якхá, ци кóли вари-савí дош прия́ця кэ мирé вастá, ⁸ то тэды мэк мánгэ тэ чхував зя́рка дрэ пхув, нэ явирэскэ тэ хал дова́, со барьёла, ци тэньчи мэк миро ро́до тэ рискирэн криг корнénца (рукхэнца). ⁹ Кóли вари-савí джувлы́ тэ затэрдэл миро ило́, ци, кóли мэ тэ гарадэвав паш мирé-пашатунэскиро вудáр, ¹⁰ тэды, мэк тэ дэл, соб (кай) мирí ромнý тэ мелинэл ваш явирэскэ, и, соб (кай) яв́ир муршá тэ бандякирэн шэрé ангил латэ. ¹¹ Пал-довá со дава́ явэлас проштавибэн (трашаны дош кэ кáра), и дава́ исын фуипэн тэ сэндинэл сэндарискэ. ¹² Пал-довá со дава́ явэлас сыр яг, савí халас сарó кэ хась, и савí рискирэлас криг рукхэнца (корнénца) сарó миро миштыпэн. ¹³ Кóли мэ дыкхáвас вучипна́са пэ мирé-штубакирэ дынаристэ ци дынари́цатэ, кэли ёнэ лыджинэ чинга́рд мánца; ¹⁴ со ж тэды трэиндя́ мánгэ тэ кэра́в, кэли Дэвэл лóла тэ сэндинэл? И кóли Ёв пхучэла мандыр, со ж тэды

мангэ явэлас тэ отпхэнав Лэскэ? ¹⁵ Ци одова, Кон создыя ман дрэ дакири лоч, ци на Ёв создыя кодолэ писхарьён? Ци на Ёв высоздыя дуён дрэ лоч? ¹⁶ Кóли мэ на даvas дова, со чорорé камэнас, ци кóли мэ кэравас адякэ, со пивленгирэ (удовэнгирэ) якхá обчхувэнаспэ ясвэнца; ¹⁷ ци кóли мэ хавас кокóрo мирo котэр, и соб (кай) пирото (сирота) тэ на хал мánца; – ¹⁸ пал-дова со пирото мирé тэрныпнастыр бария паш мánдэ, сыр паш дадэстэ, и мэ лыджавас пир джиибён адала пивля, сыр фэни мэ выгиём дакирэ лочатыр, ¹⁹ ци кóли мэ дыкхавас, со вари-кон хасёлас пир дова, со на сыс лэстэ со тэ урьел, ци чорорэс, конэстэ на сыс сóса тэ учхакирэлпэ; ²⁰ ци кóли лэскиро трушúл на бахтякирдя ман, и ци мирé-бакрэнгири вýлна (шэрсь) на татькирдя лэс, ²¹ ци кóли мэ газдаvas пэскиро васт пэ пиротостэ, мэк мэ и дыкхавас мирé манушён паш пóрта, ²² тэды мэк тэ пэрэл криг мирo васт мирé психэстыр, мэк тэ рискирдёл яврё мирo васт кокалостыр. ²³ Пал-дова со хась Дэвлэстыр зоралэс трашакирэлас ман, и пир дова мэ на мoгинаvas тэ вырикирав Лэскиро фэдырипэн. ²⁴ Ци, кóли мэ тэ ужакирав лачхипэн сувнакастыр, ци, кóли мэ тэ пхэнáв выкэдынэ сувнакаскэ: “Дрэ тýтэ мэ зоралэс патява.” ²⁵ Ци, кóли мэ дрéвáн тэ радынавпэ долэстыр, со мэ сóмас дрéвáн барвалó, ци пир дова, со мирo васт дорэсця бут; ²⁶ ци, кóли мэ тэ дыкхáв путрадэ якхэнца пэ кхам, сыр ёв дэлас дуд, ци пэ чхон, сыр ёв джал штэтóстыр пэ штэто пир болыбён, зяиндой, ²⁷ и кóли кхам и чхон чораханэс тэ затырдэн мирo илó, ци, кóли мэ тэ чамудав пэскиро васт сýрбы тэ дав патýв лэскэ; ²⁸ тэды дава адэкэ-паць явэлас чорипэн, со исын мол пэ сэндо; пир дова, со мэ тэды сýрбы отпхэнаваспэ Дэвлэстыр, Савó исын пэ вучипэн. ²⁹ Кóли мэ тэ радынавпэ зоралэс, со хасибён пыя пэ лэстэ, ци, кóли мэ тэ газдаvpэ радымáтыр, сыр бибахт пыя пэ лэстэ; ³⁰ ци, кóли, чачипнаса, мэ тэ мэнчынав мирo муй тэ пхэнэл грéхо, ци, соб (кай) мэ камамас прокошыбён (арманя) пэ лэскиро ди; ³¹ ци, кóли тэ пхэнэн манушá мирé шатратыр: “Ци исын вари-кон, савó на хая чалэс лэскиро мас?” ³² ци, кóли вари-савó чýжо мануш тэ ратькирэл пэ вулица (гáса), ци, кóли мэ тэ на псиравав мирé вударá дромэскирэскэ (прохожонэскэ); ³³ кóли, мэ тэ чхакирав мирé чорé рэнды сыр Адамо, гарави мирo чорипэн пал брэк, ³⁴ пал-дова со мэ дараваvas манушэнгирэ скопостыр, и сэм’енгиро накутякирибэн кэ мэ трашавэлас ман, тэды мэ яваvas штыл, и мэ на джавас яврё пал вудар. ³⁵ О, кóли тэ явэл вари-кон мánдэ тэ шунэл ман! Гáда, исын мирo подчхиныбэн: мэк Сарэзорьякиро Дэвлэ тэ отпхэнэл мánгэ! И соб (кай) мирo проти – тэрдыпнаскиро мануш тэ чхинэл мирo бандькирибэн! ³⁶ Чачипнаса, мэ лыджавас дава бандькирибэн пэ мирo психó; и мэ пхандаvas лэс пэ шэрó сыр кралýтко стадык; ³⁷ мэ приджинаvasпэ Дэвлэскэ пал кажно мирo шаго (ламны), мэ сýрбы тхагáри джавас пашэдыр кэ Ёв. ³⁸ Кóли мирé пхув тэ дэл гóдла пэ мánдэ, и кóли лáкирэ лесьни (борозды) тэ ровэн кхэтанэ пэ мánдэ, ³⁹ кóли мэ хаём лáкирэ барьякирдé (плóды) билóвэнгиро, и кóли мэ мэнчýндём кэ мэрибён дия, конэскири пхув дая сыс, ⁴⁰ то мэк тэ барьён канралэ раслины пэ гивэскиро штэто, и мэк тэ барьёл дылыны чар (куколь) пэ гэрстоскиро (ячменёскиро) штэто (Иовоскирэ лавá кончýндлэпэ).

Шэрó 32

Элиуёскиро (Элюёскиро) Ракирибён кэ Малá

¹ И кадалэ трин манушá пириячнэ тэ отпхэнэн Иовоскэ, пал-дова со Ёв сыс чачунó дрэ пэскирэ якхá. ² Тэньци захачия Элюёскири холы, кон сыс Варахоскиро чхавó Вузитэндыр, савó исын Рамоскирэ сэм’ятыр: лэскири холы захачия пэ Иовостэ; пал-дова со ёв чачакирдя пэс бутыр Дэвлэстыр. ³ Лэскири холы росхачия адякэ-паць пэ тринэ малэндэ, пал-дова со лэндэ нисó на сыс тэ отпхэнэн, и со ёнэ сэндиндлэ зоралэс лэс. ⁴ Нэ, Элюё (Элиуё), Варахоскиро чхавó, ужакирдя, палó дова, сыр Йово кончýндя тэ ракирэл, пал-дова со лэскирэ трин малá сыс пхурэдýр лэстыр. ⁵ И дыкхця Элюё, со на сыс лав дрэ лэнгирэ муя адалэ тринэ манушэндэ, то лэскири холы росхачия бутыр. ⁶ И Элюё, Варахоскиро чхавó Вузитэндыр, отпхэндя лавэнца: “Мэ сом тэрнó, нэ тумэ сан дрэ бэршá, палдова мэ сóмас ладжакуно, и мэ дарандыём тэ сыкавав, со мэ джинóm.” ⁷ Мэ пхэндём: “Мэк дывэсá тэ

ракирэн, и бэршэнгиро бутыпэн тэ сыклякирэл годыпнаскэ.”⁸ Нэ дрэ манушэстэ исын дүхо (фано), саво дэла Сарэзорьякиро Дэвэл, Саво дэла годы манушэнгэ тэ галёл. ⁹ На барэ-бэршэнгирэ мануша исын ўсады (сак) най годэдыр, адякэ-паць, и мануш дрэ бэрша на ўсады (сак) галёла чачипэн. ¹⁰ Палдава мэ пхэнава: “Шунэн ман миштэс, мэ адякэ-паць сыкавава, со мэ джинóm. ¹¹ Акэ, – мэ ужакирдём тумарэ лавá, мэ шундём откэрдэ канэса причыны, со тумэ пириракирэнас, сыр аканá тумэ родэнас, со тэ пхэнэн. ¹² Чачó, мэ рискирдём илó кэ тумарэ лавá, и, акэ; ниéкх тумэндýр на пирипатякирэла Иовос, и ниéкх на отпхэндý пэ лэскирэ лавá, – ¹³ тэды тумэ на ракирэн: “Амэ латхям годыпэн. Дэвэл отпхэнэла, сыр трэй Лэскэ, нэ на мануш. ¹⁴ Ио́во на ракирдý пэскирэ лавá маму́й кэ мэ, и мэ на отпхэнаvas лэскэ тумарэ лавэнца. ¹⁵ Тумэ аканá хокинэ дивостыр, и на отпхэнэна нисó; тумэндэ и лавá хасинó. ¹⁶ И мэ ужакирдём, пал-довá со тумэ на ракирдэ, нэ тумэ сáнас штыл, и тумэ бутýр на отпхэндлэ. ¹⁷ И аканá мэ адякэ-паць отпхэнава мирé ригáтыр: ¹⁸ пал-довá со мáндэ исын пхэрдó лавá, дүхо (фано) андрáл мáндэ зачхувэла ман тэ ракирáв. ¹⁹ Ѓáда, сарó андрáл мáндэ исын сыр мол (вино), сави́ исын наотпхандлы, сави́, акэ, аканá пхарадэла. ²⁰ Мэ явáва тэ ракирáв, соб (кай) мáнгэ тэ явэл локхэдýр, мэ отпхандава пэскиро муй и мэ отпхэнава. ²¹ Мэ мангавапэ Дэвлэскэ, соб (кай) мáнгэ тэ на явав пэ вари-конэскири риг, и соб (кай) мáнгэ тэ на хохавав гудлэс вари-конэс. ²² Пал-довá со мэ на джинóm, сыр тэ хохавав гудлэс; кóли мэ тэ кэрáв адякэ, то миро Создыибнаскиро укэдэла криг ман.”

Шэрó 33

Элиуёскиро (Элюёскиро) Ракирибэн Проти Иовостэ

¹ Нэ мэ мангава тут, Ио́во, шун, со мэ пхэнава тукэ, и пришунпэ миштэс кэ сарэ мирэ лавá. ² Ѓáда, аканá, мэ отпхандава пэскиро муй, мирí чиб явэла ракирэл дро миро муй. ³ Мирэ лавá джáна мирé-илэскирэ чачипнастыр, и мирэ уштá выпхэнэна екх джиныбэн. ⁴ Дэвлэскиро Дүхо создýя ман, и Сарэзорьякирэрэ Дэвлэскиро пхурдыпэн дыя джиибэн мáнгэ. ⁵ Кóли ту нашты́ тэ отпхэнэс мáнгэ, пхэн пэскирэ лавá екх, пал явír ангíл мáндэ: тэрдёв ангíл мáндэ. ⁶ Акэ, мэ сом дасаво-паць ангíл Дэвлэстэ сыр ту, мэ адякэ-паць сом создýнó прахостыр. ⁷ Шун, на андарша (на дар) мирé минатыр, и мирé вастэстыр, со явэла пхарó тукэ. ⁸ Ѓáда, со мирэ канá шундлэ, и мэ шундём тырэ-лавэнгири зан: ⁹ “Мэ сом бидошэнгиро, мэ на кэрдём чорипэн. ¹⁰ Нэ Дэвэл латхэла банг дрэ мáндэ, Ёв гинэла ман пал Лэскирэ вэргостэ, ¹¹ Ёв чхувэла мирé гэрá дрэ калодки, Ёв дыкхэла пал сарэ мирэ дромá!” ¹² Дыкх! Дро дава́ ту на сан чачикано (оправдано), – мэ пхэнава тукэ: Дэвэл исын вучэдýр манушэстыр. ¹³ Сóскэ ту лыджáса чингáрд Лэса? Ёв, хай, на дэла отпхэныбэн пал Лэскирэ рэнды! ¹⁴ Пал-довá со Дэвэл ракирэла ёкхвар, дуй мóлы, нэ мануш на галёла ангíл; ¹⁵ Дэвэл сы́рбы пхэнэла дро сунó, дрэ зданки (дыкхибэн) раты́, сыр хор соибэн пэрэла пэ манушэстэ, ци сыр мануш линдрэла (дреминэла) пэ чхуибэн, ¹⁶ тэды Дэвэл отпхэндэла манушэнгирэ канá и Ёв чхувэла сы́рбы якхítкó пэ Пэскиро упхэныбэн, ¹⁷ соб (кай) тэ обрикирэл манушэс тэ кэрэл чорé рэнды, соб (кай) тэ гаравэл пхутькирибэн манушэстыр. ¹⁸ Ёв ракхэла Манушэскиро ди магилатыр, и лэскиро джиибэн курталáтыр. ¹⁹ Дэвэл адякэ-паць пирысыклякирэла манушэс насвалыпнаса дро лэскиро чхуибэн, и зоралэ дукхаса дрэ лэскирэ бут кокалы́ адякэ, ²⁰ со лэстэ бутýр нанэ камибэн тэ хал марó, и лэскиро ди бутýр на камэла смáшно хабэн. ²¹ Лэскирэ масá хасёна пэ якхá, и лэскирэ кокалы́, со на дыкхнэ сыгэдýр, аканá бицялэ яврí. ²² И лэскиро ди джáла пашэдыр кэ мулыткó ганбín, и лэскиро джиибэн кэ мэрибэн. ²³ Кóли тэ явэл бичхаибнаскиро Янгóло ваш лэскэ, мануш, кон розлэла годýса, екх тысёнцэндýр, соб (кай) тэ сыкавэл адалэ манушэскэ лэскиро маму́й дром, ²⁴ тэньчи Дэвэл потангинэла манушэс и пхэнэла: “Выракх лэс, соб (кай) ёв тэ на джал дрэ магила (кула); Мэ латхём выкиныбэн пал лэстэ.” ²⁵ Лэскирэ масá явэна зоралэдýр сыр дрэ лэскирэ тэрнэ бэрша́, ёв сы́рбы рисёла тэды кэ лэскирэ тэрнэ бэрша́. ²⁶ Ёв явэла тэ мангэлпэ Дэвлэскэ, и Дэвэл прилэла лэс ласкаса, и ёв явэла тэ дэл патýв ангíл Лэстэ барé радýмáса, пал-довá со Дэвэл рискирэла палэ лэскиро чачипэн. ²⁷ Ёв явэла тэ дыкхэл пэ явирэ

манушэндэ, и тэ ракирэл: “Мэ кэрдём грэхи, и мэ пириriskирдём чачипэн. И мэ на дорэсцём даб палэ. ²⁸ Дэвэл выракхця миро ди мулытконэ ганбинатыр, и миро джибён удыххэла дуд!” ²⁹ Акэ, Дэвэл кэрэла сарó дава дуй трин мóлы манушэса, ³⁰ соб (кай) тэ янэл палэ Манушэскиро ди магилатыр (кулатыр), соб (кай) тэ обсвэнцынэл лэс джибнаскирэ дудэса (свэтоса). ³¹ Дых миштэс, Йо́во, шун откэрдэ канэнца ман, яв штыл, и мэ ява́ва тэ ракира́в. ³² Кóли исын вари-со түтэ тэ пхэнэс, то отпхэн мангэ: ра́кир, пал-дова́ со мэ древа́н камам тэ чачакирав (тэ оправдынав) тут. ³³ Кóли над, тэды шун ман: яв штыл, и мэ ява́ва тэ сыклякирав тут годыпнаскэ.”

Шэрó 34

Элиуёскиро (Элюёскиро) Яв́ир Ракирибён

¹ И отпхэнэлас Элиуё (Элюё) дурэдýр и пхэндý: ² “Шунэн мирé лава́ тумэ, кон сан годé; причхувэн кан кэ мэ, тумэ, кон джинэла бут. ³ Пал-дова́ со кан спробинэла лава́, сыр талой (гортань) коштынэла хабэн. ⁴ Явэн, выкэдаса пэскэ чачипэн; явэн, джинаса бутýр кхэтанэ, со исын лачхипэн. ⁵ Пал-дова́ со Йо́во пхэндý: “Мэ сом чачунó, нэ Дэвэл лыя́ криг миро чачипэн.” ⁶ Со ж мангэ тэ хохавав пэ миро чачипэн? Мирí даб (рана) на састия, мэк мэ и сом бичорипнаскиро. ⁷ Кай исын дасаво мануш сыр Йо́во исын? Кон пьела холямипэн сы́рбы ёв пьела пани́? ⁸ И кон кумплинэлапэ адасавé манушэнца, кон кэрэла чорипэн, и кон псирэла фуé манушэнца? ⁹ Пал-дова́ со ёв пхэндý: “Нанэ лачхипэн манушэскэ, со ёв зоралэс радýнэлапэ Дэвлэстыр.” ¹⁰ Палдава́ шунэн миштэс ман, тумэ, кон сан годé: наштý тэ явэл, соб (кай) Дэвэл тэ думинэл, тэ кэрэл фуипэн, и наштý тэ явэл чорипэн Сарэзорьякирэ Дэвлэстыр. ¹¹ Пал-дова́ со Ёв отдэла палэ манушэскэ пир лэскири бутý, соб (кай) кажно мануш тэ дорэсэл мазу́ри (награда) пир дова́, со Ёв кэрдý. ¹² Сарé джинэна, со Дэвэл ниэкхвар на кэрэла фуипэн, и Сарэзорьякиро Дэвэл на пириriskирэла чачипэн. ¹³ Кон дыя́ зор дрé Лэскири васта́ пэ сарí пхув? Никон жа и дыя́ зор Лэскэ тэ раинэл пэ сарó свэто. ¹⁴ Кóли Ёв фэни тэ думинэл пал Пэстэ, и тэ кэдэл криг Пэскиро Дýхо (Фáно) и Пэскиро пхурдыпэн тэ дживэн; ¹⁵ то сарó джидó хасёлас, и мануш рисёлас дро пра́хо. ¹⁶ Кóли тумэ сан годé, шунэн дава́; пришунэнпэ кэ мирé-лавэнгирэ заня́ (глюсý): ¹⁷ “Ци саштý тэ раинэл одова́, кон зоралэс на камэла чачипэн? Ци саштý ту тэ обсэндякирэс зоралэс кодолэс, Кон исын Сарэчачипнаскиро? ¹⁸ Ци исын лачхэс тэ пхэнэл кралýскэ: “Ту сан злыдня!” Ци лачхэ-родоскирэ рáскэ: “Ту сан биба́хт.” ¹⁹ Дэвэл на прилэла тхагарьенгири риг, адýкэ-паць Ёв на гинэла барвалэн вучэдýр чорорэндýр, пал-дова́ со Ёв создýя и екхэс и явирэс. ²⁰ Ё́ада, ёнэ мэрэна и дрé паш-рат, и мануша́ издрана и хасёна, и зоралыпнаскирэ мурша́ пириячэна тэ явэн дро свэто биманушэскирэ-вастэскиро. ²¹ Пал-дова́ со Дэвлэскирэ якхá исын пэ дромá, савэнца мануш псирэла, и Ёв дыкхэла сарé лэскирэ шаги (ламня). ²² Ни дро калыпэн (цямлыпэн), ни дрé мэрибнаскири зэр (тень) наштý тэ гарадён Дэвлэстыр мануша́, кон кэрэла чорипэн. ²³ Дэвлэскэ на трэй, соб (кай) мануш тэ обдуминэл, сыр лэскэ тэ тэрдёл пэ сэндо ангил Растэ-Дэвлэстэ. ²⁴ Ёв пхагэла пэ котэра́ зоралыпнаскирэ муршэн, и Ёв чхувэла явирэ манушэн пэ лэнгирэ штэты. ²⁵ Давá исын чачипэн, со Дэвэл джинэла лэнгирэ рэндý, Ёв равэла тэлэ лэн раты́, адýкэ, со ёнэ хасинэ. ²⁶ Ёв пэкавэла лэн сыр фуé манушэн ангил явирэ-манушэнгирэ якхá, ²⁷ пал-дова́ со ёнэ рисинэ палэ Лэстыр, и ёнэ на обдуминэнас Лэскирэ дромá кэ дасави́ мэра. ²⁸ Пал-дова́ со чорорé-манушэнгирэ роибэн догия́ кэ Ёв, пал-дова́ со Ёв шунэла, сыр притасадэ мануша́ ровэна. ²⁹ Кóли Ёв исын штыл, кон тэды саштý тэ кэрэл шумо? И кóли Ёв гаравэла Пэскиро муй, тэды, кон саштý тэ дыкхэл Лэс? Ци тэ явэл дава́ ваш сарí нацыя, ци ваш екхэ манушэскэ? ³⁰ соб (кай) тэ на раинэн дýе-муенгирэ мануша́, соб (кай) тэ на явэн мануша́ хохадэ сыр фэляса. ³¹ Ци пхэндýн ту, Йо́во, сыр и яв́ир мануш Дэвлэскэ: мэ на ява́ва бутýр тэ кэра́в грэхи! ³² Со мэ на дыкхáва, далэскэ сыклякир ман; кóли мэ кэрдём начачунэс, мэ на ява́ва бутýр. ³³ Ци явэла Дэвэл тэ отдэл палэ пир тыр́и годý? Пал-дова́ со ту отпхэндýнпэ Лэскирэ сэндостыр! Дава́ тýкэ трэй тэ выкэдэс, на мангэ, пхэн аканá амэнгэ, сыр ту джинэса. ³⁴ Годьварé, и годé мануша́ пхэнэна мангэ, савэ шунэна

ман: ³⁵ “Иово пхэндя адыкэ, сыр лэстэ нанэ джиныбён, лэскирэ лава исын нагодэ.” ³⁶ О, соб (кай) Иово тэ явэл пирипробиндло кэ концо (ягóро)! Пал-дова со ёв отпхэндя адыкэ, сыр фуй манушá! ³⁷ Пал-дова со Ёв дочхувэла бунто пэ Дэвлэстэ кэ лэскирэ грэхí, ёв марэла дрэ вастá машкíр амэндэ и ёв бутэдырьякирэла пэскирэ лава пэ Дэвлэстэ.”

Шэрó 35

Элиуёскиро (Элюёскиро) Трýто Ракирибён

¹ О Элиуё (Элюё) дурэдыр ракирдя и пхэндя: ² “Ци думинэса ту, со дава исын чачипён, сыр ту пхэндян: мэ сом чачунэдыр Дэвлэстыр! ³ Пал-дова со ту пхуцян Дэвлэстыр: “Савó лачхипён явэла мангэ [тýкэ-р.с.]? Савí бутыр лыгóта явэла мангэ, кóли мэ и кэрдём грэхí ангíл дава?” ⁴ Мэ отпхэнава тýкэ и тырó дрогонé малэнгэ, кон исын тýса. ⁵ Подыхк упрé пэ болыбён, и дыкх, и акэ, исын óблоки (хмары), со исын упрáл тýтыр. ⁶ Кóли ту кэрэса грэхí, со кэрэса ту Лэскэ? Ци, кóли ту бутэдырьякирэса пэскиро чорипён, со ту кэрэса Лэскэ? ⁷ Кóли ту сан чачунó, со дэса ту Лэскэ? Ци со Ёв дорэсэла тырé вастэстыр? ⁸ Тырó фуипён кэрэла дош адасавé манушэскэ, сыр ту сан кокóро, и тырó чачипён исын дасаво-паць, сыр кажнóнó явирé манушэстэ. ⁹ Э манушá годлэна, кóли лэн бут притасавэна, ёнэ годлэна, соб (кай) лэнгэ тэ подэн васт зоралыпнаскирэ манушá. ¹⁰ Нэ ниéкх на пхэнэла: “Кай исын Дэвэл, миро Создыибнаскиро, Кон дэла гилы сыр надéя раты? ¹¹ Кон сыклякирэла амэн бутэдыр мурдалэндыр, и кон кэрэла амэн годэдыр чириклендыр пэ болыбён? ¹² Ёнэ годлэна роибнаса, нэ Дэвэл на отпхэнэла лэнгэ пир-дова, со ёнэ исын бибахталé и пхутькирдé. ¹³ Нэ Сарэзорьякиро Дэвэл на шунэла чхучó (пусто) ракирибён, и на дэла вага лэнгэ. ¹⁴ Мэк ту, Иово, пхэндян, со ту на дыкхэса Лэс, нэ тырó чачипён исын ангíл Лэстэ и тýкэ трэй тэ ужакирэс Лэс. ¹⁵ И аканá, пал-дова со Ёв на сэндиндя пхарэс тут дрэ пэскири холы, и со Ёв сырбы на дыкхця пэ тырó дылныпён; ¹⁶ палдава ту, Иово, отпхандэса пэскиро муй ивьá (напрáснэс), и ту бутэдырьякирэса пэскирэ нагодэ лава.”

Шэрó 36

Элиуёскиро (Элюёскиро) Штáрто Ракирибён

¹ И нэвэстыр лыя тэ пхэнэл лав Элиуё (Элюё) и пхэндя: ² “Вырикир (потерпин) ман нáбут и пошун, и мэ сыкавава тýкэ, со мандэ ишчо (инкó) исын лава Дэвлэскирэ ригáтыр. ³ Мэ сырбы яна́ва миро джиныбён дурипнастыр, и мэ досыкавава чачипён пал мирé Создыибнаскирэстэ. ⁴ Пал-дова со, чачипна́са, мирé лава исын на хоханé; и ангíл тýтэ исын му́рш, кон исын бидошэнгиро дро джиныбён. ⁵ Акэ, Дэвэл исын зоралыпнаскиро, нэ Ёв на дыкхэла бипатывакирэс ни пэ конэстэ. Ёв исын древáн зоралыпнаскиро, и Ёв исын древáн барé-годякиро. ⁶ Ёв на ракхэла бибахталé-манушэнгиро джи́ибён, нэ Ёв кэрэла пир чачипён кодолэнца, конэс притасавэна. ⁷ Ёв на рискирéла криг Пэскирэ якхá чачунé манушэндыр, нэ ёнэ исын пэ трóно кральенца, пал-дова со Ёв бэшлякирэла лэн пэ ўса́ды (сак), и лэнгэ дэна бари чол (тимíн). ⁸ И кóли ёнэ исын пхандлэ дрэ састыра́, и лэн рикирэна и притасавэна сы́рбы шэлэнца; ⁹ то тэды Дэвэл сыкавэла лэнгири биба́хт, и лэнгиро чорипён, пал-дова со ёнэ кэрдэ лэн бут; ¹⁰ тэньчи Ёв отпхандэла лэнгиро кан тэ сыклякирэ́л лэн, и Ёв припхэнэла лэнгэ, соб (кай) ёнэ тэ рисён чорипна́стыр. ¹¹ Кóли ёнэ пришунэнапэ и явэна тэ дынаринён Лэскэ, лэнгиро джи́ибён явэла дро миштыпён, и лэнгирé бэршá проджа́на дрэ ра́дыма (лош). ¹² Нэ кóли ёнэ на явэна тэ кандён, тэды ёнэ хасэна курталáтыр, и ёнэ мэрэна дро наджиныбён. ¹³ Нэ фуé-муенгирé манушá скэдэна холы дро илó; ёнэ годлэна ясвэнца, кэли Дэвэл пхандэла лэн дрэ састыра́. ¹⁴ Ёнэ мэрэна тэрнэ, и лэнгиро джи́ибён кончынэлапэ машкíр надэвлытконэ манушэндэ. ¹⁵ Дэвэл вытэрдэла чорорé манушэс мэнькэндыр, и Ёв отпхандэла якхá лэнгэ, кэли лэн притасавэна. ¹⁶ Ёв адыкэ-паць вытырдэлас и тут даракунэ

бибахтытыр, пэ бугло штэто, кай явэла вольно; и дова, со исын чхудо пэ скаминд, явэла пхэрдó тхулэ хабнаса. ¹⁷ Нэ аканá пхэрдó сэндо пыя пэ тутэ, со исын ваш фуэ манушэнгэ, Йо́во, – сэндо и чачипэн рикирэна тут. ¹⁸ Мэк Дэвлэскири холы тэ на марэл тут тэлé екхэ пэкаибнаса; пал-дова со барó мыто на зракхэла тут. ¹⁹ Ци дэла патыв Дэвэл тырэ барвалыпнаскэ? Над, – ни сувнакаскэ, ни савэ кучипнаскэ. ²⁰ На кам зоралэс доя рат, сыр манушá, хасэна пэ пэскирэ штэты. ²¹ Рикирпэ на рисёв кэ чорипэн, пал-дова со ж ту гарэдыр выкэдыан чорипэн пэскэ сыр тэ страдынэс. ²² Акэ, Дэвэл исын древáн барó пир Пэскири зор! Кон сыклякирэла амэн сыр Ёв? ²³ Кон дыя лэскэ рэндо адякэ тэ кэрэл? Ци кон пхэндя: “Ту кэрдян намиштэс?”

Элиуё (Элюё) Пхэнэла Статэчнэс пал Дэвлэскиро Райканыпэн

²⁴ Рипир тэ барьякирэс Лэскири буты, пал сави манушá багана. ²⁵ Кажно мануш дыкхця дава, нэ мануш сашты тэ дыкхэл пэ Лэскири буты дурипнастыр. ²⁶ Акэ, Дэвэл исын древáн барó, и амэ нашты тэ галёвас хор Лэс, адякэ-паць нашты тэ пхэнэс Лэскирэ бэршá. ²⁷ Гада, Ёв скэдэла капли (чолыня) панéса, савэ пирикэрэнапэ дро брышынд миглатыр; ²⁸ савэ óблоки мэкэна тэлé и чхувэна древáн бут пэ кажнонэ манушэстэ. ²⁹ Чачó, ци могоинэла вари-кон тэ галёл, сыр Дэвэл роздиндыкирэла болыбэна, ци сыр лэлапэ блискавица Лэскирэ гарадэ шатратыр? ³⁰ Дыхх, Йо́во, сыр Ёв розчхурдэла Пэскиро дуд пэ латэ, и Ёв учхакирэла морёскиро (дэрьявэскиро) дугно (дно). ³¹ Одотхыр Ёв сэндякирэла манушытка náцыи; Ёв дэла хабэн древáн бут. ³² Ёв гаравэла блискавица дрэ Пэскирэ вастá, и Ёв припхэнэла лáкэ, кай тэ пэкавэн. ³³ Нэ громо подэла зан, со явала блискавица, адякэ-паць и кхэритконé мурдалэнги́ро (скотоскиро) ило шунэла; сыр ёй явэла.

Шэрó 37

¹ Далэстыр миро ило адякэ-паць издрала, и кхарэлапэ (двигинэлапэ) лэскирэ штэтóстыр. ² Шунэн, шунэн громо Лэскирэ глосатыр, и громо, со марэла Лэскирэ мóстыр. ³ Ёв бичхавэла громо тэлал тэл сарó болыбэн, и Лэскири блискавица, прастала кэ сама ягóры (край) пэ пхув ⁴ Палó дава, акэ, Лэскири зан греминэла: Ёв дэла громоса Пэскирэ райканыпнытконэ занятыр (глосатыр), и Ёв дэла воля блискавицáкэ тэ хачол адякэ гарá, сыр шунэлапэ Лэскири зан. ⁵ Дэвлэскиро громо адякэ дивнэс греминэла, Ёв кэрэла барé рэнды, со амэнгэ нашты тэ галёвас хор лэн. ⁶ Пал-дова со Ёв пхэнэла ивэскэ: “Пхэрдякир пхув”, адякэ-паць Лэскири зор исын пэ брышындорэ и пэ барé брышында. ⁷ Ёв чхувэла якхйтко / чэргэнорí (печать) пэ васт кажнонэ манушэскэ, соб (кай) сарé манушá тэ джинэн Лэскири буты. ⁸ Мурдалá джána дрэ пэскирэ гаравипнаскирýя (убежышчы), и ёнэ ячэнапэ дрэ пэскирэ вэнты (ложышчы). ⁹ Рискирибнаскири балвэл явэла паш-дывэсытконé хароматыр, и шыл джála балвалендыр, со пхурдэна паш-ратякирэ ригáтыр. ¹⁰ Лёдо ячэлапэ Дэвлэскирэ пхурдыпнастыр, и барé паня мразэна. ¹¹ Ёв сапанякирэла гэнста óблоки панéса, и Ёв росчхувэла лэн пир болыбэн блискавицаса, ¹² и ёнэ рисэна и кхарэнапэ (двигинэнапэ) Лэскирэ вастэса адякэ, соб (кай) тэ кэрэн дова, со Ёв припхэнэла лэнгэ пир сарó пхувьякиро буглыпэн. ¹³ Дэвэл бичхавэла брышынд, соб (кай) тэ пирысклякирэл мануш ци ваш пхув, соб (кай) тэ сыкавэл Пэскири ласка. ¹⁴ Шун дава, Йо́во, яв штыл и обдумин Дэвлэскирэ дивна бутя. ¹⁵ Ци джинэса ту, сыр Дэвэл розбичхавэла óблоки, и кэрэла адякэ, соб (кай) тэ зяинэл дуд Лэскирэ облокэндыр? ¹⁶ Ци джинэса ту, сыр рикирэнапэ óблоки – кадалé дивна бутя Лэстэ, Кон исын бидошэнги́ро дро джиныбэн? ¹⁷ Сóскэ тырэ йди ячэнапэ хачкирдé, кели Дэвэл штылякирэла пхув балвалéса паш-дывэсытконé ригáтыр? ¹⁸ Ци ту Лэса росчхудян пир ригá óблоки, со исын зоралé сыр вычхудо гиндало? ¹⁹ Сыклякир амэн, Йо́во, со тэ пхэнас Лэскэ! Пал-дова со амэ нашты тэ росчхувас пэскирэ лавá екх пал екх пир дова, со амэ сам дро калыпэн. ²⁰ Ци могоинэла вари-кон тэ пхэнэл Дэвлэскэ, со мэ камамас тэ ракирав Лэса? Ци пхэнэлас вари-кон Лэскэ, и тэ хасёл? ²¹ И аканá манушá на дыкхэна дуд, сыр ёв зяинэла, кели ёв исын гарадó дрэ óблоки. Сыр балвэл проджála, ёв жужакирэла болыбэн. ²² Дэвэл явэла паш-

ратякирэ ригатыр сырбы сувнакуно шукарипэн кэ дар. ²³ Амэ нашты тэ галёвас сарёса Сарэзорьякирэ Дэвлэс: Ёв исын Най Зоралэдыр, Ёв исын най кучэдыр пэ сэндо, и Ёв исын древан чачуно, Ёв на притасавэла никонэс. ²⁴ Палдава мануша дарэна Лэстыр, Ёв на лэла одолэнгири риг, савэ исын годэ дрэ пэскирэ илэ.”

Шэрó 38

Дэвэл Ракирэла Иовоса

¹ И отпхэндя Рай Дэвэл Иовоскэ rischiрибнаскирэ балвалатыр (бурятыр) лавэнца: ² “Кон исын кадава, кон калякирэла Мирэ задумы нагодьварэ лавэнца? ³ Подпхандэпэ и яв скэдынó, Ио́во, сыр му́рш, и Мэ ява́ва тэ пхучав ту́тыр, ту явэ́са тэ отпхэнэс Ма́нгэ. ⁴ Кай са́нас ту, сыр мэ за́чхува́вас пхув? Пхэн Ма́нгэ, ко́ли ту сан ба́рэ-го́дякиро? ⁵ Кон при́пхэндя ба́рипэн пхувья́кэ? Ци джи́нэса ту да́ва? И кон розди́ндки́рдя пэ ла́тэ шэ́ло тэ ме́ринэл? ⁶ Кэ со пхувья́киро фунда́менто причхудо зорья́са? И кон чхудя́ ла́киро вэнглы́тко бар; ⁷ кэ́ли бага́ндлэ кхэ́танэ чэ́ргэня́ пэ зло́ко (пэ ра́нко), и са́рэ Дэвля́скирэ чха́вэ дэ́нас го́дла ра́дыма́тыр? ⁸ Ци кон за́пхандя мо́рё (дэ́рьяв) ву́дарэнца, кэ́ли ёв пха́раде́лас ба́рэ пани́нгэса, сы́рбы ёв джа́лас яв́ри ло́чатыр; ⁹ кэ́ли мэ кэ́рдём о́блоке́ндыр лэ́скэ йди́ и пхэ́рдэ цёмны́матыр па́тькирибнаскирэ пхэ́рнэ (пелё́нки). ¹⁰ Кэ́ли мэ чху́дём ми́ри ме́ра мо́рёскэ, и кэ́ли мэ чху́дём шта́бы и ву́дара́; ¹¹ кэ́ли мэ пхэ́ндём: ‘Фэ́ни а́дякэ́ дур ту́кэ са́шты́ тэ джа́с, нэ́, на ду́рэды́р, и ада́й ты́рэ пху́тьки́рдэ валны́ исын ба́нгэ́ тэ тэ́рдён.’ ¹² Ци при́пхэнэ́сас ту злоко́скэ (ра́нко́скэ), сыр ту лы́ян тэ джи́вэ́с, и ци кэ́рэсас ту а́дякэ́, со́б (ка́й) ра́нко́ тэ джи́нэл пэ́скиро штэ́то, ¹³ со́б (ка́й) злоко́скиро ду́д тэ до́джал кэ́ пхувья́кирэ яго́ры, и, со́б (ка́й) фу́е ману́шэн тэ трински́рэн ла́тыр, ¹⁴ со́б (ка́й) ё́й, пхув, тэ рисе́л сыр глэ́я тэл якхы́тко (печа́ть), и со́б (ка́й) ё́й тэ па́рувэл пэ́скири ма́стин (цвя́то) сыр й́дя, ¹⁵ тэ при́рики́рэл ду́д анги́л фу́е ману́шэндэ́, и со́б (ка́й) тэ пха́гирэл га́здынó ва́ст. ¹⁶ Ци са́нас ту а́дякэ́ дур, ка́й мо́рёскирэ (дэ́рьявэ́скирэ) га́нинго́рэ лэ́напэ́? Ци пси́рдян ту пи́р мо́рёскиро (дэ́рьявэ́скиро) ду́гно тэ розга́лэс хо́рипэн? ¹⁷ Ци пси́радя́пэ анги́л ту́тэ мэ́рибнаски́ри по́рта? Ци ды́кхця́н ту ву́да́р кэ́ мэ́рибнаски́ри зэ́р (те́нь)? ¹⁸ Ци га́лыян ту хо́р пхувья́киро буглы́пэн? Пхэн зо́ралэ́с Ма́нгэ, ко́ли ту джи́нэса са́ро да́ва? ¹⁹ Кай исын дро́м кэ́ штэ́то, ка́тыр ду́д джа́ла? И ка́й ця́млы́пэн я́чэ́лапэ́, ²⁰ со́б (ка́й) ту мо́гинэ́сас тэ лы́джас лэ́н кэ́ лэ́нгирэ́ ку́стыка (гра́ницы), и тэ би́чха́вэс лэ́н кэ́ лэ́нгирэ́ кхэ́ра? ²¹ Ци джи́нэса ту да́ва, па́л-до́ва со́ тэ́ды ту у́жэ са́нас пэ́ свэ́то, ци па́л-до́ва со́ ту́тэ исын ба́рэ бэ́рша́ пи́р ды́вэ́са? ²² Ци са́нас ту ва́ри-кэ́ли одо́й, ка́й исын пи́ралы́ ва́ш ив? Ци ды́кхця́н ту пи́ралы́ ва́ш гра́до, ²³ со́ Мэ́ ра́кхце́м ва́ш да́ва ча́со (цы́ро); сыр явэ́ла пха́рипэн, сыр явэ́на ды́вэ́са ва́ш ма́рибэ́н и во́йна? ²⁴ Са́вэ дро́мэ́са ду́д (свэ́то) ро́скэ́рэлапэ́ пэ́ па́ша́, ци ба́лва́л ва́стоко́стыр (бе́львэ́литко́нэ́стыр) ро́зурня́лапэ́ пи́р пхув? ²⁵ Кон кэ́рэ́ла дро́м ба́рэ пани́нгэ́скэ́ тэ́ чхувэ́лпэ́ ду́рэды́р, ци кон сы́ка́дя дро́м ва́ш гро́моски́ри бли́скави́ца? ²⁶ Ци кон кэ́рэ́ла а́дякэ́, со́б (ка́й) тэ́ джа́л бры́шы́нд пэ́ пхув, ка́й ни́ко́н на́нэ, пэ́ чху́чи́ пхув, ка́й на́нэ ма́нушэ́с, ²⁷ со́б (ка́й) тэ́ па́няки́рэл кэ́ ча́лыпэн нао́бдживдлэ́ штэ́ты, и тэ́ кэ́рэ́л а́дякэ́, со́б (ка́й) ча́ринки́ тэ́ ба́рьён кэ́ гэ́нсто́ ча́р. ²⁸ Ци исын бры́шы́ндэ́скиро да́д? Ци кон я́ндя́ пэ́ свэ́то па́хлы́няки́рэ (ро́саки́рэ) ка́пки? ²⁹ Дрэ́ ко́нэ́скири ло́ч (че́рево) ла́тхэ́лапэ́ ле́до? И кон я́ндя́ мразо́ пэ́ свэ́то? ³⁰ Па́ня кэ́рэ́напэ́ сы́рбы ба́ра́, и са́ро па́нески́ро буглы́пэн, ка́й исын хо́р тэ́ла́л, мразэ́ла дро́ е́кх ко́ва? ³¹ Ци мо́гинэ́са ту тэ́ пха́ндэ́с чэ́ргэ́нгиро ря́до, со́ кха́рэ́лапэ́ Пле́яды, и ци мо́гинэ́са ту тэ́ ро́спха́ндэ́с во́льнэ́дыр О́рионо́скирэ-чэ́ргэ́ненги́ри ку́стык? ³² Ци мо́гинэ́са ту тэ́ лы́джас анги́л чэ́ргэ́ненги́ро зо́диа́ко дро́ пэ́скиро ча́со (цы́ро), и ци мо́гинэ́са ту тэ́ лы́джас ри́чы́ха ри́чоре́нца? ³³ Ци джи́нэса ту бо́лыбна́скирэ-ста́тутно́ упхэ́ныбэ́н? Ци мо́гинэ́са ту тэ́ чхувэ́с лэ́с тэ́ ра́инэл пэ́ пхув? ³⁴ Ци мо́гинэ́са ту тэ́ га́здэ́с пэ́скири за́н кэ́ бо́лыбэ́н, со́б (ка́й) бу́т – бу́т па́ня тэ́ чха́ки́рэн ту́т? ³⁵ Ци дэ́са ра́да ту тэ́ би́чха́вэс бли́скави́цы, со́б (ка́й) ё́нэ́ тэ́ джа́н, и со́б (ка́й) ё́нэ́ тэ́ пхэ́нэн ту́кэ: “А́кэ́, амэ́ са́м.” ³⁶ Кон ды́я го́дыпэ́н ма́нушэ́скирэ го́дякэ́? И кон ды́я го́дьва́рипэн илэ́скэ́. ³⁷ Кон дэ́ла ра́да тэ́ по́гинэл о́бло́ки пэ́скирэ го́ды́пна́са? Ци, кон дэ́ла ра́да, со́б (ка́й) о́бло́ки тэ́ вы́чхувэ́н па́ня бо́лыбна́стыр сы́рбы го́нэ́стыр, ³⁸ кэ́ли пра́хо

кэрдяпэ дрэ тварда комки, а пхувьякирэ котэра липниндлэпэ кхэтанэ. ³⁹ Ци ту, Иово, старэса ваш шчэрицакэ (львицакэ), соб (кай) ёй тэ рискирэл вари-со дандэнца, ци ту дэса чалэс хабэн тэрнэ шчэрорэнгэ? ⁴⁰ кэли ёнэ подчорьёна дрэ пэскирэ вэнтэ (логовы), ци подракхэна, пасиндой, вари-со дрэ лэнгирэ чораханэ штэты (засады)? ⁴¹ Кон дорэсэла хабэн коракоскэ (вороноска), кэли лэскирэ чхавриня (птенцы) годлэна кэ Дэвэл и псирэна трусцял пир дова, со лэндэ нанэ мас.

Шэрó 39

¹ Ци джинэса ту часо (цыро) кэли буса бэргитка бузня (козы) лотькирэна тыкнэн? Ци дэса рада ту тэ дыкхэс, кэли мирги (лани) лотькирэна? ² Ци могоинэса ту тэ погинэс, кицы чхонá ёнэ исын пхарэ тыкнэнца? Ци джинэса ту часо, кэли мирги даё лотькирэна лэн? ³ Ёнэ выбандэна, кэли ёнэ лотькирэна: ёнэ чхурдэна яврё пэскирэ дукхá пэскирэ палал-явибнаскирэнца (патомкэнца). ⁴ Лэнгирэ тэрнэ исын зоралэ, ёнэ барьёна пэ гив, ёнэ уджана, и ёнэ на рисёна кэ ёнэ. ⁵ Кон вымэкця пэ воля бусонэ (диконэ) ослос? Кон роспхандя пенты онагэроскэ? ⁶ Кон лэскэ кэрдя кхэр чхучэ пхувьятыр, и джибнытко штэто лондэ штэтэндэр? ⁷ Адава мурдал дыкхэла вучипнастыр пэ фороскири гóдла, ёв на шунэла, со пэ лэстэ дэла гóдла потрадыпнаскиро. ⁸ Ёв чарадэла пэ сама вучипэнá пэ бэрги, ёв родэла кажно зэлэныбэн. ⁹ Ци закамэла лэскаро гурув тэ дынаринэл тукэ? Ци явэла ёв тэ ратькирэл пашыл тырй ясла? ¹⁰ Ци дэса рада ту шэлэнца тэ припхандэс бусонэ гурувэс кэ лэсьни (борозны)? Ци явэла ёв тэ пхаравэл пхув пал тýtэ? ¹¹ Ци явэса ту тэ допатыс лэскэ, пал-довá со лэстэ исын бари зор? Ци мэкэса ту пэ лэстэ пэскири буты? ¹² Ци допатыса ту лэскэ, соб (кай) ёв тэ янэл кхэрэ тырó гив? И, соб (кай) ёв тэ скэдэл гив дрэ тырй шурна (гумно)? ¹³ Страусица марэла пэскирэ пхакэнца радыматыр, нэ латэ нанэ адасавэ пхакá и шукáр пора сыр павлиностэ, ¹⁴ ёй ячкирэла пэскирэ парнорэ пэ пхув, и ёй татькирэла лэн пэ пхув. ¹⁵ Ёй бистрэла, со гэрóй могоинэла тэ тасавэл лэн, цí, со фэлдытко мурдал (звэрё) могоинэла тэ пхагирэл лэн. ¹⁶ Страусица пхарьякирэла пэскиро илó кэ лакирэ тыкнэ, сырбы ёнэ исын на лакирэ, ёй на дарэла, со лакирэ пхарэ бутя исын ивья. ¹⁷ Пал-довá со дава Мэ, Дэвэл, лыём криг годыпэн латыр, и мэ на дыём годы лэкэ. ¹⁸ Кэли ёй газдэлапэ вучэс, ёй дыкхэла вучипнаса пэ грэстэ, и пэ манушэстэ, кон исын уклисто пэ грэстэ. ¹⁹ Ци дава ту, Иово, дыян зор грэскэ и уридян грива пэ лэскири Мэн? ²⁰ Ци могоинэса ту тэ затрашавэс грэс сыр скочкос? Ёв адякэ даранэс фырскинэла, со газдэла траш. ²¹ Ёв ганавэла копытэнца пхув и древán радынэлапэ пэскирэ зорьятыр; ёв прастала галопоса одорйк, кай манушá зджанапэ мардытконэнца (оружыёса). ²² Ёв сырбы салапэ, и на джинэла дар; ёв на галэла траш, ёв на рисёла палэ курталатыр; ²³ колчано брызгинэла сцял лэстэ, марибнытко буст и чхурье – чхурдыпнытко (дротико) зяинэна ангил. ²⁴ Ёв наххавэла пхув сыгэс и холяса, и ёв на могоинэла тэ тэрдэл пэ штэто, кэли ёв шунэла рóго (труба). ²⁵ Сыр рóго забашавэла, грай дэла зан “Ага”; ёв сунгавэла марибэн дурипнастыр, сыр раё дэна гóдла зоралэ заненца (заненца). ²⁶ Ци тырэ годыпнастыр кагненгиро (ястребо) вурняла, и роздиндыкирэла пэскирэ пхакá кэ паш-дивэсытко риг? ²⁷ Ци тырэ лавэстыр газдэлапэ мамуй упрé (óрло) кйдо и кэрэла пэскири гнязда пэ вучипэн? ²⁸ Ёв дживэла пэ скалы и ёв ратькирэла пэ скалэнгирэ востримэ, штэты, со на доджаса, ²⁹ одотхыр ёв выродэла со тэ рискирэл дандэнца; ёв чхувэла пэскирэ яххá пэ вари-со дурипнастыр; ³⁰ и лэскирэ тыкнорэ пьена рат; – кай исын мулыпэн, одой исын лэскирэ тыкнорэ.” ³¹ [40.1-ю.о.] И отпхэндя дурэдбйр Рай Дэвэл Иовоскэ дасавэ лавэнца: ³² [2] “Ци явэла одовá мануш, кон лыджала чингáрд Сарэзорьякирэ Дэвлэса, тэ пирысклякирэл Лэс? Мэк ёв, кон бангякирэла Дэвлэс, тэ отпхэнэл Лэскэ!” ³³ [3] И отпхэндя Иово Рáскэ-Дэвлэскэ и ракирдя: ³⁴ [4] “Дыкхэн мэ сом тэлатуно, со мánгэ тэ отпхэнав Тукэ? Мэ чхувáва миро васт пэ уштá. ³⁵ [5] Мэ екх мóло пхэндём, нэ мэ на явáва тэ отпхэнав аканá: чачó, явйр мóло, нэ мэ бутыр на явáва тэ ракирáв.

Шэрó 40

Рай Дэвэл Лэла тэ Пхучэл Иовостыр

¹ [6] Тэньци отпхэндя Рай Дэвэл Иовоскэ rischiрибнаскирэ балвалатыр (вихростыр) и пхэндя: ² [7] “Подпхандэпэ и яв скэдынó сыр мурш; Мэ явáва тэ пхучав тۇтыр, а ту явэса тэ отпхэнэс мангэ: ³ [8] Ци пхагирэса ту, чачэс, Миро чачипэн? Ци явэса ту зоралэс тэ обсэндинэс Ман, соб (кай) ту тэ явэс чачакирдо? ⁴ [9] Ци сан ту зоралó адякэ, сыр Мэ сом? Ци исын тۇтэ дасави зан сыр громостыр? ⁵ [10] Тэньци гожакир пэс барипнаса и кучипнаса, урипэ дро райканыпэн и шук. ⁶ [11] Вычхув сарí пэскири холы, подыкх пэ кажнонэстэ, кон исын пхутькирдо и тэлякир лэс; ⁷ [12] Подыкх пэ сваконэстэ, кон пхуцёла, чхув тэлé лэс; штакур тэлé фуé манушэн пэ лэнгирэ штэты. ⁸ [13] Гарав лэн кхэтанэ дро прахо, и чхакир лэнгирэ муя чораханэс, ⁹ [14] тэды Мэ адякэ-паць приджинава тут, со тырó чачó васт могоинэла тэ раххэл тут. ¹⁰ [15] Дыкх аканá пэ бегемотостэ, савэс Мэ создыём сыр и тут: ёв хала чар сыр гурув. ¹¹ [16] Ёáда, дыкх, савó зоралыпэн исын дрэ лэскирэ гэрьякирэ стаця, и сави зор исын дрэ лэскирэ-пэрэскирэ маса. ¹² [17] Ёв бандькирэла порьяса сыр кедроса, а жылы пэ лэскиро пэр зоралэс кходэ. ¹³ [18] Лэскирэ кокалы исын сырбы бронзытка трубы, а лэскирэ пашварэ исын сырбы састырины (жэлезины). ¹⁴ [19] Ёв исын най зоралэдýр, конэс Дэвэл создыя: екх Ёв, Савó создыя лэс, дэла рада тэ янэл пашэдыр Пэскири куртáла кэ ёв. ¹⁵ [19] Бэрги, кай броинэна сарé фэлдытка мурдалá, дэна хабэн лэскэ. ¹⁶ [20] Ёв пасёла тэл лотоскирэ каштá, кай гаравэна лэс тришчына (троснико) и дрич (болото). ¹⁷ [21] Лотоскирэ каштá учхакирэна лэс пэскирэ зэрьяса, лэс обчхувэна вербы паш рэкицы. ¹⁸ [22] Мэк рэка (лэнь) газдэлапэ панэса, нэ ёв исын штыл: ёв исын зоралэс тэрдó, мэк кокорó Иордáно (Ёрдано) тэ чхувэлпэ дро лэскиро муй. ¹⁹ [23] Кон дэла рада тэ лэл лэс ангил лэскирэ якхá? Ци кон пусавэла лэскэ дро накх фэлякирэ спицаса?

[Шэрó 41-ю.о.]

²⁰ [24] Ци вытэрдэса ту Левиафанос нанглэса, и ци притасавэса ту лэскири чиб шэлэса? ²¹ [41.1-ю.о.] Ци дэса рада ту тэ вчхувэс шэло тришчынатыр дрэ лэскирэ рутхуня (ноздри)? ²² [2] Ци явэла дава Левиафано бут тэ мангэл тут, соб (кай) ту тэ потангинэс Лэс? Ци явэла ёв тэ ракирэл ковлэс туса? ²³ [3] Ци явэла ёв тэ кэрэл штама (доракирибэн) туса? Ци лэса ту лэс сыр писхарис пэ усады (сак)? ²⁴ [4] Ци явэса ту тэ броинэс лэса сыр чирикляса? Ци дэса рада ту тэ пхандэс лэс ваш пэскирэ-штубакирэ раклорьенгэ? ²⁵ [5] Ци явэна тэ кофаринэн лэса тырэ дрога малá? Ци явэна тэ роскэрэн лэс кúпцы (тылгáрья) машкир пэстэ? ²⁶ [6] Ци дэса рада ту тэ пусавэс дрэ лэскири цýпа марибнытконэ бустяса? Ци чилавэса ту лэскиро шэрó мачхарьенгирэ бустяса? ²⁷ [7] Чхув пэскиро васт ёкхвар пэ лэстэ; рипир дава марибэн; на кэр бутыр дава.

Шэрó 41

¹ [8] Дыкх! Нанэ мол тэ ужакирэл, со мануш лэла лэс. Ци на пэрэла мануш фэни екхэ лэскирэ дыкхибнастыр? ² [9] Ниékх нанэ дасаво муршканó, соб (кай) тэ джангавэл Левиафанос: и, кон тэды дэла рада тэ тэрдэл ангил Мандэ? ³ [10] Кон пхэнэлас мангэ, соб (кай) Мэ лэскэ тэ плэскирав палэ? Сарó тэл болыбэн исын фэни (тока) Миро. ⁴ [11] Мэ на явáва штыл, соб (кай) тэ на пхэна́в пал лэскирэ гэрá и вастá, ци пал Левиафаноскири бари зор ци пал лэскирэ гононэ-масэнгирэ барипэн? ⁵ [12] Кон дэла рада тэ отлэл лэскири упратуны йдя (флика) яврэстыр? Кон дэла рада тэ явэл пашыл кэ ёв дуитконэ савариса (уздечкаса)? ⁶ [13] Кон сашты могоинэла тэ псиравэл Лэскиро муй, со исын сырбы вударá лэскирэ трашанэ дандэнца трусцял? ⁷ [14] Лэскиро думо сырбы пхутёла шчытэндýр, савэ исын пхандынэ зоралэс сырбы чэргэнорьяса (печатяса): ⁸ [15] адякэ со екх исын пашыл явирэстэ, со фáно (воздухо)

на проджала машкíр лэндэ; ⁹ [16] ёнэ исын дро екхипэн екх екхэса адякэ зоралэс, со наштý тэ роскэрэс пэ паша лэн. ¹⁰ [17] Кéли дава Левиафано дэла чиха (чыхинэла), дуд зяинэла сыр блискавица, а лэскирэ якха́ исын сы́рбы злокоскирэ цымблы (ресницы). ¹¹ [18] Лэскирэ мо́стыр джа́на дуда, со хачона, и тыкнэ́ ягорья вурняна сы́гэс сыр карэдынятыр. ¹² [19] Лэскирэ рутхунендыр (ноздрендýр) джа́ла тхув сы́рбы кэраибнаскирэ пирьятыр и какавятыр (котлостýр). ¹³ [20] Лэскиро пхурдыпэн росхачкирэла вангара, и барэ́ яга вурняна лэскирэ уштэндýр. ¹⁴ [21] Бари зор раххэлапэ дрэ́ лэскири мэн, и траш кхэлэла ангíл лэстэ. ¹⁵ [22] Лэскирэ масэнгирэ мусня (мышчы) исын чхудэ́ кхэтанэ́; ёнэ исын биладэ́ пэ лэстэ, и наштý тэ чхувэс лэн штэтостýр. ¹⁶ [23] Лэскиро ило́ исын пхаро́ сыр бар, мэк и твардо́ исын сыр тэлатуно́ сявитко бар (бэлэдин). ¹⁷ [24] Сыр ёв газдэ́лапэ, зоралюки (силачы) издрана; пир лэскирэ-пхагипнаскири зор ёнэ нашавэна́ дýхо (фа́но). ¹⁸ [25] Мэк вари-кон и дорэсэ́ла лэс курталаса́; ёй нисо́-лэскэ, адякэ-паць ни чхурдыбнытко́ буст (коп'ё), ни пхусаибнытко́ буст (дротико), ни чхурье-чхурдыбнытко́ [латы]. ¹⁹ [26] Ёв дэла́ чол састýрэскэ́ сыр пхусэскэ́ и бронзакэ́ сыр кирнэ́ каштэскэ́. ²⁰ [27] Марибнýтка́ бустя́ (стрéлы) наштý тэ зачхувэн́ Левиафанос́ тэ нашэл́, марибнýтка́ бара́ ячэ́напэ сыр гивэскирэ́ тетивы. ²¹ [28] Булавы́ ячэ́напэ лэстэ́ сы́рбы пхус; ёв салапэ́, сыр страхакирэна́ пхусабнытконэ́ бутяса. ²² [29] Тэл лэскирэ́ пашварэ́ исын остра́ бара́; ёв кхарэ́лапэ (двигинэ́лапэ) пир далэ́ остра́ бара́ сы́рбы пир блáта. ²³ [30] Ёв кэрэ́ла адякэ́, со хор штэ́то кэрадэ́ла сыр пирí; ёв кэрэ́ла адякэ́, со мо́рэ (дэрьяв) пирикэрэ́лапэ дрэ́ пирí макхибна́са (мазяса). ²⁴ [31] Ёв ячкирэ́ла дроморэ́ пал пэ́стэ, со зяинэ́на; сашты́ тэ думинэ́с, со хорипэн́ исын сы́рбы сыво́ бал. ²⁵ [32] Пэ́ пхув нанэ́ ниéкх, сыр Левиафано́ исын, кон́ исын создýно́ битрашакиро́. ²⁶ [33] Ёв дыкхэ́ла вучипна́стыр пэ́ кажно́нэ́ барэ́ джидалэ́стэ, ёв исын крáли пэ́ сарэ́ пхутькирдэ́ мурдалэндэ́.”

Шэрó 42

Иóво Приджинэ́ла Пэ́скиро Грэхó

¹ И отпхэндý Иóво Рáскэ-Дэвлэ́скэ́ кадасавэ́ лавэнца: ² “Мэ́ джинóм, со ту мoгинэ́са сарó тэ кэрэ́с, и нанэ́ нисó, соб (кай) тэ обрикирэ́л Тут тэ кэрэ́с дова́, со Ту обдуминдýн.” ³ Ту пхуцýн: “Кон́ исын кадава́, савó цемнякирэ́ла Мирé лавá бигодыпна́са?” Нэ́ мэ пхэндём́ дава́, со мэ на галыём́. Сарэ́ далэ́ лавá исын дйвна́ ваш мánгэ, савэ́ мэ на джиндём́. ⁴ Шун, Дэ́вла, мэ манга́ва Тут, дэ́ тэ пхэ́нав мánгэ, Ту пхэндýн: “Мэ́ ява́ва тэ пхучав́ тýтыр, нэ́ Ту явэ́са тэ галякирэ́с мánгэ.” ⁵ Мэ́ шундём́ пал тýтэ, со фэ́ни явй́р мирé канá шундлэ́ явирэ́ манушэндýр, нэ́ аканá мирé якха́ дыкхэ́на тут. ⁶ Палдава́ мэ давапэ́ палэ́ мирé лавэндýр, мэ приджина́ва миро́ грэхó дро пра́хо и прáска.”

Рай Дэ́вл Дэ́ла Палэ́ Иовоскэ́ Бутýр Одолэ́стыр, Со Ёв Лы́я Иовостýр

⁷ И сыс́ адякэ́: палó дова́, сыр Рай Дэ́вл пхэндý далэ́ лавá Иовоскэ́, тэ́ньчи пхэндý Ёв Элифазоскэ́ Феманостýр кадасавэ́ лавá: “Мирí бари́ холы́ газды́пэ пэ́ тýтэ и пэ́ тырэ́ малэндэ́, пал-дова́ со тумэ́ на пхэ́нэнас чачипэн́ пал Мánдэ́, сыр пхэндý миро́ писхáри Иóво. ⁸ Палдава́ лэн аканá эфта́ гурувэн́ и эфта́ бакрэн́ и джа́н кэ́ Миро́ писхáри Иóво и янэн́ лэн сыр свэнто́ хачкирибнаскиро́ дыибэн́, и мэќ Миро́ писхáри Иóво тэ мангэлпэ́ пал тумэндэ́. Пал-дова́ со мэ прилава́ лэскиро́ мангипэн́, и соб (кай) Мánгэ́ тэ на сыкавав́ Пэ́скири зор пэ́ тумэндэ́ пал тумарó дылныпэн́, пал-дова́ со тумэ́ ракирдэ́ на чачипэн́ пал Мánдэ́, сыр миро́ писхáри Иóво пхэндý.” ⁹ О́ Элифазо́ Феманостýр, о Вилдадо́ Шуахостýр, и о Цофаро́ Наамитянино́ гинэ́ и кэрдэ́ адякэ́, сыр Рай Дэ́вл пхэндý лэнгэ́; пал-дова́ со Рай Дэ́вл прилы́я Иовоскири́ пáтери (мо́литва). ¹⁰ И Рай Дэ́вл ды́я палэ́ Иовоскиро́ миштыпэн́, кéли ёв мангдýпэ́ пал лэскирэ́ малэндэ́. И Рай Дэ́вл ды́я Иовоскэ́ дуй мо́лы бутэдýр, сыр сыс́ лэстэ́. ¹¹ И сарэ́ лэскирэ́ пшáла, сарэ́ лэскирэ́ пхэ́ня, и сарэ́ лэскирэ́ пинджкирдэ́ манушá, кон́ сыс́ лэстэ́, явнэ́ кэ́ ёв и ёнэ́ ханэ́ марó дро лэскиро́ кхэр, и ёнэ́ раманякирэ́нас (спокоинэ́нас) лэс лачхэ́ лавэнца́ и подрикирэ́нас лэс дро́ дýхо (фа́но) пал дова́ чорипэн́, со Рай Дэ́вл бичхадý

пэ лэстэ. Кажно лэндэр дый Иовоскэ ловорэ и сувнакуны ангрусты. ¹² И бахтякирдя Рай Дэвлэ Иовос дро джибнаскиро концо (ягоро) бутыр сыр вагэдыр; и сыс Иовостэ дэшуштар бара бакрэ, шов бара верблюды дро гамо и екх бар ослицы. ¹³ И сыс адякэ-паць Иовостэ эфта чхавэ и трин чхэй. ¹⁴ И дый лав Ио́во пэrvонакэ Эмима, явирыякэ Кэзия, тритонакэ Кэрэнгапых. ¹⁵ Пир сарй доя пхув на сыс кадасавья шукарня джувля, сыр Иовоскирэ чхэй и лэнгиро дад дый миштыпэн лэнгэ машкир пшалэндэ. ¹⁶ Тэньци и дживдя Ио́во шэл тэ штардэша бэрш; и ёв дыкхця пэскирэ чхавэн и унукэн лэскирэ штарэ родостыр. ¹⁷ И мыя Ио́во, пхурано и чало дывэсэндэр.

Псалмы

Шэро́ 1

¹ Бахталэ исын одова мануш, саво на псирэла тэ скэдэлпэ надэвлытконэ манушэнца, саво исын на тэрдэ пэ дром грэхитконэ манушэнца, и саво исын на бэшто дрэ кампания, кай санапэ Дэвлэстыр. ² А лэскири радыма исын дрэ Дэвлэскиро Зако́но и ёв розлэла лэскиро Зако́но дывэсэ и раты. ³ И ёв явэла сыр кашт (дрэво), со исын чхудо паш панигвалэ рэки (лэня), саво дэла пэскири пхабай дро аплодоскиро уляго (пора). Лэскирэ патря (листы) ниэкхвар на зашутёна и саро, со ёв тэ на кэрэл, явэла тэ джал бахтыса. ⁴ А чорэ мануша на адасавэ исын сарэса. Ёнэ исын сырбы чхучо пхус, со балвал рострадэла. ⁵ Палдава надэвлытка мануша на проджа́на Дэвлэскиро Сэндо, а грэхитка мануша на явэна тэ скэдэ́нпэ патяибнытконэ манушэнца. ⁶ Пал-дова со Дэвлэ джине́ла дром, пир савэ чачунэ мануша псирэна, а надэвлытка дромэ хасэна.

Шэро́ 2

Давидоскиро Псáлмо. Пророчытко Лав, сыр явэла тэ кралинэл Чхаво Манушэскиро.

¹ Соскэ Наюдытка на́цыи бунтуинэна, и розлэна чхучэ (пуста) рэнды? ² Лэнгирэ кралья газдэнапэ проти и лэнгирэ тхэмэскирэ барыдыра зракирэнапэ проти Растэ-Дэвлэстэ и Одолэстэ, Конэс Ёв помакхця, ракири: ³ “Явэн, розрискираса пэ паша лэнгирэ састыра и чхурдаса пэстыр лэнгирэ зандирья (цэпи/ковы).” ⁴ Одова, Кон дживэла дро Болыбнаскиро Рай, явэла тэ салпэ и Рай Дэвлэ явэла тэ просал лэн. ⁵ Тэньци Ёв пхэнэла лэнгэ дрэ Пэскири холы и Ёв страхакирэла лэн Пэскирэ барэ холынаса: ⁶ “Чачо, мэ чхудём Пэскирэ крالیс пэ мири́ Свэнто бэрга Сионо.” ⁷ “Мэ пхэна́ва Зако́но манушэнгэ тэ джине́н: Рай Дэвлэ пхэндя ма́нгэ: ‘Ту сан Миро Чхаво. Мэ ададывэс яцём Дадэса Тукэ. ⁸ Манг Мандыр, и Мэ да́ва тукэ манушыпнаскирэ расы сыр мэ́кно миштыпэн и сарй пхув явэла тыри: ⁹ Ту розмарэса лэн са́струнэ дэстэса (жэзлоса) и ту розмарэса лэн пэ котэра́ (куски) сыр пиритконэскиро кхорó (сасудо).” ¹⁰ И ка́кана, кралья́лэ, явэн годьварэ, сыклён, тумэ сан сэнды́рья пэ пхув. ¹¹ Дына́ринэн Ра́скэ-Дэвлэ́скэ да́раса и ра́дынэ́нпэ издраняса. ¹² Кутяки́рэн Чхавэ́с, соб (кай) тумэ́ тэ на хасён дро́мэса, а Лэскири холы са́шты́ тэ росхачол сы́гэс. Бахталэ исын одолэ́, савэ па́тына дрэ Лэ́стэ.

Шэро́ 3

¹ Давидоскиро Псáлмо, сыр Ёв насця пэскирэ Чхавэстыр Авесаломостыр.

² Раё Дэвла! Сыр бутыр мирэ вэрги ячнэ, сыр бутыр лэндэр газдэнапэ проти миро джибён! ³ Бут пхэнэна мирэ илэскэ: “Нанэ зракхибён лэскэ Дэвлэстыр!” Сэла. ⁴ Нэ Ту, Раё Дэвла, сан шчы́то пашы́л ма́ндэ; мири́ сла́ва и Ту газдэ́са миро шэро́. ⁵ Мэ кха́рава зоралэ́с Дэвлэ́с мирэ́

заняса, и Ёв шунэла ман Пэскирэ свэнтонэ бэргатыр. Сэла. ⁶ Мэ пасиём и сомас сутó: мэ уштыём, пал-довá со Рай Дэвэл подрикирэла ман. ⁷ Мэ на явава тэ дарав тысёнцонэ манушэндэр, савэ облынэ ман трусцýл. ⁸ Тэрдэв ангýл, Раё Дэвла, зрáкх ман; миро Дэвла! Пал-довá со Ту пэкадян сарэн мирé вэргэн дрэ жанда, Ту вымардян дандá бэдэ манушэнгирэндэ. ⁹ Зракхибэн Тýтыр, Раё Дэвла! Тэ явэл Тырó, бахтыкирибэн пэ Тырэ манушэндэ. Сэла.

Шэрó 4

¹ Хорóскирэ Дирижорóскэ. Пэ балытка Струмэнтý. Давидóскиро Псáлмо.

² Кéли мэ кхарáва, отпхэн мánгэ, Дэвла пал миро чачипэн: мánгэ сыс пхарó. Ту помогиндян мánгэ: потангинэ ман и пошун миро мангипэн Дэвлéскэ. ³ Манушы́тка чхавалэ! Ци бут явэна тумэ тэ обракирэн мирí слава? Ци бут тумэ явэна тэ выкэдэн хоханó чачипэн? Ци бут тумэ явэна тэ тэрдэнпэ кэ фрэнтыма? Сэла. ⁴ Нэ джинэн, со Рай Дэвэл чхудя дрэ риг ваш Пэскэ дэвлытконэ манушэн: Рай Дэвэл шунэла ман, кéли мэ кхарáва Лэс. ⁵ Издран и на кэрэн грéхи; розлэн пэскирэ илэса пэ тумарó чхуибэн и явэн штыл (тиха). Сэла. ⁶ Янэн свэнта дыибэнá чачипнастыр и допатян Рáскэ Дэвлéскэ. ⁷ Бут манушá ракирэна: “Кон сыкавэла амэнгэ вари-савó лачхипэн?” Ѓаздэ Пэскрэ-Москиро дуд пэ амэндэ, Раё Дэвла! ⁸ Ту дыян рáдыма мирé илэскэ бутýр, сыр ёнэ радынэнапэ аплодостыр пэ гив и винаградо. ⁹ Мэ пасёвава дро спокоё и со сом сутó, пал-довá со Ту сан Екхджинó, Раё Дэвла, Савó дэса мánгэ тэ дживáв бидаракирэс.

Шэрó 5

¹ Хорóскирэ Дирижорóскэ. Пэ балытка Струмэнтý. Давидóскиро Псáлмо.

² Шун náбут мирé лавá, Раё Дэвла, обмеркин мирé хор думки. ³ Шун мирí зан, кéли мэ да́ва гóдла ясвэнца, миро Крáлэ и миро Дэвла, мэ мангавапэ Тýкэ. ⁴ Раё Дэвла! Ту шунэса мирí зан злостыр (ранкостыр), Мэ яна́ва миро мангипэн пэ злóко, Мэ ужакирава náбут (куты), кéли Ту отпхэнаса. ⁵ Ту на сан Дэвэл, Савó дрéвэн радынэлапэ, кéли кэрэна фуипэн. ⁶ Пхутькирдэ на вытэрдэна ангýл Тырэ якхá. Ту бидыкхэса одолэн, савэ кэрэна на пир чачипэн. ⁷ Ту хасякирэса одолэн, кон ракирэла хоханé лавá: Рай Дэвэл дрéвэн на камэла манушэн, савэ исын нахрата кэ рат и хоханé. ⁸ А мэ заджава дро Тырó кхэр пал Тырí лачхэ-илы́ткима, Мэ явава тэ клонинавпэ патываса ангýл Тырí Свэнто Кхангирí мирé дарáтыр. ⁹ Раё Дэвла! Лы́джа ман пир Тырó чачипэн ангýл мирé вэргэндэ, кэр Тырó дром мамýй ангýл мánдэ, ¹⁰ Пал-довá со нанэ патяибэн лэнгирэ чибатыр; лэнгиро илó исын екх гáлко тэ хасякирэл явирэн. Лэнгиро кирло исын сы́рбы отпхандлы магила. Ёнэ фэни гудлэс ракирэна чибáса. ¹¹ Дэвла! Сэндякир лэн, мэк ёнэ кокорé тэ пэрэн дрэ фэля, со ёнэ кэрдэ, традэ лэн пал лэнгирэ бэда рэндý, пал-довá со ёнэ бунтуинэна пэ Тýтэ. ¹² Мэк сарэ, кон сарэса патяла Тýкэ, тэ радынэнпэ сарэ зорьятыр. Мэк ёнэ кажно мóло тэ годлэн радýматыр, пал-довá со Ту сан тэрдó палáл тэ зракхэс лэн. Мэк сарэ, конэскэ исын дрóго Тырó лав, тэ радынэнпэ Тýтыр. ¹³ Пал-довá со Ту, Раё Дэвла, бахтыкирэса чачунé манушэн. Ту обчхувэса лэн Пэскирэ лачхэ радýмаса сыр шчытоса.

Шэрó 6

¹ Хорóскирэ Дирижорóскэ. Пэ балытка Струмэнтý. Пэ охтó-балытко Гитара. Давидóскиро Псáлмо.

² О, Раё Дэвла, на бангякир ман, кели Ту древан холясосу пэ мандэ, на чхув кара пэ мандэ, кели Ту сан холинакиро пэ мандэ. ³ Потангинэ ман, о Раё Дэвла, мэ ж сом дасаво бизорьякиро, састякир ман, Раё Дэвла, пал-довá со мирé кокалы издрана. ⁴ Миро ди адякэ-паць издрала, Ту, Раё Дэвла, сыр гарá тэ ужакирав Тырó подрикирибэн? ⁵ Рисёв, Раё Дэвла, и зрáкх ман мэрибнастыр, приракх миро ди ваш Тырí лачхэ-илыткима. ⁶ Пал-довá со мулó на явэла тэ рипирэл Тут. Кон явэла тэ парикирэл Тукэ магилатыр? ⁷ Мэ адякэ зоралэс кхиныём мирé пиридживипнастыр гонденца (ўздохэнца), миро чхуибэн исын киндо пал рат мирé роибнастыр, мирí цэрга исын пхэрдý сарí панэса мирé ясвэндýр. ⁸ Мирé якхá нáбут дыкхэна мирé калыпнастыр. Ёнэ пхуранынэ мирé вэргэндýр. ⁹ Джан криг мандýр сарé чорé манушá. Пал-довá со Рай Дэвэл шундý миро роибэн. ¹⁰ Рай Дэвэл шундý, сыр мэ зоралэс мангдём Лэс, Рай Дэвэл прилэла, сыр мэ мангавапэ Лэскэ. ¹¹ Мэк сарé мирé вэрги тэ явэн ладжакирдé и тэ издран. Мэк ёнэ тэ рисён палэ и тэ явэн ладжакирдé екхатыр (срáзу).

Шэрó 7

¹ Давидоскири-Мангипнытко гилы, савí Ёв багандя Рáскэ-Дэвлэскэ пал Хусоскиро Рэндо, Кон сыс Вен'яминоскиро Чхавó.

² Миро Ту, Раё Дэвла, Мро Дэвла, Дрэ Савэстэ мэ патýва; зрáкх ман мэрибнастыр мирé вэргэндýр, и приракх ман. ³ Соб (кай) ёнэ тэ на сыр шчэр (лэво) розрискирэн миро ди, савé лучкирэла ман пэ котэрá, кели нанэ никонэс тэ приракхэл. ⁴ Раё Дэвла, Мро Дэвла, кóли мэ кэрдём вари-со дасаво, со исын начачипэн пэ мирé вастá; ⁵ кóли мэ отдыём палэ фуипнаса одолэскэ, кон сыс дро рамáнэ (миро) мánца, ци чордём одолэстыр, кон мánгэ исын пир илó. ⁶ Мэк вэрги тэ газдэнпэ проти миро джиибэн, и мэк тэ ухтылэн ман, мэк ёнэ тэ домарэн ман дрэ блáта кэ лóно (адо), мэк тэ пасёл Миро барипэн дро пыло. Сэла. ⁷ Ушты, Раё Дэвла, дро Пэскири холы. Сыкáв Пэс и помогин Мánгэ вэргэндýр! Ту сэндякирэса пир чачипэн. ⁸ Мэк сарé манушá тэ скэдэнпэ тэл Тырó васт. Лýджа Сэндо Трэ вучé штэтóстыр. ⁹ Рай Дэвэл явэла тэ сэндякирэл нáцыи. Сэндýкир ман, Раё Дэвла, пир миро чачипэн, пир довá, со нанэ банг мандэ. ¹⁰ Соб (кай) чорипэн фуé–манушэнгиро тэ кончынэлпэ, подрикир патывалé манушэс: пал-довá со чачунó Дэвэл пропатякирэла илó и годý. ¹¹ Дэвэл исын сыр шчýто ваш мánгэ, Савó зракхэла чачипнаскирэ манушэн. ¹² Дэвэл исын чачипнаскиро Сэндáри, и Дэвэл холясóла кажно дывэс пэ фуé манушэндэ. ¹³ Кóли вари-кон на рисёла палэ, то Ёв дэла чол (войстринэла) Пэскири куртáла (мечо); Ёв бандякирэла Пэскиро лóко и Ёв исын скэдынó тэ дэл карýе. ¹⁴ Ёв адякэ-паць скэдэла пэ кодолэстэ мэрибнаскирэ струмэнты, Ёв кэрэла Пэскирэ бустендыр (стрелэндýр) дэстэ, савé хачона ягáса. ¹⁵ Акэ, ёв пхарэс причхувэла зор тэ кэрэл чорипэн, ёв латхэла фрэнтыма и янэла начачипэн. ¹⁶ Ёв ганадя рово (хохой) и выганадя ганбýн (яма), и ёв пыя дро дáя ганбýн, савí ёв кэрдý. ¹⁷ Лэскири фрэнтыма рисёла палэ пэ лэскиро шэрó, и лэскирэ нахрата рэндý пэрэна пэ лэскири фэля (макúшка/гутýп). ¹⁸ Нэ Мэ явáва тэ шарáв Рас-Дэвлэс пал лэскиро чачипэн, и мэ явáва тэ багáв шарибэн, Рáскирэ-Дэвлэскирэ лавэскэ, Най Вучэдырэскирэскэ.

Шэрó 8

¹ Хорóскирэ Дирижорóскэ. Пэ Гефоскиро Струментó Гефостýр. Давидóскиро Псáлмо.

² Раё Дэвла, амарó Дэвэл! Сыр шукар и вучó Тырó лав исын бицýлó, пир сарí пхув. Ту, Кон пхэрдýкирдýн сарó шукаронэ славáса вучэдýр болыбнастыр. ³ Чхаворé и тыкнэмасорé багана шарибэн Тукэ, соб (кай) тэ джинэн вэрги, со Ту пхандэса чиб вэргоскэ и одолэскэ, кон исын холинакиро. ⁴ Кéли мэ дыкхáва болыбэн, со Ту создýян, чхон и чэргэня, со Ту чхудýн, ⁵ то со исын о манúш, пал савэстэ Ту дыкхэса? И чхавó манушэскиро, со Ту дыкхэсапэ лэса? ⁶ Ту кэрдýн лэс нáбут тыкнэдýр Пэстыр, Дэвлэстыр. И Ту дыýн лэскэ слáва

и патыв. ⁷ Ту чхудян лэс хуласа пир саро, со Ту кэрдян, и чхудян тэлэ саро ангил лэскирэ гэрэ: ⁸ Бакрорэн и гурувэн сарэн, адякэ-паць и rischiрибнаскирэ мурдалэн (зверен), со исын пэ фэлда. ⁹ Чириклен болыбнастыр, мачхэн морёстыр (дэрьявэстыр), и сарэн, кон дживэла дро морёскиро (дэрьявэскиро) пани. ¹⁰ Раё Дэвла, амаро Дэвл, сыр шукар Тыро лав исын бицяло пир сарй пхув ⁹ [1]

¹ Хороскирэ Дирижороскэ. Пэ Мелодия пэ Гилы. Пал Лабеноскиро Мэрибэн. Давидоскиро Псалмо.

² Мэ парикирава Раскэ-Дэвлэскэ сарэ мирэ илэстыр, Мэ пирипхэнава пал сарэ Тырэ дівна бутя, ³ Мэ явава лошало (весёло) и явава тэ радынавпэ дрэ Түтэ, Мэ явава тэ шарав Тыро лав, О Само Вучэдыр. ⁴ Кэли вэрги дэнапэ палэ, тэды ёнэ пэрэна и хасэна ангил Тыро муй. ⁵ Ту сэндыкирдян пир миро рэндо и латхян миро чачипэн: Ту сан бэштó пэ трону и сэндыкирэса чачунэс. ⁶ Ту шылякирдян Наюдытка нацыи, Ту хасякирдян бэдэн (бидэн), Ту кхосцян криг лэнгирэ лавá пэ сарэ веки. ⁷ А вэрги хасинэ сарэса, Ту хасякирдян адякэ-паць фóрья, со аж бистырде пал лэндэ. ⁸ Нэ Рай Дэвл исын бэштó пэ сарэ веки, Ёв чхудя Пэскиро трону тэ сэндыкирэл. ⁹ И Ёв явэла тэ сэндыкирэл свэто чачипнаса, Ёв явэла тэ сэндыкирэл манушэн, сыр трэй тэ явэл. ¹⁰ Ёв явэла тэ зракхэл дро Пэскиро баро кхэр одолэн, конэс тасавэна, кай явэна тэ гарадён дрэ пхарэ дывэса. ¹¹ А одолэ, савэ джинэна Тыро лав, явэна тэ патян дрэ Түтэ, со Ту, Раё Дэвла, на мэкцян ни екхэс, кон родэла Тут. ¹² Баган и шарэн Рас-Дэвлэс, Саво кралинэла пэ Сионо! Пхэнэн сарэ нацыенгэ, со Ёв кэрдя. ¹³ Со Ёв чхувэла кара пал манушытко рат, Ёв рипирэла одолэн, кон страдынэла. ¹⁴ Тангинэ (пожалин) ман, Раё Дэвла; дыкх раххунэс сарэ илэстыр пэ миро страдицо (бída) вэргэндэр, зракх ман мэрибнастыр, со сашты тэ явэл ригатыр, ¹⁵ Соб (кай) мэ тэ тэрдэвав ангил манушэндэ Сионостыр, и тэ роспхэнав пал со трэй тэ шарэн Тут. Мэ явава тэ радынавпэ, со Ту зракхцян ман. ¹⁶ Наюдытка нацыи пэрэна дрэ ганбин, со ёнэ выганэдэ, лэнгирэ гэрэ пэрэна дрэ фэлы, со ёнэ гарадэ. ¹⁷ Рай Дэвл сыкадя Пэс, Кон Ёв исын, кэли Ёв лыджия сэндытка рэнды чачипнаса; фуй мануша хасэна далэстыр, со ёнэ кэрдэ пэскирэ вастэнца. Штыл (тихо) мелодия. Сэла. ¹⁸ Фуй мануша джана пир дром тэ хасэн, и сарэ Наюдытка нацыи, савэ бистрэна пал Дэвлэстэ. ¹⁹ Дэвл на бистрэла кодолэн, савэ исын бизорьякирэ, и на хасякирэла чорорэнгири надэя, савэ ўсады (сак) ужакирэна Лэс. ²⁰ Тэрдэв ангил, Раё Дэвла, соб (кай) мануша тэ на лэн упралыпэн, мэк Наюдытка нацыи тэ на нашэн Тырэ сэндостыр. ²¹ Чхув сэндарис пэ лэндэ, Раё Дэвла, мэк кадалэ Наюдытка мануша тэ джинэн, со ёнэ исын фэни мануша и, савэ адякэ-паць мэрэна. Сэла.

8:10 [1] Дава варианто Псалмэнгиرو гийбэн (порядно) исын явир, сыр дрэ Русиканы Синодально Библия, палдава амэ даса паралельна штэты адякэ: [p.c.]

Шэрó 10

¹ [9.22-р.с.] Соскэ, Раё Дэвла, Ту сан адякэ дурал? Соскэ Ту гарадэса амэндэр дрэ пхарэ дывэса? ² [23] Фуй мануша, савэ пхутэна пэс, тасавэна чорорэ манушэс, мэк ёнэ кокорэ тэ пэрэн зракирибнастыр, со ёнэ придуминдлэ. ³ [24] Фуй мануша пхутэна пэскирэ налачхэ камибнаса дро ило. И мануша, савэ исын галка (корысна) кэ чужо миштыпэн, кошэна и тыкнякирэна Рас-Дэвлэс. ⁴ [25] Фуй мануша пал пэскирэ пхутькирибэн на дыкхэна пэ Лэстэ, дрэ лэнгири годы нанэ штэто ваш Дэвлэскэ. ⁵ [26] Ёнэ доджана кэ саро дро пэскиро джибэн, лэнгэ нанэ пир годы тэ галён, сыр Ту сэндыкирэса, ёнэ дыкхэна бипатывакирэс пэ пэскирэ вэргэндэ. ⁶ [27] Ёнэ думинэна пэскэ: “Мэ ниэкхвар на пэрава, мэ пир сарэ рóды на давапэ дукхэ.” ⁷ [28] Кэли ёнэ ракирэна, ёнэ кошэна, хохавэна и трашакирэна манушэн, лэнгири чиб ракирэла чорипэн и дошакирэла манушэн. ⁸ [29] Кадасаво мануш гарадэла пашыл гаворо; ёв замарэла бибангипнаскирэ манушэс пэ чораханэ штэты. Лэскирэ якхэ

поддыкхэна пал бизорьякирэ манушэстэ. ⁹ [30] Ёв гарадэла и ужакирэла сыр шчэр (лёво) дрэ хашча (логово); ёв гарадэла и ужакирэла одолэн, кон исын бизорьякиро. Ёв ухтылэла лэс и тырдэла лэс дрэ пэскири фэлы (петля). ¹⁰ [31] Ёв бандэла кэ пхув, ёв пасэла, соб (кай) тэ пэрэл пэ чорорэстэ сарэ зорьятыр. ¹¹ [32] Ёв думинэла пэскэ: “Дэвэл бистырдя. Ёв гарадя Пэскирэ якхэ, Ёв на дыкхэла дава.” ¹² [33] Тэрдэв ангил, Раё Дэвла, пэкав фуэ манушэн. Придыкх пал одолэндэ, савэ страдынэна. ¹³ [34] Соскэ фуй мануш тыкнякирэла Дэвлэс? Соскэ ёв ракирэла пэскэ: ‘Ёв на чхувэла кара пэ мандэ.’ ¹⁴ [35] Нэ Ту дыкхцян дава, пал-дова со Ту кокорó дыкхэса цямкэс пэ одолэндэ, конэскэ исын пхарó и кон страдынэла. И кажно мóло Ту сан скэдыно́ тэ подэл васт. Бизорьякирэ мануш тырдэлапэ кэ Ту, Ту ўсады (сак) дэсас васт бидадэскирэскэ. ¹⁵ [36] Пхагир зор дрэ васта́ фуэ и чорé манушэндэ. Чхув кара пэ лэндэ, пака ёнэ пириячэна тэ кэрэн чорипэн. ¹⁶ [37] Рай Дэвэл исын Крáli пэ сарэ бэршá и веки. Наюдэнгирэ náцыи хасэна Лэскирэ пхувьятыр. ¹⁷ [38] Раё Дэвла, Ту шунэса, пал со мангнэпэ Тукэ одолэ, савэ страдынэна явирэндыр, Ту зорьякирдян лэнгиро илó. ¹⁸ [39] Ту шунэса мангипэн илэстыр – бидадэскирэн и чорорэн, соб (кай) ниэкх мануш пэ пхув тэ на трашакирэл.

Шэрó 11

[10-р.с.] ¹ Хорóскирэ Дирижорóскэ. Давидóскиро Псáлмо.

Дрэ Растэ-Дэвлэстэ мэ гарадэвава, сыр сашты́ (могинэна) манушá тэ пхэнэн мангэ: “Вурняв(ў) шылэс (тихэс) сыр чириклы дрэ бэрги.”

² Дыкх! Фуй манушá газдынэ пэскирэ луки. Ёнэ причхудэ марибнýtка бустя́ (стрéлы) кэ цецивитко шэло, соб (кай) тэ дэн карье дро илó чачунé манушэнгиро, кéли исын цямло. ³ Кóли манушýtко джиббэн гия бизаконоскиро, со ж тэ кэрэл чачунé манушэскэ? ⁴ Рай Дэвэл исын пэ лэскиро свéнто штéто дро Болыбна́скиро Раё. Лэскиро трóно исын дро болыбэн. Лэскирэ якхэ дыкхэна, Лэскирэ цымблы (ресницы) роздыкхэна манушытконé чхавэн. ⁵ Рай Дэвэл пропатыкирэла чачунé манушэс, и фуэ манушэс; Ёв на сыкавэла ласка одолэскэ, савó исын вэргитко. ⁶ Ёв кэрэла, со болыбна́стыр пэрэна брышында́, хачкирдé вангара и зэвэлытка (серна) барá и хачкирды балвэл, со пэкэла, акэ, со явэла лэнгэ Дэвлэстыр. ⁷ Пал-дова со Рай Дэвэл исын чачунó. Лэскэ трэй чачунé рэндэ манушэндыр, савэ явэна тэ дживэн, кай Дэвэл исын.

Шэрó 12

[11-р.с.] ¹ Хорóскирэ Дирижорóскэ. Пэ балытка Струмэнты. Давидóскиро Псáлмо.

² Подэ васт, Раё Дэвла, дэвлýtка манушá отгинé сарэса, патяибнытконэ манушэн бутыр нанэ. ³ Ёнэ ракирэна хоханé лавá екх екхэскэ, нанэ патяибэн лэнгирэ чибатыр, биладжаипнытка исын лэнгирэ думы. ⁴ Рай Дэвэл запхандэла напатыибнытка муй; чиб, со ракирэла пхутькирдé лавá, ⁵ Одолэнгэ, кон пхэндя: “Амэ ласа упралыпэн амарé чибáса, амарé лавá джána пал амэндэ: Кон да исын рай амэнгэ.” ⁶ Пал-дова со манушá страдынэна и лэн тасавэна, пал-дова со манушá дрэ трэбима дэна гондя́. “Мэ тэрдэвава ангил” – пхэнэла Рай Дэвэл, Мэ приракхава лэн, сыр ёнэ древán камэна тэ ухтылэн, ⁷ Рáскирэ-Дэвлэскирэ лавá исын чачунé сарэса сыр руп, со исын пробиндло дрэ глэя (глина), и со жужакирдо эфтá (битринэнгиро дэш) мóлы. ⁸ Ту, Раё Дэвла, явэса тэ ракхэс лэн, Ту приракхэса амэн дасавэ манушэндыр пэ сарé веки, ⁹ Фуй манушá псирэна пэ кажно штéто, а бидытка манушýtка чхавé газдэнапэ.

Шэрó 13

[12-р.с.] ¹ Хорóскирэ Дирижорóскэ. Давидóскиро Псáлмо.

² Ци бут, Раё Дэвла, Ту явэса тэ бистрэс ман? Ци бут Ту явэса тэ отрисёс мандыр? ³ Ци бут мангэ тэ гаравав калыпэн пэ миро ди? Туга исын дро илó со дывэс? Ци гарá (длугэс) миро вэргó явэла тэ рикирэл лофó (зор) пэ мандэ? ⁴ Подыхк и пошун! Кэр, сыр мэ мангáва, О Раё Дэвла, миро Дэвла! Кэр, соб (кай) мрэ якхá тэ дыкхэн, и соб (кай) ман тэ на лэл соибэн кэ мэрибэн, ⁵ И соб (кай) миро вэргари тэ на пхэнэл: “Мэ лыём упралыпэн пэ лэстэ!” Соб (кай) вэргитка манушá тэ на радынэнпэ, коли мэ пэрава. Мэ ж сарó мóло патява дро Тырó бахталыпэн; миро илó радынэлапэ Тырý зракхибнастыр. ⁶ Мэ явáва тэ багáв Рáскэ-Дэвлэскэ, пал-довá со Ёв кэрдя бут миштыпэн мангэ.

Шэрó 14

[13-р.с.] ¹ Хорóскирэ Дирижорóскэ. Давидóскиро Псáлмо.

Дылыно пхэндя пэскэ: “Нанэ Дэвлэс!” Манушá ячнó розмэкнэ, ёнэ кэрдэ злыднитка рэндэ: нанэ ниéкх, кон кэрэла пир чачипэн. ² Рай Дэвэл дыкхця болыбнастыр пэ манушэскирэ чхавэндэ тэ дыкхэл, ци исын вари-кон, савó галёла и родэла Дэвлэс. ³ Сарé гинэ криг чачэ дромэстыр, ёнэ сарé ячнó чорé манушá: нанэ ниéкх, кон кэрэла пир чачипэн, нанэ ни екхорэс! ⁴ Наушто чорé манушэндэ нанэ годы, со ёнэ хána мирé манушэн сырбы ёнэ хána марó. А ёнэ на кхарэна Рас-Дэвлэс. ⁵ Гада, ёнэ явэна тэ издран даратыр, пал-довá со Дэвэл явэла одолэнца, савэ кандэна Лэс. ⁶ Тумэ сандлэпэ чорорэстыр, пал-довá со ёв раххэлапэ дрэ Растэ-Дэвлэстэ. ⁷ О, соб (кай) тэ явэл зракхибэн ваш Израилё Сионóстыр! Кéли Рай Дэвла янэла палэ Лэскирэ манушэн Сионóстыр, соб (кай) Яково бут тэ радынэлпэ, и, соб (кай) Израилё тэ явэл лошало (весёло).

Шэрó 15

[14-р.с.] Давидóскиро Псáлмо. ¹ Раё Дэвла! Конэскэ сашты тэ явэл дрэ Тырý Свэнта Шáтра? Кон явэла тэ дживэл пэ Тырý Свэнта Бэрга?

² Одовá, кон дживэла би дошэнгиро, и савó исын чачипнаскиро илэстыр пир сарó, и ракирэла чачипэн сарэнгэ. ³ Кон на ракирэла чорé лавá пэ явирэндэ, и на кэрэла фуипэн пэскирэ малэскэ (другоскэ), и на обракирэла пэскирэ пашатунé манушэс. ⁴ Кон дыкхэла вучипнастыр пэ одолэстэ, конэс Дэвэл на прилэла, и кон дэла патыв одолэскэ, кон дарэла Рáстыр-Дэвлэстыр. ⁵ Кон дэла ловé дро вужлыпэн би кофоскиро, кон на лэла мыто (взятка) тэ ракирэл проти кодолэстэ, кон исын набанго. Кон кэрэла адякэ, одовá мануш ниéкхвар на змарэлапэ пэскирэ дромэстыр.

Шэрó 16

[15-р.с.] ¹ Давидоскири Гилы. Давидоскири Пáтери (Молитва).

Прирах ман, Дэвла, пал-довá со мэ гарадэвава дрэ Тýtэ. ² Мэ пхэндём Рáскэ-Дэвлэскэ “Ту сан миро Рай Дэвэл, сарó миро кучипэн исын Тýtыр.” ³ Свэнта дэвлытка манушá пэ пхув, савэ исын патяибнытка, – лэнгэ исын мирý бари патыв, ⁴ Одолé, савэ рисёна сыгэс кэ явир дэвлорé, барьякирэна пэскири туга: Мэ на явáва тэ янав лэнгэ свэнта дыибэн ратэстыр, и мэ на явáва тэ выпхэнав титулы лэнгирэ дэвлорэнгирэ. ⁵ Раё Дэвла! Тýtэ исын сарó, со мэ

дорэсава, Ту дэса саро сырбы кучикатыр, Ту рикирэса мирэ-джибнаскиро талано. ⁶ Мирі пхув със мериндлы шэлэса пир шукар штэты чачо, миро мэкно миштыпэн радынэла ман. ⁷ Мэ явава тэ славиав тут, Раё Дэвла, Саво сыклякирэла ман; миро ило раты подпхэнэла мангэ, карик мэ джава, ⁸ Мэ кажно мо́ло рипирава, со Ту сан надур; пал-дова со Ту сан чачэ ригатыр, мэ на явава би радымакиро. ⁹ Палдава миро ило исын лошало, и миро ди радынэлапэ; и мирі лоч (плоть) откхинэла дрэ надэя. ¹⁰ Далэскэ, со Ту зракхэса ман люностыр (адостыр), Ту на дэса патяибнытконэ дынарыскэ тэ кирнёл дрэ магила. ¹¹ Ту сыкавэса мангэ дром кэ джибэн: пал-дова со Ту сан пашыл мандэ, мэ древан радынавапэ, мирі бари радыма исын дрэ Тыро чачо васт.

Шэро 17

[16-р.с.] ¹ Давидоскири Пáтери (Молітва).

Шун ман, Раё Дэвла, миро чачипэн, пришунпэ, сыр мэ кхарава зоралэс Тут ясвэнца. Шун миро мангипэн Тукэ, ёв выджала мирэ нахоханэ уштэндыр. ² Мэк Ту тэ сэндякирэс ман пир миро чачипэн, мэк Тырэ якхэ тэ дыкхэн пэ дова, со исын чачипнаскиро! ³ Ту спробиндян миро ило, Ту явдян кэ мэ раты: Ту розгалыян ман и Ту на лахтян нисо: миро муй на пхэнэла чорипэн. ⁴ Дрэ манушэнгирэ рэнды мэ прираххцём Тыро припхэныбэн, соб (кай) тэ на джав пир дром захалэ манушэнца. ⁵ Кэли Ту рикирдян, соб (кай) мэ тэ джав пир Тыро дром, мэ на пыём мирэ пирэндыр (стопэндыр). ⁶ Мэ кхардём Тут, пал-дова со Ту шунэса ман, о Дэвла: Рисёв кэ мэ и пошун мирэ лавá. ⁷ Сыкав Тырі лачхэ-илыткима, пал-дова, со Ту сан Зракхибнаскиро ваш одолэнгэ, савэ явэна кэ Тырі чачі риг тэ гарадён одолэндыр, савэ бунтуинэна проти лэндэ. ⁸ Ракх ман, сыр якхакири лялька (зрачко); гарав ман дрэ зэр (генё) Тырэ пхакэнгири, ⁹ чорэ манушэндыр, савэ тасавэна ман, вэргэндыр кэ мэрибэн, савэ обджана трусцял ман. ¹⁰ Ёнэ запхандлэ якхэ тхулыпнастыр, пэскирэ муенца ракирэна пхутькирдэс и нахратэс. ¹¹ Ёнэ исын каканá трусцял амэндэ, кай тэ на рисёвас, ёнэ фэни дыкхана, сыр тэ пэран пэ амэндэ, ¹² Ёнэ исын сырбы шчэр, со исын галко (корысно) тэ роскушэл и сыр шчэроро (левице), со гарадэла дрэ хашча. ¹³ Тэрдёв ангил, Раё Дэвла, тэ стрэнинэс мирэ вэргэн, рав лэн тэлэ: зракх миро ди фуэ манушэндыр Пэскирэ курталаса, ¹⁴ манушэндыр Тырэ вастэса, Раё Дэвла, манушэндыр свэтостыр, конэстэ исын саро, со ёнэ камэна. Лэнгиро пэр Ту пхэрдякирэса Пэскирэ пиралытыр, ёнэ радынэнапэ пэскирэ чхаворэндыр, и ёнэ ячкирэна пэскиро миштыпэн чхаворэнгэ. ¹⁵ А мэ явава тэ дыкхав Тыро муй дрэ чачипэн, кэли мэ джангадэвава, мэ явава тэ радынавапэ, соб (кай) тэ явав пашыл Түтэ.

Шэро 18

[17-р.с.] ¹ Хороскирэ Дирижороскэ. Давидоскиро Псáлмо, кон исын Рáскирэ-Дэвлэскиро Писхáри, саво выпхэндя багаибнытка лавá Рáскэ-Дэвлэскэ дро дывэс, кэли Рай Дэвэл зракхця Лэс лэскирэ-вэргэнгирэ вэргэнгирэ вастэндыр и Саулоскирэ вастэстыр.

² И пхэндя ёв: “Мэ рикирава сыр Дро́гима Тут дро ило, Раё Дэвла, Ту дэса зор мангэ. ³ Раё Дэвла, Ту сан мирі бэрга и мирі” твардыма/диз (крепость). Кон зракхэла ман, Миро Дэвла, Ту дэса зор мангэ; и дрэ Түтэ мэ гарадэвава. Ту сан миро шчыто, Саво зракхэла ман, Саво затэрдэла пал мандэ. ⁴ Мэ кхарава Рас-Дэвлэс, Саво зракхэла ман мирэ вэргэндыр, Савэс трэй тэ шарэн. ⁵ Мэрибнаскири дар исын трусцял мандэ, пал-дова со барэ надэвлытка валны (вэлны) трашадэ ман. ⁶ Дарья (дара) исын люностыр (адостыр) трусцял мандэ, мэрибнаскирэ фэля облынэ ман. ⁷ Кэли мангэ яця пхаро, мэ кхардём Рас-Дэвлэс и рондём заняса ангил мирэ Дэвлэстэ: Ёв шундя мирі зан тэлал Пэскирэ штэтостыр дро Болыбнаскиро Раё, Ёв шундя мирі годлыма. ⁸ Тэныци пхув тринскирдяпэ и издрандыя,

тэлатунэ барá бэргэндэр кхардэпэ (двигиндлэпэ) и издрандынэ, пал-довá со Дэвэл холясыя.

⁹ Тхув газдыпэ Лэскирэ рутхунэндэр (ноздрендэр), яг и вангара, со росхачонас усá бутыр Лэскирэ мостыр.

¹⁰ И Ёв бандякирдя болыбэн и гия тэлэ, калыпэн (цямлыпэн) сыс ангил Лэскирэ гэрá.

¹¹ Ёв бэсця пэ херувимо и вурняндя, и Ёв вурнялас пэ бэльвэлякирэ пхака́.

¹² И Ёв закэрдя цямлыпнаса гэнста болыбна́скирэ облоки, со сыс пхэрдэ панэса, савэ сыс трусцял Лэстэ.

¹³ Ярκο дуд зяинэлас ангил Лэстэ, градо барэнца и вангара, со хачонас, выухтэнас облокэндэр.

¹⁴ И Рай Дэвэл адякэ-паць пхэндя дро громо, и Най Вучэдырэскиро выпхэндя пэскирэ заняса, градоскирэ барэнца и вангарэнца, со хачонас.

¹⁵ Ёв вымэкця пэскирэ марибны́тка бэстя́ и росчхурдыя мирэ вэргэн, и Ёв дыя карье блискавицэнца и росчхурдыя вэргэн, со ёнэ нашэна.

¹⁶ Тэды панескирэ дугны (днишчы) ячнэ дыцьлэ (бицялэ), и тэл-пхувьякиро фундаменто отчакирдяпэ, кэли Ту, Раё Дэвла, дыя гóдла даракунэс, сыр Ту пхурдыян зоралэс Пэскирэ рутхунэндэр.

¹⁷ Рай Дэвэл догия́ вычипнастыр, ухтылдя ман, Ёв тырдыя яврий ман барэ панендыр;

¹⁸ Ёв зракхця́ ман мирэ зоралэ вэргостыр, и одолэндэр, савэ древáн на вырикирдэ ман, пал-довá со ёнэ сыс зоралэдыр мандыр.

¹⁹ Ёнэ тэрдинэ ангил мандэ дро дывэс, сыр сыс биба́хт ма́нгэ, нэ Рай Дэвэл сыс пэ мирй риг.

²⁰ Ёв вылыджия́ ман пэ бугло́ штэ́то, Ёв зракхця́ ман, пал-довá со Лэскэ исын дро́го мэ.

²¹ Ёв отдыя́ палэ лачхипна́са пал миро чачипэн; Ёв бахтякирдя́ ман пал довá, со мэ со́мас бибангипнаскиро.

²² Пал-довá со мэ рикирдёмпэ кэ чачипэн, со Рай Дэвэл пхэндя́, мэ на отрисийём Дэвлэстыр тэ кэра́в фуипэн.

²³ Мэ кэрдём пир сарэ Лэскирэ припхэныбэна́, мэ на отпхэндёмпэ Лэскирэ статутэндэр,

²⁴ Пал-довá со мэ сом бидошэнги́ро ангил Лэстэ, и мэ раххцём пэс, соб (кай) тэ на кэра́в фуипэн.

²⁵ Рай Дэвэл бахтякирдя́ ман пал миро чачипэн, пал довá, со мэ со́мас бибангипнаскиро ангил Лэскирэ якха́.

²⁶ Лачхэ-илэскирэнца́ Ту сан лачхэ-илэскиро, бидошэнгирэнца́ Ту сан бидошэнги́ро;

²⁷ Чыстонэ-илэскирэнца́ Ту сан лачхó; фрэнтонэнца́ Ту сан годя́са пэ стрéга,

²⁸ пал-довá со Ту зракхэса́ одолэн, кон страдынэла. Нэ Ту бандякирэса́ одолэн, кон газдэла нахх.

²⁹ Ту захачкирэса́ мирй лампа: Рай Дэвэл, миро Дэвла, Ту зазяинэса́ ягаса́ и цямлыпэн уджала.

³⁰ Ту дэса́ зор ма́нгэ тэ джав ангил марибны́тконэ халадэндэ, Мирэ Дэвлэса́ мэ пириухтава́ форитко бар.

³¹ Миро Дэвэл исын бидошэнги́ро, Рáскирэ-Дэвлэскиро лав исын пропатыки́рдо. Ёв исын шчы́то ваш сарэнгэ, кон гарадэла дрэ́ Лэстэ.

³² Кон тэды исын Дэвэл апри́ч Растэ-Дэвлэстэ. Ци, кон жа́ исын Бэрга́ тэ зракхэлпэ́ апри́ч амарэ́ Дэвлэстэ?

³³ Дэвэл дэ́ла ма́нгэ зор и кэрэ́ла ма́нгэ ма́му́й (пря́мо) дром,

³⁴ Ёв кэрэ́ла мирэ́ гэрá сыр оленестэ́, Ёв чхувэ́ла ман пэ́ вучэ́ штэ́ты;

³⁵ Ёв сыклякирэ́ла мирэ́ вастá ваш марибэн, соб (кай) мирэ́ вастá тэ надтырдэн харкуно́ лүко.

³⁶ Ту дыян́ адякэ-паць ма́нгэ шчы́то тэ зракхавпэ́ и Тыро́ чачó васт подрикирэ́ла ман, и Тыро́ лачхипэн́ дыя́ ма́нгэ зор.

³⁷ Ту кэрдян́ бугло́ дром ма́нгэ тэ штава́в.

³⁸ Мэ традыёмпэ́ дрэ́ шалэ́ (пагона́) пал мирэ́ вэргэндэ́ и ухтылдём лэн; и мэ на рисийём, ангил, сыр мэ́ тэ хасякира́в лэн.

³⁹ Мэ пиримардём лэн, со ёнэ нашты́ тэ уштэн: и ёнэ пэрэна́с тэл мирэ́ гэрá.

⁴⁰ И Ту дыян́ ма́нгэ зор ваш марибэн. Ту бандякирдян́ мирэ́ вэргэн ангил мандэ́.

⁴¹ И Ту порискирдян́ мэня́са мирэ́ вэргэн тэ нашэн, соб (кай) мэ́ тэ хасякира́в одолэн, савэ́ бидыкхэна́ ман.

⁴² Ёнэ дынэ́ гóдла, нэ никон́ на сыс тэ зракхэл, ёнэ дынэ́ гóдла Рáскэ-Дэвлэскэ́, нэ Ёв на отпхэндя́ лэнгэ́.

⁴³ Тэны́ци мэ́ ростасадём лэн сыр пра́хо ангил балва́ля, штакурдём лэн сыр блáта пэ́ гасы́.

⁴⁴ Ту зракхця́н ман манушэндэр, савэ́ бунтуинэ́на, Ту чхудя́н ман шэрэ́ манушэ́са пэ́ Наюды́тка на́цыи. Манушá, савэн́ мэ на джиндём ангил, явэ́на тэ дынаринэн́ ма́нгэ.

⁴⁵ Сыр фэ́ни ёнэ шунэ́на пал мандэ́, ёнэ кандэ́на ман, чхавэ́, нами́рэ-манушэнгирэ́, бандякирэ́на шэрэ́ ангил мандэ́.

⁴⁶ Чужонэ́-манушэнгирэ́ чхавэ́ ячэ́на зломка́ и ёнэ выджáна пэ́скирэ́ барунэ́ рикирибнэндэр, издраиндой.

⁴⁷ Тэ дживэл Рай Дэвэл! Тэ́ явэл бахтяки́рды мирй́ Бэрга́ тэ зракхавпэ́! Тэ́ шарэл вучэ́с сарó, со исын джидó, Дэвлэс, Савó зракхэ́ла ман.

⁴⁸ Ёв исын Дэвэл, Савó отдэ́ла палэ́ вэргэнгэ́ пал мандэ́, Савó помогинэ́ла тэ лав упралыпэн́ пэ́ манушэндэ́;

⁴⁹ Ёв зракхэ́ла ман мирэ́ вэргэндэр: чачó, одолэндэр, савэ́ джáна проти́ мандэ́. Ту зракхця́н ман нахратонэ́ (нахально́нэ) манушэндэр.

⁵⁰ Палдава́ мэ́ парикира́ва, бут мо́лы Түкэ́, Раё Дэвла, ангил Наюды́тка на́цыи и мэ́ ява́ва тэ багáв гиля́ Тырэ́ лавэ́скэ́.

⁵¹ [p.c.] Давá исын Ёв, Кон зракхэ́ла

Пэскирэ краліс, Саво сыкавэла ласка одолэскэ, конэс Ёв помакхця Давидоскэ, и лэскирэ родоскэ пэ сарэ веки”.

Шэро 19

[18-р.с.] ¹ Хороскирэ Дирижироскэ. Давидоскиро Псальмо. ² Болыбэн дудвалякирэла (ропхэнэла) пал Дэвлэскири бари слава и светоскиро буглыпэн (свóдо) сыкавэла, со Дэвэл создыя. ³ Кажно дывэс пирипхэнэла лавá явирэ дывэсэскэ, и рат пиридэла лавá тэ джинэл явирэ ратякэ. ⁴ Нанэ чиб, нанэ лавá, соб (кай) тэ на явэл екхори зан шундлы, ⁵ Лэнгирэ-глосакири мэра розджалапэ пир сарі пхув и лэнгирэ лавá аж кэ ягóры (кэ пределы) пхувьякирэ. ⁶ Дэвэл чхудя штэто тэ дживэл кхамэскэ дрэ лэндэ, саво выджала сыр тэрно бьявитконэ штубатыр. Ёв радынэлапэ сыр прастиаибнаскиро мануш ангил дова, сыр тэ прастал пэ призо. ⁷ Ёв (кхам) лэла тэ джал болыбнаскирэ ягорóстыр и лэскиро круго доджала кэ явир Болыбнаскиро ягóро (краё) и нисó нашты тэ гарадёл Лэскирэ хачкирибнастыр. ⁸ Рáскирэ-Дэвлэскиро Закóно исын бидошэнгиро, со дэла зор дескэ. Рáскирэ-Дэвлэскиро допхэныбэн исын чачунó, со дэла годы одолэскэ, конэскэ дава трэй. ⁹ Рáскирэ-Дэвлэскирэ упхэныбэна исын чачунó, ёнэ лошакирэна (веселинэна) илó; Рáскирэ-Дэвлэскирэ допхэныбэна исын чыстонэ-илэскирэ, ёнэ дэна ясныма якхэнгэ. ¹⁰ Дар ангил Растэ-Дэвлэстэ исын чачуны сарэса, ёй ячэлапэ пэ сарэ веки. Рáскирэ-Дэвлэскиро сэндо исын чачунó, ёнэ исын сарэ чачипнастыр. ¹¹ Ёнэ исын мол бутыр сувнакастыр, аж бутыр чачунó сувнакастыр и гудлэдыр авгинэстыр и сотэнгирэ кроплендыр авгинэстыр. ¹² Упхэныбэна адякэ-паць подсыклякирдэ ман, Тырэ дынаріс, мэ дорэсцём бут лачхипэн, кэли мэ приракхцём лэн. ¹³ Конэскэ сашты тэ галёл пэскирэ доша? Отмэк мангэ мирэ грэхи, савэ мэ на галёвава, ¹⁴ Рикир дрэ риг, Тырэ писхаріс, нартонэ грэхэндэр; мэк ёнэ тэ на лэн лофó (верхо) пэ мандэ: тэньчи мэ явава бидошэнгиро, и мэ явава бибангипнаскиро ангил Закóно. ¹⁵ [р.с.] Мэк мирэ москирэ лавá и лэскиро розлыибэн тэ явэн лачхэ Тукэ, Миро Раё Дэвла. Ту сан мири Бэрга тэ гарадёвав и Миро зракхибнаскиро.

Шэро 20

[19-р.с.] ¹ Хороскирэ Дирижороскэ. Давидоскиро Псальмо. ² Мэк Рай Дэвэл тэ шунэл тут дро дывэс, кэли исын пхарó; мэк Яковоскирэ-Дэвлэскирэ лав тэ зракхэл тут вэргэндэр; ³ Мэк Ёв тэ бичхавэл тукэ зор Лэскирэ Свэнтонэ Штэтостыр и тэ подрикирэл тут Сионоскирэ Бэргатыр. ⁴ Мэк Ёв тэ рипирэл сарэ тырэ Свэнта дыибэна, и мэк Ёв тэ прилэл Тырэ хачкирибнаскирэ яныбэна. Сэла. ⁵ Мэк Ёв тэ дэл тукэ, со тырэ илэскэ трэй и, соб (кай) тэ сполнинэлпэ сарэ тырэ планы. ⁶ Амэ яваса тэ радынаспэ Тырэ зракхибнастыр, и амэ чхуваса амарэ сцяги амарэ Дэвлэскирэ лавэса. Мэк Рай Дэвэл тэ сполнинэл сарó, пал со ту мангэса. ⁷ Аканá мэ джинóм, со Рай Дэвэл зракхэла Пэскирэ помакхнэс; Ёв отпхэнэла лэскэ Лэскирэ помакх свэнтонэ Болыбнастыр, Лэскирэ чачунэ-вастэскирэ зорьяса, со зракхэла лэс. ⁸ Вари-савэ патяна дрэ марибнытка вурдэна и вари-савэ дрэ грэндэ, нэ амэ яваса тэ рипирас амарэ Рáскирэ-Дэвлэскиро лав, амарэ Дэвлэскиро. ⁹ Ёнэ бандинэ тэлó и пынó; нэ амэ уштыям и сам тэрдэ мамуй (прямэс). ¹⁰ [р.с.] Раё Дэвла! Кэр, соб (кай) крáli тэ лэл упралыпэн дро марибэн. Шун амэн, кэли амэ кхараса Тут.

Шэро 21

[20-р.с.] ¹ Хороскирэ Дирижороскэ. Давидоскиро Псальмо.

² О крáli радынэлапэ Тырэ зоралыпнастыр, о Раё Дэвла, и ёв исын древáн лошало (весёло) зракхибнаса Тұтыр. ³ Ту дыян лэскэ сарó, со лэскиро илó камдя, и Ту на отпхэндянпэ долэстыр, со лэскирэ ушта мангнó. Сэла. ⁴ Пал-дова со Ту прилыян лэс бахтякирибнаса ваш

лачхипэн; Ту уридян вянка (корона) чачунэ сувнакастыр пэ лэскиро шэрó. ⁵ Ёв мангдэ джибэн Тўтыр, – Ту дыян лэскэ длэнго джибэн пэ сарэ веки. ⁶ Лэскири слава исын бари, пал-дова со Ту зракхцян лэс; Ту дыян лэскэ патыв и бари слава. ⁷ Пал-дова со Ту бахтякирдян лэс пэ сарэ веки; Ту обрадындян лэс радымаса, со Ту сан лэса. ⁸ Пал-дова со, крáli патяла дрэ Растэ-Дэвлэстэ и пир Най Вучэдэрэскири ласка ёв ячэлапэ пэ трóно. ⁹ Тырó васт доджала кэ сарэ лэскирэ вэрги; Тырó чачó васт ухтылэла сарэн, кон бидыкхэла Тут. ¹⁰ Ту кэрэса лэндыр хачкирдо бов ягаса, сыр Ту явэса; Раё Дэвла накхавэла лэн дрэ Лэскири холы и яг хала кэ хась лэн. ¹¹ Ту хасякирэса лэнгирэ чхаворэн, кон исын пэ пхув, и одолэн, кон джала пал лэндэ манушэндыр. ¹² Пал-дова со ёнэ зракирдэпэ тэ кэрэн чорипэн Тўкэ; ёнэ обмеркиндлэ пэскирэ фуй мысли; савэ ёнэ на дэна рада тэ кэрэн, ¹³ пал-дова со Ту рискирэса кэ ёнэ думэса; Ту рискирэса марибнётка бустя (стрэлы) пэ Пэскиро лўко пэ лэнгирэ муя. ¹⁴ [р.с.] Тэ явэл Тўкэ бари патыв, Раё Дэвла, пал Тырó зоралыпэн; амэ яваса тэ багас и тэ шарас тырй зор.

Шэрó 22

[21-р.с.] ¹ Хорóскирэ Дирижорóскэ. Пэ злóко (рэнко), ангил, сыр Дывэсёла. Давидóскиро Псáлмо.

² Миро Дэвла, Мро Дэвлалэ! Сóскэ Ту мэкцян ман, сóскэ Ту сан дурал тэ дэс васт мánгэ, кэли Мэ дава гондэ (ўздыхинава) пхарипнастыр. ³ О, Миро Дэвла! Мэ дава гóдла дывэсэ, нэ Ту на отпхэндян мánгэ, и раты – нанэ спокóе мánгэ. ⁴ Нэ Ту сан Свэнто, Ту сан бэштó пэ Израилёскиро трóно сыр Крáli. ⁵ Амарэ дада патяндынэ дрэ Тўтэ; ёнэ патяндынэ и Ту зракхцян лэн. ⁶ Ёнэ дынэ гóдла кэ Ту тэ помогинэс, и ёнэ сыс зракхнэ. Ёнэ патяндынэ дрэ Тўтэ, и ёнэ на сыс ладжакирдэ. ⁷ Мэ сом кирмо, а на сом манўш; манушá холямэс обракирэна ман, манушётка нáцыи гинэна ман пал блáта. ⁸ Сарэ, кон бидыкхэла ман, санапэ холямэс мánдыр; ёнэ кунякирэна (качынэна) шэрэнца и ракирэна: ⁹ “Ёв допатяндэ пэскиро джибэн Рáскэ-Дэвлэскэ, мэк Ёв тэ подэл васт лэскэ бидатыр: мэк Ёв тэ зракхэл лэс, пал-дова со Ёв радынэлапэ Лэса.” ¹⁰ Нэ дава ж сан Ту, Кон выльа ман дáкирэ лочовятыр (пэрэстыр), дава Ту чхудян ман тэ явав куч пашыл дáкирэ цюця. ¹¹ Мэ сóмас отдынó Тўкэ тэды, кэли мэ лахтёмпэ, Ту сан миро Дэвл дáкирэ пэрэстыр. ¹² На яв дур мánдыр, сыр мэ пиридживава, сыр нанэ никон тэ дэл васт мánгэ. ¹³ Бут вэрги сыр гурува тэрдинэ трусцýл мánдэ; зоралэ гурува Васаностыр обштадэ ман. ¹⁴ Ёнэ пораде пэскирэ муя пэ мánдэ, сыр шчэрá (левы), со исын галка (корысна) тэ роскушэн. ¹⁵ Мэ вычхудём пэскири зор сыр панй, и сарэ мирэ кокалы роспынэпэ пэ котэрá, миро илó исын сыр мом, со розбиладэ адрал миро кужум (желудко). ¹⁶ Мирй зор вышутия сыр котэр глэатыр (глинатыр), и Мирй чиб прилипниндэ кэ мирэ жанды. Ту чхудян ман дрэ мэрибнаскири блáта. ¹⁷ Пал-дова со джукэла обгинэ трусцýл мánдэ; хевра чорэ-манушэнгири обгия ман ригэндыр; ёнэ пропхусадэ мирэ вастá и гэрá. ¹⁸ Мэ погинава сарэ мирэ кокалы; вэргарья ж дыкхэна, ёнэ путравэна якхá пэ мánдэ. ¹⁹ Ёнэ роскэрэна мирэ йди (ризы) машкёр пэстэ, ёнэ чхурдэна жрэбиё пэ мирэ урибэнá. ²⁰ Раё Дэвла! Ту на дурьёв мánдыр – Зоралыпэн миро, яв сыгэдыр тэ дэл васт мánгэ! ²¹ Зрáкх миро ди курталáтыр, миро екхоро джибэн джуклэнгирэ лапэндыр. ²² На домэк ман кэ шчэрэнгирэ пасти; вылэ ман бусонэ (диконэ) гурувэнгирэ шингэндыр (рогэндыр). ²³ Мэ явава тэ выпхэнав Тырó лав мирэ пшалэнгэ, Мэ явава тэ шарав Тут машкирал манушэндэ, савэ скэдэнапэ тэ клонинэнпэ патываса Тўкэ. ²⁴ Тумэ, савэ дарэна Рáстыр-Дэвлэстыр, клонинэнпэ патываса Лэскэ! Яковóскиро рóдо, славинэн Лэс. Сарó Израилёскиро рóдо, дарэн Лэстыр. ²⁵ Пал-дова со Ёв на дыкхця вучипнастыр, и рисия кэ страдынлэ манушá, кэли сыс пхарó; и Ёв на отрисия лэндыр, нэ кэли ёнэ дынэ гóдла Лэскэ, тэ дэл васт, Ёв шундэ. ²⁶ Мэ явава тэ шарав Тут пэ барó скэдыибэн; мэ кэрáва дова, пал со мэ совлахадём ангил одолэндэ, савэ дарэна Лэстыр. ²⁷ Мэк тэ хан чалэс одолэ, савэ хана мэньки, а одолэ, савэ родэна Рас-Дэвлэс, явэна тэ шарэн Лэс, мэк тэ дживэн тумарэ илэ пэ сарэ веки! ²⁸ Сарэ ягóры (край) пхувьякирэ явэна тэ рипирэн, и тэ рисэн кэ Рай Дэвлэ, и

сарэ Наюдытка рёды поклонинэнапэ патыва́са Тукэ. ²⁹ Пал-дова́ со саро́ кралипён исын Ра́скирэ-Дэвлэ́скиро; и Ёв кралинэла пэ манушы́тка на́цыи. ³⁰ Сарэ́ тхулэ́ барвалыпнастыр пир пхув явэ́на, тэ хан и поклонинэнапэ патыва́са; а сарэ́ одолэ́, савэ́ зджана дро пра́хо, явэ́на тэ бандён шэрэнца ангил Лэ́стэ. ³¹ Манушэ́нгирэ́ рёды, со явэ́на ангил, явэ́на тэ дынаринён Лэ́скэ: мануша́ явэ́на тэ раки́рэн пал Растэ́-Дэвлэ́стэ ваш яви́р рёды. ³² [р.с.] Ё́нэ явэ́на и пхэ́нэна пал лэ́скиро чачипён манушэ́нгэ, савэ́ ишчо (инкэ́) латхэ́напэ, со Ёв кэ́рдя.

Шэро́ 23

[22-р.с.] ¹ Давидо́скиро Пса́лмо.

Раё́ Дэ́вла, миро́ Па́стырё́ (Чхупна́ри); ма́ндэ на явэ́ла трэ́бима ни дро со, ² Ёв чхувэ́ла ман тэ пасё́вав пэ зэлэ́на чарья́ и лыджа́ла ман кэ́ лента (насы́гна) паня́, ³ Ёв зорья́кирэ́ла нэ́вэ́стыр миро́ ди, лыджа́ла ман пир маму́й дроморо ваш Пэ́скиро лав. ⁴ Мэ́к мэ́ джа́ва пир до́ло да́раса кэ́ мэрибэ́н, мэ́ на страха́дэ́вава чорипна́стыр, пал-дова́ со Ту сан ма́нца: Тыро́ кашт и Тыро́ дэ́сто-ё́нэ подри́кирэ́на ман. ⁵ Ту кэ́рэса ска́ми́нд ваш ма́нгэ ангил мирé вэ́ргэ́ндэ; Ту пома́кця́н миро́ шэ́ро оливи́тконэ́ дзэ́тэ́са (але́ёса), миро́ тахта́й (ча́ша) исын пхэ́рдэ. ⁶ Ча́чо, Тыро́ лачхи́пэн и Тыри́ лачхэ́-и́лы́ткима явэ́на ма́нца пэ сарэ́ дывэ́са́ дро миро́ джи́ибэ́н, и мэ́ ява́ва тэ бэ́шав дро Ра́скирэ-Дэвлэ́скиро Кхэ́р пэ ада́кицы́к, ки́цы мэ́ ява́ва тэ джи́ва́в.

Шэро́ 24

[23-р.с.] ¹ Давидо́скиро Пса́лмо.

Сари́ пхув исын Дэ́влэ́скири и саро́, со исын дро свэ́то, исын Лэ́скиро, и сарэ́, кон джи́вэ́ла пэ да́ва свэ́то (лот). ² Пал-дова́ со Ёв чху́дя пхувья́киро фунда́менто, пэ хор мо́ри (дэ́рьява́) и чху́дя да́ва-па́ць пэ паня́. ³ Кон сашты́ тэ джал у́прэ́ пэ Ра́скирэ-Дэвлэ́скиро вучи́пэн? Кон сашты́ тэ тэ́рдэ́л пэ Лэ́скиро свэ́нто ште́то? ⁴ Кодова́, конэ́стэ васта́ исын жу́жэ (чы́ста), конэ́стэ исын лачхо́ ило́. Кон на совлаха́дя пэ́скирэ́ илэ́са ивья́, и кон на совлаха́дя хо́ханэ́с. ⁵ Кодова́ дорэ́сэ́ла бахтя́кирибэ́н Ра́стыр-Дэвлэ́стыр и чачи́пэн Дэ́влэ́стыр, Саво́ зракхэ́ла. ⁶ Да́ва исын одолэ́ мануша́, савэ́ родэ́на Лэ́с, да́ва исын Яко́во́скиро ро́до, кон родэ́ла Тыро́ муй. Сэ́ла. ⁷ Пси́равэ́н (отке́рэн) бу́глэс по́рты тэ явэ́н газды́нэ́ гара́тунэ́ вуда́ра дро Кханги́ри. Славу́тно Кра́ли заджа́ла дрэ́ лэ́ндэ. ⁸ Кон исын Бо́лыбна́скиро Кра́ли? Рай́ Дэ́вэл, Саво́ исын зорало́ и дро зоралы́пэн? Рай́ Дэ́вэл исын зоралы́пнаскиро́ кэ́ мэрибэ́н? ⁹ Пси́равэ́н бу́глэс по́рты! И тэ явэ́н газды́нэ́ вуда́ра дро ве́чно джи́ибэ́н! Бо́лыбна́скиро Кра́ли заджа́ла дрэ́ лэ́ндэ. ¹⁰ Кон исын Бо́лыбна́скиро Кра́ли? Рай́ Дэ́вэл, Саво́ исын пэ бо́лыбна́скирэ́ Янго́лэ́ндэ, Ёв исын Бо́лыбна́скиро Кра́ли. Сэ́ла.

Шэро́ 25

[24-р.с.] ¹ Давидо́скиро Пса́лмо.

Тукэ́, Раё́ Дэ́вла, мэ́ клони́навапэ́ патыва́са. ² О миро́ Дэ́вла! Мэ́ патя́ва дрэ́ Ту́тэ; на домэ́к, соб (кай) тэ́ явэ́л ладжа́во ма́нгэ, соб (кай) мирé вэ́рги (вро́ги) тэ́ на лэ́н вучи́пэн пэ ма́ндэ! ³ Тэ́ на явэ́н ады́кэ-па́ць ладжа́кирдэ́ одолэ́, савэ́ ри́кирэ́на на́де́я пэ́ Ту́тэ. Нэ́ тэ́ явэ́н ладжа́кирдэ́ одолэ́, савэ́ бунту́инэ́на би причы́накиро. ⁴ Раё́ Дэ́вла, сы́ка́в ма́нгэ Тыро́ дро́м, сы́кля́кир ман Тырэ́ чачи́пна́скэ. ⁵ Лы́джа́ ман тэ́ кэ́рав пир Тыро́ чачи́пэн, сы́кля́кир ман, пал-дова́ со Ту сан Дэ́вэл, Саво́ зракхэ́ла; пэ́ Ту́тэ исын на́де́я со дывэ́с ма́ндэ. ⁶ При́рипи́р, Раё́ Дэ́вла, Пэ́скиро танги́пэн и лачхэ́-и́лы́ткима, пал-дова́ со ё́нэ́ джа́на ве́кэ́нца. ⁷ На при́рипи́р, сы́р мэ́ тэ́рнэ́ пха́гирде́м Дэ́влэ́скиро Зако́но и кэ́рдэ́м грэ́хи, пал-дова́ со Ту сан

лaчxo кэ манушá, пририпир пал мáндэ, Раё Дэвла, Тырэ лачхэ-илыткиматыр. ⁸ Рай Дэвлé исын лачхó и чачипнáскиро; палдава́ Ёв явэла тэ сыклякирэн грэхитконé манушэн тэ джáн чачунé дромéса: ⁹ Ёв лыджáла кэ чачипэн одолэн, савé хана мэньки, Ёв сыклякирэла лэн тэ джáн чачунé дромéса: ¹⁰ Рай Дэвлé лыджáла пэскирэ дромéса одолэн, савé прирахэна Лэскиро Зако́но и припхэныбэна́, лачхэ-илыткимаса и чачипна́са. ¹¹ Ваш Тыро́ лав, Раё Дэвла, отмэк мири́ банг, пал-дова́ со ёй исын древáн бари. ¹² Савó исын ману́ш, кон дарéла Рáстыр-Дэвлéстыр! Лэстыр ёв высылéла дром, со лэскэ трэй тэ выкэдэл. ¹³ Лэскиро ди ячэлапэ бахталó, а Лэскирэ чхавэнгэ явэла пхув сыр мэкно́ миштыпэн. ¹⁴ Рай Дэвлé Пэскири сыкавэла гарады ласка одолэнгэ, савé дарэна Лэстыр. Ёв сыклякирэла лэн пал Пэскиро Зако́но. ¹⁵ Мэ кажно мо́ло дыкха́ва пэ Растэ-Дэвлéстэ, пал-дова́ со Ёв вытэрдэла мирé гэрá фэлятыр. ¹⁶ Подыхк пэ мáндэ и тáнгинэ (пожалин) ман, пал-дова́ со мэ сом екхджинó и хава мэньки. ¹⁷ Пхарипэн пэ ило́ яця́ бутэдыр: вылы́джа ман мирé барé дарáтыр. ¹⁸ Подыхк, сыр мэ хава мэньки и пэ мирé дукха́, и отмэк сарé мирé грéхи! ¹⁹ Подыхк, сыр бут исын вэрги пашыл мáндэ, сыр ёнэ бидыхэна ман калé илэса. ²⁰ Прирахк миро ди и зра́кх ман, соб (кай) мэ тэ на явав ладжакирдó, пал-дова́ со мэ гарадэвава пал Түтэ. ²¹ Мэк миро лачхипэн и чачипэн тэ прираххэн ман, пал-дова́ со мáндэ исын надéя пэ түтэ. ²² Зра́кх, Дэвла, Израилё сарé лэскирэ пхарипнэндыр.

Шэро́ 26

[25-р.с.] ¹ Давидóскиро Псáлмо.

Пригалёв миро набангипэн пэ сэндо, Раё Дэвла, пал-дова́ со мэ лыджиём лачхó джиибэн, мэ адя́кэ-паць патяндыём дрэ Растэ-Дэвлéстэ и мэ на обштававаспэ. ² Пропатякир ман, о Раё Дэвла, и спробин ман, жужакир мири́ годы́ и миро ило́. ³ Пал-дова́ со Тыри́ лачхэ-илы́ткима исын ангýл мирé якха́. И мэ дживдём пир Тыро́ чачипэн. ⁴ Мэ на со́мас бэштó хоханé манушэнца, и мэ на со́мас кхэтанé дуемуенгирэнца. ⁵ Мánгэ сыс на пир ило́, кай скэдэнапэ фуй манушá, и мэ на со́мас бэштó кхэтанé фуе́ манушэнца. ⁶ Мэ выморава вастá тэ сыкавав, со мэ на сом бангó, соб (кай) мánгэ тэ обджал трусця́л Тыро́ алта́рё, о Раё Дэвла, ⁷ тэ парикира́в зоралэс Түкэ и тэ пхэна́в пал Тырэ дивна́ бутя́. ⁸ О, Раё Дэвла, мánгэ яця́ пир ило́ гожыпэн, кай Ту дживэса и штéто, кай Тыри́ сла́ва исын. ⁹ На хасякир миро ди кхэтанé грэхитконé манушэнца, ци миро джиибэн кхэтанé одолэнца, савé прочхувэна манушэнгиро рат, ¹⁰ конэскирэ вастá кэрдé биды, и дро конэскиро чачó васт исын бут мыты. ¹¹ Нэ мэ ява́ва тэ лыджав джиибэн; зра́кх ман и тангинэ ман. ¹² Мири́ гэрóй исын тэрды пэ во́рто (роу́но) штéто, мэ ява́ва тэ слави́нав и тэ парикира́в Рáскэ-Дэвлéскэ, кай манушá скэдэнапэ тэ мангэнпэ Дэвлéскэ.

Шэро́ 27

[26-р.с.] ¹ Давидóскиро Псáлмо.

Рай Дэвлé исын миро дуд (свэто́) и Ёв зракхэла ман; конэстыр мánгэ тэ страхадёвав? Рай Дэвлé прираххэла ман Лэскирэ зоралыпна́са; конэстыр мэ тэ дарав? ² Кéли чорé манушá, мирé вэрги и мирé намала явэна пэ мáндэ тэ роскошэн мирé масá, ёнэ обштавэнапэ и пэрэна. ³ Кóли халадэ обджана трусця́л проти мáндэ, миро ило́ на страхадéла; кóли марибэн газдэлапэ пэ мáндэ, мэ усаéкх ява́ва тэ ужакирав лачхипэн Рáстыр-Дэвлéстыр. ⁴ Мэ родавас тэ пхучав Рáстыр-Дэвлéстыр пал екх бахт, соб (кай) мэ тэ бэшав дро Рáскирэ-Дэвлéскиро Кхэр пэ ада́кицы, ки́цы мэ ява́ва тэ дживáв, тэ дыкха́в Рáскирэ-Дэвлéскири шук, и тэ мангавпэ дро Лэскиро Кхэр. ⁵ Дрэ пхарé дывэсá Ёв гаравэла ман дро Пэскиро Штéто, Ёв гаравэла ман дрэ Пэскири гарады Шáтра; Ёв газдэла ман пэ бэрга. ⁶ И ка́канá миро шэро́ явэла газдыно́ вучэды́р мирé вэргэндыр, одолэн, савé исын трусця́л мáндэ, Мэ ява́ва тэ янав

свэнта дыибэна радыматыр дрэ Лэскири Шатра. Мэ явава тэ багав и мэ явава тэ багав марибнйтко гилы Рáскэ-Дэвлэскэ. ⁷ Шун, Раё Дэвла, кэли мэ кхарáва Тут зоралé заняса, тангинэ ман и отпхэн мánгэ. ⁸ Миро илó пхэндя мánгэ: “Рисёв и поклонинпэ патываса (кэр шэрэса патываса) Мánгэ.” Мэ рисёвава тэ родав Тырó муй, Раё Дэвла.” ⁹ На гарадёв, мандыр; на традэ пэстыр Тырэ писхарис дрэ холы. Ту помогиндя мánгэ! На ячкир ман и на мэк ман, Дэвла, Савó зракхэла ман. ¹⁰ Кэли миро дад и мири дай мэкэна ман, усаэкх Рай Дэвэл прилэла ман. ¹¹ Сыклякир ман, О Раё Дэвла, тэ джав Тырэ дромэса и лыджа ман чачипнаскирэ дромэса, пал-довá со бут вэрги дыкхэна цямкэс пал мánдэ. ¹² На ячкир ман пэ мирé-вэргэнгири воля: пал-довá со хоханé якхйтка уштынé проти мánдэ и одовá, кон пхурдэла хоханé холяса пэ мánдэ. ¹³ Нэ мэ патява, со мэ дыкхава Рáскирэ-Дэвлэскиро лачхипэн дро дава джибэн. ¹⁴ Рикирэн надёя пэ Растэ-Дэвлэстэ, явэн муршканé и Ёв зорякирэла Тумаро илó; чачó, рикирэн надёя пэ Растэ-Дэвлэстэ.

Шэрó 28

[27-р.с.] ¹ Давидóскиро Псáлмо.

Мэ дава гóдла кэ Ту, о Раё Дэвла, мири Бэрга, на яв штыл пэ миро кхарибэн. Кóли Ту на отпхэнэса мánгэ, мэ явава сыр кодолé, савé джána тэлé дрэ магила (кула). ² Шун вракхунэс мири зан, кэли мэ мангавапэ Тукэ, сыр мэ дава гóдла кэ Ту, кэли мэ газдава вастá кэ Тырó Свэнто Штэто. ³ На хасякир ман кхэтанé фуé манушэнца, ци савé кэрэна чорипэн; ци савé пэ якхá ракирэна пал рамáнэ пашатунé манушэнца, нэ савэндэ исын чорипэн дро илó. ⁴ Отдэ палэ лэнгэ пир лэнгирэ рэндэ и пир чорипэн, савó ёнэ кэрдэ; пир дова, со лэнгирэ вастá кэрдэ, отплэскир палэ лэнгэ пал лэнгирэ рэндэ. ⁵ Пал-довá со ёнэ на дынэ патыв Рáскирэ-Дэвлэскирэ бутенгэ и одолэскэ, со кэрдэ Лэскирэ вастá, Ёв хасякирэла лэн и бутыр на дэла зор лэнгэ. ⁶ Тэ явэл бахтякирдó Рай Дэвэл, пал-довá со Ёв шундя мири зан, кэли мэ мангдёмпэ Лэскэ. ⁷ Рай Дэвэл исын миро зоралыпэн и миро шчыто; миро илó патяндэя дрэ Лэстэ и Ёв дыя васт мánгэ – пал-довá миро илó обрадындяпэ зоралэс и мэ явава тэ парикирав Лэскэ мирé гияса. ⁸ Рай Дэвэл приракхэла зоралыпнаса Пэскирэ манушэн, и Ёв зракхэла Пэскирэ Помакхнэс. ⁹ Зракх Пэскирэ манушэн и бахтякир Тырó мэкнó миштыпэн, чарав лэн и лыджа лэн пэ сарé вéки.

Шэрó 29

[28-р.с.] ¹ Давидóскиро Псáлмо. Шарэн Рас-Дэвлэс, тумэ, болыбнйтка зоря, шарэн Рас-Дэвлэс пал Лэскири слава и зоралыпэн; ² Шарэн Рас-Дэвлэс пал Лэскиро славúтно лав. Поклонинэнпэ (кэрэн шэрэса) патываса Рáскэ-Дэвлэскэ дро Лэскиро мангипнйтко шукарипэн. ³ Рáскирэ-Дэвлэскири зан исын упрáл пэ паня; Славúтно Дэвэл грукинэла; Рай Дэвэл исын упрáл пэ вучé паня. ⁴ Рáскирэ-Дэвлэскири зан исын зоралыпнаскири, Рáскирэ-Дэвлэскири зан исын райканы. ⁵ Рáскирэ-Дэвлэскири зан пхагирэла кедры; чачó, Рай Дэвэл пхагирэла Ливаноскирэ кедры. ⁶ И Ёв зачхувэла лэн тэ ухтэн сыр целянтос, Ливáно и Сирионо сыр тэрнэ гурувóрэс. ⁷ Рáскирэ-Дэвлэскири зан рокэрэла блискавица ягáса. ⁸ Рáскирэ-Дэвлэскири зан тринскирэла чхучи пхув; Рай Дэвэл триинскирэла чхучи пхув Кадэсоскири. ⁹ Рáскирэ-Дэвлэскири зан зачхувэла миргэн (сернэн) тэ янэн тыкниньконэн, и вэша тэ чхурдэн тэлé патря (лысты) и сарó дро лэскиро штэто дро Болыбнаскиро Раё ракирэла: “Слава!” ¹⁰ Рай Дэвэл исын бэштó упрáл пэ тасадыпнаскиро панинг; чачó, Рай Дэвэл исын бэштó сыр Крáli пэ сарé вéки. ¹¹ Рай Дэвэл дэла зор Пэскирэ манушэнгэ; Рай Дэвэл бахтякирэла Пэскирэ манушэн раманёса (миро́са).

Шэрó 30

[29-р.с.] ¹ Давидóскиро Псáлмо. Гилы, кéли багандлэ, сыр Свэнцындлэ Давидóскиро Кхэр.

² Мэ явáва тэ шарáв Тут, о Раё Дэвла; пал-довá со Ту газдыян ман и на дыян во́ля мирé намалэнгэ тэ радынэнпэ холяса мандыр. ³ О Раё Дэвла, Дэвэл миро, мэ да́ва гóдла кэ Ту тэ помогинэс, и Ту састякирдян ман. ⁴ О Раё Дэвла, Ту вылыджиян миро ди люностыр (адостыр) и Ту зракхцян миро джи́ибэ́н, соб (кай) мэ тэ на джав дрэ маги́ла. ⁵ Бага́н шарибны́тка гиля́ Ра́скэ-Дэвлэ́скэ, о, тумэ сарé Лэскирэ мануша́, и пари́кирэ́н Лэ́скэ, и рипи́рэ́н лэ́скиро Свэ́нто Лачхипэ́н. ⁶ Пал-довá, со Лэскири холы́ исын фэ́ни (то́ка) пэ мэ́нта (минута), а Лэскири ла́ска исын пэ сарó джи́ибэ́н. Ясва сашты́ тэ явэ́н бэ́львэ́лэ, а зло́коса (ран́коса) явэ́ла ра́дыма. ⁷ Мэ пхэндём пэ́скэ дро мишто́ джи́ибэ́н: “Мэ ни́екхвар на пэ́рава.” ⁸ Раё Дэвла, Ту Пэскирэ ласкатыр чхудя́н ман, сыр зоралы́пнаскири бэ́рга тэ тэрдё́вав; нэ́ Ту гарадыян мандыр и мэ́ страхады́ём. ⁹ Мэ ды́ём гóдла кэ Ту, о Раё Дэвла, тэ помогинэс и мэ́ явáва тэ мангавпэ́ Ра́скэ-Дэвлэ́скэ. ¹⁰ Саво́ лачхипэ́н, ко́ли мэ мэ́рава, кéли мэ джа́ва дрэ маги́ла? Ци́ явэ́ла пра́хо тэ шарэ́л тут? Ци́ явэ́ла муло́ тэ ра́кирэ́л пир сарó пал Ты́ро чачипэ́н? ¹¹ Шун, о Раё Дэвла, сыка́в Пэскири ла́ска. О, Раё Дэвла, подэ́ Пэскиро васт тэ зракхэ́с ман. ¹² Ту парудян миро ровибэ́н дро кхэ́лыбэ́н ваш ма́нгэ; Ту злыян миро жало́бно балы́тко гоно́ (врети́шчо) праска́са (пепло́са) и Ту ури́дян ман а́дякэ, со радынэ́ла ман, ¹³ [р.с.] соб (кай) мэ тэ шарáв Тут сарé илэ́стыр и тэ на я́вав шы́л. Раё Дэвла, миро Дэвэл, мэ́ явáва тэ пари́кирэ́в Ту́кэ пэ сарé ве́ки.

Шэрó 31

[30-р.с.] ¹ Хорóскирэ Дирижорóскэ. Давидóскиро Псáлмо.

² Дрэ Ту́тэ, О Раё Дэвла, мэ́ рода́ва гарады́пэ́н, мэ́к мэ ни́екхвар тэ на я́вав ладжа́кирдó: зра́кх ман пир Ты́ро чачипэ́н. ³ Бандё́в и шун ра́кхунэ́с ман: зра́кх ман сы́гэс. При́ракх ман сы́рбы дро зоралы́ скáла, зра́кх ман сы́рбы дрэ баруны́ тва́рдыма (диз). ⁴ Пал-довá со Ту сан ваш ма́нгэ сыр ми́ри скáла и ми́ри баруны́ тва́рдыма (диз). Лы́джа ман и сыка́в дро́м ма́нгэ ваш Ты́ро лав. ⁵ Выты́рдэ ман фэ́лятыр (петля́тыр), со ё́нэ чора́ханэ́с чху́дэ пэ ма́ндэ, пал-довá со Ту сан миро зоралы́пэ́н тэ при́ракхэ́с ман. ⁶ Дрэ Ты́рэ васта́ мэ отда́ва пэ́скиро ду́хо (фа́но): Ту вы́ки́нды́н (зра́кхцян), Раё Дэвла, Ту сан чачипна́скиро Дэвэл. ⁷ Мэ би́дыкха́ва одолэ́н, савэ́ ку́тякирэ́на харты́тка (пу́ста) йдо́лы; а мэ́ ж зоралэ́с патя́ва дрэ Ра́стэ-Дэвлэ́стэ. ⁸ Мэ́ явáва ло́шало (весё́ло) и явáва тэ ра́дынавпэ́ Ты́рэ лачхэ́-илы́ткиматыр; со Ту при́дыкхця́нпэ, сыр мэ́ ха́ва мэ́ньки, со Ту уджи́нды́н, со́стыр миро ди стра́хандё́ла, ⁹ Ту на за́пхандя́н ман дрэ ми́рэ-вэ́ргэ́нгирэ́ васта́: Ту вы́лыджия́н ман пэ́ бугло́ штэ́то. ¹⁰ Та́нгинэ́ (пожа́лин) ман, о Раё Дэвла, пал-довá со мэ́ стра́хадё́вава. Ми́рэ́ якха́ вы́шутинэ́ калы́пна́стыр, миро ди и ми́рэ́ маса́. ¹¹ Миро джи́ибэ́н кончы́нэ́лапэ́ калы́пна́са, и ми́рэ́ бэ́рша́ гонде́нца, ми́ри́ зор ха́сия́ ми́рэ́ чори́пна́стыр и ми́рэ́ ко́калы́ ха́синэ́. ¹² Сарé́ ми́рэ́ намала́ (не́дружи) обра́кирэ́на ман, со аж ми́рэ́ пашатунé́ мануша́, мэ́ сом дара́куно одолэ́нгэ, савэ́ джи́нэ́на ман: кон ды́кхэ́ла ман пэ́ вули́ца (пэ́ га́са), одова́ нашэ́ла ма́ндыр. ¹³ Кажно́ ману́ш би́стырдя́ дро ило́ ман сы́рбы мэ́ сом муло́; мэ́ сом сы́рбы пха́гирды́ пи́ри. ¹⁴ Мэ́ шундём, сыр бут мануша́ бангя́кирэ́нас хоханэ́с ман; тра́шаибэ́н исын тру́сця́л, пал-довá со вэ́рги зра́кирэ́наспэ́ кхэ́танэ́ пэ ма́ндэ; ё́нэ мэ́ркинэ́нас тэ́ замарэ́н ман. ¹⁵ Нэ́ мэ́ зоралэ́с патя́ва дрэ Ту́тэ, о Раё Дэвла. Мэ́ пхэндём: “Ту сан миро Дэвэл.” ¹⁶ Ми́рэ́ дывэ́са́ исын дрэ Ты́ро васт: зра́кх ман ми́рэ́-вэ́ргэ́нгирэ́ вастэ́ндыр и одолэ́н, савэ́ тра́дэ́на ман. ¹⁷ Мэ́к Ты́рэ-моски́ро дуд зя́инэ́ла пэ́ Ты́рэ писха́ристэ́; зра́кх ман пир Ты́ри́ лачхэ́-илы́ткима, ¹⁸ Мэ́к мэ́ тэ на я́вав ладжа́кирдó, о Раё Дэвла; пал-довá со мэ́ кха́ра́ва Тут; мэ́к фуй мануша́ тэ́ явэ́н ладжа́кирдó, мэ́к ё́нэ́ тэ́ явэ́н шы́л дрэ маги́ла. ¹⁹ Мэ́к хоханé́ ушта́ тэ́ цы́цён, кéли ё́нэ́ ра́кирэ́на на́хратэ́с (наха́льнэ́с) пэ́ чачунэ́стэ́, пху́тькири́бны́ткэ́с и би́паты́ва́кирэ́с. ²⁰ Ки́цы́ бут исын Ту́тэ

лaчxипэна, савэ Ту чхудян дрэ риг ваш одолэнгэ, конэстэ исын трашаибён ангил Түтэ; со Ту скэдыян лэн ваш одолэнгэ, савэ зоралэс патяна дрэ Түтэ ангил сарэ манушытконэ чхавэндэ. ²¹ Ту гаравэса лэн дро чорахано штэто, кай Ту Кокорó сан, манушэндыр, савэ зракирэнапэ пэ лэндэ. Ту раххэса лэн дрэ Пэскири гарады шатра кошыбнытконэ чибэндыр. ²² Тэ явэл бахтякирдó Рай Дэвэл, Савó сыкадя Пэскири дивно лачхэ-илыткима дро фóро, саво со халадэ облынэ трусцял! ²³ Мэ пхэндём дро пэскиро конфузо: “Мэ сом чхурдыно криг Тырэ якхэндыр.” Нэ Ту шундян мирí зан, сыр мэ мангдёмпэ Түкэ; кели мэ кхардём Тут тэ помогинэс. ²⁴ Рикирэн сыр Дрогима Рас-Дэвлэс дро пэскиро илó, сарэ лэскирэ манушá, Рай Дэвэл раххэла патяибнаскирэн и пхэрдэс сэндякирэла пхутькирдэн. ²⁵ [р.с.] Явэн муршканэ, и Ёв зорякирэла тумарé илэ – сарэнгэ тумэнгэ, конэстэ исын надéя пэ Растэ-Дэвлэстэ.

Шэрó 32

[31-р.с.] ¹ Давидóскиро Псáлмо. Сыклякирибён.

Бахталó исын кодовá мануш, савэскиро чорипэн исын примангло, конэскиро грэхó исын отмэкно.

² Бахталó исын мануш, конэскэ Рай Дэвэл на загинэла лэскиро фуипэн, конэстэ нанэ хараныпэн (жэлучо) пэ илó. ³ Кели мэ сóмас штыл пал мирé грэхí, мирé кокалы вышутинэ пир миро роибён гонденца и длэнгонэ годлэнца сарó дывэс. ⁴ Со дывэс и рат Тырó васт пэкавэлас пхарэс ман: миро клёко (энергия) пирикэрдяпэ дро шукипэн сырбы дро хачкирдо лынай. Сэла. ⁵ Мэ пригалыём пэскиро грэхó ангил Түтэ, и Мэ на гарадём пэскиро чорипэн Түтыр. Мэ пхэндём: “Мэ явáва тэ пригалёвавпэ ангил Растэ-Дэвлэстэ; кели мэ пхагирава Лэскиро Закóно”, и Ту отмэкэса мирé-грэхоскиро чорипэн. Сэла. ⁶ Палдава кажно дэвлытко мануш явэла тэ мангэлпэ Түкэ дро часо, кели ёв сашты тэ латхэл Тут; чачó, сыр барэ паня росчхувэнапэ, ёнэ на доджана кэ дасаво мануш. ⁷ Ту сан Штэто тэ гарадёвав ваш мánгэ: Ту прираххэса ман пхарипнастыр; Ту обджаса трусцял мánдэ радымакирэ гиленца, со Ту зраххцян Ман. ⁸ Мэ, Рай Дэвэл, явáва тэ сыклякирав тут чачипнаскэ и сыкавáва дром, савэса трэй түкэ тэ джас. Мэ дава годыпэн түкэ, Мирí якх явэла пэ түтэ. ⁹ На яв сыр грай, ци сыр лошако, со лэндэ нанэ “галыибэн, со лэн трэй тэ дэн андрé цуглэнца и саварíса, соб (кай) ёнэ тэ подэмпэ Түкэ. ¹⁰ Фуй мануш бут мóлы пэрэла духóса, нэ кодовá, Савó зоралэс патяла дрэ Растэ-Дэвлэстэ, Рай Дэвэл облэла лачхэ-илыткимаса. ¹¹ Явэн весéла (лошалé) дрэ Растэ-Дэвлэстэ и зоралэс радынэнпэ, тумэ, савэ сан чачипнаскирэ, и сарэ, кон исын чачунó илэса, радынэнпэ зоралэс.

Шэрó 33

[32-р.с.] ¹ Тумэ, сарэ чачипнаскирэ, радынэнпэ и багán Рáскэ-Дэвлэскэ; дава исын миштó, соб (кай) чачипнаскирэ тэ шарэн Лэс. ² Башавэн Рáскэ-Дэвлэскэ пэ гусли тэ парикирэн Лэскэ; багán Лэскэ пэ дэшэ-балытко арфа. ³ Багán Лэскэ нэви гилы; башавэн рáнгирэс и лошалён (радынэнпэ) зоралэс. ⁴ Пал-довá со Рáскирэ-Дэвлэскиро лав исын чачунó, и Ёв кэрэла сарó пир чачипэн. ⁵ Ёв радынэлапэ чачипнастыр и сэндостыр: Рáскирэ-Дэвлэскирэ чачипна́са исын пхэрдý пхув. ⁶ Болыбэн сыс создыно Рáскирэ-Дэвлэскирэ лавэстыр, болыбна́скиро свэто сыс создыно пхурдыпнаса Лэскирэ мóстыр. ⁷ Ёв скэдэла морьенгирэ паня дро екх штэто, Ёв чхувэла паненгиро хорипэн сырбы дрэ кхэлтра (погребо). ⁸ Мэк сарí пхув тэ страхадёл Рáстыр-Дэвлэстыр; мэк сарэ джи́ибна́скирэ пэ пхув тэ издран ангил Лэстэ. ⁹ Кели Ёв пхэндя, и сарó кэрдяпэ; ёв дыя припхэныбён и сарó яця. ¹⁰ Рай Дэвэл на дэла во́ля Наюдытконэ нацыенгэ тэ кэрэн, со ёнэ задуминэна пэскэ: Ёв на домэкэла манушэн тэ кэрэн пир пэскирэ планы. ¹¹ Дэвлэскирэ думы ячэнапэ пэ сарэ ве́ки, лэскиро задумибэн сарэ

родэнгэ. ¹² Бахталы исын нация, конэскиро Дэвэл исын Рай Дэвэл; бахталэ исын мануша, савэн Ёв выкэдыя сыр Пэскирэ чхавэн. ¹³ Рай Дэвэл роздыкхэла болыбнастыр: Ёв дыкхэла сарэ манушытконэ чхавэн. ¹⁴ Ёв дыкхэла пэ сарэ джибнаскирэндэ пэ пхув Лэскирэ штэтостыр. ¹⁵ Ёв чхувэла годы и воля дро лэнгиро ило, Ёв дыкхэла саро, со ёнэ кэрэна. ¹⁶ Ниекх крэли на лэла упралыпэн, коли лэстэ исын бут халадэ, ниекх зоралэ мануш на лэла упралыпэн, коли лэстэ исын бари зор, ¹⁷ Грай исын хартытко (напрочно) надэя тэ явэс бидаракиро; лэскиро баро зоралыпэн на могинэла тэ зракхэл. ¹⁸ Чачэс, Рэскирэ-Дэвлэскири якх исын пэ одолэндэ, савэндэ исын трашаибэн ангил Лэстэ и пэ одолэндэ, конэстэ исын надэя пэ Лэскири лачхэ-илыткима, ¹⁹ со Рай Дэвэл зракхэла Лэнгиро ди мэрибнастыр и Ёв явэла тэ раххэл лэн джидэнца, сыр явэла бокх. ²⁰ Амаро ди рикирэла надэя пэ Растэ-Дэвлэстэ; Ёв дэла васт амэнгэ и Ёв исын амаро шчыто. ²¹ Амаро ило явэла тэ радынэлпэ Лэстыр, пал-довá со амэ зоралэс патяса дро лэскиро свэнто лав. ²² Мэк тэ явэл Тыри лачхэ-илыткима пэ амэндэ, о Раё Дэвла, со амэ ужакираса лачхипэн Түтыр.

Шэрó 34

[33-р.с.] ¹ Давидóскиро Псáлмо, кэли Ёв парудя пэс пэ бигодякирэ Манушэстэ ангил Авимелехостэ, саво традыя лэс криг и Давидо гия пэскэ.

² Мэ явава тэ славиав, тэ парикирав Рэскэ-Дэвлэскэ саро часо, мэ явава ўсады/сак (усегда) тэ шарав Лэс мирэ уштэнца. ³ Миро ди явэла тэ шарэлпэ Раса-Дэвлэса. Мануша, савэ хана мэньки, шунэна пал дава и явэна тэ радынэнпэ. ⁴ Шарэн и славинэн Рас-Дэвлэс манца, яваса кхэтанэ тэ барьякирас Лэскиро лав. ⁵ Мэ мангдёмпэ Рэскэ-Дэвлэскэ и Ёв отпхэндя мангэ, и Ёв зракхця ман мирэ трашаибэндыр. ⁶ Ёнэ, савэ страдынлэ, дыкхнэ пэ Лэстэ и ёнэ зяиндлэ радыматыр, и лэнгирэ муя на сыс ладжакирдэ. ⁷ Чорорó мануш кхардя Лэс и Рай Дэвэл шундя, и зракхця лэс сарэ лэскирэ пхарипнэндыр. ⁸ Лэскиро Янгóло обджала трусцял и раххэла сарэн, конэстэ исын трашаибэн ангил Растэ-Дэвлэстэ и зракхэла лэн. ⁹ Шунэн, соб (кай) тэ уджинэн, сыр Рай Дэвэл исын лачхó; тэ явэл бахтякирдó адава мануш, кон гарадэла пал Лэстэ. ¹⁰ О, тумэ свэнта, мэк тэ явэл трашаибэн тумэндэ ангил Растэ-Дэвлэстэ, пал-довá со одолэндэ, савэндэ исын трашаибэн ангил Лэстэ, на явэла трэбима ни дро со. ¹¹ Тэрнэ шчэрорэндэ (левицэндэ) исын трэбима и ёнэ хана мэньки бокхатыр, нэ одолэ манушэндэ, савэ гарадэна пал Растэ-Дэвлэстэ, на явэла трэбима ни дро со. ¹² Явэн, мирэ чхавалэ, шунэн ман. Мэ сыклякирава тумэн пал дова, соб (кай) тэ явэл дасаво трашаибэн ангил Растэ-Дэвлэстэ. ¹³ Конэскэ исын дрóго джибэн и конэскэ исын дрóго тэ дыкхэл лачхэ дывэса? ¹⁴ То обрикирэс пэскири чиб фуэ лавэндыр и пэскирэ ушта хоханэ лавэндыр; ¹⁵ рахх пэс тэ кэрэс фуипэн, кэр лачхипэн; рóдэ рамáнэ (миро) и прилэ зор тэ латхэс Лэс. ¹⁶ Рэскирэ-Дэвлэскирэ якхá дыкхэна пал чачипнаскирэ манушэндэ, и лэскиро кан исын отпхандло, сыр ёнэ дэна гóдла кэ Ёв. ¹⁷ Рай Дэвэл отрискирэла Пэскиро муй одолэндыр, кон кэрэла чорипэн, соб (кай) тэ отчингирэлпэ рипирибэн пал лэндэ пхувьятыр. ¹⁸ Патяибнаскирэ мануша кхарэна Рас-Дэвлэс и Ёв шунэла, И Ёв зракхэла лэн сарэ лэнгирэ пхарипнастыр. ¹⁹ Рай Дэвэл исын пашыл одолэндэ, савэндэ исын пхаро пэ ило, и Ёв зракхэла одолэн, кон дандырэла пэскиро ило пал грэхó. ²⁰ Чачипнаскирэ мануша страдынэна бут, нэ Рай Дэвэл помогинэла лэнгэ дро саро дава. ²¹ Ёв раххэла сарэ лэскирэ кокалы, ниекх лэндыр исын на пхагно. ²² Фуипэн мулякирэла фуэ манушэн, и одолэ, савэ бидыкхэна чачипнаскирэн, пэрэна тэл кáра. ²³ [р.с.] Рай Дэвэл зракхэла лэскирэ-дынарьенгирэ дия и одолэ, савэ гарадэна пал Лэстэ, на явэна бангэ.

Шэрó 35

[34-р.с.] ¹ Давидóскиро Псáлмо.

О тэрдёв дро миро рэндо, Раё Дэвла, одолэнца, савё чингардэнапэ мánца; джa марибнаса пэ одолэндэ, савё марэнапэ мánца. ² Лэ шчыто и саструны зброя (латы), ушты и яв тэ дэс васт мánгэ. ³ Газдэ куртала (мечо) и тэрдёв пэ дром одолэндэ, савё традэнапэ пал мánдэ. Пхэн мирé дескэ: “Мэ зракхава тут.” ⁴ Мэк одолэ, савё родэна миро ди, тэ явэн ладжакирдэ и тэ на явэл патыв лэнгэ. Мэк ёнэ тэ рисён палэ и тэ пэрэн екх пэ екхэстэ-одолэ, кон зракирэлапэ проти мánдэ. ⁵ Мэк ёнэ тэ явэн сыр чхучо пхус тэл балвал, и мэк Рáскирэ-Дэвлэскиро Янгóло тэ традэла криг лэн. ⁶ Мэк лэнгиро дром тэ явэл цямло и склизко, и мэк Рáскирэ-Дэвлэскиро Янгóло тэ явэл тэ традэлпэ пал лэндэ. ⁷ А кóли ёнэ гарадэ лэнгири фэлы пэ мánдэ дрэ ганбйн, савй ёнэ выганадэ ни палсó, ⁸ мэк тэ явэл хасибён пэ кадасавэ манушэстэ, соб (кай) ёв тэ на джинэл и мэк дая фэлы тэ ухтылэл лэс кокорэс, со ёв гарадя; мэк ёв тэ пэрэл пэ хасибён. ⁹ И миро ди явэла обрадындо Рáстыр-Дэвлэстыр. Мирó ди явэла тэ радынэлпэ Рáстыр-Дэвлэстыр, Савó зракхця ман. ¹⁰ Сарé мирé кокалы сырбы пхэнэна кхэтанé мánца: “Раё Дэвла, кон жа исын дасаво, савó подджала пэ Тýtэ. Ту зракхэса бизорьякирэ манушэс одолэстыр, кон исын зоралэдыр лэстыр; Ту зракхэса одолэс, савó халá дукхá и савэс тасавэна; кодолэс, савó исын дрэ трэбима одолэстыр, кон чорэла лэстыр.” ¹¹ Начачунэ якхйтка (свидетели) газдэна проти мánдэ, ёнэ допхучэна мánдыр пал дова, со мэ на джинóm (на джинав). ¹² Ёнэ отдэна палэ чорипнаса пал миро лачхипэн; ёнэ янэна калыпэн мирé дескэ. ¹³ Нэ кели ёнэ сыс насвалэ, мэ сóмас уридо дро дзарано гонó праскаса (пеплоса); мэ тэлякирдём пэскиро ди постоса и миро мангипэн Дэвлэскэ рисия кэ миро ило. ¹⁴ Мэ лыджиём пэс сырбы дава сыс миро друго (мал) ци миро пшал, мэ сóмас сыр мануш, савó ровэла пал датэ; Мэ бандякирдём шэрó сыр одова, кон ровэлас пал датэ. ¹⁵ Нэ кели мэ лангандыём, ёнэ обрадынлэпэ и скэдынэпэ кхэтанэ: холямэ плёткарья скэдынэпэ пэ мánдэ. Мэ на джинóm, сóскэ ёнэ пхалькирэнас (понижынэнас) ман и на пириячэнас. ¹⁶ Ёнэ скрежынэнас дандэнца пэ мánдэ кхэтанэ одолэнца, савё сáнас холямэс мánдыр. ¹⁷ О, Раё Дэвла! Сыр гарá Ту явэса тэ на дыкхэс пэ дава? Зракх миро ди хасибнастыр лэнгирэ вастэндыр, миро екхоро диёро шчэрэндыр (левэндыр). ¹⁸ Мэ явава тэ парикирав Тýкэ пэ барó скэдыибён, мэ явава тэ шарав Тут ангил бутэ манушэндэ. ¹⁹ Мэк мирé вэрги тэ на радынэнпэ холяса мánдыр, кели исын намишто мánгэ, мэк одолэ, савё бидыкхэна ман, тэ на марэн якхаса пэ мánдэ. ²⁰ Ёнэ на ракирэна, сыр лэнгэ трэй рамáнэ; нэ ёнэ придуминэна хоханэ лавá пэ одолэндэ, савё дживэна штылэс пэ дая пхув. ²¹ Ёнэ роспутравэна буглэс пэскирэ муя пэ мánдэ, и ракирэна: “Гáда, гáда! Амарé якхá дыкхнэ дава.” ²² Ту дыкхцян дава, Раё Дэвла. На яв штыл, Раё Дэвла, на дурьёв мánдыр. ²³ Джангадэв и ушты Кокорó тэ затэрдёс пэ миро сэндо пал миро рэндо, миро Дэвла и миро Рай Дэвэл. ²⁴ Сэндякир ман пир Тырó чачипэн, и на домэк, соб (кай) ёнэ тэ радынэнпэ холяса мánдыр, кели исын намишто мánгэ. ²⁵ Мэк ёнэ тэ на ракирэн дро пэскиро ило: “Гада! Лэскиро исын амарó.” Мэк ёнэ тэ на ракирэн: “Амэ проглытындям (накхадям) лэс.” ²⁶ Мэк ёнэ тэ явэн ладжакирдэ и тэ пэрэн екх пэ екхэстэ-одолэ, савё радынэнапэ чорипнастыр; мэк тэ урьен ёнэ пэ пэстэ ладж и бипатыв, кон газдэла пэс шарибнаса пэ мánдэ. ²⁷ Мэк тэ радынэнпэ зоралэс и тэ явэн весэла (лошалэ) одолэ, савё древан мангэна, соб (кай) мэ тэ явав бибангипнаскиро, мэк ёнэ тэ ракирэн ўсады (сак): “Мэк тэ явэл газдынó шарибён Рáскэ-Дэвлэскэ, Савó жычынэла кучипэн Пэскирэ писхарйскэ.” ²⁸ И мирй чиб явэла тэ ракирал пал Тырó чачипэн, и явэла тэ шарэл Тут со дывэс.

Шэрó 36

[35-р.с.] ¹ Хорóскирэ Дирижорóскэ. Давидóскиро Псáлмо, Рáскирэ-Дэвлэскиро Писхáри.

² Кели фуй мануш кэрэла чорипэн, лэскиро ило сырбы ракирэла мирé илэскэ: “На трэй мирé якхэнгэ тэ дарэн Дэвлэстыр.” ³ Пал-дова со ёв шарэла пэс хоханэ лавэнца, ёв сырбы родэла пэскиро чорипэн, хай, дава выкхарэла холы дрэ лэстэ. ⁴ Лэскирэ-москирэ лавá исын налачхэ и хоханэ; ёв пирияця тэ явэл годó и тэ кэрэл лачхипэн. ⁵ Ёв придуминэла чорипэн, кели ёв исын паштó пэ пэскиро чхуибён, ёв исын тэрдó пэ náлaчxo дром, ёв на ячэла джунгалó

(брыдинэла) чорипнастыр. ⁶ Раё Дэвла! Тыры лачхэ-илыткима доджала кэ болыбэн, и тыро патяибэн исын аж кэ облоки. ⁷ Тыро чачипэн-дава исын сыр Дэвлэскирэ бэрги. Ту сэндякирэса чачунэс манушэн, сыр хор исын мөрё (дэрьяв). Ту зраххэса манушэн и мурдалэн. ⁸ Сыр дроого исын Тыры лачхэ-илыткима, о Раё Дэвла! И манушытка чхавэ гарадёна дрэ зэр (тень) Тырэ пхакэндэр. ⁹ Ту чалякирэса лэн барвалэ скаминдэстыр дро Тыро кхэр, Ту дэса тэ пьен лэнгэ рэкатыр (лэнятыр) Пэскирэ кучонэ миштыпнастыр. ¹⁰ Пал-дова со Ту сан Екх, Кон дэла джиббэн сарэскэ, Тыро дуд дэла дуд амарэ джиббнаскэ. ¹¹ Мэк тэ явэл бутэдыр Тыры латхэ-илыткима пэ одолэндэ, савэ джинэна Тут, мэк тэ явэл бутыр Тыро чачипэн одолэнца, конэстэ исын чачипнаскирэ илэ. ¹² На домэк, соб (кай) пхутыкирдэ мануша тэ чхувэн пэскири гэрóй пэ мандэ, соб (кай) фуй мануша тэ традэн ман пэскирэ вастэнца. ¹³ [р.с.] Дыххэн! Пынэ одолэ, савэ кэрэна чорипэн и на могоинэна тэ уштэн.

Шэрó 37

[36-р.с.] ¹ Давидóскиро Псáлмо.

На дэ якхалó (на завидын) зоралэс одолэнгэ, савэ кэрэна чорипэн, на зэвлын (на рэвнин) кодолэнгэ, кон кэрэла пэфроми фуипэн, ² пал-дова со ёнэ зашутёна сыр чар, и ёнэ мурдалёна (завянинэна) сыр зэлэны раслина. ³ Допатя Рáскэ-Дэвлэскэ и кэр лачхипэн, джив пэ пхув и приракх чачипэн. ⁴ Бахталёв куч миштыпнаса Рáстыр-Дэвлэстыр, соб (кай) Ёв тэ дэл тумэнгэ, со тыро илó дрéвáн ужакирэла. ⁵ Допатя пэскиро Рáскэ-Дэвлэскэ и гарадэв пал Лэстэ и Ёв кэрэла сарó, ⁶ И Ёв вылыджала тыро чачипэн пэ дуд (свэто) тэ зяинэл, и тыро патяибэн сыр кхам дро паш-дывэс. ⁷ Яв шытл (спокóйно) ангил Растэ-Дэвлэстэ, ужакир, пака Рай Дэвэл затэрдэла, на холясов зоралэс пэ одолэстэ, савэскэ исын миштó тэ дживэл, и пэ одолэстэ, кон думинэла тэ кэрэл фуипэн. ⁸ Ракх пэс дрэ риг холятыр и ячкир холякирибэн, на хачов холяса тэ кэрэс чорипэн. ⁹ Одолэн, савэ кэрэна чорипэн, на явэла сыг, а кодолэ, савэ ужакирэна Рас-Дэвлэс, дорэсэна пхув сыр дарó. ¹⁰ Ишчо náбут, и на явэла одолэн, савэ кэрэна фуипэн. Дыххэна náбут пэ лэнгиро штэто и нанэ лэн. ¹¹ А ковлэ-илытка мануша дорэсэна пхув сыр дарó, и ёнэ явэна тэ бахталён раманёстыр (миростыр), со на кончынэлапэ. ¹² Фуй мануш думинэла фуипэн пэ чачунэстэ и скрежынэла дандэнца пэ лэстэ. ¹³ Рай Дэвэл салапэ лэстыр, пал-дова со фуё-манушэскиро дывэс явэла сыгэс ваш хашибэн. ¹⁴ Фуй мануша вытырдынэ пэскири куртáла и бандякирдэ пэскиро лúко тэ дэн карье, соб (кай) тэ равэн чорорэн и одолэн, савэ страдынэна, соб (кай) тэ замарэн одолэн, кон джáла пир чачипнаскиро дром: ¹⁵ лэнгири куртáла промарэла лэнгиро илó и лэнгирэ луки пхадёна. ¹⁶ Довá náбут, со исын чачунэ манушэстэ, фэдýр барвалыпнастыр, со исын фуё манушэндэ; ¹⁷ пал-дова со лэнгирэ мардытка явэна пхaгирдэ, а Рай Дэвэл подрикирэла чачунэ манушэн. ¹⁸ Рай Дэвэл дыкхэла пал бидошэнгирэ манушэндэ и лэнгиро миштыпэн явэла пэ сарé вéки: ¹⁹ ёнэ на явэна ладжакирдэ дрэ пхарé дывэсá, ёнэ явэна чалэ дрэ бокхалэ бэршá. ²⁰ Нэ фуй мануша хасёна и Рáскирэ-Дэвлэскирэ вэрги сыр фэлдакиро шукарипэн, сыр тхув хасёна. ²¹ Фуй мануш лэла ловé дро длуго и ниéкхвар на дэла палэ, чачипнаскиро мануш тангинэла (жалинэла) и дэла. ²² Пал-дова, со одолэ, савэн Дэвэл бахтякирдэ, лэна пхув сыр мэкнó миштыпэн, а одолэ, савэн Дэвэл прокосця, явэна вычхурдынэ тэ хасён. ²³ Рай Дэвэл зорьякирэла манушэс тэ штáвэл пирэнца (стопэнца), Ёв дрéвáн радынэлапэ, сыр адава мануш дживэла: ²⁴ мэк ёв и обштавэлапэ, нэ сароекх ёв на явэла чхурдынó тэ хасёл, пал-дова со Рай Дэвэл подрикирэла Лэс пал васт. ²⁵ Мэ сóмас тэрнó и каканá мэ сом пхурó и мэ ниéкхвар на дыкхцём, соб (кай) Рай Дэвэл тэ мэкэл чачунэ манушэс, ци соб (кай) лэскирэ чхаворé тэ мангэн марó сыр бóги. ²⁶ Ёв жалинэла и дэла дро длуго (вужлыпэн) манушэнгэ, а лэскирэ чхаворé исын бахтякирдэ. ²⁷ Рисёв криг чорипнастыр и кэр лачхипэн, и ту явэса тэ дживэс манушанэс пэ пхув; ²⁸ пал-дова со Рáскэ-Дэвлэскэ исын дроого чачипэн и Ёв на мэкэла Пэскирэ дэвлытконэн. Ёв усады (сак) раххэла лэн, а фуё-манушэнгирэ чхаворé явэна чхурдынэ тэ хасён. ²⁹ Чачунэ мануша дорэсэна пхув сыр мэкнó миштыпэн и явэна тэ дживэн пэ латэ сарé вéки. ³⁰ Годьварé-манушэскиро муй ракирэла годыпэн и лэскири чиб ракирэла

чачипэн, ³¹ лэскирэ-Дэвлэскиро Зако́но исын дро лэскиро ило́, лэскирэ пирэ́ (сто́пы) на обштавэнапэ́ (слизнинэнапэ́). ³² Фуй ману́ш дыкхэла́ цямкэс пал чачунэ́ манушэ́стэ́ и родэ́ла тэ́ замарэл лэс: ³³ Рай Дэвэл на ячкирэ́ла чачунэ́с дрэ́ лэскирэ́ васта́, Ёв на дэ́ла тэ́ бангякирэ́н лэс, кэ́ли ёв явэ́ла пэ́ сэ́ндо. ³⁴ Рикир на́де́я пэ́ Растэ́-Дэвлэ́стэ́ и приракх Лэ́скирэ́ упхэ́ныбэ́на́ и Ёв барья́кирэ́ла кэ́ вучипэн тут, соб (кай) ту тэ́ прилэ́с пхув сы́р мэ́кно́ миштыпэ́н: ту дыкхэ́са, кэ́ли фуй ману́ша́ явэ́на чхурды́нэ́ тэ́ хасэ́н, ³⁵ Мэ́ дыкхце́м фуе́ манушэ́с барэ́ зорья́са, саво́ розбарьё́ласпэ́ сы́рбы́ зэлэ́но кашт (дрэ́во) пэ́ пэ́скири куч пхув: ³⁶ нэ́ явдя́ часо́ лэ́скиро и, га́да, нанэ́ буты́р лэс. Мэ́ родавас лэс и на латхё́м. ³⁷ Придыкхпэ́ ваш примéро (сы́каи́бэ́н) кэ́ бидошэ́нгиро ману́ш и дыкх пэ́ чачунэ́ манушэ́стэ́, пал-дова́ со шты́лэ́ манушэ́стэ́, саво́ ты́рдэлапэ́ кэ́ рама́нэ́ (миро), явэ́на патомки. ³⁸ Одолэ́, савэ́ пхагирэ́на Дэвлэ́скиро Зако́но, явэ́на муля́кирдэ́ кхэ́танэ́, а чорэ́-манушэ́нгирэ́ чхаворэ́, явэ́на чхурды́нэ́ тэ́ хасэ́н. ³⁹ Рай Дэвэл зракхэ́ла чачипна́скирэ́ манушэ́н: Ёв дэ́ла зор лэ́нгэ́, кэ́ли исын пха́ро. ⁴⁰ И Рай Дэвэл дэ́ла васт лэ́нгэ́ и зракхэ́ла лэ́н: Ёв вы́тырдэ́ла лэ́н фуе́ манушэ́ндыр и зракхэ́ла лэ́н, пал-дова́ со ё́нэ́ гара́дёна пал Лэ́стэ́.

Шэ́ро 38

[37-р.с.] ¹ Давидо́скиро Пса́лмо. Манушэ́нгэ́ тэ́ рипи́рэ́н.

² О, Раё́ Дэ́вла, на бангя́кир ман дрэ́ Пэ́скири холы́, на сы́кля́кир ман хо́лякирибна́са. ³ Пал-дова́ со Ты́рэ́ марибны́тка бустя́ (стрéлы) прома́рдэ́ ман и Ты́ро́ васт тасавэ́ла пха́рэс пэ́ ма́ндэ́. ⁴ Нанэ́ лачхо́ штéто дро ми́рэ́ маса́ пал Ты́ри́ холы́, нанэ́ састэ́ кока́лы ма́ндэ́ пал ми́ро грéхо. ⁵ Пал-дова́ со ми́ро чори́пэ́н бария́ вучэ́дыр ми́рэ́ шэ́рэстыр; ёв исын сы́р пха́ро га́мо, со тасавэ́ла зоралэ́с пэ́ ма́ндэ́. ⁶ Пал ми́ро ды́лныпэ́н ми́рэ́ фра́нсы (раны) кхандэ́на и кирне́на. ⁷ Ма́нгэ́ исын пха́ро, мэ́ сом бандь́кирдо вучэ́дыр мераты́р, Мэ́ пси́рава и рова́ва са́ро дывэ́с. ⁸ Ми́рэ́ трушу́ла (пая́сни́ца) дукхана́ яга́са, нанэ́ састо́ штéто дрэ́ ми́рэ́ маса́. ⁹ Мэ́ на́шаде́м пэ́с, мэ́ сом пха́гирдо́, со нанэ́ буты́р; мэ́ да́ва гондя́ годла́са пха́рипна́стыр пэ́ ми́ро ило́. ¹⁰ Ми́ро Раё́ Дэ́вла, анги́л Ту́тэ́ дова́, со ма́нгэ́ исын пир ило́, Ту́тыр исын на гара́до́, сы́р мэ́ да́ва гондя́ (узды́хинава). ¹¹ Ми́ро ило́ марэ́лапэ́ дукханэ́с, ми́ри зор мэ́кэ́ла ман; аж ми́рэ́ якха́ на дыкхэ́на буты́р яснэ́с. ¹² Ману́ша́, савэ́нгэ́ со́мас дро́го мэ́, и ми́рэ́ дру́ги (мала́) исын тэ́рдэ́ криг ми́рэ́ дукхаты́р, ми́рэ́ сэ́мэ́нцы ду́рьёна ма́ндыр. ¹³ И одолэ́, савэ́ родэ́на ми́ро ди́ тэ́ хася́кирэ́н, чхувэ́на фэ́ля́ тэ́ ухты́лэ́н; и ко́долэ́, савэ́ родэ́на чори́пэ́н пэ́ ма́ндэ́, ра́кирэ́на пал ми́ро ха́сибэ́н, и ё́нэ́ пхэ́рдэ́ дывэ́сэнца́ россэ́ндинэ́на пал хо́хаибэ́н пэ́ ма́ндэ́. ¹⁴ Нэ́ мэ́ сом сы́р кашу́ко, мэ́ ничы́ на шу́нава, и мэ́ сом сы́р лало́ ману́ш, кон на отпхандэ́ла пэ́скиро муй. ¹⁵ И мэ́ сом сы́р ману́ш, саво́ на шу́нэ́ла, и савэ́скири чи́б на дэ́ла ра́да тэ́ отпхэ́нэл. ¹⁶ Нэ́ Мэ́ ужа́кирава лачхи́пэ́н Ту́тыр, Раё́ Дэ́вла, Ту отпхэ́нэ́са ма́нгэ́, Раё́ Дэ́вла, Дэ́влэ́ ми́ро! ¹⁷ И мэ́ пхэ́нде́м: “Мэ́к тэ́ на ра́дынэ́нпэ́ одолэ́, кэ́ли ми́ри гэ́ро́й обшта́вэлапэ́. ¹⁸ Мэ́ сы́г пэ́рава́ и ми́ри́ дукх ни́е́кхвар на мэ́кэ́ла ман. ¹⁹ Пал-дова́ со мэ́ при́джи́нава ми́ри́ банг, ми́ри́ годы́ пха́де́ла пал ми́ро грéхо. ²⁰ Нэ́ ми́рэ́ вэ́рги исын джи́дэ́ и зоралэ́, и исын дасавэ́, савэ́ би́дыкхэ́на ман ни́ палсо́: ²¹ да́ва исын ё́нэ́, кон отдэ́ла палэ́ чори́пна́са пал ми́ро лачхи́пэ́н; пал-дова́ со мэ́ рода́ва джи́до́ лачхи́пэ́н. ²² О, Раё́ Дэ́вла, на мэ́к ман! О, Ми́ро Дэ́вла, на ду́рьёв ма́ндыр. ²³ [р.с.] Яв сы́гэ́дыр тэ́ дэ́с васт ма́нгэ́, о Ми́ро Раё́ Дэ́вла, Саво́ зракхэ́ла ман.

Шэ́ро 39

[38-р.с.] ¹ Хоро́скирэ́ Ди́рижоро́скэ́. Иди́фимоскэ́ (Еду́цыно́скэ́). Давидо́скиро Пса́лмо.

² Мэ́ пхэ́нде́м: “Мэ́ ява́ва тэ́ дыкха́в, со мэ́ кэ́рава́, соб (кай) ма́нгэ́ тэ́ на кэ́ра́в грéхо ми́рэ́ чи́ба́са (чи́бья́са): мэ́ ява́ва тэ́ ра́кхав ми́ро муй ка́ганцо́са (намордникоса), па́ка фуй ману́ш тэ́рдэ́ анги́л ма́ндэ́”. ³ Мэ́ яце́м лало́ (не́мо), мэ́ сом шты́л, мэ́ аж со́мас шты́л пал лачхи́пэ́н, и ми́ро ду́хо (фа́но) пы́я́ буты́р дро конфу́зо. ⁴ Ми́ро ило́ росха́чия́ дрэ́ ма́ндэ́, кэ́ли мэ́ ды́ём

годы пэскэ (хор думиндём), захачыя яг дрэ мандэ, мэ пхэндём мирэ чибаса; ⁵ О, Раё Дэвла, пхэн мангэ, кэли миро джибён кончынэлапэ и пал кицы дывэса мэ мэрава. Со исын дасаво: пхэн мангэ, кицы бэрша мангэ ишчо (инкэ) тэ дживав? ⁶ Гада, фэни пэ буглышэн мирэ-вастэскиро Ту дыян мангэ дывэса тэ дживав и миро джибён исын кротко часо, сырбы нисо ангил Түтэ. Дава исын патяибён, со кажно (свако) мануш, мэк ёв тэ тэрдэл вучэс, исын балвалякиро пхурдышэн. Сэла. ⁷ Дава исын чачо, со мануш псирэла сырбы екх зэр (тенё), чачо, ёв чхурдэлапэ ивья (напраснэс); ёв скэдэла пэскэ, а на джинула, кон залэла дава. ⁸ А каканэ, со мангэ тэ ужакирав, Раё Дэвла? Мэ ужакирава лачхипён Түтыр. ⁹ Зракх ман сарэ мирэ чорипнастыр, на домэк, соб (кай) дылыно мануш тэ обракирэл ман. ¹⁰ Мэ сомас лалэ, мэ на отпхандём миро муй пал-дова, со Ту адякэ кэрдян. ¹¹ Лэ мандыр криг дукха, со Ту чхудян пэ мандэ: мэ мэрава, сыр Ту марэса ман Тырэ вастэса. ¹² Ту сыклякири и дэса кара (хасэ) и сыкавэса банг манушэнтэ пал лэнгиро чорипён, Ту хасякирэса, сыр моль дова, со ёв камэла; чачо, кажно мануш исын сыр балвалитко пхурдышэн. Сэла. ¹³ Шун мирі патели (молітва), о Раё Дэвла, и причхув кан, со мэ ровава, на яв штыл мирэ ясвэндыр, со мэ сом чужо мануш Түкэ, савэ лодэла, сыр сыс мирэ дада. ¹⁴ [р.с.] Отрискир мандыр Пэскирэ стрэнга якха, и мэ явава тэ радынавпэ ангил, сыр мэ джава криг пэскэ и ман на явэла бутыр.

Шэро 40

[39-р.с.] ¹ Хороскирэ Дирижороскэ. Давидоскиро Псалмо.

² Мэ древан ужакирдём Рас-Дэвлэс, и Ёв бандия кэ мэ и шундя, со мэ ровава годлэнца. ³ И Ёв вытырдыя ман хасибнытконэ ровостыр (хохостыр), артапелятыр (болотостыр) тинаса и Ёв чхудя мирі гэрэй пэ бар; и Ёв дыя зор мирэ пирэнгэ (стопэнгэ). ⁴ Ёв чхудя нэви гилы дро миро муй, соб (кай) тэ шарэн амарэ Дэвлэс. Бут мануша дыкхэна дава и явэна тэ дарэн и явэна тэ гарадён пал Растэ-Дэвлэстэ. ⁵ Тэ явэл бахталэ одова мануш, кон ужакирэла лачхипён Растыр-Дэвлэстыр, и савэ на рисэла кэ пхутькирдэ и кэ одолэ, савэ рисэна кэ хохаибён. ⁶ О, Раё Дэвла, миро Дэвла, Ту кэрдян бут: Тырэ дивна бутя и задуминыбэна пал амэндэ никон на могоинэла тэ галёл, соб (кай) тэ пхэнэл вари-со пал дава и тэ ракирэл сарэнгэ. Мэ на могоинава аж тэ пхэнав – лэн исын адакицы бут. ⁷ Ту на выкэдыян ни свэнта дыибэна (жэртвы), ни яныбэна; Ту отпхандян мирэ канэ. Хачкирибнаскирэ свэнта дыибэна и свэнта дыибэна пал грэхэ Ту на древан мангэса. ⁸ Тэньци мэ пхэндём: “Акэ, мэ джава, дрэ лылварьякиро (книгакиро) світко, кай исын чхиндліо пал мандэ: ⁹ ‘Мэ древан камам тэ кэрав Тырі воля, о миро Дэвла, и Тырэ Законо исын дро Миро ило. ¹⁰ Мэ пхэндём зоралэс пал Тырэ чачипэн ангил бутэ манушэндэ, савэ скэдэнапэ: гада, мэ на запхандём пэскирэ ушта, о Раё Дэвла, Ту Кокорэ сарэ джинуса. ¹¹ Мэ на гарадём Тырэ чачипэн дро миро ило, мэ пхэнакас сарэнгэ пал Тырэ патяибён, и со Ту зракхцян ман: мэ на гарадём пал Тырі лачхэ-илыткима и Тырэ патяибён ангил бутэ манушэндэ. ¹² О Раё Дэвла, на отдэ, прикири Тырі мило лачхэ-илыткима, мэк Тырэ лачхипён и Тырэ патяибён усады (сак) тэ ракхэн ман. ¹³ Пал-дова со адакицы бут чорипэна пэ мандэ сарэ ригэндыр, со нашты тэ подгинав. Мирэ чорэ рэнды (дэлы) догінэ пэ мандэ, со мэ на могоинава тэ дыкхав пал лэндэ, а лэн исын бутыр сыр исын бала пэ миро шэро: миро ило на вырикирэла ман. ¹⁴ О, Раё Дэвла! Яв лачхэ тэ зракхэс ман, о, Раё Дэвла, яв сыгэдыр тэ дэс васт мангэ. ¹⁵ Мэк одолэ, савэ родэна тэ хасякирэн миро ди, тэ явэн ладжакирдэ и тэлякирдэ (хасякирдэ патыв). Мэк кодолэ, савэ выпхэнэна мысля пэ хасибэн мангэ, тэ явэн чхурдынэ палэ дрэ напатыв. ¹⁶ Мэк ёнэ тэ ячэнпэ кокорэ пэса пэ хасибэн пал лэнгиро ладжаипэн, савэ ракирэна мангэ: “Дыкх! Миштó!” ¹⁷ Мэк сарэ, кон родэла Тут, тэ радынэнпэ и явэн весэла (лошалэ) Түтыр и ўсады (сак) тэ пхэнэн: “Тэ явэл газдынэ шарибнаса Рай Дэвэл” – сарэ, савэ камэна тэ зракхэнпэ Түтэ. ¹⁸ [р.с.] Нэ мэ сом чорорэ и сом дрэ трэбима, Рай Дэвэл явэла тэ дэл туга (тэ заботисол) пал мандэ. Ту дэса васт мангэ и зракхэса ман, о, Миро Дэвла, яв сыгэдыр.

Шэрó 41

[40-р.с.] ¹ Хорóскирэ Дирижорóскэ. Давидóскиро Псáлмо. ² Бахталó исын одовá мануш, кон галёла чорорэн, Рай Дэвэл зракхэла лэс дро пхарó дывэс. ³ Рай Дэвэл явэла тэ дыкхэл цямкэс пал лэстэ и приракхэла Лэскиро джиибэн и бахтякирэла лэс пэ дай пхув и на отдэла лэс дрэ вэргэнгирэ вастá. ⁴ Рай Дэвэл зорьякирэла лэс, кэли ёв насвалёла: Ёв газдэла лэс чхуибнастыр лэскирэ дукхэндэр. ⁵ Мэ пхэндём: “О, Раё Дэвла, яв тангипнаскиро (жалибнытко) кэ мэ, састякир миро ди, пал-довá со мэ кэрдём грéхо ангил түтэ”. ⁶ Мирé вэрги ракирэна чорипэн пэ мандэ, пхэни: “Кэли дава ёв мэрэла, и лэскиро лав хасёла?” ⁷ И кэли вари-кон явэла тэ дыкхэлпэ мánца, тэды ёв ракирэла сыр балвалитко пхурдыпэн, лэскиро илó скэдэла чорипэн: ёв джáла яврí и респхэнэла пал дава. ⁸ Сарé, кон бидыкхэла ман, гундяринэна (хомзынэна) кхэтанé проти мандэ; ёнэ зракирэнапэ пэ чорипэн пэ мандэ: ⁹ “Чорипэн Велиаростыр пыя пэ лэстэ и ёв пасия и бутыр ёв на уштэла”, – ёнэ ракирэна. ¹⁰ Аж миро лачхó мал, савэскэ мэ патяндыём, савó хая миро марó, газдыя пэскири пэнта (кхур) пэ мандэ. ¹¹ Нэ Ту, Раё Дэвла, яв тангипнаскиро кэ мэ и гáздэ ман, а мэ отплэскирава палэ лэнгэ. ¹² Пир дава мэ джинóm (джинáв), со Ту камэса миштыпэн мánгэ, со миро вэрго на газдэлапэ радыпнаса пэ мандэ. ¹³ Ту подрикирэса ман, пал-довá со нанэ банг мандэ и Ту чхувэса ман ангил Пэскиро муй пэ сарé вéки. ¹⁴ [р.с.] Тэ явэл бахтякирдó Рай Дэвэл, Израилёскиро Дэвэл векэндэр и пэ сарé вéки. Амíнь и Амíнь.

Шэрó 42

[41-р.с.] ¹ Хорóскирэ Дирижорóскэ. Сыклякирибэн Кареескирэ Чхавэндэр.

² Сыр мирга (лань) древáн камэла пани́, савó тхадэла, адякэ-паць дро мирé дýхо (фáно) исын смэга / труш (жажда) кэ Ту, о Дэвла. ³ Мирó дýхо (фáно) исын дрэ труш (смэгинэла) пал Дэвлэстэ Зоралэстэ, Джиибнаскирэ Дэвлэстэ: кэли мэ джáва и сыкадэвава ангил Дэвлэстэ? ⁴ Мирé ясва сыс мánгэ сыр хабэн дывэс и рат, кэли ёнэ ракирдé мánгэ со дывэс: “Кай исын тырó Дэвэл?” ⁵ Кэли мэ припирава дава, тэды мэ пхагирава пэскро илó: сыр мэ псирдём машкíр бутé манушэндэ, сыр мэ лыджавас лэн кэ Дэвлэскиро Кхэр и давас гóдла радымáтыр и шарибнастыр манушытконé скопостыр, савé свэнкинэнас. ⁶ О миро ди, сóскэ ту тугинэса и издраса дрэ мандэ? Ужакир лачхипэн Дэвлэстыр; и мэ явáва тэ парикирав Лэскэ, Кон зракхцá ман. ⁷ О, миро Дэвла, миро ди исын дрэ тýга дрэ мандэ; мэ припирава пал Түтэ Иорданоскирэ пхувьятыр, Гармоноскирэ вучипнэндэр, Мизароскирэ бэргáтыр. ⁸ Хорипэн прикхарэла хорипэн лопотымаса, сыр паня пэрэна, сарé Тырé валны (вэлны) и панингá, со кунякирэнапэ, гинé упрé вучэдýр мандыр. ⁹ Рай Дэвэл дэла Лэскири лачхэ-илы́ткима дывэсэ, а ратý мэ багава гилы́ Лэскэ и мэ мангавапэ Дэвлэскэ, мирé Джиибнаскирэскэ. ¹⁰ Мэ пхэна́ва Дэвлэскэ, мирé Бэргакэ: “Сóскэ Ту бистырдя́н пал мандэ? Сóскэ мэ псирава и издрава, кэли вэрго тасавэла ман. ¹¹ Мирé вэрги обракирэна ман адякэ, со аж мирé кокалы́ пхарадэна, кэли ёнэ ракирэна мánгэ со дывэс: “Кай исын тырó Дэвэл? ¹² [р.с.] Сóскэ ту тугинэса, миро илó? Сóскэ ту издраса андрé мандэ? Ужакир лачхипэн Дэвлэстыр, и мэ явáва тэ шарáв Лэс, Кон зракхцá ман.

Шэрó 43

[42-р.с.] ¹ Пáтери (Молíтва) Дэвлэскэ дро Пхарó Часо.

Сэндякир ман, о Дэвла, и затэрде́в пал миро рéндо (дéло) ангил бидэвлытка нáцыи, зрáкх ман хоханé и начачунэ манушэндэр. ² Пал-довá со Ту сан Дэвэл мирé зорьякиро, сóскэ Ту гíян криг мандыр? Сóскэ мэ псирава и издрава, кэли вэрго тасавэла ман? ³ Бичхáв Тырó дуд и Тырó чачипэн, мэк ёнэ тэ лыджáн ман и тэ янэн пэ Тырí свéнто бэрга и пэ штéто, кай Ту

сан. ⁴ Тэды мэ джава кэ Дэвлэскиро алтарё, кэ Дэвэл мирэ радыматыр, мирэ бахталыпнастыр: чачо, мэ явава тэ парикирав Тукэ и тэ башавав пэ гусли, о Дэвла, миро Дэвла! ⁵ Соскэ ту тугинэса, миро ило? Соскэ ту издраса андрал мандэ? Ужакир лачхипэн Дэвлэстыр, и мэ явава тэ шарав Лэс, Кон зракхця ман.

Шэрó 44

[43-р.с.] ¹ Хорóскирэ Дирижорóскэ. Сыклякирибэн Кареескирэ Чхавэндýр. ² Амэ шундым пэскирэ канэнца, о Дэвла, амарé дадá рoспхэндлэ пал дивна бутя, савé Ту кэрдян дрé лэнгирэ дывэсá, дрé дывэсá гаратунé (вагунé). ³ Ту традиян криг Пэскирэ вастэса Наюдытка нáцыи, а чхудян пэскирэ манушэн тэ дживэн; Ту тасадян Наюдытка нáцыи, а дыян Пэскирэнгэ тэ рoскхувэнпэ. ⁴ Тырэ манушá на дорэснэ пхув пэскирэ курталаса и ёнэ на зракхнэ пэс пэскирэ вастэса, нэ дава сыс Тырý зор и Тырó васт и дуд Тырэ москиро, пал-довá со Тукэ ячнэ дрóга ёнэ. ⁵ Ту сан миро Крáли! Мирó Дэвла! Дэ припхэныбэн, соб (кай) Яково тэ лэл упралыпэн. ⁶ Туса амэ пиризорьякираса амарé вэргэн, Тырэ лавэса амэ яваса тэ штакирас одолэн, савé газдэнапэ пэ амэндэ. ⁷ Мэ на явава тэ допатяв мирé лукóскэ, ци мирé курталакэ тэ зракхэл ман. ⁸ Нэ Ту зракхцян амэн амарé вэргэндýр, и Ту ладжакирдян одолэн, савé древán на камлэ амэн. ⁹ Амэ яваса тэ газдас шарибэн пал Дэвлэстэ со дывэс и амэ яваса тэ шарас Тырó лав пэ сарé вéки. Сэла. ¹⁰ Нэ Ту сатаки (усаэкх) ячкирдян амэн и ладжакирдян амэн, и Ту на гиян ангил амарé халадыпнэнца. ¹¹ Ту кэрдян адякэ, со амэ дыямпэ палэ вэргэндýр и кодолэ, савé бидыкхнэ амэн, лучкирэнас амэн. ¹² Ту дыян амэн сыр бакрэн пэ хабэн, и Ту рoсчхудян амэн машкёр Наюдытка нáцыи. ¹³ Ту бикиндян Пэскирэ манушэн ни пал со, Тукэ нанэ нисавý лгóта (кóфо) далé тиминатыр. ¹⁴ Ту кэрдян адякэ, со амарé пашатунé обракирэна амэн; санапэ холямэс и просана амэн одолэ, савé исын пашыл амэндэ. ¹⁵ Ту кэрдян амэндýр сабнытко примéро (сыкаибэн) машкёр Наюдытка нáцыи, манушá кунякирэна шэрэнца паш амэндэ. ¹⁶ Мирý ладж исын усады (сак) ангил мандэ, мирé-москиро ладжаипэн сырбы гарадя ман занятыр одолэнгирэндýр, ¹⁷ савé бангякирэна хоханэс и калякирэна ман, вэргэндýр и одолэн, савé исын холынакирэ. ¹⁸ Сарó дава явдý пэ амэндэ, амэ усаэкх на бистырдям Тут, ци амэ пхагирдян Тырó Заветó: ¹⁹ Амарó ило на рисия палэ, и амарé пирé (стóпы) на штадэ дрé риг Тырэ дромэстыр; ²⁰ мэк Ту рoспхарадян амэн сыр кáра дрé пэ штéто, кай исын шакалы, и гарадян амэн дрé мэрибнаскири зэр (тенё). ²¹ Кóли амэ бистырдямас лав амарé Дэвлэскиро и динд(з)ькирдямас амарé вастá кэ чýжо дэвлорó, ²² ци Дэвэл на уджиндý дава? Пал-довá со Ёв джинэла, со исын гарадо дро ило. ²³ Чачó, пал Тýtэ амэн замарэна со дывэс, амэн гинэна сыр бакрэн, савэн чхинэна. ²⁴ Уштý! Соскэ Ту сан сутó, о Раё Дэвла? Яв пашылэдýр! На джá криг сарэса. ²⁵ Соскэ Ту гаравэса Пэскиро муй, бистрэса, со амэн тасавэна, со амэндэ исын бари дар? ²⁶ Пал-довá со амарó ди исын бандякирдо кэ пхувьякиро прахо, амарó кужум (жэлудко) рикирлапэ зоралэс палэ пхув. ²⁷ [р.с.] Ѓаздэпэ тэ дэс васт амэнгэ, и зракх амэн Тырэ лачхэ-илыткимаса.

Шэрó 45

[44-р.с.] ¹ Хорóскирэ Дирижорóскэ. Сыклякирибэн. Кареескирэ Чхавэндýр. Бьявэскири Гилы.

² Мирó ило исын пхэрдó бахталé лавэнца: мэ ракирава пал крaли́скирэ рэндý, мирý чиб исын сыр лачхэ-чхиныбнарискиро дэсторó (трость). ³ Ту сан най шукарэдýр манушыпаскирэ чхавэндýр, бахталыпэн вычхудяпэ тырэ уштэндýр: пал-довá со Дэвэл бахтякирдý тут пэ сарé вéки. ⁴ Пхандэ трусцýл пэскири куртáла кэ пэскири гэрóй (бёдро), мурш барó, пэскирэ славаса и барé вучэдырипнаса, ⁵ и традэ уклистэ миштэс пэскирэ барé вучэдырипнаса тэ затэрдёс пал патяибэн, ковлэ-илыткима и чачипэн, а тырó чачó васт явэла тэ сыклякирэл тут тэ кэрэл дова, сóстыр дар лэла. ⁶ Тырэ марибнýтка бустя (стрéлы) исын

востра (чолалэ) дро илэ тырэ вэргэнгирэ, манушыпнаскирэ на́цыи пэрэна тэл Түтэ. ⁷ Тырэ трона, со Дэвэл дый түкэ, явэла пэ сарэ ве́ки, тырэ крали́скиро дэсто сыкавэла, со ту кралинэса чачипныткэс. ⁸ Түкэ исын дро́го чачипэн и ту бидыкхэса фуипэн, палдава́ Дэвэл, тырэ Дэвэл, помакхця тут тэ свэ́нцякирэл бахтякирдэ дзэтэса (елеёса) анги́л тырэ малэндэ. ⁹ Сарэ тырэ урибэна́ шука́р кхандэна мирóса, алоёса и касьяса, фэлатинендыр, со исын кэрдэ слонитконэ кокалостыр, башаибэн пэ балытка струмэ́нты радынэна тут. ¹⁰ Кра́льенгирэ чхай исын машки́р Тырэ патывалэ́ тэрнэ́ джувлендэ, кра́лица исын тэ́рды пашы́л Тырэ чачо́ васт дро сувнака́й Иростыр. ¹¹ Шун ман, чхаё́, и дыкх, шун ра́кхунэс, со мэ́ пхэна́ва: и бистыр пэ́скирэ манушэ́н и кхэр тырэ даде́скиро. ¹² Крали́с древа́н притырдэла тырэ шукарипэн; пал-дова́ со ёв исын тырэ рай и ту явэ́са тэ клонинэспэ патыва́са лэ́скэ. ¹³ Тироскири чхай явэ́ла дарэнца, най барвалэ́дыр мануша́ явэ́на тэ домарэнпэ́ кэ тырэ–илэ́скиро татыпэн. ¹⁴ Крали́скири чхай исын най славу́тнэдыр сарэ́ барэ́ фэлатинятыр (коловóстыр), ла́киро урибэн исын кхудо сувнака́стыр. ¹⁵ Ла янэ́на дрэ́ санэ́ судэ́ йдя; чхаён, ла́кирэ малнен (подругэн) пал латэ́ янэ́на кэ кра́ли. ¹⁶ Сыр лэн янэ́на, ёнэ́ явэ́на весэ́ла (лошалэ́) и тэ́ радынэ́нпэ, кэ́ли заджа́на дро крали́скиро бари фэлатин/колóв (дворцо). ¹⁷ Тырэ чхавэ́ пэ́ штэ́то тырэ даде́нгиро; Ту чхувэ́са лэн тхага́рьенца тэ кралинэ́н, ¹⁸ [р.с.] со́б (кай) тэ́ явэл джиндло́ Тырэ лав сарэ́ родэ́нгэ, палдава́ манушы́тка на́цыи явэ́на тэ шарэ́н тут пэ́ сарэ́ ве́ки.

Шэро́ 46

[45-р.с.] ¹ Хорóскирэ Дирижорóскэ. Кареё́скирэ Чхавэндыр пэ́ Чхаенгири Зан (Аламото).

² Дэвэл исын амарó гарадыипэн и зоралыпэн, Ёв дэ́ла васт, кэ́ли исын пхарó. ³ Палдава́ амэ́ на страхаде́васа, мэ́к пхув кхарэ́лапэ́ и мэ́к бэ́рги тэ́ пэрэн тэлэ́ дрэ́ мо́ри (дэ́рьява́). ⁴ Мэ́к паня́ тэ́ брилинэн (тэ́ ревинэн) и тэ́ кэ́рдэн пенаса, мэ́к бэ́рги тэ́ тринскирэнпэ́ пэ́скирэ зорья́тыр. Сэ́ла. ⁵ Исын екх рэ́ка (лэ́нь), савья́кирэ паня́ обра́дынэна Дэвлэ́скиро фо́ро, свэ́нто штэ́то, кай дживэ́ла Са́мо (Най) Вучэ́дыр. ⁶ Дэвэл исын дро дава́ фо́ро, ёв на пэрэ́ла: Дэвэл подэ́ла васт далэ́ форо́скэ тася́рлатыр. ⁷ На́цыи росхо́лясынэ́, крали́пэна́ кхардэ́пэ криг (згинэ́) штэ́то́стыр, а Дэвэл пхэ́ндя́ Пэ́скирэ за́ня́са и пхув била́дыя. ⁸ Рай Дэвэл, болыбна́скирэ-янголэ́нгиро, исын амэ́нца, Яковóскиро Дэвэл исын амарó гарадыипэн. Сэ́ла. ⁹ Явэ́н, дыкхэ́н Ра́скирэ-Дэ-влэ́скирэ бу́тя, Кон кэ́рдя́ замэ́кибэн пэ́ пхув; ¹⁰ Кон кэ́рэла а́дыкэ́, со ма́рибэ́на кэ́ пхувья́кирэ яго́ры (край) кончы́нэнапэ́, Ёв пха́гирэ́ла лу́ко и пха́гирэ́ла чхурды́пнытко буст (коп'е) пэ́ котэ́ра; Ёв хачки́рэла сарэ́са яга́са ма́рибны́тка вурдэ́на. ¹¹ Явэ́н шты́л и уджинэ́н: со мэ́ сом Дэвэл. Ман явэ́на тэ́ барья́кирэ́н кэ́ вучипэ́н на́цыи, Ман явэ́на тэ́ барья́кирэ́н кэ́ вучипэ́н сарэ́, кон исын пэ́ пхув. ¹² [р.с.] Рай Дэвэл, болыбна́скирэ-янголэ́нгиро, исын амэ́нца, Яковóскиро Дэвэл исын амарó гарадыипэн.

Шэро́ 47

[46-р.с.] ¹ Хорóскирэ Дирижорóскэ. Кареё́скирэ Чхавэнгиро Пса́лмо.

² Сарэ́, манушы́тка на́цыи, ма́рэн дрэ́ васта́, радынэ́нпэ́ зоралэ́с Дэвлэ́скэ вучо́нэ за́ня́са. ³ Со Рай Дэвэл, Са́мо (Най) Вучэ́дыр, дэ́ла дар, Ёв исын барó Кра́ли пир сары́ пхув! ⁴ Ёв тэ́лякирэ́ла сарэ́ манушы́тка расы́ тэл амэ́ндэ́ и Наюды́тка на́цыи тэл амарэ́ гэ́ра. ⁵ Ёв вы́кэды́я амарó мэ́кно́ мишты́пэн ваш амэ́нгэ́, барó вы́чэды́рипэн Яковóскиро, кон исын дро́го Лэ́скэ. Сэ́ла. ⁶ Дэвэл гия́ упрэ́ пэ́ трона́ годлы́пнаса, рого́скирэ (труба́кирэ) башаибна́са, Рай Дэвэл. ⁷ Бага́н ша́рибны́тка гия́ Дэвлэ́скэ, бага́н ша́рибны́тка гия́ амарэ́ Крали́скэ, бага́н ша́рибны́тка гия́. ⁸ Со Дэвэл исын Кра́ли пир сары́ пхув; бага́н пса́лмо го́дьварэ́с. ⁹ Дэвэл кралинэ́ла пэ́ Наюды́тка на́цыи; Дэвэл исын бэ́што́ пэ́ Лэ́скиро свэ́нто трона́. ¹⁰ [р.с.] Барэ́ ра́я манушы́тконэ́ на́цыэндыр кэ́дэ́напэ́ кхэ́танó, сыр мануша́

Авраамóскирэ Дэвлэстыр. Пал-довá со шчыты пэ пхув исын Дэвлэскирэ; Ёв исын газдыно вучэдыр сарэстыр.

Шэрó 48

[47-р.с.] ¹ Хорóскирэ Дирижорóскэ. Карее́скирэ-Чхавэндýр Псáлмо.

² Дэвэл исын барó и Лэс дрeвáн шарэна дро амарó Дэвлэскиро фóро, пэ Лэскири свéнто бэ́рга. ³ Бэ́рга Сиóно исын шукáр и вучí, ёй исын сарэ-пхувья́кири рáдыма, и исын пэ паш-ратитка (северна) ягóры (кра́и), фóро, кай исын барó кра́ли. ⁴ Дэвэл сыкадý, со сашты́ тэ гарадэс дрэ Лэскирэ-форóскиро рикирибэн бидатыр: ⁵ гáда, стрэниндлэпэ кра́лья и гинé пэскэ, ⁶ ёнэ дыкхнэ и ёнэ дрeвáн дивиндлэпэ, ⁷ ёнэ страхáдынэ и на́шнэ, ёнэ лынé тэ издран дукхаса сы́рбы джувлы́, савí биянэла. ⁸ Ту пхагирэса Фарсисоскирэ пáрмы (корабли) восточнóнэ балвалéса. ⁹ Сыр амэ шундýм, адýкэ-паць амэ дыкхцýм дро фóро амарé Рáскирэ-Дэвлэскиро, болыбнáскирэ-янголэнгиро, дро фóро амарé Дэвлэскиро, савó Дэвэл зачхудý пэ сарé вéки. Сэла. ¹⁰ Амэ думиндýм пал Тырó дро́го лачхипэн, о Дэвла, машкíр Тырí Кхангирí. ¹¹ Сыр Тырó лав исын, адýкэ-паць и шарибэна пал Тýтэ джáна кэ пхувья́кирэ ягóры (край), Тырó чачó васт кралинэла чачипнáса. ¹² Мэк тэ явэл лошалы (весéло) Сионóскири бэ́рга, мэк тэ явэн весéла (лошалé) Юдýякирэ чхáя, со Ту сэндýкирэса чачунéс. ¹³ Джáн трусцýл Сиóно и обджан, пашы́л лэстэ; подгинэн лэскирэ вучардý (башни), ¹⁴ рискирэн Пэскиро илó кэ форóскирэ валы, придыкхэнпэ кэ лэскирэ грэды (дворы), соб (кай) тумэнгэ тэ пхэнэн манушэнгирэ родэнгэ, савé явэна, ¹⁵ [р.с.] со давá Дэвэл исын амарó Дэвэл пэ сарé вéки и ўсáды (сак): Ёв явэла тэ лыджáл амэн аж кэ мэрибэн.

Шэрó 49

[48-р.с.] ¹ Хорóскирэ Дирижорóскэ. Псáлмо Карее́скирэ Чхавэндýр.

² Шунэн давá, сарé манушáлэ: пришунэнпэ сарé, кон дживэла пэ свéто: ³ тумé, манушы́тка чхавé: барвалé и чорорé кхэтанé. ⁴ Миро муй пхэнэла годýварó лав, миро илó дэла дума тэ галéл. ⁵ Мэ причхувава пэскиро кан кэ примéро (сыкойбэн) тэ пхэнáв, мэ розлава мирé-гиленгири гарады мыслé пэ гусли. ⁶ Сóскэ мánгэ тэ дарав, кéли исын чорé дывэсá, кéли чорé вэ́рги явэна трусцýл мирé пэ́нты (кхурýя)? ⁷ Савэ рисéна кэ пэскиро барвалыпэн тэ зракхэнпэ и шарэна пэс одолэса, сóса ёнэ исын барвалé. ⁸ Никонéскэ нашты́ тэ выкинэл пэскирэ пшалéс, ци тэ дэл выкиныбны́тко сымады́ (выкупо) пал лэстэ, ⁹ пал-довá со тэ выкинэс манушы́тко джи́ибэн исын мол барé ловé и лэн ниéкхвар на ухтылэла (на́доси), ¹⁰ соб (кай) ману́ш тэ дживэл пэ сарé вéки и, соб (кай) ёв ниéкхвар тэ на джинэл мэрибэн. ¹¹ Ёв дыкхэла, сыр годé манушá мэрэна, адýкэ-паць сыр дылынé кхэтанé бигодýкирэнца хасéна, и мэкэна пэскиро барвалыпэн явирэнгэ. ¹² Ёнэ думинэна пэскэ, со лэнгирэ кхэра́ явэна пэ вéки, со лэнгирэ штéты тэ дживэн сарé родэнгэ; мэк ёнэ кхарэна пэскирэ пхувья́ пэскирэ лавэнца. ¹³ Нэ ману́ш на ячэлапэ дрэ вучí патýв; ёв исын сы́рбы мурдál (жýвотно), савó мулэла. ¹⁴ Давá исын дром дылынé манушэнгиро и ваш одолэнгэ, кон радынэлапэ пэскирэ лавэндýр. Сэла. ¹⁵ Сыр бакрэн лэн выкэдэна ваш лóно (адо), мэрибэн явэла тэ чаравэл лэн, чачипнаскирэ манушá явэна тэ рикирэн лофо (верхо) пэ лэндэ злокостýр и лэнгиро масá явэна тэ кирнён; магила явэла лэнгиро штéто. ¹⁶ Нэ Дэвэл выкинэла миро ди люноскирэ (адоскирэ) зорýятыр, пал-довá со Ёв Кокорó лэла ман. Сэла. ¹⁷ На дар, кéли ману́ш ячэла барвалó, сыр слáва пал лэскиро кхэр барьёла; пал-довá со ёв на лэла пэса нисó, а лэскири слáва на джáла пал лэстэ; ¹⁸ мэк ёв шардý пэскиро ди пал пэскиро джи́ибэн, ¹⁹ мэк ёнэ шардэ лэс, со ёв кэрдý миштэс пэскэ, ²⁰ нэ ёв джáла кэ лэскирэ-дадэнгирэ рóды тэ мэрэл, савé бутýр на дыкхэна дуд. ²¹ [р.с.] О ману́ш, савó исын дрэ бари патýв, нэ савó на галéла, исын сы́рбы мурдál (жýвотно), савó хасéла.

Шэрó 50

[49-р.с.] ¹ Асафоскиро Псáлмо.

Дэвэл дэвлэнги́ро, Сарэзорья́киро Рай Дэвэл пхэндя́ и кхарэ́ла сарí пхув ягорóстыр, кай кхам уштэ́ла и кэ ягóро (краё), кай кхам джа́ла тэлэ́.

² Сионóстыр, бидошэнгирэ́ шукарипна́стыр, Дэвэл за́зяиндя́. ³ Амарó Дэвэл явэ́ла и Ёв исын на штыл; яг, савí хáла сарó, джа́ла ангíл Лэ́стэ́ и явэ́ла древа́н штормитко́ балва́л. ⁴ Ёв прикхарэ́ла Болыбна́скиро Раё́ вучипна́стыр и пхув тэ́ сэндякирэ́л Лэ́скирэ́ манушэ́н: ⁵ “Скэ́дэ́ Мирэ́н свэ́нтонэ́н кхэ́танэ́ кэ́ Мэ́, савэ́ кэ́рдэ́ За́вето́ Ма́нца́ свэ́нтонэ́ дьи́бна́са (жэ́ртваса́).” ⁶ Мэ́к тэ́ пхэ́нэл Болыбна́скиро Раё́ сарэ́нгэ́ пал лэ́скиро чачипэ́н, со Дэвэл Кокорó исын сэндáри! Сэ́ла. ⁷ “Шунэ́н, Мирэ́ манушáлэ; и Мэ́ ява́ва тэ́ ракира́в. Мэ́ ява́ва тэ́ допхэ́нав пэ́ тү́тэ́, о Изра́иле, Мэ́ сом Дэвэл, сом ты́ро Дэвэл! ⁸ Мэ́ на ява́ва древа́н тэ́ бангяки́рав тут пал ты́рэ́ свэ́нта дьи́бэ́на, ци́ пал хачкири́бна́скирэ́ свэ́нта яны́бэ́на, савэ́ исын уса́ды (сак) ангíл Ма́ндэ́. ⁹ Мэ́ на ява́ва тэ́ лав гурувэ́н ты́рэ́ кхэ́рэ́стыр ци́ бузнэ́н (козлэ́н) ты́рэ́ гуртэ́ндыр, ¹⁰ пал-дова́ со ка́жно rischiри́бна́скиро мурда́л (зверё́) дро́ вэ́ш исын миро́, и мурда́л пэ́ бэ́рги, савэ́ исын ты́сэ́нцы. ¹¹ Мэ́ джино́м (джина́в) сарэ́ чириклен бэ́ргэ́ндыр и сарэ́ мурда́лэ́н (животно́нэ́н) пир Мирэ́ фэ́лды ё́нэ́ исын Мирэ́: ¹² “Ко́ли мэ́ ява́вас бокха́ло, мэ́ на пхэ́नावас Тү́кэ́: пал-дова́ со свэ́то исын Миро́ и сарó, со́са ё́в исын пхэ́рдэ́. ¹³ Ци́ Мэ́ ха́ва гурувэ́нгиро́ мас, ци́ Мэ́ пъя́ва бузнэ́нгиро́ рат? ¹⁴ Я́н свэ́нто дьи́бэ́н пари́кири́бна́са Дэ́влэ́скэ́ и отде́ палэ́ Най́ Вучэ́дырэ́скирэ́скэ́, пал со́ ту ды́ян совла́х. ¹⁵ И кхар́ Ман дрэ́ дывэ́са́, кэ́ли Тү́тэ́ исын ба́ри дар, и Мэ́ зракха́ва тут, и ту ба́рьякирэ́са кэ́ вучипэ́н Ман.” ¹⁶ Нэ́ Дэвэл ракирэ́ла фу́е манушэ́скэ́: “Со́скэ́ ту ракирэ́са сарэ́нгэ́ пал Мирэ́ стату́ты, и ракирэ́са пэ́скирэ́ мо́са пал Миро́ За́вето? ¹⁷ а́ уса́екх тү́кэ́ древа́н исын на́ пир ило́ Миро́ сы́клякири́бэ́н пал чачипэ́н и ту чхурдэ́са Мирэ́ лава́ пал пэ́стэ́? ¹⁸ Кэ́ли ту ды́кхэ́са чорэ́с, тэ́ды́ ту зджаса́пэ́ лэ́са́ и ту са́нас кхэ́танэ́ одолэ́нца, савэ́ кэ́рэ́на била́джайпэ́н. ¹⁹ Ту дэ́са во́ля пэ́скирэ́ москэ́ тэ́ ракирэ́л чори́пэ́н и пэ́скирэ́ чи́бакэ́ (чи́бья́кэ́) тэ́ счхувэл хо́хаибэ́н. ²⁰ Ту сан бэ́штэ́ и ракирэ́са пэ́ пэ́скирэ́ пшала́стэ́: ту бангякирэ́са хо́ханэ́с ты́рэ́-да́кирэ́ чхавэ́с. ²¹ Ту кэ́рдян Да́ва́ и Мэ́ со́мас шты́л (тихо́); ту думиндя́н, со́ Мэ́ сом ада́саво́, сыр ту сан. Нэ́ Мэ́ сы́кава́ва ты́ри́ банг и чхува́ва да́ва́ екх пал екх ангíл ты́рэ́ якха́. ²² Подуминэ́н пал да́ва́ тумэ́, кон би́стрэ́ла Дэ́влэ́с, соб (кай) Мэ́ тэ́ на роску́шав тумэ́н, со́ на явэ́ла никонэ́с тэ́ зракхэ́л тумэ́н. ²³ Кон пари́кирэ́ла Дэ́влэ́скэ́ свэ́нтонэ́ яны́бна́са, ко́дова́ сла́винэ́ла Ман и Мэ́ сы́кава́ва лэ́скэ́, сыр Дэ́влэ́с зракхэ́ла лэ́с, и савэ́ при́дыкхэ́ла пал пэ́стэ́ тэ́ дживэ́л пир чачипэ́н.

Шэрó 51

[50-р.с.] ¹ Хорóскирэ́ Ди́рижорóскэ́. Давидóскиро Псáлмо,

² кэ́ли проро́ко́ Натано́ (На́фано́) явдя́ кэ́ Ёв, сыр Ёв за́гий кэ́ Вирса́вия. ³ Я́в танги́пна́скиро (пожа́лин) кэ́ мэ́, о Дэ́вла, пир Ты́ро дро́го лачхи́пэ́н, кхос кри́г мирэ́ чорэ́ рэ́нды (дэ́лы) пир Ты́ри́ ба́ри ми́ло лачхэ́-и́лы́ткима́. ⁴ Вымо́р (хала́в) ма́н сарэ́са́ мирэ́ чори́пна́стыр и жу́жаки́р ма́н мирэ́ грэхосты́р. ⁵ Пал-дова́ со́ мэ́ при́галы́ём мирэ́ фу́й рэ́нды (дэ́лы) и миро́ грэхо́ исын ў́са́ды (сак) ангíл ма́ндэ́. ⁶ Ангíл Тү́тэ́, Екхэ́стэ́, мэ́ кэ́рдём грэхо́ и кэ́рдём фу́йпэ́н ангíл Ты́рэ́ якха́. И ча́чуно́ явэ́ла Ты́ро ра́кири́бэ́н и па́тяйбны́тко́ явэ́ла Ты́ро сэ́ндо. ⁷ Га́да, мэ́ би́янды́ём дро́ чори́пэ́н и ми́ри́ дай би́яндя́ ма́н грэхитко́нэ́са. ⁸ Га́да, Ту ка́мэ́са, соб (кай) мэ́ тэ́ я́вав ча́чуно́ дро́ ило́ и Ту сы́клякирэ́са ма́н, соб (кай) мэ́ тэ́ я́вав го́до дрэ́ гара́дэ́ мы́сли. ⁹ Вы́жу́жаки́р ма́н исопоса́ и мэ́ ява́ва жу́жо́, вы́мор ма́н и мэ́ ява́ва па́рнэ́дыр ивэ́стыр. ¹⁰ Дэ́ ма́нгэ́, соб (кай) мэ́ тэ́ шу́нав ра́дыма́ и тэ́ я́вав ло́шало́ (весё́ло), соб (кай) тэ́ ра́дынэ́нпэ́ мирэ́ ко́калы́, савэ́ Ту пха́гирдя́н. ¹¹ Га́рав Пэ́скиро́ му́й мирэ́ грэхэ́ндыр и кхос кри́г сарó́ миро́

фуипэн. ¹² Кэр андрал мандэ жужо ило, о Дэвла, нэвякир миро дүхо (фано) зорьяса. ¹³ На мэк ман дрэ риг Түтыр, на лэ криг Түро Свэнто Дүхо (Фано) мандыр. ¹⁴ Дэ палэ мангэ тэ радынавпэ, со Ту зракхэса ман, подрикир ман лачхэ духоса. ¹⁵ Мэ явава тэ сыклякирав одолэн, кон кэрэла чорэ рэнды, и грэхитка манушá парудёна, коли ёнэ рисёна кэ Ту. ¹⁶ Ракх ман бангятыр, пир сави рат сыс прочхудо, о Дэвла! О Дэвлалэ, Саво зракхэла ман: и мирi чиб явэла тэ багал пал Түро чачипэн. ¹⁷ О, Раё Дэвла, откэр мирэ уштá и отпхандэ миро муй тэ шарáв Тут. ¹⁸ Ту на камэса свэнта яныбэнá – мэ даvas Түкэ. Ту и на радынэсапэ, соб (кай) мэ тэ янав хачкирибнаскирэ свэнта дыибэнá. ¹⁹ Свэнто дыибэн (жэртва) исын лачхó Түкэ, Дэвлэскэ, тэды, кели амарó дүхо (фано) исын рискирдо кэ Дэвл. О, Дэвла, Ту ж сан дрэ патыв кэ ило, саво дандырэла пэс пал грэхó и рискирдо кэ Ту. ²⁰ [р.с.] О, Дэвла, бахтякир Түрэ кучонé ласкатыр Сионо. Газдэ Ерусалимóскирэ ванты (сцяны). ²¹ [р.с.] Тэды явэна лачхó Түкэ свэнта дыибэнá (жэртвы) чачунé илэстыр, свэнта дыибэнá газдыибнаса (возношэниёса) и цэла схачкирибнытка свэнта дыибэнá, со мануш выкэдэла, тэды янэна гурувэн сыр свэнто дыибэн пэ түро алтарё.

Шэрó 52

[51-р.с.] ¹ Хорóскирэ Дирижорóскэ. Сыклякирибэн. Давидóскиро Псáлмо,

² кели Донг Эдумиятыр явдя и роспхэндя Саулóскэ, пхэни: ‘Давидо загия дро Ахимелехоскиро кхэр.’ ³ Сóскэ ту шарэсапэ фуипнаса, ту, муршари? Дэвлэскири лачхэ-илыткима исын усады (сак) мánца пэ сарé вéки. ⁴ Түри чиб придуминэла хасибэн сыр востро (чолалы) чхури, ёй кэрэла буты ваш хохайбэн. ⁵ Түкэ исын пир ило фуипэн бутыр лачхипнастыр, ту бутыр хохавэса, сыр ракирэса чачипныткэс. Сэла. ⁶ Түкэ исын пир ило лавá кэ хасякирибэн, чиб хоханы. ⁷ Дэвл хасякирэла тут адякэ пэ сарé вéки и чхурдэла тут криг и выкушэла тут шатратыр и вырискирэла тут корнэнца (рукхэнца) пхувьятыр, кай живэна манушá. Сэла. ⁸ Чачипнаскирэ манушá явэна тэ дыкхэн и на явэна тэ страхадён и тэ санпэ лэндыр, пхэни: ⁹ “Дыкхэн! Акэ, исын мануш, саво на чхудя пэскири надёя пэ Дэвлэстэ, нэ ёв рисёлас кэ пэскиро барвалыпэн и ячэласпэ зоралэдыр тэ хасякирэл” ¹⁰ [р.с.] Нэ мэ сом сырбы зэлэно маслинтко дрéво дро Дэвлэскиро Кхэр, мэ рисёвава кэ Дэвлэскири лачхэ-илыткима пэ сарé вéки. ¹¹ [р.с.] Мэ явава ўсады (сак) тэ парикирав Дэвлэскэ пэ сарé вéки, со Ту кэрдян дава, Дэвла! Мэ явава тэ ужакирав лачхипэн Түрэ лавэстыр, пал-довá со Түро лав исын лачхó.

Шэрó 53

[52-р.с.] ¹ Хорóскирэ Дирижорóскэ пэ Дудка. Сыклякирибэн. Давидóскиро Псáлмо.

² Дылыно пхэндя пэскэ: “Нанэ Дэвлэс!” Манушá ячнэ розмэкнэ: ёнэ кэрдэ фуипэн, сóстыр манушэнгэ яця джунгалó, нанэ ни екхэс, кон кэрэла пир чачипэн. ³ Дэвлэ подыкхця болыбнастыр пэ манушэскирэ чхавэндэ, соб (кай) тэ дыкхэл, ци исын вари-кон, саво галёлас и родэлас Дэвлэс. ⁴ Сарэ рисинэ криг, ёнэ сарэ ячнэ чорэ манушá: нанэ ни екхэс, кон кэрэла пир чачипэн, нанэ ни екхорэс! ⁵ Наушто чорэ манушэндэ нанэ годы, со ёнэ хана мирэ манушэн сырбы ёнэ хана марó? А ёнэ на кхарэна Дэвлэс. ⁶ Одóй ёнэ явэна дро барó трашаибэн, кай нанэ трашаибэн, пал-довá со Дэвлэ росчхурдэла кокалы одолэнгирэ, саво обджана трусцял (кругом) марибнаса пэ Лэскирэ манушэндэ. Ёнэ явэна ладжакирдэ, пал-довá со Дэвлэ чхудя лэн дрэ бипатыв. ⁷ [р.с.] Кон явэла Сионóстыр тэ зракхэл Израилё! Кели Дэвлэ янэла палэ Лэскирэ манушэн пленóстыр, тэды Яково явэла тэ радынэлпэ, и Израилё явэла бахталó.

Шэрó 54

[53-р.с.] ¹ Хорóскирэ Дирижорóскэ пэ Балытка Струмэнтý. Сыклякирибóн. Давидóскиро Псáлмо,

² кéли Зифеи явнэ и пхэндлэ Саулóскэ: “Ци на гарадёла Давíдо машкíр амэндэ?” ³ Дэвла, зрáкх ман Тырé лавэса и сэндякир ман Тырé зоралыпнаса. ⁴ Дэвла! Вышúн мирí пáтери (модла), причхúв кан кэ лавá мирé москирэ. ⁵ Чужа манушá газдынэпэ пэ мандэ и биилэскирэ манушá родэна миро ди. Нанэ Дэвлэс ангíл лэнгирэ якхá. Сэла. ⁶ Акэ, Дэвэл дэла васт мánгэ. Рай Дэвэл исын одолэнца, кон подрикирэла миро ди. ⁷ Ёв отдэла палэ чорипнаса мирé вэргэнгэ, Ёв чхурдэла лэн дрэ риг Пэскирэ патяибнаса. ⁸ [р.с.] Мэ локхэс янава свéнто дыибэн, Тýкэ мэ явава тэ шарáв Тырó лачхó лав, о Раё Дэвла! ⁹ [р.с.] Пал-довá со Ту зракхцýн ман сарé пхарипнэндýр и мэ дыкхцём, сыр мирé вэрги пынэ.

Шэрó 55

[54-р.с.] ¹ Хорóскирэ Дирижорóскэ пэ Балытка Струмэнтý. Сыклякирибóн. Давидóскиро Псáлмо.

² О, Дэвла, причхúв кан кэ мирí пáтери (модла) и на гарадёв, сыр мэ ровава: ³ шун ман и отпхэн мánгэ: мэ псирава пэскэ и ладжава пэстыр ⁴ вэргэнгирэ занендыр и фуэ манушэндýр, савэ тасавэна ман. Ёнэ чхувэна банг пэ мандэ и бидыкхэна ман дрэ холы. ⁵ Миро илó дукхала андрáл мандэ и мэрибнаскири дар пыя пэ мандэ, ⁶ мэ издрава и трашаибэн явдý пэ мандэ, и ман обухтылдя бари дар. ⁷ И мэ пхэндём: “Кон дэлас пхакá (крылы) мánгэ сыр голумбоскэ? Мэ тэды вурнявас криг и откхинёвавас, ⁸ акэ, мэ дурьёвавас дур, и мэ ячававпэ тэ дживáв пэ чхучí пхув (пустыня). Сэла. ⁹ Мэ сыгнёвава тэ зракхавпэ зоралé балвалатыр и барé штормостыр.” ¹⁰ Пхагир лэн, о Раё Дэвла, роскёр лэнгирэ чибá (чибýя); пал-довá со мэ дыкхцём, савэ ёнэ исын нахрáта (наси́льники) и кошэнапэ; ¹¹ ёнэ псирэна пир фóро пир лэскирэ вáнты, дывэсэ и ратý ёнэ кэрэна чорипэн и пхарипэн екх екхэскэ, ¹² хашибэн исын машкирál давá фóро, хохайбэн и тасайбэн исын усады (сак) пэ лэскирэ вулйцы (гáсы). ¹³ Пал-довá со давá исын на вэрго, савó обракирэла ман, мэ давас рáда тэ лыджав давá: ци явэлас адасавó мануш, савó бидыкхэла ман и газдэла пэс шарибнаса пэ мандэ, мэ гарадёвавас лэстыр, ¹⁴ нэ давá ту сан, кадасавó сыр мэ сом, миро мал и миро пинджкирдо мануш, ¹⁵ конэса амэ гудлэс ракирдýм сарé илэстыр и савэса амэ псирдýм кхэтанэ явирэ скопоса манушэнгирэса дро Дэвлэскиро Кхэр. ¹⁶ Мэк мэрибэн тэ ухтылэл лэн. Мэк ёнэ джидэ тэ джáн тэлэ кэ штэто, кай исын лóно (адо). Чорипэн исын дро лэнгиро кхэр и илó. ¹⁷ Нэ мэ кхарáва Дэвлэс тэ помогинэл мánгэ и Рай Дэвэл зракхэла ман. ¹⁸ Бэльвэлэнца, тасярлэнца и дывэсэнца мэ явава тэ жалинавпэ и тэ издрав роибнаса, и Ев явэла тэ шунэл мирí зан, ¹⁹ и Ёв выракхэла миро ди раманёса марибнастыр, со лыджинэ пэ мандэ, со исын бут лэн проти мандэ. ²⁰ Дэвэл явэла тэ шунэл и отпхэнэла лэнгэ, давá Ёв, Савó исын пэ трóно пэ сарé вéки. Сэла. Нэ ёнэ на парудэна, нанэ лэндэ трашаибэн Дэвлэстыр. ²¹ Ёнэ газдынé васт пэ одолэндэ, савэ сыс дро рамáнэ лэнца; ёнэ пхагирдэ пэскиро доракирибэн; ²² лавá лэнгирэ мóстыр сыс гладкэдыр ксилэстыр, лэнгирэ пхэныбэна сыс ковлэдыр маслинитконэ дзэтэстыр (елеёстыр), нэ палáл пал ландэ сыс востра (чолалэ) курталы. ²³ Мэк пэскиро калó пхарипэн пэ Растэ-Дэвлэстэ, и Ёв приракхэла тут. Ёв на домэкэла ниэкхвар, соб (кай) чачипнаскирэ манушá тэ обштавэнпэ. ²⁴ [р.с.] Нэ Ту, Дэвла, янэса тэлэ лэн дрэ хашибнýтко ганбín (яма); а манушá, савэ прочхудэ рат и савэ хохавэнас, на продживэна пэскирэ паш дывэсá. Нэ мэ рисёвава кэ Ту, Дэвла, тэ зракхавпэ.

Шэрó 56

[55-р.с.] ¹ Хорóскирэ Дирижорóскэ пэ Мелодия: “Голумбица, савí исын штыл пэ дуратунé Штэты.” Давидоскири Надéя, кéли Филистимляни ухтылдэ Лэс дро Гато.

² Яв тангипнаскиро (жалостно) кэ мэ, о Дэвла, пал-довá со манушá хасякирэна ман, манушá тасавэна ман сарó дывэс. ³ Мирé вэрги чорьёна пал мандэ сарó дывэс; исын лэн древан бут, кон джáла марибна́са пэ мандэ. ⁴ Кéли мэ сом дрэ дар, тэды мэ рисёва́ва кэ Ту тэ зракхавпэ. ⁵ Мэ рисиём кэ Дэвэл тэ зракхавпэ, мэ ява́ва тэ шарáв Лэскиро лав пир Лэстэ, мэ на ява́ва тэ дарав, со кэрэла ману́ш мангэ? ⁶ Мирé вэрги пиририскирэна мирé лавá цéло дывэс, сарé лэнгирэ думки исын проти мандэ тэ кэрэн чорипэн. ⁷ Ёнэ скэдэнапэ кхэтанэ, ёнэ гарадэна, ёнэ поддыкхэна пал мирé шпэры (сляды), кéли ужакирэна тэ замарэн ман. ⁸ Ци ёнэ нашэна каратыр пал пэскиро чорипэн? Дэвлалэ! Пхарáв кэ пхув далэ-манушýтка на́цыи дрэ Пэскири холы. ⁹ Ту ж гиндян мирé шпэры (сляды); ки́цы мэ псиравас бикхэрэскиро, чхув мирé ясва дрэ Пэскиро кхорó (сасудо), ци нанэ ёнэ дрэ Ты́ри лылварí? ¹⁰ Кéли мэ да́ва гóдла Тýкэ тэ дэс васт, тэды мирé вэрги рисёна палэ: да́ва мэ джинóм, со Дэвэл исын пал мандэ. ¹¹ Пир Дэвлэстэ мэ ява́ва тэ шарáв Лэскиро лав, пир Растэ-Дэвлэстэ мэ ява́ва тэ шарáв Лэскиро лав; ¹² Мэ рисиём кэ Дэвэл тэ зракхавпэ, мэ на страхандэвава; со кэрэла ману́ш мангэ? ¹³ Тýкэ, Дэвла, мэ совлахадём, Тýкэ, мэ парикирава сыр свэнто дыибэн мандыр, ¹⁴ [р.с.] со Ту зракхцýн миро ди мэрибна́стыр, приракхцýн мирé гэрá пэрибна́стыр, соб (кай) мангэ сашты (можно) тэ псирав ангíл Дэвлэстэ пэ дуд (свэто), савó дэла джиибэн.

Шэрó 57

[56-р.с.] ¹ Хорóскирэ Дирижорóскэ. На хасякир. Давидоскири Надéя, кéли Ёв насця Саулостыр дрэ Гебар (Пешчэра).

² Яв тангипна́скиро (пожáлин) кэ мэ, о Дэвла, яв тангипнаскиро: со миро ди риси́я кэ Ту тэ зракхэлпэ: мэ ява́ва тэ гарадэвав дрэ зэр (тенё) Ты́рэ пхакэнгири, пака бари б́ида проджáла (накхэла). ³ Мэ да́ва гóдла Дэвлэскэ, Най Вучэдырэскирэскэ, Дэвлэскэ, Савó кэрэла сарó ваш мангэ. ⁴ Ёв отпхэнэла мангэ болыбна́стыр и зракхэла ман; Ёв ладжакирэла одолэс, кон пхагирэла ман. Сэла. Дэвэл бичхавэла Пэскири лачхэ-илы́ткима и чачипэн. ⁵ Миро ди исын машкíр шчэрэндэ (левэндэ), мэ сом паштó машкíр одолэндэ, савó хачона ягáса, – манушýтка чхавэ, конэскирэ дандá исын сы́рбы чхурдыбны́тка бустя́ (коп’и) и марибны́тка бустя́ (стрéлы), лэнгири чиб исын сы́рбы востро (чолалы́) куртáла. ⁶ Тэ шарэл Тут вучэды́р болыбна́стыр, о Дэвла, мэк тэ явэл Ты́ри сла́ва пир сарí пхув. ⁷ Ёнэ чхудэ фэлы́ (сеть) тэл мирé гэрá, миро ди исын бандякирдо тэлэ. Ёнэ выганадэ ганб́йн ангíл мандэ: ёнэ кокорé пынэ дрэ латэ. Сэла. ⁸ Миро илó зоралэс патя́ла: Дэвла, миро илó зоралэс патя́ла; мэ ява́ва тэ багáв и шарáв Тут. ⁹ Джагадэв, миро бариканыпэн! Джангадэв, гусли и арфа. Мэ джангавава кхам, сыр дывэсэла. ¹⁰ Мэ ява́ва тэ шарáв Тут машкíр манушэндэ, о Раё Дэвла, мэ ява́ва тэ багáв Тýкэ машкíр кхэрýтка рóды (плéми). ¹¹ Ты́ри лачхэ-илы́ткима исын вучэды́р болыбна́стыр и Ты́ро патяибэн доджáла кэ óблоки. ¹² [р.с.] Тэ шарэл сарó Тут вучэды́р болыбна́стыр, о Дэвла, мэк тэ явэл Ты́ри сла́ва пир сарí пхув.

Шэрó 58

[57-р.с.] ¹ Хорóскирэ Дирижорóскэ. “На хасякир.” Давидоскири гарады Надéя.

² Со сыкавэ́ла, со тумэ ракирэна чачипэн? Ци чачунэс тумэ сэндякирэна, чхавэ манушýтка? ³ Над, тумэ кэрэна фуипэн дро тумарó илó; тумэ сы́рбы важынэна пэ ублады́тка (весы) нахрата рэндý тумарé вастэнца пэ пхув. ⁴ Фуй манушá джáна криг Дэвлэскирэ дромэстыр

ишчо (инкэ) дакирэ лочовятыр, ёнэ кэрэна блэнды тэды, кэли ёнэ сыс дро дакиро пэр, хохай. ⁵ Ёнэ исын пхэрдэ трутаса (ядоса) сырбы сапэскирэ трутаса, ци сырбы кашукэ гадостэ, со закэрэла пэскирэ уштá, ⁶ саво на шунэла човаханэскири (чараўникоскири) зан, кон адякэ рангирэс човаханякирэла. ⁷ Дэвла, выпхагир лэнгэ дандá дро муй, попхагир сарэса клыки тэрнэ шчэрэнгирэ, о Раё Дэвла! ⁸ Мэк ёнэ тэ розбиладён сыр панí, со тхадэла, мэк тэ пхадён лэнгирэ марибнётка бустя (стрэлы) лукостыр, кэли надтырдэна лэн. ⁹ Мэк ёнэ тэ явэн сырбы слимаки (улитки), со розбиладэна дрэ пэскири сълизь, мэк ёнэ тэ явэн сырбы счхурдыно биято джувлятэ, саво на удыхэла кхам. ¹⁰ Ангил дова, сыр кэ пирья доджала кодрилё ци тэ явэл ёв зэлэно, ци шуко тэ хачол, Дэвэл укэдэла лэн криг рискирдонэ балваляса (вихроса). ¹¹ Чачипнаскиро мануш явэла тэ радынэлпэ, кэли ёв чхувэла кáра пэ чорé манушэндэ, и ёв выморэла пэскирэ пирé (стопы) дро фуё-манушэнгиро рат: ¹² [р.с.] и пхэнэла мануш: “Чачо, исын лачхо отдыибэн палэ пал чачипнаскирестэ. Чачо, Дэвэл исын Одова, Саво сэндякирэла пэ пхув.”

Шэрó 59

[58-р.с.] ¹ Хорóскирэ Дирижорóскэ. “На хасякир” пэ Мелодия, Давидоскири гарады Надéя, кэли Савло бичхадя Манушэн и ёнэ дыкхнэ цямкэс пал Кхэр, соб (кай) тэ замарэн лэс.

² Дэвла миро! Зрáкх ман мирé вэргэндыр, чхув ман пэ вучипэн одолэндыр, савé газдэнапэ пэ мандэ. ³ Зрáкх ман манушэндыр, савé кэрэна чорипэн и зрáкх ман одолэндыр, кон исын нахрата кэ рат. ⁴ Пал-дова со гáда, ёнэ подракхэна тэ замарэн ман; зор манушá скэдэнапэ пэ мандэ: на пал мирé чорé рэндэ ци пал миро грéхо, о Раё Дэвла! ⁵ Ёнэ прастána и сыклякирэна екх екхэс, на дыкхí, со нанэ банг мандэ. Джангадёв тэ помогинэс мánгэ и подыхк. ⁶ И Ту, о Раё Дэвла, болыбнаскирэ-янголэнгиро, Израилёскиро Дэвэл, ушты и яв тэ дыкхэс сарé нáцыи, на тангинэ ни екхэс, кон зракирэлапэ тэ кэрэл чорипэн. Сэла. ⁷ Бэльвэленца ёнэ рисёна палэ, ёнэ выинэна сырбы джукэла и обджана трусцýл фóро, ⁸ акэ, лэнгирэ муендыр чадэла, лэнгирэ уштэндыр джána лавá сырбы востро (чолалы) куртáла, и ёнэ думинэна пэскэ: “Кон дава шунэла?” ⁹ Нэ Ту явэса тэ саспэ лэндыр, Раё Дэвла, Ту явэса тэ просас явир нáцыи. ¹⁰ Ту сан миро Зоралыпэн, пэ Тýtэ мэ явáва тэ рикирав надéя; Ту, Дэвла, сан мирí твáрдýма тэ гарадэвав мánгэ. ¹¹ Миро Дэвэл, Саво тангинэла ман, явэла тэ дыкхэлпэ мánца, Дэвэл дэла мánгэ тэ дыкхáв, сыр мирé вэрги пэрэна. ¹² На замар лэн, соб (кай) мирé манушá тэ на бистрэн лэн, росчхурдэ лэн Тырé зорýяса и рав тэлé лэн, амарó Раё Дэвла, Ту сан шчýто амарó. ¹³ Лэнгирэ мóстыр джána грэхйтка лавá, мэк ёнэ тэ дэнпэ дукхá (тэ хохавэнпэ) пэскирэ пхутькирибнастыр пал дова, со ёнэ прокошэнас и хохавэнас. ¹⁴ Хасякир лэн дрэ Пэскири холы, хасякир, соб (кай) ёнэ тэ на явэн, соб (кай) ёнэ тэ джинэн, со Дэвэл кралинэла Яковостыр аж кэ ягóры (кэ край) пхувýякирэ. Сэла. ¹⁵ И ёнэ явэна палэ бэльвэленца, и мэк ёнэ тэ выинэн сырбы джукэла и тэ псирэн трусцýл фóро; ¹⁶ мэк ёнэ тэ псирэн одорíк и палэ пал хабэн, мэк ёнэ тэ рыкинэн, кóли тэ на явэн чалэ. ¹⁷ Нэ мэ явáва тэ багáв пал Тырó зоралыпэн; чачó мэ явáва тэ багáв зоралэс пал Тырí лачхэ-илыткима злокостыр (ранкостыр): со Ту сáнас ваш мánгэ сырбы зоралы твáрдýма (диз) тэ гарадэвав и надéя дрэ пхарé дывэсá. ¹⁸ [р.с.] Мэ явáва тэ багáв: “Ту сан мирí Зор, Ту сан миро Дэвэл, Саво приракхэла ман. Миро Дэвла, Саво тангинэла ман.”

Шэрó 60

[59-р.с.] ¹ Хорóскирэ Дирижорóскэ.

Пэ Мелодия “Лилиякиро Допхэныбэн.” Давидоскири Надéя. Ваш Сыклякирибэн, кэли ёв мардýпэ Сирияса Месопатамиятыр и Сирияса Цованостыр и, ² кэли Иоáво (Джоаба) рисия, сыр ёв замардý дэшудýй тысенцы Идумиянэн пэ Лондытко Дóло.

³ Дэвла! Ту гйян криг амэндэр и пхагирдян амэн; Ту сáнас холямо пэ амэндэ: аканá прилэ палэ амэн. ⁴ Ту тринскирдян пхув: Ту розрискирдян ла: састякир лáкирэ рискирибэна (повреждении), пал-довá со ёй кунинэлапэ (колебинэлапэ). ⁵ Ту чхудян Пэскрэ манушэн ангил пхарипэн, Ту дыян амэнгэ мол тэ издрас. ⁶ Ту дыян сцяго (знамё) одолэнгэ, савэндэ исын трашаибэн ангил Тútэ, тэ газдэн лэс ваш патяибэн, ⁷ соб (кай) тэ зракхэнпэ одолэ, кон яця дро́го Тýкэ. Помогин тэ зракхэнпэ Тырэ чачэ вастэса и отпхэн мангэ. Сэла. ⁸ Дэвл пхэндя Пэскирэ свэнтиматыр: Мэ газдавапэ радымáса, Мэ роскэрава Сихемо и Мэ розмеринава Сукотоскиро до́ло. ⁹ Миро исын Галаáдо, и миро исын Манáсия, Эфремо исын сы́рбы шлемо тэ раххэл миро шэро́, Юда исын сы́рбы миро трóно тэ кралинэл. ¹⁰ Моáво исын ми́рй копáна (умывальница), пир Эдо́мо мэ чхурдава ми́рй шкорня; Филистия (Филистэя), ци на дэса ту гóдла зоралэс радымáтыр пал мáндэ. ¹¹ Кон янэла ман дро зоралó фóро? Кон лыджáла ман дро Эдо́мо? ¹² Ци Ту чхурдыян дрэ риг, чачэс, Дэвла? Ци Ту на джáса ангил амарэ халадыбэна. ¹³ [р.с.] Дэ васт амэнгэ проти амарэ намалэстэ, пал-довá со харты́тко исын подыно васт манушэндэр. ¹⁴ [р.с.] Дэвлэса амэ кэра́са барэ рэндэ; Ёв ростасавэла амарэн намалэн (надругэн).

Шэро́ 61

[60-р.с.] ¹ Хорóскирэ Дирижорóскэ. Пэ Балытка Струмэ́нты. Давидóскиро Псáлмо.

² Шун, Дэвла, со мэ ровава, и пришунпэ кэ ми́рй пáтери (молítва). ³ Ягорэндэр (краэндэр), со исын пэ пхув, мэ кхарáва Тут, кэли миро ило́ исын тэлэ: залыджа ман пэ бэ́рга, со исын вучэды́р мáндыр. ⁴ Пал-довá со Ту сáнас сыр гарадыипэн мáнгэ, сы́рбы зоралы́ вучарды́ (башня) мирэ́ вэргэндэр. ⁵ Мэ явáва тэ дживáв дрэ Ты́рй шáтра пэ сарэ́ вéки; мэ явáва тэ гарадэ́вав и тэ рикирав надéя тэл Ты́рэ пхакá. Сэла. ⁶ Пал-довá со, Ту, Дэвла, шундя́н мирэ́ совлахá; Ту дыян мáнгэ мэ́кно́ миштыпэн одолэнгиро, кон страхадéла Ты́рэ лавэ́стыр. ⁷ Ту дэса буты́р джиибнáскирэ дывэ́сá кралы́скэ, соб (кай) тэ явэн лэ́скирэ бэршá пэ буты́р вéки, ⁸ соб (кай) ёв тэ бэшэл пэ трóно ангил Дэвлэ́стэ, мэ́к лачхэ-илы́ткима и чачипэн тэ приракхэн лэс. ⁹ [р.с.] Палдава́ мэ явáва тэ багáв шарибны́тко гилы́ пал Ты́ро лав пэ сарэ́ вéки, соб (кай) мáнгэ тэ кэра́в кэ ко́нцо (ягóро) тэ сполнина́в мирэ́ совлахá со дывэ́с.

Шэро́ 62

[61-р.с.] ¹ Хорóскирэ Дирижорóскэ. Едуцыно́скэ. Давидóскиро Псáлмо.

² Дрэ Екхэ́стэ Дэвлэ́стэ миро ди исын штыл, Лэ́стыр джáла миро зракхибэн. ³ Ёв, Екх, исын ми́рй скáла тэ зракхавпэ, и ми́рй твáрдыма (диз); мэ ж на пэ́рава. ⁴ Ки́цы тумэ́ явэ́на тэ пэрэн пэ екхэ́ манушэ́стэ? Тумэ́ родэ́на сарэн тэ заравэн сыр до́я вáнта, со бандия, сыр тыно, со издрала. ⁵ Ёнэ екх зракирэнапэ тэ зравэн лэс лэ́скирэ райканэ штэ́то́стыр; ёнэ бахталéна хохаибнэндэр. Ёнэ шарэ́на пэ́скирэ мо́са, нэ ёнэ прокошэ́на дрэ пэ́скирэ илэ. Сэла. ⁶ Екх дрэ Дэвлэ́стэ Екхэ́стэ миро ди исын штыл, пал-довá со мэ ужакирава лачхипэн Лэ́стыр. ⁷ Ёв, Екхджинó, затэрдéла пал мáндэ и зракхéла ман, Ёв исын миро гарадыипэн, мэ на пэ́рава, ⁸ Миро зракхибэн и ми́рй слáва Дэвлэ́стыр, Савó исын сы́рбы зоралы́ вучарды́ (башня), кэ Кон мэ рисё́вава тэ гарадэ́вав. ⁹ Рисён кэ Ёв тэ гарадён ка́жно мо́ло, тумэ́, манушáлэ, пхэнэн сарó, со исын пэ ило́, ангил Лэ́стэ. Кэ Дэвлэ́ мэ рисё́вава тэ гарадэ́вав. Сэла. ¹⁰ Чачó: манушы́тка чхавэ́ исын сы́рбы бэ́львэлякиро пхурды́пэн, манушэнгирэ́ чхавэ́ исын хохаибэн. Кéли ту поважынэ́са лэн пэ ублады́тка (весы), тэды ёнэ исын локхэ́дыр бэ́львэлякирэ́ пхурды́пнастыр (дуновени́ёстыр). ¹¹ На рýскир ило́ тэ тасавэн манушэн, на пхутёв чорибна́са. Кóли розбарвалéса, усаéкх на отдэ́ пэ́скиро ило́ барвалы́пнаскэ. ¹² Дэвлэ́ пхэндя́ экхвар; мэ шундём дуй мо́лы дава́, со сары́ зор исын Дэвлэ́стыр. ¹³ [р.с.] Ады́кэ-па́ць

Тутыр, Раё Дэвла, сарі лачхэ-илыткима, Ту отдэса палэ кажнонэ манушэскэ пир дова, со ёв кэрдя.

Шэрó 63

[62-р.с.] ¹ Давидóскиро Псáлмо, кели Ёв сыс пэ чхучі Пхув кэ Юдэя

² Дэвла! Ту сан миро Дэвлэ, мэ самонэ тасярлатыр (ранкóстыр) родава Тут. Миро ди сыр пал пани, савó тырдэлапэ кэ Ту, дрэ мирі лоч (плоть) исын сырбы труш/смэга (жажда) пал Тútэ, сыр дрэ шуки и дошалы пхув, со исын би панескиро, ³ соб (кай) тэ дыкхав зор и слава Тырі, сыр мэ дыкхцём Тут дро Свэ́нто Штэ́то. ⁴ Тырі лачхэ-илыткима исын миштэдыр джиибнастыр, мирэ уштá явэна тэ шарэн Тут. ⁵ Палдава мэ ява́ва тэ слави́нав и тэ парикира́в Тукэ дро миро джиибэ́н, мэ ява́ва тэ газдав вастá ваш Тыро́ лав. ⁶ Миро ди явэ́ла чалы сырбы чэкэнэса (тукоса) и тхулыпнаса и мирэ уштá явэна тэ славинэ́н Тут обрадынлэ заня́са, ⁷ кели мэ пририпирава Тут пэ миро чхуибэ́н, тэды мэ думина́ва пал Тútэ раты́, кели джангадэ́вава, ⁸ со Ту ўса́ды (сак) дэсас васт ма́нгэ, а мэ ява́ва тэ рады́навпэ тэл Тырэ́-пхакэнгири зор. ⁹ Миро ди прия́ця кэ Ту, а Тыро́ чачо́ васт подрикирэ́ла ман. ¹⁰ И одолэ́, савэ́ родэ́на, соб (кай) тэ хасякирэ́л миро джиибэ́н, ёнэ джа́на дрэ хорипэ́на тэл пхув; ¹¹ лэн отдэ́на тэл курта́ла, ёнэ явэ́на сырбы хабэ́н шакалэ́нгэ. ¹² [р.с.] Нэ кра́ли явэ́ла тэ рады́нэлпэ Дэвлэ́стыр, ка́жно ма́нуш явэ́ла тэ шарэ́лпэ, кон совлахала Лэ́скирэ лавэ́са, пал-дова́ со хохаибнаскирэ́ муя́ явэ́на запхандлэ́.

Шэрó 64

[63-р.с.] ¹ Хорóскирэ Дирижорóскэ. Давидóскиро Псáлмо.

² Шун, Дэвла, мирі зан, кели мэ жалинавапэ, приракх миро джиибэ́н вэргостыр, савó трашакирэ́ла ман, ³ гарав ман чораханэ́ зракирибнастыр, савó лыджáла кэ бída, бунтостыр, со кэрэ́на чорé манушá, ⁴ савэ́ точынэ́на (дэ́на чол) пэскирэ́ дандá сырбы курта́ла; ёнэ чхудэ́ киркэ́ лавá сырбы бустя́ пэ лу́ко, ⁵ соб (кай) тэ дэн карье́ дрэ бидошэ́нгирэ́ манушэ́стэ, кели ёнэ гарадэ́на. Екхáтыр (сра́зу) ёнэ дэ́на карье́ дрэ лэ́стэ и ёнэ на страхадэ́на. ⁶ Ёнэ подмарэ́на пэс пэ чорé рэ́нды, ёнэ зракирэ́напэ тэ чхувэ́н фэ́ля чораханэ́с, ёнэ ракирэ́на: “Кон явэ́ла тэ дыкхэл?” ⁷ Ёнэ придуминэ́на тэ кэрэ́н чорипэ́н: “Амэ скэ́дыямпэ́ тэ кэра́с дова́, со придуминд́ям бидошэ́нгиро.” Годы́ и ило́ манушэ́нгирэ́ исын хор гарадэ́. ⁸ Нэ Дэвлэ́ явэ́ла тэ дэл карье́ дрэ лэ́ндэ, со лэ́нгирэ́ фра́нсы (раны) екхáтыр сыкадэ́на, ⁹ соб (кай) ёнэ тэ пэрэ́н екх пэ екхэ́стэ пэскирэ́ чибатыр, ка́жно ма́нуш удыхэ́ла, кели ёнэ на́шэна криг. ¹⁰ Сарé манушá страхадэ́на и ёнэ явэ́на тэ ракирэ́н сарэ́нгэ пал Дэвлэ́скири буты́; чачо́, ёнэ явэ́на тэ галё́н Лэ́скири буты́ годя́са. ¹¹ [р.с.] Чачипнаскирэ́ явэ́на тэ рады́нэ́нпэ Дэвлэ́стыр и ёнэ явэ́на тэ рисэ́н кэ Ёв тэ зракхэ́нпэ и сарé чачу́нэ илэ́са явэ́на тэ шарэ́нпэ.

Шэрó 65

[64-р.с.] ¹ Хорóскирэ Дирижорóскэ. Псáлмо и Гилы́ Давидóскирэ.

² Ту, Дэвла, сан мол, соб (кай) тэ шарэн Тут пэ Сио́но и Тукэ́ манушá дэ́на совла́х. ³ Ту шунэ́са па́тери (моли́тва), кэ Ту явэ́ла ка́жно джидо́ ма́нуш, ⁴ амаро́ чорипэ́н исын зоралэ́дыр амэ́ндыр: ту примангэ́са (простинэ́са) амэ́нгэ амарэ́ чорé рэ́нды. ⁵ Бахталó исын кодо́ва, конэ́с Ту выкэ́дыян и чхудя́н пашылэ́дыр кэ Пэ: ёв явэ́ла тэ дживэ́л дрэ тырэ́ грэ́ды (дворы), амэ́ ява́са чалэ́ лачхипнастыр дро Тыро́ Кхэр, дрэ тырі́ Кханги́рі. ⁶ Ту отпхэ́нэса амэ́нгэ пэскирэ́ древа́н барé дивно́нэ рэ́ндэ́нца Пэ́скирэ чачипнастыр, Дэвла, Савó зракхэ́ла амэ́н, Савэ́стыр зоралэ́с ужакирэ́на лачхипэ́н сарé пхувя́кирэ́ ягорэ́ндыр (краендыр) и дуратунэ́

морьендыр (дэрьявэндыр), ⁷ Ту чхудян бэрги Пэскирэ зорьяса, Ту подпхандянпэ Пэскирэ зоралыпнаса; ⁸ Ту штылякирэс морёскири грукима, валнэнгири грукима и манушэнгири бунто. ⁹ Ёнэ, савэ адякэ-паць дживэна дрэ дуратунэ штэты пэ пхув, дарэна Тырэ гертыкэндыр (знакэндыр). Ту кэрэса адякэ, со ягёры (край) пхувьякирэ радынэнапэ тасярлатыр кэ рат. ¹⁰ Ту дыкхэса пал пхув и панякирэса ла, Ту древан (збит) тхулякирэса пхув: Дэвлэскири рэка (лэнь) исын пхэрдэ панэса, Ту барвалякирэса лакиро гив – акэ, сыр Ту кэрэса дава: ¹¹ Ту панякирэса лакирэ лесни (борозны), Ту роўнинэса (кэрэса вортэс) лакирэ гарбыли, Ту ковялякирэса лэн спорконэ брышындэнца, Ту бахтякирэса ўзбарьякирибэна тэ барьён; ¹² Ту бахтякирэса аплодо тырэ миштыпнаса, тырэ дрома спялымаса; ¹³ пожни пэ чхучэ пхувья исын киндлэ, и тыкнэ бэргицы исын сырбы подпхандлэ радымаса; ¹⁴ [р.с.] пожни исын пхэрдэ бакрэнгирэ гуртэнца, долы исын чхакирдэ гивэса; ёнэ сырбы зоралэс радынэнапэ и багана.

Шэрó 66

[65-р.с.] ¹ Хорóскирэ Дирижорóскэ. Гилы. Псáлмо.

Дэн гóдла радымаса Дэвлэскэ, сарí пхув, ² баган пал патыв Лэскирэ лавэскэ, баган слава́са, кэли шарэна Лэс. ³ Пхэнэн Дэвлэскэ: “Савэ барэ кэ дар исын Тырэ бутя! Тырэ вэрги ячэна тэ кандэн Тут пал Тырэ зоралыпэн. ⁴ Мэк сарí пхув тэ бандёл шэрó патываса кэ Ту, и тэ багал Тукэ, мэк ёнэ тэ шарэн Тырэ лав.” ⁵ Явэн и дыкхэн пэ Дэвлэскирэ бутя! Саво зоралыпэн исын Тырэ бутендыр, со Ту кэрдян манушэскирэ чхавэнгэ, состыр аж вэрги страхадэна. ⁶ Ёв пирикэрдя мóрэ (дэрьяв) дрэ шукí пхув; ёнэ пиригинэ мóрэ (дэрьяв) пирэнца (стопэнца), одой амэ яваса тэ радынаспэ Лэстыр. ⁷ Ёв кралинэла Пэскирэ зорьяса пэ сарэ ве́ки; Лэскирэ якхэ дыкхэна цямкэс (ракхипныткэс) пал Наюдытка на́цыи, соб (кай) одолэ, кон бунтуинэла, тэ на газдэнпэ радымаса. Сэла. ⁸ Парикирэн и шарэн амарэ Дэвлэс, о манушэлэ, пэ пхув, пхэнэн зоралэс шарибэн Лэскэ; ⁹ Кон дэла джи́ибэн амарэ дескэ, и на домэкэла амарэ гэрэнгэ тэ зджан штэтóстыр. ¹⁰ Пал-довá со Ту, Дэвла, пропатыкирдян амэн, Ту выпробиндян амэн сыр руп выжужакирэна (вычыстинэна). ¹¹ Ту яндян амэн дрэ фэлы, Ту чхудян тасайбэн пэ амарэ думэ; ¹² Ту кэрдян, соб (кай) манушá тэ псирэн пир шэрó пэ амэндэ; амэ прогиям пир яг и пир панí; нэ Ту вылыджиян амэн, соб (кай) тэ дэс бут. ¹³ Мэ заджава дрэ Тырэ Кхэр хачкирибнаскирэ свэнтонэ дыибнэнца; мэ кэра́ва, сыр мэ совлахадём пал дова́, ¹⁴ со мирэ уштá выпхэндлэ и миро муй пхэндя́, кэли сыс пхаро́ мангэ. ¹⁵ Мэ яна́ва Тукэ хачкирибнаскирэ свэнта дыибэна́ тхулэ мурдалэндыр, кучонэ кхандыбнаса бакрэндыр, мэ яна́ва гурувэн бузненца. Сэла. ¹⁶ Явэн, шунэн ра́кхунэс, сарэ, конэстэ исын трашайбэн ангíл Дэвлэстэ и мэ пхэна́ва тумэнгэ, со Ёв кэрдя мирэ дескэ. ¹⁷ Мэ дыём гóдла Лэскэ тэ помогинэл мирэ мо́са и шардём Лэс мирэ чибаса́ (чи́бьяса). ¹⁸ Ко́ли мэ думинавас пал чорипэн дро пэскиро ило́, тэды Рай́ Дэвэл на шунэлас ман. ¹⁹ Нэ Дэвэл шундя́, пришундяпэ кэ мирí зан, сыр мэ мангдёмпэ, ²⁰ Тэ явэл бахтякирдó Дэвэл, Саво на рисия́ криг мирэ патерьятыр (молитватыр), Саво на рискирдя́ Лэскири лачхэ-илы́ткима ма́ндыр.

Шэрó 67

[66-р.с.] ¹ Хорóскирэ Дирижорóскэ. Пэ Балытка Струме́нты. Псáлмо. Гилы.

² Мэк Дэвэл тэ явэл лачхэ-илэскиро тэ примангэл грéхи амэнгэ и тэ бахтякирэ́л амэн и, соб (кай) Лэскирэ-москиро дуд (свэто́) тэ свэнцынэл пэ амэндэ. Сэла. ³ Соб (кай) сарэ пэ пхув тэ джинэн Тырэ дром, сарэ Наюдытка на́цыи тэ джинэн, со Ту зракхэса. ⁴ Мэк сарэ манушыпнаскирэ на́цыи тэ парикирэн Тукэ, Дэвла, мэк сарэ на́цыи тэ парикирэн Тукэ. ⁵ Мэк тэ явэн весéла (лошалэ́) сарэ на́цыи и, мэк тэ шарэн гия́са, со Ту сэндыкирэса манушэн пэ пхув пир чачипэн. Сэла. ⁶ Мэк тэ парикирэн Тукэ, Дэвла, сарэ на́цыи, мэк тэ парикирэн

Түкэ сарэ на́цыи. ⁷ Пхув дыя пэскиро аплодо: Дэвла, амаро Дэвэл бахтякир амэн. ⁸ [р.с.] Мэк тэ бахтякирэл амэн Дэвэл, мэк сарэ кэ пхувьякирэ ягёры (концы) тэ дарэн Лэстыр.

Шэрó 68

[67-р.с.] ¹ Хорóскирэ Дирижорóскэ. Давидóскиро Псáлмо. Гилы́.

² Мэк Дэвэл тэ тэрдёл и тэ росчхурдэл Пэскирэ вэргэн, и мэк одолэ, савэ бидыкхэна Лэс, явэна тэ нашэн Лэскирэ мо́стыр. ³ Сыр тхув роспхурдэлапэ криг, адякэ-паць Ту роспхурдэса лэн; сыр мом биладэла ягатыр, адякэ-паць фуй манушá биладэна одой, кай Дэвэл исын. ⁴ Нэ патяибнаскирэ манушá явэна бахталэ; ёнэ явэна тэ радынэнпэ зоралэс, и ёнэ явэна тэ газдэнпэ радымаса. ⁵ Багáн Дэвлэскэ, багáн шарибнытка гиля́ Лэскирэ лавэскэ, газдэн шарибнаса Лэс, Савó традэла уклисто пир óблоки пэ болыбэн: Лэскиро лав исын Рай Дэвэл, газдэнпэ шарибнаса одой, кай Ёв исын. ⁶ Дэвэл, Савó исын дрэ Пэскиро Свэ́нто Штэ́то, Дад пиротэнгиро (сиротэнгиро), Сэндáри пивленгиро (удовэнгиро). ⁷ Дэвэл дэла кхэр тэ дживэн одолэнгэ, кон исын екхджинэ, Ёв мэкэла пэ во́ля одолэн, кон исын дрэ састыра́: бунтуйтка манушá ячэнапэ пэ шукй пхув. ⁸ О, Дэвла! Кéли Ту выджасас ангй́л Пэскирэ манушэндэ, кéли Ту гй́ян пир чхучй́ пхув, ⁹ тэды пхув куниндяпэ и болыбэн чхудя́ адякэ-паць панй́ брышындэстыр, и бэ́рга Сио́но тринскирдяпэ ангй́л Дэвлэстэ, Израилёскирэ Дэвлэстэ. ¹⁰ О, Дэвла! Ту бичхадян барó брышы́нд пэ Пэскиро мэкно́ миштыпэн тэ подрикирэс лэс, кéли ёв лыя́ тэ дошвалёл и Ту дыян зор лэскэ, ¹¹ Тырэ манушá дживдэ одой. Ту, Дэвла, кэрдян дава́ ваш чорорэнгэ Тырэ лачхипнастыр. ¹² Рай Дэвэл дэла припхэныбэн и исын бут джувля́, кон пиридэла да́я лачхй́ зан (звесь). ¹³ Кра́лья халадыбнэнгирэ нашэна, ёнэ пра́стана криг, а джувля́, савэ исын кхэрэ, роскэрэна машкй́р пэстэ мазу́ри (награда), со дорэснэ. ¹⁴ Мэк тумэ тэ откхинён машкй́р загоны (гражы), кай исын бакрэ, сароекх тумэ явэна сы́рбы голумбица, савья́тэ пхака́ (крылы) чхакирдэ рупэ́са, а порá чачунэ́ сувнака́са. ¹⁵ Кéли Сарэзорьякиро Дэвэл росчхурдыя кра́льён пэ бэ́рга Сэлмо́но, ёй яця́ парны сыр ив. ¹⁶ Бэ́рга Васан (Башан) исын Дэвлэскири бэ́рга; пэ бэ́рга Васан исын бут вучипэна́. ¹⁷ Со́скэ тумэ дыкхэна зэвлыныпнаса, бэ́ргэнгирэ вучипэна́ пэ бэ́рга, кай Дэвэл выкэдыя́ тэ дживэл? Чачо́, Рай Дэвэл дживэла пэ ла́тэ, пэ сарэ ве́ки. ¹⁸ Дэвлэстэ исын биш бара́ (тысёнцы) марибны́тка вурдэна́, аж лэн исын бара́ машкй́р бара́: Рай Дэвэл исын машкй́р лэндэ, сыр Ёв исын пэ Пэскиро Свэ́нто Штэ́то пэ Синаё́. ¹⁹ Ёв гия́ пэ вучипэна́, Ёв лыя́ пленонэн дрэ наво́ля. Ёв дорэсця́ да́ры манушэндыр, аж бунтярьендыр, пал-дова́ со Рай Дэвэл явэла тэ дживэл одой. ²⁰ Тэ явэл бахтякирдó Рай Дэвэл, Савó лыджáла амарэ́ пхарипэна со дывэс, Ёв исын Дэвэл, Савó зракхэла амэн. ²¹ Амаро́ Дэвэл исын Дэвэл, Кон зракхэла амэн. Ёв исын Рай Дэвэл, Дэвэл, Савó зракхэла амэн мэрибна́стыр, ²² Чачо́, Дэвэл роспхаравэла Лэскирэ вэргэнгирэ шэ́рэ, балэнгирэ чэ́ката одолэнгирэ, савэ дживэна́ дрэ грэ́хи. ²³ Рай Дэвэл пхэндя́: “Мэ яна́ва лэн палэ Вашаностыр, Мэ яна́ва лэн морёскирэ (дэ́рьявэскирэ) хорэ штэ́тэндыр, ²⁴ соб (кай) тумарй́ гэрóй тэ псирэл хор дро лэнгиро рат, соб (кай) тумарэ́-джуклэнгири чиб тэ чарэл дава́ рат, кичы́ лэнгэ трэй. ²⁵ Ёнэ дыкхнэ́, кéли Ту гй́ян, о Дэвла, сыр Ту гй́ян, Миро Дэвла, Миро Кхени́нго кэ Свэ́нто Штэ́то. ²⁶ Багаибнаскирэ гинэ́ ангй́л, тэ́ньчи башаибнаскирэ пэ струмэ́нты выджáнас, машкй́р лэндэ сыс патывалэ́ тэрнэ́ джувля́, савэ марэ́нас дрэ бубны. ²⁷ Славинэн и парикирэн Дэвлэскэ одой, кай манушá скэдэнапэ́ ваш Ра́скэ-Дэвлэскэ, тумэ́, кон сан Израилёскирэ родо́стыр. ²⁸ Пэ́рво джáла тэрнэдыр Вен’я́мино, лэнгиро барыды́ро, тхага́рья Юдэ́йтыр пэскирэ манушэнца, тхага́рья Завуло́ностыр, тхага́рья Нефали́мостыр. ²⁹ Дэвла, сыка́в Тыры́ зор: зора́якир далэ́ рэндэ (дэ́лы), со Ту кэрдян ваш амэ́нгэ. ³⁰ Соб (кай) кра́лья тэ янэн да́ры Түкэ́ дрэ Тыры́ Кханги́ри кэ Ерусали́мо. ³¹ Шты́лякир rischiрибна́скирэ мурдалэн (зверен) дрэ тришчы́на, гурувэнгирэ гурты, савэ исын манушы́тконэ́ целя́нтэнца, пака́ ёнэ бандэ́на шэрэнца́ ангй́л рупэ́скирэ котэ́ра. Росчхурдэ́ манушы́пнаскирэ на́цыи, со древа́н радынэ́напэ́ марибна́стыр. ³² Выкэ́дынэ́ манушá́ явэна́ Египто́стыр, Эфиоптя́ни вытэ́рдэна́ пэскирэ́ вастá́ кэ́ Дэвэл. ³³ Багáн Дэвлэскэ, пхувья́кирэ кра́липэна́, багáн шарибны́тка гиля́ Ра́скэ-Дэвлэскэ. Сэ́ла: ³⁴ Савó традэла уклисто пэ болыбэн, ве́чно

болыбён! Гада, Ёв дэла гóдла Пэскирэ зоралó заняса. ³⁵ Пригалён шарибнаса Дэвлэскиро зоралыпэн! Лэскиро фэдырипэн исын пир Израилё и Лэскири зор дрэ óблоки. ³⁶ [р.с.] О, Дэвла, Савó исын зоралó кэ дар пэ Лэскирэ свэнта штóты. Израилёскиро Дэвэл! Ёв дэла зоралыпэн и зор Лэскирэ манушéнгэ. Мэк тэ славинэлпэ Дэвэл!

Шэрó 69

[68-р.с.] ¹ Хорóскирэ Дирижорóскэ. Пэ Лилиякири Мелодия. Давидóскиро Псáлмо.

² Зрáкх ман, Дэвла, панингá догинé кэ мирí мэн. ³ Мэ тасадýём дрэ хор артапель (болото) и, нанэ кай тэ тэрдéвав пэ гэрá. Мэ гиём андрé хор паня, со тхадэна пэ мáндэ, и савé зачхувэна ман. ⁴ Мэ кхиныём кэ мэнька годлыматыр ясвэнца, миро кирло шутия, дрэ мирé якхá калыя, сыр мэ ужакирава мирé Дэвлэс. ⁵ Лэн, савé бидыкхэна ман ни палсó, исын бутыдыр мирé балэндýр пэ шэрó. Ёнэ, савé кэрэна хасибён пэ мáндэ, исын зоралé и исын хоханé вэрги. Сыр мáнгэ тэ отдав палэ довá, со мэ на лыём пэ зор? ⁶ Ту, о Дэвла, джинéса миро дылныпэн, а мирé грéхи исын на гарадэ Тýтыр. ⁷ На домэк, Раё Дэвла, Дэвэл болыбнаскирэ-янгóлэнгиро, соб (кай) одолé, савé ужакирэна Тут, тэ явэн ладжакирдé пал мáндэ, на домэк, соб (кай) одолé, савé родэна Тут, тэ явэн дрэ ладж пал мáндэ, о Дэвла Израилёскиро. ⁸ Пал Тýтэ ман обракирэнас, ладжаипэн чхакирдя миро муй. ⁹ Мэ яцём чýжо пэскирэ пшалéнгэ, и нáкхэтанó (постороннё) пшал мирé-дáкирэ чхавэнгэ. ¹⁰ Миро зэвлыныпэн кэ Тырó Кхэр схачкирдя ман сыр яг и одолé, савé обракирэнас Тут, пынэ обракирибнаса пэ мáндэ. ¹¹ Кéли мэ тэлякирдём пэс и лыём тэ постинав, пал давá ёнэ адякэ-паць ман обракирдэ, ¹² мэ адякэ-паць уридём балытко гонó праскаса сыр мирí йдя: тэньчи ёнэ адякэ-паць сандлэ холямэс мáндыр. ¹³ Одолé, савé исын бэштé пашылé пóрта, ракирэна пал мáндэ, а матымарья багана гиля пал мáндэ. ¹⁴ Нэ мэ фэни пал екх мангавапэ Тýкэ, о Раё Дэвла, кéли исын лачхó уляго (пора): о Дэвла, отпхэн мáнгэ Тырэ лачхэ-илыткиматыр и зрáкх ман пир Пэскиро чачипэн; ¹⁵ зрáкх ман дричатыр (тинатыр), соб (кай) мэ тэ на тасадéвав, соб (кай) мáнгэ тэ зракхавпэ одолэндýр, савé бидыкхэна ман и хор панингэндýр. ¹⁶ Мэк панингá, со тхадэна, тэ на зачхувэн ман цí, соб (кай) хорипэн тэ на гаравэл ман, и, соб (кай) ганбín бидугноскири/колбань (пропасть) тэ на затырдэл пэскиро зяво (зевó) упрáл мáндэ. ¹⁷ Шун ман, о Раё Дэвла, пал-довá со Тырí лачхэ-илыткима исын бари. Рисёв кэ мэ пир Тырí бари ковлы лачхэ-илыткима. ¹⁸ На гарав Пэс Тырэ писхаристыр, пал-довá со мáнгэ исын пхарó; вышýн ман сыгэс, ¹⁹ яв пашылэдыр кэ миро ди, выракх ман грэхэндýр, мэк пэ вóля ман мирé вэргэндýр. ²⁰ Ту джинéса, со ман обракирэна. Ту джинéса пал мирí ладж, и со манушá на дэна патýв мáнгэ, и со мирé вэрги сарé исын ангíл тýтэ. ²¹ Выракирибэн выхая миро илó, и мэ сом бизорьякиро, и мэ ужакирдём, соб (кай) вари-кон тэ тангинóл (тэ жалинэл) ман, нэ никонэс на сыс, соб (кай) вари-кон тэ подрикирэл ман, нэ ниекхэс мэ на латхём (ластем). ²² Ёнэ адякэ-паць дынэ мáнгэ жэлучо дро миро хабэн; и кéли мэ камдём тэ пýяв, ёнэ дынэ шут (укесó) мáнгэ. ²³ Мэк лэнгиро скамíнд тэ кэрдéл кхудяса (сеткаса) ваш лэнгэ, мэк лэнгиро миштыпэн тэ явэл дукхаса тэ ухтылэл лэн. ²⁴ Мэк тэ калён лэнгирэ якхá, соб (кай) ёнэ тэ на дыкхэн лэнца и мэк лэнгиро трушýл пэ думо ўсáды (сак) тэ издрал. ²⁵ Вычхув пэ лэндэ Тырí холы, и мэк Тырэ-холякири яг тэ дорэсэл лэн. ²⁶ Мэк тэ мэкэн манушá лэнгиро кхэр, мэк ниекх тэ на дживэл дрэ лэнгирэ шáтры. ²⁷ Пал-довá со, конэс Ту пэкадян, кодолэн ёнэ традэна, и ёнэ ракирэна пал калыпэн пэ илó одолэнгиро, конэс Ту дукхадян. ²⁸ Причхýв чорипэн кэ лэнгиро чорипэн, и на домэк лэн тэ доджан кэ Тырó чачипэн. ²⁹ Кхос криг лэн Джиибнаскирэ Лылварьятыр, чачó, мэк ёнэ тэ на явэн зачхиндлэ одóй кхэтанé патяибнытконэнца. ³⁰ Нэ мэ сом чорорó и мáндэ сарó дукхала, о Дэвла! Зрáкх ман и тэрдякир ман пэ гэрá. ³¹ Мэ явáва тэ шарáв Дэвлэскиро лав гиляса и мэ явáва зоралэс тэ шарáв кэ вучипэн Лэс и тэ парикирэв Лэскэ. ³² Давá явэла лачхó Лэскэ бутýр, сыр тэ янав гурувэн ци гуруворэн ваш хачкирибнаскиро свэнто дыибён, савэндэ исын шынгá (роги) и гэрá. ³³ Штыл (тиха) манушá дыкхэна давá и явэна тэ радынэнпэ, и одолé, савé родэна Дэвлэс, явэна тэ дживэн бахталэс. ³⁴ Пал-довá со Рай Дэвэл шунэла чорорэн, и Ёв на чхувэла

дрэ напатыв, савэ попынэ дро штарибён. ³⁵ Мэк тэ шарэн Дэвлэс болыбён пхув, и мори (дэрьява), и саро, со псирэла дрэ лэндэ. ³⁶ Дэвлэ зракхэла Сионо и пирикэрэла Юдэякирэ форя и Лэскирэ мануша явэна тэ дживэн одой и пхув явэла лэнгири. ³⁷ [р.с.] И Лэскирэ-писхарьенгирэ чхавэнгэ пириджала дай пхув и одолэ, савэнгэ исын дрого Ёв, явэна тэ дживэн одой.

Шэрó 70

[69-р.с.] ¹ Хороскирэ Дирижороскэ. Давидоскиро Псалмо.

² О, Дэвла, зракх ман! О, Раё Дэвла, яв сыгэдыр тэ дэс васт мангэ. ³ Мэк одолэ, савэ родэна тэ замарэн ман (тэ мулякирэн), тэ явэн ладжакирдэ, мэк тэ нашэн и тэ явэн дрэ ладж одолэ, савэ камэна чорипэн мангэ. ⁴ Мэк тэ рисён палэ и тэ пэрэн дрэ ладж одолэ, кон ракирэла: “Мишто, мэк тэ явл.” ⁵ Мэк тэ радынэнпэ и тэ явэн бахталэ Түтыр одолэ, савэ родэна Тут. Мэк одолэ, савэнгэ дрого сан Ту, со Ту зракхэса лэн, усады (сак) тэ ракирэн: “Мэк тэ шарэн зоралэс Дэвлэс.” ⁶ [р.с.] Нэ мэ сом чорорó и мандэ исын трэбима: яв сыгэдыр кэ мэ, о, Дэвла! Ту зракхэса ман, и дэса васт мангэ. О, Раё Дэвла, на мэк ман гара (длүгэс) тэ ужакирав.

Шэрó 71

[70-р.с.] ¹ Пал Түтэ, Раё Дэвла, мэ гарадэвава, соб (кай) Ту тэ зракхэс ман: на домэк ниэкхвар, соб (кай) мэ тэ явав ладжакирдó.

² Зракх ман пир Тырó чачипэн и подэ васт мангэ бидатыр; причхув кан, со мэ ракирава и дэ зор мангэ. ³ Яв ваш мангэ скаласа, пал сави мангэ ўсады (сак) тэ гарадэвав. Ту дыян припхэныбён тэ зракхэн ман, пал-довá со Ту сан сырбы мирí скала и твárdыма (диз) тэ приракхэн ман. ⁴ Миро Дэвла, зракх ман фуе-манушэнгирэ вастэндыр, напатяибнаскирэ и биилэскирэ манушэскирэ вастэстыр. ⁵ Пал-довá со Түтыр мэ ужакирава лачхипэн, о, Раё Дэвла, Дэвла, кэ Ту мэ рискирдём пэскиро илó тэрнэ бэршэндыр. ⁶ Ту сан манца, кели мэ ишчо (инкэ) сомас дрэ дакири лочовí (утроба). Ту вылыян ман пэ свэто дакирэ лочовытыр, пал-довá мэ ўсады (сак) явава тэ шарав Тут. ⁷ Бут мануша дыкхэна пэ мандэ сыр пэ диво; нэ Ту сан мирí зоралы вучарды тэ гарадэвав. ⁸ Мэк тэ шарэн Тут мирэ ушта, мэк ёнэ тэ славинэн Тут сарэ дывэса. ⁹ На джа криг мандыр аканá, сыр мэ сом пхурó, на мэк ман, кели мирí зор тыкнэла. ¹⁰ Пал-довá со мирэ вэрги ракирэна пэ мандэ, а одолэ, савэ ужакирэна тэ замарэн ман, придуминэна фуипэн кхэтанэ, ¹¹ ракири: “Дэвлэ мэкця лэс. Родаса лэс и ласа лэс, пал-довá со ниэкх на явэла тэ зракхэл лэс”. ¹² О, Дэвла! На дурьёв мандыр. Миро Дэвла! Яв сыгэдыр тэ дэс васт мангэ. ¹³ Тэ явэн ладжакирдэ, тэ явэн чхакирдэ бипатываса одолэ, савэ исын вэрги пэ миро ди, тэ чхакирэн манушэнгиро обракирибён, и тэ на дэн патыв одолэнгэ, кон родэла чорипэн пэ мандэ. ¹⁴ Нэ мэ явава ўсады (сак) тэ ужакирав лачхипэн Түтыр, и мэ явава тэ шарав Тут бутыр и бутыр. ¹⁵ Миро муй пхэнэла пал Тырó чачипэн и пал довá, со Ту кэрдян тэ зракхэс амэн сарэ дывэса, пал-довá со мэ аж на джинóm (джинав) тэ гинав сарó давá. ¹⁶ Мэ явава Рáскирэ-Дэвлэскирэ, мирэ-Дэвлэскирэ зорьяса, мэ роспхэнава пал Тырó чачипэн, фэни (тока) пал Тырó ¹⁷ О, Дэвла! Ту сыклякирдян ман мирэ тэрныпнастыр и кэ аканá мэ ракирава сарэнгэ пал Тырэ дивна бутя. ¹⁸ О, Дэвла! На мэк ман, кели мэ сом пхурó и сывонэ-балэнгиро, пака мэ роспхэнава пал Тыри зор, пал Тырó зоралыпэн кадалэ родоскэ, и Савó трэй тэ явл. ¹⁹ О, Дэвла! Тырó чачипэн исын аж кэ болыбён, пал-довá со Ту кэрдян барэ рэндэ. О, Дэвла! Кон исын дасаво-паць, сыр Ту сан? ²⁰ Ту дыян мангэ тэ пиридживав пхарэ и фуй дывэса; нэ Ту и джидякирэса ман нэвэстыр и Ту вылыджаса нэвэстыр ман пхувьякирэ хорипнастыр. ²¹ Ту дэса бутыр зор мангэ и ту подрикирэса ман кажнонэ ригатыр. ²² Мэ адякэ-паць явава тэ шарав Тут, дрэван пал Тырó патяибён пэ лута. О, Миро Дэвла! Мэ явава тэ багав Түкэ пэ гусли, о Свэнто Дэвла

Израилёстыр! ²³ Мирé уштá явэна тэ радынэнпэ зоралэс, кэли мэ явава тэ шарáв Тут, багиндой Түкэ, и адякэ-паць миро илó, Савó Ту выракхцягн грэхэндэр. ²⁴ Мирí чиб явэла адякэ-паць тэ ракирэл пал Тырó чачипэн пэ сарэ дывэсá; пал-довá со одолэ манушá, кон родэла фуипэн пэ мандэ, ладжакирдэ и нашадэ патыв.

Шэрó 72

[71-р.с.] ¹ Соломонóскиро Псáлмо.

О Дэвла! Сыклякир крالیс тэ сэндякирэл и крالیскирэ чхавэс Пэскирэ чачипнаскэ.

² Ёв явэла тэ сэндякирэл Тырэ манушэн пир чачипэн, а Тырэ чорорэн пир Закóно. ³ Бэрги янэна рамáнэ (миро) манушэнгэ, а бэргицы чачипэн. ⁴ Ёв явэла чачунэс тэ сэндякирэл чорорэ манушэн и Ёв дэла зор одолэнгэ, кон исын дрэ трэбима и Ёв роспахравэла кодолэс, кон притасавэлас лэн. ⁵ Лэндэ явэла трашаибэн ангил Түтэ, пака кхам и чхон исын пир сарэ манушытка роды. ⁶ Крáli явэла сыр брышынд пэ фэлда чарьяса, сыр барó панинг, со чхувэлапэ пэ пхув. ⁷ Дрэ лэскирэ дывэсá чачипэн и рамáнэ явэна пэ най шукарэдыр штэто ўсенде (езде), пака чхон исын пэ болыбэн. ⁸ Лэскиро кралипэн явэла екхэ морёстыр (дэрьявэстыр) кэ явир, Евфратонэ рэкатыр (лэнятыр) кэ пхувьякирэ ягóры (край). ⁹ Кодолэ, савэ дживэна пэ чхучи пхув, явэна тэ бандякирэн чангá ангил Лэстэ, и Лэскирэ вэрги явэна тэ чарэн прахо. ¹⁰ Фарсисоскирэ крáлья, и савэ исын пир островы (джи́пá), янэна дань, а Арабиякирэ и Абисиниякирэ крáлья чхувэна ангил дáры: ¹¹ чачó, сарэ крáлья пэрэна пэ чангá ангил Лэстэ, сарэ нáцыи явэна тэ дынаринэн Лэскэ. ¹² Пал-довá со ёв дэла зор одолэскэ, кон исын дрэ трэбима и кон дава мангэла, рови; адякэ-паць и чорорэскэ, и одолэскэ, конэскэ никон на помогинэла. ¹³ Ёв приракхэла чорорэс и бэдонэс, ёв дэла зор одолэскэ, кон исын дрэ трэбима. ¹⁴ Ёв выракхэла лэнгирэ джи́бэна, кэли лэн притасавэна и нахратонэ манушэндэр, а лэнгиро рат исын дрóго ангил лэскирэ якхá. ¹⁵ И ёв явэла тэ дживэл, и лэскэ явэна тэ дэн Арабиякиро сувнакай, и пал лэстэ ўсáды (сак) явэна тэ мангэнпэ Дэвлэскэ, Дэвэл явэла тэ бахтякирэл лэс пэ сарэ дывэсá. ¹⁶ Гивá явэна пхэрдэ и бут пир сарí пхув, пэ вучипэн бэргэнгиро; лэнгиро баритка явэна тэ тринскирэнпэ сыр вэш пэ Ливáно; манушá дрэ фóрья явэна тэ лулудён (тэ цвэтинэн) сыр чар пэ пхув. ¹⁷ Крالیскиро лав явэла ўсáды (сак): лэскиро лав явэла джидлó пака исын кхам: лэскирэ манушá явэна бахталэ Дэвлэстыр, сарэ Наюдýтка нáцыи явэна тэ шарэн лэс. ¹⁸ Тэ явэл бахтякирдó Рай Дэвэл, Израилёскиро Дэвэл, Савó Екхджинó кэрэла дивна бутя. ¹⁹ Мэк тэ явэл бахтякирдó Лэскиро лав пэ сарэ вéки! Мэк тэ явэл пхэрдý сарí пхув Лэскирэ славáса. Амíнь и амíнь. ²⁰ Давидóскирэ патерья (молитвы) Дэвлэскэ, Есеёскирэ чхавэскирэ, кончындрлэпэ.

Шэрó 73

[72-р.с.] ¹ Асафоскиро Псáлмо.

Давá исын патяибэн, со Дэвэл исын лачхó кэ Израилё, кэ кодолэ Манушá, савэнгиро илó исын жужакирдó кэ Ёв.

² Нэ мирé гэрá ледзь (на́бут со) на обштадэпэ, мирé пирé (сто́пы) ишчо (инкэ) розджанаспэ дрэ ригá. ³ Пал-довá со мэ зэвлындём пхутькирдэ манушэнгэ, кэли мэ дыкхцём, сыр миштэс дживэна фуй манушá. ⁴ Лэндэ нанэ дукхá аж кэ мэрибэн, лэнгирэ масá исын зоралэ. ⁵ Лэндэ нанэ пхарипэна, сыр явирэ манушэндэ, лэндэ нанэ калыпэна, со явир манушá пиридживэна: ⁶ палдава пхутькирибэн пэ лэнгирэ муя исын сыр мирикля (бусы) трусцял мэн, ёнэ сырбы уридэпэ дрэ нахратыма, сыр дрэ йди; ⁷ лэнгирэ якхá росшулынэ тхулыпнастыр, ёнэ думинэна фуипэн дро пэскиро илó сыр трэй. ⁸ Ёнэ сана пэ холямэс и ракирэна нахратэс, ёнэ

задэнапэ, кэли ракирэна. ⁹ Ёнэ ракирэна фуипэн аж кэ болыбэн, лэнгирэ чибá (чибья) псирэна пир манушэндэ пэ пхув. ¹⁰ Пал-довá и Дэвлэскирэ манушá порискирэна кэ ёнэ и сырбы выпьена пхэрдó тахтай (чаша) лэнгирэ лавэндýр, сыр пани, ¹¹ и пхэнэна ёнэ: “Сыр джинэла Дэвэл? Ци уджинэла пал дава́ амо (Най) Вучэдыр?” ¹² Дыкх, сыр исын бидэвлыткарьенгэ; лэнгэ дживэлапэ миштэс, ёнэ скэдэна бутýр и бутýр пэскирэ барвалыпэна. ¹³ Наушто (неужэли) ивья́ мэ приракхцём пэскиро илó дрэ жужыпэн и мэ выморавас вастá, соб (кай) тэ сыкавав, со нанэ банг мандэ? ¹⁴ Сарó часо мангэ сыс пхарó и кажно злóко (рáнко) Дэвэл пхарэс сыклякирэла ман. ¹⁵ Кóли мэ пхэнавас: “Акэ, сыр мэ ява́ва тэ ракира́в, дыкхэн, тэды мэ давас дукхá (хохававас) Тырэ-чхавэнгирэ рóдо. ¹⁶ И мэк мэ думиндём, со мэ, хачи, галёвавас дава́, дава́ сыс дукхано дрэ мирé якхá, ¹⁷ пака мэ на гиём пэ Свэнтонé-Дэвлэскиро Штэ́то, фэни, тэды мэ галыём кóнцо (ягóро) фуé манушэнгэ. ¹⁸ Чачó, Ту чхувэса лэнгирэ гэрá пэ склизка штэ́ты, Ту чхувэса лэн тэлé тэ хасён. ¹⁹ Сыр адя́кэ сы́гэс ёнэ екхатыр хасёна, джа́на криг сарэ́са кэ хась мэрибнытконэ дарáса. ²⁰ Сыр сунó пэ злóко (рáнко), кэли ману́ш джангадэла, адя́кэ-паць Ту, Раё́ Дэвла, кэли Ту джангадэ́са, тэньчи Ту бистрэса пал адалé фуé манушэндэ. ²¹ Кэли миро илó сыс дро киркипэн, а мирí годý сыс дукхадý, ²² и мэ со́мас дылынó и мэ на галёвавас бут, мэ со́мас сыр мурдál ангíл Тýтэ. ²³ Нэ сароекх мэ ўса́ды (сак) со́мас Тýса, Ту рикирдýн ман пал чачó васт. ²⁴ Ту сыклякирэса и лыджáса ман, тэньчи Ту прилэса ман лачхэ лавэ́са. ²⁵ Кон ишчо (инкэ) пэ болыбэн исын мандэ апрíч Тýтэ? Мандэ никон нанэ дро́го пэ пхув апрíч Тýтэ. ²⁶ Мирí лоч и миро илó хасёна со дывэс: нэ миро Дэвэл исын скáла мирé илэскэ и Ту сан сарó, со мандэ исын. ²⁷ Пал-довá со, га́да, кодолé, савé исын дур Тýтыр, хасёна, Ту хасякирэса сарэн, савé гинé криг Тырэ дромэстыр. ²⁸ Нэ ваш мангэ исын миштэс тэ явав пашылэды́р кэ Дэвэл: Мэ рискирдём пэскиро илó тэ зраххавпэ кэ Рай Дэвэл, соб (кай) тэ ракира́в сарэнгэ пал сарé Тырэ рэнды.

Шэрó 74

[73-р.с.] ¹ Асафоскиро Сыклякирибэн.

Сóскэ, Дэвла, Ту сарэ́са гíян криг амэндýр? Сóскэ Тырí холы сыр тхув газдэлапэ пэ бакрэндэ Тырэ чаритконэ фэлдатыр? ² Рíпир Тырó скэдыибэн, со Ту дорэсцян гарэдыр, савó исын сырбы до́ля Тырэ миштыпна́стыр. Рíпир бэ́рга Сио́но, пэ савí Ту дживэса. ³ Ѓаздэ Пэскирэ пирé (сто́пы) пэ штэ́ты, со исын пхарадэ пэ вечныма: вэ́рго хасякирдý сарó пэ Свэ́нто Штэ́то. ⁴ Тырэ намала рыкинэна машкíр Тырэ Свэ́нта Штэ́ты: ёнэ чхудэ пэскирэ знамэ́нии (гертыка́). ⁵ Пэ лэндэ исын сыкадо ману́ш, савó вучэс газдэла товэ́ра машкíр гэнсто вэ́ш; ⁶ и каканá ёнэ пхагирэна шука́р вычхиныбэн товэрэса и чоканóнца (млоткэнца). ⁷ Ёнэ захачкирдэ Тырó Свэ́нто Штэ́то; ёнэ магирдэ штэ́то кэ пхув, кай манушá скэдэнапэ тэ дэн патýв Тýкэ. ⁸ Ёнэ пхэндлэ дро пэскиро илó: “Явэн, хасякираса сарó кхэтанэ”: ёнэ захачкирдэ сарé штэ́ты пэ пхув, кай манушá скэдэнапэ ваш Дэвлэскэ. ⁹ Амэ на дыкхаса амарé знамэ́нии (гертыка́), нанэ бутýр прорóко, и ниéкх машкíр амэндэ на джинэ́ла, кицý адя́кэ явэ́ла? ¹⁰ О, Дэвла, кицý вэ́рго явэ́ла тэ ракирэ́л чорипэн? Ци ўса́ды (сак) явэ́ла вэ́рго тэ калякирэ́л Тырó лав? ¹¹ Сóскэ Ту обрикирэса Тырó васт и аж Тырó чачó васт? Тырдэ яврí лэс Тырэ брэкатыр тэ хасёл ёв. ¹² Нэ Ту, Дэвла, сан миро Рай самонэ англыпна́стыр, Савó зраххэ́ла манушэн пэ пхув. ¹³ Ту роскэрдýн пэ пашá мо́рэ (дэрьяв) Тырэ зорýса, Ту роспхарадýн шэрэ́ морэскирэ (дэрьявэ́скирэ) рупучэнгэ (чудовишчэнгэ) дрэ паня́. ¹⁴ Ту пхарадýн шэрэ́ Левиафаноскэ (рупучэ́скэ), и Ту дыян лэн тэ хан манушэнгэ, савé дживэ́на пэ чхучí пхув. ¹⁵ Ту зачхудýн тэ тхадэн фолахара (фонтаны) и барé панингá. Ту шутýкирдýн барé рэ́ки (лэня́). ¹⁶ Дывэс исын Тырó, рат исын адя́кэ-паць Тырí: Ту чхудýн чхон и кхам. ¹⁷ Ту учхудýн сарé кусты́ка (границы) пэ пхув, Ту кэрдýн лынай и ивант (зима). ¹⁸ Рíпир дава́: вэ́рго калякирдý Тут, Рас-Дэвлэс, и дылынэ́ манушá чхудэ дрэ бипатыв Тырó лав. ¹⁹ Сыка́в патýв Тырэ́ Законскэ, пал-довá со пэ цямлэ штэ́ты пэ пхув исын пхэрдó кхэ́ра нахратонэ манушэнца. ²⁰ На дэ rischiрибна́скирэ мурдалэнгэ (зверенгэ) ди, а Тырэ манушэнгиро, Савó

исын сы́рбы голумбица! На бистыр ни́екхвар джи́ибэ́н Тырэ́ притасадэ́ манушэ́нгиро. ²¹ На домэк, соб (кай) притасадэ́ мануша́ тэ́ рисён палэ́ пэ́ ладжаипэ́н. Мэк чорорэ́ и мануша́, савэ́ исын дрэ́ трэ́бима, тэ́ шарэ́н Тут. ²² Ушты́, о Дэ́вла, тэ́рдэв пал Тыро́ чачипэ́н: рипир, сыр дылынэ́ мануша́ обракирэ́на Тут со дывэ́с. ²³ На бистыр зан Тырэ́-вэ́ргэнгири: Тырэ́-намалэ́нгиро шумо́ газдэ́лапэ́ кажно́нэ́ молостыр, савэ́ исын бунтя́рья.

Шэро́ 75

[74-р.с.] ¹ Хороскирэ́ Дирижороскэ́. “На хасякир” пэ́ Мелодия, Асафоскиро́ Псáлмо. Гилы́.

² Амэ́ парикираса́ Тукэ́, о Дэ́вла, амэ́ шараса́ и парикираса́ Тукэ́, пал-до́ва со Тырэ́ дивна́ бутя́ сы́рбы ракирэ́на сарэ́нгэ́, со Ту сан пашы́л.” ³ “Кэ́ли Мэ́ выкэ́дава лачхо́ часо – ракирэ́ла Дэвэл, Мэ́ ява́ва тэ́ сэндякирав пир чачипэ́н. ⁴ Пхув и сарэ́ ла́кирэ́ джи́ибна́рья кунинэ́напэ́, нэ́ Мэ́ чхудём сты́лбы зоралэ́с.” Сэ́ла. ⁵ Мэ́ пхэндём пхутькирдэ́нгэ́: “На пхутэ́н!” И фуэ́ манушэ́нгэ́: “На газдэ́н шы́нгá (ро́ги). ⁶ На газдэ́н вучэ́с шы́нгá, на ракирэ́н нахратэ́с, пхарэ́-илы́тка мануша́лэ́.” ⁷ Пал-до́ва со сэ́ндо джа́ла на одотхы́р, кай кхам уштэ́ла, ци кай джа́ла тэлэ́, ци чхучэ́ пхувья́тыр: ⁸ Нэ́ Дэвэл исын сэ́ндари, Саво́ чхувэ́ла тэлэ́ екхэ́н, и Саво́ газдэ́ла упрэ́ явирэ́н. ⁹ Тахта́й исын дрэ́ Дэвлэ́скирэ́ васта́, и мол (вино) пени́нэлапэ́, дрэ́ сави́ исын бут со мешы́ндло. Ё́в росчхувэ́ла ла: чачо́, сарэ́ фуй мануша́ исын бангэ́ тэ́ пьен и тэ́ смокчынэ́н жыжа́, со ячэ́лапэ́. ¹⁰ Нэ́ мэ́ ява́ва якхитко́ (свидетелё) ўса́ды (сак), мэ́ ява́ва тэ́ шарав́ Яковоскирэ́ Дэвлэ́с. ¹¹ [р.с.] И Ё́в чхинэ́ла тэлэ́ сарэ́ фуэ́-манушэ́нгирэ́ шы́нгá (ро́ги), нэ́ мэ́ газда́ва зор патя́ибнаскирэ́ манушэ́нгиро.

Шэро́ 76

[75-р.с.] ¹ Хороскирэ́ Дирижороскэ́. Пэ́ Балы́тка Струме́нты. Асафоскиро́ Псáлмо. Гилы́.

² Дэвэл исын джиндло́ дрэ́ Юдэ́я, лэ́скиро лав исын пэ́ барипэ́н дро Израилё́. ³ И Лэ́скири Ша́тра исын дрэ́ Салима́, и Лэ́скиро кхэр пэ́ Сио́но. ⁴ Одо́й Ё́в пхагирдя́ сы́гна марибны́тка бустя́ (стрэ́лы) пэ́ лу́ко вэ́ргэндэ́, шчы́то, курта́ла и марибэ́н. Сэ́ла. ⁵ Ту сан славу́тно, Ту сан зоралэ́дыр вечно́нэ́ бэ́ргэндыр. ⁶ Муршэ́н лы́нэ криг зорья́са, ё́нэ пы́нэ дрэ́ соибэ́н; ни́екх зоралюкэ́ндыр на латхя́ буты́ пэ́скирэ́ вастэ́нгэ́. ⁷ Тырэ́ дараты́р, Яковоскиро́ Дэвэл, мэ́рибны́тко вурдэ́н, ады́кэ-паць и грай сы́рбы таса́дынэ́ тэ́ совэ́н. ⁸ Ту трашавэ́са кэ́ мэ́рибэ́н, и конэ́скэ́ исын пир зор тэ́ тэ́рдэл проти́ Тү́тэ? ⁹ Ту сэндякирэ́са болы́бна́стыр манушэ́нгэ́ тэ́ шунэ́н, пхув страха́дыа и замы́я; ¹⁰ кэ́ли Ту ушты́ян тэ́ сэндякирэ́с, соб (кай) тэ́ зракхэ́с сарэ́ ковлэ́-илы́тконэ́ манушэ́н. ¹¹ Пал-до́ва со аж мануша́ дрэ́ холы́ явэ́на тэ́ шарэ́н Тут, и Ту подпхандэ́сапэ́ хо́ляса, сави́ ячэ́лапэ́. ¹² Совлахáн Дэвлэ́скэ́ и мангэ́нпэ́ Ра́скэ́-Дэвлэ́скэ́, тумарэ́ Дэвлэ́скэ́, мэк сарэ́, кон исын пашы́л Лэ́стэ́, тэ́ янэ́н да́ры Лэ́скэ́, Самонэ́ (Най) Барэ́дырэ́скэ́ кэ́ дар. ¹³ [р.с.] Ё́в чхурдэ́ла дрэ́ риг тхага́рьенгиро́ ду́хо (фа́но), Ё́в исын дараку́но ваш кра́льенгэ́ пэ́ пхув.

Шэро́ 77

[76-р.с.] ¹ Хороскирэ́ Дирижороскэ́. Пир Иди́фумостэ́ Еду́циностэ́ (Еду́туностэ́). Асафоскиро́ Псáлмо.

² Ми́ри зан исын кэ́ Дэвэл и мэ́ ява́ва тэ́ годлав кэ́ Дэвэл ми́рэ́ заня́са и Ё́в шунэ́ла ман. ³ Мэ́ роды́ём Рас-Дэвлэ́с дрэ́ пхарэ́ ми́рэ́ дывэ́са́, миро васт сы́с газды́но раты́ и на обмэ́кэлапэ́, миро ди отпхэ́ндяпэ́, соб (кай) тэ́ тангинэ́л Лэ́с. ⁴ Мэ́ пририпи́рдём Дэвлэ́с, кэ́ли ма́нгэ́ яця́ пхаро́, мэ́ лы́ём тэ́ жалина́впэ́ и миро ду́хо (фа́но) пы́я. ⁵ Ё́в рикирэ́ла ми́рэ́ якха́ тэ́ явэ́н откэ́рдэ́, ма́нгэ́ исын пхаро́ и мэ́ на мо́гина́ва тэ́ ракира́в. ⁶ Мэ́ думиндём (да́вас го́ды пэ́скэ́)

пал пхуранэ дывэса, гаратунэ дывэса. ⁷ Мэ припирава мирі гилы раты, мэ рипирава мирэ илэса и миро дүхо (фано) добусовэс (старательнэс) допхучэлас: ⁸ “Ци Рай Дэвэл ячкирэла амэн пэ сарэ веки? Ци Лэскири ласка на рисёла палэ? ⁹ Ци Лэскири лачхэ-илыткима кончындыпэ? Ци лэскиро пхэндлэ лав на явэла бутыр кэ амэ? ¹⁰ Ци Дэвэл бистырдя тэ тангинэл? Ци Ёв парудя Пэскиро мило лачхэ-илыткима пэ холы?” Сэла. ¹¹ И пхэндём мэ: “Кадава исын мирі илытко дукх, со Най Вучэдырэскиро чачо васт парудыя.” ¹² Мэ явава тэ рипирава Рэскирэ—Дэвлэкирэ бутя; чачо, мэ явава тэ рипирава Тырэ шукар дивы, со Ту гарэ кэрдян, ¹³ и Мэ явава тэ розлав годяса сарэ Тырэ бутя и явава лэнтэс тэ роспхэнав пал дова, со Ту кэрдян. ¹⁴ Дэвла! Саро, со Ту кэрэса, исын свэнто: кон исын дасаво баро, сыр Ту сан, Дэвла? ¹⁵ Ту сан Дэвэл, Саво кэрэла дивы, Ту сыкадян Пэскири зор машкир манушытка нацыи. ¹⁶ Ту вырахциян грэхэндэр Тырэ манушэн Пэскирэ зорьяса, Яковоскирэ и Ёзаскирэ чхавэн. Сэла. ¹⁷ Паня дыкхнэ Тут, Дэвла! Паня дыкхнэ Тут и ёнэ тринскирдэпэ. Чачо, хор паня издрандынэ. ¹⁸ Пхэрдэ облоки пэ болыбэн дынэ тэлэ паня, болыбэн пхэндя заняса, и Тырэ марибнытка бустя (стрэлы) вурняндынэ криг; ¹⁹ Тырэ-громоскири зан (глас) сыс барэ штормоса, блискавицы кэрдэ зяиндло дуд пир саро свэто, пхув израндыя и тринскирдяпэ. ²⁰ Тыро дром сыс пир мөрё (дэрьяв) и Ту пиригиян барэ паня и Тырэ шпэры (сляды) на джидлэ. ²¹ Ту лыджиян Тырэ манушэн сыр бакрэнги́ро исын гурто, Мойзаскирэ и Ароноскирэ вастэнца.

Шэро 78

[77-р.с.] ¹ Асафоскиро Сыклякирибэн.

О, мирэ манушэлэ! Шунэн миро сыклякирибэн, причхувэн канэ кэ лавэ мирэ. ² Мэ отпхандава мирэ уштэ тэ пхэнав припхэныбэн (притча) тумэнгэ; мэ явава тэ ракирав шэрэпхарибнытка (загадки) галыибнаса, со ракирдэ гарэ, ³ савэ амэ шундым, и со амэ джинаса, и со амарэ дадэ роспхэндлэ амэнгэ. ⁴ Далэ лавэ амэ на гараваса лэнгирэ чхавэндэр, соб (кай) тэ припхэнас родэнгэ, со явэна ангил, савэ явэна тэ шарэн Рас-Дэвлэс, ⁵ пал лэскиро зоралыпэн и Лэскирэ барэ дивна рэнды, со Ёв кэрдя. ⁶ Пал-дова со Ёв чхудя Лэскиро допхэныбэн дро Израилё, дыя Зако́но Яковоскэ, пал саво Ёв припхэндя амарэ дадэнгэ, соб (кай) ёнэ тэ сыклякирэн лэнгирэ чхавэн; соб (кай) родо, со явэла ангил, тэ могоинэл тэ джидлэ, и, соб (кай) чхавэ, савэ ангил бияндёна, адякэ-паць тэ роспхэнэн Зако́но пэскрэ чхавэнгэ, ⁷ соб (кай) ёнэ зоралэс тэ ужакирэн лачхипэн Дэвлэстыр, и тэ на бистрэн Дэвлэскирэ бутя, а тэ кандэн Лэскирэ припхэныбэна. ⁸ Мэк тэ на явэн ёнэ сыр лэнгирэ дадэ, савэнги́ро родо сыс накудуно и бунтяритко, и конэскиро родо на сарэса рискирдя Пэскро ило Дэвлэскэ, и конэскиро дүхо (фано) на сыс патяибнытко Дэвлэскэ. ⁹ Ефремоскирэ чхавэ, савэндэ сыс дрэ вастэ луки, рисинэ палэ дро марибнаскиро дывэс. ¹⁰ Ёнэ на кандынэ Дэвлэскиро Зако́но и отпхэндлэпэ тэ дживэн пир Лэскиро Зако́но; ¹¹ и ёнэ бистырдэ пал дова, со Ёв кэрдя и Лэскирэ барэ дивы, савэ Ёв сыкадя лэнгэ. ¹² Ангил лэнгирэ-дадэнгирэ якхэ Ёв кэрдя дивы пир Египтоскири пхув, пэ Цоаноскири фэлда. ¹³ Ёв роскэрдя пэ дуй паша мөрё (дэрьяв) и пирилыджия лэн пир пані. Ёв кэрдя адякэ, со паня тэрдинэ сыр ванта. ¹⁴ И Ёв лыджия лэн болыбнаскирэ облокоса дывэсэ, а ягакирэ дудэса (свэтоса) раты. ¹⁵ Ёв роскэрдя пэ дуй паша скалы пэ чхучі пхув и панякирдя лэн чалэс лэндэр, сыр барэ панингэндэр; ¹⁶ и Ёв кэрдя адякэ, со сыгна паня тхэдынэ скалэндэр, и со паня тхэдынэ сыгэс сыр барэ панинга. ¹⁷ Нэ ёнэ сароекх бутыр кэрдэ грэхи проти Лэстэ и газдэнас бунто пэ чхучі пхув пэ Най Вучэдырэскирестэ, ¹⁸ и ёнэ пропатыкирэнас Дэвлэс дро пэскиро ило, кэли ёнэ мангнэ хабэн пир пэскиро ди; ¹⁹ и ёнэ ракирдэ пэ Дэвлэстэ, пхэни: “Ци дэла рада Дэвэл тэ кэрэл скаминд пэ чхучі пхув?” ²⁰ Дыкхэн! Ёв пэкадя дрэ скала и паня дынэпэ тэ тхадэн и барэ панинга пхэрдякирдэ саро. Ци дэла рада Ёв адякэ-паць тэ дэл маро? Ци дорэсэла Ёв мас Пэскирэ манушэнгэ? ²¹ Палдава Рай Дэвэл шундя дава, и Ёв древэн холясыя, Лэскири холы росхачия пэ Израилёскирэ манушэндэ и адякэ-паць холякирибэн газдыяпэ пэ лэндэ, ²² со ёнэ на патяндынэ дрэ Дэвлэстэ и на рикирдэ надэя, со Ёв дэла васт

лэнгэ. ²³ Нэ Ёв припхэндя облокэнгэ, со исын упрал, и Ёв псирадя (откэрдя) болыбнаскирэ вударá, ²⁴ и Ёв чхудя сыр брышынд пэ лэндэ (манна) тэ хан и Ёв дыя лэнгэ болыбнаскиро гив. ²⁵ Манушá ханас Янголэнги́ро хабэн: Ёв бичхадя лэнгэ хабэн чалэс. ²⁶ Ёв кэрдя тэ пхурдэл вастокитко балвал тэ пхурдэл дро болыбэн и лыджия́ англэ тэ пхурдэл балвал зэрвонэ (левонэ) ригатыр, ²⁷ И Ёв кэрдя тэ пэрэл мас пэ лэндэ сыр пра́хо и чириклен пхакэнца, сыр пра́хо пэ морёскиро (дэрьявёскиро) брэго. ²⁸ И Ёв кэрдя адыкэ, со ёнэ пынэ машкёр пэскиро таборо (лод), трусцял пэскирэ шатры; ²⁹ и ёнэ ханэ и чалынэ пхэрдэс и Ёв дыя лэнгэ дова́, со ёнэ битукоскиро камлэ. ³⁰ Ёнэ на гинэ криг пэскирэ хабнастыр, со сыс лэндэ битукоскиро, лэнги́ро хабэн уса́ сыс дрэ лэнги́рэ муя́, ³¹ кэли Дэвлэскири холы́ явдя́ пэ лэндэ и мулякирдя́ най тхулэдыронэн лэндыр и, акэ, зарадя выкэдынэ манушэн Израилёстыр. ³² Нэ на дыкхы́ пэ дава́, ёнэ ўса кэрдэ грэхи, и ёнэ на патяндынэ дрэ Лэскирэ барэ́ дивна́ бутя́, ³³ палдава́ Ёв и домэкця, со лэнги́рэ дывэса́ сыс сыр балвалякиро пхурдыпэн, а лэнги́рэ бэрша́ джана́с дрэ дар кэ мэрибэн. ³⁴ Кэли Ёв замарэлас лэн, тэды ёнэ родэнас Лэс, и ёнэ рискирэнас пэскиро ило́ и зоралэс родэнас Дэвлэс, ³⁵ и ёнэ рипирэнас нэвэстыр, со Дэвэл исын лэнги́ри ска́ла, и со Най Вучэдырэскиро Дэвэл исын Одова́, Кон зракхэла лэн. ³⁶ Ёнэ шарэнас Лэс на илэстыр пэскирэ муенца, и лэнги́рэ чибá хохавэнас Лэскэ, ³⁷ а лэнги́ро ило́ на зоралэс патялас дрэ Лэстэ́ и ёнэ на сыс патяибнытка ангил Лэскиро завето. ³⁸ Нэ Ёв исын лачхэ́-илэскиро: Ёв отмэкця́ чорипэн и на пхагирдя́ лэн. Бут мо́лы Ёв рискирэлас криг Пэскири холы́, и Ёв на джангавэлас Пэскири бари холын. ³⁹ Пал-дова́ со Ёв рипирдя, со ёнэ сыс фэни́ (то́ка) манушы́тко лоч (плоть), сави́ исын на вэ́чно, сы́рбы балвалякиро пхурдыпэн, со джала́ криг и на рисёла палэ. ⁴⁰ Сыр бут мо́лы ёнэ на кандэнас Лэс пэ чхучи́ пхув, ёнэ холякирэнас Лэс пэ биманушэнги́ро штэ́то. ⁴¹ И ёнэ нэвэстыр и нэвэстыр рисёнас палэ, пропатякирэнас Дэвлэс и дукхавэнас Свэнтонэ́ Дэвлэс Израилёстыр. ⁴² Ёнэ на рипирдэ́ Лэскиро васт дро дова́ дывэс, кэли Ёв раххця́ лэн вэргостыр, саво́ тасадя́ лэн, ⁴³ сыр Ёв сыкадя́ Пэскирэ знамэ́нии (гертыка́) дро Египто́, сыр кэрдя́ Пэскирэ́ дивы́ пэ Цоаноскирэ́ фэлды; ⁴⁴ и пирикэрдя́ лэнги́рэ рэ́ки (лэ́ня) и рэ́кицы дро рат, соб (кай) ёнэ на мого́инэнас тэ пьен. ⁴⁵ Ёв бичхадя́ дукханэ́ матлен (насекомонэн) тэ хан лэнги́рэ маса́ и ца́ппен (жамбэн), саво́ хасякирэнас лэн; ⁴⁶ Ёв адыкэ́-па́ць отды́я лэнги́рэ-гивэнги́ро умалото́ раупо́нгэ (гусини́цэнгэ) тэ хан, а лэнги́рэ бутя́ ско́чкэнгэ; ⁴⁷ Ёв хасякирдя́ лэнги́рэ винаграды́ (дракха́) гра́доса и лэнги́рэ сикаморы́тка дрэ́вы мразоса. ⁴⁸ Ёв отды́я лэнги́рэ мурдалэн́ тэл гра́до и лэнги́рэ гурты́ тэл барэ́ блискави́цы ⁴⁹ Ёв бичхадя́ пэ лэндэ́ сы́рбы яг Пэскирэ́ холя́тыр, холя́кирибэн, холя́кири, зор и пхарипэн, кэли мэрибнаскирэ́ Янго́лы пынэ́ пэ лэндэ. ⁵⁰ Ёв вымэкця́ Пэскири холы́, Ёв на выра́кхэлас лэнги́рэ дия́ мэрибна́стыр, а Ёв отды́я лэн мэрибны́тконэ́ франсэ́нгэ (морово́скэ). ⁵¹ И Ёв мулякирдя́ кажно́нэ пэрвонэ́ бия́то́с дро Египто́, пэрвонэ́ родоскирэ́с, савэ́стыр лэ́лапэ зор пэ́ Хамоскирэ́ шатры, ⁵² И Ёв кэрдя́, со Лэскирэ́ манушá́ гинэ́ ангил сыр бакрэ́ и Ёв лыджия́ лэн пир чхучи́ пхув сыр гурто́; ⁵³ и Ёв лыджия́ лэн бидаракирэ́с, ёнэ на стра́хадэ́нас, а мо́рэ (дэрья́в) чхакирдя́ упралэ́стыр лэнги́рэ вэргэн. ⁵⁴ И Ёв до́лыджия́ лэн кэ́ ку́сты́ка (кэ́ гра́ницы) Пэскирэ́ Свэнтонэ́-Пхувья́кири, кэ́ бэ́рга, со лэ́скиро чачо́ васт до́рэсця́; ⁵⁵ И Ёв тра́дыя криг Наюды́тка на́ции ангил лэндэ́, и Ёв ро́скэрдя́ пэ па́ша́ пхув машкёр лэндэ́, сыр мэ́кно́ мишты́пэн пир чэ́рта, и Ёв кэрдя́, соб (кай) Израилё́скирэ́ ро́ды тэ́ дживэ́н пэ́ пэскирэ́ шатры. ⁵⁶ Нэ ёнэ пропатякирэ́нас Най Вучэдырэ́скирэ́ Дэвлэ́с, прэ́зэ́нты́нэнас Лэс и ёнэ на́ рики́рэна́спэ кэ́ Лэ́скирэ́ до́пхэ́ныбэ́на. ⁵⁷ И ёнэ ды́нэпэ́ палэ́ и сыс на́патяи́бны́тка сыр лэнги́рэ да́да: ёнэ вы́рисё́нас сыр ба́нго́ лу́ко. ⁵⁸ И ёнэ холя́кирдэ́ Лэс пэ́скирэ́ штэ́тэнца́ пэ́ бэ́ргицы, кай ёнэ́ дэ́нас па́ты́в и ёнэ прэ́зэ́нты́нэнас (дра́жнинэ́нас) Лэс лэнги́рэ вы́чинги́рдэ́ идо́лэнца. ⁵⁹ Дэвэл́ шундя́ да́ва, Ёв хо́лясы́я, и Ёв тра́дыя криг Израилё́ дур Пэ́стыр: ⁶⁰ Ёв мэ́кця́ Пэ́скиро Штэ́то Си́ломо́, ша́тра, кай Ёв дживдя́ машкёр манушэ́ндэ, ⁶¹ И Ёв отды́я Пэ́скиро зоралы́пэн дро́ плéно́ и Пэ́скири сла́ва дрэ́ вэ́ргэнги́рэ васта́; ⁶² И Ёв адыкэ́-па́ць отды́я тэл ку́рта́ла Лэ́скирэ́ манушэ́н и сыс хо́лямо́ пэ́ Лэ́скирэ́ чхавэ́ндэ: ⁶³ яг с́хая́ Лэ́скирэ́-ты́рнэ́ манушэ́н и Лэ́скирэ́ па́тывалэ́́ джу́влéн на ба́гандлэ́́ бя́витка́ гиля́. ⁶⁴ Лэнги́рэ ра́шая́ хасё́нас ку́рталáтыр, лэнги́рэ пивля́ (удовы) на мо́гиндлэ́́ тэ́ ровэ́н. ⁶⁵ Тэ́ньци́ Рай́ Дэвэл́ джанга́дыя сы́рбы со́ибна́стыр, сы́рбы ко́дова́ зоралы́пна́скиро ма́нуш, саво́ ра́дынэ́лапэ́

годласа молятыр (виностыр); ⁶⁶ И Ёв традыя криг Пэскирэ вэргэн, Ёв чхудя лэн пэ ладж, со ниэкхвар на кончынэлапэ. ⁶⁷ И Ёв отпхэндяпэ Ёзаскирэ шатратыр, и Ёв на выкэдыя Ефремоскиро родо, ⁶⁸ нэ Ёв выкэдыя Юдаскиро родо, Сионоскири бэрга, сави Ёв выкэдыя Пэскэ; ⁶⁹ И Ёв газдыя Пэскиро Свэнто Штэто вучэс сыр бэрги, сыр пхув, сави Ёв зачхудя пэ сарэ вёки. ⁷⁰ И Ёв выкэдыя Давидос, Пэскирэ писхарис, и Ёв лыя лэс бакрэнгирэ грэдатыр (дворостыр): ⁷¹ Ёв лыя лэс бакрэндыр, Саво дэнас цюци (колын) тыкнорэнгэ, Ёв лыя лэс тэ чаравэл Пэскирэ манушэн, Яковоскирэн и Израилёскирэн, Пэскирэ чхавэнгирэн. ⁷² И Ёв чалякирдя лэн сарэн Пэскирэ илэстыр, и лыджия лэн Пэскирэ годьварэ вастэса.

Шэрó 79

[78-р.с.] ¹ Асафоскиро Псáлмо.

О Дэвла! Наюдытка náцыи гинэ андрэ дро Тырó мэкнó миштыпэн. Ёнэ магирдэ Тырi Свэнто Кхангирi, ёнэ кэрдэ Ерусалимóстыр радэ барá. ² Ёнэ дынэ Тырэ-дынарьенгирэ трúпы, сыр хабэн болыбна́скирэ чирикленгэ, Тырэ-свэнтонэнгирэ масá мурдалэнгэ пэ пхув: ³ Ёнэ прочхудэ лэнгиро рат сыр панi трусцýл Ерусалимо и нани ниэкх, кон гаравэлас лэн. ⁴ Амарэ сусэды (котáрья) обракирэна амэн. Манушá, савэ исын трусцýл амэндэ, санапэ холямэс и санапэ холямэс амэндыр. ⁵ Сыр гарá, о Раё Дэвла! Ци Ту ўсáды (сак) явэса тэ холясос пэ амэндэ? Ци явэла Тырó зэвлыныпэн (ревность) тэ хачол сыр яг? ⁶ Вымэк Пэскири бари холын пэ Наюдытка náцыи, савэ на джинэна Тут, и пэ кралипэна, со на прикхарэна Тырó лав. ⁷ Пал-довá со ёнэ ханэ Яковóскиро родо и роспахгирдэ кэ пхув штэто, кай ёв дживдý. ⁸ На рiпир грéхи, амарэ прапапэнгирэ, мэк Тырi бари лачхэ-илы́ткима тэ пирилэл амэн най сыгэдыр: пал-довá со амэ догиям сарэса кэ пхув. ⁹ Подэ васт, о Дэвла, Саво зракхэса амэн ваш слáва Тырэ лавэскэ, зрáкх и отмэк амэнгэ амарэ грéхи ваш Тырó лав. ¹⁰ Соскэ Наюдытка náцыи ракирэна: “Кай исын лэнгиро Дэвэл? Мэк амарэ якхá тэ дыкхэн, сыр Ту отдэса палэ Наюдытконэ нацыенгэ, со ёнэ прочхудэ рат Тырэ писхарьенгиро. ¹¹ Мэк Ту тэ шунэс, сыр пхандлю мануш дэла гондý (ўздыхинэла) годласа. Ракх чхавэн, савэ джáна пэ мэрибэн Тырэ барэ-вастэскирэ зорýяса. ¹² И отдэ палэ дрэ эфтá (битринэнгиро дэш) мóлы фуедýр обракирибэн амарэ котарьенгэ (суседэнгэ) дро лэнгиро брэг пал довá, со ёнэ обракирэнас Тут, о Раё Дэвла. ¹³ Тэды амэ, савэ сам Тырэ манушá и бакрэ Тырэ гуртоскирэ, амэ явáса ўсáды (сак) тэ парикирас Тýкэ, амэ явáса тэ сыкавас ангiл родо кэ родо Тырi слáва.

Шэрó 80

[79-р.с.] ¹ Хорóскирэ Дирижорóскэ. Допхэныбэн пэ Лилиякири Мелодия. Асафоскиро Псáлмо.

² Причхúв кан, Израилёскиро Чхупнáри! Ту, Саво лыджиян Ёзас (Иосифос) сыр гурто; Ту, Саво сан бэштó машкiр Херувимэндэ, сыкадэв Пэс. ³ Сыкáв Пэскиро зоралыпэн ангiл Ефремо́стэ, Вениямино́стэ и Манасия́стэ, яв тэ зракхэс амэн. ⁴ О, Дэвла! Зоралякир палэ амэн и мэк тэ зяинэл Тырэ-москиро дуд и амэ зракхасапэ. ⁵ Раё Дэвла, болыбна́скирэ-янголэнгиро Дэвэл! Ци бут явэса Ту тэ холясос пэ мангипэн Тырэ-манушэнгиро? ⁶ Ту чалякирдя лэн марэса ясвэнца и Ту кэрдýн, соб (кай) ёнэ тэ пьен ясва барэ мераса? ⁷ Ту кэрдýн, соб (кай) амарэ сусэды (котáрья) тэ марэнпэ пал амэндэ и амарэ вэрги тэ санпэ амэндыр машкiр пэстэ. ⁸ О, Дэвла, болыбна́скирэ-янголэнгиро! Зоралякир палэ амэн и мэк тэ зяинэл Тырэ-москиро дуд, и амэ зракхасапэ. ⁹ Ту яндын винаградоскиро хрúсто (лоза) Египтóстыр, Ту традыян криг явiр náцыи и чхудýн дава́ хрúсто дрэ пхув: ¹⁰ Ту жужакирдя лэн штэто ангiл дава́, лэскирэ кóрни (рукхá) гинэ хор и ёв розбария пир сарi пхув. ¹¹ Бэргицы сыс учхакирдэ лэскирэ зорýяса и лэскирэ рандý сыс сыр барэ кедры. ¹² Ёв розмэкця пэскирэ

рандя (вѣтки) кэ мѳрѳ (дѳрьѳв), а пѳскирѳ сѳнки (суки) кэ рѳка (лѳнь). ¹³ Сѳскѳ Ту пхагирдяныны (ограды), со сыс трусцѳл дѳѳ бар, соб (кай) кажно, кон проджѳла мамѳѳ, тѳ обкошѳл лѳкирѳ мѳри? ¹⁴ Вѳшытко баличо подганавѳла кѳрни (рукѳѳ) и фѳлдытко мурдѳл (зверѳ) обхала лѳс. ¹⁵ О, Дѳвла, болыбнѳскирѳ-янголѳнгиро, амѳ древѳн мангаса Тут тѳ рисѳс палѳ. Дыкх тѳлѳ болыбнѳстыр пѳ амѳндѳ и, акѳ, яв тѳ дыкхѳс Пѳскирѳ-винаградоскири бар; ¹⁶ яв и роздыкх далѳ винаградоскирѳ кашторѳ, савѳ Тырѳ чачѳ васт почхудѳ и лѳскиро тѳрнѳ рандѳѳ (отбарипѳн), со Ту кѳрдѳн зоралѳдѳр ¹⁷ Ёнѳ схачинѳ ягѳса, вычингирдѳ; мѳк тѳ хасѳн ѳнѳ Тырѳ-москири холѳтыр. ¹⁸ Мѳк Тырѳ чачѳ васт тѳ явѳл упрѳдыр вастѳстыр Тырѳ манушѳскирѳстыр, конѳскѳ Ту дыѳн зор ваш Пѳскѳ. ¹⁹ Тѳды амѳ на дасапѳ палѳ Тѳтыр, джидѳкир амѳн нѳвѳстыр (нѳвѳс) и амѳ прикхараса Тырѳ лав. ²⁰ [р.с.] Зорѳѳкир амѳн нѳвѳстыр, о Раѳ Дѳвла, Дѳвѳл болыбнѳскирѳ-янголѳнгиро; кѳр, соб (кай) тѳ зѳинѳл Тырѳ муй и амѳ зракхасапѳ.

Шѳрѳ 81

[80-р.с.] ¹ Хорѳскирѳ Дирижорѳскѳ пѳ Гатоскиро Струментѳ. Асафоскиро Псѳлмо.

² Багѳн радѳмѳса Дѳвлѳскѳ, амарѳ Зоралыпнаскѳ, багѳн зоралѳс Яковѳскирѳ Дѳвлѳскѳ; ³ лѳн тѳ багѳн гилѳ, ѳнѳн бубнѳ (тамбурино) адарѳк, и милонѳ-башаибнаскирѳ гусли лутаса. ⁴ Пхурдѳн дро рѳгѳ (труба) пѳ нѳвѳ чхон, пѳ пхѳрдѳ чхон, дро дывѳс амарѳ свѳнкоскиро. ⁵ Палдовѳ со давѳ исын Израилѳскиро статѳто (устаѳо), Яковѳскирѳ-Дѳвлѳскиро Закѳно. ⁶ Ёв дыѳ давѳ сыр допхѳныбѳн ваш Ёзѳскѳ (Иосифоскѳ), сыр Ёв выджѳлас Египтѳскирѳ пхувѳѳтыр. Мѳ шундѳм чиб, савѳ мѳ на галѳѳм: ⁷ “Мѳ вылыѳм лѳскиро псикѳ гамостыр; лѳскирѳ вастѳ ѳчнѳ вольна кхудѳндыр (корзинѳндыр). ⁸ Ту прикхардѳн ман дро пхарипѳн и мѳ подѳѳм васт тѳкѳ бидатыр, мѳ отпхѳндѳм тѳкѳ громоскирѳ гарадѳ штѳтѳстыр, мѳ пропатѳкирдѳм тут пашѳл Мериваскирѳ панѳ. Сѳла. ⁹ Шунѳн, мирѳ манушѳлѳ, и мѳ допхѳнаѳа тумѳнгѳ, о Израилѳ, кѳли ту шунѳсас ман: ¹⁰ На ѳвѳна чѳжа дѳвлорѳ тумѳндѳ, и тумѳ на дѳнас патѳѳв чужонѳ дѳвлорѳскѳ. ¹¹ Мѳ сом Рай Дѳвѳл, Тырѳ Дѳвѳл, Савѳ вылыджѳѳ тут Египтѳскирѳ пхувѳѳтыр: отпхѳндѳ буглѳс Тырѳ муй и Мѳ пхѳрдѳѳкираѳа лѳс. ¹² Нѳ мирѳ манушѳ на шундлѳ Мири зан (глос), и Израилѳ на кандѳѳ ман. ¹³ И Мѳ ѳчкирдѳм лѳн, соб (кай) ѳнѳ тѳ дживѳн пир пѳскиро пхарѳ илѳ, соб (кай) ѳнѳ тѳ псирѳн сыр лѳнгѳ думинѳлапѳ. ¹⁴ О, кѳли мирѳ манушѳ тѳ шунѳн ракхунѳс ман, кѳли Израилѳ тѳ дживѳл мирѳ дромѳса. ¹⁵ Мѳ сѳгѳс тѳѳѳѳкираѳас лѳнгирѳ вѳргѳн тѳл гѳрѳ и мѳ рискѳраѳас Мирѳ васт пѳ лѳнгирѳ намалѳндѳ. ¹⁶ Одолѳ, савѳ бидыкхѳна Рас-Дѳвлѳс, бандѳкирѳнас шѳрѳ ангѳл Лѳстѳ, а лѳнгири кѳра ѳвѳлас усады (сак).” ¹⁷ [р.с.] И Ёв чаравѳлас лѳн пхѳрдѳс най фѳдѳдыршонѳ парнѳ гивѳса и ѳнѳ ѳвѳнас чалѳ фѳлдытконѳ ѳвгинѳстыр (мѳдатыр).

Шѳрѳ 82

[81-р.с.] ¹ Асафоскиро Псѳлмо.

Дѳвѳл исын тѳрдѳ пѳ Дѳвлѳскиро скѳдыибѳн, Ёв сѳндѳѳкирѳла машкѳр дѳвлѳндѳ. ² Ци бут ѳвѳса Ту тѳ сѳндѳѳкирѳс начачунѳс и тѳ прилѳс фуѳ манушѳн? ³ Сѳндѳѳкир чачунѳс чорорѳн и бидадѳскирѳн, кѳр чачипѳн одолѳнгѳ, савѳн тасавѳна и кодолѳнгѳ, савѳндѳ исын трѳбѳма. ⁴ Подѳ васт чорорѳнгѳ и одолѳнгѳ, савѳ исын дрѳ трѳбѳма, зрѳкх лѳн фуѳ-манушѳнгирѳ вастѳстыр. ⁵ Ёнѳ на джинѳна, на галѳна, ѳнѳ дживѳна дро калыпѳн (ѳѳмлыпѳн): сарѳ свѳнтоскирѳ-фундаментѳ затринскирдѳпѳ. ⁶ Мѳ пхѳндѳм: “Тумѳ сан Дѳвѳлѳ и сан чхавѳ Най Барѳдырѳскирѳ. ⁷ Нѳ тумѳ мѳрѳна сыр сарѳ манушѳ, и пѳрѳна сыр и тхагѳрѳѳ (кнѳѳѳ).” ⁸ Тѳрдѳв ангѳл, о Дѳвла, сѳндѳѳкир пхув, пал-довѳ со сарѳ манушѳѳтка нѳѳѳѳ ѳвѳна Тырѳ, сыр Тырѳ мѳкнѳ миштыпѳн.

Шэрó 83

[82-р.с.] ¹ Гилы. Асафоскиро Псáлмо.

² О, Дэвла! На бэш штыл, и на яв муто (немо), на яв штыл, о Дэвла: ³ пал-довá со, акэ, Тырэ вэрги годлэна, и одолэ, савэ бидыкхэна Тут, газдэна пэскирэ шэрэ, ⁴ Ёнэ зракирэнапэ фрэнтэс пэ Тырэ манушэндэ, ёнэ задуминэна фуипэн проти одолэндэ, савэн Ту приракхэса; ⁵ ёнэ ракирэна: “Явэн тэ кэрás, соб (кай) тэ вычхурдас лэн сыр нацыя, соб (кай) бутыр Израилёскиро лав тэ на рипирэлпэ.” ⁶ Пал-довá со ёнэ зракирдэпэ дрэ екх годы, ёнэ кхэтаниякирдэпэ проти Түтэ. ⁷ Шáтры Едомоскирэ и Исмаильтянэнгирэ, Моáво и Агаро, ⁸ Ёевало и Амоно и Амалико, Филистимляни и Тироскирэ джиибна́скирэ, ⁹ Асирия адя́кэ-паць гий лэнца; ёнэ дынэ васт Лотоскирэ чхавэнгэ. Сэла. ¹⁰ Кэр адя́кэ-паць Мидианэнгэ сыр Сисараскэ, сыр Иадиноскэ пашыл сы́гно панинг Кисоно, ¹¹ савэ хасинэ пашыл Ендоро, савэ ячнэ сыр пхувья́киро гнэё (гноё). ¹² Кэр лэнгирэ тхагарьенца (князьенца) сыр Оревоса (Аребоса), Зивоса и сарэ лэнгирэ кралы́скирэ сэмэнцэнца, сыр Зэбоса и Салманоса, ¹³ пал-довá со ёнэ пхэндлэ: “Явэн, ласа пэскэ Дэвлэскирэ чаритка пхувья.” ¹⁴ О, мро Дэвла! Кэр лэндыр вихроскиро пыло, пирикэр лэн дрэ чхучо пхус ангил балвэл. ¹⁵ Сыр яг хачкирэла вэш, сыр бари яг подхачкирэла бэрги, ¹⁶ адя́кэ-паць традэ лэн барэ штормоса и трашакир лэн Тырэ-холямэ балваляса. ¹⁷ Раё Дэвла! Учхакир лэнгирэ муя ладжакирибнаса, соб (кай) ёнэ тэ родэн патыв Тырэ лавэскэ. ¹⁸ Тэ явэн ёнэ ладжакирдэ и трашакирдэ пэ сарэ ве́ки, тэ нашавэн ёнэ патыв и тэ хасён: ¹⁹ [р.с.] соб (кай) ёнэ тэ джинэн, со Ту сан Екхджинó, Конэскиро лав исын Рай Дэвэл, Сáмо Барэдыр пэ сарй пхув.

Шэрó 84

[83-р.с.] ¹ Хорóскирэ Дирижорóскэ пэ Гедоскирэ Струменты. Псáлмо Карее́скирэ-Чхавэнгиро.

² Савэ кучонэ исын Тырэ шáтры, о Раё Дэвла, болыбна́скирэ-янголэнгиро. ³ Дро миро ди исын смэга/труш (жажда) и ёв аж нашавэла зор, соб (кай) мангэ тэ явав дрэ мирэ Рáскирэ-Дэвлэскири грэда (двóро), миро ило́ и мирй лоч, хай, кхарэна радымакирэ заня́са джидэ Дэвлэс. ⁴ Дыкх! И чириклы латхя́ кхэр пэскэ и бахирка (ласточка) кúфо (гнязда) пэскэ, кай ёй чхувэла пэскирэ тыкнорэн пэ Тырэ алтáри, о Раё Дэвла, болыбна́скирэ-янголэнгиро, миро Кра́ли и миро Дэвэл. ⁵ Бахталэ исын одолэ, савэ дживэна дро Тырó кхэр: ёнэ кажно мо́ло явэна тэ шарэн Тут. Сэла. ⁶ Бахталó исын кодовá мануш, конэскири зор исын Түтыр, конэскиро ило́ исын пэ дром кэ Сионо; ⁷ сыр ёнэ джána дурэдыр пир Ровибнаскиро до́ло, ёнэ пирикэрэна лэс дрэ панескирэ ганынгорья, брышы́нд учхакирэла дая́ пхув бахтиякирибнаса. ⁸ Ёнэ джána екхэ зорьятыр кэ явйр зор, кажно лэндыр явэла пэ бэрга Сионо ангил Дэвлэстэ. ⁹ Раё Дэвла, Дэвэл болыбна́скирэ-янголэнгиро, шун мирй пáтери, пришунпэ Яковóскиро Дэвэл. Сэла. ¹⁰ Га́да, Дэвла, Ту сан амарó шчы́то, подыкх пэ муя́ Тырэ манушэнгиро, конэс Ту помакхця́н. ¹¹ Пал-довá со екх дывэс пэ Тырй грэда исын фэдýр, сыр бар (тысёнцо) дывэсá. Мэ выкэдыём фэдýр тэ тэрдёвав пашыл вудáр Дэвлэскирэ-Кхэрэскиро, сыр тэ дживáв дрэ шáтры, кай фуй манушá. ¹² Пал-довá со Рай Дэвэл, Дэвэл, исын кхам и шчы́то: Рай Дэвэл дэла бахталыпэн и сла́ва. Ёв на явэла тэ зарикирэл лачхипэн одолэнгэ, савэ дживэна чачипнаскирэс. ¹³ [р.с.] Рай Дэвэл, болыбна́скирэ-янголэнгиро, тэ явэл бахталó мануш, савó древа́н патя́ла дрэ Түтэ.

Шэрó 85

[84-р.с.] ¹ Хорóскирэ Дирижорóскэ. Псáлмо Карее́скирэ-Чхавэнгиро.

² О, Раё Дэвла! Ту потангиндян Пэскири пхув; Ту рискирдян палэ Израилё пленостыр: ³ Ту примангдян сарó чорипэн Тырэ манушэнгэ, Ту отмэкцяи сарэ лэнгирэ грэхи. Сэла. ⁴ Ту скэдыян кэ Пэ сарí Пэскири бари холын, Ту порисиян Тырэ-холынакирэ ягатыр. ⁵ Дэвла! Ту, Савó зракхэса амэн. Рíскир палэ амэн, кэр адякэ, соб (кай) Тырэ холякири зор тэ пириячэл пэ амэндэ, ⁶ Ци явэса Ту ўсады (сак) тэ холясос пэ амэндэ. Ци явэла Тырí холы дурэдýр тэ явэл пэ сарэ рóды? ⁷ Ци оджидякирэса Ту нэвэстыр амэн, соб (кай) мирэ манушá могоинэнас тэ радынэнпэ дрэ Тýтэ? ⁸ Сыка́в амэнгэ Тырó тангипэн, о Раё Дэвла, и дэ амэнгэ Тырó зракхибэн. ⁹ Мэ ява́ва тэ шунав, со Рай Дэвэл, Дэвэл пхэнэла: пал-довá со Ёв явэла тэ ракирэл пал рамáнэ (миро) Пэскирэ манушэнгэ и Пэскирэ дэвлытконэнгэ, соб (кай) ёнэ тэ на пэрэн нэвэстыр дро дылныпэн. ¹⁰ Чачó, лэскиро зракхибэн явэла пашыл одолэндэ, савэндэ исын трашаибэн ангил Лэстэ, соб (кай) Дэвлэскири сла́ва тэ явэл пир амарí пхув. ¹¹ Лачхэ-илыткима и патяибэн джа́на кхэтанэ, чачипэн и рамáнэ (миро) чамудэнапэ екх екхэса. ¹² Патяибэн ухтэла криг пхувьятыр, а чачипэн явэла тэ дыкхэл тэлэ Болыбна́стыр. ¹³ Чачó, Рай Дэвэл дэла лачхипэн амэнгэ и амарí пхув оддэла пэскиро аплодо. ¹⁴ [р.с.] Чачипэн джа́ла ангил Лэстэ и кэрэла дром Лэскирэ пирэнгэ (стопэнгэ).

Шэрó 86

[85-р.с.] ¹ Давидоскири Пáтери (Моли́тва).

О, Раё Дэвла, причхув тэлэ Тырó кан, отпхэн мánгэ, пал-довá со мэ сом чорорó и дрэ трэбима. ² Ракх миро ди, пал-довá со мэ сом дэвлы́тко. Ту сан, миро Дэвла, Савó зракхэла Пэскирэ писхарис, кон рисёла кэ Ту тэ зракхэлпэ. ³ Яв тангипнаскиро кэ мэ, о Раё Дэвла, пал-довá со, мэ со дывэс прикхарава Тут сарэ зорьятыр. ⁴ Обрадын Тырэ-писхарискиро ди, пал-довá со мэ газда́ва пэскиро ди кэ Ту, Раё Дэвла. ⁵ Пал-довá со Ту, Раё Дэвла, сан лачхó и Ту камэса тэ примангэс: Ту сан барвалó лачхэ-илыткимаса сарэнгэ, кон прикхарэла Тут. ⁶ Причхув кан, о Раё Дэвла, сыр мэ мангавапэ Тýкэ, пришунпэ кэ мангипэн, сыр манушá прикхарэна Тут. ⁷ Мэ ява́ва тэ прикхарава Тут дро дывэс, сыр исын пхарó мánгэ, пал-довá со Ту отпхэнэса мánгэ. ⁸ Нанэ ниéкх дасаво машки́р дэвлорэндэ, сыр Ту сан, Раё Дэвла, ниéкх на кэрэла дасавó бутя, сыр Ту. ⁹ Сарэ на́цыи, савэ Ту создыян, явэна и дэна патыв Тýкэ. О, Раё Дэвла, ёнэ дэна сла́ва Тырэ лавэскэ. ¹⁰ Пал-довá со Ту сан барó кэ вучипэн и кэрэса барэ дивна бутя: Ту сан фэни (то́ка) Екх Дэвэл. ¹¹ Сыкля́кир ман тэ пси́рав Тырэ дромэса, Раё Дэвла. Мэ ява́ва тэ дживав пир Тырó патяибэн: кэр адякэ, соб (кай) дро миро ило́ тэ явэл трашаибэн ангил Дэвлэстэ. ¹² Мэ ява́ва тэ шарав Тут сарэ мирэ илэстыр, о Раё Дэвла, миро Дэвэл, и мэ ява́ва тэ славинав Тырó лав пэ сарэ ве́ки. ¹³ Пал-довá со Тырí лачхэ-илыткима исын бари кэ вучипэн и Ту вытырдыян миро ди самонэ тэлатунэ люностыр (адостыр). ¹⁴ О, Дэвла! Пхутькирдэ манушá газдынэпэ пэ мánдэ и нахратонэ-манушэнгиро скопо родэлас тэ замарэн ман, и ёнэ на рикирэна Тут дрэ годы ангил пэстэ. ¹⁵ Нэ Ту, о Раё Дэвла, сан лачхэ-илэскиро Дэвэл, тангипнаскирэ и вырикирибны́тко, Ту сан барвалó пэ лачхэ-илыткима и патяибэн. ¹⁶ Рисёв кэ мэ и яв тангипнаскиро кэ мэ, пиридэ Тырó зоралыпэн Тырэ писхарискэ и ракх Тырэ-писхарицакирэ чхавэс. ¹⁷ Сыка́в Тырэ-лачхипнаскири герты́к (знамэниё), соб (кай) одолэ, савэ на камэна ман зоралэс, могоинэнас тэ дыкхэн и ёнэ явэнас ладжакирдэ, пал-довá со Ту, Раё Дэвла, дыян васт мánгэ и подрикирдян ман.

Шэрó 87

[86-р.с.] ¹ Кареёскиро Чхавэнгиро. Псáлмо. Гилы́.

Рай Дэвэл зачхудя Пэскиро фóро пэ свэнта бэрги. ² Рáскэ-Дэвлэскэ исын дро́го Ерусалимо́скири по́рта (врата) буты́р сарэ Яковóскирэ шатрэндýр. ³ Славутка лавá кэ барó ша́рибэн пхэнэна пал тýтэ, Дэвлэскиро фóро. Сэла. ⁴ Мэ ява́ва тэ рипирава Егíпто и

Вавилоно одолэнгэ, савэ джинэна Ман: Ё́ада, Филистия и Тиро Ефиопияса пхэнэна-кадава мануш бияндыа одой. ⁵ И ёнэ явэна тэ ракирэн пал Сионо: “Кадава мануш бияндыа одой и Най Вучэдырэскиро зачхуда дава́ фо́ро.” ⁶ Рай Дэвэл чхувэла нанглорó (заковычка) мамуй лава́ далэ манушэнгирэ, кэли Ёв явэла тэ пиригинэл далэ манушэн: “Кадава мануш бияндыа адай.” Сэла. ⁷ И башаибнаскирэ и багаибнаскирэ пхэнэна: “Сарó лачхипэн джала тۇтыр, Сионо.”

Шэрó 88

[87-р.с.] ¹ Гилы́ и Псáлмо Карее́скирэ Чхавэнгиро. Хорóскирэ Дирижорóскэ. Мелодия Тугаса. Эманакирэ-Эзрахитоскиро Сыклякирибён. ² О, Раё Дэвла, Дэвлалэ, Савó зракхэла ман. Мэ ровава годласа дывэс и рат ангил Тұтэ. ³ Мэк тэ доджал мирí пáтери (молитва) кэ Ту, причхув тэлэ кан, сыр мэ ровава. ⁴ Пал-дова́ со миро ди исын пхэрдó пхарипнэнца и миро джибён доджала кэ магила. ⁵ Ман гинэна аканá кхэтанé одолэнца, савэ джа́на кэ ганб́йн (яма); мэ сом мануш, савэстэ нанэ зор: ⁶ Савó исын мэкно́ машкíр мулэндэ, сы́рбы одолэ, со исын замардэ и паштэ дрэ ганб́йн, конэс Ту бутыр на рипирэса, и савэ исын чхурдынэ тэ хасён Тырэ вастэса. ⁷ Ту чхудян ман дрэ са́мо тэлатуны ганб́йн дрэ калэ (цямлэ) штэты, дро са́мо хорипэн. ⁸ Тыро́ холякирибён чхудо пэ ма́ндэ и Ту тасавэсас ман сарé Тырэ валнэнца. Сэла. ⁹ Ту дурьякирдян мирé малэн (другэн), Ту кэрдян, соб (кай) ёнэ тэ ячэн джунгалэ ма́нца: мэ сом запхандло, мэ на могона́ва тэ джав яври́. ¹⁰ Мирí якх кэрдэла фуедыр ровибнастыр. О, Раё Дэвла! Мэ со дывэс кхаравас Тут ясвэнца, мэ тырдава Пэскирэ васта́ кэ Ту. ¹¹ Ци явэса Ту тэ кэрэс дивы мулэнгэ? Ци уштэна мулэ и парикирэна Тұкэ. Сэла. ¹² Ци явэла пхэндлó сарэнгэ дрэ ганб́йн пал Тыри́ лачхэ-илы́ткима? Ци пал Тыро́ патяибён дро штэто, кай хасэ́на? ¹³ Ци явэла джиндлó пал Тырэ дивы дро калыпэн (цямлыпэн), ци пал Тыро́ чачипэн пэ пхув, кай бистрэса? ¹⁴ Нэ мэ да́ва гóдла кэ Ту, Раё Дэвла и пэ злóко (ра́нко) миро мангипэн ангил Тұтэ. ¹⁵ О, Раё Дэвла, со́скэ Ту ячкирдян миро ди? Со́скэ Ту гаравэса Пэскиро муй ма́ндыр? ¹⁶ Мирé чхаворипнастыр ман тасавэна и мэ на́бут со на мэра́ва. Мэ мэнчына́впэ даратыр кэ мэрибён, Мэ сарэ́са пыём дро дұхо (фа́но). ¹⁷ Тыри́ ягуны бари холын гия́ пир ма́ндэ; Ту даракирдян ман кэ хасибён: ¹⁸ Ёнэ облэ́нас трусця́л ман сыр барó пани́; ёнэ тасавэ́нас ман кхэтанé сарé ригэндýр. ¹⁹ [р.с.] Ту дурьякирдян ма́ндыр малэс (другос) и манушварэ манушэс, мирé джиндлэ́ манушэс. Калыпэн (цямлыпэн) исын пэ лэнгиро штэто.

Шэрó 89

[88-р.с.] ¹ Сыклякирибнаскири Гилы́ Ефаностыр Эзрахитостыр.

² Мэ ўса́ды (сак) ява́ва тэ бага́в пал Ра́скирэ-Дэвлэ́скири лачхэ-илы́ткима мирé мо́са, нэ мэ ява́ва тэ роспхэ́нав сарэнгэ пал Тыро́ патяибён родóстыр кэ ро́до. ³ Пал-дова́ со мэ пхэндём: “Лачхэ-илы́ткима явэла тэ ячэлпэ пэ сарé ве́ки.” Ту зорьякирдян Пэскиро патяибён аж кэ са́мо болыбён. ⁴ Мэ счхудём завето Мирé выкэ́дынэ манушэнца. Мэ совлахадём Давидóскэ, мирé писхары́скэ. ⁵ Мэ да́ва зор Тырэ родóскэ пэ сарé ве́ки, и газда́ва Тыро́ трóно пэ сарé ро́ды. Сэла. ⁶ И болыбна́скирэ Янгóлы явэна тэ шарэн Тут пал Тырэ дивы, Раё Дэвла, адя́кэ-па́ць пал Тыро́ патяибён пэ свэнтонэнгиро скэдыибён. ⁷ Кон пэ болыбён исын равно Ра́скэ-Дэвлэ́скэ? Конэс машкíр болыбна́скирэ Янголэндэ сашты́ тэ припарувэн Ра́са-Дэвлэ́са. ⁸ Дэвэл исын барó кэ дар пэ свэнтонэнгиро скэдыибён, Ёв исын зоралы́пнаскиро, соб (кай) сарé, кон исын пашы́л Лэ́стэ, тэ дэн бари паты́в Лэ́скэ. ⁹ О, Раё Дэвла, Дэвэл болыбна́скирэ-янголэнгиро! Конэ́стэ исын дасаво зоралы́пэн сыр Тұтэ, Раё Дэвла? Ту сан патяибны́тко дро сарó. ¹⁰ Ту рикирэ́са зор пэ мо́рэ (дэ́рьяв), сыр ёв холя́мэс глуминэ́ла: кэли лэ́скирэ валны газдэ́напэ вучэ́с, Ту штыля́кирэса лэн. ¹¹ Ту пхара́дян Египто́ пэ котэ́ра, сыр ко́долэс, кон исын муля́кирдо; Ту росчхурды́ян Тырэ вэ́ргэн Тырэ зоралы́пнаскирэ вастэ́са. ¹² Тыро́ исын

болыбэн и Тыр́и исын пхув, св́ето и сарó, сóса ёв исын пхэрдó. Ту зачхудян лэн. ¹³ Ту создьян паш-ратитко и паш-дивэсы́тко риг, Фаворо и Ермоно радынэнапэ Тыр́э лавэстыр. ¹⁴ Тыр́о псикó исын зоралыпнаскиро; зорало исын Тыр́о васт, вучó исын Тыр́о чачó васт. ¹⁵ Чачипэн и чачунó сэндо рикирэна Тыр́о трóно, лачхэ-илы́ткима и патяибэн дж́ана ангил Т́утэ. ¹⁶ Бахталэ исын мануш́а, савэ дж́инэна рáдыма Тыр́э заня́тыр (глося́тыр): ёнэ дживэна пир дуд (св́ето), савó дж́ала Т́утыр. ¹⁷ Ёнэ ц́оло дывэс радынэнапэ Тыр́э лавэстыр; и ёнэ газдэнапэ радымáса Тыр́э чачипнастыр. ¹⁸ Пал-довá со Ту дэса слáва лэнгирэ зорьякэ, и Ту газдэса амэн вучэс Тыр́э ласкаса. ¹⁹ Пал-довá со Рай Дэвэл исын амарó шчы́то, и амарó Крáли исын Свэнтонé Израилёстыр. ²⁰ Вари-сыр Ту ракирдян дро сунó Пэскирэ Свэнтонэскэ и Ту пхэндян: “Мэ дыём васт екхэ му́ршканэскэ, Мэ газдыём лэс пэ трóно, савэс Мэ выкэдыём мануш́эндыр. ²¹ Мэ латхём Мирé писхарис́ Давидóс, мэ помакхцём лэс Мирé свэнтонé оливитконэ дзэтэса (елеёса): ²² Мэ чхува́ва Пэскири бурнык (ладожка) тэ подрикирав лэс, и Миро васт явэ́ла тэ зорьякирэл лэс. ²³ Вэ́рго на дэ́ла дукх́а лэс и чоро ману́ш на притасавэ́ла лэс. ²⁴ И мэ пхарава́ва лэскирэ вэ́ргэн ангил лэскиро муй, и Мэ рава́ва одолэн, савэ бидыкхэна лэс. ²⁵ И Миро патяибэн и дрóго лачхипэн явэ́на лэса и лэскиро рóдо явэ́ла газдыно́ шарибнаса Мирé лавэ́са. ²⁶ Мэ чхува́ва лэскиро васт пэ мо́рё (дэ́рьяв) и лэскиро чачó васт пэ рэ́ки (лэ́ня). ²⁷ Ёв явэ́ла тэ дэл гóдла Ма́нгэ! Ту сан миро Дад, миро Дэвэл и Скáла тэ зракхавпэ.” ²⁸ Мэ кэра́ва лэс Мирé пэ́рвонэ́са (англатунэ́са), савó явэ́ла са́мо вучó пхувья́кирэ кральендыр. ²⁹ Мэ ява́ва тэ ракхав Ми́ри лачхэ-илы́ткима пэ сарé ве́ки, и Миро завето ячэ́лапэ твардэс лэ́са. ³⁰ И мэ ўса́ды (сак) ява́ва тэ зорьякирав лэскирэ чхавэн и лэскиро трóно явэ́ла ада́кицы дывэ́са, ки́цы исын болыбэн. ³¹ Ко́ли лэскирэ чхавэ́ мэкэ́на Ман, и на явэ́на тэ дживэн пир Мирé при́пхэныбэ́на; ³² пал-довá со ёнэ явэ́на тэ пхагирэн Мирé стату́ты (уста́вы) и на явэ́на тэ ра́кхэн Мирé при́пхэныбэ́на; ³³ тэды Мэ чхува́ва ка́ра дэ́стэса пэ лэ́ндэ пал лэ́нгирэ чо́рэ рэ́нды, и Мэ пэ́кава́ва лэн пал лэ́нгирэ грэ́хи. ³⁴ Нэ мэ на лава́ криг Ми́ри лачхэ-илы́ткима Давидостыр и Мэ на домэ́кава, со́б (кай) миро патяибэн тэ хасёл; ³⁵ Мэ на пхаги́рава Миро завето, Мэ на парува́ва дова́, со вы́гий Мирé мо́стыр. ³⁶ Екхвар мэ совлаха́дём Мирé Свэ́нты́маса, со мэ ни́экхвар на хо́хава́ва Давидóс: ³⁷ лэскиро рóдо ўса́ды (сак) ячэ́лапэ и лэскиро трóно явэ́ла гара́ (длу́гэс), сыр кхам, со свэ́нцынэ́ла ангил Ма́ндэ. ³⁸ Ёв явэ́ла ўса́ды (сак) сыр чхон и сыр патяибны́тко якхы́тко пэ болыбэн. Сэ́ла. ³⁹ Нэ Ту, Раё Дэ́вла, ячкирдян и на при́лыян Лэс, Ту са́нас древа́н хо́лямо́ пэ Тыр́э помакхнэ писхаристэ, ⁴⁰ Ту рисия́н криг Заветостыр, со Ту ды́ян Тыр́э дына́рискэ, Ту чхурды́ян вя́нка (коро́на) пэ пхув. ⁴¹ Ту пхагирдя́н сарé лэскирэ фо́ро́скирэ о́грады, Ту пи́рикэрдян сарé фо́ро́скирэ ри́кирибэ́на дрэ́ радэ́ бара́. ⁴² Сарé, кон дж́ала́ маму́й, обчо́рэна лэс, а сарé пашатунé обра́кирэна лэс. ⁴³ Ту ды́ян зор мануш́эскирэ чачэ́ вастэ́скэ; савó притасавэ́лас лэс, Ту кэ́рдян, со́б (кай) сарé лэскирэ вэ́рги тэ радынэ́нпэ: ⁴⁴ га́да, Ту тэ́мпякирдян лэскирэ-куртала́кири во́стрима (чо́лыпэн), и Ту на газды́ян лэс дро ма́рибэн. ⁴⁵ Ту кэ́рдян, со лэскири слáва пи́рияця́ тэ зя́инэл и Ту чхурды́ян пэ пхув лэскиро трóно; ⁴⁶ Ту кэ́рдян ты́кнэдýр лэскирэ ты́рнэ бэ́ршá, Ту учха́кирдян лэс ладжаса. Сэ́ла. ⁴⁷ О, Раё Дэ́вла! Ки́цы явэ́са Ту тэ гарадэ́с? Ци явэ́ла Ты́ри ба́ри хо́лын тэ хачол сыр яг? ⁴⁸ Рипир, мэ мангав Тут: савó миро джи́ибэн исын. Ваш савó харны́пэн (су́ета) Ту создья́н манушы́тконэ чхавэн? ⁴⁹ Савó ману́ш сашты́ тэ дживэл и тэ на ды́кхэл мэ́рибэн? Ци зракхэ́ла ёв пэ́скиро ди́ люноскирэ зорья́тыр? Сэ́ла. ⁵⁰ О, Раё Дэ́вла, кай исын Тыр́о дрóго лачхипэн, савó гарэ́дыр сыс Т́утэ, со Ту совлаха́дян Давидóскэ Тыр́э патяибна́са? ⁵¹ Рипир, о, Раё Дэ́вла, сыр обра́кирэна Тыр́э дына́рис! Со мэ пи́рилы́джиём пал брэ́к, сыр бут мануш́а обра́кирэна, ⁵² сóса Тыр́э вэ́рги про́кошэ́на Тут, о Раё Дэ́вла, сóса ёнэ про́кошэ́на пенты́ (кху́рья) Тыр́э помакхнэ́скэ? ⁵³ [р.с.] Тэ ша́рэн уса́ды (сак) Ра́с-Дэ́влэс. Ами́нь и ами́нь.

Шэ́ро 90

[89-р.с.] ¹ Мойзаскири Па́тери (Моли́тва), Савó сыс Дэ́влэ́скиро Ма́нуш. ² О, Раё Дэ́вла! Ту са́нас уса́ды (сак) амэ́нгэ сыр амарó кхэр ваш сарé ро́ды! ³ Ангил, сыр Ту создья́н бэ́рги, ци сыр Ту зачхудян пхув и св́ето и аж ве́костыр кэ́ ве́ко Ту сан Дэ́влэ. ⁴ Ту кэ́рэса, со ма́нуш

пирикэрэлапэ дро пра́хо и ракирэ́са: “Рисён, манушёнгирэ чхавэ.” ⁵ Пал-довá со бар (тысёнцо) бэрш ваш Түкэ исын сыр атасятуно дывэс, со прогия́ (накхця), и сыр стрэ́га (стража) ратякири. ⁶ Ту лыджáса криг амарé бэршá сыр тасадыпнаскиро панинг (наводнениё); ёнэ исын сыр линдра (дремота): тасярлатыр ёнэ исын сыр чар, со барьёла: и злокостыр (ранкостыр) ёй лулудёла (цвэтинэла) и ячэлапэ зэлэно, а бэльвэлé ёй мурдалёла (вянинэла) и вышутёла. ⁷ Пал-довá со амэ хасёваса Тырэ холятыр, и амэ́нгэ исын пхарó, сыр Ту зоралэс холясоса. ⁸ Ту чхудян амарé чорé рэ́нды ангил Пэ́стэ, амарé гарадэ грéхи тэ дыкхэн лэн. ⁹ Пал-довá со сарé амарé дывэсá джána криг Тырэ холякирибнастыр: амарó джи́ибэн прастала кэ ко́нцо (кэ ягóро) сыр екх пхурдыпэн гондяса (ўздохоса). ¹⁰ Амарé-джи́ибна́скирэ дывэсá джána кэ эфтадэ́шá (битрияндэнгиро шэл) бэрш, а ко́ли амэ сам зоралé, то кэ охтодэ́шá (бибишэнгиро шэл) бэрш. Нэ най фэды́р пора амарé джи́ибнастыр исын доя, сыр амэ сам насвалэ ци кхинэ бутятыр-дава́ проджа́ла (накхэла) сы́гэс и амэ вурняса криг. ¹¹ Кон джи́нэла Тырэ-холякири зор? Кон угалёла дар, со явэ́ла Тырэ холякирибнастыр? ¹² Сыкля́кир амэн тэ гинас амарé дывэсá, соб (кай) тэ явэл годы́пэн дро амарó ило́? ¹³ Рисёв, о Раё́ Дэ́вла: ки́цы сашты́ тэ холясос? Яв лачхэ́-илэ́скиро кэ Тырэ писха́рья. ¹⁴ Чаля́кир амэн тасярлатыр Пэ́скирэ лачхэ́-илыткимаса и амэ яв́аса весéла (лошалé) и яв́аса тэ радынаспэ сарé амарé дывэсá. ¹⁵ Обра́дын амэн пэ ада́кицы дывэсá, ки́цы Ту притасавэ́сас амэн, пэ ада́кицы бэршá, ки́цы амэ пиридживдям чорипэн. ¹⁶ Мэк тэ дыкхэн Тырэ бутя́ Тырэ писха́рья, мэк тэ дыкхэн Ты́ри райканы сла́ва амарé чхавэ. ¹⁷ И мэк шукари́пэн амарé-Ра́скирэ-Дэ́влэ́скиро, амарé Дэ́влэ́скиро тэ явэл пэ амэ́ндэ: дэ зор амарé-вастэнгирэ бутенгэ, зоря́кир амарé вастá, со кэ́рэна бутя́.

Шэро́ 91

[90-р.с.] ¹ Кодовá, Савó дживéла дро Най Вучэдырэскиро штéто, явэ́ла тэ дживéл тэл Сарэ́зорья́кири зэр (тенё). ² И ёв тэ пхэ́нэл Ра́скэ-Дэ́влэ́скэ: “Миро гарады́ипэн и ми́ри тва́рдыма (диз). Миро Дэ́вла! Мэ рисё́ва́ва кэ Ту тэ зракхавпэ.” ³ Чачо́, Ёв вытырдэ́ла тут чирикларискирэ (ловцоскирэ) фэ́лятыр, хасибны́тконэ франсэ́ндыр. ⁴ Ёв учха́кирэ́ла тут Пэ́скирэ порэ́нца и ту латхэ́са гарада́ипэн тэл Лэ́скирэ пха́ка: лэ́скиро чачипэн явэ́ла тэ бронинэл и тэ затэ́рдéл пал Тү́тэ. ⁵ Ту на явэ́са тэ дарэс траша́ибнастыр раты́, и мари́бны́тконэ бустя́тыр (стрелатыр), со вурня́ла дывэсэ́; ⁶ и франсэ́ндыр (язватыр), со пси́рэна раты́, ци хася́кирибны́тконэ моровостыр (заразатыр), со чорьё́ла дывэсэ́. ⁷ Мэк тысёнцо (бар) манушён тэ пэ́рэн пашы́л ты́ри риг, и дэш бара́ паш ты́ри чачи́ (право) риг, нэ нисó на подджа́ла пашы́лэды́р кэ ту. ⁸ Ту фэ́ни явэ́са тэ дыкхэ́с пэ́скирэ якхэ́нца и дыкхэ́са отплэ́скирибэн фу́е манушёнгэ. ⁹ Пал-довá со ту пхэ́ндян “Раё́ Дэ́вла, Ту сан миро гарады́ипэн”, ту выкэ́дыян Най Вучэдырэскирэс тэ затэ́рдéл (тэ бронинэл) тут. ¹⁰ Га́да, чорипэн на пи́рилэла тут и морóвы на явэ́на пашы́л Ты́ри ша́тра. ¹¹ Пал-довá со Дэ́вэл дэ́ла при́пхэны́бэн Лэ́скирэ Янго́лэ́нгэ тэ дыкхэ́н пал Тү́тэ: ¹² ёнэ явэ́на тэ лы́джан тут пэ́скирэ вастá, соб (кай) ту тэ на пэ́кавэс Пэ́скири гэ́рой пир бар. ¹³ Ту явэ́са тэ шта́вэс (тэ стэ́мпинэс упрé) пэ́ шчэ́рэстэ (левостэ) и са́пэстэ ци ту шта́кирэ́са (тэ топчы́нэс) шчэ́рорэс и драко́нос. ¹⁴ “Пал-довá со лэ́скэ яцём дро́го Мэ”, – ракирэ́ла Рай Дэ́вэл, – “Мэ зракха́ва лэс, Мэ чхува́ва вучэ́с лэс, пал-довá со ёв джи́нэла Миро лав. ¹⁵ Ёв при́кхарэ́ла Ман и Мэ отпхэ́нава лэ́скэ, Мэ ява́ва лэ́са, кэ́ли явэ́ла пха́ро лэ́скэ, Мэ зракха́ва лэс и Мэ ява́ва тэ ку́тякирав лэс. ¹⁶ Мэ да́ва чалэ́с джи́ибэн лэ́скэ и сы́кава́ва лэ́скэ, сыр Мэ зракха́ва лэс.”

Шэро́ 92

[91-р.с.] ¹ Пса́лмо Ги́лы ваш Са́вато.

² Дава́ исын мишто́ тэ пари́кирас Ра́скэ-Дэ́влэ́скэ, и тэ ба́гас ша́рибны́тка ги́ля Ты́рэ лавэ́скэ, о Най Вучэдырэскиро; ³ тасярлатыр тэ ра́кирас сарэ́нгэ пал Ты́ри лачхэ́-илы́ткима, и ка́жно

рат пал Тыр^о патяиб^{эн}, ⁴ башави пэ дэшэ-балытко струменто, и пэ лута и пэ гусли дескирэ мелодияса. ⁵ Пал-довá со Ту обрадын^{дя}н ман Пэскирэ бутенца, мэ явáва тэ багáв зоралэс и радымакирэс, со Тыр^э вастá кэрдэ. ⁶ О, Раё Дэвла! Савэ барэ исын рэнды (дэлы), со Ту кэрдян! Савэ хор исын Тыр^э думы! ⁷ Набарэ-годякиро мануш на джинэла дава, дылынó на галёла: ⁸ кэли фуй манушá барьёна сыр чар и мэк кодолэ, савэ кэрэна чорипэн, мэк ёнэ тэ явэн най шукарэдыр дро джиибэн, сароекх Дэвл хасякирэла лэн пэ ўсáды (сак). ⁹ И Ту, Раё Дэвла, сан вучэдыр сарэстыр пэ сарэ веки. ¹⁰ Пал-довá со, акэ, Тыр^э вэрги, Раё Дэвла: акэ, Тыр^э вэрги хасёна и сарэ, кон кэрэла чорипэн, явэна росчхурдынэ. ¹¹ Нэ Ту газдэса мирí зор сырбы шынга (роги) рискирибнаскирэ гурувэстэ: и мэ сом помакхно ялунэ (свяжонэ) оливитконэ дзэтэса (елеёса). ¹² Мирэ якхá явэна тэ радынэнпэ, дыкх, со кэрэлапэ вэргэнца; мирэ канá явэна тэ шунэн радымáса, со кэрэлапэ фуё манушэнца, савэ газдынэпэ пэ мандэ. ¹³ Чачунó мануш явэла най шукарэдыр, сыр пальма ёв явэла тэ барьёл, сыр кедро дро Ливáно. ¹⁴ Ёв исын сырбы рандэ (вэтка), со исын чхуды дрэ Рáскирэ-Дэвлэскиро Кхэр, пэ Дэвлэскирэ грэды (дворы) ёв явэла най шукарэдыр. ¹⁵ Ёв явэла дрэ зор дрэ пхуранэ бэршá, ёв явэла сокóса (хумэса) и зэлэно, ¹⁶ [р.с.] соб (кай) тэ сыкавэн сарэнгэ, со Рай Дэвл исын чачипнаскиро, и Ёв исын сырбы скáла, нанэ начачипэн дрэ Лэстэ.

Шэрó 93

[92-р.с.] ¹ Рай Дэвл кралинэла, Ёв уридя пэ Пэстэ райканы слáва: Рай Дэвл уридяпэ и подпхандяпэ зоралыпнаса и Ёв зачхудя свéто, Савó на тринскирлапэ. ² Тыр^о трóно исын зачхудо гаратунэ (вагунэ) бэршэндир, Ту сан вечно. ³ Барэ панинга газдынэпэ, о Раё Дэвла, барэ панинга газдынэ пэскирэ заня (глось), барэ панинга газдынэ пэскирэ валны. ⁴ Рай Дэвл, Савó исын пэ вучипэн, исын зоралэдыр бутэ-паненгирэ шумостыр, зоралэ валнэндир, со джáна пир мórё (дэрьяв). ⁵ Тыр^э допхэныбэна на парудёна; свэнтыма гожакирэла Тыр^о кхэр, о Раё Дэвла, пэ сарэ веки.

Шэрó 94

[93-р.с.] ¹ О, Раё Дэвла, Савó чхувэла кáра, Дэвлалэ, Савó чхувэла кáра (хась), сыкадёв Кокорó. ² Газдэ Пэс, Ту, Сэндáри, пир сарí пхув, сэндякир чачунэс пхутькирдэн. ³ О, Раё Дэвла, кицý явэна фуй манушá, кицý явэна фуй манушá тэ радынэнпэ? ⁴ Ёнэ выпхэнэнапэ, ёнэ ракирэна бариканэс, сарэ, кон кэрэла чорипэн, пхутёна пэса. ⁵ Ёнэ роспхаравэна Тыр^э манушэн пэ котэрá (куски), о Раё Дэвла, ёнэ притасавэна Тыр^о миштыпэн; ⁶ ёнэ замарэна пивлен (удовэн) и чужонэ манушэн и мулякирэна пиротэн (сиротэн). ⁷ И ёнэ ракирэна: “Рай Дэвл на дыкхэла дава, ци Израилёскиро Дэвл на рискирэла годы пэ дава. ⁸ Галён тумэ, хрустэнгирэ (бигодякирэ), машкир манушэндэ; тумэ сан дылынэ, кэли тумэ явэна годэ? ⁹ Ци на дошунэла Одовá, Кон чхудя кан? Ци на додыкхэла Одовá, кон кэрдя якх? ¹⁰ Ци на явэла тэ сэндякирял Одовá, Кон сыклякирэла нáцыи? Кодовá, Савó дэла годы манушэнгэ? ¹¹ Рай Дэвл джинэла манушэнгирэ думы, со ёнэ исын харытка (суетна). ¹² Бахталó исын мануш, савэскэ Ту дэса годы, о Раё Дэвла, савэс Ту сыклякирэса Тыр^э Законоскэ, ¹³ соб (кай) Ту тэ дэс лэскэ тэ откхинёл пхарэ дывэсэндир, пака ганб́ин (яма) явэла тэ ганавэлпэ ваш фуё манушэнгэ. ¹⁴ Пал-довá со Рай Дэвл на ячкирэла Пэскирэ манушэн, и Ёв на мэкэла одолэн, савэ исын сырбы лэскиро мэкно миштыпэн; ¹⁵ нэ Лэскиро сэндо явэла нэвэстыр чачунó, а одолэ, конэстэ исын чачунó илó, явэна тэ джáн пал дава дурэдыр. ¹⁶ Кон явэла тэ затэрдёл пал мандэ ангил одолэндэ, савэ кэрэна чорипэн? Кон явэла тэ рикирэл мирí риг проти одолэндэ, савэ кэрэна бэда рэнды (злыднитка дэлы)? ¹⁷ Кóли на дэлас васт мánгэ Рай Дэвл, тэды миро ди гарá явэлас одóй, кай исын мэрибнытко штылыпэн. ¹⁸ Сыр мэ пхэнава: “Мирí гэрóй кунинэлапэ, тэды Тырí лачхэ-илыткима, о Раё Дэвла, подрикирэла ман, ¹⁹ Кэли мирэ думы пхэрдякирэна миро шэрó, бутыр и бутыр, тэды Ту подрикирэса и обрадынэса миро дýхо (фáно). ²⁰ Ту на явэса кхэтанэ чорэ ранца, савэ придуминэна фуипэн

замэст одова, со исын дро Зако́но. ²¹ Ёнэ скэдэнапэ кхэтанэ тэ мулякирэн чачипнаскирэ манушэс, ёнэ бангякирэна бибангэ манушэс, соб (кай) тэ прочхувэн лэскиро рат. ²² Нэ Рай Дэвэл явэла тэ затэрдёл пал мандэ тэ бренинэл ман; и миро Дэвэл исын сыр бэрга мангэ тэ гарадэвав. ²³ Ёв рискирэла пэ лэндэ лэнгиро чорипэн, и Ёв хасякирэла лэн лэнгирэ фуипнаса, Рай Дэвэл, амаро Дэвэл, чхурдэла лэн тэ хасён.

Шэро́ 95

[94-р.с.] ¹ Явэн тэ багас зоралэс Рáскэ-Дэвлэскэ, явэн тэ багас зоралэс радыматыр бэргакэ, сави́ зракхэла амэн; ² явэн тэ задж́ан ангил Лэстэ шарибнаса, явэн тэ радынаспэ зоралэс псалмэнца ангил Лэстэ. ³ Пал-дова́ со Рай Дэвэл исын баро́ Дэвэл и баро́ Кра́ли, Саво́ исын вучэдýр сарэ́ дэвлорэндýр. ⁴ Ёв исын хула́й пэ хор штэ́ты пэ пхув, и адýкэ-паць пэ вучипэна́ бэргэнгирэ. ⁵ Ёв исын хула́й пэ мо́рэ (дэрья́в), и Ёв создýя лэс и Лэскирэ васта́ создýнэ пхув. ⁶ Явэн тэ дас патýв Лэскэ и тэ бангякирас тэлэ́ шэрэ́, явэн тэ пэрас пэ чанга́ ангил Растэ-Дэвлэстэ, Саво́ создýя амэн. ⁷ Пал-дова́ со Ёв исын амаро́ Дэвэл: и амэ́ сам мануша́ чаритконэ́ пхувýятыр, амэ́ сам бакрэ́ Лэскирэ вастэ́стыр. ⁸ Ададывэс, сыр тумэ́ шунэ́на Лэскири зан: “На отрискирэн пэскирэ́ илэ́, сыр дрэ́ Мэ́рива, сыр дро́ дывэс пал патяибэн (Маса́) пэ чхучи́ пхув; ⁹ кэ́ли тумарэ́ дада́ пропатыкирэна́с ман, ёнэ́ спробинэна́с Ман и ёнэ́ дыкхнэ́ мири́ бутý. ¹⁰ Штардэша́ бэрш дава́ родо́ калякирдý Миро́ ило́ и Мэ́ пхэндём: ‘Адалэ́ исын мануша́, савэ́ заблэндýндлэ́пэ, и ёнэ́ на джинэ́на Мирэ́ дромá. ¹¹ Палдова́ мэ́ и совлахадём дрэ́ Пэскири холý: “Ёнэ́ на задж́ана́ пэ́ Миро́ штэ́то тэ́ откхинён.”

Шэро́ 96

[95-р.с.] ¹ Бага́н Рáскэ-Дэвлэскэ́ нэви́ гилý: бага́н Рáскэ-Дэвлэскэ́ сари́ пхув. ² Бага́н Рáскэ-Дэвлэскэ́, парикирэн и шарэн Лэскиро лав; роспхэнэн ангил сарэндэ́ со дывэс, со Ёв зракхця́ амэн. ³ Роспхэнэн сарэнгэ́ пал Лэскири сла́ва машки́р Наюды́тка на́цыи, пал Лэскирэ́ дýвна кэ́ барипэн бутý́ машки́р родо́ (плéми). ⁴ Пал-дова́ со Рай Дэвэл исын баро́ и исын мол, соб (кай) тэ шарэн Лэс, соб (кай) тэ дарэн Лэстыр бутýр сарэ́ дэвлорэндýр. ⁵ Пал-дова́ со явирэ́-нацыенгирэ́ дэвлорэ́ исын хоханэ́ йдолы, а Рай Дэвэл создýя́ болыбэн. ⁶ Патýв и райканы́ сла́ва исын ангил Лэстэ́, зоралыпэн и шукарипэн исын дрэ́ Лэскири Кханги́ри. ⁷ Славинэн́ Рас-Дэвлэс, народы́, славинэн́ Рас-Дэвлэс и Лэскири зор. ⁸ Славинэн́ Рас-Дэвлэс пал Лэскиро лав, янэн́ свэнто́ дыибэн и явэн пэ́ Лэскирэ́ грэды́ (дворы): ⁹ дэн патýв Рáскэ-Дэвлэскэ́ дрэ́ Лэскири Свэнто́ Кханги́ри, издран ангил Лэстэ́, сари́ пхув. ¹⁰ Пхэнэн́ машки́р Наюды́тка на́цыи, со Рай Дэвэл кра́лине́ла! Ёв адýкэ-паць зоралэс за́чхудя́ свэто́, со на́ кхарэ́лапэ́ криг (на́ зджа́ла) штэ́то́стыр. Дэвэл явэ́ла тэ́ сэндыа́кирэ́л манушэн́ пир чачипэн. ¹¹ Тэ́ явэн ра́да сарэ́ на́цыи и мэ́к тэ́ радынэлпэ́ пхув, мэ́к тэ́ ревинэл мо́рэ́ (дэрья́в) радыматыр, и саро́, со дживэ́ла андрэ́. ¹² Мэ́к тэ́ обрадынэлпэ́ фэ́лда и саро́, со исын пэ́ латэ́. Мэ́к тэ́ радынэнпэ́ кашта́ (дрэ́вы) дро́ вэш, ¹³ ангил Растэ-Дэвлэстэ́, Саво́ джа́ла тэ́ сэндыа́кирэ́л пхув. Ёв явэ́ла тэ́ сэндыа́кирэ́л свэто́ чачунэ́с, и Ёв явэ́ла тэ́ сэндыа́кирэ́л манушэн́ Пэскирэ́ патяибна́са.

Шэро́ 97

[96-р.с.] ¹ Рай Дэвэл кра́лине́ла: мэ́к тэ́ радынэлпэ́ пхув, мэ́к тэ́ радынэнпэ́ бут бут островы́ (джи́па). ² Облоки́ и калыпэн исын трусця́л Лэстэ́; чачипэн и чачуно́ сэ́ндо́ рикирэ́на лэскиро́ тронó. ³ Яг джа́ла ангил Лэстэ́ и хачкирэ́ла сарэ́са́ Лэскирэ́ сарэ́ вэ́ргэн, савэ́ исын трусця́л Лэстэ́ ⁴ Лэскирэ́ блискави́цы екхаты́р (сра́зу) дэ́на дуд (свэто́) трусця́л свэто́: пхув дыкхэ́ла и издрала. ⁵ Бэ́рги биладе́на, сыр мом ангил Растэ-Дэвлэстэ́, сарэ́ пхувýякирэ́стэ. ⁶ Болыбэн́ ра́кирэ́ла сарэнгэ́ пал лэскиро́ чачипэн и сарэ́ мануша́ дыкхэ́на Лэскири́ сла́ва. ⁷ Сарэ́, кон́ дынаринэ́ла дэвлорэнгэ́, со мануша́ вычхиндлэ́, явэ́на ладжа́кирдэ́ и одолэ́, савэ́ шарэ́напэ́

идолэнца – сарэ дэвлорэ дэна патыв Лэскэ. ⁸ Манушá Сионóстыр шунэна и исын рада, и чхай Юдэятыр радынэнапэ Тырэ сэндостыр, о Раё Дэвла. ⁹ Пал-довá со Ту, Раё Дэвла, сан Сано (Най) Вучэдýр сарэстыр пир пхув; Ту сан газдынó древáн вучэдýр сарэ дэвлорэндýр. ¹⁰ Тумэ, кон рикирэла Рас-Дэвлэс сыр Дро́гима дро илó, бидыкхэн чорипэн: “Ёв прирахэла дия Пэскирэ Свэнтонэнгиро, Ёв зрахэла лэн вастэстыр чорэ манушэндýр.” ¹¹ Дуд джáла тэлэ пэ чачипнаскирэндэ, и радыма пэ одолэндэ, конэстэ исын чачунó илó. ¹² Радынэнпэ Рáстыр-Дэвлэстыр, тумэ чачипнаскирэ; парикирэн и славинэн лэскиро Свэнто Лав.

Шэрó 98

[97-р.с.] ¹ Псáлмо.

О, багáн Рáскэ-Дэвлэскэ нэвй гилы! Пал-довá со Ёв кэрдя дивна рэндý (дэлы). Лэскиро чачó (право) васт и лэскиро чачó псикó помогиндлэ Лэскэ тэ пиризорьякирэл. ² Рай Дэвэл сыкадя, со Ёв зрахэла. Ёв отчхакирдя Пэскиро чачипэн ангил сарэ манушэнгирэ якхá. ³ Ёв дыя тэ рипирэл пал Пэскири лачхэ-илыткима и лэскиро чачипэн Израилёскирэ кхэрэскэ: сарэ пхувьякирэ ягóры (край) дыкхнэ, сыр амарó Дэвэл зрахэла Пэскиро манушэн. ⁴ Багáн и радынэнпэ зоралэс ангил Растэ-Дэвлэстэ, сарэ манушá пхувьятыр, лошалён (веселинэнпэ) и радынэнпэ, шарэн псалмэнца Лэс. ⁵ Багáн псалмы Рáскэ-Дэвлэскэ пэ гусли; пэ гусли и заненгирэ (глосенгирэ) багаибнаса. ⁶ Башавэн пэ рóго (труба) и горно, радынэнпэ ангил Кхенингóстэ, Растэ-Дэвлэстэ. ⁷ Мэк тэ брилинэн (тэ ривинэн) мóри (дэрьявá) и сарó, со дживэла дрэ лэстэ. ⁸ Мэк тэ пэкавэн дрэ вастá рэки (лэня), мэк тэ газдэнпэ радýмáтыр бэргицы. ⁹ Ангил Растэ-Дэвлэстэ, пал-довá со Ёв джáла тэ сэндякирэл пхув: Ёв явэла тэ сэндякирэл свéто пир чачипэн и Ёв чачунэс явэла тэ сэндякирэл манушыпнаскирэ нáцыи.

Шэрó 99

[98-р.с.] ¹ Рай Дэвэл кралинэла: мэк тэ издран манушы́тка нáцыи. Ёв исын бэштó пэ Пэскиро трóно машкёр Херувимэндэ: мэк тэ кунинэлпэ пхув. ² Рай Дэвэл исын барó пэ Сиóно и Ёв исын вучэдýр сарэ манушытконэ нацыэндýр. ³ Мэк тэ славинэн ёнэ лэскиро лав, со Ёв исын древáн славýтно кэ дар – Ёв исын Свэнто! ⁴ Ту сан зоралыпнаскиро Крáли, Савэскэ трэй чачунó сэндо. Ту зачхудян чачипэн: давá исын Ту, Савó кэрэла пир чачипэн и патыйбóн дрэ Яковостэ. ⁵ Барьякирэн кэ вучипэн Рас-Дэвлэс, амарé Дэвлэс и дэн патыв Лэскэ ангил Лэскирэ гэрá. Ёв исын Свэнто. ⁶ Мóйза и Ароно сыс машкёр Лэскирэ рашандэ и Самуýло сыс машкёр одолэндэ, савé прирахэнас лэскиро лав: ёнэ кхарэнас Рас-Дэвлэс, и Ёв отпхэнэлас лэнгэ. ⁷ Ёв ракирдя лэнгэ дро стýлбо облокэндýр: ёнэ рикирэнаспэ кэ Лэскиро допхэныбóн и кэ статýто, со Ёв дыя лэнгэ. ⁸ О, Раё Дэвла, амарó Дэвэл, Ту отпхэндян лэнгэ: Ту сáнас ваш лэнгэ Дэвэл, Савó примангэла лэнгэ, нэ Савó чхувэла кáра пал фуипэн, со ёнэ кэрдэ. ⁹ Славинэн зоралэс Рас-Дэвлэс, амарé Дэвлэс и дэн патыв Лэскэ пашыл Лэскири Свэнто бэргица, пал-довá со Рай Дэвэл исын амарó Свэнто Дэвэл.

Шэрó 100

[99-р.с.] ¹ Парикираса Дэвлэскэ далэ Псалмоса.

Багáн и радынэнпэ зоралэс, сарй пхув, Рáскэ-Дэвлэскэ! ² Дэн патыв Рáскэ-Дэвлэскэ радýмáса: явэн ангил Лэстэ зоралэ багаибнаса. ³ Джинэн, со Рай Дэвэл исын амарó Дэвэл! Ёв создýя амэн, нэ амэ на кокорé пэстыр явдýм пэ давá свéто; амэ сам Лэскирэ манушá и амэ сам бакрэ Лэскирэ гуртостыр. ⁴ Джáн андрé дрэ Лэскирэ пóрты и парикирэн и дрэ Лэскирэ грэды (дворы) шарибнаса; парикирэн Лэскэ, славинэн зоралэс Лэскиро лав: ⁵ пал-

довá со Рай Дэвэл исын лачхó, Лэскири лачхэ-илы́ткима ячэлапэ ўса́ды (сак), и Лэскиро патяибэ́н исын родо́стыр кэ рóдо.

Шэро́ 101

[100-р.с.] ¹ Давидо́скиро Пса́лмо.

Мэ ява́ва тэ бага́в пал лачхэ-илы́ткима и чачуно́ сэ́ндо: Тукэ, Раё Дэвла, мэ ява́ва тэ бага́в псалмы. ² Мэ ява́ва тэ рикиравпэ годьварэс кэ бидошакиро джи́ибэ́н. Кéли Ту явэ́са кэ мэ? Мэ ява́ва тэ джива́в дро миро кхэр чачуно́ илэ́са. ³ Мэ на домэкава, соб (кай) мирé якхá тэ дыкхэ́н пэ фуипо́н, со кэро́на мануша́; ма́нгэ исын на́ пир ило́ одолé рэ́нды, со кэро́на мануша́, кéли рисёна криг Дэвлэ́стыр, и ё́нэ на при́ячэна кэ мэ. ⁴ Розмэ́кно ило́ явэ́ла тэ дурьё́л ма́ндыр, мэ на кама́м тэ джина́в чорé манушэ́с. ⁵ Кодолэ́с, кон чораханэ́с чхувэ́ла патара́ва (плётки) пэ пэ́скирэ пашатунé манушэ́стэ, Мэ хасякирэ́ва. Мэ на́шты́ тэ дыкхáв пэ ко́долэстэ, саво́ дыкхэ́ла барипна́са пэ яви́рэндэ́ и саво́ пхутё́ла. ⁶ Мирé якхá явэ́на тэ дыкхэ́н пэ патяибна́скирэ́ндэ, савé исын пэ да́я пхув, соб (кай) ё́нэ мого́ндлэ́ тэ явэ́н ма́нца дрé миро кхэр. Кодова́, саво́ дживэ́ла бидошэ́нгиро, одова́ явэ́ла тэ дына́ринэ́л ма́нгэ. ⁷ Кон жé хохавэ́ла (дэ́ла дукха́) манушэ́н, на явэ́ла тэ дживэ́л андрé́ миро кхэр; ниé́кх, саво́ хохавэ́ла, на явэ́ла зорало́ анги́л мирé якхá. ⁸ Тася́рлатыр мэ ява́ва тэ хасякира́в фуé манушэ́н, савé исын пэ да́я пхув, соб (кай) ма́нгэ тэ обчхи́нав дро́м фуé манушэ́нгэ кэ Ра́скирэ-Дэвлэ́скиро фо́ро.

Шэро́ 102

[101-р.с.] ¹ Притаса́до Ману́ш мангэ́лапэ́ Дэвлэ́скэ, кéли лэ́скиро Ду́хо (Фа́но) пхадия́ и ё́в выпхэ́нэла пэ́скиро Калы́пэ́н пэ Ило́ анги́л Растэ́-Дэвлэ́стэ.

² О, Раё Дэвла, пошун ми́ри па́тери (моли́тва), мэ́к миро рови́бэ́н тэ до́джал кэ́ Ту. ³ На гараде́в ма́ндыр, кéли ма́нгэ́ исын пха́ро; рисё́в палэ́ и шун ра́кхунэ́с мирé лава́. Дро́ дывэ́с, кéли мэ́ при́кхара́ва Тут, сы́гэс вы́шун ма́н. ⁴ Пал-дова́ со мирé́ дывэ́са́ про́джа́на (на́кхэ́на) сыр тхув, и мирé́ кока́лы обха́чинэ́ сыр глоу́ни. ⁵ Миро́ ило́ исын дукха́до́ и вы́шутия́ сыр ча́р, со мэ́ аж би́страва́ тэ ха́в миро ма́ро, ⁶ Мирé́ кока́лы при́пынэ́ кэ́ ми́ри цы́па, пал-дова́, со мэ́ да́ва гондя́. ⁷ Мэ́ сом сыр пели́кано́ пэ́ чхучé пра́хи, мэ́ яце́м сыр со́ва пэ́ чхучé́ штэ́то ⁸ Мэ́ сом па́што́ джанга́до, Мэ́ сом сы́рбы́ чи́риклы́ пэ́ кхэ́рэски́ри стрé́ха (чха́кин). ⁹ Мирé́ вэ́рги обра́кирэ́на ма́н со дывэ́с, и ко́долэ́, савé́ сана́пэ́ хо́лямэ́с ма́ндыр, про́кошэ́на ма́н. ¹⁰ Мэ́ хаё́м пра́ска сыр ма́ро, и дова́, со мэ́ пиё́м, сы́с пхэ́рдó ми́рэ́ ясвэ́нца. ¹¹ Ту пэ́скирэ́ хо́ляты́р и ба́рэ хо́лына́тыр, газды́ян ма́н и чхурды́ян дро́ хма́ро (ту́ча), ¹² Мирé́ дывэ́са́ про́джа́на (на́кхэ́на) сы́рбы́ зэр (те́нё), сави́ хасё́ла, Мэ́ вы́шутие́м сы́рбы́ ча́р. ¹³ Нэ́ Ту, Раё́ Дэвла, явэ́са ве́чнэ́с, и са́рэ ро́ды ри́пирэ́на Ты́ро ла́в. ¹⁴ Ту уштэ́са́ и сы́кавэ́са лачхэ́-илы́ткима́ пэ́ Сио́но; пал-дова́ со́ явдя́ часо́ тэ́ явэ́с танги́пна́скиро́ кэ́ ё́в, пал-дова́ со́ упхэ́ндлó́ часо́ явдя́. ¹⁵ Ты́рэ́ писха́рьэ́нгэ́ ячэ́на дро́га́ Ты́рэ́ ба́ра, и ё́нэ жа́линэ́на пра́ска, со́ яця́пэ́ фо́ро́стыр. ¹⁶ И ма́шкíр Наюды́тка́ на́цыи́ явэ́ла тра́шаи́бэ́н анги́л Растэ́-Дэвлэ́стэ, и са́рэ кра́ля́ пэ́ пхув явэ́на тэ́ дарэ́н Лэ́скирэ́ слава́тыр. ¹⁷ Кéли Рай́ Дэвэл га́здэ́ла Сио́но, тэ́ды Ё́в сы́кавэ́ла Пэ́скири́ сла́ва. ¹⁸ Ё́в явэ́ла тэ́ дэл па́ты́в бизо́рья́кирэ́ манушэ́нгэ́, савé́ ма́нгэ́напэ́́ Лэ́скэ, и Ё́в на́ явэ́ла тэ́ дыкхэ́л ву́чипна́стыр, сыр ё́нэ ма́нгэ́напэ́́ Лэ́скэ. ¹⁹ Пал да́ва́ явэ́ла чхи́ндлó́ родо́скэ́, со́ явэ́ла, соб (кай) ма́нуша́, савé́ би́янде́на, тэ́ сла́винэ́н Рас-Дэвлэ́с. ²⁰ Пал-дова́ со́ Ё́в дыкхэ́ця́ сы́гэс вы́чипна́стыр Пэ́скирэ́ Свэ́нтонé́ Штэ́то́стыр, Рай́ Дэвэл обды́кхця́ пхув бо́лыбна́стыр; ²¹ соб (кай) тэ́ шунé́л, сыр дэ́ла гондя́́ годла́са одова́, кон исын дро́ шта́рибэ́н, соб (кай) Ё́в тэ́ мэ́кэл пэ́ во́ля одолé́ чха́вэ́н, савэ́н мэ́рибэ́н ужа́кирэ́ла, ²² соб (кай) тэ́ ра́кирэ́н са́рэ́нгэ́ пал Ра́скирэ́-Дэвлэ́скиро́ ла́в пэ́ Сио́но, соб (кай) тэ́ ша́рэ́н Лэ́с дро́ Еру́сали́мо, ²³ кéли Наюды́тка́ на́цыи́ и кра́липэ́на́ зджа́напэ́́ кхэ́танé́, тэ́ дэ́н па́ты́в ё́нэ Ра́скэ́-Дэвлэ́скэ. ²⁴ Ё́в ты́кня́кирдя́ ми́ри зор

дрэ мирэ лачхэ бэрша, Ёв кроткэдыр кэрдя миро джибён. ²⁵ Мэ пхэндём: “Миро Дэвла! На закэдэ ман джибнастыр аканá, пака мэ на сом пхурó. О, Раё Дэвла! Сарэ рóды дыкхэна, со Ту вéчнэс дживэса. ²⁶ Ту чхудян пхув гарым-гарá, Ту создыян болыбён Пэскирэ вастэнца: ²⁷ ёнэ хасёна, нэ Ту явэса, ёнэ сарэ ячэна пхуранэ сыр íдя, и сыр урибён Ту парувэса лэн, и ёнэ парудёна. ²⁸ Нэ Ту сан Кадасавó пэ сарэ вéки, и Тырэ бэрша на кончынэнапэ. ²⁹ [р.с.] Тырэ-манушэнгирэ чхавэ явэна тэ дживён дурэдыр, и Ту зорьякирэса лэнгиро рóдо.

Шэрó 103

[102-р.с.] ¹ Давидóскиро Псáлмо.

Славин и парикир Рáскэ-Дэвлéскэ, миро ди, мэк миро илó и дýхо (фáно) тэ славинён Лэс. ² Славин и парикир Рáскэ-Дэвлéскэ, миро ди, и на бистыр лэскиро барó лачхипён. ³ Рай Дэвэл примангэла сарó миро чорипён, Ёв высастякирэла сарэ мирэ дукхá. ⁴ Ёв выракхэла тырó джибён хасибнастыр, Ёв чхудя вянка (корóна) пэ тýtэ лачхипнастыр и лачхэ-илыткиматыр, ⁵ Ёв дэла дова́, со ту камéса, соб (кай) ту тэ дживэс сыр тэрнó óрло (кíдо). ⁶ Рай Дэвэл кэрэла сарó и сэндякирэла пир чачипён одолён, савэ исын притасадэ. ⁷ Ёв сыкадя Пэскирэ дромá Мойзáскэ, Пэскирэ кэрибэна Израилéскирэ чхавёнгэ. ⁸ Рай Дэвэл исын лачхэ-илэскиро и тангинэла сарён, Ёв насыгэс холясóла и исын барвалó тэ сыкавэл Лэскири лачхэ-илыткима. ⁹ Ёв на сыклякирэла холяса сарó часо, Ёв на рикирэла ўсады (сак) Лэскири холы. ¹⁰ Ёв на кэрдя адякэ, соб (кай) амэ тэ явас бангэ пал амарэ грéхи, Ёв на отдыя палэ фуипнаса амёнгэ пал амарó чорипён. ¹¹ Пал-дова́ со сыр вучэс исын болыбён пхувьятыр, ада́кицы-паць бут исын лачхэ-илыткима Дэвлэстэ ваш одолёнгэ, савэ дарэна Лэстыр. ¹² Ада́кицы дур исын чачэ ригáтыр кэ зэрво (лéво) риг пэ пхув, ада́кицы-паць дур ёв чхувэла криг амарэ грéхи. ¹³ Сыр ада́кицы бут дад тангинэла пэскирэ чхаворён, адякэ-паць зоралó Рай Дэвэл тангинэла одолён, савэ дарэна Лэстыр. ¹⁴ Пал-дова́ со Ёв джинэла, сóстыр амэ сам создынэ, Ёв рипирэла, со амэ сам фэни (тóка) пра́хо. ¹⁵ Манушэскирэ дывэсá исын сы́рбы чар, сыр лулудí (цвэто), со исын пэ фéлда, адякэ-паць и мануш дживéла: ¹⁶ сы́рбы балвáл, со сы́гэс провурняла и нанэ лэс и никон на уджинэла лэскиро штéто. ¹⁷ Нэ Рáскирэ-Дэвлэскири лачхэ-илыткима исын бикониóскиро (биягорóскиро) ваш одолёнгэ, савэ дарэна Лэстыр, а лэскиро чачипён ваш чхавёнгирэ чхавёнгэ, ¹⁸ ваш одолёнгэ, савэ рикирэнапэ кэ Лэскиро Завето, савэ рипирэна и кэрэна адякэ-паць пир Лэскирэ припхэныбэна. ¹⁹ Рай Дэвэл зачхудя трóно Пэскэ пэ болыбён и лэскиро кралипён рикирэла зор пир сарó. ²⁰ Славинён и парикирэн Рáскэ-Дэвлéскэ, сарэ Лэскирэ Янгóлы, савэ исын дрéвaн зоралыпнаскирэ, савэ кэрэна пир лэскиро лав, савэ кандэна лэскиро лав. ²¹ Славинён и парикирэн Рáскэ-Дэвлéскэ, сарэ Лэскирэ болыбна́скирэ Янгóлы, сарэ тумэ, кон дынаринэла Лэскэ, кон кэрэла пир Лэскири во́ля. ²² Славинён и парикирэн Рáскэ-Дэвлéскэ, сарэ Лэскирэ бутя́, дрэ сарэ Лэскирэ штéты, кай Ёв рикирэла зор! Славин и парикир Рáскэ-Дэвлéскэ, миро ди.

Шэрó 104

[103-р.с.] ¹ Славин и парикир Рáскэ-Дэвлéскэ, миро ди. О, Раё Дэвла, миро Дэвэл, Савó барó Ту сан! Ту учхакирдян Пэс патыва́са и райканэ славáса.

² Ту сан учхакирдо дудэса (свэтоса) сыр урибнаса, Ту росчхудян трусця́л (кругом) болыбён сыр шатракирэ ригá. ³ Ту чхудян бэльки (страпи́лы) тэл стрéха (чхакín) ваш шукáр штýбы (комóры), со исын тэл паня́, Ту кэрдян облокэндыр Пэскэ марибны́тко вурдён, Ту псирэса ўсендзе (везде) пэ балвалякирэ пхака́, ⁴ Ту создыян Тырэ Янгóлэн духэндыр, Ту создыян Пэскэ бутярнэн ягакирэ чибэндыр. ⁵ Ту чхудян пхув пэ фунда́менто адякэ, со ёй на чилавэлапэ штéтóстыр ниéкхвар. ⁶ Ту учхакирдян пхув хорэ штéтэнца сыр урибнаса; паня́ тэрдинэ вучэды́р бэргэндыр. ⁷ Сыр Ту бангякирэса лэн, ёнэ нашлэ, ёнэ дэнапэ тэ прастан

Тырэ-громоскирэ занятыр (глосьятыр), ⁸ Ёнэ пириджана бэрги, ёнэ змэкэнапэ пэ долы, пэ штэты, со Ту зачхудян ваш лэнгэ. ⁹ Ту чхудян кустык (граница), со ёнэ на пириджана, соб (кай) ёнэ на могиндлэ нэвэстыр (нэвэс) тэ чхакирэн пхув. ¹⁰ Ту кэрэса ганынгá панэса дрэ долы, ёнэ тхадэна машкір бэргицы, ¹¹ ёнэ паниякирэна кажнонэ rischiрибнаскирэ мурдалэс (зверёс), со исын пэ фэлда, хрустытко бусо ёсло (мегáри) ячэла вольно пэскирэ трушатыр (смэгатыр). ¹² Болыбнаскирэ чирикля дживэна одой пашыл лэндэ, ёнэ явэна тэ дэн гóдла пэскирэ рандендыр (вэткэндэр). ¹³ Ту паниякирэса бэрги Пэскирэ упратунэ шукаронэ штубэндэр, пхув исын чалы далэ пхабэнца, со Ту барьякирэса. ¹⁴ Ту кэрэса адякэ, со чар барьёла кхэритконэ мурдалэнгэ (скотоскэ), и раслины ваш манушэнгиро лачхипэн, соб (кай) тэ бияндёл хабэн пхувьятыр, ¹⁵ и мол (вино), сави веселинэла (лошакирэла) манушэскиро илó, и оливйтко дзэт, соб (кай) тэ зяинэл манушэскиро муй, и марó, со кэрэла манушэс зоралэса. ¹⁶ Ливаноскирэ зоралэдыр кедры, со Ту почхудян, Тырэ, Рáскирэ–Дэвлэскирэ каштá, исын пхэрдэ сокóса (хумэса) и санапэ, ¹⁷ Кай чирикля кэрэна пэскирэ гнязды (кúфы), кай бусло кэрдя пэскэ кхэроро пэ эгли (ёлки). ¹⁸ А вучэ бэрги исын ваш миргэнгэ (сарненгэ), барунэ крутымы гараибэн ваш шушуенгэ (зайцэнгэ), ¹⁹ Ту создьян чхон тэ сыкавэн уляги (поры); кхам джинэла, кели лэскэ трэй тэ заджал. ²⁰ Ту кэрдян калыпэн (цямлыпэн) и дава исын рат, кели сарэ вэшытка rischiрибнаскирэ мурдалá (звери) чорьёна. ²¹ Тэрнэ шчэрá (левы) рыкинэна пал пэскиро дорэсыбэн, и родэна пэскиро хабэн Дэвлэстыр. ²² Кхам уштэла: ёнэ дэнапэ палэ и исын паштэ дрэ пэскирэ пасибня (лэжыцы). ²³ Мануш выджала пэ пэскири буты и кэрэла буты пхарэс, пака явэла бэльвэль. ²⁴ О, Раё Дэвла, кичы бут Ту создьян! Ту кэрдян лэн сарэн барэ годыпнаса, а пхув исын пхэрдэ Тырэ барвалыпнэнца. ²⁵ Ёáда, исын барó и буглó мóрё (дэрьяв), пэ дуй ригá, кай исын рáзна цапня (пресмыкаюшчы), со ту на дэса рáда тэ гинэс; рáзна тыкнэ и барэ мурдалá, ²⁶ Акэ, пáрмы (корабли) джáна пир дава мóрё (дэрьяв), и, гáда, Левиафано, со Ту создьян, соб (кай) лэскэ тэ броинэл одой. ²⁷ Сарэ ёнэ ужакирэна, соб (кай) Ту тэ дэс хабэн лэнгэ дро пэскиро часо (цыро): ²⁸ Ту дэса лэнгэ, ёнэ прилэна, ту роскэрэса Пэскиро васт и ёнэ хана чалэс. ²⁹ Ту рисёса лэндэр и ёнэ страхадэна; Ту отлэса лэндэр дýхо (фáно), ёнэ мэрэна и рисёна кэ пэскиро прахо. ³⁰ Ту бичхавэса Тырó дýхо (фáно) и ёнэ создэнапэ, и Ту кэрэса адякэ, со Ту нэвякирэса джиибэн пэ пхув. ³¹ Рáскирэ–Дэвлэскири слáва ячэлапэ зоралэс пэ сарэ вéки, Рай Дэвэл явэла тэ радынэлпэ Пэскирэ бутендыр. ³² Ёв подыхэла пэ пхув и ёй издрала, Ёв чилавэла бэргицы и лэндэр тхув джáла. ³³ Мэ явáва тэ багáв Рáскэ–Дэвлэскэ сарó пэскиро джиибэн; мэ явáва тэ багáв мирé Дэвлэскэ, пака мэ сом джидó. ³⁴ Мэк тэ явэн шукар и лачхэ Лэскэ мирé дýмы, мэ явáва тэ радынавпэ Лэстыр. ³⁵ Мэк тэ хасён грэхйтка манушá пхувьятыр, мэк тэ на явэн бутыр пэ свéто чорé манушэн. Вышар и парикир Рáскэ–Дэвлэскэ, миро илó. Аллилуя.

Шэрó 105

[104-р.с.] ¹ Парикирэн, тумэ, Рáскэ–Дэвлэскэ! Кхарэн Лэскиро лав! Роспхэнэн манушэнгэ, со Ёв кэрдя.

² Багáн Лэскэ, багáн псалмы Лэскэ, розлэн сарэ Лэскирэ дівна бутя. ³ Слáва Лэскирэ свэнтонэ лавэскэ; мэк тэ радынэлпэ илó до манушэнгиро, кон родэла Рас–Дэвлэс. ⁴ Родэн Рас–Дэвлэс и Лэскири зор, родэн Лэс усады (сак): ⁵ рипирэн Лэскирэ дивы, со Ёв кэрдя, Лэскирэ древán барэ дивы и лавá, савэнца Ёв сэндякирдя Пэскирэ мóса. ⁶ О, тумэ сан Аврамоскиро рóдо, Лэскирэ–писхарискирэ, тумэ, Яковóскирэ чхавэ, савэс Ёв выкэдыя. ⁷ Ёв исын Рай Дэвэл, амарó Дэвэл, Ёв сэндякирэла пир сарí пхув. ⁸ Ёв усады (сак) рипирэла Пэскиро Закóно, лавá, савэ Ёв припхэндя барэнгэ (тысёнцэнгэ) родэнгэ, ⁹ савэ Ёв дыя Авраамóскэ, и пал савэ Ёв дыя совлáх Исакоскэ, ¹⁰ и Ёв чхудя зор пэ далэ лавá, сыр пэ статýто Яковóскэ, сыр вéчно Закóно Израилёскэ, ¹¹ пхэни: “Мэ дава Ханаанóскири пхув тýкэ, сыр паш тумарэ мэкнэ миштыпнастыр”, ¹² кели лэн сыс náбут, манушэн одой, древán náбут, и ёнэ сыс чýжа манушá одой. ¹³ И тумэ джáнас екхэ нациятыр кэ явир, екхэ

квалипнастыр кэ явир мануша. ¹⁴ Дэвл на дья вольа никонэскэ тэ тасавэл. Дэвл выракирэлас зоралэс кральён пал лэндэ, ¹⁵ ракири: “На чилавэн Мирэн, Савэн Мэ помакхцём. На кэрэн чорипэн Мирэ пророкэнгэ.” ¹⁶ И Ёв выхардя бокх пэ пхув, Ёв хасякирдя кажно раслина, со дэла маро. ¹⁷ Ёв бичхадя манушэс ангил лэндэ: Ёза (Иосифо) сыс бикиндло сыр писхари. ¹⁸ Ёнэ дукхадэ Лэскирэ гэрэ зандирьенца, а лэскиро ди гия дрэ састыра, ¹⁹ ангил дава часо, сыр лэскиро лав явдя: Раскирэ-Дэвлэскиро лав спробиндя лэс, ²⁰ Крали бичхадя и вымэкция лэс пэ вольа, чхудя лэс барыдырэса пир манушэндэ и мэкця лэс пэ вольа. ²¹ Ёв кэрдя лэс раса пир лэскиро кхэр и барыдырэса пэ саро, со сыс лэстэ, ²² соб (кай) ёв тэ упхэнэл лэскирэ кральскирэ сэмэнцэнгэ, сыр трэй лэскэ, и тэ сыклякирэл годыпнаскэ лэскирэ пхурэн. ²³ Израилё адякэ-паць явдя дро Египто и Яково адякэ-паць притрадыя пэ Хамоскири пхув. ²⁴ И Дэвл дья бут чхавэн лэскирэ манушэнгэ, и Ёв кэрдя адякэ, со ёнэ ячнэ зоралэдыр пэскирэ вэргэндэр. ²⁵ Ёв рискирдя Египтоскирэ-манушэнгирэ илэ зоралэс тэ на дэн патыв Лэскирэ манушэнгэ, тэ отлыджанпэ фрэнтымаса Лэскирэ дынарьенца. ²⁶ Дэвл бичхадя Мойзас, Пэскирэ писхарис, и Аронос, конэс Ёв выкэдыя, ²⁷ ёнэ сыкадэ Лэскирэ знамении (гертыка) машкир лэндэ дро Египто, и кэрдэ дывы пэ Хамоскири пхув. ²⁸ Дэвл бичхадя калыпэн (цямыпэн) и кэрдяпэ калэс и ёнэ на кэрдэ бунто проти Лэскирэ лавэ. ²⁹ Ёв пирикэрдя пані ратэса и хасякирдя лэнгирэ мачхэн. ³⁰ Пхув сыс пхэрдэ цапненца аж дрэ кральскирэ штубы. ³¹ Дэвл дья припхэныбэн и явнэ бут дукханэ матля (насекома) и дзындзарья (комары) пэ сарі доя пхув. ³² Ёв дья градо замэст брышынд, бичхадя яг, со саро халас, пэ лэнгири пхув. ³³ Ёв адякэ-паць хасякирдя лэнгирэ-винаградоскирэ кашта и лэнгирэ инжыритка кашта и роспхарадя вэша пэ лэнгири пхув. ³⁴ Ёв пхэндя и явнэ пхакитка скочки (саранча) и бут скочкэнгирэ кирморэ, со наштэ тэ пиригинэн. ³⁵ И ёнэ ханэ упрэ сарэ раслины пэ кадая пхув и поханэ сарэса дова, со бияндыя пэ лэнгирэ фэлды. ³⁶ Дэвл адякэ-паць мулякирдя сарэн пэrvонэ биятэн, савэ бияндынэ дро Египто, радыма и зор сэм’якири. ³⁷ Тэньци Ёв лыджия лэн криг рупэса и сувнакаса, и на сыс никон, саво тэ явэл бизорьякиро машкир кадалэ екхэ-чибакирэ / чанга (колены). ³⁸ Египто сыс радо, со ёнэ гинэ, пал-дова со пэ лэндэ пый дар Юдэндэр. ³⁹ Дэвл росчхудя облоко тэ гаравэн лэн, и яг тэ явэл лосаса (свэто чхонэстыр) лэнгэ раты. ⁴⁰ Ёнэ помангнэ и Ёв дья перепёлэн лэнгэ и чалякирдя чалэс лэн марэса болыбнастыр. ⁴¹ Ёв отчхакирдя бэрга-скала, и паня дынэпэ тэ тхадэн, потхадынэ сыр рэка (лэнь) пир шукэ штэты. ⁴² Пал-дова со Ёв рипирдя лэскиро свэнто лав, Саво Ёв дья Аврамоскэ, Лэскирэ дынарыскэ; ⁴³ и Ёв вылыджия Лэскирэ манушэн радымаса, Лэскирэ выкэдынэ манушэн радымаса; ⁴⁴ Ёв дья лэнгэ пхувья Наюдытконэ нацыэндэр и ёнэ дорэснэ сыр мэкно миштыпэн далэ манушэнгирэ обкэрдэ фэлды: ⁴⁵ соб (кай) ёнэ могоинэнас тэ рикирэнпэ зоралэс кэ Лэскирэ статуты (уставы), и тэ рикирэнпэ кэ Лэскирэ законы. Аллилуя Раскэ-Дэвлэскэ.

Шэро 106

[105-р.с.] ¹ Аллилуя.

Шарэн Рас-Дэвлэс, парикирэн Раскэ-Дэвлэскэ пал Лэскиро лачхипэн, и со Лэскири лачхэ-илыткима ячэлапэ пэ сарэ веки. ² Кон могоинэла тэ выпхэнэл Дэвлэскиро зоралыпэн, тэ пиридэл лавэнца саро шарибэн Лэскэ. ³ Бахталэ исын одолэ, савэ кандэна Лэскирэ припхэныбэна и савэ кэрэна пир чачипэн кажно мо́ло. ⁴ Рипир ман, Раё Дэвла, пир Тыри ласка кэ Тырэ мануша, на бистыр ман, сыр Ту явэса тэ зракхэс лэн: ⁵ соб (кай) мангэ тэ дыкхав лачхипэн Тырэ манушэнгиро, соб (кай) мангэ тэ радынавпэ Тырэ-манушэнгирэ радыматыр, соб (кай) мэ тэ явав барикано Тырэ манушэнца. ⁶ Амэ дадэнца кэрдям грэхи, амэ кэрдям чорипэн, амэ самас фуй мануша. ⁷ Амарэ дада на галынэ илэса Тырэ дывы дро Египто, ёнэ на рипирдэ Тыри бари лачхэ-илыткима; нэ ёнэ газдынэ бунто пэ Тутэ, пашыл Лоло мо́рө (дэрьяв). ⁸ Нэ Ту зракхця лэн ваш Тыро лав, соб (кай) ёнэ тэ уджинэн Тыро зоралыпэн. ⁹ Ту припхэндян Лолэ морёскэ, и ёв вышутя, и Ту кэрдян адякэ, со ёнэ гинэ пир хор штэты сырбы пир чхучэ прахи. ¹⁰ И Ту зракхця лэн одолэскирэ вастэстыр, кон зоралэс

на вырикирдя лэн, и Ту выракхця лэн вэргэнгирэ вастэстыр. ¹¹ Паня зачхакирдэ манушэн, савэ притасавэнас лэн: никон лэндыр на яцяпэ джидо. ¹² Тэньци ёнэ патяндынэ Лэскирэ лавэнгэ, ёнэ шардэ Лэс, багаиндой гиля. ¹³ Нэ ёнэ бистырде пал Лэскирэ бутя, ёнэ на ужакирдэ, пака явэла Дэвлэскири годы пэ дава: ¹⁴ и ёнэ битукоскиро (бимеракиро) кэрдэ пир пэскиро нalachxo тырдыпэн пэ чхучэ прахи и пропатыкирэнас Дэвлэс пэ чхучо штэто. ¹⁵ Нэ Дэвлэс дья лэнгэ дова, со ёнэ мангнэ, нэ тэньци Ёв бичхадя дукха пэ лэндэ. ¹⁶ И ёнэ зэвлындлэ Мойзаскэ пэ штэто яврял форостыр Ароноскэ, свэнтонэ Рэскирэ-Дэвлэскирэскэ. ¹⁷ Тэньци пхув отпхандяпэ и накхадя Дафанос и зачхакирдя Авироноскири кампания, ¹⁸ и росхачия яг машкир лэнгири кампания и бари яг похоя фуэ манушэн. ¹⁹ Ёнэ кэрдэ гуруворэс дро Хориво (Харебо) и дынэ патыв далэ идолоскэ, со ёнэ выбиладэ, ²⁰ и ёнэ замест дова, соб (кай) тэ славинэн Дэвлэс, парудынэ тэ славинэн гуруворэс, со хала чар. ²¹ Ёнэ бистырде Дэвлэс, лэнгирэ Зракхибнаскирэс, Саво кэрдэ барэ рэндэ дро Египто, ²² дывы пэ Хамоскири пхув, славутна кэ дар ваканцыи (случаи) пашыл Лоло мэрэ (дэрьяв). ²³ И Ёв пхэндя, со Ёв хасякирэлас лэн, тэ на явэл Мойза, савэс Дэвлэс выкэдыя, саво тэрдия муршканэс тэ уракирэл Дэвлэс, и тэ рискирэл лэскиро хасякирибэн, соб (кай) Ёв тэ на хасякирэл лэн. ²⁴ Нэ ёнэ на прилынэ барвалы пхув, ёнэ на патяндынэ Дэвлэскирэ лавэскэ, ²⁵ а ёнэ зэмбиндлэ холямэс дрэ пэскирэ шатры; ёнэ на шундлэ Рэскирэ-Дэвлэскири зан. ²⁶ И Ёв газдыя Лэскиро васт пэ лэндэ, сыр совлах, со Ёв пэкавэла лэн пэ чхучэ прахи, ²⁷ и со Ёв росчхувэла лэнгиро родо машкир Наюдытка нацыи, и со Ёв росчхурдэла лэн машкир тхэма (страны). ²⁸ И ёнэ адякэ-пацэ скэдынэпэ кхэтанэ пашыл Фегоро тэ дэн патыв Ваалоскэ, ёнэ ханэ свэнта яныбэнэ (жэртвы), со кэрдэ мулэ идолэнгэ, ²⁹ ёнэ прэзэнтындрэ Лэс одолэса, со ёнэ кэрдэ, и фрэны пынэ пэ лэндэ. ³⁰ Тэньци уштыя Пинэхасо и сэндякирдя одолэн, кон сыс банго, и фрэны пириячнэ. ³¹ И адалэ мануша загиндрэ лэскэ, со ёв кэрдэ пир чачипэн и сарэ роды явэна ўсэды (сак) тэ рипирэн дава. ³² И ёнэ холякирдэ Рас-Дэвлэс пашыл паня кэ Мэрива и палдава Мойза дорэсця пхарипэн пал лэндэ, ³³ ёнэ адякэ холякирдэ Мойзаскиро дүхо (фано), со ёв древэн сыгэс ракирдя. ³⁴ Ёнэ на мулякирдэ Наюдытка нацыи, сыр Рай Дэвлэс припхэндя лэнгэ, ³⁵ а ёнэ лынэ тэ лэн лэнгирэ джувлэн палором, и высылкынэ лэнгирэ бутя, ³⁶ ёнэ дэнас патыв лэнгирэ идолэнгэ, савэ ячнэ сыр фэлы (петля) ваш лэнгэ: ³⁷ и ёнэ янэнас пэскирэ чхавэн и чхаэн сыр свэнто дыибэн (жэртва) ваш налчхэ дүхи, ³⁸ и ёнэ прочхувэнас бибангишнаскиро рат пэскирэ чхавэнгиро и чхаенгиро, конэс ёнэ янэнас идолэнгэ дро Ханаано и ёнэ магирдэ пхув далэ ратэса. ³⁹ Адякэ ёнэ магирдэ пэс дасавэ рэндэнца, и ёнэ лыджинэ пэс и кэрдэ сырбы биладжакуны джувлы. ⁴⁰ Палдава Рэскирэ-Дэвлэскири холы росхачия пэ Лэскирэ манушэндэ и ёнэ ячнэ джунгалэ (збрыдиндрэ) Лэскэ, сыр лэскиро мэкно миштыпэн. ⁴¹ И Ёв отдыя лэн дрэ Наюдэнгирэ-нацыенгирэ васта, и одолэ, савэ зоралэс на вырикирдэ лэн, рикирдэ зор пэ лэндэ: ⁴² и лэнгирэ вэрги притасавэнас лэн и ёнэ пэскирэ вастэнца чхувэнас гамо пэ лэндэ. ⁴³ Бут мола Ёв выракхэлас лэн; нэ ёнэ бунтуинэнас проти Лэстэ дрэ пэскирэ думы, и ёнэ пэрэнас тэлэ пал пэскиро фуипэн. ⁴⁴ И Дэвлэс прилыя дро ило, со притасадэ Лэскирэ манушэн, кэли Ёв шундя, со ёнэ ровэна годласа; ⁴⁵ и Ёв пририпирдя Пэскиро Завето, со Ёв дья лэнгэ, и Ёв потангиндя лэн Лэскирэ барэ лачхэ-илыткиматыр; ⁴⁶ И Ёв кэрдэ адякэ, со одолэ, савэ притасавэнас лэн, лынэ тэ тангинэн лэн. ⁴⁷ Зракх амэн, о Раё Дэвла, амаро Дэвлэс и скэдэ амэн кхэтанэ сарэ Наюдэнгирэ нацыэндэр, соб (кай) тэ парикирас и тэ вышарас зоралэс Тыро свэнто лав, ⁴⁸ мэк саро тэ парикирэл и тэ вышарэл Рас-Дэвлэс, Израилэскирэ Дэвлэс, дрэ сарэ вэки и мэк сарэ мануша тэ пхэнэн: “Аминь! Аллилуя.”

Шэро 107

[106-р.с.] ¹ Парикирэн Рэскэ-Дэвлэскэ, пал-дова со Ёв исын лачхэ и Лэскири лачхэ-илыткима ячэлапэ пэ сарэ вэки. ² Мэк сарэ, конэс выракхця Рай Дэвлэс, тэ пхэнэн адякэ, конэс Ёв выракхця вэргоскирэ вастэстыр, ³ и скэдыя кхэтанэ Ёв пхувьендыр: чачэ ригатыр (вастокостыр) и зэрвонэ / пал-панитконэ (западостыр), паш-ратитконэ (севернонэ) ригатыр и паш-дывэсытконэ (южнонэ) ригатыр. ⁴ Ёнэ псирдэ пир чхучэ прахи (пустыни) пир чхучо

дром, ёнэ на раххнэ форо, кай тэ дживён мануша, ⁵ ёнэ сыс бокхалэ и трушалэ (жаждындлэ), лэнгиро ди замыя; ⁶ ёнэ рондлэ годласа ангил Растэ-Дэвлэстэ дро пхарипэн и Ёв вырахця лэн барэ даратыр, ⁷ и Ёв лыджия лэн лачхэ дромэса тэ доджан кэ форо, соб (кай) тэ дживён одой. ⁸ Мэк сарэ тэ парикирэн Раскэ-Дэвлэскэ пал Лэскири лачхэ-илыткима и сарэ Лэскирэ дивна бутя манушэнгирэ чхавэнгэ, ⁹ пал-дова со Ёв дыя чалэс одолэнгирэ диенгэ, кон сыс трушало (смэгитко) и пхэрдякирдя бокхало ди лачхипнаса. ¹⁰ Адасавэ мануша дживдэ дро калыпэн (цямлыпэн) и дрэ мэрибнаскири зэр (тенё), ёнэ сыс пхандлэ и притасадэ, ¹¹ пал-дова со ёнэ газдынэ бунто проти Дэвлэскирэ лавэ и на прилынэ кэ годы Самонэ (Най) Вучэдырэскирэ-Дэвлэскири дума; ¹² и Ёв бандякирдя лэнгирэ илэ пхарэ бутяса; ёнэ пынэ и на сыс никон тэ подэл васт: ¹³ тэньчи ёнэ дынэ годла ясвэнца кэ Рай Дэвэл дрэ пэскири бари дар, и Ёв зрахця лэн лэнгирэ барэ даратыр, ¹⁴ Ёв вылыджия лэн калыпнастыр и мэрибнаскирэ зэрьатыр (тенёстыр) и Ёв пхагирдя пэ котэра (куски) лэнгирэ састыра, ¹⁵ мэк ёнэ тэ парикирэн Раскэ-Дэвлэскэ пал Лэскири лачхэ-илыткима, и Лэскирэ дивы манушэнгирэ чхавэнгэ, ¹⁶ пал-дова со Ёв пхагирдя харкуны (медно) порта и роскусця саструнэ шыберы (запоры). ¹⁷ Дылынэ манушэн притасавэнаса пал лэнгирэ грэхи и пал лэнгиро чорипэн; ¹⁸ лэнгиро илэ отрискирдяпэ кажнонэ хабнастыр, и ёнэ джана пашыл кэ порта мэрибнаскири: ¹⁹ тэньчи ёнэ дынэ годла ясвэнца кэ Рай Дэвэл, кэли сыс пхарэ лэнгэ, и Ёв зрахця лэн барэ даратыр. ²⁰ Ёв бичхадя Пэскиро лав и высастякирдя лэн и вырахця лэн лэнгирэ хашибнастыр. ²¹ Мэк ёнэ тэ парикирэн Раскэ-Дэвлэскэ пал Лэскири лачхэ-илыткима и пал Лэскирэ дивна бутя манушэнгирэ чхавэнгэ. ²² И мэк ёнэ тэ парикирэн Раскэ-Дэвлэскэ свэнтонэ дыибнаса тэ парикирэн, и мэк ёнэ тэ роспхэнэн сарэнгэ пал Лэскирэ бутя радымакирэ гияса. ²³ Одолэ, савэ пливинэнаса (дэнаса плимэ) пир мори (дэрьявэ) пэ пармы, ци савэ кэрэна кофо (польза) пир барэ паня, ²⁴ ёнэ дыкхэна Раскирэ-Дэв-лэскирэ бутя и Лэскирэ дивна рэнды пэ хор штэты. ²⁵ Пал-дова со Ёв пхэнэла и газдэлапэ штормитко балвал, сави вучэс газдэла морёскирэ (дэрьявэскирэ) валны: ²⁶ пармы (корабли) манушэнца джана упрэ кэ болыбэн, тэньчи ёнэ пэрэна тэлэ кэ хор штэты; а манушэндэ, со одой бэштэ, ди биладэла барэ даратыр; ²⁷ ёнэ крэнжынэна одорик и палэ и ёнэ кунинэнаспэ (шатынэнапэ) сыр матэ, а лэнгиро годыпэн нисо на мол: ²⁸ тэньчи ёнэ дэна годла ясвэнца Раскэ-Дэвлэскэ, кэли сыс пхарэ лэнгэ и Ёв зрахэла лэн лэнгирэ пхарипнастыр; ²⁹ Ёв шылякирэла штормо адякэ, со лэнгирэ валны (вэлны) ячэна шытл (тиха), ³⁰ и ёнэ исын рада, пал-дова со паня ячэна шытл и Ёв вылыджала лэн кэ приачытко (пристань), кэ со ёнэ тырдынэпэ. ³¹ Мэк адалэ мануша тэ парикирэн Раскэ-Дэвлэскэ пал Лэскири лачхэ-илыткима и Лэскирэ дивна бутя ваш манушэнгирэ чхавэнгэ; ³² мэк ёнэ тэ барьякирэн кэ вучыпэн Лэс адякэ-пацэ пэ манушэнгиро скэдыибэн и тэ шарэн Лэс пэ годэпхурэнгиро ракирибэн. ³³ Рай Дэвэл пирикэрэла рэки (лэня) пэ чхучэ прахи и панескирэ ганынгорья пэ шукі пхув: ³⁴ умалотна пхувья пэ лондо шуко штэто – пал долэ манушэнгиро фуипэн, кон дживэла одой. ³⁵ Ёв пирискирэла шукэ пхувья дрэ зеро (озеро) и шукі пхув дрэ панескири ганынгори (крыница). ³⁶ Ёв чхувэла бокхалэн тэ дживён одой, соб (кай) ёнэ могоиндлэ тэ газдэн форо тэ дживён, ³⁷ и соб (кай) ёнэ тэ почхувэн зярки дрэ фэлды и тэ чхувэн винаградытка унты (сады), соб (кай) ёнэ тэ дэн умалотно прибарипэн (аплодо). ³⁸ Ёв адякэ-пацэ бахтякирдя лэн, соб (кай) ёнэ тэ розбарьён зоралэс, и Ёв на домэкэла, соб (кай) тэ явэл тыкнэдыр мурдалэн лэндэ. ³⁹ Нэ кэли лэн яця тыкнэдыр, и ёнэ ячнэ шытл (тиха) – лэн тэлякирэнаса, притасавэнаса и кэлякирэнаса, ⁴⁰ тэды Рай Дэвэл чхудя ладж пэ барэ рандэ Наюдытконэ нацыэндир и кэрдя адякэ, со ёнэ гинэ тэ псирэн одорик, палэ пэ чхучі пхув, кай нанэ дром. ⁴¹ Нэ Ёв газдыя чорорэ манушэн притасаибнастыр и зачхудя Лэнгирэ сэм'и (ирья) тэ явэн сыр гурты. ⁴² Патяибнаскирэ дыкхэна дава и радынэнапэ, а сарэ чорэ мануша пхандэна пэскирэ муя. ⁴³ Кон исын годо, мэк ёв тэ рикирэлпэ кэ сарэ дава, мэк ёв тэ галёл Раскирэ-Дэвлэскири лачхэ-илыткима.

Шэрó 108

[107-р.с.] ¹ Гилы Давидóскиро Псáлмо. ² Миро илó исын скэдымо: о Дэвла! Мэ явáва тэ багáв и тэ шарáв Тут. ³ Джангадён гусли и арфа: мэ джангавава кхам, сыр дывэсёла. ⁴ Мэ явáва тэ шарáв Тут машкíр манушэндэ, о Раё Дэвла, мэ явáва тэ багáв Тукэ машкíр манушыпнаскíрэ нáцыи: ⁵ пал-довá со Тырí лачхэ-илыткима исын вучэдýр болыбнáстыр и Тырó патяибэн доджáла кэ óблоки. ⁶ Тэ барьякирэл Тут сарó вучэдýр болыбнáстыр, о Дэвла, мэк тэ явэл Тырí слáва вучэдýр пхувьятыр, ⁷ соб (кай) тэ зракхэнпэ одолэ, конэс Ту выкэдыян Пэскэ. Помóгин (посóбин) тэ зракхэнпэ Тырэ чачэ вастэса и отпхэн мánгэ. ⁸ Дэвэл пхэндя пэ Пэскиро Свэнто Штэто: “Мэ газдавапэ радымáса, Мэ роскэрава пэ пашá Сихемо, и Мэ розмеринава Сукотоскиро доло. ⁹ Миро исын Галаáдо, и Миро исын Манáсия, Ефремо исын твáрдима тэ раххэл Миро шэрó; Юда исын Мирé–кралíскиро дэстó (жэзло). ¹⁰ Моáво исын Миро чарó москэ (умывальница), Мэ чхурдава Мирí шкорня пир Эдóмо: пир Филистимия Мэ явáва тэ дав гóдла радымáса. ¹¹ Кон янэла Ман дро зоралó фóро? Кон лыджáла Ман кэ Эдóмо? ¹² Ци Ту чхурдыян амэн дрэ риг, чачэс, Дэвла? Ци Ту на джáса ангíл амарé халадыбнэндýр? ¹³ Дэ васт тэ тэрдéвав проти пхарипэн, палдова со хартытко (подхалимо) исын, кэли манушá дэна васт тэ зракхэн. ¹⁴ [р.с.] Дэвлэса амэ кэрáса муршканэ рэндý; Ёв ростасавэла амарé вэргэн (врогэн)

Шэрó 109

[108-р.с.] ¹ Хорóскирэ Дирижорóскэ. Давидóскиро Псáлмо.

На яв штыл, о Дэвла, слáва Тукэ! ² Пал-довá со чорé и хоханэ манушá ракирэна пэ мánдэ: ёнэ роспхэнэна пал мánдэ хоханэ чибáса (чибьяса), ³ ёнэ обчхувэна ман, кай камэна, хоханэ лавэнца и холяса, и ёнэ джáна марибнáса пэ мánдэ би причынакиро. ⁴ Пал миро илó ёнэ ячнэ мánгэ мирé вэрги, нэ мэ мангавпэ Дэвлэскэ пал лэндэ. ⁵ И мэ дорэсцём лэндýр фуипэн пал миро лачхипэн, и ёнэ бидыкхэна ман пал мирí патыв кэ явír. ⁶ Чхув чорé манушэс пэ мирé вэргостэ, мэк нáлачхо тэ тэрдёл пэ лэскири чачí риг; ⁷ кэли лэс явэна тэ сэндякирэн, мэк тэ приджинэн лэс, со ёв исын бангó; ⁸ мэк лэскиро мангипэн тэ ячэл грэхоса; ⁹ мэк лэскирэ дывэсá тэ явэн кротка, соб (кай) явír манушá тэ лэн лэскири буты; ¹⁰ мэк лэскирэ чхавé ўсáды (сак) тэ мангэн дыибэн и тэ псирэн би штэтоскиро, и тэ родэн марó дур штэтэндýр, кай вытрадынэ лэн; ¹¹ мэк одовá, кон залэла ловé лэскэ, тэ чхувэл фэлы (петля), соб (кай) тэ отлэл сарó лэстыр, и мэк чýжа манушá тэ обчорэн сарó, со ёв закэрдя, ¹² мэк никон тэ на сыкавэл лачхэ-илыткима ангíл лэстэ, мэк никон тэ на отлыджалпэ илэса кэ лэскирэ пирóты (сироты), ¹³ мэк лэскири сэмэнца тэ хасёл, мэк тэ на явэн лэнгирэ вурмы (фамилии) машкíр явír рóдо. ¹⁴ Мэк Рай Дэвэл тэ рипирэл чорипэн, со кэрдé лэнгирэ дадá, мэк грэхí, со кэрдé лэнгирэ дая, тэ на явэн бистýрдэ. ¹⁵ Мэк Рай Дэвэл тэ рипирэл лэнгирэ грэхí, соб (кай) Ёв тэ хасякирэл рипирибэн пал лэндэ пэ пхув: ¹⁶ пал-довá со ёнэ на думиндлэ тэ явэн лачхэ-илэскирэ, а ёнэ притасавэнас чорорэн и манушэн дрэ трéбима; и домарэнас одолэн, конэстэ калыпэн сыс пэ илó. ¹⁷ Кадавá мануш сыс скэдынó тэ прокошэл, и мэк лэскиро прокошыбэн тэ ячэлпэ пэ лэстэ. Ёв, кадасавó мануш, на выпхэндя бахтякирибэн, мэк кокорó бахтякирибэн тэ джал криг лэстыр. ¹⁸ И дасаво мануш сырбы уридя пэ пэстэ прокошыбэн сыр тхалíк / кýлько (пиджако), мэк лэскиро прокошыбэн тэ джал андрé лэскирэ виндырья сыр панí, и сыр дзэт (алеё) дрэ лэскирэ кокалы; ¹⁹ мэк тэ явэл лэскиро прокошыбэн сыр урибэн, со ёв чхувэла пэ пэстэ, и сыр кустык, сóса ёв подпхандэлапэ. ²⁰ Мэк сарó давá тэ явэл сыр мазури (награда) Рáстыр-Дэвлэстыр мирé вэргэнгэ и явирэнгэ, кон ракирдя чорипэн пэ мánдэ. ²¹ Нэ Ту, Дэвла, Рае Дэвла, помóгин мангэ ваш Тырó лав, зрáкх ман: пал-довá со Тырí ласка исын дрóго. ²² Пал-довá со ман притасавэна и мánгэ исын пхарó, и миро илó исын дукхадó дрэ мánдэ. ²³ Сыр зэр (тенё) мэ хасёвава, кэли ёй кэрлапэ диндькирдэдыр, ман традэна сыр скочкос. ²⁴ Мирé чангá ячнэ бизорьякирэ, пал-довá со мирí лоч (плоть)

вышущия би тхулыпнаскиро. ²⁵ И кадалэ манушá обракирэна ман: ёнэ дыкхэна пэ мандэ и кунинэна шэрэнца. ²⁶ Помогин мангэ, Раё Дэвла, миро Дэвла; зракх ман пир Тырi лачхэ-илыткима: ²⁷ соб (кай) ёнэ тэ джинэн, со дава исын Тырo васт, со Ту, Раё Дэвла, кэрдян дава. ²⁸ Мэк ёнэ тэ прокошэн, нэ Ту явэса тэ бахтякирэс: ёнэ газдэнапэ пэ мандэ и явэна ладжакирдэ, и Тырo писхари явэла тэ радынэлпэ. ²⁹ Мэк мирé вэрги тэ урьен пэ пэстэ ладж сыр йдя, и учхакирэн пэс ладжаса сыр кулькоса (тхаликоса). ³⁰ Мэ явава зоралэс тэ парикирав Рáскэ-Дэвлэскэ мирé мо́са и мэ явава тэ шарав Лэс машки́р манушэндэ. ³¹ Пал-дова со Ёв явэла тэ тэрдэл пир чачи́ риг пашыл чорорэндэ, Ёв явэла тэ зракхэл одолэ манушэс, савэс сэндякирэна.

Шэро́ 110

[109-р.с.] Пророчытко Лав тэ барьякирэс (тэ славинэс) Чхавэс Манушэскирэс ¹ Давидо́скиро Пса́лмо.

Рай Дэвэл пхэндя мирé Рáскэ-Дэвлэскэ: “Бэш пашыл мандэ чачэ ригатыр, пака мэ чхувава тэлэ Тырэ вэргэн тэл гэрá.” ² Рай Дэвэл бичхавэла Тырэ-зорьякиро кралитко дэсто Сионóстыр: “Ту хулаин машки́р Тырэ вэргэндэ.” ³ Тырэ манушá янэна пэс дро Тырэ-зоралыпнаскиро дывэс свэнтонэ райканэ славаса: Тырэ тэрнэ бияндэна сыр пахлын (роса), сави́ сыс пэ злóко (пэ рáнко). ⁴ Рай Дэвэл совлахадя, и Ёв наявэла тэ тангинэл (на пожалинэла): “Ту сан рашай пэ сарé ве́ки, дасаво-пацэ сыр Мелхисэдэко.” ⁵ Рай Дэвэл исын пашо Тырo чачо васт и Ёв пхагирэла кральён дро дывэс, кели Ёв холясóла. ⁶ Ёв явэла тэ сэндякирэл машки́р Наюдýтка на́цыи; Ёв ячкирэла пэ сарé штэты пир пхув трýпы; Ёв злэла шэрэ барыдырэндэ, кон хулаинэла пир бари пхув. ⁷ Ёв выпьела пани́ сыгно́нэ рэкицатыр (лэнорьятыр) пир дром, и Ёв газдэла шэрó.

Шэро́ 111

[110-р.с.] ¹ Аллилуя.

Мэ явава тэ славинав и тэ парикирав Рáскэ-Дэвлэскэ сарé мирé илэса машки́р чачипнаскирэндэ и пэ скэдыибэн. ² Савэ барэ бутя́ кэрдя Рай Дэвэл. Сарé, конэскэ ячнэ дро́га ёнэ, камэна дава́ тэ галён. ³ Сарó, со кэрэла Рай Дэвэл, исын патывало и славýтно, и Лэскиро чачипэн ячэлапэ пэ сарé ве́ки. ⁴ Ёв кэрдя адя́кэ, со Лэскирэ дывы рипирэна. Рай Дэвэл исын лачхэ-дескиро и тангинэла сарэн. ⁵ Ёв дэла хабэн одолэ́нгэ, кон дарэла Лэстыр, Ёв усады (сак) рипирэла Лэскиро Зако́но. ⁶ Ёв сыкадя зор Лэскирэ манушэ́нгэ Пэскирэ бутендыр, соб (кай) тэ дэн лэ́нгэ Наюдэ́нгирэ-на́цыенгиро мэ́кно́ миштыпэн. ⁷ Ёв сарó кэрэла пир патяибэн и чачипэн; сарé Лэскирэ припхэныбэ́на́ исын патяибны́тка: ⁸ ёнэ чхудэ́ кхэтанэ́ пэ сарé ве́ки, ёнэ дынэ́ пир патяибэн и чачипэн. ⁹ Ёв выра́кхця́ Пэскирэ манушэ́н, Ёв дыя́ Пэскиро Зако́но пэ сарé ве́ки: свэ́нто аж кэ дар исын Лэскиро лав. ¹⁰ Кон лóла тэ дарэл Рáстыр-Дэвлэстыр, одова́ лóла годы́ пэ́скэ, а сарэ́ндэ, кон дживэ́ла и кэрэла пир Лэскирэ припхэныбэ́на́, исын лачхи́ годы́. Тэ шарэн Лэс пэ сарé ве́ки.

Шэро́ 112

[111-р.с.] ¹ Аллилуя.

Бахталó исын ману́ш, Савó дарэла Рáстыр-Дэвлэстыр, Савó бахталёла зоралэс Лэскирэ припхэныбнэ́ндыр. ² Лэскирэ чхавэ́ дживэ́на миштэ́с пэ да́я пхув, а чачипнаскирэ́ рóды, со явэ́на дурэды́р, явэ́на бахталэ́. ³ Миштыпэн и барвалыпэн явэ́на дро лэ́скиро кхэр и лэ́скиро чачипэн ячэлапэ пэ сарé ве́ки. ⁴ Дуд (свэ́то) газдэлапэ дро калыпэн (ця́млыпэн) ваш

чачипнаскирэнгэ, и кадава мануш исын лачхэ-дескиро и чачипнаскиро, и ёв тангинэла лачхэ манушэн. ⁵ Лачхэ мануш и дэла пэ патыв ловэ лэнгэ, ёв лыджала пэскирэ рэнды пир Законо. ⁶ Пал-дова со ёв на пэрэла, чачипнаскирэ манушэс явэна ўсады (сак) тэ рипирэн. ⁷ Ёв на явэла тэ дарэл чорэ малвэндэр, дро лэскиро ило исын зоралэ патяибэн дрэ Растэ-Дэвлэстэ. ⁸ Лэскиро ило исын твардо, ёв на дарэла, пака ёв дыкхэла вэргэн, со ёнэ исын тэл гэрэ. ⁹ Ёв роздыя сарэ илэстыр, ёв дыя одолэнгэ, конэстэ исын трэбима, лэскиро чачипэн усады (сак) ячэлапэ: лэскири зор уса бутыр скэдэла патыв. ¹⁰ Фуй мануш явэла тэ дыкхэл и лэскиро ило явэла тэ калёл; ёв явэла тэ скрежынэл дандэнца и тэ нашавэл зор; а дова, со ёв ужакирдя, хасэла криг.

Шэрó 113

[112-р.с.] ¹ Аллилуя.

Шарэн Рас-Дэвлэс! Шарэн Рáскирэ-Дэвлэскирэ писхáрья, шарэн Рáскирэ-Дэвлэскиро лав. ² Тэ явэл бахталэ Рáскирэ-Дэвлэскиро лав далэ дывэсэстыр и дурэдýр пэ сарэ вéки! ³ Мэк тэ шарэн Рáскирэ-Дэвлэскиро лав долэ часостыр, сыр кхам уштэла кэ/жýко дова́ часо, кэли кхам бэшэла. ⁴ Рай Дэвэл исын вучэдýр сарэ Наюдытконэ нацыэндэр, Лэскири слáва исын вучэдýр болыбнастыр. ⁵ Кон исын дасаво-паць сыр Рай Дэвэл, амаро Дэвэл, Саво хулаинэла вучипнастыр; ⁶ Саво бандия тэлэ тэ дыкхэл болыбэн и пэ пхув. ⁷ Ёв газдэла богос прахостыр и гнёстыр (гноёстыр). Ёв вучэс чхувэла одолэс, конэстэ исын трэбима, ⁸ соб (кай) ёв тэ бэшэл машкёр тхагарьендэ, тхагарьендэ Лэскирэ манушэндэр. ⁹ Ёв кэрэла адýкэ, соб (кай) бичхаворэнгири дай тэ дживэл дро кхэр и тэ радынэлпэ (тэ лошалёл) лáкирэ чхаворэндэр. Аллилуя.

Шэрó 114

[113-р.с.] ¹ Кэли Израилёскирэ манушá гинэ криг Египтостыр, а Яковóскиро рóдо гия долэ манушэндэр, савэ ракирдэ пэ чýжо чиб, ² Юдýя яцý Лэскирэ свэнтонэ штэтоса, а Израилё Лэскирэ кралиппаса. ³ Мórё (дэрьяв) дыкхцý и насця, Иордáно рисия палэ; ⁴ бэрги ухтынэ сыр бакрэ, тыкнэ бэргицы сыр бакрорэ. ⁵ Со дукхадя тут, море (дэрьяв), со ту нашэса? О, Иордáне, со ту рисёса палэ? ⁶ Тумэ, бэргиялэ, со тумэ ухтэна сыр бакрэ? Ци тумэ, бэргицалэ, сыр бакрорэ? ⁷ Издра пхув ангил Растэ-Дэвлэстэ, ангил Яковóскирэ Дэвлэстэ, ⁸ Кон пирикэрдя скáла дро панескиро зеро (озеро), кремнё дрэ панескири ганынгори?

Шэрó 115

[113-р.с.] ¹ [9] На амэн, о Раё Дэвла, на амэн, нэ екх Тырó Лав трэй тэ шарэн, пал-дова со Ту сан лачхэ-илэскиро, пал Тырó патяибэн. ² [10] Сóскэ Наюдытка нáцыи ракирэна? “Кай исын каканá лэнги́ро Дэвэл?” ³ [11] Нэ амаро Дэвэл исын пэ болыбэн: Ёв кэрдý сарó, со Ёв камдý. ⁴ [12] Нэ лэнгирэ йдолы (хоханэ дэвлорэ) исын рупэстыр и сувнакастыр, савэ манушэнгирэ вастá кэрдэ: ⁵ [13] лэндэ исын муй, нэ ёнэ на ракирэна; лэндэ исын якхá, нэ ёнэ на дыкхэна; ⁶ [14] лэндэ исын канá, нэ ёнэ на шунэна; лэндэ исын накх, нэ ёнэ на сунгэна; ⁷ [15] лэндэ исын вастá, нэ ёнэ нисó на могоинэна тэ кэрэн лэнца; лэндэ исын гэрэ, нэ ёнэ на псирэна; и ёнэ на пхэнэна нисó пэскирэ кирлэса; ⁸ [16] мэк сарэ, кон кэрдý лэн, тэ явэн бизорýакирэ, сыр ёнэ исын; адýкэ-паць и сарэ одолэ, кон патýла дрэ далэ йдолы. ⁹ [17] О, Изра́иле! Патя зоралэс Рáскэ-Дэвлэскэ; Ёв помогинэла и затэрдéла пал тумэндэ. ¹⁰ [18] Ароноскиро кхэр, патя зоралэс Рáскэ-Дэвлэскэ: Ёв помогинэла и затэрдéла пал тумэндэ. ¹¹ [19] Тумэ, савэ дарэн Рáстыр-Дэвлэстыр; патýн зоралэс Рáскэ-Дэвлэскэ, Ёв помогинэла и затэрдéла пал тумэндэ. ¹² [20] Рай Дэвэл рипирэла пал амэндэ: Ёв бахтякирэла амэн; Ёв бахтякирэла Израилёскиро кхэр, Ёв бахтякирэла Ароноскиро рóдо. ¹³ [21] Ёв бахтякирэла одолэн, савэ

дарэна Растыр-Дэвлэстыр, тыкнэн и барэн. ¹⁴ [22] Рай Дэвэл явэла тэ дэл бутэдыр и бутэдыр чхаворэн түкэ и тырэ чхавэнгэ. ¹⁵ [23] Рай Дэвэл, Кон создыя болыбэн и пхув, бахтякирэла тут. ¹⁶ [24] Болыбэн исын Раскирэ-Дэвлэскиро болыбэн, нэ Ёв дыя пхув манушэнгирэ чхавэнгэ. ¹⁷ [25] Мулэ на шарэна Рас-Дэвлэс, адякэ-паць ни одолэ, савэ джана дро штэто, кай исын штыл. ¹⁸ [26] Нэ амэ яваса тэ бахтякирас Рас-Дэвлэс ададывэсатунэ дывэсэстыр и пэ сарэ веки. Аллилуя.

Шэро 116

[114-р.с.] ¹ Мэ рикирава сыр Дрогима Рас-Дэвлэс дро ило, пал-дова со Ёв шунэла мирі зан и миро мангипэн Лэскэ: ² пал-дова со Ёв причхуя кан кэ мэ; мэ явава тэ кхарав Лэс дрэ дывэса, пака мэ дживава. ³ Мэрибэн сырбы шэлэнца обчхудя трусцял мандэ, и люноскирэ дукха пынэ пэ мандэ, мангэ яця пхаро и мэ пыём дро дүхо (фано): ⁴ тэньчи мэ кхардём Раскирэ-Дэвлэскиро лав: ‘Мэ зоралэс мангава Тут, Раё Дэвла, зракх миро ди.’ ⁵ Рай Дэвэл исын лачхэ-дескиро и чачипнаскиро, и амаро Рай Дэвэл исын лачхэ-илэскиро. ⁶ Рай Дэвэл прирахэла простонэн: мэ яцём бизорьякиро; и Ёв зракхця ман. ⁷ Рисёв тэ откхинёс пэскэ, миро ди; пал-дова со Рай Дэвэл бахтякирдя тут. ⁸ Пал-дова со Рай Дэвэл вырахця миро ди мэрибнастыр, мирэ якха ясвэндыр, и мирэ гэрэ пэрибнастыр. ⁹ Мэ явава тэ псирав ангил Растэ-Дэвлэстэ пэ пхув, кай дживэна.

[ПСАЛМО 115-р.с.]

¹⁰ [1] Мэ патяндыём, палдава мэ и пхэндём: “Ман зоралэс притасавэнас” ¹¹ [2] Мэ сыгэс пхэндём пэскэ: “Сарэ мануша исын хоханэ.” ¹² [3] Соса мэ отдава палэ Раскэ-Дэвлэскэ пал саро лэскиро баро лачхипэн мангэ? ¹³ [4] Мэ газдава тахтай (чаша) пал дова, со Ёв зракхця ман и кхарава Раскирэ-Дэвлэскиро лав. ¹⁴ [5] Мэ кэрава пир пэскири совлах ангил Растэ-Дэвлэстэ каканэ, сыр Лэскирэ мануша скэдэнапэ. ¹⁵ [6] Пхаро исын Раскирэ-Дэвлэскирэ якхэнгэ тэ дыкхэн мэрибэн Лэскирэ свэнтонэнгиро. ¹⁶ [7] О, Раё Дэвла, мэ чачэс, сом Тыро писхари, мэ сом Тыро писхари, Тырэ-булярнэнгиро чхаво: Ту роспхандян мирэ пэнтэ (кхурья). ¹⁷ [8] Мэ янава Түкэ свэнто дыибэн (жэртва) парикирибнаса, соб (кай) тэ парикирэн Түкэ, и мэ явава тэ кхарав Раскирэ-Дэвлэскиро лав. ¹⁸ [9] Мэ кэрава пир пэскири совлах Раскэ-Дэвлэскэ аканэ, сыр Лэскирэ мануша скэдэнапэ, ¹⁹ [10] дрэ трэмы Раскирэ-Дэвлэскиро Кхэр машкир тутэ, Ерусалиме. Аллилуя!

Шэро 117

[116-р.с.] ¹ Шарэн Рас-Дэвлэс, сарэ Наюдытка нацыи, шарэн зоралэс Лэс, сарэ мануша. ² Пал-дова со Лэскири лачхэ-илыткима исын зоралыпнаскири кэ амэ, и Раскирэ-Дэвлэскиро чачипэн ячэлапэ пэ сарэ веки. Аллилуя!

Шэро 118

[117-р.с.] ¹ Парикирэн Раскэ-Дэвлэскэ, пал-дова со ёв исын лачхо! Пал-дова со Лэскири ласка явэла пэ сарэ веки. ² Мэк Израилэскиро кхэр тэ пхэнэл аканэ: “Лэскири ласка ячэлапэ пэ сарэ веки.” ³ Мэк Ароноскиро кхэр тэ пхэнэл каканэ, со Лэскири лачхэ-илыткима ячэлапэ пэ сарэ веки. ⁴ Мэк одолэ, савэ дарэна Растыр-Дэвлэстыр тэ пхэнэн каканэ, со Лэскири лачхэ-илыткима ячэлапэ пэ сарэ веки. ⁵ Мэ кхардём Рас-Дэвлэс барэ даратыр (дарьятыр), Ёв отпхэндя мангэ и вылыджия пэ баро штэто. ⁶ Рай Дэвэл исын пал мандэ, Мэ на явава тэ дарав, со мануш мोगинэла тэ кэрэл мангэ. ⁷ Рай Дэвэл исын пал мандэ машкир одолэндэ, савэ дэна васт мангэ: мэ дыкхава, сыр пэрэна одолэ, савэ бидыкхэна. ⁸ Давэ исын фэдыр тэ гарадэс тэ зракхэспэ пал Растэ-Дэвлэстэ, сыр тэ гарадэс тэ зракхэспэ пал манушэстэ. ⁹ Давэ

исын фэдыр тэ гарадэс тэ зракхэспэ кэ Рай Дэвэл, сыр тэ рисёс тэ зракхэспэ кэ тхагарья. ¹⁰ Сарэ Наюдытка нацыи обгинэ трусцял мандэ, нэ мэ хасякирава лэн Рáскирэ-Дэвлэскирэ лавэса. ¹¹ Ёнэ обгинэ трусцял мандэ, чачо, обгинэ трусцял мандэ; нэ мэ хасякирава лэн Рáскирэ-Дэвлэскирэ лавэса. ¹² Ёнэ обгинэ трусцял мандэ сыр бырлиня (пчолы), и ёнэ мурдинэ сыр яг дрэ хрúсты сувьенца; нэ мэ хасякирава лэн Рáскирэ-Дэвлэскирэ лавэса. ¹³ Ёнэ шпулдэ (толкиндлэ) ман и пэкадэ тэ пэрав; нэ Рай Дэвэл дыя васт мангэ. ¹⁴ Рай Дэвэл исын миро зоралыпэн и мирí гилы радымáса и Ёв зракхця ман. ¹⁵ Шунэн заня радымáса пал зракхибэн дрэ шáтры, кай исын Дэвлэскирэ манушá. ¹⁶ Чачо васт Рáскирэ-Дэвлэскиро газдынó, чачо васт Рáскирэ-Дэвлэскиро пиризорьякирэла. ¹⁷ Мэ на мэрава, нэ мэ явава тэ дживáв и тэ роспхэнав пал Рáскирэ-Дэвлэскирэ бутя. ¹⁸ Рай Дэвэл пхарэс сыклякирдя ман, нэ Ёв на дыя ман мэрибнаскэ. ¹⁹ Отпхэндэн (псиравэн) мангэ пóрта, кай заджана чачипнаскирэ, мэ джава андрэ, и мэ явава тэ шарáв зоралэс и тэ парикирав Рáскэ-Дэвлэскэ. ²⁰ Давá исын пóрта кэ Рай Дэвэл: чачипнаскирэ заджана пир латэ. ²¹ Мэ явава тэ парикирав Тукэ, пал-довá со Ту отпхэндян мангэ и Ту зракхця ман. ²² Бар, Савó на прилынэ бутярнэ, яця шэралэ барэса ваш кэрибэн кхэрýтко: ²³ дава яця Дэвлэстыр, дава исын дивно дрэ амарэ якхá. ²⁴ Давá исын дывэс, дро савó Рай Дэвэл адякэ кэрдя, амэ явава тэ радынаспэ и амэ явава бахталэ. ²⁵ Зра́кх ман, Раё Дэ́вла, мэ зоралэс мангава Тут! Раё Дэ́вла, мэ зоралэс мангава Тут, бахталякир амарó джиибэн. ²⁶ Бахталó исын одовá, савó явэла Рáскирэ-Дэвлэскирэ лавэстыр. Амэ бахтиякирдым тумэн Рáскирэ-Дэвлэскирэ Кхангирьятыр. ²⁷ Рай Дэвэл исын амарó Дэвэл и Ёв дыя дуд амэнгэ: пхэндэн свэнта дыибэнá шэлэнца кэ алтарэскирэ шынга (ро́ги). ²⁸ Ту сан миро Дэвэл и мэ явава тэ шарáв кэ вучипэн Тут, Миро Дэ́вла! Мэ явава тэ парикирав Тукэ. ²⁹ Парикирэн Рáскэ-Дэвлэскэ, пал-довá со Ёв исын лачхó: пал-довá со Лэскири лачхэ-илы́ткима ячэлапэ пэ сарэ ве́ки.

Шэро́ 119

[118-р.с.] ¹ Бахталэ исын одолэ, савэнги́ро джиибэн исын би дошэнги́ро, савэ дживэна пир Рáскирэ-Дэвлэскиро Зако́но. ² Бахталэ исын одолэ, савэ рикирэнапэ кэ Лэскирэ допхэныбэна, савэ родэна Лэс сарэ илэстыр. ³ Ёнэ адякэ-паць на кэрэна начачипэн: ёнэ псирэна Лэскирэ дромэнца. ⁴ Раё Дэ́вла! Ту припхэндян рахипны́ткэс тэ раххэн Тырэ упхэныбэна, ⁵ соб (кай) тэ лыджан ман мирэ дромá пир Тырэ стату́ты (уставы). ⁶ Тэньци мэ на явава ладжакирдó, кэли мэ явава тэ дыкхав илэстыр пэ Тырэ припхэныбэна. ⁷ Кэли мэ уджинава Тыро́ чачипна́скиро сэндо, тэды мэ явава тэ парикирав Тукэ сарэ илэстыр. ⁸ Мэ явава тэ раххав Тырэ стату́ты: на мэк ман сарэса. ⁹ Сыр мого́нэла тэрно́ ману́ш тэ дживэл би дошэнги́ро? Кэли ёв явэла тэ рикирэлпэ кэ Тыро́ лав. ¹⁰ Мэ родыём Тут сарэ мирэ илэса: на домэк, соб (кай) мэ тэ псирав кригал Тырэ припхэныбнэндэр. ¹¹ Мэ гарадём Тыро́ лав дро пэскиро ило́, соб (кай) мангэ тэ на кэрав грэхи проти Түтэ. ¹² Тэ шарэн зоралэс и тэ парикирэн Тукэ, о Раё Дэ́вла! Сыклякир ман Тырэ припхэныбнэнгэ. ¹³ Мирэ уштэнца мэ пхэндём сарэнгэ пал сарэ чачипэна́, со Ту пхэндян. ¹⁴ Мэ радындёмпэ джиибнастыр пир Тырэ нарипирибэна адякэ-паць, сыр барэ барвалыпнастыр. ¹⁵ Мэ явава тэ розлав Тырэ упхэныбэна́ и мэ явава тэ думинав зоралэс пал Тыро́ сыклякирибэн. ¹⁶ Мэ явава тэ бахталёвав Тырэ статутэндэр, мэ на бистрава Тыро́ лав. ¹⁷ Кэр лачхипэн Тырэ писхары́скэ, соб (кай) мангэ сашты́ тэ явэл тэ дживáв, и мэ явава тэ раххав Тыро́ лав. ¹⁸ Отпхэндэ мирэ якхá и мэ явава тэ дыкхав дивна рэнды Тырэ Законóстыр. ¹⁹ Мэ сом чу́жо ману́ш пэ пхув, на гарав Тырэ припхэныбэна́ мандыр. ²⁰ Миро ди пхарадэ́ла барэ патыва́са кэ Тыро́ чачипэн дывэсэ́ и раты́. ²¹ Ту сыка́дян банг пхутькирдэнгэ, Ту проко́сця́н одолэн, кон гия́ дрэ риг Тырэ припхэныбнэндэр. ²² Лэ криг мандыр банг и ладж, пал-довá со мэ прираххцём Тыро́ припирибэн. ²³ Тхага́рья (кня́зи) адякэ-паць бэ́шнó и ракирэна́ пэ мандэ, нэ Тыро́ писха́ри розлэла Тырэ зако́ны. ²⁴ Тыро́ припирибэн адякэ-паць радынэ́ла ман и дэ́ла го́дыпэн мангэ. ²⁵ Миро ди прикирдо́ зоралэс кэ пра́хо; джидякир ман пир Тыро́ лав. ²⁶ Мэ пхэндём анги́л сарэ́ндэ, со мэ кэрдём и Ту отпхэндян мангэ. ²⁷ Кэр, соб (кай) мэ тэ галёвав Тырэ упхэныбэна́ и мэ явава тэ розлав Тырэ дивна́ бутя. ²⁸ Миро ди калё́ла, зоралы́кир ман Тырэ

лавэса. ²⁹ Лэ криг мандыр хохаибэн и сыкав Тырй ласка пир Тырo Закoнo. ³⁰ Мэ выкэдыём чачипнаскиро дром, и мэ рискирдём годы кэ Тырo чачипэн. ³¹ Мэ прикиравпэ кэ Тырo допхэныбэн, o Рaё Дэвла, на ладжакир ман. ³² Мэ прастава дромэса пир Тырe припхэныбэнá, кели Ту дыян зор мирé илэскэ. ³³ Сыклякир ман, Рaё Дэвла, Тырe статyты, и мэ явáва тэ rischiрав годы кэ ёнэ кэ (кoнцo) ягoрo. ³⁴ Кэр, соб (кай) мэ тэ галёвав лэн и мэ явáва тэ рикиравпэ зоралэс кэ Тырo Закoнo и мэ явáва тэ приракхав лэс сарé мирé илэса. ³⁵ Кэр, соб (кай) мэ тэ псирав дромэса пир Тырe припхэныбэнá, пал-довá со лэндыр мэ бахталёвава. ³⁶ Бандякир мирo илo кэ Тырo нарипирибэн, а на кэ галкима. ³⁷ Рйскир мирé якхá тэ на дыкхав мánгэ пэ хартытка (фальшыва) рэндy, дэ мánгэ джиибэн тэ джав Тырe дромэса. ³⁸ Дэ зор Тырe лавэскэ ваш Тырe писхарйскэ, лав, савo сыс дынo одолэнгэ, савé дарэна Тyтыр. ³⁹ Рйскир криг мандыр мирй ладж, савьятыр мэ дарава, пал-довá со Тырo сэндо исын чачунo. ⁴⁰ Гада, мэ тырдавапэ кэ Тырe упхэныбэнá, дэ мánгэ джиибэн пир Тырo чачипэн. ⁴¹ Мэк тэ явэл кэ мэ Тырй лачхэ-илыткима, Рaё Дэвла, зрáкх ман пир Тырo лав. ⁴² И мэ отпхэнава одолэскэ, кон обракирэла ман, пал-довá со мэ зоралэс патява Тырe лавэскэ. ⁴³ На отлэ сарэса чачипнаскиро лав мирé мoстыр, пал-довá со мэ древán ужакирдём лачхипэн Тырe сэндостыр. ⁴⁴ И мэ ўсáды (сак) явáва тэ ракхав Тырo Закoнo и пэ сарé вéки. ⁴⁵ И мэ ўсáды (сак) явáва тэ псирав пир вoля, пал-довá со мэ родава Тырe упхэныбэнá. ⁴⁶ И мэ явáва тэ ракирав пал Тырe досыкаибэна ангйл кральэндэ, и мэ на явáва ладжакирдo. ⁴⁷ И мэ явáва тэ бахталёвав Тырe припхэныбэнэндыр, савé ячнэ. ⁴⁸ И мэ газдáва пэскирэ вастá кэ Тырe припхэныбэнá, савé исын дрoга мánгэ, и мэ явáва тэ розлав Тырe статyты. ⁴⁹ Рйпир Тырo лав ваш Тырe писхарйскэ, савo Ту дыян мánгэ тэ ужакирав лачхипэн. ⁵⁰ Давá подрикирэла ман, кели ман притасавэна, пал-довá со Тырo лав дэла джиибэн мánгэ. ⁵¹ Пхутькирдé джинé холямэс санапэ би меракиро, нэ мэ на рисиём дрé риг Тырe Законoстыр. ⁵² Мэ рипирава Тырe сэнды гаратунé бэршэндыр, o Рaё Дэвла, адякэ мэ подрикирава пэс. ⁵³ Холякири зор лэла упралыпэн пэ мánдэ, кели мэ дыкхáва, сыр фуй манушá мэкoна Тырo Закoнo. ⁵⁴ Пал Тырe статyты мэ багава гиля дро кхэр, пашыл савo мэ лодава. ⁵⁵ Мэ рипиравас Тырo лав раты, o, Рaё Дэвла, и мэ ракхцём Тырo Закoнo. ⁵⁶ Давá исын дынo мánгэ, соб (кай) мэ тэ рикиравпэ зоралэс кэ Тырe припхэныбэнá. ⁵⁷ Мирй дoля Тyтыр, o Рaё Дэвла, сыр мэ пхэндём, исын дро довá, соб (кай) мánгэ тэ рикиравпэ зоралэс кэ Тырe лавá. ⁵⁸ Мэ родыём Тырй ласка сарé мирé илэса: яв лачхэ-дескиро кэ мэ пир Тырo лав. ⁵⁹ Мэ роздуминдём хор пал довá, сыр мэ дживавас и мэ рискирдём мирo пирo (стопа) кэ Тырe досыкаибэна. ⁶⁰ Мэ стариндёмпэ сыгэдыр, соб (кай) мánгэ тэ на отчхував дурэдыр тэ сполнинав Тырe припхэныбэнá. ⁶¹ Фуй манушá сырбы шэлэнца обпхандлэ трусцял ман, нэ мэ на бистырдём Тырo Закoнo. ⁶² Дрэ пашрат мэ уштава тэ парикирав Тyкэ пал Тырo чачунo сэндо. ⁶³ Мэ сом друго (мал) сарэнгэ, кон дарэла Тyтыр, и кодолэнгэ, савé рикирэнапэ кэ Тырe упхэныбэнá. ⁶⁴ O, Рaё Дэвла! Пхув исын пхэрды Тырe дрогонé лачхипнаса: сыклякир Ман Тырe статутэнгэ. ⁶⁵ Ту кэрдян лачхипэн Тырe писхарйскэ, o Рaё Дэвла, пир Тырo лав. ⁶⁶ Сыклякир ман кучэс тэ сэндякирав пир Тырo, пал-довá со мэ патява Тырe припхэныбэнэнгэ. ⁶⁷ Ангйл довá, сыр Ту притасадян ман, мэ хохадёмпэ, нэ каканá мэ ракхавá Тырo лав. ⁶⁸ Ту сан лачхo и кэрэса лачхипэн, сыклякир ман Тырe статутэнгэ. ⁶⁹ Пхутькирдé пэфроми хохадэ пэ мánдэ: мэ ж явáва тэ рикиравпэ кэ Тырe упхэныбэнá сарé мирé илэстыр. ⁷⁰ Лэнгири илo исын тхуло, на шунэла нисo, нэ мánгэ исын древán дрoго Тырo Закoнo. ⁷¹ Ту прикирдян ман ваш мирo лачхипэн, соб (кай) мánгэ тэ высылёвав Тырe статyты. ⁷² Тырo Закoнo исын бут фэдыр мánгэ, сыр барá котэрá сувнакастыр ци рупэстыр. ⁷³ Тырe вастá создынэ ман и чхудé ман, дэ мánгэ годы тэ сыклёвав Тырe припхэныбэнэнгэ. ⁷⁴ Одолé, савé дарэна Тyтыр, явэна зоралэс тэ радынэнпэ, сыр дыкхэна ман, пал-довá со мэ ужакирава лачхипэн Тырe лавэстыр. ⁷⁵ Мэ джинoм (джинав), o Рaё Дэвла, со Тырo сэндо исын чачунo, и со Ту тасадян ман пир Тырo чачипэн. ⁷⁶ Мэк тэ явэл Тырй лачхэ-илыткима тэ подрикирэл ман, Тырe писхарйс, пир Тырo лав. ⁷⁷ Мэк тэ явэл кэ мэ Тырй лачхэ-илыткима, соб (кай) мэ мoгинавас тэ дживав, пал-довá со мэ бахталёвава Тырe Законoстыр. ⁷⁸ Мэк пхутькирдé тэ явэн ладжакирдé, пал-довá со ёнэ пэфроми кэрдé хохаибэн пэ мánдэ: нэ мэ ж явáва тэ розлав Тырe упхэныбэнá. ⁷⁹ Мэк одолé, савé дарэна Тyтыр, тэ явэн кэ мэ, и сарé одолé, кон джинэла Тырe досыкаибэна.

⁸⁰ Мэк тэ явэл миро илó бидошэнгиро дрэ Тырэ стату́ты, соб (кай) ма́нгэ тэ на явэл ладжаво.

⁸¹ Мирó ди мулэла пал Тыро́ зракхибэн, мэ ужакирава лачхипэн Тырэ лавэстыр. ⁸² Мирэ якхá хасэна со дывэс би – Тырэ лавэскиро, сы́рбы камэна тэ пхэнэн: “Кэли Ту подрикирэса ман?” ⁸³ Пал-довá со мэ сом сы́рбы цыпитко гонó пэ пхув, нэ мэ на бистырдем Тырэ стату́ты.

⁸⁴ Кицý дывэсá Ту дэса Тырэ писхарýскэ? Кэли Ту сэндыкирэса одолэн, савэ традэна ман?

⁸⁵ Пхутькирдэ манушá, савэ на рикирэнапэ кэ Тыро́ Закóно, выганадэ ганбиня́ (ямы) ма́нгэ.

⁸⁶ Сарé Тырэ припхэныбэна́ исын патяибнытка, манушá традэна ман на пир чачипэн: дэ васт ма́нгэ. ⁸⁷ Ёнэ на́бут со на хасякирдэ ман пэ пхув; нэ мэ на мэкцём Тырэ упхэныбэна́. ⁸⁸ Зоралякир ман пир Тыри́ лачхэ-илы́ткима, и мэ ява́ва тэ рикиравпэ кэ упхэныбэна́ Тырэ мо́стыр. ⁸⁹ О Раё́ Дэвла! Пэ сарé вéки Тыро́ лав ячэлапэ пэ болыбэн! ⁹⁰ Тыро́ патяибэн пириджала екхэ родóстыр кэ яв́ир: Ту зачхудян пхув и ёй усады (сак) ячэлапэ адя́кэ. ⁹¹ Сарó исын тэрдó пир Тыро́ статутно упхэныбэн кэ/жýко ададывэс, пал-довá со ёнэ сарé дынаринэна Тýкэ. ⁹² Тэ на бахталёвавас мэ Тырэ Законóстыр, тэ́ньчи мэ хасёвавас дро миро калыпэн. ⁹³ Мэ ниéкхвар на бистрава Тырэ упхэныбэна́, пал-довá со Ту подрикирдян ман лэнца. ⁹⁴ Мэ сом Тыро́, зра́кх ман; пал-довá со мэ родыём Тырэ упхэныбэна́. ⁹⁵ Фуй манушá ужакирдэ пэ ма́ндэ тэ хасякирэн ман, нэ мэ ява́ва тэ розлав Тырэ пририпирибэна. ⁹⁶ Мэ дыкхцём кóнцо (ягóро) сарэскэ, со исын бидошэнгиро, нэ Тыро́ припхэныбэн исын би меракиро. ⁹⁷ О, ма́нгэ пир илó Тыро́ Закóно. Мэ розлава лэс дывэсэ и раты́. ⁹⁸ Ту кэрдян ман годэдыр мирé вэргэндýр пир Тырэ припхэныбэна́, пал-довá со ёнэ исын усады (сак) ма́нца. ⁹⁹ Мэ галёвава бутýр сыклякирибнаскирьендыр, пал-довá со мэ розлава Тырэ пририпирибэна. ¹⁰⁰ Мэ галёвава бутýр пхурé манушэндýр, пал-довá со мэ рискирдем годý кэ Тырэ упхэныбэна́. ¹⁰¹ Мэ рикирдём дрэ риг мирý гэрóй кажнонэ чорé дромэстыр, соб (кай) тэ приракхав Тырэ упхэныбэна́. ¹⁰² Мэ на рисиём криг Тырэ сэндостыр, пал-довá со Ту сыклякирдян ман. ¹⁰³ Сыр гудлó исын дро миро муй Тырэ лавэндýр. Ёнэ исын гудлэдыр авгинэстыр мирé москэ. ¹⁰⁴ Тырэ упхэныбэндýр мэ лыём тэ галёвав, пал-довá со мэ бидыкхава кажно начачуно дром. ¹⁰⁵ Тыро́ лав исын момолы́тко (светильни́ко) мирé гэрьякэ, и дуд пэ миро дром. ¹⁰⁶ Мэ совлахадём и мэ допхэнава дава́, со мэ рикиравапэ зоралэс кэ Тыро́ чачунó сэндо. ¹⁰⁷ Мэ сом древáн притасадо, о Раё́ Дэвла, джидякир ман пир Тыро́ лав. ¹⁰⁸ Мэ манга́ва, о Раё́ Дэвла, тэ прилэс Мирé-москиро парикирибэн Тýкэ сыр свэ́нто дыибэн; и сыклякир Ман Тырэ сэндоскэ. ¹⁰⁹ Мирó джиибэн исын усады (сак) дро миро васт, нэ мэ на бистрава Тыро́ Закóно. ¹¹⁰ Чорé манушá кэрдэ фэлы́ пэ ма́ндэ, нэ мэ на рисиём дрэ риг Тырэ упхэныбэндýр. ¹¹¹ Мэ прилыём Тыро́ досыкаибэн сыр миштыпэн пэ сарé вéки, пал-довá со ёнэ радýнэна миро илó. ¹¹² Мэ прилыём мирé илэса тэ кэрэл усэнде (езде) сарó пир Тырэ стату́ты кэ са́мо кóнцо (ягóро). ¹¹³ Мэ бидыкхав дуемуенгирэ манушэн, нэ ма́нгэ исын дрóго Тыро́ Закóно. ¹¹⁴ Пал Тýтэ мэ гарадёвава, и мэ зракхавапэ сыр пал шчýто, мэ ужакирава лачхипэн Тырэ лавэстыр. ¹¹⁵ Дурьён криг ма́ндыр, тумэ-чорé манушáлэ. Мэ ява́ва тэ рикиравпэ кэ Дэвлэскирэ припхэныбэна́. ¹¹⁶ Подрикир ман Тырэ лавэса, соб (кай) ма́нгэ сашты́ тэ явэл тэ дживáв, соб (кай) мэ тэ на явав ладжакирдó долэстыр, со́стыр мэ ужакирава лачхипэн. ¹¹⁷ Подрикир зоралэс ман и мэ зракхавапэ, и мэ ўсады (сак) ява́ва тэ рискирав годý кэ Тырэ стату́ты. ¹¹⁸ Ту на прилэса одолэн, савэ гинэ дрэ риг Тырэ статутэндýр, пал-довá со лэнгиро хохаибэн нисó на дэла. ¹¹⁹ Ту гинэса пал гнэё́ (гноё́) сарэн чорé манушэн пэ да́я пхув, палдава́ ма́нгэ исын дрóга Тырэ пририпирибэна. ¹²⁰ Мирý лоч (плоть) издрала дарáтыр ангил Тýтэ; ма́ндэ исын трашаибэн ангил Тыро́ сэндо. ¹²¹ Мэ кэрдём пир Закóно и чачипэн, на мэк ман пэ одолэндэ, савэ традэнапэ пал ма́ндэ. ¹²² Затэрдёв пал Тырэ дынаристэ ваш лэскиро лачхипэн, на мэк, соб (кай) пхутькирдэ тэ притасавэн ман. ¹²³ Мирé якхá мулэна со дывэс, кэли Ту зракхэса ман, и ёнэ махтынэна пал Тыро́ чачипна́скиро лав. ¹²⁴ Отлыджапэ Тырэ писхариса пир Тыри́ лачхэ-илы́ткима и сыклякир ман Тырэ статутэнгэ. ¹²⁵ Мэ сом Тыро́ писха́ри, дэ годý ма́нгэ тэ джина́в Тырэ пририпирибэна. ¹²⁶ Дава́ исын Тыро́ часо, Раё́ Дэвла, тэ кэрэс вари-со, пал-довá со манушá пхагирдэ Тыро́ Закóно. ¹²⁷ Палдава́ Тырэ припхэныбэна́ исын дрогэдыр сувнака́стыр, фэды́р чачунé сувнака́стыр. ¹²⁸ Палдава́ мэ гиндем Тырэ упхэныбэна́ пир сарó, сыр най чачунэдыр: мэ бидыкхава каканá начачуно дром. ¹²⁹ Тырэ досыкаибэна́ исын древáн дрóга, палдава́ миро ди рикирэлапэ зоралэс кэ ёнэ.

¹³⁰ Довá, со сыкавэна Тырó лавá, дэла дуд и сыклякирэла манушэ́н, савэ́ ишчо (инкэ́) нáбут джинэ́на. ¹³¹ Мэ́ отпхандём муй и дрэ́ смэ́га/труш (жажда) давá гонд́я, пал-довá со мэ́ тырдавапэ́ кэ́ Тырэ́ припхэныбэ́на. ¹³² Рисёв мо́са кэ́ мэ́ и яв лачхэ́-дескиро кэ́ мэ́, сыр Ту́ бут мо́лы кэ́рэса́ одолэ́нгэ́, савэ́нгэ́ исын дро́го Тырó лав. ¹³³ Мамуяки́р (выпрямин) мирé пирé (сто́пы) тэ́ джав пир Тырó лав и на домэк, соб (кай) чорé манушá тэ́ хулаинэ́н пэ́ ма́ндэ́. ¹³⁴ Выракх ман манушэндýр, савэ́ притасавэ́на ман, и мэ́ явáва тэ́ рикиравпэ́ кэ́ Тырэ́ упхэныбэ́на. ¹³⁵ Мэк тэ́ зяинэл Тырэ́-москиро дуд пэ́ Тырэ́ писхаристэ́, и сыкля́кир ман Тырэ́ статутэ́нгэ́. ¹³⁶ Ясва сыр панингá тхадэ́на мирé якхэндýр, пал-довá со манушá на рикирэнапэ́ кэ́ Тырó Зако́но. ¹³⁷ Ту сан чачипна́скиро, о Раё́ Дэ́вла, и Тырэ́ сэ́нды исын чачуно́. ¹³⁸ Ту дыя́н Пэ́скирэ́ чачуно́ досыкаибэ́на; ё́нэ́ исын древа́н патяибны́тка. ¹³⁹ Миро зэвлэ́ныпэ́н хачкирд́я сыр яг ман, пал-довá со мирé вэ́рги бистырдэ́ Тырó лав. ¹⁴⁰ Тырó лав исын древа́н пропатыки́рдо, и Тырó писха́ри выкэдэ́ла лэ́с. ¹⁴¹ Мэ́ сом тыкно́ и сом дрэ́ тыкны́ патýв, нэ́ мэ́ на бистырдём Тырэ́ упхэныбэ́на. ¹⁴² Тырó чачипэ́н явэ́ла ўса́ды (сак) чачипна́скиро, и Тырó Зако́но исын чачуно́. ¹⁴³ Пхарипэ́н и б́ида пирилы́нэ́ ман: нэ́ мэ́ бахталё́вава Тырэ́ припхэныбнэндýр. ¹⁴⁴ Тырэ́ досыкаибэ́на исын чачипна́скирэ́ пэ́ сарé ве́ки: дэ́ годý ма́нгэ́, и мэ́ явáва тэ́ дживáв. ¹⁴⁵ Мэ́ кхарáва зоралэ́с сарé мирé илэ́стыр, о Раё́ Дэ́вла, отпхэ́н ма́нгэ́: мэ́ явáва тэ́ рикиравпэ́ зоралэ́с кэ́ Тырэ́ стату́ты. ¹⁴⁶ Мэ́ кхарáва Тут: зра́кх ман и мэ́ явáва тэ́ рикиравпэ́ кэ́ Тырэ́ припхэныбэ́на. ¹⁴⁷ Мэ́ газдавапэ́ пэ́ са́мо зло́ко тасярла́киро анги́л дывэ́с и мэ́ да́ва го́дла тэ́ помогинэ́н: мэ́ ужакирава лачхипэ́н Тырэ́ лавэ́стыр. ¹⁴⁸ Мирé якхá исын джангадэ́ анги́л ратитко́ стрэ́га, соб (кай) ма́нгэ́ тэ́ розлав Тырó лав. ¹⁴⁹ Вышúн ми́ри зан пир Ты́ри лачхэ́-илы́ткима: о Раё́ Дэ́вла, джидяки́р ман пир Тырó сэ́ндо. ¹⁵⁰ Одолé, савэ́ чорьё́напэ́ холя́са пал ма́ндэ́, явнэ́ пашылэ́ды́р: ё́нэ́ исын дур Тырэ́ Законóстыр. ¹⁵¹ Ту сан пашы́л, о Раё́ Дэ́вла, и сарé Тырэ́ припхэныбэ́на́ исын чачуно́. ¹⁵² Ѓара мэ́ уджиндём Тырэ́ допхэныбнэндýр, со Ту учхудя́н лэ́н пэ́ сарé ве́ки. ¹⁵³ Дыхк ра́кхунэ́с, сыр ма́нгэ́ исын пхарó и зра́кх ман, пал-довá со мэ́ на бистырдём Тырó Зако́но. ¹⁵⁴ Затэ́рдёв зоралэ́с пал миро чачипэ́н и выракх ман, джидяки́р ман пир Тырó лав. ¹⁵⁵ Чорé манушá исын дур зракхи́бнастыр, пал-довá со ё́нэ́ на дыкхэ́на ця́мкэ́с пэ́ Тырэ́ стату́ты. ¹⁵⁶ О Раё́ Дэ́вла, Ты́ри лачхэ́-илы́ткима исын зоралы́; джидяки́р ман пир Тырó чачипэ́н! ¹⁵⁷ Кодолé, савэ́ традэ́напэ́ пал ма́ндэ́ и исын мирé вэ́рги, лэ́н исын бут; нэ́ мэ́ на рисиём дрэ́ риг Тырэ́ допхэныбнэндýр. ¹⁵⁸ Мэ́ дыкхцём ко́долэ́н, савэ́ дэ́напэ́ палэ́ и миро ило́ калы́я, пал-довá со ё́нэ́ на рикирэнапэ́ кэ́ Тырó лав. ¹⁵⁹ Придыкхпэ́, сыр исын дро́га ма́нгэ́ Тырэ́ допхэныбэ́на! Раё́ Дэ́вла, джидяки́р ман пир Ты́ри лачхэ́-илы́ткима. ¹⁶⁰ Тырэ́ лавэ́скиро кучипэ́н исын дро́ чачипэ́н, ка́жно Тырó чачипна́скиро сэ́ндо ячэ́лапэ́ пэ́ сарé ве́ки. ¹⁶¹ Тхага́рья (кня́зи) рэ́сэна вэ́ргйткэ́с кэ́ мэ́ би причына́киро, нэ́ миро ило́ дарэ́ла Тырэ́ лавэ́стыр. ¹⁶² Мэ́ бахталё́вава Тырэ́ лавэ́стыр сы́рбы ко́дова́ ману́ш, кон латх́я бари́ бажы́н. ¹⁶³ Мэ́ бидыкха́ва и дыкха́ва вучипна́стыр пэ́ ко́долэ́ндэ́, савэ́ хохавэ́на, нэ́ ма́нгэ́ исын дро́го Тырó Зако́но. ¹⁶⁴ Мэ́ вышара́ва Тут э́фта́ мо́лы пэ́ дывэ́с пал Тырó чачипна́скиро сэ́ндо. ¹⁶⁵ Пхэ́рдó рама́нё́ (миро) исын ко́долэ́ндэ́, савэ́нгэ́ исын дро́го Тырó Зако́но и ё́нэ́ на обшта́вэ́напэ́ пир бар. ¹⁶⁶ О, Раё́ Дэ́вла! Мэ́ ужакирдём, соб (кай) Ту тэ́ зракхэ́с ман и пир Тырэ́ упхэныбэ́на. ¹⁶⁷ Миро ди рикирэ́лапэ́ кэ́ Тырэ́ допхэныбэ́на, савэ́ исын древа́н дро́га ма́нгэ́. ¹⁶⁸ Мэ́ рикиравапэ́ кэ́ Тырэ́ припхэныбэ́на́ и кэ́ Тырэ́ допхэныбэ́на, и сарé мирé дро́ма́ исын анги́л Тырэ́ якхá. ¹⁶⁹ Мэк тэ́ джал пашылэ́ды́р кэ́ Ту миро рои́бэ́н, о Раё́ Дэ́вла: дэ́ годý ма́нгэ́ пир Тырó лав. ¹⁷⁰ Мэк тэ́ явэ́л ми́ри па́тери (моли́тва) кэ́ Ту: зра́кх ман пир лав, со Ту дыя́н. ¹⁷¹ Мэк тэ́ шарэ́н мирé уш́та́ Тут, кэ́ли Ту сыкляки́рэса́ ман Тырэ́ статутэ́нгэ́. ¹⁷² Мэк тэ́ выпхэ́нэл зоралэ́с ми́ри чиб пал Тырó лав, пал-довá со Тырэ́ припхэныбэ́на́ исын чачипна́скирэ́. ¹⁷³ Мэк тэ́ помогинэ́л Тырó васт ма́нгэ́, пал-довá со мэ́ выкэ́дыём Тырэ́ упхэныбэ́на. ¹⁷⁴ Мэ́ тырдавапэ́ илэ́са, соб (кай) Ту тэ́ зракхэ́с ман, о Раё́ Дэ́вла и мэ́ бахталё́вава Тырэ́ Законóстыр. ¹⁷⁵ Мэк тэ́ дживэ́л миро ди и ё́в явэ́ла тэ́ шарэ́л Тут; мэ́к тэ́ дэ́л васт ма́нгэ́ Тырó чачипэ́н. ¹⁷⁶ Мэ́ гиём дрэ́ риг сыр бакри́, сави́ наша́ды́я: придыкхпэ́ пашылэ́ды́р кэ́ Тырó писха́ри; пал-довá со мэ́ на бистра́ва Тырэ́ припхэныбэ́на.

Шэрó 120

[119-р.с.] ¹ Гилы ангил Кхангири.

Кели мангэ сыс пхарó, мэ кхардём зоралэс Рас-Дэвлэс, и Ёв отпхэндя мангэ. ² О Раё Дэвла, зракх миро ди хоханэ уштэндыр, фрэнтонэ чибатыр. ³ Со дэла тукэ? Савó лачхипэн янэла тукэ начачуны чиб? ⁴ Халадэскирэ востра (чолалэ) марибнытка бустя (стрэлы) ягакирэ вангарэнца ядлоўцостыр? ⁵ Бида мангэ, со мэ сом манушэнца кэ Масохо, со мэ дживава машкир Кедароскирэ шатры. ⁶ Миро ди древан бут дживдя машкир одолэндэ, кон бидыкхэла раманё (миро). ⁷ Мэ сом пал раманё (миро); нэ кели мэ ракирава, тэды ёнэ пал марибэн.

Шэрó 121

[120-р.с.] ¹ Гилы ангил Кхангири.

Мэ газдава якхá мирé пэ бэргицы, катыр дэна васт мангэ. ² Рай Дэвэл помогинэла мангэ, Савó создыя болыбэн и пхув. ³ Ёв на домэкэла, соб (кай) тыри гэрóй тэ пэрэл; Ёв, Савó раххэла тут, исын на линдрало (на дреминэла). ⁴ Ёада, Ёв, Савó раххэла Израилё, на явэла тэ совэл ци тэ дэл линдра (дреминэл). ⁵ Рай Дэвэл раххэла тут, Рай Дэвэл явэла тэ прираххэл тут пашыл тыри чачи риг. ⁶ Кхам на пэкавэла тут дывэсэ ци чхон раты. ⁷ Рай Дэвэл зраххэла Тут сарé чорипнастыр, Ёв явэла тэ раххэл Тырó ди. ⁸ Рай Дэвэл явэла тэ раххэл тут, кели ту джаса яври и джаса андрé, каканá и дурэдыр пэ сарé вéки.

Шэрó 122

[121-р.с.] ¹ Гилы ангил Кхангири Давидоскири.

Мэ sóмас радо, кели ёнэ пхэндлэ мангэ. Явэн дрэ Рáскирэ-Дэвлэскири Кхангири. ² Амарé гэрá явэна тэ тэрдён дрэ Тыри порта, о Ерусалимо! ³ Ерусалиме, со исын газдыно сыр фóро, савó исын чхудо кхэтанэ, ⁴ кай явэна Израилёскирэ рóды пир Израилёскиро ладо/рэндо (порядко), соб (кай) тэ парикирэн Рáскирэ-Дэвлэскирэ лавэскэ. ⁵ Пал-довá со зачхудэ троны ваш сэндо одóй, троны Давидóскирэ кхэрэстыр. ⁶ Мангэн Дэвлэс пал раманё дро Ерусалимо: “Мэк тэ дживэн миштэс одолэ, савэнгэ дро́го исын ту, ⁷ тэ явэл раманё машкир тырэ ванты (сцяны), и миштыпэн дрэ Тырэ барé фэлатиня (колова)” ⁸ Ваш мирé пшалэнгэ и малэнгэ мэ пхэнава каканá: “Тэ явэл раманё (миро) тумэнгэ.” ⁹ Ваш Рáскирэ-Дэвлэскиро Кхэр (Кхангири), амарé Дэвлэскири, мэ камám миштыпэн тумэнгэ.

Шэрó 123

[122-р.с.] ¹ Гилы ангил Кхангири.

Мэ газдава мирé якхá пэ Түтэ, Савó дживэла пэ болыбэн. ² Ёада, сыр писхарискирэ якхá дыкхэна пэ лэскирэ-раскиро васт, сыр писхарицакирэ якхá дыкхэна пэ лакирэ-ранякиро васт, адякэ-паць амарé якхá ужакирэна Рас-Дэвлэс, амарé Дэвлэс, пака Ёв потангинэла амэн. ³ Яв лачхэ-дескиро кэ амэ, о Раё Дэвла, яв лачхэ-дескиро кэ амэ! Пал-довá со амэндыр древан холямэс санапэ. ⁴ Амарó ди зоралэс чалыя одолэндыр, савó на дэна патыв амэнгэ ци пхутькирдэндыр, савó санапэ холямэс амэндыр.

Шэрó 124

[123-р.с.] ¹ Гилы ангил Кхангири. Давидоскири.

Со явэлас, тэ на явэл бы Рай Дэвэл пэ амари риг, мэк тэ отпхэнэл Израилё: ² “Тэ на явэл Рай Дэвэл амэнца, кели мануша газдынэпэ пэ амэндэ, ³ тэды ёнэ проглытнинэнас (накхавэнас) амэн пир адакицы, кели лэнгири холы росхачия пэ амэндэ; ⁴ тэньчи паня зачхувэнас амэн, а барó панинг (потóпо) тасадякирэлас амэн; ⁵ тэньчи сыгна панинга зачхувэнас тэлэ амарé дия. ⁶ Мэк тэ вышарэн, тэ парикирэн Рáскэ-Дэвлэскэ, Савó на дыйа амэн вэргэнгэ пэ дандá тэ дорэсэн. ⁷ Амарó ди насця сыр чириклы фэлятыр, со мануша чхувэнас тэ ухтылэн: фэлы исын пхагирды и амэ насцям. ⁸ Давá исын Рай Дэвэл, Кон помогинэла амэнгэ, Савó создыйа болыбэн и пхув.

Шэрó 125

[124-р.с.] ¹ Гилы ангил Кхангири.

Кодолэ, савэ патяна зоралэс дрэ Растэ-Дэвлэстэ, исын сырбы бэрга Сионо, Савó на джала криг штэтóстыр, а ячэлапэ пэ сарé вéки. ² Бэрги исын трусцýл Ерусалимо, и Рай Дэвэл исын адýкэ-паць трусцýл Лэскирэ манушэндэ, каканá и пэ сарé вéки. ³ Чорé-манушэнгиро дэстó на явэла тэ рикирэл зор пэ пхув, кай исын чачипнаскирэ мануша, соб (кай) чачипнаскирэ мануша тэ на рискирэн пэскирэ вастá кэ чорипэн. ⁴ Кэр лачхипэн, Раё Дэвла, лачхэ манушэнгэ, и одолэнгэ, савэндэ исын чачунó илó. ⁵ И кодолэ, савэ рисёна дрэ риг пэ бангэ дромá, лэн Рай Дэвэл лыджала криг кхэтанé одолэнца, савэ кэрэна чорипэн. Тэ явэл рамáнэ пэ Израилё!

Шэрó 126

[125-р.с.] ¹ Гилы ангил Кхангири.

Кели Рай Дэвэл яндя палэ Сионоскирэ манушэн пленóстыр, амэ самас сырбы одолэ, савэ дыкхэна сунé. ² Тэды амарó муй сыс пхэрдó сабнаса и амари чиб багалас радýмáса, и ракирдé тэды машкир Наюдэнгирé нáцыи: “Рай Дэвэл кэрдя барé рэндý лэнгэ.” ³ Рай Дэвэл кэрдя барé рэндý амэнгэ, и амэ сам рáда. ⁴ Ян палэ амарé манушэн пленóстыр, сыр ручаи янэна пани пэ паш-дывэсытко (южно) риг. ⁵ Одовá, кон чхувэла зýрка дрэ пхув ясвэнца, явэла тэ чхинэл умалото радýмáса. ⁶ Одовá, кон лыджала пэскирэ зýрки ясвэнца, явэла тэ лыджал палэ гарбы (снопы) пэскирэ радýмáса.

Шэрó 127

[126-р.с.] ¹ Гилы ангил Кхангири. Соломонóскири.

Кóли Рай Дэвэл тэ на газдэл Кокорó Кхэр, ивья (напрáснэс) тэды кэрэнас бутý одолэ, савэ чхувэна лэс; кóли Рай Дэвэл тэ на раххэлас фóро, тэды стрэгари (охранико), савó раххэла, ивья кэрэлас давá. ² Давá тэ явэл ивья рэндó ваш тýкэ, со ту уштэса тасýрлэс (рáнэс), со ту сан бэштó кэ коригипэн (кэ пóзныма), со ту хаса марó палэ пхарé бутýтыр. Рай Дэвэл дэла хабэн кодолэскэ, савэс Ёв камэла, дрэ сунé. ³ Акэ, чхавэ исын сыр мэкнó миштыпэн Рáстыр-Дэвлэстыр; ёнэ исын бахталыпэн дáкирэ лочовýтыр. ⁴ Сыр марибнýтка бустя (стрéлы) дро халадэскиро васт, адýкэ-паць исын чхавэ тэрнэ дадэскирэ. ⁵ Бахталó исын мануш, савэстэ

исын бут дасавэ бустя дро колчано. Ёнэ на явэна ладжакирдэ, кэли ёнэ явэна тэ хаспэ намалэнца пашыл порта, кай сэнды джана.

Шэро 128

[127-р.с.] ¹ Гилы ангил Кхангирй.

Бахталó исын кажно мануш, Савó дарэла Рáстыр-Дэвлэстыр, Савó псирэла пир Лэскирэ дромá. ² Ту явэса тэ хас марó бутятыр пэскирэ вастэндыр, ту явэса бахталó и сарó миштыпэн явэла туса. ³ Тырй ромны явэла сырбы умалотно винаградытко кашт дро кхэр и пашыл кхэр, тырэ чхавэ явэна сырбы оливитка рандя (ветки), со явэна трусцял Тырó скаминд. ⁴ Гада! Тэ явэл адякэ-паць бахталó мануш, Савó дарэла Рáстыр-Дэвлэстыр. ⁵ Рай Дэвэл бахтякирэла Тут Сионóстыр, и ту сашты тэ дыкхэс лачхипэн дро Ерусалимо пир сарé дывэса дро Тырó джибэн, ⁶ и соб (кай) ту тэ дыкхэс чхавэн пэскирэ чхавэнгирэн. Тэ явэл раманё (миро) пэ Израилё!

Шэро 129

[128-р.с.] ¹ Гили ангил Кхангирй.

Бут мóлы ёнэ притасавэнас ман мирé тэрныпнастыр, мэк тэ пхэнэл Израилё: ² “Ёнэ притасавэнас ман мирé тэрныпнастыр бут мóлы, нэ ёнэ на лынэ упралыпэн пэ мандэ. ³ Одолэ, савэ пхаравэна (пахинэна) пхув, пахиндлэ пэ миро думó, ёнэ кэрдэ динд(з)ькирдэ лесьни (борозны). ⁴ Рай Дэвэл исын чачипнаскиро: Ёв росчхинэла пэ паш фуэ манушэнгирэ шэлэ. ⁵ Мэк тэ явэн ладжакирдэ и тэ рисён палэ одолэ, савэ бидыкхэна Сионо; ⁶ мэк тэ явэн ёнэ сыр чар пэ кхэрэскири стрéха (чхакын), со вышутёла ангил дова, сыр тэ выбарьёл лакэ, ⁷ савьяса одова, кон счхинэла ла, тэ на пхэрьякирэл пэскиро васт, ци одова, кон пхандэла гарбы (снопы), тэ на пхэрьякирэл пэскири брэк. ⁸ И одолэ, кон джала пашыл, тэ на пхэнэн ниэкхвар: “Тэ бахтякирэл Рай Дэвэл тумэн; амэ бахтякираса тумэн Рáскирэ-Дэвлэскирэ лавэстыр.”

Шэро 130

[129-р.с.] ¹ Гилы ангил Кхангирй.

Сирé хор бидатыр мэ кхарава Тут, Раё Дэвла. ² Раё Дэвла! Шун мирй зан, и причхув кан кэ мирй зан, сыр мэ мангава Тут тэ подэл васт мангэ. ³ Кóли Ту, о Раё Дэвла, явэса тэ рипирэс сарó чорипэн, тэды кон, Раё Дэвла, могоинэла тэ тэрдёл пэ чачипэн. ⁴ Нэ Ту отмэкэса грéхи амэнгэ, соб (кай) амэ тэ дарас Тутыр. ⁵ Мэ ужакирава лачхипэн Рáстыр-Дэвлэстыр, миро ди ужакирэла и рикирэла надёя пэ Лэскиро лав. ⁶ Миро ди ужакирэла Рас-Дэвлэс бутыр, сыр стрэгари ужакирэла тасярла, бутыр сыр стрэгари ужакирэла тасярла. ⁷ Мэк тэ ужакирэл лачхипэн Израилё Рáстыр-Дэвлэстыр, пал-дова со Растэ-Дэвлэстэ исын лачхэ-илыткама, и Ёв выракхэла бутэн, ⁸ и Ёв выракхэла Израилё сарé лэскирэ чорипнастыр.

Шэро 131

[130-р.с.] ¹ Гилы ангил Кхангирй. Давидоскири.

Раё Дэвла! Миро илó на пхутёла и мирé якха на дыкхэна барипнаса. И мэ адякэ-паць на залавапэ рэндэнца, со исын на пир зор мангэ ци долэса, со исын дивно мангэ. ² Нэ мэ

обрикирава пэс и штылякирава пэскиро ди сыр чхаворó, савэс отлэнас дакирэ колынэстыр. Мирó ди исын адякэ-паць штыл сырбы чхаворó, савэс отлынэ дакирэ колынэстыр. ³ О, Изра́иле! Патя зоралэс дрэ Растэ-Дэвлэстэ каканá и пэ сарé вéки.

Шэрó 132

[131-р.с.] ¹ Гилы́ ангил Кханги́ри.

Раё Дэвла! Рипир Давидóс и сарó лэскиро пхарипэн, ² сыр ёв совлахадя Рáскэ-Дэвлэскэ и дыя совлах, Екхорэскэ Яковоскирэскэ, Зоралыпнаскирэ Дэвлэскэ: ³ “Мэ на джава дрэ шáтра мирé кхэрэскири, мэ на пасёвава упрé мирé-чхуибнаскири пэ цэрга, ⁴ мэ на дава мирé якхэнгэ тэ совэн, мэ адякэ-паць на дава ліндра (тэ на дреминав) мирé цымблэнгэ (ресницэнгэ), ⁵ ангил дова́, сыр мэ латхава штéто Рáскэ-Дэвлэскэ, шáтра, Яковóскирэ Зоралыпнаскирэ Дэвлэскэ. ⁶ Амэ шунды́м пал лэстэ кэ Ефрафо, амэ латхям лэс пэ Иаримоскирэ (Яримоскирэ) фэлды. ⁷ Явэн, дасá патыв пэ чангá пашыл Лэскирэ шáтры, явэн даса паты́в пэ чангá пашыл Лэскирэ гэра́. ⁸ Яв, Раё Дэвла, пэ Тырó штéто тэ откхинёс, Ту, и Тырó ковчэго (мохто) Законоса, со сыкавэла Тырó зоралыпэн. ⁹ Мэк тэ урьен Тырé рашая́ пэ пэстэ чачипэн, мэк тэ радынэнпэ зоралэс Тырé свэнта. ¹⁰ На рисёв криг Пэскирэ Помакхнэ манушэстыр пал Давидóстэ, Тырэ писхаристэ. ¹¹ Ту совлахадян чачипна́са Давидóскэ, со Ту на рисёса криг Лэстыр: “Мэ чхува́ва пэ трóно Тырé чхавэс. ¹² Кóли Тырé чхавé явэна тэ рикирэнпэ кэ Мирó Закóно и кэ Мирé допхэныбэна, савэнгэ Мэ ява́ва тэ сыклякирав лэн, тэды и лэнгирэ чхавé адякэ-паць явэна тэ бэшэн пэ трóно пэ сарé вéки.” ¹³ Рай Дэвэл выкэдыя́ бэрга Сиóно, сави́ яця́ дро́го Лэскэ, соб (кай) тэ дживэл одóй: ¹⁴ “Давá исын Мирó штéто тэ откхинёвав пэ сарé вéки, мэ ява́ва тэ дживáв ада́й, пал-дова́ со ёй яця́ дро́го Мánгэ. ¹⁵ Мэ, чачэс, бахтякирава лáкиро хабэн, Мэ да́ва чалэс чорорé манушэнгэ; ¹⁶ и Мэ урьявава лáкирэ рашáн зракхибнаса и лáкирэ свэнта явэна тэ дэн гóдла радымáса. ¹⁷ Мэ кэра́ва адякэ, со выбарьёла Давидоскири зор дрэ чхавэстэ, Мэ кэра́ва момолы́тко (светильнико) Мирé Помакхнэскэ. ¹⁸ Мэ урьявава лэскирэ вэргэн ладжаипнаса; нэ лэскири вян́ка (корóна) явэла тэ зяинэл пэ лэстэ.”

Шэрó 133

[132-р.с.] ¹ Кханги́рьякири Гилы́. Давидоскири.

Дыкхэн! Сыр лачхэс и дрогэс исын тэ дживэн машки́р пшалэндэ дро екхипэн! ² Давá исын сырбы́ куч оливи́тко дзэт (елеё) пэ шэрó, со тхадэла тэлé пэ Ароноскирэ чхорá (брóда), савó прастала тэлé пэ лэскирэ-идякиро ягóро (краё); ³ да́ва исын сырбы́ Ермоноскири пахлын (роса), со джа́ла тэлé пэ Сионóскири бэрга, пал-дова́ со одóй пхэндя́ бахтякирибэн, джиибэн пэ сарé вéки.

Шэрó 134

[133-р.с.] ¹ Гилы́ ангил Кханги́ри.

Тумé вышарэн Рас-Дэвлэс, сарé Рáскирэ-Дэвлэскирэ писха́рья, савé исын тэрдé раты́ дрэ Рáскирэ-Дэвлэскиро Кхэр (Кханги́ри). ² Ѓаздэн пэскирэ вастá пэ Свэ́нто штéто и вышарэн Рас-Дэвлэс. ³ Рай Дэвэл, Савó созды́я болыбэн и пхув, тэ бахтякирэ́л тумэн Сионóстыр.

Шэрó 135

[134-р.с.] ¹ Аллилуя!

Шарэн Рас-Дэвлэс! Шарэн тумэ Рáскирэ-Дэвлэскирэ писхáрья, ² савé исын тэрдé дро Рáскирэ-Дэвлэскиро Кхэр дрэ грэды (дворы) кэ амарé Дэвлэскиро Кхэр. ³ Шарэн Рас-Дэвлэс; пал-довá со Ёв исын лачхó! Багáн псалмы Лэскирэ лавэскэ, пал-довá со Ёв исын дрóго. ⁴ Ёв выкэдыя Яковóс ваш Пэскэ, а Израилё сыр Пэскиро миштыпэн. ⁵ Пал-довá со мэ джинóм, со Рай Дэвэл исын барó и амарó Рай Дэвэл исын вучэдýр сарé дэвлорэндýр. ⁶ Рай Дэвэл кэрэла сарó, со Лэскэ закамэлапэ, ци пэ болыбэн, ци пэ пхув, ци дрэ мóри (дэрьявá), ци дрэ сарé хор штéты. ⁷ Ёв кэрэла адýкэ, со óблоки газдэнапэ пхувýякирэ ягорэндýр; Ёв кэрэла адýкэ со джána блискавицы брышындэса, Ёв янэла балваля Пэскирэ складэндýр. ⁸ Ёв хасякирдýя пэrvонэс, кон бияндёла ци манушэндэ ци кхэритконé мурдалэндэ (машкёр ското) дро Египто; ⁹ Ёв бичхадýя знамéнии (гертыкá) и дýвы машкёр Тýтэ, о Египто, пэ Фараонóстэ и сарé Лэскирэ дынарьэндэ? ¹⁰ Ёв хасякирдýя барé Наюдýтка нáцыи и мулякирдýя бут кральён: ¹¹ Сигонóс, Амореэнгирэ крaли́с, Огос, Васаноскирэ крaли́с и сарé Ханааноскирэ крaли́пэна. ¹² И Ёв дýя лэнгири пхув сыр мэкнó миштыпэн Пэскирэ манушэнгэ Израилёстыр. ¹³ О, Раё Дэвла! Тырó лав ячéлапэ пэ сарé вéки! О, Раё Дэвла! Рипирибэн пал Тýтэ исын родóстыр кэ рóдо. ¹⁴ Пал-довá со Рай Дэвэл явэла тэ сэндýкирэл Пэскирэ манушэн, и Ёв явэла лачхé-дескиро кэ Пэскирэ писхáрья. ¹⁵ Наюдýтконé-нацыенгирэ ýдолы исын рупэстыр и сувнакáстыр, манушэнгирэ вастá кэрдé лэн: ¹⁶ лэндэ исын муя, нэ ёнэ на пхэнэна нисó, лэндэ исын якхá, нэ ёнэ на дыкхэна; ¹⁷ лэндэ исын канá, нэ ёнэ на шунэна, и нанэ пхурд (дыханиё) лэнгирэ мóстыр. ¹⁸ Мэк одолé, савé кэрдé лэн, тэ явэн дасавé-паць сыр лэнгирэ ýдолы; и сарé явёр манушá, савé ужакирэна лачхипэн далé статулэндýр (статуендыр). ¹⁹ Манушáлэ Израилёскирэ кхэрэстыр! Тумэ тэ вышарэн и тэ парикирэн Рáскэ-Дэвлэскэ! Ароноскиро кхэр! Тэ вышарэн тумэ и тэ парикирэн Рáскэ-Дэвлэскэ! ²⁰ Манушáлэ Левиёскирэ кхэрэстыр! Тэ вышарэн тумэ и тэ парикирэн Рáскэ-Дэвлэскэ! Тумэ, савé дарэна Рáстыр-Дэвлэстыр, тэ вышарэн и тэ парикирэн Рáскэ-Дэвлэскэ! ²¹ Тэ вышарэн и тэ парикирэн Рáскэ-Дэвлэскэ Сионóстыр, Савó дживэла кэ Ерусалимо! Аллилуя!

Шэрó 136

[135-р.с.] ¹ Парикирэн Рáскэ-Дэвлэскэ, пал-довá со Ёв исын лачхó, пал-довá со Лэскиро дрóго лачхипэн ячéлапэ пэ сарé вéки; ² парикирэн Дэвлэскэ, Савó исын Сáмо (Най) Вучэдýр пэ сарé дэвлорэндэ; пал-довá со Лэскиро дрóго лачхипэн ячéлапэ пэ сарé вéки. ³ Парикирэн Рáскэ-Дэвлэскэ, Савó исын Барэдýр сарé рандýр, пал-довá со Лэскиро дрóго лачхипэн ячéлапэ пэ сарé вéки, ⁴ Лэскэ, Савó Кокорó кэрэла барé дýвы, пал-довá со Лэскиро дрóго лачхипэн ячéлапэ пэ сарé вéки: ⁵ Лэскэ, Кон создýя годыпнаса болыбэн, пал-довá со Лэскиро дрóго лачхипэн ячéлапэ пэ сарé вéки; ⁶ Лэскэ, Кон росчхудýя пхув упрáл панендыр, пал-довá со Лэскиро дрóго лачхипэн ячéлапэ пэ сарé вéки; ⁷ Лэскэ, Кон кэрдýя барé дуда (светилы), пал-довá со Лэскиро дрóго лачхипэн ячéлапэ пэ сарé вéки; – ⁸ кхам, соб (кай) тэ рикирэн зор пэ пхув дывэсэ, пал-довá со Лэскиро дрóго лачхипэн ячéлапэ пэ сарé вéки, ⁹ чхон и чэргэня, соб (кай) тэ рикирэн зор пэ пхув ратý, пал-довá со Лэскиро дрóго лачхипэн ячéлапэ пэ сарé вéки: ¹⁰ Лэскэ, Кон мулякирдýя сарé пэrvонé бияндлэ биятэн Египто́стыр, пал-довá со Лэскиро дрóго лачхипэн ячéлапэ пэ сарé вéки, ¹¹ и Савó вылыджия Израилё машкёр лэндэ, пал-довá со Лэскиро дрóго лачхипэн ячéлапэ пэ сарé вéки, ¹² зоралé вастэса и газдынé психэса, пал-довá со Лэскиро дрóго лачхипэн ячéлапэ пэ сарé вéки. ¹³ Лэскэ, Кон рокэрдýя пэ пашá Лолó мóрё (дэрьяв), пал-довá со Лэскиро дрóго лачхипэн ячéлапэ пэ сарé вéки, ¹⁴ Кон кэрдýя адýкэ, со Израилё прогия (накхýя) машкирáл даvá штéто, пал-довá со Лэскиро дрóго лачхипэн ячéлапэ пэ сарé вéки, ¹⁵ нэ пиририскирдýя Фараонóс и лэскиро

халадыбэн дро Лоло мórё (дэрьяв), пал-довá со Лэскиро дрóго лачхипэн ячэлапэ пэ сарэ ве́ки; ¹⁶ Лэскэ, Кон лыджия́ ангил пэскирэ манушэн пир чхучэ прахи, пал-довá со Лэскиро дрóго лачхипэн ячэлапэ пэ сарэ ве́ки; ¹⁷ Лэскэ, Кон мулякирдя́ барэ кральён, пал-довá со Лэскиро дрóго лачхипэн ячэлапэ пэ сарэ ве́ки; ¹⁸ и замардя́ славутнонэ кральён, пал-довá со Лэскиро дрóго лачхипэн ячэлапэ пэ сарэ ве́ки; ¹⁹ Сигонос, Аморе́нгирэ Краліс, пал-довá со Лэскиро дрóго лачхипэн ячэлапэ пэ сарэ ве́ки; ²⁰ и Огос Васаноскирэ краліс, пал-довá со Лэскиро дрóго лачхипэн ячэлапэ пэ сарэ ве́ки; ²¹ Ёв дыя́ лэнгири пхув сыр мэкно́ миштыпэн, пал-довá со Лэскиро дрóго лачхипэн ячэлапэ пэ сарэ ве́ки, ²² мэкно́ миштыпэн Израилёскэ, Лэскирэ писхаріскэ, пал-довá со Лэскиро дрóго лачхипэн ячэлапэ пэ сарэ ве́ки; ²³ Ёв рипирдя́ амэн сыр амэ са́мас пэ тэлатуно́ штэто́, пал-довá со Лэскиро дрóго лачхипэн ячэлапэ пэ сарэ ве́ки; ²⁴ и Ёв выракхця́ амэн амарэ́ вэргэндыр, пал-довá со Лэскиро дрóго лачхипэн ячэлапэ пэ сарэ ве́ки: ²⁵ Кон дэ́ла хабэн кажно́нэ лочакэ́ (плотякэ́), пал-довá со Лэскиро дрóго лачхипэн ячэлапэ пэ сарэ ве́ки. ²⁶ Парикирэн́ болыбна́скирэ Дэвлэ́скэ, пал-довá со Лэскиро дрóго лачхипэн ячэлапэ пэ сарэ ве́ки.

Шэро́ 137

[136-р.с.] ¹ Пашы́л рэ́ки (лэня́) амэ са́мас бэштэ́ кэ Вавило́но, амэ рондям, кэ́ли амэ рипирасас Сио́но. ² Амэ убладям́ амарэ́ луты́ пэ вейба́ (верба́) пашы́л дава́. ³ Пал-довá со одолэ́, савэ́ лынэ́ амэн дро́ плéно, мангэ́нас гилы́ амэндыр; и одолэ́, савэ́ обчордэ́ амэн, замангэ́нас амэндыр ра́дыма, раки́ри: “Бага́н амэ́нгэ Сионоскирэ́ гиля́.” ⁴ Сыр ява́са амэ́ тэ багаса́ Ра́скирэ-Дэвлэ́скирэ́ гиля́ пэ чу́жо риг? ⁵ Ко́ли мэ́ бистрава́ тут, о Ерусали́ме, мэ́к тэ отшутéл миро́ чачо́ васт; ⁶ ко́ли мэ́ на ява́ва тэ́ рипира́в тут, мэ́к ми́ри чиб́ тэ́ приячэл́ кэ́ миро́ талу́й (нёбо́) и, ко́ли мэ́ на ява́ва тэ́ шарав́ тут бу́тыр сарэ́стыр, Ерусали́ме. ⁷ О, Раё́ Дэ́вла! Рипир Э́домоскирэ́ чхавэ́нгэ пал́ Ерусалимоски́ро дывэ́с, савэ́ пхэндлэ́: “Пхагирэ́н сарэ́са! Пхагирэ́н сарэ́са кэ́ са́мо пхув.” ⁸ О, чха́ё Вавилонóстыр, тут мулякирэ́на. Тэ́ явэл́ бахтякирдó дова́, кон отплэ́скирэла́ палэ́ тумэ́нгэ, пал дова́, со́ тумэ́ кэрдэ́ амэ́нгэ: ⁹ тэ́ явэл́ бахтякирдó одова́, кон ухты́лэла́ тумарэ́ ты́кнэн и тэ́ пхаравэл́ лэн́ пир бара́.

Шэро́ 138

[137-р.с.] ¹ Давидóскиро́ Псáлмо.

Мэ́ ява́ва тэ́ парикира́в Ту́кэ сарэ́ мирэ́ илэ́стыр, мэ́ ява́ва тэ́ бага́в псалмы́ ту́кэ ангил́ дэвлорэндэ́. ² Мэ́ ява́ва тэ́ клонина́впэ патыва́са кэ́ Ты́ри свэ́нто Кханги́ри и тэ́ вышарав́ Ты́ро лав́ пал́ Ты́ро дрóго лачхипэн, и пал́ Ты́ро патяибэ́н, пал-довá со́ Ту́ газды́ян вучэ́дыр сарэ́стыр Ты́ро лав́. ³ Ту́ отпхэндя́н ма́нгэ дро́ дывэ́с, кэ́ли мэ́ дыём́ го́дла ясвэ́нца: Ту́ кэрдя́н му́ршканэ́дыр ман, кэ́ли Ту́ ды́ян зор́ мирэ́ дескэ́. ⁴ Сарэ́ кра́лья пэ́ пхув́ явэ́на тэ́ вышарэ́н Тут, о Раё́ Дэ́вла, пал-довá со́ ё́нэ шундлэ́ лава́, со́ Ту́ пхэндя́н. ⁵ И ё́нэ явэ́на тэ́ бага́н пал́ Ра́скирэ-Дэвлэ́скирэ́ дрома́, пал-довá со́ Раски́ри-Дэвлэ́скири́ сла́ва исын́ вучы́. ⁶ Мэ́к Рай́ Дэ́вл исын́ вучэ́с, нэ́ Ёв́ дыкхэ́ла тэлэ́ пэ́ одолэндэ́, савэ́ кандэ́на́ Лэ́с, а пху́тькирдэ́с Ёв́ пинджкирэ́ла ду́рипна́стыр. ⁷ Ко́ли явэ́ла пха́ро ма́нгэ сарэ́ ригэндыр, Ту́ джидя́кирэ́са нэ́вэ́стыр ман: Ту́ динд(з)ы́кирэ́са (ты́рдэса) Ты́ро васт, кэ́ли вэ́рги зоралэ́с хо́лясона́ и Ты́ро чачо́ васт вы́тэрдэ́ла ман́ бидаты́р. ⁸ Рай́ Дэ́вл кэ́рэла́ адя́кэ, со́ мэ́ ява́ва бидошэ́нгиро: Ты́ри лачхэ́-илы́ткима, о Раё́ Дэ́вла, ячэлапэ́ пэ́ сарэ́ ве́ки; на́ мэ́к бу́тя, со́ кэрдэ́ Ты́рэ́ васта́.

Шэро́ 139

[138-р.с.] ¹ Хорóскирэ́ Дирижорóскэ. Давидóскиро́ Псáлмо.

О, Раё Дэвла, Ту роздыкхцян лачхэс ман, и Ту джинэса ман. ² Ту джинэса, кэли мэ бэшава и уштава; ту галёса дурипнастыр, со мэ думинава. ³ Ту дыкхэса пирдал (скрозь) миро дром и миро пасибэн и сарэ мирэ дрома исын джиндлэ Тукэ; ⁴ пал-дова со ишчо (инкэ) нанэ лав пэ мирі чиб, соб (кай) Ту аканá тэ на джинэсас миштэс лэс. ⁵ Ту облыян ман палал и ангил, и Тыро васт исын чхудо пэ мандэ. ⁶ Дасаво Тыро джиныбэн пал мандэ дивинэла ман, дава исын вучо годыпэн, мирі годы на доджала кэ дава. ⁷ Карик мэ джава криг Тырэ Духостыр? Ци карик мэ кэравпэ Тырэ якхэндыр? ⁸ Кóли мэ джава кэ Болыбнаскиро Раё, Ту сан одой; ці, кóли мэ кэрава чхуибэн дро люно (преисподнё), акэ, Ту сан одой; ⁹ Кóли мэ лавас злокоскирэ пхака (крылы) и вурнявава тэ дживав пэ сáмо морёскиро (дэрьявёскиро) ягóро (краё), ¹⁰ аж и одой Тыро васт лыджала ман, и Тыро чачо (право) васт рикирэла ман. ¹¹ Кóли мэ пхэнаvas: “Мэк тэ учхакирэл калыпэн (цямлыпэн) ман, и мэк тэ явэл дуд (свёто) ратяса трусцýл мандэ; ¹² аж и цямлыпэн на гаравэла ман Тýтыр, и рат зяинэла дыщылэс сыр дывэс: цямлыпэн исын дасаво – паць, сыр дуд. ¹³ Пал-дова со Ту создыян мирэ андратунэ пашá, Ту чхудýн кхэтанэ ман дрэ мирэ-дакири лочові. ¹⁴ Мэ явава тэ парикирав Тукэ, пал-дова со мэ сом создýно дивнэс кэ дар. Древáн дівна исын Тырэ бутя, и миро ди джинэла миштэс дава. ¹⁵ Мирэ кокалы на сыс гарадэ Тýтыр, кэли мэ бариём тэ явав пэ свёто дро гарадо штéто, и кэли ман кхувэнас дро екхипэн дро хор штéто. ¹⁶ Тырэ якхá дыкхнэ ман, кэли мэ сóмас тыкнó джидó и сарэ мирэ масэнгирэ пашá сыс зачхиндлэ дрэ Тырі лылварі; адякэ-паць одой сыс сарэ мирэ дывэсá, кэли ишчо (инкэ) ни екх дывэс на сыс. ¹⁷ Нэ сыр дрога исын мánгэ Тырэ дýмы, о Дэвла! Кицы бут исын лэн. ¹⁸ Кóли мэ пиригинаvas лэн, лэн явэлас бутыр сыр прахинки дро прахо. Сыр мэ джангадэвава, мэ сароекх сом Тýса. ¹⁹ О, Дэвла! Тэ мулякирэс Ту фуэ манушэн! Тэ джáн криг мандыр тумэ, савэ исын нахрата кэ чýжо рат. ²⁰ Ёнэ ракирэна киркэс пал Тýтэ, Тырэ вэрги, ёнэ ивья (напрáснэс) причхувэна фуипэн кэ Тыро лав. ²¹ О, Раё Дэвла! Ци мэ бидыкхава одолэн, савэ бидыкхэна Тут? Ци на ячнó джунгалэ (на брыдиндлэ) мánгэ одолэ, кон газдэлапэ пэ Тýтэ? ²² Мэ бидыкхава лэн сарэ илэстыр, ёнэ ячнó мирэ вэргэнца. ²³ Роздыкх лачхэс ман, о Дэвла и уджин миро илó; спробин ман и уджин, со мэ думинава; ²⁴ и дыкх, ци исын, саво ж фуипэн дрэ мандэ, и лыджа ман дро вéчно джиибэн.

Шэрó 140

[139-р.с.] ¹ Хорóскирэ Дирижорóскэ. Давидóскиро Псáлмо. ² Зрáкх ман, о Раё Дэвла, чорэ манушэндýр, раkх ман фуэ манушэндýр: ³ савэ придуминэна чорипэн дро лэнгиро илó, ёнэ сарó дывэс скэдэнапэ ваш марибэн. ⁴ Ёнэ кэрэна дукханэдыр лэнгирэ дандá сыр сапэстэ, мижэх сапэскири трута (ядо) исын тэл лэнгирэ уштá. Сэла. ⁵ Ракх ман, Раё Дэвла, фуэ-манушэнгирэ вастэндýр, раkх ман нахратонэ манушэстыр, савэ придуминэна тэ равэн пирэ (стопы). ⁶ Пхутькирдэ гарадэ шэлэ и фэлы ваш мánгэ, ёнэ росчхудэ кхуды паш дром; ёнэ чхудэ фэля сеткаса пэ мандэ. Сэла. ⁷ Мэ пхэндём Рáскэ-Дэвлэскэ: “Ту сан миро Дэвэл!” О Раё Дэвла! Причхýв кан кэ миро мангипэн Тукэ. ⁸ О, Дэвлалэ! Раё Дэвла, Зоралыпэн, Савó зракхэла ман: Ту учхакирдян миро шэрó дро марибнаскиро дывэс. ⁹ О, Раё Дэвла! На домэк, соб (кай) тэ явэл, сыр камэна фуй манушá, на подэ васт ангил лэнгирэ зракирибнаскэ ваш фуипэн, соб (кай) ёнэ тэ на пхутён кэ вучипэн. ¹⁰ Мэк одолэнгирэ шэрэ, со исын трусцýл мандэ, тэ учхакирэн жа пэс лэнгирэ кошыбнэнца, со джáна лэнгирэ уштэндýр. ¹¹ Мэк хачкирдэ вангара тэ пэрэн пэ лэндэ, мэк ёнэ тэ пэрэн дрэ яг, дрэ бидугнóскирэ ганбиня (ямы), соб (кай) ёнэ тэ на уштэн палэ. ¹² Мэк фуэ-чибало мануш тэ на зоралёл пэ пхув, мэк фуй манушá тэ ухтылэн нахратонэ (нахальнонэ) манушэн кэ сáмо хасибэн. ¹³ Мэ джинóm, со Ту, Раё Дэвла, явэса тэ затэрдэс пал одолэнгиро рэндо, савэн притасавэна, пал чорорэнгиро чачипэн. ¹⁴ [р.с.] Палдава чачунэ манушá явэна тэ парикирэн Тырэ лавэскэ, чачипнаскирэ явэна тэ дживэн, кай Ту сан.

Шэрó 141

[140-р.с.] ¹ Давидóскиро Псáлмо.

О, Раё Дэвла! Мэ кхарáва ясвэнца Тут: яв сыгэдýр кэ мэ; причхýв кан кэ мирí зан, кéли мэ кхарáва ясвэнца Тут. ² Мэк миро мангипэн (модло) тэ доджал кэ Ту сýрбы фимииáмо, а кéли мэ газдáва вастá сýрбы бэльвэлякиро свэнто яныбэн. ³ Чхув стрэгарис, Раё Дэвла, пашýл миро муй, тэ рикирэл вудар пэ мирé уштá. ⁴ На домэк, соб (кай) миро илó тэ рисёл криг кэ вари-савó чоро рэндо, соб (кай) мэ тэ кэрáв дурэдýр фуипэн. На домэк, соб (кай) мэ тэ хав манушэнгирэ мизюли (сласти), савэ кэрэна чорипэн. ⁵ Мэк чачипнаскирэ манушá тэ пэкавэн ман, дава́ явэла куч. И мэк ёв тэ сыкавэл мирí банг, дава́ явэла сýрбы оливítко дзэт (елеё), савэстыр миро рамáнэ (миро) на рисёла криг; нэ сароекх мэ ява́ва тэ мангавапэ, соб (кай) ёнэ тэ на кэрэн чорипэн. ⁶ Кéли лэнгирэ сэндарьен розмардэ пир барá, ёнэ шунэна мирé лавá, пал-довá со ёнэ исын гудлэ. ⁷ Амарé кокалы́ росчхурдынэ пашýл загиибэн дрэ маги́ла (кула), сýрбы, кéли вари-кон пхаравэла пхув (пахинэла) и чхинэла каштá пэ пхув. ⁸ Нэ мирé якхá исын пэ Тýтэ, о, Раё Дэвла, миро Рай Дэвэл, дрэ Тýтэ мэ зоралэс патя́ва: на домэк, соб (кай) миро ди тэ хасёл. ⁹ Ракх ман вастэндýр, со чхудэ фэля́ пэ мандэ, и фэля́ сеткáса, савэ кэрэна чорé манушá. ¹⁰ Мэк чорé манушá тэ пэрэн дрэ лэнгирэ фэля́ пал екх мóло, а мэ обджава лэн.

Шэрó 142

[141-р.с.] ¹ Давидóскиро Сыклякирибэн. Сыр Ёв мангдя́пэ Дэвлэ́скэ, кéли ёв сыс дрэ Ёебар (Пешчэра).

² Мэ мангдёмпэ зоралэс Рáскэ-Дэвлэ́скэ мирé заняса. ³ Мэ выпхэндём мирé хор дýмы ангíл Лэ́стэ; мэ сыкадём Лэ́скэ миро пхарипэн. ⁴ Кéли миро дýхо (фáно) замыя́ дрэ мандэ, тэды Ту джинэ́са, савэ дромэ́са мэ пси́рава. Ёнэ чораханэс чхудэ фэлы́ пэ дром, кай мэ пси́рава. ⁵ Мэ дыкхцём сýгэс пэ чачí риг мандýр и дыкхцём, со ниéкх на пиджкирэ́ла (на пригалё́ла) ман, нанэ, кай тэ гарадэ́вав мánгэ, ниéкх пэкэ́лапэ / на дэ́ла тýга (заботинэлпэ) пал мандэ. ⁶ Мэ дыём гóдла ясвэнца кэ Ту; Раё Дэвла мэ пхэндём: “Ту сан миро гарадыипэн, мирí до́ля пэ пхув, кай дживэ́на.” ⁷ Пришунпэ, со мэ рова́ва, пал-довá со мэ догийём сарэ́са кэ пхув, зра́кх ман одолэндýр, савэ традэ́на ман, пал-довá со ёнэ исын зоралэдýр мандýр. ⁸ Ян миро ди пэ во́ля штарибнастыр тэ парикира́в и тэ вышарав Тырó лав. Чачипнаскирэ скэдэ́напэ трусця́л мандэ, пал-довá со Ту барвалэс бахтякирдýн ман.

Шэрó 143

[142-р.с.] ¹ Давидóскиро Псáлмо.

Раё Дэвла, шун мирí па́тери (моли́тва) Тýкэ, причхýв кан кэ дова́, пал со мэ манга́ва! Отпхэн мánгэ Тырэ́ патяибнастыр, Тырэ́ чачипнастыр. ² И на тэрдёв тэ сэнды́кирэс Тырэ́ писхарис (рабóс); пал-довá со ниéкх нанэ бидошэнгиро ангíл Тырí годý. ³ Пал-довá со вэ́рго (врого) традэ́лапэ пал миро ди: ёв притасадя́ миро джи́ибэн дрэ пхув; ёв зачхудя́ ман тэ дживáв дро калы́пэн (ця́млыпэн), и мэ сом сýрбы мулó. ⁴ Палдава́ миро дýхо (фáно) замыя́ дрэ мандэ, мánгэ исын древа́н пхарó пэ илó. ⁵ Мэ рипирава гаратунé бэршá, мэ розлава сарé Тырэ́ бутя́; мэ роздуминава хор пал Тырэ́-вастэнгирэ бутя́. ⁶ Мэ тырдава мирé вастá кэ Ту: миро ди исын трушалó (жа́ждынэ́ла) пал Тýтэ сýрбы пхув, сави исын трушалы́ (жа́ждынэ́ла) пал брышы́нд. Сэ́ла. ⁷ Отпхэн сýгэс мánгэ, о Раё Дэвла! Миро дýхо (фáно) замэрэ́ла; на гарав Тырó муй мандýр, соб (кай) мánгэ тэ на явав сýрбы ко́долэ, савэ джа́на тэлé дрэ ганби́н (яма). ⁸ Кэр, соб (кай) мэ тэ шунав пал Тырí лачхэ́-и́лы́ткима тася́рлатыр (ранкостыр), пал-

довá со мэ зоралэс патява дрэ Тўтэ. Кэр адякэ, соб (кай) мэ тэ джинав дром, савэса тэ псирав, пал-довá со мэ газдáва миро ди кэ Ту. ⁹ О, Раё Дэвла! Зрáкх ман мирé вэргэндыр: пал-довá со мэ кэ Ту нашава тэ гарадэвав. ¹⁰ Сыклякир ман тэ кэрáв пир Тырi вóля, пал-довá со Ту сан миро Дэвл; мэк Тырó лачхó Дўхо (Фáно) тэ лыджáл ман пэ чачипнаскири пхув. ¹¹ О, Раё Дэвла! Ваш Тырó лав, джидякир нэвэстыр ман. Лыджа ман криг пхарипнастыр пир Тырó чачипэн. ¹² Тырэ лачхэ-илыткиматыр росчхурдэ дрэ риг мирé вэргэн тэ хасён и хсякир сарé одолэн, савэ притасавэна миро ди, пал-довá со мэ сом Тырó писхáри.

Шэрó 144

[143-р.с.] ¹ Давидóскиро Псáлмо.

Мэк тэ вышарэн Рас-Дэвлэс, Савó исын мирi Бэрга тэ зракхавпэ, Кон сыклякирэла мирé вастá ваш марибэн, мирé ангушта (пальцы) тэ маравпэ; ² Ёв исын лачхэ-дескиро кэ мэ и затэрдёла пал мандэ. Ёв исын мирi вучi вучарды (башня) и миро Зракхибнаскиро, миро шчыто, дрэ Конэстэ мэ зоралэс патява, Савó тэлякирдя мирé манушэн тэл мандэ. ³ Раё Дэвла! Со исын манўш, со Ту джинэса лэс, манушэскиро чхавó, со Ту кутякирэса лэс? ⁴ Манўш исын сырбы балвалякиро пхурдыпэн, лэскирэ дывэсá исын сырбы зэр (тенё), со проджала (накхэла). ⁵ Раё Дэвла! Бандякир Тырó болыбэн и джá тэлé бэрги, соб (кай) тэ джал тхув лэндыр; ⁶ зазяин блискавицаса и росчхурдэ лэн; бичхав Тырэ марибнытка бустя (стрéлы) и притасав лэн: ⁷ протырде Тырó васт вучыпнастыр; подэ васт мánгэ бидатыр и зрáкх ман панингэндыр, чужонэ-чхавэнгирэ вастэстыр, ⁸ савэнгиро муй ракирэла фрэнта лавá и лэнгиро чачó васт исын хохаибнаскиро. ⁹ О Дэвла! Мэ явáва тэ багáв нэви гилы Тўкэ, мэ явáва тэ багáв псалмы пэ дэшэ-струнэнгири лута Тўкэ, ¹⁰ Екхэскэ, Кон зракхэла кральён, Кон выракхэла Пэскирэ писхарис Давидóс мэрибнытконэ курталáтыр. ¹¹ Дэ воля мánгэ и выракх ман чужонэ-манушэнгирэ вастэндыр, савэнгирэ муя ракирэна фрэнта лавá и лэнгиро чачó васт исын хохаибнаскиро. ¹² Мэк тэ явэн амарé чхавэ сырбы раслины, со выбаринэ дро лэнгиро тэрныпэн, мэк тэ явэн амарé чхэй сырбы шэралэ стылбы, со исын вычингирдэ дрэ бари фэлатин (колов): ¹³ мэк тэ явэн пхэрдэ амарé пираля (жытници) кажнонэ гивэса, мэк тэ биянэн амарé бакрjá барá и дэш барá (тысёнцы) тыкнорэн пэ амарé чаритка пхувья; ¹⁴ мэк тэ явэн масунэ амарé гурува, мэк тэ на явэл ни савó пхарипэн, ни савó хсякирибэн, ни савó ровибэн пэ амарé вулицы (гáсы). ¹⁵ Тэ явэн бахталэ дасавэ манушá, савэндэ сарó давá исын. Тэ явэн бахталэ манушá, конэскиро Дэвлé исын Рай Дэвлé!

Шэрó 145

[144-р.с.] ¹ Давидóскиро Шарибнытко Псáлмо.

Мэ явáва тэ шарáв кэ вучипэн Тут, миро Дэвла, о Крáли и мэ явáва тэ вышарав Тырó лав усады (сак) и пэ сарé вéки. ² Со дывэс мэ явáва тэ вышарав Тут, и мэ явáва тэ шарáв Тырó лав усады (сак) и пэ сарé вéки. ³ Древáн барó исын Рай Дэвлé и исын мол, соб (кай) зоралэс тэ шарэн Лэс, и лэскиро барипэн нашты тэ галён. ⁴ Рóдо родóстыр явэна тэ шарэн Тырэ бутя и явэна тэ выпхэнэн статэчнэс (тэ об'явинэн) пал Тырэ-зоралыпнаскирэ кэрибэна. ⁵ Мэ явáва тэ ракирав пал слаўтно патыв Тырэ райканэ славытыр и Тырэ дивна кэ дар бутя. ⁶ И манушá явэна тэ роспхэнэн и пал Тырó зоралыпэн кэ дар, Тырэ бутендыр, и мэ явáва тэ выпхэнав статэчнэс пал Тырэ древáн барé рэндэ. ⁷ И ёнэ явэна тэ выпхэнэн и тэ рипирэн пал Тырó барó лачхипэн и мэ явáва тэ багáв зоралэс пал Тырó чачипэн. ⁸ Рай Дэвлé исын лачхэдескиро (милосно) и тангипнаскиро и, Ёв насыг холясóла, и исын древáн лачхэ-илэскиро. ⁹ Рай Дэвлé исын лачхó кэ сарé, и лэскиро дрóго лачхипэн исын пэ сарó, со Ёв создýя. ¹⁰ Сарó, со Ту кэрдян, явэла тэ парикирэл Тўкэ, о Раё Дэвла, и Тырэ свэнта явэна тэ шарэн Тут. ¹¹ Ёнэ явэна тэ роспхэнэн пал Тырэ-квалипнаскири слава и тэ ракирэл пал Тырó

зоралыпэн, ¹² соб (кай) тэ джинэн манушэнгирэ чхавэ пал Тырэ-зоралыпнаскирэ рэнды и пал слаўотно райканы слава Тырэ кралипнастыр. ¹³ Тырэ кралипэн – кралипэн пир сарэ веки, и Ту рикирэса зор пир сарэ рёды. ¹⁴ Рай Дэвэл подрикирэла сарэн, кон пэрэла, и газдэла сарэ одолэн, савэ бандинэ пхарипнастыр. ¹⁵ Сарэ манушэнгирэ якхэ ужакирэна лачхипэн Тўтыр, и Ту дэса хабэн лэнгэ тэды, кэли трэй лэнгэ. ¹⁶ Ту роскэрэса Тырэ васт и дэса чалэс сарэскэ, со исын джидо. ¹⁷ Рай Дэвэл исын чачипнаскиро дро саро, со Ёв кэрэла и Ёв исын лачхо дро сарэ Лэскирэ рэнды (дэлы). ¹⁸ Рай Дэвэл исын пашыл сарэндэ одолэндэ, савэ кхарэна Лэс чачипнаса. ¹⁹ Ёв кэрэла пир одолэнгиро лав, пэ ило, савэндэ исын трашаибэн ангил Лэстэ и Ёв явэла тэ шунэл лэскиро ровибэн и зракхэла лэн. ²⁰ Рай Дэвэл приракхэла сарэн, савэнгэ исын дро́го Ёв; нэ Ёв хасякирэла сарэн фуэ манушэн. ²¹ Миро муй явэла тэ шарэл Рас-Дэвлэс и мэк кажно лоч (плоть) тэ шарэл лэскиро Свэнто лав усады (сак) и пэ сарэ веки.

Шэро́ 146

[145-р.с.] ¹ Аллилуя!

Шар миро ди Рас-Дэвлэс! ² Кицы мэ явава тэ дживав, адакицы мэ явава тэ шарав Рас-Дэвлэс, мэ явава тэ багав псалмы мирэ Дэвлэскэ, пака мэ сом джидо. ³ На патян зоралэс дрэ тхагарьендэ (дрэ князьендэ), ци дрэ манушэскирэ чхавэстэ, пал-дова со нанэ зракхибэн лэндыр. ⁴ Сыр ёнэ мэрэна, лэнгиро дўхо (фано) джала криг, ёв рисёла дро прахо, дро дова-паць дывэс сарэ лэнгирэ дўмы хасёна. ⁵ Бахтало исын кодова мануш, конэскэ подэла васт Яковоскиро Дэвэл, кон ужакирэла лачхипэн Растыр-Дэвлэстыр, Лэскирэ Дэвлэстыр. ⁶ Ёв создыя болыбэн и пхув, мори (дэрьява) и саро, со исын дрэ лэндэ. Ёв усады (сак) рикирэла патяибэн. ⁷ Ёв кэрэла чачипнаскиро сэндо ваш одолэнгэ, савэн притасавэнас. Ёв дэла хабэн бокхалэнгэ: Рай Дэвэл мэкэла пэ во́ля штарибнаскирэн (бэшыбнаскирэн). ⁸ Рай Дэвэл отпхандэла якхэ корорэнгэ, Рай Дэвэл газдэла одолэн, савэ бандинэ тэлэ пхарипнастыр, Раскэ Дэвлэскэ трэй чачипнаскирэ. ⁹ Рай Дэвэл раххэла чужонэ манушэн; Ёв лэла криг пхарипэн пиротэндыр (сиротэндыр) и пивлэндыр (удовэндыр), нэ Ёв бандякирэла дром фуэ манушэнгэ. ¹⁰ Рай Дэвэл явэла тэ кралинэл усады (сак)! О Сионо, Тырэ Дэвэл явэла пир сарэ рёды. Аллилуя.

Шэро́ 147

[146-р.с.] ¹ Шарэн Рас-Дэвлэс! Пал-дова со исын лачхэс тэ баган псалмы амарэ Дэвлэскэ; пал-дова со исын дро́го тэ шарэн Лэс! ² Рай Дэвэл газдэла Ерусалимо, Ёв кэдэла кхэтанэ одолэн, савэн вылыджинэ Израилёстыр. ³ Ёв састякирэла одолэн, конэстэ исын пхаро пэ ило, и Ёв пирипхандэла лэнгирэ франсы (раны). ⁴ Ёв гинэла, кицы исын чэргэня, Ёв кхарэла лэн пир лэнгирэ лавэ. ⁵ Амаро Рай Дэвэл исын баро и древан зоралыпнаскиро, нанэ мэра пэ Лэскиро годыпэн. ⁶ Рай Дэвэл газдэла ковлэ-илэскирэ манушэн, Ёв чхурдэла тэлэ фуэ манушэн кэ пхув. ⁷ Баган Раскэ-Дэвлэскэ и парикирэн Лэскэ, баган псалмы пэ лута амарэ Дэвлэскэ: ⁸ Кон учхакирдя болыбэн облокэнца, Кон кэдэла брышынд ваш пхув, Кон кэрэла адякэ, со чар барьёла пэ бэрги. ⁹ Ёв дэла кхэритконэ мурдалэскэ лэнгиро хабэн, и тыкнэ коракэнгэ (воронятэнгэ), савэ дэна гóдла (кэ Ёв). ¹⁰ Ёв на радынэлапэ зоралэс грэскирэ зорьятыр, Лэскэ исын на дро́го муршэскири зор дрэ гэра. ¹¹ Лэскэ исын дро́га одолэ, савэ дарэна Лэстыр, кодолэ, савэ ужакирэна лачхипэн Лэскирэ ковлэ-илыткиматыр.

¹² [1] Шар Рас-Дэвлэс, о Ерусалиме! Шар Тырэ Дэвлэс, о Сионе! ¹³ [2] Пал-дова со Ёв кэрдя зоралэ шыберы пэ тыри порта, Ёв бахтякирдя тырэ чхавэн машкир Тўтэ; ¹⁴ [3] Ёв дэла раманё (миро) пэ тырэ кустыка (границы), Ёв дэла чалэс тукэ най фэдыр парно гив. ¹⁵ [4] Ёв бичхавэла Пэскирэ припхэныбэна пэ пхув, лэскиро лав прастала древан сыгэс. ¹⁶ [5] Ёв дэла

ив сыр пошом / вълна (шэрсь), Ёв росчхурдэла ив сыр праска (попело). ¹⁷ [6] Ёв чхурдэла пэскиро градо котэрэнца (кускэнца): кон сашты тэ пирилыджал лэскиро шыл? ¹⁸ [7] Ёв бичхавэла лэскиро лав и биладэла саро; Ёв кэрэла адякэ, со Лэскири балвал пхурдэла и паня тхадэна. ¹⁹ [8] Ёв пхэнэла статэчнэс Лэскиро лав Яковоскэ, Лэскирэ, стату́ты (уставы) и Лэскиро чачипэн Израилёскэ. ²⁰ [9] Ёв на кэрдя адякэ ни екхэ Наюдытконэ нацыякэ, пал-дова со ёнэ на джинуна Лэскирэ чачипэна. Аллилуя!

Шэро 148

¹ Аллилуя!

Шарэн Рас-Дэвлэс болыбнастыр; шарэн Лэс, Кон дживэла упрал. ² Мэк тэ шарэн Лэс сарэ Лэскирэ Янгóлы, мэк тэ шарэн Лэс сарэ болыбнаскирэ Янгóлы. ³ Шарэн Лэс, кхам и чхон, мэк тэ шарэн Лэс сарэ чэргэня, со хачона. ⁴ Шарэн Лэс, най вучэдыр болыбэн и паня, со исын упрал (упрэ) болыбнастыр. ⁵ Мэк ёнэ тэ шарэн Рáскирэ-Дэвлэскиро лав, пал-дова со Ёв припхэндя и ёнэ кэрдэпэ: ⁶ И Ёв дыя зор лэнгэ ўсады (сак) и пэ сарэ ве́ки; Ёв дыя припхэныбнытко стату́то, со ёнэ на обджана лэс. ⁷ Мэк тэ шарэн Рас-Дэвлэс пхувьятыр: морёскирэ (дэрьявёскирэ) рупучы и сарэ хор штэты; ⁸ яг и градо, ив и тхув, зоралы балвал, савэ кэрэна пир лэскиро лав; ⁹ бэрги и сарэ бэргицы, пхабакирэ кашта (дрэвы) и сарэ кедры; ¹⁰ рискирибнаскирэ мурдала (звери) и сарэ кхэритка мурдала, цапня и чирикля́/я пхакэнца (крылэнца); ¹¹ кра́ля пэ пхув и сарэ мануша́, тхага́рья и сарэ сэндáрья пэ пхув. ¹² Тырнэ мануша́ и адякэ-пацэ патывалэ тэрнэ джувля́, пхурэ мануша́ тэрнэнца, ¹³ мэк ёнэ тэ шарэн Рáскирэ-Дэвлэскиро лав; пал-дова со екх Лэскиро лав трэй тэ шарэн кэ вучипэн; Лэскири слава исын вучэдыр пхувьятыр и болыбнастыр. ¹⁴ И Ёв газдыя Лэскирэ-манушэнгиро дэсто́, Саво дэла зор, соб (кай) тэ шарэн Лэс Лэскирэ свэнта Израилёскирэ чхавэ, савэ исын пашылэдыр кэ Ёв. Аллилуя.

Шэро 149

¹ Аллилуя!

Баган Рáскэ-Дэвлэскэ нэви гилы; баган псалмы Лэскэ пэ скэдыибэн, кай дэвлы́тка мануша́ исын. ² Мэк Израилё тэ радынэлпэ Кадалэстыр, Кон создыя лэс, мэк чхавэ Сионóстыр тэ веселинэнпэ (тэ лошалён) лэнгирэ Кра́лыстыр. ³ Мэк ёнэ тэ шарэн Лэскиро лав кхэлыбнаса, мэк ёнэ тэ баган псалмы Лэскэ бубноса и пэ лута (тыкнэ гусли). ⁴ Пал-дова со Рай Дэвэл зоралэс радынэлапэ Лэскирэ манушэндир, Ёв шукарьякирэла ковлэ-илэскирэ манушэн зракхибнаса. ⁵ Мэк свэнта тэ явэн рада славы́тыр, мэк ёнэ тэ баган зоралэс пэ лэнгирэ чхуибэна. ⁶ Мэк лэнгирэ муя́ тэ шарэн зоралэс кэ вучипэн Дэвлэс, мэк дуэ-ригýтко курта́ла тэ явэл дрэ лэнгирэ васта́: ⁷ соб (кай) тэ отдэн фуипнаса палэ Наюдэнгирэ нацыёнгэ, тэ кэрэн ка́ра манушыпнаскирэ нацыёнгэ, ⁸ тэ пхандэн кхэтанэ лэнгирэ кра́лён зандирьенца (узэнца) и лэнгирэ барэ ран саструнэ пентэнца; ⁹ тэ кэрэн ка́ра пэ лэндэ, со исын зачхиндлы. Дава́ исын патыв сарэ свэнтонэнгэ. Аллилуя.

Шэро 150

¹ Аллилуя!

Шарэн Дэвлэс дрэ Лэскири Кхангирй: шарэн Лэс дро Лэскиро болыбнаскиро фано́ (воздухо). ² Шарэн Лэс пал Лэскирэ дрэва́н зоралэ рэндэ; шарэн Лэскиро бидошэнгиро барипэн. ³ Шарэн Лэс рогóскирэ башаибна́са, шарэн Лэс пэ лута и гусли. ⁴ Шарэн Лэс пэ бубно и кхэлыбнаса, шарэн Лэс балытконэ струментэнца и пэ ро́го. ⁵ Шарэн Лэс пэ зоралэ

цымбалы, шарэн Лэс зоралэ-занякирэ цымбалэнца. ⁶ Мэк сарó, со пхурдэла (дыхинэла), тэ шарэл Рас-Дэвлэс. Аллилуя.

Притчы

Шэрó 1

Дро со Дрога исын Притчы

¹ Соломонóскирэ притчы, Давидóскирэ чхавэскирэ, Израилёскирэ-кралíскирэ тумэнгэ, ² соб (кай) тумэ тэ джинэн годыпэн, и тэ сыклён чачипнаскэ, соб (кай) тумэ тэ галён хор лава ракирибнастыр; ³ соб (кай) тумэ тэ дорэсэн (тэ галён) годыпэн, чачипэн, чачипнытко отлыджаибэн и чачунó сэндо. ⁴ Тэ дэн годы простонэ-илэскирэнгэ джиныбэн и розлыибэн тэрнэ манушэскэ. ⁵ Кон исын годó (годьварó) мануш, явэла тэ шунэл и тэ сыклёл бутыр; мануш барэ годяса дорэсэла пэскэ лачхó годыпэн (совето), ⁶ соб (кай) тэ галёл притча и чорахано выпхэныбэн, годэ-манушэнгирэ лава и лэнгирэ шэрэпхарибнытка (загадки).

Годыпэн Тырнэ Манушэнгэ

⁷ Ангил сарэстыр трэй тэ дарэс Дэвлэстыр, соб (кай) тэ явэл дава джиныбэн, нэ бигодякирэ мануша на прилэна кэ годы годыпэн и упхэныбэн. ⁸ Шун, миро чхавó, со тырó дад упхэнэла и на прилэ би патывакиро (на стэлякир) дова, пал со дай сыклякирэла; ⁹ пал-дова со ёнэ явэна сырбы бахталыпнаскири вянка пэ тырó шэрó и сырбы мирикля трусцýл тырý мэн. ¹⁰ Мýро чхавó; кóли грэхýтка мануша тырдэна тут кэ пэ, на зджапэ (на малынпэ) лэнца. ¹¹ Кóли ёнэ пхэнэна: “Яв амэнца, явэн, подракхаса тэ замарас кэ рат, явэн, ужакираса бибангэскирэ манушэс, конэстэ нанэ дош; ¹² явэн, накхаваса лэн джидэнца сыр лóно (адо), и сарэн кодолэн, савэ джана прочхувэн тэлэ дрэ магила (кула). ¹³ Амэ латхаса (заласа) сарó куч барвалыпэн, амэ пхэрдякираса амарэ кхэрá чордэ миштыпнаса; ¹⁴ ту чхурдэ пэскиро жрэбиё пэ бахт кхэтанэ амэнца и амэндэ сарэндэ явэла екх траминэнгиро (кошэлько).” ¹⁵ Мýро чхавó! На псир екхэ дромэса лэнца. Ракх криг пэскири гэрóй лэнгирэ дроморэстыр; ¹⁶ пал-дова со лэнгирэ гэрá прастана тэ кэрэн чорипэн, и ёнэ прастана сыгэс тэ прочхувэн манушэнгиро рат. ¹⁷ Нэ ивья (напрáснэс) ёнэ чхудэ фэлы ангил якхá сарэ чириклендэ. ¹⁸ И кадалэ мануша исын паштэ, и сырбы ужакирэна пэ лэнгиро рат, ёнэ гарадэна чораханэс и родэна мэрибэн пэскэ. ¹⁹ Кадасавó исын талáно манушэнгэ, савэ исын галка (алчна) кэ манушэнгиро барвалыпэн, кэ хоханó кóфо (прибыль), ёнэ сыгэс пхагирэна пэскиро шэрó. ²⁰ Годыпэн годлэла яврý пэ вулицá (гáса): ёв газдэла пэскири зан (глос) пэ форуня (плóшчы); ²¹ годыпэн прикхарэла пэ трушулытка дромá, пашыл форóскири пóрта и дро фóро ракирэла: ²² “Ци бут тумэ, бýра мануша (невежды), явэна тэ тырдэннэ кэ напатывалыпэн (биладжаипэн)? Ци бут одолэ, кон салапэ холямэс, явэна тэ бахталён холямэ сабнастыр? Ци бут (кицы) дылынэ явэна дрéвэн тэ на прилэн джиныбэн? ²³ Рисён мóса кэ мэ, кели мэ бангякирава холямэс тумэн: акэ, мэ выпхурдава миро дýхо (фáно) пэ тумэндэ, мэ кэрáва адýкэ, соб (кай) тумэ тэ джинэн мирé лава. ²⁴ Палдава со мэ кхардём, и тумэ на кандынэ (отпхэндлэпэ); мэ протырдыём пэскиро васт и ниéкх на прилыя кэ илó. ²⁵ Пал-дова со тумэ на прилынэ сарé годыпэна (советы) и на рискирдэ илэ, кели мэ сыкадём тумарý банг, ²⁶ мэ явáва тэ савпэ тумарé барэ бидатыр (хасибнастыр), мэ явáва тэ просав тумэн, сыр явэла трашаибэн (бари дар). ²⁷ Кели трашаибэн пэрэла пэ тумэндэ сыр сыгно хасякирибэн и тумарó хасибэн явэла сыр вихро, кели бари дар и бýда пэрэна пэ тумэндэ, ²⁸ то тэды тумэ кхарэна ман, нэ мэ на явáва тэ отпхэнав тумэнгэ, и тумэ явэна тэ родэн ман сарэ зорýятыр, нэ тумэ на латхэна ман. ²⁹ Пал-дова со тумэ на вырикирэнас джиныбэн, и на выкэдынэ ваш пэскэ (на закамлэ тэ кутякирэс кэ дар) Рас-Дэвлэс, ³⁰ и тумэ ниéкхвар на прилынэ миро годыпэн и тумэ на прилынэ кэ годы, сыр мэ сыкадём тумарý банг, ³¹ пал-дова тумэ явэна тэ

хан дова́, со тумэ сан мол, и тумэ явэна тэ чалён долэстыр, со тумэ придуминдлэ. ³² Пал-дова́ со ёнэ хасёна, кэли ёнэ рисёна криг годыпнастыр и дылынэ-манушёнгири нахратыма кокори хасякирэла лэн. ³³ Нэ кон шунэла мирэ лава́, кодова́ явэла тэ дживэл би дара́киро, и ёв явэла би трашаибнаскиро (штылэс), ёв на явэла тэ дарэл фуипнастыр.”

Шэро́ 2

Пал Годыпён

¹ Мíро чхава! Кóли ту прилэса мирэ лава́, и гаравэса (зракхэса) миштэс мирэ припхэныбэна́ андрэ пэстэ; ² адякэ, со ту пришунэсапэ кэ годыпён, и рискирэса ило́, соб (кай) тэ галёс; ³ и, кóли ту явэса тэ мангэс зоралэс пэскэ годыпён и ту рискирэса ило́, соб (кай) тэ галёс; ⁴ кóли ту явэса тэ причхувэс зор тэ латхэс годыпён сыр руп, и ту явэса тэ родэс годыпён сыр кучипён: ⁵ то тэды ту галёса, сóскэ трэй тэ кутякирэс кэ дар Рас-Дэвлэс, и тэ уджинэс бутэдыр пал Дэвлэстэ. ⁶ Пал-дова́ со Рай Дэвэл дэла джиныбён, Лэскирэ лавэстыр явэла джиныбён и галыибён. ⁷ Ёв пригаравэла зракхибён (баро́ годыпён) дэвлытконэнгэ, Ёв исын шчы́то ваш одолэнгэ (дыкхэла пал одолэндэ), савэ дживэна пир чачипён; ⁸ Ёв приракхэла дроморэ, кай исын чачипён манушёндрэ, и Ёв раххэла дромá ваш Пэскирэ свэнтонэнгэ. ⁹ Тэныци ту галёса чачипён, чачипён машки́р манушёндрэ, и чачунó дром. ¹⁰ Сыр годыпён заджа́ла дро тыро́ ило́, и джиныбён явэла тэ радынэл тыро́ ди; ¹¹ то тэды хор розгалыибён явэла тэ зракхэл тут, а галыибён явэла тэ дыкхэл раххибны́ткэс пал тóтэ. ¹² Соб (кай) тэ выракхэл тут чорэ дромэстыр, манушэстыр, саво ракирэла фуипён пэфроми (нарошнэс), ¹³ одолэндыр, савэ мэкэна чачунó дромá, соб (кай) тэ псирэн калэ дромэнца дро грэхо; ¹⁴ савэ исын ра́да тэ кэрэн чорипён и древáн тэ радынёнпэ фуипнаскэ (захалэ биладжаипнаскэ), ¹⁵ савэнгирэ дромá исын бангэ (хоханэ), и савэ кэрэна фрэнтэс (хоханэс) саро́. ¹⁶ Соб (кай) тэ зракхэл тут явирэ-ромэскирэ ромнятыр (чужонатыр), сави́ гудлякирэла пэскирэ лавэнца, ¹⁷ сави́ мэкця́ дрогонó малэс пэскирэ тырныпнастыр, и бистырдя пэскирэ-Дэвлэскиро завето. ¹⁸ Пал-дова́ со ла́киро кхэр лыджа́ла кэ мэрибён, а ла́кирэ дроморэ джáн кэ мулэ; ¹⁹ ни́екх, кон джа́ла кэ ёй, на рисёла палэ, и ёв адякэ-паць на тэрдёла пэ джиибна́скиро дром, ²⁰ палдава́ псир лачхэ дромэса, и рíкирпэ кэ чачипнаскирэ дроморэ. ²¹ Пал-дова́ со чачипнаскирэ явэна тэ дживён пэ пхув, и бидошэнгирэ ячэнапэ пэ латэ, ²² а фуй мануша́ явэна чхурдынэ пхувьятыр, и напатяибнаскирэ выкушэнапэ латыр сыр дылыны чар.

Шэро́ 3

Упхэныбён Тэрнэ Манушёнгэ

¹ Мíро чхава! На бистыр, сыр мэ сыклякирава тут, мэк тыро́ ило́ тэ раххэл (тэ рикирэлпэ) кэ мирэ припхэныбэна́, ² пал-дова́ со буты́р дывэса́ тэ дживэс, длэнго джиибён и рамáнэ (миро) явэна упралэстыр дынэ тóкэ. ³ Мэк тэ на мэкэн тут лачхэ-илы́ткима и чачипён; пхандэ лэн трусця́л мэн, зачхин лэн пэ тыро́ ило́ сы́рбы пэ таблицы тырэ илэскирэ; ⁴ и ту явэса дро́го и дрэ бари патыв Дэвлэстэ и манушёндрэ. ⁵ Патя зоралэс дрэ Растэ-Дэвлэстэ сарэ тырэ илэстыр, на древáн допатя пэскирэ годыпнаскэ. ⁶ Рíпир пал Растэ-Дэвлэстэ, соб (кай) ту тэ на кэрэсас, и Ёв мамуякирэла (кэрэла прямонэса) тыро́ дром. ⁷ На сыка́в пэс годэдыр, сыр ту сан: дар Ра́стыр-Дэвлэстыр и дурьёв чорипна́стыр. ⁸ Давá явэла састыпэн тырэ масэнгэ лочакэ и драб тырэ кокалэнгэ. ⁹ Дэ патыв Ра́скэ-Дэвлэскэ сарэ тырэ миштыпна́стыр, и пэ́рвонэ барьякирдэндыр (плодэндыр), со тóтэ выбра́рьёна; ¹⁰ и тырэ шурны явэна пхэрдэ пхэрдэс и тырэ пресы явэна тэ пиричхувэнпэ моляса (виноса). ¹¹ Мíро чхава! На дыкх вучипна́стыр, кэли Рай Дэвэл пхарэс сыклякирэла тут, адякэ-паць и на холясов зоралэс, сыр Ёв сыклякирэла дукханэс пал доша: ¹² пал-дова́ со Рай Дэвэл сыклякирэла дукханэс пал доша (промэкибэна) кодолэс, кон исын дро́го Лэскэ, адякэ-паць сы́рбы дад чхавэс, савэскэ

Ёв зоралэс радынэлапэ. ¹³ Бахталó исын кодовá мануш, савó яця годó, и мануш, кон яця бут тэ галёл. ¹⁴ Давá исын фэдэдыр сыр тэ дорэсэс руп, дава́ исын кофиткэдыр (прибыльнэдыр) сувнакастыр. ¹⁵ Годыпэн исын дрогэдыр куч барэндыр, и сарé кучипэна, со ту кэ исын дрога, нанэ равна (шэра́) годыпнаскэ. ¹⁶ Годыпэн рикирэла длэнга бэрша́ дро чачó васт, а барвалыпэн и паты́в исын дро лэскиро зэрво (лёво) васт. ¹⁷ Годыпнаскирэ дромá исын лачхэ, а лэнгирэ дромá дэна рамáнэ (миро) тукэ. ¹⁸ Годыпэн исын сы́рбы джиибнаскири пхабэлын кодолэскэ, кон хáла лэскирэ пхаба́: бахталó исын кодовá мануш, савó рикирэлапэ кэ дава́ кашт. ¹⁹ Рай Дэвэл Пэскирэ годыпнаса созды́я пхув, Ёв Пэскирэ галыибнаса созды́я болыбэн. ²⁰ Лэскирэ джиныбнастыр хор ганынга́ откэрдэпэ и болыбэн почхудя пахлыняса (росаса). ²¹ Мíро чхавó! На мэк лэн, соб (кай) тэ джáн криг тырэ якхэндыр: рахх састó годыпэн и хор розлыибэн: ²² и ёнэ дэна джиибэн тукэ, и ёнэ явэна тэ гожакирэн тыри́ мэн. ²³ Тэды ту джáса пэскирэ дромэса бидаракиро, и тыри́ гэрóй на обштавэлапэ. ²⁴ Сыр ту пасёса тэ совэс, ту на явэса тэ дарэс, сыр ту засовэса, тыро́ соибэн явэла гудло́. ²⁵ На дар трашаибнастыр кэ мэрибэн, ци пхарипнастыр, со явэла пэ фуе́ манушэндэ. ²⁶ Пал-довá со дрэ Растэ-Дэвлэстэ явэла тыро́ зоралó патяибэн, и Ёв явэла тэ раххэл тыри́ гэрóй тэ на обштавэлпэ. ²⁷ На дэпэ палэ тэ кэрэс лачхипэн кодолэнгэ, савэнгэ трэй тэ кэрэс, ко́ли дава́ исын пир зор тырэ вастэскэ. ²⁸ На пхэн тырэ пашатунэ́ манушэскэ: “Джа́, тэньчи, рисёв палэ. Атася́ мэ дава́ тукэ, ко́ли тутэ́ исын дава́.” ²⁹ На придумин чорипэн пэ тырэ пашатунэстэ, пал-довá со ёв дживэла́ би дарáкиро пашыл тутэ́. ³⁰ На кошпэ манушэса ни палсó, ко́ли ёв на кэрдя́ чорипэн (бэдыпэн) тукэ. ³¹ На зэвлынэ нахратонэ́ манушэскэ, на выкэдэ́ пэскэ вари-со лэскирэ дромэстыр. ³² Пал-довá со мануш, кон джал криг чачунэ́ дромэстыр, явэла джунгалó (брыдинэла) Рáскэ-Дэвлэскэ, а лэскиро гарадо́ кхэтаныпэн исын чачунэ́ манушэнца. ³³ Рай Дэвэл прокошэла́ кхэр, кай исын фуй мануш, нэ Ёв бахтякирэла́ штэто, кай чачипнаскиро мануш дживэла. ³⁴ Ёв салапэ холямэс одолэндыр, кон салапэ холямэс явирэндыр, нэ Ёв дэла бахталыпэн одолэнгэ, савэ́ исын на пхутькирдэ. ³⁵ Годэ́ мануша́ дорэсэна (долэна) сла́ва сыр миштыпэн, нэ ладж явэла тэ учхакирэл дылынэн.

Шэро́ 4

Дадэскиро Упхэныбэн

¹ Шунэн, тумэ́ чхавалэ, сыр дад сыклякирэла́ тумэн и рискирэн годы́, соб (кай) хор и буглэс тэ галён. ² Довá, со мэ сыклякирава́ тумэн, исын лачхипэн: на мэк миро зако́но (сыклякирибэн). ³ Кéли мэ, Соломо́но, со́мас мирé дадэскиро, (Давидóскиро) чхавó, дро́го и екхоро ангил мирé да́кирэ якха́, ⁴ то миро дад ады́кэ-паць сыклякирдя́ ман и пхэндя́ ма́нгэ: “Мэк тыро́ ило́ тэ рипирэл мирé лавá: рикирпэ́ кэ мирé припхэныбэна́ и джив. ⁵ Сыклёв тэ явэс годэдыр, сыклёв хор и буглэс тэ галёс, на бистыр дава́, на рисёв криг мирé лавэндыр, со мэ ракира́ва. ⁶ На мэк годыпэн, и ёв явэла тэ раххэл тут; рикир сыр дро́гима лэс и годыпэн явэла тэ дыкхэл раххибны́ткэс пал тутэ́. ⁷ Годыпэн исын барó рэндо, сыклёв тэ явэс годэдыр, и сыклёв тэ галёс сарó, со тутэ́ исын. ⁸ Дэ бари чол (тимин) годыпнаскэ и ёв газдэла тут: годыпэн янэла паты́в, сыр ту прилэса́ илэса́ лэс. ⁹ Годыпэн чхувэла́ пэ тыро́ шэро́ бахталыпнаскири шука́р вянка, янэла патывакири коро́на тукэ.” ¹⁰ Шун, миро чхавó, прилэ́ мирé лавá, и ту явэса тэ дживэс бут бэрш. ¹¹ Мэ сыклякирдём тут годэ́ дромэскэ, мэ лыджиём тут чачунэ́ дроморэнца. ¹² Сыр ту джáса, тырэ гэра́ на явэна тэ штавэн пхарипнаса; и, кéли ту прастаса, то ту на явэса тэ обштавэспэ. ¹³ Рикирпэ́ зоралэс кэ чачунó сыклякирибэн, на бистыр пал лэстэ: рахх лэс, пал-довá со дава́ сыклякирибэн исын тыро́ джиибэн. ¹⁴ На тэрдёв пэ дроморо, кай исын бидэвлэскирэ; на псир чорé-манушэнгирэ дромэса: ¹⁵ рикирпэ́ ригаса, на лодэ́ далэ́ дроморэса, рисёв криг лэстыр и джа́ мамуй. ¹⁶ Пал-довá со соибэн на лэла фуе́ манушэн, ангил, сыр ёнэ тэ кэрэн чорипэн, и лэнгиро сунó джáла криг лэндыр ангил, сыр ёнэ тэ кэрэн ады́кэ, соб (кай) вари-кон тэ пэрэл (тэ хасёл). ¹⁷ И ёнэ хána марó фуе́ рэндэндыр, ёнэ пьена́ мол (вино), со дорэснэ́ нахратэс (зорьяса). ¹⁸ Нэ́ чачунэ́-манушэнгиро дром исын сы́рбы дуд (свэ́то), со зяинэла, савó свэнцынэла́ и зяинэла́ яркэдыр ангил парно́ дывэс. ¹⁹ Нэ́

дром фуэ-манушэнгиро исын сýрбы цямлыпэн; ёнэ на джинэна, пир со ёнэ обштавэнапэ. ²⁰ Мýро чхавó! Прилэ илэса дова, со мэ пхэнава; причхув тырó кан (пришунпэ) кэ мирé лавá. ²¹ Мэк ёнэ тэ на джáн криг тырэ якхэндýр, рахх лэн машкирал тырó илó. ²² Пал-дова со ёнэ исын сýрбы джиибэн кодолэнгэ, кон латхэла лэн и састыпэн сарé лэнгирэ масэнгэ (лочакэ). ²³ Рахх пэскиро илó бутэдыр сарэстыр, со исын дрóго тýкэ. Пал-дова со лэстыр тхадэла ганынг, сави дэла джиибэн. ²⁴ Рýскир пэстыр хоханы чиб, и уштá, со исын фрэнта. ²⁵ Мэк тырэ якхá тэ дыкхэн мамýй, мэк тырэ цымблы (ресницы) тэ дыкхэн мамýй ангил тýtэ. ²⁶ Продумин миштэс, карик тырý гэрóй джáла (лыджáла), мэк сарé тырэ дромá тэ лыджáн тут би дарáкиро. ²⁷ На рýскир (на рисёв) нi пэ чачý (право) нi пэ зэрво (лéво) риг; лэ (отлыджа) криг тырý гэрóй чорипнастыр.

Шэрó 5

Кóфо Годыпнастыр

¹ Мýро чхáва! Рикир илó кэ миро годыпэн и бандькир кан кэ дова (пришунпэ кэ миро лавá), сыр мэ галёвава, ² соб (кай) ту могоинэса хор тэ розлэс, соб (кай) тырэ уштá тэ зракхэн (тэ рикирэнпэ) кэ джиныбэн. ³ Пал-дова со чужонé-ромнякирэ уштá обчхувэнапэ авгинэса и лáкирэ лавá исын ковлэдыр оливитконэ дзэтэстыр (алеёстыр), ⁴ нэ пэ кóнцо (пэ ягóро) ёй исын киркэдыр палыностыр и востро сыр дýе-ригитко куртáла (сабля). ⁵ Лáкирэ пирé (стóпы) лыджáна кэ мэрибэн, ёй штавэла ангил кэ лóно (адо). ⁶ Соб (кай) тэ галёс миштэс лáкирэ джиибнаскирэ дромá, ту ниэкхвар на уджинэнас лэн, ёнэ на чачунé (стала). ⁷ Аканá шунэн ман, чхавó, на джáн криг мирé москирэ лавэндýр. ⁸ Дурьён криг дасавé джувлятыр, на джáн пашýл вудáр лáкирэ кхэрэскиро. ⁹ Соб (кай) тырý патýв (тырó састыпэн) тэ на пириджал пэ явирэндэ, и тырэ бэршá биилэскирэ манушэскэ. ¹⁰ И соб (кай) явирэ-тхэмэскирэ манушá тэ на пхэрдэн тырэ миштыпнаса, и тырэ бутярнэ тэ на джáн дро кхэр кэ чýжо мануш. ¹¹ И ту явэса зоралэс тэ тугинэс пэ кóнцо (пэ ягóро), сыр тырý лоч и тырэ масá ячэнапэ шукé (бизорýякирэ) ¹² и ту пхэнэса: “Сыр дава сыс, со мэ бидыкцём сыклякирибэн (миро илó на камдýя), кéли сыклякирдé ман чачипнаскэ!” ¹³ Сыр мэ на кандýем мирé сыклякирибнаскирэн, на причхудём кан кэ одолé сыклякирибнаскирэ, савé сыклякирдé ман чачипнаскэ! ¹⁴ Мэ сóмас пэ сáмо кóнцо (ягóро), сыр кэрдём фуипэн машкёр дэвлытконэндэ, кай ёнэ скэдэнаспэ. ¹⁵ Пи пани пэскирэ вэндэрýятыр (водоёмостыр), и пани, савó тхадэла тырэ ганынгатыр. ¹⁶ Ци исын бангэ тырэ фолахара (фонтаны) тэ чхувэн яврý пани? Ци исын бангэ-паненгирэ валны (вэлны) тэ тхадэн яврý пир вулýцы (пир гáсы)? ¹⁷ Мэк ёнэ тэ явэн екхджинэскирэ тырэ, мэк ёнэ тэ на явэн кхэтáнэ чужонэскэ и тýкэ. ¹⁸ Мэк тырý ганынг тэ явэл бахтякирды и рáдынпэ дрéвáн ромнýса, сави исын жужы тырэ тэрныпнастыр, ¹⁹ сави исын сýрбы дрóго мирга (лань) и шукáр газэль, савýякирэ гожа масá тэ рáдынэн чалэс тут усады (сак), сави гудлякирэла тырó камибэн. ²⁰ Ваш со тýкэ, миро чхавó, тэ гудлякирэспэ чужонé джувлýса и тэ облэс чýжа масá? ²¹ Рай Дэвэл дыкхэла манушэскирэ дромá, и Ёв ублавэла дрэ годý (важынэла) сарé лэскирэ дроморé. ²² Фуй мануш кокорó хасéла пэскирэ чорипнастыр, а лэскиро грéхо сýрбы шэлэнца пхандэла лэс кокорэс. ²³ Ёв мэрэла, пал-дова со лэскэ на упхэндлэ, ёв джáла криг дромэстыр пир пэскиро барó дылныпэн.

Шэрó 6

Кóфо Годыпнастыр

¹ Мýро чхáва! Кóли ту яцýн сýрбы сымады (залога) / порэнчындыпэ пал тырэ малэстэ (другостэ), ци кóли ту мардын пир вастá совлахаса пал чужонé манушэстэ, ² тэды ту пыян дрэ фэлы пэскирэ лавэндýр, тырэ-москирэ лавá ухтылдé тут. ³ Акэ, миро чхавó, сыр тэ вытэрдэс пэс, кóли ту пыян дрэ пэскирэ малэскирэ вастá: джá и пэр кэ лэскирэ гэрá (бандёв

тэлэ), манг зоралэс тэ мэкэл тут тырo мал. ⁴ Мэк тэ на совэн тырэ якхá, и мэк тэ на дэн линдра (на дреминэн) тырэ цымблы (ресницы). ⁵ Зрáкх пэс сыр газэль карэдынитконэскирэ (охотникoскирэ) вастэстыр, и сыр чириклы манушэскирэ вастэстыр, савó ухтылэла (старэла) чириклэн. ⁶ Джá кэ кири (мурашка), ту кирнэ-масэнгиро, придыкхпэ, сыр и со ёй кэрэла, яв годó: ⁷ кырьятэ нанэ ни рас, ни дыкхибнаскирэс, ни барыдырэс, ⁸ нэ ёй кэрэла запасы лынаскиро, и ёй кэдэла хабэн, кели счхиныбэн джáла. ⁹ Кицý ту явэса тэ пасёс, кирнэ-масэнгиро! Кели ту уштэса соибнастыр? ¹⁰ Кóли náбут совэса, náбут дэса линдра, náбут бутýр счхувэса вастá тэ откхинён, ¹¹ тэды тырo чорипэн явэла сыр розмарибнаскиро, савó лодэла и явэла тырý трэбима сыр марибнаскиро мануш. ¹² Фрэнто (хартытко) манушоро исын фуй мануш, савó псирэла розмэкнэ мóса, ¹³ Ёв марэла (миргинэла) пэскирэ якхэнца, ёв сырбы ракирэла пэскирэ гэрэнца, ёв сыкавэла пэскирэ ангуштэнца (пальцэнца). ¹⁴ Лэскири годý исын розмэкны, ёв усады (сак) придуминэла чорипэн, ёв кэрэла адýкэ, соб (кай) манушá тэ чингардэнпэ. ¹⁵ Палдава екхатыр лэскэ явэла бари бýда: екхатыр ёв явэла дукхадó би драбакирибнаскиро. ¹⁶ Акэ, исын шов чачипэнá, со Рай Дэвэл дрéвáн на камэла; гáда, эфтá (битринэнгиро дэш) чачипэнá, савэ исын джунгалé Лэскэ: ¹⁷ пхутькирдé якхá, хоханы чиб и вастá, со прочхувэна бибангибнаскиро рат; ¹⁸ годý, савý придуминэла фуй рэнды; гэрá, савэ сыгэс прастáна кэ чорипэн; ¹⁹ начачуно дудвало /якхýтко (свидетелё), савó хохавэла, и мануш, кон подхачкирэла холý машкýр пшалэндэ. ²⁰ Миро чхавó! Рикирпэ зоралэс кэ тырэ-дадэскиро припхэныбэн, на мэк дова, ваш со дай сыклякирэла тут: ²¹ припхандэ лэн кэ тырo илo пэ ўсáды (сак), и пхандэ лэн трусцýл мэн. ²² Кели ту джáса вари-карик, лэнгирэ лавá явэна тэ лыджáн тут; и ёнэ явэна тэ ракхэн тут, кели ту явэса сутó; кели ту джангадэса (прошнинэсапэ), ёнэ явэна тэ ракирэн тýкэ, со тэ кэрэс. ²³ Пал-дова со дадэнгиро припхэныбэн исын момолýтко (светýльнико), и лэнгиро сыклякирибэн исын дуд. Кóли ёнэ сыклякирэна дукханэс тут, дава екх исын ваш дова, со трэй дро джиибэн: ²⁴ тэ ракхэл тут криг фуэ джувлятыр, чужонé-джувлякирэ хоханé чибатыр. ²⁵ На традэпэ пал лáкиро шукарипэн, на домэк, соб (кай) ёй тэ затырдэл тут лáкирэ цымблэнца (ресницэнца). ²⁶ Пал-дова со биладжакуны джувлý пэскирэ биладжаипнаса чорýякирэла манушэс кэ лабо марó, а джувлý, савý кэрэла биладжаипэн, сырбы чорýла пэ лэскиро дрóго джиибэн. ²⁷ Ци могинэла мануш тэ чхувэл яг пал пэскири брэк и, соб (кай) лэскирэ ýди тэ на прохачон? ²⁸ Ци могинэла мануш тэ джал пир хачкирдé вангара и, соб (кай) лэскирэ гэрá тэ на обхачон? ²⁹ Дова-паць исын кодолé манушэса, савó псирэла кэ пэскирэ-пашатунэскири ромнý: кóли вари-кон чилавэла (чэпинэла) ла, кодовá на ячýлапэ бибангибнаскиро (на явэла на бангó). ³⁰ Манушá на примангэна чорэскэ, кóли ёв чорэла, соб (кай) тэ явэл чало, кели ёв бокхалéла: ³¹ нэ кóли латхэна лэс, тэньцý ёв явэла бангó тэ дэл палэ эфтá мóлы бутэдыр; лэскэ приявэлапэ тэ отдэл сарó лэскирэ кхэрэстыр. ³² Кодолэстэ, кон кэрэла биладжаипэн явирэ джувляса, исын náбут годý. Кóли мануш кэрэла дава, ёв сырбы хасýкирэла кокорó пэс. ³³ Ёв дорэсэла даба (марибэн) и бипатыв (ладжакирибэн), и лэскиро обракирибэн ячýлапэ пэ лэстэ. ³⁴ Пал-дова со зэвлыныпэн выкхарэла лáкирэ-ромэскиро холякирибэн, и ёв на явэла тэ тангинэл (тэ жалинэл) дро дывэс, сыр явэла тэ дукхавэл палэ. ³⁵ Ёв на прилэла ни савó выкиныбэн, ёв на явэла штыл, мэк ту и дэса лэскэ бут дáры.

Шэрó 7

¹ Мýро чхáва! Рýпир мирé лавá, и ракх лэн дрэ годý сыр барвалыпэн мирé припхэныбэнá. ² Рикирпэ кэ мирé припхэныбэнá и ракх дрэ годý миро закóно сыр лýлька (зрaчкo) дрэ якх. ³ Припхандэ лэн кэ тырэ ангушта (пальцы), чхин лэн пэ илo сыр пэ таблицы. ⁴ Пхэн годýпнаскэ: “Ту сан мирý пхэн, и кхар годý сыр тырý сáмо фэдýр сэмэнца: ⁵ соб (кай) ёнэ тэ ракхэн тут чужонé джувлятыр, одолятыр, савý притырдэла кэ пэ гудлэ лавэнца.

Фуй Джувлы

⁶ Гада, екх мо́ло мэ дыкха́вас пир ришотка (краты) дрэ фэнштра мирé кхэрэскири; ⁷ гада, мэ машкíр балвалитконэ манушэндэ, роздыкхцём тэрнэ манушэндэ, тэрнэ манушорэс набарэ годяса, ⁸ саво пириджалас вулица (га́са) пашы́л вэнгло, кай дживэлас екх джувлы. И ёв гия́ дроморэса кэ ла́киро кхэр, ⁹ дрэ пацёмки, бэ́львэ́лэ, калэ́ и ця́млэ́ ратяса. ¹⁰ И, акэ́, ада́я джувлы́ пири́лыя лэс; ёй сыс уриды сыр биладжакуны джувлы́ фрэнтонэ́ илэ́са. ¹¹ Ёй зоралэ́с ракирдя́ и кэрдя́, со ёй камдя́. Ла́кирэ́ гэрэ́ на ячэнаспэ́ кхэрэ́. ¹² Екх мо́ло ёй сыс яврі́, яві́р мо́ло ёй сыс пэ́ штэ́то, кай мануша́ скэдэнаспэ́, ужакири́ чораханэ́с пашы́л ка́жно вэнгло. ¹³ И ёй ухты́дя кадалэ́ тэрнэ́ манушорэ́с и чамудя́ лэс; ёй пхэндя́ лэ́скэ́ биладжаипны́тконэ́ мо́са: ¹⁴ “Мандэ́ исын свэ́нта яныбэ́на тэ́ пари́кирас Дэ́влэ́скэ́, адады́вэс мэ́ дыём́ пэ́скирэ́ совла́ха Дэ́влэ́скэ́. ¹⁵ Палдава́ мэ́ явдём́ тэ́ пири́лав тут, мэ́ добусовэ́с (старате́льнэс) родыём́ тыро́ муй и мэ́ латхём́ тут. ¹⁶ Мэ́ прике́дыём́ миро́ чхуибе́н парингэ́нца (коврэ́нца), цвя́тнонэ́ цэ́ргэ́нца Египто́скирэ́ гандлэ́стыр (лэ́ностыр). ¹⁷ Мэ́ почху́дём́ (подушы́ндём́) миро́ чхуибе́н миро́са, алоё́са, кори́аса. ¹⁸ Яв, ява́са тэ́ камас екх екхэ́с бут кэ́ тася́рла (кэ́ зло́ко), ява́са тэ́ бахталё́вас камибна́са чалэ́с. ¹⁹ Миро́ ром исын на кхэрэ́, ёв трады́я дро́ баро́ дром. ²⁰ Ё́в лы́я муенги́ро (кошэ́лько) ловэ́нца пэ́са, ё́в явэ́ла палэ́ дро́ дывэ́с, сыр явэ́ла пхэ́рдó чхон. ²¹ Ё́й уты́рдэлас дро́ грэ́хо (бизо) лэ́с пэ́скирэ́ лавэ́нца ады́кэ, со ё́в подды́япэ́, ё́й хо́ханэ́, гудлэ́ лавэ́нца приты́рдья лэ́с. ²² Екхаты́р (сра́зу) ё́в гия́ пал ла́тэ́, сыр гуру́в, саво́ джа́ла пэ́ пэ́скиро́ чхыныбе́н, ци́ сыр дылы́но, соб (кай) лэ́с пхарэ́с тэ́ сы́клякире́н пэ́ заньди́р [ци́ сыр аленё́, соб (кай) тэ́ дэн карье́ лэ́с-р.с.]; ²³ ангі́л, сыр ма́рибны́тко буст (стрела) прома́рэла пир лэ́скиро́ кало́ буко́ (печонка). Дава́ ману́ш исын сы́рбы́ чирикलो́ро, со сы́гэс пра́стала дрэ́ фэ́лы (петля). Ё́в на джи́нэ́ла, со са́ро́ дава́ ха́сякирэ́ла лэ́с. ²⁴ Палдава́, чхавалэ́, шунэ́н ман, рискире́н ило́ кэ́ лава́, со мэ́ пхэ́нава: ²⁵ на домэ́кэн, соб (кай) ка́дая́ джувлы́ тэ́ рискире́л кэ́ пэ́ тумаро́ ило́, соб (кай) тумэ́ тэ́ джа́н ла́кирэ́ дроморе́нца: ²⁶ бут мануша́ дукханды́нэ пал ла́тэ́, и са́рэ́, савэ́ исын му́лякирдэ́, сыс зоралэ́ мануша́. ²⁷ Ла́киро кхэр́ лы́джала́ кэ́ лю́но (адо), лэ́стыр джа́на тэлэ́́ кэ́ мэ́рибна́скирэ́ штэ́ты.

Шэро́ 8

Годыпэ́н исын Кучэ́дыр Са́рэстыр

¹ Ци́ годыпэ́н на дэ́ла го́дла зоралэ́с? Ци́ галыибе́н на газдэ́ла пэ́скири́ зан? ² Годыпэ́н исын тэ́рдó пэ́ са́мо вучо́ штэ́то пэ́ вучипэ́на, пашы́л дром, пэ́ трушулы́тка дро́ма. ³ Годыпэ́н дэ́ла го́дла портаты́р (вратэ́ндыр), сыр тэ́ джас андрэ́ дро́ фо́ро, кэ́ли джа́са пирда́л вуда́р: ⁴ “О му́ршалэ́. Мэ́ кхара́ва тумэ́н; и ми́ри́ зан (глас) кхара́ла тумэ́н, манушэ́нгирэ́ чхаво́: ⁵ Тумэ́, простонэ́-годякирэ́, сы́клэ́н тэ́ явэ́н барэ́-годякирэ́! Тумэ́, дылы́нинька, сы́клэ́н тэ́ явэ́н годэ́. ⁶ Шунэ́н! Мэ́ ява́ва тэ́ ракира́в най фэдэ́ды́р лава́, и ми́рэ́ ушта́ пхэ́нэ́на екх ча́чипэ́н. ⁷ Палдо́ва со ми́рэ́-моски́ро талой (нё́бо) пхэ́нэ́ла патяибе́н, фуипэ́н исын джунга́ло (бры́дко) уштэ́нгэ́. ⁸ Са́рэ́ лава́ ми́рэ́ мо́стыр исын ча́чипна́скирэ́, ни саво́ хо́хаибе́н, ци́ чори́пэ́н пэ́фромі́ (на́рочнэ́с) нанэ́ дрэ́ ми́рэ́ лава́. ⁹ Лэ́н простэ́с тэ́ галэ́н, ё́нэ́ исын ча́чунэ́ одолэ́нгэ́, савэ́ джи́нэ́на пал дава́. ¹⁰ Шунэ́н, со мэ́ сы́клякира́ва, саво́ ваш тумэ́нгэ́ исын фэ́ды́р рупэ́стыр, и выке́дэно́ джины́бе́н ваш тумэ́нгэ́ исын дро́гэ́дыр чи́кадэ́ сувнака́стыр. ¹¹ Палдо́ва со годыпэ́н Дэ́влэ́стыр исын фэ́ды́р рубинэ́ндыр, и са́ро́, со ману́ш камдя́, на́шты́ тэ́ припа́рувэ́с (тэ́ приравни́нэс) кэ́ годыпэ́н. ¹² “Мэ́, годыпэ́н Дэ́влэ́стыр, джива́ва барэ́ годя́са, ма́ндэ́ исын джины́бе́н, соб (кай) хо́р тэ́ розла́в (тэ́ розга́лё́вав). ¹³ Соб (кай) тэ́ дэ́с паты́в кэ́ дар Ра́скэ́-Дэ́влэ́скэ́, трэ́й древа́н тэ́ на камэ́с фуипэ́н, пху́тькирибе́н, и одолэ́н, кон пэ́с барья́кирэ́ла, чо́рэ́ рэ́нды (дэ́лы) и, кон пэ́фромі́ ракирэ́ла чори́пэ́н – мэ́ древа́н на кама́м. ¹⁴ Мэ́ да́ва го́ды́ и ча́чунó́ годыпэ́н: ма́ндэ́ исын хо́р галыибе́н и ма́ндэ́ исын зо́р. ¹⁵ Ма́нца кра́лья кра́линэ́на; тхэ́мэ́скирэ́ бары́дыра́ (вельмо́жы) кэ́рэ́на ча́чунэ́ стату́ты (уста́вы). ¹⁶ Ма́нца тхага́рья́ рикирэ́на зо́р, и барэ́ раё́, и са́рэ́ сэ́ндэ́рья́ пэ́ пхув. ¹⁷ Мэ́ кама́м тэ́ сы́кава́в паты́в одолэ́нгэ́, савэ́ сы́кава́в паты́в ма́нгэ́, и ко́долэ́, кон до́бусовэ́с родэ́ла ман, ё́нэ́ латхэ́на

ман. ¹⁸ Мандэ исын барвалыпэна и патыв; дрогима, сави на хасёла, чачипэн; ¹⁹ мандэ барьякирдó (плóдо) исын фэдыр чикадэ рупэстыр и мандыр лыгóта бутыр чикадэ (выкэдынэ) рупэстыр. ²⁰ Мэ псирава чачунэ дромэнца, машкир дроморэ, кай исын чачипэн, ²¹ соб (кай) мánгэ тэ кэрáв адякэ, соб (кай) одолэ, савэ камэна ман, тэ дорэсэн мэкнó миштыпэн; соб (кай) мэ тэ пхэрдякирав лэнгири пиралы (сокровишчница). ²² Рай Дэвэл создыя ман дро сáмо ангыпэн, ангил, сыр Ёв создыя сарó гарым гарá. ²³ Мэ, годыпэн, сóмас помакхно самонэ векэндыр, ангыпнастыр, ангил дова, сыр пхув сыс чхуды. ²⁴ Кéли ишчо (инкэ) на сыс хор штэты, Мэ лотиём (бияндыём), и кéли ишчо (инкэ) на сыс панескирэ ганынгорья пхэрдэ панэса: ²⁵ ангил дова, сыр бэрги сыс зачхудэ, ангил дова, сыр сыс бэргицы, мэ ўжэ лотиём (бияндыём); ²⁶ ангил дова, сыр Рай Дэвэл создыя пхув, ци фэлды, ци пэрва прахитка частыра (частицы) дро свэто (лот). ²⁷ Кéли Ёв кэрэлас болыбэн, мэ, годыпэн, сóмас одой; кéли Ёв пролыджия круго упрáл хорэ штэтэндыр: ²⁸ кéли Ёв чхудя óблоки упралэстыр, кéли Ёв зорьякирдя панескирэ ганынгорья хорэ штэтэндыр; ²⁹ кéли Ёв упхэндя морёскэ кустык, соб (кай) паня тэ на пиритхадэн лэскиро припхэныбэн; кéли Ёв чхудя пхувьякиро фундаменто; ³⁰ тэньчи мэ, годыпэн, сóмас, пашыл Рáскирэ-Дэвлэскири риг, сыр Лэскиро помогибнаскиро дрэ буты: Ёв радынэласпэ мандыр; мэ сóмас усады (сак) бахталó ангил Лэстэ. ³¹ Мэ бахталыём дрэ Лэскирэ-пхувьякири паш, и мэ, годыпэн, зоралэс радындёмпэ манушэнгирэ чхавэнца. ³² И аканá, чхавэ, шунэн ман, пал-дова со бахталэ исын одолэ, савэ джана пир мирэ дрома: ³³ шунэн, со мэ сыклякирава, и явэн годэ и на вычхурдэн илэстыр мирэ лавá. ³⁴ Бахталó исын одова мануш, савó кандэла ман; савó дыкхэла цямкэс со дывэс пашыл мирí порта; савó ужакирэла пашыл вударá. ³⁵ Мануш, савó латхэла ман – годыпэн, латхэла джибэн и Рай Дэвэл явэла тэ бахтякирэл лэс; ³⁶ нэ мануш, кон бистрэла пал мандэ, кодова кэрэла чорипэн пэскирэ дескэ; сарэ, конэскэ мэ на сом пир илó, сырбы ужакирэна мэрибэн.

Шэрó 9

Годыпэн и Дылныпэн

¹ Годыпэн чхудя пэскиро кхэр, ёв вычингирдя пэскэ эфта (битринэнгиро дэш) стылбы; ² ёв чхиндя пэскирэ мурдалэн (животнонэн), ёв змешындя пэскири мол (вино), ёв адякэ-пацэ кэрдя пэскиро скаминд (хабэн). ³ Годыпэн бичхадя ангил пэскирэ дынарицэн, ёв кхарэла кэ пэ най вучэдыршонэ штэтэндыр дро фóро: ⁴ “Кон исын набарэ – годякиро, рисёв адарык.” Одолэскэ, савó бут на галёла, годыпэн пхэндя: ⁵ “Явэн, хан миро марó и пьен мол (вино), сави мэ змешындём. ⁶ Мэкэн дылныпэн, соб (кай) тэ дживэн, псирэн годьварэ дромэса.” ⁷ Мануш, кон сыкавэла банг явирэ манушэскэ, савó сыкавэла напатыв кэ явир манушá, прилэла ладжаипэн пэ пэстэ; кодова мануш, кон бангякирэла чорэ манушэс, дорэсэла дош пэскэ. ⁸ На сыкав банг кодолэскэ, савó сыкавэла напатыв кэ явир манушá, соб (кай) ёв тэ на бидыкхэл тут: сыкав банг годэ манушэскэ и ёв явэла тэ сыкавэл патыв тукэ. ⁹ Подсыклякир годэ манушэс, и ёв явэла годэдыр, сыклякир чачунэ (вортэ) манушэс и лэстэ явэла бутэдыр джиныбэн. ¹⁰ Англэдыр трэй тэ дарэс Рáстыр-Дэвлэстыр, соб (кай) тэ явэс годó: и джиныбэн пал Свэнтонэ Растэ-Дэвлэстэ, дэла хор розлыибэн (розгалыибэн). ¹¹ Мэ, годыпэн Рáстыр-Дэвлэстыр, дава бутыр дывэсá тукэ тэ дживэс, и дава бутэдыр бэршá кэ тырó джибэн. ¹² Кóли ту сан годó, ту сан годó ваш пэскэ, кóли ту сыкавэса бипатыв кэ манушá, ту кокорó явэса тэ тугинэс (тэ пиридживэс) пал дава. ¹³ Дылынинько джувлы нахратэс ракирэла; ёй исын простонэ-годякири, и на джинóла нисó. ¹⁴ И ёй исын бэшты пашыл вудар лáкирэ кхэрэскиро, ци пэ банко пэ вучэ штэты дро фóро, ¹⁵ соб (кай) тэ кхарэл кэ пэ одолэн, савэ джана пашыл, савэ джана мамуй пэскирэ дромэса: ¹⁶ Кон исын набарэ-годякиро, рисёв адарык. Кодолэскэ, савó náбут галёла, ёй ракирэла: ¹⁷ “Чордо пани исын гудлó, и марó, савó хана чораханэс, исын дрогó.” ¹⁸ Нэ кадалэ манушá на джинэна, со мынэ манушá, кон гия кэ ёй, со лáкирэ гости исын хор паштэ дро лóно (адо).

Шэрó 10

Соломонóскирэ Годыпэна

¹ Соломонóскирэ притчы.

Годó чхавó радынэла пэскирэ дадэс, нэ дылыниньконэ чхавэстыр калёла илó лэскирэ датэ.
² Кучипэна (сокровишчы), со дорэсэна чорé рэндэндыр, на янэна лачхипэн, нэ чачипэн зракхэла мэрибнастыр. ³ Рай Дэвэл на домэкэла, соб (кай) чачунó мануш тэ бокхалёл, нэ Ёв на прилэла дова, со древán трэй надэвлытконэ манушэнгэ. ⁴ Одова мануш, савэстэ исын кирначо (лениво) васт, явэла чорорó, нэ добусово (старательно) васт барвалякирэла манушэс. ⁵ Кон укэдэла лынаскиро, исын годó чхавó, нэ кодова мануш, савó исын сутó, кели укэдэна убияндыпэн, исын балвалитко чхавó. ⁶ Бахтякирибэн учхакирэла шэрó чачипнаскирэ манушэскиро, нэ нахратыма гаравэла муй фуэ-манушэнгиرو. ⁷ Бахталó исын рипирибэн пал чачунé манушэстэ, нэ чорé-манушэнгиро лав кирнэла. ⁸ Годé манушá прилэна кэ годы припхэныбэнá, нэ набарé-годякиро мануш пэрэла. ⁹ Кодова мануш, савó кэрэла бидошэнгирэс, псирэла бидаракиро; нэ кодова мануш, савó псирэла бангэ дромэса, явэла ухтылдо ваш кáра. ¹⁰ Мануш, савó марэла якхаса, кели кэрэла чорипэн, янэла калыпэн, а пхутькирдо мануш пэрэла. ¹¹ Чачунé-манушэскирэ лавá исын джиибнаскири ганынг, нэ нахратыма гаравэла муй фуэ-манушэнгиро. ¹² Зоралó накамибэн газдэла кошыбэн, патыв кэ явир манушá зачхакирэла сарé грэхи. ¹³ Годыпэн джáла годыпнаскирэ манушэстыр, а ран кэдэлапэ тэ марэл пир думо кодолэскэ, савó на галёла годыпэн. ¹⁴ Годé манушá скэдэна (зракхэна) джиныбэн, нэ дылыно ракирэла кэ хасибэн. ¹⁵ Барвалé-манушэскиро миштыпэн исын сыр зоралó фóро, нэ чорорó мануш пэрэла дро дýхо (фáно) пэскирэ богипнастыр. ¹⁶ Чачипнаскирэ-манушэскири пхарй буты лыджáла кэ джиибэн, нэ бажын (приросто), сави дорэсэла начачуно (чоро) мануш, лыджáла кэ грэхо. ¹⁷ Одова, савó рикирэлапэ кэ сыклякирибэн, исын пэ дром кэ джиибэн, нэ кодова, кон на прилэла кэ годы, кели лэскэ сыкавэна банг, джáла дрэ риг далé дромэстыр. ¹⁸ Кон гаравэла явирэндыр дова, со ёв древán на камэла, исын хоханó, и кон розмэкэла чиб (калэ-кэрибнаскирэ) лавá, исын дылыно. ¹⁹ Кай ракирэна бут лавá, одóй и чорипэн пхэнэна: нэ кон обрикирэла пэскирэ уштá, одова исын годó мануш. ²⁰ Чачунé-манушэскирэ лавá исын сырбы выкэдыно руп, а фуэ-манушэнгиро илó на мол нисó. ²¹ Чачунé-манушэскирэ уштá дэна годы бутé манушэнгэ, нэ дылынинька мэрэна пир дова, со лэнгэ на ухтылла (надоси) годыпэн. ²² Рáскирэ-Дэвлэскиро бахтякирибэн барьякирэла манушэс, ёв нисó на могинэла тэ причхувэл кэ дава, кэри буты пхарэс. ²³ Дылыно манушэскэ тэ кэрэл чорипэн сырбы тэ броинэл, нэ манушэстэ, савó галёла, исын бут годыпэн. ²⁴ Дова, сóстыр дарэла фуй мануш, пэрэла пэ лэстэ, нэ дова, со древán исын дрóго чачунé манушэнгэ, явэла отмэкно лэнгэ. ²⁵ Рискирибнаскири балвал (вихро) проджáла и фуй манушá бутыр на явэна, нэ чачунó мануш исын пэ вéчно фундаменто. ²⁶ Со исын шут (уксусо) ваш дандá, ци тхув ваш якхá, адякэ-паць исын кирнэ-масэнгиро мануш ваш одолэнгэ, савó бичхадé кадасавé манушэс. ²⁷ Кон дарэла Рáстыр-Дэвлэстыр, кодова дживэла гарэдыр (длугэдыр), нэ фуй манушá мэрэна сыгэдýр. ²⁸ Чачунé-манушэнгиро ужакирибэн исын ráдыма, нэ фуэ-манушэнгири надéя хасёла. ²⁹ Рай Дэвэл исын зоралыпэн ваш чачунé манушэнгэ, нэ Ёв хасякирэла кодолэн, [и дар ваш одолэнгэ-р.с.], савé кэрэна чорипэн. ³⁰ Чачунé манушá ниэкхвар на кунинэнапэ, нэ фуй манушá на явэна тэ дживэн дурэдýр пэ пхув. ³¹ Чачунé манушá ракирэна годé лавá, нэ хоханы чиб чингирэна криг. ³² Чачунé-манушэнгирэ уштá джинэна, со тэ пхэнэн, нэ муй фуэ-манушэнгиро фэни (тóка) хохавэла.

Шэрó 11

Со исын Патяибэн, Со исын напатяибэн

¹ Начачунэ убладытка (веси) исын джунгалэ Рáскэ-Дэвлэскэ, нэ чачунó пхарипэн ваш весо зоралэс радынэла Лэс. ² Кéли явэла пхутькирибэн, явэла и ладж, нэ напхутькирдэ манушэндэ исын годыпэн. ³ Дэвлытконэ-манушэнгиро лачхипэн явэла тэ приракхэл лэн, нэ напатяибнаскирэ-манушэнгиро чорипэн хасякирэла лэн. ⁴ Барвалыпэн на дэла ни савó лачхипэн дро хасибнытко дывэс, нэ чачипэн зракхэла мэрибнастыр. ⁵ Чачипэн сыкавэла дром бидошакирэ манушэскэ, нэ фуй манушá пэрэна пэскирэ фуипнастыр. ⁶ Чачипэн зракхэла дэвлытконэ манушэн, нэ напатяибнаскирэ пэрэна дрэ фэлы пэскирэ фрэнтыматыр, пал сави ёнэ традэнапэ. ⁷ Сыр фуй мануш мэрэла, лэскиро лачхó ужакирибэн (лэскири надéя) хасёла, и начачунэ-манушэнгиро лачхó ужакирибэн бидатыр хасёла. ⁸ Чачипнаскиро исын зракхно бидатыр, а фуй мануш пэрэла одорик пэ штэго лэскиро. ⁹ Дуге-мугенгиро мануш пэскирэ лавэнца хасякирэла пэскирэ пашатунэс, нэ чачунó зракхэлапэ пэскирэ джиныбнаса. ¹⁰ Сыр сарó джáла лачхэс чачипнаскирэнца, фóро дрéвэн радынэлапэ; и сыр фуй манушá хасёна, фóро дэла гóдла радымáтыр. ¹¹ Дэвлытка бахтыкирэна (благословинэна) и газдэна кэ вучыпэн фóро, нэ фуй-манушэнгирэ муя равэна тэлэ лэс. ¹² Набарэ-годякиро дыкхэла вучипнастыр пэ пэскирэ пашатунэ манушэстэ, нэ мануш, савó галёла, кодовá рикирэла рамáнэ/ миро [исын штыл-р.с.]. ¹³ Пхукаибнаскиро (переносчыко) роспхэнэла чораханыбэн, нэ кодовá, савэстэ исын патяибнытко дúхо (фáно), гаравэла рэндо. ¹⁴ Кай на дэна годыпэн манушэнгэ, манушá пэрэна, нэ кай исын бут манушá тэ дэн годы, тэды одóй нанэ дар. ¹⁵ Одовá, кон исын дудвало (якхýтко) пал чужонэ манушэстэ, кэрэла фуй пэскэ, нэ кодовá, кон дрéвэн на камэла тэ явэл дудвалэса (поручытелёса), исын бидаракиро. ¹⁶ Лачхэ-илытко джувлы дорэсэла патыв, нэ пхарэ-бутякирэ манушá дорэсэна барвалыпэн. ¹⁷ Лачхэ-илэскиро мануш кэрэла лачхипэн пэскирэ дескэ, а биилэскиро [холямó-р.с.] мануш кэрэла дош пэскирэ лочакэ (плотякэ). ¹⁸ Фуй мануш кэрэла дошвалы буты, нэ одовá, кон росчхувэла чачипэн, дорэсэла миштó мазури (награда). ¹⁹ Чачипэн лыджáла кэ джиибэн, нэ одовá, кон родэла чорипэн, родэла лэс ваш пэскиро мэрибэн. ²⁰ Рай Дэвэл рикирлапэ криг одолэндыр, савэ кэрэна чорипэн пэфроми (нарошнэс), нэ бидошэнгирэ дрэ сарэ дромá зоралэс радынэна Лэс. ²¹ Мэк ёнэ и кхэтаниякирэнпэ вастэнца, нэ фуй манушá на ячэнапэ набангэ; нэ чачунэ-манушэнгиро рóдо (миштыпэн) явэла рахно. ²² Сувнакуны ангрусты дро балычэнгиро накх (пятако) исын довá-паць, сыр исын шукáр джувлы, сави бут на галёла. ²³ Чачунэ манушá дрéвэн тырдэнапэ кэ лачхипэн, нэ лачхó ужакирибэн (надéя) фуэ-манушэнгири лыджáла кэ бари холын. ²⁴ Екх мануш дэла дрéвэн бут, нэ и лэскэ прибарьякирэлапэ бутыр, нэ явир дрéвэн пририкирэла пэскэ, и ёв ячэла чорорэдыр. ²⁵ Кон роздэла бут, одовá явэла барвалó, кон панякирэла явирэн, одовá адякэ-паць явэла панякирдо. ²⁶ Манушá прокошэна одолэс, кон пририкирэла гив, нэ бахталó явэла одолэскиро шэрó, кон бикнэла лэс. ²⁷ Манушэс, савó добусовэс (старательнэс) родэла лачхипэн, одовá родэла ласка Дэвлэстыр, нэ пхарó явэла кодолэскэ, савó родэла чорипэн. ²⁸ Кон зоралэс патяла дро пэскиро барвалыпэн, одовá пэрэла, нэ чачунэ манушá явэна най шукáр сыр патря (листы) пэ кашт (дрéво). ²⁹ Кон кэрэла дош (чорипэн) пэскирэ кхэрэскэ, одовá дорэсэла балвал сыр мэкнó миштыпэн, нэ дылынинько мануш явэла писхáри годэ-илэскирэ манушэскэ. ³⁰ Чачипэн исын джиибнаскиро кашт (дрéво) сырбы пхабай и годó мануш притырде́ла дия. ³¹ Кóли чачунó мануш дорэсэла мазури (награда) пэ пхув, тэды бутыр дорэсэла грэхýтко и фуй мануш.

Шэрó 12

Соломонóскирэ Годыпэна

¹ Кон камэла, соб (кай) лэс тэ сыклякирэн, одолэска трэй джиныбэн, а кон древán на камэла, сыр сыкавэна лэскири банг, одова́ исын нагодо. ² Раскэ-Дэвлэскэ исын дро́го лачхó ману́ш, нэ Ёв бангякирэла манушэс, савó придуминэла фуипэн. ³ Ману́ш нанэ тэрдó зоралэс фуипнастыр, нэ рукх (корнё) чачунó-манушэнгиро на кхарэлапэ (на пиричхувэлапэ) криг. ⁴ Куч ромнý исын сы́рбы коро́на пэ ромэскиро шэрó, нэ кодоя, савí ладжакирэла лэс, исын сы́рбы кирныпэн дрэ лэскирэ кокалы. ⁵ Чачунó манушá думинэна пал чачипэн, нэ фуй манушá кхэтанó дэна хоханó годыпэн. ⁶ Фуй манушá ракирэна лава: “Подракхаса тэ замарас”, нэ дэвлытконэнгирэ лава выракхэна лэн. ⁷ Фуе манушэн равэна тэлэ и ёнэ нанэ бутýр, нэ кхэр чачунó-манушэнгиро явэла тэ тэрдёл. ⁸ Манушэс шарэна пал лэскири годý, нэ манушá явэна тэ дыкхэн вучипнастыр пэ одолэстэ, конэстэ исын хоханó ило. ⁹ Набарó ману́ш, савэстэ исын дына́ри, фэды́р кодолэстыр, савó исын дрэ патýв фэни пэстэ, нэ лэстэ на ухты́лла (на́доси) марó. ¹⁰ Чачунó ману́ш пэкэлапэ (заботисола) пал лэскирэ кхэритконé мурдалэндэ, нэ фуе-манушэнгиро ило исын биманушытко (битангипнаскиро). ¹¹ Кон кэрэла бутý пэ пэскири пхув, одова́ явэла тэ хал марó чалэс, нэ кодова́, савó джала пал балвалитконэ манушэндэ, на́бут галёла. ¹² Фуй ману́ш исын галко тэ ухты́лэл чорипнаса, нэ чачунó манушэндэ исын зоралý пхув тэл гэрá. ¹³ Фуй ману́ш пэрэла дрэ фэлы́ чорипнаса пэскирэ уштэндýр, нэ чачунó ману́ш джала криг пхарипнастыр. ¹⁴ Ману́ш явэла чало лачхипнастыр сыр пхабатыр, со выджала лэскирэ уштэндýр, и явэла дыно́ манушэскэ пир бутý лэскирэ-вастэнгирэ. ¹⁵ Дылынэскиро дром исын чачунó дрэ лэскирэ якхá, нэ одова́, савó кандэла, сыр лэскэ дэна годыпэн, исын годó. ¹⁶ Дылыни́нько ману́ш екхáтыр зоралэс холясо́ла, нэ барэ-годýкиро счхакирэла холý. ¹⁷ Кон ракирэла дова́, со ёв джинэла, одова́ пхэнэла чачипэн, нэ начачуно дудвало /якхýтко (свидетелё) хохавэла. ¹⁸ Кон ракирэла, и на думинэла, одова́ промарэла явирэс сыр курта́ла (сабля), нэ годэ-манушэнгири чиб састякирэла лэс. ¹⁹ Патяибны́тка лава́ явэна тэ рикирэнпэ ўса́ды (сак), нэ хоханы чиб пэ моментó. ²⁰ Фрэ́нтыма исын дро ило одолэндэ, савэ кэрэна чорипэн, нэ кон дэла годыпэн пал рама́нэ (миро), кодова́ радынэлапэ. ²¹ Чачунó манушэс обджала ригаса мэрибны́тко дар, нэ фуй манушá явэна пхэрдэ чорипнаса. ²² Рай Дэвэл рикирлапэ дрэ риг хоханó уштэндýр, нэ одолэндýр, савэ кэрэна пир патяибэн, Ёв бахталёла. ²³ Барэ-годýкиро ману́ш гаравэла джиныбэн, нэ дылыно́ роспхэнэла ангýл сарэндэ дылныпэн. ²⁴ Добусово васт явэла тэ хулаинэл, нэ набу́титко васт зачхувэна кэ бутý зорýса. ²⁵ Калыпэн пэ ило притасавэла манушэс, нэ лачхó лав радынэла лэс. ²⁶ Чачунэскэ трэй тэ выкэдэл малэн (другэн), пал-дова́ со фуй манушá лыджáна криг дромэстыр. ²⁷ Набу́титко ману́ш на пэкэла мас, со ёв дорэсця́ пэ старибэн (охота), нэ добусово ману́ш барýякирэла миштыпэн. ²⁸ Чачунó дром лыджала кэ джи́ибэн, пэ лэскирэ дроморэ нанэ мэрибэн.

Шэрó 13

Соломонóскирэ Годыпэна

¹ Годó чхавó шунэла, сыр дад сыклякирэла лэс чачипнаскэ, нэ кон исын напатывакиро кэ явýр, ёв на шунэла, сыр сыкавэна банг лэскэ. ² Ману́ш чалякирэла лачхипна́са сы́рбы пхабатыр пэскирэ уштэндýр, нэ напатяибнаскирэ дия́ чалякирэнапэ нахратыматыр. ³ Кон приркирэла пэскиро муй, одова́ ракхэла пэскиро джи́ибэн, нэ кодова́, савó отпхандэла буглэс пэскиро муй, одова́ хасёла. ⁴ Кирнэ-масэнгиро ману́ш тырдэлапэ тэ хал, нэ нисó на дорэсэла, нэ добусовэнгиро (старательно) ди явэла барвалó. ⁵ Чачунó ману́ш древán на камэла хоха́ибэн, нэ надэвлы́тко ману́ш лыджала пэс намиштэс и дорэсэла ладж. ⁶ Чачипэн ракхэла одолэн, савэнгиро дром исын бидошэнгиро, нэ фуипэн равэла тэлэ [хасякирэла-р.с.]

грэхитконэ манушэс. ⁷ Исын мануш, саво сыкавэла пэс, хай, ёв исын барвалó, нэ нисó нанэ лэстэ. Исын мануш, саво сыкавэла пэс сырбы ёв исын чорорó, нэ лэстэ исын барó барвалыпэн. ⁸ Мануш могоинэла тэ дэл пэскиро барвалыпэн пал джибэн сыр сымады (залого), нэ чорорó на шунэла, сыр сыкавэна банг лэскэ. ⁹ Чачунэ-манушэскиро дуд (свэто) хачола радываса, а фуэ-манушэскиро момолытко (светильнико) мурдэла. ¹⁰ Пхутькирибнастыр джэла чингáрд, нэ, кон кандэла, сыр лэскэ дэна годыпэн, одовá исын годó. ¹¹ Миштыпэн, со мануш дорэсэла бипатывакирэ рэндэндыр, тыкнэла, нэ кон кэрдя буты пхарэс, одолэскиро миштыпэн барыэла. ¹² Ужакирибэн, со на янэла нисó, кэрэла адыкэ, со ило дукхала, нэ кэли зоралó мангипэн кэрэлапэ дро чачипэн, тэды джибэн пхэрдэла радываса. ¹³ Кон на прилэла кэ годы лав, исын хасибнытко, нэ кон кутякирэла кэ дар припхэныбэн, одовá дорэсэла мазури (награда). ¹⁴ Годэ-манушэскиро лав исын джибнаскири ганынг, соб (кай) тэ рисэн криг мэрибнаскирэ фэлятыр. ¹⁵ Кон галэла миштэс, кодовá исын манушэнгэ пир ило, нэ напатыибнытко мануш пхарэс дживэла. ¹⁶ Барэ-годякиро мануш кэрэла сарó джиныбнаса, нэ дылыно сыкавэла мамуй пэскиро дылныпэн. ¹⁷ Фуй мануш, саво бичхадó заняса (вестяса), пэрэла дро пхарипэн, нэ патыибнытко вестя-бичхаибнаскиро (посло) янэла састыпэн. ¹⁸ Чорорипэн и ладж пэрэна пэ манушэстэ, саво вычхурдэла илэстыр дова, пал со сыклякирэна лэс. Нэ кодовá, саво прилэла лэс, кэли лэс бангякирэна зоралэс, явэла дрэ патыв. ¹⁹ Кэли зоралы мысля кэ вари-со кэрэлапэ кэ кóнцо (кэ ягóро), дава гудлякирэла ило, нэ дылынэскэ на пир ило тэ джал криг фуипнастыр. ²⁰ Кон кумплинэлапэ (малынэлапэ) годэ манушэнца, явэла годó, нэ кампания (малыпэн) дылыниньконэнца хасякирэла лэс. ²¹ Фуипэн родэла грэхитконэ манушэн, нэ чачунэ манушэнгэ отплэскирэлапэ палэ лачхипнаса. ²² Лачхó мануш ячкирэла мэкно миштыпэн (наследство) лэскирэ-чхавэнгирэ чхавэнгэ, нэ барвалыпэн грэхитконэ-манушэнгиро прирахэлапэ ваш чачунэ манушэнгэ. ²³ Бут марó исын пэ чхучэ фэлды чорорэ манушэнгирэ, нэ, кай на ухтылла (надоси) чачипэн машкир манушэндэ, одой явэла хасибэн. ²⁴ Кон жалинэла пэскири ран, одолэскэ нанэ дрогó древáн чхавó, нэ конэскэ исын дрогó ёв, одовá сыклякирэла кэ дукхá тыкнал лэс. ²⁵ Чачунó мануш хала чалэс, кичы лэскиро ди камэла, нэ фуэ-манушэнгиро кужум (жэлудко) явэла тэ бокхалёл.

Шэрó 14

¹ Годы джувлы рикирэла кхэр, нэ набарэ-годякири джувлы пхагирэла лэс пэскирэ дылныпнаса. ² Кон кэрэла сарó пир чачипэн, кодовá кутякирэла кэ дар Рас-Дэвлэс, нэ кон кэрэла чорипэн пэфроми, одовá на прилэла кэ годы Лэс. ³ Дылыно рикирэла пхутькирдэс кэ ран пэ пэскиро думо, нэ годэ ушта рахэна манушэн. ⁴ Кай нанэ гурувэн, одой ясла (кхурлы) исын чхучы, нэ барó прибытко (умалото) явэла гурувэскирэ зорыатыр. ⁵ Патыибнытко якхитко на явэла тэ хохавэл, нэ начачуно якхитко явэла тэ пхэнэл хохайбэн. ⁶ Бипатывакиро мануш родэла годыпэн, и на латхэла нисó, нэ джиныбэн локхэс дэлапэ кодолэскэ, саво исын годыпнаскиро (годьварó). ⁷ Дурьёв (наш криг) дылыно манушэстыр, савэскирэ уштэндыр ту на шунэса джиныбэн (годьварэ лавá). ⁸ Барэ-годякиро мануш джинэла, со ёв кэрэла аканá и дурэдýр, нэ дылыно гаравэла пэскиро дылныпэн дро лэскири фрэнтыма, соб (кай) тэ хохавэл. ⁹ Дылынинька просана пэскирэ грэхы, нэ машкир дэвлытконэндэ исын екх годы. ¹⁰ Екх ило джинэла пэскиро киркипэн, нэ чужо на пхэнэла явирэскэ пал пэскири радыма. ¹¹ Фуе-манушэнгиро кхэр равэна тэлэ, нэ дэвлытконэнгири шáтра явэла най шукарэдыр. ¹² Исын дром, саво здэлапэ манушэскэ, со ёв исын мамуй (прýмо), нэ пэ кóнцо (пэ ягóро) ёв лыджáла кэ мэрибэн. ¹³ Мэк мануш и салапэ, нэ пэ ило лэстэ сашты тэ явэл дукх; и бари радыма явир мóло пириджала дро калыпэн. ¹⁴ Бэдэ-илэскиро мануш чалэла пэскирэ фуэ бутендыр, нэ лачхó мануш явэла чало пэскирэндыр. ¹⁵ Простонэ-годякирэ манушá патяна кажнонэ лавэскэ, нэ барэ-годякиро мануш обдуминэла лачхэс кажно шаго (ламны). ¹⁶ Годó мануш дарэла и дурьёла чорипнастыр, нэ дылыно сыгэс холясóла и зоралэс патяла дрэ пэстэ. ¹⁷ Хачкирдо мануш кэрэла нагодьварэс, нэ манушэс, саво придуминэла фуипэн, зоралэс на камэна. ¹⁸ Простонэ-годякирэ манушá дорэсэна дылныпэн сыр мэкно миштыпэн,

нэ барэ-годякирэнгэ манушэнгэ джиныбэн дэлапэ сырбы корона. ¹⁹ Чорэ мануша бандякирэна шэрó ангил лачхэндэ, и фуй мануша ангил чачунэ-манушэнгири порта (враты). ²⁰ Чорорэ манушэс зоралэс на камэна аж лэскирэ пашатунэ мануша, нэ барвалэстэ исын бут други (малá). ²¹ Кон дыкхэла вучипнастыр пэ пэскирэ пашатунэстэ, кодова кэрэла грэхó; нэ бахталó исын кодова мануш, кон исын лачхэ-илэскиро (жалинэла) кэ кодолэ, савэн притасавэна. ²² Ци на хохавэнапэ одолэ, савэ придуминэна чорипэн? Нэ кодолэ, савэ придуминэна лачхипэн, дыкхэна явирэ манушэндэр дро́го лачхипэн и патяибэн. ²³ Кажно́нэ пхарэ бутятыр манушэскэ явэла ко́фо (прибыль), нэ чхучэ (пустонэ) ракирибнастыр мануш явэла чорорó. ²⁴ Годэ мануша дорэсэна барвалыпэн сыр корона, нэ дылынинько фэни пэскиро дылныпэн. ²⁵ Чачунó якхитко выракхэла манушэнги́ро джи́ибэн, нэ фрэнто якхитко ракирэла хохаибэн. ²⁶ Кон дарэла Растыр-Дэвлэстыр, кодова мануш исын зоралэс тэрдó, и лэскирэ чхавэнгэ явэла штéто тэ гарадён. ²⁷ Кон дарэла Растыр-Дэвлэстыр, кодова пьела джи́ибна́скирэ ганьнгатыр, соб (кай) тэ рискирэс криг мэрибнаскирэ фэлятыр. ²⁸ Кралі́скиро барипэн рикирлапэ пэ дова́, сыр бут исын лэстэ мануша, нэ кели кралі́стэ исын набут мануша́, тэды ёв нашавэла сарó. ²⁹ Мануш, савó лэнтэс (на сы́гэс) холясóла, исын барó годяри, нэ кодова́, савэстэ исын хачкирдо дү́хо (фа́но), сыкавэла пэ якхá пэскиро дылныпэн. ³⁰ Лачхó илó дэла джи́ибэн масэнгэ, нэ зэвлыныпэн кирнякирэла кокалы́. ³¹ Кон притасавэла чорорэс, кодова́ сырбы обракирэла Рас-Дэвлэс, Савó созды́я лэс. Нэ кодова́ кэрэла патыв Лэскэ, Савó исын лачхэ-дескиро кэ мануша́, кон исын дрэ трэ́бима. ³² Фуй мануша́ пэрэна пэскирэ фуипнастыр, нэ чачунó исын зоралэс тэрдó аж дро са́мо лэскиро мэрибэн. ³³ Годыпэн откхинёла штылэс дрэ барэ-годякиро илó, нэ дова́, со исын дрэ дылыниньконэнги́ро илó, джидлó сарэнгэ. ³⁴ Чачипэн газдэла манушэн (народо), нэ грэхó лэла криг патыв кажно́нэ манушэндэр. ³⁵ Кра́ли сыкавэла патыв годэ дынари́скэ, нэ ёв зоралэс холясóла пэ одолэстэ, савó ладжакирэла лэс.

Шэрó 15

Соломонóскирэ Годыпэна

¹ Ковло отпхэныбэн штылякирэла холы́, нэ пхарó лав выкхарэла барэды́р холы́. ² Чиб годэ-манушэнгири исын пхэрды́ джиныбна́са, нэ чиб дылынэскири вычхувэла дурэды́р дылныпэн. ³ Рáскирэ-Дэвлэ́скирэ якхá исын пэ ка́жно штéто и дыкхэна цямкэс пал фуэ́ и лачхэ манушэндэ. ⁴ Лачхí чиб исын сырбы джи́ибна́скири ганьнг, нэ мижэх чиб пхагирэла дү́хо (фа́но). ⁵ Дылыно́ дыкхэла вучипнастыр, кели́ лэс дад сыклякирэла, нэ кон прилэла банг, кели́ лэскэ сыкавэна, исын барэ-годякиро. ⁶ Дрэ чачунэ-манушэскиро кхэр исын бут кучипэна, нэ фуэ́-манушэнгирэ кофостыр екх тугипэн (пиридживипэн). ⁷ Годэ-манушэнгирэ уштá дэна джиныбэн, нэ дылыниньконэ-манушэнги́ро илó на кэрэла адя́кэ. ⁸ Рай Дэвэл рикирлапэ дрэ риг свэнто дыибэн, со фуй мануша́ янэна, нэ ёв зоралэс радынэлапэ мангипнастыр, савó кэрэна дэвлы́тка мануша́. ⁹ Рай Дэвэл на прилэла фуэ́-манушэнги́ро дром, нэ Лэскэ́ исын дро́га кодолэ́, савэ́ родэна́ и джа́на дурэды́р пир чачипэн. ¹⁰ Древа́н пхарэ́с сыклякирэ́на одолэ́с, кон ячкирэла лачхó дром, и кодова́, савó бидыкхэла (савэ́скэ на пир илó), кели́ лэс сыклякирэ́на, мэрэла. ¹¹ Ко́ли исын джидлó Рáскэ-Дэвлэ́скэ, со кэрэлапэ дро́ люно́ (адо) и Абадо́но, то тэды́ пэ кицы́ бутэды́р Ёв джидлэ́ла манушэнгирэ́ илэ. ¹² Кон сыкавэ́ла бипатыв [розмэкнэ́ манушэ́скэ на пир илó-р.с.], кели́ лэскэ́ выракирэ́на зоралэ́с, кодолэ́скэ́ исын на дро́го кадава́ мануш; адя́кэ-пацэ́ ёв на джа́ла кэ́ годэ́ мануша́ тэ́ дэн годы́ лэскэ́. ¹³ Радымаки́ро (лошало) илó кэрэла бахталó муй, нэ калыпэн пэ илó пхагирэла дү́хо (фа́но). ¹⁴ Годыпна́скиро илó родэ́ла джиныбэн, нэ дылынэскирэ́ уштá чаравэнапэ́ дылныпна́са. ¹⁵ Сарэ́ притаса́дэ-манушэ́скирэ́ дывэ́са́ исын бибахталэ́, нэ манушэ́стэ́ радымаки́рэ илэ́са ўса́ды (сак) исын свэнко. ¹⁶ Тэ́ явэс чорорó́ и тэ́ дарэс Дэвлэ́стыр исын фэ́дыр, сыр тэ́ явэс барэ́ барвалыпна́са, нэ пхарипна́са пэ́ илó. ¹⁷ Фэ́дыр тэ́ хас ша́ха дро́ чарó, нэ кай́ тукэ́ сыкавэ́на патыв, сыр тэ́ хас тхулэ́ телянтос, нэ кай́ тут бидыкхэ́на. ¹⁸ Хо́лынаки́ро мануш́ выкхарэ́ла кошы́бэн, нэ кон рикирэ́ла пэ́с холя́тыр, одова́ ко́влякирэ́ла чинга́рд. ¹⁹

Кирнэ-масэнгиро дром исын сыр тыно пхусадытконэ (тернытконэ) хрустэндыр, нэ дэвлытконэнгиро дром исын мамуй (прямой). ²⁰ Годó чхавó радынэла пэскирэ дадэс, нэ дылынинько мануш дыкхэла вучипнастыр пэ пэскирэ датэ. ²¹ Набарэ-годякиро мануш радынэлапэ лэскирэ дылныпнастыр, нэ годьварó мануш псирéла мамуй (прямэс). ²² Со мануш придуминэла би годé-лавэнгиро, савé дэна бут манушá, одовá дэлапэ дукхá, нэ кай бут манушá дэна годы, одой сарó исын зоралó (миштó). ²³ Мануш радынэлапэ пэскирэ лачхэ отпхэныбнастыр, лачхó лав ракирлапэ, кели ёв трэй. ²⁴ Годé-манушэскиро дром дро джиибэн джала упрé, соб (кай) ёв тэ рисёл криг люностыр (адостыр), со исын тэлé. ²⁵ Рай Дэвэл хасякирэла кхэр, кай пхутькирдé исын, нэ Ёв дэла зор пэ кустыка, кай пивля (удовы). ²⁶ Рай Дэвэл исын джунгалó долэстыр, со бибахталé манушá придуминэна, нэ бидошэнгирэ-манушэнгирэ лавá исын лачхэ Лэскэ. ²⁷ Кон исын гáлко (жадно) кэ кóфо, кодовá кэрэла пхарипэн пэскирэ кхэрэскэ, нэ кон бидыкхэла (конэскэ на пир илó) мыты (взятки), явэла тэ дживэл. ²⁸ Чачунé-манушэнгиро илó обдуминэла (сыклёла), сыр тэ отпхэнэл, нэ фуé-манушэнгиро муй пырскинэла бибахтэса. ²⁹ Рай Дэвэл дурьёла фуé манушэндыр, нэ Ёв шунэла чачунé-манушэнгири пáтери (молítва). ³⁰ Якхэнгиро дуд радынэла илó, и лачхí зан (звесь) тхулякирэла кокалы. ³¹ Кон шунэла, кели лэскэ сыкавэна банг дро джиибэн (лэс сыклякирэна джиибнаскэ), ячэлапэ машкíр годé манушэндэ. ³² Кон вычхурдэла илэстыр довá, сóса лэс сыклякирэна, одовá на прилэла кэ годы пэскиро дúхо (фáно), нэ одовá, кон шунэла сыклякирибэн, исын годьварó. ³³ Кон дарэла Рáстыр-Дэвлэстыр, одовá сыклёла годыпнаскэ, и ангíл, сыр тэ дорэсэл патыв, трэй тэ явэл напхутькирдэса.

Шэрó 16

Соломонóскирэ Годыпэна

¹ Мануш придуминэла пэскирэ илэса, нэ довá со ёв Рáстыр-Дэвлэстыр пэ давá отпхэнэлапэ чибáса (чибьяса). ² Дрэ манушэскирэ якхá сарé лэскирэ дромá исын бидошэнгирэ, нэ Рай Дэвэл рокэдэла (важынэла) тумарó дúхо (фáно). ³ Допатя Тырí буты Рáскэ-Дэвлэскэ, и тырэ дúмы рисёна дро чачипэн. ⁴ Рай Дэвэл кэрдя сарó ваш Пэскиро задуминыбэн; и, аж фуé манушэс ваш хасибнытко дывэс. ⁵ Кажно (свáко) пхутькирдо илэса мануш исын джунгалó (брыдинэла) Рáскэ-Дэвлэскэ, мэк ёнэ исын дро екх васт екх екхэса, мэ совлахава: ниéкх на нашэла бибангипнаскиро. ⁶ Лачхэ-илыткимаса и чачипнаса отмэкэлапэ банг пал чорипэн, кон дарэла Дэвлэстыр, кодовá отджала (дурьёла) бибахтыр (чорорипнастыр). ⁷ Кóли манушэскирэ дромá исын лачхэ Рáскэ-Дэвлэскэ, Ёв кэрэла адякэ, со аж лэскирэ вэрги исын дро раманé лэса. ⁸ Фэдýр тэ явэл нáбут, нэ дорэсно чачипнаса, сыр тэ явэл барó кóфо, нэ начачипнаса. ⁹ Манушэскиро илó обдуминэла пэскиро дром, нэ Рай Дэвэл сыкавэла (мамуякирэла) лэскиро дром. ¹⁰ Кралíскирэ уштá исын дэвлякирдэ, лэскирэ москэ нашты тэ обджал чачипэн (тэ хохавэл) пэ сэндо. ¹¹ Чачунé убладытка (весы) и убладытка чашы исын Рáстыр-Дэвлэстыр; сарé тырдынэ (гири) дро гонó исын Лэскиро кэрибэн. ¹² Кральенгэ исын стэтка (древáн джунгалé) кодолé, кон кэрэла чорипэн, пал-довá со трóно рикирлапэ чачипнаса. ¹³ Чачунé уштá зоралэс радынэна кралíс, и лэскэ исын дрóго одовá, кон ракирэла чачипэн. ¹⁴ Кралíскиро холякирибэн сыкавэла пэ мэрибэн, нэ годó мануш ковлякирэла кралíс. ¹⁵ Сыр кралíскиро муй зяинэла, то джиибэн дэла сарэнгэ, и лэскири лáска исын сыр óблоко вэснакирэ брышындэса. ¹⁶ Пэ бут фэдýр исын сувнакастыр тэ ячэс годэдыр, и тэ ячэс барé-годякирэса исын фэдýр рупэстыр. ¹⁷ Чачунó дром ваш дэвлытконэнгэ исын дрэ довá, соб (кай) тэ дурьён чорипнастыр. Кон рикирлапэ кэ пэскиро [раххэла-р.с.] дром, одовá раххэла пэскиро дúхо (фáно). ¹⁸ Пхутькирибэн исын усады (сак) кэ хасибэн, мануш, савó задэлапэ, сыг пэрэла. ¹⁹ Фэдýр исын тэ явэс напхутькирдэ духóса машкíр кандунэ / простонэ манушэндэ, сыр тэ рокэрэн чордо дорэсыбэн машкíр пхутькирдэ манушэнца. ²⁰ Кон прилэла лав годяса, одовá латхэла лачхипэн, и кон рисёла кэ Рай Дэвэл тэ зракхэлпэ, одовá исын бахталó. ²¹ Конэстэ исын годó илó, кодовá кхарэлапэ барé-годякиро, гудлэ уштá барьякирэна сыклякирибэн. ²² Конэстэ исын годыпэн, давá исын джиибнаскири ганýнг

(источнико); нэ тэ сыклякирэс дукханэс пал доша дылынэн-дава́ исын дылныпэн. ²³ Годэ-манушэскиро ило́ сыклякирэла лэс, со тэ ракирэл, и дэла бутыр джи́ибэн лэскирэ уштэнгэ. ²⁴ Куч лава́ исын сыр авгін (мэда): гудло́ ваш ди, и састыпэн ваш кокалы. ²⁵ Исын дром, сыр здэлапэ манушэскэ, соб (кай) ёв исын чачуно́, нэ ёв ладжала кэ мэрибэн. ²⁶ Мануш, саво́ кэрэла буты́ пхарэс, кэрэла буты́ пхарэс ваш пэскэ, пал-дова́ со бокхало муй зачхувэла лэс. ²⁷ Бидэвлыткар [фрэ́нтари-р.с.] ганавэла биба́хт, и лэскирэ ушта́ исын сы́рбы яг, сави́ хачкирэла. ²⁸ Начачуно мануш розлыджала чинга́рд, кон гундяринэла (шэ́пчынэла), одова́ розкэрэла фэдыршонэ малэн. ²⁹ Нахрато мануш притырдэла кэ пэ лэскирэ пашатунэс, и лыджала лэс налачхэ́ дромэса. ³⁰ Кон марэла якхаса (пришчу́ринэлапэ), одова́ придуминэла чорипэн; кон дандырэла пэскирэ ушта́, одова́ кэрэла чорипэн. ³¹ Сыво шэро́ исын сы́рбы краліскири стадык (коро́на) барипнаса, саво́ исын пэ дром кэ чачипэн. ³² Кон поволинькэс (лэ́нтэс) холясо́ла, исын фэды́р зоралэ́ манушэстыр, и одова́, кон рикирэла зор пэ пэскиро́ ду́хо (фа́но), исын фэды́р одолэстыр, саво́ лэла фо́ро. ³³ Жрэ́биё чхурдэлапэ́ дрэ́ ангаля́ (полы), нэ кажно мо́ло саро́ кэрэлапэ́ Дэвлэ́скирэ́ годя́са.

Шэро́ 17

¹ Фэды́р исын шуко́ маро́, нэ тэ явэл рама́нэ (миро), сыр исын пхэ́рдэ кхэр свэ́нтонэ́ масэ́са, нэ кай исын кошыбэн. ² Годо́ дына́ри (слуга) рикирэла зор пэ чхавэ́стэ, саво́ кэрэла ладж, и ёв розкэрэла (роздэла) мэ́кно́ миштыпэн машкі́р пшалэндэ. ³ Дрэ́ кака́ви (котло) билавэ́на (плавинэ́на) руп, а дрэ́ бов сувнака́й, нэ Рай́ Дэвэл пропаты́кирэла́ илэ. ⁴ Бибахтало́ мануш прилэ́ла кэ́ годы́, со ракирэ́на начачуно́ ушта́, нэ хохано́ мануш шунэ́ла бэдо́ чиб, сави́ лыджала́ пэ́ хасибэн. ⁵ Кон сала́пэ чорорэ́стыр, одова́ обра́кирэла́ Рас-Дэвлэ́с, Саво́ созды́я лэс. Кон ра́дынэлапэ́ барэ́ бидакэ́, ко́долэскэ́ явэ́на вечна́ мэ́ньки. ⁶ Чхавэ́нгирэ́ чхаворэ́ исын сы́рбы краліскири стадык (коро́на) пхура́нэ́ манушэ́нгэ, чхавэ́ исын бариканэ́ лэ́нгирэ́ даде́ндыр. ⁷ Сыр нахрата́ мануша́ на пхэ́нэна́ нисо́ фэ́дэды́р, адя́кэ-па́ць и патяи́бэн исын, со краліскири сэмэ́нца на явэ́ла тэ́ хохавэл. ⁸ Дáро исын куч бар дрэ́ ко́долэскирэ́ якха́, ко́нэстэ́ ёв исын: кари́к хула́й тэ́ на рисе́л, да́ро янэ́ла лэ́скэ́ миштыпэн. ⁹ Кон учха́кирэла́ налачхэ́ рэ́нды, одова́ родэ́ла рама́нэ (миро): нэ кон ра́кирэла́ палэ́ пал дова́, ко́дова́ дурья́кирэла́ фэ́дыр малэн (дру́гэн). ¹⁰ Фэды́р исын хор тэ́ бангя́кирэ́н годэ́ манушэ́с, сыр шэ́л мо́лы тэ́ пэ́кавэс ды́лынэс. ¹¹ Бибахтало́ мануш родэ́ла екх, соб (кай) тэ́ бунту́инэл, палдава́ би́илытко́ Я́нголо́ явэ́ла бичхадó пэ́ лэ́стэ. ¹² Фэды́р исын тэ́ ды́кхэспэ́ ричыхаса́ (медведи́ца), савья́тыр чордэ́ ричорэ́н, сыр ды́лынэ́са лэ́скирэ́ ды́лныпна́са. ¹³ Кон плэ́скирэла́ палэ́ чорипна́са пал лачхи́пэн, биба́хт на явэ́ла тэ́ дурьё́л (на отджала́) лэ́скирэ́ кхэ́рэстыр. ¹⁴ Сыр лэ́на тэ́ кошэ́нпэ, дава́ исын сы́рбы пани́, со мэ́кэлапэ́ тэ́лэ, палдава́ мэ́к тэ́ чинга́рдэспэ́ анги́л, сыр хо́лямо́ кошыбэн лэ́лапэ. ¹⁵ Кон чача́кирэла́ (оправды́нэла) [про́мэ́кэла́ банг-ю.о.] фу́е манушэ́нгэ, кон бангя́кирэла́ чачуно́ манушэ́с-далэ́́ дуе́ рэ́нде́ндыр (делэ́ндыр) дурьела́ Рай́ Дэвэл. ¹⁶ Ваш со барва́лыпэн дрэ́ васта́ ды́лынэ́стэ, соб (кай) тэ́ явэл годо́? Лэ́скиро́ ило́ на джи́нэла, со тэ́ кэрэл лэ́са. ¹⁷ Малэ́скэ́ трэ́й лэ́скирэ́ мал дро́ кажно́ часо́ (цы́ро), чачуно́ пшал явэ́ла, сыр пэ́рэла́ биба́хт. ¹⁸ Наго́дьваро́ мануш марэ́ла пир васта́ сыр дрэ́ сыма́ды (зало́го) и ячэ́лапэ́ якхи́тко (свидетелё́) пал пэ́скирэ́ пашатунэ́стэ. ¹⁹ Конэ́скэ́ пир ило́ исын чорипэн, одова́ вы́кэдэ́ла кошыбэн. Кон га́здэла́ пэ́скири́ пор́та, одова́ родэ́ла хась́кирибэн. ²⁰ Хоханэ́-илэ́скиро́ мануш на латхэ́ла лачхи́пэн; пэ́ манушэ́стэ, савэ́стэ́ исын ми́жэх чиб, пэ́рэла́ биба́хт. ²¹ Конэ́стэ́ латхэ́лапэ́ чхаво́, саво́ исын би́ патыва́киро́ кэ́ яви́р мануша́, одолэ́скэ́ манушэ́скэ́ явэ́ла калы́пэн. Дад, ко́нэстэ́ исын ды́лыни́нько́ чхаво́, на ра́дынэлапэ́. ²² Ра́дыма́кирэ́ илэ́стыр джа́ла састя́кирибэн сыр дра́бэстыр, нэ́ пха́гирдо́ ду́хо (фа́но) шу́тькирэла́ кокалы́. ²³ Фу́й мануш чхувэ́ла мы́то (взя́тка) палэ́ брэ́к, соб (кай) тэ́ рисе́л чачипна́стыр пэ́ сэ́ндо. ²⁴ Годы́пэн джа́ла анги́л якха́ го́дьварэ́ манушэ́стэ, нэ́ ды́лынэ́скирэ́ якха́ розна́шэнапэ́ пэ́ пхувья́кирэ́ яго́ры (концы́). ²⁵ Ды́лынэ́ чхавэ́стыр калё́ла ило́ да́дэстэ́, ки́ркипэн одолэ́́ джу́вля́кэ, сави́ би́яндя́ лэс. ²⁶ Тэ́ сэ́ндя́кирэ́с чачуно́ манушэ́с исын нами́што, и тэ́ марэ́с кралі́скирэ́ бары́дырэн пал лэ́нгиро́ патяи́бэн. ²⁷ Кон исын го́дьваро́, одова́ ра́кхи́бны́ткэс ра́кирэла́, кон га́лэла́ го́дэс, ко́долэ́стэ́ ду́хо (фа́но) на ку́нинэлапэ́. ²⁸ А́ж

дылынэс гинэна пал годэстэ, кэли ёв исын штыл; ци кодолэс, саво запхандэла пэскиро муй, лэс галёна пал годэ-шэрэскирэ манушэстэ.

Шэрó 18

Соломонóскирэ Годыпэна

¹ Мануш, саво дурьёла явирэндыр, родэла дова, со ёв екх кокорó древán трэбинэла, ёв исын сцял (проти) сарó годó чачипэн. ² Дылынинько древán на камэла тэ галёл джиныбэн; нэ соб (кай) екх тэ сыкавэл, со исын лэстэ пэ ило (пэ годы). ³ Екхатыр палó фуипэн джала бипатыв; а кэли на дэна патыв, тэды и обракирэна. ⁴ Манушэскирэ лавá исын сырбы хор панингá, и сырбы годыпнаскири ганынгори, сави исын сырбы сыгно тхадуро ручаё. ⁵ Давá исын налачхэс тэ явэс пэ фуё-манушэнгири риг, ци тэ равэс тэлэ чачунэ манушэн пэ сэндо. ⁶ Дылынэскирэ уштá выкхарэна чингáрд, и лэскиро муй лыджáла кэ марибэн. ⁷ Дылынэскири чиб исын хасибэн ваш лэскэ, и лэскирэ уштá исын сырбы фэлы ваш лэскиро ди. ⁸ Кон гундяринэла (шэпчынэла) пэ кан, лэскирэ лавá исын сыр лачхó хабноро, и ёнэ джána андрé дрэ масá. ⁹ Кон исын набутитко пэ пэскири буты, кодовá исын пшал кодолэскэ, саво исын хасякирибнаскиро. ¹⁰ Рáскирэ-Дэвлэскирэ лав исын сыр зоралы вучарды (башня), чачунó мануш нашэла дрé латэ, и тэньчи ёв исын бидаракиро. ¹¹ Барвалэ-манушэскиро миштыпэн исын лэскиро зоралó фóро, и ёв исын сырбы вучи ванта дрé лэскирэ-годякири патыв. ¹² Мануш задэлапэ ангил хасякирибэн, и напхутькирибэн янэла патыв. ¹³ Кон отпхэнэла ангил, сыр тэ шунэл, кодовá исын дылыно и ладж лэскэ. ¹⁴ Манушэскиро дýхо (фáно) рикирэла джидэс лэс, кэли ёв исын насвалó, нэ кон сашты (могинэла) тэ газдэл (тэ подрикирэл) пхагирдо дýхо (фáно)? ¹⁵ Барэ-годякиро ило дорэсэла джиныбэн, и годэ-манушэскиро кан родэла джиныбэн. ¹⁶ Манушэскиро талáно кэрэла дромá манушэскэ, и янэла лэс ангил барэ манушэндэ. ¹⁷ Пэрвонэстэ, кон ракирэла пэ сэндо, исын барипэн ангил, сыр явэла лэскиро пашатуно и зумавэла (пропатыкирэла) лэс пхучибнэнца. ¹⁸ Трэй тэ чхурдэн жрэбиё, соб (кай) тэ тэрдёл (тэ пириячэл) чингáрд, кэли зоралé манушá камэна тэ пиризорякирэн екх екхэс. ¹⁹ Кóли ту дукхавэса (росхолякирэса) пшалэс, тэды исын пхарэдыр тэ рискирэс палэ лэс, сыр тэ лэл зоралó фóро; и чингáрд исын сырбы састыр пэ вудáр дрé тхагаритко твáрдума (букло), савьяса пшал запхандэлапэ тýтыр. ²⁰ Манушэскиро кужум чалéла далэстыр, со ракирэла лэскиро муй, ёв ячэлапэ чало пэскирэ уштэндыр. ²¹ Дрэ чиб исын зор ваш джибэн, ци ваш мэрибэн. Кон камэла тэ ракирэл, одолэскэ трэй тэ ужакирэл ци екх, ци явир. ²² Кон латхя лачхя ромня, кодовá латхя лачхипэн и дорэсця дрогима Рáстыр-Дэвлэстыр. ²³ Чорорó мануш ракирэла сырбы ёв мангэла, нэ барвалó мануш отпхэнэла бипатывакирэс (дерзкэс). ²⁴ Манушэскэ, савóстэ исын бут други (малá), кокорэскэ трэй тэ явэл малытко (другитко) кэ явир, нэ исын мал, саво исын бутыр пашылэдыр тýкэ тырэ пшалэстыр.

Шэрó 19

¹ Фэдыр тэ явэл чорорó мануш, саво дживэла пир чачипэн, сыр тэ явэл хоханэ-чибакиро (чибьякиро) мануш и дылыно. ² Исын намишто, кэли манушэстэ нанэ джиныбэн, адякэ-паць и кон сыгэс псирэла, одовá обштавэлапэ (обстэмпинэлапэ). ³ Манушэскиро дылынпэн бандякирэла лэскиро дром, и лэскиро ило газдэлапэ холяса пэ Растэ-Дэвлэстэ. ⁴ Барвалé манушэстэ ячэнапэ бут бутыр малá, нэ чорорэстыр дурьёла лэскиро малá. ⁵ Начачуно якхйтко явэла сэндякирдо, и кодовá, кон хохавэла, на зракхэлапэ. ⁶ Бут манушá пэкэнапэ пал ласка барэ рандыр, и кажно мануш исын мал одолэскэ, кон дэла. ⁷ Сарé пшáла чорорé-манушэскирэ древán на камэна лэс, пэ кицы бутыр лэскирэ малá дурьёна лэстыр! Ёв могинэла тэ мангэл лэн палэ лавэнца, нэ ёнэ усаэкх мэкэна лэс. ⁸ Кон сыклéла тэ явэл годэдыр, одовá пэкэлапэ (заботисола) пал пэскиро ди; кон ячэлапэ годьварó, одовá латхэла

лaчxипэн. ⁹ Начачуно якхйтко (свидетеле) явэла сэндыкирдо, и кодова, кон хохавэла, хасэла. ¹⁰ Пэсьтима (пышныма) на подджала дылыниньконэскэ, пэ бут бутыр адякэ-паць и дынарыскэ на подджала тэ хулаинэл пэ тхагарьендэ. ¹¹ Кон хор розлэла, одова насыгэс (поволинькэс) холясэла, и кодова кэрэла барипэн пэскэ, кон сырбы на дыкхэла, кэли лэскэ кэрэна чорипэн. ¹² Крáli, саво холясэла, исын сырбы шчэр (лэво), саво рыкинэла, лэскири ласка исын сырбы пахлын (роса) пэ чар. ¹³ Дылыно чхаво кэрэла бари бйда дадэскэ; ромны, сави чингардэлапэ, исын сырбы пани, со пэрэла и ўсáды (сак) чхинэла дрэ канá. ¹⁴ Кхэр и барвалыпэн исын мэкно миштыпэн дадэндэр, нэ барэ-годякири ромны исын даро Рáстыр-Дэвлэстыр. ¹⁵ Набутякирибэн (кирнэ-масэнгирипэн) лыджала манушэс дро хор соибэн, и биталанытко мануш явэла тэ страдынэл бокхатыр. ¹⁶ Кон рикирлапэ кэ припхэныбэн, одова зракхэла пэскиро ди. Кон на дыкхэла, со ёв кэрэла, кодова мэрэла. ¹⁷ Кон исын лачхэ-дескиро кэ чорорэ, кодова сырбы дэла дро длуго (покэрэла) Рáскэ-Дэвлэскэ, Ёв плэскирэла палэ одолэскэ, кон дыя. ¹⁸ Сыклякир кэ дукхá пэскирэ чхавэс пака исын надэя и на кэр дава пир мэра, соб (кай) ёв тэ на мэрэл и на дыкх пэ лэскири гóдла. ¹⁹ Дрeвáн-холынакиро мануш явэла тэ страдынэл сэндостыр; ко́ли ту выракхэса (потангинэса) лэс, тэды тукэ трэй явэла тэ кэрэс дава нэвэстыр. ²⁰ Шун, сыр дэна годы тукэ, и прилэ дова, ко́ли сыклякирэна тут, соб (кай) ту мoгинэса тэ явэс годó дрэ палатунэ (последня) дывэсá. ²¹ Мануш думинэла бут пал сарó [манушэстэ исын бут мысли дро илó-р.с.], нэ явэла екх, пал со Рай Дэвэл дэла годы, и ёнэ явэна тэ кэрэнпэ чачипна́са. ²² Манушэскиро кучипэн исын лэскиро лачхипэн, и чорорó мануш исын фэдэр хоханэстыр. ²³ Кон дарэла Дэвлэстыр, кодова дживэла. Конэстэ исын дар, одова ячэлапэ чало, и бибáхт на пэрэла пэ лэстэ. ²⁴ Набутитко (кирнэ-масэнги́ро) мануш чхувэла тэлэ пэскиро васт дро чарó, и ёв аж на газдэла васт палэ дро пэскиро муй. ²⁵ Пэкав одолэс, кон сыкавэла бипатыв кэ явир, и простонэ-годякирэ явэна годэдыр, выракир годьварэ манушэс и ёв явэла тэ дживэл. ²⁶ Кон исын бибáхталó кэ пэскиро дад, и традэла яврий пэскирэ да, кодова исын биладжаипнытко и бипатывакиро чхавó. ²⁷ Пирияч, миро чхавó, тэ шунэс сыклякирибэн, саво дурьякирэла тут годыпнаскирэ лавэндэр. ²⁸ Фрэнто якхйтко салапэ холямэс пэ сэндо, и фуэ-манушэнги́ро муй наххавэла (глытынэла) чорипэн (хохаибэн). ²⁹ Пэ одолэндэ, савэ исын бипатывакирэ кэ явир манушá, исын сэндо, и пэ дылынэскирэ масá пэкаибэна (васт тэ марэл).

Шэрó 20

¹ Мол (вино) сырбы салапэ, сикера (зоралó пибэн) газдэла шумо, и конэс дава злыджала дромэстыр, кодова исын нагодо мануш. ² Холынакиро крáli исын сырбы шчэр (лэво), саво рыкинэла, кон лэс холякирэла, кодова кэрэла грэхó пэ пэскиро джи́ибэн. ³ Мануш кэрэла патыв пэскэ, ко́ли ёв тэрдякирэла кошыбэн, нэ кажно дылынинько мануш дэлапэ тэ чингардэлпэ. ⁴ Кирнэ-масэнги́ро мануш на пхаравэла (на пашынэла) пхув иванта(тэс)киро (зимакиро), ёв явэла тэ мангэл, кэли явэла счхиныбэн и нанэ нисó лэстэ. ⁵ Манушэскирэ годякирэ думы исын сырбы хор пани, нэ годьварó мануш пхарэла (вылэла) лэн яврий. ⁶ Бут исын манушá, савэ распхэнэна сарэнгэ пал лэнги́ро лачхипэн, нэ кон латхэла патяибнытконэ манушэс? ⁷ Чачуно мануш дживэла би дошэнги́ро: лэскирэ чхавэ исын бахталэ палó (после) лэстэ. ⁸ Крáli, кон исын бэштó пэ сэндарискиро штэто, росчхурдэла сари холы (бибáхт) пэскирэ якхэнца. ⁹ Кон сашты (могинэла) тэ пхэнэл: “Мэ кэрдём жужó илó, мэ сом бигрэхэнги́ро?” ¹⁰ Нароўна убладытка (весы) и нароўна меры (тырдынэ) исын сарэ дуй начачипэна, савэ исын джунгалэ (брыдка) Рáскэ-Дэвлэскэ. ¹¹ Адякэ-паць и биятос [тэрнэ-бэршэнги́рес-р.с.] уджинэна пир лэскирэ кэрибэна, ци пир лэскири буты, ци ёй тэ явэл бидошэнги́ри, ци чачуны. ¹² Кан, со шунэла, и якх, со дыкхэла-исын далэ дуй льготы, со Рай Дэвэл создэя. ¹³ На кам тэ совэс, соб (кай) тэ на явэс чорорó: откэр пэскирэ якхá и ту явэса чало марэса. ¹⁴ “Бибáхт, бибáхт!” – ракирэла мануш, кон кинэла; нэ кэли ёв джала криг, тэньчи ёв шарэлапэ. ¹⁵ Исын сувнакай, и бут куч бара, нэ най дрогэдыр кучипэн исын годьварэ ушта. ¹⁶ Лэ криг идя кодолэскири, кон исын якхйтко (дудвало) пал чужонэ манушэстэ и рикир дава, сыр сымады пал манушэстэ ригатыр. ¹⁷ Маро, со дорэсэлапэ

хохаибнаса, исын гудло ваш манушэскэ, нэ тэньчи (позже) лэскиро муй явэла пхэрдó прахоса барорэнца. ¹⁸ Кажно годы́ (дума), со тэ кэрэс, рисёла дро чачипэн, нэ екх, кели ту годыткэс розлэса, тэньчи джэ марибна́са. ¹⁹ Кон пхукавэла (пиридэла), кодова́ отчхакирэла гарадэ́ думы, палдава́ на яв кхэтанэ́ адасавэса, кон откэрэла буглэс пэскирэ уштá. ²⁰ Кон прокошэла пэскирэ дадэс, ци пэскирэ да, лэскиро момолы́тко (светильнико) мурдэла машки́р хор калыпэн. ²¹ Миштыпэн, со дорэсэлапэ сы́гэс дро англыпэн, на явэла бахтякирдó пэ кóнцо (пэ ягóро). ²² На ра́кир: “Мэ ады́кэ-паць кэра́ва бибáхт палэ лэскэ.” Ужаки́р Рас-Дэвлэс и ёв дэла зор тукэ. ²³ Наро́ўна ублады́тка (весы) исын джунгалэ́ (брыдка) Рáскэ-Дэвлэскэ, и хоханэ́ тырдынэ́ (гири) дава́ исын налачхипэн. ²⁴ Рай Дэвэл дэла зор манушэнгирэ́ гэрэнгэ, карик тэ джáн, сыр тэньчи манушэскэ сашты́ тэ галёл пэскиро дром? ²⁵ Давá исын сы́рбы фэлы́ ваш манушэскэ тэ пхэнэл сы́гэс (тэ дэл совэл), со дава́ исын свэ́нто, и тэньчи (позже) тэ пиридуминэл пэскири совла́х. ²⁶ Годó кра́ли росчхурдэла фуэ манушэн, и янэла пэ лэндэ́ сявитко (мельницы́тко) рота. ²⁷ Манушэскиро дү́хо (фа́но) исын Дэвлэскиро момолы́тко, со пиридыкхэла сарó, со исын андрáл манушэстэ. ²⁸ Лачхэ-и́лы́ткима и патяибэн ра́кхэна кра́лис, и ёв рикирэла пэскиро трóно лачхипна́са. ²⁹ Тэрнэ-манушэнгиро бари́пэн исын лэнгири зор; и пхурэ́-манушэнгири го́жыма исын лэнгиро сы́во шэрó. ³⁰ Дукханэ́ даба [калэ́ масá марибна́стыр-р.с.] жу́жакирэна биба́хталэ́ манушэс, ады́кэ-паць и пэкаибэ́на (даба) жу́жакирэна хор штэ́ты дрэ манушэстэ.

Шэро́ 21

¹ Кра́лискиро ило́ исын дрэ Рáскирэ-Дэвлэскирэ вастá сы́рбы панитка ручаи, со тхадэ́на: Ёв риско́рэла лэн, сыр Лэ́скэ исын трэй. ² Кажно́нэ-манушэскиро дром исын чачуно́ дрэ лэскирэ́ якхá, нэ Рай Дэвэл ублавэла (важынэ́ла) илэ. ³ Тэ кэрэн чачипэн и чачуно́ сэндо исын кучэды́р Рáскэ-Дэвлэскэ сыр свэ́нта дыибэ́на. ⁴ Якхá, савэ́ задэнапэ́, пхутьки́рдо ило́-дава́ исын момолы́тко (светильнико) фуэ́-манушэнгиро, савó исын грéхо. ⁵ Добусово ману́ш придуминэ́ла дова́, со дэла прибарипэн, нэ кодова́, савó кэрэ́ла сы́гнымаса, явэ́ла дрэ уре́жа (убы́тко). ⁶ Кон кэдэ́ла кучипэн хоханэ́ чибáса (чи́бьяса), одова́ исын сы́рбы сы́гно балвал, сави́ родэ́ла мэрибэн. ⁷ Нахраты́ма фуэ́-манушэнгиро хасякирэ́ла лэн, пал-дова́ со ёнэ́ на камэ́на тэ кэрэн чачó сэндо. ⁸ Злы́дня ману́ш скэдэлапэ́ тэ кэрэл чорипэн пэ́фроми (смы́слоса), нэ бидошэнгирэ́-манушэнгирэ́ бутя́ исын чачуно́. ⁹ Фэды́р исын тэ дживэ́с дро кунто́ пэ кхэрэскири стрéха (чха́кин), сыр тэ явэ́с дро екх кхэр джу́вля́са, сави́ чингардэ́лапэ́. ¹⁰ Фуе́-манушэнгиро ди древа́н притырдэ́ла биба́хт: лэскиро пашатуно́ на латхэ́ла лáска дрэ лэскирэ́ якхá. ¹¹ Кели ману́ш, савó исын бипаты́вакиро кэ́ яви́р мануша́, сэнды́кирдо, тэды́ простонэ́-годякирэ́ мануша́ ячэ́напэ́ годэды́р, и кели сы́клякирэ́на годэ́ манушэ́с, ёв кэдэ́ла джины́бэн. ¹² Чачуно́ ману́ш придыкхэ́лапэ́ кэ́ кхэр, кай исын фу́й ману́ш; нэ Дэвэл равэ́ла тэлэ́ фуэ́ манушэн пал лэнгиро фуипэн. ¹³ Кон запхандэ́ла кан, кели чорорó ману́ш дэ́ла гóдла, кодова́ ады́кэ-паць явэ́ла тэ дэл гóдла чорорипна́стыр и лэс на явэ́на тэ шунэн. ¹⁴ Дáро, савó дэ́лапэ́, соб (кай) никóн тэ на дыкхэл, шты́лякирэ́ла бари́ холы́, и мы́то (взя́тка), со дэ́лапэ́ палó думо, кэрэ́ла барó хо́лякирибэн. ¹⁵ Давá исын ра́дыма ваш чачуно́ манушэскэ́ тэ кэрэл пир чачипэн, нэ хасякирибэн ваш фуэ́ манушэскэ́. ¹⁶ Кон джáла дрэ́ риг чачуно́ дромэ́стыр, кодова́ явэ́ла тэ откхинёл мулэнца́ пэ́ скэды́бэн. ¹⁷ Кон камэ́ла локхо́ джи́ибэн, кодова́ явэ́ла чорорó ману́ш; конэ́скэ́ исын пир ило́ мол и оли́вы́тко дзэт (еле́ё), кодова́ на явэ́ла барвалó. ¹⁸ Фу́й ману́ш явэ́ла сыр вы́киныбэн пал чачуно́стэ, и на́патяибна́скиро пал дэ́влы́тконэ́стэ. ¹⁹ Фэды́р тэ джива́с пэ́ чхучи́ пхув, сыр хо́лямэ́ джу́вля́са, сави́ чингардэ́лапэ́. ²⁰ Кай дживэ́ла годó ману́ш, одóй исын кучипэн и оли́вы́тко дзэт, нэ дылы́но́ розмэ́кэла лэн. ²¹ Кон родэ́ла и джáла дурэ́ды́р пир чачипэн и лачхэ́-и́лы́ткима, одова́ ману́ш латхэ́ла джи́ибэн, чачипэн и паты́в. ²² Годó ману́ш ублавэ́ла (важынэ́ла) фóро, кай зоралэ́ мануша́ исын, и пха́гирэ́ла тэлэ́ форо́скиро ри́кирибэн, дро савó ёнэ́ зоралэ́с патя́на. ²³ Кон при́ракхэ́ла пэ́скиро муй и чиб, одова́ ману́ш ра́кхэ́ла пэ́скиро джи́ибэн пха́рипна́стыр. ²⁴ Пхутьки́рдо ману́ш, и ману́ш, савó задэ́лапэ́, кхарэ́лапэ́ бипаты́вакиро, ёв кэрэ́ла сарó хо́лямэ́ пхутькири́бнаса. ²⁵ Дова́, со зоралэ́с трэй кирнэ́-масэнгирэ́ манушэскэ́, му́лякирэ́ла

лэс, пал-довá со лэскирэ вастá отпхэнэнапэ тэ кэрэн пхарі буты; ²⁶ ёв исын гáлко и скэмпо сарó дывэс, нэ чачунó мануш дэла и на тангинэла. ²⁷^[1] Фуе-манушэнгиро свэнто дыибэн выкхарэла джунгалыпэн (брыткима), пэ кицы джунгалэдыр (брыткэдыр) исын дава чуин, кэли ёв янэла свэнто дыибэн, фуес думиндой. ²⁸ Хоханó якхитко хасэла (пэрэла), нэ мануш, савó ракирэла сарó, со ёв джинэла, явэла тэ ракирэл усады (сак). ²⁹ Фуй мануш кашталякирэла пэскиро муй, нэ дэвлытко зоралэс джинэла пэскиро дром. ³⁰ Ни годыпэн, ни галыибэн, и ни савó годыпэн на тэрдэна проти Растэ-Дэвлэстэ. ³¹ Грэс скэдэна ваш марибнытко дывэс, нэ зракхибэн явэла Растыр-Дэвлэстыр.

21:27 ^[1] чуин – шуныбэн / пиридживипэн / чувство

Шэрó 22

¹ Лачхó лав исын дрогэдыр (кучэдыр) барэ барвалыпнастыр, и лачхí мавлы́н (малва) исын кучэдыр рупэстыр и сувнакастыр. ² Барвалó и чорорó мануш дыкхэнапэ екх екхэса: Рай Дэвэл созды́ лэн дуэн. ³ Барэ-годякиро мануш дыкхэла ангил биба́хт (б́ида) и гарадэла, нэ просто джа́ла ангил и явэла сэндякирдо. ⁴ Кон кандэла, и дарэла Растыр-Дэвлэстыр, кодова́ дорэсэла барвалыпэн, паты́в и джи́ибэн. ⁵ Пхусадытка хрúсты (терны) и фэ́ля исын пэ дром, кай исын мижэх мануш; а кон приракхэла пэскиро ди, кодова́ явэла тэ дурьё́л лэндыр. ⁶ Сыкля́кир тэрнэ чхавэ́с адя́кэ, сыр лэскэ́ трэй дурэ́дыр тэ дживэл, и, кэли ёв явэла пхурó, ёв на джа́ла криг далэ́ дромэстыр. ⁷ Барвалó рикирэла зор пэ чорорэстэ: и кон исын вужло, одова́ исын дына́ри кодолэ́скэ, савó покэ́рдя (конэ́скэ ёв исын банго́). ⁸ Кон почхувэла (сеинэла) начачипэн сыр гив пэ фэ́лда, кодова́ кэрэла биба́хт (б́ида) пэскэ, и лэскири зор дрэ холы́ кончынэлапэ. ⁹ Кон исын барвалэ́-илэ́скиро, кодова́ явэла бахтякирдó, пал-довá со ёв дэла пэскиро марó чорорэнгэ. ¹⁰ Традэ криг адасавэс, савó исын бипатывакиро кэ яв́ир манушá, и чинга́рд дурьё́ла; и кошы́бэн, и обракирибэн пирия́чэна. ¹¹ Кон тырдэлапэ кэ жужó ило́, и конэ́стэ исын бахталыпэн пэ лэскирэ ушта́, кадасавé манушэ́скэ кра́ли исын лэскиро мал. ¹² Рáскирэ-Дэвлэ́скирэ якхá ра́кхэна джи́ныбэн, нэ Ёв равэла тэлé лавá, савé исын напатыбнаскирэ манушэндыр. ¹³ Набутитко (ки́рнэ-масэнгиро) мануш пхэнэ́ла: “Шчэр (лэ́во) исын яв́ри! Мэ ява́ва мулякирдо, пэ ву́лицы (пэ га́сы).” ¹⁴ Фуе-джувленгиро муй исын хор ганб́ин (яма); пэрэла одоры́к кодова́ мануш, пэ конэ́стэ Рай Дэвэл холясо́ла. ¹⁵ Дылны́пэн припхандя́пэ кэ чхавэ́скиро ило́, нэ ран (розга), савья́са сыкля́кирэна пхарэ́с, традэ́ла дылны́пэн криг. ¹⁶ Кон тасавэ́ла (дукхавэ́ла) чорорэ́с тэ барья́кирэл пэскиро барвалыпэн; и кодова́, кон дэ́ла барвалэ́скэ, кадасавé мануш явэ́ла чорорó. ¹⁷ Причху́в пэскиро кан и пошун годьварé-манушэнгирé лавá, и бандя́кир тыро́ ило́ кэ миро джи́ныбэн; ¹⁸ пал-довá со куч явэ́ла, ко́ли ту явэ́са тэ рикирэ́спэ кэ ё́нэ пэскирэ илэ́са, соб (кай) ё́нэ тэ яв́эн адя́кэ-па́цэ скэ́дынэ пэ тырэ́ ушта́. ¹⁹ Соб (кай) ту́тэ тэ яв́эл зорало́ патяи́бэн дрэ Растэ-Дэвлэ́стэ, мэ сыкля́кирава тут и адады́вэс, и ту рíпир. ²⁰ Ци мэ на чхиндём ту́кэ трин мо́лы най кучэдыр годé и джи́ныбны́тка лавá, ²¹ соб (кай) мэ мо́гинавас тэ пири́дав ту́кэ патяи́бны́тка лавá пал чачип́эн, соб (кай) ту мо́гинэ́сас тэ отпхэнэ́с палэ́ патяи́бны́тконэ лавэ́нца кодолэ́нгэ, савé бичхавэ́на тут. ²² На чор чорорэ́стыр, пал-довá со ёв исын чорорó, на тасав одолэ́н, савэ́н притасавэ́на пашы́л порта́: ²³ пал-довá со Рай Дэвэл затэ́рдэла пал лэнгиро рэндо́, и лэ́ла криг кодолэ́нгиро ди, савé обчорэ́на лэн. ²⁴ На яв мал (на дру́жын) холы́накирэ манушэ́скэ, на ра́кир [на джа́-ю.о.] я́глунэ манушэ́са, ²⁵ соб (кай) ту тэ на сы́клёс, сыр ёв кэрэ́ла, и соб (кай) ту тэ на чхувэ́с фэ́лы ваш тыро́ ди. ²⁶ На яв кадасавé манушэ́са, савó марэ́ла пир вастá дрэ сы́мады́ (залого́), ци савó исын дудвало́/якхитко (свидетелё́) пал вужлы́пэна (длуги́); ²⁷ пал-довá со, ко́ли нанэ́ ту́тэ со́са тэ плэ́скирэс, то тэ́ды ту́тыр отлэ́на ты́ри пасиндлы́ (постель). ²⁸ На пири́чхув гаратуны́ шпэ́ра пэ пхув, сави́ тырэ́ да́да чху́дэ. ²⁹ Ци ту дыкхэ́са манушэ́с, савó добу́совэс кэрэ́ла пэскири буты́? Ёв явэ́ла тэ тэ́рдэл ангил кра́льэндэ́; ёв на явэ́ла тэ тэ́рдэл ангил простонэ́ (напаты́валэ́) манушэндэ́.

Шэрó 23

¹ Сыр ту бэшэса тэ хас барыдырэса, то придыкхпэ шукáр, кон исын ангíл түтэ; ² и чхув чхури кэ пэскиро кирло, кóли ту сан манúш, савó исын гáлко кэ хабэн. ³ На ха дрéвáн бут лэскирэ бонбоны (присмаки), пал-довá со ёнэ исын хоханó хабэн. ⁴ На кэр буты пир мéра, соб (кай) тэ явэс барвалó, нэ яв пэ адакицы годó, соб (кай) тэ мэкэс дасавé дýмы: ⁵ кéли ту рискирэса пэскирэ якхá пэ дава – и аканá нанэ лэс? Пал-довá со барвалыпэн кэрэла пхакá пэскэ и сыр óрло (кíдо) вурняла криг кэ болыбэн. ⁶ На ха марó кэ манúш бибахталэ якхаса, на яв гáлко (жадно) кэ лэскирэ бонбоны (присмаки). ⁷ Пал-довá со ёв исын адасавó, савó ёв исын дро пэскиро илó. “Ха и пи”, – ёв пхэнэла түкэ, нэ лэскиро илó нанэ тýса. ⁸ Котэр (куско) марэскиро, со ту хаян, ту вычхадэса, и ту нашавэса тырэ куч лавá. ⁹ На ráкир дрэ дылыниньконэскирэ канá, пал-довá со ёв дыкхэла вучипнастыр пэ тырэ-лавэнгиро годыпэн. ¹⁰ На пиричхув гаратуны шпэра пэ пхув, на рэс пэ фэлда, кай дживэна бидадэнгирэ чхавé. ¹¹ Пал-довá со лэнгиро Выракхибнаскиро [Затэрдыипнаскиро-р.с.], Рай Дэвэл исын зоралó, Ёв затэрдéла пал лэнгиро рэндо пэ түтэ. ¹² Бандякир тырó илó, кéли сыклякирэна тут, и тырэ канá кэ годьварé лавá. ¹³ На тангинэ (на жалин) чхавэс, кéли ту марэса лэс раняса, далэстыр ёв на мэрэла: ¹⁴ ту марэса лэс раняса и зракхэса лэскиро ди люностыр (адостыр). ¹⁵ Мро чхáва! Кóли тырó илó исын годó, тэды миро илó явэла тэ радынэлпэ. ¹⁶ И мирé букэ (нутря) явэна зоралэс тэ радынэнпэ, кéли тырэ уштá пхэнэна чачипэн. ¹⁷ Мэк тырó илó тэ на зэвлынэл (тэ на завидынэл) грэхитконэ манушэнгэ, мэк тырó илó тэ ячэлпэ ўсáды (сак) дрэ дар ангíл Растэ-Дэвлэстэ; ¹⁸ пал-довá со исын англýпэн и тырó лачхó ужакирибэн на явэла нашадо. ¹⁹ Мро чхáва! Шун, и яв годó, и прирах пэскиро илó пэ мамúй дром. ²⁰ На яв кхэтанэ манушэса, кон пýела дрéвáн бут мол (вино), ци кон хáла бут мас. ²¹ Пал-довá со матымари (матяри) и бутэ-хабнаскиро манúш (обхаячо) ячэна чорорé, и манúш, кон совэла бут, явэла уридо дрэ мэлалэ патавэ. ²² Шун пэскирэ дадэс, конэстыр ту латхяпэ, и на дыкх вучипнастыр пэ пэскирэ датэ, кéли ёй явэла пхури. ²³ Кин (дорэс) патяибэн, и на отдэ лэс никонэскэ; адýкэ-паць годыпэн, сыклякирибэн и гáлыибэн. ²⁴ Чачунэ-манушэскиро дад явэла дрéвáн тэ радынэлпэ, адýкэ-паць и кодовá, конэстэ годó чхавó латхяпэ, явэла тэ бахталёл лэстыр: ²⁵ мэк тэ явэн рáда тырó дад и дай, и мэк кодая, савí бияндя тут, зоралэс тэ радынэлпэ. ²⁶ Мро чхáва! Отдэ мánгэ тырó илó, и мэк тырэ якхá тэ рикирэнпэ зоралэс (тэ придыкхэнпэ) кэ мирé дромá. ²⁷ Пал-довá со налачхи джувлы исын хор ганбín (яма), и чýжо джувлы исын вэнско ганбínг. ²⁸ Ёй адýкэ-паць подракхэла дорэсыбэн (манушэн) сыр розмарибнытко, и барьякирэла бутыр напатяибнаскирэн машкир манушэндэ. ²⁹ Конэстэ исын роибэн? Конэстэ исын дукх? Конэстэ исын кошыбэн? Кон исын бída, и кон жалинэлапэ? Конэстэ исын даба (калэ масá) ни палсó? Конэстэ исын лолыпэн дрэ якхá? ³⁰ Давá исын кодолэндэ, савэ кэ коригунó (позно) уляго (пора) исын бэштэ пашыл мол и кодолэндэ, савэ джáна тэ родэн змешындлы мол (вино). ³¹ На дыкх пэ мол, сыр ёй лолéла, сыр ёй гожэс зяинэла ягáса дрэ кучык, сыр ёй локхэс чхувэлапэ дро кирло: ³² дро кóнцо (дро ягóро) ёй дандырэла тут сыр сап, и дукхавэла сыр саплын (аспидо). ³³ Тырэ якхá явэна тэ дыкхэн пэ явирэ джувлендэ, и тырó илó явэла тэ выпхэнэл накуч лавá. ³⁴ И ту явэса сыр кодовá, савó исын паштó маширál мórё (дэрьяв), сыр кодовá, савó исын паштó [сутó-р.с.] вучэс пэ мачта, и савó пхэнэла: ³⁵ И пхэнэса: “Ёнэ пэкадэ ман, нэ мэ на сом дукхадó, ёнэ шпулдэ (пихиндлэ) ман, и мэ на джиндём. Кéли мэ джангадэвава? Мэ явáва тэ родав усаэкх тэ выпьяв нэвэстыр (нэвэс).”

Шэрó 24

¹ На зэвлынэ (на ревнин) бибахталэ манушэнгэ, и на манг зоралэс тэ явэс лэнца; ² пал-довá со лэнгиро илó придуминэла нахратыма (насилиё), и лэнгирэ уштá ракирэна, соб (кай) тэ кэрэн дош (фуипэн). ³ Кхэр газдэна (чхувэна) годыпнаса, и лэс рикирэна годýса; ⁴ и лэскирэ штýбы (комнаты) исын пхэрдэ дрогонэ и кучонэ барвалыпнаса. ⁵ Годó манúш исын зоралó;

и годьваро мануш приборьякирэла зоралыпэн кэ пэскири зор. ⁶ Пал-дова со гóдла годьварэ-дыбнаса тумэ лыджана пэскиро марибэн; и кай бут исын мануша, савэ дэна гóдла, одой явэла зракхибэн. ⁷ Годыпэн исын древан вучэс дылыниньконэстыр: ёв на отпхандэла пэскиро муй дрэ порта. ⁸ Кон придуминэла тэ кэрэл бибахт, одова явэла кхардо бибахтарыскиро. ⁹ Дылыно придуминэла екх грэхо, и манушэстыр, саво исын бипатывакиро кэ явир мануша, рикирнапэ дрэ риг (брыдинэна) явир мануша. ¹⁰ Кóли ту пэрэса дро ило дро трашакиро дывэс, то тутэ исын набари зор. ¹¹ Зрэхх одолэн, савэн лыджана пэ мэрибэн, и зарикир одолэн, савэ обштавэнапэ ангил мулякирибэн [исын сэндякирдэ тэ мэрен-р.с.]. ¹² Кóли тумэ пхэнэна: “Чачо, амэ на джиндям дава”, тэды Кодова, Саво ублавэла (важынэла) илэ, ци на галёла дава? Кодова, Саво раххэла тыро ило, ци на джинэла Ёв дава? И Ёв отдэла кажнонэ манушэскэ адакицы, кицы ёв исын мол пал лэскирэ рэнды. ¹³ Мро чхава? Ха авгін, пал-дова со ёв исын лачхо, и авгинытко сото, саво исын гудло ваш тыро кирло [смако-ю.о.]: ¹⁴ адякэ-паць явэла ваш тумаро ди джиныбэн пал годыпэн; кели тумэ латхнэ лэс, тэды исын англыпэн, и тумарі надёя на хасёла. ¹⁵ На подракх тэ замарэс (на придумин бибахт), пашыл кхэр, кай исын чачунó мануш, ту сан фуй мануш, на пхагир лэскиро откхиныбнытко штэто; ¹⁶ пал-дова со чачунó мануш сашты (могинэла) тэ пэрэл эфта (битринэнгиро дэш) молы и ёв уштэла, нэ фуй мануш пэрэла дрэ бари бйда. ¹⁷ На радынпэ зоралэс, кели тыро вэрго пэрэла, мэк тыро ило тэ на явэл радо, кели ёв обштавэлапэ, ¹⁸ соб (кай) Рай Дэвэл тэ на дыкхэл дава, и тэ на явэл холямо, и, соб (кай) ёв тэ на рискирэл пэскири холы долэ манушэстыр. ¹⁹ На газдэпэ холяса пэ бибахталэ манушэндэ, и на зэвлынэ (на завидын) фуэ манушэнгэ: ²⁰ пал-дова со на явэла англыпэн ваш бибахталэ манушэнгэ, фуэ-манушэнгиро момолытко (светильнико) мурдэла. ²¹ Мро чхава! Дар Растыр-Дэвлэстыр и кралістыр; на яв кхэтанэ манушэнца, савэ зракирэнапэ тэ газдэн бунто. ²² Пал-дова со екхатыр (сразу) бари бйда явэла пэ лэндэ, и кон джинэла, саво бэдыпэн (бйда) явэла лэндыр. ²³ Гада, исын годэ-манушэнгирэ лавá: “Давá исын намишто тэ явэс пэ вари конэскири риг пэ сэндо.” ²⁴ Кон ракирэла бангэ манушэскэ: “Ту ракирэса чачипэн”, одолэс манушыпнаскирэ нáцыи явэна тэ прокошэн; Наюдытка мануша явэна фуес тэ ракирэн пал лэстэ; ²⁵ пэ кодолэндэ, савэ бангякирэна фуэ манушэн, явэна зоралэс тэ радынэнпэ и дрого бахтякирибэн явэла пэ лэндэ. ²⁶ Чачунó отпхэныбэн исын сырбы чамудыпэн дрэ ушта. ²⁷ Англедыр кэр пэскири буты яврестыр, и почхув гив пэ фэлда; тэньчи гáздэ пэскиро кхэр. ²⁸ На яв хоханó якхитко (лжэсвидетелё) пэ пэскирэ пашатунэстэ би причынакиро, сóскэ тэ хохавэс пэскирэ уштэнца. ²⁹ На ракир: “Мэ кэрава адякэ лэскэ, сыр ёв кэрдя мангэ. Мэ отдава палэ манушэскэ пал лэскири буты.” ³⁰ Мэ гиём набутитконэ-манушэскирэ фэлдаса и пир винаградытко фэлда, кай набарэ-годякиро мануш исын; ³¹ и одой ёв сыс забарино пхусадытконэ бустенца. Лэскири фэлда сыс учхакирды цукнудяса (стракиваса), лэскири баруны ванта сыс пхагирды тэлэ. ³² Кели мэ дыкхцём, мэ галыём, со дава сыс куч, мэ подуминдём и дорэсцём сыклякирибэн: ³³ набут соибэн, набут линдра (дрёма), набут счхув ванта тэ откхинён! ³⁴ И тыро чорорипэн явэла сырбы марибнытко пирангачо и тыри трэбима явэла сырбы мануш мардытконэса.

Шэрó 25

¹ Адалэ исын адякэ-паць Соломонóскирэ притчы, савэ зачхиндлэ Езэкияскирэ мануша. Езэкия сыс крáli пир Юдэя. ² Давá исын барипэн Дэвлэскэ тэ гаравэл дова рэндо, со на трэй тэ джинэн манушэнгэ; нэ барипэн кральенгиро исын дрэ дова, соб (кай) тэ розгалёл сарó пал дава рэндо. ³ Сыр болыбэн дро вучыпэн, и хор исын пхув, адякэ-паць и краліскиро ило нашты тэ розгалёс. ⁴ Лэ криг туфта рупэстыр, и лэстыр выджала кхорó (сасудо), со явэла лачхо рупунарискэ (рупэскирэ мастероскэ). ⁵ Лэ криг фуэ манушэн кралістыр, и лэскиро трóно явэла тэ рикирэлпэ чачипнаса. ⁶ На сыкав пэс барэ манушэса ангил кральэндэ, и на тэрдёв пэ штэто, саво исын ваш барэ манушэнгэ; ⁷ пал-дова со исын фэдыр, кели пхэнэна тукэ: “Яв вучэдыр адарык,” сыр тут чхувэна тэлэдыр ангил краліскирэ барыдырэндэ, конэс тырэ якхá дыкхнó. ⁸ На джá сыгэс пэ сэндо, пал-дова со ту на джинэса, со явэла дро кóнцо

(дро ягóро), кéли тырó пашатуно ладжакирэла тут. ⁹ Пириракир тырó рэндó тырэ пашатунэса кокорэса, и на выпхэн чораханыбэн явирэскэ, ¹⁰ соб (кай) одовá, кон шунэла лэс, тэ на сыкавэл сарэнгэ тырй ладж, и мавлын (малва) пал тýtэ тэ на явэл бэдытко (налачхи). ¹¹ Лав, со пхэндлó кэ штéто, исын сырбы сувнакунэ пхабá дрэ рупэскирэ кхорé (сасúды). ¹² Лав, савэса годó манúш сыкавэла банг одолэскэ, кон кандэла лэс, исын сырбы сувнакуны чэн и гожакирибэн выкэдынэ сувнакастыр. ¹³ Сыр шылыпэн ивэса дро часо (цýро), кéли укэдэна гив, исын адýкэ-паць патяибнаскиро бичхадó манúш ваш одолэнгэ, савэ бичхадé лэс; пал-довá со ёв сырбы панякирэла ди пэскирэ рáскиро. ¹⁴ Сыр óблоки и балвáл исын бибрышындэскирэ, адýкэ-паць исын одовá, савó шарэлапэ, со ёв дэла хоханó дарó. ¹⁵ Кон длýгэс (гарá) вырикирэла, одовá сашты тэ патякирэл барыдырэс, и ковлы чиб пхагирэла кокалы. ¹⁶ Ци латхян (ластян) ту авгйн (мэда)? На адакицы, кицы тýкэ трэй, соб (кай) ту тэ на пирихас, и тэ на чхадэс. ¹⁷ На псир бут мóлы кэ тырó пашатуно кхэрé, соб (кай) ёв тэ на кхинёл тýтыр, и, соб (кай) ёв тэ на лэл древáн тэ на камэл тут. ¹⁸ Манúш, савó допхэнэла хохайбэн пэ пэскирэ пашатунэстэ, исын сырбы кило, куртáла и марибнýтко буст (стрела). ¹⁹ Зоралэс тэ патяс дрэ напатяибнытконэ манушэстэ исын сырбы нáлачхо данд ци лангалы гэрóй. ²⁰ Тэ багас гилý смэнтнонэ илэскэ исын сырбы тэ лэс криг лэстыр ýдя, ци тэ чхувэс шут (укесó) пэ даб (рана). ²¹ Кóли тырó вэрго исын бокхало, дэ лэскэ марó тэ хал; ци кóли ёв камéла тэ пýел, дэ лэскэ панй тэ пýел: ²² палдавá, кэри давá, ту кэдэса хачкирдé вангара пэ лэскиро шэрó и Рай Дэвэл отдэла мазýри (награда) пал довá, со ту сáнас лачхó кэ вэрго. ²³ Паш-ратякири (шылалэ-ригакири) балвáл лыджáла кэ брышынд, и бэдытко (чораханы) чиб лыджáла кэ холямó муй. ²⁴ Фэдýр исын тэ дживэс пэ кунто пэ кхэрэскири стрéха (чхакýн), сыр тэ явэс кхэтанэ джувлýса, савй чингардэлапэ. ²⁵ Сыр шылало панй ваш ди, савэстэ сыс труш (смэга), адýкэ-паць исын лачхй зан (звесь) дуратунэ тхэмэстыр. ²⁶ Чачунó манúш, савó пэрэла ангýл фуé манушэндэ, исын сыр мэлалы ганынгори, и блатуны ганынг. ²⁷ Давá исын намишто тэ хас бут авгýн, адýкэ-паць и барипэн, со манúш кокорó родэла пэскэ, нанэ барипэн. ²⁸ Кон на рикирэла зор пэ пэскиро дýхо (фáно), одовá исын сырбы фóро, со исын пхагирдó тэлé, и савó исын би вантэнги́ро.

Шэрó 26

¹ Сыр ив лынаскиро, и сыр брышынд, кéли чхинэна гив, адýкэ-паць на подджáла тэ кэрэс патýв дылынэ манушэскэ. ² Сыр чириклы, савй вурняла одорýк и палэ и сыр бахирка (ласточка), савй вурняла, и савй на бэшéла, адýкэ-паць и бипричынакиро прокошыбэн на рисéла дро чачипэн. ³ Чхупны трэй грэскэ, а швар (узда) трэй ослоскэ, и ран (рандь) трэй ваш дылынэскиро думо. ⁴ На отпхэн дылынэскэ пир лэскиро дылныпэн, соб (кай) ту тэ на явэс дасаво, сыр ёв исын. ⁵ Отпхэн дылынэскэ пир лэскиро дылныпэн, соб (кай) ёв тэ на явэл годó дрэ пэскирэ якхá. ⁶ Кон бичхавэла дылынэ манушэс тэ пиридэл зан (звесь), одовá сырбы подчхинэла гэрá пэскэ и кэрэла бибахт (налачхипэн). ⁷ Сырбы гэрá лангалэ манушэскэ, савэ на псирэна мамýй (роýнэс), адýкэ-паць исын годопхэныбэн дро дылынинэскиро муй. ⁸ Тэ кэрэс патýв дылынэскэ, исын довá-паць сыр тэ пхэндэс куч бар дрэ марибнýтко рагатка. ⁹ Годопхэныбэн дрэ дылынэскирэ уштá исын довá-паць, сыр пхусадытко хрýсто (терно) дрэ матымарискирэ уштá. ¹⁰ Рай [зоралó манúш-р.с.] кэрэла пир пэскири годý и лéла пэ бутý дуэн: и дылынэс, и свако́нэ манушэс, савó джáла пашýл. ^[1] Барó Дэвэл, Савó создýя сарó, дэла дуенгэ мазýри (награда): и дылынэскэ и одолэскэ, кон кэрэла фуипэн. ^[2] ¹¹ Сыр джукэл рисéла кэ пэскирэ чхадýпэн, адýкэ-паць и дылыно́ кэрэла нэвэстыр пэскиро дылныпэн. ¹² Ци дыкхýн ту манушэс, савó гинéла пэс годé манушэса? Дылыниньконэ манушэстыр бутýр сашты тэ ужакирэс лачхипэн, сыр кадасавэ манушэстыр. ¹³ Кирнэ-масэнги́ро манúш ракирэла: “Холынакиро шчэр (лéво) исын пэ дром. Ми́жэх шчэр исын пэ вулýцы (гáсы).” ¹⁴ Сыр вудáр рисéла пэ пэскирэ завесы (зачхудэ), адýкэ-паць и кирнэ-масэнги́ро рисéла пэ пэскиро чхуибэн. ¹⁵ Кирнэ-масэнги́ро манúш чхувэла пэскиро васт дро чарó, нэ лэскэ исын пхарó тэ лыджас палэ васт кэ пэскиро муй. ¹⁶ Кирнэ-масэнги́ро манúш думинéла пэскэ, со ёв исын годэдыр эфтá (битринэнги́ро дэш)

манушэндэр, савэ отпхэнэна барэ годыпнаса. ¹⁷ Кон чхувэла пэскиро накх дрэ чужо чингáрд, одовá исын сырбы мануш, саво ухтылэла джуклэс пал канá. ¹⁸ Сырбы бигодякиро мануш, кон чхурдэла яг (ягунэ глоўни), марибнйтка бустя (стрэлы) и мэрибэн, ¹⁹ исын адасаво мануш, саво хохавэла пэскирэ пашатунэс, и ракирэла: “Мэ фэни (тока) кэрава пэраса (шутки).” ²⁰ Кай бутыр кашта нанэ, одой яг мурдэла; и кай нанэ мануш, саво исын би-патывакиро кэ явир, кошыбэн пириячэла (штылэла). ²¹ Сыр вангар чхувэна дрэ яг тэ хачол, и кашта ваш яг, адякэ-паць исын чингардуно мануш, кон росхачкирэла кошыбэн. ²² Лавá, савэ ракирэла мануш, саво гундяринэла, исын сырбы бонбоны (присмаки), и ёнэ джана хор андрэ масá. ²³ Галка исын уштá, и фуй ило исын сырбы кхорó (сасудо), савэ исын шукарьякирдэ туфтонэ (хоханэ) рупэса. ²⁴ Одовá, кон бидыкхэла (зоралэс на камэла) явирэ манушэс сырбы гаравэла дава пэскирэ уштэнца, адасаво мануш счхувэла фрэнтыма (мэндрима) дро пэскиро ило: ²⁵ кэли ёв ракирэла лачхэ заняса (глосаса), нэ ту на патя, пал-довá со исын эфта (битринэнгино дэш) налачхэ мысли дро лэскиро ило. ²⁶ Мэк лэскири зоралы намылыма исын учхакирды лэскирэ фрэнтымаса, нэ лэскиро фуипэн сыкадэла ангил саро скэдыибэн. ²⁷ Кон ганавэла ганбйн (яма), одовá кокорó пэрэла дрэ латэ, и кон катынэла упрэ бар, пэ одолэстэ бар рисэла палэ. ²⁸ Хоханы чиб зоралэс на выкэдэла одолэн, савэн ёв дукхавэла, и начачуно муй кэрэла фуипэн.

26:10 ^[1] [Ёв исын сырбы карье-дыибнаскиро (стрельцо), саво дэла карье би прицэлоскиро.-ю.о.]

26:10 ^[2] Явир Пирил (Biblia Hebraica, Stuttgart, 1977)

Шэрó 27

¹ На шарпэ атасятунэ дывэсэса, пал-довá со ту на джинэса, со дывэс янэла тукэ. ² Мэк явир мануш тэ шарэл тут, а на тырó муй; мэк тэ явэл чужо мануш, а на тырэ уштá. ³ Бар исын пхарó и прáхо исын пхаровато, нэ кэли дылыно зоралэс холясóла, дава исын пхарэдыр дуендыр. ⁴ Барó холякирибэн исын биманушытко, и холы исын трашаны, нэ кон сашты (могинэла) тэ тэрдэл проти барó зэвлыныпэн? ⁵ Тэ сыкавэс банг манушэскэ ангил якхá исын фэдыр, сыр тэ сыкавэс патыв чораханэс. ⁶ Дабá (пэкаибэна) патяибнытконэ малэстыр (другостыр) исын фэдыр взргоскирэ чамудыпнастыр. ⁷ Чало ди на дыкхэла и пэ авгйн, нэ бокхалэ дескэ кажно кирко котэр исын гудло. ⁸ Сыр чириклы, сави лодэла пэскирэ гняздатыр (куфóстыр), адякэ-паць исын и мануш, саво лодэла пэскирэ штэтóстыр. ⁹ Макхибэн (мазилки) и гудло тхувлякирибэн (куриныбэн) зоралэс радынэна ило, и гудло исын кажно мал, кон дэла годы илэстыр. ¹⁰ На мэк пэскирэ малэс, ци тырэ-дадэскирэ малэс; на джá кэ тырэ-пшалэскиро кхэр дро дывэс, кэли тутэ исын бари бйда. Фэдыр исын пашатуно, кон исын пашылэдыр кэ ту, сыр пшал, саво исын дур. ¹¹ Мро чхáва! Яв годó и радын миро ило, соб (кай) мангэ сашты тэ явэл тэ отпхэнав кодолэскэ, саво обракирэла ман. ¹² Барэ-годякиро мануш дыкхэла ангил бибáхт (бйда), и гарадэла, а балвалитко мануш джáла дурэдыр и дорэсэла кáра. ¹³ Лэ йдя кодолэстыр, саво яцян якхитконэса (поручителёса) пал чужонэ манушэстэ; и рикир ла сыр сымады, кэли ёв исын якхитко пал явирэ джувлэтэ ригатыр. ¹⁴ Кон газдэла шариндой пэскирэ малэс зоралэ заняса (глосаса) тасярлэс (рэнэс) пэ злóко (пэ рáнко), дава могинэла тэ загинэлпэ сыр прокошыбэн лэскэ. ¹⁵ Пани, со ўсáды (сак) пэрэла дро брышындытко дывэс, и джувлы, кон усады (сак) чингáрдэлапэ, исын шэрá (рáвнэс): ¹⁶ кон сучхакирэла ла; одовá сырбы обрикирэла балвэл, и сырбы лэскиро чачó васт рикирэла оливйтко дзэт (елеё). ¹⁷ Састыр востринэла састыр, адякэ-паць мануш востринэла лачхипэн пэскирэ малэстэ. ¹⁸ Кон ракхэла инжыритко кашт (смоковница), кодовá явэла тэ хал лэскири пхабай; адякэ-паць, кон приракхэла пэскирэ хулáс, одовá явэла дрэ патыв. ¹⁹ Сыр дро пани муй сыкавэла, саво ёв исын; адякэ-паць и манушэскиро ило сыкавэла, саво мануш исын. ²⁰ Люно (адо) и Аввадоно (мулыкано штэто) ниэкхвар нанэ пхэрдэ, адякэ-паць и манушэскирэ якхá ниэкхвар нанэ чалэ. ²¹ Дрэ какави (котло) билавэна руп, а дро бов

сувнакай, нэ, саво мануш исын, сыкавэла мавлы́н (малва), сави пхэнэна явир мануша. ²² Мэк ту тэ тоўчынэс (тэ курэс) дылынэс дрэ ступа тоўкачоса, нэ усаэкх лэскиро дылныпэн на дурьёла лэстыр, ²³ Дыкх кучэс пал пэскиро бакрэнгиро гурто, и придыкх миштэс пал пэскири кхэритко стада: ²⁴ пал-дова со барвалыпэн нанэ пэ сарэ веки, и, кралитко стадык (корона) жа на ячэлапэ пэ сарэ роды? ²⁵ Кхас укэдэна криг и ялы (свяжо) чар сыкадэла, и бэргитка зэлэна чарья скэдэна. ²⁶ Бакрэ исын тукэ ваш урибэн, и бузнэ (козлы) исын ваш тукэ, соб (кай) тэ дэн ловэ пэ фэлдакири тимын; ²⁷ тукэ явэла тэ ухтылэл (тэ явэл доси) бузнытко (козлытко) тхуд ваш тыро хабэн, ваш хабэн тырэ кхэритконэнгэ, и тэ чалякирэн тырэ дынарицэн.

Шэро 28

¹ Фуй мануш нашэла криг, кэли никон на традэлапэ пал лэстэ, нэ чачунэ мануш исын мушканэ сыр шчэр (лёво). ² Кэли фуй рэнды (дэлы) исын пэ дая пхув, тэды краліскірэ барыдыра парувэна екх екхэс. Нэ годякиро барыдыро, савэстэ исын джиныбэн, явэла тэ кралінэл дурэдыр. ³ Чорорэ мануш, кон притасавэла явирэ чорорэ манушэс, исын сырбы зоралэ брышы́нд, со на ячкирэла патря (листы) пэ кашта́ (дрэвы): [саво зморэла марэ пэ фэлда-р.с.]. ⁴ Одолэ, савэ мэкэна Дэвлэскиро Закóно, шарэна фуэ манушэн, нэ кодолэ, савэ рикирэнапэ кэ Закóно, исын проти лэндэ. ⁵ Бибахталэ мануша на галёна чачипэн; нэ одолэ, савэ родэна Рас-Дэвлэс, галёна сарэ. ⁶ Фэдыр исын чорорэ мануш, кон кэрэла сарэ лачхэс, сыр екх мануш, кон кэрэла фуипэн пэфроми (нарочнэс), мэк ёв и тэ явэл барвалэ. ⁷ Кон рикирэлапэ кэ Закóно, кодова́ исын годьварэ чхавэ, нэ кон исын чхучэ-шэрэскиро мануш, одова́ ладжакирэла пэскирэ дадэс. ⁸ Кон прибарьякирэла пэскиро миштыпэн начачунэ кофоса (ростоса) и хохаибнаса, кодова́ сырбы кэдэла ловэ кодолэскэ, саво явэла тэ тангинэл чорорэн. ⁹ Кодолэстэ, кон рискірэла криг пэскиро кан, соб (кай) тэ шунэл Закóно, адасавэстэ аж и лэскиро мангипэн Дэвлэскэ исын джунгалэ (брыдко). ¹⁰ Кон кэрэла адякэ, со дэвлы́тка джана́ дрэ риг пэ бибахталэ дром, кодова́ кокорэ пэрэла дрэ ганбін (яма), со ёв выгана́дя, а бидошэнгирэ мануша́ дорэсэна лачхипэн дро миштыпэн. ¹¹ Барвалэ думинэла пэскэ, со ёв исын годэ, нэ годьварэ чорорэ мануш розгалёла лэс. ¹² Кэли чачунэ мануша́ зоралэс радынэнапэ, тэды сырбы барэ свэнко исын. Кэли фуй мануша́ газдэнапэ, то мануша́ гарадэна. ¹³ Кон гаравэла пэскирэ грэхи, одолэскэ на явэла миштэ, нэ кон приджинэла грэхи и мэкэла тэ кэрэл лэн, кодолэс Дэвлэ тангинэла. ¹⁴ Бахталэ исын мануш, кон усады (сак) патыва́са дарэла Дэвлэстыр, нэ кон пхарьякирэла пэскиро ило́, кодова́ пэрэла дрэ бари б́ида. ¹⁵ Сыр шчэр (лёво), саво рыкинэла, и сыр рич, саво исын холынакиро, исын фуй барыдыро, саво хулаинэла пэ чорэ манушэндэ. ¹⁶ Тхэмэскиро барыдыро, кон исын на годьварэ, притасавэла пэскирэ манушэн: нэ кон на вырикирэла галкима (жадныма) кэ ловэ, одова́ явэла гара́ (длугэс) тэ дживэл. ¹⁷ Мануш, кон прочхудя явирэ-манушэскиро рат, исын бангэ, ёв явэла тэ нашэл кэ ганбін: и никон на ячэлапэ пашыл лэстэ. ¹⁸ Кон дживэла би дошакиро, кодова́ явэла зракхно, нэ кон псирэла чорэ дромэнца пэфроми, кодова́ пэрэла пэ екх лэндыр. ¹⁹ Кон кэрэла буты́ пэ пэскири пхув, одова́ явэла чало марэса; нэ кон джала́ пал локхэ-годякирэ манушэндэ, кодова́ явэла дрэван чорорэ. ²⁰ Патяибны́тко мануш исын барвалэ бахтыкирибнаса, нэ кон камэла сы́гэс тэ розбарвалёл (тэ явэл барвалэ), одова́ на уджала каратыр. ²¹ Давá исын намишто́ тэ явэс пэ вари-конэскири риг, пал-дова со и пал котэр марэ адасавэ мануш кэрэла чорипэн. ²² Мануш бибахталэ мысляса камэла сы́гэс тэ розбарвалёл, и ёв на джинэла, со чорипэн пэрэла пэ лэстэ. ²³ Кон сыкавэла банг явирэ манушэскэ, кодова́ латхэла бутыр ласка парикирибнаса, сыр кодова́ мануш, кон шарэла явирэ манушэс на илэстыр. ²⁴ Кон чорэла дадэстыр ци датыр и ракирэла: “Давá нанэ грэхо”, кадасавэ мануш исын дро́го дру́го (мал) кодолэскэ, саво хасякирэла сарэ. ²⁵ Пхутькирдэ-илэскиро мануш выкхарэла кошыбэн, нэ кон зоралэс патяла́ дрэ Растэ-Дэвлэстэ, кодолэскэ явэла миштыпэн. ²⁶ Кон зоралэс патяла́ пэскирэ илэскэ, кодова́ исын дылыно́, нэ кон годэс дживэла, кодова́ явэла зракхно. ²⁷ Кон дэла чорорэскэ, кодолэстэ на явэла наухтылыбэн/на явэла на́доси (кодова́ на чорьёла), нэ кон закэрэла лэскирэ якха́, пэ кодолэстэ явэна бут прокошыбэна. ²⁸

Кéли фуй манушá газдэнапэ, тэды манушá кокорé гарадэна, а кéли ёнэ хасёна, тэды чачунé манушá ячэна бутыр.

Шэрó 29

¹ Мануш, савó пхарьякирэла (жэсточынэла) пэскири мэн, на дыкхí пэ дова, со лэскэ бут мóлы сыкавэна лэскири банг, екхáтыр (срáзу) хасёла, и на явэла састякирибэн лэскэ. ² Кéли чачунé манушá рикирэна зор дро кралипэн, то манушá зоралэс радынэнапэ; нэ кéли фуй мануш кралинэла, то тэды манушá ровэна. ³ Конэскэ трэй годыпэн, кодолэскиро дад, радынэлапэ, нэ кон исын дрóго мал налачхэ джувленгэ, кодова нашавэла пэскиро миштыпэн. ⁴ Крáли рикирэла зор пэ пхув чачунé сэндоса, нэ кон лэла мыты (взятки), кодолэс пэскири пхув равэла тэлэ. ⁵ Кон шарэла на илэстыр пэскирэ пашатунэс, кодова росчхувэла фэлы лэскирэ гэрэнгэ. ⁶ Бибахталó мануш пэрэла дрэ фэлы пэскирэ чорé рэндэндыр; нэ чачунó мануш явэла тэ радынэлпэ. ⁷ Чачунó мануш роскэдэла (розлэла) чорорé-манушэнгиро рэндо, нэ фуй мануш на галёла дава. ⁸ Мануш, кон салапэ нахратэс, сырбы пхандэла фóро фэляса, нэ годé манушá рискирэна холы дрэ риг [биладжаипнытка манушá газдэна бунто дро фóро, а годьварé штылякирэна бунто-р.с.]. ⁹ Кéли годó мануш исын проти дылынэстэ пир рэндо, ци дылынó салапэ, ци холясóла усаэкх нанэ рамáнэ (миро). ¹⁰ Манушá, савэ исын галка (жадна) тэ прочхувэн явирэскиро рат, лэнгэ зоралэс на пир илó бидошэнгирэ манушá, нэ чачипнытка (праведна) манушá пэкэнапэ (заботисона) пал адасавэ манушэндэ. ¹¹ Дылынó выпхэнэла сарí холы, со лэстэ исын пэ годы; нэ годó мануш пририкирэла ла дрэ пэстэ. ¹² Кóли тхэмэскиро барыдырó рискирэла илó (шунэла) кэ хохаибэн, тэды сарé дынарья ячэна хоханэ лэстэ. ¹³ Чорорó мануш и лэскиро притасаибнаскиро подджана екх пэ екхэстэ дро екх: Рай Дэвэл дэла дуд (свэто) якхэнгэ дуенгэ. ¹⁴ Кралýскиро трóно, кон сэндякирэла чорорэн пир чачипэн, явэла ўсáды (сак) тэ рикирэл зор. ¹⁵ Кóли чхаворэс сыклякирэна пхарэс и раняса (розгаса), тэды ёв ячэлапэ годэдыр. Нэ кóли чхаворó мэкнó кокорó пэскэ, то ёв ладжакирэла пэскирэ да. ¹⁶ Кéли фуй манушá явэна усá бутыр и бутыр, тэды фуипэн барьёла, нэ чачунé манушá явэна тэ дыкхэн, сыр ёнэ пэрэна. ¹⁷ Сыклякир кэ дукхá чхавэс, и ёв дэла тукэ откхиныбэн, и ёв обрадынэла тырó ди. ¹⁸ Кай нанэ сыкадыипэн упралэстыр, одóй манушá на обрикирэна пэс, нэ бахталó исын одовá, кон рикирэлапэ кэ Закóно. ¹⁹ Ту на высыклякирэса писхарис пал доша (промэкибэна) лавэнца, мэк ёв и галёла, нэ усаэкх ёв на явэла тэ кандэл. ²⁰ Ци дыкхцян ту манушэс, савó сыгэс выпхэнэла лавá? Бутыр лачхипэн сашты тэ ужакирэс дылынэстыр, сыр кадасавэ манушэстыр. ²¹ Кон бучынэла (пестинэла) пэскирэ дынарис тыкнал, тэньчи кадасавó писхари закамэла тэ лыджал пэс сыр чхавó. ²² Холямó мануш выкхарэла (залыджала) кошыбэн, и холынакиро мануш кэрэла бут чорé рэнды (грéхо). ²³ Кон пхутёла, кодова пэрэла тэлэ, нэ напхутькирдо дро дүхо (фáно) мануш дорэсэла патыв. ²⁴ Кон исын кхэтанé чорэса, одовá мануш сырбы зоралэс исын на пир илó кокорó пэскэ: ёв шунэла сыр прокошэна лэс, нэ ёв на сыкавэла лэс. ²⁵ Кон дарэла манушэндыр, кодова сырбы чхувэла фэлы пэскэ, нэ кон зоралэс патяла дрэ Растэ-Дэвлэстэ, одовá явэла бидаракиро. ²⁶ Бут манушá родэна, соб (кай) тэ явэн куч тхэмэскирэ барыдырэса, нэ кажно мануш дорэсэла чачипэн Рáстыр-Дэвлэстыр. ²⁷ Чачунé манушá джáна криг (брыдинэна) начачунé манушэндыр, нэ дэвлытка манушá рикирнапэ дрэ риг фуé манушэндыр.

Шэрó 30

¹ Агуроскирэ годыпнытка лавá, Иакее́скирэ [Якеяскирэ-ю.о.] чхавэскирэ, савэ пхэндя адава мануш Ифиилоскэ, Ифиилоскэ и Укалоскэ. ² Чачó, мэ сом бутэдыр набарé-годякиро мануш, сыр сарé бура манушá (невежды), и мэ на сом годьварó мануш. ³ Мэ на высыкльём годыпнаскэ, и мáндэ нанэ джиныбэн, сыр свэнтонэндэ. ⁴ Кон газдыяпэ пэ болыбэн и гия тэлé? Кон скэдыя балвэл дрэ Пэскирэ бурныка (жмени)? Кон учхакирдя паня идяса? Кон

зачхудя пхувьякирэ ягóры (край)? Савó исын Лэскиро лав; и савó исын Лэскирэ-Чхавэскиро лав, кóли ту джинéса? ⁵ Кажно Дэвлэскиро лав исын жужó: ёв исын шчýто одолéнгэ, кон рисёла кэ Ёв тэ зраххэлпэ. ⁶ На причхув бутýр кэ лэскирэ лавá, соб (кай) Ёв тэ на бангякирэл тут, соб (кай) ту тэ на явэс хоханó. ⁷ Пал дуй чачипэна́ мэ мангавас тут, на отпхэ́нпэ ангíл мандэ ангíл, сыр мэ мэра́ва: ⁸ лэ криг мандýр фрэнта лавá и хохаибóн, на дэ мэ́нгэ ни чорипéн, ни барвалышéн, чалякир ман марéса, со трэй мэ́нгэ пэ кажно (свáко) дывéс: ⁹ соб (кай) мэ тэ на явав древа́н чало, и тэ на отпхэ́навпэ Тýтыр, и тэ на пхэ́нав: “Кон исын Рай Дэвэл?” Ци, соб (кай) мэ тэ на явав чорорó и тэ на чорав, соб (кай) мэ тэ на пропатякирав мирé-Дэвлэскиро лав. ¹⁰ На калякир лавéса дынари́с ангíл лэскирэ растэ, соб (кай) ёв тэ на прокошэл тут, и соб (кай) ту тэ на явэс бангó. ¹¹ Исын рóдо, савó прокошэла дадэс, и на шарэла пэскирэ да. ¹² Исын рóдо, савó исын жужó ангíл пэскирэ якхá, нэ ёв исын на мордо пэскирэ мэлятыр. ¹³ Исын рóдо, кай лáкирэ манушéндэ, исын пхутькирдé якхá. Сыр вучéс газдэ́напэ лэ́нгирэ цымблы (ресницы)? ¹⁴ Исын рóдо, дрэ савó манушéндэ дандá исын сыр куртáла, и конэскирэ жанды исын сыр чхурья́ и скэ́дынэ тэ похан сарéса чорорэ́н пэ пхув и богéн машкíр манушéндэ. ¹⁵ Ратпибнаскирэстэ (пиявкэтэ) [дро началыпéн-р.с.] исын дуй чхая́, савé дэ́на гóдла: ‘Дэ! Дэ!’ Исын трин чачипэна́, савé ниéкхвар нанэ чалэ. Исын штар вешчы, со ниéкхвар на пхэ́нна: ‘Ухты́лла (дóси).’ ¹⁶ Давá исын: маги́ла (кула), и би́биятэ́нгири джувлы́; пхув, савí нанэ чалы панéстыр, и яг, савí тэ пхэ́нóл: ‘Ухты́лла.’” ¹⁷ Манушéстэ, кон просала дадэс, и кон салапэ холя́мэс, соб (кай) тэ на кандэл пэскирэ да, то лэскэ кораки, со исын пэ дóло, выхана лэскирэ якхá, и тэрнэ орлы (кидорé) схана лэ́н сарéса. ¹⁸ Исын трин чачипэна́, со исын древа́н дýвна ваш мэ́нгэ, и исын штар чачипэна́, со мэ на галéвава: ¹⁹ сыр óрло (кíдо) вурня́ла пир болыбóн; сыр сап кхарéлапэ (дви́гинэлапэ) пир бэ́рга, сыр па́рма (кораблé) кхарéлапэ (плы́винэла) пир мо́рё (дэ́рьяв), сыр му́рш кэрэ́ла дром кэ патывалы́ чхай. ²⁰ Акэ, сыр нала́чхи джувлы́ кэрэ́ла: ёй хáла, и кхосéла пэскиро муй, и ёй ракирэ́ла: “Мэ на кэрдéм ни савó фуипéн.” ²¹ Исын трин чачипэна́, со лэ́ндыр пхув издрала, и штар чачипэна́, со ёй на́штý тэ вы́рикирэ́л (тэ пи́рилыджал): ²² кóли писхáри лэ́ла тэ кра́линéл, и кéли дылы́но́ исын чало марéса; ²³ кóли би́патыва́кири джувлы́ джа́ла палó ром, и кóли дына́рица (слу́жанка) лэ́ла лáкирэ-раня́киро штéто. ²⁴ Акэ, штар ты́кнэ́ джи́далэ, нэ ё́нэ исын древа́н гóдэ: ²⁵ кы́рья (мура́шки), ё́нэ исын назоралэ́; нэ ё́нэ лы́наскиро кэдэ́на хабéн пэскэ; ²⁶ бэ́ргитка карма́са (мышы), савé исын набарé-зорья́кирэ, нэ ё́нэ кэрэ́на пэскэ кхэ́ра пэ скалы. ²⁷ Ско́чкэ́ндэ (сара́нчатэ) нанэ кра́ли, нэ ё́нэ джа́на ангíл сарé пир линия. ²⁸ Мизги́рэ (пауко), са́ва джи́нэла тэ ухты́лэлпэ пэскирэ лапкэ́нца, нэ ё́в явэ́ла дрэ кра́ли́скирэ фэ́латиня́. ²⁹ Исын трин джи́далэ, савé шта́вэна райканэ́с, и штар, савé пир линия джа́на ангíл: ³⁰ шчэ́р, савó исын най (са́мо) зоралэ́дыр машкíр сарé мурдалéндэ, и савó на рисёла криг ни конéстыр; ³¹ гра́й, и бу́зно (ко́зло), и кра́ли, проти конéстэ ниé́кх на́штý (на мо́гинэ́ла) тэ газдэлпэ. ³² Кóли ту би́годя́кирэс шардя́н пэс кэ вучипéн, ци при́думиндя́н би́ба́хт, чхув пэскиро васт пэ муй. ³³ Кон зма́рэла тхуд, кодо́ва кэрэ́ла ксил, ци кон тасавэ́ла на́кх, кодо́ва ратва́лякирэ́ла на́кх; и а́дякэ-па́ць кон газдэ́ла холы́н, кодо́ва залы́джала кошы́бóн.

Шэ́рó 31

¹ Кра́ли́скирэ-Лемуи́лоскирэ лавá. Упхэ́ныбóн, савéса лэ́скири дай сы́клякирдя́ лэс: ² Со, мро чха́ва? Со чха́ва, савó сан мирé лочовя́тыр? Со чхавó, мирé совлахаты́р? ³ На отдэ́ сарéса ты́ри зор джувленгэ́, ци на отдэ́ пэс одолéскэ, со хася́кирдя́ кра́льéн. ⁴ Давá исын на ваш кра́льенгэ́, о Лемуило, да́ва исын на ваш кра́льенгэ́ тэ пьен мол, ци тхэ́мэскирэ барыды́рэнгэ́ тэ пхучéн: “Кай исын зоралó пи́бóн?”: ⁵ соб (кай) ё́нэ тэ на матéн, и соб (кай) ё́нэ тэ на би́стрэ́н пал за́коно́, и соб (кай) ё́нэ тэ на риски́рэ́н чачипéн одолéндыр, савé́н прита́савэ́на. ⁶ Дэ зоралó пи́бóн ко́долэскэ́, кон исын ха́сибны́тко, и мол ко́долэскэ́, савэ́скэ́ исын кирко́ пэ ило́: ⁷ мэ́к ё́в тэ пьел, и тэ би́стрэл пал пэскиро чорори́пэ́н, мэ́к ё́в тэ на рипи́рэ́л бутýр пал пэски́ри бари́ бída. ⁸ Ра́кир пал манушéндэ, савé на ра́кирэ́на, и пал рé́ндо одолé́нгиро, савé́н

мэжнэ. ⁹ Ракир пал одолэндэ, савэн притасавэна, и пал богэндэ; сэндякир лэн пир чачипэн и рисёв кэ лэнгино чачипэн.

Лачхí Джувлý

¹⁰ Кон латхэла бидошэнгирия (лачхэ-илыткона) джувлý? Лáкиро кучипэн исын дрогэдыр рубинэндýр. ¹¹ Лáкирэ-ромэскиро илó явэла тэ патыл дрэ латэ би дарáкиро; и лэстэ на явэла наухтылыбэн (надоси) ни дро со. ¹² Ёй кэрэла лачхипэн лэскэ, а на бибáхт, дрэ лáкирэ джибна́скирэ сарэ дывэсá. ¹³ Ёй родэла [дорэсэла-р.с.] пошом (шэрсь) и гандладо (лэно), и ёй кэрэла бутý илэстыр пэскирэ вастэнца. ¹⁴ Ёй исын сы́рбы тылгарискирэ пáрмы (корабли): ёй янэла пэскиро хабэн дурипнастыр. ¹⁵ И ёй уштэла, кэли ишчо (инкэ) рат исын, и ёй дэла тэ хан пэскирэ кхэратунэнгэ, и дывэсы́тко бутý пэскирэ дынарицэнгэ. ¹⁶ Ёй думинэла пал фэлда и кинэла ла; ёй меркинэла тэ кинэл винаграднико пал кóфо, со яндлэ лáкирэ вастá. ¹⁷ Латэ исын бари зор, и ёй пхарэс кэрэла бутý вастэнца. ¹⁸ Ёй галёла ангил, со лáкиро рэндо исын лачхó, и со лáкиро момолýтко на мурдэла раты́. ¹⁹ Ёй протýрдэла вастá кэ прялка (катлý), и лáкирэ вастá рикирэна кхувитко рота. ²⁰ Ёй подэла пэскиро васт чорорэнгэ, и ёй тырдэла пэскирэ вастá кэ бóги. ²¹ Ёй на дарэла ивэстыр пал пэскири сэмя (ири), пал-довá со сарý лáкири сэмя уриды дрэ таты ýдя. ²² Ёй кэрэла пэскэ цэрги пэ чхуибэн; ёй урьелапэ дро куч тхан (матер'яло) и дро пурпуро. ²³ Лáкирэ ромэс джинэна пашýл форитко пóрта, кэли ёв исын бэштó машкёр годэпхурэндэ пэ доя пхув. ²⁴ Ёй кэрэла цэрги (покрывалы) и бикнэла лэн, и ёй дорэсэла барэ кустыка тылгарьенгэ (купцэнгэ) Финикиякирэнгэ. ²⁵ Ёй сы́рбы исын уриды дро зоралыпэн и паты́в; ёй радýнэлапэ дывэсэстыр, со явэла ангил. ²⁶ Ёй ракирэла годэс, и лáкири чиб дэла лачхó годыпэн. ²⁷ Ёй дыкхэла пал пэскири сэмя (ири), и ёй на хала марó, со ёй на закэрдя. ²⁸ Лáкирэ чхавэ шарэна и бахталякирэна ла; адýкэ-паць и лáкиро ром, кон шарэла ла. ²⁹ Бут джувлý кэрэна адýкэ, нэ ту сан фэдýр сарэндýр. ³⁰ Гожыма хохавэла и шукарипэн исын пэ мэнта (минута), нэ джувлý, савý дарэла Рáстыр-Дэвлэстыр, явэна тэ шарэн. ³¹ Дэн лáкэ дова́, со ёй исын мол пал лáкирэ вастá; и мэк лáкирэ бутý тэ шарэн ла пашýл пóрта (враты)!

Эклесиастоскири Лылварý

Шэрó 1

Джибэн исын Ивýя

¹ Еклесиастоскирэ Давидóскирэ—чхавэскирэ лавá, Ерусалимóскирэ кралýскирэ, кон сыклякирдý пал Дэвлэстэ. ² “Харныпэн (суэта) харныпнастыр”, – ракирэла Еклесиасто (Сыклякирибна́скиро) пал Дэвлэстэ-харныпэн харныпнастыр. Сарó исын харныпэн.” ³ Савó кóфо (льгота) исын манушэскэ сарэ лэскирэ пхарэ бутýтыр, со ёв кэрэла бутý пхарэс тэл кхам. ⁴ Екх рóдо джáла пэскэ, и явёр рóдо явэла, нэ пхув ячэлапэ пэ сарэ ве́ки. ⁵ Кхам уштэла, и кхам джáла тэлэ, и сы́гэс рисёла кэ дова́ штэ́то, катыр ёв уштыя́. ⁶ Балвáл пхурдэла кэ паш-дывэсы́тко (таты) риг, и ёй рисёла пэ паш-ратýтко (шылалы) риг: балвáл усады (сак) обрисёла трусцýл, и ёй рисёла палэ пэ пэскирэ круги. ⁷ Сарэ рэ́ки (лэня́) тхадэна дро мóрэ (дэрьяв), нэ мóрэ (дэрьяв) усаэкх нанэ пхэрдó: кэ долэ штэ́ты, карик рэ́ки (лэня́) тхадэна, и одотхýр рэ́акирэ (лэня́кирэ) паня́ рисёна, соб (кай) нэвэстыр тэ тхадэн. ⁸ Сарó, со исын дро свэ́то (лот), исын пхарэ бутýтыр: ни́екх ману́ш наштý тэ выпхэнэл сарó. Якх исын на чалы дыкхибнастыр, и кан исын на пхэрдó шуныбнастыр. ⁹ Дова́, со сыс, явэла нэвэстыр; и дова́, со кэрдýпэ, явэла нэвэстыр тэ кэрэлпэ: и нанэ нисó нэвó тэл кхам. ¹⁰ Ци исын вари-со, пал со сашты́ тэ пхэнэс: “Дыкх, ци дава́ исын нэвó?” Давá сыс дрэ гаратунэ бэршá, со сыс ангил амэндэ. ¹¹ Ни́екх ману́ш на рипирэла дова́, со сыс ангил лэстэ, ни́екх, кон ишчо (инкэ) явэла, на явэла тэ рипирэл пал дова́, со ишчо (инкэ) явэла ангил.

Со Джинэла Дэвлэскиро Сыклякирибнаскиро

¹² Мэ, Еклесиасто, Дэвлэскиро сыклякирибнаскиро, сомас крали пэ Израилё дро Ерусалимо. ¹³ Мэ рискирдём пэскиро ило тэ родав, и тэ розгалёвав годыпнаса саро, со кэрэлапэ тэл болыбён: дасаво пхаро задыибён Дэвлэ дый манушэнгирэ чхавэнгэ, соб (кай) ёнэ далэса тэ залэппэ пхарэс. ¹⁴ Мэ дыкхцём сарэ бутя, со кэрэнапэ тэл кхам, и, акэ – саро исын ивяя и традэлапэ балваляса. ¹⁵ Со исын банго, нашты тэ явлэ мамуй (прямэс); и дова, со нанэ, нашты тэ гинэс. ¹⁶ Мэ пхэндём пэскирэ илэскэ: “Дыкх! Мэ яцём барэ манушэса и яцём годэдыр сарэ манушэндыр, кон сыс ангил мандэ дро Ерусалимо. Мандэ исын баро годыпэн и джиныбён.” ¹⁷ И мэ рискирдём пэскиро ило тэ джинав бутыр пал годыпэн; со исын бигодякирибэн и дылныпэн. Мэ галыём ангил, со дава исын адякэ-паць, сырбы тэ традэспэ пал балвал. ¹⁸ Пал-дова со, кай исын баро годыпэн, одой исын баро калыпэн пэ ило и кон приборьякирэла джиныбён, кодолэскиро дүхо (фано) бутыр пэрэла.

1:2 ^[1] Явир пирил: Джиибён исын ивяя (напраснэс), саро исын ивяя.

Шэро 2

Джибён ваш Радыма исын Ивяя

¹ Мэ пхэндём дро пэскиро ило: “Яв! Мэ спробинава тут радымакирэ сабнаса, палдава яв лошало (весёло) пхэрдэс. Нэ, акэ, дава исын адякэ-паць харныпэн. ² Мэ пхэндём пал сабэн: “Бигодякирибэн!” И пал радыма сабнаса: “Со дава дэла?” ³ Мэ розгалёвакас пэскирэ илэса, сыр тэ лошакирав (тэ усладинав) мирэ маса моляса (виноса), нэ, соб (кай) миро ило тэ ячэл годэдыр, и адякэ-паць тэ рикиравпэ кэ дылныпэн пэ адакицы, кицы трэй, соб (кай) тэ дыкхав, саво лачхипэн исын ваш манушэнгирэ чхавэнгэ тэ кэрэн тэл болыбён дрэ сарэ дывэса дро лэнгиро джибён. ⁴ Мэ кэрдём пэскэ барэ бутя, мэ газдыём пэскэ кхэра, и мэ зачхудём пэскэ винаграднико (дракхин). ⁵ Мэ кэрдём пэскэ унты (сады) и парки, и мэ зачхудём сарэ-сортэнгирэ фруктытка кашта (дрэвы). ⁶ Мэ кэрдём пэскэ сажалки (вэндэриня), савэндыр мэ почхувава панэса рошча (влэадын), кай кашта (дрэвы) барьёна. ⁷ Мэ киндём пэскэ дынарьён и дынарицэн, и сыс мандэ дынарья, кон бийндыя дро миро кхэр. Чачо, мандэ адякэ-паць исыс бут гурты и бакрэнгирэ стады; бутэдыр сарэндыр, савэ сыс дро Ерусалимо ангил мандэ. ⁸ Мэ скэдыём адякэ-паць руп и сувнакай, и дрэван выкэдынэ кучипэна (сокровишчы) кральендыр и пхувьякирэ ригэндыр. Мандэ сыс багаибнаскирэ и багаибнаскирря-дова, со дрэван радынэла манушэнгирэ чхавэн, и сарэ башаибнаскирэ струмэнты. ⁹ И мэ яцём барэ и пирибарием сарэн, кон сыс ангил мандэ дро Ерусалимо. Саро миро годыпэн адякэ-паць яцяпэ манца. ¹⁰ И саро, соб (кай) мирэ якха зоралэс тэ притырденпэ, мэ на рикирдём дрэ риг пэстыр: мэ на дыёмпэ палэ мирэ илэса кажнонэ радыматыр, пал-дова со миро ило дрэван радындыпэ мирэ пхарэ бутятыр, и дава исын мирэ бажын сарэ мирэ пхарэ бутятыр. ¹¹ Тэньци мэ подыкхцём пэ сарэ бутя, со мирэ васта кэрдэ, и пэ сарэ пхарэ бутя, со мэ кэрдём пхарэс, и, чачо, саро исын харныпэн и, сыр тэ традэспэ пал балвал. На сыс кофо тэл кхам. ¹² И мэ рискирдём годы кэ дава-паць годыпэн, бигодякирибэн и дылныпэн: хачы, со мануш явлэ крали, сашты тэ кэрэл пал кралистэ, исын каканэ? Ци екх дова, со ужэ сыс кэрдэ? ¹³ И мэ дыкхцём, со годыпэн исын фэдыр дылныпнастыр, со дуд (свэто) исын фэдыр калыпнастыр (цямлыпнастыр). ¹⁴ Годэ манушэстэ якха исын дро лэскиро шэро, нэ дылынинько псирэла дро цямлыпэн; нэ мэ адякэ-паць кокорэ галыём хор, со екх концо (ягоро) ужакирэла и екхэс, и явирэс. ¹⁵ Мэ пхэндём дро пэскиро ило: “Сыр дава кэрэлапэ дылыниньконэса, дава адякэ-паць явлэла тэ кэрэлпэ и манца, и, соскэ тэды мэ сом годэ?” Тэньци мэ пхэндём дро пэскиро ило, со саро дава адякэ-паць исын харныпэн. ¹⁶ Пал-дова со мануша на явэна тэ рипирэн годэс пэ сарэ веки, сыр и дылыниньконэс; пал-дова со саро ужэ бистрэна дрэ бэрша, со явэна. И сыр дава

исын, со годó ману́ш мэ́рэла а́дякэ-па́ць, сы́р и дылы́нинько? ¹⁷ И мэ лыём зоралэ́с тэ на дав чол (тэ на цэнина́в) джи́ибэ́н. Пал-до́ва со бу́ты, со сы́с кэ́рды тэ́л кхам, пхара́якирдя́ миро ило́; пал-до́ва со са́ро исын харны́пэ́н и сы́рбы тэ́ традэ́спэ пал балва́л. ¹⁸ И мэ лыём зоралэ́с тэ на дав чол са́рэ мирэ́ пхара́э бу́тыкэ, со мэ кэ́рдём пхара́э тэ́л кхам, пал-до́ва со мэ ж ячки́рава ману́шэскэ́, кон явэ́ла пал ма́ндэ. ¹⁹ И кон джи́нэ́ла, ци ё́в явэ́ла годó ци дылы́нинько? Нэ ё́в жа явэ́ла тэ́ хулаи́нэл пэ́ ми́ри са́ри пхари́ бу́ты, со мэ кэ́рдём бу́ты пхара́э, и дро со мэ сы́кадём пэ́скиро го́дыпэ́н тэ́л кхам. Да́ва исын а́дякэ-па́ць харны́пэ́н. ²⁰ Тэ́ньци мэ риски́рдём пэ́скиро ило́ и лыём тэ́ отпхэ́навпэ́ са́рэ пхара́э бу́тытыр, со мэ кэ́рдём бу́ты пхара́э тэ́л кхам. ²¹ Исын ману́ш, кон кэ́рдя́ бу́ты пхара́э го́дыпна́са, джи́ныбна́са и кэ́рдя́, и ё́в ячки́рэла пэ́скиро ми́штыпэ́н ману́шэскэ́, са́во на кэ́рдя́ бу́ты пхара́э па́шы́л лэ́стэ́. Да́ва исын а́дякэ-па́ць харны́пэ́н и ба́ри биба́хт. ²² Со ж ману́шэскэ́ явэ́ла са́рэ лэ́скирэ́ пхара́э бу́тытыр и илэ́скирэ́ туга́тыр, кэ́ли ё́в кэ́рдя́ бу́ты пхара́э тэ́л кхам. ²³ Пал-до́ва со са́рэ лэ́скирэ́ ды́вэ́са́ исын ду́кханэ́, и са́рэ лэ́скирэ́ бу́тенды́р исын ту́га пэ́ ило́, аж дро ра́т лэ́скиро ило́ на откхи́нэ́ла. Да́ва исын а́дякэ-па́ць харны́пэ́н. ²⁴ На́нэ ни́со фэ́ды́р ва́ш ману́шэскэ́, со́б (ка́й) ё́в тэ́ хал, и тэ́ пьел, и, со́б (ка́й) лэ́скиро ило́ тэ́ ра́дынэ́лпэ́ зоралэ́с лэ́скирэ́ бу́тытыр. Да́ва исын а́дякэ-па́ць, мэ га́лыём, Дэ́влэ́скирэ́ ва́стэ́стыр. ²⁵ Пал-до́ва со, кон са́шты́ тэ́ хал, ци кон са́шты́ тэ́ ра́дынэ́лпэ́ бу́тыр би́ Лэ́скиро? ²⁶ Дэ́вл дэ́ла го́дыпэ́н, и джи́ныбэ́н, и ра́дыма́ одо́лэ́ ману́шэскэ́, кон исын ла́чхо́ ва́ш Лэ́скэ́; нэ́ Ё́в дэ́ла бу́ты́ и грэ́хитко́нэ́ ману́шэскэ́, тэ́ скэ́дэл и тэ́ чху́вэл кхэ́танэ́, со́б (ка́й) ё́в мо́гинэ́лас тэ́ отдэ́л ко́долэ́скэ́, са́во исын ла́чхо́ ва́ш Дэ́влэ́скэ́. Да́ва исын а́дякэ-па́ць харны́пэ́н и, сы́рбы тэ́ традэ́спэ пал балва́л.

Шэ́ро́ 3

Исын Часо Ваш Са́ро

¹ Ва́ш са́ро, со кэ́рэлапэ́ дро да́ва свэ́то (ло́т), исын пэ́скиро у́ляго (по́ра), и исын ча́со (цы́ро) ка́жно́нэ́ рэ́ндоскэ́ тэ́л кхам; ² и ча́со тэ́ обко́шэ́н до́ва, со исын по́чхудо; ча́со тэ́ би́янде́н, и ча́со тэ́ мэ́рэн; тэ́ по́чхувэ́н дрэ́ пху́в, ³ ча́со тэ́ му́ляки́рэ́н, и ча́со тэ́ са́стяки́рэ́н; ча́со тэ́ пха́гирэ́н тэ́лэ́, и ча́со тэ́ га́здэ́н кхэ́р; ⁴ ча́со тэ́ ту́гинэ́н зоралэ́с, и ча́со тэ́ кхэ́лэ́н; ча́со тэ́ ро́вэ́н, и ча́со тэ́ са́нпэ́; ⁵ ча́со тэ́ об́лэ́н, и ча́со тэ́ об́ри́кирэ́нпэ́ об́лыи́бна́стыр; ча́со тэ́ чху́рдэ́н кри́г ба́ра́; и ча́со тэ́ укэ́дэ́н ба́ра́; ⁶ ча́со тэ́ ро́дэ́н, и ча́со тэ́ на́шавэ́н; ча́со тэ́ ра́кхэ́н, и ча́со тэ́ чху́рдэ́н кри́г; ⁷ ча́со тэ́ риски́рэ́н, и ча́со тэ́ сы́вэ́н; ча́со тэ́ явэ́н шты́л, и ча́со тэ́ ра́кирэ́н; ⁸ ча́со ва́ш ма́рибэ́н, и ча́со ва́ш ра́ма́нэ́ (ми́ро); ча́со тэ́ сы́кавэ́н па́ты́в, и ча́со зоралэ́с тэ́ би́дыкхэ́н. ⁹ Са́во ко́фо исын бу́тыя́рнэ́скэ́ да́лэ́стыр, па́шы́л со ё́в кэ́рдя́ бу́ты пхара́э. ¹⁰ Мэ́ ды́кхце́м на́мило́ пхари́ бу́ты, со Дэ́вл ды́я ману́шэ́нгирэ́ чха́вэ́нгэ́ тэ́ кэ́рэ́н пхара́э. ¹¹ Ё́в кэ́рдя́ са́ро шу́ка́р дро пэ́скиро ча́со, а́дякэ-па́ць Ё́в ды́я джи́ныбэ́н пал свэ́то (ло́т) дрэ́ лэ́нгирэ́ илэ́; нэ́ са́рое́кх ма́ну́ш на́шты́ тэ́ га́лэ́л до́ва кэ́рибэ́н, со Дэ́вл кэ́рэ́ла а́нглы́пна́стыр кэ́ ко́нцо́ (кэ́ я́го́ро). ¹² Мэ́ джи́но́м, со ни́со на́нэ́ фэ́ды́р ва́ш лэ́нгэ́, сы́р тэ́ ра́дынэ́нпэ́ зоралэ́с тэ́ кэ́рэ́н ла́чхи́пэ́н дро лэ́нгиро́ джи́ибэ́н; ¹³ и а́дякэ-па́ць, со́б (ка́й) ма́ну́ш тэ́ хал, и тэ́ пьел, и тэ́ ра́дынэ́лпэ́ зоралэ́с ла́чхи́пна́стыр са́рэ лэ́скирэ́ бу́тытыр-да́ва́ исын та́ла́но́ Дэ́влэ́стыр. ¹⁴ Мэ́ джи́но́м со, со́б (ка́й) Дэ́вл тэ́ на кэ́рэ́л, да́ва́ явэ́ла пэ́ са́рэ ве́ки. Ни́со на́шты́ тэ́ до́чхувэ́с кэ́ до́ва, и ни́со на́шты́ тэ́ отлэ́с да́лэ́стыр. Дэ́вл джи́нэ́ла тэ́ кэ́рэ́л а́дякэ́, со́б (ка́й) а́мэ́ тэ́ да́рас а́нгил Лэ́стэ́. ¹⁵ Да́ва, со исын, у́жэ́ сы́с га́рым-га́ра́, и до́ва, со явэ́ла, тэ́ж у́жэ́ сы́с, и Дэ́вл я́нэ́ла па́лэ́ до́ва, со сы́с. ¹⁶ А́дякэ-па́ць мэ́ ды́кхце́м тэ́л кхам: одо́й, ка́й сэ́нды́тко́ штэ́то, одо́й исы́с фу́ипэ́н. И одо́й, ка́й штэ́то ва́ш ча́чипэ́н, одо́й сы́с биба́хт. ¹⁷ Мэ́ пхэ́нде́м дро ми́ро ило́: “Дэ́вл явэ́ла тэ́ сэ́ндя́кирэ́л ча́чуно́ и фу́е ма́ну́шэ́н, пал-до́ва со одо́й явэ́ла ча́со ва́ш ка́жно́ вы́кэ́дыи́бэ́н и ва́ш ка́жно́ бу́ты.” ¹⁸ Мэ́ пхэ́нде́м дро ми́ро ило́: “А́дякэ́ исын ма́ну́шэ́нгирэ́ чха́вэ́нца, со Дэ́вл спроби́нэ́ла лэ́н, со́б (ка́й) ё́нэ́ мо́гинэ́на́с тэ́ ды́кхэ́н, со ё́нэ́ исын сы́рбы́ му́рдала́ (жи́вотна́). ¹⁹ Пал-до́ва со, со кэ́рэ́лапэ́ ма́ну́шэ́нгирэ́ чха́вэ́нца, а́дякэ-па́ць кэ́рэ́лапэ́ му́рдалэ́нца: е́кх до́ля: сы́р е́кх мэ́рэ́ла, а́дякэ-па́ць я́ви́р му́лэ́ла. ²⁰ Са́рэ джа́на дро е́кх штэ́то: са́рэ исын пра́хосты́р, и са́рэ ри́се́на дро пра́хо. ²¹ Кон джи́нэ́ла, ци ма́ну́шэ́нгирэ́-чха́вэ́нгиро́ ду́хо (фа́но) джа́ла у́прэ́? И ци

мурдалэнгиро дүхо (фáно), ци ёв джáла дрэ пхув? ²² И мэ дыкхцём, со нисó нанэ фэдýр, сыр манушэскэ тэ радынэлпэ зоралэс лэскиро бутендыр, пал-довá со давá исын лэскири дóля, нэ кон янэла лэс тэ дыкхэл, со явэла пал лэстэ?

Шэрó 4

¹ И мэ рисиём и дыкхцём, сыр притасавэна манушэн, и давá кэрэлапэ тэл кхам: и дыкх! Манушэнгирэ ясва, конэс притасавэна, нэ лэндэ нанэ никон тэ подрикирэл лэнгиро дүхо (фáно), нэ пэ кадалэнгири риг, кон притасавэла сыс зор, нэ лэндэ нанэ никон тэ подрикирэл лэнгиро дүхо (фáно). ² Палдава́ мэ шардём мулэн, савэ ужэ мынэ, бутýр далэндýр, савэ исын джидэ. ³ Нэ, чачэс, фэдýр, кадалэ дуендыр исын кодова́ мануш, кон ишчо (инкэ) на сыс пэ свэто (лот), кон на дыкхця́ бибахталы бутý, со кэрэлапэ тэл кхам.

Пхарí Бутý Ваш Пэскэ исын Ивьá

⁴ И мэ дыкхцём, со пал кажно пхарí бутý и кажно рангири бутý, мануш зэвлынэла явирэ манушэскэ. Давá исын адýкэ-паць харныпэн и сýрбы тэ традэспэ пал балвэл. ⁵ Дылынинько исын бэштó, счхуви вастá кхэтанэ и хáла кокорó пэс. ⁶ Давá исын фэдýр тэ дорэсэс бурнык (пригоршня) раманёса (мирóса), сыр пхэрдэ дуй вастá намилэ пхарэ бутýтыр и традыпнаса пал балвэл. ⁷ И мэ рисиём и дыкхцём харныпэн тэл кхам. ⁸ Исын екхджинó мануш и лэстэ ниéкх нанэ тэ явэл пашýл лэстэ; лэстэ нанэ ни пшал, ни чхавó: нэ нанэ кóнцо (ягóро) лэскирэ пхарэ бутýкэ и лэскирэ якхá нанэ чалэ барвалыпнастыр и пхучэла ёв: “Ваш конэскэ мэ кэрáва бутý пхарэс и отпхэнава пэскэ лачхипнастыр.” Давá исын адýкэ-паць харныпэн и бутý, со пхарýркирэла илó. ⁹ Дуенгэ исын фэдýр, сыр екхэскэ: пал-довá со лэнгэ явэла лачхí мазýри (награда) пал лэнгири кхэтанý бутý: ¹⁰ кóли екх дуендыр пэрэла, тэды явýр ‘газдэла пэскирэ дрогонэ малэс. Нэ бída явэла одолэскэ, кон исын екхджинó: кéли ёв пэрэла, лэстэ нанэ явýр мануш тэ под ‘газдэл годлэл лэс. ¹¹ Адýкэ-паць, кóли дуйджинэ пасёна кхэтанэ, тэды ёнэ татёна екх екхэстыр, и сыр екхджинó мoгинэла тэ татёл? ¹² Нэ кóли мануш саштý тэ пиризорýркирэн екхджинэс явирэс, тэды дуйджинэ саштý тэ отмарэнпэ, и тринэ – тхавэнгиро шéло насыг и кошэлапэ. ¹³ Чорорó и годó тэрнó мануш исын фэдýр пхурэстыр, нэ дылынинько исын крáли, савэс наштý бутýр тэ сыклякирэс тэ приракхэлпэ. ¹⁴ Пал-довá со давá тэрнó мануш саштý тэ явэл кадасавó, кон гия́ яврý бэшыбнастыр пэ кралипэн, мэк ёв и тэ бияндёл чорорó дро пэскиро кралипэн. ¹⁵ Мэ дыкхцём, сыр сарэ джидэ, кон исын тэл кхам, сыс пал явирэ манушэстэ, савó тэрдия́ пэ лэскиро штéто. ¹⁶ Нанэ кóнцо (ягóро) манушэнгэ, ангил конэстэ ёв яця́ крали́са, нэ одолэ, кон явдý коригэдýр (позжэдýр), на явэна зоралэс тэ радынэнапэ лэстыр. Пал-довá со сарó давá исын харныпэн и сýрбы тэ традэспэ пал балвэл. ¹⁷ [Дыкх кучэс пал гэрóй, кéли ту джáса андрé дро Дэвлэскиро Кхэр, и рýскир кан бутýр тэ шунэс, со ракирэна, сыр тэ дэс свэнта яныбэна, и дылынинька кэрэна дова́-паць: пал-довá со ёнэ на джинэна, со ёнэ кэрэна биба́хт.-р.с.]

Шэрó 5

Дар Дэвлэстыр

¹ [2-ю.о.] На яв сýгно тэ пхэнэс пэскирэ мóса, и мэк тырó илó тэ на выпхэнэл сýгно лав ангил Дэвлэстэ: пал-довá со Дэвлэ́ исын пэ болыбэн, нэ ту сан пэ пхув, палдава́ на рáкир бут. ² [3] Палдовá со мануш дыкхэла сунэ, кéли лэстэ исын бут рэндý, и дылыниньконэскири зан пинджкирэса (уджинэса) пир бут лавá. ³ [4] Кéли ту совлахаса Дэвлэ́скэ, на тырдэ тэ кэрэс пир совлáх, пал-довá, со Лэ́скэ исын на дрóга дылынинька: кэр, сыр ту дыя́н совлáх. ⁴ [5] Исын фэдýр тэ на совлахас, сыр тэ совлахас, и тэ на кэрэс пир совлáх. ⁵ [6] На домэк, соб (кай) тырэ уштá тэ лыджán лоч (плоть) тэ кэрэл грéхо, ци, соб

(кай) тэды тэ пхэнэс Дэвлэскирэ Янголоскэ [бичхайбнаскирэскэ-ю.о.]: “Дро дава́ мэ дыёмпэ дукха́.” Ваш со дава́ трэй, соб (кай) Дэвэл тэ холясол пэ тыри́ зан, и, соб (кай) тэ хасякирэл тыр-вастэнгири буты́? ⁶ [7] Пал-дова́ со одой, кай бут сунэ дыкхэна, одой и бут лава́ ракирэна, нэ саро́ дава́ исын харныпэн. Нэ ту дар Дэвлэстыр. ⁷ [8] Кóли ту дыкхэса, сыр притасавэна чорорэс пэ пхув, и нахратэс рискирэна Зако́но и чачипэн дрэ мижэх риг, тэды на дивинпэ пэ дава́, пал-дова́ со вучэдыр барыдыро́ дыкхэла пал вучэ барыдырэндэ, и ишчо (инкэ) вучэдыр барыдыра́ исын пэ лóндэ.

Барвалыпэн исын Харныпэн (Ивья)

⁸ [9] И ко́фо (льгота) пхувья́тыр исын ваш сарéнгэ, и кра́ли кокорó джидёла фэлдатыр. ⁹ [10] Конэскэ пир ило́ исын руп, одова́ на явэла чало рупэстыр, ци, конэскэ пир ило́ баро́ барвалыпэн, кодолэстэ на явэла ада́кицы, кицы́ лэскэ трэй. Саро́ дава́ адя́кэ-паць исын харныпэн. ¹⁰ [11] Сыр барьёла миштыпэн, явэла бутэдыр мануша́, кон чаравэлапэ лэстыр, и, саво́ ко́фо исын одолéнгэ, конэскиро исын дава́ миштыпэн, сыр екх фэни тэ дыкхэн пэ лэстэ? ¹¹ [12] Бутярно исын сутó гудлэс, ци ёв хала бут, ци на́бут (куты́): нэ баро́ барвалыпэн на дэла тэ совэл лэскэ. ¹² [13] Исын пхари́ биба́хт, со мэ дыкхцём тэл кхам: барвалыпэн, со ману́ш приракхэла пэскэ, дукхавэла лэс, ¹³ [14] ци дава́ барвалыпэн мого́нэла тэ хасёл бибахталэ ваканцыя́тыр (случаёстыр). А кэли чхаворó латхэлапэ, ёв нисо́ на дорэсэла дро васт. ¹⁴ [15] Сыр ёв явдя́ пэ свэ́то (лот) нанго да́кирэ штэ́тостыр, дасаво-паць нанго ёв рисёла палэ, сыр ёв явдя́. И ёв нисо́ на лэла пэскирэ пхарэ́ бутя́тыр, со ёв мого́нэлас тэ лыджал криг пэскирэ вастэса. ¹⁵ [16] И дава́ исын адя́кэ-паць пхари́ биба́хт: дро саро́ саво́ ману́ш явдя́, рэх (украт) дасаво-паць ёв ячкирэла дава́ свэ́то (лот), и, саво́ ко́фо явэла лэскэ, со ёв кэрдя́ пхари́ буты́ ваш балва́л? ¹⁶ [17] Ёв хая дро цямлыпэн дрэ сарэ́ пэскирэ дывэса́ бутэ́ дукхэнца, насвалыпнаса и барэ́ холя́са. ¹⁷ [18] Акэ, со мэ дыкхцём: дава́ исын лачхэс и миштэс тэ хал, и тэ пьел, и зоралэс тэ радынэлпэ лачхипнастыр, со исын сарэ́ лэскирэ пхарэ́ бутя́тыр, со ёв кэрдя́ буты́ пхарэс тэл кхам дрэ сарэ́ дывэса́ лэскирэ джиибнастыр, со Дэвэл дья́ лэскэ, пал-дова́ со дава́ исын лэскири паш миштыпна́стыр. ¹⁸ [19] И адя́кэ-паць кажно ману́ш, конэскэ Дэвэл дья́ барвалыпэн и миштыпэн, и дья́ зор лэскэ тэ лэл дава́, и тэ лэл пэскири паш миштыпна́стыр и зоралэс тэ радынэлпэ пэскирэ пхарэ́ бутя́тыр-дава́ исын лэскиро талано́ Дэвлэстыр. ¹⁹ [20] Пал-дова́ со ёв на явэла ўса́ды (сак) тэ рипирэл дывэса́ лэскирэ джиибнастыр, палдава́ Дэвэл и обрадынэла лэскиро ило́.

Шэро́ 6

¹ Давá исын биба́хт, со мэ дыкхцём тэл кхам, и дава́ исын сы́рбы со дывэс машки́р манушэ́ндэ: ² ману́ш, конэскэ Дэвэл дья́ ада́кицы барвалыпэн, миштыпэн и патыв, со лэскэ ухтылэла (дóси) саро́, соб (кай) ёв тэ на закамэл; нэ Дэвэл на дэла зор лэскэ тэ лэл ко́фо далэ́ сарэ́стыр, нэ чу́жо ману́ш лэла ко́фо пэскэ лэстыр: дава́ исын харныпэн и бибахталы дукх. ³ Кóли манушэ́стэ латхэнапэ шэл чхаворэ́, и ёв продживэла барэ́ бэрша́, со явэна бут бут дывэса́ дро лэскиро джиибэн, нэ ко́ли лэскиро ди на явэла чало лачхипнастыр, ци лэс гаравэна накучэс, тэды мэ пхэна́вас, со муло́ тыкномас, саво́ исын дро да́киро пэр, исын фэды́р кадасавэ́ манушэ́стыр; ⁴ пал-дова́ со ёв явэла ваш нисо́, и ёв джа́ла криг дро калыпэн (цямлыпэн), и лэскиро лав исын чхаки́рдо цямлыпна́са; ⁵ и мэк ёв на дыкхця́ кхам, и мэк ёв на джидя́ нисо́, уса́екх лэскэ исын буты́р рама́нэ (пакоё́), сыр ко́долэ манушэ́стэ, конэ́стэ сыс саро́. ⁶ Нэ мэк ёв и тэ дживэ́л дуй мо́лы пир тысё́нцо бэрш, нэ ко́ли ёв на дыкхця́ лачхипэн, тэды со лэскэ далэ́стыр? Ци на саро́ джа́ла дро екх штэ́то? ⁷ Ману́ш кэрэ́ла пхари́ буты́ ваш пэскиро муй, нэ лэскиро ди ни́екхвар исын на чало. ⁸ Пал-дова́ со сави́ льгóта (лачхипэн) исын годэ́ манушэ́стэ анги́л чорорэ́ манушэ́стэ, и сави́ льгóта исын чорорэ́ манушэ́стэ, кон фэ́ни джидя́ла, сыр тэ лыджал пэс пэ манушэ́ндэ? ⁹ Исын фэды́р тэ лэл лачхипэн долэ́стыр, со якха́ дыкхэна, сыр ўса́ тэ тырдэспэ́ деса́ кэ вари-со яви́р. Давá исын адя́кэ-паць харныпэн и сы́рбы тэ традэспэ́ пал балва́л. ¹⁰ Сарэ́скэ, со ка́канá исын, гара́ анги́л

сыс дыно́ лав и дава́ исын джидло́, саво́ кажно ману́ш исын, и со ёв наштý тэ лыджал рэндо проти́ одолэ́стэ, кон исын зоралэ́дыр лэ́стыр. ¹¹ Пал-дова́ со исын бут рэнды́ и лава́, со́стыр исын бутýр харныпэн; саво́ ж лачхипэн исын манушэ́скэ? ¹² И кон джидла́, со дасаво исын лачхипэн ваш манушэ́скэ дро лэ́скиро джи́ибэн, дрэ сарэ́ дывэ́са лэ́скирэ джи́ибнастыр, со проджа́ла сыр зэр (тенё)? И кон сашты́ тэ пхэнэл манушэ́скэ, со явэ́ла палó лэ́стэ тэл кхам?

Шэро́ 7

Думы́ пал Джи́ибэн

¹ Лачхо́ лав исын фэ́дыр кучонэ́ драбэ́стыр тэ кхосэн, и мэрибна́скиро дывэ́с исын фэ́дыр дывэ́сэ́стыр, кэ́ли вари-кон бияндё́ла. ² Давá исын фэ́дыр тэ джас дро кхэр, кай ровэ́на пал мулэ́стэ, сыр тэ джас дро кхэр, кай свэнкинэ́на, пал-дова́ со дава́ исын ко́нцо (яго́ро), со ужакирэ́ла сарэ́ манушэн, и джидэ́ манушэ́скэ трэй дава́ тэ прилэл кэ́ ило́. ³ Ту́га исын фэ́дыр са́бнастыр, пал-дова́ со, ко́ли муй исын смэ́нтно (скучно), тэды́ ило́ ячэ́лапэ́ фэ́дыр. ⁴ Годэ́-манушэ́скиро ило́ исын дро кхэр, кай ровэ́на пал мулэ́стэ, нэ́ дылыни́ньконэнги́ро ило́ исын дро кхэр, кай ра́дынэ́напэ́ са́бнаса. ⁵ Давá исын фэ́дыр ваш манушэ́скэ тэ шунэн, ко́ли годэ́ мануша́ сыкавэ́на банг ту́кэ, сыр тэ шунэ́с дылыни́ньконэнги́ри гилы́. ⁶ Пал-дова́ со дылыни́ньконэнги́ро са́бэн исын фэ́дыр сыр пхусады́тка хру́сты, со пхараде́на дрэ яг тэл пирй́. Давá исын а́дякэ́-паць харныпэн. ⁷ Чачо́, ко́ли годó ману́ш притасавэ́ла яви́рэ манушэ́с, тэды́ ёв дылне́ла, и поча́стунко (подарко) [мы́то-ю.о.] хасякирэ́ла манушэ́скиро ило́. ⁸ Ко́нцо (яго́ро) исын фэ́дыр а́нглыпна́стыр дро ка́жно рэндо, а ману́ш, саво́ зрикирэ́ла пэ́скиро ду́хо (фа́но) исын фэ́дыр ко́долэ́стыр, кон исын пху́тьки́рдо дро ду́хо (фа́но). ⁹ На хо́лясов сы́гэс дро ты́ро ило́, пал-дова́ со дылыни́нько ману́ш рикирэ́ла холы́ дро ко́лын. ¹⁰ На ра́кир: “Сыр дава́ исын, со ва́гэдыр (га́рэдыр) дывэ́са́ сыс фэ́дыр, сыр ка́кана́?” Палдова́ со дава́ нанэ́ годó пхучи́бэн. ¹¹ Годы́пэн исын а́дякэ́-паць лачхо́ сыр ми́штыпэн, и ко́фитко (по́лезно) ваш одо́лэнгэ́, кон ды́кхэ́ла кхам. ¹² И годы́пэн, а́дякэ́-паць и ло́вэ затэ́рдэ́на пал манушэ́стэ, нэ́ джи́ныбэн исын фэ́дыр дро до́ва, со годы́пэн дэ́ла джи́ибэн одо́лэ́скэ, ко́нэ́стэ ёв исын. ¹³ Приды́кхпэ́ кэ́ до́ва, со Дэ́вэл кэ́рдя́: кон сашты́ тэ кэ́рэ́л ровно́ до́ва́ предме́то, со Дэ́вэл кэ́рдя́ банго́. ¹⁴ Кэ́ли ты́рэ́ дывэ́са́ исын ми́штэ, ра́дынпэ́ зоралэ́с, нэ́ кэ́ли дывэ́са́ исын фу́й, тэды́ обду́мин екх: Дэ́вэл чху́дя́ екх пал яви́рэ́стэ, со́б (кай) дро ко́нцо (яго́ро) ману́ш тэ на джи́нэл, со явэ́ла пал лэ́стэ. ¹⁵ Мэ́ ды́кхцём сарэ́ далэ́ нача́чипэ́на дрэ ми́рэ харны́пна́скирэ́ дывэ́са́: чачуно́ ману́ш, кон хасе́ла пэ́скирэ́ чачипна́са, и би́бахталó ману́ш, кон джи́вэ́ла гара́ (длэ́нгэс) пэ́скирэ́ би́бахталэ́ рэндэ́нца. ¹⁶ На яв чачуно́ бутýр ме́ратыр; на яв годó бутýр ме́ратыр: ваш со ту́кэ́ тэ хасяки́рэс пэ́с? На яв дылыни́нько бутýр ме́ратыр, ваш со ту́кэ́ тэ мэ́рэс а́нгил уля́го (пора)? ¹⁷ Давá исын лачхэ́с, со́б (кай) ту́ тэ рики́рэспэ́ кэ́ екх, и а́дякэ́-паць, со́б (кай) ту́ тэ ду́рьяки́рэс ты́ро́ васт яви́рэ́стыр: пал-дова́ со кон да́рэла Дэ́влэ́стыр, одо́ва́ явэ́ла тэ лэл ко́фо ду́ендыр ко́тэ́рэндыр. ¹⁸ Годы́пэн зоря́кирэ́ла годэ́ манушэ́с, и ёв исын ба́рэды́р дэ́шэ́ фо́ро́скирэ́ ба́рыды́рэндыр. ¹⁹ И ни́е́кх нанэ́ чачуно́ манушэ́с пэ́ пхув, кон кэ́рэ́ла лачхипэн и кон на кэ́рэ́ла грэ́хи. ²⁰ А́дякэ́-паць и на при́лэ́ илэ́са сарэ́ лава́, со мануша́ пхэ́нэ́на, со́б (кай) ту́ тэ на шунэ́с ты́рэ́ дына́рис тэ ко́шэл тут. ²¹ Пал-дова́ со а́дякэ́-паць и ты́ро́ ило́ бут мо́лы джи́ндя́, сыр ту́ а́дякэ́-паць ко́сця́н яви́рэн. ²² Са́ро́ дава́ мэ́ спробиндём́ пир ми́ро годы́пэн, и мэ́ пхэ́ндём: “Мэ́ ява́ва годó”, нэ́ дава́ сыс ду́рал ма́ндыр. ²³ Са́ро́, со́б (кай) тэ на явэ́л, исын ду́рал и древа́н хо́р, кон сашты́ тэ уга́лёл дава́? ²⁴ Мэ́ риско́рдём пэ́скиро ило́, со́б (кай) тэ джи́на́в, тэ ро́зга́лэ́вав, и тэ вы́родав годы́пэн и причи́на, со́скэ́ са́ро́ а́дякэ́ кэ́рэ́лапэ́? ²⁵ И тэ у́джи́нав, са́ви́ би́ба́хт лы́джала́ ды́лыны́пэн, и ду́рэды́р би́годы́пэн, и тэды́ ману́ш сы́рбы́ зджа́ла́ го́дятыр. ²⁶ И мэ́ латхём́ (ла́стём), со́б джу́влы́ исын киркэ́дыр мэ́рибна́стыр, са́вья́тэ́ ило́ исын сы́рбы́ фэ́лы́, ци́ кху́ды́ (се́ть), са́вья́тэ́ васта́ исын сы́рбы́ за́ндирья́ (цэ́пи) пэ́ ге́ра́. Нэ́ ману́ш кон кэ́рэ́ла, сыр исын лачхо́ Дэ́влэ́скэ́, зра́кхэ́лапэ́ ла́тыр, нэ́ грэ́хитко́ ману́ш явэ́ла лы́но́ дрэ ла́кирэ́ фэ́ля́. ²⁷ Ды́кх! Сэ́ мэ́ латхём́”, – пхэ́ндя́ Сы́кляки́рибна́скиро пал Дэ́влэ́стэ́, – сыр мэ́ дочху́вава́ екх ча́чипэн кэ́ яви́р, со́б (кай) тэ уга́лэ́вав, со́скэ́ са́ро́ дава́ кэ́рэ́лапэ́. ²⁸ Со и́шчо́ (и́нкэ́) ми́ро ило́ ро́дэ́ла, нэ́

со мэ наштý тэ латхав, дава́ исын: машкíр барé манушэндэ мэ латхём екхэ муршэс, нэ мэ на латхём ни екха джувля́ машкíр кадалэ сарэндэ. ²⁹ Дыхх! Со мэ латхём: Дэвэл создýя манушэс дэвлытконэса; нэ манушá латхнэ явíр и бут со придуминдлэ пэскэ.

Шэрó 8

¹ Кон исын годó мануш? И кон джинэла тэ роспхэнэл пал сарé рэндý, сыр лэн трэй тэ кэрэн? Манушэскиро годыпэн зачхувэла лэскиро муй тэ зяинэл, и наковло лэскиро муй парудёла.

Кандэн Кралíс

² Мэ пхэнава: “Кандэ, со крáli припхэнэла тэ кэрэс ваш патýв пал тырí совлáх Дэвлэскэ.”
³ На яв сыгно тэ джас криг Лэскирэ якхэндýр. На тэрдёв дрэ стонка пал бибахталó рэндо, пал-довá со крáli кэрэла дова́, со исын лачхó лэскэ, ⁴ пал-довá со кралíскиро лав исын зоралó, и кон саштý тэ пхэнэл лэскэ: “Со ту кэрэса?” ⁵ Кон рикирэлапэ кэ лэскиро припхэныбэн, кодолэскэ на явэла бибáхт и годé-манушэскиро илó розгалёла часо (цыро) и дром, сыр трэй тэ кэрэл? ⁶ Пал-довá со ваш кажно рэндо исын пэскиро часо и дром, сыр трэй тэ кэрэл? Бари бída тасавэла манушэс; ⁷ пал-довá со ёв на джинэла, со явэла; кон могоинэла тэ пхэнэл лэскэ, кели, и, сыр сарó дава́ явэла? ⁸ Ниекхэстэ нанэ зор пэ дýхо (фáно), соб (кай) мануш тэ рикирэл зоралэс дýхо (фáно), и ниекхэстэ нанэ зор дро дывэс, сыр мэрэна. Наштý нисыр и тэ отпхандэспэ марибнастыр проти мэрибэн, адýкэ-паць и бибáхт на выракхэла одолэн, кон присыклынэ тэ кэрэн адýкэ.

Фуй и Чачунé Манушá

⁹ Сарó дава́ мэ дыкхцём и рискíрдём пэскиро илó кэ кажно бутý, со кэрэлапэ тэл кхам: исын часо, кели мануш рикирэла зор пэ явирэстэ и дукхавэла лэс. ¹⁰ И мэ адýкэ-паць дыкхцём, сыр гаравэнас фуé манушэн, савé явэнас и джáнас криг адýкэ, сырбы ёнэ кэрэнас пир чачипэн, и, кели манушá уджанас свэнтонé штэтóстыр и, тэды ёнэ бистрэнас пал лэндэ дро фóро, кай ёнэ кэрдэ бибáхт. Давá адýкэ-паць исын харныпэн. ¹¹ Сыр сэндо пэ одолэндэ, кон кэрэна бибахталé бутý, насыгэс кэрэлапэ, адýкэ-паць пал-дава́ манушэнгирэ-чхавэнгиро илó исын хор залымо, соб (кай) тэ кэрэл бибáхт. ¹² Мэк грэхитко мануш тэ кэрэл бибáхт шэл мóлы и тэ дживэл гарá, нэ мэ джинóm миштэс, со явэла лачхэс одолэнгэ, кон дарэла Дэвлэстыр, кон дарэла ангíл Лэстэ. ¹³ Нэ на явэла лачхэс фуé манушэнгэ, ци сырбы зэр (тенё) ёв на явэла гарá тэ дживэл, пал-довá со ёв на дарэла ангíл Дэвлэстэ. ¹⁴ Давá исын харныпэн, со кэрэлапэ пэ пхув: чачунé манушэнца кэрэлапэ дова́, со треиндя тэ явэл фуé манушэнца пир лэнгири бутý; и исын фуй манушá, конэса кэрэлапэ дова́, со трэиндя тэ явэл чачунé манушэнгэ пир лэнгири бутý. Мэ пхэндём, со дава́ исын адýкэ-паць харныпэн. ¹⁵ И мэ шардём, соб (кай) манушá тэ санпэ радымáса, пал-довá со нисó нанэ фэдýр тэл кхам сыр тэ хан, тэ пьен, и тэ явэн радымакирэса, пал-довá со дава́ помогинэла лэскэ дрэ лэскири пхарí бутý, со Дэвэл дыя́ лэскэ тэл кхам. ¹⁶ Кели мэ рискíрдём миро илó тэ уджинэл годыпэн, и тэ роздыкхэл намило пхарí бутý, со кэрэлапэ пэ пхув: и адýкэ-паць ниекх мануш нанэ, соб (кай) тэ совэл ци дывэсэ, ци ратý; ¹⁷ тэды мэ дыкхцём Дэвлэскири сарí бутý, со мануш наштý тэ галёл сарэса, со кэрэлапэ тэл кхам. Мэк мануш и тэ кэрэл бутý пхарэс, и тэ джинэл бутýр, нэ сароекх ёв на галёла сарэса; адýкэ-паць, кóли годó мануш думинэла, со ёв джинэла дава́, нэ ёв наштý дава́ тэ галёл сарэса.

Шэрó 9

¹ Пал сарó дава́, мэ роздуминдём пэскирэ илэса, соб (кай) тэ розгалёвав бутýр сарó дава́: чачó, и чачунé, и годé манушá, и лэнгирэ бутý исын дро Дэвлэскиро васт: ниекх мануш на

джинэла, ци явэна тэ сыкавэн патыв лэскэ, ци явэна тэ бидыкхэн лэс пал дава: саро дава исын ангил лэндэ. ² Саро адякэ кэрэлапэ сарэнца пир екх дром: екх талано ваш чачунэнгэ и ваш фуэ манушэнгэ; ваш лачхэ, и ваш бибахталэ, жужэ и нажужэ манушэнгэ. Ваш одолэскэ, кон янэла свэнто дыибэн, и ваш одолэскэ, кон на янэла свэнто дыибэн: адякэ лачхэскэ, адякэ-паць и грэхитконэ манушэскэ; адякэ одолэскэ, кон совлахала, адякэ-паць и кодолэскэ, кон на совлахала. ³ Давá исын биба́хт машки́р сарэндэ, со кэрэлапэ тэл кхам – со екх талано (судьба) ужакирэла сарэн: чачо, манушэнгирэ-чхавэнгирэ илэ исын пхэрдэ бибахтыся, и бигодыпэн исын дрэ лэнгирэ илэ, пака ёнэ дживэна, а палó (после) дова ёнэ джана криг одорик, кай мулэ исын. ⁴ Нэ одова, кон исын машки́р джидэндэ, ишчо (инкэ) ужакирэла лачхипэн ангил, пал-дова со джидо джукэл исын фэдыр мулэ шчэрэстыр (левостыр). ⁵ Джидэ мануша́ джинэна, со ёнэ мэрёна, нэ мулэ на джинэна нисо, и адякэ-паць нанэ лэнгэ бутыр мазури (награда), и мануша́ бистырдэ сарэса пал лэндэ. ⁶ Адякэ-паць и лэнгири патыв кэ явир мануша́, и одова, со ёнэ зоралэс бидыкхнэ, и лэнгиро зэвлыныпэн каканá хасинэ – адякэ-паць лэнгэ нанэ бутыр и бажын дро дова, со кэрэлапэ тэл кхам. ⁷ Джа́ и ха пэскиро марó радаса, и пи мол радымакирэ илэса; пал-дова со Дэвлэскэ гарá ячнэ лачхэ тырэ бутя́. ⁸ Мэк тырэ йди тэ явэн парнэ, мэк тэ ухтылэл (тэ явэл дóси) оливитко дзэт (елеё) пэ тыро шэро. ⁹ Джив и радынпэ ромняса, савья́ ту камэса сарэ дывэса́ дро тыро харныпнытко джиибэн, со Дэвэл дья́ тукэ тэл кхам пэ сарэ дывэса́ дро тыро харныпнытко джиибэн; пал-дова со дасави́ исын тыри́ бажын дро джиибэн и дрэ буты, со ту кэрэса тэл кхам. ¹⁰ Саро, со тыро васт латхэла тэ кэрэл, кэр дава́ сарэ тырэ зоралыпнастыр, пал-дова со нанэ ни буты, ни придуминэса нисо, ни джиныбэн, ни годыпэн дрэ магила (дрэ кула), карик ту кэдесапэ тэ джас. ¹¹ Мэ рисиём и дыкхцём, со кэрэлапэ тэл кхам: со призо выкхэлэла на одова, кон исын най сыгэдыр, ци марибэн на одова, кон исын най зоралэдыр, ци марó на одова, кон исын най годэдыр, ци барвалыпэн на одова, кон исын най годьварэдыр, ци ласка, на одова, кон исын най фэдэдыр; нэ исын часо и ваканцыя (случаё) ваш кажнонэ манушэскэ. ¹² Пал-дова со мануш адякэ-паць на джинэла пэскиро часо: ёв попэрэлапэ сыр мачхэ дрэ бибахталы кхуды́ (сеть), сыр чирикля́ дрэ фэлы́, адякэ-паць и манушэнгирэ чхавэ́ исын дрэ фэля́ дро бибахталó часо, кэли екхатыр бари́ би́да пэрэла пэ лэндэ.

Думы пал Годыпэн и Дылныпэн

¹³ Акэ, адякэ-паць исын екх годыпэн, со мэ адякэ-паць дыкхцём тэл кхам и со сыкадыя́ барó ваш мангэ: ¹⁴ га́да, сыс екх фори́цо, кай исыс на́бут (куты́) мануша́, и барó кра́ли гия́ марибна́са пэ дава́ фори́цо, и ёв обгия́ трусця́л дава́ фори́цо халадэнца, и ёв газдыя́ барэ́ ванты́ тэ лэл дава́ фори́цо. ¹⁵ Нэ, галёв, екх чорорó, нэ годó мануш латхяпэ дро фори́цо, и ёв выракхця́ дава́ фори́цо пэскирэ́ годыпна́са. Нэ ни́екх мануш на рипирэлас кадалэ́ чорорé манушорэс. ¹⁶ Тэ́ньци пхэндём мэ: “Годыпэн исын фэды́р зоралыпнастыр”, нэ сароекх – чорорé-манушэнгиро́ годыпэн исын на дрэ патыв́ и лэскирэ́ лавá на шунэна. ¹⁷ Годэ́-манушэнгирэ́ лавá шунэна́ бутыр, со штылэс пхэнэнапэ сыр одолэскири́ годла, кон хулаинэла пэ дылыни́ньконэндэ. ¹⁸ Годыпэн исын фэды́р марибны́тконэ́ састырэ́ндыр; нэ екх грэхитко́ мануш хасякирэ́ла бут лачхипэн.

Шэро́ 10

¹ Мулэ́ матля́ (мухи) дошакирэ́на аптекароски́ро драб́ тэ кхосэн адя́кэ, со дава́ куч драб́ лэ́ла тэ кхандэл кирны́пна́са; ² адя́кэ-паць́ и екх ты́кно́ дылны́пэн кэрэ́ла патывалэ́ манушэ́са, кон исын годó и савэ́с явир́ мануша́ кутякирэ́на. ³ И дава́ адя́кэ-паць́ исын: кэ́ли дылыни́нько мануш́ джа́ла вари́-савэ́ дро́морэ́са; лэ́скэ сароекх на ухтылэ́ла (на́доси) годы́пэн, и ёв сыкавэ́ла кажнонэ́ манушэ́скэ, со ёв исын дылыни́нько. ⁴ Ко́ли тхэмэскирэ́-барыдырэски́ро дү́хо (фа́но) газдэ́лапэ́ проти́ тү́тэ, на ячкив́ (на ячав) пэски́ро штэ́то, пал-дова́ со рама́нэ (миро) барыдырэ́са чхакирэ́ла штылэ́с барэ́ грэ́хи. ⁵ Давá исын биба́хт, со мэ дыкхцём тэл кхам, сыр тхэмэски́ро барыды́ро дэ́лапэ́ дукха́. ⁶ Дылны́пэн чхувэ́лапэ́ ангил барэ́ патыва́са;

барвалэ мануша исын бэштэ пэ тэлатунэ штэты. ⁷ Мэ дыкхцём дынарьён пэ грэндэ, и краліскірэ чхавэн, савэ псирэна пэзал пир пхув сыр дынарья. ⁸ Кон ганавэла ганбін, одова пэрэла дрэ латэ, и кон пхагирэла тэлэ тыно, одолэс сап дандырэла. ⁹ Кон выпхагирэла барá, одолэс бар мोगинэла тэ пэкавэл палэ; кон пхаравэла кашта, одолэс кашт могинэла тэ дукхавэл. ¹⁰ Кóли товэр исын тэмпо, и кóли кон на востринэла чхиныбнытко (лезвиё), то манушэскэ трэй бутыр тэ причхувэл зор. Фэдыр годыпнаса тэ думинэс пал дава ангил. ¹¹ Кóли сап дандырэла манушэс ангил, сыр тэ заракирэс лэс, тэды укротителё ужэ на трэй. ¹² Лавá годэ-манушэнгирэ уштэндэр исын бахталыпэн, нэ дылыниныконэскірэ ушта сырбы накхавэна лэс кокорэс. ¹³ Лэскиро муй лэла тэ ракирэл нагодэ лавá, нэ дро кóнцо (дро ягóро) ёв ракирэла сырбы бишэрэскиро. ¹⁴ И ракирэла бут лавá дылыниныко, нэ ниэкх мануш на джинэла, со явэла ангил, кон могинэла тэ пхэнэл лэскэ? ¹⁵ Дылыниныка мануша кхинякирэна пэс пхарэ бутяса адякэ, со ёнэ на джинэна, сыр тэ джэн пэ фóро. ¹⁶ Бида тукэ, пхув, кóли тырó крáли исын тэрнэ-бэршэнгиро и, кэли тырэ тхагарья (князи) [краліскірэ чхавэ-ю.о.] хана тасярлэс (ранэс). ¹⁷ Бахталы ту сан, пхув, кóли тырó крáли исын барэ-рангирэ родóстыр и тырэ тхагарья (князи) хана тэды, кэли трэй ваш зоралыпэн, а на ваш матыбэн. ¹⁸ Пал древэн кирнэ-масэнгирэ вастá кхэрэскиро каркасо пэрэла, и пир чучэ вастá кхэр тхадэла. ¹⁹ Хабэн исын кэрдó, соб (кай) тэ санпэ, и мол розрадынэла джиибэн, пэ пал ловэ сашты тэ лэс сарó дава. ²⁰ На прокош краліс аж и дрэ годы, на прокош барвалэн дрэ штуба, кай совэса; пал-дова со чириклы дро фáно (воздухо) могинэла тэ лыджал тырó лав [зан-ю.о.], и вурняибнытко пхакэнца создыйбэн (крылато) пхэнэла пал дава рэндо.

Шэрó 11

Харныпэн исын Пхарэ Бутятыр

¹ Дэ тырó марó бутэ манушэнгэ, пал-дова со ту дорэсэса дáры палэ бут дывэсá. ² Роскэр, со исын тóтэ, машкір эфта (эфтанэ) манушэндэ, ци адякэ-паць машкір охто (бидуэнгиро дэш) манушэндэ, пал-дова, со ту на джинэса, савó бэдыпэн явэла пэ пхув. ³ Кóли óблоки исын пхэрдэ брышындэса, тэды ёнэ чхувэна тэлэ паня пэстыр; и кóли кашт (дрэво) пэрэла кэ паш-дывэсытко риг, ци кэ паш-ратитко риг, тэды пэ штэто кашт пэрэла, ёв явэла тэ пасёл. ⁴ Кон дыкхэла пэ балвэл, одова на явэла тэ почхувэл зярка дрэ пхув, и кон дыкхэла патываса пэ óблоки, одова на явэла тэ счхинэл гив. ⁵ Сыр ту на джинэса, савэ дромэса дýхо (фáно) джáла, и дова, сыр тыкнэ-масэнгирэ кокалкицы барьёна дрэ лэскирэ-дакиро пэр, адякэ-паць ту и на галёса Дэвлэскири буты, Кон кэрэла дава сарó. ⁶ Тасярлатунэ (раннёнэ) злокостыр почхув пэскири зярка дрэ пхув, нэ бэльвэлятыр на тангинэ (на жалин) тырó васт ваш буты, пал-дова со ту на джинэса, со удэлапэ кэ миштыпэн, ци дава рэндо, ци дова рэндо, ци дуй далэ рэнды, явэна лачхэ. ⁷ Каканá, дыкх. Дуд исын гудлó, и гожэс исын якхэнгэ тэ дыкхэн кхам; ⁸ нэ кóли мануш дживэла бут бэрш, тэды мэк ёв тэ радынэлпэ зоралэс кажнонэ бэршэстыр, нэ мэк ёв и тэ рипирэл пал калэ дывэсá, пал-дова, со ёнэ явэна бут: сарó, со явэла, исын харныпэн.

Годэ Лавá Тэрнэ Манушэнгэ

⁹ Рáдынпэ (лошалёв), тэрнó мануш, тырэ тэрныпнастыр, и мэк тырó илó тэ газдэл тырó дýхо (фáно) дрэ дывэсá, кэли ту сан тэрнó; и псир одой, кай тырó илó подпхэнэла, и одорік, карик тырэ якхá тырдэнапэ, нэ ту екх джин, со пал дава сарó Дэвэл выкхарэла тут пэ сэндо. ¹⁰ Тэньци, на тугин дро пэскиро илó, и чхув криг бибахт тырэ масэндэр [лочатыр-ю.о.], пал-дова со чхаворипэн и тэрныпэн исын харныпэн.

Шэрó 12

¹ И рíпир тырэ Создыбнаскирэс дрэ тырэ тэрныпнаскирэ дывэса ангíл дова, сыр явэна пхарэ дывэса кэ пхурипэн, и сыр явэна дасавэ бэрша, со ту пхэнэса пал лэндэ: “Мáндэ нанэ лош (весёлыма) лэндыр.” ² Ангíл дава, сыр кхам и дуд, чхон и чэргэня ячэна цямлэ, и ангíл дава, сыр óблоки рисэна палэ брышындэстыр; ³ ангíл дывэса, сыр кхэрíтко ракхибнаскиро явэла тэ издрал, и сыр зоралэ мурша явэна тэ кэрэн тэлэ шэрэнца; ангíл, сыр сявитка (мельницытка) барá тэрдэна дрэ буты пал дова, со ёнэ явэна куты мануша, и сыр мануша, кон дыкхэна пир далэ дудалэ (ставни), явэна сырбы дрэ мигла (мрако) тэ дыкхэн; ⁴ ангíл дова, сыр и вударá захандэна пэ вулица (пэ гáса), кели сявитконэскири (пхуртэскири) буты на явэла шундлы; и кели ёнэ явэна тэ уштэн чириклякирэ багаибнастыр, и кели сарэ багаибнытка чхэй явэна штыл. ⁵ И адалэ мануша адякэ-паць явэна тэ дарэн вучипнастыр, и ёнэ явэна тэ страхандён тэ джэн пир дром, и лэнгирэ балá явэна парнэ адякэ, сыр миндалитко кашт лулудэла (цвэцинэла), и сыр скочко (грасторо) на явэла дрэ радыма, и сыр патыв хасэла сырбы каперсытко кашт шутэла; пал-дова со мануша явэна тэ джэн кэ лэнгиро вечно кхэр, и тэньчи лэнгирэ ровибнаскирэ явэна тэ псирэн пир гáсы (пир вулицы). ⁶ [Рíпир тырэ Создыбнаскирэс-ю.о.], ангíл дова, сыр рупуно шэло кошэлапэ, ци сыр сувнакунó чарó пхадэла, ци сыр кхорó пхарадэла пашыл фолахар (фонтано), ци сыр рота пхадэла пашыл ганынг; ⁷ и рисэла прахо дрэ пхув, кай сыс ёв, а дýхо (фáно) рисэла кэ Дэвэл, Кон дыя лэс манушэскэ. ⁸ Харныпэн харныпнастыр”, – пхэндя Сыклякирибнаскиро пал Дэвлэстэ. “Сарó исын харныпэн.”

Най Важнэдыр Лавá

⁹ И кэ дова, со Сыклякирибнаскиро пал Дэвлэстэ сыс годó, ёв усаэкх сыклякирдя манушэн джиныбнаскэ, и ёв роздыкхэлэс кучэс, и родыя, и ёв чхувэлэс екх пал екх сыр трэй притчы. ¹⁰ Сыклякирибнаскиро пал Дэвлэстэ родыя тэ латхэл гожа лавá и тэ зачхинэл пир чачипэн патяибнытка лавá. ¹¹ Годó-манушэнгирэ лавá исын сырбы сувья [пхусадытка бустя/стрэлы-ю.о.], а лэнгирэ притчы исын сырбы гвозди (карфина), со хор замарнапэ: ёнэ исын сарэ екхэ чхупнаристыр ¹² И ишчо (инкэ): приракхпэ екхэстыр, мýро чхáва: джинэса, нанэ кóнцо (ягóро) манушэндыр тэ чхинэн лылваря, и кóли ту древáн бут явэса тэ сыклёс, тэды ту кхинякирэса пэскирэ масá. ¹³ Явэн, вышунаса кэ кóнцо (кэ ягóро) чачипэн пал сарó дава: “Дар Дэвлэстыр и рíкирпэ кэ Лэскирэ припхэныбэна; пал-дова со дрэ далэ дуй чачипэна исын сарó, со трэй манушэскэ. ¹⁴ Палдова со Дэвэл янэла кажно буты тэ сэндякирэл, и кхэтанэ кажнóн гарадэ кэрибнаса, ци ёв тэ явэл лачхó, ци ёв тэ явэл бибахталó.

Гиленгири (Соломонóскири) Гилы́

Шэрó 1

¹ Гилы́ гилендыр, сави́ счхудя о Соломóно.

Пэрво Гилы́

Ранякирэ-Джувлякири Зан (Глос)

² Мэк ёв тэ чамудэл ман пэскирэ уштэнца; пал-дова со лэскиро пирамнипэн (камибэн) исын фэдыр, сыр мол (вино). ³ Пал-дова со, сыр куч драб тэ кхосэн дэла гудлы сунг(аромáто); тырó лав исын куч драб тэ кхосэн, со чхувэлапэ ангíл, палдава патывалэ тэрнэ джувля́ отдэна илó пал тýтэ. ⁴ Притырдэ ман кэ пэ, и амэ нашаса тýса. Крáли яндя ман дрэ пэскирэ-

кралитка коморы (харомы), соб (кай) амэ тэ явас рада и зоралэс тэ радынаспэ; амэ яваса тэ рипирас тырб пирамнипэн (камибэн) бутыр, сыр мол. Нанэ диво, со патывалэ чхэй отдэна илб пал тутэ. ⁵ Ерусалимоскирэ чхэйлэ! Мэ сом цымяно, нэ мэ сом шукарни джувлы, мэ сом сыр Кидароскирэ шатры, мэ сом сыр зачхуэ (завесы) Соломоноскирэ. ⁶ На дыкхэн адякэ пэ мандэ, со мэ сом калёри, пал-довá со кхаморо пэкця ман. Мирэ-дакирэ чхавэ холясынэ пэ мандэ; ёнэ чхуэ ман тэ ракхав винаградытко унта [(дракхин)] (садо), нэ мэ на рахцём мири винаградытко унта. ⁷ Пхэн ту мангэ, конэс мэ камам, кай ту чаравэса пэскирэ бакрэнгири стады, кай ёнэ явэна тэ откхинён дро паш дывэс? Соскэ мангэ трэй тэ чаравав палэ тырэ дрогонэ-малэнгирэ (другэнгирэ) стады. ⁸ Кóли ту на джынэсас, най гожэдыр машкир джувлендэ, джá пир бакрэнгирэ шпэры (сляды), и чарав пэскирэ бузнорэн (козлорэн) пашыл чхупнарьенгирэ шатры, ⁹ Мэ приравниндём (припарудём) тут, мири пирамниэ (камлы), мирэ най дрогэдыр грасняса дро Фараоноскиро марибнытко вурдэн. ¹⁰ Тырэ чхама (шчоки) исын гожэдыр мириклендыр, Тыри мэн исын гожакирды сувнакунэ зандирорьенца. ¹¹ Амэ кэраса тукэ шукар сувнакуны веригори (подвязка) рупувэ якхорьенца.”

Ранякирэ-Джувлякири Зан

¹² Кéли крáli исын бэштó пал лэскиро скаминд, миро нардо дэла лачхэ-сунгакиро кхандыпэн. ¹³ Сырбы дрого бужоро миростыр ваш мангэ, миро пирамно (камло), кэли ёв исын паштó раты пашыл мирэ колына. ¹⁴ Миро пирамно ваш мангэ исын сырбы рандёри хнатыр (киперостыр), сави лулудёла (цвэцинэла), дрэ винаградытко унта [(дракхин)] Енгеда (Эн-Геда).

Соломоноскири Зан

¹⁵ О, сави гожо-шукар ту сан, мири пирамниэ, – тырэ якхорья исын сыр голумбицатэ.

Ранякирэ-Джувлякири Зан

¹⁶ О, саво гожо-шукар ту сан, миро пирано, саво гудло и амаро чхуибэн исын адякэ-паць сыр вычхудо зэлэныбэн. ¹⁷ Амарэ кхэрэскирэ стрэхи исын сыр кедрытко вэш, и амарэ-бэргакирэ бэльки (стропины) исын сыр кипарисоскирэ кашта!

Шэрó 2

¹ Мэ сом Шароноскиро нарцысо, мэ сом лилия машкир долы.

Соломоноскири Зан

² Сыр лилия исын машкир пхусадытка хрúсты, адякэ-паць исын мири пирамни машкир патывалэ тэрнэ джувлендэ.

Ранякирэ-Джувлякири Зан

³ Сыр пхабэлын, сави исын машкир вэшытка кашта (дрэвы), адякэ-паць исын миро пирамно машкир тэрнэндэ. Мангэ исын пир илб тэ бэшав дрэ лакири зэр (тень), и лакирэ барьякирдэ (плбды) исын гудлэ ваш миро муй. ⁴ Ёв яндя ман дро кхэр, саво сыс пхэрдó моляса (виноса), ёв сырбы чхуэ сцяго, со лэскэ дрого сом мэ. ⁵ Подрикэр ман тэ на пэрав моляса (виноса), нэвякирэн ман пхабэнца, пал-довá со мэ набут со на мэрава пирамнипнастыр (камлыпнастыр). ⁶ Лэскиро зэрво (лёво) васт исын тэл миро шэрó, и лэскиро чачó (право) васт облэла ман. ⁷ Мэ засовлахава тумэн, Ерусалимоскирэ чхэйлэ, газэленца ци фэлдакирэ

миргэнца (сернэнца), соб (кай) тумэ тэ на джангавэн, тэ на газдэн рат ангил дова, сыр явэла лачхó лэскэ.

Явир Гилы

Ранякирэ-Джувлякири Зан

⁸ Акэ, мирэ пирамнэскири зан. Ёада, ёв джала? Ёв пириухтэла пир бэрги? Ёв ухтэла пир бэргицы. ⁹ Миро друго (мал) исын сыр газэль, ци сыр тэрно шыnguно (олёнё). Акэ, ёв исын тэрдó пал ванта, Ёв дыкхэла пирдал фэштры, Ёв продыхэла пирдал саструнэ ратницы (ставни). ¹⁰ Миро пирамно лыя тэ ракирэл и пхэндя мангэ: “Ушты, мирí пирамниё, мирí шукарни, и яв яврий.

Соломонóскири Зан

¹¹ Дыкх жа! Ивант (зима) прогия (нахтия), брышынд пирияця и нанэ бутыр: ¹² лулудя сыкадэна пэ пхув, и чирикля лынэ тэ баган, лакиро багипэн шунэла амарí пхув. ¹³ Инжыритконэ-каштэнгирэ зэлэна пхаба лолёна, и винаградытко кашторо лулудёла и дэла лачхэ-сунгакиро кхандыпэн. Ушты, мирí пирамниё, мирí шукарни, и яв кэ мэ. ¹⁴ Мирí голумбица исын дрэ скалэнгирэ нишы, дрэ гарадэ штэты пир само крутыма, мангэ тэ дыкхав тыро муй, мангэ тэ шунав тыри занори, пал-дова со тыри зан (глос) исын гудлы, тыро муёро исын шукар.” ¹⁵ Ухтылэн локхнен (лисицэн), тыкнэ локхнорьен, савэ хасякирэна винаградытко бар; пал-дова со амарэ винаградытка барья лулудёна.

Ранякирэ-Джувлякири Зан

¹⁶ Миро пирамно исын миро, и мэ сом лэскири. Ёв чаравэла (лэскирэ-бакрэнгири стада) машкир лилии, ¹⁷ Ангил, сыр дывесёла, и зэрья (тени) нашэна, рисёв, миро пирамне: яв сыр газэль, ци сыр тэрно шыnguно машкир бэрги. 3

Наштыл Рат

¹ Пэ миро чхуйбэн мэ родыём раты кодолэс, кэ саво миро ди притырделэ: мэ родыём лэс, нэ мэ на латхём (ластём) лэс. ² Мэ уштава фэдыр и обпрастава форо, вулицы (гасы) и штэты, кай мануша кэдэнапэ; мэ явава тэ родав лэс, кэ саво миро ди притырделэ; мэ родыём лэс, нэ мэ на латхём (ластём) лэс. ³ Ракхибнаскирэ (стражи), савэ псирэна пир форо, латхнэ ман – мэ пхуцёмпэ: “Ци дыкхнэ тумэ кодолэс, кэ саво миро ди тырделэпэ.” ⁴ Набут мэ гиём криг лэндыр, кели мэ латхём (ластём) кодолэс, кэ саво мэ тырдавапэ: мэ рикирдём лэс и мэ на мэкавас лэс, ангил, сыр мэ лыджава лэс дрэ мирэ-дакиро кхэр, и дрэ лакирэ кхэритка коморы (харомы), кон бияндя ман. ⁵ Засовлахава тумэн, Ерусалимóскирэ чхэйлэ, газэленца и фэлдытконэ миргэнца (ланенца), соб (кай) тумэ тэ на джангавэн, тэ на газдэн миро ило ангил, сыр явэла лачхó лэскэ.”

Трито Гилы

Ерусалимóскирэ Раня-Джувля Багана

⁶ “Кон адава исын, саво уштэла чхучэ прахэндыр, сырбы баро тхув газдэлапэ, саво исын тхувлякирдо мирóса и гудлэ смоласа, и кажнонэ лачхэ-сунгакирэ драбэнца тылгарьендыр (купцэндыр). ⁷ Дыкхэн! Акэ, исын Соломонóскирэ-кралитко чхуйбэн: бидарипнаскирэ шовдэша мурша исын пашыл лэстэ, ёнэ исын най зоралэдыр дро Израилё. ⁸ Лэндэ сарэндэ исын куртала, ёнэ исын спецы тэ марэнпэ; кажнонэ манушэстэ исын куртала пашыл лэскири гэрой, соб (кай) тэ на дарэн раты. ⁹ Крали Соломоно кэрдя пэскэ трону, со счхувэлапэ. ¹⁰ Ёв

кэрдя рупувэ стылбицы дро трено, лэскири пхалэ тэ чхувэл куня (локотники) исын сувнакастыр, лэскиро штэто тэ бэшэл исын пурпуростыр; Ерусалимоскирэ чхалэ выкхудэ андрал дава трено пэскирэ илэса. ¹¹ Джан тэ дыкхэн, Сионоскирэ чхалэ, акэ, исын крәли Соломоно, дрэ кралитко стадык (вянка), сави лэскири дай чхудя пэ шэрэ, дро дывэс, кели ёв лыя совлах, дро дывэс, кели лэскиро ило радындяпэ. 4

Соломоноскири Зан

¹ О, сави шукарни ту сан, мирі пирамніе, о сави шукарни ту сан; сыр голумбицатэ тырэ якхэ дыкхэна тэл крэнцо чхур (коса); тырэ балэ исын сырбы бузнэнгири стада, сави джалэ тэлэ бэргатыр Галаадоскирьятыр. ² Тырэ дандэ исын дасавэ парнэ сыр обчхиндлэ бакря, савэ зяинэна, и савэ явнэ морибнастыр, кажно лэндэр янэла пир дуй близнятки (дуёрэ), и ниэкх нанэ ялово (накхабны) машкір лэндэ. ³ Тырэ уштэ исын сыр ярко лолэ тхаворо, и тырэ муй исын дасаво шукар. А тырэ чхамэ (шчоки), со исын тэл крэнцо чхур, исын сыр кускицы гранатытконэ пхабэндэр. ⁴ Тырі мэн исын сыр Давидоскиро стылбо, со кэрдэ тэ чхувэн састыра марибнытка: одой убладэ бар саструнэ шчыты, сыр исын зоралыпнаскирэ-муршэскирэ шчыты. ⁵ Тырэ колына исын сырбы дуй тыкнорэ-близнятки датэ-газэлятэ, сави чаравэла лэн машкір лилии. ⁶ Ангил дова, сыр явэла дывэсэскиро ранко, и сыр зэрья (тени) нашенэ криг, мэ джава пэскэ пэ мирроскири бэрга, и пэ гудлэ-смолакири (фимиамоскири) бэргица. ⁷ Сави шукарни ту сан, мирі пирамніе, и нисави дош нанэ дрэ тутэ. ⁸ Яв манца Ливаностыр, мирі тэрны, яв манца Ливаностыр; яв сыгэдэр тэлэ Аманоскирэ вучипнастыр, Сенироскирэ и Ермоноскирэ вучэ штэтэндэр, яв хашчэндэр/вэнтэндэр (логовэндэр), кай шчэрэ (левы) дживэна, бэргэндэр, кай исын леопарды. ⁹ Ту задивакирдян миро ило, мирі пхэн, мирі тэрны; ту задивакирдян миро ило дыкхибнаса тырэ якхэндэр, екхэ зандирорьяса тырэ мириклендэр. ¹⁰ Сыр шукар тырі ласка исын, мирі пхэн, мирі тэрны! И пэ киды фэдэр лачхэ-сунгакиро кхандыпэн сарэ ароматытконэ макхибнэндэр. ¹¹ Тырэ уштэндэр, мирі тэрны, тхадэла жужо авгін, авгін и тхуд исын тэл тырі чиб; и лачхи сунг тырэ идендэр исын сырбы лачхи сунг Ливаностыр. ¹² Мирі пхэн, мирі тэрны, исын сырбы запхандлы ўнта (садо), сырбы питомнико, со исын пэ клыдын, сырбы ганынг, со исын пэ чэргэнорі (печать). ¹³ Ёнэ барьёна сыр лулудя дрэ раитко ўнта, кай исын гранатытка пхабэлыня выкэдынэ пхабэнца и лачхэ-сунгакирэ хнаса и нардоскирэ рандёрьяса. ¹⁴ Одой исын нардо и шафрано, аеро и карица, и сарэ хрусты гудлэ смоласа, мирро и алоэ, сарэ рангирэ ароматытконэ макхибнэнца. ¹⁵ Фонтано (фолахар), дрэ ўнта джидэ-панескири ганынг, и сыгна рэкицы Ливаностыр.”

Ранякирэ-Джувлякири Зан

¹⁶ “Джангадёв, паш-ратякири балвал, и яв, паш-дывэсытко балвал! Пхурдэ пэ мирі ўнта, соб (кай) тэ розджанпэ лакирэ ароматытка сунга. Мэк тэ явэл миро пирамно дрэ лэскири ўнта (садо) и мэк ёв тэ хал гудлэ пхаба лэскирэ.” 5

Соломоноскири Зан

¹ “Мэ явдём дрэ пэскири ўнта (садо), мирі пхэн, мирі тэрны; мэ скэдыём миро мирро мирэ приправэнца; мэ хаём пэскиро авгинытко сото мирэ авгинэса; мэ пиём пэскири мол (вино) тхудэса.” “Хан, мирэ малорэ, пьен, и пьен чалэс, мирэ пирамнэ [дрога мирэ манушалэ-ю.о.]!”

Штарто Гилы

Ранякирэ-Джувлякири Зан

² “Мэ сом суты, нэ миро илó исын на сутó. Ѓáда, исын зан, мирé пирамнэскири! Ёв марэла дро вудáр: “Отпхандэ мánгэ, мирí пхэн, мирí пирамнорíе, мирí голумбица, мирí най фэдэдыр. Пал-довá со миро шэрó исын учхакирдо пахлыняса (росаса), мирé крэнца балá исын ратитконé сапаныпнаса. ³ Мэ злыём миро урибóн кустыкаса сыр мэ сашты́ тэ урьявав палэ лэс? Мэ мордём пэскирэ гэрá, сыр мэ сашты́ тэ мэлякирав лэн? ⁴ Миро пирамнó чхудя пэскиро васт дрэ вударэскири шчэль; и миро илó андрáл мánдэ потырдыяпэ кэ ёв. ⁵ Мэ уштыём тэ отпхандав мирé пирамнэскэ, и мирé вастá сапанинэ миррóса, и мирé ангушта (пальцы) ячнó киндлэ мирроса пэ клыдынэскиро васторó. ⁶ Мэ отпхандём мирé пирамнэскэ; нэ миро пирамнó дыяпэ палэ, ёв гия́ криг: миро ди кошэласпэ яврí, кели ёв ракирдя́, мэ родыём лэс, нэ мэ на латхём лэс; мэ кхардём лэс, нэ ёв на отпхэндя́ мánгэ. ⁷ Ракхибнаскирэ (стражы), савé обджана фóро, латхнэ́ ман; ёнэ пэкадэ ман, ёнэ дукхадэ ман; ракхибнаскирэ пэ форитко вáнта лынé криг мánдыр мирí длэнги цóрга [савí раххэлас вáнта-р.с.]. ⁸ Мэ засовлахава тумэн, Ерусалимóскирэ чхайлэ! Кóли тумé латхэна мирé пирамнэс, со тумé пхэнэна лэскэ? Со Мэ мэра́ва пирамнипнастыр!”

Ерусалимóскирэ Чхай

⁹ Сóса фэдýр исын тырó пирамнó (камло) явирэ пирамнэ манушэндýр, Ту, кон сан най шукарэдыр машкíр джувлендэ? Сóса ж фэдýр исын тырó пирамнó явирэ пирамнэ манушэндýр, со ту адякэ засовлахаса амэн?

Ранякирэ-Джувлякири Зан

¹⁰ Миро пирамнó исын парнó и лолэ-чхамэнгиро (шчокэнгиро), ёв исын рай ману́ш машкíр дэшэ тысэнцы манушэндэ, ¹¹ лэскиро шэрó исын сы́рбы выкэдыно сувнака́й, лэскирэ крэнца балá кунинэнапэ, ёнэ исын калé сыр коракостэ (вороностэ). ¹² Лэскирэ якхá исын сыр голумбицатэ, со исын пашы́л сыгна рэкицы, савé исын сыр мордэ дро тхуд, савé исын зор и зоралэс бэштé. ¹³ Лэскирэ чхама исын сыр бэтки (гряды), кай приправы барьёна, сыр вучé бэтки гудлэ-сунга́кирэ чарьенца, лэскирэ уштá исын сыр лилии, савэндýр тхадэ́ла тхадуно мирро. ¹⁴ Лэскирэ вастá исын сыр сувнакунé дэстэ, со исын почхудэ хризолитэнца; лэскиро пэр исын зяиндлонэ слоноскирэ кокалостыр, савó исын пиричхудо сапфирэнца. ¹⁵ Лэскирэ гэрá исын сыр стýлбы мраморостыр, со чхудэ пэ фунда́менто выкэдынé сувнака́стыр; лэскирэ-москири мина исын сы́рбы Ливаноскиро барипэн, най кучэдыр, сыр кедры. ¹⁶ Лэскиро муй исын най гудлэдыр; чачó, ёв исын шука́р пир сарó. Акэ, савó исын миро пирамнó, га́да, исын миро мал, – тумé, Ерусалимóскирэ чхайлэ! 6

Ерусалимóскирэ Чхай Ракирэна

¹ Карик да гия́ тырó пирамнó, ту, кон сан най шукарэдыр машкíр джувлендэ? Дрэ савí риг рисия́ тырó пирамнó, соб (кай) амэ тэ родас Лэс тýса?

Ранякирэ-Джувлякири Зан

² Миро пирамнó гия́ тэлé дрэ пэскири у́нта, кэ бэтки [цветники-р.с.] приправэнца, тэ чалякирэлпэ дрэ унты (сады) и тэ кэдэл лилии. ³ Мэ сом екх мирé пирамнэскири, и миро пирамнó исын екх миро: ёв чаравэла пэскири стада машкíр лилии.

Пáнджто Гилы́

Соломонóскири Зан

⁴ Ту сан шука́р сыр Тарза (Фирца), ту сан гожо-шука́р сыр Ерусалимо, ту сан трашаны сыр халадыбэна (полки) сцягэнца! ⁵ Рíскир криг пэскирэ якхá мánдыр, пал-довá со ёнэ лэна

упралыпэн пэ мандэ, тырэ балá исын сыр бузнорэнгири (козэнгири) стады, савэ джана тэлэ Галаадоскирэ навучэ бэргицатыр. ⁶ Тырэ дандорэ исын сыр бакрорэнгири стада, сави аканá явдя морибнастыр, кажно лэндыр биянэла близнятэн, и ниэкх лэндыр исын на ялово. ⁷ Тырэ чхаморэ исын сыр пашорья (котэрорэ) гранатытконэ пхабэндыр, со исын тэл длэнго дыкхло. ⁸ Исын шовдэша кралицы, и охтодэша бисовлахакирэ джувля, и исын бут патывалэ чхая, со нашты тэ гинэс: ⁹ нэ ту, мири голумбица, сан мири екхори, мири най фэдэдыр, ту сан екхори пэскирэ датэ, тыри дай, кон бияндя тут, отдэла ило бутыр тукэ. Сарэ патывалэ джувля дыкхнэ ла, и ёнэ кхардэ тут бахталяса. ¹⁰ Кон жа исын ёй, сави зяинэла сыр злóко (рáнко), сави исын шукарни сыр чхон, ясно сыр кхам, исын трашаны сыр халадыбэна сцягэнца?

Ранякирэ-Джувлякири Зан

¹¹ Мэ гиём тэлэ дрэ пэгэнгэнгири унта (садо), тэ дыкхав чарья пир доло, тэ дыкхав, ци розмэкцяпэ винаградо (дракх), ци гранатытка пхабэлыня лулудинэ. ¹² Ангил дава, сыр мэ галыём, миро ди чхудя ман дрэ барэ-рангирэ марибнэтка вурдэна мирэ народóстыр.

Ерусалимоскирэ Чхая

¹³ Рисёв, рисёв, Суламите, рисёв, рисёв, соб (кай) амэ могоинасас тэ дыкхас пэ тутэ.

Ранякирэ – Джувлякири Зан

¹⁴ [7.1-р.с.] Соскэ тумэнгэ исын пир ило тэ дыкхэн пэ мандэ, сыр пэ дуя-рядэнгири (Манаимоскирэ/халадытко) кхэлыбэн. ⁷

Соломонóскири Зан

¹ [2] Савэ шукáр исын тырэ гэрá дрэ цуруля (цэндали), о, кралискирэ-сэмэнцакири чхай! Тырэ стаця (бёдры) адякэ бандэна трусцял (кругом), со ёнэ исын сыр мириклэ, со ёнэ исын сырбы лэн создынэ спецоскирэ вастá. ² [3] Тырэ пэр исын сыр туюно (крэнгло) тахтай, дро саво ухтылэла (дóси) мешындлы мол (вино); тыри кустык пэ стáно сыр гивнякири того, пашыл саво исын трусцял лилии. ³ [4] Тырэ дуй цюця исын сыр дуй бузнорэ, дуэрэ (двойняты) газэлятэ. ⁴ [5] Тыри мэн исын сыр вучарды (башня) слонитконэ кокалостыр; Тырэ якхá исын сыр зерицы (озеркицы) дро Есёвоно (Гэшбоно), со исын пашыл Батрабимоскири порта; тыро накх исын сыр Ливаноскири вучарды (башня), со дыкхэла яври кэ Дамаско. ⁵ [6] Тыро шэрó дыкхэлапэ сыр бэрга Кармил, и тырэ крэнца балá исын сыр пурпуро; о крáli исын сырбы пхандло дрэ састыра тырэ крэнцонэ чхурьенца. ⁶ [7] Сави шукарни и сави гожо-манушвари ту сан, о, сыр бут мэ радынавапэ тырэ пиранипнастыр (камлыпнастыр). ⁷ [8] Тыри стэма (стáно) исын сыр пальма, тырэ колына исын сыр лакирэ [винаградытка-р.с.] рандёрья. ⁸ [9] Мэ дыём годы пэскэ (думиндём): “Мэ зарэсава упрэ пэ пальма, мэ ухтылавапэ пал лакирэ рандя” мэк тэ явэн тырэ колына сыр винаградоскирэ рандёрья, и мэк тэ явл лачхи сунг тырэ наххэстыр сыр пхабэндыр,

Ранякирэ-Джувлякири Зан

⁹ [10] и тырэ ушта исын сыр най фэдэдыр мол, сави тхадэла ровнэс мирэ пирамнэскэ (камлэскэ), И доджáла поволинкэс (лэнтэс) кэ сутэ-манушэнгирэ ушта. ¹⁰ [11] Мэ сом мирэ пиранэскири, и дова, со лэскэ трэй, рисёла кэ мэ. ¹¹ [12] – Яв, миро пирамно, явэн, джаса пэскэ пир фэлда; явэн, дживаса набут (куты) дрэ гавá. ¹² [13] Амэ ранкоса (злокоса) джаса дрэ виноградытко унта, дыкхаса ци розмэкцяпэ винаградытко хрúстыцо, ци откэрдэпэ букорэ (почки), ци лынэ тэ лулудён гранатытка пхабэлыня; одой мэ сыкавава миро ило тукэ. ¹³ [14] Мандрагорытка пхабá кхандэна дэна сунг (пахнисона) адякэ гудлэс и пашыл амарэ

вударá исын ада́кицы бут барьякирдé (плóды): далé бэршы́тка и долé-бэршэнгирé пхаба́, савé мэ приакхцём ваш тукэ́, миро́ пира́но (камло).

Шэро́ 8

¹ О, соб (кай) ту тэ явэс мирé пшалэса, конэ́скэ мирí дай тэ дэл колýн тэ пьел! Кóли мэ латхавас тут пэ вули́ца (пэ га́са), то мэ чамуда́вас тут, и никóн на дыкхэ́лас пэ ма́ндэ вучипна́са. ² Мэ лыджа́вас тут, и мэ яна́вас тут дро кхэр мирé-да́киро. Ту сы́клякирэ́сас ман, а мэ паняки́равас тут сокóса (хумэ́са) гранаты́тконэ́ пхабэндýр. ³ Лэ́скиро зэрво́ (ле́во) васт исын тэл миро́ шэро́, а чачо́ (право) васт облэ́ла ман. ⁴ Мэ засовла́хава тумэн, чхя́лэ Ерусали́москирэ́, на джангавэ́н и на пхарья́кирэн ило́ пирамня́кэ (камля́кэ), пака ёй джангадэ́ла кокори.

Шóвто Гилы́

Нэвяки́рдо Илы́тко Патýв дро Левано́

⁵ Кон дава́ джа́ла упрé чхучé пхувья́тыр, и кон дава́ приикирэ́лапэ пал пэ́скирэ́ пирамнэ́стэ? Мэ джангады́ём тут тэл пхабэ́лин. Одóй ты́рй дай бия́ндя тут. Одóй ты́рй родно́ дай бия́ндя тут. ⁶ При́чхув ман пэ ты́ро ило́ сыр чэ́ргэнорí, сыр ангру́сты пэ ты́ро васт, пал-дова́ со пирамни́пэн (камлы́пэн) исын зорало́ сыр мэрибэ́н: пирамни́пэн зэвлынэ́ла сыр маги́ла (кула); ла́кирэ́ марибны́тка бустя́ (стрéлы) исын сыр ягитка́ бустя́, сыр яг, савí на мурдэ́ла. ⁷ Барэ́ паня́ нашты́ тэ мурдя́кирэ́л пирамни́пэн, и рэ́ки (лэ́ня) на за́чхувэ́на лэс. Кóли тэ дэл о ману́ш саро́ пэ́скиро барвалы́пэн пал пирамни́пэн, то дава́ прилэ́нас бы ёв бангé илэ́са. ⁸ Амэ́ндэ исын пхэ́н, и ла́тэ нанэ́ колýнорé; со амэ́нгэ тэ кэ́рас амарé пхэ́нэса, сыр явэ́на тэ сваты́нэн ла? ⁹ Кóли ёй тэ явэ́л вантаса́ (сця́наса), то амэ́ кэ́расас коморы́ (харомы́) рупувé; кóли тэ явэ́л ёй вударэ́са, то амэ́ обсы́васа лэс кедры́тконэ́ пхаленца́. ¹⁰ Мэ сом ва́нта, и мирé цю́ця исын сы́рбы вучардя́ (башни); пал-дава́ мэ ява́ва дрэ лэ́скирэ́ якха́ сыр дасавí, кон латхя́ рама́нэ (миро́). ¹¹ Соломо́ностэ́ сыс винагра́ды́тко у́нта (садо) дро Ваал-Гамо́но: ёй отды́я да́я у́нта ра́кхибна́рьенгэ́; ка́жно исын бангó тэ янэл пал далé барья́кирдé (плóды) бар рупувé ловé. ¹² Нэ́ мирí винагра́ды́тко у́нта исын пашы́л ма́ндэ. Тукэ́, о Соломо́нэ, мэ́к тэ явэ́л бар (тысе́нцо), а дуй шэ́ла одолэ́нгэ, савé ра́кхэна́ барья́кирдé (плóды). ¹³ Ту, кон дживэ́ла дрэ у́нта! Ты́рэ ма́ла кандэ́на ты́рй зан (глос), мэ́к и ман тэ шу́нав ты́рй зан. ¹⁴ Наш, пирамнэ́ миро́; яв сыр мирга́ (серна) ци́ яв сыр тэрно́ шы́нгунó (оленé) пэ бóрги ба́льзамитка́!

Исаёскири Лылварí

Шэро́ 1

¹ Акэ́, исын Исаё́скиро ^[1], Амосóскирэ́-чхавэ́скиро дыкхибэ́н, савó ёв дыкхэ́лас пал Юдэ́я и Ерусали́мо, дрэ долé дывэ́са, кéли Озйя́, Иофа́мо, Аха́зо и Езэ́кия сыс Юдэ́якирэ́ крáлья.

Дэвэл Пхэ́нэла Пэ́скирэ́ Народо́скэ́ (Манушэ́нгэ́)

² Шунэ́н, болыбэ́на, пошун, пхув, пал-дова́ со пхэ́нэла Рай Дэвэл: “Мэ барья́кирдём, газды́ём чхавэ́н, а ё́нэ газды́нэ́пэ пэ Ма́ндэ. ³ Гуру́в джинэ́ла пэ́скирэ́ хула́с, а óсло (мега́ри) – пэ́скирэ́-ра́скири штáла, нэ́ Израилé на джинэ́ла Ман, на галéла Миро́ наро́до.” ⁴ Ай, грэхы́тка манушáлэ, наро́до, савó исын пхэ́рдó пэ́скирэ́ грэхэ́нца, на́лачхо ро́до, ха́сибны́тка чхавé! Тумé я́чкирдé Рас-Дэвлэ́с, чхурды́нэ́ свэ́нтонé Израилё́скирэ́ Дэвлэ́с, рисинé палэ́. ⁵ Сы́р ишчо́ (инкэ́) тэ ма́рав тумэн, кóли тумé уса́екх на кандэ́на? Саро́ шэро́ исын насвалó, саро́

ило замыя. ⁶ Гэрэндыр кэ шэрó нанэ лэстэ састó штэто: фуя (язвы), шувлыпэна, чыльчаки (нарывы) исын на жужакирдэ, на обпхандлэ, на ковлякирдэ елеёса. ⁷ Тумарí пхув исын чхучí (пусто), тумарэ фóрья исын схачкирдэ ягаса; тумарэ фэлды хана чужа манушá ангил тумарэ якхá; сарó исын чхучó сыр тэньчи, кóли чужа манушá росчорэнас. ⁸ И яцýпэ Сионóскири чхай, сыр шáтра дрэ виноградóскири унта (садо), сыр шалáшо дрэ бар (огорода), сыр фóро, пэ савó газдынэпэ (заухтылдэ) вэрги. ⁹ Кóли б на ячкирдя Рай Дэвэл, болыбнаскирэ-янголэнгиро, амэнгэ набарó ячаибэн, то сáмас бы амэ, сыр Содóмо, амэ зджасас (поджасас) бы пэ Гомóра. ¹⁰ Тхагáрья (князи) Содомóскирэ! Шунэн Рáскирэ-Дэвлэскиро лав! Народо Гоморáтыр, причхувэн кан кэ амарэ-Дэвлэскиро Закóно! ¹¹ “Пэ со трэй Мánгэ бут тумарэ свэнта дыйбэна? – ракирэла Рай Дэвэл, – Мэ чалыём бакрэнгирэ хачкирибнаса, чалыём тхулыпнастыр, Мэ на камáм бутýр гуруворэнгиро, бакрорэнгиро и бузнэнгиро рат. ¹² Кéли тумэ явэна тэ сыкавэнпэ ангил Мándэ, кон мангэла тумэн, соб (кай) тумэ тэ штáвэн (тэ топчынэн) гэрэнца Мирé грэды (дворы)? ¹³ На янэн бутýр дáры, – дава исын ивья́ (напрáснэс), – тумарэ кадилакирэ тхува исын джунгалэ (брыдка) Мánгэ; нэвэ чхонá и сáваты (суботы), свэнкитко скэдыибэн Мэ нашты́ (на могона́ва) тэ вырикирав: чорипэн и свэнко! ¹⁴ На прилэла Миро ди тумарэ нэвэ чхонá и упхэндлэ свэнки; дава исын пхарипэн ваш Мánгэ, пхарэс тэ лыджав лэн. ¹⁵ И кóли тумэ протырдэна тумарэ вастá тэ мангэнпэ, Мэ закэрава тумэндýр Мирé якхá; кóли тумэ мангэнапэ, Мэ на шунава: тумарэ вастá исын пхэрдэ дро рат. ¹⁶ Выморэнпэ, явэн жужэ; залэн тумарэ налачхэ рэнды Мирé якхэндýр; пириячэн тэ кэрэн чорипэн. ¹⁷ Высыклён тэ кэрэн лачхипэн, родэн чачипэн, зракхэн чорорэс, уштэн (затэрдён) пал бидадэскирэстэ / пиротостэ (сиротастэ), подрикирэн пивля (удова). ¹⁸ “Тэньци явэн, яваса тэ сэндякирас (тэ роскэдаспэ),” – ракирэла Рай Дэвэл. “Кóли явэна тумарэ грэхи лолэ, сыр рат, ячэна парнэ, сыр ив, кóли явэна лолэ, сыр яг ячэна парнэ, сыр вýлна (шэрсь) Мэ парнякирава. ¹⁹ Кóли тумэ закамэна и явэна тэ кандэн, то тумэ явэна тэ хан лачхипэн пхувья́киро. ²⁰ Нэ кóли тумэ отпхэнэнапэ, и явэна нарта (упорна), то куртáла похала тумэн,” пал-довá со уштá Рáскирэ-Дэвлэскирэ пхэнэна адýкэ.

Грэхитко Фóро

²¹ Сыр биладжакунэс парудяпэ чачипнаскиро шэрутно фóро, савó сыс пхэрдó чачунэ сэндоса! Чачипэн дживэлэс дрэ лэстэ, а аканá дживэна замарибнарья (розмарибнарья). ²² Руп тырó яцý блатаса, тырí мол (вино) исын кхэтанэ панéса. ²³ Тхагáрья (князи) тырэ на кэрэна пир чачипэн, лэнгирэ дрýги (малá) исын чора. Сарэ ёнэ камэна мыто, прастанá пал ловé. Ёнэ на уштэна (затэрдёна) пал пиротэндэ (сиротэндэ) и пивлякиро (удовакиро) рэндо на доджáла кэ ёнэ. ²⁴ Палдава адýкэ пхэнэла Рай Дэвэл, болыбнаскирэ-янголэнгиро, Зоралó Израилёскиро: “О, газдава Мэ Пэс пэ одолэндэ, кон нанэ Мánца, Мэ сыкава́ва Мирé вэргэнгэ! ²⁵ И Мэ протырдава кэ ту Миро васт, Мэ жужакирава тут шлакостýр, злава тýтыр сарí блáта. ²⁶ И ява́ва тэ дав сэндарьен тýкэ, сыр англэдýр и юнкарэн/годы́-дыибнаскирэн (советникэн), сыр сыс англэдýр; тэньчи явэна тэ ракирэн пал тýтэ: Фóро, кай исын чачипэн; дава барó фóро исын патяибны́тко.” ²⁷ Зракхэлапэ Сионо чачунэ сэндоса, а чхавэ лэскирэ, савэ явнó кэ Дэвэл, чачипнаса. ²⁸ А сарэнгэ, кон гия криг Рáстыр-Дэвлэстыр, кон исын грэхитко-хасибэн; одолэ, кон ячкирдя Рас-Дэвлэс – хасёна. ²⁹ “Ёнэ явэна ладжакирдэ пал дэмбитка вэшá, савэ адýкэ тумэнгэ исын пир илó, и тумэ лолёна пал унты (сады), савэ тумэ выкэдынэ пэскэ. ³⁰ И явэна тумэ, сыр дэмбо, кóли спынэ тэлэ лэстыр патря (листы), сыр унта (садо), кай нанэ пани́. ³¹ Зоралó явэла сыр шмата, и лэскиро рэндо сыр яг; явэна тэ хачон кхэтанэ и никон на мурдякирла.”

1:1 ^[1] Давá лав исын Юдыткэс “Исаиах” (значын “Яхваскиро зракхибэн”)

Шэрó 2

Дэвлы́тко Кралипэн пэ Пхув

¹ Лав, савó сыс дыно́ дро дыкхибён Исаёскэ, Амосóскирэ чхавэскэ, пал Юдэя и Ерусалимо.
² И явэла дро палатунé (последня) дывэса: Дэвлэскирэ-Кхэрэскири бэрга явэла чхуды упрэстыр, сыр явёр бэрги, и явэла газдыны вучэдыр, сыр явёр набарé бэргицы и выджана кэ ёй сарé народы. ³ И джана бут народэнгирэ мануша́ и пхэнэна: “Явэн, газдасапэ пэ Рáскирэ-Дэвлэскири бэрга, дро Яковóскирэ-Дэвлэскиро Кхэр, Ёв высклякирэла амэн, и амэ яваса́ тэ пси́рас Лэ́скирэ дромэнца,” пал-довá, со выджала́ Зако́но Сионо́стыр, а лав Рáскирэ-Дэвлэскиро – Ерусалимо́стыр. ⁴ Ёв явэла тэ сэндыкирэ́л бут народы, Ёв сыкавэ́ла сэндыки́ро лав кэ бут ро́ды; пи́рикэ́рна пэ́скирэ курталы (мечы) пэ плуги (пхара́дя) и чхурдыпны́тка бустя́ (коп’и) пэ чхиндлэ́ (серпы), на явэна́ тэ сы́клён сыр, тэ лы́джан марибён.

Дэвлэ́скиро Дывэ́с

⁵ О, Яковóскиро кхэр! Явэн, яваса́ тэ пси́рас дро Рáскирэ-Дэвлэскиро дуд (свёто).

Рáскирэ-Дэвлэ́скири Ка́ра

⁶ Нэ ту ячкирдян тыро́ наро́до, кхэр Яковóскиро, пал-довá со ёнэ бут пирилынэ́ востокóстыр: мануша́, савэ́ исын чораханэ́-подпхэныбна́скирэ, исын лэ́ндэ, сыр кэ Филистимля́ни, чужо́нэ чхавэ́нца ёнэ кэ́рна кхэ́танэ рэ́нды. ⁷ Пхэ́рдия лэ́нгири пхув рупэ́са и сувнака́са; на пи́ригинэ́са лэ́нгиро барвалы́пэн; пхэ́рдия лэ́нгири пхув грэ́нца и на пи́ригинэ́са лэ́нгирэ вурдэ́на. ⁸ Пхэ́рдия лэ́нгири пхув идо́лэ́нца: ёнэ мангэ́нпэ до́лэ́скэ, со кэ́рдэ лэ́нгирэ васта́, до́лэ́скэ, со кэ́рдэ лэ́нгирэ ангу́шта. ⁹ Пы́я ману́ш пэ ча́нгá, при́лыя му́рш ладж, и Ту на при́мангэ́са лэ́нгэ. ¹⁰ Джá кэ бэ́рга, гара́дэв дрэ́ пхув Рáскирэ-Дэвлэ́скирэ дарáтыр и Лэ́скирэ ша́рибна́стыр. ¹¹ Про́джала́ манушэ́скиро пху́тькирибён, пэ́рэла манушэ́нгиро вучи́пэн, екх Рай Дэвэ́л явэ́ла вучо́ дро до́ва дывэ́с. ¹² Пал-довá со джа́ла дывэ́с Рáскирэ-Дэвлэ́скиро, бо́лыбна́скирэ-янго́лэ́нгиро пэ са́ро пху́тьки́рдо и пэ са́ро газдыно́, са́ро газдыно́, са́ро да́ва явэ́ла ладжа́кирдó. ¹³ Пэ са́рэ ке́дры Ливано́скирэ, со исын вучэ́ и газды́нэ, пэ са́рэ дэмбы́ Васа́носкирэ, – ¹⁴ пэ са́рэ вучэ́ бэ́рги, пэ са́рэ набарé бэ́ргицы, со исын газды́нэ. ¹⁵ Пэ ка́жно вучо́ кхэр, пэ ка́жно зора́лы ва́нта. ¹⁶ Пэ са́рэ па́рмы (кора́бли) Фа́рсисососкирэ́, пэ са́рэ лэ́нгирэ укэ́дыбэ́на. ¹⁷ Пэ́рэла манушэ́скиро пху́тькирибён, пэ́рэла манушэ́нгиро вучи́пэн, екх Рай Дэвэ́л явэ́ла вучо́ дрэ́ до́ва дывэ́с. ¹⁸ А йдо́лы са́рэса́ хасэ́на. ¹⁹ И газдэ́напэ́ мануша́, дрэ́ геба́ра (пешче́ры) машкира́л ска́лы тэ гара́вэ́нпэ Рáскирэ-Дэвлэ́скирэ дарáтыр и Лэ́скирэ ша́рдэ бари́пна́стыр, ко́ли газдэ́лапэ́ Ёв тэ ха́сякирэ́л пхув. ²⁰ Дро до́ва дывэ́с ману́ш вы́чхурдэ́ла пэ́скирэ йдо́лы, рупу́вэ́ и сувна́кунэ́, савэ́ кэ́рдя́, соб (кай) тэ мангэ́лпэ́ лэ́нгэ, ²¹ соб (кай) тэ газдэ́лпэ́ (тэ заджа́л) пэ бэ́рги Рáскирэ-Дэвлэ́скирэ дарáтыр и ша́рдэ Лэ́скирэ бари́пна́стыр, ко́ли Ёв газдэ́лапэ́ тэ ха́сякирэ́л пхув. ²² Пи́риячэ́н тэ думи́нэ́н, со подри́кирла́ тумэ́н ману́ш, ко́нэ́стэ́ дү́хо (фа́но) исын дрэ́ лэ́стэ́ ко́корэ́стэ́, со кэ́рэ́ла ада́ва́ ману́ш?

Шэрó 3

Со Явэ́ла Ерусали́моса

¹ Акэ́, Рай Дэвэ́л, Рай Дэвэ́л бо́лыбна́скирэ-янго́лэ́нгиро, залэ́ла Ерусалимо́стыр и Юдэ́ятыр кхия́ и дэ́сто, подри́кирибён ма́рэса́ и подри́кирибён па́нэ́са. ² Рас и хала́дэс, сэнды́рис и про́роко́с, манушэ́с, савэ́ исын чора́хано́ (ма́гико) и пху́рэс, ³ Пандждэ́шэ́нгирэ́, шэ́ралэ́с и ба́рэ рас, и го́дьва́рэ́ манушэ́с, манушэ́с, савэ́ кэ́рэ́ла шу́кари́пэн, и одо́лэ́с, ко́н джи́нэ́ла, сыр

куч тэ ракирэл. ⁴ И Мэ дава лэнгэ тэрнэ-бэршэнгирэн дрэ барыдырэндэ, чхаворэ явэна тэ россэндякирэн (тэ хулаинэн) машкёр лэндэ. ⁵ Екх явэла тасадо явирэса дро народо, кажно явэла затасадо пэскирэ пашатунэса; тэрнэ чхаво газдэлапэ пэ пхурэстэ, бутярно – пэ растэ. ⁶ Тэньци ухтылэла мануш пэскирэ пшалэс, дрэ пэскири чэкарь (семејство), и пхэнэла лэскэ: “Исын түтэ урибэн, яв амарэ раса, мэк тэ явэн далэ роспахгирдэ кхэра тэло тырбэ васт.” ⁷ А ёв совлахала и пхэнэла: “Нашты тэ высастякирав народоскирэ франсы (дукха), нанэ мандэ маро и урибэн, на кэрэн ман народоскирэ хуласа” ⁸ Адякэ пхадия Ерусалимо, пыя Юда, пал-дова со лэнгири чиб и лэнгирэ рэнды (делы) нанэ пал Растэ-Дэвлэстэ, ёнэ на вырикирэна Дэвлэскиро барипэн. ⁹ Мина лэнгирэ москири досыкавэла пал лэндэ, пал пэскиро грэхэ ёнэ роспхэнэна саро чачипэн, сыр Содомляни, ёнэ на гаравэнапэ: бйда лэнгэ! Кокорэ пэскэ ёнэ янэна бибибахт (фуипэн). ¹⁰ Пхэнэн дэвлытконэ манушэскэ: куч лэскэ, ёв прилэла барьякирдэ (плóды) пэскирэ рэндостыр. ¹¹ Нэ бйда исын налачхэ манушэскэ: ёв прилэла холы пал пэскирэ рэнды. ¹² Бияты тасавэна миро народо, джувля хулаинэна пэ лэстэ. Народо Миро! Тырэ хулай хохадэ тут, лыджинэ криг тут чачунэ дромэстыр.

Дэвэл Сэндякирэла Пэскиро Народо

¹³ Уштыя Рай Дэвэл пэ сэндо, Ёв исын тэрдó, соб (кай) тэ сэндякирэл народы. ¹⁴ Дэвэл сэндякирэлпэ пхурэдырэнца Пэскирэ народостыр, лэскирэ ранца: “Тумэ обчордэ винаграднико; дрэ тумарэ кхэра раххэлапэ дова, со тумэ чордэ чорорэстыр. ¹⁵ Со тумэ облэна Миро народо, тасавэна чорорэн?” – ракирэла Рай Дэвэл, Рай Дэвэл болыбаскиро-янголэнгиро. ¹⁶ И пхэндя Рай Дэвэл: “Пал-дова со чхая Сионоскирэ исын пхутькирдэ, газдэна вучэс пэскиро шэрó, кхарэна кэ пэ якхэнца, башавэна лэнгэ гэрэнгирэ укэдэибэнца. ¹⁷ Обчхинэла Рай Дэвэл лэнгирэ балá пэ фэля макушка (гутуп), лэла криг лэнгиро урибэн.” ¹⁸ Дро дова дывэс отлэла Рай Дэвэл ланцорэ гэрэндыр, чэргэнорья, чхонорэ. ¹⁹ Чэня, мирикля, шэритка дыкхлорэ, вастытка, кустыка, душлорья (штэкльцы) кучонэ макхибнаса, чораханэ припхандыбэна. ²⁰ Ангрустя пэ ангушта и ангрустя дрэ накх. ²¹ Упратуно урибэн, тэлатуны йдя, дыкхлэ, траминэнгирэ / муитка (кошэльки). ²² Гиндалы, санэ гада и дыкхлэ. ²³ Гудлы сунг парувэлапэ пэ накуч сунг; шэло явэла сыр кустык, крэнца балá парудэна пэ нанго шэрó, буглэ гада – пэ шматы, шукарипэн парувэлапэ пэ тавра. ²⁴ Муршá тырэ пэрэна курталатыр, зоралэ тырэ хасёна пэ марибэн. ²⁵ Явэна тэ тангинэн, явэна тэ ровэн пашыл шэралэ-фороскири порта (враты); и явэла ёй тэ бэшэл пэ сарэса чхучи пхув.

Шэрó 4

¹ И ухтылэнапэ дро дова дывэс эфта (битринэнгиро дэш) джувля пал екхэ муршэстэ и пхэнэна: “Пэскиро марó яваса тэ хас, дрэ пэскиро урибэн яваса тэ псирас, нэ дэ, соб (кай) тэ кхараспэ пир тырбэ лав, лэ криг ладж амэндыр.”

Со Явэла дро Сионо

² Дро дова дывэс сыкавэлапэ дро шукарипэн и дрэ патыв отбарипэн Рáскирэ-Дэвлэскиро, а пхувитко барьякирдó (плóдо) – дрэ барипэн и шарибэн ваш одолэ Израильсконэ чхавэнгэ, савэ зракхнэпэ. ³ Тэньци одолэ, кон яцяпэ пэ Сионо и зракхцяпэ дро Ерусалимо, явэна тэ кхарэнпэ свэнтонэнца, дава явэна сарэ, кон исын зачхиндлó дрэ лылвари ваш джиибэн дро Ерусалимо. ⁴ Кóли морэла криг Рай Дэвэл Сионоскирэ чхаенгиро магирибэн и жужакирэла Ерусалимоскиро рат машкёр лэстэ сэндытконэ деса и ягакирэ духóса. ⁵ И создэла (кэрэла) Рай Дэвэл упрал пэ кажно штэто, саво исын пэ Сионóскири бэрга, и упрал пэ лакиро скэдыибэн óблоко и тхув дывэсэ, и ягитко дуд раты; пал-дова со упрал сарó, со исын патывало, явэла учхакирдо. ⁶ И явэла шáтра, соб (кай) тэ зракхэспэ дывэсэ татыпнастыр, ваш дова, соб (кай) тэ гарадэс, кóли джала брышынд.

Шэрó 5

Гилы пал Винаграднико

¹ Багава Мэ Мирé-Дрогонэскэ гилы Мирí, савí исын дрогноскири пал Лэскиро винаграднико. Сыс винаграднико Мирé-Дрогонэскиро пэ бэргитко вучипэн. ² Ёв обкэрдя (облыджия) лэс тыноса, жужакирдя лэс барэндыр, чхудя дрэ лэстэ лачхэ винаградоскирэ каштá, кэрдя кхэр дрэ лэстэ, выганадя одой штэто, соб (кай) тэ тасавэн винаградо, и ужакирэлас, со янэла ёв лачхó барьякирдó (плóдо), а ёв яндя барьякирдó нáлaчxo. ³ “Каканá, россэндякирэн Ман, манушáлэ, савé дживэна кэ Ерусалимо, муршá Юдэякирэ Мирé винаградникоса. ⁴ Со ишчо (инкэ) трэиндя тэ кэрáв ваш лэскэ, со Мэ лэскэ на кэрдём? Сóскэ ёв яндя нaлaчxé мýри, кóли ужакиравас лэстыр лачхó барьякирдó? ⁵ Палдава пхэнава тумэнгэ, со кэрáва Мэ Мирé винаградникоса: Мэ лав Пэскэ лэстыр тыно, и явэла ёв чхучó, Мэ рoспxагирава лэскирэ вáнты, и явэна тэ пхагирэн лэс. ⁶ Дасавэса Мэ лэс ячкирава: на явэна тэ обчхинэн лэс, на явэна тэ обганавэн лэс, забарьёла ёв нaлaчxé чарьяса, Мэ припхэнава болыбнаскэ, соб (кай) ёв тэ на дэл брышынд лэскэ.” ⁷ Рáскирэ-Дэвлэскиро, болыбнаскиро-янголэнги́ро винаграднико исын кхэр Израилэскиро, а муршá Юдэятыр – дрóго Лэскиро барьякирдó, савó Ёв барьякирдя. Ужакирэлас Ёв, со явэла чачунó сэндо, нэ акэ – рат чхувэлапэ, ужакирэлас чачипэн, нэ акэ – годлэна. ⁸ Бида тумэнгэ, кон кинэла екх кхэр пал явír, екх фэлда пал явír фэлда, адякэ, со нанэ штэто ваш явирэ манушэнгэ, адякэ, со, сýрбы тумэ сан екхджинэ пэ пхув. ⁹ Рай Дэвэл, болыбнаскиро-янголэнги́ро, пхэндя дрэ мирé канá: “Далэ кхэрá явэна чхучé (пуста), барэ и гожа явэна, нэ никон на явэла тэ дживэл одой. ¹⁰ Дэш делеянки дро винаграднико янэна екх бато зýрки, нэ екх хомеро, зýрки, со чхувэнапэ дрэ пхув náбут со (ледзь) янэла екх эфа.” ¹¹ Бида одолэнгэ, кон тасярлатыр пэ злóко (пэ рáнко) родэла бравинта и кэ рат хачкирэла пэс моляса (виноса). ¹² Исын башаибэн и мол пэ лэнгирэ свэнки, а пэ Рáскирэ-Дэвлэскирэ рэндэ ёнэ на дыкхэна, на думинэна пал дова́, со кэрэна Лэскирэ вастá. ¹³ Пал сарó дава́ джáла миро народо дро плéно, кóли никон лэстыр дава́ на ужакирэлас; лэскирэ раё явэна бокхалэ, лэскирэ барвалэ закамэна тэ пьен (явэна трушалэ). ¹⁴ Пал сарó дава́ буглыя люно (адо), и откэрдя пэскиро муй; зджáла одорýк лэнги́ро пхутькирибэн, лэнги́ро барвалыпэн, лэнги́ро шумо и сарó, со радынэла лэн. ¹⁵ Пэрэла мануш пэ чангá, поддэлапэ мурш, пхутькирдэнгирэ якхá змэкэнапэ тэлэ зачхакирэнапэ. ¹⁶ А Рай Дэвэл, болыбнаскирэ-янголэнги́ро, газдэлапэ пэ сэндо, Свэнто Дэвэл сыкавэла дро чачипэн, со Ёв исын свэнто. ¹⁷ Бакрý явэна тэ чаравэнпэ кокорé пир пэстэ, чýжа манушá явэна тэ хан барвалэнгирэ фэлдатыр. ¹⁸ Бида одолэнгэ, савé тырдэна кэ пэ грéхо би рахкибнаскирэ шэлэнца, тырдэна кэ пэ грéхо сýрбы симиренца пэ рота. ¹⁹ Савэ ракирэна: “Мэк Ёв тэ джал сыгэдýр, мэк тэ кэрэл Пэскири бутý, соб (кай) амэ тэ дыкхас. Мэк тэ явэл, мэк тэ сыкавэл, со дава́ исын – Свэнтонé-Израилэскиро годыпэн, соб (кай) амэ тэ галёвас!” ²⁰ Бида одолэнгэ, савé нaлaчxипэн кхарэн лачхипна́са, а лачхипэн – нaлaчxипнаса; и пхэнэна пэ калыпэн, со дава́ исын дуд, а пэ свэто – со дава́ исын калыпэн; пхэнэна пэ кирко, со дава́ исын гудлó, а пэ гудлó пхэнэна – ки́ркипэн! ²¹ Бида одолэнгэ, савé исын годьварé дрэ пэскирэ якхá, годьварé кокорé ангýл пэстэ. ²² Бида одолэнгэ, савé на дарэна тэ пьен мол (вино), и савэ исын зоралэ тэ кэрэн ла. ²³ Савэ пал ловé отмэкэна одолэс, кон исын бангó, а манушэс, савó исын чачунó, обчорэна. ²⁴ Пал-дова́, со сыр яг хáла пхус и сыр хáла яг кхас, адякэ кирнэла лэнги́ро кашт, лулудý (цвэто) лэнги́ро рoспxурдэлапэ сыр пра́хо, пал-дова́, со ёнэ зачхурдынэ Рáскирэ-Дэвлэскиро, болыбнаскирэ-янголэнги́ро Зако́но, и на шундлэ ёнэ лав Свэнтонé Израилэскиро. ²⁵ Пал дова́ захачола Рáскирэ-Дэвлэскири холы́ пэ Лэскиро народо, протырдэла Ёв Пэскиро васт пэ лэндэ, и Ёв чилавэла лэн адякэ, со бэрги издрана, а лэнгирэ трýпы явэна вычхурдынэ пэ вулýцы (гáсы) сыр гнэё. И на пириячэла Лэскири холы́, и васт Лэскиро явэла протырдыно. ²⁶ И Ёв газдэла сцяго (дэла припхэныбэн) кэ народы, савé дур дживэна, выкхарэла одолэс, савó дживэла пэ пхувýякиро ягóро (краё), и, акэ – ёв локхэс и сýгэс явэла. ²⁷ На явэла лэстэ одолэс, кон кхинья, кон исын бизорýякиро, ни екх на засовэла, на закэрэла пэскирэ якхá; на злэлапэ

лэстыр кустык, на рискернапэ лэскирэ тривики. ²⁸ Куртала лэскири кэрдэ ваш марибэн, пэталы лэскирэ грэндэ исын сыр бар, рёты лэскирэ – сыр балвал. ²⁹ Годлэла ёв, сыр шчэрица (левица), годлэла сыр шчэр (лёво); загодлэла, ухтылэла дорэсыбэн, и никон на отлэла. ³⁰ Загодлэла пэ лэстэ дро дова дывэс сырбы мөрё (дэрьяв), саво холясыя; подыххэла ёв пэ пхув, акэ: – калыпэн, бёда, мурдия дуд (свёто) пэ болыбэн.

Шэрó 6

Дэвэл Прикхарэла Исаёс

¹ Дро дова бэрш, ко́ли мыя крáli Озйя, мэ дыкхцём Рас-Дэвлэс, Саво бэшэлас пэ вучо кралитко штэто, а ягóро (краё) пэ урибэн Лэскиро пхэрдякирдя сарй Кхангири. ² Пашыл Лэстэ сыс тэрдэ серафимы: кажнонэстэ лэндэр сыс шов пхакá (крылы); дуге пхакэнца кажно закэрэлас пэскиро муй, ишчо (инкэ) дуге пхакэнца закэрэлас пэскирэ гэрá, а дуге пхакэнца вурнялас. ³ Ёнэ кхарэнас екх екхэс и ракирэнас: “Свэнто, Свэнто исын Рай Дэвэл, болыбна́скирэ-янголэнгиро, сарй пхув исын пхэрдэ Лэскирэ барипнаса!” ⁴ Заиздранас вударá лэнгирэ занендыр, кхэр пхэрдия кучонэ тхувэса. ⁵ Мэ пхэндём: “Бёда мангэ! Хасиём мэ, пал-дова, со мэ сом мануш нажужэ уштэнца, мэ джива́ва машкир манушэндэ нажужэ уштэнца, и якхá мирэ дыкхэнас Кралис, Рас-Дэвлэс, болыбна́скирэ-янголэнгирэс.” ⁶ Тэньци вурняндыя кэ мэ екх серафимэндэр, а дро лэскиро васт сыс хачкирдо вангар, саво ёв лыя алтарэстыр. ⁷ Ёв чиладэ мирэ уштá и пхэндя: “Акэ, дава чиладэ тырэ уштá, нáлачхо рэндо тырэ исын лыно́ криг тугыр, и грэхо тырэ исын жужакирдо.” ⁸ Мэ шундём Рáскирэ-Дэвлэскири зан. Ёв пхэнэлас: “Конэс Мánгэ тэ бичхавав? Кон подджáла ваш Амэнгэ?” Мэ пхэндём: “Акэ, мэ сом, бичхав ман.” ⁹ Ёв пхэндя: “Джá, пхэн далэ народоскэ: ‘Явэна тэ шунэн – и на галёна, явэна тэ дыкхэн якхэнца – и на роздыкхэна [дыкхэна-р.с.]’” ¹⁰ Пал-дова со наковло яця далэ-народоскиро ило́, пхарэс лэнгэ тэ шунэн закэрдэ якхэнца, и на дыкхэна якхэнца, и на шунэна канэнца, и на галёна илэса, и на обрисёна, соб (кай) Мэ тэ высастякирав лэн.” ¹¹ Мэ пхэндём: “Ци гарá (длугэс) дава явэла, Раё, Дэвла?” Ёв пхэндя: “Пириячэла, ко́ли далэ фóрья явэна чхучэ, никон на явэла тэ дживэл дрэ лэндэ, ко́ли джána манушá далэ кхэрэндэр, ко́ли да́я пхув явэла сарэса чхучи. ¹² Отбичхавэла Рай Дэвэл манушэн, никонэс на ячкирэла пэ да́я пхув. ¹³ И ко́ли ячэлапэ дэшто паш пэ латэ и рисёла, усаёкх явэла пхув чхучи, нэ сыр теревинфостыр и дэмбостыр, ко́ли ёнэ исын чингирдэ тэлэ, исын ячаибэн, адякэ свэнто ячаибэн ячэлапэ.”

Шэрó 7

Дэвэл Пхэнэла кэ Ахáзо

¹ Сыс дрэ долэ дывэса́, ко́ли Ахáзо, Иофамóскиро чхаво́, Озйяскиро чхаво́ сыс крáli пэ Юдэя, о Рецыно, Сириякиро крáli, о Факее́, Ремалиёскиро чхаво́, крáli Израилёскиро, гинэ марибна́са пэ Ерусалимо, нэ на лыно́ лэс. ² Сыс пхэндлó кэ Давидóскиро кхэр, сыс откэрдо: “Сирияни исын тэрдэ пэ Ефремóскири пхув”, издрандыя лэскиро ило́, лэскирэ-народоскиро ило́, сыр издрана каштá дро вэш, ко́ли пхурдэла балвал. ³ И пхэндя Дэвэл Исаёскэ: “Выджа пэскирэ чхавэса, Шэарясувоса кэ Ахáзо, одорйк, кай лэна панй, пэ дром кэ фóлда, кай макхэна бакрэнгири вёлна (шэрсь). ⁴ Пхэн лэскэ: ‘Дыкх и яв штыл, на андырша, мэк тэ на дарэл тырэ ило́ дуге далэндэр дэстэндэр, саво хачона, Рецыноскирэ и Сириянэнгирэ и Ремалияскирэ чхавэскирэ холятыр, савй лыя тэ хачол пэ тугэ.’” ⁵ Сирия, Ефре́мо и Ремалииноскиро чхаво́ камэна тэ кэрэн тугэ чорипэн, ёнэ пхэнэна: ⁶ “Джáса марибна́са пэ Юдэя, газдаса ла, заласа, чхуваса Тавеилоскирэ чхавэс лáкирэ кралыса. ⁷ Нэ Рай Дэвэл пхэнэла адякэ: “На явэла пир тумаро. ⁸ Сириякиро шэрó исын Дамáско, Дамаскоскиро шэрó исын Рецыно, а ко́ли проджána шовдэша́ и пандж бэрш, Ефре́мо пириячэла тэ явэл народоса.

⁹ А Ефремоскиро шэрó исын Самáрия, а Самариякиро шэрó исын Ремалияскиро чхавó. Кóли тумэ на патяна, то тумэ кэрэнэ адякэ, палдовá, со тумэ на упатяндынэ.” ¹⁰ Ишчо (инкэ) ракирэлас Рай Дэвэл кэ Ахáзо и пхэндя: ¹¹ “Манг пэскэ гертык (знамэниё) тырэ Рáстыр-Дэвлэстыр, манг дро хорипэн ци дро вучипэн.” ¹² Пхэндя Ахáзо: “Мэ на явáва тэ мангав, на явáва тэ пропатыкирав Дэвлэс.” ¹³ Тэньци пхэндя Исаё: “Шун, кхэр Давидóскиро! Манушá кэрэна ваш тумэнгэ пхарэ буты, а тумэ камэна, соб (кай) миро Дэвэл адякэ ваш тумэнгэ тэ кэрэл?”

Дэвлэскири гертык (Досыкаибэн): Эмануило

¹⁴ Нэ кокорó Рай Дэвэл дэла гертык/ досыкаибэн тумэнгэ: акэ, э патывалы тэрны джувлы прилэла и биянэла чхавэс, и дэна Лэскэ лав: Эмануило. ¹⁵ Ёв явэла тэ хал тхуд и авгін кэ долэ дывэсá, кóли высылклéла, сыр тэ отчхурдэл налачхипэн и тэ выкэдэл лачхипэн. ¹⁶ Пал-довá, со англэдýр, сыр дава чхаворó высылклéла тэ отчхурдэл налачхипэн и тэ выкэдэл лачхипэн, пхув, савьятыр ту дарэса, ячкирэна дуй лáкирэ крálья. ¹⁷ Нэ янэла Рай Дэвэл кэ ту, кэ тырó народо, кэ тырэ-дадэскиро кхэр дасавэ дывэсá, савэ на сыс, долэ часостыр (цыростыр), сыр отгия Ефрémо Юдэятыр; Ёв янэла Асириякирэ краліс.” ¹⁸ И явэла дро дова дывэс: выкхарэла Рай Дэвэл матля (муха), саві вурняла пашыл Египтóскирэ рэка (лэнь) и бырля (пчола), саві вурняла пэ Асириякири пхув. ¹⁹ Ёнэ привурняна, бэшэна сарэ ёнэ пэ лэнги, савэ исын чхучэ, пэ бэрги, пэ сарэ пхусадытка чарья; пэ сарэ каштá (дрэвы). ²⁰ Дро дова дывэс обмуравэла Рай Дэвэл мурадлуныса (бритваса), саві Ёв залыя долэ бутярнэндэ палэ рэка (лэнь), Асириякирэ кралістэ шэрó и балá пэ гэрá, обчхинэла чхора (брода). ²¹ И явэла дро дова дывэс: конэстэ исын гурувны и дуй бакрjá, ²² одовá явэла тэ хал ксил, пал-довá со ёнэ дэна бут тхуд; ксил и авгін явэна тэ хан сарэ, кон яцяпэ пэ доя пхув. ²³ Явэла дро дова дывэс: пэ кажно штэто, кай барьёлас тысёнцо (бар) винаградоскирэ каштá пэ тысёнцо рупувэ мардэ, явэна тэ барьён пхусадытка чарья. ²⁴ Явэна тэ псирэн одорік марибнытконэ бустенца (стрелэнца) и лукэнца, пал-довá, со сарі пхув явэла учхакирды пхусадэ чарьенца. ²⁵ На пэ екх бэрга, савэ англэдýр обкэрэнас мотыгаса, ту на подджаса, пал-довá со ту явэса тэ дарэс пхусадытконэ чарьендыр: одорік явэна тэ вытрадэн гурувэн, тыкно мурдал явэла тэ марэл (тэ тасавэл) гэрэнца далэ чарья.”

Шэрó 8

Асирия Джáла Марибна́са

¹ И пхэндя мангэ Рай Дэвэл: “Лэ пэскэ бари папи́ря (світко), чхин одой манушытконэ чхиныбнаса: Магер – шелал (шалал) – хаш – баз.” ² Мэ лыём пэскэ чачунэ якхитконэн (свидетелен), савэ сыс: Урияс, рашас, и Захарияс, Варахииноскирэ чхавэс. ³ Лыём пэскэ джувля пророчыца дрэ ромнятэ, ёй бияндя мангэ чхавэс. И пхэндя мангэ Рай Дэвэл: “Дэ лэскэ лав ‘Магер – шелал – хаш – баз.’” ⁴ Пал-довá со англэдýр, сыр биято высылклéла тэ пхэнэл: ‘Дáдо Миро, Дáё Ми́рі’ – барвалыпэн Дамаскостыр, дорэсыбэн Самариятыр лыджáна ангил Асириякирэ кралістэ.”

Асириякиро Крáли Явэла дрэ Юдэя

⁵ Ишчо ракирэлас кэ мэ Рай Дэвэл и пхэндя: ⁶ “Пал дова, исын на пир илó далэ народоскэ исын пані Силоамоскиро, савó штылэс тхадэла, а шарэла Рецынос и Ремалииноскирэ чхавэс, ⁷ то янэла кэ ёв Рай Дэвэл барó пані – Асириякирэ краліс лэскирэ барипнаса; и газдэлапэ дава пані, выджáла пэскирэ брэгэндýр. ⁸ И проджáла ёв пир Юдэя, вучэс дой газдэлапэ, доджáла кэ мэн и росчхурдэла пэскирэ пхакá (крылы) дро сарó Тырэ-пхувьякиро буглыпэн, Эмануиле!” ⁹ Марэ́нпэ, народы, нэ дарэн, шунэн, сарэ пхувья, савэ исын дур адатхыр! Лэн куртáла пэ марибэн, нэ дарэн, лэн куртáла, нэ дарэн! ¹⁰ Задуминэн вари-со тэ

кэрэн, нэ задуминыбэн роспахирэлапэ, ракирэн лав, нэ ничи на выджала далэстыр, пал-дова со Дэвэл исын амэнца!”

Бар, Савэстыр Пэрэна

¹¹ Адыкэ ракирэлас мангэ Рай Дэвэл, кэли рикирэлас пэ мандэ зоралó васт, и Ёв припхэнэлас, соб (кай) мэ тэ на джав далэ-народоскирэ дромэса, и адыкэ пхэндя: ¹² “На кхарэн чораханэ зракирибнаса дава, со дова народо кхарэла чораханэ зракирибнаса, на дарэн долэстыр, состыр ёв дарэла, и на страхадён. ¹³ Дэн свэнто патыв Рáскэ-Дэвлэскэ, болыбнаскирэ-янголэнгирэскэ, Ёв исын тумарí дар, Ёв исын тумарó трашаибэн! ¹⁴ Ёв явэла свэнтонэса ваш тумэнгэ, и барэса, савэстыр пэрэна, бэргаса, савьятыр пириячэна тэ патян дуй кхэрá Израилёскирэ, фэляса (петляса) и кхудяса (сетяса), савэнца ухтылэна Ерусалимоскирэн манушэн. ¹⁵ Бут кон лэндыр пэрэла, розмарэлапэ, запэнтынэлапэ и явэна ухтылдэ адасавэ манушá.”

Трэй тэ Допатяс Дэвлэскэ

¹⁶ Запхандэ допхэныбэн и гарав пэ чэргэнорí (печать) дава сыкадыипэн (откэрибэн) ангил Мирэ сыкляибнытконэндэ. ¹⁷ Палдава мэ допатява Рáскэ-Дэвлэскэ, Савó гарадя Пэскиро муй Яковоскирэ (Израилёскирэ) кхэрэстыр, мэ патява Лэскэ. ¹⁸ Акэ, мэ пэскирэ чхаворэнца, савэн дый мангэ Рай Дэвэл, сыр припхэныбэн и ангилпхэныбэн дро Израилё Рáстыр-Дэвлэстыр, болыбнаскирэ-янголэскирэстыр, Савó дживэла пэ бэрга Сионо. ¹⁹ И коли пхэнэна тумэнгэ: “Джá кэ одолэ, кон выкхарэла мулэн, кон исын човахано, кон зумавэла”, – тэньчи тумэ пхэнэн: “Чи на трэй, соб (кай) народо тэ родэл пэскирэ Дэвлэс? Чи пхучэна мулэндыр пал джидэ манушэндэ?” ²⁰ Пропатякирэн лэн пир сыкадыипэн дро Зако́но и откэрибэн. Кóли ёнэ (кон выкхарэла мулэн) на ракирэна адыкэ, сыр дава лав, тэньчи нанэ дрэ лэндэ дуд (свэто). ²¹ Ёнэ явэна тэ псирэн пир пхув, обчордэ и бокхалэ, а дрэ бокхалэ дывэса явэна тэ холясон, явэна тэ кошэн пэскирэ кралíс и пэскирэ Дэвлэс. ²² Явэна тэ дыкхэн упрэ и подыкхэна пэ пхув: акэ, бída, калыпэн; явэна чхурдынэ дро калыпэн, нэ на явэла калыпэн сарэ дывэса одой, кай ёв аканá скэдыяпэ.

Шэрó 9

Кра́ли, Савó Явэла

¹ Дро англатуно́ часо (цýро) сыс тэлякирды Завулоноскири пхув и пхув Нефалимоскири; нэ дова́ часо, савó явэла, газдэла барипнаса дром пашы́л мо́рэ (дэрьяв), пал Иорданоскири пхув, Галилэя, кай Наюды́тка манушá дживэна. ² Народо, савó псирэла дро калыпэн, явэла тэ дыкхэл дуд; кэ одолэ, кон дживэлас дрэ калыпэн (цёмныма) сыр мэрибэн, захачола дуд. ³ Ту газдэса дýхо (фа́но) дро народо, и дэса лэскэ бари ра́дыма. Радыпнытко Ёв явэла тэ радынэлпэ ангил тýтэ, сыр радынэнапэ манушá, ко́ли скэдэна марó, ко́ли розлэна дорэсыбэн. ⁴ Пал-дова́ со га́мо, пхарипэн лэскиро, дэсто́, савó лэс марэлас, Ту пхагирэса сыр дро Мадиамоскиро дывэс.” ⁵ Пал-дова́, со кажнонэскирэ-халадэскирэ тыраха марибнастыр, урибэн лэскиро, савó исын дро рат, схачкирэна, отдэна, соб (кай) яг тэ схал лэн. ⁶ Пал-дова́ со Бия́то бия́ндыа амэнгэ, чхавó исын дыно́ амэнгэ; Ёв лэла зор дро Пэскиро васт, и дэна Лэскэ лав: Лачхó Годыпна́ри, зоралó Дэвэл, Дад, конэстэ исын вéчно джи́ибэн, далэ-свэ́тоскиро Тхага́ри (Князё). ⁷ Зор Лэскири и рама́нэ (миро) на пириячэла пэ Давидоскиро трóно дро Лэскиро кра́липэн, соб (кай) Ёв (Дэвэл) тэ подрикирэл лэс сэндоса и чачипна́са далэ дывэсэстыр и пэ сарó ве́ко. Зэвлыныпэн Рáскирэ-Дэвлэскиро кэрэла дава́.

Со Явэла Самарияса

⁸ Рай Дэвэл бичхавэла лав кэ Яково, и пэ Израилё Ёв зджала. ⁹ Соб (кай) тэ джінэл саро народо, Ефремо и Самариякирэ мануша, савэ ракирэна барипнаса и исын пхутькирдэ илэса: ¹⁰ “Пынэ бара – ласа явир бара, исын вычхингирдэ сикоморы – запаруваса лэн пэ кедры.” ¹¹ Ёвдэла Рай Дэвэл пэ лэстэ (Ефремоустэ) Рецыноскирэ вэргэн, и Ёв дэла куртала одолэнгэ, савэ холясона пэ лэстэ. ¹² Сирияни востокостыр, Филистимляни западостыр; и ёнэ явэна тэ хан Израилё пхэрдэ мо́са. И на проджала ишчо (инкэ) Лэскири холы, и васт Лэскиро исын протырдыно. ¹³ Нэ народо на обрисёла кэ Одова, Кон марэла лэс, на родэла Рас-Дэвлэс, болыбнаскирэ-янголэнгирэс. ¹⁴ Отчингирэла Дэвэл Израилёстыр шэро́ и пори, пальма и дэсто́ дро екх дывэс. ¹⁵ Пхуро́ и барвалó – дава́ исын шэро́, а проро́ко – хохайбнари – дава́ исын пори. ¹⁶ Далэ-народоскирэ шэралэ хохавэна одолэн, и кон исын кхэтанэ лэнца, одолэ хасёна. ¹⁷ Палдава́ на явэла тэ радынэлпэ Рай Дэвэл пал лэскирэ тэрнэ манушэндэ, на потангинэла лэскирэ бидадэскирэн и биромэскирэн пал дова́, со сарэ ёнэ исын хохайбнарья и чора, ушта́ лэнгирэ пхэнэна налчхэ́ лавá. Палдава́ на проджала Лэскири холы́ и васт Лэскиро исын протырдыно. ¹⁸ Пал-дова́ со грэхó росхачия, сыр яг хала пхусадэ чарья́, хачола дрэ вэша́, и тхув газдэлапэ стылбоса. ¹⁹ Раскирэ-Дэвлэскири, болыбнаскирэ-янголэнгири холы́ хачкирэла пхув, народо кэрэлапэ сы́рбы хабэн ваш яг, на потангинэла ману́ш пэскирэ пшалэс. ²⁰ Явэна тэ чхинэн пир чачи́ риг – а бокхалэ́ ячэнапэ́, явэна тэ хан пир лёво́ (зэрво) риг – на чалёна; ка́жно явэла тэ хал кокорó пэс. ²¹ Манасия ^[1] хала Ефремос, Ефремо хала Манасияс, а кхэтанэ ёнэ хана́ Юдас. И на пириячэла Лэскири холы́, и васт Лэскиро исын протырдыно.

9:21 ^[1] Дро Юдытк оригинало “Манссия”

Шэро́ 10

¹ Бида одолэнгэ, савэ дэна на чачунэ законы, савэ зачхинэна захалэ припхэныбэна. ² Соб (кай) тэ залэн чорорэндыр чачунó сэндо, соб (кай) тэ обчорэн подрикирибэн назоралэ манушэндыр Мирé народóстыр, соб (кай) тэ залэн ваш пэскэ джувлэн, савэ исын биромэскирэ (пивлен), соб (кай) тэ обчорэн бидадэскирэ чхаворэн (пиротэн). ³ Со тумэ явэна тэ кэрэн дро дывэс, саво́ явэла, ко́ли явэла дура́л тумарó хасибэн? Кэ кон подджана тумэ́ тэ подэн васт, кай́ ячкирэна тумарó барвалыпэн? ⁴ Би Мирó тумэ́ бандёна машки́р манушэндэ, савэн залынэ дро бэшыбэн, пэрэна машки́р домардэ́ манушэндэ. Пир сарó дава́, Лэскири холы́ на пириячэла и васт Лэскиро исын протырдыно.

Пал Асирия

⁵ “О, Асуре, дэсто́ Мирé холятыр! Чхупны дро лэскиро васт исын Мирí холы́! ⁶ Мэ бичхавáва лэс пэ грэхоскиро народо, пэ народо, со прилыя́ Мирí холы́; Мэ да́ва лэскэ́ припхэныбэн, соб (кай) тэ чорэл барэ́ чорибнаса, соб (кай) тэ дорэсэл дорэсыбэн, соб (кай) тэ кэрэл далэ́ народóстыр блáта пэ вули́ца (га́са). ⁷ Нэ ёв на адя́кэ подуминэла, на адя́кэ явэла тэ мыслинэл лэскиро ило́ лэстэ: ‘Сыр бы тэ обчорэл, тэ замарэл бут наро́ды?’ ⁸ Ёв пхэнэла: ‘Ци на сарэ́ крáлья исын мирé тхага́рья (кня́зи)? ⁹ Ци на Халнё́, ци на дова́, со исын Кархемисо́, ци Емафо́ на дова́, со исын Арпадо́? Ци Самáрия на дова́, со исын Дамáско? ¹⁰ Ко́ли залыя́ Мирó васт идо́лытка кра́липэна́, кай́ буты́р исын йдо́лы, сыр исын дро Ерусали́мо и дрэ Самáрия. ¹¹ Ци на кэра́ва Мэ́ адя́кэ Ерусали́моса и лэскирэ́ кэрдэ́ муенца́ (изваяниенца́), сыр кэрдём Мэ́ Самария́са и ла́кирэ́ идо́лэнца?’” ¹² Явэла́ адя́кэ: ко́ли Рай Дэвэл кэрэла́ сарó Пэскиро́ рэндо́ пэ бэ́рга Сио́но, и дро Ерусали́мо, ёв пхэнэла: “Подыкха́ва Мэ́ пэ Аси́риякирэ́ кра́ли́стэ, пэ пхутьки́рдо лэскиро́ ило́, пэ якха́ лэскирэ́, савэ́ исын вучэ́с газдынэ́. ¹³ Ёв пхэнэла: “Мирé зорья́са, мирé годя́са кэрдём мэ́ да́ва, пал-дова́, со мэ́ сом

годъваро: Мэ парувава народонэнгирэ ригá (мѣжы), чорава лэнгиро кучипэн, Мэ чхурдава тэлэ троностыр, сыр зоралó мануш.”¹⁴ Васт миро заухтылдя народонэнгиро барвалыпэн, сыр залэна чирикленгирэ парнорэ, адякэ мэ залыём сарí пхув, и никон на газдыя пхак, на откэрдя муй, на пхэндя ничí.”¹⁵ Ци шарэлапэ пэса товэр ангíл одолэстэ, кон чингирэла лэса? Ци пхутэла ризил (пила) ангíл одолэстэ, кон чхинэла лэса? Ци газдэлапэ дэстó пэ одолэстэ, кон лэс газдыя, ци газдэлапэ дэстó пэ одолэстэ, кон исын на кашт? ¹⁶ Палдава кэрэла Рай Дэвэл, болыбнаскирэ-янголэнгиро адякэ, со тхулэ вышутёна, а машкíр барэ лэскирэ манушэндэ росхачкирэла яг, хачкирэла сýрбы яг. ¹⁷ Дуд (свэто) Израилёскиро явэла ягаса, и Свэто лэскиро – долэ ягаса, савí схачкирэла и схала лэскирэ пхусадэ чарья дро екх дывэс. ¹⁸ Лачхó вэш лэскиро, лэскири унта (садо), схала ёй сарэса, ди и маса, и явэла ёв, сыр исын насвалó, савó мэрэла. ¹⁹ Адякэ náбут ячэлапэ каштэндýр, со биято лэн погинэла.

Ячаибэн Израилёстыр Обрисёла кэ Дэвэл

²⁰ Явэла дро дова дывэс: Израилёскиро ячаибэн и одолэ; кон зракхцяпэ Яковóскирэ кхэрэстыр, на явэна тэ допатын бутýр одолэскэ, кон домардý лэн, нэ ёнэ явэна тэ патýн Рáскэ-Дэвлэскэ, Свэнтонэ-Израилёскирэ Дэвлэскэ сарэ илэса. ²¹ Ячаибэн обрисёла, Яковóскиро ячаибэн рисёла кэ зоралó Дэвэл. ²² Кóли б тэ явэл тýtэ, Израиле, адакицы манушэн, кицý исын прахо пэ мóрэ (дэрьяв), обрисёла екх ячаибэн: хасибэн явэла пир чачипэн, пир чачипэн пхэндлó, со явэла хасибэн. ²³ Хасибэн дэла Рай Дэвэл, Дэвэл, болыбнаскирэ-янголэнгиро, пэ сарí пхув. ²⁴ Палдава адякэ пхэнэла Рай Дэвэл, Рай Дэвэл, болыбнаскирэ-янголэнгиро: “Народо Миро, савó дживэла пэ Сионо, на дар Асуростыр. Ёв выджала пэ тýtэ, газдэла пэ тýtэ пэскиро дэстó, сыр Егíпто. ²⁵ Ишчо (инкэ) náбут, сарэса náбут и проджала Мири холы, обрисёла Мири холы, соб (кай) тэ хасякирэл лэн.” ²⁶ Газдэла Рай Дэвэл, болыбнаскирэ-янголэнгиро, чхупны пэ лэстэ, сыр тэньчи, кóли сыс розмардо Мадиамо пашýл бэрга Орива, ци кóли сыс дэстó протырдыно пэ мóрэ (дэрьяв), и Ёв газдэла лэс сыр пэ Егíпто. ²⁷ Явэла дро дова дывэс – злэлапэ пхарипэн тырэ мэнятыр, пэрэла пхарипэн тхулэ масэстыр. ²⁸ Ёв джала пэ Аиафо, проджала Мигроно, ёв чхувэла пэскиро дорэсыбэн дро Михмасо. ²⁹ Ёв проджала вэнсконэ дромэса, дрэ Гева ёнэ ратькирэна; издрала Рáма, прастандыя кэ Гивá Саулоскири. ³⁰ Годлэ дэ тырэ занýса, Галимоскири чхай, мэк тэ шунэл тут Лаисо, чорорó Анафофо! ³¹ Мадмена роспрастандыяпэ, одолэ, кон дживэла кэ Гевимо, сýгэс уджана. ³² Ишчо (инкэ) дывэс явэла тэрдó ёв кэ Нова [Ноб-ю.о.]; сыкавэла пэскирэ вастэса бída Сионоскэ, Ерусалимóскирэ бэргакэ. ³³ Акэ, Рай Дэвэл, Рай Дэвэл, болыбнаскиро-янголэнгиро, счхинэла даранэ зорьяса вóтки каштэндýр, пхутькирдэ явэна чингирдэ, вучэ пэрэна пэ пхув. ³⁴ И Ёв почингирэла вэшытко гэнстыма састырэса, пэрэла Ливáно Сарэзорьякирэстыр, Конэстэ исын зор сарó тэ кэрэл.

Шэрó 11

Отбарипэн Есеёскиро

¹ И выбарьёла отбарипэн Есеёскирэ корнэстыр (рукхэстыр); кадава рукх выбарьякирэла нэвí рандь. ² Явэла чхудо пэ лэстэ Рáскирэ-Дэвлэскиро Дýхо (Фáно), дýхо, савó дэла Дэвлэскири годý и годыпэн пхувитко; савó дэла подпхэныбэн и зор, дýхо пир джиныбэн и пир свэто джибэн. ³ Рáскирэ-Дэвлэскирэ дараса пхэрдэла Ёв, и явэла Ёв тэ сэндякирэл на адякэ, сыр дыкхэна Лэскирэ якхá, на адякэ, сыр шунэна Лэскирэ канá. ⁴ Ёв явэла тэ сэндякиринэл чорорэн чачипнаса; кодолэнгирэ, кон страдынэла пэ пхув, рэндý чачипнаса россэндякирэла; Ёв Пэскирэ вуштэнгирэ дэстэса марэла пхув, Пэскирэ вуштэнгирэ духóса замарэла грэхитконэ манушэс. ⁵ И обпхандэлапэ Ёв чачипнаса пир трушула (чреслы), чачипэн явэла Лэскиро обпхандыпэн упрэ пир гэрá. ⁶ Тэньци руv явэла тэ дживэл кхэтанэ бакрорэса, рич явэла паштó кхэтанэ бузнорэса; гуруворо, тэрнó шчэр (лэво) и руv кхэтанэ явэна; тыкнó биято явэла лэн тэ лыджал. ⁷ Гурумны явэла тэ чаравэлпэ ричихаса, чхаворэ

лэнгирэ явэна паштэ кхэтанэ; шчэр (лёво) явэла тэ хал пхус, сýрбы гурув. ⁸ Биято явэла тэ кхэлэл (тэ броинэл) пашыл сапэскири нора, ёв протырδέла пэскиро васт кэ саплынякири гнязда (кúфо). ⁹ На явэна тэ кэрэн холы ци дош пэ Мирí свэ́нто бэ́рга, пал-довá со пхув пхэрдёла Дэвлэскирэ джиныбнаса, сыр мóрё (дэ́рьяв) пхэрдёл панéса.

Месия и Израилёскиро Ячаибэн

¹⁰ И явэла дро довá дывэс: кэ корнё (рукх) Исеёскиро, савó ячэла сыр сцяго тэ прикхарэл народы, обрисёна Наюды́тка на́ции, и барипнаса явэла лэскиро откхиныбэн. ¹¹ Явэла дро довá дывэс адя́кэ: ишчо (инкэ) протырδέла Рай Дэвэл Пэскиро васт, соб (кай) тэ рискирэл ячаибэн Пэскирэ народóстыр, савó ячэлапэ кэ Асурó, дро Егíпто, кэ Патросо, кэ Хусо, кэ Еламо, кэ Сенааро, кэ Емафо, пэ островы, савэ исын пир мóрё (дэ́рьяв). ¹² И кхарэла кэ Пэ Наюды́тка на́ции и скэдэла Ёв вытрадынэ манушэн Израилёстыр, и росчхурдынэ Юдэн скхарэла штарé ягорэндýр пэ пхув. ¹³ Ефрёмó пириячэла тэ дэл якхало (тэ завидынэл), сарé, кон газды́пэ пэ Юдастэ, явэна хаськирдэ; Ефрёмó на явэла тэ дэл якхало Юда́скэ, Юда на газдэлапэ прэ Ефремостэ. ¹⁴ Приурняна пэ Филистимлянэнгирэ псикé кэ западо (кэ пал-панитко риг); обчорэна сарэн чхавэн востокóстыр, протырδέна пэскиро васт кэ Едомó кэ Моáво; Амоноскирэ чхаворé явэна лэнгирэ бутярнэнца. ¹⁵ И вышутькирла Рай Дэвэл рэ́ка (лэнь), со исын пашыл мóрё (дэ́рьяв) Египтóскиро, протырδέла Ёв Пэскиро васт кэ рэ́ка (лэнь) дрэ зоралы́ балвэл, розмарла ла пэ эф́та яв́ир рэ́кицы, адя́кэ, со дрэ триви́ки явэна ла тэ пириджан. ¹⁶ Тэ́ньци ваш ячаибэн Лэскирэ народóстыр явэла барó дром, сыр дава́ сыс ваш Израилё, ко́ли ёв выд́жалас Египтóскирэ пхувья́тыр.

Шэрó 12

Шарибэн Дэвлэскэ Пал Зракхибэн

¹ И пхэнэса дрэ довá дывэс: “Барьякирава мэ Тут, Раё Дэвла; Ту холясоса пэ мандэ, нэ пирия́ця Ты́ри холы́, Ту потангиндя́н ман. ² Акэ, Дэвэл исын Мирó зракхибэн; допатяв Лэскэ и на дарав, пал-довá, со Рай Дэвэл исын зор мирí, багаибэн мирó – Рай Дэвэл; Ёв сыс Мирó зракхибэн.” ³ Дрэ тумарí ра́дыма явэна тэ лэн панí, кай ганы́нг дэ́ла зракхибэн. ⁴ И пхэнэна тумэ дро довá дывэс: “Барьякирэн Рас-Дэвлэс, прикхарэн Лэскиро лав, роспхэнэн дрэ народы пал Лэскирэ рэнды (дэ́лы); рипирэн, со барó исын Лэскиро лав. ⁵ Бага́н Ра́скэ-Дэвлэскэ, Ёв кэрдя́ барó, тэ джинэн дава́ пир сарí пхув. ⁶ Яв лошалы́ (весё́ло), ра́дынпэ, манушны́ Сионóстыр, пал-довá со барó исын машки́р тýтэ Свэ́нто Израилёскиро.”

Шэрó 13

Со Явэла дро Вавило́но

¹ Ангилпхэныбэн пал Вавило́но, савó пхэндя́ Исаё, Амососкиро чхавó. ² Ѓаздэн сцяго (прикхарибэн) пэ откэрдý бэ́рга, годлэн, сыкавэн лэнгэ вастэ́са, соб (кай) ёнэ тэ джа́н дрэ ранги́ри по́рта (вра́ты). ³ Мэ дыём припхэныбэн кодолэнгэ, конэс выкэдыём, прикхардём, соб (кай) тэ выкэрэлпэ (тэ сполнинэлпэ) Мирí холы́ Мирé зоралэнги́ри, савэ ра́дынэнапэ Мирé барипнастыр. ⁴ Барó шумо исын пэ бэ́рги, сýрбы бутэ́ народóстыр; шумо, савó газдынэ кра́липэна́ и наро́до, скэдынó кхэтанэ: Рай Дэвэл, болыбна́скирэ-янголэнгиро, обды́кхэла халадэнгиро строё́. ⁵ Ёнэ джа́на ду́ратунэ́ рига́тыр, болыбна́скирэ ягорóстыр (краё́стыр) Рай Дэвэл и струмэ́нты Лэскирэ хо́лятыр, соб (кай) тэ хасякирэн сарí пхув. ⁶ Ровэ́н, джа́ла Ра́скирэ-Дэвлэскиро дывэс, джа́ла, сыр зор, савí пхагирéла сарó, Сарэ́зорьякирэ́стыр. ⁷ Палдава́ васта́ сарэндэ́ обмэ́кнэпэ́ и замы́я ило́ кажно́нэ́ манушэ́стэ. ⁸ Пирида́рандынэ́, занасвалы́нэ́ дарáтыр, мэ́нчинэ́напэ́, сыр джу́влы́, ко́ли ёй́ бия́нэла; ни́чи на́ галё́на, ды́кхэ́на

екх пэ екхэстэ, муя лэнгирэ хачона. ⁹ Акэ, явэла Рáскирэ-Дэвлэскиро дывэс, захало, барэ хачкирдэ холямипнаса, соб (кай) тэ кэрэл пхувьятыр чхучи пхув, тэ хасякирэл пэ латэ лакирэ грэхитконэ манушэн. ¹⁰ Болыбнаскирэ чэргэня бутыр на хачона, кхам мурдия, коли газдэлапэ, чхон на сыкавэла пэскиро дуд (свэто). ¹¹ Мэ отхава (отдава) палэ свэтоскэ пал налачхэ рэнды, а грэхитконэ манушэнгэ – пал лэнгирэ грэхи; Мэ хасякирава пхутькирибэн кодолэнгиро, кон древан задэлапэ, Мэ хасякирава пхутькирибэн кодолэнгиро, кон притасавэла чорорэн. ¹² Мэ кэрава адякэ, со мануша явэна кучэдыр (дрогэдыр), сыр исын мол жужо сувнакай, и мурша – кучэдыр Офироскирэ сувнакастыр. ¹³ Ваш дава Мэ чилавава болыбэн, и пхув зджала пэскирэ штэтостыр, коли холясола Рай Дэвэл, болыбнаскирэ-янголэнгиро, дро дывэс, коли захачола Лэскири холы. ¹⁴ Тэньци кажно, сыр затрадыны серна, сыр чхурдынэ бакря, рисёла кэ пэскиро народо и кажно прастала пэ пэскири пхув. ¹⁵ Нэ кон попэрэлапэ, одолэс замарэна, конэс ухтылэна, одова пэрла курталатыр. ¹⁶ Лэнгирэ чхаворэ явэна розмардэ ангил лэнгирэ якха, лэнгирэ кхэра явэна розчордэ, лэнгирэ ромня явэна ладжакирдэ. ¹⁷ Акэ, Мэ газдава пэ лэндэ Мидянэн, конэскэ на трэй руп, и кон исын на скэмпо (кон нагалко кэ сувнакай). ¹⁸ Лэнгирэ луки домарэна тэрнэн, на потангинэна (на пожалинэна) биятэн, лэнгири якх на потангинэла чхаворэн. ¹⁹ Вавилоно, шукарипэн пир саро кралипэн, Халдеэскиро пхутькирибэн, Дэвэл хасякирэла сыр Содомо и Гомора. ²⁰ Никон одой на явэла тэ дживэл, на явэна тэ дживэн мануша одой николи; на чхувэла Аравитянино пэскири шатра, чхупнарья бакрэнца на явэна одой тэ откхинён. ²¹ Нэ явэна тэ дживэн одой рискирибнаскирэ мурдала (звери) чхучэ пхувьятыр; кхэра явэна пхэрдэ чирикленца; чирикля и мурдала явэна тэ ухтэн одой. ²² Шакалы явэна тэ выинэн дрэ лэнгирэ тхагаритка коморы, гиены забэшэна дрэ кхэра, кай гарэдыр радынэнаспэ.

Шэрó 14

Вытрадаибэн Нанэ

¹ Пашылэдыр исын лэскиро часо, на явэна тэ тырдэнпэ лэскирэ дывэса, пал-дова со потангинэла Рай Дэвэл Яковос, ишчо (инкэ) явэла пир ило Лэскэ Израилё, и Ёв дэла, соб (кай) тэ дживэн ёнэ пэ Лэскири пхув, явэна кэ ёнэ явирэ-ригатыр мануша, припхандэнапэ кэ кхэр Яковоскиро. ² Залэна лэн народы, янэна пэ лэнгиро штэто, и кхэр Израилёскиро прилэла лэн кэ пэ Рáскирэ-Дэвлэскири пхув дынарьэнца и дынарицэнца, заухтылэла одолэн, кон ухтылдя дро плéно Израилёс, явэла рай машкир одолэндэ, кон лэс тасавэлас.

Гилы пал Вавилонсконэ Крали́стэ

³ Явэла адякэ дро дова дывэс: коли Рай Дэвэл залэла тэтыр тыри дукх, тыри дар, тыро пхарипэн, дрэ саво ту санас, ⁴ то ту багаса пхутькирды гилы пал Вавилоноскирэ крали́стэ и пхэнэса: “Нанэ одолэс, кон ман мэнчынэлас, пирияця чорибэн! ⁵ Пхагирдя Рай Дэвэл грэхитконэ-манушэнгиро дэсто, дэсто крали́тко, ⁶ саво холяса замарэлас народы, холяса исыс баро Рай дрэ кхэритка рóды, и традэлас лэн. ⁷ Сарй пхув откхинёла, яця штыл, годлэла бахтатыр. ⁸ Кипарисы радынэнапэ пал тэтэ и кедры Ливаноскирэ; ёнэ ракирэна: “Кóли ту засутян, никон на явэлас тэ чингирэл амэн.” ⁹ Люно (адо), саво исын тэлал, газдыпэ ваш тукэ, соб (кай) ёнэ тэ дыкхэс тут, кели ту заджаса; джангадя ваш тукэ Рефаимэн, сарэн пхувитконэн ран, газдыя сарэн Наюдытконэ-нацыенгирэ кральён тхагаритконэ штэтэндыр. ¹⁰ Сарэ лэна тэ ракирэн тукэ: “Ту яцян бизорьякиро, сыр амэ, ту зджаса пэ амэндэ! ¹¹ Дро люно (адо) исын чхурдынó тыро пхутькирибэн сарэ тырэ шумоса, тэлэ тэтэ пашто исын кирмо, кирмэ тут учхакирэна. ¹² Сыр пыян ту болыбнастыр, дывэсы́тко чэргэн, чхаво зорьякиро! Розмардяпэ пир пхув, кон пэ народы газдэласпэ. ¹³ А пхэнэсас ту дро пэскиро ило: “Газдавапэ пэ болыбэн, вучэдыр, сыр чэргэня Дэвлытка, мэ газдава миро тхагаритко штэто (троно), бэшава пэ бэрга машкир пэскирэ дэвлэндэ, одой, кай кончынэлапэ паш-дывэс (северо). ¹⁴ Газдавапэ мэ пэ болыбны́тко вучипэн, явава мэ тэ зджав (подджав) пэ

Сарэвучэдырэскирэ Дэвлэстэ.”¹⁵ Нэ ту сан чхурдыно дро люно (адо), дро лэскиро хорипэн.
¹⁶ Кон тут дыкхця, роздыкхэна тут, думинэна пал тутэ: “Ци кодова исын ёв, кон тринскирэлас пхув, конэстыр кралипэна издранас?”¹⁷ Кон кэрдя далэ барэ свэтостыр чхучи пхув, кон пхагирэлас фёрья, кон ухтылэлас манушэн дро плэно и кхэрэ на мэкэлас?”¹⁸ Сарэ кралья манушэнгирэ, сарэ исын паштэ патываса, кажно дрэ пэскири коплица [дро пэскиро кхэр-ю.о.].¹⁹ А ту сан чхурдыно коплицатыр (гробницатыр), сыр налачхи рандь, сыр урибэн кодолэнгиро, конэс замардэ, замардэ курталаса, конэс гарадэ дрэ пхув, ту сан сыр вычхурдыно трүпо.²⁰ Нэ ту явэса кхэтанэ лэнца дрэ магила (кула), пал-довá со ту обчордян пэскири пхув, замардян тырó народо, николи на пририпирэлапэ лачхипнаса чорэнгиро рóдо.²¹ Скэдэн лэскирэ чхавэн пэ мэрибэн, пал лэнгирэ дадэнгиро грэхо, соб (кай) ёнэ тэ на газдэнпэ, тэ на залэн пхув, тэ на биянэн вэргэн (врогэн) пэ свэто.

Сыр Пэрэна Вавилоно и Асирия

²² “Газдавапэ Мэ пэ лэндэ, – пхэнэла Рай Дэвэл, болыбнаскирэ-янголэнгиро, – Мэ хасякирэва, Вавилонóскиро лав, и сарó ячаибэн, и чхавэс и лэскирэ ўнукос,” – ракирэла Рай Дэвэл.²³ “Мэ кэрава адякэ, соб (кай) тэ явэн дой сапа и блáта, и Мэ вышулавава лэс хасибнытконэ веникаса (шуладяса),” – ракирэла Рай Дэвэл, болыбнаскиро-янголэнгиро.²⁴ Совлахала Рай Дэвэл, болыбнаскирэ-янголэнгиро: “Сыр Мэ подуминдём, адякэ явэла, сыр Мэ пхэндём, адякэ кэрэлапэ.²⁵ Соб (кай) Мэ тэ розмарав Асуро пэ Мирі пхув, тэ ростасавав лэс пэ Мирэ бэрги; и пэрла лэндыр лэскиро гамо, злэлапэ пхарипэн лэнгирэ псикэндэр.”²⁶ Дасаво исын припхэныбэн пал сарі пхув, акэ, исын васт, протырдыно кэ сарэ народы.²⁷ Палдовá, со Рай Дэвэл, болыбнаскирэ-янголэнгиро припхэндя, и кон сашты (могинэла) тэ отпарувэл дава? Лэскиро васт исын протырдыно, тэ кон лэс отрискирэла.”

Сыр Пэрэла Филистиякири Пхув

²⁸ Дро дова бэрш, кэли мыя крáli Ахáзо, сыс дасаво лав пророкостыр: ²⁹ “На ráдынпэ Филистиякири пхув, со пхадёла дэсто, савó тут марэлас, пал-довá со сапитконэ родóстыр выджáла сап, а далэ сапэстыр – сап, савó явэла тэ вурнял.³⁰ Тэньци чорорэ явэна чалэ, кон мангэлас ловэ – куч задживэна, а тырó рóдо Мэ хасякирэва бокхаса, бокх домарэла тырó ячаибэн.³¹ Ров, пórта (враты)! Гóдла дэ, фóро! Роспэрэсапэ ту, сарі пхув Филистимиякири, пал-довá со тхув джáла паш-ратитконэ (шылалэ) ригáтыр (северостыр), никон на ячэлапэ пэ лэнгирэ скэдыибэна.³² Со ж пхэнэна одолэ, савэ янэна нэвипэна ваш народоскэ? – Довá, со Рай Дэвэл кэрдя Сионо зоралэса, одой зракхэнапэ чорорэ Лэскирэ народóстыр.”

Шэрó 15

Моáво Явэла Чхучó (Пусто)

¹ Ангилпхэныбэн пал Моавостэ. – Адякэ! Ратякиро явэла обчордо и хасякирдо Ар-Моáво; адякэ! Ратякиро-Кир-Моáво явэла обчордо и хасякирдо! ² Ёв газдэлапэ кэ Баито и Дивоно, газдэлапэ пэ вучэ штэты, соб (кай) ёв тэ ровэл; ровэла Моáво пал Нэвó и Медева, лэндэ сарэндэ исын обчхиндлэ балá, сарэндэ исын вымурадэ чхора (брода). ³ Пэ вуліцы (гáсы) лэнгирэ обпхандэнапэ балытконэ гонэса, пэ лэнгирэ барэ дромá [пэ форуня-р.с.] и пэ стрэхи сарэ ровэна, сарó исын дрэ ясва. ⁴ Годлэла Есёвоно и Елеала, зан лэнгири исын шундлы кэ Иааца ^[1], пал лэндэ лынэ тэ ровэн халадэ Моавостыр, ди лэскиро газдыяпэ дрэ лэстэ. ⁵ Ровэла миро илó палó Моáво; прастана лэстыр кэ Сигоро, кэ тріто Эгла, газдэнапэ пэ Лухито роибнаса; даранэс годлэна пир дром Хоронаимоскиро. ⁶ Пал-довá со пирияця тэ тхадэл Нимримоскиро пані, вышутинэ фэлды, выхачия чар, нанэ зэлэныбэн. ⁷ Пал-довá ёнэ исын ячаибэн барвалыпнастыр; со зракхнэ ёнэ – дова пирилыджана палэ рэка (лэнь) Аравиякири. ⁸ Годлэна пир сарó Моáво кэ мэжы, кэ Эглаймо исын лэскиро роибэн, кэ Беэр-

Элимо исын лэскиро роибэн. ⁹ Пал-довá со дро панí Димоноскиро тхадэла рат, а Мэ лыджáва пэ Дивоно ишчо (инкэ) нэвипэн-шчэрэн (левэн), пэ одолэндэ, кон настя Моавостыр и яцýпэ пэ дая пхув.

15:4 ^[1] Дро Юды́тко оригина́ло “Яхаца”

Шэрó 16

Пал Моáво

¹ Бичхавэн бакрорэн рáскэ, конэскири исын дая пхув, Селатыр бичхавэн пэ чхучí пхув пэ Сионоскирэ-чхакири бэрга. ² Сыр заблудно (заблэндýндылы) чириклы, вычхурдыны пэ пхув, явэна чхая Моавитоскирэ пашыл броды Арноноскирэ. ³ “Чхув совето (скэдыибэн), обдумин, со тэ кэрэн, учхакир амэн дывэсэ, сыр раты тырэ урибнаса, прилэ вытрадынэн, на выдэ бикхэрэскирэн. ⁴ Мэк тэ дживэн náбут тýtэ мирé вытрадынэ Моавитяни, зрáкх лэн чорэстыр, пал-довá со явэла часо, кóли на ячэла битангипнаскирэс, пириячэла чорибэн, одолэ, кон газды́пэ пэ тýtэ, хасэна далé пхувья́тыр.” ⁵ Кралитко штéто явэла зоралó лачхипна́са, и бэшэла пэ лэстэ дро чачипэн, дрэ шáтра Давидоскири, сэндáри, савó родэла чачипэн, кэрэла чачó сэндо. ⁶ Амэ шундýм пал Моавоскиро пхутькирибэн, пал барó лэскиро пхутькирибэн, пал лэскирэ шарибэна и холы́, ёв пхэнэла хоханé лавá. ⁷ Палдава́ заровэла Моáво пал Моáво, сарé лэна тэ ровэн пал кхэра́ Кирхарешэ́тоскирэ: ёнэ исын сарэса пхагирдэ. ⁸ Фэлды Есeвоноскирэ вышутинэ, адýкэ исын Севамоскирэ винаградникоса, народэнгирэ раё вычхиндлэ лэскирэ лачхэ каштá, савé барьёна́с кэ Иаезеро, тырдэнаспэ пир чхучí пхув лэскирэ рандя́ (вётки) бу́глёна́с, ёнэ пириджанас палó мóрё (дэрьяв). ⁹ Палдава́ и мэ явáва тэ ровав пал кашт Севамоскиро Язероскирэ роибнаса, мэ вычхувава Мирé ясва пэ тýtэ, Есeвóно и Елеала, пал-довá со кóли скэдэна тырó винаградо (дракх), сыр скэдэна тырó марó, нанэ бутýр рáдыма. ¹⁰ Хасия́ далé лачхэ пхувья́тыр сабэн радýмаса, на багана, на радýнэнпэ дрэ винаградники; на кэрэла винаградари мол (вино) дро пресо: Мэ кэрдём адýкэ. ¹¹ Палдовá тангинэла миро илó сыр башады (гусли) пал Моáво, и илó Мирó – пал Кирхарешэ́то. ¹² И адýкэ явэла: кéли явэла бицýлó, со Моáво кхинéла пэ вучé штéты, тэньчи ёв явэла пэ свéнто штéто тэ мангэлпэ Дэвлэскэ, нэ лэстэ нисó на выджáла. ¹³ Акэ, исын лав, со пхэндя́ Рай Дэвэл пал Моáво ишчо (инкэ) дрэ гаратунé долé дывэсá: ¹⁴ Нэ аканá, акэ, со Рай Дэвэл пхэндя́: “Пир далé трин бэршá сы́рбы бутярнэстэ, конэс лынé пэ буты́, бут манушá явэна тэ дыкхэн вучипна́са пэ слáва Моавоскири, и náбут бизорья́кирэ манушá ячэнапэ.”

Шэрó 17

Пхэныбэн пэ Сирия и Израилё

¹ Пхэныбэн пэ Дамáско. – “Акэ, Дамáско пириячэла тэ явэл фoроса, и ёв явэла груда руинэндýр. ² Арозроскирэ фóрья мэкэна манушá, ёнэ явэна штэтоса ваш гурты бакрэнгирэ, со явэна тэ пасён одóй, и ниéкх на явэла тэ трашавэл лэн. ³ Твардыма Ефремóскири и Дамаскоскирэ-кралиппнаскири и кхэтанé Сирия́кирэ ячаибнаса, явэла дасави́-паць сыр и слáва Израилёскирэ чхавэндýр”, – ракирэла Рай Дэвэл, болыбна́скирэ-янголэнгиро. ⁴ “И явэла адýкэ дро дова́ дывэс, со тыкнэла слáва Яковоскири, и тхулы́пэн лэскирэ масэндýр явэла шукэдыр. ⁵ И явэла адýкэ-паць, сы́рбы гивá-чхиныбнаскиро мануш, савó скэдэла зýрки и чхинэла колосы гивэнгирэ пэскирэ вастэса и сы́рбы явёр мануш, савó скэдэла колосы пэ долоскири пхув Ефраймоскири. ⁶ И ячэнапэ лэстэ сы́рбы дуй ци трин оливитка мýри пэ сáмо упратуны рандь, ци штáр ци пандж пэ сáмо пхабитко рандь палó дова́, сыр

вымарэна (укэдэна) умалото оливитконэ каштэстыр”, – ракирэла Рай Дэвэл, Дэвэл Израилёскиро. ⁷ Дро дова дывэс о мануш явэла тэ дыкхэл пэ Создыбнаскирэстэ, и лэскирэ якхэ явэна тэ сыкавэн патыв Свэнтонэ Израилёскирэскэ, ⁸ Ёв на явэла тэ дыкхэл пэ алтэри, со исын буты лэскирэ вастэнгири, ёв на явэла тэ дэл патыв, со кэрдэ лэскирэ ангушта (пальцы), ци пэ каштунэ йдолы Астартакирэ ци кхамитка (Ваалоскирэ). ⁹ Дро дова дывэс зоралякирдэ фэрья явэна сыр мэкно штэто дро вэш и пэ бэргакирэ вучипэна, со явэна мэкно ангил чхавэндэ Израилёскирэндэ: и явэна руйны (чхучо штэто). ¹⁰ Пал-дова со ту, Израилё, бистырдян Дэвлэс, тырэс Зракхибнаскирэс, и ту на рикирдян дрэ годы, скэла тырэ – фороскирэ рипирибнастыр; палдава ту почхудян камибнытка унты (сады) и вычхудян на тумарэ пхувьякирэ-раслинакирэ рандёрья. ¹¹ Дро дова дывэс ту кэрэса саро адякэ, соб (кай) тыры раслина тэ барьёл, и, соб (кай) тасярлэс (рэнэс) пэ злёко (рэнко), тыры зырка тэ лулудёл (тэ цветинэл); нэ дро счхиныбнаскиро (скэдыбнаскиро) дывэс явэла туга смэнтнымаса пэ руинэнгири груда. ¹² Бида и шумо бутэ-манушэнгири, ёнэ шуминэна сыр мөрё (дэрьяв) брилинэла (ревинэла), пэ сыгно шумо манушытконэ-нацыэнгири, савэ нашэна шумоса сыр шумо бутэ-паненгири! ¹³ Манушытка нэцыи брилинэна (ревинэна) сыр шумо бутэ-паненгири, нэ Дэвэл дарьякирдя, и ёнэ явэна тэ нашэн дур, и лэн явэна тэ традэн сыр прахо пэ бэрги балваляса, сыр прахинка (пыло), со крэнцынэлапэ rischiрибнаскирэ балваляса. ¹⁴ Тэньци, акэ, бэльвэлэ бари дар! И ангил злёко (рэнко), лэс бутыр нанэ. Кадасави исын доля одолэнгири, кон обчорэла амэн, и жребие (талано) кодолэнгири, савэ откэдэна зорьяса амаро миштыпэн.

Шэрó 18

Пхэныбэн проти Ефиопия

¹ Бида пхувьякэ, сави учхакирэла пхакэнца пир доя риг Ефиопиякирэ рэкэндыр (лэнорьендыр). ² Сави бичхавэла манушэн (послэн), соб (кай) ёнэ тэ роспхэнэн нэвипэн, пир мөрё (дэрьяв) и пир пани дрэ папирусытка ладьи. Джан сыгэдёр, сыгна бичхаибнаскирэ тэ роспхэнэн, джан кэ народо, зоралó и састó, кэ народо, со исын дарано англэдыр сарэстыр кэ ададывэс, кэ народо вучó, савó пэ сарó газдэлпэ; лэскири пхув росчхинэна рэки (лэня). ³ Сарэ тумэ, кон дживэла пэ свэто и пэ пхув! Дыкхэн, ко́ли шпэра марибнытко газдэлапэ пэ бэрги, и ко́ли башады забашавэла, то шунэн! ⁴ Пал-дова, со адякэ пхэндя мангэ Рай Дэвэл: “Мэ штылэс дыкхава Мирé кхэрэстыр, сыр лачхó татыпэн дро моментó, ко́ли прогия брышы́нд, сыр облако пахлыняса (росаса), ко́ли скэдэна марó и пэкэла кхам. ⁵ Англэдыр долэстыр, сыр выбарьёла винаградо (дракх) и лэна лэс тэ скэдэн, Ёв отчхинэла рандя чхурьяса, и отлэла и отчингирэла. ⁶ И ячкирэна сарó дава чирикленгэ пэ бэрги и фэлдытконэ мурдалэнгэ (зверенгэ), чирикля явэна тэ дживэн одой лынаскиро, а сарé фэлдытка мурдала (звери) явэна тэ дживэн одой ивантакиро (зимакиро). ⁷ Дро дова дывэс янэна Рáскэ-Дэвлэскэ болыбнаскирэ-янголэскирэскэ, дáро зоралé и састэ манушá народóстыр, вучé и даранэ народóстыр, савó пэ сарó газдэлпэ тэ тасавэл, а лэскирэ рэки (лэня) росчхинэна пхув, янэна дáро пэ штэто, кай исын Рáскирэ-Дэвлэскиро, болыбнаскирэ-янголэнгири лав, пэ бэрга Сионо.

Шэрó 19

Пал Египто

¹ Ангилпхэныбэн пал Египто. – Акэ, Рай Дэвэл исын бэштó пэ болыбэн и явэла дро Египто. И издрана Лэскирэ мóстыр йдолы Египтоскирэ, и илó Египтоскиро биладэла (ростаинэла) дрэ лэстэ. ² “Мэ газдава Египтянэн пэ Египтянэндэ, явэна тэ марэнпэ пшал пшалэса, мал малэса, фóро фóроса, кралипэн кралиппаса. ³ И дýхо (фáно) Египтоскиро хасэла, Мэ

розмарава лэскиро годыпэн (совето) и прастана ёнэ кэ йдолы, кэ мануша, савэ исын човаханэ (маги), савэ выкхарэна мулэн, савэ зумавэна. ⁴ И отдава Мэ Египтянэн дрэ захалэ крالیскирэ васта; захало крáli явэла хула́й лэнгиро”, – ракирэла Рай Дэвэл, Рай Дэвэл, болыбнаскиро-янголэнгиро. ⁵ И вышутэла пани́ дро мо́рэ (дэрьяв), и рэка (лэнь) пириячэла тэ тхадэл и вышутэла. ⁶ И зашутэна рэ́ки (лэня), и дрэ каналы Египто́скирэ, кай пани́ тхадэлас саро́ вышутэла; зашутэна сил (камышо) и тришчына (троснико). ⁷ Фэ́лда пашы́л рэ́ка (лэнь), пирó брэ́ги пашы́л рэ́ка (лэнь) и саро́, со пашы́л рэ́ка (лэнь) барьёлас, зашутэла, роспхурдэлапэ и хасёла. ⁸ И заровэна мачхибна́рья, заровэна одолэ́, кон зачхурдэлас вэндка дрэ рэ́ка (лэнь) и одолэ́, кон чхувэлас кхудя (сетки) дро пани́, пэрэна пэ́скирэ деса. ⁹ И явэна тэ ладжан одолэ́, кон барьякирэ́ла чар, савья́тыр сывэна и одолэ́, кон кэрэ́ла (кхувэла) парнэ похтана. ¹⁰ И явэна роскушнэ кхудя и сарэ́, конэ́стэ исын мире́жы тэ ухты́лэн джидэ́ мачхэн, пэрэна дро д́ухо (фа́но) [р.с.] ¹¹ Адя́кэ! Згинэ́ годяты́р тхага́рья (кня́зи) Цоаноскирэ́; годыпэн (совето) годьварэ́ манушэ́нгиро, савэ́ подпхэ́нэнас Фараоно́скэ, яця́ дылыно́. Сыр тумэ́ пхэ́нэна Фараоно́скэ: “Мэ сом чхаво́ годьварэ́-манушэ́нгиро, гаратунэ́-кральенгиро́ чхаво́.” ¹² Кай исын ёнэ? Кай исын тырэ́ годьварэ́ мануша́? Мэк ёнэ́ тэ пхэ́нэн т́укэ́ акана́; мэк тэ галён, со Рай Дэвэл, болыбнаскирэ́-янголэнгиро, припхэ́ндя́ пал Египто́. ¹³ Згинэ́ годяты́р тхага́рья (кня́зи) Цоаноскирэ́, хохадэ́ исын тхага́рья (кня́зи) Мемфисосты́р, домардэ́ шэ́ралэ́ манушэ́с пэ́ кхэ́ры́тка ро́ды Египто́скирэ́ дромэ́стыр. ¹⁴ Рай Дэвэл бичхадя́ дрэ́ лэ́стэ́ д́ухо (фа́но) матыбнаскиро́; ёнэ́ хохадэ́ Египто́ дрэ́ сарэ́ лэ́скирэ́ рэ́нды, адя́кэ, сыр мато́ псирэ́ла пир бла́та, савья́са ёв чхадя́. ¹⁵ И на явэ́ла дрэ́ Египто́ дасави́ буты́, сави́ б кэрэ́нас шэ́ро и пори, пальма́ и дэ́сто. ¹⁶ Дро до́ва дывэ́с ячэ́на Египтя́ни сыр джувля́, издрана́ и явэ́на тэ дарэ́н (даран) Ра́скирэ́-Дэвлэ́скирэ́, болыбна́скирэ́-янголэнгирэ́ вастэ́стыр, саво́ Ёв газдэ́ла пэ́ лэ́ндэ. ¹⁷ Пхув Юдаски́ри явэ́ла дараса́ ваш Египто́; кон припи́рела́ пал ла́тэ, одова́ издрала́ Ра́стыр-Дэвлэ́стыр, Лэ́скирэ́ припхэ́ныбна́стыр, саво́ Рай Дэвэл отды́я пал Египто́. ¹⁸ Дро до́ва дывэ́с пандж фо́рья пэ́ пхув Египто́скиро́ явэ́на тэ раки́рэн Ха́нааны́тконэ́ чибаса́ и тэ совлахан́ Ра́са-Дэвлэ́са, болыбна́скирэ́-янголэнгирэ́са; екх лэ́ндыр кхарла́пэ кхамитконэ́ фороса́. ¹⁹ Дро до́ва дывэ́с штэ́то, кай янэ́на дыибэ́на Ра́скэ́-Дэвлэ́скэ́ явэ́ла машки́р пхув Египто́скири́ и рипири́бны́тко штэ́то пал Ра́стэ́-Дэвлэ́стэ́ – пашы́л пхувья́кирэ́ рига́. ²⁰ Ёв явэ́ла сыр герты́к (знаме́ниё) и сыр досы́каи́бэн пал Ра́стэ́-Дэвлэ́стэ́, янголэ́нгирэ́-болыбна́скирэ́стэ́, пэ́ пхув Египто́скири́; пал-дова́ со ёнэ́ прикхарэ́на Рас-Дэвлэ́с, ко́ли явэ́на вэ́рги, и Ёв бичхавэ́ла лэ́нгэ́ зракхи́бна́рис и затэ́рды́пна́скирэ́с (застэ́мпникос) и зракхэ́ла лэн. ²¹ И Рай Дэвэл сы́кава́ла Пэ́с дро Египто́: и Египтя́ни дро до́ва дывэ́с уджинэ́на Рас-Дэвлэ́с, и янэ́на свэ́нта дыибэ́на́ и дэ́на лав (совла́х) Ра́скэ́-Дэвлэ́скэ́ и сполни́нэна. ²² И лэ́лапэ́ Рай Дэвэл пал Египто́ мэри́бны́тконэ́ дукхаса́, лэ́лапэ́ и высастя́кирэ́ла; ёнэ́ обрисэ́на кэ́ Рай Дэвэл и Ёв шунэ́ла лэн и высастя́кирэ́ла. ²³ Дро до́ва дывэ́с явэ́ла баро́ дром Египто́стыр кэ́ Аси́рия; и заджа́ла Асу́ро дро Египто́, а Египтя́ни дрэ́ Аси́рия, и Египтя́ни кхэ́танэ́ Аси́риянэ́нца явэ́на тэ́ дына́ринэ́н Ра́скэ́-Дэвлэ́скэ́. ²⁴ Дро до́ва дывэ́с Израилё́ явэ́ла тритонэ́ Египтоса́ и Аси́рияса́; бахтя́кири́бэн явэ́ла машки́р пхув, ²⁵ сави́ бахтя́кирэ́ла Рай Дэвэл, болыбна́скирэ́-янголэ́нгиро и пхэ́нэла: “Бахтя́кирдó́ исын Ми́ро наро́до – Египтя́ни, и Ми́рэ вастэ́нгиро́ рэ́ндо – Аси́рия, и Ми́ро мэ́кно́ мишты́пэн – Израилё́.”

Шэ́ро 20

Ѓерты́к (Знаме́ния) Пал Египто́ и Эфиопия́

¹ Дро до́ва бэ́рш, ко́ли Тартано́ явдя́ кэ́ Азото́, а лэ́с бичхадя́ Сарго́но, крáli Аси́рияки́ро, ёв и марэ́ласпэ́ Азотоса́ и лы́я лэ́с. ² Дро до́ва дывэ́с пхэ́ндя́ Рай Дэвэл Исаё́скэ́, Амосо́скирэ́ чхавэ́скэ́: “Джа́, злэ́ тыро́ ури́бэн, злэ́ триви́ки тырэ́ гэрэ́ндыр.” Ёв кэ́рдя́ адя́кэ; псирдя́ нанго́ и пи́ранго. ³ И пхэ́ндя́ Рай Дэвэл: “Сыр Ми́ро писха́ри (рабо́) Исаё́ псирэ́лас нанго́ и пи́ранго трин бэ́рш, соб (кай) тэ́ сы́кава́л и тэ́ дэл анги́лпхэ́ныбэ́н пал Египто́ и Эфиопия́, ⁴ адя́кэ́ лы́джа́ла Аси́рияки́ро крáli зау́хты́лдэ́ манушэ́н пленонэ́н Египто́стыр, манушэ́н, савэ́ пи́ритрады́нэ́ Ефиопия́тыр; лы́джа́ла тэ́рнэн и пху́рэн, ёнэ́ джа́на нангэ́ и пи́рангэ́, соб (кай)

тэ ладжакирэн Египто. ⁵ Тэньци явэна тэ дарэн и тэ ладжан Ефиопиятыр, пэскирэ надеятыр, и Египтостыр, савэса ёнэ шарэнаспэ. ⁶ И пхэнэна дро дова дывэс мануша, савэ одой дживэна: “Акэ, савэ исын одолэ, пэ конэстэ исыс амарі надэя, кэ кон прастандыам пал подрикирибэн, соб (кай) тэ зраххаспэ Асириякирэ кралистыр! И сырбы амэ зраххаспэ?”

Шэро 21

Хасибэн Вавилоноскэ

¹ Ангилпхэныбэн пал шуки пхув пашыл мөрё (дэрьяв), пал Вавилоно. – Сыр зоралэ балвала я вурняна пэ паш-дывэс (юго), адякэ джала ёв шукэ пхувьятыр, даранэ и чхучэ пхувьятыр. ² Дарано дыкхибэн сыкадэ мангэ: о чор чорэла, о прахари отлэла; заджа, Еламо, газдэпэ, Мидо, сарэ ясва мэ залава. ³ Далэстыр издрана мирэ, Исаёскирэ, маса пэ трушул; мэ мэнчынавапэ, сыр джувлы, коли ёй бианэла, мэ на латхава штэто долэстыр, со мэ шунава; мэ пиридживава долэстыр, со мэ дыкхава. ⁴ Издрала миро ило; марэла ман издраны; мирі лачхі рат яця ваш мангэ дараса. ⁵ Кэрэна скаминд, росчхувэна похтана, хана, пьена. Уштэн, раёлэ-тхагарья, выджан по марибэн! ⁶ Адякэ пхэндя мангэ Рай Дэвэл: “Джа, чхув ракхибнарис, мэк ёв тэ роспхэнэл, со ёв дыкхэла.” ⁷ Ёв дыкхця, со традэна уклистэ мануша пэ грэндэ, мануша пэ ослэндэ, мануша пэ верблюдэндэ, традэна пирё дуй, и зоралэс ёв пришунэласпэ. ⁸ И загодлыя сыр шчэр (лёво): “Раё миро! Мэ ракхавас саро дывэс, и ратенца пэ миро штэто мэ ячаваспэ. ⁹ Акэ, традэна мануша, традэна уклистэ пэ грэндэ, пир дуге манушэндэ.” Тэньци ёв загодлыя и пхэндя: “Пыя, пыя Вавилоно, и сарэ лэскирэ йдолы, сарэ дэвлорэ исын паштэ пэ пхув розмардэ.” ¹⁰ О, домардо миро, чхаво мирэ фэлдатыр! Со шундём Растыр-Дэвлэстыр, болыбнаскирэ-янголэнгирэстыр, Израилёскирэ Дэвлэстыр, дова и пхэндём мэ тумэнгэ. ¹¹ Ангилпхэныбэн пал Дума. – Годлэна мангэ, Сеиростыр: “Ракхибнари! Кицы часо ратятыр яцяпэ? Ракхибнари! Кицы часо ратятыр яцяпэ?” ¹² Пхэнэла ракхибнари: “Сыг явэла злоко (ранко), нэ ишчо (инкэ) исын рат, коли тумэ адякэ домарэнпэ тэ пхучэнпэ, тэньчи обрисён и явэн.” ¹³ Ангилпхэныбэн пал Аравия. – Ратькирэн дро вэш Аравиякиро, караваны Деданостыр! ¹⁴ Манушалэ Фемаскирнэ пхувьятыр! Лыджан пани одолэнгэ, кон исын дрэ смэга (трушало), выджан марэса кэ одолэ, кон прастала. ¹⁵ Пал-дова, со ёнэ курталатыр нашэна, курталатыр и лукостыр и захалэ марибнастыр. ¹⁶ Адякэ пхэндя мангэ Рай-Дэвэл: “Ишчо (инкэ) бэрш дасаво, сыр бэрш бутяристэ (бутярнэстэ), саво кэрэла буты пал ловэ, и саро барипэн Кидароскиро хасэла. ¹⁷ И ячэлапэ нэбут (куты) курталы надаранэ Кидароскирэ чхавэндэ; адякэ пхэндя Рай Дэвэл, Дэвэл Израилёскиро.”

Шэро 22

Лав Пал Ерусалимо

¹ Ангилпхэныбэн пал доло [фэлда-ю.о.], кай сыс дыкхибэн. – Со туса, форо, со ту саро газдыанпэ пэ стрэха (чхакін) [кхэр-р.с.]? ² Форо, саво шуминэла, саво годлэла, саво радынэлапэ. Тырэ мулэн на куртала домардя, на пэ марибэн ёнэ мынэ. ³ Сарэ тырэ пхурыдыра прастанас кхэтанэ, нэ халадэ лэн спхандлэ; сарэ, кон тутэ латхяпэ, пхандлэ кхэтанэ, сырбы дур ёнэ на прастанас. ⁴ Палдава Мэ, Исаё, ракирава: ‘Ячкирэн ман, мэ лава тэ ровав киркэ ясвэнца, на подрикирэн ман, коли обчхорды исын чхай мирэ-народоскири.’ ⁵ Палдава, со исын дывэс, коли на джінэна, со тэ кэрэн, коли пхагирэна саро и газдэлапэ гóдла пэ доло дыкхибнаскиро Растыр-Дэвлэстыр. Пхагирэна ванта, и газдэлапэ гóдла пэ бэрги. ⁶ И Еламо лыджала куртала. Мануша исын бэштэ пэ вурдэна и Киро дорэсэла шчыто. ⁷ Акэ, тырэ лачхэ фэлды исын пхэрдэ вурдэнэнца; мануша, савэ исын бэштэ уклистэ, скэдынэпэ паш вударэ. ⁸ И лэна криг Юдэятыр учхакирибэн; и ту дро дова дывэс дыкхэса, со исын дро кхэр кедростыр (мардяня) дова, соса выджана пэ марибэн. ⁹ Нэ тумэ дыкхэна,

со бут мóлы исын роспахирды ванта дро фóро Давидóскиро и тумэ скэдэна пани́ дрэ тэлатуны вэндэрин (прудо). ¹⁰ И тумэ придыкхэна тэ рипирэн (лэна пэ якх) кхэра́ дро Ерусалимо, и спхагирэна тэлэ кхэра́, соб (кай) тэ зорьякирэн ванта; ¹¹ и кэрэна машки́р дуй ванты вэндэрин [рово (хохой)-ю.о.], соб (кай) тэ раххэн пани́ пхуранэ вэндэринятыр. А пэ Одолэстэ, Кон кэрэла дава́, тумэ на явэна тэ дыкхэн; и тумэ на дыкхэна пэ Одолэстэ, Кон гарá припхэндя́, соб (кай) адякэ́ тэ явэл. ¹² И Рай Дэвэл, Рай Дэвэл, болыбна́скирэ-янголэнгиро, кхарэла кэ Пэ тумэн, соб (кай) тумэ тэ ровэн, тэ годлэн дро дава́ дывэс, соб (кай) тумэ тэ обчхинэн бала́, соб (кай) тэ обпхандэнпэ гонэса праскаса, саво урьена дрэ биба́хт. ¹³ Нэ, акэ, исын ра́дыма (лош) и сабэн! Замарэн гурувэн, чхинэн бакрэн, хан мас и пьен мол (вино): “Ласа́ тэ хас и тэ пьяс, пал-дова́, со атася́ мэраса!” ¹⁴ И откэрдя́ кэ мирэ канá Рай Дэвэл, болыбна́скирэ-янголэнгиро: “На отмэкэлапэ тумэнгэ дава́ грэхo, пака тумэ на мэрэна”, – пхэндя́ Рай Дэвэл, болыбна́скирэ-янголэнгиро. ¹⁵ Адякэ́ пхэндя́ Рай Дэвэл, Рай Дэвэл, болыбна́скирэ-янголэнгиро: “Джа́, заджа́ кэ адава́ кралі́скиро дына́ри, кэ Севна, саво исын пхурыдыро пэ кралі́скиро кхэр и пхэн лэскэ: ¹⁶ Со ту́тэ исын ада́й, кон ту́тэ исын ада́й, со́скэ ту кэрэса ада́й коплі́ца ваш пэскэ? Ёв кэрэла пэскэ коплі́ца по вучо́ штэто́, пэ бэрга кэрэла пэскэ кхэр. ¹⁷ Акэ, Рай Дэвэл чхурдэла тут, сыр зорало́ ману́ш чхурдэла, притасавэла тут. ¹⁸ Ёв скрэнцынэла тут, чхурдэла тут пэ буглы пхув и одой ту мэрэса, одой тырэ лачхэ марибны́тка вурдэна́ ладжакирэна кхэр, тырэ-хуласкиро. ¹⁹ И чхурдава́ тэлэ Мэ тут тырэ штэто́стыр, и ту пэрэса пэскирэ пхутькирибнастыр. ²⁰ И явэла дро кодова́ дывэс: Мэ кхарáва Мирэ дына́рис Елиакимос, Хелкииноскирэ чхавэс. ²¹ Урьявава лэс дро тыро́ урибэн, обпхандава Мэ лэс тырэ кустыкаса, зор ты́ри отда́ва дрэ лэскирэ васта́; ёв дадэса явэла ваш манушэнгэ дро Ерусалимо и ваш кхэр Юда́скиро. ²² И клыдын Давидóскирэ кхэрэстыр Мэ чхува́ва дрэ лэскирэ васта́: ёв откэрэла (псиравэла) и никон на закэрэла (на пхандэла); ёв закэрэла и никон на откэрэла (псиравэла). ²³ Мэ кэра́ва лэс зоралэса, сыр гвоздэ́ (карфин) дро наковло́ (твардо) штэто́; явэла ёв ваш пэскирэ-дадэскиро кхэр сыр хулаитко пиралы́ (кладовая). ²⁴ Явэла тэ ублавэлпэ лэстэ саро́ барипэн кхэрэстыр, лэскирэ-дадэскиро; саро́ кхэры́тко хулаибэн, кэ сарэ́ палатунэ́ (последня́) башадя́. ²⁵ “Дро дова́ дывэс,” – ракирэла Рай Дэвэл, болыбна́скирэ-янголэнгиро, – “кунинэлапэ гвоздэ́ (карфин), примардо пэ наковло́ (твардо) штэто́, и явэла вымардо, и пэрэла, и пэрэла саро́ пхарипэн, со исын пэ лэстэ”, пал-дова́, со адякэ́ ракирэла Рай Дэвэл.

Шэро́ 23

Лав Пал Тіро

¹ Ангилпхэныбэн пал Тіро. – Ровэн, па́рмы (корабли) Фарсисостыр, пал-дова́, со ёв исын роспахирдо; нанэ кхэра́, никон дрэ кхэра́ на заджа́ла. Адякэ́ пхэндліо́ лэнгэ Китимоскирэ пхувья́тыр. ² Явэн штыл, манушáлэ, кон дживэла пэ пхув машки́р мо́рё (дэрья́в), кай пхэрдó сыс Сидоноскирэ тылгарьенца́ (купцэнца́), савэ пир мо́рё (дэрья́в) традэнас. ³ Пир баро́ пани́ янэнас лэскэ зя́рки (семяны) Сихороскирэ, умалото́ (урожаё́) барэ́ рэка́тыр (лэня́тыр), сыс да́я пхув штэтоса, кай народы́ бикнэнас. ⁴ Ладжа́, Сидоно, пал-дова́ со адякэ́ ракирэла мо́рё (дэрья́в), зоралыпэн мо́рёскиро (дэрья́вэскиро): “Сы́рбы мэ на мэнчына́васпэ, ко́ли мэ и на бия́навас, и на барья́киравас чхавэн и чха́ён, и мэ на давас палэ патывалэ́ джувлэн.” ⁵ Ко́ли шунэна́ нэвипэн (вестя́) Египтя́ни, ко́ли шунэна́ пал Тіро, то страхадэ́на ёнэ! ⁶ Пиритрадэн дро Фарсисо, ровэн, манушáлэ, савэ дживэна пэ островы́! ⁷ Ци дава́ исын тумаро́ фóро, фóро, саво зяинэлас радымáтыр, фóро гаратуно́? Лэскирэ́ гэра́ лыджáна лэс тэ стенькинэлпэ́ (тэ псирэл би рэндоскиро) пэ чу́жо риг. ⁸ Кон припхэндя́, соб (кай) тэ явэл адякэ́ Тироса, саво роздэлас вянки, лэскирэ́ кúпцы (тылга́рья) сыс тхага́рья (кня́зи), кофа́рья (торговцы) пир манушэндэ́, савэ одой бикнэнас, и сарі́ пхув джинэлас лэн. ⁹ Рай Дэвэл, болыбна́скирэ-янголэнгиро, припхэндя́ дава́, соб (кай) тэ на пхутёл нисаво́ барипэн, соб (кай) тэ ладжан сарэ́, кон прилэла паты́в пэ пхув. ¹⁰ Псир пир ты́ри пхув, чхай Фарсисоскири, псир, сыр рэка́ (лэнь): никон бу́тыр пэ тыро́ дром на тэрдэла. ¹¹ Ёв протырды́я Пэскиро васт пэ мо́рё

(дэрьяв), Ёв пиритринскирдя кралипэна; Рай Дэвэл припхэндя пал Ханаано, соб (кай) тэ роспахирэн лэскирэ твэрдими (крепости). ¹² И пхэндя: “На явэса ту бутыр тэ радынэспэ, патывалы тэрны джувлы, сави сыс ладжакирды, чхай Сидоноскири! Ушты, джа дрэ Китимо, нэ и одой ту на откхинёса.” ¹³ Акэ, исын пхув Халдеенгири. На сыс англэдыр дава народо; Асуро кэрдя лэс манушэндир, савэ дживэнас пэ шуки пхув. Ёнэ чхувэна пэскирэ вучардя (башни), роспахирэна лэскирэ райканэ кхэра, пхагирэна лэн сарэса. ¹⁴ Ровэн, пармы Фарсисоскирэ! Ровэн, пал-дова со зор тумарй исын пхагирды. ¹⁵ И явэла дро дова дывэс: бистрэна Тиро пэ эфтадэша бэрш, пэ адакицы, сыр екх крали дживэла. А коли проджана далэ дывэса, явэла Тироса дова, со багана пал биладжакунэ джувлятэ. ¹⁶ “Лэ башады, псир пир форо, бистырды биладжакунэ джувлы! Башав куч, бага бут гиля, соб (кай) тэ пририпирэн пал тутэ.” ¹⁷ И явэла: коли эфтадэша бэрш проджана, то Рай Дэвэл заджала кэ Тиро, ёв лэла пэскири бажын, ёв лэла нэвэс тэ кэрэл биладжакирэ рэнды сарэ кралиппэнца пир сарй пхув. ¹⁸ Нэ лэскиро бикныбэн и лэскири бажын явэна отдынэ Раскэ-Дэвлэскэ; ёнэ на явэна гарадэ, пал-дова со кэ одолэ, кон дживэла ангил Дэвлэскиро муй, пириджала бажын, соб (кай) тэ хан и тэ чалён, соб (кай) тэ явэл лэндэ зоралэ урибэн, саво гарá сашты тэ урьел.

Шэро 24

Сэндо пэ Пхув

¹ Акэ, Рай Дэвэл хасякирэла пхув кэ чхучипэн (пусто), кэрэла адякэ, соб (кай) тэ на янэл ёй барьякирдэ (плодо), и пирипарувэла, роспхурдэла кодолэн, кон дживэла пэ латэ. ² И со явэла народоса, дова-паць (тожэ) явэла рашаса; со явэла дынариса, дова-паць явэла лэскирэ хуласа; со явэла дынарицаса, дова-паць явэла лакирэ хуланяса; со явэла одолэса, кон кинэла, дова-паць явэла одолэса, кон бикнэла; со явэла манушэса, саво залэла ловэ, дова-паць явэла одолэса, кон дэла лэскэ ловэ. ³ Пхув исын обчорды сарэса и чхучй, пхув сарэса исын росчорды, пал-дова со Рай Дэвэл пхэндя дава лав. ⁴ Тангинэла, ровэла пхув; пыя духоса, на радынэлпэ барэ свэто, дрэ бибахт (бида) исын мануша, савэ газдэнаспэ пэ пхувьякиро народо. ⁵ Пхув исын магирды манушэндир, савэ дживэна пэ латэ, пал-дова со ёнэ отчхурдынэ законы, парудэ статүто (уставо), ёнэ пхагирдэ вечно завето. ⁶ Палдава прокошыбэн хала пхув, прилэна бибахт мануша, савэ пэ пхув дживэна; схачкирдэ исын мануша, савэ дживэна пэ пхув и набутка лэн яцяпэ. ⁷ Ровэла соко (хум) (нэви мол) нэвонэ-мурьенгино пэ сэнко (суко); дукхала рандь винаградоскири; газдэна ди пхарэс сарэ, кон радынэласпэ илэса. ⁸ Пирияця радума (лош) башаибнаса пэ бубны, на радынэнпэ бутыр мануша, кон радынэласпэ, ёнэ на башавэна бутыр пэ цымбалы. ⁹ На пьена бутыр мол (вино) и на багана, кирки исын бравинта ваш одолэнгэ, кон пьела ла. ¹⁰ Роспахирдо исын чхучо форо, сарэ кхэра закэрдэ пэ клыдын, наштй тэ заджас. ¹¹ Ровэна пэ вулицы (гасы) пал мол (вино), гия криг радума, вытрадынэ весёлыма (лош) пхувьятыр. ¹² Чхучо исын форо и порты исын роспахинэ. ¹³ А машкир пхув, машкир народы, явэла адякэ, сыр сыс, кели обмарэнас маслины и скэдэнас винаградо, коли сарэ укэдэнас. ¹⁴ Загодлэна зоралэ заняса, явэна тэ радынэнпэ дро Раскирэ-Дэвлэскиро райканэпэн, и явэна тэ годлэн морёстыр (дэрьявэстыр). ¹⁵ Шарэн Рас-Дэвлэс пэ вастоко, пэ островы, шарэн Раскирэ-Дэвлэскиро, Израилёскирэ-Дэвлэскиро лав! ¹⁶ Пхувьякирэ ягоростыр (концостыр) шунаса амэ гилы: “Тэ славинэлпэ Чачипнаскиро Дэвэл!” И пхэндём мэ: “Бида мангэ, бида мангэ! Чора чорэна, чора чорэна злыдниткэс.” ¹⁷ Дар, ганбийн (яма) и фэлы ухтылэна тут, мануш, саво дживэла пэ пхув! ¹⁸ Тэньци одова, кон прастандыа, коли загодлынэ даратыр, пэрэла дро хор штэто, а кон выджала одотхыр, попэрла дрэ фэлы, пал-дова со фэнштры болыбнаскирэ вучипнастыр псирадэна (роскэрнапэ) и пхув издрала. ¹⁹ Пхув издрала, пхув роспэрэлапэ, пхув издрала барэ зорьяса. ²⁰ Кунинэлапэ (качынэлапэ) пхув, сыр мато мануш, кунинэлапэ и грэхо лакиро пэ латэ: ёй пэрэла и бутыр на уштэла. ²¹ И явэла дро дова дывэс: зджала Рай Дэвэл тэ кэрэл кара пэ налачхэ дүхи, савэ исын дро болыбэн и пэ пхувитконэ кральэндэ, савэ исын пэ пхув.

²² И явэна ёнэ скэдынэ кхэтанэ дро рово (хохой), и явэна закэрдэ дро бэшыбэн, и прилёна кáра, ко́ли проджа́на бут дывэса́ явэна тэ сэндинэн. ²³ И чхон лолёла, и кхам ладжала, ко́ли явэла Рай Дэвэл, болыбна́скирэ-янголэнгиро кралы́са пэ бэрга Сионо и дро Ерусалимо, и ангил лэскирэ пхурыдырэндэ явэла барипэн (сла́ва).

Шэро́ 25

Шарибэн Дэвлэскэ

¹ Раё Дэвла! Ту сан миро Дэвэл, мэ ла́ва тэ ша́рав Тут, мэ шара́ва кэ вучипэн Тыро́ лав, пал-до́ва со Ту кэрдян диво; до́ва, со припхэндян гара́, да́ва исын чачипэн, амы́нь. ² Ту роспахирдя́н зоралы́ тва́рдыма сарэ́са, райка́но кхэр (харомо), саво́ кэрдэ мануша́, бу́тыр нанэ дро фо́ро, бу́тыр нико́ли лэс на газдэ́на. ³ Палдава́ явэна тэ ша́рэн Тут зоралэ́ народы; фо́рья, кай даранэ́ кхэри́тка ро́ды дживэ́на, явэна тэ дарэ́н Ту́тыр. ⁴ Ту са́нас зракхибна́са ваш чорорэ́скэ, зракхибна́са ваш чорорэ́ манушэ́скэ, сыр сыс пха́ро лэ́скэ; зракхибна́са зоралэ́ балвалы́тыр, и кхамэ́стыр. А хо́лямó пхурды́пэн нала́чхэ манушэ́ндыр сыс сыр балва́л, ко́ли ёй пэ ва́нта газдэ́лапэ. ⁵ Сыр хачкири́бэн пэ штэ́то бипанески́ро, Ту розмардя́н вэргэнгиро́ шумо; сыр чачипэн пи́риячэ́ла брышы́ндэстыр, а́дякэ Ту притаса́дян ра́дыма одолэнги́ри, савэ́ притаса́вэна. ⁶ И кэ́рэла Рай Дэвэл, болыбна́скирэ-янголэнгиро пэ да́я бэ́рга лачхо́ хабэ́ ваш сарэ́ народы; одо́й явэ́ла жужы́ мол (вино), тхулы́пэн ко́калэ́ндыр; са́мо жужы́ (чы́сто) мол. ⁷ И хася́кирэ́ла пэ да́я бэ́рга учха́кирибэн, саво́ учха́кирэ́ла сарэ́ народы, саво́ пэ сарэ́ ро́ды исын па́шло. ⁸ Ме́рибэн хасе́ла сарэ́са, и вы́кхосэ́ла Рай Дэвэл, Дэвэл я́сва сарэ́ муенды́р и злэ́ла ладж Пэ́скирэ наро́до́стыр пир са́ри пхув, пал-до́ва со а́дякэ ра́кирэ́ла Рай Дэвэл. ⁹ И пхэ́нэна дрэ́ до́ва дэ́вэс: “А́кэ, Ё́в исын ама́ро Дэвэл! Пэ́ Лэ́стэ сыс ама́ро лачхо́ ужа́кирибэн и Ё́в зракхи́ця а́мэн! Ка́дава́ исын Рай Дэвэл; пэ́ Лэ́стэ сыс ама́ро лачхо́ ужа́кирибэн; ла́са тэ ра́дына́спэ Лэ́скирэ Зракхи́бна́стыр.”

Пал Мо́аво

¹⁰ Васт Ра́скирэ-Дэвлэ́скиро пасе́ла пэ да́я бэ́рга и Мо́аво явэ́ла домардо́ пэ пэ́скиро штэ́то, сыр пхус зма́рэна гэ́рэнца дро гнэ́ё. ¹¹ Мэ́к тэ проты́рдэл ё́в пэ́скирэ васта́, сыр ману́ш, саво́ плы́винэ́ла (дэ́ла пли́ма) а́кана, росты́рдэла васта́ тэ плы́винэл (тэ́ дэл пли́ма), нэ́ чхувэ́ла тэлэ́ Дэвэл пал лэ́скиро пху́тькирибэн, пал хо́хаибэн, саво́ лэ́скирэ васта́ кэ́рэнас. ¹² И тва́рдыма, ты́рэ зоралэ́ и вучэ́ вантэ́ндыр роспахи́рэла, Ё́в розма́рэла, чхурдэ́ла пэ пхув, дро пра́хо.”

Шэро́ 26

Дэвэл Зракхибна́ри Израилё́скиро

¹ Дро до́ва дывэ́с явэ́на тэ ба́ган да́я гилы́ пэ пхув Юда́скири: “Зо́ралó фо́ро исын а́мэндэ́; на ды́я Ё́в а́мэнгэ ва́нты и вало, а ды́я зракхи́бэн. ² Одкэ́рэн (пси́равэн) по́рта (вра́ты), мэ́к тэ заджа́л наро́до патывало́, наро́до, саво́ ра́кхэ́ла чачипэн. ³ Манушэ́с, зоралэ́ духо́са Ту ра́кхэ́са дрэ́ пхэ́рдó рама́нэ (ми́ро), пал-до́ва со пэ́ Ту́тэ исын лэ́скири на́де́я, ⁴ На я́чкирэн (на я́чавэн) Ра́с-Дэвлэ́с нико́ли, пал-до́ва со Рай Дэвэл исын зоралы́пэн ве́чно. ⁵ Ё́в чху́дя тэлэ́ одолэ́н, кон пэ́ вучо́ штэ́то дживэ́ла, чхурды́я тэлэ́ фо́ро, саво́ вучэ́с тэ́рдéлас, чхурды́я тэлэ́ пэ пхув, чхурды́я дро пра́хо. ⁶ Ге́ра́ лэс (да́ва фо́ро) ма́рэна, ге́ра чорорэ́скирэ-манушэ́нгирэ́, и одолэ́нгирэ́ пирэ́ (сто́пы), савэ́ ловэ́ вы́мангэ́на. ⁷ Дром Дэ́влыткóнэ-манушэ́скиро исын чачу́но; Ту кэ́рэса ваш лэ́скэ́ чачу́но дром. ⁸ И пэ́ дром, кай исын Ты́ро сэ́ндо, Раё́ Дэвла, сыс а́мэндэ́ лачхо́ ужа́кирибэн пэ́ Ту́тэ; кэ́ Ты́ро лав, кэ́ рипи́рибэн пал Ту́тэ ты́рдэла а́мэн ама́ро ди. ⁹ Ми́рэ́ деса ты́рда́вас мэ́ кэ́ Ту́тэ́ я́вав ра́ты, ми́рэ́́ духо́са ла́ва

мэ тэ родав Тут дрэ пэстэ тасярлэс (рэнэс) пэ злэко (ранкоса); пал-довá со, кóли сэндо Тырó кэрэлапэ пэ пхув, тэньчи одолэ, кон дживэла дро свэто, сыклёна чачипнаскэ. ¹⁰ Кóли грэхитконэ манушэс потангинэна, тэньчи на галёла ёв чачипэн: ёв явэла тэ кэрэл накуч дурэдýр пэ пхув патывалэнгири и на подыххэла пэ Рáскирэ-Дэвлэскиро барипэн. ¹¹ Раё Дэвла! Тырó васт сыс вучэс газдынó, нэ ёнэ лэс на дыкхнэ; дыкхэна и ладжана, кон бидыххэла (наштý тэ дыкхэл) пэ Тырó народо; яг хáла Тырэ вэргэн. ¹² Раё Дэвла! Ту подэса амэнгэ рамáнэ (миро), и сарэ амарэ рэндý Ту кэрэса ваш амэнгэ. ¹³ Раё Дэвла, Дэвла амарó! Сыс кэ амэ и явёр тхагáрья, нэ пир Тýтэ амэ шарасас Тырó лав. ¹⁴ Мулэ на отджидэна, Рефаимы на уштэна, пал-довá, со Ту явдýн и хасякирдýн лэн; хасякирдýн рипирибэн пал лэндэ. ¹⁵ Ту барьякирдýн народо, Раё Дэвла, барьякирдýн народо, шардýн Кокорó Пэс; буглякирдýн сарэ ригá пхувьякирэ. ¹⁶ Раё Дэвла! Дрэ бибáхт бída ёв Тут родэлас; мангэлáспэ, кóли холý Тырý сыс пэ лэстэ. ¹⁷ Сыр пхарý джувлý годлэла и ровэла пэскирэ дукхатыр, кóли ёй биянэла, кадасавэ амэ сáмас ангил Тýтэ, Раё Дэвла! ¹⁸ Пхарэ амэ сáмас, страдынасас амэ и бияндýм сýрбы балвáл; амэ на зракхцýм давá свэто, и на бияндынэ пэ свэто нэвэ манушá. ¹⁹ Отджидэна Тырэ мулэ, мулэ масá уштэна! Ѓаздэнпэ, радынэнпэ, тумэ, савэн чхурдынэ дро прáхо, пал-довá со пахлын (роса) Тырý састякирэла и пхув чхурдэла яврý мулэн.

Израилё Ѓаздэлапэ

²⁰ Джá, миро народо, заджá дро тырó кхэр, закэр вударá пал пэстэ, гарадёв пэ нáбут, ангил сыр проджáла холý. ²¹ Акэ, Рай Дэвэл выджáла Пэскирэ штэтóстыр тэ чхувэл кáра пэ манушэндэ, савэ дживэна пэ пхув, пал лэнгирэ грэху, и пхув откэрэла рат, савó прилыя дрэ пэстэ и на гаравэла пэскирэ замардэн.

Шэрó 27

¹ Дро довá дывэс чингирэла Рай Дэвэл пэскирэ курталáса, савý исын пхарý, бари и зоралý Левиафонос (драконос), сапэс, савó мамýй (прямэс) прастала, и Левиафонос, сапэс, савó выкрэнцынэлпэ (диндыкирэлапэ), и мулякирэла Рай Дэвэл долé даранэ рупучос, савó дживэла дро мórё (дэрьяв).

Нэвó Израилё

² Дро довá дывэс “Багáн пал лэстэ пал винаграднико, савó исын пир илó мáндэ. ³ Мэ, Рай Дэвэл, ракхава лэс; кажно мэнта (минута) Мэ дáва лэскэ панý; ратý и дывэсэ Мэ ракхава лэс, соб (кай) никон одорýк тэ на джал. ⁴ Нанэ Мáндэ холý. Нэ кóли вари-кон чхувэла проти Мáндэ дрэ лэстэ пхусадэ чарья, то Мэ джáва пэ лэстэ марибнáса, сарэса лэс схачкирава. ⁵ Нэ кóли ёв/ёй помангэла Миро зракхибэн, и явэла тэ мангэл рамáнэ (миро) Мáнца, мэк тэньчи ёнэ тэ прилэн рамáнэ (миро) Мáнца.” ⁶ Дрэ дывэсá, савэ явэна, зоралó явэла Яково, выбарьёла и розмэкэлапэ лулуденца (цвэтэнца) Израилё, барó свэто явэла пхэрдó барьякирдэса (плодоса). ⁷ Ци марэлас лэс Рай Дэвэл адýкэ сыр явирэ манушэн? Ци замарэлас лэс адýкэ, сыр явирэн замарэлас? ⁸ Ту пхуцýн лэстыр, сыр трэй, кóли Ту, Дэвла, отгýн лэстыр; вычхурдын лэс Пэскирэ зоралé пхурдыпнаса, сыр дро дывэс, кóли пхурдэла восточно балвáл. ⁹ И далэса злэлапэ (выкхосэлапэ) грэхó Яковóскиро, злэлапэ грэхó лэстыр, кóли ёв розмарэла сарэ барá алтарёстыр (жэртвеникостыр) дрэ котэрá звёскакирэ, на явэна тэрдé дэмбитка вэладина (рошчы) и йдолы кхамэскэ. ¹⁰ Пал-довá со зоралó фóро чхучó явэла, кхэрá явэна чхурдынэ, сыр чхучý пхув. Одóй гуруворо явэла тэ чаравэлпэ, одóй ёв явэла тэ пасёл и тэ хал лэскирэ рандя. ¹¹ Кóли лэскирэ рандя зашутэна, лэн обпхагирэна; явэна джувлý (манушня) и схачкирэна лэн. Пал-довá со ёнэ исын народо бигодякиро, Ёв на потангинэла лэн, Одовá, Кон сарó создýя. ¹² Нэ явэла дрэ довá дывэс адýкэ: Рай Дэвэл лэлапэ палó сарó, барэ рэкáтыр (лэнятыр) кэ рэка (лэнь) Египтóскири, и тумэ, чхавэ

Израилёскирэ, скэдэнапэ екх кэ екх. ¹³ И явэла дрэ дова дывэс: баро рого (труба) забашавэла и явэна одолэ, кон нашадяпэ пэ пхув Асириякири, конэс вытрадынэ пэ пхув Египтоскири. Сарэ ёнэ пэрэна ангил Растэ-Дэвлэстэ тэ дэн патыв пэ свэнто бэрга дрэ Ерусалимо.

Шэрó 28

Пал Ефремо́стэ

¹ Бида пхутькирдэ кралитконэ вянкакэ [коронакэ-ю.о.], сави исын пэ матэ Ефремлянэндэ, лулудякэ (цвэтоскэ) лэскирэ гожонэ урибнастыр, саво зашутя, саво исын пэ лачхí фэлда, кай пасёна матэ молятыр (виностыр). ² Акэ, састó и зоралó исын Растэ-Дэвлэстэ сыр барó брышы́нд барэнца, сыр хасякирибнытко балвэл, сыр шумно пани́, саво газды́пэ и зорьяса чхурдэла пэ пхув. ³ Марэна манушá гэрэнца пхутькирды вянка матэ Ефремлянэндэ. ⁴ И зашутинэ лулудяса лэскирэ гожонэ урибнастыр, сави исын пэ лачхí фэлда, кэрэна адякэ, сыр смокваса, сави сы́гэс выбра́ия ангил сроко, и палдава́, кон дыкхэла ла, екхатыр (срэзу) лэла вастэса и хала екхэ глытанкоса. ⁵ Дро дова́ дывэс Рай Дэвэл, болыбна́скирэ-янголэнгиро, явэла гожонэ вянкаса и шукаронэ диадэмаса ваш ячаибэ́н Лэскирэ народóстыр. ⁶ И духóса, саво сэндинэла пир чачипэ́н ваш кодолэскэ, кон бэшэла пэ сэндо, и муршыпнаса ваш одолэнгэ, кон марэлапэ вэргэнца. ⁷ Нэ кадалэ пэрэна молятыр (виностыр), змарэнапэ дромэстыр, пал-дова́ со пинэ сикера (бравинта); рашáй и прорóко матинэ, згинэ годятыр; на дыкхэна дыкхибэ́н, ёнэ на сэндякирэна, сыр трэй. ⁸ Сарэ скаминда ёнэ замакхнэ, исын нажужо (чысто) штэ́то. ⁹ И ишчо (инкэ) ракирэ́на: “Конэс камэла ёв тэ сыклякирэ́л, конэскэ исын пир ило́ тэ ракирэ́л лав? Одолэнгэ, кон нагара пирия́ця тэ пьел да́киро тхуд?” ¹⁰ Акэ: припхэныбэ́н палó припхэныбэ́н, припхэныбэ́н палó припхэныбэ́н екх за́коно палó явир за́коно, ада́й на́бут и одóй на́бут. ¹¹ Палó дова́ явирэ уштэ́нца и явирэ чибáса (чибьяса) лэ́на тэ ракирэ́н кэ дава́ наро́до. ¹² Лэ́нгэ ракирэ́нас: “Акэ, исын откхиныбэ́н, дэн, соб (кай) тэ откхинéл кхино ману́ш, акэ, исын штылыпэ́н.” Нэ ёнэ на за́камлэ́ тэ шунэ́н. ¹³ И я́ця лэ́нгэ лав Ра́скирэ-Дэвлэ́скиро: “Припхэныбэ́н палó припхэныбэ́н, припхэныбэ́н палó припхэныбэ́н, екх за́коно палó явир за́коно, екх за́коно палó явир за́коно,” пал-дова́ ёнэ джа́на и пэрэ́на, и розмарнапэ́, и ёнэ явэ́на ухтылдэ́. ¹⁴ Шунэ́н Ра́скирэ-Дэвлэ́скиро лав, кошыбна́рья, далэ́ раё́ начачипна́скирэ наро́доскирэ́, савэ́ дживэ́на кэ Ерусали́мо. ¹⁵ Пал-дова́, со тумэ́ ракирэ́на: “Амэ́ доракирдя́мпэ хорэ́ штэтóса тэл пхув люно́са (адоса) и мэрибна́са: ко́ли проджа́ла чхупны́, сави́ хасяки́рла саро́, кэ амэ́ ёй на доджа́ла, пал-дова́ со хохаибна́са амэ́ зракхаса́пэ и начачипна́са пэс за́кэраса (пхандаса́пэ).” ¹⁶ Адя́кэ ракирэ́ла Рай Дэвэл: “Акэ, Мэ́ чхува́ва бар по Сио́но, бар вырики́рдо, дро́го (куч), бар зоралó: кон патя́ла дрэ́ лэ́стэ, на явэ́ла тэ ладжал. ¹⁷ Мэ́ кэра́ва адя́кэ, со явэ́на тэ меринэ́н сэндóса и чачипна́са; бара́ хасякирэ́на штэ́то, кай хохаибэ́н гара́дяпэ, пани́ за́чхувэ́ла дава́ штэ́то. ¹⁸ Тумаро́ доракирибэ́н мэрибна́са роспэрэ́лапэ, доракирибэ́н люно́са (адоса) на вытэ́рдэла. Ко́ли джа́ла чхупны́ тэ хасякирэ́л, то домарэ́ла тумэ́н кэ гэ́ра. ¹⁹ Ко́ли сы́г ёй (чхупны́) явэ́ла то ухтылэ́л тумэ́н; явэ́ла тэ псирэ́л ка́жно дывэ́с и ка́жно рат, сыр шунэ́на пал ла́тэ, то лэ́ла дар.” ²⁰ Набарó явэ́ла чхуибэ́н, соб (кай) тэ пасэ́н, набуглы́ учхаки́рды явэ́ла, соб (кай) ла́са тэ запатьки́распэ́ (тэ за́крэнцына́спэ). ²¹ Га́здэлапэ́ Рай Дэвэл, сыр пэ́ бэрга́ Пера́цымо, холясо́ла сыр пэ́ фэлда́ Гаваоски́ри, соб (кай) тэ кэрэ́л Пэ́скиро рэ́ндо (де́ло), барó рэ́ндо, соб (кай) тэ кэрэ́л Пэ́скири буты́, бари́ буты́. ²² На кэрэ́н пэ́раса / шу́тки (на прэ́зэнтынэ́нпэ), соб (кай) тэ на прилэ́н ишчо́ (инкэ́) буты́р, пал-дова́ со мэ́ шундэ́м Ра́стыр-Дэвлэ́стыр, Ра́стыр-Дэвлэ́стыр болыбна́скирэ-янголэнгирэ́стыр, со ха́сибэ́н пэ са́ри пхув явэ́ла, адя́кэ припхэ́ндло. ²³ Пришунэ́н канэ́нца, пошунэ́н ми́ри зан, вышунэ́н и лав, со мэ́ пхэ́нава́ тумэ́нгэ. ²⁴ Ци са́рэ дывэ́са́ кэрэ́ла буты́ ману́ш, саво́ обкэ́рэла пхув тэ́ чхувэ́л зя́рка, саво́ розрискирэ́ла (розмарэ́ла) комки́ и рандэ́ла пхув? ²⁵ Над, ко́ли ёв розро́ўнинэ́ла пхув, то ёв чхувэ́ла дрэ́ ла́тэ ви́ка, ци росчхувэ́ла кми́но, ёв барья́кирэ́ла гив ря́дэ́нца, барья́кирэ́ла джов дро́ штэ́то, саво́ ваш дава́ выкэ́дыя́, барья́кирэ́ла пашы́л лэ́стэ про́со. ²⁶ Адя́кэ исын, сыр сыкля́кирэ́ла Дэвэл лэ́скиро; Дэвэл дэ́ла годы́ лэ́скэ. ²⁷ Пал-дова́ со на вымарэ́на ви́ка ротаса́,

и укэдыбнытка рóты на катынэна пир кмино, а каштэса вымарэна гив и кмино. ²⁸ Вымелинэна марó, нэ на розмарэна лэс и лыджана пир лэстэ обмарибнытка рóты лэнгирэ грэнца и на рокхосэна (на ростринскирэна) лэс. ²⁹ Сарó дава – Растыр-Дэвлэстыр, болыбнаскирэ-янголэскирэстыр, дівна думы Лэскирэ, бари исын Лэскири годы!

Шэрó 29

Со Явэла Ерусалимоса

¹ Бида Ариилоскэ, Ариилоскэ, фороскэ, кай дживдя Давидо! Причхувэн бэрш кэ бэрш, мэк тэ замарэн дова, со джала, сырбы свэнто дыибэн. ² Нэ Мэ тасавава Ариило, явэна тэ годлэн, явэна тэ ровэн, и ёв ячэлапэ Мандэ, сыр Ариило. ³ Мэ газдавапэ пэ Түтэ трусцял (кругом) марибнытконэ табороса, и Мэ стасавава тут стрэгаса тэ дыкхэн пал түтэ, и Мэ чхувава зоралы вучарды (башня) проти түтэ. ⁴ Ту явэса тыкнякирдо кэ ладж, ту лэса тэ ракирэс пхувьятыр, зан тыры на шунэна прахостыр, зан тыры явэла сыр зан мулэскири; прахостыр явэла тэ шэпчынэл (тэ зэмбинэл) тыры чиб. ⁵ Тырэ-вэргэнгиро бутыпэн ячэла сыр дробно прахо, и захало; барó кэ дар халадыбэн роспхурдэлапэ, савó сыр пхуса, сарó дава явэла, коли на ужакирэна, екхатыр, дрэ екх мэнта (минута). ⁶ Рай Дэвэл, болыбнаскирэ-янголэнгиро, явэла кэ ту громоса и зоралэ заняса, со пхув явэла тэ издрал, зоралэ балваляса, ягаса, сави сарó схачкирэла. ⁷ Сыр сунó, сыр дыкхибэн ратякиро, ячэла народонэнгиро бутыпэн, савэ явэна тэ марэмпэ Ариилоса, савэ явэна тэ газдэнапэ пэ лэстэ и стасавэна лэс.

Давá лав значынэла адякэ-паць “Ерусалимо”

⁸ И сыр бокхалэ манушэскэ, савó дыкхэла сунэ, со ёв хала, а уштыя – ничи нанэ, сыр савó древан камэла тэ пьел манушэскэ, савó дыкхэла сунэ, со ёв пьела, нэ уштыя и ничи нанэ, ди лэскиро млеинэла (исын трушало), адякэ явэла народо лэнгирэ бутыпнаса, савэ марэнапэ бэргаса Сионоса. ⁹ Прилэн дава пал диво: ёнэ корьякирдэ явирэн и кокорé коринэ, ёнэ исын матэ, нэ на пал-дова, со пинэ мол (вино), ёнэ кунинэнапэ (качынэнапэ), нэ на палдова, со сикера (бравинта) пинэ. ¹⁰ Дыя тумэнгэ Рай Дэвэл соибнытко, закэрдя тумарэ якха, прорóки, закэрдя тумарэ шэрэ, джиныбнарья (маги). ¹¹ И кажно ангилпхэныбэн ваш тумэнгэ исын сыр лавá дрэ закэрдэ лылварі. Ла подэна манушэскэ, савó гинэла и ракирэна: “Гин ла!” Нэ ёв пхэнэла: “На прогинава, пал-дова со ёй исын закэрдэ (пхандлы).” ¹² Тэньци пиридэна лылварі одолэскэ, кон на джинэла тэ гинэл и ракирэна: “Гин ла!”, – нэ ёв ракирэла: “Мэ на джинав тэ гинав.” ¹³ И пхэндя Рай Дэвэл: “Палдова со дава народо джала кэ Мэ пэскирэ уштэнца и шарэла Ман пэскирэ чибаса, нэ ило лэскиро дур отгия Мандыр, и дова, со ёнэ газдэна Мángэ патыв дрэ дар долэса, со сыклякирэна манушэнгирэ упхэныбэна, ¹⁴ то, акэ, Мэ адякэ кэрава далэ народоса дивнэс, сыр николи на сыс; хасэла годы лэскирэ годьварэ манушэндэ, залэлапэ (на явэла) годы годэ манушэндэ.” ¹⁵ Бида кодолэнгэ, кон думинэла тэ гарадел дро хор штэто, соб (кай) тэ на джинэл Рай Дэвэл лэнгирэ думы, савэ кэрэна пэскирэ рэндэ дро калыпэн и ракирэна: “Кон дыкхэла амэн? Кон галёла пал амэндэ?” ¹⁶ Савó дылныпэн! Ци прилёна бутярис пир глэя (глина) пал лэскири буты глэятыр? Ци пхэнэла создыно предмето пал Кодолэстэ, Кон лэс создыя: “На Ёв создыя ман”, – ци пхэнэла пал пэскирэ хуластэ: “Ёв на галёла?” ¹⁷ Ишчо (инкэ) náбут, сарэса náбут, и ци на пирикэрэлапэ Ливано дрэ ўнта (садо), на явэна ци тэ шарэн ўнта, сыр вэш? ¹⁸ Дро дова дывэс кашукэ мануша шунэна лавá лылварьятыр, корорэнгирэ якха лэна тэ дыкхэн. ¹⁹ И раманэна (мирна) мануша ишчо (инкэ) бутыр явэна тэ радынэнпэ пал Растэ-Дэвлэстэ, чорорэ мануша явэна зоралэс тэ радынэнпэ пал Свэнтонэ-Израилэскирэ Дэвлэстэ. ²⁰ Пал-дова со никон бутыр лэнгэ на явэла тэ кэрэл бибахт, кошыбнари хасэла, и хасякирэна сарэн, кон на кэрэла пир чачипэн. ²¹ Ци кон запэнтынэла манушэс дрэ лавá, ци ухтылэла манушэс, савó мангэла сэндо пашыл порта, кон на прилэла чачунэ манушэс. ²² Палдава адякэ ракирэла пал кхэр Яковоскиро Рай Дэвэл, Савó выкиндя Авраамос: “Тэньци Яково на явэла тэ ладжал и муй

лэскиро на парнёла. ²³ Кóли дыкхэла ёв пэстэ пэскирэ чхаворэн, савэн дыём Мэ лэскэ, ёнэ дэна патыв Мирэ лавэскэ, дэна патыв Свэнтонэ Израилёскирэ Дэвлэскэ, и ёнэ явэна тэ дарэн радымаса Израилёскирэ Дэвлэстыр. ²⁴ Тэньци одолэ, кон блэндынэла духóса, прилэла годы, а кодолэ, кон на кандэла, сыклёна, сыр тэ кандэн.”

Шэрó 30

Хоханó Доракирибэн Египтоса

¹ “Бида чхавэнгэ, савэ на кандэна,” – ракирэла Рай Дэвэл, – “савэ обракирэна рэнды (дэлы) би Мирó, доракирэнпэ на пир Мирó дүхо (фáно), а соб (кай) тэ причхувэн грéхо кэ грéхо. ² На пхучэнапэ Мándыр, а джána дро Египто, соб (кай) тэ подрикирэн пэс фараонóскирэ зорьяса и тэ гарадён дро Египто. ³ Нэ зор фараоноскири ячэла ваш тумэнгэ ладжаса, и кóли тумэ гарадэна дро Египто, то ладжаво тумэнгэ явэла. ⁴ Пал-довá, со тхагáрья (кнýзи) лэскирэ исын дро Цоано, бичхадэ манушá (послы) лэскирэ догинэ кэ Ханесо. ⁵ Сарэ ёнэ явэна ладжакирдэ пал народо, савó лэнгэ на трэй, нисавó подрикирибэн лэстыр на явэла, екх ладж и бизладо.” ⁶ Пхарипэн пасёла пэ грэндэ, савэ джána пэ паш-дывэс (юго), пир пхув, кай тасавэна и притасавэна, катыр выджána саплыня и кармуса (мышы), савэ вурняна; ёнэ лыджána пэ ослэндэ пэскиро барвалыпэн и пэ верблюдэндэ пэскиро кучипэн, лыджána кэ народо, савэстыр ничи лачхó на прилэна (нисавó лачхипэн на явэла). ⁷ На подрикирэла лэн Египто, палдава́ Мэ пхэндём лэнгэ: “Лэнгири зор – штылэс тэ бэшэн.” ⁸ Аканá подджа, зачхин сарó дава́ пэ пхал, зачхин дрэ лылвары, соб (кай) тэ ячэлпэ дава́ пэ дывэса, савэ явэна, пэ сарó часо (цы́ро). ⁹ Пал-довá, со ёнэ исын бунтяритко народо, (савó никонэс на кандэла), хоханэ чхаворэ, савэ на камэна тэ шунэн Рáскирэ-Дэвлэскиро Зако́но. ¹⁰ Савэ ракирэна одолэнгэ, кон дыкхэла чачипэн: “Пириячэн тэ дыкхэн!”, – а кэ проро́ки: “На ангилпхэнэн амэнгэ чачипэн, ракирэн амэнгэ лачхэ лавá. ¹¹ Зджан дромэстыр, уджан дромэстыр, залэн амарэ якхэндэр Свэнтонэ-Израилёскирэ Дэвлэс.” ¹² Палдава́ адякэ ракирэла Свэ́нто Израилёскиро Дэвэл: “Кóли тумэ на прилэна кэ годы́ дава́ лав, а исын тумары́ надéя пэ хохаибэн и начачипэн, со дава́ тумэн подрикирэла, ¹³ то тэньчи дава́ грéхо явэла ваш тумэнгэ, сыр роспахгирды ванта, савы́ пхадёла, кóли на ужакирэна. ¹⁴ Ёв роспахгирэла ла, сыр розмарэна кхорó, розмарэна и на тангинэна тэ розмарэн адякэ, со на ячэлапэ котэроро, со бутыр на лэса, вангар ягатыр ци паны́ ганынгатыр.” ¹⁵ Адякэ ракирэла Рай Дэвэл, Дэвэл Свэ́нто Израилёскиро: “Кóли б тумэ ячнэпэ пэ екх штэто, тэньчи бы тумэ зракхнэпэ; штылыпэн и надéя исын зор тумары́, нэ тумэ на закамлэ. ¹⁶ И ракирэнас: “Над, амэ пэ грэндэ нашаса”, – пал дава́ и нашэна”, “Нашаса пэ лачхэ грэндэ”, – палдава́ потрадэнапэ пал тумэндэ сы́гэс. ¹⁷ Екхэ манушэстыр, даратыр нашэла тысёнцо, панджэ манушэндэр нашэна адякэ, со ячаибэн тумарó явэла сыр дэсто́ пэ вучи́ бэрга, сыр марибнýtко шпэра пэ бэргица. ¹⁸ Палдава́ Рай Дэвэл ишчо (инкэ) ничи на кэрэла (ужакирэла), соб (кай) Ёв тэ потангинэл тумэн, ужакирэла, соб (кай) тэ тангинэл тумэн; Рай Дэвэл исын Дэвэл чачипна́скиро; бахталэ сарэ, конэстэ исын надéя пэ Лэстэ! ¹⁹ Народо явэла тэ дживэл пэ Сио́но кэ Ерусалимо, ту бут на явэса тэ ровэс, – Ёв потангинэла (пожалинэла) тут, кóли ту загодлэса, Ёв шунэла тыры́ зан и отпхэнэла тукэ. ²⁰ И дэла тумэнгэ Рай Дэвэл марó дрэ биба́хт и паны́ дрэ бйда; тырэ сыкляибна́рья на явэна тэ гаравэнпэ и якхá тырэ явэна лэн тэ дыкхэн. ²¹ И канá тырэ шунэна лав, савó ракирэла палáл тугэ: “Акэ, исын дром, джán пир лэстэ”; кóли ту зджаса дромэстыр пэ чачи́ (право) риг ци пэ зэрво (лёво) риг. ²² Тэньци тумэ галёна, со náлачхо исын идолэнгиро укэдыибэн тырэ рупэстыр и тырэ сувнака́стыр; ту чхурдэса пэскирэ йдолы, сыр магирипэн, и пхэнэса лэнгэ: “Джán криг адатхыр.” ²³ И Ёв дэла тукэ брышы́нд, кóли засеинэса фэлда и марó, савó янэла пхув сыр барьякирдó (плóдо), лачхó марó дэла тукэ; тырэ гурува лэна тэ чаравэнпэ дро дова́ дывэс пэ лачхэ фэлды. ²⁴ Гурува и граё, савэ кэрэна буты́ пэ фэлда, лэна тэ хан лондо хабэн, хабэн жу́жакирдо и пи́ривеиндло гандладяса (лопатаса). ²⁵ И пэ кажно бэрга, пэ кажно бэргица тхадэла паны́, дава́ явэла дрэ барó марибнýtко дывэс, кóли вучэ́ кхэра́ пэрэна. ²⁶ Чхон явэла тэ хачол сыр кхам, а

кхамитко яг явэла дрэ эфта моль яснадыр (зоралэдыр); саро дава явэла дро дова дывэс, коли обпхандэла Рай Дэвэл дукхано штэто лэскирэ народоскиро, высастякирэла лэскирэ дукха.
²⁷ Акэ, лав Рáскирэ-Дэвлэскиро джала дура́л, хачола Лэскири холы, хачола зоралэс; ушта́ Лэскирэ пхэрдэ холяса, чиб Лэскири сыр яг, сави саро схала. ²⁸ Лэскиро пхурдыпэн – сыр пани́, саво ишчо (инкэ) кэ мэн газдэлапэ, соб (кай) тэ розпхурдэл народы сарэса; дрэ лэнги́ро муй явэла савари, со лыджала кэ хохайбэн (блэндо). ²⁹ А кэ тумэ явэна гилья сыр ратякиро пэ свэнто свэнко, и явэла радьпнытко (лошало) / тэ радьнэлпэ ило сыр одолэстэ, кон башавэла и газдэлапэ пэ бэрга Рáскирэ-Дэвлэскири свиролькаса, кэ зоралыпэн Израилэскиро. ³⁰ И дэла Рай Дэвэл, соб (кай) тэ шунэн бари зан Лэскири и сыкавэла васт Пэскиро, саво эмэкэлпэ дрэ зоралы холы, дрэ яг, сави саро схала, дрэ холями балвал, дро пани́, саво газдэлпэ пэ пхув, дро брышы́нд барэнца. ³¹ Рáскирэ-Дэвлэскирэ занятыр издрала Асуро, савэс марэна дэстэса. ³² И пэкавэла лэс дава дэсто́, дэсто́, саво Рай Дэвэл вылыджала пэ лэстэ бубнэнца и арфэнца; и Ёв явэла пэ Лэстэ барэ марибна́са. ³³ Пал-дова́ со Тофето гара́ кэрдó; ёв сыс кэрдó ваш краліскэ, ёв исын хор и бугло; дрэ яг лэскири бут кашта́ чхудэ; пхурдыпэн Рáскирэ-Дэвлэскиро лэс захачкирэла лэс сыр хачкирды сэра (дзэвэля).

Шэро́ 31

Дэвэл Зракхэла Ерусалимо

¹ Бида одолэнгэ, савэ джана дро Египто пал подрикирибэн, надэя лэнгири пэ грэндэ и пэ марибны́тка вурдэна́, пал-дова́ со бут лэн исын, пэ манушэндэ, савэ традэна уклистэ пэ грэндэ, савэ исын зоралэ, а пэ Свэнто Израилё ёнэ на дыкхэна, и кэ Рай Дэвэл ёнэ на джана!
² Нэ Ёв исын са́мо годьваро́, и янэла бибáхт (б́ида), и Ёв на отпарувэла Пэскирэ лава́; газдэлапэ пэ грэхитконэ-манушэнги́ро кхэр, пэ подрикирибэн одолэнги́ро, кон кэрэла грэхи.
³ Египтя́ни исын мануша́, а на Дэвэл, дрэ грэндэ лэнгирэндэ нанэ д́ухо (фа́но), а екх маса́. И протырдэла Рай Дэвэл Пэскиро васт, и явэла тэ лангал зракхибна́ри и пэрэла одова́, конэс зракхэна и хасэна сарэ кхэтанэ. ⁴ Пал-дова́ со адя́кэ пхэндя́ ма́нгэ Рай Дэвэл: “Сыр шчэр (ле́во), сыр лэскиро тыкноро, саво на отдэла пэскиро дорэсыбэн (добы́ча), мэк и годлэн пэ лэстэ чхупна́рья, адя́кэ Рай Дэвэл, болыбна́скирэ-янголэнги́ро, джала́ тэ марэлпэ пал бэрга Сио́но, пал бэрги́ца лэскири. ⁵ Сыр чирикля́ учхакирэна пэскирэ чхавринэн (птенцэн), адя́кэ Рай Дэвэл, болыбна́скирэ-янголэнги́ро, учхакирэла Ерусалимо, зракхэла и потангинэла (пожали́нэла) лэс.” ⁶ Рисён кэ Одова́, Конэстыр тумэ отгинэ́ пэскэ, чхавэ́ Израилэскирэ! ⁷ Дро дова́ дывэс вычхурдэла ка́жно ма́нуш пэскирэ руповэ́ и сувна́кунэ́ йдолы, савэ васта́ тумарэ́ кэрдэ́ пэ грэ́хо тумэнгэ. ⁸ “И Асуро пэрэла на манушэскирэ курталаты́р, на манушэскири курта́ла лэс хасяки́рла; ёв зракхэлапэ курталаты́р, тэрнэ́ чхавэ́ лэскирэ ячэна́ писхарьёнца́ (рабэ́нца). ⁹ И дараты́р пирипрастала́ ёв пашы́л пэскири тва́рдыма́ (кре́пость), и раё́ лэскирэ дарэна́ сыкаибна́стыр” – ракирэ́ла Рай Дэвэл, Конэскири яг исын пэ Сио́но, Конэскиро бов исын дро Ерусалимо.

Шэро́ 32

Чачуно́ Раины́пэн

¹ Акэ, кра́ли явэла тэ кра́линэл пир чачипэн́ и тхага́рья (кня́зи) явэна́ тэ хулаинэн́ пир зако́но.
² Ка́жно лэндыр́ явэла сыр зракхибэн́ балвалы́тыр, сыр зракхибэн́ брышы́ндэстыр, сыр пани́ пэ шу́ки (чхучи́) пхув, сыр бэрга, сави́ закэрэ́ла кхамэ́стыр чхучи́ пхув. ³ И якха́ одолэнгирэ́, кон дыкхэ́ла, на закэрна́пэ, и канá одолэнгирэ́, кон шунэ́ла, явэна́ тэ шунэн́. ⁴ Ило́ одолэнги́ро, кон ни палсо́ на думинэ́ла, прилэ́ла годы́; бичибаки́рэ (кон фуес ракирэ́ла) лэна́ тэ раки́рэн́ ясна́с. ⁵ Одолэ́скэ, кон ни́чи на джине́ла на дэ́на буты́р патыв́, пал хохайбна́ристэ́ [захалэ́стэ-р.с.] на пхэ́нэна, со ёв кэрэ́ла пир чачипэн́. ⁶ Пал-дова́ со буро́ ма́нуш (неве́жда),

ракирэла дылныпэн, лэскиро ило думинэла пал чорипэн, соб (кай) тэ кэрэл хохаибнаса, тэ калякирэл Рас-Дэвлэс, тэ лэл марó бокхалэстыр и пибэн манушэстыр, савó камэла пани. ⁷ Фрэнто (холямó) мануш кэрэла хасибнытка рэнды: ёв думинэла, пал фуипэн, соб (кай) тэ хасякирэл чорорэс хоханэ лавэнца и тэды, ко́ли чорорó кэрэла пир чачипэн. ⁸ А патывало мануш думинэла пал патыв; ёв твардэс тэрдó дро чачипэн. ⁹ Джувлялэ (манушнялэ) балвалитка! Уштэн, шунэн куты (на́бут) мирí зан! Чхаялэ, савэ ни палсó на думинэна! Шунэн мирé лава! ¹⁰ Ишчо вари-кицы дывэса́ бутыр бэршэстыр и ячэна тэ дарэн, балвалитка (биракхибнаскирэ)! Пал-довá со на явэна тэ скэдэн винаградо, на явэна тэ кэдэн марó. ¹¹ Дарэн, балвалитка (биракхибнаскирэ), дарэн одолэ, кон ни палсó на думинэла (наракхибнытка)! Злэн идя, розурьенпэ, обпхандэн пэскирэ масá пэ трушу́л. ¹² Дро колын явэна пэс тэ марэн пал лачхэ фэлды, пал лачхí рандь винаградоскири. ¹³ Пэ мирé-народоскири пхув явэла тэ барьёл пхусады чар и хрúсты сувьенца, сыр и пэ сарé радымакирэ кхэра́ дро фóро, савó радынэлапэ. ¹⁴ Райканэ кхэра́ (харомы) ячкирэна, фóро, савó шуминэла, ёв чхурдынó явэла. Офело и вучарды́ (башня) явэна штэтоса, кай гаравэнапэ ослы (мега́рья) и ста́ды, савэ чаравэнапэ. ¹⁵ Кэ довá дывэс, ко́ли чхувэлапэ пэ амэндэ́ Дúхо (Фа́но) упралэстыр и чхучí пхув пирикэрлапэ дрé у́нта (садо), а у́нта (садо) на явэна тэ прилэн (тэ гинэн) пал вэш. ¹⁶ Тэньци сэндо явэла тэ рикирэл зор пэ када́я чхучí пхув, и чачуно́ сэндо явэла тэ дживэл пэ лачхí фэлда. ¹⁷ И явэла рама́нэ (миро) кажно́ чачипнаскирэ рэндостыр, а чачуно́ сэндо янэла штылыпэн, и на явэна тэ дарэн никонэстыр дрé сарé дывэса́ (вэ́ки). ¹⁸ Тэньци миро наро́до явэла тэ дживэл пэ штéто, кай исын рама́нэ (миро), пэ штéто, кай на дарэна, пэ бахталé штéты, кай откхинёна. ¹⁹ На дыкхí, со градо пэрэла пэ вэш, фóро пэ до́ло тэлé змэкэлапэ. ²⁰ Бахталé исын тумэ, кон сеинэла пашо пани́, и кон бичхавэла одорíк гурувэс и ослóс.

Шэро́ 33

Па́тери (Моли́тва) дрé Пхарé Дывэса́

¹ Бида ту́кэ одова́, кон исын мижэх чор, конэстыр на отлэнас, и чор, конэстыр на чорэнас! Ко́ли обчорэса сарó [мэкэса тэ чорэс-р.с.], ту́тыр отлэна, ко́ли пириячэса тэ чорэс, ту́тыр чорэна. ² Раё́ Дэвла! Зра́кх амэн! Пэ Ту́тэ исын амари́ надéя. Яв тася́рлэс (ра́нэс) амарé вастэса, амарé зракхибнаса дро пхарó часо. ³ Тырэ даранэ занятыр нашэна народы, ко́ли уштэса, роспрастанапэ кхэри́тка ро́ды (плéми). ⁴ И явэна тэ кэдэн тумарó дорэсыбэн, сыр кирмо скэдэла, чхурдэнапэ пэ лэстэ, сыр пхакитка скочки (саранча) чхурдэнапэ. ⁵ Барó исын Рай Дэвэл, савó дрé вучипэн дживэла; Ёв пхэрдякирэла Сио́но сэндоса и чачипна́са. ⁶ И явэла часо, ко́ли на явэна тэ дарэн никонэстыр, ко́ли явэла барó зракхибэн, годы́ и джиныбэн, а дар Дэвлэскири явэла тырэ кучипнаса. ⁷ Акэ, лэнгирэ зоралé му́рша́ годлэна пэ вули́цы (га́сы); бичхадé ваш рама́нэ (миро) ровэна киркэ ясвэнца. ⁸ Нанэ никонэс пэ дрома́, никон одóй на традэла; ёв отгий доракирибнастыр, роспахирдя́ фóрья, ёв никонэс на гинэла пал манушэндэ́ (ни дро со чхувэла манушэн). ⁹ Пхув сы́рбы тугинэла, шу́тэла. Ливáно ладжакирдó, зашутия, Сароно яця́ сыр чхучí пхув, Васáно и Кармило счхурдынэ пэскирэ патря́ (листы). ¹⁰ “Аканá Мэ газдавапэ, – ракирэла Рай Дэвэл, – “Мэ газдавапэ аканá. ¹¹ Тумэ сан пхарé кхасэса, тумэ биянэна пхус; тумарó пхурдыпэн-яг, ^[1] савí тумэн схала. ¹² И явэна народы сыр хачкирды звёска, сыр пхусады чар, савí счхиндлэ; и явэна зхачкирдэ ягáса. ¹³ Шунэн, дуратунé, со Мэ кэра́ва, и тумэ, пашатунé, галён Мирó зоралыпэн.” ¹⁴ Пиридарандынэ́ (страха́дынэ) грэхитка мануша́ пэ Сио́но, дарэна и издрана бидэвлытка́рья! “Кон амэндýр выдживэла паш яг, савí сарó похала, кон выдживэла паш яг, савí хачола вéчнэс?” ¹⁵ Одова́, кон псирэла дро чачипэн и ракирэла чачуно́ лав, кон на камэла тэ отлэл пэскирэ пшалэстыр, кон обрикирэла пэскирэ вастá, соб (кай) тэ на лэл мыто (да́ро) манушэндýр пал налачхэ рэнды, кон закэрэла пэскирэ канá, соб (кай) тэ на шунэл, сыр рат чхувэлапэ, и закэрэла пэскирэ якха́, соб (кай) тэ на дыкхэл, сыр кэрэлапэ фуипэн. ¹⁶ Одова́ задживэла пэ вучипэн; гарадэла пэ бэрги, карик никон на газдэлапэ; марó лэскэ дэлапэ, пани́

лэстэ на пириячэла тэ тхадэл. ¹⁷ Тырэ якхэ дыкхэна Кралис дро Лэскиро гожыпэн, ёнэ явэна тэ дыкхэн дуратуны пхув. ¹⁸ Ило явэла тэ пририпирэл екх пал дар, сави бутыр на дыкхэса: “Кай одова, саво пиригинэлас манушэн дрэ лылварі? Кай исын одова, саво важынэла притасады (дань)? Кай исын одова, саво вучардя (башни) обдыкхэлас?” ¹⁹ На дыкхэса бутыр холямо народо, народо, чиб конэскири ту на галёса, и на розлэса. ²⁰ Подыкх пэ Сионо, форо, кай проджала амаро свэнкитко скэдыибэн; тырэ якхэ явэна тэ дыкхэн Ерусалимо, штэто, кай нанэ марибэн, шатра, сави на пэрэла, бэранда лакирэ николи на роспхадёна, и ни екх шыло на чхинэлапэ [на роскушэлапэ-р.с.]. ²¹ Одой явэла кэ амэ баро Рай Дэвэл сыр рэки (лэня), сыр пани: одорик на затраделла ни екх бари парма (кораблэ). ²² Пал-дова со Рай Дэвэл исын амаро Сэндари, Рай Дэвэл дэла амэнгэ Законо, Рай Дэвэл исын амаро Крали, Ёв зракхэла амэн. ²³ Роспхандэнапэ тырэ шылэ, Асуро, на вырикирна мачты. Тэньци явэна тэ роскэрэн дорэсыбэн, и лангалэ джана тэ чорэн. ²⁴ И никон манушэндыр, саво одой дживэна, на пхэнэла: “Мэ сом насвалó”, – манушэнгэ, саво одой дживэна, отмэкэнапэ сарэ грэхи.

33:11 ^[1] Явир Пир [духо Миро].

Шэро 34

Сэндо пэ Наюдытка Нацыи

¹ Явэн, народы! Шунэн и прилэн, кхэритка рóды (плéми)! Мэк тэ шунэл пхув и сарó, со исын пэ латэ, барó свéто (лот) и сарó, со бияндёла дрэ лэстэ! ² Холы Рáскирэ-Дэвлэскири газдыяпэ пэ сарé народы, пэ сарé лэнгирэ халадыбэна (халадэндэ). Ёв совлахадя пал лэндэ, отдыя лэн пэ хасибэн. ³ Лэнгирэ замардэ манушá явэна росчхурдынэ, и захандэна лэнгирэ трúпы, бэрги явэна киндлэ лэнгирэ ратэстыр. ⁴ Хасёла болыбнытко халадыбэн (болыбнытка халадэ), и болыбэн закэрэлапэ (пхандэлапэ), сыр лылварі; чэргэня пэрэна, сыр патрин (листо) винаградоскирэ рандятыр, сыр шуки патрин смоковнытконэ каштэстыр. ⁵ Скэдыны исын пэ болыбэн Мири куртала, акэ, ваш сэндо змэкэлпэ ёй пэ Едомо, и пэ народо, конэс Мэ отдыём прокошыбнаскэ. ⁶ Куртала Рáскирэ-Дэвлэскири пхэрдэла ратэса, тхулёла бакрэскирэ и бузнэскирэ ратэстыр, бакрэскирэ тхулыпнастыр, пал-дова со свэнтó дыибэн (жэртва) исын кэ Рай Дэвэл дрэ Восоро, барó замарибэн исын пэ Едомоскири пхув. ⁷ Гурува пэрэна лэнца, и гуруворэ кхэтанэ гурувэнца; чалякирэлапэ (панякирэлапэ) пхув лэнгирэ ратэса; прахо чалёла лэнгирэ тхулыпнаса. ⁸ Явдя дывэс, коли отхала (отдэла) палэ Рай Дэвэл, коли пхучэлапэ Ёв пал Сионо. ⁹ Рэки лэскирэ сыр смола ячэна, прахо лэскиро ячэла дзэвэляса (сераса) и явэла пхув лэскири сыр хачкирды смола. ¹⁰ На пириячэна тэ хачон ни дывэсэ, ни раты; вэчнэс явэла тэ газдэлпэ (тэ джал) тхув латыр, явэла пхув чхучэ пхувьяса сарó часо, никон одой на проджала николи. ¹¹ Чирикля одой явэна тэ дживэн хуланца, филино и корако явэна тэ дживэн пэ доя пхув и протырденá пир латэ хасибнаскиро шыло и хасякирибнытко отвесо (уровнё). ¹² На ячэлапэ пэ латэ никонэс лачхэ-родоскирэ манушэндыр, конэс кхарэна, соб (кай) тэ явэн ёнэ кральенца сарэ тхагарья (князи) лакирэ явэна сыр чхучо штэто. ¹³ Лакирэ барэ фэлатиня / колова (дворцы), лакирэ твэрдими (крепости) забарьёна пхусадэ чарьенца; явэла пхув штэтоса, кай шакалы явэна тэ дживэн и явэла грэдаса (двороса) ваш страусэнгэ. ¹⁴ Рискирибнаскирэ мурдалá (звери), со дживэна пэ шуки пхув, явэна тэ дыкхэнпэ вэшытконэ мыцэнца; одой бэнга явэна тэ годлэн, создыибэн (сыкаибэн) ратитко одой явэла тэ откхинёл, попэрла пэскэ штэто. ¹⁵ Сап пхакэнца (крылэнца) одой явэла тэ дживэл, дрэ гнязда (куфо) явэла тэ барьякирэл пэскирэ тыкныдорэн, явэла тэ скэдэл лэн кэ пэ тэл пхакá, и одой скэдэнапэ кагнялэ (коршуны). ¹⁶ Породен дрэ Рáскирэ-Дэвлэскири лылварі и прогинэн. Сарó дава явэла, ничи на отпарувэлапэ и ниэкх на парувэлапэ явирэса, пал-дова со уштá Лэскирэ припхэндлэ и духо (фáно) Лэскиро лэн скэдэла. ¹⁷ Ёв Кокорó выкэдыя лэн пир жрэбиё, Ёв роздыя лэнгэ дая пхув пир меракири мёжа; ёнэ залэна ла и явэна тэ дживэн одой вэчнэс.

Шэрó 35

Барипэн, Савó явэла пэ Сионо

¹ Обрадынэлапэ чхучи пхув, и пхув шуки, и обрадынэлапэ риг, кай никон на дживэла, и розмэкэлапэ (розцвэтинэла), сыр лулудй (цвэто) нарцысо. ² И явэла пхув гожэс тэ розмэкэлпэ и тэ радынэлпэ, явэла радымаса и годлэнца барипэн Ливаноскиро лакэ дэлапэ, Кармилоскиро и Сароноскиро бариканыпэн; ёнэ явэна тэ дыкхэн Рáскирэ-Дэвлэскиро, амарэ Дэвлэскиро барипэн. ³ Ёздэн зорьяса васта, савэ обмэкнэпэ, мэк тэ на издран тумарэ чанга! ⁴ Пхэнэн одолэнгэ, кон дарэла илэса: “Явэн зоралэ, на дарэн! Акэ, исын тумарó Дэвэл, Ёв отхала (отдэла) палэ, Дэвэл спхучэла. Ёв явэла и зракхэла тумэн.” ⁵ Тэньци откэрнапэ якхá корорэнгирэ и канá кашукэнгирэ явэна тэ шунэн. ⁶ Тэньци лангало сыр оленё явэла тэ ухтэл, бичибакиро (немо) забагала, пал-довá, со промарлапэ пани пэ чхучи пхув и пэ мал (степ) промарнапэ сыгна рэкицы. ⁷ Одой, кай на сыс пани, зеро (озеро) явэла; дрэ пхув шуки бут пани скэдэлапэ; пэ штэто, кай шакалы дживэна, явэна вучэ чарья и сил (камышо) тэ барьён. ⁸ И явэла одой барó дром, ёв явэла тэ кхарэлпэ свэнтонэ дромэса. Нажужо одой на явэла тэ псирэл, явэла дава дром фэни (тока) ваш одолэнгэ, кон патяла, и кон на джинэла нисó; никон лэндыр далэ дромэстыр на змарлапэ. ⁹ И шчэр (лево) на явэла одой, и януро (хищчно мурдал) на заджала одорик, лэс на латхэна одой, а зракхнэ мануша явэна тэ псирэн. ¹⁰ И рисэна одолэ, конэс зракхэла Рай Дэвэл и явэла пэ Сионо радымакирэ годласа; радыма явэла лэнца сарó часо (цыро); и лош (веселиё) ёнэ латхэна, а бибахт бидаса лэндыр отджала.

Шэрó 36

Сенахиримо Пэрэла пэ Юдэя

¹ И сыс дава пэ дэшуштарто бэрш, коли дживэлас крáli о Езэкия. Гия о Сенахиримо, крáli Асириякиро пэ сарэ зоралэ Юдэякирэ фóрья и лыя лэн. ² И бичхадя Асириякиро крáli Лахисостыр дро Ерусалимо кэ крáli Езэкия, Рабсакос халадэнца; ёв тэрдия одой, кай тхадэлас пани панипролыджаибнытконэстыр упратунэ вэндэриньятыр (прудостыр), пэ дром пашыл фэлда, кай парнякирэна похтана. ³ И выгия кэ ёв Елиакимо, Хелкияскиро чхавó, пхурыдыро пэ кралитко кхэр, и Севна, чхиныбнари, и Иоахо, Асафоскиро чхавó, канцэляри (савó зачхинэлас сарó, со кэрдяпэ). ⁴ И пхэндя лэнгэ Рабсако: “Пхэнэн Езэкиаскэ: адякэ ракирэла барó крáli, крáli Асириякиро: ‘Сави надéя исын тутэ, и конэстыр ту ужакирэса лачхипэн?’ ⁵ Мэ думинава, со дава исын чхучэ лавá, а ваш марибэн трэй годы и зор, пэ конэстэ исын тыри надéя, со ту отгиян мандыр? ⁶ Акэ, ту думинэса, со тут подрикирла Египто, пхагирдо дэстó, коли лэла лэс вари-кон дро васт, ёв васт пхусавэла. Ада савó исын фараóно, крáli Египтоскиро ваш одолэнгэ, конэс ёв подрикирэла, и кон чхувэла надéя пэ лэстэ. ⁷ А коли ту пхэнэса мангэ: “Пэ Растэ-Дэвлэстэ исын амари надéя”, – Ци нанэ одовá дэвэл, конэскирэ вучэ штэты и алтари отпарудя Езэкия и пхэндя Юдэякэ и Ерусалимоскэ: “Мангэнпэ ангил екх дава алтарё, ангил явир на мангэнпэ?” ⁸ Доракирпэ мирé рáса, Асириякирэ кралíса, мэ дава тукэ дуй тысенцы грэн, ци дорэсэса ту адакицы манушэн, соб (кай) тэ бэшэн пэ лэндэ? ⁹ И ту камэса, соб (кай) тэ отджал барыдырó, екх тыкнэ писхарьендыр Мирé хуласкирэн, коли тутэ исын надéя пэ екх Египто, пэ лэскирэ грэндэ и марибнытка вурдэна? ¹⁰ Ту думинэса, со на сыс Дэвлэскири воля тэ джав мангэ пэ дая пхув, соб (кай) тэ хасякирав и обчорав ла? Рай Дэвэл пхэндя мангэ: “Джá пэ дая пхув и обчор кэ хасибэн (хасякир) ла.”” ¹¹ И пхэндя Елиакимо, и Севна и Иоахо Рабсакоскэ: “Рáкир тырэ писхарьэнгэ пир арамеитко (сириитко) чиб, амэ галёваса дая чиб, а пир юдытко чиб амэнца на рáкир, пал-довá со мануша шунэна, савэ скэдынэпэ пэ ванта. ¹² И пхэндя Рабсако: “Ци ман бичхадэ екх/ фэни (тока) кэ ту и кэ тырó рай, соб (кай) тэ пхэна́в далэ лавá? Над, мэ сом бичхадó и кэ мануша, савэ исын бэштэ пэ ванта, соб (кай) ёнэ тэ прилэн ладжаипэн

и магирипэн кхэтанэ тумэнца.”¹³ И уштыя Рабсако и пхэндя зоралэ заняса пир юдытко чиб: “Шунэн лав барэ-кralи́скиро, Асириякирэ кralи́скиро лав!”¹⁴ Адякэ ракирэла кralи: “Мэк тэ на хохавэл тумэн о Езэкия, пал-довá со ёв тумэн на зракхэла.”¹⁵ Мэк тэ на подрикирэл тумэн Езэкия Раса-Дэвлэса, коли ёв ракирэла: “Зракхэла амэн Рай Дэвэл, на отдэна дава́ форо́ дрэ Асириякирэ-кralи́скирэ вастá.”¹⁶ На шунэн Езекияс, пал-довá со адякэ ракирэла Асириякиро кralи: “Явэна бахталэ тумэ манца дро рамáнэ (миро), выджан кэ мэ и, мэк кажно ману́ш тумэндыр тэ хал пэскирэ винаградоскирэ каштэстыр и смоковнытконэ каштэстыр, мэк кажно тэ пьел пані́ пэскирэ ганынгатыр.”¹⁷ А тэньчи мэ ява́ва и лавá тумэн пэ дасаві́ пхув, саві́ зджа́ла (подджа́ла) пэ пхув тумарі́, пэ пхув, кай исын маро́ и мол (вино), кай барьёла винаградо (дракх) и явир барьякирдэ (плóды).¹⁸ Мэк тэ на хохавэл тумэн Езэкия, коли ракирэла: “Рай Дэвэл амэн зракхэла.” Ци зракхнэ явирэ-народоскирэ дэвэла́ пэскири пхув Асириякирэ-кralи́скирэ вастэстыр?¹⁹ Кай исын Емафоскирэ и Ариадоскирэ дэвэла́? Кай исын дэвэла́ Сепарваимоскирэ? Ци зракхнэ ёнэ Самáрия мирэ вастэстыр?²⁰ Кон сарэ далэ дэвлорэндыр зракхця́ пэскири пхув мирэ вастэстыр? И тумэ думинэна, со Рай Дэвэл зракхэла мандыр Ерусалимо?”²¹ Нэ ёнэ ничі́ на пхэндлэ лэскэ, пал-довá со кralи припхэндя: “Ничи лэскэ на ракирэ́н.”²² И явнэ Елиакимо чхаво Хелкияскиро, пхурыдыро пэ кralи́тко фэлатин и Севна, чхиныбнари, Иоахо, чхаво Асафоскиро, канцэляри, (саво зачхинэлас саро́, со кэрдя́пэ) кэ Езэкия дрэ розрискирдэ їди и пирипхэндлэ лэскэ Рабсакоскирэ лавá.

Шэро́ 37

Юдэя Яця́ Вольно Асириятыр

¹ Коли шундя́ дава́ кralи о Езэкия, то роскусця́ пэскирэ їди, уридяпэ дро балытко гонó праскаса и гия́ дро Кхэр (Кханги́р) Рáскирэ-Дэвлэскиро. ² И бичхадя́ Елиакимос, пхурыдырэс пэ кralи́тко кхэр и Севнас, чхиныбнарис и пхурэдыршонэ рашан, уридэн, дрэ роскушнэ їди сыр дрэ биба́хт кэ прорóко Исаё, чхаво́ Амососкиро. ³ И ёнэ пхэндлэ лэскэ: “Адякэ ракирэла Езэкия: ‘Бибахталó исын дывэ́с, дывэ́с, коли явнэ́ бї́да, ка́ра и ладжаипэн, сы́рбы, кели́ чхаворé камэ́на тэ выджан да́кирэ лочовя́тыр, нэ нанэ́ зор датэ́ тэ бианэ́л.’” ⁴ Мэк тэ шунэл тыро́ Рай Дэвэл лавá Рабсакостыр, конэ́с бичхадя́ кralи Асириякиро, хула́й лэскиро, соб (кай) ёв (Рабсако) тэ калякирэ́л джидэ́ Дэвлэ́с, соб (кай) тэ кошэл Лэс лавэ́нца, савэ́ шундя́ тыро́ Рай Дэвэл, помангпэ́ пал манушэ́ндэ, савэ́ ячнэ́пэ, савэ́ ишчо́ (инкэ́) джидэ́.”” ⁵ И явнэ́ кralи́скирэ-Езэкияскирэ дына́рья кэ Исаё. ⁶ И пхэндя́ лэ́нгэ Исаё: “Адякэ пхэнэн́ тумарэ́ хула́скэ: ‘Пхэндя́ Рай Дэвэл: ‘На дар лавэндыр, савэ́ ту шундя́н, савэ́нца кошэ́нас Ман Асириякирэ кralи́скирэ дына́рья.’” ⁷ Акэ́, Мэ́ бичхавáва дрэ́ лэстэ́ дү́хо (фа́но), со ёв шунэ́ла лав и рисё́ла пэ́скири пхув и Мэ́ домара́ва лэс одо́й курталáса.”” ⁸ И рисия́ Рабсако, и дыкхця́, со Асириякиро кralи марэ́лапэ́ Ливна́са, пал-довá со одова́ отгия́ Лахисостыр. ⁹ И шундя́ ёв пал Тиргако́стэ, Ефиопиякирэ кralи́стэ. Лэскэ́ пхэндлэ́: “Акэ́, ёв гия́ тэ марэ́лпэ́ тў́са.” Сыр ёв шундя́ дава́, то ёв бичхадя́ кэ́ Езэкия́ и пхэндя́: ¹⁰ “Адякэ́ пхэнэн́ Езэкияскэ́, Юдэ́якирэ кralи́скэ: ‘Мэк тэ на хохавэл тут тыро́ Дэвэл, пэ́ Конэ́стэ́ исын Ты́рї́ надё́я, коли́ ту думинэ́са’: ‘На отдэ́на Ерусалимо́ дрэ́ Асириякирэ-кralи́скирэ вастá.’” ¹¹ Акэ́, ту шундя́н, со кэрдэ́ кralья́ Асириякирэ́ сарэ́ пхувьенца́, коли́ чхудэ́ пэ́ лэ́ндэ́ совлахаи́бнытко́ лав; и ту думэ́нэса, со ту́ зракхэ́сапэ́? ¹² Ци́ зракхнэ́ дэвлорé́ одолé́ народэнгирé, савэ́н обчордэ́ кэ́ ха́сибэн́ Мирé́ дада́? Ци́ зракхнэ́́ Гозано́ и Харано́, и Ре́цэфо́ и Еде́носкирэ́ чхавэ́н, савэ́ исын дро́ Фаласа́ро? ¹³ Кай́ исын Емафоскиро́ кralи́ и кralи́ Арпа́доскиро, кralи́́ форо́стыр Сепарваимостыр, Ена́тыр и Ива́тыр?”” ¹⁴ И лы́я Езэ́кия́ лы́л бичхадэ́-манушэ́нгирé вастэ́стыр и гиндя́ лэс и гия́ дро́ Кхэр́ Рáскирэ-Дэвлэ́скиро , и откэ́рдя́ (пси́радя) лэс Езэ́кия́ анги́л Растэ́-Дэвлэ́стэ. ¹⁵ И мангэ́ласпэ́ Езэ́кия́ анги́л Растэ́-Дэвлэ́стэ и ракирэ́лас: ¹⁶ “Раё́ Дэ́вла, бо́лыбна́скирэ-янго́лэнгиро, Дэ́влэ́ Израилё́скиро, Саво́ исын бэ́што́ пэ́ херувимы́! Ту сан е́кх Дэ́влэ́ пэ́ сарé́ пхувитка́ кralипэ́на́, Ту создья́н пхув и бо́лыбэн. ¹⁷ Одкэ́р, Раё́ Дэ́вла, Ты́ро́ кан и по́шун, одкэ́р, Раё́-Дэ́вла, Ты́рэ́ якха́ и поды́кх,

вышун лава Сенахиримоскирэ, саво бичхадя, соб (кай) тэ калякирэн Тут, Джидэ Дэвлэс.¹⁸ Чачо, Раё Дэвла! Кралья Асириякирэ обчордэ кэ хашибэн сарэ рига и лэнгирэ пхувья.¹⁹ И чхурдынэ дрэ яг лэнгирэ дэвлорэ, нэ далэ сыс на дэвлэ, а буты, сави кэрдэ васта манушэскирэ, кашт и бар, палдава хасякирдэ лэн.²⁰ А аканэ, амаро Раё Дэвла, Дэвлэ амаро, зракх амэн лэскирэ вастэстыр, тэ джинэн сарэ кралипэнэ пэ пхув, со Ту, Раё Дэвла, исын екх Дэвлэ.”²¹ И бичхадя Исаё, Амососкиро чхаво, кэ Езэкия, соб (кай) тэ пхэнэн: “Адякэ ракирэла Рай Дэвлэ, Дэвлэ Израилёскиро: ‘Ту мангдяпэ Мángэ проти Сенахиримостэ, Асириякирэ кралистэ.’”²² Акэ, исын лав, саво Рай Дэвлэ пхэндя пал лэстэ: ‘На подыкхэла пэ тутэ, явэла тэ салпэ тутыр патывалы чхай, тэрны чхай Сионоскири, покренцынэла шэрэса, коли тут дыкхэла чхай Ерусалимоскири.’”²³ Конэс ту кошэсас и калякирэсас? Пэ конэстэ годлэсас и пэ конэстэ газдыан тырэ якхэ адякэ вучэс? Пэ Свэнтонэ Израилёскирэ Дэвлэстэ.²⁴ Тырэ писхарьэнца ту калякирэсас Рас-Дэвлэс и пхэндян: ‘Мирэ вурдэнэнца, саво бут исын, мэ газдыёмпэ пэ вучэ бэрги, пэ риг Ливаноскири и пхагирдём лэскэ барэ кедры, лэскирэ лачхэ кипарисы, явдём пэ лэскиро вучипэн, дрэ лэскири унта (садо).’²⁵ Мэ ганававас и пані пывас, и вышутькирава мирэ гэрэнца сарэ рэки (лэня) дро Египто.’²⁶ Ци ту на шундян, со Мэ гарэ кэрдём дава, дрэ гаратунэ дывэса припхэндём пал дова, а аканэ кэрдём, пал-дова со ту пхагирэсас зоралэ фёрья кэ хашибэн и екх барэ лэндыр ячкирэса? ”²⁷ Мануша, саво одой дживэна, хасякирдэ пэскири зор, издран, прилэн ладжаипэн, ёнэ кэрдэпэ, сыр чар пэ фёлда, сыр зэлэны ковлы чар, сыр чар, со пэ кхэр барьёла, сыр схачкирдо маро ангил дова, сыр ёв гия дрэ колосы.”²⁸ Бэшэса ту, ци выджаса, ци заджаса, мэ саро джинава, джинава и дова, сыр ту газдыанпэ проти Мандэ.²⁹ Пал-дова со ту пэ Мандэ газдыанпэ холямпнаса, пал-дова со тумэ шундлэ Мирэ канэ, сыр ту пхутэса, Мэ чхувава Мирі ангрусты дро Тыро накх и Миро савари дро Тыро муй и rischiрава тут палэ долэ дромэса, савэса ту явдян.”³⁰ Акэ, тукэ, Езэкия, гертык (знамэниё): Хан дро дава бэрш маро, саво выбария жаркатыр, со пуй пэ пхув, пэ явир бэрш хан маро, саво кокоро пэстыр выбария, а пэ трито бэрш барьякирэн маро, барьякирэн винаградытко унта (садо) и хан лэндыр.”³¹ Ячаибэн, саво исын дро Юдаскиро кхэр, зракхцяпэ и выбарьёла тэлэ, и янэла барьякирдэ (плодо) упрал.”³² Пал-дова со Ерусалимостыр выджала ячаибэн, а зракхибэн явэла бэргатыр Сионостыр. Рай Дэвлэ кэрэла адякэ лэскирэ зэвлыныпнастыр (ревностятыр). ”³³ Адякэ ракирэла Рай Дэвлэ пал кралистэ Асириякирэстэ: “На заджала ёв дрэ дава форо, на газдэнапэ пэ лэстэ марибнытка бустя (стрэлы), ёв на джала ангил шчытоса, ёв на газдэла (на чхувэла) пхувьятыр валэ.”³⁴ Рисёла палэ долэ дромэса, пир саво явдя, а дрэ дава форо ёв на заджала’, – ракирэла Рай Дэвлэ.”³⁵ ‘Мэ зракхава дава форо, зракхава лэс ваш Пэскэ и ваш Давидоскэ, Мирэ писхарискэ.”³⁶ И выгия Янголо Дэвлэскиро и замардя дро Асириякирэ-халадэнгирос стано шэл охтодэша пандж тысёнцы манушэн. Уштынэ пэ само злоко (зоря) и, акэ, – сарэ мануша исын мулэ.”³⁷ И отгия, и гия, и рисия Сенахиримо, Асириякиро крали и дживдя кэ Ниневия.”³⁸ И коли ёв мангэлэспэ дро Нисрохоскиро, пэскирэ-Дэвлэскиро Кхэр, Адрамелехо и Шарецэро, лэскирэ чхавэ, замардэ лэс курталаса, а кокоро нашнэ пэ пхув Аратоскири. И яця кралиса Асардано, лэскиро чхаво, пэ лэскиро штэто.

Шэро 38

Дэвлэскиро Лав тэ Зракхэл Израилё

¹ Дрэ долэ дывэса занасвалыя Езэкия и скэдэлэспэ тэ мэрэл. И явдя кэ ёв пророко Исаё, чхаво Амососкиро, и пхэндя: “Адякэ ракирэла Рай Дэвлэ: ‘Дэ палатунэ упхэныбэнэ пал сарэ рэнды дро тыро кхэр, пал-дова со ту на высастэса, а мэрэса.’”² Тэньци Езэкия рисия мо́са кэ ванта и мангэлэспэ Раскэ-Дэвлэскэ и ракирэлас: ”³ “О, Раё Дэвла! Пририпир, со мэ псиравас ангил Тутэ дро чачипэн, сарэ илэса, и кэравас мэ ангил Тырэ якхэ лачхэ рэнды.” И зарондя Езэкия зоралэс.”⁴ Сыс Раскирэ-Дэвлэскиро лав кэ Исаё, и сыс пхэндлэ: ”⁵ “Джа, пхэн Езекияскэ: адякэ ракирэла Рай Дэвлэ, Давидоскиро, тырэ-дадэскиро Дэвлэ: ‘Мэ шундём тыри патели (молитва), дыкхцём тырэ ясва и, акэ, Мэ дава тукэ, соб (кай) ту тэ дживэс ишчо

(инкэ) дэшупандж бэрш. ⁶ Мэ зракхава тут и дава форо Асириякирэ-кralискирэ вастэстыр, Мэ на ячкирава дава форо. ⁷ Акэ, исын тукэ гертык (знамэниё) Растыр-Дэвлэстыр, со кэрла Рай Дэвлэ пир лав, саво Ёв пхэндя: ⁸ Акэ, мэ rischiрава палэ кхамэскири зэр (тень), сави прогий пир гэруня (ступени) Ахазоскирэ. И рисия кхам пэ дэш гэруня (ступени) палэ, пир саво ёв джалас тэлэ. ⁹ Езэкиаскиро, Юдэякирэ кralискири патели (молитва) дрэ дывэса, коли ёв сыс насвалэ и высастия насвалыпнастыр. ¹⁰ Мэ пхэндём пэскэ: на прогинэ ишчо (инкэ) мирэ дывэса дро джибён, а мангэ трэй тэ джав дрэ адоскири порта, залынэ мандыр мирэ бэрша. ¹¹ Мэ ракиравас: “Мэ на дыкхава Рас-Дэвлэс, бутыр мэ на дыкхава Рас-Дэвлэс пэ пхув, кай дживэна, мэ на явава тэ дыкхав манушэс машкир одолэндэ, кон дживэла пэ свэто. ¹² Кхэр миро залэлапэ штэтостыр, отлыджалпэ мандыр, сыр шатра чхупнарискири, мэ сом банго тэ отчихнав пэскиро джибён сыр ткачо. Ёв отчихнэла ман; дывэс и рат мэ ужакиравас, со бичхавэса мангэ мэрибён. ¹³ Ужакиравас кэ злоко (ранко); сыр лэво (шчэр) Ёв распхагирэла сарэ мирэ кокалы, дывэс и рат ужакиравас, со Ту бичхавэса мангэ мэрибён. ¹⁴ Сыр жураво (бусько) мэ багавас, сыр бахирка (ласточка) мэ шчэбичынаvas, сыр голумбо мэ тугинаvas, ясвэнца газдаvas якхэ кэ болыбён: Раё Дэвла! Пхаро исын мангэ, зракх ман!” ¹⁵ Со мэ пхэнава? Ёв пхэндя мангэ и Ёв кэрдя. Дро шытылыпэн продживава мэ сарэ мирэ бэрша, рипири миро кикипэн пэ ило. ¹⁶ Раё Дэвла! Адякэ дживэна далэ мануша, дро саро дава дживэла миро духо (фано), Ту састякирэса ман, и дэса мангэ джибён. ¹⁷ Акэ, сыклыём мирэ бидатыр, Ту зракхиян миро ило хасибнастыр, Ту чхурдыян пал Пэскиро думо мирэ грэхи. ¹⁸ На люно (адо) шарэла Тут, на мэрибён тут шарэла, нанэ надэя пэ Тыро чачипэн одолэндэ, кон мыя. ¹⁹ Джидо, екх джидо мануш Тут шарэла, сыр аканэ мэ сом: дад распхэнэла чхаворэнгэ Тыро чачипэн. ²⁰ Рай Дэвлэ ман зракхэла, сарэ амарэ дывэса амэ ласа тэ багас гиля дро Кхэр Раскирэ-Дэвлэскиро башаибнаса пэ струнытка струменты.” ²¹ И пхэндя Исаё: “Мэк тэ янён смоква и тэ обчхувэн ласа чыльчако (нарыво), тэньчи ёв высастёла.” ²² А Езэкия пхэндя: “Соса Ту досыкавэса, со мэ явава тэ псирав дро Кхэр Раскирэ-Дэвлэскиро?”

Шэрó 39

Вавилонскиро Посло кэ Езэкия

¹ Дро дова часо (цыро) о Меродахо, чхаво Валадоноскиро ^[1], кralи Вавилонскиро шундя, со Езэкия сыс насвалэ и высастия и бичхадя лэскэ лыл и дары. ² Сыс бахталэ радымаса далэстыр Езэкия и сыкадя бичхадэ манушэнгэ кхэр, кай рахэлэс пэскирэ кучипэна (сокровишчы), руп, сувнакай, куч кхандыпэна, сарэ марибнытка (арсенало), саро, со сыс лэстэ дрэ пираля кучипнаскирэ, саро, со лэстэ сыс, лэнгэ сыкадя, ничи на яцяпэ лэскирэ миштыпнастыр. ³ И явдя пророко Исаё кэ кralи Езэкия и пхэндя лэскэ: “Со ракирэнас адалэ мануша? Катыр ёнэ явнэ?” Езэкия пхэндя: “Дурал явнэ ёнэ кэ мэ, явнэ Вавилонэстыр.” ⁴ И пхэндя Исаё: “Со ёнэ дыкхнэ дро тыро кхэр?” Езэкия пхэндя: “Саро дыкхнэ, саро миро барвалыпэн мэ сыкадём лэнгэ, ничи на яцяпэ дрэ мирэ кучипнаскирэ пираля, со мэ на сыкадём лэнгэ.” ⁵ И пхэндя Исаё Езэкиаскэ: “Шун лав Растыр-Дэвлэстыр, болыбнаскирэ-янголэнгирэстыр.” ⁶ ‘Акэ, явэна дывэс и саро, со исын дрэ тыро кхэр, со скэдынэ тырэ дада, лыджана криг дро Вавилоно, ничи на ячэлапэ, – ракирэла Рай Дэвлэ. ⁷ Отлэна тырэ чхавэн, кон тутэ латхэла, ёнэ явэна евнухэнца дрэ Вавилонэскирэ-кralискиро кхэр.’ ⁸ И пхэндя Езэкия Исаёскэ: “Лачхо исын Раскирэ-Дэвлэскиро лав, саво ту пхэндян, пал-дова со дрэ Мирэ дывэса Ёв бичхавэла ишчо (инкэ) раманё (миро) и зракхибён”.

Шэрó 40

Дэвлэскиро Лав Подрикирэла Манушэн

¹ “Подрикирэн, подрикирэн дүхо (фáно) дро Миро народо,” – ракирэла тумарó Дэвэл. ² Ракирэн кэ Ерусалимоскиро илó, пхэнэн лэскэ, со пирияця лэскиро марибэн, со на отдэлапэ палэ лэскэ пал грэхó, пал-довá со ёв прилыя Рáскирэ-Дэвлэскирэ вастэстыр пал сарé грэхí дрэ дуй мóлы бутыр, сыр трéиндя. ³ Зан, савí годлэла пэ чхучí пхув: “Кэрэн дром Рáскэ-Дэвлэскэ, кэрэн пэ мал (степ) мамуй дромá ваш амарé Дэвлэскэ. ⁴ Кажно дóло мэк тэ пхэрдёл, кажно бэрга и бэргица мэк тэ пэрэн, довá, со исын бангó, тэ ячэл роўно (вóрто), и бангé дромá тэ кэрэнпэ гладконэ дромэнца. ⁵ И сыкадэла Рáскирэ-Дэвлэскиро барипэн, и кажно лочь (плоть) дыкхэла зракхибэн Рáскирэ-Дэвлэскиро, пал-довá, со адякэ пхэндлэ Рáскирэ-Дэвлэскирэ уштá.” ⁶ Зан ракирэла: “Пхэн!” “Нэ со мánгэ тэ пхэнáв?” “Кажно лоч (плоть) – чар, а гожыпэн лáкиро – сыр лулудí (цвэто) фэлдытко. ⁷ Чар зашутёла, лулудí (цвэто) зашутёла, а кóли пхурдэла пэ лэстэ Рай-Дэвэл, адякэ и народо – ёв исын чар. ⁸ Чар зашутёла, лулудí зашутёла, а лав амарé Рáскирэ-Дэвлэскиро ячэлапэ вéчнэс.” ⁹ Джá пэ вучí бэрга, Сиóно, савó миштó пхэнэла Дэвлэскиро лав! Ѓаздэ зорьяса зан тырí, Ерусалимо, савó ракирэла лав Дэвлэскиро! Ѓаздэ зан, на дар! Пхэн кэ фóрья Юдáскирэ: “Акэ, исын тумарó Дэвэл!” ¹⁰ Акэ, Рай Дэвэл, Дэвэл явэла зорьяса и Лэскиро васт исын зорьяса. Акэ, мазури (награда) Лэскири исын Лэса, Ёв отдэла палэ сарэнгэ ангíл Пэскиро муй. ¹¹ Сыр чхупнари Ёв ракхэла Пэскирэ бакрэн; а бакрорэн лэла Ёв пэ вастá и явэла тэ лыджал пэ Пэскиро колын, и савé дэна тхуд тэ лыджал. ¹² Кон вычхудя панí пэскирэ вастэса, выгиндя болыбэн и прахо пхувьякиро, зважындя пэ убладытка (весы) бэрги и бэргицы пэ убладытка чарé? ¹³ Кон галыя дүхо (фáно) Рáскирэ-Дэвлэскиро, кон подпхэнэлас Лэскэ и сыклякирэлас Лэс? ¹⁴ Конэстыр мангэла Ёв годыпэн (совето), и кон дэла годы Лэскэ, чхувэла Лэс по дром чачунó, кон дэла Лэскэ джиныбэн и сыкавэла дром, кай исын годы. ¹⁵ Акэ, народы – сыр чолыня (капли) панí вэдратыр и гинэнапэ сыр прахо пэ убладытка (весы). Акэ, острова (пхувья машкир мóрэ (дэрьяв)), Ёв газдэла сыр прахо. ¹⁶ На ухтылла (надоси) Ливанос, соб (кай) тэ кэрэл яг ваш свэнто дыибэн, на ухтылла (надоси) мурдалэн пэ лэстэ, соб (кай) тэ янэл дыибэнá ваш цéло схачкирибэн. ¹⁷ Сарé народы, сыр нисó исын ангíл Лэстэ, сыр ничí, сыр чхучó штéто Лэстэ гинэнпэ. ¹⁸ Пэ конэстэ зджáла (поджала) Дэвэл, со тумэ пхэнэна? И со пэ Лэстэ зджáла (поджала)? ¹⁹ Спецо тэ вычхинэл кэрэла идоло, сувнакунари учхакирэла лэс сувнакаса, прикэрэла кэ ёв руповэ зандироря (цэпочки). ²⁰ А кон исын чорорó, одовá выкэдэла кашт, савó на кирнёла, родэла сыклякирдé манушэс-спецос тэ вычхинэл гожэс, соб (кай) тэ кэрэл идоло, савó б твардэс тэ тэрдёл. ²¹ Ци тумэ на джинэна? Ци тумэ на шундлэ? Ци на ракирэнас тумэнгэ англэдыр сарэстыр, ци на галынэ тумэ пхувьякирэ создыйбнастыр? ²² Ёв исын Одовá, Кон бэшэла упрáл пэ крэнглыпэн пхувьякиро и пэ манушэндэ, савé пэ пхув дживэна, и, савé исын сыр кирмэ ангíл Лэстэ. Ёв протырдыя болыбэн, сыр сано похтан, чхудя лэн сыр шáтра. ²³ Дро нисó Ёв пирикэрэла тхагарьен (князьен), сыр вари-со чхучó кэрэла ёв пхувьякирэ сэндарьен. ²⁴ Акэ, ёнэ нагара чхудэ, нагара барьякирдé, нагара дрэ пхув придживдэпэ, нэ сыр Ёв пхурдыя пэ лэндэ, и ёнэ вышутинэ, и балвáл лыджия лэн криг, сыр пхус. ²⁵ Со ж тумэ пхэнэна пал Мáндэ, пэ конэстэ Мэ зджава (поджава)? Конэса тумэ прироўнинэна (припарувэна) Ман,” – ракирэла Свэнто. ²⁶ Ѓаздэн тумарé якхá кэ вучó болыбэн и подыкхэн? Кон лэс создыя? Кон вылыджала Пэскирэ чэргэня и гинэла лэн? Сарé чэргэня Ёв кхарэла пир лав, ничí на хасэла Лэстэ, пал-довá со исын лэстэ бари зор и зоралыпэн. ²⁷ Сóскэ ж ту ракирэса, Яково, сóскэ ту выпхэнэса, Израилё: “Ѓарадо исын миро дром Рáстыр-Дэвлэстыр, бистырдо исын миро рэндо Мирé Дэвлэстэ”? ²⁸ Ци ту на джинэса, ци ту на шундян, со вéчно исын Рай Дэвэл, Савó создыя пхув, николи на кхинёла, и на нашавэла зор, нэ ту на галёса Лэскири годы. ²⁹ Кон кхиныя – одолэскэ Ёв дэла зор, и кон исын бизорьякиро – одолэс Ёв подрикирэла. ³⁰ И тэрнэ чхавэ кхинёна, хасякирэна зор, и тэрнэ манушá пэрэна. ³¹ А одовá, конэстэ пэ Растэ-Дэвлэстэ исын

надёя, прилёна нэви зор, газдэна пхака (крылы), сыр киды (орлы), нашэна и на явэна кхинэ, прастана и на кхинёна.

Шэрó 41

Израилё Древáн Патя́ла, со Дэвэл Помогинэла Лэскэ

¹ “Явэн штыл ангил Мándэ, острова, и мэк манушы́тка на́цыи тэ кэдэн нэвэстыр пэскиро зоралыпэн! Мэк ёнэ тэ явэн пашыл, и мэк ёнэ тэ пхэнэн: ‘Тэрдёваса кхэтанэ пашылэдýр пэ сэндо.’ ² Кон газды́я чачипнаскирэ манушэс вастокóстыр? Кон кхардý лэс тэ джал пал пэстэ? Кон ды́я лэскэ тэл васт манушэнгирэ на́цыи и кэрдý лэс, екхэс тэ хулаинэл пэ кральэндэ? Кон отды́я лэн сы́рбы пра́хо ваш лэскири куртáла, сы́рбы пхус, со вурняла, ваш лэскиро лúко? ³ Ёв традэла лэн, и джáла бидарипнаскирэ дромéса, пир савó Ёв на псирдýя ниéкхвар пэскирэ гэрэнца. ⁴ Кон создýя и кэрдý сарó дава́? Кон кхарэлас кэ Пэ манушы́тка рóды англипна́стыр! Мэ сом Рай Дэвэл, Пёрво, и дрэ палатунé (последня) Мэ адýкэ-паць Сом.” ⁵ Острова дыкхнэ дава́ и трашандынэ, ягóры (край) пхувýякирэ страхáдынэ, ёнэ подтырдэнапэ пашылэдýр и явнó. ⁶ Кажно дэлас васт пэскирэ пашатунé манушэскэ, и ракирэлас пэскирэ пшалэскэ: “Рикирпэ муршканэс.” ⁷ О пэталэнгиро (ковалё) поддэла дýхо (фáно) сувнакунé спецоскэ, и ёв, кон, ро́унинэла барé млоткоса листы газдэла дýхо (фáно) кодолэскэ, кон марэла пэ кавадло (амони), савó ракирэла пал спайка: “Исын миштó,” тэньчи ёв зоралýякирэла гвоздэнца (карфинэнца), соб (кай) тэ явэл сарó зоралó пэ штéто.” ⁸ Нэ ту, Израилё, сан Миро писхáри, Яково, конэс Мэ выкэдыём, Аврамос, Мирé малэс (другос). ⁹ Ту, конэс Мэ выкэдыём пхувýякирэ ягорэндýр, и конэс кхардём Мэ кэ пэ самонэ дуратунé штэтэндýр, и конэскэ Мэ пхэндём: ‘Ту сан Миро писхáри,’ Мэ выкэдыём тут и на дурýякирдём тут криг.” ¹⁰ На дар, пал-довá со Мэ сом тýса: на нашадёв дро дýхо (фáно), пал-довá со Мэ сом Дэвэл тырó. Мэ ява́ва тэ зорýякирав тут, и, Мэ подава васт тýкэ, Мэ подрикирава тут Мирé чачипнаскирэ чачé вастéса.” ¹¹ Акэ, сарé, кон гия́ холя́са пэ тýтэ, явэна ладжакирдé и пэрэна патыватыр, явэна сыр нисó, и одолé, кон чингардыяпэ тýса, одолé хасёна. ¹² Ту явэса тэ родэс лэн, и ту на латхэса лэн, кодолé, савé камлэ тэ марэнпэ тýса, савé гинé марибна́са пэ тýтэ – ёнэ явэна сыр нисó, сыр довá, со бутýр на дживэла. ¹³ Пал-довá со Мэ, Рай Дэвэл, Дэвэл тырó, ява́ва тэ рикирав тут пал чачó васт, и пхэна́ва тýкэ: “На дар, Мэ да́ва васт (помогинава) тýкэ.” ¹⁴ “На дар, ту сан кирмо Яковóскиро, тумó, на́бут, манушáлэ Израилёскирэ! Мэ подава васт тýкэ”, – ракирэла Рай Дэвэл, и Мэ сом тырó Выкиныбнаскиро (Выракхибнаскиро), Свэ́нто Израилёскиро. ¹⁵ Акэ, Мэ кэра́ва тýтыр нэви обмарибнаскири (молотилка) востронэ дандэнца, ту явэса тэ обмарэс бóрги и ту розмарэса лэн пэ котэра́, и ту пирикэрэса бóргицы дрэ шприя (мякина). ¹⁶ Ту явэса тэ пирикэдэс (тэ веинэс) лэн пэ балва́л, и балва́л лыджáла криг лэн, и rischiрибнаскири балва́л сыр вихро ропхурдэла лэн, ту явэса древа́н тэ радынэспэ пал Растэ-Дэвлэстэ, и ту явэса барикано (тэ шарэспэ) Свэ́нтонэса Израилёса. ¹⁷ Кéли чорорé и бóги (манушá дрэ трéбима) явэна тэ родэн пани́, и нанэ пани́, и лэнгирэ чибá (чибýя) явэна тэ шутён трушатыр (смэгатыр), то Мэ, Рай Дэвэл, ява́ва тэ шунав лэн; Мэ Дэвэл Израилёскиро, на мэкава лэн. ¹⁸ Мэ откэрава рéки (лэня́) пэ чхучé бэргицакирэ вучипэна́ и ганынгорýя машкёр долоскирэ фэлды Мэ кэра́ва чхучé пхувýятыр зеро (озеро), Мэ кэра́ва шукé пхувýятыр ганынгорýя панéса. ¹⁹ Мэ чхува́ва тэ барьёл кедро, акацыя, мирта и оливи́тко кашт дрэ чхучи́ пхув, и Мэ чхува́ва тэ барьёл дрэ прахитко пхув кипарисо, сосна и буко кхэтанé, ²⁰ соб (кай) ёнэ тэ дыкхэн и тэ доджинэнпэ (тэ галён), тэ rischiрэн пэскиро илó и тэ галён, со васт Рáскирэ-Дэвлэскиро создýя дава́, и со Свэ́нто Израилёскиро создýя дава́.

Идолы, Со Ничы́ на Мол

²¹ “Сыкавэн (пхэнэн) пал пэскиро рэндо (дéло)”, – ракирэла Рай Дэвэл. “Подэн (янэн) тумарé допхэныбэна”, – ракирэла Кра́ли Яковóскиро. ²² “Мэк ёнэ тэ пхэнэн и тэ сыкавэн амэнгэ, со

явэла мэк ёнэ тэ сыкавэн англатунэ (пэрва) причыны, савэ исын, соб (кай) амэ тэ розлас (тэ роз галёвас) лэн, и соб (кай) амэ тэ джинас, со́са кончынэлапэ кадава́ рэндо, ци со тэ пхэнэн ангил сарэндэ, со явэла ангил. ²³ Пхэнэн амэнгэ дова́, со явэла ангил, соб (кай) амэ тэ джинас, со тумэ сан дэвэла, ци кэрэн лачхипэн ци фуипэн, соб (кай) амэ тэ кэрас барэ якха́ (тэ дивинасапэ) и тэ дыкхас дава́ кхэтанэ тумэнца. ²⁴ Чачэс, нанэ нисаво лачхипэн тумэндыр, и тумарі буты ничы на мол; джунгало́ (брыдко) исын кодова́, кон выкэдэла тумэн. ²⁵ Мэ газдыём лэс паш-ратитконэ (севернонэ) ригатыр, и ёв явэла, ёв явэла тэ кхарэл Миров лав пэ ранко (пэ зло́ко), кели кхам газдэлапэ, и ёв явэла тэ тасавэл тхагарьен сы́рбы блата́ (растворо), сы́рбы пиритконэнгиро тасавэла глэя (глина). ²⁶ Кон пхэндя ангил сарэндэ самонэ англыпнастыр, соб (кай) тэ джинас амэнгэ, и гара́ ангил дава́, соб (кай) амэнгэ сашты́ тэ пхэнас: “Дава́ исын чачипэн.” Нэ нанэ никонэс, кон тэ пхэнэл ангил сарэндэ, ци вари-кон тэ шунэл тумарэ лава́. ²⁷ Мэ пэрво пхэндём Сионоскэ: “Дыкхэн, кай ёв исын!” И Мэ дыём Ерусалимоскэ екхэс, кон янэла бахталы зан (звесь). ²⁸ Пал-дова́ со Мэ дыкхцём, и на сыс ни́екх ману́ш, и Мэ лыём тэ дыкхав машкір лэндэ, нэ на сыс юнкаро (советнико), саво, кели Мэ пхучавас лэндыр, то тэ дэл ра́да тэ отпхэнэл пэ лав. ²⁹ Чачэс, ёнэ сарэ ничы на мол; лэнгирэ бутя́ нисо́, а лэнгирэ выбиладэ муя́ (истуканы), исын балва́л и чхучипэн.

Шэро́ 42

Христосо́ – Писха́ри Дэвлэскиро

¹ “Акэ исын Миров писха́ри, Конэс Мэ рикирава пал васт, Конэс Мэ выкэдыём, кэ Кон пасёла Миров ило́, Мэ чхува́ва пэ Лэстэ Миров дүхо́ (фа́но), и Ёв пхэнэла пал сэндо кэ народы. ² Ёв на загодлэла, на газдэла Пэскири зан, и Ёв на дэла тэ шунэн ла пэ вулицы́ (га́сы). ³ Спхагирдо дэсто́ Ёв на пхагирэла, яг сави́, сыг мурдэла, Ёв на мурдякирэла, Ёв явэла тэ кэрэл сэндо чачипна́са. ⁴ На пэрэла Ёв бизорьякоро, на кхинёла кэ дова́ часо, сыр Ёв кэрэла сэндо пхувьякэ; и пэ Зако́но Лэскиро ужакирэна лачхипна́са острова́.” ⁵ Адыкэ ракирэла Рай Дэвэл, Саво созды́я болыбэн и штэты лэнгирэ, Саво созды́я пхув ла́кирэ джиибна́са, Саво дэла, соб (кай) тэ дживэл ла́киро наро́до, Саво дэла дүхо́ (фа́но) одолэнгэ, кон пир пхув псирэла. ⁶ Мэ, Рай Дэвэл, прикхардём Тут пир чачипэн, Мэ ла́ва тэ рикирав Тут пал васт, Мэ ла́ва тэ рахав Тут, и Мэ чхува́ва Тут сыр завето ваш манушэнгэ, соб (кай) тэ дыкхэн дуд (свэ́то) Наюды́тка мануша́ (язычники), ⁷ соб (кай) тэ откэрэс якха́ корорэнгэ, соб (кай) тэ вылыджас пэ во́ля одолэн, кон дрэ наво́ля исын бэштó, а одолэн, кон исын бэштó дро калыпэн, Мэ вылыджава лэнгирэ бэшыбнастыр. ⁸ Мэ сом Рай Дэвэл, дава́ исын Миров лав, и Мэ на дава́ патыв Мирé явирэ манушэнгэ, и барипэн Миров Мэ на дава́ идолэнгэ. ⁹ Акэ, кэрдя́пэ дро джиибэн, со пхэндлэ́ англэдыр, и нэво́ лав Мэ пхэна́ва; ангил дова́, сыр ёв кэрэлапэ чачипна́са, Мэ откэрава тумэнгэ.” ¹⁰ Бага́н Дэвлэскэ нэви́ гилы́, шарэн Лэс сарэ пхувьякирэ ягорэндыр; тумэ́, кон традэла пир мо́рё (дэрья́в), сарэ́, кон дживэла одо́й, острова́ и одолэ́, кон пэ лэндэ́ дживэла! ¹¹ Мэк тэ газдэл пэскири зан чхучи́ пхув ла́кирэ форьенца, кай Кидаро дживэла; мэк тэ радынэнпэ одолэ́, кон дживэла пэ бэрги́, мэк тэ шарэн бэргакирэ упралыпнастыр! ¹² Мэк тэ дэн патыв Ра́скэ-Дэвлэскэ, мэк тэ шарэн Лэс пэ острова́. ¹³ Рай Дэвэл выджала сыр древа́н зорало́ мурш, сыр мурш марибны́тко, Ёв газдэла зэвлыныпэн, Ёв кхарэла кэ Пэ́ и дэла го́дла марибны́ткэс, Ёв сыкавэла Лэскирэ вэргэнгэ, со Ёв исын зорало́. ¹⁴ Длу́гэс (гара́) Мэ ничи́ на ракиравас, Мэ вырикиравас саро́, акана́ Мэ ла́ва тэ годлав, сыр джувлы́ (манушны́), ко́ли ей́ биянэла, лава́ тэ розмарав, Мэ ла́ва тэ пхагирав саро́. ¹⁵ Шутькирава Мэ бэрги́ и бэрги́цы, вышутькирава сари́ чар, со барьёла пэ лэндэ́; вышутькирава ре́ки (лэня́) и ганынга́. ¹⁶ И лыджа́ва Мэ корорэн долэ́ дромэ́са, саво ёнэ на джину́на; Мэ лыджа́ва лэн долэ́ дроморэнца, кай на псирэнас. Мэ пирикэрава калыпэн дро дуд (свэ́то) и бангэ́ дрома́ Мэ кэра́ва чачэ́ дромэнца; акэ́, со Мэ кэра́ва ваш лэнгэ́ и Мэ на ячава́ва лэн. ¹⁷ Тэ́нцы рисёна палэ́ и древа́н ладжана́ одолэ́, конэскири на́де́я сыс пэ́ йдолы́, кон ракирэла кэ кэрдэ́ дэвлорэ́: “Тумэ́ – амарэ́ дэвэла́.” ¹⁸ Шунэн, кашукэ́, дыкхэн, корорэ́, соб (кай) тэ дыкхэн. ¹⁹ Кон исын ишчо́ (инкэ́) адасаво́ короро́, сыр Миров писха́ри, исын

адасаво исын кашуко, сыр одова, конэс Мэ бичхадём? Кон исын адасаво корорó, сыр одова, кон яця пир ило Мángэ, сыр писхари Рáскирэ-Дэвлэскиро? ²⁰ Ту бут дыкхэсас, нэ на дыкхця́н, со трэй; канá сыс откэрдэ, нэ ту на шундя́н. ²¹ Рáскэ-Дэвлэскэ сыс пир ило ваш Пэскиро чачипэн тэ газдэл Зако́но и тэ дэл лэскэ патыв. ²² Нэ кадалэ мануша́ исын обчордэ и облынэ кэ хасибэн, сарэ ёнэ исын спхандлэ и гарадэ дро бэшыбэн; лэн облынэ и никон лэн на зракхэла; обчордэ, и никон на раки́рла: “Отдэ палэ!” ²³ Кон тумэндýр шундя́ миштэс пал дава́ пэскирэ канэнца, галыя́ и вышундя́ ваш англýпэн? ²⁴ Кон отдыя́ Яковóс чорэнгэ тэ хасякирэн, Израилё, соб (кай) тэ росчорэн? Ци на кэрдя́ Рай Дэвэл, пал-дова́ со амэ кэрдям грéхи ангил Лэстэ? Ёнэ на камэнас тэ псирэн Лэскирэ дромэнца и ёнэ на шунэнас Лэскиро Зако́но. ²⁵ И Ёв вычхудя́ пэ лэндэ Пэскири холы́ и марибнýtко холямипэн; ёй хачола ягáса сарэ ригэндýр, нэ ёнэ на дыкхнэ; хачолас лэндэ, нэ ёнэ на галынэ дава́ илэса.

Шэрó 43

Выракхибнаскиро пэ Израилё

¹ Аканá адякэ ракирэ́ла Рай Дэвэл, Савó создýя тут, Яково, и Савó дыя́ джи́ибэн тукэ, Израилё: “На дар, пал-дова́ со Мэ выкиндём тут, кхардём тут тырэ лавэса, ту сан Мирó. ² Ко́ли ту явэса тэ пириджас пир пани́, Мэ сом тýса; ци пир рэ́ки (лэня́) – ёнэ тут на тасадякирэна; подджаса кэ яг – ёй тут на схачкирла. ³ Пал-дова́ со Мэ сом Рай Дэвэл, тыро́ Дэвэл, Свэ́нто Израилёскиро, Зракхибна́ри тыро́; Мэ Егýпто, Ефиопия, Савея (Шэба) отдыём пал тýtэ, соб (кай) тэ выкинав тут. ⁴ Пал-дова́ со ту сан дро́го дрэ Мирэ́ якхá, и яця́н древа́н куч и Мángэ ту яця́н пир ило́, то Мэ отда́ва явирэ́ манушэн пал тýtэ и народы пал тыро́ ди. ⁵ На дар, дыкх, Мэ сом тýса; востокóстыр Мэ яна́ва тыро́ кхэ́рýtко рóдо, западостыр скэда́ва тут. ⁶ Кэ паш-рат (северо) пхэна́ва: “Отдэ!” – и кэ паш-дывэс (юго): “На рикир, лы́джа дуралыпнастыр Мирэ́ чхаворэн и Мирэ́ чхаён пхувья́кирэ ягорэндýр (краендыр); ⁷ кажно́нэс, кон кхарэ́лапэ Мирэ́ лавэса, конэс Мэ создýём ваш Мирó барипэн, конэскэ Мэ дыём джи́ибэн.” ⁸ Вылыджа́ наро́до, конэ́стэ исын якхá, нэ ёв корорó, исын канá, нэ ёв исын кашуко. ⁹ Мэк сарэ́ народы тэ скэдэнпэ́ кхэтанэ́, и сарэ́ кхэ́рýtка рóды тэ явэн кхэтанэ́. Кон машки́р лэндэ дава́ ангил пхэндя́? Мэк тэ пхэнэн, со сыс англэды́р сарэ́стыр, мэк тэ дэн кхэ́рýtка пэскирэ́ манушэн тэ досыкавэн (тэ допхэнэн) пал дава́, мэк тэ пхэнэн пал пэ́стэ чачипэн, соб (кай) тэ шунэс и тэ пхэнэс: “Чачо́!” ¹⁰ А Мирэ́ мануша́, савэ́ допхэнэна, пал чачипэн, – пхэнэ́ла Рай Дэвэл, – тумэ́ и Мирó писхари́, конэс Мэ выкэ́дыём, соб (кай) тумэ́ тэ джинэн и тэ патя́н Мángэ, со дава́ Мэ сом; англэды́р на сыс нико́ли явирэ́ Дэвлэс и на явэ́ла. ¹¹ Мэ, Мэ сом Рай Дэвэл и нанэ́ явирэ́с Зракхибна́рис апрíч Мándэ. ¹² Мэ ангилпхэндём, и зракхцём и пхэндём пал дава́, а явирэ́с нанэ́ кэ тумэ́, и тумэ́ – Мирэ́ мануша́, савэ́ допхэнэна, со Мэ – Дэвэл, – ракирэ́л Рай Дэвэл. ¹³ Англэды́р сарэ́стыр Мэ со́мас адасаво́, никон на зракхэ́ла Мирэ́ вастэ́стыр; Мэ кэра́ва, и кон дава́ отпарувэ́ла? ¹⁴ Адякэ ракирэ́ла Рай Дэвэл, Савó выкиндя́ (выракхця́) тумэн, Свэ́нто Израилёскиро: “Ваш тумэнгэ́ Мэ бичхадём кэ́ Вавило́но, роспахгирдём сарó, со сыс закэ́рдо и Халдеен, савэ́ сыс пхутькирдэ́ пэскирэ́ пармэнца́ (корабленца́). ¹⁵ Мэ сом Рай Дэвэл, тумарó́ Свэ́нто, Кодова́, Кон создýя́ Израилё́, тумарó́ Кра́ли. ¹⁶ Адякэ ракирэ́ла Рай Дэвэл, Савó откэ́рдя дром пэ́ мо́рэ (дэ́рьяв), Савó откэ́рдя дром пир зоралэ́ паня́. ¹⁷ Савó вылыджия́ грэн и марибнýtка вурдэ́на, халадэн и зор; сарэ́ пасинэ́ кхэтанэ́, на уштынэ́, мурдинэ́, сыр момолы́тка (светильники), хасинó. ¹⁸ Нэ тумэ́ на пририпи́рэна пал про́гинэ́ дывэса́, на думинэ́на пал дова́, со сыс гара́. ¹⁹ Акэ́, Мэ кэра́ва нэ́ви буты́, аканá ёй сыкадэ́ла, ци тумэ́ на камóна тэ джинэн пал дава́? Мэ кэра́ва дром пэ́ фэ́лда, рэ́ки (лэня́) пэ́ чхучи́ пхув. ²⁰ Фэлды́тка мурдала́ (звери) пэ́ фэ́лда Ман вышарэ́на, шарэ́на шакалы́ и чирикля́ (страусы), пал-дова́ со Мэ пэ́ чхучи́ пхув дава́ пани́, Мэ кэра́ва рэ́ки (лэня́) пэ́ шуки́ мал (степ), соб (кай) тэ пьел Мирó наро́до, савó Мэ выкэ́дыём. ²¹ Давá наро́до Мэ создýём ваш Пэ́скэ; ёв дэ́ла патыв Мángэ. ²² А ту, Яково, на кхардя́н Ман, ту, Израилё́, на кэрдя́н ничы́ ваш Мángэ. ²³ Ту на яндя́н ма́нгэ бакро́рэн ваш цэ́ло схачки́рибэн, на вышардя́н Ман тырэ́ свэ́нтонэ́ дыибна́са. Мэ на

зачхуавас тут, соб (кай) тэ дынаринэс (служынэс) Мánгэ марэскирэ яныбнаса, на припхэндём, соб (кай) тэ янэс фимиáмо. ²⁴ Ту на киндян Мánгэ дэсто лачхэ сунгаса пал руп, Ту на чалякирдян Ман тхулыпнаса тырэ свэнтонé дыибнастыр, нэ тырэ грэхэнца кэрдян Мánгэ пхарипэн; Мánгэ исын пхарó тырэ налачхэ рэндостыр. ²⁵ Мэ, Мэ Кокорó, отмэкава тырэ грéхи ваш Пэскэ Кокорэскэ, Мэ на пририпирава грéхи тырэ бутыр. ²⁶ Дэ Мánгэ тэ пририпирав; амэ явáса тэ кэрáс сэндо (тэ сэндякираспé); рáкир ту, соб (кай) тэ допхэнэс тырó чачипэн. ²⁷ Тырэ-дадэскиро дад кэрдя грéхо и одолé, кон мангдяпэ пал тýtэ, отгинé Мánдыр. ²⁸ Палдовá Мэ рашáнгирэ барыдырэндыр пэ свэнто штéто залыём лэнгири буты, и отдыём пэ хасибэн Яковóс, и отдыём Израилё, соб (кай) лэс тэ магирэн.

Шэрó 44

Дэвэл Бахтякирэла Израилё

¹ “Аканá шун, Яково, Миро писхáри, шун, Израилё, савó Мэ выкэдыём. ² Адякэ ракирэла Рай Дэвэл, Савó создыá тут, Савó подрикирэлас тут дáкирэ лочовáтыр: ‘На дар, Миро писхáри, Яково, на дар, дрóго Израилё, савó Мэ выкэдыём. ³ Мэ вычхуава панí пэ одолéстэ, кон древáн камóла панí, и барé панингá пэ довá, со вышутия; Мэ вычхуава Миро дýхо (фáно) пэ тырó кхэрítко рóдо и бахтякирибэн Миро пэ тырэ чхаворэндэ, савé ишчо (инкé) явэна ангíл. ⁴ И явэна ёнэ тэ барьён машкíр чар, сыр вербы (ивы) пашы́л панí. ⁵ Екх ману́ш пхэнéла: ‘Мэ сом Рáскирэ-Дэвлэскиро’, явíр кхарéла пэс Яковóскирэ лавéса, трíто чхинéла пэскирэ вастéса ‘Мэ сом Рáскирэ-Дэвлэскиро,’ и лэс кхарéна Израилёскирэ лавéса.” ⁶ Адякэ ракирэла Рай Дэвэл, Крáли Израилёскиро, Савó выкиндя лэс. Рай Дэвэл, болыбна́скирэ-янголэнги́ро: “Мэ сом пэрво и Мэ сом палатунó (последнё), нанэ явирé Дэвлэс, апрíч (кроме) Мándэ. ⁷ Кон исын ишчо (инкé) адасавó, сыр Мэ сом? Мэк ёв тэ пхэнéл, мэк тэ роспхэнэл Мánгэ екх пал екх сарó долé часостыр, сыр Мэ создыём гаратуно наро́до, ци мэк ёнэ тэ ангилпхэнэн пал довá, со явэла. ⁸ На дарэн, и на трашан: ци на пхэндём Мэ тýкэ гарá, ци на ангилпхэндём? И тумé досыкавэна (допхэнэна) пал Мándэ. Ци исын явíр Дэвэл апрíч Мándэ? Нанэ ни савí явíр скáла [нанэ явíр Дэвэл-ю.о.], ни со бутыр Мэ на джина́в. ⁹ Одолé, кон кэрéла йдолы, одолé кэрéна дылныпэн, и долé йдолы, савé исын дрóга ваш лэнгэ, кэ савé ёнэ тырдэнапэ, на янэна лэнгэ нисавó лачхипэн; адалé манушá галéна дава́ дрэ пэстэ. Ёнэ на дыкхэна, на галéна, палдава́ явэна ладжакирдé. ¹⁰ Кон кэрдя явирé дэвлорэс, кон вычхудя́ идо́ло, савэстыр нанэ ни савó лачхипэн? ¹¹ Сарé, кон кэрéла дава́, явэна ладжакирдé, пал-довá со спецы тэ вычхинэн пэ кашт, савé кэрéна йдолы, исын кокорé фэни манушá. Мэк сарé ёнэ тэ скэдэнапэ, мэк тэ явэн тэрдé: ёнэ пиридарэна (страхадéна) и явэна ладжакирдé. ¹² Фаурнари (ковалё) кэрéла састырэстыр товэр, и ёв обкэрéла пэ вангара лэс; выкэрéла лэс барé млотэнца и обкэрéла лэс пэскирэ зоралé вастéса; адякэ кэрéла буты, со ёв ячéла бокхало и бизорья́киро, ёв на пýела панí, и ёв кхинéла. ¹³ Кхэрá-кэрибна́скиро (плотни́ко), сыр выкэды́я кашт, и протырде́ла пир лэстэ мамуитко (ли́ния) и отчэртинэла лэс ярьяса, обчхинэла востронэ струментоса, обкрэнглякирэла лэс и кэрéла лэстыр гожонэ манушорэс, соб (кай) тэ чхувэл лэс дро кхэр. ¹⁴ Адава́ ману́ш пхагирéла пэскэ кедры, выкэдéла машкíр каштá дро вэш эгли и дэмбо; чхувéла ясенё, дрэ пхув, а брышы́нд дава́ кашт барья́кирэла. ¹⁵ Далé каштэстыр ману́ш татéла, хачкирэла лэс дрэ яг и пэкэла марó. И далé каштэстыр кэрéла дэвлорэс и мангэлапэ лэскэ; кэрéла идо́ло и пэрéла ангíл лэстэ пэ чангá. ¹⁶ Ёв хачкирэла пашы́л кашт дрэ яг, пэ явíр паш ёв кэравэла мас, чалéла и татéла, и ракирэла: “Куч татиём, лачхí яг.” ¹⁷ А долéстыр, со каштэстыр яця́пэ, кэрéла дэвлорэс, кэрéла пэскирэ идо́ло, мангэлапэ лэскэ, пэрéла ангíл лэстэ пэ чангá и ракирэла лэскэ: “Зрáкх ман, ту сан миро дэвла!” ¹⁸ Ёнэ ничí на джинэна и на галéна: Рай Дэвэл закэрдя лэнги́рэ якхá, соб (кай) тэ на дыкхэн и лэнги́рэ илэ, тэ на галён. ¹⁹ И на прилэла ману́ш кэ илó, и нанэ лэстэ годы́, соб (кай) тэ пхэнéл: “Мэ схачкирдём кашт пэ яг и пэ вангара пэкцём марó, кэрадём мас ци трэй мánгэ тэ кэрáв налачхипэн каштэстыр, со яця́пэ? Ци трэй тэ мангавпэ каштэскэ?” ²⁰ Ёв хáла, хохавэлапэ, хохáдо илó лыджáла явирé дромéса

лэс; и нисыр ёв на вырискирэла пэскиро ило, на пхэнэла: “Ци нанэ хохаибён дро Миро чачо васт?” ²¹ Рипирэн дава, и Израилё, тумэ сан Мирэ писхэрья. Мэ создыём тут, Израилё, ту сан Миро писхэри, на бистыр пал Мандэ. ²² Мэ скхосава (злава) тырө чорипён сыр мигла (тумано), тырэ грэхы сыр облоко, обрисёв кэ Мэ, пал-дова со Мэ выкиндём тут. ²³ Мэк тэ радынэлпэ кэ багаипэн болыбён, пал-дова со Рай Дэвэл кэрдя дава! Мэк тэ годлэл пхувитко хорипён, мэк тэ шуминэн бахтыыр бэрги, вэш, сарэ кашта дро вэш, пал-дова со Рай Дэвэл выкиндя Яковос, Ёв газдэла Пэскири патыв дро Израилё. ²⁴ Адякэ ракирэла Рай Дэвэл, Саво выкиндя тут, и Саво создыя тут дрэ дакири лочови: “Мэ сом Рай Дэвэл, Саво создыя сарө, Мэ екхджино протырдыём болыбён и Пэскирэ зорьяса росчхудём пхув. ²⁵ Мэ, Дэвэл, Саво кэрэла адякэ, со гертыка (знамении), савэ дэна хоханэ ангилпхэныбнарья, нэ сарө ивяя (напраснэс), Саво сыкавэла, сыр зджана годятыр човаханэ мануша, савэ кэрэна чорахано пхэныбён, Саво вытрадэла годьварэн манушён (магэн) и лонгиро джиныбён кэрэла дылныпнаса. ²⁶ Мэ, Дэвэл, Саво дэла зор лавэскэ, со пхэндя Миро писхэри, Саво кэрэла пир лавэ, со пхэнэна бичхадэ мануша Лэскэ, Саво ракирэла кэ Ерусалимо: “Явэна тэ дживён дрэ тутэ”, – и кэ фөрья Юдаскирэ: “Тумэ на явэна бутыр роспахигрдэ, Тумэ явэна нэвэстыр чхудэ, и Мэ нэвякирава тумарэ руйны.” ²⁷ Мэ, Дэвэл, Саво ракирэла кэ панескиро хорипён (бездна): “Вышутёв, и тырэ рэки (лэня) Мэ вышутыкирава.” ²⁸ Саво ракирэла пал Кирастэ: “Миро чхупнари; ёв кэрэла сарө пир Мирі воля, ёв пхэнэла кэ Ерусалимо. “Ту на явэса бутыр роспахигрдо, пхэнэла кэ Кхангирі: “Ту явэса чхуды пэ штэто!”

Шэрө 45

Кира, Мануш Дэвлэстыр

¹ Адякэ ракирэла Рай Дэвэл кэ Кира, савэс Ёв помакхця: Мэ рикирава тут пал чачо васт, соб (кай) тэ отдав тукэ народы, Мэ злава кустыка, со сыс пэ трушула кральэндэ, соб (кай) тэ откэрэн тукэ вударэ, и соб (кай) порта тэ на захандэлпэ. ² “Мэ джава ангил тутэ, бэрги роспахгирава, харкунэ (медитка) вударэ розмаравэ, и штабы (запоры) саструнэ пирипахгирава. ³ И Мэ отдава тукэ гарадэ дро калыпэн (цёмныма) кучипэна (сокровишчы) и приракхнэ барвалыпэна, соб (кай) ту тэ галёс, со Мэ сом Рай Дэвэл, Саво кхарэла тут пир лав, Саво исын Дэвэл Израилёскиро. ⁴ Ваш Яковоскэ, Мирэ писхарискэ, ваш Израилё, Конэс Мэ выкэдыём, Мэ кхардём тут пир лав, дыём тукэ патыв, мэк (хоть) ту на джидян Ман. ⁵ Мэ сом Рай Дэвэл и явирэс нанэ; нанэ Дэвлэс априч Мандэ, Екх Мэ сом. Мэ выкэдыём тут, коли ту на джидян Ман, ⁶ соб (кай) тэ джидян вастокостыр, кай кхам газдэлапэ и кэ западо (пал-панитко риг), кай кхам бэшэла, со нанэ явирэ Дэвлэс: Мэ сом Рай Дэвэл и явирэс нанэ. ⁷ Мэ кэрэва дуд (свэто) и кэрэва калыпэн (цёмныма), Мэ дава раманё (миро) и кэрэва бари бйда (бибэхт); Мэ, Рай Дэвэл, кэрэва дава. ⁸ Мэк болыбён тэ дэл брышынд, мэк тэ чхувэлпэ чачипэн болыбнастыр, мэк тэ откэрэлпэ пхув, соб (кай) тэ дэл зракхибён, мэк кхэтанэ тэ барьёл чачипэн. Мэ, Рай Дэвэл, кэрэва сарө дава. ⁹ Бидэ кодолэскэ, кон чингардэлапэ Дэвлэса: Саво создыя лэс, кон исын чэрэпко чэрэпкэндыр пэ пхув. Ци пхэнэла глэя (глина) пэскирэ мастероскэ: “Со ту кэрэса?”, ци пхэнэла тыри буты пал тутэ: “Лэстэ нанэ васта?” ¹⁰ Бидэ одолэскэ, кон пхэнэла пэскирэ дадэскэ: “Соскэ ту дыян мангэ джиибён?”, а дакэ ци пхэнэла ёв: “Соскэ ту бияндян ман?” ¹¹ Адякэ ракирэла Рай Дэвэл, Свэнто Израилёскиро, Саво создыя лэс: “Тумэ пхучэна Мандыр, со явэла Мирэ чхавэнца? И тумэ камэна тэ подпхэнэн, со трэй Мангэ тэ кэрэв?” ¹² Мэ создыём пхув и манушэс пэ латэ; Мэ – Мирэ васта протырдынэ болыбён и Мэ дыём припхэныбён кэ сарэ болыбнытка чэргэня (болыбнытко халадыбён). ¹³ Мэ чхудём лэс дро чачипэн, Мэ кэрэва сарэ лэскирэ дромэ мамуй (Мэ мамуякирава). Ёв кэрэла Миро форо, отмэкэла пэ воля Мирэ манушён пленостыр, на лэла лэндыр нисаво выкиныбён, ни дары”, – ракирэла Рай Дэвэл, болыбнаскирэ-янголэнгиро.” ¹⁴ Адякэ ракирэла Рай Дэвэл: “Египтяни, савэ кэрэна буты, и Ефиопляни, савэ бикнэна, и Савейцы, вучэ мануша, явэна тырэ манушэнца; ёнэ пал тутэ явэна тэ джан пхандлэ зандирьенца (цэпэнца), явэна, пэрэна пэ чанга, лэна тэ мангэн тут,

ракири: “Екх (фэни) түтэ исын Екх Дэвэл, и явирэ нанэ Дэвлэс.” ¹⁵ Чачо, Ту сан, Дэвэл гарадо? Дэвэл Израилёскиро, Зракхибнари. ¹⁶ Сарэ ёнэ явэна ладжакирдэ; кхэтанэ лэнца джана ладжаса и одолэ, кон кэрэла йдолы. ¹⁷ А Израилё явэла зракхно пир вечно зракхибэн дро Растэ-Дэвлэстэ; тумэ на явэна ладжакирдэ никели. ¹⁸ Адыкэ ракирэла Рай Дэвэл, Саво создый болыбэн; Ёв – Дэвэл, Саво счхудя пхув и дыя зор лакэ; на ивяя (напраснэс) счхудя ла, а соб (кай) тэ дживэн пэ латэ; Мэ сом Рай Дэвэл и явирэс нанэ. ¹⁹ На чораханэс Мэ ракиравас, Мэ на ракирдём пэ калó (тёмно) пхувьякиро штэто; Мэ на ракирдём кэ кхэритко рóдо Яковóскиро: “Ивяя (напраснэс) тумэ Ман родэна.” Мэ сом Рай Дэвэл, Саво ракирэла чачипэн и сыкавэла чачипэн. ²⁰ Скэдэмпэ, явэн, подджан сарэ, кон зракхцяпэ народóстыр. Мэк тэ явэн одолэ дылынэ и бура, кон лыджала каштуно идоло, кон мангэлапэ дэвлорэскэ, саво на зракхэла. ²¹ Дэн тэ джинэн манушэнгэ и пхэнэн: “Кон пхэндя дава дро гаратуно часо, кон ангилпхэндя дава? Ци на Мэ, Рай Дэвэл, и нанэ явирэ Дэвлэс апрйч Мандэ, а исын екх Дэвэл – Мэ сом Дэвэл чачунó, Саво зракхэла и нанэ никонэс явирэс апрйч Мандэ. ²² Кэ Мэ обрисён и тумэ зракхэнапэ, сарэ ягóры (край) пэ пхув, пал-дова со Мэ сом Дэвэл и нанэ явирэс. ²³ Мэ Кокорó Пёса совлахава: Мирэ уштэндыр выджала чачипэн, лав, саво на парудэла, со ангил Мандэ пэрэла пэ чангá кажно рóдыцо, пэ Мандэ совлахала кажно екхэ-чибакири ири (чиб). ²⁴ И явэна тэ ракирэн пал Мандэ адыкэ: “Фэни (тока) Екхэ Растэ-Дэвлэстэ исын зор и чачипэн; кэ Ёв явэна и явэна тэ ладжан сарэ Лэскирэ вэрги. ²⁵ Рай Дэвэл зракхэла и пир Лэстэ явэла тэ славинэлпэ кхэритко рóдо Израилёскиро.

Шэрó 46

Мулэ Идолы и Джидó Дэвэл

¹ Пыя Вило [Бэл-ю.о.] ^[1], пыя Нево; лэнгирэ йдолы пасёна пэ грэндэ и гурувэндэ, пхарó лэнгэ дава тэ лыджан кхинэ мурдалэнгэ! ² Пынэ, пынэ кхэтанэ, на зракхнэ одолэн, кон лэн лыджалас, и кокорэ гинэ дро плéно. ³ Шунэн ман, кхэр Яковóскиро, сарэ, кон яцяпэ Израилёскирэ кхэрэстыр, конэс Мэ прилыём бияныпнастыр и Мэ лыджава с дакирэ лочовятыр. ⁴ Тумэ пхурьёна, а Мэ адасаво явава; парнёна тумарэ бала, а Мэ явава тэ лыджав тумэн. Мэ создыём тумэн и лавá тэ лыджав, Мэ лава тэ подрикирав, Мэ явава тэ ракхав тумэн. ⁵ Пэ конэстэ Мэ зджава (поджава), сыр тумэ думинэна, кон исын Адасаво, сыр Мэ сом? ⁶ Манушá дорэсэна сувнакай кисыкатыр, ублавэна руп и кхарэна манушэс, соб (кай) ёв тэ кэрэл лэстыр дэвлэс; мангэнпэ дэвлэскэ и пэрэн пэ чангá ангил лэстэ. ⁷ Ёнэ лэна лэс пэ псикэ, лыджана лэс, чхувэна пэ лэскиро штэто, ёв исын тэрдó, ёв на зджала штэтóстыр; манушá годлэна, нэ ёв ничй на пхэнэла, на ракхэла бидатыр. ⁸ Пририпирэн дава и сыкавэн пэс муршэнца; прилэн дава кэ илó, манушáлэ, савэ отгинэ чачунэ Дэвлэстыр. ⁹ Пририпирэн дова, со сыс англэдыр сарэстыр, пал-дова со Мэ сом Дэвэл и нанэ явирэ Дэвлэс, нанэ никонэс, кон зджала (поджала) пэ Мандэ. ¹⁰ Мэ пхэнава англэдыр сарэстыр, со тэньчи дро кóнцо (дро ягóро) явэла, гаратунэ часостыр Мэ ракирава пал дова, со ишчо (инкэ) на кэрдяпэ: Явэла пир Миро годыпэн (совето); Мэ кэрава сарó, со Мángэ исын пир илó. ¹¹ Мэ кхардём орлос (кидос) вастокóстыр; дуратунэ ригатыр Мэ кхардём одолэс, кон кэрэла пир Миро припхэныбэн. Мэ пхэндём и кэрава кэ кóнцо (ягóро); ангилпхэндём и явэла адыкэ. ¹² Пошунэн Ман, манушá холямэ илэса, савэ отгинэ чачипнастыр. ¹³ Подгйя Миро чачипэн, ёв исын нэдур, сыгэс явэла Миро зракхибэн; Мэ дава зракхибэн Сионоска, а Израилёска – Мирй патыв.

46:1 ^[1] Давá лав сыкавэла пэ сáмо барó Халдеегиро идоло (Мардух).

Шэрó 47

Сэ́ндо пэ Вавило́но

¹ “Джа́, бэш пэ пра́хо, патывалы́ тэрны́ джувлы́, чхай Вавилоноскири, бэш пэ пхув. Нанэ трono (кралитко штэто), чхай Халдеенгири, на пхэнэна пал т́утэ бутыр, со ту сан шукáр и барвалы. ² Лэ жорны (вэлэдин) и мелин яржó, злэ тырó дыкхло, гáздэ тыр́и подя (труюны), сыка́в тыр́э гэрá, джа́ пир рэ́ки (лэня́). ³ Одкэрлапэ тырó нангипэн, явэ́ла бицялы тыр́и ладж. Кэра́ва Мэ сэ́ндо, Мэ на потангинава никонэс.” ⁴ Амарó Зракхибнари исын Свэ́нто Израилёскиро, Лэскиро лав – Рай Дэвэл, болыбна́скирэ-янголэнги́ро. ⁵ Бэш, на ра́кир ничи́, джа́ дрэ калыпэн (цёмныма), чхай Халдеенгири, бутыр на явэ́на тэ кхарэ́н тут раняса дро кралипэн. ⁶ Холясыём Мэ пэ Миро наро́до, хасякирдём Мирé чхавэн, отдыём лэн дрэ тыр́э вастá, Вавило́но, а ту на потангиндя́н лэн; пхурó ману́ш лыджия́ тырó пхарипэн. ⁷ Ту ракирэ́сас: ‘Сарó джи́ибэн мэ ява́ва раняса,’ – а ту на прилы́ян тыр́э годя́са, на думиндя́н, со дурэды́р явэ́ла. ⁸ Аканá вышун дава́, роспестиндлы, биракхибнаскири, сави́ ракирэ́ла дро пэскиро ило́: ‘Мэ сом екх адасави, яви́рья нанэ; мэ на ячавапэ биромэскири (пивля́са), мэ на хасякира́ва чхаворэ́н.’ ⁹ Нэ ко́ли ту на ужакирэ́са, то сарó кэ ту явэ́ла: и ромэс хасякирэ́са и чхаворэ́н дро екх дывэ́с; явэ́ла кэ ту биба́хт пхэрдэ́с, на зракхэ́ла тут чорахано джины́бэн и бари зор чораханы. ¹⁰ Т́утэ сыс на́де́я пэ тыр́э нала́чхэ рэ́нды, ту пхэндя́н: ‘Никон ман на дыкхэ́ла.’ Тыр́и годы́ и тырó джины́бэн змардэ́ тут дромэ́стыр; ту ракирэ́сас дро тырó ило́: ‘Мэ сом, и бутыр нанэ никонэ́с апри́ч Ма́ндэ.’ ¹¹ Явэ́ла кэ ту чорипэн (биба́хт); ту на галё́са, савэ́ ригаты́р ёй газдэ́лапэ; явэ́ла кэ ту би́да, и ту ла́тыр на нашэ́са; явэ́ла хаси́бэн, пал саво́ ту на думинэ́са. ¹² Ячпэ тыр́э чораханэ́ джины́бна́са, саво́ ту лы́ян тэ кэ́рэс ишчо́ (инкэ́) дро тэрны́пэн, зракхпэ́ лэ́са бидаты́р. ¹³ Ту кхи́ныян, пал-дова́ со прилы́ян бут годы́пэн (советы́); мэк тэ явэ́н одолэ́, кон ангилпхэ́нэла пир болы́бэн, пир нэво́ чхон и чэргэ́ня, мэк тэ зракхэ́н ё́нэ тут долэ́стыр, со явэ́ла. ¹⁴ Акэ́, ё́нэ исын сыр пхус, яг схачкирдя́ лэн, на зракхнэ́ ё́нэ пэскиро джи́ибэн ягаты́р; ничи́ на я́цяпэ – ни ванга́р, соб (кай) тэ татё́с, ни яг, соб (кай) тэ бэшэ́с на́бут паш ла́тэ. ¹⁵ Акэ́, савэ́ ячнэ́ одолэ́, конэ́са ту кэ́рэсас буты́, конэ́са ту тимися́кирэ́сас (таргинэ́сас) ишчо́ (инкэ́) дро тыр́э тэрнэ́ бэрша́. Кажно́ гия́ пэ пэскири́ риг; никон на зракхэ́ла тут.

Шэрó 48

Свэ́нто Писха́ри Дэвлэ́скиро Зракхэ́ла Нарто́ (Упря́мо) Израилё́

¹ Шунэ́н дава́, кхэр Яковóскиро, сарé, кон кхарэ́лапэ Израилёскирэ́ лавэ́са, кон бия́ндыя Юда́скирэ́ родóстыр, кон совлахала́ Ра́скирэ́-Дэвлэ́скирэ́ лавэ́са и патя́ла Израилёскирэ́ Дэвлэ́скэ́, мэк (хо́ць) ёв на патя́ла на пир патя́ибэн и чачипэн! ² Ё́нэ пхэнэ́на, со ё́нэ исын свэ́нтонэ́ форóстыр, со Дэвэл Израилёскиро, Конэ́скиро лав исын Рай Дэвэл, болыбна́скирэ-янголэнги́ро, подри́кирэ́ла лэн. ³ Мэ пхэ́на́вас англэ́ды́р (вагэ́дыр), гара́ ангил дава́, сыр сарó явэ́ла; Мирé уштэ́ндыр вы́джáлас лав, и Мэ ангилпхэ́на́вас, и кэ́равас, ко́ли на ужаки́рнас, и сарó дава́ кэ́рдя́пэ (сыс). ⁴ Мэ джиндём, со ту на камэ́са тэ кандэ́с, дрэ тыр́и мэ́н исын са́струнэ́ жылы, тырó чэ́кат исын харкуно́ (медно́). ⁵ Палдава́ Мэ пхэ́на́вас т́укэ́ гара́ (ваго́) ангил дова́, сыр дава́ кэ́рэласпэ́, Мэ сы́кава́вас т́укэ́, соб (кай) ту тэ на пхэ́нэс: ‘Миро́ идо́ло кэ́рдя́ дава́, миро́ дэ́влоро, саво́ вастá кэ́рдэ́, при́пхэндя́, соб (кай) а́дякэ́ тэ явэ́л.’ ⁶ Ту шундя́н; на дыкх́и пэ сарó дава́, со исын: ци́ тумэ́ дава́ на при́джинэ́на? Аканá Мэ пхэ́на́ва т́укэ́ нэво́ и гарадо́, и ту на джиндя́н дава́. ⁷ Аканá дава́ кэ́рдя́пэ, а на́гара на пир дывэ́с, и; ту на шундя́н пал дава́, соб (кай) тэ на пхэ́нэс: ‘Акэ́, мэ джиндём дава́.’ ⁸ Ту на шундя́н, и на джиндя́н пал дава́, тырó кан на сыс откэ́рдо, пал-дова́ со Мэ джиндём, со ту отпэ́рэса: ту хохавэ́са и ту сан бунтя́ри (отги́ибна́ри) ишчо́ (инкэ́) да́кирэ́ лочовя́тыр. ⁹ Ваш́ Миро́ лав Мэ пи́рияча́вас тэ холя́совав, ваш́ Ми́ри́ патыв́ Мэ обри́кира́вас Пэ́с тэ хася́кира́в тут. ¹⁰ Акэ́, Мэ би́ладём

(росплавиндём) тут, нэ на адякэ, сыр руп; Мэ пропатякирдём тут сыр дро бов пир барэ мэньки. ¹¹ Ваш Пэскэ Кокорэскэ, ваш Пэскэ Кокорэскэ Мэ кэрава дава, соб (кай), сыр тэ на калякирэн Миро лав! Мири патыв и барипэн Мэ никонэскэ на отдава.

Дэвлэскиро Плано тэ Зракхэл Израилё

¹² Пошун Ман, Яково, шун, Израилё, кхардо Миро: Мэ сом Одова, Саво със, Мэ сом пэрво (англатунó) и палатунó (последнё). ¹³ Миро васт создыя пхув; Миро чачó (право) васт протырдыя болыбэн; ко́ли Мэ кхарава лэн, то ёнэ кхэтанэ явэна. ¹⁴ Скэдэ́нпэ сарэ, пошунэн! Кон машки́р лэндэ ангилпхэндя дава? Рáскэ-Дэвлэскэ яця́ пир ило́ ёв, (Кира); ёв кэрэ́ла пир Дэвлэскири во́ля дро Вавило́но, сыкавэ́ла Дэвлэскиро васт машки́р Халдеендэ. ¹⁵ ‘Мэ, Мэ пхэндём и кхардём лэс; Мэ лэс яндём, и лэскиро дром явэ́ла бахталó. ¹⁶ Явэн кэ мэ, шунэн дава лав: ‘Мэ нико́ли на ракиравас чораханэс и самонэ англыпна́стыр; долэ часостыр, сыр сарó дава кэрэласпэ, Мэ одóй со́мас, и аканá бичхадя́ Ман Рай Дэвэл, Дэвэл и Лэскиро Ду́хо (Фа́но).’ ¹⁷ Адя́кэ ракирэ́ла Рай Дэвэл, Савó выкиндя́ тут, ракирэ́ла Свэ́нто Израилёскиро: “Мэ сом Рай Дэвэл, Дэвэл тыро́. Мэ сыклякирава́ тут, Мэ лыджáва тут долэ дромэ́са, кай трэй ту́кэ тэ джас. ¹⁸ Нэ ко́ли б ту шундя́н Мирé лавá! Тэ́ньци б рама́нэ (миро) тыро́ тэ явэл сыр рэ́ка (лэнь), чачипэн тыро́ – сыр рэ́ки (лэня) барэ. ¹⁹ И ро́до б тыро́ тэ явэл, сыр пра́хо; выджáнас бы ту́тыр бут манушá; на выкхосэласпэ, на хасёлас б тыро́ лав ангил Ма́ндэ.” ²⁰ Выджáн Вавилонóстыр, нашэн: явнэ́ Халдеи; радынэ́нпэ и пхэнэн пал дава́; пхэнэн дава́ лав пир сарí пхув, ракирэн: “Рай Дэвэл выкиндя́ Пэскирэ писхарис, Яковóс. ²¹ Ёв лыджáла лэн пэ чхучэ́ пхувья́, а ёнэ тэ пьен на камэ́на. Ёв дэ́ла лэ́нгэ пани́ барэстыр; Ёв пхагирéла бэ́рга и пани́ чхувэ́лапэ. ²² А грэхитконэ́ манушэ́нгэ нанэ рама́нэ (миро)”, – ракирэ́ла Рай Дэвэл.

Шэро́ 49

Израилё исын Дуд (Свэ́то) Наюдытконэ́ Нацыенгэ

¹ Шунэн Ман, острова́ (пхувья́ пэ мо́рэ (дэря́в)). Шунэн, ду́ратунэ́ народы: Рай Дэвэл прикхардя́ ман, (Израилё), да́кирэ́ лочовя́тыр; Мэ ишчо́ (инкэ́) на бияндыём, а Ёв кхарэ́лас Ман пир лав. ² И создыя́ Ёв Мирé ушта́ сыр востро курта́ла; Лэскирэ́ вастэ́са Ёв учхакирэ́лас Ман; Ёв кэрдя́ Ма́ндыр востро ма́рибны́тко буст (стрела), Ёв ра́кхэ́лас Ман дро Пэскиро колчано. ³ И пхэндя́ Ма́нгэ: “Ту сан писха́ри Миро, Израилё, Ту дэ́са Ма́нгэ патыв и барипэн: ⁴ А Мэ пхэндём: “Ивья́ (напра́снэс) Мэ кэравас бу́ты, Мэ на́шадём (хасякирдём) пэскири зор. Нэ миро чачипэн кэ́ Рай Дэвэл; Дэвэл миро отпарикирэ́ла Ма́нгэ.” ⁵ Аканá ракирэ́ла Рай Дэвэл, Савó кхардя́ Ман ишчо́ (инкэ́) дрэ́ да́кири лочови́, соб (кай) тэ́ явав Мэ Лэскирэ́ дына́риса, соб (кай) Мэ тэ́ прикхарав кэ́ Ёв Яковóс, и, соб (кай) Израилё́ кэ́ Ёв тэ́ скэдэлпэ́. Мэ прилыём́ патыв́ дрэ́ якха́ Ра́скирэ-Дэвлэскирэ́; Дэвэл Миро исын Ми́ри зор. ⁶ И Ёв пхэндя́: “Дава́ исын набарó рэ́ндо ваш Ту́кэ, со́ ту явэ́са Миро писха́ри, соб (кай) тэ́ дживэл ро́дыцо Яковóскиро, соб (кай) тэ́ рисёл́ ячаибэ́н Израилёскиро; нэ́ дава́ ишчо́ (инкэ́) нанэ сарó. Нэ́ кэра́ва Мэ́ Тут дудэ́са (свэ́тоса) ваш манушэ́нгэ, соб (кай) тэ́ джинэн́ Миро зракхибэ́н сарэ́ яго́ры (концы) пэ́ пхув.” ⁷ Адя́кэ ракирэ́ла Рай Дэвэл, Израилёскиро Свэ́нто, Савó выкиндя́ Израилё́, адя́кэ ракирэ́ла кэ́ наро́до, савэ́с сарэ́ кошэ́на и традэ́на, савó исын писха́ри барэ́ рандэ́: “Кра́лья дыкхэ́на и уштэ́на; тхага́рья (кня́зи) пэ́ чанга́ пэрна́ ваш Ра́скэ-Дэвлэ́скэ, Савó исын чачуно́, ваш Свэ́нто Израилёскиро, Савó Тут выкэ́дыя.” ⁸ Адя́кэ ракирэ́ла Рай Дэвэл: “Дрэ́ лачхэ́ дывэ́са́ Мэ́ тут шундём; дро́ дывэ́с, ко́ли исын зракхибэ́н, Мэ́ подрикирдём́ Тут. Мэ́ ява́ва тэ́ ра́кхав́ Тут, кэра́ва Ту́тыр за́вето ваш манушэ́нгэ, соб (кай) пхув тэ́ отджи́дякирэ́с; соб (кай) тэ́ отлэ́с палэ́ росчордо́ мэ́кно́ мишты́пэн, тэ́ рискирэ́с ла́ (пхув) при́лыи́бна́скирэнгэ́ (на́следникэ́нгэ); ⁹ соб (кай) тэ́ пхэ́нэс манушэ́нгэ́ дрэ́ бэ́шыбэ́н: ‘Выджáн!’ – манушэ́нгэ, савэ́ исын дро́ калы́пэн (ця́млы́пэн): ‘Сыкавэ́н пэс!’ Ё́нэ па́шы́л дро́м явэ́на тэ́ ча́равэ́н, пир сарэ́ бэ́ргицы́ явэ́на лэ́нгирэ́ ча́ритка́ фэ́лды. ¹⁰ На́ явэ́на ё́нэ тэ́ бо́кхалэ́н, на́ явэ́на ё́нэ би́ панески́ро (тру́шалэ), кхам́ лэн на́ пэ́кэла; Кодова́, Кон

тангинэла (жалинэла) лэн, лыджала лэн и янэла кэ пани. ¹¹ И сарэ Мирэ бэргэндэр Мэ кэрава дроморо; и дрома Мирэ газдэнапэ (явэна газдынэ). ¹² Акэ, явэна мануша дурипнастыр, явэна паш-ратятыр (северостыр) и морёстыр (дэрьявэстыр), а явир явэна Синимоскиро пхувьятыр.” ¹³ Рáдынпэ, болыбэн, яв лошалёв (веселинпэ), пхув; бэрги, годлэн бахтытыр: подрикирдя Рай Дэвэл Пёскиро народо, потангиндя Пёскирэ манушэн, савэ страдынэнас.

Дэвэл Дэла Лав тэ Рипирэл Сионо

¹⁴ А Сионо ракирэла: “Ячкирдя ман Рай Дэвэл; бистырдя ман Дэвэл миро!” ¹⁵ Ци забистрэла джувлы (манушны) пёскирэ биятос, ци на потангинэла пёскирэ чхавэс? Нэ коли ёй бистрэла, Мэ тут на бистрава. ¹⁶ Акэ, Мэ чхиндём тут пэ Мирэ васта; ванты тырэ саро часо исын ангил Мандэ. ¹⁷ Тырэ чхавэ явэна тэ прастан кэ ту, джана тэтыр одолэ, кон пхагирэлас и обчорэлас тут. ¹⁸ Ёздэ тырэ якха, подыхк пир рига, – сарэ ёнэ скэдэнапэ, джана кэ ту. Тэ дживав Мэ, – ракирэла Рай Дэвэл: – лэнца сарэнца ту укэдэсапэ, сыр гожонэ урибнаса; укэдэсапэ лэнца, сыр тэрны. ¹⁹ Дрэ тырэ роспахирдэ кхэра, пэ тырэ чхучэ пхувья и пэ тыри обчорды пхув на явэла штэто, соб (кай) тэ дживэн одолэ, кон халас тут, джана криг тэтыр. ²⁰ Бияты, савэ выбарьёна тэты, коли явирэ чхаворэн ту хасякирэса, пхэнэна тэты: ‘Нанэ мангэ штэто, дэ мангэ лэс, соб (кай) мэ тэ дживав.’ ²¹ И пхэнэса ту дро пёскиро ило: “Кон бияндя лэн ваш мангэ? Мандэ на сыс чхаворэ, мэ на бияналас, залынэ ман дро плéно дур адатхыр, а кон лэн барьякирдя? Акэ, мэ сомас екхджины кокори, а кай ёнэ сыс?” ²² Адякэ ракирэла Рай Дэвэл: “Акэ, Мэ газдава Миро васт кэ народы, Мэ сыкавава Миро стяго (флаго) родыцэнгэ и янэна пэ васта тырэ чхавэн, а чхаён тырэн – пэ психэ. ²³ И явэна кралья тэ чалякирэн тут; кралицы лэнгирэ тут чалякирэна. И явэна тэ пэрэн ангил тэты пэ чанга и тэ хан прахо тырэ гэрэндэр. Тэныци уджинэса ту, со Мэ сом Рай Дэвэл; со на ладжана мануша, конэстэ исын пэ Мандэ надэя.” ²⁴ Ци отлэна зоралэстыр дова, со ёв дорэстя? Ци залэна зоралэ манушэстыр одолэн, конэс ёв залыя дро плéно? ²⁵ Адякэ ракирэла Рай-Дэвэл: “И отлэна пленнонэ манушэн, конэс лыя дро плéно зоралэ халадо; отлэна дорэсыбэн тираностыр (зобаростыр) и зракхэна лэн, пал-дова со Мэ лава тэ маравпэ, тырэ вэргэнца, и Мэ зракхава тырэ чхавэн. ²⁶ И одолэ, кон пэ тэты газдыяпэ, явэна тэ хан пёскири лоч (плоть); и явэна тэ пьен пёскиро рат, сыр тэрны мол (вино), и кажно лоч (плоть) галёла, со Мэ сом Рай Дэвэл, Зракхибнари тыро, Саво Тут выкиндя, Зоралэ Яковоскиро.”

Шэро 50

Сыр Мэнчынэлапэ Свэнто Дэвлэскиро

¹ Адякэ ракирэла Рай Дэвэл: “Кай исын лыл пал дова, со тумари дай розгийпэ ромэса, кай исын дава лыл, савэса Мэ отмэкцём ла? И конэскэ Мэ бикиндём тумэн? Акэ, бикиндлэ тумэн пал тумарэ грэхи, пал чорипэн тумаро сыс отмэкны тумари дай. ² Соскэ на сыс никонэс, коли Мэ явавалас, и никон на отпхэндя, кэли Мэ кхардём? Ци Миро васт бутыр на зракхэла, ци нанэ Мандэ зор, соб (кай) тэ зракхав? Акэ, Мирэ страхаса Мэ шутыкирава мóre (дэрьяв), кэрава чхучи пхув рэкэндэр (лэнорьэндэр); мачхэ дрэ лэндэ кирнёна и мэрэна, пал-дова со нанэ пани. ³ Мэ учхакирава болыбэн калыпнаса и сыр жалобнонэ гонэстыр праскаса Мэ кэрава учхакирибэн ваш болыбэн.” ⁴ Рай Дэвэл дыя мангэ чиб годьварэ манушэндэр, соб (кай) Мэ лавэса тэ подрикирав кодолэс, кон бутыр на вырикирэла; тасярлэс (ранэс) Ёв джингавэла Ман, джингавэла кан Миро, соб (кай) Мэ тэ шунав, сыр сыкляибнытко. ⁵ Рай Дэвэл откэрдя Мангэ кан, и Мэ на сомас проти, Мэ на гиём палэ. ⁶ Мэ отдыём Миро думо, соб (кай) тэ марэн Ман; Мирэ чама (шчоки), соб (кай) тэ пэкавэн; муй Миро Мэ на закэрдём кошыбнастыр и чунгардыпнастыр. ⁷ И Рай Дэвэл дэла васт (помогинэла) Мангэ, палдава Мэ на ладжава, палдава Мэ рикирава Миро муй сыр бар, и Мэ джином (джинав), со Мэ на ячавапэ ладжакирдэ. ⁸ Пашылэдыр исын одова, кон пхэнэла

чачипэн пал Мандэ: кон камэла тэ марэлпэ Мánца? Тэрдэваса кхэтанэ! Кон камэла тэ сэндякирэлпэ Мánца? Мэк ёв тэ подджал кэ Мэ. ⁹ Акэ, Рай Дэвэл дэла васт (помогинэла) Мánгэ: кон сэндякирэла Ман? Акэ, сарэ ёнэ исын, сыр идя: пхурьёна, хасёна. ¹⁰ Кон тумэндэр дарэла Рáстыр-Дэвлэстыр, кандэла Лэскирэ-Писхарискири (Рабоскири) зан? Кон псирэла дро калыпэн (мрако) би дудэскиро (би свэтоскиро), мэк ёв тэ рикирэлпэ Рáскирэ-Дэвлэскирэ лавэса, мэк ёв тэ чхувэл пэскиро илэ дрэ пэскирэ Дэвлэстэ. ¹¹ Акэ, сарэ тумэ, кон хачкирэла яг, конэстыр джана хачкирдэ искры сыр марибнытка бустя (стрэлы)! Джан дрэ яг и искры тумарэ стрелэндэр! Давá прилэна тумэ Мирэ вастэстыр, дрэ мэньки (бибáхт) тумэ хасёна (мэрэна).

Шэрó 51

Рай Дэвэл Подрикирэла Сионо

¹ “Шунэн Ман одолэ, кон родэла чачипэн, родэла Рас-Дэвлэс! Дыкхэн аканá пэ бэрга, савьятыр тумэн вычингирдэ, пэ хорипэн дро рово (хохой), катыр тумэн дорэснэ. ² Подыкхэн пэ Авраамостэ, тумарэ дадэстэ и пэ Саратэ, сави тумэн бияндя! Мэ кхардём лэс екхэс, дыём лэскэ бахтякирибэн, дыём лэскэ бут чхаворэн. ³ Чачо, Рай Дэвэл подрикирла Сионо, подрикирла лэскирэ роспахгирдэ кхэра; а чхучи пхув лэскири Ёв кэрэла сыр раё, и мал (степ) лэскири пирикэрэла сыр ўнта (садо) Раскири-Дэвлэскири; радыма и весёлыма (лош) одой явэна, парикирибэн и багаибэн. ⁴ Пошунэн Ман, Миро народо и кхэритко рóдо Миро! Пошунэн Ман тумарэ канэнца! Мандыр выджала Закóно, и сэндо Миро чхувáва сыр дуд (свэто) ваш народы. ⁵ Пашылэдэр исын Миро чачипэн; и джала упрэ Миро зракхибэн и васт Миро сэндякирэла народы. Острова явэна тэ рикирэн надёя пэ Мандэ, и явэла надёя пэ Миро васт. ⁶ Ёздэн тумарэ якхá кэ болыбэн и подыкхэн тэлэ пэ пхув: болыбэн хасёла сыр тхув, а пхув кэрлапэ сыр пхураны идя, манушá пэ латэ вымэрэна, а Миро зракхибэн исын вечно; чачипэн Миро на хасёла. ⁷ Пошунэн Ман, кон джинэла чачипэн, народо, савэстэ дро илэ исын Миро Закóно! На дарэн, коли традэна тумэн манушá, на дарэн лэнгирэ налачхэ лавэндэр! ⁸ Пал-довá со ёнэ хасёна; кирмо схала лэн, сыр вылна (шэрс), а чачипэн Миро явэла вечно, зракхибэн Миро николи на пириячэла.” ⁹ Ёздэпэ, гáздэпэ, яв зоралó, васт Рáскирэ-Дэвлэскиро! Ёздэпэ сыр дрэ пхуранэ бэршá, коли гаратуно рóдо дживэлáс! Ци на ту хасякирдян Раавос, хасякирдян крокодилос? ¹⁰ Ци на ту вышутькирдян мóрэ (дэрьяв); шутькирдян пани, савó исын дро лóно (адо) хор тэлал; кэрдян мóрэ (дэрьяв) дромэса, соб (кай) тэ джан манушá, савэн выкиндя Рай Дэвэл? ¹¹ И рисёна одолэ, савэн зракхця Рай Дэвэл, и явэна пэ Сионо багаибнаса, радыма лэнгири николи на пириячэла; ёнэ явэна бахталэ и весёла (лошалэ); ясва и бибахталэ гондя (ўздохи) отджана. ¹² “Мэ, Мэ Кокорó подрикирава тумэн. Кон ту сан, коли дарэса манушэстыр, савó мэрэла, дарэса манушэскирэ чхавэстыр, савó исын адасавó, сыр чар? ¹³ Кон ту сан, коли бистрэса Рас-Дэвлэс, Савó тут создйá, Савó протырдыя болыбэн и дыя джибэн пхувьякэ? Кажно дывэс ту дарэса тырэ-вэргоскирэ холятыр, адякэ, сырбы вэрго исын пашыл тýtэ, савó камэла тэ хасякирэл тут. Нэ кай исын лэскири холы? ¹⁴ Сыгэс выджала запхандло мануш (дро плéно) пэ воля, и ёв на мэрэла дрэ ганбин (яма), и явэла лэстэ марó. ¹⁵ Мэ сом Рай Дэвэл, Дэвэл тырó, Савó гáздэла мóрэ (дэрьяв) адякэ, со ёв годлэла (ревинэла); Рай Дэвэл, болыбнаскирэ-янголэнгиро исын Лэскиро лав. ¹⁶ Мэ чхувáва андрэ Мирэ лавá дрэ тырэ уштá, зэрьяса (тенёса) Пэскирэ вастэстыр Мэ учхакирава тут, соб (кай) тэ кэрáв болыбэн, и тэ дав зор пхувьякэ, и тэ пхэнáв кэ Сионо: ‘Ту сан Миро народо.’” ¹⁷ Уштý, уштý, гáздэпэ, Ерусалимо, ту, савó выпиян Рáскирэ-Дэвлэскирэ вастэстыр тахтáй (чаша) холяса, ту выпиян тахтáй пибнаса, савó матьякирэла, выпиян лэс сарэса. ¹⁸ На сыс конэскэ тэ лыджал лэс, сарэ чхавэндэр, савэ бияндынэ лэстыр, на сыс конэскэ тэ подрикирэл пал васт, сарэ чхавэндэр, савэн ёв барьякирдя. ¹⁹ Явнэ кэ ту дуй биды, кон тут потангинэла (пожалинэла): чхучипэн (пустота) и хасякирибэн, бокх и куртáла; конэса Мэ тут тэ подрикирав? ²⁰ Тырэ чхавэ ячнэ бизорьякирэ, ёнэ исын паштэ пэ сарэ вулицы (гáсы), пхандлэ сыр мирга (серна) дрэ фэлы

(петля); пэ лэндэ пхэрдия Тырэ Рáскирэ-Дэвлэскири холы; Тырэ-Дэвлэскиро годлыпэн. ²¹ Палдава, вышун дава, бибахталó, и мато на молятыр (виностыр)! ²² Адыкэ ракирэла тырó Рай Дэвэл, и Дэвэл тырó, Савó отхала (отдэла палэ) пал Пэскиро народо: “Акэ, Мэ лава тырэ вастэстыр тахтай (чаша) пибнаса, савó матькирэла; рошчына (дрожжы) Мирé тахтастыр холяса; Ту бутыр одотхыр на пьеса. ²³ И Мэ дава лэс (тахтай) тырэ вэргэнгэ, савэ тут мэнчынэнас; Мэ дава тахтай дрэ лэнгирэ васта. Мэ дава лэс одолэнгэ, савэ ракирнас: ‘Пэр тырэ мо́са, соб (кай) тэ джас пир тутэ’, – и думо тырó явэлас сырбы пхув и гáса, соб (кай) тэ джан.’”

Шэрó 52

Дэвэл Выракхэла Ерусалимо

¹ Уштý, уштý, прилэ тырý зор, Сионо! Ури тырэ ýди, Ерусалимо, ýди, савэ дэна тýкэ патýив, свэ́нто фóро! Бутыр на заджала кэ ту наобчхиндло и магирдо мануш. ² Тринскир пэстыр прахо, уштý, Ерусалимо, савó сыс дрэ наволя, злэ зандир (ланцо) тырэ мэнятыр, чхай Сионóскири дро плéно! ³ Адыкэ ракирэла Рай Дэвэл: “Билóвэнгиро тумэн бикиндлэ, бирупэскиро тумэн выкинэна.” ⁴ Адыкэ ракирэла Рай Дэвэл: “Миро народо псирэлас англэдыр дро Егýпто, соб (кай) тэ дживэл одóй; Асу́ро (Асирийцы) ни палсó притасавэлас лэн. ⁵ Каканá, со исын Мáндэ адай?” – ракирэла Рай Дэвэл: “Довá, со ивья́ (напрáснэс) залынэ Мирó народо; лэнгирэ барэ рая холясона,” – ракирэла Рай Дэвэл, – “и кажно мо́ло, кажно дывэс ёнэ на дэна патýив Мирé лавэскэ. ⁶ Палдава уджинэла Мирó народо Мирó лав, палдава уджинэла дро довá дывэс, со Мэ сом Одовá, Кон пхэндя: Акэ, Мэ сом!” ⁷ Савэ лачхэ, савэ гожа исын пэ бэрги одолэ-манушэскирэ гэрá, савó пхэнэла лачхý зан (звесь), савó пхэнэла пал радыма, роспхэнэла пал зракхибэн, савó ракирэла Сионоскэ: “Прилыя кралипэн тырó Дэвэл!” ⁸ Акэ, газдынэ зан тырэ раххибна́рья, газдынэ зан, ёнэ радынэнпэ кхэтанэ, пал-довá, со дыкхэна пэскирэ якхэнца, сыр Рай Дэвэл рисёла дро Сионо. ⁹ Радынэнпэ, баган кхэтанэ, штэты Ерусалимо́скирэ: подрикирдя Рай Дэвэл Пэскиро народо, выкиндя Ерусалимо. ¹⁰ Сыкадя сарэнгэ Рай Дэвэл Пэскиро свэ́нто васт, соб (кай) тэ дыкхэн сарэ народы; сарэ пхувьякирэ яго́ры (концы) дыкхэна амарэ Дэвлэскиро зракхибэн. ¹¹ Джан, джан, выджан одотхыр, на лэнпэ пал магирдо, уджан лэстыр, жужакирэн пэс одолэ, кон лыджала кхорэ (сасуды) Рáскирэ-Дэвлэскирэ. ¹² Тумэнгэ на явэла трэй сы́гэс тэ джан, тумэ на попрастана; пал-довá со Рай Дэвэл ангýл тумэндэ явэла, Дэвэл Израилёскиро явэла тумарэ раххибна́риса палал пал тумэндэ. ¹³ Акэ, писхари Мирó бахтякирдо явэла, газдэлапэ дрэ патýив, явэла шардо, и прилэла барипэн. ¹⁴ Кицы манушá дивинэнаспэ, кели дыкхнэ пэ Тутэ! Ёв адыкэ парудяпэ марибнастыр, со на сыс Лэстэ манушýтко муй, адыкэ Ёв выдыкхэлас, со и на сыс Лэстэ манушýтко патрýн (óбразо)? ¹⁵ Адыкэ бут народы дивинэнаспэ Лэстыр; крáлья закэрна (пхандэна) пэскирэ уштá ангýл Лэстэ, пал-довá со ёнэ дыкхэна и джинэна довá, со ёнэ на шундлэ, со николи лэнгэ на ракирдэ.

Шэрó 53

¹ Кон патяндя лавэскэ, савó шундлэ амэндýр, конэскэ откэрдяпэ Рáскирэ-Дэвлэскиро васт? ² Ёв выбария ангýл Лэстэ сыр чарори, сыр отбарипэн шукэ пхувьятыр; Ёв на выдыкхэлас, сыр мануш патывалэ минаса, на сыс дрэ Лэстэ барипэн; амэ Лэс дыкхэ́ям, и Лэстэ на сыс дасаво, со б притырдя амэн кэ Ёв. ³ Ёв сыс, сыр нисó ангýл манушэндэ, Лэскэ на дынэ патýив манушá; Мурш, Савó прилыя дукхá амарэ и насвалыпэн; амэ отрисиям Лэстыр пэскирэ мо́са; амэ на камдым тэ дыкхас пэ Лэстэ, амэ на приласас Лэс. ⁴ Нэ Ёв лыя пэ Лэстэ амарó бизорьякирибэн, Ёв лыджия амарó насвалыпэн, а амэ думиндым, со дава Дэвэл дукхадя Лэс, чхудя кáра пэ Лэстэ и чхудя пхарипэн пэ Лэстэ. ⁵ Нэ Ёв страдынэлас пал амарэ грéхи, пал амарó чорипэн Лэс мэнчинэнас; кáра, савý яндя свéто пэ амэндэ, сыс пэ

Лэстэ, Лэскирэ франсостыр (дукхатыр) амэ яцям састэ. ⁶ Сарэ амэ, сыр бакрjá псирасас, гиям кажно пэскирэ дромэса, и Рай Дэвэл чхудя пэ Лэстэ грэхи, саво сарэ амэ кэрдям. ⁷ Лэс марэнас, и притасавэнас, нэ Ёв выкэдыя тэ страдынэл, Ёв на откэрэлас Пэскирэ уштá; сыр бакри Ёв гия пэ мэрибэн; сыр бакрорó ничи на пхэнэла, коли злэнас лэскири вылна, адякэ Ёв Пэскирэ уштá на откэрэлас. ⁸ Лэс лынэ сэндостыр и бэшыбнастыр, нэ пал рóдо Лэскиро, кон пхэнэла? Ёв сыс отчурдыно джидэ манушэнгирэ пхувьятыр; мыя пал грэхо, саво кэрдя Миро народо. ⁹ Лэс камлэ тэ гаравэн кхэтанэ прахарьенца, нэ Ёв сыс гарадо кэ барвалó мануш, пал-довá со Ёв на кэрдя грэхо, и на сыс хохаибэн дрэ Лэскирэ уштá. ¹⁰ Нэ сыс Рáскирэ-Дэвлэскири воля, соб (кай) Лэс тэ марэн кэ калэ масá; Ёв отдыя Лэс пэ мэньки; коли ж Лэскиро ди янэла свэнто дыибэн, соб (кай) тэ отмэкэнпэ грэхи, то Ёв удыххэла Пэскиро рóдо ангил, и Рáскирэ-Дэвлэскири воля явэла тэ кэрэлпэ Лэскирэ вастэса. ¹¹ Бахталó явэла Ёв одолэстыр тэ дыкхэл, со кэрдя Лэскиро ди; Пэскирэ галыибнастыр Ёв, чачипна́скиро, писхари Миро, зракхэла бут манушэн и грэхи лэнгирэ лыджала пэ Пэстэ. ¹² Палдава́ Мэ дава Лэскэ котэр (паш) машки́р барэндэ, и зоралэнца Ёв дорэсыбэн роскэрэла (розделинэла), пал-довá со Ёв отдыя Пэс пэ мэрибэн. Лэс гиндлэ пал прахаристэ, нэ Ёв лыджия пэ Пэстэ бутэ-манушэнгиро грэхо и пал прахарьендэ адякэ мангэлас.

Шэрó 54

Вéчно Завето пал Рамáнэ (Мэро)

¹ Рáдынпэ, накхабны́ (беплодно) джувлы́, сави́ ниэкхвар на бияндя́, гáздэ тыри́ зан радымáса, и рáдынпэ кодоя, сави́ николи на биянэлас! Джувля́тэ, савья́ ячкирдя́ ром буты́р чхаворэн, сыр одольятэ, сави́ дживэла́ ромэса, – ракирэла́ Рай Дэвэл. ² Кэр буты́р штэто́ ваш тыри́ шáтра; кэр шáтра барэдырэ́ пологэнца, на ладжа! Протырдэ́ шылэ́ длугэдыр, замар тырэ́ килорэ́ (конки). ³ Ту буглэ́са пэ сарэ́ ригá; чхаворэ́ тырэ́ залэна́ дро плéно народы, и ёнэ́ явэна́ тэ дживэн́ дрэ́ ячадэ́ фóрья. ⁴ На дар, ту на явэ́са ладжакирды; на ладжа, никон́ тут на ладжакирэла; Ту бистрэ́са ладжаипэн, саво́ прилыян́ дрэ́ тэрнэ́ бэршá; и ту на явэ́са тэ рипирэ́с пал ладж, сави́ ту прилыян, сыр са́нас биромэскири. ⁵ Кодовá, Кон создья́ тут, исын тыро́ ром; Рай Дэвэл, болыбна́скирэ-янголэнгиро́ исын Лэскиро́ лав; Свэнто́ Израилэ́скиро тут выкинэла; Ёв кхарлапэ́ сарэ́-пхувьякирэ́ Дэвлэ́са. ⁶ Сýрбы ромня́, сави́ ровэла, и сави́ исын ячкирды, кхарэла́ тут Рай Дэвэл; сыр тэрня́ ромня́, сави́ никонэ́скэ на сыс трэй”, – ракирэла́ тыро́ Дэвэл. ⁷ Мэ́ ячкирдём́ пэ́ на́бут тут, нэ́ барэ́ тангипна́са (жалимаса) Мэ́ прилава́ тут палэ. ⁸ Холясыём́ Мэ́ пэ́ тóтэ, гарадём́ тóтыр Миро́ муй пэ́ на́бут, нэ́ Мэ́ потангинава́ тут барэ́ лачхипна́са, – ракирэла́ Рай Дэвэл, Саво́ выкиндя́ тут. ⁹ Давá исын ваш Мánгэ́ сыр пани́ дрэ́ Ноёскирэ́ дывэ́са; сыр совлахадём, тэньчи, коли́ дживэлас́ Ноё, со пани́ буты́р на явэ́ла пэ́ пхув, адякэ́ совлахадём, со́ Мэ́ на лава́ тэ холясова́в пэ́ тóтэ. ¹⁰ Бэрги́ зджана́ пэскирэ́ штэто́стыр, бэрги́цы издрана, Миро́ лачхипэн́ тóтыр на отджала, Завето, дрэ́ саво́ исын Миро́ рамáнэ (миро) на парудэ́ла”, – ракирэла́ Рай Дэвэл, Саво́ тангинэла́ тут. ¹¹ “Чорори, чхурдыны́ rischiрибна́скирэ́ балвалэ́са, сави́ ровэла́ и на пириячэ́ла! Акэ́, Мэ́ чхува́ва тырэ́ бара́ пэ́ рубино, Мэ́ лава́ тэ кэра́в тут сапфиро́стыр. ¹² Мэ́ кэра́ва тырэ́ фэнштры́ рубинэндыр́ и тыри́ по́рта му́тинэндыр́ (жэмчужынэндыр), и саро́ тыро́ тыно́ дрогонэ́ барэндыр. ¹³ Сарэ́ Тырэ́ чхавэ́ явэна́ тэ сыклён́ Рáстыр-Дэвлэ́стыр; явэ́ла лэндэ́ баро́ рамáнэ (миро). ¹⁴ Ту явэ́са зоралы́ чачипна́са, на трэй́ тóкэ тэ дарэ́с, пал-довá со́ никон́ тóкэ буты́р на дóла пхарипэн́, ту на явэ́са тэ дарэ́с, пал-довá со́ ёв кэ́ ту на подджала. ¹⁵ Акэ́, явэ́на тэ газдэнпэ́ пэ́ тóтэ, нэ́ дава́ нанэ́ Мánдыр; кон газдэ́лапэ́ пэ́ тóтэ, одовá пэ́рэла (хасэ́ла). ¹⁶ Акэ́, Мэ́ кэрдём́ фаурна́рис (ковалёс), ёв́ росхачкирэ́ла вангар́ дрэ́ яг, соб (кай) тэ́ кэрэл́ струменто́ ваш пэ́скири́ буты́; а Мэ́ созда́ва вэ́ргос, соб (кай) ёв́ тэ́ хасёл. ¹⁷ Кон́ бы на газдэ́ласпэ́ пэ́ тóтэ вари-со́са, ничи́ тóса на кэ́рэлапэ́; со́ б на ракирэ́нас пал́ тóтэ пэ́ сэндо, ёнэ́ явэ́на бангэ́, а на ту. Давá исын да́ро сыр мэкно́ миштыпэн́, со́ прилэ́на Рáскирэ-Дэвлэ́скирэ́ писхáрья, ёнэ́ явэ́на отмэкнэ́ и дава́ исын Мánдыр,” – ракирэла́ Рай Дэвэл.

Шэрó 55

Рай Дэвэл Замангэла кэ Бахталó Джибэн

¹ “Кон древан камэла тэ пьел (исын трушало), мэк тэ джал кэ пани! Кóли нанэ тумэндэ ловэ, усаэкх джан, кинэн и хан! Кинэн биловэнгиро мол (вино) и тхуд! ² Сóскэ тумэнгэ отдэн ловэ пал дова, со нанэ марó; сóскэ тэ отдэн ловэ пал дова, со на чалякэрэла? Шунэн аканá Ман и хан лачхипэн; мэк тумарó ди тэ явэл чало тхулыпнаса. ³ Откэрэн тумарэ канá, явэн кэ Мэ; пошунэн и явэла тэ дживэл тумарó илó; и Мэ дава тумэнгэ вéчно завето, Мэ дава лачхипэн, пал савó дыём лав Давидóскэ. ⁴ Акэ, Мэ чхудём лэс, соб (кай) ёв тэ досыкавэл (тэ допхэнэл) чачипэн народэнгэ, соб (кай) тэ сыклякирэл лэн. ⁵ Акэ, ту кхарэса народо, савэс Ту на джидян; народы, и савэ тут на джидяна, савэ джана кэ ту ваш Тырэ Рáскэ-Дэвлэскэ, ваш Свэнто Израилё, пал-дова со Ёв дый тукэ бари патыв. ⁶ Родэн Рас-Дэвлэс, кóли сашты тэ латхэн Лэс; кхарэн Лэс, кóли Ёв исын пашыл. ⁷ Мэк грэхитко мануш тэ мэкэл пэскиро дром и пэскирэ налачхэ думы, мэк тэ явэл ёв кэ Рай Дэвэл, и Дэвэл отмэкэла лэскиро грэхó; мэк ёв тэ явэл кэ Дэвэл амарó, Савэскэ сарэ исын дрога. ⁸ Мирé думы – нанэ тумарэ думы; Мирé дромá – нанэ тумарэ дромá, – ракирэла Рай Дэвэл. ⁹ Нэ сыр болыбэн исын вучэдыр пхувьятыр, адякэ-паць и Мирé дромá: ёнэ исын вучэдыр тумарэ дромэндыр, и думы Мирé исын вучэдыр тумарэндыр. ¹⁰ Сыр ив и брышынд пэрэна болыбнастыр, нэ палэ на рисёна, а пэрэна пэ пхув, соб (кай) ёй тэ биянэл и тэ барьякирэл; соб (кай) тэ дэл гив (зýрка) одолэскэ, кон чхувэла дрэ пхув, и марó одолэскэ, кон хала: ¹¹ адякэ и лав Миро, савó выджáла Мирé уштэндыр, – ёв на рисёла кэ Мэ палэ нисоса, нэ кэрэла дова, со Мánгэ трэй пир Мирí воля, и кэрэла дова, ваш со Мэ бичхадём лэс. ¹² А тумэ выджáна радымáса, и лачхипнаса тумэн пролыджана; бэрги и бэргицы явэна тэ баган гилы ангил тумэндэ, и сарэ каштá пэ фэлда явэна сырбы радымáса манушá, савэ марэна дрэ вастá. ¹³ Выбарёла кипарисо пэ штéто, кай хрúсто сувьенца, пэ штéто цукнудякиро выбарёла мирто; сарó дава явэла ваш барипэн Дэвлэскиро, дава исын досыкаибэн вéчно.”

Шэрó 56

Сыр Зракхэнапэ Наюдытка Náцыи

¹ Адякэ ракирэла Рай Дэвэл: “Ракхэн сэндо и кэрэн чачипэн, пал-дова со подгия Миро зракхибэн и Миро чачипэн сыкадэла (откэрлапэ). ² Бахталó исын муш, савó кэрэла дава, и манушэскиро чхавó, савó дава рикирэла, савó ракхэла савато (субóта), соб (кай) тэ на явэл магирдо, ракхэла пэскиро васт, соб (кай) тэ на кэрэл нисавó чорипэн. ³ Тэ на пхэнэл чхавó явирэ народóстыр, савó лыя тэ патял Рáскэ-Дэвлэскэ: “Рай Дэвэл на прилыя Ман дро Пэскиро народо, и тэ на ракирэл мануш евнухо: “Акэ, мэ сом шуко кашт.” ⁴ Пал-дова со Рай Дэвэл адякэ ракирэла пал адасавó манушэндэ (евнухэндэ): “Кóли ёнэ ракхэна Мирé саваты (суботы), выкэдэна дова, со исын лачхó Мánгэ, рикирэна Миро завето. ⁵ Одолэнгэ Мэ дава штéто дро Миро кхэр и дрэ Мирé ванты; Мэ дава лав фэдыр лэнгэ, сыр чхавэнгэ, и сыр чхаенгэ; Мэ дава вéчно лав, савó на хасёла. ⁶ И чхавэн явирэ народóстыр, савэ явнэ кэ Рай Дэвэл, соб (кай) тэ кэрэн лэскэ буты и тэ рикирэн дро илó Рáскирэ-Дэвлэскиро лав, и тэ явэн Лэскирэ писхарьенца, сарэн, кон ракхэла савато (субóта) тэ на явэл магирдо и зоралэс тэ рикирэлпэ кэ Миро завето. ⁷ Мэ янава лэн пэ Мирí свэнто бэрга, Мэ обрадынава (лошакирава) лэн дро Миро кхэр, кай мангэнапэ; лэнгирэ цэла схачкирибэна и свэнта дыибэна лачхэ явэна пэ Миро алтарё (жэртвенико), пал-дова со Миро кхэр кхарэлапэ кхэрэса, кай мангэнапэ сарэ народы. ⁸ Рай Дэвэл, Савó скэдэла рострадынэн манушэн Израилёстыр, ракирэла: “Кэ выкэдэнэ лэскирэ Мэ ишчо (инкэ) лавá тэ скэдав явирэн.” ⁹ Джан тэ хан, сарэ rischiрибнаскирэ мурдалá (звери) фэлдытка, сарэ мурдалá вэшытка джан тэ хан! ¹⁰ Лэнгирэ рахибнарья сарэ rischiрибнаскирэ исын корорэ и бура (нахрана) манушá

насыклякирдэ; сарэ ёнэ сырбы джукэла бичибакирэ, джукэла, савэ на башэна, джукэла насвалэ, лэн тырдэла тэ совэн. ¹¹ Кадалэ исын джукэла захалэ илэса, ёнэ нисыр на чалёна, кадалэ исын чхупнарья (пастыри) бигодякирэ; сарэ дыкхэна пэ пэскиро дром; кажно лэндыр родэла кофо пэскэ, нанэ явирэ манушэн. ¹² Ёнэ ракирэна: “Явэн, мэ дорэсава мол (вино); амэ бравинта выпьяса кэ кирло, атася явэла дова, со и ададывэс; и ишчо (инкэ) бутыр явэла.”

Шэрó 57

Израилёскирэ Идолы

¹ Мэрэла дэвлытко мануш, и никон на прилэла дава кэ ило; патяибнытка мурша залэнапэ пхувьятыр, и никон на думинэла, со дэвлытко залэлапэ пэ пхув налачхипнастыр. ² Ёв джала криг дро раманё (миро); кон псирэла чачэ дромэса, одолэ бахталэ явэна. ³ Нэ явэн адарык, тумэ, джувлякирэ чхавэ, сави чораханыпэн кэрэла; о родо одолэнгиро, кон исын биладжакуно и нанэ патяибнытко сэмьякэ (ирьякэ)! ⁴ Конэстыр тумэ санапэ? Пэ конэстэ откэрэна муй, конэскэ сыкавэна чиб? Ци на тумэ сан чхаворэ чорипнастыр, родо хохаибнаскиро. ⁵ Савэ хачкирибнаса, тырдэнапэ кэ идолы тэл кажно кашт барэ ранденца; савэ замарэна чхаворэн пашыл сыгна рэкицы, машкир бэрги. ⁶ Дрэ гладка барорэ сыгнонэ рэкицакирэ исын тыри дóля (бажын); ёнэ откэрэна англыпэн; лэнгэ ту чхувэса тхадуно розмэкно яныбэн и тэ янэс свэнта дыибэна; ци пхэнава Мэ, со дава явэлас куч ваш Мángэ? ⁷ Пэ бари, вучи бэрга исын тыро пасибэн; одорык ту газдэсапэ, соб (кай) тэ янэс свэнто дыибэн. ⁸ Палó вударá, палó стылбы прогоскирэ ту чхувэса рипирибнытка шпэры; коли ту отджасас Мándыр, тэньчи ту злэсас тырэ йди и газдэсаспэ; ту доракирэсаспэ одолэнца лэндыр, савэнца ту камэса тэ пасэс; ту выдыкхэса штэто. ⁹ Ту псирдян кэ крáli кучонé-кхандыпнытконэ макхибнаса; ту бут кэрдян дасавэ макхибэна; ту бичхавэсас тырэ манушэн дур, соб (кай) ёнэ тэ лыджан лав; ту сан древан ладжакирды. ¹⁰ Ту кхиныян барэ дромэстыр, нэ ту на пхэндян: “Хасякирдём надёя!” – тыро васт ишчо (инкэ) сыс джидó, и зор тутэ ишчо (инкэ) сыс. ¹¹ Конэстыр ту дарандыян, кон тут дарьякирдя (страхакирдя), со ту яцян хоханы, пирияцян тэ рипирэс Ман, ту на раххэса Ман дро ило? На пал дова ци адякэ кэрдян, со Мэ гарá (длугэс) ничи на ракиравас, и ту пирияцян Мándыр тэ дарэс? ¹² Мэ сыкавава тыро чачипэн и тырэ рэнды (дэлы); далэстыр на явэла тукэ мишто. ¹³ Коли ту загодлэса, ци зракхэла тут тыро скэдыибэн? Лэн сарэн балвал лыджала криг, роспхурдэла пхурдыпнаса, а конэстэ исын надёя пэ Мándэ, одова прилэла пхув дро мэкно миштыпэн, прилэла Мири свэнто бэрга.” ¹⁴ И пхэндя: “Газдэн, газдэн, кэрэн чачо дром; кэрэн мамуй (прáмо) дром ваш Миро народо.” ¹⁵ Пал-дова со адякэ ракирэла Вучó, Вучэс газдыно, Савó дживэла вэчнэс, Лэскиро лав исын “Свэнто”: “Мэ дживава пэ вучó болыбэн и пэ свэнто штэто и адякэ-паць одолэ манушэнца, конэскиро дүхо (фáно) исын пхагирдо, и кон исын на пхутькирдо, соб (кай) тэ отджидякирав дүхо (фáно), кон на пхутькирдо, и тэ отджидякирав илэ, конэстэ дүхо (фáно) исын пхагирдо. ¹⁶ Пал-дова со на сарó часо Мэ явава тэ сэндякирав и тэ холясовав, соб (кай) тэ на хасёл ангил Мándэ кажно дүхо (фáно) и кажно пхурдыпэн, савó Мэ создыём. ¹⁷ Палдова, со ёв думинэла пал миштыпэн ваш пэскэ кокорэскэ, Мэ холясовавас и дукхававас лэс, гарававас муй и Мэ сомас холямó, нэ ёв отрисия и гия пир дром, савэса лыджия лэскиро ило. ¹⁸ Мэ дыкхцём лэскирэ дромá; Мэ састякирава лэс, Мэ явава тэ лыджав лэс, Мэ лава тэ подрикирав лэс и одолэн, кон тугинэла лэса. ¹⁹ Мэ крэва сарó пир Миро лав: “Раманё (миро), раманё пашатунэ манушэскэ и дуратунэ манушэскэ,” – ракирэла Рай Дэвэл, и Мэ састякирава лэс. ²⁰ А грэхитко мануш исын сыр мóрэ (дэрьяв), савó газдыпэ и нисыр на пириячэла, и пани лэскиро вычхурдэла ило и блáта. ²¹ “Нанэ раманё (миро) грэхитконэ манушэнгэ,” – ракирэла Миро Дэвэл.

Шэрó 58

Кон Постинэла, Одовá Исын Лачхó Дэвлэскэ

¹ “Кхар зоралé заняса, на андырша; гáздэ тырí зан сыр рóго (труба), сыкáв Мирé народоскэ пэ лэскирэ налачхэ рэндэ, сыкáв Яковóскирэ кхэрэскэ пэ лэскирэ грéхи. ² Ёнэ родэна Ман кажно дывэс, ёнэ камэна тэ джинэн Мирé дромá сýрбы народо, савó кэрэла пир чачипэн, савó на ячкирэла Пэскирэ Дэвлэскирэ упхэныбэна; ёнэ пхучэна Мандыр пал чачунé сэнды, ёнэ камэна тэ явэн пашылэдýр кэ Дэвэл. ³ “Сóскэ амэ рикираса посто, а Ту на дыкхэса? Амэ обрикираса пэскирэ илэ [амарé илэ на пхутэна-ю.о.], а Ту на джинэса?” Акэ, дро дова дывэс, кóли рикирэна посто, тумэ кэрэна пир тумарí воля, требинэна, соб (кай) явír манушá тэ кэрэн пхарí бутý. ⁴ Акэ, тумэ рикирэна посто, соб (кай) тэ ханпэ и тэ кошэнпэ, и соб (кай) тэ марэн манушэн; тумэ на постинэна адýкэ, соб (кай) шундлы сыс пэ вучипэн тумарí зан. ⁵ Ци дасаво исын посто, савó Мэ выкэдыём? Дывэс, кóли мануш тэ зрикирэл пэс? Мануш пэскиро ди, кóли бандякирэл пэс, сыр тришчына (тростнико), пэскиро шэрó; сыр ёв урьелапэ дрэ пхуранé йди, бэшэла дро прáхо. Ци кадава кхарэса ту постоса, пхэнэса, со дава дывэс явэла лачхó Рáскэ-Дэвлэскэ? ⁶ Акэ, исын посто, савó Мэ выкэдыём: роспахигир хохаибнаскирэ састыра́, роспхандлэ шылэ, отмэк пэ воля пхандлэ манушэн, злэ пхарипэн лэндýр. ⁷ Дэ тырó марó бокхалэ манушэскэ; мэк чорорé, савэ псирэна пир свэто́ тэ заджáн дро тырó кхэр; кóли дыкхэса, со джáла нанго – дэ лэскэ йдя; и екхэ-ратэскирэ тырэстыр на гарадёв. ⁸ Тэньци откэрлапэ, сыр тасярлуно злóко (зоря), тырó дуд, и явэла кэ ту састякирибэн; чачипэн тырó ангил тýtэ джáла, и патýв Раскири-Дэвлэскири явэла тýса. ⁹ Тэньци кхарэса, и Рай Дэвэл шунэла, загодлэса, и Ёв пхэнэла: “Акэ, Мэ сом!” Кóли злэса пхарипэн пэстыр, ту пириячэса тэ газдэс ангýшт и тэ ракирэс злыднитка лава́. ¹⁰ Отдэса ту бокхалэскэ пэскиро илó; ту чалякирэса манушэскиро ди, савó страдынэла, тэньчи дуд (свэто́) тырó хачола дрэ цямлыпэн, калыпэн тырó явэла сыр паш-дывэс. ¹¹ И Рай Дэвэл явэла тэ лыджáл тут сарó часо (цýро), кóли на явэна брышында и пхув шутёла, Рай Дэвэл чалякирэла тырó илó и масá, ту явэса сыр шукар ýнта (садо), сыр ганýнг, кай панí, савó николи на шутёла. ¹² Пэ чхучэ пхувýя явэна тэ кэрэн бутý тырэ чхавэ, кон явэла ангил; ту дэса зор кэ барé рóды; пал тýtэ пхэнэна, со ту газдыан роспахигирдо, тэ кэрдýн нэвэ дромá ваш манушэнгэ. ¹³ Кóли ту вырикирэс сáвато (субóта), соб (кай) тэ на кэрэс пир тырó илó дро Мирó свэнтó дывэс; ту явэса тэ кхарэс сáвато радыныпнаса, свэнтонé Рáскирэ-Дэвлэскирэ дывэсэса, патывалé дывэсэса; кóли ту дэса патýв лэскэ, на явэса тэ кэрэс тырэ рэндэ и тэ кэрэс пир пэскири годý и тэ пхэнэс чхучэ (пуста) лава́. ¹⁴ Тэньци ту явэса радымакиро (тэ радынэспэ дрэ Растэ-Дэвлэстэ), Мэ газдава тут пэ пхувýякиро вучипэн, Мэ дава тýкэ дова́, со прилыя́ Яково, тырó дад! Уштá Рáскирэ-Дэвлэскирэ пхэндлэ дава́.”

Шэрó 59

Чорипэн Дурьякирдя Амэн Дэвлэстыр

¹ Акэ, васт Рáскирэ-Дэвлэскиро на тыкныя, соб (кай) тэ зракхэл и кан Лэскиро нанэ кашуко, соб (кай) тэ шунэл. ² Нэ тумарó чорипэн (налачхэ рэндэ) исын машкír тумэндэ и Дэвлэстэ; тумарé грéхи исын дро дова́, со Лэскиро муй отрисёла тумэндýр, и соб (кай) Дэвэл тэ на шунэл. ³ Пал-дова́, со тумарé вастá магирдэ ратэса, а тумарé ангушта (пальцы) – грэхэнца; тумарé уштá хохавэна, тумарí чиб на пхэнэла чачипэн. ⁴ Никон на газдэла пэскири зан пал чачипэн, никон пал чачипэн на заджáла (на затэрдёла); лэнгири надéя исын хоханы; ёнэ хохавэна; ёнэ лэна тэ кэрэн фуипэн и налачхэ рэндэ янэна палэ. ⁵ Ёнэ выбэшэна сапэскирэ парнорé, кхувэна паутина? Кон хáла лэнгирэ парнорé – мэрэла, а кóли ростасавэла лэн – то одотхýр сап выджáла. ⁶ Лэнгири паутина на урьеса, и кокорé ёнэ на урьена лэн, со ёнэ ссудэ; лэнгирэ рэндэ исын начачунэ; лэнгирэ вастá исын пхэрдé холяса. ⁷ Лэнгирэ гэрá прастána

кэ налачхэ рэнды, соб (кай) тэ прочхувэн рат манушэскиро, саво исын набанго; лэнгирэ думы – думы злыднитка; нашайбэн и хасибэн исын пэ лэнгирэ дрома. ⁸ Ёнэ на джинэна дром кэ раманё (миро), нанэ сэндо пэ лэнгирэ дрома; далэ дрома исын бангэ, и одова, кон джала лэнца, одова на джинэла раманё.

Тэ Пригалён Грэхи

⁹ Палдава сэндо исын дур амэндур, нанэ и амэндэ чачуно сэндо; ужакираса дуд (свэто), нэ, акэ – цямлыпэн; яркима, нэ амэ псираса дро калыпэн (мрако). ¹⁰ Родаса дром, сыр корорэ родэна, ванта, псираса, сырбы нанэ амэндэ якхэ; пэраса дывэсэ сырбы ратякиро; машкир джидэндэ амэ сам сыр мулэ. ¹¹ Сарэ амэ брилинаса (ревинаса) сыр рича, газдаса пхаро ди, сыр голумбы; ужакираса сэндо, нэ лэс нанэ; ужакираса зракхибэн, нэ ёв исын дур амэндур. ¹² Пал-дова со бут чорипэн амэ кэрдям ангил Түтэ; амарэ грэхи допхэнэна (досыкавэна) пал амэндэ; амарэ налачхэ рэнды исын амэнца, амаро чорипэн амэ джинаса. ¹³ Амэ парудям Раскэ-Дэвлэскэ и хохадям; отгиям амарэ Дэвлэстыр; амэ ракирасас хохайбэн и пал паруйбэн; амарэ илэстыр выджанас хоханэ лавэ. ¹⁴ И сэндо гия палэ, чачипэн дур тэрдия, пал-дова, со чачипэн пыя пэ гаса [форуны/плóшча.-р.с.], и патыв нисыр на заджала. ¹⁵ Нанэ чачипэн; одолэс, кон раххэлапэ чорипнастыр, лэс ёнэ кошэна. Дыххця дава Рай Дэвэл и намишто яця ангил Лэскирэ якхэ, со нанэ сэндо. ¹⁶ И Ёв дыкхця, со нанэ манушэс, дивно яця Лэскэ, со нанэ одолэс, кон бы тэ затэрдэл, помогиндя бы Лэскэ Лэскиро васт, и чачипэн Лэскиро Лэс подрикирдя. ¹⁷ Ёв чхудя пэ пэстэ чачипэн, сыр броня (марибнытка йди); зракхибнаскиро шлемо пэ Пэскиро шэрó; уридяпэ дрэ холы, сыр дрэ йдя, учхакирдя пэс зэвлыныпнаса сыр урибнаса. ¹⁸ Ёв отдэла палэ фуипнаса, кичы трэй, кичы трэй явэла дрэ холы кэ Пэскирэ вэрги, Ёв отхала (отдэла) палэ Пэскирэ вэргэнгэ; островэнгэ Ёв отдэла палэ. ¹⁹ И явэна тэ дарэн Раскирэ-Дэвлэскирэ лавэстыр пэ западо (пэ пал-панитко риг), дарэна Лэскирэ барэ патыватыр пэ доя риг, кай кхам газдэлапэ. Кóли вэрго явэла, сыр рэка (лэнь), то пхурдыпэн Раскиро Дэвлэскиро лэс вытрадэла.” ²⁰ “И явэла Одова, Кон выкирэла Сионо и Яковóскирэ чхавэн, савэ отгинэ чорипнастыр”, – ракирэла Рай Дэвэл. ²¹ “Акэ, исын Миро Завето лэнца, – ракирэла Рай Дэвэл: Миро Дүхо (Фано), саво исын пэ түтэ и Мирэ лавэ, савэ чхудём дрэ тырэ ушта, на отджана тырэ уштэндур, на отджана тырэ чхаворэндур, и на отджана лэнгирэ-чхаворэнгирэ уштэндур,” – ракирэла Рай Дэвэл, николи на отджана.

Шэрó 60

Наюдýtка Нáции Бахтякирэна Ерусалимо

¹ “Уштý (газдэпэ), хачов сыр дуд (свэто), Ерусалимо; явдя тырó дуд (свэто) и бари патыв Раскирэ-Дэвлэскири гия упрé пэ түтэ. ² Акэ, калыпэн (цямлыпэн) закэрэла пхув, и калыпэн учхакирэла народы, а упралэстыр пэ түтэ Рай Дэвэл зазяинэла, и бари патыв Лэскири сыкадэла упрé пэ түтэ. ³ Наюдýtка народы явэна кэ тырó дуд (свэто), крáлья явэна кэ зяиныбэн, саво исын упрé пэ түтэ. ⁴ Газдэ тырэ якхэ, подыхх трусцял (пир сарэ ригá): сарэ ёнэ скэдэнапэ, джана кэ ту; тырэ чхавэ джана дурáл, лыджана пэ вастá тырэ чхаён. ⁵ Тэньци дыкхэса и обрадынэсапэ, издрала, буглэла тырó илó: барвалыпэн морёскиро (дэрьявэскиро) явэла кэ ту, барвалыпэн манушэнгиро, явэла тырó. ⁶ Бут верблюдэ кэ ту явэна, дромадары Мадиамоустыр и Ефатыр; сарэ ёнэ Саватыр явэна, янэна сувнакай и ладано, пхэнэна сарэнгэ пал барипэн Раскиро-Дэвлэскиро. ⁷ Сарэ Кидароскирэ бакрэ скэдынэ явэна кэ ту; Неваифоскирэ бакрэ явэна тэ дынаринэн түкэ; джана упрé пэ алтарё Миро лачхэ свэнтонэ дыибнаса, и Мэ прославинава кхэр Мирé барипнаса. ⁸ Кон дава вурняла, адякэ сыр óблоки, сыр голумбо вурняла кэ пэскиро кхэр? ⁹ Чачó, Ман островы ужакирэна, и ангил лэндэ исын пáрмы Фарсисоскирэ, соб (кай) тэ пирилыджан дур тырэ чхавэн, лэнгиро руп и сувнакай ваш тырó Раскирэ-Дэвлэскиро лав, пал-дова со Ёв дыя түкэ бари патыв. ¹⁰ Тэньци чхавэ явирэ народоскирэ манушэндур явэна тэ чхувэн тырэ ванты, крáлья лэнгирэ лэна тэ кэрэн

буты́ тукэ; пал-дова́, со дрэ Мирі́ холы́ Мэ́ дукхава́с тут, нэ́ дрэ Мирі́ лачхі́ во́ля Мэ́ потангина́ва тут. ¹¹ Тыры́ пор́та (вра́ты) сарэ́ дывэ́са́ явэ́на откэ́рдэ; ни́ дывэ́сэ, ни́ раты́ на заке́рнапэ́ (на пхандэ́напэ́), соб (кай) тэ́ янэ́н кэ́ ту Наюды́тконэ́-манушэ́нгиро мишты́шэ́н, тэ́ янэ́н лэ́нгирэ́ кра́льэ́н. ¹² Народо́ и кра́липэ́на, савэ́ на за́камэ́на тэ́ кэ́рэ́н буты́ тукэ́, хасэ́на; ка́дасавэ́ наро́ды хасэ́на сарэ́са. ¹³ Барипэ́н Ливано́скиро кэ́ ту явэ́ла; кипари́со, сосна́ и ке́дро явэ́на кхэ́танэ́, соб (кай) тэ́ укэ́дэ́н (тэ́ шука́рьякирэ́н) штэ́то, кай́ исын́ Миро́ свэ́нто штэ́то; Мэ́ да́ва бари́ паты́в штэ́тоскэ́, кай́ исын́ тэ́рдэ́ Мирэ́ гэ́ра. ¹⁴ И́ явэ́на кэ́ ту чха́вэ́ одолэ́-манушэ́нгирэ́, савэ́ тут прита́савэ́нас; ё́нэ́ бандэ́на тэ́л ты́ро́ васт, и пэ́рэ́на кэ́ ты́рэ́ гэ́ра сарэ́, кон пэ́ ту́тэ́ дыкх́ця́ вучипна́са, и кхарна́ тут Ра́скирэ́-Дэ́влэ́скирэ́ форо́са, Свэ́нтонэ́ Израилё́скирэ́ Сионо́са. ¹⁵ За́мэ́ст дова́, со ту са́нас я́чкирдо, и мануша́ тут на вы́рикирэ́нас, и, соб (кай) нико́н пир ту́тэ́ тэ́ на проджа́л, Мэ́ кэ́рава́ ту́тыр бари́пэ́н пэ́ сарэ́ ве́ки; ра́дыма́са (лошаса́), сави́ нико́ли на пи́риячэ́ла. ¹⁶ Ту́ явэ́са тэ́ пьес кэ́ чалы́пэ́н наро́доскиро́ тху́д; и тэ́ пьес (тэ́ сосинэ́с) кра́ли́скирэ́ ко́лынэ́ндыр, и га́лэ́са, со Мэ́ сом Ра́й Дэ́вэл, ты́ро́ Зракхи́бна́ри, Одо́ва, Кон вы́киндя́ тут, Зо́рало́ Яко́во́скиро. ¹⁷ Харко́ма (медь) Мэ́ запару́вава ту́кэ́ пэ́ сувна́кай, састы́р – пэ́ руп, кашта́ Мэ́ пару́вава пэ́ харко́ма, а бара́ – пэ́ састы́ра; ты́рэ́ тхага́риса (кня́зэ́са), савэ́с Мэ́ чхува́ва, явэ́ла рама́нэ́ (миро́), а чачипэ́н явэ́ла тэ́ при́дыкхэ́л пал ту́тэ́. ¹⁸ На́ явэ́на тэ́ шунэ́н буты́р, со пэ́ ты́ры́ пхув́ исын́ на́храта́ рэ́нды, со ты́рэ́ рига́ обле́на и кэ́рэ́на чхучэ́; ту́ кхарэ́са ты́рэ́ ва́нты зракхи́бна́са и ты́рэ́ пор́ты-бари́пна́са. ¹⁹ Кхам ту́кэ́ буты́р на́ явэ́ла тэ́ дэ́л дуд (свэ́то), чхон на́ ячэ́ла тэ́ свэ́нцынэ́л, нэ́ Ра́й Дэ́вэл явэ́ла ты́рэ́ дудэ́са (свэ́тоса) ве́чнэ́с, Дэ́вэл явэ́ла ты́рэ́ бара́ паты́ва́са. ²⁰ Кхам ты́ро́ буты́р на́ заджа́ла, чхон на́ гара́дэ́ла, пал-дова́ со Ра́й Дэ́вэл явэ́ла ва́ш ту́кэ́ ве́чно́нэ́ дудэ́са (свэ́тоса), джа́на кри́г ты́рэ́ биба́хталэ́ дывэ́са́. ²¹ Са́ро́ ты́ро́ наро́до явэ́ла ча́чунó, пэ́ сарэ́ бэ́рша́ при́лэ́ла пхув́ сы́р мэ́кно́ мишты́шэ́н – да́ва исын́ отба́рипэ́н, со Мэ́ ба́рьяки́рдём, Мирэ́-ва́стэ́нгиро рэ́ндо; са́ро́ да́ва явэ́ла, соб (кай) тэ́ ша́рэ́н Ман. ²² Ты́кнэ́ манушэ́стыр ты́се́нцо би́яндэ́ла, са́монэ́ бизо́рьяки́рэ́стыр ма́нушэ́стыр би́яндэ́ла зо́рало́ наро́до. Мэ́, Ра́й Дэ́вэл, сы́гэс кэ́рава́ да́ва, ко́ли явэ́ла ле́скиро́ часо́.”

Шэ́ро 61

Лачхі́ Зан (Звесь) пал Зракхи́бэ́н

¹ Ра́скирэ́-Дэ́влэ́скиро́ Ду́хо (Фа́но) исын́ пэ́ Ма́ндэ́, пал-дова́ со Ра́й Дэ́вэл пома́ххця́ Ман тэ́ пхэ́на́в ба́хталó лав (ба́хталы́ зан) чо́рорэ́нгэ; би́чхадя́ Ман, соб (кай) тэ́ састя́кирав ма́нушэ́н ро́змардэ́ илэ́са, тэ́ пхэ́на́в пал во́ля одолэ́нгэ, кон исын́ дрэ́ наво́ля (бэ́шыбэ́н); тэ́ пхэ́на́в ма́нушэ́нгэ дрэ́ бэ́шыбэ́н, со ву́дара́ бэ́шыбны́тка исын́ пси́радэ́ (откэ́рдэ). ² Соб (кай) тэ́ пхэ́на́в пал ла́чхо́ бэ́рш Ра́скирэ́-Дэ́влэ́скиро, пал дывэ́с, ко́ли пхэ́рдэ́ла хо́лы ама́рэ́ Дэ́влэ́скири, тэ́ подри́кирав са́рэ́н, дрэ́ конэ́стэ́ исын́ ту́га (ту́гинэ́ла). ³ Тэ́ пхэ́на́в одолэ́нгэ, кон исын́ биба́хталó пэ́ Сио́но, со пра́хо запару́вэ́лапэ́ шука́ронэ́ укэ́дыи́бна́са; ро́вибэ́н ра́дыма́кирэ́ (лоша́лэ́) еле́ёса; пха́ро́ (сме́нтно) ду́хо (фа́но) запару́вэ́лапэ́ шука́ронэ́ ури́бна́са и кхарна́ лэ́н зо́ралэ́ ча́чипна́са, Ра́скирэ́-Дэ́влэ́скирэ́ бу́тыса дрэ́ Ле́скиро́ бари́пэ́н. ⁴ И́ ё́нэ́ явэ́на тэ́ га́здэ́н пхув́ья́, савэ́ га́ра́ исын́ чхучэ́; га́здэ́на га́ратунэ́ ро́спха́гирдэ́ кхэ́ра́ и обчо́рдэ́ фо́рья, савэ́ га́ратунэ́ дывэ́сэ́ндыр сы́с чхучэ́. ⁵ Явэ́на ма́нуша́ яви́рэ́ наро́до́стыр и явэ́на тэ́ ча́равэ́н тумарэ́ кхэ́ритконэ́ му́рдалэ́н (ското́); чха́вэ́ лэ́нгирэ́ явэ́на тэ́ кэ́рэ́н буты́ пэ́ пхув́ и дрэ́ ви́награ́днико́ ва́ш тумэ́нгэ. ⁶ А́ тумэ́ явэ́на тэ́ кха́рэ́нпэ́ Ра́скирэ́-Дэ́влэ́скирэ́ ра́шанца́, тумэ́н кхарна́ ама́рэ́ Ра́скирэ́-Дэ́влэ́скирэ́ ды́нарьэ́нца; тумэ́ явэ́на тэ́ лэ́н ко́фо ба́рвалэ́ наро́дэ́нгирэ́ ба́рвалы́пна́стыр, тумэ́ явэ́на ша́рдэ́ лэ́нгирэ́ бари́пна́са. ⁷ Пал до́ва, со тумэ́н ла́джаки́рэ́нас, тумэ́ при́лэ́на дрэ́ ду́й мо́лы буты́р паты́в; пал-дова́, со ко́шэ́нас тумэ́н, тумэ́ явэ́на тэ́ ра́дынэ́нпэ́, со да́сави́ исын́ лэ́нгири́ во́ля, пал-дова́ со ду́й мо́лы тумэ́ до́рэ́сэ́на (долэ́на) пэ́ пэ́скири́ пхув́ буты́р; ве́чно́ ра́дыма́ (лош) явэ́ла лэ́ндэ́. ⁸ Пал-дова́ со Мэ́, Ра́й Дэ́вэл, да́ва паты́в ча́чунэ́ сэ́ндоскэ́, Мэ́ на ка́ма́м, ко́ли чо́рэ́на, ко́ли прита́савэ́на; Мэ́ отда́ва па́лэ́ лэ́нгэ́ пир ча́чипэ́н; Мэ́ чхува́ва лэ́нца ве́чно́ за́вето. ⁹ И́ га́лэ́на ма́шкі́р Наюды́тка наро́ды пал ро́до лэ́нгиро, лэ́нгирэ́ чха́ворэ́н га́лэ́на ма́шкі́р ро́ды; са́рэ́, кон ды́кхэ́ла лэ́н,

явэна тэ джінэн, со ёнэ исын родо, саво бахтякирдя Дэвэл.¹⁰ Радымаса мэ лава тэ радынавпэ пал Растэ-Дэвлэстэ; явэла тэ радынэлпэ зоралэс миро дүхо (фано) пал мирэ Дэвлэстэ, пал-дова со Ёв уридя ман дрэ йди зракхибнытка, уридя ман чачипнаскирэ урибнаса; сыр пэ тэрнэстэ Ёв чхудя вянка, сыр тэрня укэдыя.¹¹ И сыр пхув барьякирэл пэскэ чарья, сыр унта (садо) барьякирэла дова, со дрэ лакири пхув чхудэ, адякэ и Рай Дэвэл сыкавэла чачипэн и патыв ангил сарэ народы.

Шэрó 62

¹ На пириячава Мэ (Исаё) тэ пхэна́в пал Сионо, мэ на ява́ва штыл пал Ерусалимо. Кóли газдэлапэ, сыр яг, лэскиро чачипэн и зракхибэн лэскиро сыр хачкирдо момолы́тко (светильнико) газдэлапэ, тэньчи мэ лава тэ ракира́в.² И дыкхэна народы тыро́ чачипэн, и сарэ крálья дыкхэна тыри́ патыв, и кхарна тут нэвонэ лавэса, саво дэна тукэ Дэвлэскирэ ушта́.³ Ту явэса шарибнытконэ вянкаса дро васт Рáскирэ-Дэвлэскиро, сыр кралі́скирэ диадэмаса ту явэса пэ тырэ-Дэвлэскиро васт.⁴ Тут на кхарна бутыр “ячкирдо (ячадо)”, пэ тыри́ пхув на пхэнэна “чхучи́”, нэ кхарэна тут “исын кэ ёв Мирі лачхі во́ля”, а пхув тыри́ кхарлапэ “палоромитко”, пал-дова со Рáскирэ-Дэвлэскири во́ля исын лачхі кэ ту, и пхув Тыри́ сырбы палором джала́.⁵ Сыр тэрно́ чхаво́ лэла пэскэ патывала чха, адякэ кэрэна туса тырэ чхавэ; сыр тэрно́ радынэлапэ тэрнятыр, адякэ радынэлапэ пал тутэ тыро́ Дэвэл.⁶ Ерусалимо! Мэ чхудём пэ тырэ ванты раххибнарьен, саво ни дывэсэ ни раты́ на пириячэна тэ пхэнэн лав. Тумэ, кон пхэнэла пал Дэвлэстэ, на пириячэн тэ ракирэн!⁷ На пириячэн тэ ракирэн ангил Лэстэ, пока Ёв газдэла Ерусалимо и на кэрэла Лэс барипнаса (шарибнаса) пэ пхув.⁸ Рай Дэвэл совлахадя Пэскирэ вастэса, Пэскирэ зоралэ вастэса: “Мэ на дава́ бутыр гив, соб (кай) тэ хан лэс тырэ вэрги, чужонэ манушэнгирэ чхавэ на пьена мол (вино), сави́ ту кэрдян.⁹ Нэ одолэ, кон скэдэла, явэна тэ хан лэс и Рас-Дэвлэс тэ шарэн; кон скэдэла винаградо (дракх), одова́ пьела мол лэстыр дрэ грэды (дворы), кай исын Миро свэнто штэто́.¹⁰ Джан андрэ, джан дурэдбыр дрэ порта, кэрэн дром народоскэ! Кэрэн, кэрэн дром, укэдэн бара́, газдэн стяго ваш народы!¹¹ Акэ, Рай Дэвэл пхэнэла кэ сари́ пхув: “Пхэнэн патывалэ чхакэ Сионостыр: акэ, джала тыро́ Зракхибнари, Лэскири мазу́ри (награда) исын Лэса, и отдыибэн Лэскиро исын ангил Лэстэ.¹² И кхарэна лэн свэнтонэ народоса, саво Рай Дэвэл выкиндя, а тут кхарэна фороса, саво Рай Дэвэл зракхця́, на ячкирдэ фороса.”

Шэрó 63

¹ Кон дава́ джала́ Едомостыр, джала́ дрэ лолэ́ йди Восоростыр, адасаво баро́ дро Пэскиро урибэн, Саво выджала́ дро Пэскирэ-зорьякиро пхэрдьпэн? “Мэ сом Одова́, Кон пхэнэла чачипэн, зорало́, соб (кай) тэ зракхав.”² Соскэ ж исын лоло́ Тыро́ урибэн, и йди Тырэ исын дасавэ, сыр одолэстэ, кон тасадя дро пресо (тачыло).³ “Мэ тасадём гэрэнца екхджино́, на сыс Мánца никон́ народостыр. Мэ тасадём лэн дрэ Мирі холы́, дро Миро холямипэн, Мэ пэ лэндэ газдаваспэ; лэнгиро рат прочхудяпэ пэ Мирэ́ йди, Мэ замакхцём саро́ Пэскиро урибэн.⁴ Пал-дова со дывэс, кóли холы́ пхэрдия, исын дро Миро ило́; явдя́ бэрш одолэнгиро, конэс Мэ выкиндём.⁵ Мэ дыкхцём, нэ на сыс никонэс, кон бы дыя́ васт (помогиндя); дивиндёмпэ, со на подрикирдя никон́, нэ помогиндя Мánгэ Миро васт, и Мирі холы́ подрикирдя Ман.⁶ Тэл гэрá Мэ чхудём народы дрэ Мирі холы́, хасякирдём лэн дэ Мирі холы́, и вычхудём пэ пхув лэнгиро рат.”⁷ Пририпирава мэ лачхипэн Рáскирэ-Дэвлэскиро и барипэн Рáскирэ-Дэвлэскиро пал саро́, со Рай Дэвэл дыя́ амэнгэ, пририпирава баро́ бахталыпэн Лэскиро ваш кхэр Израилэскиро, саво Ёв кэрдя́ пир Лэскиро лачхипэн, пир Лэскиро баро́ кучипэн.⁸ Ёв пхэндя: “Чачо́, ёнэ исын Мирэ́ чхаворэ́, саво на хохавэна”, и Ёв сыс ваш лэнгэ Зракхибнариса.⁹ Сави́ б на сыс биба́хт (бйда), Ёв лэн на ячкирэлас и Янгóло Лэскиро лэн зракхэлас; Ёв выкиндя лэн, пал-дова со ёнэ исын дро́га Лэскэ́ и Лэскиро ило́ исын лачхо́; Ёв лыя́ лэн и лыджалас сарэ́ гаратунэ́ дывэса́.¹⁰ Нэ ёнэ на кандэнас, пхарэс сыс далэстыр

Свэнтонэ Духоскэ; палдава Ёв яця лэнгирэ вэргоса: Кокорó Ёв марэласпэ лэнца. ¹¹ Тэньци Лэскиро народо пририпирдя гаратунэ Мойзаскирэ дывэса: “Кай исын Одова, Савó вылыджия лэн морёстыр (дэрьявэстыр) чхупнариса, Савó чаравэла Лэскирэ бакрэн? Кай исын Одова, Савó чхудя Пэскиро Свэнто Дúхо (Фáно) дро лэскиро ило? ¹² Савó лыджия Мойзас пал чачó васт, Ёв лыджалас Пэскирэ зоралэ вастэса, Ёв розлыджия (укэдыя) ангил лэндэ пани, соб (кай) тэ кэрэл Пэскэ вечно лав? ¹³ Савó лыджия лэн пир хорипэна, сыр грэс пир фэлда, и ёнэ на пэрэнас (на обштавэнаспэ) пэскирэ гэрэнца? ¹⁴ Сыр бакря змэкэнапэ пэ доло, адякэ Дэвлэскиро Дúхо (Фáно), лыджалас лэн кэ штылыпэн. Адякэ Ту лыджасас Тырó народо, соб (кай) тэ кэрэн Пэскэ славúтно лав. ¹⁵ Дыкх тэлэ болыбнастыр, подыкх штэтóстыр, кай исын Тырó Свэнто штэто и барипэн Тырó: кай исын зэвлэныпэн и зоралыпэн Тырó? Кай исын Тырó лачхипэн? Нанэ Тútэ тангипэн кэ Мэ. ¹⁶ Ту сан Екх амарó Дад Дэвэл; пал-дова со Авраáмо на джинэла амэн, Израилё на приджинэла амэн пал пэскирэ манушэндэ. Ту, Раё Дэвла, сан амарó Дад, Тырó лав векостыр исын дасаво: “Одова, Кон выкиндя амэн.” ¹⁷ Сóскэ, Раё Дэвла, Ту домэкця, соб (кай) амэ тэ джас пэскэ Тырэ дромэстыр, соб (кай) амарó ило яця холямо, соб (кай) тэ на дарас Тúтыр? Обрисёв ваш Тырэ писхарьёнгэ, ваш рóдыцы (чанга), савэнгэ Ту дыян Тырó миштыпэн. ¹⁸ Нагара (надлугэс) сыс Ёв кэ Тырэ-кхангирьякиро народо, амарэ вэрги газдынэпэ пэ Тырó свэнто штэто. ¹⁹ Амэ кэрдямпэ адасавэ мануша, сыр одолэ, савэ Тут на джинэнас; здэлапэ, со на кхарласпэ Тырó лав машкир амэндэ.

Шэрó 64

¹ О, кóли б Ту росчхиндян болыбэн и гиян тэлэ! Бэрги схачинэ б Тырэ мóстыр. ² Сыр хачкирдэ ягатыр, сави билавэла (плавинэла), сыр панэстыр, савó кэрадёла, соб (кай) тэ джинэн Тырó лав джиндло Тырэ вэргэнгэ; соб (кай) тэ издран ангил Тútэ народы. ³ Кéли Ту кэрэсас даранэ рнды, савэ амэ на ужакирасас, и Ту джасас тэлэ – бэрги биладёнас (таинэнас) Тырэ мóстыр. ⁴ Пал-дова со николи мануша на шунэнас канэнца, и нисави якх на дыкхця явирэс дэвлорэс. Ту сан Екх Дэвэл, Савó бут кэрдя ваш одолэнгэ, конэстэ исын надёя пэ Тútэ. ⁵ Ту лачхипнаса прилэсас одолэс, кон радынэласпэ и кэрэлас пир чачипэн, кон рипирэлас пал Тútэ пэ Тырэ дромá. Нэ, акэ, Ту холясыян, пал-дова со амэ гара (длугэс) лыям тэ кэрас грэхи; и сыр же амэ зрахасапэ? ⁶ Сарэ амэ кэрдямпэ-сыр нажужо предмето, амари патыв – сыр замакхны идя, амэ шутиям сыр патрин (листо); амарэ налачхэ рнды лыджинэ амэн, сыр балвал. ⁷ На сыс одолэс, Кон бы кхардя Тырó лав, кон закамдя б тэ рикирэлпэ пал Тútэ; палдава Ту гарадян Тырó муй амэндыр, Ту ячкирдэн амэн тэ хасёвас грэхэндыр. ⁸ Нэ каканá, Раё Дэвла, Ту сан амарó Дад; амэ сам глэя (бláта), савьятыр кэрэна кхорэ, а Ту – Одова, Кон создыя амэн; сарэ амэ – Тырэ-вастэнгири буты. ⁹ На холясов гара (длугэс), Раё Дэвла! На рипир вэчнэс пал грэхи! Дыкх аканá – сарэ амэ сам Тырó народо. ¹⁰ Тырэ форóскирэ свэнта штэты кэрдэпэ чхучэ пхувьяса; Сионо – чхучи пхув, Ерусалимо исын обчордо. ¹¹ Кхэр, кай амэ свэнтякирасаспэ, кай сыс амари патыв и кай амарэ дада славинэнас Тут, исын схачкирдо ягаса; амарó барвалыпэн исын росчордо. ¹² Кóли сарó дава пхэрдия, ци явэса ишчо (инкэ) ту тэ зрикирэс Пэс амэндыр, Раё Дэвла? Ци явэса Ту ничи тэ на ракирэс, тэ холясос пэ амэндэ бутыр, сыр трэй?

Шэрó 65

Сэ́ндо и Зрахибэ́н

¹ “Мэ сыкадём Пэс на одолэнгэ, кон пхучэлас пал Мандэ; Ман латхнэ на одолэ, кон родэлас: “Акэ Мэ, акэ”, Мэ пхэнаवास народоскэ, савó на кхарэласпэ Мирé лавэса. ² Кажно дывэс протырдаvas Мирé вастá кэ народо, савó на кандэла, савó псирэла налачхэ дромэса, савó дживэла пир лэскири годы. ³ Кэ народо, савó дрэ якхá калякирэлас Ман: янэла свэнта

дыибэна дро вэш, хачкирэла фимиамо пэ бара. ⁴ Бэшэла дрэ коплицы (гробницы) и ратькирэла дрэ гебэр (пешчэра); хала балычано мас и налачхо (нажужо) хабэн исын дрэ лэскирэ чарэ. ⁵ Саво ракирэла: “Тэрдёв, на джа кэ мэ, пал-довá со мэ сом свэнто ваш тукэ.” Ёнэ исын тхув, саво трэй Мángэ тэ сунгав, яг, сави кажно дывэс хачола. ⁶ Акэ, со исын чхиндло ангил Миро муй: “На лавá Мэ тэ вырикирав, Мэ отдáва палэ, отдáва палэ лэнгэ. ⁷ Тумарэ грэх и кхэтанэ тумарэ-дадэнгирэ грэх, – ракирэла Рай Дэвэл; пал-довá тумарэ дада хачкирэнас фимиамо пэ бэрги, пэ тыкнэ бэргицы кошэнас Ман; Мэ отмеринава лэнгэ пал сарэ лэнгирэ рэндэ.” ⁸ Адякэ ракирэла Рай Дэвэл: “Кóли барьёла винаградо, тэньчи ракирэна: ‘На чхин лэс, пака ёв выбарьёла, дрэ лэстэ исын бахтякирибэн; адякэ Мэ кэрава ваш Мирэ писхарьэнгэ, соб (кай) тэ на хасякирав сарэн. ⁹ И вылыджава Мэ рóдо Яковостыр, Юда прилэла Мандыр Мирэ бэрги, дава прилэна Мирэ выкэдынэ; Мирэ писхарья (рабы) одой явэна тэ дживэн. ¹⁰ Пэ Сароно явэна тэ чаравэнпэ бакря; пэ Акхоро гурува явэна тэ откхинён, Мирэ народоскирэ, саво латхя Ман. ¹¹ А тумэн, кон ячкирдя Рас-Дэвлэс, бистырде пал Мири свэнто бэрга, кон кэравэла хабэн ваш Гадоскэ, чхувэла пхэрдó чарó ваш Мени (Судьба). ¹² Мэ тумэн отдáва курталакэ; тумэ пэрэна пэ чангá и тумэн замарна, пал-довá со Мэ кхардём и тумэ на отпхэндлэ, ракирдём – тумэ на шунэнас, а кэрэнас накуч ангил Мирэ якхá и выкэдэнас дова, со сыс Мángэ на пир ило.” ¹³ Палдава адякэ ракирэла Рай Дэвэл: “Акэ, Мирэ писхарья хана, а тумэ бокхалэ явэна; Мирэ писхарья явэна тэ пьен – а тумэ явэна би панескиро. ¹⁴ Мирэ писхарья явэна тэ радынэнпэ, а тумэ явэна ладжакирдэ; ёнэ явэна тэ баган илэскирэ радыматыр, а тумэ явэна тэ годлэн илэскирэ дукхатыр, и заровэна пхагирдэ духóстыр. ¹⁵ И ячкирэна тумарó лав, соб (кай) тэ прокошэн лэс Мирэ выкэдынэ манушá; и замарла тут Рай Дэвэл, а Пэскирэ писхарьён кхарэла явирэ лавэса. ¹⁶ Кóли вари-кон бахтякирэла пэс Лэса пэ дая пхув, явэла бахтякирдó чачунэ Дэвлэса, и кон совлахала пэ пхув, явэла тэ совлахал чачунэ Дэвлэса, пал-довá со гаратунэ биды бистрэнапэ, явэна гарадэ Мирэ якхэндэр. ¹⁷ Акэ, Мэ кэрава нэво болыбэн и нэви пхув; пал доя пхув болыбнаса, савэ сыс англэдыр вагэдыр (гарэдыр) бутыр на пририпиерна. ¹⁸ А тумэ явэна бахталэ, явэна тэ радынэнпэ сарэ бэршá пал дова, со Мэ кэрава. Акэ, Мэ кэрава Ерусалимо багаибнаса и лэскиро народо радымаса. ¹⁹ И Мэ лава тэ радынапэ пал Ерусалимо; Мэ явава радьпнытко пал Миро народо; одой бутыр никон на шунэла ровибэн и годлыпэн. ²⁰ Одой бутыр на явэла тыкнэ чхавэс и пхурэс, саво на дживдя сарэ пэскирэ бэршá, пал-довá со шэлбэршэнгиро мануш мэрэла тэрнэса; нэ шэлбэршэнгиро грэхитко явэла прокошно? ²¹ И явэна тэ кэрэн кхэрá, и явэна тэ дживэн дрэ лэндэ; тэ барьякирэн винаградники, и явэна тэ хан лэндэр. ²² На явэна тэ кэрэн, соб (кай) явир мануш одой тэ дживэл; на явэна тэ барьякирэн, соб (кай) явир тэ хал, пал-довá со Мирэ-народоскирэ дывэсá явэна, сыр дывэсá кэ кашт; и выкэдынэ Мирэ гарá (длугэс) явэна тэ рикирэнпэ кэ дова, со кэрдэ лэнгирэ вастá. ²³ На явэна тэ кэрэн буты ивя́ (дармэс), на явэна тэ биянэн чхаворэн пэ мэнька, пал-довá со явэна родоса, бахтякирдэ Дэвлэстыр, и лэнгирэ чхаворэ лэнца. ²⁴ Адякэ явэла: ангил дова, сыр ёнэ кхарэна Ман – Мэ пхэнава; ёнэ ишчо (инкэ) явэна тэ ракирэн, и Мэ шунава. ²⁵ Рув и бакрорó явэна кхэтанэ тэ чаравэнпэ; шчэр (лёво) явэла тэ хал пхус, сыр гурув, а сап хала прахо. Ёнэ на явэна тэ замарэн, на явэна тэ хасякирэн (тэ кэрэн чорипэн) пэ Мири свэнто бэрга”, – ракирэла Рай Дэвэл.

Шэрó 66

Сыр тэ Мангэнпэ Дэвлэскэ Чачунэс

¹ Адякэ ракирэла Рай Дэвэл: “Болыбэн исын Миро трóно, а пхув исын штéто ваш Мирэ гэрá; кай тумэ кэрэна кхэр ваш Мángэ, кай исын штéто, соб (кай) Мэ тэ откхинёвав? ² Пал-довá со сарó дава кэрдя Миро васт, и сарó дава сыс, – ракирэла Рай Дэвэл. “Акэ, пэ конэстэ Мэ подыххава: пэ одолэстэ, кон исын на пхутькирдо, пхагнэ духóса, кон издрала ангил Миро лав. ³ Одовá, кон зачхинэла гурувэс исын сы́рбы одовá, кон замарэла манушэс. Кон янэла бакрорэс ваш свэнто дыибэн исын сы́рбы одовá, кон затасавэла джуклэс; кон янэла даро

исын сýрбы одовá, кон чхувéла балычано рат; кон хачкирэ́ла фимиáмо, исын сýрбы одовá, кон мангéлапэ идолоскэ; сыр ёнэ выкэдынé пэскиро дром и дава́ налачхипэн исын дрóго лэнгирэ́ илэскэ. ⁴ Тэньци Мэ адякэ-паць кэрава́ лэнца пир лэнгиро хобаибэн, и Мэ яна́ва дар ваш лэнгэ, пал-довá со Мэ кхардём – и никон на отпхэндя́; Мэ ракиравас – ёнэ на шунэнас, а кэрэнас налачхэ́ рэндэ ангил Мирé якхá и выкэдэнас дова́, со Мánгэ на сыс пир илó. ⁵ Шунэн Рáскирэ-Дэвлэскиро лав одолé, кон издрала ангил Лэскиро лав! Тумарé пшáла на рикирэ́на дро илó тумэн, ёнэ традэна́ тумэн пал Мирó лав и ракирэ́на: “Мэк Рай Дэвэл тэ сыкавэл Пэс дро Пэскиро барипэн, и амэ подыкхаса, сыр тумэ́ явэна́ тэ радынэнпэ.” Нэ ёнэ явэна́ ладжакирдé. ⁶ Акэ, шуминэн дро фóро, акэ, исын зан кхангирья́тыр: Рáскирэ-Дэвлэскири зан; Дэвэл отплэскирэ́ла Лэскирэ́ вэргэнгэ. ⁷ На мэнчынэласпэ ёй, ко́ли биянэлас, нэ бияндя́; ишчо (инкэ) на поддгия́ дукх ла́кири, а ёй бияндя́ чхавэ́с. ⁸ Кон шундя́ дасаво? Кон дасаво дыкхця́? Ци кэрдя́пэ пхув пал екх дывэ́с? Ци наро́до сыс адякэ́ сы́гэс бияндло – пал екх мо́ло; сыр Сио́но? Сио́но на́бут вырикирдя́ дукх и бияндя́ пэскирэ́ чхавэ́н. ⁹ “Ци Мэ сом Ада́саво, со Мэ до́лыджава, соб (кай) джувлы́ тэ биянэл и Мэ на дава́ зор ваш дава́, – ракирэ́ла Рай Дэвэл. “Ци Мэ дава́ зор, а на дава́, соб (кай) тэ биянэл?” – ракирэ́ла Дэвэл тыро́. ¹⁰ “Радынэнпэ́ Ерусалимоса, радынэнпэ́ пал лэ́стэ сарé, конэ́скэ дрóго исын Ёв! Радынэнпэ́ радыпна́са кхэтанé Лэ́са сарé, кон тангинэ́лас (жалинэ́лас) пал Лэ́стэ; ¹¹ соб (кай) тэ хан и тэ чалён Лэ́скирэ́ радымáтыр, тэ пьен и тэ радынэнпэ́ барé Лэ́скирэ́ барипна́стыр.” ¹² Адякэ́ ракирэ́ла Рай Дэвэл: “Акэ, Мэ да́ва лэ́скэ свéто, сыр рэ́ка (лэнь); манушэнгиро барвалы́пэн исын сыр рэ́ка (лэнь), сави́ чхувéлапэ ваш тумари́ бахт; пэ вастá тумэн лыджáна, пэ чангá явэна́ тэ лашчынэн. ¹³ Сыр дай подрикирэ́ла дрэ́ биба́хт, адякэ́ Мэ тумэн подрикирава́; тумэ́ бахталé явэна́ дро Ерусалимо.” ¹⁴ И тумэ́ дыкхэ́на дава́, и обрадынэ́лапэ тумарó илó; кокалы́ тумарé сýрбы нэ́вэ ячэ́на, сыр зэлэ́ны чар, и одкэрлапэ́ Рáскиро-Дэвлэскиро васт кэ́ Лэ́скирэ́ писха́рья, а пэ пэскирэ́ вэргэндэ́ Ёв хо́лясо́ла. ¹⁵ Акэ, дрэ́ яг Рай Дэвэл явэ́ла, и лэ́скирэ́ вурдэ́на – сыр зоралы́ балва́л. И явэ́ла, соб (кай) тэ сыкавэл Пэ́скири холы́ зорья́са тэ сыкавэл Пэ́скирэ́ лавá пал холы́ хачкирдé ягáса. ¹⁶ Рай Дэвэл явэ́ла тэ сэндинэл ка́жно лоч (плоть), ягáса и хо́ляса, бут манушэн Ёв хася́кирэ́ла. ¹⁷ “Одолé, кон свэ́нтякирэ́ла и жу́жакирэ́л пэс дро вэ́шá, и хáна балычано́ мас, маги́рипэн и кармусэн (мышэ́н) – сарé ёнэ хасё́на”, – ракирэ́ла Рай Дэвэл. ¹⁸ “Пал-довá со Мэ джино́м лэнгирэ́ рэндэ́ и думы́; акэ, Мэ ява́ва тэ скэ́дав сарé наро́ды и екхэ́-чи́бьякирэ́ ро́ды; ёнэ явэ́на и дыкхэ́на Ми́ри патыв́. ¹⁹ И Мэ чхува́ва пэ лэндэ́ герты́к (досыкаибэ́н), Мэ бичхава́ва зракхнэ́ манушэн лэндыр кэ́ наро́ды: дро Фарсисо, дрэ́ Пула и Луда, кэ́ одолé, кон лэ́ла дро васт лу́ко тэ надтырдэл, дрэ́ Тубала и дрэ́ Явана, пэ́ дуратунé остро́вы, савэ́ на шундлэ́ пал Мánдэ́ и на дыкхнэ́ Ми́ри патыв́; и ёнэ пхэ́нэна́ дрэ́ наро́ды пал Мирó барипэн. ²⁰ И ёнэ янэ́на тумарé пшалэн сарé́ манушэндыр сыр да́ро Рáскэ-Дэвлэ́скэ, и лыджáна лэн пэ́ грэндэ́ и пэ ма́рибны́тка вурдэ́на, пэ гу́рувэндэ́, пэ сы́гнонэ́ верблюдэндэ́ – лыджáна лэн пэ́ Ми́ри свéнто бэ́рга дро Ерусалимо, – ракирэ́ла Рай Дэвэл, – адякэ́ сыр чхавэ́ Израилё́скирэ́ янэ́на да́ро дро Рáскирэ́-Дэвлэ́скиро Кхэр, янэ́на лэс дро жу́жó (чы́сто) кхо́ро. ²¹ И лэндыр Мэ ла́ва рашáн и Левитэн”, – ракирэ́ла Рай Дэвэл. ²² “И сыр нэ́во болы́бэн и нэ́ви пхув, савэ́ Мэ созда́ва, сарó часо́ явэ́на ангил Мирó муй, – ракирэ́ла Рай Дэвэл, – адякэ́ явэ́ла и тумарé родоса́ и тумарé лавэ́са. ²³ Тэньци ка́жнóнэ́ чхонэ́стыр дро чхон, ка́жнóнэ́ саватосы́тр дро са́вато (субóта) явэ́ла тэ джал ка́жно лоч (плоть), ангил Мирó муй, соб (кай) тэ дэн патыв́ Мánгэ”, – ракирэ́ла Рай Дэвэл. ²⁴ “И ёнэ явэ́на тэ вы́джан и явэ́на тэ дыкхэ́н одолé-манушэнгирэ́ трóпы, кон отгя́ Мánдыр; пал-довá со кирмо́ лэнгиро на хасё́ла, и яг лэнги́ри на му́рдéла; ёнэ явэ́на сыр джунгалы́пэн (маги́рипэн) ваш ка́жно лоч (плоть).”

Еремеескири Лылварі

Шэро́ 1

¹ Далэ исын Еремеескирэ ^[1] лавá, кон сыс Хелкииноскиро [Хилкияскиро-ю.о.] чхавó, рашáнгирэ родóстыр, савэ сыс дрэ Анафофа пэ Вениаиноскири пхув. ² Лэскэ бичхадя Рай Дэвэл Пэскиро лав, дрэ дывэсá Иосияскирэ (Ёсияскирэ), кон сыс Юдэякиро крáli дро дэшутрито бэрш, сыр ёв сыс крáli. ³ Рай Дэвэл адякэ-паць бичхадя Лэскиро лав дрэ дывэсá Иоакимоскирэ (Якимоскирэ), кон сыс Ёсиякиро чхавó и Юдэякиро крáli кэ/ жыко/ дэшупэрво бэрш, сыр Сэдэкія, Ёсияскиро чхавó сыс крáli пир Юдэя ангил дова, сыр дро пándжто чхон Ерусалимоскирэ манушэн лыджинэ дро плéно.

Рай Дэвэл Выкхарэла Еремее́с тэ Ангилпхэнэл

⁴ И сыс кэ мэ, Еремее́скэ, лав Рáстыр-Дэвлэстыр и пхэндя: ⁵ “Ангил дова, сыр Мэ создыём тут дрэ да́кирэ масá, Мэ выкэдыём тут. Ангил дова, сыр ту явдýн пэ свéто, Мэ высвэнцындём тут. И Мэ чхудём тут сыр пророкóс ваш Наюдэ́нгэ.” ⁶ Тэды пхэндём мэ: “Ах! Дэ́вла! Раё́ Дэ́вла! Дыхх, мэ на джинóм тэ ракира́в, пал-дова со мэ сом бия́то.” ⁷ Нэ Рай Дэвэл пхэндя ма́нгэ: “На ра́кир: ‘Мэ сом бия́то’; – пал-дова со ту джáса кэ сарé, кэ кон Мэ бичхавáва тут, и со Мэ припхэнава тýкэ, дова ту пхэнэ́са. ⁸ На дар лэндýр, пал-дова со Мэ сом тýса тэ ра́кхав тут”, – пхэндя Рай Дэвэл. ⁹ И тэньчи газды́я ангил Рай Дэвэл Лэскиро васт и чила́дя миро муй. И пхэндя Рай Дэвэл ма́нгэ: “Акэ, мэ чхувáва Мирé лавá дро тырó муй. ¹⁰ Дыхх! Мэ чхудём тут адады́вэс сыр барыды́рэс пэ манушы́тка на́цыи и пэ крали́пэна: тэ рискирэс криг корнэ́нца (рукхэ́нца), тэ пхагирэс кэ пхув, тэ розмарэс пэ котэ́ра, и тэ чхурдэс тэлé; тэ газдэс кхэ́ра, и тэ почхувэс гив дрэ пхув.”

Дуй Дыххибэ́на

¹¹ И ишчо (инкэ) сыс кэ мэ Рáскирэ-Дэвлэскиро лав, и пхэндя: “Еремее́, со дыкхэ́са ту?” И мэ пхэндём: “Мэ дыкхáва рандь (вэ́тка) миндалитконэ дрэ́востыр (каштéстыр).” ¹² Тэды пхэндя Рай Дэвэл ма́нгэ: “Ту миштéс дыкхэ́са. Мэ ра́кхавá, соб (кай) миро лав тэ кэрэлпэ (сполнинéлпэ) дро чачипэ́н.” ¹³ И сыс кэ мэ Рáскирэ-Дэвлэскиро лав явир мо́ло, и пхэндя: “Со дыкхэ́са ту?” Мэ отпхэндём: “Мэ дыкхáва ка́кави (котло), со кэраде́ла, и со сы́рбы рисéла пэ паш-ратякири (северно) риг. ¹⁴ Тэньчи пхэндя Рай Дэвэл ма́нгэ: “Паш-ратякирэ ригáтыр явэ́ла бй́да, пэ сарé манушэ́ндэ пэ пхув.” ¹⁵ Пал-дова со, акэ, Мэ кхара́ва тэ явэн сарé сэм’и (ирья́), савэ исын дрэ крали́пэна пэ паш-ратякири риг, – пхэндя Рай Дэвэл, – и ё́нэ явэ́на тэ чхувэ́н ка́жно (сва́ко) пэскиро трóно ангил Ерусалимоскири по́рта, и мамúй сарé ва́нты, со исын тру́сцýл (кругом), и мамúй сарé фо́рья, со исын дрэ Юдэ́я. ¹⁶ И Мэ выпхэнава Мирó пхарó-сэндякирибэн пэ лэ́ндэ пал сарó лэ́нгиро фуипэ́н, пал-дова со ё́нэ ячкирдé Ман, и ё́нэ тхувлякирдé дро́га смóлы явирэ дэвлорорэ́нгэ, и ё́нэ дынэ паты́в идолэ́нгэ, со кэрдé лэ́нгирэ вастá. ¹⁷ Палдава́, яв скэды́но и ушты́, и пхэн лэ́нгэ сарó, со Мэ припхэнава тýкэ. На замэр дарáтыр лэ́нгирэ муендыр, соб (кай) Мэ тэ на запхаги́рав тырó дýхо (фа́но) ангил лэ́ндэ. ¹⁸ Пал-дова со Мэ, акэ, кэрдём тýтыр сы́рбы зораляки́рдо фо́ро, сы́рбы са́струно стýлбо, сы́рбы бронзы́тка ва́нты проти сарí пхув, проти Юдэ́якирэ кра́льэ́ндэ, проти тхага́рьэ́ндэ, проти раша́ндэ, проти ка́далé пхувья́кирэ манушэ́ндэ. ¹⁹ И ё́нэ явэ́на тэ марэ́нпэ тýса, нэ ё́нэ на пири́зорькирэ́на тут, пал-дова со Мэ сом тýса, – пхэндя Рай Дэвэл, – соб (кай) тэ ра́кхав тут.”

1:1 ^[1] Дрэ Юды́тко ориги́нало “Иеремия”

Шэрó 2

Дэвэл Пэкэлапэ (Думинэла) пал Израилё

¹ И сыс кэ мэ, Рáскирэ-Дэвлэскиро лав, и пхэндя: ² “Джá и пхэн ясвэнца дрэ манушэнгирэ [чхакирэ-р.с.] канá Ерусалимóстыр, пхэни: ‘Адýкэ ракирэла Рай Дэвэл: ‘Мэ рипирава тут, Израилё, савé лачхэ сыс тырэ манушá тэрнал, тумарí патýв, со сыс сýрбы тэрнэндэ ангил совэл, сыр тумé гинé пал Мándэ пэ чхучэ прахи, пэ пхув, со на чхудé гивá ишчо (инкэ). ³ Ту, Израиле, сáнас свэнто Мándэ, ту сáнас пёрво барьякирдó (плóдо) Мирé умалотостыр. Мэ пхарэс сэндякирдём сарэн, кон дукхавэлас тут, мэ бичхававас бída пэ лэндэ,’” – пхэндя Рай Дэвэл.

Израилёскирэ-Манушэнгиро Грэхо, со Кэрдé Лэнгирé Дадá

⁴ Шунэн Рáскирэ-Дэвлэскиро лав тумé, кхэр Яковóскиро, и сарé сэм’и (ирýя) [кхэрá-р.с.] Израилёскирэ кхэрэстыр! ⁵ Адýкэ ракирэла Рай Дэвэл: ‘Савó чорипэн тумарé дадá латхнэ дрэ Мándэ, со ёнэ дуринэ Мándыр, со ёнэ гинé пал хартытка йдолы, и со ёнэ кокорé ячнэ хартытка (суетна)? ⁶ И на пхэндлэ ёнэ: “Кай исын Рай Дэвэл, Кон лыджия криг амэн Египтóскирэ пхувьятыр, Кон лыджия амэн пирдál чхучэ пхувья, пирдál чхучэ прахи, пирдál ганбиня, пирдál шутыкирды пхув, кай исын зэр (тень) сýрбы мэрибнастыр, пирдál пхув, пэ савí ниéкх на прогия, и никон на дживдý.” ⁷ И Мэ яндём тумэн пэ барвалы пхув, соб (кай) тумé тэ хан лáкирэ барьякирдé (плóды), и лáкиро миштыпэн, нэ сыр тумé загинé пэ дая пхув, тумé магирдэ кадая пхув, и тумé магирдэ Миро миштыпэн. ⁸ Э рашая на пхэндлэ: ‘Кай исын Рай Дэвэл?’, – кодолé, кон рикирэла зор пэ Закóно, ёнэ на джиндлэ Ман: пастыри адýкэ-паць кэрдé чорипэн Мángэ, и прорóки ангилпхэнэнас Валаалоскирэ лавэса, и ёнэ псирдэ пал йдолы, савэндýр на сыс ни савó лачхипэн лэнгэ. ⁹ Палдава Мэ явава бутýр тэ сэндякирав тумэн’, – ракирэла Рай Дэвэл, – “Мэ явава тэ сэндякирав тумарé-чхаворэнгирé чхаворэн. ¹⁰ Джáн пал Хитимоскирэ островы, бичхавэн манушэн пэ Кидаро и обдуминэн миштэс, ци сыс вари-со кадасавó, сыр кэрдé манушá: ¹¹ соб (кай) манушýтко нация тэ парувэл пэскирэ дэвлэн, мэк ёнэ и на сыс дэвэлá? Нэ Мирé манушá парудэ лэнгири слáва (Дэвлэскиро Барипэн) пэ йдолы, савэндýр на сыс нисавó лачхипэн. ¹² Дивинэнпэ зоралэс, болыбэн кадалэстыр, и тринскирэнпэ’, – пхэндя Рай Дэвэл. ¹³ Пал-довá со мирé манушá кэрдé чорипэн дуй мóлы: ёнэ ячкирдé Ман, Кон исын джидé-панескири ганингори и ёнэ выганадэ пэскэ вэндариня (сажалки), пхагирдэ лэн, со на могоинэна тэ рикирэн панí. ¹⁴ Со Израилёскирэ манушá ячнэ дынарьэнца? Ци со ёнэ исын кхэрýтка писхáрья? Сóскэ лэс вэрги обчорэна? ¹⁵ Тэрнэ шчэрá (левы) рыкинэна пэ Израилё и ёнэ брилинэна; ёнэ кэрдé Израилёстыр чхучí (пусто) пхув; лэскирэ фóрья хачкирдé и никон на дживэла одóй. ¹⁶ И адýкэ-паць тэрнэ манушá Тафнатыр и Мемфисостыр пхагирдэ тырэ-шэрэскири кралýтко стадык. ¹⁷ Ци на яндян ту кокорó, Израиле, сарó дава пэ пэстэ, сыр ту ячкирдян Ман, Рас-Дэвлэс, Дэвлэс, кéли Мэ лыджиём тут дромéса. ¹⁸ И аканá, ваш со тýкэ, Израиле, трэй тэ кэрэс дром кэ Егýпто и тэ пьес Сихороскирэ (Нилостыр) паня, ци тэ кэрэс дром кэ Асирия; и тэ пьес лáкирэ рэкáтыр (лэнятыр). ¹⁹ Фуипэн, со ту кэрдян, пирысклякирэла тут, и тырó отпхэныбэн Мándыр бангякирэла тут: палдава джá и дыкх, сыр кирко и бибáхт тýкэ, со ту ячкирдян Ман, Рас-Дэвлэс, и со тýтэ нанэ дар ангил Мándэ”, – пхэндя Рай Дэвэл, Рай Дэвэл болыбнаскирэ-янголэнгиро. ²⁰ ‘Пал-довá со Мэ гарá пхагирдём гáмо тырэ мэнятыр, Мэ роскусцём Тырэ пэнты, и ту пхэндян: ‘Мэ на явава тэ кэрáв чорипэн: нэ ту тэл кажно бóргица и тэл кажно зэлэно дрéво ту дéса патýв идолэнгэ, сýрбы налачхи джувлы. ²¹ И Мэ почхудём тут дрэ пхув сыр лачхэ-родоскиро винаградо, лачхэ-семёскирэ зяркатыр: сыр да ту пирикэрдянпэ дрэ хасибнýтко (верутно) отбарипэн диконэ винаградостыр ангил Мándэ. ²² Палдава, мэк ту и тэ выморэспэ аканá содаса, и тэ лэс бут сапуни, сароекх тырó чорипэн сыкадо ангил Мándэ,’ – пхэндя Рай Дэвэл, Рай Дэвэл. ²³ Сыр да ту могоинян тэ пхэнэс: ‘Мэ на сом магирдó, мэ на гиём пал Ваалостэ’? Дыкх, со ту кэрдян пэ дóло: ту сан сýрбы чвытко

верблюди́ха (дромада́риха), сави́ уса́ парувэ́ла пэски́рэ дрома́; ²⁴ ту сан сы́рбы хрустэ́нгири осли́ца, со присы́клёла кэ чхучи́ пхув, со сунгэ́ла кэ пэ балва́л [глытынэ́ла fáно-р.с.] ваш пэски́ро ты́рдыпэ́н? Кон дэ́ла ра́да тэ обри́кирэл ла, сыр ёй исын насвалы́ пал ослэ́ндэ? Сарэ́, кон родэ́ла ла, латхэ́ла ла би-пха́рипнаски́ро дро ла́киро чхон. ²⁵ При́икир, Изра́иле, пэски́рэ гэ́ра, соб (кай) ё́нэ тэ на явэ́н дукха́дэ, и пэски́ро кирло, соб (кай) ё́в тэ на явэ́л трушало́ (пиришуты́кирдо). Нэ́ ту пхэ́ндя́н: ‘Над, со́стыр тэ ужа́кирав лачхи́пэ́н. Над! Пал-дова́ со ма́нгэ кэ́рдэпэ́ (пока́млэпэ́) чу́жа дэ́влорэ́ и мэ джа́ва пал лэ́ндэ. ²⁶ Сы́р чор, савэ́с ладжа́кирдэ́, сыр ухты́лдэ́ лэс, ада́кицы ладжа́кирдэ́ пэс тумэ́, – ману́ша́ Изра́илэ́стыр: тумарэ́ кра́ля, тумарэ́ тхага́рья, и тумарэ́ раша́я, и тумарэ́ проро́ки, ²⁷ савэ́ пхэ́нэна каштэ́скэ: ‘Ту сан миро́ дад’, – барэ́скэ: ‘Ту я́ндын ман пэ́ свэ́то! ‘Тумарэ́ ману́ша́ риси́нэ́ думэ́са кэ́ Мэ, а на мо́са: нэ́ сыр явэ́ла пха́ро, тэды́ ё́нэ пхэ́нэна: ‘Ушты́ и зра́кх амэ́н.’ ²⁸ Нэ́ кай исын тумарэ́ дэ́влорэ́, со тумэ́ кэ́рдэ́ ваш пэ́скэ? Мэ́к ё́нэ тэ уштэ́н, и мэ́к ё́нэ тэ зракхэ́н тумэ́н, сыр исын пха́ро тумэ́нгэ́! Пал-дова́ со ту́тэ, Ю́дзя́, исын ада́кицы дэ́влорэ́, ки́цы исын фо́рья! ²⁹ Со́скэ́ тумэ́ явэ́на тэ́ чинга́рдэ́нпэ́ Ма́нца? Сарэ́ тумэ́ кэ́рдэ́ грэ́хо проти́ Ма́ндэ!’ – пхэ́ндя́ Рай Дэ́вэл. ³⁰ Ивья́ (напра́снэс) муля́кирдём́ Мэ́ тумарэ́ чхаво́рэ́н, ё́нэ на прилы́нэ́ дова́, пал со мэ́ пи́рисы́кляки́рдём́ лэ́н. Тумэ́ ко́корэ́ за́чингирдэ́ курта́ласа пэ́скирэ́ проро́кэ́н, сы́рбы шчэ́р (лё́во), со по́хала са́ро. ³¹ О, Изра́илэ́скиро́ ро́до! Шунэ́н мирэ́ лава́ Ра́стыр-Дэ́влэ́стыр! Ци со́мас Мэ́ сы́рбы пэ́ чхучи́ пхув Изра́илэ́скэ́? Ци сы́рбы калы́ (тёмно́) пхув? Со́скэ́ тэды́ Мирэ́ ману́ша́ ра́кирэ́на: ‘Амэ́ ко́корэ́ сам рая́ пэ́скэ́! Амэ́ буты́р на ява́са кэ́ Ту!’ ³² Ци мо́гинэ́ла чхай́ тэ́ би́стрэл ла́кири шука́рни вя́нка (шукáр укэ́дыибэ́н)? Ци тэ́рны́ тэ́ би́стрэл ла́киро шука́рно ури́бэ́н? Нэ́ Мирэ́ ману́ша́ би́стрэ́нас Ман ада́кицы́ бут дывэ́са́, со на́шты́ тэ́ по́гина́с. ³³ Сы́р тумэ́ шука́рья́кирэ́на (хо́ханэ́с подкэ́рэ́на) пэ́скири ма́нера, соб (кай) тэ́ латхэ́н ка́мибэ́н? Палдава́ тумэ́ аж вы́сы́кляки́рдэ́ пэ́скирэ́ ма́нерэ́нгэ́ са́монэ́ бэ́донэ́ джу́влэ́н. ³⁴ А́дыкэ́-па́ць ману́ша́ латхэ́нэ́ пэ́ тру́юны (пэ́ подя́) рат, со би́банги́пнаски́рэ́ ману́ша́ прочху́дэ: ‘Мэ́ на латхэ́м дава́, чо́раханэ́с роды́и, нэ́ а́дыкэ́ у́прал са́ро би́цяло́.’ ³⁵ Нэ́ тумэ́ ишчо́ (инкэ́) ра́кирэ́на: ‘Пал-дова́ со амэ́ на са́м бангэ́, Лэ́скири хо́лы́ рисэ́ла ри́гаса амэ́ндыр!’ Ды́кхэ́н жа! Мэ́ ява́ва тэ́ лы́джав чинга́рд (тэ́ сэ́нди́навпэ́) тумэ́нца, пал-дова́ со тумэ́ пхэ́ндлэ́: ‘Амэ́ на кэ́рдя́м грэ́хо.’ ³⁶ Со́скэ́ тумэ́ древа́н бут пси́рэ́на чхучэ́с, и парувэ́на тумарэ́ дро́ма? Тумэ́ явэ́на ладжа́кирдэ́ дро́ Егип́то, а́дыкэ́-па́ць сыр тумэ́ са́нас ладжа́кирдэ́ дре́ Аси́рия. ³⁷ Нэ́ тумэ́ джа́на кри́г Егип́то́стыр, и тумарэ́ васта́ явэ́на пэ́ тумарэ́ шэ́рэ: пал-дова́ со Мэ́, Рай Дэ́вэл, на прилы́ём дова́, кэ́ со тумарэ́ илэ́ риси́нэ́, и дава́ на уде́лапэ́ кэ́ тумаро́ мишты́пэ́н.”

Шэ́ро 3

Ереме́е́ Кха́рэ́ла Изра́илэ́ тэ́ Рисэ́л кэ́ Дэ́вэл

¹ Ишчо́ ра́кирэ́на ё́нэ: ‘Ко́ли ма́нуш розджа́лапэ́ пэ́скирэ́ ромня́са, и ё́й джа́ла кри́г лэ́стыр и ё́й ячэ́ла ромны́ яви́рэ ма́нушэ́скэ́, ци са́шты́, соб (кай) ё́й тэ́ рисэ́л палэ́ кэ́ ё́в? Ци на явэ́ла ко́доя́ пхув хо́р ма́гирды́? Нэ́ тумэ́, ману́ша́ Изра́илэ́стыр, ка́млэ́ бут яви́рэ дэ́влорэ́ сы́рбы на́лачхи́ джу́влы́, нэ́ са́рое́кх (уса́е́кх) рисе́в кэ́ Мэ́’, – ра́кирэ́ла Рай Дэ́вэл. ² Га́здэ́н пэ́скирэ́ якха́ пэ́ вучэ́ би́манушэ́нгирэ́ штэ́ты и Ды́кхэ́н а́кана́, кай тумэ́ сы́кадэ́ па́ты́в яви́рэ дэ́влорэ́нгэ́. Па́шэ́ дро́ма́ тумэ́ са́нас бэ́штэ́ ваш лэ́нгэ́, сы́рбы о́ Арабо́ пэ́ чхучи́ пхув, и тумэ́ ма́гирдэ́ пэ́скири́ пхув на́лачхэ́ ка́мибна́са и фу́ипна́са. ³ Палдава́ па́нинга́ сы́с при́икирдэ́, и на сы́с вэ́снаки́рэ́ бры́шында́ и тумэ́ндэ́ чи́ката́ я́чнэ́ сы́рбы на́лачхэ́ джу́влэ́тэ́, нэ́ тумэ́ на прилы́нэ́ ладжа́кири́бэ́н. ⁴ Ци явэ́на тумэ́ тэ́ кха́рэ́н я́свэ́нца́ Ма́н: ‘Миро́ Да́до! Ту сан Лы́джа́ибна́скиро́ ама́рэ́ тэ́рны́пна́стыр? ⁵ Ци я́чэ́сапэ́ Ту хо́лямо́ пэ́ са́рэ́ ве́ки? Ци явэ́са́ Ту тэ́ ри́кирэ́с хо́лы́ кэ́ са́мо ко́нцо́ (кэ́ я́го́ро)?’ Ды́кхэ́н, тумэ́ пхэ́ндлэ́ дава́, нэ́ тумэ́ кэ́рдэ́ чо́ри́пэ́н ада́кицы́ бут, ки́цы́ тумэ́ фэ́ни мо́гиндлэ́!”

Еремее йсын Бичхадó Явír Мóло кэ Манушá Израилёстыр, Савэ Дуринэ Дэвлэстыр

⁶ И пхэндя Рай Дэвэл мангэ, Еремеекэ, дрэ дывэса, кели Иосия (Ёсия) сыс крáli: ‘Ци дыкхця́н ту, со кэрдя́ чхай́ Израилёскири, сави́ отгия́ патяибнастыр? Ла́кирэ манушá псирэнас тэл кажно́ вучи́ бэрга, и кажно́ элэно́ дрéво и ёнэ́ сыкадэ́ патыв́ кэ́ явír дэвлорé сы́рбы́ налачхи́ джувлы́. ⁷ И палó дова́, сыр́ Израилё́ кэрдя́ сарó дава́, Мэ́ пхэндём: “Рисёв́ кэ́ Мэ.” Нэ́ ёв на́ рисия́. И лэскири́ здыибнаскири́ пхэн́ Юдэ́я дыкхця́ дава́. ⁸ И дыкхця́ Юдэ́я дава́, кели́ пир́ причина́, со́ Израилё́ отгия́ патяибнастыр́ и лэскирэ́ манушá уса́ сыкавэ́нас камибэн́ кэ́ явír дэвлорé сы́рбы́ налачхи́ джувлы́, то́ Мэ́ бичхадём́ Израилёскирэ́ манушэн́ криѓ Пэ́стыр, и дыём́ лэскэ́ розгиныбны́тко лы́л (фода́), нэ́ лэскири́ здыибнаскири́ пхэн́ Юдэ́я на́ даранды́я, нэ́ ёй́ гия́ и ёй́ адя́кэ-паць́ сыкадэ́ патыв́ кэ́ явír дэвлорé. ⁹ И сыс́ адя́кэ, со́ Юдэ́я магирдя́ пхув́ пэскирэ́ нахратонэ́ камибна́са, и ёй́ дэлас́ патыв́ барэнгэ́ и каштэнгэ́. ¹⁰ Нэ́ уса́екх (сароекх)́ Израилёскири́ здыибнаскири́ пхэн́ Юдэ́я на́ рисия́ кэ́ Мэ́ сарé́ илэ́стыр, нэ́ ёй́ фэ́ни пэ́фроми (пэмисни), – пхэндя́ Рай Дэвэл. ¹¹ Тэ́ньчи́ пхэндя́ Рай Дэвэл́ мангэ́, Еремеекэ́: “Израиле́, савó отгия́ патяибнастыр, сыкадэ́ пэс́ чачунэ́дыр, сыр́ здыибнаскири́ Юдэ́я. ¹² Джá и́ роспхэн́ (обзаны́кир) сарэнгэ́ далé лава́ одóй кэ́ паш-ратя́кири (шы́лалы) риѓ, кон́ исын́ одóй дро́ плéно, и пхэн́: ‘Рисёв́, отгии́бны́тко Израиле́!’ -ракирэ́ла Рай Дэвэл, – ‘Мэ́ на́ ява́ва тэ́ дыкхáв холя́мэс пэ́ тута́, пал-дова́ со́ Мэ́ сом́ лачхэ́-дэскиро́ и Мэ́ на́ ява́ва тэ́ ри́кирав́ холы́ пэ́ сарé́ ве́ки. ¹³ Фэ́ни (екх)́ пригалёв́ пэскири́ банѓ, со́ ту́ пхагирдя́н Ра́скирэ-Дэвлэ́скиро, Дэвлэ́скиро Зако́но, и ту́ чхурдэса́пэ екхэ́ ригáтыр пэ́ явír анги́л чужо́нэ дэвлорéндэ́, тэл кажно́ элэно́ дрéво, и со́ ту́ на́ шундя́н Ми́ри зан́, – пхэндя́ Рай Дэвэл. ¹⁴ “Рисён́ тумэ́, отгии́бны́тка чхавэ́”, – пхэндя́ Рай Дэвэл, – пал-дова́ со́ Мэ́ сом́ тумарó́ Хула́й. Мэ́ ла́ва екхэ́с кажно́нэ́ форóстыр, и ду́ен кажно́нэ́ сэмё́стыр (родóстыр), и Мэ́ яна́ва тумэн́ пэ́ Сио́но. ¹⁵ И Мэ́ да́ва тумэ́нгэ́ чхупна́рьен [пасты́рен-р.с.] пир́ Мирó́ ило́, савэ́ явэ́на тэ́ чаля́кирэн́ тумэн́ джины́бна́са, и галы́ибна́са. ¹⁶ И явэ́ла адя́кэ: кели́ тумэ́ндэ́ бия́ндэ́на бут-бут́ манушá́ и явэ́на буты́р и буты́р манушá́ тумэ́ндэ́, дро́ долé́ дывэ́са, – пхэндя́ Рай Дэвэл, – тумэ́ндэ́ на́ явэ́на тэ́ раки́рэн́ буты́р: ковчэ́го (мохто́) Дэвлэ́скирэ́ Заветоса́.’ Манушэ́ндэ́ на́ явэ́ла дава́́ пэ́ годы́: ёнэ́ на́ явэ́на ни́ тэ́ рипи́рэн́ дава́, ни́ тэ́ явэ́н кэ́ ковчэ́го ни́ на́ подкэ́рэн́ лэс. ¹⁷ Дро́ дава́́ часо́ (цýро) ёнэ́ явэ́на тэ́ кхарэ́н Ерусали́мо Ра́скирэ-Дэвлэ́скиро́ троноса́, и сарé́ манушэ́нгирэ́ на́цыи́ кэдэ́напэ́ кхэ́танэ́ кэ́ Ерусали́мо и буты́р на́ явэ́на тэ́ псирэ́н на́кандунэ́с пир́ лэ́нгирэ́ пхарé́ илэ́. ¹⁸ Дрэ́ долé́ дывэ́са́ манушá́ Юдэ́якирэ́ кхэ́рэ́стыр явэ́на кэ́ Израилё́скиро́ кхэр, и ёнэ́ явэ́на кхэ́танэ́ тэ́ джа́н пхувья́тыр, со́ исын́ пэ́ паш-раты́тко (шы́лалы) риѓ кэ́ пхув, со́ Мэ́ дыём́ тумарé́ дадэ́нгэ́ сыр́ мэ́кно́ мишты́пэн. ¹⁹ И пхэндём́ Мэ́, Рай Дэвэл: ‘Сыр́ Мэ́ прила́ва тумэн́ сыр́ Ми́рэ́ чхаворэ́н и Мэ́ да́ва тумэ́нгэ́ лачхы́ пхув, най́ шука́рэдыр́ мишты́пэн сарé́ манушэ́нгирэ́ на́цые́ндыр!’ – и ишчо́ (инкэ́) Мэ́ пхэндём: ‘Тэ́ды́ тумэ́ явэ́на тэ́ кхарэ́н Ман́ ‘Амарó́ Дад́, и тумэ́ на́ отджана́ криѓ Ма́ндыр. ²⁰ Нэ́ ту, Израиле́, сы́рбы́ на́патяи́бны́тко ромны́, сави́ дурьё́ла пэскирэ́ ромэ́стыр, адя́кэ-паць́ ты́рэ́ манушá́ мэ́кно́ Ман! ²¹ Шунэ́н заня́ пэ́ вучэ́ штэ́ты, сыр́ ровэ́на и мангэ́напэ́ Израилё́скирэ́ чхаворé́, пал-дова́ со́ ёнэ́ пи́ри́скирдэ́ пэскирэ́ дро́ма́ дро́ джи́ибэ́н, и ёнэ́ бисты́рдэ́ Рас-Дэвлэ́с, пэскирэ́ Дэвлэ́с. ²² Рисён́ тумэ́, отгии́бны́тка чхаворалэ́, и Мэ́ састя́кирава́ тумарó́ нача́чипэ́н. И ёнэ́ пхэндлэ́: ‘Акэ́, амэ́ джа́са кэ́ Ту, пал-дова́ со́ Ту́ сан, Рай Дэвэл, амарó́ Дад́.’ ²³ Чачипэ́н, со́ амэ́ ивя́я́ патя́нды́ям, со́ бэ́рги́цы́ выра́кхэ́на амэ́н, со́ бутэ́-бэ́ргэ́нгири́ зор́ подэ́ла васт́ амэ́нгэ́: чачипна́са Рай Дэвэл, амарó́ Дэвэл́ фэ́ни выра́кхэ́ла амэ́н. ²⁴ Пал-дова́ со́ ладж́, со́ кэ́рдэ́ амарé́ да́да́ тэрны́пна́стыр, по́халас́ лэ́нгирэ́-бакрэ́нгирэ́ ста́ды и тэ́ды, лэ́нгирэ́ чхавэ́н и чха́ён. ²⁵ Амэ́ сам́ паштэ́ дрэ́ амары́́ ладж́, и амарó́́ била́джаипэ́н чха́кирдя́́ амэ́н: пал-дова́ со́ амэ́ кэ́рдя́м грéхо́ проти́ Ра́стэ́-Дэвлэ́стэ́, амарé́́ Дэвлэ́стэ́: амэ́́ и амарé́́ да́да́, амарé́́ ты́рны́пна́стыр кэ́ ада́ды́вэс, и амэ́́ на́ канды́ям Ра́скирэ́-Дэвлэ́скири́, амарé́́-Дэвлэ́скири́ зан!’”

Шэ́ро́ 4

¹ ‘Кóли́ ту́ рисё́са, Израиле́’, – пхэндя́ Рай Дэвэл, – ‘рисёв́ кэ́ Мэ́. И кóли́ ту́ вы́чхурдэ́са пэ́скирэ́ джунгалé́ (бры́дка) дэвлорé́ Ми́рэ́ якхэ́ндыр, тэ́ньчи́ ту́ на́ явэ́са тэ́ парувэ́с пэ́скиро́

дром. ² И ту явэса тэ совлахас: “Тэ явэл джидо Рай Дэвэл патяибнаса, сэндоса и чачипнаса, соб (кай) Мэ тэ бахтыкирав сарэн Наюдэн, соб (кай) Мандыр ёнэ тэ барьякирэн пэс!” ³ И адякэ пхэндя Рай Дэвэл манушэнгэ Юдэятыр и Ерусалимостыр: ‘Роспахравэн (роspашынэн) начиладэ пхувья (чхучэ пхувья), и на чхувэн гив дрэ пхув машкир пхусадытка хрүсты. ⁴ Обчхинэн пэс ваш Мángэ, Рáскэ-Дэвлэскэ, и злэн цыпа тумарэ илэндыр, тумэ, манушáлэ Юдэятыр, и кон дживэла кэ Ерусалимо, соб (кай) тэ на пэрэл Миро холякирибэн сыр яг, и соб (кай) тэ захачол адякэ, со никон на мудькирэла, пал-довá со тумэ кэрдэ бибахт.

Пэрибэн Пэ Ерусалимо

⁵ Подэн зан (звесь) дрэ Юдэя, обзаныкирэн дро Ерусалимо и пхэнэн: ‘Пхурдэн дрэ рóги (трубы) пир пхув: ровэн, кэдэнпэ кхэтанэ и пхэнэн: ‘Скэдэнпэ и джаса андрэ фóрья марибнытконэ (зоралэ) вантэнца.’ ⁶ Ёздэн сцяго каринг Сионо: нашэн, на ячэнпэ (на тэрдэн). Пал-довá со Мэ янава бибахт паш-ратитконэ (шылалэ) ригáтыр и бари хась (барó хасибэн). ⁷ Шчэр (лёво) выджáла пэскирэ хашчатыр и хасякирибнаскиро пэ Наюдытконэ манушэндэ: ёв джáла пэскирэ, штэтóстыр тэ чхучакирэл Юдэякири пхув, соб (кай) фóрья дрэ Юдэя тэ явэн чхучэ, би манушэнги́ро. ⁸ Палдава́ подпхандэнпэ жалобнонэ гонэса, обровэн и ровэн годлáса: пал-довá со Рáскирэ-Дэвлэскиро холякирибэн, на рисия́ амэндыр. ⁹ ‘И явэла адякэ дрэ дова́ дывэсá’, – ракирэла Рай Дэвэл, – ‘со кралýскиро и тхагарьенгирэ илэ замэрэна, и дýво дарáса ухтылэла рашán, и пророкэндэ кэрэнапэ барэ якхá трашатыр (дарáтыр)! ¹⁰ И пхэндём тэды Мэ, Еремее́: “Ах, Дэвла, Раё-Дэвлалэ! Наушто Ту залыджиян дрэ фротыма кадалэ манушэн Ерусалимостыр, пхэни: ‘Тумэндэ явэла рамáнэ!’ Нэ кели чачунэс куртáла исын пашыл лэнгирэ дия.” ¹¹ Дро дова́ часо явэла пхэндлó кадалэ манушэнгэ и Израилёскэ: “Шукý балвэл джáла вучэ штэтэндыр, со исын пэ чхучэ прахи, пэ Мирé манушэндэ, на, соб (кай) тэ жужакирэн, ци, соб (кай) тэ веинэл сыр гив; ¹² нэ да́я балвэл долé штэтэндыр явэла зоралэдýр пир Миро припхэныбэн: аканá Мэ пхэна́ва мирé лавá тэ сэндякирав лэн. ¹³ Акэ, вэ́рго джáла тэлé сы́рбы óблоки и лэскирэ марибны́тка вурдэна́ явэна сыр rischiрибнаскири балвэл, а лэскирэ граё́ исын сыгэдýр орлэндыр (кидэндыр). “Бида амэнгэ! Пал-довá со амэ хасиям!” ¹⁴ Выморэн тумарэ илэ фуипнастыр, соб (кай) тумэнгэ тэ зракхэнпэ. Сыр гарá бибахталé дýмы явэна дрэ тумарэ шэрэ? ¹⁵ Пал-довá со зан джáла Даностыр, шылалэ ригáтыр, и пал бэдыпэн (хасибэн) занякирэна Ефраимоскирэ бэргáтыр: ¹⁶ “Дэн тэ джинэн пал дава́ Наюдэнгэ, – мэк Ерусалимо тэ шунэл, со вэ́рги джáна дура́тунэ пхувья́тыр тэ облэн трусцýл фóро, и ёнэ гáздэна пэскири гóдла пэ Юдэякирэ фóрья. ¹⁷ Сы́рбы раххибнаскирэ пэ ф́лда, ёнэ сарé обджана трусцýл Ерусалимо, пал-довá со дава́ фóро газдыя бýнто пэ Мáндэ’, – пхэндя Рай Дэвэл. ¹⁸ Довá, сыр тумэ дживдэ и со тумэ кэрдэ, манушá Юдэятыр, сыс причына, со кэрдýпэ тумэнца.

Пир Давá Фуипэн, Чачó, Исын Кирко Тумэнгэ; Давá, Дыкхэн, Сыр Хáла Тумаро Илó

¹⁹ Миро ди калёла! Миро ди калёла, сарó миро илó дукхала тугатыр! Сыр издрала миро илó роибнастыр, мánгэ нашты́ тэ явав штыл, пал-довá со ту шунэса, миро ди, сыр башавэла рóго (труба), сыр дэна гóдла, кай джáла марибэн. ²⁰ Хась (бýда) джáла пал хась (бýда), дыкхэн, сыр сарó пэ пхув исын розмардо, мирé шáтры (буды) пэ якхá рoспхагирдэ, и ангýл якхá хасякирдэ шатракиро полого. ²¹ Сыр гарá (длýгэс) мánгэ тэ дыкхáв пэ сцяго (пэ фла́го), и тэ шунав рогоскири зан? ²² ‘Пал-довá со Мирé манушá исын налачхэ, ёнэ на джинэ́на Ман, – ракирэла Рай Дэвэл – ‘ёнэ исын на годьварэ, ёнэ исын годэ́ тэ кэрэн бибахт (чорипэн), нэ ёнэ на джинэ́на тэ кэрэн лачхипэн.” ²³ Мэ, Еремее́, дыкхáва пэ пхув сы́рбы дро сунó, и, акэ, – ёй исын нашады и чхучý; и, акэ, пэ болыбэн – нанэ дуд (св́то) пэ лэстэ. ²⁴ Мэ дыкхáва пэ бэ́рги, и, акэ, – ёнэ издрана, и сарé бэ́ргицы тринскирнапэ одорýк и палэ. ²⁵ Мэ дыкхáва дурэдýр, и, акэ, – нанэ ниéкх манýш, и сарé болыбна́скирэ чирикля́ вурняндынэ криг. ²⁶ Мэ дыкхáва дурэдýр, и акэ, – Кармило (пхабуны ф́лда) кэрдýпэ сыр чхучý пхув; и сарé лáкирэ

фóрья исын пхагирдэ пэ барá ангíл Растэ-Дэвлэстэ, Лэскирэ барэ холятыр. ²⁷ Пал-довá со адякэ пхэндя Рай Дэвэл: “Сарí пхув явэла чхучакирды (чхучí), нэ Мэ на сарэса хасякирэва пхув. ²⁸ Далэстыр пхув явэла тэ тугинэл зоралэс, и болыбэн упрáл явэла калó, пал-довá со Мэ, Рай Дэвэл пхэндём дава́, Мэ чхудём дрэ годы́ дава́; Мэ на ковлёвава, Мэ на рисёва́ва палэ. ²⁹ Кажно (сва́ко) ману́ш явэла тэ нашёл криг годлатыр, со газдэна уклистэнгирэ халадэ, и карье-дыибнарья лукостыр. Вари-савэ джана криг дрэ хашчы (заросли), и явир зарэсэна пэ бэрги. Кажно фóро явэла мэкно́, и ниэкх ману́ш на явэла тэ дживёл одой. ³⁰ И ту, росчордо Ерусалимо, со ту явэса тэ кэрэс? Мэк ту и тэ урьёспэ дро куч лолó плашчо, мэк ту и тэ шукарьякирэс пэс гожонэ вянкэнца сувнакастыр, мэк ту и тэ подмакхэс пэскирэ якхá макхлуныса (краскаса), нэ ивья́ (напрáснэс) ту сарó гожакирэса пэс, Тырэ дро́га малá дыкхэна вучипнастыр пэ тóтэ, ёнэ родэна тэ мулякирэн тут. ³¹ Пал-довá со мэ, Еремее́, шундём гóдла сы́рбы джувлятыр, кон пхарэс биянэла, дава́ исын джувлякирэ пхарэ гондя́ сы́рбы кодолятэ, кон биянэла пэрво мо́ло ла́кирэ биятос, Ерусалимо́скири гóдла исын сы́рбы кодолятэ, сави́ мэнчынэлапэ зоралэс и протырдэла вастá, пхэни́ (ракири́): “Бида ма́нгэ! Миро ди нашавэла зор ангíл мулякирибнаскирэндэ!”

Шэро́ 5

Еремее́ Ракирэ́ла, со Дэвлэ́скиро Сэ́ндо Явэ́ла пэ Ерусали́мо пал Чорипэ́н

¹ Джáн упрé и тэлé пир вули́цы (га́сы) дро Ерусали́мо, и дыкхэ́н акана́, и доджинэ́нпэ, и родэ́н пэ англи́нэ штэ́ты дро фóро, ци тумé дэ́на ра́да тэ латхэ́н екхэ́ манушэ́с, соб (кай) ёв тэ кэрэ́л сарó пир чачипэ́н, ци, савó тэ родэ́л патяибэ́н, и, – ‘Мэ отмэ́кавас банг Ерусали́москэ́’, – ракирэ́ла Рай Дэвэл. ² И ко́ли манушá Ерусали́мо́стыр ракирэ́на: “Тэ явэл джидó Рай Дэвэл!” Ёнэ совла́хана нача́чунэс. ³ Раё́ Дэ́вла! Ци на дыкхэ́на Тырэ́ якхá пал патяибэ́н? Ту пэ́кавэса лэ́н пэ мэрибэ́н, нэ лэ́нгэ на дукхана да́ба (удары) (нанэ дукхано); Ту домарэ́сас лэ́н, нэ ёнэ отпхэндэ́пэ, соб (кай) Ту тэ пи́рсыклякирэ́с лэ́н: ёнэ кэ́рдэ пэ́скирэ муя́ зоралэ́дыр скалатыр, ёнэ отпхэндэ́пэ тэ рисэ́н палэ́ кэ́ Ту. ⁴ И пхэндём мэ́ пэ́скэ: ‘Кадалé манушá исын сы́рбы чорорé, ёнэ исын нагодé; ёнэ на джинэ́на ни Ра́скирэ-Дэвлэ́скиро дром, ни Зако́но пэ́скирэ-Дэвлэ́скиро. ⁵ Джа́ва мэ́ фэ́дыр кэ́ барэ́ манушá, и пхэ́нава мэ́ лэ́нгэ: пал-довá со ёнэ исын бангé тэ джинэ́н Дэвлэ́скиро дром, Зако́но Пэ́скирэ-Дэвлэ́скиро. Нэ кадалé манушá кхэ́танэ́ сарé пхагирдэ́ га́мо, ёнэ роскушнэ́ веринга, соб (кай) тэ на кандэ́н. ⁶ Палдава́ вэшы́тко шчэ́р (лёво) мулякирэ́ла лэ́н, и ру́в, со пэ́рэла бэ́львэлé, мэкэ́ла лэ́н чхучé вастэ́нца; леопардо́ явэ́ла тэ ужакирэ́л чораханэ́с лэ́н пашы́л фóрья; ка́жно (сва́ко), кон вы́джáла, явэ́ла риско́рдо пэ́ котэ́ра; пал-довá со лэ́нгиро чорипэ́н явэ́ла буты́р, и ёнэ буты́р отпэ́рэна Дэвлэ́стыр. ⁷ Пир да́я причы́на сыр Ма́нгэ, Ра́скэ-Дэвлэ́скэ́ тэ отмэ́кав банг тóкэ? Тырэ́ чхавé, мэкнэ́ Ман, и ёнэ совлахадé́ идолэ́нца, савэ́ исын на дэвэ́ла. Мэ́ дыём тэ хан ча́лэс лэ́нгэ, нэ ёнэ кэ́рдэ марки́ Ма́нгэ, сы́рбы нала́чхи джувлы́, и ёнэ гуртоса́ псирэ́н кэ́ верте́по (биладжа́куно кхэ́р). ⁸ Ёнэ псирдэ́ тру́сцял сы́рбы ча́лэ гэ́ншты, и ка́жно лэ́ндыр гры́митынэ́лас (иржынэ́лас) пэ́ пэ́скирэ-пашатунэ́скирэ ромня́тэ. ⁹ “Сыр Мэ́ тэ на сэ́ндякирав пхарэ́с лэ́н пал сарó дава́?” – ракирэ́ла Рай Дэвэл. “Сыр Мэ́ тэ на отда́в палэ́ холы́н дасавэ́ манушы́тконэ́ на́цыякэ́ сыр кадалé́ манушá? ¹⁰ Джáн упрé пэ́ Ерусали́мо́скирэ ва́нты и роспхагирэ́н лэ́н пэ́ котэ́ра, нэ тумé на хасякирэ́н лэ́н сарэ́са. Кэ́дэ́н криг лэ́нгирэ́ хрúсты́ [шпи́ли-р.с.], пал-довá со ёнэ исын на Ра́скирэ-Дэвлэ́скирэ! ¹¹ Сарé́ джинэ́на, со Израилé́скиро кхэ́р и Юдэ́якиро кхэ́р ячкирдэ́ Ман сыр на́патяибны́тка, – ракирэ́ла Рай Дэвэл. ¹² Ёнэ отпхэндэ́пэ Ра́стыр-Дэвлэ́стыр и пхэндлэ́: “Рай Дэвэл нисó на кэ́рэла амэ́нгэ. Биба́хт (би́да) на явэ́ла пэ́ амэ́ндэ́. Амэ́ на дыкхаса́ ни курта́ла, ни бокх. ¹³ И проро́ки я́чнэ́ [я́чэна-р.с.] сы́рбы балва́л и нанэ́ лав лэ́ндэ́ Ра́стыр-Дэвлэ́стыр. Лэ́нца явэ́ла дова́-па́ць, со и амэ́нца.” ¹⁴ Палдава́ адякэ́ ракирэ́ла Рай Дэвэл ма́нгэ, Еремее́скэ́, болы́бна́скирэ-янголэ́нгиро Дэвэл: “Пал-довá со тумé пхэндлэ́́ дасавэ́ лава́, акэ́, Мэ́ кэ́рава ми́рэ лавэ́ндыр я́г дрэ́ тумарé́ муя́. И Мэ́ кэ́рава тумэ́ндыр кашта́, со да́я я́г похала́. ¹⁵ Акэ́, Мэ́ я́нава манушы́тко на́цыя пэ́ тумэ́ндэ́ дури́пнастыр, Израилé́скиро кхэ́р”, – ракирэ́ла Рай Дэвэл! “Давá исын зоралы́

нацыя, дая нацыя исын гаратуны, савэнгири чиб на джинэна тумэ, и тумэ на галёна, со ёнэ пхэнэна. ¹⁶ Лэнгиро [лэскиро-р.с.] колчано исын сыр отпхандлы магила; ёнэ исын сарэ муршарья. ¹⁷ И ёнэ похана тумарэ гива и тумаро маро, и ёнэ похана тумарэ чхавэн и тумарэ чхаён. Ёнэ похана тумарэ бакрэнгирэ гурты и тумарэ табуны. Ёнэ похана тумарэ винаградытка барья, и тумарэ инжыритка кашта; ёнэ роспахирэна бара пэ тумарэ форя зоралэ тыноса курталаса, дрэ савэ тумэ рискирэна илэ тэ зракхэнпэ. ¹⁸ Нэ сароекх (усаёкх) дрэ долэ дывэса, – пхэндя Рай Дэвэл, – ‘Мэ на хасякирава сарэса тумэн.’ ¹⁹ И явэла адыкэ: коли тумэ пхэнэна, соскэ Рай Дэвэл, амаро Дэвэл кэрдя саро дава амэнгэ? Тэды ту, Еремее, отпхэнэса лэнгэ: “Сыр тумэ мэкнэ Лэс, и дынариндлэ чужонэ дэвлорэнгэ пэ тумары пхув, адыкэ-паць тумэ явэна тэ дынаринэн чужонэ манушэнгэ пэ пхув, со явэла на тумары.” ²⁰ Подэн дая зан (звесь) дро Яковоскиро кхэр, и обзаныкирэн (обявинэн) дава дрэ Юдэя, пхэни (ракири): ²¹ “Шунэн дава аканэ, тумэ, нагодэ мануша, савэ исын биилэскирэ, конэстэ исын якхэ, нэ савэ на дыкхэна, конэстэ исын канэ, нэ савэ на шунэна”, – пхэндя Рай Дэвэл. ²² Со да тумэ, на дарэна Мандыр? – пхэндя Рай Дэвэл. “Со да тумэ, на явэна тэ тринскирэнпэ ангил Мандэ? Мандыр, Кон кэрдя прахостыр межа морёскэ вечнэстэ статутоса, соб (кай) мөрё (дэрьяв) тэ на пириджал? И мэк лэскирэ валны чхурдэла упрэ, нэ ёнэ на лэна упралыпэн, ёнэ ривинэна, нэ ёнэ нашты (на могинэна) тэ пириджан пирдал дая межа. ²³ Нэ кадалэ манушэндэ исын бунтытко и пхаро ило; ёнэ рисинэ дрэ риг и мэкнэ Ман. ²⁴ И ёнэ на пхэнэна дро пэскиро ило: “Трэй тэ дарас Растыр-Дэвлэстыр, амарэ Дэвлэстыр, кон бичхавэла брышын, вэснакиро и восенякиро (пал-лынаскиро), дрэ пэскиро часо (цыро), Кон рахэла ваш амэнгэ упхэндлэ куркэ тэ чхинэн гива.” ²⁵ Тумаро чорипэн дурьякирдя саро дава тумэндыр, и тумарэ грэхи прикирдэ саро дава лачхипэн тумэндыр. ²⁶ Пал-дова со исын бибахталэ мануша машкир Мирэ манушэндэ: ёнэ подракхэна тэ замарэн сырбы кодолэ, со старэна (ухтылэна) чириклен; ёнэ чхувэна фэлы сеткаса, ёнэ ухтылэна манушэн. ²⁷ Лэнгирэ кхэрэ исын пхэрдэ хохайбнаса и ёнэ исын сыр клетка, со исын пхэрдэ чирикленца; палдава ёнэ ячнэ барэ и ёнэ розбарвалынэ. ²⁸ Ёнэ ячнэ тхулэ, ёнэ зяинэна и, галён, со ёнэ пиригинэ любо мэра тэ кэрэн фуипэн, ёнэ на сэндякирэна пир рэндо сыр трэй, пиротоскиро (сиротэнгиро) рэндо, нэ лэнгэ удэлапэ кэ миштыпэн. Ёнэ на затэрдэна пал одолэнгиро чачипэн, кон исын дрэ трэбима. ²⁹ Сыр дава Мэ тэ на сэндякирав пхарэс лэн пал саро дава? – ракирэла Рай Дэвэл. Сыр Мэ тэ на отдав палэ холын кадасавэ манушытконэ нацыякэ сыр исын кадалэ мануша? ³⁰ Даранэ и трашанэ рэнды кэрэнапэ пэ пхув: ³¹ пророки ангилпхэнэна хохайбэн, рашая хулаинэна лэнгирэ лавэнца, и Мирэ мануша камэна дава. Нэ со ёнэ явэна тэ кэрэн дро концо (дро ягоро)?”

Шэро 6

Вэрги Джана пэ Ерусалимо

¹ О, Вениаминоскирэ чхавэ, кэдэнпэ тэ нашэн криг Ерусалимостыр! Пхурдэн дрэ роги (трубы) дрэ Текуя и кэрэн яг, сыр сигнало дро Бэц-Хацэрэмо; бари бибахт джала паш-ратякирэ ригатыр (северостыр) и бари бйда. ² Тумэ сан гóжа и бучиндлэ чхая Сионостыр, бари бйда явэла пэ тумэндэ. ³ Чхупнарья пэскирэ бакрэнгирэ гуртэнца явэна кэ тумэ, кэ Ерусалимо. Ёнэ росчхувэна пэскирэ шатры трусцял форо; кажно (свако) лэндэр явэла тэ чалякирэл пэскирэн пэ пэскиро штэто. ⁴ “Явэн скэдынэ тэ марэнпэ далэ фороса!” – кадалэ вэрги годлэна. “Уштэн, и явэн, джаса пэ лэндэ дывэсэ.” Бидэ пэ амэндэ, сыг дывэс кончынэлапэ, дыкхэн сыр бэльвэлитка зэрья (тэни) барьёна. ⁵ Уштэн, джаса пэ лэндэ раты, и явэн, розмараса лэнгирэ фэлатиня.” ⁶ И пхэндя адыкэ Рай Дэвэл, болыбнаскирэ – янголэнгиро: “Чингирэн тэлэ кашта, и чхувэн пхув тэ явэл вало трусцял Ерусалимо. Давэ форо тэ джал тэл пхаро-сэндякирибэн: мануша тасавэна екх екхэс дро дава форо. ⁷ Сыр ганынгатыр чхувэлапэ криг лакиро пани, адыкэ-паць далэ форостыр чхувэлапэ криг лэскиро фуипэн: мануша исын нахрата екх кэ екх, исын шундло исын, сыр ёнэ тасавэна екх екхэс. Саро часо джала кэ Мэ туга и дукхайбэн”, – ракирэла Рай Дэвэл. ⁸ “Сыклён (обдуминэнпэ)

тумэ, Ерусалимóскирэ манушá, соб (кай) Мíро ди тэ на дурьёл (тэ на отджал) тумэндýр, соб (кай) Мэ тэ на чхучакирав тумэн адýкэ, со пхув явóла биманушэнгири.”⁹ Адýкэ ракирэла Рай Дэвóл – болыбна́скиро-янголэнгири: “Ёнэ явóна зоралэс тэ обтринскирэн манушэн Израилёстыр, кон ячнэпэ сы́рбы винаградоскири рандь, рíскир палэ пэскиро васт сы́рбы винаградонэ–обкэдыибнаскиро (обирателё), кон чхувóла мýри дрэ корзýны (кхудэ).”¹⁰ Конэскэ мэ, Еремéе тэ пхэна́в, и тэ досыкавав, соб (кай) ёнэ могоиндлэ тэ шунэн? Акэ, лэнги́ро кан исын наобчхиндло и ёнэ нашты́ тэ шунэн. Ё́ада, Ра́скирэ-Дэвлэ́скиро лав нанэ дрэ патýв лэндэ; ёнэ на радынэнапэ лэстыр.”¹¹ Мэ сом пхэрдó хо́лыса Ра́стыр-Дэвлэ́стыр, Мэ сом кхинякирдо тэ приикирав да́й холы́.” Пхэндя Рай Дэвóл ма́нгэ: “Вычхув ла пэ биятэндэ пэ гасы (ву́лицы), и пэ скэдыни (собрание), кай исын кхэтанэ тэрнэ манушá: пал-довá со аж ромэс ромнýса лэна дро плéно, манушэс дрэ бэршá и пхуранэ манушэс.”¹² И лэнгирэ кхэрá дэна явирэ манушэнгэ, лэнгирэ ромнэн и фёлды кхэтанэ; пал-довá со Мэ газдáва Мíро васт пэ манушэндэ пэ кодоя пхув”, – пхэндя Рай Дэвóл.”¹³ Пал-довá со ка́жно (свáко) лэндýр, най тыкнэды́р манушэ́стыр кэ най барэды́р исын присыклыно кэ галкима, и, ка́жно (свáко) лэндýр, пророкостýр кэ рашáй кэрэла начачунэс.”¹⁴ Ёнэ састякирдэ [састякирэна-р.с.] чхиндлó фрáнсо (рана) мирé-манушэнгири вари-сыр, пхэни́: “Рамáнэ, ра́манэ (миро)!” Кéли нанэ ра́манэ.”¹⁵ “И ци ладжандынэ ёнэ, сыр ёнэ кэрдэ джунгалэ рэндý (дэлы)? Над, ёнэ на ладжандынэ, и ёнэ на джинэ́на, со исын дасаво тэ лолён. Палдава́ ёнэ пэрэ́на машкíр одолэндэ, савэ пэрэ́на пэ мэрибэн”, – пхэндя Рай Дэвóл.”¹⁶ Рай Дэвóл ракирэла адýкэ: “Тэрдён пэ дромá, и дыкхэн, и пхучэн пал пхуранэ дромá, кай исын лачхó дром и джáн пир дава́ дром, и тумэ латхэ́на дэскэ тэ откхинён. Нэ ёнэ отпхэндлэ: “Амэ на джáса пир дава́ дром.””¹⁷ Рай Дэвóл адýкэ-паць чхудя́ стрэгарьен (ракхибнарьен) ваш адалэ манушэнгэ: “Шунэн рогоскири зан!” Нэ ёнэ пхэндлэ: “Амэ на явáса тэ шунас.””¹⁸ Палдава́ шунэн тумэ, Наюды́тка на́цыи, и джинэн, со явóла Мирé-манушы́тконэ скэдыибнаса.”¹⁹ Шун, пхув! Акэ Мэ яна́ва биба́хт (хасибэ́н) пэ адалэ манушэндэ, и пэ дова́, со ёнэ придуминэ́на; пал-довá со ёнэ на шундлэ Мирé лавá, и со ёнэ отпхэндэпэ Мирé Зако́ностýр.”²⁰ Ваш со Ма́нгэ ароматы́тконэ-смолэнги́ро (ладоноски́ро) тхув, со джáла Сабаты́р, и гудлы тришчы́на (трасни́ко) дуратунэ́ тхэмэсты́р? Мэ на прилава́ Тумарé хачкирибнаскирэ яныбэ́на и тумарé – свэ́нта дыибэ́на на радынэ́на Ман.”²¹ Палдава́ ракирэла Рай Дэвóл адýкэ: “Акэ, Мэ чхува́ва бар тэ обштавэнпэ ангíл кадалэ манушэндэ: дада́ и чхавэ́ кхэтанэ пэрэ́на пир дава́ бар. Пашатуно́ ману́ш и лэски́ро мал хасё́на.””²² Халадэ́ (манушá) паш-ратякирэ́ тхэмэсты́р (северостýр) джáна пэ Ерусали́мо. И акэ, ракирэ́ла Рай Дэвóл: “Акэ, бари манушы́тко на́цыя газдóлапэ дуратунэ́ ягорэндýр пэ пхув.”²³ Ёнэ лыджáна лúко́ и марибнýтко буст тэ пхусавэн, ёнэ исын бидэ́скирэ и на лачхэ́-илы́тка, лэнгирэ́ заня́ грýминэ́на сы́рбы мо́рэ (дэрьáв), ёнэ традэ́на уклизтэ́ пэ грэндэ́, ёнэ исын кэдынэ́ тэ марэн́ тумэн, чхаё́ Ерусали́мостýр.”²⁴ “Амэ шундýм звесь пал лэндэ́, – амарé вастá ячнэ́ бизорýякирэ́, бари тýга ухты́лдя амэн, дукх, сы́рбы дрэ джувлýтэ́, кон исын дрэ пхарí мэнька.”²⁵ Амэ на выджаса́ пэ фёлда́, и амэ на псираса́ дромэнца́, пал-довá со вэргостэ́ исын куртáла, савí дорэсэ́ла сарé ригэндýр и траш пэ ка́жно риг.””²⁶ “Мирé-манушэнгири́ чхаё́, чхув пэ пэстэ́ жалобно́ гонó, и каты́нпэ дрэ прáска! Зоралэ́с тугин сы́рбы пал екхорé чхаворэ́стэ, киркэ́с обров пал-довá со екхáтыр пэрэ́ла (явóла) пэ амэндэ́ замарибна́ри”, – пхэндя Рай Дэвóл.”²⁷ Мэ чхудём тут, Еремéе, сы́рбы ра́кхибнаски́ри вучарды́ (башня́) пэ Мирé манушэндэ́, сы́рбы твáрдыма, соб (кай) ту тэ джинэ́с, и тэ пропáтякирэ́с лэнги́ро дром;”²⁸ Сарé ёнэ исын пхарé-шэ́ритка (на́храта) бунтя́рья, и ёнэ исын ка́ля–кэрибнаскирэ́ (клеветни́ки); ёнэ исын пхарé сы́рбы харкóма (медь) и састýр; сарé ёнэ исын биладжа́кирэ.”²⁹ Мехо́ (пишот) кутý (на́бут) со на схачия́ сарэ́са, молови́ (свинцо́) похая́ яг; би́лякэрибнаски́ро (плави́лышчы́ко) биладя́ ивьá (напрáснэс), пал-довá со шла́ки [нала́чхэ манушэн-р.с.] на укэдынэ́.”³⁰ Манушá явóна тэ кхарэн́ лэн “чхурдынó руп”, пал-довá со Рай Дэвóл на при́лыя лэн.”

Шэрó 7

Еремее́ Ракирэ́ла дрэ́ Пóрта

¹ Лав, савó сыс мангэ, Еремее́скэ, Ра́стыр-Дэвлэ́стыр, со пхэнэлас: ² “Тэрдэв дрэ́ пóрта ангíл Ра́скирэ-Дэвлэ́скиро Кхэр (Кханги́р), и пхэн зоралэс ангíл манушэндэ́ дава́ лав и пхэн: “Шунэн Ра́скирэ-Дэвлэ́скиро лав сарэ́ тумэ́, кон исын Юдэ́ятыр, савэ́ заджа́на пирда́л да́я пóрта тэ́ отдэн паты́в Ра́скэ-Дэвлэ́скэ. ³ Ады́кэ ракирэ́ла болыбна́скирэ-янголэнги́ро Рай Дэвэ́л; Израилё́скиро Дэвэ́л: “Парувэн тэ́ явэ́л чачунэды́р дова́, сыр тумэ́ дживэ́на, и со тумэ́ кэрэ́на, и Мэ́ кэра́ва ады́кэ, со тумэ́ явэ́на тэ́ дживэн пэ́ дава́ штэ́то. ⁴ На допаты́н зоралэ́с хоханэ́ лавэнгэ́, со пхэнэ́на: ‘Дава́ исын Ра́скирэ-Дэвлэ́скири Кханги́р, Ра́скирэ-Дэвлэ́скири Кханги́р, Ра́скирэ-Дэвлэ́скири Кханги́р.’ ⁵ Нэ́ ко́ли тумэ́ илэ́стыр парувэ́на тэ́ явэ́л чачунэды́р тумаро́ джи́ибэн и дова́, со тумэ́ кэрэ́на; кэ́ли тумэ́ явэ́на чачипна́са тэ́ кэрэн пир чачипэн сэндо машки́р екхэ́ манушэ́стэ́ и лэ́скирэ́ пашатунэ́стэ́; ⁶ ко́ли тумэ́ на явэ́на тэ́ притасавэн́ чужонэ́ манушэ́с, пиротос (сиротас) и пивля́ (удова), и тумэ́ на явэ́на тэ́ прочхувэн́ набанго́ рат пэ́ дава́ штэ́то, и тумэ́ на явэ́на тэ́ псирэн́ тэ́ отдэн паты́в явирэ́ дэвлорэ́нгэ́ пэ́ тумарі́ дош (бі́да); ⁷ тэ́ньчи Мэ́ кэра́ва ады́кэ, со тумэ́ явэ́на тэ́ дживэн пэ́ дава́ штэ́то, пэ́ да́я пхув, со Мэ́ дыём́ тумарэ́ дадэ́нгэ́ аж пэ́ сарэ́ ве́ки. ⁸ Акэ́, тумэ́ зоралэ́с допаты́на хоханэ́ лавэнгэ́, савэ́ на дэ́на ко́фо. ⁹ Сыр да́ тумэ́ ишчо́ (инкэ́) чорэ́на, замарэ́на, кэрэ́на биладжа́ипэн, совлахана́ хоханэ́с, хачкирэ́на дро́га смóлы Ваалоскэ́, и тумэ́ псирэ́на тэ́ отдэн паты́в явирэ́ дэвлорэ́нгэ́, конэ́с тумэ́ на джи́нэна, ¹⁰ и тэ́ньчи тумэ́ явэ́на и тэ́рдэ́на ангíл Ма́ндэ́ дро́ кхэр, савэ́скэ́ ды́нэ́ тумэ́ Миро́ лав, и тумэ́ пхэнэ́на: ‘Амэ́ сам зракхнэ́, соб (кай) и дурэ́ды́р тумэ́ тэ́ кэрэн́ далэ́ джунгалэ́ рэ́нды? ¹¹ Ци́ со, Миро́ кхэр, савэ́скэ́ тумэ́ ды́нэ́ Миро́ лав, я́ця́ виртаса́ (вертепоса́) прахарьенгэ́ ангíл тумарэ́ якха́? Акэ́, Мэ́ дыкхце́м дава́”, – ракирэ́ла Рай Дэвэ́л. ¹² Нэ́ тумэ́ акана́ джа́н пэ́ Миро́ штэ́то, со сыс дро́ Сило́мо, кай Мэ́ кэрдём́ ады́кэ, соб (кай) Миро́ лав англэ́ды́р сарэ́стыр тэ́ ячэ́лпэ́ одо́й, и тумэ́ подыкхэн, со Мэ́ кэрдём́ одо́й пал фу́ипэн, Мирэ́-манушэ́нгиро́ Израилё́стыр. ¹³ И акана́, пал-дова́ со тумэ́ кэрдэ́ сарэ́ далэ́ бутя́, – пхэ́ндя́ Рай Дэвэ́л, – и мэ́к Мэ́ и ракирдём́ тумэ́нгэ́, сыр Мэ́ уштавас тася́рлэс (ра́нэс) пэ́ зло́ко (фра́нсо) и Мэ́ пхэ́ндём́, нэ́ тумэ́ на шундлэ́ Ман, и Мэ́ кхардём́ тумэн, нэ́ тумэ́ на отпхэ́ндлэ́ Ма́нгэ́: ¹⁴ палдава́ Мэ́ кэра́ва далэ́ Мирэ́ кхэрэ́са, савэ́скэ́ тумэ́ зоралэ́с допаты́на, и штэ́тоса, со Мэ́ дыём́ тумэ́нгэ́ и тумарэ́ дадэ́нгэ́, дова́-паць, сыр Мэ́ кэрдём́ Сило́моса. ¹⁵ И Мэ́ традава́ криѓ тумэн́ Мирэ́ якхэ́нды́р, сыр Мэ́ традыём́ криѓ сарэн́ тумарэ́ пшалэ́н, – саро́ Ефремоски́ро (Ефра́имоскирэ́) явибна́скиро́ ро́до. ¹⁶ Палдава́ ту, Еремее́, на мангпэ́ пал адалэ́ манушэ́ндэ́, и на пхэн́ патерья́ (молитвы́), и на манѓ Ман пал лэ́ндэ́, пал-дова́ со Мэ́ на ява́ва тэ́ шу́нав тут. ¹⁷ Ци́ на дыкхэ́са ту, со ё́нэ́ кэрэ́на дрэ́ фо́рья́ пир Юдэ́я, и пэ́ Ерусалимо́скирэ́ вули́цы (га́сы)? ¹⁸ Бия́ты скэ́дэ́на кашта́, и дада́ росхачкирэ́на яга́, и джувля́ мешы́нэна́ хумэр́ (тясто́), соб (кай) тэ́ кэрэн́ параморэ́ болыбны́тконэ́ кра́лицакэ́, и тэ́ вычхувэн́ тхадунэ́ свэ́нта ды́ибэ́на́ явирэ́ дэвлорэ́нгэ́, соб (кай) тэ́ холя́кирен́ (дукхавэ́н) Ман тэ́ холя́совав. ¹⁹ Ци́ дава́ ё́нэ́ Ман дукхавэ́на тэ́ холя́совав?”, – ракирэ́ла Рай Дэвэ́л. “Ци́ дава́ ё́нэ́ на ко́корэ́ пэ́с дукхавэ́нас пэ́ нашука́рипэн пэ́скэ́? ²⁰ Палдава́ ады́кэ ракирэ́ла Рай Дэвэ́л, Дэвэ́л: “Акэ́, Ми́рі́ холы́ и Миро́ холя́кирибэ́н вычхувэ́напэ́ пэ́ дава́ штэ́то – пэ́ манушэ́стэ́, и пэ́ кхэ́ритконэ́ мурдалэ́ндэ́ (ското́); пэ́ фэ́лды́тка кашта́, и пэ́ пхаба́, со барье́на пэ́ пхув. Ми́рі́ холы́ явэ́ла тэ́ хачол́ сы́рбы́ яг, и на мурде́ла. ²¹ Ады́кэ ракирэ́ла болыбна́скирэ-янголэнги́ро Рай Дэвэ́л, Израилё́скиро Дэвэ́л: ‘Дочхувэн́ хачкирибна́скирэ́ яны́бэ́на́ кэ́ тумарэ́ свэ́нта ды́ибэ́на́ и хан дава́ мас. ²² Мэ́ ж на пхэ́ндём́ тумарэ́ дадэ́нгэ́, и Мэ́ на при́пхэ́ндём́ лэ́нгэ́ дро́ дова́ дывэ́с, кэ́ли Мэ́ я́ндем́ лэ́н Египто́скирэ́ пхувья́тыр, нисо́ пал хачкирибна́скирэ́ яны́бэ́на́ и свэ́нта ды́ибэ́на́. ²³ Нэ́, акэ́, со Мэ́ при́пхэ́ндём́ лэ́нгэ́, пхэ́ні́: “Шунэн́ ми́рі́ зан и Мэ́ ява́ва тумаро́́ Дэвэ́л, и тумэ́ явэ́на Ми́рэ́ мануша́. И дживэ́н ады́кэ, сыр Мэ́ при́пхэ́ндём́ тумэ́нгэ́, соб (кай) тэ́ явэ́л ми́штэ́с тумэ́нгэ́.” ²⁴ Нэ́ ё́нэ́ на канды́нэ́, и ё́нэ́ на причху́дэ́ кан тэ́ шунэ́н, нэ́ ё́нэ́ дживде́ пир пэ́скири го́ды́, пир пэ́скирэ́ пхарэ́, би́бахталэ́́ илэ́, и ё́нэ́ риси́нэ́ думэ́са, а на мо́са кэ́ Мэ́. ²⁵ Далэ́́ дывэ́сэ́стыр сыр тумарэ́́ дада́́ вы́гинэ́́ Египто́скирэ́́ пхувья́тыр кэ́́ адады́вэ́с, Мэ́́ бичха́вас кэ́́

тумэ сарэ Мирэ писхарьён, Мирэ пророкён, Мэ бичхававас лэн кажно дывэс тасярлэс (рэнэс) пэ рэнко; ²⁶ нэ ёнэ на кандынэ Ман, и ёнэ на причхудэ кан тэ шунэн, нэ ёнэ пхарьякирдэ пэскирэ мэня. Ёнэ кэрдэ фуедыр пэскирэ дадэндэр. ²⁷ И палдава ту, Еремее, пхэнэса сарэ далэ лава лэнгэ, нэ ёнэ на явэна тэ кандэн тут. Ту явэса тэ кхарэс лэн, нэ ёнэ на отпхэнэна түкэ.

Дэвэл Пхарэс Сэндякирэла Магирипнытко Религия пэ Дóло дро Бэн-Хиномо

²⁸ И ту пхэнэса лэнгэ: “Дая исын манушытко нацыя, сави на кандэла пэскири Рáскирэ-Дэвлэскири зан, и сави на сыклёла пхарэ сыклякирибнастыр: нанэ патяибён лэндэ, ёв сырбы лыно криг лэнгирэ мостыр. ²⁹ Обчхин тырэ бала, шукарни Ерусалимостыр, и чхурдэ криг лэн, и ров пэ вучэ штэты, пал-дова со Рай Дэвэл на прилыя и мэкця рóдо, саво зоралэс холякирдэ Лэс. ³⁰ Пал-дова со мануша Юдэятыр кэрдэ бибáхт пэ Мирэ якхá’, – ракирэла Рай Дэвэл, – ‘ёнэ чхудэ пэскирэ джунгалэ йдолы дро кхэр, со исын кхардо пир Миро лав, соб (кай) тэ магирён лэс. ³¹ И ёнэ кэрдэ вучэ штэты кэ Тофето, со исын пэ Хиномоскирэ-чхавэнгиро дóло тэ хачкирэн Пэскирэ чхавэн и чхаён дрэ яг – со Мэ припхэндём тэ на кэрэн, и со на явдя кэ Мэ пэ годы. ³² ‘Палдава, акэ, явэна дывэсá’, – ракирэла Рай Дэвэл; – ‘кэли дава штэто на явэна тэ кхарэн “Тофитоскиро”, ци “Хиномоскирэ-чхавэнгиро дóло”, нэ ёй ячэла “Мэрибнаскиро дóло”; – пал-дова со явэна тэ гаравэн дро Тофито кэ дова дывэс, сыр на явэла бутыр штэто одой. ³³ Кадалэ-манушэнгирэ трóпы явэна сыр хабэн болыбнытконэ чирикленгэ и мурдалэнгэ пэ пхув. И ниэкх на явэла тэ страхакирэл лэн криг (на явэла конэскэ тэ оттрадэл лэн). ³⁴ И тэньчи Мэ кэрава адякэ, со пириячэна тэ санпэ радымáтыр, и на явэна радышнытка (хотна), и на явэла зан тэрнэскири и зан тэрнякири дрэ фóрья кэ Юдэя и пэ гасы (вулицы) дро Ерусалимо. Пал-дова со дая пхув явэла чхучакирды/ чхучи (пусто).’

Шэрó 8

¹ “‘Дро долэ дывэсá’, – ракирэла Рай Дэвэл’, – вэргитка халадэ вытырдэна [вычхурдэна-р.с.] кокалы магилэндэр: Юдэякирэ-кральенгирэ кокалы, тхагарьенгирэ кокалы, рашангирэ кокалы, пророкэнгирэ кокалы, и явирэ-манушэнгирэ кокалы Ерусалимостыр. ² Ёнэ росчхувэна [росчхурдэна-р.с.] лэн ангил кхам, и ангил чхон, и ангил сарэ болыбнаскирэ халадыбэна (янголы), савэн ёнэ камлэ, и савэнгэ ёнэ дынариндлэ; пал савэндэ ёнэ гинэ, и савэндэр ёнэ мангнэ тэ дэн годы: савэн ёнэ родынэ и савэнгэ ёнэ отдынэ патыв. Далэ кокалы на явэна тэ укэдэн, и на явэна тэ гаравэн, нэ ёнэ явэна сырбы гнээ упрал пэ пхув. ³ И сарэ мануша, савэ ячэнапэ джидэ далэ бибахталэ-кхэритконэ родостыр выкэдэна пэскэ фэдэр тэ мэрэн, сыр тэ дживэн пэ сарэ долэ штэты, пэ савэ Мэ традыём [вытрадава-р.с.] лэн,’ – ракирэла болыбнаскирэ-янголэнгиро Рай Дэвэл.

Хоханó Сыклякирибэн. Грэхó и Сэндо

⁴ “И ту, Еремее, пхэн адякэ лэнгэ: ‘Адякэ ракирэла Рай Дэвэл: ‘Ци мануша пэрэна и бутыр на уштэна, Ци кон рисёла дрэ риг дромэстыр, на рисёла палэ? ⁵ Соскэ кадалэ Мирэ мануша Ерусалимостыр пэрэна бутыр [отджана-р.с.] и зоралэдыр чачипнастыр? Ёнэ рикирэнапэ зоралэс кэ хохаибён, ёнэ на камэна тэ рисён. ⁶ Мэ пришундёмпэ и на шундём, со ёнэ ракирэна чачипэн. Никон лэндэр на пригалыя пэскиро фуипэн, соб (кай) тэ пхэнэл: ‘Со ж да мэ кэрдём?’ Кажно лэндэр рисёла чачипнастыр пэскирэ дромэса сырбы грай, саво чхурдэлапэ пэ марибён. ⁷ И аж бутяно (бусько) пэ болыбён джинэла пэскиро упхэндлó часо, и цуглица, и бахирка (ласточка), и жураво дыкхэла дүе якхэнца пал часо, сыр лэнгэ тэ явэн [тэ приурнян-р.с.]. Нэ Мирэ мануша на джинэна Рáскирэ-Дэвлэскиро чачипэн. ⁸ Сыр тумэ сашты тэ пхэнэн: “Амэ сам барэ-годякирэ (годымарья), и Рáскирэ-Дэвлэскиро Закóно исын амэнца? Дыкхэн: хоханэ-сыклякирибнаскири кхия (трость) тэ чхинэл дро Закóно кэрдя адякэ, со Закóно яця хоханó. ⁹ Кадалэ барэ-годякирэ мануша исын ладжакирдэ, лэнгиро

дүхө (фано) исын пхагирдо и ёнэ дынэпэ дукха. Акэ, ёнэ отпхэндэпэ Рáскирэ-Дэвлэскирэ лавэстыр; и саво ж годыпэн исын лэндэ? ¹⁰ Палдава́ Мэ да́ва лэнгирэ ромнён явирэнгэ, и лэнгирэ фэлды кодолэ манушэнгэ, савэ явэна хулая пэ лэндэ. Пал-дова́ со кажно лэндыр тыкнэстыр кэ са́мо барэды́р исын присыклыно и гáлко кэ барвалыпэн: пророкостыр кэ рашай – кажно лэндыр кэрэла начачунэс. ¹¹ И ёнэ састякирдэ абысыр дыкхады (франсо/рана), сави́ кэрдя́пэ Мирэ-манушэнгирэ чхатэ, пхэни: ‘Раманё, раманё (миро)’! Кéли нанэ раманё. ¹² Ци ладжандынэ ёнэ, сыр ёнэ кэрдэ джунгалэ дэвлорэ? Над! Ёнэ на ладжандынэ сарэса, и ёнэ на джиндлэ тэ лолён. Палдава́ ёнэ пэрэна машки́р одолэндэ, савэ пынэ, дро лэнгирэ-сэндоскиро часо (цыро) ёнэ обштавэна,’ – раки́рла Рай Дэвэл. ¹³ ‘Мэ, чачэс, откэдава саро лэндыр’ – раки́рла Рай Дэвэл. ‘На явэна му́ри пэ винаграды́тко кашт, и на явэна фи́ги пэ финикитко кашт; и патрýн пэ дрэ́во (кашт) зашутёла; и саро́, со Мэ дыём лэнгэ, на явэла буты́р лэндэ. ¹⁴ Соскэ амэ сам бэштэ штыл? Кэдэ́нпэ тумэ, и явэ́н, джа́са дрэ́ форя́ зоралэ тыноса, и амэ мэраса одой. Пал-дова́ со Рай Дэвэл кэрдя́, соб (кай) амэ тэ хасёвас, и Ёв ды́я амэнгэ жэлучо панэ́са тэ пьяс, долэ́скэ, со амэ кэрдя́м грэ́хи ангил Растэ-Дэвлэ́стэ. ¹⁵ Амэ ужакирдям раманё́, нэ нисаво́ лачхипэн на явдя́ далэ́стыр; амэ ужакирдям тэ састёвас, нэ дыкхэн: исыс екх трашаи́бэн! ¹⁶ Даноски́рэ форя́ндыр сыс шундло, сыр дэ́на пы́рски (храпинэ́на) вэ́ргэнгирэ граё́: сари́ пхув издрала лэнгирэ-грэ́нгирэ зорья́тыр, сыр ёнэ грымиты́нэна; и ёнэ явэ́на и похана́ (знишчы́нэна) сари́ пхув, и саро́, со исын пэ ла́тэ, и фо́ро, и сарэ́н, савэ исын джидэ́ дро дова́ фо́ро. ¹⁷ ‘Палдава́, дыкхэн: Мэ бичхава́ва машки́р пэ тумэндэ сапэн, саплы́нен, савэ́н нашты́ тэ зарики́рэн, и ёнэ явэ́на тэ данды́рэн тумэн’, – раки́рла Рай Дэвэл. ¹⁸ Мэ, Еремё́е, подрики́рава миро дү́хо (фано), кéли мэ тугина́ва, миро ило́ нашавэ́ла зор андрэ́ мандэ.

Еремё́е Тугинэ́ла пал Пэ́скирэ Манушэ́ндэ

¹⁹ Шунэ́н! Акэ, шундлы́ исын мирэ́ манушэнгирэ-чхаки́ри зан, сыр ёй дэ́ла го́дла древа́н ду́ратунэ́ тхэмэ́стыр?: ‘Ци исын да́ва Рай Дэвэл пэ́ Сио́но? Ци исын да́ва Сионоски́ро кра́ли одой?’ Рай Дэвэл, лэнгиро́ Кра́ли, отпхэ́нэла: ‘Соскэ ёнэ дукхавэ́нас Ман, соб (кай) Мэ тэ холя́совав пэ лэндэ́ пал лэнгирэ́ вычхиндлэ́ йдолы́, савэ́ исын чу́жа и (ничы́ намол) харты́тка?’ ²⁰ Укэ́дыбэн ма́рэскиро́ сыс, лы́най кончы́ндяпэ́ (проги́я), и амэ на зракхця́мпэ!’” – годлэ́на мануша́. ²¹ ‘Миро ило́ хаси́я (замы́я) пал-дова́, со мирэ́ мануша́ хаси́нэ, мэ, Еремё́е, зоралэ́с тугина́ва: бари́ дар (ди́во тра́саса) ухты́лдэ́ Ман. ²² Ци исын да́ва балы́замо дро́ Галаа́до? Ци нанэ́ да састы́пнари одой? Соскэ́ на састяки́рдэ чха́ мирья́, мирэ́ манушэнгиря́?

Шэ́ро 9

¹ О, тэ явэ́л Миро шэ́ро пхэ́рдэ пани́нгэнца, соб (кай) тэ явэ́н Мирэ́ якха́ сы́рбы ясвэнги́ри га́нынг, соб (кай) Мэ мо́гинавас тэ́ рова́в дывэ́с и рат пал Мирэ́-манушэнгиро-чхаки́ро ха́сибэн. ² О, тэ явэ́л Ма́нгэ штэ́то пэ́ чхучи́ пхув сыр дро́мэскирэ́скэ (путни́коскэ), соб (кай) Мэ мо́гинавас тэ́ мэ́жав Мирэ́ манушэ́н, и тэ джа́в пэ́скэ лэндыр. Ёнэ са́рэ исын била́джаипна́рья, била́джаипэ́н-кэри́бнаскирэ́ (пре́любодеи), ёнэ исын скэ́дынэ́ ваш зды́ибнаскирэ́ манушэ́нгэ. ³ И ёнэ бан́дякирэ́на пэ́скирэ́ чиба́ тэ хохавэ́н сы́рбы лу́ко, нэ ёнэ на би́дарипнаскирэ́ ваш патяи́бэн пэ́ пхув: пал-дова́ со ёнэ пи́риджана́ екхэ́ биба́хты́тыр (холя́тыр) кэ́ яви́р, нэ ёнэ на джи́нэна́ Ман, – раки́рэла Рай Дэвэл. ⁴ Ка́жно (сва́ко) тэ́ рики́рэлапэ́ рига́са пэ́скирэ́ малэ́стыр, и на до́патия́ зоралэ́с дрэ́ пэ́скирэ́ пшала́стэ, пал-дова́ со ка́жно пшала́ заджа́ла фроты́маса пэ́ дро́м яви́рэскэ́, и ка́жно мал исын ка́ля-кэри́бнаскиро́ (плётка́ри). ⁵ Ка́жно лэнды́р хохавэ́ла пэ́скирэ́ пашату́нэс, и на раки́рэла́ патяи́бэн: ёнэ вы́сыкляки́рдэ пэ́скирэ́ чиба́ тэ́ раки́рэн хохайбэ́н, и ёнэ кхи́някирэ́на пэ́с, кэ́ри чори́пэн. ⁶ Одо́й, кай ёнэ джи́вэна́, машки́рал исын хохайбэ́н, ёнэ отпхэ́нэнапэ́ тэ́ джи́нэ́н Ман пи́р пэ́скиро́ хохайбэ́н’, – раки́рэла Рай Дэвэл. ⁷ ‘Палдава́ раки́рэла́ болы́бна́скирэ́-янго́лэнгиро́ Рай Дэвэл: ‘Акэ́, Мэ би́ляки́рава лэн и Мэ спроби́нава лэн; пал-дова́ со ишчо́ (инкэ́) Ма́нгэ

тэ кэрав мирэ-манушэнгирэ чхаса? ⁸ Лэнгири чиб исын мулякирибнаскири буст (стрéла), ёй ракирэла хохаибэн. О мануш ракирэла кучэс (раманёса) кэ пэскиро пашатуно пэскирэ чибáса, нэ ёв андрал пэстэ сырбы подракхэла тэ замарэл лэс. ⁹ Ци Мэ на сэндякирава пхарэс лэн пал сарó дава, – ракирэла Рай Дэвэл. ‘Ци Мэ на отдава палэ холынаса дасавэ нацыякэ сыр дай?’ ¹⁰ Мэ, Еремее, газдава роибэн пал бэрги, и мэ обровавапэ пал чарайбынтка фэлды пэ чхучэ маля (степи), и мэ явава тэ ракирав ясвэнца пал-дова, со чхучэ маля хачинэ адякэ, со никон на дэла рада тэ джал пирдал лэндэ. Зан кхэритконэ-живёлэнгири (мурдалэнгири) исын на шундлы. Сыр болыбнётка чирикля, адякэ-паць и кхэритка мурдала (ското) хасинэ, ёнэ гинэ криг. ¹¹ Мэ кэрава Ерусалимостыр руины, штэто, дро саво дживэна шакалы. Мэ кэрава Юдэякирэ форьэндыр чхучо штэто, со никон на дживэла. ¹² Кон исын годó мануш, соб (кай) ёв тэ дэл рада тэ галёл сарó дава? И конэскэ Раскирэ-Дэвлэскирэ ушта пхэндлэ, соб (кай) ёв могоинэлас тэ пхэнэл статэчнэс сарэнгэ? Соскэ дай пхув хасия, схачия сырбы шуки чхучи пхув мал адякэ, со никон на джала пир латэ?’ ¹³ И отпхэндя Рай Дэвэл: “Пал-дова, сыр ёнэ мэкнэ Миро Зако́но, саво Мэ дыём лэнгэ, и сыр ёнэ на шундлэ Мири зан, и ёнэ на кэрдэ пир Миро Зако́но, ¹⁴ а ёнэ кэрдэ пир пэскирэ пхарэ илэ, и отдэнас патыв Ваалоскэ, сыр лэнгирэ дада сыклякирдэ лэн;” ¹⁵ палдава адякэ ракирэла болыбнаскирэ-янголэнгири Рай Дэвэл, Израилэскиро Дэвэл: “Акэ, Мэ чалякирава кадалэ манушэн палыноса и Мэ панякирава лэн панёса жэлучоса.” ¹⁶ И Мэ росчхувава лэн тэ дживэн машкир Наюдэндэ, конэс на джиндлэ ни ёнэ, ни лэнгирэ дада. И Мэ бичхавэла куртала пал лэндэ, ангил дова, сыр Мэ сарэса хасякирава лэн.’

Мануша́ Ерусалимостыр Тугинэна Зоралэс

¹⁷ Адякэ ракирэла болыбнаскирэ-янголэнгири Рай Дэвэл: “Обдуминэн и кхарэн джувлэн, савэ тугинэна роибнаса, соб (кай) ёнэ могоинэн тэ явэн; и бичхавэн пал джиндлэ джувлендэ, соб (кай) ёнэ могоинэнас тэ явэн. ¹⁸ Мэк тэ явэн ёнэ сыгэдыр, и мэ тэ газдэн ёнэ роибэн пал амэндэ адякэ, соб (кай) тэ прастан (тэ чхувэнпэ) ясва амарэ якхэндыр, и соб (кай) амарэ цымблэндыр тэ тхадэн (чхувэнпэ) паня. ¹⁹ Пал-дова исын шундлы зан, сыр тугинэла зоралэс джувлы Сионостыр: “Сыр амэн обчордэ! Сыр амэ сам ладжакирдэ, пал-дова со амэ мэкцям пхув пир-дова, со амэн традынэ криг амарэ кхэрэндыр! ²⁰ Джувлялэ! Шунэн Раскирэ-Дэвлэскиро лав, и мэк тумарэ канá тэ прилэн Лэскиро лав; сыклякирэн тумарэ чхаён тэ тугинэн роибнаса, и тэ баган роибнытка гиля екх екхэскэ. ²¹ Пал-дова со мэрибэн джала пирдал амарэ фэншры и джала дрэ амарэ фэлатиня тэ мулякирэл амарэ чхаворэн пэ гасы (вулицы), и тэрнэ манушэн пэ форуны (плóшча) дро фóро. ²² Пхэн, Еремее: ‘Адякэ ракирэла Рай Дэвэл: “Манушэнгирэ трóпы явэна тэ равэнпэ (тэ пасён) сыр гнэё пэ откэрды фэлда, и сыр гарбы палал пал гивачхиныбнаскирестэ, и на явэла бутыр никон тэ скэдэл лэн.” ²³ Адякэ, ракирэла Рай Дэвэл: “Мэк годó мануш тэ на барьякирэл пэс пэскирэ годыпнаса (годяса), мэк зоралó мануш тэ на барьякирэл пэс пэскирэ (шарэлпэ) зорьяса; и мэк барвалó мануш тэ на барьякирэл пэс (тэ на шарэлпэ) пэскирэ барвалыпнаса: ²⁴ нэ мэк ёв, кон барьякирэла пэс, тэ шарэлпэ (тэ барьякирэл пэс) далэса, со ёв галёла и, со ёв джинэла Ман; пал-дова со дава Мэ сом, Рай Дэвэл, Кон сыкавэла дро́го ласка, чачунó сэндо и чачипэн пэ пхув. Пал-дова со Мэ зоралэс радынавпэ сарэстыр далэстыр”, – ракирэла Рай Дэвэл. ²⁵ “Акэ, сыг явэна дывэса”, – ракирэла Рай Дэвэл, – кэли Мэ пхарэс сэндякирава кодолэн, савэ исын обчхиндлэ и савэ исын наобчхиндлэ: ²⁶ дро Египто, и дрэ Юдэя и дро Едомó чхаворэн Амоностыр и Моавостыр, савэндэ ягóры (край) пэ балэнгирэ пэйсы исын обчхиндлэ и савэ дживэна пэ чхучи пхув. Пал-дова со сарэ далэ Наюдытка нацыи исын наобчхиндлэ и, сарó Израилэскирэ-кхэрэскирэ-манушэнгири ило исын на обчхиндло.”

Шэрó 10

И́долы и Чачунó Дэвэл

¹ Шунэн лав, савó Рай Дэвэл ракирэла түкэ, Израилёскиро кхэр. ² Адякэ ракирэла Рай Дэвэл: “На сыклён дромэнгэ, савэнца Наюдытка на́цыи псирэна, и на замэрэн даратыр дыкхй пэ болыбнытка гертыка́ (знамении), со́стыр замэрэна Наюдытка на́цыи. ³ Пал-довá со далé манушы́тка стату́ты нисó нанэ мол. Акэ, екх ману́ш вычингирэла кашт дро вэш, скаминдарискирэ вастá обкэрэна лэс товэрэса. ⁴ Ёнэ гожакирэна лэс сувнака́са и рупéса, ёнэ прикэрэна лэс гвоздэнца (карфинэнца) и чоканэнца (млоткэнца), соб (кай) ёв тэ на роспхадёл пэ котэра́. ⁵ Далé йдолы исын сы́рбы вычхиндло стылбо пэ фёлда, ёнэ на ракирэна, лэн лыджана, пал-довá со ёнэ на псирэна. На дар лэндыр, пал-довá со ёнэ на мого́нэна тэ кэрэн вари-сави́ бибáхт (чорипэн), адякэ-паць ёнэ на кэрэна ни савó лачхипэн.”

⁶ Нанэ ниéкх, кон исын кадасавó, савó Ту сан, Раё Дэвла! Ту сан барó и Тыро́ лав исын барó пир Тыро́ зоралыпэн. ⁷ Ци исын вари-кон, савó на дарэла Түтыр, манушэнгирэ Крали́стыр? Пал-довá со чачипэн исын дро дова́, соб (кай) тэ дарэн Түтыр; пал-довá со машкёр сарé годé манушэндé дрэ манушы́тка на́цыи, и сарé лэнгирэ кралипэна́ нанэ ниéкх, савó тэ явэл кадасавó, сыр Ту сан, Раё Дэвла! ⁸ Ёнэ исын со кэ екх бигодякирэ и дылыни́нка, лэнгиро сыклякирибэн исын чхучó, соб (кай) тэ дэн паты́в каштэнгэ. ⁹ Руп, савэстыр исын чикадэ чарé, яндлэ Таршыностыр, сувнака́й Уфазостыр, сарé ёнэ исын бутя́ мастероскирэ пир сувнака́й: голубово и пурпурно урибэн исын пэ кадалé йдолы: ёнэ исын джидлэ-манушэнгирэ бутя́. ¹⁰ Нэ Рай Дэвэл исын чачунó Дэвэл: Ёв исын джидó Дэвэл и Крали́ пэ сарé ве́ки. Лэскирэ холятыр издрала пхув и манушы́тка на́цыи на дэна ра́да тэ вырикирэн, сыр Ёв холясóла зоралэс. ¹¹ Тумэ, манушáлэ, пхэнэн лэнгэ: “Дэвлорé, со тумэндэ исын, на кэрдé болыбэн и пхув, ёнэ хасэна пхувья́тыр и тэл болыбна́стыр.” ¹² Ёв созды́я пхув Пэскирэ зорья́са, и Ёв чхудя́ свéто Пэскирэ годы́пнаса, и Ёв роздиньды́кря (ростырды́я) болыбэн Пэскирэ годя́са. ¹³ Кéли Ёв пхэнэла Пэскирэ заня́са, тэды пэ болыбэн шуминэна паня́: и Ёв кэрэла адякэ, со óблоки панéса газдэнапэ ягорэндыр пэ пхув; ёв кэрэла блискави́цы машкёр брышы́нд, и ёв лыджáла ангийл балвáл Лэскирэ кучонé-пиральендыр. ¹⁴ Кажно ману́ш ячэла буро [дылыно́-р.с.] биджиныбнаскиро, кажно сувнакэнгиро мастеро явэла ладжакирдó вычхудé идолостыр, пал-довá со дава́ биладо идоло исын хоханó, и нанэ дүхо́ (фа́но) дрэ лэстэ. ¹⁵ Сарó дава́ исын чхучипэн (пустота), буты́ пэ сабэн, ёнэ хасэна, кéли Рай Дэвэл явэла тэ сэндякирэл. ¹⁶ Яковоскири до́ля нанэ кадасави сыр лэнгири, пал-довá, со Ёв, Кон созды́я сарó, и Кон выкэды́я Израилё сыр Лэскиро миштыпэн, исын болыбна́скирэ-янголэнгиро Рай Дэвэл и дава́ исын Лэскиро лав. ¹⁷ Кэдэн криг пэскирэ клунки пхувья́тыр, конэс вэ́рги обкрэнжындлэ (заухтылдэ) дро Ерусалимо. ¹⁸ Адякэ ракирэла Рай Дэвэл: “Акэ, Мэ чхурдава манушэн дро дава́ уляго́ (пора), савэ́ дживэ́на пэ да́я пхув, и лэнгэ́ явэла бари траш (дар), соб (кай) тэ ухтылэн (латхэн) лэн. ¹⁹ Бида ма́нгэ, пал-довá со бибáхт дукхавэла ман, миро (фра́нсо/рана) исын дукхано. Нэ мэ, Еремее́, пхэндём пэскэ: “Куч, миро ило́ пхарьё́ла, и мэ вырикирава дава́. ²⁰ Мирй́ шáтра исын зарады, и сарé мирé шэлэ исын роскушнэ. Мирé чхаворé гинé дур ма́ндыр, и ёнэ ада́й буты́р нанэ. Нанэ ниéкх, соб (кай) нэвэстыр тэ роздиньды́кирэл (росчхувэл) мирй́ шáтра, и тэ прикэрэл положи. ²¹ Пал-довá со чхупна́рья [пастыри-р.с.] ячнэ пхарé-илы́тка, и ёнэ на родынэ Рас-Дэвлэс, палдава́ ёнэ на кэрдé годэс, и сарó лэнгиро гурто исын росчхурдыно. ²² Шунэн зан, сави́ дыя́ звесь: “Акэ, джáла барó глумо годлэнца паш-ратитконé (севернонэ) ригáтыр, соб (кай) тэ чхучакирэл фóрья дрэ Юдэ́я, и тэ кэрэл адякэ, соб (кай) одóй шакалы́ тэ дживэн. ²³ Мэ джинóм, Раё Дэвлалэ, со ману́ш на дэла ра́да тэ хулаинэл пэскирэ судьбаса́ (джиибна́са), и нанэ кадасавó ману́ш, савó псирэла и савó рикирэла зор пэ дова́, карик гэ́ра лыджáна лэс. ²⁴ Раё Дэвла, пи́рисыклякир ман кэ дукха́ пир чачипэн, нэ на пир Пэскиро холякирибэн, соб (кай) тэ на явэл сарó ма́нгэ. ²⁵ Вычхув Пэскиро холякирибэн пэ Наюдытконé манушэндэ, савэ́ на джинэна Тут, и пэ ро́ды, савэ́ на прикхарэна Тыро́ лав; пал-довá со ёнэ хасякирдé Яковóс, ёнэ дукхадэ лэс, и ёнэ домардэ́ лэс. Ёнэ кэрдé лэскирэ кхэрэстыр чхучó штэ́то.

Шэрó 11

Юды Пхагирдэ Завето

¹ Ѓада, исын лав, савó пхэндя Рай Дэвэл Еремее́скэ: ² “Шунэ́н лава́ далэ́ Заветоскирэ́ и пхэнэ́н манушэ́нгэ́ Юдэ́ятыр и манушэ́нгэ́, кон дживэ́ла кэ́ Ерусалимо. ³ И пхэн лэ́нгэ: ‘Адя́кэ ракирэ́ла, Рай Дэвэл, Израилёскиро́ Дэвэл: ‘Тэ́ явэ́н прокошыбэ́на (арманя) пэ́ манушэ́стэ, савó на шунэ́ла лава́ заветостыр. ⁴ Савó Мэ́ припхэндём́ тумарэ́ дадэ́нгэ́ тэ́ кэрэ́н дро́ дывэ́с, кэ́ли Мэ́ лыджиём́ лэн криг Египто́скирэ́ пхувья́тыр, саструнэ́ бовэ́стыр, пхэ́ни: ‘Кандэ́н Мири́ зан и кэрэ́н дова́ сарó, сыр Мэ́ припхэндём́ тумэ́нгэ́, соб (кай) тумэ́ тэ́ явэ́н Мирэ́ мануша́, и, соб (кай) Мэ́ тэ́ явав тумарó Дэвэл; ⁵ соб (кай) Мэ́ тэ́ выпхэ́рдякирав (тэ́ сполнина́в) совла́х, сави́ Мэ́ дыём́ тумарэ́ дадэ́нгэ́ тэ́ дав пхув, пир сави́ тэ́ тхадэл́ тхуд и авгін, сыр исын адады́вэс. И Мэ́, Еремее́ отпхэндём́ и пхэндём́: “Ами́нь, Раё́ Дэ́вла.” ⁶ Тэ́ньци пхэндя́ Рай Дэвэл ма́нгэ: ‘Пхэн зоралэ́с анги́л манушэ́ндэ́ сарэ́ кадалэ́ лава́ дрэ́ Юдэ́якирэ́ фо́рья, и пэ́ Ерусалимо́скирэ́ вули́цы (га́сы) кадасавэ́ лавэ́нца: “Шунэ́н кадалэ́ Заветоскирэ́ лава́ и выпхэ́рдякирэ́н лэн.” ⁷ Пал-дова́ со́ Мэ́ барэ́ ласкаса́ допхэ́на́вас тэ́ ра́кхэ́нпэ́ тумарэ́ дадэ́нгэ́ дро́ дывэ́с, сыр Мэ́ лыджиём́ лэн криг Египто́скирэ́ пхувья́тыр аж кэ́ адады́вэсатуно́ дывэ́с, уштыи́ тася́рлэс пэ́ зло́ко (пэ́ ра́нко) и допхэ́на́вас лавэ́нца: “Кандэ́н мири́ зан.” ⁸ Нэ́ ё́нэ на канды́нэ, ё́нэ на причху́дэ кан, а ка́жно (сва́ко) лэ́ндыр кэ́рдя́ пир нахраты́ма лэ́нгирэ́ биба́хталэ́ илэ́ндыр: и Мэ́ яна́ва пэ́ лэ́ндэ́ сарэ́ лава́ кадалэ́ Зако́но́стыр, савэ́ Мэ́ припхэндём́ лэ́нгэ́ тэ́ выпхэ́рдякирэ́н (тэ́ сполнинэ́н), нэ́ ё́нэ дава́ на кэ́рдэ́. ⁹ И пхэндя́ Рай Дэвэл ма́нгэ: “Зракири́бэ́н исын латхно́ машки́р Юдэ́якирэ́ манушэ́ндэ́ и ко́долэ́ндэ́, савэ́ дживэ́на кэ́ Ерусалимо. ¹⁰ Ё́нэ риси́нэ палэ́ кэ́ чори́пэ́н, савó кэ́рдэ́ лэ́нгирэ́ пра́папы, и ё́нэ гинэ́ пал яви́р дэ́влорэ́ндэ́ тэ́ дына́ринэ́н лэ́нгэ́. Израилёскиро́ кхэр и Юдэ́якиро́ кхэр пхагирдэ́ Миро́ завето, савó Мэ́ счху́дём́ лэ́нгирэ́ дадэ́нца.” ¹¹ Палдава́ ады́кэ ракирэ́ла Рай Дэвэл: “Акэ́, Мэ́ яна́ва бари́ би́да пэ́ лэ́ндэ́, савья́тыр ё́нэ на на́шэ́на: и мэк ё́нэ явэ́на тэ́ дэ́н го́дла кэ́ Мэ́, Мэ́ на ява́ва тэ́ шуна́в лэн. ¹² Тэ́ньци Юдэ́якирэ́ фо́рья и Ерусалимо́скирэ́ мануша́ явэ́на и ё́нэ явэ́на тэ́ дэ́н го́дла яври́ кэ́ дэ́влорэ́; ваш савэ́нгэ́ ё́нэ хачки́рдэ́ дро́га́ смо́лы, нэ́ ё́нэ на выра́кхэ́на лэн тэ́ды, кэ́ли явэ́ла биба́хт пэ́ лэ́ндэ́. ¹³ Пал-дова́ со́ ки́цы исын ту́тэ́ тырэ́ фо́рья, Юдэ́я, ада́кицы́ ту́тэ́ исын тырэ́ дэ́влорэ́; ки́цы исын вули́цы (га́сы) дро́ Ерусалимо́, ада́кицы́ тумэ́ чху́дэ́ алта́ри пэ́ ладж, алта́ри, соб (кай) тэ́ хачки́рэ́н дро́га́ смо́лы Ваалоскэ́. ¹⁴ Палдава́, Еремее́, на ма́нгпэ́ Ма́нгэ́ пал адалэ́ манушэ́ндэ́, и ады́кэ-па́ць на га́здэ́ патерья́ ци ма́нгипэ́н пал лэ́ндэ́, пал-дова́ со́ Мэ́ на ява́ва тэ́ шуна́в лэн дро́ часо́ (цы́ро), кэ́ли ё́нэ явэ́на тэ́ дэ́н го́дла яври́ кэ́ Мэ́, сыр явэ́ла биба́хт (би́да) лэ́нгэ́. ¹⁵ Со́ ж трэ́й мирэ́ пирамне́скэ́ (камлэ́скэ́) дро́ Миро́ кхэр, ко́ли ё́й ада́кицы́ бут кэ́рэ́ла била́джаку́нэ́ рэ́нды? И свэ́нто мас ваш яны́бэ́н гия́ криг ту́тыр? Ко́ли ту́ кэ́рэ́са биба́хт, тэ́ды ту́ рады́нэса́пэ́.” ¹⁶ Рай Дэвэл ды́я лав ту́кэ: “Зэ́лэно́ масли́нитко́ кашт, савó исын го́жо, лачхэ́ пха́баса!” Нэ́ ака́на зоралэ́ годла́са и глумоса́ Ё́в, Рай Дэвэл, росхачки́рдя́ яг пэ́ ла́тэ́ и ла́кирэ́ ра́ндя́ (вэ́тки) пха́динэ́. ¹⁷ Пал-дова́ со́ болы́бна́скирэ́-янго́лэ́нгиро́, Рай Дэвэл, Савó чху́дя́ дрэ́ пхув ту́т, выпхэ́ндя́ розплэ́скири́бэ́н пэ́ ту́тэ́ пал фуи́пэ́н (биба́хт), сави́ кэ́рдэ́ Израилёскирэ́ и Юдэ́якирэ́ кхэ́ра́. Ё́нэ кэ́рдэ́ дава́ пэ́ пэ́стэ́ и далэ́са ё́нэ дукха́дэ́ Ма́н кэ́ хо́лы, сыр ё́нэ хачки́рдэ́ дро́га́ смо́лы Ваалоскэ́.”

Чорэ́ Мануша́ Камэ́на тэ́ Муляки́рэ́н Еремее́с

¹⁸ Ака́на Рай Дэвэл ды́я ма́нгэ́, Еремее́скэ́, тэ́ джи́на́в пал дава́, и Мэ́ джи́но́м дава́; пал-дова́ со́ Ё́в сыка́дя ма́нгэ́ лэ́нгирэ́ кэ́рибэ́на пэ́ миро́ шэ́ро. ¹⁹ Нэ́ мэ́ со́мас сыр ра́хмано́ бакро́ро́, савэ́с лы́джинэ́ тэ́ чхи́нэ́н; и мэ́ на джи́ндём́, со́ ё́нэ при́думиндлэ́ фуи́пэ́н (биба́хт) пэ́ ма́ндэ́, ра́кири́: “Явэ́н, хася́кираса́ кашт лэ́скирэ́ пха́бэ́нца, и явэ́н, чинги́раса́ дава́ кашт криг джи́дэ́ пхувья́тыр, соб (кай) бу́тыр тэ́ на ри́пирэ́н лэ́скиро́ лав.” ²⁰ Нэ́ Ту́, болы́бна́скирэ́-янго́лэ́нгиро́ Рай Дэвэл, Савó сэ́ндинэ́ла пир ча́чипэ́н; Савó спробинэ́ла го́ды́ и ило́, мэк мэ́ тэ́ ды́кхав, сыр Ту́ отдэ́са палэ́ лэ́нгэ́: пал-дова́ со́ Ту́кэ́, Раё́ Дэ́вла, мэ́ до́патя́ндыём́ миро́

рэндо. ²¹ Палдава адыкэ ракирэла Рай Дэвэл пал муршэндэ Анатотостыр [Анафостыр-р.с.], савэ камэна тэ мулякирэн ман, пхэни (ракири): “Ту бутыр на ангилпхэн Раскирэ-Дэвлэскирэ лавэстыр, соб (кай) тукэ тэ на мэрэс амарэ вастэстыр.” ²² Палдава адыкэ ракирэла болыбнаскирэ-янголэнгиро Рай Дэвэл: “Акэ, Мэ пхарэс сэндякирава лэн: тэрнэ мануша мэрэна курталатыр, лэнгирэ чхавэ и чхая мэрэна бокхатыр; ²³ со бутыр ниэкх на ячэлапэ лэндыр; пал-дова со Мэ янава хасибэн (бибáхт) пэ манушэндэ Анафостыр [Анатотостыр-ю.о.] дро дова бэрш, кэли Мэ явава тэ сэндякирав лэн.”

Шэрó 12

Еремее Пхучэла Рáстыр-Дэвлэстыр

¹ Чачунó сан Ту, Рай Дэвэл, кóли мэ явава тэ лыджав миро рэндо Туса, мэк мэ тэ ракирав пал Тырó чачипэн. Сóскэ да злыднитконэ манушэнгэ удэлапэ кэ миштыпэн? Сóскэ исын куч одолэнгэ, савэ исын бикиибнарья [нахрата-р.с.]? ² Ту чхудян дрэ пхув лэн, лэнгирэ гэрорья баринэ: ёнэ барьёна бутыр, чачó, и ёнэ дэна пхабá: Ту сан лэндэ пэ чиб, нэ Ту сан дурал лэнгирэ годендыр (илэндыр). ³ Нэ Ту, Раё Дэвла джинэса ман: Ту дыкхцян ман и Ту спробиндян миро илó кэ Ту. Тырдэ криг лэн сыр бакрэн тэ зачхинэн, и чхув дрэ риг лэн ваш дывóс тэ зачхинэн лэн. ⁴ Сыр гарá (длугэс) пхув явэла тэ тугинэл, и чхарья пэ фólда тэ шутён? Мурдала и чирикля хасинэ пал адалэ злыдня (фуё) манушэндэ, савэ дживэна одой, пал-дова со ёнэ ракирэна: “Дэвэл на дыкхэла амарó кóнцо (ягóро).”

Рай Дэвэл Отпхэнэла Еремеекэ

⁵ Рай Дэвэл отпхэндя: “Кóли ту, Еремее, прастандыян псирибнаскирэнца, и ёнэ кхинякирдэ тут, сыр тэды ту явэса тэ спробинэс зорья грэнца? И кóли пэ пхув, кай исын рамáнэ (миро) ту сáнас бидарипнаскиро, тэньчи со ту явэса тэ кэрэс, сыр газдэнапэ панингá дро Иордáно? ⁶ Пал-дова со ровно (адыкэ-паць) и тырэ пшáла, и тырэ-дадэскиро кхэр, адыкэ-паць и ёнэ обгинэпэ туса сыр бикиибнаскирья (бикиныбнарья), мэк ёнэ и дэна гóдла яври пал тýtэ. На патя лэнгэ, мэк и ракирэна ёнэ лачхинька лавá тукэ. ⁷ Мэ мэкцём Миро кхэр, Израилё, Мэ чхурдыём Миро миштыпэн, Мэ отдыём Мирé дрогонэ манушэс дрэ вастá вэргэнгэ. ⁸ Миро миштыпэн – Мирé манушá, ячнэ сыр шчэр (лёво) дро вэш, ёнэ газдынэ пэскири зан пэ Мándэ, палдава Мэ наштý тэ дыкхав пэ лэндэ. ⁹ Миро миштыпэн яця сыр чириклы, савья саштý тэ розрискирэс, рискирибнаскирэ чирикля кружынэнапэ (крэнжынэнапэ) тэ пэрэн пэ латэ. Джán, скэдэнпэ, сарé мурдалá пэ фólда, янэн лэн тэ хан. ¹⁰ Бут шэралэ чхупнарья хасякирдэ Мирí винаградытко бар, ёнэ выштакирдэ (вытопчындлэ) Мирé-фэлдакири паш гэрэнца, ёнэ кэрдэ Мирé гожонэ пашатыр (пашэстыр) биманушэнгири чхучí пхув! ¹¹ Ёнэ кэрдэ латыр замэчно биманушэнгиро штéто; сарó, со исын замэчно, зоралэс тугинэла ангил Мándэ: сарí пхув исын замэкны, пал-дова со нанэ никон, соб (кай) тэ чхувэл дава пэ илó пэскэ. ¹² Мижэх чора явэна пэ вучэ штéты пир чхучэ прахи, пал-дова со Мэ, Рай Дэвэл, бичхавáва куртала екхэ ягорóстыр пэ пхув кэ явир; со на явэла рамáнэ ни екхэ джидэ дескэ. ¹³ Ёнэ чхудэ дрэ пхув гив, нэ ёнэ счхиндлэ пхусадытка хрúсты, ёнэ кхинякирдэ пэс кэ дукхá, и лэнгэ на удэлапэ кэ миштыпэн. Ладжан дасавэ тумарé чорорэ умалотостыр, пал-дова со явэла бари холы Рáстыр-Дэвлэстыр. ¹⁴ Адыкэ ракирэла Рай-Дэвэл пэ сарé бибахталэ Израилёскирэ суседэндэ (котарьэндэ): “Савэ хасякирэна пхув, савí Мэ сыр миштыпэн дыём манушэнгэ Израилёстыр. Акэ, Мэ рискирава яври лэн Израилёскирэ пхувьятыр и Мэ вырискирава Юдаскиро кхэр лэндыр. ¹⁵ И явэла адыкэ: палó (после) сарó дава, сыр Мэ вырискирава лэн, Мэ рисёвава палэ, и тэды Мэ потангинава (пожалинава) лэн, и Мэ янава палэ лэн – кажнонэс кэ пэскиро миштыпэн, и кажнонэс кэ пэскири пхув. ¹⁶ И явэла адыкэ: кóли ёнэ, сусэды (котарья) миштэс высылёна тэ псирэн пир дромá Мирé-манушэнгирэ тэ совлахан Мирé лавэса: “Тэ явэл джидó Рай Дэвэл”, адыкэ-паць сыр ёнэ сыклякирдэ Мирé манушэн тэ совлахан Ваалоса, тэды ёнэ ячэнапэ машикирал Мирé манушэндэ. ¹⁷ Нэ кóли ёнэ

на явэна тэ кандэн, тэды Мэ выкушава лэн криг и Мэ хасякирава кадалэ манушэн”, – пхэндя Рай Дэвэл.

Шэрó 13

Пал гандладытко (Льяно) Кустык

¹ Адыкэ пхэндя мангэ Рай Дэвэл: “Джэ и кин пэскэ кустык гандладэстыр (лёностыр), и причхув ла пашыл пэскиро трушул (масá); нэ на бол ла дрэ пани. ² И мэ, Еремее, киндём дасави кустык пир Рáскирэ-Дэвлэскиро лав и причхудём ла пашыл пэскиро трушул. ³ И явдя кэ мэ Рáскирэ-Дэвлэскиро лав явир мóло, и пхэндя: ⁴ “Лэ кустык, со ту киндян, сави исын пэ тырó трушул, газдэпэ и джэ кэ Ефрато и гарав кустык одой дрэ хорипэн машкир скалы.” ⁵ Адыкэ мэ гиём и гарадём пашыл Ефрато [Евфрато-р.с.], сыр Рай Дэвэл припхэндя мангэ. ⁶ И сыс адыкэ, сыр прогинэ (накхлэ) бут дывэсá, то Рай Дэвэл пхэндя мангэ: “Гэздэпэ (ушты) и джэ кэ Евфрато, и лэ одотхыр кустык, сави Мэ припхэндём тэ гаравэс тукэ одой. ⁷ Тэньци мэ гиём кэ Евфрато и ганадём, и мэ вылыём кустык долэ штэтóстыр, кай мэ гарадём ла; и, гада, кустык яця налачхи. Латыр на сыс ужэ ни савó лачхипэн. ⁸ И явдя кэ мэ Рáскирэ-Дэвлэскиро лав, и пхэндя: ⁹ “Адыкэ пхэндя Рай Дэвэл: ‘Пир дова Мэ хасякирава Юдэякиро пхутькирибэн, и адыкэ-паць Ерусалимоскиро зоралó (барó) пхутькирибэн. ¹⁰ Кадалэ бибахталэ манушá отпхэндлэпэ тэ шунэн Мирé лавá, ёнэ дживэна пир пэскирэ пхарé илэ, и ёнэ псирéна тэ кэрэн патыв явирэ дэвлорéнгэ и тэ дынаринэн лóнгэ, и лóнца явэла дова, со кэрдяпэ далэ кустыкаса. ¹¹ Пал-дова со сыр кустык ухтылэлапэ зоралэс (исын паштó) кэ пэ манушэскиро трушул, адыкэ-паць Мэ кэрдём, соб (кай) сарó Израилэскиро кхэр и сарó Юдэякиро кхэр тэ ухтылэпэ зоралэс кэ Мэ, соб (кай) ёнэ могоинэнас тэ явэл Мирé манушá, Мирó лав тэ шарэн и тэ барьякирэн Ман; нэ ёнэ на шундлэ.”

Пал Пхуранé Гонé

¹² “И ту, Еремее, пхэн лóнгэ дава лав: ‘Адыкэ ракирэла Рай Дэвэл, Дэвэл Израилэскиро: ‘Каждо гонó пхэрдякирэна моляса (виноса).’ Ёнэ пхэнэна тукэ: ‘Ци амэ на джинáса, со каждо гонó пхэрдякирэна моляса?’ ¹³ Нэ ту пхэнэса лóнгэ: ‘Адыкэ ракирэла Рай Дэвэл: “Акэ Мэ матякирава сарé манушэн, кон дживэла пэ кодоя пхув, и кральён, савэ исын бэштэ пэ Давидóскиро трóно, и рашán, и сарé пророкэн, и сарé манушэн, кон дживэла кэ Ерусалимо. ¹⁴ И Мэ чикавава (пэкавава) лэн екх пир екхэстэ, сыр дадэн, адыкэ-паць и чхавэн кхэтанэ, – ракирэла Рай Дэвэл, – и Мэ на явава лачхэ-илэскиро кэ ёнэ, и Мэ на явава тэ тангинав (тэ жалинав) лэн, и Мандыр на явэла тангипэн (ласка) лóнгэ, а Мэ хасякирава лэн.”

Бида пэ Израилé

¹⁵ Шунэн тумэ, и причхувэн кан, на пхутён (на барьякирэн пэс), пал-дова со адыкэ пхэндя Рай Дэвэл. ¹⁶ Барьякирэн (славинэн) Рас-Дэвлэс, тумарé Дэвлэс, ангил дова, сыр Ёв янэла калыпэн (цёмныма), и ангил дова, сыр тумарé гэрá обштавэнапэ (обстэмпинэнапэ) пир бэрги дрэ паш-калыпэн! И тумэ явэна тэ родэн дуд (свэто), нэ Ёв рискирэла лэс дрэ мэрибнытко зэр (тень), и Ёв пирикэрэла лэс дрэ хор калыпэн. ¹⁷ Нэ коли тумэ на явэна тэ кандэн дава, то тэды мэ, Еремее, явава тэ ровав дрэ гарадэ штэты пал тумарó пхутькирибэн, и мирé якхá явэна тэ ровэн киркэс, пал-дова со Рáскирэ-Дэвлэскиро гурто лыджино криг дрэ наволя (плéно). ¹⁸ ‘На явэн пхутькирдэ, бэшэн тэлэдыр; пал-дова со пыя кралитко стадык тумарé славатыр, сави сыс пэ тумарé шэрé’, – пхэндя Рай Дэвэл тэ пхэна́в кралискэ и кралискирэ дакэ. ¹⁹ Фóрья пэ паш-дывэсытко (южно) риг явэна запхандлэ и на явэла никон тэ псиравэл (отпхандэл) лэн; сарí Юдэя лыджана криг дро плéно, сарé Юдэякирэ манушэн залыджана дро плéно. ²⁰ Гэздэн тумарé якхá и дыкхэн, со джала пэ тумэндэ паш-ратитконэ (севернонэ) ригатыр. Кай тырó гурто, шукáр гурто, савó сыс дыно́ тукэ? ²¹ Со тумэ пхэнэна, кэли Рай

Дэвэл явэла кэ тумэ, пир-дова со тумэ сыклякирдэ лэн, соб (кай) ёнэ тэ явэн шэралэ тхагарья пэ тумэндэ? Ци на ухтылэна (надоси) тут дукханэ туги сырбы джувля, сави исын банги тэ биянэл? ²² И коли тумэ пхучэна (пхэнэна) дро пэскиро ило: ‘Соскэ дава саро пыя пэ мандэ?’ Пал тумаро баро чорипэн, савэ отчакирдэ тумарэ йди пэ ладж, и пал дова, со тырэ кхурья (пенты) ячнэ нангэ? ²³ Ци могоинэла (сашты) Эфиопо тэ парувэл пэскири цыпа, ци сашты леопардо тэ парувэл пэскирэ петьмы (пятны)? Тэды, ци могоинэна тумэ адякэ-паць тэ кэрэн лачхипэн, савэ присыклынэ тэ кэрэн бибахт? ²⁴ ‘Палдава Мэ росчхурдава лэн сырбы пхусакирэ тетивы [прахо-р.с.], савэ розлыджала балвал чхучэ прахэндэр’, – ракирэла Рай Дэвэл. ²⁵ Давэ исын тумары доля, бажын, сави Мэ выкэдыём (дыём) тумэнгэ, пал-дова со тумэ бистырдэ Ман и зоралэс допатындынэ дро хохаибэн. ²⁶ Палдава Мэ адякэ-паць рискирава тумарэ туюня (поди) пэ муй, и тумары ладж явэла бицялы. ²⁷ Мэ дыкхцём тумаро биладжаипэн, и дова, сыр тумэ gryмитиндлэ, сыр тумэ традэнаспэ пал чужонэ дэвлорэндэ пэ бэргицы и пэ фэлды, долэ джунгалэ рэндэ. Бида пэ тумэндэ, мануша Израилёстыр! Наушто тумэ на явэна жужэ? Ци гара тумэ ишчо (инкэ) адякэ явэна?”

Шэрó 14

Куртáла, Бари Бокх, и Барó Шукипэн

¹ Рáскирэ-Дэвлэскиро лав, саво явдя кэ Еремее пал баро шукипэн: ² “Юдэя тугинэла зоралэс, и лáкири порта роспыапэ, ёй калыя кэ пхув; и Ерусалимóскири гóдла газдыапэ. ³ Лэнгирэ лачхэ-родоскирэ рая [упратунэ-р.с.] бичхавэна пэскирэ кхэритконэ дынарьён пал пани: ёнэ джана кэ панитка ганбиня, нэ ёнэ на латхэна пани; ёнэ рисэна палэ чхучэ пирьёнца: ёнэ исын ладжакирдэ, ёнэ исын запхагирдэ дрэ годы, и ёнэ учхакирдэ пэскирэ шэрэ. ⁴ Пал-дова со пхув пхарадыя, сыр на сыс брышынд пэ пхув, пхувьявирэ-бутярнэ исын ладжакирдэ, ёнэ учхакирдэ пэскирэ шэрэ. ⁵ Пал-дова со мирга (лань) адякэ-паць биянэла пэ фэлда, и ёй мэкэла пэскирэ тыкнэн, пал-дова со нанэ чар. ⁶ И буса (дика) ослы (мегарья) исын тэрдэ пэ вучэ штэты, ёнэ сунгэна балвал сыр шакалы: лэнгирэ якхэ пынэ (калынэ), пал-дова со нанэ чар. ⁷ ‘Раё Дэвла! Мэк амаро чорипэн тэ допхэнэл пэ амэндэ, кэр вари-со Тырэ лавэстыр; пал-дова со амэ бут отпням Түтыр – амэ кэрдям грэху проти Түтэ. ⁸ О, Ту сан одова, Конэстыр Израилё ужакирэла лачхипэн [зракхибэн-р.с.], Ту сан амаро Зракхибнари (Зракхибнаскиро) дрэ пхарэ дывэса! Соскэ Ту сан сырбы чужо мануш пэ амары пхув, ци сырбы традыпнаскиро (путнико), саво рисия пэ риг, соб (кай) тэ ячэлпэ пэ екх рат? ⁹ Соскэ Ту сан сырбы мануш, саво дивинэлапэ трашаса, сырбы зоралэ мурш, саво нашты (на могоинэла) тэ зракхэл? Нэ Ту, Раё-Дэвла, сан машкир амэндэ, и амэ кхараса Тыро лав: на мэк амэн.’ ¹⁰ Адякэ пхэндя Рай Дэвэл пал кадалэ манушэндэ: “Ёнэ адякэ покамлэ тэ псирэн, со ёнэ на обрикирэнас пэскирэ гэрэ; и Рай Дэвэл на радынэлапэ лэндэр: Ёв рипирэла лэнгиро чорипэн и Ёв явэла тэ сэндыакирэл лэн пал лэнгирэ грэху.” ¹¹ И Рай Дэвэл пхэндя мангэ: “На мангпэ Мангэ пал кадалэ манушэндэ ваш лэнгиро лачхипэн. ¹² Кэли ёнэ явэна тэ постынэн, Мэ на явава тэ шунав лэнгири гóдла; и кэли ёнэ янэна цэла хачкирибэна, и свэнта дыйбэна гивэстыр, Мэ на прилава лэн: пал-дова со Мэ хасякирава лэн курталаса, барэ бокхаса и франсэнца.” ¹³ Нэ мэ пхэндём: “О, Раё Дэвла, Дэвлалэ! Гада, прорóки ракирэна лэнгэ: ‘Тумэ на дыкхэна куртáла, ни бари бокх, пал-дова со Ту дэса чачуно раманэ пэ дава штэто. ¹⁴ И пхэндя Рай Дэвэл мангэ: “Прорóки ангилпхэнэна хохаибэн Мирэ лавэстыр; Мэ на бичхадём лэн, и Мэ на припхэндём лэнгэ, и Мэ на пхэндём лэнгэ: ёнэ ангилпхэнэна тумэнгэ хоханó дыкхибэн (суныбэн), и чхучэ чары; дова, со на мол ничы, и хохаибэн, со джала лэнгирэ илэндэр. ¹⁵ Палдава адякэ ракирэла Рай Дэвэл пал пророкэндэ, савэ ангилпхэнэна Лэскирэ лавэстыр, савэн Ёв на бичхадя, и савэ ракирна: ‘Куртáла и бари бокх на явэна пэ кадая пхув’: Кадалэ прорóки хасэна курталатыр и барэ бокхатыр! ¹⁶ И мануша, конэскэ ёнэ явэна тэ ангилпхэнэн, явэна чхурдынэ яври пэ Ерусалимóскирэ вулицы (гасы), пал-дова со явэла бари бокх и куртáла; и одой на явэла никон тэ гаравэл лэн, ци лэнгирэ ромнэн, ци лэнгирэ чхавэн, ци лэнгирэ чхаён, и Мэ вычхувава лэнгиро фуипэн пэ лэндэ. ¹⁷ И ту, Еремее, пхэнэса

дава лав лэнгэ: мэк тэ тхадэн ясва Мирé якхэндýр рат и дывэс, и ёнэ на пириячэна, пал-дова со патывалы тэрны джувлы, Мирé-манушэнгири чхай, исын зоралэс дукхады пхарé пэкаибнаса. ¹⁸ Кóли Мэ джава пэ фэлда, акэ, исын паштэ манушá, савэн куртáла мулякирдя! И кóли Мэ джава андрé фóро, акэ, исын манушá, савэ нашавэна зор кэ мэрибэн барé бокхатыр! Пал-дова со дуйджинэ: и прорóко, и рашáй псирéна пир пхув, со ёнэ кокорé на джинэна палсó.”

Манушá Мангэна Рас-Дэвлэс пал Лáска

¹⁹ Раё Дэвла! Ци сарэса Ту отпхэндямпэ Юдэятыр? Ци Тырэ дескэ яця джунгалó Сионóстыр? Сóскэ Ту адякэ пэкадян амэн, со нанэ састякирибэн амэнгэ? Амэ родаса рамáнэ, нэ нанэ лачхипэн, часо тэ састякираспэ, и, акэ, екх трашаибэн (дар). ²⁰ Раё Дэвла! Амэ приджинаса амарó фуипэн, и чорипэн, со кэрдэ амарé дада; пал-дова со амэ кэрдям грéхо проти Тýтэ. ²¹ На дурьёв амэндýр ваш Тырó лав, на тыкнякир патыв Тырэ-славакирэ тронóскэ, Ерусалимоскэ, рýпир Пэскиро завето, со Ту дыян амэнгэ и на пхагир лэс. ²² Ци исын машкёр Наюдытка йдолы одолэ, савэ дэна брышынд? Ци могоинэла (сашты) кокорó болыбэн тэ дэл барэ панингá? Ци дава нанэ Рай Дэвэл, амарó Дэвэл? Палдава амэ яваса тэ ужакирас Тут, пал-дова со Ту кэрдян сарó дава.

Шэрó 15

Рай-Дэвэл Усаёкх Явэла Тэ Холясол пэ Юдэя

¹ И пхэндя Рай Дэвэл мánгэ: “Мэк Мóйза и Самуýло тэ тэрдэн ангил Мáндэ, нэ Мирó ди на рисёла кэ адалэ манушá. Бичхав лэн криг Мирé якхэндýр, и мэк ёнэ тэ джáн пэскэ. ² И явэла адякэ: кóли ёнэ пхэнэна тýкэ: ‘Карик амэнгэ тэ джас?’, тэды ту пхэнэса лэнгэ: ‘Адякэ ракирэла Рай Дэвэл: ‘Кон исын присэндиндло пэ мэрибэн – джá пэ мэрибэн, кон исын присэндиндло пэ куртáла – пэ куртáла, конэскэ присэндиндло бари бокх – бари бокх, конэскэ присэндиндло плéно – дро плéно. ³ Мэ явава кэ ёнэ и Мэ дава лэнгэ штар рáзна кары’ – ракирэла Рай Дэвэл: Куртáла тэ мулякирэл, джукэла тэ рискирэн, болыбнýтка чирикля, и rischiрибнáскирэ мурдалá (звери) пэ пхув, тэ похан и тэ хасякирэн. ⁴ И Мэ отдава лэн, соб (кай) сарé кралипэна пэ пхув тэ традэн лэн одорýк и палэ пал Манасиястэ, Езэкияскирэ чхавэстэ, пал-дова со ёв кэрдя дро Ерусалимо. ⁵ Пал-дова со, кон потангинэла тут, Ерусалимо? Кон сыкавэла лачхэ-илыткима тýкэ? Кон заджáла кэ ту тэ пхучэс, сыр ту сан? ⁶ Тырэ манушá мэкнэ Ман!’, – ракирэла Рай Дэвэл, – тумэ дынэпэ палэ. Палдава Мэ протырдава (газдава) Пэскиро васт пэ тумэндэ, и Мэ хасякирэва тумэн: Мэ кхинýём тэ отмэкав (тэ прости́нав) тумэнгэ. ⁷ И Мэ росчхурдава лэн веелоса (барé лопатаса) пал пóрты пэ пхув; и Мэ лава криг сарэса лэнгирэ чхаворэн, и Мэ хасякирэва Мирé манушэн: пал-дова со ёнэ на рисёна пэскирэ дромэндýр. ⁸ Мáндэ явэла лэнгирэ пивлен (удовэн) бутýр сыр пра́хо дро мóрэ (дэрьяв): Мэ янава пэ лэндэ пэ тэрнэ-манушэнгирэ датэ прахарис – чорэс дро паш-дывэс: Мэ кэрава адякэ, со екхатыр илытко дукх и трашаибэн (дар) пэрэна пэ лэндэ. ⁹ Э дай, сави бияндя эфтá тыкнэн, ёй выпхурдыя палатунó дýхо (фáно); лакиро кхам гия тэлэ, мэк дава ишчо (инкэ) исын дывэс; ёй исын ладжакирды и запхагирды дрэ годы. И кон ячэлапэ, кодолэн Мэ пиридава курталакэ ангил лэнгирэ вэргэндэ’, – пхэндя Рай Дэвэл. ¹⁰ Бида мánгэ, Еремее́скэ, мирй дай, со ту бияндын ман тэ кошавпэ, и тэ чингардавпэ сарé пхувьяса! Мэ на дыём никонэскэ ловэ тэл кóфо, и ёнэ адякэ-паць на дынэ мánгэ тэл кóфо, нэ кажно (свáко) лэндýр прокошэла ман (кэрэла арманя пэ мáндэ). ¹¹ Рай Дэвэл пхэндя: “Чачипна́са Мэ мэкава пэ воля тут ваш лачхипэн, чачипна́са Мэ кэрава адякэ, со вэрго явэла тэ мангэл тут дро бибахталó часо и тэды, кэли явэна тэ традэн тут. ¹² Ци могоинэла (сашты) вари-кон тэ пхагирэл састýр, паш-ратýтко (северно) састýр и харкóма (медь) [пирдо (бронза)-ю.о.]? ¹³ Сарó тырó миштыпэн и сарэ тырэ кучипэна Мэ отдава тэ чорэн билóвэнгиро пал Тырэ грéхи, со кэрдян пир сарэ тырэ пхувья кэ кустыка (границы); ¹⁴ и Мэ

кэрава адякэ, со ту джаса пэскирэ вэргэнца пэ пхув, сави ту на джинэса: пал-дова со Мирі холы хачола сыр яг: ёй явэла тэ хачол пэ тумэндэ.”¹⁵ Тэньци Мэ пхэндём: “Раё Дэвла! Ту джинэса саро: рипир ман и подэ васт мангэ, отдэ палэ холынаса одолэнгэ, савэ традэна ман: на закэдэ ман криг пир Тырі баро вырикирибэн (тёрпима): джин, со Мэ лыджава ладж пэ пэстэ пал Түтэ.”¹⁶ Тырэ лав латхнэ миро ило, и мэ хаём лэн. Тыро лав яця сыр радыма мангэ и радымакирдя (обрадындя) зоралэс миро ило, пал-дова, со Тыро лав исын пэ Мандэ, Раё Дэвла, болыбнаскирэ-янголэнгиро Дэвлэ.”¹⁷ Мэ на сомас бэшто пэ скэдыипэн, кай сыс просаибнаскирэ и мэ на радындёмпэ кэ вучипэн; Мэ сомас бэшто екхджинэ: пал-дова со Ту пхэрдякирдя ман холяса.¹⁸ Соскэ мирі дукх гарэ (длүгэс) тырдэлапэ, соскэ миро рискирибэн пэ маса на састёла, саво Ту отпхэндянпэ тэ састякирэс? Наушто Ту явэса ваш мангэ сырбы хоханы ганынгори, сырбы налачхо пани.”

Рай Дэвлэ Дэла Лав Еремеевскэ

¹⁹ Палдава адякэ ракирэла Рай Дэвлэ: “Кóли ту рисёса, тэньчи Мэ рискирава тут палэ, тэньчи ту тэрдёса ангил Мандэ; и, кóли ту выкэдэса кучипэн бэдыпнастыр (чорипнастыр), тэньчи ту явэса тэ ракирэс Мирэ мостыр. Мэк кадалэ манушэ рисёна кэ ту, нэ түкэ на трэй тэ рисёс кэ ёнэ.”²⁰ И Мэ кэрава түтыр зоралы харкуны (мёдно) ванта пэ кадалэ манушэндэ, и ёнэ явэна тэ марэнпэ проти түтэ, нэ ёнэ на лэна упрал пэ түтэ, пал-дова со Мэ сом түса тэ зракхав, и тэ приракхав тут,” – пхэндя Рай Дэвлэ.²¹ “Чачэс, Мэ явава тэ приракхав тут бибахталэ вастэстыр, и Мэ зракхава тут даракунэ вастэстыр.”

Шэрó 16

Рай-Дэвлэ Ракирэла Еремеевскэ Сыр тэ Дживэл

¹ И сыс пхэндлэ Рэскирэ-Дэвлэскиро лав кэ мэ: ² “На лэ пэскэ ромня, мэк тэ на явэн түтэ ни чхавэ – ни чхэй пэ дава штэто. ³ Мэ пхэнава түкэ пал чхавэндэ и чхаёндэ, савэ бияндёна пэ дова штэто; и пал даёндэ, савэ биянэна лэн, и пал дадэндэ, савэндэр ёнэ бияндёна: ⁴ ёнэ мэрэна дукханэ мэрибнастыр, никон на явэла тэ обровэл лэн: ниэкх лэндэр на явэла гарадо, нэ ёнэ явэна сыр гнэ пэ пхув. Ёнэ хасёна курталатыр и бокхалыпнастыр, и лонгирэ трэпы явэна сырбы хабэн болыбнытконэ чирикленгэ и рискирибнаскирэ мурдалэнгэ (зверенгэ) пэ пхув. ⁵ Палдава Мэ адякэ пхэнава түкэ: на заджа дро кхэр, кай тугинэна роибнаса, адякэ-пацэ на джа тэ обровэс мулэн, ци на тангинэ кхэтанэ лэнца; пал-дова со Мэ отлава Мирó раманё кадалэ манушэндэр, Мэ ишчо (инкэ) пхэнава түкэ, – и дрого лачхипэн и лачхэ-илыткима (тангипэн). ⁶ Сыр барэ, адякэ-пацэ и тыкнэ мэрэна пэ даё пхув. Лэн на явэна тэ гаравэн, адякэ-пацэ и никон на явэла тэ обровэл лэн; ци тэ чхинэл пэс, ци тэ обчхинэл бала пал лэндэ. ⁷ Никон на явэла тэ пхагирэл марó ваш лэнгэ дрэ смэнтныма тугитко, ци тэ подрикирэл дро дүхо (фано) пал мулэндэ, и никон на дэла тахтай лэнгэ тэ выпьён, соб (кай) тэ раманякирэл (штылякирэл) лонгиро ило пал дадэстэ ци пал датэ. ⁸ И на джа дро кхэр, кай ёнэ свэнкинэна, и на бэш лэнца тэ хас, тэ пьес. ⁹ Палдава адякэ ракирэла Мэ, болыбнаскирэ-янголэнгиро Рай Дэвлэ, Израилёскиро Дэвлэ: ‘Акэ, Мэ кэрава адякэ, со ангил тырэ якхэ дрэ тырэ дывэса на явэна шундлэ радымакирэ и сабнытка заня, тэрнэскирэ и тэрнякирэ заня.’¹⁰ И явэла адякэ: кели ту роспхэнэса сарэ далэ лавэ одолэ манушэнгэ, тэньчи ёнэ пхэнэна түкэ: ‘Пал со дава выпхэндя Рай Дэвлэ сарі даё бари бибахт (бёда) пэ амэндэ? Дро со исын амарó чорипэн? Ци саво грэхó амэ кэрдям проти Растэ-Дэвлэстэ, амарэ Дэвлэстэ?’¹¹ Тэньци ту пхэнэса лэнгэ: ‘Пал-дова со тумарэ дада ячкирдэ Ман, – дава Мэ, Рай Дэвлэ, ракирэла: ёнэ гинэ пал явирэ дэвлорэндэ и ишчо (инкэ) тумэ дынэ патыв лэнгэ, и тумэ ячкирдэ Ман, и на рикирдэ Мирó Закóно. ¹² И тумэ кэрдэ фуедыр тумарэ дадэндэр, и со кажно (свако) тумэндэр дживэла пир пэскиро пхаро и бибахталэ ило адякэ, со тумэ на причхудэ кан кэ Мэ [соб (кай) тэ на шунэн Ман-р.с.]. ¹³ Палдава Мэ вычхурдава тумэн далэ пхувьятыр пэ пхув, со тумэ на джинэна, и сави на джиндлэ тумарэ дада, кай тумэ явэна тэ дынаринэн

явирэ дэвлорэнгэ дывэс и рат: пал-довá со Мándыр на явэла ни савó тангипэн (жалима) тумэнгэ.’

Дэвэл газдэла Палэ Израилё!

¹⁴ “Палдава́, акэ, явэна дывэса́, – дава́ Мэ, Рай Дэвэл, ракира́ва, – со на явэна бутыр тэ ракирэн: ‘Тэ дживэл Рай Дэвэл, Саво яндя Израилёскирэ чхавэн Египтоскирэ пхувьятыр’;
¹⁵ нэ явэна тэ ракирэн: ‘Тэ дживэл Рай Дэвэл, Саво яндя Израилёскирэ чхавэн паш-ратитконэ (севернонэ) пхувьятыр, и, сарэ пхувьендыр, карик Ёв вытрады́ лэн. ‘Пал-довá со Мэ яна́ва палэ лэн пэ пхув, сави́ Мэ дыём лэнгирэ дадэнгэ. ¹⁶ “Акэ, Мэ бичхава́ва пэ лэндэ бут мачхибнарьён, – дава́ Мэ, Рай Дэвэл, ракира́ва, – и ёнэ явэна тэ ухтылэн (тэ старэн) лэн, а тэньчи Мэ бичхава́ва пэ лэндэ бут карэдынитконэн (охотникэн), и ёнэ традэна криг лэн кажнóнэ бэргатыр, и кажнóнэ бэргичэндыр и шчэлендыр дрэ скалы. ¹⁷ Пал-довá со Мирэ якхá исын пэ сарэ лэнгирэ дромá; ёнэ на гаравэнапэ Мирэ мо́стыр, и лэнгиро чорипэн нанэ гарадо́ Мирэ якхэндыр. ¹⁸ Нэ ангил Мэ отплэскирава пал лэнгиро чорипэн и лэнгиро грéхо дуй мо́лы, пал-довá со ёнэ магирдэ Мири́ пхув трупэнца джунгалэ (брыдконэ) идолэндыр, савэнца ёнэ пхэрдякирдэ Миро миштыпэн.”

Еремёскири Пáтери (Моли́тва)

¹⁹ Раё Дэвла! Ту сан миро зоралыпэн и мири́ твáрдыма, и пал Түтэ Мэ гарадэвава дрэ трашанэ (даракунэ) дывэса́, кэ Ту явэна бут манушá сарэ ягорэндыр (краендыр) пэ пхув и пхэнэна: “Амарэ дада́, чачэс, дорэснэ (долынэ) мэкно́ миштыпэн, саво́ исын хоханó и харыткó (никчэмно), и лэстыр нанэ ни саво́ лачхипэн. ²⁰ Ци могоинэла (сашты́) ману́ш кокорó тэ кэрэл дэвлорэ́, савэ́ исын на дэвэла́ сарэса?” ²¹ Палдава́, акэ, Мэ кэра́ва адя́кэ, соб (кай) ёнэ тэ джинэн Миро васт и Миро зоралыпэн, и ёнэ явэна тэ джинэн, со Миро лав исын Рай Дэвэл.”

Шэро́ 17

Юдэякиро Грэхо и Пхарó-Розплэскирибэн

¹ “Юдэякиро грéхо исын чхиндло́ саструнэ далтаса (резцоса), диамантытконэ (алмазытконэ) чхиныбнытконэса исын вычхиндло пэ лэнгири таблица пэ ило́ и пэ алтарёскирэ шынга́. ² Пал-довá со лэнгирэ чхаворэ рипирэна лэнгирэ алта́ри и лэнгирэ дэмбитка вэладиня (рошчы) [и лэнгирэ йдолы Ашэрахи ^[1] -ю.о.], савэ́ исын пашы́л зэлэна дрэвы пэ вучэ́ бэргицы, ³ то Мири́ бэрга пэ фэлда, миштыпэн тыро́, сарó барвалыпэн Мэ отда́ва тэ чорэн, и адя́кэ-паць вучэ́ штэты пал грéхи пэ пхув кэ яго́ры. ⁴ И тумэ кокорэ́ отдэна мэкно́ миштыпэн, саво́ Мэ отдыём тумэнгэ: и Мэ кэра́ва адя́кэ, со тумэ явэна тэ дынаринэн тумарэ́ вэргэнгэ пэ пхув, сави́ тумэ на джинэна: пал-довá со тумэ росхачкирдэ Мирэ – холякири яг; ёй явэла тэ хачол пэ сарэ́ ве́ки. ⁵ И дава́ Мэ, Рай Дэвэл, ракира́ва: “Тэ явэл прокошыбэн (арман)” пэ манушэ́стэ, саво́ допатяла зоралэс дрэ манушэ́стэ, и саво́ кэрэла пэскирэ лочятыр (плотятыр) чачо́ васт, и савэскиро ило́ дурьёла Ра́стыр-Дэвлэ́стыр. ⁶ Ёв явэла сы́рбы ялоўцо (вереско) пэ чхучэ́ прахи, и ёв на удыхэ́ла, кэли явэла лачхипэн. Нэ ёв явэла тэ дживэл пэ шуко штэ́то пэ хачкирды мал (степ), лонды пхув, кай нанэ манушá. ⁷ Тэ явэл бахталó ману́ш, саво́ допатяла зоралэс дрэ Растэ́-Дэвлэ́стэ и конэскиро патяибэн исын дрэ Растэ́-Дэвлэ́стэ. ⁸ Пал-довá со ёв явэла сыр дрéво, со исын почхудо пашы́л паня́, и саво́ роздзиндзькирдя пэскирэ ко́рни (рукхá) пашэ́ рэкица (лэнорí). И ёв на явэла тэ дарэл, кэли явэла хачкирибэн, нэ лэскири патрин (листо) явэла зэлэно, и лэскэ на явэла трэй тэ дарэл дро шуко бэрш, адя́кэ-паць ёв на пириячэ́ла тэ дэл пхаба́. ⁹ Ило́ исын хоханэ́дыр сарэ́стыр и древáн бибахталó, кон сашты́ тэ джинэл лэс? ¹⁰ Мэ, Рай Дэвэл, розгалёвава кажно́ ило́, Мэ пропатякирава андрáл манушэ́с, соб (кай) тэ дав кажнóнэскэ (сваконэ́скэ) пир лэскирэ́

дромá, пир дова́, со ёв кэрдя́. ¹¹ Сыр куро́патка, сави́ бэшэ́ла пэ парно́рэ, со ёй на чху́дя, ады́кэ-паць исын ману́ш, кон дорэ́сэла барвалы́пэн на пир чачи́пэн: дро са́мо маши́рал лэ́скирэ дывэ́са барвалы́пэн мэ́кэла лэс и дро ко́нцо (дро яго́ро) ёв явэ́ла дылы́но. ¹² Амаро́ Свэ́нто штэ́то исын славу́тно троне́, саво́ чхудо англи́пна́стыр пэ вучэ́ штэ́ты. ¹³ Раё́ Дэ́вла! Тۇ́тыр ужаки́рэла лачхи́пэн Израилё́! Сарэ́, кон мэ́кнэ́ Тۇ́тыр, явэ́на ладжаки́рдэ. Сарэ́, кон ду́ринэ (отги́нэ) Тۇ́тыр, явэ́на чхиндлэ́ пэ пхув. Пал-дова́ со ёнэ́ ячки́рдэ Рас-Дэ́влэс, Саво́ исын джидэ́-панэ́скири ганы́нг.

Еремеёскири Па́тери (Моли́тва)

¹⁴ Састяки́р ман, Раё́ Дэ́вла, и мэ́ ява́ва састяки́рдо; зра́кх ман, и мэ́ ява́ва зракхно́, пал-дова́ со пал Тۇ́тэ исын миро́ шарибэ́н. ¹⁵ Акэ́, ёнэ́ пхэ́нэна ма́нгэ: ‘Кай исын Ра́скирэ-Дэ́влэскиро лав! Мэ́к Ёв тэ́ явэ́л!’ ¹⁶ Нэ́ мэ́ на со́мас сы́го тэ́ явав чхупна́риса (пасты́рэса), соб (кай) тэ́ джав пал Тۇ́тэ. Ады́кэ-паць мэ́ на камдём, соб (кай) тэ́ явэ́л хасибны́тко дывэ́с: Ту́ джи́нэса дава́, со вы́гия мирэ́ уштэ́ндыр, саро́ сыс анги́л Тۇ́тэ. ¹⁷ На тра́шаки́р ман: пал Тۇ́тэ мэ́ гараде́вава дро биба́хтало́ дывэ́с. ¹⁸ Мэ́к тэ́ явэ́н ладжаки́рдэ ко́долэ́, савэ́ траде́на ман, мэ́к ёнэ́ тэ́ замэ́рэн дара́тыр, нэ́ на домэ́к, соб (кай) мэ́ тэ́ явав ладжаки́рдэ. Нэ́ на домэ́к, соб (кай) ма́нгэ тэ́ замэ́рав дара́тыр. Ян пэ́ лэ́ндэ́ биба́хтало́ дывэ́с. Пха́гир лэ́н кэ́ хасибэ́н дуй мо́лы.”

Тэ́ Явэ́л Свэ́нто Саваты́тко (Суботнё́) Дывэ́с

¹⁹ Ады́кэ пхэ́ндя́ ма́нгэ Рай́ Дэ́влэ: “Джа́ и тэ́рдэв дрэ́ по́рта, кай исын ману́шэ́нгирэ́ чхавэ́, пирда́л сави́ Юде́нгирэ́ кра́лья джа́на андрэ́ и пирда́л сави́ ёнэ́ вы́джана́, и яв дрэ́ сарэ́ Еруса́лимоски́рэ по́рты, ²⁰ и пхэ́н лэ́нгэ: ‘Шунэ́н Ра́скирэ-Дэ́влэскиро лав, тумэ́, Юде́яки́рэ кра́лья и сари́ Юде́я, сарэ́ джи́ибна́рья Еруса́лимосты́р, савэ́ джа́на андрэ́ пирда́л када́я по́рта. ²¹ Ады́кэ раки́рэла Рай́ Дэ́влэ: “Ракхэ́н пэ́скиро ди́ и тэ́ на лы́джан кэ́ пэ́ ничи́ дро саваты́тко (суботнё́) дывэ́с пирда́л Еруса́лимоски́ри по́рта; ²² И тэ́ на вы́лыджан нисаво́ пхари́пэн дро саваты́тко дывэ́с, и тэ́ на кэ́рэн нисави́ буты́, нэ́ свэ́нцяки́рэн саваты́тко дывэ́с, сыр Рай́ Дэ́влэ при́пхэ́ндя́ тумарэ́ даде́нгэ.” ²³ Нэ́ ёнэ́ на канды́нэ, и ёнэ́ на причху́дэ пэ́скиро кан, а ёнэ́ штыва́кирдэ́ пэ́скирэ мэ́ня, соб (кай) ёнэ́ на мого́ндлэ́ тэ́ шунэ́н ци́ тэ́ при́лэн сы́кляки́рибэ́н. ²⁴ И явэ́ла ады́кэ, ко́ли тумэ́ ми́штэс явэ́на тэ́ при́шунэ́нпэ́ – раки́рава́ Мэ́, Рай́ Дэ́влэ, – и тумэ́ на явэ́на тэ́ лы́джан пхари́пэн андрэ́ пирда́л да́я фо́роски́ри по́рта дро саваты́тко дывэ́с, нэ́ соб (кай) тумэ́ тэ́ свэ́нцяки́рэн, саваты́тко дывэ́с, и тэ́ на кэ́рэн ни́ сави́ буты́ дро дава́ дывэ́с, ²⁵ то тэ́ды́ тумэ́ явэ́на тэ́ заджа́н пирда́л да́я фо́роски́ри по́рта кра́лья и тхага́рья, савэ́ исын бэ́штэ́ пэ́ Давидо́скиро троне́, ёнэ́ явэ́на тэ́ траде́н пэ́ мари́бны́тка ву́рдэна́ (колесни́цы) и укли́стэ́ ёнэ́ и лэ́нгирэ́ тхага́рья, пашы́л савэ́ндэ́ ману́ша́ Юде́яты́р и джи́ибна́рья Еруса́лимосты́р, и ману́ша́ уса́ды (сак) явэ́на тэ́ джи́вэн дро дава́ фо́ро. ²⁶ И ёнэ́ явэ́на Юде́яки́рэ фо́рьэ́ндыр и пашы́лату́нэ́ пхувя́тыр пашы́л Еруса́лимо́ и Вениа́моноски́рэ пхувя́тыр (ю́госты́р), и фэ́лдэ́ндыр и пхувя́тыр, кай исын бэ́рги́цы, и паш-дывэ́сы́тконэ́ пхувя́тыр ёнэ́ явэ́на тэ́ янэ́н хачки́рибна́скиро ды́ибэ́н, ратвало́ ды́ибэ́н, и свэ́нто ды́ибэ́н гивэ́стыр, и дро́гонэ́-смо́лэ́нгиро́ тхув, и па́рики́рибны́тко свэ́нто ды́ибэ́н дро Ра́скирэ-Дэ́влэски́ро Кхэ́р. ²⁷ Нэ́ ко́ли тумэ́ на явэ́на тэ́ при́шунэ́нпэ́ кэ́ Мэ́ тэ́ свэ́нцяки́рэн [тэ́ свэ́нки́нэ́н-р.с.] саваты́тко дывэ́с, и тэ́ на лы́джан пхари́пэн, сыр тумэ́ заджа́на пирда́л Еруса́лимоски́ри по́рта дро саваты́тко дывэ́с, тэ́ды́ Мэ́ росха́чкирава́ яг дрэ́ до́я по́рта, и яг по́хала сарэ́са́ Еруса́лимоски́рэ ба́рэ́ фэ́лати́ня, и да́я яг на му́рдяки́рэна.”

17:2 ^[1] Ашэ́р/Ашэ́рах исын даса́ви́ идо́лы́тко дэ́вэ́льны сыр Аста́рта.

Шэрó 18

Пирьенги́ро и Глэ́я (Горшэ́чнико и Глина)

¹ Гáда, исын лав, савó пхэндя́ Рай Дэвэл мánгэ, Еремее́скэ: ² “Уштý и джá кэ пирьенги́ро кхэр, и одóй Мэ кэра́ва ады́кэ, со ту шунэса Мирé лавá.” ³ И мэ гиём кэ пирьенги́ро кхэр, и, акэ, ёв кэрэлас бутý пэ пирьенги́ри рота. ⁴ И пи́ри, сави́ ёв кэрдя́ глэ́ятыр (глинаты́р), пхарады́я дрэ лэски́рэ вастá, и ёв кэрдя́ яви́р пи́ри, сави́ здэлáспэ миштэ́с пирьенги́рэскэ тэ кэрэл. ⁵ Тэньци́ явдя́ Рáскирэ-Дэвлэ́скиро лав кэ мэ: ⁶ “О, Израилéскиро кхэр. Ци наштý Мánгэ тэ кэра́в ады́кэ-паць тумэ́нца, сыр кадалé пирьенги́рэса?” – раки́рэла Рай Дэвэл. “Ды́кх, сыр исын глэ́я дрэ пирьенги́рэ вастá, и ады́кэ-паць тумэ́ сан дро Мирó васт, тумэ́ – Израилéскиро кхэр! ⁷ Акэ, пэ якхá, кэли Мэ раки́рава пал манушýтко на́цыя, и пал крали́пэн, со Мэ вы́рискирава лэн, со Мэ пха́гирава лэн, со Мэ хася́кирава лэн, ⁸ нэ ко́ли да́я манушýтко на́цыя рисéла пэски́рэ чорипна́стыр, тэды Мэ отчху́вава биба́хт, сави́ Мэ думиндём тэ янав пэ лэндэ. ⁹ И, акэ, пэ якхá, кэли Мэ раки́рава пал манушýтко на́цыя, и пал крали́пэн, со Мэ газда́ва лэн, со Мэ зорáлякирава лэн, ¹⁰ Нэ ко́ли ёнэ явэ́на тэ кэрэн чорипэн ангил Мирé якхá, и ёнэ на при́шунэнапэ кэ Ми́ри зан, то тэды Мэ отпару́вава (пожали́нава) лачхипэн, пал савó Мэ пхэндём, со Мэ да́ва лэ́нгэ. ¹¹ И палдава́ аканá пхэн манушé́нгэ Юдэ́ятыр и Ерусали́моски́рэ джи́ибнарьé́нгэ: ‘Ады́кэ раки́рэла Рай Дэвэл: ‘Акэ Мэ аканá скэда́ва (подкэ́рава) фуипэн тумэ́нгэ, и Мэ придуми́нава плано пэ тумэ́ндэ: ‘Рисён фэдýр аканá ка́жно (сва́ко) тумэ́ндыр, тумарé биба́хталé дромэ́стыр, фэдýрьяки́рэн тумарé дромá и дова́, со тумэ́ кэрэ́на”

Манушá на При́лэна Дэвлэ́скиро Лав

¹² Нэ кадалé манушá пхэ́нэна: ‘Адалэ́стыр на явэ́ла ни савó лачхипэн! Палдава́ амэ явáса тэ дживáс пир амарé планы, и, ка́жно (сва́ко) амэ́ндыр, явэ́ла тэ дживэ́л пир пэски́ро пхарó и биба́хталó ило.” ¹³ Палдава́, ады́кэ раки́рэла Рай Дэвэл: “Пхуч аканá Наюдэ́ндыр: ‘Кон шундý дасавé нала́чхипэ́на? Израилéскири патывалý джувлý кэрдя́ древа́н на́лачхо (трашано) рэндо. ¹⁴ Ци мэкэ́ла ив дро Ливáно пэски́рэ-бэ́ргакири скáла? Ци мого́нэна тэ вышутён шы́лалэ паня́, со тхадэ́на дур яви́рэ штэ́тэ́ндыр? ¹⁵ Нэ Мирé манушá мэкнэ́ Ман: ёнэ хачки́рэна дрогонé-смола́киро тхув идо́лэ́нгэ, савé намол ни́чы, и ёнэ кэрдé ады́кэ, со ёнэ обшта́дэпэ пэ пэски́рэ дромá, ёнэ мэкнэ́ гаратунé дроморé, соб (кай) тэ псирэн наджиндлэ́ дроморэ́нца, а на откэ́рдэ буглэ́ дромэ́са, ¹⁶ соб (кай) тэ кэрэн пэски́рэ пхувья́тыр диво́ трашаса, тэ кэрэн штéто ўса́ды (сак) тэ санпэ́ манушé́нгэ ады́кэ, со ка́жно (сва́ко) ману́ш, савó проджа́ла пашы́л, явэ́ла ухты́лдо дивоса, и ёв куня́кирэ́ла (качынэ́ла) шэрэ́са. ¹⁷ Мэ росчхурда́ва лэн сы́рбы восточно́нэ балва́ляса ангил вэ́ргостэ, и Мэ рисё́вава думэ́са кэ ёнэ, а на мо́са дро дова́ дывэ́с, сыр явэ́ла бари́ бйда.”

Зраки́рибэн Пэ Еремее́стэ

¹⁸ Тэньци́ ёнэ пхэндлэ́: “Явэ́н, придуми́наса вари́-савó плано пэ Еремее́стэ; пал-дова́ со Зако́но на отпэ́рэла рашасты́р ци годó лав манушé́ндыр ци лав проро́косты́р. Явэ́н, замараса́ чибáса лэс, и мэк никон́ амэ́ндыр тэ на при́шунэлпэ кэ лэски́рэ лавá.” ¹⁹ Раё́ Дэвла! При́шунпэ кэ мэ, и шун лавá, со раки́рэна ко́долэ, савé чинга́рдэ́нэпэ ма́нца! ²⁰ Ци отдэ́на палэ́ фуипна́са пал лачхипэн? Палдо́ва со ёнэ вы́ганадэ́ ганби́н (яма) ваш миро́ ди. Ри́пир, сыр мэ со́мас тэрдó ангил Тү́тэ тэ раки́рав лачхипэн пал лэндэ, соб (кай) Ту тэ риски́рэс кри́г Пэски́ри бари́ холý лэ́ндыр. ²¹ Палдава́ отдэ́ лэ́нгирэ́ чхаворэн пэ бокхалы́пэн, и мэк лэ́нгирэ́ чхаворэн пэ куртала́кири зор, и мэк лэ́нгирэ́ джувлэ́ндэ тэ на явэ́н чхаворé, и мэк ёнэ тэ явэ́н пивля́ (удовы), и мэк лэ́нгирэ́ му́ршá тэ явэ́н муля́кирдé, и мэк лэ́нгирэ́ тэрнэ́ манушэ́н тэ хася́кирэл курта́ла пэ мэ́рибэн. ²² Мэк го́дла тэ шунэлпэ́ лэ́нгирэ́ кхэрэ́стыр, кэли Ту екхáты́р янэ́са полко́ рулдэн (мари́бны́тконэн) пэ лэндэ; пал-дова́ со ёнэ вы́ганадэ́ ганби́н тэ ухты́лэн

(лэн) ман, и ёнэ тэ гарадэ фэля (чхудэ чораханэс) пэ мирэ гэрэ. ²³ И Ту, Раё Дэвла, джинэса саро лэнгиро зракирибэн, соб (кай) тэ мулякирэн ман. На отмэк лэнгэ лэнгиро чорипэн, на кхос криг лэнгиро грэхо Тырэ якхэндэр, нэ мэк ёнэ тэ пэрэн ангил Түтэ, роскэдэпэ лэнца, сыр Ту холясоса пэ лэндэ.”

Шэрó 19

Ерусалимо Явэла Сыр Пхагирдó Кхорó

¹ Адыкэ пхэндя Рай Дэвэл мангэ, Еремеескэ: “Джэ и кин кхорó глэатыр, и лэ пэса манушэнгирэ пхурыдырэн и пхурыдырэ рашан, ² И джэ кэ Еномоскиро [Геномоскиро-ю.о.] доло, саво исын пашыл Пирьэнгири порта (Харшыфо) и пхэн зоралэс ангил сарэндэ лавá, савэ Мэ пхэнава тукэ. ³ Пхэн лэнгэ: ‘Шунэн Рáскирэ-Дэвлэскиро лав: Юдэякирэ крálья, джиибнарья Ерусалимо́стыр. Адыкэ ракирэла болыбна́скирэ-янголэнгиро Рай Дэвэл, Израилэскиро Дэвэл: ‘Акэ Мэ яна́ва бибáхт (бáда) пэ дава́ штéто адыкэ, со кажно́эстэ, кон шунэла дава́, явэла тэ кудунякирэл (тэ звенинэл) дрэ лэскирэ канá. ⁴ Пал-дова́ со ёнэ мэкнэ Ман, и ёнэ кэрдэ чужо дава́ штéто ваш Мánгэ, и ёнэ тхувалякирдэ дрогонэ смолэнца явирэ дэвлорэнгэ, савэн ёнэ на джиндлэ, и лэнгирэ дада́, и Юдэякирэ крálья, и ёнэ пхэрдякирдэ дава́ штéто бибангипна́скирэ ратэса; ⁵ и ёнэ адыкэ-паць чхудэ вучэ штéты Ваалоскэ тэ хачкирэн пэскирэ чхавэн дрэ яг сыр хачкирибна́скиро свэнто дыибэн Ваалоскэ, со Мэ припхэндём тэ на кэрэн, пал со Мэ на ракирдём, дава́ на сыс и Мánдэ пэ годы́. ⁶ Палдава́ акэ, явэна дывэса́, – ракира́ва Мэ, Рай Дэвэл, – кэли дава́ штéто на явэла тэ кхарэлпэ Тофэто́, ци Гиномэскирэ-чхавэнгиро доло, а явэла тэ кхарэлпэ мулякирибна́скиро (умарибнытко) доло. ⁷ И Мэ кэра́ва адыкэ, со ничы́ на явэла мол зракирибэн пэ скэдыны кэ Юдэя и кэ Ерусалимо пэ дова́ штéто, и Мэ кэра́ва адыкэ, со ёнэ пэрэна курталáтыр ангил пэскирэ вэргэндэ, и кодолэнгирэ вастэстыр, савэ родэна лэнгиро джиибэн, и Мэ кэра́ва адыкэ, со лэнгирэ трóпы Мэ да́ва сыр хабэн болыбнытконэ чирикленгэ и мурдалэнгэ пэ пхув. ⁸ И Мэ кэра́ва далэ форóстыр штéто тэ санпэ, и тэ дивинэнпэ трашаса манушэнгэ, кажно (сва́ко) ману́ш, кон пашыл проджа́ла, явэла ухтылдó дивоса, и ёв явэла тэ дэл шоля сабна́са, дыкхí долэ сарэ́ фрáнсы (язвы). ⁹ И Мэ кэра́ва адыкэ, со ёнэ явэна тэ хан лоч (плоть) пэскирэ чхавэн и чхаён, и, кажно (сва́ко) лэндэр, явэла тэ хал пэскирэ-малэнгирэ джидэ масá, кэли обчхувэна вэрги сарэ́ ригэндэр, кэли лэнгэ явэла пхарó вэргэндэр, и кодолэндэр, савэ явэна тэ тасавэн лэн, и тэ родэн лэнгиро джиибэн. ¹⁰ И ту пхагирэса кхорó ангил манушэнгирэ якхá, савэ явэна туса́, ¹¹ и ту пхэнэса лэнгэ: – ‘Адыкэ ракирэла болыбна́скирэ-янголэнгиро Рай Дэвэл: ‘Адыкэ-паць Мэ пхагирава кадалэ манушэн и дава́ фóро, сыр пхагирэна кхорó, со наштý лэс нэвэстыр тэ кэрэн, и ёнэ явэна тэ гаравэн пэскирэ мулэн дро Тофэто́ кэ дасаво часо (цýро), со на явэла бутýр штéто тэ гаравэн. ¹² Адыкэ Мэ кэра́ва кадалэ штэтоса, – ракира́ва Мэ, Рай Дэвэл, – и лэскирэ манушэнца, и Мэ кэра́ва кадалэ форóстыр сы́рбы Тофэто́. ¹³ И кхэра́ дро Ерусалимо и кральенгирэ кхэра́ дрэ Юдэя явэна магирдэ сы́рбы Тофэто́, – сарэ́ кхэра́, кай пэ лэнгирэ стрéхи тхувалякирдэ дрогонэ смолэнца, и вычхувэнас тхадунэ свэнта дыибэна́ явирэ дэвлорэнгэ.” ¹⁴ Тэньци явдя Еремее́ Тофетостыр, карик лэс бичхадя́ Рай Дэвэл тэ ангилпхэнэл, и ёв тэрдий пэ грэда (двóро), саво сыс дро Рáскирэ-Дэвлэскиро Кхэр, и ёв пхэндя сарэ́ манушэнгэ: ¹⁵ Адыкэ ракирэла болыбна́скирэ-янголэнгиро Рай Дэвэл, Израилэскиро Дэвэл: “Акэ, Мэ яна́ва бибáхт [бари бáда-р.с.] пэ дава́ фóро и сарэ́ лэскирэ форицы, пэ савэ Мэ припхэндём бибáхт, пал-дова́ со ёнэ пхарьякирдэ пэскирэ мэня, соб (кай) лэнгэ тэ на шунэн мирэ лавá.”

Шэрó 20

Дэвлэскиро Лав Пасхороскэ Пир Еремеестэ

¹ Ѓада, Пасхоро, Имэроскиро чхавó, рашай – и ёв сыс пхурэдýр дыкхибнаскиро (надзирателё) пир Рáскирэ-Дэвлэскиро Кхэр, шундя, сыр Еремее ангилпхэнэлас (пророчынэла) кадалé лавá. ² Тэды Пасхоро пэкадя Еремеес пророкóс и бэшлякирдя лэс дрэ калодки запхандлэ вастэнца и гэрэнца, савé сыс дрэ упратуны Веньяминоскири пóрта, со сыс пашыл Рáскирэ-Дэвлэскиро Кхэр. ³ И адякэ сыс пэ явир дывэс: Пасхоро вымэкця Еремеес калодкэндýр, и Еремее пхэндя лэскэ: “Рай Дэвэл на явэла тэ кхарэл тут лавэса ‘Пасхоро, а Магор-Мисавиво. ⁴ Пал-довá со адякэ ракирэла Рай Дэвэл: ‘Акэ, Мэ кэрава адякэ, со Ту, Пасхоро, явэса тэ дарэс кокорó пэстыр, и адякэ-паць сарé Тырэ дру́ги (малá), и ёнэ пэрэна вэргэнгирэ курталáтыр и тырэ якхá явэна тэ дыкхэн дава. И Мэ отдава сарí Юдэя дрэ Вавилонóскирэ-кралíскирэ вастá и ёв лыджáла криг лэн дро плéно кэ Вавилóно, и одóй ёв мулякирэла лэн курталáса. ⁵ И Мэ отдава сарó форóскиро барвалыпэн, и сарí лэскири бажын, и сарé лэскирэ дрога предметы (чысы), и сарó кучипэн, со сыс Юдэякирэ кральэндэ, и сарó лэндýр чорэна, и отлэна, и лыджáна лэн кэ Вавилóно. ⁶ И ту, Пасхоро, и сарé, кон дживэла дро тырó кхэр, сарé тумэ джáна дро плéно. Тумэ джáна кэ Вавилóно, и одóй мэрэна тумэ, и одóй гаравэна тумэн, тут и сарé тырэ малэн, конэскэ ту хоханэс ангилпхэнэсас.”

Еремее Жалинэлапэ (Тангинэлапэ) Рáскэ-Дэвлэскэ

⁷ О, Раё Дэвла! Ту притырдыян ман, и мэ сом притырдыно; Ту сан зоралэдýр мандýр, и Ту лыян упралыпэн пэ мандэ. Мандýр лынé тэ санпэ яври; кажно (сва́ко) ману́ш просала ман. ⁸ Пал-довá со, ко́ли мэ вари-кицы ракира́ва, тэды, мэ да́ва го́дла, мэ годлава: ‘Нахратыма и хась’ пал-довá со пал Рáскирэ-Дэвлэскиро лав санапэ яври и просана ман, ⁹ тэ́ньци пхэндём [подуминдём-р.с.] мэ: ‘Мэ на ява́ва бутýр тэ рипирав Лэскиро лав, ци тэ ракира́в бутýр Лэскирэ лавэстыр, нэ Лэскиро лав исын сыр хачибнаскири яг, савí исын пхандлы дрэ мирé кокалы; и Мэ кхиныём тэ рикирав лэс, и мэ на могиндём. ¹⁰ Пал-довá со Мэ шундём, сыр бут розлыджана бэдо сла́ва: ‘Траш исын пэ кажно риг’: ‘Мэк ёв пхэнэла вари-со’, – ёнэ ракирэна, – и амэ здаса (пхукаваса) лэс.’ Сарé, кон сыс сы́рбы пэ мирí риг, дыкхэна цямкэс, соб (кай) мэ тэ обштава́впэ, и пхэнэна: ‘Амэ, хачи, затырдаса лэс, тэ́ньчи амэ лáса упралыпэн пэ лэстэ, и амэ отхаса (отдаса) палэ лэскэ (кушаса холы пэ лэстэ!)” ¹¹ Нэ Ту, Раё Дэвла, сан зоралыпнаскиро и трашано (би дарáкиро), и Ту сан пэ мирí риг; палдава́ вэрги, савé традэна ман, обштавэнапэ, и ёнэ на лэна упралыпэн пэ мандэ: ёнэ явэна ладжакирдé, пал-довá со лэнгирэ планы на удэнапэ лэнгэ кэ миштыпэн [енэ кэрдé нагодýварэс, ладж явэла лэнгэ пэ сарó ве́ко и ниéкхвар на бистрэлапэ-р.с.], ¹² Нэ Ту, болыбнаскирэ-янголэнгиро Рай Дэвэл, Кон спробинэла чачунэн, Кон дыкхэла го́ды и ило́, дэ ма́нгэ тэ дыкхав, сыр Ту дукхавэса палэ лэн, пал-довá со Тýкэ мэ выпхэндём (допатяндыём) миро рэндо. ¹³ Бага́н Рáскэ-Дэвлэскэ, шарэн Рас-Дэвлэс, пал-довá со Ёв зракхэла чорорé-манушэнгирэ дия бибахталé вастэндýр. ¹⁴ Тэ хасёл дывэс, дро савó мэ бияндыём! Мэк тэ на явэл бахтякирдé дывэс, дро савó мирí дай бияндя ман! ¹⁵ Тэ хасёл ману́ш, савó яндя звесь (зан) мирé дадэскэ, пхэни: ‘Муршоро латхяпэ тýтэ!’ И далэса (сóса) ёв древáн обрадындя мирé дадэс.’ ¹⁶ И мэк тэ явэл дова́ ману́ш сыр фо́рья, савэ Рай Дэвэл пхагирдя пэ котэра́, и Ёв на потагиндя (пожалиндя) пал дова́; и мэк одова́ ману́ш тэ шунэл го́дла пэ зло́ко (пэ ра́нко), и годлыма [ройбэн-р.с.] дрэ паш-дывэс. ¹⁷ Пал-довá со Ёв на мулякирдя ман дрэ дакири лочовí, соб (кай) тэ явэн мирé-дакирэ масá сыр маги́ла ма́нгэ, и соб (кай) тэ явэл ла́кири лочовí пхарí ўса́ды (сак). ¹⁸ Ваш со мэ выгиём да́кирэ лочовытыр тэ дыкхав пхарí бутý и тýга, и соб (кай) мирé дывэса́ тэ джа́н пэскэ дрэ ладж.

Шэрó 21

Ерусалимо Явэла Пхагирдо

¹ Лав, савó явдя кэ Еремее Рáстыр-Дэвлэстыр, кéли крáли Сэдэкия бичхадя кэ ёв Пасхорос, Молхиноскирэ чхавэс, и Софонияс (Зэфанияс), Маасеяхоскирэ чхавэс, рашás, тэ пхэнэл лэскэ: ² “Выпхуч, мэ мангáва тут, Рáстыр-Дэвлэстыр пал амэндэ, пал-довá со о Навуходоносóро, Вавилонóскиро крáли, джáла марибнáса пэ амэндэ: кóли тэ явэл адякэ, соб (кай) Рай Дэвэл тэ кэрэл лэса пир сарé Лэскирэ дивна бутя, соб (кай) крáли Навуходоносóро тэ джал криг амэндыр.” ³ Тэньци пхэндя Еремее лэнгэ: “Адякэ тумэ пхэнэн Сэдэкияскэ: ⁴ ‘Адякэ ракирэла Рай Дэвэл, Израилэскиро Дэвэл: ‘Акэ, Мэ рискирэва палэ мардытка, со исын дрэ тумарé вастá, савэнца тумэ марэнапэ Вавилонóскирэ кралýса и Халдеэнца, савэ обчхудэ трусцýл тумэн халадэнца явры, пал барунé ванты, и Мэ скэдава лэн машкирál дава фóро. ⁵ И Мэ Кокорó явава тэ марапэ тумэнца диньдыкирдэ вастэса и зоралé масняса (мышцаса) дрэ холы, дро мижэхипэн, и дро барó холякирибэн; ⁶ и Мэ мулякирава манушэн, савэ дживэна дро дава кхэр фóро и кхэритконé мурдалэн: ёнэ мэрэна франсэндыр. ⁷ И палó (после) дава, – ракирэва Мэ, Рай Дэвэл, – Мэ отдава Сэдэкияс, Юдэякирэ кралýс, и лэскирэ дынарьён, и явир манушэн кадалé форóстыр, савэ ячэнапэ джидé франсэндыр, курталáтыр и бокхалыпнастыр дрэ Навуходоноскирэ вастá, Вавилонóскирэ кралýстэ, дрэ тумарé-вэргэнгирэ вастá, и дрэ кодолэнгирэ вастá, савэ родэна тумарó джибэн. И ёв мулякирэла тумэн курталакирэ ягороса. Ёв на явэла тэ тангинэл (тэ жалинэл) тумэн, тэ тангинэл, и ёв на явэла лачхэ-илытко кэ тумэ.” ⁸ ‘Аканá ту, Еремее, пхэн кадалé манушэнгэ: ‘Адякэ – ракирэва Мэ, Рай Дэвэл, – ‘Акэ, Мэ чхувава ангýл тумэндэ джибнáскиро дром, и мэрибнаскиро дром. ⁹ Кон ячэлапэ дро дава фóро, мэрэла курталáтыр, ци бокхалыпнастыр, ци франсэндыр, нэ кон выджáла и здэлапэ Халдеэнгэ, савэ обчхудэ трусцýл тумэн, кодова ячэлапэ джидó и лэскиро джибэн явэла лэскэ дарó. ¹⁰ Пал-довá со, Мэ рискирдём Пэскиро илó пэ дава фóро пэ бибáхт (чорипэн), а на пэ лачхипэн, – ракирэва Мэ, Рай Дэвэл. ‘Давá фóро явэла отдынó дрэ кралýскирэ-Вавилонóскиро васт, и ёв схачкирэла лэс ягáса.”

Лав Давидóскирэ Кхэрэскэ

¹¹ А кралýскирэ Юдэякирэ кхэрэскэ пхэн адякэ: ‘Шунэн Рáскирэ-Дэвлэскиро лав, ¹² О, Давидóскиро кхэр! Адякэ’, – ракирэва Мэ, Рай Дэвэл: ‘Сэндякирэн чачипнáса тасýрлэс (рánэс) пэ злóко, и раххэн обчордэ манушэс вастэстыр, савó традэла лэс, соб (кай) Миро мижэхипэн тэ на выджáл сыр яг, и тэ на росхачол адякэ, со никон на мурдякирэла ла пал дова, со тумэ кэрэнас бибáхт (налачхэ рэндý). ¹³ Акэ, Мэ сом проти тýtэ долоскири джибнáскири, скáла лошчынакири’, – ракирэла Рай Дэвэл, – тумэнгэ, кон ракирэла: ‘Кон явэла пэ амэндэ? Ци заджáла дрэ штóты, кай амэ дживаса?’ ¹⁴ И Мэ сэндякирава тумэн пир тумарé барьякирдé (плóды), савэ сыкавэна, со кэрдé тумэ’, – ракирэла Рай Дэвэл, – и Мэ росхачкирава яг дро тумарó вэш, и ёй похала сарó, со исын трусцýл лэстэ.”

Шэрó 22

Еремее Ангилпхэнэла, со Явэла Бибахталé Кральенца

¹ Адякэ пхэндя Рай Дэвэл, мангэ, Еремеескэ: “Джá дро кхэр Юдэякирэ кралýскиро, и одóй пхэн дава лав, ² и пхэн: “О, Крáли Юдэякиро! Шун Рáскирэ-Дэвлэскиро лав, ту, кон исын бэштó пэ Давидóскиро трóно, ту и тырэ дынарья, и манушá, савэ заджáна пирдál дая пóрта! ³ Адякэ ракирэва Мэ, Рай Дэвэл: Кэрэн чачунó сэндо и пир чачипэн, и раххэн обчордэ манушэс вастэстыр, савó традэла лэс: и на кэрэн намиштэс, на кэрэн нахратэс чужонé манушэскэ, пиротоскэ (сиротаскэ), пивлякэ (удовакэ), и на прочхувэн бибангипнаскиро

(набанго) рат пэ дава штэто. ⁴ Пал-дова со, коли тумэ чачунэс явэна тэ кэрэн адякэ, тэньчи кралья, савэ исын бэштэ пэ Давидоскиро штэто пэ лэскиро троне, явэна тэ заджан пирдал порта далэ кхэрэскири, кон традэла пэ марибнытка вурдэна и уклистэ, кралья и лэскирэ мануша. ⁵ Нэ коли тумэ на шунэна далэ лава, тэды Мэ совлахава пэ Пэстэ, – ракирэла Рай Дэвэл, – со дава Кхэр явэла чхучо.” ⁶ Пал-дова со адякэ пхэндя Рай Дэвэл пал Юдэякиро кхэр: “Ту сан шукар ваш Мэнгэ сыр Галаадо, сыр вучипэн пэ Ливаноскири бэрга: нэ Мэ, чачэс, кэрава тугыр чхучи пхув, форо, дро саво никон на дживэла. ⁷ И Мэ приракхава/скэдава вымарибнаскирэн (истребителэн) пэ тутэ, кажнонэс пэскирэ марибнытконэ састырэса; и ёнэ чингирэна тэлэ выкэдынэ (фэдырша) кедры, и ёнэ чхурдэна лэн дрэ яг. ⁸ И бут явир мануша явэна тэ джан пирдал дава форо, и кажно лэндыр пхэнэла екх екхэскэ: ‘Пал со да Рай Дэвэл кэрдя адякэ кадалэ барэ фороса?’ ⁹ И ёнэ пхэнэна: ‘Пал-дова со форитка мануша мэкнэ Раскирэ-Дэвлэскиро Законо, лэнгирэ Дэвлэскиро, и ёнэ дынэ совлах дынариндлэ явирэ дэвлорэнгэ.’

Еремеёскиро Лав пал Иосияскирэ Чхавэндэ

¹⁰ На ровэн пал мулэстэ, и на тугинэн кхэтанэ пал лэстэ, нэ ровэн киркэс пал одолэстэ, саво гия дро плéно, пал-дова со ёв бутыр на рисёла палэ, и ёв на дыкхэла бутыр пэскирэ-дадэнгири пхув; ¹¹ палдава адякэ ракирэла Рай Дэвэл пал Салумостэ (Шалумостэ), Иосиякирэ чхавэстэ, кон сыс крэли Юдэякиро, саво кралиндя палó Иосиястэ, лэскирэ дадэстэ, саво гия пэскирэ пхувьятыр: ‘Ёв бутыр на рисёла палэ; ¹² нэ ёв мэрэла пэ дова штэто, карик лэс залыджана дро плéно, и ёв бутыр на явэла тэ дыкхэл дая пхув: ¹³ Бида лэскэ, кон газдэла лэскиро кхэр начачипнаса, и лэскирэ упратунэ кралитка коморы намиштэс, пэ конэстэ сусéдо (котари) кэрэла буты би ловэнгири; ¹⁴ Кон пхэнэла: ‘Мэ чхувава пэскэ бугло кхэр и барэ упратунэ кралитка коморы, и ёв вычингирэла фэнштры пэскэ и обсувэла кедроса, и макхэла лолэ мастиняса (краскаса). ¹⁵ Ци ту думинэса тэ явэс кралиса пир дова, со Ту учхакирдян пэс кедроса? Дад тырó хая и пия, и ци на кэрдя ёв чачунó сэндо и сарó пир чачипэн? И ваш дава сыс миштó лэскэ. ¹⁶ Ёв лыджия пэ сэндо рэндо чорорэскиро и кодолэскиро, саво сыс дрэ трэбима; тэды и палдава сыс миштó лэскэ. “Ци на дава сарó сыкавэла, со ту джинэса Ман?” – ракирэла Рай Дэвэл. ¹⁷ Нэ тырэ якхэ и тырó илó исын рискирдо ваш тырй галкима кэ барвалыпэн и тэ прочхувэс бибангипнаскиро (набанго) рат, и ваш дова, соб (кай) тэ притасавэс, и тэ лэс пэ зор. ¹⁸ Палдава адякэ ракирэла Рай Дэвэл пал Иоакимостэ (Яхакимостэ), Иосиякирэ (Ёсияскирэ) чхавэстэ, кралистэ пэ Юдэя: ‘На явэна тэ обровэн лэс “со ж Миро пшал? И со ж Мирй пхэн?” На явэна тэ обровэн лэс: “Со ж, ту сан, миро Кхенинго?” и “Со ж лэскиро барипэн?” ¹⁹ И гаравэна лэс сыр ослóс, вытырдэна лэс, и чхурдэна лэскиро трóпо пал Ерусалимоскири порта.’

Еремеёскиро Лав Манушэнгэ дро Ерусалимо

²⁰ ‘Джан упрэ пэ Ливано, манушалэ Ерусалимостыр, и дэн гóдла, и годлэн пэ Башано, и дэн гóдла пэ Аваримоскирэ вучэ штэты, пал-дова со сарэ тумарэ камлэ други (малá) исын мулякирдэ. ²¹ Мэ ракиравас тумэнгэ тэды, сыр тумэндэ сарó гия лачхэс, нэ тумэ пхэндлэ, со тумэ на шунэна. Адякэ кэрэнас тумэ тэрнал (смолоду), со тумэ на причхувэнас кан кэ Мирй зан. ²² Балвал явэла тэ выпхурдэл сарэн тумарэ чхупнарьен, и тумарэ малá джана дро плéно; тэды, чачэс, тумэ явэна ладжакирдэ и пхагирдэ дрэ пэскири годы пал сарй тумарй бибахт [сарэ тумарэ бибахталэ рэндэ-р.с.]. ²³ О тумэ, кон дживэла пэ Ливано, кон кэрэла гнязды (куфы) пэ кедры, [сыр явэла тут танго-р.с.] кэли пэрэна дукхэ пэ тутэ, сырбы пэ джувлятэ, савьякэ трэй тэ биянэл.’

Лав Иехонияскэ (Ехонияскэ)

²⁴ “Мэ сом джидо”, – ракирэла Рай Дэвэл, – мэк Иехония [Кониах-ю.о.], чхаво Иоакимоскиро, крәли Юдэякиро, тэ явэл сырбы ангрусты якхитконэса (печатка) пэ Миро чачо васт, нэ Мэ и одотхыр вытырдавас тут, ²⁵ и Мэ отдава тут дрэ одолэнгирэ васта, саво камэна тэ замарэн тут, и дрэ кодолэскирэ васта, конэскирэ мо́стыр ту дарэса – васта Навуходоносорокирэ, кралістэ Вавилоностыр, и – васта Халдеенгирэ. ²⁶ И вычхурдава Мэ тут, и тырэ да, сави яндя тут пэ свэто, кэ явир тхэм, дро саво ни́екх тумэндыр на явдя пэ свэто, и одой тумэ мэрэна. ²⁷ Нэ пэ пхув, кэ сави тумарэ дия тырдэнапэ [явэна тэ камэн тэ рисён-р.с.], тумэ на рисёна палэ. ²⁸ Ци исын Иехония адасаво мануш, соб (кай) тэ дыкхэн пэ лэстэ вучипна́стыр сыр пэ пхагирдо кхорó? Ци исын ёв сырбы кхорó, саво на радынэла якхá? Пал со ёв и лэскиро рóдо вычхурдынэ, и чхурдынэ пэ пхув, сави ёнэ на джинэна? ²⁹ О пхув, пхув, пхув! Шун Рáскирэ-Дэвлэскиро лав! ³⁰ Адякэ ракирэла Рай Дэвэл: “Зачхинэн (записынэн) кадалэ манушэс, Иехонияс, сыр бичхаворэнгирэс, сыр манушэс, савэскиро джи́ибэн на явэла миштó; пал-довá со ни́екх лэскирэ кхэритконэ родóстыр на явэла тэ дживэл миштэс, и на явэла тэ бэшэл пэ Давидóскиро трóно, и на явэла тэ хулаинэл бутыр пир Юдэя.”

Шэрó 23

Чачуны Рандь

¹ “Бида чхупнарьенгэ (пастыренгэ), савэ мулякирэна и росчхурдэна (рострадэна) бакрэн Мирé чаритконэ пхувья́тыр!” – ракирэла Рай Дэвэл. ² Палдава́ адякэ ракирэла Рай Дэвэл, Израилёскиро Дэвэл пал чхупнарьендэ (пастырендэ), кон чалякирэла Лэскирэ манушэн: “Тумэ росчхурдынэ (рострадынэ) Миро гурто и традынэ лэн криг, и тумэ на дыкхнэ пал лэндэ. Акэ, Мэ ява́ва тэ сэндыкирав тумэн пал биба́хт (тумарэ фуй рэндэ), со тумэ кэрдэ”, – ракирэла Рай Дэвэл. ³ “Нэ Мэ скэда́ва отячи́бэн (одолэн, кон яця́пэ) Мирé гуртостыр сарé тхэмэндыр, кэ савэ Мэ протрадыём лэн, и Мэ яна́ва лэн палэ пэ лэнгирэ чаритка пхувья́, и лэндэ явэна бут чхаворé, и лэн явэла бут. ⁴ И Мэ чхува́ва чхупнарьен пэ лэндэ, и ёнэ явэна тэ чалякирэн лэн; и ёнэ на явэна тэ дарэн бутыр, и ёнэ на явэна запхагирдэ дро д́ухо (фа́но), и никон на хасёла лэндэр”, – ракирэла Рай Дэвэл. ⁵ “Акэ, явэна дывэса́”, – ракирэла Рай Дэвэл, – кэли Мэ чхува́ва упрé нэвэ́стыр Давидóскэ Рандь (Отбарипэн) чачуны́, Краліс, ёв явэла тэ раинэл и тэ кэрэл сарó годэс. Ёв явэла тэ кэрэл чачуно́ сэндо и пир чачипэн пэ пхув. ⁶ Дрэ долé дывэса́ Юдэя явэла зракхны, и Израилё явэла тэ дживэл би дара́киро. Ёв явэла тэ кхарэлпэ: ‘Рай Дэвэл исын амарó Чачипэн.’ ⁷ “Палдава́, акэ, явэна дывэса́”, – ракирэла Рай Дэвэл – со бутыр на явэна тэ ракирэн: ‘Тэ явэл джидо Рай Дэвэл, Саво вы́лыджия́ Израилёскирэ чхавэн Египто́стыр; ⁸ нэ: ‘Тэ явэл джидо Рай Дэвэл, Саво вы́лыджия́ и яндя палэ рóдо Израилёскирэ кхэрóстыр паш-ратитконэ (севернонэ) ригáтыр, и сарé тхэмэндыр, кэ савэ Мэ вы́традыём лэн. И ёнэ ячэнапэ (явэна) тэ дживэн пэ лэнгири пхув.”

Хоханé Прорóки

⁹ Со пал пророкэндэ: ‘Миро ило́ дрэ ма́ндэ пхарадёла, сарé мирé кокалы́ издрана. Мэ сом сырбы мато мануш, и сыр мануш, савэс мол (вино) пиризорякирдя (матькирдя) ангил Растэ-Дэвлэстэ, ваш свэ́нта лава́ Лэскирэ Свэ́нтоматыр. ¹⁰ Пал-довá со пхув исын пхэрдý манушэнца, савэ камэна явирэ дэвлорэн, пал-довá со ёй зоралэс тугинэла (ровэла) прокошыбна́стыр. Чаритка фэ́лды (пастбишчы) пэ чхучи́ пхув шутинэ; пал-довá со пророкэнгиро дром исын бибахталó, и лэнгири зор исын дро начачипэн. ¹¹ Дуйджинэ́: и прорóко, и рашáй исын бидывлытка: адякэ сыр и дро Миро кхэр Мэ латхём лэнгири злы́днима́”, – ракирэла Рай Дэвэл. ¹² “Палдава́ лэнгиро дром явэла ваш лэнгэ сыр сли́зко штэ́то дро калыпэн (цёмныма), лэн шпу́лэна (пихинэна) одой и ёнэ пэрэна одорі́к. Мэ яна́ва

бибáхт (бари бída) – пэ лэндэ дро бэрш, кели Мэ явáва тэ сэндякирав лэн”, – ракирэла Рай Дэвэл. ¹³ “Машкир пророкэндэ дрэ Самáрия Мэ дыкхцём дасаво бигодыпэн (дылныпэн): ёнэ ангилпхэнас Ваалоскирэ лавэса, и ёнэ кэрэнас адякэ, со Мирé манушá Израилёскирэ, дынэпэ дукхá. ¹⁴ И Мэ дыкхцём трашанэ (даранэ) рэндэ машкíр пророкэндэ дро Израилё: ёнэ камэна явирэ дэвлорé и ёнэ псирэна хохаибнаса. Ёнэ зоралякирэна одолэнгирэ вастá, кон кэрэла бибáхт, соб (кай) никон тэ на рисёл криг пэскирэ злыдниматыр. Ёнэ ячнэ ваш Мánгэ сыр Содóмо, и манушá лэскирэ сыр манушá дрэ Гомóра.” ¹⁵ Палдава́ адякэ ракирэла янголэнгирэ-болыбна́скиро Рай Дэвэл пал пророкэндэ: “Акэ Мэ явáва тэ чаравав лэн палыноса, и Мэ зачхувава лэн тэ пьен панí жэлучостыр, пир дова́, со Ерусалимóскирэ пророкэндýр бидэвлыткима розгийпэ пир сарí пхув” ¹⁶ Адякэ ракирэла янголэнгиро-болыбна́скиро Рай Дэвэл: “На причхувэн кан кэ лава́, со прорóки ангилпхэнэна тумэнгэ. Ёнэ дылнякирэна тумэн; ёнэ ракирэна пал годэнгиро сунó, савó исын пэ илó лэндэ, а на дова́, со Рай Дэвэл ракирэла. ¹⁷ Ёнэ кажно мóло ракирэна одолэнгэ, савé дыкхэна вучипна́стыр пэ Мándэ: ‘Адякэ пхэндя́ Рай Дэвэл: ‘Тумэндэ явэла раманё.’ И ишчо (инкэ) ёнэ ракирэна одолэнгэ, савé псирэна пир пэскирэ пхарé шэрэ: ‘На явэла бибáхт пэ тумэндэ.’” ¹⁸ Пал-дова́ со кон сыс тэрдó пэ скэдыибэн, кай Рай Дэвэл дэлас годý, соб (кай) тэ галёл ангил Лэскиро лав? Кон причхудя пэскиро кан кэ Лэскиро лав и шундý лэс? ¹⁹ Дыкхэн! Барó штормо Рáстыр-Дэвлэ́стыр, Лэскирэ холякирибна́стыр, явдý rischiрибна́скиро штормо; ёв пэрэла пэ фуэ-манушэнгиро шэрó. ²⁰ Рáскирэ-Дэвлэ́скири холý на рисёла криг ангил дова́, сыр Ёв кэрэла сарó дова́, со Ёв камдý тэ кэрэл: тумэ галёна дава́ дро концо (ягóро) дывэсэнгиро (палатунé дывэсá). ²¹ Мэ на бичхадём кадалé пророкэн, нэ ёнэ прастандынэ пэскирэ лавэса. Мэ на ракирдём лэнгэ, нэ ёнэ ангилпхэндлэ. ²² Нэ кóли ёнэ тэ тэрдён пэ скэдыибэн, кай Рай Дэвэл дэлас годý и тэ кэрэн адякэ, соб (кай) Мирé манушá тэ шунэн Мирé лава́, соб (кай) тэ рискирэн лэн бибахталé дромэ́стыр и фуипна́стыр, со ёнэ кэрдé. ²³ ‘Ци сом Мэ Дэвэл, Савó исын фэни (тóка) пашы́л? Ци на сом Мэ Дэвэл, Савó исын дурáл?’ – ракирэла Рай Дэвэл. ²⁴ “Ци могинёла (сашты́) мануш тэ гарадёл дрэ чораханэ штéты, соб (кай) Мэ тэ на дыкхáв лэс?” – ракирэла Рай Дэвэл. “Ци на сом Мэ пэ болыбэн и пэ пхув?” – ракирэла Рай Дэвэл. ²⁵ Мэ шундём, со прорóки ракирэна, кон ангилпхэнэла хоханэс Мирé лавэ́стыр. Ёнэ ракирэна: “Мэ дыкхцём сунé! Мэ дыкхцём сунé!” ²⁶ Сыр гарá (длүгэс) явэла дава́ дро илó пророкэнгиро, савé ангилпхэнэна хохаибэн лэнгирэ илэ́стыр? ²⁷ Савэ думинэна тэ кэрэн адякэ, соб (кай) Мирé манушá тэ бистрэн Мирó лав пал лэнгирэ сунé, савé ёнэ роспхэнэна со кэ екх пэскирэ суседоскэ (котарискэ): адякэ-паць лэнгирэ дадá бистýрдэ Мирó лав пал Ваалостэ. ²⁸ О прорóко, савóстэ исын сунó, мэк ёв тэ роспхэнэл сунó, нэ кодова́, савóстэ исын Мирó лав, мэк ёв тэ роспхэнэл Мирó лав чачунэс. Савó исын кхэтаныпэн машкíр пхус и зýрка?” – ракирэла Рай Дэвэл. ²⁹ “Ци нанэ Мирó лав сы́рбы яг, и сы́рбы чокано (млотко), савó пхагирэ́ла скалы пэ котэра́?”, – ракирэла Рай Дэвэл. ³⁰ “Палдава́, акэ, Мэ сом проти пророкэндэ – ракирэла Рай Дэвэл, савé чорэна Мирé лава́, екх екхэ́стыр, лэнгирэ суседэндýр (котарьэндýр). ³¹ Акэ, Мэ сом проти пророкэндэ”, – ракирэла Рай Дэвэл, савé ракирэна пэскирэ чибáса и пхэнэна: “Давá Ёв ракирэла.” ³² “Акэ, Мэ сом проти лэндэ, савé ангилпхэнэна хоханé сунé, – ракирэла Рай Дэвэл, – савé пирипхэнэна лэн манушэнгэ адякэ, со ёнэ дэнапэ дукхá хохаибна́стыр и лэнгирэ шарибна́стыр. Нэ Мэ на бичхадём лэн, и Мэ на припхэндём лэнгэ тэ кэрэн, и ёнэ сарэса на янэна ни савó лачхипэн кадалé манушэнгэ”, – ракирэла Рай Дэвэл. ³³ “Палдава́, кели адалé манушá, ци прорóко, ци рашáй пхучэна тýтыр, пхэни: ‘Савí исын пхарí звесь (зан) Рáстыр-Дэвлэ́стыр?’ – тэды ту, Еремее́, пхэнэса лэнгэ: ‘Тумэ кокорé сан пхарí звесь (зан) Растэ-Дэвлэ́стэ адякэ, со Рай Дэвэл камэла тэ отпхэнэлпэ тумэндýр.’” ³⁴ И кóли прорóко, ци рашáй, ци манушá пхэнэна: ‘Давá исын пхарипэн Растэ-Дэвлэ́стэ.’ Мэ адякэ-паць и сэндякирава пхарэс кадалé манушэс и лэскири сэм’я (ири́). ³⁵ Палдава́ тумэ, со кэ екх, ракирэн пэскирэ суседоскэ (котарискэ), и, со кэ екх, пэскирэ пшалэ́скэ: ‘Со отпхэндя́ Рай Дэвэл? Со пхэндя́ Рай Дэвэл? ³⁶ И тумэ на ракирэн бутýр: ‘Пхарí звесь (зан) Рáстыр-Дэвлэ́стыр, пал-дова́ со кажно адасавó лав манушэ́стэ явэла пхарí звесь (зан) ваш лэ́скэ, кон адякэ ракирэла, пал-дова́ со тумэ пиририскирдэ лава́ джидé Дэвлэ́скирэ, амарé Рáскирэ-Дэвлэ́скирэ, янголэнгирэ-болыбна́скирэ, амарé Дэвлэ́скирэ. ³⁷

Адъякэ, Еремее, пхэн пророкоскэ: ‘Со отпхэндя Рай Дэвэл тукэ? Со пхэндя Рай Дэвэл тукэ?’³⁸ Нэ коли ёнэ ишчо (инкэ) пхэнэна: ‘Пхарі звесь (зан) Рáстыр-Дэвлэстыр’, тэды ту пхэн лэнгэ, со Мэ, Рай Дэвэл, адъякэ ракирава: ‘Пал-дова со тумэ ракирэна’ пхарі зан (звесь) Рáстыр-Дэвлэстыр’, нэ Мэ бичхадём лав тумэнгэ тэ на ракирэн: ‘Пхарі звесь (зан) Рáстыр-Дэвлэстыр’,³⁹ палдава, акэ, Мэ адъякэ-паць и бистрава тумэн, и Мэ мэкава тумэн сарэса, и форо, Ерусалимо, саво Мэ дыём тумэнгэ и тумарэ дадэнгэ, и Мэ вычхурдава тумэн Мирэ мо́стыр.⁴⁰ И Мэ яна́ва пэ тумэндэ вечно бипатыв, вечно ладж адъякэ, со дава на бистрэлапэ.”

Шэро́ 24

Со Сыкавэна Дуй Кошы Инжыроса?

¹ О, Рай Дэвэл сыкадя ма́нгэ, и, акэ, дуй корзи́ны (кхудэ) инжыроса чхудэ ангил Рáскирэ-Дэвлэскири Кханги́ри. Давá сыс палó (после) дова́, кело Навуходоносо́ро, кра́ли Вавилонóскиро, залыджия́ дро плéно Ерусалимо́стыр Иехонияс, чхавэс Иохакимоскирэс, крали́с Юдэякирэс, и Юдэякирэн тхагарьён, и спецэн дрэ вастытка бутя́ каштэса (кхэра́-кэрибнаскирэн), и пэталэнгирэн (ковалён), и ёв яндя́ лэн дро Вавило́но. ² Екх кхудо (корзина) сыс древа́н лачхэ инжыроса сыр пэ́рва спéла му́ри, и яви́р кхудо сыс древа́н адасавэ налачхэ инжыроса, со лэскирэ му́ри сыс нашты́ тэ хас. ³ И пхуця́ ма́ндыр Рай Дэвэл: “Со дыкхэса ту, Еремее?” И отпхэндём мэ: “Инжыритка му́ри.” Лачхэ му́ри исын древа́н лачхэ, налачхэ му́ри исын дасавэ биба́хт, со лэн нашты́ тэ хас.” ⁴ Нэвэстыр (нэвэс) явдя́ кэ мэ лав Рáскирэ-Дэвлэскиро, и пхэндя: ⁵ ‘Адъякэ ракирэла Рай Дэвэл, Израилёскиро Дэвэл: “Сыр дава́ лачхо́ инжыро, адъякэ и Мэ ява́ва тэ гинав пал лачхэндэ манушэ́ндэ, савэ́н залыджинэ дро плéно Юдэятыр, конэс Мэ бичхадём криг далэ́ штэто́стыр пэ пхув Халдее́нгири. ⁶ И Мэ ява́ва тэ дыкхав пал лэ́ндэ ваш лэ́нгиро лачхипэ́н, и Мэ яна́ва палэ́ лэн пэ да́я пхув, и Мэ газда́ва лэн, и Мэ на ява́ва тэ пхаги́рав (тэ тэляки́рав) лэн кэ пхув, и Мэ на вы́рискирава лэн. ⁷ Тэ́ньци Мэ да́ва лэ́нгирэ илэ́скэ ла́ска тэ джи́нэл Ман, со Мэ сом Рай Дэвэл, и со ёнэ явэ́на Мирэ́ мануша́, и со Мэ ява́ва лэ́нгиро Дэвэл, пал-дова́ со ёнэ рисё́на кэ Мэ сарэ́ илэ́стыр. ⁸ А со пал дова́ биба́хт инжыро, со лэс нашты́ тэ хас, шунэ́н: ‘Адъякэ ракирэла Рай Дэвэл: ‘Дасави́ биба́хт Мэ кэра́ва Сэдэкияскэ, крали́скэ Юдэятыр, и лэ́нгирэ тхагарьёнгэ, и манушэ́нгэ Ерусалимо́стыр, савэ́ ячнэ́пэ пэ да́я пхув, и ко́долэ́нгэ, савэ́ ячнэ́пэ пэ Египто́скири пхув.’ ⁹ И Мэ зда́ва лэн, соб (кай) лэн тэ традэ́н одори́к и палэ́ пир сарэ́ крали́пэна́ пэ пхув пэ биба́хт, соб (кай) тэ обра́кирэн лэн сы́рбы при́пхэныбэ́н, соб (кай) тэ вы́сан лэн сыр про́кошыбэ́н (арман) пир сарэ́ штэ́ты, кэ савэ́ Мэ традыё́м лэн. ¹⁰ И Мэ бичхавэ́ва курта́ла пэ лэ́ндэ, бокх и фра́нсы адъякэ гара́ (длу́гэс), ангил, сыр Мэ хася́кира́ва лэн пхувя́тыр, сави́ Мэ дыём лэ́нгэ и лэ́нгирэ дадэ́нгэ.”’

Шэро́ 25

Эфтадэша́ Бэрш дро Плéно

¹ Акэ, исын лав, саво явдя́ кэ Еремее́ пал сарэ́ манушэ́ндэ Юдэятыр дро штáрто бэрш, сыр Иоаки́мо, чхаво́ Иосия́скиро – кра́ли пир Юдэ́я, лы́я тэ крали́нэл. Давá сыс пэ́рво бэрш, сыр Навуходоносо́ро, лы́я тэ крали́нэл пир Вавило́но. ² Давá лав проро́ко Еремее́ пхэндя́ сарэ́ манушэ́нгэ Юдэятыр и сарэ́ манушэ́нгэ Ерусалимо́стыр, раки́ри: ³ “Биш тэ трин бэрш – дэ́шутритонэ́ бэршэ́стыр, сыр крали́ндя Иосия́, чхаво́ Амонóскиро, кра́ли Юдэя́киро кэ адады́вэс явэ́лас кэ мэ лав Рáстыр-Дэвлэстыр, и мэ, Еремее́, ракирдём тумэ́нгэ, ушты́и пэ зло́ко (ра́нко) и раки́ри, нэ тумэ́ на шундлэ́. ⁴ И бичхавэ́лас Рай Дэвэл тумэ́нгэ сарэ́ Лэ́скирэ дына́рьён-проро́кэ́н, пэ зло́ко (пэ ра́нко) бичхавэ́лас Ёв, нэ тумэ́ на шундлэ́, и тумэ́ на причху́дэ кан тэ шунэ́н. ⁵ Э проро́ки ракирдэ́ тумэ́нгэ: “Рисё́н нэвэ́стыр ака́на, со кэ екх тумэ́ндыр, пэ́скирэ́ биба́хталэ́ дромэ́ндыр, фуипна́стыр, со тумэ́ кэ́рэнас, и ячэ́нпэ́ тэ дживэ́н

пэ пхув, сави дый Рай Дэвэл тумэнгэ, и тумарэ дадэнгэ гарá векэндэр и пэ веки. ⁶ И на джан палал пал явирэ дэвлорэ тэ дынаринэн лэнгэ, и тэ кэрэн патыв лэнгэ, и на дэн яг холякэ андрэ Мандэ тэ холясовав пэ тумэндэ пал бутя, со кэрдэ тумарэ вастá, соб (кай) Мэ тэ на кэрáв дош тумэнгэ.” ⁷ Нэ тумэ на шундлэ Ман, – ракирэла Рай Дэвэл, – соб (кай) тумэнгэ тэ на дэн яг холякэ андрал Мандэ тэ холясовав пэ тумэндэ пал бутя (налачхэ рэнды), со кэрдэ тумарэ вастá ваш дош [холы-р.с.] пэскэ.” ⁸ Палдава адыкэ ракирэла янголэнгиро-болыбнаскиро Рай Дэвэл: “Пал дова, со тумэ на шундлэ Мирэ лавá, ⁹ акэ, Мэ бичхавáва, и Мэ лавá сарэ сэм’и (ирья) паш-ратитконэ (севернонэ) ригатыр’, – ракирэла Рай Дэвэл, – ‘и Мэ бичхавáва лэн кэ Навуходоносóро, крáli пир Вавилоно, Мирó писхáри, и Мэ янава лэн проти даý пхув, и проти манушэндэ, кон дживэла пэ даý пхув, и проти сарэ далэ Наюдытка нáцыи, савэ исын трусцýл, и Мэ сарэса хасякирэва лэн, и Мэ кэрáва адыкэ, со манушá явэна тэ дивинэнпэ трашатыр (дарáтыр) пэ лэндэ, тэ дэн шоля сабнаса и лэнгэ явэла вéчно хась/хасибэн. ¹⁰ И ишчо (инкэ) Мэ кэрáва адыкэ, со бутыр на явэла лэндэ радымакиро сабэн, и радымакири зан, зан тэрнэскири, и зан тэрнякири, и грукото жорнэндэр (бэлэдинэндэр) пэ сýв (пхурт), и дуд (свэто) момолытконэстыр. ¹¹ И сарý даý пхув явэла чхучý и сыр траш (дар), и сарэ далэ нáцыи явэна тэ дынаринэн кралискэ дро Вавилоно эфтадэшá бэрш. ¹² Коригэдýр (позжэдýр) явэла адыкэ: кэли проджана эфтадэшá бэршá, тэды Мэ лавá тэ сэндякирав Вавилонóскирэ кралис и даý нáцыя’, – ракирэла Рай Дэвэл, – ‘пал лэнгиро чорипэн, и пхув Халдеэнгири, и Мэ кэрáва адыкэ, со ёй явэла вéчнэс чхучý. ¹³ И Мэ янава пэ даý пхув сарэ Мирэ лавá, со Мэ выпхэндём пэ лэндэ, – сарó дава исын чхиндлó дрэ даý лылварý, сави Еремее ангилпхэнэлас пал сарэ нáцыи. ¹⁴ Пал-дова со бут нáцыи и барэ крáлья кэрэна лэндэр, кокорэндэр Халдеэндэр, писхарьён, и Мэ отдáва фуипнаса палэ лэнгэ пал лэнгирэ рэнды и бутя, со кэрдэ лэнгирэ вастá.”

Сэ́ндо пэ Наюдытка Нáцыи

¹⁵ И ишчо (инкэ), со Рай Дэвэл, Дэвэл Израилёскиро, пхэндя мánгэ: “Лэ тахтáй (чаша) моляса (виноса), со исын пхэрдý холяса Мирэ вастэстыр, и кэр адыкэ, соб (кай) сарэ Наюдытка нáцыи, кэ савэ Мэ бичхадём тут, тэ пьен лэстыр. ¹⁶ И ёнэ выпьёна, и ёнэ явэна тэ кунинэнпэ (шатынэнпэ), и ёнэ явэна тэ дылнён, кэли дыкхэна куртáла, сави Мэ бичхавáва пэ лэндэ.” ¹⁷ И Мэ, Еремее, лыём тахтáй (чаша) Рáскирэ-Дэвлэскирэ вастэстыр, и мэ зачхудём тэ пьен сарэ Наюдытка нáцыи, кэ савэ Рай Дэвэл бичхадý ман: ¹⁸ кэ Ерусалимо и кэ сарэ фóрья Юдэýтыр, лэнгирэ крáльён и лэнгирэ тхагарьён, соб (кай) тэ кэрáв лэндэр чхучó штэто, соб (кай) пэ лэндэ тэ дивинэнпэ трашаса [дарáтыр-р.с.], тэ сипинэн, Мэ кэрáва лэнгирэ лавэстыр кошыбэн (арман), сыр дава исын аж и кэ дава дывэс; ¹⁹ Фараонос, кралис Египтоскирэс, лэскирэ дынарьён, лэскирэ тхагарьён, и сарэ лэскирэ манушён: ²⁰ и сарэн мешанонэ манушён, сарэ крáлья Узоскирэ пхувьýтыр, сарэ-крáльён Филистимэнгирэ пхувьýтыр: Ашкелоностыр, Газатыр, Экроностыр, и кон яцýпэ Азотостыр [Ашдодатыр-ю.о.]; ²¹ манушён Эдомостыр, Моавостыр и Амоноскирэ чхавэ; ²² и сарэ крáльён пир Тýро и сарэ крáльён пир Сидоно, и сарэ крáлья пир островы, савэ исын пал панингá морёскирэ (дэрьявэскирэ). ²³ Кэ Дедано, Тéma и Бузо, савэндэ ягóры пэ балэнгирэ пёйсы исын обчхиндлэ; ²⁴ и сарэ крáльён пир Аравия и сарэ крáльён пэ мешанонэ манушэндэ, савэ дживэна пэ чхучэ прахи; ²⁵ и сарэ крáльён Зимриятыр, и кэ сарэ крáлья Эламоостыр, и кэ сарэ крáлья Мидиятыр; ²⁶ и сарэ крáльён паш-ратитконэ (севернонэ) ригатыр, дурал и пашыл екх явирэстыр, и сарэ кралипэна пэ свэто, савэ исын пир пхувьýкиро барипэн, и крáli Сесаха [Шэшахо-ю.о.] выпьёла палó лэндэ. ²⁷ И ту пхэн лэнгэ: ‘Адыкэ ракирэла болыбнаскирэ-янголэнгиро Рай Дэвэл, Израилёскиро Дэвэл: ‘Пьен и матён, и чхадэн, и пэрэн, и на уштэн бутыр ангил куртáла, сави Мэ бичхадём пэ тумэндэ. ²⁸ И адыкэ явэла: кóли ёнэ отпхэнэнапэ тэ лэн тахтáй тырэ-вастэстыр тэ пьен, тэды ту пхэн лэнгэ: ‘Адыкэ ракирэла Рай Дэвэл болыбнаскирэ-янголэнгиро: ‘Тумэ сан бангэ тэ пьен.’ ²⁹ И дыкхэн! Мэ лавá тэ янав бибáхт (бари бýда) пэ фóро, пэ савó исын Мирó лав, и со тумэ, хай, ячэнапэ насэндякирдэ пхарэс? Над, тумэ явэна пхарэс сэндякирдэ, пал-дова со Мэ кхарáва куртáла пэ сарэндэ, кон дживэла

пэ пхув, ракирэла Рай Дэвэл болыбнаскирэ-янголэнгино. ³⁰ Палдава ту, Еремее, ангилпхэн (пророчын) лэнгэ сарэ кадалэ лавá и пхэн лэнгэ: “Рай Дэвэл заgrimинэла вучипнастыр, и Ёв пхэнэла Пэскирэ заняса Пэскирэ свэнтонé штэтóстыр; Ёв заgrimинэла зоралэс пэ Пэскири пхув, сýрбы кодолé, савé тасавэна винаградо, пэ сарэндэ, кон дживэла пэ пхув. ³¹ Глумо (шумо) доджала кэ ягóры (кэ край) пхувьякирэ: пал-довá со Растэ-Дэвлэстэ исын чингáрд (споро) Наюдытконé нацыэнца, Ёв явэла тэ лыджáл сэндо кажнонэ лочаса (плотяса), нэ фуé манушэн Ёв бичхавэла сарэн тэл куртáла,” – адякэ ракирэла Рай Дэвэл. ³² Адякэ ракирэла Рай Дэвэл болыбнаскирэ-янголэнгино: ‘Акэ, бибахт (бари бída) явэла тэ джал екхэ нацыятыр кэ явír, и барó штормо газдэлапэ дуратунэ ягорэндýр (краендыр) пэ пхув.’” ³³ И бари хась (хасибэн) пэ манушэндэ явэла Рáстыр-Дэвлэстыр дро дова дывэс екхэ ягорóстыр пэ пхув аж кэ явír ягóро пэ пхув: никон на явэла тэ обровэл лэн, никон на укэдэла лэн, никон на явэла тэ гаравэл лэн, ёнэ явэна сыр гнэё, пир сарí пхув. ³⁴ Тугинэн роибнаса, чхупна́рья (пастыри), и ровон! Катýнэнпэ дрэ прáска, барé шэрэ пир гурто! Пал-довá со подгинé дывэсá, соб (кай) тумэн тэ хасякирэн, и тэ росчхурдэн; тумэ пэрэна сыр куч кхорé (сасýды). ³⁵ И чхупнарьенгэ на явэла штéто тэ гарадён, и барé шэрэнгэ пир гурто тэ нашэн. ³⁶ Чхупнарьенгири зан, сыр ёнэ ровэна, и барé-шэрэнгири пир гурто зан явэна шундлэ, пал-довá со Рай Дэвэл хасякирдý лэнгирэ чарýтка фэлды, ³⁷ и штыл (тиха) фэлды вычингирдэ пал бари холý Рáстыр-Дэвлэстыр. ³⁸ Ёв мэкця Пэскирэ манушэн сýрбы шчэр (лёво) пэскири гаравипнаскири (логово), палдовá лэнгири пхув яця чхучí пир дова, со вэ́рго исын дрéвaн мижэх и пал Раскири-Дэвлэскири бари холý.”

Шэрó 26

Еремее Зрахэна Мэрибнастыр

¹ Дро сáмо а́нглыпэн (начало), кэли кралиндя Иоакимо, чхавó Иосияскиро, крáли пир Юдýя, явдý дасаво лав Рáстыр-Дэвлэстыр мánгэ, Еремеескэ, пхэни: ² “Адякэ ракирэла Рай Дэвэл: ‘Тэрдёв пэ грéда (двóро) Кхангирýякири Рáскирэ-Дэвлэскири и пхэн сарé форýенгэ Юдэятыр, со явэна тэ дэн патýв дрэ Кхангирý Рáскирэ-Дэвлэскири, сарé лавá, со Мэ припхэнава тýкэ тэ пхэнэс лэнгэ: На гарав ани ёкх лав. ³ Кажно лэндýр, хай, явэла тэ кандэл и тэ рискирэл пэскирэ бибахталé дромэстыр, соб (кай) Мэ тэ обрискирав (тэ отпарував) Пэс чорипна́стыр, савó Мэ думинава тэ кэрáв лэнгэ пал фуипэн, со ёнэ кэрэна.’” ⁴ И ту пхэнэса лэнгэ: ‘Адякэ ракирэла Рай Дэвэл: ‘Кóли тумэ на кандэна Ман, соб (кай) тэ псирэн пир Мирó Закóно, савó Мэ дыём тумэнгэ; ⁵ соб (кай) тэ причхувэн кан кэ Мирé дынарьенгирэ, Мирé пророкэнгирэ лавá, савэн Мэ бичхадём кэ тумэ, пэ злóко (рáнко) Мэ бичхававас, нэ тумэ на причхудэ кан; ⁶ тэды Мэ кэрáва далé Кхангирýятыр явír Силóмо (Шыло), и Мэ кэрáва адякэ, со пэ лэстэ явэна тэ кэрэн прокошыбэна (арманя) сарé Наюдытка нáции пэ пхув.’” ⁷ И сарé рашая, и прорóки, и сарé манушá шундлэ, сыр Еремее ракирэлас далé лавá дрэ Кхангирý Рáскирэ-Дэвлэскири. ⁸ И яця адякэ: кэли Еремее кончындя (пирияця) тэ ракирэл сарó, со Рай Дэвэл припхэндý лэскэ тэ пхэнэл сарé манушэнгэ, тэды рашая, и прорóки, и сарé явír манушá ухтылдé лэс, ракирý: “Ту, чачэс, мэрэса [бангó тэ мэрэс-р.с.].! ⁹ Сóскэ ту ангилпхэнэса Рáскирэ-Дэвлэскирэ лавэстыр, ракирý: ‘Давá кхэр явэла сýрбы Силóмо (Шыло), и давá фóро явэла чхучó, би манушэнгиро?’” И сарé манушá скэдынэпэ проти Еремеестэ дрэ Кхангирý Рáскирэ-Дэвлэскири. ¹⁰ Кэли тхагáрья Юдэякирэ шундлэ сарé кадалé лавá, ёнэ гинэ Кралýскирэ кхэрэстыр кэ Кхангирý Рáскирэ-Дэвлэскири, и ёнэ бэшнэ кэ загибэн дрэ нэвí пóрта дрэ Кхангирý Рáскирэ-Дэвлэскири.” ¹¹ И рашая, и прорóки пхэндлэ тхагарýенгэ, и сарé манушэнгэ, ракирý: “Адава мануш домардяпэ (мол) тэ мэрэл! Пир дова, со ёв ангилпхэнэлас проти давá фóро, сыр тумэ шундлэ пэскирэ канэнца.” ¹² Тэньци пхэндý Еремее сарé тхагарýенгэ и сарé манушэнгэ, пхэни: “Рай Дэвэл бичхадý ман тэ ангилпхэнав проти давá Кхэр и проти давá фóро сарé лавэнца, со тумэ шундлэ. ¹³ Акэ, палдава парувэн кэ фэдýр тумарé дромá, и дова, со тумэ кэрэна, и кандэн зан Раскири-Дэвлэскири, тумарé Дэвлэскири, тэды Рай Дэвэл потангинэла (пожалинэла) пал доя бибахт,

со Ёв выпхэндя пэ тумэндэ. ¹⁴ Нэ со пал мандэ, гада, Мэ сом дрэ тумарэ васта; кэрэн манца дова, со здэлапэ (сыкавэлапэ) тумэнгэ чачунэс и лачхэс. ¹⁵ Нэ тумэ джинэн чачэс, со коли тумэ мулякирэна ман, тумэ джинэн, со тумэ лэна бибангипнаскиро рат пэ пэстэ, пэ дава форо, и пэ лэскирэ манушэндэ; пал-дова со, чачунэс, Рай Дэвэл бичхадя ман тэ пхэнав сарэ далэ лавэ дрэ тумарэ канэ.” ¹⁶ И тхагарья и сарэ мануша пхэндлэ рашангэ и пророкэнгэ: “Давэ мануш на домардяпэ (намол) тэ мэрэл; пал-дова со ёв пхэндя амэнгэ Рáскирэ-Дэвлэскирэ лавэстыр, амарэ Дэвлэстыр.” ¹⁷ Тэньци вари-савэ пхурыдырэ пэ пхув газдынэпэ и пхэндлэ сарэ манушэнгэ, савэ скэдынэпэ, пхэни: ¹⁸ “Михай Морашостыр ангилпхэнэлас дро дывэс, кэли о Езэкия сыс крáli пир Юдэя, и пхэндя сарэ манушэнгэ Юдэятыр, ракири: ‘Адыкэ ракирэла болыбнаскирэ-янголэнгиرو Рай Дэвэл: “Сионо явэла пхарадо сыр пхув плугостыр (пхарадытыр), Ерусалимостыр ячэнапэ руины [барá-р.с.], И бэрга, кай исын Кхангири, явэла сыр бэргица машкир вэш. ¹⁹ Ци Езэкия, крáli Юдэякиро, и сари Юдэя мулякирдэ лэс? Ци со ёв, Езэкия, на дарэлас и на родэлас Дэвлэскири ласка. И Рай Дэвэл потангиндя (пожалиндя) пал бибахт, со Ёв выпхэндя пэ лэндэ. Нэ амэ кэрэса барэ чорипэн проти амарэ дия.” ²⁰ Дыххэн, сыс адыкэ-паць екх мануш, савэ ангилпхэнэлас Рáскирэ-Дэвлэскирэ лавэса, о Урия, чхавэ Шэмаяскиро Кирьят-Ярмостыр, кон ангилпхэнэлас проти дава форо и проти дая пхув дасавэ-самонэ лавэнца, со Еремее. ²¹ И кэли крáli Иоакимо, и сарэ лэскирэ зормануша, и сарэ тхагарья шундлэ лэскирэ лавэ, тэды крáli родыя, сыр тэ мулякирэл лэс. Нэ сыр Урия шундя дава, ёв дарандыя, и ёв насця и гия кэ Египто. ²² Тэды крáli Иоакимо бичхадя манушэн кэ Египто: Елнатанос, чхавэс Ахбороскирэс, и явирэ манушэн лэса кэ Египто, ²³ савэ лыджинэ пэса Уриас Египтостыр, и яндлэ лэс кэ крáli Иоакимо; и ёв мулякирдя лэс курталаса и чхурдыя яври лэскиро трэпо дрэ магины, кай сыс нарайканэ (чорорэ) мануша. ²⁴ Нэ сароекх (усаэкх) Ахикамоскиро васт, чхавэскирэ Шафаноскиро, сыс пал Еремеестэ, соб (кай) тэ на отдэн лэс дрэ васта манушэнгэ тэ замарэн лэс.

Шэрó 27

Со значынэна Саструнэ Пенты и Гамо?

¹ Ангил, кэли о Сэдэкия; чхавэ Иосияскиро сыс крáli пэ Юдэя, дасаво лав явдя Еремеескэ. ² Адыкэ ракирэла Рай Дэвэл мангэ: “Кэр пэскэ саструнэ пенты и гамо, и чхув лэн пэскэ пэ мэн, ³ и бичхав лэн Идумеякирэ (Эдомоскирэ) кралискэ, Моавоскирэ кралискэ, Амонитэнгирэ-чхавэнгирэ кралискэ, Тироскирэ кралискэ, Сидоноскирэ кралискэ бичхаибнаскирэнгирэ вастэса, савэ явэна кэ Ерусалимо, кэ крáli Сэдэкия пир Юдэя. ⁴ И припхэн лэнгэ тэ пхэнэн лэнгирэ рангэ: ‘Адыкэ ракирэла болыбнаскирэ-янголэнгирэ Рай Дэвэл, Дэвэл Израилёскиро – адыкэ тумэ пхэнэн тумарэ рангэ: ⁵ Мэ кэрдём пхув, создём манушэс и мурдалэн, савэ исын пир сари пхув Мирэ барэ зорьяса и Мирэ выдиндзькирдэ псикэса, и Мэ отдава дава кодолэскэ, кон исын лачхó Мангэ. ⁶ И аканэ Мэ дава сарэ далэ пхувья дро васт Навуходоносорокиро, кралискэ пэ Вавилоно, Мирэ писхарискэ, и Мэ дава адыкэ-паць фэлдытконэ мурдалэн лэскэ тэ дынаринэн лэскэ. ⁷ И сарэ Наюдытка нацыи явэна тэ дынаринэн лэскэ, лэскирэ чхавэскэ, и лэскирэ-чхавэскирэ чхавэскэ ангил дова, сыр явэла адыкэ-паць хасибнытко дывэс лэскирэ пхувьякэ. И тэды бут Наюдытка нацыи и барэ кралья тыкнякирэна Вавилоно тэ дынаринэн лэскэ. ⁸ И явэла адыкэ: кажно Наюдытко нацыя и кралипэн, савэ на явэла на дынаринэл Навуходоносорокэ, кралискэ пэ Вавилоно, и савэ на чхувэла пэскири мэн дро гамо кралискиро пэ Вавилоно, дая нацыя Мэ пхарэс сэндыкирава, – ракирэла Рай Дэвэл, – курталаса, бокхаса и франсэнца аканэ ангил дова, сыр Навуходоносорокиро васт хасякирэла сарэса лэн. ⁹ И тумэ палдава на кандэн тумарэ пророкэн, тумарэ зумакирибнаскирэн, тумарэ сунэ-пхэныбнаскирэн, тумарэ човаханэн, тумарэ джиныбнаскирэн пир чэргэня, савэ ракирэна тумэнгэ, пхэни: ‘Тумэ тэ на дынаринэн кралискэ Вавилоносирэскэ’ ¹⁰ Ёнэ ангилпхэнэна хоханэс тумэнгэ, соб (кай) тэ дурьякирэн тумэн дур тумарэ пхувьятыр, и, соб (кай) Мэ тэ традав криг тумэн, соб (кай) тумэ тэ хасэн.

¹¹ Нэ нация, сави чхувэла пэскири мэн дро гамо краліскиро Вавилоностыр, и сави явэла тэ дынаринэл лэскэ, Мэ дава воля лэнгэ тэ ячэмпэ пэ лэнгири пхув', – ракирэла Рай Дэвэл, – 'и ёнэ явэна тэ обкэрэн дая пхув, и ёнэ явэна тэ дживэн пэ латэ.'" ¹² И мэ пхэндём Сэдэкиясэ, краліскэ пэ Юдэя, сарэ дасавэ-сама лавá, ракири: "Чхувэн тумарэ мэна дро гамо краліскиро Вавилоностыр, и тумэ дынаринэн лэскэ, и лэскирэ манушэнгэ и тэ дживэн' явэна тумэ: ¹³ палсó тэ мэрэс түкэ, и тырэ манушэнгэ курталатыр, бокхатыр, и мэрибнытконэ франсэндыр, сыр и ракирэлас Рай Дэвэл пал Наюдытко нация, со на явэла тэ дынаринэл краліскэ Вавилоноскирэскэ? ¹⁴ И на шунэн лавá пророкэнгирэ, савэ ракирэна тумэнгэ: 'Тумэ на явэна тэ дынаринэн краліскэ Вавилоноскирэскэ, пал-довá со ёнэ ангилпхэнэна хохайбэн тумэнгэ; ¹⁵ пал-довá со Мэ на бичхадём лэн', – ракирэла Рай Дэвэл, – 'нэ ёнэ ангилпхэнэна хоханэс Мирэ лавэстыр, соб (кай) Мэ тэ традав криг тумэн, соб (кай) тумэ тэ хасён – тумэ, и тумарэ пророки, кон ангилпхэнэла тумэнгэ!'" ¹⁶ И мэ, Еремее, ракирдём кэ рашая, и кэ сарэ мануша: 'Адэкэ ракирэла Рай Дэвэл!': На причхувэн кан кэ лавá тумарэ-пророкэнгирэ, савэ ангилпхэнэна тумэнгэ, ракири: 'Акэ, сыр янэна палэ кхорэ (сасуды) Рáскирэ-Дэвлэскирэ Кхангирьятыр', – пал-довá со ёнэ ангилпхэнэна хоханэс тумэнгэ. ¹⁷ На шунэн лэн. Дынаринэн краліскэ Вавилоностыр, и дживэн пэскэ! Соскэ тэ явэл чхучó штэто далэ форостыр? ¹⁸ Нэ ко́ли ёнэ исын пророки, и, ко́ли исын Дэвлэскиро лав лэндэ, мэк ёнэ тэ мангэн зоралэс Рас-Дэвлэс, янголэнгирэ-болыбнаскирэс, соб (кай) кхорэ (сасуды), савэ ячнэпэ дрэ Рáскирэ-Дэвлэскиро Кхангирі, и дро кхэр Краліскиро Юдэякиро, и дро Ерусалимо тэ на пириджан кэ Вавилоно. ¹⁹ Пал-довá со, акэ, со ракирэла янголэнгиро-болыбнаскиро Рай-Дэвэл пал стылбы, и пал харкуно (медно) мórё (дэрьяв), и пал скаминдорэ пэ ротыцы, и пал явір кхорэ (сасуды), со ячнэпэ дро дава́ фóро, ²⁰ сарэ долэ куч предме́ты, савэ на лыя Навуходоносóро пэса, кэли лыджия дро плéно Иехонияс, Ехакимоскирэ чхавэс, краліс пир Юдэя, Ерусалимостыр кэ Вавилоно, и сарэ лачхэ-родоскирэн манушэн Юдэятыр и Ерусалимостыр, ²¹ чачó, адэкэ ракирэла болыбнаскирэ-янголэнгиро Рай Дэвэл, Израилэскиро Дэвэл пал кхорэ (сасуды), со ячэнапэ дрэ Кхангирі Раскири-Дэвлэскири, и дро кхэр краліскиро Юдэятыр и дро Ерусалимо: ²² лэн лыджана криг дро Вавилоно, и одой явэна ёнэ кэ дывэс, кэли Мэ ява́ва кэ ёнэ' – ракирэла Рай Дэвэл.' Тэды Мэ яна́ва лэн и Мэ чхува́ва палэ лэн пэ дава́ штэто.'"

Шэро 28

Ананияскиро Хохайбэн и Хасибэн

¹ И сыс дава́ дро дова́-само бэрш, ангил, кэли о Сэдэкия кралиндя пэ Юдэя, дро штáрто бэрш, дро пáнджто чхон, со Анания, Азуроскиро чхавó, пророко Гаваоностыр, ракирдя ма́нгэ дрэ Кхангирі Рáскирэ-Дэвлэскири ангил рашандэ и сарэ манушэндэ, и пхэндя: ² "Адэкэ ракирэла болыбнаскирэ-янголэнгиро Рай Дэвэл; Израилэскиро Дэвэл: 'Мэ пхагирдём [пхагирава-р.с.] гамо краліскиро Вавилоностыр.' ³ Пир дуй бэрш Мэ яна́ва палэ пэ дава́ штэто сарэ кхорэ (сасуды), Рáскирэ-Дэвлэскирэ Кхангирьятыр, савэ о Навуходоносóро, крáли Вавилонóскиро, лыя криг кадалэ штэтостыр и лыджия кэ Вавилоно. ⁴ И Мэ яна́ва палэ пэ дава́ штэто Иехонияс, чхавэс Ёакимоскирэс, краліс пэ Юдэя, сарэ Юдэякирэ пленонэн, кон гия кэ Вавилоно', – ракирэла Рай Дэвэл – пал-довá со Мэ пхагирава гамо краліскиро Вавилоностыр". ⁵ Тэньци пророко о Еремее ракирэлас кэ пророко Анания ангил рашандэ, и ангил сарэ манушэндэ, савэ сыс тэрдэ дрэ Кхангирі Рáскирэ-Дэвлэскири. ⁶ И пхэндя пророко Еремее: "Аминь! Мэк Рай Дэвэл тэ кэрэл адэкэ! Мэк Рай Дэвэл тэ кэрэл дро чачипэн тырэ лавá, со ту ангилпхэндян тэ янэн кхорэ (сасуды) Кхангирьятыр Рáскирэ-Дэвлэскирьятыр и сарэ пленонэн Вавилоностыр пэ дава́ штэто! ⁷ Нэ фэни шун аканá дава́ лав, со мэ пхэна́ва зоралэс түкэ и сарэ тырэ манушэнгэ: ⁸ Э пророки, савэ сыс англэдёр ма́ндэ и англэдёр түтэ, ангилпхэнэнас адэкэ-паць пал бут тхэма (страны) и пал барэ кралипэна́, пал марибэн, пал биба́хт [бари бйда-р.с.] и пал ф́рансы. ⁹ О пророко, савэ ангилпхэнэлас рама́нэ, кэли лэскиро лав тэ ангилпхэнэл дова́, со явэла, ко́ли кэрэласпэ

дро чачипэн, тэды лэс приджинэнас пал пророкостэ, савэс Рай Дэвэл, чачэс, бичхадя.”¹⁰ И пророко Анания ^[1] злыя гамо пророкоскирэ Еремее́скирэ мэнятыр и пхагирдя лэс. ¹¹ И пхэндя Анания ангил якхя сарэ манушэндэ далэ лава: “Адякэ ракирэла Рай Дэвэл: ‘Адякэ Мэ пхагирава гамо крالیскиро Навуходоносорокиро Вавилоностыр пир дуй бэрш криг мэнятыр сарэ нацыэндэр!’” И гия пророко Еремее́ пэскирэ дромэса. ¹² И сыс лав Рáстыр-Дэвлэстыр кэ Еремее́ палó (после) дова́, кели пророко Анания пхагирдя гамо криг мэнятыр пророкоскирэ Еремее́скирэ: ¹³ “Джа́ и пхэн Ананияскэ, ракири́: ‘Адякэ ракирэла Рай Дэвэл: ‘Ту пхагирдя каштуно гамо, нэ ту кэрэса саSTRUно гамо пэ лэскиро штэто.’” ¹⁴ Пал-дová со адякэ ракирэла болыбна́скирэ-янголэнги́ро Рай Дэвэл, Дэвэл Израилёскиро: “Мэ чхува́ва саSTRUно гамо пэ мэн сарэ Наюдытконэ нацыенгэ, соб (кай) ёнэ тэ дэн ра́да тэ дынаринэн Навуходоносорокэ, крали́скэ Вавилоностыр; и ёнэ явэна тэ дынаринэн лэскэ: Мэ адякэ-паць и фэлдытконэ мурдалэн (зверен) дыём лэскэ!” ¹⁵ И пхэндя пророко Еремее́ кэ пророко Анания: “Шун аканá, Анания: Рай Дэвэл на бичхадя тут, нэ ту кэрэса адякэ, соб (кай) адалэ манушá тэ патян дро хохайбэн. ¹⁶ Палдава́ адякэ ракирэла Рай Дэвэл: ‘Акэ, Мэ чхурдава тут криг пхувья́кирэ штэто́стыр: ту мэрэса, дава́ бэрш, пал-дová со ту сыклякирэсас тэ газдэн бунто́ проти Растэ-Дэвлэстэ!” ¹⁷ И Анания, пророко, мыя дро дова́-паць бэрш пэ эф́тáто (битринэнги́ро дэ́што) чхон.

28:10 ^[1] Дро Юды́тко оригина́ло “Хананья”

Шэро́ 29

Еремее́скиро Лыл Пленно́нэнгэ

¹ И, акэ, исын лава́ лылэстыр, саво́ пророко Еремее́ бичхадя́ пхурыдырэнгэ Ерусалимостыр, савэ́ ячнэ́пэ машки́р пленно́нэндэ, и рашангэ, и пророкэнгэ, и сарэ́ манушэнгэ, савэн лыджия́ дро плéно о Навуходоно́соро Ерусалимостыр кэ Вавило́но. ² Давá сыс палó (после) дова́, кели о Ехония́ крáли и крáлица, и евнухи, и тхага́рья Юдэ́якирэ и Ерусалимостыр, и спéцы дрэ вастытка́ бутя́ пир кашт (кхэ́ра-кхэрибна́скирэ) и пэталэнгирэ́ (ковали) выгинé Ерусалимостыр. ³ О Еремее́ пириды́я дава́ лыл дро васт Елиасоскэ́ (Эльясоскэ́), чхавэ́скэ Шафаноскирэ́скэ, и Гэмария́скэ, чхавэ́скэ Хелкия́скирэскэ́, савэн о Сэдэ́кия, крáли Юдэ́якиро, бичхадя́ кэ Навуходоно́соро, крáли Вавилонóскиро. Дро лыл ракирды́пэ: ⁴ Адякэ ракирэ́ла болыбна́скирэ-янголэнги́ро Рай Дэвэл, Дэвэл Израилёскиро, сарэ́ пленно́нэ манушэнгэ, савэн Мэ́ пиричхудём [пирилыджие́м-р.с.] тэ дживэн Ерусалимостыр кэ Вавило́но: ⁵ “Чхувэн кхэ́ра и дживэн дрэ лэндэ́, чхувэн пэ пхув унты́ (сады) и хан пхаба́ лэндэр. ⁶ И соб (кай) тэ явэн чхавэ́, и чхая́ тумэндэ́, лэн ромнён пэскирэ́ чхавэнгэ́ и отдэн пэскирэ́ чхаён палором, соб (кай) ёнэ тэ янэн пэ свéто чхавэн и чхаён, соб (кай) тумэн тэ явэл бутэды́р одой, соб (кай) тэ на явэл кутэды́р тумэн. ⁷ И прихчувэн зор сарэ́ зорья́тыр, соб (кай) тэ явэл рама́нэ (миро) дро фóро, кэ саво́ Мэ́ пиричхудём [пирилыджие́м-р.с.] тумэн тэ дживэн дро плéно, и мангэнпэ́ Рáскэ-Дэвлэ́скэ пал дава́, пал-дová со рама́нэ дро дова́ фóро явэ́ла тумаро́ рама́нэ. ⁸ Пал-дová со адякэ ракирэ́ла болыбна́скирэ-янголэнги́ро Рай Дэвэл: ‘Мэк тумарé проро́ки, савэ́ исын машки́р тумэндэ́, и тумарé драбакирибна́скирэ тэ на хохавэн тумэн. На риски́рэн тумари́ годы́ кэ тумарé сунэ́, со тумэ́ дыкхэ́на. ⁹ Пал-дová со ёнэ ангилпхэнэ́на хоханэ́с тумэнгэ́ Мирé лавэ́стыр: Мэ́ на бичхадём лэн’, – ракирэ́ла Рай Дэвэл. ¹⁰ ‘Акэ, со ракирэ́ла Рай Дэвэл: ‘Кели кончынэ́напэ́ [проджа́на-р.с.] тумарé эф́тадэ́ша бэрш дро Вавило́но, тэды Мэ́ ява́ва кэ тумэ́, и Мэ́ сполнина́ва Мирó лачхó лав ваш тумэнгэ́, соб (кай) тэ янав палэ́ тумэн пэ дава́ штэто́. ¹¹ И Мэ́ Кокорó джино́м (джина́в) Мирé планы́ ваш тумэнгэ́’ – ракирэ́ла Рай Дэвэл’, – планы, соб (кай) тэ явэл рама́нэ (миро), а на чорипэн, соб (кай) тумэндэ́ тэ явэл лачхó́ ужакирибэн (надéя) пэ дывэ́са, со ишчо́ (инкэ́) явэ́на. ¹² И тумэ́ явэ́на тэ кхарэн́ Ман и тумэ́ явэ́на, и тумэ́ явэ́на тэ мангэнпэ́ Ма́нгэ, и Мэ́ ява́ва тэ шунав тумэн, ¹³ И тумэ́ явэ́на тэ родэн́ Ман, и тумэ́ латхэ́на Ман, ко́ли тумэ́ явэ́на тэ родэн́ Ман

сарэ илэстыр’, – ¹⁴ и Тумэ латхэна Ман’, – ракирэла Рай Дэвэл, – и Мэ янава палэ тумэн тумарэ пленостыр: и Мэ скэдава тумэн сарэ Наюдытконэ нацыэндыр и сарэ штэтэндыр, кэ савэ Мэ традыём тумэн’, – ракирэла Рай Дэвэл, – ‘и Мэ янава тумэн палэ пэ штэто’, савэстыр Мэ тумэн лыджиём дро плéно. ¹⁵ Пал-дова со тумэ пхэндлэ: “Рай Дэвэл чхудя пророкэн амэнгэ дро Вавилоно”, – ¹⁶ палдава адякэ ракирэла Рай Дэвэл пал кралиэстэ, саво исын пэ Давидоскиро трéно пал сарэ манушэндэ, савэ дживэна дро дава фóро, пал тумарэ пшалэндэ, савэ на гинэ тумэнца дро плéно, – ¹⁷ адякэ ракирэла болыбнаскирэ-янголэнгиро Рай Дэвэл: ‘Акэ, Мэ бичхавáва пэ лэндэ куртáла, бокх и мэрибнытка фрáнсы, и Мэ кэрава лэн сырбы кирмалэ инжыритка мýри, савэ нашты тэ хас, ёнэ исын древáн фуй. ¹⁸ И Мэ явава тэ традав лэн курталáса, бокхаса, и мэрибнытконэ франсэнца, и Мэ отдава лэн, соб (кай) тэ традэн лэн одорýк и палэ пэ бýда дрэ сарэ кралипэна пэ пхув, – соб (кай) тэ выпхэнэн прокошыбэна (тэ армáнкирэн лэн), тэ дивинэнпэ трашаса пэ лэндэ, тэ сипинэн, и тэ обракирэн холяса лэн манушá Наюдытконэ нацыэндыр, кэ савэ Мэ традава лэн: ¹⁹ пал-дова со ёнэ на шундлэ Мирэ лавá’, – ракирэла Рай Дэвэл, – савэ Мэ пирипхэндём пир Мирэ писхарьэндэ, Мирэ пророкэндэ, пэ злóко (пэ рáнко) бичхававас Мэ, нэ ёнэ на шундлэ’, – ракирэла Рай Дэвэл. ²⁰ Нэ тумэ сарэ, кон исын дро плéно, савэн Мэ бичхадём Ерусалимостыр кэ Вавилоно, шунэн Рáскирэ-Дэвлэскиро лав. ²¹ Акэ, исын лавá – савэ ракирэла болыбнаскирэ-янголэнгиро Рай Дэвэл, Израилэскиро Дэвэл пал Ахавостэ, Колияскирэ чхавэстэ, и пал Сэдэкиястэ, Масеяскирэ чхавэстэ, савэ ангилпхэнэна хохаибэн тумэнгэ Мирэ лавэстыр: “Акэ, Мэ выдава лэн дро васт Навуходоносороскиро, кралискэ Вавилоностыр, и Ёв мулякирэла лэн пэ тумарэ яхá. ²² И пал лэндэ лэнгирэ лавá явэна сыр прокошыбэн (арман) машкёр сарэ Юдэякирэ пленнонэндэ дро Вавилоно, сыр ёнэ явэна тэ ракирэн: ‘Мэк тэ кэрэл адякэ тýкэ Рай Дэвэл сыр Сэдэкияскэ и Ахавоскэ, савэн Вавилоноскиро крáли пэкця пэ яг; ²³ пал дова, со ёнэ кэрдэ джунгалыпэн (брыдкама) дро Израилэ, и ёнэ кэрдэ биладжаипэн лэнгирэ-суседенгирэ (котарьенгирэ) джувлэнца, и ёнэ ракирдэ хоханó лав Мирэ лавэстыр, со Мэ на припхэндём лэнгэ тэ кэрэн: и Мэ джинóm дава, и Мэ сом Якхýтко,” – ракирэла Рай Дэвэл. ²⁴ И ту пхэнэса Шэмияскэ Нехеламостыр, ракири: ²⁵ “Адякэ ракирэла болыбнаскирэ-янголэнгиро Рай Дэвэл, Израилэскиро Дэвэл: ‘Пал дова, со ту бичхадян лыла тырэ лавэстыр, савэ исын дро Ерусалимо рашáскэ Софонияскэ (Зэфанияскэ), чхавэскэ Маасеяскирэскэ, и сарэ рашангэ, ракири: ²⁶ ‘Рай Дэвэл чхудя тут сыр рашáс пэ рашаскирэ – Иодаэскирэ (Егоядаскиро) штэто, соб (кай) ту тэ явэс дыкхибнаскирэса (блюстителёса) пэ Кхангири Рáскирэ-Дэвлэскири, пир кажнонэ бигодякирэ манушэстэ и кажнонэстэ, кон дылнёла и кхарэлапэ пророкоса, соб (кай) тэ чхувэн лэс дрэ калодки и дро штарибэн. ²⁷ Соскэ ту на выракирдян Еремеескэ Анафофостыр, саво кэрдя пэстыр пророкóс кэ тумэ? ²⁸ Пал-дова со ёв пирипхэндя лав амэнгэ дро Вавилоно, пхэни: “Давá плéно явэла гарá (длýгэс) тэ тырдэлпэ; чхувэн кхэрá и дживэн дрэ лэндэ, и чхувэн пэ пхув унты (сады), и хан лэнгиро фрукто (плóдо)!”’ ²⁹ И рашáй Софония (Цэфания) гиндя зоралэс (дро сарó шуныбэн) дава лыл пророкоскиро Еремеескиро. ³⁰ Тэньци сыс Рáскиро-Дэвлэскиро лав кэ Еремее, ³¹ “Бичхав сарэнгэ, кон исын дро плéно тэ пхэнэн: – ‘Адякэ ракирэла Рай Дэвэл пал Шэмаиястэ, Нехеламостыр, пал дова, со Шэмаия ангилпхэндя тумэнгэ, нэ Мэ на бичхадём лэс, и ёв кэрдя адякэ, соб (кай) тумэ тэ ужакирэн лачхипэн хохаибнастыр; ³² палдава, адякэ ракирэла Рай Дэвэл: ‘Акэ, Мэ явава пхарэс тэ сэндякирав Шэмаияс Нехеламостыр, и лэскиро рóдо. Лэстэ на явэла ни екх мануш тэ дживэл машкёр адалэ манушэндэ, и ниэкх на явэла тэ дыкхэл лачхипэн, саво Мэ явава тэ кэрáв ваш Мирэ манушэнгэ’, – ракирэла Рай Дэвэл, – пал-дова со ёв сыклякирдя тэ бунтуинэл проти Мándэ, Растэ-Дэвлэстэ!”’

Шэрó 30

Пхэныбэн, Сыр Выраххэлапэ Израилэ и Юдэя

¹ Лав, саво явдя кэ Еремее, Рáстыр-Дэвлэстыр, ракири: ² “Адякэ ракирэла Рай Дэвэл, Израилэскиро Дэвэл: “Чхин дрэ лылварí пэскэ, сарэ лавá, со Мэ пхэндём тýкэ. ³ Акэ явэна

дывэса', – ракирэла Рай Дэвэл, – 'Кэли Мэ янава палэ пленостыр Мирэ манушэн Израилёстыр и Юдэятыр', – ракирэла Рай Дэвэл. 'И Мэ кэрава адякэ, соб (кай) ёнэ тэ рисён пэ пхув, сави Мэ дыём лэнгирэ дадэнгэ, соб (кай) ёнэ тэ явэн хулая пэ латэ.'"⁴ И, акэ, исын лавá, со пхэндя Рай Дэвэл пал Израиле и пал Юдэя: ⁵ "Адякэ ракирэла Рай Дэвэл: 'Амэ шундям зан (глос), сави издралас, исын дар, нанэ рамáнэ (миро).' "⁶ Пхучэн и галён, ци могоинэла (сашты) мурш тэ биянэл? Соскэ тэды Мэ дыкхава, со кажнонэстэ муршэстэ вастá исын пашыл трушула, сырбы джувлятэ, сави скэдэлпэ тэ биянэл, и муя лэнгирэ ячнэ парнэ? ⁷ Пэ бибахт (бари бйда), явэла барó дава дывэс, со бутыр дасаво нанэ и на явэла, И адякэ-паць явэла пхарó Яковоскэ, нэ ёв явэла зракхно; ⁸ И явэла адякэ дро дова дывэс', – ракирэла болыбнаскирэ-янголэнгиро Рай Дэвэл – со Мэ пхагирава лэскиро гамо лэскирэ мэнятыр, и Мэ роскушава лэскирэ састыра, и чужа мануша на явэна бутыр тэ рикирэн лэс сыр писхарис. ⁹ Нэ Мирэ мануша явэна тэ дынаринэн Рáскэ-Дэвлэскэ, пэскирэ Дэвлэскэ, и Давидоскэ, пэскирэ краліскэ, савэс Мэ чхудём лэнгэ. ¹⁰ И ту, Миро писхари, Яково, на дар', – ракирэла Рай Дэвэл', – на замэр даратыр, о Израилё: Акэ, Мэ зракхава тут дуратунэ тхэмэстыр, и тырó кхэрытко рóдо штэтэндэр, кай сыс ёнэ дро плéно. О Яково рисёла палэ и явэла рамáнэ, Ёв явэла тэ дживэл би дарáкиро. ¹¹ Пал-дова со Мэ сом туса', – ракирэла Рай Дэвэл, – соб (кай) тэ зракхав тут, мэк Мэ хасякирава сарэса сарэ Наюдытка náцыи, машкыр савэндэ Мэ чхудём тэ дживэс тут. Нэ Мэ на хасякирава сарэса тут, нэ Мэ явава тэ пирысклякирав тут пир чачипэн, и Мэ на домэкава, соб (кай) ту, тэ на джас пэскэ сарэса би сэндыкирибнаскиро.' ¹² 'Пал-дова со адякэ ракирэла Рай Дэвэл: 'Тырó калó мас (синяко) исын насастякирибнытко, и тырэ фрáнсы (раны) исын пхарэ. ¹³ Никон на пэкэлапэ (на дэл туга), пал тутэ, соб (кай) тэ пирипхандэн тырэ-масэнгиро фрáнсо (рана); тутэ нанэ драба тэ састякирэспэ. ¹⁴ Сарэ тырэ дру́ги (малá) бистырде пал тутэ; ёнэ на родэна тут. Мэ ж пэкадём тут вэргитконэ дабаса ^[1] сыр бидэскири кáра пал барó тырó чорипэн, пал-дова со тырэ грéхи выбаринэ. ¹⁵ Соскэ ровэса ту пал тырэ фрáнсы (раны)? Тыри дукх исын насастякирибнытко. Пал тырó барó чорипэн, и пал дова со тырэ грéхи выбаринэ, Мэ кэрдём дава сарó тукэ. ¹⁶ Пал-дова со сарэ, кон дукхавэла тут, ёнэ кокорэ явэна дукхадэ, и сарэ тырэ вэрги, кажно лэндэр джáла дро плéно. Сарэ, кон чорэла миштыпэн туты, ёнэ кокорэ явэна обчордэ; и сарэ, кон рискирэла тырó миштыпэн, лэндэ кокорэндэ явэла рискирдо миштыпэн.' ¹⁷ И Мэ пирипхандава тут [пластырэса-р.с.], и Мэ састякирава тут тырэ-масэнгирэ франсэндэр', – ракирэла Рай Дэвэл, – пал-дова со ёнэ кхардэ тут 'бикхэрэскиро': дава исын Сионо, пэ саво никон на дыкхэла. ¹⁸ 'Адякэ ракирэла Рай Дэвэл: "Акэ, Мэ янава палэ пленостыр Яковоскирэ шáтры, и Мэ сыкавава ласка пэ лэскиро штéто шатрэнца; и фóро нэвэстыр явэла чхудо пэ пэскиро штéто, и Кхангирі явэла кэрдэ сыр сыс. ¹⁹ И долé фóростыр мануша явэна тэ парикирэн зоралэс, и ёнэ явэна дрéвaн тэ радынэнпэ. И Мэ кэрава адякэ, со лэн явэла бутэдыр, и ёнэ на явэна тэ тыкнён. И Мэ барьякирава лэнгири патыв, соб (кай) ёнэ тэ на дыкхэн пэ лэндэ вучипнастыр. ²⁰ Лэнгирэ чхавэ явэна адякэ-паць сыр ангэдыр (англэдыр) и лэнгиро скэдыибэн явэла зоралó ангил Мáндэ; и Мэ пхарэс сэндыкирава кодолэн, савэ притасавэна лэн. ²¹ Лэнгиро тхагари явэла лэндэр кокорэндэр/ лачхэ-родоскирэндэр, и лэнгиро барó рай (владыка) явэла лэнгирэ манушэндэр, и Мэ кэрава адякэ, соб (кай) ёв тэ явэл пашэдыр; и Ёв подджáла кэ Мэ. Пал-дова со, кон исын адасаво муршканó, соб (кай) тэ зачхувэл пэскиро илó тэ явэл пашэдыр кэ Мэ?', – ракирэла Рай Дэвэл. ²² Тумэ явэна Мирэ мануша, и Мэ явава тумарó Дэвэл.'"²³ "Акэ, барó штормо джáла ангил холяса Рáстыр-Дэвлэстыр, рискирибнаскири балвэл (вихро); ёй пэрэла зорьяса пэ бибахталэнгиро шэрó. ²⁴ Холякирибнаскири (холякири) яг Рáстыр-Дэвлэстыр на пириячэла ангил дова, сыр Ёв выпхэрдякирэла сарó, со Ёв камэла. Тумэ галёна сарó дава дрэ дывэса пэ сáмо кóнцо (ягóро)."

30:14 ^[1] даба (даб) – пэкаибэн – ударо

Шэрó 31

Израилё и Юдэя Явэна Зракхнó

¹ “Дро долé дывэсá’, – ракирэла Рай Дэвэл,’ – Мэ явáва Дэвэл ваш сарé кхэрýтка рóды (плéми) Израилёстыр и ёнэ явэна Мирé манушá.” ² Адýкэ ракирэла Рай Дэвэл: “Манушá, савé ячнéпэ джидé курталáтыр, латхнé тангипён (лáска) Мándыр пэ чхучí пхув, Мэ джáва тэ дав рамáнё Израилёскэ”” ³ Рай Дэвэл сыкадыя Израилёскэ, дурипнастыр, и пхэндя: “Ту яцýн дрóго Мánгэ пэ сарé вéки, палдава́ Мэ сыкадём тýкэ тангипён (лáска).” ⁴ “Мэ нэвэстыр явáва тэ газдав тут, Ту явэса газдыны, о патывалы́ джувлы́ Израилёскири’! Ту нэвэстыр явэса гожакирды бубнэнца, и ту джáса ангýл тэ кхэлэс кодолэнца, савé радынэнапэ. ⁵ Ту нэвэстыр (нэвэс) почхувэса винаградýтка унты (сады) пир бóрги дрé Самáрия, винаградарья явэна тэ почхувэн и тэ хан мýри.” ⁶ И явэла дывэс, кéли э ракхибнаскирэ (стражы) пэ бóрга Ефрéмо, явэна тэ дэн гóдла: ‘Уштэн, джáса пэ Сиóно кэ Рай Дэвэл, амарó Дэвэл”” ⁷ Акэ, со, Рай Дэвэл ракирэла: – “Багáн зоралэс, радýмáса Яковóскэ и дэн гóдла англатунé (пэрвонé) шэралэскэ пир на́цыи. Пхэнэн зоралэс сарэнгэ, шарэн и ракирэн: “О Раё́ Дэвла! Зрáкх Тырэ манушён, савé ячнéпэ, Израилёстыр!”” ⁸ Дыххэн, Мэ яна́ва палэ лэн паш-ратитконé тхэмэстыр, и Мэ скэда́ва лэн самонé ягорэндýр пэ пхув. Машкир лэндé явэна: корори, и лангалы, пхарí джувлы́, и джувлы́, савьякэ, трэй тэ биянэл-кхэтанé; барó скэдыибён (сонмо) явэла палэ [рисёла-р.с.] ада́й! ⁹ Ёнэ гинé роибнаса, и Мэ лыджáва лэн мангипнэнца. Мэ джáва ангýл лэндé пашыл панитка рéки (лэня́) пир мамýй дром, соб (кай) ёнэ тэ на обштавэнпэ. Пал-довá со Мэ сом Дад Израилёскиро, и Ефрéмо исын Мирó англатунó чхаворó. ¹⁰ Шунэн лав Рáскирэ-Дэвлэскиро, о манушáлэ на́цыэндýр, и пхэнэн дава́ зоралэс сарэнгэ пэ островы, со исын дур, и пхэнэн: “Ёв, Кон росчхудя́ тэ дживёл Израилё, скэдэла лэс, и Ёв явэла тэ ракхэл Пэскирэ манушён, сыр чхупна́ри (пастырё) Пэскиро гурто. ¹¹ Пал-довá со Рай Дэвэл выкинэла Яковóс, и Ёв зракхэла лэс кодолэскирэ вастéстыр, кон исын зоралэды́р лэстыр. ¹² Палдава́ ёнэ явэна тэ багáн пэ бóрга Сиóно, и ёнэ припрастана кхэтанé пэ Рáскирэ-Дэвлэскиро лачхипэн; – пэ парнó гив, пэ мол (лолы бравинта), пэ маслиникто дзэт (елее́), пэ тыкнорэндé гуртостыр и стадатыр; и лэнги́ро ди явэла сыр ýнта (садо), савí древáн почхуды панéса, и ёнэ бутýр на явэна тэ тугинэн. ¹³ Тэньци патывалы́ джувлы́ явэла тэ радынэлпэ, кхэлындой: и тэрнэ́ и пхуранé манушá кхэтанé; пал-довá со Мэ риско́рава лэнгири тýга дрé ра́дыма, и Мэ подрикирава лэнги́ро дýхо (фа́но), и Мэ да́ва ра́дыма лэнгэ пэ штéто лэнгирé-дукхакиро пэ ило́. ¹⁴ И Мэ да́ва чалэс чэкэн рашáнгирé диенгэ, и Мирé манушá чалёна Мирé лачхипнастыр”, – ракирэла Рай Дэвэл. Лáска ваш Израилё ¹⁵ ‘Акэ, со ракирэла Рай Дэвэл: “Зан шунэлапэ дрé Ра́ма, зоралé и киркэ ровибнаса. Э Рахíль ровэла пал лáкирэ биятэндé, ёй на камэ́ла, соб (кай) тэ подрикирэн лáкиро дýхо (фа́но), пал-довá со латэ нанэ бутýр биятэн.”” ¹⁶ Адýкэ ракирэла Рай Дэвэл: “Обрикирпэ роибнастыр, и тырэ якхá ясвэндýр; пал-довá со дова́, со ту кэрдýн пэскирэ биятэнгэ, рисо́ла лачхипна́са, – ракирэла Рай Дэвэл: ‘Тырэ бияты явэна палэ вэргоскирэ пхувья́тыр. ¹⁷ Исын ваш со тэ ужакирэс лачхипэн одолэстыр, со ишчо (инкэ́) явэла ангýл, – ракирэла Рай Дэвэл, – ‘пал-довá со тырэ бияты явэна палэ пэскирэ мэжы пэ пхув. ¹⁸ Мэ шундём, сыр о Ефрéмо тугинэлас ясвэнца кокорó пэскэ: “Ту сыклякирдýн кэ дукхá ман, и, мэ сом пи́рисыклякирдо сы́рбы насыклякирдо гурув: рíскир ман кэ лачхипэн, и мэ рисо́ва́ва, пал-довá со Ту, Рай Дэвэл, сан мирó Дэвэл. ¹⁹ Дыххэн: палó (после) дова́, сыр мэ рисиём кэ лачхипэн, мэ риско́рдём джи́ибён кэ Дэвэл и палэ дова́, сыр ман пи́рисыклякирдé, мэ пэкадём пэс пир статя (сцё́гны). Мэ яцём ладжакирдó, и аж ми́ри годы́ запхадия, пал-довá со мэ лыджиём банг мирé тэрнэ́ бэршэндýр.”” ²⁰ ‘Ци на сан ту, Ефрéмо, дрóго чхавó Мánгэ? Ци на сан ту Мирó камибны́тко чхавó? Пал-довá со сыр Мэ ракирдём пал тýтэ, Мэ ўса́ды (сак) рипирдём тут. Палдава́ Мирó андры́пэн ракирэла пэскэ пал лэстэ: Мánгэ сыр тэ на сыкавав тангипён (лáска) лэскэ’, ракирэла Рай Дэвэл. ²¹ Чхув стýлбы шпэрэнца, кэр шпэры пир пхув; рíскир ило́ кэ барó дром, кэ дром, савэса ту гýян. Рисёв палэ, о патывалы́ джувлы́ Израилёскири, рисо́в

нэвэстыр кэ далэ тырэ фэрья. ²² Сыр гарá (длүгэс) ту явэса тэ псирэс пэскэ ту, чхаё, сави отпыя? Пал-довá со Рай Дэвэл кэрдя вари-со нэвó пэ пхув” – э джувлы зраххэла ромэс.

Со Явэла Юдэяса?

²³ Адякэ ракирэла болыбнаскирэ-янголэнгиро Рай Дэвэл, Израилёскиро Дэвэл: “Кэли Мэ янава лэн пленостыр, ёнэ нэвэстыр явэна тэ ракирэн дава лав пэ Юдэякири пхув и дрэ лакирэ фэрья: ‘Тэ бахтякирэл Рай Дэвэл тут, о чачипнаскиро кхэр, о свэнта бэрга!’” ²⁴ И одой пэ лэндэ ячэна тэ дживэн манушá Юдэятыр, и дрэ сарэ лэнгирэ фэрья, пхувьякирэ хулая и кодолэ явир манушá, савэ псирэна гуртэнца. ²⁵ Пал-довá со Мэ дыём чалэс кажнонэ кхинякирдэ дэскэ, и Мэ дыём пхэрдэс тэ хал кажнонэ дэскэ, со сыс дрэ туга.” ²⁶ Далэса мэ, Еремее, джангадыём (прошниндёмпэ) и дыкхцём пашыл пэстэ: миро сунó сыс гудло мангэ. ²⁷ “Акэ, явэна дывэсá”, – ракирэла Рай Дэвэл”, – со Мэ кэрава адякэ, соб (кай) дро Юдэякиро и дро Израилёскирэ кхэрá тэ бияндён (лотён) манушá, и тэ бияндён кхэритка мурдалá (ското). ²⁸ И явэла адякэ: сыр кучэс Мэ дыкхцём Пал лэндэ, соб (кай) тэ вырискирав лэн, и тэ пхагирав лэн и тэ пиририскирав лэн и тэ хасякирав лэн и тэ притасавав; аканá адякэ-паць Мэ явава тэ дыкхав ракхунэс (ракхибнаса) пал лэндэ, соб (кай) тэ обчхував лэнгиро джиибэн, и тэ почхував лэн пэ пхув”, – ракирэла Рай Дэвэл. ²⁹ И дрэ одолэ дывэсá ёнэ на явэна бутыр тэ ракирэн: “Э дада ханэ шутло (кисло) винаградо (дракх), а дрэ дандá чхавэнгири яця аскома” ³⁰ Нэ кажно мануш явэла тэ мэрэл пал пэскиро чорипэн; кажно мануш, савó хала шутло винаградо (дракх), дрэ лэскирэ дандá явэла оскома.”

Нэвó Завето

³¹ “И явэна дывэсá”, – ракирэла Рай Дэвэл, – ‘кэли Мэ счхуава Нэвó Завето Израилёскирэ кхэрэса и Юдэякирэ кхэрэса – ³² нэ на кадасавó-паць завето, савó Мэ счхудём дадэнца дро дывэс, кэли Мэ лыём лэн палó васт тэ лыджав лэн Египтóскирэ пхувьятыр, – кодовá завето ёнэ пхагирдэ, на дыкхí пэ дова, со Мэ сомас Хулай ваш лэнгэ’, – ракирэла Рай Дэвэл. ³³ ‘Акэ, исын Завето, савó Мэ счхуава Израилёскирэ кхэрэса и Юдэякирэ кхэрэса. Палэ долэ дывэсá’, – ракирэла Рай Дэвэл”, – ‘Мэ чхуава Мирó Закóно андрэ лэндэ и Мэ чхинава дава дро лэнгирэ илэ, и Мэ явава лэнгиро Дэвэл, и ёнэ явэна Мирэ манушá. ³⁴ И ёнэ бутыр на явэна тэ сыклякирэн, кажно мануш лэскирэ суседос (котарис), и кажно мануш лэскирэ пшалэс, ракири: ‘Джинэн Рас-Дэвлэс’, – пал-довá со ёнэ джинэна Ман: най тыкнэстыр кэ най барó’, – ракирэла Рай Дэвэл. ‘Пал-довá со Мэ отмэкава лэнгиро чорипэн, и Мэ бутыр на явава тэ рипирав лэнгиро грэхó.’” ³⁵ Акэ, со ракирэла Рай Дэвэл, Савó дэла кхам дывэсэ, и Кон дэла упхэныбэн ваш чхон и ваш чэргэня тэ дэн дуд (свэто) раты; Савó кунякирэла мórё (дэрьяв), со валны лэскирэ брилинэна (ревинэна) – лэскиро лав исын болыбнаскирэ-янголэнгиро Рай Дэвэл: ³⁶ ‘Кóли далэ упхэныбэна джана криг Мирэ якхэндэр’, – ракирэла Рай Дэвэл – тэды рóдо Израилёскиро пириячэла тэ явэл Мирэ манушэнца пэ сарэ вéки. ³⁷ Адякэ ракирэла Рай Дэвэл: “Кóли сашты тэ меринэс болыбэн упрал, и тэ пириродэс пхувьякиро фундаменто тэлал, Мэ адякэ-патья отчхурдава Пэстыр сарó кхэритко рóдо Израилёскиро пал дова сарó, со ёнэ кэрдэ, – ракирэла Рай Дэвэл: ³⁸ “Акэ, явэна дывэсá,” – ракирэла Рай Дэвэл, – со фóро явэла чхудо ваш Рáскэ-Дэвлэскэ Анамеилоскирэ (Хананилоскирэ) вучардятыр (башнятыр) кэ Вангарытко пóрта [Вэнглытко-ю.о.]. ³⁹ И шэло тэ меринэл протырделапэ нэвэстыр мамуй кэ Гаривоскири бэргица; тэды ёв порисэла кэ Гоафо [обджала Гоафо-р.с.]. ⁴⁰ И сарó доло, кай исын паштэ трупы и пепло, и сарэ фэлды аж кэ сыгно рэкица (лэнорí) Кедрóно, кэ вэнгло дрэ Грэнгири пóрта пэ чачí риг, – сарó явэла свэнта Рáскэ-Дэвлэскэ: фóро ниэкхвар бутыр на явэла рискирдо ци чхурдынó дрэ руйны.”

Шэрó 32

О Еремее́ Кинэла Фэ́лда

¹ Лав, саво́ сыс кэ Еремее́ Ра́стыр-Дэвлэ́стыр пэ дэ́што бэрш Сэдэ́кияскиро-кралы́скиро дрэ́ Юдэ́я, дава́ сыс дэ́шуохтото бэрш, сыр о Навуходоносо́ро лыя́ тэ кралы́нэл. ² Дро долэ́ дывэ́са Вавилонóскиро халадыбэ́н (армия) обчху́дя трусця́л Ерусалимо и о Еремее́, проро́ко, сыс пхандло́ дрэ́ грэ́да (дво́ро) штарибнаскири, со сыс дро кхэ́р кралы́скиро Юдэ́якиро. ³ О Сэдэ́кия, кра́ли Юдэ́якиро, пхандя́ лэс дро штарибэ́н, ракири́: “Сóскэ ту ангилпхэ́нэса и ракирэ́са: ‘Адя́кэ ракирэ́ла Рай Дэвэл: ‘А́кэ, Мэ́ отда́ва дава́ фо́ро дро васт кралы́скиро Вавилонóскиро, и ёв́ лэ́ла лэс’; ⁴ и Сэдэ́кия, кра́ли Юдэ́якиро, на зракхэ́лапэ́ Халде́енгирэ́ вастэ́ндыр, нэ́ ёв́ ады́кэ пэрэ́ла дро васт кралы́скиро Вавилонóскиро, и ёв́ явэ́ла тэ́ ракирэ́л лэ́са муял (муй пэ́ муй), и тэ́ дыкхэ́л лэс якх́ пэ́ якх́; ⁵ тэ́ньчи Навуходоносо́ро лыджала́ Сэдэ́кияс кэ́ Вавило́но, и одо́й ёв́ явэ́ла анги́л дава́, сыр Мэ́ ява́ва кэ́ ёв́, – ракирэ́ла Рай Дэвэл; мэќ тумэ́ рисэ́на и явэ́на тэ́ марэ́нпэ́ Халде́енца, тумэ́нгэ́ на явэ́ла бахт.’ ⁶ И пхэ́ндя́ Еремее́: “Лав Ра́скирэ-Дэвлэ́скиро сыс кэ́ мэ́ дасаво: ⁷ А́кэ, Анамеило́ (Ганамеило́), Тырэ́-какэ́скиро Салумоскиро́ чхаво́, явэ́ла кэ́ ту, пхэ́ни: ‘Кин ма́ндыр фэ́лда, сави́ исын дро Анафофо, пал-дова́ со ту́тэ́ исын выкиныбны́тко право́ тэ́ кинэ́с ла.’” ⁸ Тэ́ньчи Анамеило́, мирэ́-какэ́скиро чхаво́, явдя́ кэ́ мэ́ пэ́ грэ́да (дво́ро) штарибнаскири пир лав Ра́скирэ-Дэвлэ́скиро и пхэ́ндя́ ма́нгэ́: “Мэ́ мангав́ тут тэ́ кинэ́с фэ́лда, сави́ исын дро Анафофо, саво́ исын пэ́ Веньяминоскири́ пхув; пал-дова́ со выкиныбны́тко право́ исын ту́тэ́, и выкиныбэ́н тыро́; кин фэ́лда пэ́скэ́.” Тэ́ньчи мэ́ галы́ём, со дава́ сыс лав Ра́скирэ-Дэвлэ́скиро. ⁹ Ады́кэ мэ́ киндём́ фэ́лда Анамеилосты́р, мирэ́-какэ́скирэ́ чхавэ́стыр, саво́ сыс дро Анафофо, и мэ́ отважы́ндём́ лэ́скэ́ ловэ́ – эфтадэ́ша́ (шэ́кэли) руп. ¹⁰ И мэ́ подчхиндём́ киныбны́тко лы́л и чху́дём́ чэ́ргэ́н (шта́мпо) пэ́ лэ́стэ́, лы́ём якхитконэ́н (свидетелéн) и Мэ́ отважы́ндём́ ловэ́ пэ́ ублады́тка (весы́). ¹¹ И мэ́ лы́ём киныбны́тко лы́л дуенца́ папирьенца́, пэрво́ лы́л, кай сыс чэ́ргэ́н чху́ды́ пир зако́но и пир стату́то, и яви́р лы́л би чэ́ргэ́някиро (би штэ́мпоскиро), ¹² и мэ́ ды́ём яви́р копия́ пэ́ киныбны́тко лы́л Варухоскэ́, Нирияскирэ́ чхавэ́скэ́, чхавэ́скэ́ Маасияскирэ́скэ́ анги́л Анамеилоскирэ́ якха́, мирэ́-какэ́скирэ́ чхавэ́скирэ́ и пэ́ якха́ якхиткэ́нгирэ́, савэ́ подчхиндлэ́пэ́ пэ́ киныбны́тко лы́л анги́л сарэ́́ Юдэ́ндэ́, кон сыс бэ́штэ́ пэ́ грэ́да (дво́ро), кай стрэ́га сыс. ¹³ Тэ́ньчи мэ́ припхэ́ндём́ шы́лалэ́с Варухоскэ́ анги́л лэ́ндэ́, пхэ́ни: ¹⁴ “Ады́кэ ракирэ́ла болыбна́скирэ́-янголэ́нгиро Рай Дэвэл, Израилё́скиро Дэвэл: ‘Далэ́ лы́ла ваш киныбэ́н, дуй папирья́: лэ́ екх́, пэ́ сави́ исын киныбны́тко лы́л чэ́ргэ́няса, и яви́р, пэ́ сави́ нанэ́ чэ́ргэ́н, и чхув́ лэ́н дро кхорó́ глэ́ятыр (глинаты́р), соб (кай) ё́нэ́ тэ́ пасэ́н одо́й бут дывэ́са.’ ¹⁵ ‘Ады́кэ ракирэ́ла болыбна́скирэ́-янголэ́нгиро Рай Дэвэл, Израилё́скиро Дэвэл: “Кхэ́ра́, фэ́лды и винагра́дники́ явэ́на тэ́ кинэ́нпэ́ нэ́вэ́стыр (нэ́вэ́с) пэ́ да́я пхув.”

Еремее́скири Па́тери (Моли́тва)

¹⁶ И пало́ дова́ (коригэ́ды́р) мэ́ ды́ём киныбны́тко лы́л Варухоскэ́ (Барухоскэ́), Нирияскирэ́ чхавэ́скэ́, и мэ́ мангдём́пэ́ Ра́скэ́-Дэвлэ́скэ́, ракири́: ¹⁷ “О Раё́ Дэ́вла, Раё́ Дэ́влалэ́! А́кэ, Ту созды́ян болыбэ́н и пхув Пэ́скирэ́ барэ́ зорья́са и Пэ́скирэ́ выты́рдынэ́ психэ́са, ваш Ту́кэ́ нисо́ нанэ́ пхаро́! ¹⁸ Ту сы́кавэ́са тангипэ́н (ла́ска) бут э́ тысе́нцэ́нгэ́ манушэ́нгэ́, и Ту отдэ́са палэ́́ Пэ́скирэ́ сэндоса́ чхавэ́нгэ́ пал́ чорипэ́н лэ́нгирэ́-дадэ́нгиро пал́ лэ́ндэ́. Дэ́вла! Ту сан баро́ и зоралы́пнаскиро, Раё́ Дэ́вла, болыбна́скирэ́-янголэ́нгиро, – а́кэ, исын Тыро́ лав! ¹⁹ Ту сан барэ́-годя́киро тэ́ дэс́ годы́ и зор тэ́ кэ́рэ́с рэ́нды. Тырэ́́ якха́ откэ́рдэ́ пэ́ сарэ́́ дро́ма́, савэ́нца́ чхавэ́ манушэ́нгирэ́ псирэ́на, соб (кай) тэ́ дэ́н ка́жнэ́нэ́скэ́ (свако́нэ́скэ́) пир лэ́скиро дро́м, и пир барья́кирдэ́ (плóды) лэ́скирэ́ кэ́рибна́стыр/ рэ́ндэ́ндыр. ²⁰ Ту кэ́рдя́н гэ́рты́ка и дывы́ пэ́ пхув Египто́скири, и кэ́рэ́са кэ́ адады́вэ́с и дро́ Израилё́́ и машки́р яви́рэ́ манушэ́ндэ́, и Ту кэ́рдя́н Пэ́скэ́ лав, саво́́ ёв́́ исын адады́вэ́с. ²¹ И Ту вы́лыджия́н манушэ́н Израилё́́скирэ́н Египто́скирэ́́ пхувья́тыр пир знаме́нии (ге́рты́ка) и дывы́ Пэ́скирэ́ зоралэ́́ вастэ́са́ и Пэ́скирэ́́ выди́ндзы́кирдэ́́ психэ́са́ и барэ́́ тра́шаибна́са (да́ра́са). ²² Ту ды́ян пхув́ лэ́нгэ́, пал́ сави́́ Ту́

дыян совлах лэнгирэ дадэнгэ тэ дэс ла-пхув, пир сави тхадэла тхуд и авгін. ²³ И ёнэ загинэ и ухтылдэ дая пхув, нэ ёнэ на кандынэ Тыри зан, и ёнэ на кэрдэ пир Тыро Законо. Ёнэ сарэса на кэрдэ нисо далэстыр, со Ту припхэндян лэнгэ тэ кэрэн. Палдава Ту и кэрдян адякэ, соб (кай) сари дая бибахт тэ явэл пэ лэндэ. ²⁴ ‘Акэ, исын вучэ валы пхувьятыр, со вэрги дочхудэ! Ёнэ догинэ кэ форо тэ лэн лэс, и форо отдэлапэ дрэ васта Халдеэнгирэ, савэ марэнапэ тэ лэн форо курталаса, бокхаса и мэрибнытконэ франсэнца: со Ту пхэндян, Дэвла, дава выпхэрдякирэлапэ (сполнинэлапэ), и, акэ, Ту дыкхэса дава. ²⁵ И на дыкхи пэ дава, со форо отдэлапэ дрэ васта Халдеэнгирэ, Ту, Раё Дэвла, Дэвлалэ, пхэндян мангэ: “Кин пэскэ фэлда пал ловэ и лэ якхитконэн и кхар якхитконэн, пал-дова со дава форо отдэлапэ дрэ васта Халдеэнгирэ.”

Рай Дэвэл Отпхэнэла

²⁶ И явдя кэ мэ, Еремеескэ, лав Растыр-Дэвлэстыр, ракири: ²⁷ “Акэ, Мэ сом Рай Дэвэл, Дэвэл кажнонэ лочакэ (плотякэ): ци исын вари-со пхаро, со нашты тэ кэрав Мангэ?” ²⁸ Палдава, акэ, со, – ракирэла Рай Дэвэл: “Акэ, Мэ дава дава форо дро васт Халдеэнгиро дро васт Навуходоносорокиро, кралискэ, Вавилоноскирэскэ, и ёв лэла дава форо. ²⁹ И Халдеи, савэ марэнпэ проти дава форо, явэна и захачкирэна дава форо и схачкирэна лэс, и кхэра, пэ савэнгирэ стрэхи Юды тхувалякирдэ дрогонэ смолэнца Ваалоскэ и кай ёнэ вычхувэнас тхадунэ свэнта дыибэна явирэ дэвлорэнгэ, соб (кай) тэ дэн яг Мирэ холякэ пэ лэндэ. ³⁰ Э чхавэ Израилёскирэ и э чхавэ Юдэякирэ кэрдэ екх чорипэн ангил Мандэ тыкнал/ стэрнал (смолоду); чачо, чхавэ Израилёскирэ, фэни дэнас яг Мирэ холякэ пал бутя, со кэрдэ лэнгирэ васта’, – ракирэла Рай Дэвэл. ³¹ ‘Долэ дывэсэстыр, кэли дава форо сыс чхудо кэ ададивэс, ёв дэлас яг Мирэ холякэ и Мирэ холякирибнаскэ, со Мэ дурьякирдём далэ-фороскирэ манушэн Пэстыр, ³² пал саро чорипэн, со кэрдэ чхавэ Израилёстыр, и чхавэ Юдэятыр, со ёнэ дынэ яг Мирэ холякэ пэ лэндэ: ёнэ, лэнгирэ краля, лэнгирэ тхагарья, лэнгирэ рашая и лэнгирэ пророки, мурша Юдэякирэ и джиибнаскирэ (жители) Ерусалимоскирэ. ³³ И ёнэ рисинэ кэ Мэ думэса, а на моса; мэк Мэ и сыклякирдём лэн тасярлунэ (раннёнэ нэ) злокостыр (ранкостыр) сыклякиравас Мэ лэн, нэ ёнэ на шундлэ (на камлэ) тэ прилэн упхэныбэн. ³⁴ И ёнэ аж чхудо пэскирэ джунгалэ (брыдка) йдолы дро Миро кхэр, савэскэ лав Миро сыс дыно, соб (кай) тэ магирэн лэс. ³⁵ И ёнэ чхудо вучэ штэты Ваалоскэ пэ доло Еномоскирэ [Гиномоскирэ-ю.о.] чхавэнгиро, соб (кай) тэ лыджан пирдал яг лэнгирэ чхавэн и чхаён тэ дэн патыв Молохоскэ: со Мэ припхэндём тэ на кэрэн лэнгэ, со на явдя Мангэ пэ годы, соб (кай) ёнэ тэ кэрэн далэ джунгалэ рэнды, соб (кай) мануша Юдэякирэ тэ кэрэн грэхо.”

Рай Дэвэл Дэла Надэя

³⁶ Аканá палдава адякэ ракирэла Рай Дэвэл, Израилёскиро Дэвэл, – “Пал дава форо, со тумэ ракирэна: ‘Ёв явэла отдынó дро васт кралискэ Вавилоноскирэскэ курталаса, и бокхаса и мэрибнытконэ франсэнца,’ – ³⁷ Акэ, Мэ явава тэ кэдав лэн сарэ тхэмэндэр (странэндэр), кэ савэ Мэ традыём лэн дрэ Мири холы, и дро Миро холякирибэн, и дро Мири хор холы, и Мэ янава палэ лэн пэ дава штэто, и Мэ дава лэнгэ тэ дживэн би даракиро. ³⁸ И ёнэ явэна Мирэ мануша, и Мэ явава лэнгиро Дэвэл. ³⁹ И Мэ дава лэнгэ екх ило, и екх дром, соб (кай) ёнэ тэ дарэн Мандыр сарэ дывэса: ваш лачхипэн пэскэ, и ваш лачхипэн лэнгирэ биятэнгэ, савэ явэна пал лэндэ тэ дживэн. ⁴⁰ И Мэ счхувава вечно Завето лэнца, со Мэ на отрисёвава лэндыр, соб (кай) тэ кэрав лачхипэн лэнгэ, и Мэ чхувава Мири траш дрэ лэнгирэ илэ, соб (кай) ёнэ тэ на дурьен [отджан-р.с.] Мандыр. ⁴¹ И Мэ явава зоралэс тэ радынавпэ пал лэндэ тэ кэрав лачхипэн лэнгэ, и Мэ почхувава лэн пэ дая пхув сарэ Мирэ илэстыр и сарэ Мирэ дестыр. ⁴² Акэ, – со ракирэла Рай Дэвэл: “Адякэ, сыр Мэ яндём пэ манушэндэ сари дая бари бйда, адякэ-паць Мэ янава саро лачхипэн ваш лэнгэ, пал саво Мэ дыём лав лэнгэ. ⁴³ И явэна тэ кинэнпэ фэлды пэ дая пхув, пал сави тумэ ракирэна: ‘Ёй исын чхучи, би манушэнгиро,

би мурдалэнгиро', ёй исын отдыны дрэ васта Халдеенгирэ." ⁴⁴ Э мануша явэна тэ кинэн фэлды пал ловэ (руп), и тэ подчхинэн лыла (брифы), и тэ чхувэн чэргэн пэ лэндэ, и тэ лэн якхитконэн пэ пхув Веньяминосикири, и пэ штэты, и со исын пашыл Ерусалимо, и дрэ фэрья Юдэякирэ, и дрэ фэрья пэ бэрги, и дрэ фэрья пэ тэлатунэ штэты, и дрэ фэрья паш-дывэсытка (южна), пал-довá со Мэ рискирава лэн пленэстыр", – ракирэла Рай Дэвэл.

Шэрó 33

Рай Дэвэл Нэвэстыр Дэла Джибэн Юдытконэ Нацыякэ

¹ И сыс лав кэ Еремее Рáстыр-Дэвлэстыр явир мóло, кéли ёв сыс бэштó пэ грéда (двóро) штарибнаскири, ракири: ² “Адякэ ракирэла Рай Дэвэл, Савó создýя сарó давá; Рай Дэвэл, Савó создýя пхув, соб (кай) ёй тэ тэрдéл, Рай Дэвэл, исын Лэскиро лав: ³ ‘Кхар Ман Мирé лавэса, и Мэ отпхэнава тýкэ, и Мэ сыкава́ва тýкэ барé и гарадэ рэндé (дéлы), и савé ту на джинэса!’ ⁴ Пал-довá со, акэ, со ракирэла Рай Дэвэл, Израилёскиро Дэвэл, пал кхэра́ дро Ерусалимо и пал кральенгирэ кхэра́, со исын дрэ Юдэя, савэ пхагирэна пир довá, соб (кай) тэ явэн марибнýtка валы лэндýр и куртáла ваш марибэн: ⁵ кадалé Юды Ерусалимэстыр явнэ тэ марэнпэ Халдее́нца, соб (кай) тэ пхэрдýкирэн кхэра́ трупэнца манушэндýр, конэс Мэ мулякирава дрэ Мирí холы́, и дро Мирó холякирибэн пал сарí лэнгири бибáхт, пал со Мэ отрисие́м далé фóрэстыр. ⁶ Акэ, Мэ причхувава састýкирибнýtко шмата (пластырё) и Мэ выдрабакирава лэн, и Мэ састýкирава лэн, и Мэ сыкава́ва лэнгэ бут мóлы рамáнэ и патýибэн. ⁷ И Мэ кэра́ва адýкэ, со рисэна палэ эмануша дро плéно Юдэятыр и Израилёэстыр, и Мэ пирикэрава долé штэты, сыр ёнэ сыс гарэдыр (гарá). ⁸ И Мэ выжужакирава лэн сарé лэнгирэ чорипна́стыр, савэса ёнэ кэрдé грéхи проти Мándэ, и Мэ отмэка́ва сарó чорипэн лэнгиро, савэса ёнэ кэрдé грéхи проти Мándэ, и савэнца ёнэ пхагирдэ [парудэ-р.с.] Мирó Закóно. ⁹ Тэньци лав ‘Ерусалимо’ явэла тэ радынэл манушэн, ёнэ явэна тэ шарэн лэс, и тэ дэн патýив ангíл сарé Наюдытконэ нацыендэ пир пхув, савэ явэна тэ шунэн пал сарó лачхипэн, со Мэ кэрдём лэнгэ: и ёнэ явэна тэ дарэн, и тэ издран сарé лачхипна́стыр и сарé миштыпна́стыр, со Мэ кэра́ва далé фóроскэ.” ¹⁰ Адýкэ ракирэла Рай Дэвэл: “Ададывэс нэвэстыр явэла тэ шунэлпэ пэ давá штéто, пал савó тумэ ракирэна: ‘Давá штéто исын чхучó, ни манушá, ни кхэрýтка мурдалá’ – дрэ Юдэякирэ фóрья, пэ Ерусалимэскирэ пэ вулýцы (гáсы) исын чхучó, ни манушá, ни савó джибна́скиро, ни кхэрýтко мурдál, ¹¹ явэла нэвэстыр зан радýмáса, явэла весéло (багаибнýtко) зан, явэла зан тэрнэскири и зан тэрнякири, зан одолé манушэнгири, савэ пхэнэна: ‘Парикирэн болýбна́скирэ-янголэнгиро Рáскэ-Дэвлэскэ, пал-довá со Рай Дэвэл исын лачхó, пал-довá со Лэскири лáска (тангипэн) ячэлапэ пэ сарé вéки’, – и зан кодолэнгири, савэ янэна свэнта дыибэна́ парикирибна́са кэ Рáскирэ-Дэвлэскири Кхангири́. Пал-довá со Мэ рискирава [давá-р.с.] лачхипэн пленонэнгэ далé пхувýятыр, сыр сыс англэдýр,” – ракирэла Рай Дэвэл. ¹² Акэ, со ракирэла Рай Дэвэл, болýбна́скирэ-янголэнгиро: “Пэ давá штéто, савó исын чхучó, и пэ савó нанэ ни манушá, ни кхэрýтка мурдалá, – дрэ сарé далé – штэтоскирэ фóрья, явэла нэвэстыр (нэвэс) джибнýtко штéто чхупнарьэнгэ (пастýрэнгэ), пир савэ ёнэ явэна тэ раххэн пэскирэ гурты. ¹³ Дрэ фóрья бэргитка, дрэ фóрья пэ дóло, и дрэ фóрья паш-дывэсытка (южна), пэ пхув Веньяминосикири, и пэ штэты трусцýл Ерусалимо, и дрэ фóрья Юдэякирэ, гурты явэна тэ джáн пэскэ нэвэстыр тэл манушэскиро васт, савó гинэла лэн, – ракирэла Рай Дэвэл. ¹⁴ ‘Акэ, явэна дывэсá,’ – ракирэла Рай Дэвэл, – “со Мэ сарó кэра́ва пир лачхó лав, савó Мэ пхэндём пал кхэр Израилёскиро, пал кхэр Юдáскиро: ¹⁵ ‘дрэ долé дывэсá и дро довá часо Мэ кэра́ва адýкэ, со чачипна́скири Рандь [Отбарипэн-р.с.] выбарьёла Давидóскэ, и Ёв явэла тэ сэндýкирэл и тэ кэрэл пир чачипэн пэ пхув. ¹⁶ Дрэ долé дывэсá Юда зраххэлапэ, и Ерусалимо явэла тэ дживэл би дарáкиро. Акэ, исын лав, савэса ёв явэла тэ кхарэлпэ: ‘Рай Дэвэл – амарó чачипэн. ¹⁷ Пал-довá со, акэ, со ракирэла Рай Дэвэл: “Э Давидóстэ ўсáды / сак (всегда) явэла мануш тэ бэшэл пэ трóно Давидóскирэ кхэрэстыр, ¹⁸ и явэна рашáя Левитэнгирэ родэстыр; явэла

тэ ухтылэл манушэн тэ хачкирэн свэнто яныбэн ангил Мандэ, тэ росхачкирэн марэскирэ яныбэнá, и тэ янэн лэн кажно дывэс.”

Дэвлэскиро Завэто пэ Сарэ Вэки

¹⁹ Дава лав сыс Растыр-Дэвлэстыр кэ Еремее, и пхэндя: ²⁰ “Адякэ ракирэла Рай Дэвэл: ‘Кóли тумэ дэна рада тэ пхагирэн Миро завэто пал дывэс, и Миро завэто пал рат адякэ, соб (кай) тэ на явэл дывэс и рат дро пэскиро часо, ²¹ то тэды могоинэла (сашты) адякэ-паць тэ явэл пхагирдо Миро завэто Давидоса, Мирэ писхариса, кóли тэ на явэл чхаво лэстэ тэ кралинэл пэ лэскиро трóно, и адякэ-паць Левитэнца, рашанца, Мирэ помогипнаскирэнца. ²² Сыр наштý тэ гинэс сарэ чэргэнý пэ болыбэн, ци прахинки морэскирэ (дэрьявэскирэ), адякэ Мэ барьякирава рóдо Давидóскиро, Мирэ чхавэскиро, и рóдо Левитэнги́ро, савэ помогинэна Мánгэ.” ²³ И ишчо (инкэ) сыс лав Растыр-Дэвлэстыр кэ Еремее, и пхэндя: ²⁴ ‘Адякэ ракирэла Рай Дэвэл: ‘Ци галыян ту дова, со адалэ манушá ракирэна: ‘Ци далэ дуй кхэритка рóды (плéми): Юдáскиро и Израилéскиро дурьякирдя Рай Дэвэл Пэстыр, савэ Ёв выкэды́я Пэскэ?’ Палдава ёнэ лынэ тэ дыкхэн вучипнастыр пэ Мирэ манушэндэ сы́рбы ёнэ аканá на гинэна лэн бутýр сыр нацыя.’ ²⁵ ‘Адякэ ракирэла Рай Дэвэл: ‘Кóли Мэ на кэрдём бы завэто пал пхув и пхэныбэн, и, кóли тэ на явэл Миро завэто пал дывэс и рат, ²⁶ то тэды Мэ дурьякирава бы криг Пэстыр кхэритко рóдо (плéмё) Яковóскиро и кхэритко рóдо Давидóскиро, Мирэ писхарискиро адякэ, соб (кай) тэ на лав бутýр лэскирэ кхэритконэ родóстыр тхэмэскирэ барыдырэн пэ рóдо Авраамóскиро, Исакóскиро и Яковóскиро. Пал-дова со Мэ яна́ва палэ лэн пленóстыр и Мэ сыкава́ва тангипэн (ласка) пэ лэндэ.”’

Шэрó 34

Дэвэл Прираххэла Сэдэкияс

¹ Акэ, лав, со сыс кэ Еремее Растыр-Дэвлэстыр, кéли о Навуходоносóро, крáли Вавилонóскиро, и сарó халадыбэн лэскиро, и сарэ кралипэнá пэ пхув тэл лэскири зор, и сарэ манушá, мардэпэ проти Ерусалимо, и проти сарэ лэскирэ фóрья, и пхэндя: ² ‘Адякэ ракирэла Рай Дэвэл, Дэвэл Израилéскиро: “Джá и ráкир Сэдэкияса, кралýса пэ Юдэя и пхэн лэскэ: ‘Адякэ ракирэла Рай Дэвэл: Акэ, Мэ отда́ва дава́ фóро дро вастá кралýскэ Вавилонóстыр, и ёв хачкирэла лэс ягáса. ³ И ту на зракхэсапэ лэскирэ вастэ́стыр, нэ тут маму́й лéна и пиридэна дро васт лэскиро; и тырэ якхá дыкхэна якхá кралýскирэ Вавилонóстыр, ёв явэла тэ ракирэл тýса муял (муй пэ муй) и ту джáса кэ Вавилóно.’ ⁴ Фэни шун лав Рáскиро-Дэвлэскиро, о Сэдэки́я, крáли Юдэя́киро! Акэ, со ракирэла Рай Дэвэл пал тýtэ: ‘Ту на мэрэса курталáтыр, ⁵ нэ ту мэрэса дро рамáнэ (спокойныма) гараибнаскирэ ягáса, адякэ сыр кэрдэ и Тырэ дадэ́нгэ, англатунэ (пэрвонэ) кральэ́нгэ, савэ сыс ангил тýtэ, адякэ со явэна тэ тхувлякирэн (тэ хачкирэн) дрогонэ смолэнца ваш тýкэ, и явэна тэ обровэн тут, пригины (приракири): ‘Акэ, кхени́нге!’ Пал-дова со Мэ выпхэндём дава́ лав.”’ ⁶ И прорóко Еремее пхэндя сарэ далэ лава́ Сэдэкияскэ, кралýскэ Юдэя́кирэскэ, дро Ерусалимо, ⁷ кéли кралýскирэ-Вавилонóскиро халадыбэн марэласпэ проти Ерусалимо, и проти сарэ фóрья дрэ Юдэя, со ячнэ́пэ: проти Лахисо и Азэка; пал-дова со фэни далэ фóрья зоралэ вантэнца ячнэ́пэ Юдэя́кирэ фoрьéндыр.

Сэдэякиро Припхэныбэн пал Писхарьэндэ

⁸ Га́да, исын лав, савó сыс кэ Еремее Растыр-Дэвлэстыр палó дова́, сыр о крáли Сэдэки́я счхудя завэто манушэнца, кон сыс дро Ерусалимо, соб (кай) тэ обзаныкирэл (тэ об’явинэл) вольныма лэ́нгэ: ⁹ соб (кай) кажно (сва́ко) ману́ш тэ отмэкэл пэ во́ля пэскирэ му́ршканэ и джувликанэ писхарýс – Юдос, ци Юды́ца, соб (кай) ниéкх лэ́ндыр тэ на рикирэл Юдэ́с (Юдос) пшалэ́с дрэ наво́ля. ¹⁰ И сарэ тхага́рья и сарэ манушá, савэ прилы́нэ завэто, канды́нэ,

соб (кай) кажно (свако) тэ отмэкэл пэ воля пэскирэ писхарис и пэскирэ писхарица, соб (кай) тэ на рикирэл ниэкх бутыр лэн дрэ наволя, ёнэ кандынэ и мэкнэ лэн пэ воля. ¹¹ Нэ куты (набут) палó (после) дова ёнэ дынэпэ палэ заветостыр и рискирдэ пэскирэ писхарьён и писхарицэн, конэс ёнэ мэкнэ пэ воля, яндлэ лэн палэ сыр писхарьён и писхарицэн. ¹² Палдава сыс лав Растыр-Дэвлэстыр кэ Еремее, и пхэндя: ¹³ “Адякэ ракирэла Рай Дэвэл, Израилёскиро Дэвэл: “Мэ счхудём завето тумарэ дадэнца дро дывэс, кэли Мэ яндём (вылыджиём) лэн Египтоскирэ пхувьятыр, штэтостыр, кай ёнэ сыс дрэ наволя, и пхэни: ¹⁴ ‘Палэ кажна эфта бэрш мэкэн пэ воля кажнэ (сваконэ) пэскирэ Юдос пшалэс, саво бикиндя пэс тукэ. Кэли ёв откэрэла буты пэ тутэ шов бэрш, бичхавэн лэс пэстыр пэ воля”” Нэ тумарэ дада на кандынэ Ман, и ёнэ на причхудэ пэскиро кан. ¹⁵ Тэньци явдя дывэс нагара и тумэ рисинэ кэ Мэ, и кэрдэ чачунэс ангил Мирэ якхэ – кажно (свако) мануш тумэндыр тэ пхэнэл ангил сарэндэ пал вольныма пэскирэ пашатунэскэ (суседоскэ/котарискэ) и тумэ счхудэ завето ангил Мандэ дро Миро Кхэр, саво кхарэлапэ Мирэ Лавэса. ¹⁶ Палó (после) дова тумэ рисинэ пэ явир риг, и тумэ магирдэ Миро лав, и кажно (свако) тумэндыр рискирдя палэ пэскирэ писхарис и пэскирья писхарица, конэс тумэ мэкнэ пэ воля пир лэнгиро ило, и тумэ яндлэ лэн палэ дрэ наволя сыр писхарьён, и сыр писхарицэн.” ¹⁷ “Палдава адякэ ракирэла Рай Дэвэл: ‘Тумэ на кандынэ Ман, соб (кай) тумэ тэ мэкэн пэ воля, кажно (свако) тумэндыр пэскирэ пшалэс, кажно тумэндыр пэскирэ пашатунэс / суседос (котарис): Акэ, Мэ дава вольныма тумэнгэ – тэ мэрэн, ци курталатыр, ци мэрибнытконэ франсэндэр, ци бокхатыр! И Мэ кэрава адякэ, соб (кай) тэ холясон пэ тумэндэ (тумэндыр тэ чуринэнпэ) сарэ кралипэна пэ пхув. ¹⁸ И Мэ отдава (выдава) манушэн, савэ пиригинэ Миро завето, савэ на кэрдэ саро пир лавэ Мирэ-заветоскирэ, со ёнэ счхудэ ангил Мандэ, кэли ёнэ росчхиндлэ целянтос пир паш и прогинэ машкир паша целянтоскирэ – ¹⁹ тхагарьён Юдэятыр, тхагарьён Ерусалимосытыр, евнухэн, рашан, и сарэ манушэн долэ пхувьятыр, савэ прогинэ машкир паша целянтоскирэ, ²⁰ Мэ отдава (выдава) лэн дро васта лэнгирэ-вэргэнгирэ и дро васта одолэнгэ, савэ родэнас лэнгиро ди. Лэнгирэ трэпы явэна сыр хабэн (мас) чирикленгэ болыбнаскирэнгэ и rischiрибнаскирэ мурдалэнгэ пэ пхув. ²¹ И Мэ дава Сэдэкияс, краліс Юдэякирэс, и лэскирэ тхагарьён дро васта лэнгирэ вэргэнгирэ, дро васта одолэнгэ, савэ родэна лэнгиро ди, и дро васта краліскирэ-Вавилоноскирэ халадыбнаскэ, со рисинэ палэ тумэндыр. ²² Акэ, Мэ припхэнава, – ракирэла Рай Дэвэл, – ‘и Мэ кэрава адякэ, со ёнэ рисэна кэ дава форо. Ёнэ джана марибнаса пэ дава форо и схачкирэна лэс ягаса; и Мэ кэрава форя дрэ Юдэя чхучэ, би манушэнгиро””

Шэрó 35

Э Рэхавиты Исын Кандунэ

¹ Лав, саво сыс кэ Еремее Растыр-Дэвлэстыр дрэ Иоакимоскирэ дывэса, чхавэскирэ Иосияскирэ (Ёсияскирэ), кон сыс крالی пир Юдэя, ракиры: ² “Джа дро кхэр Рэхавитэнгиро и пхэн лэнгэ, и ян лэн дро Кхэр Раскирэ-Дэвлэскиро, дрэ екх комора, и дэ лэнгэ мол (вино) тэ пьен.” ³ Тэньци лыём мэ Иазанияс (Язанияс), явирэ чхавэс Еремеескирэс, саво сыс Авацынияскиро (Хабацынияскиро) чхаво, и лэскирэ пшалэн и сарэн лэскирэ чхавэн, и саро кхэр (чэкарь) Рэхавитэнгиро, ⁴ и яндём мэ лэн дро Кхэр Раскирэ-Дэвлэскиро, дрэ коморы Ананоскирэ чхавэнгирэ, кон сыс Годолияскиро чхаво, саво сыс мануш Дэвлэстыр. Далэ коморы сыс пашыл коморы тхагарьэнгирэ, упрал Маасеяскири комора (кон сыс Селумоскиро чхаво), саво сыс рахибнаскиро пашыл вудар. ⁵ Тэньци мэ чхудём ангил чхавэндэ Рэхавитэнгирэндэ кучыка пхэрдэ моляса (виноса), и мусэра (стаканы), и пхэндём мэ лэнгэ: “Пьён мол (вино).” ⁶ Нэ ёнэ отпхэндлэ: “Амэ на ласа тэ пьяс мол, пал-дова со амаро дад Ионадаво (чхаво Рэхавоскиро) припхэндя амэнгэ, ракиры: ‘Тумэ на явэна тэ пьён мол, ни тумэ, ни тумарэ чхавэ, ниэкхвар дро джиибэн. ⁷ И тумэ на чхувэн кхэра, и на почхувэн гив дрэ пхув, на розлыджан винаградьтко бар, и тэ на явэл тумэндэ нисо далэстыр, нэ тумэ явэна тэ дживэн сарэ пэскирэ дывэса дрэ шатры, соб (кай) тумэнгэ тэ

дживэн бут дывэса пэ пхув, пэ сави тумэ явэна тэ лодэн.”⁸ Адыкэ амэ кандыям зан Ионадавоскири (чхавэскири Рэхавоскири), амарэ-дадэскири дро саро, со ёв припхэндя шылалэс (стрэнгэс) амэнгэ: тэ на пьяс мол дрэ амарэ сарэ дывэса: – амэ, амарэ ромня, амарэ чхавэ ци амарэ чхая,⁹ и тэ на чхувас кхэра тэ дживас, ци, соб (кай) тэ на явэн амэнгэ винаградьтка барья, ци фэлды, ци гив тэ почхувас.¹⁰ Нэ амэ яцямпэ тэ дживас дрэ шатры, амэ кандыям и кэраса саро адыкэ, сыр о Ионадаво (амаро дад) припхэндя амэнгэ тэ кэрас.¹¹ И сыр сыс адыкэ со о Навуходоносоро, крáli Вавилоноскиро, явдя пэ даё пхув, тэды амэ пхэндям: “Явэн, джаса кэ Ерусалимо, даранэ Халдеэнгирэ халадыбнастыр, даранэ Сирийцэнгирэ халадыбнастыр”, и амэ дживаса кэ Ерусалимо.”¹² Тэньци сыс лав кэ Еремее Растыр-Дэвлэстыр, ракири:¹³ ‘Адыкэ ракирэла болыбнаскирэ-янголэнгиро Рай Дэвэл, Дэвэл Израилёскиро: “Джа и пхэн манушэнгэ Юдэятыр и одолэнгэ, кон дживэла кэ Ерусалимо: ‘Ци на прилёна тумэ упхэныбэн тэ шунэн Мирэ лава?’”, – ракирэла Рай Дэвэл.¹⁴ Лавá Ионадавоскирэ (чхавэскирэ Рэхавоскирэ), со ёв припхэндя пэскирэ чхавэнгэ – тэ на пьен мол (вино) выпхэрдякирэнапэ (сполнинэнапэ), и кэ ададывэс ёнэ на пьэна, и ёнэ кандэна припхэныбэна лэнгирэ дадэнгирэ. Нэ сароекх (усаёкх) со Мэ и ракирдём тумэнгэ тасярлэс (рэнэс) злокостыр (ранкостыр), нэ тумэ на кандынэ Ман.¹⁵ И Мэ бичхававас кэ тумэ сарэ Мирэ дынарьён, пророкэн, Мэ бичхававас тасярлэс (рэнэс) злокостыр лэн, ракири: “Рисён аканá, кажно (свако) екх тумэндэр пэскирэ бибахталэ дромэстыр, лачхакирэн (кэрэн фэдэдыр) пэскирэ рэнды, и на псирэн тэ кэрэн патыв явирэ дэвлорэнгэ, тэды тумэ явэна тэ дживэн пэ пхув, со Мэ дыём тумэнгэ и тумарэ дадэнгэ.” Нэ тумэ на причхудэ пэскиро кан, и на кандынэ Ман.¹⁶ Дыкхэн: чхавэ Ионадавоскирэ (чхавэ Рэхавитоскиро) выпхэрдякирдэ припхэныбэн пэскирэ дадэскиро, со ёв дыя лэнгэ, нэ кадалэ манушá на кандынэ Ман.¹⁷ Палдава адыкэ ракирэла болыбнаскирэ-янголэнгиро Рай Дэвэл, Израилёскиро Дэвэл: “Акэ, Мэ янава пэ Юдэя, и пэ сарэ манушэндэ, кон дживэла кэ Ерусалимо, саро фуипэн, со Мэ кхардём лэн, нэ ёнэ на отпхэндлэ Мánгэ.”¹⁸ И пхэндя Еремее кхэрэскэ (чэкарьакэ) Рехавитоскирэскэ: “Адыкэ ракирэла Рай Дэвэл, болыбнаскирэ-янголэнгиро, Дэвэл Израилёскиро: ‘Пал-дова со тумэ шундлэ припхэныбэн Ионадавоскиро (тумарэ-дадэскиро), и тумэ раххнэ (рикирдэпэ кэ сарэ лэскирэ упхэныбэна) и кэрдэ саро, со ёв припхэндя тумэнгэ,¹⁹ то палдава адыкэ ракирэла болыбнаскирэ-янголэнгиро Рай Дэвэл, Дэвэл Израилёскиро: ‘Ионадавостэ, чхавэстэ Рэхавитоскирэстэ’, дрэ сарэ дывэса явэла мануш тэ тэрдёл ангил Мándэ.”

Шэро 36

Свйтко Гинэна Дрэ Кхангири

¹ И сыс адыкэ дро штáрто бэрш Иоакимоскиро (чхавэ Иосияскиро), кон сыс крáli пэ Юдэя, сыс дасаво лав Еремеескэ Растыр-Дэвлэстыр, пхэни: ² “Лэ свйтко лылварьятыр, и зачхин пэ дава свйтко сарэ лавá, со Мэ пхэндём тукэ пал Израилё, пал Юдастэ и пал Наюдытка náцыи, долэ дывэсэстыр, кэли Мэ лыём тэ ракирав тумэнгэ: Иосияскирэ дывэсэндэр кэ дава дывэс.³ Давá, хай, (могинэла) тэ явэл, со кхэр Юдаскиро явэла тэ шунэл пал сарí бída, со Мэ камамас тэ янав пэ лэндэ, соб (кай) кажно (свако) лэндэр могинэлас тэ рисёл криг лэскирэ бибахталэ дромэстыр, соб (кай) Мэ сашты тэ отмэкав (тэ простинав) лэнгэ лэнгиро чорипэн и лэнгиро грэхo.”⁴ Тэньци Еремее кхардя кэ пэ Варухос (чхавэс Нерияскирэс); и о Варухо чхиндя пэ свйтко лылварьятыр сарэ лавá Рáскирэ-Дэвлэскирэ, савэ сыс чибатыр Еремеескирьятыр, савэ Рай Дэвэл пхэндя Еремеескэ.⁵ И припхэндя Еремее Варухоскэ, и пхэндя: “Мэ сом пхандлю [чхудо дро бэшыбэн-р.с.], мánгэ нашты тэ джав дро Кхэр Рáскирэ-Дэвлэскиро.”⁶ Палдава ту джа и гин зоралэс (дэ упрэ) свиткостыр лавá, со ту зачхиндян мирэ чибатыр (лавэндэр). Дэ упрэ лавá Рáскирэ-Дэвлэскирэ дро дывэс, кэли постинэна, дрэ канá манушэнгэ Юдэятыр, савэ явэна пэскирэ форьэндэр.⁷ Давá сашты тэ явэл, со ёнэ выпхэнэна пэскирэ патерья (молитвы) ангил Растэ-Дэвлэстэ, и со ёнэ рисэна пэскирэ кажнóнэ бибахталэ дромэстыр. Пал-дова со бари холын исын и мижэхипэн (мижэх лавá), савэ Рай

Дэвэл пхэндя пэ далэ манушэндэ.”⁸ И Варухо (чхаво Нерияскиро) кэрдя саро пир дова, со пророко Еремее припхэндя тэ кэрэл лэскэ, сыр ёв дэлас упрэ лылварьятыр лавá Рáскирэ-Дэвлэскирэ дро Кхэр Рáскиро-Дэвлэскиро.⁹ И сыс адякэ, со дро пándжто бэрш Иоакимоскиро (чхаво Иосияскиро), кон сыс крáli пэ Юдэя, дро енято (биекхэскиро дэшто) чхон, со посто исын пхэндлó тэ рикирэн сарэнгэ манушэнгэ Ерусалимóстыр и сарэ манушэнгэ, савэ явнэ форьэндыр дрэ Юдэя кэ Ерусалимо,¹⁰ тэньчи о Варухо гиндя зоралэс (дэлас упрэ) лылварьятыр лавá Еремеескирэ дро Кхэр Рáскирэ-Дэвлэскиро дрэ комора Гемарияскири (унуко Шафаноскиро), савó сыс лыла-чхиныбнаскиро (лылэнги́ро чхиныбна́ри / писцо) пэ упратуны грэда, сыр тэ дж́ан андрэ нэви́ порта дро Кхэр Рáскирэ-Дэвлэскиро, зоралэс сарэ манушэнгэ.

Свítко Гинэна пэ Грэда

¹¹ Кéли о Михеё (Михна), чхаво Гемарияскиро, (унуко Шафаноскиро) шундя сарэ лавá Рáскирэ-Дэвлэскирэ, лылварьятыр, ¹² то ёв гия тэлэ дро кралýскиро кхэр, дрэ комора лыла-чхиныбнаскирэскири ваш кралýскэ; и одóй сыс бэштэ сарэ тхагáрья – Элисамо (Элишама), лыла-чхиныбнаскиро; – Дэлаия, чхаво Сэмаияскиро, – Елнафано, чхаво Ахбороскиро; – Гемария, чхаво Сафаноскиро, – Сэдэки́я, чхаво Ананияскиро, и сарэ яв́ир тхагáрья. ¹³ Тэньци Михеё (Михна) пирипхэндя лэнгэ сарэ лавá, со ёв шундя, кéли Варухо гинэлас зоралэс (дэлас упрэ) лылварьятыр сарэ манушэнгэ. ¹⁴ Палдава сарэ тхагáрья бичхадэ Иегудис (Егудис), чхавэс Нафанияскирэс (ýну́кос Шéлемейскирэс), (праýну́кос Хусияскирэс) кэ Варухо, тэ пхэнэл лэскэ: “Лэ пэскирэ вастэса свítко, со́стыр ту гинэсас зоралэс сарэ манушэнгэ и яв.” И Варухо, чхаво Нерияскиро, лыя свítко дро васт и явд́я кэ ёнэ. ¹⁵ И пхэндлэ ёнэ лэскэ: “Бэш аканá и гин зоралэс амэнгэ.” И гинэлас Варухо зоралэс лэнгэ. ¹⁶ И сыр сыс, со, кéли ёнэ шундлэ сарэ далэ лавá, тэды ёнэ подыкхнэ екх пэ екхэстэ дарáса, и ёнэ пхэндлэ Варухоскэ: “Амэнгэ сыр тэ на пхэнас (тэ на пирипхэнас) кралýскэ сарэ далэ лавá.” ¹⁷ И ёнэ пхучнэпэ Варухостыр, пхэни́: “Пхэн ту аканá амэнгэ, сыр ту зачхиндя́н (записындя́н) сарэ далэ лавá лэскирэ, Еремее́скирэ чибатыр (чиб́ьятыр)?” ¹⁸ И пхэндя́ Варухо лэнгэ: “О Еремее́ пхэндя́ сарэ далэ лавá пэскирэ чибáса, и мэ зачхиндём лэн чэрниласа дрэ лылвары́.” ¹⁹ Тэньци тхагáрья пхэндлэ́ Варухоскэ: “Джа́ и гарадёв, ту и Еремее́; и мэк ни́екх (никон) тэ на джинёл, кай тумэ сан” ²⁰ И гинэ ёнэ кэ крáli пэ грэда барэ фэлатиня́кири (коловоски́ри), нэ ёнэ англэдýр чхудэ свítко дрэ комора Елисамоски́ри, лыла-чхиныбнаскирэски́ри, и ёнэ пирипхэндлэ́ сарэ лавá дро кан кралýскиро. ²¹ И о крáli бичхад́я Егудис тэ янэл свítко и ёв янд́я лэс комораты́р Елисамоски́рьятыр, кон сыс лыла-чхиныбнаскиро ваш кралýскэ. И о Егуди гинэлас лэс зоралэс тэ шунэл крáli, и тэ шунэн тхагáрья, савэ сыс тэрдэ палал [пашыл-р.с.] кралýстэ. ²² Пэ дова́ часо о крáli сын бэштó дро иванты́тко (зимитко) кхэр, сыс енято (биекхэ́скиро дэш) чхон, и хачолас яг дрэ са́струны пи́ри́ ангил лэстэ. ²³ И сыс адякэ: кéли о Егуди пиригиндя́ трин ци́ штар ряды́ (колонки), о крáli чхиндя́ лэн чхурья́са лыла-чхиныбнаски́рьяса, и чхурды́я дрэ яг, сави́ сыс дро са́струны пи́ри́ аж сыр яг похая́ сарó свítко, савó сыс дрэ пи́ри. ²⁴ И ёнэ на дарáндынэ, и на рискирдэ́ пэскирэ́ йди: ни крáli, ни́екх лэскирэ́ дынарьэндýр (слугэндýр), кон шундлэ́ далэ лавá. ²⁵ На дыкхи́ пэ дова́, со Элнафано, Дэлаия и Гемария мангнэ́ кралýс тэ на хачкирэл свítко, нэ ёв сарое́кх (уса́екх) на канды́я лэн. ²⁶ И припхэндя́ крáli Иерамеило́скэ кралýскирэ́ чхавэ́скэ, Сэраия́скэ, Азриэлэ́скирэ́ чхавэ́скэ, и Сэлэмия́скэ, Авдило́скирэ́ чхавэ́скэ, тэ ухтылэн́ Варухос, лыла-чхиныбнаски́рэс и Еремее́с, пророко́с, нэ о Рай́ Дэвэл гара́дя лэн.

Еремее́ Пиричхинэла́ Свítко

²⁷ И палó (после) дова́, сыр крáli хачкирд́я свítко лавэнца, савэ о Варухо зачхиндя́ Еремее́скирэ́ чибатыр, явд́я лав Рáскирэ-Дэвлэ́скиро кэ Еремее́, и сыс пхэндлó лэскэ: ²⁸ “Лэ́ яв́ир свítко и зачхин пэ лэстэ́ сарэ́ лавá, со сыс англэдýр пэ пёрво́ свítко, савó Иоакимо́,

кράли Юдэякиро, хачкирдя. ²⁹ И ту пхэн Иоакимоскэ, краліскэ пэ Юдэя, – ‘адякэ ракирэла Рай Дэвэл: ‘Ту хачкирдян дава світко, пхэні: ‘Соскэ ту чхиндян пэ лэстэ, со о крالی Вавилоноскиро, чачэс, явэла и хасякирэла дая пхув, и ёв кэрэла адякэ, со на явэла ни мануш, ни мурдал (животно) одой.’” ³⁰ Палдава адякэ ракирэла Рай Дэвэл пал Иоакимостэ, кралістэ пэ Юдэя: ‘Лэстыр на явэла ниекх тэ бэшэл пэ Давидоскиро трено, и лэскиро трүпо чхурдэна пэ хачкирибэн дывэсэ, и пэ мразо раты. ³¹ И Мэ явава тэ сэндякирав лэс, и лэскиро кхэритко родо и лэскирэ дынарьэн пал лэнгиро чорипэн, и Мэ янава бибэхт (біда) пэ лэндэ, и пэ джибнаскирэндэ дро Ерусалимо, пэ мушэндэ дрэ Юдэя, со Мэ пхэндём пэ лэндэ, нэ ёнэ на причхудэ кан.’” ³² Тэньци Еремее лыя явир світко и дыя лэс Варухоскэ, лыла-чхиныбнаскирэскэ, чхавэскэ Нерияскирэ, саво чхиндя пэ світко сарэ лавэ Еремеескирэ чибатыр, сарэ долэ лавэ лылварьятыр, со хачкирдя дрэ яг о Иоакимо, крالی пэ Юдэя; и одой сыс бут дочхудэ лавэ, савэ сыс дасавэ-паць сыр и пэрва лавэ.

Шэрó 37

Еремее Ивья (Напраснэс) Ужакирэла Лачхипэн

¹ И лыя тэ кралинэл о Сэдэкія, чхаво Иосияскиро, пэ штэто Иехонияскиро, саво сыс чхаво Иоакимоскиро, конэс Навуходоносоро крالی Вавилоноскиро чхудя сыр краліс пэ пхув Юдэякири. ² И ни ёв, ни Сэдэкія, и ниекх лэскирэ дынарьэндэр (слугэндэр), ни манушэндэр долэ пхувьятыр на причхудэ кан кэ лавэ Рáскирэ-Дэвлэскирэ, со Ёв ракирдя пир мандэ, Еремеестэ. ³ И о Сэдэкія, крالی бичхадя Иегухалос, чхавэс Сэлэмиякирэс и Софонияс, чхавэс Маасеяскирэс, кон сыс рашай, кэ пророко Еремее тэ пхэнэн: “Помангпэ пал амэндэ Рáскэ-Дэвлэскэ, амарэ Дэвлэскэ.” ⁴ Нэ Еремее тэды явэлас и псирэлас вольнэс машкір манушэндэ, пал-довэ со ёнэ на чхудэ лэс ишчо (инкэ) дро штарибэн. ⁵ Тэды фараоноскиро халадыбэн выгия Египтостыр, и кэли э Халдэи, савэ обчхудэ трусцял Ерусалимо, шундлэ дая зан (звэсь) пал лэндэ, то тэды ёнэ гинэ криг Ерусалимостыр. ⁶ И сыс лав Рáскирэ-Дэвлэскиро кэ пророко Еремее, ракири: ⁷ “Адякэ ракирэла Рай Дэвэл, Дэвэл Израилэскиро: Адякэ тумэ пхэнэн Юдэякирэ краліскэ, кон бичхадя тумэн кэ Мэ, соб (кай) тэ пхучэн Мандыр: ‘Акэ, исын фараоноскиро халадыбэн, со выгия тэ подэл васт тумэнгэ, явэла тэ рисёл палэ пэ пэскири пхув.’” ⁸ Нэ явэна палэ э Халдэи, и явэна тэ марэнпэ проти дава форо, и ёнэ лэна лэс, и ёнэ схачкирэна лэс ягаса.’” ⁹ Адякэ ракирэла Рай Дэвэл: ‘На хохавэн пэс’, ракири: ‘Халдэи, чачэс, гинэ амэндэр пэскэ’, нэ ёнэ на джана пэскэ. ¹⁰ Пал-довэ со на дыкхи пэ дова, со тумэ и домарэнас саро халадыбэн Халдеенгиро, савэ марэнаспэ проти тумэндэ, и одой тэ ячэнпэ фэни дукхадэ (ранена) манушэ лэндэр, тэды сароекх уштэлас кажно (свако) мануш дрэ пэскири шатра, и хачкирэлас форо ягаса.’”

Еремеес Пхандлэ

¹¹ И сыс адякэ: кэли Халдеенгиро халадыбэн мэкця осада Ерусалимо пир дова, со сыс халадыбэн Фараоноскиро, ¹² то о Еремее гия криг Ерусалимостыр пэ пхув Веньяминоскири, соб (кай) тэ гарадёл машкір манушэндэ. ¹³ И кэли ёв сыс дрэ Веньяминоскири порта, одой сыс барыдыро пэ стрэга (ракхибнарьэндэ), кон кхарэласпэ Ирия, чхаво Сэлэмеяскиро (чхаво Хананеяскиро), и ёв ухтылдя Еремеес, пророкэс, и пхэндя: “Ту нашэса кэ Халдэи.” ¹⁴ Тэды о Еремее пхэндя: “Давэ исын начачо! Мэ на нашава кэ Халдеи.” Нэ Иерея [Ирия-ю.о.] на шундя лэс, и ёв ухтылдя Еремеес и яндя лэс кэ тхагарья. ¹⁵ И тхагарья древэн холясынэ пэ Еремеестэ, и ёнэ шулякирэнас (марэнас) лэс и ёнэ чхудэ лэс дро штарибэн дро кхэр Ионафаноскиро, лыла-чхиныбнаскирэскэ. Пал-довэ со ёнэ кэрдэ штарибэн дро дова кхэр. ¹⁶ Кэли Еремее загия дрэ штарибэн ганбинаса (ямаса), со сыс дрэ кхэлтра (подвало), кай ёв яцяпэ одой бут дывэсэ, ¹⁷ то крالی Сэдэкія бичхадя тэ янэл лэс яври. О крالی пхучэлас чораханэс лэстыр дро пэскиро кхэр и пхэндя: “Ци исын вари-саво лаворо Рáстыр-Дэвлэстыр?” И отпхэндя Еремее: “Исын.” Тэньци ёв пхэндя: “Тут выдэна дрэ васта

краліскірэ Вавилонóстыр!”¹⁸ И пхэндя Еремее краліскэ Сэдэкияскэ: “Савó чорипэн мэ кэрдём тукэ и тырэ дынарьэнгэ, ци тырэ манушэнгэ, со ту чхудян ман дро штарибэн?”¹⁹ И кай исын тырэ пророки, савó ангилпхэнэлас, ракири: “О крáli Вавилонóскиро на явэла тэ джал пэ тумэндэ ци проти дая пхув?”²⁰ Палдава мэ мангава тэ шунэс аканá: ‘Миро Раё, кралё! Мэк тэ прилэс ту миро мангипэн, на рíскір ман дро Ионафаноскиро лыла-чхиныбнаскиро кхэр, соб (кай) тэ на мэрав мэ одой.’”²¹ Тэньци крáli Сэдэкия припхэндя, соб (кай) тэ чхувэн Еремеес дрэ грэда, кай сыс стрэга, и ёнэ дэнас лэскэ котэр (куско) марó пэкибнаскирэ^[1] гасатыр (вулицатыр) аж кэ дова, сыр марó дро фóро кончиндяпэ. И Еремее яцяпэ дрэ грэда, кай сыс стрэга.

37:21 ^[1] пэкибнаскиро – маропеко

Шэрó 38

Еремее дро Штарибнытко ганбін

¹ И шундя Сафатия [Шэфатия-ю.о.], чхавó Матаноскиро, и о Годолия [Гэдалия-ю.о.], чхавó Пасхуроскиро, и Юхало, чхавó Сэлэмияскиро (Шэлэмеяскиро), и Пасхоро, чхавó Малхиякиро’, – лава, со пхэндя пророко Еремее сарé манушэнгэ, ракири: ² ‘Адjáкэ ракирэла Рай Дэвэл: “Кон ячэлапэ дро дава фóро, одова мэрэла курталатыр, бокхатыр и мэрибнытконэ франсэндыр, нэ кон джала кэ Халдэи, одова явэла тэ дживэл: и лэскиро джибэн явэла сыр почастунко лэскэ, и ёв явэла джидó.”’³ ‘Адjáкэ ракирэла Рай Дэвэл: “Давá фóро, сыр пхэндлó, отдэлапэ дрэ вастá краліскірэ Вавилонóскирэ халадэнгэ, савé лэна лэс.”’⁴ Палдава э тхагарья пхэндлэ краліскэ: “Амэ мангаса тут, соб (кай) тэ мулякирэн адалэ манушэс, пал-дова со, сóскэ ёв бизорьякирэла вастá манушэнгирэ, савé марэнапэ, соб (кай) тэ ячэнпэ дро дава фóро, и вастá сарé манушэнгэ, кóли ёв ракирэла дасавé лава лэнгэ? Кадава мануш на родэла [на камэла-р.с.] лачхипэн далэ манушэнгэ, а бибáхт (бйда).”’⁵ О крáli Сэдэкия тэды пхэндя: “Дыкхэн, ёв исын дрэ тумарé вастá. Краліскэ наштý ничý тэ кэрэл проти тумэндэ.”’⁶ Тэньци ёнэ лынэ Еремеес и чхурдынэ лэс дрэ штарибнытко ганбін, сави сыс кэ Малхия, краліскиро чхавó, пэ грэда (двóро) штарибнаскири и ёнэ мэкнэ Еремеес тэлé шэлэнца. Дрэ ганбін штарибнаскири на сыс пані, нэ ёкх блáта (блатаны артапэль ^[1]). И лыя тэ тасадёл Еремее дрэ блáта. ⁷ И Авдемелéхо (Эбэд-Мелéхо) Эфиоплянино, о евнухо дро краліскиро кхэр, шундя, со ёнэ чхудэ Еремеес дрэ штарибнытко ганбін (яма). Кéли о крáli сыс бэштó пашыл пóрта Веньяминоскири, ⁸ то о Авдемелéхо гия яврі краліскірэ кхэрэстыр и пхэндя краліскэ, ракири: ⁹ “Миро Раё кралё! Кадалэ манушá кэрдé фуипэн дро сарó, со ёнэ кэрэнас, Еремеескэ, пророкоскэ, савэс ёнэ чхурдынэ дро штарибнытко ганбін, и ёв мэрэла пир дова, со исын бокх пэ дова штéто, кай ёв исын: пал-дова со нанэ бутыр марó дро фóро.”’¹⁰ И припхэндя крáli Авдемелехоскэ, Эфиопляниноскэ, пхэни: “Лэ адатхыр трийнда манушэн пэса, и газдэн упрé Еремеес пророкóс, штарибнытконэ ганбинатыр ангил дова, сыр ёв мэрэла.”’¹¹ И лыя Авдемелéхо манушэн тэл пэскири зор, и ёв загия дрэ краліскиро кхэр тэл пиралы, и лыя одотхыр пхуранэ патавэ и пхуранэ идэнгирэ котэра (куски), и мэкця лэн тэлé пэ шэлэ дрэ штарибнытко ганбін. ¹² И пхэндя Авдемелéхо, Эфиоплянино, Еремеескэ: “Подчхув пхуранэ патавэ и пхуранэ идэнгирэ котэра тэл пхакá, и тэл шэлэ.”’ И кэрдя, Еремее адjáкэ. ¹³ И ёнэ лынэ тэ тырдэн упрé Еремеес шэлэнца и газдынэ лэс яврі штарибнытконэ ганбинатыр: и яцяпэ Еремее пэ грэда (двóро) штарибнаскири.

Сэдэкия Дарэла, Еремее Дэла Годы Лэскэ

¹⁴ И крáli Сэдэкия, бичхадя, соб (кай) тэ янэн пророкóс Еремеес кэ пэ кэ тріто загибэн дро Кхэр Рáскирэ-Дэвлэскиро. И пхэндя крáli Еремеескэ: “Мэ пхучава тۇтыр вари-со. На гарав нисó мандыр.”’¹⁵ И Еремее пхэндя Сэдэкияскэ: “Кóли мэ подава зан (звесъ) тукэ, ци

на мулякирэса ту ман? И ко́ли мэ да́ва годы́ тукэ, ци ту явэ́са тэ кандэ́с ман?”¹⁶ И кра́ли о Сэдэ́кия дый совла́х чораханэ́с Еремее́скэ, ракири́: “Тэ явэ́л джидо́ Рай Дэвэ́л, Кон создды́ амаре́ далэ́ дий, со мэ на мулякирава тут, и со мэ на выдава тут дрэ васта́ манушэ́нгирэ, савэ́ родэ́на тыро́ ди.”¹⁷ Тэньци пхэ́ндя Еремее́ Сэдэ́кияскэ: “Ады́кэ ракирэ́ла Рай Дэвэ́л: болыбна́скирэ-янголэ́нгиро, Дэвэ́л Израилё́скиро: “Ко́ли ту ко́ро́ пэсты́р джа́са муй пэ́ муй кэ́ Вавилонё́скирэ тхага́рья, то тыро́ ди явэ́ла джидо́, и дава́ фо́ро на явэ́ла хачки́рдо яга́са; и ту явэ́са джидо́, и тыро́ кхэ́р.”¹⁸ Нэ́ ко́ли ту на джа́са муй пэ́ муй кэ́ Вавилонё́скирэ тхага́рья, то тэды дава́ фо́ро явэ́ла дыно́ дрэ васта́ Халде́е́нгирэ, и ё́нэ хачки́рэна лэ́с яга́са, и ту никай на кэ́рэсапэ́ (на дэ́сапэ́) лэ́нгирэ вастэ́ндыр.”¹⁹ И о кра́ли Сэдэ́кия пхэ́ндя Еремее́скэ: “Мэ́ дарава́ Юдэ́ендыр (Юдэ́ндыр), савэ́ нашнэ́ (пири́гинэ́) кэ́ Халде́и, соб (кай) э́ Халде́и тэ на выдэ́н ман дрэ васта́ лэ́нгирэ, и соб (кай) ё́нэ тэ на кэ́рэ́н ма́нца, со ё́нэ за́камэ́на.”²⁰ Нэ́ Еремее́ пхэ́ндя: “Ё́нэ на выдэ́на тут. Шун, мэ́ манга́ва тут, зан Ра́скирэ-Дэвлё́скири дро дова́, со мэ́ пхэ́нава́ тукэ́, и тыро́ ди явэ́ла тэ́ дживэ́л.”²¹ Нэ́ ко́ли ту отпхэ́нэсапэ́ тэ́ здэ́спэ́, то, акэ́, исын лав, со Рай Дэвэ́л сыка́дя ма́нгэ: ²² “А́кэ, са́рэ́ джувле́н, савэ́ ячнэ́пэ́ дро кхэ́р кра́ли́скиро пэ́ Юдэ́я, янэ́на кэ́ Вавилонё́скирэ тхага́рья, и ко́долэ́ джувля́ пхэ́нэ́на тукэ́: “Ты́рэ́ ма́ла подраки́рдэ́ тут, и ё́нэ лы́нэ́ упралы́пэ́н пэ́ ту́тэ, ты́рэ́ гэ́ра́ таса́дынэ́ дрэ́ бла́та (арта́пель) И ё́нэ риси́нэ́ кри́г ту́тыр.”²³ И ё́нэ лы́джа́на кри́г ту́тыр ты́рэ́ джувле́н и ты́рэ́ чхаво́рэ́н Халде́е́нгэ, и ту никай на кэ́рэсапэ́ лэ́нгирэ вастэ́ндыр, нэ́ кра́ли́скиро васт Вавилонё́стыр лэ́ла тут. И ту кэ́рэ́са ады́кэ, со дава́ фо́ро схачки́рэна яга́са.”²⁴ И Сэдэ́кия пхэ́ндя Еремее́скэ: “Мэ́к ни́е́кх тэ́ на джи́нэ́л далэ́ лава́, и ту на мэ́рэ́са.”²⁵ Нэ́ ко́ли тэ́ шунэ́н тхага́рья, со мэ́ раки́рдём ту́са, и ё́нэ явэ́на кэ́ ту, и пхэ́нэ́на тукэ́: “Пири́дэ́ амэ́нгэ́ со ту а́кана́ пхэ́ндя́н кра́ли́скэ, и ады́кэ-па́ць дова́, со кра́ли пхэ́ндя́ тукэ́; на гара́в ни́чы́ амэ́ндыр, и амэ́ на даса́ тут пэ́ мэ́рибэ́н”,²⁶ то ту тэды пхэ́нэ́са лэ́нгэ: “Мэ́ чху́дём миро́ манги́пэ́н анги́л кра́ли́стэ́, соб (кай) ё́в тэ́ на риски́рэ́л ман дро Ио́нафа́носкиро кхэ́р тэ́ на мэ́рав одо́й.”²⁷ И са́рэ́ тхага́рья явнэ́ кэ́ Еремее́ и ё́нэ пхучнэ́ лэ́стыр, и ё́в пхэ́ндя́ лэ́нгэ́ са́рэ́ одолэ́ лава́, со о кра́ли при́пхэ́ндя. И ё́нэ гинэ́ кри́г лэ́стыр шы́лэ́с, пал-дова́ со ё́нэ на шу́ндлэ́, пал со сы́с раки́рибэ́н кра́ли́са.”²⁸ И Еремее́ ячэ́ласпэ́ пэ́ грэ́да (дво́ро) шы́тари́бнаски́ри анги́л/ кэ́ дова́ дывэ́с, сы́р Еруса́лимо лы́нэ́. И сы́с ё́в одо́й, кэ́ли лы́нэ́ Еруса́лимо.

38:6 ^[1] артапель – пхув панэ́са, кай на́шты́ тэ́ тэ́рдэ́с

Шэ́ро 39

О Навуходо́носо́ро Лэ́ла Еруса́лимо

¹ И сы́с ады́кэ: дро дэ́што чхон, дро е́ня́то (бие́кхэ́скиро дэ́што) ба́рш, кэ́ли о Сэдэ́кия сы́с Юдэ́я́киро кра́ли, явдя́ о кра́ли Навуходо́носо́ро Вавилонё́стыр и са́ро лэ́скиро халады́бэ́н проти́ Еруса́лимо, и ё́нэ об́чху́дэ́ тру́сця́л (кру́гом) фо́ро. ² И дро дэ́шупэ́рво ба́рш Сэдэ́кия́скиро дро шы́тарто́ чхон, пэ́ е́ня́то (бие́кхэ́скиро дэ́што) дывэ́с чхонэ́скиро, фо́ро лы́нэ́, ³ и са́рэ́ тхага́рья Вавилонё́скирэ кра́ли́стыр гинэ́ андрэ́ фо́ро и ба́шнэ́ па́шы́л Ма́шкиратуны́ по́рта: о Не́ргал-Ша́реце́ро, о Са́мга́р-Не́во, о Са́рсе́химо, шы́рало́ е́вну́хо, о Не́ргал-Ша́реце́ро, шы́рало́ тану́ка ^[1], и са́рэ́ яви́р тхага́рья кра́ли́скирэ Вавилонё́стыр. ⁴ И сы́с ады́кэ: кэ́ли о Сэдэ́кия, кра́ли Юдэ́я́киро, и яви́р му́рша́ халадэ́нгирэ́ (ма́рибны́тка) ды́кхнэ́ лэ́н, тэды́ ё́нэ лы́нэ́ тэ́ на́шэ́н, и ё́нэ гинэ́ яви́р фо́ро́стыр раты́, кра́ли́скирэ у́нтаса́ (са́доса) пи́рдал по́рта ма́шкира́л дуй ва́нты. И ё́нэ гинэ́ дро́мэ́са пи́р до́ло Ё́рдано́скиро. ⁵ И халады́бэ́н Халде́е́нгиро тра́дыяпэ́ пал лэ́ндэ́ дрэ́ ша́лэ́ ^[2] и ё́нэ до́трады́нэ́ лэ́с пэ́ ло́шчыны́ (ма́ля) Ери́хоно́скирэ. И кэ́ли ё́нэ лы́нэ́ лэ́с, то я́ндлэ́ лэ́с кэ́ кра́ли Навуходо́носо́ро Вавилонё́скиро кэ́ Ривла́ пэ́ пхув Ема́фо (Ха́мато), кай Навуходо́носо́ро сэ́ндяки́рдя лэ́с. ⁶ И кра́ли Вавилонё́скиро му́ляки́рдя́ чхавэ́н Сэдэ́кия́скирэ́н анги́л лэ́скирэ́ я́кха́ дрэ́ Ривла́, и кра́ли Вавилонё́скиро ады́кэ-па́ць му́ляки́рдя́ ла́чхэ́-родо́скирэ́ ран Юдэ́я́тыр; ⁷ и ё́в пхуса́дя

якхă Сэдэкияскэ и ёв пхандя лэс дрэ састыра зандирьенца тэ лыджан лэс кэ Вавилоно.⁸ И э Халдэи хачкирдэ краліскіро кхэр и кхэра манушэнгирэ ягаса, и ёнэ пхагирдэ ванты тэлэ Ерусалимоскірэ.⁹ И о Навузардано, о рай пэ краліскири стрэга, лыджия криг дро плéно кэ Вавилоно манушэн, савэ ячнэпэ дро форо, и кодолэн, кон пиригия кэ ёв явирэ манушэнца, савэ ячнэпэ.¹⁰ Нэ о Навузардано, рай пэ краліскири стрэга, мэцця чорорэ манушэн, конэстэ ничы на сыс, пэ пхув Юдэякири, и ёв дыя лэнгэ винаградытка барья и фэлды дро дова-пацэ часо.

Еремеес Мэкэна пэ Волья

¹¹ И Навуходоносоро, крالی Вавилоноскіро, припхэндя адякэ пал Еремеестэ Навузарданоскэ, раскэ пэ краліскири стрэга: ¹² “Лэ лэс и дыкх пал лэстэ и на кэр чорипэн лэскэ, нэ кэр ваш лэскэ адякэ, сыр ёв припхэнэла тукэ.” ¹³ И бичхадя о Навузардано, рай пэ краліскири стрэга, и о Навузардано, шэралó евнухо, и о Нэргал-Шарецэро, шэралó танука, и сарэ тхагарья Вавилоноскірэ краліскірэ, ¹⁴ и ёнэ бичхадэ и лынэ Еремеес штарибнаскірэ грэдатыр (дворостыр) и ёнэ дынэ лэс Годолияскэ, чхавэскэ Ахакимоскірэскэ (Ўнуко Шафаноскіро), соб (кай) ёв тэ лэл (отлыджал) лэс кхэрэ. Адякэ ёв яцяпэ тэ дживэл машкір манушэндэ. ¹⁵ И сыс лав Раскірэ-Дэвлэскіро Еремеескэ, кэли ёв сыс пхандло пэ штарибнытко грэда (дворо), ракирі: ¹⁶ “Джэ и пхэн Авдемелехоскэ (Эвэд-Мелехоскэ), Эфиопляниноскэ: ‘Адякэ ракирэла болыбнаскірэ-янголэнгиро Рай Дэвэл, Дэвэл Израилэскіро: ‘Акэ, Мэ янава Мирэ лавэ пэ дава форо ваш траш (дар), а на ваш лачхипэн, и ёнэ кэрэнапэ дро чачипэн дро дова дывэс ангил тутэ! ¹⁷ Нэ Мэ зракхава тут дро дова дывэс,’ – ракирэла Рай Дэвэл, – ‘и тут на выдэна дрэ вастэ манушэнгирэ, конэстыр ту дарэса. ¹⁸ Пал-дова со Мэ чачэс зракхава тут, и ту на пэрэса курталатыр, нэ тырэ джиібэн явэла сыр дорэсыбэн (дыибэн) тукэ, пал-дова со ту рискірэса кэ Мэ пэскіро илб тэ зракхэспэ”, – пхэндя Рай Дэвэл.

39:3 ^[1] танука – маго, човахано

39:5 ^[2] мал (маля) – сцеп, шукі лошчына, равнина

Шэро 40

Еремее Ячэлапэ Годолияса

¹ Лав, саво сыс Еремеескэ Растыр-Дэвлэстыр палó (после) дова, сыр о Навузардано, рай пэ краліскири стрэга, мэцця лэс тэ джал Раматыр, кэли ёв лыя лэс, саво сыс пхандло зандирьенца машкір сарэндэ, конэс лыджинэ дро плéно Ерусалимостыр и Юдэятыр, савэн лынэ дро плéно кэ Вавилоно. ² И лыя рай пэ краліскири стрэга Еремеес и пхэндя лэскэ: “Рай Дэвэл, тырэ Дэвэл пхэндя бибэхт пэ дава штэто. ³ Аканэ Рай Дэвэл яндя дая бибэхт и кэрдя адякэ, сыр ёв пхэндя. Пал-дова со тумарэ манушэ кэрдэ грэхо ангил Растэ-Дэвлэстэ и на кандынэ Лэскири зан, палдава дава саро кэрдяпэ тумэнца. ⁴ И аканэ дыкх: мэ мэкава пэ воля тут зандирьендыр, со сыс пэ тырэ вастэ. Кóли исын мишто пир тырі годы тэ джас манца кэ Вавилоно, то яв, и мэ явава тэ дыкхав пал тутэ. Нэ кóли исын намишто пир тырі годы тэ джас манца кэ Вавилоно, то ячнэ адай. Дыкх, сарі пхув исын ангил тутэ; карик тукэ здэлапэ миштэс и кучэс тэ джас, джэ одорік.” ⁵ Аканэ, кэли Еремее ишчо (инкэ) на отпхэндя (на гия криг), о Навузардано пхэндя: “Джэ палэ кэ Годолия [Гэдалиах-ю.о.], чхаво Ахикамоскіро (Ўнуко Сафаноскіро), конэс крالی Вавилоноскіро, чхудя сыр барыдырэс пэ форя Юдэякірэ, и ячпэ тэ дживэс машкір манушэндэ; ци джэ вари-карик тэ явэл кучэс тукэ пир тырі годы.” И рай пэ краліскири стрэга дыя лэскэ хабэн пэ дром, почастунко и мэцця лэс тэ джал. ⁶ И гия Еремее кэ Годолия ^[1], чхаво Ахикамоскіро, кэ Масіфа [Мицпа-ю.о.] ^[2] и дживдя лэса машкір манушэндэ, савэ ячнэпэ пэ доя пхув. ⁷ И сарэ рая пэ

халадыбэна, савэ сыс пэ фэлда, ёнэ кокорэ и лэнгирэ манушá, сыр шундлэ, со крáli Вавилонóскиро чхудя Годолияс, чхавэс Ахикамоскирэс, сыр барыдырэс пэ доя пхув, и допатындя лэскэ муршэн, джувлэн и чхаворэн и кодолэн най чорорэдыр долэ пхувьятыр, савэн на лыджинэ дро плéно кэ Вавилоно, ⁸ то ёнэ явнэ кэ Годолия дрэ Масíфа [Мицпа-ю.о.]: Исмаило, чхавó Нафанияскиро, Иоанано и Ионафáно, чхавó Карее́скирэ, Сэраия, чхавó Фанасмефоскиро [Танхуметоскиро-ю.о.]: чхавó Офискирэ (Эфаяскирэ) Нетофафитостыр; и Езония, чхавó Маахафитоскиро, ёнэ кокорэ и лэнгирэ муршá. ⁹ И о Годолия, чхавó Ахикамоскиро (чхавó Сафаноскиро), совлахадя ангíл лэндэ и лэнгирэ манушэндэ, ракирi: “На дарэн тэ дынаринэн Халдеенгэ. Ячэ́нпэ тэ дживэн пэ пхув и дынаринэн кралiскэ Вавилонóстыр и сарó явэла лачхэс тумэнца. ¹⁰ Нэ, акэ, мэ явáва тэ ячавпэ дрэ Масíфа [Мицпа-ю.о.], соб (кай) тэ ракирав ваш тумэнгэ ангíл Халдеендэ, савэ явэна кэ амэ. Нэ тумэ кэдэн мол (вино) и лынаскирэ баритка и маслиникто дзэт, чхувэн лэн дрэ тумарэ пирья, и дживэн дрэ тумарэ фóрья, савэ тумэ залынэ.” ¹¹ И адякэ-паць и сарэ Юдэи (Юды), кон сыс дро Моáво и машкiр Амонитя́нэндэ, дрэ Идумея (Эдóмо), и дрэ явiр тхэма, шундлэ, со крáli Вавилонóскиро мэ́кця паш Юдэн, и со ёв чхудя пэ лэндэ Годолияс, чхавэс Ахикамоскирэс (чхавэс Сафаноскирэс), ¹² и тэды сарэ адалэ Юды рисинэ сарэ штэтэндэр, кэ савэ лэн традынэ, и ёнэ явнэ кэ пхув Юдэякири, кэ Годолия дрэ Масíфа, и ёнэ скэдынэ мол (вино), и лынайтка барьякирдэ (плóды) древ́ан бут. ¹³ И о Иоанано, чхавó Карее́скиро, и сарэ раё халадэнгирэ, савэ сыс пэ фэлда, явнэ кэ Годолия дрэ Масíфа, ¹⁴ и пхэндлэ лэскэ: “Ци джинэса ту чачипэн, со о Ваалисо, крáli Амоноскирэ чхавэнгиро, бичхадя Исмаилос, чхавэс Нафанияскирэс тэ мулякирэл тут?” Нэ о Годолия, чхавó Ахикамоскиро, на патяндя лэнгэ. ¹⁵ Тэды о Иоханано, чхавó Карее́скиро, пхэндя чораханэс Годолияскэ дрэ Масíфа, ракирi: “Мэ мангáва тут тэ отмэкэс ман тэ джав тэ мулякирав Исмаилос, чхавэс Нафанияскирэс, и ниéкх (никон) на явэла тэ джинэл дава́. Сóскэ тэ дэс во́ля лэскэ тэ мулякирэл тут, соб (кай) сарэ Юды, савэ кэдынэпэ кэ ту, тэ рознашэнпэ, и соб (кай) тэ хасёл дава́ отячыбэн Юдáскирэ манушэндэр?” ¹⁶ Нэ Годолия, чхавó Ахикамоскиро, пхэндя Иоананоскэ, чхавэскэ Карее́скирэскэ: “На кэр дава́ рэндó; со ту ракирэса пал Исмаилостэ, – хохайбэн!”

40:6 ^[1] Дрэ Юды́тко оригина́ло ‘Гедалия.’

40:6 ^[2] ‘Бэф-Сэмэса’ значынэ́ла ‘Кхамэскиро Кхэр.’

Шэро́ 41

Бунто Проти Годолиястэ

¹ И сыс адякэ, со дро эф́тáто чхон о Исмаило, чхавó Нафанияскиро (чхавó Элисамоскиро) кралитконэ родóстыр, и екх кралiскиро барó рай явд́я кэ Годолия, чхавó Ахикамоскиро дрэ Масíфа дэшэ манушэнца. И одóй ёнэ ханэ марó кхэтанэ дрэ Масíфа. ² И о Исмаило, чхавó Нафанияскиро, и дэш манушá, савэ сыс лэса, уштынэ и пэкадэ пэ мэрибэн Годолияс, чхавэс Ахикамоскирэс (ýну́кос Сафаноскирос) курталаса, и замардэ лэс, конэс Вавилонóскиро крáli чхудя шэ́ралэ рáса пир дова́ тхэм (страна). ³ И о Исмаило адякэ-паць пэкад́я пэ мэрибэн сарэ Юдэн, савэ сыс Годолияса дрэ Масíфа (Мицпа), и Халде́эн, конэс ёв латх́я одóй: марибны́тконэ (халады́тконэ) манушэн. ⁴ И сыс пэ явiр дывэс палó дова́, сыр о Исмаило мулякирд́я Годолияс, кэли ишчо (инкэ) ниéкх на джинд́я дава́, ⁵ то, кэли явнэ манушá Сихэ́мостыр, Си́ломостыр (Шило́стыр) ^[1] Самариятыр, охтодэ́шá манушá мурадэ чхорэнца (бродэнца), рискирдэ упрэ иденца, савэ почхиндлэ пэс. Лэндэ сыс дрэ вастá св́нта дыибэ́на, и дро́га смóлы, соб (кай) тэ янэн лэн дрэ Кхэр Рáскирэ-Дэвлэ́скиро. ⁶ И о Исмаило, чхавó Нафанияскиро, гия́ ангíл Масифа́тыр тэ пирилэн лэн, ровиндой сарó дром и, кэли ёв гия́. И сыс адякэ: кэли ёв дыкх́цяпэ лэнца, тэды пхэнд́я лэнгэ: “Дж́ан кэ Годолия, чхавó Ахикамоскиро.” ⁷ И сыс адякэ: кэли ёнэ загинэ машкiр фóро, о Исмаило, чхавó

Нафанияскиро – ёв и манушá, кон сыс лэса, мулякирдэ лэн и чхурдынэ лэн машкирál рово (хохой). ⁸ Нэ дэш манушá латхнэпэ машкирál лэндэ, савэ пхэндлэ Исмаилоскэ: “На мулякир амэн, амэндэ сыс пираля парнэ гивэса, гэрстытконэ (ячменйтконэ) марэса, маслинытконэ дзэтэса (ксилэса), и явгинэса пэ фэлда.” И ёв обрикирдя пэс и на замардья лэн машкир лэнгирэ пшалэндэ. ⁹ И рово (хохой) дро саво Исмаило чхурдый трóпы манушэнгирэ, савэн ёв мулякирдя пал Годолиястэ, исын дова́, со крáli Асá кэрдя пир дар Ваасатыр, кралистыр Израилёскирэстыр: о Исмаило, чхаво Нафанияскиро пхэрдякирдя рово (хохой) мулэнца. ¹⁰ И Исмаило лыя дро плéно сарэ манушэн, савэ ячнэпэ дрэ Масифа, кралискирэ чхаён, и сарэ манушэн, савэ ячнэпэ дрэ Масифа, конэс Навузардано, рай пэ кралискири стрэга, допатяндья Годолияскэ, чхавэскэ Ахикамоскирэскэ: Исмаило, чхаво Нафанияскиро лыя дро плéно лэн, и гия пэскэ, соб (кай) тэ пириджал кэ Амоноскирэ чхавэ. ¹¹ Нэ, кэли Иоханано, чхаво Кареескиро (Кареахоскиро), и рая халадэнгирэ, савэ сыс лэса, шундлэ пал сарí биба́хт, со кэрдя Исмаило, чхаво Нафанияскиро, ¹² то ёнэ лынэ сарэ манушэн и гинэ тэ марэнпэ Исмаилоса, чхавэса Нафанияскирэса; и ёнэ латхнэ лэс пашыл барэ паня, со сын дро Гаваоно. ¹³ И сыс адякэ: кэли сарэ манушá, кон сыс Исмаилоса, дыкхнэ Иохананос, чхавэс Кареескирэс, и сарэ ран халадэнгирэн, савэ сыс лэса, ёнэ ячнэ ра́да. ¹⁴ Тэньци сарэ манушá, савэн о Исмаило лыджия дро плéно Масифатыр, рисинэ криг и явнэ палэ, и гинэ кэ Иоханано, чхаво Кареескиро. ¹⁵ Нэ Исмаило, чхаво Нафанияскиро, насця Иохананостыр охтонэ манушэнца и гия криг кэ чхавэ Амоноскирэ. ¹⁶ Тэньци Иоханано, чхаво Кареескиро, и сарэ рая халадэнгирэ, савэ сыс лэса лынэ сарэн, конэс ёв рискирдя пэ во́ля Исмаилостыр, чхавэстыр Нафанияскирэстыр, палó дова́, сыр ёв мулякирдя Годолияс, чхавэс Ахикамоскирэс мушэн марибнытконэн, джувлэн и биятэн, и евнухэн, савэн ёв яндя палэ Гаваоностыр. ¹⁷ И гинэ ёнэ и ячнэпэ тэ дживэн дро гав Химамо, саво исын пашыл Вифлеэмо, соб (кай) тэ явэл пэ дром лэнгэ тэ нашэн кэ Егíпто, ¹⁸ Халдеендыр, пал-дова́ со ёнэ дарандынэ лэндыр, пир дова́, со Исмаило, чхаво Нафанияскиро, мулякирдя Годолияс, чхавэс Ахикамоскирэс, конэс крáli Вавилонóскиро чхудя шэралэ ра́са пэ доя пхув.

41:5 ^[1] Дрэ Руситко Библия пхэнэлапэ ‘Силом.’

Шэрó 42

Еремее́ Проти Нашайбэн Кэ Егíпто

¹ И сарэ рая халадэнгирэ, и Иоханано, чхаво Кареескиро, и Иезания (Езания), чхаво Гошаияскиро, и сарэ манушá тыкнэстыр кэ са́мо барэдыр гинэ пашыл, ² и пхэндлэ Еремее́скэ, пророкоскэ: “Амэ мангаса зоралэс тут, соб (кай) тэ пэрэл ангил тóтэ амарí пáтери (моли́тва), и, соб (кай) ту тэ помангэспэ пал амэндэ Ра́скэ-Дэвлэскэ, тырэ Дэвлэскэ, пал сарэндэ, савэ ячнэпэ, пал-дова́ со бутэндьр яця́пэ древа́н на́бут (куты́) амэндьр, сыр ту дыкхэса, ³ соб (кай) Рай Дэвэл, тыро́ Дэвэл, мэк тэ сыкавэл амэнгэ дром, савэса трэй тэ джас и дова́, со амэнгэ тэ кэра́с.” ⁴ И пхэндя лэнгэ проро́ко Еремее́ адякэ: “Мэ шундём. Акэ, мэ ява́ва тэ мангавпэ Ра́скэ-Дэвлэскэ, тумарэ Дэвлэскэ пир тумарэ лавá: и соб (кай) тэ на явэл, со Рай Дэвэл отпхэнэ́ла тумэнгэ, дова́ мэ пхэна́ва ангил сарэндэ тумэнгэ: мэ нисо на гарава́ва тумэндьр.” ⁵ Тэньци ёнэ пхэндлэ Еремее́скэ: “Мэк Рай Дэвэл тэ явэл чачуно́ и патяйбнаскиро якхитко машкир амэндэ, ко́ли амэ на ява́са тэ кэра́с пир лав, саво Рай Дэвэл, тыро́ Дэвэл, бичхавэ́ла кэ амэ. ⁶ Соб (кай) тэ на явэл: лачхо́ ци биба́хт, амэ ява́са тэ шунас зан Ра́скирэ-Дэвлэскири, амарэ Дэвлэскири, кэ Кон амэ бичхадям тут, соб (кай) тэ явэл саро́ мишто́ амэнца, кэли амэ ява́са тэ кандас зан Ра́скирэ-Дэвлэскири, амарэ Дэвлэскири.” ⁷ И дава́ сыс палó дэш дывэса́, со лав Ра́скиро-Дэвлэскиро явдя́ кэ Еремее́. ⁸ И ёв кхард́я кэ пэ Иоананос, чхавэс Кареескирэс, и сарэ ран халадэнгирэн, кон сыс лэса и сарэ манушэн най тыкнэстыр кэ най барэды́р (са́мо баро́), ⁹ и пхэндя лэнгэ: “Адякэ ракирэ́ла Рай Дэвэл, Дэвэл Израилёскиро, кэ Саво́ тумэ бичхадэ́ ман тэ чхував тумаро́ мангипэн ангил Лэ́стэ: ¹⁰ Ко́ли

тумэ ячэнапэ пэ дая пхув, тэды Мэ газдава пэ пхув тумэн и обчхувава тумаро джибэн и Мэ на вырискирава [мулякирава-р.с.] тумэн: пал-дава со Мэ пиридживава пал доя бída, сави Мэ кэрдём тумэнгэ. ¹¹ На дарэн Вавилонóскирэ кралыстыр, савóстыр тумэ дарэна, на дарэн лóстыр', – ракирэла Рай Дэвэл, – пал-дова со Мэ сом тумэнца тэ зракхав тумэн и тэ выракхав тумэн лóскирэ вастóстыр. ¹² И Мэ сыкавава тумэнгэ тангипэн (ласка), соб (кай) ёв, хай, тэ потангинэл тумэн, и тэ рискирэл тумэн пэ тумары пхув.' ¹³ Нэ коли тумэ пхэнэна: 'Амэ на ласа (камаса) тэ дживас пэ дая пхув', соб (кай) тэ на кандэн зан Рáскирэ-Дэвлэскири, тумарэ Дэвлэскири, ракиры: ¹⁴ 'Над, амэ фэдýр джаса кэ пхув Египтóскири, кай амэ на яваса тэ дыкхас марибэн, и тэ на шунас рогоскири зан, и тэ на явас бокхалэ пэ марó, и, одóй амэ яваса тэ дживас,' ¹⁵ то аканá шунэн лав Рáстыр-Дэвлэстыр, тумэ, савэ ячнэпэ Юдастыр! 'Адыкэ ракирэла болыбна́скирэ-янголэнгиро Рай Дэвэл, Израилёскиро Дэвэл: Кóли тумэ сарéса рискирдэ пóскирэ муý тэ джэн дро Египто, и джана тэ дживэн одóй, ¹⁶ то явэла адыкэ, со куртала, савýтыр трашавэна (дарэна) тумэ, дорэсэла (латхэла) наужакирдэс тумэн одóй пэ пхув Египтóскири; барó бокхалыпэн, савóстыр тумэ дарэна, явэла тэ джал пал тумэндэ пал псикé одóй, дро Египто, и одóй тумэ мэрэна. ¹⁷ И явэла адыкэ, со сарé манушá, савэ рискирэна пóскирэ муý тэ джэн кэ Египто, соб (кай) тэ дживэн одóй, мэрэна курталáтыр, бокхáтыр и мэрибнытконэ франсэндýр, и ниéкх лэндýр на ячэлапэ, и никай на кэрлапэ барé бибахтыр (бидатыр), со Мэ яна́ва пэ лэндэ.' ¹⁸ Палдава адыкэ ракирэла болыбна́скирэ-янголэнгиро Рай Дэвэл, Израилёскиро Дэвэл: 'Сыр мирý холý и миро холякирибэн чхувэлапэ пэ манушэндэ Ерусалимóстыр, адыкэ-паць вычхувэлапэ Мирý холý пэ тумэндэ, кели тумэ джана андрé Египто; пэ тумэндэ явэла прокошыбэн (арман), бари дар [чхучипэн-ю.о.], кошыбэн, бипатыв; и тумэ бутýр на дыкхэна дава штéто'" ¹⁹ Рай Дэвэл пхэндý тумэнгэ: "Тумэ, савэ ячнэпэ Юдастыр: на джэн кэ Египто:" Сарé джинэна, со мэ, Еремéё, сыклякирдём тумэн тэ приракхэнпэ пал дава дывéс. ²⁰ Пал-дова со тумэ хохадэ пэс дрэ тумарé илэ, кели тумэ бичхадэ ман кэ Рай Дэвэл, тумарó Дэвэл, пхэни: "Помангпэ пал амэндэ Рáскэ-Дэвлэскэ, амарé Дэвлэскэ: и сарó, со Рай Дэвэл, амарó Дэвэл пхэнэла, то ту пхэнэса ангýл сарэндэ – и дова амэ яваса тэ кэрáс." ²¹ И мэ пхэндём дава аканá ададывэс тумэнгэ, нэ тумэ на кандынэ зан Рáскирэ-Дэвлэскири, тумарé Дэвлэскири и сарó дова, сóса Ёв бичхадý ман кэ тумэ. ²² Аканá палдава джинэн адыкэ, со тумэ мэрэна курталáтыр, бокхáтыр и мэрибнытконэ франсэндýр пэ дова штéто, кэ савó тумэ камэна тэ джэн тэ дживэн."

Шэрó 43

Юды Лóна Еремéёс Зорýяса кэ Египто

¹ И сыс адыкэ: кели Еремéё пирияця (кончынды) тэ ракирэл ангýл сарé манушэндэ сарé лава Рáскирэ-Дэвлэскирэ, лóнгирэ Дэвлэскирэ, савэнца Рай Дэвэл, лóнгиро Дэвэл, бичхадý лэс кэ ёнэ – сарé далé лава, ² то Азáрия, чхавó Осаияскиро (Госаияскиро); Иоханано, чхавó Карéёскиро и сарé пхутькирдэ манушá, пхэндлэ Еремéёскэ: "Ту ракирэса начачипэн! О Рай Дэвэл, амарó Дэвэл, на бичхадý тут тэ пхэнэс: 'На джэн кэ Египто тэ дживэн одóй!'" ³ Нэ дава исын Варухо, чхавó Нирияскиро, кон подракирэла тут проти амэндэ, соб (кай) тэ выдэс амэн дрэ вастá Халдеенгирэ, соб (кай) ёнэ, тэ мулякирэн амэн, ци тэ лыджэн криг дро плéно кэ Вавилоно." ⁴ Акэ, о Иоханано, чхавó Карéёскиро, и сарé рая халадэнгирэ и сарé манушá, на кандынэ зан Рáскирэ-Дэвлэскири, соб (кай) тэ ячэнпэ тэ дживэн пэ пхув Юдэякири. ⁵ Нэ Иоанано, чхавó Карéяскиро и сарé рая халадэнгирэ, лынэ сарэн, савэ ячнэпэ Юдэýтыр, кон на рисинэ тэ ячэнпэ тэ дживэн пэ Юдэякири пхув, сарé Наюдытконэ нацыэндýр, кэ савэ лэн традынэ – ⁶ муршэн, джувлэн, биятэн, кралýскирэ чхаён и кажнонэ (сваконэ) манушэс, конэс о Навузардано, рай пэ кралýскири стрéга, ячкирдý Годолияса, чхавэса Ахикамоскирэса (унуко́са (непотоса) Шафаноскирэса), и Еремéёс, пророкóс, и Варухос, чхавэс Нерияскирэс. ⁷ И ёнэ гинэ кэ пхув Египтóскири, пал-дова сыр ёнэ на кандынэ зан Рáскирэ-Дэвлэскири. И ёнэ догинэ кэ Тафнисо [Тафанхéсо-ю.о.]. ⁸ И сыс дро Тафнисо лав

Растыр-Дэвлэстыр кэ Еремее, ракири: ⁹ “Лэ барэ барá дрэ вастá пэскирэ и гарав лэн дрэ глэя (глина) дро бар, савó исын пэ штэто, сыр джаса андрé кхэр Фараонóскиро пэ якхá сарé Юдэнгирé, ¹⁰ и пхэн лэнгэ: ‘Адýкэ ракирэла болыбна́скирэ-янголэнгиро Рай Дэвэл, Дэвэл Израилёскиро: Акэ, Мэ бичхавáва и лавá Навуходоносорос, кралис Вавилоноскирэс, Мирé писхарис, и Мэ чхува́ва лэскиро трóно пэ кадалé барá, савé Мэ гарадём. И ёв росчхувэла пир ригá пэскири кралитко бари шáтра упрáл пэ лэндэ. ¹¹ И явэла ёв и розмарэла пхув Египтóскири, кон исын бангó тэ мэрэл, джáла пэ мэрибэн, кон бангó дро плéно, джáла дро плéно, кон бангó тэл куртáла, джáла тэл куртáла. ¹² Мэ росхачкирава яг дрэ кхэрá, пэ мангипнытка штэты, кай дэвлорé Египтóскирэ, и о Навуходоносóро схачкирэла лэн и лэла лэн дро плéно. И ёв выкэдэла миштыпэн пхувя́тыр Египтоскирьятыр сыр о чхупна́ри выкэдэла (урьéла) пэ пэстэ пэскиро урибэн, и ёв джáла криг одотхýр раманёса (спокоёса). ¹³ Ёв пхагирэла тэлé обсвэнцона стýлбы (статулы) дро Бэфсамисо (Бэф-Сэмэса), со исын пэ пхув Египтóскири, и мангипнытка (дэвлорэнгирé) штэты дро Египто ёв хачкирэла сарéса ягáса.”

Шэрó 44

Израилё Хасёла Дро Египто

¹ Лав, савó сыс Еремеескэ пал сарé Юдэндэ, кон дживдý пэ пхув Египтóскири, савé ячнэ тэ дживэн кэ Магдола [Мигдола-ю.о.], и дро Тафнисо (Тафанеса), дро Нофо, и пэ пхув Пафрососкири, ракири: ² “Адýкэ ракирэла болыбна́скирэ-янголэнгиро Рай Дэвэл, Дэвэл Израилёскиро: ‘Тумé дыкхнэ сарí бибáхт (би́да), со Мэ яндём пэ Ерусалимо и пэ сарé фóрья Юдэякирэ; и, акэ, далé фóрья исын чхучé (пуста), и ниéкх (никон) на дживэла одóй, ³ пал лэнгирé фуй рэндý, савé ёнэ кэрдé, соб (кай) тэ дэн яг Мирé холякэ пир дова́, со ёнэ псирдэ тэ хачкирэн дро́га смóлы и тэ дынаринэн явирé дэвлорэнгэ, савэн ёнэ на джиндлэ, ни тумэ, ни тумарé дадá. ⁴ Нэ Мэ бичхававас кэ тумэ сарé Мирé писхарьён, пророкэн, тасýрлэс (рáнэс) злокостыр Мэ бичхававас лэн, соб (кай) тэ пхэнэн тумэнгэ: ‘На кэрэн далé джунгалé рэндý, со Мэ древáн на камáм!’ ⁵ Нэ тумэ на кандынé, и на причхудэ пэскиро кан, соб (кай) тэ рисён криг пэскирэ фуипнастыр, соб (кай) тэ на хачкирэн дро́га смóлы явирé дэвлорэнгэ. ⁶ Палдава́ Миро холякирибэн и Мирí холý вычхудэпэ и росхачинэ дрэ фóрья Юдэякирэ и пэ вули́цы (гáсы) Ерусалимóскирэ; и ёнэ исын чхучé и би манушэнгирé, сыр исын дава́ ададывэс. ⁷ И аканá – адýкэ ракирэла Рай Дэвэл, болыбна́скирэ-янголэнгиро Дэвэл, Дэвэл Израилёскиро: ‘Ваш (пал) со тумэ кэрэна дая́ бари бибáхт проти пэстэ, сóскэ тумэ кэрэна адýкэ, соб (кай) тэ хасён тумарé муршá и джувлý, бияты и тыкнэмаса, соб (кай) тэ на ячэлпэ ниéкх Юдэятыр, ⁸ ваш со тумэ дэна яг Мирé холякэ (холякирэна Ман) бутэнца тумарé-вастэнгирé, кели тумэ хачкирэна дро́га смóлы явирé дэвлорэнгэ пэ пхув Египтóскири, пэ савí тумэ гинé тэ дживэн, соб (кай) тэ хасён тумэ (хасякирэн пэс) и, соб (кай) машкёр сарé нáцыи пэ пхув тэ явэл прокошыбэн (арман) и бипатыв кэ тумэ? ⁹ Ци бистырдэ тумэ фуипэн тумарé-дадэнгиро, фуипэн кральёнгиро Юдэятыр, фуипэн лэнгирé-ромненгиро до-са́мо фуипэн, со тумэ кокорé кэрдé, и фуипэн, со тумарé джувлý кэрдé пэ пхув Юдэякири и пэ вули́цы (гáсы) дро Ерусалимо. ¹⁰ Тумэ кэ ададывэс на тыкнякирдэ пэс, на лынé тэ дарэн, тумэ на кэрдé пир Миро Зако́но ци пир Мирé статýты, савé Мэ дыём тумэнгэ и тумарé дадэнгэ. ¹¹ Палдава́ – акэ, со ракирэла болыбна́скирэ-янголэнгиро Рай Дэвэл, Дэвэл Израилёскиро: “Акэ, Мэ rischiра́ва Миро муй проти тумэндэ ваш бибáхт, и ваш хасибан Юдэякиро. ¹² И Мэ ла́ва кодолэн, савé ячэнапэ Юдэятыр, соб (кай) ёнэ тэ rischiрэн пэскирэ му́я тэ джáн пэ пхув Египтóскири тэ дживэн сыр чýжа; одóй ёнэ хасёна сарé и лэнгэ явэла хасибэн пэ пхув Египтóскири. Ёнэ хасёна курталáтыр и бокхáтыр. Ёнэ мэрэна, тыкнэстыр кэ най барэдýр курталáтыр, бокхáтыр, и пэ тумэндэ явэла прокошыбэн и диво трашаса (трашаибэн), прокошыбэн и бипатыв. ¹³ И Мэ пхарэс сэндякирава лэн, савé дживэна пэ пхув Египтóскири, адýкэ-паць сыр Мэ пхарэс сэндякирдём Ерусалимо курталáса, бокхаса, и мэрибнытконэ франсэнца; ¹⁴ соб (кай) ниéкх, кон ячэлапэ Юдэятыр, савé явнэ пэ пхув

Египтоскири тэ дживэн одой сыр чужа, тэ на кэрэнпэ никай, и тэ на выджидён, соб (кай) тэ рисён палэ пэ пхув Юдэякири, кэ сави лэнгиро ило марэлапэ тэ рисён палэ и тэ дживэн: никон на рисёла палэ апріч одолэндэ, савэ нашэна.”¹⁵ Тэньци сарэ мурша, савэ джидлэ, со лэнгирэ ромня, хачкирдэ дрога смолы явирэ дэвлорэнгэ, и сарэ джувля, кон сыс тэрдэ пашыл, бут лэн, и сарэ мануша, савэ дживдэ пэ пхув Египтоскири кэ Пафросо, отпхэндлэ Еремеескэ и пхэндлэ: ¹⁶ “Со касынэлапэ лав, со ту пхэндян амэнгэ Раскирэ-Дэвлэскирэ лавэстыр, амэ на яваса тэ шунас дава лав тугыр! ¹⁷ Нэ амэ, чачэс яваса тэ кэрэс пир кажно лав, со амэ пхэндям пэскирэ чибаса: тэ хачкирас дрога смолы болыбнытконэ дэвлорьякэ и тэ чхувас лэкэ тхадунэ свэнта дыибэна, сыр амэ кэрдям: амэ и амарэ дада, амарэ кралья и амарэ тхагарья дрэ форя Юдэякирэ и пэ вулицы (гасы) Ерусалимоскирэ. Палдава амэндэ сыс бут маро, амэнгэ сыс миштэс, и амэ на дыкхцям бибахт. ¹⁸ Нэ сыр фэни (тока) амэ мэкцям тэ хачкирас дрога смолы болыбнытконэ дэвлорьякэ, и тэ чхувас лэкэ тхадунэ свэнта дыибэна, амэнгэ яця тэ на ухтылэл (тэ на явэл дوسي) саро, и амэ хасёваса курталатыр и барэ бокхатыр.” ¹⁹ Э джувля ишчо (инкэ) пхэндлэ: “И кэли амэ хачкирдям дрога смолы дэвлорьякэ болыбнытконакэ и чхудям лэкэ тхадунэ свэнта дыибэна; ци амэ кэрдям марикля лакирэ мо́са, ци чхудям тхадунэ свэнта дыибэна лэкэ, соб (кай) тэ на джинэн амарэ рома?” ²⁰ Тэньци пхэндя Еремее ангил сарэ манушэндэ-муршэндэ, джувлэндэ, и сарэ явир манушэндэ, савэ лэскэ отпхэндлэ адякэ, ракири: ²¹ “Ци дава исын на дрога смолы, со тумэ хачкирдэ дрэ форя Юдэякирэ и пэ вулицы (пэ гасы) Ерусалимоскирэ, тумэ и тумарэ дада, тумарэ кралья и тумарэ тхагарья, мануша далэ пхувьякирэ? Ци со дава Рай Дэвэл на рипирдя лэн, ци хай, на явдя дава Лэскэ пэ годы? ²² И Рай Дэвэл бутыр на дэлас рада тэ вырикирэл дава пир доя бибахт, со тумэ кэрдэ и пир джунгалэ (брыдка) рэнды, со тумэ кэрдэ. Палдава тумарі пхув исын чхучі, диво трашаса, прокошыбэн (арман), би манушэнгири, сыр дава исын кэ ададывэс.” ²³ Пал-дова со тумэ хачкирдэ дрога смолы и пал-дова со тумэ кэрдэ грэхи проти Растэ-Дэвлэстэ, и тумэ на кандынэ зан Раскирэ-Дэвлэскири, и на кэрдэ пир Лэскиро Зако́но, ци пир Лэскирэ стату́ты, ци Лэскирэ упхэныбэна, палдава дая бари бибахт (бйда) кэрдяпэ тумэнца, сыр дава исын кэ ададывэс.” ²⁴ И пхэндя Еремее сарэ манушэнгэ, и сарэ джувлэнгэ: “Шунэн лав Раскирэ-Дэвлэскиро, сарэ – Юдэякирэ мануша, савэ дживэна пэ Египтоскири пхув: ²⁵ адякэ ракирэла Рай Дэвэл, Дэвэл Израилэскиро, пхэни: ‘Тумэ и тумарэ джувля ракирдэ пэскирэ уштэнца и кэрдэ пэскирэ вастэнца, пхэни: ‘Амэ чачэс, ласа тэ кэрэс пир амарэ совлахэ, со амэ дыям – тэ хачкирас дрога смолы болыбнытконэ дэвлорьякэ и тэ чхувас тхадунэ дыибэна лэкэ.’ Тумэ зоралэс рикирэнапэ кэ тумарэ совлахэ и кэрэна пир тумарэ совлахадэ лавэ.” ²⁶ Пал-дава шунэн лав Раскирэ-Дэвлэскиро, сарэ Юдэякирэ мануша, савэ дживэна пэ Египтоскири пхув: ‘Акэ, Мэ совлахадём Мирэ барэ лавэса’, – ракирэла Рай Дэвэл –, соб (кай) Миро лав тэ на пхэнэл бутыр ниэкх мануш Юдэятыр, кон дживэла пэ Египтоскири пхув, пхэни: ‘Тэ дживэл Рай Дэвэл, Дэвэл.’ ²⁷ Акэ, Мэ явава тэ дыкхав пэ тумэндэ кэ бибахт, а на ваш лачхипэн: сарэ мануша Юдэятыр, савэ исын пэ пхув Юдэякири явэна тэ хасён курталатыр, и барэ бокхатыр ангил дова, сыр явэла концо (ягоро) лэнгэ. ²⁸ Нэ кодолэ на́бут мануша, савэ нашэна курталатыр, рисёна палэ кэ пхув Юдэякири пхувьятыр Египтостыр, и сарэ, кон ячэлапэ Юдэятыр, савэ гинэ пэ пхув Египтоскири тэ дживэн одой сыр чужа, уджинэна, конэскирэ лавэ рисёна дро чачипэн, Мирэ ци лэнгирэ. ²⁹ “И явэла гертык (знамэниё) тумэнгэ’, – ракирэла Рай Дэвэл – со Мэ пхарэс сэндякирава тумэн пэ дова штэто, соб (кай) тумэ тэ джинэн, со Мирэ лавэ рисёна дро чачипэн пал тумэндэ пэ бибахт тумарі.” ³⁰ ‘Адякэ ракирэла Рай Дэвэл: ‘Акэ, Мэ выдава фараонос Вафриёс [Хофрас-ю.о.], крالیс Египтоскирэс дро васта лэнгирэ-вэргэнгирэ, савэ родэна лэнгиро ди, сыр Мэ выдыём Сэдэкиас, крالیс Юдэякирэс, дро васт Навуходоносороскирэ, крالیскэ Вавилоноскирэскэ, савэ сыс вэрго Сэдэкиаскэ и, кон родыя лэскиро ди.”

Шэрó 45

Еремее́скиро Лав тэ Подрикирэл Варухос

¹ Лав, савó ракирдя прорóко Еремее́ Варухоскэ, чхавэскэ Нирияскирэскэ, кэли о Варухо чхиндя далэ лавá дрэ лылварй Еремее́скирэ чибатыр пэ штáрто бэрш Иоакимоскиро (чхавó Иосия́скиро), кон сыс крáли пэ Юдэя, пхэни: ² “Адякэ ракирэла Рай Дэвэл, Дэвэл Израилёскиро” – тукэ, Варухо: ³ “Ту пхэндян: ‘Бида пэ мандэ аканá! Пал-довá со Рай Дэвэл дочхудя дукх тугаса кэ илó. Мэ сом кхинякирдо мирé гондендыр (ўздохэндыр) и мэ нашты́ (на могона́ва) тэ латхав откхиныбэн.’” ⁴ Нэ ту пхэн Варухоскэ адякэ: “Адякэ ракирэла Рай Дэвэл: ‘Акэ, со Мэ чхудём, довá Мэ пхагирава тэлэ, и со Мэ почхудём дрэ пхув, довá Мэ вырискирава, – давá исын сарй дай пхув.’” ⁵ Ту мангэса (родэса) барэ льготы ваш пэскэ? На манг лэн, пал-довá со, акэ, Мэ яна́ва биба́хт (би́да) пэ кажно (сва́ко) лоч (плоть), – ракирэла Рай Дэвэл: Нэ Мэ да́ва тыро́ джи́ибэн (отмэ́кава тут джидэса) тукэ сыр дорэсыбэн пэ сарэ штэты, карик ту на джа́са.”

Шэрó 46

С́ндо пэ Египто

¹ Лав Ра́скирэ-Дэвлэ́скиро, савó явдя Еремее́скэ, пророкоскэ, пал Наюды́тка на́цыи. ² Пал Египто, пал халадыбэн Фараонóскиро Нехаёскиро, кралй́скиро Египто́скиро, савó о Навуходоносóро, крáли Вавилонóскиро розмардя пашыл рэка (лэнь) Евфрато дро Кархамисо дро штáрто бэрш Иоакимоскиро (чхавó Иосия́скиро), кон сыс крáли пэ Юдэя: ³ “Кэрэн шчы́ты и чхурдыпны́тка бустя́ (коп’и) и джа́н пашы́лэдýр кэ марибэн! ⁴ Дэн андрэ и бэшэн уклистэ, халадэ пэ грэндэ! Тэрдэн ангйл дрэ пэскирэ шлёмы, дэн чол (войстринэн) чхурдыпны́тка бустя́, урьен пэ пэстэ са́струно колынд. ⁵ Сóскэ, Мэ дыкха́ва, ёнэ пынэ дро дýхо (фа́но) и рисинэ палэ? Лэ́нгирэ зоралэ мурша́ домардэ; ёнэ адякэ сы́гэс нашэна криг, со ёнэ на рисёна мо́са палэ? Пал-довá со исын дар пэ кажно риг,” – ракирэла Рай Дэвэл. ⁶ И на нашэла криг сы́гно халадо, и на кэрэ́лапэ никай зоралó мурш. Ёнэ обштавэ́напэ и пэрэ́на одой, кай паш-раты́тко (северно) риг, пашыл рэка (лэнь) Евфрато. ⁷ “Кон давá уштэ́ла сыр рэка (лэнь) Нило, а лэ́скирэ паня́ вучэс кунинэ́напэ сыр сы́гна рэ́кицы? ⁸ Давá исын Египто, со уштэ́ла сыр рэка (лэнь), и лэ́скирэ паня́ вучэс кунинэ́напэ сыр сы́гна рэ́кицы; и Египто раки́рла: ‘Мэ ушта́ва и учхакирава пхув, мэ розмарава пэ котэ́ра фо́ро и манушэ́н, кон дживэ́ла дрэ давá фо́ро.’” ⁹ Бэшэн пэ грэндэ, и традэн со исын зор марибны́тконэ вурдэнэ́нца, и мэ́к зоралэ мурша́ тэ джа́н ангйл: зоралэ мануша́, Ефиопляни (Кушы́тка) и Ливия́ни (Путитка) мануша́, савэ́ндэ исын шчы́ты, и Лидя́ни (Лудимитка) мануша́, савэ́ рикирна лу́ко и надтырдэ́на лэс. ¹⁰ Пал-довá со давá исын дывэ́с Ра́скирэ-Дэвлэ́скиро, болыбна́скирэ-янголэ́нгиро дывэ́с, со Рай Дэвэл риско́рэла (отдэ́ла) палэ фуипэ́н, соб (кай) тэ отхал (отдэ́л) палэ (рискирэ́л фуипэ́н) пэ Пэ́скирэ вэ́ргэндэ. Э курта́ла явэ́ла тэ чхинэл и ёй чалё́ла, и ёй матё́ла лэ́нгирэ ратэ́стыр. Пал-довá со Рай Дэвэл, болыбна́скирэ-янголэ́нгиро Дэвэл прилэ́ла свэ́нто дыибэ́н дрэ паш-раты́тко (северно) пхув пашыл рэка (лэнь) Евфрато. ¹¹ Джа́ упрэ́ пэ Галаа́до (Гилеадо), и лэ́ пэса бальза́мо, э патывалы́ тэрны́ джувлы́, чхай Египто́скири! Ивья́ (напра́снэс) ту буты́р прилэ́са драба: ту на явэ́са састяки́рды. ¹² Наюды́тка на́цыи шундлэ́ пал тыры́ ладж, и тыро́ ровибэ́н пхэ́рдяки́рдя пхув: пал-довá со зоралэ мурша́ обштадэ́пэ (пэ́кадэ́пэ) екх пир яви́рэстэ: ёнэ пынэ кхэ́танэ.”

Вавило́но Розмарэ́ла Египто

¹³ Акэ, исын лав, со Рай Дэвэл пхэндя́ пророкоскэ Еремее́скэ, пал кралй́стэ Навуходоносоростэ Вавилонóстыр, савó явэ́ла и розмарэ́ла пхув Египто́скири: ¹⁴ “Подэн зан

(звесь) дро Египто, и пхэнэн сарэнгэ дрэ Мигдола; пхэнэн сарэнгэ дрэ Нофа и дро Тафнисо; пхэнэн лэнгэ: ‘Тэрдён муршканэс и явэн скэдынэ (скэдэнпэ), пал-довá со куртáла чингирэла сарó пашыл тутэ.’ ¹⁵ Соскэ бидарипнаскирэ муршá пынэ домардэ? Ёнэ на дэна рáда тэ тэрдён дрэ стонка, пал-довá со Рай Дэвэл традыя криг лэн. ¹⁶ Рай Дэвэл кэрдя адякэ, со бут лынэ тэ обштавэнпэ, чачó, и тэ пэрэн екх пэ явирэстэ, и ёнэ пхэндлэ: ‘Уштэн, и явэн рисёваса кэ амарэ манушá, и пэ амарэ-манушэнгири пхув курталáтыр, сави домарэла амэн.’ ¹⁷ Одóй ёнэ дэна гóдла: ‘Фараóно, крáли Египтóскиро, екх шумо исын лэстыр: ёв промэкця упхэндлó часо.’ ¹⁸ “Тэ дживáв Мэ,” – ракирэла Крáли, Конэскиро лав исын болыбнаскирэ-янголэнгири Рай Дэвэл, “сыр адякэ-паць исын Фаворо машкёр бэрги, и сыр исын Кармило пашыл мóрё (дэрьяв), адякэ явэла крáли Вавилонóскиро. ¹⁹ Ту, чхай Египтóскири, кон дживэла дрэ лэстэ, скэдэ пэскэ клунки тэ джас дро плéно, пал-довá со Ново (Нофа) ячэлапэ чхучó, адякэ со ниэкх мануш на явэла тэ дживэл дрэ лэстэ. ²⁰ “Египто исын сырбы древáн гожо рэца (тёлка), нэ явэла хасибэн, паш-ратитконэ ригáтыр явэла, ²¹ Адякэ-паць Египтóскирэ рулдэ (прилымэ халадэ) исын машкёр даё пхув сырбы тхулэ гурува, ёнэ адякэ-паць рисинэ палэ, ёнэ нашнэ кхэтанэ, ёнэ на вытырдинэ дрэ стонка. Лэнгири хасибнýtко (бибахтякиро) дывэс явдý, явдý сэндо пэ лэндэ. ²² Египтóскири зан явэла шундлы сыр пашаибнаскиро сап, савó сипинэла, пал-довá со лэскирэ вэрги джáна халадыбнаса, и ёнэ явэна пэ лэстэ товэрэнца – сырбы чингирибнаскиро (дровосéко) дро вэш. ²³ Ёнэ вычингирэна лэскиро вэш,” – ракирэла Рай Дэвэл, – “савó гэнсто ёв тэ на явэл, пал-довá со лэн наштý тэ погинэн, и лэн исын бутýр сыр пхакитка скочки (грасторэ). ²⁴ Э чхай Египтóскири исын ладжакирды, ла выдэна дрэ вастá манушэнгирэ паш-ратитконэ (севернонэ) ригáтыр.” ²⁵ Болыбнаскиро-янголэнгири Рай Дэвэл, Дэвэл Израилёскиро ракирэла: “Акэ, Мэ янава пхарó сэндо пэ Амоно ^[1] дро Но, и пэ Фараоностэ дро Египто лэнгирэ дэвлорэнца и лэнгирэ кральэнца – фараонос и кодолэн, савó гарадэна пал лэстэ. ²⁶ И Мэ выдава лэн дро вастá одолэнгирэ, савó родэна лэнгири ди, дро кралýскиро Навуходоносорокиро Вавилонóстыр и дро вастá лэскирэ дынарьенгирэ. Нэ палó дава манушá явэна тэ дживэн дро Египто сыр дрэ гаратунэ дывэсá”, – ракирэла Рай Дэвэл.

Дэвэл Прираххэла Израилё

²⁷ “Нэ ту на дар, о Миро писхáри, Яково, И ту на захадёв дро дýхо (фáно), о Израиле! И, акэ, Мэ зракхáва тут дурипнастыр и тырó рóдо пхувýтыр, кай ёнэ исын дро плéно; Яково рисёла, откхинёла и явэла вóльно; и никон на трашакирэла лэс.” ²⁸ На дар, Миро писхáри, Яково’, – ракирэла Рай Дэвэл, – ‘Мэ сом тýса; пал-довá со Мэ хасякирэва сарэ нáцыи, кэ савó Мэ традыём тут; нэ Мэ на хасякирэва тут, нэ Мэ пирысыклякирава тут пир мёра, и Мэ сароекх на мэкава тут би сэндоскиро.”

46:25 ^[1] Амоно’ – значынэла ‘кхамитко’ дэвлоро

Шэрó 47

Сэндо пэ Филистиякирэ Манушэндэ

¹ Лав Рáскирэ-Дэвлэскиро, савó сыс пророкоскэ Еремее́скэ пал Филистимия́кирэ манушэндэ ангил дова, сыр фараóно пыя (розмардý) Газа. ² Адякэ ракирэла Рай Дэвэл: “Акэ, паня газдэнапэ паш-ратитконэ (севернонэ) ригáтыр и ячэнапэ сыр тасадыпнаскиро панинг; ёнэ зачхувэна панёса пхув и сарó, со исын пэ латэ: фóрья, и одолэн, кон дживэна дрэ лэндэ. Манушá явэна тэ ровэн, и сарэ джиибнаскирэ пэ пхув явэна тэ тугинэн (тэ ровэн) ясвэнца. ³ Кéли явэла шундло лопотымо (топото) пэталэндýр зоралэ-грэнгирэн, кéли явэна тэ грукинэн лэскирэ марибнýtка вурдэна, кéли явэна тэ грыминэн лэскирэ рóты, со дадá аж на подыхэна палэ пэ пэскирэ биятэндэ, пир дова, со лэнгирэ вастá исын бизорýякирэ. ⁴ Пал-

довá со явэла дывэс тэ вымарэн сарэ Филистимлянэн, тэ ячкирэн Тiро и Сидоно сарэса би помогибнаскиро, савэ ячэнапэ. Рай Дэвэл ячкирэла нисоса Филистимлянэн, савэ ячнэпэ островостыр Кафторостыр. ⁵ Газа ячэла бибалэнгири, Аскалоно [Ашкелано-ю.о.] хасэла, – довá, со ячэлапэ лэнгирэ долостыр? Сыр гарá ту явэса тэ чхинэс пэс дрэ туга? ⁶ О, куртáла Рáскирэ-Дэвлэскири? Сыр гарá (длугэс) ту на явэса тэ пасэс тихо (штылэс)? Рисэв палэ дрэ пэскири ножна? Пирияч (откхинёв) и яв штыл! ⁷ Нэ сыр ёй могоинэла тэ пириячэл (откхинёл)? – Кóли Рай Дэвэл припхэндя проти Аскалоно и проти брэго морёскиро (дэрьявэскиро)? Одóй Ёв припхэндя курталакэ тэ чингирэл.”

Шэрó 48

Сэндо пэ Моáво

¹ Проти Моáво. Адякэ ракирэла болыбнаскирэ-янголэнгири Рай Дэвэл, Дэвэл Израилёскиро: “Бида фороскэ Нёво: Пал-довá со ёв исын пхагирдó, Кариафаимо исын ладжакирдó и лыно; Мизгаво исын ладжакирдó и пхагирдó. ² Буты́р на явэна тэ шарэн Моáво, а дро Есёвоно [Хешэвоно-ю.о.] придуминэна бибáхт проти дава́ штéто, ракири́: ‘Явэн, соб (кай) амэнгэ тэ хасякирас лэс сыр манушýтко нацыя.’ И ту адякэ-паць, Мадмёна, хасёса [пириячэса тэ явэс-р.с.], куртáла дотраделá тут. ³ Зан роибнаскири явэла шундлы Оронаймостыр: ‘Бэдыпэн (бiда) и хасибэн’ исын барó! ⁴ Моáво исын пхагирдó дрэ руины, лэскирэ бияты (чхаворé) годлэна, со исын шундло. ⁵ Пал-довá со роибэн джáла лэнца, кели ёнэ джáна упрé пэ штéто Лухито; кели ёнэ джáна тэлé Оронаймостыр, ёнэ ровэна пал бэдыпэн (чорорипэн). ⁶ Нашэн, зракхэн пэскиро джибэн! Явэн сы́рбы довá хрúсто пэ чхучи́ мал (степ). ⁷ Пир довá со ту, Моáво, допатындыяпэ зоралэс дрэ пэскирэ бутя́ и пэскирэ кучипэна, тут адякэ-паць лэна, и Хамосо джáла дро плéно, лэскирэ рашая́ и лэскирэ тхагáрья кхэтанé. ⁸ Розмарибнаскиро явэла пэ кажно фóро, со нисавó фóро на ячэлапэ цéло (зракхно), и дóло хасэла, и ровно фéлда хасякирэна [явэла чхучи́-р.с.]: – адякэ, сыр и пхэндя Рай Дэвэл.

Хамосо-Моавоскиро дэвэл

⁹ Дэн пхака́ Моавоскэ, соб (кай) ёв могоинэлас тэ вурнял криг, пал-довá со лэскирэ фóрья явэна чхучé, ниéкх на явэла тэ дживэл дрэ лэндэ. ¹⁰ “Тэ явэн прокошыбэна (арманя) пэ кодолэстэ, кон кэрэла Рáскирэ-Дэвлэскири буты́ биилэскиро, тэ явэл прокошыбэн пэ кодолэстэ, кон обрикирэла Пэскири куртáла ратэстыр! ¹¹ Моáво сыс усады́ / сак (всегда) вольнонэ пэскирэ тэрныпнастыр и ёв сыс чхудо пэ пэскиро хумэр (дрожджы); лэс на пиричхувэнас екхэ пирьятыр дро явiр; сы́рбы мол (вино); – ёв ниéкхвар на сыс дро плéно: палдава́ лэскиро смако ячэлапэ дрэ лэстэ, и лэскиро лачхó кхандыпэн на парудяпэ. ¹² Палдава́, акэ, явэна дывэсá’, – ракирэла Рай Дэвэл, – ‘со Мэ бичхавáва манушэн кэ Моáво тэ пиричхувэн лэс сыр мол (лолы бравинта). Ёнэ чхучакирэна Лэскирэ кхорé (сасúды) и пхагирэна пэ котэра́ лэскирэ штэклы. ¹³ И явэла Моáво ладжакирдó пал Хамосо ^[1], сыр и кхэр Израилёскиро сыс ладжакирдó пал Вефиль, дро со манушá Израилёстыр зоралэс патяндынэ.’ ¹⁴ Сыр да тумé ракирэна: ‘Амэ сам зоралé, и амэ сам му́ршá тэ мараспé?’ ¹⁵ Моáво ж исын розмардо дрэ руины, и лэскирэ форьэндыр джáла тхув, а лэскирэ выкэдынэ манушá гинé тэл куртáла пэ мэрибэн тэ чхинэн лэн, – ракирэла Крáли, Конэскиро Лав исын Рай Дэвэл, болыбнаскирэ-янголэнгири. ¹⁶ Бари бiда пэрэла сыг пэ Моáво, и бибáхт (хасибэн) прастала сы́гэс пэ лэстэ. ¹⁷ Тангинэн ясвэнца лэс, сарé, кон исын пашы́л лэстэ, и сарé, кон джинэла лэскиро лав, пхэнэн: ‘Савó зоралó дэстó исын пхагирдó, сави́ шука́р кхия сыс!’ ¹⁸ Джá тэлé славу́тнонэ штэтóстыр, и бэш смэгаса ^[2] тэ пьел, чхай Дивоноскири, кон дживэла дро довá фóро. Розмарибнаскиро пэ Моáво явдя́ пэ тýtэ, ёв розмарэла пэ котэра́ тырэ зоралé ванты́ (твáрдыми). ¹⁹ Ту, сави́ дживэса кэ Ароéро, тэрдёв пашы́л дром и дыкх ця́мкэс. Пхучпэ лэстыр, савó нашэла, и пхучпэ лáтыр, сави́ ра́кхэлапэ, и пхэн: ‘Со кэрдя́пэ?’ ²⁰ Моáво ладжакирдó, пал-довá со ёв пхагирдó пэ бара́, ров зоралэс и дэ гóдла! Пхэн дава́

дро Арноно, со Моáво исын пхагирдо́ кэ пхув. ²¹ И сэндо явдя́ пэ лошчыны, савó исын пэ роўно фэ́лда: пэ Халоно, пэ Яца, пэ Мофафо (Мефа), ²² и пэ Дивоно, и пэ Ново, и пэ Бет-Дивлафаимо; ²³ и пэ Кариафаимо, и пэ Бет-Гамуло; и пэ Бет-Маоно; ²⁴ и пэ Кериофо, и пэ Восоро (Боцра), и пэ сарé фóрья пэ пхув Моавоскири, дуратунé и пашатунé! ²⁵ Моавоскири зор сыр шынг (ро́го) исын чхурдыно́ тэ хасёл, и лэстэ васт сы́рбы исын пхагирдо́” – ракирэла Рай Дэвэл. ²⁶ “Матякирэн лэс, пал-довá со ёв газды́ пэс пэ Растэ-Дэвлэстэ; и Моáво явэла тэ равэлпэ дрэ пэскиро чхадыпэн и манушá лэна дава́ штéто пэ данд тэ санпэ (кокорó явэла просандло).’ ²⁷ Ци ту, Моáво, на лыян Израилё́ пэ данд, соб (кай) тэ саспэ? Ци на отлыджасаспэ ту кэ Израилё́, сы́рбы кэ чор? Со ту кунинэса шэрэса бут мо́лы, кэли ракирэса пал лэстэ? ²⁸ Тумэ, савé дживэ́на кэ Моáво, ячкирэн фóрья и дживэ́н пэ скалы. Явэ́н сы́рбы голумбы, савé кэрэ́на гня́зды (ку́фы) пэ скалакирэ ригá, кай заджа́на дрэ гэбар (пешчэра). ²⁹ Амэ шундя́м пал пхутькирибэ́н Моавоскиро: ёв исын древа́н пхутькирдо – лэстэ исын вучи́мина пэ муй, – ёв барьякирэла пэс, – ёв пхутéла, – и ёв думинéла вучэ́с пал пэстэ дро пэскиро ило́. ³⁰ Мэ джинóм лэскиро холякирибэ́н” – ракирэла Рай Дэвэл, – “лэскиро ракирибэ́н исын чхучó, лэстыр нисó на выджáла чачуно́. ³¹ Палдава́ Мэ ява́ва тэ ровав зоралэ́с пал Моáво, и Мэ ява́ва тэ дав гóдла пал сарéндэ Моавостыр; Мэ ява́ва тэ тугинав ясвэ́нца пал манушэ́ндэ Кир-Харесостыр. ³² О винагра́днико дрэ Сэ́вма! Мэ ява́ва тэ ровав буты́р пал ту́тэ сыр пал Иазéро (Язэро): тырэ отбарьякирибэ́на пирибаринэ́ мо́рэ (дэрья́в), ёнэ догинé кэ зеро Иазéро (Язэро). О росчорибнаскиро пы́я пэ тумарé лынайтка му́ри и пэ тумарé-молякиро (виноскиро) обкэдыпэн. ³³ Ра́дыма и весéлыма (лош) лынé криг пхабунэ́ фэ́лдатыр и Моавоскирэ пхувья́тыр; Мэ кэрдём ады́кэ, со нисó на явэ́ла дро прэ́со ваш мол (вино), ёнэ буты́р на явэ́на тэ штакирэн (тэ топчынэн) радымитконэ́ годлáса, на явэ́ла буты́р гóдла радыма́са.’ ³⁴ Пал лэ́нгири гóдла Есeвoнoстыр (Хешэвoнoстыр) кэ Елеала (Елалэ́я), кэ Яаца (Яхазо) ёнэ газды́нэ гóдла Сиоростыр кэ Оро́наимо, кэ трéто Э́гла (Э́гла-Шэ́лишыя); пал-довá со ады́кэ-пацэ́ и паня́ Нимримоскирэ́ пиришутéна. ³⁵ И ишчо (инкэ́) Мэ кэра́ва ады́кэ, со дро Моáво пириячэ́на тэ янэ́н свéнта яныбэ́на пэ вучэ́ штéты и Мэ мулякирава ко́долэ́с, савó хачкирэ́лас дро́га смóлы пэскирэ́ дэвлорéнгэ”, – ракирэла Рай Дэвэл. ³⁶ “Палдава́ Миро́ ило́ явэ́ла тэ обровэлпэ́ пал Моáво сы́рбы свиролька, и Миро́ ило́ явэ́ла тэ обровэлпэ́ пал манушэ́ндэ Кир-Харесостыр; пал-довá со барó барвалыпэ́н, со ёнэ кэды́нэ хасия́. ³⁷ Кажно шэрó исын мурадо́ и кажна чхора́ (бро́да) исын мурадэ́, пэ кажно васт исын почхиныбэ́на, и пэ трушу́ла исын балы́ткса гонé. ³⁸ Сарé ракирэ́на ясвэ́нца пэ сарé кхэрэ́скирэ́ стрэ́хи (чха́кия), и пэ га́сы дро Моáво, пал-довá со Мэ розмардём Моáво сы́рбы пи́ри, сави́ на трэй” – ракирэла Рай Дэвэл. ³⁹ Ёнэ ровэ́на зоралэ́с – сыр да Моáво розмардо́? Сыр да Моáво рискирдя́ палу́й ладжаса́! И явэ́на тэ санпэ́ Моавостыр, и лэстыр явэ́на тэ трашадéн сарé, кон исын пашы́л лэстэ. ⁴⁰ Пал-довá со ракирэ́ла Рай Дэвэл: “Акэ́, Вавило́но явэ́ла тэ вурня́л сыр óрло (кíдо), и ёв росчхувэ́ла пэскирэ́ пхака́ пир ригá упралэ́стыр пэ Моáво. ⁴¹ Фóрья явэ́на лынé́ и тва́рдыми (крéпости) заухты́лэна. Дро дова́ дывэ́с ило́ зоралé-муршэ́нгирэ́ Моавостыр явэ́ла сыр ило́ джувля́киро, савья́ мэ́нчынэ́на дукха́ тэ биянэ́л. ⁴² И явэ́ла Моáво вымардо́ сыр на́цыя пир дова́, со ёв барьякирдя́ пэс [гий-р.с.] проти́ Растэ-Дэвлэстэ. ⁴³ Дар, ганби́н и фэ́лы явэ́на пэ ту́тэ, ману́ш Моавоскиро!” – ракирэла Рай Дэвэл. ⁴⁴ “Кон нашэ́ла дарáтыр, одова́ пэрэ́ла дрэ ганби́н, и кон выджáла ганбиня́тыр, одолэ́с ухты́лэла фэ́лы, пал-довá со Мэ ява́ва кэ Моáво,” – ракирэла Рай Дэвэл. ⁴⁵ “Одолé, савé нашнэ́, тэрди́нэ тэл Есeвoнo (Хешэвoнo), пал пэскиро бизорьякирибэ́н. Нэ́ явэ́ла яг Есeвoнoстыр, явэ́ла бари́ яг машкиралы́пнастыр Сигоностыр и по́хала мэ́жа Моавоскири и шэрэ́скиро гутуп (те́мэ) пэ чхавэ́ндэ бунтарьéндэ. ⁴⁶ Би́да пэ ту́тэ, Моаве́! Манушá Хамосостыр хасинé; пал-довá со тырэ́ чхавэ́н лынé́ дро плéно, и тырэ́ чхая́ исын дрэ́ наво́ля. ⁴⁷ Нэ́ Мэ́ рискира́ва палэ́ Моавоскирэ́ пленонэ́н дрэ́ палатунé́ (последня́) дывэ́са”, – ракирэла Рай Дэвэл. Акэ́, дасаво́ исын сэндо́ пэ Моáво.

48:13 ^[1] Хамосо исыс дэвлоро (идоло) Филистиямлянэ́нгирэ́

48:18 ^[2] смэ́га – труш, жа́жда

Шэрó 49

Сэндо пэ Амоно

¹ Адякэ ракирэла Рай Дэвэл пал Амоноскирэ чхавэндэ: “Ци нанэ чхавэн дро Израилё? Ци нанэ лэстэ прилыбнаскиро (наследнико) пэ мэкно миштыпэн? Соскэ тэды о Малхомо прилыя мэкно миштыпэн Гадостыр, и лэскирэ манушá дживэна дрэ Гадоскиро фóрья? ² Палдава́, акэ, явэна дывэса́,” – ракирэла Рай Дэвэл, – “со явэла шундлы марибнаскири зан (глос) дрэ Рава Амоноскирэ-чхавэнгири. И далэ форóстыр ячэнапэ руинэнгирэ бэргицы, и Равакирэ гавá явэна хачкирдэ ягáса. Тэньци Израилё лэла палэ дая пхув сыр пэскиро миштыпэн одолэндыр, кон лыя лэстыр,” – ракирэла Рай Дэвэл. ³ “Тугин ясвэнца, Есевоне, пал-довá со Гаё (Аё) исын росчордо, дэн гóдла, чхай Раваскирэ, подпхандэн пэс балытконэ гонэнца! Ракирэн ясвэнца и прастан одорик и палэ пир ванты; пал-довá со Малхомо джáла дро плéно кхэтанэ лэскирэ рашанца и пэскирэ тхагарьенца. ⁴ Соскэ ту барьякирэса пэс долэнца? Джин, со ёнэ ростхадэнапэ ратэса, ту, бунтуйтко чхай Амоносикири! Сави гарадэла пал пэскиро кучипэн тэ зраххэлпэ, пхэни: ‘Кон явэла проти мэндэ?’ ⁵ Акэ, Мэ яна́ва дар (траш) пэ тумэндэ,” – ракирэла болыбнаскирэ-янголэнгиро Рай Дэвэл, Дэвэл. “Ка́жно (сва́ко) тумэндыр, кон исын тумэндэ, явэла традыно криг тэ нашэл пэскэ, кон карик: и на явэла ниéкх ману́ш тэ кэдэл кхэтанэ кодолэн, кон нашнэ. ⁶ Нэ палó (после) довá Мэ яна́ва палэ пленнонэ манушэн Амоностыр,” – ракирэла Рай Дэвэл.

Сэндо пэ Эдóмо

⁷ Пал Эдóмо адякэ ракирэла болыбнаскирэ-янголэнгиро Рай Дэвэл: “Со нанэ бутыр годыпэн дро Фемано? Ци со барэ-годякирэ манушá пириячнэ тэ дэн годы́ явирэнгэ? Ци со годыпэн нашадыя? ⁸ Нашэн, рискири пэскирэ думэ, бэшэн дрэ хор ганбиня́ (ямы), манушáлэ, савэ дживэна кэ Дедано, пал-довá со Мэ яна́ва Исавоскиро хасибэн пэ лэндэ, – давá часо Мэ ява́ва тэ сэндякирав лэн. ⁹ Кóли явнэ винаградо-скэдыибнаскирэ кэ ту, то нау́што ёнэ тэ на мэкэн вари-кицы цэла му́ри? Кóли явэнас чора раты́, то ёнэ чорэнас пэскэ ада́кицы, кицы лэнгэ трэй?! ¹⁰ Нэ Мэ росчхудём [рочхувава-р.с.] Исавос кэ нангипэн: Мэ откэрдём [откэрава-р.с.] сарэ лэскирэ чораханэ штэты, и ёв на дэла ра́да тэ гарадёл. Лэскирэ палáл-явибнаскирэ чхавэ пир кхэритко рóдо (плéмё) хасэна, лэскирэ пшáла и лэскирэ сусэды (котáрья), и ёв бутыр на явэла. ¹¹ Мэкэн пэскирэ пиротэн (сиротэн) Мánгэ, и Мэ ява́ва тэ раххав лэн, и мэк тырэ пивля (удовы) тэ патян зоралэс дрэ Мánдэ. ¹² Пал-довá со-адякэ ракирэла Рай Дэвэл: “А́кэ, кодолэ явир Юды, савэнгэ на сыс присэндиндло тэ пьен тахтáй (чаша), дыкхэн, явэна тэ пьен тахтáй. И со да ту, Эдоме, джáса криг, би сэндоскиро? Над, ту на кэрэсапэ никай, соб (кай) тэ выракхэспэ сэндостыр, и ту, чачэс [усаéкх-р.с.], явэса тэ пьес давá тахтáй. ¹³ Пал-довá со Мэ совлахадём Мирé Лавэ́са”, – ракирэла Рай Дэвэл, “со пэ Восоро (Хацоро) явэна тэ дивинэнпэ трашаса, лэскэ явэла бипатыв, прокошыбэн (арман) и ёв ячэла чхучó. И сарэ лэскирэ форьэндыр явэна ўса́ды / сак (всегда) чхучэ штэты.” ¹⁴ Мэ шундём шуныбэн Рáстыр-Дэвлэстыр и посло сыс бичхадó кэ Наюды́тка на́ции тэ пхэнэл: ‘Кэдэнпэ кхэтанэ, джáн проти лэстэ, и тэрдён пэ марибэн!’ ¹⁵ “И, акэ, Мэ кэра́ва тۇтыр, Эдоме, тыкнэс машкёр Наюды́тка на́ции, со явэна тэ дыкхэн вучипна́са пэ тۇтэ. ¹⁶ Трашаибэн тырó хохадя тумэн и пхутькирибэн тырэ-илэскиро притырдынэ тут, савó дживэла машкёр скалакирэ шчэли, и савó залэла вучипэн бэргицэнгиро! Мэк ту кэрдян пэскири гнязда (күфо) адякэ вучэс, сыр óрло (кíдо), нэ Мэ и одотхыр тырдава [счхурдава-р.с.] тут тэлэ,” – ракирэла Рай Дэвэл. ¹⁷ ‘И явэла Эдóмо сыр дíво трашаса; и ка́жно (сва́ко) ману́ш, кон явэла тэ джал пашэ́, явэла тэ дивинэлпэ трашаса, и ёв лэла тэ дэл шо́ля (тэ свистинэл), сыр дыкхэла сарэ лэскирэ мэрибны́тка ф́рансы, ¹⁸ сыр сыс радэ тэлэ Содóмо и Гомóра и лэнгирэ пашатунэ форицы’ – ракирэла Рай Дэвэл, со ниéкх ману́ш на явэла тэ дживэл одóй, со ниéкх чхавó Манушэскиро на ячэлапэ тэ дживэл дрэ лэстэ. ¹⁹ Акэ, о Навуходоно́соро газдэлапэ сыр шчэр (лéво) Иорданоскирэ бэргицэндыр проти зорьякирдэ

кхэратунэ штэты, и Мэ зачхуава Эдóмо тэ нашэл лэскирэ штэтэндэр. И кон исын выкэдыно мануш, савэс Мэ газдыём упрэ пэ лэндэ? Пал-довá со кон исын адасавó сыр Мэ сом? И кон пхучэлапэ отпхэныбэн Мандыр? Кон выкхарэла Ман? И кон исын адасавó чхупна́ри (пастырё), кон дэла ра́да тэ тэрдэл ангил Мандэ? ²⁰ Палдава́ шунэн годó лав Ра́стыр-Дэвлэстыр, савó Ёв чхудя́ тэды пэ Эдóмо, со Ёв камдя́ тэ придуминэл пэ манушэндэ, кон дживэна кэ Фемано: аж тыкнэ-зорьякирэ Халдеэнгирэ гуртостыр явэна тэ тырдэн лэн криг; чачэс, ёнэ кэрэна лэнгирэ кхэратунэ штэты чхучэ. ²¹ Пхув явэла тэ издрал шумостыр, кэли ёнэ пэрэна, и зан лэнгирэ годлатыр явэла шундлы пэ Лоло́ мо́рё (дэрьяв). ²² Акэ, о вэ́рго газдэлапэ сыр о́рло (кíдо) и ёв явэла тэ вурнял и тэ росчхувэл пэскирэ пхака́ упралэстыр пэ Восоро (Боцра). Дрэ дава́ дывэс ячэлапэ ило́ зоралэ-муршэнгиро сы́рбы ило́ джувля́киро, савья́ мэнчынэна дукха́ тэ биянэл.

Сэндо пэ Дамаско

²³ Пал Дамаско. – “Емафо [Хамато-ю.о.] и Арпадо ладжакирдэ, пал-довá со ёнэ шундлэ фуй нэвипэн. Лэнгиро ило́ биладыя (замыя́) криг; мо́рё (дэрьяв) кунинэлапэ тугатыр; ёв на дэла ра́да пэскэ тэ явэл штыл. ²⁴ Дамаско яця́ бизорья́киро, и рисия́ тэ нашэл, дар (траш) ухтылдя лэс. Илытко дукх и туги лынэ́ зор пэ лэстэ сы́рбы пэ джувля́тэ, савья́ мэнчынэна дукха́ тэ биянэл. ²⁵ Сыр да славутно́ фо́ро на яця́пэ цэ́ло, фо́ро, савэстыр рады́нэнаспэ мануша́! ²⁶ Палдава́ тэрнэ мануша́ далэ́ форóстыр пэрэна пэ лэскирэ вули́цы (га́сы), и сарэ́ марибна́скирэ му́рша́ хасёна дро дава́ дывэс, – ракирэ́ла болыбна́скиро-янголэнгиро Рай Дэвэл. ²⁷ ‘Мэ росхачкирава яг пэ ван́та Дамаскоскири, и ёй похала сарэ́ фэлатиня́ Венададоскирэ [Бэн-Хададоскирэ-ю.о.]’”

Сэндо пэ Кидаро и Асоро (Хазоро)

²⁸ Пал Кидаро и пал кралипэна́ Асоро́скирэ, савэ́ о Навуходоносо́ро, кра́ли Вавилонóскиро, розмардя́. Адыкэ ракирэ́ла Рай Дэвэл: “Уштэн, джа́н упрэ́ проти Кидаро и лучкирэн манушэн [чхавэн-р.с.] востокóстыр. ²⁹ Лэ́на лэнгирэ́ ша́тры и бакрэнгирэ́ гурты, лэнгирэ́ логи (покро́вы) дрэ́ ша́тры и сарэ́ лэнгирэ́ пирья́, и лэнгирэ́ верблю́дэн лы́джана́ пэскэ́ Халдеи. Ёнэ́ явэна́ тэ годлэн: ‘Дар кажно́нэ ригаты́!’” ³⁰ “Нашэн, пра́стан дурэ́дыр адатхы́р, гара́дён хор, мануша́лэ, кон дживэ́ла кэ́ Асоро,” – ракирэ́ла Рай Дэвэл. ‘О Навуходоносо́ро, кра́ли Вавилонóскиро, чхудя́ пэ́ годы́ тэ пэрэл пэ́ тумэндэ, и ёв придуминдя́ плано́ проти́ тумэндэ. ³¹ Ушты́, Навуходоносо́ро, джа́ пэ́ барвалы́ на́цыя, со́ дживэ́ла би́ дара́киро’, – ракирэ́ла Рай Дэвэл, – ‘конэ́стэ́ нанэ́ ни по́рты, ни шта́бы, савэ́ дживэ́на ко́корэ́ пэскэ́. ³² Лэнгирэ́ верблю́дэн са́шты́ явэ́ла тэ́ лэн сыр́ дорэ́сыбэн, и бут-бут лэнгирэ́ му́рдала́ явэ́на чо́рдэ. И Мэ́ росчхуа́ва тэ́ дживэн пэ́ сарэ́́ балва́ля одолэн, савэндэ́ яго́ры (край) пэ́ балэнгирэ́ пёйсы́ исын обчхиндлэ́, и Мэ́ яна́ва биба́хт (би́да) пэ́ лэндэ́ сарэ́́ ригэндэр’, – ракирэ́ла Рай Дэвэл. ³³ ‘Асоро́ явэ́ла штэ́то ва́ш шака́лэнгэ́ тэ́ дживэн, и ёв уса́ды (сак) (всегда́) явэ́ла чхучо́, и ни́е́кх ма́нуш на́ явэ́ла тэ́ дживэл одо́й и ни́е́кхэ-манушэ́скиро́ чхаво́ на тэ́рдэла́ тэ́ дживэл одо́й’”

Сэндо пэ Еламо

³⁴ Ра́скирэ-Дэвлэ́скиро лав, со́ сыс́ Ереме́ёскэ́, проро́коскэ́ проти́ Еламо, кэ́ли о́ Сэдэ́кия, кра́ли Юдэ́якиро, лы́я тэ́ кра́линэл: ³⁵ Адыкэ ракирэ́ла Рай Дэвэл, болыбна́скирэ-янголэнгиро: “Акэ́, Мэ́ пха́гирава́ лу́ко Еламо́скиро, са́мо-гла́вныма́ лэнгирэ́-зорья́кири. ³⁶ Мэ́ яна́ва шта́р балва́ля шта́рэ́ ягорэндэр пэ́ болы́бэн, и Мэ́ росчхуа́ва тэ́ дживэн лэн пир сарэ́́ далэ́ балва́ля; и на́ явэ́ла ни́е́кх на́цыя, кэ́ сави́, соб (кай) тэ́ на́ явэн би́кхэрэ́скирэ́ Еламо́стыр. ³⁷ Мэ́ кэ́рава́ ады́кэ, соб (кай) ма́нуша́ Еламо́стыр тэ́ замэрэн да́ратыр ангил лэнгирэ́ вэ́ргэндэ, и ангил одолэндэ́, кон ро́дэла́ лэнгиро́ ди. Мэ́ яна́ва ба́ри биба́хт (би́да) пэ́ лэндэ́, Ми́ри зора́лы́ холы́” – ракирэ́ла Рай Дэвэл, – ‘и Мэ́ би́чхава́ва ку́рта́ла пал лэндэ́ ады́кэ

гара (длүгэс), ангил Мэ домарава лэн. ³⁸ И Мэ чхувáва Миро трóно дро Еламо, и Мэ мулякирава лэнгирэ кральён и тхагарьен’ – ракирэла Рай Дэвэл. ³⁹ ‘Нэ дро сáмо кóнцо (ягóро) дывэсэнгиро Мэ яна́ва палэ пленонэн Еламоскирэн’” – ракирэла Рай Дэвэл.

Шэрó 50

С́ндо пэ Вавило́но и пэ Пхув Халдеенгири

¹ Акэ, исын лав, со Рай Дэвэл пхэндя́ проти Вавило́но, и проти пхув Халдеенгири пир Еремее́стэ, пророко́стэ: ² “Подэн зан (дэн тэ джинэн) машки́р на́цыи, и обзаныкирэн (ро́спхэнэн) сарэнгэ, и газдэн сцяго (флаго); обзаныкирэн, и на гаравэн дава́, – пхэнэн: ‘Вавило́но лыно́, Вило ладжакирдó. Меродахо исын пхагирдó пэ котэра́, лэскирэ́ йдолы магирдэ́, лэнгирэ́ вычхудэ́ муя́ пхагирдэ́ пэ котэра́. ³ Ваш одова́ со паш-ратитконé (севернонэ) ригаты́р джала́ пашылэды́р Мидянэнгири на́цыя проти Вавило́но, ёнэ кэрэна лэнгирэ́ пхувья́тыр чхучо́ (пусто) штэ́то, и ниéкх (никон) на явэ́ла тэ дживэ́л одо́й: и мануша́ и мурдала́ (животна) нашэ́на и джа́на криг. ⁴ Дрэ долэ́ дывэса́ и дро дова́ часо́’, – ракирэла Рай Дэвэл, – ‘чхавэ́ Израилёскирэ́ и сарэ́ чхавэ́ Юда́скирэ́ явэ́на кхэтанэ́, и ёнэ явэ́на, рови, соб (кай) тэ родэн Рас-Дэвлэ́с, пэскирэ́с Дэвлэ́с. ⁵ Ёнэ явэ́на тэ пхучэнпэ́ дром пэ Сио́но, и ёнэ явэ́на тэ рискирэн пэ́скирэ́ муя́ кэ ёв, ракири́: ‘Явэн и ла́са тэ кхэтанякираспэ́ кэ Рай Дэвэл вечнонэ́ заветоса́, саво́ на бистрэлапэ́. ⁶ Мирэ́ мануша́ нашадынэ́ сыр бакрэ́: лэнгирэ́ чхупна́рья (пастыри) лыджинэ́ лэн криг дромэ́стыр, ёнэ рискирдэ́ лэн дромэ́стыр пэ бэ́рги. Ёнэ гинэ́ тэ псирэн бэ́ргаты́р пэ бэ́ргица и ёнэ бистырдэ́ пэ́скиро штэ́то тэ откхинён. ⁷ Сарэ́, кон латхэлас лэн, ханас лэн, и лэнгирэ́ намала́ (вэ́рги) ракирдэ́: ‘Амэ на сам бангэ́, пал-дова́ со ёнэ кэрдэ́ грэ́хи проти Растэ́-Дэвлэ́стэ, дрэ́ Савэ́стэ дживэ́ла чачипэн, Рай Дэвэл, Савэ́стыр ужакирдэ́ лачхипэн лэнгирэ́ дада́. ⁸ Израилёскирэ́ мануша́лэ, прастан Вавилонóстыр, джан криг Халдеенгирэ́ пхувья́тыр; и явэн сыр бузнэ́ ангил пэ́скиро гурто. ⁹ Пал-дова́ со, акэ́ Мэ газда́ва и яна́ва пэ́ Вавило́но и кэ́дава кхэтанэ́ проти лэ́стэ барэ́ на́цыи паш-ратитконé тхэмэ́стыр, и ёнэ явэ́на тэ кэдэнпэ́ тэ марэнпэ́ проти лэ́стэ, и ёнэ лэ́на Вавило́но. Лэнгирэ́ марибны́тка бустя́ (стрéлы) явэ́на сы́рбы одолэнгирэ́, кон исын марибна́скирэ́ спéцы, савэ́ на рисё́на палэ́ ивьа́ (дармэс). ¹⁰ И пхув Халдеенгири явэ́ла пхагирды́; сарэ́, кон росчорэ́ла ла, явэ́на чалэ́”, – ракирэла Рай Дэвэл. ¹¹ ‘Пал-дова́ со тумэ́, мануша́ Вавилонóстыр, радындлэ́пэ, и тумэ́ свэнкиндлэ́ кэ вучипэн, тумэ́, савэ́ росчордэ́ Миро мэкно́ миштыпэн – Мирí на́цыя. Тумэ́ радындлэ́пэ, ухнэ́ (ухтынэ́) пэ́скэ сыр рэ́ца (тёлка) пэ́ чар, и тумэ́ гримитындлэ́ сы́рбы гэншта́ (граё́). ¹² Тумарí дай, Вавило́но, явэ́ла хор ладжакирды́ (дрэ́ бари ладж), ёй, савí яндя́ тумэн пэ́ свéто, явэ́ла тэ лолёл ладжаты́р [ладжакирды́-ю.о.]: ёй явэ́ла най тыкнэ́дыр сарэ́ на́цыэндýр: явэ́ла сы́рбы чхучí мал (стен), шуки́ пхув и чхучэ́ прахи. ¹³ Пир Ра́скирэ́-Дэвлэ́скиро холякирибэн, пэ́ латэ́ никон на явэ́ла тэ дживэ́л, и ёй явэ́ла сарэ́са чхучí. Кажно́ (сва́ко) ману́ш, кон джала́ пир Вавило́но, явэ́ла тэ путравэл якхá трашаты́р (тэ́ дивинэлпэ́) и явэ́ла тэ дэл шо́ля (тэ́ свистинэл), сыр дыкхэ́ла марибны́тка ф́рансы. ¹⁴ Тэ́рден тумэ́ тэ марэнпэ́ проти Вавило́но, тру́сцял лэ́стэ, сарэ́, савэ́ одтырдэ́на лу́ко; дэн карьё́ дрэ́ лэ́стэ, на тангинэн (на жали́нен) бустя́, пал-дова́ со ёв кэрдя́ грéхо (бизо) проти Растэ́-Дэвлэ́стэ. ¹⁵ Годлэн проти лэ́стэ сарэ́ тру́сцял, пал-дова́ со ёв газды́я васт тэ́ поддэлпэ́, фунда́менты лэ́скирэ́ пы́нэ, лэ́скирэ́ ванты́ радэ́ тэлэ́, пал-дова́ со дава́ Рай Дэвэл дукхавэ́ла палэ́, сыр ёв кэрдя́ ады́кэ, ады́кэ-па́ць кэрэн и тумэ́ лэ́скэ. ¹⁶ Чингирэн тэ́ хасёл одолэ́с, кон чхувэ́ла гив дрэ́ пхув дро Вавило́но, и ко́долэс, саво́ рикирэ́ла серпо́ (чхиндло́), сыр тэ́ чхинэл гив, курталакирэ́ дараты́р, савí явэ́ла тэ́ притасавэл, мэк со екх ману́ш тэ́ рисёл кэ́ пэ́скирэ́ мануша́, мэк со екх ману́ш тэ́ нашёл пэ́ пэ́скири пхув.’”

Израилёскиро Рисибэн

¹⁷ ‘Мануша́ Израилёскирэ́ исын сы́рбы бакрэ́, савэ́ росчхурдынэ́, кай якхá дыкхэ́на, шчэ́ра (левы) рострадынэ́ лэн криг: англэ́дыр кра́ли Аси́риякиро по́хая лэн, и акана́, палатунó

(последнѣ) кадава Навуходоносоро, крáli Вавилонóскиро, пхагирдя лэнгирэ кокалы.’¹⁸ Палдава адякэ ракирэла болыбна́скирэ-янголэнгиро Рай Дэвэл, Дэвэл Израилёскиро: ‘Акэ, Мэ пхарэс сэндякирава краліс Вавилоноскирэс и лэскири пхув, сыр Мэ пхарэс сэндякирдём краліс Асириякирэс.’¹⁹ Нэ Мэ янава палэ Израилё пэ лэскири чаритко фэлда (пажыть) и лэскирэ мануша́ явэна тэ чаравэнпэ пэ Кармило и Васано; и лэскиро ди явэла чало пэ бэрга Еффраимо и Галаадо.²⁰ Дро долэ дывэса́ и дро дова́ часо́, – ракирэла Рай Дэвэл, – ‘явэна тэ родэн чорипэн дро Израилё, нэ нисо́ на латхэна, и явэна тэ родэн грэхи Юдастэ, нэ ёнэ ничы́ на латхэна, нэ Мэ отмэка́ва банг кодолэнгэ, савэн Мэ ячкирава джидэнца (ракхава тэ дживэн).’

Сэ́ндо пэ Пхув Халдеенгири (Вавилония)

²¹ ‘Дж́ан проти пхув Мэратаим ^[1] и конэскирэ мануша́ гинэ криг дромэстыр. Чхучакир (пустошын) и розмар сарэ́са лэн, – ракирэла Рай Дэвэл, – ‘и кэр саро́, со Мэ припхэндём тукэ. ²² Грукато [шумо-р.с.] марибна́скиро шундло пэ пхув и баро́ хасибэн.’ ²³ Сыр дава́ млото (свиринд/хамло), со сыс пир сарі́ пхув, яця́ чхиндло́ пэ котэра́ и пхагирдо́! Сыр да Вавило́но яця́ дивоса трашаса машкі́р на́цыи?! ²⁴ Мэ росчхудём фэлы́ (сеть) пэ тутэ, Вавило́но, и тут адякэ-паць лэ́на, и ту на джидян дава́. Тут латхнэ́ и лынэ́ дро плéно пир дова́, со ту тэрдиян проти Растэ-Дэвлэстэ. ²⁵ Мэ, Рай Дэвэл, откэрдём Мири́ пиралы́, и Мэ лыджиём яври́ марибны́тка. Мирэ́ холятыр – пал-дова́ со Мэ, Сарэзорья́киро Рай Дэвэл, болыбна́скирэ-янголэнгиро, лыджа́ва Мири́ буты́ пэ пхув Халдеенгири. ²⁶ Дж́ан марибна́са пэ латэ́ сарэ́ ягорэндыр (кра́сндыр) пэ пхув, псиравэн (откэрэн) ла́кирэ пиралы́, счхувэн екх пэ екх сыр гарбы́, розмарэн сарэ́са да́я пхув: мэк нисо́ тэ на ячэлпэ. ²⁷ Чхинэн сарэ́ ла́кирэ гурувэн: мэк ёнэ сарэ́ тэ дж́ан тэл чхури! Бида пэ лондэ́! Лэнгиро дывэ́с явдя́, соб (кай) лэн пхарэ́с тэ сэндякирэн. ²⁸ Шунэн манушэнгири зан (глос), савэ́ на́шэна́ и ра́кхэнапэ́ Вавилонóскирэ пхувья́тыр. Ёнэ подэ́на зан (звесь) дро Сио́но, со Рай Дэвэл, амаро́ Дэвэл дукхавэ́ла палэ́, Ёв дукхавэ́ла палэ́ пал Лэ́скири Кхангири́. ²⁹ Кхарэн кхэтанэ́ сарэ́ карье́-дыибна́скирэн пэ лу́ко проти Вавило́но. Тэрдён кхэтанэ́ (табороса) сарэ́ трусця́л, кон одтырдэ́ла лу́ко: соб (кай) ни́екх тэ на кэрэлпэ́ никай. Кэрэн чорипэн палэ́ лэ́скэ пир дова́, сыр ёв кэрдя́; пал сарі́ лэ́скири буты́, со ёв кэрдя́, кэрэн и тумэ́ адякэ-паць лэ́скэ. Пал-дова́ со ёв яця́ пхутькирдо́ проти Растэ-Дэвлэстэ, проти Свэнто́ Израилё́. ³⁰ Палдава́ лэ́скирэ тэрнэ́ мануша́ пэрэ́на пэ га́сы, и сарэ́ лэ́скирэ марибна́скирэ му́рша́ хасэ́на дро дава́ дывэ́с, – ракирэла Рай Дэвэл. ³¹ ‘Акэ, Мэ сом проти тутэ́, пхутькирдо́ Вавило́но!’, – ракирэла Рай Дэвэл, болыбна́скирэ-янголэнгиро; пал-дова́ со тыро́ дывэ́с явдя́, соб (кай) Мэ пхарэ́с тэ сэндякирав тут. ³² Най пхутькирдэ́ обштавэ́напэ́ (обстэмпинэ́напэ́) и пэрэ́на, и ни́екх нагаздэ́ла пэс. Мэ росхачкирава́ яг дрэ́ лэ́скирэ фо́рья, и ёй похала́ саро́ трусця́л лэ́стэ.’ ³³ Адякэ́ ракирэ́ла болыбна́скирэ-янголэнгиро Рай Дэвэл: ‘Чхавэ́ [бияты-ю.о.] Израилё́скирэ исын притасадэ́, адякэ́ сыр и чхавэ́ [бияты-ю.о.] Юда́скирэ. Сарэ́, кон лынэ́ дро плéно лэн, рикирэ́на лэн зоралэ́с; ёнэ отпхэнэ́напэ́ тэ мэкэн лэн пэ во́ля. ³⁴ Лэнгиро Выракхибна́скиро исын зорало́; болыбна́скирэ-янголэнгиро Рай Дэвэл исын Лэ́скиро лав: Ёв добусовэ́с (старательнэ́с) обсэндякирэ́ла (роскэдэ́ла) лэнгиро рэндо́, соб (кай) ёв сашты́ (могинэл) тэ дэл откхиныбэн пхувья́кэ, со исын тэл Халде́эндэ́, и напо́коё́ (дар) манушэнгэ́, кон дживэ́ла кэ́ Вавило́но. ³⁵ Курта́ла джа́ла пэ́ Халде́эндэ́, – ракирэ́ла Рай Дэвэл, – и пэ́ манушэндэ́, кон дживэ́ла кэ́ Вавило́но, и пэ́ лэ́скирэ тхагарьэ́ндэ́ и пэ́ лэ́скирэ годэ́ манушэндэ́. ³⁶ Курта́ла пэ́ подпхэныбна́скирэндэ́ [зумакирибна́скирэндэ́-р.с.], и ёнэ́ явэ́на дылыни́нька. Курта́ла пэ́ сарэ́ марибна́скирэ му́ршэндэ́, и ёнэ́ замэрэ́на да́ратыр. ³⁷ Курта́ла пэ́ лэнгирэ́ грэндэ́, и пэ́ марибна́скирэ вурдэ́на, и пэ́ сарэ́ явирэ́-родэнгирэ́ (мешанонэ́) манушэндэ́, савэ́ исын машкі́р лэндэ́, и ёнэ́ ячэ́на сыр джувля́. Курта́ла пэ́ лэнгирэ́ кучипэ́на, и лэндыр лэн чорэ́на. ³⁸ Баро́ шукипэн тэ́ явэл пэ́ лэ́скирэ паня́, соб (кай) ёнэ́ тэ́ вышутён. Пал-дова́ со да́я исын пхув вычхиндло́ муенца́, и мануша́ одо́й ячнэ́ бигодякирэ́ пэ́скирэ да́ракунэ́ идолэндыр. ³⁹ Палдава́ rischiрибна́скирэ му́рдала́ малятыр/ степатыр [чхучэ́ прахэндыр-ю.о.] явэ́на тэ́ дживэн пэ́ да́я пхув кхэтанэ́ шакалэнца́, и страусы́ явэ́на тэ́ дживэн пэ́ да́я пхув. Пэ́ да́я пхув

бутыр ни́екх ману́ш на явэ́ла тэ дживэ́л, и никон на явэ́ла пэ да́я пхув родэндýр кэ родо. ⁴⁰ Сыр Дэвэл радя тэлэ Содомо и Гомора и лэнгирэ пашатунэ форя, адякэ-паць ни́екх ману́ш на явэ́ла тэ дживэ́л ада́й, и ни́екх чхаво́ манушэ́скиро на ячэ́лапэ тэ дживэ́л сыр чу́жо дро дава́ форо. ⁴¹ Акэ, мануша́ джа́на паш-ратитконэ́ (северно́нэ) рига́тыр, да́я исын бари на́цыя и бут кра́лья, саво́ газдэ́напэ ягорэндýр (краендыр) пэ пхув. ⁴² Ёнэ рикирэ́на лу́ко и пика (лонхо), ёнэ исын бидескирэ́, и ёнэ на потангинэ́на. Лэнгири зан исын сыр мо́рё (дэрьяв) брилинэ́ла (шуминэ́ла), ёнэ традэ́на уклисте́ пэ грэндэ́, ёнэ кэдэ́напэ тэ марэ́нпэ со кэ екх ману́ш кэ сарэ́ пэ ту́тэ, э чхай Вавилоноскири. ⁴³ О кра́ли Вавилоно́скиро шундя́ да́я зан (звесь), сыр пхукадэ́ (пирипхэндлэ́) пал лэндэ́, и лэскирэ́ васта́ ячнэ́ бизорья́кирэ́. Илытко дукх ухты́лдя лэс, дукха́, сы́рбы джувля́тэ, савья́ мэ́нчынэ́на дукха́ тэ биянэ́л. ⁴⁴ Акэ, вэ́рго Вавилоно́скиро, явэ́ла сыр шчэр (лёво) Иорданоскирэ́ бэрги́цэндýр [хашчатыр/логовосты́рю.о.] проти зорья́кирдэ́ кхэратунэ́ штэ́ты, нэ́ Мэ́ кэра́ва адя́кэ, со ёв екхаты́р нашэ́ла криг Вавилоно́стыр. Кон исын одова́ выке́дыно ману́ш, соб (кай) Мэ́ сашты́ (могинавас) тэ газдав лэс упрэ́ пэ лэ́стэ? Кон исын ка́дасаво́ сыр сом Мэ́? Кон исын му́ршкано́ тэ пхучэлпэ́ Манды́р отпхэ́ныбэ́н? И кон исын ада́саво́ чхупна́ри (пастыре́), саво́ явэ́ла тэ тэрдэ́л проти Мандэ́?"" ⁴⁵ Палдава́ шунэ́н годо́ лав Ра́стыр-Дэвлэ́стыр, саво́ Ёв чху́дя пэ годы́ проти Вавило́но и со Ёв камдя́ тэ придуминэ́л проти пхув Халде́енгири: най ты́кнэды́р лэнгирэ́ чхавэ́ндыр [стадаты́р-р.с.] Мидя́нэнгирэ́ халадэ́ лыджа́на криг и, чачэ́с, Ёв – Рай Дэвэл – чхуча́кирэ́ла (опустошы́нэла) лэнги́ро кхэратуно́ штэ́то (кхэ́ра) кхэ́танэ́ лэнца. ⁴⁶ Пхув явэ́ла тэ издрал годлаты́р Вавилоно́стыр, кэ́ли лэс лэ́на, и годлы́пэн явэ́ла тэ шунэ́лпэ́ машки́р Наюды́тка на́цыи.

50:21 ^[1] Дрэ бут явир Библии да́я пхув пхэ́нэлапэ́ ‘Мератаим’ и ‘Пекодо’

Шэро́ 51

Хасибэ́н Вавилоно́скиро Тырдэ́лапэ́ Дурэ́дыр

¹ Акэ, исын лав, со ра́кирэ́ла Рай Дэвэл: “Акэ, Мэ́ газда́ва пэ Вавило́но лэнгирэ́ вэ́ргэн (хася́кирибны́тко балва́л) и пэ одолэ́ндэ́, саво́ дживэ́на пэ пхув Халде́енгири. ² И Мэ́ бичхава́ва пэ Вавило́но манушэ́н, саво́ балва́лякирэ́на форо́ и ёнэ выбалва́лякирэ́на лэс, и чхуча́кирэ́на лэски́ри пхув: пал-дова́ со дро дывэ́с, сыр явэ́ла биба́хт (би́да), ёнэ сарэ́ явэ́на проти лэ́стэ [сарэ́ ригэ́ндыр-р.с.]. ³ Мэ́к тэ одты́рдэл карье́-дыи́бнаски́ро пэски́ро лу́ко проти яви́рэстэ́, мэ́к тэ барья́кирэ́л пэс одова́, конэ́стэ́ исын са́струно́ ко́лын (кольчу́га) анги́л яви́рэстэ́. На жа́линэн (тангинэ́н) лэски́рэ́ тэ́рнэ́ манушэ́н; хася́кирэ́н саро́ лэски́ро халады́бэ́н. ⁴ И му́лякирдэ́ мэ́к тэ пэрэ́н пэ пхув Халде́енгири, и ко́долэ́, савэ́н про́пхуса́дэ́, пэ лэски́рэ́ га́сы. ⁵ Пал-дова́ со Рай Дэвэл, болы́бна́скирэ́-янго́лэнги́ро, на я́чкирдя́ Пэ́скирэ́н: ни Ю́дас, ни Израи́лэ, на ды́кхы́ пэ дава́, со лэнги́ри пхув исы́с пхэ́рдэ́ грэ́хэнца́ проти Израи́лэскирэ́ Свэ́нтонэ́стэ́. ⁶ Нашэ́н Вавилоно́скирэ́ машки́ралы́пна́стыр, и со кэ екх ману́ш мэ́к тэ ра́кхэл пэ́скиро джи́ибэ́н, соб (кай) тэ на хасэ́л пал Вавилоно́скиро чо́рипэ́н. Га́да, исын часо́, со Рай Дэвэл дукхавэ́ла палэ́, Ёв отдэ́ла палэ́ лэ́скэ. ⁷ Вавило́но сыс сувна́кунó тахтай́ дрэ́ васта́ Ра́скирэ́-Дэвлэ́скирэ́, саво́ матя́кирдя́ сари́ пхув: на́цыи ма́тинэ́ лэски́рэ́ мо́ляты́р (ло́лэ́ бравинта́тыр); палдава́ на́цыи я́чнэ́ бигодя́кирэ́. ⁸ Вавило́но екхаты́р (сра́зу) пы́я́ и розмардя́пэ́. Ровэ́н годлэ́нца́ пал лэ́стэ́; лэн ба́льзамо́ пэ лэски́рэ́ риски́рибэ́на (раны́), сашты́ (моги́нэ́ла) тэ́ явэ́л, со ёв са́стэ́ла. ⁹ Амэ́ драба́кирасас Вавило́но, нэ́ ёв на са́стия́: я́чкирэ́н лэс и мэ́к ка́жно (сва́ко) ману́ш амэ́ндыр тэ́ джал пэ́скиро тхэ́м: пал-дова́ со сэндо́ пэ́ лэ́стэ́ до́гия́ кэ́ болы́бэ́н, и газды́я́пэ́ кэ́ о́блоки. ¹⁰ О Рай Дэвэл сы́кады́а амаро́ ча́чипэ́н: явэ́н и подаса́ зан/даса́ тэ́ джи́нэ́н пэ́ Сио́но пал Ра́скирэ́-Дэвлэ́ски́ри бу́ты, амаре́ Дэвлэ́ски́ри. ¹¹ Войстри́нэ́н (дэ́н чо́л) ма́рибны́тка́ бустя́ (стрэ́лы) тэ́ зя́инэ́н, О Рай Дэвэл газды́я́ ду́хо (фа́но) Ми́дия́кирэ́ кра́льэ́нгэ́. Пал-дова́ со Ёв придуми́ндя́ тэ́ хася́кирэ́л Вавило́но. О Рай Дэвэл дукхавэ́ла палэ́, Ёв отдэ́ла палэ́ пал Лэ́ски́ри Кханги́ры. ¹² Чхувэ́н упрэ́ сця́го (знаме́) пэ́

в́анты Вавилонóскирэ, зорьякирэн стрéга, росчхувэн ракхибнаскирэн, кэрэн чораханэ штéты (засады) тэ марэнпэ. О Рай Дэвэл выпхэрдякирэла (сполнинэла) дова́, со Ёв пхэндя́ пэ манушэндэ, кон дживэла кэ Вавило́но. ¹³ Ту, Вавило́но, сан пашы́л бут барэ панингá, конэстэ исын барó кучипэн, тырó кóнцо (ягóро) явдя́, и мéра трэ сквапнымакэ. ¹⁴ О болыбна́скирэ-янголэнгиро Рай Дэвэл совлахадя́ пэ Пэстэ: ‘Чачэс Мэ пхэрдякирава тут манушэнца сыр пхакитконэ скочкэнца, и ёнэ газдэ́на гóдла проти түтэ.’ ¹⁵ Ёв созды́я пхув Лэскирэ заня́са (глосаса), и Ёв чхудя́ свéто Лэскирэ годы́пнаса, и Ёв роздзиньдзэкирдя́ (ростырды́я) болыбэн Лэскирэ годя́са. ¹⁶ Кéли Ёв пхэнэ́ла пэскирэ заня́са, тэды паня́ пэ болыбэн газдэ́на глумо, Ёв кэрэ́ла адя́кэ, со óблоки газдэ́напэ пхувья́кирэ ягорэндýр (краенды́р); Ёв кэрэ́ла адя́кэ, со явэ́на блискави́цы брышы́ндэса, Ёв янэ́ла балва́л Лэскирэ пираленды́р. ¹⁷ Кажно (сва́ко) ману́ш ячэ́ла буро [дылыно́-р.с.] пэскирэ джиныбнасты́р, кажно сувнакунэнгиро мастеро́ явэ́ла ладжакирдó вычхудé идолосты́р, пал-дова́ со дава́ биладо́ идоло́ исын хоханó, и нанэ́ дýхо (фа́но) дрэ́ лэстэ́. ¹⁸ Дава́ нисó на мол, сабны́тко буты́: сыр явэ́ла дывэ́с ваш сэндо, ёнэ́ хасэ́на. ¹⁹ Нэ́ Яковоскири до́ля нанэ́ дасави́ сыр лэнгири, пал-дова́ со Ёв, Дэвэл, Кон созды́я сарó, и, Израилé исын сыр Лэскиро́ миштыпэн, болыбна́скирэ-янголэнгиро Рай Дэвэл исын Лэскиро́ лав. ²⁰ Ту сан Мándэ́ млото (сви́ринд/хамло), миро́ марибны́тко приладо́ (марды́тко), тýса Мэ́ розмаравас пэ́ котэ́ра на́цыи, и тýса Мэ́ розмаравас пэ́ котэ́ра кра́липэ́на; ²¹ тýса Мэ́ розмаравас пэ́ котэ́ра грэс и уклизтэ́скирэс (манушэ́с, савó сыс бэ́штó уклизтэ́) пэ́ лэстэ́, тýса Мэ́ розмаравас пэ́ котэ́ра марибны́тко вурдэн и лэ́скирэ манушэ́с, кон традэ́ла; ²² тýса Мэ́ розмаравас пэ́ котэ́ра му́ршэс и джувля́, тýса Мэ́ розмаравас пэ́ котэ́ра пхурэс и тэрнэ́с; тýса Мэ́ розмаравас пэ́ котэ́ра тэрнэ́ манушэ́с и тэрно́рья (тэрнэ́ чха); ²³ тýса Мэ́ розмаравас пэ́ котэ́ра чхупна́рис (пасты́рэс) и лэ́скиро гурто́; тýса Мэ́ розмаравас пэ́ котэ́ра пхувья́кирэ хула́с и лэ́скирэ гурувэн дро́ га́мо; и тýса Мэ́ розмаравас пэ́ котэ́ра шэ́ралэ́ ран и тхэмэ́скирэ барыды́рэн. ²⁴ И Мэ́ отда́ва Вавилоно́скэ́ и сарэнгэ́, кон дживэ́ла кэ́ Халдея́, ангил тумарэ́ якха́, сари́ лэнгири биба́хт (фуипэн), со ёнэ́ кэрдэ́ пэ́ Сио́но”, – ракирэ́ла Рай Дэвэл. ²⁵ “Акэ́, Мэ́ сом проти́ түтэ́, о бэ́рга, сави́ хася́кирэ́ла”, – ракирэ́ла Рай Дэвэл, – “сави́ хася́кирэ́ла сари́ пхув. Мэ́ диндзэ́кирава́ Миро́ васт пэ́ түтэ́, и Мэ́ чхурда́ва тэлэ́ тут ска́ленды́р, и Мэ́ кэра́ва тۇты́р схачки́рды бэ́рга. ²⁶ И мануша́ на лэ́на тۇты́р бар пэ́ вэнгло́, ни бар пэ́ фунда́менто́, нэ́ ту, Вавило́но, усады́ / сак (всегда́) явэ́са чхучó”, – ракирэ́ла Рай Дэвэл. ²⁷ “Чхувэн упрé́ сцяго́ (знамё́) пэ́ пхув, пхурдэн дрэ́ ро́ги (трубы́) машки́р на́цыи! Скэдэн на́цыи проти́ лэстэ́, кхарэн кхэ́танэ́ кра́липэ́на́ проти́ лэстэ́: Ара́то, Миния́, Аскеназ. Чхувэн рас тэ́ лыджáл марибэн проти́ лэстэ́; кэрэн адя́кэ, соб (кай) граё́ тэ́ вурня́н сы́рбы пхакитка́ скочки́ (саранча). ²⁸ Скэдэн на́цыи проти́ лэстэ́ Ми́диякирэ́ кра́льэ́нца, лэнгирэ́ барэ́ ранца́ и тхэмэ́скирэ́ барыды́рэнца, сарэ́ тхэмэнца́, савэ́ исын тэл лэнгири́ зор. ²⁹ Пхув издрала́ и трински́рлапэ́: пал-дова́ со́ кажно́ дума́ Ра́скирэ́-Дэвлэ́скири́ явэ́ла тэ́ кэрэлпэ́ дро́ чачипэн проти́ Вавило́но, соб (кай) тэ́ кэрэл чхучи́ (пусто) пхув Вавилоно́скири́ би́ екхэ́ манушэ́скиро. ³⁰ Э́ зоралы́пна́скирэ́ [зоралэ́-р.с.] му́рша́ Вавилоно́сты́р пи́риячнэ́ тэ́ марэнпэ́, ёнэ́ ячнэ́пэ́ тэ́ бэ́шэн дрэ́ пэ́скирэ́ зоралэ́ в́анты́ (тв́арды́ми); лэнгири́ зор хаси́я, ёнэ́ ячнэ́ сыр джувля́. Лэнгирэ́ кхэ́ратунэ́ штéты́ исын хачинэ́, штабы́ (затворы́) пэ́ лэнгири́ по́рта́ исын пха́гирдэ́. ³¹ Э́ курье́ро пра́стала́ тэ́ дыкхэлпэ́ курье́росо́, и бичха́ибна́скиро́ (ману́ш лы́лэнца) тэ́ дыкхэлпэ́ яви́рэса́ тэ́ подэн зан (звесь) кра́ли́скэ́ Вавилоно́сты́р, со́ лэ́скиро́ фо́ро лыно́ екхэ́ ягору́сты́р кэ́ яви́р. ³² Штэ́ты тэ́ пи́риджан ре́ки (лэ́ня) (бро́ды) ухты́лдэ́ (залы́нэ), за́грады́ (зоралэ́ тыны́) хачинэ́ яга́са, и марибна́скирэ́ му́рша́ стра́хакирдэ́. ³³ Га́да, исын лав, со́ ракирэ́ла болыбна́скирэ́-янголэнгиро Рай Дэвэл, Дэвэл Израилё́скиро: “Чхай́ Вавилоно́скири́ исын сы́рбы́ гиваобкэ́рибна́скири́ шу́рна ^[1], кéли́ исын пора́ тэ́ укэдэн [шта́кирэн-ю.о.] гив: нэ́ ишчо́ (инкэ́) на́бут и явэ́ла часо́ тэ́ счхинэн (укэдэн) ла́кирэ́ гива́.” ³⁴ “О́ Навуходо́носо́ро, кра́ли Вавилоно́скиро, по́хая́ ман, и ёв́ розлучки́рдя́ ман: ёв́ кэрдя́ ма́ндыр, Юда́сты́р дрэ́ Вавилоно́скиро́ плéно, чхучи́ пи́ри, ёв́ на́кхадя́ ман сыр тра́шано са́п, ёв́ пхэ́рдяки́рдя́ пэ́скиро́ пэ́р мирé́ бонбонэ́нца́ (гудлы́пнэ́нца), ёв́ чунга́рдья́ ман яври́. ³⁵ Мэ́к на́храты́ма и дукх, со́ кэрдэ́ ма́нгэ́ и мирé́ масэ́нгэ́ (лочакэ́) тэ́ явэн пэ́ Вавило́но”, – пхэнэ́на мануша́, кон дживэ́ла пэ́ Сио́но, – “И́ мэ́к миро́ рат тэ́ явэл пэ́ манушэндэ́, кон дживэ́ла дрэ́

Халдэя”, – пхэнэла Ерусалимо. ³⁶ Палдова, адякэ ракирэла Рай Дэвэл: “Акэ, Мэ обсэндикирава тырорэндо и Мэ дукхавава палэ пал түтэ. Мэ шутыкирава Вавилоноскиро мөрё (дэрьяв) и кэрава адякэ, со лэскирэ ганынга пиришутэна. ³⁷ Вавилоностыр ячэнапэ руины, джибнаскиро штэто ваш шакалэнгэ, диво трашаса, со фэни тэ санпэ и би манушэнгино. ³⁸ Ёнэ, Халдеи, явэна тэ брилинэн (тэ ревинэн) сыр шчэра (левы), ёнэ явэна тэ рычынэн сырбы шчэрэнгирэ тыкнорэ. ³⁹ Сыр лэнгино дүхо (фано) газдэлапэ, Мэ кэрава лэнгэ свэнко и Мэ матякирава лэн, соб (кай) ёнэ тэ радынэнпэ зоралэс и тэ совэн саро вэко и тэ на джангадён (тэ на просовэнпэ)”, ракирэла Рай Дэвэл. ⁴⁰ “Мэ янава лэн сыр бакрорэн тэл чхури, сыр бакрэн бузнэнца (козлэнца). ⁴¹ Сыр да Сесахо [Шэшахо-ю.о.] лынэ? И сыр да сарэ-пхувьякири слава заухтылдэ? Сыр да пэ Вавилоно дивинэнапэ трашаса явир нацыи? ⁴² Мөрё (дэрьяв) сыгэс тхадэла упрэ пэ Вавилоно, ёв учхакирдя форо пэскирэ валнэнца. ⁴³ Лэскирэ форьэндэр, яця замэчно биманушэнгино штэто, шукй пхув, и чхучй мал (степ), пхув, пэ савй ниекх мануш на дживэла, пир савй на джала ниекх чхаво манушэскиро. ⁴⁴ И Мэ пхарэс явава тэ сэндикирав Вилос дро Вавилоно, и Мэ вытырдава лэскирэ мостыр дова, со ёв нахадя (проглытынды): нацыи на явэна бутыр тэ прастан кэ ёв сырбы рэки (лэня), и ванта Вавилоноскири пэрэла. ⁴⁵ Мирэ манушэлэ, джан криг далэ форостыр, и мэк кажно (свако) мануш тумэндэр тэ рахэл пэскиро ди Раскирэ-Дэвлэскирэ барэ холятыр. ⁴⁶ Мэк тумаро ило тэ на замэрэл, и мэк тумэ тэ на дарэн мавлынатыр (малватыр), со явэла шундлы пэ пхув; мавлын явэла екх бэрш, и палэ дова пэ явир бэрш. Пэ пхув явэна нахратэс ^[2] тэ кэрэн мануша, екх тхэмэскиро барыдыро явэла проти явирэстэ. ⁴⁷ Палдава, акэ, явэна дывэса, со Мэ кэрава пхаро сэндо пэ вычхиндлэ муя (идолы) Вавилоноскирэ, лэскири сарй пхув явэла ладжакирды, и сарэ лэскирэ мулякирдэ пэрэна машкир дава форо. ⁴⁸ И болыбэн и пхув, и саро, со исын пэ лэндэ, явэна тэ дэн гóдла радымаса пэ Вавилоно, пал-дова со мижэх чора (опустошители) явэна пэ лэстэ паш-ратитконэ (севернонэ) ригатыр”, – ракирэла Рай Дэвэл. ⁴⁹ “Сыр Вавилоно кэрдя адякэ, со мулякирдэ Израилэскирэ манушэн и ёнэ пэрэнас, адякэ-паць и дро Вавилоно явэна тэ пэрэн мулякирдэ сарэ лэскирэ пхувьятыр. ⁵⁰ Тумэ, кон зракхнэ пэс курталатыр, джан криг! На тэрдэн штыл! Рипирэн Рас-Дэвлэс дурал Вавилоностыр, и мэк тэ явэл Ерусалимо пэ тумаро ило.” ⁵¹ “Амэнгэ исын ладжаво, пал-дова со амэ шундым, сыр бипатывалякирдэ [кошнэ-р.с.] амэн; ладж учхакирдя амарэ муя: пал-дова со чужа мануша явнэ дрэ свэнта штэты дрэ Кхангири Раскири-Дэвлэскири.” ⁵² “Палдава явэна дывэса”, – ракирэла Рай Дэвэл, – “со Мэ пхарэс сэндикирава лэнгирэ вычхиндлэ муя, и пир сарй пхув, лэнгирэ дукхадэ (ранена) мануша явэна тэ дэн гондя (тэ стогнинэн) годласа. ⁵³ На дыкхй пэ дава, со Вавилоно газдэласпэ кэ болыбэн, и на дыкхй пэ дава, со ёв зоралэкирэлас пэскири вучй ванта, нэ сароэкх (усаэкх) мижэх чора явэна кэ ёв Мандыр” – ракирэла Рай Дэвэл. ⁵⁴ “Вавилоностыр шунэлапэ гóдла и зан (звесь) пал баро хашибэн пхувьятыр Халдэснгирьятыр. ⁵⁵ Гада, Рай Дэвэл хасякирэла Вавилоно и мурдякирэла лэскири зоралы зан. Бут валны (вэльны) сырбы вэргитка халадэ явэна тэ газдэн гóдла сыр вучэ панинга, и лэнгири зоралы зан явэла тэ шунэлпэ. ⁵⁶ Пал-дова со мижэх чор (опустошитель) джала пэ дава форо, проти Вавилоно; лэскирэ зоралыпнаскирэ муршэн пхандлэ, кажно лэнгино лүко явэла пхагирдо; пал-дова со Рай Дэвэл, Саво отдэла палэ пал чорипэн, Ёв дукхавэла палэ. ⁵⁷ Мэ, Рай Дэвэл, матякирава лэнгирэ тхагарьён и манушэн, кон дэла годы, лэнгирэ-тхэмэскирэ барыдырэн, лэнгирэ барэ ран, и лэнгирэ халадэн: и ёнэ явэна тэ совэн вэчнэс, и ёнэ на джангадэна (на прошинэнапэ)”, – ракирэла о Крали, Лэскиро Лав исын болыбнаскирэ-янголэнгино Рай Дэвэл. ⁵⁸ Адякэ ракирэла болыбнаскирэ-янголэнгино Рай Дэвэл: “Буглэ (груба) ванты Вавилоноскирэ явэна сарэса пхагирдэ, и лэскирэ вучэ порты явэна хачкирдэ ягаса; а лэскирэ мануша явэна тэ кэрэн буты ивья (напраснэс), и адякэ-паць и сарй нацыя фэни (тока) ваш яг кхинякирдя (мэнчынды) пэс.”

Еремее Припхэнэла Серияскэ

⁵⁹ Гада, исын лав, со пророко Еремее припхэндя Сераияскэ, чхавэскэ Нирияскирэскэ (кон сыс унуко Маасеяскиро): кэли ёв гия Седэкияса, кралыса Юдэятыр кэ Вавилоно дрэ штэрто

бэрш, сыр ёв лыя тэ кралинэл. О Сераия сыс кхэратуно пхурыдыро. ⁶⁰ И Еремее зачхиндя дрэ лылварі сарі бибáхт (бйда), со трэиндя тэ явэл пэ Вавилоно – сарэ далэ сама лавá, со исын зачхиндлэ пэ Вавилоно. ⁶¹ И пхэндя Еремее Сераияскэ: “Сыр ту явэса кэ Вавилоно, дыкх жа, прогин зоралэс сарэ далэ лавá: ⁶² и пхэн одой: ‘О Раё Дэвла! Ту пхэндян сарэ далэ лавá проти дава штэто, со Ту хасякирэса лэс адякэ, со никон на явэла тэ дживэл пэ дава штэто, ни мануш, ни мурдал, нэ ёв ячэлапэ чхучо пэ сарэ вки.’ ⁶³ И саро явэла адякэ: сыр ту кончынэса (пириячэса) тэ гинэс зоралэс даё лылварі, тэды пхандэ бар кэ лылварі, и чхурдэ ла дро машкирал Евфрато. ⁶⁴ И пхэн лэнгэ: ‘Адякэ и Вавилоно тасадёла и на газдэлапэ бибахтыр (бидатыр), саві Мэ янава пэ лэстэ. И ёнэ явэна сарэса кхинякирдэ (бизорьякирэ).’” И, акэ, савэ аканá исын лавá Еремеескирэ.

51:33 ^[1] гиваобкэрибнаскири шурна – гумно, токо, трэша

51:46 ^[2] нахратэс – пэ зор; нахальнэс

Шэрó 52

Халдеи Лынэ и Розмардэ Ерусалимо

¹ Сэдэкияскэ сыс биш тэ ёкх бэрш, сыр ёв яця кралиса, и ёв сыс кралиса дэшуэкх бэрш дро Ерусалимо. Лэскирэ-дакиро лав сыс Хамуталь, саві сыс Еремеескири чхай Ливнатыр. ² И Сэдэкия кэрдя фуипэн ангил якхá Рáскирэ-Дэвлэскирэ, саро дова, со и Иоакимо кэрдя. ³ Давá сыс пал Рáскирэ-Дэвлэскири холы, со кэрдяпэ дро Ерусалимо и Юдэя и Ёв рискирдя Пэстыр лэнгирэ манушэн. Тэньци Сэдэкия газдыяпэ проти кралистэ Вавилоностыр. ⁴ И сыс адякэ: пэ енято (би тринэнгиро дэшто) бэрш, сыр о Сэдэкия сыс крáli, Навуходоносоро, крáli Вавилоноскиро, явдя дро дэшто чхон, пэ дэшто дывэс долэ чхонэскиро, ёв и лэскиро халадыбэн пэ Ерусалимо, ёв обчхудя форо трусцял халадэнца: и ёнэ кэрдэ вало трусцял форо проти лэстэ. ⁵ И форо сыс дро обчхуибэн трусцял кэ дэшуэкхо бэрш, сыр крáli Сэдэкия лыя тэ раинэл (тэ кралинэл). ⁶ Дрэ штáрто чхон пэ енято дывэс далэ-чхонэскиро бари бокх газдыяпэ, и на сыс марó манушэндэ долэ-пхувьякирэндэ. ⁷ Тэды фороскири ванта пхагирдэ андрэ: и сарэ марибнаскирэ муршá нашенэ, и раты гинэ криг форостыр, пашэ порта машкир дуй ванты, со сыс пашыл дрэ кралискири унта, на дыкхí пэ дова, со Халдеи сыс трусцял пашыл форо. И Юды гинэ дромэса пир мал (степ). ⁸ И халадэ Халдеэнгирэ традынэпэ шалэ ^[1] пал кралистэ, и ёнэ ухтылдэ Сэдэкияс пэ маля (лошчыны) Ерихоноскирэ ^[2]; и саро лэскиро халадыбэн настя, кон пэскэ лэстыр. ⁹ И ёнэ лынэ Сэдэкияс, и яндлэ лэс кэ крáli Вавилоноскиро дрэ Ривла пэ Емафоскири [Хамафоскири-ю.о.] пхув и о Навуходоносоро кэрдя сэндо (чачипэн) пэ лэстэ. ¹⁰ И чхиндя крáli Вавилоноскиро чхавэн Сэдэкияскирэн ангил лэскирэ якхá; и ёв адякэ-паць чхиндя сарэ тхагарьён Юдэятыр дрэ Ривла. ¹¹ И ёв выпхусадя якхá Сэдэкияскэ, и ёв пхандя лэс харкунэ зандирьенца (кандалэнца), и ёв лыджия лэс кэ Вавилоно и чхудя лэс дро штарибэн ангил дывэс, сыр ёв мыя.

Халдеи Хачкирдэ Форо и Чордэ Кхангири

¹² И дро панджто чхон, пэ енято дывэс далэ чхонэскиро, со сыс дро енято бэрш, сыр крáli Вавилоноскиро о Навуходоносоро лыя тэ кралинэл, о Навузардано, рай пэ кралискири стрэга, кон сыс чачо васт кралискиро, явдя дро Ерусалимо, ¹³ и ёв хачкирдя Кхангири Рáскирэ-Дэвлэскири, и кхэр кралискиро, и сарэ кхэрá дро Ерусалимо, и сарэ кхэрá барэ манушэнгирэ, ёв хачкирдя ягáса. ¹⁴ И сарэ халадэ Халадеэнгирэ, савэ сыс рáса пэ кралискири стрэга, пхагирдэ тэлэ сарэ ванты трусцял (кругом) Ерусалимо. ¹⁵ Тэньци о Навузардано, рай пэ кралискири стрэга, лыджия дро плéно вари-савэ чорорэ манушэн, и явир манушэн, кон яцяпэ дро форо, и кодолэн, савэ (нашенэ) Юдэндыр кэ крáli

Вавилонóскиро, и кодолэн, савэ ячнэпэ спецэндэр дрэ вастытка бутя. ¹⁶ Нэ Навузардано, о рай пэ краліскири стрэга, мэкця вари-савэ чорорэ манушэн долэ пхувьякирэн, сыр винаградытконэ-барьякирибнаскірэн, и сыр пхувьякирэ бутярбен. ¹⁷ И бронзытка [харкунэ (мédна)-р.с.] стылбы, со сыс дрэ Кхангири Рáскірэ-Дэвлэскири: скаминдорэ пэ ротыцы (подставы), и харкуно мórё (дэрьяв) (бари цысцёрна панéса), сарó со сыс дрэ Кхангири Рáскірэ-Дэвлэскири, Халдэй пхагирдэ и лыджинэ сарі бронза (харкóма) кэ Вавилóно. ¹⁸ Ёнэ адякэ-паць лыджинэ криг вучэ пирья и шухлицы, и чхурья, и кучыка и барэ роя, и сарэ бронзытка судинки, савэнца рашая кэрдэ Дэвлэскири буты дрэ Кхангири. ¹⁹ И барэ чарэ, и цымты (шчыпцы), и тахтая, и пирья, и шандалэ, и барэ роя, и кучыка, сарó со сыс чачунэ сувнакастыр и со сыс рупэстыр, – сарó рай пэ краліскири стрэга лэя пэскэ. ²⁰ Адякэ-паць дуй стылбы, екх бари цысцёрна панéса (мórё (дэрьяв)), дэшудуй бронзытконэ гуруворэн, со сыс тэлал, и скаминдорэ пэ ротыцы, со крالی Соломóно кэрдэ ваш Кхангирьякэ Рáскірэ-Дэвлэскирьякэ – харкóма сыс пхагирды сарэ, со сыс нашты тэ ублавэс (тэ важынэс). ²¹ Аканá пал стылбы: кажно стылбо сыс вучипнаса дэшуохто куня (локти), буглыпнаеа, трусцýл (вокруг) тэ причхувэс мерибнытко шэло, сыс дэшудуй куня длэнгипнаса, и грубипнаса (грэмбипнаса) сыс штар ангушта (пальцы), и ишчо (инкэ) сыс чхучó машкирál дрэ лэстэ. ²² И фризо (венцо) пэ стылбо сыс бронзытко, и кажно фризо сыс пандж куня вучипнаса, кхудо узоро и гранатытка пхабá сыс пир сарó стылбо трусцýл, сарó сыс харкуно. Явир стылбо гранатытконэ пхабэнца сыс дасаво-паць. ²³ Пэ кажно риг стылбоскири сыс еня дэша шов гранатытка пхабá, сарэ гранатытка пхабá, со кэ екх сыс харкунэ пир кхудо узоро, сыс лэн шэл фрукты.

Юдэякирэ Манушэн Лыджана кэ Вавилóно

²⁴ О рай пэ краліскири стрэга лыя Сераияс, шэралэ рашас, и Цэфанияс, явирэ рашас, и тринэ пашвударэнгирэ стрэгарьэн (ракхибнарьэн). ²⁵ И ёв лыя евнухос, кон сыс барыдырó пэ марибнаскірэ муршэндэ, и ишчо (инкэ) эфта манушэн, савэ сыс краліскирэ помогипнаскірэ, и савэн латхнэ дро фóро, шэралэ лыла-чхиныбнаскірэс пэ халадэндэ, кон зачхинэлас манушэн долэ пхувьятыр дро халадыбэн и шовдэша явирэ манушэн, савэн латхнэ машкір фóро. ²⁶ И о Навузардано, рай пэ краліскири стрэга, лыя лэн и яндя лэн кэ крالی Вавилонóскиро дрэ Ривла. ²⁷ И крالی Вавилонóскиро пэкадя лэн и замардя лэн дрэ Ривла пэ пхув Емафоскири. Акэ, сыр Юдáскирэ манушэн лыджинэ дро плéно лэскирэ пхувьятыр. ²⁸ Акэ, исын гиныбэн манушэнгиро, савэн о Навуходоносóро лыджия дро плéно: пэ эфтáто (битринэнгиро дэшто) бэрш 3023 Юдэн; ²⁹ дро дэшуохтото бэрш Навуходоносороскиро ёв лыджия дро плéно Ерусалимóстыр 832 манушэн; ³⁰ дро бэш тэ трýто бэрш Навуходоносороскиро, о Навузардано, рай пэ краліскири стрэга лыджия криг дро плéно 745 Юдэн. Сарэ манушá, конэс лыджинэ дро плéно, сыс 4600.

Иоакимос Мэкнэ пэ Вóля Штарибнастыр

³¹ И сыс адякэ: дро триянда-эфтáто бэрш, сыр Юдэякирэ краліс Иоакимос лынэ дро плéно, дро дэшуявир чхон, пэ биш тэ пándжто дывэс чхонэскиро, со Евиль-Меродахо, крالی Вавилонóскиро, газдыя ангýл манушэндэ Иоакимос, краліс Юдэякирэс, и мэкця пэ вóля лэс штарибнастыр. ³² И о Евиль-Меродахо кучэс ракирдя лэса и дыя лэскэ патывалэдыр штэто, сыр явирэ кральэнгиро, савэ сыс лэса дро Вавилóно. ³³ И Иоакимо парудя пэскири штарибнытко идя, и ёв хая марó сарó часо ангýл кралістэ дрэ сарэ дывэсá лэскирэ джибнаскірэ. ³⁴ И крالی Вавилонóскиро на пириячэлас тэ дэл хабэн лэскэ, кажно дывэс лэскэ дэласпэ лэскири паш кэ лэскиро дывэс тэ мэрэл, дрэ сарэ дывэсá, сыр ёв сыс джидó.

52:8 ^[1] традэспэ шалэ – традэспэ дрэ погоня

52:8 ^[2] дрэ Руситко Библия пхэнэлапэ ‘Иерихон’

Роибэн Еремеескиро

Шэрó 1

Пэрво Роибэн

¹ Пхарó исын дро Ерусалимо: ёв (фóро) исын би манушэнгиро, сырбы пивлы (удова), сави сыс раны машкёр манушыпнаскирэ нáцыи! Акэ, кон сыс тхагáри пэ пхувьякирэ ригá, одовá мануш, яцá дынариса. ² Ёв ^[1] ровэла киркэс ратý, и ясва исын пэ лэскирэ чхама (шчоки): нанэ ниéкх подрикирибнаскиро машкёр сарэндэ, конэскэ сыс дрóго давá фóро. Сарé форóскирэ малá бикиндлэ лэс, и ёнэ ячнэ лэскирэ вэргэнца (врогэнца). ³ Юдэякирэ манушá гинé дрэ наволя, кай мэнчынэна лэн и енэ исын пхарé – бутякирэ андынаршчыки. Ёнэ дживэна машкёр Наюдэндэ, ёнэ на откхинёна. Сарé, кон традынэ лэн, явнэ наўжакирдэс пэ лэндэ, сыр лэнгэ яцá пхарó тэ дживэн. ⁴ Сионоскирэ дромá тугинэна, пал-довá со ниéкх на явэла тэ свэнкинэл. Сарé лэскирэ пóрты исын чхучэ, лэскирэ рашая дэна гондý, лэскирэ патывалé тырнэ джувлэн притасавэна, Сионоскэ, кокорэскэ, исын пхарó. ⁵ Лэскирэ намала ячнэ рая (ранца), лэскирэ вэрги зяинэна миштыпнаса, пал-довá со Рай Дэвэл притасадý Сионоскирэ манушэн пир довá, со ёнэ кэрдé бут чорипэн. Лэскирэ чхаворé гинé дро плéно ангил намалэстэ. ⁶ Сарí шук Сионоскирэ чхатыр хасия, лáкирэ тхагáрья ячнэ сырбы мирга (оленё), савьятэ нанэ чаритко пхув, савэ гинé бизорьякирэ ангил традыпнаскирэстэ. ⁷ Дрэ дывэсá, кели ёнэ мэнчынлэпэ и лэн традэнас, тэдý Ерусалимо рипирдý сарé куч рэндý, со сыс гарэдыр лэстэ, сыр хасинэ лэскирэ манушá вэргоскирэ вастэндýр и ниéкх на дыя васт лэскэ. Намала дыкхнэ лэс и ёнэ сандлэпэ холямэс лэскирэ бэдыпнастыр. ⁸ Ерусалимо кэрдý барó грéхо, палдавá ёв яцá магирдó. Сарé, кон кутякирдэ лэс, мэкнэ тэ кэрэн патýв; пал-довá со ёнэ дыкхнэ лэскиро нангипэн. Ёв, чачó, дыя гондý и гия криг. ⁹ Лэскиро магирипэн исын пэ лэскирэ идý, ёв на думиндý пал пэскиро джиибнаскиро кóнцо (ягóро), палдавá ёв пыя адýкэ намиштэс, лэстэ нанэ подрикирибнаскиро. Раё Дэвла! Дыкх мирé мóньки, пал-довá со вэрго барьякирдý пэс. ¹⁰ Вэрго (врого) диндькирдý пэскиро васт пир кучипэн, со сыс лэстэ; Ерусалимо дыкхцá сыр Нáюды гинé андрé Свэнтó Штэто, конэскэ Ту припхэндýн тэ на джáн андрé Тырí Кхангирí. ¹¹ Сарé лэскирэ манушá дэна гондý, ёнэ радэна марó; ёнэ дынэ сувнакая и куч барá пал хабэн, соб (кай) тэ раххэн джиибэн. “Дыкх, Раё Дэвла, обдумин, сыр санапэ холямэс мáндыр!” – ракирэла Ерусалимо. ¹² “Сарэнгэ тумэнгэ давá нисó, кон джáла пэскэ (накхэла) маму́й! Гáда, дыкхэн: ци исын ишчо (инкэ) вари-конэстэ дасавí дукх сыр мáндэ – со пыя пэ мáндэ, – савьяса Рай Дэвэл притасадý ман дро дывэс, кели Ёв холясыя зоралэс. ¹³ Вучипнастыр Ёв бичхадý яг пэ мирé кокалы, и яг лыя зор пэ миро фóро; Ёв росчхудý фэлы ваш мирí гэрóй и рискирдý ман палэ; Ёв кэрдý адýкэ, соб (кай) мэ тэ явав чхучó (пусто), соб (кай) мэ тэ млоснёвав (тэ нашавав зор) сарó дывэс. ¹⁴ Рай Дэвэл пхандý зоралэс Пэскирэ вастэса гáмо мирé чорипнастыр; ёй исын кхудý и зарэсцá пэ мирí мэн. Ёв кэрдý адýкэ, со мирí зор замыя. Ёв здýя ман дрэ вастá, савэндýр мэ на могоináва тэ газдапэ. ¹⁵ Рай Дэвэл штакирдý тэл гэрá сарé мирé зоралыпнаскирэ манушэн машкирál миро фóро, Ёв кхардý кхэтанэ скэдыибэн пэ мáндэ тэ затасавэн сарé мирé тырнэн манушэн: Рай Дэвэл штакирэла сырбы дро пресо патывала тэрнý джувлý, кон исын Юдэякири чхай. ¹⁶ Палдавá мэ и ровава, мирí якх чхувэлапэ панéса, пал-довá со миро подрикирибнаскиро, кон могоинэлас тэ дэл палэ джиибэн мирé дескэ, исын дур мáндыр. Мирé чхавé нашадынэ, пал-довá со вэрго пирилыя упралыпэн.” ¹⁷ Сиóно д(з)инд(з)ькирэла пэскирэ вастá, нэ нанэ ниéкх тэ подрикирэл лэскиро дýхо (фáно). Рай Дэвэл припхэндý адýкэ, соб (кай) тэ явэн лэскирэ малá трусцýл Яковостэ (Якубостэ), нэ мэ, Ерусалимо, яцём магирдó машкёр лэндэ. ¹⁸ Рай Дэвэл исын чачипнаскиро, пал-довá со да мэ кэрдём бýнто пэ Лэскирэ припхэныбэна. Шунэн, каканá, сарé манушыпнаскирэ нáцыи, и, гáда, мэ пыём дро дýхо (фáно), а мэ, мирé чхýя и мирé тырнэ манушá гинé дро плéно. ¹⁹ Мэ кхардём одолэн, кон сыс мирé дрýги (малá), нэ ёнэ хохадэ ман; мирé рашая и мирé пхурé пхурдынэ пэстыр

палатунó (последнѐ) дúхо (фáно) дро миро фóро, родыи пэскэ марó тэ раххэн джибэ́н. ²⁰ Дыхх, Раё Дэвла, сыр бари бибáхт пы́я пэ мánдэ; миро ди исын дрэ траш, миро илó рискирдяпэ упрé дрэ мánдэ, пал-довá со мэ кэравас дова́, со мэ камамас. Яврестыр каканá куртáла (мечо) чингирэла шэрó, нэ кхэрэ исын сы́рбы мэрибэ́н. ²¹ Со мэ да́ва гондý, со нанэ кон тэ подрикирэл ман. Сарé мирé вэрги шундлэ пал мирí бари бýда, ёнэ радынэнапэ далэстыр, со Ту кэрдýн дава́. Бичхáв дова́ дывэ́с, со Ту, Раё Дэвла, пхэндýн статэчнэс, мэк ёнэ тэ ячэ́нпэ дасавэ-паць, сыр мэ сом. ²² Мэк сарó лэнгиро фуипэ́н тэ сыкадёл ангýл Тýтэ, и кэр лэнгэ дова́, со Ту кэрдýн мánгэ пал миро чорипэ́н, пал-довá со мэ пхарэ́с дава́ гондý, и миро илó нашавэла зор.”

1:2 ^[1] Ев’ – адáй сыкавэ́ла Ерусалимóскирэ манушэ́н

Шэрó 2

Явёр Роибэ́н: Дэвлэскири Холý пэ Ерусалимо

¹ Сыр чхакирдя Рай Дэвэл Сионоскирý Чха цёмно́нэ облокоса, дрэ Пэскири холý! Ёв чхурды́я тэлэ болыбнáстыр Израилэскири гожыма и на рипирдя пал Пэскирэ-гэрэнгиро прэдки́цо дро дывэ́с, сыр Ёв холя́сыя. ² Рай Дэвэл хасякирдя́ и на потангиндя́ сарé Яковóскирэ кхэрá: Ёв чхурды́я тэлэ холя́тыр Юдэ́якирэ-чхакирэ твáрдými [зоралé штéты-р.с.], Ёв пхагирдя́ сарэ́са лэн пэ пхув, Ёв чхудýя магирипэ́н пэ кралипэ́н и лэскирэ тхагарьендэ́. ³ Ёв чингирдя́ тэ хасёл ка́жно Израилэскиро марибнýтко шы́нг Пэскирэ барé холя́тыр; Ёв дыяпэ палэ́ Пэскирэ вастэ́са ангýл дова́, сыр явдýя вэ́рго, Ёв росхачкирдя́ бари яг мамýй Яковостэ́, соб (кай) тэ хал сарó, со сыс трусцýл. ⁴ Ёв газды́я Пэскиро лúко пэ амэ́ндэ сыр вэ́рго, Ёв тэрдýя дро стонка́ Пэскирэ чачé вастэ́са сы́рбы вэ́рго, и Ёв мулякирдя́ сарó, со сыс шука́р Лэскирэ якхэнгэ. Ёв вычхудýя Лэскири холý сы́рбы яг пэ шáтра, кай сыс Сионóскири чхай. ⁵ Рай Дэвэл яцý сыр вэ́рго: Ёв пхагирдя́ тэлэ Израилé, Ёв пхагирдя́ тэлэ сарé лэскирэ фэлатинýя, Ёв вымардя́ пэ котэ́ра лэскирэ твáрдými и Ёв ды́я бутэды́р роибэ́н и тýга Юдэ́якирэ Чхакэ́. ⁶ И Ёв холя́мэс роспахгирдя́ Пэскири Кханги́ри сы́рбы хрúсты унтаты́р (садостыр), Ёв мардя́ пэ котэ́ра штéто, кай кэдэнаспэ́ тэ дэн патýв Лэскэ́. Рай Дэвэл кэрдýя адýкэ, соб (кай) тэ бистрэн упхэндлэ́ свэ́нки сáваты и дро Израилé, Ёв яцý тэ на дэл патýв крали́скэ и рашáскэ. ⁷ Ёв отпхэндýпэ ладжаса́ Пэскирэ алтарэ́стыр, Ёв мэкцýя Пэскиро Свэ́нто Штéто; Ёв отды́я фэлатинякирэ́ вáнты Ерусалимóстыр дрэ вэ́ргоскирэ вастá. Ёнэ газдынэ́ дасавý гóдла дро Рáскирэ-Дэвлэскиро Кхэр, сыр дро свэнкэнгиро дывэ́с. ⁸ Рай Дэвэл придуминдэ́ тэ хасякирэл Сионоскирэ-Чхакири вáнта: Ёв динды́кирдя шэ́ло, Ёв на обрикирдя́ Пэскиро васт, соб (кай) тэ на хасякирэл, Ёв кэрдýя адýкэ, со валó и вáнта лынэ́ тэ ровэ́н тугаты́р, и исын паштé котэрэнца́ кхэтáнэ. ⁹ Форóскирэ пóрты бэ́шнэ́ дрэ пхув: Рай Дэвэл хасякирдя́ и пхагирдя́ форóскирэ штабы́, форóскирэ крáли и тхагáрья исын бичхадé машкёр Наюдэ́ндэ. Зако́но бутýр нанэ́, и форóскири прорóки на дыкхэ́на сунé Рáстыр-Дэвлэ́стыр. ¹⁰ Годэ́пхурé Сионоскирэ́ исын бэ́штé штýлэ́с пэ пхув; и исын ёнэ́ чхурдэ́на пра́хо пэ пэскирэ́ шэрé и ёнэ́ подпхэндэ́напэ́ жалобно́нэ гонэ́са. Ерусалимóскирэ патывалé ты́рнэ́ джувлýя бандякирэ́на шэрé кэ́ пхув. ¹¹ Миря́ якхá хасэ́на ясвэндýр, сарó андрáл мánдэ́ исын дрэ траш, миро калó́ буко́ (печонка́ ^[1]) чхувэ́лапэ́ яврý пэ пхув, пир-довá со хасэ́на мирé – манушэ́нгири чхай, пал-довá со чхаворé́ и бияты́ нашавэ́на зор пэ вули́цы (гáсы) дро фóро. ¹² Ёнэ́ ракирэ́на пэскирэ́ даенгэ́: ‘Кай́ исын гив́ и кай́ исын мол?’ Ёнэ́ мэрэ́на [нашавэ́на соджиныбэ́н-ю.о.] сы́рбы дукхадэ́ пир форóскирэ́ гáсы, и ёнэ́ отдэ́на пэскиро́ ди пал лэнгирэ́ – дакири́ брэг. ¹³ Сóса мánгэ́ тэ раманяки́рав тут? Сóса мánгэ́ тэ поровни́нав тут, Ерусалимóскири чхай? Сóса тэ ровня́кирав тут, соб (кай) мánгэ́ тэ дав лачхó́ лав тýкэ́, патывалý́ тэрнý́ джувлý́, чхай Сионóстыр? Пал-довá, со ты́ро́ бэ́дышэ́н росчхудýпэ́ буглэ́с сыр мóрё́ (дэрья́в), кон мoгинэ́ла тэ́ састякирэл тут? ¹⁴ Ты́рэ́ прорóки́ дыкхнэ́́ ваш тýкэ́́ чхучé́ и нагодýварэ́ сунé́; ёнэ́ на сыкадэ́ ты́ро́ чорипэ́н, соб (кай) тэ́ рискирэ́н палэ́́ тумэ́н

пленостыр, нэ ёнэ дыкхнэ ваш түкэ хоханэ ангилпхэныбэна; палдова и выбичхадэ тумэн. ¹⁵ Сарэ, кон джала пашыл, пэкавэна пир васта пэ тутэ; ёнэ сипинэна и кунинэна шэрэнца пэ Ерусалимоскирэ чхатэ: “Ци дава исын форо, со кхардяпэ Гожымакиро пхэрдыпэн, сарэ – пхувьякири радыма?” ¹⁶ Сарэ тырэ вэрги псирадэ пэскирэ муя пэ тутэ: ёнэ сипинэна и ёнэ скрежынэна пэскирэ дандэнца. Ёнэ ракирэна: “Амэ хасякирдям дава форо! Акэ, исын дывэс, со амэ ужакирдям, амэ латхям дова, амэ дыкхям дава.” ¹⁷ Рай Дэвэл кэрдя дова, со Ёв придуминдя: Ёв выпхэрдякирдя Пэскиро лав, со Ёв припхэндя дрэ гаратунэ дывэса. Ёв чхурдыя тэлэ Ерусалимо, и Ёв на потангиндя, Ёв кэрдя адякэ, соб (кай) тырө вэрго дрэван тэ радынэлпэ тырэ бибахтыр, Ёв барьякирдя зор тырэ намалэнгэ. ¹⁸ Ерусалимоскирэ – манушэнгири ило лыя тэ дэл гóдла роибнаса кэ Дэвэл: о Сионоскирэ-Чхакири ванта! Мэк тэ прастан тырэ ясва сыр рэка (лэнь) дывэс и рат; на откхинёв, на дэ пэскирэ якхэнгэ тэ откхинён. ¹⁹ газдэпэ, дэ гóдла яврий раты, кели кажно стрóга джала, вычхув сыр пани пэскиро ило ангил Растэ-Дэвлэстэ, гáздэ пэскирэ васта кэ Ёв ваш джибён тырэ тырнэ биятэнгири, савэ нашавэна зор бокхатыр пэ кажнóнэ-гасакиро вэнгло. ²⁰ “Дыхх, Раё Дэвла, и обдумин, конэскэ Ту кэрдян адякэ? Соб (кай) джувля тэ хан пэскиро барьякирдё (плóдо), конэс ёнэ барьякирдэ? Соб (кай), хай, тэ мулякирэн рашас и пророкóс пэ Рáскирэ-Дэвлэскиро Свэнтó Штэто? ²¹ Тырнэ и пхуранэ исын паштэ пэ пхув пэ гáсы, и ёнэ мирэ патывалэ джувля и мирэ тэрнэ мануша пынэ курталатыр; Ту мулякирдян лэн дро дывэс, сыр Ту холясыян, Ту замардян лэн и Ту на тангиндя (на пожалиндя). ²² Ту кхардян кхэтанэ сырбы пэ свэнкитко дывэс траша, со обгинэ трусцял ман; дро дывэс, сыр Ту холясыян, ниэкх на насця, на яцяпэ. Кодолэн, конэскэ мэ давас колын и конэс мэ барьякирдём, мирэ вэрги выханэ.”

2:11 ^[1] Дрэ явир Юдытка лылваря пхэнэлапэ “ило” дро дава штэто

Шэрó 3

Трýто Роибэн: Пророкоскири Бида и Надéя

¹ Мэ сом мануш, конэс Дэвэл притасадя дэстэса Лэскирэ холятыр, ² Ёв лыджия ман и яндя тэ псирав дро калыпэн (цямлыпэн), кай нанэ дуд. ³ И Ёв рискирэлас Пэскиро васт пэ мандэ нэвэс и нэвэстыр дывэсэнца. ⁴ Ёв кэрдя адякэ, со мирэ маса и мирй цыпа тыкхынэ, и Ёв пхагирдя мирэ кокалы. ⁵ Ёв газдыя ванта пэ мандэ, и Ёв обгия трусцял ман киркипнаса и пхарипнаса. ⁶ Ёв чхудя ман дрэ цямлэ штэты, сырбы мэ гарá мыём. ⁷ Ёв обчхудя ман тыноса, соб (кай) мэ на могонав тэ джав ангил: Ёв пхарьякирдя мирй зандир. ⁸ Адякэ-паць, кели мэ кхардём роибнаса и дыём гóдла, тэды Ёв зарикирдя мирй пáтери (молýтва). ⁹ Ёв закэрдя мирэ дромá вычингирдэ барэнца; Ёв попэнтындя мирэ дроморэ. ¹⁰ Ёв яця ваш мánгэ сырбы рич, со исын паштó, ужакири тэ замарэл, сырбы шчэр, савó исын дро чорахано штэто. ¹¹ Ёв пириriskирдя мирэ дромá и кусця ман пэ котэра: Ёв пирикэрдя ман дро нисó. ¹² Ёв газдыя Пэскиро лóко, и Ёв чхудя ман сыр цэлé ваш Пэскирэ марибнýтка бустя (стрéлы). ¹³ Ёв кэрдя адякэ, со бустя Лэскирэ колчаностыр пхусадэ мирэ букорэ. ¹⁴ Мэ яцём кадасавó, со сарэ мануша санапэ холямэс мандыр, мэ яцём сырбы лэнгири гилы пэ дывэс. ¹⁵ Ёв дыя чалэс мánгэ киркипэн и панякирдя ман палыноса. ¹⁶ Ёв пхагирдя мирэ дандá гравилёса и чхакирдя ман пеплоса. ¹⁷ Ёв лыджия мандыр дур рамáнэ (миро) мирэ дестыр, мэ бистырдем пал миштó джибён. ¹⁸ И мэ пхэндём: ‘Мирй зор и мирй надéя пэ Растэ-Дэвлэстэ хасинó.’ ¹⁹ Мэ рипирава мирэ мéньки и мирй бари бýда, кирки чар (полыно) и жэлучо. ²⁰ Миро ди ўса рипирэла лэн и исын паштó штылэс дрэ мандэ. ²¹ Давá мэ отпхэнава мирэ годякэ и палдава исын надéя мандэ: ²² амэ на хасиям пал Рáскирэ-Дэвлэскири лáска, пал-дова со Лэскири жалима на кончындыпэ; ²³ ёнэ сыкадэна нэвэс кажно злóко (рáнко): савó барó исын Тырó патяибён! ²⁴ “Мирй дóля исын дрэ Дэвлэстэ” – ракирла миро ди – “палдава мэ ужакирава лачхипэн Лэстыр.” ²⁵ Рай Дэвэл исын лачхó ваш одолэнгэ, кон ужакирэла Лэс, ваш кодолэнгири ди, савó родэла Лэс. ²⁶ Давá исын миштó, соб (кай) мануш тэ рикирэл надéя, и

соб (кай) тэ ужакирэл штылэс, сыр Рай Дэвэл ракхэла Лэс. ²⁷ Дава исын миштó ваш манушэскэ, соб (кай) ёв тэ лыджал гамо Дэвлэстыр пэскирэ тырныпнастыр. ²⁸ Мэ ёв тэ бэшэл екхджино и тэ явэл штыл, пал-дова со дава Рай Дэвэл чхудя дава пэ лэстэ; ²⁹ мэк ёв тэ чхувэл пэскиро муй дро прахо, – мо, тэ явэл ишчо (инкэ) надэя. ³⁰ Ёв подчхувэла пэскири чхам (шчока) кодолэскэ, кон марэла лэс; мэк тэ обракирэн лэс пхэрдэс. ³¹ Пал-дова со Рай Дэвэл на ячкирэла пэ ўсады (сак). ³² Нэ коли Ёв бичхавэла илэскири дукх, тэды Ёв адякэ-паць сыкавэла и жалима, пир-дова со барвалы исын Лэскири ласка: ³³ пал-дова со Ёв на притасавэла ци калякирэла манушэнгирэ-чхавэнгирэ илэ, пир-дова со Лэскэ трэй адякэ. ³⁴ Коли тасавэна гэрэнца сарэн, кон исын дро штарибэн, пир пхув, ³⁵ коли рискирэна пэ риг чачипэн, со исын пал манушэстэ ангил Най Вучэдырэскирэ Дэвлэстэ; ³⁶ коли начачунэс сыкавэна манушэс дро лэскиро рэндо, – ци Рай Дэвэл приджинэла чачипэн пэ дава? ³⁷ Кон исын кадава, кон пхэнэла: ‘Дава кэрэлапэ адякэ, – мэк Рай-Дэвэл и на припхэндя. ³⁸ Ци на Най Вучэдырэскирэ-Дэвлэскирэ лавэстыр, со явэла чорипэн и лачхипэн? ³⁹ Соскэ тэды джидо мануш жалинэлапэ, коли Рай Дэвэл сэндякирэла лэс пал лэскирэ грэхи. ⁴⁰ Явэн, розгалёваса хор и выпхучаса пэс пал амарэ дромá и рисёваса палэ кэ Рай Дэвэл. ⁴¹ Явэн, газдаса амэ амаро ило и вастá кэ Рай Дэвэл, Саво исын пэ болыбэн. ⁴² Амэ кэрдям чорипэн и бунто: Ту на отмэкця́н амари́ банг. ⁴³ Ту чхакирдян Пэс холяса и Ту традыян амэн, Ту мулякирэсас амэн и Ту на тангинэсас. ⁴⁴ Ту чхакирдян пэс облокоса, соб (кай) амари́ пáтери тэ на проджал пир лэстэ. ⁴⁵ Ту кэрдян амэндыр шума и джунгалыпэн (гидота) машки́р манушэндэ. ⁴⁶ Сарэ амарэ вэрги псирадэ пэскирэ муя пэ амэндэ. ⁴⁷ Дар и фэлы исын пэ амаро дром, чхучипэн и хась. ⁴⁸ Мирэ якхэндыр прастана панескирэ рэки (лэня) пал мирэ манушэндэ [тэрнó патывалé джувля́тэ-р.с.], савэ хасэна. ⁴⁹ Мирэ якхá тхадэна, и ёнэ на пириячэна, ёнэ на зарикэрэнапэ, ⁵⁰ ангил дова, сыр Рай Дэвэл на подыкхэла тэлэ вучипна́стыр и, акэ, на удыххэла. ⁵¹ Мирэ якхэндыр джана дукхá дро миро ило пал сарэ манушэндэ мирэ форóстыр. ⁵² Мирэ вэрги традэнаспэ пал мандэ би-причынакирэ сы́рбы пал чирикля́тэ. ⁵³ Ёнэ затрадынэ кэ мэрибэн ман дрэ ганб́йн и чхурдынэ бара́ пэ мандэ, ⁵⁴ паня́ газдынэпэ вучэды́р мирэ шэрэстыр, тэньчи мэ пхэндём: “Мэ хасиём.” ⁵⁵ Мэ кхардём Тыро́ лав, Раё Дэвла, тэлатунэ ганбинятыр. ⁵⁶ Ту шундя́н мирі́ зан: “На гарав Тыро́ кан, сыр мэ дава ‘гондя, сыр мэ ровава.” ⁵⁷ Ту явэсас пашылэды́р дро дывэс, сыр мэ кхардём Тут. Ту пхэндян: “На андарша.” ⁵⁸ Раё Дэвла! Ту лыджия́н миро рэндо; Ту выкиндян миро джи́ибэн. ⁵⁹ Раё Дэвла! Ту дыкхця́н, сыр начачунэс исыс ма́нца. Россэндин миро рэндо. ⁶⁰ Раё Дэвла! Ту дыкхця́н саро́ лэнгиро фуипэн, со ёнэ кэрэна ма́нгэ, и со ёнэ придуминдлэ́ пэ ма́ндэ. ⁶¹ О Раё Дэвла! Ту шундя́н, сыр ёнэ обракирэнас ман, со сари́ лэнгири фанта́зия исыс пэ ма́ндэ; ⁶² сыр мирэ-вэргэнгирэ уштá гундя́ринэнас пэ ма́ндэ дывэсэнца. ⁶³ Подыхк, сыр ёнэ бэшэна, и сыр ёнэ уштэна; Мэ яцём сы́рбы лэнгири гилы́. ⁶⁴ Отдэ палэ лэнгэ, О Раё Дэвла, пир дова, со лэнгирэ вастá кэрдэ. ⁶⁵ Бичхав лэнгэ калыпэн пэ ило, мэк тэ явэн Тыро́ прокошы́бэн (арманя) пэ лэндэ! ⁶⁶ Традэ лэн ангил холяса, и мулякир лэн Тырэ болыбна́стыр, Раё Дэвла!

Шэро́ 4

Шта́рто Рои́бэн: Сионоскиро Пэри́бэн

¹ Сыр калыя сувнака́й! Сыр паруды́я жужо́ сувнака́й! Бара́ свэнтонэ́ штэто́стыр росчхурдынэ́ пир кажно́ вэнгло, кай га́сы розджана. ² Дро́га Сионоскирэ́ чхавэ́, савэ́ исын мол сыр жужо́ сувнака́й, сыр да лэнгэ́ дэна́ патыв сы́рбы глэя́кирэ́ судинкэнгэ́, со кэрдя́ ку́чикэнгиро́ (горшэ́чничко). ³ Аж и рупучи́ [чудови́шчы / шакали́хи-ю.о.] дэна́ цю́ця тэ́ чаравэн́ пэскирэ́ тыкнэн, нэ́ мирэ́ – манушэнгирэ́ чхая́ ячнэ́ пхарэ́-илэ́скирэ́ сы́рбы страусы́ чхучэ́ прахэндыр. ⁴ Тыкнэ́-масэнги́ри чибори́ ухтылэ́лапэ́ зоралэ́с пал талой́ дро лэнгиро́ муёро́, сыр камэ́на пані́: тыкнэ́ бияты́ мангэ́на маро́, нэ́ ниéкх на́ пхагирэ́ла (на́ дэла) котэ́роро лэнгэ́. ⁵ Кодолэ́, кон хая́ дэликатэ́сы, исын на́бут со́ джидэ́ пэ вули́цы (пэ́ га́сы); ко́долэ, ко́нэс барья́кирдэ́ дро лоло́ плашчо́, облэ́на кучы́ гнэ́ё. ⁶ Пхаро́-сэндя́кирибэн́ пал чорипэн, со́ кэрдэ́ мирэ́-манушэнгирэ́ чхая́, исын зоралэ́дыр пхарэ́-сэндя́кирибна́стыр, со

дорэснэ пал Содомоскиро грэхо. Довá фóро сыс радо тэлэ пал екх мэнта (минута) адякэ, со ниекх на дыя рада тэ подэл васт. ⁷ Ерусалимоскирэ тхагарья сыс яснэдыр ивэстыр и парнэдыр тхудэстыр; ёнэ сыс лоликанэдыр, дрэ масá рубинэндэдыр; ёнэ выдыщёнас сырбы сапфиры. ⁸ Каканá ёнэ выдыщёна калэдыр бовэскирэ мэлятыр, ёнэ джана пир гáсы, лэн на пинджкирэна. Лэнгири цыпа ухтылэлапэ зоралэс кэ лэнгирэ кокалы, ёй вышутия и яця сыр кашт. ⁹ Кодолэнгэ, конэс мулякирдэ курталаса, исын бахталэдыр адалэндэдыр, савэ мэрэна бокхатыр. Пал-довá со ёнэ нашавэна поволинэкэс (лэнтэс) зор и клёко, пир довá, со на ухтылэла (надоси) фэлдытка аплоды. ¹⁰ Вастá лачхэ-илэскирэ джувлэн кэрадэ пэскирэ биятэн: ёнэ сыс мас лэнгэ, кели пыя бэдыпэн пэ Ерусалимоскирэ манушэндэ. ¹¹ Рай Дэвэл выпхэрдякирдя пэскири бари холы, Ёв вычхудя Пэскирэ-холякири яг. Ёв хачкирдя яг пэ Сионо, и ёй похая сарэса фóроскирэ фундаменты. ¹² Крálья пэ пхув и сарэ джибнарья пэ свэто на патяндынэ, со намал и вэргó заджáла дрэ Ерусалимоскири пórта, – ¹³ сарó давá пал фóроскирэ пророкэндэ и пал лэнги́ро – рашáнгиро чорипэн, кон прочхудэ чачунэ – манушэнгиро рат машкíр давá фóро. ¹⁴ Ёнэ псирдэ сыр корорэ пир гáсы, енэ магирдэ пэс ратэса адякэ, со ниекхэ манушэскэ сыс нашты́ тэ чилавэл лэнгирэ йди. ¹⁵ Манушá дэнас гóдла пэ лэндэ: “Джáн криг, магирдэ! Джáн криг! Джáн криг! Джáн! На чилавэн амэн.” Сыр ёнэ псирдэ трусцял Наюдэндэ, исыс пхэндлó машкíр лэндэ: “Ёнэ на дживэна бутыр адай!” ¹⁶ Рáскирэ-Дэвлэскири холы роскэрдя лэн пэ пашá. Ёв на явэла тэ кэрэл патыв лэнгэ. Никон на кутякирдя ни рашáн, ни сыкадя ласка кэ годэпхурэ. ¹⁷ Амарэ якхá кхинынэ тэ дыкхэн ивьá (дармэс), со вари-кон подэла васт амэнгэ. Амэ дыкхця́м амарэ вучардятыр (башнятыр) пал манушэндэ, савэ на дынэ рада тэ зракхэн амэн. ¹⁸ Амарэ вэрги традынэпэ пал амэндэ пир амарэ шпэры (сляды), со амэ на могоиндя́м тэ джас яврий пэ гáса. Амарó кóнцо (ягóро) исын пашыл, амарэ дывэсá сыг кончынэнапэ, пал-довá со явдя амарй хась. ¹⁹ Амарэ шалэ ^[1] сыс сыгэды́р кидэндэдыр (орлэндэдыр) пэ болыбэн, енэ традынэпэ пал амэндэ дрэ бэрги; ёнэ ужакирдэ чораханэс амэн пэ чхучэ прахи. ²⁰ Амарэ кралис, савó исын сырбы марó дрэ амарó джибэн, конэс Рай Дэвэл помакхця сыр кралис, ухтылдэ дрэ лэнгирэ ганбиня. Пал лэстэ амэ пхэндям: “Амэ яваса тэ дживас машкíр Наюдэндэ тэл лэскири зэр (тенё).” ²¹ Рáдынпэ и яв весёло (хотно), Эдомоскири Чхай, кон дживэла пэ пхув Уз. Тахтай адякэ-паць явэла пирдал кэ ту: ту матэса, и ту нангякирэса пэс. ²² О, Сионоскири Чхай, пхарó сэндякирибэн кончындяпэ: Рай Дэвэл на явэла тэ лыджал тут криг дро плéно. Нэ Ёв сэндякирэла тут пал Тырó чорипэн, Эдомоскири Чхай. Ёв отчхакирэла тырэ грэху.

4:19 ^[1] шалэ – традыпнаскирэ, погоня

Шэрó 5

Пáнджто Роибэн: Пáтери (Моли́тва) Рáскэ-Дэвлэскэ пал Лáска

¹ Рипир, Раё Дэвла, со явдя пэ амэндэ: обдумин и дыкх амарй бипатыв! ² Амарó миштыпэн гия ригаса чужонэ манушэнгэ, а амарэ кхэра́ явирэ-тхэмэскирэнгэ. ³ Амэ яця́м сироты, бидадэскирэ, амарэ дая́ ячнэ сырбы пивля (удовы). ⁴ Амэ пьаса амарó пани́ пал ловэ, амэ плэскираса ловэ пал амарэ кашта́ ловэ. ⁵ Вэрги традэнапэ пал амэндэ пир пенты [дрэ мэн-р.с.], амэ кэраса буты́ пхарэс, и амэндэ нанэ откхиныбэн. ⁶ Амэ тырдаса вастá кэ Египтя́ни, и Асирийцы, соб (кай) тэ хан марó чалэс. ⁷ Амарэ дада́ кэрдэ грэху, нэ лэн нанэ бутыр, нэ пэ амэндэ рикирэлапэ банг пал лэнги́ро чорипэн. ⁸ Дына́рья хулаинэна пэ амэндэ, и ниекх нанэ тэ выракхэл амэн лэнгирэ вастэстыр. ⁹ Амэ дорэсаса амарó марó, ко́ли амэ лыджáса шэрó пэ риско, пал-довá со исын бут прахарья. ¹⁰ Амарй цыпа калы́я сырбы бов барэ бокхатыр, со хачкирэла. ¹¹ Вэрги лэна пэ зор Сионоскирэ джувлэн, а патывалэ тэрнэ джувлэн дрэ Юдэякирэ фóрья. ¹² Тхагарьен ублавэна пал вастá, и годэпхурэнгэ на кэрэна патыв. ¹³ Ёнэ чхудэ тырнэ манушэн тэ мелинэн гив пэ сяв/ пхурт; тэрнэ-бэршэнгирэ пэрэна каштэндэдыр, со ёнэ лыджана дрэ ангáля. ¹⁴ Годэпхурэ пириячнэ тэ кэдэ́нпэ пашыл фóроскири

пóрта, а тырнэ манушá на башавэна бутыр. ¹⁵ Амарó илó пирияцá тэ радынэлпэ, амарó кхэлыбэн пирикэрдяпэ дрэ зоралы туга. ¹⁶ Кралитко стадык пыйá амарé шэрэстыр. Бида амэндэ! Палсó амэ кэрдям грэхи! ¹⁷ Палдава́ амарó илó нашавэла зор, амарé якхá лынэ наяснэс тэ дыкхэн, ¹⁸ пал-довá со Бэ́рга Сионо яцá чхучи́, и шакалы псирэна пир латэ. ¹⁹ Нэ, Ту, Раё́ Дэ́вла, ячэсапэ вэчнэс, и Тырó трóно раинэл пэ сарэ́ рóды. ²⁰ Сóскэ Ту сарэ́са бистрэса амэн? Сóскэ Ту ячавэса амэн пэ дасаво барó часо (цы́ро)? ²¹ Рíскир амэн кэ Пэ, о Раё́ Дэ́вла, и амэ рисёваса кэ Ту! Нэвякир амарé дывэсá, сыр сыс гарэдыр. ²² Наушто́ Ту сарэ́са отчхурдыян пэ риг амэн, ци со Ту адя́кэ зоралэ́с холясыян пэ амэндэ!

Езэкилёскири Лылварí

Шэрó 1

Езэкилё́ Дыкхэ́ла Дэвлэ́скири Сла́ва

¹ И сыс: дро (дэшутрито) бэрш, дро штáрто чхон пэ пáнджто чхонытко дывэ́с, кóли мэ сóмас машкíр одолэндэ, конэ́с традынэ дро плéно, пашы́л рэ́ка (лэнь) Ховар – откэрдяпэ болыбэн, и мэ дыкхцём дыкхибэна Дэвлэ́стыр. ² Пэ пáнджто чхонытко дывэ́с дава́ сыс пáнджто бэрш, кéли залынэ дрэ наволя кралíс Иоакимос (Яхимос). ³ Сыс Рáскирэ-Дэвлэ́скиро лав кэ Езэкилё́, Вузияскирэ́ чхавэ́скэ, рашáскэ пэ Халдеенгири пхув, пашы́л рэ́ка (лэнь) Ховар, и сыс пэ лэ́стэ одóй Рáскирэ-Дэвлэ́скро васт. ⁴ И мэ дыкхцём: акэ́, рискирибнаскири балвáл джáлас паш – ратятыр (северостыр), барó óблоко, и яг газдэласпэ дрэ лэ́стэ, и дава́ зяинэласпэ пашы́л лэ́стэ. ⁵ А машкíр сарó сыс сы́рбы дуд (свэ́то) ягатыр маши́рал: и машкíр лэ́стэ сыс дыкхнэ́ сы́рбы штар мурдалá (животна), и адя́кэ ёнэ выдыкхэ́нас, а лэнгро муй сыс, сыр муй манушэ́стэ. ⁶ Кажнонэ́стэ сыс штар му́я, и кажнонэ́стэ лэндыр сыс штар пхакá (крылы). ⁷ Ѓэ́ра лэнгрэ́ сыс ро́уна (ворта), а пирé/подэшвы́ (ступни) сыс сыр гуруворэ́стэ, и зяинэнэ́наспэ, сыр жу́жакирды́ (чысто) харкóма (медь). ⁸ А тэл лэнгирэ́ пхакá сыс манушýтка вастá пир штар ригá, сарэндэ́ штарэндэ́ сыс му́я и пхакá. ⁹ Му́я лэндэ́ и вастá лэндэ́ – сарэндэ́ штарэндэ́ притасавэ́наспэ екх кэ́ явíр: кóли ёнэ́ джáна́с, ёнэ́ на обрисё́нас, а гинэ́, карик дыкхэ́лас лэнгиро́ муй. ¹⁰ Довá, со зджáла пэ́ му́я лэнгиро́, ка́жно сыс дасаво сы́рбы манушэ́скиро муй и шчэрэ́скиро муй екх ригáтыр лэндэ́ сарэндэ́. А явирэ́ ригáтыр сыс гуруворэ́скиро муй и орлóскиро (кидóскиро) муй лэндэ́ сарэндэ́. ¹¹ Му́я и пхакá лэнгирэ́ упрé сыс роскэ́рдэ, нэ́ кажнонэ́стэ дуй пхакá притасавэ́наспэ екх кэ́ явíр, а дуй пхакá учхакирэ́нас лэнгирэ́ масá. ¹² И джáна́с ёнэ́, ка́жно дрэ́ до́я риг, савí сыс ангíл лэ́скиро муй; карик камэ́лас тэ́ джал дýхо (фáно), одорíк ёнэ́ джáна́с, а кóли джáна́с, то на обрисё́нас. ¹³ И выдыкхэ́нас далé мурдалá, сыр хачкирдé вангара, сыр момо́ля (свечки) дрэ́ кханги́ри. Яг псирéлас машкíр лэндэ́, и дуд ягатыр, и блискави́ца выджáлас ягатыр. ¹⁴ Мурдалá сы́гэс псирэ́нас англэ́ и палэ́, сыр блискави́ца. ¹⁵ Мэ́ дыкхцём пэ́ далé мурдалэндэ́: акэ́, пэ́ пхув, пашы́л лэндэ́ сыс пирó екх рота́ ангíл штар лэнгирэ́ му́я. ¹⁶ Рóты выдыкхэ́нас, и сыс кэ́рдэ́ сыр куч бар топа́зо, сарé штар выдыкхэ́нас, сыр екх, и сы́кавэ́ласпэ: сыр ёнэ́ выдыкхэ́нас, и сыр ёнэ́ сыс кэ́рдэ́, со́ исын рота́ андрé́ дрэ́ явíр рота́. ¹⁷ Ё́нэ́ джáна́с пэ́ пэ́скирэ́ штар ригá, нэ́ кóли ёнэ́ джáна́с, то на обрисё́нас. ¹⁸ А лэнгирэ́ ободы́ ёнэ́ сыс вучé и даранэ́; сыс пхэ́рдэ́ якхэ́нца сарэндэ́ штарэндэ́. ¹⁹ И кóли джáна́с мурдалá, то́ джáна́с пашы́л лэндэ́ рóты, а кóли мурдалá газдэ́наспэ́ пхувýятыр, тэ́ньчи газдэ́наспэ́ рóты. ²⁰ Карик камэ́лас дýхо (фáно) тэ́ джал, одорíк ёнэ́ джáна́с, и ё́нэ́ карик бы́ тэ́ на джал дýхо (фáно), и рóты газдэ́наспэ́ лэнца, пал-довá со́ мурдалэнгиро́ дýхо сыс дрэ́ рóты. ²¹ Кóли джáна́с мурдалá (животна), то́ джáна́с и рóты; кóли мурдалá сыс тэ́рдэ́, сыс тэ́рдэ́ рóты, а кóли мурдалá газдэ́наспэ́ пхувýятыр, тэ́ньчи рóты газдэ́наспэ́ лэнца́ кхэ́танэ́, пал-довá со́ мурдалэ́гиро́ дýхо (фáно) сыс дрэ́ рóты. ²² Упрáл мурдалэнгирэ́ шэрé сыс сыр свóдо пэ́ болыбэн, савó выдыкхэ́лас, сыр дарано́ бар кри́стало. Ё́в сыс ростырды́но упрáл лэнгирэ́ шэрé. ²³ А тэл свóдо пэ́ болыбэн сыс лэнгирэ́ пхакá, савé обрисё́нас мамúй екх кэ́ явíр. Кажнонэ́стэ сыс дуй пхакá, савé учхакирэ́нас лэн,

кажнóнэстэ дуй пхака́ учхакирэнас лэнгирэ маса́. ²⁴ И ко́ли ёнэ джа́нас, мэ шуна́вас, сыр шуминэ́нас лэнгирэ пхака́, кодо́ва сыс сы́рбы бутэ́-панескиро шумо, сы́рбы зан Сарэ́зорьякирэскири, зорало́ шуминыбэн, сы́рбы шуминыбэн дро халадэ́нгиро скэдыибэ́н; а ко́ли ёнэ сыс тэрдэ́, то ёнэ змэкэ́нас пэскрэ́ пхака́. ²⁵ И сыс зан сводостыр пэ́ болыбэ́н, саво́ сыс упрáл лэнгирэ́ шэрэ́; ко́ли ёнэ сыс тэрдэ́, тэ́ньчи змэкэ́нас пэскирэ́ пхака́. ²⁶ А упрэ́ долэ́ сводостыр пэ́ болыбэ́н, саво́ сыс упрáл лэнгрэ́ шэрэ́, сыс сы́рбы трóно, саво́ выдыкхэ́лас сы́рбы куч бар сапфиро́стыр, а упрáл пэ́ штэ́то сыс дова́, со сыс сы́рбы ману́ш пэ́ лэстэ́. ²⁷ И мэ дыкхцём сы́рбы хачки́рды харко́ма, сы́рбы яг, сави́ сыс дрэ́ лэстэ́ и пашы́л лэстэ́, лэскирэ́ трушулэндыр, и лэскирэ́ трушулэндыр, и вучэ́дыр, и тэлэ́дыр дыкхцём мэ сы́рбы яг и зяиныбэ́н сыс пашы́л лэстэ́.

Зан Бичхавэ́ла Езеки́лэс кэ́ Бунтуитко́ Израилэ́

²⁸ Сыр выдыкхэ́ла банги (радуга) пэ́ болыбэ́н дро брышы́ндэскиро дывэ́с, адя́кэ выдыкхэ́лас дасаво́ зяиныбэ́н, саво́ сыс пашы́л лэстэ́. Адя́кэ выдыкхэ́лас Ра́скирэ́-Дэвлэ́скири сла́ва.

Шэро́ 2

¹ Ко́ли мэ дыкхцём дава́, то мэ пыём пэ́ пэскиро́ муй и шундём́ Одолэ́скири зан (глос), Саво́ раки́рдя́ ма́нца.

Дэвэл́ Приракхэ́ла Проро́кóс

Ёв пхэндя́ ма́нгэ: “Манушэ́скиро чха́ва! Ушты́ пэ́ тырэ́ гэра́, Мэ ява́ва тэ́ ракира́в ту́са.” ² А ко́ли Ёв ракирэ́лас, то за́гия дрэ́ ма́ндэ́ Ду́хо (Фа́но) и чху́дя ман пэ́ мирэ́ гэра́, и мэ шундём́ Одолэ́с, Саво́ ракирэ́лас ма́нца. ³ Ёв пхэндя́ ма́нгэ: “Манушэ́скиро чха́ва! Мэ бичхава́ва тут кэ́ Израилэ́скирэ́ чхавэ́, кэ́ мануша́, савэ́ никонэ́с на кандэ́на, савэ́ газдынэ́пэ́ пэ́ Ма́ндэ́. Ёнэ́ и лэнгирэ́ дада́ отгинэ́ Ма́ндыр кэ́/ жы́ко адады́вэс. ⁴ Адалэ́ чхавэ́ исын биладжа́кирдэ́ мо́са и захалэ́ илэ́са; Мэ бичхава́ва тут кэ́ ёнэ́, а ту пхэнэ́са лэнгэ́: “Адя́кэ ракирэ́ла Рай́ Дэвэл́, Дэвэл́! ⁵ Явэ́на ёнэ́ тэ́ шунэ́н ци́ на явэ́на, пал-дова́ со ёнэ́ исын бунтуйтка́ мануша́, – нэ́, соб (кай) ёнэ́ тэ́ джинэ́н, со машки́р лэндэ́ сыс проро́ко. ⁶ А ту, Манушэ́скиро чхавэ́, на дар лэндыр, и на дар лэнгрэ́ лавэндыр, ко́ли ёнэ́ явэ́на ваш ту́кэ́ налачхэ́ чарья́са (пхусадытконэ́ дрэви́цоса) и жы́лтонэ́ пхусадытконэ́ хрустэ́нца, кэ́ли ту́ явэ́са тэ́ дживэ́с машки́р лэндэ́ (сыр машки́р скорпионэ́ндэ́). На дар лэнгрэ́ лавэндыр, на дар лэнгрэ́ мо́стыр, пал-дова́ со ёнэ́ исын кхэр, кай́ никонэ́с на кандэ́на. ⁷ Ра́кир лэнгэ́ Мирэ́ лавá, явэ́на ёнэ́ тэ́ шунэ́н, ци́ на явэ́на, пал-дова́, со ёнэ́ исын кхэр, кай́ никонэ́с на кандэ́на. ⁸ А ту, Манушэ́скиро чхавэ́, шун, со Мэ ява́ва тэ́ ракира́в ту́кэ́: на яв дасаво́ нарто́ (упря́мо), сыр дава́́ Кхэр, кай́ никонэ́с на кандэ́на, откэр́ пэскрэ́ ушты́, и ха, со Мэ́ дава́ ту́кэ́.” ⁹ Мэ́ дыкхцём: акэ́, исын проты́рдыно васт кэ́ мэ́, а дрэ́ васт сыс лы́лвары́ (сви́тко). ¹⁰ И Ёв откэ́рдя́ ла анги́л ма́ндэ́, и сыс лы́лвары́ за́чхиндлы́ анги́лэ́ и палэ́, и сыс за́чхиндло́ дрэ́ лы́лвары́: “Ровибэ́н, и тугипэ́н ясвэ́нца, и биба́хт.”

Шэро́ 3

¹ И пхэндя́ Дэвэл́ ма́нгэ: “Манушэ́скиро чха́ва! Ха́ дова́, со исын анги́л ту́тэ́, ха ка́дая лы́лвары́ (сви́тко), и джа́, ра́кир Израилэ́скирэ́ кхэ́рэскэ́!” ² Тэ́ньчи мэ́ откэ́рдём́ пэскирэ́ ушты́, и Ёв ды́я ма́нгэ, соб (кай) мэ́ тэ́ хав ка́дая лы́лвары́. ³ И пхэндя́ ма́нгэ: “Манушэ́скиро чха́ва! Ча́лякир пэ́скро пэр, пхэ́рдякир лэ́с лы́лварья́са (сви́ткоса), сави́ Мэ́ дава́ ту́кэ́.” Мэ́ хаём, и сыс гу́дло́ дрэ́ мирэ́ ушты́ сыр авги́н (мэ́да).” ⁴ И Ёв пхэндя́ ма́нгэ: “Манушэ́скиро чха́ва! Ушты́, джа́ кэ́ Израилэ́скиро кхэр, – ра́кир лэ́нца Мирэ́ лавэ́нца. ⁵ Мэ́ бичхава́ва тут на кэ́ наро́до, саво́ ракирэ́ла на́галыи́бны́ткэ́с, конэ́стэ́ исын пха́ри́ чиб, а кэ́ Израилэ́скиро

кхэр. ⁶ На кэ бут народы, савэ ракирэна нагалыибныткэс, и конэстэ исын пхарі чиб, конэс ту на галёсас бы; нэ ко́ли б Мэ тэ бичхавав Тут кэ ёнэ, то ёнэ на кандэнас тут. ⁷ А Израилёскиро кхэр на закамэла тэ шунэл тут, пал-довá со ёнэ на камэна тэ шунэн Ман, пал-довá со сарó Израилёскиро кхэр исын пхарэ-шэритка, и захалэ илэса. ⁸ Акэ, Мэ кэрава тыро муй и дүхо зоралэдыр, сыр лэнгирэ муя исын, и чэкат тыро зоралэдыр, сыр лэнгирэ чэката исын. ⁹ Сыр алмазо (диаманто), со исын зоралэдыр барэстыр, кэрдём Мэ тыро чэкат, на дар лэндыр, на дар тэ явэс ангил лэнгиро муй, пал-довá со ёнэ исын кхэр, кай на кандэна никонэс.” ¹⁰ И пхэндя Ёв мангэ: “Манушэскиро чхава! Сарэ Мирэ лавá, савэ Мэ явава тэ ракирав тукэ, прилэ тырэ илэса и вышүн трэ канэнца. ¹¹ Ушты, джá пашылэдыр кэ одолэ, конэс традынэ дро плéно, кэ чхавэ тырэ народостыр, ракир лэнгэ, и пхэн лэнгэ: “Адјкэ ракирэла Рай Дэвэл, Дэвэл: Ци явэна ёнэ тэ шунэн ци на явэна.” ¹² И газдыя ман Дүхо (Фáно), и шундём мэ пал пэстэ зоралы зан сырбы громо: “Тэ явэл бахтиякирды Рáскирэ-Дэвлэскири сла́ва далэ штэтостыр!” ¹³ И адјкэ-паць шундём мэ шумо мурдалэнгирэ пхакэндыр, савэ притасавэнаспэ екх кэ явир. И сыр шуминэна рóты палал пашыл лэндэ, и зоралó громо. ¹⁴ И газдыя ман Дүхо (Фáно), и лыя ман. И джавас мэ пхарэ илэса, холяса, и Рáскирэ-Дэвлэскиро зоралó васт сыс пэ мандэ. ¹⁵ И явдём мэ дро Тель-Авиво кэ одолэ, конэс вытрадынэ пэскрэ пхувьятыр, савэ дживдэ пашыл рэка (лэнь) Ховар, и Мэ со́мас машкир лэндэ эф́та (битринэнгиро дэш) дывэса, и зоралэс дивинаваспэ.

Дэвэл Чхувэла Езэкилэс Ракхибнариса

¹⁶ Кóли ж прогинэ эф́та дывэса, сыс кэ мэ Рáскирэ-Дэвлэскиро лав: ¹⁷ “Манушэскиро чхава! Мэ чхудём тут ракхибнариса Израилёскирэ кхэрэскэ. Ту явэса тэ шунэс лав Мирэ уштэндыр, а тэньчи ту явэса тэ сыклякирэс лэн Мандыр. ¹⁸ Кóли Мэ пхэна́ва грэхитконэ манушэскэ: ‘Ту мэрэса!’, а ту на сыклякирэса лэс, на пхэнэса, соб (кай) тэ зракхэс грэхитконэ манушэс лэскрэ грэхитконэ дромэстыр, соб (кай) тэ явэл ёв джидó, адава грэхитко мануш мэрэла дрэ пэскрэ грэхі, а ту явэса бангó ангил Мандэ пал лэскиро рат. ¹⁹ Нэ ко́ли ту сыклякирэсас грэхитконэ манушэс, а ёв на ячадя пэскиро грэхо (бэдыпэн) и пэскиро грэхитко дром: то ёв мэрэла дро пэскиро чорипэн, а ту зракхцян тыро ди. ²⁰ И нэвэстыр, ко́ли дэвлы́тко мануш отджала пэскрэ чачипнастыр и скэрла чорипэн, то Мэ чхува́ва ангил лэстэ вари-со, со́стыр ёв пэрэла, и мэрэла дэвлы́тко мануш, пал-довá со ту на сыклякирэсас лэс. Ёв мэрэла пал пэскиро грэхо, и на пририпирлапэ лэскиро чачипэн, со ёв кэрэлас, а ту явэса бангó ангил Мандэ дро лэскиро рат. ²¹ Кóли ж ту явэса тэ сыклякирэс дэвлы́тконэ манушэс, соб (кай) ёв тэ на кэрэл грэхо, и на кэрла ёв грэхо, тэньчи ёв явэла джидó, пал-довá со сыс сыклякирдо, а ту зракхцян тыро ди.”

Дэвлэскиро Припхэныбэн Езэкилэскэ

²² И сыс пэ мандэ одóй Рáскирэ-Дэвлэскиро васт. Ёв пхэндя мангэ: “Ушты, выджа пэ ф́лда. Мэ явава тэ ракирав туса.” ²³ Мэ уштыём, и гиём пэ ф́лда. Акэ, одóй сыс тэрдэ Рáскирэ-Дэвлэскири сла́ва, сыр сла́ва, саві мэ дыкхцём пашыл рэка (лэнь) Ховар. Мэ пыём пэ пэскиро муй. ²⁴ И загия дрэ мандэ Дүхо (Фáно), и чхудя ман пэ мирэ гэрá. И Ёв ракирлас манца, и пхэндя мангэ: “Джá, запхандэпэ дро тыро кхэр. ²⁵ Манушэскиро чхава! Акэ, лэна шэлэ и пхандэна тут лэнца, и ту на явэса тэ псирэс машкир лэндэ. ²⁶ Чиб тыри́ Мэ отлава тۇтыр, и ту явэса бичибакиро, и на пхэнэса чачипэн пал лэндэ, пал-довá со ёнэ исын кхэр, кай на кандэна никонэс. ²⁷ А ко́ли Мэ явава тэ ракирав туса, тэньчи мэ откэрава тырэ уштá. Тэньци ту пхэнэса лэнгэ: “Адјкэ ракирэла Рай Дэвэл, Дэвэл! Кон камэла тэ шунэл-шун, а кон на камэла тэ шунэл-на шун, пал-довá со кадава́ исын кхэр, кай на кандэна никонэс.”

Шэрó 4

Ангилпхэныбэн со Розравэна Фóро Ерусалимо

¹ Ту, Манушэскиро чхавó, лэ пэскэ кирпичо (цэгло), чхув лэс ангил түтэ. Кэр пэ лэстэ чэртёжо (патрин) фороскэ Ерусалимоскэ. ² И кэр адякэ, соб (кай) тэ явэн тэрдэ манушá халадыбнаса, со обчхудэ трусцýл лэскирэ вáнты, соб (кай) тэ явэл вычхудо пхувьятыр валo, рoсчхув халадэнгирё тáборо (лод (лагерё)) и рoсчхув машыны, со пхагирэна вáнты. ³ Лэ пэскэ саcтруны пхал и чхув ла сыр саcтруны вáнта машкíр түтэ и машкíр фóро, и дыкх пэ фóро. Пэ фóро газдэнапэ вэрги, а аканá ту кэр, сыр ёнэ. Кадава явэла гертык (сыкаибэн) Израилёскирэ кхэрэскэ. ⁴ А ту пасёв пэ тырó зэрво пашварo, чхув пэ лэстэ Израилёскирэ-кхэрэскиро чорипэн. Кицý дывэсá ту явэса тэ пасёс, адакицы дывэсá ту явэса тэ лыджас лэнгиро чорипэн. ⁵ Мэ выкэдыём түкэ бэршá, со ту явэса тэ лыджас лэнгиро чорипэн (кара): триншэлá тэ дэшуеня дывэсá ту явэса тэ лыджас чорипэн кхэрэскиро Израилёскиро. ⁶ Кóли ту кэрэса сарó адякэ, то явír мóло пасёв пэ чачó (право) пашварo, и штардэшá дывэсá лыджа пэ пэстэ Юдаскирэ-кхэрэскиро чорипэн, дывэс пал бэрш, дывэс пал бэрш, сыр Мэ выкэдыём түкэ. ⁷ Ёздэ тырó муй и тырó нанго чачó васт пэ Ерусалимо, и ангилпхэн (пророчын) пэ лэстэ. ⁸ Акэ, Мэ пхандава тут, соб (кай) ту тэ на рисёс екхэ ригáтыр пэ явír дакицы бут, сыр ту кончынэса дывэсá. ⁹ Лэ пэскэ парнó гив (гивны), гэрсто (ворзо), нуклэ (бобы), линса (чэчэвица), просо и вика, и чхув лэн дро екх кхорó, и кэр лэндýр пэскэ марó. Ту явэса тэ хас лэс адакицы дывэсá, кицý явэса ту тэ пасёс: трин шэлá тэ енядэша дывэсá. ¹⁰ Ту явэса тэ хас тырó хабэн пир биш шэкэли пхарипнаса (весоса) дро дывэс, ха лэс дро пэскиро уляго (пора). ¹¹ И пани пи náбут, пи пани дро пэскиро уляго (пора). ¹² И ха пэскро хабэн сыр гэрстыткo марó, и пэк лэн пэ манушэнгиро нажужыпэн, адякэ, соб (кай) манушá тэ дыкхэн. ¹³ Тэньци пхэндý Рай Дэвэл, Дэвэл: “Адякэ Израилёскирэ чхавé явэна тэ хан пэскро нажужо марó машкíр кодолé народы, кэ савэ Мэ вытрадава лэн.” ¹⁴ Мэ пхэндём: “О, Раё Дэвлалé! Николи мэ на сóмас магирдó мирé тэрныпнастыр, мэ на хавас мулэ-мурдалэскиро мас, мэ на хавас и дова, со роскусця rischiрибнаскиро мурдál (зверё). Нисавó нажужо мас мэ на хаём.” ¹⁵ Тэньци Рай Дэвэл, Дэвэл пхэндý мánгэ: “Акэ, Мэ домэкава, соб (кай) ту тэ пэкэс пэскиро марó пэ гурувнякиро нажужипэн” ¹⁶ И пхэндý ишчо (инкэ) Ёв мánгэ: “Манушэскиро чхава! Акэ, Мэ отлава Ерусалимóстыр марó, со дэла джиибэн. Явэна тэ хан марó пир котэрá (куски) и ясвэнца, явэна тэ пьен пани пир тахтáй (чаша) и дарáса. ¹⁷ Пал-дова со на явэла лэндэ марó и пани. Ёнэ дарáса явэна тэ дыкхэн екх пэ явирэстэ, и ёнэ хасэна дрэ пэскирэ чорипэна.

Шэрó 5

Куртáла Явэла пэ Ерусалимо

¹ А ту, манушэскиро чхава, лэ пэскэ востро (чолалы) куртáла, лыджа лáса пир тырó шэрó и пир тырé чхора (брода) сыр мурадлуны (бритва), лэ пэскэ убладýтка (весы), и рoскэр балá пэ части (частыра). ² Трýто часть (частыр) хачкир ягáса машкíр фóро, сыр пхэрдýкирэнапэ дывэсá, сыр вэрги облына трусцýл (ротаса) фóро, трýто частыр лэ и почингир курталáса пашýл фóро, и рoсчхурдэ трýто частыр пир балвáл. А Мэ вытырдава куртáла пал лэндэ. ³ Лэ далэстыр нэвэс náбут, запхандэ лэн дрэ бринда пэскрэ урибнаскири. ⁴ А тэньчи лэ ишчо (инкэ) да лэстыр, со исын дрэ урибэн, и чхурдэ дрэ яг, схачкир кадава дрэ яг. Одотхýр выджáла яг пэ сарó Израилёскиро кхэр” ⁵ Адякэ ракирэла Рай Дэвэл, Дэвэл, Сарэзорýкиро: “Кадава исын Ерусалимо! Мэ чхудём лэс машкíр народы, а пашýл лэстэ-пхувья. ⁶ А Ерусалимо кэрдý Мирé припхэныбнэнца фуедýр Наюдытконé нацыэндýр. Ёв кэрдý Мирé закононэнца накучэдыр, сóса пхувья, савэ исын пашýл лэстэ. Ёнэ отпхэндлэпэ Мирé упхэныбнэндýр, ёнэ на дживэнас пир Мирé статýты.” ⁷ Палдава адякэ ракирэла Рай Дэвэл, Дэвэл: “Пал дова, со тумэ кэрэнас тумарé грéхи бутýр сыр Наюдытка нáцыи, савэ дживэнас

пашыл тумэндэ; и на кэрэна сыр исын припхэндло дрэ Мирэ припхэныбэна, на дживэна пир Мирэ законы, и тумэ на дживэна пир законы, савэ исын машкирал Наюдытка нацыи, савэ исын трусцал тумэндэ, ⁸ палдава адякэ ракирэла Рай Дэвэл, Дэвэл: “Акэ, чачэс, Мэ выджава пэ тутэ, Мэ Кокорэ, и кэрава машкир тутэ сэндо ангил якхэ Наюдытконэ-нацыенгирэ. ⁹ И Мэ кэрава туса дова, со Мэ николи на кэравас, и со бутыр Мэ на явава тэ кэрэв пал сарэ тырэ джунгалэ (брыдка) рэндэ. ¹⁰ Пал дова дада явэна тэ хан машкир тутэ чхавэн, а чхавэ явэна тэ хан даден. А Мэ явава тэ сэндикирав тут, а тырэ ячаибэн роспхурдава пир сарэ балваля. ¹¹ Палдова, – “Тэ дживав Мэ, – ракирэла Рай Дэвэл, Дэвэл. – “Пал дова, со ту магирдян Миро свэнто штэто сарэ пэскирэ джунгалыпнаса, и сарэ тырэ накуч рэндэнца Мэ кэрава тут тыкнэса, и на потангинэла тут Мирі якх, и Миро илэ на ковлэла пэ тутэ. ¹² Трито паш тутэ мэрэла фуендыр (язвэндыр) и хасэла бокхатыр машкир тутэ; трито паш явэла замарды курталаса пашыл тырэ форо, а трито паш Мэ роспхурдава пир сарэ балваля и Мэ вытырдава (дорэсава) пал лэндэ куртала тэ традавпэ. ¹³ И пириячэла Мирі холы, и штылэла Миро холякирибэн пэ лэндэ, и явэла Мэнгэ пир илэ, и галэна, со Мэ, Рай Дэвэл, Дэвэл, ракиравас дро Пэскиро зэвлыныпэн, коли кончынэлапэ Мирі хор холы пэ лэндэ. ¹⁴ И мэ кэрава адякэ, со ту явэса чхучі пхув и ладж, обракирибнаса машкир народы, савэ исын пашыл тутэ, ангил якхэ кажноэскирэ, кон явэла тэ проджал пашыл. ¹⁵ И явэса ту сабнаса, и ладжаса, сыкаибнаса, и явэна тэ дивинэнпэ дараса пэ тутэ народы, савэ исын пашыл тутэ, коли Мэ явава тэ сэндикирав тут барэ холяса и мэнькаса. Мэ, Рай Дэвэл, Дэвэл, пхэндём дава. ¹⁶ И коли бичхавэла Мэ пэ тумэндэ барэ бокха, савэ явэна тэ хасякирэн тумэн, сыр мижэх матля, и коли бичхавэла лэн пэ тумарэ хасибэн кэрава машкир тумэндэ бокх ишчо (инкэ) зоралэдыр, Мэ отлава тумэндыр маруно запасо, ¹⁷ то бичхавэла пэ тумэндэ бокх, захалэ, рискирибнаскирэ мурдалэн (зверен); ёнэ отлэна тумэндыр чхаворэн. Мэрибнытка фрэнсы / фуя (язвы) и рат пэрэна пэ тутэ, куртала явэла пэ тумэндэ. Мэ, Рай Дэвэл, Дэвэл, пхэндём дава.”

Шэрэ 6

Сэндо пэ Израилё Явэла Сыг

¹ И сыс кэ мэ Раскирэ-Дэвлэскиро лав дасаво: ² “Манушэскиро чхава! Рисёв тырэ мо́са кэ Израилёскирэ бэрги, ангилпхэн пэ лэндэ. ³ Пхэн: ‘Бэрги Израилёскирэ! Шунэн Раскирэ-Дэвлэскиро лав. Адякэ ракирэл Рай Дэвэл, Дэвэл пэ бэрги, бэргицы, ровы и долы: акэ, Мэ кэрава адякэ, со куртала явэла пэ тумэндэ и роспхагирава тумарэ вучэ штэты. ⁴ Алтэри тумарэ явэна роспхагирдэ, стылбы тумарэ, савэ тумэ газдэнас кхамэскэ, явэна розмардэ, Мэ росчхурдава тумарэ мулэн ангил тумарэ йдолы. ⁵ И Мэ чхувава трупы Израилёскирэ чхавэн ангил лэнгирэ йдолы, и росчхувава тумарэ кокалы пашыл тумарэ алтэри. ⁶ Дрэ сарэ штэты, кай тумэ дживэна, форя явэна чхучэ, вучэ штэты явэна роспхагирдэ ваш дова, соб (кай) тэ авэн чхучэ и роспхагирдэ тумарэ алтэри, соб (кай) тэ явэн зачхурдынэ тумарэ йдолы, соб (кай) тэ явэн роспхагирдэ стылбы кхамэскэ, соб (кай) тэ явэн бистырдэ тумарэ бутя. ⁷ И явэна тэ пэрэн машкир тумэндэ домардэ, и галэна, со Мэ сом – Рай Дэвэл, Дэвэл.

Дэвэл Зракхэла Ячаибэн

⁸ Нэ Мэ зракхава ячаибэн (остатко), и явэна тумэндэ машкир народы одолэ, савэ ячэнапэ джидэ курталатыр, коли тумэ явэна рострадынэ пир явир пхувья. ⁹ И явэна тэ рипирэн пал Мэнгэ кодолэ, савэ ячэнапэ джидэ машкир народы, карик лэн традынэ. Пририпирна, коли зачилавава лэнгиро биладжакиро илэ, со отпыя Мандыр, и лэнгирэ якхэ, савэ парувэнас Мэнгэ ангил йдолы. И ячэла лэнгэ накуч дрэ лэнгирэ илэ пал дова чорипэн, савэ ёнэ кэрэнас дрэ сарэ пэскрэ джунгалэ рэндэ (дэлы). ¹⁰ И галэна, со Мэ сом Рай Дэвэл, Дэвэл. На ивья ракиравас Мэ, со Мэ янава лэнгэ бари бйда.” ¹¹ Адякэ ракирэла Рай Дэвэл, Дэвэл: “Мар вастэнца, малав тырэ гэрэнца, и пхэн: ‘Бидэ пал сарэ Израилёскирэ кхэрэскирэ чорипэн и

джунгалыпэн! Ёнэ хасёна курталатыр, бокхатыр и мэрибнытконэ франсэндыр. ¹² Кон исын дур, кодова мэрэла мэрибнытконэ франсэндыр, а кон ячэлапэ, одова мэрэла бокхатыр. Адыкэ Мэ выпхэрдякирава пэ лэндэ Мирі бари холы. ¹³ И галёна, со Мэ сом Рай Дэвэл, Дэвэл, коли домардэ явэна тэ пасён машкір лэнгирэ йдолы трусцял лэнгирэ алтари, пэ кажно бэргица, пэ сарэ сама вучэ бэрги, тэл кажно элэно кашт, тэл кажно гэнсто дэмбо, пэ дова штэто, кай ёнэ хачкирэнас кучонэ-кхандыпнытка смóлы сарэ идолэнгэ. ¹⁴ И протырдава Мэ кэ ёнэ Миро васт, и кэрава адыкэ, со пхув ячэла чхучі, чхучэдыр штэтостыр, кай чхучэ пхувья Дивлаф кэ сарэ штэты, кай ёнэ дживэна. И тэньчи ёнэ галёна, со Мэ сом Рай Дэвэл, Дэвэл.”

Шэрó 7

Сэ́ндо Уса Сыгэды́р Проти Израилё

¹ И сыс кэ мэ Рáскирэ-Дэвлэскиро лав дасаво: ² “Ту, манушэскиро чхава, пхэн: “Адыкэ ракирэла Рай Дэвэл, Дэвэл. ‘Кóнцо (ягóро) исын Израилёскирэ пхувьякэ, кóнцо (ягóро) явдя пэ сарэ штар ригá. ³ Акэ, кóнцо явдя тукэ. Бичхавáва Мэ пэ тóтэ Мирі холы, Мэ явáва тэ сэндякирав тут пир тырэ дромá, и Мэ чхувáва банг пэ тóтэ пал сарэ тырэ джунгалыпэна. ⁴ И на потангинэла тут Мирі якх, и Миро илó на ковлёла кэ ту. Мэ отдáва палэ тóкэ пир тырэ дромá, и джунгалыпэна тырэ явэна тóса, и галёна, со Мэ сом Рай Дэвэл, Дэвэл.’ ⁵ “Адыкэ ракирэла Рай Дэвэл, Дэвэл: ‘Бари бибáхт екхджины, акэ, джáла бибáхт. ⁶ Кóнцо (ягóро) явдя, явдя кóнцо (ягóро), газдыпэ пэ тóтэ, акэ, явдя.” ⁷ Явдя тырі кирки дóля кэ ту, мануш, савó дживэла пэ пхув! Явэла часо (цýро), джáла пхарó дывэс, на явэла тэ розмэкэлпэ рáдыма пэ бэрги. ⁸ Акэ, сыгэс Мэ чхувáва пэ тóтэ Миро холямипэн, и Мэ выпхэрдякирава пэ тóтэ холы Мирі. Явáва Мэ тэ сэндякирав тут пир тырэ дромá, Мэ чхувáва банг пэ тóтэ пал сарэ тырэ джунгалэ рэндэ. ⁹ И на потангинэла тут Мирі якх, и Миро илó на ковлёла кэ ту. Мэ отдáва палэ тóкэ пир тырэ дромá, и чорипэна тырэ явэна тóса, и тумэ галёна, со Мэ сом Рай Дэвэл, Дэвэл, Савó пхарэс сэндякирэла. ¹⁰ Акэ, исын дывэс! Акэ, явдя ёв, выбария дэстó, розбария пхутькирибэн. ¹¹ Ѓаздэлапэ нахратэс зор пэ чорипнэнгиро дэстó. Ничи на ячэлапэ лóндыр (Израилёстыр) и лэнгирэ барвалыпнастыр, лóндыр кокорэндэр, лэнгирэ шуминыбнастыр, лэнгирэ гожыпнастыр. ¹² Явдя часо, подгýя дывэс. Кон киндя – на рáдымпэ, кон бикиндя – на ров, пал-дова со холямипэн Дэвлэскиро исын пэ лэндэ сарэндэ. ¹³ Одова, кон бикиндя, на рисёла кэ дова, со ёв бикиндя, коли ячэлапэ джидó, пал-дова со пророкоскиро дыкхибэн ваш сарó лэнгиро бутыпэн на отпарувэлапэ; и никон пэскирэ чорипнаса на зракхэла пэскиро джибэн. ¹⁴ Забашавэна дро рóго (труба), сарó кэдэлапэ, соб (кай) тэ джал пэ марибэн, нэ никон на явэла пэ марибэн, пал-дова со Миро холямипэн исын пэ сарó лэнгиро бутыпэн. ¹⁵ Палó кхэр-куртáла, а дро кхэр-фуя и бокх. Кон исын пэ фэлда, одова мэрэла курталатыр, а кон исын дрэ фóро, кодолэс схана бокх и фрáнсы. ¹⁶ А кон зракхэлапэ, одолэ нашэна, и явэна пэ бэрги сыр голумбы пэ дóло. Сарэ ёнэ явэна тэ ровэн, кажно (свáко) пал пэскиро чорипэн. ¹⁷ Сарэндэ обмэкэнапэ вастá, и чангá сарэндэ издрана сыр пані. ¹⁸ Тэньци ёнэ урьенапэ дро балытко гуно праскаса, и учхакирэла лэн трашаибэн, ладж явэла пэ муя и ёнэ обчхинэна пэскирэ балá. ¹⁹ Пэскиро руп вычхурдэна ёнэ пэ вулицá (гáса), сувнакай на явэла лэнгэ трэй. Лэнгирэ руп и сувнакай на зракхэна лэн дро дывэс, коли явэла Рáскирэ-Дэвлэскиро холямипэн. Ёнэ на чаравэна лэнца лэскиро ди, и на пхэрдякирэна лэнца пэскиро пэр, пал-дова со руп и сувнакай долыджинэ лэн кэ чорипэн. ²⁰ И сыс ёнэ пхутькирдэ, со сыс лэндэ руп и сувнакай пэ урибэн, ёнэ кэрэнас лэндэр вычхиндлэ муя пэскирэ джунгалэ дэвлорэнгэ. Пал давá Мэ кэрава адыкэ, со руп и сувнакай явэна сыр гнэё. ²¹ Отдáва Мэ руп и сувнакай дрэ вастá сыр дорэсыбэн чужонэ манушэнгэ, грэхитконэ манушэнгэ, со исын пэ пхув, ёнэ чорэна лэс, и явэла руп, сувнакай магирдэ лэндэр. ²² И рисёвава Мэ лэндэр Мирэ мóса, и ёнэ магирэна Миро свэнто штэто. Явэна розмарибнарья тэ магирэн лэс. ²³ Кэр зандир (цэпо), пал-дова со пэ адáя пхув чхувэлапэ рат, и дро фóро кэрэлапэ нахратыма (наси́льствы). ²⁴ Мэ янава явирэ народóстыр дасавэ манушэн, савэ исын най фуеды́р Наюдытконэ нацыэндэр.

Ёнэ залэна лэнгирэ кхэра. И закончынэлапэ зоралэнгиро пхутькирибэн, и явэла магирдо лэнгиро свэнто штэто. ²⁵ Джала хашибэн: явэна тэ родэн раманё (миро), и на латхэна. ²⁶ Бари бйда явэла пал бари бйда, шуныбэн палó шуныбэн. Явэна тэ мангэн дыкхибэн пророкостыр, на явэла сыкляибэн рашастэ и лачхó лав годé – пхурэндэ/пхурыдырэндэ. ²⁷ О крáli явэла тэ тугинэл, тхагарис учхакирна балá, манушэндэ, со исын пэ пхув, явэна тэ издран вастá. Мэ кэрава лэнца пир лэнгирэ дромá, Мэ явава тэ сэндякирав лэн пир лэнгирэ сэнды, и ёнэ галёна, со Мэ сом Рай Дэвэл, Дэвэл.”

Шэрó 8

Джунгалыпэн (Брыдкама) дрэ Кхангирí

¹ И сыс дро шóвто бэрш, дро шóвто чхон, пэ пándжто дывёс. Мэ бэшавас дрэ миро кхэр, и Юдэякирэ пхурыдыра бэшэнас ангíл мándэ и пыя пэ мándэ одóй Рáскирэ-Дэвлэскиро, Дэвлэскиро васт. ² Мэ дыкхцём: акэ, вари-савí патрín(óбразо) сырбы мануш, лэскрэ гэрэндыр сыс сырбы яг, вучэдýр лэстыр сырбы дуд, сырбы дуд ягатыр. ³ Ёв протырдыя сырбы васт, и лыя ман пал балá пэ миро шэрó. И газдыя ман Дýхо (Фáно) машкíр пхув и болыбэн, и лыджия ман дрэ Дэвлэскирэ дыкхибэна кэ фóро Ерусалимо кэ загиибэн пашыл вудáр, савó сыс чхудо пэ паш-рат (северо), кай сыс чхудо идоло; савó выкхарэла зэвлыныпэн. ⁴ Акэ, одóй сыс Израилэскирэ-Дэвлэскири слáва, сыр одоя, савí мэ дыкхцём пэ фэлда. ⁵ И пхэндя Дýхо мánгэ: “Манушэскиро чхава! Ѓаздэ тырэ якхá кэ паш-рат (северо).” Мэ газдыём мирé якхá кэ паш-рат, акэ, долé ригáтыр пашыл алтарёскири пóрта, пашыл загиибэн сыс дова зэвлэныпнаскиро идоло. ⁶ И пхэндя Ёв мánгэ: “Манушэскиро чхава! Дыкхэса ли, со ёнэ кэрэна? Барó джунгалыпэн, савó кэрэла адай Израилэскиро Кхэр (Кхангирí), соб (кай) Мэ тэ джав криг Мирé свэнтонé штэтостыр? Нэ обрисёв, и дыкхэса джунгалыпэн (брыткама) ишчо (инкэ) бутýр. ⁷ И Ёв яндя ман кэ загиибэн дрэ грéда (двóро), мэ подыкхцём: акэ, дрэ ванта сыс пропхагирибэн. ⁸ И пхэндя мánгэ: “Манушэскиро чхава! Проганав ванта” Мэ проганадём. Акэ, исын вари-савó вудáр. ⁹ И пхэндя Ёв мánгэ: “Заджа, подыхх пэ бэдо джунгалыпэн, савó ёнэ кэрэна адай.” ¹⁰ Мэ загиём и дыкхцём. Акэ, кажно патрín (рисунко) цаппенгиро, и нажужа мурдалá и кажна йдолы Израилэскирэ кхэрэскирэ сыс чхиндлэ пэ ванты. ¹¹ А эфтадэшá (битрияндэнгиро шэл) муршá, Израилэскирэ-Кхэрэскирэ годé-пхурэндыр (пхурыдырэндыр) сыс тэрдé ангíл лэндэ, и Езанийя (Иезания), Сафаноскиро чхавó сыс тэрдó машкíр лэндэ. Кажноэстэ дро васт исын пэскири кадила тхувипнаскири, барó облако кучонé-кхандыпнаскиро газдэласпэ упрé. ¹² И пхэндя Ёв мánгэ “Дыкхэс ци, со кэрэна Израилэскирэ кхэрэскирэ барэдыра дро калыпэн (тёмныма) рат, со кэрэла кажно лэндыр дрэ пэскири штýба, кай исын йдолы? Ёнэ ракирэна: “На дыкхэла амэн Рай Дэвэл, Дэвэл, ячадя Рай Дэвэл, Дэвэл дая пхув” ¹³ И пхэндя мánгэ: “Обрисёв и ишчо (инкэ) бутýр дыкхэса джунгалыпэн, савó ёнэ кэрэна” ¹⁴ И яндя ман кэ загиибэн дрэ Рáскирэ-Дэвлэскирэ Кхэрэскири (Кхангирьякири) пóрта, савí исын пэ паш-рат (северо). Акэ, одóй бэшэнас манушня, савé ровэнас ваш Фамузо (Тамузо). ¹⁵ И пхэндя мánгэ: “Дыкхэса ци, манушэскиро чхавó? Обрисёв, и ишчо (инкэ) бутýр джунгалыпэн дыкхэса, савó ёнэ кэрэна.” ¹⁶ И яндя Ёв ман дрэ грéда (двóро), савí сыс андрáл Рáскирэ-Дэвлэскиро Кхэр. Акэ, пашо вудáр Рáскирэ-Дэвлэскири Кхэр (Кхангирí) машкíр трэмы (коридоры) и алтарё сыс тэрдé биш тэ пандж пхурыдыра. Лэнгрэ муя дыкхэнас пэ вастóко, а кэ Рáскирэ-Дэвлэскири Кхэр ёнэ думэса рисинé, и мангэнаспэ (молинэнаспэ) кхамэскэ пэ вастóко. ¹⁷ И пхэндя мánгэ: “Дыкхэса ци, манушэскиро чхавó? Наушто/хай ишчо (инкэ) náбут Юдакирэ кхэрэскэ долé джунгалыпэна, савé ёнэ кэрдé адай, нэ ёнэ инкэ (ишчо) пхэрдякирдэ пхув нахратымаса, и ёнэ рисинé тэ кошэппэ Мánца. Акэ, ёнэ подлыджана рандя (вётки) кэ пэскирэ накха. ¹⁸ Пал дова Мэ явава тэ кэрáв холямипнаса: на потангинэла Мирí якх, и на поковлэла Мирó илó. Мэк ёнэ тэ годлэн дрэ Мирé канá зоралé заняса, нэ Мэ на шунава лэн.”

Шэрó 9

Мулякирибэн дро Ерусалимо

¹ И пхэндя Ёв, соб (кай) тэ шунэн мирэ канá, зоралé заняса: “Мэк тэ джáн пашылэдýр одолé, савé явэна пхарэс тэ сэндякирэн фóро, кажнонэстэ дрэ васт сыс дова́, со хасякирэла кэ мулыпэн.” ² Акэ, шов манушá джána упратунэ портатыр, со исын кэ паш-рат (северо). Кажнонэстэ (сваконэстэ) дро васт исын дова́, со хасякирэла кэ мулыпэн, а машкёр лэндэ сыс екх, савó сыс уридó дро похтанытко урибэн, конэстэ пашыл лэскро симири сыс дова́, со́са чхинэна лыла́ (приборо). И явнэ ёнэ, и сыс тэрдэ пашыл алтáрё. ³ И Израилёскирэ-Дэвлэскири сла́ва згия херувимостыр, пэ конэстэ ёй сыс, кэ Кхэрэскиро прого. И кхардýа Ёв манушэс дро похтанытко урибэн, конэстэ пашыл лэскро симири, сыс дова́, со́са чхинэна лыла́. ⁴ И пхэндя лэскэ Рай Дэвэл, Дэвэл: “Джá пэскэ машкёр фóро, машкёр Ерусалимо, и кэр шпéра (знако) пэ чэкат одолé манушэнгирэ, савэнгэ исын пхарó пал сарó джунгалыпэн, и савé пиридживэна, со кэрэлапэ машкёр лэндэ.” ⁵ А явирэнгэ пхэндя адýкэ, соб (кай) мэ тэ шунав: “Джáн пал лэстэ пир фóро тэ мулякирэн, мэк тэ на тангинэл тумарí якх, мэк тэ на ковлёл тумарó илó. ⁶ Пхурэн и тэрнэ манушэн, патывалé тэрнэ джувлэн и биятос и джувлэн мулякирэн, нэ на чилавэн ни екх манушэс, пэ конэстэ исын шпéра (знако). Лэн (зачнинэн) тэ кэрэн Мирé свэнтонэ штэтóстыр.” Ёнэ лынэ тэ мулякирэн долé годэ-пхурэндýр (пхурыдырэндýр), савé сыс ангил Кхэр. ⁷ И пхэндя Дýхо (Фáно) лэнгэ: “Магирэн Кхэр (Кхангири), и пхэрдýакирэн грéда (двóро) домардэ манушэнца, и выджáн.” Ёнэ гинэ яври́, лынэ тэ замарэн дро фóро. ⁸ Кóли ёнэ замарэнас лэн, а мэ яцёмпэ, тэньчи мэ пыём пэ пэскиро муй, и дыём гóдла, и пхэндём: “Раё Дэвла, Дэвла! Ту чхувэса Тырó холямипэн пэ Израилё, со Ту хасякирэса сарó Израилёскиро ячаибэн?” ⁹ Тэньци пхэндя Ёв мánгэ: “Израилёскирэ-кхэрэскиро и Юдэýкиро чорипэн исын барó, древáн барó, и адáя пхув исын пхэрдý ратэса, и фóро исын пхэрдó чорипнаса, со кэрэнас пэхроми, долэстыр, со ёнэ ракирэна: “Мэкцýа Рай Дэвэл, Дэвэл адáя пхув, и на дыкхэла Рай Дэвэл, Дэвэл.” ¹⁰ Пал дова́ на потангинэла лэн Мири́ якх, и на ковлёла Миро илó; нэ Мэ дава лэнгрэ рэндý палэ пэ лэнгрэ шэрó. ¹¹ Акэ, мануш, уридó дро похтанытко (гандладытко) урибэн, конэстэ пашыл симири сыс дова́, со́са чхинэна лыла́, дыя́ отпхэныбэн и пхэндя: “Мэ кэрдём, сыр Ту припхэндýн мánгэ.”

Шэрó 10

Дэвлэскири Сла́ва Ячкирэла Кхангири́

¹ И мэ дыкхцём, акэ, пэ свóдо, савó сыс упрáл херувимонэнгирэ шэрó, сыс вари-со сы́рбы куч бар сапфиро, сы́рбы вари-со, сыр трóно (престоло), со сыс упрé лэндýр. ² И ракирэлас Ёв манушэскэ, савó сыс уридó дро похтанытко урибэн, и пхэндя: “Джá андрé машкёр рóты тэл херувимы, лэ пхэрдэ вастá хачкирдэ вангара и чхурдэ лэн пэ фóро.” Ёв гия́ андрé пэ мирé якхá. ³ Херувимы сыс тэрдэ пир чачí риг Кхэрэстыр, кóли загия́ одовá мануш, и óблоко пхэрдýакирэлас грéда (двóро), савí сыс андрáл. ⁴ И газды́пэ Рáскирэ-Дэвлэскри сла́ва херувимостыр и догия́ кэ Кхэрэскиро про́го, и Кхэр пхэрдýакирдýпэ облокоса, и сыс дуд пэ грéда, савí зяинэлас Рáскирэ-Дэвлэскирэ славатýр. ⁵ Шуныбэн херувимонэнгирэ пхакэндýр сыс шундло пэ грéда, савí сыс яври́, сы́рбы зан Сарэзорýакирэ-Дэвлэскири, кóли Ёв ракирэла. ⁶ И сыс адýкэ, кéли Ёв припхэндý манушэскэ, савó сыс уридó дро похтанытко урибэн, и пхэндя: “Лэ яг машкёр рóты, машкёр херувимы”, и загия́ и сыс тэрдó пашыл рóты. ⁷ Тэньци протырдýя екх херувимо пэскиро васт кэ яг, савí сыс машкёр херувимы, и лыя́, и дыя́ манушэскэ, уридэскэ дро похтанытко урибэн. Ёв лыя́ и гия́ яври́. ⁸ И сыс дыкхно тэл херувимэнгирэ пхакá дова́, со сыс сы́рбы манушэнгирэ вастá. ⁹ И мэ дыкхцём: акэ, штар рóты пашыл херувимы, пир екх рота пашыл кажно херувимо, и выдыкхэнас рóты, и зяинэнас сы́рбы кэрдэ кучонé барэстыр топазостыр. ¹⁰ И выдыкхэнас сарé штар сыр екх

рота, сýрбы екх рота чхудý дрэ явýр рота. ¹¹ Кéли джáнас ёнэ, то джáнас пэ пэскирэ штар ригá, сыр ёнэ джáнас, то ёнэ на обрисёнас долэстыр, карик ёнэ джáнас, а ёнэ джáна одорýк, карик дыкхэлас шэрó. Ёнэ джáнас одорýк, а кéли джáнас, то на обрисёнас. ¹² Сарé лэнгирэ масá, и лэнгро думо, и лэнгрэ вастá, и рóты сыс пхэрдé якхэнца, сарé лэнгрэ штар рóты. ¹³ Кэ долé рóты, сыр мэ шундём, сыс пхэндлó лав “галгал”. ¹⁴ Кажнонэстэ мурдалэндэ (животнэндэ) сыс штар муя. Пэрво муй сыс херувимоскиро муй, явýр муй – Манушэскиро муй, трýто муй – шчэрэскиро (левоскиро), штáрто муй орлóскиро (кидóскиро). ¹⁵ Херувимы газдынэпэ. Кадалé сыс одолé сама мурдалá/джидалé (животна), савэн мэ дыкхцём пашýл рэка (лэнь) Ховар (Кебар). ¹⁶ Кéли джáнас херувимы, тэды джáнас пашýл лэндэ и рóты. Кéли херувимы газдэнас пэскирэ пхакá, соб (кай) тэ газдэнпэ пхувýятыр, то рóты на отрисёнас лэндýр. ¹⁷ Кéли херувимы сыс тэрдé, сыс тэрдé и рóты; кéли херувимы газдэнаспэ, газдэнаспэ и ёнэ долэстыр, со дрэ лэндэ сыс мурдалэнгиро (животнэнгиро) дýхо (фáно). ¹⁸ И отгия Рáскирэ-Дэвлэскири слáва Кхэрэскирэ прогóстыр, и яцý упрé херувимэндýр. ¹⁹ И газдынé херувимы пэскирэ пхакá (крылы) и газдынэпэ пэ мирé якхá пхувýятыр. Кéли ёнэ джáнас, то и рóты сыс пашýл лэндэ, и ячнэ ёнэ пашо загиибэн дрэ восточно Рáскирэ-Дэвлэскиро Кхэрэскиро вудáр. И Израилэскирэ-Дэвлэскири слáва сыс упрé лэндýр. ²⁰ Кадава сыс одолé мурдалá (животна), конэс мэ дыкхцём тэл Израилэскирэ Дэвлэстэ пашýл рэка (лэнь) Ховар. Мэ галýём, со кадалé сыс херувимы. ²¹ Кажнонэстэ сыс штар муя, и кажнонэстэ сыс штыр пхакá. А тэлé пхакá сыс колэ, савэ сыс сýрбы манушэнгирэ вастá. ²² А дова, со выдыкхэлас сýрбы лэнгиро муй, сыс кадасавó, сýрбы муя, савэ мэ дыкхцём пашýл рэка (лэнь) Ховар. Кажно джáлас мамýй дрэ одоя риг, кэ савý сыс ангýл лэскиро муй.

Шэрó 11

Со Явóла Ерусалимоса

¹ И газдыя ман Дýхо (Фáно), и яндý ман кэ восточно пóрта (враты) дро Рáскирэ-Дэвлэскиро Кхэр, савó сыс чхудо пэ вастóко. Акэ, пашо загиибэн дро пóрта сыс биш тэ пандж манушá. Машкир лэндэ мэ дыкхцём Иезанияс (Язанияс), Азуроскирэ чхавэс, и Фалтияс, Ванеэскирэ чхавэс. Кадалé сыс тхагáрья машкёр манушэндэ. ² И пхэндý Ёв мánгэ: “Манушэскиро чхава! Акэ, исын манушá, савэ придуминэна чорипэн, савэ дэна бэда годыпэна (советы) дро дава фóро. ³ И ракирэна: Ишчо дур. Явáса тэ кэрáс кхэрá, ёв исын какáви (котло), амэ сам мас. ⁴ Пхэн пэ лэндэ ангилпхэныбэн, пхэн ангилпхэныбэн, Манушэскиро чхавó.” ⁵ И згия пэ мánдэ Рáскирэ-Дэвлэскиро Дýхо (Фáно), и пхэндý мánгэ: “Пхэн, адыкэ ракирэла Рай Дэвэл, Дэвэл: ‘Со да ракирэна тумэ, Израилэскиро кхэр, пал-дова со мэ джинóm, со тумэндэ исын пэ годý. ⁶ Тумэ бут почхудэ замардэ манушэн дро дава фóро, и тумэ пхэрдýкирдэ тумарé вулýцы (гáсы) замардэ манушэнца.’ ⁷ Палдава адыкэ ракирэла Рай Дэвэл, Дэвэл: ‘Тумарé замардэ манушá, савэн тумэ чхудэ, исын масá, и кадаво фóро исын какáви, нэ Мэ янава тумэн криг далé-форóскирэ машкиралыпнастыр. ⁸ Тумэ дарэна курталáтыр, нэ Мэ янава куртáла пэ тумэндэ’, – ракирэла Рай Дэвэл, Дэвэл. ⁹ ‘И Мэ лыджáва криг тумэн форóскирэ машкиралыпнастыр и Мэ отдáва тумэн дрэ вастá чужонэнгирэ, и Мэ кэрáва сэндо пэ тумэндэ. ¹⁰ Тумэ пэрэна курталáтыр. Мэ явава тэ сэндýкирав тумэн пэ пхувýякири мéжа Израилэскири. Тэньци тумэ галёна, со Мэ сом Рай Дэвэл, Дэвэл. ¹¹ Ёв на явóла бутýр сыр какáви, и тумэ на явóна бутýр сыр масá ваш лэскэ, Мэ явава тэ сэндýкирав тумэн пэ мéжа пхувýякири дро Израилé. ¹² И тумэ галёна, со Мэ сом Рай Дэвэл, Дэвэл, пал-дова со тумэ на псирдэ пир Мирé статýты (уставы), и тумэ на кэрдэ пир Мирé статутна упхэныбэна, нэ тумэ кэрдэ пир присыкляибэна, Наюдытконé нацыенгирэ, савэ исын пашýл тумэндэ.” ¹³ И кэрдýпэ адыкэ, со сыр мэ ангилпхэнаvas, то Фалтия, чхавó Ванеяскиро, мыя. Тэньци Мэ пыём пэскирэ мóса и дыём гóдла зоралэс и пхэндём: “О, Раё Дэвла! Наýшто Ту камэса тэ мулякирэс манушэндýр кэ кóнцо (ягóро)?”

Дэвэл Нэвякирэла Израилё

¹⁴ Нэвэстыр сыс кэ мэ лав Растыр-Дэвлэстыр, саво пхэнэлас: ¹⁵ “Чхаво манушэскиро! Трэ пшалэнгэ, трэ сэмэнцакэ, трэ родоскэ и сарэ кхэрэскэ Израилёскирэскэ, сарэнгэ, конэскэ пхэндлэ джибнаскирэ мануша дро Ерусалимо: ‘Дурьён Растыр-Дэвлэстыр, кадай пхув дынэ амэнгэ сыр мэкно миштыпэн.’” ¹⁶ Палдава пхэн: Адыкэ ракирэла Рай Дэвэл, Дэвэл: “Мэк Мэ росчхудём тэ дживэн лэн машкир Наюдытка нацыи, и мэк Мэ пиричхудём лэн тэ дживэн дрэ явир тхэма, нэ Мэ усаэкх явава ваш лэнгэ сыр тыкно Свэнтэ Штэто пэ одолэ пхувья, карик ёнэ гинэ.” ¹⁷ Тэньци пхэн адыкэ: “Мэ скэдава тумэн явирэ нацыэндэр, Мэ янава кхэтанэ тумэн тхэмэндэр, кэ савэ Мэ росчхудём тэ дживэн тумэн, и Мэ дава тукэ пхув Израилёскири.”” ¹⁸ “И ёнэ явэна одой, и ёнэ лэна криг сарэ магирдэ вешчы (чысы) и сарэ джунгалэ предметы. ¹⁹ И Мэ дава лэнгэ екх ило, и Мэ чхувава нэво дүхо (фано) дрэ тумэндэ, и Мэ лава криг баруно ило тумарэ лочатыр (плотытыр), и Мэ дава лэнгэ ило лочатыр, ²⁰ соб (кай) ёнэ тэ псирэн пир Мирэ статуыты, и тэ рикирэнпэ кэ Мирэ упхэныбэна, и тэ кэрэн пир лэндэ и ёнэ явэна Мирэ мануша, а Мэ явава лэнгиро Дэвэл. ²¹ А кодолэнгэ, савэскирэ илэ тырдэнаспэ палэ магирдэ и джунгалэ предметы, Мэ отдава палэ пал лэнгирэ рэндэ пэ лэнгирэ шэрэ”, – ракирэла Рай Дэвэл, Дэвэл. ²² Тэньци херувимы газдынэ пэскирэ пхака (крылы), и роты сыс пал лэндэ, и слава Израилёскирэ-Дэвлэскири сыс упрал вучэ лэндэ. ²³ И слава Раскирэ-Дэвлэскири газдыяпэ фороскирэ машкиралыпнастыр и тэрдия пэ бэрга, со сыс пэ вастокоскири риг дро форо. ²⁴ Тэньци Дүхо (Фано) газдыя ман и яндя ман кэ Халдея дро дыкхибэн Дэвлэскирэ Духостыр кэ одолэ мануша дро плэно. И, акэ, дыкхибэн, со мэ дыкхцём, гия криг мандыр. ²⁵ И адыкэ мэ роспхэндём дыкхибэн кодолэнгэ, кон сыс дро плэно, пал сарэ чачипэна, со Рай Дэвэл, Дэвэл сыкадя мангэ.

Шэро 12

Ангилпхэныбэн пал Плэно, со Явэла Сыг

¹ И сыс кэ мэ Раскирэ-Дэвлэскиро лав дасаво: ² “Манушэскиро чхава! Ту дживэса машкир одолэндэ, савэ никонэс на кандэна. Исын лэндэ якхэ, соб (кай) тэ дыкхэн, нэ ёнэ на дыкхэна; исын лэндэ канэ, соб (кай) тэ шунэн, нэ ёнэ на шунэна, пал-дова со ёнэ исын кхэр, кай на кандэна никонэс. ³ А ту, манушэскиро чхава, кэр пэскэ дова, со трэй ваш пиритрадыпэн, и пиритрадэ дывэсэ ангил лэнгирэ якхэ. Пиритрадэ екхэ штэтостыр пэ явир штэто ангил лэнгирэ якхэ, соб (кай) ёнэ тэ галён. Нэ ёнэ исын кхэр, кай на кандэна никонэс. ⁴ И вылыджа тыро миштыпэн сыр дова, со трэй ваш пиритрадыпэн, дывэсэ, ангил лэнгрэ якхэ, и кокорó выджа бэльвэлэ ангил лэнгирэ якхэ, сыр выджана мануша, коли традэна дрэ наволя. ⁵ Ангил лэнгрэ якхэ пхагир выгиибэн дрэ ванта, и лыджа тро миштыпэн пир дава пропхагирибэн. ⁶ Ангил лэнгирэ якхэ лэ миштыпэн пэ псикó, лыджа криг лэс раты, закэр тыро муй, соб (кай) тэ на дыкхэс пхув, долэстыр, со Мэ чхудём тут гертыкаса Израилёскирэ кхэрэскэ пал бйда.” ⁷ Мэ кэрдём, сыр Ёв припхэндя мангэ. Вылыджыём дывэсэ миро миштыпэн, сыр дова, со трэй ваш пиритрадыпэн, а бэльвэлэ сыр калёла, Мэ пропхагирдём пэскэ вастэса выгиибэн дрэ ванта, вылыджиём миштыпэн раты и газдыём лэс пэ псикó ангил лэнгрэ якхэ. ⁸ И сыс кэ мэ Раскирэ-Дэвлэскиро лав пэ злоко (пэ ранко): ⁹ “Манушэскиро чхава! На ракирлас ли тукэ Израилёскиро кхэр, кхэр, кай никонэс на кандэна: ‘Со ту кэрэса?’” ¹⁰ Пхэн лэнгэ: ‘Адыкэ ракирэла Рай Дэвэл, Дэвэл: “Кадава исын ангилпхэныбэн пал пхарипэн раскэ дро Ерусалимо и ваш сарó Израилёскиро кхэр, саво исын одой. ¹¹ Пхэн: ‘Мэ сом гертык ваш тумэнгэ. Со мэ кэрава, кадава явэла лэнца. Явэна тэ традэн лэн дрэ наволя’. ¹² И тхагари, саво исын машкир лэндэ, лэла ангил сыр калёла лэскиро миштыпэн пэ псикó и джала криг. Пропхагирэна ванта, соб (кай) ёв тэ выджал одотхыр; ёв закэрэла пэскро муй адыкэ, соб (кай) тэ на дыкхэл адая пхув якхэнца. ¹³ И Мэ чхурдава пэ лэстэ Мирí кхуды (сетка), и ухтылава лэс фэляса, и лыджава лэс кэ Вавилоно, пэ Халдеенгири пхув. Нэ ёв, тхагари на дыкхэла ла, и мэрэла одой. ¹⁴ А сарэн, савэ исын лэса, и кодолэн, савэ подрикирэнас лэс и лэскрэ халадэн, Мэ

рострадава пир сарэ балваля, и Мэ газдава куртала пал лэндэ. ¹⁵ И ёнэ галёна, со Мэ сом Рай Дэвэл, Дэвэл, ко́ли Мэ росчхувава тэ дживён лэн кэ явир народы и рострадава лэн пир пхувья. ¹⁶ Нэ на́бут манушён лэндыр Мэ зракха́ва курталатыр, бокхатыр и франсэндыр, соб (кай) ёнэ тэ роспхэнён Наюдытконэ манушёнгэ, кэ савэ ёнэ явэна, ваш сарэ пэскирэ налалхипэна, тэньчи ёнэ галёна, со Мэ сом Рай Дэвэл, Дэвэл.”

Ангилпхэныбён пал Ровибэн и Сэндо

¹⁷ И сыс кэ мэ Рáскирэ-Дэвлэскиро лав дасаво: ¹⁸ “Манушэскиро чхава! Ха тыро́ маро́ дараса, пи тыро́ пани́ тэ издрас, и мэк тэ явёл тукэ пхаро́ пэ ило́. ¹⁹ И пхэн манушёнгэ пэ пхув: “Адякэ ракирэла Рай Дэвэл, Дэвэл ваш Ерусалимóскирэ манушёнгэ, ваш Израилёскири пхув: ‘Ёнэ явэна тэ хан пэскро маро́ ясвэнца, явэна тэ пьен пэскро пани́ пхаро́ трашаса, пир дова́, со на явэла бутыр пэ пхув барвалыпён пал манушёнги́ро начачипён, савэ дживэна́с пэ латэ. ²⁰ Тэньци роспахирэна форя́, и пхув явэла чхучи́, и ёнэ галёна, со Мэ сом Рай Дэвэл, Дэвэл”

Ангилпхэныбён Пхэрдякирэлапэ

²¹ И сыс кэ мэ Рáскирэ-Дэвлэскиро лав дасаво: ²² “Манушэскиро чхава! Со за пхэныбны́тко лав ракирэна́ тумэ, пэ Израилёскири пхув: ‘Проджа́на (накхэна) бут дывэса́ и хасёла ангилпхэныбна́скиро дыкхибён?’ ²³ Палдава́ пхэн лэ́нгэ: ‘Адякэ ракирэла Рай Дэвэл, Дэвэл: Мэ хасякира́ва далэ лава́, бутыр на явэна тэ ракирэн дасавэ лавэнца дрэ Израилё. Пхэн лэ́нгэ: ‘Явэна сыг дывэса́ и пхэрдякирэлапэ ка́жно ангилпхэныбна́скиро дыкхибён.’ ²⁴ На ячэлапэ ивья́ (напрáснэс) нисаво́ ангилпхэныбна́скиро дыкхибён; на явэла хохано́ нисаво́ ангилпхэныбён дро Израилёскиро кхэр. ²⁵ Пал-дова́ со Мэ сом Рай Дэвэл, Дэвэл, Мэ ракира́ва, и пхэрдякирэлапэ лав, саво́ Мэ ракира́ва, и Мэ на парувава лэс. Дрэ тумарэ дывэса́, тумэ сан кхэр, кай на кандэна́ никонэ́с, Мэ пхэндём лав и Мэ кэра́ва, со Мэ камам”, – ракирэла Рай Дэвэл, Дэвэл.” ²⁶ Нэвэстыр сыс кэ мэ Рáскирэ-Дэвлэскиро лав, со ракирэлас: ²⁷ “Манушэскиро чхава! Акэ, Израилёскиро кхэр ракирэла: ‘Ангилпхэныбна́скиро лав, саво́ ёв дыкхця́, пхэрдякирэлапэ (сполнинэлапэ), ко́ли проджа́на бут дывэса́ ададывэсэстыр; ёв ракирэла ваш англыпён.’ ²⁸ Палдава́ пхэн лэ́нгэ: ‘Адякэ ракирэла Рай Дэвэл, Дэвэл: ни́экх Мирэ лавэндыр на явэла парудо бутыр, нэ лав, саво́ Мэ пхэна́ва, пхэрдякирэлапэ,” – ракирэла Рай Дэвэл, Дэвэл.

Шэро́ 13

Дылынэ Проро́ки Прокошнэ

¹ И сыс кэ мэ Рáскирэ-Дэвлэскиро лав дасаво: ² “Манушэскиро чхава! Пхэн ангилпхэныбён пэ Израилёскирэ проро́конэндэ, савэ ракирэна́ ангилпхэныбэна, и пхэн одолэ́нгэ: шунён Рáскирэ-Дэвлэскиро лав!” ³ “Адякэ ракирэла Рай Дэвэл, Дэвэл: ‘Бида бигодякирэ проро́кэ́нгэ, савэ джа́на пал пэскро дү́хо (фа́но) и нисо́ на дыкхэна́с! ⁴ Тырэ проро́ки, Израилё, исын сы́рбы локхня́ (лисы) дрэ роспахирдэ́ кхэра́. ⁵ Дрэ пропхагирибэна́ (проломы) дрэ ва́нта тумэ на джа́на, и на чхудо́ ва́нта а́нгил Израилёскиро Кхэр, соб (кай) тэ явэн тэрдэ́ тумэ дро ма́рибён дро Рáскирэ-Дэвлэскиро дывэс. ⁶ Ёнэ дыкхнэ́ дыкхибён, со на мол, ангилпхэндлэ́ хохайбён, ракири́: “Рай Дэвэл, Дэвэл пхэндя́”, – а Рай Дэвэл, Дэвэл на бичхавэлас лэн; нэ ёнэ дэ́на дума́ пэскэ́, со пхэрдякирэлапэ лав. ⁷ Ци на дошвало́ дыкхибён тумэ дыкхэна́с? Ци на хохано́ лав ангилпхэныбён тумэ ракирэна́с, пхэни́: “Рай Дэвэл, Дэвэл пхэндя́”, – а Мэ на ракиравас? ⁸ Палдава́ адякэ ракирэло Рай Дэвэл, Дэвэл: “Палдова́, со тумэ ракирдэ́ чхучипён, и дыкхнэ́ хохайбэна, палдава́, акэ, Мэ сом проти́ тумэндэ,” – ракирэла Рай Дэвэл, Дэвэл.” ⁹ И явэла Мирó васт пэ далэ́ проро́конэндэ, савэ дыкхэна́ дова́, со нисо́ на мол (чхучо́), и савэ ангилпхэ́нэна хохайбён. Дрэ Мирэ́ манушёнги́ро скэдыибён

ёна на явёна; дрэ Израилёскирэ-кхэрэскиро зачхиныбэн дрэ лылварі счхиныбнытко (списко) ёна на зачхинэнапэ, пэ Израилёскири пхув на заджа́на. И ёна галёна, со Мэ сом Рай Дэвэл, Дэвэл.¹⁰ Пал дова́, со ёна злыджана дромэстыр Мирэ манушён, ко́ли ракирэна рама́нё (миро), а рама́нё нанэ, и ко́ли ёна кэрэна ва́нта, ёна макхэн ла блатаса.¹¹ Пхэн кодолэнгэ, савэ макхэна ва́нта блатаса, со ёй пэрэла. Явэла тасадыпнаскиро панинг, и пэрэна тумэ, барунэ градины, и зоралы́ балва́л роскушэла ва́нта пэ котэра́ (куски).¹² Акэ, пэрэла ва́нта, на пхэнэна, хачы, тэньчи тумэнгэ: “Кай исын дова́ обмакхибэн, савэса тумэ макхэнас?”¹³ Палдава́ адякэ ракирэла Рай Дэвэл, Дэвэл: “Мэкава Мэ rischiрибнаскири балва́л дро Миро холякирибэн, явэла зорало́ брышы́нд дрэ Миро холями́пэн, и пэрэна бара́ градостыр дрэ Мири́ бари холы́ тэ хасякирэ́л дава́.¹⁴ Мэ пхагирава тэлэ ва́нта, сави́ тумэ обмакхэнас блатаса, чхурдава ла пэ пхув, и откэрэлапэ ла́киро фунда́менто, и ёй пэрэла. Тумэ хасэна ла́са, и тумэ галёна, со Мэ сом Рай Дэвэл, Дэвэл.¹⁵ Вычхувава Мэ Миро холями́пэн пэ ва́нта и пэ одолэ́ндэ, савэ обмакхэнас ла блатаса, и Мэ пхэна́ва тумэнгэ: нанэ буты́р ва́нта, нанэ одолэ́н, савэ макхэнас ла,¹⁶ Кадалэ́ Израилёскирэ проро́кэн, савэ ангилпхэнэнас Ерусалимоскэ́ и ракирэ́нас лэ́скэ, со дыкхнэ́ рама́нё (миро) дрэ дыкхибэ́на, ко́ли нанэ рама́нё, – ракирэ́ла Рай Дэвэл, Дэвэл.¹⁷ Ту, манушэ́скиро чха́ва, рисёв кэ́ чха́я тырэ́ манушэ́ндыр, савэ ангилпхэнэ́на пэ́скрэ́ илэ́стыр, пхэн пэ́ лэ́ндэ́ ангилпхэ́ныбэн.¹⁸ Пхэн: “Адякэ ракирэ́ла Рай Дэвэл, Дэвэл:” Би́да ко́долэ́ джувленгэ́, савэ́ сувэ́на чо́ваханэ́ посотя́ (гонорэ́) тэлэ́ пхака́, савэ́ кэрэ́на дыкхлэ́ ваш ка́жно шэ́ро, соб (кай) тэ́ ухты́лэн илэ́. Тумэ́ думи́нэна, со́ зракхэ́напэ, ко́ли явэ́на тэ́ ухты́лэн манушэ́нгирэ́ илэ́ Мирэ́ манушэ́ндыр?¹⁹ Тумэ́ ма́гирэ́на Ма́н анги́л Мирэ́ манушэ́ндэ́ пал ку́ты (на́бут) гэрсто́ (ячменё́), пал котэ́ра ма́ро, ко́ли муля́кирэ́на илэ́, конэ́скэ́ на трэ́й тэ́ мэ́рэн, и ко́ли яча́вэна́ джи́ибэн илэ́нгэ, конэ́скэ́ на трэ́й тэ́ джи́вэн, ко́ли хо́хавэ́на Мирэ́ манушэ́нгэ, савэ́ шунэ́на хо́хаибэн.²⁰ “Палдава́ адякэ ракирэ́ла Рай Дэвэл, Дэвэл: “Акэ́, Мэ́ сом проти́ тумарэ́ чо́ваханэ́ посотя́, савэ́нца́ тумэ́ ухты́лэ́на манушэ́скиро́ ди, сы́р чи́риклен. Мэ́ чхи́на́ва гонорэ́́ тумарэ́́ пха́кэ́ндыр, Мэ́ отмэ́ка́ва пэ́ во́ля илэ́, савэ́ тумэ́ ухты́лэ́на, соб (кай) ё́на тэ́ вурня́н тумэ́ндыр.²¹ И Мэ́ адя́кэ-па́ць росчи́нава́ тумарэ́́ дыкхлэ́, и зракха́́ва Мирэ́́ манушэ́́н тумарэ́́ вастэ́́ндыр. И ка́далэ́́ мануша́́ на явэ́́на буты́́р сы́́р дорэ́́сыбэ́́н дрэ́́ тумарэ́́ васта́́, и тумэ́́ галё́́на, со́́ Мэ́́ сом Рай Дэвэл, Дэвэл.²² Пал-до́ва́ со́́ тумэ́́ пхэ́́нэна́́ хо́́хаибэ́́н дэ́́влытконэ́́ манушэ́́скэ́́ тэ́́ кэрэ́́лпэ́́ пха́́ро лэ́́скэ́́ пэ́́ ило́́ (а́́ Мэ́́ на ка́́мамас, соб (кай) тэ́́ явэ́́л пха́́ро пэ́́ лэ́́скро́́ ило́́), и подри́кирэ́́на фу́е-манушэ́́скирэ́́ васта́́, соб (кай) ё́́в тэ́́ на рисё́́л пэ́́скрэ́́ бэ́́дытконэ́́ дромэ́́стыр, и тэ́́ на зракхэ́́л пэ́́скиро́́ джи́́ибэн.²³ Палдава́́ на явэ́́ла тумэ́́ндэ́́ буты́́р чху́́чэ́́ дыкхи́́бэ́́на, со́́ нисо́́ на мо́л, на явэ́́на тумэ́́ тэ́́ кэрэ́́н ча́ры. Мэ́́ зракха́́ва Мирэ́́ манушэ́́н тумарэ́́ вастэ́́ндыр, и тумэ́́ галё́́на, со́́ Мэ́́ сом Рай Дэвэл, Дэвэл.”

Шэро́ 14

Пхаро́ Сэ́ндо пал И́долы

¹ И явнэ́ кэ́ мэ́ вари-ки́цы́ мануша́́ Израилё́скирэ́́ пхуры́дырэ́ндыр, и сы́с бэ́штэ́ анги́л ма́ндэ́.
² И сы́с кэ́ мэ́ Ра́скирэ́-Дэ́влэ́скиро́́ лав да́саво: ³ “Манушэ́́скиро́́ чха́́ва! Ада́лэ́́ мануша́́ ма́кнэ́́ пэ́́скрэ́́ кэ́́рдэ́́ дэ́́влорэ́́ (и́́долы) дрэ́́ пэ́́скрэ́́ илэ́́, чху́́дэ́́ пэ́́скирэ́́ кэ́́рдэ́́ дэ́́влорэ́́ анги́л пэ́́стэ́́: сы́́р жэ́́ сашты́́ (мо́́гинэн) ё́́на Ма́́ндыр тэ́́ пху́́чэн?” ⁴ Палдава́́ ра́́кир лэ́́нца́́ и пхэ́́н лэ́́нгэ́́: “Адя́́кэ ра́́кирэ́́ла Рай Дэвэл, Дэвэл: ко́́ли вари-ко́́н Израилё́́скирэ́́ кхэ́́рэ́́стыр до́́мэ́́кэ́́ла пэ́́скрэ́́ кэ́́рдэ́́ дэ́́влорэ́́ (и́́долы) дро́́ пэ́́скро́́ ило́́, и чху́́вэ́́ла пэ́́скрэ́́ кэ́́рдэ́́ дэ́́влорэ́́ анги́л лэ́́стэ́́ тэ́́ обшта́́вэлпэ́́ и ё́́в явэ́́ла кэ́́ проро́́ко, то́́ ці́́, пхэ́́на́́ва ли́́ Мэ́́, Рай Дэвэл, Дэвэл, лэ́́скэ́́, ко́́ли исы́́н бу́́т лэ́́стэ́́ лэ́́скрэ́́ кэ́́рдэ́́ дэ́́влорэ́́?” ⁵ Мэ́́к тэ́́ галё́́н Израилё́́скиро́́ кхэ́́р дрэ́́ пэ́́скиро́́ ило́́, со́́ пал са́́рэ́́ ё́́на пэ́́скрэ́́ кэ́́рдэ́́ дэ́́влорэ́́ кэ́́рдэ́́пэ́́ ё́́на чу́́жа ваш Ма́́нгэ́́.” ⁶ Палдава́́ пхэ́́н Израилё́́скирэ́́ кхэ́́рэ́́скэ́́: “Адя́́кэ ра́́кирэ́́ла Рай Дэвэл, Дэвэл: ‘Рисё́́н кэ́́ Дэвэл рисё́́н кри́́г тумарэ́́ кэ́́рдэ́́ дэ́́влорэ́́ндыр, риски́́рэн тумарэ́́ му́́я са́́рэ́́ тумарэ́́ джу́́нгалы́́пна́́стыр (бры́́ткиматы́́р)! ⁷ Ко́́ли вари́́ – ко́́н Израилё́́скирэ́́ кхэ́́рэ́́стыр и чу́́жонэ́́ манушэ́́ндыр и, савэ́́ джи́́вэ́́на дро́́ Израилё́́, ду́́рьё́́ла ко́́коро́́ Ма́́ндыр, и до́́мэ́́кэ́́ла пэ́́скрэ́́ кэ́́рдэ́́ дэ́́влорэ́́ дро́́ пэ́́скиро́́ ило́́, и чху́́вэ́́ла пэ́́скрэ́́ кэ́́рдэ́́

дэвлорэ ангил пэскиро муй и явэла кэ пророко тэ пхучэлпэ лэстыр пал Мандэ, то Мэ, Рай Дэвэл, Дэвэл, отпхэнава лэскэ? ⁸ Мэ рисёвава Мирэ мо́са пэ одолэ манушэстэ, Мэ кэрава адалэ манушэса адыкэ, соб (кай) явир мануша́ тэ дыкхэн, и тэ ракирэн, Мэ залава лэс Мирэ манушэндыр, Израилёстыр, и Мэ тэды тумэ галёна, со Мэ сом Рай Дэвэл, Дэвэл. ⁹ А ко́ли пророко домэкэла тэ хохавэл пэс, и пхэнэла лав адыкэ, сы́рбы Мэ, Рай Дэвэл, Дэвэл, высклякирдём лэс, то Мэ протырдава пэ лэстэ Мирó васт, хасякира́ва лэс Мирэ манушэндыр, Израилёстыр. ¹⁰ И ёнэ лэна пхаро́ сэндыакирибэн пал пэскрэ чорипэна: саво́ банго́ явэла дова́, со пхучэла, кадасаво́ банго́ явэла и пророко, ¹¹ соб (кай) тэ на дурьёл бутыр Израилёскиро кхэр Мандыр, и тэ на кэрэн пэс магирдэса пэскрэ чорипна́стыр, нэ, соб (кай) тэ явэн ёнэ Мирэ мануша́, и соб (кай) Мэ тэ явав Лэнгиро Рай Дэвэл, Дэвэл.” ¹² И сыс кэ мэ Рáскирэ-Дэвлэскиро лав: ¹³ “Манушэскиро чхава! Ко́ли вари-сави́ пхув тэ кэрэл грэхи ангил Мандэ, и тэ явэл уса́ напатыибнытко кэ Мэ, то Мэ протырдыёмас пэ лэстэ Мирó васт, Мэ залыём бы лэстыр саро́ маро́, саво́ дэла джи́ибэн, Мэ бичхадём пэ лэстэ бокх и лыём тэ хасякира́в пэ лэстэ манушэн и кхэритконэ́ мурдалэн. ¹⁴ Ко́ли б тэ латхэнпэ пэ доя́ пхув далэ трин мануша́: Ноё, Данила и Ио́во, то ёнэ фэ́ни (то́ка) пэскрэ свэнтонэ́ джи́ибнаса, то ра́кхэнас бы пэ́скро ди и бутыр ничи́”, – ракирэла Рай Дэвэл, Дэвэл. ¹⁵ Ци, ко́ли б Мэ бичхадём пэ да́я пхув захалэ мурдалэн тэ проджан пир ла́тэ, саво́ залэнас бы ла́тыр (пхувья́тыр) чхаворэн, и тэ кэрэлпэ да́я пхув мурдалэндыр чхучи́ (пусто), и ни́екх тэ на проджал пир да́я пхув пал захалэ мурдалэндэ. ¹⁶ Кадалэ трин мануша́ тэ явэн машки́р ла́тэ, – тэ джива́в Мэ, – ракирэла Рай Дэвэл, Дэвэл, то на зракхэнас ёнэ ни пэ́скрэ чхавэн, ни пэ́скрэ чха́ён, а ёнэ, тринджинэ́ ёнэ, зракхэнаспэ, нэ пхув явэлас чхучи́. ¹⁷ Ци, ко́ли Мэ тэ янав курта́ла пэ да́я пхув и тэ пхэна́в: “Курта́ла, проджа пир пхув!” И лыём тэ хасякира́в манушэн и мурдалэн, ¹⁸ то кадалэ трин мануша́ машки́р тэ явэн тэ ла́тэ, – тэ джива́в Мэ – ракирэла Рай Дэвэл, Дэвэл на зракхнэ́ бы ни пэ́скрэ чхавэн, ни пэ́скрэ чха́ён, а ёнэ фэ́ни тринджинэ́ зракхнэ́пэ. ¹⁹ Ко́ли Мэ тэ бичха́вав пэ доя́ пхув мэрибнытка ф́рансы, и тэ вы́чхував пэ ла́тэ Мирó холя́мпэн тэ чхувэлпэ дро рат, соб (кай) тэ хасякира́в пэ пхув манушэн и кхэритконэ́ мурдалэн (ското), ²⁰ то аж Ноё, Дани́эле́ и Ио́во тэ явэн пэ ла́тэ, – тэ джива́в Мэ, – ракирэла Рай Дэвэл, Дэвэл, – то тэ на зракхэнас ни пэ́скрэ чхавэн, ни пэ́скрэ чха́ён; нэ пэ́скрэ свэнтонэ́ джи́ибнаса ёнэ фэ́ни зракхэнас бы тринджинэ́ пэ́скро ди.” ²¹ Ады́кэ ракирэла Рай Дэвэл, Дэвэл: ко́ли шта́р пхаро́ биды Мирэ: курта́ла, бокх, захалэ rischiрибна́скирэ мурдала́ (звери), мэрибнытка ф́рансы тэ бичха́вав Мэ пэ Ерусали́мо, соб (кай) тэ хасякира́в дрэ лэстэ манушэн и мурдалэн, ²² И тэ́ньчи ячэ́напэ дрэ лэстэ мануша́, чхавэ́ и чхая́, конэ́с вы́лыджана одотхы́р. Акэ, ёнэ вы́джана кэ тумэ́, тумэ́ дыкхэ́на, со ёнэ кэрэ́на и, саво́ исын лэнгирэ́ рэнды, и тумэ́ бистрэ́на пал доя́ биба́хт, сави́ Мэ яндём пэ Ерусали́мо, пал саро́, со Мэ яндём пэ лэстэ. ²³ Ёнэ кэрэ́на ады́кэ, со тумэ́ бистрэ́на пал биба́хт, ко́ли дыкхэ́на, со ёнэ кэрэ́на и, саво́ исын лэнгирэ́ рэнды. И галё́на, со Мэ на и́вья (на́прáснэс) кэрдём саро́ дова́, со Мэ кэрдём дро Ерусали́мо”, – ракирэла Рай Дэвэл, Дэвэл.

Шэро́ 15

Дыкхи́бэн пал Винаградоскири Рандь

¹ И сыс кэ мэ Рáскирэ-Дэвлэскиро лав дасаво: ² “Манушэскиро чхава! Со́са фэ́дыр исын винаградоскиро кашт́ явирэ каштэ́стыр и рандь́ (вэ́тка) винаградоскирэ рандя́тыр явирэ дрэвэндыр дро вэ́ш. ³ Ци лэ́на лэстыр котэ́р (куско), соб (кай) тэ кэрэн лэстыр вари-со? Лэ́на ли лэстыр пэ гвоздэ́ (карфин), соб (кай) тэ убла́вэн пэ лэстэ вари-со? ⁴ Акэ, ёв отдэлпэ пэ яг, соб (кай) яг тэ хал лэс. Хая́ лэс яг пэ дуй яго́ры (концы), и машки́р лэстэ саро́ исын схачки́рдо; трэ́й ли ёв ака́на, соб (кай) тэ кэрэн лэстыр вари-со явир? ⁵ Ко́ли ишчо́ (инкэ́) ёв сыс цэ́ло, и на́шты сыс тэ кэрэн лэстыр вари-со, нэ кэ́ли яг схая́ лэс, со ёв схачия́, кэрэ́са ли лэстыр вари-со лачхо́ ваш буты́? ⁶ Палда́ва ады́кэ ракирэла Рай Дэвэл, Дэвэл: сы́р винаградоскиро кашт́ машки́р вэ́шытка кашта́ Мэ отдыём, соб (кай) яг лэс тэ хал, ады́кэ Мэ отда́ва яга́кэ манушэн, саво́ дживэ́на кэ Ерусали́мо. ⁷ И рисёва́ва Мэ кэ ёнэ Мирэ мо́са. Е́кхэ

ягатыр ёнэ выджана, а явир яг похала лэн. Тэньци тумэ галёна, со Мэ сом Рай Дэвэл, Дэвэл, ко́ли рисёвава Мэ кэ ёнэ Мирэ мо́са. ⁸ И адя́кэ када́я пхув явёла чхучи́ пал дова́, со ёнэ нарёвэс (вероломнэс) кэ́рэнас напатьяибэн”, – ракирэ́ла Рай Дэвэл, Дэвэл.

Шэро́ 16

Дэвэл Камёла Ерусалимо

¹ И сыс кэ мэ Раскирэ-Дэвлэскиро лав дасаво: ² “Манушэскиро чхава! Роспхэн Ерусалимоскэ пал сарэ лэскрэ джунгалэ рэнды (дэлы). ³ “Пхэн: ‘Адя́кэ ракирэ́ла Рай Дэвэл, Дэвэл, Ерусалимо́скирэ патывалэ́ чхакэ: тыро́ ро́до и тыро́ даде́скиро кхэр исын пэ Ханаано́скири пхув; тыро́ дад исын Амореё, тыри́ дай исын Хетейнка. ⁴ Ко́ли тэ пхэнас пал тыро́ бияныпэн, дро дывэс, кэ́ли ту бияндыян, ту́тэ на отчингэ́рэнас пупко (бурык). Панёса ту на са́нас выморды ваш жу́жакирибэн; лондэ́са ту на са́нас лондякирды, пхэ́рнэнца ту на са́нас патькирды. ⁵ Никон на сыка́дя ило́ кэ ту, соб (кай) тангипна́стыр кэ ту тэ кэ́рэл ту́кэ вари-со далэ́стыр, нэ ту са́нас вычхурдыны пэ чхучи́ (пусто) фэ́лда, пал-дова́ со ту никонэ́скэ на са́нас трэй, дро дывэс, кэ́ли ту бияндыян. ⁶ А кэ́ли Мэ джавас пашы́л одо́й, кай са́нас ту, дыкхце́м тут, со ту сан вычхурдыны, со ту са́нас дро тыро́ рат, и пхэ́ндём ту́кэ: “Джив дро тыро́ рат!” Адя́кэ мэ пхэ́ндём: “Джив дро тыро́ рат.” ⁷ Мэ убарья́кирдём тут, Израилё́ адя́кэ бут, сыр бут исын фэ́лдытка чарья́. Ту выбра́риян, яця́н бари, яця́н древа́н шука́р барэ́ чхаса, бала́ ту́тэ выбра́ринэ, нэ ту са́нас нанги, научха́кирды. ⁸ Тэ проджавас Мэ одо́й, кай ту са́нас, и Мэ удыкхавас тут. Акэ́, дава́ сыс тыро́ часо, камлы́пнаскиро часо. Лыё́м Мэ Мирэ́ урибэ́на, учха́кирдём тыро́ нангипэн; дыё́м совэл ту́кэ, кэ́рдём дора́кирибэн ту́са, – ракирэ́ла Рай Дэвэл, Дэвэл, – ту яця́н Миры́. ⁹ Тэньци вымордём Мэ тут панё́са, мордём Ту́тыр тыро́ рат, Мэ макхце́м тут оливитко́нэ дзэ́тэса (елеё́са). ¹⁰ Мэ уриде́м пэ ту́тэ высуды́ идя; Мэ дыё́м ту́кэ цандали́ бобритко́нэ цыпатыр, обпхэ́ндём тут похтанэ́са, Мэ учха́кирдём тут пхару́нэ дыкхлэ́са. ¹¹ И ишчо́ (инкэ́) уриде́м Мэ тут дро урибэ́на шука́рьякирибна́са, чху́дём пэ тыро́ васта́ корэ́ (васты́тка), а пэ тыри́ мэ́н-мири́кля [зандирори-ю.о.]. ¹² И чху́дём Мэ ту́кэ ангру́сты кэ́ дро тыро́ накх, чэ́ня дрэ́ тыро́ кана́, а пэ тыро́ шэро́ – шука́р коро́на. ¹³ Адя́кэ са́нас ту шука́рьякирды дрэ́ руп и сувнака́й; тыро́ урибэ́н сыс кэ́дыно похтан, пхар, россудэ́ тхана. Ту хая́н маро́ кучо́нэ яржэ́стыр, агвин и оливи́тко дзэ́т, тэ са́нас древа́н шука́р, ту яця́н уса́ фэ́дыр сыр тхага́рица. ¹⁴ И розги́япэ пир Наю́дытконэ́ манушэ́ндэ́ бари малва́ пал тыро́ шука́рипэн, пал-дова́ со ё́в сыс пхэ́рдэ́ дро дова́ шука́р урибэ́н, дро саво́ Мэ уриде́м тут”, – ракирэ́ла Рай Дэвэл, Дэвэл. ¹⁵ ‘Нэ ту древа́н патя́ндыян дро тыро́ шука́рипэн, ту яця́н била́джакуны́ и парувэ́сас кажно́нэса, кон джа́ла пашы́л одо́й, кай ту са́нас, и отдэ́сас патыв́ лэскэ́. ¹⁶ Ту адя́кэ-па́ць лы́ян тыро́ урибэ́ндыр, шука́рьякирдя́н пэ́скэ ра́зна цвя́тна вучэ́ штэ́ты, ту кэ́рэсас била́джаипэн пэ́ лэ́ндэ́ адя́кэ, со нико́ли буты́р на кэрла́пэ, и на явё́ла. ¹⁷ И ту лы́ян тыро́ укэ́дыбэ́на Мирэ́ сувнака́стыр и Мирэ́ рупэ́стыр, саво́ Мэ дыё́м Ту́кэ, ту кэ́рдя́н пэ́скэ фигу́ры сы́рбы му́ршэн, и кэ́рдя́н била́джаипэн лэ́нца. ¹⁸ Ту лы́ян тыро́ россудэ́ урибэ́на, и ту ури́дян лэн пэ́ лэ́ндэ́, ту чхувэ́сас анги́л лэ́ндэ́ Миро́ оливи́тко дзэ́т (елеё́) и дро́гонэ́-смола́киро тхувипэ́н. ¹⁹ “И Миро́ хабэ́н, саво́ Мэ давас ту́кэ, и маро́ кучо́нэ яржэ́стыр и оливи́тко дзэ́т, и авги́н (мэ́да), савэ́нца Мэ ча́лякиравас тут, ту чхувэ́сас анги́л лэ́ндэ́, соб (кай) тэ́ явэл гу́дло́ тхувипэ́н, и дава́ сыс,” – ракирэ́ла Рай Дэвэл, Дэвэл. ²⁰ Ту лы́ян трэ́ чхавен, трэ́ чхаё́н, савэ́н ту бия́ндын Ма́нгэ, и ту отдэ́сас лэн ваш свэ́нто дыи́бэн (жэ́ртва), соб (кай) ё́нэ, и́долы, тэ́ хан. Ци́ на ухты́лла (на́доси) ли́ ту́кэ тэ́ кэ́рэс била́джаипэн? ²¹ Нэ́ ту и Мирэ́ чхавэ́н му́лякирэ́сас и я́нэсас лэн лэ́нгэ, кэ́ли ту про́лыджасас лэн машки́р яг. ²² И ко́ли кэ́рэсас сарэ́ тыро́ джунга́лыпэ́на и била́джакунэ́ рэ́нды, ту на рипи́рдя́н тыро́ тэ́рнэ́ бэрша́, кэ́ли ту са́нас нанги, научха́кирды и чхурды́ны дро тыро́ рат. ²³ Ко́ли проджа́нас сарэ́ тыро́ бэ́да рэ́нды – ‘Би́да, би́да ту́кэ!’ – ракирэ́ла Рай Дэвэл, Дэвэл, ²⁴ ту кэ́рдя́н пэ́скэ мангипны́тко штэ́то, и кэ́рдя́н пэ́скэ вучэ́ штэ́ты пэ́ ка́жно га́са [фору́ны/плóшча-р.с.], ²⁵ пашы́л за́гиибэ́н пэ́ ка́жно дро́м ту кэ́рдя́н пэ́скэ вучэ́ штэ́ты, и ту ла́джакирэ́сас тыро́ шука́рипэн. Ту на са́нас патя́ибны́тко трэ́ ромэ́скэ кажно́нэса, кон бы́ тэ́

на проджалас, инкэ (ишчо) бутыр кэрэсас тырэ биладжакунэ рэнды. ²⁶ Ту адякэ-паць кэрэсас биладжаипэн Египтоскирэ чхавэнца, савэ дживэнас пашыл тутэ, древан вучэ манушэнца, ишчо (инкэ) бутыр кэрэсас тыро напатьяибэн, и холякирэсас Ман. ²⁷ Акэ, палдава Мэ протырдыём пэ тутэ Мирó Васт, тыкнякирдём котэр долэстыр, со сыс тыро, отдыём Филистимийкирэ чхаенгэ, савэ бидыкхэнас тут, савэ ладжанас долэстыр, со ту кэрдян, соб (кай) тэ кэрэн ёнэ туса дова, со камэна. ²⁸ Ту адякэ-паць кэрдян ладжаипэн Асуроскирэ чхавэнца, нэ ту на чалыян, чачэс ту кэрэсас ладжаипэн лэнца, и на ухтыллас (надоси) тукэ дава. ²⁹ Ту бутыр кэрэсас тыро ладжаипэн пэ Ханааноскиро пхув кэ Халдея и, дыкх жа, на ухтыллас (надоси) тукэ. ³⁰ Сыр кхиния, галёв, тыро ило, – ракирэла Рай Дэвэл, Дэвэл, коли ту кэрэсас сарэ кадалэ рэнды (делы), сыр биладжакири манушны, савья нанэ конэскэ тэ штылякирэл!

Ерусалимоскиро Напатьяибэн

³¹ Коли ту кэрэсас пэскэ мангипнытка штэты ваш тырэ биладжакирэ рэнды пашыл загиибэн пэ кажно дром, кэрэсас пэскэ вучэ штэты пэ кажно вулица (гаса). Нэ ту на сáнас тэньчи биладжакунэ джувляса, пал-дова со ту на камдян тэ прилэс плэскирибэн. ³² А ту сан, сыр джувлы, сави нанэ патяибнытко ромэскэ, сави родэла на пэскрэ ромэс, а чужонэ манушэн. ³³ Сарэнгэ биладжакунэ джувленгэ мушá дэна почастунки (ловорэ), а ту кокори дэсас почастунки сарэ тырэ камлэнгэ, ту подкинэсас лэн, соб (кай), ёнэ сарэ ригэндэр тэ явэн тэ кэрэн биладжаипэн туса. ³⁴ Тутэ дрэ тырэ биладжакунэ рэнды на сыс дасаво, со исын явирэ джувлендэ: на пал тутэ прастанас, а ту дэсас почастунки (ловорэ), а тукэ ниэкх на дэлас почастунки, палдава ту кэрэсас на адякэ, сыр явир.

Ерусалимоскирэ Манушá Кэрэна Дова Ласа, со Камэна

³⁵ Палдава вышун, биладжакуны джувлие, Рáскирэ-Дэвлэскиро лав! ³⁶ Адякэ ракирэла Рай Дэвэл, Дэвэл: ‘Пал дова, со ту адякэ чхурдэсас тырэ ловэ и дрэ тырэ биладжакунэ рэнды, сыс откэрдо тыро нангипэн ангил тырэ камлытконэндэ, ангил сарэ тырэ налачхэ йдолы, и пал тырэ-чхавэнгиро рат, савэн ту отдэсас лэнгэ, ³⁷ палдава, акэ, Мэ скэдава сарэ тырэ камлытконэн, савэн ту камэсас и сарэн одолэн, савэн ту древан на камэсас. Мэ кэдава лэн сарэ ригэндэр пэ тутэ, и Мэ откэрава ангил лэндэ тыро нангипэн, соб (кай) ёнэ тэ дыкхэн сарэ тырэ ладж. ³⁸ И Мэ явава тэ сэндякирав пхарэс тут сэндоса, савэса сэндякирэна кодолэн, савэ парувэна пэскирэ ромэскэ; сэндоса, савэса сэндякирэна кодолэн, кон прочхувэла манушэнгиро рат, Мэ отдава тут палэ зоралэ холынаса и зэвлыныпнаса. ³⁹ Мэ отдава тут дрэ лэнгирэ вастá, ёнэ роспахирэна мангипнытка штэты ваш тырэ биладжакунэ рэнды, ёнэ роспахирэна тырэ вучэ штэты, рискирэна криг тутыр тырэ урибэн, ёнэ лэна тырэ шукарьякирибэн, ёнэ ячавэна тут и ту явэса нанги, научхакирды. ⁴⁰ Ёнэ адякэ-паць кхарэна пэ тутэ скэдыибэн, ёнэ домарэна тут барэнца, и росчингирэна тут пэскирэ курталэнца. ⁴¹ И ёнэ хачкирэна сарэса тырэ кхэрá ягаса, явэна тэ сэндякирэн тут ангил бутэ-джувлэнгирэ якхá. Мэ кэрáва адякэ, со ту на явэса тэ кэрэс бутыр тырэ биладжакунэ рэнды, и ту на явэса дурэдыр тэ дэс почастунки. ⁴² Адякэ Мэ пириячава тэ холясовав древан пэ тутэ, и отджала тутыр Мирó зэвлыныпэн, и Мэ пириячава тэ холясовав. ⁴³ Пал дова со ту на пририпирдяп пал тырэ тэрнэ бэршá, нэ холякирэсас Ман сарэса кадалэса, акэ, Мэ отдава тукэ пир тырэ дромá пэ тро шэрó, – ракирэла Рай Дэвэл, Дэвэл соб (кай) ту тэ на кэрэсас бутыр сарэ Тырэ биладжакунэ рэнды, кэли прогинэ (накхлэ) сарэ Тырэ джунгалыпэна (брыткимы).

Ёнэ исын Ишчо Бэдэдыр сыр дрэ Самáрия и Содóмо [Содóма-р.с.]

⁴⁴ Акэ, кажно (свако), кон ракирэла притчэнца (примерэнца), пхэнэла пал тутэ: “Сави исын дай, адасави исын чхай!” ⁴⁵ Ту сан дасави, сыр тырэ дай, сави чхурдыя пэскирэ ромэс и

пэскирэ чхаворэн, – ту сан тырэ-пхэненгири пхэн, а тырья пхэня чхурдынэ пэскирэ ромэн и пэскирэ чхаворэн. Тумарі дай исын Хетейнка, тумаро дад исын Амореё. ⁴⁶ Пхурэдыр тырі пхэн – Самарія, саві дживэла пэскирэ чхаенца пэ зэрво (лёво) риг тұтыр, а тыкнэдыр исын тырі пхэн, саві дживэла пэ чачі (право) риг тұтыр, саві исын Содомо лакирэ чхаенца. ⁴⁷ Нэ ту на псирэсас лэнгирэ дромэнца, и ту на кэрэсас лэнгирэ джунгалыпэна, над, одова сыс сырбы нэбут, нэ тұтэ трэ биладжакунэ рэндэ пэ сарэ тырэ дрома исын бутэдыр лэндэр. ⁴⁸ ‘Тэ дживав Мэ!’ – ракирэла Рай Дэвэл, Дэвэл тырі пхэн лакирэ чхаенца на кэрэлас дова, со кэрэнас ту и тырэ чхэй. ⁴⁹ Акэ, саво исын Содомоскиро чорипэн, тырэ-пхэнякиро и лакирэ-чхаенгири бэдыпэн: ёй сыс пхутькирды, ёй халас на дрэ пэстэ, на камэлас тэ кэрэл нисаві буты; ёй на подрикирэлас чорорэ-манушэскиро васт ци кодолэс, саво сыс дрэ трэбима. ⁵⁰ И ячнэ ёнэ тэ задэпэ, и кэрдэ джунгалыпэн ангил Мандэ. Мэ дыкхцём кадава и гиём лэндэр. ⁵¹ Самарія на кэрдэ паш адакицы грэхі, кицы ту кэрдян; ту бутэдыр лэндэр лыян тэ кэрэс джунгалыпэн; тырэ джунгалэ рэндэндэр, савэ ту кэрэсас, тырэ пхэня выгинэ чачунэдыр тұтыр. ⁵² Лыджа тырі ладж, ту, саві обсэндякирэсас пэскирэ пхэнен. Ту ладжакирдян пэс тырэ джунгалыпнаса бутыр лэндэр, ёнэ исын чачунэдыр тұтыр. Яв лолы адякэ-паць ладжатыр, лыджа тырі ладж, ту кэрдян тырэ пхэнен чачунэдыр тұтыр. ⁵³ Мэ кэрэва адякэ, со рисёна мануша лэнгирэ пленостыр, Содомоскирэ и лакирэ-чхаенгири плéно, а машкир лэндэ Мэ рискирэва одолэнгири плéно, конэс ту заухтылдян дро плéно, ⁵⁴ соб (кай) ту тэ лыджас тырі ладж, тэ ладжас патыв сарэстыр одолэстыр, со ту кэрдян, соб (кай) тэ явэс подрикирибнаса ваш лэнгэ. ⁵⁵ Тырэ пхэня, Содомо [Содом-р.с.] и лакирэ чхэй, явэна адасавэ, савэ сыс англэдыр; Самарія и лакирэ чхэй явэна адасавэ, савэ сыс англэдыр; и ту и тырэ чхэй явэна адасавэ, савэ сыс англэдыр. ⁵⁶ Пал тырэ пхэнятэ Содоматэ ту на пририпирэсас дрэ кодолэ дывэса, кели санас древан пхутькирды. ⁵⁷ ‘Кóли на сыс ишчо (инкэ) откэрдо тыро начачипэн, сыр дро часо, кели лыян ту ладж Сириякирэ чхаендыр и сарэндэр, кон дживэлас пашыл латэ, Филистимиякирэ чхаендыр, савэ обсэндякирибнаса дыкхэнас пэ тұтэ сарэ ригэндэр. ⁵⁸ Пал тырэ биладжакирдэ рэндэ, пал тырэ джунгалыпэна (брыткимы) ту дорэсэса’, – ракирэл Рай Дэвэл, Дэвэл. ⁵⁹ Адякэ ракирэла Рай Дэвэл, Дэвэл: ‘Мэ кэрэва тұса, сыр кэрдян ту: на зрикирдян совэл, роспахгирдян доракирибэн. ⁶⁰ Нэ Мэ пририпирава Миро доракирибэн тұса, саво Мэ чхудём дрэ тырэ тэрнэ бэрша; ишчо (инкэ) кэрэва Мэ вечно доракирибэн (союз) тұса. ⁶¹ А ту пририпирэса пал тырэ дрома, и ячэла ладжаво тұкэ, кóли явэса тэ прилэс кэ пэскирэ пхэня пхурэдыр тұтыр и тыкнэдыр тұтыр, кóли Мэ явава тэ дав лэн дрэ чхэй тұкэ, нэ на тырэ доракирибнастыр. ⁶² Мэ газдава Миро доракирибэн тұса, ту дыкхэса, со Мэ сом Рай Дэвэл, Дэвэл, ⁶³ соб (кай) ту тэ рипирэс и тэ ладжас, соб (кай) нашты сыс тұкэ лав тэ пхэнэс ладжатыр, кóли Мэ отмэкава тұкэ саро, со ту кэрдян’, – ракирэла Рай Дэвэл, Дэвэл.

Шэрó 17

Парамыся / Примéро пал Барé Чириклендэ и Винаградоскиро Кашт

¹ И сыс кэ мэ Рáскирэ-Дэвлэскиро лав дасаво: ² ‘Манушэскиро чхава! Дэ, соб (кай) ёнэ шэрэ тэ пхагирэн и пхэн притча Израилэскирэ кхэрэскэ. ³ Пхэн: ‘Адякэ ракирэла Рай Дэвэл, Дэвэл: ‘Барó орло (кíдо), барэ пхакэнца, длугонэ порэнца, шукар, цвятно, приурняндия пэ Ливано, и злыя упралыпэн кедрытконэ каштэстыр. ⁴ Чхиндя упратуны рандэ (вэтка) лэскирэ тэрнэ вэткэндэр, яндя ла пэ Ханааноскири пхув, чхудя ла дро тимисярьенгири фóро. ⁵ И лыя кадалэ-пхувьякирэ зяркатыр, и чхурдыя пэ зяркакири пхув, пашыл барó пани, сыр барьякирэна ивакиро кашт. ⁶ Ёй выбраия, кэрдяпэ винаградоскирэ каштэса, буглэса, навучэса. Лакирэ рандя (вэтки) эмэнаспэ кэ ёв, тэло лэстэ сыс лакирэ кóрни (рукхэ); яця винаградоскирэ каштэса, лыя тэ барьёл, мэктя вэтки. ⁷ И ишчо (инкэ) сыс орло (кíдо) барэ пхакэнца и порэнца. Акэ, кадава винаградоскиро кашт потырдыяпэ кэ ёв пэскирэ корнэнца, протырдыя кэ ёв пэскирэ вэтки, соб (кай) ёй тэ почхувэл лэс панэса. ⁸ Кашт барьёлас пэ лачхí фéлда, пашыл барó пани, адякэ, со могоинэлас тэ мэкэл вэтки и тэ янэл барьякирдó

(плóдо), и тэ кэрэлпэ шукаронэ каштэса.”⁹ Пхэн: ‘Адýкэ ракирэла Рай Дэвэл, Дэвэл: “Явэла ли лэскэ бахт? На вычхинэна ли лэскирэ кóрни (рукхá), на обчхинэна ли лэскирэ баритка (плóды) адýкэ, со кашт зашутёла? Сарé тэрнэ вэтки, савé выбаринэ лэстыр, зашутёна. И ци на барэдýр зорýяса, ци на бутэдýр манушэнца счхинэна лэс лэскирэ корнэстыр.”¹⁰ И, акэ, чхудо дрé пхув кашт, нэ явэла ли бахт лэскэ? На зашутёла ли ёв, кóли чилавэла лэс восточно балвáл? Ци на зашутёла дрé унта (садо), кай выбария.”¹¹ И сыс кэ мэ Рáскирэ-Дэвлэскиро лав дасаво: ¹² “Пхэн кхэрэскэ, кай никонэс на кандэна: ‘На джинэна хай, со исын дава?’ Пхэн: Акэ, явдý Вавилонóскиро крáли дро Ерусалимо, лýя лэскирэ кралýс и лэскирэ ран, яндý лэн кэ пэ дро Вавилоно. ¹³ И Ёв лýя явирé сэмэнцас кралитконэ родóстыр, заги́я лэса дро доракирибэн, пхэндý, соб (кай) явир тэ дэл лэскэ совэл, лýя пэса зоралэн долé пхувýятыр, ¹⁴ соб (кай) тэ кандэл лэс кралипэн, соб (кай) тэ на газдэлпэ, соб (кай) тэ зракхэлпэ доракирибэн, соб (кай) тэ тэрдэл ёв твардэс. ¹⁵ Нэ кодовá (Юдэýкиро крáли) угия лэстыр, бичхадý пэскирэ послэн дро Египто, соб (кай) тэ дэн лэскэ бут грэн и бут манушэн. Ци явэла лэскэ бахт? Выдживэла, хай, кодовá, кон кэрэл дава? Ёв пхагирдý доракирибэн, зракхэлапэ ли ёв? ¹⁶ ‘Тэ дживáв Мэ’, – ракирэла Рай Дэвэл, Дэвэл. “Пэ штéто, кай дживэла крáли, савó чхудý лэс (Юдэýкирэ кралýс) кралýса, а ёв на зрикирдý совэл, сави́ дýя кралýскэ, распхагирдý пэскиро доракирибэн лэса, ёв мэрэла лэстэ кэ Вавилоно. ¹⁷ Барé зорýяса, бутé манушэнца фараóно ничи́ на кэрэла ваш лэскэ дро дава марибэн, кóли газдэнапэ вэрги, соб (кай) тэ хасýкирэн бут манушэн. ¹⁸ Ёв на зрикирдý совэл, соб (кай) тэ распхагирэл доракирибэн. Акэ, ёв дýя пэскиро васт, кэрдý сарó дава; ёв на зракхэлапэ.” ¹⁹ Палдава адýкэ ракирэл Рай Дэвэл, Дэвэл: ‘Тэ дживáв Мэ!’ Мири́ совэл, сави́ ёв на зрикирдý и Миро доракирибэн, савó ёв распхагирдý, Мэ рискирэва пэ лэскиро шэрó. ²⁰ Мэ чхурдава пэ лэстэ Мири́ кхудý (сеть), ёв явэла ухтылдо пир Мándэ; Мэ янава лэс дро Вавилоно; явава тэ сэндýкиравпэ лэса пал дова, со ёв хохадý Ман. ²¹ А сарé лэскирэ манушá, савé нашенá сарé лэскирэ халадэнгирé скэдыбнэндýр, пэрэна курталáтыр, а кодолé, савé ячэнапэ, явэна распхурдынэ пир сарé балваля и галёна, со Мэ, Рай Дэвэл, Дэвэл, пхэндём дава.” ²² Адýкэ ракирэл Рай Дэвэл, Дэвэл: “Лавá Мэ рандé (вэтка) вучé кедроскирэ упралыпнастыр, Мэ чхувава ла дрé пхув. Лэскирэ упратунэ вэткэндýр Мэ отчхинава тэрнý вэтка, чхувава ла дрé пхув пэ вучи́ и шукар бэрга. ²³ Пэ вучи́ Израилэскири бэрга Мэ чхувава ла дрé пхув, и Ёй мэкэла вэтки, и янэла барýякирдó (плóдо), и кэрлапэ барé кедроскирэ каштэса; явэна тэ дживэн тэл лэстэ чирикля́; чирикля́ порэнца явэна тэ дживэн тэл лэскирэ вэтки. ²⁴ И галёна сарé фэлды́тка каштá, со Мэ, Рай Дэвэл, Дэвэл, вучó кашт тэлякирава, а навучо кашт Мэ кэрáва упрэдыр; зэлэно кашт кэрáва шукé каштэса, а шуко кашт кэрáва каштэса цвэтэнца. Мэ, Рай Дэвэл, Дэвэл, пхэндём и кэрáва.”

Шэрó 18

Трэй, соб (кай) Израилé тэ галёл Пэскирэ Грэхи

¹ И сыс кэ мэ Рáскирэ-Дэвлэскиро лав дасаво: ² “Сóскэ тумé ракирэна дасави́ притча (примéро) пэ Израилэскири пхув: ‘Дадá ханас шутло винаградо (дракх), а пэ чхаворэнгирé дандá яцý аскома?’ ³ ‘Тэ дживáв Мэ!’ – ракирэла Рай Дэвэл, Дэвэл, – на явэна тэ ракирэн бутэдýр дасави́ притча (примéро) дро Израилé. ⁴ Акэ, кажнонэ-манушэскиро ди исын Миро: сыр дадэскиро ди, адýкэ и чхавэскиро ди. О ди, савó кэрэла грéхо, мэрэла. ⁵ Кóли вари-кон исын чачунó мануш, и ёв кэрэла пир законо, ⁶ кóли ёв на хала пэ бэрги свэ́нто дыибэн (жэ́ртва), пэ Израилэскирэ-кхэрэскирэ кэрдé дэвлорé на обрисёла пэскирэ якхэнца. На магирэлапэ явирé ромнýса, на чилавэла пэскирэ ромнý, кóли ёй исын нажу́жи. ⁷ На притасавя никонэс; а манушэскэ, савó сыс лэскэ бангó, отдéлас лэскири сымады́; на чорéлас, дéлас пэскиро марó чорорé манушэскэ, учхакирэлас нангэс урибнаса; ⁸ ёв зракхéлас пэскиро васт начачунэ кофостýр, на лéлас барыдыр бажын пэскэ, обрикирэлас пэскиро васт чорипнастыр, а ёв кэрéлас чачунó сэндо манушэскэ манушэса; ⁹ кóли ёв кэрéлас пир Мирé упхэныбэна́, зракхэла Мирé законы патýибныткэс; то ёв, чачипна́скиро исын дэвлýтко, то

джин, со кадасаво явэла тэ дживэл', – ракирэла Рай Дэвэл, Дэвэл. ¹⁰ Нэ коли лэстэ бияндья (лотия) чхаво-розмарибнари, саво прочхувэла рат, саво кэрэла вари-со сарэстыр кодолэстыр, ¹¹ со на кэрэлас сарэса лэскиро дад, дэвлытко мануш: хала пэ бэрги дыибнытко хабэн (жэртва), ци магирэласпэ явирэскирэ ромняса, ¹² коли ёв притасавэлас чорорэс и кодолэ манушэс, саво мангэла, коли ёв залэла зорьяса, на отдэла сывады, коли ёв обрисёла пэскирэ якхэнца пэ кэрдэ дэвлорэ, кэрэла джунгалыпэн (брыткима). ¹³ Коли ёв лэла хоханó кóфо, ци лэла пэскэ барэдыр бажын, ци явэла ёв тэ дживэл? Над, ёв на явэла джидó! Кон кэрэлас сарэ дасаво джунгалэ рэнды, кодова мэрэла, лэскиро рат явэла пэ лэстэ. ¹⁴ Аканá, акэ, коли вари-конэстэ бияндёла (лотёла) чхаво, саво дыкхэла сарэ грэхы, со кэрдя лэскиро дад, и обдуминэлас, нэ на кэрэлас лэн: ¹⁵ кон на халас пэ бэрги дыибнытко хабэн, пэ Израилёскирэ-кхэрэскирэ кэрдэ дэвлорэ на обрисёлас пэскирэ якхэнца, на магирэласпэ явирэскирэ ромняса, саво на притасадя никонэс, ¹⁶ и саво кэрэла миштэс манушэскэ, саво на лыя сывады, на отлыя зорьяса, нэ ёв дыя пэскиро марó бокхалэскэ, учхакирдя нангэс урибнаса; ¹⁷ кон зраххя пэскиро васт, соб (кай) тэ на кэрэл намиштэс чорорэскэ, нэ ёв кэрдя пир Мирэ припхэныбэнá, кэрдя сарó пир Мирэ упхэныбэнá – кадава мануш пал пэскирэ – дадэскиро чорипэн на мэрэла; тумэ джинэна, со ёв явэла джидó! ¹⁸ Нэ а лэскиро дад, пал-дова, со ёв притасавэлас биилыткэс, чорэлас пшалэстыр, и кэрэлас намиштэс машкёр пэскирэ манушэндэ, акэ, ёв мэрэла пал пэскиро чорипэн.”

Рисён Фые Дромэстыр и Дживэн

¹⁹ Тумэ ракирэна: “Сóскэ же чхаво на лыджала пэскирэ – дадэскири банг?” Пал-дова, со чхаво кэрэлас чачунэс и пир законо; и ёв гия пир мирэ упхэныбэнá и кэрдя, сыр трэй пир лэндэ? Тумэ джинэна, со ёв явэла джидó.” ²⁰ О ди, саво кэрэла грэхы, мэрэла. О чхаво на явэла тэ лыджал дадэскири банг, и дад на лыджала чхавэскири банг; дэвлытконэ-манушэскиро чачипнаскиро чачипэн ячэлапэ лэса, а злыднима фые-манушэскиро ячэлапэ лэса. ²¹ И фуй мануш, коли рисёла криг сарэ пэскирэ грэхэндэр, саво ёв кэрэлас, и коли ёв явэла тэ дживэл пир сарэ Мирэ упхэныбэнá, и явэла тэ кэрэл пир законо и чачунэс, джидó явэла, на мэрэла. ²² Сарó лэскиро чорипэн, саво ёв кэрэлас, на явэла тэ рипирэлапэ лэскэ: пал пэскиро чачипэн, саво ёв явэла тэ кэрэл, ёв джидó явэла. ²³ Ци камам Мэ грэхитконэ – манушэскиро мэрибэн?” – ракирэла Рай Дэвэл, Дэвэл. И ци на дова исын, соб (кай) ёв тэ рисёл криг пэскирэ дромэндэр и тэ явэл джидó? ²⁴ И чачипнаскиро мануш, коли ёв рисёла криг пэскирэ чачипнастыр, и явэла тэ кэрэл сарó дава чорипэн, со кэрэла чоро мануш, ци явэла ёв джидó? Сарэ лачхэ лэскирэ рэнды, саво ёв кэрэлас, на явэна тэ рипирэнпэ; пал пэскиро чорипэн, саво ёв кэрэла и дро саво ёв исын бангó и пал грэхó, ёв мэрэла.” ²⁵ Нэ тумэ пхэнэна: “Нанэ чачипэн дро Рáскирэ-Дэвлэскиро дром!” Шунэн аканá, Израилёскиро кхэр! Со дро миро дром нанэ чачипэн? Дрэ тумарэ дромá нанэ чачипэн: ²⁶ коли чачунó мануш рисёла криг пэскрэ чачипнастыр, кэрэла чорипэн и пал дова мэрэла; ёв мэрэла пал пэскиро чорипэн, саво кэрдя ёв. ²⁷ И нэвэстыр, коли фуй мануш рисёла криг пэскирэ фуипнастыр, саво ёв кэрэлас, и лэла пир законо тэ кэрэл сэндо и чачунэс-рисёла пэскирэ деса кэ джибэн, ёв на мэрэла. ²⁸ Пал-дова, со ёв дыкця, и рися криг сарэ пэскирэ чорипнастыр, саво кэрэлас ёв, явэла ёв джидó, ёв на мэрэла.” ²⁹ Нэ Израилёскиро кхэр ракирэла: “Нанэ чачипэн дро Рáскирэ-Дэвлэскиро дром!” Ци дрэ Мирэ дромá нанэ чачипэн, Израилёскиро кхэр? Ци на дрэ тумарэ дромá нанэ чачипэн? ³⁰ Палдава Мэ явава тэ сэндякирав тумэн, Израилёскиро кхэр, кажнонэс (сваконэс) пир лэскирэ дромá, – ракирэла Рай Дэвэл, Дэвэл; ячкирэн пэскирэ грэхы, рисён кокорэ сарэ тумарэ чорэ рэндэндэр, соб (кай) тэ на пэрэн тумэнгэ тумарэ чорипнастыр. ³¹ Отчхурдэн пэстыр сарэ тумарэ чорэ рэнды, саво тумэ кэрдэ, кэрэн пэскэ нэво ило и нэво дүхо (фáно); и сóскэ трэй тумэнгэ тэ мэрэн, Израилёскиро кхэр? ³² “Палдава, со Мэ на камам мэрибэн манушэскиро, саво мэрэла, – ракирэла Рай Дэвэл, Дэвэл, – и палдава рисён палэ (явэн кэ Мэ) и дживэн!”

Шэрó 19

Роибэн пал Израилёскирэ Тхагарьендэ

¹ “А ту лэ тэ ровэс пал Израилёскирэ тхагарьендэ. ² И пхэн: ‘Со за шчэрица (львица) исын тырй дай? Дживэлас ёй машкёр шчэрэндэ, и машкёр тэрнэ шчэрэндэ барьякирэлас пэскирэ тыкнэн. ³ Выбарьякирдя ёй екх пэскирэ тыкнэндэр, ёв кэрдяпэ тэрнэ шчэрэса, высыкля тэ дорэсэл хабэн, халас манушэн. ⁴ И шундлэ пал лэстэ манушэтка náцыи (народы); ёв сыс ухтылдо лэнца, лэс пхандлэ тэлэ дрэ зандирья (цэпи), лыджинэ пэ Египтоскиро пхув. ⁵ Кóли дай ужакирдя, дыкхця, со хасия сарó, пал со ёй думинэлас, тэньчи лыя явирэс пэскирэ тыкнэндэр, кэрдя лэс тэрнэ шчэрэса. ⁶ Ёв кэрдяпэ тэрнэ шчэрэса, кели ёв лыя тэ псирэл машкёр шчэрэндэ, высыкля тэ дорэсэл хабэн, и халас манушэн, ⁷ ёв роспахирэлас чхучэс лэнгирэ штэты/магирдя пивленгирэ (удовэнгирэ) кхэра, и кэрдя лэнгирэ фóрья чхучэ (пуста), чхучэ ячнэ пхув и сарэ гавá лэскирэ рыкостыр. ⁸ Тэньци газдынэпэ пэ лэстэ народы, савэ дживэнас пир кодоа пхув пэ дуй ригá, и чхурдынэ пэ лэстэ пэскири кхуды (сеть), и ёв сыс ухтылдо дрэ лэнгири кхуды. ⁹ Ёнэ чхурдынэ лэс дрэ клетка пэ зандир (цэпо), и лыджинэ лэс кэ Вавилоноскиро крáli, ёнэ яндлэ лэс дрэ твáрдума (крепость), соб (кай) тэ на явэл шундлы лэскири зан пэ бэрги Израилёскирэ. ¹⁰ Тырй дай сыс сыр винаградоскиро кашт, савó барьёлас пашыл паня; пэ лэстэ сыс бут рандя, ёй янэлас бут пхабá, пал-довá со одóй сыс бут паня. ¹¹ Сыс лэстэ зоралэ рандя ваш барыдырэнгирэ дэстэ (скипетры), вучэс газдыпэ ёй машкёр гэнста рандя; ёй сыс дыкхны пир пэскиро вучипэн, пэскирэ гэнстонэ вэткицэнца. ¹² Нэ холямипнаса ёй сыс вырискирды, чхурдыны пэ пхув, восточно балвал вышутькирдя лáкирэ пхабá (плóды); пхадинэ, зашутинэ лáкирэ зоралэ вэтки, яг похая лэн. ¹³ А аканá ёй барьёл пэ чхучй пхув (пустыня), дрэ пхув шуки, савй мангэла панй. ¹⁴ И выгия яг лáкирэ стволостыр вэткэнца, и похая лáкирэ пхабá адякэ, со на ячнэпэ зоралэ рандя ваш дэстэ барыдырэнгэ. Давá исын роибнытко гилы фэни тэ ровэн тэл латэ.”

Шэрó 20

Со Явэла Израилёса пал Довá, со Ёв на Кандэла Дэвлэс

¹ Дро эфтáто бэрш (битринэнгиро дэшто), дро пáнджто чхон, пэ дэшто чхонытко дывэс, явнэ муршá Израилёскирэ пхурыдырэндэр тэ пхучэн Рáстыр-Дэвлэстыр. Ёнэ сыс бэштэ ангил мирэ якхá. ² И сыс кэ мэ Рáскирэ-Дэвлэскиро лав дасаво: ³ “Манушэскиро чхава! Рáкир Израилёскирэ пхурыдырэнца, пхэн лэнгэ: ‘Адякэ ракирэла Рай Дэвэл, Дэвэл: ‘Тумэ явнэ тэ пхучэн Мándыр? Тэ дживáв Мэ, на пхэнава тумэнгэ ничй’, – ракирэла Рай Дэвэл, Дэвэл. ⁴ Ци камэса ту тэ сэндякирэспэ лэнца, ци камэса тэ сэндякирэспэ, Манушэскиро чхавó? Роспхэн лэнгэ пал сарó джунгалыпэн (сарй брыткима), савй кэрэнас лэнгирэ дадá. ⁵ Пхэн лэнгэ: ‘Адякэ ракирэла Рай Дэвэл, Дэвэл: ‘Пэ кодовá дывэс, кóли Мэ выкэдыём Израилё, газдыём Мирó васт тэ совлахов пэ кхэрýтко рóдо Яковóскирэ кхэрэстыр, Мэ откэрдём лэнгэ Пэс пэ Египетóскири пхув, газдыём Мирó васт и пхэндём лэнгэ: ‘Мэ сом тумарó Рай Дэвэл, Дэвэл.’ ⁶ Пэ кодовá дывэс Мэ газдыём Мирó васт тэ совлахов лэнгэ, со Мэ лыджáва криг лэн Египтóскирэ пхувьятыр пэ пхув, савй Мэ выдыкцём ваш лэнгэ, пэ доя пхув, кай чхувэнапэ тхуд и явгин (мэда), сарьенгирэ-пхувьенгиро шукарибэн. ⁷ И пхэндём Мэ лэнгэ: ‘Мэк кажно (свáко) тумэндэр тэ чхурдэл криг пэстыр сарó джунгалыпэн пэскирэ якхэндэр, соб (кай) тэ на магирэн пэс Египтóскирэ идолэнца, Мэ сом тумарó Рай Дэвэл, Дэвэл.’ ⁸ Нэ ёнэ газдынэпэ пэ Мándэ, ёнэ на камэнас тэ кандэн Ман, никон на отчхурдыа джунгалэ йдолы пэскирэ якхэндэр, ниэкх на мэкця Египтóскирэ йдолы. И Мэ пхэндём: “Вычхуава мэ пэ лэндэ Мирó холямипэн и Мэ отхава Мирй холы пэ лэндэ пэ пхув. ⁹ Нэ Мэ кэрдём дава ваш Мирó лав, соб (кай) ёв тэ на магирэлпэ ангил Наюдýтка náцыи, кай ёнэ дживэнас, и кай Мэ откэрдём/сыкадём Пэс лэнгэ, соб (кай) тэ вылыджав лэн Египтоскирэ

пхувья́тыр. ¹⁰ И Мэ вы́лдыжиём лэн Египто́скирэ пхувья́тыр, яндём лэн пэ чхучи́ пхув. ¹¹ И Мэ дыём лэнгэ Мирэ́ упхэныбэ́на, сыкадём лэнгэ Мирэ́ зако́ны, савэ́нца дживэ́лас бы ману́ш, ко́ли ёв тэ кэрэл, сыр Мэ пхэндём. ¹² И Мэ адя́кэ-паць дыём лэнгэ Мирэ́ са́ваты (суботы), соб (кай) тэ явэ́н ёнэ гертыка́са (сыкаибна́са) машки́р Ма́ндэ и лэ́ндэ, соб (кай) ёнэ сашты́ (могине́нас) тэ джине́н, со Мэ сом Рай Дэвэл, Дэвэл, Саво́ кэрэ́ла лэн свэ́нтонэ́нца. ¹³ Нэ Израилё́скиро кхэр газды́пэ пэ Ма́ндэ пэ чхучи́ пхув, ёнэ на кэрэ́нас сыр Мэ пхэндём зоралэ́с, ёнэ отчхурды́нэ Мирэ́ лава́, пир савэ́ дживэ́лас бы ману́ш, ко́ли кэрэ́лас, сыр Мэ пхэндём, ёнэ зоралэ́с магирэ́нас Мирэ́ са́ваты, и Мэ пхэндём: Мэ вы́чхува́ва пэ лэ́ндэ Миро хо́лямипэ́н пэ чхучи́ пхув, соб (кай) тэ хасяки́ра́в лэн. ¹⁴ Нэ Мэ кэрдём да́ва ваш Миро лав, соб (кай) ёв тэ на магирэ́лпэ анги́л Наюды́тка на́цыи, савэ́ дыкхэ́нас, сыр Мэ вы́лдыжиём лэн. ¹⁵ Палдава́ Мэ газдыём Миро васт пэ лэ́ндэ пэ чхучи́ пхув совлахаса анги́л лэ́ндэ, со Мэ на яна́ва лэн пэ пхув, сави́ Мэ латхём, пэ пхув, кай чхувэ́напэ тхуд и авги́н, сарэ́нгирэ-пхувье́нгиро шукари́бэ́н. ¹⁶ Пал дова́, со ёнэ ячнё́ тэ дыкхэ́н вучипна́стыр пэ Мирэ́ лава́, и ёнэ на кэрэ́нас, сыр Мэ пхэндём зоралэ́с, а ёнэ магирдэ́ Мирэ́ са́ваты, пал-дова́ со лэ́нгиро ило́ тырдэ́ласпэ кэ лэ́нгирэ́ йдолы. ¹⁷ Нэ уса́екх Мири́ якх я́ця ковлы́ тэ на хасяки́ра́в лэн; Мэ на хасяки́рдём лэн пэ чхучи́ пхув. ¹⁸ И раки́равас Мэ лэ́нгирэ́ чхавэ́нгэ пэ чхучи́ пхув: ‘На псирэ́н, сыр сы́кляки́рэнас тумарэ́ дада́, на кэрэ́н, сыр ёнэ раки́рэнас, на магирэ́н пэс лэ́нгирэ́ идолэ́нца.’ ¹⁹ ‘Мэ сом тумаро́ Рай Дэвэл, Дэвэл: Кэрэ́н, сыр Мэ упхэ́нава, ра́кхэ́н Мирэ́ лава́, кэрэ́н, сыр Мэ при́пхэндём. ²⁰ Кэрэ́н свэ́нтонэ́нца Мирэ́ са́ваты, соб (кай) тэ явэ́н ёнэ гертыка́са (сыкаибна́са) машки́р Ма́ндэ и тумэ́ндэ, соб (кай) тумэ́ тэ джине́н, со Мэ сом тумаро́ Рай Дэвэл, Дэвэл.’ ²¹ Нэ чхавэ́ газды́нэпэ́ пэ Ма́ндэ, на кэрэ́нас пир Мирэ́ упхэныбэ́на, на ра́кхэ́нас, соб (кай) тэ рики́рэ́нпэ кэ Мирэ́ зако́ны, со ко́ли ёнэ тэ кэрэ́н дова́, со́стыр дживэ́лас бы ману́ш, нэ ёнэ магирдэ́ Мирэ́ са́ваты, и Мэ пхэндём, со Мэ вы́чхува́ва пэ лэ́ндэ Миро хо́лямипэ́н, кэра́ва пир Мири́ холы́ и Мэ хасяки́ра́ва лэн пэ чхучи́ пхув. ²² Нэ Мэ обри́кирдём Миро васт и кэрдём ваш Миро лав, соб (кай) ёв тэ на магирэ́лпэ машки́р Наюды́тка на́цыи, савэ́ дыкхэ́нас, сыр Мэ вы́лдыжиём лэн. ²³ Адя́кэ-паць Мэ газдыём Миро васт пэ чхучи́ пхув совлахаса анги́л лэ́ндэ, со Мэ росчхува́ва тэ дживэ́н лэн машки́р Наюды́тка на́цыи, и рострада́ва лэн пир пхувья́. ²⁴ Пал дова́, со ёнэ на кэрэ́нас, сыр Мэ при́пхэндём, отчхурды́нэ, а ячнё́ тэ дыкхэ́н вучипна́са пэ Мирэ́ упхэныбэ́на, магирдэ́ Мирэ́ са́ваты, и лэ́нгирэ́ якха́ тырдэ́наспэ́ кэ лэ́нгирэ́ – даде́нгирэ́ йдолы. ²⁵ И домэ́кцём Мэ ишчо́ (инкэ́), соб (кай) ёнэ тэ дживэ́н пир пэ́скирэ́ упхэныбэ́на, савэ́ на сыс лачхэ́, и пир зако́ны, савэ́ндыр лэ́нгэ на́шты́ сыс тэ дживэ́н. ²⁶ И домэ́кцём, соб (кай) ёнэ тэ магирэ́нпэ́ пэ́скирэ́ присы́кляибны́тконэ́ дыибна́стыр, кэ́ли ёнэ ячнё́ тэ лы́джан пир яг пэ́скирэ́ пэрвонэ́ бия́тэ́н, савэ́ вы́джана́ лочова́тыр (утроба́тыр), домэ́кцём, соб (кай) ёнэ тэ явэ́н чхучэ́, соб (кай) ёнэ тэ джине́н, со Мэ сом Рай Дэвэл, Дэвэл. ²⁷ Палдава́ ра́кир Израилё́скирэ́ кхэрэ́скэ́, Манушэ́скиро чхаво́, пхэн лэ́нгэ: Адя́кэ раки́рэ́ла Рай Дэвэл, Дэвэл: “Акэ́, со́са ка́ляки́рдэ́ Ман тумарэ́ дада́, кэ́ли ёнэ сыс на́патьяибны́тка анги́л Ма́ндэ. ²⁸ Пал-дова́ со, кэ́ли Мэ яндём лэн пэ пхув, пал сави́ дрэ совла́х тэ дав лэ́нгэ, Мэ газда́вас Миро васт, а ёнэ вы́дыкхнэ́ ваш пэ́скэ́ ка́жно вучи́ бэ́ргица, ка́жно кашт ба́рэ́ гэнсто́нэ́ ранде́нца (вэ́ткэ́нца), и ёнэ лы́нэ́ тэ янэ́н одо́й пэ́скирэ́ дыибэ́на, савэ́нца вы́кхарэ́нас Мири́ холы́; и янэ́нас одо́й пэ́скирэ́ тхува́ гудлэ́, и вы́чхувэ́нас одо́й пэ́скирэ́ тхадунэ́ свэ́нта дыибэ́на (жэ́ртвы). ²⁹ И Мэ раки́равас лэ́нгэ: “Со за́ вучэ́ штэ́ты, ка́рик тумэ́ псирэ́на? Палдава́ “Ба́ма” кха́рэ́н ла ишчо́ (инкэ́) кэ́/жы́ко ада́дывэ́с.” ³⁰ Палдава́ пхэн Израилё́скирэ́ кхэрэ́скэ́: адя́кэ раки́рэ́ла Рай Дэвэл, Дэвэл: ‘На магирэ́н тумэ́ пэс, сыр тумарэ́ дада́ присы́клынэ́, на кэрэ́н лэ́нгиро́ джунга́лыпэ́н! ³¹ Кэ́ли тумэ́ янэ́на тумарэ́ да́ры, и лы́джана́ пир яг тумарэ́ чхаво́рэ́н, далэ́са тумэ́ магирэ́на пэс сарэ́ тумарэ́ идолэ́нца аж кэ́/жы́ко ада́дывэ́с и ка́мэ́на тэ пхуче́н Ма́ндыр, Израилё́скиро кхэрэ́? Тэ джива́в Мэ, – раки́рэ́ла Рай Дэвэл, Дэвэл, – на пхэ́нава́ тумэ́нгэ́ ни́чи.” ³² И дова́ пал со тумэ́ думине́на, на явэ́ла, ко́ли тумэ́ раки́рэ́на: “Ява́са, сыр Наюды́тконэ́ – на́цые́нгирэ́ ману́ша́, сыр кхэ́ри́тка ро́ды дрэ́ яви́р тхэ́ма (стра́ны), ява́са каштэ́скэ́ и ба́рэ́скэ́ тэ да́с па́ты́в.”

Дэвэл газдэла Палэ Израилэ

³³ Тэ дживав Мэ, ракирэла Рай Дэвэл, Дэвэл! – зоралэ бурныкаса, протырдынэ вастэса, зоралэ холяса явава Мэ тэ раинав пэ тумэндэ. ³⁴ И вылыджава Мэ тумэн народэндэр, тхэмэндэр (странэндэр), пир савэ тумэ сан росчхудэ тэ дживэн, скэдава тумэн зоралэ вастэса, масняса (мышцаса) холямипнаса, со вычхувэлапэ. ³⁵ Мэ янава тумэн пэ чхучи пхув, кай дживэна манушэ, одой явава тэ сэндякирав мо́са кэ муй. ³⁶ Сыр Мэ сэндякиравас рэндо тумарэ дадэнца пэ Египтоскирэ пхувьякири чхучи пхув, адякэ Мэ явава тэ сэндякирав тумаро рэндо (дело), – ракирэла Рай Дэвэл, Дэвэл. ³⁷ Мэ лыджава тумэн тэло кралитко дэсто (жэзло), янава тумэн дро Завето, пхандава тумэн заветоскирэ зорьяса. ³⁸ Мэ выкэдава тумэндэр манушэн, савэ газдынэпэ пэ Мандэ, и савэ кэрдэ чорипэн проти Мандэ. Вылыджава Мэ лэн кодолэ пхувьятыр, кай ёнэ дживэнас, нэ пэ Израилэскири пхув ёна на заджана, и галёна, со Мэ сом Рай Дэвэл, Дэвэл. ³⁹ А тумэ, Израилэскиро кхэр, – адякэ ракирэла Рай Дэвэл, Дэвэл, джан кажно (свако) кэ пэскирэ йдолы, дынаринэн (служынэн) лэнгэ, коли Ман на шунэна, нэ на магирэн бутэдыр Миро свэнто лав тумарэ дарэнца и тумарэ идолэнца. ⁴⁰ Пал-дова, со пэ Мирі свэнто бэрга, пэ вучи Израилэскири бэрга, – ракирэла Рай Дэвэл, Дэвэл, – одой явэла тэ дынаринэл Мángэ саро Израилэскири кхэр, сарэ манушэ лэстыр, кицы исын лэн пэ пхув, одой Мэ прилава лэн радымаса, одой пхэнава Мэ, соб (кай) тэ янэн тумэ тумарэ дыибэна пэронэ пхабэндэр, сарэ тумарэ свэнтонэ дыибнэнца. ⁴¹ Мэ прилава тумэн сыр гудло тхув смолэндэр, кели вылыджава Мэ тумэн явирэ нацыэндэр, скэдава Мэ тумэн тхэмэндэр, кай тумэ сан росчхудэ тэ дживэн, Мэ явава Свэнто машкир тумэндэ, соб (кай) тэ дыкхэн Наюдытка нацыи. ⁴² И галёна тумэ, со Мэ сом Рай Дэвэл, Дэвэл, кели Мэ янава тумэн пэ пхув Израилэскири, дро тхэм (страна), пал саво Мэ газдыём Миро васт совлахаса тэ дав тумарэ дадэнгэ.

Ангилпхэныбэн пал Паш-Дывэсытко Вэш

⁴³ И явэна тэ рипирэн одой пал тумарэ дрома, пал сарэ тумарэ рэнды (делы), савэнца тумэ магирэнас пэс, со тумэ явэна тэ на дэн патыв кокорэ пэскэ пал сарэ тумарэ намиштэ рэнды, савэ тумэ кэрдэ. ⁴⁴ И галёна, со Мэ сом Рай-Дэвэл, коли явава тэ кэрав тумэнца ваш Миро лав на пир фуй тумарэ дрома, и тумарэ биладжакунэ рэнды, Израилэскиро кхэр, – ракирэла Рай Дэвэл, Дэвэл.”” ⁴⁵^[1] И сыс кэ мэ Рáскирэ Дэвлэскиро лав дасаво: ⁴⁶ “Манушэскиро чхава! Рисёв тырэ мо́са пэ дром кэ паш-дывэс (юго), пхэн лав пэ паш-дывэс, пхэн пир лав ангилпхэныбэн пэ вэш, саво исын пэ паш-дывэсытко фэлда. ⁴⁷ Пхэн паш-дывэсытконэ вэшэскэ: “Шун Рáскирэ-Дэвлэскиро лав; адякэ ракирэл Рай Дэвэл, Дэвэл: Акэ, Мэ росхачкирава яг дрэ тутэ, ёй зхала дрэ тутэ кажно зэлэно кашт и кажно шуко кашт; зоралы яг, сави на мурдэла, а схачкирла саро пэ паш-дывэс и паш-рат, и сарэ муя обхачона. ⁴⁸ И дыкхэла кажно лоч (плоть), со Мэ, Рай Дэвэл, захачкирдём ла, и ёй на мурдэла.”” ⁴⁹ Тэньци мэ пхэндём: “О, Раё Дэвла, Дэвла! Ёнэ ракирэна пэ мандэ: “На ракирэла, хай, Ёв примэро (притча).”

20:45 ^[1] Стихи 45-49 нанэ дро Юдытко Оригинало

Шэро 21

Дэвлэскири Куртала

¹ И сыс кэ мэ Рáскирэ-Дэвлэскиро лав дасаво: ² “Манушэскиро чхава! Рисёв тырэ мо́са кэ Ерусалимо, пхэн лав пэ свэнто штэто, ракир ангилпхэныбэн пэ Израилэскири пхув. ³ Пхэн Израилэскирэ пхувьякэ: “Адякэ ракирэла Рай Дэвэл, Дэвэл: ‘Акэ, Мэ выджава пэ тутэ, Мэ дорэсава Мирі куртала (мечо) ножнатыр, хасякирава тутэ чачунэ манушэс и грэхитконэ

манушэс. ⁴ А ваш дова, соб (кай) тэ хасякирав тутэ чачунэ манушэс и грэхитконэ манушэс, Мирі куртала выджала ножнатыр пэ кажно лоч, со исын пэ паш-дывэсытко, и паш-ратітко рига. ⁵ И галёла кажно лоч (плоть), со Мэ, Рай Дэвэл, Дэвэл, дорэсцём Мирі куртала, палэ ёй на рисёла. ⁶ А, ту, Манушэскиро чхаво, дыхинэ пхарэ деса и илэса, со пашварэ тэ пхарадён, ров киркэс ангил лонгирэ якха. ⁷ И явёла адякэ, со пхэнэна тукэ: ‘Соскэ ту ровэса?’ пхэн: ‘Шуныбнастыр, саво джала, и розмарэлапэ кажно ило, и мэкэнапэ тэлэ сарэ васта, пхаро явёла кажнонэ дескирэ духоскэ, и сарэ чанга издрана, сыр пани. Акэ, дава явёла и пхэрдякирэлапэ’, – ракирэла Рай Дэвэл, Дэвэл. ⁸ И сыс кэ мэ Раскирэ-Дэвлэскиро лав дасаво: ⁹ “Манушэскиро чхава! Пхэн ангилпхэныбэн, пхэн: ‘Адякэ ракирэла Рай Дэвэл, Дэвэл: Пхэн: “Куртала, куртала исын кэрды востро, исын жужакирды (вычыстиндлы). ¹⁰ Кэрды востро (чолалы) ваш дова, соб (кай) бут тэ мулякирэл, жужакирды, соб (кай) тэ хачол, сыр блискавица. Ци трэй амонгэ тэ радынаспэ, со Мирэ – чхавэскирэ дэсто исын вучэдыр кажнонэ каштэстыр? ¹¹ Мэ дыём тэ жужакирэн (тэ вычыстинэн) ла, соб (кай) тэ лав ла дро васт; кадая куртала кэрды востро (чолалы), жужакирды, соб (кай) тэ лэл ла мулякирибнарискиро васт. ¹² Ров и тугин ясвэнца, манушэскиро чхава, пал-дова со ёй явёла пэ Мирэ манушэндэ, пэ сарэ Израилёскирэ тхагарьендэ, лэн отдэна курталакэ кхэтанэ мирэ манушэнца, палдава мар пэс пир стаця (сцёгны). ¹³ Куртала исын пропатякирды. И со ко́ли ёй газдэлапэ пэ кралітко дэсто? То дэсто на вырикирла,’ – ракирэла Рай Дэвэл, Дэвэл. ¹⁴ А ту, манушэскиро чхава, ангилпхэн и мар вастэнца, куртала кэрэлапэ ишчо (инкэ) явир и тріто мо́ло зоралэдыр; куртала подджала пэ манушэнгиро мулякирибэн, пэ барэ – манушэскиро мулякирибэн, саво заджала дрэ лонгирэ кхэра. ¹⁵ Пашыл сарэ лонгирэ порты (враты) и Мэ чхува́ва дараны куртала, соб (кай) тэ розмарэнпэ лонгирэ илэ, соб (кай) тэ явэл ишчо (инкэ) бутэдыр замардэ манушэн. Куртала хачола, сыр блискавица, сави кэрды востро тэ мулякирэл. ¹⁶ Скэдэпэ курталаса, джа пэ чачи (право) риг, ци джа пэ зэрво (лево) риг, карик тэ на рисёл тыро муй. ¹⁷ Мэ ява́ва тэ марав дрэ васта, и пириячёла Мирі холы. Мэ, Рай Дэвэл, Дэвэл”, – пхэндём кадава. ¹⁸ И сыс кэ мэ Раскирэ-Дэвлэскиро лав дасаво: ¹⁹ “Ту, манушэскиро чхава, кэр адякэ, со исын сырбы дуй дрома, кай трэй тэ джал Вавилоноскирэ-краліскирэ курталакэ; трэй, соб (кай) дуй дрома тэ выджан екхэ пхувьятыр; кэр шпэра (знако) [васт-р.с.] пашыл дрома, савэ джана дрэ форя. ²⁰ Выкэдэ дром, пир саво кур-тала джалас пэ Рава, Амоноскирэ-чхавэнгирэ форо и пэ Юдэя, дро зорьякирдо Ерусалимо. ²¹ Пал-дова со Вавилоноскиро кра́ли исын тэрдэ пэ дуй дрома, соб (кай) тэ зумавэл: тринскирэла марибнйтка бустя (стрёлы), пхучэлапэ терафимэндыр, дыкхэла пэ кало́ буко (печонка). ²² Дро чачо васт лэстэ исын драбакирибэн: “Дро Ерусалимо”, кай трэй тэ чхувэн марибнйтка тараны проти ванты, тэ кхарэн тэ мулякирэн, тэ газдэн зан годлыпнаса тэ чхувэн пхув ваш валю, тэ газдэн форитко ванта. ²³ Кадава драбакирибэн сыкадыя дрэ Ерусалимоскирэ – манушэнгирэ якха хохаибнаса, нэ пал-дова, со ёнэ совлахадэ, кра́ли пририпирдя пал лонгиро чорипэн, соб (кай) тэ лэн форо марибна́са.” ²⁴ Палдава адякэ ракирэла Рай Дэвэл, Дэвэл; Пал-дова со тумэ ко́корэ пририпирэн тумаро чорипэн, кэрэн адякэ, соб (кай) тумаро чорэ рэнды тэ явэн дыкхнэ, соб (кай) тэ сыкадён тумарэ грэхи пир сарэ тумарэ рэнды; пал-дова со тумэ ко́корэ пририпирэна пал дава, – тумэн лёна вастэнца. ²⁵ И ту, магирдо, на́лачхо Израилёскиро тхагари, саво кэрэла грэхо, тыро дывэс явдя ададывэс, ту на явэса тэ кэрэс тыро чорипэн бутэдыр. ²⁶ Адякэ ракирэла Рай Дэвэл, Дэвэл: ‘Укэдэ диадэма, лэ тэлэ пэстыр тыри коро́на, кадалэс бутыр на явёла; тэлатуно явёла тэ барьёл, а упратуно тэ тэлякирэлпэ. ²⁷ Мэ чхува́ва тэлэ лэс троностыр чхува́ва, чхува́ва тэлэ лэс, лэс на явёла; нэ, кэ́ли явёла Одова, Конэскэ трэй тэ явэл, Мэ отда́ва Лэскэ.’

Куртала Явёла пэ Амоноскиро Кралипэн

²⁸ “Ту, манушэскиро чхава, пхэн ангилпхэныбэн, пхэн: ‘Адякэ ракирэла Рай Дэвэл, Дэвэл пал Амоноскирэ чхавэндэ пал дова, со явёла лонца. Пхэн: Куртала, куртала вытырдыны, жужакирды пэ мулякирибэн, соб (кай) тэ чингирэл, соб (кай) тэ домарэл, соб (кай) тэ хачол, сыр блискавица, ²⁹ соб (кай), кэ́ли дэна тукэ чхучэ (пуста) дыкхибэна, зумавэна тукэ и

хохавэна тут, соб (кай) тут тэ чхувэн кэ домардэ накуч манушá, савэнгиро дывэс явдý, на явэна бутэдыр тэ кэрэн чорипэн. ³⁰ Ци тэ rischiрав куртáла дрé лáкири ножна? Пэ штéто, кай ту сáнас создýнó пэ пхув, кай ту бияндыян (лотиян), Мэ явáва тэ сэндýкирав пхарэс тут. ³¹ Вычхувава пэ тýtэ Мирí зоралý холý, Мэ пхурдава пэ тýtэ Мирé-холямипнаскирэ ягáса, отдáва тут дрé биилэскирэ-манушэнгирé вастá, манушэнгэ, савé джинэна, сыр трэй тэ замарэн. ³² Тут похала яг; тырó рат ячéлапэ дро машкирál пэ пхув, на явэна тэ рипирэн пал тýtэ, пал-довá, со Мэ, Рай Дэвэл, Дэвэл, пхэндём дава.”

Шэрó 22

Израилёскирэ Грэхи

¹ И сыс кэ Мэ Рáскирэ-Дэвлэскиро лав дасаво: ² “А ту, манушэскиро чхава, ци камéса ту тэ сэндýкирэс? Камéса ту тэ сэндýкирэс фóро, кай чхувéлапэ рат? Пхэн лэскэ пал сарó лэскиро джунгалыпэн (сарí лэскири брыткима). ³ Пхэн: ‘Адýкэ ракирэла Рай Дэвэл, Дэвэл: о, фóро, савó чхувéла рат машкир пэстэ, соб (кай) тэ явэл лэскиро часо, и савó кэрéла пэстэ йдолý, соб (кай) тэ магирэл пэс! ⁴ Ратэстыр, савó ту прочхудян, ту сан бангó, идолэндýр, савэн ту кэрдýн, ту сан магирдó. Подгинé тырé дывэсá, явдý тырí штýнда (година). Пал кадавá Мэ отдáва тут пэ манушэнгиро сабэн, пэ сарé – пхувьенгиро просаибэн. ⁵ Кодолé, савé исын пашýл тýtэ, и кодолé, савé исын дур тýtы, явэна тэ кошэнпэ пэ тýtэ, кон магирдý тырó лав, прославиндэпэ долэса, со дро бýнто на кандэнас никонэс. ⁶ Акэ, Израилёскирэ тхагáрья: кажно (свáко) пэскирэ зорýяса сыс тýtэ, соб (кай) тэ чхувэн рат. ⁷ Тýtэ намишто ракирэна пал датэ и дадэстэ: кэрэна намиштэс манушэса, савó явдý явирé пхувýятыр; машкир тýtэ накуч кэрэна пиротоса (бидадэскирэ чхавэса), пивляса (биромэскирэ манушняса). ⁸ Ту на дэса патыв мирé свэнтонэскэ, и пхагирэса Мирé сáваты (суботы). ⁹ Манушá, савé намиштэс ракирэна пал явирé манушэндэ, исын дрé тýtэ, соб (кай) тэ чхувэн рат; пэ бóрги хана тýtэ свэнтонé – дыибнытко хабэн идолэнгэ, машкир тýtэ кэрэна фуипэн. ¹⁰ Дадэскиро нангипэн откэрэна тýtэ, ёнэ явэна зорýяса кэ джувлы, кóли ёй жужакирэлпэ лáкирэ нажужипнастыр. ¹¹ Явир кэрéла биладжаипэн чужонé ромнýса, явир магирéла пэскирýя борýя, явир кэрéла биладжакиро грэхó пхэняса, пэскирэ – дадэскирэ чхаса. ¹² Кэ ту манушá лэна мыто (взятка), соб (кай) тэ чхувэн рат, ту дэсас ловé тéло кóфо (процэнтó), и лэсас барэдыр бажын (лихва) ту зорýяса отлэсас миштыпэн тырé пшалэстыр, а пал Мándэ бистýрдýн, – ракирэла Рай Дэвэл, Дэвэл. ¹³ Акэ, палдавá Мэ дивинавпэ, со аж мардём пэс пир вастá трé начачипнастыр, сыр тут тырдéла кэ барвалыпэн, сыр рат чхувéлапэ машкир тýtэ. ¹⁴ Ци вырикирла тырó илó, ци на обмэкэнапэ Тырé вастá дрé кодолé дывэсá, кóли Мэ выджава пэ тýtэ? Мэ, Рай Дэвэл, Дэвэл, пхэндём и кэрáва дава. ¹⁵ И Мэ росчхурдава тут пир народы тэ дживэс, роспхурдава тут пир пхувýя, и ту на явэса тэ кэрэс бутýр сарéса джунгалыпэн машкир пэстэ. ¹⁶ Ту корóро пэс магирэса ангил манушэнгирé якхá, и ту галéса, со Мэ сом Рай Дэвэл, Дэвэл.”

Израилё Сýрбы Явéла дро Барó Бов

¹⁷ И сыс кэ мэ (Езэкилé) Рáскирэ-Дэвлэскиро лав дасаво: ¹⁸ “Манушэскиро чхава! Израилё кэрдýпэ Мánгэ сыр шлако, сыр нажужо руп, сарé ёнэ исын – волюво (олово), харкóма (медь), састýр, молови (свинцо) – кэрдéпэ дро бов, сыр шлако рупэстыр. ¹⁹ Палдавá адýкэ ракирэла Рай Дэвэл, Дэвэл: ‘Кóли сарé тумé кэрдéпэ шлакоса рупэстыр, акэ, Мэ скэдáва тумэн дро машкирál Ерусалимо.’ ²⁰ Сыр дро бов манушá чхувэна сарó кхэтанé руп, и харкóма, и састýр, и молови, и волюво, соб (кай) тэ роспхурдэн яг пэ лэндэ, соб (кай) тэ розбилавэн (тэ ростопинэн) лэн, адýкэ Мэ, дрé Мирó холямипэн, скэдáва и чхувáва и розбилавава тумэн. ²¹ Акэ, Мэ скэдáва тумэн, и Мэ пхурдава пэ тумэндэ Мирé холямипнаскирэ ягáса, и тумé розбилавэнапэ машкир латэ. ²² Сыр руп розбилавэлпэ дро машкирál бов, адýкэ и тумé розбиладéна, и галéна тумé, со Мэ, Рай Дэвэл, Дэвэл, вычхудём пэ тумэндэ Мирó холямипэн.” ²³ И сыс кэ мэ Рáскирэ-Дэвлэскиро лав: ²⁴ “Манушэскиро чхава! Пхэн лэскэ:

“Ту сан нажужи пхув, пэ сави на джала брышынд дро дывэс, кели пэрэла холякири зор! ²⁵ Лăкирэ прорóки зракирэнапэ машкír лăтэ, сыр шчэр (лэво), савó рыкинэла, рискирэла пэскиро дорэсыбэн: ёнэ хана манушэнгиро ди, залэна миштыпэн и дрóгима, ячкирэна джувлэн биромэскиро. ²⁶ Лăкирэ рашая пхагирэна Миро Зако́но, магирэна Миро свѐнто, ёнэ на дыкхэна, кай исын свѐнто, кай исын насвѐнто; на сыкавэна, кай исын жужó, а кай исын нажу́жо; пэ Мирé сáваты (суботы) ёнэ закэрдэ якхá; Мэ сом сы́рбы магирдо машкír лэндэ. ²⁷ Лăкирэ тхага́рья исын сыр рува́, савé родэна хабэн, чхувэна рат, хасякирэна манушэнгиро ди, соб (кай) тэ латхэн барвалыпэн напатывалэс. ²⁸ А лăкирэ прорóки макхэна сарó блатанэ обмакхибнаса, ёнэ дыкхэна чхучипэн (пустота), ангилпхэнэна хохаибэн и ракирэна: ‘Адýкэ ракирэла Рай Дэвэл, Дэвэл’, – а Рай Дэвэл, Дэвэл ничи на ракирэлас. ²⁹ А манушá народóстыр кэрэна намиштэс екх явирэскэ; чорэна, залэна чорорэстыр и манушэстыр, савó мангэла, кэрэна намиштэс манушэса, савó явдя́ явирэ пхувья́тыр. ³⁰ Родыём Мэ лэндэ манушэс савó чхувэлэс ванта и тэрделас дро пропхагирибэн ангил Мандэ пал дая́ пхув, соб (кай) Мэ тэ на распхагирав ла, нэ Мэ налатхём. ³¹ Адýкэ явэла: Мэ вычхувава пэ лэндэ Мирé холякири яг, Мирé холякирэ ягáса Мэ хасякира́ва лэн, и Мэ отда́ва палэ пал лэнгирэ рэндэ пэ лэнгиро шэрó” – ракирэла Рай Дэвэл, Дэвэл.

Шэрó 23

Биладжакунé Пхэня

¹ И сыс кэ мэ Рáскирэ–Дэвлэскиро лав дасаво: ² “Манушэскиро чхава! Сыс дуй манушня, екхэ – дăкирэ дуй чхая. ³ И кэрэнас ёнэ биладжакирэ рэндэ дро Егíпто, ёнэ кэрэнас дава́ грéхо дрэ пэскирэ тэрнэ бэршá; одóй нашадэ ёнэ чхакири ладж, одóй лэнгирэ колына чаладэ му́ршá. ⁴ Акэ, исын лэнгирэ лавá: пхурэды́рья кхарэнас Огола́, а лăкирэ пхэня́ – Оголива́. Ёнэ сыс Мирé, биянэнас (лотькирэнас) чхавэн и чхаён. Огола́ – дава́ сыс Самáрия, Оголива́ – дава́ сыс Ерусалимо.

Э Пхурэды́р Пхэн, Самáрия

⁵ И лыя́ Огола́ тэ кэрэл биладжакирэ рэндэ, и тэ дурьёл Мандыр кэ пэскирэ камлэ, кэ Асирийцы, савé дживэнас пашыл латэ. ⁶ Кэ кодолэ, савé урьенаспэ дрэ шука́р фиолетова тхана (ткани), кэ округакирэ барыды́ра, кэ барыды́ра тхэмэскирэ, кэ сарé шука́р чхавэ, кэ кодолэ, савé традэнас пэ грэндэ. ⁷ Конэскэ отдэлэс ёй пэс дрэ биладжакирэ рэндэ, сарэнца выкэдынэ Асyроскирэ чхавэнца, магирэлэс пэс сарé лэнгирэ идолэнца, пал савэндэ традэлэспэ ёй. ⁸ Ёй на пириячэлэс тэ кэрэл грéхо и Египтянэнца, пал-дова́ со ёнэ джинэнаспэ лáса, ко́ли ёй сыс тэрны́, ёнэ чилавэнас лăкирэ колына, ёнэ кэрэнас лáса биладжакиро грéхо. ⁹ Палдава́ Мэ отдыём ла дрэ лăкирэ–камлэнгирэ вастá, дрэ Асyроскирэ–чхавэскирэ вастá, пал савэндэ традэлэспэ ёй. ¹⁰ Ёнэ откэрдэ лăкиро нангипэн, залынэ лăкирэ чхавэн и лăкирэ чхаён, а ла мулякирдэ курталáса. Ёй кэрдя́пэ ладжакунэ лавэса машкír джувлендэ, кели ёнэ кэрдэ сэ́ндо пэ латэ.

Э Тэрнэды́р Пхэн, Ерусалимо

¹¹ На дыкхи́ пэ дова́, со лăкири пхэн, э Оголива́, дыкхэлас сарó дава́, ёй ишчо (инкэ) бутэды́р кэрэлас биладжакиро грéхо, и пыя́ бутэды́р дро лăкиро биладжаипэн, сыр лăкири пхэн. ¹² Ёй потырды́япэ Асyроскирэ чхавэн, округакирэ барыды́рэн и барыды́рэн тхэмэскирэн, манушэн, савé урьенаспэ дро древа́н шука́р урибэн, манушэн, кон традэлэс пэ грэндэ, сарэн гожонэ тэрнэ манушэн. ¹³ Мэ дыкхцём, со ёй магирдя́ пэс, и со лэндэ дуендэ, пхэнендэ, сыс екх дром. ¹⁴ Нэ кадая́, Оголива́, кэрэлас грéхо ишчо (инкэ) бутэды́р, пал-дова́ со дыкхця́ манушэн, со сыс вычиндлэ пэ ванта, дыкхця́ Халдеенгиро портрето, дыкхця́ муя́ Халдеенгирэ, савé сыс макхнэ ярконэ масти́няса (краскаса). ¹⁵ Савэ сыс обпхандлэ сими́риса

пашыл кустыка, пэ лэнгирэ шэрэ сыс шукар пхандлуны (повязки); и выдыкхэнас Халдеи, сырбы халадэнгирэ рая, сырбы Вавилоноскирэ чхавэ Халдеенгирэ пхувьятыр. ¹⁶ Сыр ей дыкхця лэн, и ей сыгэс потырдыяпэ кэ ёнэ, бичхадя кэ ёнэ кэ Халдея выкэдынэ бичхадэн, соб (кай) тэ кхарэн лэн. ¹⁷ Явнэ кэ ей Вавилоноскирэ тэрнэ мурша пэ лакиро чхуибэн, магирдэ ла пэскирэ биладжакунэ рэндоса, ей магирдя пэс лэнца и дурия лэндэр лакиро ило. ¹⁸ Кэли ж ей откэрдэс (явнэс) лыя тэ кэрэл пэскиро биладжакиро рэндо, и отчхакирдя пэскиро нангипэн, тэньчи отгия латыр Миро ило, сыр отгия Миро ило лакирэ пхэнятыр. ¹⁹ Ёй ишчо (инкэ) бутэдыр кэрэлэс пэскиро биладжакуно рэндо, сыр пририпирлас пэскирэ тэрнэ бэрша, кэли кэрдя биладжакуно рэндо пэ Египтоскири пхув. ²⁰ Пал-дова со ей тырдэлэспэ кэ пэскирэ камлытка, конэстэ сыс сыр ослэнгири лоч (плоть), конэстэ сыс баро нalachхо камибэн, сыр гэнштостэ. ²¹ Адякэ ту пририпирдян тыро нalachхо камибэн дрэ тырэ тэрнэ бэрша, кэли Египтяни чилавэнас тут пал тырэ патывалэ-чхакирэ колына.

Пхаро Сэндо пэ Ерусалимо

²² “Палдава, Оголивае, адякэ ракирэла Рай Дэвэл, Дэвэл: ‘Акэ, Мэ газдава пэ тутэ тырэ камлэн, савэндыр ту кокори дуриян, Мэ скэдава лэн пэ тутэ сарэ ригэндэр. ²³ Вавилоноскирэ тэрнэ муршэн и сарэн Халдеен: Пеходостыр, Шоатыр и Коатыр, а лэнца – сарэ Асуроскирэ манушэн, гожонэ тэрнэ муршэн, округакирэ барыдырэн, тхэмэскирэ барыдырэн, ран халадэнгирэн, барвалэ манушэн и славутнонэ, сарэн, кон кучэс традэлэс уклесто (уклисте). ²⁴ Ёнэ явэна пэ тутэ курталэнца, грэнца, марибнытконэ вурдэнэнца, манушэнгирэ бутыпнаса; ёнэ явэна пэ тутэ трусцял дро марибнытко урибэн, саструнэ шчытэнца и дрэ шлэмы, и Мэ отдава тут лэнгэ пэ сэндо, и явэна ёнэ тэ сэндыкирэн тут пэскирэ сэндоса. ²⁵ И Мэ явава тэ зэвлынав тут; ёнэ явэна тэ кэрэн туса барэ холяса, отчингирэна тыро накх и канэ, а саро тыро явир пэрэла курталатыр, ёнэ залэна тырэ чхавэн и тырэ чхаён, а саро тыро явир, со ячэлапэ, хачкирэна ягаса; ²⁶ и ёнэ злэна туты тыро урибэн, залэна тырэ шукарьякирибэна куч-барорэ. ²⁷ Мэ кэрава адякэ, со ту пириячэс тэ кэрэс тыро биладжакиро грэхэ, и тырэ биладжакунэ рэнды, савэ ту яндян Египтоскирэ пхувьятыр, со ту на рисёса кэ ёв тырэ якхэнца, ту на явэса тэ рипирэс бутэдыр пал Египто. ²⁸ Пал-дова со адякэ ракирэла Рай Дэвэл, Дэвэл: ‘Акэ, Мэ отдава тут дрэ васта кодолэнгирэ, конэс ту зоралэс на камэса дрэ васта кодолэнгирэ, конэстыр отгия тыро ило. ²⁹ Ту дыкхэса лэнгири бари холы, ёнэ залэна туты саро миштыпэн, пал савэ ту пхарэс кэрдян буты, ёнэ мэкэна тут, со ту явэса нанги, научхакирды. И явэла откэрдо тыро нангипэн, тыро биладжакуно рэндо, тыро биладжакиро грэхэ. ³⁰ Гада, ёнэ кэрэна туса адякэ колэ пал тырэ биладжакунэ рэнды Наюдытконэ нацыенца, конэскирэ идолэнца ту магирдя пэс. ³¹ Ту псирэсас тырэ-пхэнякирэ дромэса, палдава Мэ дава тукэ дро васт лакиро тахтай (чаша).’ ³² Адякэ ракирэла Рай Дэвэл, Дэвэл: “Ту явэса тэ пьес тырэ-пхэнякиро тахтай, хор и бугло, и явэна тэ санпэ туты, ту лэса ладж пэ пэстэ, пал-дова со баро исын дава тахтай! ³³ Ту явэса сыр маты тугатыр, тахтастыр, кай исын дар и чорорипэн, гада, исын тырэ – пхэнякирэ Самариякиро тахтай! ³⁴ Ту явэса тэ пьес, и допьеса саро, со явэла дрэ лэстэ; розмардо тахтай ту чилавэса тырэ уштэнца, ту росчхинэса тыро колын, пал-дова со Мэ пхэндём дава, – ракирэла Рай Дэвэл, Дэвэл. ³⁵ Палдава адякэ ракирэла Рай Дэвэл, Дэвэл: ‘Пал-дова со ту бистырдян Ман, рискирдян тыро думо пэ Мандэ, мэк тэ явэл тутэ бибахт пал тырэ тырдыпэн кэ грэхэ, пал тырэ биладжунэ рэнды.’”

Сэндо пэ Дуге Пхэнэндэ

³⁶ И пхэндя мангэ Рай Дэвэл, Дэвэл: “Манушэскиро чхава! Камэса ту тэ сэндыкирэс Огола и Оголива? Пирипхэн лэнгэ лэнгино джунгалыпэн (брыткама). ³⁷ Пал-дова со ёнэ кэрэнас биладжаипэн, и рат исын пэ лэнгирэ васта: ёнэ кэрэнас биладжаипэн пэскирэ идолэнца, и аж янэнас сыр свэнто дыибэн пэскирэ чхавэн, савэн ёнэ бияндлэ (лотькирдэ) ваш Мангэ, и чхувэнас лэн дрэ яг, соб (кай) йдолы тэ хан лэн. ³⁸ Акэ, со ёнэ кэрэнас: ёнэ магирэнас Миро

свѣнто штѣто пѣ кодова жѣ дывѣс, ѣнѣ пхагирѣнас Мирѣ саваты. ³⁹ Пал-дова со, кѣли ѣнѣ мулякирѣнас пѣскирѣ чхаворѣн ваш лѣнгирѣ йдолы, пѣ кодова жѣ дывѣс явѣнас ѣнѣ пѣ Мирѣ свѣнто штѣто, соб (кай) тѣ магирѣн лѣс, акѣ, сыр ѣнѣ кѣрѣнас машкирѣл Мирѣ кхѣр! ⁴⁰ И ишчѣ (инкѣ): ѣнѣ бичхавѣнас пал муршѣндѣ, савѣ дживѣнас дур, бичхавѣнас пал лѣндѣ пѣскирѣ дынарѣѣн. Акѣ, явнѣ кадалѣ муршѣ, ту ваш лѣнгѣ выморѣсаспѣ, макхѣсас тырѣ якхѣ, урьесас шукарѣ урибѣн. ⁴¹ Бѣшѣсас ту пѣ рангирѣ чхуибѣн (пасиндлы), ангил савѣ сыс скѣдынѣ скамѣнд, пѣ савѣ ту дѣсас лѣнгѣ Мирѣ куч тхувипѣн дрогонѣ смолѣндыр, Мирѣ зан бутѣ-манушѣнгирѣ и оливѣтко дѣт. ⁴² Сыс шундлы зан народоскири, савѣ радѣнѣнас пѣ бидумакирѣс лѣтѣ; кѣ кодолѣ манушѣ народѣстыр явѣнас матымарѣя чхучѣ пхувѣятыр; а ѣнѣ урьенас вастѣтка (корѣ) (браслѣты) пѣ лѣнгирѣ вастѣ, а пѣ лѣнгирѣ шѣрѣ шукарѣ корѣны. ⁴³ Тѣньци пхѣндѣм Мѣ пал кодолѣтѣ, савѣ пхуриѣ дрѣ пѣскирѣ биладжакунѣ рѣнды: ‘Ци явѣна ѣнѣ дурѣдыр тѣ кѣрѣн биладжаипѣн лѣса и ѣй лѣнца? ⁴⁴ Нѣ ѣсакх джѣнаѣс ѣнѣ кѣ ѣй, сыр джѣна кѣ биладжакири манушѣны, адѣкѣ сыр джѣнаѣс кѣ Огола и Оголива, кѣ джувлѣя, кон тырдѣлапѣ тѣ кѣрѣл ладж. ⁴⁵ Нѣ дѣвлѣйтѣка муршѣ явѣна тѣ сѣндыкирѣн лѣн; сыр джувлѣн, савѣ парудѣ ромѣскѣ, сыр кодолѣн, савѣ прочхувѣна манушѣнгирѣ рат, пал-дова со ѣнѣ исын биладжакунѣ джувлѣя, рат исын пѣ лѣнгирѣ вастѣ. ⁴⁶ Палдава адѣкѣ ракирѣла Рай Дѣвѣл, Дѣвѣл: “Кхарѣн манушѣн пѣ лѣндѣ, отдѣн лѣн пѣ пхарипѣн и чорибѣн. ⁴⁷ Манушѣнгирѣ скѣдыибѣн домарла лѣн барѣнца, и чингирѣла лѣн пѣскирѣ курталѣнца, ѣнѣ замарѣна лѣнгирѣ чхавѣн и чхаѣн, а лѣнгирѣ кхѣрѣ хачкирѣна ягѣса. ⁴⁸ И Мѣ кѣрава адѣкѣ, соб (кай) тѣ пириѣчѣн тѣ тырдѣнпѣ тѣ кѣрѣн биладжакуно рѣндѣ пѣ дѣя пхув, соб (кай) сарѣ джувлѣя тѣ сыклѣн далѣстыр тѣ на кѣрѣн биладжакирѣ рѣнды, сыр тумѣ. ⁴⁹ А тумѣ прилѣна бибахт пал тумарѣ биладжакиро рѣндѣ пал грѣхи тумарѣ идолѣнца и тумѣ и галѣна, со Мѣ сом Рай Дѣвѣл, Дѣвѣл.”

Шѣрѣ 24

Со Сыкавѣла Пири, Савѣ Кѣрадѣла

¹ И сыс кѣ мѣ Рѣскирѣ-Дѣвлѣскиро лав, дро енѣто (биекхѣскиро дѣшто) бѣрш, дро дѣшто чхон, пѣ дѣштонѣ-чхонѣтко дывѣс дасавѣ: ² “Манушѣскиро чхава! Зачхин пѣскѣ сыр кхарѣлпѣ дава дывѣс, дро кадава дывѣс Вавилѣнѣскиро крѣли явѣла тѣ обджал трусѣял халадыбнаѣс Ерусалимо. ³ Пхѣн притча (сыкаибѣн) кхѣрѣскѣ, кай на кандѣна никѣнѣс, пхѣн лѣнгѣ: ‘Адѣкѣ ракирѣла Рай Дѣвѣл, Дѣвѣл: “Чхув пирѣ (какави), чхув, чхув одорѣк пѣни. ⁴ Чхув одорѣк котѣрѣ масѣтка, сарѣ фѣдѣдыр котѣрѣ, кумпѣскирѣ и псикѣскирѣ фѣдыр кокалы чхув пхѣрдѣс. ⁵ Выкѣдѣ лачхѣ бакрѣн стадагыр, хачкирѣ яг пѣ кокалы, кѣрав ваш хабѣн мас адѣкѣ, соб (кай) кокалы тѣ явѣн ковлѣ.’ ⁶ Палдава адѣкѣ ракирѣла Рай Дѣвѣл, Дѣвѣл: “Бида форѣскѣ, кай чхувѣлапѣ рат, бѣда какавѣякѣ (пирѣякѣ), савѣ обхачѣя и савѣягыр обхачкирдѣ штѣто на зджѣла! Вычхурдѣн лѣгыр котѣр пир котѣр, на выкѣдѣ лѣндыр пир жрѣбиѣ. ⁷ Пал-дова со рат исын машкирѣ фѣро, ѣв ячадѣ лѣс пѣ сѣмо нанги бѣрга, на чхудѣ лѣс пѣ пхув, соб (кай) прѣхо тѣ учхакирѣл рат, ⁸ соб (кай) тѣ газдѣлпѣ холямпѣн тѣ кѣрѣл заводѣ (тѣ отхал палѣ) пѣ фѣро, Мѣ ячадѣм лѣскиро рат пѣ сѣмо нанги бѣрга, соб (кай) ѣв тѣ на учхакирѣлпѣ. ⁹ Палдава адѣкѣ ракирѣла Рай Дѣвѣл, Дѣвѣл: “Бида форѣскѣ, кай чхувѣлапѣ рат! Мѣ росхачкирава барѣдыр яг. ¹⁰ Чхув вучѣдыр каштѣ, росхачкирѣ яг, кѣрав мас; мѣк сарѣ тѣ выкѣравѣлпѣ, и мѣк кокалы тѣ пирихачѣн. ¹¹ А кѣли пирѣ (какави) явѣла чхучѣ, то чхув ла пѣ вангара, соб (кай) ѣй тѣ ростѣгыкирѣлпѣ, соб (кай) тѣ ростѣгыкирѣлпѣ лѣскири харкѣма, савѣягыр исын кѣрды пирѣ, соб (кай) тѣ розбилавѣлпѣ сарѣ пирѣякиро нажужыпѣн, соб (кай) тѣ на явѣл дрѣ пирѣ обхачкирдѣ штѣты. ¹² Гѣда, явѣла пхарѣ бутѣ ваш лѣакѣ; нѣ пирѣякиро нажужыпѣн на зджѣла лѣгыр, и дрѣ яг усаѣкх ѣв ячѣлапѣ. ¹³ Дро тырѣ нажужыпѣн исын тырдыпѣн тѣ кѣрѣл джунгалыпѣн, нѣ пал-дова, со Мѣ жужакирдѣм тут, а ту усаѣкх сан нажужѣ. Кѣли вычхувава Мѣ пѣ тѣтѣ сарѣ Мирѣ холямпѣн, тѣньци ту явѣса жужакирды. ¹⁴ Мѣ сом Рай Дѣвѣл, Дѣвѣл, Мѣ ракирава: кадава сарѣ явѣла, и Мѣ кѣрава со трѣй. Мѣ на

обрикирава Пэс, Мэ на потангинава, Мэ на пожалинава. Пир тырэ дромá, пир тырэ рэнды явэна тэ сэндякирэн тут”, – ракирэла Рай Дэвэл, Дэвэл.

Пророконэнгирэ-Ромнякиро Мэрибэн

¹⁵ И сыс кэ мэ Рáскирэ-Дэвлэскиро лав, пхэни: ¹⁶ “Манушэскиро чхава! Акэ, Мэ отлава тۇтыр дова, сóстыр тырэ якхá радынэнапэ, тырй бахт фуяса (язваса), нэ ту на тангинэ, на ров, мэк тэ на чхувэнпэ тырэ ясва. ¹⁷ Пириджив сарó дава дрэ пэстэ пхарэ деса, на ров пал ромнятэ, нэ обпхандэ тырó шэрó, ури тырэ тривики, на закэр тырэ уштá, на ха марó чужонé манушэндýр.” ¹⁸ И кэли ракиравас мэ тасýрлэс (рáнэс) лав кэ манушá, мыя бэльвэлé мири ромны, и пэ явйр дывэс Мэ кэрдём адýкэ, сыр сыс припхэндло. ¹⁹ И пхэндý мánгэ народо: “Ци пхэнэса ту амэнгэ, со сарé кодолé колэ сыкавэна амэнгэ, и сыр тэ галёс амэнгэ дова, со ту кэрэса?” ²⁰ Тэньци мэ отпхэндём лэнгэ: “Кэ мэ сыс Рáскирэ-Дэвлэскиро лав дасаво: ²¹ ‘Пхэн Израилёскирэ кхэрэскэ: адýкэ ракирэла Рай Дэвэл, Дэвэл: ‘Акэ, Мэ отдава пэ магирипэн Миро свэнто штéто, савó пхэрдэс дэлас тумэнгэ зор, савó радынэлас тумарé якхá и тумарó илó, а тумарé чхавé и тумарé чхáy, савэн тумé ячадэ, хасёна курталáтыр. ²² И тумé явэна тэ кэрэн дова, со мэ кэравас: тумé на явэна тэ закэрэн чхора (брода), тумé на явэна тэ хан марó чужонé манушэндýр. ²³ Шэрó тумарó явэла обпхандло, тривики явэна пэ тумарé гэрá, тумé на явэна тэ тугинэн ясвэнца, и на явэна тэ ровэн, нэ явэна тэ шутён тумарé чорипнастыр, тэ тугинэн ровибнаса екх ангил явирэстэ. ²⁴ А Езекилэ явэла ваш тумэнгэ сýрбы гертýк (знамэниё); сарó, со ёв кэрэлас, тумé явэна тэ кэрэн, и сыр дава сарó кэрэлапэ, то тумé галёна, со Мэ сом Рай Дэвэл, Дэвэл. ²⁵ А тýса, акэ, со явэла, манушэскиро чхавó: дро кодовá дывэс, кэли Мэ отлава лэндýр лэнгири слáва, дова, сóскэ радынэнаспэ лэнгирэ якхá и лэнгиро ди, лэнгирэ чхавэн и чхаён: ²⁶ дро дова дывэс явэла кэ ту мануш, савó зракхцяпэ одотхýр, соб (кай) тэ дэл тýкэ кан; ²⁷ дро кодовá дывэс, кэли ту дыкхэсапэ зракхнэ манушэса, откэрнапэ тырэ вастá, и ту явэса тэ ракирэс, на явэса ту бутýр бичибакиро, а явэса сыкаибнаса ваш лэнгэ, и ёнэ галёна, со Мэ сом Рай Дэвэл, Дэвэл.”

Шэрó 25

Ангилпхэныбэн пал Амоно

¹ И сыс кэ мэ Рáскирэ-Дэвлэскиро лав дасаво: ² “Манушэскиро чхава! Рисёв тырэ мóса пэ Амоноскирэ чхавэндэ, рáкир пэ лэндэ ангилпхэныбэн. ³ Пхэн Амоноскирэ чхавэнгэ: ‘Шунэн Рáскирэ-Дэвлэскиро лав: адýкэ ракирэла Рай Дэвэл: ‘Кóли ту ракирэса пал Миро свэнто: “А!”, палдовá со ёв исын магирдó, ракирэса пал Израилёскири пхув, пал дова, со ёй исын чхучй, ракирэса пал Юдáскиро кхэр, пал дова со лэн традынэ дрэ наволя, ⁴ палдава, акэ, Мэ отдава тут чхавэнгэ, савé явэна востокóстыр сыр миштыпэн; ёнэ явэна тэ кэрэн тýтэ пэскирэ бакрэнгирэ гражы (загоны), ёнэ чхувэна тýтэ пэскирэ шáтры, – и явэна тэ хан Тырó хабэн, явэна тэ пьен тырó тхуд. ⁵ Мэ кэрáва адýкэ, со дрэ Рава явэла штáла ваш верблюдэнгэ, а Амоноскирэ чхавé явэна тэ чаравэн бакрэн. И тэньчи тумé галёна, со Мэ сом Рай Дэвэл, Дэвэл.’ ⁶ Адýкэ ракирэла Рай Дэвэл, Дэвэл: пал дова, со ту марэсас дрэ вастá, штавэсас гэрэнца, радынэсаспэ илэса, со на камэсас тэ дыкхэс пэ Израилёскири пхув, ⁷ палдава, акэ, Мэ протýрдава кэ ту Миро васт, Мэ кэрáва адýкэ, соб (кай) тэ обчорэн тут Наюдýтка нáции, Мэ чхурдава криг тут сарé манушэндýр, вычхинава тут пхувьенгиро гинибнастыр, рoспхагирава тут и ту галёса, со Мэ сом Рай Дэвэл, Дэвэл.”

Ангилпхэныбэн пал Моáво

⁸ Адýкэ ракирэла Рай Дэвэл, Дэвэл: “Пал-дова со Моáво и Сеиро (Эдóмо) ракирэна: акэ, Юдáскиро кхэр яцý дасаво, сыр сарé народы (манушýтка нáции), ⁹ то пал дава Мэ лáва тэ кэрáв форьэндýр, сарé лэскирэ форьэндýр, савé исын пашýл мéжа (граница), пхувьякиро

шукарибнастыр, Бен-Ешымофостыр, Ваал-Меоностыр и Кириафаимостыр, и Мэ откэрава Моавоскири риг, ¹⁰ ваш манушэнгэ, савэ явнэ вастокостыр, Мэ отдава лэс лэнгэ кхэтанэ Амоноскирэ манушэнца, соб (кай) тэ на рипирэн бутэдыр Амоноскирэ манушэн машкир народы. ¹¹ И Мэ явава тэ сэндякирав Моаво, и ёнэ галёна, со Мэ сом Рай Дэвэл, Дэвэл.”

Ангилпхэныбэн пал Эдóмо

¹² Адыкэ ракирэла Рай Дэвэл, Дэвэл: ‘Пал-довá со Эдóмо холяса газдыяпэ пэ Юдаскиро кхэр, и кэрдя барó грэхó, кэли отхалас холы пэ лэстэ. ¹³ Палдава адыкэ ракирэла Рай Дэвэл, Дэвэл: “Мэ протырдава Миро васт кэ Эдóмо, Мэ хасякирава лэстэ манушэн и мурдалэн; Мэ кэрава лэстыр чхучй пхув; дро Фемано, дро Дедано, сарэ пэрэна курталатыр. ¹⁴ Мэ отхава холы пэ Эдóмо Мирé народоскирэ, Израилёскирэ вастэса; ёнэ явэна тэ кэрэн дрэ Идумея пир Мирй холы и Миро холямипэн, и ёнэ галёна, сыр Мэ выродава лэндыр,” – ракирэла Рай Дэвэл, Дэвэл.

Ангилпхэныбэн пал Филистимлянэндэ

¹⁵ Адыкэ ракирэла Рай Дэвэл, Дэвэл: “Палдовá, со Филистимляни газдэнаспэ пэ лэндэ холяса, на гинэнас лэн дрэ пэскиро илó пал манушэндэ, тэ хасякирэн лэн пир гаратуно накамибэн тэ дыкхэн пэ лэндэ, ¹⁶ палдава, адыкэ ракирэла Рай Дэвэл, Дэвэл: Акэ, Мэ протырдава Миро васт кэ Филистимляни, Мэ хасякирава Критянэн, хасякирава пэ морёскиро (дэрьявёскиро) брэго лэнгино ячаибэн (остатко). ¹⁷ Мэ отхава бари холы пэ лэндэ и барэ холяса выродава лэндыр, – и ёнэ галёна, со Мэ сом Рай Дэвэл, Дэвэл, кэли Мэ выродава лэндыр.”

Шэрó 26

Ангилпхэныбэн пал Тíро

¹ И сыс адыкэ дро дэшуекхто бэрш, дро пэрво чхон, пэ пэрво чхоньтко дывёс, со сыс кэ мэ Раскирэ-Дэвлэскиро лав: ² “Манушёскиро чхава! Палдовá, со Тíро ракирэла пал Ерусалимо: ‘А! Ёв исын роспахигрдо – народэнгино вудар; ёв обрисёла кэ мэ; мэ пхэрдякиравапэ, ёв исын чхучó (пусто).’ ³ Пал дова, – адыкэ ракирэла Рай-Дэвэл, Дэвэл – акэ, Мэ сом проти тýtэ, Тíро, Мэ газдава пэ тýtэ бут нáции, сыр мóрэ (дэрьяв) газдэла пэскирэ валны (вэлны). ⁴ И ёнэ розмарна Тироскирэ ванты (сцяны), и роспахигрэна лэскирэ вучардя (башни) и Мэ вышулавава лэстыр лэскиро прахо, кэрава Лэстыр нанги бóрга. ⁵ Ёв явэла машкир мóрэ (дэрьяв) штэтоса, кай росчхувэна кхудя, пал-довá со Мэ пхэндём дава, – ракирэла Рай Дэвэл, Дэвэл, лэс обчорэна явйр народы. ⁶ Лэскирэ чхаён, савэ исын пэ фёлда, – мулякирэна курталаса, – и тэньчи галёна, со Мэ сом Рай Дэвэл, Дэвэл.” ⁷ “Адыкэ ракирэла Рай Дэвэл, Дэвэл: “Акэ, Мэ янава пэ Тíро паш-ратятыр Навуходоносорос, Вавилонóскирэ кралйс, кральенгирэ кралйс; Мэ янава лэс грэнца, марибнытконó вурдэнца, манушэнца, савэ традэна уклистэ, халадыбнаса бутэ манушэнца. ⁸ Тырэ чхаён пэ фёлда ёв мулякирэла курталаса, кэрэла марибнытка туры, чхувэла валo проти тýtэ, явэла пэ тýtэ марибнаса. ⁹ Ёв чхувэла марибнытка тараны тэ роспахигрэл тырэ ванты, роспахигрэла тырэ туры пэскирэ товэрэнца. ¹⁰ Лэскирэ-грэнгирэ бутыпнастыр ту учхакирэсапэ прахоса, кэли зашуминэна лэскирэ манушá, савэ традэна уклистэ, ротэндыр и марибнытконó вурдэнэндыр, то лэна тэ издран тырэ ванты, сыр ёв заджáла дрэ тырэ пóрты (враты), сырбы заджáна манушá дро розмардо фóро. ¹¹ Пэскирэ грэнгирэ пэтэлэнца ёв пириштавэла сарэ Тырэ вулицы (гасы); тырэ манушэн ёв мулякирэла курталаса; рипирибэн трэ зоралэ стылбэндыр ёв чхурдэла пэ пхув. ¹² Ёнэ росчорэна тырэ барвалыпэн, дова, со ту бикнэсас, ёнэ роспахигрэна пэ котэра (куски) тырэ ванты, розмарна тырэ гожа кхэра, тырэ бара, тырэ вэш, тыры пхув чхурдэна дро пани. ¹³ Мэ кэрава адыкэ, со ту на явэса тэ багас бутэдыр Тырэ гиля, на явэла шундло,

соб (кай) ту башавэсас пэ луты (цытры). ¹⁴ Мэ кэрава тۇтыр нанги бэрга; ту явэса сыр штэто, кай розчхувэна кхудя (сети), ту на чхувэса бутэдыр тырэ кхэра, пал-дова со Мэ, Рай Дэвэл, Дэвэл, пхэндём кадава”, – ракирэла Рай Дэвэл, Дэвэл. ¹⁵ Адыкэ ракирэла Рай Дэвэл, Дэвэл Тироскэ: “Тырэ пэрибнаскирэ шуминыбнастыр, манушэнгирэ роибнастыр, кэли явэна тэ мулякирэн машкир тۇтэ, ци на явэна тэ издран островы? ¹⁶ Зджана сарэ морёскирэ (дэрьявэскирэ) тхагарья пэскирэ тронэндыр, злэна пэстыр лэскирэ урибэна, злэна пэстыр розсудэ ризы, нэ ёнэ урьенапэ дараса, бэшэна пэ пхув, явэна тэ издран, явэна тэ дивинэнпэ трашаса пал тۇтэ. ¹⁷ И ёнэ газдэна роибэн пал тۇтэ, ёнэ пхэнэна тукэ: “Сыр хасиян ту форо, кай дживэна мануша, савэ традэна пирё мёрё (дэрьяв), славутно форо, саво сыс зоралё пэ мёрё (дэрьяв), сыс зоралё ёв кокорё и лэскирэ мануша, конэстыр сарэ дарэна! ¹⁸ Каканá, дро дывэс, коли ту пыян, издрандынэ островы; островэнгэ пэ мёрё (дэрьяв) яця пхаро пал тыро хасибэн.” ¹⁹ Адыкэ ракирэла Рай Дэвэл, Дэвэл: “Кóли Мэ кэрава тۇтыр чхучо форо, сыр форя, кай никон на дживэла, кэли газдава Мэ пэ тۇтэ морёскиро (дэрьявэскиро) хорипэн, то учхакирэна тут барэ валны. ²⁰ Тэньци Мэ янава тэлэ тут кхэтанэ кодолэнца дрэ магила, кэ народо, саво сыс гарá, Мэ чхурдава тут дро пхувьякиро хорипэн, дрэ вечна чхучо пхувья хор тэл пхув мулэ манушэнца, соб (кай) ту тэ на дживэс бутыр; и сыкавава Мэ барипэн пэ пхув, кай исын джидэ. ²¹ Мэ кэрава тۇтыр траш, на явэла тут бутэдыр; мэк и явэна тэ родэн тут, нэ на латхэна николи,” – ракирэла Рай Дэвэл, Дэвэл.

Шэрó 27

Роибэн пал Тиро

¹ И сыс кэ мэ Рáскирэ-Дэвлэскиро лав дасаво: ² “И ту аканá, Манушэскиро чхаво, ров пал Тиро, ³ пхэн Тироскэ, Ту, саво дживэса машкир мёрё (дэрьяв), кон тимисякирэла (таргинэла) народэнца бутэ островэндыр” адыкэ ракирэл Рай Дэвэл, Дэвэл: ‘Тиро! Ту ракирэса нанэ никонэс гожэдыр мандыр!’ ⁴ Мэжы тырэ исын дро морёскиро (дэрьявэскиро) илó; кодолэ, кон кэрэлас тут, кэрдэ тут гожэдыр шукарипнастыр. ⁵ Сенироскирэ – кипарисонэ каштэндыр кэрдэ ёнэ Тыро гэристо (помосто) ёнэ лэнас кедро Ливаностыр, соб (кай) тэ кэрэн пэ тۇтэ мачты; ⁶ Васаноскирэ дэмбэндыр кэрэнас тырэ ровля (вёслы), прэдки (скамейки) тырэ, кэрэнас мануша Ашуростыр букитконэ каштэстыр, и укэдэнас лэн слонитконэ кокалоса Китимсконэ островэндыр. ⁷ Россудэ похтана (полотны) Египтостыр мэкэнас пэ тырэ балвалунэ (парусы), ёнэ сыс тыро сцяго (флаго); синя и лолэ тхана (ткани) Елисакирэ островэндыр учхакирэнас тут. ⁸ Мануша Сидоностыр и Арвазостыр кэрэнас тۇтэ буты ровленца (вёслэнца); пэскирэ джиныбнарья сыс тۇтэ, Тиро, ёнэ лыджáнас Тырэ пáрмы (корабли). ⁹ Пхурыдыра Гевалостыр, и лэскирэ годэ мануша сыс тۇтэ, соб (кай) тэ закэрэн пакласа промардэ штэты. Разна пáрмы и лэнгирэ кодолэ мануша, савэ кэрэнас буты ровленца, сыс тۇтэ, соб (кай) тэ джал Тыро бикныбэн. ¹⁰ Персияни, Лидияни, Ливийцы сыс дро тыро халадыбэн; ёнэ сыс марибнаскирэ тۇтэ, ёнэ ублавэнас пэ тۇтэ шчыто и шлемо; лэндыр ту сáнас барó. ¹¹ Арвадоскирэ мануша тырэ халадыбнаса сыс тэрдэ трусцýл пэ тырэ вáнты, Гамадимы сыс тэрдэ пэ тырэ вучардя (башни); пэ тырэ вáнты ёнэ ублавэнас пэскирэ шчыты/колчаны; ёнэ допхэрдякирэнас Тыро шукарибэн. ¹² Фарсисо, Тыро тимисяри (торговцо), конэстэ сыс барó барвалыпэн, плэскирэлас пал дова, со ту бикнэсас, рупэса, састырэса, молониса (свинцоса), волывоса (оловосо). ¹³ Явано (Иавано), Тувало, Мешэхо тимисякирэнас туса, парувэнас дова, со ту бикнэнас, пэ манушэндэ и харкунэ пирья. ¹⁴ Фогармоскирэ кхэрэстыр лыджáнас тукэ грэн, гэнштэн и лошакэн пал дова, со ту бикнэсас. ¹⁵ Дедамоскирэ мануша тимисякирэнас туса; бут островы кэрэнас туса паруйбэн. Ёнэ янэнас тукэ слонитко кокало и калó вэш. ¹⁶ Куч джалас тыро бикныбэн; тимисякирэнас туса Арамеяни, пал-дова со ту бут бикнэсас, ёнэ плэскирэнас тукэ эмеральдоса (карбунколоса), лолэ, розсудэ тханэнца, висонитконэ ризэнца, коралэнца и рубинэнца. ¹⁷ Юдея и Израилёскири пхув тимисякирэнас туса. Палдова, со ту бикнэсас, плэскирэнас Минифоскирэ парнэ гивэса, гудлыпнаса, ягвинэса, каштунэ ксилэса и бальзамоса. ¹⁸ Куч

джалас Тырo бикныбэн Дамаскоса, конэстэ сыс барo барвалыпэн, ёв бикнэлас тукэ Хелбоносири мол (вино) и парны вълна (шэрьс). ¹⁹ Дано и адякэ-паць Явано Узалостыр плэскирэнас тукэ, псири одорик-палэ, пал дова, со ту бикнэсас, выкэрдэ састырэса; кассия, духмяно тришчына джанас пэ паруибэн. ²⁰ Дедано тимисякирэлас (кофинэлас) туса кучонэ цэргэнца (дэкэнца) тэ традэн уклистэ. ²¹ Аравия, сарэ Кидароскирэ тхагарья, парувэнас туса: парувэнас бакрорьенца, бакрэнца, бузнэнца (козлэнца). ²² Тылгарья (күпцы) Саватыр и Раематыр тимисякирэнас туса. Кучонэ кхандыпнэнца, разнэнэ кучонэ барэнца и сувнакаса плэскирэнас туса пал дова, со ту бикнэсас. ²³ Харано, Ханэ, Едено, Савакирэ тылгарья, Асуро и Хилмадо тимисякирэнас туса. ²⁴ Ёнэ тимисякирэнас туса кучонэ выкэдымэ урибнэнца – пхарунэ и россудэ тханэнца, савэ ёнэ янэнас пэ тырo тарго дрэ куч мохтэ (яшчыки), со сыс кэрдэ кедростыр, савэ сыс миштэс притасадэ. ²⁵ Пармы (корабли) Фарсисостыр лыджанас сарo, соб (кай) тэ джал Тырo бикныбэн; ту яцян барвалo, розгийпэ тыри слава машкир мoрe (дэрьяв). ²⁶ Нэ кодолэ мануша, савэ кэрэнас буты пэ ровля пэ тутэ, лыджинэ тут дро барo пани, нэ восточно балвал розмардя тут машкир мoрe (дэрьяв). ²⁷ Тырo барвалыпэн, тырэ товары, тырэ барэ пиралэ (склады) – дова, со ту рахэсас; мануша, савэ кэрэнас тырэ барки (лодки), мануша, савэ закэрэнас тырэ промардэ штэты, савэ лыджанас тырo бикныбэн, сарэ халадэ тырэ, савэ сыс тутэ; сарэ трэ бут мануша, кон сыс тутэ, дро тырo пэрибнаскиро дывэс, пэрэна дро морёскиро (дэрьявэскиро) хорипэн. ²⁸ Лоцманэнгирэ годлатыр, савэ лыджанас тырэ пармы, лэла тэ издрал пхув. ²⁹ И зджана пэ брэго тырэ пармэндэр сарэ мануша, савэ гребинэнас ровленца, савэ плывинэнас пэ лэндэ, и савэ лыджанас лэн, штавэна пэ пхув. ³⁰ И заровэна пал тутэ зоралэ заняса, и явэна тэ ровэн киркэс пал тутэ, чхувэна праска (пепло), пэ пэскирэ шэрэ и явэна тэ равэнпэ дро прахо. ³¹ Ёнэ обчхинэна пэскирэ балэ сарэса пал тутэ, урьена пэ пэстэ балытка гонэ праскаса, и заровэна пал тутэ илэскирэ дукхатыр барэ роибнаса. ³² Дрэ пэскиро тугипэн (жалость) ёнэ забагана роибнытко гилы пал тутэ, адякэ ёнэ явэна тэ обровэнпэ пал тутэ: ‘Савo сыс фoро, сыр Тiро, со сыс роспахигрдо машкир мoрe (дэрьяв)!’ ³³ Кэли явэлас морёстыр (дэрьявэстыр) дова, со ту бикнэсас, то ту чалякирэсас бутэ манушэн тырэ барвалыпнаскирэ бутыпнаса, тырэ бикныбнаса ту барвалякирэсас пхувьенгирэ кральён. ³⁴ А кэли тут розмардя барo пани пэ само хорипэн, то сарэ товары, со ту бикнэсас, сарo; со пхэрдэс сыс дрэ тутэ, пыя дро само хорипэн. ³⁵ Сарэ мануша, савэ дживэнас пэ островы, дивиндлэпэ трашаса тутыр, лэнгирэ кралья заиздрандынэ, парудяпэ лэнгиро муй пхарипнастыр. ³⁶ Тимисярья (торговцы) явирэ народэндэр, дынэ шоля (свистиндлэ) пал тутэ, ту кэрдянпэ сыр траш, и ту на явэса тэ дживэс бутэдыр.”

Шэрo 28

Ангилпхэныбэн пал Тироскирэ Кралиэстэ

¹ И сыс кэ мэ Раскирэ-Дэвлэскиро лав дасаво: ² “Манушэскиро чхава! Пхэн тхагарискэ пэ Тiро: адякэ ракирэла Рай Дэвэл, Дэвэл: пал-дова, со древан пхутькирдо яця тырo илo, и ту ракирэса: “Мэ сом Дэвэл, бэшав пэ дэвлытко штэто дро морёскиро (дэрьявэскиро) машкиралыпэн”, пал-дова со ту сан мануш, а на Дэвэл, нэ ту думинэса, со ту сан дасаво годявэр, сыр Дэвэл: ³ акэ, ту сан годьварэдыр Даниелёстыр, нанэ чораханыбэн, со ту на джинэсас. ⁴ Тырэ шэрэса, тырэ годяса ту заухтылдян дасаво барвалыпэн, и скэдыан пэскэ руп и сувнакай. ⁵ Тырэ годяса, тырэ бикныбнастыр, ту кэрдян, соб (кай) тэ явэл Тырo барвалыпэн ишчо (инкэ) бутэдыр, и тыри годы яця тэ пхутёл тырэ барвалыпнаса. ⁶ Палдава адякэ ракирэла Рай Дэвэл, Дэвэл: “Кoли ту думинэса дро пэскиро илo, со ту сан дасаво годявэр, сыр Дэвэл, ⁷ то, акэ, Мэ янава пэ тутэ манушэн явирэ пхувьендыр, савэ исын древан захалэ; ёнэ выджана пэскирэ курталэнца пэ тырэ – годякиро шукарибэн, ёнэ магирэна тут, соб (кай) ту на явэс бутэдыр дасаво шукар райканыткэс, сыр сáнас. ⁸ Ёнэ залыджана тут дрэ магила и ту мэрэса дро морёскиро (дэрьявэскиро) илo, сыр мэрэна мулякирдэ мануша. ⁹ Пхэнэса ци ту тэды тырэ мулякирибнаскирэскэ: ‘Мэ сом дэвэл’, – кoли дрэ лэскиро васт,

кон мулякирэла, тут ту явэса сыр мануш, а на сыр дэвэл? ¹⁰ Ту мэрэса наобчхиндлэ-манушэнгирэ вастэстыр, ту мэрэса сыр мэрэна мануша, пал-дова со Мэ пхэндём дава”, – ракирэла Рай Дэвэл, Дэвэл.”

Ровибэн пал Тироскирэ Кралістэ

¹¹ И сыс кэ мэ Рáскирэ-Дэвлэскиро лав дасаво: ¹² “Манушэскиро чхава! Ров пал Тироскирэ кралістэ, пхэн лэскэ: ‘Адякэ ракирэла Рай Дэвэл, Дэвэл: Нанэ годьварэдыр тۇтыр, нанэ гожэдыр тۇтыр. ¹³ Ту сáнас кэ Эдóмо, дрэ Дэвлэскири ўнта (садо), пэ тырó урибэн сыс куч барá: рубино, топазо и мирикло (алмазо), хризолито, ониксо, ясписо, сапфиро, карбункуло и якхори (изумрудо) сувнакаса, сарó дава, куч кэрдó, сыс уридó пэ тۇтэ; сарó дава сыс кэрдó дро дывэс, кóли ту сáнас создыно. ¹⁴ Ту сáнас помакхно херувимо, соб (кай) тэ раххэс, и Мэ чхудём тут ваш дава. Ту сáнас пэ свэнтó Дэвлэскири бэрга, псирэсас машкёр хачкирдэ барá ягáса. ¹⁵ Ту сáнас пхэрдэс создыно: лачхó дрэ тырэ дромá, дывэсэстыр, кели ту сáнас создыно, нэ латхяпэ дрэ тۇтэ чорипэн. ¹⁶ Барэ тырэ бикныбнастыр дрэ тырó андрыпэн загий начачипэн, ту кэрдян грэхó; Мэ чхурдыём тут тэлэ, сыр магирдэс Дэвлэскирэ бэргáтыр, Мэ хасякирдём тут, раххно херувимо, хачкирдэ барэндыр дрэ маширалыпэн. ¹⁷ Тырэ гожыпнастыр пхутия тырó илó; Тырэ пхутькирибнастыр пал тырй шук ту хасякирдян Тырй годы, палдава Мэ чхурдава тут тэлэ пэ пхув, Мэ отдава тут пэ ладж ангил кральэндэ, соб (кай) ёнэ тэ дыкхэн палáл. ¹⁸ Тырэ бут-молытконэ чорипнаса, Тырэ хоханэ бикныбнастыр Ту магирдян Тырэ свэнта штэты; Мэ дорэсава яг одотхёр, кай ту дживэса, яг, сави зхала тут; Мэ кэрава тۇтыр прáска (пепло) пэ пхув ангил сарэнгирэ якхá, кон дыкхэла тут. ¹⁹ Сарэ, кон джинэлас тут машкёр манушэндэ, явэна тэ дивинэнпэ трашаса пал тۇтэ, тۇтыр явэла дар, ту на явэса бутэдыр тэ дживэс.”

Ангилпхэныбэн Пал Сидоно

²⁰ И сыс кэ мэ Рáскирэ-Дэвлэскиро лав дасаво: ²¹ “Манушэскиро чхава! Рисёв тырэ мóса кэ Сидоно, ráкир пэ лэстэ ангилпхэныбэн, ²² Пхэн: ‘Акэ, Мэ выджава пэ тۇтэ, Сидоно, тэ прославинавапэ машкёр тۇтэ, и галёна, со Мэ сом Рай Дэвэл, Дэвэл, кели Мэ явава тэ сэндякирав лэс, и кели Мэ сыкавава Пэс пир лэстэ, со Мэ сом Свэнтó. ²³ Пал-дова со Мэ бичавава пэ лэстэ мэрибнытка фрáнсы (фуя), рат явэла тэ чхувэлпэ пэ вулицы (гáсы), гáсы, пэрэна машкёр лэстэ домардэ курталáтыр, сави домарэла лэс сарэ ригэндыр, и тэньчи ёнэ галёна, со Мэ сом Рай Дэвэл, Дэвэл.’

Со Явэла Израилёса

²⁴ На явэла ёв бутэдыр ваш Израилёскиро кхэр сыр пхусадытко хрúсто, сыр жылто хрúсто сувьенца дыкхады чар? На явэла ниéкх тэ газдэлпэ пэ Израилёскиро кхэр бутэдыр явирэ манушэндыр, савэ дживэна пашыл Израилё, и тэньчи ёнэ галёна, со Мэ сом Рай Дэвэл, Дэвэл.

Израилёскиро Бахтылыпэн

²⁵ Адякэ ракирэла Рай Дэвэл, Дэвэл: Кóли Мэ скэдава Израилёскиро кхэр народэндыр, машкёр савэ ёнэ исын рострадынэ; то Мэ сыкавава пэ лэндэ, со Мэ сом Свэнтó, соб (кай) тэ дыкхэл манушэнгиро рóдо; ёнэ явэна тэ дживэн пэ пэскири пхув, сави Мэ дыём Мирэ писхарйскэ, Яковóскэ. ²⁶ Тэньци ёна явэна тэ дживэн пэ пхув, на явэна тэ дарэн никонэстыр, кэрэна кхэрá, явэна тэ барьякирэн виноградоскирэ унты (сады); на явэна тэ дарэн никонэстыр, пал-дова со Мэ явава тэ сэндякирав сарэ лэнгирэ вэргэн, и галёна, со Мэ сом Рай Дэвэл, энгиро Дэвэл.”

Шэрó 29

Ангиллхэныбэн Пал Египто

¹ Дро дэшто бэрш, дро дэшто чхон, пэ дэшудуенгиро чхоньтко дывэс сыс кэ Мэ Рáскирэ-Дэвлэскиро лав дасаво: ² “Манушэскиро чхава! Рисёв Тьрэ мóса кэ Фараóно, Египтóскиро крáли, пхэн пир лав ангиллхэныбэ пэ лэстэ и пэ сарó Египто. ³ Рáкир и пхэн: ‘Адякэ ракирэла Рай Дэвэл, Дэвэл: “Акэ, Мэ выджава пэ тýtэ фараóно, Египтóскиро крáли, барó крокодило, савó пасёла машкíр рэки (лэнь) и ракирэла: “Мирí исын дай рэка (лэнь), Мэ кэрдём ла ваш пэскэ.” ⁴ Нэ Мэ чхурдава нангло (крюко) дро тьрó кирло, кэ Тьрí цыпа притырдава мачхэн Тьрэ рэкэндьр (лэнорьендыр), вытырдава тут Тьрэ рэкэндьр (лэнорьендыр) сарэ мачхэнца, савэ исын прилипиндлэ кэ тьрэ луски (чэшуя). ⁵ И чхурдава Мэ тут пэ чхучí пхув, тут и сарэ мачхэ тьрэ рэкэндьр (лэнорьендыр), ту пэрэса пэ откэрдь фэлда, на залэна, на газдэна, Мэ тут отдава, соб (кай) тэ хан пхувитка rischiрибнаскиро мурдала (звери), болыбнýtка чирикля. ⁶ И галёна сарэ, кон дживэла кэ Египто, со Мэ сом Рай Дэвэл, Дэвэл, пал-довá со ёнэ сыс ваш Израилёскиро кхэр, сыр тришчынытко (тростникитко) дэстó тэ подрикирэл. ⁷ Кóли ёнэ ухтылдэпэ пал тýtэ вастэса, ту роспхарадыанпэ, роспусадян сарó пэскиро псикó, кóли ёнэ лынэ тэ рикирэмпэ пал тýtэ, ту пхадиян, розрандыан сарэ лэнгирэ маса.” ⁸ Палдава адякэ ракирэл Рай Дэвэл, Дэвэл: “Акэ, Мэ янава пэ тýtэ куртала, хасякирава тýtэ манушэн и гурувэн. ⁹ И скэрлапэ Египтóскири пхув чхучэ пхувьяса и галёна, со Мэ сом Рай Дэвэл, Дэвэл. Палдовá со ёв ракирэла: ‘Мирí исын рэка (лэнь), Мэ создыём ла,’ ¹⁰ Акэ, Мэ подджава пэ тьрэ рэки (лэнь), Мэ кэрава Египтóскирэ пхувьятыр чхучí пхув, со на явэла чхучэдыр латыр; мёжы Мигдолостыр кэ /жýко, Сиена, кэ Ефиопиякирэ мёжы. ¹¹ На явэна тэ псирэн одой манушá, на явэна тэ псирэн одой кхэрítка мурдала (ското); на явэна тэ дживэн пэ латэ штардэшá бэрш. ¹² И Мэ кэрава Египтóскири пхув чхучэ пхувьяса машкíр обчордэ пхувья, лáкирэ фóрья, машкíр фóрья, катыр гинэ манушá, явэна чхучэ штардэшá бэрш; Мэ рострадава Египтянэн пир народы, роспхурдава лэн пир пхувья.” ¹³ Адякэ ракирэл Рай Дэвэл, Дэвэл: “Кóли проджана (накхэна) штардэшá бэрш, Мэ скэдава Египтянэн народэндьр, машкíр савэ ёнэ явэна вытрадынэ. ¹⁴ Мэ rischiрава Египто наволятыр, Мэ янава лэн пэ пхув Парфос, пэ пхув, кай ёнэ сыс бияндлэ, одой явэна ёнэ назоралэ кралипнаса. ¹⁵ Кралипэн явэла бизорьякиро, на явэла дасаво, сыр явír кралипэнá, на явэла бутэдыр тэ газдэлпэ пэ народы. Мэ тэлякирава лэн, соб (кай) тэ на припхэнэн ёнэ народэнгэ, ¹⁶ и на явэна бутэдыр подрикирибнаса Израилёскирэ кхэрэскэ, а савó рипирлас лэнгиро грéхо, и галёна, со Мэ сом Рай Дэвэл, Дэвэл.” ¹⁷ Дрэ биш тэ эфтáто бэрш, дро пэрво чхон, пэ пэрво чхоньтко дывэс, сыс кэ мэ лав Рáстыр-Дэвлэстыр дасаво: ¹⁸ “Манушэскиро чхава! Навуходоносóро, Вавилонóскиро крáли, кхинякирдя пэскирэ халадэн барэ бутяса пашо Тíро; пэ сарэ шэрэ выпынэ бала, сарэ псикэ исын скхоснэ, а ни лэскэ, ни лэнгирэ халадэнгэ нанэ ловэ Тиростыр пал буты, савí ёв кэрэла. ¹⁹ Палдава адякэ ракирэла Рай Дэвэл, Дэвэл: “Акэ, Мэ дава Навуходоносороскэ, Вавилонóскирэ кралíскэ, Египтóскири пхув, соб (кай) ёв тэ залэл лáкиро барвалыпэн, тэ обчорэл ла тэ чорэл дова, со ёй чордя, дава явэла награда (мазýри) лэскирэ халадэнгэ. ²⁰ Сыр мазýри пал буты, савí ёв кэрдя, Мэ отдава лэскэ Египтóскири пхув, палдава со ёнэ кэрдэ дава ваш Мánгэ”, – пхэндя Рай Дэвэл, Дэвэл. ²¹ “Дро дова дывэс Мэ кэрава зоралэса Израилёскиро кхэр (riskирава шынг/ рóго Израилёскирэ кхэрэскэ), и тýкэ откэрава уштá машкíр лэндэ, и галёна со Мэ сом Рай Дэвэл, Дэвэл.”

Шэрó 30

Кало Египтóскиро Дывэс

¹ И сыс кэ мэ Рáскирэ-Дэвлэскиро лав дасаво: ² “Манушэскиро чхава! Пхэн пир лав ангилпхэныбэн и пхэн: адякэ ракирэл Рай Дэвэл, Дэвэл: ‘Ровэн! О! бибахталó дывэс, ай! ³ Подджала дывэс, подджала дывэс Рáскирэ-Дэвлэскиро, калó дывэс, явдя народонэнгиро часо (цыро). ⁴ Куртáла явэла пэ Египто, траш явэла дрэ Ефиопия, ко́ли явэна тэ пэрэн дро Египто домардэ манушá, ко́ли залэна лэскиро барвалыпэн, распхагирэна лэскирэ фундаменты тэл ванты. ⁵ Ефиопия и Ливия, и Лидия, и сарó скэдыно́ кхэтанэ наро́до, и Хубо (Кувия), и чхавэ заветоскирэ пхувья́тыр пэрэна кхэтанэ лэнца курталáтыр.’ ⁶ Адякэ ракирэла Рай Дэвэл, Дэвэл: “Пэрла Египтóскиро подрикирибэн, ёв на явэла тэ пхутёл пэскирэ зорьяса, пэрла Лэскиро пхутькирибэн. Мигдолостыр кэ/ жы́ко Сиена явэна тэ пэрэн дрэ лэстэ курталáтыр”, – пхэндя Рай Дэвэл, Дэвэл. ⁷ “Явэла ёв чхучо машки́р чхучэ пхувья́; лэскирэ фо́рья явэна машки́р чхучэ фо́рья. ⁸ И ёнэ галёна, со Мэ сом Рай Дэвэл, Дэвэл, ко́ли бичхавáва Мэ яг пэ Египто и пэрла сарó лэскиро подрикирибэн. ⁹ Дро ко́дова дывэс явэна Мандыр манушá, савэ лыджáна звесь (нэвипэн), ёнэ потрадэна пэ па́рмы (корабли), соб (кай) тэ страхакирэн биракхибнаскирэ, Ефиоплянэн, явэла лэндэ траш, сыр дрэ Египтóскиро дывэс, акэ, ёв джáла.” ¹⁰ Адякэ ракирэла Рай Дэвэл, Дэвэл: “Навуходоносороскирэ, Вавилонóскирэ крали́скирэ вастэса, Мэ кэра́ва, со на явэла дро Египто манушэнгиро бутыпэн. ¹¹ О Навуходоносóро, и лэса лэскиро наро́до, захало наро́до, явэна, соб (кай) тэ хасякирэн да́я пхув, вы́лэна пэскирэ курталы (мечы) пэ Египто, пхэрдякирэна пхув домардэ манушэнца. ¹² И Мэ вышутькирава рэ́ки (лэня́), и отда́ва пхув дрэ захалэ-манушэнгирэ вастá, явирэ-пхувьенгирэ манушэнгирэ вастэса Мэ кэра́ва, соб (кай) тэ явэл када́я пхув и сарó, со исын пэ ла́тэ, чхучэ (пусто). Мэ, Рай Дэвэл, Дэвэл, пхэндём дава́. ¹³ Адякэ ракирэла Рай Дэвэл, Дэвэл: “Мэ залава йдолы, Мэ хасякира́ва хоханэ дэвлорэ дро Мемфисо, на явэла бутэды́р тхагарис Египтóскирэ пхувья́тыр; Мэ яна́ва дар пэ Египтóскирэ пхув. ¹⁴ Мэ кэра́ва адякэ, со Пафросо явэла чхучо́, Мэ бичхавáва яг пэ Цоано, Мэ ява́ва тэ сэндякирав Но. ¹⁵ И вычхува́ва Мэ Мири́ холы́ пэ Сио́но, Египтóскиро зоралыпэн, и хасякира́ва дрэ лэстэ манушэнгиро бутыпэн. ¹⁶ И бичхавáва Мэ яг пэ Египто: заиздрала Син, и Но пэрэла, пэ Мемфисо явэна вэ́рги (вроги) дывэсэ. ¹⁷ Тэрнэ манушá Оностыр и Бубастыр пэрэна курталáтыр, а яви́р джáна дрэ наво́ля. ¹⁸ Дро Тафнисо явэла калó дывэс, ко́ли Мэ распхагирава одо́й Египтóскиро га́мо, на явэла бутэды́р дрэ лэстэ пхутькирдо зоралыпэн. Облоко заке́рла лэс, лэскирэ чхая́ джáна дрэ наво́ля. ¹⁹ Адякэ ява́ва Мэ тэ сэндякирав Египто, и ёнэ галёна, со Мэ сом Рай Дэвэл, Дэвэл.” ²⁰ Дро дэшупэрво бэрш, дро пэрво чхон, пэ эф́та́то (битринэнгиро дэ́што) чхоны́тко дывэс сыс кэ мэ Рáскирэ-Дэвлэскиро лав дасаво; ²¹ “Манушэскиро чхава! Мэ пхагирдём псикó фараонóскэ, Египтóскирэ крали́скэ. Акэ, псикó на ишчо (инкэ) исын обпхандло, соб (кай) лэскэ тэ высастёл, на ишчо (инкэ) запхандло ваш састякирибэн, савэстыр лэлас бы ёв зор тэ рикирэл куртáла (мечо). ²² Палдава́ адякэ ракирэла Рай Дэвэл, Дэвэл: “Акэ, Мэ выджава пэ фараоностэ, Египтóскирэ крали́стэ, Мэ пхагирава лэскирэ псикé, састó и пхагирдо́, и выпэрэла куртáла лэскирэ вастэстыр. ²³ И рострадава Мэ Египтянэн пир народы, и распхурдава лэн пир пхувья́. ²⁴ А Вавилонóскирэ-крали́скирэ псикé кэра́ва Мэ зоралэ псикэ́са, Мэ да́ва лэскэ дрэ васт Мири́ куртáла. Фараонóскирэ псикé распхагирава, ёв исын насвалó, ёв явэла тэ ровэл ангил Лэстэ. ²⁵ Мэ кэра́ва Вавилонóскирэ-крали́скирэ псикé зоралэ псикэнца, а Фараонóскирэ вастá мэкэнапэ, и ёнэ галёна, со Мэ сом Рай Дэвэл, Дэвэл, ко́ли Мэ да́ва Мири́ куртáла Вавилонóскирэ крали́скэ, и ёв газдэ́ла ла пэ Египтóскиро пхув. ²⁶ И рострадава Мэ Египтянэн пир народы, и распхурдава лэн пир пхувья́, и ёнэ галёна, со Мэ сом Рай Дэвэл, Дэвэл.”

Шэрó 31

Егíпто Чингирдо Тэлэ сыр Барó Кашт (Дрэво)

¹ Дро дэшупэрво бэрш, дро трýто чхон, пэ пэрво чхонýтко дывэс сыс кэ мэ Рáскирэ-Дэвлэскиро лав дасаво: ² “Манушэскиро чхава! Пхэн фараонóскэ, Египтóскирэ кралýскэ и лэскирэ народоскэ: ‘Конэса ту кэрэса пэс равнóнэса дро тырó барипэн?’ ³ Акэ, Асуро сыс кедро пэ Ливáно, шукаронэ ранденца (веткэнца), бутэ патренца (листэнца); сыс вучó кашт; лэскиро упралыпэн сыс машкír барэ вэтки. ⁴ Пани лэс барьякирэлас, пхув лэс газдэлас, лáкирэ рэки (лэня) сыс пашýл лэстэ; ёй бичхавэлас пэскиро пани кэ сарэ фэлдытка каштá (дрэвы). ⁵ Палдава лэскиро вучипэн сыс вучэдýр сарэндýр фэлдытконэ каштэндýр; сыс пэ лэстэ бут сэнкицы; барьёнас лэскирэ рандя (вэтки), сэнки лэскирэ кэрэнаспэ длугонэнца панескиро бутыпнастыр, кóли розбарьёлас дава кашт. ⁶ Пэ лэскирэ сэнкицы кэрэнас пэскэ гнязды (кúфы) рáзна болыбнýтка чирикля; тэлал лэскирэ вэтки барьякирэнас тыкнорэн (чхавринэн) рáзна фэлдытка мурдалá (звери); тэло кадалэ-каштэскири зэр (тень) дживэнас рáзна народы, конэс сыс бут. ⁷ Ёв сыкавэлас пэскиро гожыпэн пэскиро вучипнастыр, пэскирэ длуга вэтки, пал-дова со лэскиро корнэ (рукх) сыс пашýл барó Египтóскирэ пани. ⁸ Кедры дрэ Дэвлýтко ýнта (садо) на закэрэнас лэс пэса, кипарисы на сыс равна лэскирэ сэнкицэнгэ, ни екх кашт (дрэво) дрэ Дэвлýтко ýнта на сыс дасаво шукар, сыр ёв. ⁹ Мэ укэдыём лэс бутэ лэскирэ ранденца, сарэ Эдэмоскирэ каштá дрэ Дэвлýтко ýнта (садо) дыкхэнас пэ лэстэ. ¹⁰ Палдава адякэ пхэндя Рай Дэвэл, Дэвэл: “Пал дова, со ёв выбария древáн вучó, и чхудя тырó упралыпэн машкír барэ сэнки, и лэскиро илó пхутия лэскирэ славатыр, ¹¹ палдава Мэ отдыём лэс дрэ народонэнгирэ-кралýскирэ вастá; ёв кэрдя лэса, сыр трэй; пал лэскири злыднима Мэ отгиём лэстыр. ¹² И счиндлэ лэс явирэ-пхувьенгирэ манушá, дасавэ захалэ, со нанэ бутэдýр дасавэн дрэ народы, и ёнэ чурдынэ лэс пэ бэрги, пэ сарэ фэлды пынэ лэскирэ вэтки, лэскирэ, сэнки обпхагирдэпэ пэ сарэ лэнги; гинэ криг зэрьятыр (тенёстыр) сарэ пхувитка народы, и ячядэ лэс. ¹³ Пэ лэскирэ ропхагирибэна лынэ тэ дживэн рáзна болыбнýтка чирикля, дрэ лэскирэ сэнки сыс рáзна фэлдытка мурдалá (звери). ¹⁴ Ваш дова, соб (кай) нисавэ каштá пашýл пани тэ на пхутёнас, со выбаринэ ёнэ дасавэ барэ, на газдэнас пэскиро упралыпэн барэ сэнкицэндýр, соб (кай) на тырдэнаспэ кэ ёнэ, пал-дова со ёнэ исын дасавэ барэ каштá, савэ пьена пани; сарэ ёнэ мэрэна, джána пэскэ пэ дова свэто кхэтанэ манушэскирэ чхавэнца, савэ мынэ.” ¹⁵ Адякэ ракирэла Рай-Дэвэл, Дэвэл: “Дро дова дывэс, кóли ёв мыя, Мэ кэрдём роибэн пал лэстэ, закэрдём ваш лэскэ пхув, на дыём, соб (кай) тэ тхадэн лáкирэ рэки (лэня), закэрдём барó пани, и дыя тангипэн пал лэстэ Ливáно, и сарэ фэлдытка каштá тангинэнас Лэс. ¹⁶ Шумибнаса лэскирэ пэрибнастыр Мэ дыём дар народэнгэ, кóли отлыджиём лэс пэ дова свэто, кэ манушá, савэ мынэ, и радынэнаспэ пэ дова свэто сарэ Эдэмоскирэ каштá, сарэ лачхэ Ливаноскирэ, сарэ, кон пьела пани. ¹⁷ И ёнэ гинэ лэса пэ дова свэто кэ домардэ курталáса, и кодолэ, савэ сыс лэса дро доракирибэн, савэ дживэнас тэл лэстэ, машкír народы. ¹⁸ Адякэ, конэса Эдэмоскирэ каштэндýр ту равнинэса дрэ Тырý слава, дро Тырó барипэн? Нэ аканá кхэтанэ Эдэмоскирэ каштэнца ту джáса пэ дова свэто, ту явэса тэ пасёс машкír наобчхиндлэндэ, кхэтанэ домардэ курталáса. Кадава исын фараóно и лэскирэ-народоскиро бутыпэн,” – ракирэла Рай Дэвэл, Дэвэл.

Шэрó 32

Лав Пал Египтóскиро Хасибэн

¹ Дро дэшуявир бэрш, дро дэшуявир чхон, пэ пэрво чхонýтко дывэс сыс кэ мэ Рáскирэ-Дэвлэскиро лав дасаво: ² “Манушэскиро чхава! Ров пал фараонóстэ, Египтóскирэ кралýстэ, пхэн лэскэ: ‘Ту сан сыр тэрнó шчэр (лёво) машкír народы, сыр дарано мурдал (зверё) дро мóрё (дэрьяв), ту чхурдэсапэ дрэ тырэ рэки (лэня), газдэса пани тырэ гэрэнца.” ³ Адякэ

ракирэла Рай Дэвэл, Дэвэл: “Мэ зачхурдава пэ түтэ Мири кхуды (сеть) дрэ бутэ-народонэнгиро скэдыибэн, ёнэ вытырдэна тут ласа. ⁴ И вычхурдава Мэ тут пэ пхув, чхурдава Мэ тут пэ откэрды фэлда, и явэна тэ бэшэн пэ түтэ рэзна болыбнётка чирикля, явэна тэ хан тут рискирбнаскирэ мурдала (звери) сарэ пхувьятыр. ⁵ И росчхурдава Мэ тырo мас пир бэрги, и долы, и пхэрдякирава Мэ тырэ долы трупэнца. ⁶ Пхувьякэ, кай ту плавинэсас (дэсас плима), Мэ дава, соб (кай) тэ пьел Тырo рат кэ /жыко лакирэ бэрги, сарэ ровы одой явэна пхэрдэ туса. ⁷ Коли ту мурдэса, Мэ закэрава болыбэн, Мэ мурдякирава лэнгирэ чэргэня, Мэ закэрава кхам облокоса, чхон на явэла тэ хачол. ⁸ Сарэ дуда (светилы), со хачона пэ болыбэн, Мэ мурдякирава, Мэ янава рат пэ тыри пхув, – ракирэла Рай Дэвэл, Дэвэл ⁹ Зачилавава Мэ ило бутэ-народонэнгиро, коли роспхэнава пал тырo пэрибэн машкир народы, пир пхувья, савэ ту на джинэсас. ¹⁰ И пиритрашавава Мэ туса бут народы; лэнгирэ кралья издрана дрэ дар пал түтэ, коли газдава Мэ Мири куртала ангил лэнгиро муй, явэла тэ издрал кажно лэндыр кажно мэнта (минута) пал пэскиро ди дрэ тырэ-пэрибнаскиро дывэс. ¹¹ Адыкэ ракирэла Рай Дэвэл, Дэвэл: “Вавилонэскирэ-кralьскири куртала явэла пэ түтэ. ¹² Зоралэ манушэнгирэ курталатыр пэрэла Тырo народо, сарэ ёнэ исын древан захалэ; ёнэ хасякирэна Египтэскиро пхутыкирибэн; и хасёла сарo лэскиро бутыпэн. ¹³ И Мэ хасякирава сарэ Лэскирэ кхэритконэ мурдалэн (ското), пашыл барo пани; на газдэла блата бутэдыр дро пани манушэскири гэрoй, на газдэла блата дро пани гурувэнгиро копыто (най/кхурвал). ¹⁴ Тэньци дава Мэ штылыпэн лэнгирэ панескэ, кэрава адыкэ, со потхадэна лэнгирэ рэки (лэня), сыр ксил, – ракирэла Рай Дэвэл, Дэвэл. ¹⁵ Кэли Мэ кэрава Египтэскири пхув чхучэ пхувьяса, коли нашавэла пхув сарo, со пхэрдякирэла ла, кэли хасякирава сарэн, кон дживэла пэ пхув, тэньчи ёнэ галёна, со Мэ сом Рай Дэвэл. ¹⁶ Акэ, исын роибнётко гилы, сави явэна тэ баган: народонэнгирэ чхая явэна тэ баган ла; пал Египто, пал сарo Лэскиро бутыпэн збагана ла”, – ракирэла Рай Дэвэл, Дэвэл. ¹⁷ Дро дэшуявир бэрш, дрэ дэшупанджто чхоньтко дывэс сыс кэ мэ Рэскирэ-Дэвлэскиро лав дасаво: ¹⁸ “Манушэскиро чхава! Заров пал Египтэскиро народо, чхурдэ лэс, лэс и славутнонэ-народэнгирэ чхаён дрэ хор штэты тэл пхув/одова свэто кхэтанэ одолэнца, кон скэдыяпэ тэ мэрэл, кон джала дрэ магила. ¹⁹ Фэдыр конэстыр ту сан? Джэ тэлэ, пасёв кхэтанэ одолэнца, савэ исын наобчхиндлэ. ²⁰ Ёнэ пэрэна машкир манушэндэ, савэ исын домардэ курталаса, и ёв исын отдынo курталакэ; тэрдэн лэс и пэскиро бутыпэн. ²¹ Пэ дова свэто явэна тэ ракирэн пал лэстэ и пал манушэндэ, савэ сыс лэса дро доракирибэн пэрва муршарья-мануша; ёнэ пынэ, ёнэ исын паштэ одой машкир одолэндэ, савэ исын наобчхиндлэ, куртала домардя лэн. ²² Одой исын Асурo и сарo лэскирэ-халадэнгиро скэдыибэн паш лэстэ, одой исын лэнгирэ мулыканэ (гробы), сарэ домардэ, кон пыя курталатыр. ²³ Лэскирэ мулыканэ чхудэ дрэ долэ-свэтоскиро хорипэн; лэскирэ-халадэнгиро скэдыибэн исын пашыл лэскири копліца, сарэ домардэ, кон пыя курталатыр, сарэ одолэ, савэ янэнас дар пэ джидэ-манушэнгири пхув. ²⁴ Еламо сарэ пэскирэ бутыпнаса исын пашыл лэскири копліца, сарэ ёнэ исын домардэ, сарэ пынэ курталатыр, сарэ на сыс обчхиндлэ и адыкэ гинэ пэ дова свэто; одолэ сыс мануша, савэ янэнас дар пэ джидэ-манушэнгири пхув и лыджана пэскири ладж кхэтанэ манушэнца, савэ мынэ. ²⁵ Машкир домардэндэ дынэ чхуибэн лэскэ Еламоскэ и сарэ лэскирэ бутыпнаскэ; пашыл лэстэ исын лэнгирэ мулыканэ, сарэ исын наобчхиндлэ, пынэ курталатыр, пал-дова со ёнэ янэнас пэса дар пэ джидэ-манушэнгири пхув, ёнэ лыджана пэ пэстэ ладж кхэтанэ одолэнца, кон мыя; лэн чхудэ машкир домардэндэ. ²⁶ Одой исын Мешэфо и Фувало сарэ лэнгирэ бутыпнаса; пашыл лэстэ исын лэнгирэ мулыканэ (гробы), сарэ исын наобчхиндлэ, домардэ курталаса, пал-дова, со ёнэ янэнас дар пэ джидэ-манушэнгири пхув. ²⁷ Ци на трэй лэнгэ тэ пасён славутнонэ муршарьенца-манушэнца, савэ на сыс обчхиндлэ, савэ пэскирэ халадытконэ скэдыибнаса гинэ пэ дова свэто/люно, чхудэ пэскирэ курталы пэскэ тэло шэрo, и яцяпэ лэнгиро чорипэн пэ лэнгирэ кокалы, пал-дова со ёнэ, сыр зоралэ, сыс дараса пэ джидэ-манушэнгири пхув. ²⁸ И ту явэса домардо машкир наобчхиндлэндэ, ту явэса тэ пасёс одолэнца, кон сыс домардо курталаса. ²⁹ Одой исын Эдомо, и лэскирэ кралья, и сарэ лэскирэ тхагарья, савэ на дарэнас никонэстыр, нэ чхудэ лэн машкир одолэндэ, кон сыс домардо курталаса; ёнэ пасёна кхэтанэ одолэнца, кон сыс набчхиндло, кон мыя. ³⁰ Одой исын одолэ,

кон сыс тхагáрья пэ паш-рат (северо), сарé ёнэ и сарé Сидоняни, савé гинé одорíк кхэтанé домардэ манушэнца. Ёнэ лынé ладж пэскирэ зоралыпнастыр, савó страхакирэлас сарé манушэн, и исын паштэ ёнэ кхэтанé, наобчхиндлэ манушэнца, савé пынэ курталáтыр, и лыджána пэскири ладж кхэтанé одолэнца, кон мыя. ³¹ Дыкхэла лэн фараóно, и на явэла тэ тангинэл пал пэскиро бутыпэн, савó пыя курталáтыр, фараóно и сарó лэскирэ-халадэнгиро скэдыибэн, – ракирэл Рай Дэвэл, Дэвэл. ³² Мэ розбуглякирава Мирí дар пэ джидэ-манушэнгири пхув, явэла чхудо фараóно и сарé лэскиро бутыпэн машкíр наобчиндлэндэ, кхэтанé домардэ курталáса манушэнца”, – ракирэла Рай Дэвэл, Дэвэл.

Шэрó 33

Ракхибнаскиро и Лэскири Зан (Звесь)

¹ И сыс кэ мэ Рáскирэ-Дэвлэскиро лав дасаво: ² “Манушэскиро чхава! Пхэн лав кэ чхавé Тырэ народóстыр, пхэн лэнгэ: ‘Кóли Мэ яна́ва курта́ла пэ вари-савí пхув, и долé-пхувьякиро наро́до лэ́ла пэстыр манушэс, и чхувэ́ла лэс пэстэ ракхибна́риса (стражоса). ³ Ёв дыкхэла курта́ла, савí джа́ла пэ пхув, забашавэ́ла дро ро́го (труба), пхэнэ́ла пал дава́ народоскэ. ⁴ И ко́ли вари-кон явэ́ла тэ шунéл башаибны́тко зан, нэ на зракхэ́ла пэс, тэ́ньчи, кéли курта́ла явэ́ла и заухтылэ́ла лэс, лэскиро рат явэ́ла пэ лэскиро шэрó. ⁵ Башаибны́тко зан ёв шунэ́лас, нэ на ра́кхэласпэ, лэскиро рат явэ́ла пэ лэскиро шэрó, а кон ра́кхэласпэ, одо́ва зракхця́я пэскиро джи́ибэн. ⁶ Кóли ж ра́кхибнаскиро дыкхця́, со джа́ла курта́ла, нэ на забаша́дя, на пхэндя́ пал дава́ народоскэ, тэ́ньчи, кéли явэ́ла курта́ла и залэ́ла джи́ибэн вари-конэ́с лэндыр, кадава́ явэ́ла ухты́лдо пал пэскиро грéхо, нэ лэскиро рат Мэ вы́родава ра́кхибна́рискирэ вастэ́стыр. ⁷ Тут, манушэскиро чхава, Мэ чху́дём ра́кхибна́скирэса Израилё́скирэ кхэ́рэскэ, ту явэ́са тэ шунэ́с лав Мирé уштэндыр, тэ явэ́са тэ сы́клякирэс лэн Ма́ндыр. ⁸ Кóли Мэ пхэна́ва злы́днитконэ́ манушэ́скэ: ‘Злы́дня ману́ш! Мэ́рэса мэри́бнаса’, – а ту на явэ́са тэ ра́кирэс ни́чй, соб (кай) тэ зракхэ́с злы́днитконэ́ манушэ́с лэскирэ дро́мэстыр, кодо́ва ману́ш мэ́рэла пал пэскири злы́днима, нэ лэскиро рат Мэ вы́родава Тырэ вастэ́стыр. ⁹ Кóли ж ту зракхэ́сас злы́днитконэ́ манушэ́с лэскирэ дро́мэстыр, соб (кай) ёв тэ джал кри́г одотхы́р, нэ ёв на гия́ пэскирэ дро́мэстыр, тэ́ньчи ёв мэ́рэла пал пэскиро грéхо, а ту зракхця́н Ты́ро ди. ¹⁰ Ту, манушэскиро чхава, а́дякэ пхэн Израилё́скирэ чхавэ́нгэ: “Тумé ра́кирэна а́дякэ: ама́рэ на́лчхэ рэ́нды, ама́рэ грéхи исын пэ а́мэндэ, амэ хасё́васа дрé лэндэ, сыр жé а́мэ́нгэ тэ джи́вас? ¹¹ Пхэн лэнгэ: ‘Тэ джи́ва́в Мэ’, – ракирэл Рай Дэвэл, Дэвэл: – на кама́м грéхитконэ́-манушэ́скирэ мэри́бэн, нэ соб (кай) тэ джал кри́г грéхитко ману́ш пэскирэ дро́мэстыр и тэ явэ́л джидó. Джáн кри́г, джа́н тумарé на́лчхэ дро́мэндыр, со́скэ трéй тэ мэ́рэн тумэ́нгэ, Израилё́скиро кхэ́р?” ¹² Ту, манушэскиро чхава, пхэн чхавэ́нгэ тырэ народóстыр: патяи́бэн дэ́влы́тконэ́-манушэ́скиро на зракхэ́ла лэс дро́ дывэ́с, кéли ёв кэ́рэла грéхо; грéхитко ману́ш на хасё́ла пал пэ́скро грéхо дро́ дывэ́с, кéли гия́ пэскирэ грéхостыр, а дэ́влы́тко ману́ш на ячэ́лапэ джидó пал пэ́скиро лачхó джи́ибэн дро́ дывэ́с, ко́ли кэ́рдя́ грéхо.

Дэвэл Сэндякирэла Чачунэс

¹³ Кóли Мэ пхэна́ва дэ́влы́тконэ́ манушэ́скэ, со ёв явэ́ла джидó, а ёв подуми́нэла, со на я́чкирэ́ла лэс лэскиро дэ́влы́тко джи́ибэн и ёв кэ́рэла хо́хаибэн – то на при́рипи́рнапэ сарé лэскирэ дэ́влы́тка рэ́нды, ёв мэ́рэла пэскирэ хо́хаибна́стыр, савó кэ́рдя́. ¹⁴ А ко́ли Мэ пхэна́ва грéхитконэ́ манушэ́скэ: ‘Мэ́рэса мэри́бнаса’, и ёв я́чкирэ́ла пэскирэ грéхи, и явэ́ла тэ кэ́рэл сэ́ндо и чачи́пэн. ¹⁵ То ко́ли адава́ грéхитко ману́ш отдэ́ла сыма́ды (зало́го), и ёв за́плэскирэ́ла пал пэ́скиро чори́бэн, и ёв явэ́ла тэ пси́рэл пир джи́ибна́скирэ за́ко́ны, и на явэ́ла тэ кэ́рэл чори́пэн, – кадава́ ману́ш явэ́ла джидó, на мэ́рэла. ¹⁶ Ниé́кх лэ́скирэ грéхэндыр, савé ёв кэ́рдя́, на при́рипи́рлапэ лэ́скэ; ёв я́ця́ тэ кэ́рэл сэ́ндо и чачи́пэн, ёв явэ́ла джидó. ¹⁷ А чхавé тырэ народóстыр ра́кирэна: ‘Нанэ чачу́но Рáскирэ-Дэвлэ́скиро дро́м’, ко́ли дава́

лэнгиро дром исын хоханó. ¹⁸ Кóли дэвлýтко мануш гия пóскирэ свэнтонé джиибнастыр, и лыя тэ кэрэл чорипэн – ёв мэрэла пал дова. ¹⁹ И кóли злыдня мануш ячадя пóскири злыднима, лыя тэ кэрэл сэндо и чачипэн, то ёв явэла джидó палó дава. ²⁰ А тумэ ракирэна: ‘Нанэ чачунó Рáскирэ-Дэвлэскиро дром!’ Мэ явава тэ сэндыкирав тумэн, Израилэскиро кхэр, кажнóнэс пир пóскирэ дромá.”

Ерусалимоскиро Пэрибэн

²¹ Дро дэшуявир бэрш, кóли амэн пиричхудэ тэ дживэн кэ Вавилóно, дро дэшто чхон, пэ пándжто чхонýтко дывэс, явдя кэ мэ екх мануш, савó зракхцяпэ Ерусалимóстыр и пхэндя: “Фóро исын рoспхагирдо!” ²² Нэ ёв ишчо (инкэ) на явдя кэ мэ, а бэльвэлé сыс пэ мándэ Рáскирэ-Дэвлэскиро васт. Ёв откэрдя мánгэ уштá англэдýр, сóса одовá мануш явдя кэ мэ злокоса (ранкоса). Откэрдэпэ Мирé уштá, Мэ на сóмас бичибакиро.” ²³ И сыс кэ Мэ Рáскирэ-Дэвлэскиро лав дасаво: ²⁴ “Манушэскиро чхава! Одолé, кон дживэла пэ штéты, савé ячнэ чхучé, пэ Израилэскири пхув, ракирэна: “Авраáмо сыс екхджинó и лэскэ дорэсцяпэ адáя пхув, амэн исын бут; палдава́ амóнгэ сыс дыны́ да́я пхув” ²⁵ Палдава́ пхэн лóнгэ: Адя́кэ ракирэла Рай Дэвэл, Дэвэл: “Тумэ хána ратéса, и газдэна тумарé якхá кэ тумарé йдолы, чхувэна рат, и камэна, соб (кай) адáя пхув тэ явэл тумарí?” ²⁶ Тумэ думинэна, со куртала подрикирэла тумэн, тумэ кэрэна джунгалé рэндý, екх тумэндýр магирэла – явирэскирэ ромня́, и камэна, соб (кай) пхув тэ явэл тумарí? ²⁷ Акэ, со пхэн лóнгэ: Адя́кэ ракирэла Рай Дэвэл, Дэвэл: ‘Тэ дживáв Мэ!’ Одолé, кон исын пэ обчордэ штéты, пэрэна курталáтыр, а одолéс, кон исын пэ фéлда, Мэ отда́ва, соб (кай) тэ хан лэс rischiбнаскирэ мурдалá (звери), а одолé, савé исын дрэ твáрдýми, дрэ гебарá (пешчэры), ёнэ мэрэна мэрибнытконэ фуендыр. ²⁸ Мэ кэра́ва да́я пхув чхучэдыр сарэндýр чхучé пхувьендыр, на явэла бутыдыр лáкиро пхутькирдо зоралыпэн; бэрги Израилэскирэ ячэна чхучé, никон на проджа́ла одóй. ²⁹ И ёнэ галёна, со Мэ сом Рай Дэвэл, Дэвэл, кóли пирискирава пхув чхучэдыр сарé чхучé пхувьендыр, пал сарé лóнгирэ джунгалé рэндý, савé ёнэ кэрэнас. ³⁰ А пал тóтэ, манушэскиро чхава, ракирэна чхавé Тырэ народóстыр пашы́л вáнта, дрэ кхэритка вударá, ракирэна екх екхэскэ, пшал пшалéскэ: ‘Джáн пашы́л, пошунэн, савó лав выгия́ Рáстыр-Дэвлэстыр.’ ³¹ Ёнэ явэна кэ ту сыр пэ манушэнгири скэдыны (сходка): бэшэна ангил тырó муй, Мирó наро́до, шунэна Тырэ дава́, нэ ёнэ на дживэна пир лóндэ. Ёнэ сы́рбы кхэлэнапэ лóнца дрэ пóскирэ уштá; лóнгиро илó тырдэлпэ пал барвалыпэн. ³² Акэ, ту сан ваш лóнгэ сыр багибнаскирэ кучонé заня́са, савó куч башавэла: ёнэ шунэна тырэ лавá, нэ на дживэна пир лóндэ. ³³ Нэ кóли пхэрдякирэлапэ – акэ, каканá пхэрдякирэлпэ, тэньчи ёнэ галёна, со сыс машкíр лóндэ прорóко.”

Шэрó 34

Пал Налачхэ Чхупнарьендэ

¹ И сыс кэ мэ Рáскирэ-Дэвлэскиро лав дасаво: ² “Манушэскиро чхава! Пхэн пир лав ангилпхэныбэн пэ Израилэскирэ чхупнарьендэ (пастырендэ), пхэн пир лав ангилпхэныбэн, пхэн лэн, чхупнарьенгэ: Адя́кэ ракирэла Рай Дэвэл, Дэвэл: ‘Бида Израилэскирэ чхупнарьенгэ, савé кокорé пэс чаравэнас! Ци на бакрэн трэй тэ чаравэн чхупнарьенгэ?’ ³ Тумэ ханас бакрэнгиро мас, урьенаспэ дрэ вýлна бакрэндýр, чхинэнас лачхэ бакрэн, а явирэн бакрэн на чаравэнас. ⁴ Назоралэн на подрикирэнас, насвала́ бакря́ на састякирэнас, на пирипхандэнас бакря́, савья́ дукхадэ, на rischiрэнас бакря́, савья́ утрадынэ, на родэн бакря́, сави́ нашадяпэ, а сыс ваш захалé лóнгэ и биковлыпнаскирэ хуланца. ⁵ И рoспрастындынэпэ ёнэ би чхупнарискиро, а кóли рoспрастындынэпэ, то кэрдэпэ кажнóнэ фэлдытконэ мурдалэскэ (зверёскэ) хабнаса. ⁶ Псирэна Мирé бакря́ пир сарé бэрги, пир кажно вучи́ бэргица, пир сарí пхув рoспрастандынэпэ Мирé бакря́, и никон на рoспхучэлпэ пал лóндэ, никон на родéла лэн. ⁷ Палдава́, чхупнарьялэ, шунэн Рáскирэ-Дэвлэскиро лав! ⁸

“Тэ дживав Мэ!” – ракирэла Рай Дэвэл, Дэвэл; пал дова, со ячадэ Мирэ бакрэн, соб (кай) тэ чорэн лэн, би чхупнарискиро кэрдэпэ Мирэ бакрjá хабнаса ваш кажно фэлдытконэ рискирибнаскирэ мурдалэскэ (зверёскэ) и Мирэ чхупнарья на родэнас Мирэ бакрэн, чаравэнас чхупнарья кокорэ пэс, а Мирэ бакрэн на чаравэнас, – ⁹ палдова, чхупнарьялэ, пошунэн Раскирэ-Дэвлэскиро лав. ¹⁰ Адjáкэ ракирэла Рай Дэвэл, Дэвэл: “Акэ, Мэ выджава сыр вэргэ пэ чхупнарьэндэ, залава Мирэ бакрэн лэнгирэ вастэстыр, Мэ на дава, соб (кай) тэ чаравэн ёнэ бакрэн дурэдыр, на явэна бутэдыр чхупнарья тэ чаравэн кокорэ пэс; Мэ залава Мирэ бакрэн лэнгирэ дандэндэр, и на явэна ёнэ лэнгирэ хабнаса.”

Лачхó Чхупна́ри

¹¹ Адjáкэ ракирэла Рай Дэвэл, Дэвэл: “Акэ, Мэ Кокорó латхава Мирэ бакрэн и обдыкхава лэн. ¹² Сыр чхупна́ри пропатякирэла пэскирэ бакрэн дро дова дывэс, ко́ли ёнэ роспрастандынэпэ, адjáкэ Мэ пиридыкхава сарэ Мирэ бакрэн, Мэ зракха́ва лэн сарэ штэтэндэр, карик ёнэ сыс рострадынэ дро калó дывэс облокэнца. ¹³ И Мэ вылыджава лэн народэндэр, Мэ скэда́ва лэн ригэндэр, Мэ яна́ва лэн пэ лэнгири пхув, Мэ ява́ва тэ чарава́в лэн пэ Израилёскири бэрги пашыл панескиро потоко, пэ сарэ адалакирэ-пхувъя́киро штэты. ¹⁴ Мэ ява́ва тэ чарава́в лэн пэ лачхó фэлды, лэнгири штала́ явэла пэ вучэ́ Израилёскирэ бэрги; одóй ёнэ явэна тэ откхинён дрэ лачхí штала́, ёнэ явэна тэ чаравэнпэ пэ лачхí фэлда, пэ бэрга́ Израилёскири. ¹⁵ Мэ ява́ва тэ чарава́в Мирэ бакрэн, Мэ ява́ва тэ ракхав лэн,” – ракирэла Рай Дэвэл, Дэвэл. ¹⁶ “Савí на́шады́пэ – одоля латхава, савí сыс утрадыны – одоля рискира́ва, савí сыс дукхады – одоля пирипхандава, а одоля, савí яця́ древáн тхулы и одоля, савí на кандэла – лэн хасякира́ва Мэ; Мэ ява́ва тэ чарава́в лэн чачипна́са. ¹⁷ А тумэн, Мирэ бакрэн, – адjáкэ ракирэла Рай Дэвэл, Дэвэл, – акэ, Мэ ява́ва тэ сэндякирав машки́р екхэ бакрjáтэ и явирэ бакрjáтэ, машки́р бакрjáтэ и бузнэстэ (козлостэ). ¹⁸ Наухтылла (на́доси), хай, тумэнгэ, со тумэ́ чаравэнпэ пэ лачхí фэлда? Нэ́ тумэ́ вымарэн гэрэнца дова, со яця́пэ пэ тумарí фэлда; пьен жу́жэ пани́, а дова, со яця́пэ, тумэ́ газдэна́ тумарэ́ гэрэнца дрэ́ бла́та. ¹⁹ А Мирэ бакрэнгэ́ приджалпэ́ тэ хан дова, со выштадэ́ (вытопчындрэ́) тумарэ́ гэрá; приджалпэ́ тэ хал дова, со тумарэ́ гэрá мэлякирдэ́.” ²⁰ Палдава́ адjáкэ ракирэла Рай Дэвэл, Дэвэл: “Акэ, Мэ Кокорó ява́ва тэ сэндякирав машки́р тхулэ́ бакрjáтэ и машки́р шукэ́ бакрjáтэ. ²¹ Кóли тумэ́ шпулэна́ (пихинэна) гэрэнца́ и псикэнца́, и бодынэна́ (марэна) сарэ́ назоралэ́ (бакрэн) пэскирэ́ шынгэнца́ (рогэнца), соб (кай) тэ́ вытрадэн лэн яврё́, ²² то тóньчи Мэ́ зракха́ва Мирэ бакрэн, на явэна́ бутэдыр тэ́ чорэн лэн; Мэ́ кэра́ва сэндо́ машки́р екхэ бакрjáтэ и явирэ бакрjáтэ. ²³ И Мэ́ чхува́ва лэнгэ́ екхэ́ чхупна́рис, савó явэла́ тэ́ чаравэл лэн, Мирэ́ писхарис́ Давидос́, ёв явэла́ тэ́ чаравэл лэн, ёв явэла́ лэнгиро́ чхупна́ри. ²⁴ И Мэ́, Рай Дэвэл, Дэвэл, ява́ва лэнгиро́ Дэвэл, и Мирó писха́ри Давидо́ явэла́ ра́са машки́р лэндэ́. Мэ́, Рай Дэвэл, пхэндём дава́. ²⁵ “И кэра́ва Мэ́ лэнца́ раманёно́ (ми́рно) завето́, и вытрада́ва Мэ́ пхувъя́тыр за́халэ́ мурдалэн́ (зверен), соб (кай) ёнэ́ тэ́ дживэн́ бидаракирэ́с пэ́ фэлда́ (мал), тэ́ совэн́ дрэ́ вэша́. ²⁶ Мэ́ бахтякирава́ лэн и пхувъя́, савó́ исын́ пашыл́ Мири́ бэрги́ца; Мэ́ ява́ва тэ́ бичха́вав брышы́нд, ко́ли трэй́, кадалэ́ явэна́ бахтякирибнаскирэ́ брышы́нда. ²⁷ И фэлды́тко дрэ́во́ (кашт) янэ́ла пэ́скиро́ барьякирдó́ (плóдо); пхув́ дэла́ сарó, со́ барьё́ла пэ́ латэ́; ёнэ́ на явэна́ тэ́ дарэн́ пэ́скири́ пхув, и ёнэ́ галёна́, со́ Мэ́ сом Рай Дэвэл, Дэвэл, кэ́ли Мэ́ роспханда́ва лэн́ гамостыр, и Мэ́ зракха́ва лэн́ одолэнгирэ́ вастэстыр, савó́ залынэ́ лэн́ дрэ́ наволя́. ²⁸ Нарóды на явэна́ тэ́ ухтылэн́ лэн́ бутэды́р, фэлды́тка́ рискирибнаскирэ́ мурдала́ (звери) на явэна́ лэн́ тэ́ хан; ёнэ́ явэна́ тэ́ дживэн́ би́ дара́киро, никон́ на́ страхакирэ́ла лэн. ²⁹ И Мэ́ почхува́ва дрэ́ пхув́ у́нта (садо) ваш́ лэнгэ́, на явэна́ ёнэ́ тэ́ мэ́рэн бокхаты́р пэ́ пхув; на явэла́ лэнгэ́ ладжа́во явирэ́ народэндэр. ³⁰ И галёна́, со́ Мэ́, Рай Дэвэл, сом лэнгиро́ Рай Дэвэл, Мэ́ сом лэнца́, а ёнэ́, Израилёскиро́ кхэр́ исын́ Мирó наро́до,” – ракирэла Рай Дэвэл, Дэвэл. ³¹ “И со́ тумэ́ сан́ Мирэ́ бакрэ́, бакрэ́ Мирэ́ скэдыибна́стыр, тумэ́ сан́ мануша́, а Мэ́ сом тумарó́ Дэвэл”, – ракирэла Рай Дэвэл, Дэвэл.

Шэрó 35

Ангилпхэныбэн Пал Бэрга Сеиро

¹ И сыс кэ мэ Рáскирэ-Дэвлэскиро лав дасаво: ² “Манушэскиро чхава! Рисёв Тырэ мóса кэ бэрга Сеиро, пхэн пэ латэ ангилпхэныбэн. ³ Пхэн лáкэ: ‘Адякэ ракирэла Рай Дэвэл, Дэвэл: Акэ, Мэ выджава пэ түтэ, бэрга Сеиро, Мэ протырдава пэ түтэ Миро васт, Мэ кэрава тут чхучэ штэтоса, кай никон на дживэла. ⁴ Мэ роспахгирава Тырэ фóрья; ту кокори явэса чхучи и галёса, со Мэ сом Рай Дэвэл, Дэвэл. ⁵ Пал-довá, со ту на пириячэса тэ холясос, ту отдэсас Израилэскирэ чхавэн дрэ вэргэнгирэ вастá, ко́ли явдя пэ лэндэ дасави биба́хт, ко́ли явдя лэнгиро хасибóн. ⁶ Пал дава – ‘Тэ дживáв Мэ’, – ракирэла Рай Дэвэл, Дэвэл, Мэ кэрава тут ратэса, рат явэла тэ традэлпэ пал түтэ; ту наштýи тэ дыкхэс, ко́ли чхувэлáспэ рат, палдава рат и традэлапэ пал түтэ. ⁷ Мэ кэрава бэрга Сеиро чхучи, биманушэнгиро маляса (степьяса), хасякирава пэ латэ кажнонэс, кон тэ на проджалас, кон тэ на рисёлас. ⁸ Пхэрдякирава Мэ лакирэ вучэ штэты домардэ манушэнца; пэ тырэ бэргицы, пэ Тырэ долы, пэ сарэ Тырэ хор штэты явэна тэ пэрэн домардэ курталáса. ⁹ Мэ кэрава түтыр чхучи пхув, пэ сарэ бэршá, со на явэна тэ дживэн дрэ Тырэ фóрья, и галёна, со Мэ сом Рай Дэвэл, Дэвэл. ¹⁰ Пал-довá, со ту ракирэсас: Кадалэ дуй народы, кадалэ дуй пхувýя явэна Мирэ, амэ заласа лэн, на подыкхаса, со Рай Дэвэл, Дэвэл сыс одóй, – ¹¹ Пал дова – ‘Тэ дживáв Мэ’ – ракирэла Рай Дэвэл, Дэвэл, – Мэ кэрава тýса пир тыри́ холýи кэ ёнэ, пир тыро́ зэвлыныпэн, савó ту сыкавэсас, пал-довá со холясосас пэ лэндэ; Мэ сыкава́ва Пэс лэнгэ, ко́ли Мэ ява́ва пхарэс тэ сэндякирав тут. ¹² И галёса, со Мэ, Рай Дэвэл, Дэвэл, шундём сарэ тырэ налачхэ лава́, савэ ту ракирэсас пэ бэрги Израилэскирэ, ко́ли пхэнэсас: “Чхучэ (пуста) каканá! Отдынэ, соб (кай) амэ тэ хас лэн!” ¹³ Тумэ шарэнаспэ ангил Мándэ тумарэ чибáса (чибьяса), бут ракирэнаспэ Мándэ: Мэ шуна́вас дава́. ¹⁴ Адякэ ракирэла Рай Дэвэл, Дэвэл: “Ко́ли сари́ пхув явэла тэ радынóлпэ, Мэ кэрава тýтыр чхучи пхув. ¹⁵ Сыр ту радынэсаспэ, со чхучи яця́ Израилэскирэ-кхэрэскири пхув, адякэ и Мэ кэрава тýса: ту явэса чхучи, бэрга Сеиро, кхэтанэ сарэ Идумеяса, и сарэ галёна, со Мэ сом Рай Дэвэл, Дэвэл.”

Шэрó 36

Дэвлэскиро Бахтякирибэн Исын Пэ Израилё

¹ “Ту, манушэскиро чхава, пхэн пир лав ангилпхэныбэн, пэ Израилэскирэ бэрги, пхэн: ‘Бэрги Израилэскирэ! Шунэн Рáскирэ-Дэвлэскиро лав. ² Адякэ ракирэла Рай Дэвэл, Дэвэл: “Ко́ли вэрго ракирэла пал тумэндэ: А! а! аг гарагунэ вучэ штэты дорэснэпэ амэнгэ.” ³ Пхэн пир лав ангилпхэныбэн, пхэн: “Адякэ ракирэла Рай Дэвэл, Дэвэл: “Пал дова́, со ёнэ чхучакирэна тумэн, хан сарэ ригэндýр, соб (кай) тэ отджан тумэ кэ яви́р народы, соб (кай) кошэна́с и сэндякирэна́с тумэн манушá, – ⁴ пал дава́, Израилэскирэ бэрги, пошунэн Рáскирэ-Дэвлэскиро лав: Адякэ ракирэла Рай Дэвэл, Дэвэл пэ бэрги и бэргицы, пэ долы, пэ роспахгирдэ и чхучэ кхэра́, пэ ячадэ фóрья, савэ залынэ, и савэндýр санпэ наро́ы, со дживэна пашýл да́я пхув. ⁵ Палдава́ адякэ ракирэла Рай Дэвэл, Дэвэл: “Дрэ Мири́ зэвлыныпнаскири яг Мэ пхэндём лав пэ яви́р народы, пэ сари́ Идумея, пэ народы, савэ думинэна́с тэ залэн Мири́ пхув пэ́скэ; илэскирэ радýма́са и налачхэ дыкхи́бна́са дро ди камэна́с тэ залэн ла пэ́скэ.” ⁶ Пал дава́ пхэн пир лав ангилпхэныбэн пал Израилэскири бэрга, пхэн пэ бэрги, бэргицы, фэ́лды и долы: “Адякэ ракирэла Рай Дэвэл, Дэвэл: Акэ, Мэ пхэндём дава́ дро Миро зэвлыныпэн, дрэ Мири́ холýи, пал-довá, со санпэ тумэндýр народы.” ⁷ Палдава́ адякэ ракирэла Рай-Дэвэл: “Мэ газдыём Миро васт, совлаха́вас, со народы, савэ исын пашýл тумэндэ, ко́корэ лыджáна пэскири ладж. ⁸ А тумэ, Израилэскири бэрга, розмэкэн тумарэ вэ́тки, и тумэ явэна тэ янэн тумарэ барьякирдэ (плóды) ваш Миро наро́до, Израилё, ёнэ сы́гэс явэна. ⁹ Акэ, Мэ рисёва́ва кэ тумэ; пэ тумэндэ явэна тэ барьякирэн, пэ

тумэндэ явэна тэ сеинэн. ¹⁰ И Мэ бичхавáва, соб (кай) тэ дживэл тумэндэ бут манушá, сарó Израилёскиро кхэр, сарó, и явэна тэ дживэн дрэ фóрья, и газдэна роспахгирдэ кхэрá. ¹¹ И Мэ кэрáва адякэ, со явэна бут манушá, и мурдалá кэ тумэ; лэндэ явэла бут тыкнорэ; Мэ бичхавáва тумэн одорик, сыр сыс дава дро тумарó гаратуно часо: Мэ явáва тэ кэрáв тумэнгэ лачхипэн бутыр, сыр дро тумарó гаратунэ дывэсá, и тумэ галёна, со Мэ сом Рай Дэвэл, Дэвэл. ¹² Мэ янава пэ тумэндэ манушэн, Миро народо, Израилё, ёнэ залэна тут, пхув ту ячэса лэнгиро мэкнó миштыпэн, ту бутэдыр на явэса тэ кэрэс лэндыр бичхаворэнгирэ манушэн.” ¹³ Адякэ ракирэла Рай Дэвэл, Дэвэл: “Пал-дова, со ракирэна пал тумэндэ: ‘Ту сан пхув, сави хала манушэн, сави на дэла чхаворэн пэскирэ народоскэ?’” ¹⁴ Пал дова, ту на явэса тэ хас манушэн, ту на явэса тэ кэрэс, соб (кай) тэ явэл Тырó народо бичхаворэнгиро: ¹⁵ и ту на явэса тэ шунэс бутэдыр, сыр санпэ тóтыр народы; кошыбэн манушэнгирэ родóстыр Ту на вырикирэса; ту на явэса тэ кэрэс бутэдыр, соб (кай) тэ явэл тырó народо бичхаворэнгиро”, – ракирэла Рай Дэвэл, Дэвэл.

Пал Израилёскиро Жужакирибэн

¹⁶ И сыс кэ мэ Рáскирэ-Дэвлэскиро лав дасаво: ¹⁷ “Манушэскиро чхава! Кóли Израилёскиро кхэр дживэлас пэ пэскири пхув, ёв магирэлас ла пэскирэ джиибнаса, пэскирэ рэндонэнца; лэнгиро дром ангил Миро муй сыс сырбы бы джувлякиро нажужыпэн, дро часо, кóли ёй жужакирэлпэ. ¹⁸ Мэ вычхудём Мирí холы пэ лэндэ палó рат, савó чхувэласпэ лэнца пэ кадая пхув, пал дова, со ёнэ магирэнас пхув пэскирэ идолэнца. ¹⁹ Мэ рoстрaдыём лэн пир народы, ёнэ исын роспхурдынэ пир пхувья; Мэ сэндякиравас лэн пир лэнгирэ дромá и лэнгирэ рэндэ (дэлы). ²⁰ И явнэ ёнэ кэ народы, гинэ кэ Наюдытка нáцыи (народы) и залынэ слáва Мирé свэнтонэ лавэстыр, пал дова, со пал лэндэ ракирэна: ‘Ёнэ исын Рáскирэ-Дэвлэскиро народо, ёнэ выгинэ Лэскирэ пхувьятыр.’ ²¹ И потангиндём (пожалиндём) Мэ Миро свэнто лав, савэстыр отлыя слáва Израилёскиро кхэр Наюдытконэ нацыэндэр (народонэндэр), карик ёнэ явнэ. ²² Палдава пхэн Израилёскирэ кхэрэскэ: “Адякэ ракирэла Рай Дэвэл, Дэвэл: ‘На ваш тумэнгэ Мэ кэрáва дава, Израилёскиро кхэр, а ваш Миро свэнто лав. Лэстыр тумэ отлынэ слáва машкир народы, карик явнэ тумэ. ²³ Мэ свэнцякирава Миро барó Лав, савэстэ нанэ слáва машкир Наюдэндэ. Машкир явир народы тумэ отлынэ слáва Лэстыр и галёна народы, со Мэ сом Рай Дэвэл, Дэвэл, – ракирэла Рай Дэвэл, Дэвэл, кóли Мэ сыкавава, со Мэ сом свэнто, пэ тумэндэ, ангил лэнгирэ яхá. ²⁴ Мэ лава тумэн Наюдытконэ нацыэндэр (народэндэр), кэдава тумэн сарэ ригэндэр, Мэ янава тумэн пэ тумарí пхув. ²⁵ И Мэ брызгинава тумэн жужэ панэса, тумэ жужакирэнапэ сарэ тумарэ магирипнастыр, Мэ жужакирава тумэн сарэ тумарэ идолэндэр. ²⁶ Мэ дава тумэнгэ нэвó илó; нэвó ди Мэ дава тумэнгэ; Мэ лава тумарэ лочатыр (плотытыр) баруно илó, и Мэ дава тумэнгэ джидó илó. ²⁷ И Мэ чхувава дро тумэндэ Миро дóхо (фáно), Мэ кэдава дова, со тумэ явэна тэ псирэн пир Мирé припхэныбэна; тумэ явэна тэ кэрэн пир Мирé лавá. ²⁸ И явэна тумэ тэ дживэн пэ пхув, сави Мэ дыём тумэнгэ, и тумэ явэна Миро народо, а Мэ явáва тумарó Дэвэл. ²⁹ И выракхава Мэ тумэн сарэ тумарэ налачхипнастыр, Мэ прикхарава марó, и убарьякирава марó, Мэ на дава, соб (кай) тумэ тэ мэрэн бокхатыр. ³⁰ Мэ выбарьякирава барьякирдэ (плóды) пэ каштá и барьякирибэн пэ фэлды, соб (кай) тэ на мэрэн бокхатыр, соб (кай) тэ на кошэн тумэн народы. ³¹ Тэньци пририпирэна тумэ пал захалэ тумарэ дромá, пал налачхэ тумарэ рэндэ, и явэла джунгалó (брытко) дро тумарó илó пал чорипэн и биладжакунэ рэндэ, савэ тумэ кэрэнас. ³² ‘На ваш тумэнгэ Мэ кэрáва дава,’ – ракирэла Рай Дэвэл, Дэвэл. – “Мэк тэ лолёл тумарó муй, мэк тэ ладжан тумэ тумарэ дромэндэр, Израилёскиро кхэр.” ³³ Адякэ ракирэла Рай Дэвэл, Дэвэл: ‘Дро дова дывэс, кóли Мэ жужакирава тумэн сарэ тумарэ чорипнастыр, Мэ бичхавáва манушэн дрэ фóрья, соб (кай) тэ дживэн одóй, кóли газдэна роспахгирдэ кхэрá. ³⁴ И явэна тэ барьякирэн пэ пхув, сави сыс чхучи, и кажно, кон одóй джáлас, дыкхэлас, со ёй сыс чхучи. ³⁵ Тэньци пхэнэна: “Када я чхучи пхув кэрдяпэ сыр Эдэмоскири унта (садо); со и дрэ кадалэ роспахгирдэ, чхучэ, обчордэ фóрья дживэна манушá?” ³⁶ И галёна Наюдытка нáцыи (народы), савэ дживэна пашыл тумэндэ, со Мэ, Рай Дэвэл, газдава

роспагирдо, Мэ барьякирава пэ чхучо штэто, Мэ, Рай Дэвэл, пхэндём и кэрдём. ³⁷ Адыкэ ракирэла Рай Дэвэл: “Акэ, ишчо (инкэ) Мэ сыкавава Миро камлыпэн кэ Израилёскиро кхэр дрэ дова, со кэрава адыкэ, соб (кай) тэ явэл адыкэ бут манушэн сыр пэ бакрэнгири стада. ³⁸ Сыр бут исын дыибнытка бакрэ дро Ерусалимо, пэ свэнки, адыкэ явэла пхэрдэ манушэнца дрэ чхучо фёрья, и ёнэ галёна, со Мэ сом Рай Дэвэл, Дэвэл.”

Шэрó 37

Фёлда Шукэ Кокалэнца

¹ Сыс пэ мандэ Рáскирэ-Дэвлэскиро васт. О Рай Дэвэл, Дэвэл вылыджия ман духóса и чхудя ман машкíр фёлда, сави сыс пхэрдý кокалэнца. ² Облыджия ман пашы́л лэндэ, акэ, древáн бут сыс кокалы́ пэ фёлда, акэ, ёнэ исын древáн шукэ. ³ И пхэндя́ мánгэ: “Манушэскиро чхава! Отжидёна ли кадалé кокалы́?” Мэ пхэндём: “Раё Дэвла! Ту джинёса дава.” ⁴ И пхэндя́ мánгэ: “Пхэн пир лав ангилпхэныбён пэ кадалé кокалы́, пхэн лэнгэ: ‘Шукэ кокалы́! Шунэн Рáскирэ-Дэвлэскиро лав! ⁵ Адыкэ ракирэла Рай Дэвэл, Дэвэл пэ кадалé кокалы́: ‘Акэ, Мэ чхува́ва дýхо (фáно) дрэ тумэндэ, тумэ отджидёна. ⁶ И Мэ обчхувава тумэн жылэнца, выбарьякирава пэ тумэндэ масá, учхакирава тумэн цыпаса, залыджава дрэ тумэндэ дýхо (фáно); и тумэ отджидёна, и галёна, со Мэ сом Рай Дэвэл.’” ⁷ Мэ пхэндём ангилпхэныбён, и сыр сыс мánгэ припхэндло, и кели́ Мэ ангилпхэна́вас, то газды́япэ шумо, и акэ, газдынэ́пэ, ячнэ́ тэ подджан екх кокало кэ явёр, кокало кэ кокало. ⁸ И Мэ дыкхцём! Акэ, жылы сыс пэ лэндэ, выбаринэ́ масá, цы́па учхакирдя́ лэн упралэстыр, нэ дýхо (фáно) на сыр дрэ лэндэ. ⁹ Тэньци Ёв пхэндя́ мánгэ: “Пхэн пир лав ангилпхэныбён духоскэ, манушэскиро чхава, пхэн духоскэ: ‘Адыкэ ракирэла Рай Дэвэл, Дэвэл: Яв, дýхо (фáно), штарé балвалендыр, пхурдэ пэ кадалé домардэндэ, и ёнэ отджидёна.’” ¹⁰ И мэ пхэндём ангилпхэныбён, сыр Ёв припхэндя́ мánгэ, и загия́ дрэ лэндэ дýхо (фáно), и ёнэ джидынэ́, уштынэ́ пэ пэскирэ́ гэра́, древáн барó, кэ дар барó скэдыибён. ¹¹ И пхэндя́ Ёв мánгэ: “Манушэскиро чхава! Кадалé кокалы́ исын сарó Израилёскиро кхэр. Акэ, ёнэ ракирэна: “Вышутинэ́ амарé кокалы́, хасия́ амарó патяибён (надёя), амэ сам отрискирдэ каштэ́стыр.” ¹² Палдава́ пхэн пир лав ангилпхэныбён, пхэн лэнгэ: “Адыкэ ракирэла Рай Дэвэл, Дэвэл: Акэ, Мэ откэрава тумарé мулыканэ́ (гробы), вылыджава тумэн, Миро наро́до, тумарé мулыканэндýр, залыджава тумэн дро Израилёскири пхув. ¹³ И тумэ галёна, со Мэ сом Рай Дэвэл, Дэвэл, ко́ли Мэ откэрава тумарé мулыканэ́, и вылыджава Мэ тумэн, Миро наро́до, тумарé мулыканэндýр. ¹⁴ Мэ чхува́ва дрэ тумэндэ́ Миро дýхо (фáно), и тумэ отджидёна, залыджава тумэн пэ тумары́ пхув, и галёна, со Мэ Рай Дэвэл, Дэвэл, пхэндём дава́ и кэрдём,” – ракирэла Рай Дэвэл, Дэвэл. ¹⁵ И сыр кэ Рáскирэ-Дэвлэскиро лав дасаво: ¹⁶ “Ту, манушэскиро чхава, лэ пэскэ́ екх крали́тко дэсто́ (жэ́зло), зачхин пэ лэ́стэ: ‘Юда́скэ и Израилёскирэ́ чхавэ́нгэ, савэ́ исын кхэ́танэ́ лэ́са.” Лэ ишчо (инкэ) дэсто́, зачхин пэ лэ́стэ: “Ёза́скэ, дава́ исын Ефремоскиро́ и сарé Израилёскиро́ кхэ́рэскиро, савэ́ исын кхэ́танэ́ Ефремоса, крали́тко дэсто́.” ¹⁷ Чхув лэн кхэ́танэ́ екх кэ́ явёр, дро екх дэсто́, соб (кай) ёнэ́ тэ явэ́н екх дро тыро́ васт. ¹⁸ А ко́ли пхучэ́напэ́ тۇтыр чхавэ́ Тырэ́ наро́до́стыр: “Ци на роспхэнэ́са Ту амэ́нгэ, со дава́ исын тۇ́тэ?” ¹⁹ Тэньци пхэн лэнгэ: ‘Адыкэ, ракирэла Рай Дэвэл, Дэвэл: Акэ, Мэ ла́ва Ёзаскиро́ и Израилёскирэ́ – крали́тко дэсто́, саво́ исын дро Ефремоскиро́ васт, Мэ чхува́ва лэн кэ́ Юда́скиро́ дэсто́, Мэ кэра́ва лэндýр екх дэсто́, и явэ́ла екх дро Миро васт. ²⁰ Ко́ли ж дуй дэ́стэ, пэ савэ́ ту зачхинэ́са, явэ́на дро тыро́ васт ангий́л лэнгирé́ якха́, ²¹ то пхэн лэнгэ: ‘Адыкэ ракирэла Рай Дэвэл, Дэвэл: Акэ, Мэ ла́ва Израилёскирэ́ чхавэ́н наро́дэндýр, машкíр савэ́ ёнэ́ дживэ́на́с, Мэ кэ́дава лэн кхэ́танэ́ сарé ригэ́ндыр, Мэ яна́ва лэн пэ́ лэнгири́ пхув. ²² Пэ ка́дая́ пхув, пэ́ Израилёскирэ́ бэ́рги, Мэ кэра́ва лэндýр екх наро́до, екх кра́ли явэ́ла кра́ли ваш лэнгэ́ сарэ́нгэ; на явэ́на бутэ́дыр дуй наро́ды, на явэ́на тэ́ розмарэ́нпэ́ пэ́ дуй кра́липэ́на. ²³ На явэ́на тэ́ магирэ́н пэ́с идолэ́нца и пэ́скирэ́ джунгалé́ рэндэ́нца и пэ́скирэ́ чорипна́са, нэ́ Мэ зракха́ва лэн сарé́ штэ́тэндýр, кай ёнэ́ дживэ́на́с дрэ́ грэ́хи, жужакирава́ лэн, и ёнэ́ явэ́на Мирé́ мануша́, а Мэ́ ява́ва лэнгиро́ Дэвэл. ²⁴ А Миро́ писха́ри, Дави́до, явэ́ла лэнгиро́ кра́ли и Чхупна́ри (Пасту́хо), ёнэ́ явэ́на тэ́

псирэн дрэ Мирэ припхэныбэна, явэна тэ кэрэн пир Мирэ лава. ²⁵ Тэньци ёнэ явэна тэ дживэн пэ пхув, сави Мэ дыём Мирэ писхарискэ Яковоскэ, пэ сави дживэнас лэнгирэ дада; одой ёнэ явэна вэчнэс тэ дживэн ёнэ, лэнгирэ чхаворэ, лэнгирэ – чхаворэнгирэ чхаворэ; и Мирэ писхари Давидо явэла тхагари пэ лэндэ пэ сарэ веки. ²⁶ И бутыр Мэ кэрава лэнца раманёно (мирно) завето; вэчно завето явэла лэнца. Мэ дава лэнгэ лачхó джибён, адякэ, соб (кай) бут лэн тэ явэл, Мэ чхувава машкир лэндэ Мирэ свэнто штэто пэ сарэ бэрша. ²⁷ Мирэ шатра явэла лэндэ; и Мэ явава лэнгиро Дэвэл, а ёнэ явэна Мирэ народо. ²⁸ И галёна народы, со Мэ сом Рай Дэвэл, Дэвэл, Саво обсвэнцынэла Израилё, кели Мирэ свэнто штэто ячэлапэ машкир лэндэ пэ сарэ бэрша.”

Шэрó 38

Ангилпхэныбэн пал Гогастэ

¹ И сыс кэ мэ Раскирэ-Дэвлэскиро лав дасаво: ² “Манушэскиро чхава! Рисёв Тырэ мóса кэ Гога, саво дживэла пэ пхув Магог, Рошаскиро, Мешэхоскиро и Фувалоскиро тхагари, пхэн пир лав пэ лэстэ ангилпхэныбэн. ³ Пхэн: ‘Адякэ ракирэла Рай Дэвэл, Дэвэл: Акэ, Мэ выгийём пэ түтэ, Гога, Рошаскиро, Мешэхоскиро и Фувалоскиро тхагари (князё). ⁴ Мэ рискирава тут, урьявава савари пэ түтэ, вылыджава тут, сарó тырó халадыбэн, халадэн пэ грэндэ и манушэн, савэ традэна уклистэ, сарэн, кон исын дро халадэнгиро урибэн саструнэ шчыткэнца и шчытэнца сарэн, кон рикирэлас курталы. ⁵ Персэн, Ефиоплянэн, Ливийцэн, савэ исын лэнца, сарэн дро шчыто и шлемо. ⁶ Гомерос лэскирэ сарэ лэскирэ-халадэнгирэ скэдыибнаса; Фогармоскиро кхэр паш-ратитконэ ригатыр лэскирэ-халадэнгирэ скэдыибнаса, бут народы явэна туса. ⁷ Урипэ, скэдэнпэ дро дром, ту, и сарó тырó халадэнгиро скэдыибэн, саво явдя кэ ту, яв лэнгиро лыджаибнаскиро (вождё). ⁸ Кели проджана (накхэна) бут дывэса, тут выкхарэна, ту явэса пэ пхув, со исын зракхны курталатыр, скэдыны бутэ народэндэр, пэ Израилёскири бэрга, савэ сыс чхучэ, нэ аканэ рисёна мануша, савэ дживэна пэ кадай пхув, явирэ народэндэр, сарэ ёнэ явэна тэ дживэн дурэдыр би дарэкиро. ⁹ Ёнэ явэна тэ газдэнпэ сырбы холями балвал, со подджала, сыр óблоко, соб (кай) тэ учхакирэн пхув, ту и сарó тырэ-халадэнгиро скэдыибэн, и бут народы туса.” ¹⁰ Адякэ ракирэла Рай Дэвэл, Дэвэл: “Дрэ кодолэ дывэса явэла тукэ дро илó дума, ту задуминэса бибахталó рэндо. ¹¹ Ту пхэнэса: ‘Джава мэ пэ пхув, сави на ракхэлпэ, мэ джава пэ манушэндэ, савэ нисó на думинэна, лэндэ сарэндэ нанэ ванты, нанэ вудар, нанэ порта штабаса. ¹² Мэ джава, соб (кай) тэ обчорав лэн, соб (кай) тэ залав пэскэ лэнгиро барвалыпэн, соб (кай) тэ явэн палэ мирэ кхэра, савэ исын газдынэ роспахгирдэ кхэрэндэр, народо, саво исын скэдынó народэндэр, саво залэлапэ хулаибнаса и бикиныбнаса, саво дживэла пэ пхувьякиро маширипэн [вучипэн-р.с.].’ ¹³ Сава и Дедано, Фарсисоскирэ кúпцы (тылгарья) сарэ лэнгирэ тэрнэ шчэрорэнца пхэнэна тукэ: “Ту явдын, соб (кай) тэ чорэс? Ту скэдыан Тырэ – халадэнгиро скэдыибэн, соб (кай) тэ залэс сарó лэнгиро барвалыпэн, соб (кай) тэ залэс руп и сувнакай, соб (кай) тэ отлэс кхэритконэ мурдалэн (ското) и маёнко и миштыпэн, соб (кай) сарó дава тэ дорэсэлпэ тукэ?” ¹⁴ Палдава пхэн пир лав ангилпхэныбэн, манушэскиро чхава, пхэн пэ Гогастэ: ‘Адякэ ракирэла Рай Дэвэл, Дэвэл: Чачó, дро кодова дывэс, кóли мирэ народо, Израилё, явэла тэ дживэл би дарэкиро, ту галёса дава. ¹⁵ И тумэ явэна пэскирэ штэтостыр паш-ратитконэ (севернонэ) ригатыр, ту и бут народы туса, сарэ, кон бэшэла пэ грэндэ, барó скэдыибэн, и барó халадыбэн. ¹⁶ И ту газдэсапэ пэ Мирэ народо, пэ Израилё, сыр óблоко, соб (кай) тэ учхакирэс пхув, дава явэла дрэ палатунэ (последня) дывэса, и Мэ янава тут проти Мирэ пхув, соб (кай) тэ галён Ман народы, кóли Мэ пэ түтэ, Гогэ, сыкавава, со Мэ сом Свэнто ангил лэнгирэ якха. ¹⁷ Адякэ ракирэла Рай Дэвэл, Дэвэл: “Ци сан ту кодова, пал конэстэ Мэ ракиравас дрэ гаратунэ дывэса, кóли Мирэ писхарья, Израилёскирэ прорóки ангилпхэнэнас, со Мэ янава тут пэ лэндэ?”

Дэвлэскири Холы пэ Гогастэ

¹⁸ Акэ, явэла дро дова дывэс, коли Гога явэла пэ Израилё, газдэлапэ Мири холы. ¹⁹ Дро Миро зэвлыныпэн, дрэ Мири холы, Мэ пхэндём: “Чачо, зоралэс явэла тэ издрал Израилёскири пхув. ²⁰ Заиздрана Мирэ глосатыр барэ панескирэ мачхэ, болыбнытка чирикля, фэлдытка мурдала (звери) сарэ сапа, сарэ мануша, савэ исын пэ пхув; и пэрэна бэрги, пэрэна бэргицы, сарэ ванты пэрэна пэ пхув. ²¹ Сарэ Мирэ бэргэндэр прихарава куртала, соб (кай) тэ выджал пэ лэстэ; кажнонэ-манушэскири куртала поджала пэ лэскирэ пшалэстэ. ²² И Мэ явава Тэ сэндякирав пхарэс лэс; Мэ выкхарава пэ лэстэ мэрибнытка франсы и ратвало домарибэн, и Мэ вычхувава пэ лэстэ, пэ лэскирэ халадэнгирэ полки, пэ бут народы, савэ исын лэса тасадыпнаскиро брышынд, савэ сарэн хасякирэла, баруно градо, яг и сэра (дзэвэля). ²³ И Мэ сыкавава, со Мэ сом Баро и Свэнто, Мэ сыкавава Пэс ангил бутэ-народэнгирэ якхэ, и ёнэ галёна, со Мэ сом Рай Дэвэл, Дэвэл.”

Шэрó 39

Гогаскирэ Халадыбэна (Армии) Розмардэ

¹ “Палдава ту, манушэскиро чхава, пхэн пир лав ангилпхэныбэн пэ Гогастэ, пхэн: ‘Адьякэ ракирэла Рай Дэвэл, Дэвэл: Акэ, Мэ сом проти тутэ, Гогэ, Рошоскиро Мешэхоскиро и Фувалоскиро тхагари! ² И Мэ рискирава палэ тут, и Мэ лыджава тут, и лыджава Мэ тут пашратитконэ (севернонэ) ригатыр, Мэ янава тут пэ Израилёскирэ бэрги. ³ Мэ вымарава Тырó лúко тырэ зэрвонэ (левонэ) вастэстыр, Мэ вычхурдава тырэ марибнытка бустя (стрёлы) тырэ чачэ (правонэ) вастэстыр. ⁴ Ту пэрэса пэ Израилёскирэ бэрги, ту и сарэ тырэ халадэнгирэ полки, сарэ народы, савэ исын туса; Мэ отдава, соб (кай) тэ хан тут рискирибнаскирэ (хишчна) чирикля и фэлдытка рискирибнаскирэ мурдала. ⁵ Пэрэса ту пэ откэрды фэлда пал дова, со Мэ пхэндём дава, – ракирэла Рай Дэвэл, Дэвэл. ⁶ Мэ бичхавэла яг пэ пхув ‘Магог’, пэ манушэндэ, савэ дживэна пэ острова би дарипнаскиро, и нисó на думинэн пал пэстэ, и ёнэ галёна, со Мэ сом Рай Дэвэл, Дэвэл. ⁷ И сыкавава Мэ Миро свэнто лав машкир Миро народо, Израилё, Мэ на дава бутэдыр, соб (кай) тэ магирэн Миро свэнто лав, и галёна народы, со Мэ сом Рай Дэвэл, Дэвэл, Свэнто пэ Израилё. ⁸ Акэ, дава явэла, пхэрдякирэлапэ, ракирэла Рай Дэвэл, Дэвэл: дава исын кодова дывэс, пал савó Мэ пхэндём. ⁹ Тэньци выджана мануша, савэ дживэна дрэ Израилёскирэ фóрья, захачкирна яг, явэна тэ хачкирэн мардытко (оружыё), шчыты, шчытки саструнэ, луки и марибнытка бустя, булавы и чхурдыбнытка бустя (коп’и) и ёнэ явэна тэ хачкирэн кадалэ эфта (битринэнгиро дэш) бэрш. ¹⁰ На явэна ёнэ тэ янэн кашта фэлдатыр, на явэна тэ кэдэн лэн дро вэш, нэ явэна тэ хачкирэн екх мардытка; ёнэ обчорэна долэн, кон лэндэр чорэлэс, залэна одолэндэр, кон лэндэр залэлэс”, – ракирэла Рай Дэвэл, Дэвэл.

Гогаскиро Мэрибэн

¹¹ “Явэла дро дова дывэс: Мэ дава Гогаскэ штэто ваш мэрибэн дро Израилё: доло, кай проджана мануша, пэ вастóко морёстыр (дэрьявэстыр); дава штэто явэла тэ зарекирэл кажнонэс, кон тэ на джалас пашыл одой; гаравэна одой Гогас и сарó лэскиро-халадыбэн; явэна тэ кхарэн дава штэто, Гогаскирэ халадэнгиро табороскиро доло. ¹² Эфта чхонá явэла тэ гаравэл лэн Израилёскиро кхэр, соб (кай) тэ жужакирэл пхув. ¹³ Народо сарэ пхувьятыр явэла тэ гаравэл лэн; барó явэла дова дывэс, коли Мэ сыкавава Пэскири слава, – ракирэла Рай Дэвэл, Дэвэл. ¹⁴ И выкэдэна манушэн, савэ явэна тэ обджан пхув би тэрдыпнаскиро, и савэ явэна тэ гаравэн кодолэн, савэ ячнэпэ пэ пхув кхэтанэ манушэнца, савэ явэна тэ проджан одой, соб (кай) пхув тэ жужакирэлпэ; ёнэ лэна тэ родэн дава, коли проджала эфта чхонá. ¹⁵ А коли вари-кон одолэндэр, савэ явэна тэ обджан пхув, дыкхэла манушэскиро кокало, тэньчи чхувэла пашыл лэстэ шпэра (знако), соб (кай) одолэ, савэ гаравэна, тэ

гаравэн лэс дро до́ло, кай сыс Гогаскиро баро́ кэ дар халадыбён. ¹⁶ Фороскиро лав явэла: Ѓамона ^[1]. Адыкэ жужакирэна (вычыстинэна) ёнэ пхув.”

Баро́ Свэ́нко

¹⁷ “А ту, манушэскиро чхава, адыкэ ракирэла Рай Дэвэл, Дэвэл: Пхэн сарэ чирикленгэ и сарэнгэ фэлдытконэ мурдалэнгэ: ‘Скэдэ́нпэ, джа́н, скэдэ́нпэ сарэ́ ригэ́ндыр кэ́ Миро́ высвэнци́ндло хабэ́н, саво́ Мэ́ кэра́ва ваш ту́мэ́нгэ; кэ́ баро́ свэнты́тко хабэ́н пэ́ Израилё́скирэ́ бэ́рги; ту́мэ́ явэ́на тэ́ хан мас, явэ́на тэ́ пьен рат. ¹⁸ Зоралэ́-му́ршэ́нгиро мас явэ́на тэ́ хан; явэ́на тэ́ пьен рат тхага́рьенги́ро (князе́нгиро) пэ́ пхув, бакре́нгиро, бакроре́нгиро, бу́знэ́нгиро (ко́зле́нгиро) гуру́вэ́нгиро, саре́нгиро, ко́нэс чара́вэ́нас пэ́ Васано́. ¹⁹ Ту́мэ́ явэ́на тэ́ хан и явэ́на чалэ́; ту́мэ́ явэ́на тэ́ пьен рат и явэ́на матэ́ Мирэ́ высвэнци́ндлэ́ хабна́стыр, саво́ Мэ́ за́чхина́ва ваш ту́мэ́нгэ. ²⁰ И явэ́на ту́мэ́ чалэ́ пало́ Миро́ ска́ми́нд грэ́нца, манушэ́нца, савэ́ траде́на уклизе́, зоралэ́ му́ршэ́нца ма́рибна́скирэ́, и яви́рэ халады́тконэ́ манушэ́нца” – ракирэла Рай Дэвэл, Дэвэл.

Дэвэл газдэ́ла Израилё́

²¹ “И сыкава́ва Мэ́ Ми́ри сла́ва машки́р Наюды́тка на́цыи (на́роды); сарэ́ на́роды дыкхэ́на Миро́ сэ́ндо, саво́ Мэ́ кэра́ва; дыкхэ́на Миро́ васт, саво́ Мэ́ чхува́ва пэ́ лэ́ндэ. ²² Палдава́ явэ́ла тэ́ джи́нэ́л Израилё́скиро кхэ́р, со́ Мэ́ сом лэ́нгиро Рай Дэвэл, Дэвэл, лэ́нгиро Дэвэл далэ́ дывэ́сэ́стыр и ду́рэды́р. ²³ И га́ле́на Наюды́тка на́цыи, со́ кхэ́р Израилё́скиро сыс вы́трады́но пэ́скирэ́ пхувя́тыр пал лэ́нгиро хо́хаибэ́н, пал-до́ва, со́ ёнэ́ хо́хавэ́нас Ман, Мэ́ за́кэ́рдём лэ́ндыр Миро́ муй, отды́ём лэ́н дрэ́ лэ́нгирэ́-вэ́ргэ́нгирэ́ васта́, сарэ́ ёнэ́ мы́нэ́ курта́ла́тыр. ²⁴ Пал лэ́нгиро на́жужы́пэ́н, пал лэ́нгиро чо́рипэ́н Мэ́ кэ́рдём далэ́нца да́ва, и за́кэ́рдём лэ́ндыр Миро́ муй. ²⁵ Палдава́ адыкэ́ ракирэ́ла Рай-Дэвэл, Дэвэл: ‘Ака́на́ риско́рава́ Мэ́ Яко́во́с плено́стыр, и поте́нгина́ва (пожа́лина́ва) саро́́ Израилё́скиро кхэ́р, Мэ́ ява́ва тэ́ зэ́влы́нав пир Миро́ свэ́нто лав. ²⁶ И га́ле́на ёнэ́ пэ́скиро била́джаки́рибэ́н, и сарэ́́ пэ́скирэ́ на́патяи́бэ́н, саво́́ кэ́рэ́нас а́нгил Ма́ндэ́, ко́ли явэ́на тэ́ джи́вэ́н пэ́ пэ́скри́ пхув би́ да́раки́ро, ни́ко́н на́ явэ́ла тэ́ стра́хаки́рэл лэ́н. ²⁷ Ко́ли Мэ́ риско́рава́ лэ́н наро́донэ́ндыр, скэ́да́ва лэ́н лэ́нгирэ́-вэ́ргэ́нгирэ́ пхувье́ндыр, и Мэ́ сыкава́ва Пэ́с дрэ́ лэ́ндэ́, со́ Мэ́ сом Свэ́нто а́нгил бу́т наро́донэ́нгирэ́ якха́. ²⁸ И га́ле́на, со́ Мэ́ сом лэ́нгиро Рай Дэвэл, Дэвэл, ко́ли ро́страда́ва лэ́н машки́р на́роды, а́ те́ньчи́ скэ́да́ва лэ́н пэ́ лэ́нги́ри пхув, и Мэ́ на́ яча́вава́ (я́чкира́ва) одо́й ни́ко́нэ́с лэ́ндыр. ²⁹ Мэ́ на́ ява́ва тэ́ за́кэ́рав лэ́ндыр Миро́ муй, пал-до́ва, со́ Мэ́ чхува́ва Миро́ ди́ пэ́ Израилё́скиро кхэ́р”, – ракирэла Рай Дэвэл, Дэвэл.

39:16 ^[1] Ѓамона’ значы́нэ́ла ‘бу́т’

Шэро́ 40

Проро́ко Дыкхэ́ла Нэ́во́ Фо́ро, Нэ́ви́ Кханги́ри

¹ Дро биш тэ́ па́нджто́ бэ́рш, ко́ли а́мэ вы́трады́ям, ко́ли лы́япэ́ бэ́рш, пэ́ дэ́што́ чхо́ны́тко дывэ́с, дро́ дэ́шуштарто́ бэ́рш, ко́ли сыс ро́спха́гирдо́ фо́ро, дро́ до́ва-па́ць дывэ́с сыс пэ́ ма́ндэ́ Ра́скирэ́-Дэ́влэ́скиро васт, и Ё́в лы́джия́ ман одо́рик. ² Дро́ дыкхи́бэ́н Дэ́влэ́стыр Ё́в лы́джия́ ман пэ́ Израилё́скиро пхув, чху́дя́ ман пэ́ древа́н вучи́ бэ́рга, и пэ́ ла́тэ́ ка́жно́нэ́ рига́тыр сыс сы́рбы́ патри́н (рису́нко) пэ́ фо́ритка́ кхэ́ра. ³ И лы́джия́ ман одо́рик. А́кэ́, сыс ма́нуш, саво́́ вы́дыкхэ́лас сы́рбы́ харко́ма (ме́дь), ко́ли ё́й ха́чола, дро́ ле́скиро васт сыс шэ́ло ле́носты́р (га́ндладе́стыр) и де́сто́, савэ́са́ гинэ́на; ё́в сыс те́рдэ́ па́шы́л по́рта. ⁴ И пхэ́ндя́ ма́нгэ́ ада́ва́ ма́нуш: “‘Чха́во́ манушэ́скиро! Ды́кх пэ́скрэ́ я́кхэ́нца и шу́н пэ́скрэ́ ка́нэ́нца, и при́лэ́ илэ́са́ саро́, со́ Мэ́ ява́ва тэ́ сы́кава́в ту́кэ́, пал-до́ва со́ ту́т я́ндлэ́́ ваш одо́ва́, со́б (ка́й) мэ́ тэ́

сыкавав тукэ дава саро, со ту дыкхэса, пхэн зоралэс Израилёскирэ кхэрэскэ.”⁵ Акэ, палó кхангири сыс ванта сарэ лэскирэ ригэндыр, а дро кодолэ – муршэскиро васт сыс дэсто ваш гиныбэн, дрэ шов куня; кажно кунь гинэласпэ барипнаса сыр бурнык (ладошка): ёв выгиндя дро кадава Кхэр екх дэсто буглыпэн, екх дэсто вучипэн.⁶ Тэньци гия ёв кэ порта, сави сыс рискирды кэ вастоко; загия дрэ латэ, выгиндя дрэ екх портакиро прого сыс екх дэсто буглыпэн, и дро явир прого сыс екх дэсто буглыпэн.⁷ Дрэ каждо штуба пэ рига ваш раххибнарьенгэ сыс екх дэсто длугипэн, екх дэсто буглыпэн, машкир штубы сыс пандж куня, и дро портакиро прого, пашыл портакиро трэмо (коридоро) сыс екх дэсто!⁸ И выгиндя ёв андрал дрэ портакирэ трэмы екх дэсто.⁹ А пашыл порта, дрэ трэмы, выгиндя охто (бидуэнги́ро дэш) куня (локци) и дуй куня дрэ стылбы. Кадава трэмо сыс пашыл порта, сави сыс кханги́рьякирэ ригатыр.¹⁰ Штубицы ваш раххибнарьенгэ пашыл восточно порта сыс: трин екхэ ригатыр и трин явирэ ригатыр; екх мэра (выгиныбэн) дрэ сарэ трин штубицы, екх выгиныбэн пир стылбы екхэ и явирэ ригатыр.¹¹ Портакиро буглыпэн ёв выгиндя дэш куня, а портакиро длугипэн сыс дэшутрин куня.¹² А ангил штубы сыс выступо дрэ екх кунь, и ванта дрэ екх кунь явирэ ригатыр; дрэ далэ штубы сыс шов куня екхэ ригатыр и шов куня явирэ ригатыр.¹³ Тэньци выгиндя ёв дрэ порта екхэ штубакирэ упралыпнастыр кэ явир штубакиро упралыпэн биш тэ пандж куня буглыпэн; вудар сыс тэрдó ангил явир вудар.¹⁴ А пир стылбы выгиндя ёв шовдэша куня, дрэ кажно стылбо пашыл грэда и пашыл порта.¹⁵ И англатунэ ригатыр дро загибэн ригатыр кэ англатуны портакири риг сыс пандждэша куня.¹⁶ Фэнштры решоткэнца сыс дрэ штубы ваш раххибнарьенгэ, пэ лэнгирэ стылбы андрал порты ёнэ сыс тэрдэ; дрэ трэмо сыс фэнштры, ёнэ лыджанас пэ андралатуны риг, а пэ стылбы сыс пальмы.¹⁷ Ёв яндя ман дрэ грэда, со сыс яври, акэ, одой сыс штубы трусцял, грэда сыс кэрдэ гэрисоса (дроморэса); триянда штубы сыс дро дова кхэр, со выджанас пэ баруно гэрисо.¹⁸ Давá гэрисо (дроморо) сыс пашыл порта пир портакиро длугипэн, кодова гэрисо сыс тэлыдыр.¹⁹ И выгиндя ёв длугипэн тэлатунэ портатыр кэ андралатуны портакири риг, сави сыс яври, шэл куня кэ вастоко и паш-ратитко (северно) риг.²⁰ Ёв выгиндя длугипэн и буглыпэн портакиро, сави сыс дрэ грэда, со яври, сави сыс рискирды кэ паш-ратитко риг.²¹ И сыс штубы пир рига (боки), савэ сыс пашыл латэ; трин штубы екхэ ригатыр, трин штубы явирэ ригатыр, лэнгирэ стылбы, лэнги́ро трэмо сыс дасавэ-паць, сыр порта, сави сыс англэдыр; лэнги́ро длугипэн сыс пандждэша куня, а буглыпэн – биш тэ пандж куня.²² Лэнгирэ фэнштры (дудалé), и лэнги́ро своды сыр выступы, лэнгирэ пальмы сыс дасавэ-паць барипнаса (мераса), сыр сыс порта, сави выджалас пэ вастоко, дрэ лэндэ заджанас пир эфта́ гэруня (ступени) и ангил лэндэ сыс трэмо.²³ Порта выджала кэ андралатуны грэда ангил паш-ратитко (северно) восточно порта; ёв выгиндя (вымериндя) портатыр кэ порта шэл куня (локци).²⁴ И яндя ёв ман пэ паш-дывэсы́тко (южно) риг, акэ, одой сыс паш-дывэсы́тко порта; ёв выгиндя пир стылбы и гэруня (ступеньки) адакицы, сыр сыс англэдыр.²⁵ Дрэ лэндэ ангил лэнгирэ вударá сыс фэнштры дасавэ, сыр сыс кодолэ фэнштры: длугипнаса сыс ёнэ пандждэша куня, а буглыпнаса – биш тэ пандж куня.²⁶ Соб (кай) тэ газдэспэ кэ ёнэ, трэиндя тэ проджас эфта́ гэруня, ангил лэндэ сыс вударá, укэдыибэн пальмэндыр – екх долэ ригатыр, екх явирэ ригатыр пэ лэнгирэ стылбы.²⁷ Сыс паш-ратитко порта дрэ андратуны грэда, ёв выгиндя екхэ портатыр кэ явир порта шэл куня.²⁸ Ёв лыджия ман кэ паш-дывэсы́тко (южно) порта, а одотхыр – пэ англатуны грэда; выгиндя ёв дрэ паш-дывэсы́тко (южно) порта адакицы, сыр сыс англэдыр.²⁹ Лэнгирэ штубы пир рига, савэ сыс пашэдыр кэ ягоро, лэнгирэ стылбы и трэмы (выступы) – сыс дро дасави-паць мэра; и фэнштры сыс дрэ лэндэ, и дрэ лэнгирэ трэмы трусцял (кругом); саро сыс длугипнаса пандждэша куня, буглыпнаса биш тэ пандж куня.³⁰ Трэмы сыс трусцял; лэнги́ро длугипэн сыс биш тэ пандж куня, а буглыпэн сыс пандж куня.³¹ Сыс лэндэ трэмы, савэ выджанас пэ андратуны грэда; пальмы сыс пэ лэнгирэ стылбы; соб (кай) тэ газдэнпэ кэ ёнэ, трэиндя тэ проджан охто гэруня (ступени).³² И яндя ёв ман кэ восточно порта, а одотхыр – дрэ андратуны грэда (дворо); выгиндя ёв дрэ да́я порта дасави-паць мэра.³³ Лэнгирэ штубы пир рига, савэ сыс пашэдыр кэ ягоро (краё) лэнгирэ стылбы, лэнгирэ трэмы сыс дро дасави-паць мэра; и фэнштры дрэ лэндэ, и дрэ лэнгирэ трэмы сыс трусцял; длугипэн сыс пандждэша

куня, а буглыпэн – биш тэ пандж куня. ³⁴ Лэнгирэ трэмы выджанас пэ грэда (двóро), со сыс яврі, пэ лэнгирэ стылбы сыс пальмы екхэ и явирэ ригатыр; соб (кай) тэ газдэнпэ кэ ёнэ, трэиндя тэ проджан охто ‘гэруня (ступени). ³⁵ Тэньци о мануш лыджия ман кэ паш-ратитко (южно) порта; выгиндя одой сави-паць мёра. ³⁶ Штубы пир рига (боки), савэ сыс пашыл лэндэ; лэнгирэ стылбы и лэнгирэ трэмы; и фэнштры дрэ лэндэ сыс трусцял; сарэнгиро длугипэн сыс пандждэша куня, а буглыпэн биш тэ пандж куня. ³⁷ Лэнгирэ трэмы выджанас пэ грэда (двóро), со сыс яврі; пальмы сыс пэ лэнгирэ стылбы екхэ и явирэ ригатыр, соб (кай) тэ газдэнпэ кэ ёнэ, трэиндя тэ проджан охто ‘гэруня. ³⁸ Сыс адякэ-паць штуба загибнаса пашыл портакирэ стылбы: одой выморэна схачкирибнытка свэнта дыибэна (жэртвы). ³⁹ А дро трэмо, саво сыс пашыл порта, сыс дуй скаминда: екхэ ригатыр и дуй скаминда явирэ ригатыр, соб (кай) тэ зачхинэс пэ лэндэ схачкирибнытка свэнта дыибэна, свэнта дыибэн палó грэхо, свэнта дыибэн палó чорипэн. ⁴⁰ И пашыл одоя риг, сави выджалас яврі, пашо загибэн пир паш-ратитко порта сыс дуй скаминда; и пашыл явир риг, пашыл портакиро трэмо сыс дуй скаминда. ⁴¹ Штар скаминда сыс екхэ ригатыр, штар скаминда-явирэ ригатыр, – пашыл порта; кхэтанэ-охто скаминда, пэ савэ зачхинэнас свэнта дыибэна. ⁴² Сыс штар скаминда вычингирдэ барэндыр ваш дова, соб (кай) тэ хачкирэс свэнта дыибэна; лэнгиро длугипэн сыс екх тэ паш куня, буглыпэн сыс екх тэ паш куня, а вучипэн екх кунь; пэ лэндэ чхувэнас долэ струменты, соса зачхинэнас свэнта дыибэна тэ хачкирэн и ваш явир дыибэна. ⁴³ Саструнэ нанглэ дрэ екх бурнык (ладошка) буглыпнаса сыс примардэ кэ кхэритка ванты трусцял, а пэ скаминда чхувэнас дыибнытко мас.

Штубы ваш Багибнаскирэнгэ и Рашангэ

⁴⁴ Палó андратуны порта сыс штубы ваш багибнаскирэнгэ; пэ андратуны грэда, пашыл паш-ратитко порта, екх выджалас пэ паш-дивэсытко риг, а явир, пашыл паш-дивэсытко (южно) порта, выджалас пэ паш-ратитко (северно) риг. ⁴⁵ Ёв пхэндя мангэ: “Кадаё штуба (комора), сави выджала пэ паш-дивэсытко риг, исын ваш рашангэ, савэ раххэнас Кхангирі. ⁴⁶ А штуба, сави выджала пэ паш-ратитко риг, исын ваш рашангэ, савэ раххэнас алтарё: кадалэ исын Садокоскирэ чхавэ, екхджинэ мануша Левиёскирэ чхавэндыр, савэ явэнас пашылэдыр кэ Рай Дэвэл, Дэвэл, соб (кай) тэ кэрэн буты ваш Лэскэ. ⁴⁷ И выгиндя ёв дрэ грэда (двóро) шэл куня дро длугипэн и шэл куня дро буглыпэн, ёй (грэда) сыс штарэ-вэнглытко (латэ сыс штар вэнглы), а ангил Кхангирі сыс тэрдó алтарё. ⁴⁸ Ёв яндя ман кэ Кхангирьякиро трэмо; выгиндя пир трэмитка стылбы пандж куня екхэ ригатыр и пандж куня явирэ ригатыр, а дрэ порта сыс трин куня буглыпэн екхэ ригатыр и трин куня явирэ ригатыр. ⁴⁹ Трэмитко буглыпэн – биш куня, а длугипэн – дэшукх куня, соб (кай) тэ газдэнпэ кэ ёв, трэиндя тэ проджан дэш гэруня (ступени); стылбы рикирнас трэмо екхэ и явирэ ригатыр.

Шэрó 41

Барипэн Свэнтонэ-Штэтоскиро

¹ Тэньци лыджия ёв ман дрэ Кхангирі и выгиндя пир стылбы шов куня буглыпэн екхэ ригатыр и шов куня буглыпэн явирэ ригатыр – дава сыс скиниякиро (шатракиро) буглыпэн. ² Дрэ вударá сыс дэш куня буглыпэн, пир ударитка рига сыс пандж куня екхэ ригатыр и пандж куня явирэ ригатыр; выгиндя длугипэн дрэ Кхангирі – штардэша куня, а буглыпэн биш куня. ³ Загия ёв андрэ, выгиндя пир стылбы пашыл вудар дуй куня, и дро вудар шов куня, а ударитко буглыпэн – сыс эфта куня. ⁴ Выгиндя дрэ лэстэ биш куня дро длугипэн и биш куня дро свэнтонэ-штэтоскиро буглыпэн, и пхэндя мангэ: “Давá исын Свэнто-свэнтонэстыр штэто” ⁵ Выгиндя ёв дрэ Кхангирьякири ванта шов куня, а буглыпэн дрэ штубы, савэ сыс пашылэдыр, трусцял Кхангирі, пир штар куня. ⁶ Сыс трийнда тэ трин штубы (коморы) пэ рига, штуба пашыл штуба; ёнэ заджана дрэ ванта, сави сыс пашыл Кхангирі ваш штубы, трусцял адякэ, со ёнэ сыс кхэтанэ кадалэ вантаса, нэ дрэ

кхангирьякири ванта ёнэ на заджанас. ⁷ Нэ Кхангирі бутыр и бутыр буглелас трусцјл и упрал штубэнца, савэ сыс пир ригá, дрэ Кхангирі крэнглыпэн буглелас упрэ, тэлатунэ этажостыр штубы газдэнаспэ дро упралатуно пир машкиратуно этажо. ⁸ И мэ дыкхцём Кхангирьякирэ упралыпэн пир сарó крэнглыпэн (окружность), штубы, савэ сыс пир ригá пэ пхув, сыс пхэрдó дэстó, шов пхэрдé куня. ⁹ Вантытко буглыпэн дрэ штубы, савэ сыс пир ригá и выджáнас яврі, сыс пандж куня сыс откэрдо штэто, пашыл штубы пир ригá дрэ Кхангирі. ¹⁰ Дурипэн машкір штубы сыс биш куня, трусцјл сарі Кхангирі. ¹¹ Вударá дрэ штубы, савэ сыс пир ригá, выджáнас пэ откэрдо штэто: екх вудár – пэ паш-ратітко, а явір вудár – пэ паш-дивэсытко риг; кадалé откэрдэ-штэтоскиро буглыпэн сыс пандж куня трусцјл. ¹² Кхангиритко буглыпэн ангіл форуны (плóшча) пэ záпадно риг сыс эфтадэша куня; сарі дая Кхангиритко ванта сыс дрэ пандж куня буглыпнаса, а лáкиро длугипэн сыс енядэша куня. ¹³ Ёв выгиндя дрэ Кхангирі шэл куня длугипэн – дро дова́ англатуно штэто, дро дова́ кхэр, со сыс прикэрдо, дрэ лэскирэ ванты сыс шэл куня длугипэн. ¹⁴ Кхангиритко буглыпэн пир одоя риг, саві исын дыкхны, лыджáла кэ явритуны грэда, саві выджáлас пэ вастóко, сыс шэл куня. ¹⁵ Дро сарó Кхангирьякиро длугипэн ангіл форуны (плóшча) пэ лэскири палатуны риг, штубэнца, савэ сыс пир ригá, екхэ и явирэ ригáтыр ёв выгиндя шэл куня кхэтанé долэса, со сыс андрáл Кхангирі и трэмэнца, савэ сыс дрэ грэда (двóро). ¹⁶ Вударэнгирэ стылбы, фэнштры ришоткэнца (кратэнца), штубы савэ сыс пир ригá трусцјл, дрэ сарэ трин этажы ангіл проги сыс обчхудэ каштэса, пэтостыр (полостыр) кэ фэнштры; фэнштры сыс закэрдэ. ¹⁷ Вударитконэ упралыпнастыр, сыр андрáл Кхангирі, адякэ-паць и яврі, пир сарі ванта трусцјл, андрэ и яврі сыс вычхиндлэ формы каштэстыр. ¹⁸ Сыс кэрдэ херувимы и пальмы: пальма машкір дуй херувимы; дро кажно херувимо сыс дуй муя. ¹⁹ Екхэ ригáтыр дыкхэлас пэ пальма манушэскиро муй, а явирэ ригáтыр – шчэроскиро (левоскиро) муй, адякэ сыс кэрдó дрэ сарі Кхангирі трусцјл. ²⁰ Пэтостыр (полостыр) кэ вударитко упралыпэн сыс вычхиндлэ херувимы и пальмы, адякэ сыс и пир Кхангирьякири ванта. ²¹ Дрэ Кхангирі сыс штар вэнглытка вударэнгирэ стылбы, свэнто штэто выдыкхэлас адякэ, сыр мэ лэс дыкхцём. ²² Алтарё сыс каштуно, лэскиро вучипэн – трин куня, длугипэн – дуй куня, лэскирэ вэнглы, дова́ пэ со ёв сыс тэрдó; лэскирэ ванты – каштэстыр. И пхэндя мануш мангэ: “Кадава́ исын скаминд, савó сыс тэрдó ангіл Растэ-Дэвлэстэ.” ²³ Дрэ Кхангирі и дро свэнто штэто сыс пир дуй вударá. ²⁴ Дрэ далé вударá сыс пир дуй пхаля пэ завесы (зачхудэ), далé пхаля газдэнаспэ; дуй пхаля сыс пашо екх вудár, дуй пхаля сыс пашо явір вудár. ²⁵ Пэ лэндэ, пэ Кхангирьякирэ вударá, сыс вычхиндлэ херувимы и пальмы, дасавэ-паць, сыр пэ ванты, а ангіл трэмо яврі сыс каштуно геристо (помосто). ²⁶ Фэнштры пальмэнца екхэ и явирэ ригáтыр сыс пашыл трэмо и дрэ Кхангирьякирэ штубы, савэ сыс пир ригá, пэ кашт, савэса сыс одой обчхудо.

Шэрó 42

Рашáнгирэ Штубы

¹ Тэньци вылыджія ёв, адава́-паць мануш, ман пэ грэда, саві сыс яврі паш-ратитконэ дромэстыр, яндя ман кэ штубы, савэ сыс ангіл форуны (плóшча), ангіл кхэр Кхангирьякиро пэ паш-ратітко (северно) риг. ² Кэ дова́ штэто, савó пашо паш-ратітко вудár сыс дро длугипэн шэл куня, а дро буглыпэн – пандждэша куня. ³ Ангіл андратуны грэда (двóро), саві сыс биш куня, ангіл гэристо (помосто) сыс кэрдэ барэстыр, савó сыс пэ одоя грэда, саві выджáлас яврі, сыс трэмо ангіл трэмо дрэ трин этажы. ⁴ Ангіл штубы сыс загиибэн, лэскиро буглыпэн сыс дэш куня, а андрэ – дрэ екх кунь; лэнгирэ вударá выджáнас пэ паш-ратітко риг. ⁵ Упралатунэ штубы на сыс дасавэ буглэ, сыр тэлатунэ и машкиратунэ, пал-дова́, со одой сыс трэмы. ⁶ Ёнэ сыс кэрдэ дрэ трин этажы, нэ дасавэ-паць стылбы, савэ сыс пэ грэда, лэндэ нанэ; пал-дова́ со ёнэ на сыс дасавэ буглэ, сыр тэлатунэ и машкиратунэ штубы. ⁷ Ванта ангіл кадалé штубы явритунэ грэдатыр (дворостыр), саві сыс яврі, сыс дро буглыпэн пандждэша куня. ⁸ Пал-дова́, со штубэнгиро длугипэн, савэ сыс пэ грэда, со

выджанас яврі, сыс пандждэша куня; акэ, ангил Кхангирі сыс шэл куня. ⁹ Тэлэ сыс загибэн андрэ далэ штубы восточнонэ ригатыр, коли тэ подджан кэ энэ грэдатыр, саві сыс яврі. ¹⁰ Кэ вантакиро буглыпэн, саві сыс пэ грэда, кэ вастоко ангил гаса, ангил кхэр сыс штубы. ¹¹ Дроморо ангил лэндэ сыс дасаво сыр пашыл кодолэ штубы, савэ выджанас пэ паш-ратитко риг, дасаво длулипэн сыр лэндэ, дасаво буглыпэн, сарэ лэнгирэ выгибэна, сарэ лэнгиро укэдыбэн, лэнгирэ вударá сыс дасавэ, сыр лэндэ. ¹² Кадасавэ вударá сыс сыр дрэ штубы, савэ выджанас пэ паш-дывэсытко (южно) риг, ваш дова, соб (кай) тэ заджас дрэ лэндэ, сыс вудар пашыл дром, саво джалас пир ванта пэ вастоко. ¹³ И пхэндя ёв мангэ: “Штубы пэ паш-ратитко (северно) и пэ паш-дывэсытко (южно) рига, савэ сыс ангил англатунó штэто, исын свэнта штубы, кай рашая исын, савэ явэна кэ Рай Дэвэл, Дэвэл, и кай энэ ханас свэнта дыибэна (жэртвы), одой энэ чхувэна свэнта дыибэна, и янэна марунó свэнта дыибэн, и дыибэн палó грэхо, и дыибэн пал чорипэн, пал-дова со кадава исын свэнта штэто. ¹⁴ Коли заджана одорик рашая, лэнгэ трэиндя тэ ячавэн (ячкирэн) одой пэскиро урибэн, дро саво энэ дынаринэна (служынэна), а тэньчи (позжэ) тэ выджан далэ-свэнтонэ штэтостыр пэ грэда (дворо), со сыс яврі; пал-дова, со кадава урибэн исын свэнта, лэнгэ трэиндя тэ урьен явир урибэн, а тэньчи тэ выджан кэ мануша. ¹⁵ Коли ёв выгиндя андратуны Кхангирі, ёв выльджия ман пир порта, саві выджалас пэ вастоко, и ёв лыя тэ выгинэл ла трусцял (кругом). ¹⁶ Ёв выгиндя восточно риг мериндытконэ дэстэса, и выгиндя ёв дэстэса пандж шэла дэстэ. ¹⁷ Пэ паш-ратитко (северно) риг выгиндя ёв далэ мериндытконэ дэстэса панджшэла дэстэ. ¹⁸ Дрэ паш-дывэсытко риг выгиндя ёв мериндытконэ дэстэса панджшэла дэстэ. ¹⁹ Порисия ёв кэ западно риг и выгиндя мериндытконэ дэстэса панджшэла дэстэ. ²⁰ Сарэ штарэ ригэндыр вымериндя ла; трусцял (кругом) сыс ванта, лакиро длулипэн – панджшэла дэстэ, лакиро буглыпэн, – сыс пандж шэла дэстэ, соб (кай) тэ на явэл свэнта штэто кхэтанэ насвэнтонэ штэтоса.

Шэро 43

Дэвлэскири Слава Рисёла дрэ Кхангирі

¹ И лыджия кадава мануш ман кэ порта (враты), кэ одоя порта, саві выджалас пэ вастоко. ² И, акэ, Израилёскирэ-Дэвлэскири слава джалас востокостыр, Лэскири зан – сыр бутэ-панескиро шумо, пэ пхув зяиндя Лэскири слава. ³ Давá дыкхибэн сыс дасаво-паць, сыр мэ дыкхцём, коли Мэ явавас тэ пхэнав, со хасёла форо, и дыкхибэна сыс сырбы долэ дыкхибэна, савэ Мэ дыкхцём пашыл рэка (лэнь) Ховар. Мэ пыём мо́са пэ пхув. ⁴ Рáскирэ-Дэвлэскири слава загия дрэ Кхангирі пир порта, саві выджалас пэ вастоко. ⁵ И газдыя ман Рáскирэ-Дэвлэскиро Духо, и лыджия ман дрэ андратуны грэда, и, акэ, Рáскирэ-Дэвлэскири слава змэкцяпэ пир сарі Кхангирі. ⁶ И мэ шундём вари-конэс, саво ракирлас мангэ Кхангирьятыр, а одова мануш сыс тэрдó пашыл мандэ. ⁷ И пхэндя ёв мангэ: “Манушэскиро чхава! Кадава исын Миро штэто, штэто ваш Мирé гэрá, кай Мэ явава тэ дживав машкір Израилёскирэ чхавэндэ сарó джибэн. Израилёскиро кхэр на явэла тэ магирэл бутыр Миро свэнта лав; ни энэ, ни лэнгирэ кралья на явэна тэ кэрэн кадава биладжаипэн трупэнца, лэнгирэ кральенгирэ, пэ вучэ штэты. ⁸ Ёнэ чхувэна пэскиро прого пашыл Миро прого, пэскиро вудар пашыл Миро вудар, адякэ, со екх ванта сыс машкір Мандэ и лэндэ; ёнэ магирэна́с Миро свэнта лав пэскирэ джунгалé рэндэнца, савэ кэрэна́с, пал-дова Мэ хасякирдём лэн дрэ Мирі холы. ⁹ А аканá энэ залэна Мандыр пэскиро биладжаипэн, пэскирэ-кральенгирэ трұпы, и Мэ явава тэ дживав машкір лэндэ пэ сарэ бэрша. ¹⁰ Ту, манушэскиро чхава, роспхэн Израилёскирэ кхэрэскэ пал кадая Кхангирі, соб (кай) энэ тэ ладжан пэскирэ грэхэндыр и, соб энэ тэ кэрэн Кхангирьякири мэра. ¹¹ Коли энэ явэна́с тэ ладжан долэстыр со энэ кэрэна́с, то сыка́в лэнгэ, сыр выдыкхэла Кхангирі, кай и сыр ёй сыс тэрды, лакирэ выгибэна, лакирэ загибэна, сарэ лакирэ припхэныбэна, сарэ лакирэ законы, зачхин дава́ ангил лэнгирэ якха, соб (кай) энэ тэ ра́кхэн, сыр выдыкхэла кадая Кхангирі, сарэ лакирэ упхэныбэна, соб (кай) энэ тэ кэрэн пир лэндэ. ¹² Акэ, исын Кхангирьякиро

законо; упрал, пэ бэрга саро лакиро штэто, саро трусцал лакиро штэто исын Свэнтонэстыр. Акэ, исын Кхангирьякиро законо!”

Алтáрё

¹³ Акэ, саво исын алтарёскиро барипэн дрэ куня, коли тэ гинэс екх кунь сыр екх кунь и екх бурныкакиро буглыпэн; дова, пэ со ёв исын тэрдó (фундаментыцо) исын екх кунь, буглыпнаса екх кунь исын дрэ кустык трусцал (вокруг) пир сарэ лэскирэ ригá; акэ, исын алтарёскири палатуны риг. ¹⁴ Долэстыр, пэ со ёв исын тэрдó пэ пхув (фундаментыцостыр) кэ тэлатуно газдыибэн сыс дуй куня, а буглыпэн – екх кунь. Тыкнэ газдыибнастыр кэ барó, газдыибэн штар куня, а буглыпэн лэскиро – екх кунь. ¹⁵ Алтарёскиро вучипэн – штар куня, лэстыр газдэнапэ упрé штар шынга (роги). ¹⁶ Алтарёскиро длугипэн – дешуекх куня, а буглыпэн – дешуекх кунь, ёв исын штарвэнглытко пэ сарэ штар ригá. ¹⁷ А лэскиро выступо сыс дешуштар куня дро длугипэн, дешуштар куня дро буглыпэн пэ сарэ штар ригá, трусцал лэстэ сыс кустык (полоса) дрэ паш кунь, лакиро фундаментыцо сыс – дрэ кунь трусцал, загиибэн кэ алтаре сыс востокóстыр.

Пал Свэнта Дыибэна пэ Алтáрё

¹⁸ И пхэндя ёв мангэ: “Манушэскиро чхава! Адякэ ракирэла Рай Дэвэл, Дэвэл: ‘Акэ, исын упхэныбэна пал алтáрё кэ дова дывэс, коли ёв явэла кэрдó, соб (кай) тэ янэн пэ лэстэ схачкирибнытка свэнта дыибэна (усасожэнни) тэ чхувэн пэ лэстэ рат. ¹⁹ Рашангэ Левиэскирэ родыцостыр, саво исын Садокоскирэ-кхэритконэ родóстыр, саво явэна кэ Мэ, соб (кай) тэ кэрэн буты ваш Мангэ, ракирэла Рай Дэвэл, Дэвэл – тэ янэн гурувóрэс сыр свэнтó дыибэн палó грэхó. ²⁰ Лэ лэскиро рат, чхув пэ сарэ лэскирэ штар шынга, пэ штар вэнглы пир выступо пэ кустык (полоса) трусцал, адякэ жужакир лэс, кэр лэс свэнтонэса. ²¹ Лэ гурувóрэс, сыр свэнтó дыибэн палó грэхó, схачкир лэс пэ скэрдо ваш дова штэто дро кхэр, палó свэнтó штэто. ²² А пэ явир дывэс ян сыр свэнтó дыибэн палó грэхó бидошакирэ бузнэс, мэк тэ жужакирэн алтáрё адякэ, сыр жужакирэнас (чыстинэнас) гурувэса. ²³ Коли ту мэкэса тэ жужакирэс, ян бидошакирэ гурувóрэс, а бакрэнгирэ стадатыр – бидошакирэ бакрэс. ²⁴ Ян лэн ангил Рáскирэ-Дэвлэскиро муй, рашая мэк тэ чхурдэн пэ лэндэ лонд, и янэна лэн пэ цэло схачкирибэн Рáскэ-Дэвлэскэ сыр свэнтó дыибэн. ²⁵ Ян эфта дывэса, сыр свэнтó дыибэн палó грэхó пир бузнэстэ дро дывэс; мэк тэ янэн, сыр свэнтó дыибэн пир гуруворэстэ и пир бакрэстэ бакрэнгирэ стадатыр, соб (кай) тэ явэн бидошакирэ. ²⁶ Эфта дывэса трэй лэнгэ тэ жужакирэн алтáрё и тэ кэрэн лэс свэнтонэса, и адякэ посвэнцынэн лэса вастá пэскирэ. ²⁷ Кéли ж проджа́на (накхэна) кадалэ дывэса, пэ охто́то (бидуэнгиро дэшто) дывэс и дурэдыр, рашая явэна тэ янэн пэ алтáрё тумарé цэла схачкирибнытка и парикирибнытка свэнта дыибэна, и Мэ прилава лэн,’ – ракирэла Рай Дэвэл, Дэвэл.

Шэро́ 44

Восточно Пóрта и Тхага́ри

¹ Тэньци ёв, кадава мануш, яндя ман палэ, кэ свэнтó штэто, кай сыс пóрта (враты), сави выджалас пэ вастóко, нэ ёй сыс запхандлы. ² И пхэндя мангэ Рай Дэвэл, Дэвэл: “Када́я пóрта явэла запхандлы, на псиравэлапэ (на откэрэлапэ), нисаво мануш на заджа́ла пир латэ, пал-дова со Рай Дэвэл, Дэвэл Израилёскиро заги́я дрэ латэ; ёй явэла запхандлы. ³ А тхага́ри (князё), саво ишчо (инкэ) явэла бэшэла дрэ пóрта, сыр тхага́ри, соб (кай) ёв сашты́ тэ хал марó ангил Растэ-Дэвлэстэ. Ёв заджа́ла дрэ кадалэ – портакиро трéмо: далэ дромéса заджа́ла и далэ дромéса выджала.”

Кон Заджала дрэ Кхангири

⁴ Тэньци ёв лыджия ман дромэса пир паш-ратитко (северно) порта ангил Кхангирьякиро англывэн, и Мэ дыкхцём: акэ, Раскирэ-Дэвлэскири слава пхэрдия Кхэр Дэвлэскиро (Кхангири), и Мэ пыём пэ пхув мёса. ⁵ И пхэндя мангэ Рай Дэвэл, Дэвэл: “Манушэскиро чхава! Прилэ саро тырэ илэса, дыкх тырэ якхэнца, шун тырэ канэнца саро, со Мэ ракирава тукэ пал сарэ Дэвлэскирэ-Раскирэ Кхангирьякирэ упхэныбэна, пал сарэ лэскирэ законы, прилэ тырэ илэса дова, кон заджала дрэ Кхангири, и кон выджала свэнтонэ штэтостыр. ⁶ Пхэн Израилэскирэ кхэрэскэ, кай никон на кандэла Дэвлэс: Адякэ ракирэла Рай Дэвэл, Дэвэл: “Ухтылла (доси) тэ кэрэн тумэнгэ, Израилэскиро кхэр, сарэ тумарэ джунгалэ рэндэ. ⁷ Тэ лыджан андрэ явирэ-манушнякирэ чхавэн, конэстэ нанэ обчхиндло ило, нанэ обчхиндлы лоч (плоть), соб (кай) тэ явэн пэ Миро свэнто штэто, савэ магирэнас Мирі Кхангири; тэ янэн Миро маро, чэкэн и рат; соб (кай) тэ пхагирэн Миро завето тумарэ джунгалэ рэндэнца. ⁸ Тумэ на ракхэнас Миро свэнто штэто, а чхувэна лэн, соб (кай) тэ ракхэн пэ Миро свэнто штэто.” ⁹ Адякэ ракирэл Рай Дэвэл, Дэвэл: “Нашты тэ заджал дро Миро свэнто штэто чужонэ-манушнякиро чхаво, саво наобчхиндлэ илэса, наобчхиндлэ лочаса (плотыса), мэк и дживэл ёв машкір Израилэскирэ чхавэндэ, нэ ўсакх нашты лэскэ тэ заджал одорік.

Левіты, Савэ Дуринэ Дэвлэстыр

¹⁰ Нэ Левіты, савэ дуринэ мандыр, дро дова часо, кэли дурия саро Израилё, савэ ячадэ (ячкирдэ) Ман, кон псирэлас кэ пэскирэ йдолы, лэндыр пхучэнапэ пал дова, со ёнэ кэрдэ. ¹¹ Ёнэ явэна тэ дынаринэн пэ Миро свэнто штэто сыр ракхибнарья пашыл Кхангирьякири порта и пособники (помогибнаскирэ) пашыл Кхангири, ёнэ явэна тэ зачхинэн ваш народо цэла схачкирибнытка и явір свэнта дыибэна; ёнэ явэна тэрдэ ангил лэндэ, соб (кай) лэнгэ тэ дынаринэн (тэ служынэн). ¹² Пал-дова, со ёнэ дынаринэнас (служынэнас) лэнгэ ангил лэнгирэ йдолы, ёнэ притырдэнас Израилэскиро кхэр тэ кэрэн чорипэн, Мэ газдыём пэ лэндэ Миро васт, – ракирэла Рай Дэвэл, Дэвэл – со пхучэлапэ лэндыр пал лэнгиро чорипэн. ¹³ Ёнэ на явэна пашыл кэ Мэ, соб (кай) тэ кэрэн ангил Мандэ свэнто буты сыр рашая, и ёнэ на явэна кэ сарэ Мирэ, свэнта вешчы (чысы), кэ Свэнто-свэнтонэнгиро, нэ пэ лэндэ явэла лэнгири ладж и джунгалэ рэндэ, савэ ёнэ кэрдэ. ¹⁴ Мэ кэрава лэндыр Кхангирьякирэ ракхибнарьен, ваш сарі Кхангиритко буты, ваш саро, со кэрэлапэ одой. ¹⁵ А рашая Левиэскирэ родыщостыр, Садокоскирэ чхавэ, савэ дро дова часо, кэли дуринэ Израилэскирэ чхавэ, савэ ракхэнас Миро штэто (свэнтыма), явэна кэ Мэ, соб (кай) тэ кэрэн буты ваш Мангэ, ёнэ явэна тэ тэрдэн ангил Миро муй, соб (кай) тэ янэн Мангэ чэкэн и рат,” – ракирэла Рай Дэвэл, Дэвэл. ¹⁶ Ёнэ явэна тэ заджан пэ Миро свэнто штэто, ёнэ явэна кэ Миро хабэн, соб (кай) тэ кэрэн буты ваш Мангэ, соб (кай) тэ ракхэн Мирі стрэга. ¹⁷ И явэла адякэ, со кэли ёнэ явэна пэ андратуны грэда (дворо), кэ порта, тэньчи ёнэ чхувэна пэ пэстэ гандладытко (лёнытко) урибэн, нэ нашты, соб (кай) тэ явэл пэ лэндэ тхануно (вылнытко) урибэн, кэли ёнэ явэна тэ дынаринэн пэ андралатуны грэда пашыл порта и андрал Кхангири. ¹⁸ Пэ лэнгирэ шэрэ трэй, соб (кай) тэ явэн гандладытка (лёнытка) турбаны; трэй, соб (кай) тэлатуно урибэн тэ явэл пэ лэндэ гандладэстыр (лёностыр), на трэй, соб (кай) тэ обпхандэнпэ, коли ёнэ кхамлёна. ¹⁹ Кэли явэла трэй тэ выджан пэ грэда со яврі, пэ грэда, со яврі кэ народо, лэнгэ трэй тэ злэн пэскиро урибэн, дро саво ёнэ кэрэнас свэнто буты, трэй тэ ячкирэн (тэ ячавэн) лэн дрэ свэнта штэбы, и тэ урьенпэ дро явір урибэн, соб (кай) тэ на чилавэн ёнэ народо пэскирэ свэнтонэ урибнаса. ²⁰ И адякэ-паць нашты лэнгэ тэ муравэн (тэ бриинэн) шэрэ, нашты лэнгэ тэ барьякирэн бала, а трэй, соб (кай) тэ явэн подчхиндлэ лэнгирэ бала. ²¹ Нашты, соб (кай) тэ пьел рашай мол (вино), кэли ёв джала пэ андратуны грэда. ²² Нашты лэнгэ тэ лэн дрэ ромня пивля/биромэскирэ манушня (удова), джувля, саві розгияпэ ромэса, а трэй, соб (кай) тэ лэн пэскэ патывалэ джувлэн Израилэскирэ – кхэрэскирэ родостыр, ци пивля, конэскиро ром сыс рашай. ²³ Трэй лэнгэ тэ

сыклякирэн Миро народо, со исын свэнто, а со нанэ, тэ пхэнэн лэнгэ, со исын жужо, а сонанэ. ²⁴ Кэли исын нарозлынэ рэнды (дэлы), лэнгэ трэй тэ явэн сэндарьенца пир Мирэ упхэныбэнэ и тэ сэндыкирэн лэн Мирэ сэндоса, тэ раххэн Мирэ законы, Мирэ стату́ты пал сарэ Мирэ свэнки, тэ раххэн дрэ свэнтыма Мирэ саваты (суботы). ²⁵ Нашты лэнгэ тэ магирэн пэс, соб (кай) ёнэ тэ подджан кэ муло мануш, нэ, соб (кай) ёнэ тэ явэн кэ дад и дай, кэ чхаво и чхай, кэ пшал и пхэн, савьятэ на сыс ром; ёнэ сашты тэ явэн нажужэ. ²⁶ А кэли кадасаво Левито жужакирэлапэ, то трэй, соб (кай) тэ отгинэл рашай ишчо (инкэ) эфта (битринэнгиро дэш) дывэса.” ²⁷ Дро дова дывэс, кэли лэскэ трэй тэ явэл пэ свэнто штэто пэ андратуны грэда (дворо), соб (кай) тэ дынаринэл пашо свэнто, ёв исын банго тэ янэл свэнто дыибэн палó грэхо,” – ракирэла Рай Дэвэл, Дэвэл. ²⁸ А коли трэй тэ пхэнэс пал удело (котэр пхув лэнгэ) сыр мэкно миштыпэн, то Мэ сом лэнгиро удело (мэкно миштыпэн). И нисаво миштыпэн на дэн лэнгэ дро Израилё: Мэ сом лэнгиро миштыпэн. ²⁹ Ёнэ явэна тэ хан марэскирэ яныбнастыр, свэнтонэ дыибнастыр палó грэхо, свэнтонэ дыибнастыр палó чорипэн, саро свэнцындло хабэн дро Израилё исын рашангиро. ³⁰ Кажно пэрво пхабай/плóдо долэстыр, со барьёла пэ пхув, кажно свэнто яныбэн, савэ бы ёнэ тэ на явэн, исын рашангирэ, саро пэрво тумарэ марэстыр отдэн рашаскэ, соб (кай) тэ явэл бахтякирдó тырó кхэр. ³¹ Нашты, соб (кай) тэ хан раша́я мулэ-мурдалэнгиро ци чирикленгиро мас, нашты соб (кай) тэ хан дова, со rischiрибнаскиро мурдал (зверё) захая.

Шэро 45

Свэнто Штэто пэ Пхув ваш Дэвлэскэ

¹ Кэли явэна тумэ тэ розгинэн пхув пэ котэра (пэ участки) сыр мэкно миштыпэн, дэн тэньчи Рáскэ-Дэвлэскэ свэнто котэр пхув, конэскиро длугипэн тэ явэл биш тэ пандж тысёнцы дэстэ, а буглыпэн – дэш тысёнцы, саро тэ явэл свэнто кэ сама ягóры (край) трусцял (кругом). ² Сарэ далэ пхувьятыр кэ штэто (свэнтыма) явэла штарвэнглытко котэр (куско) пхув, пир панджшэла дэстэ трусцял, а трусцял лэстэ – вольно (псиро) штэто дрэ пандждэша куня. ³ Далэ сарэ мератыр выгин биш тэ пандж тысёнцы дэстэ, гада явэла длугипэн, а дэш тысёнцы явэла буглыпэн, кай тэ явэл свэнто штэто (вэнтыма), Свэнто-свэнтонэстыр. ⁴ Давá свэнтонэ-пхувьякири котэр пхув явэла ваш рашангэ, свэнтонэ-штэтоскирэ дынарьэнгэ (служытеленгэ), савэ лэна тэ кэрэн буты ваш Рáскэ Дэвлэскэ, дава явэла штэто ваш лэнгирэ кхэра, и кай явэла обсвэнцындло котэр ваш свэнто штэто. ⁵ Длугипэн дрэ биш тэ пандж тысёнцы дэстэ, буглыпэн дрэ дэш тысёнцы – саро дава явэла ваш Левитэнгэ, Кхангирьякирэ дынарьэнгэ, дава явэла лэнгиро миштыпэн бишэ штубэнца тэ дживэн.

Миштыпэн Форóскиро и Тхагарискиро

⁶ Дэн дро форóскиро миштыпэн пхув пандж тысёнцы дэстэ буглыпнаса, биш тэ пандж тысёнцы длугипнаса ангил свэнтонэ-пхувьякиро котэр пхув, сави отдыны Рáскэ-Дэвлэскэ; дава явэла сарэ Израилёскирэ – кхэрэскиро миштыпэн. ⁷ Дэн тхагарискэ (князёскэ) котэр пхув пэ одоя и явир риг, пашыл свэнтонэ-пхувьякири паш, сави отдыны Рáскэ-Дэвлэскэ, и сави исын пэ межа форóскирэ миштыпнаса, кэ западо, западнóнэ ригатыр и кэ вастóко, восточнóнэ ригатыр, лэскиро длугипэн явэла дасаво, сыр екх долэ-родоскирэ котэрэндыр, западнóнэ ригатыр кэ восточно межа. ⁸ Давá исын лэскири пхув, лэскиро миштыпэн дро Израилё; соб (кай) Мирэ тхагарья тэ на тасавэнас бутыр Миро народо, соб (кай) ёнэ тэ дэн пхув Израилёскирэ кхэрэскэ пир лэскирэ рóдыцы. ⁹ Адыкэ ракирэла Рай-Дэвэл: “Ухтылла (дóси), Израилёскирэ тхагарьялэ (князи). Пириячэн тэ кэрэн нахрата рэнды тэ обчорэн. Кэрэн сэндо и чачипэн, пириячэн тэ вытрадэн Миро народо лэскирэ пхувьятыр, – ракирэла Рай Дэвэл, Дэвэл. ¹⁰ Мэк тэ явэн тумэндэ чачунэ убладытка (весы), чачуны эфа, чачуно бато. ¹¹ Эфа и бато бангэ тэ явэн дрэ екхори-пацэ мэра, адыкэ, соб (кай) дро бато тэ заджал – дэшто мэра хомеростыр, и дрэ эфа дэшто хомероскири мэра; лэнгиро выгиныбэн дыкхэн пир

хомеро. ¹² Дро шéкелё исын биш геры, а биш шéкели, биш тэ пандж шéкели и дэшупандж шéкели явэна тумэндэ сыр екх мина. ¹³ Акэ, исын дань (дыибэн), саво трэй тэ дэн тхагарискэ: шовтонэ эфакири мэра гивитконэ хомеростыр, шовто ефакиро мэра гэрстытконэ хомэроостыр. ¹⁴ Акэ, исын упхэныбэн пал оливйтко дзэт (елеё); елеёскирэ коростыр дэн дэшто мэра батостыр дэш баты – дава исын хомэр, пал-дова, со дро хомэро исын дэш баты. ¹⁵ Екха бакрý дуй шэлэнгирэ-бакрэнгирэ стадатыр лачхэ Израилёскирэ фэлдатыр – саро дава ваш цэло схачкирибнытко и маруно свэнто дыибэн, свэнто дыибэн тэ парикирэн, соб (кай) тэ явэн жужэ,” – ракирэла Рай Дэвэл, Дэвэл. ¹⁶ “Народо сарэ пхувьятыр исын банго тэ янэл дава свэнто дыибэн тхагарэскэ дро Израилё. ¹⁷ А тхагарискиро бангипэн явэла тэ дэл цэло схачкирибнытко, маруно свэнто дыибэн, ёв явэла тэ янэл тхадунэ свэнто дыибэн пэ свэнки, дрэ нэвэ чхона, дрэ саваты, дрэ сарэ Израилёскирэ-кхэрэскирэ бахталэ дывэса. О тхагари исын банго тэ янэл свэнто дыибэн (жэртва) палó грэхо, маруно свэнто дыибэн, цэло схачкирибнытко парикирибнытко свэнто дыибэн ваш Израилёскирэ-кхэрэскиро жужипэн. ¹⁸ Адýкэ ракирэла Рай Дэвэл, Дэвэл: Дро пэрво чхон, пэ пэрво чхонытко дывэс лэ гурувэндýр бидошакирэ гуруворэс тэ жужакирэл свэнто штэто. ¹⁹ Мэк тэ лэл рашай рат далэ свэнтонэ дыибнастыр палó грэхо, мэк тэ почхувэл лэс пэ вударá дрэ Кхангирý пэ штарвэнглытко учхакирибэн пашыл алтарё (жертвенико), пэ выступо, кай портакирэ стылбы дрэ андратунý грэда. ²⁰ Адýкэ кэр пэ эфтáто чхонытко дывэс пал одолэндэ, савэ кэрэна грэху на джины, со ёнэ кэрэна и пал кодолэндэ, савэ кэрэна грэху пир наиво, и адýкэ жужакирэн кхангирý. ²¹ Дро пэрво чхон, дро дэшуштарто дывэс явэла Патрадý тумэндэ, кели трэй тэ хан би-дрождженгиро маро. ²² Дро дава дывэс о тхагари янэла пал пэстэ и палó народо сарэ пхувьятыр гуруворэс, сыр свэнто дыибэн палó грэхо. ²³ Дрэ далэ эфтá дывэса ёв банго тэ янэл Рáскэ-Дэвлэскэ дро цэло схачкирибэн кажно дывэс пир эфтá гуруворэндэ, пир эфтá бакрэндэ бидошакирэ, а сыр свэнто дыибэн палó грэхо – кажно дывэс пир бузнэстэ (козлостэ). ²⁴ Маруно свэнто дыибэн ёв исын банго тэ янэл пир эфа пэ гуруворэстэ, пир эфа пэ бакрэстэ, пир оливитконэ-дзэтоскиро гино пэ эфа. ²⁵ Дро эфтáто чхон, пэ дэшупан-джто-чхонытко дывэс, пэ свэнко, кели джана кадалэ эфтá дывэса, ёв банго тэ янэл дова, со сыс кадасаво свэнто дыибэн адакицы, сыр сыс оливйтко дзэт.”

Шэрó 46

Сыр Трэй тэ Дэн Патýв Дэвлэскэ

¹ Адýкэ ракирэла Рай Дэвэл, Дэвэл: “Андратунэ-грэдакири пórта, савý выджáла пэ вастóко, мэк тэ явэл закэрды (запхандлы), кели джана шов бутитка дывэса, а дро дывэс савато (субóта), дро дывэс, кели лыяпэ нэво чхон, мэк тэ явэл откэрды (отпхандлы). ² О тхагари заджáла пир портакиро трéмо, со выджáла яврý, ёв явэла тэрдó пашыл кадалэ портытка стылбы. Э рашай кэрэна лэскиро цэло схачкирибнытко и лэскиро парикирибнытко свэнто дыибэн. Пашыл портакиро прого ёв дэла патýв Рáскэ-Дэвлэскэ и выджáла, а пórта мэк тэ на закэрэн (на запхандэн) бэльвэлé. ³ И адýкэ-паць народо пхувьятыр явэла тэ дэл патýв (тэ клонинэлпэ) ангýл Рáстэ-Дэвлэстэ пашыл загиибэн дрэ пórта, дрэ саваты (суботы), дрэ нэвэ чхона. ⁴ Акэ, исын схачкирибэн, саво тхагари янэла Рáскэ-Дэвлэскэ дро дывэс савато: шов бакрорэ бидошакирэ, и екх бидошакиро бакро. ⁵ Маруно свэнто дыибэн банго тэ явэл эфа пал бакрэстэ, пэ бакрорэстэ явэла дасаво маруно свэнто дыибэн, кицы дэла лэскиро васт, гино оливйтко дзэт (елеё) явэла пэ эфа. ⁶ Дро нэвэ чхонытко дывэс ёв янэла гурувэнгирэс гуртостыр, бидошакирэ гуруворэс; шов бакрорэ, бидошакирэ бакрорэс. ⁷ Ёв янэла маруно свэнто дыибэн екх эфа пэ гуруворэстэ, эфа пэ бакрэстэ, а пэ бакрорэндэ-кицы дэла лэскиро васт, гино оливйтко дзэт пэ эфа. ⁸ Кели явэла тхагари, ёв исын банго тэ и заджál пир портакиро трéмо, банго тэ выджál далэ-паць дромéса. ⁹ А кели народо пхувьятыр явэла пэ свэнки ангýл Рáскирэ-Дэвлэскиро муй, одолэскэ, кон загия пир паш-ратýтко (северно) пórта, соб (кай) тэ дэл патýв Дэвлэскэ, трэй тэ выджál паш-дывэсытконэ портаса, а одолэскэ, саво загия пир паш-дывэсытко (южно) пórта, трэй тэ выджál паш-ратитконэ

портаса; наштý лэскэ тэ выджал долэ-паць портаса, савьяса ёв загия, ёв исын бангó тэ выджал пир явир порта. ¹⁰ О тхагáри исын бангó тэ явэл машкíр лэндэ: кели ёнэ заджана, заджала и ёв, кели ёнэ выджана, выджала и ёв. ¹¹ Пэ свэнки, и дрэ упхэндлэ бахталэ дывэса марунó свэнто дыибэн лэстыр бангó тэ явэл кадасавó: эфа пал гуруворэстэ, эфа пал бакрэстэ, а пэ бакрорэндэ-киць дэла лэскиро васт, и оливítко дзэт пирó гино пэ эфа. ¹² А кели тхагáри пэскирэ илэстыр закамэла тэ янэл цэло схачкирибнытко ци парикирибнытко свэнто дыибэн (жэртва) Рáскэ-Дэвлэскэ, стрэгáрья (стражники) исын бангэ тэ откэрэн (тэ псиравэн) лэскэ пórта, сави выджала пэ вастóко, и ёв кэрэла пэскиро цэло схачкирибэн, пэскиро парикирибнытко свэнто дыибэн адякэ, сыр кэрдэ дрэ сáваты, а тэньчи ёв выджала, и кели выджала, то пórта закэрлапэ (запхандэлапэ). ¹³ Кажно дывэс янэн (тумэ рашая) Рáскэ-Дэвлэскэ сыр цэло схачкирибнытко свэнто дыибэн екхэ-бэршэскирэ – бидошакирэ бакрорэс, янэн лэс кажно злóко (рáнко). ¹⁴ А марунэ яныбнастыр причхувэн кэ ёв кажно злóко шóвто мёра эфатыр оливítко дзэт трýто мёра гиностыр, соб (кай) тэ явэл дава кхэтанэ яржэса; кадасавó исын вéчно припхэныбэн пал марунó яныбэн Рáскэ-Дэвлэскэ пэ сарэ бэршá. ¹⁵ Адякэ мэк тэ янэн дро цэло схачкирибнытко бакрорэс, марунó яныбэн и оливítко дзэт кажно злóко (рáнко) сарó часо.” ¹⁶ Адякэ ракирэла Рай Дэвэл, Дэвэл: “Кéли о тхагáри дэла дáро вари-конэскэ пэскирэ чхаворэндýр, дава явэла ваш мэкнó миштыпэн лэскирэ чхаворэнгэ (биятэнгэ), дава явэла лэнгиро мэкнó миштыпэн. ¹⁷ Кéли ж ёв дэла пэскирэ миштыпнастыр дáро вари-конэскэ пэскирэ писхарьендыр, то дава дáро явэла писхарискиро, а кели явэла вóльно бэрш, то дáро рисéла палэ кэ тхагáри. Фэни (тóка) палэ кэ лэскирэ чхавэ бангó исын тэ пириджал лэскиро мэкнó миштыпэн. ¹⁸ Наштý, соб (кай) тэ лэл тхагáри народоскирэ-мэкнэ миштыпнастыр, кóли ёв отлэла лэндýр; ёв исын бангó тэ дэл пэскирэ мэкнэ миштыпнастыр пэскирэ чхаворэнгэ (биятэнгэ), соб (кай) никон мирэ народóстыр тэ на явэл вытрадыно пэскирэ миштыпнастыр.” ¹⁹ Тэньци лыджия ёв ман загиибнаса, савó сыс пашыл пórта, кэ свэнта штýбы ваш рашангэ, савэ выджанас пэ паш-ратítко (северно) риг, акэ, одóй исын екх штéто, савó выджала пэ зáпадно ягóро (краё). ²⁰ И пхэндя мánгэ: “Адава исын штéто, кай рашая исын бангэ тэ кэравэн свэнто дыибэн (жэртва) пал чорипэн, и свэнто дыибэн пал грéхо, и кай исын бангэ тэ пэкэн марунó свэнто дыибэн и наштý тэ янэс лэс пэ грéда (двóро), сави сыс яври, ваш дова, соб (кай) народо тэ явэл свэнто.” ²¹ И вылыджия ёв ман пэ грéда, сави сыс яври, пролыджия ман пир штар грэдытка вэнглы, акэ, дро кажно грэдытко вэнгло сыс ишчо (инкэ) пир екх грéда. ²² Дрэ сарэ штар грэдытка вэнглы сыс зачхакирдэ грэды, длу́гипэн лэнгиро сыс штардэша куня, а буглыпэн триндэша, екх барипэн (мёра) ваш сарэ штар вэнглы. ²³ Трусцýл (кругом) лэндэ сарэндэ – ванты, а пашыл ванты, кэрдэ трусцýл кэраибнытка штéты (очаги). ²⁴ И пхэндя ёв мánгэ: “Акэ исын кэраибнытка штýбы, кай Кхангирьякирэ (Храмоскирэ) дына́рья кэравэна свэнта дыибэна́ (жэртвы) народóстыр.”

Шэро 47

Састякирибнытка Паня и Дрэвы

¹ Тэньци ёв (дава-паць мануш) яндя ман (Езэкилэс) палэ кэ Кхангирьякиро вудáр; акэ, Кхангирьякирэ прогостыр тхадэла пани пэ вастóко, пал-дова, со Кхангирй сыс тэрдý фасадоса пэ вастóко. И пани тхадэлас чачэ-Кхангирьякирэ ригáтыр пэ паш-дывэсы́тко риг, кай сыс алтáрэ. ² И вылыджия ёв ман паш-ратитконэ портакирэ дромэса, савó сыс яври, лыджия кэ пórта, сави сыс яври, дромэса, савó выджала пэ вастóко; акэ, пани тхадэла пир чачи́ (право) риг. ³ Кéли одова-паць мануш гия пэ вастóко, ёв рикирэлас дро васт шéло, и ёв вымериндя тысёнцы (барá) куня (локци), и лыджия ёв ман пирó пани; пани сыс кэ миро кокалки́цо (ладыжка). ⁴ Нэвэстыр (нэвэс) ёв выгиндя ишчо (инкэ) екх тысёнцо, и лыджия ман пирó пани; пани сыс кэ чанг. Выгиндя ёв нэвэс тысёнцо, и лыджия ман; пани подгия́ кэ мири́ кусты́к (трушула). ⁵ Выгиндя ишчо (инкэ) тысёнцо, адай сыс дасаво сы́гно панынг, со наштý сыс мánгэ тэ пириджав, пал-дова со пани сыс адякэ хор, со трэиндя́ тэ пливинав тэ

пириджав дава панынг сыс нашты. ⁶ И пхэндя ёв мангэ: “Дых ту дава, манушэскиро чхаво?” И лыджия ман палэ кэ брэго рэакиро (лэнякиро). ⁷ Кэли мэ явдём палэ, акэ, пэ брэги пашыл сыгно рэкица (лэнори) (патоко) сыс бут дрэвы екхэ и явирэ ригатыр. ⁸ И пхэндя ёв мангэ: “Давэ пани тхадэла пир восточнонэ-пхувьякири риг, джала пэ фэлда, а сыр заджала дро мórё (дэрьяв), и кэрэлапэ лэскиро пани састякирибнытко (лечэбно). ⁹ Кажно джидо создйибэн, саво кхарэлапэ (движынэлапэ) одой, кай заджана дуй рэкицы, явэла тэ дживэл, одой явэла бут мачхэ, пал-дова, со заджала одорик дова пани и кэрэлапэ пани дрэ мórё (дэрьяв) састякирибнытко, и карик заджала даё сыкно рэкица (лэнори), саро одой явэла джидо. ¹⁰ Явэна тэрдэ пашыл лэстэ мануша, саво ухтылэна мачхэн Эн-Гадятыр (Ен-Гадятыр) кэ Еглаимо, ёнэ явэна тэ зачхурдэн кхуда (сети). Одой явэла мачхэ, явэна бут мачхэ сыр дро Баро Мórё (дэрьяв). ¹¹ Лэскирэ артапели (хор болоты) и чхувины (лужы), саво на высастэна, явэна ячадэ (ячкирдэ) ваш лонд. ¹² Пашыл брэго сыгно рэкица (лэнори) (патоко), пир рэкицакирэ брэги, екхэ и явирэ ригатыр явэна тэ барьён разна дрэвы, саво дэна хабэн: лэнгирэ патря (листы) на явэна тэ зашутён, и на пириячэна тэ янэн пхаба (плóды). Каждо нэво чхон явэна тэ выбарьён нэвэ, пал-дова, со пани ваш лэнгэ тхадэла свэнтонэ штэтостыр; лэнгирэ пхаба/плóды явэна тэ хан, а патря (листы) тэ састякирэнпэ.”

Пхувьякирэ Паша

¹³ Адякэ ракирэла Рай Дэвэл, Дэвэл: “Акэ исын розгиныбэн, пир саво тумэ сан бангэ тэ роскэрэн пхув, соб (кай) тэ дорэсэлпэ ёй дэшудуенгэ Израилёскирэ родыцэнгэ: дуй паша Ёзаскэ (Иосифоскэ). ¹⁴ Лэн даё пхув сыр мэкно миштыпэн екх и явир мануш, пал-дова, со Мэ газдыём Миро васт совлахаса тэ дав даё пхув тумарэ дадэнгэ, кадаё пхув исын тумаро мэкно миштыпэн. ¹⁵ Акэ, исын пхувьякири мёжа: пэ паш-ратитко ягоро (краё), лыи Барэ Морёстыр пир дром кэ Хеглоно, сыр тэ джас кэ Цэдадо. ¹⁶ Емафо, Берото, Сивраимо, кэ Гацар Тихоно, саво исын машкир Дамаско и Емафоскирэ штэты, саво исын пэ Авраноскири мёжа. ¹⁷ И явэла мёжа морёстыр (дэрьявэстыр) кэ Гацар-Еноно, мёжа пашыл Дамаско, а дурэдёр пэ паш-ратитко исын штэто Емафо, акэ, исын паш-ратитко риг. ¹⁸ Шпэра (чэрта) восточнонэ ригатыр лыджан машкир Аврано и Дамаско, машкир Галадо и Израилёскири пхув, пир Иордано, паш-ратитконэ ригатыр, кэ восточно мórё (дэрьяв), дава исын восточно риг. ¹⁹ Паш-дывэсытко риг исын паш-дывэсытконэ ригатыр Тамаростыр кэ пани, кай ханаспэ пир лава пашыл Кадисо, кай тхадэла ручаё кэ Баро Мórё (дэрьяв), дава исын паш-дывэсытко риг пэ паш-дывэсытко риг. ²⁰ Западно мёжа – Баро Мórё (дэрьяв), паш-дывэсытконэ межатыр кэ штэто ангил Емафо, дава исын западно риг. ²¹ Роскэрэн даё пхув манушэнгэ машкир тумэндэ пэ паша пир Израилёскирэ родыцы. ²² Роскэрэн (розделинэн) ла пирó жрэбиё, соб (кай) тэ явэл дава тумаро мэкно миштыпэн явирэ – пхувьенгирэ манушэнгэ, саво дживэна машкир тумэндэ, и саво биянэна чхаворэн. Ёнэ исын бангэ тэ гинэнпэ машкир Израилёскирэ чхавэндэ сыр тумарэ мануша, саво дживэна, ёнэ заджана кхэтанэ тумэнца дрэ доля (бажын) машкир Израилёскирэ родыцы. ²³ И явэла адякэ: со коли дживэла машкир вари-саво родыцо явирэ-пхувьенгиро мануш, одой дэн лэскэ мэкно миштыпэн лэскиро”, – ракирэла Рай Дэвэл, Дэвэл.

Шэрó 48

Пхувьякирэ Мёжы

¹ Акэ, сыр кхарэнпэ родыцы (чанга/колены). Пэ паш-ратитко риг пирó дром Хетлоностыр, саво лыджала дрэ Емафо, Гацар Еноно, паш-ратитконэ межатыр Дамаскостыр пирó дром кэ Емафо, сари даё пхув востокостыр кэ мórё (дэрьяв), исын екх пхувьякири паш Даноскэ. ² Пашыл Даноскири мёжа восточнонэ ригатыр кэ западно ягоро (краё) исын екх Асироскиро паш. ³ Пашыл Асироскири мёжа восточнонэ ригатыр кэ западно ягоро исын екх Нефалимоскири паш. ⁴ Пашыл Нефалимоскири мёжа восточнонэ ригатыр кэ западно ягоро

исын екх Манасияскиро паш. ⁵ Пашыл Манасияскири мѣжа, восточнонэ ригатыр кэ западно ягоро исын екх Ефремоскири паш. ⁶ Пашыл Ефремоскири мѣжа восточнонэ ригатыр кэ западно ягоро исын екх Рувимоскири паш. ⁷ Пашыл Рувимоскири мѣжа, восточнонэ ригатыр кэ западно ягоро исын екх Юдаскири паш. ⁸ Пашыл Юдаскири мѣжа восточнонэ ригатыр кэ западно ягоро исын свѣнтонэ – пхувьякиро котѣр. Лѣскиро буглыпѣн исын биш тѣ пандж тысѣнцы дѣстѣ, а длугипѣн кадасавѣ, сыр явирѣ-пашѣнгиро длугипѣн, восточнонэ ригатыр кэ западно ягоро машкѣр лѣстѣ явѣла свѣнто штѣто. ⁹ Пхувьякиро котѣр, савѣ тумѣ отдѣна Рѣскѣ-Дѣвлѣскѣ, сыр свѣнто штѣто, явѣла дро длугипѣн биш тѣ пандж тысѣнцы дѣстѣ, а лѣскиро буглыпѣн явѣла дѣш тысѣнцы дѣстѣ. ¹⁰ Кадавѣ свѣнто пхувьякиро котѣр исын бангѣ тѣ явѣл рашѣнгиро, кѣ паш-ратѣткѣ риг биш тѣ пандж тысѣнцы дѣстѣ дро длугипѣн, кѣ мѣрѣ (дѣрѣяв) дро буглыпѣн дѣш тысѣнцы, кѣ востѣко дро буглыпѣн дѣш тысѣнцы, а кѣ паш-дывѣсыткѣ риг дро длугипѣн биш тѣ пандж тысѣнцы, машкѣр лѣстѣ явѣла свѣнто штѣто Рѣскирѣ-Дѣвлѣскиро. ¹¹ Кадавѣ отдѣн рашѣнгѣ Садокоскирѣ чхавѣндыр, савѣ сыс тѣрдѣ пѣ Мири стрѣга (стража), савѣ дро часѣ, кѣли дурѣѣнас Мѣндыр Израилѣскирѣ чхавѣ, на гинѣ криг Мѣндыр, сыр гинѣ криг явѣр Левѣты. ¹² Кадавѣ пхувьякиро котѣр свѣнтонѣ котѣрэстыр явѣла лѣнгиро, Свѣнто-свѣнтонѣстыр пашыл Левитѣнгиро ягоро. ¹³ Левѣты лѣна пашо рашѣнгиро ягоро (краѣ) паш дрѣ биш тѣ пандж тысѣнцы дѣстѣ дро длугипѣн и дѣш тысѣнцы дѣстѣ дро буглыпѣн; сарѣ длугипѣн исын биш тѣ пандж тысѣнцы, а буглыпѣн – дѣш тысѣнцы дѣстѣ. ¹⁴ Кадалѣ пхувьякирѣ котѣрэстыр наштѣ лѣнгѣ тѣ бикнѣн, наштѣ тѣ парувѣн, сарѣ пѣрво пхувьятыр на пириджала кѣ явирѣ пал-довѣ, со давѣ исын свѣнто Рѣскирѣ-Дѣвлѣскиро. ¹⁵ А явѣр пандж тысѣнцы, со ячнѣпѣ дро буглыпѣн биш тѣ пандж тысѣнцы дро длугипѣн – ваш фѣро, ваш сарѣнгѣ, соб (кай) тѣ дживѣн одѣй, соб (кай) тѣ явѣн фѣро машкирѣл. ¹⁶ Акѣ, савѣ явѣла фѣроскиро барипѣн: паш-ратѣтконѣ ригѣ штѣр тысѣнцы тѣ панджшѣл дѣстѣ, и паш-дывѣсыткѣ риг явѣла штѣр тысѣнцы тѣ панджшѣл, восточно риг – штѣр тысѣнцы панджшѣлѣ, западно риг – штѣр тысѣнцы панджшѣлѣ дѣстѣ. ¹⁷ Штѣты пашо фѣро – кѣ паш-ратѣткѣ риг дуй шѣлѣ тѣ пандждѣшѣ кѣ востѣко дуй шѣлѣ тѣ панджшѣлѣ, кѣ паш-дывѣсыткѣ риг дуй шѣлѣ тѣ пандждѣшѣ, кѣ западно дуй шѣлѣ тѣ пандждѣшѣ дѣстѣ. ¹⁸ Довѣ, со ячѣлапѣ длугипнастыр ангѣл свѣнто штѣто – дѣш тысѣнцы кѣ востѣко и дѣш тысѣнцы кѣ западо, ангѣл свѣнто штѣто, довѣ, со барѣѣла пѣ дѣй пхув – сарѣ давѣ ваш довѣ, соб (кай) тѣ чѣлякирѣс бутѣрнѣн, кон кѣрѣла бутѣ дро фѣро. ¹⁹ Сарѣ Израилѣскирѣ рѣдыцы саштѣ (могинѣна) тѣ кѣрѣн бутѣ дро фѣро. ²⁰ Сарѣ отдынѣ штѣто дро биш тѣ пандж тысѣнцы дѣстѣ длугипнаса, буглыпнаса биш тѣ пандж тысѣнцы дѣстѣ, штѣрвѣнглыткѣ котѣр, отдѣн дро свѣнто котѣр, кхѣтанѣ фѣроскирѣ миштыпнаса.

Тхагарискиро Котѣр

²¹ А сарѣ, со ячѣлапѣ-тхагарискѣ: свѣнтонѣ-котѣрэскиро ригатыр, фѣроскирѣ-миштыпнаскирѣ ригатыр ангѣл биш тѣ пандж тысѣнцы дѣстѣ кѣ котѣрэскиро восточно мѣжа и пѣ западо ангѣл биш тѣ пандж тысѣнцы лашыл западно мѣжа пхувьякири паш ваш тхагарискѣ, палдавѣ свѣнто котѣр пхув и свѣнто штѣто явѣна машкѣр лѣстѣ. ²² Нѣ одовѣ, со ячѣлапѣ Левитѣнгирѣ миштыпнастыр и фѣроскирѣ миштыпнастыр машкирѣл, явѣла адѣкѣ-пацѣ ваш тхагарискѣ а штѣто машкѣр Юдаскири мѣжа и машкѣр Вениаиноскири мѣжа явѣла тхагарискирѣ миштыпнаса. ²³ А сарѣ явирѣ родыцѣндыр восточнонэ ригатыр кѣ западно риг-екх паш Вениаиноскѣ. ²⁴ Пашыл Вениаиноскири мѣжа, восточнонэ ригатыр кѣ западно риг екх паш Симѣноскѣ. ²⁵ Пашыл Симѣноскири мѣжа восточнонэ ригатыр кѣ западно риг-екх паш Исахароскѣ. ²⁶ Пашыл Исахароскири мѣжа восточнонэ ригатыр кѣ западно риг-екх паш Завулоноскѣ. ²⁷ Пашыл Завулоноскири мѣжа, восточнонэ ригатыр кѣ западно риг-екх паш Гадоскѣ. ²⁸ А пашыл Гадоскири мѣжа пѣ паш-ратѣткѣ риг дѣжала паш-ратѣткѣ мѣжа Тамаростыр кѣ пѣнѣ, кѣй чингардѣнапѣ пашо Кадисѣ, ручѣѣстыр кѣ Барѣ Мѣрѣ (дѣрѣяв). ²⁹ Акѣ, исын пхув, савѣ тумѣ пир жрѣбиѣ роскѣдѣна Израилѣскирѣ родыцѣнгѣ, акѣ исын лѣнгирѣ пашѣ ракирѣла Рай Дѣвѣл, Дѣвѣл. ³⁰ Акѣ, исын фѣритка выгиныбѣна: паш-ратѣтконѣ ригатыр исын выгиныбѣн штѣр тысѣнцы тѣ панджшѣлѣ дѣстѣ. ³¹ Фѣриткѣ пѣрта

кхарэлпэ, пир Израилёскирэ родыцэнгирэ лава: кэ паш-ратитко риг исын трин порты: екх Рувимоскири порта, екх Юдаскири порта, екх Левиёскири порта. ³² Восточнонэ ригатыр исын выгиныбэн пэ штар тысёнцы пандждэша дэстэ, и трин порты: екх Ёзаскири порта, екх Вениаиноскири порта, екх Даноскири порта. ³³ Паш-дивэсытконэ ригатыр исын выгиныбэн пэ штар тысёнцы пандждэша дэстэ и трин порты: екх Симеоноскири порта, екх Исахороскири порта, екх Завулоноскири порта. ³⁴ Морёстыр исын выгиныбэн пэ штар тысёнцы пандждэша, дэстэ адай исын трин порты: екх Гадоскири порта, екх Асироскири порта, екх Нефалимоскири порта. ³⁵ Саро трусцял (кругом) исын дэшуохто тысёнцы дэстэ. А форитко лав долэ дывэсэстыр явэла: “О Рай Дэвэл исын одой”!

Даниелёскири Лылварі

Шэрó 1

О Даниёлё и Лэскирэ Малá Кандэна Дэвлэс

¹ Пэ тріто бэрш Иоакимоскирэ (Якимоскирэ) кралипнаскиро, Юдэякирэ крали́скиро, явдя́ о Навуходоносóро, Вавилонóскиро крáли, кэ Ерусалимо и обгия лэс трусцял халадыбнаса. ² И дыя́ о Рай Дэвэл дро лэскиро васт э Иокимос, Юдэякирэ крали́с, и адакицы кхорé (сасу́ды) Дэвлытконэ кхэрэстыр, и ёв бичхадя́ лэн пэ пхув Сеноар, кэ лэскирэ Дэвлэскиро кхэр, и яндя́ адалэ сарé кхорé дрé пиралы́ ваш казна лэскирэ дэвлэскири. ³ И пхэндя́ о крáли Асфеназоскэ, кон сыс барыдырó лэскирэ евнухэнги́ро, соб (кай) ёв тэ янэл Израилёскирэ чхавэн, савэ́ тэ явэн кралитконэ́ и тхагаритконэ́ родóстыр, ⁴ тэрнэ-бэршэнгирэн (отрокэн), савэндэ́ нанэ нисавэ́ доша дрé масá (шталто), гожонэ́ мо́са, соб (кай) ёнэ́ тэ галён тэ сыклён дро кажно́ годыпэн, дро джиныбэн́ и сы́гэс тэ галён, савэ́ мого́нэна́с (дэ́нас ра́да) тэ дынаринэн́ (тэ служынэн́) дрé крали́скири фэлатин (колóв), и, соб (кай) тэ сыклякирэн́ лэн Халдеитконэ́ лылварипнаскэ́ (грамотакэ́) и чибакэ́ (чибы́якэ). ⁵ И выды́я лóнгэ крáли содывэсы́тко хабэн́ крали́скирэ скаминдэ́стыр и мол (вино), сави́ ёв ко́корó пы́елас, и пхэндя́ лэн тэ сыклякирэн́ трин бэрш, соб (кай) дро ко́нцо (дро я́го́ро) сыклякирибнаскэ́ (учобакэ́) ёнэ́ мого́нэна́с (дэ́нас ра́да) тэ тэрдён́ тэ дынаринэн́ ангил́ крали́стэ. ⁶ Машки́р лóндэ́ сыс Юда́скирэ чхавэндýр о Даниёлё́, о Анания́, о Мисаило́ и о Аза́рия. ⁷ И пирикхардя́ лэн барыдырó евнухэнги́ро – о Даниёлё́ яця́ о Валтасаро́ ^[1], о Анания́ – о Седрахо́ ^[2], о Мисаило́ – о Мисахо́ ^[3] и Аза́рия о Авед-Него́. ⁸ О Даниёлё́ чхудя́ дро пэ́скро ило́, соб (кай) тэ на магирэлпэ́ хабна́са кралитконэ́ скаминдэ́стыр и моля́са, сави́ пы́елас о крáли, и палдава́ мангдя́ э барыдырэ́с евнухэнгирэ́с пал дова́, соб (кай) явэ́лас сашты́ лэ́скэ́ тэ на магирэлпэ́. ⁹ Дыя́ о Дэвэл Даниелё́скэ́ ласка́ и лачхипэн́ евнухэнгирэ́ барыдырэ́стыр; ¹⁰ и о евнухэнги́ро барыдырó пхэндя́ Даниелё́скэ́: “Мэ́ дарава́ мирé ра́стыр крали́стыр, саво́ ко́корó при́пхэндя́ тумэнгэ́ хабэн́ и пибэн́. И палдава́, сыр дыкхэ́ла о крáли тумарé муя́ санэдыр, сыр тэрнэ́ манушэндэ́ тумарé екхэ́-бэршэнгирэндýр, то явэ́ла миро́ шэрó бангó ангил́ крали́стэ палэ́ тумэндэ́.” ¹¹ Тэ́ньчи пхэндя́ о Даниёлё́ Амелсароскэ́, дыкхибнаскирэ́скэ́, савэ́с евнухэнги́ро барыдырó при́чхудя́ кэ́ Даниёлё́, Анания́, Мисаило́ и Аза́рия: ¹² “Мэ́ манга́ва тут: про́патияки́р тырэ́ писхарьён́ пир дэш дывэ́са; и мэ́к тэ́ дэн амэ́нгэ́ тэ́ хас ша́ха́ (овошчы́) и пані́ тэ́ пы́яс; ¹³ тэ́ньчи тэ́ явэн́ ангил́ ту́тэ́ амарé́ муя́ и э́ муя́ одолé́ тэрнэ́-бэршэнгирэ́, савэ́ ханас́ крали́тко хабэн́, коригэ́дыр (позжэ́дыр) кэр́ тырэ́ писхарьёнца́ дова́, со ту́ дыкхэ́са лачхэ́с.” ¹⁴ Ёв канды́я лэн дро дова́́ и про́патияки́рдя́ лэн пир дэш дывэ́са. ¹⁵ Акэ́, пэ́ ко́нцо (я́го́ро) кадалé́ дэш дывэ́сэнгирэ́ мина́ пэ́ лэнгирэ́ муя́ яця́́ гожэ́дыр, и ёнэ́́ сыс зоралэ́дыр одолэн́́ тэрнэ́-бэршэнгирэндýр, савэ́́ ханас́́ крали́тко хабэн́. ¹⁶ И Амелсаро́, лэнгиро́ дыкхибнаскиро́, лэ́лас кри́г лэнгиро́ хабэн́́ и мол ваш́́ пибэн́́ лэндýр, и дэ́лас лэнгэ́́ ша́ха. ¹⁷ И дыя́́ о Дэвэл́́ штарэнгэ́́ адалé́́ тэрнэ́-бэршэнгирэнгэ́́ джиныбэн́́ и галыи́бэн́́ дрé кажно́́ лылварі́́ и годы́́, а Даниелё́́скэ́́ ишчо́́ (инкэ́́) дыя́́ галыи́бэн́́ дро кажно́́ дыкхи́бэн́́, и дрé́́ сунé́. ¹⁸ Пэ́́ ко́нцо (я́го́ро) долé́́ дывэ́сэнгиро́́, кэ́ли о крáли́́ при́пхэндя́́ тэ́ сыкавэн́́ лэн, о барыдырó́́ евнухэнгиро́́ сыка́дя́́ лэн

Навуходоносорооскэ. ¹⁹ И ракирлас лэнца о крáli, и сарэндýр тэрнэ-бэршэнгирэн на латхяпэ кадасавэн, сыр Даниёлё, Анания, Мисаило и Азáрия, и лынэ ёнэ тэ дынаринэн ангíл кралистэ. ²⁰ И дро кажно годó рэндó и лэнгиро розгалыибэн, пал со пхучэлас лэндýр о крáli, ёв латхэлас лэн дро дэш мол фэдýр сарэн човаханэндýр и магэндýр, савэ сыс дро сарó кралипэн лэскиро. ²¹ И сыс одóй о Даниелио кэ/жýко пэрво бэрш о Кираскирэ кралискиро.

1:7 ^[1] Дро Юды́тко оригина́ло дава́ лав исын “Белтышаццар”

1:7 ^[2] Дро Юды́тко оригина́ло дава́ лав исын “Шэдрах”

1:7 ^[3] Дро Юды́тко оригина́ло дава́ лав исын “Мешах”

Шэро́ 2

Навуходоносоро́скиро Сунó

¹ Пэ явír бэрш кралипнаскиро Навуходоносорооскиро, о Навуходоносóро дыкхцý (дыя) сунэ, и залыпэ дýхо (фáно) лэскиро, и соибэн гия́ лэстыр. ² Припхэндý о крáli тэ скэдэн сарэн човаханэн, и магэн, и джиныбнаскирэн пир планеты, и Халдеен, соб (кай) ёнэ тэ роспхэнэн э кралискэ лэскиро сунó. Ёнэ явнэ, и тэрдинэ ангíл кралистэ. ³ И пхэндý лэнгэ о крáli: “Дыкхáвас сунэ мэ, трашадёла о дýхо (фáно) миро; мánгэ трэй тэ джина́в дава́ сунó.” ⁴ И пхэндлэ э Халдеи кралискэ Арамеиткэс кэ: “Крáлэ! Яв джидó дрэ ве́ки! Пхэн сунó тырэ писхарьёнгэ, и мэ роскэдасам, сави знáчыма исын дрэ лэстэ.” ⁵ Отпхэндý о крáli и пхэндý Халдеенгэ: “Лав отгия́ мánдыр; ко́ли тумэ тэ на пхэнэн миро сунó, и со ёв значынэ́ла, то мэк тэ чингирэн тумэн пэ котэ́ра (куски), и кхэ́ра тумарэ явэ́на роспахирдэ. ⁶ Нэ ко́ли тумэ роспхэнэна сунó и лэскири знáчыма, тэды тэ лэн мánдыр да́ры, почастýнки, и явэ́ла тумэнгэ бари патýв. Ады́кэ пхэнэн мánгэ сунó и лэскири знáчыма.” ⁷ Ёнэ нэвэ́стыр (нэвэ́с) отпхэндлэ и ракирдэ: “Тэ пхэнэл о крáli пэскирэ писхарьёнгэ сунó, и амэ пхэна́са лэскири знáчыма.” ⁸ Отпхэндý о крáli и пхэндý: “Чачэс, джино́м мэ, со тумэнгэ трэй тэ выбашавэн часо, пал-дова́ со тумэ дыкхэ́на, со лав отгия́ мánдыр. ⁹ Ады́кэ со, ко́ли тумэ на роспхэнэнас миро сунó, то тумэндэ екх исын пэ годý: тумэ скэдынэ́пэ тэ пхэнэн мánгэ хохаибэн и начачунэ́ лава́, соб (кай) тэ джал дурэдýр (накхэ́ла) о часо; ады́кэ, роспхэнэн мánгэ сунó, и тэды мэ галёвава, со тумэ сашты́ (могинэ́на) тэ роспхэнэн мánгэ лэскири знáчыма.” ¹⁰ Э Халдеи отпхэндлэ кралискэ и ракирдэ: “Нанэ пэ пхув э манушэ́с, савó могинэ́лас (дэ́лас ра́да) тэ откэрэл дава́ рэндó (дэ́ло) кралискэ, и палдава́ ни екх крáli, ни екх тхага́ри, ни екх тхэмэскиро барыдыро́ (правителё), на пхуцý дасаво ни савэ човаханэ́стыр, ни астрологостыр, ни Халдеё́стыр. ¹¹ Рэндó (дэ́ло), пал савó пхучэ́ла о крáli, исын пхарó, со никон явír на саштынэ́ла (на могинэ́ла (дэ́ла ра́да)) тэ откэрэл лэс кралискэ, апрíч дэвлэндэ, савэ дживэ́на на дрэ манушаны лоч (плоть).” ¹² Росхолясы́я о крáli и древáн пхэрдия холямипнаса пал дова́, и припхэндý тэ мулякирэн сарэн годыпнаскирэн дро Вавило́но. ¹³ Кéли выгия́ адасавó припхэныбэн, и лынэ́ тэ мулякирэн годыпнаскирэн, то родэ́нас Даниелё́с, и малэн (другэн) лэскирэн, соб (кай) тэ мулякирэн лэн. ¹⁴ Тэ́ньчи Даниёлё́ отпхэндý илэ́стыр и годыпнаса Ариохоскэ́, барыдырэскэ́ пэ кралитконэ́ стрэга́рьендэ, савэ выгинэ́ тэ замарэн Вавилонýтконэ́ годыпнаскирэн; ¹⁵ и пхуцý Ариохостыр, кралискирэ барыдырэ́стыр: “Палсó дасаво зорья́са припхэныбэн исын крали́стыр?” Тэ́ньчи Ариохо́ роспхэндý сарó рэндó Даниелё́скэ. ¹⁶ И Даниёлё́ загия́, и мангдý крали́с тэ дэл лэскэ́ часо, соб (кай) ёв тэ пхэнэл кралискэ́ сунэскири знáчыма. ¹⁷ Даниёлё́ явдý кэ пэ кхэрэ́, и роспхэндý сарó рэндó Ананияскэ́, Мисаилоскэ́ и Азарияскэ́, лэскрэ малэнгэ, ¹⁸ соб (кай) ёнэ мангнэ́ ласка болыбна́скирэ Дэвлэ́стыр пал дасаво гарадо́ чачипэн, соб (кай) о Даниёлё́ лэскирэ малэнца́ тэ на хасён сарэнца́ явирэнца́ годыпнаскирэнца́ дро Вавило́но. ¹⁹ И тэ́ньчи сыс сыкадо́ гарадо́ чачипэн Даниелё́скэ́ дро ратýкиро дыкхи́бэн, и о Даниёлё́ бахтякирдý болыбна́скирэ Дэвлэ́с. ²⁰ О Даниёлё́ отпхэндý и пхэндý: “Мэк тэ явэл бахталó Лав Ра́скирэ-Дэвлэ́скиро векостыр пэ сарé ве́ки! Пал-дова́ со Лэ́стэ исын годý и зор. ²¹ И ёв парувэ́ла часы́ и бэршы́тка

поры, Ёв тэлякирэла краљён и Ёв чхувэла краљён; дэла годыпэн годыпнаскирэнгэ и джиныбэн годэнгэ, ²² Ёв откэрэла хорало и гарадо чачипэн, Ёв джинэла, со исын дро калыпэн (цёмныма), и дуд исын Лэса. ²³ Мэ парикирава и мэ шарава Тут, Дэвла, мирэ дадэнгино, со Ту дыян мангэ годы и зор и откэрдян мангэ одова, пал со мангэнас Тут; пал-дова со Ту откэрдян амэнгэ рэндо краљискиро.”

Даниёлё Пирипхэнэла Сунó

²⁴ Палó дова гия Даниёлё кэ Ариохо, савóскэ о крáli припхэндя тэ мулякирэл э Вавилоньтконэ годыпнаскирэн, явдя и пхэндя: “На мулякир Вавилоньтконэ годыпнаскирэн; лэ ман кэ крáli, мэ пхэнава лэскэ значыма суноскири.” ²⁵ Тэньци Ариохо сыгэс лыджия Даниелёс кэ крáli и пхэндя лэскэ: “Мэ латхём пленонэ Юдытконэ чхавэндэр манушэс, савó откэрэла краљискэ суноскири значыма.” ²⁶ О крáli пхэндя Даниелёскэ, савó кхардо сыс Валтасаро: “Ци сашты ту, хай, тэ пхэнэс мангэ сунó, савó мэ дыкхцём, и лэскири значыма?” ²⁷ Даниёлё отпхэндя ангил краљистэ и ракирдя: “Гарадо чачипэн, пал савó пхучэла о крáli, нашты тэ откэрэн ни годыпнаскирэ (тануки), ни човаханэ. ²⁸ Нэ исын пэ болыбэн о Дэвэл, Савó откэрэла гарадэ чачипэнá; и Ёв откэрдя краљискэ Навуходоносорокэ, со явэла дрэ палатунэ (последня) дывэса. Тырó сунó и дыкхибэна трэ шэрэскирэ пирó тырó чхуибэн сыс дасавэ: ²⁹ “Ту, крálё, пэ тырó чхуибэн думиндя пал-дова, со явэла палó дава, и Ёв, Откэрибнытко (Открываюшчо) гарадэ-чачипнэнгино, сыкадя тукэ дова, со явэла. ³⁰ Нэ мангэ дасаво гарадо чачипэн сыс сыкадо на палдова, со мэ сомас годьварэдыр сарэ джидэндэр, нэ ваш дова, соб (кай) тэ явэл сыкадо суноскири значыма краљискэ, и, соб (кай) ту галыян думы тырэ илэскирэ. ³¹ Тукэ, крálё, сыс дасаво дыкхибэн: акэ, савó-то барó вычхиндло муй идоло! Древán барó сыс одова идоло, лэскири шук древán зяинэлас, ёв сыс тэрдó ангил тутэ, и дараны сыс лэскири форма. ³² Дро дова идоло сыс шэрó жужэ сувнакастыр, колын и вастá лэскирэ-рупувэ, пэр лэскиро и стаця (бёдры) лэскирэ-харкунэ (медитка), ³³ лытки лэскирэ-саструнэ, гэрá лэскирэ-паш саструнэ, паш-глэяна (глинытка). ³⁴ Ту дыкхцян лэс ангил дова моментó, сыр кокорó бар откусцяпэ бэргатыр на чиладо вастэса, пэкадя дро идоло, дрэ саструнэ и глэяна лэскирэ гэрá, и розмардя лэн пэ котэрá (куски). ³⁵ Тэньци сарó сыс пиримардо пэ екх тыкнэ котэрорэ: састы́р, глэя, харкóма, руп и сувнакай кэрдэпэ сыр о прахо пэ лынаскирэ гивá-обкэрибнаскирэ шурны, и балвал лыджия криг лэн, и шпэра (слядо) лэндэр на яцяпэ; и бар, кай пхарадя идоло, кэрдяпэ барэ бэргаса и пхэрдия сарй пхув. ³⁶ Акэ, исын сунó! Пхэнасам аканá ангил краљистэ и лэскиро галыибэн. ³⁷ Ту, крálё, сан краљенгино крáli, савóскэ о Дэвэл болыбнаскиро дыя о кралипэн, зор, зоралыпэн и слава, ³⁸ и сарэн чхавэн манушэнгирэн, кай бы ёнэ тэ на дживэн, э рискирибнаскирэ мурдалэн (зверен) пэ пхув и чириклен пэ болыбэн, отдыя дрэ тырэ вастá и чхудя тут хуласа упрал сарэндэ лэндэ. Ту сан – дава сувнакуно шэрó! ³⁹ Нэ палó тутэ газдэлапэ явир кралипэн, тэлэдыр тырэстыр, и ишчо (инкэ) трйто кралипэн, харкуно, савó лэла тэ раинэл пэ сарй пхув. ⁴⁰ А штáрто кралипэн явэла зоралó, сыр састы́р, пал-дова со, сыр састы́р розмарэла и кэрэла хурдэдыр (дробнэдыр) сарó, адякэ и ёв, явэла тэ пхаравэл и тэ розмарэл пэ котэрá. ⁴¹ Нэ дова, со ту дыкхцян-гэрá и ангушта гэрэнгирэ нáбут пиритконэ глэятыр, нáбут саструнэ, то адякэ явэла роскэрдо кралипэн, и дрэ лэстэ ячэлапэ нáбут саSTRUно зоралыпэн, адякэ сыр ту дыкхцян састы́р, змешымэ мэлалэ глэяса. ⁴² И сыр гэрэнгирэ ангушта сыс паш-саструнэ, паш-глэяна, то адякэ о кралипэн явэла паш зоралó, паш бизорьякиро. ⁴³ И со ту дыкхцян састы́р, змешымо глэяса мэлаляса, дава сыкавэла, со ёнэ явэна тэ змешынэнпэ манушэнгирэ родэнца, нэ ёнэ на притырдэнапэ екх явирэса, сыр састы́р на мешынэлапэ глэяса. ⁴⁴ И дро дывэса кодолэ кралипнаскирэ о Дэвэл Болыбнаскиро чхувэла кралипэн, савó дро вэки на пхадэла, и кодова кралипэн на явэла пиридыно явирэ народоскэ; ёв пхаравэла и пхагирэла сарэ кралипэнá, и ёв кокорó явэла тэ тэрдёл дро вэки, ⁴⁵ адякэ, сыр ту дыкхцян, со бар кусцяпэ бэргатыр сырбы начинадэ вастэса, савó розмардя пэ тыкнэ которорэ састы́р, харкóма, глэя, руп и сувнакай – адякэ Барó Дэвэл дыя тэ джинэл краљискэ, со явэла палó сарó дава. Чачунó исын дава сунó, и патяибнытко исын значыма!”

О Крáli ‘Газдэла Вучэдыр Даниелёс и Лэскирэ Малэн

⁴⁶ Тэньци крáli Навуходоносоро дыяпэ муял пэскэ и бандия ангил Даниелёстэ, и припхэндя тэ янэн лэскэ почастунки (дары), и тэ тхувлякирэн дрогонэ смолэнца лэскэ. ⁴⁷ И отпхэндя и ракирдя о крáli Даниелёскэ: “Чачэс, тумаро Дэвэл исын Дэвэл дэвлэнгино и Баро Рай кральенгино, Саво откэрэла гарадэ чачипэна, кэли ту дыян рада тэ откэрэс дава гарадо чачипэн!” ⁴⁸ Тэньци газдыя упрэ о крáli Даниелёс и дыя лэскэ бут барэ почастунки, и чхудя лэс упрэ пэ сарі Вавилонитко пхув и англунэ барыдырэса упрэ сарэндэ годыпнаскирэндэ дро Вавилоно. ⁴⁹ Нэ Даниелё мангдя краліс, и ёв чхудя Шэдрахос, Мишахос и Авед-Негос упрэ пэ рэндэ Вавилонитконэ-тхэмэскирэ, и о Даниелё яцяпэ пашыл краліскири грэда (дворо).

Шэро 3

Сувнакунэ Идоло

¹ О крáli Навуходоносоро кэрдя идолоскиро муй (статула) сувнакастыр вучипнаса шовдэша куня (логти), шов куня буглыпнаса и чхудя лэс пэ фэлда Деир, дава дрэ Вавилонитконэ – тхэмэскири провинция. ² И бичхавэлэс о крáli Навуходоносоро тэ скэдэл сатрапэн, штэтоскирэ барыдырэн (наместникэн), шэралэ ран, советникэн (юнкарэн), раххибнаскирэн пэ кучипэн (сокровишчо), сэндарьен, шэратунэ сэндарьен, и сарэн барыдырэн провинциякирэн, соб (кай) ёнэ тэ явэн пэ высвэнцыныбнаскиро моменто ваш идоло, саво чхудя о крáli Навуходоносоро. ³ И скэдынэпэ э сатрапы, лэнгирэ штэтоскирэ барыдыра, шэралэ рая, юнкары, раххибнаскирэ пэ пиралы ваш казна, сэндарья, шэратунэ сэндарья, и сарэ барыдыра пир округа пэ высвэнцыныбнаскиро ваш идолоскэ, и ёнэ тэрдинэ ангил идоло, саво чхудя о Навуходоносоро. ⁴ Тэньци о нэвипэ-пхэныбнаскиро (глашатаё) задья гóдла: “Тэ пхэнэлапэ тумэнгэ, э манушытка нэцыи (народы), кхэритка рóды (плéми) и екхэ-чибакирэ ирья (чиба́/ чибья́), ⁵ со дро дова часо, сыр тумэ шунэна зан (глос) рогоскири (трубакири), свиролькакири, лутакири, гусленгири, псалтирьякири, цымбалэнгири и сарэ явир-музыкакири, соб (кай) тумэ тэ пэрэн тэлэ и тэ дэн патыв сувнакунэ идолоскэ, савэс чхудя о крáli Навуходоносоро; ⁶ и кон на пэрэла тэлэ, и на дэла патыв, то екхатыр (сразу) явэла чхурдыно дро бов, росхачкирдо ягаса.” ⁷ Палдава, кэли сарэ мануша шундлэ зан рогоскири, свиролькакири, лутакири, гусленгири, псалтирьякири и сарэ явир-музыкакири, то пынэ сарэ манушытка нэцыи, кхэритка рóды, екхэ-чибакирэ ирья (чиба́/ чибья́), и дынэ патыв сувнакунэ идолоскэ, саво чхудя о Навуходоносоро крáli.

Даниелё и Лэскирэ Малá на Кандынэ Краліс

⁸ Палдава дро дасаво часо подгинэ вари-савэ Халдеендыр и допхэндлэ пэ Юдэндэ. ⁹ Ёнэ пхэндлэ краліскэ Навуходоносороскэ: “Джив дрэ вэки, о крálё! ¹⁰ Ту, крálё, дыян припхэныбнытко статүто, соб (кай) кажно мануш, кон шунэла зан рогоскири, свиролькакири, лутакири, гусленгири, псалтирьякири, цымбалэнгири и сарэ явир-музыкакири, тэ пэрэл одова мануш тэлэ, и тэ дэл патыв сувнакунэ идолоскэ; ¹¹ и кон на пыя тэлэ и на дыя патыв, мэк тэ явэл чхурдыно дро бов росхачкирдо ягаса. ¹² Нэ мурша Юдытка, савэн ту чхудян упрал пэ рэндэ Вавилонитконэ-тхэмэскирэ: Шэдрахо, Мешахо и Авед-Него; кодолэ мурша на кандынэ тыро припхэныбэн, о крálё, ёнэ на дынаринэна тырэ дэвлорэнгэ и на дэна патыв сувнакунэ москэ (идолоскэ), саво Ту чхудян.” ¹³ Тэньци Навуходоносоро дрэ холы и дро мижэхипэн пхэндя тэ янэн Шэдрахос, Мешахос и Авед-Негос. И яндлэ одолэ муршэн кэ крáli. ¹⁴ О Навуходоносоро пхэндя лэнгэ: “Ци исын чачо дава, со тумэ, о Шэдрахо, Мэшахо и Авед-Него, на дынаринэна мирэ дэвлэнгэ, и на дэна патыв сувнакунэ москэ, саво Мэ чхудём? ¹⁵ Аканá, коли тумэ скэдынэ сан, сыр сыго тумэ шунэна зан рогоскири, свиролькакири, лутакири, гусленгири, псалтирьякири,

цымбалэнгири и сарэ явир-музыкакири, тэ пэрэн тумэ тэлэ, и тэ дэн тумэ патыв сувнакунэ москэ, со мэ кэрдём. Миштó. Нэ коли тумэ на дэна патыв, то тумэн екхатыр (сразу) чхурдэна дро бов, росхачкирдо ягаса. И савó дэвэл жа зракхэла тумэн мирэ вастэстыр?”¹⁶ И отпхэндлэ Шэдрахо, Мэшахо, Авед-Него и ракирдэ э кралискэ Навуходоносороскэ: “Амэ на сам бангэ тэ отпхэнас тукэ пэ дава.¹⁷ Амарó Дэвэл, Савэскэ амэ дынаринас, исын зоралó и зракхэла амэн бовэстыр, росхачкирдэ ягаса, и тырэ вастэстыр, о кралё, Ёв зракхэла.¹⁸ Кóли тэ на явэл дова, то явэла тукэ галыно, о крáli, со тырэ дэвлэнгэ амэ на ласам тэ дынаринас и сувнакунэ москэ (идолоскэ), савó ту чхудян, тэ на бандякирасапэ.”¹⁹ Тэньци о Навуходоносóро пхэрдия холяса, э мина москири лэстэ парудяпэ пэ Шэдрахостэ, Мешахостэ и Авед-Негостэ, со ёв замангдя тэ хачкирэн бов дро эфта (битринэнги́ро дэш) мóлы зоралэдыр, сыр гарэдыр росхачкирэнас лэс,²⁰ а самонэ зоралэ му́ршэнгэ пэскрэ халадэндыр припхэндя тэ пхандэн Шэдрахос, Мешахос, и Авед-Негос и тэ чхурдэн лэн дро бов росхачкирдэ ягаса.”²¹ Тэньци сыс пхандлэ сыс адалэ му́рша дро тэлатуно и упратуно урибэн лэнги́ро, дрэ шэрэскирэ тюрбаны и дрэ явир лэнги́ро урибэн, и сыс чхурдынэ андро бов, росхачкирдо ягаса.²² И сыр зорьяса сыс крали́скиро припхэныбэн, и бов сыс росхачкирдо сыс древа́н, паро ягакиро замардя одолэ манушэн, савэ чхурдэнас Шэдрахос, Мешахос и Авед-Негос.²³ А кадалэ трин му́рша, Шэдрахо, Мэшахо и Авед-Него, пынэ пхандлэ дро бов росхачкирдэ ягаса.²⁴ О крáli Навуходоносóро дивиндяпэ и уштыи сыго, пхэндя сэндарьенгэ пэскирэнгэ: “Амэ чхурдасас тринэн манушэн спхандлэн дро яг? Ёнэ отпхэндлэ о крали́скэ: “Адякэ чачó, о кралё! ²⁵ Пэ кадава ёв раки́рла: “Акэ, мэ дыкха́ва штарэн наспхандлэн му́ршэн, савэ псирна машкира́л яг, нанэ лэнгэ дош; э мина штартонэскири подджа́ла сыр Дэвликáнэ Чхавэскири.” ²⁶ Тэньци подгья о Навуходоносóро кэ ягóро (краё) бовэскиро, савó сыс росхачкирдо ягаса, и пхэндя: “Шэдрахо, Мэшахо и Авед-Него, писха́рья Дэвлэскирэ Най Вучэдырэскирэ! Джáн яври́ и явэн пашылэды́р!” Тэньци Шэдрахо, Мэшахо и Авед-Него выгинэ андрэстыр ягатыр. ²⁷ И скэдынэпэ сатрапы, э штэтоскирэ барыдыра́, э шэралэ рая хэладэнгирэ, и сэндарья крали́скирэ, и дыкхнэ, со му́ршэнгирэ маса́ яг на чиладя́, бала́ на обхачинэ пэ шэрэ, урибэн на парудяпэ, и нисавó похтан хачкирдо лэндыр на кхандэлас. ²⁸ Тэньци Навуходоносóро пхэндя: “Бахтякирдó тэ явэл о Дэвэл Шэдрахоскиро, и Мешахоскиро и Авед-Негоскиро, Савó бичхадя́ Янголóс Пэскирэс, и зракхця́ писхарьён Пэскирэн, савэ рикирдэ патяибэн дрэ Лэстэ и на кандэнас о припхэныбэн крали́скиро, и отдынэ лэнгирэ маса́ ягакэ, соб (кай) тэ на дынаринэн и тэ на бандякирэнпэ нисавэ дэвлэскэ, апрйч лэнгирэ Дэвлэстэ! ²⁹ И мэндыр дэлапэ припхэныбэн, соб (кай) кажно́нэ нацыатыр, кхэритконэ родóстыр и екхэ-чибакирэ ирьятыр (чибатыр / чибьятыр), кон пхэнэла на́лачхо лав пэ Дэвлэстэ Шэдрахоскирэ, Мешахоскирэстэ и Авед-Негоскирэстэ, тэ явэл кодова́ мануш чингирдо пэ котэра́, и кхэр лэскиро тэ кэрдэлпэ дрэ руйны, пал-дова́ со нанэ явирэ Дэвлэс, Савó адякэ сашты́ тэ зракхэл.” ³⁰ Тэньци о крáli газды́я упрэдыр Шэдрахос, Мешахос и Авед-Негос дро Вавилоньткó тхэм. ³¹ [4.1-ю.о.] О Навуходоносóро крáli сарэ манушытконэ нацыёнгэ, кхэритконэ родэнгэ и екхэ-чибакирэ ирьенгэ (чибэнгэ/ чибьенгэ), кон дживэла пэ сарй́ пхув: “Тэ явэл бутэды́р рама́нэ (миро) тумэнгэ! ³² [4.2] ‘Герты́ка (знамэнии) и дывы, савэ кэрдя́ упрáл мэндэ Най Вучэдырэскиро Дэвэл, сашты́ тэ пхэна́в мэ тумэнгэ. ³³ [4.3] Со сыр барэ́ Лэскирэ герты́ка и сыр зоралэ́ исын Лэскирэ́ дывы! О Крали́пэн Лэскиро – крали́пэн вéчно, и зоралы́пэн Лэскиро – родóстыр дро рóдо.”

Шэро́ 4

Навуходоносороскиро Явир Сунó

¹ [4] Мэ, Навуходоносóро, со́мас дро миро кхэр и бахталэ́ сыс дывэса́ дрэ харомы́ дрэ мирй́ бари фэлатин (колов). ^[1] ² [5] Нэ мэ дыкхцём сунэ, савó трашакирдя́ ман, и годы́пэна мирэ́ пэ миро чхуибэн и дыкхибэна́ мирэ́ шэрэскирэ́ кэрдэ́ мэ́нгэ пхарэ́с. ³ [6] Сыс дыно́ упхэныбэн мэ́ндыр тэ́ янэн сарэн́ годы́пнаскирэн́ Вавилонóстыр, соб (кай) ёнэ́ тэ́

пирипхэнэн мэнгэ, пал со сыс дова сунó. ⁴ [7] Тэньци явнэ э човаханэ, э астрологи, э Халдеи и э драбакирибнаскирэ пир планеты; и мэ роспхэндём лэнгэ сунó, нэ ёнэ на дынэ рада тэ розгалён лэскири знáчыма. ⁵ [8] Нэ дро кóнцо (ягóро) загия кэ мэ о Даниёлё, савэскэ лав сыс Валтасаро, пирó мирé-дэвлýтко лав, и дрэ савэстэ сыс Дýхо (Фáно) свэнтонé Дэвлэскиро; лэскэ роспхэндём мэ сунó. ⁶ [9] Валтасаре, шэралó човаханэнгиро! Мэ джинóм, со андрáл тýtэ исын Дýхо (Фáно) свэнтонé Дэвлэскиро, и нисавó гарадо чачипэн ваш тýкэ исын на пхарó; пирипхэн мэнгэ о дыкхибэн мирé сунэскиро, савó мэ дыкхцём, и лэскири знáчыма. ⁷ [10] О дыкхибэн мирé шэрэскиро, савó мэ дыкхáвас пэ миро чхуибэн сыс дасаво: мэ дыкхáвас, акэ, машкёр пхув кашт (дрéво) вучó. ⁸ [11] Барó сыс кашт дава и састó, вучипэн лэскиро долыджалас кэ / жыко / болыбэн, и ёв дыкхно сыс кэ сарé пхувьякирэ ягóры (край). ⁹ [12] Патря (листы) лэстэ сыс шукáр, и пхаба пэ лэстэ сыс бут, хабэн пэ лэстэ ваш сарэнгэ, тэл лэстэ латхэнас э зэр (тень) фэлдытка мурдалá (звери), пэ рандя (вётки) лэскирэ сыс гнязды (кúфы) болыбнаскирэ чирикленгирэ, и лэстыр чало сыс кажно лоч (плоть). ¹⁰ [13] И дыкхáвас мэ дро дыкхибэн мирé шэрэскиро пэ чхуибэн миро, и, акэ, гия тэлэ болыбнастыр Свэнто Ракхибнари (Янгóло) ¹¹ [14] Зоралэс Ёв годлякирдя, и пхэндя: “Чингирэн дава кашт, обчхинэн рандя (вётки) лэскирэ, и тринскирэн лэскирэ патря (листы), росчхурдэн лэскирэ пхаба; мэк тэ дурьён rischiрибнаскирэ мурдалá (звери), со исын тэл лэстэ и чирикля лэскрэ рандендыр; ¹² [15] ячкирэн лэскиро пенё (копичи) пэ кóрни (рукхá) дрэ пхув, мэк ёнэ тэ ячэнпэ дрэ пенты саструнэ и харкунэ машкирál чар пэ фэлда тэ обморэнпэ болыбнаскирэ пахлыняса (росаса), и мурдалэнца мэк тэ явэл лэскири паш дрэ пхувьякири чар. ¹³ [16] И мэк илó манушэскиро тэ отлэлпэ лэстыр и тэ дэлпэ лэскэ о илó rischiрибнаскирэ мурдалэскиро (зверёскиро), и тэ джáн (накхэн) упрáл лэстэ эфтá часы (цыры). ¹⁴ [17] Ракхибнарьенгирэ упхэныбнаса кадава сыс кэрдó, и пир лав дро приракирибэн Свэнтонэнгиро сыс сыкадо, соб (кай) тэ джинэн сарé джиндлэ, со Най Вучэдырэскиро исын хула́й упрáл манушэнгиро кралипэн, и Ёв дэла лэс, кон исын дро́го Лэскэ, и чхувэла упрé лэндэ тэлякирдэс машкёр манушэндэ.” ¹⁵ [18] Дасавэ сунэ дыкхáвас мэ, о Навуходоносóро, крáли; и ту сан, Валтасаре, пхэн мэнгэ лэскири знáчыма, адякэ сыр никон човаханэндýр дро миро кралипэн на дыя рада тэ пирипхэнэл лэскири знáчыма, и ту, хай, могоинэса (саштынэса), пал-дова со Дýхо (Фáно) Свэнтонé Дэвлэскиро исын дрэ тýtэ.”

О Даниёлё Пирипхэнэла пал со исын Явёр Сунó

¹⁶ [19] Тэньци Даниёлё, савэс кхардэ Валтасаро, пашыл екх мардó (штýнда) сыс дивиндло, лэскирэ дýмы кэрдэ лэскэ смэнтныма. О крáли лыя тэ ракирэл и пхэндя: “Валтасарэ! Мэк тэ на смэнтинэл тут дава сунó и лэскири знáчыма.” О Валтасаро отпхэндя и пхэндя: “Раё миро! Мэк тэ явэл дова сунó тырэ вэргэнгэ, и тырэ намалэнгэ лэскири знáчыма! ¹⁷ [20] Кашт (дрéво), савó ту дыкхцян, савó сыс барó и састó вучипна́са, и сыс кэ болыбэн и дыкхно сыс пэ сарй пхув, ¹⁸ [21] пэ савó патря (листы) сыс шукáр и бут сыс пхаба и хабэн ваш сарэнгэ, тэл савó дживэнас мурдалá фэлдытка и дрэ савэскирэ рандя чирикля болыбны́тка кэрдэ гнязды (кúфы), ¹⁹ [22] адава сан ту, крáлё, вучó и зоралó, и барипэн тырó выбария и дорэсця кэ болыбэн, и райканыпэн – кэ пхувьякирэ ягóры. ²⁰ [23] И дова, со крáли дыкхця Ракхибнарис и Янгóлос, кон зджалас болыбнастыр, Савó пхэндя: “Чингирэн кашт и хасякирэн лэс, фэни кóрни (рукхá) лэскирэ мэк тэ ячэнпэ дрэ пхув и тэ явэл ёв дрэ пэнтý саструнэ и харкунэ (медýтка), машкёр фэлдакири чар, тэ морэлапэ э пахлыняса (росаса) болыбнастыр, и фэлдытконэ мурдалэнца (зверенца), мэк тэ явэл лэскири паш, кэ дова, сыр тэ джáн дурэдýр эфтá (битринэнгиро дэш) часо упрáл лэстэ.” ²¹ [24] Акэ, знáчыма кадалэскири, крáлё, и акэ, упхэныбэн Вучипнаскирэскиро, савó пэрэла пэ мирé растэ, крáли́стэ: ²² [25] традэна криг тут манушэндýр, и джи́ибэн тырó явэла фэлдытконэ мурдалэнца; чаравэна тут чарьяса, сыр гурувэс, ту явэса мордо болыбны́тконэ пахлыняса (росаса), и эфтá часы джáна дурэдýр упрáл тýtэ, кэ/ жыко дова, сыр ту галёса, со Сáмо Вучэдýр хулаинэла упрáл кралипэн манушэнгиро и дэла лэс, кон Лэскэ трэй. ²³ [26] А со припхэндло сыс тэ ячкирэн пенё (копичи) пэ кóрни (рукхá) каштэскирэ, дава значынэла, со

кralипэн тырo ячэлапэ пашыл тутэ, кели тэ галёса, со болыбэн хулаинэла. ²⁴ [27] Палдава, кралё, тэ явэл мишто лыно тутэ миро годыпэн: жужакир тырэ грэху чачипнаса и бизаконьтка рэнды тырэ-илэскирэ милымаса кэ чорорэ; акэ, соса сашты (можна) тэ явэл длэнгэдыр тырo раманё (миро)!”

Навуходоносорокиро Пэрибэн

²⁵ [28] И сарo дова кэрдяпэ пэ кралістэ Навуходоносороостэ. ²⁶ [29] Сыр гинэ (накхлэ) дэшудуй чхона, псириной пири бари фэлэтин (колов) краліскиро дро Вавилоно, ²⁷ [30] о крaли пхэндя: “Хачи, нанэ ци дава рангиро Вавилоно, савo мэ чхудём сыр кхэр краліскиро мирэ зорьяса кэ барипэн и ваш патыв мирэ райканыпнаскири!” ²⁸ [31] И ишчо (инкэ) сыс дро вушта краліскирэ, сыр сыс зан болыбнастыр: “Тукэ ракирлапэ, кралё Навуходоносоро: тырo кралипэн отгия тутыр!” ²⁹ [32] И традиона криг тут манушэндыр, и явэла джибэн тырo фэлдытконэ мурдалэнца; чарьяса лэна тут тэ чаравэн, сыр гурувэс, и джана ишчо (инкэ) эфта часы пэ тутэ, кэ/ жыко дова, сыр ту галёса, со Сaмо Вучэдыр хулаинэла упрал манушытко кралипэн и дэла лэс, кон Лэскэ трэй.” ³⁰ [33] Пэ штэто кэрдяпэ дава лав пэ Навуходоносороостэ, и ёв сыс традыно криг манушэндыр, хая чар, сыр гурув, мордэ сыс лэскиро маса э болыбнытконэ пахлыняса (росаса) адякэ, со выбаринэ лэскирэ бала сыр пора кидостэ (орлостэ), и ная сыр сыр чириклэскирэ ная (когци).

Навуходоносоро Шарэла Дэвлэс

³¹ [34] Пэ концо (ягoро) кодолэ-паць дывэсэнгирэ, мэ, о Навуходоносоро, газдыём мирэ якхэ пэ болыбэн, и мирі годы рисия кэ мэ; бахтякирдёмас мэ Най Вучэдырэскирэс, шардём и мэ давас патыв лэскэ, Савэскиро райканыпэн исын вечно, и Савэскиро кралипэн – родостыр дро родо. ³² [35] И сарэ, кон дживэла пэ пхув, ничи намол; пир Лэскири воля Ёв кэрэла, со Лэскэ трэй, сыр дро болыбнытко халадыбэн, адякэ и пэ джидэнгирэндэ пэ пхув; нанэ никон, кон сашты тэ обрикирэл Лэскиро васт и тэ пхэнэл Лэскэ: “Ту со кэрдян?” ³³ [36] Дро дова часо рисия кэ мэ мирі годы, и слава мирэ-кralипнаскири рисия кэ мэ, раипэн и гаратуны мирі патыв; тэньчи латхнэ ман мирэ советники (юнкары) и тхагарья (князи) мирэ, и мэ сомас палэ чхудо пэ миро кралипэн, и миро райканыпэн ишчо (инкэ) бутыр газдыяпэ вучэдыр. ³⁴ [37] Аканэ мэ сом, о Навуходоносоро, шарава, газдава и патывакирава Краліс Болыбнаскирэс, Савэскирэ рэнды сарэ исын чачунэ и дромэ чачипнаскирэ, и Саво зоралэ исын, соб (кай) тэ чхувэл тэлэ кодолэн, савэ псирэна пхутькирибнаса.

4:1 ^[1] Дро Юдытко Оригиналo дава исын шэрo 4, стихo 4

Шэрo 5

Валтасарo Кэрэла Свэнко

¹ О Валтасарo крaли кэрдя барo скаминд ваш пэскирэ тысёнцэнгэ и ангил тысёнцэнгирэ якхэ пия мол (вино). ² Коштыи мол, о Валтасарo припхэндя тэ янэн сувнакунэ и рупувэ кхорэ (сасуды), савэ Навуходоносоро, лэскиро дад, вылыджия Ерусалимoскирэ Кхангирьятыр, соб (кай) тэ пьел лэндыр краліскэ, лэскрэ рангэ, лэскирэ джувленгэ и лэскирэ-бисовлахакирэ джувленгэ. ³ Тэньчи яндрэ сувнакунэ кхорэ, савэ сыс лынэ свэнтонэ Дэвликанэ Кхангирьятыр дро Ерусалимо; и пинэ лэндыр о крaли и тхагарья лэскирэ, э джувля лэскирэ и лэскирэ-бисовлахакирэ джувля. ⁴ Пинэ мол, славиндрэ дэвэлэ (дэвлорэн), сувнакунэ, рупунэ, харкунэ, саструнэ, каштунэ и барунэ. ⁵ Дрэ кодо-паць мардo (штунда) выгинэ ангушта (пальцы) манушытконэ-вастэскирэ и чхиндрэ проти лампада пэ звёска пэ парнякирды ванта дрэ фэлэтин (колов) краліскири, и о крaли дыкхця бурнык (кисть)

вастытко, сави чхинэлас. ⁶ Тэньци кралискиро муй парудяпэ дрэ лэскири мина; э думы лэскирэ пхарьякирдэ лэс адякэ, сарэ трушула (чреслы) нашадэ зор, чанга лэскирэ лынэ тэ марэмпэ екх пир явир. ⁷ Зоралэс задья годлы о крали, соб (кай) тэ янэн калэ-магитконэн, э Халдеен, и э драбакирибнаскирэн пэ планеты. О крали лыя тэ ракирэл, и пхэндя годыпнаскирэнгэ дро Вавилоно: “Кон гинэла, со дава чхиндло исын и пирипхэнэла мангэ, кодова явэла уридо дро лоло пхар, и сувнакуны зандир (цэпка) явэла пэ лэскири мэн, и тритонэса барыдырэса явэла ёв пэ лыджино тхэм дро кралипэн.” ⁸ И загинэ сарэ кралитка годыпнаскирэ, нэ на дынэ рада тэ прогинэн чхиндло и тэ пирипхэнэн кралискэ значыма лэскирэ сунэстыр. ⁹ О крали Валтасаро сыс древан дарано; э мина москири лэстэ парудяпэ; лэскирэ тхагарья (князи) сыс смэнтна. ¹⁰ Кралица, хачи, пэ кралискирэ лавэ и рангирэ пэскирэ, загия дрэ штуба хабнаскири, лыя тэ ракирэл кралиса и пхэндя: “Кралё, тэ дживэс ту дрэ веки! Мэк тэ на ладжакирэн тут тырэ мысли, мэк тэ на парудёл мина пэ тыро муй! ¹¹ Исын дро тыро кралипэн о мурш, савэстэ исын Духо (Фано) свэнтонэ Дэвлэнгиро; дро дывэса тырэ дадэскирэ сыс латхно дрэ лэстэ дуд, годы и галыибэн, савэ сыс сыр дэвлытко годьварипэн, и о крали Навуходоносоро, тыро дад, чхудя лэс барыдырэса пэ човаханэ-подпхэныбнаскирэндэ, пэ калэ-магитконэндэ, пэ Халдеендэ, пэ човаханэндэ и пэ драбакирибнаскирэндэ пэ планеты, ¹² пал-дова со дрэ лэстэ, дрэ Даниелэстэ, савэс о крали пирикхардя дрэ Валтасаростэ, сыс вучо духо (фано), джиныбэн и годы, тэ пирипхэнэл сунэ, тэ розлэл шэрэпхарибнытка задыибэна (тэ пирипхэнэл дова, кай исын гарадо галыибэн) и тэ росчхувэл вэнзлы. Адякэ мэк тэ кхарэн Даниелёс, и тэ пирипхэнэл ёв тукэ значыма.”

О Даниелё Пирипхэнэла, Со сыс Чхиндло пэ Ванта

¹³ Тэньци сыс яндло Даниелё ангил кралистэ, и о крали лыя тэ пхэнэл и ракирдя Даниелёскэ: “Ци сан ту о Даниелё, екх пленнонэ Юдытконэ чхавэндир, савэн миро дад, о крали яндя Юдэятыр? ¹⁴ Мэ шунавас пал тутэ, со Духо (Фано) Дэвлэскиро исын дрэ тутэ и дуд (свэто), и годы, и вучо галыибэн латхно дрэ тутэ. ¹⁵ Акэ, сыс лыджинэ сыс кэ мэ годыпнаскирэ и калэ-магитка, соб (кай) тэ прогинэн дасаво чхиныбэн и тэ роспхэнэн мангэ значыма сунэскири; нэ ёнэ на дынэ рада тэ галён ваш мангэ дова. ¹⁶ И мэ шундём пал тутэ, со ту могоинэса тэ пирипхэнэс значыма и тэ росчхувэс вэнзлы; адякэ, кели ту дэса рада тэ прогинэс дава чхиндло и тэ галёс ваш мангэ лэскири значыма, то ту явэса уридо дро лоло пхар, и сувнакуны зандир (цэпка) явэла пэ мэн тутэ, тритонэ барыдырэса явэса дро кралипэн.” ¹⁷ Тэды отпхэндя Даниелё, и пхэндя кралискэ: “Почастунки тырэ мэк тэ ячэмпэ тутэ, и мазурья (почэсти) отдэ явирэскэ; чхиндло мэ прогинава кралискэ и роспхэнава значыма лэскири. ¹⁸ Кралё! Само Вучэдыр Дэвэл дыя тырэ дадэскэ Навуходоносорокэ кралипэн, барипэн, райканыпэн и патыв. ¹⁹ Ангил райканыпэн, саво Ёв дыя лэскэ, сарэ манушытка нацыи (народы), кхэритка рёды (плёми) и екхэ-чибакирэ ирья (чиба/ чибья) (языки) издрандынэ и дарандынэ лэстыр; кон сыс на трэй лэскэ, кодолэс ёв замарэлас, и кон сыс трэй лэскэ, ёв ячкирдя тэ дживэл; конэс выкэдыя, то чхудя вучэс, конэс ёв выкэдыя, одолэс чхудя тэлэ. ²⁰ Нэ кели лэскиро ило яця барикано и духо (фано) лэскиро кашталыя пхутькирибнаса, ёв сыс чхурдыно тэлэ кралискирэ скаминдэстыр, и лэскиро барипэн сыс лыно лэстыр. ²¹ Тэньци ёв сыс манушэнгирэ чхавэндир, и ило лэскиро кэрдяпэ сыр рискирибнаскирэ мурдалэстэ, и сыс традыно криг ёв хрустытконэ ослэнца тэ дживэл. Лэс чарадэ чарьяса, сыр гурувэс, и маса лэскирэ сапанэ сыс болыбнытконэ пахлыняса (росаса), кэ/ жыко дова, сыр ёв галыя, со упрэдыр манушытконэ кралипнастыр исын хулай Най Вучэдырэскиро Дэвэл и Ёв чхувэла упрэ, конэс Ёв выкэдэла. ²² И ту сан, лэскиро чхаво Валтасаро, на тыкнякирдян пхутькирибэн тыро, на дыкхи, со ту джинэсас пал саро дова, ²³ нэ ту газдыанпэ проти Растэ-Дэвлэстэ болыбнаскирэстэ и кхорэ (сасуды) Лэскирэ кхэрэстыр лыджинэ кэ ту и ту и тырэ тхагарья, э джувля тырэ и бисовлахирэ джувля тырэ пинэ лондыр мол (вино) и ту шардян дэвлорэн рупэстыр и сувнакастыр, харкоматыр (медятыр), састырэстыр, каштэстыр и э барэстыр, савэ на дыкхэна, на шунэна, на галёна; а Дэвлэс, дрэ Конэскиро васт исын тырэ пхурдыпэн (дыхиныбэн) и Конэстэ исын сарэ дромэ тырэ, Одолэс ту на барьякирдян. ²⁴

Палдава бичхады Лэстыр э бурнык (кисть) вастытко, и чхиндло сыс дова чхиныбэн. ²⁵ Акэ, со исын чхиндло: мене, текел, упарсин. ²⁶ Акэ, и значыма лавэнгири: мене – выгиндя о Дэвэл тыро кралипэн и чхудя лэскэ концо (ягоро); ²⁷ Текел – ту важындло сан пэ убладытка (весы) и ту сан древан локхо; ²⁸ Перес – росчхудо пэ паша тыро кралипэн и отдынó Мидянэнгэ и о Персэнгэ.” ²⁹ Тэньци пирó припхэныбэн Валтасароскиро уридэ Даниелёс дро лоло пхар и чхудэ сувнакуны зандир (цепь) пэ лэскири мэн, и кхардэ ангил сарэндэ лэс тритонэ барыдырэса пир кралипэн. ³⁰ Дрэ кодоя рат, хачи, о Валтасаро, Халдеенгиро крáli, сыс замардо, ³¹ и о Дариё Мидянэнгиро, прилыя кралипэн, и сыс лэскэ шовдэша дуй бэрш.

Шэро 6

Зракирибэн пэ Даниелёстэ

¹ Пир ило сыс Дариёскэ тэ чхувэл упрэ пэ кралипэн шэл тэ биш э сатрапэн, соб (кай) ёнэ тэ явэн пир сарó кралипэн, ² и упрал лэндэ тринэн тхэмэскирэ барыдырэн – савэндыр екх сыс о Даниелё, соб (кай) ёнэ сатрапы дэнас лэнгэ отпхэныбэн, и, соб (кай) кралёскэ тэ на явэл ни саво пхарипэн. ³ Даниелё сыс чхудо барэдыр сарэн явирэ и сатрапэндыр и тхагадьендыр и пал-дова со сыс дрэ лэстэ вучо дүхо (фано), то о крáli мыслинэлас, соб (кай) тэ чхувэл лэс упралэдыр пир сарó кралипэн. ⁴ Тэньци э тхагарья и сатрапы лынэ тэ родэн вари-сави банг, соб (кай) тэ дошакирэн Даниелёс дро хулаибэн кралиппнаскиро; нэ нисави банг (дош) на могоиндлэ тэ латхэн, пал-дова со ёв сыс чачипнаскиро, нисаво промэкибэн (погрехо) и дош дрэ лэстэ на латхяпэ. ⁵ И кодолэ мануша пхэндлэ: “Амэ на латхасам банг пэ Даниелёстэ, коли амэ тэ на латхасам вари-со проти лэстэ дро Зако́но лэскирэ Дэвлэскиро.” ⁶ Адякэ, со адалэ тхагарья и сатрапы подгинэ кэ крáli и адякэ лэскэ пхэндлэ: “Крálё Дариё! Яв джидо пэ веки! ⁷ Сарэ тхагарья кралиппнаскирэ, э барыдыра штэтытка, э сатрапы, э юнкары и барыдыра халадэнгирэ доракирдэпэ машкир лэндэ, соб (кай) тэ выдэн кралитко статуто и тэ дэн зоралó упхэныбэн, соб (кай) коли вари-кон дрэ далэ трийнда дывэса лэла тэ мангэлпэ вар-савэ явирэ дэвлэскэ ци манушэскэ, априч тутэ, крálё, кодолэс тэ чхурдэн дро рово (хохой) шчэрэнгиро (левэнгиро). ⁸ Адякэ, крálё, дэ зор пэ дасаво статуто и подчхин запхэныбэн, соб (кай) тэ на парувэн лэс, сыр Зако́но Мидянытко и Персытко, соб (кай) ёв тэ на явэл пхагирдо.” ⁹ О крáli Дариё подчхиндя статуто и дасаво пхэныбэн. ¹⁰ О Даниелё, хачи, галый, со сыс подчхиндло дасаво запхэныбэн, гия дро пэскиро кхэр; э фэнштра, хай, дрэ упратуны штуба сыс псирады (отпхэндлы) ангил Ерусалимо, и ёв трин мо́лы дро дывэс бандякирдя чанга, и мангдяпэ пэскирэ Дэвлэскэ, и бахтякирэлас Лэс, сыр кэрэлас ёв дава и ангил дова. ¹¹ Тэньци э мануша одолэ скэдынэпэ и латхнэ Даниелёс, со ёв пхэнэлас патерья (молитвы) и мангипэн ангил пэскирэ Дэвлэстэ, ¹² и ёнэ явнó и допхэндлэ кралёскэ пал кралитко упхэныбэн: “Ци на ту, хачи, подчхиндян о статуто, соб (кай) кажнонэ манушэс, саво пал трийнда дывэса лэла тэ мангэлпэ вари-савэ явирэ дэвлэскэ ци манушэскэ, априч тутэ, о крálё, тэ чхурдэн дро рово (хохой) шчэрэнгиро? О крáli отпхэнэла и пхэнэла: “Давá лав исын састó, о Зако́но Мидянытко и Персытко, нашты тэ парувэн.” ¹³ Палó дова ёнэ отпхэндлэ и ракирдэ кралёскэ: “Кадава Даниелё, саво исын пленонэ Юдытконэ манушэндыр, на сыкавэла патыв ни пэ тутэ, крálё, ни пэ упхэныбэн, саво сыс подчхиндло туса, нэ трин мо́лы пэ дывэс ёв мангэлапэ пэскирэ патерьенца (молитвенца).” ¹⁴ О крáli, шуны дава, древан пыя дро дүхо (фано) и чхудя дро ило пэскиро тэ зракхэл Даниелёс, и кэ/жыко кхамэскиро пасибэн зоралэс причхувэлас зор тэ выракхэл лэс. ¹⁵ Нэ одолэ мануша подгинэ кэ крáli и пхэндлэ лэскэ: “Джин, крálё, пир Зако́но Мидянытко и Персытко нисаво упхэныбэн ци статуто, со зорьякирдя крáli, тэ на явэл парудо.” ¹⁶ Адякэ, о крáli припхэндя, и яндлэ Даниелёс, и чхурдынэ лэс дро шчэрэнгиро рово (хохой); пашыл о крáli пхэндя Даниелёскэ: “Тыро Дэвэл, Савэскэ ту сан напарундло дына́ри, Ёв тут зракхэла!” ¹⁷ Тэньци сыс лыджино сыс бар и чхудо пэ штэто, кай заджа́на дро рово (хохой), и крáli печатындя лэс пэскрэ ангрустяса чэргэнорьяса, и ангрустяса чэргэнорьяса пэскрэ тхагарьенгирьяса, соб (кай) нисó тэ на парудэл дро припхэныбэн пал Даниелёстэ.

Даниэлё Зрахно Шчэрэндыр (Левэндыр)

¹⁸ Палó дова́ гия́ о крáli дрэ пэскири бари фэлэтин/колов (дворцо), пасия́ тэ совэл, постиныи сарí рат, и аж на запхэндя музыка, и сунó прасталас лэстыр. ¹⁹ Тася́рлэс (пэ злóко) уштыя́ о крáli, кели́ дывэсёла и сы́гэс гия́ кэ шчэрэнгиро рово (хохой), ²⁰ и, подгии́ ко рово (хохой), санорэ́ заняса́ кхард́я Даниелёс, и пхэнд́я крáli Даниелёскэ: “Даниэле́, о писх́ари, джидэ́ Дэвлэ́скиро! Тырó Дэвэл, Савэ́скэ ту напарундлэс дынаринэса, мого́ндя (сашты́ндя) тэ зраххэл тут шчэрэндыр?” ²¹ Тэ́ньци Даниэлё́ пхэнд́я Кралі́скэ: “Тэ́ дживэл о крáli пэ сарэ́ ве́ки.” ²² О Дэвэл́ миро́ бичхад́я Пэ́скирэс Я́нголос́ и загара́дя шчэрэнгиро муй, и ё́нэ ничи́ на кэрдэ́ ма́нгэ, палдава́ и мэ́ сом а́нгил Лэ́стэ́ жужо́, и а́нгил ту́тэ, крálё́, мэ́ на кэ́равас на́миштэс.” ²³ Тэ́ньци о крálí бут ра́дындяпэ́ пал лэ́стэ́ и при́пхэнд́я тэ́ газдэ́н Даниелё́с ровосты́р; сыс газды́но́ Даниэлё́ ровосты́р, нисави́ дош на сыс лэ́стэ́, пал-дова́ со ё́в патя́лас дро пэ́скирэ́ Дэвлэ́стэ́. ²⁴ И ды́я о крáli, и сыс лы́джинэ́ кэ́ ё́в одолэ́ мануша́, савэ́ бангяки́рдэ́ Даниелё́с, и ё́нэ сыс чхурды́нэ́ дро шчэрэнгиро рово (хохой), сыр́ кокорэ́, а́дякэ́-паць лэ́нгирэ́ чхаворэ́ и лэ́нгирэ́ джувля́; на до́гинэ́ ё́нэ кэ́ ровоски́ро дно́ (дугно́), сыр ханэ́ лэ́н шчэ́ра (левы́) и пхагирдэ́ лэ́нгирэ́ кокалы́. ²⁵ Палó дова́ о крálí Дариё́ чхинд́я сарэ́ манушы́тконэ́ нацыё́нгэ́, кхэ́ритконэ́ родэ́нгэ́ и екхэ́-чибаки́рэ ирьё́нгэ́ (чибэ́нгэ́/ чибьё́нгэ́) (языкэ́нгэ́), савэ́ дживдэ́ пэ́ сарі́ пхув: “Рама́нэ́ (миро́) тумэ́нгэ́ мэ́к тэ́ барьё́л!” ²⁶ Ма́ндыр дэ́лапэ́ при́пхэныбэ́н, соб (кай) дрэ́ ка́жно риѓ мирэ́ кра́липина́скири, мануша́ тэ́ издран́ и тэ́ дэ́н паты́в кэ́ дар а́нгил Даниелё́скирэ́ Дэвлэ́стэ́, пал-дова́ со Ё́в исын́ Дэвэл́ джидо́ и ве́чно, о Кра́липэ́н Лэ́скиро́ на пхара́дэ́ла, и Лэ́скирэ́ райканы́пина́скиро кра́липэ́н – пэ́ сарэ́ ве́ки. ²⁷ Ё́в зраххэ́ла и подэ́ла васт́ бидаты́р, кэ́рэла́ знаме́нии (герты́ка) и дивы́ пэ́ болыбэ́н, и пэ́ пхув; Ё́в зрахх́ця́ Даниелё́с шчэрэнгирэ́ зоры́тыр.” ²⁸ И сыс Даниелё́скэ́ древа́н мишто́ и дро кра́липэ́н Дариё́скиро́, и дро кра́липэ́н Ки́раскиро́, Персо́скиро́.

Шэро́ 7

Дыкхибэ́н пал Шта́рэ́ Рискирибна́скирэ́ Мурдалэ́ндэ́ (Зверендэ́)

¹ Пэ́ пэ́рво́ бэрш́ Валтасароски́ро, Вавило́нытконэ́-Кра́лі́скиро́, Даниэлё́ дыкх́ця́ (ды́я) сунэ́ и проро́кэ́нгирэ́ (проро́чы́тка) дыкхибэ́на пэ́скрэ́ шэ́рэсты́р, кели́ ё́в сыс пэ́ пэ́скиро́ чхуи́бэ́н. Тэ́ньци ё́в за́чхинд́я дова́́ сунó, роспхэ́ни пэ́рвонэ́́ лавá. ² Лыи́ тэ́ пхэ́нэл, о Даниэлё́ раки́рдя: “Дыкха́вас мэ́ дро́ миро́ сунó, акэ́, шта́р болы́бны́тка балва́ля мардэ́пэ́ пэ́ баро́ мо́рэ́ (дэ́рьяв), ³ и шта́р барэ́́ рискирибна́скирэ́ мурдала́́ (звери́) вы́гинэ́́ э́ мо́рэ́сты́р (дэ́рьявэ́сты́р), савэ́ на́ здэ́нас (на́ подджа́нас) екх́́ пэ́́ яви́рэстэ́́. ⁴ Пэ́рво́ сыс сыр́́ шчэ́р (ле́во), нэ́ сыс лэ́стэ́́ пхака́́ (кры́лы) сыр́́ орло́стэ́́ (кидо́стэ́́); мэ́ дыкха́вас джа́нгалэ́с (приста́льнэ́с), па́ка вы́риски́рдэ́ сыс лэ́сты́р пхака́́, и ё́в сыс газды́но́ пхувя́тыр, и ушты́я пэ́́ гэ́ра́, сыр́́ о ма́нуш, и сыс ды́но́ лэ́скэ́́ манушы́тко́ ило́. ⁵ И екх́́аты́р (сра́зу) яви́́р рискирибна́скиро́ мурда́л, саво́́ здэ́лас пэ́́ ричэ́стэ́́, тэ́рдия́́ екхэ́́ рига́тыр, и сыс трина́́ пашва́рэ́ [клы́ки-р.с.] лэ́стэ́́, машки́р данда́́ лэ́стэ́́, лэ́скэ́́ сыс а́дякэ́́ пхэ́ндло́: “Ушты́́, ха́́ бут́́ мас!” ⁶ Палó́́ дава́́ дыкха́вас мэ́, акэ́, ишчо́́ (инкэ́́) рискирибна́скиро́ мурда́л, сыр́́ леопардо́́ [барсо́-р.с.], пэ́́ ду́мо лэ́стэ́́ сыс шта́р чи́риклы́тка пхака́́, и сыс шта́р шэ́рэ́ мурдалэ́́стэ́́ адалэ́́стэ́́, и ка́далэ́́ мурдалэ́́скэ́́ сыс ды́но́ баро́́ право. ⁷ Палó́́ дава́́ дыкха́вас мэ́ дро́ рати́тко дыкхибэ́́н, и, акэ́, шта́рто́́ рискирибна́скиро́ мурда́л тра́шадо́́ и стра́хано́, и древа́́н зорало́́. Лэ́стэ́́ сыс барэ́́ са́струнэ́́ данда́́; ё́в хала́с и пхагирэ́́лас, и со́́ ячэ́лапэ́́, дова́́ ё́в таса́вэ́ла гэ́рэ́нца. Ё́в сыс яви́рча́но сарэ́́ндыр яви́рэ́ мурдалэ́́ндыр, и дэ́ш шы́нгá (ро́ги) сыс лэ́стэ́́. ⁸ Мэ́́ дыкха́вас пэ́́ долэ́́ шы́нгá, и, акэ́, вы́гия́́ машки́р лэ́́ндэ́́ ишчо́́ (инкэ́́) набаро́́ шы́нг, и трина́́ ко́долэ́́ндыр а́нглунэ́́ шы́нгэ́́ндыр сыс ко́рне́нца вы́риски́рдэ́ а́нгил лэ́́стэ́́, акэ́, дро́ дова́́ шы́нг сыс я́кха́, сыр́́ манушы́тка́́ я́кха́, и ву́шта, савэ́́ раки́рэ́нас пху́тыки́рдэ́с.

Дыкхибэна, Со сыс Вагэдыр (Гарэдыр)

⁹ Дыкхавас мэ джангалэс, акэ, чхудэ сыс троньтка скаминда, и бэсця Пхурыдыр, гаратунэ-дывэсэнгино (сырбы Сэндари); урибэн пэ Лэстэ сыс парно, сыр ив, и бала пэ Лэскиро шэрó – сыр жужы вьлна; скаминд Лэскиро – сыр чиб ягитко, э рóты Лэскирэ – сыр хачкирды яг. ¹⁰ Ягитко рэка (лэнь) выджалас и джалас пашыл Лэстэ; тысёнци тысёнциндыр дынариндлэ Лэскэ, и тысёнце кэ барэ шэла тысёнци ангил Лэстэ, сэндарья бэшнэ, и роскэрдэпэ лылваря (книги). ¹¹ Дыкхавас мэ тэньчи, со палó рангирэ лавá, савэ пхэндя шынг, одовá rischiрибнаскиро мурдал сыс мулякирдо пашыл мирэ якхá, и трóпо лэскиро сыс пхарадо и отдыно пэ хачибэн ягакиро. ¹² И явирэндыр мурдалэндыр сыс отлыно лэнгино барó право, и тэ дживэн лэнгэ яцяпэ фэни (тока) пэ адакицы часо и пэ сроко. ¹³ Дыкхавас мэ дро ратитко дыкхибэн, акэ, болыбнытконэ облокэнца джалас о Чхавó манушэнгино, догия кэ Пхурыдыр, гаратунэ-дывэсэнгино и сыс лыджино кэ Ёв. ¹⁴ И Лэскэ, Чхавэскэ манушэнгирэскэ, сыс дыно барó право, слава и кралипэн, соб (кай) сарэ манушйтка нацыи (народы), кхэритка рóды (плэми) и екхэ-чибакирэ ирьá (чибá/ чибья) (языки) тэ дынаринэн Лэскэ, сарó Лэскиро барó право на проджала пэ сарэ вéки, и Кралипэн Лэскиро на пхарадэла.

Даниэлэ Пирипхэнэла Лэскиро Сунó

¹⁵ Лыя тэ пхарьёл миро дóхо (фáно) андрáл мáндэ, Даниелэстэ, дро мирэ масá, и дыкхибэн мирэ шэрэскиро кэрдя мáнгэ пхарипэн. ¹⁶ Мэ подгийм пашылэдыр кэ екх, савэ сыс тэрдэ пашыл троны и пхучавас лэстыр пал чачунó смысло сарэскиро одолэскиро, и ёв лыя тэ ракирэл мánца, и роспхэндя галыибэн, кай сыс пхэндлó: ¹⁷ “Адалэ барэ rischiрибнаскирэ мурдалá (звери), савэн исын штар, сыкавэна, со штар крáлья уштэна пхувьятыр. ¹⁸ Нэ прилэна кралипэн свэнта манушá Най Вучэдырэскирэ и лэна тэ хулаинэн пэ дава кралипэн пэ вéко и пэ сарэ вéки.” ¹⁹ Тэньци потырдыяпэ миро илó тэ ‘галёвав чачипэн палó штартонэ rischiрибнаскирэ мурдалэстэ, савó сыс явирчано явирэндыр и ёв сыс древáн трашадо, саструнэ дандэнца и харкунэ (медитконэ) наенца (когценца), ёв халас и пхагирэлас, а со ячэласпэ, то дова ёв гэрэнца тасавэлас, ²⁰ и пал дэш шынга (рóги), савэ сыс пэ лэскро шэрó, и палó явир, савó сыс нэвэс выбарино, ангил савó выпынэ трин, палó кадасавó шынг, дро савó сыс якхá и о вушта, савэ ракирэнас пхутькирдэс, и савó сыс пэ мина барэдыр сарэндыр. ²¹ Мэ дыкхавас, сыр дова шынг мардяпэ свэнтонэнца и пиризорякирэлас лэн, ²² пака явдя Пхурыдыр, гаратунэ-дывэсэнгино, и сыс дыно сэндо свэнтонэнгэ манушэнгэ Най Вучэдырэскирэнгэ, и яця часо, соб (кай) свэнта манушá тэ залэн кралипэн. ²³ Палó дава ёв пхэндя: “О rischiрибнаскиро мурдал штáрто – штáрто кралипэн явэла пэ пхув, явирчано сарэндыр кралипэндыр, савó лэла тэ хал сарí пхув, тэ тасавэл и тэ пхаравэл ла. ²⁴ А дэш шынга сыкавэна, со кодолэ кралипнастыр гáздэнапэ дэш крáлья, тэньчи лэндыр гáздэлапэ явир, нанэ сыр гаратунэ, и лэла тэлэ пэстэ тринэ крáльён, ²⁵ и пэ Най Вучэдырэскирэстэ (Дэвлэстэ) ёв явэла тэ пхэнэл шардытка лавá и тэ пхарьякирэл свэнтонэн манушэн Най Вучэдырэскирэн, и ёв придуминэла тэ отпхэнэл лэндэ свэнкитка часы и Закóно, и явэна ёнэ отдынэ дро лэскиро васт кэ / жыко часо, и кэ часы, и кэ паш часо. ²⁶ Палó (после) дова бэшэна э сэндарья и отлэна лэстыр право тэ хасякирэл и тэ мулякирэл кэ кóнцо. ²⁷ О кралипэн, и барó право, и кралитко барипэн тэл сарó болыбэн дэлапэ манушйтконэ нацыякэ (народоскэ), кай явэна свэнта Най Вучэдырэскирэ; Лэскиро кралипэн явэла пэ сарэ вéки, а барэ раё лэна тэ дынаринэн и тэ кандэн Лэс. ²⁸ Акэ, исын кóнцо лавэскиро. Мáндэ, Даниелэстэ, древáн смэнтна (грусна) кэрдэпэ мирэ дóмы, и мина пэ муй миро парудыя; нэ лав мэ зракхцём дро миро илó.”

Шэрó 8

Даниелёскиро Дыкхибэн пал Бакрэстэ и Бузнэстэ

¹ Пэ трито бэрш кралипнаскиро, сыр Валтасаро яця краліса, то явдя мангэ, Даниелёскэ, дыкхибэн палó дова, савó явдя мангэ пэрво мóло. ² И дыкхавас мэ дова дыкхибэн, и кэли дыкхавас, мэ сóмас дрэ Суза, шэрутно фóро кай сыс твáрдима/диз [крепость-ю.о.], кай исын Эламоскири округа, и дыкхавас мэ дро дыкхибэн, сырбы мэ сóмас пашыл рэка (лэнь) Улай. ³ ‘Газдыём Мэ якхá мирó, и дыкхцём: акэ, екх бакро тэрдó пашыл рэка (лэнь); лэстэ сыс дуй шынга (роги), и шынга сыс вучэ, нэ екх сыс вучэдыр явирэстыр, и дова, со сыс вучэдыр, газдыпэ коригэдыр (позжэ). ⁴ Дыкхавас мэ, сыр кодова бакро пхаравэлас шэрэса кэ западно (пал-панитко) риг и кэ паш-ратитко (северно) риг, и кэ паш-дивэсытко (южно), со нисавó rischiрибнаскиро мурдал (зверё) на сыс тэ тэрдэл проти лэстэ, и никон на могиндя тэ зракхэлпэ лэстыр; ёв кэрдя, со сыс пэ годы лэскэ, и пхутелас. ⁵ И сыр мэ придыкхаваспэ кэ дава, и, акэ, западнонэ ригатыр джалас бузно (козло) пир сарі пхув, на чилави пхув; адалэ бузнэстэ (козлостэ) сыс дыкхно шынг машкір лэскирэ якхá. ⁶ Ёв гия пэ кодолэ бакрэстэ, савэстэ сыс дуй шынга, савэс мэ дыкхавас, со ёв сыс пашыл рэка (лэнь), и ёв чхурдыпэ пэ лэстэ барэ лэскирэ холяса. ⁷ И дыкхавас мэ, сыр ёв бузно (козло), гия пашылэдыр кэ бакро, росхолясыя пэ лэстэ и пэкадя бакрэс; и пхагирдя лэскэ дуй шынга: и на сыс зор бакрэстэ тэ тэрдэл проти лэстэ, и ёв (бузно) радя лэс пэ пхув тэл гэрá и ростасадя лэс, и на сыс никонэс, кон дэлас рада тэ зракхэл бакрэс. ⁸ Палдава кадава бузно розбарияпэ; нэ кэли ёв зоралыя, тэды пхадия барó шынг, и пэ лэскиро штэто выгинэ штар шынга, савэ сыс обрисинэ пэ штар балвала болыбнытка. ⁹ Екхэстыр лэндыр выгия набарó шынг (рогицо), савó древán розбарияпэ кэ паш-дивэсытко (южно) риг и кэ вастóко и кэ шукáр тхэм, ¹⁰ и газдыпэ дава шынг кэ болыбнытко халадыбэн (Янгóлы болыбнытка), и чхурдыя тэлэ пэ пхув паш болыбнытко халадыбэн и чэргэня, и тасадя лэн, ¹¹ и газдыпэ, хачи, пэ Тхагаристэ [Князёстэ-ю.о.] пэ дава болыбнытко халадыбэн, и отлыно сыс Лэстыр свэнтó яныбэн пэ кажно дывэс, и магирдó сыс штэто, кай свэнтыма сыс Лэскири. ¹² И дава болыбнытко халадыбэн пиридыно сыс кхэтанэ кажнонэ-дивэсэнгирэ свэнтонэ яныбнаса пал чорипэн, и ёв, кадава шынг, пэрадой чачипэн пэ пхув, кэрдя дава и удэласкэ лэскэ. ¹³ И тэньчи шунаvas мэ екхорэс свэнтонэс, кон ракирдя, и пхэндя кадава свэнтó явирэ вари-конэскэ, савó пхучэлас: “Пал кицы дывэса доджала дава дыкхибэн кэ чачипэн пал свэнтó яныбэн и, палó савó чхучакирэла (пустошынэла) грэхó, кэли свэнтыма и дава халадыбэн явэна тасадэ?” ¹⁴ И пхэндя ёв мангэ: “Пэ дуй барá (тысёнцы) трин шэлá бэльвэля и злоки (ранки); и тэньчи жужакирэлапэ свэнтыма.”

О Даниелё Пирипхэнэла Дыкхибэн

¹⁵ И сыс: “Кэли мэ, Даниелё, дыкхцём кадава дыкхибэн и родаvas лэскири знáчыма; акэ, уштыя ангил мандэ одова, савó выдыцелас сырбы о джино муршытко. ¹⁶ И шунаvas мэ зан машкирал Улаяскирэ брэги, зан манушытко, сави кхарэлас и пхэндя: “Габриэле! Пирипхэн лэскэ дава дыкхибэн!” ¹⁷ И ёв подгия пашылэдыр кэ штэто, кай мэ тэрдием, и, кэли ёв явдя, то мэ страхадыём и дыёмпэ муял пэ пхув; и ёв пхэндя мангэ: “Джин, о чхава манушэскиро, со дыкхибэн сыкавэла пэ кóнцо (пэ ягóро) часо!” ¹⁸ И кэли ёв ракирэлас манца, мэ бизорьякиро пасиём тэлэ мóса пэ пхув; нэ ёв чиладя ман и чхудя ман пэ миро штэто, ¹⁹ и пхэндя: “Акэ, мэ откэрава (сыкавава) тукэ, со явэла дрэ палатунэ (последня) холякирэ дывэса; пал-дова со дова дыкхибэн отлыджалапэ кэ упхэндлó кóнцо пир часо. ²⁰ О бакро, савэс ту дыкхцян дүе шынгэнца, дава исын крáлья Мидянытка и Персытка. ²¹ О бузно (козло) балытко-крáли Грецыякиро (Баламиякиро), и шынг барó, савó машкір якхá лэстэ, дава исын лэнгиро пэрво крáли; ²² а палó дова шынг, савó пхадия, выгинэ штар шынга-дава исын штар кралипэнá, со уштэна адалэ манушытконэ нацыятыр (народóстыр), нэ нанэ лэскирэ зорьяса. ²³ Ангил кóнцо (ягóро) лэнгрэ кралипнаскэ, кэли чорипнаскирэ/фуй –

кэрибнаскирэ (отступники) доджана кэ мерка бизаконьтко, то уштэла нахрато (нагло) крáli и годьварó дрэ хохайбэна; ²⁴ и ёв зорьякирэлапэ пэ бут, мэк и на лэскирэ зорьяса, и ёв явэла тэ хасякирэл сарó кэ диво и сыгэс явэла тэ удэлпэ лэскэ и тэ хасякирэл зоралэн и манушы́тко нацыя (народо) свэнтонэнгиро, ²⁵ и пал-довá со ёв явэла годó ваш хохайбэн пэскирэ фрэнтыматыр, ёв явэла тэ рикирэл лофо дро пэскиро васт, и ёв пэскрэ илэса газдэлапэ вучэс, и ёв хасякирэла бутэн, кон явэла дро рамáнё, и проти Тхагаристэ-тхагарьенгирэндэ уштэла, нэ явэла пхагирдó на манушы́тконé вастэса. ²⁶ О дыкхибэн пал бэльвэля и злоки (ранки), пал савэ сыс дывэсá ангил пхэндлó, исын чачипэн; нэ ту гарав дава́ дыкхибэн, пал-довá со ёв касынэлапэ кэ дуратунé часы.” ²⁷ И мэ, Даниэлё, кхиньём, винасвалыём ада́кицы дывэсá; тэньчи мэ уштыём и лыём тэ кэрав кралитка рэндэ (дэлы); нэ мэ дивиндёмпэ наужакирдэс далé дыкхибнаскэ и ниéкх на галёлас лэс.

Шэрó 9

Даниелёскири Пáтери (Молítва) пал Манушэндэ

¹ Пэ пэрво бэрш Дариёскиро, чхавэскирэ Асуироскиро [Ахашверошоскиро-ю.о.] ^[1], Мидяны́тконэ родóстыр, савó сыс чхудо кралíса пэ Халдеитко кралipэн, ² пэ пэрво бэрш лэскирэ кралipнаскиро, мэ-да, Даниэлё, галыём лылварьендыр чысло (гин) бэршуно, пал савó сыс лав Рáскиро-Дэвлэскиро кэ прорóко Еремее́, со пал эфтадэшá бэрш Ерусалимо явэла чхучó (пусто). ³ И рискирдём мэ муй миро Рáскэ-Дэвлэскэ патерьясá и мангипнаса дро посто и дро балы́тко гонó праскаса. ⁴ И мангдёмпэ мэ Рáскэ-Дэвлэскэ мирэскэ и откэравас мэ илó и ракиравас: “Мангáва Тýтыр, Раё Дэвла, барó и дивно кэ дар, Кон ракхэла завето и лáска кодолэнца, савэ рикирэна Тут сыр Дрóгима дро илó и рикирэнапэ кэ припхэныбэна́ Тырэ! ⁵ Кэрдям грéхо амэ, бизаконьтка рэндэ, кэрасас бипатывалэс, кэрдям бýнто и отгиям Тырэ припхэныбнастыр и Тырэ упхэныбнастыр, ⁶ со кандасас писхарьён Тырэн, э пророкэн, савэ Тырэ лавэстыр ракирдэ амарé кральенгэ, и амарé тхагарьенгэ, и амарé дадэнгэ, и сарé манушэнгэ долé тхэмэстыр. ⁷ Тýтэ, Раё, исын чачипэн, и амэндэ пэ муя́ исын ладж; сыр аканá, кажно́нэ Юдостэ, сыр Ерусалимóскирэ джи́ибнаскирьендэ, и кэ сарó Израилё, дрэ пашатунэндэ и дуранэндэ, дрэ сарé тхэма, карик Ту традыян лэн палó лэнгиро отгиибэн, савэса ёнэ отгинé Тýтыр. ⁸ Раё Дэвла! Амэндэ ладж исын пэ муя́, амарé кральендэ, амарé тхагарьендэ и амарé дадэндэ, пал-довá со амэ грéхо кэрдям ангил Тýтэ. ⁹ И амарé Растэ-Дэвлэстэ исын лáска, отмэкибэн грэхэнгиро, пал-довá со амэ сáмас бунтуйтка проти Лэстэ. ¹⁰ И амэ на кандыям зан Рáскирэ-Дэвлэскири, амарэскири, соб (кай) тэ кэрас пир Лэскирэ закóны, савэ Ёв дыя́ амэнгэ пир Лэскирэ дынарьендэ, пророкэндэ. ¹¹ И сарó Израилё пхагирдя́ Закóно Тырó, и отрисия, соб (кай) тэ на кандэл зан Тырí; и палдава́ вы́тхадья́ пэ амэндэ прокошыбэн и совлáх, савэ исын зачхиндлэ дро Мойзáскиро Закóно, Дэвлыканэ дынарискиро, пал-довá со амэ кэрдям грéхо ангил Тýтэ. ¹² И Ту пхэрдякирдян Пэскирэ лавá, савэ Ту ракирдян пэ амэндэ, и пэ амарé сэндарьендэ, савэ сэндякирэнас амэн, бичхави пэ амэндэ бари бíда, савí на сыс тэл болыбэн, и савí кэрдя́пэ пэ Ерусалимо. ¹³ Сыр чхиндлó исын дро Мойзáскиро Закóно, адя́кэ сарí када́я бíда мардя́ амэн; нэ амэ на мангдым дрэ пáтери (молítва) Рас-Дэвлэс амарэс, соб (кай) амэнгэ тэ рисёвас амарé бизаконьтконэ рэндэндэ, и тэ галёвас чачипэн Тырó. ¹⁴ Палдава́ приракхця́ о Рай Дэвэл кадасави бíда и бичхадя́ ла пэ амэндэ; пал-довá со чачунó исын Рай Дэвэл амарó дро сарé Лэскирэ рэндэ, Савэ кэрэла, нэ амэ на кандыям зан Лэскири. ¹⁵ Аканá, Раё Дэвла амарó, Савó лыджия́ Тырэ манушэн Египтóскирэ пхувья́тыр зоралé вастэса и сыкави́ Тырí сла́ва, сыр ададывэс! Кэрдям грéхо амэ, кэрдям напатывалэс. ¹⁶ Раё Дэвла! Пиро сарó Тырó чачипэн, мэк тэ рисёл Тырí холы́ и Тырó барó холякирибэн Тырэ форóстыр, Ерусалимóстыр, свэнтонé Тырэ бэргáтыр, пал-довá со пал амарé грéхи и бизаконьтка рэндэ (дэлы) амарé дадэнгирэ, о Ерусалимо и Тырэ манушэн обракирэна сарé, савэ исын пашы́л амэндэ. ¹⁷ Аканá шун, амарó Дэвла, э пáтери (молítва) тырэ писхарискири и мангипэн лэскиро, и, мэк тэ зяинэл Тырó муй пирó чхучакирдо Тырó свэнтыпнаскиро штéто, савó исын чхучакирдо (пустошоно)

Тутэ, Раё Дэвла. ¹⁸ Причхув, миро Дэвла, кан Тыро и шун, откэр Тырэ якхэ и дыкх пэ амарэ чхучипэна и пэ форо, саво кхардо пир лав Тыро; пал-дова со амэ кэдасам амарэ мангипэна ангил Тутэ, амарэ чачунэ рэнды, нэ пир Тыри бари лачхэ-илыткима. ¹⁹ Раё Дэвла, шун! Приманг (простин) амэнгэ, Раё Дэвла! Кандэ и кэр сыгэдёр ваш Тукэ Кокорэскэ, Дэвла миро, Тыро Лав дыно Тырэ фороскэ и Тырэ манушэнгэ.”

Ангилпхэныбэн пал Эфтадэша Куркэ

²⁰ И кели мэ ракиравас и мангаваспэ, и откэравас ило пал мирэ грэхи и пал грэхи мирэ народоскирэ Израилёстыр, и пашлякиравас мангипэн миро ангил Растэ-Дэвлэстэ мирэстэ пал свэнта бэрга мирэ Дэвлэскири; ²¹ кели ишчо (инкэ) мэ ракиравас патели (моли́тва), о муруш Габриэлё, савэс мэ дыкхавас дро само англывэн дро дыкхибэн, сыго приурняндыя, чиладя ман, кели сыс пашыл часо ваш бэльвэлякиро свэнто дыибэн, ²² и ёв дэлас годь мангэ, ракирдя манца и пхэндя: “Даниеле! Аканэ мэ гиём тэлэ, соб (кай) тэ сыклякирав тут тэ галёс. ²³ Ангил, сыр тыро илытко мангипэн дыя о лав, и мэ явдём тэ пхэнав тукэ, со ту сан муруш пир ило (жэланно): адякэ тэ галёс дава лав и тэ галёс дыкхибэн: ²⁴ эфтадэша куркэ сыс гиндлэ ваш тыро народо и тыро свэнто форо, Ерусалимо, соб (кай) учхакирдо тэ явэл чорипэн и тэ кончынэнпэ грэхи и тэ явэн выкхослэ бизаконьтка рэнды (бизаконии), и, соб (кай) тэ явэл лыджино вечно чачипэн, тэ явэн запечатымэ дыкхибэн и пророко, и тэ явэл помакхно Свэнто-свэнтонэнгиро. ²⁵ Адякэ джин и галёв: со долэ дывэсэндыр, кели выджала припхэныбэн тэ газдэн нэвэс Ерусалимо, кэ/жыко о Помакхно (Месия) [Христосо, Баро Рай-р.с.] исын эфта эфтытка (седьмины) и шовдэша дуй эфтытка, и газдэна нэвэстыр вулицы (гасы) и ванты, нэ дрэ пхарэ часы. ²⁶ Сыр проджана шовдэша дуй эфтытка, то явэла отдынó пэ мэрибэн о Помакхно (Месия) [Христосо-р.с.], и на явэла Лэс; явир тхагари лэскирэ манушэнца роспахирэна и форо и свэнто штэто, саво явэла, и концо лэстыр явэла сыр да барэ-тасадыпнаскирэ панингэстыр, и кэ концо марибнаскиро явэна чхучакирибэна (спустошэнии). ²⁷ Тэньци ёв чхувэла зор пэ завето ваш бутэнгэ пэ екх эфтытко, и дрэ паш эфтытко пириячэлапэ свэнто яныбэн, и марунó свэнто дыибэн, и пэ пхак (крыло) свэнтонэ штэтоскиро явэла чхучакирдо джунгалывэн (брыткима) и ангил дова, сыр сыкадыно хасибэн пэрэла пэ чхучибнаристэ (спустошытелёстэ).”

9:1 ^[1] Дрэ Руситко Библия-Ассуир

Шэрó 10

Даниелёскиро Дыкхибэн пал Манушэстэ

¹ Пэ трито бэрш о Кираскиро, Персытконэ Крали́скиро, сыс сыкадо чачипэн Даниелёскэ, савэс кхардэ пир лав Валтасаро; и чачунó сыс дава сыкадыипэн и древан зоралó. Ёв галыя дава чачипэн и угалыя дыкхибэн. ² Дрэ кодолэ дывэсá мэ сомас, Даниелё, дрэ туга ясвэнца трин эфтытка (седьмины) дывэсá. ³ Лачхó марó мэ на хавас; мас и мол (вино) на гинэ дрэ мирэ уштá, и макхибнаса мэ на кхосавас ман кэ/жыко дова, сыр пхэрдинэ (сполниндлэпэ) трин эфтытка дывэсá. ⁴ Пэ биш тэ штáрто дывэс пэрвонэ-чхонэскиро сомас мэ пэ брэго барэ-рэакиро (лэнякиро) пашыл Тигро, ⁵ и газдыём мэ мирэ якхэ, и дыкхцём: акэ, екх муруш, уридо дро гандладытко (лэнытко) урибэн, и кустык пэ лэстэ сыс сувнакастыр Уфазостыр. ⁶ Э масá лэстэ – сыр куч бар топазо, о муй лэскиро – сыр о блискавицакиро дыкхибэн; лэскирэ якхэ – сыр хачкирдэ ягэнгирэ (факелы), вастá лэскирэ и гэрá лэскирэ сыс сыр зяиндлы харкóма (медь), и зан лэскирэ ракирибнаскири – сыр зан бутэ-манушэнгири. ⁷ Фэни (тока) мэ екхджинó, Даниеле, дыкхавас дасаво дыкхибэн, э манушá, савэ сыс манца, на дыкхнэ дасаво дыкхибэн; нэ пыя пэ лэндэ бари дар и ёнэ нашнэ, соб (кай) тэ гаравэнпэ. ⁸ Палдава яцёмпэ мэ екхджинó, и дыкхавас мэ дава барó дыкхибэн, нэ дрэ мандэ на яцяпэ зор, мина

пэ миро муй древан парудяпэ даратыр, на яцяпэ мандэ нисаво састыпэн.⁹ И шундём мэ зан лэскирэ лавэнгири; и фэни шунаvas мэ зан (глас) лэскирэ лавэнгири, сыр кашталуно дыёмпэ (замыём) мэ муял и сомас пашто тэлэ мо́са кэ пхув.¹⁰ Нэ акэ, чиладя ман о васт и чхудя ман пэ мрэ чанга́ и пэ бурныка (ладони) мрэ вастэнгирэ.¹¹ И пхэндя ёв мангэ: “Даниеле, мурш пир ило́! ‘Галёв лавá, савó мэ пхэна́ва тукэ, ушты́ мамуй (ровнэс) пэ гэра́ тырэ; пал-дова́ со мэ сом бичхадó акана́ кэ ту.’ Кóли ёв пхэндя мангэ далэ лавá, то мэ уштыём, издрандой.¹² Нэ ёв пхэндя мангэ: “На андырша, Даниеле; пэrvонé дывэсэстыр, сыр ту чхудян тырó ило́, соб (кай) тэ дорэсэс галыибэ́н, и тэ тэлякирэс пэс ангил тырэ Дэвлэ́стэ, лавá тырэ сыс шундлэ́, и мэ яваvas пал тырэ лавá.¹³ Нэ тхага́ри (князё) Персытконэ кралиппнастыр тэрдéлас проти мандэ биш тэ екх дывэса́; нэ, акэ, Миха, екх пэrvонé тхагарьендыр, явдя́ тэ дэл васт мангэ, и мэ яцёмпэ одóй пашыл Персытка кральёндэ.¹⁴ Акана́ мэ явдём тэ пхэна́в джины́ (звесь) тукэ, сарó, со явэла́ тырэ манушэ́нца дрэ дывэса́, со явэна́ ангил, адя́кэ, сыр дыкхибэ́н сыкавэ́ла пэ дуратунé дывэса́.”

¹⁵ Кéли ёв ракирэ́лас мангэ дасавé лавá, мэ пыём мо́са кэ пхув и яцём мутó (немо).¹⁶ Нэ, акэ, вари-кон, кон здэла (поджáла) пэ манушытконэ чхавэ́стэ, чиладя́ мирé уштá, и мэ откэрдём мирé уштá, лыём тэ ракира́в и пхэндём одолэ́скэ, со сыс тэрдó ангил мандэ: “Раё миро! Кадалэ́ дыкхибнастыр сарé бидытка туги мирé обрисинэ́ пэ мандэ, и на яця́ мэндэ зор.¹⁷ И сыр сашты́ тэ ракирэл о писхáри кадасавé мирé рáскиро, сыр мэ, Даниёлé, сыр ту сан? Пал-дова́ со адрал мандэ нанэ зор, и пхурдыпэн (дыхиныбэ́н) замыя́ дрэ мандэ.”¹⁸ Тэньци нэвэ́стыр чиладя́ ман одова́ джино, савó сыс дрэ патрин (óбразо) манушы́тко и састякирдя ман,¹⁹ и пхэндя: “На андарша, о мурш пир ило́! Рамáнё (миро) тэ явэл тукэ; лы́джа пэс муршканэ́с, яв муршканó!” И кéли ёв ракирэ́лас манца́, мэ састийём и пхэндём: “Рáкир, Раё миро; пал-дова́ со ту састякирдян ман.”²⁰ И ёв пхэндя: “Ци джинэ́са, палсó мэ явдём кэ ту? Акана́ мэ рисёва́ва, соб (кай) тэ маравпэ́ Персытконэ тхагариса; и кéли мэ выджава́, то, акэ, явэла́ Греки́тко (Балами́тко) тхага́ри.²¹ Нэ ангил мэ пхэна́ва тукэ, со исын чхиндлó дро чачунó чхиныбэ́н. И нанэ никон, кон подрикирэ́лас бы ман дрэ дова́, апрíч Михастэ́, тумарé тхагаристэ́.”

Шэрó 11

¹ Адя́кэ мэ пэrvонé бэршэ́стыр Мидиякирэ́ Дариёс яцём мэ тэ зорьякирав лэс и тэ подрикирав лэс.² Акана́ пхэна́ва тукэ чачипэ́н: акэ, ишчо (инкэ́) трин крáлья газдэ́напэ дрэ Персия; палó дова́ штáрто крáли пиризорьякирэ́ла сарэ́н барé барвалыпнаса, и, кéли зорьякирэ́ла пэс пэскирэ́ барвалыпнаса, то тэды ёв газдэ́ла сарэ́н проти Греки́тко (Балами́тко) кралипэ́н.³ Палó лэндэ́ газдэ́лапэ о крáли древан зоралыпнаскиро, савó явэла́ тэ хулаинэл́ барé райканыпнаса и лэ́ла тэ кэрэл пир пэскири во́ля.⁴ Нэ кéли ёв уштэ́ла, то кралипэ́н лэскиро́ распэрэ́лапэ и роскэрэ́лапэ пэ штар болыбны́тка балва́ля, никонéскэ лэскрэ́ сэмэнца́кэ на пириджала́ дова́ кралипэ́н, и кадасавé зорья́са, савья́са ёв хулаинэ́лас; хасё́ла кралипэ́н лэскиро́ и дорэсэ́лапэ явирэ́нгэ, апрíч кодолэ́ндэ.

Пал Кральё́ндэ пэ Паш-Дывэсы́тко и Паш-Ратит́тко Рига́

⁵ Зорьякирэ́лапэ крáли паш-дывэсы́тконé (южнóнэ) ригáтыр и адя́кэ-паць екх тхага́ри лэскиро́, савó пиризорьякирэ́ла лэс и лэ́ла тэ хулаинэл́, и явэла́ лэ́стэ древан барó райканыпэ́н. Лэскирэ́-райканыпнаскиро́ тхагарипэ́н явэ́ла барó.⁶ Нэ пир вари-кицý бэрша́ ёнэ явэ́на кучэдыр екх екхэ́са, и чхай паш-дывэсы́тконé крали́скири явэ́ла кэ крáли паш-ратитконé ригáтыр, соб (кай) ёнэ́ тэ явэ́н дрэ екх годы́; нэ ёй на вырикирэ́ла зор дрэ пэскирэ́ вастá, и на вытэрдéла ла́киро рóдо, нэ ёй явэ́ла выдыны́ тэ мэ́рэл, адя́кэ и пашатунé ла́кирэ́, и одолé, кон барьякирдя́ ла, и кодолé, кон ла́кэ дýя зор дро кодолé часы.⁷ Нэ газдэ́лапэ екх рандь (вэ́тка) ла́кирэ́ ру́кхэстыр (корнё́стыр) пэ ла́киро штэ́то и явэ́ла тэ марэ́лпэ халадэ́нца и ёв заджáла дро твáрдýма/диз (крепость) паш-ратитконé крали́скиро, и пэ ла́киро штэ́то

лэла тэ кэрэл андрэ лэндэ, и ёв лэла бари зор.⁸ Ишчо ёв лэла дро плéно кэ Егíпто и лéнгирэ дэвэла, вычхудэ лéнгирэ муенца, а лéнгирэ кучонэ кхорэнца, сувнакунэ и рупувэнца, и ёв, и пэ вари-кицы бэрш ёв явэла тэ тэрдёл вучэдýр паш-ратитконэ крали́стыр.⁹ Тэньци адава́-паць крáli и явэла пэ паш-ратитко (северно) тхэм, нэ ёв рисёла пэ лэскири пхув.¹⁰ И лэна марды́тко (оружыё) чхавэ лэскирэ и скэдэна бут халадэн, и екх лэндýр сы́гэс явэла, пхэрдякирэла саро́ и проджа́ла, и тэньчи, риси́и, лэла тэ марэлпэ лэса паш-ратитконэ крали́са пашыл лэскири тва́рдыма.¹¹ И росхолясола сарэ́са паш-дывэсы́тко (южно) крáli, и выджала́ тэ марэлпэ лэса, паш-ратитконэ крали́са, саво́ вычхувэла баро́ халадыбён, нэ отдыно́ явэла дава́ халадыбён дрэ лэскирэ (вэргоскирэ) васта́.¹² И кэли лыджана́ халадыбён, то крали́скиро ило́ газдэлапэ; ёв тэлякирэла бут тысе́нцы, нэ ёв зоралэдýр кодолэ́стыр на явэла.¹³ Пал-дова́ со паш-ратитко (южно) крáli рисёла и тэрдякирэла тэ марэлпэ э халадэн бутыдыр, сыр сыс лэстэ, и пир вари-кицы бэрша́ сыго́ явэла барэ́ халадыбнаса и барэ́ барвалыпнаса.¹⁴ Дрэ кодолэ́ дывэса́ бутджинэ́ газдэнапэ́ пэ крали́стэ паш-дывэсы́тконэстэ, и нахрата́ (нахальна) мануша́ тырэ́ народо́стыр, Даниеле́, газдэнапэ́, соб (кай) тэ кэрдёл чачипна́са, нэ ёнэ́ пэрэна́.¹⁵ И явэла паш-ратитко крáli, и газдэла вало́ пхувья́тыр и халадыбён лэскиро лэла зоралыки́рдо фо́ро, а ни паш-дывэсы́тка зорья́ на вытэрдэ́на, ни выкэдыно́ халадыбён лэскиро; на ухтылэ́ла зор тэ тэрдёл проти́.¹⁶ И кодова́, кон выджала́ кэ ёв, кэ паш-ратитко крáli, лэскрэ́ волятыр, и никон́ на вытэрдэ́ла анги́л лэстэ. Ёв тэрдэ́ла табороса́ пэ Славу́тно Пхув, и ёй, сари́ пхув, дорэсэ́ла чорипэ́н лэскрэ́ вастэ́стыр.¹⁷ И кадава́ крáli (паш-ратитко) закамэ́ла тэ выджал́ сарэ́ зорьенца́ пэскирэ́ крали́пнастыр, и лэскирэ́ чачипна́скирэнца, и кэрэ́ла дава́. И чхае́н лэскирэ́ джувленги́рьен отдэ́ла лэскэ́ (крали́скэ паш-дывэсы́тконэскэ), соб (кай) тэ хасякирэ́л лэн, нэ дасави́ дума на рисё́ла чачипна́са, и на явэ́ла лэскэ́ ко́фо одолэ́стыр.¹⁸ Пало́ дова́ ёв обрискирэ́ла пэскиро́ муй кэ́ пхувья́ пашыл море́ (дэрьяв)-кэ́ островы́ (джи́па-р.с.) и лэла́ пэскэ́ бут лэн; нэ вари-саво́ тхага́ри чхувэ́ла ко́нцо пэ́ лэнгире́ ладж, и ишчо́ (инкэ́) пэскири́ ладж чхувэ́ла пэ́ лэстэ, крали́стэ, паш-ратитконэ́стэ.¹⁹ Тэньци́ ёв дэлапэ́ пэскирэ́ мо́са кэ́ тва́рдыми пэ́ пэскири́ пхув; нэ ёв обштавэ́лапэ, пэрэ́ла и на явэ́ла лэс буты́р.²⁰ Пэ́ лэскиро́ штэ́то явэ́ла вари-кон, кон бичхавэ́ла мытарис/мыта-скэды́бнаскирэ́с, тэ джал́ дурэдýр пир славу́тно крали́пэн; нэ и ёв палэ́ ада́кицы дывэса́ хасё́ла, и на ми́жэхипна́стыр, и на ма́рибна́стыр.²¹ И газдэ́лапэ пэ́ лэскиро́ штэ́то о́ бэдо́ (пони́жэно) ману́ш, и на дэ́на лэскэ́ паты́в крали́тко, нэ ёв явэ́ла бигодля́кирэс и фрэнты́маса ёв залэ́ла крали́пэн.²² Халадыбэ́на явэ́на тасадэ́ сы́рбы пото́поса и пхарадэ́ анги́л лэстэ, и о́ ко́коро́ тхага́ри завето́скиро, явэ́ла ростаса́до.²³ И долэ́ дывэсэ́стыр, сыр кэрэ́на дора́кирибён лэ́са, и ёв газдэ́лапэ, лэ́ла зор набутэ́ манушэ́нца.²⁴ И заджа́ла ёв дре́ раманё́на (мирна) и барвалэ́ штэ́ты дро́ тхэм, Егíпто, и ёв кэрэ́ла дасаво́, со на кэрэ́нас лэскрэ́ дада́ и дадэ́нгирэ́-дада́ лэскирэ́: дорэсы́бён/ чордо́ мишты́пэн и барвалы́пэн явэ́ла ёв тэ́ роздэл́ пэскирэ́нгэ, ёв лэ́ла тэ́ придуми́нэл пэ́скирэ́ планы́ и пэ́ тва́рдыми, нэ́ фэ́ни (то́ка) пэ́ набаро́ часо́.²⁵ Тэньци́ ёв джангавэ́ла пэ́скири́ зор и ду́хо (фа́но) пэ́скиро́ бутджинэ́нца халадэ́нца проти́ крали́стэ паш-дывэсэ́стыр, и о́ крálí паш-дывэсы́тко выджала́ пэ́ ма́рибён ишчо́ (инкэ́) бутэдýр зоралэ́ халадыбна́са, ёв на тэрдэ́ла проти́, пал-дова́ со проти́ лэстэ́ явэ́ла придуми́ндло́ хо́хаибён.²⁶ И ко́долэ́, кон лэ́са хая́, за́камэ́на тэ́ хасякирэ́н лэ́с, и халадыбён лэ́скиро́ ростхадэ́лапэ, и пэрэ́на бут замардэ́ халадэ́.²⁷ Дуйджинэ́ндэ́ адалэ́ кра́льё́ндэ́ пэ́ ило́ явэ́ла хо́хаибён, и пало́ екх ска́мийнд ё́нэ́ лэ́на тэ́ хо́хавэ́н, ра́кири, нэ́ на явэ́ла ко́фо, пал-дова́ со ко́нцо (яго́ро) отчхувэ́лапэ́ пэ́ часо́.²⁸ И дэ́лапэ́ ёв (крáli) пэ́ пэскири́ пхув (паш-ратитко) барэ́ барвалы́пнаса́ и лэ́скирэ́ илэ́са проти́ свэ́нто за́вето, и ёв кэрэ́ла дош, сыр ёв выкэ́дыя́, и ёв рисё́ла, кай́ исын лэ́скири́ пхув.

Чорипэ́н Крали́скиро́ Паш-Ратя́тыр (Северосты́р)

²⁹ Дро́ упхэ́ндло́/гиндло́ часо́ рисё́ла ёв кэ́ паш-рат (ю́го); нэ́ дава́ дро́ яго́ро (дро́ ко́нцо) на явэ́ла пси́рибён дасаво́, сыр сыс англи́эдýр.³⁰ Пал-дова́ со дро́ екх́ часо́ явэ́на пэ́ лэстэ́ па́рмы (кора́бли) Китимос́тыр; и ёв пэрэ́ла ду́хоса́, и рисё́ла палэ́ и ёв кэрэ́ла, сыр ёв придуми́ндя́ и нэ́вэ́стыр (нэ́вэ́с) джа́ла, дора́кирэ́лпэ́ ко́долэ́нца, кон отги́я́ Свэ́нтонэ́ За́ветос́тыр.³¹ И

халадыбэна, со ёв бичхавэла, магирэна Свэнта Штэто дрэ Кхангирі и твэрдыма, и тэрдякирэна кажнонэ-дывэсытка свэнта дыибэна (жэртвы), и янэна далэса джунгалыпэн чхучипнастыр (пустотатыр). ³² Кодолэн, кон кэрэла бипатывалэс проти Завето, ёв прикхарэла кэ пэ гудлэ лавэнца; нэ э мануша, кон гинэла Дэвлэс, лэна зор и явэна тэ кэрэн, сыр трэй. ³³ Нэ годьварэ мануша манушытконэ нацыатыр (народостыр) дэна годы бутэнгэ, на дыкхи пэ дова, со ёнэ явэна тэ страдынэн адакицы дывэса ягатыр и курталатыр, пленостыр и миштыпнытконэ чорибнастыр. ³⁴ Кэли лэна тэ хан лэн дукха, то явэла лэнгэ вари-саво подрикирибэн, бутджинэ кхэтаныкирэнапэ лэнца, нэ пэфроми (наилыткэс). ³⁵ Латхэнапэ доша вари-савэ и годьварэндэ, соб (кай) тэ спробинэн лэн тэ жужакирэн и тэ парнякирэн кэ дывеса дро концо (ягоро); пал-дова со ишчо (инкэ) исын часо кэ упхэндлэ сроко. ³⁶ И явэла тэ кэрэл о крэли (паш-ратитко) пир пэскири воля, и газдэлапэ кэ вучипэн и барьякирэла пэс вучэдыр кажнонэ Дэвлэстыр, и пал Дэвлэстэ дэвлыканэстэ ёв лэла тэ ракирэл калэ лава, и явэла тэ удэлпэ лэскэ, пака кэрдэлапэ холы: пал-дова со сыс припхэндло, одова кэрэлапэ. ³⁷ И пал дэвлэндэ пэскрэ дадэнгирэ ёв на подуминэла, ни пал дова, со исын пэ илэ джувленгиро, ни хай дэвлыпнаскэ нисавэскэ ёв на дэла патыв; пал-дова со ёв фэни (тока) пэс газдэла вучэдыр сарэндыр. ³⁸ Нэ дэвлэскэ, саво дыкхэла пал твэрдыми (диза) пирэ штэто лэскиро, ёв явэла тэ дэл патыв, и кодолэ дэвлэс, савэс на джиндлэ лэскирэ дада, ёв лэла тэ дэл патыв сувнакаса и рупэса и куч барэнца, и разнонэ дрогонэ дарэнца, ³⁹ и чхувэла ёв зоралы твэрдыма/диз (крепость) чужонэ дэвлэса: нэ кодолэ, савэ пригалэна лэс, одолэнгэ ёв дэла зор пэ бутэндэ, и ёв роздэла пхув сыр мазури (награда).

О Крэли Паш-Ратятыр Пиризорьякирэла

⁴⁰ Пэ концо (ягоро) дывэсэнгиро явэла тэ марэлпэ лэса о крэли паш-дывэсэстыр (югостыр), и о крэли паш-ратитко чхурдэлапэ сыр rischiрибнаскири балвал (вихро) пэ лэстэ марибнытконэ вурдэнэнца, уклистэнца (всадникэнца) и бутэ пармэнца (корабленца), и ёв пэрэла пэ далэ тхэма, пхэрдякирэла лэн, и проджала пир лэндэ. ⁴¹ И заджала адякэ-пацэ ёв пэ Славутно Пхув, и бут тхэма (страны) пэрэна и зракхэнапэ лэскирэ вастэстыр фэни (тока) Эдэмо, Моавэ и барэдыр паш Амонэнгирэн чхавэнгири. ⁴² И тырдэла ёв васт лэскиро пэ явир тхэма; на зракхэлапэ и Египтоскири пхув. ⁴³ И залэла ёв пиралэ сувнакаса и рупэса и явирэ кучипнэнца Египтостыр; э Ливиитка и Ефиопиитка джана пал лэстэ. ⁴⁴ Нэ малвы (нэвипэна) вастокоскирэ и паш-ратитконэ ригатыр страхакирэна лэс, выджала ёв барэ мижэхишнаса, соб (кай) тэ замарэл и тэ вымарэл сарэса бутэн. ⁴⁵ И чхувэла ёв кралитка шатры пэскирэ фелатинятыр машкир мэрэ (дэрьяв) и славутно свэнта бэрга; явэла ёв кэ пэскиро концо (ягоро) и никон на подэла васт лэскэ.

Шэрэ 12

Ангилпхэныбэн пал Концо Дывэсэнгиро

¹ И уштэла дро долэ дывэса о Миха, тхагари барэ, кон явэла тэрдэ пал чхавэндэ тырэ народостыр; и явэла часо пхарэ, саво на сыс долэ дывэсэндыр, сыр явнэ мануша пэ свэто кэ/жыко аканэ; нэ зракхэнапэ дро дова часо сарэ мануша тырэ народостыр, конэс латхэна дрэ лылварі. ² И бут кодолэ, савэ исын сутэ дро пхувьякиро прахо, джангадэна, екх ваш вэчно джибэн, явир пэ вэчно ладжаипэн и обракирибэн. ³ И годьварэ явэна тэ зяинэн, сыр дуда (светилы) пэ болыбнаскиро свэдо, и кодолэ, савэ rischiрэна бутэн кэ чачипэн – сыр чэргэня дро вэко, пэ сарэ вэки. ⁴ Нэ ту, Даниеле, гарав далэ лава и запечатын лылварі кэ палатунэ (последнэ) часо; бут мануша прогинэна ла, и явэла тэ барьёл джиныбэн.” ⁵ Тэныци мэ, Даниэлэ, дыкхцём, и, акэ, тэрдэ сыс дуй явир Янгóлы, екх пэ дава брэго рэакиро (лэнякиро), явир пэ явир брэго рэакиро (лэнякиро). ⁶ И пхэндэ екх Янгóло муршэскэ дро гандладытко (лэнытко) урибэн, саво сыс тэрдэ упрал рэкитка пані: “Кэли явэла концо (ягоро) далэ дивэнгэ?” ⁷ И шунавас мэ, сыр о мурш дро гандладытко урибэн, саво сыс упрал

рэкитко пани, газдыа чачо и зэрво (лёво) васт кэ болыбэн, совлахадя вечнонэ Джидэса, со кэ дывэсэнгиро концо (ягоро) и кэ часы и кэ паш-часы, и, сыр кончынэлапэ сарэса зор свэнтонэ народоскири, то саро дава кэрэлапэ, чачипнаса сыр трэиндя. ⁸ Мэ шундём дава, нэ мэ на' галыём, палдава пхэндём: “Раё миро! Со исын тэ явэл палó дава?” ⁹ И отпхэндя ёв: “Джа, Даниеле; пал-дова со исын закэрдэ и запечатымэ далэ лава кэ палатунó часо. ¹⁰ Бутджинэ жужакирэнапэ (чыстинэнапэ), парнякирэнапэ и явэна пирибиладэ ваш пропатыкирибэн; э фуй мануша явэна тэ кэрэн бипатывалэс, и на галёла никон адалэстыр лав бипатывалэндэр (фуэ манушэндэр), нэ э годьварэ галёна. ¹¹ Кодолэ часостыр, сыр пириячэна кажнонэ-дывэсытка свэнта дыибэна, и сыр явэла чхудо джунгалыпэн чхучипнаскиро, проджала (накхэла) тысёнцо тэ дуйшэла енядэша дывэса. ¹² Бахталó исын одова, кон ужакирэла и додживэла тысёнцо тэ триншэла трийнда пандж дывэса. ¹³ И ту, Даниеле, джа кэ тырó концо (ягоро) и ту явэса тэ откхинёс, и тэ уштэс, соб (кай) тэ дорэсэс тырó мэкно миштыпэн пэ концо (ягоро) дывэсэнгиро.”

Осияскири Лылварі

Шэрó 1

¹ Акэ, исын лав Рáскирэ-Дэвлэскиро, савó явдя Осияскэ, чхавэскэ Беероскирэскэ дрэ долэ дывэса, кели раиндлэ штар крálья Юдэякирэ: Озйя, Иоафáмо (Ёфáмо), Ахáзо, и Езэкйя и дрэ долэ сама дывэса, кели кралиндя пэ Израилё о Еровоáмо (Иеровоáмо), чхавó Ёасоскиро (Иоасоскиро).

Осияскири Сэм'я

² Акэ, сыр Рай Дэвэл лыя тэ ракирэл пир Осиястэ. И пхэндя Рай-Дэвэл Осияскэ: “Джа, лэ пэскэ биладжакуня джувля, и тэ явэн тырэ чхаворэ биладжакунó. Пал-дова со даё пхув древáн кэрэла биладжаипэн (марки), сыр лэнгирэ мануша дурьёна (отгинэ) Рáстыр-Дэвлэстыр.” ³ И ёв гия и лыя Гомерья, чха Дивлаимоскирья, и ёй яця пхарі и бияндя лэскэ чхаворэс. ⁴ И пхэндя Рай-Дэвэл лэскэ: “Дэ лав лэскэ Изреелё ^[1], пал-дова со ишчо (инкэ) náбут и проджала и Мэ дукхавава палэ пал рат дро Изрееле, со прочхудяпэ дро кхэр Ииуёскиро (Игуёскиро) ^[2], и Мэ кэрава адыкэ, со пириячэна тэ явэн крálья кхэрэстыр Израилёскирэстыр. ⁵ И явэла адыкэ: Мэ пхагирава лúко Израилёскиро пэ доло Изреелёскиро.” ⁶ И ёй нэвэстыр яця пхарі и ёй бияндя чхаёрья. И Дэвэл пхэндя Осияскэ: “Дэ лав лáкэ Лорухама ^[3], пал-дова со Мэ бутыр на явава тэ сыкавав лáска пэ кхэр Израилёскиро, соб (кай) тэ отмэкав банг лэнгэ. ⁷ Нэ Мэ сыкавава лáска пэ кхэр Юдáскиро, и Мэ, Рай Дэвэл, лэнгиро Дэвэл, выракхава лэн, нэ на лукóса, на курталáса, на марибнаса, на грэнца, на уклитэнгирэ халадэнца.” ⁸ И, акэ, палó (после) дова, сыр Гомерь дыя колын Лорухамакэ, ёй яця пхарі и бияндя чхаворэс. ⁹ И пхэндя Рай-Дэвэл Осияскэ: “Дэ лав лэскэ Ло-амми ^[4], пал-дова, со тумэ на сан Мирé мануша, и Мэ на явава тумарó Дэвэл.”

Рай Дэвэл Нэвякирэла Израилё

¹⁰ Нэ чхавé Израилёскирэ явэна адакицы бут, кичы исын прахо пэ мóрё (дэрьяв), со нашты тэ вымеринэс и тэ гинэс. И явэла адыкэ: пэ штэто, кай ракирдэ лэнгэ: “Тумэ на сан Мирé мануша,” аканá одой пхэнэна лэнгэ: “Тумэ сан чхавé джидэ Дэвлэскирэ.” ¹¹ Тэды чхавé Юдáскирэ и чхавé Израилёскирэ кэдэнапэ кхэтанэ и ёнэ чхувэна пэскэ екхэ шэралэс, и ёнэ джана криг чужонэ пхувьятыр, пал-дова со барó явэла дывэс Израилёскиро.

1:4 ^[1] Изреелё – дова лав значынэла Дэвэл росчхувэла ци Дэвэл почхувэла дрэ пхув

- 1:4 ^[2] Дрэ Руситко Библия пхэнэлапэ Ииуй
 1:6 ^[3] Давá лав значыла напотангиндлы, напожалиндлы
 1:9 ^[4] Давá лав значынэла на Мирé манушá

Шэрó 2

¹ Ракирэн тумарé пшалэнгэ: ‘Мирé манушáлэ,’ и ракирэн тумарé пхэненгэ: ‘Потангиндлы’ (пожалиндлы).’

Израилёскирэ Манушá Исын Напатяибнытка Дэвлэскэ

² Бангякирэн [сэндинэн-р.с.] тумарé да, бангякирэн ла: пал-довá со ёй бутыр на явэла Мирí ромны, и Мэ на сом láкиро ром! Мэк ёй тэ дурьякирэл láкирэ мóстыр láкиро биладжаипэн, и láкиро náлaчxo кaмибэн кpиг láкирэ кoлынэндýр; ³ соб (кай) Мэ тэ на рoсчaкирaв láкиро нaнгипэн, и тэ нa чхуaв лa aнгíл, сыр дрo дывэс, кéли ёй бияндыя; и соб (кай) Мэ нa кэрáв лáтыр чхучí (пустo) фéлдa, и соб (кай) Мэ тэ нa пирикэрaв лa дрэ шуки пхув, и тэ нa пэкавaв лa смэгaсa ^[1] тэ пьeл. ⁴ Мэ нa сыкавáвa лáскa вaш láкирэ чхаворэнгэ (биятэнгэ), пал-довá со ёнэ исын бияты биладжакунé джувлятыр. ⁵ Пал-довá со лэнгири дай кхэлдя биладжакунэс; ёй сыс пхарí лэнца напатывалэс: пал-довá со ёй пхэндя: “Мэ джáвa пал мирé камлытконэндэ, савé дэна мánгэ мирo мaрó, и мирo пaни, и мирí вьлнa (шэрсь), мирo гaндлaдo (лёно), мирo oливíткo дзэт (елeё) и мирo пибэн.” ⁶ Палдaвá, акэ, Мэ закэрава дрoм лáкэ пхусайбнытконé хрустэнца (терненца), и Мэ обчхувава лa вaнтaсa, соб (кай) ёй тэ нa дэл рáдa тэ лaтxэл пэскирэ дрoморé. ⁷ И ёй тpaдэлапэ пал láкирэ камлытконэндэ, нэ ёй нa дотpaдэла лэн; и ёй явэла тэ родэл лэн, нэ ёй нa лaтxэла лэн: И тэдý пхэнэла ёй: ‘Нэ, джáвa мэ и рисéвáвa палэ кэ мирo пэрвo ром, пал-довá со сыс фэдýр мánгэ сыр aкaнá исын мánцa.’ ⁸ Ёй нa джиндя, co дaвá cомaс Мэ, Рай Дэвэл, Кон дэлас лáкэ гив (марó), мол (вино), и дзэт, и Кон кэрдя бутэдýр (бутэдырьякирдя) láкиро руп и сувнакай, савэндýр ёнэ кэрдé Ваало. ⁹ Пал-дaвá Мэ рисéвáвa палэ, и Мэ лáвa палэ Мирo гив (марó) дрo умалoтнo чaсo, и Мирí мол (вино) дрo láкиро сезoнo, и Мэ лáвa палэ Мирí вьлнa и Мирo гaндлaдo (лёно), co дынó сыс лáкэ тэ учхaкирэл ёй пэскиро нaнгипэн. ¹⁰ Aкaнá Мэ oткэрава láкиро биладжаипэн aнгíл якxá láкирэ камлытконé муршэндэ, и ниéкx мaнуш нaштý нa вьрaкxэлa лa Мирé вaстэстыр. ¹¹ И Мэ кэрáвa aдыкэ, co латэ пириячэла (кончынэлапэ) сабэн радымáсa, бутыр на явэна свэнки láкирэ, láкирэ-чхонэскирэ свэнкицы, и láкирэ сáвaты-сарé láкирэ скаминдa. ¹² И Мэ чхучакирaвa ^[2] láкирэ винаградýтка барья (посадки) ^[3] и láкирэ инжыриткa дрэвицы ^[4], пэ савé ёй paкирэла: ‘Гáдa, кaдaлэ исын мирé мазýрья (нагpaды), co мирé камлытка муршá дынé мánгэ.” И Мэ кэрáвa лэндýр вэш, соб (кай) фэлдýтка мурдaлá (звeри) тэ хaн лэн. ¹³ И Мэ пxарэс сэндиaкирaвa лa пал кoдoлэ дывэсá, пэ савé ёй тхувaлякирдя дрóгa смóлы Вaалэнгэ. Ёй шукарьякирдя пэс чэненца и мирикленца, и ёй гия пал láкирэ камлытконé муршэндэ, и тэдý ёй бистýрдя Мaн”, – paкирэла Рай Дэвэл.

Дэвлэскири Ласкэ пэ Лэскирэ Манушэндэ

¹⁴ “Палдaвá Мэ зaтырdавa (уpaкирaвa) лa и янáвa лa пэ чхучí пхув, и Мэ явáвa тэ paкирáв илыткэс лáсa. ¹⁵ И Мэ дáвa лáкэ винаградýтка барья одoтxыр и дóлo Aхopocкиpo, сыр вудáр тэ ужaкирэл лaчхипэн. Oдóй ёй явэла тэ бaгaл, сыр дрэ дывэсá láкирэ тэрныпнaскирэ, и сыр дрo дывэс, кéли ёй гия кpиг Eгиптóскирэ пхувьятыр. ¹⁶ И явэла aдыкэ пэ дрo дoвá дывэс, – paкирэла Рай Дэвэл, – ‘co тy явэсa тэ кxарэс Мaн: ‘Мирo ром,’ и тy нa явэсa бутыр тэ кxарэс Мaн ‘Вaали’ ^[5], ¹⁷ пал-довá со Мэ кэрáвa aдыкэ, co láкирэ уштá бутыр на явэна тэ пхэнэн лавá Вaалэнгирé, и кaдaлэ кxарибэна (лaвá) бутыр на явэна тэ рипирэнпэ пэ гoдý мaнушэнгирé Израилёстыр. ¹⁸ Пэ дoвá дывэс Мэ чхувáвa зaвeтo вaш лэнгэ фэлдытконé мурдaлэнца (звeрeнцa), бoлыбнытконé чирикленца и цaпнeнцa (пoлзучoнэ джидыпнэнгэ), савé пoлзынэна пир пхув. И Мэ пxaгирaвa лýкo и кypтáлa, соб (кай) ёнэ тэ нa явэн пэ дoя

пхув, и Мэ кэрава адякэ, соб (кай) ёнэ тэ пасён би даракиро, и соб (кай) тэ на явэл марибён.
¹⁹ И Мэ явава тэ ангрустынав (обрэнчынава) тут Мánца усады (сак); и Мэ ангрустынава (обрэнчынава) тут Мánца пир чачипэн и чачунó сэндо, и пир дрóго лачхипэн, и пир лачхэ-илыткима; ²⁰ и Мэ ангрустынава (обрэнчынава) тут Мánца, со ту явэса патяибнытко кэ Мэ, и Ту явэса тэ джинэс Ман, Рас-Дэвлэс. ²¹ И явэла адякэ дро дова дывэс, со Мэ ушунава [отпхэнава-ю.о.], – ракирэла Рай Дэвлэ, – и Мэ шунава болыбён, и ёв явэла тэ шунэл пхув.
²² Пхув шунэла и дэла гив (марó), и мол (вино), и дзэт (елеё), и адалó ушунэна Изреелёс [Израилёскэ-ю.о.]. ²³ И Мэ почхувава ла ваш Пэскэ пэ пхув, и Мэ сыкавава ласка пэ ‘Лорухаматэ,’ и Мэ пхэнава кэ ‘Лоами’ (на Мирé манушá): тумэ сан Мирé манушá! И ёнэ пхэнэна: ‘Ту сан амарó Дэвлэ!’”

2:3 ^[1] смэга – жажда, труш

2:12 ^[2] чхучакирава – кэрава пусто, обкэдава

2:12 ^[3] винаградытко бар – драххитко

2:12 ^[4] инжыро – фиги

2:16 ^[5] Ваали – ‘Рай миро’

Шэрó 3

Израилё Рисёла кэ Дэвлэ

¹ И пхэндя Рай Дэвлэ мánгэ: “Джá нэвэстыр, кам джувля, сави исын камлы (пирамни) ромнй ромэстэ, нэ сави камэла и явирэ мушэн. Нэ ту кам ла, адякэ-паць, сыр Рай Дэвлэ сыкавэла ласка чхаворэнгэ Израилёскирэнгэ, савэ дыкхэна пал явирэ дэвлорэндэ и выкэдэна марикля зюмоса, со пэкэна лэнгэ Наюдытка нáцыи. ² Ё́ада, мэ киндём ла ваш пэскэ пал дэшупандж шэкели руп, и пал екх пашэса хомеро гэрсто (ячменё) ^[1].” ³ И пхэндём мэ лáкэ: “Ту ячэсапэ мánца бут дывэсá; и ту бутыр на явэса тэ камэс явирэ мушэн, и ту на явэса бутыр никонэскири, и мэ явава кадасавó-паць ваш тукэ.” ⁴ Пал-дова со чхавэ Израилёскирэ ячэнапэ бут дывэсá би кралёскиро, би тхагарискиро, би свэнтонэ-дыибна́скиро, би обсвэнцындлэ-стылбóскиро, би эфодóскиро, би терафимóскиро. ⁵ Палó (после) дава чхавэ Израилёскиро рисёна, и ёнэ явэна тэ родэн Рас-Дэвлэс, лэнгирэ Дэвлэс, и лэнгирэ кралёс Давидóс: и ёнэ явэна тэ дарэн Рáстыр-Дэвлэстыр и тэ рисён кэ Лэскиро лачхипэн дрэ палатунэ (последня) дывэсá.

3:2 ^[1] гэрсто/м/ – ворзо, ячменё

Шэрó 4

Дэвлэ Бангякирэла Израилё

¹ Шунэн лав, Рáскирэ-Дэвлэскиро, чхавэ Израилёскирэ, пал-дова со Рай Дэвлэ бангякирэла манушэн, кон дживэла пэ доя пхув: ‘Нанэ патяибён, нанэ лачхипэн, и нанэ джиныбён пал Дэвлэстэ пэ кодоя пхув. ² Манушá совлахана, хохавэна, мулякирэна, и чорэна, мушá и джувля кэрэна биладжакунэ рэндэ, ёнэ пхагирэна сарэ меры, и манушэнгиро рат чхувэлапэ екх пал екх. ³ Палдава пхув явэла тэ тугинэл зоралэс, и кажно (сва́ко) мануш, кон дживэла пэ лáгэ, явэла тэ хасёл (тэ пропэрэл) кхэтанэ фэлдытконэ мурдалэнца (зверенца), болыбнытконэ чирикленца, адякэ-паць и мачхэ морёскирэ (дэрьявэскирэ) хасёна.” ⁴ Соб (кай) ниéкх мануш тэ на лыджал чингáрд явирэса, ци тэ на выракирэл явирэскэ, пал-дова со тумарэ манушá исын сырбы кодолэ, савэ лыджана чингáрд (чингáрдэнапэ) рашáса. ⁵ Тумэ

явэна тэ обштавэнпэ дывэсэ, и пророко адыкэ-паць обштавэлапэ тумэнца раты: и Мэ хасякирава тумарья да. ⁶ Мирэ манушá хасэна пир дова, со лэндэ на ухтылэла (надоси) джиныбэн Нэ пал-дова, со тумэ, рашаялэ, отпхэндлэпэ джиныбнастыр, Мэ адыкэ-паць отпхэнава тумэнгэ, соб (кай) тумэ бутыр тэ на явэн сыр рашая ангил Мэндэ, и пир дова, со, тумэ бистырде Дэвлэскиро Законо, Мэ бистрава тумарэ чхаворэн (биятэн). ⁷ Со бутэдыр исын рашая, то бутэдыр ёнэ кэрэна грэху проти Мэндэ, и Мэ rischiрава лэнги́ро барипэн дрэ ладж. ⁸ Ёнэ чалякирэнапэ Мирэ-манушэнгирэ грэхэнца, со янэна Мирэ манушá, а лэнги́ро ило тырдэлапэ кэ кэрэл чорипэн. ⁹ И явэла адыкэ: со явэла манушэнца, дова-паць явэла рашанца. И Мэ пхарэс сэндыкирава лэн пал дова, со ёнэ кэрдэ, и Мэ отдава палэ пал лэнгирэ рэнды (дэлы). ¹⁰ Ёнэ явэна тэ хан, нэ ёнэ на явэна чалэ, ёнэ явэна тэ кэрэн ладжакунэ рэнды (дэлы), нэ ёнэ на розбарьёнапэ, пал-дова со ёнэ пириячнэ тэ кандэн Рас-Дэвлэс. ¹¹ Биладжаипэн, мол (вино), нэви бравинта [напитко-р.с.] – гада, со исын лэндэ пэ ило тэ кэрэн.

Израилёскиро Биладжаипэн

¹² Мирэ манушá пхучэна каштунэ идолэндыр, соб (кай) тэ дэн годы лэнгэ, и лэнги́ро дэсто сы́рбы пхэнэла лэнгэ, со тэ кэрэн. Биладжакунэ дүхо (фано) лыджала адыкэ, со ёнэ дэнапэ дукха, и ёнэ гинэ тэ кэрэн биладжакунэ рэнды и дуринэ Мандыр, лэнгирэ Дэвлэстыр. ¹³ Ёнэ янэна свэнта дыибэна пэ вучипэна бэргакирэ (фэли), и ёнэ тхувалякирэна дрогонэ смолэнца пэ бэргицы, тэл дэмбы, тэл тополи, и тэл тэрэбинто пир дова, со лэнги́ри зэр (засенка) исын бари, палдава лэнгирэ чхэй кэрэна биладжаипэн и лэнгирэ борья камэна явирэ муршэн. ¹⁴ Мэ на явава пхарэс тэ сэндыкирав лэнгирэ чхаён, коли ёнэ кэрэна биладжаипэн и лэнгирэ борьен, коли ёнэ камэна явирэ муршэн, пал-дова со лэнгирэ муршá кокорэ кхэтаниякирэнапэ налачхэ джувлэнца, и ёнэ янэна свэнта дыибэна биладжакунэ джувлэнца, а манушá, савэ на джинэна бут, хасэна. ¹⁵ На дыкхы пэ дава, со тумэ, Израилёскирэ манушáлэ, кэрэна биладжаипэн, хоць бы тэ на кэрэн чорипэн Юдаскирэ манушá. Соб (кай) ёнэ тэ на джан пэ Галгáло, и тэ на газдэнпэ пэ Бер-Авен, и соб (кай) ёнэ тэ на совлахан: ‘Тэ явэл джидо Рай Дэвэл’ ¹⁶ Палдава Израилёскирэ манушá исын пхарэ-шэрйтка (нарта) сы́рбы пхарэ-шэрйтко рэца (тёлка) исын; аканá сыр дава, Мэ, Рай Дэвэл, явава тэ чаравав лэн сы́рбы бакрорэс пэ бари фэлда. ¹⁷ Ефраимо (Израилё) рисия кэ йдолы, мэкэн лэс кокорэс, екхджинэс. ¹⁸ Лэнги́ро матыбэн исын джунгалó (брыдко), ёнэ дурэдыр кэрэна биладжакунэ рэнды, лэнгирэ тхагарьенгэ (князенгэ) трэй илэстыр бипатыв. ¹⁹ Балвал учхакирэла лэн пэскирэ пхакэнца, и ёнэ явэна ладжакирдэ лэнгирэ свэнтонэ дыибнэндыр.’

Шэрó 5

Дэвэл Сыкавэла Лэскиро Холямипэн пэ Израилё

¹ ‘Шунэн дава, рашаялэ! Причхувэн кан, кхэр Израилёскиро! Рикирэнпэ кэ дова, со шунэна, о кхэр кралёскиро! Пал-дова со сэндо явэла проти тумэндэ, пир-дова со тумэ санас сы́рбы фэлы (петля) дрэ Масифа (Мицпа) и сы́рбы кхуды (сеть) пэ Фаворо. ² Ёнэ хор загинэ дро блэндо [бунтыибнарья бут замарэна ваш свэнта дыибэна-ю.о.], нэ Мэ бангякирава лэн сарэн. ³ Мэ джином Ефремос, и Израилё исын на гарадо Мандыр, и аканá, Ефремо, ту кэрэса биладжакунэ рэнды, а Израилё исын магирдо. ⁴ Дова, со ёнэ кэрэна, на домэкэла лэн тэ рисён кэ лэнги́ро Дэвэл, пал-дова со дүхо (фано) тэ кэрэл биладжаипэн, исын машки́р лэндэ, и ёнэ на джинэна Рас-Дэвлэс. ⁵ Пхутькирибэн Израилёскиро тыкнякирдо дрэ лэнгирэ якхá [допхэнэла лэскирэ манушэнгэ дро муй-ю.о.], на дыкхы пэ дова, со Израилё и Ефремо обштавэнапэ (пэрэна) дро лэнги́ро чорипэн; и Юда обштавэлапэ адыкэ-паць лэнца. ⁶ Ёнэ явэна тэ родэн Рас-Дэвлэс лэнгирэ бакрэнгирэ стадэнца и табунэнца, нэ ёнэ на латхэна Лэс; Ёв рисия (отгия) криг лэндыр. ⁷ Ёнэ ячкирдэ (парудэ) напатяибныткэс Рас-Дэвлэс; пал-дова, со лэндэ латхнэпэ кхэлбы (незаконна бияты) ^[1]: аканá нэво-чхоньтко свэнко похала лэн и

лэнгиро миштыпэн. ⁸ Пхурдэн дро бакрано рого дрэ Гива, пхурдэн дро рого (труба), дрэ Рама; дэн гóдла зоралэс дро Беф-Авэно, дыкх жа палал пал пэстэ, о Вениамино! ⁹ Ефремоштыр ячэлапэ голотыня (чхучипэн) ^[2] дро дывэс, сыр Мэ бангякирава лэн; машкір рóдыцы Израилёскирэ Мэ пхэндём, со дава явэла чачэс. ¹⁰ Тхагарья Юдаскирэ исын сырбы кодолэ, кон дурьякирды шпэры (знаки) пэ пхув: Мэ вычхувава Миро мижэхипэн (мижэх холы) и пэ лэндэ сыр пани. ¹¹ О Ефрэмо, притасадо, сэндо пэкадя зоралэс лэс, пир-дова, со ёв илэстыр лыя тэ псирэл пир манушытко упхэныбэн. ¹² Мэ явава сырбы моль (мэль) ваш Ефремоскэ, и сырбы кирмо [кирныпэн-ю.о.] ваш кхэр Юдаскиро. ¹³ Кэли Ефрэмо дыкхця пэскири дукх, и Юда дыкхця пэскиро фрэнсо (рана), тэды гия Ефрэмо кэ Асуро, и бичхадя пал кралиэстэ Иаревостэ (Яревостэ), нэ ёв на дэла рада тэ састякирэл тумэн, ци тэ драбакирэл тумэн тумарэ рискирдэ франсостыр (ранатыр). ¹⁴ Пал-дова со Мэ явава сырбы шчэр (лёво) пэ Ефремоштыр, и сыр тэрно шчэроро пэ Юдаскиро кхэр. Мэ аж роскушава лэн и джава криг, и Мэ лыджава криг лэн, и одой на явэла ниэкх тэ раххэл лэн. ¹⁵ Мэ джава криг, Мэ рисёвава пэ Миро штэто ангил дова, сыр ёнэ приджинэна пэскири банг [лэнгиро чорипэн-ю.о.] и явэна тэ родэн Миро муй: кэли лэн притасавэна, ёнэ явэна добусовэс тэ родэн Ман.

5:7 ^[1] кхэлбо/м/ – байструко

5:9 ^[2] голотыня – пхэрдó чхучипэн, пустота

Шэрó 6

Дэвэл Кхарэла Манушэн тэ Рисён кэ Ёв

¹ Дрэ смэнтныма пэскири ёнэ пэ злóко (рэнко) явэна тэ родэн Ман и тэ ракирэн: ‘Явэн, и рисёваса амэ кэ Рай Дэвэл: пал-дова со Ёв дукхадя, и Ёв састякирэла амэн; Ёв пэкадя амэн, и Ёв пирипхандэла амарэ фрэнсы (раны). ² Палó дуй дывэсá Ёв джидякирэла амэн; пэ трито дывэс Ёв чхувэла пэ гэрá амэн, соб (кай) амэнгэ тэ дживас ангил Лэскиро дыкхибэн. ³ Амэнгэ трэй тэ джинас бутыр, амэнгэ трэй тэ причхувас тэ джинас бутыр Рас-Дэвлэс, Лэскиро явибэн явэла сыр злóко, Ёв явэла сыр брышынд, сыр гаратуно брышынд (позднё), со панякирэла пхув.’ ⁴ ‘О, Ефремэ, со Мánгэ тэ кэрáв туса? О, Юда, со Мánгэ тэ кэрáв туса? Пал-дова со тумарі патыв кэ Мэ исын сырбы туча пэ злóко (рэнко), и сырбы пахлын (роса) пэ злóко, саві сыг хасёла (проджала). ⁵ Палдава Мэ вычингиравас лэн пир пророкэндэ, Мэ мулякиравас лэн Мирé лавэнца; и Миро сэндо пэ лэндэ явэла сырбы дуд (свэто), со газдэлапэ. ⁶ Пал-дова со Мánгэ исын древán пир илó лачхэ-илыткима, а на свэнто дыибэн, и джиныбэн пал Мándэ, Дэвлэстэ, бутыр, сыр цэло схачкирибэн. ⁷ Нэ ёнэ сыр Адамо пхагирдэ Завето; одой ёнэ ячадэ хоханэс Ман. ⁸ Галаáдо исын фóро, дро савó дживэна бибахталэ, и ёв исын магирдó ратэса. ⁹ Сыр розмарибнарья [розмарибнытко шайка-ю.о.], кон подраххэла манушэс тэ замарэл, адякэ-паць и кампания рашангири запасёла тэ замарэл пир дром кэ Сехэмо; чачэс, ёнэ кэрэна стэтка (джунгалэ) рэнды. ¹⁰ Дро кхэр Израилёскиро Мэ дыкхцём трашано: одой кэрэлапэ Ефрамоскиро биладжаипэн; Израилё исын магирдó. ¹¹ Адякэ-паць, ваш тукэ, Юдэ, сыкадо дывэс ваш гивэнгиро счхиныбэн, кэли Мэ рискирава Мирé – манушэнгирэ пленонэн.

Шэрó 7

¹ Кэли Мэ састякиравас Израилё, тэды хохаибэн [чорипэн-ю.о.] Ефремоскиро откэрдяпэ / сыкадыя и фуипэн Самариякиро. Пал-дова со ёнэ кэрэна хоханэс, лэндэ исын чора, савэ пхагирэна кхэрá, и розмарибнари (шайка розмарибнытко) пэрэла яврі пэ манушэндэ. ² Ёнэ на думинэна дрэ пэскирэ илэ, со Мэ рипирава сарó лэнгиро фуипэн; аканэ лэнгирэ рэнды исын трусцял (вокруг) лэндэ; ёнэ исын сарэ ангил Мándэ. ³ Ёнэ радынэна кралис лэнгирэ

фуипнаса, и тхагарьен лэнгирэ хохаибнаса. ⁴ Ёнэ хачона тэ кэрэн биладжаипэн сырбы бов, саво росхачкирдя пэкибнаскиро (пекарё) – гада, ёв пирияця тэ кэрэл бутэдыр яг палó дова, сыр замешындло хумэр (тясто) газдэлапэ. ⁵ Пэ свэнкитко дывэс амарэ крали́стэ, э тхагарья (кня́зи) насвалякирдэ лэс, матьякирдэ моляса (виноса); и ёв лыя тэ тырдэл пэскиро васт кэ одолэ, саво холямэс санапэ лэстыр. ⁶ Ёнэ росхачкирэна пэскиро ило сырбы бов, кели ёнэ подракхэна тэ замарэн: лэнгиро пэкибнаскиро (пекарё) совэла сарí рат, нэ тасярлэс (пэ злóко) ёв хачола сыр бари яг. ⁷ Ёнэ исын хачкирдэ сыр бов, и ёнэ поханэ пэскирэ сэндарьен. И лэнгирэ кра́ля пынэ, нанэ ниéкх ману́ш машкíр лэндэ тэ кхарэл Ман. ⁸ О Ефрёмó кхэтаниякирдяпэ (змешындя пэс) машкíр Наюдытконэ манушэндэ; Ефрёмó исын сырбы парамó [марó-р.с.], со пэкэлапэ напирискирдо. ⁹ Явирэ – тхэмэскирэ (чужа) манушá поханэ лэскири зор, нэ ёв на джинэла дова. Лэстэ исын сыва балá адай и одóй, нэ ёв на джинэла дава. ¹⁰ Израилёскиро пхутькирибэн допхэнэла дро муй лэскирэ манушэ́нгэ, нэ ёнэ на рисинэ палэ кэ Рай Дэвэл, лэнгиро Дэвэл, и ёнэ на родэна Лэс дро сарó дава.

Израилё Ивь́я (Напрáснэс) Ужакирэла Васт (Помош) Явирэ Тхэмэндýр

¹¹ Ефрёмó адя́кэ-паць исын сырбы дылынинько голумбо, савэстэ нанэ годы́: ёнэ кхарэна Егíпто, нэ ёнэ джána кэ Асирия. ¹² И кели ёнэ джána, Мэ чхурдава Мирí кхуды́ (сеть) тэ ухтылав лэн; Мэ тырдава тэлэ лэн сыр болыбнытконэ чириклен, савэ исын дро фáно (воздухо). Мэ пирисыклякирава лэн кэ дукхá, кели лэнгиро скэдыибэн шунэла пал дава. ¹³ Бида пэ лэндэ, пал-дова со ёнэ отгинэ [нашнэ-ю.о.] Мандыр! Хасибэн пэ лэндэ, пал-дова со ёнэ кэрдэ чорипэн проти Мандэ! На дыкхí пэ дова, со Мэ выракхцём лэн, усаéкх ёнэ ракирдэ хохаибэн проти Мандэ. ¹⁴ Ёнэ на кхардэ зоралэс Ман сарэ лэнгирэ илэстыр, кели ёнэ тугиндлэ ясвэнца пэ пэскирэ чхуибэна. Ёнэ кэдэнаспэ кхэтанэ пал марó (гивá) и мол (вино), и ёнэ кэрэна бунто проти Мандэ. ¹⁵ На дыкхí пэ дова, со Мэ сыклякирдём лэн кэ дукхá, и зоралыкирдём Мэ лэнгирэ вастá, нэ ёнэ придуминэнас чорипэн проти Мандэ. ¹⁶ Ёнэ рисинэ палэ, нэ на кэ Сáмо Барыдыр; ёнэ исын сыр дошвало лúко. Лэнгирэ тхагарья пэрэна курталáтыр пал пэскири чиб, со ракирдя холямипэн (дерзости). Пэ пхув Египтóскири лэндýр явэна тэ санпэ.

Шэрó 8

Израилё Бистрэла Пэскирэ Создыбнаскирэс

¹ Причхувэн рóго (труба) кэ уштá тумарэ. Ёв, вэрго, явэла сыр óрло (кíдо) проти Кхэр Рáскирэ-Дэвлэскиро, пал-дова со ёнэ пхагирдэ Мирó Завето и кэрдэ бунто проти Мирó Закóно. ² Израилё явэла зоралэс тэ кхарэл Ман: ‘Мирó Дэвла, амэ джинэса тут!’ ³ Израилё чхурды́ сарó лачхипэн: о вэрго явэла тэ традэлпэ пал лэстэ. ⁴ Ёнэ чхувэна кра́льен кокорэ, нэ на Мандыр (бы Мирó); ёнэ чхувэна тхагарьен (князьен) би Мирэ-лавэскиро. Лэнгирэ рупэстыр и сувнакастыр ёнэ кэрэна пэскэ йдолы пэ пэскиро хасибэн. ⁵ Тырó гуруворо ячкирдя тут, э, Самáрия! Мирí холы́ газды́пэ проти лэндэ. Сыр гарá (длúгэс) явэла кэ дова, кели ёнэ ячэнапэ бибангипнаскирэ. ⁶ И дава гуруворо адя́кэ-паць Израилёстыр: графáри (спецо тэ рисынэл) вычхиндя дава, и палдава ёв исын на дэвэл. Кадава гуруворо Самариякиро явэла пхагирдо пэ котэра. ⁷ Ёнэ посеиндлэ балвэл, и ёнэ счхинэна штормо: сыр гивá лэндэ сарэса на явэна пэ гэрóй (колосо); на явэла прибáрипэн дро яржó. Кóли и выбарьёла лэндэ вари-со, то э чужа манушá накхавэна (проглынинэна) яржó (гив). ⁸ Израилё адя́кэ-паць исын накхáдо (проглыниндло): аканá ёнэ ячнэ машкíр Наюды́тка нáцыи сырбы кхорó (сасудо), со на пир ило никонэскэ. ⁹ Пал-дова со ёнэ гинэ кэ Асу́ро (Асирия) сырбы бусó (дикó) óсло (мегáри), со екхджино́ псирэла, а Ефрёмó змешынэлáспэ почастункэнца (пал ловэ) явирэ – манушытконэ нацыенца, соб (кай) тэ дэн паты́в лэскэ. ¹⁰ На дыкхí пэ дова, со ёнэ бичхавэнас (покиндлэ) почасту́нки (дáры) машкíр Наюды́тка нáцыи, аканá Мэ кэдава лэн и ёнэ лэна тэ чуинэн (тэ пиридживэн) пхарэс тэл гáмо крали́стыр,

тхагарьенгирэстыр. ¹¹ Пал-довá со Ефреимо кэрдя бут алтáри (жэртвеники) ваш грéхо, ёнэ ячнó ваш лэскэ сыр алтáри тэ кэрэн грéхи. ¹² Мэ чхиндём ваш лэскэ барэ лавá Мирé Законóстыр, нэ ёв погиндя лэн пал чужа [дівна-ю.о.] пхэныбэна. ¹³ Ёнэ янэна джидó мас сыр свéнто дыибён Мánгэ, и ёнэ хána лэс, нэ Мэ, Рай-Дэвэл, на прилава лэн.’ Аканá Мэ явáва тэ рипирав лэнгиро чорипэн и тэ сэндякирэл лэн пал лэнгирэ грéхи: ёнэ рисёна палэ кэ Егíпто. ¹⁴ Израилё бистырдя пал Лэскирэ Создыбнаскирэстэ, и ёнэ чхудэ пэскэ мангипнытка штéты (капишчы), и о Юда адякэ-паць бутэдýр кэрдя пэскэ фóрья зоралé вантаса: нэ Мэ бичхавáва яг пэ лэскирэ фóрья, и ёй похала лэнгирэ барэ фэлатиня / коловá (дворцы).

Шэрó 9

Пхарó Сéндо пал Грéхо Израилёскиро

¹ На радынпэ древán (бут), Изра́иле кэ вучипэн, сыр яв́ир манушы́тка на́цыи (народы), пал-довá со ту дуриян тырэ Дэвлэстыр пир биладжакунé рэндé (дэлы). Түкэ яцá пир илó плэскирибэн пал биладжаипэн пэ кажно шурна (гумно). ² Шурна гиваобкэрибнаскири и пресо на чалякирэна лэн, и нэв́и мол / со́ко (хум) хохавэла лэн. ³ Ёнэ на явэна тэ дживэн пэ пхув Рáскирэ-Дэвлэскири, а Ефрéмо рисёла палэ кэ Егíпто, и ёнэ явэна тэ хан нажужé хабэна дрэ Асирия. ⁴ Ёнэ на явэна тэ чхувэн ваш Рáскэ-Дэвлэскэ мол (вино) сыр свéнто дыибён, адякэ-паць и лэнгирэ свéнта яныбэна́ на явэна лачхó Лэскэ: ёнэ явэна сыр марó пэ гараибэн, и сарé, кон хáла, лэс, явэна магирдэ. Давá марó явэла екх лэнгэ тэ явэн чалэ, нэ ёв на явэла ваш Кхэр Рáскирэ-Дэвлэскиро. ⁵ Со явэна тумэ тэ кэрэн дро дывэс, кели трэй тэ явэл скэдыибэн, дро дывэс свэнкитко Рáскирэ-Дэвлэскиро? ⁶ Пал-довá со, акэ, ёнэ джána криг, сыр явэла хасибэн. О Егíпто кэдэла лэн кхэтанé; О Мемфисо явэла тэ гаравэл лэн. Цукнуда (стрекава) ^[1] лэла лофо пэ лэнгирэ рупувé барвалыпэна (кучипэна); а пхусадытка хрúсты явэна дрэ лэнгирэ шáтры. ⁷ Явнó дывэсá тэ дыкхэн лэн, явнó дывэсá ваш сéндо: ту, Израиле, явэса тэ джинэс пал дава! О магико исын на барэ-годякиро; а ману́ш, савó россэндякирэлас дро дýхо (фáно), исын бигодякиро, пир довá, со древán хор исын тырó чорипэн, и древán зоралó исын тырó намалыпэн (врогима). ⁸ Ци исын Ефремостэ раххибнаскиро (стражо) тэ дыкхэл пал явирэндэ палáл мирé Дэвлэстэ? Нэ лэскиро прорóко исын сы́рбы фэлы́ чириклэ-ухтылыбнаскирэстэ (птицэловстэ) пэ сарé лэскирэ дромá, и исын сы́рбы кхуды́ (сетка) дро кхэр лэскиро Дэвлэскиро. ⁹ Ёнэ хор пынэ дро биладжаипэн, сыр дрэ дывэсá Гивакирэ. О Дэвэл явэла тэ рипирэл лэнгиро чорипэн, Ёв явэла пхарэс тэ сэндякирэл пал лэнгирэ грéхи. ¹⁰ Мэ латхём тут, о Израиле, сы́рбы винаграды́тко (дракхитко) мура пэ чхучи́ (пусто) фэлда; Мэ дыкхцём тумарé дадэн сы́рбы пэрва баритка (плóды) пэ инжыритко дрéво дро пэскиро пэрво сезоно. Нэ кели ёнэ гинэ кэ Ваалфегоро, тэды ёнэ отдынэ пэс ладжаипнаскэ; ёнэ ячнó джунгалé сы́рбы йдолы, со ёнэ камлэ. ¹¹ Ефремоскиро барипэн, сыр чириклы вурняла криг – на явэла ни бияныпэн, ни пхарипэн, нанэ ни кхабныпэн (зачатиё). ¹² На дыкхí пэ дава, со ёнэ барьякирэна пэскирэ чхаворэн (биятэн), нэ Мэ лáва криг лэн кэ палатунó (последнё) манушоро. Чачó, бída пэрэла пэ лэндэ, кели Мэ отджава (дурьёвава) лэндыр!’ ¹³ Нэ адякэ-паць мэ, Осия, дыкхцём Ефремос, савó сыс сыр Тiро, савó сыс почхудо пэ шукáр штéто. Нэ Ефрéмо лыджáла ангил пэскирэ биятэн тэ замарэн лэн. ¹⁴ Дэ лэнгэ, Раё Дэвла, – довá, со Ту дэса? Дэ лэнгэ лочови́/ джувля́ бичхаворэнгирья, и шукэ́ цюця!’ ¹⁵ Рай Дэвэл ракирэла: ‘Сарó лэнгиро фуипэн исын дро Галгáло, пал-довá со одóй Мэ лыём зоралэс тэ на вырикирав лэн: пир довá фуипэн, со ёнэ кэрдэ, Мэ традава криг лэн Мирé кхэрэстыр, Мэ на явáва бутýр тэ прилав лэн. Лэнгирэ сарé тхагáрья (князи) бунтынэна. ¹⁶ Ефремóскирэ манушá исын дукхадэ: лэскирэ кóрни (рукхá) вышутинэ, ёнэ на дэна пхабá. Чачó, лэндэ бутýр на явэна чхаворэ, Мэ мулякирава дрогонé биятэн лэнгирэ лочовы́тыр (утробатыр). ¹⁷ Миро, Осияскиро Дэвэл, чхувэла лэн криг Пэстыр, пал-довá со ёнэ на кандынé Лэс; и ёнэ явэна псирибнаскирэ манушá (скитальцы) машкiр Наюды́тка на́цыи (народы).

9:6 ^[1] цукнуда – дукхалы чар, крапива, покрыва

Шэрó 10

Израилёскиро Грэхо и Плено

¹ Израилё исын пышно винаградытко кашторо, савó бутэдыр янэла мýри пэскэ. Со бутэдыр ёв дэла мýри, то бутэдыр ёв кэрэла алтáри; со фэдэдыр ячэлапэ лэскири пхув, то ёнэ бутэдыр гожакирэна (шукарьякирэна) стýлбы вычхудэ муенца / патренца (образэнца). ² Лэнгиро илó рочхудо пэ паш, аканá Рай Дэвэл пхагирэла тэлэ лэнгирэ алтáри (жэртва), Ёв пхагирэла пэ котэра лэнгирэ стýлбы вычхудэ муенца / патренца (образэнца). ³ Пал-довá со аканá ёнэ ракирэна: ‘Амэндэ нанэ Крáли, пал доваа со амэ на дарандыям Рáстыр-Дэвлэстыр. Кóли тэ явэл крáли амэндэ, со ёв кэрэла амэнгэ?’ ⁴ Ёнэ ракирэна хартытка (пуста) лавá, хоханэс совлахана, кэли счхувэна завето. Палдава пхарó сэндо газдэлапэ пэ лэндэ сырбы трутитко чар (ядовито), со исын пэ лесьни (борозны) фэлдэнгирэ. ⁵ Манушá, кон дживэла кэ Самáрия, дарэна вычхиндлэ гуруворэстыр Беф-Авеностыр. Лэнгирэ манушá тугинэна зоралэс пал лэндэ, и лэнгирэ биладжакунэ рашая явэна тэ тринскирэнпэ пал лэндэ, пал лэнгиро барипэн, савó ячкирдя лэн. ⁶ Кадава идоло кокорó явэла лыджино кэ Асирия, сыр дáро кралýскэ Иаревоскэ (Яревоскэ); нэ Ефремос обухтылэла ладж, и Израилё явэла ладжакирдó годэ лавэстыр, пал савó ёнэ гинэ. ⁷ Нэ со ракирэлапэ пал Самáрия, то лáкиро крáли хасэла криг сырбы пена/вэткица упрáл пэ тхадунэ панингá. ⁸ И адякэ-паць явэна розмардэ пэ котэра вучэ штэты пэ Авено, грэхо Израилёскиро. Хрусты сувьенца и жылта хрусты пхусаденца выбарьёна пэ лэнгирэ алтáри; ёнэ пхэнэна бэргэнгэ: ‘Чакирэн амэн,’ и бэргицэнгэ: ‘Пэрэн пэ амэндэ.’ ⁹ О, Израилё Тырэ манушэ кэрдэ бутыр грэхы сыр и дро долэ дывэсэ дрэ Гивá, – одой тумэ ячнэпэ. Ци со марибэн дрэ Гаваóно (Гивá) проти чхавэндэ, савэ кэрэна чорипэн, на догия кэ ёнэ? ¹⁰ Кóли тэ явэл Мирó выкэдэибэн, то Мэ высыклякирава лэн. Манушытка нáцыи (народы) явэна тэ кэдэнпэ проти лэндэ, кэли ёнэ бангякирэна лэн пал дуге-молытко чорипэн. ¹¹ О Ефреме, савó исын сырбы высыклякирды рэца (тёлка), савьякэ камэлапэ тэ штакирэл гивá, нэ Мэ чхувава гáмо пэ лэскири тхулы мэн: Мэ зачхувава Ефремос тэ тырдэл плуго, а Юда явэла тэ пашынэл (тэ пхаравэл) пхув, а Яково явэла тэ рандэл (тэ розмарэл) комки. ¹² Почхувэн дрэ пхув ваш пэскэ пир чачипэн; счхинэн тэлэ пир лачхэ-илыткима, и газдэн тумарý напочхуды фэлда; пал-довá со исын часо тэ родэн Рас-Дэвлэс ангýл дова, сыр Ёв явэла и почхувэла чачипнаса сыр брышындэса пэ тумэндэ. ¹³ Тумэ пхарадэ пхув ваш фуипэн, тумэ счхиндлэ чорипэн. Тумэ ханэ хоханó баритко (плóдо), пал-довá со тумэ допатяндынэ зоралэс дрэ пэскирэ дроморэ, дро бутыпэн тумарэ зоралыпнаскирэ мушэндрэ. ¹⁴ И газдэлапэ бунто машкёр тумарэ манушэндэ, и сарэ тумарэ твáрдыми / диз (крепости) явэна пхагирдэ – сыр Салмано пхагирдэ Бет-Арбело дро марибнытко дывэс: э дай сыс чингирды пэ котэра лáкирэ биятэнца. ¹⁵ Адякэ кэрэла тумэнца, о Вефýлэ, пир-довá со тумэ бут кэрдэ фуипэн.

Шэрó 11

Израилё Исын Усады / Сак (Всегда) Дрóго Чхавó ваш Дэвлэскэ

¹ Пэ злóко (пэ рáнко) крáли Израилёскиро хасэла! ‘Сыр Израилё сыс биято, ёв яця дрóго Мánгэ, и Мэ кхардём Мирэ чхавэс Египтóстыр. ² Ёнэ, Мирэ прорóки, кхардэ лэс, нэ ёв дурия лэндыр. Лэскирэ манушá янэнас Ваалоскэ свэнта дыибэна, и тхувалякирдэ дрогонэ смолэнца вычхиндлэ муенгэ барэстыр. ³ Мэ сыклякирдём Ефремос тэ псирэл, Мэ лыём (лыджиём) лэс пэ вастá; нэ ёнэ на джиндлэ, со Мэ састякирдём лэн. ⁴ Мэ притырдакас лэн ковлэ дорьэнца (шылорэнца) манушытконэ ласкаса, и Мэ сóмас ваш лэнгэ сырбы кодова,

кон лэла криг гамо лэнгирэ жандэндэр, и Мэ ковлэс чалякирдём лэн. ⁵ Ёв на рисёла палэ пэ пхув Египтоскири, нэ Асуро (Асириятыр) явэла крáli лэнгэ: пал-довá со ёнэ отпхэндлэпэ тэ рисён кэ Мэ. ⁶ И куртáла пэрэла (явэла тэ рисёл одорик и палэ) пэ фóрья лэскирэ, и ёй явэла тэ чингирэл тэлэ лэнгирэ штабы, и хасякирэла лэн пал лэнгири годý. ⁷ Мирé манушá бандинэ, соб (кай) тэ дурьён криг Мándыр. На дыкхí пэ довá, со ёнэ кхарна Ман тэ помоги́нав, Най Вучэдыронэс, ниéкх лэндыр на барьякирэла Лэс. ⁸ Со Мánгэ тэ кэрáв тýса, Ефреме? Сыр Мэ выдава тут, Израиле? Сыр Мэ тэ кэрáв тýса сыр Адмаса [Адамаса-р.с.]? Сыр Мэ саштý тэ кэрáв тýкэ одовá, со кэрдём Сэвоимоскэ [Цэвоимоскэ-ю.о.]? Миро илó рисия́ дрэ Мándэ, Мирí лáска (жалость) росхачия. ⁹ Мэ на явáва тэ кэрáв пир сарó зоралыпэн Мирé холынакиро, Мэ на явáва тэ хасякирэв Ефремос. Пал-довá со Мэ сом Дэвэл, а на мануш, Екх Свэнто машкíр тумэндэ; и Мэ на явáва трашаса дро фóро. ¹⁰ Ёнэ джána палáл пал Растэ-Дэвлэстэ; Ёв явэла тэ рыкинэл сырбы шчэр (лёво). Сыр Ёв лэла тэ рыкинэл, тэньчи Лэскирэ бияты явэна тэ джán сыгэдýр тринскирибнаса пал-панендыр (западостыр). ¹¹ Ёнэ явэна сы́гэс тринскирибнаса сырбы чирикля́ Египтостыр, сырбы голумбы Асириякирэ пхувьятыр. Нэ Мэ дава во́ля лэнгэ тэ дживэн дрэ лэнгирэ кхэра́, – ракирэла Рай Дэвэл.

Дэвлэскири Холы́ пэ Юдáскиро Грэхó

¹² Ефрёмó обчхудя́ Ман хoxаибнаса, и кхэр Израилёскиро фрэнтымаса. Нэ Юда дурэдýр псирэлас Дэвлэскирэ дромэса и сыс патяибнытконэ свэнтонэнца.

Шэрó 12

¹ Ефрёмó чаравэлапэ балваляса и традэлапэ пал балвáл востокóстыр: ёв со дывэс приборьякирэла хoxаибэн и голотýния (разорение). Ёнэ адýкэ-паць кэрна доракирибэн (завето) Асурóса (Асирияса), и маслиникто дзэт лыджána кэ Егíпто. ² О Рай Дэвэл адýкэ-паць лыджála чингáрд (сэндó) проти Юдастэ, и Ёв пхарэс явэла тэ сэндýкирэл Яковóс пал лэскирэ рэндý (дэлы), пал довá, со ёв кэрдý, Рай Дэвэл дукхавэла палэ лэс. ³ Ёв ухтылэлас пэскирэ пшалэс пал кхур (пента) дро дакири лочовí (чрево), и ёв спробиндя зорýя Дэвлэса. ⁴ Чачó, ёв спробиндя зорýя Янголóса, и ёв пиризорýякирдý Лэс; ёв рондý и ёв родýя бахтякирибэн Лэстыр. Ёв, Дэвэл, латхý лэс дрэ Вефíлэ и одóй Ёв ракирдý амэнца. ⁵ Давá исын Рай Дэвэл, янголэнгирэ – болыбна́скиро Дэвэл, Сарэзорýякиро, – Лэскиро Лав Иегова (Яхвá). ⁶ И ту, Яковóскиро ўнуко (непото), рисёв палэ кэ Дэвэл тырó: ракх (дыкх) тангипэн (лачхэ-илýткима) и чачунó сэндó, и ўсáды (сак) ужакир лачхипэн тумарé Дэвлэстыр. ⁷ Мэндрó исын Хананеянино, савэстэ исын хoxанэ убладýтка (весы) дро лэскиро васт, лэскэ исын пир илó тэ притасавэл (тэ дукхавэл). ⁸ И пхэндý Ефрёмó: “Мэ, чачэс, яцём барвалó, мэ латхём сарó миштыпэн ваш пэскэ: дрэ сарé мирé пхарé бутý ёнэ на латхэна дрэ мándэ нисавó чорипэн, со исын грэхó.” ⁹ Нэ Мэ, Рай Дэвэл, тырó Дэвэл пхувьятыр Египтоскирьатыр; Мэ нэвэстыр (снова) кэрáва адýкэ, со тумэ явэна тэ дживэн пэ буды (кушчы), сырбы дрэ дывэсá, савэ исын упхэндлэ сыр свэнки. ¹⁰ Мэ ракирдём пророкэнгэ, Мэ приборьякирдём дыкхибэна сыр сунé ваш тумэнгэ: Мэ дыём бут годэ-пхэныбны́тка (притчы) пир пророкэндэ. ¹¹ На дыкхí пэ довá, со Галаáдо кэрэла намиштэс (íдолы) сыр Авено, и лэскирэ манушá ячэнапэ (кончынэна) нисоса, на дыкхí пэ дава́, со ёнэ янэна гурувэн сыр свэнто дыибэн дро Гилгало, нэ лэнгирэ алтарьендыр явэна ру́ины машкíр лесьни фэлдэнгирэ. ¹² И настý Яково пэ пхув Сириякири, и Израилё сыс дына́ри пал ромнýтэ, и пал ромнýтэ ёв ракхцý бакрэн. ¹³ О Рай Дэвэл вылыджия́ (яндý) Израилё Египтостыр пир пророкостэ, и Ёв приракхцý лэс пир пророкостэ. ¹⁴ О Ефрёмó ды́я яг Рáскирэ-Дэвлэскирэ холякэ ки́ркипнастыр (росхолякирдý Рас-Дэвлэс); палдава́ Ёв мэ́кцý пэ лэстэ ратэскири банг и Ёв дукхавэла палэ лэс и сыкавэла лэскэ да́я банг.

Шэрó 13

Биковлыпнаскиро Сэндо пэ Израилё

¹ Кéли ракирдя Ефрémо (манушá Ефремóскирэ родыщóстыр), то сарé издрандынэ. Ёв сыс барьякирдó дро Израилё, нэ сыр ёв кэрдя чорипэн ангил Ваалостэ (Ваало), то ёв хасия. ² Аканá ёнэ кэрэна грéхи бутэдýр и барэдýр, и ёнэ кэрдé ваш пэскэ вычхудé муя, йдолы рупэстыр пир пэскиро джиныбэн, сарé кадалé статулы кэрдé графарья (спецы тэ рисынэн) дрэ вастытка бутя. И ёнэ пхэнэна: ‘мэк манушá, кон янэла свэ́нто дыибэн, тэ чамудэн гуруворэн.’ ³ Палдава ёнэ явэна сыр мигла (тумано) пэ злóко, сыр пэрво пахлын, сави сы́гэс хасёла, сыр шприя (мякина), со росчхурдэла rischiрибнаскири балвáл криг гиваобкэрибнаскирэ шурнатыр (гумностыр), сыр тхув, со джáла трубáтыр (тхувалэстыр). ⁴ Нэ Мэ сом Рай-Дэвэл, тырó Дэвэл Египтóскирэ пхувьятыр, тукэ на трэй тэ джинэс явирэ дэвлорэн апрíч Мándэ: пал-довá со нанэ ниéкх апрíч Мándэ, Савó зракхэла. ⁵ Мэ дыкхцём пал тóтэ пэ чхучи пхув, пэ штéты, кай сыс барó шукипэн. ⁶ Кéли лэндэ исыс чаритка фэлды, ёнэ сыс чалэ, ёнэ сыс пхэрдэс чалэ и лэнгиро илó ячэлас барикано, пал-довá со ёнэ бистырде пал Мándэ. ⁷ И Мэ явáва ваш лэнгэ сы́рбы шчэр (лёво), сы́рбы леопардо пашыл дром явáва Мэ тэ дыкхав цямкэс пал лэндэ. ⁸ Мэ явáва тэ пирилав лэн сы́рбы ричыха (медведица), савьятэ хасинé тыкнорэ; Мэ явáва тэ rischiрав лэнгирэ-пашварэнгиро кокалыщó кэ илó и Мэ явáва тэ похав лэн сы́рбы шчэриха, а фэлдытка мурдалá (звери) явэна тэ роскушэн лэн. ⁹ Ту хасякирдян пэс, Израиле, со ту сан проти Мándэ, проти Кодолэстэ, Савó подэла васт тукэ. Кай жа исын довá сэндáри (крáли), савó дэла рáда тэ зракхэл тут дрэ сарé тырэ фóрья? И кай исын тырэ сэндáрья, пал савэндэ ту пхэндян: ‘Дэ мánгэ крaли́с и тхагарьен?’ ¹⁰ Кай исын тырó крáли аканá? Мэк ёв тэ зракхэл тут дрэ сарé тырэ фóрья? Кай исын тырэ сэндáрья, пал савэндэ ту пхэндян: “Дэ амэнгэ крaли́с и барыдырэн.” ¹¹ Мэ дыём тукэ крaли́с дрэ Мирí холы, и Мэ лыём лэс криг дро Мирó исын холякирибэн. ¹² Чорипэн Ефремоскиро запхандло дро вэнзлó, а лэскиро грéхо приракхно. ¹³ Дукх джувлятэ, савьякэ трэй тэ биянэл, явэла пэ лэстэ: ёв исын чхавó на о барэ-годякиро, пал-довá со ёв тэды тэ на явэл одóй, сыр явэла цýро (часо) тэ бияндёл. ¹⁴ Мэ выкинава лэн люноскирэ/адоскирэ (Шэолоскирэ) ^[1] зорьятыр, Мэ выракхава лэн мэрибнастыр. О Мэрибэн! Кай исын Тырó жало (мэрибнытко трута/ядо)? О люно (адо)? Кай исын тырí зберда (победа) [тырó хасибэн-ю.о.]? Мирé якхэндыр гарадó, соб (кай) Мэ тэ сыкавав илó ваш лэнгэ. ¹⁵ Мэк Ефрémо и тэ лулудёл ^[2] машкёр пшалэндэ, явэла балвáл востокóстыр: балвáл Рáстыр-Дэвлэстыр явэла чхучé пхувьятыр, и Лэскири ганынгори явэла шуки, и лэскиро фoлахар (фонтано) пириачэла (тэрдéла) тэ чхувэлпэ. Ёв кэрэла чхучó кхорó (сасудо) кажнóнэ пиралэтыр, кай исын кажно куч кхорó.

13:14 ^[1] шэоло – люно, адо, пекла

13:15 ^[2] лулудёла – цвэтинэла

Шэрó 14

Израилё Нэвэстыр Явэла Дэвлэса

¹ [13.16-ю.о.] Манушá Самариятыр явэна бангэ палдовá, со ёнэ кэрдé бунто проти лэнгирэ Дэвлэстэ. Ёнэ пэрэна курталáтыр, лэнгирэ бияты явэна росчингирдэ (пэкадэ) пэ котэра, и лэнгирэ пхарé джувлятыр отлэна тыкнэмасэн. ² О Израиле! Рисёв палэ кэ Рай Дэвэл, тырó Дэвэл, пал-довá со ту обштадьянпэ гэрьяса пал пэскиро чорипэн. ³ Лэн пэса мангипнытка лавá и рисён палэ кэ Рай Дэвэл, ракирэн Лэскэ: “Отмэк амэнгэ сарó чорипэн и прилэ амэн ласкаса, соб (кай) амэнгэ тэ янас свэ́нта дыибэнá амарé уштэндыр.” ⁴ Асурó (Асирия) бутýр на явэла тэ ракхэл амэн, амэ на явáса тэ традас уклизтэ, и амэ на явáса бутýр тэ ракирас пэ

буты́ амарэ́ вастэнгири: ‘Тумэ́ сан амарэ́ дэвэ́ла’; пал-дова́ со и пироты (бидадэнгирэ́ чхаворэ́) латхэ́на ласка́ Тутэ́.” ⁵ Мэ́ састякирава́ лэн далэ́стыр, со ё́нэ отпы́нэ (дуринэ́) Манды́р, Мэ́ сыкава́ва ласка́ лэнгэ́ илэ́стыр; пал-дова́ со Мири́ холы́ рисия́ криг лэндыр. ⁶ Мэ́ ява́ва сы́рбы пахлын (роса) ваш Израилё́ и ё́в явэ́ла тэ́ лулудё́л сыр ли́лия, и ё́в мэкэ́ла пэ́скирэ́ ко́рни (рукха́) сы́рбы дрэ́вы пэ́ Лива́но. ⁷ Лэ́скирэ́ рандя́ (вэ́тки) розбуглё́на (розмэкэ́напэ́), и лэ́скири шук (гожы́ма) явэ́ла сы́рбы масли́нитко кашт и лэ́скиро лачхэ́ – сунгаки́ро кханды́пэн (парфуны́) явэ́ла сы́рбы кедрэ́ндыр пэ́ Лива́но. ⁸ Ё́нэ, савэ́ явэ́на тэ́ дживэ́н тэл Мири́ зэр (засе́нка), рисё́на и ё́нэ явэ́на тэ́ отджидё́н сы́рбы гив, и явэ́на тэ́ барьё́н сы́рбы винаграды́тко кашт. Ё́нэ явэ́на лачхэ́с тэ́ пахнисон сы́рбы мол (вино) Ливано́стыр.” ⁹ Ефре́мо пхэ́нэла: ‘Со ма́нгэ́ ишчо́ (инкэ́) трэ́й идо́лэндыр?’ Мэ́ отпхэ́нава лэ́скэ: ‘Мэ́ ява́ва тэ́ шунав, и тэ́ дыкха́в пал ту́тэ? Мэ́ ява́ва сыр кипари́со, саво́ розмэкя́, Рай Дэвэ́л, патря́ (листы). Манды́р явэ́на ту́тэ баритка́ (плóды).’ ¹⁰ Кон исын годо́, соб (кай) ё́в тэ́ галё́л сарэ́ далэ́ лавá? Кон исын барэ́-годя́киро, соб (кай) ё́в тэ́ джине́л дава́ саро́? Пал-дова́ со Ра́скирэ-Дэвлэ́скирэ́ дро́ма́ исын чачу́нэ, и чачипна́скирэ́ мануша́ псирэ́на пир лэ́ндэ, нэ́ чорипэ́н-кэрибна́скирэ́ обшта́вэнапэ́ пир лэ́ндэ.

Иои́лэскири́ Лылва́ри

Шэ́ро 1

¹ Лав Ра́скирэ-Дэвлэ́скиро, со явдя́ Иои́лэскэ́ ^[1], чхавэ́скэ Вафуи́лоскирэ́скэ́ [Пэ́туи́лоскирэ́скэ́-ю.о.]

Пхув́ Ячэ́лапэ́ Чхучи́

² Шунэ́н дава́, тумэ́ пхурыды́ра (годэ́пхурэ́), и причху́вэ́н кан сарэ́, кон дживэ́ла пэ́ да́я пхув! Ци́ сыс дасаво́ дрэ́ тумарэ́ дывэ́са, ци́ дрэ́ дывэ́са́ тумарэ́-дадэ́нгирэ́? ³ Пхэ́нэ́н тумарэ́ чхаворэ́нгэ́ пал дава́, мэќ тумарэ́ чхаворэ́ тэ́ пхэ́нэ́н лэ́нгирэ́ чхаворэ́нгэ́, и лэ́нгирэ́ чхаворэ́ яви́рэ родо́скэ: ⁴ дова́, со мэкя́́ листэ́нгиро кирмо́ (гусени́ца), по́хая пха́китко́ скочко́ (саранча́), нэ́ дова́, со мэкя́́ пха́китко́ скочко́, по́хая кирмо́, нэ́ дова́, со мэкя́́ кирмо́, по́хая бамбу́ла (жуко́). ⁵ Джанга́дён, матыма́рьялэ́, и ровэ́н киркэ́с, и тугинэ́н ровибна́са, сарэ́, кон пье́ла мол (вино) пал бро́дно (винаграды́тко) со́ко (хум), пал-дова́ со ё́в исын отлы́но тумарэ́ уштэ́ндыр. ⁶ Пал-дова́ со бут зоралэ́́ мануша́ явнэ́ пэ́ Мири́ пхув, со на́шты́ лэн тэ́ по́гинэ́с; лэ́нгирэ́ данда́́ исын сыр шчэ́рэстэ́ (левостэ́), и лэ́нгирэ́ жанды́ исын сыр шчэ́рихатэ́ (леви́цатэ́). ⁷ Ё́нэ кэ́рдэ́ Мирэ́-винаграды́тконэ́ барьенды́р чхучи́ пхув, и ё́нэ пха́гирдэ́́ Мирó инжы́ритко́ дрэ́во, ё́нэ лучки́рдэ́́ цы́па лэ́стыр и чхурды́нэ́ ла яври́: лэ́скирэ́ рандя́́ ячнэ́́ парнэ́́. ⁸ Ровэ́н зоралэ́́с, мануша́́лэ́, и подпхандэ́́нпэ́́ жало́бно́нэ́́ балы́тконэ́́ гонэ́́са, сы́рбы паты́валы́́ тэрны́́ джувлы́́, кон тугинэ́́ла пал ромэ́́стэ́́ пэ́скирэ́́ тэрны́́шна́стыр. ⁹ Буты́р на́ янэ́́на мару́нэ́́ свэ́нта́́ дыи́бэ́́на́́ и тхадунэ́́́ свэ́нта́́́ дыи́бэ́́на́́́ дрэ́́ Кханги́ри́ Ра́скирэ́-Дэвлэ́скири́. Э́́ раша́́я, кон кэ́рэ́́ла буты́́ ваш Ра́́скэ́́-Дэвлэ́́скэ́́, зоралэ́́с тугинэ́́на. ¹⁰ Фэ́́лда́́ чхуча́́кирды́́ (пустошо́но), и пхув зоралэ́́с тугинэ́́ла, пал-дова́́ со гива́́ обчо́рдэ́́, вы́шутия́́ бро́дно со́ко (хум), и масли́нитко́́ дзэ́́т (масли́на) ха́́сийа́́. ¹¹ Ла́́джан тумэ́́, кон сан пхувья́́кирэ́́ бутя́́рнэ́́, тугинэ́́н ровибна́́са, тумэ́́, кон сан винагра́́дарья́́, пир парно́́ гив и гэрсто́́ (ячме́́нэ́́), пал-дова́́ со фэ́́лда́́кирэ́́ гива́́ ха́́синэ́́. ¹² Винагра́́ды́тко́́ бар шу́тия́́, и инжы́́ритко́́ дрэ́́во за́́шутия́́, и гра́́наты́́тко́́ дрэ́́во, и па́́льма а́́дякэ́́-па́́ць, и пха́́ба́́лин – са́́рэ́́ дрэ́́вы пэ́́ фэ́́лда́́ за́́шутинэ́́, ды́́кхэ́́н, на́́нэ́́ буты́́р ра́́ды́́ма ма́́нушэ́́нгирэ́́ чхавэ́́ндэ́́.

Тугинэ́́н Зо́́ралэ́́с Па́́л Да́́я Пхув

¹³ Подпхандэ́́нпэ́́ жало́бно́нэ́́́ балы́́тконэ́́́ гонэ́́́са, и ровэ́́н зоралэ́́́с тумэ́́́, кон сан раша́́́я: тугинэ́́́н ровибна́́́са, тумэ́́́ кон кэ́рэ́́́ла Дэ́́влэ́́скири́́ буты́́ анги́́л алта́́рэ́́. Я́́вэ́́н, па́́се́́н са́́ри́́ рат, дрэ́́

жалобна балытка гонэ тумэ, кон кэрэла буты мирэ Дэвлэскэ; пал-довá со бутыр на янэна свэнто дыибэн гивэстыр и тхадуно свэнто дыибэн дрэ Кхангири тумарэ Дэвлэскири. ¹⁴ Подэн звесь (зан) пал свэнто посто, кхарэн тэ явэн пэ свэнто скэдыибэн, кэдэн пхурыдырэн (годэпхурэн) и сарэ манушэн далэ пхувьятыр дрэ Кхангири Рáскирэ-Дэвлэскири, тумарэ Дэвлэскири и прикхарэн зоралэс Рас-Дэвлэс. ¹⁵ Дэвла! Савó Дывэс ж да явэла! Пал-довá со Рáскирэ-Дэвлэскиро дывэс исын пашыл; ёв явэла сырбы хасибэн Сарэзорьякирэстыр. ¹⁶ Ци да на хасёла хабэн амэндэ пэ якхá, и рáдыма и весёлыма (лош) кхэрэстыр амарэ Дэвлэскирэстыр? ¹⁷ Зярки кирнынэ тэл лэнгирэ комки, пиралé (кладовки) ячнэ чхучэ; шурны пхагирдэ, пал-довá со гив вышутия. ¹⁸ Сыр пхарэс мурдалá (животна) дыхинэна! Гурты гурувэн исын сырбы насвалэ; пал-довá со лэндэ нанэ чаритка фэлда, адýкэ-паць и стады бакрэнгирэ мэнчынэнапэ. ¹⁹ О Раё Дэвла! Мэ зоралэс кхарáва Тут, пал-довá со яг похая чаритка фэлды пэ чхучи пхув, и хачкирибэн хачкирдé сарэ дрэвицы пэ фэлда. ²⁰ Мурдалá пэ фэлда адýкэ-паць кхарэна Тут, пал-довá со рэкицы (лэнорýя) панéса вышутинэ, и яг похая чаритка фэлды пэ чхучи пхув.

1:1 ^[1] Дро Юдытко оригинало Иоэль (Дэвэл миро).

Шэрó 2

Дэвлэскиро Дывэс тэ Сэндýкир

¹ Пхурдэн дро рóго (дрэ труба) пэ Сиóно, и газдэн гóдла пэ свэнто Дэвлэскири бэрга; мэк сарэ манушá, кон дживэла пэ пхув – тэ издран, пал-довá со явэла пашэдыр Рáскирэ-Дэвлэскиро дывэс, акэ, ёв откэрлапэ: ² явэла дава дывэс калó и тугитко, хмурытко дывэс гэнстонэ калыпнаса (цямлыпнаса), сыр óблоки пэ злóко (пэ рáнко) розджанапэ палэ бэрги, адýкэ-паць и явэна манушá, барэ и зоралэ, савэ на сыс векэндýр: и кадасавэ-паць бутыр на явэна ниéкхвар пал лэндэ машкёр манушэнгирэ рóды. ³ Ангил лэндэ джáла яг, со похала сарó, а палáл пал лэндэ хачкирибэн, со пэкэла сарó. Ангил лэндэ пхув исын сырбы ýнта (садо) Эдэмоскири, а палáл пал лэндэ ячэлапэ чхучакирды мал (степ), нисó никай на кэрэлапэ лэндýр. ⁴ Ёнэ явэна выдыцён сырбы грая: и ёнэ явэна тэ прастан сыр уклистэ пэ грэндэ-цэлдарьендэ. ⁵ Ёнэ традэна уклистэ пир бэргэнгирэ фэли (макушки) грукатоса сырбы марибнытконэ вурдэнэндýр, сырбы бари яг, сави пхарадэла, кели похала пхуса, сырбы зоралэ манушá, кон исын скэдынó тэ марэлпэ. ⁶ Ангил лэндэ дарáтыр явэна тэ бандён дукхаса манушá, а сарэ лэнгирэ муя ячэна парнэ. ⁷ Ёнэ прастана сыр зоралыпнаскирэ муршá, и ёнэ пирирэсэна пир вáнта сыр марибнаскирэ манушá; кажно (свáко) лэндýр джáла ангил пэскирэ дроморэса, и ёнэ на змарэнапэ дро строё. ⁸ Ёнэ на шпулэна (пихинэна) екх екхэс, кажно (свáко) лэндýр джáла дрэ лэнгири колона. И кели ёнэ пэрэна пэ марибнытка [коп'и-р.с.], ёнэ на дукхавэна пэс. ⁹ Ёнэ прастана одорик и палэ пир фóро; ёнэ газдэнапэ пэ вáнты прастиной: ёнэ зарэсэна дрэ кхэрá, ёнэ заджáна дрэ кхэрá пир фэнштры сыр чор. ¹⁰ Пхув явэла тэ издрал ангил лэндэ, и болыбэн тэ рискирэлпэ кхам и чхон покалёна, и чэргэнý пириячэна тэ зýинэн. ¹¹ И пхэнэла зоралэс Рай Дэвэл Пэскирэ занýса (гласаса) сырбы грумо ангил Лэскиро халадыбэн: пал-довá со исын зоралыпнаскирэ Лэскирэ марибнаскирэ муршá. Дывэс Рáскирэ-Дэвлэскиро исын барó и дрéвáн трашано, и кон дэла рáда тэ вырикирэл лэс?

Дэвэл Кхарэла Одолэн, Кон Ячнэпэ тэ Рисён кэ Ёв

¹² “Палдава аканá”, – ракирэла Рай Дэвэл, – “рисён кэ Мэ сарэ тумарэ илэстыр постоса, ровибнаса и тугаса?” ¹³ И рискирэн тумарó илó, а на урибэн, рисён кэ Рай Дэвэл, тумарó Дэвэл, пал-довá со Ёв исын лачхэ-дэскиро и бут исын лáска Лэстэ. Ёв лэнтэс (насыгэс) холясóла, и Ёв исын лачхэ-илытко; и Ёв тангинэла (жалинэла) ангил дова, сыр тэ кэрэл бибáхт. ¹⁴ Кон джинэла, ци Ёв пожалинэла, и мэкэла бахталыпэн пал Пэстэ, соб (кай) тумэ

тэ янэн свэнто дыибэн гивэстыр, и тхадунэ свэнто дыибэн Рáскэ-Дэвлэскэ, тумарэ Дэвлэскэ? ¹⁵ Пхурдэн зоралэс дро рого (трамбура) пэ Сионо, подэн звесь (зан) пал свэнто посто, кхарэн тэ явэн пэ свэнто скэдыбэн, ¹⁶ кэдэн манушэн, кэдэн кхэтэнэ годэпхурэн (пхурыдырэн), кэдэн биятэн и колынытконэ тыкнэмасэн; мэк тэ джал яврі тэрнó лэскирэ коморатыр, и тэрнó лáкирэ штубатыр. ¹⁷ Мэк рашая, дынарья Рáскирэ-Дэвлэскирэ, тэ ровэн машкір трэмо и алтáрэ, и мэк ёнэ тэ пхэнэн: Пожалин Тырэ манушэн, о Раё-Дэвла, и на дэ Тыро миштыпэн тэ бипатывакирэн, соб (кай) Наюдытка нáцыи тэ хулаинэн пэ лэндэ, савэ явэна тэ ракирэн: Кай исын лэнгиро Дэвэл?”

Рай Дэвэл Сыкавэла Лáска

¹⁸ Тэньци Рай Дэвэл ячэла тэ зэвлынэл пал Лэскири пхув, и Ёв сыкавэла Пэскиро илó пал Лэскирэ манушэндэ. ¹⁹ О Рай Дэвэл отпхэнэла и пхэнэла Пэскирэ манушэнгэ: “Акэ, Мэ бичхавáва тумэнгэ гив, мол (вино), и маслиникто дзэт, и тумэ явэна чалэ лэндыр; и Мэ кэрава адякэ, соб (кай) Наюдытка нáцыи бутыр тэ на бипатывалакирэн тумэн. ²⁰ И Мэ дурьякирава тумэндэр халадыбэн паш-ратитконэ (севернонэ) ригатыр, и Мэ традава лэн криг пэ бипанескири и чхучі пхув, лэнгирэ муенца тэ рисён кэ восточно мóрэ (дэрьяв), и лэнгирэ думэнца тэ рисён кэ пал-панитко (зáпадно) мóрэ (дэрьяв). Лэнгири кхан явэла тэ газдэлпэ, и джунгалó (брыдко) кхандыпэн лэндыр джáла упрэ, пал-довá со ёнэ кэрдэ барэ дівы. ²¹ На страхадёв, о пхув, рáдынпэ и веселинпэ (лошалёв): пал-довá со Рай Дэвэл явэла тэ кэрэл барэ дівы! ²² На дарэн, мурдалá фэлдытка: чаритка фэлды пэ чхучі пхув дэна пэскири чар, пхабалын дэла пэскири пхабай; инжыритка дрэвы и винаградытка дрэвицы дэна мұри и прибарипэн. ²³ Тумэ, чхаворэ Сионоскирэ, радынэнпэ, и веселинэнпэ (лошалён) Рáстыр-Дэвлэстыр, тумарэ Дэвлэстыр, соб (кай) Ёв тэ дэл лачхó вэснакиро брышынд чачипнаса, и Ёв кэрэла адякэ, со явэла брышынд, сыр сыс брышынд: вэснакиро и пал-лынаскиро (осенякиро) дро пэрво чхон. ²⁴ Гиваобкэрибнаскирэ шурны явэна пхэрдэ гивэса, и пресы явэна тэ обчхувэнпэ винаградытконэ сокóса (хумэса) и маслиникконэ дзэтэса. ²⁵ И Мэ дава палэ тумэнгэ сарó дова, со хая пхакитко скочко, кирмэ, бамбулы (жуки) и листэнгиро кирмо – Мирó барó халадыбэн, со Мэ бичхадём пэ тумэндэ. ²⁶ И тумэ явэна тэ хан, кицы камэна и явэна чалэ, и тумэ явэна тэ шарэн Рас-Дэвлэс, тумарэ Дэвлэс, Кон кэрдя дивнэс тумэнца. И Мирэ манушэн бутыр на явэна тэ ладжакирэн. ²⁷ И тумэ явэна тэ джінэн, со Мэ сом машкір Израилё и со Мэ сом Рай Дэвэл, тумарó Дэвэл, и бутыр нанэ явирэ Дэвлэс. Мирэ манушэн бутыр ниэкхвар на ладжакирэна.

Дэвэл Дэла Пэскиро Дұхо

²⁸ И палó (после) дава явэла адякэ, со Мэ дава пхэрдэс Мирó Дұхо кажнонэ лочакэ (плотякэ); тумарэ чхавэ и тумарэ чхая явэна тэ ангилпхэнэн, тумарэ пхуранэ манушá явэна тэ дыкхэн сунэ, и тумарэ тэрнэ манушá явэна тэ дыкхэн дыкхибэна. ²⁹ И аж ровно адякэ-паць Мирэ писхарьёнгэ и Мирэ писхарицэнгэ Мэ дава Мирó Дұхо дрэ долэ дывэсá. ³⁰ И Мэ сыкавáва дівы пэ болыбэн и пэ пхув, рат и яг и тхувалэ стылбы. ³¹ Кхам парудёла пэ калыпэн, и чхон парудёла пэ рат, – ангил, сыр явэла барó и трашано Дывэс Рáскирэ-Дэвлэскиро. ³² И явэла адякэ дрэ долэ дывэсá, со, кóли вари-кон явэла тэ кхарэл лав Рáскирэ-Дэвлэскиро, то одовá зракхэлапэ; пал-довá со зракхибэн явэла пэ бэрга Сионо дро Ерусалимо сыр Рай Дэвэл пхэндя: и ваш кодолэнгэ, савэ ячнэпэ, кон явэла тэ кхарэл Рас-Дэвлэс.

Шэрó 3

Дэвэл Сэндякирэла Наюдытка Нáцыи

¹ Пал-довá со, акэ, дрэ долэ дывэсá и дро дава часо, кэли Мэ янава палэ пленонэ манушэн Юдэятыр и Ерусалимóстыр, ² тэды Мэ адякэ-паць кэдава сарэ Наюдытка нáцыи, и Мэ янава

лэн тэлэ пэ дóло Иосафатóскиро, и Мэ лава тэ сэндинавпэ лэнца одой пал Мирé манушэндэ, Мирó миштыпэн – Израилё, савэн ёнэ росчхудэ тэ дживэн машкёр Наюдытка нáцыи, и ёнэ роскэрдэ Мирí пхув. ³ Ёнэ чхурдэнас жрэбиё пал Мирé манушэндэ, и ёнэ дóнас тэрнэ манушэс тэ парувэн пэ биладжакунятэ, и ёнэ бикнэнас патываля джувля пал мол (вино) и ёнэ пинэ. ⁴ Чачэс, со тумэ Мánгэ, Тíро и Сидоно, и брэгитка штэты пэ Филистимакири пхув? Ци явэна тумэ тэ отдэн палэ фуипнаса проти Мándэ? Нэ ко́ли тумэ явэна тэ отдэн палэ фуипнаса проти Мándэ, Мэ древ́ан сы́гэс отда́ва палэ фуип́эн пэ тумаро́ шэрó. ⁵ Пал-довá со тумэ лы́нэ Мирó руп и Мирó сувнака́й, и лы́джинэ пэ́са дро тумарé мангипны́тка кхэ́ра Мирé най фэдэды́р шука́р мишты́нна; ⁶ и мануш́эн Юдэ́ятыр и мануш́эн Ерусалимо́стыр бикнэ́нас тумэ Гре́кэнгэ (Баламэнгэ), соб (кай) тэ дурья́кирэн лэн ме́жэндýр пэ лэнги́ри жэ пхув. ⁷ Акэ, Мэ газда́ва лэн одолé штэ́то́стыр, кэ саво́ тумэ би́киндлэ лэн, и Мэ риско́рава палэ сыр отды́ибэн дова́, со тумэ кэ́рдэ, пэ тумаро́ шэрó. ⁸ И Мэ бикна́ва тумарé чхав́эн и чха́ён дрэ вастá мануш́энгирэ Юдэ́ятыр, и ёнэ бикнэ́на лэн Саве́енгэ, ду́ратунэ мануш́энгэ – ады́кэ пхэ́ндя Рай Дэвэл. ⁹ Тэ дэн да́я зан (звесь) машкёр Наюды́тконé нáцыи: кэдэ́нпэ пэ ма́рибэн. Джангав́эн зоралы́пнаскирэ му́ршэн ады́кэ, соб (кай) тэ яв́эн сарé ма́рибна́скирэ му́ршá пашы́лэды́р, мэк ёнэ тэ яв́эн. ¹⁰ Пи́рикэрэн тумарé плуги (пхара́дя) пэ курта́лы и тумарé серпы (чхи́ндлэ) пэ чхурды́бны́тка бустя́, мэк б назорало́ тэ пхэ́нэл: “Мэ сом зорало́.” ¹¹ Яв́эн сы́гэды́р кэдэ́нпэ кхэ́танэ и, тумэ, сарé Наюды́тка нáцыи, и кэдэ́нпэ сарé кхэ́танэ тру́сцял. О Раё́ Дэв́ла, лы́джа Ты́рэ му́ршарь́ен тэ яв́эн одой. ¹² “Мэк Наюды́тка нáцыи тэ джанга́дён, и мэк тэ яв́эн пэ дóло Иосафатóскиро: пал-довá со одой Мэ, Рай Дэвэл, бэ́шава тэ сэнды́кирав сарé Наюды́тка нáцыи, со исын тру́сцял (кругом). ¹³ Мэк тэ чхи́нэл серпо́ (чхи́ндлэ), пал-довá со гивá исын спя́ла пхэ́рдэ. Яв́эн, джа́н тэлэ: пал-довá со тасави́льня исын пхэ́рды́, пресо́ пи́ричхувэ́лапэ – пал-довá со ёнэ кэ́рдэ бут би́ба́хт.” ¹⁴ Бут, бут манушá исын пэ дóло, пэ саво́ присэ́ндинэ́на! Пал-довá со дывэ́с Ра́скирэ-Дэвлэ́скиро исын пашы́л пэ дóло, пэ саво́ присэ́ндинэ́на. ¹⁵ Кхам и чхон явэ́на калé (ця́млэ), и чэ́ргэня́ пи́рия́чэна тэ зя́инэн. ¹⁶ И Рай Дэвэл ады́кэ-па́ць за́гриминэ́ла Сионо́стыр, и Ё́в пхэ́нэла Пэ́скирэ заня́са Ерусалимо́стыр; болы́бэн и пхув явэ́на тэ трински́рэнпэ; кэ Рай Дэвэл явэ́ла гара́вибна́скиро штэ́то ваш Лэ́скирэ мануш́энгэ, и Ё́в явэ́ла сыр тва́рды́ма / ди́з (кре́пость) чхаво́рэнгэ Израилё́скирэнгэ. ¹⁷ “И тумэ явэ́на тэ джи́нэн, со Мэ сом Рай Дэвэл, тумаро́ Дэвэл, Саво́ дживэ́ла пэ свэ́нто бэ́рга пэ Сио́но. Тэ́ньци Ерусали́мо явэ́ла свэ́нто, и ниé́кх яви́рэ-тхэ́мэскиро ма́нуш ниé́кхвар на явэ́ла тэ джал пир да́ва фо́ро нэ́вэ́стыр.

Дэвэл Бахты́кирэ́ла Лэ́скирэ́ Мануш́эн

¹⁸ И явэ́ла ады́кэ дро дова́ дывэ́с, со нэ́ви́ мол (вино) явэ́ла тэ тхадэл бэ́ргэндýр, и тхуд явэ́ла тэ чхувэ́лпэ бэ́рги́цэндýр, и панески́рэ рови́цы (хохоё́рэ) дрэ Юдэ́я явэ́на пхэ́рдэ панéса, а фонга́но (фо́лахар) явэ́ла тэ чхувэ́л пхэ́рдэс па́ни Ра́скирэ-Дэвлэ́скирэ Кхэ́рэскир и ё́в явэ́ла тэ дэл па́ни пэ дóло Сити́мо. ¹⁹ Егип́то явэ́ла сыр голо́ты́ня, и Эдо́мо сыр чхучи́ мал (сцеп), пал на́храты́ма, со ёнэ кэ́рдэ проти чхаво́рэндэ Юдаски́рэндэ, пал-довá со ёнэ прочхудэ би́банги́пнаскиро рат пэ лэнги́ри пхув. ²⁰ Нэ Юда́ явэ́ла тэ дживэ́л пэ сарé ве́ки, и дро Ерусали́мо сарé родэ́ндыр кэ яви́р ро́до явэ́на тэ дживэ́н манушá. ²¹ И Мэ, Рай-Дэвэл, мора́ва кри́г лэ́ндыр рат (ба́нг пал рат), саво́ Мэ ишчо́ (инкэ́) на морде́м: пал-довá со Мэ, Рай Дэвэл, джива́ва пэ Сио́но.”

Амососки́ри Лылва́ри

Шэ́ро́ 1

¹ Лавá Амосо́скирэ, кон сыс екх чхупна́ри (пасту́хо) дрэ Фе́коя [Тэ́коа-ю.о.], савé лэ́скэ Рай Дэвэл сы́кады́ дрэ сунé, дрэ одолé дывэ́са, кэ́ли о Ози́я сыс кра́ли пэ Юдэ́я, и дрэ дывэ́са, кэ́ли о Иерова́мо, чхаво́ Иоасоски́ро, сыс кра́ли пэ Израилё́ дуй бэ́рш анги́л пхувя́киро

тринскирибэн. ² И ёв пхэндя: “О Рай Дэвэл явэла тэ греминэл Сионóстыр, и Ёв пхэнэла Пóскирэ заняса Ерусалимóстыр; и явэна тэ тугинэн зоралэс санэ буди (хижыны) чхупнарьенгирэ, и вышутёла фёля (макушка) пэ вучипэн Кармилоскиро.”

Сэ́ндо пэ Наюды́тка На́цыи

³ Адякэ ракирэла Рай Дэвэл: “Пал трин чорипэна и штар, со кэрдя Дамаско, Мэ на отмэкава пхаро сэ́ндо лэ́нгэ, палдова́ со ёнэ молотиндлэ́ Галаадо́ саструнэ́ гиваобкэрибнытконэнца́ (молотилкэнца́). ⁴ И Мэ бичхавáва яг пэ́ Азаилоскиро́ кхэр и ёй хачкирэ́ла Венададоскирэ́ [Бэн-Хададоскирэ-ю.о.] барэ́ фэлатиня́ (коловá). ⁵ И Мэ адякэ-паць пхагирава́ шы́bero (засóво) пэ́ порта́ Дамаскоскири́ и Мэ хасякира́ва манушэ́н, кон дживэ́ла пэ́ до́ло Авеноскиро́ и кодолэ́с, кон рикирэ́ла тхагаритко́ дэсто́ дро́ Едэно́ (Бэн-Хададо́). Манушá Сириятыр́ джана́ дро́ плéно кэ́ Кира́”, – ракирэ́ла Рай Дэвэл.

Сэ́ндо пэ Израилё́

⁶ Адякэ ракирэ́ла Рай Дэвэл: “Пал трин чорипэна, со кэрдэ́ манушá Газатыр́ и пал штар чорипэна, Мэ на отмэкава́ пхаро́ сэ́ндо лэ́нгэ, пал-дова́ со ёнэ лыджинэ́ сарэ́ Юдэ́н дро́ плéно, соб (кай) тэ́ бикнэн лэн сыр писхарьэ́н кэ́ Эдо́мо. ⁷ И Мэ бичхава́ яг пэ́ ванта́ Газакири́, и ёй хачкирэ́ла ла́кирэ́ барэ́ фэлатиня́ (коловá) [коморы-р.с.]. ⁸ И Мэ хасякира́ва манушэ́н, кон дживэ́ла кэ́ Азото́, и кодолэ́с, кон рикирэ́ла тхагаритко́ дэсто́ пэ́ Аскалоно́, и Мэ rischiра́ва Мирó васт проти́ Экроно́ (Екроно́), и манушá, кон ячэ́лапэ́ Филистимлянэ́ндыр, хасё́на” – ракирэ́ла Рай Дэвэл. ⁹ Адякэ ракирэ́ла Рай Дэвэл: “Пал трин чорипэна, со кэрдэ́ манушá Тиростыр́, и пал штар чорипэна, Мэ на отмэкава́ пхаро́ сэ́ндо лэ́нгэ, пал-дова́ со ёнэ лыджинэ́ сарэ́н пленно́нэн кэ́ Эдо́мо, и ёнэ на рипирдэ́ пшалы́тко доракирибэ́н (союзó). ¹⁰ Нэ́ Мэ бичхава́ яг пэ́ ванта́ Тироскири́, и ёй хачкирэ́ла лэ́скирэ́ барэ́ фэлатиня́ (коловá) [коморы-р.с.].” ¹¹ Адякэ ракирэ́ла Рай Дэвэл: “Пал трин чорипэна, со кэрдэ́ манушá Эдомостыр́, и пал штар чорипэна, Мэ на отмэкава́ лэ́нгэ банг, пал-дова́ со ёнэ традэнаспэ́ пал пэ́скирэ́ пшалэ́стэ́ курталáса и ёнэ на тангиндлэ́ лэн сыр сэмэ́нца, и лэ́нгири холы́ хачолас би́пириячыбна́скиро, и ёнэ ўса́ды (сак) рикирэ́нас холы́ (мижэхипэ́н). ¹² И Мэ бичхавáва яг пэ́ Фемано́, и ёй схачкирэ́ла барэ́ фэлатиня́ (коловá) дрэ́ Восора́ [Бо́цра-ю.о.].” ¹³ Адякэ ракирэ́ла Рай Дэвэл: “Пал трин чорипэна, со кэрдэ́ чхавэ́ Амо́носкирэ́, и пал штар чорипэна, Мэ на отмэкава́ пхаро́ сэ́ндо лэ́нгэ, пал-дова́ со ёнэ росчингирэ́нас (путравэ́нас) пэ́ра́ пхарэ́ джувлендэ́, соб (кай) лэ́нгэ тэ́ буглякирэ́н кусты́ка (ме́жы) пэ́ пхув. ¹⁴ Нэ́ Мэ росхачкирава́ яг дрэ́ ванта́ Равакири́, и ёй хачкирэ́ла сарэ́ ла́кирэ́ барэ́ фэлатиня́ (коловá), годлы́пнаса дро́ ма́рибны́тко дывэ́с, барэ́ штормоса́ дро́ дова́ дывэ́с, сыр явэ́ла rischiрибна́скири балва́л. ¹⁵ И лэ́нгиро́ кра́ли джа́ла дро́ плéно, ёв и лэ́скирэ́ тхага́рья кхэ́танэ́”, – ракирэ́ла Рай Дэвэл.

Шэ́ро 2

¹ Адякэ ракирэ́ла Рай Дэвэл: “Пал трин чорипэна, со кэрдэ́ манушá Моавостыр́, и пал штар чорипэна, Мэ на отмэкава́ пхаро́ сэ́ндо лэ́нгэ, пал-дова́ со ёнэ хачкирдэ́ кокалы́ кра́ли́скирэ́ Эдэ́москирэ́ ваш звё́ска (изве́сть): ² Нэ́ Мэ бичхавáва яг пэ́ Моáво, и ёй схачкирэ́ла барэ́ фэлатиня́ (коловá) дро́ Кериофо́, и Моáво хасё́ла машки́р ма́рибна́скири го́дла, манушэ́нгирэ́ годлы́пнаса и рогоскирэ́ башаибна́са. ³ И Мэ хасякира́ва сэнди́рис машки́р лэ́ндэ́, и Мэ мулякирава́ сарэ́ лэ́нгирэ́ тхага́рьен кхэ́танэ́ лэ́са”, – ракирэ́ла Рай Дэвэл.

Сэ́ндо пэ́ Юдэ́я

⁴ Адякэ ракирэ́ла Рай-Дэвэл: “Пал трин чорипэна, со кэрдя́ Юда́ и пал штар чорипэна, Мэ на отмэкава́ пхаро́ сэ́ндо лэ́нгэ, пал-дова́ со ёнэ на прилы́нэ́ (ды́кхнэ́ вучипна́стыр) пэ́ Зако́но

Рáскирэ-Дэвлэскиро, и ёнэ на раххнэ Лэскирэ припхэныбэна и лэнгирэ хоханэ дэвлорэ, пал савэ лэнгирэ дада гинэ тэ кэрэн патыв, лыджинэ лэн дромэстыр. ⁵ Нэ Мэ бичхавэна яг пэ Юдэя, и ёй хачкирэла барэ фэлатиня дро Ерусалимо.”

Сэндо пэ Израилё

⁶ Адыкэ ракирэла Рай Дэвэл: “Пал трин чорипэна, со кэрдэ манушá Израилёскирэ и пал штар чорипэна, Мэ на отмэкава пхаро сэндо, пал-дова со ёнэ бикиндлэ чачипнаскирэн манушэн пал руп, и чорорэн пал пара пурули (цандали). ⁷ Ёнэ древán тырдэнапэ кэ прáхо пхувьякиро, тэ явэл пэ шэрó чорорэскиро, и ёнэ пиририскирэна дром, савэса псирэна напхутькирдэ манушá, а дад и чхаво псирэна кэ екх джувлы, соб (кай) тэ магирэн свэнто Миро лав. ⁸ Ёнэ пасэна пашыл кажно алтарё дрэ йди, со лынэ дрэ сымады (залого), и пьена мол (вино) бангякирдэ-манушэнца дро кхэр, кай исын лэнгиро дэвлоро. ⁹ Нэ дава сыс Мэ, Кон хасякирдя Амореен ангил лэндэ, Мирэ манушэндэ, савэ исыс вучэ сырбы кедры, и ёнэ сыс зоралэ сырбы дэмбы, нэ Мэ хасякирдём лэнгирэ барьякирдэ (плóды) упрáл, и лэнгирэ кóрни (рукхá) тэлáл. ¹⁰ И дава сыс Мэ, Кон вылыджия тумэн Египтóскирэ пхувьятыр, и Кон лыджия тумэн штардэшá бэрш пир чхучи пхув, соб (кай) тэ заухтылэн тумэнгэ пхув Амореенгири. ¹¹ Мэ выкэдыём вари-савэ тумарэ чхавэн сыр пророкэн, и вари-савэн тумарэ тэрнэ манушэн сыр Назареен. Ци на сыс дава адыкэ тумэ, чхавэ Израилёскирэ” – ракирэла Рай Дэвэл. ¹² “Нэ тумэ дынэ Назареенгэ мол (вино) тэ пьен, и тумэ припхэндлэ пророкэнгэ, ракири: ‘На ангилпхэнэн!’ ¹³ Акэ, Мэ притасавава тумэн, сырбы вурдэн, со исын пхэрдó гарбэнца (снопэнца). ¹⁴ Палдава сыгно мануш на кэрлапэ никай, а зоралó на явэла тэ рикирэл пэскири зор, и муршари на зракхэла кокорó пэс; ¹⁵ и кон рикирэла лúко, на вырикирэла, а сыгно пэ гэрóй мануш, на нашэла, и одовá, кон традэла уклистэ, на зракхэла пэскиро ди. ¹⁶ Нэ сáмо муршканó мануш, нашэла нанго криг дро дова дывэс”, – ракирэла Рай Дэвэл.

Шэрó 3

Дэвэл Усады Прирахэла Манушэн пир Пророкостэ

¹ Шунэн дава лав, со Рай Дэвэл пхэндя проти тумэндэ, чхаворалэ Израилёскирэ, проти сарó кхэритко рóдо, савó Мэ вылыджиём Египтóскирэ пхувьятыр, ракири: ² “Тумэ сан екх кхэритко рóдо сарэ родэндыр пэ пхув, савэскэ Мэ кэрдём патыв, палдава Мэ пхарэс сэндякирава тумэн пал сарó тумарó чорипэн.” ³ Ци сашты дуй манушá тэ джáн кхэтанэ, кóли ёнэ на доракирэнапэ? ⁴ Ци явэла шчэр (лёво) тэ брилинэл дро вэш, кóли ёв на дыкхэла вари-со тэ роскушэл дандэнца? Ци явэла тэ выдэл шчэр зан пэскирэ хашхатыр (логовостыр) –, кóли ёв ничы на ухтылдя. ⁵ Ци сашты чириклы тэ пэрэл дрэ фэлы (петля) пэ пхув, кóли тэ на явэл фэлы сеткаса пэ латэ. Ци газдэлапэ фэлы пхувьятыр, кóли тэ на ухтылэн нисó лáса? ⁶ Кóли тэ на башавэл зоралэс рóго (труба) дро фóро, ци явэна манушá тэ дарэн? Кóли исын бари бiда дро фóро, ци дава исын на Дэвлэстыр, Кон домэкця дава? ⁷ Чачó, Рай Дэвэл на кэрэла нисó ангил дова, сыр Ёв сыкавэла дова, со Ёв придуминдя, Лэскирэ писхарьёнгэ, пророкэнгэ. ⁸ Шчэр лыя тэ рыкинэл – кон на явэла тэ дарэл? О Рай Дэвэл пхэндя – кон на явэла тэ ангилпхэнэл? ⁹ Подэн звесь (зан) дрэ барэ фэлатиня и пэ стрэхи кхэрэнгирэ дро Азото (пэ Филистимия), и дрэ барэ фэлатиня (колова) пэ пхув Египтóскири и пхэнэн: “Кэдэнпэ кхэтанэ пэ бэрги Самариякирэ: дыкхэн пэ барó бунто годлэнца машкир лэндэ, и сыр притасавэна манушэн одóй.” ¹⁰ “Пал-дова со ёнэ на джинэна, сыр тэ кэрэн чачунэс, – ракирэла Рай Дэвэл, – ‘ёнэ, савэ загаравэна кучипэн, со яндлэ ёнэ дрэ чори, со ёнэ нахратэс чордэ, дрэ лэнгирэ барэ фэлатиня (колова).’ ¹¹ Палдава адыкэ ракирэла Рай Дэвэл: ‘Намал явэла трусцял дая сари пхув! Ёв отлэла зор лэндыр и ёв росчорэла лэнгирэ барэ фэлатиня (колова).’ ¹² Адыкэ ракирэла Рай Дэвэл: “Сыр о чхупнари (пастырё) вытырдэла явир мóло и зракхэла шчэроскирэ (левоскирэ) мóстыр дуй кокалы гэрэнгирэ и котэр канэскиро, адыкэ-паць náбут чхаворэн Израилёскирэн вытырдэна хасибнастыр, савэ дживэна кэ Самáрия пэ

ягóро (пэ краё) чхуибнаскиро, и савэ исын бэштэ пэ ягóро дрогонэ пасиндякиро (пэ кушэтка). ¹³ Шунэн и допхэнэн дро кхэр Яковóскиро:” – ракирэла Рай Дэвэл, янголэнгиро-болыбнаскиро Дэвэл, ¹⁴ “со Мэ дро дова́ дывэс пхарэс сэндякирава Израилё пал лэскирэ чорипэна, и Мэ пхарэс сэндякирава пал алтáри дрэ Вефиль, и явэна обчингирдэ шынга́ (ро́ги) пэ алтáрё, и ёнэ пэрэна пэ пхув. ¹⁵ И Мэ розмарава пэ котэра́ ивантытко (зимитко) кхэр кхэтанэ лынайтконэ кхэрэса; и пэрэна кхэра́ шукарибнаса слонытконэ кокалэстыр, и на явэна бутыр барэ́ кхэра́”, – ракирэла Рай Дэвэл.

Шэро́ 4

¹ “Шунэн дава́ лав, тумэ-джувлялэ Васаностыр, савэ ячнэ тхулэ сы́рбы рэцы (телицы), савэ исын пэ бэрги дрэ Самáрия, савэ притасавэна чорорэн, савэ на дэна тэ дживэн кодолэнгэ, кон исын дрэ трэбима и, савэ ракирэна пэскирэ хулангэ: ‘Янэн мол (вино), яваса́ тэ пьяс ла!’” ² О Рай Дэвэл совлахадя́ Пэскирэ свэнтымаса: “Акэ, явэна дывэса́ пэ тумэндэ, со тумэн явэна тэ тырдэн барэ́ нанглэнца (крюкэнца), и тумарэ́ явибнаскирэ чхаворэн нанглорэнца пэ вэндка пэ мачхэндэ. ³ Тумэ джана́ яврий́ пир пхагирдэ ванты, кажно́ (сва́ко) тумэндыр маму́й пэстэ, и тумэн вычхурдэна саро́ укэдыибэн дрэ харомы дро Ермоно́”, – ракирэла Рай Дэвэл. ⁴ “Явэн дрэ Вефиль, и кэрэн грэхи, а дро Гилгало́ кэрэн бутэды́р бутэды́рьякирэн чорипэна; янэн пэскирэ свэнта́ дыибэна́ кажно́ зло́ко (ра́нко), тумарэ́ дэшэнгирья́ кажна́ трин дывэса́, ⁵ янэн свэнта́ дыибэна́ парикирибнаса пэ рошчына, подэн звесь (зан) и дэн тэ джинэн сарэнгэ пал во́льно яныбэн: дава́ исын пир ило́ тумэнгэ, чхавэ́ Израилёскирэ”, – ракирэла Рай Дэвэл.

Израилё на Прилы́я Пирисыклякирибэн

⁶ “И Мэ дыём ады́кэ-паць тумэнгэ нангэ данда́, би хабнаскиро дрэ сарэ́ тумарэ́ фо́рья, и на явэла́ тэ ухтылэл маро́ пэ сарэ́ тумарэ́ штэты, нэ тумэ на рисинэ́ кэ Мэ”, – ракирэла Рай Дэвэл. ⁷ “Мэ ады́кэ-паць на давас брышы́нд тумэнгэ, кэли сыс ишчо́ (инкэ́) трин чхона́ кэ укэдыибэн гивэнгиро. Мэ бичхава́вас брышы́нд пэ екх фо́ро, и Мэ на бичхава́вас брышы́нд пэ явйр фо́ро: екх котэр́ пхув сыс почхудо брышы́ндэса, а явйр, со сыс почхудо брышы́ндэса, зашутия. ⁸ Палдава́ дуй, ци трин фо́рья гинэ́ кэ явйр фо́ро тэ пьен пани́, нэ ёнэ на пинэ́ чалэс, нэ уса́екх тумэ на рисинэ́ кэ Мэ”, – ракирэла Рай Дэвэл. ⁹ “Мэ дукхава́вас тумэн шукэ́ насвалы́пнаса (иржаса) и зэлэнэ́ кирны́пнаса пэ гив; листэнгирэ́ кирмэ́ (гусеницы) похана́с бут тумарэ́ унты (сады), и тумарэ́ винаградники́ (дракхитка), и тумарэ́ инжыритка́ кашта́, тумарэ́ масли́нитка кашта́, нэ тумэ на рисинэ́ кэ Мэ”, – ракирэла Рай Дэвэл. ¹⁰ “Мэ бичхава́вас пэ тумэндэ́ мэрибны́тка ф́рансы, сыр и пэ Египто́: Мэ муляки́равас тумарэ́ тэрнэ́ му́ршэн курталáса кхэтанэ́ грэнца, савэн лэна́с дро плéно; Мэ кэ́равас ады́кэ, до́я кхан (смрадо́) газдэласпэ́ пир тумарэ́ станы́ (таборы) дрэ тумарэ́ рутхуня́, нэ тумэ на рисинэ́ кэ Мэ”, – ракирэла Рай Дэвэл. ¹¹ “Мэ рава́вас тэлэ́ тумарэ́ фо́рья, сыр Мэ, тумаро́ Дэвэл, радём тэлэ́ Содóмо и Гомóра, и тумэн сыр́ гло́мня выухты́лэн ягатыр, со хачия́, нэ тумэ́ уса́екх на рисинэ́ кэ Мэ”, – ракирэла Рай Дэвэл. ¹² ‘Палдава́ ады́кэ Мэ кэ́рава́ тукэ́, о Израилё́: и пир дова́, со Мэ ады́кэ кэ́рава́ тукэ́, яв скэ́дыно́ тэ дыкхэспэ́ Мánца, тырэ́ Дэвлэ́са, о Израилё́.” ¹³ Палдава́, акэ́, Ёв, Кон выкэ́рдя бэ́рги, Кон созды́я балва́л, Кон дэ́ла звесь (зан) манушэ́скэ, пал со ёв́ думинэ́ла, Кон кэ́рэла ады́кэ, со зло́ко (ра́нко) парудё́ла пэ калы́пэн яврий́, и Кон шта́вэла (стэ́мпинэ́ла) пир вучэ́ штэты́ пэ пхув, – Рай Дэвэл, янголэнгирэ́-болыбнаскиро Дэвэл, исын Лэ́скиро лав.’”

Шэрó 5

Дэвэл Тугинэла Пал Израилё

¹ Шунэн дава лав, савэса мэ, Амосо, явава тэ тугинав ясвэнца пал тумэндэ, манушáлэ Израилёскирэ кхэрэстыр. ² Пыя тэрны патывалы джувлы (дева) Израилёскири: ёй бутыр на газдэлапэ. Ёй исын пашты, и нанэ ниэкх мануш тэ газдэл ла. ³ Палдава адыкэ ракирэла Рай Дэвэл: “Дро форо, саво дэлас тысёнцы манушэн пэ марибэн, ячэнапэ шэл муршá, дро форо, саво дэлас шэл манушэн, ячэнапэ дэш муршá ваш кхэрэскэ Израилёскирэскэ.” ⁴ Палдава адыкэ ракирэла Рай Дэвэл кхэрэскэ Израилёскирэскэ: “Тумэ родэн Ман и явэна джидэ. ⁵ На родэн Вефиль, и на заджэн дро Галгáло и на псирэн кэ Вирсáвия (Бершэба), пал-дова со Гилгалоскирэ манушá джана дро плéно, а Вефилятор нисó на ячэлапэ.” ⁶ Родэн Рас-Дэвлэс и тумэ явэна тэ дживэн, соб (кай) Ёв тэ на кэрэл адыкэ, со яг пэрэла сыгэс пэ кхэр Ёзаскиро, и хачкирэла сарэса лэс адыкэ, со на явэла ниэкх тэ мурдякирэл яг дрэ Вефиль. ⁷ Тумэ, кон пирикэрэла чачунó сэндо пэ трута (отрава), а чачипэн чхурдэна пэ пхув, ⁸ родэн Лэс, Кон создыя чэргэненгири група Плеады (Эфта-чэргэнитко) и Орионо (Чэргэня пэ Вастóко). Кон парувэла зэр (тень) мэрибнаскири пэ ясно злóко (рáнко), Кон кэрэла адыкэ, со дывэс ячэла сыр калы рат. Кон кхарэла кэ Пэ панингá морёскирэ (дэрьявэскирэ), и Ёв росчхувэла лэн пир сарí пхув, – Рай Дэвэл исын Лэскиро лав. ⁹ Ёв кэрэла адыкэ, со хасибэн сыгэс пэрэла пэ зоралэстэ, и Ёв янэла хасибэн пэ дия. ¹⁰ Тумэ нашты тэ дыкхэн пэ кодолэстэ, кон сыкавэла банг тумэнгэ пашыл порта и тумэ дыкхэна вучипнаса пэ кодолэстэ, кон ракирэла чачипэн. ¹¹ Палдава, со тумэ штакирэна (притасавэна) чорорэс, и тумэ лэна лэстыр почастунки гивэса; на дыкхí пэ дова, со тумэ чхудэ кхэрá вычингирдэ барэстыр, тумэ усаэкх на явэна тэ дживэн дрэ лэндэ; тумэ почхудэ дрэ пхув шукáр винаградытка унты (сады), нэ тумэ на явэна тэ пьен мол (вино) лэндыр. ¹² Пал-дова со Мэ джинóm, со тумэ кэрдэ бут чорипэна, и тумэндэ исын бут грэхí: тумэ притасавэна чачунэ манушэн и лэна мыты (взятки); тумэ рискирэна пэ риг чачипэн чорорэ-манушэнгири пэ сэндо [пашыл форóскири порта-ю.о.]. ¹³ Палдава барэ-годякиро мануш явэла штыл дро далэ дывэсá, пал-дова со дава исын бибахталó часо. ¹⁴ Родэн лачхипэн, а на фуипэн, соб (кай) тумэ тэ дживэн, и палдава Рай Дэвэл, янголэнгирэ-болыбнаскиро Дэвэл, явэла тумэнца, сыр тумэ и ракирэна. ¹⁵ Бидыкхэн тумэ чорипэн (бибáхт), нэ выкэдэн лачхипэн, и тумэ кэрэн адыкэ, соб (кай) тэ явэл чачипэн пашыл порта (враты) форóскири, сашты тэ явэл, со Рай Дэвэл, янголэнгирэ-болыбнаскиро Дэвэл, явэла тэ тангинэл одолэн, кон ячэлапэ манушэндыр Ёзаскирэндыр (Иосифостыр).”

Рáскирэ-Дэвлэскиро Дывэс

¹⁶ Палдава адыкэ ракирэла Рай Дэвэл, янголэнгирэ-болыбнаскиро Дэвэл Сарэзорьякиро: “Зоралó ровибэн явэла пэ сарэ вулицы (гáсы), и манушá явэна тэ припхэнэн пэ сарэ дромá: ‘Дэвла! О Дэвлалэ!’ И ёнэ явэна тэ кхарэн пхувьякирэ бутярэен тэ тугинэн зоралэс, и кадасавэн, кон исын спецы тэ тугинэн ровибнаса. ¹⁷ Дрэ сарэ винаградытка унты (сады) явэла зоралó ровибэн, пал-дова, со Мэ проджава машкíр лэндэ,” – ракирэла Рай Дэвэл. ¹⁸ Бида явэла пэ тумэндэ, кон древáн камэла, соб (кай) тэ явэл дывэс Рáскирэ-Дэвлэскиро! Саво лачхипэн тумэ ужакирэна дывэсэстыр Рáскирэ-Дэвлэстыр? Давá ж явэла калыпэн, а на дуд. ¹⁹ Давá явэла сырбы дова, кóли мануш насця шчэрэстыр (левостыр), и рич пирилыя лэс, ци сырбы мануш, саво гия андрé кхэр, причхудя пэскиро васт кэ вáнта, и сап дандырдя лэс. ²⁰ Наушто дывэс Рáскирэ-Дэвлэскиро исын на калыпэн, а дуд? Хор калыпэн, нанэ ни савí ясныма, и на зяинэла. ²¹ Мэ бидыкхава, Мэ дыкхава вучипнаса пэ тумарé свэнкитка дывэсá, и Мэ на сунгава (на сунгавава) гудлó кхандыпэн (парфуны), со ячэла тумэндэ пэ скэдыибэна. ²² На дыкхí пэ дова, со тумэ янэна цэла схачкирибнаскирэ свэнта дыибэна и свэнта дыибэна гивэстыр, Мэ на прилава лэн. И Мэ на кэрáва патыв тумарé свэнтонé дыибнэнгэ тэ парикирэн тумарé тхулэ гуруворэнца ²³ Дурьякирэн Мáндыр шумо (глумо) тумарé гилендыр, пал-дова со Мэ на явава тэ шунав мелодия тумарé гусленца (арфэнгири),

²⁴ нэ мэк чачуно сэндэ тэ чхувэлпэ сырбы паня, и чачипэн сыр сыгно рэкица (лэнорі). ²⁵ Ци янэнас тумэ Мángэ свэнта яныбэна и марунэ яныбэна пэ чхучі пхув штардэша бэрш, о кхэр Израилёскиро? ²⁶ Нэ тумэ адякэ-паць (тожэ) янэнас пэса шатра Молохоскири и чэргэн тумарэ дэвлорэскири, Ремфанос муенца, со тумэ кэрдэ ваш пэскэ. ²⁷ Палдава Мэ бичхавэна тумэн дро плéно пал Дамаско”, – ракирэла Рай Дэвэл, Кон кхарэлапэ янголэнгирэ-болыбнаскиро Дэвэл.

Шэрó 6

Приракхибэн Сионоскэ и Самариякэ

¹ Бида тумэнгэ, кон прилэла джибэн локхэс, и савэ исын наракхибнытка (беспечна) дро патяибэн пэ бэрга дрэ Самария, – тумэ, славутна мануша барэ нацыятыр, кэ савэ явэла кхэр Израилёскиро. ² Джан дурэдыр кэ Калнэ, и дыкхэн, одотхыр джан кэ барэ Емафо, и одотхыр кэ Гефо Филистимлянэнгиро: ци ёнэ исын фэдыр кадалэ тумарэ кралипнэндэр? Ци лэнгирэ мэжы исын буглэдыр тумарэ-пхувьякирэ межэндэр? ³ Бида пэ тумэндэ, савэ отчхувэна бибахталэ дывэс, и, савэ янэна пашылэдыр кэ пэ, сыр явэна тэ притасавэн тумэн. ⁴ Тумэ, савэ сан паштэ пэ чхуибэна, со исын гожакирдэ слоньтконэ кокалоса, и тумэ потырденапэ пэ тумарэ дрога пасиндя (ложы). Тумэ хана выкэдынэ бакрэн тумарэ стадатыр, и тхулэ гуруворэн гуртостыр. ⁵ Тумэ багана тэл гусленгири (арфакири) зан (глос), и придуминэна ваш пэскэ музыкакирэ струменты сыр Давыдо. ⁶ Тумэ пьена мол (вино) тахтаендыр, и макхэнапэ най фэдыршонэ макхлуненца (мазенца), нэ тумэ на пиридживэна пал дова, со Ёза (Иосифо) исын притасадо. ⁷ Палдава тумэ аканэ джана пэрва дро плéно ангил пленонэндэ и, савэ тумэндэр аканэ исын бэштэ пал свэнкитка скаминда паш-пасиндой, явэна штыл. ⁸ Рай Дэвэл совлахадя Пэса, янголэнгирэ-болыбнаскиро Дэвэл, Рай Дэвэл и ракирэла адякэ: “Мángэ исын джунгалэ (брытко), со пхутэла Яково, и Мэ бидыкхава лэскирэ барэ фэлэтиня (колова); палдава Мэ выдава лэскиро форо и саро, со исын дрэ лэстэ.” ⁹ И тэньчи явэла адякэ: со коли дэш мануша ячэнапэ дро екх кхэр, то и ёнэ мэрэна. ¹⁰ И сэмэнца мулэнгири, лэла явирэ манушэс, савэ явэла тэ хачкирэл трупы, и ёв пхэнэла кодолэскэ кхэрэстыр, кон яцяпэ джидо: “Ци исын ишчо (инкэ) вари-кон дро кхэр?” Тэньчи кодова мануш кхэрэстыр пхэнэла: “Нанэ ‘никонэс.’ И даё сэмэнца тэды пхэнэла: “Рикир пэскири чиб! Пал-дова со амэнгэ нашты тэ пририпирас лав Рэскирэ-Дэвлэскиро.” ¹¹ Пал-дова со, акэ, Рай Дэвэл припхэнэла, со Ёв пхагирэла барэ кхэр (кралипэн Израилёскиро) кэ руйны, и тыкно кхэр (кралипэн Юдэякиро) пэ котэра. ¹² Ци прастана грая пир бэрги? Ци пахинэла пхув мануш, одой, пэ гурувэстэ? А сыр жа тумэ пиририскирдэ чачипэн дрэ жэлучоскири трута (ядо), а бар’якирдо (плéдо) чачипнаскиро дро киркипэн (палыно)? ¹³ Тумэ, савэ радынэнапэ нисостыр, савэ пхэнэна: “Амэ, ж, хай, на пэскирэ зорьяса дорэсцям пэскэ зоралыпэн?” ¹⁴ “Нэ, акэ, Мэ, – ракирэла Рай Дэвэл, янголэнгиро-болыбнаскиро Дэвэл, Мэ газдава Наюдытко нацыя проти тумэндэ, кхэр Изралёскиро, и адалэ вэрги тумарэ явэна тэ притасавэн тумэн штэтостыр, кай тэ джан андрэ Емафо, кэ сыгно рэкица (лэнорі) пэ чхучэ прахи (Аравия).”

Шэрó 7

Дыкхибэн пал Скочкэндэ

¹ Адякэ Рай Дэвэл сыкадя мánгэ: ‘Акэ Ёв создыя бут пхакитконэ скочкэн (саранча), кэли лэла тэ барьёл атава (позднё чар); и, акэ, даё атава яця палэ дова, сыр прогия счхиныбэн кралискиро. ² И сыс адякэ: кэли скочки поханэ нэбут со на сарі чар, пэ пхув, тэньчи мэ, Амосо, пхэндём: “О Раё Дэвла! Отмэк, мэ мангавапэ Тукэ! Сыр Яково дэла рада тэ тэрдел

проти? Пал-довá со ёв исын тыкно́.”³ Рай Дэвэл тангиндя пал дова́, со Ёв кэрдя. “Тэ на явэл дава́”, – пхэндя Рай Дэвэл.

Дыкхибэн пал Яг

⁴ Адыкэ Рай Дэвэл сыкадя мангэ: акэ, Рай Дэвэл кхардя яг тэ сэндинэл, и ёй хачкирдя бари (хор штэты) тэл пхув колбань ^[1] и сарй мэкны пхув. ⁵ Тэньци Мэ пхэндём “О Раё Дэвла! Тэрдёв! Мэ мангав Тут! Сыр Яково дэла ра́да тэ тэрдёл проти? Пал-довá со ёв исын тыкно́!”
⁶ Палдава́ Рай Дэвэл пожалиндя пал дова́, со Ёв кэрдя. “Тэ на явэл дава́”, – пхэндя Рай Дэвэл.

Дыкхибэн пал Моловано (Свинцово) Отвесо

⁷ Адыкэ Рай Дэвэл сыкадя мангэ: акэ, Рай Дэвэл, сыс тэрдó пэ ягóро (пэ краё) вантакиро, и сыс моловано ^[2] отвесо дро Лэскиро васт. ⁸ И пхэндя Рай Дэвэл мангэ: “Амосэ! Со дыкхэса ту?” Мэ пхэндём: “Молованó отвесо.” Тэньци Рай Дэвэл пхэндя: “Акэ, Мэ чхува́ва отвесо машки́р Мирé манушэндэ Израилёстыр: Мэ бутыр на ява́ва тэ отмэкав банг лэ́нгэ. ⁹ И вучэ штэты, пэ савэ янэна дыибэна́, явэна чхучэ (пуста), и свэнта штэты Израилёскирэ явэна паштэ дрэ руйны. И Мэ газда́ва курта́ла пэ Еровоамоскиро кхэр.”

О Рашай Амасия Жалинэлапэ пэ Амосостэ

¹⁰ Тэньци о Амасия, рашай Вефилятыр, бичхадя лав Иеровоамоскэ, кралёскэ Израилёскэ, пхэни: “О Амосо зракирдяпэ пэ тутэ машки́р кхэр Израилёскиро: пхув нашты́ тэ шунэл сарé лэскирэ лавá. ¹¹ Пал-довá со Амосо адыкэ пхэндя: “О Иеровоамо мэрэла курталáтыр, а Израилё явэла, чачипна́са, лыджино криг дро плéно лэскирэ пхувья́тыр.” ¹² Тэньци о Амасия пхэндя Амососкэ: “Джа́ ту, ангилдыкхибна́скиро (магико), наш пэ пхув Юдаскири. Одóй ха марó, и одóй ангилпхэн, ¹³ нэ бутыр ту тэ на ангилпхэнэс дрэ Вефиль, пал-довá со дава́ исын свэ́нто штéто кралёскиро, и дава́ исын кхэр кралёскиро.” ¹⁴ Тэньци Амосо отпхэндя, и пхэндя Амасияскэ: “Мэ на со́мас проро́ко, и мэ на сом чхавó пророкоскиро. Нэ мэ со́мас чхупна́ри (пастухо) пэ стада, и мэ кэдыём му́ри пэ сикоморитка кашта́. ¹⁵ Тэньци о Рай Дэвэл лыя́ ман, кэли мэ гиём пал стада, и Ёв пхэндя мангэ: ‘Джа́ и ангилпхэн Мирé манушэ́нгэ Израилёстыр.’ ¹⁶ И аканá шун лав Рáскирэ-Дэвлэскиро: ту ракирэса: ‘На ангилпхэн пэ Израилё, и на выпхэн лавá пэ кхэр Исакóскиро’ ¹⁷ “Палдава́ адыкэ ракирэла Рай Дэвэл: ‘Ты́ри ромны́ явэла биладжакуны джувлы́ дро фóро, а ты́рэ чхавэ́ и чхая́ пэрэна курталáтыр, ты́ри пхув роскэрэна пэ пашá шэлэса мерины́тконэса, и ту мэрэса пэ магирды пхув; и Израилё, чачипна́са, лыджана́ криг дро плéно лэскирэ пхувья́тыр.”

7:4 ^[1] колбань – бидугтноскири ганб́йн, пучына, безна

7:7 ^[2] моловано – молови – свинцо, муслови

Шэрó 8

Дыкхибэн пал Лынаитко (Спяло) Фрукто

¹ Акэ, исын дава́, со Рай Дэвэл, сыкадя мангэ: акэ, кхудо (корзина) спялонэ барьякирдонэнца (фруктэнца). ² И Ёв пхэндя: “Амосо! Со дыкхэса ту?” И пхэндём мэ: “Кхудо лынайтконэ (спялонэ) барьякирдэнца.” Тэньци пхэндя Рай Дэвэл мангэ: “Кóнцо (ягóро) явдя́ пэ Мирé манушэндэ Израилёстыр; и Мэ бутыр на отмэкав банг лэ́нгэ. ³ ‘И гиля́, со багандлэ дрэ фэлатиня́, ячэна сыр зоралó ровибэн дро дова́ дывэс’, – ракирэла Рай Дэвэл. Бут трúпы явэна пир сарé штэты, манушá чхурдэна яври́ лэн би лавэнгиро.” ⁴ Шунэн дава́, тумэ́, кон чорьёла тэ нахавэл манушэ́н дрэ трéбима, и тэ хасякирэ́л сарé чорорэн пэ пхув, ⁵ тумэ́, савэ́

ракирэна: “Кéли дава́ Нэвонé-Чхоньткó свэ́нко проджа́ла (кончынэлапэ), соб (кай) амэ́нгэ явэ́лас сашты́ (могинэлас) тэ бикнас маро́, и дава́ са́мато (субо́та), соб (кай) амэ́нгэ явэ́лас сашты́ тэ кофина́с амарэ́ парнэ́ гивэ́са. Соб (кай) амэ́нгэ тэ тыкняки́рас э́фа, и тэ барья́кирас шéкелё́, и амэ́ подкэ́расас ублады́тка (весы) фрэ́нтымаса. ⁶ Соб (кай) амэ́нгэ явэ́лас сашты́ тэ кина́с чорорэ́с пал руп, и манушэ́с дрэ́ трэ́бима пал пара́ цурули́ (цандали́), соб (кай) тэ бикнас на́лачхо парно́ гив?” ⁷ О Рай Дэвэл совлахадя́ Яковоски́рэ пхутькири́бнаса: “Мэ́ чачипна́са ниéкхвар на бистрава́ пал лэ́нгирэ́ налачхэ́ бутя́.” ⁸ Ци на лэ́ла тэ издрал пхув пал дава́, и ка́жно (сва́ко) ману́ш явэ́ла тэ тугинэ́л зоралэ́с, кон дживэ́ла пэ́ да́я пхув. Ци на газдэ́лапэ́ сыр шувлы́пэн са́ри да́я пхув сы́рбы рэ́ка (лэ́нь): со́ явэ́ла тэ́ газдэ́лпэ́ валнэ́нца и тэ́ мэ́кэл тэ́лэ́ екхаты́р (сра́зу) сы́рбы рэ́ка (лэ́нь) Египто́скири. ⁹ “И́ явэ́ла а́дыкэ́ дро дова́ дывэ́с”, – ракирэ́ла Рай Дэвэл – “со́ Мэ́ кэ́рава́ а́дыкэ́, со́ кхам за́джала́ дро паш-дывэ́с, со́ явэ́ла кало́ (ця́мло) пэ́ пхув дро́ ясно́ дывэ́с. ¹⁰ Мэ́ парува́ва тумарэ́ свэ́нки пэ́ зоралы́ туга́ и са́рэ́ тумарэ́ гиля́ пэ́ зорало́ ровибэ́н; и Мэ́ яна́ва жало́бна балы́тка гонэ́ пэ́ ка́жно трушу́л, и пле́ха пэ́ ка́жно шэ́ро. Мэ́ кэ́рава́ дро да́ дывэ́с бари́ туга́ пэ́ пхув, савья́са обровэ́на екхорэ́ чхавэ́с, и ко́нцо (яго́ро) далэ́скэ́ явэ́ла сыр кирко́ дывэ́с. ¹¹ ‘Акэ́, явэ́на дывэ́са́’, – ракирэ́ла Рай Дэвэл, со́ Мэ́ бичхава́ва бокх пэ́ да́я пхув, на бокх би́ марэ́скиро, на смэ́га пал пани́, а́ явэ́ла труш (жа́жда) пал лава́ Ра́скирэ-Дэвлэ́скирэ. ¹² И́ мануша́ явэ́на тэ́ псирэ́н екхэ́ морё́стыр (дэ́рьявэ́стыр) кэ́ яви́р, паш-ратитко́нэ́ (се́вернонэ́) рига́тыр кэ́ васто́ко; ё́нэ́ явэ́на тэ́ пра́стан одори́к и палэ́ тэ́ родэ́н лав Ра́скирэ-Дэвлэ́скиро, и ё́нэ́ на латхэ́на лэ́с.” ¹³ Дро дова́ дывэ́с шука́р патывалэ́ тэрнэ́ чхая́ и зоралэ́ ты́рнэ́ мануша́ явэ́на тэ́ нашавэ́н зор смэ́гатыр, ¹⁴ савэ́ совлахана́ грэхоса́ Самария́скирэ́са, савэ́ ракирэ́на: “Тэ́ явэл́ джидо́ тыро́ дэвэл, Данё́!” И́ ишчо́ (инкэ́): “Тэ́ явэл́ дром цэ́ло кэ́ Вирса́вия!” Ё́нэ́ пэ́рэна́ и ниéкхвар на́ уштэ́на нэ́вэ́стыр!

Шэро́ 9

Хасибэ́н пэ́ Израилё́

¹ Мэ́ дыкхцём Ра́с-Дэвлэ́с, Саво́ сыс тэ́рдó пашы́л алта́рэ, и пхэндя́ Ё́в: “Пэ́кав пир вударэ́скиро бэ́ранд (стойка), соб (кай) тэ́ трински́рэнпэ́ про́ги тэ́л сты́лбы, и розмар лэ́н пэ́ шэ́рэ́ лэ́нгирэ́ са́рэнгирэ́. Мэ́ муляки́рава ко́долэ́н, савэ́ ячэ́напэ́ лэ́ндыр курталáса: ниéкх на́ нашэ́ла лэ́ндыр, кон пра́стала́ кри́г; и ко́дова́, кон кэ́дэлапэ́, на́ зракхэ́лапэ́. ² На́ дыкхы́ пэ́ дова́, со́ ё́нэ́ гана́вэ́напэ́ дро́ лóно (адо́), одотхы́р Мирó васт вы́тырдэ́ла лэ́н. И́ тэ́ рэ́сэн ё́нэ́ пэ́ болы́бэ́н, и одотхы́р яна́ва Мэ́ лэ́н тэ́лэ́. ³ И́ тэ́ гара́дён ё́нэ́ ко́корэ́ пэ́ Карми́лоскиро́ вучипэ́н, одотхы́р Мэ́ выро́дава лэ́н и лава́ лэ́н. Мэ́к ё́нэ́ и тэ́ гара́дён Мирэ́ якхэ́ндыр пэ́ дугно́ (дно́) морё́скиро (дэ́рьявэ́скиро), и одотхы́р при́пхэ́нава Мэ́ са́пэ́скэ́ и ё́в данды́рэла лэ́н. ⁴ И́ тэ́ джа́н ё́нэ́ дро́ плéно́ анги́л лэ́нгирэ́ вэ́ргэ́ндэ́, и одотхы́р при́пхэ́нава Мэ́ куртала́кэ́ и тэ́ пэ́кавэ́н лэ́н. Мэ́ ява́ва тэ́ ри́кирав Мирэ́ якхá́ пэ́ лэ́ндэ́ ваш би́ба́хт, а́ на́ ваш ла́чхипэ́н.” ⁵ И́ Рай Дэвэл, я́нголэ́нгирэ́-болы́бна́скиро Дэвэл, исын́ Кодова́, Кон чила́вэ́ла пхув и ё́й била́дэ́ла, и са́рэ́, кон дживэ́ла пэ́ ла́тэ́, явэ́на зоралэ́с тэ́ ровэ́н; са́ри пхув газдэ́лапэ́ сыр шувлы́пэн сы́рбы рэ́ка (лэ́нь)(Нило́), и ё́й мэ́кэлапэ́ тэ́лэ́ екхаты́р сы́рбы рэ́ка (лэ́нь) Египто́скири, ⁶ дава́ исын́ Ё́в, Кон кэ́рдя́ Пэ́скирэ́ упрату́нэ́ ко́мору пэ́ болы́бэ́н, и Кон за́чхудя́ болы́бна́скиро́ свóдо́ упрáл пир пхув; Кон при́кхарэ́ла паня́ морё́скирэ́ (дэ́рьявэ́скирэ́), и вы́чхувэ́ла лэ́н пир са́ри пхув: Рай Дэвэл исын́ Лэ́скиро́ лав. ⁷ “Ци на́ ка́дасавэ́ – са́ма тумэ́ сан, чхавэ́ Израилё́скирэ́, сыр чхавэ́ Э́фиопи́енгирэ́?”, – ракирэ́ла Рай Дэвэл. “Ци дава́ на́ Мэ́ я́ндём Израилё́ Египто́скирэ́ пхувья́тыр, и Фили́стимля́нэ́н Ка́фторо́стыр, и Си́рия́нэ́н ^[1] Ки́росто́ыр? ⁸ Акэ́, якхá́ (Мирэ́) Ра́скирэ́-Дэвлэ́скирэ́ дыкхэ́на пэ́ грэхы́тко кра́липэ́н, и Мэ́ хася́ки́рава лэ́с са́рэ́са пхувья́тыр, нэ́ Мэ́ са́рэ́са на́ хася́ки́рава кхэ́р Яковоски́ро”, – ракирэ́ла Рай Дэвэл. ⁹ “Пал-дова́ со́ Мэ́ при́пхэ́нава, и Мэ́ росчху́вава манушэ́н Израилё́скирэ́ кхэ́рэ́стыр, машкы́р са́рэ́ на́цыи́ сы́рбы гив́ росчху́вэ́лапэ́ дро́ поризэ́н (рошо́то); нэ́ и са́мо ты́кнэ́ды́р зы́рка на́ пэ́рэла́ пэ́ пхув. ¹⁰ Са́рэ́ грэхы́тка́ Мирэ́

манушэндэр мэрэна курталатыр, савэ ракирэна: ‘Бари бйда на дорэсэла амэн и на пирилэла амэн.’

Израилё Явэла Нэвэстыр газдынó Руинэндэр

¹¹ Дро дова дывэс Мэ нэвэстыр газдава шатра Давидоскири, со пыя. И Мэ закэрава пхагирдэ штэты, и Мэ чхувава нэвэстыр сарó дрэ латэ, сыр сыс дрэ гаратунэ дывэсá; ¹² соб (кай) манушá Израилёскирэ тэ закэдэн дова, со ячэлапэ Едомостыр, и сарэ Наюдýтка нáции, савэ кхарэна Миро лав”, – ракирэла Рай Дэвэл, Савó кэрэла сарó дава. ¹³ “Акэ, явэна дывэсá”, – ракирэла Рай Дэвэл, – кэли мануш, кон пахинэла пхув, пирилэла манушэс, кон счхинэла гивá, и мануш, кон штакирэла винаградо, пирилэла кодолэс, кон чхувэла дрэ пхув зýрки; соко (хум) (гудлы мол) явэла тэ тхадэл бэргэндэр, и тэ чхувэлпэ тэлэ бэргицэндэр. ¹⁴ И Мэ янава палэ Мирé манушэн Израилёскирэн пленóстыр, и ёнэ обчхувэна кхэрэнца чхучэ (пуста) фóрья, и ёнэ явэна тэ дживэн дрэ лэндэ, и ёнэ чхувэна дрэ пхув винаградытка (дракхитка) барья, и ёнэ явэна тэ пьен мол (вино) лэндэр; и ёнэ чхувэна унты (сады), и ёнэ явэна тэ хан лэнгирэ пхабá. ¹⁵ И Мэ обчхувава лэнгиро джиибэн пэ лэнгири пхув, и бутýр никон на выкушэла лэн пхувýтыр, сави Мэ дыём лэнгэ” – ракирэла Рай Дэвэл, тумарó Дэвэл.

9:7 ^[1] Дрэ Руситко Библия пхэнэлапэ ‘Арамляни’

Авдиёскири Лылварí

Шэрó 1

Сэндо, со Явэла пэ Эдóмо

¹ Дыххибэн Авдиёскиро. Адыкэ ракирэла Рай Дэвэл пал Эдóмо: амэ шундым звесь (зан) Мирé бичхаибнаскирэ манушэстыр, савэс Мэ, Рай Дэвэл, бичхадём машкёр нáции тэ пхэнэл: “Уштэн, явэн тэ газдаспэ пэ марибэн проти лэстэ.” ² Акэ, Мэ кэрдём адыкэ, со ту яцýн тыкнó рóдо машкёр нáции; ту явэса дрэ бари напатыв. ³ Тырó пхутькирдо илó хохадя тут, кон дживэла машкёр шчэли пэ бэрги, конэскиро кхэр исын вучó; ту, савó ракирэла дро пэскиро илó: ‘Кон счхурдэла тэлэ ман?’ ⁴ На дыкхи пэ дова, со ту газдэса пэс сыр óрло (кíдо), и со ту кэрэса пэскиро гнýзда (кúфо) машкёр чэргэня, нэ и одотхёр Мэ чхурдава тэлэ тут”, – ракирэла Рай Дэвэл. ⁵ “Кóли явэнас чора кэ ту, ци розмарибнаскирэ чора раты, – со адыкэ зоралэс обчордэ тут. Ци на лэнас ёнэ фóни (тóка) адакицы, кицы лэнгэ трэиндý? Кóли явэнас винаградонэ-кэдыбнаскирэ (сборшчыки), со ж ёнэ на мэкэнас тýкэ вари-кицы мурины? ⁶ Сыр кэ Исáво ^[1] сарó сыс пириродыно? Сыр сарэ лэскирэ чораханэ штэты пиридыкхнэ! ⁷ Сарэ тырэ други (малá) пир доракирибэн (союзó) традэна тут аж кэ кустыка (границы); а манушá, кон сыс дро рамáнэ (миро) тýса, хохавэна тут, и ёнэ лэна упралыпэн проти тýtэ; кодолэ, савэ ханэ тырэ марó, чхувэна фэлы пэ тýtэ”, – никон на галёла дава. ⁸ “Дро дова дывэс явэла адыкэ, – ракирэла Рай-Дэвэл, – со Мэ хасякирэва и годэ манушэн Эдомостыр, и барэ годярьен Исавóскирэ бэргатыр. ⁹ И тырэ зоралэ муршá, о Фемáне, пхадэна дро дýхо, со кэ екх, нэ кажно (свáко) мануш, кон исын Исавóскирэ бэргэндэр, хасёла – мулякирэна лэс.

Едомоскиро Барó Грэхó

¹⁰ Пал-дова со ту сáнас нахрато кэ тырó пшал Яково, ладжаипэн учхакирэла тут, и ту хасёса пэ сарэ вéки. ¹¹ Дро дова дывэс, со ту сáнас тэрдó пэ явёр риг, дро дова дывэс, кэли чýжа

манушá лыджáнас дро плéно Яковóскирэ зоралé халадэн, сыр явирé-пхувитка манушá гинé андрé лэскирэ пóрты, и чхурдэнас жрéбиё пал Ерусалимо, и ту сáнас екх лэндыр. ¹² Нэ тукэ на трéиндя тэ дыкхэс холямэс палáл пал тырé пшалéстэ дро дывэс, сыр лэнас лэс лэскирэ пхувьятыр; и тэ на радынэспэ хасибнастыр Юдáскирэ-чхаворэнгирэндыр, и тэ на откэрэс бу'глэс муй сабнаса дро доvá бибахталó дывэс. ¹³ Тукэ на трéиндя тэ джас андрé пóрта (враты) дро доvá дывэс, кéли бари бибáхт пый пэ Мирé манушэндэ. Чачэс, на трéиндя тукэ тэ дыкхэс холямэс палáл пэ лэнгирé мэньки, ци тэ причхувэс вастá кэ лэнгиро миштыпэн, сыр сыс бари бída лэндэ. ¹⁴ Тукэ на трéиндя тэ тырдэс пэ трушулытка дромá (перекрёстки), соб (кай) тэ замарэс (тэ мулякирэс) кодолэн, савé нашэнас; и тэ на выдэс кодолэн, савé ячнэпэ, сыр сыс бари дар лэнгэ. ¹⁵ Пал-довá со сыг явэла Дывэс Рáскирэ-Дэвлэскиро пэ сарé Наюдýтка нáцыи: сыр ту кэрдýн, адýкэ и тукэ явэла кэрдó; тырé рэндý рисёна пэ тырó шэрó. ¹⁶ Пал-довá со сыр тумэ пинэ пэ Мирí свéнто бэрга, адýкэ-паць и сарé Наюдýтка нáцыи явэна ўсáды (сак) тэ пьен; ёнэ явэна тэ пьен, и тэ наххавэн (тэ глытынэн), и лэн хасякирэна сýрбы на сыс лэн.

Израилёскири Зберда (Победа)

¹⁷ Нэ пэ бэрга Сионóскири манушá зракхэнапэ, и ёй явэла свéнто штéто. Кхэр Яковóскиро лэла пэскэ лэнгиро мэкнó миштыпэн. ¹⁸ Манушá Яковóскирэ явэна сыр яг, а манушá Ёзáскирэ явэна сыр бари яг, нэ манушá Исавóскирэ явэна сыр пхус: лэн подхачкирэна и схана ягáса, и ниéкх на пиридживэла, соб (кай) тэ ячэлпэ Исавóскирэ кхэрэстыр,” – пал-довá со давá пхэндý Рай Дэвэл. ¹⁹ И манушá паш-дывэсытконé (южнóнэ) ригáтыр лэна пэскэ бэрги Исавóскирэ, и манушá пэ дóло лэна пэскэ Филистимия, и фэлды Ефраимоскирэ и Самариякирэ. Э манушá Веньяминоскирэ лэна пэскэ Галаáдо. ²⁰ И халадэ Израилёскирэ чхавэндыр, савé сыс дро плéно, явэна тэ лэн пэскэ Ханаанóскири пхув аж кэ Сарепта, а манушá Израилёскирэ, савé исын дро плéно дро Сефарáдо, явэна тэ лэн пэскэ фóрья пэ паш-дывэсытко (южно) риг. ²¹ И явэна зракхибнаскирэ пэ бэрга Сиóно тэ сэндякирэн бэрга Исавоскири, и явэла кралипэн Рáскирэ-Дэвлэскиро.”

1:6 ^[1] Ада́й ‘Иса́во сыкавэ́ла адýкэ-паць лав ‘Эдо́мо’;

Ионаскири (Ёнаскири) Лылварí

Шэрó 1

¹ И, акэ, явдý лав Рáскирэ-Дэвлэскиро Ёнаскэ (Ионаскэ), чхавэскэ Амафиёскирэскэ ^[1], пхэни: ² “Ушты, джá кэ Ниневия, давá барó фóро, и ráкир зоралéс проти лэстэ: пал-довá со далé фóрóскирэ-манушэнгирé злыднитка рэндý (фуй дéлы) явнó ангíл Мáндэ.” ³ И Ёна уштыя, соб (кай) тэ нашэл кэ Фарсисо Рáстыр-Дэвлэстыр (сыр Лэскиро прорóко). Ёна гия тэлé кэ Иопия, плэскирдý ловé пал пáрма (кораблé), бэспý пэ латэ, и традýя лэнца кэ Фарсисо, соб (кай) тэ нашэл Рáскирэ-Дэвлэскирэ якхэндыр.

Штормо пэ Мóрэ (дэрьяв)

⁴ Нэ о Рай Дэвэл бичхадý бари балвáл пэ мóрэ (дэрьяв), и одóй яцý зоралó штормо пир мóрэ (дэрьяв) адýкэ, со сыс бицялó, со пáрма пхадéла. ⁵ И матросы дарáндынэ, и кажно (свáко) мануш дýя гóдла кэ пэскиро дэвлоро. И ёнэ чхурдынó гпхарипэн (грузо), со сыс пэ пáрма, дро мóрэ (дэрьяв), соб (кай) тэ явэл локхэдýр пáрма. Нэ о Ёна (Иона) гия тэлé дро тэлатуно штéто пэ пáрма, пасия́ и сыг сыс сутó. ⁶ И о барыдырó подгýя кэ ёв, и пхэндý лэскэ: “Со давá значынéла, соибнаскиро? Ушты, кхар тырé Дэвлэс; хай Тырó Дэвэл пририпирéла пал

амэндэ, соб (кай) амэнгэ тэ на хасёвас.” ⁷ И пхэндлэ ёнэ екх екхэскэ: “Явэн, чхурдаса жрёбиё, соб (кай) амэ сашты тэ джинас, пир конэстэ дава пхарипэн пыя пэ амэндэ?” И гада, ёнэ чхурдынэ жрёбиё, и кокалко сыкадя пэ Ёнастэ.

⁸ Тэньци ёнэ пхэндлэ лэскэ: “Амэ мангаса тут, пхэн амэнгэ! Пир конэстэ дава пхарипэн пыя пэ амэндэ? Саво исын рэндо тутэ? Катыр ту сан? Савэ тхэмэстыр ту сан? Савэ манушёндыр ту сан?” ⁹ И отпхэндя ёв лэнгэ: “Мэ сом Юдо; и мэ дарава Растыр-Дэвлэстыр; Дэвлэстыр болыбнаскирэстыр, Кон создыя мórё (дэрьяв) и пхув шуки.”

Ёнас Чхурдэна дро Мórё (дэрьяв)

¹⁰ Тэньци мануша страхэдынэ барэ трашаса, и пхэндлэ лэскэ: “Соскэ дава ту кэрдян?” Пал-дова со адалэ мануша джиндлэ, со ёв насця Раскирэ-Дэвлэскирэ якхэндэр, сыр ёв ужэ респхэндя лэнгэ. ¹¹ Тэньци ёнэ пхэндлэ лэскэ: “Со трэй тэ кэрэс амэнгэ туса, соб (кай) мórё (дэрьяв) тэ штылёл ваш амэнгэ?”, – пал-дова со мórё (дэрьяв) уса газдэлэспэ вучэдыр штормостыр. ¹² И ёв пхэндя лэнгэ: “Лэн тэ газдэн ман упрэ, и чхурдэн ман дро мórё (дэрьяв); тэды мórё (дэрьяв) явэла штыл ваш тумэнгэ. Пал-дова со, мэ джином, со дава штормо яця пир мандэ.” ¹³ На дыкхы пэ дова, со мануша гребиндлэ зоралэс, соб (кай) тэ янэл парма кэ пхув, нэ ёнэ на дынэ рада, пал-дова со мórё (дэрьяв) дурэдыр газдэлапэ штормоса пэ лэндэ. ¹⁴ Палдава ёнэ дынэ гóдла тэ помогинэл кэ Рай Дэвэл, и пхэндлэ: “Амэ мангасапэ, о Раё Дэвла, амэ мангаса древан, соб (кай) тэ на хасёвас пал дава манушэскиро джибэн, и соб (кай) тэ на загинэн банг амэнгэ пал дава рат бибангипнаскиро: пал-дова со Ту, Рай Дэвэл, кэрдян адякэ, сыр Тукэ исын куч” ¹⁵ И ёнэ газдынэ Ёнас и чхурдынэ лэс дро мórё (дэрьяв), и мórё (дэрьяв) яця штыл Лэскирэ барэ холятыр. ¹⁶ Тэньци мануша страхэдынэ Растыр-Дэвлэстыр барэ дараса, и ёнэ яндлэ свэнто дыибэн Раскэ-Дэвлэскэ и ёнэ совлахадэ.

1:1 ^[1] Дро Юдытко оригинало “Амиттой”

Шэрó 2

Ёнаскиро Мангипэн и Выракхибэн

¹ Гада, о Рай Дэвэл выкэдыя барэ мачхэс (китос), соб (кай) ёв тэ накхавэл (тэ проглынинэл) Ёнас. И Ёна сыс дро пэр китоскиро трин дывэса и трин ратя. ² Тэньци мангдяпэ о Ёна Раскэ-Дэвлэскэ, лэскирэ Дэвлэскэ китоскирэ пэрэстыр. ³ И пхэндя ёв: “Мэ дыём гóдла тэ помогинэл кэ Рай Дэвэл, сыр притасадэ ман, и Ёв отпхэндя мангэ. Мэ дыём гóдла тэ помогинэл самонэ хорипнастыр тэл пхув, и Ту шундян мирí зан (глос). ⁴ Пал-дова со Ту чхурдыян ман дро хорипэн пэ само морёскиро (дэрьявэскиро) илó. И панингá обчхудэ ман трусцял; и тырэ барэ панингá, со кунинэнапэ, и валны прогинэ пирдал мандэ.” ⁵ Тэньци мэ пхэндём: “Ман вычхурдынэ Тырэ якхэндэр, нэ мэ нэвэстыр явава тэ дыкхав пэ Тыри Свэнто Кхангири. ⁶ Паня обчхудэ трусцял ман, аж кэ миро ди; бидугноскиро хорипэн (бездна) учхакирдя ман; морёскирэ (дэрьявэскирэ) чарья закхудэпэ трусцял миро шэрó. ⁷ Мэ догийём кэ бэргэнгино дугно (дно): пхув пэскирэ штабэнца закэрдяпэ пал мандэ; нэ Ту, Раё Дэвла, миро Дэвла, лыджиян джидэс миро ди яври люностыр (адостыр). ⁸ Кэли миро ди замыя дро мандэ, мэ пририпирдём Рас-Дэвлэс, и миро мангипэн гия упрэ кэ Ту, дрэ Тыри Свэнто Кхангири. ⁹ Кодолэ, кон кэрэла патыв идолэнгэ, савэ нисó на мол, ячкирдэ Тут, Кон дэла бахталыпэн. ¹⁰ Нэ Мэ янава свэнто дыибэн Тукэ мирé заняса тэ парикирав тукэ; Мэ кэрава дова, со Мэ совлахадём. Зракхибэн исын Растыр-Дэвлэстыр.” ¹¹ И припхэндя Рай Дэвэл китоскэ, и ёв вычадыя Ёнас пэ шуки пхув.

Шэрó 3

Ёна Пхэнзла Дэвлэскиро Лав Дрэ Ниневия

¹ И, акэ, явдя лав Рáскирэ-Дэвлэскиро явир мóло, пхэни: ² ‘Ушты, джá кэ Ниневия, дрéвáн (збит) барó фóро, и пхэн зоралэс Дэвлэскиро лав адякэ, сыр Мэ припхэнава тукэ.’ ³ И уштыя Ёна, и гия кэ Ниневия пир лав Рáскирэ-Дэвлэскиро. Джинэн, со Ниневия сыс коптарам ^[1] барó фóро Дэвлэстэ, трéиндя трин дывэсá тэ обджас лэс. ⁴ И лыя Ёна тэ псирэл пир фóро пэ пэрво дывэс, и ёв миштопхэнэлас. Ёв дыя гóдла и пхэндя зоралэс: “Ишчо штардэшá дывэсá, и Ниневия пхагирэна кэ руины!”

Манушá Ниневиятыр Рисёна кэ Дэвэл

⁵ И э манушá Ниневиятыр патяндынó Дэвлэскэ, и ёнэ пхэндлэ сарэнгэ (обзаныкирдэ) пал посто, и чхудэ пэ пэстэ жалобна балытка гонэ, най барэдырэстыр кэ най тыкнэдыр мануш лэндыр. ⁶ Тэньци догия лав кэ крáli Ниневиякиро, и ёв уштыя лэскирэ троностыр, и чхудя дрэ риг пэскиро урибэн, чхакирдэ пэс жалобнонэ-балытконэ гонэса и бэсця дрэ прáска (пепло). ⁷ И о крáli кэрдя адякэ, со дая звесь (зан) пхэндлэ ангил сарэндэ и о крáli и лэскирэ барэ рая выдынэ припхэныбнытко статúто, пхэни: “Мэк ниéкх ни мануш, ни мурдál, ни гурто, ни стада, тэ на хан ничы; на домэкэн, соб (кай) ёнэ тэ хан, тэ пьен пани. ⁸ Нэ мэк манушá и мурдалá тэ учхакирэн пэс жалобнонэ балытконэ гонэса, и тэ прикхарэн зоралэс Дэвлэс; адякэ, соб (кай) кажно лэндыр тэ рисёл пэскирэ бибахталэ дромэстыр и нахратыматыр (насилиястыр), со кэрдэ лэскирэ вастá. ⁹ Кон сашты тэ пхэнэл, ци рисёла кэ Дэвэл, и ци пожалинэла (тангинэла), и ци, мо (хай), рискирэла дрэ риг Лэскири бари холы адякэ, соб (кай) амэнгэ тэ на хасёвас.” ¹⁰ Тэньци Дэвэл дыкхця лэнгирэ бутя, со ёнэ рисинэ криг лэнгирэ бибахталэ дромэндыр, и Дэвэл потангиндя (пожалиндя) пал бари бибáхт, со Ёв пхэндя тэ янэл пэ лэндэ, и ёв на яндя пэ лэндэ.

3:3 ^[1] коптарам – дрéвáн барó, пирдál мéра

Шэрó 4

Ёнаскири Холы и Дэвлэскиро Лачхипэн

¹ Нэ Енаскиро илó зоралэс пхадия далэстыр, и ёв холясыя. ² И ёв мангдяпэ Рáскэ-Дэвлэскэ и пхэндя ёв: “О Раё Дэвла! Сарó дава на пир мирé лава, со мэ пхэндём, кели мэ ишчо (инкэ) сóмас пэ пэскири пхув? Палдава мэ и насцём вагэдыр (гарэдыр) кэ Фарсисо: пал-дова со мэ на джиндём, со Ту сан лачхэ-дескиро Дэвэл, Савó сыкавэла ласка, Савó лэнтэс холясóла и кэрэла бут-бут лачхипэн, Кон жалинэла тэ кэрэл бэдыпэн. ³ Палдова аканá, Раё Дэвла, лэ, мэ зоралэс мангáва Тут, миро джибэн мандыр, пал-дова со фэдýр исын ваш мánгэ тэ мэрав, сыр тэ дживáв.” ⁴ Тэды Рай Дэвэл пхэндя: “Наушто дава исын мишто ваш тукэ тэ холясос?” ⁵ И гия криг Ёна фóростыр и бэсця пэ востокитко риг пэ фóро, и одой ёв кэрдя пэскэ буда (кушча) и бэсця тэл лэстэ дрэ зэр (засенка), соб (кай) тэ дыкхэл, со явэла фóроса. ⁶ И Рай Дэвэл барьякирдя хрúсто и кэрдя адякэ, со ёв газдыяпэ упрэдыр Ёнастыр адякэ, соб (кай) ёв тэ могоинэл (тэ саштынэлас) тэ дэл зэр (засенка) пэ лэскиро шэрó тэ раххэл лэс лэскирэ пхарипнастыр.” И Ёна дрéвáн яця радо далэ хрúстостыр. ⁷ Пэ явир дывэс пэ злóко, о Дэвэл создый кирмэс, и ёв подчхиндя хрúсто, и хрúсто зашутия. ⁸ И сыс адякэ: сыр кхам газдыяпэ, о Дэвэл яндя хачкирды балвэл востокóстыр: и кхам лыя тэ пэкэл пэ шэрó Ёнаскиро адякэ, со лэскиро илó замыя. Тэньци ёв закамдя мулыпэн пэ пэстэ, и пхэндя ёв: ‘Фэдýр исын ваш мánгэ тэ мэрав, сыр тэ дживáв’. ⁹ Тэньци Дэвэл пхэндя Ёнаскэ: “Наушто дава исын мишто

ваш тукэ тэ холясос пэ хрúсто аж кэ мэрибэн!” О Ёна отпхэндя: “Мэ миштэс кэрава, со холясыём аж кэ мэрибэн.” ¹⁰ И пхэндя Рай Дэвэл: “Ту тангиндян (пожалиндян) хрúсто, пашыл саво ту на кэрэсас пхарі буты, и ту на барьякирдян лэс. Ёв сыкадыя цэло пал рат, и зашутя дро явир рат. ¹¹ И сыр дава мангэ трэиндя тэ на тангинав Ниневия, кадасаво баро форо, дрэ саво бутыр сыр шэл тэ биш тысёнцы мануша, саво нашты тэ пхэнэн, кай исын лэндэ чачо, и лэнгиро зэрво (лёво) васт, и адякэ-паць бутыпэн (множество) кхэритконэ-мурдалэнгиро (скотэнгиро).”

Михеёскири Лылварі

Шэро 1

¹ Акэ, сыс лав Рáскирэ-Дэвлэскиро, саво явдя Михеёскэ Морасфеёстыр дрэ долэ дывэса, кэли сыс трин крálья Юдэякирэ: Иофáмо, Ахáзо и Езэкíя. Давá лав Дэвэл сыкадыя лэскэ дрэ сунэ, со явэла Самарияса и Ерусалимоса.

Сэндо, со Явэла пэ Израилё

² ‘Шунэн, сарé манушытка нáцыи (народы), пхув и сарó, со исын пэ латэ! Мэк тэ явэл Рай Дэвэл сыр якхитко (свидетелё) проти тумэндэ, о Рай Дэвэл Лэскирэ свэнтонэ Кхангирыятыр. ³ Дыкхэн! Акэ, Рай Дэвэл выджáла Лэскирэ штэтóстыр; Ёв джáла тэлэ, и Ёв явэла тэ штавэл (тэ тэрдэл) пир вучэ штэты пэ пхув. ⁴ Бэрги явэна тэ билавэн тэл Лэстэ, и доли явэна тэ пхарадён, сýрбы мом ангíл яг, сýрбы паня, со чхувэнапэ крутыматыр (вучипнастыр). ⁵ Сарó дава пал Яковóскиро чорипэн, и пал грэхí, со кэрдя кхэр Израилёскиро. Саво исын чорипэн Яковóскиро? Ци дава на пал Самáрия? Савэ далэ исын вучэ штэты дрэ Юдэя? Ци дава сарó исын на Ерусалимóстыр? ⁶ “Палдава Мэ кэрава Самариятыр груда руинэндыр пэ фэлда, – штэто, соб (кай) тэ почхувэн винаградо: Мэ вычхурдава лáкирэ барá пэ доло, и Мэ отчхакирава лáкирэ фундаменты. ⁷ Сарé лáкирэ вычхиндлэ муя явэна пхагирдэ пэ котэра (куски), и сарé лáкирэ дáры, сыр биладжакунэ джувлякирэ, явэна хачкирдэ ягáса. Мэ хасякирава сарé лáкирэ íдолы, пал-довá со ёй (Самáрия) кэрдя лэн пал дáры, со дэнапэ биладжакунэ джувлякэ, и кадалэ дáры рисёна ваш дáры явирэ биладжакунэ джувлякэ.”

Михеё Тугинэла Зоралэс пал Израилё и Юдэя

⁸ Палдава мэ, Михеё, явава тэ обровав и тэ тугинав ясвэнца, мэ джáва обрискирдо и нанго; Мэ явава и тэ выинав сыр шакалы, и тэ тугинав ровибнаса сыр страусы. ⁹ Пал-довá со Самариякирэ фрáнсы (раны) исын насастякирибнытка, пал-довá со ёнэ догинэ кэ Юдэя; ёнэ догинэ кэ пóрта мирé манушэнгири, кэ Ерусалимо. ¹⁰ На пхэнэн дава дрэ Гефо, на ровэн зоралэс одóй, нэ учхакирэн пэс прахоса дро форицо Офра. ¹¹ Джáн тэ дживэн пэ явир штэто, кон дживэла кэ Шафиро, нангэ кэ ладж; на нашэла, кон дживэла кэ Цаано (Цаанано), Эцэль (Бэт-Эцэль) тугинэла зоралэс; дава ровибэн на мэкэла тумэн тэ тэрдэл дрэ лэстэ. ¹² Кон дживэла кэ Марофа (Марат), занасвалынэ пал лачхипэн, нэ бибáхт явдя тэлэ Рáстыр-Дэвлэстыр кэ пóрта Ерусалимóскири. ¹³ Кон дживэла кэ Лахисо, дэ андрé гэнштэн дро вурдэн марибнытко; пал-довá со чорипэн Израилёскиро латхнэ дрэ тýtэ. ¹⁴ Палдава ту явэса тэ дэс почастýнки (дáры) кэ Морешэф-Геф: нэ кхэрá дро Ахзиво явэна хоханэс тэ притырден крálьён Израилёстыр. ¹⁵ Нэ Мэ янава миштыпэн-прилыбнаскирэс (наследникос) кэ ту, манушние Морешоскири; и барипэн Израилёскиро пириджала кэ Одоламо. ¹⁶ Кэр пэскэ плешка [злэ пэстыр балá-р.с.] и обчхин пэскирэ балá, кэли илó тырó явэла тэ дукхал пал дрогонэ чхавэндэ тырэндэ. Барьякир пэскири плешка сýрбы óрло (кíдо), пал-довá со ёнэ джáна дро плéно тýтыр.

1:11 ^[1] Явир пирил: лакиро штэто тэ ячэлпэ тумэнгэ лынэ криг тумэндыр.

Шэро 2

Бида пэ Бибахталэ Манушэндэ

¹ Бида пэ одолэндэ, савэ придуминэна чорипэн и савэ выдуминэна бибахт пэ пэскирэ чхуибэна! Пэ злэко, кэли дывэсёла, ёнэ кэрэна дова, пал-дова со саро дава исын дро лэнгиро васт. ² Ёнэ исын галка (скэмпэ) кэ фэлды, и ёнэ лэна лэн зорьяса. Ёнэ исын галка кэ кхэра, и ёнэ откэдэна лэн манушэндыр. И ёнэ притасавэна (обкэдэна) манушэс и лэскиро кхэр, и манушэс кокорэс, и лэскиро мэкно миштышэн. ³ Палдава адякэ ракирэла Рай Дэвэл: “Акэ, Мэ придуминава кадасави бибахт проти кадая сэм’я (ирі), со тумэ на могинэна (на саштынэна) тэ дурьякирэн (тэ злэн) далэ бибахтыр тумарэ мэня; и тумэ на явэна тэ задэнпэ, (тэ псирэн мамуй); пал-дова со дава часо исын бибахтало. ⁴ Дро дова дывэс мануша явэна тэ ракирэн притча пал тумэндэ, и ёнэ явэна тэ ракирэн зоралэс киркэ ясвэнца, и тэ пхэнэн: ‘Амэ хасиям сарэса, о Дэвэл парудя амарі доля [отдыя явирэнгэ-р.с.]: сыр тэ рисёл амарі доля? Ёв роскэрдя амарэ фэлды машкір амарэ вэргэндэ.’” ⁵ Палдава тумэндэ на явэла ниэкх мануш, соб (кай) тэ чхурдэл жрэбиё и тэ обмеринэл шэлэса тумарэ мэжы пэ скэдыибэн ангил Растэ-Дэвлэстэ.

Хоханэ Пророки

⁶ “На ангилпхэнэн, пророки, – тумэ ракирэна кодолэнгэ, савэ ангилпхэнэна, на ангилпхэнэн лэнгэ, соб (кай) ладжаипэн тэ на ячэлпэ [тэ на латхэл тумэн-р.с.]. ⁷ Тумэ, савэ кхарэнапэ кхэр Яковоскиро: ‘Ци Раскирэ-Дэвлэскиро Дүхо тыкныя? Ци саро дава чорипэн лэстыр? Ци на кэрэна лачхипэн Лэскирэ лавэ кодолэскэ, савэ дживэла дэвлыткэс [кон кэрэла чачунэс-р.с.]?’” ⁸ “На’гара тумэ, кон сáнас Мирэ мануша, газдынэпэ сыр вэрги проти Мандэ – тумэ злэна зорьяса упратуно урибэн и тэлатуны идя манушэндыр, савэ джана пашыл бидаракирэс, савэ рисэна марибнастыр. ⁹ Тумэ традэна яврі джувлэн Мирэ манушэнгирэн лэнгирэ екхорэ кхэрэндыр, савэ исын лэнгэ пир ило, тумэ откэдэна лэнгирэ чхаворэндыр бахталышэн Мирэ. ¹⁰ Уштэн и джэн адатхыр; пал-дова со адай тумэ на откхинэна. Кадава штэто исын магирдо, и хасякирэла тумэн, и дава хасякирибэн явэла кэ концо (кэ ягоро). ¹¹ Кóли тэ явэл балвалитко мануш, и тэ пхэнэл хохайбэн кадасавэ лавэнца: ‘Мэ явава тэ ангилпхэнав пал мол (вино) и пал зоралó пибэн (сикера), аж и ёв явэлас куч пророко ваш кодолэ манушэнгэ.

Израилё Нэвэстыр Явэла Зоралó

¹² Нэ Мэ, чачэс, кэдава кхэтанэ сарэн тумэн, о Яково, Мэ чачипнаса скэдава ячкирдэ манушэн Израилэскирэн; Мэ чхувáва кхэтанэ (кхэтаниякирава) лэн сыр бакрэн дрэ Восора (Боцра) сýрбы стада машкір лэнгирэ чарытка фэлды: ёнэ явэна зоралэс тэ дэн гóдла, пал-дова со лэн адакицы бут мануша исын.” ¹³ Ангил лэндэ халадо пхагирэла ванты (сцяны): и ёнэ пхагирэна дова, со сыс пэ дром лэндэ, и ёнэ доджана кэ порта и джана пэскэ дурэдýр. Лэнгиро крáli явэла тэ джал ангил лэндэ, и Рай Дэвэл явэла ангил лэндэ.

Шэрó 3

Бибахталэ Барэ Раё и Прорóки

¹ И пхэндём мэ, (Михеё): “Шунэн аканá тумэ, шэралэ Яковóскирэ, и тумэ, тхагáрья Израилёскирэ кхэрэстыр: ци да на тумэнгэ трэй тэ джинэн чачипэн? ² Нэ тумэ сан манушá, кон бидыкхэла лачхипэн тэ кэрэл, нэ тумэнгэ исын пир илó бибáхт (чорипэн): тумэ, савé лучкирэна цыпа манушэндýр, и лэнгири лоч (джидэ масá) лэнгирэ кокалэндýр; ³ савé хана лоч (джидэ масá) мирé манушэндýр, савé лучкирэна цыпа лэндýр, и пхагирэна лэнгирэ кокалы, и чингирэна лэн пэ котэрá сыр мас ваш пирí, сыр лоч (джидэ масá) ваш какáви (котло).” ⁴ Тóньци ёнэ явэна тэ прикхарэн зоралэс Рас-Дэвлэс, нэ Ёв на отпхэнэла лэнгэ [на явэла тэ шунэл лэн-р.с.], и Ёв гаравэла пэскиро муй лэндýр пэ дова́ часо, пал дова́, со ёнэ кэрдэ бибахталэ рэндý. ⁵ Палдава́ адýкэ ракирэла Рай Дэвэл пал пророкэндэ, савé кэрдэ адýкэ: “Со мирé манушá дынэпэ дукхá; савé дандýрэнапэ и дэна гóдла: ‘Рамáнё.’ Нэ кон на дэла ничы лэнгэ дро муй, тэды ёнэ джáна марибнáса проти лэстэ: ⁶ Палдава́ явэла тумэнгэ рат замéст дыкхибэн, и явэла тумэнгэ цямлыпэн замéст дова́, соб (кай) тумэ тэ роспхэнэн сунé; кхам джáла тэлé пэ пророкэндэ, а дывэс ячéла цямло ваш лэнгэ.” ⁷ И магики (прозорливцы) явэна ладжакирдé, и драбакирибнаскирэ явэна обсандлэ (дылнякирдé); ёнэ чачипнáса пхандэна пэскирэ уштá; пал-дова́ со на явэла отпхэныбэн Дэвлэстыр. ⁸ Нэ мáндэ, Михаёстэ, исын пхэрдý зор, савí дыя Рай Дэвэл пир Свэ́нто Дýхо, чачипэн и зоралыпэн, соб (кай) мáнгэ тэ припхэнав (тэ сыкавав) Яковóскэ лэскиро чорипэн, и Израилёскэ лэскиро грéхо. ⁹ Аканá, шунэн дава́ тумэ, шэралалэ кхэрэстыр Яковоскирэстыр, и барыдыра́ тхэмэскирэ кхэрэстыр Израилёскирэстыр, савэнгэ исын джунгалó (бры́дко) чачипэн, и савé пиририскирэна патяибнýтко отлыджаибэн кэ чачипэн; ¹⁰ савé газдэна Сиóно пэ манушýтко рат и Ерусалимо пэ начачипэн: ¹¹ лэнгирэ шэралэ сэндинэна пал почастýнки (подарки), лэнгирэ рашая сыклякирэна пал плэскирибэн (покиныбэн), и лэнгирэ прорóки сыклякирэна пал ловэ, на дыкхí пэ дова́, со ёнэ рикирэнапэ Рáскэ-Дэвлэскэ и пхэнэна ёнэ: “Ци нанэ Рай Дэвэл машкир амэндэ? На явэла бибáхт (бýда) амэнгэ.” ¹² Пал тумэндэ палдава́ Сиóно явэла пхарадо сыр фéлда, и Ерусалимóстыр ячéлапэ бэргица руйны, а бэрга тэл Кхэрэскиро фунда́менто ячéлапэ сыр бэргица дро вэш.

Шэрó 4

Рай Дэвэл Явэла тэ Раинэл пэ Сиóно

¹ И явэла адýкэ дрé палатунé (последня) дывэсá, со бэрга Дэвлэскирэ Кхэрэстыр явэла чхудý пэ бэргэнгиро най вучэдýр штéто и ёй явэла вучэдýр сарé бэргицэндýр, и манушá явэна тэ джáн кэ ёй сыр рэки (лэня́). ² Бут náцыи явэна и пхэнэна: “Явэн, и, газдасапэ пэ Рáскирэ-Дэвлэскири бэрга, дро кхэр Яковóскирэ-Дэвлэскиро, соб (кай) Ёв тэ сыклякирэл амэн, сыр тэ дживáс пир Лэскиро, и соб (кай) амé тэ псирас пир Лэскирэ шпэры (сцежки).’ Пал-дова́ со Сионóстыр выджáла Закóно, и Ерусалимóстыр лав Рáскирэ-Дэвлэскиро.” ³ И явэла Ёв тэ сэндыкирэл бут манушýтка náцыи и сыкавэла Ёв банг зоралэ-нацыенгири, савé исын дур, ёнэ пирикэрэна курталы пэ плуги (пхара́дя), и лэнгирэ чхурдыбнýтка бустý (коп’и) пэ серпы (чхиндлэ); соб (кай) náцыя тэ на газдэл куртáла проти явíр náцыя, и соб (кай) ёнэ тэ на сыклён бутýр тэ марэ́нпэ. ⁴ Нэ ка́жно (свáко) мануш явэла тэ бэшэл тэл винаградýтко хрýсто и тэл лэскирэ-инжыритко кашт (дрéво), и никон на явэла тэ трашавэл лэн, пал-дова́ со янголэнгирэ-болыбнáскиро Рай Дэвэл дыя лав пал дава́. ⁵ Сарé манушá псирэна и мангэнапэ лавэса лэнгирэ дэвлорэндýр, нэ амé явáса тэ псирас, и мангаспэ Рáскирэ-Дэвлэскирэ лавэса, амарé Дэвлэскирэса пэ сарé véки.

Сионо Явэла тэ Бахталёл

⁶ “Дро дова́ дывэ́с”, – ракирэла Рай Дэвэл, – “Мэ кэдава кхэтанэ кодолэн, савэ исын лангалэ, и Мэ скэдава кодолэн, савэн лыджинэ дро плéно, и кодолэн, савэн Мэ притасадём (яндём бйда). ⁷ И Мэ кэрава лангалэндэр Мирó отячибэн, и Мэ кэрава одолэндэр, савэн традынэ дур, зоралы нацыя.” И явэла Рай Дэвэл тэ раинэл пэ бэрга Сионо, ададывэсатунэ дывэсэстыр и пэ сарэ véки.” ⁸ И ту, вучарды, (башня) соб (кай) тэ дыкхэн пал бакрэнгирэ стады, бэргица Сионоскирэ-чхакири, кэ ту явэла и рисёла палэ раипэн, саво сыс вагэдыр (англэдыр), кралипэн Сионоскирэ-чхакири. ⁹ Аканá сósкэ ту дэса гóдла зоралэс? Нау́што нанэ крáli машкíр тумэндэ? Ци со, хасия́ тырó юнкаро (годы́-дыибнаскиро)? Пал-дова́ со дукхá ухтылдэ тут сы́рбы джувля́, савьякэ трэй тэ биянэл. ¹⁰ Ячпэ дрэ дукхá, и крэнцынпэ пхарипнастыр, сы́рбы джувлы́, сави́ сыг биянэла, чхай Сионóскири, пал-дова́ со аканá тукэ трэй тэ джас криг форóстыр, и ту ячэсапэ тэ дживэс пэ фэлда, и ту доджаса кэ Вавилóно. Одóй зракхэна тут, одóй Рай Дэвэл выракхэла тут вастэстыр тырэ-вэргэнгирэндэр. ¹¹ Аканá бут náцыи скэдынэпэ проти тóтэ, савэ ракирэна: “Мэк ёй тэ явэл магирды, и мэк амарэ якхá тэ дыкхэн пэ Сионо.” ¹² Нэ ёнэ на джинэна, со думинэла Рай Дэвэл, и ёнэ на галёна, кели Ёв дэла лачхí годы́ лэнгэ, со Ёв кэдыя кхэтанэ лэн сыр гарбы (снопы) пэ гиваобкэрибнаскири шóрна. ¹³ “Газдэпэ и обкэр гив, о чхаё Сионóскири, пал-дова́ со Мэ кэрава тукэ са́струно шынг (ро́го), и Мэ кэрава тукэ харкунэ (медитка) на́я (копыты), и ту розмарэса пэ котэра́ бут манушы́тка náцыи,” и ту отдэса сыр обсвэнцындлэ лэнгиро дорэсыбэн Рáскэ-Дэвлэскэ, со ёнэ лынэ́ явирэндэр, и лэнгиро миштыпэн Барэ Рáскэ пир сарí пхув.”

Шэрó 5

¹ Аканá скэдэ кхэтанэ халадэн, э чхай халадэнгири, пал-дова́ со амэн обчхудэ трусцýл вэрги, и ёнэ пэкавэна Израилёскирэ сэндарис кхияса (тростяса) пир чхам (шчока).

Сыр Явэла Месия?

² “Нэ ту, Вифлеэмо-Ефрафэ! На дыкхí пэ дова́, со ту сыр фóро сан тыкно́ машкíр тысёнцы штэты пэ Юдаскири пхув, тóтыр явэла Мánгэ Одо́ва, Савэскэ трэй тэ явэл Барэ Рáса пэ Израилё; Савэскиро рóдо джáла гаратунэ англыпнастыр, вечнóнэ дывэсэндэр.” ³ Палдава́ Рай Дэвэл ячкирэла Израилё кэ/жýко дасаво часо, кели ёй, савьякэ трэй тэ биянэл, биянэла, тэды кодолэ Лэскирэ пшалэ, кон яцýпэ, рисёна палэ кэ Израилёскирэ чхавэ. ⁴ И Ёв тэрдэла и Ёв явэла тэ чаравэл Лэскирэ-бакрэнгири стада Рáскирэ-Дэвлэскирэ зоралыпнаса, лавэскирэ райканыпнаса Рáстыр-Дэвлэстыр, Лэскирэ Дэвлэстыр. И ёнэ ячэнапэ тэ дживэн би дарáкиро, пал-дова́ со Ёв явэла Барó пэ ягóры (пэ край) пхувья́кирэ. ⁵ И кадава́ Ману́ш янэла рамáнэ (миро). Кели о Асирия́кирэ халадэ́ явэна пэ да́я пхув, и кели ёнэ лóна тэ штавэн пир амарэ фэлатиня́, тóньчи амэ чхуваса ангил лэндэ эф́та́ чхупнарьен (пастырьен), и охтó тхагарьен (князьен) манушэнгирэн. ⁶ И ёнэ явэна тэ хулаинэн пэ Асирия́кири пхув курталáса и пхув Немвродоскири пашýл сáмо лэнгири пóрта; и Ёв, Месия, зракхэла амэн Асуроскирэ (Асирия́кирэ) халадэндэр, кели ёнэ явэна пэ амарí пхув, и кели ёнэ лóна тэ штавэн амарэ мэжы. ⁷ И отячибэн Яковóскирэ манушэндэр явэла машкíр бут манушы́тка náцыи сы́рбы пахлын (роса) Рáстыр-Дэвлэстыр, сы́рбы спорко брышы́нд пэ чар, савэ на явэна тэ ужакирэн манушэнгирэ (Адамоскирэ) чхавэн, савэнца на явэла тэ хулаинэл ману́ш. ⁸ И отячибэн Яковóскирэ манушэндэр явэла машкíр Наюды́тка náцыи, дро машкирал бутó-кхэрýтка рóды (плéми) сы́рбы шчэр (лéво) машкíр вэшы́тконэ мурдалэндэ (зверендэ), сы́рбы тэрно́ шчэр машкíр бакрэнгиро гурто; савó, кóли заджáла, то явэла тэ штакирэ́л гэрэнца пэ хасибэн, тэ роскушэл пэ котэра́, и никон на зракхэла лэстыр. ⁹ Тырó васт явэла газдынó пэ тырэ вэргэндэ, и сарэ тырэ вэрги хасёна. ¹⁰ “И явэла адя́кэ дро дова́ дывэ́с”, – ракирэла Рай Дэвэл, – “со Мэ хасякира́ва Тырэ́ грэн тырэн машкиралыпнастыр, и Мэ розмарава пэ котэра́ тырэ марибнýтка вурдэна́. ¹¹ И Мэ хасякира́ва фóрья пэ тумарí пхув, и Мэ равава кэ руйны́

сарэ тырэ зоралэ ванты (форты) (укреплении). ¹² Мэ хасякирава човаханыпэн тырэ вастэстыр, и тумэндэ на явэна бутыр джиныбнаскирэ/драбакирибнаскирэ пир чэргэня. ¹³ Мэ адякэ-паць хасякирава тырэ вычхиндлэ муя (истуканы), и тырэ вычхудэ образы тырэ машкиралыпнастыр: ту бутыр на явэса тэ бандякирэс шэрó тэлэ ангил долэ предметы, со тырэ васта кэрдэ. ¹⁴ Мэ вырискирава тырэ каштунэ муя тырэ вэшорэстыр, и Мэ розмарава пэ руйны тырэ фóрья. ¹⁵ И Мэ выпхэрдякирава тэ отдав фуипэн палэ холяса и холякирибнаса пэ Наюдýтка нáцыи, савэ на шундлэ Ман.’

Шэрó 6

¹ Шунэн аканá, со Рай Дэвэл ракирэла: “Тэрдэв пэ гэрá, обсэндякир тырó рэндо (дело) ангил бэрги, и мэк бэргицы тэ шунэн тырý зан. ² Шунэн, бэрги, пал со Рай Дэвэл сэндякирэла [жалинэлапэ-ю.о.], и шунэн тумэ, зоралэ-пхувьякирэ рикирибнытка (фундаменты), пал-довá со Растэ-Дэвлэстэ исын сэндо Лэскирэ манушэнца, и Ёв лыджáла рэндо проти Израилё.” ³ О Рай Дэвэл ракирэла: “О Мирé манушáл! Со Мэ кэрдём тумэнгэ? И сыр дава́ сыс, со сы́рбы Мэ мэнчындем тумэн? Досыкавэн [отпхэнэн-р.с.] Мánгэ. ⁴ Пал-довá со Мэ вылыджиём тумэн Египтóскирэ пхувьятыр, Мэ выракхцём тумэн писхарьенгирэ састырэндыр; и Мэ бичхадём ангил тумэндэ Мойзас, Аронос и Мириам. ⁵ О Мирé манушáл! Пририпирэн аканá, сыр о Вала́ко ^[1], крáли Моавитоскиро, придуминэлас чорипэн, и со отпхэнэлас лэскэ Вала́мо, чхавó Веороскиро, и со кэрдя́пэ пэ маля (степи) машкёр Ситимо и Галгáло, соб (кай) тумэ мого́нэнас сашты́ тэ уджинэн чачипэн Рáскирэ-Дэвлэскиро.” ⁶ Сóса тэ явав мánгэ ангил Растэ-Дэвлэстэ, и сыр мánгэ тэ бандякирав шэрó ангил Болыбна́скирэ Дэвлэстэ? Ци тэ явав мánгэ ангил Лэстэ хачкирибнаскирэ свэнтонé дыибнэнца? Ци екхэ-бэршэскирэ целянтэнца? ⁷ Ци явэла лачхó Рáскэ-Дэвлэскэ, ко́ли мэ яна́ва бут (тысёнцы) бакрэн? Ци дэш бара́ (тысёнцы) рэ́ки (лэня́) маслиниконэ дзэтэса? Ци мánгэ трэй тэ дав мирé пэрвонэс, кон бияндéла мánдэ пал миро чорипэн, биятос мирé масэндýр палó грэхó мирé-дескиро?” ⁸ О Рай Дэвэл сыкадý тукэ, о манушэ, со исын лачхипэн, и со трэй Рáскэ-Дэвлэскэ тýтыр: тэ кэрэс пир чачипэн, тэ выкэдэс тэ кэрэс лачхипэн, и тэ дживэс напхутыкирдэс ангил тырэ Дэвлэстэ!

Пхарó Сэндо пал Израилёскиро Начачипэн

⁹ Рáскирэ-Дэвлэскири зан дэла гóдла фoроскэ Ерусалимоскэ, и годыпэн дэла патýв Лэскирэ лавэскэ: “Шунэн, кхия, и Кодолэс, Савó чхудý лэс. ¹⁰ Ци исын ишчо (инкэ) савэ кучипэна (сокровишчы) дро злыднитко кхэр, дро савó злыдни манушá яндлэ; и тыкнякирды (кротко) мéра, савý исын джунгалы Мánгэ, Рáскэ-Дэвлэскэ. ¹¹ Сыр Мánгэ тэ гинав пал чачунэндэ ко́долэн, савэндэ исын начачунэ (фуй) убладýтка (весы), и хоханé пхурдынэ (гири) дро екх гонó? ¹² Барвалé манушá далé фoростýр исын древ́ан начачунэ [нахрата-ю.о.], и ко́долэ сарэ, кон дживэ́ла дро дава́ фóро, хохавэнас, и чиб лэнгири исын хоханы дро лэнгирэ уштá. ¹³ Палдава́ Мэ адякэ-паць кэра́ва, со ту явэса гарá насвалы, кéли Мэ пэкавава тут, кéли Мэ кэра́ва, со ячэлапэ голотýня (чхучипэн) тýтыр пал тырэ грэх́и. ¹⁴ Ту явэса тэ хас, нэ ту на явэса чалы; бокх (чхучипэн) явэ́ла андрé тырó кужум (жэлудко). Ту явэса тэ лыджас криг вари-со [отчхувэса пэскэ-р.с.], нэ ту на зракхэ́са дова́, и ко́довá, со ту зракхэ́са, Мэ да́ва тэл куртáла. ¹⁵ Ту явэса тэ почхувэс дрэ пхув, нэ ту на явэса тэ счхинэс гивá; ту явэса тэ тасавэс (тэ штакирэс) маслиникта мýри, нэ ту на явэса тэ макхэспэ маслиниконэ дзэтэса; и ту вытасавэ́са винаградýтко со́ко (хум), нэ ту на явэса тэ пьес мол (вино). ¹⁶ Пал-довá со тумэ рикирдэ́пэ кэ статýты Амврияскирэ, и кэ сарé бутý Ахавоскирэ кхэрэстыр, и тумэ кэрэ́на сарó пир лэнгири годý, со Мэ кэра́ва тумэндýр голотýня (пустота), соб (кай) тэ дэн шоля тумарé манушá, и ячэлапэ пэ тумэндэ бипатыв Мирé-манушэнгири.”

6:5 ^[1] Дро Юды́тко оригина́ло ‘Балак’

Шэрó 7

Ладж пал Израилёскирэ Грэхи

¹ Бида мандэ! Пал-довá со мэ, сом сýрбы мануш, кон кэдэла лынайтка мýри, сýрбы кодолэ, кон подкэдэла винаградо (дракх), нанэ ниéкх грозно (вэтка мýри) тэ хав, нанэ ниéкх спяло мурина, со миро ди камэла. ² Э патяибнытка манушá лачхэ илэса хасинэ пэ пхув, и нанэ чачунэ манушэн машкёр муршэндэ. Ёнэ сарэ подракхэна тэ прочхувэн рат, кажно (свáко) мануш чорьёлапэ пал пэскирэ пшалэстэ фэляса (сеткаса). ³ Лэнгирэ вастá рискирдэ тэ кэрэн бибахт (фуипэн): о тхагáри пхучэла почастунко (дáро), о сэндáри (наенгиро) родэла мыто (взятка), и барэ рая выпхэнэна лэнгире бибахталы мысля пэ годý, со ёнэ камэна; и ёнэ адýкэ кхэтанэ пириriskирэна чачипэн. ⁴ Най фэдэдýр мануш лэндýр исын сýрбы канрало хрýсто, а най чачунэдýр мануш исын вострэдýр (чолалэдýр) тыностýр пхусадытконэ хрустэндýр; явдý дывэс Тýрэ-ракхибнарьенгиро, со Ту явэса тэ сэндинэс, аканá явэла лэнгиро конфузо (бýнто). ⁵ На патя малэскэ, на допатя дромэскирэ малэскэ (другоскэ), ракх лавá тýрэ-москирэ кодолятыр, сави исын пашты пашýл тýрó колýн. ⁶ Пал-довá со о чхавó ладжакирэла дадэс (на дэла патýв дадэскэ), э чхай газдэлапэ пэ лáкирэ датэ, э бори пэ сасятэ, манушэскирэ вэрги исын манушá лэскирэ кхэрэстыр. ⁷ Нэ мэ кокорó явáва тэ дыкхав пэ Растэ-Дэвлэстэ, мэ явáва тэ ужакирав Дэвлэс, Савó ракхэла ман; Миро Дэвэл шунэла ман.

Израилёскири Зан дрэ Палатунэ (Последня) Дывэсá

⁸ На радýнпэ зоралэс мандýр, мирí вэргица! Кóли пэрава мэ, мэ усаéкх газдавапэ. Кóли мэ сом бэштó дро калыпэн, нэ Рай Дэвэл дэла дуд (свэто) мánгэ. ⁹ Мэ вырикирава холякири зор Рáскирэ-Дэвлэскири, пал-довá со мэ кэрдём грэхи проти Лэстэ, ангил довá, сыр Ёв обсэндýкирэла миро рэндó и кэрэла пир чачипэн мánгэ. Ёв вылыджала ман пэ дуд, и мэ дыкхáва Лэскиро чачипэн. ¹⁰ Тэньци и мирí вэргица явэла тэ дыкхэл давá, и ладж чхакирэла ла, сави пхэндý мánгэ: “Кай исын Рай Дэвэл тýрó Дэвэл?” Мирé якхá явэна тэ дыкхэн ла, аканá заштакирэна гэрэнца ла, сыр блáта пэ вулýцы (гáсы). ¹¹ Дро довá дывэс, кели тýрэ ванты, Ерусалимо, нэвэстыр явэна тэ кэрэн, дро довá-сáмо дывэс статýто пал Израилё буглэдýр отчхувэла мéжа Израилёскири. ¹² Дро довá-сáмо дывэс, ёнэ явэна пленóстыр кэ ту, манушáлэ Израилёскирэ, Асириятыр и Египтóскирэ форьэндýр; Египтóстыр аж кэ рэка (лэнь) Евфрато, морёстыр (дэрьявэстыр) кэ мóрё (дэрьяв), бэргáтыр кэ бэрга. ¹³ Нэ доя пхув явэла чхучи (пусто) пал банг кодолэгири, кон дживэла пэ латэ, и пал довá чорипэн, со ёнэ кэрдэ.

Дэвэл Отмэкэла Банг Израилёскэ

¹⁴ (Дэвла!) Чарав дэстэса Тýрэ манушэн, кон исын дро гурто Тýрэ-миштыпнаскиро, савэ дживэна кокорé пэскэ дро вэш, машкёр Кармило: мэк ёнэ тэ чаравэнпэ пэ Васáно и пэ Галаáдо, сыр сыс дрэ гаратунэ дывэсá. ¹⁵ Сыр сыс дрэ дывэсá, кели ёнэ выджáнас Египтóскирэ пхувýтыр, сыкáв лэнгэ Тýрэ дýвна рэндý. ¹⁶ Э нáцыи явэна тэ дыкхэн, и ёнэ явэна тэ ладжан сарэ лэнгирэ зоралыпнастыр, ёнэ чхувэна васт пэ муй пэскэ; лэнгирэ канá явэна кашукэ. ¹⁷ Ёнэ явэна тэ чарэн (тэ лизинэн) прáхо сыр саплýн; ёнэ явэна тэ рэсэн яврí лэнгирэ гарадэ штэтэндýр сыр кирмэ, со исын пэ пхув. Ёнэ явэна тэ дарэн Рáстыр-Дэвлэстыр, амарé Дэвлэстыр. Лэндэ явэла трашаибэн ангил Тýтэ, Дэвла.” ¹⁸ Кон исын Кадасавó, Дэвла, сыр Ту сан? Кон отмэкэла чорипэн и промэкэла чорé рэндý манушэнгэ Лэскирэ мэкнэ миштыпнастыр, савэ ячнэпэ? Ту на явэса ўсáды (сак) тэ рикирэс холý, пал-довá со Ту радýнэсапэ тэ сыкавэс лáска. ¹⁹ Тýрó илó нэвэстыр пэрэла пал амэндэ, и Ту штакирэса (злэса) амарó чорипэн, и Ту чхурдэса сарэ амарé грэхи дро хорипэн морёскиро (дэрьявэскиро). ²⁰ Ту сыкавэса чачипэн Яковóскэ, и лáска Авраамóскэ (Абрамоскэ), пал со Ту совлахадýн амарé дадэнгэ дрэ дывэсá гаратунэ.

Наумоскири Лылварі

Шэрó 1

¹ Ангилпхэныбэн проти Ниневия. Лылварі пал Наумоскиро дыкхибэн, савó сыс Елкосостыр ^[1].

Дэвэл Зоралэс Холясола пэ Вэргэндэ

² О Рай-Дэвэл исын зэвлыныпнаскиро Дэвэл, и Ёв отдэла палэ сэндоса. Рай Дэвэл отдэла палэ сэндоса, и Ёв исын древан дарано дрэ холы. Рай Дэвэл отдэла палэ сэндоса Лэскирэ намалэнгэ, и Ёв на потангинэла Лэскирирэ вэргэн [пригаравэла Лэскири бари холын пэ Лэскирэ вэргэндэ-ю.о.]. ³ Рай Дэвэл насыгэс холясола (гарá / длүгэс ужакирэла) и Лэстэ исын барó зоралыпэн. И Ёв на ковлякирэла илó ангил бибахталэндэ: сыр о Рай Дэвэл псирэла, тэды газдэнапэ рискирибнаскири балвал и штормо, и облоки сыр прахо вурняна тэл Лэскирэ гэрá. ⁴ Ёв шытыякирэла мórё (дэрьяв) и шутыкирэла лэс, и Ёв пиришутыкирэла сарé рэки (лэня): Васано и Кармило зашутёна и лулудй (цвэто) пэ Ливано нашавэла мастйн (цвято). ⁵ Бэрги издрана ангил Лэстэ, и бэргицы биладэна; пхув кунинэлапэ ангил Лэскиро явибэн [муй-р.с.]; свэто, и сарó, со дживэла пэ свэто. ⁶ Кон дэла рада тэ тэрдёл шытылэс, кели Рай Дэвэл зоралэс холясола? Кон дэла рада тэ вырикирэл мижэхипэн Лэскирэ холятыр? Лэскиро холякирибэн вычхувэлапэ сыр яг, и скалы (бэрги) пхарадэна пэ котэрá ангил Лэстэ. ⁷ О Рай Дэвэл исын лачхó, и сырбы кхэр тэ гарадёл, сыр исын пхарó манушэскэ: Ёв джинэла кодолэн, савé допатияна Лэскэ. ⁸ Нэ барэ-тасадыпнаскирэ паненца, савэ исын сыр потопо, Ёв янэла хашибэн кэ кóнцо (кэ ягóро) далэ штэтоскэ Ниневиякэ, и калыпэн учхакирэла Лэскирэ вэргэн. ⁹ Со тумэ придуминэна проти Растэ-Дэвлэстэ? Ёв хасякирэла тумэн сарэса, пхарипэн на явэла явйр мóло. ¹⁰ На дыкхй пэ дова, со тумэ спэнтындлэпэ кхэтанэ сыр пхусадытка хрúсты, и спинэпэ сыр матымарья, тумэ явэна тэ хачон сыр пхусэскири цецива (шуко пхус). ¹¹ Түтыр выгия одовá мануш, савó придуминэла бибáхт (холы) проти Растэ-Дэвлэстэ, ёв явэла советнико (юнkáро), савó дэла годы тэ кэрэл фуипэн. ¹² Адякэ ракирэла Рай-Дэвел Юдэякэ: “На дыкхй пэ дова, со ёнэ, Асириякирэ халадэ, исын бидарипнаскирэ и исын бут лэн, сароекх, лэн чингирэна пэ котэрá, и ёнэ хасёна. Сыр Мэ притасававас тут, то бутыр Мэ на явáва тэ кэрáв дава́ тукэ. ¹³ Аканá Мэ пхагирава гáмо тырэ мэнятыр, со ёнэ чхудэ пэ түтэ, и Мэ пхаравава (роскушава) тырэ састыра́ пэ пашá.” ¹⁴ О Рай Дэвэл дыя припхэныбэн пал түтэ, Асурó: “Бутыр на явэла рóдо тырэ лавэса; Мэ хасякирэла вычхиндлэ муя́ кхэрэстыр, кай исын тырэ дэвлорé, и тырэ вычхудэ муя. Мэ ганавава тукэ магила (кула), пал-дова́ со ту сан бэдо?” ¹⁵ Акэ, дыкхэн кодолэскирэ пирé (стопы) пэ бэрга, савó пхэнэла бахталы́ звесь (зан), савó ракирэла зоралэс пал рамáнэ (миро)! “О Юдэие! Кэр свэнкитка скаминда, выпхэрдякирэн пэскирэ совлахá, пал-дова́ со бутыр ниéкх фуй мануш на проджáла пир түтэ: ёв исын сарэса хасякирдо.”

1:1 ^[1] Дро Юды́тко оригина́ло “Элкош”

Шэрó 2

Хасибэн пэ Ниневия

¹ Мулякирибнаскиро джáла пэ түтэ, Ниневие! Ракх фóрóскирэ зорьякирдэ вáнты! Дыкхэн цямкэс палó дром, зорьякирэн тумарé фланги! Скэдэн бутэдыр тумарй зор! ² Пал-дава́ со Рай Дэвэл чхувэла дро зор нэвэстыр барипэн Яковóскиро, сыр барипэн Израилёскиро, пал-

довá со вэрги ячкирдэ чхучэ штэты лэндэ, и ёнэ хасякирдэ дрэ руины лэнгирэ винаградытка рандя. ³ Шчыты Лэскирэ зоралэ-муршэнгирэ исын лолэ, Лэскирэ бидарипнаскирэ муршá (халадэ) исын дро ярко лоло урибэн, а марибнытка вурдэнá явэна зяиндлэ састырэнца дро довá дывэс, кэли сарэ скэдэнапэ пэ марибэн, и чхурдыбнытка бустя (коп'и) кунинэнапэ. ⁴ Марибнытка вурдэнá вурняна годліса пир гáсы [форуны/плóшча-р.с.], ёнэ шпулэна екх екхэс и кхарэнапэ екх ангил явирэстэ пэ буглэ дромá: ёнэ зяинэна и отмарнапэ ягáса, ёнэ прастáна сыгэс сыр блискавица. ⁵ Лэнгиро барыдырó кхарэла кэ пэ лэскирэ выкэдынэ муршэн, ёнэ обштавэнапэ, гии пир дром; ёнэ прастáна сыгэс пэ форóскирэ вáнты, и ёнэ ячнэ скэдынэ тэ отмарэнпэ. ⁶ Пóрта пэ рэки (лэня) отпхандэлапэ, и бари фэлатин/колов (дворцо) роспахдэла. ⁷ И исын кадасавó упхэныбэн: чужа халадэ росчхувэна крáлица и лыджáна ла дро плéно. Лáкирэ-штубакирэ писхарицы явэна тэ тугинэн зоралэс пал латэ голумбицэнгирэ занорьенца, мариндой (пэкави) пэс дро колын. ⁸ Ниневия сыс сыр вэндэрін (прудо) панэса самонэ пэrvонэ дывэсэндыр, нэ аканá, манушá нашэна форóстыр. “Тэрдён, тэрдён!” – вари-савэ годлэна, нэ ниéкх (никон) на рисэла палэ. ⁹ “Чорэн руп! Чорэн сувнакай! Нанэ мэра миштыпнаскэ и барвалыпнаскэ дро кажно вучы пирй! ¹⁰ Лáтыр яцá чхучэ штэто и хасякирдо штэто; илó биладэла и чангá издрана; зоралы дукх исын дро кажно пашваро, и муя сарэндэ калынэ. ¹¹ Кай исын аканá хашча (логово) шчэрэнгиро, и тэрнэ-шчэрэнгиро чараибнытко штэто; пир савó псирдэ шчэр, шчэрица, и шчэроро, и никон на трашавэлэс лэн? ¹² Шчэр (лэво) кусця пэ котэрá, кицы трэй мас ваш лэскирэ шчэрорэндэ, и, тасадя ваш пэскирэ шчэрицатэ. Ёв пхэрдякирдя гебарá (пешчэры) масэса дрэ дандá, и лэскирэ хашчы (логовы) джидэ масэса. ¹³ “Акэ, Мэ джáва проти тóтэ, Ниневие!”, – ракирэла янголэнгирэ-болыбнаскиро Рай Дэвэл. “Мэ хачкирава тырэ марибнытка вурдэнá дро тхув, и куртáла почингирэла тырэ тэрнэ шчэрэн; Мэ чхувáва кóнцо (ягóро) пэ тырó дорэсыбэн пэ пхув, и бутыр на явэла шундлы зан тырэ-бичхаибнаскирэндыр.”

Шэрó 3

Бида пэ Ниневия

¹ Бида пэ ратвало фóро! Ёв исын пхэрдó хохайбнаса и чорибнаса, дро савó на пириячэна тэ чорэн. ² Шунэлапэ зоралэс, сыр марэла чхупны, и чхинэла кан, сыр рóты прастáна (грюкинэна), сыр уклистэ грая грымитынэна, сыр марибнытка вурдэнá подухтэна! ³ Уклистэнгирэ халадэ сыгэс вурняна зяиндлэ курталэнца, марибнытка бустя отмарнапэ зяиндлэ курталэнца; бут исын замардэ, бут бут исын мулэ трóпы, со нашты тэ погинэс: – ёнэ обштавэнапэ пир трóпы. ⁴ Давá пал биладжакунэ-джувлякирэ бут грэхи, сави исын хулары пэ човахано джиныбэн; сави здэлэс нáцыи пал пэскиро биладжаипэн, и кхэритка рóды и пал лáкиро човахано джиныбэн. ⁵ “Акэ, Мэ сом проти тóтэ”, – ракирэла янголэнгирэ-болыбнаскиро Рай Дэвэл: “Мэ газдáва тырй подя пэ тырó муй, Мэ сыкавáва нацыенгэ тырó нангипэн, и кралиппэнгэ тырй ладж. ⁶ И Мэ явáва тэ чхурдав тэ приячэл кэ ту джунгалы мэл, Мэ кэрáва тут адякэ, со ту ячэса бэдытко, и Мэ чхувáва тут пэ сабэн сарэнгэ. ⁷ И явэла адякэ, со кажно (свáко) мануш, кон явэла тэ дыкхэл тут, явэла тэ нашэл тóтыр, и тэ ракирэл: ‘Ниневия исын пашты чхучй! Кон жа явэла тэ тангинэл ясвэнца ла? Кай тэ латхав манушэн тэ подрикирэн дóхо дрэ тóтэ, Ниневие?’” ⁸ Ци ту фэдыр сан Но-Амоностыр ^[1], савó сыс машкир рэки (лэня) пашыл Нило, пашыл савó тхадэнас паня, савэскиро валó исыс сыр мóрэ (дэрьяв), и мóрэ (дэрьяв) сыс сыр вáнта трусцял давá фóро? ⁹ Эфиопия и Египто сыс да бимеракиро форóскиро зоралышэн, Копты и Ливийцы сыс лэскирэ помогипнаскирэ. ¹⁰ Нэ лэс лыджинэ криг, и ёв гия дро плéно, лэскирэ биятэн адякэ-паць розмардэ пэ котэрá пэ трушулытка гасы (вулицы). Ёнэ, Асирийцы, чхурдынэ жрэбиё пал лэскирэ манушэндэ, савэ сыс дрэ патыв и сарэ лэскирэ барэ рая сыс пхандлэ зандирьенца. ¹¹ Ту адякэ-паць явэса маты, гарадэса, ту адякэ-паць явэса тэ родэс гарадыибэн вэргостыр. ¹² Сарэ форóскирэ рикирибэна исын сырбы инжыритка каштá (дрэвы) спялонэ инжыроса: кóли тринскирэса лэн, тэды ёнэ пэрэна дро муй одолэскиро, кон камэла тэ хал лэн. ¹³ Дыкхэн! Машкир тырэ

халадэндэ исын мурша сыр джувля: порта пэ тырэ пхувья псирады буглэс ангил вэргэндэ: яг похала штабы пэ тырй порта. ¹⁴ Пхэр пани ваш обчхувибэн фороскиро! Зорьякир тырэ фороскирэ рикирибэна! Джа пал глэя (глина), и штакир растворо, подкэр бов тэ обхачкирэн барá! ¹⁵ Одой яг похала тут, а куртала чингирэла тут; ёй хасякирэла (хала) тут сырбы скочко. На дыкхй пэ дова, со тэ ячэн тумэ бутэдыр-адакицы бут, сыр листэнгирэ кирмэ; тэ ячэн тумэ бутэдыр-адакицы бут, сыр пхакитка скочки (саранча)! ¹⁶ Тутэ яця бутэдыр тылгарьен сыр чэргэня пэ болыбэн нэ далэ сыр пхакитка скочки (саранча): розвурнянапэ и вурняна криг. ¹⁷ Тырэ тхагарья исын сыр пхакитка скочки, тырэ халадэнгирэ барыдыра исын сыр грасторэ (кузнечыки), савэ кэрэна гнязды (куфы) дрэ вантакирэ шчэли, а сыр кхам газдэлапэ, то ёнэ вурняна пэскэ криг, и на джиндло штэто, кай сыс ёнэ. ¹⁸ Тырэ чхупнарья (пастыри) исын сутэ, кралё Асириякиро, а тырэ лачхэ-родоскирэ рая (упратунэ) откхинёна штылэс. Тырэ мануша росчхурдынэ тэ дживэн пэ бэрги, и ниэкх на скэдэла лэн. ¹⁹ Тырэ франсо (рана) нашты тэ састякирэс, тырэ-масэнгирэ фуя (язвы) исын хор. Сарэ, кон шунэла дая звесь пал тутэ, явэна тэ марэн дрэ васта радыматыр; пал-дова со нанэ ниэкх мануш, конэс тырэ фуипэн тэ обджал ригаса.

3:8 ^[1] Но – Амоно – бут библиякирэ сыклякирдэ пхэнэнас, со дава сыс Александрия.

Авакумоскири Лылварй

Шэрó 1

¹ Англатунó дыкхибэн, савó прорóко Авакумо дыкхця.

О Прорóко Пхучэла

² Кицы, мэ явава тэ кхарав Тут, Раё Дэвла, и Ту на шунэса, кицы мэ явава тэ годлав Тукэ пал “нахратыма!” Нэ Ту на дэса васт тэ раххэс амэн. ³ Соскэ Ту дэса мангэ тэ дыкхав чорипэн, и кэрэса адякэ, соб (кай) мэ тэ дыкхав мёньки? Пал-дава со чорья и нахрата рэнды исын ангил мирэ якхá, мануша кошэнапэ и чингардэнапэ. ⁴ Пир дова Зако́но яця бизорьякиро (нашады зор), и нанэ чачунó сэндо. Фуй мануш пиризорьякирэла чачунэ манушэс, а сэндо рискирэна, сыр камэна.

О Рай Дэвэл Отпхэнэла

⁵ “Дыкхэн машкир народы, и придыкхэнпэ, и акэ – тумэ кэрэна барэ якхá!”, – ракирэла Рай Дэвэл. Пал-дова со Мэ кэрава дасаво рэндо дрэ тумарэ дывэса, дро савó тумэ на явэна тэ патян, на дыкхй пэ дова, со тумэнгэ роспхэнэна. ⁶ Пал-дова со Мэ, акэ, газдава Халдеен, кирки и сыгно нацыя, савй кхарэлапэ (двигинэлапэ) пир пхувьякиро буглыпэн, соб (кай) тэ заухтылэн джиибнаскирэ штэты, савэ исын на лэнгирэ. ⁷ Ёнэ исын даракунэ и трашанэ мануша: пхарó сэндо кэрэла лэнгири зор, лэндыр кокорэндыр выджала сэндо. ⁸ Лэнгирэ граё исын сыгэдыр леопардэндыр и ёнэ исын холямэдыр бэльвэлитконэ рувэндыр. Лэнгирэ уклитэнгирэ халадэ традэна барипнаса; лэнгирэ грая явэна дурипнастыр; ёнэ прастана сырбы вурняла орло (кíдо), савó сыгэдыр явэла тэ хал дорэсыбэн. ⁹ Ёнэ сарэ явэна тэ одлэн нахратэс, мина пэ лэнгирэ муя рискирды пэ вастóко, ёнэ скэдэна пленнонэн сырбы прахо. ¹⁰ Ёнэ сыкавэна бипатыв кэ крálья, ёнэ санапэ холямэс тхагарьендыр, ёнэ просана кажно твэрдыма (диз), пал-дова со ёнэ чхувэна валы пхувьятыр и заухтылэна лэн. ¹¹ Тёньци лэнгиро дүхо (фáно) парудёла и ёнэ джана сыр балвал, и ёнэ кэрэна чорипэн: лэнгиро зор ячэлапэ ваш лэнгэ сыр лэнгиро дэвлоро.

Пророко Пхучэлапэ Явир Мόло

¹² Ци на сан Ту векэндэр и пэ сарэ вёки, О, Раё Дэвла, миро Дэвла, миро Екх Свёнта, – амэ на мэраса. Ту, Раё Дэвла! Ту выкэдыян лэн, Халдеен, ваш пхаро сэндо пэ амэндэ. Э, Скала! Ту дыян зор лэнгэ тэ пирыскыакирэн амэн. ¹³ Тырэ якхэ исын дрэвэн свёнта, соб (кай) тэ дыкхэн пэ дая бибахт, и лэнгэ нашты тэ дыкхэн фуипэн. Соскэ Ту дыкхэса кодолэн, савэ кэрэна злыдниткэс, и Ту на ракирэса нисо, сыр бибахтало мануш хасякирэла одолэс, саво исын чачунэдыр лэстыр? ¹⁴ Соскэ Ту кэрэса адякэ, со манушэ ячэнапэ сыр морёскирэ (дэрьявёскирэ) мачхэ, сыр цапня, пэ савэндэ нанэ барыдыро? ¹⁵ Ёнэ, Халдеи, старэна манушэн вэндкаса, ёнэ ухтылэна лэн дрэ лэнгири кхуды (сеть), и ёнэ скэдэна лэн дро лэнгиро неводо, палдава ёнэ дрэвэн радынонапэ, и ёнэ исын весэла (лошалэ). ¹⁶ Палдава ёнэ янэна свёнта дыибэна лэнгирэ кхудякэ и ёнэ хачкирэна дрога смолы лэнгирэ неводоскэ; пал-дова со кхудятыр лэнгири доля (паш) исын барвалы, и пэ лэнгиро скаминд исын бут хабэна. ¹⁷ Ци явэна ёнэ ишчо (инкэ) тэ чхучакирэн пэскири кхуды, и дурэдыр тэ марэн (тэ мулякирэн) манушытка нацыи би тангипнаскирэс?

Шэрó 2

¹ И мэ явава тэ тэрдёвав пэ стрóга, и мэ явава пэ валó тэ дыкхав, со Ёв отпхэнэла мангэ, соб (кай) мангэ тэ отпхэнав пэ миро жалиныбэн пэ Лэстэ.

Раскирэ-Дэвлэскиро Отпхэныбэн

² Тэньци отпхэндя мангэ Рай Дэвлэ и пхэндя: “Зачхин дыкхибэн и кэр бицялэс (яснэс) дава пэ таблицы, соб (кай) кодова, кон явэла тэ гинэл, сашты локхэс тэ гинэл. ³ Пал-дова со дава дыкхибэн сыкавэла пэ часо (цыро), саво ишчо (инкэ) явэла, нэ ёв явэла тэ ракирэл пал концо (ягоро), и ёв на явэла тэ хохавэл. На дыкхы пэ дава, со ёв зарикирэлапэ, ужакир лэс. Пал-дова со ёв явэла, соб (кай) тэ на явэл, ёв на зарикирэлапэ (на отпарувэлапэ). ⁴ Дыкхэн: пхутыкирдо мануш камэла намиштыпэн и хасэла, нэ чачунó мануш явэла тэ дживэл пир лэскиро патяибэн.”

Бида пэ Фые Манушэндэ

⁵ Пхутыкирдо мануш кэрэла чорипэн сыр молятыр (виностыр), сави здэла лэс, и лэскэ уса нанэ штылыпэн (спокоё). Пал-дова со лэскиро тырдыпэн барьёла дрэ лэстэ сыр штэто дро люно (адо), и ёв исын на чало сыр мэрибэн, ёв, Халдеё, кэдэла кэ пэ сарэ манушытка рóды, и ёв затырдэла (заухтылэла) кэ пэ сарэ манушытка рóдыцы. ⁶ Ци на лэна сарэ кадалэ манушэ (конэс ёв росчордя) тэ ракирэн притча проти лэстэ, и тэ высан лавэнца лэс, пхэни: “Бида пэ лэстэ, кон прибарьякирэла кэ пэ дова, со нанэ лэскиро – пэ кицы дурэдыр дава явэла? Бида пэ кадалэстэ, кон обчхувэла пэс сымаденца (залогэнца)?” ⁷ Ци на газдэнапэ екхатыр (сразу) одолэ, савэ ужакирэна тэ дандырэн тут? Ци на джангадэна (на газдэнапэ) одолэ, савэ явэна тэ притасавэн тут адякэ, со ту ячэса ваш лэнгэ сырбы лэнгиро дорэсыбэн? ⁸ Пал-дова со ту обчордян бут народы (манушытка нацыи), сарэ, кон яцяпэ кадалэ манушэндэр, явэна тэ обчорэн тут пал манушэнгиро рат, и пал нахратыма пэ пхув и дро фóро, пал сарэ манушэндэ, савэ дживэна пэ дая пхув. ⁹ Бида пэ лэстэ, кон дорэсэла барвалыпэн бибахталэ рэндэндэр пэскирэ кхэрэскэ, соб (кай) лэскэ тэ кэрэл гнязда (куфо) вучэс, соб (кай) ёв саштынэлас тэ зракхэлпэ бибахталэ зорьятыр. ¹⁰ Ту придуминдя ладж пэскирэ кхэрэскэ, кели ту хасякирдян бут народы (манушытка нацыи), и палдава ту лыян грéхо пэ пэскиро ди. ¹¹ Пал-дова со аж барэ явэна тэ дэн гóдла зоралэ заняса вантатыр, и бэранда (перекладины) каштэстыр явэна тэ отпхэнэн: ¹² “Бида пэ лэстэ, кон чхувэла фóро пэ рат, и кон зачхувэла твардыма/ фóро начапишнаса (чорипнаса)!” ¹³ Акэ, дава нанэ янголэнгирэ-болыбнаскирэ Растыр-Дэвлэстыр, со манушытка нацыи кэрэна буты пхарэс ваш яг, со кхэрытка рóды

(плéми) кхинякирэна пэс ивьá (напрáснэс)? ¹⁴ Пал-довá со пхув явэла пхэрдý джиныбнаса пал Рáскирэ-Дэвлэскири слáва, сыр паня учхакирэна (пхэрдякирэна) мóрё (дэрьáв). ¹⁵ Бида пэ лэстэ, кон дэла тэ пьел пэскирэ суседоскэ (котарискэ/пашатунэскэ) и вычхувэла пэскири холы, соб (кай) тэ матякирэл лэс, соб (кай) ёв сыс сашты (могиндý) тэ дыкхэл лэскиро нангипэн. ¹⁶ Ту сан пхэрдó ладжаипнаса, а на славáса. Аканá Ту адýкэ-паць, пи! Мэк тэ явэл отчхакирдо тырó наобчхиныбэн! Тахтáй чачунэ-вастэскиро Рáстыр-Дэвлэстыр рисёла проти тýtэ, и ладжаипэн (ладжакуно чадыйпэн) пэрэла пэ тырó барипэн (слáва). ¹⁷ Пал-довá со чорипэн, со ту кэрдýн Ливаноскэ, учхакирэла тут (пэрэла пэ тýtэ); мурдалá (животна), со ту трашадян лэн, явэна тэ трашавэн тут, пал манушэнгиро рат, пал чорипэн, со кэрдýн пхувьякэ, фороскэ, и сарэнгэ, кон дживэла дро фóро. ¹⁸ Савó лачхипэн исын вычхиндлэ мóстыр, со вычхиныбнаскиро (резчыко) кэрдý. Вычхиндло муй на сыклякирэла нисоскэ, на дыкхý пэ довá, со лэскирэ кэрибнаскиро мануш патýла дрэ лэстэ, кели ёв кэрэла мута (нема) йдолы? ¹⁹ Бида пэ лэстэ, кон ракирэла пэ кашт: “Джангадёв (ушты)!”, кашукэ (мутонэ) барэскэ: “Ушты!” Ци явэла ёв тэ сыклякирэл? Акэ, ёв исын пиричхудо сувнакасá и рупэса, нэ нанэ джидó дýхо (фáно) дрэ лэстэ. ²⁰ Нэ Рай Дэвэл исын дро Лэскири свэнто Кхангирý. Мэк сарý пхув тэ явэл штыл ангýл Лэстэ [Лэскиро муй-р.с.].”

Шэрó 3

Пророкоскиро Мангипэн

¹ Пáтери (молýтва) Авакумоскири, пророкоскири, тэ багáн тэл балытко струментó. ² Раё Дэвла! Мэ шундём Тырý зан и дарандыём. Раё Дэвла! Кэр нэвэстыр Тырэ рэндý дро амарэ часы, кэр адýкэ, соб (кай) тэ джинэн тырэ рэндý машкирál амарэ часы. На дыкхý пэ довá, со Ту холясыян пэ амэндэ, сыкáв Тырý ласка. ³ О Дэвэл явэла Феманостыр, о Свэнто Дэвэл бэргáтыр Фаран. Лэскиро барипэн учхакирдý болыбэн, Лэскирэ славáса пхэрдия пхув (и пхув исын пхэрдý шарибнаса Лэскэ). ⁴ Лэстыр зяинопэн отмарэла сыр кхамитко дуд (свэто), Лэскирэ вастэндýр лучы (лунки) зяинэна ягáса, [и дро довá, Лэскири зор исын гарады!-ю.о.] ⁵ Ангýл Лэстэ [Лэскиро муй-р.с.] прогия мэрибнытко фрáнсо, а пал Лэскирэ пирэ (стопы) сляды джáла хачкирды балвáл. ⁶ Ёв тэрдýя, и пхув тринскирдýя, Ёв подыкхцý, и манушá издрандынэ и гаратунэ бэрги пхарадынэ пэ котэрá, а векитка бэргицы бандинэ. Лэскирэ дромá исын вечна. ⁷ Мэ дыкхцём, сыр шáтры Эфиопиитка (Кушаноскирэ) ^[1] пынэ дро дýхо (фáно), и сыр буды пэ Мидиякири пхув издрандынэ. ⁸ О, Раё Дэвла! Ци Ту холясыян пэ рэки (лэня), Ци сыс Тырý холы проти рэки (лэня), Ци сыс Тырý бари холы проти мóрё (дэрьáв), со Ту традэсас уклисто (уклистé) пэ тырэ грэндэ, Тырэ марибнýтка вурдэна, савэ зракхэна. ⁹ Тырó лýко исын откэрдо тэ дэн карýе пир совлахá, со Ту пхэндýн Тырэ родыцэнгэ. Сэла. Ту роскэрдýн пхув рэкицэнца. ¹⁰ Бэрги дыкхнэ давá и лынэ Тэ издран, сыгна панингá дынэпэ тэ тхадэн потокоса. Хор паня пхэндлэ лэнгирэ занýса, и газдынэ вучэс лэнгирэ валны сыр вастá. ¹¹ Кхам и чхон тэрдинэ пэ лэнгиро штэто пэ болыбэн, кели Тырэ марибнýтка бустý (стрéлы) дынэпэ ягáса, и лынэ тэ зяинэн Тырэ чхурдыбнытка бустý (коп'и), со отмарэна зяиныбнаса. ¹² Ту гýян сýрбы халадыбэн пир пхув дрэ холы, Ту штакирдýн манушýтка рóды дрэ нарадыма. ¹³ Ту гýян ангýл тэ зракхэс Тырэ манушэн, соб (кай) тэ зракхэс Тырэ Помакхнэс, Ту пэкадýн шэралэс кхэрэстыр, кай исын бибахталэ, Ту росчхудýн (розуридýн) лэс кэ нангипэн шэрэстыр кэ гэрá. Сэла. ¹⁴ Ту пхарадýн лэскэ шэрó лэнгирэ шэралэн чхурдыбнытконэ бустенца, кели лэскирэ халадэ газдынэпэ сыр рискирибнаскири балвáл тэ росчхурдэн амэн, ёнэ радýндлэпэ сýрбы пэ свэнко, со наххавэна (глытынэна) чораханэс чорорэнгирэ масá Израилэстыр. ¹⁵ Ту штадýн (прочхудýн дром) пир мóрё (дэрьáв) пэскирэ грэнца пирдál барэ-паненгиро вучипэн, со отмарэлапэ пенаса. ¹⁶ Кели мэ шундём, мирэ масá лынэ тэ издран, мирэ уштá лынэ тэ издран локхэс далэ занятыр: кырныпэн загия дрэ мирэ кокалы; и мэ яцём тэ тринскиравпэ пэ пэскиро штэто. Нэ мánгэ трэй тэ явав штыл дро дывэс дарано, кели явэла вэргó пэ мирэ манушэндэ пэскирэ халадэнца.

Стихо Пал Патяибэн

¹⁷ Кóли и инжыритко дрéво (кашт), хачи, на явэла тэ лулудёл (тэ цвэцинэл), и на явэна мýри пэ винаградýтка хрýсты; кóли маслинитконэ барьятыр на явэла ничы, и пэ фэлды на выбарьёла нисó; кóли стады бакрэнгирэ хасёна яврий гражостыр (загностыр), и на явэна кхэритка стады дрэ шталы, ¹⁸ нэ мэ усаэкх древан явава тэ радынавпэ Растыр-Дэвлэстыр, и мэ явава тэ радынавпэ Дэвлэстыр, Саво зракхэла ман. ¹⁹ Растыр-Дэвлэстыр лэлапэ мирй зор, и Ёв кэрэла мирэ гэрэндыр сырбы оленёскирэ сыгна гэрэ и Ёв газдэла ман тэ псирав пир мирэ вучэ бэргицы. (Хорóскирэ Дирижорóскэ пэ балытка струмэнты).

3:7 ^[1] Кушаноскири – дава штэто исын машкёр пхув Суданоскири и Ефиопия /Абисиния/.

Софонияскири Лылварй

Шэрó 1

¹ Акэ, исын лав, саво явдя Софонияскэ, чхавэскэ Хусияскирэскэ [унуоскэ Годолияскирэскэ, праўнуоскэ Езэкияскирэскэ] дрэ дывэса Иосияскирэ, Амоноскирэ чхавэскирэ, кон сыс крэли пэ Юдэя.

Сыр Явэла Рáскиро-Дэвлэскиро Дывэс

² “Мэ хасякирава сарó, со исын пэ сарй пхув”, – ракирэла Рай Дэвэл, ³ “Мэ хасякирава манушэн и мурдалэн (животноэн), Мэ хасякирава болыбнытконэ чириклен, мачхэн дро мórё (дэрьяв), Мэ хасякирава барá, савэнгэ фуй манушá мангэнапэ”. Мэ хасякирава манушэн, со ниекх на ячэлапэ пэ пхув”, – ракирэла Рай Дэвэл. ⁴ “Мэ пхарэс сэндякирава Мирэ вастэса Юдэя, и сарэ манушэн, савэ дживэна кэ Ерусалимо, и Мэ хасякирава сарó, со яцýпэ Ваалостыр пэ дава штэто. Мэ хасякирава лавá рашангирэ кхэтанэ Наюдытконэ-мангипнаскирэнца идолэнгэ; ⁵ и кодолэн, кон кэрэла патыв кодолэнгэ, савэ исын дро болыбнытко свэто, пэ кхэрэскирэ фэли (макушки), и кодолэн, савэ кэрэна патыв Мánгэ, Рáскэ-Дэвлэскэ и совлахана Мирэ лавэса, и савэ адякэ-паць совлахана Молохоса; ⁶ и кадасавэн, савэ рисинэ криг дромэстыр пал Растэ-Дэвлэстэ, и явирэн, савэ на родэна Рас-Дэвлэс, на пхучэна Растыр-Дэвлэстыр тэ лыджал Лэс”. ⁷ Яв шытл ангыл Растэ Дэвлэстэ, пал-довá со Рáскирэ-Дэвлэскирэ Дывэс исын пашыл, пал-довá со Рай Дэвэл исын скэдыно тэ янэл свэнто дыибэн, Ёв посвэнцындя Лэскирэ манушэн, савэн Ёв замангдя. ⁸ И явэла адякэ дро дова дывэс, кэли янэна свэнто дыибэн: Мэ, Рай Дэвэл, явава пхарэс тэ сэндякирав тхагарьен (князьен) и крэлйскирэ чхавэн и сарэн, савэ уридэпэ дрэ чýжа ýдя. ⁹ Дро дова сáмо дывэс Мэ пхарэс сэндякирава одолэн, савэ пириухтэна пир кхэритко прого, савэ пхэрдякирэна лэнгирэ-раскирэ кхэрá нахратымаса (насилиёса) и хохаибнаса. ¹⁰ И явэла дро дова дывэс адякэ, – ракирава Мэ, Рай Дэвэл, – со явэла годлыма пашыл мачхитко пórта, и явэна гара (длýгэс) тэ ровэн зоралэс пашыл явйр пórты, и со явэла барó грукато пхагирибнастыр пэ бэргицы”. ¹¹ Ровэн зоралэс, манушáлэ тэлáтунэ форóстыр (Махтэшостыр), пал-довá со кýпцы (тылгáрья) хасёна, и сарэ, кон тимисякирэла рупэса, хасёна. ¹² И явэла адякэ дро дова дывэс, со Мэ пириродава Ерусалимо момолытконэнца (светильникэнца), и Мэ пхарэс сэндякирава манушэн, савэ кашталынэ пэ лэнгиро ячаибэн молятыр (виностыр), савэ пхэнэна пэскэ: ‘О Рай Дэвэл на кэрэла лачхипэн, и Ёв на кэрэла бибáхт’. ¹³ Палдава росчорэна лэнгиро барвалыпэн, и лэнгирэ кхэрэндыр ячэлапэ голотýня; ёнэ явэна тэ чхувэн кхэрá, нэ ёнэ на явэна тэ дживэн дрэ лэндэ: ёнэ явэна тэ почхувэн винаградýтка хрýсты дрэ пхув, нэ ёнэ на явэна тэ пьен мол (вино). ¹⁴ Барó Дывэс Рáскирэ-Дэвлэскирэ древан сыгэс явэла, ёв сыг явэла и ёв причхувэла зор сыгэс тэ явэл. Шундло

исын кирки зан дро дова́ Дывэ́с Рáскирэ-Дэвлэ́скиро: одо́й зорало́ му́рш явэ́ла тэ дэл го́дла. ¹⁵ Дава́ Дывэ́с явэ́ла сыр барэ́-холынакиро дывэ́с; пхаро́ и трашано дывэ́с; дывэ́с, кэли пэ пхув ячэ́на руйны и голоты́ня: дывэ́с кало́ и цёмно́, дава́ дывэ́с явэ́ла обчхудо́ облокэ́нца и гэнстонэ́ цямлы́пнаса; ¹⁶ дро дова́ дывэ́с явэ́на тэ пхурдэ́н дро ро́го (труба) и явэ́ла марибнэ́тко годлы́ма проти́ фо́рья зоралэ́ вантэ́нца и проти́ вучэ́ вучардя́ (башни). ¹⁷ И Мэ́ яна́ва бари́ дар пэ́ манушэ́ндэ, и ё́нэ явэ́на тэ́ псирэ́н сыр коро́рэ мануша́; ё́нэ кэ́рдэ грэ́хо проти́ Растэ́-Дэвлэ́стэ, лэ́нгиро рат́ явэ́ла росчхудо́ сыр пра́хо, и лэ́нгири лоч́ (плоть) явэ́ла тэ́ кирне́л сыр гнэ́э”. ¹⁸ Ни лэ́нгиро руп, ни сувнака́й нашты́ (на змо́гинэна) тэ́ зракхэ́н лэ́н дро дова́ дывэ́с барэ́ Рáскирэ-Дэвлэ́скирэ́ холына́тыр. Лэ́скирэ-зэвлыны́пнаскири́ яг хала́ сарэ́са сари́ пхув, пал-дова́ со Ё́в явэ́ла сы́гэс ко́нцо (яго́ро) пэ́ сарэ́ндэ, кон́ дживэ́ла пэ́ пхув.

Шэро́ 2

Прикхари́бэн тэ́ Рисэ́н кэ́ Дэвэ́л

¹ Скэ́дэ́нпэ́ тумэ́ тэ́ обдуми́нэ́н, скэ́дэ́н тумэ́ кхэ́танэ́, о била́джакуно́ манушы́тко ро́до; ² анги́л дова́, сыр явэ́ла Рáскирэ-Дэвлэ́скиро́ упхэ́ныбэ́н, анги́л дова́ дывэ́с, со проу́рняла́ сыр чхучо́ пхус, анги́л дова́, сыр тэ́ явэ́л пэ́ тумэ́ндэ́ бари́ холы́ Рáскирэ-Дэвлэ́скири; анги́л дова́ дывэ́с, сыр тэ́ явэ́л пэ́ тумэ́ндэ́ Рáскирэ-Дэвлэ́скири́ холы́; ³ родэ́н Рас-Дэвлэ́с сарэ́, савэ́ исын ковлэ́-илэ́скирэ́ пэ́ пхув, кон́ рики́рдя Лэ́скиро́ чачуно́ Зако́но, родэ́н чачи́пэ́н, родэ́н тэ́ явэ́н рахмана́ (спокойна́); сашты́ тэ́ явэ́л, со́ тумэ́ гара́дэ́на дро́ дывэ́с, сыр явэ́ла Рáскирэ-Дэвлэ́скири́ холы́.

Сэ́ндо пэ́ Наю́ды́тка На́цыи

⁴ Пал-дова́ со́ мануша́ мэ́кэ́на Га́за, и Аско́лоно́стыр ячэ́лапэ́ чхучо́ (пусто) штэ́то; Халдеи́ вытра́дэ́на манушэ́н Азо́то́стыр дывэ́сэ́ аж дро́ паш-дывэ́с, и ё́нэ вы́рискирэ́на кри́г Э́кроно. ⁵ Би́да пэ́ манушэ́ндэ, савэ́ дживэ́на пэ́ брэ́го мо́рэскиро́ (дэ́рьявэ́скиро); би́да пэ́ манушэ́ндэ́ Критос́тыр! Рáскирэ-Дэвлэ́скиро́ лав́ исын проти́ тумэ́ндэ, о́ Хананеи́, пхув Фи́листимия́кири: “Мэ́ розма́рава пэ́ котэ́ра́ тут; со́ на ячэ́лапэ́ ни́экх тэ́ дживэ́л.” ⁶ Мо́рэскирэ́ брэ́гос́тыр ячэ́напэ́ чарит́ка́ пхувя́ будэ́нца (шала́шэ́нца) ваш́ чхупна́рьэ́нгэ, и гра́жэ́нца ^[1] (овча́рни́кэ́нца) ваш́ бакрэ́нгирэ́ гурты́. ⁷ Брэ́го явэ́ла штэ́то манушэ́нгэ, кон́ ячэ́лапэ́ Юда́скирэ́ кхэ́рэ́стыр; ё́нэ явэ́на тэ́ чара́вэ́н лэ́нгирэ́-бакрэ́нгирэ́ гурты́ одо́й, бэ́львэ́ленца́ ё́нэ явэ́на тэ́ пасэ́н дрэ́ кхэ́ра́ Аска́лоно́скирэ́: пал-дова́ со́ о́ Рай́ Дэвэ́л, лэ́нгиро Дэвэ́л, затэ́рдэ́ла пал́ лэ́ндэ, и риски́рэ́ла палэ́ лэ́нгирэ́ манушэ́н плено́стыр”. ⁸ Мэ́ шундэ́м, сыр обра́кирэ́лас Моа́во, и сыр ра́кирдэ́ фуй́ лавá́ мануша́ Амо́но́стыр, савэ́нца́ ё́нэ обра́кирэ́нас Ми́рэ́ манушэ́н, и сыр ё́нэ шардэ́пэ́ нахратэ́с (наха́льнэс) тэ́ заухты́лэ́н лэ́нгирэ́ мэ́жы”, ⁹ Палда́ва “Тэ́ джива́в Мэ́”, – ра́кирэ́ла я́нголэ́нгирэ́-болы́бна́скиро, Рай́ Дэвэ́л, Дэвэ́л Израи́лэ́скиро, – “Моавос́тыр ячэ́лапэ́ дова́, со́ сыс Со́домаса́, мануша́ Амо́но́стыр явэ́на сыр Го́мо́ра, – сыр пхув, сави́ забария́ цукну́даса́ (стре́кава́са) и ганби́нэ́нца (ямэ́нца) ваш́ лонд, и сави́ явэ́ла ў́сады́ (сак) чхучи́: Ми́рэ́ мануша́, кон́ я́ця́пэ́ джи́до, росчо́рэ́на ла, и Ми́рэ́ мануша́, савэ́ я́чнэ́пэ́ пэ́ штэ́то, лэ́н да́я пхув сыр пэ́скиро́ мэ́кно́ ми́шты́пэ́н. ¹⁰ Дава́ саро́ лэ́нгэ́ явэ́ла пал́ лэ́нгиро́ пхутьки́рибэ́н, а́дякэ́ сыр ё́нэ обра́кирэ́нас и газды́нэ́пэ́ хо́ля́са проти́ манушэ́ндэ, савэ́ исын я́нголэ́нгирэ́-болы́бна́скирэ́, Рáскирэ-Дэвлэ́скирэ́. ¹¹ О́ Рай́ Дэвэ́л явэ́ла тра́шано ваш́ лэ́нгэ; пал-дова́ со́ Ё́в розма́рэ́ла сарэ́ дэ́влорэ́н пэ́ пхув; мануша́ явэ́на тэ́ дэ́н паты́в Лэ́скэ́, ка́жно ма́нуш пэ́ пэ́скиро́ штэ́то, и пэ́ остро́вы (джи́па) сарэ́ манушэ́нгирэ́-родэ́нгирэ́. ¹² Тумэ́н, Э́фиопы́, а́дякэ́-па́ць пэ́кавэ́ла Ми́ри́ курта́ла. ¹³ Ё́в пха́рэс сэ́ндяки́рэ́ла Лэ́скирэ́ вастэ́са́ паш-раты́тко (се́верно) ри́г, и Ё́в розма́рэ́ла дрэ́ руйны́ Аси́рия, и Ё́в кэ́рэ́ла Ни́невия́тыр шу́ки́ голоты́ня сыр пра́хитко́ пхув. ¹⁴ Кхэ́ры́тка ста́ды, и ка́жно му́рдал (жы́вотно), со́ исын пэ́ свэ́то, явэ́на тэ́ пасэ́н машки́рал да́ва́ фо́ро́скиро́ штэ́то. Пели́кано́ и ны́гло/бу́зно (ё́жо) явэ́на тэ́ дживэ́н пэ́ го́жаки́рдэ́ вы́чхины́бэ́на, со́ исын пэ́ фо́ро́скирэ́ сты́лбы, лэ́нгирэ́ за́ня́ явэ́на тэ́ ба́га́н дрэ́ фэ́нштры́ (дуда́ля); обриски́рдо́ явэ́ла лэ́нгиро́

прого; обсыибэн пэ кедрытко кашт явэла лучкирдо. ¹⁵ Кадава явэла радымакиро форо, саво дживдя би дарипнаскирэс, конэскиро мануш пхэндя дро пэскиро ило: “Мэ сом кадасаво, и нанэ бутыр, барэдыр мандыр!” Дыххэн! Сыр чхучо яця дава форо, – штэто мурдалэнгэ тэ пасён! Кажно мануш джала пашыл, дэла шоля, и чхурдэла вастэса.

2:6 ^[1] гражо – загоно

Шэро 3

Фуй Ерусалимо

¹ Бида пэ дава форо, дро саво мануша бунтуинэна проти Дэвлэстэ и, савэнгэ нашты тэ допатяс, савэ притасавэна явирэн. ² Дро дава форо на кандэна зан Раскирэ-Дэвлэскири, на камэна, соб (кай) Ёв тэ пирысклякирэл лэн. Адалэ мануша на допатияна Раскэ-Дэвлэскэ, ёнэ на джана пашылэдыр кэ Дэвэл. ³ Лэскирэ тхагарья (князи) машкир лэндэ исын сырбы шчэра (левы), со рыкинэна; лэнгирэ сэндэрья исын сырбы бэльвэлитка рува, савэ на ячкирэна ни екх кокалкицо ваш атасятуно дывэс. ⁴ Лэскирэ пророки исын балвалитка, савэнгэ нашты тэ патяс, лэскирэ рашая магирэна свэнто штэто; ёнэ пхагирэна Мойзаскиро Законо, сыр камэна. ⁵ Нэ чачипнаскиро Рай Дэвэл исын машкир дава форо, Ёв на кэрэла пир начачипэн. Кажно злоко Ёв янэла Пэскиро чачипэн пэ дуд, лэс ухтылла (доси): нэ начачунэ мануша на джинэна ладжаипэн. ⁶ “Мэ хасякирдём манушытка нацыи (народы)”, – ракирэла Рай Дэвэл, – “лэнгирэ зоралэ ванты фэнштрорэнца пхагирдэ дрэ руйны; Мэ кэрдём адякэ, со пэ лэнгирэ вулицы (гасы) яця чхучо, и никон на джала пашыл. Лэнгирэ форя исын пхагирдэ, со ниэкх мануш нанэ, со ниэкх мануш на дживэла”. ⁷ Мэ пхэндём фороскирэ манушэнгэ: “Чачэс, тумэ фэни (тока) дарэн Мандыр, соб (кай) Мэ тэ пирысклякирав тумэн”, соб (кай) тумарэ кхэра тэ на явэн хасякирдэ, соб (кай) Мэ на сэндыкирав пхарэс тумэн. Нэ ёнэ тасярлэс (рэнэс) уштынэ, и кэрдэ саро бипатывакирэс.

Патяибнаскиро Отячаибэн Манушэнгиро

⁸ “Палдава ужакирэн Ман”, – ракирэла Рай Дэвэл, – “кэ/ жыко дава дывэс, дро саво Мэ явава тэ бангякирав. Миро припхэныбэн исын дасаво, соб (кай) тэ кэдав кхэтанэ кралипэна тэ вычхував пэ лэндэ Мирй холы, сарй Мирй бари холын; пал-дова со Мирэ-зэвлыныпнаскири яг похала сарй пхув. ⁹ Тэньци Мэ дава палэ манушэнгэ жужэ (чыста) ушта и годы, соб (кай) ёнэ могоинэнас тэ кхарэн лав Раскирэ-Дэвлэскиро, тэ дынаринэн Лэскэ дро екх психко. ¹⁰ Дурипнастыр пал рэки (лэня) дрэ Ефиопия, Мирэ мангипнаскирэ (поклонники), Мирэ чхай Мирэ росчхурдынэ манушэндэр, янэна Мэнгэ свэнта дыибэна. ¹¹ Дро дова Дывэс тумэ, Мирэ манушалэ, на явэна тэ ладжан ни савэ тумарэ рэндэндэр, дрэ савэ тумэ кэрдэ чорипэн проти Мэндэ; адякэ, сыр тэньчи Мэ лава криг тумарэ машкиралыпнастыр кодолэн, кон древэн радынэлапэ пэскирэ пхутькирибнастыр, и бутыр тумэ на явэна тэ задэнпэ пэ Мирй свэнто бэрга. ¹² И Мэ мэкава машкир тумэндэ ковлэ-илэскирэ и напхутькирдэ манушэн, и ёнэ явэна тэ допатиян дро лав Раскирэ-Дэвлэскиро. ¹³ Мануша, кон яцяпэ Израилёстыр, на явэна тэ кэрэн начачипэн и тэ ракирэн хохаибэн, и на латхэлапэ хоханы чиб дро лэнгиро муй. Ёнэ явэна тэ чаравэнпэ и тэ пасён, и ниэкх на явэла тэ трашавэл лэн.

Радыма Дэвлэскирэ Ласкатыр

¹⁴ Радынпэ и бага, чхаё Сионёскири! Дэ гóдла, о Израиле! Древэн радынпэ и кэр радыма пэскирэ илэскэ, о чхай Сионёскири! ¹⁵ О Рай Дэвэл лыя криг пхаро сэндо пэ тугэ, Ёв традыя криг тырэ вэргос. Крали Израилёскиро, о Рай Дэвэл исын машкир тумэндэ, тумэ бутыр на явэна тэ дыкхэн бари бибахт. ¹⁶ Дро дова дывэс явэла пхэндло Ерусалимоскэ: “На дар,

Сионо, мэк тэ на пэрэн тэлэ тырэ васта сыр бизорьякирэ”.¹⁷ О Рай Дэвэл, тыро Дэвэл, исын туса, Ёв исын Зоралыпнаскиро тэ зракхэл тут; Ёв явэла древан тэ радынэлпэ радымаса, Ёв дэла раманё (миро) тукэ Лэскирэ ласкатыр, Ёв явэла тэ радынэлпэ тутыр весёлымаса (лошаса).¹⁸ “Мэ явава тэ скэдав лэн”, – ракирэла Рай Дэвэл, – “савэ тугинэна пал упхэндлэ свэнки, кон исын машкир тумэндэ, пэ савэндэ банг исын сыр гамо.”¹⁹ Акэ, дрэ дава часо Мэ роскэдавапэ кодолэнца сарэнца, Кон притасадя тумэн, Мэ зракхава лангалэн, и Мэ кэдава кхэтанэ адалэн, савэ традынэ криг. Мэ барьякирава и Мэ дава патыв лэнгэ пэ кажно пхув, пэ сави ладжакирдэ лэн.²⁰ Дро дава часо Мэ янава тумэн палэ, и адякэ-паць Мэ скэдава тумэн. Мэ дава патыв тумэнгэ и газдава тумэн машкир сарэ манушэндэ пэ пхув, кэли Мэ янава палэ тумарэ пленонэн ангил тумарэ якха”, – пхэндя Рай Дэвэл.

Агеёскири Лылварі

Шэро 1

Припхэныбэн тэ Чхувэл Кхангири Раскирэ-Дэвлэскири

¹ Пэ явир бэрш, сыр лыя тэ раинэл Крали Дариё, дро шовто чхон, пэрво дывэс чхонэскиро, сыс лав Раскиро-Дэвлэскирэ пророкоскэ Агеёскэ ваш Зоровавелёскэ, чхавэскэ Салафиилоскирэскэ [Шалтилоскирэскэ-ю.о.], кон сыс шэралó рай пэ Юдэя, и ваш Ешуаскэ [Исусоскэ-р.с.], чхавэскэ Иосэдэкоскирэскэ, кон сыс пэрво рашай, пхэни: ² “Адякэ ракирэла янголэнгиро-болыбнаскиро Рай Дэвэл, пхэни: ‘Кадалэ мануша ракирэна: ишчо (инкэ) на явдя часо тэ чхувэл Кхэр (Кхангири) Раскирэ-Дэвлэскиро.’” ³ Тэньци сыс лав Раскирэ-Дэвлэскиро пророкоскэ Агеёскэ, и пхэндя: ⁴ “Ци исын часо тумэнгэ тэ дживэн дрэ обсыдэ кхэра, а Кхэрэскэ (Кхангириякэ) тэ пасёл дрэ руйны? ⁵ Палдава аканэ адякэ ракирэла янголэнгирэ-болыбнаскиро, Рай-Дэвэл: “Рисён илэса пэ далэ рэнды (делы)! ⁶ Тумэ бут чхувэна дрэ пхув, нэ набут лэна тумэ: тумэ хана, нэ тумэ на сан чалэ; тумэ пьена, нэ тумэ на выпьена чалэс, тумэ урьенапэ, нэ тумэнгэ исын на тато; и кон кэрэла буты тэ закэрэл, закэрэла, соб (кай) тэ чхувэл дро миенгиро (кошэлько) лэхэнца (дыркэнца)” ⁷ Адякэ ракирэла янголэнгирэ-болыбнаскиро, Рай Дэвэл: “Рисён илэса пэ далэ рэнды!” ⁸ Джан упрэ пэ бэрга и янэн вэш, и чхувэн Кхангири, и Мирэ илэскэ явэла лачхо, и тумэ кэрэна патыв Мангэ”, – ракирэла Рай Дэвэл. ⁹ “Тумэ ужакирэна бут, нэ чачипнаса далэстыр явэла набут, и кэли тумэ янэна дава кхэрэ, Мэ роспхурдава криг. Соскэ? – ракирэла янголэнгирэ-болыбнаскиро, Рай Дэвэл: ‘Ваш дова, со Мирэ кхэр исын дрэ руйны, нэ кажно (свако) тумэндэр прастала кэ пэскиро кхэр. ¹⁰ Палдава болыбэн, со исын упрал тумэндэ, зарикирдя пахлын (роса), и пхув зарикирдяпэ тэ дэл барьякирдэ (плóды). ¹¹ Пал-дова со Мэ выкхардём шутыкирибэн пэ пхув, и пэ бэрги, пэ гив и пэ нэви мол (вино), и пэ маслинитко дзэт (елеё), пэ сарó, со пхув биянэла, пэ манушэндэ, и пэ кхэритконэ мурдалэндэ, и пэ сари буты тумарэ вастэнгири.”

Э Мануша Кандынэ

¹² Тэньци о Зоровавелё, чхавó Салафиилёскиро (Шалтилоскиро), и Ешуа, чхавó Иосэдэкоскиро (Ехозадакоскиро), пэрво рашай, и сарэ мануша, кон яцяпэ, кандынэ Раскирэ-Дэвлэскири зан, лэнгирэ Дэвлэскири, и пророкоскирэ Агеёскирэ лава, пир дова, со о Рай Дэвэл, лэнгиро Дэвэл бичхадя лэс, и мануша трашандынэ ангил Растэ-Дэвлэстэ. ¹³ Тэньци о Агеё, Раскирэ-Дэвлэскиро вестя-яныбнаскиро (вестнико), пхэндя дая звесь Растыр-Дэвлэстыр манушэнгэ, пхэни: “Мэ сом тумэнца”, – ракирэла Рай Дэвэл.” ¹⁴ И джангадя о Рай Дэвэл дүхо (фано) Зоровавелёскиро, чхавэскирэ Салафиилёскиро, кон сыс шэралó рай пэ Юдэя, и дүхо (фано) Ешуаскиро, чхавэскирэ Иосэдэкоскиро (Ехозадакоскиро), кон сыс пэрво рашай и сарэ-манушэнгиро дүхо (фано), кон яцяпэ, и ёнэ явнэ и кэрдэ буты пэ

янголэнгирэ-болыбнаскиро, Рáскирэ-Дэвлэскиро Кхэр (Кхангири́), лэнгирэ Дэвлэскиро, ¹⁵ дава́ сыс пэ бэш тэ штáрто дывэс, дро шóвто чхон, пэ явир бэрш, кели раиндя о Крáli Дариё.

Шэро́ 2

Сла́ва Дэвлэскирэ-Кханги́рьякири, со Явэ́ла

¹ Дро эфта́то (битринэнгиро дэшто) чхон, пэ биш тэ пэрво дывэс далэ чхонэскиро явдя лав Рáскирэ-Дэвлэскиро пророкоскэ Агеёскэ, пхэни: ² “Пхэн аканá Зоровавелёскэ, чхавэскэ Салафиилёскирэскэ, кон сыс шэралó рай пэ Юдэя и Ешуаскэ, чхавэскэ Ехозадакоскирэскэ, кон исын пэрво рашай, и манушэнгэ, кон яцяпэ, ракири: ³ ‘Ци яцяпэ вари-кон машки́р тумэндэ, кон дыкхця́ дава́ Кхэр (Кхангири́) дрэ лэскиро барипэн, со сыс вагэдыр (‘гарэдыр)? И савó тумэ дыкхэна лэс аканá? Ци дава́, со тумэ дыкхэна, нанэ дукх тумарэ якхэнгэ? ⁴ Нэ аканá яв муршканó, Зоровавеле,’ – ракирэла Рай Дэвэл; яв муршканó, Ешуае, Чхавó Ехозадакоскиро пэрво рашай, и явэн муршканó, сарэ манушáлэ далэ пхувья́тыр,’ – ракирэла Рай Дэвэл и кэрэн бутя́, пал-дова́ со Мэ сом тумэнца,’ – ракирэла янголэнгирэ-болыбнаскиро, Рай Дэвэл. ⁵ Пир дава́ лав, савэса Мэ чхудём Завето тумэнца, кели тумэ выджáнас Египто́стыр, и Миро дýхо (фáно) ячэлапэ тумэнца: На дарэн. ⁶ Ишчо ёкхвар náбут проджáла, и Мэ тринскирава болыбэн, и пхув, и мóрё (дэрьяв), и шуки́ пхув; ⁷ и Мэ тринскирава сарэ манушы́тка náцыи (народы), и явэла Месия и ваш сарэ, манушы́тка рóды, и Мэ пхэрдякирава дава́ Кхэр (Кхангири́) барипнаса,’ – ракирэла янголэнгирэ-болыбнаскиро, Рай Дэвэл. ⁸ Руп исын Миро, и сувнака́й исын Миро,’ – пхэндя янголэнгирэ-болыбнаскиро, Рай Дэвэл. ⁹ “Нэви́ Кхангири́ явэла бари сыр кодоя, со сыс вагэдыр (гарэдыр),’ – ракирэла янголэнгирэ-болыбнаскиро, Рай-Дэвэл. “И пэ дава́ штéто Мэ дава́ рама́не (миро),” – ракирэла янголэнгирэ-болыбнаскиро, Рай-Дэвэл.

Магирдэ Манушá

¹⁰ Пэ биш тэ штáрто дывэс дро еня́то (биекхэскиро дэшто) чхон, пэ явир бэрш, кели раиндя Дариё, сыс лав Рáскирэ-Дэвлэскиро Агеёскэ, пророкоскэ, пхэни: ¹¹ “Адя́кэ ракирэла янголэнгирэ-болыбнаскиро, Рай Дэвэл: ‘Аканá пхучэн рашандыр пал Зако́но, и пхэнэн: ¹² ‘Кóли вари-кон лыджáла мас дрэ бринда (складка) лэскирэ урибнаскири, и идякиро ягóро (краё) чилавэла марó ци вари-савó кэрадо хабэн, ци мол (вино), ци оливитко дзэт (елеё), ци вари-савó явир хабэн, ци со да сарó ячэлапэ (посвэнцынло)? Тэньци рашая́ отпхэндлэ́ и пхэндлэ́: “Над.” ¹³ Тэньци пхэндя́ Агеё: “Кóли вари-кон яця́ нажужо пир дова́, со ёв чиладя́ трýпо, и чилавэла вари-со кодолэ́ кокалэндыр, ци ячэла ёв исын нажужо?” Пэ дова́ рашая́ отпхэндлэ́ и пхэндлэ́: “Ёв явэла нажужо.” ¹⁴ Тэньци Агеё отпхэндя́ и пхэндя́: “Адя́кэ, исын да́я манушы́тко на́цыя (народо) и адя́кэ исын кадава́ кхэри́тко рóдо (племя) анги́л Ма́ндз”, – ракирэла Рай Дэвэл, – “и дова́, со ёнэ янэна сыр свéнто дыибэн, кодова́ исын нажужо.”

Бахталыпэн, Савó Явэ́ла

¹⁵ И аканá, рисён илэса кэ дава́ дывэс и кэ дова́ часо, со явэла анги́л: анги́л дова́, сыр сыс чхудо бар пэ бар дрэ Кхангири́ Рáскирэ-Дэвлэскири – ¹⁶ кодолэ́ самонэ дывэсэндыр, кели тумэ псирдэ́ кэ копна, сави́ сыс биш гивэскирэ меры, то тумэ латхэнас дэш. Кéли тумэ псирдэ́ кэ молякиро (виноскиро) пресо́ тэ пхэрэн пандждэша́ прэсэнгирэ меры пресоскирэ чаностыр, одóй сыс фэ́ни биш. ¹⁷ Мэ бичхава́вас шуки́пэн, кирны́пэн пэ гив, градо пэ бутя́, со тумарэ вастá кэрдэ́, нэ тумэ уса́екх на́ рисинэ́ кэ Мэ”, – ракирэла Рай Дэвэл. ¹⁸ Аканá, (Мэ манга́ва тумэн), рисён илэса кэ дава́ дывэс и пэ дова́, со явэла, биш тэ штартонэ́ дывэсэстыр еня́тонэ́ (биекхэскирэ́ дэштонэ́) чхонэскиро, ка́дасавэ́ дывэсэстыр, кели сыс чхудо фунда́менто дрэ Кхангири́ Рáскирэ-Дэвлэскири, рисён тумэ илэса кэ дава́. ¹⁹ Ци исын ишчо (инкэ́) зýрка тэ чхувэн дрэ пхув дрэ шу́рна (жы́тница)? Пал-дова́ со, сыр ишчо (инкэ́) ни

винаградътко хрúсто, ни инжyритко дрéво, ни гранатытко дрéво, ни маслинитко дрéво на дéнас пэскирэ барьякирдэ (плóды), то ададывэсатунэ дывэсэстыр и ангил Мэ явáва тэ бахтякирав тумэн.”

Дэвэл Выхэдыя Зоровавелёс Сыр Лэскири Ангрусты Чэргэнорьяса

²⁰ И нэвэстыр сыс лав Рáскирэ-Дэвлэскиро Агеёскэ пэ бэш тэ штáрто дывэс дро енято чхон, пхэни: ²¹ “Пхэн Зоровавелёскэ, шэралэ барыдырэскэ пэ Юдэя, ракири: ‘Мэ тринскирава болыбэн и пхув. ²² Мэ равава дрэ руйны трóно кралипнэнги́ро, Мэ хасякира́ва Наюдытконэ – кралипнэнги́ри зор. Мэ пириравава марибнýtка в урдэна кодолэнца, савэ традэна пэ лэндэ: граё и лэнгирэ уклистэнгирэ (всадники) пэрэна, со кэ екх лэндыр пэрэла курталатыр лэскирэ пшалэскирьятыр.’ ²³ “‘Дро дова́ дывэс,’ – ракирэла янголэнгирэ-болыбна́скиро, Рай Дэвэл, ‘Мэ ла́ва тут, Зоровавеле, Миро писхари, чхаво Салафиилоскиро,’ – ракирэла Рай-Дэвэл, – ‘и Мэ кэра́ва тóтыр ангу́шт чэргэнорьяса, пал-дова́ со Мэ выхэдыём тут,’ – ракирэла янголэнгирэ-болыбна́скиро Рай Дэвэл.”

Захарияскири Лылварй

Шэрó 1

Рай Дэвэл Кхарэла тэ Рисён кэ Ёв

¹ Пэ охтóто (бидуэнгиро дэшто) чхон, пэ явйр бэрш Дариёскиро, сыс лав Рáскирэ-Дэвлэскиро кэ Захáрия, Варахияскиро ^[1] чхаво, Идоскирэ-чхавэскиро, кон сыс прорóко; пхэны: ² “Холясыя древáн Рай Дэвэл пэ дадэндэ тумарэндэ барэ холынаса, ³ нэ ту пхэн лэнгэ: ‘Адякэ ракирэла Рай Дэвэл янголэнгирэ-болыбна́скиро: рисён кэ Мэ’, – ракирэла Рай Дэвэл янголэнгирэ-болыбна́скиро Дэвэл’, и Мэ рисёва́ва кэ тумэ’, – ракирэла Рай Дэвэл, янголэнгирэ-болыбна́скиро. ⁴ На явэн адасавэ, сыр дада́ тумарэ, кэ савэ пхэнэнас лав англэдыр пхуранэ прорóки, ракири: ‘Адякэ ракирэла Рай Дэвэл, янголэнгирэ-болыбна́скиро: Рискирэн тумэ каканá тумарэ фуэ дромэндыр и тумарэ фуэ бутендыр; нэ ёнэ на кандынэ и на шундлэ Ман’, – ракирэла Рай Дэвэл. ⁵ ‘Дада́ тумарэ-кай ёнэ исын? Нэ и прорóки, ци лэна ёнэ тэ дживэн би концоскиро? ⁶ Нэ лава́ Мирэ и стату́ты Мирэ, савэ Мэ припхэндём Мирэ писхарьёнгэ пророкэнгэ, ци на догинэ ёнэ кэ дада́ тумарэ? Нэ ёнэ рисёнас и ракирэнас: ‘Со задуминдя янголэнгиро-болыбна́скиро Рай Дэвэл тэ кэрэл амэ́нгэ пал амарэ дромá и амарэ бутя́, адякэ Ёв и кэрдя́ амэ́нгэ’.”

Дыххибэн пал Грэндэ

⁷ Пэ биш тэ штáрто дывэс дро дэшуекхто чхон – дава́ исын чхон Шэват – пэ явйр бэрш Дариёскиро, сыс лав Рáскирэ-Дэвлэскиро кэ Захáрия, Варахияскиро чхаво, Идоскирэ-чхавэскиро, пророко́скэ: ⁸ “Дыххцём (дыём) сунэ мэ раты́: акэ, му́рш уклисто пэ лолэ грэстэ исын тэрдó машки́р мирты ^[2], савэ исын náбут палэдыр, нэ пал лэстэ граё лолэ, сыва и парнэ. ⁹ Тэньци пхэндём мэ: “Кон исын ёнэ, Раё миро?” И пхэндя́ ма́нгэ Янго́ло, саво ракирдя́ ма́нца: “Мэ сыкава́ва тóкэ, кон ёнэ исын.” ¹⁰ И отпхэнэ́лас му́рш, саво сыс тэрдó машки́р мирты, и пхэндя́: “Давá исын кодолэ, савэн Рай Дэвэл бичхадя́ тэ обдыххэн пхув.” ¹¹ И ёнэ отпхэнэ́нас Рáскирэ-Дэвлэскирэ Янголоскэ, саво сыс тэрдó машки́р мирты, и пхэндлэ: “Обдыххцям амэ́ пхув, и, акэ, сарй́ пхув исын пхэрдý манушёнца и рама́нёно (спокóйно).” ¹² И отпхэнэ́лас Янго́ло Рáскирэ-Дэвлэскиро и пхэндя́: “Раё́ Дэвла, янголэнгирэ-болыбна́скиро! Кéли ковлéла Тыро́ ило́ кэ Ерусалимо́ и кэ фо́рья Юда́скирэ, пэ савэ Ту холясоса ужэ эфтадэ́шá бэрш?” ¹³ Тэньци, отпхэны́ Янголоскэ, саво ракирдя́ ма́нца, выпхэндя́ Рай Дэвэл лава́ бахталэ́, лава́ илы́тка. ¹⁴ И пхэндя́ ма́нгэ Янго́ло, саво ракирдя́

манца: “Ушты и пхэн: ‘Адъякэ ракирэла янголэнгиро-болыбнаскиро Рай Дэвэл: ‘Росхолясыём Мэ пэ Ерусалимо и пэ Сионо барэ холяса; ¹⁵ и барэ холянаса холямо сом Мэ пэ манушэндэ, савэ сыс джидэ исын дро спокойныма: пал-довá со сыр Мэ сомас набут холямо, ёнэ кэрдэ бутыр. ¹⁶ Ваш-довá адъякэ ракирэла Рай Дэвэл: “Мэ рисёвава кэ Ерусалимо ковлэ илэса; дрэ лэстэ явэла газдынó Кхэр Мирó (Кхангирí Мирí)”, – ракирэла, янголэнгиро-болыбнаскиро Рай Дэвэл, и шэло, савэса обмеринэлапэ пэс пхув, протырделэпэ пир Ерусалимо. ¹⁷ Ишчо ушты и пхэн: ‘Адъякэ ракирэла, янголэнгиро-болыбнаскиро Рай Дэвэл: ‘Нэвэстыр (нэвэс) пхэрдякирэнапэ фóрья Мирé лачхипнаса и обрисёла ковлэ илэса Рай Дэвэл кэ Сионо, и нэвэстыр (нэвэс) Ёв выкэдэла Ерусалимо.”

Дыкхипэн пал Шынгá (Рóги)

¹⁸ И газдыём мэ якхá мирé и дыкхцём: акэ, штар шынгá. ¹⁹ И пхэндём мэ Янголоскэ, савó ракирдя манца: “Со исын дава? И ёв отпхэндя мангэ: “Давá исын шынгá (рóги), савэ росчхурдынэ Юдас, Израилё и Ерусалимо.” ²⁰ Палдава сыкадя мангэ Дэвэл штарэн бутярнэн (спецэн дрэ вастытка бутя). ²¹ И пхэндём мэ: “Со лэна ёнэ тэ кэрэн?” Ёв пхэндя мангэ адъякэ: ‘Адалэ шынгá, савэ росчхурдынэ Юдас адъякэ, со никон нашты (на могоинэла): тэ газдэл шэрó пэскиро; нэ адалэ явнэ тэ дарьякирэн лэн, тэ змарэн тэлэ шынгá манушэнгирэ, савэ газдынэ шынг пэскиро пэ Юдаскири пхув, соб (кай) тэ росчхувэн ла’.”

1:1 ^[1] Дро Юдытко оригинало “Бэрэхия”

1:8 ^[2] мирты (мирта) – дрéво, кашт рукх

Шэрó 2

Дыкхибэн пал Мерибнытко Шэло

¹ И нэвэстыр (нэвэс) газдыём мэ якхá мирé и дыкхцём: акэ, мурш, дрэ савэскиро васт сыс шэло, савэса меринэлапэ пхув. ² Мэ пхуцём: ‘Карик ту джаса?” И ёв пхэндя мангэ: “Тэ обмеринав Ерусалимо, соб (кай) тэ дыкхав, савó исын лэскиро буглыпэн и савó исын лэскиро длэнгипэн.” ³ И акэ, Янгóло, савó ракирдя манца, выджала нэ явир Янгóло джала мамуй лэстэ. ⁴ И пхэндя ёв адалэскэ: “Джá сыгэдёр, пхэн адалэ тэрнэскэ: ‘Ерусалимо бичхавэла пэскирэ манушэн пэ пхувья пашыл фóро, пал-довá со дрéвэн бут исын дрэ лэстэ манушэн и бут кхэритконэ мурдалэн (ското). ⁵ И Мэ явава’, – ракирэла Рай Дэвэл, сыр екх ягитко ванта (сцяна) трусцял лэстэ, и барьёла слава Мирí дрэ лэстэ андрал.”

Сыр Явэла тэ Радынэнпэ Сионо и Явир Манушá

⁶ “Эй! Эй! Нашэн паш-ратитконэ (севернонэ) ригатыр, – ракирэла Дэвэл: ‘пал-довá со пир штар балваля болыбнытка Мэ росчхудём тумэн”, – ракирэла Рай Дэвэл. ⁷ Наш криг, Сионэ, савó сан кэ Вавилоноскири чхай. ⁸ Пал-довá со адъякэ ракирэла, янголэнгирэ-болыбнаскиро Рай-Дэвэл: ‘Ваш слава Ёв бичхадя ман кэ Наюдытка нацыи, савэ обчорэнас тумэн; пал-довá со савó чилавэла тумэн, дочилавэлпэ кэ лялька (зрачко) дрэ якх Лэскири. ⁹ Акэ, Мэ тринскирава Мирé вастэса пэ лэндэ, и ёнэ пэрна тэл гэрá пэскирэ писхарьенгирэ, и тэньчи тумэ доджинэнапэ, со янголэнгирэ-болыбнаскиро, Рай Дэвэл, бичхадя Ман. ¹⁰ Яв бахталы и радынпэ, Сионóскири чхаё! Пал-довá со, акэ, Мэ явава и лава тэ дживав дрэ тугтэ андрал’, – ракирэла Рай Дэвэл. ¹¹ – И припрастана кэ Рай Дэвэл бутджинэ манушá дрэ дова дывэс и ёнэ явэна Лэскирэ манушá; и Ёв лэла тэ дживэл дрэ тумэндэ андрал, и тумэ доджинэпэ, янголэнгирэ-болыбнаскиро Рай Дэвэл бичхадя Ман кэ ту. ¹² Тэньчи Рай Дэвэл лэла дро хулаибэн Юдас, сырбы Пэскири мэра дро миштыпэн пэ свэнто пхув, и нэвэстыр (нэвэс)

выкэдэла Ерусалимо. ¹³ ‘Мэк штыл тэ явэл каждо лоч (плоть) ангил муй Дэвлэскиро! Пал-дова со Ёв газдэлапэ Пэскирэ свэнтонэ штэтостыр!’

Шэрó 3

Дыкхибэн пал Барэ Рашастэ

¹ И сыкадя ёв мангэ Исусос (Ёхошуас/Ешуас), барэ рашас, саво исыс тэрдó ангил Янголостэ Рáскирэ-Дэвлэскирэстэ, и налачхэс (сатанас), саво сыс тэрдó пэ лэскиро чачó (право) васт, соб (кай) тэ кэрэл сарó проти Лэстэ. ² И пхэндя Дэвэл налачхэскэ: “Рай Дэвэл, мэк тэ на домэкэл тут, на́лачхо, Саво выкэдыя Ерусалимо! Ёв рашай исын гломня (голомня), вылыны́ ягатыр?” ³ Исусо жэ сыс уридó дрэ мэлякирдэ йди и сыс тэрдó ангил Янголостэ, ⁴ Саво отпхэнэлас и пхэндя одолэнгэ, кон сыс тэрдó ангил лэстэ, адякэ: “Злэн Лэстыр мэлякирдэ йди”; нэ Лэскэ кокорэскэ пхэндя: “Дыкх! Мэ злыём тۇтыр чорипэн Тырó, и урьякирав тут дрэ йди свэнкйтка. ⁵ И Мэ пхэндём: “Чхувэн по шэрó лэскиро жужó кидаро.” И ёнэ чхудэ жужó кидаро по шэрó лэскиро и урьякирдэ лэс дрэ йди. Янгóло жэ Дэвлэскиро сыс тэрдó.

Рандзь (Вэтка), Сави Отбарьёла

⁶ И лыя тэ бунтуинэл Янгóло Рáскирэ-Дэвлэскиро и пхэндя Исусоскэ: ⁷ “Адякэ ракирэла янгóлэнгирэ-болыбна́скиро Рай Дэвэл: ‘Кóли лэса тэ псирэс пир Мирé дромá и кóли ту явэса пэ стрéга Мирй, тэды ту лэса тэ сэндинэс Кхэр Мирó, и тэ дыкхэс палэ Мирé грэды (дворы). Мэ да́ва во́ля тۇкэ тэ псирэс машки́р одолэндэ, савэ исын тэрдэ адай. ⁸ Вышýн, Исусе, барó рашай, ту и кхардэ пшáла тырэ, савэ бэшэна ангил тۇтэ, муршá, савэ исын славутна: акэ, Мэ лыджа́ва дына́рис Мирэс, отбарьякирибэн. ⁹ Пал-дова со акэ, дова́ бар, саво Мэ чхува́ва ангил Исусостэ; пэ да́ва екх бар исын эф́та (битринэнгиро дэш) якхá; акэ, Мэ вычхина́ва пэ лэстэ лэскирэ чхины́бна, – ракирэла янгóлэнгирэ-болыбна́скирэ, Рай Дэвэл, и Мэ кхоса́ва криг адалэ – пхувья́киро грéхо дро екх дывэс. ¹⁰ Дро дова́ дывэс, – ракирэла янгóлэнгирэ-болыбна́скирэ Рай Дэвэл, – лэна екх явирэс тэ кхарэн тэл винаградо (дракх) и тэл инжыро.

Шэрó 4

Дыкхибэн пал Момолытко (Светильнико) и пал Маслины

¹ И рисия́ дова́ Янгóло, саво ракирдя́ ма́нца, и джанга́дя ман, сыр джангавэ́на манушэс соибна́стыр лэскирэстыр. ² И пхэндя ёв ма́нгэ: “Со ту дыкхэ́са?” И отпхэ́навас мэ: дыкха́ва момо́лытко (свeтiльнико) сарó сувна́кастыр и тахтаё́ро (чашэ́чка) ваш масли́нитко дзэт упрáл лэстэ, и эф́та момолэнгирэ́ (лампа́ды) пэ лэстэ, и пэ эф́та тру́бкицы кэ момолэнгирэ́, савэ исын упрáл лэстэ; ³ И дуй масли́нки пэ лэстэ, екх пэ чачи́ риг тахтаёрэ́стыр, яви́р пэ зэрво́ (лэ́во) риг лэски́ри. ⁴ И отпхэ́навас мэ и пхэндём Янгóлоскэ, саво ракирдя́ ма́нца: “Со да́ва исын, Раё́ миро?” ⁵ Тэ́ныци Янгóло, саво ракирдя́ ма́нца, отпхэнэ́лас и пхэндя ма́нгэ: “Ци ту на джи́нэса, со да́ва исын?” И пхэндём мэ: “На джи́но́м, Раё́ миро.” ⁶ Тэды отпхэнэ́лас ёв и пхэндя ма́нгэ: “Адякэ: да́ва исын лав Рáскирэ-Дэвлэскиро кэ Зоровавелё́, саво ракирэ́ла: ‘На му́ршыпна́са и на зоры́са, нэ Ду́хóса Мирэ́са’”, – ракирэ́ла янгóлэнгирэ-болыбна́скиро, Рай Дэвэл. ⁷ “Кон сан ту, бари бэ́рга ангил Зоровавелё́стэ! Ту сан плоско́ пхув (лошчы́на), и вы́лыджала ёв вэнглы́тко бар, и сарé задэ́на го́дла: ‘Бахталы́пэн, бахталы́пэн пэ лэстэ!’” ⁸ И сыс кэ мэ лав Рáскирэ-Дэвлэскиро, пхэ́ны: ⁹ “Зоровавелё́скирэ вастá кэрдэ́ фунда́менто далэ́ Кхэрэ́скэ (Кханги́рьякэ); лэскирэ вастá и кончи́нэна лэс, тэды ту до́джинэса́пэ, со янгóлэнгирэ-болыбна́скиро, Рай Дэвэл, бичха́дя Ман кэ тумэ́. ¹⁰ Пал-дова со, кон мого́нэла тэ думи́нэл; со дывэ́с да́ва исын на древа́н ва́жно, кэ́ли дасавэ́ радыма́са дыкхэ́на пэ уровне́ дрэ вастá Зоровавелё́скирэ, одолэ́ эф́та (битринэнгиро дэш), да́ва исын якхá Рáскирэ-

Дэвлэскирэ, савэ обухтылэна дыкхибнаса сарі пхув?”¹¹ Тэды отпхэналас мэ и пхэндём лэскэ: “Со сыкавэна долэ дуй маслинки пэ чачі риг шандалоскири и пэ зэрво риг лэскири?”¹² Явір мо́ло лыём мэ тэ ракирав и пхэндём лэскэ: “Со сыкавэна дуй маслинитка рандя (вэтки), савэ пирдал дуй сувнакунэ трубкицы чхувэна пэстыр сувнакай?”.¹³ И пхэндя ёв мангэ: “Ци ту на джинэса, со дава́ исын? Мэ отпхэналас: “Мэ на джино́м, Раё миро.”¹⁴ И пхэндя ёв: “Дава́ исын дуйджинэ мануша́, савэн макхнэ маслинитконэ дзэтэса, и савэ исын отпхэныбнаскирэ ангил сарэ-пхувьякирэ Растэ-Дэвлэстэ.”

Шэро́ 5

Дыкхибэ́н пал Вурняибны́тко Сві́тко

¹ И нэвэстыр (нэвэс) газдыём мэ якха́ мирэ́ и дыкцём: акэ, вурняла сві́тко (скрэ́нцы папи́ра). ² И пхэндя ёв мангэ: “Со дыкхэ́са ту?” Мэ отпхэналас: “Мэ дыкха́ва сві́тко, саво́ вурняла; длэ́нгипэ́н лэскиро́ исын биш куня́ (логци), буглы́пэ́н лэскиро́ исын дэш куня́.”³ Ёв пхэндя мангэ: “Дава́ исын прокошыбэ́н (арман), саво́ ячэ́ла пэ́ риг сарэ́ пхувья́кири; пал-дова́ кажно́ (сва́ко), кон чорэ́ла, явэ́ла хасяки́рдо, сыр исын чхиндло́ пэ́ екх риг, и кажно́, кон дэ́ла хоханы́ совэл, хасяки́рдо явэ́ла, сыр исын чхиндло́ пэ́ яві́р риг.”⁴ “Мэ залы́джиём лэс”, – ракирэ́ла янго́лэ́нгирэ́-болы́бна́скиро, Рай Дэвэл, – и дава́ явэ́ла дро чорэ́скиро кхэр и дро кхэр одолэ́скиро, кон дэ́ла хоханы́ совэл Мирэ́ лавэ́са и ячэ́ла дро кхэр лэ́скиро и хасяки́рла лэс, и кашта́ лэ́скирэ, и бара́ лэ́скирэ.

Дыкхибэ́н пал Джу́вля́тэ дрэ́ Эфа́

⁵ И вы́гия Янго́ло, саво́ раки́рдя́ ма́нца, и пхэндя́ ма́нгэ: “Га́здэ ишчо́ (инкэ́) якха́ тырэ́ и дыкх, со да вы́джала́?”⁶ Кéли жэ́ мэ пхэндём: “Со дава́ исын? Ёв отпхэ́нэлас: “Дава́ вы́джала́ э́фа (кхудо), и пхэндя́: “Дава́ исын патры́н (о́бразо) лэ́нгиро́ пир сарі́ пхув.”⁷ И акэ, котэр мо́лови (свинцо́) газды́япэ, и одо́й исыс бэ́шты екх джу́влы́ машкі́р э́фа.”⁸ И пхэндя ёв: “А́дая джу́влы – ко́коро́ бипаты́валы́пэ́н”, и чхурды́я ла дрэ́ э́фа машкі́рал, нэ́ пэ́ отве́рстиё́ (пэ́ кула) ла́кири чхурды́я котэр мо́ловано́ (свинцо́во).⁹ И газдыём мэ якха́ мирэ́, и зады́кхцём: акэ, явнэ́ дуй джу́вля́, балва́л пхурдэ́лас дрэ́ лэ́нгирэ́ пхака́ (кры́лы), и пхака́ лэ́ндэ – сыр пхака́ бо́ц(т)яно́скирэ; и газды́нэ ё́нэ э́фа и лы́джинэ́ ла машкі́р пхув и болы́бэ́н.”¹⁰ И пхэндём мэ Янго́лоскэ, саво́ раки́рдя́ ма́нца: “Ка́й лы́джана́ ё́нэ да́я э́фа?”¹¹ Тэ́ньци пхэндя ёв ма́нгэ: “Соб (ка́й) тэ́ кэ́рэн ва́ш ла́кэ́ кхэр пэ́ пхув Сэ́наар, и, кéли саро́ явэ́ла кэ́рдэ, тэ́ды ё́й чху́вэлапэ́ одо́й пэ́ пэ́скиро́ фунда́менто.”

Шэро́ 6

Дыкхибэ́н пал Штар Мари́бны́тка Вурдэ́на

¹ И нэвэстыр (нэвэс) газдыём мэ якха́ мирэ́ и дыкха́ва: акэ, штар ма́рибны́тка вурдэ́на (колесни́цы) вы́джана́с машкі́р дуй бэ́рги; нэ́ бэ́рги долэ́ исыс бэ́рги харкунэ́ (меді́тка). ² Дро пэ́рво вурдэ́н андрэ́ ды́нэ граё́ лолэ́, нэ́ дро яві́р вурдэ́н – граё́ калэ́. ³ Дро трі́то вурдэ́н граё́ парнэ́, нэ́ дро штáрто вурдэ́н гра́я сы́ва, зоралэ́. ⁴ И лыём мэ тэ ракирав, и пхэндём Янго́лоскэ, саво́ раки́рдя́ ма́нца: “Со дава́ исын, Раё миро?”⁵ И отпхэ́нэлас Янго́ло и пхэндя́ ма́нгэ: “Дава́ исын штар болы́пна́скирэ́ дү́хи, савэ́ исын отпхэ́ныбна́скирэ́ ангил Растэ-Дэвлэ́стэ сарэ́ пхувья́кирэ́стэ.”⁶ Калэ́ граё́ одо́й вы́джана́ пэ́ риг паш-ра́ті́тко (се́верно), и парнэ́ на́шэ́на палэ́ лэ́ндэ, нэ́ сы́ва джа́на пэ́ риг паш-ды́вэсы́тко (ю́жно). ⁷ И зоралэ́ вы́гинэ́ и камлэ́ тэ́ джа́н, соб (ка́й) тэ́ джа́н дурэ́ды́р пир пхув; и ёв пхэндя́: “Джа́н и джа́н пир сарі́ пхув”, – и ё́нэ гинэ́ пир сарі́ пхув.”⁸ Тэ́ды кхардэ́ ёв ма́н и пхэндя́ ма́нгэ: “А́дыкэ́, дыкх, савэ́ вы́гинэ́ пэ́ паш-ра́ті́тко (се́верно) пхув, ко́вляки́рдэ́ Миро́ дү́хо (фа́но) пэ́ пхув паш-ра́ті́тко.”

Припхэныбэн тэ Чхувэс Кралитко Стадык (Короны) Исусоскэ

⁹ И сыс Рáскирэ-Дэвлэскиро лав кэ мэ, пхэны: ¹⁰ “Лэ одолэндыр, савэ явнэ пленóстыр, кэ Хелдайо, кэ Товия и кэ Иедаё, и джá дро дова́ кокорó дывэс, джá дро кхэр Иосияскиро-Софониёскирэ чхавэскиро, кай ёнэ явнэ Вавилонóстыр, ¹¹ Лэ лэндыр руп и сувнака́й и кэр кралитка стадыка́ (короны) и чхув по шэрó Исусóскиро, Иоседекоскирэ чхавэскиро, барэ рашаскиро, ¹² и пхэн лэскэ: – “Адякэ ракирэ́ла янголэнгирэ-болыбна́скиро Рай Дэвэл: ‘Акэ, Мурш, – лав Лэскиро Отбарьякирибэн, Ёв барьё́ла Пэскирэ корнё́стыр (рукхэ́стыр) и кэрэ́ла Кханги́рй Дэвлэскири. ¹³ Ёв кэрэ́ла Кханги́рй Рáскирэ-Дэвлэскири и прилэ́ла сла́ва, и лэ́ла тэ бэшэ́л сыр барыды́ро пэ Пэскиро трóно; явэ́ла и раша́й пэ Пэскиро трóно, и лавэнгиро рама́нё (миро) явэ́ла машки́р дова́ и яви́р. ¹⁴ А долэ́ кралитка стадыка́ явэ́на Хелемоскэ и Товияскэ, Иедаёскэ и Хеноскэ, Софронияскирэ чхавэ́скэ, ваш рипирибэн дро Дэвлэскири Кханги́рй. ¹⁵ Дуралыпна́стыр явэ́на и кхэтанэ́ явирэнца́ лэ́на тэ газдэн Кханги́рй Рáскирэ-Дэвлэскири, и тумэ́ доджинэ́напэ, со янголэнгиро-болыбна́скиро, Рай Дэвэл, бичхадя́ ман кэ тумэ́, и дава́ явэ́ла, кэ́ли тумэ́ зоралэ́с лэ́на тэ кандэн зан тумарэ́ Рáскирэ-Дэвлэскири.”

Шэрó 7

Тэ Кандэн Дэвлэс Фэдыр, сыр тэ Постинэн

¹ Дро штáрто бэрш кралы́скиро Дариёскиро сыс лав Рáскирэ-Дэвлэскиро кэ Заха́рия, пэ штáрто дывэс еня́то (биекхэ́скиро дэ́што) чхон, Хаслево. ² Сыр Вефиль ^[1] бичхадя́ Сарецерос и Регем-Мелехос и малэн пир дром (спутникэн) лэскирэн тэ мангэнпэ Рáскэ-Дэвлэскэ ангил муй Лэскиро, ³ и тэ пхучэн рашандыр, савэ сыс дрэ Кханги́рй, Рáскирэ-Дэвлэскири, янголэнгирэ-болыбна́скири и пророкэндыр, раки́рй: “Ци трэй ма́нгэ тэ ровав дро па́нджто чхон и тэ рикирав посто, со мэ кэравас ужэ бут бэрш?” ⁴ И сыс кэ мэ ла́ва янголэнгирэ-болыбна́скиро Рáскирэ-Дэвлэскиро: ⁵ “Пхэн сарэ́нгэ пхувья́кирэ манушэ́нгэ и раша́нгэ адя́кэ: ‘Кэ́ли тумэ́ рикирэ́нас посто и ровэ́нас дро па́нджто и эф́та́то чхон, и дава́ ужэ эф́тадэ́ша́ бэрш, – ци ваш Ма́нгэ тумэ́ рикирдэ́ посто? Ци ваш Ма́нгэ? ⁶ И кэ́ли тумэ́ ха́на, и кэ́ли тумэ́ пьена́, ци на ваш пэ́скэ тумэ́ ха́на, ци на ваш пэ́скэ тумэ́ пьена́? ⁷ Ци на ‘дасавэ́ кокорэ́ лава́ пхэнэ́лас Рай Дэвэл англэ́дыр пирда́л гаратунэ́ пророкэ́ндэ, сыр дро Ерусалимо́ сыс ишчо́ (инкэ́) бут мануша́ и покойны́ма, и дрэ пашылатунэ́ фо́рья, дрэ паш-дывэсы́тко (южно) риг и пэ Тэлатуны́ Пхув дживэ́нас бут мануша́?” ⁸ И сыс лав Рáскирэ-Дэвлэскиро кэ Заха́рия: ⁹ “Адякэ ракирэ́лас Рай Дэвэл янголэнгирэ-болыбна́скиро: ‘Кэрэ́н сэ́ндо чачипны́тко и сыкавэ́н ла́ска и (жали́ма) ка́жно ваш пэ́скирэ пшалэ́скэ; ¹⁰ Пивле́н (удовэ́н), пиротэ́н (сиротэ́н), чужонэ́с и чорорэ́с тэ на притасавэ́н и тэ на рикирэ́н холы́ екх пэ́ явирэ́стэ дро ило́ тумаро́.” ¹¹ Нэ ё́нэ на камлэ́ тэ кандэн, отрисинэ́ Ма́ндыр, и кана́ пэ́скирэ отты́рдынэ́, соб (кай) тэ на шунэ́н. ¹² И ило́ пэ́скиро закэ́рдэ барэ́са, соб (кай) тэ на шунэ́н Зако́но и лава́, савэ́ бичхавэ́лас янголэнгирэ-болыбна́скиро Рай Дэвэл, Духо́са Пэ́скирэ́са пирда́л гаратунэ́ пророкэ́ндэ; ваш дова́ и дорэ́сця́ лэн бари холы́ янголэнгирэ-болыбна́скирэ Рáстыр-Дэвлэ́стыр. ¹³ И сыс: сыр Ё́в обрисё́лас, а ё́нэ на шунэ́нас, адя́кэ и ё́нэ обрисё́нас, а Мэ́ на шуна́вас,” – ракирэ́ла янголэнгирэ-болыбна́скиро Рай-Дэвэл. ¹⁴ И Мэ́ росчхурды́ём лэн rischiрибна́скирэ балва́ляса пир сарэ́ манушэ́ндэ, савэ́н ё́нэ на джиднлэ́. И да́я пхув чхучия́ би лэнгиро, со никон на псирдя́ пирда́л ла́тэ ни англэ́, ни палэ́, и ё́нэ кэ́рдэ далэ́ бахталэ́ рига́тыр чхучи́ пхув.”

7:2 ^[1] Дро Юды́тко оригина́ло ‘Бэт-эль-Сарэ́цэр’

Шэрó 8

Ерусалимо, Свѣнто Фóро

¹ И със лав янголѣнгирѣ-болыбнѣскиро, Рѣскирѣ-Дѣвлѣскиро: ² “Адѣкѣ ракирѣла янголѣнгирѣ-болыбнѣскиро Рай Дѣвл: ‘Росхолясыѣм Мѣ пѣ Сионо барѣ холынаса, и барѣ холяса холясыѣм Мѣ пѣ лѣстѣ’. ³ Адѣкѣ ракирѣла Рай Дѣвл: ‘Обрисѣвава Мѣ кѣ Сионо и Мѣ лава тѣ дживѣв дро Ерусалимо, и лѣла тѣ кхарѣлпѣ Ерусалимо ‘чачипнѣскиро фóро’, и бѣрга янголѣнгирѣ-болыбнѣскирѣ Рѣскирѣ-Дѣвлѣскири – Свѣнтымакири Бѣрга.’ ⁴ Адѣкѣ ракирѣла янголѣнгирѣ-болыбнѣскиро, Рай Дѣвл: ‘Нѣвѣстыр пхурѣ и пхурѣя лѣна тѣ бѣшѣн пѣ вулицы (гѣсы) дро Ерусалимо, кажно кашторѣса дро васт пир дова, со барѣ бѣршѣ лѣнгѣ. ⁵ И вулицы (гѣсы) далѣ форѣскирѣ явѣна пхѣрдѣ тѣрнѣ-баршѣнгирѣнца и тѣрнѣ-бѣршѣнгирѣнца, савѣ лѣна тѣ броинѣн пѣ лѣскирѣ гѣсы. ⁶ Адѣкѣ ракирѣла янголѣнгирѣ-болыбнѣскиро Рай Дѣвл: ‘Кѣли дава ваш народо, савѣ яцѣпѣ, сыкадѣла дивно дрѣ дывѣсѣ далѣ, тѣды наушто дава исын дивно и ваш Мѣнгѣ?’ – ракирѣла Рай Дѣвл, янголѣнгирѣ-болыбнѣскиро. ⁷ Адѣкѣ ракирѣла янголѣнгирѣ-болыбнѣскиро Рай Дѣвл: ‘Акѣ, Мѣ выракхава Мирѣ манушѣн вастокѣскирѣ ригѣтыр и ригѣтыр, кай пѣрѣла кхам; ⁸ Мѣ янава палѣ лѣн, и ѣнѣ лѣна тѣ дживѣн кѣ Ерусалимо, и явѣна Мирѣ манушѣ (манушѣнца), и Мѣ явава лѣнгиро Дѣвл, пир патѣибѣн и дро чачипѣн.’ ⁹ Адѣкѣ ракирѣла янголѣнгирѣ-болыбнѣскиро Рай Дѣвл: ‘Зорѣякирѣн тумѣ вастѣ тумарѣ, кон шунѣла акѣна лавѣ далѣ прорѣкѣнгирѣ вуштѣндыр, савѣ със пашѣл, сыр със кѣрдѣ Кхѣр (Кхангирѣ) янголѣнгирѣ-болыбнѣскиро Рѣскирѣ-Дѣвлѣскиро, соб (кай) тѣ газдѣлпѣ Кхангирѣ. ¹⁰ Пал-дова со англѣдыр одолѣ дывѣсѣндыр на със плѣскирибѣн ваш манушѣскѣ, на със плѣскирибѣн ваш бутѣ гурувѣнгири, ни одолѣскѣ, кон явѣла, ни кодолѣскѣ, кон джѣла, на със рамѣнѣ (миро) вѣргѣндыр; и домѣкавас Мѣ, соб (кай) кажно мануш тѣ явѣл вѣрго явирѣскѣ. ¹¹ И канѣ ваш Мирѣ манушѣнгѣ, савѣ ячнѣпѣ, Мѣ на сом адасавѣ, сыр сѣмас гарѣдыр,’ – ракирѣла Дѣвл, янголѣнгирѣ-болыбнѣскиро. ¹² Пал-дова со сеиндло гив явѣла тѣ дѣл прибарипѣн, винаградытко хрѣсто дѣла пѣскирѣ мурицы, нѣ пхув дѣла, со ѣй барѣякирѣдя, и болыбѣн дѣла пахлын (роса) пѣскири: и сарѣ дава Мѣ дава адакицы манушѣнгѣ, савѣ ячѣнапѣ. ¹³ И явѣла: сыр тумѣ, Юдѣскиро кхѣр и Израилѣскиро кхѣр, сѣнас прокошлѣ, машкѣр Наюдытконѣ нѣцѣи, адѣкѣ Мѣ зракхѣва тумѣн, и тумѣ явѣна ваш явирѣнгѣ бахталѣ; на андыршѣн, мѣк тѣ явѣн тумарѣ вастѣ зоралѣ!” ¹⁴ Пал-дова со адѣкѣ ракирѣла, янголѣнгирѣ-болыбнѣскиро Рай Дѣвл: “Сыр Мѣ дыѣм годѣ Пѣскѣ тѣ сѣндыакирав пхарѣс тумѣн, кѣли тумарѣ дадѣ холякирѣнас Ман, – ракирѣла Рай Дѣвл, – и Мѣ на отпхѣндѣмпѣ адалѣстыр, ¹⁵ адѣкѣ нѣвѣстыр задуминдѣм Мѣ дрѣ далѣ дывѣсѣ тѣ кѣрав лачхипѣн Ерусалимоскѣ и Юдѣскирѣ кхѣрѣскѣ; на андыршѣн! ¹⁶ Акѣ, бутѣя, савѣ тумѣ сан бангѣ тѣ кѣрѣн: пхѣнѣн чачипѣн екх екхѣскѣ, пирѣ чачипѣн и рамѣнѣ (миро) сѣндыакирѣн кѣ пѣрта тумарѣ. ¹⁷ Никѣн тумѣндыр, мѣк тѣ на рикирѣл дро илѣ пѣскиро холѣ пѣ сѣмѣнцѣндѣ пѣскирѣндѣ, на кѣрѣн хохѣны совѣл; пал-дова со сарѣ дава Мѣ бидыкхава,’ – ракирѣла Рай Дѣвл. ¹⁸ И със кѣ мѣ лав янголѣнгирѣ-болыбнѣскирѣ, Рѣскирѣ-Дѣвлѣскиро: ¹⁹ Адѣкѣ ракирѣла янголѣнгирѣ-болыбнѣскиро Рай Дѣвл: Посто дро штѣрто чхон и посто дро пѣнджто чхон, и посто дро ѣфтѣто чхон и дро дѣшто, мѣк тѣ явѣл ваш кхѣр Юдѣскиро радымакиро и бахталѣ свѣнко; фѣни тумѣ сан бангѣ тѣ рикирѣн чачипѣн и рамѣнѣ.’ ²⁰ Адѣкѣ ракирѣла янголѣнгирѣ-болыбнѣскиро Рай Дѣвл: “Ишчо (инкѣ) явѣна тѣ явѣн явѣр манушѣ и джибнѣскирѣ бутѣ форѣндыр; ²¹ И явѣна манушѣ екхѣ форѣстыр кѣ манушѣ явирѣ форѣстыр и пхѣнѣна: “Явѣн тѣ мангаспѣ ангѣл Рѣстѣ-Дѣвлѣстѣ и тѣ родас янголѣнгирѣ-болыбнѣскирѣ Рѣс-Дѣвлѣс”; и кажно пхѣнѣла: “джѣва и мѣ.” ²² И явѣна бут нѣцѣи и зоралѣ народы, соб (кай) тѣ лѣтхѣн Рѣс-Дѣвлѣс, янголѣнгирѣ-болыбнѣскирѣс, дро Ерусалимо и тѣ мангѣнпѣ патѣрѣяса ангѣл муй Рѣстѣ-Дѣвлѣстѣ. ²³ Адѣкѣ ракирѣла янголѣнгирѣ-болыбнѣскиро Рай Дѣвл: “Явѣла дрѣ долѣ дывѣсѣ, со дѣшджинѣ явирѣ-чибѣнгирѣ Наюдытконѣ нацѣѣндыр, лѣнапѣ пал ягѣро (пал пѣдя) пѣ ѣди Юдѣскири и пхѣнѣна: ‘Амѣ джѣаса тѣуса, пал-дова со амѣ шундѣм, со тумѣнца исын Дѣвл.’”

Шэрó 9

Израилё Зракхэлапэ Вэргэндэр

¹ Ангилпхэныбён Рáскирэ-Дэвлэскиро пэ пхув Хадрах, пэ Дамáско ёв адякэ-паць (тэж) ячэлапэ; пал-довá со якх Рáскирэ-Дэвлэскири исын пэ сарé манушэндэ, сыр и пэ сарé Израилёскирэ, – ² И пэ Емафо, савó исын пашы́л лэстэ, пэ Тíро и Сидоно, пал-довá со ёв исын древа́н годó. ³ И кэрдя́ пэскэ Тíро вучарды́ (башня), скэдыя́ руп, сыр пра́хо, и сувнака́й, сыр мэл яврі́ пэ га́са. ⁴ Акэ, Рай Дэвэл кэрэла лэс чорорэса и хасякирэла зор лэскири дро мо́рё (дэрья́в), а кокорó ёв явэ́ла хасякирдо яга́са. ⁵ Сыр дыкхэла ла да Аскалоно и лэ́ла тэ дарэл, и Газа адякэ-паць лэ́ла тэ тринскирэ́лпэ, и Экроно; пал-довá со на выкэрлапэ э надéя лэскири: на явэ́ла крáли дрэ́ Газа, нэ́ Аскалоно ячэ́ла би манушэ́нгиро. ⁶ “Чужо на́цыя лэ́ла тэ дживéл кэ́ Азото, и Мэ́ хасякира́ва пхутькирдé Филистимля́нэн. ⁷ Мэ́ вытырдава рат лэ́скирэ мо́стыр и джунгалыпéн лэ́скирэ дандэндэр, и ёв пэрэла тэл зор Дэвлэ́скэ амарэ́скэ, и явэ́ла сыр барэ́нгиро дрэ́ Юда, нэ́ Екроно явэ́ла, сыр Евусе́. ⁸ И Мэ́ чхувáва лод (ста́но) пашы́л Кхэр́ Миро́ муял халадэндэ́, муял одолэндэ́, со псирéн а́нглэ́ и палэ́, и на явэ́ла буты́р ада́й тэ псирéл вэ́рго; пал-довá со а́канá Мирé́ якхэ́нца Мэ́ ла́ва тэ дыкхáв пэ́ дава́.

Сыр Явэ́ла Крáли

⁹ Ра́дынпэ́ зоралэ́с бахты́ыр, Сионо́скири чхай́, дэ́ гóдла радымáтыр, Ерусалимо́скири чхай́: акэ́, крáли ты́ро явэ́ла кэ́ ту, чачипна́скиро́ и зракхибна́скиро, ковлэ́-илы́тко, уклисто́ пэ́ ослицатэ́ и пэ́ тэрнэ́ ослостэ́, савэ́скири дай́ псирдя́ тэ́ло га́мо. ¹⁰ Тэ́ньци Мэ́ хасякира́ва марибны́тка вурдэ́на дро́ Ефре́мо и грэ́н дро́ Ерусалимо́, Мэ́ хасякира́ва марибны́тко лу́ко; и Ё́в пхэ́нэ́ла пал ра́манé́ манушэ́нгэ́, и Лэ́скиро крaлипéн явэ́ла морéстыр (дэ́рьявэ́стыр) кэ́ мо́рё (дэ́рья́в), и рэ́каты́р (лэ́няты́р) кэ́/жы́ко пхувья́киро ягóро (кэ́ ко́нцо).

Дэвэл Зракхэ́ла Пэ́скирэ́ Манушэ́н

¹¹ А́канá пал ту́тэ – ваш рат мирé́ пхэ́ныбна́скиро заветосты́р Мэ́ мэ́кава пэ́ во́ля ты́рэ стардэ́ манушэ́н далэ́ хорипна́стыр, дро́ савó нанэ́ пaни́. ¹² Рисéн кэ́ тва́рдыма́ (диз) тумé́, стардэ́ манушáлэ́, савэ́ндэ́ исын ишчо́ (инкэ́) надéя! Довá, пал со а́канá ра́кира́ва, Мэ́ отплэ́скирава́ ту́кэ́ (дуй мо́лы). ¹³ Пал-довá со Мэ́ сыр лу́ко надты́рдава Пэ́скэ́ Юдас́ и пхэ́рдя́кирава лу́ко Ефремoса, и газда́ва чхавэ́н ты́рэн, Сио́нэ, пэ́ чхупна́р'я́ндэ́, Иония́, и Мэ́ кэ́рава́ ту́тыр марибны́тко курта́ла зоралэ́-манушэ́скири. ¹⁴ И явэ́ла упрáл лэ́ндэ́ Рай́ Дэвэл, и сыр блискави́ца вурня́ла яврі́ марибны́тко буст (стрела́) Лэ́скири, и за́риминэ́ла Рай́ Дэвэл дро́ ро́го (труба́) и сы́кадэ́ла машкíр паш-ды́вэсы́тко (ю́жно) риско́рибна́скири балва́л. ¹⁵ Рай́ Дэвэл я́нголэ́нгирэ́-болы́бна́скиро, лэ́ла тэ́ затэ́рдéл пал лэ́ндэ́, и ё́нэ лэ́на тэ́ хасякирэ́н и тэ́ шта́кирэ́н бара́, савó чхурдэ́нпэ́, ё́нэ лэ́на тэ́ пьен́ и тэ́ дэн гóдла сы́рбы мо́ляты́р (вино́стыр) и пхэ́рдэ́на тах́тая́ (ча́шы) ваш свéнта́ дыи́бэна́, сыр алта́рэ́скирэ́ вэ́нглы. ¹⁶ И зракхэ́ла лэ́н Рай́ Дэвэл, лэ́нгиро́ Дэвэл дро́ дова́ ды́вэс, сыр бакрэ́н Пэ́скирэ́ гуртосты́р; пал-довá со сыр куч́ бара́ пэ́ крaли́тко ста́дык (коро́на), ё́нэ явэ́на тэ́ зяинэ́н пэ́ Лэ́скири пхув. ¹⁷ О, сыр барó́ исын Лэ́скиро лачхипéн и савó́ исын шу́карипéн, го́жыма́ Лэ́скири! Ма́ро роспхандэ́ла чи́б тэрнэ́ манушэ́нгэ́, и мол (вино́) – ты́рнэ́ джу́вленгэ́!

Шэрó 10

Рай́ Дэвэл Зо́рьякирэ́ла Нэ́вэ́стыр́ Юдас́ и Израилё́

¹ Мангэ́н Ра́стыр-Дэвлэ́стыр бры́шы́нд, кéли вэ́снаки́ро ёв трéй тэ́ явэ́л; Дэвэл за́зяинэ́ла блискави́ца́са и дэ́ла тумэ́нгэ́ гэ́нсто бры́шы́нд, чар пэ́ фэ́лда. ² Пал-довá со тэ́рафимы́ башэ́на

чибаса, а зумакирибнаскирэ (вешчуны) дыкхэна хоханэс и роспхэнэна сунэ хоханэ; ёнэ ковлякирэна илэ чхучипнаса (пустотаса); ваш-довá ёнэ псирэна сыр бакрэ, савэнгэ исын пхаро, пал-довá со нанэ чхупнарис (пастырэс). ³ Пэ чхупнарьэндэ захачия холын Мирй, и бузнэн (козлэн) Мэ явáва тэ марáв; пал-довá со явэла янголэнгирэ-болыбнаскиро Рай Дэвэл кэ гурто Пэскиро, Юдаскиро кхэр, и чхувэла лэн, сыр тхагаритконэ грэс пэскирэс пэ марибнйтко фэлда. ⁴ Лэстыр явэла вэнглытко бар, лэстыр – килоро ваш шáтра, лэстыр – лúко тэ марэлпэ, лэстыр явэна тхэмэскирэ барыдырá (правители). ⁵ И ёнэ явэна зоралэ муршá, савэ явэна тэ штакирэн вэргэн, коли исын марибэн, сыр мэл пэ гáса, и марэнпэ, пал-довá со Рай Дэвэл исын лэнца, и задэна ёнэ бари ладж одолэнгэ, савэ исын уклистэ пэ грэндэ. ⁶ Мэ зоралыкирава кхэр Юдаскиро и зракхáва кхэр Ёзаскиро, и Мэ рискирáва лэн палэ, пал-довá со ковляя илó Миро пал лэндэ, и ёнэ явэна, сýрбы Мэ на мэкавас лэн: пал-довá со Мэ Рай-Дэвэл лэнгиро, и Мэ вышунава лэн. ⁷ Сыр зоралó мурш явэла Ефрёмó; тэды явэла тэ зрадынэлапэ илó лэнгиро, сыр молятыр (виностыр); и дыкхэна давá чхавэ лэнгирэ и ёнэ явэна тэ радынэнпэ; рáдыма явэла дро лэнгиро илó ваш Рáскэ-Дэвлэскэ. ⁸ Мэ дáва шоля, лэнгэ и скэдáва лэн, пал-довá со выракхцём лэн; ёнэ явэна адакицы бутджинэ, сыр сыс англэдýр. ⁹ И Мэ росчхувава тэ дживэн лэн машкёр манушэндэ, и дрэ дуратунэ пхувья, ёнэ лэна тэ рипирэн пал Мándэ, и ёнэ лэна тэ дживэн пэскирэ чхаворэнца (биятэнца), и рисёна палэ. ¹⁰ Мэ адýкэ-паць рискирáва лэн палэ Египтóскирэ пхувьятыр и Асириятыр, скэдáва лэн, и Мэ лыджáва лэн пэ Галаадоскири пхув и пэ Ливáно адýкэ пэ гарá, сыр на ухтылла (нádоси) штéто ваш лэнгэ. ¹¹ И ёнэ джáна пир бари бýда пир мóрө (дэрьяв) и Мэ хасякирáва валны моритка адýкэ, со тэрдэна сарэ хорипна рэакирэ (лэнякирэ), тыкнёла Асyроскиро пхутькирибэн и отлэна скипетро Египтóстыр. ¹² И Мэ зоралыкирава лэн дрэ Растэ-Дэвлэстэ, и ёнэ лэна тэ псирэн дро лав Лэскиро”, – ракирэла Рай Дэвэл.

Шэрó 11

Израилё Явэла Чхучó

¹ Откэр (псирав), Ливáно, пóрта тырй, соб (кай) тэ похал яг тырэ кедры. ² Ров, кипарисо, пал-довá со пыя кедро, пал-довá со и барэ каштá подынэнпэ; ровэн, дэмбы Васаноскирэ, пал-довá со пыя гэнсто вэш. ³ Зан чхупнарьэнгири (пастырэнгири) исын шундлы ровибнаса, пал-довá со чхучия лэнгири вольныма; шунэлпэ холям зан тэрнэ-шчэрэнгири, пал-довá со хасия Иорданоскиро шукарипэн.

Чхупнáрья Ангилпхэнэна

⁴ Адýкэ ракирэла Рай Дэвэл, Дэвэл миро: “чарав бакрэн, савэ джáна тэл чхури, ⁵ савэн хулая чхинэна би дарáкиро, а одолэ, савэ лэн бикиндлэ, ракирэна: ‘Парикирибэн Дэвлэскэ; мэ барвалыём!’” И лэнгирэ чхупнáрья (пастухи) на тангинэна пал лэндэ. ⁶ Пал-довá со Мэ на лавá бутýр тэ тангинав манушэн далэ – пхувьякирэн’, – ракирэла Рай Дэвэл; – акэ, Мэ отдáва манушэн, кажнонэс дрэ вастá лэскирэ сэмэнцакэ, и дрэ вастá лэскирэ кралýскэ. Ёнэ лэна тэ хасякирэн пхув, нэ Мэ на зракхáва лэн лэнгирэ вастэндýр’.” ⁷ И Мэ чарадём бакрэн, савэ джáна тэл чхури, бакрэн, чачэс, чорорэн. Мэ лыём Пэскэ дуй саструнэ дэстэ (жэзлы) и Мэ лыём тэ кхарав екх ‘Шук’, а явёр – ‘Саструнэ Пэнты, и чарадём бакрэн. ⁸ И Мэ хасякирдём тринэн чхупнарьен дро екх чхон; и одрисия ди Миро лэндýр, сыр лэнгиро ди одрисия Мándýр. ⁹ Теньци Мэ пхэндём: “Мэ на лавá тэ чарав тумэн. Савó исын тэ мэрэл, мэк тэ мэрэл, и хасибнаскиро – мэк тэ хасёл, а савэ ячэнапэ, мэк тэ хан масá екх явирэстыр. ¹⁰ И Мэ лыём Миро саструно дэстó – Шук – и Мэ пхагирдём лэс пэ паш, соб (кай) тэ кхосав криг завето, со счхудём Мэ сарэ манушэнца. ¹¹ И сыс дэстó пхагирдó дро до дывэс. И тэньчи галынэ чорорэ машкёр бакрэндэ, савэ ужакирдэ Ман, со давá сыс лав Рáскирэ-Дэвлэскиро. ¹² И Мэ пхэндём лэнгэ: “Кóли тумэ камэна, дэн Мánгэ Миро плэскирибэн; кóли над – на дэн; и ёнэ важындлэ Мánгэ сыр плэскирибэн трийнда рупувэ ловорэ. ¹³ И пхэндý мánгэ Рай

Дэвэл: “Чхурдэ лэн дрэ пирі кхангирьякири, – кадасави вучі тимін, саві ёнэ дынэ пал Мандэ! И лыём Мэ трийнда рупуворэ и чхурдыём лэн дро Кхэр Рáскирэ-Дэвлэскиро ваш манушэскэ, кон липинэл пирья глинатыр (глэятыр). ¹⁴ И пхагирдём Мэ явир саSTRUHO дэстó Мирó – Саструнó Пэнтý, соб (кай) тэ роспхандав пшальпэн машкір Юдастэ и Израилёстэ. ¹⁵ И Рай Дэвэл пхэндя мánгэ: “Лэ ишчо (инкэ) пэскэ струментó екхэскирэ дылынó чхупнарьендыр. ¹⁶ Пал-довá со, акэ, Мэ ячавава пэ дая пхув чхупнарис, савó на лэла тэ пэкэлпэ пал хаськирибнаскирэндрэ, и ёв на лэла тэ родэл нашадэн, на лэла тэ састякирэл насвалэн, и састэн ёв на лэла тэ чаравэл, нэ ёв явэла тэ хал мас тхулэнги́ро, и копыты (ная) лэнгирэ роскушнэ пэ котэра. ¹⁷ Мэк тэ явэл бйда пэ джунгалэ пастырёстэ, савó ячкирэла пэскирэ бакрэн! Мэк тэ чхинэл чхури васт лэскиро и чачі якх лэскири! Мэк тэ шутёл сарэса лэскиро васт, и мэк лэскири чачі якх сарэса тэ корьёл.”

Шэрó 12

Хась, Саві Явэла пэ Юдастэ

¹ Ангилпхэныбэн Рáстыр-Дэвлэстыр палó Израилё. Адыкэ ракирэла Рай-Дэвэл, Савó розбуглякирдя болыбэн, Савó кэрдя пхув и дыя манушэскэ ди андрé лэстэ, ракирэла: ² “Акэ, Мэ кэрава Ерусалимóстыр тахтай (чаша) тэ матён ваш сарé манушэнгэ, кон исын трусцýл, сыр ёнэ лэна тэ обчхувэн трусцýл Юдас и Ерусалимо. ³ И явэла дро довá дывэс, со Мэ кэрава Ерусалимóстыр древан пхарó бар ваш сарé манушэнгэ; сарé, кон камéла тэ газдэл лэс, пхарьёла пэ котэра, мэк тэ скэдэ́нпэ проти лэстэ сарé манушá далэ-пхувьякирэ. ⁴ Дро довá дывэс, – ракирэла Рай Дэвэл, – ‘Мэ кэрава кажнонэ грэс бэнгалэса и одолэс, кон явэла уклисто пэ лэстэ, дылынэса, пэ кхэр Юдáскиро откэрава якхá Мирé; кажнонэ грэс манушэнгирэс Мэ корьякирава’. ⁵ И пхэнна барé рая Юдáскирэ дрэ илэ пэскирэ: ‘Зор мирі – Ерусалимóскирэ манушá дрэ янголэнгирэ-болыбна́скирэ Растэ-Дэвлэстэ, лэнгирэ Дэвлэстэ.’ ⁶ Дро довá дывэс Мэ кэрава ран Юдаскирэн – сыр хич (скороведа) ягáса машкір каштá и сыр момолýтко (светильнико) машкір гарбы (снопы), и ёнэ повымарна сарэн пашылатунэн манушэн чачé и зэrvонэ (левонэ) ригáтыр, и нэвэстыр явэна дро Ерусалимо манушá пэ лэскиро, Ерусалимоскиро штéто. ⁷ И зракхэла Рай Дэвэл ангил сарэстэ Юдáскирэ шáтры, соб (кай) Давидóскирэ-кхэрэскиро барипэн и барипэн Ерусалимóскирэ манушэнги́ро тэ на явэл вучэдыр Юдастыр. ⁸ Дро довá дывэс лэла тэ затэрдёл Рай Дэвэл пал манушэндэ Ерусалимоскирэн, тэ най бизорьякиро лэндыр дро до дывэс явэла сыр Давидо, нэ кхэр Давидóскиро явэла сыр Дэвэл, сыр Дэвлэскиро Янгóло ангил лэндэ. ⁹ И явэла дро довá-дывэс, со Мэ лава тэ родав, соб (кай) тэ хасякирав сарé Наюдýтка на́цыи, савó явэна тэ марэн Ерусалимоса.

Тýга Ясвэнца

¹⁰ Нэ пэ кхэр Давидóскиро и пэ Ерусалимóскирэ манушэндэ Мэ чхувáва бахталыпнаскиро и мангипаскиро дýхо (фáно), и ёнэ дыкхэна пэ Лэстэ, Конэс пхусадэ, и ёнэ лэна тэ ровэн пал Лэстэ, сыр пал екхорэстэ чхавэстэ и лэна тэ тангинэн пал Лэстэ, сыр тангинэн пэrvонé чхаворэс. ¹¹ Дро довá дывэс газдэлапэ бари тýга ясвэнца дро Ерусалимо, сыр Гададримоноскиро роибэн пэ Мегидоноскирэ фэлды. ¹² И лэла тэ тугинэл ясвэнца пхув, кажно кхэритко рóдо кэ пэ: манушá Давидóскирэ-кхэритконé родóстыр кэ пэ, а джувлý лэнгирэ кэ пэ; манушá Нафаноскирэ кхэритконé родóстыр кэ пэ, и джувлý лэнгирэ кэ пэ; ¹³ Манушá Левиёскирэ кхэритконé родóстыр кэ пэ, и джувлý лэнгирэ кэ пэ; Симеоноскирэ манушá кэ пэ, и джувлý лэнгирэ кэ пэ. ¹⁴ Сарé явир кхэритка рóды, савó ячэнапэ – кажно рóдо кэ пэ, и джувлý лэнгирэ кэ пэ.

Шэрó 13

Идолэнгирэ Лавá Чхинэнапэ Криг

¹ Дро дова́ дывэ́с псиравэлапэ (откэрэлапэ) ганынгори ваш Давидóскиро кхэр и Ерусалимóскирэ манушэ́нгэ, соб (кай) тэ выморэн (тэ халавэн криг) лэндýр грéхо и кажно мэлалыпэн. ² И явэ́ла дро дова́ дывэ́с, – ракирэ́ла Рай Дэвэл, янголэнгирэ-болыбна́скиро, – ‘Мэ чхина́ва криг идолэнгирэ лавá далэ пхувья́тыр, и пал лэндэ никон бутýр на лэ́ла тэ рипирэл. Мэ адя́кэ кэра́ва, со кокорé хоханé пророкэн и нажу́жо дýхо Мэ трада́ва криг пхувья́тыр. ³ И явэ́ла адя́кэ: сыр кон лэ́ла тэ ангил пхэнэл пал дова́, со явэ́ла, то дад и дай лэ́скирэ, со яндлэ́ лэс, пэ свéто, пхэнэ́на лэ́скэ: ‘Тýкэ нашты́ тэ дживэ́с, пал-до со ту хohaибэ́н ракирэ́сас Рáскирэ-Дэвлэ́скирэ лавэ́стыр.’ И мулякирэ́на лэс дад лэ́скиро и дай лэ́скири, савэ́ бияндлэ́ лэс, сыр ёв лэ́ла тэ ангилпхэнэл’. ⁴ И явэ́ла дро дова́ дывэ́с, со заладжанапэ кадасавэ́ прорóки, кажно пэ́скирэ дыкхибна́стыр, сыр ёв лэ́ла тэ ангилпхэнэл, и ёнэ́ на лэ́на тэ урьен пэ́ лэстэ́ балытка гонэ́, соб (кай) тэ хохавэн. ⁵ Нэ́ ёв пхэнэ́ла: Мэ на сом прорóко, Мэ сом гавитко ману́ш, пал-дова́ со сыс вари-кон тэ кэрэл мандýр дына́рыс мирé чхаворитконэ́ бэршэндýр. ⁶ Лэ́скэ пхэнэ́на: “Сóскэ исын тýтэ кáрбы (рубцы) пэ́ васта́?” И ёв отпхэнэ́ла: “Ваш дова́, со марэ́нас ман дро кхэр, кай сыс мирé дру́ги (мала́).” ⁷ О, Курта́ля! Ѓаздэ́пэ пэ́ пастýрэстэ́ Мирэ́стэ́ и пэ́ сэмэнцатэ́ Мирья́тэ, ракирэ́ла янголэнгирэ-болыбна́скиро Рай Дэвэл. Замар пастýрэс, и роспрастана́пэ бакрэ́! И Мэ протýрдава васт Мирó кэ тыкнэ́. ⁸ И явэ́ла адя́кэ пэ́ сарí пхув, – ракирэ́л Рай-Дэвэл, – ‘Дуй трита́ пэ́ латэ́ явэ́на хасякирдэ́, вымэрна, а трíто паш ячэ́лапэ пэ́ латэ́. ⁹ И лыджа́ва Мэ до трíто паш дрэ́ яг, билиакирава́ лэс, сыр билиакирэ́на руп, и выжу́жакирава́ лэс, сыр жу́жакирэ́на сувнака́й: ёнэ́ лэ́на тэ кхарэ́н лав Мирó. И Мэ вышуна́ва лэн и отпхэ́нава: ‘Давá исын Мирé мануша́,’ нэ́ ёнэ́ пхэнэ́на: ‘Рай Дэвэл исын Дэвэл мирó!’”

Шэрó 14

Рáскирэ-Дэвлэ́скиро Дывэ́с

¹ Акэ́, явэ́ла дывэ́с Рáскирэ-Дэвлэ́скиро, и роскэрэ́на миштыпэн, чордо тýтыр, машкíр тýтэ. ² И Мэ скэ́дава сарэ́н манушэ́н пэ́ марибэ́н проти Ерусалимо́, и лэ́на фóро и обчорна́ кхэра́ и кэрна́ ладж джувленгэ́, паш-фóро джа́ла дро плéно; нэ́ явíр мануша́, савэ́ ячэ́напэ, на хасэ́на форóстыр. ³ Тэ́ньци явэ́ла Рай Дэвэл и холя́сoла пэ́ Наюды́тка на́цыи, сыр холя́сыя пэ́ лэндэ́ дро марибна́скиро дывэ́с. ⁴ И тэрдéна гэ́ра Лэ́скирэ дро дова́ дывэ́с пэ́ Оливítко (Елеоноскири) бэ́рга, со ангил Ерусалимо́ кэ́/жýко вастóко; и роспхарьéла пэ́ паш бэ́рга Оливítко вастокóстыр кэ́/жýко западо́ (кэ́ пал-паня́) древа́н барé фэлдаса́, и паш бэ́рга отджала́ кэ́ паш-ратítко риг, а явíр паш-кэ́ паш-дывэ́сы́тко (южно́) риг пэ́ древа́н барó до́ло. ⁵ И тумэ́ нашэ́на дрэ́ фэ́лда машкíр бэ́рги Мирé; пал-дова́ со фэ́лда протýрдэ́лапэ́ кэ́ Асילו́; и тумэ́ пра́стана́, сыр нашэ́нас пхувья́кирэ́ тринскирибна́стыр дрэ́ дывэ́са́ Озияскирэ́, Юдэ́якирэ́ кралíскирэ́; и явэ́ла Рай Дэвэл, Дэвэл мирó и сарé свэ́нта Лэ́са. ⁶ И явэ́ла дро дова́ дывэ́с: на явэ́ла дуд, кхам, чхон и чэ́ргэня́ дурьё́на. ⁷ Дова́ дывэ́с явэ́ла екх екхоро́, пал лэ́стэ́ джинэ́ла фэ́ни екх Рай Дэвэл: ни рат, ни дывэ́с, фэ́ни бэ́львэлé явэ́ла дуд. ⁸ И явэ́ла дро дова́ дывэ́с: джидэ́ паня́ лэ́на тэ́ тхадэ́н Ерусалимóстыр, паш лэндýр кэ́ восточно́ мо́рэ (дэ́рьяв). И паш лэндýр кэ́ за́падно мо́рэ (дэ́рьяв): лына́скиро и ивантэ́скиро (зимакиро́) явэ́ла адя́кэ. ⁹ И Рай Дэвэл явэ́ла кра́ли пир сарí пхув; дро дова́ дывэ́с явэ́ла фэ́ни (екх) Рай Дэвэл, и лав Лэ́скиро-фэ́ни екх. ¹⁰ Сарí да́я пхув явэ́ла, сыр ровно́ (во́рто) фэ́лда, Гаваоно́стыр кэ́ Рима́, пэ́ паш-дывэ́с Ерусалимóстыр, савэ́ вучэ́с лэ́ла тэ́ тэрдéл пэ́ пэ́скиро штéто и лэ́на тэ́ дживэ́н дрэ́ лэ́стэ́ мануша́ Бенджминоскирэ́ Портаты́р кэ́ штéто, кай исын пэ́рво по́рта (врата́), кэ́ Вэ́нглоскири по́рта, и Хананеило́скирэ́ вучарды́тыр кэ́ кралитка́ пресы́. ¹¹ Э́ мануша́ лэ́на тэ́ дживэ́н дрэ́ лэ́стэ́, и на явэ́ла бутýр лавитко́ прокошы́бэн, нэ́ Ерусалимо́ явэ́ла тэ́ тэрдéл

бидаракиро. ¹² И, акэ, савэ явэна хасибнйтка фрэнсы, савэнца хасякирэла Рай Дэвэл сарэ манушэн, со марэнаспэ Ерусалимоса: кажнонэстэ вышутёна маса лэскирэ, сыр ёв ишчо (инкэ) явэла тэрдэ пэ пэскирэ гэрэ, и якхэ лэскирэ билёна дрэ пэскирэ ямицы, и чиб лэскири вышутёла дро муй лэстэ. ¹³ И явэла дро дова дывэс: явэла машкёр лэндэ бари паника Растыр-Дэвлэстыр адякэ, со явэла тэ ухтылэл пал явирэскиро васт, и газдэлапэ васт лэскиро пэ васт лэскирэ сэмэнцакиро. ¹⁴ Нэ и кокорё Юда лэла тэ марэлпэ Ерусалимоса, и скэдыно явэла миштыпэн сарэнгиро пашылатунэ Наюдытконэ-нацыенгиро: сувнакай, руп и йди бут бутэндыр. ¹⁵ Явэла дасаво кокорё хасякирибэн грэнгиро и лошакегиро, хасёна и верблюды, и ослы (мегарья), и сарэ мурдала кхэрйтка (ското), савэ явэна пашыл лэнгирэ буды дро лод (стано).

Сарэ Нацыи Явэна тэ Дэн Патыв Кралискэ

¹⁶ Палё дова сарэ явир Наюдытконэ нацыэндыр, савэ явэнас тэ марэлпэ Ерусалимоса, лэна бэрш бэршэстыр тэ явэн тэ кэрэн шэрэса ангил Кралискэ Растэ-Дэвлэстэ янголэнгирэ-болыбнаскирестэ, и тэ кэрэн будэнгиро (кушчэнгиро) Свэнко. ¹⁷ И явэла: со коли вари-саво кхэрйтко родо (племё) пэ дай пхув на джэла дро Ерусалимо тэ бандякирэл пэскиро шэрэ ангил Кралискэ, Растэ-Дэвлэстэ, янголэнгирэ-болыбнаскирестэ, тэды на явэна лэндэ брышында. ¹⁸ И коли Египтоскиро кхэрйтко родо (племё) на газдэлапэ до дром и на явэла, тэды и лэндэ на явэла брышынд, и ухтылла (доси) лэн хась, савьяса хасякирла Рай Дэвэл манушэн, савэ на явэна тэ кэрэн шатрэнгиро Свэнко. ¹⁹ Акэ, со явэла пал Египтоскиро грэхо и пал грэхо сарэ манушэнгиро, савэ на явэна тэ свэнкинэн будэнгиро Свэнко – пхаро сэндыкирибэн! ²⁰ Дро долэ дывэса и по грэнгиро гамо кудуненца явэла чхиндло: “Свэнтыма Раскэ-Дэвлэскэ”, и какавья (котлы) дро Кхэр Раскирэ Дэвлэскиро явэна сыр чарэ (чашы) ангил алтарё. ²¹ И сарэ пирья (какавья) дро Ерусалимо и дрэ Юдэя явэна сыр свэнтыма Раскирэ-Дэвлэскири. И сарэ, кон явэла тэ янэл свэнто дыибэн, лэна лэн и кэравэна дрэ лэндэ. И на явэла бутыр ни екх Хананеё дро Кхэр Раскирэ-Дэвлэскиро, янголэнгиро-болыбнаскиро дро дова дывэс.

Малахияскири Лылварй

Шэрó 1

¹ Ангилпхэныбэн Раскирэ Дэвлэскиро Израилёскэ, саво пиридыя о Малахия. ² “Тумэ ячнэ дрога Мэнгэ”, – пхэндя Рай Дэвэл. – Нэ тумэ ракирэна: “Сыр Ту сыкадян ласка амэн?” “Ци на сыс Исаво Яковоскиро пшал?” – пхэндя Рай Дэвэл. “Нэ Мэ усаэкх выкэдыём Яковос, ³ нэ Мэ лыём тэ бидыкхав Исавос, и Мэ кэрдём лэскирэ бэргэндыр чхучо штэто, и Мэ отдыём лэскиро миштыпэн шакалэнгэ пэ чхучй пхув.” ⁴ Коли Эдомо (Исавоскирэ радостыр) пхэнэла: “Амэ сам роспахгирдэ дрэ руйны, нэ амэ нэвэс чхуваса пхагирдэ штэты”, – адякэ пхэнэла янголэнгирэ-болыбнаскиро Рай Дэвэл: “Ёнэ нэвэс чхувэна пхагирдо, нэ Мэ пхагирава тэлэ дава. Э мануша явэна тэ кхарэн дава штэто ‘Злыднитко Пхув,’ и пэ кадалэ манушэндэ Рай Дэвэл ўсэды (сак) явэла дрэ нарадыма.” ⁵ И тумарэ якхэ дыкхэна дава, и тумэ пхэнэна: ‘Барипэн Раскирэ-Дэвлэскиро пириджала мёжа Израилёскири’.

Дошвалэ Свэнга Дыибэна

⁶ “О чхаво кэрэла патыв пэскирэ дадэскэ, и о писхари лэскирэ раскэ: коли Мэ сом Дад, кай жа исын хор патыв Мэнгэ? Коли Мэ сом Рай Дэвэл, кай жа исын патыв Мэнгэ?”, – ракирэла янголэнгирэ-болыбнаскиро Рай Дэвэл тумэнгэ, рашая, савэндэ нанэ дрэ патыв Миро лав. Нэ тумэ пхэнэна: “Дро со амэ на сыкаваса патыв Тырэ лавэскэ?” ⁷ Тумэ янэна дошвало (магирдо) маро пэ Миро алтарё, и ишчо (инкэ) тумэ пхэнэна: “Дро со амэ дошвалякирдям

Тут?” Дро дова, со тумэ ракирэна: “Скаминд Раскирэ-Дэвлэскиро исын бипатывакиро.”⁸ “И коли тумэ янэна корорэс сыр свэнто дыибэн, ци нанэ дава бибэхт? И коли тумэ янэна лангалэс и насвалэс сыр свэнто дыибэн, ци нанэ дава бибэхт? Янэн кадасаво даро аканá тумарэ тхагарискэ (князёскэ): ци явэла ёв тэ радынэлпэ тумэндэр? Ци прилэла ёв тумэн илэса?”, – ракирэла янголэнгирэ-болыбнаскиро Рай Дэвэл.⁹ Нэ аканá мэ, Малахия, мангáва тумэн, соб (кай) тумэ зоралэс тэ мангэнпэ Дэвлэскэ, соб (кай) тэ сыкавэл Ёв ласка (тангипэн) тумэнгэ. “Кóли дасаво свэнто дыибэн дошвалэ мурдалэндэр (жывёлэндэр) кэрэна тумарэ вастá, тэды ци прилава Мэ лэс илэса?”, – ракирэла янголэнгирэ-болыбнаскиро Рай Дэвэл.¹⁰ “Ци исын вари-кон машкёр тумэндэ, соб (кай) ёв фэдёр тэ пхандэл вударá, и тэ на росхачкирэн тумэ яг ивьá (напрáснэс) пэ Миро алтáрэ? Мэ на радынавапэ тумэндэр”, – ракирэла янголэнгирэ-болыбнаскиро Рай Дэвэл. И Мэ на прилава свэнто дыибэн тумарэ вастэндэр.¹¹ Мирé лавэскэ явэла бари патыв машкёр Наюдытка нáцыи (народы), одотхёр, кай кхам уштэла и кэ дова штэто, кай кхам заджáла. Пэ кажно штэто дрогонэ-смолакиро тхувипэн явэла Мánгэ, жужó свэнто дыибэн; ваш дова, со Мирé Лавэскэ явэла бари патыв машкёр Наюдытка нáцыи,” – ракирэла янголэнгирэ-болыбнаскиро Рай Дэвэл.¹² “Нэ тумэ тэлякирэна Ман, адýкэ ракирý: ‘Скаминд Раскирэ-Дэвлэскиро исын нажужо, и нанэ лачхипэн лэстыр, лэскиро хабэн исын бипатывакиро.’¹³ Тумэ ишчо (инкэ) ракирэна: ‘Акэ, кицý исын бутý!’ И тумэ сунгэна бипатывакирэс пашýл лэстэ” – ракирэла янголэнгирэ-болыбнаскиро Рай Дэвэл. “И тумэ янэна чордо, лангало и насвалó; адýкэ-пацý тумэ янэна и марэскиро свэнто дыибэн! Ци могонава Мэ илэса тэ прилав дава тумарэ вастэстыр?”, – ракирэла Рай Дэвэл.¹⁴ “Тэ хасёл хоханó манýш, конэстэ исын лачхó бакро дрэ стада, и савó совлахала, нэ савó янэла дошвалэ бакрэс Рáскэ-Дэвлэскэ, – пал-дова со Мэ сом барó Крáли”, – ракирэла янголэнгирэ-болыбнаскиро Рай Дэвэл, – и “Миро лав трашавэла Наюдытка нáцыи.”

Шэрó 2

Бипатывакирэ Рашáя

¹ “И аканá, рашаялэ, дава припхэныбэн исын тумэнгэ. ² Кóли тумэ на явэна тэ шунэн, и кóли тумэ на прилэна илэса, соб (кай) тэ барьякирэн Миро лав,” – ракирэла янголэнгирэ-болыбнаскиро Рай Дэвэл, – тэды Мэ бичхавáва прокошыбэна (арманя) пэ тумэндэ, и Мэ кэрáва прокошыбэна (арманя) пэ тумарó бахтякирибэн: чачó, Мэ аканá кэрдём прокошыбэн (арман), пал-дова, со тумэ на прилэна илэса Миро лав. ³ Акэ, Мэ отлава псикó тумэндэр [штылякирава тумарó рóдо-ю.о.], и Мэ росчхурдава гнэё пэ тумарэ муя, гнэё тумарэ свэнкэндэр; и тумэн лыджáна криг кхэтáнэ гнэёса. ⁴ И тумэ тэды явэна тэ джинэн, со Мэ бичхадём дава припхэныбэн тумэнгэ, соб (кай) Миро Завето Левиёса/тэ рикирэлпэ (тэ зракхэлпэ) дурэдёр”, – пхэндý янголэнгирэ-болыбнаскиро Рай Дэвэл. ⁵ “Миро Завето лэса сыс ваш джиибэн и рамáнэ, и Мэ дыём дава завето лэскэ, соб (кай) ёв тэ поддарэл Мáндыр, и соб (кай) ёв тэ рикирэл хор патыв ангýл Миро лав. ⁶ Тэ явэл Зако́но чачипнаскиро, пэ лэскири чиб, и соб (кай) тэ на латхэн начачипнаскирэ лавá пэ лэскирэ уштá, нэ соб (кай) ёв тэ псирэл пир Миро лав дро рамáнэ и ровнонэ (вортонэ) дромэса, и, соб (кай) ёв тэ рискирэл бутэн дрэ риг грэхэндэр. ⁷ Пал-дова со рашаскирэ уштэнгэ трэй тэ прираххэн джиныбэн, соб (кай) манушá тэ родэн джиныбэн пал Дэвлэстэ лэскирэ уштэндэр; пал-дова со ёв исын звесь/занý – яныбнаскиро (вестнико), янголэнгирэ-болыбнаскирэ Рáстыр-Дэвлэстыр. ⁸ Нэ тумэ дуринэ (отгинэ) дромэстыр; тумэ кэрдэ адýкэ, со бут манушá дынэпэ дукхá пир Зако́но, тумэ отлыджинэпэ бипатывакирэс Левиёскирэ Заветоса”, – ракирэла янголэнгирэ-болыбнаскиро Рай Дэвэл. ⁹ “Палдава Мэ адýкэ кэрдём тумэн накутякирдэ (презреннонэ) и джунгалэ манушэнца ангýл сарэ манушэндэ, адýкэ сыр тумэ на раххнэ Мирé дромá, и тумэ прилэнас манушэнгири риг дро Зако́но Дэвлэскиро.”

Юдаскирэ Грэхи

¹⁰ Ци нанэ Екх Дад тумэндэ? Ци на Екх Дэвэл создый амэн? Соскэ да амэ кэрása нахратыма (ячаса сыр напатяибнытка екх проти екхэстэ), кэли амэ магираса завето дадэнгиро? ¹¹ Юда кэрдя нахратэс (напатяибныткэс), и джунгалэ рэндэ (дэлы) кэрэнапэ дро Израилё и Ерусалимо: О Юда кэрдя бипатыв Раскирэ-Дэвлэскирэ свэнтонэ штэтоскэ, саво лэс притырдыя, кэли ёв лыя джувля пэскэ родостыр, саво кэрэла патыв чужонэ дэвлорэскэ. ¹² Мэк тэ хасякирэл Рай Дэвэл манушэн Яковоскирэ шатрэндыр, кон кэрэла дава: одолэс, саво исын пэ стрэга (кон сыклякирэла дава, и одолэс, саво сыклёла лэстыр); и кодолэс, кон янэла свэнто дыибён янголэнгирэ-болыбнаскирэ Раскэ-Дэвлэскэ. ¹³ И со ишчо (инкэ) тумэ кэрэна: тумэ учхакирэна Раскирэ-Дэвлэскиро алтарё ясвэнца, рови и дыи гóдла, пал-дова со Ёв бутыр на кутякирэла свэнто дыибён, и на прилэла яныбён ласкаса тумарэ вастэндыр. ¹⁴ Нэ тумэ ракирэна: “Пал со?” Давá исын палдова, со о Рай Дэвэл исыс якхйтко (свидетелё) машкир тугэ и ромнятэ тырэ тэрныпнастыр, конэс ту ячкирдян бипатывакирэс; нэ ёй исын тыри малыны (подруга) джиибнаскирэ-дромэскири, ёй исын тыри ромны пир законо. ¹⁵ Ци на создый Дэвэл тут и тырэ ромня сыр екх, савэндэ исын екх дүхо? Соскэ жэ екх? Ёв камдя, соб (кай) лэстэ тэ явэл рóдо Дэвликанэ чхавэндыр. Палдава рикирэн тумаро дүхо, и мэк ниэкх тэ на кэрэл напатяибныткэс ромняса пэскирэ тэрныпнастыр. ¹⁶ “Пал-дова со Мэ нашты тэ дыкхав пэ розлыджаибэн [кóли ту на камэса ла, то отмэк-р.с.],” – ракирэла Рай Дэвэл, Дэвэл Израилёскиро,” – ‘пал-дова со кадасаво мануш учхакирэла пэс нахратымаса сыр идяса, палдава рикирэн тумаро дүхо, соб (кай) тумэ тэ на кэрэн напатяибныткэс. ¹⁷ Тумэ кхинякирдэ [холякирэна-р.с.] кэ холы Рас-Дэвлэс тумарэ лавэнца, кэли пхучэна тумэ: “Сóса амэ кхинякирдям Лэс?” Акэ, кэли тумэ ракирэна: “Кажно (свако), кон кэрэла бибахт (холы), исын лачхó ваш Раскэ-Дэвлэскэ, и Ёв древан радынэлапэ лэндыр,” ци, “Кай исын чачипнаскиро Дэвэл?”

Шэрó 3

Ангил пхэныбэн пал Иоаностэ и Месиястэ

¹ “Акэ, Мэ бичхавáва Мирé Янголос (звесь-яныбнаскирэс), и ёв кэрэла дром ангил Мандэ. О Рай Дэвэл, Савэс родэна тумэ, явэла кэ Пэскири Кхангирé, и Янголо (звесь-яныбнаскиро) пэ дава завето, Савэс камэна тумэ: акэ, Ёв джала”, – ракирэла янголэнгирэ-болыбнаскиро Рай Дэвэл. ² Нэ кон вырикирэла [сашты тэ вырикирэл-ю.о.] дава дывэс, кэли Ёв явэла? Кон вытэрдёла [сашты тэ вырикирэл-ю.о.], кэли Ёв сыкадёла? Ёв явэла сырбы яг, сави розбилавэла (росплавинэла), сырбы шуто сапуни (шчолко), саво жужакирэла руп. ³ Ёв бэшэла сырбы спецо, саво пирибилавэла (пириплавинэла) и жужакирэла руп, и Ёв жужакирэла чхавэн Левиёскирэн и пирибилавэла лэн сыр сувнакай и руп, соб (кай) ёнэ сашты тэ янэн Раскэ-Дэвлэскэ свэнто дыибён дро чачипэн. ⁴ Тэньци свэнто дыибён Юдаскиро и Ерусалимоскиро явэла лачхó Раскэ-Дэвлэскэ, сыр дрэ гаратунэ бэршá, сыр дрэ бэршá вагэдыр (англэдýр). ⁵ И Мэ явáва пашылэдýр кэ тумэ тэ сэндякирав пхарэс тумэн; Мэ явáва сыр сыгно дудвало (обличытелё) проти джиныбнаскирэн пир чэргэня (чарадеен), проти биладжакунэскирэн (блэндарьен), проти одолэндэ, кон хоханэс совлахала; проти одолэндэ, кон хохавэла лавэнца бутярнэн, и проти одолэндэ, кон притасавэла пивлен (удовэн), и пиротэн (сиротэн), и проти одолэндэ, кон рисёла думэса кэ явирэ – тхэмэскирэ-манушэскиро право, – адякэ сыр ёнэ на дарэна Мандыр”, – ракирэла янголэнгирэ-болыбнаскиро Рай Дэвэл. ⁶ “Пал-дова со Мэ, Рай Дэвэл, на парудёвава, палдава тумэ, чхавэ Яковоскирэ, на хасинэ. ⁷ Нэ тумэ рисинэ криг Мирэ статутэндыр (уставэндыр) долэ дывэсэндыр, кэли сыс тумарэ дада, и тумэ на ракхнэ лэн. Рисён кэ Мэ, и Мэ рисёвава кэ тумэ”, – ракирэла янголэнгирэ-болыбнаскиро Рай Дэвэл. Нэ тумэ ракирэна: ‘Сыр амэнгэ тэ рисёвас?’

На Хохавэн Дэвлэс

⁸ Ци сашты манушэскэ тэ хохавэл Дэвлэс? Нэ тумэ ж хохавэна Ман! Нэ тумэ пхучэна: ‘Дро со амэ хохадям Тут?’ – Дрэ дэшэнгирья и дрэ свэнта дыибэна. ⁹ Пэ тумэндэ пхэндлэ арманя (тумэн прокошнэ), нэ тумэ хохадэ Ман, тумэ – сарй тумарй нацыя. ¹⁰ Янэн цэла дэшэнгирья дрэ пиралы, соб (кай) тэ явэл хабэн дро Миро кхэр, и спробинэн Ман далэса аканá, – ракирэла янголэнгирэ-болыбнаскиро Рай Дэвэл, – ци псиравава (откэрава) Мэ фэнштры пэ болыбэн и бичхавáва тумэнгэ адакицы бахтякирибэна, соб (кай) тэ на ухтылэл штэто тэ прилэн лэн. ¹¹ И Мэ кэрава адякэ, со кирмэ бутыр тэ на хан сарэса барьякирдэ (плóды), со тумарй пхув дэла, и соб (кай) винаградытко хрúсто тэ на пириячэл тэ дэл мýри пэ фэлда,” – ракирэла янголэнгирэ-болыбнаскиро Рай Дэвэл; ¹² И сарэ манушытка náции явэна тэ кхарэн тумэн бахталэнца, пал-довá со тумарй пхув явэла камлы, – ракирэла янголэнгирэ-болыбнаскиро Рай Дэвэл.

Манушá Жалинэнапэ Холяса

¹³ Тумэ пхэндлэ холямэ лавá пэ Мándэ, – ракирэла Рай Дэвэл, – Нэ тумэ пхучэна: Со дасаво амэ ракираса пэ Тýтэ? ¹⁴ Тумэ ж пхэндлэ: “‘Нанэ мол тэ дынаринáс Дэвлэскэ; и савó кóфо (польза) исын далэстыр, со амэ раххаса Лэскирэ статутна упхэныбэна, и со амэ псираса тугаса (печалéса) ангýл янголэнгирэ-болыбнаскирэ Растэ-Дэвлэстэ? ¹⁵ И аканá амэ дыкхаса и ракираса, со пхутькирдэ манушá исын бахталэ, пал-довá со одолэ, кон кэрэла злыднима (фуипэн), дживэна фэдыр дывэс дывэсэстыр, и, чачó, кодолэ, савэ пропатякирэна Дэвлэс, ячэнапэ джидэ [бидошакирэ-ю.о.].’”

Лылварй Рипирибнытко (Книга ваш Рипирибэн)

¹⁶ Тэньци одолэн, савэ дарандынэ Рáстыр-Дэвлэстыр и ракирдэ екх екхэскэ: “Лэн о Рай Дэвэл лэла тэ шунэл и пошунэла; и адякэ чхиндяпэ лылварй рипирибнытко ангýл Лэстэ пал кодолэндэ, кон дарэла Рáстыр-Дэвлэстыр и розлэла годýса [рикирэла дро илó-р.с.] Лэскиро лав.” ¹⁷ Ёнэ явэна Мирé, – ракирэла янголэнгирэ-болыбнаскиро Рай Дэвэл, – дро довá дывэс, сыр Мэ кэрава лэндýр Миро кучипэн. И Мэ явáва тэ тангинав (жалинав) лэн, сыр о манýш тангинэла Пэскирэ чхавэс, савó дынаринэла лэскэ. ¹⁸ Тэньци тумэ нэвэстыр розгалёна лачхэс машкёр патяибнаскирэндэ и фуэ манушэндэ; машкёр кадалэндэ, кон дынаринэла Дэвлэскэ и одолэндэ, кон на дынаринэла Лэскэ.

Шэрó 4

Дэвлэскиро Барó Дывэс

¹ Пал-довá со, акэ, сыг явэла дывэс, савó явэла тэ хачкирэл сарó сырбы бов, и сарэ пхутькирдэ и начачунэ (злыдня) манушá явэна сыр чхучó пхус; и давá дывэс, со явэла, похачкирэла лэн адякэ, – ракирэла янголэнгирэ-болыбнаскиро Рай Дэвэл, – “Со на ячэлапэ ни рукх (корнэ), ни рандь (вэтка). ² Нэ ваш тумэнгэ, кон дарэла Мирé лавэстыр, газдэлапэ Кхам чачипнаскиро, со явэла тэ састякирэл лучэнца, и тумэ джáна яврй и тумэ явэна тэ ухтэн, кхэлындой, сырбы тхулэ целянты. ³ И тумэ явэна тэ традэн начачунэн (злыднен), пал-довá со ёнэ явэна сыр прáска [прахо-р.с.] тэл пирэ (подэшвы) тумарэ гэрэнгирэ, дро до дывэс, сыр Мэ кэрава давá,” – ракирэла янголэнгирэ-болыбнаскиро Рай Дэвэл. ⁴ Рипирэн Мойзáскиро Закóно, Мирэ писхарискиро, савó Мэ припхэндём лэскэ пэ Хориво ваш сарó Израилё: статуты и закóны. ⁵ Акэ, Мэ бичхавáва тумэнгэ пророкóс Илияс ангýл, сыр явэла барó дывэс, и трашано (дарано) Рáскирэ-Дэвлэскиро. ⁶ И ёв рискирэла дадэнгиро илó кэ чхавэ, чхавэнгиро илó кэ дадá, соб (кай) Мэ, сыр явáва, тэ на обчхував пхув прокошыбнаса.

Евѡнгелія Матфеѣстыр

Шэрó 1

Пал Исусóскиро Христосóскиро Рóдо

¹ Лылварі́ (книга) пал Исусóскиро Христосóскиро рóдо, Давидóскирэ Чхавэ́скиро, Аврамоскирэ Чхавэ́скиро. ² Авра́мо сыс Исакóскиро дад, Исако сыс Яковóскиро дад, Яково сыс дад Юдаскэ и лэскирэ пшалэнгэ; ³ Юда сыс Фаресóскиро ^[1] и Зарóскиро дад (лэнгири дай сыс Тáмарь); Фарéсо сыс Эсромóскиро дад, Эсрóмо сыс Арамóскиро дад; ⁴ Ара́мо сыс Аминадавóскиро дад, Аминада́во сыс Наасонóскиро дад, Наасóно сыс Салмонóскиро дад; ⁵ Салмо́но сыс Ваозóскиро дад (Ваозóскири дай сыс Раха́в), Ваóзо сыс Авидóскиро дад (Авидóскири дай сыс Руфь); Авидо сыс Есеёскиро дад, ⁶ Есеё сыс кралі́скирэ – Давидóскиро Дад; Даві́до сыс Соломонóскиро дад (Соломонóскири дай сыс Ури́яскири ромнѣ); ⁷ Соломо́но сыс Ровоамóскиро дад, Ровоа́мо сыс Авия́киро дад, Авия́ сыс Асáскиро дад; ⁸ Асá сыс Иосафатóскиро дад, Иосафа́то сыс Иорамóскиро дад, Иора́мо сыс Озі́яскиро дад; ⁹ Озі́я сыс Иофамóскиро дад, Иофа́мо сыс Ахазóскиро дад, Аха́зо сыс Езе́кіяскиро дад; ¹⁰ Езе́кія сыс Манасі́яскиро дад, Манасі́я сыс Амонóскиро дад, Амоно сыс Иосі́яскиро дад; ¹¹ Иосі́я сыс Иокимоскиро дад, Иокимо сыс дад Ехоні́яскэ и лэскирэ пшалэнгэ ангіл дова́, сыр Юдэн лыджинэ́ дро плéно (пэ зор) тэ дживэн кэ Вавило́но. ¹² Палó дава́, сыр лэн лыджинэ́ дро Вавило́но, Ехонія́ сыс Салафи́илоскиро дад; Салафи́ило сыс Зоровавелё́скиро дад; ¹³ Зоровавелё́ сыс Авиудоскиро дад, Авиудо сыс Елиакимоскиро дад, Елиакимо сыс Азороскиро дад; ¹⁴ Азоро сыс Садо́коскиро дад, Садо́ко сыс Ахимоскиро дад, Ахимо сыс Елиудоскиро дад; ¹⁵ Елиудо сыс Елеазароскиро дад, Елеазаро сыс Матфаноскиро дад, Матфано сыс Яковóскиро дад; ¹⁶ Яково сыс Иосифоскиро (Ёзаскиро) дад, савó сыс Марія́киро ром, саві́ бияндя́ Исусóс, Савэ́скэ лав дынэ́ Христóсо. ¹⁷ Адя́кэ сыс дэшуштар рóды Аврамостыр ангіл Давидостэ́; Давидостыр ангіл дова́, сыр Юдэн лыджинэ́ дро Вавило́но исын дэшуштар рóды; и долé дывэсэндыр, сыр Юдэн лыджинэ́ дро Вавило́но ангіл Христосóскиро бияныпэн исын дэшуштар рóды.

Сыр Исýсо Христóсо Бия́ндыя

¹⁸ Адя́кэ, сыр Исýсо Христóсо ^[2] бия́ндыя: палó (после) доракирибэн тэ лэнпэ, сыр Лэ́скирэ да́кэ Марія́кэ трэ́индя́ тэ выджал палорóм пал Ё́застэ́, нэ ангіл, сыр лэнгэ́ тэ зджанпэ́ (тэ лэнпэ́), выгія́, со Ё́й сыс пха́рі́ Свэ́нтонэ́ Духóстыр (Фаностыр). ¹⁹ А Ё́за (Иосифо), ром Ла́киро, сыс патывало ману́ш и на камдя́ тэ ладжакирэл Ла, и камдя́ чораханэ́с тэ отмэкэл Ла. ²⁰ Нэ сыр ёв подуминдя́ дава́, Дэвлэ́скиро Янгóло явдя́ кэ ёв дрэ́ сунэ́ и пхэндя́: “Ё́зэ, Давидóскиро чхавó, на андырша́ тэ прилэс Марія́ сыр ромня́, пал-дова́ со Кодова́, Савэс ё́й биянэ́ла, исын Свэ́нтонэ́ Духóстыр (Фаностыр); ²¹ ё́й биянэ́ла Чхавэ́с, ту дэ́са Лэ́скэ лав Исýсо, пал-дова́ со Ё́в зракхэ́ла Пэ́скирэ манушэ́н грэхэндыр.” ²² Нэ сарó дава́ сыс, соб (кай) тэ кэрэлпэ́ дова́, со Дэвэл пхэндя́ пир пророкостэ́: ²³ “Акэ, патывалы́ тэрны́ джувлы́ явэ́ла пха́рі́, и биянэ́ла Чхавэ́с, и Лэ́скиро лав явэ́ла Эмануило́” (со значынэ́ла: “Дэвэл исын амэ́нца”). ²⁴ Кéли Ё́за ушты́я соибнастыр, ёв кэрдя́, сыр Дэвлэ́скиро Янгóло (А́нгело) припхэндя́ лэ́скэ; ёв прилы́я ромня́ пэ́скирья́, ²⁵ и ёв на джіндя́ Ла сыр ромня́, ангіл дова́, сыр Ё́й бияндя́ Чхавэ́с; и ёв ды́я лав Лэ́скэ Исýсо.

1:3 ^[1] Дро Юды́тко оригина́ло “Пэ́рэц, Зэ́рах, Боаз”

1:18 ^[2] Дро Юды́тко оригина́ло “Е́шуа́ -ха-машиах”

Шэрó 2

Тануки Вастокóстыр

¹ Кéли Исúсо бияндья дро Вифлеéмо пэ пхув Юдэя, кай Иродо сыс крáли, явнó тануки (маги) вастокóстыр дро Ерусалимо и ракирэна: ² “Кай жа исын Юдэнги́ро Крáли, Савó бияндья? Сыр амэ дыкхцям чэргэн Лэскири пэ вастóко, явдям тэ поклонинаспэ Лэскэ.” ³ И кéли крáли Иродо шундя дава́, ёв древáн задуминдяпэ (лыя пэскэ дро шэрó), и сарó Ерусалимо кхэтанэ лэса. ⁴ И скэдыя крáли сарэн рашáнгирэ барыдырэн и лылваритконэн (книжникэн), и пхуця лэндьр, кай трэиндя тэ бияндёл Христóсо? ⁵ И ёнэ пхэндлэ лэскэ: “Дро Вифлеéмо пэ пхув Юдэя”; сыр и чхиндя прорóко: ⁶ “И ту, Вифлеéмо, пхув Юдаскири, ту на сан тыкнэдыр Хуландыр Юдэятыр; пал-дова́ со тۇтыр выджáла Шэралó, Савó явэла тэ хулаинэл пэ Израилёскирэ манушэндэ.” ⁷ Тэньци Иродо чораханэс прикхардя танукэн тэ выгалёл лэндьр часо (цы́ро), дро савó чэргэн сыкадыя; ⁸ и ёв бичхадя лэн дро Вифлеéмо и пхэндя: “Джáн и лачхэс розгалён пал Биятостэ (Чхаворэстэ); и, сыр түмэ латхэна Лэс, тэды пиридэн мангэ, соб (кай) и мэ адякэ-паць (тóжэ) тэ явав тэ поклонинавпэ Лэскэ.” ⁹ Кéли ёнэ вышундлэ кралýс, гинэ ёнэ пэскирэ дромэса, и акэ, чэргэн, сави ёнэ дыкхнэ пэ вастóко, джáлас ангýл лэндэ, пака на тэрдия пэ штéто, кай сыс Биято. ¹⁰ Кéли ёнэ дыкхнэ чэргэн, ёнэ древáн обрадынлэпэ. ¹¹ И ёнэ загинэ дро кхэр и дыкхнэ Биятос Марияса, даса Лэскирьяса, пынэ пэ чангá и поклониндлэпэ Лэскэ; тэньчи отчхакирдэ пэскирэ кучипэна (сокровишчы) и дынэ Лэскэ дáры: сувнака́й, ладано и сми́рна. ¹² И сыр ёнэ дорэснэ припхэныбэн тэ раххэмпэ дро сунó, и тэ на рисён кэ Иродо, то ду́ринэ ёнэ пэ пэскири пхув явирэ дромэса.

Нашаибэн дро Егýпто

¹³ Кéли ёнэ гинэ, акэ, Дэвлэскиро Янгóло, явдя дро сунó Ёзáскэ и пхэндя: “Ушты́, лэ Биятос и Да Лэскирья, наш дро Егýпто, и яв одóй ангýл дава́, сыр тэ пхэна́в тۇкэ: пал-дова́ со Иродо камэла тэ родóл Биятос, соб (кай) тэ мулякирэл Лэс.” ¹⁴ И ёв уштыя, лыя Биятос и Да Лэскирья ратякиро, и гия дро Егýпто, ¹⁵ и сыс одóй ангýл дова́, сыр тэ мэрэл Иродоскэ, соб (кай) тэ сполнинэлпэ Дэвлэскиро ракирибэн пир пророкостэ: “Египтóстыр Мэ кхардём кэ Пэ Мирэс Чхавэс.”

Иродоскиро Припхэныбэн тэ Замарэн Биятэн

¹⁶ Тэньци Иродо, кéли дыкхця, со тануки (маги) хохадэ лэс, древáн холясыя и бичхадя тэ мулякирэн сарэн биятэн-муршорэн дро Вифлеéмо и дрэ сарэ пашатунэ штéты, дуендыр бэршэндьр и тыкнэдыр пир часо, савó ёв выгалыя танукэндьр. ¹⁷ Тэды сполниндяпэ пророкоскирэ-Еремее́скиро ракирибэн: ¹⁸ “Зан (глос) сыс шундлы дрэ Ра́ма, роибэн, ясва и бари годлыма; Рахýль ровэла пал пэскирэ биятэндэ, ёй на камэла, соб (кай) тэ подрикирэн ла, пал-дова́ со лэн нанэ бутýр.”

Рисибэн Египтóстыр

¹⁹ Нэ кéли мыя Иродо, акэ, Дэвлэскиро Янгóло явдя дро сунó кэ Ёза дро Егýпто, ²⁰ и раки́рла: “Ушты́, лэ Биятос и Да Лэскирья, и джá пэ пхув Израилёскири; пал-дова́ со мынэ одолэ́, савэ родэнас тэ мулякирэн Биятос.” ²¹ Ёв уштыя и лыя Биятос и Да Лэскирья, и гия пэ Израилёскири пхув. ²² Нэ кéли ёв шундя, со Архелаё сыс крáли пирй Юдэя палó лэскирэ дадэстэ Иродостэ, тэды пыя дар пэ лэстэ одорик тэ джал; и, сыр Дэвэл подпхэндя лэскэ тэ раххэлпэ ангýл дро сунó, Ёза гия пэ штéты Галилеякирэ. ²³ И явдя ёв и лыя тэ дживёл кэ фóро Назарето, соб (кай) тэ кэрэлпэ пир дова́ лав, со прорóко пхэндя: “Со Лэскиро лав явэла Назареё.”

Шэро 3

Ианоскирэ-Болдэипнаскирэскиро Пхэныбэн пал Дэвлэстэ

¹ Дрэ долэ дывэса явэла Иано Болдэипнари тэ пхэнэл лав пир чхучи (пусто) пхув дрэ Юдэя, ² и ракирла: “Пригалён пэскирэ грэхи (бизы), каканá явдя пашылэдыр Кралипэн дро Болыбнаскиро Раё.” ³ Пал-довá со ёв исын одовá, пал конэстэ пхэндя пророко Исаё: “Давá исын зан, сави дэла гóдла пир чхучи пхув: ‘Кэрэн дром Рáскэ-Дэвлэскэ, чхувэн Лэскэ мамуй (прямо) дром.’” ⁴ Кокорэстэ Ианостэ сыс урибэн верблюдытконэ балэндэр; цыпитко кустык пэ лэскирэ масá; лэскиро хабэн сыс акриды и авгін (мэда) фэлдытко. ⁵ Тэды джáнас кэ ёв сарó Ерусалимо и сарй Юдэя и сарэ штэты Иорданоскирэ, ⁶ и ёв болдя лэн дро Иордáно, палó довá, сыр ёнэ пригалёнас пэскирэ грэхи. ⁷ Нэ сыр ёв дыкхця, со бут Фарисеи и Садукеи джáнас тэ болэнпэ кэ ёв, пхэндя лэнгэ: “Тумэ сан сапитко рóдо! Кон сыклякирдя тумэн тэ нашэн Дэвлэскирэ холятыр, со явэла сыг? ⁸ Кэрэн вари-со, соб (кай) тэ допхэнэн, со тумэ мэкнэ тэ кэрэн грэхи и рисинэ кэ Дэвлэ. ⁹ И на думинэн тэ ракирэн пэскэ: ‘Авраáмо сыс дад амарó;’ пал-довá со мэ ракирава тумэнгэ, со Дэвлэ могинэла далэндэр барэндэр тэ газдэл биятэн Авраáмоскэ. ¹⁰ Акэ, ужэ товэр паштó исын пашыл каштэскиро корнэ (рукx): кажно кашт (дрéво), со на лыджáла лачхó барьякирдó (плóдо), чингирэна тэлэ и чхурдэна дрэ яг. ¹¹ Мэ болава тумэн панéса пал тумарó при галыибэн дрэ грэхи, нэ Ёв, Савó джáла пал мáндэ, исын зоралэдыр мáндыр, Конэскэ гэритка мэ на сом мол тэ злав; Ёв явэла тэ болэл тумэн Свэнтонé Духóса (Фаноса) и ягáса. ¹² Лэскиро ганадытко (лопата) исын дрэ Лэскиро васт, и Ёв жужакирэла (чыстинэла) Пэскиро шурна и скэдэла Пэскиро парнó гив дрэ пиралы, а пхус хачкирэла ягáса, сави на мурдэла.”

Исусóскиро Болдэипэн

¹³ Тэньци явэла Исусó Галилеятыр кэ рэка (лэнь) Иордáно кэ Иано, соб (кай) Иано тэ болэл Лэс. ¹⁴ Иано жа тэрдякирэлас Лэс, ракирй: “Мáнгэ трэй тэ болавпэ Түтэ, а Ту явэса кэ мэ?” ¹⁵ Нэ Исусó отпхэндя лэскэ: “Мэк адякэ каканá тэ явэл; пал-довá со адякэ амэнгэ трэй тэ кэрás пир кажно чачипэн.” Тэды ёв домэкэла Лэс. ¹⁶ И сыр Исусó болдяпэ, Ёв гия яврий екхатыр (срáзу) панэстыр, и, акэ, болыбэн псирадыя (отчхакирдяпэ), и Иано дыкхця Дэвлэскиро Дүхо (Фáно), Савó джáлас тэлэ сыр голумбо, и мэкэласпэ тэлэ пэ Исусóстэ; ¹⁷ И акэ, зан болыбнастыр, сави ракирдя: “Кадавá исын Мирó дрогó Чхавó, дрэ Савэстэ исын Мирй бари рáдыма.”

Шэро 4

Нáлачхо Пропатякирэла Исусóс

¹ Тэньци лыджия Дүхо (Фáно) Исусóс пэ чхучи пхув, соб (кай) тэ пропатякирэл Лэс нáлачхо. ² И кели Ёв постиндя штардэша дывэса и штардэша ратя, Ёв закамдя тэ хал. ³ И нáлачхо подгия кэ Ёв и пхэндя: “Кóли Ту сан Дэвлэскиро Чхавó, пхэн, соб (кай) далэ барá тэ ячэн марэса.” ⁴ Нэ Ёв отпхэндя лэскэ: “Исын чхиндлó: ‘На марэса екхэса дживэла мануш, а кажнонó лавэса, со джáла яврий Дэвлэскирэ уштэндэр’” ⁵ Тэньци лэла Лэс нáлачхо дро свэнто фóро и чхувэла Лэс пэ Кхангирьякири стрéха (чхакін), ⁶ и ракирла Лэскэ: “Кóли Ту сан Дэвлэскиро Чхавó, ухты Кокорó тэлэ; пал-довá со исын чхиндлó: ‘Ёв дэла припхэныбэн Янголэнгэ (Ангелэнгэ) Пэскирэнгэ пал Түтэ и пэ вастá ёнэ лыджáна Тут, соб (кай) Ту тэ на обштавэспэ (тэ на обстэмпинэспэ) пир бар гэрьяса Пэскирьяса.” ⁷ Исусó пхэндя лэскэ: “Исын адякэ-паць (такжэ) чхиндлó: ‘На пропатякир Рас-Дэвлэс, Дэвлэс пэскирэс.’” ⁸ Нэвэстыр лэла Лэс нáлачхо пэ дрéвэн вучы бэрга и сыкавэла Лэскэ сарэ свэтоскирэ кралипэна и лэнгирэ барипэна, ⁹ и ракирла Лэскэ: “Сарó мэ дава Түкэ, кóли пэрэса и

поклонинэсапэ мангэ.” ¹⁰ Тэньци ракирэла лэскэ Исусо: “Джа Мандыр, налачхо, исын чхиндло: ‘Дэвлэскэ тырэскэ клонинпэ и Лэскэ екхэскэ дынарин.’” ¹¹ Тэньци мэкэла Лэс налачхо, и акэ, Янгóлы явнó и дынариндлэ Лэскэ.

Исусо Лэла тэ Кэрэл Пэскири Буты дрэ Галилэя

¹² Сыр шундя Исусо, со Ианос лынэ, то дурия дрэ Галилэя; ¹³ и гии Назаретостыр, явдя и яця тэ дживэл кэ Капернаумо пашыл мórё (дэрьяв), пэ штэты Завулоноскирэ и Нефалимоскирэ, ¹⁴ соб (кай) тэ сполнинэлпэ дова, со пхэндя прорóко Исаё: ¹⁵ “Пхув Завулоноскири и пхув Нафалимоскири, со исын пэ дром пашыл мórё (дэрьяв), палэ Иордано, Наюдэнгири Галилэя, ¹⁶ акэ, манушá, савэ сыс бэштэ дро калыпэн, дыкхнэ барó дуд (свэто); и пэ одолэндэ, савэ исын сырбы мулэ, – пал-дова со ёнэ дживэна би Дэвлэскиро, засвэнцындя дуд.” ¹⁷ Далэ часостыр Исусо лыя тэ ракирэл: “Рискирэн пэскиро джиббэн кэ Дэвэл, пал-дова со явдя пашылэдыр Кралипэн дро Болыбнаскиро Раё.”

Исусо Прикхэрэла Штарэ Мачхибнарьён

¹⁸ Гии пашыл Галилеякиро мórё (дэрьяв), Ёв дыкхця дуге пшалэн, Симонос, савэс кхардэ Пэтри, и Ендрис (Андреёс), лэскирэ пшалэс, савэ зачхурдэнас кхудя (сетки) дро мórё (дэрьяв), пал-дова со ёнэ сыс мачхибнарья (рыбаки). ¹⁹ И Ёв ракирэла лэнгэ: “Явэн Мánца, и Мэ кэрава тумэндэр манушэнгирэ мачхибнарьён” ²⁰ И ёнэ екхатыр (сразу) мэкнэ пэскирэ кхудя (сетки) и гинэ пал Лэстэ. ²¹ И отгии одотхыр дурэдыр, Ёв дыкхця дуге пшалэн, Яковос чхавэс Заведеескирэс и Иоанос, пшалэс лэскирэс, савэ сыс дрэ барка (лодка) лэнгирэ дадэса Заведееса, савэ кэрэнас пэскирэ кхудя: и Ёв кхардя лэн Пэса; ²² и ёнэ екхатыр мэкнэ барка и пэскирэ дадэс и гинэ Лэса.

Исусо Сыклякирэла, Пхэнэла Дэвлэскиро Лав, и Састякирэла

²³ И Исусо псирэлас пир сарй Галилэя, сыклякири манушэн пал Дэвлэстэ дрэ лэнгирэ синагоги и пхэни бахталы зан (звесь) пал Кралипэн и састякири кажно насвалыпэн и дукх дрэ манушэндэ. ²⁴ И гия мавлын (малва) пал Лэстэ пир сарй Сирия: и янэнас кэ Ёв сарэн манушэн, савэ сыс насвалэ и мэнчиндлэпэ налачхэ Духостыр и чхоньтконэ насвалыпнастыр, праличостыр, и Ёв састякирдя лэн. ²⁵ И гинэ пал Лэстэ бут манушá Галилеятыр, Дэшуфорьендыр (Десятиградиятыр), Ерусалимостыр, Юдэятыр и пал Иорданостыр.

Шэрó 5

Пхэныбэн пэ Бэрга

¹ Кéли Исусо дыкхця манушэн, Ёв гия пэ бэрга, и, сыр бэсця, сыкляибнытка (учэники) Лэскирэ подгинэ кэ Ёв, ² и Ёв откэрдя Пэскирэ уштá и лыя тэ сыклякирэл лэн, ракири:

Чачуны Бахт

³ “Бахталэ исын одолэ, савэ джинэна, со лэнгирэ духоскэ трэй Дэвэл; лэнгиро сыс Кралипэн дро Дэвлэскиро Раё. ⁴ Бахталэ исын одолэ, савэ ровэна, пал-дова со Дэвэл подрикирэла лэнгиро дүхо (фáно). ⁵ Бахталэ исын ковлэ-илытка, пал-дова со пхув явэла лэнгири. ⁶ Бахталэ исын одолэ, конэскиро илó исын бокхало пал Дэвлэскиро лав и сыр пани́ древáн родэла чачипэн. Дэвэл чалякирэла лэнгиро илó. ⁷ Бахталэ исын одолэ, савэ примангэна банг манушэнгэ, пал-дова со лэнгэ явэла примангло. ⁸ Бахталэ исын одолэ, савэндэ исын жужó (чысто) илó, пал-дова со ёнэ дыкхэна Дэвлэс. ⁹ Бахталэ исын одолэ, савэ кэрэна рамáнэ

(миро), пал-дова со явэна тэ кхарэн лэн ‘Дэвлэскирэ чхавэ.’ ¹⁰ Бахталэ исын одолэ, конэс традэна пал чачипэн; лэнгиро исын Кралипэн дро Дэвлэскиро Раё. ¹¹ Бахталэ сан тумэ, кэли манушэ явэна тэ кошэн тумэн и тэ традэн, и явэна тэ ракирэн налачхэ лавэ пэ тумэндэ пал Мандэ. ¹² Явэн бахталэ и радынэнпэ, пал-дова со баро отдыибэн Дэвлэстыр ужакирэла тумэн дро Болыбнаскиро Раё: адякэ традэнас и пророкэн, савэ сыс ангил тумэндэ.

Лонд и Яг

¹³ Тумэ исын сыр лонд ваш сарэ манушэнгэ. Кóли ж лонд нашавэла пэскиро лондыпэн, нисыр нашты тэ кэрэс, соб (кай) нэвэстыр лонд тэ явэл лондо; лэстэ бутыр ни саво лачхипэн нанэ, екх со тэ вычхурдэс лэс яврий тэ штавэн манушэ гэрэнца. ¹⁴ Тумэ исын сыр яг ваш сарэ манушэнгэ. Фóро, со исын пэ бэрга пэ вучипэн, на могоинэла тэ гарадёл. ¹⁵ И кэли захачкирэна момолы (свэчка), на чхувэна ла тэл пири, а дро шандало (подсвечнико) тэ свэнцынэл яг пир саро кхэр. ¹⁶ Адякэ мэк тэ свэнцынэл тумарй яг ангил манушэндэ, соб (кай) ёнэ тэ дыкхэн тумарэ лачхэ рэнды и тэ славинэн Дадэс тумарэс Болыбнаскирэс.

Пал Закóно

¹⁷ На думинэн, со Мэ явдём тэ отпарував Закóно ци пророкэн, нэ тэ кэрэв кэ кóнцо/ягóро (тэ сполнинав). ¹⁸ Чачэс, Мэ ракирэва тумэнгэ: пака на явэла кóнцо (ягóро) болыбнаскэ и пхувьякэ, ни екх тыкны буквица ни чэрта буквакири на отлэлапэ Законóстыр ангил, сыр Закóно тэ кэрэлпэ. ¹⁹ Адякэ, кóли вари-кон отпарувэла хоць екх лав припхэныбнастыр и сыклякирэла адякэ манушэн, одовэ явэла най тыкнэдыр дро Кралипэн дро Болыбнаскиро Раё. Нэ кон кандэла и кэрэла пир лав, явэла най барэдыр дро Кралипэн дро Болыбнаскиро Раё. ²⁰ Палдовэ Мэ ракирэва тумэнгэ: кóли чачипэн тумаро нанэ бутэдыр сыр лылваритконэнгиро (книжникэнгиро) и Фарисеенгиро чачипэн, тумэ никели на заджана дро Кралипэн дро Болыбнаскиро Раё.

Пал Холякирибэн

²¹ Тумэ шундлэ, со ракирдэ дро пхурано часо: ‘На замар (на умар), кон жа замарэла, тэл сэндо джэла.’ ²² Нэ Мэ ракирэва тумэнгэ: ‘Кажно, кон холясóла пэ пэскирэ пшалэстэ ни палсó, джэла тэл сэндо. Кон жа пхэнэла пэскирэ пшалэскэ ‘дылынó’, явэла дрэ дар Синедрионóстыр. И кон пхэнэла ‘бигодякиро’, явэла дрэ дар, со джэла дро лóно (адо) ягаса. ²³ Адякэ, кóли ту янэса пэскиро дáро кэ алтáрэ, и одóй пририпирэса, со тырó пшал исын холямó пэ Тýtэ, ²⁴ мэк пэскиро свэнто дыибэн ангил алтáрэ и джэ, ангил кэр рамáнэ (миро) пэскирэ пшалэса, тэньчи джэ и ян пэскиро свэнто дыибэн. ²⁵ Кэр ‘рамáнэ’ (миро) пэскирэ манушэса сыгэдыр, пака ту ишчо (инкэ) сан пэ дром лэса, соб (кай) мануш тэ на отдэл тут сэндарискэ, а сэндари тэ на отдэл тут дынарискэ (слугаскэ), и одовэ тэ на чхурдэл тут дро штарибэн. ²⁶ Чачэс, Мэ ракирэва тóкэ: ту на выджаса одотхыр, пака ту отдэса кэ най тыкнэдыр гасприн’

Пал Биладжаипэн

²⁷ Тумэ шундлэ, сыр сыс пхэндлó дро гаратуно часо: ‘На кэр биладжаипэн.’ ²⁸ Нэ Мэ ракирэва тумэнгэ, со кажно, кон дыкхэла пэ джувлэтэ налачхэ камибнаса, одовэ ужэ кэрэла биладжаипэн дро пэскиро илó. ²⁹ Кóли ж чачй якх злыджала тут кэ грэхó, рíскир ла яврий и вычхурдэ; пал-дова со фэдýр ваш тóкэ тэ нашавэс екх якх, сыр сарó тэ джал дро лóно (адо). ³⁰ Кóли ж чачó (пáво) васт лыджэла тут кэ грэхó, отчингир лэс и вычхурдэ; пал-дова со фэдýр ваш тóкэ тэ нашавэс екх васт, сыр сарэ масá тэ джáн дро лóно.

Пал Розгиибэн

³¹ Адыкэ-паць сыс пхэндлэ: ‘Кóли вари-кон розджалапэ пэскирэ ромняса, мэк тэ дэл лэкэ был пал розгиибэн.’ ³² Нэ, Мэ ракирава тумэнгэ: ‘Кон мэкэла пэскирэ ромня апріч сыр пал напатьяибнытко банг, одова ячэлапэ бангó, кóли ёй кэрэла биладжаипэн; а кон лэла пал пэстэ джувля, саві исын розлыджины ромэса, одова сырбы кокоро исын бангó дро напатьяибэн.

Пал Совлах

³³ Ишчо шундлэ тумэ, со сыс пхэндлэ дро гаратуно часо: ‘На совлахá, кóли ту на сан твардо; нэ кэр пир совлахá пэскирэ ангил Дэвлэстэ!’ ³⁴ Нэ Мэ ракирава тумэнгэ: ‘На совлахá сарэса; ни болыбнаса, пал-дова со ёв исын Дэвлэскиро престоло; ³⁵ ни пхувьяса, пал-дова со ёй исын штэто тэл Лэскирэ гэрá, ни Ерусалимоса, пал-дова со ёв исын фóро барэ Краліскиро; ³⁶ на совлахá пэскирэ шэрэса, пал-дова со ни екх бал на могоинэса тэ кэрэс ни парнэса, ни калэса. ³⁷ Мэк тэ явэл тумарó лав ‘ны, ны’, ‘над, над’, а со упрэдыр далэстыр, дова исын налачхэстыр.’

Пал Фуипэн

³⁸ Тумэ шундлэ, со сыс пхэндлэ: ‘Якх пал якх, и данд пал данд.’ ³⁹ Нэ Мэ ракирава тумэнгэ: на кэр фуипэн палэ одолэскэ, кон кэрдя фуипэн тукэ; нэ кон пэкавэла тут дрэ тырй чачй (право) чам (шчока), тэньчи ріскир кэ ёв явйр. ⁴⁰ Нэ кон закамэла тэ сэндинэлпэ туса и тэ лэл тугыр гад, отдэ лэскэ и упратуно урибэн. ⁴¹ Нэ кон зачхувэла тут тэ джал лэса екх вэрста, джа лэса дуй. ⁴² Кон мангэла тугыр, дэ, и на отрисёв одолэстыр, кон камэла тэ залэл тугыр.

Патыв кэ Вэрги

⁴³ Тумэ шундлэ, со сыс пхэндлэ: ‘Сыкав патыв пэскирэ пашатунэ манушэскэ и на сыкав патыв пэскирэ вэргэнгэ (врогэнгэ).’ ⁴⁴ Нэ Мэ пхэнава тумэнгэ: сыкавэн патыв пэскирэ вэргэнгэ, и мангэнпэ Дэвлэскэ пал одолэндэ, савэ кошэна тумэн, кэрэн лачхипэн одолэнгэ, савэ древан на камэна тумэн и мангэнпэ Дэвлэскэ пал одолэндэ, савэ нашукар отлыджанапэ кэ тумэ и традэна тумэн; ⁴⁵ соб (кай) тумэ могоинэнас тэ явэн ‘чхавэ Болыбнаскирэ Дадэскирэ’, и Ёв зачхувэла Пэскиро Кхам тэ свэнцынэл пэ лачхэ и налачхэ манушэндэ, и бичхавэла брышынд пэ одолэндэ, кон кэрэла лачхипэн и кон кэрэла фуипэн. ⁴⁶ Палдова, кóли тумэ сыкавэна патыв одолэнгэ, савэнгэ тумэ сан дрога, савэ отдыибэн Дэвлэстыр явэла тумэнгэ? И мытоскирэ скэдыбнарья кэрэна адыкэ. ⁴⁷ Нэ кóли тумэ дэна ‘добридим’ пэскирэ пшалэнгэ, со дасаво тумэ кэрэна? Аж Наяуды кэрэна адыкэ. ⁴⁸ Палдова явэн бидошакирэ, сыр бидошакиро исын тумарó Болыбнаскиро Дад.

Шэрó 6

Исусо Сыклякирэла тэ Кэрэл Лачхипэн

¹ Дыкхэн, и на сыкавэн пэскиро патяибэн пэ якхá манушэнгэ; кóли на адыкэ, на явэла тумэнгэ отдыибэн Болыбнаскирэ Дадэстыр. ² Нэ кóли ту дэса одолэнгэ, савэндэ исын трэбима, на пхурдэ зоралэс шарибнаса дро рóго (труба) ангил пэстэ, сыр кэрэна дуемуитка манушá дрэ синагоги и пэ вулицы (гáсы), соб (кай) тэ славинэн лэн манушá. Чачэс, ракирава тумэнгэ: ёнэ ужэ дорэснэ пэскиро отдыибэн. ³ Нэ кэли ту дэса одолэнгэ, савэндэ сыс трэбима, мэк тырó зэрво (лёво) васт на джинэла, со кэрэла чачó (право). ⁴ Соб (кай) тырó дыибэн тэ на явэл дыцёло; и Дад тырó, Савó дыкхэла сарó, отдэла тукэ тырó отдыибэн.

Исусо Сыклякирэла тэ Мангэлпэ Дэвлэскэ

⁵ Кéли ту мангэсапэ, на яв сыр кадалé дуемуйтка, савé камэна тэ тэрдён пэ вóнглы яврё и дрэ синагоги, соб (кай) лэн тэ дыкхэн манушá. Чачэс, Мэ ракирава тумэнгэ: ёнэ ужэ дорэснэ пэскиро отдыибэн. ⁶ Кéли ту мангэсапэ, заджа́ дрэ андратуны́ штуба пэскири, пхандэ вудар, и мангпэ Дадэскэ тырэскэ, Саво́ исын надыцьло; и Дад тыро́, Саво́ дыкхэла тут, со явирэнгэ на дыцьло, отдэла тукэ. ⁷ Кéли ту мангэсапэ, на ра́кир бут лавá, сыр На́юды, савé думинэна, со лэн ушунэна пал лэнгирэ длэнгэ мангипэна. ⁸ На явэн, сыр ёнэ исын, пал-довá со Дад тумаро́ джинэла, со тумэнгэ трэй ангил, сыр тумэ помангэна Лэстыр. ⁹ Мангэнпэ жэ адякэ: ‘Дад амаро́ Болыбна́скиро, Саво́ исын дро Болыбна́скиро Раё! Мэк тэ славинэлпэ Тыро́ лав; ¹⁰ Мэк тэ явэл Тыро́ Кралипэн, Мэк тэ сполнинэлпэ Тыри́ во́ля пэ пхув, Сыр и пэ болыбэн; ¹¹ Подэ амэнгэ маро́ со дывэс; ¹² И приманг амэнгэ длуги амарэ, Сыр амэ примангаса одолэнгэ, Савэ́ исын ву́жлэ амэнгэ; ¹³ И на домэк амэн кэ чорипэн; нэ зра́кх амэн налачхэстыр; пал-довá со исын Тыро́ Кралипэн и зор и сла́ва пэ ве́ки. Амíнь.’ ¹⁴ Пал-довá, ко́ли тумэ примангэна манушэнгэ пал лэнгирэ грéхи, тумаро́ Болыбна́скиро Дад примангэла тумэнгэ, ¹⁵ нэ ко́ли тумэ на явэна тэ примангэн грéхи манушэнгэ, тумаро́ Болыбна́скиро Дад на примангэла грéхи тумарэ.

Пал Посто

¹⁶ Кéли тумэ постинэна, на кэрэн рондлэ муя́, сыр кэрэна дуемуйтка, пал-довá со ёнэ гаравэна пэскирэ чачунэ муя́, соб (кай) манушá тэ дыкхэн, со ёнэ постинэна. Чачэс, Мэ ракирава тумэнгэ: ‘Ёнэ ужэ дорэснэ пэскиро отдыибэн.’ ¹⁷ Кéли ту постинэса, помакх пэскиро шэро́ и вымор муй пэскиро, ¹⁸ соб (кай) тэ на сыкавэспэ явирэнгэ, со ту постинэса, нэ екхэ Дадэскэ тырэскэ, Саво́ исын надыцьло; и Дад тыро́, Саво́ дыкхэла дова́, со на дыкхэна явир манушá, отдэла тукэ лачхипна́са.

Пал Барвалыпэн дро Болыбна́скиро Раё

¹⁹ На кэдэн пэскэ кучипэна пэ пхув, кай моль и оржа хасякирэна, и чора подганавэнапэ и чорэна; ²⁰ нэ кэдэн пэскэ кучипэн ваш Болыбна́скиро Раё, кай ни моль, ни оржа на хасякирэла, ни чора на подганавэнапэ; и на чорэна; ²¹ пал-довá со, кай тыро́ кучипэн исын, одой тыро́ ило́ явэла.

Пал Яг ваш Масá

²² Якхá исын сыр момолы́тко (свети́льнико) ваш масá. Палдава́, ко́ли якх тыри́ явэла жужы (чысто), тэды тырэ́ масá явэна жужэ. ²³ Ко́ли якх тыри́ на явэла жужы, тэды сарэ́ масá тырэ́ явэна дро цямы́пэн. Палдава́, ко́ли яг, сави́ исын дрэ ту́тэ, яця́ цямы́пнаса, саво́ ж баро́ тэды исын дава́ калы́пэн (цямы́пэн).

Пал Дэвлэстэ и пал Барвалыпэн

²⁴ Никон на мого́нэла тэ дынаринэл́ дуге рангэ, ци екхэ́скэ явэла тэ сыкавэл паты́в, нэ явир явэла на пир ило́; ци явэла чачуно́ кэ екх, а кэ явир явэла на пир ило́. Тумэнгэ наштý тэ дынаринэн (тэ служынэн) Дэвлэ́скэ и барвалы́пнаскэ. ²⁵ Палдава́ Мэ ракирава тумэнгэ: на пиридживэн пал тумаро́ джи́ибэн, со тумэнгэ тэ хан ци тэ пьен; ци пал тумарэ́ масá, со тэ урьен. Нау́што (хай) джи́ибэн исын на дрогэдыр хабнастыр, нау́што масá исын на дрогэдыр урибнастыр? ²⁶ Подыкхэн пэ болыбны́тконэ чириклендэ; ёнэ на сеинэна, на счхинэна, на чхувэна счхиндло дрэ шу́рна; и Дад тумаро́ Болыбна́скиро чаравэла лэн. Нау́што тумэ на сан пэ бут дрогэдыр лэндыр? ²⁷ Нэ кон тумэндýр, пиридживи пал джи́ибэн, мого́нэла тэ кэрэл́ длэнгэдыр пэ на́бут пэскиро джи́ибэн? ²⁸ Нэ со тумэ пиридживэна пал урибэн?

Дыххэн пэ фэлдытка лилии, сыр ёнэ барьёна; на кэрэна буты, на кхувэна тхава, ²⁹ нэ Мэ пхэнава тумэнгэ, со и Соломоно пэскирэ барвалыпнаса на урьеласпэ адякэ, сыр кажно лэндыр. ³⁰ Кóли ж дасаво урибэн Дэвэл дэла фэлдытконэ чарьякэ, сави ададывэс исын, нэ атася явэла чхурдыи дро бов, тэды со ж на фэдыр Ёв дэла тумэнгэ урибэн, тумэ ж сан набарэ – патяибнаскирэ мануша? ³¹ Тэды на пиридживэн, и на ракирэн: ‘Со амэнгэ тэ хас?’ ци ‘Со тэ пьяс, ци дро со тэ урьяваспэ?’ ³² Пал-довá со сарó давá родэна Наюды, и пал-довá со Дад тумарó Болыбнаскиро джинэла, со тумэндэ исын трэбима дро давá сарó. ³³ Родэн жа ангил Дэвлэскиро Кралипэн дро Болыбнаскиро Раё и чачипэн Лэскиро, сарó явир явэла дыно тумэнгэ упралэстыр. ³⁴ Палдовá на пиридживэн пал атасятуно дывэс, пал-довá со атасятуно дывэс кокорó явэла тэ думинэл пал пэстэ; ухтылла (дóси) пхарипэн ваш кажно дывэс.

Шэрó 7

Пал Сэндякирибэн

¹ На сэндинэн, и тумэн на явэна тэ сэндинэн, ² пал-довá со, сыр тумэ сэндинэна, адякэ-паць и тумэн явэна тэ сэндинэн; савэ мераса тумэ меринэна, дасавэ-паць мераса тумэн явэна тэ меринэн. ³ Сóскэ ту дыкхэса пэ тыкны пхусинка дрэ якх тырэ пшалэскири, а барó бэрно на дыкхэса дрэ пэскири якх? ⁴ Ци, сыр ту пхэнэса пшалэскэ пэскирэскэ; ‘дэ, мэ вылава пхусинка тырэ якхатыр; а бэрно исын дрэ тыри якх? ⁵ Дуюмуитко, вылэ англэдыр бэрно пэскирэ якхатыр, тэды дыкхэса, сыр тэ вылэс пхусинка тырэ пшалэскирэ якхатыр. ⁶ На дэн довá, со исын свэнто, джуклэнгэ, на чхурдэн мутия (жэмчути) ангил балычэндэ, соб (кай) ёнэ тэ на штакирэн лэн гэрэнца, и тэ на рисён, и тэ на роскушэн тумэн.

Мангэн, Родэн и Марэн дро Вудар

⁷ Мангэн, и явэла дыно тумэнгэ; родэн, и латхэна; марэн дро вудар, и псиравэна (отпхандэна) тумэнгэ. ⁸ Пал-довá со кажно, кон мангэла, дорэсэла пэскиро; кажно, кон родэла, латхэла; кажнóскэ, кон марэла дро вудар, явэла псирадо (отпхандло). ⁹ Ци исын вари-кон тумэндэр, кóли лэскиро чхавó мангэла лэстыр марó, тэ дэл чхавэскэ бар? ¹⁰ И кели мангэла мачхо, тэ дэл лэскэ сапэс? ¹¹ Кóли тумэ сан налачхэ, и джинэна тэ кэрэн лачхипэн пэскирэ чхавэнгэ, пэ кицы бутыр тумэндэр тумарó Болыбнаскиро Дад кэрэла лачхипэн одолэнгэ, савэ мангэна Лэстыр. ¹² Кэрэн довá явирэнгэ, со тумэнгэ исын пир илó, соб (кай) и явир тэ кэрэн тумэнгэ; Зако́но и проро́ки сыклякирэна давá-паць.

Цясно Пóрта

¹³ Задж́ан дро цясно (танго) пóрта, пал-довá со буглы исын пóрта и отпхандло исын дром, савó лыдж́ала дро хасякирибэн, и бут дж́ана дро давá вудар. ¹⁴ Пал-довá со цясно исын пóрта и набугло исын дром, савó лыдж́ала дро джи́ибэн, и набут латхэна лэс.

Кашт (Дрэво) и Лэскирэ Барьякирдэ (Плóды)

¹⁵ Ракх́энпэ хоханэ пророкэндэр, савэ явэна кэ амэ дрэ бакраны идя, нэ андрал ёнэ исын холямэ рува́; ¹⁶ тумэ галёна лэн пир лэнгирэ барьякирдэ. Ци скэд́эна дылынэ чарьятыр винаградо (дракх) ци инжыро кодрилёстыр (дедоў́никостыр)? ¹⁷ Адякэ-паць кажно лачхó кашт дэла лачхэ барьякирдэ (плóды) и дылынó кашт дэла дылынэ барьякирдэ. ¹⁸ Лачхó кашт на мого́нэла тэ дэл дылынэ барьякирдэ, и дылынó кашт на дэла лачхэ барьякирдэ. ¹⁹ И кажно кашт, со на дэла лачхэ барьякирдэ, чингирэна тэлэ и чхурдэна дрэ яг. ²⁰ Адякэ пир лэнгирэ барьякирдэ тумэ галёна хоханэ пророкэн.

Дывэс, Кэли Явэла Сэндо

²¹ На кажно, саво ракирэла Мánгэ: ‘Дэвла, Дэвла!’ – заджала дро Кралипэн дро Болыбнаскиро Раё; нэ кодова, саво кэрэла пир воля Мирэ Дадэскири, Саво исын дро Болыбнаскиро Раё. ²² Бут мануша пхэнэна Мánгэ дро дова дывэс, кэли явэна тэ сэндинэн: ‘Дэвла, Дэвла! Ци на Тырэ лавэса амэ ангилпхэндям? Ци на Тырэ лавэса амэ вытрадасас налачхэ дүхи? Ци на Тырэ лавэса бут дивы кэрасас?’ ²³ Тэньци Мэ пхэнава лэнгэ: ‘Мэ никели на джиндём тумэн; джан криг Мандыр тумэ, саво кэрэна чорипэн.’

Разна Кхэра

²⁴ Кажно, кон шунэла лавá Мирэ и кандэла лэн, исын сыр годьваро мануш, кон чхудя пэскиро кхэр пэ бар. ²⁵ И гинэ брышында, и газдынэпэ рэки (лэня), и лынэ тэ пхурдэн балваля, и саро пыя пэ дава кхэр; и ёв на пыя, пал-дова со със чхудо пэ бар. ²⁶ Нэ кажно, кон шунэла лавá Мирэ, и на кандэла лэн, исын сыр балвалитко мануш, кон чхудя пэскиро кхэр пэ прахо; ²⁷ и гинэ брышында, и газдынэпэ рэки (лэня), и лынэ тэ пхурдэн балваля, и саро пыя пэ дава кхэр. И пыя кхэр, и роспыяпэ сарэса.”

Исусоскиро Право

²⁸ И със адякэ: кэли Исусо кончынды далэ лавá, мануша дивиндлэпэ Лэскирэ сыклякирибнастыр, ²⁹ пал-дова со Ёв сыклякирдя, сыр Одова, Савэстэ исын право, а на сыр лылваритка (книжники).

Шэро 8

Исусо Састякирэла Манушэс

¹ И кэли Ёв гия тэлэ бэргатыр, бут мануша гинэ пал Лэстэ. ² И акэ, проказытко мануш подгия и пыя пэ чанга ангил Лэстэ, ракири: “Раё Дэвла, коли Тукэ исын пир ило, высастя кир ман” ³ Исусо протырдыя васт, чиладя (чыпиндя) лэс и пхэндя: “Пир ило исын, ту каканá сан жужо (чысто).” И адай жэ ёв със высастякирдо проказатыр. ⁴ И ракирла лэскэ Исусо: “Дыхх жэ; ни конэскэ на ракир, нэ джа, сыкав пэс рашаскэ, ян даро, со припхэндя Мойза, сыр допхэныбэн манушэнгэ.”

Исусо Састякирэла Римоскирэ-Шэлэнгирэ Дынарис

⁵ Сыр Ёв гия дро Капернаумо, подгия кэ Ёв шэлэнгирэ-халадытко барыдыро и мангдя Лэс тэ помогинэл, ⁶ и пхэндя: “Раё Дэвла миро дынари (слуга), исын пашто розмардо праличоса кхэрэ и древан мэньчынэлапэ дукхэндыр.” ⁷ Исусо ракирэла лэскэ: “Мэ явава и высастякирава лэс.” ⁸ Нэ шэлэнгиро отпхэндя: “Раё Дэвла, мэ на сом мол, соб (кай) Ту тэ заджас дро миро кхэр, нэ Ту екх пхэн лав и явэла миро дынари нэвэстыр састо. ⁹ И мэ адякэ-паць сом мануш, пэ конэстэ исын барыдыра, мандэ исын халадэ, саво кандэна ман, и мэ пхэнава екхэскэ: ‘Джа’, и джала; и явирэскэ: ‘Яв’, и явэла, и кадалэскэ дынарискэ мирэскэ: ‘Кэр дава’, и кэрэла.” ¹⁰ И сыр Исусо шундя дава, дивиндяпэ и пхэндя манушэнгэ, саво гинэ пал Лэстэ: “Чачэс, Мэ пхэнава тумэнгэ: Мэ на латхём дасаво патяибэн и дро Израилё. ¹¹ Мэ пхэнава тумэнгэ, со бут явир явэна вастокостыр и западостыр (пал-панендыр) и бэшэна пал скаминд Авраамоса, Исакоса и Яковоса дро Кралипэн дро Болыбнаскиро Раё, ¹² нэ манушэн, савэн выкэдынэ ваш Кралипэн, Дэвлэ традэла яври дрэ калыпэн; одой явэла роибэн и дандэнгири скрежыма” ¹³ И пхэндя Исусо шэлэнгирэскэ: “Джа, пал тыро патяибэн явэла тукэ кэрдо” И дынари высастия дрэ кодова-паць мардо (штунда).

Исусо Састякирэла Бутэ Манушэн

¹⁴ И явдя Исусо дро Пэтрискиро кхэр, и дыкхця, со лэскири сасуй сыс пашты хачкирибнаса: ¹⁵ и Ёв чиладя лакиро васт, и хачкирибэн ячкирдя ла, и ёй уштыя и дынариндя лэнгэ. ¹⁶ Кэли явдя бэльвэль, янэнас кэ Ёв бутэ манушэн, савэндэ сыс налачхо дүхо (фано), и Ёв традыя яври дүхи (фаны) лавэскирэ зорьяса, и Ёв высастякирдя сарэн, савэ сыс насвалэ; ¹⁷ соб (кай) тэ кэрэлпэ дова, со пхэндя пророко Исае: “Ёв лыя пэ Пэстэ амаро бизорьякирибэн и лыджия сарэ амарэ насвалыпэна.”

Мануша, Савэ Дынэ Лав Исусоскэ тэ Джан Лэса

¹⁸ Кэли Исусо дыкхця бут манушэн пашыл Пэстэ, Ёв припхэндя Пэскирэ сыкляибнытконэнгэ тэ джан пэ явир брэго. ¹⁹ И подгия кэ Ёв екх лылваритко и пхэндя: “Сыклякирибнаскиро (Учителё)! Мэ джава Туса, карик и Ту джаса.” ²⁰ И ракирэла лэскэ Исусо: “Локхнендэ (лисэндэ) исын норы, болыбнаскирэ чириклендэ исын гнязды (куфы), а Манушэскирэ Чхавэскэ нанэ кай шэрó тэ чхувэл.” ²¹ Нэ явир пхэндя Лэскэ: “Раё Дэвла, мэк ман ангил тэ гаравав мирé дадэс.” ²² Нэ Исусо ракирэла лэскэ: “Яв Мánца; мэк мулэ тэ гаравэн пэскирэ мулэн.”

Исусо Штылякирэла Штормо

²³ Кэли гия Исусо андрé барка, бут Лэскирэ сыкляибнытка гинэ пал Лэстэ ²⁴ и, акэ, газдыяпэ барó штормо адякэ, со барка зачхувэлэспэ валнэнца; нэ Ёв сыс сутó. ²⁵ Кэ Ёв подгинэ сыкляибнытка, джангадэ Лэс, ракири: “Раё Дэвла, зракх, амэ тасадёваса.” ²⁶ И Ёв ракирэла лэнгэ: “Соскэ тумэ сан дарандытка, тумэ сан мануша набарэ патяибнаса!” Тэныци уштыи, Ёв припхэндя балвалякэ и морёскэ, и кэрдяпэ барó штылыпэн. ²⁷ И мануша дивиндлэпэ и ракирдэ: “Кон адава Мануш исын, со аж балвал и морё (дэрьяв) Лэс кандэна?”

Исусо Традэла Яври Налачхэ Дүхи Дуэ Манушэндэр

²⁸ И кэли Ёв явдя пэ явир брэго пэ Гадариноскири пхув, пирилынэ Лэс дуй мануша налачхэ духэнца (фанэнца), савэ джанас яври магилытконэ пешчэрэндэр (гебарэндэр) дасавэ холямэ, со никон на могоинэлас тэ джал пир дова дром. ²⁹ И, акэ, ёнэ дэнас гóдла, ракири: “Со Түкэ трэй амэндэр, Чхавó Дэвлэскиро? Явдян Ту адарик ангил упхэндлó мардó (штунда) тэ мэньчынэс амэн?” ³⁰ Сыс гурто балычэн, савэ ханас чар нэдур лэндэр. ³¹ И налачхэ дүхи (фаны) мангэнас Лэс: “Кóли Ту традэсас яври амэн, бичхав амэн дро гурто балычэнгиро” ³² И Ёв пхэндя лэнгэ: “Джан.” И ёнэ мэкнэ манушэн и загинэ дрэ балычэндэ, и, акэ, сарó гурто балычэнгиро чхурдыяпэ брэгоскирэ крутыматыр дро морё (дэрьяв) и ёнэ тасадынэ дро панй. ³³ Чхупнарья (пастүхи) балычэнгирэ нашнэ, и явнэ дро фóро, и роспхэндлэ сарó, и пал манушэндэ налачхэ духэнца. ³⁴ И, акэ, сарó фóро выгия тэ пирилэл Исусос, и, сыр дыкхнэ Лэс, мангнэ Лэс тэ дурёёл лэнгирэ пхувьятыр.

Шэрó 9

Исусо Высастякирэла Манушэс, Савэс Розмардя Праличо

¹ И загии дрэ барка, Ёв традыя палэ и явдя дро Пэскиро фóро. ² И, акэ, лыджанас кэ Ёв насвалэ манушэс, савэ сыс паштó пэ матрацо. И сыр Исусо дыкхця лэнгиро патяибэн, пхэндя насвалэскэ: “Яв муршканó, чхавó Миро, отмэкнэ грэхи тырэ!” ³ Тэды пхэндлэ лылваритка екх екхэскэ: “Кадава мануш тэлякирэла Дэвлэс!” ⁴ И Исусо, джины, со ёнэ думиндлэ, пхэндя: “Соскэ ишчо (инкэ) тумэ думинэна фуипэн дрэ пэскирэ илэ? ⁵ нэ со локхэдыр тэ пхэнэс: ‘Тырэ грэхи отмэкнэ’, ци: ‘Ушты и псир?’ ⁶ А соб (кай) тумэ тэ джинэн,

со Чхавэстэ Манушэскирестэ исын зор пэ пхув тэ отмэкэл грэхі,” тэды Ёв ракирэла насвалэскэ: “Ушты, лэ матрацо пэскиро, и джа дро пэскиро кхэр.” ⁷ И ёв уштыя, и гия дро пэскиро кхэр. ⁸ Кэли мануша дыкхнэ дава, ёнэ дивиндлэпэ и славиндлэ Дэвлэс, со Ёв дыя дасаві зор манушэнгэ.

Исусо Прикхарэла Матфеёс

⁹ И сыр Исусо джалас пашыл одотхыр, Ёв дыкхця манушэс, саво сыс бэшто дро мытытко (налогитко) кхэр, Матфеёс, и ракирла Лэскэ: “Яв Мánца”, и ёв уштыя и гия пал Лэстэ. ¹⁰ И сыр пригияпэ Лэскэ тэ бэшл пал скаминд и, акэ, бут мытоскирэ скэдыбнарья и грэхэнгирэ явнэ и бэшнэ пал скаминд Лэса, и Лэскирэ сыкляибнытконэнца. ¹¹ И кэли Фарисеи дыкхнэ дава, то пхэндлэ Лэскирэ сыкляибнытконэнгэ: “Соскэ Сыклякирибнаскиро тумаро хала грэхэнгирэнца и мытоскирэ скэдыбнарьенца?” ¹² Нэ Ёв шундя дава и пхэндя: “На састэ манушэнгэ трэй састыпнари (докторо), а насвалэнгэ, ¹³ нэ джан, сыклён, со дава значынэла, со Библия ракирла: “Мáнгэ трэй лачхэ-илыткима дрэ манушэндэ, а на свэнта дыибэна”, палдава Мэ явдём тэ кхарав кэ Пэ на чачунэ манушэн, а грэхэнгирэн”

Исусо Сыклякирла пал Посто

¹⁴ Тэньци явнэ кэ Ёв Ианоскирэ сыкляибнытка и ракирна: “Соскэ амэ и Фарисеи постинаса, нэ Тырэ сыкляибнытка на постинэна?” ¹⁵ И пхэндя лэнгэ Исусо: “Наушто могоинэна Тэрнэскирэ гости тэ явэн смэнтна (печальна) дрэ быавитко штуба, пака Тэрно исын лэнца? Дывэса явэна, кэли Тэрно явэла лыно лэндыр, и тэды ёнэ явэна тэ постинэн. ¹⁶ Никон на чхувэла котэр (куско) нэво тхан пэ пхуранэ урибэн; пал-дова со присудо котэр розрискирла и лёха (дира) явэла ишчо (инкэ) барэдыр. ¹⁷ Никон на чхувэла нэви мол (вино) дрэ пхуранэ гонэ, пал-дова со кушэнапэ пхуранэ, и мол вычхувэлапэ и гонэ хасэна. Нэ нэви мол чхувэна дрэ нэвэ гонэ, и зракхэнапэ екх и явир.”

Исусо Отджидякирэла Барыдырэскирэ Чха, и Састякирэла Джувля, Саві Чиладя Лэскиро Урибэн

¹⁸ Сыр Ёв ракирдя дава, Юдытко барыдыро подгия, и, пыи пэ чанга, пхэндя: “Чхай мирі аканá мыя; нэ Ту яв, чхув васт Тыро пэ латэ, и ёй отджидёла.” ¹⁹ И уштыя Исусо и гия пал лэстэ, и адякэ-паць Лэскирэ сыкляибнытка. ²⁰ И, акэ, джувлы, саві сыс древан насвалы дэшудуй бэрш тхадунэ ратвалыпнаса, загии палал лэстыр, ёй чиладя ягоро (краё) Лэскирэ урибнаскиро, ²¹ пал-дова со ёй ракирдя кокори пэскэ: “Кóли мэ фэни (тока) чилававас урибэн Лэскиро, то мэ састёвавас.” ²² И Исусо рисия палэ, дыкхі ла, пхэндя: “Яв мушканы, чхаэ, тыро патяибэн зракхця тут.” И екхатыр (сразу) адая джувлы яця састы. ²³ Кэли Исусо загия дро барыдырэскиро кхэр, дыкхця башаибнаскирэн пэ свирольки и бут явирэ манушэн, савэ шуминдлэ годлэнца, ²⁴ И Ёв пхэндя: “Джан яври, сарэ! Тэрны патывалы джувлы исын намулы, нэ ёй исын суты.” И ёнэ сандлэпэ Лэстыр. ²⁵ И кэли мануша сыс бичхадэ яври, Ёв гия дрэ штуба, лыя ла пал васт, и уштыя тэрны патывалы джувлы. ²⁶ И мавлын (малва) пал дава розгияпэ пир сарі доя пхув.

Исусо Састякирла Дуэ Корорэ Манушэн

²⁷ И кэли Исусо джалас одотхыр, дуй корорэ мануша гинэ пал Лэстэ, дыи гóдла: “Потангинэ (пожалин) амэн, Чхаво Давидоскиро!” ²⁸ И кэли Ёв загия дро кхэр, корорэ мануша подгинэ кэ Ёв, и Ёв пхэндя лэнгэ: “Ишчо патяна, со Мэ могоинава дава тэ кэрав?” Ёнэ ракирна Лэскэ: “Чачо, Раё Дэвла.” ²⁹ Тэньци Ёв чиладя якха лэнгирэ и пхэндя: “Мэк тэ явэл тумэнгэ пир тумаро патяибэн.” ³⁰ И откэрдэпэ лэнгирэ якха. И Исусо зорьяса упхэндя лэнгэ: “Соб (кай) никон тэ на джинэл.” ³¹ Нэ кэли ёнэ гинэ пэскэ, роспхэндлэ пал Лэстэ пир сарі кодоя пхув.

Исусо Састякирла Кашукэ Манушэс

³² Кéли ж ёнэ джана́с, яв́ри кэ Ёв яндлэ немонэ (мутонэ) манушэс налачхэ духо́са. ³³ И кéли налачхо́ духо́ сыс традыно́ яв́ри, немо́ (мута́) лы́я тэ ракире́л. И дивиндлэ́пэ мануша́, ракири́: “Ниéкхвар на́ сыс дасаво́ дро Израилё́!” ³⁴ Нэ́ Фарисе́и ракире́нас: “Дава́ исын налачхэ́-духэнгиро́ хула́й, савья́са зорья́са Ёв традэ́ла яв́ри налачхэ́ духо́.”

Исусо Тангинэ́ла Манушэ́н

³⁵ И псирéлас Исусо́ пир фо́рья и гавá, сыклякири́ дрэ лэ́нгирэ́ синагоги́ Дэвлэ́скири́ бахталы́ зан (звесь) и састякирдя́ кажно́ насвалы́пэн и дукх́ дрэ́ манушэ́ндэ. ³⁶ Кéли Ёв дыкхця́ бут манушэ́н, тэды́ древáн потангиндя́ лэн, пал-дова́ со ёнэ́ пынэ́ дро духо́ и сыс кажно́ пэ́скэ, сыр бакря́ би чхупна́рискиро́. ³⁷ Тэ́ньци Ёв ракире́ла Пэ́скирэ́ сыкляибны́тконэ́нгэ (учэ́никэ́нгэ): “Чачо́, убиянды́пэн исын барвалó, а бутярнэ́ исын на́бут; ³⁸ мангэ́н палдава́ Рас-Дэвлэ́с, Кон исын Хула́й пэ́ фэ́лды, соб (кай) ёв тэ́ бичхавэ́л бутярнэ́н пэ́ убиянды́пэн Пэ́скиро́.”

Шэро́ 10

Дэшуду́й Апо́сто́лы

¹ И кéли Исусо́ кхардя́ дэшудуен сыкляибны́тконэ́н кэ́ Пэ́, Ёв ды́я лэ́нгэ́ зор пэ́ налачхэ́ духо́, соб (кай) тэ́ традэ́н яв́ри лэн манушэ́ндыр и састякире́н кажно́ насвалы́пэн и дукх́. ² Акэ́, дэшудуенгирэ́ – Апо́столэ́нгирэ́ лавá: пэ́рво́ Симо́но, савэ́с кхардэ́ Пэ́три, и Ендри́ (Андре́е), пшал лэ́скиро, Заведее́скиро́ Яково́, и Иа́но, пшал лэ́скиро. ³ Фили́по и Варфала́меё; Тамашо́ и Матфе́е, мытоскиро́ скэ́дыибна́ри, Алфе́е́скиро́ Яково́ и Фаде́е, ⁴ Симо́но Кананито́ и Юда́ Иска́риото́, саво́ зды́я Лэ́с.

Дэшуду́й Сыкляибны́тка́ Кэ́рэ́на Исусо́скири́ Буты́

⁵ Исусо́ бичхадя́ адалэ́н дэшудуен и ды́я лэ́нгэ́ стро́га упхэ́ныбэ́на: “На заджа́н дрэ́ штэ́ты, кай На́юды́ дживэ́на, на заджа́н дро́ Самаритянэ́нгиро́ фо́ро; ⁶ а джа́н фэ́дыр кэ́ мануша́ Израилё́скирэ́ кхэ́рэсты́р, савэ́ исын хасякирдэ́ сыр бакрэ́. ⁷ И кéли тумэ́ заджа́на, пхэ́нэ́н лав пал Дэвлэ́стэ́, ракири́: ‘Явдя́ пашылэ́дыр Кра́липэ́н дро́ Болыбна́скиро́ Раё́, Савэ́са хулаинэ́ла Дэвэ́л.’ ⁸ Састякире́н насвалэ́н, жу́жакире́н проказы́тконэ́н, отджиджя́кире́н мулэ́н, традэ́н яв́ри налачхэ́ духо́ (фаны́); би ловэ́нгиро́ дорэ́снэ́, би ловэ́нгиро́ отдэ́н. ⁹ На лэ́н пэ́са ни сувна́кай, ни руп, ни харко́ма (медь) дрэ́ кы́сыка пэ́ кусты́к, ¹⁰ ни саква́ (сумка) пэ́ дром, ни дуй га́да, ни гэ́ритка, ни дэ́сто. Пал-дова́ со бутя́рно́ исын мол тэ́ хал. ¹¹ И дро́ вари-саво́ фо́ро ци́ гав тумэ́ тэ́ на заджа́н, уджинэ́н, кон исын патывало́ ману́ш дро́ дава́ фо́ро, и ячэ́нпэ́ одо́й анги́л, сыр тэ́ джа́н. ¹² И сыр заджа́на дро́ кхэ́р, пхэ́нэ́н ‘рама́нэ’ (миро́) манушэ́скэ́, ракири́: ‘Тэ́ явэ́л рама́нэ́ тумарэ́ кхэ́рэскэ́’; ¹³ и ко́ли тумэ́н лачхэ́с приле́на дро́ дава́ кхэ́р, мэк рама́нэ́ (миро́), со тумэ́ мангэ́ Дэвлэ́сты́р, тэ́ ячэ́лпэ́ дро́ кхэ́р; ко́ли над, мэк тумаро́ лав мангипна́са Дэвлэ́скэ́ тэ́ рисе́л палэ́ кэ́ тумэ́. ¹⁴ Нэ́ кон на приле́ла тумэ́н и на шунэ́ла лав тумаро́, триински́рен пы́ло тумарэ́ гэрэ́ндыр, сыр явэ́на тэ́ джа́н яв́ри кхэ́рэсты́р ци́ форóсты́р. ¹⁵ Чачэ́с, Мэ́ ракира́ва тумэ́нгэ́: локхэ́ды́р явэ́ла манушэ́нгэ́ Содомосты́р и Гомора́ты́р дро́ дывэ́с, кéли Дэвэ́л явэ́ла тэ́ сэ́ндинэ́л, сыр кадалэ́ фороскэ́.”

Мануша́ Явэ́на тэ́ Традэ́н Апо́столэ́н

¹⁶ Акэ́, Мэ́ бичхавáва тумэ́н сыр бакрэ́н машки́р рувэ́ндэ; явэ́н годьва́рэ сыр са́па, и бибангипна́скирэ́ сыр голумбы́. ¹⁷ Нэ́ ра́кхэ́нпэ́ манушэ́ндыр: пал-дова́ со явэ́на тэ́ здэ́н тумэ́н пэ́ сэ́ндо, и явэ́на тэ́ ма́рэ́н тумэ́н чупня́са дрэ́ лэ́нгирэ́ синагоги́; ¹⁸ и ты́рдэ́на тумэ́н

кэ тхэмэскирэ барыдыра́ и кэ кралья́ пал Мירו лав, соб (кай) тэ допхэнэн пал Мандэ лэ́нгэ и Наюдэ́нгэ. ¹⁹ Нэ сыр ё́нэ здэна тумэн, на пиридживэн, сыр и со тэ пхэнэн тумэ́нгэ: пал-дова́ со явэ́ла дыно́ тумэ́нгэ, со тэ пхэнэн дрэ́ дова́-паць мардо́ (штунда); ²⁰ пал-дова́ со дава́ на тумэ́ явэ́на тэ ракире́н, нэ тумаро́ Болыбна́скирэ-Дадэ́скиро Ду́хо (Фа́но) явэ́ла тэ ракире́л дрэ́ тумэ́ндэ. ²¹ И пшал́ здэла́ пшалэ́с пэ мэрибэ́н, и дад пэ́скирэ чхавэ́с; и чхавэ́ газдэ́напэ пэ́ дадэ́ндэ́ и мулякире́на лэн. ²² И сарэ́ мануша́ явэ́на тэ на сыкавэ́н патыв́ тумэ́нгэ пал лав Мירו, нэ кон явэ́ла тэ тэрдэ́л твардэ́с кэ ко́нцо (кэ яго́ро), кодова́ зракхэ́лапэ. ²³ И кэ́ли явэ́на тэ траде́н тумэн дро́ екх фо́ро, нашэ́н дро́ яви́р; пал-дова́ со Мэ́, чачэ́с, ракира́ва тумэ́нгэ: на кончы́нэна́ тумэ́ тэ обджан́ сарэ́ фо́рья Израиле́скирэ, сыр явэ́ла Чхаво́ Мануше́скиро. ²⁴ Сыкляибны́тко (учэ́нико) исын на барэ́дыр сыклякирибна́ристыр, писха́ри (ра́бо) на барэ́дыр пэ́скирэ ра́стыр. ²⁵ Ухты́лла (до́си) ваш сыкляибны́тконэ́скэ, соб (кай) ё́в тэ явэ́л дасаво́, сыр лэ́скиро сыклякирибна́скиро (учыте́лэ), и писха́ри дасаво́, сыр лэ́скиро рай. Ко́ли сэ́мякирэ́ хула́с прокхардэ́ Вельзэ́вуло, сыр бутэ́дыр на́лачхэ́ лавэ́нца кхарна́ хула́скирэ́ кхэ́ритконэ́н?

Дарэ́н Екхэ́ Дэвлэ́стыр

²⁶ На андыршан кадалэ́ манушэ́ндыр: пал-дова́ со нанэ́ нисо́ чорахано́, соб (кай) тэ явэ́л гарадо́, и гарадо́, соб (кай) тэ на явэ́л джиндло́. ²⁷ Со Мэ́ пхэ́нава́ тумэ́нгэ екх пэ́ екх, ракире́н сарэ́нгэ, и со тумэ́нгэ мануша́ пхэ́нэна́ пэ́ кан, пхэ́нэн пэ́ кхэ́ритко́ бэ́рга. ²⁸ На андыршан ко́долэ́ндыр, савэ́ мулякирна́ маса́, нэ савэ́ на мого́нэна́ тэ мулякире́н тумаро́ ду́хо (фа́но); нэ дарэ́н ко́долэ́ндыр, савэ́ мого́нэна́ тэ мулякире́н и ду́хо (фа́но) и маса́ дро́ лю́но (адо́). ²⁹ Ци на дуй́ шпаки́ (вороб’и) бикнэ́напэ́ пал екх а́сариё́? И ни екх лэ́ндыр на пэ́рэла́ пэ́ пхув би́ волякиро́ тумарэ́ Дадэ́скиро. ³⁰ Тумэ́ндэ́ аж и бала́ пэ́ шэ́ро сарэ́ гиндлэ́. ³¹ На андыршан жа́: тумэ́ сан бут мо́лы кучэ́дыр, сыр кадалэ́ бут шпаки́.

Кон исын пал Христо́состэ́, и Кон исын пэ́ Лэ́стэ́

³² Палдава́ кажно́нэс, кон прига́лэла́ Ман и роспхэ́нэ́ла пал Мандэ́ анги́л манушэ́ндэ́, ко́долэ́с Мэ́ прига́лэ́вава анги́л Мирэ́ Дадэ́стэ́, Саво́ исын дро́ Болыбна́скиро Раё́; ³³ и вари-савэ́стыр, кон отпхэ́нэ́лапэ́ Манды́р анги́л манушэ́ндэ́, ко́долэ́стыр Мэ́ а́дякэ́-паць отпхэ́нава́пэ анги́л Мирэ́ Дадэ́стэ́, Саво́ исын дро́ Болыбна́скиро Раё́.

Ису́со Янэ́ла на Рама́нэ́ (Миро), а Марибэ́н

³⁴ На думинэ́н, со Мэ́ янде́м рама́нэ́ (миро) пэ́ пхув; Мэ́ явде́м тэ́ янав на ‘рама́нэ́’, а марибэ́н. ³⁵ Пал-дова́, со Мэ́ явде́м тэ́ дурья́кирав манушэ́с лэ́скирэ́ даде́стыр, и чха́ ла́кирэ́ датыр, и борья́ сасятыр, ³⁶ манушэ́скирэ́ вэ́рги исын ко́долэ́, савэ́ исын лэ́скирэ́ кхэ́рэ́стыр. ³⁷ Конэ́скэ́ исын дро́го́ лэ́скиро́ дад ци́ буты́р, сыр Мэ́, кодова́ исын на́лачхо́ Ма́нгэ́, и кодова́, савэ́скэ́ исын дро́го́ чхаво́ ци́ чхай́ буты́р, сыр Мэ́, кодова́ исын на́лачхо́ Ма́нгэ́, ³⁸ и вари-кон, кон на лэ́ла трушу́л пэ́скиро́ и на джа́ла Ма́нца, кодова́ исын на́лачхо́ Ма́нгэ́, ³⁹ и вари-кон, кон ра́кхэ́ла пэ́скиро́ джи́ибэ́н, кодова́ хася́кирэ́ла лэ́с; и вари-кон, кон мэ́рэла́ пал Мандэ́, дорэ́сэ́ла ве́чно джи́ибэ́н.

Дэвлэ́скиро́ Отдыи́бэ́н пал Ла́чхо́ При́лыи́бэ́н

⁴⁰ И вари-кон, кон при́лэ́ла тумэн, хай́, Ман при́лэ́ла, и ё́в, саво́ при́лэ́ла Ман, при́лэ́ла Ко́долэ́с, Саво́ бичха́дя́ Ман. ⁴¹ И вари-кон, кон при́лэ́ла проро́ко́с сыр проро́ко́с, кодова́ дорэ́сэ́ла (долэ́ла) отдыи́бэ́н сыр проро́ко́ и вари-кон, кон при́лэ́ла патяи́бны́тконэ́ манушэ́с сыр патяи́бны́тконэ́с, кодова́ дорэ́сэ́ла отдыи́бэ́н сыр патяи́бны́тко́ ману́ш. ⁴² И вари-кон, кон дэ́ла хо́ць тахта́й (чаша) шы́лало́ пани́ екхэ́скэ́ адалэ́ ты́кнэ́ндыр сыр сы́кляибны́тконэ́скэ́, чачэ́с, Мэ́ ракира́ва тумэ́нгэ: ё́в на хася́кирэ́ла пэ́скиро́ отдыи́бэ́н.”

Шэрó 11

Иáно Болдэипнáри (Крестítелё) Бичхавéла Пэскирэ Сыкляибнытконэн кэ Исýсо

¹ И сыс адякэ: кэли кончынды Исýсо тэ дэл упхэныбэна дэшудуенгэ Пэскирэ сыкляибнытконэнгэ, Ёв гия криг одотхыр тэ сыклякирэл и тэ пхэнэл лав дрэ лэнгирэ (Галилеякирэ) фóрья. ² Нэ кэли Иáно шундя дро штарибэн пал Исусóскири буты, ёв бичхадя лав пэскирэ сыкляибнытконэнца ³ тэ пхэнэл Лэскэ: “Ту сан Кодовá, Савэскэ трэй тэ явэл, ци явирэс амэнгэ тэ ужакирас?” ⁴ И отпхэндя лэнгэ Исýсо, ракири “Джáн и пирипхэнэн Ианоскэ, со тумэ дыкхнэ и шундлэ. ⁵ Корорэ манушá дыкхэна нэвэстыр и лангалэ псирэна; проказытка ячэна жужэ, и кашукэ манушá шунэна, мулэ отджидэна, и богэнгэ пхэнэлапэ бахталы зан (звесь); ⁶ бахталó сыс кодовá, кон на хасякирэла патяибэн дрэ Мándэ. ⁷ А кэли ёнэ гинэ пэскэ, Исýсо лыя тэ ракирэл манушэнгэ пал Ианостэ: “Со псирдэ тумэ тэ дыкхэн пэ чхучи пхув? Сыр тришчынытко кашт (дрéво) тринскирлапэ балвалятыр? ⁸ Со тумэ псирдэ одорик тэ дыкхэн? Манушэс, савó сыс уридо дрэ шукáр идя? Над; манушá, савэ уридэ дрэ шукáр идя, дживэна дрэ кралитка фэлатиня (коловá). ⁹ Нэ, со ж тумэ псирдэ тэ дыкхэн? Пророкóс? Чачó, Мэ ракирэва тумэнгэ: ёв исын барэдыр пророкостыр: ¹⁰ дава исын кодовá, пал савэстэ исын чхиндлó: ‘Акэ, Мэ бичхавáва Мирé выкэдынэ Манушэс ангил Тýtэ, Савó кэрэла дром Тырó ангил Тýtэ.’ ¹¹ Чачэс, Мэ ракирэва тумэнгэ: нанэ барэдыр Ианостыр Болдэипнаристыр машкир одолэндэ, савэн джувля биянэна, нэ най тыкнэдыр дро Болыбнаскиро Раё исын барэдыр Ианостыр. ¹² Ианоскирэ Болдэипнаристыр дывэсэндыр кэ/жыко каканá Кралипэн дро Болыбнаскиро Раё зорьяса лэлапэ, нарта (упорна) манушá лэна лэс зорьяса. ¹³ Пал-довá со сарэ прорóки и Закóно ангилпхэнэнас ангил Ианостэ. ¹⁴ И кóли тумэ закамэна тэ прилэн лэс, Иáно исын сырбы Илия, савэскэ трэиндя тэ явэл. ¹⁵ Конэстэ исын канá, мэк тэ шунэл. ¹⁶ Со Мэ тэ пхэнáв, савэ кадалэ манушá исын? Ёнэ исын сырбы чхаворэ, савэ исын бэштэ пашыл тарги и кэли дэна гóдла машкир пэстэ, ¹⁷ то ёнэ ракирэна: ‘Амэ башадям тумэнгэ пэ свиролька, тумэ на кхэлдэ; амэ багандям роибнытка гиля, а тумэ на рундлэ.’ ¹⁸ И Иáно явдя, на хáла, на пьела, и ёнэ ракирэна: ‘Лэстэ исын náлaчxo дýхо (фáно).’ ¹⁹ Явдя и Чхавó Манушэскиро, хáла, и пьела, и ёнэ ракирэна: ‘Давá исын мануш, савэскэ исын пир илó тэ хал, тэ пьел, исын дрýго (мал) мытоскирэ скэдыибнарьэнгэ и грэхэнгирэнгэ.’ Нэ Дэвлэскиро годьварипэн сыкавэла пэскиро чачипэн манушэнгирэ рэндэнца (делэнца), савэ прилэна дава чачипэн.”

Фóрья, Кай на Патяндынэ Исусóскэ

²⁰ Тэньци Ёв лыя тэ ладжакирэл фóрья, дрэ савэ Ёв кэрдя бутыр явирэндыр Пэскирэ дивы, пал-довá со ёнэ на рискирдэ пэскиро джибэн кэ Дэвэл: ²¹ “Бида тýкэ, Хоразино! Бида тýкэ, Вифсаида! Пал-довá со, кóли дасавэ дивы, со сыс кэрдэ дрэ тумэндэ, тэ явэн кэрдэ дрэ Тiро и Сидоно, ёнэ гарá рискирэнас пэскиро джибэн кэ Дэвэл дро урибэн балытконэ гонэстыр и дро пепло. ²² Нэ Мэ пхэнáва тумэнгэ, со явэла локхэдыр дро сэндоскиро дывэс Тироскэ и Сидоноскэ, сыр явэла тумэнгэ. ²³ И ту, Капернаумо, кэ болыбэн газдэсапэ? Дро лóно (адо) ту явэса чхурдынó тэлэ: пал-довá со, кóли дасавэ дивы тэ явэн кэрдэ дро Содóмо, сыр дрэ тýtэ, ёв ячэласпэ кэ ададывэс. ²⁴ Мэ ракирэва тумэнгэ, со явэла локхэдыр дро сэндоскирэ дывэс Содомоскэ, сыр тýкэ.”

Исýсо Кхарэла Манушэн кэ Пэ тэ Откхинён

²⁵ Дро до-паць часо, кэли Исýсо отпхэнэлас лэнгэ, пхэндя Ёв дурэдыр: “Мэ славинава Тут, Дáдо, Рай Дэвэл Болыбнаскиро и пхувьякиро, со Ту гарадян дава годьварэндыр и барэ-годнякирэндыр, и откэрдян дава бияторэнгэ; ²⁶ Чачó, Дáдо, пал-довá со сыс адякэ, сыр Тýкэ трэиндя. ²⁷ Сарó джиныбэн пал Пэстэ Дад Мирó дыя Мánгэ, и никон сарэса на джинэла Чхавэс априч Дадэстэ и никон на джинэла Дадэс априч Чхавэстэ, и Ёв выкэдэла одолэс,

конэскэ Чхаво камэла тэ откэрэл Дадэс. ²⁸ Явэн кэ мэ сарэ, савэ кхинынэ пхарэ бутятыр и пхарипнастыр, – и Мэ дава откхиныбэн тумэнгэ. ²⁹ Лэн пэ пэстэ пхарипэн Мирэ джибнаскиро и сыклён Мандыр, пал-дова со Мэ сом ковлэ-илытко и кандуно, и тумэ латхэна откхиныбэн ваш тумаро ило; ³⁰ пал-дова со Мирэ джибнаскиро пхарипэн локхэс тэ лыджан.”

Шэрó 12

Пхучибэнá пал Сáвато (Субóта)

¹ Дро дова-паць часо джалас Исусо саватонэ (суботонэ) пирдал фэлды, со сыс почхудэ зяркаса; Лэскирэ сыкляибнйтка бокхалынэ и лынэ тэ кушэн колосы и тэ хан. ² Нэ кэли Фарисеи дыкхнэ дава, то пхэндлэ Лэскэ: “Дыкх, Тырэ сыкляибнйтка кэрэна дова, со нашты тэ кэрэн саватонэ (суботонэ).” ³ И Ёв пхэндя лэнгэ: “На гиндлэ тумэ, со Давидо кэрдя, кэли ёв бокхалыя и мануша, савэ сыс лэса? ⁴ Сыр ёв загия дро Дэвлэскиро Кхэр, и ёв и мануша лэскирэ ханэ свэнцындло маро, саво нашты сыс тэ хан ни лэскэ, ни манушэнгэ, савэ сыс лэса, нэ екхэ рашангэ? ⁵ Наушто на гиндлэ тумэ дро Законо, со рашая магирэна саватытко (суботытко) Законо дрэ Кхангири и ячэнапэ би бангипнаскиро? ⁶ Нэ Мэ пхэнава тумэнгэ: кадава, со исын адай, исын бутэдыр Кхангирьятыр. ⁷ Нэ коли тумэ джинэнас, со дава значынэла: ‘Ковлэ-илыткима трэй мангэ, а на даро’, тэды тумэ на бангякирэнас манушэн, савэндэ нанэ банг. ⁸ Пал-дова со Манушэскиро Чхаво исын хулай и пэ савато.”

Мануш Праличытконэ Вастэса

⁹ И пиригии пэ явир штэто, Исусо явдя дрэ лэнгири синагога. ¹⁰ И, акэ, сыс мануш шукэ вастэса. И пхучнэ Лэстыр, соб (кай) тэ бангякирэн Лэс: “Ци сашты (можно) тэ састякирэс саватонэ (суботонэ)?” ¹¹ Ёв пхэндя лэнгэ адякэ: “Кóли вари-конэстэ тумэндыр пэрэла екхори бакри дрэ хоралы ганбйн (яма) саватонэ (суботонэ), наушто адава мануш на ухтылэла ла и на тырдэла яври ла? ¹² Пэ кичы мануш исын дрогэдыр бакрятьыр? Сашты тэ кэрэн лачхипэн саватонэ (суботонэ)?” ¹³ Тэды ракирэла манушэскэ: “Вытырдэ пэскиро васт!” И ёв вытырдыя васт, и васт яця састо, сыр явир. ¹⁴ Нэ Фарисеи гинэ яври, ячнэ тэ зракирэмпэ пэ Лэстэ, сыр тэ мулякирэн Лэс.

Дэвэл Дад Выхэдэла Исусос, Сыр Пэскирэ Дынарис

¹⁵ Нэ сыр Исусо галыя пал дова, Ёв гия пэскэ одотхыр. И бут мануша гинэ Лэса, и Ёв высастякирдя лэн сарэн, ¹⁶ и припхэндя шылалэс лэнгэ тэ на ракирэн явирэнгэ пал Лэстэ; ¹⁷ соб (кай) тэ сполнинэлпэ дова, со Дэвэл пхэндя пирдал пророкостэ Исаёстэ, саво ракирэла: ¹⁸ “Акэ, исын, Мирэ дынари, Конэс Мэ выкэдыём, Мирэ Дрого, дрэ Савэстэ исын Мири радыма; Мэ дава Лэскэ зор Мирэ Духоскири (Фаноскири), и Ёв пхэнэла Наюдэнгэ пал чачунó сэндо. ¹⁹ Ёв на закошэлапэ, на задэла гóдла, и никон на явэла тэ шунэл зан (глос) Лэскири яври; ²⁰ На пхагирэла тэлэ чар, со исын надпхагирды, и на мурдякирэла ягитко чибори, савьятыр екх тхув (дымо) джалá, пака чачипэн пиризорьякирэла саро. ²¹ И Лэскирэ лавэскэ сарэ нацыи явэна тэ патян.”

Исусо и Вельзэвуло

²² Тэньци яндлэ кэ Ёв корорэ и кашукэ манушэс налачхэ духоса и Ёв высастякирдя лэс адякэ, со корорэ и кашуко лыя тэ ракирэл и тэ дыкхэл. ²³ И дивиндлэпэ сарэ мануша и ракирдэ: “Наушто дава исын Давидоскиро Чхаво?” ²⁴ Нэ кэли Фарисеи шундлэ дава, ёнэ пхэндлэ: “Кадава мануш традэла налачхэ дүхи екхэ Вельзэвулоскирэ зорьяса, саво исын хулай пэ налачхэ дүхи.” ²⁵ Нэ Исусо джиндя, со ёнэ думиндлэ и пхэндя лэнгэ: “Каждо

кралипэн, кай нанэ екхипэн андрал, явэла сыр чхучи пхув, и кажно форо ци кхэр, кай нанэ екхипэн андрал, на явэла тэ тэрдэл. ²⁶ И коли налачхо вытрадэла налачхэс, тэды нанэ лэстэ екхипэн андрал, сыр лэскиро кралипэн явэла тэ тэрдэл? ²⁷ И коли Мэ традава яври налачхэ дүхи Вельзевулоса, тэды савэ зорьяса тумарэ чхавэ традэна? Палдава ёнэ явэна сэндэрья тумэнгэ, со тумэ ракирэна начачипэн. ²⁸ Нэ коли Мэ традава яври налачхэ дүхи Дэвлэскирэ Духоса (Фаноса), тэды Дэвлэскиро Кралипэн явдя кэ тумэ. ²⁹ И сыр вари-кон могоинэла тэ заджал дрэ зоралэ-манушэскиро кхэр и тэ чорэл лэскиро миштыпэн, коли ангил ёв на спхандэла зоралэ хулэс. И тэды ёв залэла саро лэскирэ кхэрэстыр. ³⁰ Кон исын на Мánца, одова исын пэ Мándэ, и кон на скэдэла Мánца, одова росчхурдэла. ³¹ Палдова Мэ пхэнава тумэнгэ: кажно грэхо и тэлякирибэн пэ Дэвлэстэ явэна отмэкнэ манушэскэ, нэ калякирибэн пэ Дүхо (Фáно) на явэла отмэкно ни дро дава веко, ни дро веко, саво явэла. ³² И коли вари-кон пхэнэла лав пэ Чхавэстэ Манушэскирестэ, лэскэ грэхо явэла отмэкно, нэ кодова, саво пхэнэла лав пэ Свэнто Дүхо (Фáно), лэскиро грэхо на явэла отмэкно ни дро дава веко, ни дро веко, саво явэла.

Кашт и Барьякирдэ Лэстыр

³³ Коли кашт (дрéво) исын лачхó, лачхó исын барьякирдó (плóдо) лэстыр; коли кашт исын дылыно́, дылыно́ исын барьякирдó лэстыр, пал-дова со кашт галёса пир лэскирэ барьякирдэ. ³⁴ Тумэ сан сапитко рóдо! Сыр тумэ могоинэна тэ ракирэн лачхипэн, коли тумэ сан налачхэ? Пал-дова со, со исын дро ило́ пхэрдó, дова уштá ракирэна. ³⁵ Лачхó мануш лыджáла пэскэ лачхипэн лачхэ пиралэтыр; чорó мануш лыджáла чорэ пиралэтыр чорипэн. ³⁶ Нэ Мэ пхэнава тумэнгэ, со кажно мануш дэла отпхэныбэн пал кажно чхучó лав дро сэндоскиро дывэс: ³⁷ пал-дова со пир тырэ лавá Дэвэл пхэнэла пал тырó набангипэн и пир тырэ лавá тырó бангипэн.”

Исусóстыр Пхучэна тэ Кэрэл Дíво

³⁸ Тэды отпхэндлэ Лэскэ вари-савэ лылваритконэндыр и Фарисеендыр, пхэни: “Сыклякирибна́скиро, амэ камаса тэ дыкхас Түтыр герты́к (знамéниё).” ³⁹ Нэ Ёв отпхэндя лэнгэ, ракири: “Акэ, исын пэсыцёно и напатяибнытко рóдо, саво родэла герты́к; на явэла тумэнгэ герты́к апри́ч Ионаскирэ гертыкатыр. ⁴⁰ Адякэ, сыр Иона сыс дро китоскиро пэр трин дывэсá, адякэ-паць явэла Чхавó Манушэскиро дро пхувья́киро хорипэн трин дывэсá и трин ратя. ⁴¹ Манушá Ниневиятыр газдэнапэ пэ сэндо кадалэ манушэнца и допхэнэна пэ лэндэ, пал-дова со ёнэ рисинэ пэскирэ грэхэндыр кэ Дэвэл, кэли о Иона пхэнэлас, и, акэ, ада́й исын Екх, Саво исын буты́р Ионастыр. ⁴² Кра́лица Паш-Дывэсы́тконэ (Югоскирэ) Ригакири газдэлапэ пэ сэндо манушэнца далэ родóстыр и допхэнэла пэ лэндэ: пал-дова со ёй явэлас пхувья́кирэ ягорóстыр (краёстыр) тэ шунэл Соломонóскиро годьварипэн, и, ада́й исын Екх, Саво исын барэдýр Соломоностыр.

Сыр Налачхо Дүхо (Фáно) Рисёла

⁴³ Кэли налачхо дүхо (фáно) джáла яври манушэстыр, тэды ёв псирóла пир бипанескирэ штэты, родэла штэто́ тэ откхинёл и на латхэла. ⁴⁴ Тэньци дүхо ракирэла: ‘Рисёва́ва мэ дро миро кхэр, каты́р мэ явдём’; и кэли ёв явэла, латхэла, со кхэр исын на залыно, вышуладо и укэдыно. ⁴⁵ То тэньчи ёв джáла и лэла пэса эфта́ яви́р дүхи, со исын фуедýр лэстыр, и ёнэ заджана́ и дживэ́на одóй, и ячэлапэ ваш адалэ манушэскэ фуедýр, сыр сыс ангил дава́. Адякэ явэла кадалэ налачхэ манушэнца.”

Исусóскири Дай и Пшáла

⁴⁶ Кéли Ёв ракирдя манушóнгэ, акэ, дай Лэскири и пшáла Лэскирэ сыс тэрдэ дрэ риг манушэндýр, и лóнгэ трéиндя тэ ракирэн Лэса. ⁴⁷ И вари-кон пхэндя Лэскэ: “Акэ, Дай Тыри и пшáла Тырэ явнó и исын тэрдэ дрэ риг, и лóнгэ трэй Тýса.” ⁴⁸ И Ёв отпхэндя одолэскэ, кон ракирдя: “Кон исын Мири Дай, и кон исын пшáла Мирé?” ⁴⁹ И сыкадя Пэскирэ вастэса пэ Пэскирэ сыкытконэндэ, пхэни: “Акэ, исын дай Мири и пшáла Мирé. ⁵⁰ Пал-довá со, кон кэрэла сарó пир Мирé Дадэскири воля, Савó исын дро Болыбнаскиро Раё, кодовá исын Мángэ пшал и пхэн и дай.”

Шэрó 13

Примéро (Сыкаибэн) пал Сеиныбнаскирэстэ

¹ Дро дова-паць дывэс Исусо гия яври кхэрэстыр и сыс бэштó пашыл мóрё (дэрьяв). ² И скэдынэпэ пашыл Лэстэ бут манушá, палдава ёв гия андрé бáрка и сыс бэштó, а сарé манушá сыс тэрдэ пэ брéго. ³ И ракирдя лóнгэ бут сыкляибнытконэ примерэнца, ракири: “Акэ, сеиныбнаскиро гия яври тэ чхувэл зýрка дрэ пхув: ⁴ и, сыр ёв сеиндя, вари-савé зýрки пынэ пашыл дром, и привурняндынэ чирикля и сханэ лэн; ⁵ нэ явир ж пынэ пэ барунэ штéты, кай на сыс бут пхув, и екхáтыр (срáзу) гинэ упрé, пал-довá со пхув на сыс хор, ⁶ а сыр уштыя кхам, шуткирдя лэн; пал-довá со, сыр на сыс лóндэ кóрни (рукхá), ёнэ зашутинэ; ⁷ нэ явир пынэ дрэ хрúсты сувьенца, и выбраия чар и замардя лэн; ⁸ и явир пынэ пэ лачхí пхув, и дынэ прибарипэн дрэ шэл мóлы, явир дрэ шовдэшá, и явир дрэ трийнда. ⁹ Конэстэ исын канá, мэк тэ шунóл.”

Савó Смýсло исын дрэ далé Примéры (Сыкаибэна)?

¹⁰ Тэньци сыкляибнытка гинэ пашылэдýр и пхэндлэ Лэскэ: “Сóскэ Ту ракирэса лэнца примерэнца (сыкаибнэнца)?” ¹¹ И Ёв отпхэнэлас лóнгэ: “Тумэнгэ исын дынó тэ джинэн гарадо чачипэн пал Кралипэн дро Болыбнаскиро Раё, а лóнгэ на дынó; ¹² кодолэскэ, савэстэ исын, явэла дынó и явэла лэстэ бут бут, а конэстэ нанэ, кодолэстыр лэлапэ криг кодовá нáбут, со исын лэстэ. ¹³ Палдава Мэ ракирэва лэнца примерэнца (сыкаибэн), пал-довá со, сыр ёнэ дыкхí, на дыкхэна, и шуны, на шунэна, и на галёна; ¹⁴ и сполнинэлапэ пэ лóндэ ангилпхэныбэн Исаёскиро, савó ракирэла: ‘Явэна тэ шунэн канэнца, и на галёна; тэ дыкхэн якхэнца, и на дыкхэна; ¹⁵ пал-довá со адалэ манушéнгиро илó кашталыя, и ёнэ шунэна фуес пэскирэ канэнца и якхá пэскирэ закэрдэ, соб (кай) тэ на дыкхэн якхэнца, и тэ на шунэн канэнца, и тэ на галён илэса, и тэ на рисён кэ Мэ, соб (кай) Мэ тэ высастякирав лэн.’ ¹⁶ Тумарé ж якхá исын бахталé, со дыкхэна, и канá тумарé, со шунэна, ¹⁷ Чачэс, Мэ ракирэва тумэнгэ: бут прорóки и чачунэ манушá камлэ древáн тэ дыкхэн дова, со тумэ дыкхэна, и на дыкхнэ, и тэ шунэн дова, со тумэ шунэна, и на шундлэ.

Исусо Пирипхэнэла Примéро (Сыкаибэн) пал Сеиныбнаскирэстэ

¹⁸ Палдава шунэн, пал со исын кадава сыкаибэн (примéро) пал сеиныбнаскирэстэ. ¹⁹ Кéли вари-кон, кон шунэла лав пал Дэвлэскиро Кралипэн, и на галёла, тэды явэла нáлачхо и чорэла лэскирэ илэстыр кодовá, со сыс почхудо: кадасавó мануш исын сырбы зýрка, савí сыс чхуды пашыл дром. ²⁰ Нэ савé сыс чхудэ пэ барунэ штéты, сыкавэна манушэс, савó шунэла лав, прилэла лэс екхáтыр (срáзу) дро илó радымáса; ²¹ нэ сыр дава лав на заджáла хор дро илó и патяибэн исын кротко, тэды, кéли явэна мэньки и традыпэн пал лав, екхáтыр ёв мэкэла тэ патял. ²² Нэ савé сыс чхудэ дрэ дылыны чар, сыкавэна кодолэс, савó шунэла лав, нэ векоскири суэта, тырдыпэн кэ барвалыпэн пиризорякирэна дро лóнгиро илó, и ёв ячэла би барьякирдэскиро. ²³ Нэ савé сыс чхудэ пэ лачхí пхув, сыкавэна манушэс, савó

шунэла лав и галёла лэс, ёнэ дэна барьякирдэскиро (плодоскиро) и приборипэн екх дрэ шэл мёлы, явир дрэ шовдэша, нэ явир дрэ трийнда мёлы.”

Примёро (Сыкаибэн) пал Дылыны Чар

²⁴ Явир сыкляибнытко сыкаибэн роспхэндя Исусо манушэнгэ, ракири: “Кралипэн дро Болыбнаскиро Раё исын сырбы мануш, саво чхудя лачхи зярка пэ пэскири фэлда. ²⁵ Кэли мануша сыс сутэ, явдя вэрго и чхудя дылыны чар машкир гив и гия криг. ²⁶ Нэ кэли лачхи зярка ўзгия и дыя приборипэн, дылыны чар адякэ-паць сыкадыя. ²⁷ И хуласкирэ писхэрья явнэ и пхэндлэ лэскэ: ‘Раё, ту ж чхудян лачхи зярка пэ фэлда? Катыр лыяпэ дылыны чар?’ ²⁸ И ёв отпхэндя лэнгэ: ‘Вэрго мануш кэрдя дава.’ Лэскирэ писхэрья ракирна лэскэ: ‘Кёли камэса, амэ джаса и выкэдаса лэн яври.’ ²⁹ Ёв ракирла: ‘Над, соб (кай) тэ на вырискирэн кхэтанэ дылынэ чарьяса гив, сыр тумэ явэна тэ вырискирэн яври дылыны чар. ³⁰ Мэк тэ барьён кхэтанэ кэ счхиныбэн; и дро часо, сыр тэ счхинэн, мэ пхэнава жнецэнгэ: ‘Скэдэн англэдыр дылыны чар и пхэндэн лэн дрэ пучки, соб (кай) тэ хачкирэн; а гив тэ скэдэн дрэ Мирй шурна.’”

Примёро (Сыкаибэн) пал Гарчычно Зярка

³¹ Явир сыкляибнытко сыкаибэн роспхэндя Исусо лэнгэ, ракири: “Кралипэн дро Болыбнаскиро Раё исын сырбы гарчычно зярка, сави мануш лыя и почхудя пэ пэскири фэлда, ³² ёй исын тыкнэдыр сарэ зяркэндыр, нэ кэли выбарьёла, ячэлапэ барэдыр сарэ явирэ хрустэндыр и ячэлапэ сыр кашт, адякэ со чирикля болыбнытка кхувэна гнязды (күфы) дрэ лэскирэ рандя.”

Примёро (Сыкаибэн) пал Дрожджы

³³ Явир сыкляибнытко примёро роспхэндя лэнгэ Исусо: “Кралипэн дро Болыбнаскиро Раё исын сырбы дрожджы (рожчына), савэ джувлы лыя и замешындя дрэ вядра (нэбра) яржэса, пака саро хумэр (цясто) яця шуто.” ³⁴ Акэ, саро Исусо пхэндя манушэнгэ примерэнца (сыкаибэнэнца); и нисо Ёв на ракирдя лэнгэ би примерэнгиро, ³⁵ соб (кай) тэ сполнинэлпэ, со сыс пхэндлэ пир пророкостэ: “Мэ откэрава ушта Мирэ дрэ примеры (сыкаибэна); выпхэнава дова, со гарадо одолэстыр, сыр свэто сыс создыно.”

Исусо Пирипхэнэла Примёро (Сыкаибэн) пал Дылыны Чар

³⁶ Тэньци Ёв мэкция манушэн и гия дро кхэр. И подгинэ кэ Ёв сыкляибнытка Лэскирэ и пхэндлэ: “Пирипхэн амэнгэ примёро (сыкаибэн) пал дылыны чар пэ фэлда.” ³⁷ И Ёв пхэндя дро отпхэныбэн: “Кон сеинэла (чхувэла) дрэ пхув лачхи зярка исын Чхаво Манушэскиро; ³⁸ фэлда исын свэто; лачхи зярка-дава исын чхавэ Кралипнаскирэ, кай хулаинэла Дэвэл; дылыны чар-дава исын чхавэ налачхэскирэ, ³⁹ вэрго, саво почхудя лэн-дава исын налачхо, счхиныбэн-дава значынэла векоскиро концо (ягоро), жнецы исын Янгёлы. ⁴⁰ Палдава, сыр выкэдэна дылынэ чарья и схачкирэна ягаса, адякэ-паць явэла дро векоскиро концо (ягоро): ⁴¹ бичхавэла Чхаво Манушэскиро Пэскирэ Янголэн, и скэдэна Лэскирэ Кралипнастыр саро, со злыджала манушэн кэ грэхо, и сарэн, кон кэрэла на пир Законо; ⁴² и чхурдэна лэн дро бов ягаса; одой явэла роибэн и дандэнгири скрежыма. ⁴³ Тэньци патяибнытка явэна тэ зяинэн сыр кхам дро лэскирэ Дадэскиро Кралипэн. Конэстэ исын канá, мэк тэ шунэл.

Примéро (Сыкаибэ́н) пал Гарады́ Дро́гима

⁴⁴ Кралипéн дро Болыбна́скиро Раё исын сы́рбы дро́гима дро кучипéн, со исын гарады пэ фэ́лда, саво ману́ш, сыр латхя́, гарады, и радыва́тыр джа́ла и саро́ бикнэ́ла, со лэ́стэ исын, и кинэ́ла кодо́я фэ́лда.

Примéро (Сыкаибэ́н) пал Мутин

⁴⁵ Ишчо Кралипéн дро Болыбна́скиро Раё исын сы́рбы купцо́ (тылгáри), саво́ родэ́лас древа́н го́жа му́тиня; ⁴⁶ и сыр латхя́ екх куч му́тин (жэмчу́го), гия́ и би́киндя саро́, со лэ́стэ исын и кинд́я ла.

Примéро (Сыкаибэ́н) пал Кхуды́

⁴⁷ Ишчо Кралипéн дро Болыбна́скиро Раё исын сы́рбы бари кхуды́ (сетка), со чхурды́нэ дро мо́рэ (дэ́рьяв) и сави́ скэ́дыя́ ра́зна ма́чхэ, ⁴⁸ и сыр кхуды́ сыс пхэ́рды, ману́шá тырды́нэ яв́ри ла пэ брэ́го и бэ́шнэ, скэ́дыи ла́чхэ ма́чхэ дрэ́ пирья́, а на́лачхэ́ чхурды́нэ яв́ри. ⁴⁹ А́дякэ-па́ць явэ́ла дро ве́коскиро ко́нцо (яго́ро): джа́на тэ́лэ Янгóлы и роскэ́дэна на́лачхэ́н патяи́бнытконэ́ндыр, ⁵⁰ и чхурдэ́на лэ́н дро бов яга́са; одо́й явэ́ла рои́бэ́н и дандэ́нгири скре́жыма.”

Нэ́вэ и Пхура́нэ Чачипэ́на

⁵¹ “Ци галы́нэ тумэ́ дава́ саро́?” Ё́нэ пхэ́ндлэ́ Лэ́скэ: “А́дякэ, Раё́.” ⁵² и Ё́в пхэ́ндя́ лэ́нгэ: “Палда́ва́ ка́жно лы́лваритко́ (кни́жнико), саво́ сы́кля пал Кралипéн дро Дэ́влэ́скиро Раё́, исын сы́рбы ману́ш, саво́ исын кхэ́рэскиро хула́й, кон лы́джа́ла яв́ри пэ́скирэ́ кучипна́скирэ́ пи́раляты́р саро́ нэ́вэ и пхура́но.”

Ису́со дро На́зарето

⁵³ И исын а́дякэ: кэ́ли кончы́ндя Ису́со далэ́ приме́ры (сыкаибэ́на), Ё́в гия́ пэ́скэ́ одотхы́р. ⁵⁴ И сыр Ё́в яв́дя дро Пэ́скиро фо́ро, сы́клякирд́я лэ́н дрэ́ синаго́га а́дякэ, со ё́нэ древа́н дивинди́зпэ, раки́ри: “Каты́р адалэ́ ману́шэ́стэ́ исын дасаво́ го́дыпэ́н и зоралы́пэ́н? ⁵⁵ На Ё́в исын скаминда́рискиро Чха́во? На Лэ́скирэ́ Да кха́рэна Ма́рия, и пшале́н Лэ́скирэ́н Я́ково и Ё́за и Си́моно и Ю́да? ⁵⁶ и пхэ́ня́ Лэ́скирэ́ нанэ́ сарэ́ машки́р амэ́ндэ? Каты́р жа́ Лэ́стэ́ саро́ дава́?” ⁵⁷ И на патя́нас Лэ́скэ. Нэ́ Ису́со пхэ́ндя́ лэ́нгэ: “Са́рэ́ ману́шá ку́тякирэ́на проро́кóс, фэ́ни на дро Лэ́скиро фо́ро и на дро лэ́скиро кхэ́р” ⁵⁸ И Ё́в на кэ́рдя́ бут дивы́ одо́й, пал-дова́ со ё́нэ на патя́ндынэ́ Лэ́скэ.

Шэ́ро 14

Ианоски́рэ-Болдэ́ипна́ри́скиро (Крестити́лэ́скиро) Мэ́рибэ́н

¹ Дро долэ́ дывэ́са́ шунд́я да́я зан (звесь) пал Исусо́стэ́ Иро́до, саво́ сыс хула́й пэ́ штáрто паш Ю́дэ́нгирэ́ Крали́пнасты́р, ² и пхэ́ндя́ пэ́скирэ́ дына́рьэ́нгэ: “Да́ва́ исын Иа́но Болдэ́ипна́ри; ё́в отджи́дыя́ мулэ́ндыр, и палда́ва́ лэ́стэ́ бари́ зор тэ́ кэ́рэ́л дивы́.” ³ Пал-дова́ со Иро́до лы́я Ио́анос, пхэ́ндя́ лэ́с занди́рьенца́ и чху́дя лэ́с дро штари́бэ́н пал Иро́диада́тэ, пэ́скирэ́ пшале́скирэ́ Фили́поскирэ́ ромня́тэ, ⁴ пал-дова́ со Иа́но раки́рдя́ лэ́скэ: “Ту́кэ́ нашты́ тэ́ лэ́с ла.” ⁵ И ё́в думи́ндя (ды́я го́ды пэ́скэ) тэ́ муля́кирэ́л лэ́с, нэ́ даранды́я ману́шэ́ндыр, пал-дова́ со ё́нэ гинд́лэ́ лэ́с пал проро́костэ́. ⁶ Нэ́ кэ́ли сыс Иро́доскиро́ бия́ныпны́тко дывэ́с, Иро́диада́кири́ чхай́ кхэ́лдя́ анги́л госте́ндэ́ и кхэ́лыбэ́н древа́н сыс пир и́ло́ Иро́доскэ́; ⁷ со ё́в ды́я лав со́влахаса́ тэ́ дэ́л ла́кэ́ саро́, со́б (кай) ё́й тэ́ на по́мангэ́л. ⁸ Ё́й жа́, сыр ла да́й

сыклякирдя, пхэндя: “Дэ мангэ пэ чаро шэро Ианоскиро Болдэипнарискиро.”⁹ И крáli пыя дро дүхо (фáно), нэ пал совлáх и манушэндэ, савэ сыс бэштэ лэса, припхэндя тэ дэл лáкэ,¹⁰ и ёв бичхадя тэ отчингирэн шэро Ианоскэ дро штарибэн,¹¹ и яндлэ лэскиро шэро пэ чаро и дынэ раклякэ, и ёй яндя пэскирэ дáкэ.¹² И явнэ лэскирэ сыкляибнýtка и лынэ трүпо и гарадэ лэс; и гинэ и пхэндлэ зан (звесь) Исусóскэ.

Исүсо Чалякирэла Пандж Тысёнцы Манушэн

¹³ И сыр Исүсо шундя даё зан, то дурия одотхýр пэ барка екхджинó пэ чхучó штéто; и кéли манушá шундлэ пал дава, ёнэ гинэ пал Лэстэ пэзал форьэндýр.¹⁴ И сыр Ёв гия ангýл, дыкхця бут манушэн; и Ёв потангиндя лэн и высастякирдя насвалэн.¹⁵ Кéли явдя бэльвэль, ёнэ гинэ пашылэдýр кэ Ёв; и Лэскирэ сыкляибнýtка пхэндлэ: “Чхучó (пусто) дава исын штéто и ужэ бут мардэ, мэк манушэн, мэк тэ джáн ёнэ дрэ гавá тэ кинэн пэскэ хабэн.”¹⁶ Нэ Исүсо пхэндя лэнгэ: “Лэнгэ на трэй тэ джáн: дэн тумэ тэ хан лэнгэ.”¹⁷ Нэ ёнэ пхэндлэ Лэскэ: “Адаý амэндэ исын екх пандж марэ и дуй мачхэ.”¹⁸ И Ёв пхэндя лэнгэ: “Янэн лэн Мánгэ.”¹⁹ И Ёв припхэндя манушэнгэ тэ бэшэн пэ чар, лыя кадалэ пандж марэ и дуй мачхэ, газдыя якхá пэ болыбэн, бахтякирдя хабэн парикирибнаса Дэвлэскэ, пхагирдя, и дыя марó сыкляибнýtконэнгэ, кодолэ ж манушэнгэ.²⁰ И сарэ ханэ и чалынэ, и скэдынэ котэрá, со ячнэпэ, дэшудýй пхэрдэ корзыны (кхудэ)²¹ И ханэ пандж тысёнцы муршá, апрíч джувлендэ и чхаворэндэ.

Исүсо Псирэла пир Пани

²² И екхáтыр Исүсо зачхудя сыкляибнýtконэн тэ бэшэн дрэ барка тэ пливинэн (тэ дэн плима) ангýл Лэстэ пэ дова брéго, ангýл сыр Ёв отмэкэла манушэн.²³ И кéли Ёв отмэкця манушэн, екхáтыр Ёв гия упрэ пэ бэрга тэ мангэлпэ Дэвлэскэ. И сыс одóй екхджинó, сыр явдя бэльвэль.²⁴ Нэ барка ужэ сыс машкёр мóрё (дэрьяв), и валны (вэлны) чхурдэнас ла, пал-дова со балвáл сыс пэ лэндэ.²⁵ Машкир трýто и шóвто мардó (штýнда) ратякиро, пэ штáрто стрéга Ёв явдя кэ ёнэ, псири пир мóрё (дэрьяв).²⁶ Нэ сыкляибнýtка, сыр дыкхнэ, со Ёв джáла пир пани, страхáдынэ, ракири: “Давá исын зданки (дыкхибэна).” И дынэ гóдла дарáтыр.²⁷ И екхáтыр Исүсо лыя тэ ракирэл лэнца и пхэндя: “Рикирэнпэ муршканэс, дава Мэ сом, на андыршан.”²⁸ И Пэтри Лэскэ отпхэндя: “Раё Дэвла! Кóли дава Ту сан, дэ припхэныбэн мánгэ тэ джав кэ Ту пир пани”²⁹ Ёв пхэндля: “Джá!” И гии баркатыр, Пэтри гия пир пани и подгия кэ Исүсо.³⁰ Нэ сыр ёв дыкхця балвáл, страхадя, и лыя тэ тасадёл, задья гóдла: “Раё Дэвла! Зрáкх ман!”³¹ И екхáтыр Исүсо вытырдыя васт, ухтылдя пал лэстэ, и ракирэла лэскэ: “Тýтэ нанэ барó патяибэн, сóскэ ту лыян тэ кунинэспэ?”³² И сыр ёнэ бэшнэ дрэ барка, балвáл штылыя.³³ И кодолэ, савэ сыс Лэса дрэ барка, поклониндлэпэ Лэскэ и пхэндлэ: “Чачэс, Ту сан Дэвлэскиро Чхавó.”

Исүсо Высастякирэла Насвалэс дро Генисарéто

³⁴ И сыр ёнэ пирипывиндлэ (дыя плима пирдал), явнэ пэ Генисаретоскири пхув.³⁵ И кéли манушá долэ штэтóстыр галынэ Лэс, тэды бичхадэ пир сарэ пашатунэ штéты манушэн, соб (кай) тэ янэн сарэн насвалэн кэ Ёв,³⁶ и мангнэ Лэс, соб (кай) лэнгэ фэни (тóка) тэ чилавэн Лэскирэ урибнаскирэ ягóры (край), и кодолэ, савэ чилавэнас, ячэнас састэ.

Шэро 15

Исүсо Роспхэнэла пал Гаратунэ Юдытка Сыклякирибэна

¹ Палó дава явнэ кэ Исүсо Фарисеи и лылварýtка Ерусалимóстыр и пхэндлэ: ² “Сóскэ Тырэ сыкляибнýtка на кандэна годэпхурэнгирэ припхэныбэна? Пал-дова со на морэна пэскирэ

васта, ангил сыр тэ хан маро.”³ И Ёв отпхэндя лэнгэ, ракири: “Соскэ ж тумэ на кандэна Дэвлэскирэ припхэныбэна пал пэскиро присыклякирибэн?”⁴ Палдова со Дэвлэ ж пхэндя: ‘Кутякир дадэс и да’, и, ‘Кон ракирэла чорипэн пэ пэскирэ Дадэстэ и датэ, тэ мэрэл адава мануш.’⁵ Нэ тумэ ракирэна: Кóли манушэстэ исын дáро, савó ёв могоинэлас тэ дэл дадэскэ ци дакэ, тэды ёв на дэла, нэ ёв ракирэла: ‘Давá исын Дэвлэскиро’,⁶ адасавó мануш на кутякирэла пэскирэ дадэс ци пэскирýа да. Адыкэ тумэ парудэ лав Дэвлэскиро пэ пэскиро присыклякирибэн.⁷ Тумэ сан, дуемуйтка! Шукáр ангилпхэндя пал тумэндэ Исаё: ⁸ ‘Кадалэ манушá кутякирэна Ман уштэнца пэскирэнца, нэ илó лэнгиро исын дур Мándыр; ⁹ нэ ивýя (напрáснэс) клонинэнапэ Мángэ, пал-довá со ёнэ сыклякирэна припхэныбэна, со манушá придуминдлэ.’

Исýсо Пирипхэнэла, Сóстыр Мануш Ячэлапэ Андрáл Нájужо Ангил Дэвлэстэ

¹⁰ И кхардýа Ёв манушэн кэ Пэ, и пхэндýа лэнгэ: “Шунэн и галён: ¹¹ ‘На дова, со заджала дрэ манушэскирэ уштá, кэрýла Лэс магирдэса ангил Дэвлэстэ, нэ дова, со джала яврý лэстыр, акэ, исын, дава, со кэрýла Лэс магирдэса.” ¹² Тэньци подгинэ сыкляибнýтка и ракирэна Лэскэ: “Ту на джинэса, со Фарисеи, сыр шундлэ дава лав, мэкнэ тэ патýн Тýкэ?” ¹³ Ёв жа отпхэндýа: “Кажно раслина, савý Мирó Болыбнáскиро Дад на чхудýа дрэ пхув, явэла рискирды корнэнца (рукхэнца). ¹⁴ Мэк лэн; ёнэ исын корорэ лыджаибнáскирэ. Кóли корорó мануш лыджáла корорэс, дуйджинэ пэрэна дрэ ганбýн (яма).” ¹⁵ Нэ Пэтри отпхэндýа Лэскэ: “Роспхэн амэнгэ, со дава примéро значынэла” ¹⁶ Ёв жа пхэндýа: “Наушто и тумэ адыкэ-паць на галёна? ¹⁷ На галёна тумэ, со сарó, со заджала дро муй, джала дурэдýр дро пэр и чхурдэлапэ яврý? ¹⁸ Нэ со джала яврý мóстыр, дова-паць джала илэстыр, и кадава кэрýла манушэс магирдэса. ¹⁹ Палдова со чорэ дýмы, замарибэн, биладжаипэн, блэндо, чорибэна, хоханó допхэныбэн, калякирибэн. ²⁰ Кадава сарó кэрýла манушэс магирдэса ангил Дэвлэстэ, нэ тэ хал намордэ вастэнца на кэрýла манушэс магирдэса.”

Джувлякиро Патяибэн

²¹ И гия пэскэ Исýсо одотхýр и дурия пэ Тироскирэ и Сидоноскирэ штэты; ²² и, акэ, Хананеенгири джувлý, савý сыс до-паць штэтóстыр, гия ангил и задýя гóдла: “Потангинэ (пожалин) ман, Раё Дэвла, Чхавó Давидóскиро, нáлачхо дýхо (фáно) древáн рикирэла зор пэ мирé чхатэ.” ²³ Нэ Ёв нисó на отпхэндýа лáкэ. И Лэскирэ сыкляибнýтка подгинэ кэ Ёв и помангнэ Лэс: “Отмэк ла, пал-довá со ёй адыкэ дэла гóдла пал амэндэ.” ²⁴ Нэ Ёв отпхэндýа: “Мэ сом бичхадó фэни кэ хашибнýтка бакрэ Израилэскирэ кхэрэстыр.” ²⁵ Нэ ёй подгýя и поклониндýа Лэскэ и ракирдýа: “Раё Дэвла! Помогин мánгэ!” ²⁶ Нэ Ёв отпхэндýа: “Намишто тэ лэс марó чхаворэндýр и тэ чхурдэс джуклэнгэ.” ²⁷ Нэ ёй пхэндýа: “Чачó, Раё Дэвла; нэ и джукэла хána крохэндýр, со пэрэна лэскирэ-хулáскирэ скаминдэстыр.” ²⁸ Тэньци Исýсо отпхэндýа лáкэ: “Джувлýе, барó исын тырó патяибэн; мэк тэ явэл, сыр ту камэса.” И екхатыр лáкири чхай яцýа састы.

Исýсо Высастякирэла Бутэ Манушэн

²⁹ И гии одотхýр, Исýсо джалас пашýл мóрё (дэрьáв) Галилеякиро и гия упрé пэ бэрга и бэсцýа одóй; ³⁰ и бут манушá явнó кэ Ёв, яндлэ пэса лангалэн, корорэн, калечнонэн, бичибитконэн и явирэ насвалэн, и чхудэ лэн тэлэ ангил Исусóскирэ гэрá, и Ёв высастякирдýа лэн; ³¹ адыкэ, со манушá древáн дивиндлэпэ, кели дыкхнэ, со бичибитка ракирэна, калеки састэ, лангалэ псирэна, и корорэ дыкхэна; и ёнэ славиндлэ Дэвлэс Израилэскирэс.

Исусо Чалякирэла Штар Тысёнцы Манушэн

³² И Исусо кхардэ кэ Пэ Лэскирэн сыкляибнытконэн и пхэндя: “Мангэ исын танго (жалко) адалэ манушэн: пал-дова со ужэ трин дывэса ёнэ ячэнаспэ Манца, и нанэ нисо лэндэ тэ хан, и Мэ на камам тэ мэкав Пэстыр лэн дро дром бокхалэнца, соб (кай) ёнэ тэ на здэн зорьятыр дро дром.” ³³ И сыкляибнытка ракирэна Лэскэ: “Кай тэ лас амэнгэ адакицы лабы маро пэ чхучи пхув, соб (кай) тэ чалякирас адакицы манушэн?” ³⁴ И пхэндя лэнгэ Исусо: “Кицы лабы маро тумэндэ исын?” И ёнэ пхэндлэ: “Эфта (битринэнгиро дэш) и набут мачхорэ.” ³⁵ И припхэндя манушэнгэ тэ бэшэн пэ пхув; ³⁶ и лыя кадалэ эфта лабы маро и мачхорэ, и бахтякири парикирибнаса Дэвлэс, распхагирдя, и дэлас сыкляибнытконэнгэ, а сыкляибнытка дынэ манушэнгэ. ³⁷ И ёнэ сарэ ханэ, и чалынэ; и ёнэ скэдынэ котэра, со ячнэпэ, эфта пхэрдэ корзыны (кхудэ); ³⁸ и ханэ штар тысёнцы мурша, апріч джувлендэ и биятэндэ. ³⁹ Тэньци Ёв розмэкця манушэн, бэсця дрэ барка и явдя пэ штэты Магдалиноскирэ.

Шэрó 16

Трэбима пал Дівó

¹ И Фарисеи и Садукееи подгинэ, и, соб (кай) тэ пропатякирэн Исусос, палдава ёнэ мангнэ тэ сыкавэл лэнгэ гертык (знамэниё) болыбнастыр. ² Нэ, Ёв отпхэндя лэнгэ, пхэни: “Кэли да бэльвэль, тумэ ракирэна, ‘Явэла лачхи вэдра (погода), пал-дова со болыбэн исын лолó;’ ³ и пэ злóко: ‘Ададывэс яври исын вихура, пал-дова со болыбэн исын лолó и зачхакирдо облокэнца.’ Тумэ джинэна, сыр тэ галён пир болыбэн, нэ тумэ на джинэна тэ галён гертыка (знамэнии) пир разнó часо. ⁴ Тумэ сан бибахталó и биладжаипнытко рóдо, савó родэла гертык, на явэла тумэнгэ гертык, апріч Ионаскири гертык.” И Ёв мэкця лэн и гия пэскэ.

Пал Фарисеэнгиро и Садукеенгиро Сыклякирибэн.

⁵ И кэли сыкляибнытка явнэ пэ явир брэго, ёнэ бистырдэ тэ лэн пэса лабы марó. ⁶ И Исусо пхэндя лэнгэ: “Дыкхэн жа, ракхэнпэ Фарисеэнгирэ и Садукеенгирэ сыклякирибнастыр, савó исын сырбы рошчына (закваска).” ⁷ Нэ ёнэ лынэ тэ пириракирэн машкир пэстэ: “Амэ на лыям лабы марó.” ⁸ Исусо джиндя, со лэндэ сыс пэ годы, пхэндя: “Тумэ сан мануша на барэ патяибнаса, сóскэ ж тумэ обракирэна машкир пэстэ, со тумэндэ нанэ марó? ⁹ Наушто тумэ ишчо (инкэ) на галёна и на рипирэна пал пандж лабы марó ваш пандж тысёнцы, и кицы кхудэ тумэ скэдынэ? ¹⁰ И пал эфта (битринэнгиро дэш) лабы марó ваш штар тысёнцы, и кицы кхудэ тумэ скэдынэ? ¹¹ Сыр тумэ на галёна, со Мэ пхэндём на пал марó: ‘Ракхэнпэ Фарисеэнгирэ и Садукеенгирэ рошчынатэр?’” ¹² Тэньци ёнэ галынэ, со Ёв пхэндя лэнгэ тэ ракхэнпэ на марунэ рошчынатэр, а Фарисеэнгирэ и Садукеенгирэ сыклякирибнастыр.

Пэтри Ракирэла, со Исусо исын Христóсо

¹³ И кэли Исусо явдя пэ пхувья Кесария Филипоскири, Ёв пхучэлас Пэскирэ сыклытконэндэр, ракири: “Пал Конэстэ мануша гинэна Ман, Манушэскирэ Чхавэс?” ¹⁴ И ёнэ пхэндлэ: “Вари-савэ пал Ианостэ Болдэипнаристэ, явир пал Илиястэ, явир пал Еремеестэ ци пал екхэстэ пророкэндэр” ¹⁵ Ёв жа ракирэла лэнгэ: “Нэ тумэ пал конэстэ Ман гинэна?” ¹⁶ И Симоно Пэтри отпхэндя и пхэндя: “Ту сан Христóсо, Чхавó Джидэ Дэвлэскиро, Савó дживэла вэчнэс” ¹⁷ И Исусо отпхэнэлас лэскэ и пхэндя: “Бахталó ту сан, Симоно Иониноскиро, пал-дова со на мануш, конэстэ исын рат и маса, дыя дава чачипэн дрэ тыри годы, нэ Миро Дад, Савó исын дро Болыбнаскиро Раё. ¹⁸ И Мэ пхэнава тукэ: Ту сан Пэтри, пэ дава бар Мэ кэрава Кхангири Мирі, и люноскири зор (мэрибэн) на лэла упралыпэн пэ латэ. ¹⁹ Мэ дава тукэ клыдына вударэндэр, савэ исын Кралипнастыр дро

Болыбна́скиро Раё, Савёса хулаинэла Дэвэл; и со ту запхэнэса пэ пхув, дова́ явэла запхэндло дро Болыбна́скиро Раё, и со домэкэса пэ пхув, дова́ явэла домэкно дро Болыбна́скиро Раё.”

²⁰ Тэньци Ёв припхэндя шылалэс сыкляибнытконэнгэ ни конэскэ тэ на ракирэн, со Ёв исын Христосо.

Исусо Ракирэла пал Пэскирэ Мэньки и Мэрибэн

²¹ Долэ часостыр лыя Исусо тэ ракирэл яснэс Лэскирэ сыкляибнытконэнгэ, со Лэскэ трэй тэ джал дро Ерусалимо и бут мэньки тэ пиридживэл годэпхурэндыр и рашангирэндыр и лылваритконэндыр, и явэла Ёв замардо, и пэ трито дывэс Ёв отджидёла. ²² И кхардя́ Пэтри Лэс дрэ риг, и лыя́ тэ отракирэл: “Потангинэ Пэс, Раё Дэвла! Мэк тэ на явэл дава́ Туса.” ²³ Нэ Ёв рисия́ кэ Пэтри и пхэндя́: “Джа́ криг Мандыр, на́лачхо; ту Мángэ сан, сыр бар пэ дром, пал-дова́ со ту думинэса на пал Дэвлы́тко, а пал манушы́тко.” ²⁴ Тэньци Исусо пхэндя́ Пэскирэ сыкляибнытконэнгэ: “Кóли вари-конэскэ пир ило́ тэ джал Мánца, мэк тэ на думинэл бутыр пал пэстэ, и мэк тэ лэл трушу́л пэскиро, и мэк тэ джал пал Мándэ.” ²⁵ Нэ кóли вари-кон, савэскэ исын дро́го джи́ибэн пэскиро тэ зракхэл, кодова́ хасякирэла лэс, и вари-кон, саво́ отдэла пэскиро джи́ибэн ваш Мángэ, кодова́ латхэла Лэс. ²⁶ Саво́ лачхипэн исын манушэскэ, кóли лэстэ явэла саро́, со лэскэ трэй далэ свэ́тостыр, а ёв хасякирэла пэскиро вэ́чно джи́ибэн? Нэ со мануш́ могинэла тэ отдэл кучэдыр дро па́руибэн пал пэскиро джи́ибэн? ²⁷ Пал-дова́ со явэла Чхаво́ Манушэскиро дрэ зорьякири сла́ва Пэскирэ Дадэскирэ Янголэнца, и тэды ка́жно (сва́ко) дорэсэла, со явэла мол пал пэскиро дова́, со кэрдя́ ёв дро джи́ибэн. ²⁸ Чачэс, Мэ ракира́ва тумэнгэ: ада́й исын вари-саво́ мануша́, саво́ на мэ́рэна, кóли анги́л явэна тэ дыкхэн Чхавэ́с Манушэскирэ, саво́ явэла сыр Кра́ли дро Кра́липэн Пэскиро.”

Шэро́ 17

Исусо́скиро Парудыипэн

¹ Пир шов дывэса́ лыя Исусо́ Пэтрис и Яковос́ и Ианос́, лэскирэ пшалэс, и лыджия́ лэн тринджинэн пэ вучи́ бэ́рга. ² И Ёв парудыя́ сарэ́са анги́л лэндэ. Лэскиро муй лыя́ тэ зяинэл, сыр кхам, и Лэскирэ урибэ́на ячнэ́ парнэ́ сыр дуд (свэ́то). ³ И, акэ, сыкадынэ́ лэнгэ́ Мóйза Илия́са, саво́ ракирдэ́ Лэ́са. ⁴ И Пэтри заракирдя́ и пхэндя́ Исусо́скэ: “Раё Дэвла! Сыр исын шука́р амэнгэ́ тэ явас ада́й. Кóли Ту камэ́са, мэ кэра́ва ада́й трин ша́тры: екх Ту́кэ, екх Мóйза́скэ, и екх Илия́скэ.” ⁵ Кéли ёв ишчо́ (инкэ́) ракирдя́, акэ, святло́ обло́ко чхакирдя́ лэн, и, акэ, зан облокостыр, сави́ ракирдя́: “Када́ва исын Мирó дро́го Чхаво́, дрэ Савэ́стэ исын Ми́ри ра́дыма, Лэс шунэн.” ⁶ И кéли сыкляибны́тка шундлэ́ дава́, ёнэ́ пынэ́ пэ пэскирэ муя́ и древа́н стра́хэдынэ́. ⁷ И подгя́ Исусо́ и чила́дя лэн, пхэни́: “Уштэн и на анды́ршан.” ⁸ И сыр ёнэ́ газдынэ́ пэскирэ якха́, и на дыкхнэ́ никонэ́с, апрйч́ Исусо́стэ́ Кокорэ́стэ. ⁹ И сыр ёнэ́ джа́нас тэлэ́ бэ́ргатыр, Исусо́ дыя́ припхэ́ныбэн лэнгэ́: “Ни конэ́скэ на ракирэн пал дава́ дыкхи́бэн, па́ка Чхаво́ Манушэскиро отджидёла.” ¹⁰ И Лэскирэ сыкляибны́тка пхучнэ́ Лэ́стыр, пхэни́: “Сóскэ́ тэды лылвары́тка ракирэ́на, со И́лия банго́ тэ явэл пэ́рво?” ¹¹ И Ёв отпхэндя́ лэнгэ́, раки́ри: “И́лия, чачэ́с, явэ́ла англэ́дыр и кэ́рэла саро́. ¹² Нэ́ Мэ ракира́ва тумэнгэ́, со И́лия ужэ́ явдя́, и ёнэ́ на галынэ́ лэс, и кэ́рдэ́ лэ́са дова́, со сыс пир ило́. И а́дякэ́ Чхаво́ Манушэскиро явэ́ла тэ стра́дынэл лэндыр.” ¹³ Тэды сыкляибны́тка галынэ́, со Ёв пхэндя́ лэнгэ́ пал Ианостэ́ Болдэ́ипна́ристэ́.

Исусо́ Вы́састякирэ́ла Ракло́рэс На́лачхэ́ Духо́са

¹⁴ И кéли ёнэ́ явнэ́ кэ́ мануша́, екх лэндыр подгя́ кэ́ Ёв, и пы́я пэ́ чанга́ анги́л Лэ́стэ, ¹⁵ и пхэндя́: “Раё Дэвла! Потангинэ́ мирэ́ чхавэ́с, ёв бэ́нгвалёл пэ́ нэво́ чхон, и фуес лэ́скэ; пал-дова́ со ёв частэ́с чхурдэ́лапэ́ дрэ́ яг и частэ́с дро́ панй́. ¹⁶ И мэ́ яндём лэ́с кэ́ Тырэ́ сыкляибны́тка, нэ́ ёнэ́ на могиндлэ́ лэс тэ́ высастякирэн.” ¹⁷ Исусо́ пхэндя́ дро́ отпхэ́ныбэн:

“Тумэ сан напатяибнаскиро и пхарэ-манушэнгиро родо, кицы Мэ тэ явав тумэнца? Кицы Мэ явава тэ вырикирав тумэн? Янэн лэс адарык.” ¹⁸ И Исусо припхэндя зоралэс раклорэскэ, и гия яврі лэстыр налачхо дүхо (фано), и екхатыр тэрнэ-бэршэнгиро яця састо. ¹⁹ Тэньци подгинэ екх сыкляибнытка кэ Исусо и пхэндлэ: “Соскэ амэ на могоиндям тэ традас яврі лэс?” ²⁰ И ракирэла Ёв лэнгэ: “Пал-дова со тумаро патяибэн исын назорало; палдова, чачэс, Мэ ракирава тумэнгэ: коли явэла тумаро патяибэн сыр гарчычно зярка, тэды пхэнэна бэргакэ ‘тэ джал одотхыр адарык ‘и джала; и тумэ могоинэнас саро. ²¹ Кадава традэлапэ яврі екхэ мангипнаса и постоса.”

Исусо Ракирэла пал Пэскиро Мэрибэн

²² Кэли ёнэ джанаас кхэтанэ дрэ Галилэя, Исусо пхэндя лэнгэ: “Чхаво Манушэскиро явэла здыно дрэ манушэнгирэ васта; ²³ и ёнэ замарэна Лэс; и пэ трито дывэс Ёв отджидёла.” И ёнэ ячнэ драван смэнтна (сучна).

Исусо Ракирэла пал Кхангирьякиро Мыто

²⁴ И кэли ёнэ явнэ дро Капернаумо, подгинэ кэ Пэтри скэдыибнарья пэ дидрахмы и пхэндлэ: “Тумаро Сыклякирибнаскиро плэскирэла ваш Кхангирі мыто?” Ёв ракирэла: “Чачо.” ²⁵ И кэли ёв гия дро кхэр, Исусо ангил пхэндя лэскэ, ракирі: “Со ту думинэса, Симоне? Кралья пэ пхув, конэстыр лэна мыто (такса): пэскирэ манушэндир ци чужонэндир?” ²⁶ Пэтри ж ракирэла Лэскэ: “Чужонэндир.” Исусо пхэндя лэскэ: “Тэды пэскирэ мануша на плэскирэна. ²⁷ Нэ, соб (кай) лэнгэ тэ на кэрэс фуипэн пал кадава примэро (сыкаибэн), джа пэ мóre (дэрьяв), зачхурдэ вэндка, и пэровонэ мачхэстэ, саво попэрлапэ, откэр лэскиро муй и латхэса одой статиро; тырдэ лэс яврі и дэ лэнгэ пал пэстэ и пал Мандэ.”

Шэро 18

Кон исын Барыдыр?

¹ Дрэ дова-паць мардо (штунда) подгинэ сыкляибнытка кэ Исусо, пхэні: “Кон исын барэдыр дро Кралипэн дро Болыбнаскиро Раё?” ² И выкхари ангил биятос (чхаворэс), Ёв чхудя лэс машкір лэндэ, ³ и пхэндя: “Чачэс, Мэ ракирава тумэнгэ: коли тумэ на парудёна и на ячэна сыр бияты, тумэ никели на заджана дро Кралипэн дро Болыбнаскиро Раё. ⁴ Палдова, кон тыкнякирэла пэс сыр одова явэла биято, явэла най барэдыр дро Кралипэн дро Болыбнаскиро Раё, ⁵ и кон прилэла адасавэ биятос ваш Миро лав, прилэла Ман.

Со Тырдэла Манушэн кэ Грэхо

⁶ И коли вари-кон отрискирэла мэк екхэ адасавэс тыкнэндир, кон патяла дрэ Мандэ, тэды фэдыр явэлас кадасавэ манушэскэ, коли лэскэ урьенас саявитко ^[1] (мельницытко) бар (бэлэдин) пэ мэн, и тасадякирэна лэс дро морёскиро (дэрьявэскиро) хорипэн. ⁷ Бида свэтоскэ злыджаибнэндир! Пал-дова со амэ на дживаса би лэнгиро, нэ бйда кодолэ манушэскэ, саво явирэн тырдэла кэ грэхо! ⁸ Дыхх жа, коли васт тыро ци гэрóй тырі злыджала тут, отчингир лэн и чхурдэ лэн пэстыр; фэдыр тукэ екхэ вастэса ци гэрьяса тэ заджас дро джиибэн вечно, сыр дуге вастэнца и дуге гэрэнца тэ явэс чхурдынó дро вечно яг. ⁹ И коли тырі якх злыджала тут, куш яврі ла и чхурдэ пэстыр: фэдыр тукэ екхэ якхаса тэ заджас дро джиибэн вечно, сыр дуге якхэнца тэ явэс чхурдынó дрэ вечно яг.

Пал Бакрjтj, Савj Хасия

¹⁰ Дыххэн, на дыххэн вучипнастыр ни пэ конэстэ кадалэ тыкнэндjр: пал-довá со лэнгирэ Янгóлы, савé исын дро болыбэна, дыххэна кажно мóло Дадэс Мирэс, Савó исын дро Болыбна́скиро Раё. ¹¹ Палдава́ со Чхавó Манушэнгиро явдj тэ латхэл, и тэ зраххэл хасибнытконэн. ¹² Сыр тумэнгэ здэлапэ? Кóли вари-савé манушэстэ явóлас шэл бакрj, и екх лэндjр заблэндjндjпэ, тэды со ёв на ячкирэлас енядэша еня́ (биекхэскиро шэл) бакрj дрэ бэргj, и на джáлас тэ родэл кодоля, савj заблэндjндjпэ? ¹³ И кóли выджáла лэскэ тэ латхэл ла, ёв радынэлапэ пал латэ бутэдjр, сыр пал енядэша енендэ, савé на хасинé. ¹⁴ Давá значынéла, со нанэ пэ давá тумарé Дадэскири вóля, Савó исын дро Болыбна́скиро Раё, соб (кай) тэ хасёл екх кадалэ тыкнэндjр.

Пшал, Савó Кэрóла Грэхo

¹⁵ Кóли ж кэрóла грэхo тырó пшал ангjл тjтэ, джá, сыка́в лэскири банг лэскэ екх пэ екх. Кóли ёв кандéла тут, тэды ёв явóла тырó пшал нэвэстыр. ¹⁶ Нэ кóли на явóла тэ кандэл пшал тырó, лэ пэса ишчо (инкэ) екхэс ци дуэн, соб (кай) кажно лав, савэса ту бангякирэса Лэс, тэ чхувэн зор адалé дуй ци трин якхйтка. ¹⁷ Нэ кóли ёв отпхэнэлапэ тэ кандэл лэн, тэды пхэн дрэ Кхангирj; и кóли на закамéла Кхангирj тэ кандэл, мэк тэ явóл ёв тjкэ сыр Наюдо и мытоскиро скэдыибнари.

Исýсо Ракирэла пал Лэнгирj Зор тэ Дэн Вóля и тэ Припхэнэн тэ на Кэрэн

¹⁸ Чачэс, Мэ ракирэ́ва тумэнгэ, со тумé припхэнэна пэ пхув тэ на кэрэн, явóла припхэндло дро Болыбна́скиро Раё; и со тумé домэкэна пэ пхув, явóла домэкно дро Болыбна́скиро Раё. ¹⁹ Ишчо Мэ пхэна́ва чачипэн тумэнгэ, со, кóли дуйджинé тумэндjр явóна дрэ кхэтаны годj пэ пхув тэ мангэн пал вари-со, явóла дыно́ лэнгэ Мирé Дадэстыр, Савó исын дро Болыбна́скиро Раё. ²⁰ Пал-довá со, кай дуй ци трин явнó кхэтанé ваш Мирó лав, одóй Мэ сом машкjр лэндэ.”

Примéро (Сыкаи́бэн) пал Дынари́стэ, Савó на́ Примангдя Явирэнгэ

²¹ Тэньци подгjя Пётри и пхэндj: “Раё Дóвла, кицj мóлы мангэ трэй тэ примангав пшалэскэ, кóли ёв явóла тэ кэрэл грэхo ангjл мандэ? Кэ эфтá (кэ битринэнгиро дэш) мóлы?” ²² Исýсо ракирэ́ла Лэскэ: “Мэ на ракирэ́ва тjкэ эфтá мóлы, нэ кэ эфтадэшá эфтá мóлы. ²³ Пал-довá со Болыбна́скиро Раё, кай Дэвóл явóла Крáли, исын сыр крáли, савó закамдj тэ розгинэлпэ пэскирэ писхарьэнца. ²⁴ И кéли ёв лыя́ тэ гинэл, яндлэ́ кэ ёв екхэ манушэс, савó сыс вужло лэскэ дэш тысёнцы таланты. ²⁵ И сыр лэстэ на сыс сóса тэ плэскирэл, тэды крáли припхэндj тэ бикнэл лэс, и ромня́ и чхаворэн, и сарó, со лэстэ сыс, соб (кай) тэ заплэскирэл вужлыпэн. ²⁶ Тэды дына́ри пыя́ пэ чангá и лыя́ тэ мангэл лэс, ракирj: “Раё! ‘Ужакир миро вужлыпэн, и мэ сарó выплэскирава тjкэ.’” ²⁷ И крáли, кодолé писхарискиро, потангиндя́ и мэкцj лэс и примангдя лэскэ вужлыпэн. ²⁸ Нэ адова́ писхáри, сыр гия́ одотхjр, латхj екхэ пэскирэ малэс пир бутj, савó сыс вужло лэскэ шэл динарии. И ухтылдj лэс и лыя́ тэ тасавэл лэс, ракирj: ‘Заплэскир сарó, со ту сан вужло.’” ²⁹ Нэ дрjго (мал) лэскиро пыя́ пэ чангá и лыя́ тэ мангэл лэс, ракирj: ‘Ужакир миро вужлыпэн и мэ выплэскирава тjкэ.’” ³⁰ Нэ одовá на закамдj, нэ гия́ и здjя лэс дро штарибэн, ангjл, сыр ёв выплэскирэла кодовá, со сыс вужло. ³¹ Нэ кéли малá лэскирэ дыкхнэ́, со кэрдjпэ, дрéвaн пынó дро дjхо (фáно), явнó и роспхэндлэ́ сарj зан (звесь), со кэрдjпэ, кралjскэ. ³² Тэньци лэскиро крáли кхардj лэс кэ пэ и ракирэ́ла: ‘Ту сан злыдня́ писхáри, Мэ примангдём тjкэ дова́ вужлыпэн, сыр ту мангдя́н ман; ³³ наyшто на трэиндj ж и тjкэ тэ потангинэс другóс (малэс) пэскирэс, сыр и мэ тjкэ примангдём?’” ³⁴ И сыр холя́сыя крáли, и здjя лэс катэнгэ, ангjл, сыр ёв выплэскирэла сарó пэскиро вужлыпэн.

³⁵ Адыкэ-паць и кэрэла тумэнгэ Дад Миро Болыбнаскиро, коли кажно тумэндэр на примангэла илэстыр пэскирэ пшалэскэ.”

18:6 ^[1] Вари-савэ Балтытка Романэ поэты чхинэна “пишали(ы)н”

Шэрó 19

Исусó Сыклякирэла пал Розгиибэн Ромняса

¹ И сыс адыкэ: кэли Исусó пирияця тэ ракирэл далэ лава, Ёв гия криг Галилеятыр и явдя пэ штэты Юдэякирэ пэ явир Иорданоскирэ – рэкакири (лэнякири) риг пэ Иордано; ² и бут манушá гинэ пал Лэстэ, и Ёв высастякирдя лэн. ³ И подгинэ кэ Ёв Фарисеи и пропатьякирэнас Лэс и пхучэнас: “Ци пал кажно рэндо (дело) сашты (можно) манушэскэ тэ розлыджалпэ пэскирэ ромняся? ⁴ И Ёв отпхэндя, ракири: “Наушто на гиндлэ тумэ, со Дэвэл дро англыпэн (начало) свэтоскиро создыя лэн муршэса и джувляса? ⁵ И пхэндя: ‘Палдава мэкэла мануш дадэс и да и приачэла кэ пэскири ромны, и явэна ёнэ сыр екх лоч (плоть); ⁶ адыкэ со ёнэ ужэ на дуйджинэ, а екх лоч? Со Дэвэл чхудя кхэтанэ, мэк мануш тэ на розлыджал.” ⁷ Ёнэ ракирэна Лэскэ: “Соскэ ж Мойза припхэндя тэ чхинэл лыл пал розгиибэн тэ отмэкэл ромня.” ⁸ Ёв ракирэла лэнгэ: “Мойза дыя воля тумэнгэ тэ отмэкэн ромня пал тумарэ холямэ илэ; нэ ангил дава адыкэ на сыс. ⁹ Нэ, Мэ пхэнава тумэнгэ: коли вари-кон мэкэла пэскирý ромня на пал блэндо и лэла явирý, одова кэрэла биладжаипэн.” ¹⁰ Пхэнэна Лэскэ сыкляибнытка: “Нэ коли дасаво патяибэн исын машкир ромэстэ и ромнятэ, фэдýр тэ на лэспэ сарэса.” ¹¹ Ёв жа пхэндя лэнгэ: “На сарэ галёна далэ лава, нэ екх кодолэ, конэскэ дыно; ¹² пал-дова со исын скопцы, савэ исын дасавэ дакирэ бияныпнастыр; нэ исын кодолэ, савэн манушá кэрдэ дасавэнца; и исын муршá, савэ на лэнапэ ваш Кралипэн, Саво исын дро Болыбнаскиро Раё. Кон могинэла тэ галёл, мэк тэ галёл.”

Исусó Бахтиякирэла Биятэн

¹³ Тэньци яндлэ биятэн кэ Ёв, соб (кай) Ёв тэ чхувэл вастá пэ шэрó лэнгэ и тэ помангэлпэ; нэ сыкляибнытка на мэкэнас лэн. ¹⁴ Нэ Исусó пхэндя: “Мэкэн биятэн и на тэрдён пэ дром лэндэ тэ явэн кэ Мэ; пал-дова со Кралипэн дро Болыбнаскиро Раё явэла ваш адасавэ манушэнгэ, савэ исын сыр кадалэ бияты (чхаворэ)”, ¹⁵ и сыр Ёв чхудя вастá пэ шэрó лэнгэ бахтиякирибнаса, то гия одотхýр.

Барвалó Тэрно Мануш

¹⁶ И, акэ, подгия вари-саво мануш кэ Ёв и пхэндя: “Сыклякирибнаскиро! Саво лачхипэн мангэ трэй тэ кэрáв, соб (кай) тэ дэл Дэвэл мангэ вечно джиибэн?” И Ёв пхэндя лэскэ: ¹⁷ “Соскэ ту пхучэса Мандыр пал лачхипэн? Екх Дэвэл исын лачхó. Нэ коли тукэ исын дрого вечно джиибэн Дэвлэстыр, тэды кэр пир припхэныбэна.” ¹⁸ Ёв ракирэла Лэскэ: “Савэ?” И Исусó пхэндя: “На замар (на умар), на кэр биладжаипэн, на чор, на дэ хоханó допхэныбэн, ¹⁹ кутякир пэскирэ дадэс и да; и сыкав патýв пэскирэ пашатунэ манушэскэ, сыр кокорó пэскэ.” ²⁰ Ракирла Лэскэ тырно мануш: “Дава сарó мэ кэрдём; со ишчо (инкэ) на ухтылла (надоси) мангэ?” ²¹ Исусó пхэндя лэскэ: “Кóли тукэ исын пир илó тэ явэс бидошакиро, джа, бикин сарó, со исын тýtэ, и роздэ богэнгэ, соб (кай) тэ явэл тýtэ кучипэн дро Болыбнаскиро Раё; яв’ и джа Мánца.” ²² Нэ кэли тырно мануш шундя дава, ёв гия криг пхарипнаса пэ илó, пал-дова со лэстэ сыс барó барвалыпэн. ²³ И пхэндя Исусó Пэскирэ сыкляибнытконэнгэ: “Чачэс, Мэ ракирава тумэнгэ: пхарó явэла барвалэскэ тэ заджал дро Кралипэн дро Болыбнаскиро Раё; ²⁴ и ишчо (инкэ) Мэ пхэнава тумэнгэ: локхэдýр явэла верблюдоскэ тэ проджал пир сувьякиро каноро, сыр барвалэскэ тэ заджал дро Кралипэн дро Болыбнаскиро

Раё.”²⁵ И кели сыкляибнытка шундлэ дава, ёнэ древан дивиндлэпэ, пхэни: “Кон тэды могоинэла тэ зракхэлпэ?”²⁶ И сыр Исусо подыкхця пэ лэндэ, тэды пхэндя: “Мануша на могоинэна кокорэ тэ зракхэн пэс; екхэ Дэвлэстэ исын зор пэ саро.”²⁷ Тэньци Пэтри отпхэндя и пхэндя: “Гада, амэ саро ячкирдям и гиям Туса, со явэла амэнгэ?”²⁸ И Исусо пхэндя лэнгэ: “Чачэс, Мэ ракирава тумэнгэ: тумэ, савэ гинэ Мэнца дро нэво свэто, саво Дэвэл кэрэла, кели бэшэла Чхаво Манушэскиро пэ слауэто престола, тэды бэшэна адякэ-паць и тумэ пэ дэшудуй троны, соб (кай) тэ сэндинэн дэшудуй рёды Израилёскирэ.”²⁹ И кажно, кон мэкця кхэра ци пшалэн, ци пхэнен ци да, ци ромня, ци чхаворэн, ци фэлды ваш Миро лав, дорэсэла дрэ шэл молы бутыр и лэскэ явэла дыно вечно джибён.”³⁰ Бут жа англатунэ явэна палатунэ, а палатунэ явэна англатунэ.

Шэро 20

Примёро (Сыкаибэн) пал Бутярнэндэ дро Винаграднико

¹ Пал-довá со Кралипэн дро Болыбнаскиро Раё исын сёрбы фэлатинякиро хулай, саво гия яврий пэ злёко тэ кхарэл бутярнэн дро пэскиро винаграднико (дракхин). ² И кели ёв доракирдяпэ бутярнэнца пир динариё пал дывэс, тэды ёв бичхадя лэн дро пэскиро винаграднико. ³ И гия яврий ёв дрэ трито мардо (штунда) и дыкхця явирэ манушэн, савэ сыс тэрдэ пэ таргоскиро штэто би бутякиро; ⁴ и ёв пхэндя лэнгэ: ‘Джэн и тумэ дро миро винаграднико, и со, чачэс, явэла мол, мэ плэскирава тумэнгэ.’ И гинэ ёнэ. ⁵ И нэвэстыр гия яврий ёв пашэ шовто и енято (биекхэскиро дэшто), и кэрдя адя-паць. ⁶ И гия яврий ёв пашэ дэшуэкх мардэ (штунды), латхя явирэн, савэ сыс тэрдэ би бутякиро, и ракирла лэнгэ: ‘Со да тумэ тэрдэ саро дывэс би бутякиро?’ ⁷ Ёнэ ракирна лэскэ: ‘Пал-довá со никон амэн на лыя пэ буты.’ Ёв ракирла лэнгэ: ‘Джэн и тумэ дро миро винаграднико, и со, чачэс, явэла мол, мэ плэскирава тумэнгэ.’ ⁸ Сыр явдя бэльвэль, ракирла фэлатинякиро хулай пэскирэ барыдырэскэ пэ винаграднико: ‘Кхар бутярнэн и плэскир лэнгэ, лэ кодолэн, савэ явнэ палатунэ и кэ долэ, савэ явнэ пэрва.’ ⁹ И кодолэ, савэ явнэ пашэ дэшуекх мардо (штунда), дорэснэ кажно пир динариё. ¹⁰ И кодолэ, савэ явнэ пэ буты пэрва, думиндлэ, со ёнэ дорэсэна бутыр, нэ дорэснэ адякэ-паць пир динариё. ¹¹ И кели ёнэ дорэснэ (долынэ), тэды лынэ тэ ракирэн холяса тэл накх пэ хуластэ, ракири: ¹² ‘Кадалэ, савэ явнэ палатунэ, кэрдэ буты екх мардо (штунда), и ту адакицы плэскирдян лэнгэ, сыр амэнгэ, савэ пирилыджиям пхарипэн и дывэсытко хачкирибён.’ ¹³ Нэ Ёв отпхэндя екхэскэ лэндэр: ‘Морэ, мэ на кэрава тукэ хохаибён; ту ж доракирдянпэ мэнца пал динариё?’ ¹⁴ Лэ пэскиро и джа. Мэ ж камам тэ дав адакицы палатунэскэ, сыр тукэ: ¹⁵ со ж нашты мэнгэ тэ кэрав, со исын миро, сыр мэ камам? Ци якх тыри камэла бутыр, пал-довá со мэ сом лачхэ?’ ¹⁶ Адякэ явэла, со палатунэ явэна англатунэ, а англатунэ явэна палатунэ: палдава со бут исын мануша, савэн кхардэ, нэ набут выкэдынэ.”

Исусо Ракирэла Трито Мёло пал Пэскиро Мэрибэн

¹⁷ И сыр Исусо скэдыяпэ тэ джал дро Ерусалимо, Ёв кхардя дрэ риг дэшудуен сыкляибнытконэн и пхэндя лэнгэ пир дром: ¹⁸ “Акэ, амэ заджаса дро Ерусалимо, и Чхаво Манушэскиро явэла здыно рашангирэ барыдырэнгэ и лылваритконэнгэ, и ёнэ засэндинэна Лэс пэ мэрибэн; ¹⁹ и здэна Лэс Наюдэнгэ пэ сабэн и марибэн чупняса и примарибэн пэ трушул и пэ трито дывэс Ёв отджидёла.”

Заведёскирэ-Ромнякиро Мангипэн

²⁰ Тэньци гия пашылэдыр кэ Ёв Заведёскирэ-чхавэнгири дай пэскирэ чхавэнца, и клониндяпэ и помангдя вари-со Лэстыр. ²¹ Ёв жа пхэндя лэкэ: “Со ту камэса?” Ёй жа ракирэла Лэскэ: “Пхэн, соб (кай) тэ бэшэн кадалэ дуй мирэ чхавэ екх пир чачо васт и явир

пир зэрво васт дро Тырo Кралипэн.”²² И отпхэндя лaкэ Исусo, ракири: “Тумэ кокoрo на джинэна, co тумэ мангэна. Тумэ на мoгинэна тэ пьен тахтaй (чашa), савo Мэ явaвa тэ пьaв?” Ёнэ ракирэна Лэскэ: “Мoгинaсa.”²³ Ёв ракирэла лэнгэ: “Тумэ явэна тэ пьен Мирo тахтaй, нэ бэшэн пир чaчo и зэрво васт Мaндыр-дaвa исын на дрэ Мирi зор, далэ штэты исын кодолэнгэ, конэскэ Дад Мирo пригoтoвиндя”²⁴ И кэли явiр дэш сыкляибнйткa шундлэ пал дaвa, ёнэ зоралэс холясынэ пэ дуэндэ.²⁵ Нэ Исусo кхардя лэн сарэн кэ Пэ и пхэндя: “Тумэ джинэна, co Наюдэнгирэ-тхэмэскирэ барыдырa рикирна зор пэ лэндэ, и лэнгирэ барыдырa хулаинэна пэ лэндэ.”²⁶ Мэк тэ на явэл адякэ машкiр тумэндэ, нэ кон камэла тэ явэл най барэдыр мануш машкiр тумэндэ, мэк тэ явэл дынари (слугa) тумэнгэ;²⁷ и кон камэла тэ явэл пэрво машкiр тумэндэ; мэк тэ явэл слугa (дынари) тумэнгэ;²⁸ адякэ сыр Чхавo Манушэскиро явдя на ваш довa, соб (кай) Лэскэ тэ дынаринэл, нэ соб (кай) Ёв тэ дынаринэл и тэ отдэл Пэскиро джиибэн, сыр выкиныбэн пал бутэндэ.”

Исусo Высастякирэла Дуэ Корорэ Манушэн

²⁹ И сыр ёнэ джaнaс криг Ерихoнoстыр, бут манушa джaнaс пал Лэстэ.³⁰ И, акэ, дуй корорэ манушa, савэ сыс бэштэ пашыл дром, сыр шундлэ, co Исусo джaлa пашэ лэндэ, лынэ тэ дэн гoдлa: “Потангинэ (пoжалин) амэн, Раё Дэвла, Чхавo Давидoскиро.”³¹ Нэ манушa припхэндлэ лэнгэ, соб (кай) ёнэ тэ явэн штыл, нэ ёнэ зоралэдыр дэнас гoдлa: “Раё Дэвла, потангинэ амэн, Чхавo Давидoскиро.”³² Исусo тэрдия, кхардя лэн и пхэндя: “Co тумэ камэна, соб (кай) Мэ тэ кэрaв тумэнгэ?”³³ Ёнэ ракирэна Лэскэ: “Раё Дэвла, соб (кай) тэ откэрэнпэ амарэ якхa”³⁴ И потангиндя лэн Исусo, чилaдя лэнгирэ якхa; и екхатыр (срaзу) ёнэ лынэ тэ дыкхэн и гинэ Лэса сыр сыкляибнйткa.

Шэрo 21

Исусoскиро Славутно Загиибэн дро Ерусалимо

¹ Сыр ёнэ подгинэ пашылэдыр кэ Ерусалимо, и явнэ дрэ Вифагия пашыл Оливiткo (Елеоноскири) бэрга, Исусo бичхадя дуэн сыкляибнйтконэн, пхэни лэнгэ: ² “Джaн дро гав, савo исын ангил тумэндэ, и екхатыр тумэ латхэна oслицa (мeгaрицa), сави исын припхандлы, и oслёнкo исын лaсa; отпхандэн лэн и янэн лэн адарик.”³ И кoли вари-кон пхучэла тумэндыр вари-co, тумэ пхэнэн: ‘Ёнэ трэй Рaскэ-Дэвлэскэ,’ ёв екхатыр (срaзу) бичхавэла лэн.”⁴ Дaвa исын, соб (кай) тэ кэрэлпэ довa, co пхэндя прорoкo: ⁵ “Пхэнэн джувлякэ Сионoстыр: ‘Акэ, Крaли тырo трaдэла кэ ту, тихо, Савo исын бэштo пэ oслицaтэ и oслёнкoстэ, лaкирэ тыкнорэстэ.”’⁶ Сыкляибнйткa гинэ и кэрдэ адякэ, сыр припхэндя Исусo,⁷ яндлэ oслицa и oслёнкoc, и чхудэ упрэ урибэн пэскиро, и Ёв бэсця пэ лэндэ.⁸ И бут манушa чхувэнас пэскиро урибэн пэ дром, и явiр счхинэнас рaндя (вётки) каштэндыр и чхурдэнас пэ дром.⁹ И манушa, савэ джaнaс ангил и палaл Исусoстэ, дэнас гoдлa радымaсa: “Асанна, Чхавэскэ Давидoскирэскэ: тэ явэл бaхтякирдo, Савo джaлa ваш лав Дэвлэскиро; асанна дрэ упратунэндэ!”¹⁰ И кэли Ёв явдя дро Ерусалимо, барo дiвo ухтылдя сарo фoрo и манушa пхучэнас: “Кон да исын Адасавo?”¹¹ И ракирдэ манушa: “Дaвa исын прорoкo Исусo Гaлилeякирэ Назаретoстыр.”

Исусo Заджaлa дрэ Кхангирi

¹² И Исусo гия aндрэ Кхангирi и трaдыя яври сарэн, савэ бикнэнас и кинэнас дрэ Кхангирi и обрискирдя скаминда паруйбнарьенгирэ и штэты кодолэнгирэ, савэ бикнэнас голумбэн.¹³ И Ёв пхэндя лэнгэ: “Исын чхиндлo: ‘Мирo кхэр явэла тэ кхарэлпэ ‘мангипнйткo кхэр’: тумэ кэрдэ лэстыр розмарибнарьенгире кирчыма.”¹⁴ И корорэ и лангалэ манушa подгинэ кэ Ёв дрэ Кхангирi, и Ёв высастякирдя лэн.¹⁵ И кэли рашaнгирэ барыдырa и лылвариткa дыкхнэ дивы, савэ Ёв кэрдя, и биятэн, савэ дэнас гoдлa: “Асанна Чхавэскэ Давидoскирэскэ”,

ёнэ холясонас, ¹⁶ и пхэндлэ Лэскэ: “Ту шунэса, со ёнэ ракирэна?” И Исусо пхэндя лэнгэ: “Чачо! Наушто тумэ на гиндлэ: бияторэнгирэ уштэндэр и колынытконэ тыкнорэндэр Ту кэрдян Пэскэ шарибэн?” ¹⁷ И Ёв мэкця лэн, и гия яврі форостыр кэ Вифания и ратькирдя одой.

Исусо Прокошэла Инжыритко Кашт

¹⁸ Пэ злоко жэ, рисии дро форо, Ёв бокхалыя. ¹⁹ И дыкхця Ёв инжыритко кашт пашыл дром, подгия кэ ёв, и нисо на латхя пэ дава кашт (дрэво)-екх патря (листы), и пхэндя пэ кашт: “Тэ на явэл ниекхвар барьякирдэ (плодо) тутыр!” И инжыритко кашт адай жа зашутия. ²⁰ И дыкхя дава, сыкляибнытка ракирдэ дивоса: “Сыр да екхатыр (сразу) инжыритко кашт зашутия?” ²¹ И Исусо отпхэндя лэнгэ: “Чачэс, Мэ ракирава тумэнгэ: коли явэла тумэндэ патяибэн и тумэ на кунинэнапэ, то кэрэна на со екх инжыритконэ каштэса, со сыс лэса, а, коли пхэнэна далэ бэргакэ: ‘Джа штэтостыр и чхурдэпэ дро мөрё (дэрьяв), и явэла’, ²² и саро, со тумэ тэ на помангэн патяибнаса, тумэ дорэсэна.”

Рашая Пхучэна Исусостыр пал Лэскиро Право

²³ И кели Ёв загия андрэ Кхангирі, рашангирэ барыдыра и годэпхурэ подгинэ кэ Ёв, кели Ёв сыклякирэлас и пхучнэ Лэстыр: “Савэ правоса Ту кэрэса саро дава? И кон дыя Тукэ дасаво право?” ²⁴ И Мэ пхучава тумэндэр пал екх: “Кóли пхэнэна Мангэ, тэды и Мэ пхэнава, савэ правоса Мэ кэрава: ²⁵ ‘Катыр сыс Ианоскиро болдэипэн? Болыбнастыр, ци манушэндэр?’” Ёнэ ж пириракирдэ машкир пэстэ: “Кóли амэ пхэнаса со ‘болыбнастыр’, Ёв тэды пхэнэла: ‘Соскэ акэ тумэ на патяндынэ Лэскэ?’” ²⁶ Нэ коли амэ пхэнаса: ‘Манушэндэр’, амэ дараса манушэндэр; пал-дова со сарэ гинэна Ианос пал пророкостэ” ²⁷ И ёнэ пхэндлэ Исусоскэ дро отпхэныбэн: “На джинаса.” Пхэндя и Ёв адякэ-паць лэнгэ: “И Мэ на пхэнава, савэ правоса Мэ кэрава дава.”

Примэро (Сыкаибэн) пал Дуэ Чхавэндэ

²⁸ “Нэ со тумэ думинэна пал дасаво примэро (сыкаибэн)? Манушэстэ сыс дуй чхавэ, и ёв явдя кэ пэрво и пхэндя: “Чхава миро, джа ададывэс, кэр буты дро винаграднико.” ²⁹ И одова чхаво отпхэндя: “На камам”, нэ коригэдыр (позжэдыр) пригалыя пэскири банг и гия. ³⁰ Ёв жа отпхэндя: “И гия дад кэ явир чхаво и пхэндя дава-паць.” ³¹ Кон дуендыр кэрдя пир дадэскири воля?” Ёнэ ракирна: “Пэрво.” Ракирла лэнгэ Исусо: “Чачэс, Мэ ракирава тумэнгэ: ‘Мытоскирэ скэдыибнарья и биладжакунэ джувля заджана дро Дэвлэскиро Кралипэн англэдыр тумэндэр. ³² Пал-дова со Иано явдя кэ тумэ тэ сыкавэл чачуно дром, и тумэ на патяндынэ Лэскэ; нэ мытоскирэ скэдыибнарья и биладжакунэ джувля патяндынэ лэскэ; тумэ ж, сыр дыкхнэ, и коригэдыр на рисинэ пэскирэ грэхэндэр кэ Дэвэл, соб (кай) тэ патян Лэскэ.’”

Примэро (Сыкаибэн) пал Винаградарьэндэ

³³ Шунэн явир сыкаибэн: ‘Екх мануш, кхэрэскиро хулай, чхудя винаграднико и тыно пашыл лэстэ, выганадя ганбин тэ тасавэл мол (вино) и кэрдя вучарды (вышка) ваш раххибэн и отдыя лэс винаградарьенгэ, а кокоро гия пэскэ. ³⁴ И сыр подгия часо тэ кэдэн барьякирдэ (плоды), ёв бичхадя пэскирэн писхарьён кэ винаградарья тэ лэл пэскири паш аплодостыр ³⁵ И винаградарья ухтылдэ лэскирэ писхарьён: конэс мардэ, конэс мулякирдэ, нэ вари-конэс шулякирдэ барэнца. ³⁶ Нэвэстыр ёв бичхавэла явирэ писхарьён бутыдыр кодолэндэр, и винаградарья кэрдэ адякэ-паць лэнца. ³⁷ И тэды бичхадя ёв кэ ёнэ пэскирэ чхавэс, ракири: ‘Акэ, ёнэ на чилавэна мирэ чхавэс.’ ³⁸ Нэ винаградарья, сыр дыкхнэ чхавэс, пхэндлэ екх екхэскэ: ‘Акэ, исын одова, кон дорэсэла мэкно миштыпэн (наследнико), явэн, замараса лэс,

и закэдаса лэскиро мэкнó миштыпэн;’³⁹ и лынé лэс, чхурдынé лэс яврí винаградникостыр и замардé.⁴⁰ Пал-довá, кéли явéла винаградникоскиро хулáй, со ёв явéла тэ кэрэл адалэнца винаградарьенца?”⁴¹ Ракирэна Лэскэ: “Ёв домарэла холямэс адалэн злыднитконэ манушэн и винаграднико здэла явирэ винаградарьенгэ, савé явэна тэ отдэн лэскэ барьякирдé (плóды) дро аплодоскиро часо.”⁴² Исýсо ракирэла лэнгэ: “Ци гиндлэ тумé вари-кéли дро Свэнто Чхиныбэн: ‘Бар, савó на прилынé бутярнэ, савé чхувэнас кхэрá, яцá шэралé барэса ваш сарó кэрибэн: акэ, яцá сарó Дэвлэстыр, и дава́ исын дивно дрэ амарé якхá?’⁴³ Палдава́ ракирэна тумэнгэ: ‘Кралипэн Болыбна́скиро лэлапэ криг тумэндýр и дэлапэ манушэнгэ, савé лэна тэ барьякирэн патяибнытка барьякирдé.⁴⁴ И кон пэрэла пэ дава́ бар, розмарэлапэ пэ кокалы́, нэ пэ конэстэ ёв пэрэла, ростасавэла кодолэс пэ кокалы́.’”⁴⁵ И кéли шундлэ рашангирэ барыдыра́ и Фарисеи́ примеры (сыкаибэна), ёнэ галынé, со Ёв ракирдя́ пал лэндэ.⁴⁶ И ёнэ думиндлэ тэ ухтылэн Лэс тэ мулякирэн, нэ дарандынэ манушэндýр, пал-довá со ёнэ гинэнас Исусóс пал пророкостэ.

Шэрó 22

Примéро (Сыкаибэн) пал Бьяв

¹ И отпхэнэлас лэнгэ Исýсо и ракирдя́ сыкаибнэнца: ² “Кралипэн дро Болыбна́скиро Раё исын сы́рбы крáли, савó кэрдя́ бьяв пэскирэ чхавэскэ,³ и бичхадя́ пэскирэ дынарьэн тэ кхарэн одолэн, савэн кхардэ́ пэ бьяв: и ёнэ на камлэ́ тэ явэн.⁴ Нэвэстыр ёв бичхадя́ явирэ дынарьэн, ракирí: ‘Пхэнэн одолэнгэ, савэн кхардэ́: акэ мэ кэрдём хабэн; гурува и тхулэ кхэри́тка мурдалá зачхиндлэ, и сарó исын кэрдó, явэн пэ бьяв.’⁵ Нэ ёнэ на прилынé лэскирэ лавá дрэ годы́, гинé, кон пэ фэлда, кон тэ кофаринэл;⁶ и сыс адасавэ́, савé ухтылдэ́ лэскирэ дынарьэн, ладжакирдэ́ лэн и мулякирдэ́..⁷ И кéли крáли шундя́ пал дава́, древáн холя́сыя, и ёв бичхадя́ пэскирэ халадэн и ёнэ мулякирдэ́ кадалэ замарибнарьен и хачкирдэ́ тэлэ́ фóро.⁸ Тэньци ёв пхэндя́ дынарьэнгэ: ‘Бьявитко скамíнд исын скэдынó, нэ савэн кхардэ́, на сыс мол;⁹ джáн жэ пэ трушулытка дромá, кай дромá зджанапэ, и кицы́ манушэн тумé латхэна, ада́кицы кхарэн пэ бьяв.’¹⁰ И гинé пэскэ одолэ́ дына́рья пэ барэ́ дромá и скэдынэ́ сарэн, конэс латхнэ́: и чорэн и лачхэн; и бьявитко кхэр сыс пхэрдó манушэнца, савé бэшэнас пашыл.¹¹ Нэ кéли крáли гия́ андрé, кай манушá сыс бэштэ́, ёв дыкхця́ екхэ манушэс, савó на сыс уридó, сыр трэй пэ бьяв,¹² и ёв пхэндя́ лэскэ: ‘Морэ? Сыр ту гия́н адарик дро урибэн, со исын на ваш бьяв?’ И ёв сыс штыл.¹³ Тэньци крáли пхэндя́ дынарьэнгэ: ‘Пхандэн лэскэ вастá и гэрá, и чхурдэн лэс яврí дро цямлыпэн (калыпэн), одóй явэла роибэн и дандэнгири скрежыма.’¹⁴ Пал-довá со исын бут, савэн кхардэ́, нэ исын на́бут, савэн выкэдынэ́.”

Исýсо Ракирэла тэ Плэскирэн Мы́то Кесарёскэ

¹⁵ Тэньци Фарисеи́ гинé и доракирдэпэ, сыр тэ ухтылэн Лэс дро лав.¹⁶ И ёнэ бичхадé кэ Ёв пэскирэ сыкляибнытконэн кхэтанé Иродианэнца тэ пхучэн Лэстыр: “Сыклякирибна́скиро! Амэ джинáса, со Ту сан чачунó и сыклякирэса пал дром кэ Дэвлэскиро чачипэн, на дыкхí пэ манушэскиро штéто машки́р явирэ манушэндэ́, и Ту на дарэса никонэстыр, со Ту на дыкхэса пэ лэскиро штéто машки́р манушэндэ́;¹⁷ тэды пхэн амэнгэ, сыр Ту думинэса: ци исын пир Зако́но тэ плэскирас нами́рья (подать) кесарёскэ ци над?”¹⁸ Нэ Исýсо джиндя́ лэнгири дуемуиткима и пхэндя́: “Сóскэ тумé Ман камэна тэ пропатякирэн, дуемуитка?¹⁹ Сыкавэн Мánгэ гасприн (капейка), савья́са тумé плэскирэна нами́рья (подать)!” И ёнэ яндлэ́ Лэскэ динариё.²⁰ И Ёв ракирэла лэнгэ: “Конэскиро муй и лав исын вычхиндлэ́ ада́й?”²¹ Ёнэ пхэндлэ́: “Кесарёскиро.” Тэды Ёв ракирэла лэнгэ: “Отдэн жэ кесарёскиро Кесарёскэ, а Дэвлэскиро Дэвлэскэ.”²² И кéли ёнэ шундлэ́ дава́, дынэпэ дивоскэ и гинé криг Лэстыр.

Пал Отджидыипэн Мэрибнастыр

²³ Дро дова-паць дывэс подгинэ кэ Ёв Садукеи, савэ ракирэна, со нанэ отджидыипэн мэрибнастыр, и пхучнэ Лэстыр, ²⁴ ракири: “Сыклякирибнаскиро! Мойза (Моисеё) пхэндя: ‘Кóли мануш мэрэла, и на сыс лэстэ чхаворэн, мэк лэскиро пшал тэ лэл лэскирэ ромня палором, соб (кай) тэ рискирэл палэ мулэ-пшалэскиро рóдо.’ ²⁵ Акэ, сыс амэндэ эфтá пшáла: пхурэдыр пшал сыр лыяпэ, мыя би чхаворэнгиро и мэкця ёв пэскирýя ромня пэскирэ пшалэскэ; ²⁶ и адýкэ сыс явирэса, тритонэса кэ эфтáто. ²⁷ Пал лэндэ сарэндэ и мыя джувлы. ²⁸ Сыр явэла отджидыипэн мэрибнастыр, конэскири ромны ёй явэла эфтандыр? Пал-дова со ёй сыс палором пал сарэндэ.” ²⁹ Нэ Исýсо отпхэндя и пхэндя лэнгэ: “Тумэ дэнапэ дукхá, пал-дова со на джинэна ни Свэ́нто Чхиныбэн, ни зор Дэвлэскири. ³⁰ Пал-дова со, сыр явэла отджидыипэн мэрибнастыр, на явэна тэ лэнпэ и тэ выджан палором, а явэна сыр Янгóлы дро Болыбнаскиро Раё. ³¹ Нэ пал отджидыипэн мэрибнастыр, наушто тумэ на гиндлэ, со Дэвэл пхэндя тумэнгэ: ³² ‘Мэ сом Аврамоскиро Дэвэл, и Исакóскиро Дэвэл, и Яковóскиро Дэвэл’? Ёв исын Дэвэл джидэ-манушэнгиро, а на мулэнгиро.” ³³ И кэли манушá шундлэ дава, ёнэ дивиндлэпэ пэ Лэскиро сыклякирибэн.

Исýсо Ракирэла пал Най Барыдыр Припхэныбэн

³⁴ И кэли Фарисеи шундлэ, со Ёв зачхудя Садукеен тэ явэн штыл (тíха), скэдынэпэ пашы́л Лэстэ. ³⁵ И екх лэндыр, Законоскиро сыклякирибнари, пхуця́ Лэстыр, соб (кай) тэ пропатыкирэн Лэс: ³⁶ “Сыклякирибнаскиро, савó исын най барэдыр припхэныбэн дро Зако́но?” ³⁷ И Ёв пхэндя лэскэ: “Рикир сыр Дро́гима Рас-Дэвлэс тырэс сарé илэса пэскирэса и сарé тырэ духóса, и сарé тырэ годýса.” ³⁸ Давá исын най барэдыр и пёрво припхэныбэн. ³⁹ Явир исын дасаво сыр пёрво: ‘Сыка́в паты́в пэскирэ пашатунэ манушэскэ сыр кокóро пэскэ.’ ⁴⁰ Пэ кадалэ дуй припхэныбэна́ рикирэлапэ сарó Зако́но и пророкэнгиро сыклякирибэн.”

Пхучыбэн пал Месия́стэ

⁴¹ И кэли Фарисеи скэдынэпэ, Исýсо пхуця́ лэндыр: ⁴² пхэни: “Со тумэ думинэна пал Христосóстэ? Конэскиро Чхавó исын Ёв?” Ёнэ ракирэна Лэскэ: “Давидóскиро.” ⁴³ Ёв ракирэла лэнгэ: “Сыр тэды Давидо, сыр лэскэ упхэндя Дýхо (Фáно), кхардя́ Лэс’ Раё Дэвла’, ракири: ⁴⁴ ‘Пхэндя Рай Дэвэл Рáскэ-Дэвлэскэ мирэскэ: ‘Бэш пир чачó васт Мáндыр, ангýл, сыр Мэ чхувáва вэргэн тэл гэрá Тырэ?’ ⁴⁵ Кóли тэды Давидо кхардя́ Лэс ‘Раё Дэвла’, сыр жа Ёв исын чхавó лэскиро?” ⁴⁶ И никон на мoгиндя́ тэ отпхэнэл Лэскэ ни лав, и долэ дывэсэстыр никонэстэ бутыр на сыс муршыпэн тэ пхучэл Лэстыр бутыр.

Шэрó 23

Исýсо Пхэнэла тэ Ракхэнпэ Лылваритконэндыр и Фарисеэндыр

¹ Тэды Исýсо пхэндя́ манушэнгэ и Пэскирэ сыкляибнытконэнгэ: ² “Пэ Мойзáскиро штéто сыклякирэна лылваритка и Фарисеи; ³ палдава́ сарó, со ёнэ пхэнэна, кандэн и кэрэн сарó, а на кэрэн, сыр ёнэ кэрэна; пал-дова со ёнэ на кэрэна дова́, со ёнэ сыклякирэна, ⁴ и ёнэ пхандэна кхэтанэ барэ́ пхарипэна и чхувэна лэн пэ манушэнгирэ психэ́, а кокóрэ на камэна и ангуштэса тэ дэн васт лэнгэ. ⁵ Нэ сарó, со ёнэ кэрэна, — дава́ ваш дова́, соб (кай) лэн тэ дыкхэн манушá: ёнэ буглякирэна пхарты (ленты) пэ чикат и пэ васт мангипнытконэ лавэнца и барьякирэна брынды (фальбонки), ⁶ и выкэдэна най фэдэдыр штéты пал кхардэ́ скаминда и англатунэ́ штéты дрэ синагоги, ⁷ соб (кай) манушá тэ дэн ‘паклоно’ лэнгэ пэ таргитка штéты и тэ кхарэн лэн ‘Равви’; ⁸ нэ мэк никон тэ на кхарэл тумэн ‘Равви’; пал-дова со амэндэ исын екх Сыклякирибнаскиро, тумэ ж сан пшáла машки́р пэстэ. ⁹ И никонэс пэ пхув тэ на

кхарэн ‘дадэса’, пал-довá со тумэндэ исын екх Дад, Савó исын дро Болыбна́скиро Раё. ¹⁰ И тэ на кхарэн тут ‘сыклякирибна́скиро’; пал-довá со исын екх тумэндэ Сыклякирибна́скиро Христóсо. ¹¹ И кон барэды́р тумэндýр пир штэто машкíр манушэндэ, мэк тэ явэл дына́ри тумэнгэ. ¹² Нэ дова́, кон газдэ́ла пэс, лэс Дэвэл чхувэ́ла тэлэды́р, а кон чхувэ́ла пэс тэлэды́р, кодолэс Дэвэл газдэ́ла вучэды́р.

Исýсо Сыкавэ́ла Лылваритконэнги́ро и Фарисеэнги́ри Фрóтыма

¹³ Бида тумэнгэ, дуемуйтка лылваритка и Фарисеи, савэ зачхакирэна вударá дро Кралипэн дро Болыбна́скиро Раё ангíл манушэндэ; пал-довá со тумэ кокóрэ на заджана́, и тумэ сан тэрдэ́ пэ дром одолэндэ́, савэ камэ́на тэ заджáн. ¹⁴ Бида тумэнгэ, дуемуйтка лылваритка и Фарисеи, со тумэ обхана пивленгирэ́ (удовэнгирэ́) кхэ́ра и пэфроми гарá (длугэс) мангэ́напэ Дэвлэ́скэ: пал дава́ тумэнгэ́ явэ́ла пхарí кáра. ¹⁵ Бида тумэнгэ, дуемуйтка лылваритка и Фарисеи, со тумэ проджана́ мо́рё (дэрьяв) и пхув, соб (кай) тэ рискирэн екхэ́ манушэс тэ патял Наюдэндýр: и кёли ёв прилэ́ла лав, тэды кэрэ́на лэстыр кадасавэс, савó дрэ дуй мо́лы исын бутýр мол тэ джал дро лю́но (адо), сыр тумэ сан. ¹⁶ Бида тумэнгэ, корорé лыджаибна́скирэ, савэ ракирэ́на: ‘Кон совлахала кхангирья́са, дава́ исын нисó; нэ кон совлахала кхангирья́кирэ сувнака́са, кодова́ ману́ш исын бангó тэ кэрэл пир лав.’ ¹⁷ Тумэ сан бигодякирэ́ и корорé, со исын кучэды́р: сувнака́й ци кхангирí, савí свэнцякирэ́ла сувнака́й? ¹⁸ И, ‘кон совлахала алтарё́са нисó, нэ кон совлахала свэнтонé дыибна́са, кодова́ исын бангó тэ кэрэл сарó.’ ¹⁹ Тумэ сан корорé манушá! Со ж исын кучэды́р: свэ́нто дыибэн ци алта́рё, кай свэ́нто дыибэн свэнцякирэ́лапэ ваш Дэвлэ́скэ? ²⁰ Палдава́, кон совлахала алтарё́са, совлахала сарéса, со манушá чхудэ́ пэ алта́рё; ²¹ И кон совлахала кхангирья́са, совлахала ла́са и Кодолэ́са, Кон дживэ́ла дрэ кхангирí. ²² И кон совлахала Болыбна́скирэ Раё́са, совлахала Дэвлэ́скирэ штэтóса, кай Дэвэл хулаинэ́ла, и Лэ́са, Савó исын бэштó пэ дава́ штэто́. ²³ Бида тумэнгэ, дуемуйтка лылваритка и Фарисеи: пал-довá со тумэ дэ́на дэ́што ме́ра мятаты́р, укропосты́р, кминосты́р, нэ тумэ на кутякирэ́на дова́, со бутýр трэй дро Зако́но: чачуно́ сэ́ндо и тангипэн и патяибэн: дава́ трэиндя́ тэ кэрэн и адя́кэ-паць тэ на бистрэн пал яви́р. ²⁴ Тумэ сан корорé лыджаипна́рья, савэ пирице́динэ́на дзындзарис (комарос), нэ накхавэ́на верблюдо́с! ²⁵ Бида тумэнгэ, дуемуйтка лылваритка и Фарисеи: пал-довá со тумэ жу́жакирэ́на тахта́й (чаша) и чарó явресты́р, нэ андра́л ё́нэ сыкавэ́на тумарí бокх кэ́ чу́жо миштыпэн и сквапны́ма. ²⁶ Ту сан корорé Фарисе́! Ангíл вы́жу́жакир андра́л тахта́й и чарó, соб (кай) тэ явэн жу́жэ явресты́р. ²⁷ Бида тумэнгэ, дуемуйтка лылваритка и Фарисеи: пал-довá со тумэ сан сыр ко́плицы, савэ исын парнякирдэ́ и савэ исын го́жа явресты́р, нэ андра́л ё́нэ исын пхэ́рдэ́ кокалэнца му́лэ манушэндýр и сарé джунгалы́пна́са (бры́дкимаса). ²⁸ Адя́кэ-паць тумэ явресты́р сыкадэ́на сыр патяибны́тка манушá манушэнгэ́, нэ андра́л тумэ сан дуемуйтка и древа́н грэхíтка.

Исýсо Ангилпхэнэ́ла (Проро́чынэ́ла) Лэ́нгири Ха́сь (Ка́ра)

²⁹ Бида тумэнгэ, дуемуйтка лылваритка и Фарисеи, пал-довá со кэрэ́на ко́плицы пророкэнгэ́ и го́жакирэ́на помники патяибны́тконэнгэ́, ³⁰ и ракирэ́на: ‘Ко́ли амэ́ дживасас дрэ амарé дадэнгирэ́ дывэ́са, амэ́ на явасас ма́ла одолэнгэ́, савэ мулякирэ́нас пророкэн.’ ³¹ Пир да́я причи́на тумэ допхэнэ́на пэ пэ́стэ, со тумэ сан ко́долэнгирэ́ чхавэ́, савэ мулякирэ́нас пророкэн: ³² тэды кончынэн дава́, со тумарé прапа́пы лы́нэ́ тэ кэрэн. ³³ Тумэ сан са́па, ро́до са́питко, сыр тумэнгэ́ тэ нашэн сэ́ндосты́р дро лю́но (адо)? ³⁴ Акэ́, палдава́ Мэ́ бичхавáва кэ́ тумэ пророкэн и годьва́рэ манушэн и лылваритконэн; ва́ри-савэн лэ́ндыр тумэ мулякирэ́на и примарэ́на пэ трушу́л, и яви́рэн явэ́на тэ шуляки́рэн дрэ синаго́ги и традэн штэто́сты́р пэ штэто́; ³⁵ палдава́ мэк тэ гинэлпэ́ пал тумэндэ́ сарó рат патяибны́тконэ́ манушэнги́ро, со тумэ прочхудэ́ пэ пхув: Авелё́скирэ́ патяибны́тконэ́ ратэ́сты́р кэ́ Захариё́скиро рат, Варахиё́скирэ́ чхавэ́скиро, конэ́с тумэ мулякирдэ́, машкíр Кхангирí и алта́рё. ³⁶ Чачэ́с, Мэ́ ракира́ва тумэнгэ́: када́й сарí кáра явэ́ла пэ дава́ ро́до.

Исусо Пиридживэла пал Ерусалимо

³⁷ Ерусалимэ! Ерусалимэ! Дро саво мулякирэнас пророкэн и шулякирэнас барэнца кодолэн, савэн бичхадэ кэ ту. Кицы мёлы Мэ камам тэ скэдав чхаворэн тырэн, сыр чириклы скэдэла чирикlorэн тэл пхак и тумэ на камлэ! ³⁸ Акэ, кхэр тумаро мэкэлапэ чхучо (пусто) тумэнгэ. ³⁹ Палдава Мэ ракирава тумэнгэ: тумэ на явэна тэ дыкхэн Ман кадалэ дывэсэстыр ангил дова, сыр тумэ пхэнэна: ‘Бахтякирдó исын Одова, Саво джала ваш Дэвлэскиро лав.’”

Шэрó 24

Пал Кхангирьякиро Роспахгирибэн

¹ И кели Исусо выгия Кхангирьятыр и кэдэлaspэ тэ джал Пэскэ, подгинэ кэ Ёв Лэскирэ сыкляибнётка, соб (кай) тэ сыкавэн Лэскэ саро кэрибэн Кхангирьякиро. ² Ёв ракирэла лэнгэ адякэ: “Дыкхэна дава саро? Чачэс, Мэ ракирава тумэнгэ: на ячэлапэ адай ни екх бар пэ бар, саво тэ на явэл пхакгирдо.”

Пал Пхарэ Пиридживипэнá и Традыпэнá

³ И кели Ёв сыс бэштó пэ Оливётко бэрга, подгинэ Лэскирэ сыкляибнётка кэ Ёв екхджинэ и пхучнэ: “Пхэн амэнгэ, кели дава саро явэла, и сави гертык (знамэниё) явэла ангил, сыр Ту явэса и ваш свэтоскиро кóнцо (ягóро)?” ⁴ И отпхэндя Исусо и пхэндя лэнгэ: “Ракхэнпэ, соб (кай) никон тэ на хохавэл тумэн. ⁵ Пал-дова, со бут явэна Мирэ лавэса, ракири: ‘Мэ сом Христóсо,’ и хохавэна бут манушэн. ⁶ И тумэ явэна тэ шунэн пал марибэн и ракирибэна пал марибэна. Дыкхэн, на страхадён; саро дава трэй тэ явэл, нэ дава ишчо (инкэ) на кóнцо (на ягóро). ⁷ Пал-дова со газдэнапэ манушá пэ манушэндэ и кралипэн пэ кралипэн, и бокха явэна, и мэрибнётка фрэнсы и пхув явэла тэ тринскирэлпэ пир штэты. ⁸ Саро кадава явэла ангил сырбы дукха, дрэ саво нэво свэто бияндэла. ⁹ Тэды явэна тэ здэн тумэн пэ мёнъки и мулякирэна тумэн, и явэна тэ на сыкавэн патыв тумэнгэ пал Миро лав. ¹⁰ И бут тумэндыр мэкэна тэ патян, и явэна тэ здэн екх екхэс, и явэна тэ на сыкавэн патыв екх екхэскэ; ¹¹ и явэна бут хоханэ прорóки и хохавэна бут манушэн; ¹² и пал-дова со явэла бутыр чорипэн, бут манушá мэкэна тэ сыкавэн патыв екх екхэскэ. ¹³ Нэ кон вырикирэла саро кэ кóнцо (кэ ягóро), кодова зракхэлапэ. ¹⁴ И явэла тэ пхэнэлпэ бахталы зан (звесь) пал Дэвлэскиро Кралипэн пир саро свэто сыр допхэныбэн ваш сарэ нэцыи; и тэды явэла кóнцо (ягóро)!”

Исусо Ракирэла пал Замэкибнэскири Брыткима

¹⁵ Палдава, кели тумэ дыкхэна голотынякиро джунгалыпэн (брыткима), саво явэла тэ тэрдэл пэ свэнто штэто, со ракирдя прорóко Даниёлё, (кон гинэла, мэк тэ галёл), ¹⁶ тэды кодолэ, савэ исын дрэ Юдэя, мэк тэ нашэн дрэ бэрги; ¹⁷ и кон исын пэ кхэрётко стрéха (чхакын), мэк тэ на джал тэлэ тэ лэл вари-со кхэрэскирэ миштыпнастыр, ¹⁸ и кон исын пэ фёлда, мэк тэ на рисёл палэ тэ лэл пэскиро урибэн. ¹⁹ Мёнъки явэна тэды пэралэ джувленгэ, и джувленгэ, савэ чаравэна колынэса тыкнэ биятэн дрэ долэ дывэса. ²⁰ Мангэнпэ Дэвлэскэ, соб (кай) тэ на явэл трэй тэ нашэн иванта(тэс)киро (зимакиро) ци саватонэ (суботонэ): ²¹ пал-дова со тэды явэла дасави бибахт, сави на сыс свэтоскирэ англыпнастыр, и со бутыр на явэла ниэкхвар; ²² И коли далэ дывэса тэ на явэнас кроткэдыр, никон джидэндыр на зракхэласпэ; нэ ваш манушэнгэ, савэн Дэвэл выкэдыя, явэна кроткэдыр далэ дывэса. ²³ Тэньци, коли вари-кон пхэнэла тумэнгэ: ‘Акэ, исын Христóсо’ ци ‘одой’, на патян. ²⁴ Пал-дова со явэна хоханэ христосы, хоханэ прорóки и ёнэ сыкавэна барэ гертыка и кэрэна дивы, соб (кай) тэ хохавэн аж кодолэн, савэн Дэвэл выкэдыя, коли сашты явэла. ²⁵ Акэ, Мэ тумэнгэ ангилпхэндём. ²⁶ Палдова, коли ёнэ пхэнэна тумэнгэ: ‘Акэ, Ёв исын пэ чхучэ прахи’, на джан яври; коли ёнэ пхэнэна: ‘Акэ, Ёв исын дро андратуны штуба’, на патян. ²⁷ Пал-дова

со, сыр блискавица джала востокостыр и яснэдыр явэла кэ западо, адякэ явэла Чхаво. ²⁸ Кай явэла трүпо, одой скэдэнапэ орлы (киды).

Сыр Нэвэстыр Явэла Чхаво Манушэскиро

²⁹ И екхатыр (сразу) палó дая пхарй бйда дрэ долэ дывэса кхам мурдэла, чхон на явэла тэ свэнцынэл, и чэргэня пэрэна болыбнастыр, и болыбнаскирэ зорья явэна триинскирдэ ³⁰ И тэды сыкадэла гертык пэ болыбэн, савй дэла манушэнгэ джиныбэн, со явэла Чхаво Манушэскиро, и тэньчи сарэ манушытка рóды явэна то ровэн пхарэс и дыкхэна Чхавэс Манушэскирэс, Саво явэла тэ джал тэлэ дрэ óблоки барэ зорьяса и ярконэ Дэвлэскирэ слава́са. ³¹ И бичхавэла Ёв Пэскирэ Янголэн барэ рогоса (трубаса), и скэдэла кхэтанэ, конэс Ёв выкэдыя, штарэ ригэндэр и екхэ болыбнытконэ ягорóстыр (краёстыр) кэ явйр.

Сыклякирибэн пал Инжыритко Кашт

³² Сыклён сыкаи́бэн (примéро) инжыритконэ каштэстыр: кэли лэскирэ рандя́ (вэтки) ячэнапэ ковлэ и мэкэна патря́ (листы), джинэн, со сыг явэла лынай. ³³ Адякэ-паць и тумэ, сыр явэна тэ дыкхэн, со сарó дава́ кэрэлапэ, джинэн, со Ёв исын на́дур, пашы́л вударá. ³⁴ Чачэс, Мэ ракира́ва тумэнгэ: на проджала́ дава́ манушы́тко рóдо ангй́л дова́, сыр сарó дава́ кэрэлапэ. ³⁵ Болыбэн и пхув проджана́, а лава́ Мирé на проджана́.

Никон на Джинэла ни Дывэс, ни Мардо́ (Штунда)

³⁶ Нэ никон на джинэла ни дывэс, ни мардо́, кэли сарó дава́ явэла, ни болыбнаскирэ Янгóлы, ни Чхаво, а екх Дад джинэла. ³⁷ И, сыр сыс дрэ долэ дывэса, кэли сыс Ноё, адякэ-паць явэла Чхаво Манушэскиро. ³⁸ Палдава́ со, сыр ангй́л потопо мануша́ ханэ и пинэ, лынэпэ и джанас палорóм ангй́л дова́ дывэс, дро саво́ Ноё загйя́ дро ковчэго, ³⁹ и на галёнас, пака яця́ патопо и на лыджыя́ пэса лэн сарэн, адякэ-паць явэла Чхаво Манушэскиро. ⁴⁰ Тэды явэна дуй мануша́ пэ фэ́лда: екхэс Рай Дэвэл лэла, явирэс ячкирэла, ⁴¹ ци дуй джувля́, со мелинэна жэрновонэ барэнца́ (бэлэдиненца): екха Рай Дэвэл лэла, явирья́ ячкирэла. ⁴² Ракхэнпэ, пал-дова́ со на джинэна, кэли явэла тумарó Рай Дэвэл. ⁴³ Тумэ ж джинэн дава́, со, ко́ли кхэрэскиро хула́й джинэлас, кэли раты́ явэла чор, ёв на явэлас сутó и на дэлас, соб (кай) чор тэ под'ганавэлпэ тэл лэскиро кхэр. ⁴⁴ Палдава́ явэн тумэ адякэ-паць скэдынэ, пал-дова́ со Чхаво Манушэскиро явэла дрэ дасаво мардо́ (штунда), со тумэ на думинэна.

Патяибны́тко и Напатяибны́тко Писха́ри

⁴⁵ Кон тэды исын патяибны́тко и годьварó писха́ри (ра́бо), конэскэ лэскиро хула́й дыя́ зор пэ лэскирэ бутярнэндэ, соб (кай) тэ дэл тэ хал лэнгэ дро часо, саво́ трэй? ⁴⁶ Бахталó исын кодова́ писха́ри, конэскиро хула́й, сыр явэла, латхэла, со ёв кэрэла адякэ, сыр исын упхэндлó лэскэ. ⁴⁷ Чачэс, Мэ ракира́ва тумэнгэ: ёв дэла лэскэ зор пэ сарó лэскиро миштыпэн. ⁴⁸ Нэ ко́ли адава́ фуй писха́ри пхэнэла пэскэ: 'Миро рай зарикирэлапэ', ⁴⁹ и лэла тэ шулякирэ́л пэскирэ малэн-писхарьён, и хал и тэ пьел матыбнарьенца́, ⁵⁰ тэды явэла писхарискиро хула́й дро дова́-паць мардо́ (штунда), пал саво́ ёв на джинэла, ⁵¹ и росчингирэла хула́й лэс пэ паш и дэла лэскэ дасаво талáно, сыр дуэмуитконэнгэ: одой явэла роибэн и дандэнгири скрежыма.

Шэрó 25

Примéро (Сыкаиб́н) пал Дэш́ндэ Патывалé Джувлэндэ

¹ Тэды Кралипэн дро Болыбна́скиро Раё явэ́ла сы́рбы дэш патывалé тэрнэ́ джувля́, савé лынэ́ ксилытка лампы и гинé англэ́ тэ стрэ́нинэн (тэ пирилэн) Тэрнэс. ² Пандж лэндýр сыс годьварé, пандж сыс дылы́нинька. ³ Дылы́нинька жа лынé пэ́скирэ лампы, нэ на лынé ксил пэ́са; ⁴ Нэ годьварé лынé ксил дрэ́ кхорé кхэ́танэ лампы́нца. ⁵ Нэ сыр Тэрнó на явэ́лас гарá (длү́гэс), сарé ёнэ́ дынэ́ линдра́ (задреминдлэ́) и засутнэ́. ⁶ Нэ дрэ́ паш рат сыс годлы́ма: ‘Гáда, Тэрнó, джáн яв́рй тэ́ стрэ́нинэн!’ ⁷ Тэ́ньци сарé патывалé джувля́ уштинэ́ и подправиндлэ́ пэ́скирэ лампы. ⁸ Дылы́нинька ж пхэндлэ́ годьварэ́нгэ: ‘Дэн амэ́нгэ на́бут ксил тумарó, пал-довá со амарé лампы́ мурдэ́на сыг.’ ⁹ Нэ годьварé отпхэндлэ́, раки́рй: ‘Над, соб (кай) тэ́ на ухты́лэл (на́доси) ксил амэ́ндэ́ и тумэ́ндэ́. Джáн фэ́дыр кэ́ би́киибна́рья тэ́ кинэн пэ́скэ!’ ¹⁰ И па́ка ёнэ́ псирэ́нас тэ́ кинэн, явд́я Тэрнó, и ко́долэ́, савé исын скэ́дынэ́, за́гинэ́ лэ́са кхэ́танэ́ пэ́ б́ьяв; и вуда́ра запхандлэ́пэ. ¹¹ Кори́гэды́р (позжэ́дыр) явэ́нас яв́ир патывалé джувля́, савé я́чнэ́пэ, раки́рй: ‘Раё́ Дэ́вла! Пси́рав (отпхандэ́) амэ́нгэ: ¹² нэ́ Ё́в отпхэ́нэла лавэ́нца: ‘Чачэ́с, Мэ́ раки́рава́ тумэ́нгэ́, Мэ́ на джи́но́м тумэ́н.’ ¹³ Палда́ва́ явэ́н пэ́ стрéга, на совэ́н, сыр тумэ́ на джи́нэна́ ни дывэ́с, ни мардо́ (штúнда).’”

Примéро (Сыкаиб́н) пал Тринé Писхарьéндэ

¹⁴ И Кралипэн дро Болыбна́скиро Раё явэ́ла сы́рбы ману́ш, савó традэ́лас кри́г, и савó кхард́я пэ́скирэ писхарьéн и зд́ья лэ́нгэ́ пэ́ патыв́ пэ́скиро мишты́пэн. ¹⁵ И екхэ́скэ́ ёв ды́я пандж талáнты, яви́рэскэ́ дуй, ишчо́ (инкэ́) екхэ́скэ́ екх, кажно́эскэ́ пир лэ́скири зор, и трады́я кхэ́рэстыр. ¹⁶ И гия́ екхáтыр ко́дова́, савó дорэ́сця́ пандж талáнты и ко́фаринд́я лэ́нца и закэ́рдя ишчо́ (инкэ́) пандж талáнты. ¹⁷ Ад́якэ́-па́ць ко́дова́, савó дорэ́сця́ дуй талáнты, закэ́рдя ишчо́ (инкэ́) дуй талáнты. ¹⁸ Нэ ко́дова́, савó дорэ́сця́ екх, гия́ и за́гана́дя дрэ́ пхув и гара́дя лэ́скирэ́ хула́скирэ́ ловé. ¹⁹ И пир бут́ дывэ́са́, явэ́лас хула́й ка́далэ́ писхарьéнгиро́ и трэ́бинэ́ла лэ́ндыр отпхэ́ныбэ́н пал ловé. ²⁰ И подѓия писха́ри, кон дорэ́сця́ пандж талáнты, янд́я яв́ир пандж талáнты, и пхэнд́я: ‘Раё́, ту ма́нгэ́ до́патя́ндыян пандж талáнты; акэ́, яв́ир пандж талáнты, со мэ́ закэ́рдём!’ ²¹ Лэ́скиро хула́й пхэнд́я лэ́скэ́: ‘Мишто́, ту сан лачхо́ и патяи́бны́тко писха́ри, ту са́нас патяи́бны́тко набарé ловэ́нца; мэ́ до́патия́ва ту́кэ́ барé ловé; яв и ра́дынпэ́ кхэ́танэ́ тырэ́ хула́са!’ ²² Подѓия и писха́ри, кон дорэ́сця́ дуй талáнты и пхэнд́я: ‘Раё́, ту ма́нгэ́ до́патия́ндыян дуй талáнты: акэ́, яв́ир дуй талáнты, со мэ́ закэ́рдём. ²³ Лэ́скиро хула́й пхэнд́я лэ́скэ́: “Мишто́, ту сан лачхо́ и патяи́бны́тко писха́ри, ту са́нас патяи́бны́тко набарé ловэ́нца; мэ́ до́патия́ва ту́кэ́ барé ловé: яв и ра́дынпэ́ кхэ́танэ́ тырэ́ хула́са.” ²⁴ Подѓия и писха́ри, кон дорэ́сця́ екх талáнто́ и пхэнд́я: ‘Раё́, мэ́ джи́на́в, со ту сан пха́ро́ ману́ш: счхинэ́са одóй, кай на́ чху́дýн дрэ́ пхув, и скэ́дэ́са одóй, кай на́ росчху́дýн, ²⁵ и палдо́ва́ мэ́ подда́ранды́ём и гара́дём талáнто́ дрэ́ пхув; акэ́, тырэ́ ловé.’ ²⁶ И отпхэнд́я лэ́скэ́ хула́й: ‘Ту сан би́бахталó́ и кирнэ́-масэ́нгиро́ писха́ри; ту джи́ндýн, со мэ́ счхи́нава, кай на́ чху́дём дрэ́ пхув, и скэ́да́ва, кай на́ росчху́дём? ²⁷ Палдо́ва́ трэ́инд́я ту́кэ́ тэ́ дэ́с миро́ руп тэл ко́фо ко́фарьéнгэ́, и сыр мэ́ риси́ём, мэ́ дорэ́савас пэ́скиро ко́фоса. ²⁸ Палда́ва́ лэн лэ́стыр талáнто́ и дэн ко́долэ́скэ́, конэ́стэ́ исын дэш талáнты: ²⁹ пал-довá со кажно́эскэ́, савэ́стэ́ исын, явэ́ла буты́р дыно́, и лэ́стэ́ явэ́ла буты́р, сыр трэ́й; нэ́ ко́долэ́стыр, савэ́стэ́ нанэ́, лэ́лапэ́ лэ́стыр до́ва, со исын лэ́стэ́. ³⁰ И чхурдэ́н яв́рй злы́дня́ писха́рис дро́ цямлы́пэн яв́ресты́р; одóй явэ́ла рои́бэ́н и дандэ́нги́ри скре́жыма’

Палатунó (Послédнэ́) Сэ́ндо

³¹ И кéли явэ́ла Чхавó Манушэ́скиро́ кралитко́нэ́ слава́са́ и сарé́ Лэ́скирэ́ Янго́лэ́нца, тэ́ды Ё́в бэ́шэ́ла пэ́ Лэ́скиро́ славу́тно́ трóно; ³² и ангíл Лэ́стэ́ скэ́дэ́напэ́ сарé́ на́цыи, и Ё́в чхувэ́ла дрэ́ ригá́ екхэ́ яви́рэндýр, сыр чхупна́ри (пастухо́) чхувэ́ла дрэ́ ригá́ бакрэ́н бу́зненды́р, ³³ и Ё́в

чхувэла бакрэн пир чачи риг, бузнен пир зэрво (лёво) риг. ³⁴ Тэды пхэнэла Крáli одолэнгэ, савэ исын пир чачи риг Лэстыр: ‘Явэн тумэ, савэн Мирó Дад бахтыкирдя, явэн и прилэн Кралипэн дро Болыбнаскиро Раё, савó Ёв скэдыя тумэнгэ ангил, сыр Ёв создья свэто. ³⁵ Пал-довá со, кэли Мэ сомас бокхало, и тумэ чалякирдэ Ман; камдём тэ пъяв и тумэ дынэ тэ пъяв, Мэ сомас чужо мануш, и тумэ прилынэ Ман, ³⁶ Мэ сомас би урибнаскиро и тумэ уридэ Ман; сомас насвалó и тумэ загинэ кэ Мэ, сомас бэштó и тумэ явнэ тэ дыкхэнпэ Мánца.’ ³⁷ Тэды патяибнытка отпхэнэна Лэскэ, пхэни: ‘Раё Дэвла, кэли амэ дыкхцям, со Ту сáнас бокхало, и чарадым? Ци, сыр Түтэ сыс трэбима тэ пьес, и дьям тэ пьес? ³⁸ И кэли ж дыкхцям, со Ту сáнас чужо мануш, тэды ж прилыам тут? Ци би урибнаскиро, и уридыам жэ Тут? ³⁹ И кэли ж дыкхцям, со Ту сáнас насвалó, ци дро штарибэн и явдыам жэ тэ дыкхаспэ Түса?’ ⁴⁰ И отпхэнэла лэнгэ Крáli: ‘Чачэс, ракирава тумэнгэ: ‘Довá, со тумэ кэрдэ дава Мирé пшалэнгэ, савэндэ нанэ дасави зор, тумэ, хай, кэрдэ Мánгэ.’ ⁴¹ Тэныци Ёв пхэнэла кодолэнгэ, савэ исын пэ зэрво (лёво) васт Лэстыр: ‘Джáн криг Мánдыр, прокошнэ, дрэ яг вечно, со исын скэдыны ваш налачхэскэ и лэскирэ Янголэнгэ: ⁴² пал-довá, кэли Мэ сомас бокхало, и тумэ на чарадэ Ман, трэбиндя мánгэ тэ пъяв, и тумэ на дынэ тэ пъяв; ⁴³ Мэ сомас чужо мануш и тумэ на прилынэ Ман, Сомас би урибнаскиро, и тумэ на уридэ Ман, Сомас насвалó и дро штарибэн и тумэ на явнэ тэ дыкхэнпэ Мánца.’ ⁴⁴ Тэды отпхэнэна и ёнэ: ‘Раё Дэвла, кэли амэ дыкхцям Тут, со Ту сáнас бокхало, ци сыр түтэ сыс трэбима тэ пьес, ци Ту сáнас чужо мануш, ци би урибнаскиро, ци насвалó ци дро штарибэн и на дьям васт Түкэ?’ ⁴⁵ Тэды Ёв отпхэнэла лэнгэ, пхэни: ‘Чачэс, Мэ ракирава тумэнгэ: ‘Сыр тумэ на кэрдэ дава Мирé пшалэнгэ, савэндэ нанэ дасави зор, тумэ на кэрдэ и Мánгэ.’ ⁴⁶ И ёнэ джáна пэскэ дрэ вэчна мёнки, а патяибнытка джáна пэскэ дро джибэн вечно.’”

Шэрó 26

Зракирибэн тэ Мулякирэн Исусóс

¹ И сыс адякэ: кэли кончиндя Исусó далé лавá, Ёв пхэндя Пэскирэ сыкляибнытконэнгэ: ² “Тумэ джинэна, со явэла Патради пир дуй дывэсá и Чхавó Манушэскиро явэла здыно пэ примарибэн пэ трушул.” ³ Тэды скэдынэпэ рашангирэ барыдырá и годэпхурэ дрэ рашангирэ барыдырэскири грэда (двóро), савэс кхардэ Каиáфа, ⁴ и кхэтанэ зракирдэпэ тэ ухтылэн Исусóс фротымаса, и тэ мулякирэн Лэс; ⁵ нэ ёнэ ракирэнас: “Нашты дава тэ кэрáс дро свэнко, соб (кай) тэ на гáздэн манушá шумо годлэнца.”

Исусóс Помакхнэ дрэ Вефáния

⁶ Кэли ж Исусó сыс дрэ Вифания дро кхэр Симоноскиро Проказытконэскиро, ⁷ то подгия кэ Ёв джувлы, савьятэ сыс алавастрытко кхорó кучипнаскирэ мирóса и ей чхувэлáс Лэскэ пэ шэрó, сыр Ёв сыс бэштó пашыл скаминд. ⁸ Нэ кэли сыкляибнытка дыкхнэ дава, ёнэ холясынэ, пхэни: “Ваш со дава тэ хасякирэл? ⁹ Наушто сыс нашты тэ бикнэн дава пал барé ловэ и тэ роздэн ловэ богэнгэ.” ¹⁰ Нэ Исусó джиндя, со ёнэ ракирэнас, и пхэндя лэнгэ: “Сóскэ тумэ кэрэна пхарó адалэ джувлякэ? Ёй кэрдя лачхó рэндо (делó) ваш Мánгэ. ¹¹ Палдовá со бóги ўсáды (сак) исын пашыл тумэндэ, нэ Мэ на явáва ўсáды (сак) тумэнца. ¹² Пал-довá со, кóли ей чхудя дава мирó пэ масá Мирé, ей кэрдя дава ваш Мирó гараибэн. ¹³ Чачэс, Мэ ракирава тумэнгэ: кай бы тэ на явэл тэ пхэнэлпэ бахталы звесь пир сарó свэто, явэла пхэндлó пал дова, со ей кэрдя, сыр рипирибэн пал латэ.”

О Юда Искарíото Дэла Лав тэ Бикнэл Исусóс

¹⁴ Тэныци екх дэшудуендыр, савэс кхардэ Юда Искарíото, гия кэ рашангирэ барыдырá, ¹⁵ и пхэндя: “Со тумэ дэнас мánгэ, кóли мэ здава Лэс тумэнгэ?” И ёнэ выплэскирдэ лэскэ

триянда рупунэ састэ. ¹⁶ И кодолэ дывэсэстыр Юда лыя тэ родэл ваканцыя (случаё), соб (кай) тэ здэл Лэс.

Исусо Хала Патрадйтко Хабэн Пэскирэ Сыкляибнытконэнца

¹⁷ Дро пэрво ж дывэс апреснокэнгиро свэнко гинэ сыкляибнытка кэ Исусо, ракири: “Кай Ту камэса, соб (кай) амэ тэ кэрас Тукэ Патрадйтко хабэн?” ¹⁸ Ёв жа пхэндя: “Джан дро форо кэ мануш и пхэнэн лэскэ: ‘Сыклякирибнаскиро ракирэла: Миро часо подгия, Тутэ Мэ свэнкинава Патради Мирэ сыкляибнытконэнца.’” ¹⁹ И сыкляибнытка кэрдэ, сыр Исусо припхэндя лэнгэ, и кэрдэ Патради. ²⁰ Кэли явдя бэльвэль, Исусо бэсця пал скаминд Пэскирэ дэшудуэ сыкляибнытконэнца. ²¹ И кэли ёнэ ханас, Ёв пхэндя: “Чачэс, Мэ ракирава тумэнгэ: Екх тумэндыр здэла Ман.” ²² И ёнэ пынэ дро дүхо (фано), и лынэ тэ ракирэн Лэскэ екх пал екхэстэ: “Чачэс, дава на мэ, Раё Дэвла?” ²³ Ёв жа отпхэндя: “Кон чхудя васт Мэнца дро чаро, кодова здэла Ман. ²⁴ Чачэс, Чхаво Манушэскиро джала, сыр исын чхиндло пал Лэстэ, нэ бйда кодолэ манушэскэ, саво здэла Чхавэс Манушэскирэс; фэдыр явэлас ваш лэскэ тэ на бияндёл.” ²⁵ И Юда, саво здэлэс Лэс, отпхэндя: “Ци дава на мэ, Равви?” Ёв пхэндя Лэскэ: “Ту ж пхэндян!”

Дэвлэскиро Бэльвэлякиро Хабэн

²⁶ И кэли ёнэ ханас, Исусо лыя маро и бахтякирдя лэс и роспахирдя лэс и, сыр дыя сыкляибнытконэнгэ, пхэндя: “Лэн, хан, дава исын Мирэ маса.” ²⁷ И кэли Ёв лыя тахтай (чаша) и пхэндя парикирибэн Дэвлэскэ, Ёв дыя Лэс сыкляибнытконэнгэ, пхэни: “Пьен Лэстыр сарэ. ²⁸ Пал-дова со дава исын Миро Рат заветоскиро, саво исын прочхудо пал бутэндэ ваш грэхэнгиро отмэкибэн. ²⁹ И Мэ пхэнава тумэнгэ: Мэ на явава далэ дывэсэстыр бутыр тэ пъяв аплодо далэ винаградытконэ хрустостыр кэ/жыко дова дывэс, кэли Мэ явава тэ пъяв тумэнца нэви мол (вино) дрэ Мирэ-Дадэскиро Кралипэн”” ³⁰ И кэли ёны багандлэ шардытко гилы Дэвлэскэ, то тэды гинэ пэ Оливйтко (Елеоноскири) бэрга.

Исусо Ангилпхэнэла, со Пэтри Отпхэлапэ Лэстыр

³¹ Тэньци ракирэла лэнгэ Исусо: “Сарэ тумэ Ман мэкэна дрэ дая рат. Пал-дова со исын чхиндло: ‘Мэ хасякирава Чхупнарис и роспрастанапэ бакрэ;’” ³² нэ палó дава, кэли Мэ отджидёвава, Мэ сыгэдыр тумэндыр явава дрэ Галилэя.” ³³ Нэ Пэтри отпхэндя Лэскэ дасавэ лавэнца: “Кóли и сарэ тумэ мэкэна Тут, мэ никели дава на кэрава.” ³⁴ Пхэндя лэскэ Исусо: “Чачэс, Мэ ракирава тукэ: ададывэс бэльвэлякиро, ангил дова, сыр башно пробагала, ту трин мóлы отпхэнэсапэ Мандыр.” ³⁵ Ракирэла Лэскэ Пэтри: “И кóли Мángэ явэла трэй тэ мэрав Туса, мэ на отпхэнавапэ Түтыр.” Адыкэ-паць пхэндлэ и явир сыкляибнытка.

Исусо Мангэлапэ Дэвлэскэ дрэ Гефсимания

³⁶ Тэньци джалас Исусо лэнца пэ штэто, со кхардэ Гефсимания, и ракирэлас Пэскирэ сыкляибнытконэнгэ: “Бэшэн кадай, ангил дова, сыр Мэ джава тэ мангавпэ Дэвлэскэ одой.” ³⁷ И лыя Ёв Пэса Пэтрис и дуэн чхавэн Заведёскирэн, и обухтылдя Лэс бари туга и траш (дар). ³⁸ Тэды Ёв ракирэла лэнгэ: “Миро ило исын пхэрдó мэрибнытконэ тугаса (скорбся), явэн адай Мэнца, на совэн.” ³⁹ И Ёв одгия набул ангил, пъя мóса пэ пхув, мангдяпэ Дэвлэскэ и ракирдя: “Дáдо Мíро, кóли сашты, мэк проджал дава тахтай дрэ риг Мандыр; нэ на адыкэ, сыр Мángэ трэй, а сыр Тукэ трэй.” ⁴⁰ И явэлас Ёв кэ сыкляибнытка и латхэлас, со ёнэ сыс сутэ, и ракирэлас Пэтрискэ: “Наушто на могоиндлэ тумэ и екх мардó (штунда) тэ раххэнпэ, тэ явэн Мэнца? ⁴¹ Ракхэнпэ и мангэнпэ Дэвлэскэ, соб (кай) тумэ тэ на попэрэн дро пропатыкирибэн; дүхо (фано) исын састó, нэ лоч (плоть) исын бизорьякири.” ⁴² Нэвэстыр явир мóло, Ёв одгия дрэ риг и мангдяпэ Дэвлэскэ дасавэ лавэнца: “Дáдо Мíро, кóли сашты,

соб (кай) дава тахтай тэ проджал дрэ риг Мандыр, пака Мэ на выпьява лэс, мэк тэ кэрэлпэ воля Тырй!”⁴³ И нэвэстыр Ёв рисия палэ и латхя, со ёнэ сыс сутэ, пал-дова со лэнгирэ якха сыс зачхакирдэ.⁴⁴ И Ёв мэкця лэн нэвэстыр и гия криг, и мангдяпэ Дэвлэскэ трито мо́ло, пхэни дасаво-паць лав.⁴⁵ Тэньци Ёв явэлас кэ Пэскирэ сыкляибны́тка и ракирэлас лэнгэ: “Тумэ уса сан сутэ и откхинёна? Акэ, мардо (штунда) подгия и Чхавэс Манушэскирэс здэна дрэ грэхэнгирэ васта.⁴⁶ Уштэн, джаса, акэ, ужэ сарэса исын пашыл кодова, кон здэла Ман.”

Исусос Закэдэна

⁴⁷ И сыр Ёв ишчо (инкэ) ракирдя, акэ, Юда подгия, екх дэшудуендыр сыкляибны́тконэндыр, и сыс лэса бут мануша курталэнца и килэнца, рашангирэ барыдырэндыр и годэпхурэндыр.⁴⁸ Здыибнари дый лэнгэ шпэра (знако); пхэни: “Кадава, Конэс мэ чамудава, исын Ёв: закэдэн Лэс.”⁴⁹ И екхатыр подгия ёв кэ Исусо и пхэндя: “Добридим, Равви!” И чамудя Лэс.⁵⁰ Исусо жэ пхэндя Лэскэ: “Морэ, акэ, ваш со ту сан адай!” Тэды ёнэ гинэ пашылэдыр, чхудэ васта пэ Лэстэ и ухтылдэ Лэс.⁵¹ И, акэ, екх, саво сыс Исусоса, дыяпэ вастэса и вытырдыя куртала пэскири, и чингирдя ласа писхарис, рашангирэ барыдырэскирэс, и отчингирдя лэскэ кан.⁵² Нэ ракирэла лэскэ Исусо: “Чхув палэ пэскири куртала пэ лакиро штэто; пал-дова со, кон лэла куртала, курталатыр хасэла.⁵³ На думинэса ту, со Мэ на могиनावас тэ мангав Мирэс, Дадэс, и Ёв на дэлас Мангэ дэшудуй Янголэнгирэ легионы?”⁵⁴ Сыр тэды сполнинэласпэ Свэнто Чхиныбэн, со дава трэй тэ явэл?”⁵⁵ Дрэ дова-паць мардо (штунда) Исусо пхэндя манушэнгэ: “Сыр пэ розмарибнаристэ тумэ выгинэ курталэнца и килэнца тэ лэн Ман? Мэ кажно дывэс сомас бэштэ тумэнца и сыклякирдём дрэ Кхангирй, и тумэ на лэнас Ман.⁵⁶ Нэ дава саро кэрдяпэ, соб (кай) тэ кэрэнпэ кэ концо/ягоро (тэ сполнинэнпэ) пророкэнгирэ лава дро Свэнто Чхиныбэн.”

Исусо ангил Синедрионо

⁵⁷ И кодолэ, савэ лынэ Исусос, яндлэ Лэс кэ Каиафа, пэрво рашангиро барыдыро, кай скэдынэпэ лылвары́тка и годэпхурэ.⁵⁸ Пэтри ж джалас пал Лэстэ дурипнастыр кэ пэрво рашангирэскири грэда (дворо), и сыр загия андрэ, сыс бэштэ явирэ стрэгарьенца, соб (кай) тэ дыкхэл концо (ягоро).⁵⁹ Рашая и саро Синедрионо сарэ манушэнца родынэ хоханэ допхэныбэн пэ Исусостэ, соб (кай) тэ мулякирэн Лэс.⁶⁰ И на латхнэ нисо, на дыкхй, со бут хоханэ якхы́тка (свидетели) явэнас ангил Синедрионо. Нэ коригэдыр (позжэдыр) подгинэ дуй,⁶¹ и пхэндлэ: “Кадава мануш пхэндя: ‘Мэ моги́нава тэ роспахира́в Дэвлэскири най бари Кхангирй, и тэ газдав ла нэвэстыр пал трин дывэса.’”⁶² И уштыя пэрво рашангиро барыдыро и пхэндя: “Ту нисо на отпхэнэса? Со да дасаво исын, со ёнэ допхэнэна пэ Тутэ?”⁶³ Нэ Исусо сыс штыл. И пэрво рашай пхэндя Лэскэ: “Засовлахава Тут Дэвлэса Джидэса: пхэн амэнгэ, ци Ту сан Христосо, Чхаво Дэвлэскиро?”⁶⁴ Исусо пхэндя Лэскэ: “Адякэ, сыр Ту пхэндян; нэ Мэ пхэна́ва тумэнгэ: Ададывэсатунэ дывэсэстыр тумэ дыкхэна Чхавэс Манушэскирэ, Саво явэла тэ бэшэл пэ облоки болыбна́скирэ пир чачи (право) риг Дэвлэскирэ Зорьякири.”⁶⁵ Тэды пэрво рашай роскусця пэскирэ урибэна, и пхэндя: “Ёв тэлякирдя Дэвлэс. Сави амэнгэ ишчо (инкэ) трэбима тэ допхэнэн? Тумэ шундлэ ж тэлякирибэн пэ Дэвлэстэ.”⁶⁶ Со тумэ думинэна?” Ёнэ ж отпхэндлэ: “Исын банго, соб (кай) тэ мулякирэн Лэс.”⁶⁷ Тэды чунгардынэ Лэскэ дро муй, и мардо Лэс; явир пэкавэнас Лэс пир муй,⁶⁸ ракири: “Угалёв сыр проро́ко, Христосо, кон пэкадя Тут?”

Пэтри Отпхэнэлапэ Исусостыр

⁶⁹ Пэтри ж сыс бэштэ яврестыр дрэ грэда, и подгия кэ ёв екх дына́рица (служанка) и пхэндя: “И ту са́нас Исусоса Галилеяниноса.”⁷⁰ Нэ ёв дыяпэ палэ ангил сарэндэ, ракири: “Мэ на джином (на джина́в), со ту ракирэса.”⁷¹ И кэли ёв подгия кэ порта, лэс дыкхця явир дына́рица, и пхэндя манушэнгэ, савэ сыс тэрдэ пашыл: “Кадава мануш сыс Исусоса

Назарее́са.”⁷² И нэвэстыр ёв дыяпэ палэ совлахаса: “Мэ на джинóm Кадалэ Манушэс.”⁷³ И на́бут коригэды́р подгинэ́ кэ ёв мануша́, савэ́ сыс тэрдэ́ пашы́л, и пхэндлэ́ Пэтрискэ́: “Чачо́, и ту сан лэ́ндыр, пал-дова́ со тыро́ выракирибэ́н сыкавэ́ла.”⁷⁴ Тэды́ ёв лы́я тэ́ прокошэ́л и тэ́ совлахал: “Мэ на джинóm (на джина́в) Кадалэ́ Манушэ́с” И ада́й жэ́ пробагандя́ башно́.⁷⁵ И пририпи́рдя Пэ́три Иису́со́скиро лав; сыр Ёв пхэндя́: “Ангíл, сыр пробагала́ башно́, ту трин мо́лы отпхэ́нэсапэ́ Манды́р” И гии́ явры́, ёв рондя́ киркэ́с.

Шэро́ 27

Ису́со ангíл Пилато́стэ

¹ Кéли яця́ дывэ́с, пэ́ злóко, сарэ́ раша́нгирэ́ барыды́ра́ и тхэмэ́скирэ́ годэ́пхурэ́, зракирдэ́пэ пэ́ Иису́со́стэ, соб (кай) тэ́ муляки́рэн Лэ́с; ² И, кéли пхандлэ́ Лэ́с, лыджинэ́ Лэ́с и здынэ́ Пилато́скэ, тхэмэ́скирэ́ барыды́рэскирэ́скэ́ (правителё́скэ).

Юда́скиро Мэ́рибэ́н

³ Тэды́ Юда́, кон зды́я Лэ́с, дыкхí, со Иису́со́с сэндиндлэ́, пригалы́я пэ́скири банг и ды́я палэ́ трия́нда рупувэ́ ловэ́ раша́нгирэ́ барыды́рэнгэ́ и годэ́пхурэнгэ́, ⁴ пхэ́нй: “Мэ́ кэ́рдём грéхо, пал-дова́ со зды́ём Манушэ́с, Савэ́стэ́ исын би́бангипна́скиро рат.” Нэ́ ёнэ́ пхэндлэ́: “Со амэ́нгэ? Дава́ исын тыро́ рэ́ндо.” ⁵ И ёв чхурды́я рупувэ́ ловэ́ дрэ́ Кханги́ри, гия́ явры́ и ублады́я. ⁶ Нэ́ раша́нгирэ́ барыды́ра́ газдынэ́ рупувэ́ ловэ́ и пхэндлэ́ “Нашты́ тэ́ чхувас лэ́н дрэ́ Кханги́рья́кири пиралы́ (тыкно́ри), пал-дова́ со дава́ исын ратвалэ́ ловэ́.” ⁷ И зракирдэ́пэ и киндлэ́ пэ́ далэ́ ловэ́ фэ́лда пиритконэ́стыр (горшэ́чникосты́р), соб (кай) тэ́ гаравэ́н чужо́нэ́ манушэ́н. ⁸ Палдова́ и кхарла́пэ да́я фэ́лда ‘Ратвалы́ фэ́лда’ кэ́ адады́вэсатуно́ дывэ́с. ⁹ Тэды́ кэ́рдя́пэ кодо́ва, со пхэндя́ проро́ко́ Еремее́: “И ёнэ́ лы́нэ́ трия́нда рупувэ́ ловэ́, тимíн Екхэ́скири, Савэ́скэ́ ды́нэ́ тимíн Израилё́скирэ́ чхавэ́, ¹⁰ и ды́нэ́ далэ́ ловэ́ пал пиритконэ́скири фэ́лда, сыр Дэ́вэл припхэндя́́ Мана́гэ.”

Пила́то Сы́клякирэ́ла Иису́со́с

¹¹ Нэ́ Иису́со́ сыс тэ́рдэ́ ангíл Пилато́стэ, тхэмэ́скирэ́ барыды́рэстэ́; и пхуця́ Лэ́стыр: “Ту сан Юда́нгиро Кра́ли?” И пхэндя́ Иису́со: “Ады́кэ, сыр ту пхэндя́н.” ¹² И кéли бангя́кирэ́нас Лэ́с раша́нгирэ́ барыды́ра́ и годэ́пхурэ́, Ёв на пхэндя́ нисо́. ¹³ Тэды́ пхэндя́ Лэ́скэ́ Пила́то: “Ту на шунэ́са, сыр бут ё́нэ́ пэ́ Тү́тэ́ допхэ́нэна?” ¹⁴ И Ёв на отпхэндя́́ Лэ́скэ́ ни екх лав, палдава́ тхэмэ́скиро барыды́ро́ древа́н здивиндя́пэ.

Пила́то Сэ́ндякирэ́ла Иису́со́с пэ́ Мэ́рибэ́н

¹⁵ Нэ́ пэ́ свэ́нко тхэмэ́скиро барыды́ро́ присы́кля тэ́ отмэ́кэл екхэ́ манушэ́с штари́бнасты́р пир манушэ́нгиро выкэ́дыбэ́н, кон сыс пир ило́ лэ́нгэ́. ¹⁶ Тэды́ сыс лэ́ндэ́ славу́тно штари́бнари пир лав Вара́ва. ¹⁷ Палдава́, кéли скэ́дынэ́пэ́ кхэ́танэ́, Пила́то пхэндя́ лэ́нгэ́: “Конэ́с тумэ́ камэ́на, соб (кай) мэ́ тэ́ отмэ́кав тумэ́нгэ́: Вара́вас ци́ Иису́со́с, савэ́с кхарна́ Хри́сто́со?” ¹⁸ Пал-дова́ со ёв джиндя́, со ёнэ́ здынэ́ Лэ́с зэ́влыны́пнасты́р. ¹⁹ Кéли Пила́то сыс бэ́што́ пэ́ сэ́ндариски́ро штэ́то, лэ́скири ромны́ бичхадя́ лэ́скэ́ лав, пхэ́нй: “На кэ́р нисо́ Кадалэ́скэ́ Паты́ибны́тконэ́ Манушэ́скэ́; мэ́ бут пи́ридживдём дро́ сунó (сунэ́) пал Лэ́стэ́.” ²⁰ Нэ́ раша́нгирэ́ барыды́ра́ и годэ́пхурэ́ паты́акирдэ́ манушэ́н, соб (кай) тэ́ мангэ́н Вара́вас, нэ́ тэ́ муляки́рэн Иису́со́с. ²¹ Тэды́ барыды́ро́ пхуця́ лэ́ндыр, пхэ́нй: “Конэ́с камэ́на тумэ́ дуенды́р тэ́ отмэ́кав мэ́?” Ё́нэ́ пхэндлэ́: “Вара́вас.” ²² Раки́рэ́ла лэ́нгэ́ Пила́то: “Со ма́нгэ́ то кэ́рав Иису́со́са, Савэ́с кхарэ́на Хри́сто́со?” И ёнэ́ пхэндлэ́: “Тэ́ примаре́н Лэ́с пэ́ трушу́л.” ²³ Нэ́ ёв пхэндя́: “Саво́ ж чори́пэ́н Ё́в кэ́рдя́?” Нэ́ ёнэ́ дэ́нас го́дла буты́р: “Тэ́ примаре́н Лэ́с пэ́ трушу́л!” ²⁴ И кéли Пила́то дыкхця́, со нисо́ на помогинэ́ла, нэ́, хай, шумо́ годлэ́нца́ кэ́ бу́нто

газдэлапэ, ёв лыя пані и вымордя васта ангил манушэндэ, ракири: “Мэ на сом банго пал адалэ Манушэскиро рат, тумэ ж дыкхэн!”²⁵ Нэ сарэ отпхэндлэ: “Мэк тэ явэл дава бангипэн пал Лэскиро рат пэ амэндэ и амарэ чхаворэндэ!”²⁶ Тэньци ёв отмэкця лэнгэ Варакас, нэ Исусос палó дова, сыр Лэс мардэ чупняса, здыя пэ трушул тэ примарэн.

Халадэ Просана Исусос

²⁷ Тэньци тхэмэскирэ-барыдырэскирэ халадэ лынэ Исусос дрэ претория, кхардэ кхэтанэ пхэрдó халадэнгиро полко, ²⁸ и росчхудэ Лэс и уридэ пэ Лэстэ тёмнонэ-лоло плашчо, ²⁹ и кэли скхудэ вянка пхусадытконэ хрустостыр сыр коро́на, уридэ Лэскэ пэ шэро, чхудэ Лэскэ тришчынытко дэсто дро чачо (право) васт, и тэрдёнас пэ чанга ангил Лэстэ, просанас Лэс, пхэни: “Яв джидо, Крали Юдэнгиро!”³⁰ И чунгардэнас пэ Лэстэ, и лынэ дэсто и мардэ лэса Лэс пир шэро. ³¹ И коригэдыр (позжэдыр), сыр ёнэ сандлэпэ холямэс (здекиндлэпэ пэ Лэстэ), ёнэ злынэ Лэстыр лоло плашчо, уридэ пэ Лэстэ Лэскиро урибэн, и лыджинэ пэ трушул тэ примарэн.

Исусос Примарэна пэ Трушул

³² И сыр ёнэ джана́с, одотхыр стрэниндлэ манушэс Киринеятыр, савэс кхардэ Симоно; и зачхудэ лэс тэ лыджал Христососкиро трушул. ³³ И кэли ёнэ явнэ пэ штэто, саво кхарлапэ ‘Голгофа’, со значы́нэла: ‘Чэрепы́тко штэто,’ ³⁴ ёнэ дынэ Лэскэ тэ пьел мол (вино) кхэтанэ жэлучоса и коригэдыр, сыр Ёв коштындя, Ёв на камдя́ тэ пьел бутыр. ³⁵ И кэли ёнэ примардэ Лэс пэ трушул, ёнэ роскэрдэ урибэн Лэскиро, чхурдыи жрэбиё, ³⁶ И бэшындой, раххэнас Лэс одой. ³⁷ И ёнэ кэрдэ упрал Лэскирэ шэрэстыр Лэскиро зачхиныбэн, дро со Ёв сыс банго: “Дава́ исын Исусо, Крали Юдэнгиро.” ³⁸ Тэньци ёнэ примардэ пэ трушул пашыл Лэстэ дуге розмарибнарьен: екхэс чачэ ригатыр, явирэс зэрвонэ (левонэ) ригатыр. ³⁹ И кодолэ, савэ проджанас пашыл Лэстэ, калякирэнас Лэс, кунины шэрэнца; ⁴⁰ и ракири: “Ту ж кадава́ сан, Саво роспахирэлас Кхангири́ и пир трин дывэса́ газдэсас ла нэвэстыр. Зракх Кокоро́ Пэс. Ко́ли Ту сан Чхаво́ Дэвлэскиро, джа́ тэлэ трушулэстыр.” ⁴¹ Адыкэ-паць рашангирэ барыдыра́, кхэтанэ лылваритконэнца и годэпхурэнца сандлэпэ холямэс Лэстыр, ракири: ⁴² “Явирэн Ёв зракхэлас; нэ Ёв на мого́нэла тэ зракхэл Пэс, Ёв ж кра́ли Юдэнгиро: мэ́к какана́ тэ джал трушулэстыр, и амэ яваса́ тэ патяс дрэ Лэстэ. ⁴³ Ёв патя́ла зоралэс дрэ Дэвлэстэ, мэ́к Дэвэл зракхэ́ла Лэс, ко́ли камэ́ла. Пал-дова́ со Ёв жа пхэндя́: ‘Мэ́ сом Чхаво́ Дэвлэскиро.’” ⁴⁴ Адыкэ-паць и розмарибнарья, савэ сыс примардэ кхэтанэ Лэса, ладжакирэнас Лэс.

Исусоскиро Мэрибэн

⁴⁵ Шовтонэ (дэшудуйтонэ) мардэстыр (штундатыр) яця́ калыпэн пир сари́ пхув и рикирдяпэ кэ/жы́ко еня́то (биекхэскиро дэшто) мардо́; ⁴⁶ пашэ́ ж еня́то (биекхэскиро дэшто) мардо́ Исусо́ дыя́ го́дла зоралэ́с Юды́ткэс: “Э́ли, Э́ли, ла́ма саба́ктхани́?” Дава́ исын Рома́нэс: ‘Миро́ Дэ́вла, Миро́ Дэ́вла, со́скэ́ Ту мэ́кця́н Ма́н?’ ⁴⁷ И ва́ри-савэ́ ко́долэндьр, савэ́ сыс тэ́рдэ́ ада́й, кэ́ли ё́нэ шу́ндлэ́ дава́, лы́нэ тэ́ раки́рэн: “Адава́ ма́нуш кха́рэ́ла Или́яс.” ⁴⁸ И екхаты́р екх лэ́ндыр подпра́станды́я, лы́я губка́, кинды́кирдя́ ла дро шу́тлы мол, чху́дя́ ла пэ дэ́стоски́ри (кашты́скири) во́стри́ма, и поды́я тэ́ пьел Лэ́скэ. ⁴⁹ Нэ́ яви́р пхэ́ндлэ́: “Ужа́кирэ́н! Ды́кхаса́, сыр́ явэ́ла Или́я тэ́ зракхэ́л Лэ́с.” ⁵⁰ И Исусо́ нэ́вэсты́р ды́я го́дла зоралэ́ заня́са и мы́я. ⁵¹ И, акэ́, шы́рма дрэ́ Кханги́ри́ роску́сцяпэ́ пэ́ дуй па́ша, упралэ́стыр кэ́ пхув; и пхув три́ински́рдяпэ́, и бару́нэ́ бэ́рги пха́рады́нэ; ⁵² и ко́плицы́ отпха́ндлэ́пэ, и бу́т ма́нушы́тка тру́пы, савэ́н Дэвэл́ выкэ́ды́я и савэ́ мы́нэ, отджиды́нэ, ⁵³ и вы́гинэ́ ко́плицэндьр́ коригэ́дыр (позжэ́дыр), сыр́ Исусо́ отджиды́я, гинэ́ ё́нэ дро свэ́нто фо́ро и сы́кады́нэ бу́тэ́нгэ. ⁵⁴ И шэ́лэнгирэ́-халадэ́нгиро́ барыды́ро́ и халадэ́, савэ́ кхэ́танэ́ раххэ́нас Исусо́с, сыр́ ды́кхнэ́ пхувя́́киро́ три́ински́рибэн́ и са́ро, со́ кэ́рдя́пэ́, стра́хады́нэ зоралэ́с, раки́ри: “Ча́чэс, да́ва́ сыс Чха́во́ Дэ́влэски́ро.” ⁵⁵ И бу́т джу́вля́ ды́кхэ́нас ду́рипна́стыр, савэ́ джа́на́с пал Исусо́стэ́

Галилеятыр, и савó дынариндлэ (служындрэ) Лэскэ, ⁵⁶ машкíр савэндэ сыс Марíя Магдалина, и Марíя, дай Яковоскири и Ёзаскири, Заведёскири ромны, дай лэскирэ чхавэнгэ.

Исусóскиро Гараиб́н

⁵⁷ Кéли явд́я бэ́львэ́ль, явд́я барвалó ману́ш Аримафеятыр пир лав Ё́за (Иосифо), савó кокорó ад́якэ-па́ць сыс Исусóскиро сы́кляибн́йтко. ⁵⁸ Адава́ ману́ш подѓя кэ́ Пилáто и мангд́я Исусóскиро т́рупо. Тэ́ньци Пилáто припхэнд́я тэ́ отд́эн Исусóскиро т́рупо. ⁵⁹ И Ё́за лы́я т́рупо, закрэнцынд́я Лэс дро жужó (чысто) похтан, ⁶⁰ и чхуд́я Лэс дрэ пэ́скири нэ́ви копл́ица, сав́и ё́в вычингирд́я дрэ скáла; и кéли прира́дя барó бар кэ́ загииб́эн дрэ копл́ица, ѓя ќриг. ⁶¹ И сыс одóй Марíя Магдалина и яв́ир Марíя, савó сыс бэ́штэ́ анѓил копл́ица.

Халад́э Ракх́эна Копл́ица

⁶² Пэ́ яв́ир дывэ́с, савó сыс са́мато (субóта), скэ́дынэ́пэ раша́нгирэ́ барыды́ра и Фарисе́и кэ́ Пилáто, ⁶³ пхэ́ни: “Раё́, амэ́ рипи́раса, со́ хохаибна́ри, сыр сыс ишчо́ (инкэ́) джидó, пхэнд́я: ‘Пир трин дывэ́са́ Мэ́ отджидё́вава.’” ⁶⁴ Палдава́ припхэн́ тэ́ ра́кхэн́ маги́ла кэ́/жы́ко т́рито дывэ́с, соб (кай) сы́кляибн́йтка тэ́ на чорэ́н Лэс, ко́ли явэ́на и тэ́ на пхэ́нэн́ манушэ́нгэ ‘ушты́я мулэ́ндыр,’ и явэ́ла палатунó хохаиб́эн фуе́дыр Пэ́рвонэ́стыр.” ⁶⁵ Пхэнд́я лэ́нгэ Пилáто: “Тумэ́ндэ́ исын халад́э-ра́кхибна́рья: мэ́к ё́нэ́ тэ́ джа́н, тэ́ ра́кхэн́, сыр тумэ́ джинэ́на.” ⁶⁶ И ё́нэ́ гинэ́, и чхудэ́ халадэ́н тэ́ ра́кхэн́ копл́ица, чхуви́ чэ́ргэно́ри (печа́ть) кэ́ бар.

Шэ́ро 28

Отджиды́ип́эн

¹ Пэ́ злóко, дро пэ́рво куркитко́ дывэ́с палó са́мато, явнэ́ Марíя Магдалина и яв́ир Марíя тэ́ дыкхэ́н маги́ла дрэ копл́ица. ² И акэ́, кэ́рдя́пэ́ барó пхувья́киро тринскириб́эн; пал-до́ва со́ Дэвлэ́скиро Янгóло ѓя тэ́лэ́ болыбна́стыр, и подѓии, рискирд́я бар и сыс бэ́штó пэ́ лэ́стэ́. ³ Лэ́скиро вы́дыкхиб́эн сыс сыр бли́скавица, и лэ́скиро уриб́эн сыс парно́ сыр ив. ⁴ И ра́кхибна́рья издранас да́ра́тыр анѓил лэ́стэ́, и кэ́рдэ́пэ́, хай, ё́нэ́ сыс мулэ́. ⁵ И лы́я тэ́ ра́кирэл Янгóло, пхэ́ни джувленгэ́: “На анды́ршан; мэ́ джинóм (джина́в), со́ тумэ́ родэ́на Исусóс, Савэ́с примардэ́ пэ́ трушу́л; ⁶ Лэс (Ё́в) нанэ́ ада́й, пал-до́ва со́ Ё́в отджиды́я, сыр Ё́в и пхэнд́я. Явэ́н, подыкхэ́н штéто, кай Ё́в сыс паштó; ⁷ и джа́н сыгэ́дыр, пхэ́нэн́ Лэ́скирэ сы́кляибн́йтконэ́нгэ́, со́ Ё́в отджиды́я мэ́рибна́стыр и Ё́в джа́ла анѓил тумэ́ндэ́ дрэ́ Галиле́я, одóй тумэ́ Лэс дыкхэ́на, акэ́, мэ́ пхэндéм тумэ́нгэ́.” ⁸ И вы́гии сы́гэс копл́ицаты́р, ё́нэ́ пра́станды́нэ́ да́раса и барэ́ ра́дыма́са тэ́ роспхэ́нэн́ Лэ́скирэ сы́кляибн́йтконэ́нгэ́. ⁹ И, акэ́, Исýсо́ пи́рилы́я лэ́н, ра́кири́: “Ра́дынэ́нпэ́!” И ё́нэ́, сыр подѓинэ́, облы́нэ́ гэ́ра́ Лэ́скирэ́ и поклонинд́лэ́пэ́ Лэ́скэ. ¹⁰ Тэ́ды ра́кирэ́ла лэ́нгэ́ Исýсо́: “На анды́ршан; джа́н, и пхэ́нэн́ Мирó пшалэ́нгэ́, соб (кай) тэ́ джа́н дрэ́ Галиле́я; и одóй ё́нэ́ дыкхэ́на Ман.”

Халадэ́нгире́ Мавлы́н

¹¹ Сыр ё́нэ́ джа́на́с, тэ́ды ва́ри-савó халадэ́нгирэ́ ра́кхибна́рьенды́р явнэ́ дро фо́ро и роспхэ́ндлэ́ раша́нгирэ́ барыды́рэ́нгэ́ са́ро, со́ кэ́рдя́пэ́. ¹² И кéли ё́нэ́ скэ́дынэ́пэ́ кхэ́танэ́ годэ́пхурэ́нца, зра́кирдэ́пэ́ машкíр пэ́стэ́; ё́нэ́ ды́нэ́ бут ру́увэ́ ловэ́ халадэ́нгэ́, ¹³ ра́кири́: “Пхэ́нэн́: ‘Лэ́скирэ сы́кляибн́йтка́ явнэ́ раты́, чордэ́ Лэс, кéли амэ́ са́мас сутэ́.’” ¹⁴ И ко́ли да́ва явэ́ла джидлó́ тхэ́мэ́скирэ́ барыды́рэ́скэ́, амэ́ патя́кира́са лэ́с и зракхаса́ тумэ́н пи́ридживипна́стыр.” ¹⁵ И ё́нэ́ лы́нэ́ ру́увэ́ ловэ́ и кэ́рдэ́, сыр лэ́н сы́клякирдэ́. И ка́дая́ мавлы́н (малва) розѓия́пэ́ машкíр Юдэ́ндэ́ кэ́/жы́ко ада́дывэ́сатуно́ дывэ́с.

Исусо Сыкляибнытконэнгэ

¹⁶ Дэшукх жа сыкляибнытка гинэ дрэ Галилэя пэ бэрга, карик пхэндя лэнгэ Исусо. ¹⁷ И кэли ёнэ дыкхнэ Лэс, поклониндлэпэ Лэскэ; нэ вари-савэ на патянас. ¹⁸ На Исусо явдя и пхэндя лэнгэ; “Саро право дыно Мэнгэ, сыр пэ болыбэн, адякэ пэ пхув. ¹⁹ Палдава джан, сыклякирэн сарэ нацыи, болэн лэн дро лав Дадэскиро, Чхавэскиро и Свэнтонэ Духоскиро (Фаноскиро); ²⁰ сыклякирэн лэн тэ кэрэн саро, со Мэ припхэндём тумэнгэ. И, акэ, Мэ сом тумэнца кэ векоскиро концо (ягоро).”

Евѡнгелия Маркостыр

Шэрó 1

Иѡно Болдэипнѡри (Крестителё)

¹ Давѡ исын Евѡнгелиякиро англѡпэн (начало) Исусóскиро Христосóскиро, Дэвлэскирэ Чхавэскиро. ² Сыр исын чхиндлó дрэ Исаёскирэ-пророкоскири лылварѡ: “Акэ, Мэ бичхавѡва Мирé выкэдынэ манушэс ангѡл Тútэ, савó кэрэла дром Тúkэ: ³ Акэ, исын зан, савѡ дэла гóдла пэ чхучѡ (пусто) пхув: ‘Кэрэн дром Рáскэ-Дэвлэскэ, чхувэн Лэскэ мамúй (роúно) дром.’” ⁴ Иѡно Болдэипнари явдя пэ чхучѡ пхув, сыклякири лэн тэ рискирэн пэскиро джиибэн кэ Дэвэл ваш дова, соб (кай) Ёв тэ отмэкэл грэхѡ ангѡл болдэипэн. ⁵ И джанас кэ ёв бут манушѡ Юдэякирэ пхувьятыр и Ерусалимóстыр, ёнэ пригалёнас пэскирэ грэхѡ, и ёв болдя лэн дрэ рэка (лэнь) Иордѡно. ⁶ Иѡно сыс уридó дро урибэн верблюдытконэ балэндыр, пэ лэстэ сыс трусѡял (вокруг) трушúл цыпитко кустык, ёв хая саранча и авгѡн (мэда) вэшытконэ бэрлинендыр (пчолэндыр). ⁷ Дрэ лэскирэ-пхэныбнаскиро лав ёв ракирдѡ: “Пал мѡндэ джѡла Одовѡ, Кон исын зоралэдѡр мѡндыр, мэ на сом мол аж тэ роспхандав симирѡя Лэскирэ гэрѡтконэндыр. ⁸ Мэ болава тумэн панэса, а Ёв явѡла тэ болэл тумэн Свэнтонэ Духóса.”

Исусóскиро Болдэипэн и Налачхэскиро Пропѡтякирибэн

⁹ И сыс адякэ дрэ долé дывэсѡ: явдя Исусо Галилеякирэ Назаретостыр, и болдя Лэс Иѡно дрэ рэка (лэнь) Иордѡно. ¹⁰ И екхатыр (срѡзу), сыр Исусо выджѡлас панэстыр, Иѡно дыкхцѡя, сыр отчхакирдѡпэ болыбэн, и Дúхо (Фѡно), савó джѡлас тэлэ пэ Лэстэ сыр голумбо; ¹¹ и зан роздыпэ болыбнѡстыр: “Ту сан Мирó дрогó Чхавó! Дрэ Тútэ исын Мирѡ бари радѡма!” ¹² И екхатыр Дúхо (Фѡно) лыджѡя Лэс пэ чхучѡ пхув. ¹³ И сыс Ёв штардэшѡ дывэсѡ пэ чхучѡ пхув, Лэс пропѡтякирэлас нѡлачхо; Ёв сыс rischiрибнѡскирэ мурдалэнца (зверенца) и Янгóлы дынарѡнѡнас (служынѡнас) Лэскэ.

Пэрѡа Сыкляибнытка

¹⁴ Палó дова, сыр Иѡно сыс закэдыно, явдя Исусо дрэ Галилэя, роспхэни лав пал Евѡнгелиякиро бахталѡпэн пал Дэвлэстэ, ¹⁵ и ракирдѡ: “Подгѡя часо (цѡро) и Дэвлэскиро Кралипэн явдя пашылэдѡр; рискирэн пэскиро джиибэн кэ Дэвэл и патѡн дрэ Евѡнгелия.” ¹⁶ И сыр Ёв гѡя пашыл Галилеякиро мóрѡ (дэрьѡв), дыкхцѡя Сѡмонос и лэскирэ пшэлэс Ендрис; ёнэ сыс мачхарѡя (мачхибнарѡя) и дро давѡ часо ёнэ чхурдэнас кхудѡ (сети) дро мóрѡ (дэрьѡв). ¹⁷ И пхэндѡ лэнгэ Исусо: “Джан пал Мѡндэ, Мэ кэрѡва тумэндѡр манушэнгирэ старибнарѡен.” ¹⁸ И ёнэ екхатыр (срѡзу) ячкирдэ кхудѡ и гинэ пал Лэстэ. ¹⁹ Прогии нѡбут дурэдѡр, Ёв дыкхцѡя Яковóс и Иѡнос, чхавэн Зеведеёскирэн, ёнэ сыс бэштэ дрэ бѡрка (лодка) и кэрѡнас кхудѡ; ²⁰ Ёв екхатыр кхардѡ лэн; и ёнэ гинэ Лэса, ячкири дрэ бѡрка пэскирэ Дадэс Зеведеёс и бутѡрнэн.

Исүсо Састякирэла Насвалэн

²¹ И кэли ёнэ явнэ дро Капернаумо, Исүсо екхатыр (сразу), дро пэрво савато (субота), гия дрэ синагога тэ сыклякирэл. ²² Лэскиро ракирибэн дивиндя манушэн, Ёв сыклякирдя лэн адякэ, сыр Лэстэ сыс баро право, нэ на адякэ, сыр лылваритка (книжники). ²³ Дрэ синагога сыс мануш, дрэ савэстэ сыс налачхо дүхо (фано), и екхатыр (сразу) ёв дья годла: ²⁴ “Со Түкэ трэй амэндыр, Исүсе Назаретостыр? Ту явдян тэ хасякирэс амэн? Мэ джином (джинав), кон Ту адасаво сан, Ту сан Свэнто Дэвлэскиро!” ²⁵ “Штылёв, – зорьяса припхэндя Исүсо, – “выджа лэстыр!” ²⁶ Налачхо дүхо (фано) тринскирдя зоралэс манушэс и годласа выгия лэстыр. ²⁷ И сарэ страхэдынэ и пхучэнас екх екхэстыр: “Со да дасаво исын? Нэво сыклякирибэн и дасавэ зорьяса! Ёв аж припхэнэла налачхэ духэнгэ (фанэнгэ) и долэ кандэна Лэс!” ²⁸ Сыгэс пал Лэстэ розгияпэ зан (звесь) пир сарі Галилэя. ²⁹ И екхатыр (сразу), выгии синагогатыр, ёнэ явнэ дро кхэр Симоноскиро и Ендрискиро, Яковоса и Ианоса. ³⁰ Симоноскири сасуй сыс насвалы и пашты, латэ сыс баро хачкирибэн, и екхатыр Исусоскэ пхэндлэ пал латэ. ³¹ Ёв подгия кэ ёй, лыя ла пал васт, помогиндя тэ газдэлпэ; хачкирибэн лакиро прогия, и ёй лыя тэ дынаринэл лэнгэ. ³² Бэльвэлэ, сыр загия кхам, кэ Исүсо лынэ тэ янэн насвалэн и одолэн, конэстэ сыс налачхо дүхо (фано); ³³ и саро форо скэдыяпэ пашыл вудар. ³⁴ Дро дова дывэс Исүсо састякирдя древан бут самонэ пхарэ насвалыпнэндыр и Ёв традэлас яври налачхэ дүхи, и припхэнэлас Ёв лэнгэ тэ на ракирэн, пал-дова со ёнэ джидлэ, со Ёв сыс Христосо. ³⁵ Пэ явир злоко (ранко), уштыи ангил дывэс, Исүсо гия одорик, кай никонэс нанэ, и мангдяпэ Дэвлэскэ одой. ³⁶ Симоно жэ и явир, кон сыс Лэса, лынэ Лэс тэ родэн, ³⁷ И латхнэ Лэс и лынэ тэ ракирэн Лэскэ: “Сарэ Тут родэна!” ³⁸ Ёв лэнгэ ракирэла: “Явэн, джаса дрэ пашатунэ гава, соб (кай) Мангэ и одой тэ пхэнэв лав. Мэ ж и явдём ваш дова.” ³⁹ И Ёв пхэнэлас лав пал Дэвлэстэ дрэ синагоги пир сарі Галилэя, и традэлас яври налачхэ дүхи (фаны).

Састякирибэн Налачхэ Цыпитконэ Насвалыпнастыр

⁴⁰ Кэ Исүсо явэла мануш, саво сыс насвало проказаса: ёв пыя пэ чанга ангил Лэстэ, и мангдя: “Высастякир Ман, коли Түкэ исын пир ило.” ⁴¹ Исусоскэ яця танго (жалко) лэс: “Мангэ исын пир ило, яв састо”, – пхэндя Ёв, протырдыи васт, и чиладя лэс. ⁴² И екхатыр, сарі дукх гия криг лэстыр и ёв яця састо. ⁴³ Исүсо адай жэ екхатыр (сразу) отбичхадя лэс, палó дова, сыр припхэндя шылалэс Лэскэ, ⁴⁴ и ракирэла Лэскэ: “Никонэскэ пал дава на роспхэн; нэ джа; сыкав пэс рашаскэ, и ян свэнто дыибэн пал састякирибэн, сыр дава трэй пир Мойзаскиро Законо, дава явэла тыро допхэныбэн манушэнгэ.” ⁴⁵ Нэ ёв, выгии, екхатыр лыя тэ роспхэнэл сарэнгэ пал пэскиро састякирибэн, пал-дова ужэ Исусоскэ сыс нашты тэ сыкадёл дро форо, и Ёв ячэлэспэ пэ дова штэто, кай никонэс на сыс пал форитко кустык (граница), и мануша скэдэнаспэ кэ Ёв сарэ штэтэндыр.

Шэро 2

Исүсо Састякирэла Насвалэ Праличоса Манушэс

¹ И пир вари-кицы дывэса Исүсо нэвэстыр явдя дро Капернаумо, и прогия шуныбэн, со Ёв сыс кхэрэ. ² И скэдынэпэ бут мануша, со бутыр на сыс штэто, аж пашыл вудар и Ёв ракирдя лав лэнгэ. ³ И ёнэ явнэ кэ Ёв; штар мануша яндлэ насвалэс, савэстэ сыс праличо. ⁴ И пал-дова, со пал манушэндэ ёнэ на могоиндлэ тэ янэн лэс кэ Ёв, ёнэ роскэдынэ кхэрэскири стрэха (чхакін) дро штэто, кай Исүсо сыс тэрдó тэлал, и кэрдэ бу'гло прогиибэн, и одой ёнэ эмэкнэ матрацо, пэ саво сыс пашто праличытко. ⁵ Исүсо, дыкхи лэнгиро патяибэн, ракирэла насвалэскэ: “Чхава, отмэкэнапэ грэхи тырэ.” ⁶ Вари-кон лылваритконэндыр, саво сыс бэштэ одой, ракирэнас дрэ пэстэ: ⁷ “Со Ёв ракирэла адякэ? Ёв тэлякирэла Дэвлэс. Кон апріч Дэвлэстэ рикирэла зор тэ отмэкэл грэхи?” ⁸ Исүсо сыгэс галыя лэнгиро ракирибэн. “Со тумэ

адякэ пал дава́ думинэна дрэ тумарэ илэ?” – ракирэла Ёв лэнгэ. ⁹ Со локхэды́р тэ пхэнэс насвалэскэ: “Отмэкэнапэ түкэ грэх́и тырэ”, ци “Ушты́, лэ матрацо пэскиро и псир?” ¹⁰ Адыкэ, соб (кай) тумэ тэ джинэн, со Чхавэстэ Манушэскирестэ исын зор пэ пхув тэ отмэкэл грэх́и.” Тэды ракирэла Ёв праличытконэскэ: ¹¹ “Түкэ ракирава: “Ушты́, лэ матрацо пэскиро и джа́ дро пэскиро кхэр.” ¹² И ёв екхаты́р (сра́зу), пэ якх́а сарэндэ, ушты́я, скэды́я пэскиро матрацо и гия́ явры́. Дав́а дивинэлас сарэн, и мануша́ славинэнас Дэвлэс и ракирэнас: “Дасаво амэ ни́екхвар на дыкх́цям!”

Исусо Кхарэла Левиёс

¹³ И Исусо гия́ нэвэсты́р кэ мо́рё (дэрья́в), и пашы́л Лэстэ скэдынэпэ бут мануша́ и Ёв сыклякирдя́ лэн. ¹⁴ Прогии дурэды́р, Ёв дыкх́ця́ Левиёс, Алфеёскирэ чхавэ́с. Одова́ сыс бэштó дро мыты́тко кхэр. “Яв Ма́нца”, – ракирэла Лэскэ Исусо. Левиё ушты́я и гия́ пал Лэстэ. ¹⁵ И сыс адякэ: кэли Исусо сыс бэштó дро Алфеёскиро кхэр, бэшэнас пал скамы́нд Лэса и Лэскирэ сыкляибнытконэ́нца бут мытоскирэ скэдыибна́рья и грэхэнгирэ; сыс бут лэн, и ёнэ джа́нас Лэса. ¹⁶ И кэли вари-савэ́ Фарисиенды́р дыкх́нэ, со Ёв халас грэхэнгирэ́нца и мытоскирэ скэдыибна́рьенца, ёнэ ракирдэ́ Лэскирэ сыкляибнытконэ́нгэ: “Сóскэ Ёв х́ала мытоскирэ скэдыибна́рьенца и грэхэнгирэ́нца?” ¹⁷ Исусо шундя́ дава́ и пхэндя́: “На састэ манушэ́нгэ трэ́й састы́пнари (докто́ро), а насвалэ́нгэ. Мэ́ явдём тэ прикхара́в на патяибнытконэ́н, а грэхэнгирэ́н.”

Пал Пóсто

¹⁸ Сыкляибны́тка Ианоскирэ́ Болдэ́ипна́рискирэ́ и Фарисе́и постинэна́спэ. Вари-савэ́ подджана́с кэ Исусо́ и пхучэна́с: “Сóскэ́ Ианоскирэ́ сыкляибны́тка и Фарисиенгирэ́ постинэна́пэ, а Тырэ́ сыкляибны́тка-над?” ¹⁹ Исусо́ отпхэндя́ лэнгэ: “Ци́ могинэ́на дру́ги (мала́) Тэрнэскирэ́ тэ отпхэнэ́нпэ хабна́стыр, ко́ли ёнэ́ исын пэ́ Лэскиро́ бья́в? Пака́ Тэрно́́ исын лэ́нца, палсó́ лэнгэ́ тэ постинэ́нпэ?” ²⁰ Нэ́ явэ́на дывэ́са, кэли́ Тэрно́́ явэ́ла лыно́ криг лэ́ндыр, тэды́ ёнэ́ явэ́на тэ постинэ́нпэ дро́ дова́́ дывэ́с. ²¹ Никóн на́ чхувэ́ла пэ́ пхурано́́ урибóн нэво́́ похтаны́тко котэ́р. Пал-дова́́ со́ лё́ха (дирка́) буты́р явэ́ла. ²² Никóн на́ чхувэ́ла нэ́вй мол (вино́) дро́ пхуранэ́́ цыпитка́ гонэ́, ёй́ риско́рэла лэн́ и мол вы́тхадэ́ла и гонэ́́ хасэ́на. Тэрны́́ мол чхувэ́на дрэ́ нэвэ́́ цыпитка́ гонэ́.” ²³ Екхвар́ дро́ са́мато (субóта) Исусо́́скэ́ при́гияпэ́ тэ́ джал гивитко́нэ́ фэлдаса́. Сыкляибны́тка Лэ́скирэ́ бокхалы́нэ́ и лы́нэ́ тэ́ зрискирэ́́н коло́сы. ²⁴ И Фарисе́и ракирэ́на Лэ́скэ: “Дыкх́́, со́скэ́ ёнэ́́ кэрэ́на дова́́, со́ нашты́́ тэ́ кэрэ́н дро́ са́мато?” ²⁵ И ёв ракирэ́ла лэнгэ́: “Нау́што́́ тумэ́ на́ гиндлэ́́ дро́ Свэ́нто́́ Чхины́бэ́н, со́ кэрдя́́ крэ́ли Дави́до, кэ́ли ёв́ и лэ́скирэ́́ мала́́ бокхалы́нэ́: ²⁶ дава́́ сыс тэ́ды, кэ́ли раша́нгиро́́ барыды́ро́ сыс́́ Авиафа́ро; сы́р Дави́до́ за́гия́ дрэ́́ Кханги́ри́ и хая́́ одо́й дыи́бны́тко ма́ро, са́во́ сыс́́ нашты́́ тэ́ хал́́ никонэ́́скэ́́ а́прйч́́ раша́ндэ́́! Ёв́́ хая́́, и́́ ды́я пэ́́скирэ́́ малэ́́нгэ.” ²⁷ И ракирдя́́ лэнгэ́: “Са́мато́́ (субóта)́́ исын ва́ш́́ манушэ́́скэ́́, а́ на́́ ману́ш исын ва́ш са́мато; ²⁸ пал-дова́́ со́́ Чхаво́́ Манушэ́́скиро́́ исын Хула́й и пэ́ са́мато.”

Шэро́ 3

Исусо Састякирэла Манушэс Шукэ Вастэса

¹ Исусо́́ нэвэ́сты́р за́гия́ дрэ́́ синаго́га, и́́ сыс одо́й ма́нуш шу́кэ́ вастэ́са. ² Дрэ́́ синаго́га дыкхэ́нас ра́кхибны́ткэ́с пал́́ Лэстэ́́, соб́́ (кай)́́ тэ́ бангя́кирэ́н Исусо́́с, ци́́ на́́ састя́кирэ́лас Ёв́́ адалэ́с ма́нушэ́с дро́́ са́мато. ³ И Ёв́́ ракирэ́ла ма́нушэ́скэ́́ шу́кэ́ вастэ́са: “Ушты́́ и тэ́рдёв ма́шкира́л.” ⁴ Тэ́ньци́́ Ёв́́ ракирэ́ла лэнгэ́: “Со́ са́шты́́ [пир Зако́но-ю.о.]́́ тэ́ кэрэ́с дро́́ са́мато: ла́чхипэ́н ци́́ фуипэ́н, тэ́ ра́кхэ́с джи́ибэ́н ци́́ тэ́ ха́сякирэ́с?” Ёнэ́́ сыс́́ шты́л. ⁵ Тэ́ды Исусо́́ облы́джия́́ лэн́́ хо́ляма́́ дыкхи́бна́са, и́́ тугиндя́́ пал́́ лэ́нгирэ́́ пха́рэ́́ илэ́́, и́́ пхэндя́́́ кале́каскэ́́:

“Протырдэ тырo васт!” Ёв протырдый, и васт лэскиро яця састo сарэса.”⁶ Фарисеи выгинэ, и кхэтанэ Иродианэнца лынэ тэ кэрэн зракирибэн тэ мулякирэн Лэс.

Исусо Састякирэла пэ Брэго

⁷ Исусо сыкляибнытконэнца гинэ кэ мoрe (дэрьяв); и пал лэндэ гинэ бут манушá Галилеятыр, Юдеятыр, ⁸ Ерусалимoстыр, Идумэятыр, палэ Иорданoстыр, штэтэндэр Тирoстыр и Сидонoстыр. Шуныбэна пал дйвы, савэ кэрэлас Исусо, розлыджинэпэ, и манушá зджанаспэ кэ Ёв. ⁹ Ёв пхэндя сыкляибнытконэнгэ тэ скэдэн бáрка (лодка) Лэскэ, кóли манушá явэна тэ тасавэнпэ кэ Ёв. ¹⁰ Пал-довá, со Ёв высастякирдя бут манушэн, сарэ, савэндэ сыс насвалыпэна (фрáнсы), чхурдэнаспэ кэ Ёв, соб (кай) тэ чилавэн Лэс. ¹¹ Савэндэ сыс нáлaчxo дýхо (фáно), дыкхй Лэс, пэрэнас ангил Лэстэ пэ пхув и дэнас гóдла: “Ту сан Дэвлэскиро Чхавó!” ¹² Нэ Ёв зорьяса припхэнэлас нaлaчxó духэнгэ тэ на ракирэн пал Лэстэ.

Исусо Выхэдэла Дэшудуэн Апостолэн

¹³ Исусо газдыяпэ пэ бэрга и кхардя кэ пэ манушэн, савэн Ёв Кокорó выхэдыя, и ёнэ явнэ кэ Ёв. ¹⁴ И Ёв выхэдыя дэшудуэн, савэн Ёв кхардя Апостолэнца, соб (кай) тэ явэн Лэса, соб (кай) тэ бичхавэл лэн тэ пхэнэн Лэскиро лав, ¹⁵ соб (кай) лэндэ тэ явэл зор тэ традэн нaлaчxó дýхи: ¹⁶ гада, исын лавá адалэ дэшудуенгирэ: Симоно (лэс Исусо кхардя “Пэтри”), ¹⁷ Яково и Иоано, Зеведеёскирэ чхавэ, лэн Исусо кхардя громоскирэ чхавэ. ¹⁸ Ендри (Андрее), Филипо, Варфаламее, Матфеё, Яково (чхавэ Алфеёскирэ) Фадеё, Симоно Кананито ¹⁹ и Юда Искарियोто, савó и бикиндя Исусóс.

Исусóс Бангякирэнас, со Лэстэ исын Нáлaчxи Зор

²⁰ Исусо рисия дро кхэр; и скэдынэпэ адакицык бут манушá, со Лэскэ сыкляибнытконэнца сыс нашты аж тэ хан марó. ²¹ Кéли Исусóскири сэмэнца шундлэ пал дава, ёнэ явнэ тэ лэн Лэс, пал-довá со манушá ракирдэ: “Ёв исын на дрэ Пэскири годы.” ²² Лылваритка (кнйжники), савэ явнэ Ерусалимoстыр, допхэнэнас: “Дрэ Лэстэ исын Вельзэвуло. Ёв традэла яврий нaлaчxó дýхи нaлaчxó зорьяса.” ²³ Тэды Исусо откхардя лэн, яця примерэнца (сыкаибнэнца) тэ допхэнэл лэнгэ: “Сыр нáлaчxo мoгинэла тэ вытрадэл нaлaчxэс? ²⁴ Кóли кралипэн роскэрдо (уладо) пэ паш, ёв на явэла тэрдó. ²⁵ Кóли дрэ сэм’я (ири), сави дживэла дро кхэр, нанэ ладо (миро), дасаво кхэр на явэла тэрдó. ²⁶ Кóли нáлaчxo джáла марибнáса проти пэстэ, тэды сыр ёв мoгинэла тэ пиризорякирэл, пал-довá со лэскэ хашибэн явдя. ²⁷ И никон на мoгинэла тэ явэл кэ зоралэ-хуласкиро кхэр фэлатин и тэ обчорэл лэс, кóли ангил на пхандэла зоралэ хулáс, и коригэдыр (позжэдыр) чорэла сарó лэскирэ кхэрэстыр. ²⁸ Чачэс, Мэ ракирэва тумэнгэ: ‘Сарэ грéхи и чорé лавá отмэкэнапэ манушэскэ, савэ ёв на’ пхэнэлас; ²⁹ нэ кошыбэн пэ Свэнто Дýхо (Фáно) на отмэкэлапэ никели, грéхо дава ячэлапэ пэ далэ манушэстэ пэ сарэ бэршá.” ³⁰ Давá пхэндя Ёв, пал-довá со ёнэ ракирдэ: “Лэстэ исын нáлaчxo дýхо (фáно).”

Исусóскири Дай и Пшáла

³¹ Явнэ дай и пшáла Исусóскирэ и, тэрдий яврий, бичхадэ тэ кхарэн Лэс. ³² Пашыл Лэстэ сыс бэштэ бут манушá и пхэндлэ Исусóскэ: “Тыри дай и пшáла родэна тут яврий.” ³³ “Кон исын Мánгэ дай и пшáла?” пхуця, – Исусо ³⁴ Ёв облыджия якхэнца сарэн, кон сыс бэштэ пашыл Лэстэ и ракирэла: “Давá исын дай Мирй и пшáла Мирэ; ³⁵ Пал-довá со, кон кэрэла сарó пир воля Дэвлэскири, одовá исын Мánгэ пшал, и пхэн и дай.”

Шэрó 4

Пал Сеиныбнаристэ

¹ Исúсо нэвэстыр (нэвэс) сыклякирэлас пэ морёскиро (дэрьявэскиро) брэго; пашыл Лэстэ скэдынэпэ адакицы манушá, со Ёв бэсця дрэ барка, соб (кай) тэ явэл дро мórё (дэрьяв), а, соб (кай) сарé манушá тэ ячэмпэ пэ пхув пэ брэго. ² Исúсо сыклякирэлас лэн бутé примерэнца (сыкаибнэнца), ракирй: ³ “Шунэн! Екх гавитко выгия пэ фэлда тэ сеинэл ⁴ и сыс адякэ: кэли ёв росчхурдэлас зярки, тэды вари-савэ зярки пынэ пашыл дром. Привурняндынэ чирикля и ханэ лэн. ⁵ Явйр зярки пынэ пэ баруно штэто, кай сыс набут пхув; ёнэ баринэ упрé сыгэс, сыр на сыс хор дрэ пхув; ⁶ а кóли яця хачкирибэн кхамэстыр, ростки (шчуки) мурдалынэ (звяниндлэ) и зашутинэ, пал-довá со кóрни (рукхá) лэндэ на хор сыс. ⁷ Явйр зярки пынэ дрэ дылыны чар, дылынэ чарья баринэ упрé и замардэ лэн, и ёнэ на дынэ прибарипэн. ⁸ А явйр зярки пынэ пэ лачхй пхув, дынэ прибарипэн дрэ трийнда и дэшушовдэша и шэл мóлы!” ⁹ И Исúсо ракирдя лэнгэ: “Конэстэ исын канá, мэк тэ шунэл.”

Савó исын Смýсло дрэ Исусóскирэ Примéры (Сыкаибэна)

¹⁰ Кэли манушá розгинэпэ и Исусóса ячнэпэ дэшудуй и явйр манушá, савэ шундлэ Лэс, ёнэ пхучнэ Лэстыр, со значынэна далé примеры (сыкаибэна)? ¹¹ И Ёв ракирдя лэнгэ: “Гарадэ чачипэнá Дэвлэскирэ Кралипнаскирэ дынэ тумэнгэ. Нэ кон исын дурал Кралипнастыр, одолэнгэ ракирэлапэ примерэнца (сыкаибнэнца). ¹² Ёнэ дыкхэна якхэнца, и на дыкхэна, ёнэ шунэна, и на галёна; а кóли ёнэ рискирэнас пэскиро джиибэн кэ Дэвэл, тэды ёнэ явэнас примангнэ.”

Исúсо Роспхэнэла Смýсло дрэ Примéры (Сыкаибэна)

¹³ Дурэдыр ракирэла Ёв: “Наушто и тумэ на галёна дава́ примéро (сыкаибэн)? Сыр тумэ тэды галёна сарé примеры (сыкаибэна)? ¹⁴ Сеиныбнаскиро чхувэла дрэ пхув Дэвлэскиро лав. ¹⁵ Исын манушá, савэ исын сырбы дай зярка пашыл дром. Сыр фэни (то́ка) ёнэ шунэна лав, то явэла на́лачхо и чорэла лэс лэндэр. ¹⁶ Исын адасавэ манушá, савэ исын сырбы дай зярка, савй посеиндлы пэ баруно штэто: ёнэ шунэна лав и екхатыр (срáзу), акэ, прилёна лэс радымáса. ¹⁷ А адякэ, сыр кóрни (рукхá) хор лэндэ нанэ, тэды ёнэ сыс сарэса надлэнга. Кóли пал прилыно лав ёнэ дыкхэна традыпэн и пхарипэн, ёнэ мэкэна лав екхатыр. ¹⁸ Явйр зярки, савэ почхудэ дрэ дылыны чар, исын сырбы манушá, савэ шунэна лав: ¹⁹ нэ кажно дывэсы́тко кошыбэн, хohaибэн пал барвалыпэн, явйр мысли пэ ило́ явэна и мурдякирэна дрэ лэндэ лав и кэрэна лэс бибарьякирдонэскирэса. ²⁰ Зярки, савэ почхудэ пэ лачхй пхув, исын сырбы манушá, савэ шунэна лав, прилёна лэс и дэна прибарипэн дрэ трийнда и дрэ шовдэшá и дрэ шэл мóлы.”

Пал Момолы́

²¹ Исúсо пхэндя лэнгэ: “Кóли захачкирэна момолы, на чхувэна ла тэл пирискирды пирй ци тэл чхуибэн? Наушто на чхувэна ла дро шандало (подсвечнико)? ²² Пал-довá со нисó нанэ чорахано; соб (кай) тэ на явэл бицялó (дыцьло), нисó нанэ счхакирдо, соб (кай) тэ на выджал пэ дуд (свэто), пэ якхá манушэнгэ. ²³ Конэстэ исын канá, мэк тэ шунэл!” ²⁴ И ракирдя лэнгэ: “Рипирэн миштó дава́, со тумэ каканá шунэна: савья́са мераса тумэ меринэна, адякэ тумэн явэна тэ меринэн и ишчо (инкэ) бутыр. ²⁵ А конэстэ исын, одолэскэ ишчо (инкэ) явэла дыно́, а конэстэ нанэ, одолэстыр явэла отлыно и довá набут, со исын.”

Примéро (Сыкаибэ́н) пал Зя́рка

²⁶ Исúсо ракирдя дурэдыр: “Дэвлэскиро Кралипэн исын сырбы екх мануш, саво сеинэла фэлда; ²⁷ и раты мануш исын сутó, пэ злоко (пэ ранко) уштэла, и проджана (накхэна) дывэса, зярки газдэнапэ и барьёна, а мануш кокорó на джинэла, сыр дава сарó кэрэлапэ. ²⁸ А пхув кокори барьякирэла. Ангил сыкадэла ростко (шчуко), тэньчи колосо, колосо пхэрдэла зяркаса. ²⁹ Кóли зярка выпяинэла, явэла счхиныбэн, тэды гавитко явэла серпоса (чхиндлэса) тэ чхинэл.”

Примéро (Сыкаибэ́н) пал Гарчы́чно Зя́рка

³⁰ Исúсо ракирэлас дурэдыр: “Сóса сашты (можно) тэ роўнинас Дэвлэскиро Кралипэн? Савэ примероса (сыкаибнаса) сашты лэс тэ сыкавас? ³¹ Ёв исын сыр гарчычно зярка, сави исын най тыкнэдыр сарэ зяркэндэр пэ пхув, и мануш чхувэла ла дрэ пхув, ³² Нэ кели ёй выбырьёла, тэньчи явэла барэдыр явирэндэр барьякирдонэ раслинэндэр. Тэл лакирэ барэ рандя чирикля могоинэна тэ кхувэн гнязды (кúфы) дрэ ранденгири зэр (тенё).” ³³ Адыкэ примерэнца (сыкаибнэнца) Исúсо сыклякирдя манушэн пэ адакицы, пэ кици ёнэ могоиндлэ тэ галён; ³⁴ би примерэнгино Ёв сарэса на сыклякирдя, нэ кели Ёв ячэласпэ екхджинó пэскирэ сыкляибнытконэнца, Ёв сарó пирипхэнэлас лэнгэ.

Исúсо Штылякирэла Штормó

³⁵ Дро дова дывэс, бэльвэлé, Исúсо пхэндя Ппэскирэ сыкляибнытконэнгэ: “Пириджаса пэ явир риг.” ³⁶ И кели ёнэ отмэкнэ манушэн, ёнэ лынэ Лэс пэса дрэ дая-паць барка, кай Исúсо сыс; и явир барки сыс Лэса. ³⁷ И, акэ, пэ мóрё (дэрьяв) газдыпэ зоралы балвал. Пани марэлас зоралэс пир баркакиро борто и зачхувэлас ла. ³⁸ Исúсо дро дова часо сыс сутó пэ корма, чхуви шэрандуны тэл шэрó. Сыкляибнытка джангавэнас Лэс, и пхэндлэ Лэскэ: “Сыклякирибнаскиро! Тукэ со, усаёкх исын, со амэ хасёваса?” ³⁹ Исúсо уштыя, припхэндя балвалэжэ тэ на пхурдэл и пхэндя валнэнгэ: “Штыл! Пириячэн!” И балвал штылыя и яця дивно штылыпэн. ⁴⁰ “Нэ, со тумэ страхадынэ? – пхэндя Ёв лэнгэ, – кай исын тумарó патяибэн?” ⁴¹ Пиристрахадэ сыкляибнытка пхучэнас екх екхэстыр: “Нэ кон Ёв исын адасавó, со и балвал и мóрё (дэрьяв) Лэс кандэна?”

Шэрó 5

Исúсо Састякирэла Манушэс, Савэстэ сыс Налачхэ Дúхи (Фáны)

¹ Исúсо и Лэскирэ сыкляибнытка явнэ пэ явир морёскири риг пэ штэто Гадарино. ² Сыр Исúсо выгия баркатыр пэ брэго, адай жэ ангил Лэстэ магилытконэ коплицэндэр выгия мануш, савэстэ сыс налачхо дúхо (фáно). ³ Адава мануш дживдя машкир коплицы. И никон на могоинэлас тэ пхандэл лэс аж зандирьенца (цэпэнца) ⁴ Пал-дова со бут мóлы лэс пхандэнас пир васта и гэрá зандирьенца и вастытконэ састырэнца, и кажно мóло ёв розрискирэлас лэн. Ёв сыс адасавó зоралó, соб (кай) тэ зрикирэн лэс. ⁵ Дывэсэ и раты, ёв псирэлас пир коплицы и бэрги, и годласа марэлас пэс пир бара. ⁶ Ёв дурал дыкхця Исусóс, подпрастандыя кэ Ёв и пыя пэ чангá ангил Лэстэ; ⁷ и дыя годла зоралэс: “Со Тукэ трэй мандыр, Исúсе, Най Вучэдырэскиро Дэвлэскиро Чхавó! Совлахá Дэвлэса, со на мэнчынэса Ту ман?” ⁸ Пал-дова со Исúсо припхэндя налачхэ духоскэ: “Джá яври адалэ манушэстыр, налачхо дúхо (фáно)!” ⁹ Исúсо пхуця: “Сыр тут кхарэна?” “Легионо – пхэндя одовá, – пал-дова со амэн исын бут.” ¹⁰ Ёв лыя древán тэ мангэл Исусóс тэ на вытрадэл налачхэ дúхи далэ штэтостыр. ¹¹ Пашыл бэрга дро дава часо чарадэпэ бут балычэ, ¹² налачхэ дúхи помангнэ Исусóс: “Мэк амэн тэ заджас дрэ балычэндэ.” ¹³ Исúсо екхатыр (тотчас) домэкця, соб (кай) налачхэ дúхи (фáны) тэ выджан адалэ манушэстыр и тэ заджан андрé дрэ

балычэндэ. Сарэ пашэ дуй барá (тысёнцы) шэрэ екхатыр (срáзу) чхурдынэпэ брэгоскирэ крутыматыр дро пани́ и тасадынэ. ¹⁴ Балычэнгирэ чараибнарьá тэды попрáстандынэ пир штэтытка гавá тэ роспхэнэн пал дова́, со кэрдя́пэ. Э манушá гинэ́ тэ дыкхэн, со кэрдя́пэ. ¹⁵ И явэ́на кэ Исусо́ и дыкхэ́на, со ману́ш, савэ́с рикирдя́ на́лaчxo дýхо (фа́но), сыс бэ́штó дро урибэн, дрэ пэскири годы́; кодова́-паць, дрэ савэ́стэ сыс бут на́лaчxэ́ дýхи. Ёнэ́ сарэ́ пиристрахадынэ. ¹⁶ И манушá, савэ́ дыкхнэ́ дава́ саро́, роспхэнэ́нас, сыр саро́ сыс духэнца́ и балычэнца. ¹⁷ И ёнэ́ лынэ́ тэ мангэн́ Исусо́с, соб (кай) Ёв́ тэ джал ќриг лэнгирэ́ штэто́стыр. ¹⁸ Кéли Исусо́ бэ́шэлáс дрэ ба́рка, тэды ману́ш, савэ́стыр сыс вытрадынэ́ на́лaчxэ́ дýхи, мангэлáс Исусо́с тэ лэл лэс Пэ́са. ¹⁹ Нэ́ Исусо́ на дýя лэ́скэ́ тэ джал пал Лэ́стэ. “Джа́ кхэрэ́ – ракирэ́ла Ёв́ лэ́скэ́”, – и роспхэн́ сарэнгэ́, со тýса кэрдя́ Рай Дэвэл́, саво́ лачхипэн́ Ёв́ тýкэ́ кэрдя́ и сыр потангиндя́ тут.” ²⁰ И ёв́ гия́ и яця́ тэ роспхэнэл́ дрэ Дэшуфоря́, со кэрдя́ лэ́скэ́ Исусо́. Сарэ́ дивиндлэ́пэ.

Патывалэ́-Тэрнэ́-Джувля́киро Отдждия́кирибэн́ и Насвалэ́-Джувля́киро Састя́кирибэн́

²¹ Кéли Исусо́ рисия́ палэ́ пэ́ явир́ риг дрэ ба́рка, кэ́ Ёв́ скэ́дынэ́пэ́ бут манушá. Ёв́ яця́пэ́ пэ́ брэ́го. ²² И явэ́лас Иаиро́, екх́ барыдырó синагогатыр, и, сыр дыкхця́ Исусо́с, ²³ то пы́я кэ́ Лэ́скирэ́ гэрá, и яця́ тэ мангэл́ Лэ́с: “Мири́ чхай́ мэрэ́ла, яв́ и чхув́ упрэ́ вастá пэ́ латэ́, соб (кай) ёй́ тэ высастёл́ и тэ́ дживэл́!” ²⁴ И Ёв́ (Исусо́) гия́ лэ́са; пал Лэ́стэ́ гинэ́ бут манушá, тасави́ Лэ́с. ²⁵ И сыс́ джувлы́, сави́ дэшуду́й бэрш́ сыс́ насвалы́ ратвалы́пна́са, ²⁶ ёй́ вырикирдя́ бут, пал-дова́ со састя́кирэ́ласпэ́ бутэндэ́ састы́пнарьэндэ́ (докторэндэ́), розды́я пэ́ састя́кирибэн́ бут ловэ́, а замéст фэ́дырипэн́, ла́киро насвалы́пэн́ яця́ фуедыр́. ²⁷ Кéли ёй́ шундя́ пал Исусо́стэ́, ёй́ подгия́ кэ́ Ёв́ палалэ́стыр машкёр́ манушэн́дэ́ и чиладя́ Лэ́скиро урибэн́; ²⁸ “Кóли Мánгэ́ екх́ урибэн́ Лэ́скиро́ тэ́ чилава́в, тэды́ мэ́ высастё́вава́с”, – ракирдя́ ёй́; ²⁹ и ада́й жэ́ ла́киро рат́ пирия́ця́ тэ́ джал, и ёй́ шундя́ дро пэ́скирэ́ масá, со ёй́ састия́ пэ́скирэ́ насвалы́пна́стыр. ³⁰ Исусо́ екх́атыр́ галы́я, со́ Лэ́стыр́ выгия́ зор, Ёв́ рисия́ и пху́ця: “Кон́ чиладя́ Миро́ урибэн́?” ³¹ И Лэ́скирэ́ сыкляибнýтка́ ракирдэ́ Лэ́скэ́: “Трусця́л (кругом) Тýтэ́ исын́ ада́кицы́ манушá и Ту́ пхучэ́са, кон́ Тут́ чиладя́?” ³² Исусо́ облы́джия́ манушэн́ дыкхи́бна́са, соб (кай) тэ́ дыкхэл́, кон́ дава́ кэрдя́. ³³ А́ джувлы́, сыр́ галы́я, со́ сыс́ лáса́ и триинскири́ дарáтыр, подгия́, пы́я кэ́ Лэ́скирэ́ гэрá и роспхэн́дя́ саро́ чачипэн́. ³⁴ Ёв́ пхэн́дя́ ла́кэ: “Чха́е́ Мири́! Патя́ибэн́ тырó́ зракхця́ тут! Джа́ бахтя́са, яв́ састы́ тырэ́ насвалы́пна́стыр.” ³⁵ Па́ка Исусо́ ракирдя́ джувля́са, явнэ́́ синагога́кирэ́-барыдырэ́скирэ́ Иаиро́скирэ́ кхэрэ́стыр́ манушá, савэн́́ бичхадэ́, и ракирэ́на́ Лэ́скэ́: “Чхай́ Тыри́ мы́я, палсо́́ ишчо́ (инкэ́) тэ́ пхарья́кирэ́с Сыкля́кирибна́скирэ́с?” ³⁶ Нэ́ Исусо́, сыр́ шундя́ дова́, со́ ракирдэ́, пхэн́дя́ синагога́кирэ́ барыдырэ́скэ́: “На́ анды́рша, фэ́ни (то́ка) патя́!” ³⁷ И Ёв́ на́ домэ́кця́ никонэ́с тэ́ джал Лэ́са, а́прич́ Пэ́тристэ́, Яковостэ́ и лэ́скирэ́ пшалэ́стэ́ Ианостэ́. ³⁸ И, акэ́, ёнэ́́ явнэ́́ дро Иаиро́скиро́ кхэр́ и одóй́ дыкхнэ́́ пхэрдó́ манушэн́, машкёр́ савэн́дэ́ сыс́ шумо́́ годлэнца́; ёнэ́́ годлэ́нас, и рондлэ́́ ясвэнца́. ³⁹ Сыр́ Ёв́ за́гия́ дро́ кхэр́, то́ пхэн́дя́ лэнгэ́: “Палсо́́ тумэ́́ кэрэ́на́ шумо́́ и ровэ́на; патывалы́́ тэрны́́ джувлы́́ на́ мы́я, ёй́́ исын́́ суты́.” ⁴⁰ И ёнэ́́ сандлэ́́пэ́ Лэ́стыр. Исусо́́ пхэн́дя́ сарэнгэ́́ тэ́ джа́н́ яври́, нэ́́ Кокорó́ Ёв́́ патывалэ́́-тэрнэ́́-джувля́кирэ́́ дадэнца́́ и тринэ́́ сыкляибнýтконэнца́́ за́гия́́ дрэ́ штýба́, кай́́ патывалы́́ тэрны́́ джувлы́́ сыс́ пашты́. ⁴¹ Лыи́́ ла́ пал́ васт, Исусо́́ пхэн́дя́ патывалэ́́ тэрнэ́́ джувля́кэ́: “Талита́́ куми́!” (Со́́ значы́нэ́ла́ Романэ́с: “Тэрны́́́ Джувля́́е, Тýкэ́́ ракира́́ва, ушты́́!”). ⁴² Патывалы́́ тэрны́́́ джувлы́́́ екх́атыр́́ ушты́́я́ и яця́́ тэ́ псирэл́́; ла́кэ́́ сыс́́ дэшуду́й́ бэрш́́. И сарэ́́ екх́атыр́́ ячнэ́́́ штыл́́́ дивостыр́́. ⁴³ Исусо́́ шы́лалэ́́с при́пхэн́дя́́ лэнгэ́́́ никонэ́́скэ́́ тэ́ на́́ ракирэ́н́́ пал́́ дава́́, со́́ сыс;́́ а́ патывала́́-тэрня́́-джувля́́́ пхэн́дя́́ тэ́́ ча́лякирэ́н́́.

Шэрó 6

Джиибнáрья Назаретóстыр нá Прилэна Исусóс

¹ И Исусóс гия одотхýр и явдя палэ дро пэскиро фóро, катыр Ёв сыс родоса; и Лэскирэ сыкляибнýтка гинэ пал Лэстэ. ² Кéли явдя сáвато (субóта), Ёв лыя тэ сыклякирэл дрэ синагога; сарé шундлэ Лэс и дивиндлэпэ: “Катыр Лэстэ сарó дава́ исын? Катыр исын дасави́ бари годý? Сыр Ёв кэрэла дасавé дýвы Пэскирэ вастэнца! ³ Ци дава́ на Ёв исын скаминдáри, Марьякиро чхавó, а пшáла Лэстэ Яково, Ёза, Юда и Сýмоно? И пхэня́ Лэскирэ исын ада́й.” Давá холякирдя лэн. ⁴ И Исусóс пхэндя́ лэнгэ: “Манушá кутиякирэна (патывакирэна) пророкэн на пэ пэскири пхув, дро пэскиро кхэр и машкёр пэскирэ сэмэнцэндэ” ⁵ На Ёв на могиндя́ тэ кэрэл одóй барé дýвы пал лэнгиро напатяибэн, на гины нáбут насвалэн, пэ савэндэ Ёв чхувэлас упрé вастá и высастякирдя лэн. ⁶ Ёв дивиндяпэ долэстыр, со дрэ лэндэ нанэ патяибэн. И Ёв яця́ тэ псирэл пир пашатунé гавá тэ сыклякирэл.

Исусó Бичхавэ́ла Дэшудуэ́н Апостолэ́н

⁷ Ёв кхардя́ кхэтанé Дэшудуэ́н сыкляибнýтконэн и бичхадя́ лэн пир дуендэ; дыи лэнгэ зор тэ традэн яврий нalachхé дýхи; ⁸ и дыя́ лэнгэ, акэ, савó припхэныбэн: “На лэн пэса нисó, aprич дэстó; ни хабэн, ни гонó, ни ловé пал кусты́к, ⁹ а тэ урьен цуру́ли (цэндали), и на лэн пэса дуй гада. ¹⁰ И Ёв ракирдя́ дурэдýр лэнгэ: “Карик тумэ́ тэ на заджанас дро кхэр, ячэ́нпэ одóй, пака тумэ́ джána криг долé фopóстыр; ¹¹ и кóли тумэн на прилэна, ци на закамэна тэ шунэн, тэды джáн яврий, стринскирэн блáта тумарé гэрэндýр сыр допхэныбэн ваш лэнгэ.” ¹² И ёнэ гинé и ячнэ́ тэ пхэнэн лав манушэ́нгэ пал рисибэн грэхэндýр кэ Дэвэл. ¹³ И ёнэ традэна́с яври нalachхé дýхи и састякирэна́с бутé насвалэн, чхуви оливýтко дзэт пэ лэндэ.

Ианóскирэ-Болдэипна́рискиро Мэрибэ́н

¹⁴ И шундя́ крáли Иродо пал дава́, пал-довá со Исусóскиро лав яця́ джиндлó; и манушá ракирдэ: “Иáно Болдэипна́ри отджидýя мулэндýр, и палдава́ лэстэ исын дасави́ зор. ¹⁵ А явйр ракирдэ; “Давá исын Илйá.” А трита ракирдэ: “Адава́ исын екх гаратунé пророкэндýр.” ¹⁶ Кéли Иродо шундя́ далé ракирибэ́на, ёв пхэндя́: “Иáно, савэ́скэ мэ отчингирдём шэрó, отджидýя мулэндýр.” ¹⁷ Пал-довá со Иродо кокорó припхэндя́ тэ лэн Ианос и тэ чхувэн лэс дро штарибэн пал Иродиадатэ, лэскирэ-пшалэскирэ Филипоскирэ ромня́тэ, конэ́с ёв лыя палорóм. ¹⁸ Пал-довá со Иáно ракирдя́ Иродоскэ: “Тýкэ нашты́ тэ лэспэ пэскирэ-пшалэскирэ ромня́са.” ¹⁹ Иродиада рикирдя́ холы́ пэ Ианостэ́ и родэлас сашты́пэн (возможность) тэ хасякирэл лэс, нэ ёй на могиндя́, ²⁰ пал-довá со Иродо дардя́пэ Ианóстыр и раххэлас лэс; Иродо джиндя́, со Иáно сыс чачунó и свэнто ману́ш; бут далэстыр, со ракирдя́ Иáно, зачхувэлас Иродос тэ задуминэлпэ, и Иродо усаэкх мангдя́ тэ шунэл лэс. ²¹ Нэ сыг, акэ, дасаво дывэ́с явдя́, кéли Иродостэ́ сыс бияныпнýтко дывэ́с, ёв кхардя́ пэ свэнко пэскирэ барвалé пашатунé ран, тысёнцэнгирэ-халадытконэ́ барыдырэн и самонэ́ патывалé манушэн дрэ Галилэя, ²² тэды Иродиадакири чхай́ загия́ и адя́кэ кхэлдя, со кокорó Иродо и лэскирэ гости явнэ́ дрэ бари ра́дыма; и крáли пхэндя́ раклорья́кэ: “Пхуч, со тýкэ исын пир илó? Сарó тýкэ мэ́ дава́!” ²³ И ёв совлахадя́ лáкэ: “Манг мандýр дова́, со тýкэ исын пир илó, сарó тýкэ отда́ва! Аж кэ паш миро кралипэн!” ²⁴ Ёй выгия́ кэ дай тэ пхучэл, со тэ мангэл. “Манг Ианоскирэ-Болдэипна́рискиро шэрó”, – сы́гэс пхэндя́ одоя. ²⁵ И ада́й жэ раклы рисия муршканэ́с кэ крáли и мангдя́: “Мангав, соб (кай) ту каканá мангэ́ тэ дэс Ианоскирэ-Болдэипна́рискиро шэрó пэ чарó.” ²⁶ Крáли зоралэ́с лыя́ дро шэрó пэскэ́, нэ тэ отпхэнэл лáкэ на закамдя́, адя́кэ сыр ёв дыя́ совлáх ангил сарэндэ́, кон сыс пал скаминд. ²⁷ И екхатыр (срáзу) крáли бичхадя́ катос и припхэндя́ лэскэ́ тэ янэл Ианоскиро шэрó. И ёв гия́ и отчингирдя́ шэрó лэскэ́ дро штарибэн, ²⁸ и яндя́ Лэскиро шэрó пэ чарó и отдыя́ лэс

раклорьякэ; а раклори пэскирэ дакэ. ²⁹ Кéли Ианоскирэ сыкляибнýtка угалынэ пал дава́, ёнэ явнэ́, закэдынэ лэскиро трупó и гарадэ́ лэс.

Исýсо Чалякирэла Пандж Тысёңцы Манушён Панджэ Марёңца и Дые Мачхёңца

³⁰ Апóсто́лы скэдынэпэ кэ Исýсо, и роспхэндлэ́ Лэскэ сарó, со ёнэ кэрдэ́, пал со ёнэ сыклякирэнас манушён. ³¹ И Ёв пхэндя́ лёнгэ: “Джáн пэ биманушэнгиро штéто, тумёнгэ трэй тэ явён екхджинэ и тэ откхинён.” Пал-дова́, со сыс одóй бут манушá, савэ́ явёнас и джáна́с, лёндэ́ на сыс аж часо́ тэ хан. ³² И ёнэ отпльивиндлэ́ (дынэ́ плі́ма дурэдыр) пэ́ барка (лодка) пэ́ штéто, кай никонэ́с на сыс. ³³ Нэ́ манушá дыкхнэ́, со ёнэ дурьё́нас, и бут уджиндлэ́ пал дава́ и прастанас одорі́к сарэ́ форьёндыр и явнэ́ ангил лёндэ́. ³⁴ Кéли Исýсо выгйя́ пэ́ брэго́ и дыкхця́ бут манушён, Ёв потангиндя́ лэн, пал-дова́ со ёнэ сыс сыр бакрjá би чхупна́рискиро; и Ёв яця́ лэн тэ сыклякирэ́л. ³⁵ Сыр явдя́ бэ́львэ́ль, сыкляибнýtка подгинэ́ кэ Исýсо и ракирэ́на: “Га́да, ужэ́ барó часо́ и штéто ада́й исын биманушэнгиро. ³⁶ Отмэк манушён, мэк ёнэ́ тэ́ джáн дрэ́ пашатунэ́ гавá, соб (кай) тэ́ кинэн пэ́скэ́ вари-со хабна́стыр.” ³⁷ Нэ́ Исýсо отпхэндя́: “Тумэ́ дэн лёнгэ́ тэ́ хан.” Сыкляибнýtка газдынэ́пэ: “Нау́што Ту мысли́нэса́ дро́ ило́, соб (кай) амэ́ тэ́ заки́нас марó пэ́ дуйшэ́ла́ дина́рии тэ́ дас тэ́ хан адалэ́ манушёнгэ́?” ³⁸ “Ки́цы́ тумёндэ́ исын лабы́ марó?, – пхучэ́ла Исýсо, джáн, дыкхён.” Ёнэ́ гинэ́, угалынэ́, и ракирэ́на: “Пандж марэ́ и дуй мачхэ́.” ³⁹ Исýсо пхэндя́ тэ́ бэ́шлякирэ́н манушён рядёңца́ пэ́ зэлэ́но чар. ⁴⁰ Сарэ́ бэ́шнэ́ дрэ́ ряды́ пир пандждэ́ша́ и пир шэ́л манушá. ⁴¹ Исýсо лы́я пандж марэ́ и дуй мачхэ́, газды́я́ якхá пэ́ болыбён́ и бахтякирдя́ хабён, и пхагирдя́ лабы́ марó и лы́я тэ́ пири́дэл сыкляибнýtконёнгэ́ и одолэ́ роздэ́нас манушёнгэ́; и роскэ́рдя́ Ёв дуй мачхэ́ пэ́ сарё́ндэ́. ⁴² Сарэ́ ханэ́ и чалынэ́. ⁴³ И ёнэ́ скэдынэ́ дэшуду́й корзй́ны (кхудэ́) марэ́са́ и мачхёңца́ котэ́рэндыр (кускёндыр), со́ ячнэ́пэ. ⁴⁴ И сыс пандж тысёңцы́ му́ршá, савэ́ ханэ́ лабы́ марó.

Исýсо Джáла пир Пани́

⁴⁵ Екхáтыр (сра́зу) палó дава́ Исýсо припхэндя́ Пэ́скирэ́ сыкляибнýtконёнгэ́ тэ́ бэ́шён дрэ́ барка́ тэ́ пири́пльвинэн (дэ́нас плі́ма пирдал) пэ́ явй́р риг кэ́ Вифсаи́да, пака́ Ёв отмэкэ́ла манушён. ⁴⁶ И кéли Ёв розя́цяпэ́ и отмэкця́ манушён, то́ гия́ упрэ́ пэ́ бэ́рга тэ́ мангэ́лпэ́ Дэвлэ́скэ. ⁴⁷ И кéли явдя́ бэ́львэ́ль, барка́ сыс машкира́л мо́рэ́ (дэ́рьяв), а Исýсо сыс екхджино́ пэ́ брэго́. ⁴⁸ И сыр Ёв дыкхця́, со ёнэ́ гребинэ́нас вёслёңца́ (ровленца́) пир зор, пал-дова́ со балва́л сыс пэ́ лёндэ́ – сыс машки́р трй́то и штáрто мардо́ (штýнда) ратя́киро, га́да, Ёв лы́я тэ́ джал кэ́ ёнэ́, штави́ндой пир мо́рэ́ (дэ́рьяв); и Ёв мысли́ндя дро́ ило́ тэ́ проджал пашэ́ лёндэ́ дурэды́р, ⁴⁹ нэ́ кéли ёнэ́ дыкхнэ́, со Ёв джáла пир мо́рэ́ (дэ́рьяв), ёнэ́ думиндлэ́ (дынэ́ годы́ пэ́скэ́), со дава́ сыс зданки́ и задынэ́ го́дла. ⁵⁰ Пал-дова́ со ёнэ́ сарэ́ дыкхнэ́ Лэс и страха́дынэ́; а Исýсо екхáтыр лы́я тэ́ ракирэ́л лёңца́: “Рикирэ́нпэ́ му́ршканэ́с, дава́ сом Мэ́. На анды́ршан!” ⁵¹ И Ёв за́гий андрэ́ кэ́ ёнэ́ дрэ́ барка́, и балва́л шты́лыя. Ёнэ́ сыс древа́н здивиндлэ́; ⁵² пал-дова́ со ёнэ́ ишчо́ (инкэ́) на галынэ́́ дй́во марэ́са, лёңгирэ́ илэ́ сыс пхарэ́́ тэ́ галён.

Исýсо Састякирэ́ла Насвалён дро́ Генисаре́то

⁵³ И кéли ёнэ́ пири́пльвиндлэ́ (дэ́нас плі́ма пирдал) пэ́ явй́р риг пэ́ Генисаре́тоскири́ пхув, ёнэ́ тэрди́нэ́ кэ́ брэго́. ⁵⁴ Сыр ёнэ́ гинэ́ яврі́ баркаты́р, манушá екхáтыр угалынэ́ Исусо́с; ⁵⁵ ёнэ́ прастандой об́гинэ́ пир сарэ́́ штэ́ты и сыг кэ́ Исýсо лы́нэ́ тэ́ янён насвалён пэ́ матра́цы одорі́к, кай ёнэ́́ шундлэ́, со Исýсо сыс. ⁵⁶ И кай Ёв тэ́ на явэ́лас дрэ́ фо́рья́ ци́ дрэ́ гавá, манушá чхувэ́нас насвалён пэ́́ штэ́ты́ яврі́ [таргитка́ штэ́ты-ю.о.] и мангэ́нас Лэс тэ́ мэкэ́л лэн и мэк фё́ни (хоць) тэ́ чилавэ́н Лэ́скиро урибён; сарэ́, кон чилавэ́нас, одолэ́́ высастё́нас.

Шэрó 7

Гаратунó Юды́тко Сыкляибэ́н пал Жужó и Нájужо

¹ Екхвар явнó Фарисеи и вари-савó лылваритконэндýр, савó явнó Ерусалимóстыр, и скэдынэпэ пашы́л Лэ́стэ. ² И дыкхнэ, со вари-савó Лэ́скирэ сыкляибны́тка хана “мэлалэ вастэнца”, со значынэла, “на мóри вастá.” ³ Рэндо (дело) дро дова́, со сарé Фарисеи и сарé Юды пририкирэнпэ кэ пхурэнгирэ-шэралэнгирэ присыкляибэ́на: ёнэ на бэшэна тэ хан, пака на выморна вастá, ⁴ и кэли ёнэ явэ́на таргостыр, ёнэ на бэшэна тэ хан, пака на выморэна вастá; сыс и бут явир припхэныбэ́на тэ ра́кхэн: тэ морэн тахтай (чаши), мусэра (стаканы) и харкунé (медитка) пирья; ⁵ палдовá Фарисеи и лылваритка пхучнэ Исусóстыр: “Сóскэ Тырэ сыкляибны́тка на кэрэна пир гаратунé-манушэнгирэ присыкляибэ́на? Сóскэ ёнэ хана марó намордэ вастэнца?” ⁶ И Ёв пхэндя лэнгэ: “Чачипэн пхэндя прорóко Исаё, сыр ёв ракирдя́ пал тумэндэ, дуемуйтконэндэ: ‘Адалé манушá кутякирэна ман пэ лава́, а чачунэс илэ лэнгирэ исын дур Мандыр; ⁷ лэнгиро кутякирибэн Мánгэ нисó на мол. Ёнэ сыклякирэна дова́, со манушá придуминдлэ.’” ⁸ Тумэ ячкирдэ припхэныбэ́на Дэвлэ́скирэ и кэрэна фэ́ни (то́ка) пир манушы́тка присыкляибэ́на. ⁹ Тумэ шука́р могоинэна тэ отпарувэн Дэвлэ́скирэ припхэныбэ́на пэ пэскирэ присыкляибэ́на”, – ракирдя́ Исусо. ¹⁰ Мóйза ж пхэндя: “Кутякир дадэс пэскирэс и пэскирья́ да”, и, “Кон ракирэла нашукар пэ дадэстэ пэскирэстэ ци датэ, тэ мэрэл адава́ мануш. ¹¹ Нэ тумэ сыклякирэна, со ко́ли манушэстэ исын вари-со тэ помогинэл лэ́скирэ да́кэ ци дадэскэ и ёв пхэнэла: ‘Давá исын Корбано (дава́ значынэла, со дава́ исын даро Дэвлэ́скэ)’, ¹² тэды тумэ далэса самонэса сыклякирэна манушэн тэ на кэрэн бутыр нисó ваш пэскирэ дадэнгэ, ¹³ тумэ отпарувэна далэса Дэвлэ́скиро лав пэскирэ присыкляибнэнца , и дасавэ примеры (сыкаибэ́на) сашты́ тэ явэн тэ дав бут.” ¹⁴ И Исусо нэвэстыр кхардя́ кэ Пэ манушэн и пхэндя: “Шунэн Ман и сарé причхувэн зор тэ галён: ¹⁵ Нисó далэстыр, со джáла андрé яврэстыр дрэ манушэстэ, на могоинэла тэ кэрэл манушэс нажужэса; нажужэса манушэс бутэды́р кэрэла дова́, со джáла яври́ лэстыр.” ¹⁶ [Конэстэ исын канá, мэк тэ шунэл!-ю.о.] ¹⁷ И кэли Ёв мэкця́ лэн и гия́ дро кхэр, Лэ́скирэ сыкляибны́тка пхучнэ Лэ́стыр пал примéро (сыкаибэ́н). ¹⁸ И Ёв пхэндя лэнгэ: “Наушто и тумэ ишчо (инкэ) на галёна? Нисó, со джáла андрé яврэстыр дрэ манушэстэ, на могоинэла тэ кэрэл лэс нажужэса, ¹⁹ пал-дова́ со, дава́ джáла андрé на дро ило́ Манушэ́скиро, а дрэ лэ́скиро кужум и джáла яври́ лэстыр.” (Далé лавэнца Исусо ракирэла, со ка́жно хабэн исын жужó). ²⁰ И Ёв ракирдя́: “Дова́, со выджáла манушэ́стыр, кодова́ кэрэла манушэс нажужэса; ²¹ пал-дова́ со манушэ́скирэ илэ́стыр выджáна налaчхэ думы́, напатяибэн дрэ сэм’я (ири́), чорибэн, замарибэн, ²² блэндо, сквапныма, фротыма, холы́, ладжавэ рэнды, якхало, пхутькирибэн, дылныпэн. ²³ Сарó дава́ фуипэн джáла яври́ манушэ́стыр, и кэрэла лэс мэлалэса.”

Джувля́киро Патяибэ́н

²⁴ И уштыи, Исусо гия́ одотхыр дрэ Тироноскирэ штэты. И кэли загия́ Ёв дро кхэр, Ёв на мысліндя дро ило́, соб (кай) вари-кон тэ джинэл, со Ёв одóй сыс; нэ Ёв на могоиндя́ тэ гарадёл. ²⁵ Мавлы́н (малва), со явдя́ Исусо, розгия́пэ сы́гэс, и кэ Ёв явдя́ джувлы́, савья́кирэ чхатэ сыс на́лaчхо дýхо (фа́но). Ёй явдя́ и пы́я кэ Лэ́скирэ гэ́ра; ²⁶ адая́ джувлы́ сыс гречанка (баламица) Сирофиниянка́кирэ родóстыр и яця́ тэ мангэл Исусóс тэ вытрадэл на́лaчхо дýхо (фа́но) чхатыр. ²⁷ И Ёв ракирдя́ ла́кэ: “Мэк англэды́р тэ чаля́кирэн чалэс биятэн, пал-дова́ со на шука́р тэ лас криг марó биятэндýр и тэ чхурдас джуклэнгэ.” ²⁸ Нэ ёй отпхэндя́ и пхэндя́ Лэ́скэ: “Чачó, Раё Дэ́вла, нэ и джукэла тэл ска́минд хана биятэнгирэ котэ́ра, со бияты́ мэкэ́на.” ²⁹ И Ёв пхэндя́ ла́кэ: “Пал дава́ лав, джа́; выгия́ на́лaчхо дýхо (фа́но) тырэ́ чхатыр.” ³⁰ Ёй рисия́ кхэрэ, и чхай ла́кири сыс пашты́ дро чхуибэ́н, на́лaчхо дýхо (фа́но) выгия́ ла́тыр.

Исүсо Састякирдя Кашукэс

³¹ И нэвэстыр Исүсо выгия Тироноскирэ штэтэндир пирдал Сидоно кэ Галилеякиро мórё (дэрьяв) пэ Дэшуфорьенгири пхув. ³² Одóй кэ Исүсо яндлэ кашукэс и, савó ракирэлас пхарэс и мангнó Лэс тэ чхувэл вастá пэ лэстэ. ³³ Исүсо лыджия лэс дрэ риг, чхудя андрэ пэскирэ ангушта (пальцы) лэскэ дрэ канá. Тэньци Ёв чунгардыя и чиладя лэскири чиб, ³⁴ и газдыя ёв якхá кэ болыбэн, пхарэс дыя гондя (дыкхниндя дрэ пэстэ) и пхэндя манушэскэ: “Еффата!” (Со значынэла: “Откэрпэ”). ³⁵ И лэскирэ канá откэрдэпэ, и лэскири чиб лыя шукáр и яснэс тэ ракирэл. ³⁶ Исүсо припхэндя лэнгэ тэ на роспхэнэн пал дава никонэскэ. Нэ, со бутыр Ёв припхэнэлас, адякэ ёнэ бутыр розлыджанас мавлын. ³⁷ И ёнэ зоралэс дивиндлэпэ и ракирдэ: “Сарó шукáр, со Ёв кэрдя, Ёв аж кашукэн и бичибитконэн высастякирдя.”

Шэрó 8

Исүсо Чалякирэла Штар Тысёнцы Манушэн

¹ Дрэ дола дывэсá, кэли нэвэстыр сыс бут манушá, и манушэнгэ адалэнгэ на сыс нисó тэ хан, Исүсо кхардя сыкляибнытконэн и пхэндя: ² “Мáнгэ исын танго (жалко) адалэн манушэн, ёнэ трин дывэсá исын Мánца и лэндэ на яцяпэ хабэн; ³ кóли Мэ розмэкава криг лэн пир кхэрá бокхалэнца, ёнэ пир дром вымарэнапэ зорьятыр, пал-довá со бут лэндэр явнó дурáл.” ⁴ “А сыр амэ адай пэ дасаво штэто, кай нисó нанэ, латхаса адакицы марó, соб (кай) сарэн тэ чалякирас?” – отпхэндлэ сыкляибнытка. ⁵ “Кицы тумэндэ исын лабы марó?” – пхуця тэды Исүсо. “Эфтá (битринэнгиро дэш)”, – пхэндлэ сыкляибнытка. ⁶ Тэды Исүсо пхэндя сарэнгэ тэ бэшэн пэ пхув, лыя эфтá лабы, парикирдя Дэвлэскэ пал дава, пхагирдя марó и лыя тэ пиридэл лэн сыкляибнытконэнгэ, а одолэ роздэнас марó манушэнгэ. ⁷ Латхнэпэ лэндэ и набутка мачхэ; Исүсо парикирдя Дэвлэскэ пал лэндэ и пхэндя сыкляибнытконэнгэ тэ роздэн лэн. ⁸ Сарэ ханэ и чалынэ и котэрá, савэ ячнэпэ, ёнэ скэдынэ дрэ эфтá корзыны (кхудэ). ⁹ Сарэн, кон хая, сыс штар тысёнцы манушэн. Тэньци Исүсо розмэкця манушэн, ¹⁰ И екхатыр Ёв бэсця дрэ бáрка и кхэтанэ сыкляибнытконэнца явдя кэ Далмануфакирэ штэты.

Трэбима дро Диво

¹¹ Одóй кэ Исүсо подгинэ Фарисеи и лынó тэ допхэнэн Лэскэ. Лэнгэ трэиндя тэ ухтылэн Лэс дро лав и ёнэ трэбиндлэ Лэстыр гертык (знамэниё), соб (кай) тэ спробинэн Лэс. ¹² Исүсо хор дыя гондя и пхэндя: “Палсó адалэ манушá трэбинэна дивы? Ракирава тумэнгэ чачипэн: ни сави гертык тумэнгэ на явэла.” ¹³ Ёв ячкирдя лэн, нэвэстыр бэсця дрэ бáрка и дыяпэ пэ явир риг.

Фарисеэнгирэ и Иродэнгирэ Дрожджы (Хумэр)

¹⁴ И сыкляибнытка бистырдэ тэ лэн пэса марó, лэндэ дрэ бáрка сыс екх мариклы. ¹⁵ Пир дром Исүсо лэнгэ припхэндя: “Дыкхэн, ракхэнпэ Фарисеэнгирэ рошчынатыр (закваскатыр) и краліскирэ Иродоскирэ рошчынатыр.” ¹⁶ И лынó ёнэ тэ роздуминэн машкір пэстэ: “Палсó да Ёв ракирэла пал дрожджы? Наушто палдовá, со амэ на лыям пэсо марó?” ¹⁷ Исүсо уджиндя дава, пхэндя лэнгэ: “Ракирибэн на пал дова, со тумэ на лынó марó. Наушто усаэкх тумэ каканá на дыкхэна, и на галёна? Наушто илэ тумарэ сарэса зашутинэ? ¹⁸ Наушто, кóли тумэндэ исын якхá, тумэ усаэкх на дыкхэна? Исын канá, тумэ усаэкх на шунэна? А сыр жа тумэ на рипирэна. ¹⁹ Кóли Мэ пхагирдём пандж марэ пэ пандж тысёнцы манушэндэ, кицы пхэрдэ корзыны (кхудэ) котэрэнца тумэ скэдынэ?” “Дэшудуй”, – ракирэна Лэскэ. ²⁰ “Нэ кóли Мэ эфтá (битринэнгиро дэш) лабэнца чалякирдём штар тысёнцы манушэн, кицы пхэрдэ кхудэ котэрэнца тумэ скэдынэ?” “Эфтá”, – пхэндлэ ёнэ Лэскэ. ²¹ Исүсо пхэндя: “Нэ сыр жа тумэ усаэкх на галёна?”

Исусо Састякирэла Корорэс дрэ Вифсайда

²² Ёнэ явнэ дрэ Вифсайда; кэ Исусо яндлэ корорэс, и мангнэ Лэс, соб (кай) Ёв тэ чилавэл лэс. ²³ Исусо лыя корорэс пал васт, лыджия гавэстыр, чунгардя пэ лэскирэ якхэ, чхудя васта упрэ пэ лэстэ и пхуця: “Дыкхэса вари-со?” ²⁴ Одова подыххця трусцял (кругом) и ракирэла: “Дыкхава манушэн; ёнэ псирэна сырбы кашта (дрэвы).” ²⁵ Исусо ишчо (инкэ) экхвар чхудя васта лэскэ пэ якхэ, одова мануш подыххця кучэс и састия, ёв яця тэ дыкхэл саро яснэс и шукар! ²⁶ Исусо бичхадя лэс кхэрэ припхэныбнаса: “Нэ джэ палэ дро гав и на ракир ни конэса одой.”

Пэтрискиро При галыибэн Исусоскэ

²⁷ Исусо сыкляибнытконэнца гинэ Галилеятыр дрэ гавэ Кесариякирэ Филипоскирэ. Пир дром Исусо пхуця Пэскирэ сыкляибнытконэндэр: “Пал конэстэ Ман прилэна мануша?” ²⁸ Сыкляибнытка отпхэндлэ Лэскэ: “Екх ракирэна, со Ту сан Иано Болдэипнари; явир ракирэна, со Ту сан Илия; трита, со Ту сан екх гаратунэ пророкэндэр.” ²⁹ “А тумэ пал конэстэ Ман гинэна?” И Пэтри отпхэнэла Лэскэ: “Ту сан Христосо.” ³⁰ И Исусо припхэндя шылалэс лэнгэ тэ на ракирэн ни конэскэ пал дава.

Исусо Ракирэла пал Мэньки, Савэ Явэна Лэскэ

³¹ И Исусо лыя тэ сыклякирэл лэн, со Манушэскирэ Чхавэскэ явэна даранэ мэньки, со Лэс на пригалэна годэпхурэ и рашангирэ барыдыра, со Ёв явэла мулякирдо, и пир трин дывэса Ёв отджидэла. ³² Ёв мамуй (прямэс) ракирэлас пал дава. И Пэтри кхардя Лэс дрэ риг и лыя тэ выракирэл Лэс. ³³ Исусо рисия и дыкхця Пэскирэ сыкляибнытконэн и припхэндя шылалэс Пэтрискэ: “Криг Мандыр, налачхо! Ту думинэса пал манушытко, а на пал Дэвлытко.” ³⁴ И Ёв кхардя манушэн и Пэскирэ сыкляибнытконэн и пхэндя лэнгэ: “Конэстэ исын пэ ило тэ джал пал Мандэ, мэк тэ отпхэнэлпэ пэстыр, мэк тэ лэл трушул пэскиро и тэ джал пал Мандэ. ³⁵ Пал-дова со, кон мыслинэла дро ило джиибэн пэскиро тэ зракхэл, одова хасякирэла лэс, и кон отдэла джиибэн пэскиро пал Мандэ и пал Евангелия – одова зракхэла лэс. ³⁶ Нэ савэ лачхипэн явэла манушэскэ, коли лэстэ явэла саро, со лэскэ трэй далэ свэтостыр, а ёв хасякирэла пэскиро вечно джиибэн. ³⁷ Наушто сашты (могинэла) тэ явэл пэ свэто вари-со, со исын кучэдыр пэскирэ вечнэ джиибнастыр? ³⁸ Кон кадава грэхитконэ и биладжаипнытконэ родостыр ладжала Мандыр и лавэндэр Мирэндэр, одолэстыр и Чхаво Манушэскиро ладжала, кели явэла дрэ Дадэскирэ – Пэскири ярко слава свэнтонэ Янголэнца.”

Шэро 9

¹ И Ёв ракирдя лэнгэ: “Чачэс, Мэ ракирава тумэнгэ: адай исын тэрдэ вари-савэ, савэ на мэрэна, пака ёнэ дыкхэна, сыр явэла Дэвлэскиро Кралипэн дрэ сары Лэскири зор.”

Христососкиро Паруибэн

² Пир шов дывэса Исусо лыя Пэса Пэтрис, Яковос и Ианос и яндя лэн пэ вучи бэрга. Одой пэ якхэ сыкляибнытконэндэ Ёв парудыя: ³ Лэскиро урибэн яця дрэван парно, парнэдыр кажнонэ парныпнастыр дро свэто, со морибнаскиро (сукновало) могинэла тэ кэрэл. ⁴ Тэньци сыкадынэ Илия и Мойза, и ячнэ тэ ракирэн Исусоса. ⁵ Пэтри пхэндя Исусоскэ: “Равви, амэнгэ адай исын адякэ шукар! Кэраса адай трин шатры: екх Тукэ, екх Мойзаскэ и екх Илияскэ.” ⁶ Даратыр ёв кокоро на джидя, со ракирдя, пал-дова со ёнэ сыс дрэ бари дар. ⁷ Нэ адай жа сыкадыя облоко, чхакирдя лэн и облокостыр роздыапэ зан!: “Кадава исын Миро дрого Чхаво, Лэс шунэн!” ⁸ И сарэ екхатыр обдыкхнэ пашыл и на дыкхнэ никонэс, априч

екхэ Исусостэ лэнца. ⁹ Кéли ёнэ джана́с тэлэ бэргатыр, Исусо ангилприпхэндя лэнгэ, соб (кай) ёнэ ни конэскэ тэ на ракирэн, со ёнэ дыкхнэ, пака Чхаво Манушэскиро на отджидёла мулэндыр. ¹⁰ Ёнэ раххнэ дава́ дрэ пэстэ, а машки́р пэстэ бут мо́лы ракирдэ пал дава́, сыр тэ галён Лэскирэ лава́ ‘отджидёла мулэндыр’. ¹¹ И пхучэна́с Лэстыр, ракири́: “Соскэ ж лылваритка (книйжники) ракирэна, со Илия́ англэды́р сыс банго́ (мусиндя) тэ явэл?” ¹² И Ёв отпхэндя лэнгэ: “Чачо́, со Илия́ англэды́р сыс банго́ тэ явэл и тэ кэрэл саро́ нэвэстыр, сыр и исын чхиндло́ пал Чхавэ́стэ Манушэскирэ́стэ, со приявэлапэ́ Лэскэ́ бут тэ пирилыджал мэньки, и со Ёв явэла́ ладжакирдó? ¹³ Нэ́ Мэ́ ракира́ва тумэнгэ, со Илия́ ужэ́ явдя́, и мануша́ кэрдэ́ Лэ́са, со сыс пэ́ ило́ лэндэ́, сыр дава́ и сыс чхиндло́ пал лэ́стэ.”

Тэ́рнэ-Бэ́ршэнгирэ́скиро́ Састякири́бэн, Савэ́с Рикирдя́ На́лачхо́ Ду́хо (Фа́но)

¹⁴ Кéли ёнэ явнэ́ палэ́ кэ́ сыкляибны́тка, тэ́ньчи дыкхнэ́ пашы́л лэндэ́ бут манушэ́н и лылваритконэ́н, савэ́ допхэнэ́нас лэнгэ́. ¹⁵ И екхаты́р (сра́зу), кэ́ли сарэ́ мануша́ дыкхнэ́ Лэ́с, ёнэ́ дивиндлэ́пэ зоралэ́с, лы́нэ тэ́ подпра́стан кэ́ Ёв тэ́ дэн “добри́дим” Лэ́скэ. ¹⁶ “Пал со́ тумэ́ допхэнэ́на екх́ екхэ́скэ?” – пху́ця Исусо́ лэндыр. ¹⁷ И екх́ ману́ш отпхэндя́ Лэ́скэ: “Сыклякири́бна́рискиро́, мэ́ янде́м кэ́ Ту ми́рэ чхавэ́с, дрэ́ лэ́стэ за́гий на́лачхо́ ду́хо (фа́но) и чхаво́ на ракирэ́ла. ¹⁸ И кай́ на́лачхо́ ду́хо (фа́но) лэ́с тэ́ на ухты́лэл, то́ ёв ра́вэла лэ́с тэлэ́, адава́ ману́ш мэ́кэла пена́ мо́стыр, ёв скре́жытынэ́ла дандэ́нца и ячэ́лапэ́ сыр кашт. И а́дякэ́ мэ́ ракирдэ́м Ты́рэ сыкляибны́тконэ́нгэ, соб (кай) ёнэ́ тэ́ вытра́дэн дава́ на́лачхо́ ду́хо (фа́но) яври́, нэ́ ёнэ́ на ды́нэ ра́да. ¹⁹ Исусо́ отпхэндя́ ка́дасавэ́ лавэ́нца: “О, на́патяибны́тко ро́до! Ки́цы Ма́нгэ́ тэ́ явав тумэ́нца? Ци́ бут Ма́нгэ́ тэ́ вы́рики́рав тумэ́н? Я́нэ́н лэ́с кэ́ Мэ́!” ²⁰ Тэ́ньчи ёнэ́ яндлэ́ лэ́с кэ́ Ёв. И кэ́ли ёв дыкх́ця́ Лэ́с, екхаты́р на́лачхо́ ду́хо (фа́но) зоралэ́с трински́рдя лэ́с, и ёв пы́я пэ́ пхув и ра́дяпэ́, и мэ́кэлас пена́ мо́стыр. ²¹ И пху́ця Исусо́ лэ́скирэ́ да́дэ́стыр: “Сы́р гара́ (длу́гэс) дава́ кэ́рэлапэ́́ лэ́са?” И ёв пхэ́ндя: “Ты́кныбна́стыр. ²² И ча́стэс ду́хо чхурдэ́лас лэ́с дрэ́ яг и дро́ пани́ тэ́ ха́сякирэ́л лэ́с. Нэ́ ко́ли ту́ дэ́са ра́да тэ́ кэ́рэс ва́ри-со, мэ́к тэ́ явэл ту́кэ́ пэ́ ило́ тэ́ дэ́с ва́ст амэ́нгэ.” ²³ О Исусо́ пхэ́ндя́ Лэ́скэ: “Ко́ли ту́ мо́гинэ́са тэ́ па́тыс на́бут, саро́ мо́гинэ́ла тэ́ явэл ко́долэ́скэ, ко́н па́тыла. ²⁴ Екхаты́р (сра́зу) тэ́рнэ-бэ́ршэнгиро́ да́д ды́я го́дла и пхэ́ндя́ я́свэ́нца: “Раё́ Дэ́вла! Мэ́ па́ты́ва, мо́го́гин Ми́рэ на́патяибна́скэ!” ²⁵ Кéли Исусо́ дыкх́ця́, со́ мануша́ лы́нэ тэ́ пра́стан кэ́ дава́ штэ́то, ёв шы́ляки́рдя на́лачхо́ ду́хо (фа́но), пхэ́ни́ лэ́скэ: “Ду́хо (Фа́но) кашу́ко и му́то (не́мо), мэ́ при́пхэ́нава ту́кэ́, тэ́ джа́с кри́г лэ́стыр, и, соб (кай) бу́тыр тэ́ на за́джас!” ²⁶ Тэ́ньчи на́лачхо́ ду́хо (фа́но) ды́я го́дла, трински́рдя зоралэ́с лэ́с и ги́я кри́г лэ́стыр. И адава́ ману́ш я́ця сы́рбы му́ло, па́лдава́ бут мануша́ пхэ́ндлэ́: “Ёв и́сын му́ло.” ²⁷ Нэ́ Исусо́ лы́я тэ́рнэ-бэ́ршэнгирэ́с па́ло ва́ст, мо́го́гиндя́ (ды́я ва́ст) тэ́ га́здэлпэ́ и одо́ва ушты́я пэ́ гэ́ра. ²⁸ Кéли Исусо́ за́гий дро́ кхэ́р, Лэ́скирэ́ сыкляибны́тка екх́́ пэ́ екх́́ пхучнэ́́ Лэ́стыр: “Соскэ́ амэ́ на мо́гиндя́м тэ́ вы́трада́с на́лачхо́ ду́хо (фа́но)?” ²⁹ И Ёв пхэ́ндя́ лэнгэ́: “Даса́во ду́хо (фа́но) вы́традэ́лапэ́́ фэ́ни (то́ка) ма́нгипна́са и по́стоса.”

Исусо́ Ракирэ́ла пал Пэ́скиро́ Мэ́рибэ́н

³⁰ Исусо́ и сыкляибны́тка ги́нэ́ пэ́скэ́ далэ́ штэ́то́стыр и ги́нэ́ пи́рдал Га́лиле́я. Исусо́ при́чху́дя зор тэ́ кэ́рэ́л а́дякэ́, соб (кай) мануша́ тэ́ на джи́нэ́н, кай́ Ёв сы́с. ³¹ Пал-до́ва со́ Ёв сы́кляки́рдя́ Пэ́скирэ́ сыкляибны́тконэ́н, и пхэ́ндя́ лэнгэ́: “Чхавэ́с Манушэ́скирэ́с здэ́на дрэ́ ма́нушэ́нгирэ́ ва́ста́, и ёнэ́ му́лякирэ́на Лэ́с; и му́ляки́рдо Ёв отджидё́ла пи́р трин дывэ́са.” ³² Нэ́ ёнэ́ уса́екх на́ га́лынэ́ далэ́ ла́ва, а тэ́ пхучэ́н Лэ́стыр да́ра́ндынэ́.

Ко́н и́сын Ба́рэды́р?

³³ И ёнэ́ явнэ́ дро́ Ка́перна́умо. Кéли Исусо́ сы́с дро́ кхэ́р, Ёв пхучэ́ласпэ́ лэндыр: “Пхэ́нэ́н, па́л со́ тумэ́ дэ́нас ду́ма пи́р дро́м?” ³⁴ Ёнэ́ ж сы́с шы́л; па́л-до́ва со́ пи́р дро́м раки́рдэ́ екх́́ екхэ́́са, ко́н и́сын на́й ба́рэды́р машки́р лэндэ́? ³⁵ Исусо́ бэ́сця́, скэ́ды́я лэ́н тру́сця́л (во́круг)

Пэстэ и ракирэла: “Кон выкэдэла тэ явэл англатуно, одова мэк тэ явэл палатуно и бутярно ваш сарэнгэ.” ³⁶ Ёв лыя тыкнэ биятос (чхаворэс) пэ васта, облыя лэс, чхудя лэс машкирал и пхэндя лэнгэ: ³⁷ “Кон прилэла кэ пэ екхэс адасавэ биятос ваш Миро лав, одова и Ман прилэла, а кон прилэла Ман, одова прилэла Одолэс, Кон бичхадя Ман?”

Кон нанэ проти Амэндэ, Одова исын пал Амэндэ

³⁸ Иано пхэндя Исусоскэ: “Сыклякирибнаскиро! Амэ дыкхцям манушэс, саво Тырэ лавэса вытрадэла налачхэ дүхи (фаны) и амэ лэскэ пхэндям тэ пириячэл, пал-дова со ёв на сыс амэнца.” ³⁹ “На запхэнэн Лэскэ, – пхэндя лэнгэ Исусо, – кон Мирэ лавэса кэрэла диво, одова на могоинэла тэ пхэнэл чорипэн пэ Мандэ. ⁴⁰ Кон исын пал амэндэ, одова нанэ проти амэндэ. ⁴¹ Кóли вари-кон дэла тумэнгэ тахтай (чаша) шылалэ панэса, ваш Миро лав, пал-дова со тумэ сан Христососкирэ, чачэс Мэ ракирава тумэнгэ: ёв на хасякирэла отдыибэн Дэвлэстыр. ⁴² И кон злыджала кэ грэхо адасавэн тыкнэн, савэ патяна дрэ Мандэ, тэды фэдыр явэлас лэскэ тэ урьел сывитко (мельнично) бар пэ мэн и тэ чхурдэн лэс дро морёскиро (дэрьявэскиро) хорипэн. ⁴³ Кóли тырö чачö васт злыджала кэ грэхо тут, чингир криг лэс. Фэдыр явэлас түкэ тэ заджас дро джибэн екхэ вастэса, сыр дүе вастэнца тэ заджас дро люно (адо), дрэ яг, со ниэкхвар на мурдэла. ^[1] ⁴⁵ И кóли тырö гэрöй злыджала кэ грэхо тут, чингир криг ла. Фэдыр явэлас түкэ тэ заджас дро джибэн лангалэса, сыр дүе гэрэнца тэ чхурдэн тут дро люно. ^[2] ⁴⁷ И кóли тырö якх злыджала кэ грэхо тут, вылэ ла. Фэдыр явэлас түкэ тэ заджас дро Дэвлэскиро Кралипэн екхэ якхаса, сыр дүе якхэнца тэ чхурдэн тут дро люно, ⁴⁸ кай исын кирмо, саво хала лэн, саво на мулэла, и яг, сави хачкирэла лэн, со на мурдэла. ⁴⁹ Ягаса и лонд лондякирэла кажно свэнто дыибэн (жэртва). ⁵⁰ Лонд исын куч, нэ кóли лонд ячэла би лондыпнаскиро, соса лондякирэса лонд палэ? Тэ явэл лонд дрэ тумэндэ, и тэ явэн тумэ дро раманё (миро) екх екхэса!”

9:43 ^[1] 44“Стихо нанэ дро Юдытко оригинало.”

9:45 ^[2] 46“Стихо нанэ дро Юдытко оригинало.”

Шэрö 10

Исусо Ракирэла пал Выгиибэн Палором и Розгиибэн

¹ И уштыи, Исусо гия криг долэ штэтэндир, и явдя пал Иордано дрэ Юдэя; и нэвэстыр кэ Исусо скэдынэпэ мануша, и Ёв сыклякирдя лэн пир Пэскиро сыкляибэн. ² И явнэ кэ Ёв Фарисеи тэ пропатыкирэн Лэс, и пхучнэ Лэстыр: “Пхэн амэнгэ, ци сашты (можно) муршэскэ тэ мэкэл пэскирэ ромня?” ³ И Ёв отпхэндя лэнгэ и пхэндя: “Со Мойза (Моисеё) припхэндя тумэнгэ?” ⁴ И ёнэ пхэндлэ: “Мойза дэлас воля муршэскэ тэ чхинэл лыл пал розгиибэн и тэ мэкэл ла.” ⁵ Нэ Исусо пхэндя лэнгэ: “Ёв чхиндя дава припхэныбэн пал тумарэ холямэ илэ. ⁶ А дро англыпэн (начало), сыр Дэвэл создэлас свэто, Ёв создыя муршэс и джувля. ⁷ Палдава мэкэла мануш пэскирэ дадэс и да, и ёв явэла тэ дживэл пэскирэ ромняса; ⁸ и явэна ёнэ сыр екх лоч (плоть); пал-дова со ёнэ исын каканá на дуй, а екх лоч. ⁹ Пал-дова со Дэвэл чхудя кхэтанэ, мэк адава мануш тэ на розмарэл.” ¹⁰ И дро кхэр сыкляибнытка нэвэстыр пхучнэ Лэстыр пал дава. ¹¹ И пхэндя Ёв лэнгэ: “Кóли кон мэкэла пэскирэ ромня и лэла явирья, одова кэрэла биладжаипэн пэвонэ ромнякэ; ¹² и кóли ёй кокори розджалапэ пэскирэ ромэса и выджала палором пал явирэстэ, тэды ёй кэрэла биладжаипэн.”

Исусо Бахтякирэла Чхаворэн

¹³ И ёнэ янэнас кэ Исусо тыкнэ биятэн, соб (кай) Ёв тэ чилавэл лэн; а сыкляибнытка кошлэ лэн [на домэкэнас-р.с.] ¹⁴ Нэ кэли Исусо дыкхця дава, Ёв холясыя и пхэндя: “Мэкэн

чхаворэн кэ Мэ; и на тэрдён пэ дром лэндэ, пал-дова со Кралипэн дро Болыбнаскиро Раё явэла лэнгиро. ¹⁵ Чачэс, ракирава тумэнгэ: кон на прилэла Кралипэн дро Дэвлэскиро Раё, адякэ сыр дава биято, одова на заджала дро Кралипэн.” ¹⁶ И Ёв облыя биятэн, чхудя упрэ васта пэ лэндэ, и бахтякирдя лэн.

Пал Барвалюкостэ

¹⁷ Нэ кэли Исусо выджалас дро дром, кэ Ёв подпрастандыя мануш, пыя пэ чанга ангил Лэстэ и пхуця: “Дро́го Сыклякирибнаскиро! Со мангэ тэ кэрав, соб (кай) тэ дорэсав паш дро вечно джи́ибэн?” ¹⁸ “Палсо ту кхарэса ман ‘Дро́го?’” – пхэндя Исусо. ‘Дро́го исын екх Дэвл. ¹⁹ Ту джине́са припхэныбэна: ‘На замар, на кэр биладжаипэн, на чор, на совлахá хоханэс (пэфроми), на хохав, кутякир дадэс и да.” ²⁰ “Сыклякирибнаскиро, – отпхэндя и пхэндя пэ дава мануш, – саро дава мэ зракхцём чхавори́пнастыр.” ²¹ Исусо ласкаса подыкхця пэ лэстэ и ракирэла: “Тукэ екх на ухтылла (надоси): джа, розбикин саро пэскиро барвалыпэн, и роздэ ловэ чорорэнгэ, тэды тутэ явэла кучипэн пэ болыбэн; тэньчи яв, джа пал Мандэ.” ²² Мануш яця смэнтно (скучно) далэ лавэндыр, и гия дрэ риг пхарэ минаса: пал-дова, со Ёв сыс древан барвалó. ²³ Исусо лыджия трусцял и пхэндя Пэскирэ сыкляибнытконэнгэ: “Сыр пхаро явэла барвалэскэ тэ заджал дро Кралипэн дро Дэвлэскиро Раё.” ²⁴ Сыкляибнытка страха́дынэ Лэскирэ лавэндыр, а Исусо нэвэстыр отпхэндя лэнгэ, ракири: “Чхаворалэ! Сыр исын пхаро тэ заджан дро Кралипэн дро Дэвлэскиро Раё одолэнгэ, кон патяла зоралэс дро барвалыпэн. ²⁵ Давá локхэдыр верблюдоскэ тэ проджал пир сувьякиро кан, сыр барвалэскэ тэ заджал дро Кралипэн дро Дэвлэскиро Кралипэн.” ²⁶ Сыкляибнытка ишчо (инкэ) бутыр дивиндлэпэ и лынэ тэ пхучэн екх екхэстыр: “Кон да мого́нэла тэды тэ зракхэлпэ?” ²⁷ Исусо подыкхця пэ лэндэ и пхэндя: “Манушэнгэ дава нашты́ апрйч Дэвлэстэ. Дэвлэскэ саро сашты́.” ²⁸ Пэтри тэды лыя тэ ракирэ́л Лэскэ: “Амэ саро ячкирдям и гиям пал Тутэ.” ²⁹ Исусо пхэндя: “Чачэс, Мэ ракирава тумэнгэ: Нанэ никонэс, кон ячкирдя кхэр, ци пшалэн, ци пхэнен, ци дадэс, ци да, ци чхаворэн, ци фэлды ваш Мангэ и ваш Евангелия, ³⁰ конэстэ на явэлас дрэ шэл мо́лы бутыр долэстыр, со лэндэ исын дро дава джи́ибэн: кхэра́, пшалэн, пхэнен, даен, чхаворэн, фэлды, нэ кхэтанэ сарэса и традыпэна, а дро англатуно́ джи́ибэн ёнэ дорэсэна (долэна) вечно джи́ибэн. ³¹ А бут англатунэ, явэна палатунэ, а палатунэ – англатунэ.”

Исусо Ракирэла Тры́то Мо́ло пал Пэскиро Мэрибэн

³² Ёнэ сыс дро дром кэ Ерусалимо; Исусо гия ангил сыкляибнытконэндэ, савэ джана́с дрэ дар, адякэ-паць сыр и мануша́, савэ джана́с пал Лэстэ. Ёв кхардя́ дрэ риг Пэскирэн дэшудуен сыкляибнытконэн и лыя тэ ракирэ́л лэнгэ пал дова́, со трэиндя́ Лэса тэ явэл: ³³ “Амэ джаса пашылэдыр кэ Ерусалимо, и Чхаво́ Манушэскиро явэла здыно раша́нгирэ барыдырэнгэ и лылваритконэнгэ: ёнэ засэндинэна Лэс пэ марибэн и здэна Лэс Наюдэнгэ; ³⁴ ёнэ явэна тэ санпэ холя́мэс, и тэ чунгардэн пэ Лэстэ, тэ марэн Лэс чупняса и мулякирэна Лэс, нэ пир трин дывэса́ Ёв отджидёла.”

Яковоскиро и Ианоскиро Мангипэн (Патери)

³⁵ И джана́ пашылэдыр кэ Исусо Яково и Иано́, дуй Заведее́скирэ чхавэ́, и ракирэна́ Лэскэ: “Сыклякирибнаскиро, амэ мыслина́са дро ило́, соб (кай) Ту тэ кэрэс ваш амэнгэ дова́, пал со амэ мангаса́ Тут.” ³⁶ Ёв пхэндя лэнгэ: “Со исын тумэнгэ пир ило́, соб (кай) Мэ тэ кэрав ваш тумэнгэ?” ³⁷ “Дэ во́ля амэнгэ дро Тыро́ Кралипэн тэ бэшас екхэскэ пир чачо́ и явирэскэ пир зэрво́ (лёво) васт Туты́р”, – пхэндлэ ёнэ Лэскэ. ³⁸ “Тумэ ко́корэ на джине́на, со тумэ мангэна́”, – пхэндя лэнгэ Исусо. “Нау́што тумэ мого́нэна тэ пьен дава́ тахтай́, саво́ Мэ пъява́, и тэ болэ́нпэ болдэипна́са, савэ́са Мэ бо́лавапэ?” ³⁹ “Могина́са”, – отпхэндлэ ёнэ Лэскэ. Тэды Исусо пхэндя лэнгэ: “Тэ пьен тахтай́ (чаша), саво́ Мэ пъява́, и тэ болэ́нпэ болдэипна́са, савэ́са Мэ сом болдо́, тумэ́ явэна; ⁴⁰ нэ тэ дав во́ля тумэнгэ тэ бэшэн пир чачо́ и пир зэрво́

васт Мандыр, – дава́ исын на дрэ́ Мирі́ зор; далэ́ штэ́ты исын кодо́лэ́нгэ, конэ́скэ ё́нэ исын пригото́виндлэ́.” ⁴¹ Кéли яв́ір дэ́ш сы́кляибны́тка шундлэ́ пал дава́, ё́нэ хо́лясынэ́ пэ́ Яко́востэ́ и Иа́ностэ́. ⁴² Исúсо кхард́я лэ́н и раки́рэла: “Тумэ́ джінэ́на, со кодо́лэ, савэ́н гинэ́на пал барэ́ рандэ́ пэ́ Наю́дэ́ндэ, рики́рна зор тэ́ хула́инэ́н пэ́ лэ́ндэ, и лэ́нгирэ́ барэ́ рая́ хула́инэ́на пэ́ лэ́ндэ: ⁴³ нэ́ мэ́к дава́ тэ́ на явэ́л машќір тумэ́ндэ. Одо́ва, кон камэ́ла тэ́ явэ́л най́ барэ́ды́р машќір тумэ́ндэ, мэ́к тэ́ явэ́л дына́ри тумэ́нгэ, ⁴⁴ и кон камэ́ла тэ́ явэ́л пэ́рво машќір тумэ́ндэ, мэ́к тэ́ явэ́л писха́ри сарэ́нгэ. ⁴⁵ Адя́кэ и Чха́во́ Манушэ́скиро́ явд́я на ваш до́ва, соб (кай) Лэ́скэ́ тэ́ дына́ринэ́н (тэ́ служы́нэ́н), нэ́ соб (кай) Ё́в ко́ро́ тэ́ дына́ринэ́л и тэ́ оддэ́л Пэ́скиро́ джи́ибэ́н, сыр вы́киныбэ́н пал бутэ́ндэ.”

Исúсо Састякирэ́ла Корорэ́ Вариме́ёс

⁴⁶ И ё́нэ явнэ́ дро́ Ерихо́но. Кéли Исúсо вы́джалас́ Ерихо́ностыр Пэ́скирэ́ сы́кляибны́тконэ́нца и бутэ́ манушэ́нца, ко́ро́ро бо́го Варти́меё, Тиме́ёскиро́ чха́во́, сыс бэ́штэ́ пашы́л дро́м. ⁴⁷ И, сыр Ё́в шунд́я, со дава́ сыс Исúсо Наза́рjанино́, ё́в лы́я тэ́ дэ́л го́дла: “Исúсе, Чха́во́ Давидо́скиро́! Потанѓинэ́ (пожа́лин) ман!” ⁴⁸ И бут мануш́а лы́нэ́ тэ́ раки́рэ́н хо́ляса́ Лэ́скэ́, соб (кай) ё́в тэ́ явэ́л штыл, нэ́ ё́в дэ́лас го́дла ишчо́ (инкэ́) зоралэ́ды́р: “Чха́во́ Давидо́скиро́! Потанѓинэ́ ман!” ⁴⁹ Исúсо тэ́рдjя́ и пхэ́ндjя́: “Кхарэ́н лэ́с.” И ё́нэ кхардэ́ ко́ро́рэс, раки́рі́ Лэ́скэ́: “Яв му́ршэ́са, ушт́ы, Ё́в кхарэ́ла тут.” ⁵⁰ Варти́меё чхурды́я кри́г пэ́сты́р упрату́но урибэ́н, ухт́я и подѓjя́ кэ́ Исúсо. ⁵¹ “Со т́у́кэ́ трэ́й, соб (кай) Мэ́ тэ́ кэ́рав т́у́кэ́?” – пху́цjя́ Исúсо. Ко́ро́ро пхэ́ндjя́ Лэ́скэ́: “Равву́ни, соб (кай) тэ́ откэ́рэ́нпэ́ Мирэ́́ якха́.” ⁵² “Джа́, – пхэ́ндjя́ Лэ́скэ́ Исúсо, – ты́ро́ патя́ибэ́н высастя́кирд́я тут.” Ко́ро́ро ада́й жа́ лы́я тэ́ дыкхэ́л и гjя́ пир дро́м пал Исусо́стэ́.

Шэ́ро 11

Исусо́скиро́ Заги́ибэ́н дро́ Ерусали́мо

¹ Кéли Исúсо сы́кляибны́тконэ́нца подѓинэ́ пашы́лэды́р кэ́ Ерусали́мо кэ́ гава́ Вифа́гия и Вифа́ния, савэ́ сыс пэ́ Оливи́тконэ́ – бэ́ргакі́ро скло́но, Исúсо бичха́дjя́ дуэ́н Пэ́скирэ́ сы́кляибны́тконэ́ндыр, ² и пхэ́ндjя́ лэ́нгэ: “Джа́н дро́ гав, саво́ исын анѓjл тумэ́ндэ, и кéли тумэ́ одо́ры́к заджа́на, тумэ́ дыкхэ́на при́пхандлэ́ тэ́рнинько́нэ́ ослэ́нко́с (мега́ро́рыс), пэ́ савэ́стэ́ нико́н на сыс бэ́штэ́. Отпхандэ́н лэ́с и янэ́н ада́ры́к. ³ Ко́ли кон пхучэ́ла тумэ́ндыр, со тумэ́ кэ́рэ́на, пхэ́нэ́н лэ́скэ́: ‘Ослэ́нко́ трэ́й Ра́скэ́-Дэ́влэ́скэ́’, и ‘Со Ё́в сы́г риски́рэ́ла лэ́с палэ́.’” ⁴ Сы́кляибны́тка гинэ́, и латхнэ́ ослэ́нко́с, саво́ сыс при́пхандло́ яврі́ пашы́л кхэ́ры́тко по́рта и отпхандлэ́ лэ́с. ⁵ Вари-савэ́ мануш́а, савэ́ сыс тэ́рдэ́ одо́й, раки́рдэ́ лэ́нгэ: “Со тумэ́ кэ́рэ́на? Палсо́ тумэ́ отпхандэ́на ослэ́нко́с?” ⁶ Сы́кляибны́тка отпхэ́ндлэ́ лэ́нгэ́ адя́кэ́, сыр пхэ́ндjя́ Исúсо, и мануш́а мэ́кнэ́ лэ́н тэ́ джа́н. ⁷ И ё́нэ яндлэ́ ослэ́нко́с кэ́ Исúсо и чху́дэ́ упрэ́ пэ́ лэ́стэ́ пэ́скирэ́ урибэ́на́, и Ё́в бэ́сцjя́ пэ́ лэ́стэ́. ⁸ И бут мануш́а чху́вэ́нас пэ́скиро́ урибэ́н пир дро́м, яв́ір чхурдэ́нас пэ́ дро́м зэлэ́на ранд́я, савэ́ ё́нэ счхиндлэ́ фэ́лдэ́ндыр. ⁹ И мануш́а, савэ́ гинэ́ анѓjл и палал́ Исусо́стэ́, дэ́нас го́дла рады́маса́: – “Асанна́! Бахтя́кирдэ́, Саво́ джа́ла ваш лав Дэ́влэ́скиро́! ¹⁰ Бахтя́кирдэ́, Саво́ джа́ла дро́ Кра́липэ́н Да́дэ́скирэ́ амаре́скиро́ Давидо́скиро́! – “Асанна́ дрэ́ упрату́нэ́ндэ́!” ¹¹ И кéли Ё́в явд́я дро́ Ерусали́мо, за́гjя́ дрэ́ Кханѓирjя́; обды́кхцjя́ пашы́л Пэ́стэ́ са́ро́ и вы́гjя́. Сы́р сыс ужэ́ ко́ры́г (познэ́с), то́ Ё́в гjя́ дэ́шудуэ́ сы́кляибны́тконэ́нца дрэ́ Вифа́ния.

Исúсо Тра́дэ́ла Яврі́́ Кофа́рьэ́н Кханѓирьjя́тыр

¹² И пэ́ яв́ір ды́вэ́с, кéли ё́нэ вы́гинэ́ Вифа́ниятыр, Исúсо бокхалы́я; ¹³ и Ё́в ды́кхцjя́ дура́л инжы́ритко́ кашт (дрэ́во), саво́ сыс чха́ки́рдо́ патре́нца (листе́нца) и подѓjя́ пашы́лэды́р тэ́ дыкхэ́л, ци́ исын пэ́ лэ́стэ́ ба́рьяки́рдэ́ (пло́ды). Нэ́ ба́рьяки́рдэ́ пэ́ кашт на сыс, екх патря́, пал-до́ва, со часо́ ваш му́ри на явд́я. ¹⁴ И пхэ́ндjя́ Ё́в пэ́ дава́ кашт: “Мэ́к нико́н тэ́ на хал

барьякирдó тóтыр ниéкхвар.” И сыкляибнóтка Лэскирэ шундлэ дава.¹⁵ И явнэ ёнэ дро Ерусалимо. И Ёв заги́я дрэ Кханги́ри и лыя́ тэ традэл яври́ одолэн, савэ бикнэнас и кинэнас дрэ Кханги́ри; и Ёв обрискирдя одолэнгирэ скаминда, савэ парувэнас ловэ и прилавки одолэнгирэ, савэ бикнэнас голумбэн:¹⁶ и Ёв на дэлас во́ля тэ лыджан нисó товаростыр (арцикулэндýр) пирдál Кханги́ри;¹⁷ и Ёв сыклякирдя́ и пхэндя́ лэнгэ: “Сарэ манушэ́ явэна́ тэ кхарэн́ Мíро кхэр́ ‘Мангипны́тко кхэр́’ ваш сарэ́ на́цыи, сыр́ исын́ чхиндлó?” А тумэ́ кэрдэ́ лэсты́р розмарибна́рьенги́ри кирчы́ма.”¹⁸ И раша́нгирэ́ барыды́ра и лылвары́тка шундлэ́ дава́ и родэ́нас, сыр́ тэ муляки́рэн Лэс; пал-дова́ со ёнэ́ дара́ндынэ́ Лэсты́р, пал-дова́ со сарэ́ манушá дивиндлэ́пэ пэ́ Лэски́ро сыкляки́рибэн.¹⁹ И кэ́ли явд́я бэ́львэ́ль, Ису́со сыкляибны́тконэ́нца гинэ́ форо́стыр.

Зашу́тькирдó Инжы́ро

²⁰ Тася́рлэс (ра́нэс) пэ́ яви́р дывэ́с, сыр́ ёнэ́ джа́нас пашы́л, ёнэ́ дыкхнэ́, со инжы́ро зашутя́ кэ́ пхув.²¹ Пётри́ пририпи́рдя и пхэндя́́ Лэскэ́: “Равви! Дыкх, инжы́ро зашутя́, савó Ту проко́стян!”²² И Ису́со пхэндя́́ лэнгэ́: “Патя́н дрэ́ Дэвлэ́стэ!”²³ Чачэ́с раки́рава́ тумэ́нгэ́: “Кóли кон́ припхэ́нэла́ даля́кэ бэ́ргакэ́: ‘Гáздэ́пэ и чхурдэ́пэ дро́ пани́’ и, кóли тумэ́ на́ явэ́на тэ́ кунинэ́нпэ́ дро́ тумарó́ илó, и явэ́на тэ́ патя́н, со́ явэ́ла дова́́, со́ ёв́ раки́рэла́, тэ́ды Дэвэ́л сполни́нэла́ ваш адалэ́ манушэ́скэ́.”²⁴ Палдава́́ Мэ́ раки́рава́ тумэ́нгэ́: сарó́, пал со́ тумэ́ мангэ́напэ́ и мангэ́на, патя́н, со́ тумэ́ дорэ́снэ́ (долы́нэ), и явэ́ла дыно́ тумэ́нгэ́.²⁵ И кóли тумэ́ мангэ́напэ́, тэ́ды примангэ́н сарэ́нгэ́, пэ́ конэ́стэ́ рики́рэна́ холы́, соб́ (кай) и тумэ́нгэ́ тумарó́́ Дад, Савó́ исын́ дро́ Болы́бна́ски́ро Раё́, тэ́ отмэкэ́л тумарó́́ грэ́хи.”^[1]

Раша́я Юды́тка Пхучэ́на́ Исусó́стыр пал́ Лэски́ри Зор

²⁷ Ису́со сыкляибны́тконэ́нца явнэ́ нэвэ́стыр дро́ Ерусалимо. И кэ́ли Ису́со сыс дрэ́ Кханги́ри, кэ́ Ёв подгинэ́́ раша́нгирэ́ барыды́ра, лылвары́тка и годэ́пхурэ́.²⁸ И ячнэ́́ тэ́ раки́рэн́ Лэскэ́: “Савэ́ зорья́са́ Ту кэ́рэ́са сарó́́ дава́́? И кон́́ дыя́́ Тукэ́́ дасави́́ зор тэ́ кэ́рэ́с дава́́?”²⁹ Ису́со ж пхэндя́́́ Лэнгэ́́: “Мэ́ пхуча́ва тумэ́нды́р екх́́ лав́́ и отпхэ́нэ́н Мánгэ́́, и тэ́ды Мэ́ пхэ́нава́́ тумэ́нгэ́́, савэ́́ зорья́са́ Мэ́ кэ́рава́́ сарó́́ дава́́.³⁰ Ианоски́ро́ болдэ́ипэ́н исын́́ болы́бна́стыр́́ ци́ манушэ́нды́р? Отпхэ́нэ́н Мánгэ́́.”³¹ Ёнэ́́ раки́рдэ́́ машки́́р пэ́стэ́́: ‘Кóли́ пхэ́на́са, со́́ болы́бна́стыр́́’, Ёв́ тэ́ды пхучэ́́ла: ‘Сóскэ́́ тумэ́́ на́ патя́ндынэ́́ Лэскэ́́?’³² Нэ́́ кóли́ амэ́́ пхэ́на́са: ‘Манушэ́нды́р’ – ёнэ́́ дара́ндынэ́́ манушэ́нды́р, савэ́́ сыс одóй, пал-дова́́ со сарэ́́ гиндлэ́́ Ианос пал́́ Дэвлэ́ски́рэ́ проро́костэ́́.³³ И ёнэ́́ пхэндлэ́́́ Исусó́скэ́́ дро́ отпхэ́ны́бэн: “На́́ джи́на́са.” И Ису́со пхэндя́́́ лэнгэ́́: “И Мэ́́ на́́ пхэ́нава́́ тумэ́нгэ́́, савэ́́ зорья́са́ Мэ́ кэ́рава́́ дава́́.”

11:25 ^[1] 26“Стихо́ нанэ́ дро́́ Юды́тко́ оригина́ло.”

Шэ́ро 12

Пал́ Манушэ́стэ́, Савó́ Зды́я дро́́ На́ймо́ Винагра́днико́

¹ И Ису́со лыя́́ тэ́ раки́рэ́л манушэ́нгэ́́ примерэ́нца́ (сыкаибнэ́нца): “Екх́́ ману́ш чху́дя́ винагра́днико́, и тыно́́ пашы́л лэ́стэ́́, вы́ гана́дя́ ганби́н (яма́) тэ́ тасавэ́́л мол́́ (вино́) и кэ́рдя́́ вучарды́́ (вышка́) тэ́́ ракхэ́́н, и зды́я лэ́с винагра́дарья́́ екхэ́́ пэ́ски́рэ́ писхарья́́ндыр́́ тэ́́ лэл́́ пэ́ски́ри́ паш́́ аплодосты́р,³ нэ́́ винагра́дарья́́ ухты́лдэ́́ лэ́с, мардэ́́ и отбичха́дэ́́ лэ́с кри́г нисоса́.⁴ Тэ́ды́ ёв́́ бичха́дя́́ нэвэ́́стыр́́ кэ́́ ёнэ́́ яви́рэ́ писха́рис, нэ́́ и лэ́скэ́́ пхара́дэ́́ шэ́ро́́ барэ́́нца́ и ладжа́кирдэ́́ лэ́с.⁵ И бичха́дя́́ тритонэ́́ дына́рис; а́ лэ́с винагра́дарья́́ сарэ́́са́ зама́рдэ́́; конэ́́с хула́й на́́ бичха́вэ́лас, ёнэ́́ сарэ́́н ма́рэнас́́ ци́ зама́рэнас́́.⁶ Лэ́стэ́́́ буты́р ни́ конэ́́с на́́ ячэ́ласпэ́́ тэ́́ бичха́вэ́л апри́ч пэ́ски́рэ́́ екхэ́́́ дро́гонэ́́́ чха́вэ́стэ́́. “Нэ́́, га́да, ёнэ́́ на́́ чила́вэ́на́ ми́рэ́́ чха́вэ́с”, – думинд́я́́ ёв́́

и бичхадя лэс дро кóнцо (дро ягóро). ⁷ И винаградарья пхэндлэ екх екхэскэ: “Гада, исын наследнико (прилыибнаскиро пэ миштыпэн): явэн, замараса лэс и винаграднико явэла амарó.” ⁸ Ёнэ лынэ лэс, замардэ и чхурдынэ яври лэс винаградникостыр. ⁹ Со явэла тэ кэрэл винаградникоскиро хулай? Ёв явэла, мулякирэла винаградарьен, а винаграднико здэла явирэнгэ. ¹⁰ Ци на гиндлэ тумэ дро Чхиныбэн: ‘Бар, савó на прилынэ бутярнэ, яця шэралэ барэса пэ вэнгло ваш кхэр. ¹¹ Давá исын Дэвлэстыр и исын дивно дро амарэ якхá” ¹² И ёнэ родэнас саштыпэн тэ ухтылэл Лэс, нэ дарандынэ манушэндэр, пал-довá со ёнэ галынэ, со Ёв ракирдя дава примéro (сыкаибэн) пал лэндэ; ёнэ мэжнэ Лэс и гинэ криг.

Мыто Кесарёскэ

¹³ И ёнэ бичхадэ кэ Исýсо вари-савэ Фарисеендыр и Иродианэндэр, соб (кай) тэ ухтылэн Лэс дро лав. ¹⁴ Кодолэ манушá явнэ кэ Исýсо и пхучнэ: “Сыклякирибнаскиро! Амэ джинáса, со Ту сан чачунó и сыклякирэса Дэвлэскирэ чачипнэнгэ, на дыкхí пэ манушэскиро штéто машкíр явирэ манушэндэ, Ту на дарэса никонэстыр; пхэн амэнгэ чачунэс: ци пир Закóно тэ плэскирас мыто кесарёскэ? Тэ плэскирас амэнгэ ци над?” ¹⁵ Исýсо джидя лэнгири фротыма и пхэндя лэнгэ: “Сóскэ тумэ камэна тэ пропатыкирэн Ман?” – пхуця Ёв. “Янэн Мánгэ динариё тэ дыкхáв.” ¹⁶ Лэскэ яндлэ гасприн (капейка) и Ёв пхуця лэндэр: “Конэскиро муй и лав исын вычхиндлэ адай?” “Кесарёскиро”, – пхэндлэ ёнэ Лэскэ. ¹⁷ Тэды Исýсо пхэндя лэнгэ: “Отдэн кесарёскиро кесарёскэ, а Дэвлэскиро Дэвлэскэ.” Ёнэ древán дивиндлэпэ Лэстыр.

Пал Лыибэн и пал Отжидыипэн Мулэндэр

¹⁸ И явнэ вари-савэ Садукеи кэ Исýсо. Садукеи ракирдэ, со нанэ отджидыипэн мэрибнастыр. Ёнэ ячнэ тэ пхучэн Лэстыр: ¹⁹ “Сыклякирибнаскиро! Мóйза чхиндя ваш амэнгэ: кóли вари-конэстэ пшал мэрэла и ячкирэла джувля би чхаворэнгиро, мэж лэскиро пшал тэ лэл адаля джувля палорóм, соб (кай) тэ рискирэл палэ рóдо мулэ пшалэскиро. ²⁰ Сыс эфтá битринэнгиро дэш пшáла; и пэрво пшал лыя ромня, и мыя, на ячкирдя пэскэ рóдо; ²¹ и явир лыя ла и мыя, на ячкирдя пэскэ рóдо: и трéто пшал адякэ-паць; ²² и сарэ эфтá на ячкирдэ чхаворэн. Сыг пал сарэндэ и джувлы мыя. ²³ Дро отджидыипэн, кéли ёнэ уштэна мэрибнастыр, конэскири ромнý явэла кадая джувлы? Пал-довá со сарэ эфтá пшáла сыс лáкирэ ромá.” ²⁴ Исýсо пхэндя лэнгэ: “Тумэ хохавэнапэ, пал-довá со тумэ на джинэна ни Чхиныбэн, ни зор Дэвлэскири? ²⁵ Савэ отджидэна мэрибнастыр, на явэна тэ выджан палорóм; и на явэна тэ лэнпэ; а ёнэ явэна сыр Янгóлы дро Болыбнаскиро Раё. ²⁶ Каканá, ракири пал отджидыипэн мулэндэр: ци на гиндлэ тумэ дрэ Мойзáскирэ лылваря пал довá, сыр Дэвэл пхэндя Лэскэ Пэскиро лав хрустостыр, савó хачолас ягáса: ‘Мэ сом Дэвэл Авраамóскиро, Дэвэл Исаакоскиро и Дэвэл Яковóскиро?’” ²⁷ Ёв исын Дэвэл на мулэнгэ, Ёв исын Дэвэл джидэ-манушэнгиро! Тумэ древán хохавэнапэ.”

Най Зоралэдыр Припхэныбэн

²⁸ Екх лылваритконэндэр шундя, сыр ёнэ допхэнэнас Лэскэ, то при'галыя, сыр миштэс Исýсо отпхэндя лэнгэ и пхуця Лэстыр: “Савó припхэныбэн исын барэдыр сарэндэр?” ²⁹ Исýсо отпхэндя: “Гáда, исын барэдыр сарэндэр: ‘Шун Израилё! Рай Дэвэл амарó исын екх Дэвэл; ³⁰ рикир дро пэстэ сыр Дрóгима Рас-Дэвлэс тырэс сарэ илэса пэскирэса и сарэ Духóса тырэса и сарэ годяса тырьса и сарэ зорьяса тырьса’. ³¹ Явир припхэныбэн исын сыр пэрво: ‘Рикир дро илó пашатунэс тырэс, сыр кокорó пэс’. Нанэ припхэныбэнá барэдыр далэндэр.” ³² “Миштó! Чачипэн Ту пхэндян, Сыклякирибнаскиро, – пхэндя Лэскэ лылваритко, – “Дэвэл исын Екх и явир бутыр нанэ апрíч Лэстэ; ³³ и тэ рикирэс сыр Дрóгима Лэс сарэ илэса, сарэ годяса, сарэ зорьяса, тэ рикирэс дро илó пашатунэс пэскирэс, сыр кокорó пэс-бутыр, сыр цэлонэ-хачкирибнаскирэ дыибэнá и свэнта дыибэнá.” ³⁴ Исýсо дыкхця, со лылваритко

годьварэс отпхэндя и пхэндя Лэскэ: “Надур ту сан Дэвлэскирэ Кралипнастыр.” Долэ молостыр никонэстэ бутыр на сыс муршыпэн тэ задэл Исусоскэ бутыр пхучибэна. ³⁵ И, кэли нэвэстыр Исусо сыклякирдя дрэ Кхангири, Ёв отпхэнэлас: “Сыр адалэ лылваритка ракирэна, со Христосо исын Чхаво Давидоскиро?” ³⁶ Давидо жа Кокорó пхэндя Свэнтонé Духóса: “Пхэндя Рай Дэвэл Рáскэ-Дэвлэскэ мирéскэ: бэш пэ чачó (право) васт Мándыр, пака Мэ чхувáва взргэн Тырэн тэл гэрá тырэ.” ³⁷ Давидо ж Кокорó кхардý Лэс “Рай Дэвэл”, катыр жа Ёв исын Чхаво Лэскиро?” И бут манушá шундлэ Лэс радымáса. ³⁸ И ракирдý Исусо дурэдýр дро Пэскиро сыклякирибэн: “Ракхэнпэ лылваритконэндýр, савэнгэ пир илó тэ псирэн дрэ длэнгэ урибэнá и лэнгэ трэй, соб (кай) тэ патывакирэн лэн пэ таргитка штэты; ³⁹ савэ выкэдэна тэ бэшэн пэ англатунé штэты дрэ синагоги и пал кхардэ скаминда, ⁴⁰ савэ обхана пивленгирэ (удовэнгирэ) кхэрá и мангэнапэ гарá (длүгэс), соб (кай) лэн тэ дыкхэн; адасавэн манушэн ужакирэла пхарó сэндýкирибэн.”

Чорорé-Пивлякиро Дыибэн

⁴¹ И Исусо бэсцý ангил Кхангирыáкирэ-ловитко пиралы (тыкнори) и дыкхцý, сыр манушá чхувэна ловé дрэ пиралы. Бут барвалэ манушá чхувэна барé кицыпэна ловé. ⁴² Нэ гáда, подгýя чорори пивлы (удова), и чхудý дуй харкунé гаспря (медýтка гаспря), со исын сыр екх кодранто. ⁴³ Ёв кхардý Пэскирэ Сыкляибнытконэн и пхэндя: “Чачэс, Мэ ракирэна тумэнгэ: адáя чорори пивлы чхудý бутыр сарэндýр, савэ чхувэна дрэ тыкнори, ⁴⁴ пал-довá со ёнэ чхувэна пэскирэ балвалыпнастыр, а ёй пэскирэ чорорипнастыр дыя сарó, со латэ сыс, сарó со сыс латэ тэ дживэл.”

Шэрó 13

Пал Кхангирыáкиро Роспхагирибэн

¹ Кэли Исусо выджáлас Кхангирыáтыр, екх сыкляибнытконэндýр ракирэла Лэскэ: “Дыкх, Сыклякирибнарискиро! Савэ барá! Савэ упрэкэрибэна!” ² “Ту дыкхэса сарé далэ барé кхэрá?”, – пхэндя Лэскэ Исусо. “На ячэлапэ адáй бар пэ бар, савó на явэлас чхурдынó тэлé.”

Пхарé Пиридживипэнá и Традыпэнá

³ Кэли Исусо сыс бэштó пэ Оливитконэ-бэргáкиро склоно ангил Кхангири, сыкляибнýтка Пэтри, Яково, Иáно и Ендри пхучэна Лэстыр екх пэ екх явирэндýр: ⁴ “Пхэн амэнгэ, кэли давá сарó явэла и савý шпэра (знако) явэла ангил, сыр сарó давá кэрэлапэ?” ⁵ Исусо отпхэндя Лэнгэ: “Ракхэнпэ, соб (кай) никон тэ на хохавэл тумэн. ⁶ Бут явэна кэ тумэ Мирé лавэса и явэна тэ ракирэн: ‘Мэ сом’, и бутэн хохавэна. ⁷ Кэли тумэ шунэна пал марибэн и мавлыня (малвы) пал марибэна, на андыршан. Сарó давá трэй тэ явэл, нэ давá ишчо (инкэ) на сарó. ⁸ Пал-довá со газдэнапэ манушá пэ манушэндэ и кралипэн пэ кралипэн. Дрэ рáзна штэты явэла тэ тринскирэлпэ пхув и явэла бокх. Сарó давá явэла ангил сырбы дукхá, дрэ савэ нэвó мануш бияндéла, ⁹ Дыкхэн жа пал пóстэ; тумэн явэна тэ сэндинэн, и явэна тэ марэн дрэ синагоги. Пал Мándэ тумэн явэна тэ тырдэн ангил рандэ и кральэндэ, и тумэ явэна тэ допхэнэн лэнгэ пал Мándэ. ¹⁰ Нэ англэдýр сарэстыр трэй тэ пхэнэлпэ лав Евангелиятыр ваш сарé нáцыи. ¹¹ Кэли тумэн лыджáна тэ здэн, на пиридживэн ангил, со тумэнгэ тэ ракирэн; ракирэн довá, со тумэнгэ явэла дынó дрэ довá-паць мардó (штýнда) тэ ракирэн; пал-довá со на тумэ кокорé явэна тэ ракирэн, а Свэнто Дýхо (Фáно). ¹² Пшал явэла тэ бикнэл пэ мэрибэн пшалэс и дад явэла тэ бикнэл пэскирэс биятóс; чхаворé явэна тэ бикнэн пэскирэ дадэн, соб (кай) тэ мулякирэн лэн. ¹³ Сарé явэна тэ на дэн патыв зоралэс тумэнгэ пал Миро лав; а одовá, савó вырикирэла сарó давá, явэла зракхно.”

Замэкибнаскиро Джунгалыпэн (Брыткима)

¹⁴ Кéли тумэ дыкхэна голотынякиро/ замэкибнаскиро джунгалыпэн (брыткима), одой, кай лэкэ на трэиндя тэ явэл (мэк тэ галёл одова, кон гинэла), гада, мэк одолэ, савэ исын дрэ Юдэя, тэ нашэн дрэ бэрги; ¹⁵ кон исын пэ кхэритко бэрга, мэк тэ на зджал тэлэ, и тэ на джал тэлэ дро кхэр тэ лэл вари-со кхэрэскирэ миштыпнастыр. ¹⁶ Кон исын дрэ фэлда, мэк тэ на рисёл палэ тэ лэл пэскиро урибэн. ¹⁷ Мэнька явэла тэды пэралэ джувленгэ и джувленгэ, савэ чаравэна колынэса тыкнорэн дрэ долэ дывэсá! ¹⁸ Мангэмпэ Дэвлэскэ, соб (кай) дава тэ на явэл ивантакиро/ивэндэскиро (зимакиро). ¹⁹ Тэды явэла дасави пхарй бйда, сави на сыс свэтоскирэ англыпнастыр, саво Дэвэл кэрдя, кэ ададывэс, и со бутыр на явэла ниэкхвар. ²⁰ И коли Дэвэл тэ на тыкнякирэлас далэ дывэсá, тэды никон на выдживэлас. А ваш манушэнгэ, савэн Ёв Кокорó выкэдыя, Ёв тыкнякирдя далэ дывэсá. ²¹ Тэныци коли вари-кон пхэнэла тумэнгэ: ‘Гáда, исын Христóсо!’ Ци ‘Ёв исын одой’, – на патян, ²² явэна хоханэ Христосы, хоханэ прорóки; ёнэ сыкавэна барэ гэртыка (знамении) и кэрэна дивы, соб (кай) тэ хохавэн аж кодолэн манушэн, савэн Дэвэл выкэдыя, коли явэла сашты. ²³ Ракхэмпэ. Мэ тумэнгэ сарó ангил пхэндём.

Чхавэскирэ-Манушэскиро Явибэн

²⁴ А дро долэ дывэсá, сыр проджала (накхэла) дая пхарй бйда, кхам мурдэла, и чхон на явэла тэ свэнцынэл пэскирэ свэтоса (лосаса), ²⁵ и чэргэня пэрэна болыбнастыр, и болыбнаскирэ зорья явэна тринскирдэ. ²⁶ Тэды мануша дыкхэна Манушэскирэ Чхавэс, Саво явэла тэ джал дрэ óблоки барэ зорьяса и дрэ слáва. ²⁷ И тэды бичхавэла Ёв Пэскирэ Янголэн и скэдэла кхэтанэ, конэс Ёв выкэдыя штарэ ригэндэр, пхувьякирэ ягорóстыр (краёстыр) кэ Болыбнаскиро ягóро. ²⁸ Сыклён примéro (сыкаибэн) инжыритконэ каштэстыр: кэли лэскирэ рандя ячэна ковлэ и мэкэна патря (листы), то тумэ джинэн, со сыг явэла лынай (нилай) ²⁹ адякэ и тумэ, сыр дыкхэна, со дава сарó адякэ кэрлапэ, джинэн, со Ёв исын наður, пашыл вударá. ³⁰ Чачэс, Мэ ракирава тумэнгэ: на проджала дава манушýтко рóдо, пака сарó дава кэрэлапэ кэ концо/кэ ягóро (сполнинэлапэ). ³¹ Болыбэн и пхув проджана, а лавá Мирó на проджана.

Дывэс ци Мардó Наджиндлэ

³² Никон на джинэла ни дывэс, ни мардó (штýнда), кэли дава сарó явэла, ни болыбнаскирэ Янгóлы, ни Чхавó – а екх Дад джинэла. ³³ Дыкхэн, и ракхэмпэ и мангэмпэ Дэвлэскэ: пал-дова со тумэ на джинэна, кэли дасаво часо явэла. ³⁴ Давá сашты (можно) тэ примеринэс манушэса, саво гия дро даратуно дром. Ёв ячкирэла пэскиро кхэр, соб (кай) тэ придыкхэн писхарья. Кажнонэскэ писхарýскэ ёв дэла задыибэн, а одолэскэ, саво сыс тэрдó пашыл пóрта, припхэндя тэ дыкхэл ракхунэс (пыльнэс). ³⁵ Адякэ и тумэ: “Дыкхэн, на совэн!” Пал-дова со тумэ на джинэна, кэли рисёла кхэрэскиро хулáй: могоинэла дрэ паш рат, ци сыр пробагала башно, ци пэ злóко; ³⁶ соб (кай), кэли ёв явэла, тэ на заухтылэл тумэн, со тумэ сан сутé. ³⁷ И дова, со Мэ ракирава тумэнгэ, ракирава сарэнгэ: ракхэмпэ!”

Шэрó 14

Юдэнгирэ Рашая Зракирэнапэ тэ Мулякирэна Иисусóс

¹ Пир дуй дывэсá явэлас свэнко Патрадй и Апруснокэнгири; рашангирэ барыдыра и лылварйтка дыкхнэ ракхибныткэс, сыр тэ ухтылэн Иисусóс фрэнтымаса и тэ мулякирэна Лэс. ² “Нэ пэ свэнко Патрадй дава нашты тэ кэрэс нисыр, – ракирдэ ёнэ машкир пэстэ, – мануша могоинэна тэ газдэн бýнто.”

Исусóс Макхэна дрэ Вефсайда

³ Кéли Исусóс сыс дрэ Вифания, Ёв сыс бэштó пал скамíнд дро кхэр кэ Сíмоно Проказытконэскиро, и дро кхэр заги́я джувлы алибастрытконэ кхорэса (жбаноса) кучонé макхибнаса, савó сыс кэрдó чачунé нарданостыр. Ёй розмард́я кхорó и лы́я тэ чхувэл пэ шэрó Исусóскэ. ⁴ Вари-савé сыкляибнýтка холясынэ, ракири: “Палсó дасаво макхибнаскиро хасякирибэн! ⁵ Нау́што (ужэли) сыс нашты́ тэ бикнэл дава́ макхибэн бутýр сыр пал триншэла́ динарии и тэ роздэн ловé богэнгэ.” И ёнэ ракирдé холя́са ла́кэ. ⁶ Нэ Исусóс пхэнд́я: “Мэкэн ла, со тумé кэрэна пхарó ла́кэ. Ёй кэрд́я лачхó рэндо ваш Мánгэ. ⁷ Боги исын ўса́ды (сак) пашýл тумэндэ́ и тумé мого́нна́ тэ дэн васт лэнгэ, ко́ли тумэнгэ́ исын пир ило́, а Мэ на ява́ва ўса́ды (сак) тумэнца́. ⁸ Ёй кэрд́я, со сыс сашты́ дрэ ла́кири зор, ёй англэды́р помакхця́ Мирé маса́ кэ гараибэн. ⁹ Чачэс, Мэ ракира́ва тумэнгэ́: кай бы тэ на явэл тэ пхэнэлпэ́ лав далé Евангелияты́р пир сарó свéто, дро рипирибэн пал адалятэ́ джувля́тэ явэ́на тэ ракирэн пал дова́, со ёй кэрд́я.”

Юда Искарíото Скэды́пэ тэ Бикнэл Исусóс

¹⁰ И Юда Искарíото, екх дэшудуенды́р сыкляибнытконэнды́р, ги́я тэды кэ рашангирé барыды́ра тэ здэл Исусóс. ¹¹ И кéли ёнэ шундлэ́ дава́, ёнэ адя́кэ обрадын́длэпэ́ и дынэ́ лав тэ дэн ловé лэскэ́. И ёв лы́я тэ родéл ваканцы́я (случаё), соб (кай) тэ здэл Исусóс.

Патрадítко Бэ́львэля́киро Хабэн

¹² Дро пэ́рво ж дывéс Апреснокэнгиро́ Свэнко́, кéли чхинэнас Патрадítконэ́ бакрорэс, сыкляибнýтка ракирэ́на Лэскэ́: “Кай Тýкэ́ исын пир ило́, соб (кай) амэ́ тэ джас и тэ кэра́с Тýкэ́ патрадítко скамíнд?” ¹³ Исусóс бичхавэ́ла дуэн лэндýр и ракирэ́ла: “Джэн дро фóро; и тумé дыкхэ́на манушэ́с пирья́са панéса, джэн пал лэстэ́, ¹⁴ и заджэн дро кхэр, дро савó ёв заджала́, и пхэнэн кхэритконé хула́скэ: “Сыклякирибна́скиро пхучэ́ла: кай явэ́ла штýба, соб (кай) Мэ Пэ́скирэ́ сыкляибнытконэнца́ тэ хав Патрадý?” ¹⁵ Ёв тумэнгэ́ сыкавэ́ла упратуны́ бари шука́р штýба; одóй кэрэн скамíнд ваш амэнгэ́.” ¹⁶ Сыкляибнýтка Лэ́скирэ́ гинé, явнэ́ дро фóро; сарó сыс адя́кэ, сыр пхэнд́я лэнгэ́ Исусóс, и ёнэ кэрдé патрадítко скамíнд. ¹⁷ И кéли яц́я бэ́львэ́ль, Ёв явд́я дэшудуэ́ сыкляибнытконэнца́. ¹⁸ И кéли ёнэ сыс бэштé пал скамíнд и ханас, Исусóс пхэнд́я: “Чачэс, Мэ ракира́ва тумэнгэ́: екх тумэндýр здэла́ Ман, савó хала́ Мánца.” ¹⁹ Сыкляибнýтка пынэ́ дро дýхо (фáно), и лы́нэ тэ пхучэн екх палé екхэ́стэ: “Чачэс, дава́ на мэ, Раё́ Дэв́ла?” ²⁰ “Екх дэшудуенды́р”, – пхэнд́я Исусóс, – “одо́ва, кон кхэтанé́ Мánца́ макинэ́ла дро чарó. ²¹ Чхавэ́скэ́ Манушэ́скирэ́скэ́ проджала́пэ́ тэ мэнчынэлэ́пэ, сыр дава́ сыс ангýл пхэндлó́, а бýда кодо́лэ манушэ́скэ, савó здэла́ Чхавэ́с Манушэ́скирэс! Фэ́ды́р явэ́лас ваш лэскэ́ тэ на бияндéл.”

Чораханó Бэ́львэля́киро Хабэн

²² Кéли ёнэ ханас, Исусóс лы́я марó, парикирд́я Дэвлэ́скэ́ пал лэстэ́, пхагирд́я лэс, ды́я лэнгэ́, ракири́: “Лэн, хан; акэ́, исын Мирé́ маса́.” ²³ И кéли Ёв лы́я тахтáй (чаша), пхэнд́я парикирибэн Дэвлэ́скэ́, ды́я лэнгэ́ и ёнэ сарé́ пинé́ лэсты́р. ²⁴ “Акэ́, исын Мирó́ рат заветóскиро, савó́ прочхудо́ пал бутэндэ́”, – пхэнд́я Ёв лэнгэ́. ²⁵ “Чачэс, Мэ ракира́ва тумэнгэ́: Мэ на ява́ва тэ пýяв бутýр аплóдо винаградоскирэ́ хрустосты́р ангýл дова́ дывéс, кéли Мэ́ ява́ва тэ пýяв нэ́ви мол (вино) дро Дэвлэ́скиро́ Крали́пэн.” ²⁶ И кéли ёнэ збагандлэ́ шарды́тко гилы́ Дэвлэ́скэ́, тэды́ гинé́ пэ́ Оливítко́ Бэ́рга.

Исүсо Ангилпхэнэла пал Пэтрискиро Отпхэныбэн

²⁷ “Сарэ тумэ Мандыр отпэрэна”, – ракирэла лэнгэ Исүсо, – палдава́ исын чхиндло́: ‘Мэ хасякирава́ Чхупнарис и роспрастанапэ бакря́;’ ²⁸ нэ палó дава́, кели́ Мэ отджидёвава, Мэ сыгэды́р тумэндьр ява́ва дрэ́ Галилэя́.” ²⁹ Нэ́ Пэ́три жа́ пхэндя́ Лэ́скэ: “И́ коли́ сарэ́ Түты́р отпэрэна-мэ́ никели́ дава́ на кэра́ва.” ³⁰ Тэды́ ракирэла́ Лэ́скэ Исүсо: “Чачэс, Мэ́ ракира́ва Түкэ́, со адады́вэс бэ́львэлякиро́, ангил́ дова́, сыр́ башно́ пробагала́ дуй́ мо́лы, ту́ трин́ мо́лы отпхэнэсапэ́ Манды́р.” ³¹ А́ Пэ́три ишчо́ (инкэ́) буты́р патякирэ́лас: “И́ коли́ ма́нгэ́ явэ́ла трэ́й тэ́ мэрав́ Тү́са, мэ́ на отпхэнавапэ́ Түты́р.” И́ сарэ́ сыкляибны́тка ракирдэ́ дова́-па́ць.

Гефсимания

³² И́ ёнэ́ явнэ́ пэ́ штэ́то, саво́ кхарэ́лапэ́ Гефсимания́ и Исүсо́ пхэндя́ сыкляибны́тконэ́нгэ: “Бэ́шэ́н када́й, пака́ Мэ́ джа́ва тэ́ мангавпэ́ Дэвлэ́скэ.” ³³ И́ лыя́ Ёв́ пэ́са Пэ́трис, Яковос́ и Ианос́, и обухты́лдя́ Лэ́с бари́ дар и́ смэ́нтны́ма. ³⁴ “Миро́ ило́ исын́ пхэ́рдó мэри́бны́тконэ́ дараса́”, – ракирэ́ла Ёв́ лэ́нгэ, – “явэ́н ада́й, и́ ра́кхэ́нпэ́ [на́ совэ́н-р.с.].” ³⁵ И́ Ёв́ отги́я на́бут ангил́, и́ пый́ мо́са пэ́ пхув́, мангдя́пэ́ Дэвлэ́скэ, соб́ (кай́), коли́ сашты́ (можна́), тэ́ проджал́ (на́кхэл́) дрэ́ риѓ Лэ́сты́р дава́ мардо́ (штү́нда); ³⁶ и́ Ёв́ ракирдя́: “А́вва, Да́до! Ту́ саро́ мого́нэ́са. Лы́джа дава́ тахтай́ (ча́ша) дрэ́ риѓ Ма́ндыр; а́ мэ́к тэ́ на́ явэл́ а́дякэ́, сыр́ Ма́нгэ́ исын́ пир́ ило́, а́ сыр́ исын́ Тү́кэ́ пир́ ило́.” ³⁷ И́ Исүсо́ явэ́ла палэ́ и латхэ́ла, со́ ёнэ́ исын́ сутэ́, и́ ракирэ́ла Пэ́трискэ́: “Симоне́, ту́ сан́ суто́? На́ушто́ ту́ на́ мого́ндя́н екх́ мардо́ тэ́ ра́кхэспэ́ [тэ́ на́ совэ́с-р.с.]?” ³⁸ Ра́кхэ́нпэ́ (на́ совэ́н) и́ ма́нгэ́нпэ́ Дэвлэ́скэ, соб́ (кай́) тэ́ на́ поддэ́нпэ́ дро́ пропатакири́бэн; дү́хо (фа́но) исын́ састо́, а́ маса́ исын́ бизорья́кирэ́.” ³⁹ Исүсо́ гия́ и́ ишчо́ (инкэ́) мо́ло ма́нгдя́пэ́ Дэвлэ́скэ́ долэ́-па́ць ма́нгипна́са (па́терья́са). ⁴⁰ И́ нэ́вэ́сты́р Ёв́ рисия́ и латхя́, со́ ёнэ́ сыс́ сутэ́, пал-дова́ со́ лэ́нгирэ́ якха́ сыс́ за́чхакирдэ́ и́ ёнэ́ на́ джидлэ́, со́ Лэ́скэ́ тэ́ отпхэ́нэ́н. ⁴¹ Риси́и кэ́ ёнэ́ дро́ трито́ мо́ло, Ёв́ пхэндя́ лэ́нгэ: “Тумэ́ уса́ сан́ сутэ́ и́ откхинё́на. Ухты́лла (до́си)! Ма́рдó явдя́: ды́кхэ́н, Чха́вэс́ Ма́нушэ́скирэ́с здэ́на дрэ́ грэ́хитконэ́-ма́нушэ́нгирэ́ васта́.” ⁴² Уштэ́н, джа́са! А́кэ́, ужэ́ сарэ́са́ пашы́л исын́ ко́дова́, ко́н здэ́ла́ Ма́н!”

Исусос Закэдэна

⁴³ И́ пака́ Ёв́ ишчо́ (инкэ́) ракирдя́, явэ́лас Ю́да, екх́ дэ́шудуенды́р, и́ сыс́ лэ́са бут́ ма́нуша́ курталэ́нца и́ килэ́нца, савэ́н бичха́дэ́ раша́нгирэ́ барыды́ра, лы́лвары́тка и́ годэ́пхурэ́. ⁴⁴ Зды́ибна́ри дора́кирдя́пэ́ лэ́нца пал́ шпэ́ра (зна́ко): “Ка́дава́, Ко́нэс́ мэ́ ча́мудава́, исын́ Ёв́; за́кэ́дэ́н Лэ́с и́ лы́джан́ тэл́ ра́кхи́бэн.” ⁴⁵ И́ екхаты́р подги́я ёв́ кэ́ Исүсо́, ра́кири́: “Добри́дим, Ра́вви!” И́ ча́мудя́ Лэ́с. ⁴⁶ И́ ёнэ́ чху́дэ́ васта́ пэ́ Лэ́стэ́ и́ ухты́лдэ́ Лэ́с. ⁴⁷ Екх́ ма́нушэ́нды́р, саво́ сыс́ тэ́рдó ада́й, вы́ухты́лдя́ курта́ла пэ́скири́ и́ чинги́рдя́ ла́са раша́нгирэ́ барыды́рэскирэ́ писха́рис и́ отчинги́рдя́ лэ́скэ́ кан. ⁴⁸ Исүсо́ отпхэ́ндя́ лэ́нгэ: “Сыр́ пэ́ розма́рибна́ристэ́ тумэ́ вы́гинэ́ курталэ́нца и́ килэ́нца тэ́ лэ́н Ма́н?” ⁴⁹ Мэ́ ка́жно́ ды́вэ́с со́мас бэ́што́ тумэ́нца и́ сы́кляки́рдём дрэ́́ Кха́нгирэ́ и́ тумэ́ на́ лы́нэ́ Ма́н; нэ́ мэ́к тэ́ спо́лнинэ́лпэ́ Чхи́ныбэ́н.” ⁵⁰ И́ сарэ́ сыкляибны́тка мэ́кнэ́ Лэ́с и́ на́шнэ́ кри́г. ⁵¹ А́ екх́ тэ́рнó ма́нуш́ са́таки́ джа́лас пал́ Лэ́стэ́: пэ́ лэ́стэ́ сыс́ екх́ цэ́рга́ пэ́ пси́кэ́ и́ ёнэ́ ухты́лдэ́ лэ́с. ⁵² Нэ́ ёв́ вы́риски́рдя́пэ́ лэ́нды́р кри́г и́ насця́ одотхы́р на́нго́ (дрэ́́ екх́ цэ́рга).

Ангил Синедрионо

⁵³ И́ я́ндлэ́ Исусо́с кэ́ пэ́рво́ раша́нгиро́ барыды́ро: и́ скэ́дынэ́пэ́ сарэ́ раша́нгирэ́ барыды́ра, годэ́пхурэ́ и́ лы́лвары́тка. ⁵⁴ И́ Пэ́три́ джа́лас ду́ра́л пал́ Лэ́стэ́ ду́рипна́сты́р кэ́ пэ́рво́нэ́-раша́нгирэ́ барыды́рэскири́ грэ́да́ (дво́ро); и́ ёв́ бэ́сця́ слугэ́нца́ (ды́нарьё́нца) и́ татё́лас па́шы́л я́г. ⁵⁵ Ра́шя́ и́ саро́́ Синедрио́но́ роды́нэ́ до́пхэ́ныбэ́н пэ́ Исусо́стэ́, соб́ (кай́) тэ́ му́ляки́рэ́н Лэ́с, нэ́ ёнэ́ на́ мого́ндлэ́́ нисо́́ тэ́ латхэ́н. ⁵⁶ Бут́ я́кхы́тка́ (сви́детели́) ра́кирдэ́́

хоханэс пэ Лэстэ, нэ лэнгиро допхэныбэн на зджаласпэ дро чачипэн. ⁵⁷ И вари-савэ уштэнас и допхэнэнас хоханэс пэ Лэстэ, ракири: ⁵⁸ “Амэ шундям, сыр Ёв ракирдя: ‘Мэ роспахгирава дая Кхангири, сави кэрдэ мануша, и палэ трин дывэса газдава явир кхангири би манушэнгирэ вастэнгиро?’” ⁵⁹ Нэ и дасаво лэнгиро допхэныбэн на зджаласпэ дро чачипэн. ⁶⁰ Тэньци пэрво рашангиро барыдырэ уштыя и пхуця Исусостыр: “Ту со на отпхэнэса нисо? Со адалэ мануша допхэнэна пэ Түтэ!” ⁶¹ Нэ Исусо сыс штыл. Пэрво рашангиро барыдырэ нэвэстыр пхуця Лэстыр: “Ци, чачо, Ту сан Христосо, Чхаво Бахтякирдэ Дэвлэскиро?” ⁶² “Мэ сом”, – отпхэндя Исусо, – и тумэ дыкхэна Чхавэ Манушэскирэс, сыр Ёв явэла тэ бэшэл пир чачо васт зорьятыр, кели Ёв явэла пэ болыбнаскирэ облоки.” ⁶³ Тэды пэрво рашангиро барыдырэ роскусця пэскирэ урибэна и пхэндя: “Савэ амэнгэ ишчо (инкэ) аканэ трэй якхйтка? ⁶⁴ Тумэ ж шундлэ тэлякирибэн пэ Дэвлэстэ? Со тумэ пэ дава пхэнэна?” Сарэ пригалынэ, со Исусо сыс банго, соб (кай) тэ мулякирэн Лэс. ⁶⁵ Тэньци вари-савэ лынэ тэ чунгардэн пэ Лэстэ; Исусокэ запхандлэ якхэ, лынэ тэ марэн пир шэрэ бурныкэнца (ладошкэнца) и ракирдэ: “Угалёв!”, и слуги (дынарья) мардэ Лэс пир муй.

Пэтрискиро Отпхэныбэн

⁶⁶ Кели Пэтри сыс тэлал пэ грэда (пэ дворо), подгия пашылэдыр екх пэрвонэ-рашангирэ барыдырэскирэ дынарицэндыр. ⁶⁷ Ёй дыкхця Пэтрис, сыр ёв татёлас пашыл яг, раххибныткэс дыкхця пэ лэстэ и пхэндя: “Ту жа санас адалэса Исусоса Назаретостыр?” ⁶⁸ Нэ Ёв отпхэндяпэ: “Мэ сарэса на джином (на джинав), пал со ту ракирэса”, – пхэндя ёв и гия яври кэ порта; и башно пробаганда. ⁶⁹ Джувлы-дынарица нэвэстыр лыя тэ ракирэл манушэнгэ, савэ сыс тэрдэ: “Кадава исын екх лэндыр.” ⁷⁰ Нэ Пэтри нэвэстыр отпхэндяпэ. Набут коригэдыр (позжэдыр) мануша, савэ сыс тэрдэ одой, пхэндлэ Пэтрискэ: “Нэ, усаэкх, ту ж сан лэндыр, ту ж ады-паць сан Галилеянино.” ⁷¹ Пэтри лыя тэ кошэл пэс, и тэ совлахал: “Над, мэ на джином кадалэ Манушэс, пал Савэстэ тумэ ракирэна.” ⁷² Акэ, тэды башно пробаганда явир мо́ло, и Пэтри пририпирдя Исусоскирэ лавэ: “Англэдыр, сыр пробагала башно дуй мо́лы, ту трин мо́лы отпхэнэсапэ Мандыр.” И ёв лыя тэ ровэл.

Шэрэ 15

Исусо ангил Пилатостэ

¹ И екхатыр (сразу) пэ зло́ко, сыр яця дывэс, рашангирэ барыдыра́ годэпхурэнца и лылваритконэнца и саро Синедрионо пириракирдэ дава рэндо, пхандлэ Исусос и лыджинэ Лэс кэ Пилато. ² Пилато пхуця Лэстыр: “Ту сан Крали Юдэнгиро?” Исусо отпхэндя, – “адыкэ, сыр ту ракирэса.” ³ Рашангирэ барыдыра́ бангякирэнас зоралэс Исусос. ⁴ Пилато нэвэстыр пхуця Лэстыр: “Соскэ Ту нисо на отпхэнэса? Нэ, шун, сыр бут бангипэна ёнэ ракирэна пэ Түтэ?” ⁵ Нэ Исусо усаэкх нисо пэ дава на пхэндя, и дава древан дивиндя Пилатос.

Пилато Ивья (Напраснэс) Причхувэла Зор тэ Отмэкэл Исусос

⁶ Пэ свэнко Пилато отмэкэлас екхэ манушэс штарибнастыр (бэшыбнастыр) пир манушэнгиро мангипэн. ⁷ Дро штарибэн дро дова часо сыс бэшто Варава явирэ манушэнца, савэ газдынэ бунто и замардэ манушэс. ⁸ И мануша́ гинэ упрэ и лынэ тэ мангэн Пилатос пал дава, со ёв саро мо́ло кэрэлас ваш лэнгэ. ⁹ И Пилато отпхэндя лэнгэ, ракири: “Кóли тумэнгэ исын пир ило́, то мэ отмэка́ва тумэнгэ Кралис Юдэнгирэс? ¹⁰ Пилато ж джиндя, со рашая здынэ Исусос лэскэ зэвлыныпнастыр. ¹¹ Нэ рашангирэ барыдыра́ подракирдэ манушэн тэ мангэн Пилатостыр тэ отмэкэл лэнгэ фэдыр Варава. ¹² Нэ Пилато нэвэстыр отпхэндя лэнгэ: “Со ж Мánгэ тэ кэрав Адалэса, Конэс тумэ кхарэна “Крали Юдэнгиро?”” ¹³ “Примар Лэс пэ трушу́л!”, – задынэ гóдла нэвэстыр ёнэ. ¹⁴ Нэ Пилато пхэндя лэнгэ: “Саво ж чорипэн Ёв

кэрдя?” А ёнэ ишчо (инкэ) зоралэдыр дынэ гóдла: “Примар Лэс пэ трушүл!” ¹⁵ Пилáто ж ваш дова́, соб (кай) тэ кэрэл манушэ́нгэ пир ило́, отмэкця́ Вара́вас, а Исусо́с отды́я тэ марэ́н чупняса, тэ́ньчи тэ примарэ́н пэ трушүл.

Халадэнгиро Холямо́ Сабён

¹⁶ Халадэ́ лыджинэ́ Исусо́с дрэ претория́ и кхардэ́ кхэтанэ́ пхэрдó халадэнгиро́ полко. ¹⁷ Ёнэ уридэ́ Лэс дрэ пурпурно́ мантия́, скхудэ́ пхусадытконэ́ церновникостыр́ вя́нка и уридэ́ пэ Лэскиро́ шэро́. ¹⁸ И ёнэ лы́нэ тэ дэн гóдла: “Яв джидо́, Кра́лэ Юдэ́нгиро!” ¹⁹ Ёнэ мардэ́ Лэс трасцинитконэ́ дэстэ́са пир шэро́ и чунгарды́нэ пэ Лэ́стэ, пэрэ́нас пэ чанга́ ангил́ Лэ́стэ и клонинэ́наспэ. ²⁰ И кэ́ли ёнэ высандлэ́ холя́мэс Лэ́с, ёнэ злы́нэ Лэ́стыр пурпурно́ мантия́, уридэ́ Лэс дро́ Лэскиро́ урибэ́н, и лыджинэ́ Лэс пэ трушүл́ тэ примарэ́н.

Примарибэ́н пэ Трушүл

²¹ И ёнэ зачхудэ́ вари-савэ́ Симонос Ки́риянинос, Руфоскирэ́ и Лександроскирэ́ дадэ́с, саво́ джа́лас фэлдатыр, тэ лыджал́ Лэскиро́ трушүл. ²² И ёнэ я́ндлэ́ Исусо́с пэ штэ́то, саво́ кхарэ́лапэ́ “Голгофа́”, со значы́нэ́ла “Чэ́репо.” ²³ Ёнэ дэ́нас Лэ́скэ тэ пьел́ мол (вино), змешы́ндлы миро́са, нэ Ё́в отпхэндя́пэ. ²⁴ Кэ́ли ёнэ примардэ́ Лэс пэ трушүл, ёнэ роскэ́рдэ (росчхудэ́) урибэ́н Лэскиро́ машки́р пэ́стэ пир жрэ́биё, конэ́скэ со тэ лэл. ²⁵ Сыс трéто мардо́ (штúнда), кэ́ли ёнэ примардэ́ Лэс. ²⁶ Пэ пхал, кай́ чхинэ́на бангипэ́н, сыс чхиндлэ́: “Кра́ли Юдэ́нгиро.” ²⁷ И ёнэ примардэ́ пэ трушүл пашы́л Лэ́стэ дүе́ розмарибна́рьен, екхэ́с чачэ́ ригаты́р, явирэ́с зэ́рвонэ́ (левонэ́) ригаты́р. ²⁸ И мануша́, савэ́ проджанас пашы́л Лэ́стэ, кунинэ́нас шэ́рэнца́ и ракирдэ́ нала́чхэ́ лава́: “Ту ж кадава́ сан, Саво́ роспахигирэ́лас Кханги́ри и пир трин́ дывэ́са́ газдэ́сас ла нэ́вэ́стыр! ²⁹ Ракх́ Кокоро́ Пэ́с, джа́ тэлэ́ трушулэ́стыр.” ³⁰ А́дякэ́-па́ць раша́нгирэ́ барыды́ра, кхэтанэ́ лы́лваритконэ́нца, сандлэ́пэ́ холя́мэс Лэ́стыр, раки́ри: “Явирэ́н Ё́в зракхэ́лас, а Ё́в на мо́гинэ́ла Кокоро́ Пэ́с тэ зракхэ́л! ³¹ Мэ́к дава́ Христóсо, Кра́ли Юдэ́нгиро, тэ джал́ тэлэ́ трушулэ́стыр, соб (кай) а́мэ́нгэ тэ ды́кхас, и тэ упатя́с дрэ́ Лэ́стэ.” И розмарибна́рья, савэ́ сыс примардэ́ Исусо́са, а́дякэ́-па́ць ладжаки́рэнас Лэ́с.

Исусо́скиро Мэ́рибэ́н

³² И дро́ шóвто мардо́ (штúнда) я́ця калы́пэ́н пир сари́ пхув́ и рикирдя́пэ́ кэ́ еня́то (биекхэ́скиро́ дэ́што) мардо́ (штúнда). ³³ Дро́ еня́то мардо́ дывэ́сэ́ Исýсо́ ды́я гóдла зоралэ́с Юды́ткэс: “Э́лой, Э́лой ла́ма сава́ктани?” Со значы́нэ́ла Рома́нэс: “Дэ́вла Ми́ро, Дэ́вла Ми́ро, со́скэ́ Ту мэ́кця́н Ма́н?” ³⁴ И вари-савэ́ кодо́лэ́ манушэ́ндыр, савэ́ сыс тэ́рдэ́ ада́й, кэ́ли ёнэ шундлэ́ дава́, лы́нэ тэ́ раки́рэн: “Шу́нэ́н, Ё́в кхарэ́ла́ Или́яс.” ³⁵ Нэ́ екх́ лэ́ндыр подпра́станды́я пашы́лэды́р, киндяки́рдя гу́пка дро́ мо́литко́ укесó, ури́дя ла́ пэ́ кашт́ и поды́я тэ́ пьел́ Исусо́скэ́; раки́ри: “У́жаки́рэн. Ды́кхаса́, сы́р явэ́ла́ Или́я тэ́ злэл́ Лэ́с.” ³⁶ Исýсо́ ж, ды́я гóдла зоралэ́с и мы́я. ³⁷ Шы́рма дрэ́ Кханги́ри́ розриски́рдяпэ́ са́монэ́ упралэ́стыр кэ́ пхув. ³⁸ А шэлэ́нгиро́ барыды́ро, саво́ сыс тэ́рдэ́ ангил́ Исусо́стэ́, шунд́я́ Лэ́скири́ годлы́ма и ды́кхця́, сы́р Ё́в мы́я, пхэндя́: “А́дава́ ма́нуш, чачэ́с, сы́с Дэ́влэ́скиро́ Чха́во!” ³⁹ Дрэ́ риѓ сыс тэ́рдэ́ джу́вля́ и ды́кхэ́нас ду́рипна́стыр: машки́р лэ́ндэ́ сы́с Ма́рия́ Магда́лина, Ма́рия́, да́й Ты́кнэ́дырэ́скири́ Я́ковоски́ри и Ио́сияски́ри, Са́ломия, ⁴⁰ дава́ сы́с адалэ́́ джу́вля́, савэ́ джа́́на́с пал́ Исусо́стэ́ дрэ́ Га́лилэ́я и ды́нариндлэ́́ Лэ́скэ́; одо́й сы́с бут́ я́ви́р джу́вля́, савэ́ я́внэ́ кхэ́танэ́ Лэ́са дро́́ Еру́сали́мо.

Исусо́скиро Га́раибэ́н

⁴¹ И сы́р я́вдя́ бэ́львэ́ль, дава́ сы́с пара́стивин́ (пяти́ница) – дава́́ дывэ́с, саво́́ джа́́ла́ ангил́́ са́вато́ (субо́та), ⁴² я́вдя́ Ё́за́ Ари́мафе́яты́р. Ё́в сы́с паты́вало́ ма́нуш дро́́ сэ́ндо, саво́́ у́жаки́рдя

Кралипэн Дэвлэскиро. Ёв муршканэс подгья кэ Пилато и мангдя тэ дэл лэскэ Исусоскиро трүпо. ⁴⁴ Пилато здивиндяпэ, со Исусо ужэ мыя, кхардя шэлэнгирэ барыдырэс, пхуця лэстыр: “Ци гарá Ёв мыя?” ⁴⁵ Сыр Пилато уджиндя шэлэнгирэ барэдырэстыр, тэды отдыя трүпо Ёзаскэ. ⁴⁶ Ёза киндя похтан, злыя Исусоскиро трүпо; обкрэнцындя Лэс жужэ похтанэса и чхудя дрэ копліца, вычингирды дрэ скала, и прирадя бар кэ загибэн дрэ копліца. ⁴⁷ Марія Магдалина и Марія, дай Йосияскири, дыкхнэ, карик Исусос чхудэ.

15:27 ^[1] Стихо 28 нанэ дрэ сарэ Грэжитка оригиналы: И кэрдяпэ лав Чхинынастыр: “Лэс чхудэ кхэтанэ проштавибнарьенца.”

Шэрó 16

Отджидыпэн

¹ А кэли прогия савато (субóта), Марія Магдалина, Марія дай Яковоскири и Саломия, киндлэ ароматытка чарья, соб (кай) тэ джэн тэ макхэн Исусоскиро трүпо. ² Пэ злóко, дро пэрво куркэскиро дывэс, сыр уштыя кхам, ёнэ гинэ кэ магила. ³ Пир дром ёнэ ракирдэ машкір пэстэ: “Кон да амэнгэ отрискирэла криг бар пашыл загибэн дрэ копліца?” ⁴ А кэли ёнэ придыкхнэпэ, дыкхэна, со бар отрискирдо криг, а бар сыс древэн барó. ⁵ Ёнэ гинэ андрэ и дыкхнэ тэрнэ манушэс, савó сыс уридó дро сарó парныпэн; ёв сыс бэштó пир чачі риг вударэндыр, и ёнэ страхэдынэ. ⁶ “На андыршан”, – ракирэла ёв лэнгэ. “Тумэ родэна Исусос Назаретостыр, Савэс примардэ пэ трушул. Ёв отджидыя! Лэс адай нанэ, дава исын штэто, кай Лэс чхудэ. ⁷ Каканá джэн и пхэнэн Лэскирэ сыкляибнытконэнгэ и Пэтрискэ: “Ёв джала ангил тумэндэ дрэ Галилэя, одой тумэ Лэс и дыкхэна, сыр Ёв и пхэндя тумэнгэ.” ⁸ Ёнэ выгинэ и дынэпэ тэ прастан магилатыр, сыр пыя пэ лэндэ бари дар и издраны; ёнэ никонэскэ нисó на пхэндлэ, пал-дова со ёнэ дарандынэ.

Исусо Сыкадэла Мариякэ Магдалинакэ

⁹ Отджидыи дро пэрво куркэскиро дывэс, Исусо сыкадыя ангил Мариякэ Магдалинакэ, савьятыр Ёв вытрадыя эфта налачхэ дүхи (фаны). ¹⁰ Ёй гия и роспхэндя дава одолэнгэ, кон сыс Лэса и савэ ровэнас пал Лэстэ и пиридживэнас; ¹¹ кэли ёнэ шундлэ пал дова, со Исусо исын джидó и, со ёй дыкхця Лэс, ёнэ на патяндынэ. ¹² Тэньци Исусо сыкадыя дро явир дыкхибэн дуенгэ лэндыр пир дром, кэли ёнэ гинэ пал фóро. ¹³ Кадалэ дуй мануша рисинэ и роспхэндлэ явирэнгэ, нэ ёнэ и лэнгэ на патяндынэ. ¹⁴ Тэньци Исусо сыкадыя дэшуекхэ сыкляибнытконэнгэ, савэ ханас пал скамйнд. Ёв выракирдя лэнгэ, со на ухтылла (надоси) лэндэ патяибэн и лэнгиро илó исын пхарó дро дова, со лэнгэ сыс на пир илó тэ патян одолэнгэ, савэ дыкхнэ Лэс коригэдыр (позжэдыр), сыр Ёв отджидыя. ¹⁵ Исусо пхэндя лэнгэ: “Джэн пир сарó свэто (лот) и пхэнэн лав Евангелиятыр кажнонэ джидэ создыибнаскэ. ¹⁶ Одолэ, савэ патяна и явэна тэ болэнпэ, явэна зракхнэ. Нэ одолэ, савэ на явэна тэ патян-явэна сэндиндлэ. ¹⁷ Патяибнаскирэ явэна тэ сыкавэн дасавэ дивы: ёнэ явэна Мирэ лавэса тэ традэн налачхэ дүхи, ёнэ явэна тэ ракирэн пэ нэвэ чибá (чибья); ¹⁸ ёнэ явэна тэ лэн сапэн вастэнца ци тэ пьен трута (отрава) и ни савó чорипэн на явэла лэнгэ, ёнэ явэна тэ чхувэн вастá пэскирэ пэ насвалэндэ, и кодолэ явэна тэ састён.” ¹⁹ И кэли Рай Дэвэл Исусо пхэндя лэнгэ сарó, тэды Ёв сыс газдыно пэ болыбэн и бэсця пэ чачó васт Дэвлэстэ Дадэстэ. ²⁰ И ёнэ выгинэ и роспхэндлэ лав усенде (езде), Рай Дэвэл сыс пашыл лэнгирэ рэнды и Ёв допхэнэлас лэнгирэ лавэнгиро чачипэн знамениэнца (гертыкэнца), савэ джэнас адай жэ пал лэнгирэ лавá.

Евѡнгелія Лукастыр

Шэро́ 1

Англатуно́ Лав Теофило́скэ

¹ Пал-дова́ со, сыр бут мануша́ ужэ лынэпэ тэ чхинэн роспхэныбэн пал дова́, со сыс машкір амэндэ и, со исын древа́н джіндло́ тумэнгэ, ² ёнэ уджіндлэ́ манушэндыр, савэ́ пэрва́ дыкхнэ́ дова́ пэскирэ́ якхэнца́ и служынлэ́ (дынариндлэ́) ваш Дэвлэ́скиро лав, адя́кэ ёнэ́ припхэндлэ́ амэнгэ. ³ Палдава́ здыяпэ́ и ма́нгэ, со явэ́ла мишто́ тэ чхина́в ту́кэ, баро́ Теофиле, пало́ дова́, сыр мэ́ лачхэ́с розгалыём дава́ саро́ англыпна́стыр, ⁴ соб (кай) ту́ тэ́ джінэ́с чачипэ́н пал дова́, дро со тут сыклякирдэ́.

Иано́скирэ-Болдэипна́ры́скиро Би́яныпэ́н

⁵ Дро долэ́ дывэ́са, кэ́ли Иродо́ сыс кра́ли пир Юдэ́я, дживдя́ екх раша́й пир лав Заха́рия́ Авия́скирэ́ раша́нгирэ́ родо́стыр, пэ́скирэ́ ромня́са, Ароно́скирэ́ родо́стыр пир лав Елиза́вета. ⁶ Ёнэ́ ж сыс дуйджинэ́ чачуно́ ангил Дэвлэ́стэ, рикирдэ́пэ кэ́ Дэвлэ́скирэ́ припхэныбэ́на́ и Зако́но. ⁷ Лэ́ндэ на сыс чхаворэ́, пал-дова́ со Елиза́вета на мого́ндя́ тэ́ биянэ́л, ёнэ́ дуйджинэ́ сыс пху́рэ пир бэ́рша́. ⁸ И сыс адя́кэ: э́кхвар, кэ́ли Заха́рия кэ́рдя́ пэ́скири буты́ сыр раша́й ангил Дэвлэ́стэ, сыр сыс прилыно́ пэ́скирэ́ родо́стыр, ⁹ пал раша́нгиро доракирибэ́н пир жрэ́биё́ лэ́скэ́ трэ́индя́ тэ́ заджа́л дрэ́ Кханги́ри́ и тэ́ тхувлякирэ́л гу́длэ́ смо́лэнца́ ладанос́тыр, ¹⁰ и сарэ́ мануша́ мангнэ́пэ́ Дэвлэ́скэ́ яврі́ дро дава́ часо́, кэ́ли сыс тхувлякирибэ́н гу́длэ́ смо́ласа. ¹¹ И сыка́дыя́ Захари́яскэ́ Дэвлэ́скиро Я́нголо́, саво́ сыс тэ́рдэ́ пир чачи́ (право) риг тхувитконэ́ (кадилытконэ́) алтарё́стыр. ¹² Заха́рия́ страха́дыя, кэ́ли дыкхця́ лэ́с, и дар пы́я пэ́ лэ́стэ. ¹³ Нэ́ Я́нголо́ пхэ́ндя́ Лэ́скэ́: “На анды́рша, Заха́рия, пал-дова́ со Дэвэ́л шундя́ тыро́ мангипэ́н, и ты́ри́ ромны́ биянэ́ла́ чхавэ́с, и ту́ дэ́са лав Лэ́скэ́ Иа́но. ¹⁴ И явэ́ла ту́кэ́ бари ра́дыма́ и весёлы́ма (лош), и бут мануша́ явэ́на́ тэ́ ра́дынэ́нпэ́ лэ́скирэ́ бияныпна́стыр. ¹⁵ Пал-дова́ со ёв явэ́ла баро́ ангил Растэ́-Дэвлэ́стэ, и ёв на явэ́ла тэ́ пьел мо́л (вино) и зоралэ́ пибэ́на, и Свэ́нто Ду́хо (Фа́но) явэ́ла дрэ́ лэ́стэ́ ада́й жэ́, сыр ёв биянэ́дэ́ла, ¹⁶ и ёв рискирэ́ла палэ́ кэ́ Лэ́нгиро Рай́ Дэвэ́л бутэ́н Израилё́скирэ́ чхавэ́н. ¹⁷ И ёв явэ́ла ангил Растэ́-Дэвлэ́стэ, зорья́са́ и духо́са́ сыр Или́я, и ёв кэ́рэ́ла рама́не (миро) машкі́р даде́ндэ́ и чхавэ́ндэ́, рискирэ́ла пэ́ чачуно́ дро́м ко́долэ́н, савэ́ на канде́на́ Дэвлэ́с, соб (кай) тэ́ скэ́дэл манушэ́н ваш Ра́скэ́-Дэвлэ́скэ́.” ¹⁸ И Заха́рия́ пхэ́ндя́ Я́нголоскэ́: “Сыр ма́нгэ́ тэ́ джи́на́в, со адя́кэ́ явэ́ла? Мэ́ сом пху́ро, и ми́ри́ ромны́ исын ужэ́ дрэ́ бэ́рша́.” ¹⁹ И Я́нголо́ отпхэ́ндя́ Лэ́скэ́: “Мэ́ сом Га́вриило́, мэ́ сом тэ́рдэ́ пашы́л Дэвлэ́стэ. Ёв бичха́дя́ ман тэ́ пхэ́на́в ту́кэ́ и тэ́ яна́в ту́кэ́ дава́ бахтало́ лав, ²⁰ и, га́да, ту́ явэ́са́ шты́л и ту́ на дэ́са ра́да (на змо́гинэ́са) тэ́ ракирэ́с ангил дова́ дывэ́с, кэ́ли саро́ дава́ кэ́рэ́лапэ́, пал-дова́ со ту́ на патя́ндыян Ми́рэ́ лавэ́нгэ́, савэ́ кэ́рэ́напэ́ кэ́ ко́нцо́ / яго́ро дро́ пэ́скиро́ часо́. ²¹ И мануша́ ужакирдэ́ Захари́яс и дивиндлэ́пэ́ пэ́ дава́, со ёв га́ра́ (длу́гэ́с) на джа́лас яврі́ Кханги́рья́тыр. ²² Кэ́ли ёв вы́гия́ яврі́, ёв на ды́я ра́да тэ́ ракирэ́л, и ёнэ́ галы́нэ́, со сыс лэ́стэ́ дыкхи́бэ́н дро́ Кханги́ри́; и ёв сыка́вэ́лас вастэ́нца́ и ёв я́ця́пэ́ не́мо (мүто). ²³ И кэ́ли дывэ́са́ кончы́ндлэ́пэ́, дрэ́ савэ́ ёв лы́джия́ мангипэ́н Дэвлэ́скэ́, ёв риси́я кхэ́рэ́. ²⁴ И пало́ ка́далэ́ дывэ́са́ э́ Елиза́вета, ромны́ лэ́скири я́ця́ пха́ри́, и гара́дя́пэ́ пандж чхо́на́ манушэ́ндыр, раки́ри́ пэ́скэ́: ²⁵ “А́дя́кэ́, Рай́ Дэвэ́л кэ́рдя́ ваш ма́нгэ́”, – пхэ́ндя́ ёй, – “Ёв, га́да, кэ́рдя́ лачхи́пэ́н ма́нгэ́, соб (кай) Ёв тэ́ лэ́л кри́г ма́ндыр ла́дж ангил манушэ́ндэ́.”

Я́нголо́ Га́вриило́ Раки́рла Мари́якэ́ Пал Христо́со́скиро Би́яныпэ́н

²⁶ Дро шовто́ чхон Дэвэ́л бичха́дя́ Я́нголо́с Га́вриилос кэ́ Галиле́якиро́ фо́ро Наза́рето. ²⁷ Кэ́ Паты́валы́ Тэ́рны́ Джувлы́, сави́ сыс ангру́стяки́рды (дораки́рды) тэ́ джа́л палоро́м пал

муршэстэ пир лав Иосифо (Ёза), саво сыс Давидоскирэ родостыр; Патываля Тэрня Джувля кхардэ Марія ¹⁷. ²⁸ И Янгóло загия кэ ёй, и пхэндя лакэ: “Добридим! Ту сан бахталы Дэвлэстыр! Дэвэл исын Туса!” ²⁹ Ёй жа страхадыя далэ ракирибнастыр, и Ёй дыя годы пэскэ (думиндя) пал дова; “Со ж далэ лавá значынэна?” ³⁰ И Янгóло пхэндя лакэ: “На андырша, Марія, пал-дова со Ту латхян бахталыпэн Дэвлэстэ. ³¹ И Ту явэса пхарі, и биянэса Чхавэс, и Ту дэса лав Лэскэ Исусо. ³² Ёв явэла баро, и Лэс лэна тэ кхарэн Чхавэса Най Вучэдырэскирэса, и Рай Дэвэл дэла Лэскэ Давидоскиро трóно, Лэскирэ Дадэскиро; ³³ и Ёв явэла крáli пэ Яковоскирэ манушэндэ пэ сарэ véки; и Лэскиро Кралипэн на кончынэлапэ.” ³⁴ Нэ Марія пхэндя Янгóлоскэ: “Сыр дава сашты (могинэла) тэ явэл, коли мэ на джинав ромэс?” ³⁵ И отпхэндя лакэ Янгóло, пхэны: “Свэ́нто Дúхо (Фáно) зджáла пэ Тútэ, и зор Сарэвучэдырэскири учхакирэла Тут; пал-дова со Свэ́нто Чхаво, Саво бияндэла, явэла тэ кхарэлпэ Дэвлэскиро Чхаво. ³⁶ И ишчо (инкэ), сэмэнца Тырі, Елизавета, яця пхарі дрэ лакирэ пхурэ бэрша; и ёй, савья джиндлэ сыр бичхаворэнгирья, каканá исын пхарі шовто чхон, ³⁷ пал-дова со Дэвлэстэ нанэ нисо, соб (кай) Ёв на дэлас бы рада (могинэлас) тэ кэрэл. ³⁸ И пхэндя Марія: “Гáда, мэ сом Дэвлэскири писхарица; мэк тэ явэл Мánгэ пир Тыро лав.” И Янгóло гия криг латыр.

Марія Джáла тэ Дыкхэлпэ Елизаветáса

³⁹ Дрэ далэ дывэса Марія уштыя и гия сыгэс пир бэргитко пхув кэ фóро дрэ Юдэя, ⁴⁰ и ёй загия дро Захарияскиро кхэр и дыя “добридим” Елизаветакэ. ⁴¹ И сыс адякэ: кэли Елизавета шундя, сыр Марія дыя “добридим” лакэ, тыкно биято тринскирдяпэ упрэ екх мо́ло дро лакиро пэр, и тэды Свэ́нто Дúхо (Фáно) пхэрдякирдя ла, обрадындя пэс ⁴² и ёй зоралэс дыя гóдла и пхэндя: “Ту сан бахтякирды машкір джувлендэ, и бахтякирдó явэла биято, савэс Ту биянэса! ⁴³ И катыр дава явдя мánгэ, со Рáскирэ-Дэвлэскири Дай явдя кэ Мэ? ⁴⁴ Пал-дова, кэли мэ шундём, сыр Ту дыян “добридим” мánгэ, миро тыкно биято обрадындяпэ радыматыр дро миро пэр, ⁴⁵ со бахталы исын Кодоя, Сави упатяндя дро дова, со дава явэла чачунэс, сыр Рай Дэвэл пхэндя лакэ.”

Марія Парикирэла Дэвлэскэ дрэ Гилы

⁴⁶ И пхэндя Марія: “Миро ило барьякирэла патыв Рáскэ-Дэвлэскэ, ⁴⁷ и Миро дúхо (фáно) радынэлапэ пал Дэвлэстэ, Мирэ Зракхибнаристэ. ⁴⁸ Со Ёв подыкхця ласкаса пэ Пэскирэ писхарицатэ, сави исын кандуны, пал-дова со далэ дывэсэстыр сарэ рóды явэна тэ кхарэн Ман “бахтякирды”; ⁴⁹ пал барипэн, саво со кэрдя Мánгэ Зоралыпнаскиро Дэвэл, мэк тэ явэл свэ́нто Лэскиро лав, ⁵⁰ И Лэскиро тангипэн явэла пэ сарэ рóды, кон дарэла Лэстыр. ⁵¹ Ёв кэрдя барэ бутя Пэскирэ мышчаса (вастэса), ро́стрададыя одолэн, савэ исын пхутькирдэ и бут камэна дрэ пэскирэ илэ; ⁵² Ёв радя тэлэ зоралэн лэнгирэ тронэндир и газдыя упрэ кандунэ манушэн; ⁵³ Ёв чалякирдя чалэс бокхалэн, и мэкця криг барвалэн чхучэ вастэнца, ⁵⁴ Ёв дыя васт (помогиндя) Израилёскэ, Лэскирэ дынаріскэ, соб (кай) тэ рипирэл Лэскиро тангипэн, ⁵⁵ сыр Ёв дыя лав и кэрдя амарэ дадэнгэ, Авраамостыр кэ Лэскиро рóдо дрэ véки.” ⁵⁶ Марія сыс кэ ёй пашэ трин чхонá, и тэньчи Ёй рисия дро Пэскиро Кхэр.

Сыр Иáно Болдэипна́ри Бия́ндыя

⁵⁷ Кэли Елизаветакэ явдя часо тэ биянэл, ёй бияндя чхавэс. ⁵⁸ И шундлэ лакирэ сусэды (котарья) и сэмэнцы, со Дэвэл сыс лачхó кэ ёй, и радынлэпэ кхэтанэ ласа. ⁵⁹ И сыс адякэ: кэли биятоскэ (муршорэскэ) сыс охто́ (бидуэнгиро дэш) дывэса, ёнэ явнэ тэ обчхинэн лэс, и ёнэ камлэ тэ кхарэн чхавэс “Захáрия” пир дадэстэ, ⁶⁰ нэ Елизавета, дай лэскири, пхэндя: “Над, Лэскиро лав явэла Иáно.” ⁶¹ Ёнэ пхэндлэ лакэ: “Нанэ никонэс дро саро тыро рóдо, савэстэ исын дасаво лав.” ⁶² Ёнэ пхучнэ вастэнца лэскирэ дадэстыр, сыр ёв камдя тэ кхарэл чхаворэс. ⁶³ Ёв мангдя пхалори тэ чхинэл, и чхиндя “Иáно” лэскэ лав и сарэ ж дивиндлэпэ

пэ дава. ⁶⁴ И екхатыр Захарияскиро муй откэрдяпэ, лэскири чиб отпхандяпэ, и ёв лыя тэ ракирэл, и тэ шарэл Дэвлэс. ⁶⁵ Манушá, савэ дживдэ пашыл одой, страхáдынэ, и сарí бэргитко пхув Юдэя ракирдя пал дава. ⁶⁶ И сарэнгэ, кон шундя дава, запья дро ило и ёнэ ракирдэ: “Со да явэла долэ биятостыр?” Пал-дова со Дэвлэскиро васт сыс пэ лэстэ.

Захария Ангилпхэнэла и Славинэла Дэвлэс

⁶⁷ Свэнто Духо (Фáно) пхэрдякирдя Захарияс, лэскирэ дадэс, Саво лыя тэ ангилпхэнэл, ракири: ⁶⁸ “Бахталó исын Рай Дэвэл, Израилёскиро Дэвэл, Саво явдя тэ дыкхэл Пэскирэ манушэн и тэ выракхэл лэн, ⁶⁹ Ёв дыя амэнгэ зоралэ Зракхибнарис, саво исын Дына́ри Давидóскирэ родóстыр, ⁷⁰ Сыр Дэвэл и дыя лав бут бэрш палэ пир Пэскирэ Свэнтонé пророкэндэ, савэ пхэндлэ, ⁷¹ со Ёв зракхэла амэн амарэ вэргэндыр и кодолэнгирэ вастэндыр, савэ древáн на вырикирэна амэн, ⁷² и Ёв потангинэла (пожалинэла) амарэ дадэн и рипирэла Пэскиро Свэнто Завето. ⁷³ Со пэ дава Ёв дэла совлáх амэнгэ, сыр Ёв дыя амарэ прапапускэ Авраамóскэ, ⁷⁴ тэ зракхэл амэн вастэндыр амарэ вэргэндыр, соб (кай) амэ тэ дынаринас би дарáкиро Лэскэ, ⁷⁵ пир свэнтыма и патяибэн ангил Лэстэ пир сарэ амарэ дывэсá. ⁷⁶ И тут, чхаворó, явэна тэ кхарэн пророкоса Най Вучэдырэскирэса, пал-дова со ту явэса тэ джас ангил Растэ-Дэвлэстэ тэ скэдэс дром Лэскэ, ⁷⁷ соб (кай) тэ роспхэнэс манушэнгэ пал дова, со ёнэ зракхэнапэ, пал-дова со Дэвэл отмэкэла лэнгирэ грэхí, ⁷⁸ пал-дова со, сыр амарó Дэвэл тангинэла, и амэн сам дрóга Лэскэ, и зачхувэла кхам тэ уштэл вычипнастыр, ⁷⁹ тэ свэнцынэл пэ одолэндэ, савэ дживэна дро калыпэн (цямлыпэн) и дрэ дар мэрибнастыр, соб (кай) тэ джáн амарэ гэрá пир дром кэ рамáнэ (миро).” ⁸⁰ О биято барьёлас и ячэласпэ зоралэдыр дро духо (фáно); ёв дживдя пэ чхучí пхув ангил дывэс, сыр тэ сыкадел Израилёскирэ манушэнгэ.

1:27 ^[1] Давá лав исын Юдыткэс “Мириам”

Шэрó 2

Сыр Христóсо Бияндыя

¹ Дрэ долэ дывэсá Римоскиро кхенинго (кесарё) Аўгусто дыя упхэныбэн тэ пиригинэн сарэ манушэн, савэ сыс пир сарí пхув. ² Давá сыс пэрво пиригиныбэн и лэс кэрэнас дро дова часо, кэли о Квиринее сыс Сириякирэ-тхэмэскиро барыдырó. ³ Кажнонэскэ трэиндя тэ явэл дро пэскиро фóро ваш пиригиныбэн. ⁴ И Ё́за (Иосифо) адякэ-паць гия Назаретостыр, саво исын дрэ Галилэя кэ Юдэя дро фóро Вифлеэмо, саво кхарлапэ адякэ-паць “Давидóскиро фóро”, пал-дова со ёв сыс Давидóскирэ манушэндыр и родóстыр, ⁵ тэ зачхинэлпэ Марияса, Савí гиндяпэ лэскэ сыр ромны, и Савí сыс пхарí. ⁶ И сыс адякэ: пака ёнэ сыс одой, явдя Лáкэ дывэс тэ биянэл, ⁷ и Ёй бияндя Пэскирэ Пэ́рвонé Чхавэс, и патькирдя Лэс дрэ пхэрнэ, и чхудя Лэс дрэ ясла (кхурлы), пал-дова со на сыс лэнгэ штéто дро затрадыпнытко кхэр (гостиница).

Чхупна́рья и Янгóлы

⁸ Сыс чхупна́рья (пастухи) пэ кодо́я риг пэ фэ́лда, и ра́кхэнас раты́ пэскиро гурто. ⁹ И екхатыр (срáзу) Дэвлэскиро Янгóло явдя ангил лэндэ, и Дэвлэскири сла́ва сыр ягуно дуд (свэто) засвэнцындя пашыл лэндэ; и пы́я пэ лэндэ бари дар. ¹⁰ И Янгóло пхэндя лэнгэ: “На дарэн, мэ пхэна́ва тумэнгэ лачхó нэви́пэн пал бари ра́дыма ваш сарэ манушэнгэ. ¹¹ Ададывэс дро Давидóскиро фóро бияндыя тумэнгэ Зракхибна́ри, саво исын Христóсо, Рай Дэвэл. ¹² И, га́да, тумэнгэ зна́ко (шпéра): тумэ латхэна Ты́кнэ́ Биятос патькирдэс дрэ пхэрнэ, и Ёв явэла дрэ ясла.” ¹³ И екхатыр сыкадынэ бут болыбны́тка халадыбэ́на (Янгóлы) кхэ́танэ́ далэ

Янголоса; ёнэ шарэнас Дэвлэс и ракирэнас: ¹⁴ “Тэ славинэлпэ Дэвэл дрэ упратунэ болыбэна, и тэ явэл раманё (миро) пэ пхув машкір манушэндэ, савэндэр Дэвэл радынэлапэ.”

Чхупна́рья дро Вифле́мо

¹⁵ И сыс адякэ: кэли Янгóлы гинэ криг лэндэр пэ болыбэн, то чхупна́рья пхэндлэ екх екхэскэ: “Явэн дро Вифле́мо тэ дыкхас, со одой кэрдяпэ, пал со сыс дава́ нэвипэн Ра́стыр-Дэвлэстыр амарэстыр.” ¹⁶ И ёнэ сыгэс явнэ, и латхнэ Марія и Ёзас (Иосифос) и Тыкнэ Биятос, Саво сыс пашто дрэ ясла (кхурлы). ¹⁷ Кэли ёнэ дыкхнэ дава́, ёнэ роспхэндлэ пал дова́, со сыс пхэндлэ лэ́нгэ пал далэ Тыкнэ Биятостэ. ¹⁸ И сарэ, кон шундлэ дава́, дивиндлэпэ пэ дова́, со лэ́нгэ чхупна́рья пхэндлэ. ¹⁹ Нэ Марія рипирэлас сарэ далэ лава́, и думинэлас пал лэндэ хор дро Пэскиро ило. ²⁰ И чхупна́рья рисинэ палэ шарэнас и парикирэнас Дэвлэскэ пал сарэ, со ёнэ шундлэ и дыкхнэ адякэ, сыр лэ́нгэ сыс пхэндлэ.

Исусо́скэ Д́на Лав

²¹ И кэли прогинэ охто (бидуэнгиро дэш) дывэса́, соб (кай) тэ обчхинэн Тыкнэ Биятос, дынэ Лэ́скэ лав Исусо́, лав, саво дыя Янгóло ангил дава́, сыр Лэ́скири Дай яця́ пхарі́ Лэ́са. ²² И кэли прогинэ (накхлэ) дывэса́, савэ сыс на жужэ пир Мойза́скиро Зако́но, ёнэ яндлэ лэс тэ свэнцякирэн (тэ сыкавэн и тэ чхувэн дрэ риг Лэс) ангил Дэвлэстэ, ²³ сыр исын чхиндлэ дро Дэвлэскиро Зако́но: “Ка́жно му́ршоро, саво вы́джала́ да́кирэ лочовя́тыр (утроба́тыр), тэ явэл свэнцякирдо ваш Дэвлэскэ”, ²⁴ соб (кай) тэ янэн свэнто дыибэн (жэ́ртва), сыр исын пхэндлэ дро Дэвлэскиро Зако́но, ду́ен голумби́цен ци ду́ен голумбэнгирэ тыкно́рэн.

Симео́но (Семё́но) Дыкхэ́ла и Бахтякирэ́ла Исусо́с дрэ Кханги́ри

²⁵ И, га́да, сыс ману́ш, савэс кхардэ Симео́но; ёв сыс чачуно́ ману́ш и дарэлас Дэвлэстыр; ёв ужакирэлас, кэли явэла Израилёскиро Зракхи́бнари, и Ду́хо (Фа́но) Свэнто сыс пэ лэстэ. ²⁶ И Ду́хо (Фа́но) Свэнто откэрдя джиныбэн Лэ́скэ, со ёв на мэ́рэла, пака ёв дыкхэла Дэвлэскирэ Христосо́с. ²⁷ Ду́хо (Фа́но) лыджия́ лэс и яндя́ дрэ Кханги́ри. И кэли дад и дай яндлэ Биятос Исусо́с, соб (кай) тэ кэрэн ваш Лэ́скэ дова́, со трэй пир Зако́но, ²⁸ то Симео́но лыя́ Лэс пэ васта́, парикирдя Дэвлэскэ и пхэндя́: ²⁹ “Ка́кана́, Раё́, Ту отма́кэса Пэскирэ писха́рис, пир Лав Тыро́ раманё́са (миро́са). ³⁰ Пал-дова́ со Мирэ́ якха́ дыкхнэ Тыро́ зракхи́бэн, ³¹ Саво́ Ту пригото́виндя́н ангил сарэ́ манушэ́ндэ, ³² Ёв явэла сыр Дуд (Свэ́то) тэ откэрэл Тыри́ во́ля ваш Наю́дэнгэ. Ёв янэла сла́ва Тырэ́ манушэ́нгэ, Израилё́скэ.” ³³ Нэ о Ё́за, и Биятоскири Дай дивиндлэпэ пэ дова́, со сыс пхэндлэ пал Лэ́стэ. ³⁴ Симео́но бахтякирдя́ лэн и пхэндя́ Мария́кэ, Дакэ́ Лэски́рьякэ: “Пал Лэ́стэ бут ману́ша́ Израилё́стыр пэ́рэна и газдэ́напэ сыр бахталэ́, Ёв явэла сы́рбы герты́к (знако́) Дэвлэ́стыр, пал Конэ́стэ ману́ша́ явэ́на тэ раки́рэн хо́ляса; ³⁵ и курта́ла (мечо́) прома́рэла тыро́ ило́, соб (кай) тэ откэрэ́нпэ гара́дэ ду́мы.” ³⁶ Ада́й сыс адя́кэ-па́ць Анна́, проро́чица, Фануи́лоскири чхай́, Асиро́скирэ родо́стыр, сави́ доджив́дя кэ́ пхура́нэ бэ́рша́ и джив́дя пэ́скирэ ромэ́са фэ́ни эф́та́ бэ́рш, сыр ёй́ гия́ палоро́м. ³⁷ Далэ́ пивля́кэ (удова́кэ) сыс охто́дэша́ шта́р бэ́рш; ёй на джа́лас Кханги́рьятыр и дына́риндя́ Дэвлэ́скэ постоса́ и манги́пна́са Дэвлэ́скэ. ³⁸ Дрэ́ дова́-па́ць мардо́ (штунда́) ёй подѓия́ и славин́дя Дэвлэ́с, и раки́рдя пал Чхаво́рэстэ́ сарэ́нгэ, кон ужакирдя́ вы́ракхи́бэн дро Израилё́.

Риси́бэн дро Наза́рето

³⁹ И кэли Ё́за и Марія́ кэрдэ́ саро́ пир Дэвлэ́скиро Зако́но, ёнэ рисинэ́ дро лэ́нгиро фо́ро Наза́рето дрэ́ Галиле́я. ⁴⁰ Бия́то барьё́лас и зорале́лас, ячэ́ласпэ́ ўса́ годьва́рэдыр; и Дэвлэ́скиро бахты́лэн сыс пэ́ Лэ́стэ. ⁴¹ Со бэ́рш дад и дай Лэ́скирэ́ джа́на́с кэ́ Ерусали́мо пэ́ Свэнко́ Пата́ди. ⁴² И кэли Лэ́скэ́ сыс дэ́шуду́й бэ́рш, ёнэ явнэ́ пэ́ свэнко́, сыр лэн

сыклякирдэ. ⁴³ Кéли свэнкоскирэ дывэса кончындрлэпэ, ёнэ рисёнас кхэрэ, нэ Тэрнэ-Бэршэнгиро Исусо яцяпэ дро Ерусалимо, а Лэскирэ дада на дыкхнэ дава; ⁴⁴ а ёнэ думиндрлэ, со Ёв джала явирэнца, нэ сыр ёнэ прогинэ (накхлэ) дывэсэскиро дром, лынэ тэ родэн Лэс машкир сэмэнцэндэ и джиндрлэндэ (пинджкирдэндэ), ⁴⁵ и пал-дова со ёнэ на латхнэ Лэс, то ёнэ рисинэ дро Ерусалимо тэ родэл Лэс. ⁴⁶ Пэ трйто дывэс ёнэ латхнэ Лэс дрэ Кхангирй, кай Ёв сыс бэшто машкир сыклякирдэндэ: Ёв шунэлэс лэн и пхучэлэс Лэндыр. ⁴⁷ Сарэ, кон шундя Лэс, дивиндрлэпэ пэ Лэскири годы и пэ дова, сыр Ёв отпхэнэлэс. ⁴⁸ Кéли Лэскирэ дада дыкхнэ Лэс, ёнэ здвиндрлэпэ, и Лэскири Дай пхэндя Лэскэ: “Мро Чхаворо! Со Ту кэрдян амэнгэ? Ѓада, Тырo дад и Мэ барэ дукхаса родыям Тут.” ⁴⁹ Ёв пхэндя лэнгэ: “Ваш со тумэнгэ трэиндя тэ родэн Ман? Ци на джинэнас тумэ, со Мэнгэ трэй тэ явав тэ кэрэв Мирэ-Дадэскиро рэндо.” ⁵⁰ Нэ ёнэ на галынэ лава, со Ёв пхэндя лэнгэ. ⁵¹ И Исусо гия лэнца и явдя дро Назарето, и Ёв зоралэс кандэлэс лэн. А Лэскири Дай рипирдя сарэ кадалэ лава дро Пэскиро ило. ⁵² И Исусо ячэлэспэ годьварэдыр и барьёлас дро ласка Дэвлэстыр и манушэндыр.

Шэрo 3

Ианoскирэ-Болдэипнарйскиро Пхэныбэн

¹ Дро дэшупанджто бэрш, кéли Тиверийэ сыс кхенинго (кесарё), а Понтиё Пилáто сыс балунитко (правителё) пэ Юдэя, а Иродо сыс хулáй пэ Галилэя, Лэскиро пшал Филипо сыс хулáй пэ Итурея и Трахонитоскири пхув, а Лисаниё хулаиндя пэ Авилинея; ² и кéли Анна и Каиáфа сыс рашáнгирэ барыдыра, явдя Дэвлэскиро лав Ианоскэ, Захариескирэ чхавэскэ пэ чхучй пхув. ³ И ёв явдя пэ пхув пашыл рэка (лэнь) Иордáно, сыклякири манушэн тэ болэмпэ тэ сыкавэн, со ёнэ рискирдэ пэскиро джиибэн кэ Дэвэл, соб (кай) Ёв тэ отмэкэл грéхи. ⁴ Сыр исын чхиндрлэ дрэ Исаёскирэ-пророкоскири лылварй, савo ракирла: “Ѓада, исын зан, савй дэла гóдла пэ чхучй пхув: ‘Кэрэн дром Рáскэ-Дэвлэскэ, чхувэн Лэскэ мамуй дром; ⁵ кажно доло тэ явэл пхэрдó, кажно бэрга и бэргица тэ явэн тэлэдыр, кажно бангипэн тэ явэл роўно и бангэ дромá тэ явэн гладка; ⁶ кажно лоч тэ уджинэл пал Дэвлэскиро зракхибэн.”” ⁷ Иáно ж ракирдя бутэ манушэнгэ, савэ явэнас тэ болэмпэ кэ ёв: тумэ сан сапитко рóдо! Кон сыклякирдя тумэн тэ нашэн Дэвлэскирэ холятыр, со явэла сыг? ⁸ Кэрэн вари-со, соб (кай) тэ явэл мол, со тумэ мэкнэ тэ кэрэн грéхи и рискирдэ пэскиро джиибэн кэ Дэвэл, и на думинэн тэ ракирэн пэскэ: ‘Авраáмо исын дад амарó’, пал-дова со мэ ракирава тумэнгэ, со Дэвэл могоинэла далэндыр барэндыр тэ газдэн чхаворэн Авраамóскэ; ⁹ гада, ужэ товэр исын пашто пашыл каштэскиро корнэ (рукх), кажно кашт, со на дэла лачхó барьякирдó (плóдо), чингирэна тэлэ и чхурдэна дрэ яг.” ¹⁰ Манушá пхучнэ Лэстыр: “Со ж амэнгэ тэ кэрáс?” ¹¹ И Иáно отпхэндя лэнгэ: “Конэстэ исын дуй гада, тэ дэл екх одолэскэ, конэстэ нанэ; и конэстэ исын хабэн, тэ кэрэл адыкэ-паць.” ¹² И мытоскирэ скэдыибнарья явнэ тэ болэмпэ и пхэндлэ Лэскэ: “Сыклякирибна́скиро! Со амэнгэ тэ кэрáс?” ¹³ “На лэн бутэдыр ловэ, сыр тумэнгэ сашты (домэкно) тэ лэн пир Зако́но.” ¹⁴ Вари-савэ халадэ адыкэ-паць пхучнэ Лэстыр: “А со ж амэнгэ тэ кэрáс?” Ёв пхэндя халадэнгэ: “На отлэн зорьяса никонэстыр, и на бангякирэн никонэс хоханэс. Явэн рада далэскэ, со тумэнгэ плэскирэна.” ¹⁵ Нэ пал-дова со манушá ужакирдэ и думиндрлэ дро пэскиро ило, со, хоби, Иáно исын Кокорó Христóсо, ¹⁶ Иáно тэды отпхэндя сарэнгэ: “Мэ болава тумэн панэса, нэ пал мэндэ джала Одовá, Кон исын зоралэдыр мэндыр, со мэ на сом мол аж тэ роспхандав симирья Лэскирэ гэритконэндыр, Ёв явэла тэ болэл тумэн Свэнтонэ Духóса и ягáса; ¹⁷ Лэскиро ганадытко (лопата) исын дро Лэскиро васт, и Ёв жужакирэла Пэскири шурна и скэдэла парно́ гив дрэ Пэскири пиралы, а пхус хачкирэла ягáса, савй на мурдэла.” ¹⁸ И бут явйр ёв сыклякирдя манушэн, и роспхэндя бахталы зан (звесь). ¹⁹ Ёв, Иáно, адыкэ-паць выракирдя Иродоскэ, савo сыс балунитко (тетрархо) пэ доя пхув, пал-дова со Иродо лыя палором Иродиáда, пэскирэ-пшалэскирэ ромня́ и пал явйр налачхэ лэскирэ рэндэ; ²⁰ а Иродо ишчо (инкэ) бутыр кэрдя чорипэн: ёв чхудя Ианос дро штарибэн.

Христосóскиро Болдэипэн

²¹ И сыс адякэ: кэли сарэ манушá болдэпэ, и Исýсо тэж болдэпэ и мангдэпэ, болыбэн отчхакирдэпэ, ²² и Свэ́нто Дýхо (Фáно) згия пэ Лэ́стэ дро дыцьлы патр́ин (óбразо) сыр голумбо, и сыс зан болыбна́стыр, сави́ ракирдя: “Ту сан Миро дро́го Чхаво́, дрэ Тýтэ исын бари Мири́ радыма!”

Христосóскиро Рóдо

²³ Кэли Исýсо лыя́ тэ кэрэл Дэвлэ́скири буты́, Лэ́скэ сыс трия́нда бэрш; и, сыр манушá думиндлэ, Ёв сыс Ёзаскиро (Иосифоскиро) Чхаво́, ²⁴ а Ёза сыс Илияскиро чхаво́, Илия́ сыс Матфатоскиро чхаво́, Матфато сыс Левиёскиро чхаво́, Левиё́ сыс Мелхиёскиро чхаво́; Мелхиё́ сыс Ианаёскирэ чхаво́; Ианаё́ сыс Ёзаскиро чхаво́; ²⁵ Ёза сыс Матафиёскиро чхаво́, Матафиё́ сыс Амососкиро чхаво́, Амосо́ сыс Наумоскиро чхаво́; Наумо́ сыс Еслимоскиро чхаво́; Еслимо́ сыс Нагеёскиро чхаво́; ²⁶ Нагеё́ сыс Маафоскиро чхаво́; Маафо́ сыс Матафиескиро чхаво́; Матафиё́ сыс Семейноскиро чхаво́; Семейно́ сыс Ёзаскиро чхаво́; Ёза́ сыс Юда́скиро чхаво́; ²⁷ Юда́ сыс Ёнаноскиро чхаво́; Ёнанано́ сыс Рисаёскиро чхаво́; Рисаё́ сыс Зоровавелёскиро чхаво́; Зоровавелё́ сыс Салафиилёскиро чхаво́; Салафиилё́ сыс Нириёскиро чхаво́; ²⁸ Нириё́ сыс Мелхиёскиро чхаво́; Мелхиё́ сыс Адие́скиро чхаво́; Адие́ сыс Касамоскиро чхаво́; Касамо́ сыс Елмадоскиро чхаво́; Елмадо́ сыс Ироскиро чхаво́; ²⁹ Иро́ сыс Иосия́скиро чхаво́; Иосия́ сыс Елиезэроскиро чхаво́; Елиезэро́ сыс Иоримоскиро чхаво́; Иоримо́ сыс Матфатоскиро чхаво́; Матфато́ сыс Левиёскиро чхаво́; ³⁰ Левиё́ сыс Симеоноскиро чхаво́; Симеоно́ сыс Юда́скиро чхаво́; Юда́ сыс Ёзаскиро (Иосифоскиро) чхаво́; Ёза́ сыс Ёнаноскиро чхаво́; Ёнанано́ сыс Елиакимоскиро чхаво́; ³¹ Елиакимо́ сыс Мелеаёскиро чхаво́; Мелеаё́ сыс Маинаноскиро чхаво́; Маинано́ сыс Матафиёскиро чхаво́; Матафиё́ сыс Нафаноскиро чхаво́; Нафано́ сыс Давидоскиро чхаво́; ³² Дави́до сыс Есеёскиро чхаво́; Есеё́ сыс Авидоскиро чхаво́; Авидо́ сыс Ваозоскиро чхаво́; Вао́зо сыс Салмоноскиро чхаво́; Салмано́ сыс Наасоноскиро чхаво́; ³³ Наасо́но сыс Аминада́воскиро чхаво́; Аминада́во сыс Админоскиро чхаво́; Админо́ сыс Арниёскиро чхаво́; Арниё́ сыс Эсромоскиро чхаво́; Эсро́мо сыс Фаресоскиро чхаво́; Фаресо́ сыс Юда́скиро чхаво́; ³⁴ Юда́ сыс Яковоскиро чхаво́; Яково́ сыс Авраамоскиро чхаво́; Авраа́мо сыс Фарие́скиро чхаво́; Фарие́ сыс Нахороскиро чхаво́; ³⁵ Нахоро́ сыс Серухоскиро чхаво́; Серухо́ сыс Рагавоскиро чхаво́; Рагаво́ сыс Фалекоскиро чхаво́; Фалеко́ сыс Евероскиро чхаво́; Еверо́ сыс Салиёскиро чхаво́; ³⁶ Салиё́ сыс Каинаноскиро чхаво́; Каинано́ сыс Арфаксатоскиро чхаво́; Арфакеадо́ сыс Симоскиро чхаво́; Симо́ сыс Ноёскиро чхаво́; Ноё́ сыс Ламехоскиро чхаво́; Ламехо́ сыс Мафусаилоскиро чхаво́; ³⁷ Мафусаило́ сыс Енохоскиро чхаво́; Енохо́ сыс Иаредоскиро чхаво́; Иаредо́ сыс Малелеилоскиро чхаво́; Малелеило́ сыс Каиноскиро чхаво́; ³⁸ Каино́ сыс Енососкиро чхаво́; Еносо́ сыс Сифоскиро чхаво́; Сифо́ сыс Адамоскиро чхаво́; Адамо́ сыс Дэвлэ́скиро чхаво́.

Шэ́ро 4

На́лачхо Пропатякирэла Исусо́с

¹ Исýсо сыс пхэрдó Свэ́нтонé Духо́са и рисия́ Иорданостыр и Дýхо (Фáно) лыджия́ Лэс пэ чхучи́ пхув, ² кай на́лачхо пропатякирэлас Лэс штардэша́ дывэса́ и Исýсо нисо́ на хая дрэ долé дывэса́; а кэли далé дывэса́ прогинé, Ёв закамдя́ тэ хал. ³ И пхэндя́ Лэ́скэ на́лачхо: “Кóли Ту сан Дэвлэ́скиро Чхаво́, пхэн, соб (кай) далé бара́ тэ ячэн марэ́са.” ⁴ А Исýсо отпхэндя́ Лэ́скэ: “Исын чхиндлó: ‘На марэ́са екхэ́са дживэ́ла ману́ш, а кажно́нэ лавэ́са, со выджа́ла Дэвлэ́скирэ уштэндыр.’” ⁵ Тэды лыджия́ Лэс на́лачхо пэ вучи́ бэ́рга, и сыкадя́ Лэ́скэ сы́гэс пал мэ́нта (минута) сарэ́ свэ́тоскирэ кралипэ́на. ⁶ И на́лачхо пхэндя́ Лэ́скэ: “Мэ́ да́ва Тýкэ право́ пэ сарэ́ далé кралипэ́на, и лэ́нгири сла́ва, пал-до́ва со ёй исын дыны́ ма́нгэ, и мэ́

дава ла одолэскэ, конэскэ мэ камам; ⁷ гада, саро явэла Тыро, коли Ту поклонинэсапэ мангэ.”

⁸ Исусо отпхэндя Лэскэ: “Исын чхиндло: ‘Дэвлэскэ тырэскэ клонинпэ и Лэскэ екхэскэ дынарин (служын)’” ⁹ Тэды налачхо лыджия Лэс дро Ерусалимо, и чхудя Лэс пэ Кхангириякири стрэха (чхакін), и пхэндя Лэскэ: “Кóли Ту сан Дэвлэскиро Чхавó, ухты, Кокорó, адатхыр тэлэ”, ¹⁰ пал-довá со исын чхиндло: “Ёв дэла припхэныбэн Янголэнгэ Пэскирэнгэ тэ зракхэл Тут; ¹¹ и пэ вастá ёнэ лыджана Тут, соб (кай) Ту тэ на обштáвэспэ пир бар гэрьяса Пэскирьяса.” ¹² Исусо отпхэндя Лэскэ: “Исын пхэндло: ‘На пропáтиякир Рас-Дэвлэс пэскирэс.’” ¹³ Кéли налачхо кончынды сарэ пропáтиякирибэна, ёв гия криг Исусостыр, ужакири явир часо.

Исусо Лэла тэ Кэрэл Дэвлэскири Буты дрэ Галилэя

¹⁴ Одотхыр Исусо рисия дрэ Галилэя. Ёв сыс пхэрдó Духóса (Свэнтонэ Духóса); и мавлын (малва) пал Лэстэ розгияпэ пир сарí пхув, кай Ёв сыс. ¹⁵ Ёв сыклякирдя дрэ синагоги, и сарэ шардэ Лэс.

Манушá Назаретостыр на Прилэна Исусóс

¹⁶ Тэньци Исусо явдя дро Назарето, кай Ёв бария, и загия дрэ синагога дро сáвато (субóта) пир Пэскиро присыкляибэн, и лыя тэ гинэл ¹⁷ пророкоскирэ-Исаёскири лылварí, савí Лэскэ подынэ; и Ёв откэрдя лылварí, тэды латхя штéто, кай сыс чхиндло: ¹⁸ “Дэвлэскирэ–Рáскиро Дúхо (Фáно) исын пэ мандэ; пал-довá со Ёв выкэдыя Ман тэ роспхэнав бахталы зан (звесь) богэнгэ и бичхадя Ман тэ пхэнав воля одолэнгэ, савó исын дро плéно, тэ дыкхэн свéто корорэнгэ; тэ отмэкав пэ воля и тэ дзн васт одолэнгэ, савэн вэрги притасадэ, ¹⁹ тэ роспхэнав манушэнгэ пал лачхó бэрш, дро савó Дэвлé сыкавэла Пэскири лáска и тангипэн (жалима) кэ манушá.” ²⁰ Исусо закэрдя лылварí, и кéли Ёв отдыя палэ рашáскэ, бэсця; и сарэ, кон сыс дрэ Кхангири, лынэ раххунэс тэ дыкхэн пэ Лэстэ, ²¹ и гада, Ёв пхэндя лэнгэ: “Ададывэс кэрдяпэ кэ кóнцо/ягóро (сполниндяпэ) Свэнто Чхиныбэн, кéли тумэ шундлэ лэс пэскирэ канэнца.” ²² И ёнэ сарэ прилынэ дава Лэстыр и дивиндэпэ пэ бахталыпэн лавэндыр, савэ Исусо ракирдя и ёнэ ракирдэ: “Ци на Ёв исын Ёзаскиро Чхавó?” ²³ Ёв пхэндя лэнгэ: “Мэ (джинóм) джина́в, со тумэ Мánгэ пхэнэна: ‘Састыпна́ре, высастякир Кокорó Пэс! Кэр дава-паць ада́й, пэ Пэскири пхув дова́, со Ту кэрдян дро Капернаумо, сыр амэ шунды́м.’” ²⁴ И Исусо пхэндя лэнгэ: “Чачэс, Мэ ракира́ва тумэнгэ: Манушá на кутякирэна ни савэ пророкóс пэ пэскири пхув, ²⁵ чачипна́са Мэ пхэна́ва тумэнгэ: Бут сыс пивля (удовы), кéли Илия дживдя́, сыр болыбэн сыс закэрдо пэ трин бэрш и шов чхонá, и на сыс брышындрин пашэса бэрш и яця́ бари бокх пэ доя́ пхув; ²⁶ и ни кэ екх пивлендыр на сыс бичхадó Илия, а кэ екх пивлы дрэ Сидоноскири Сарента; ²⁷ адякэ-паць, сыс бут насвалэ проказаза дро Израилé, кéли Елисеё дживдя́, и ни екх лэндыр на высастия, апрíч Нэманостэ Сириятыр.” ²⁸ Кéли манушá дрэ синагога шундлэ дава́, ёнэ сарэ древán холясынэ; ²⁹ и газдынэпэ и вытрадынэ Исусóс фóростыр, и лыджинэ Лэс пэ бэргакири крутыма, соб (кай) тэ чхурдэн тэлэ Лэс бэргатыр, ³⁰ нэ Ёв прогия машки́р манушэндэ и дурия лэндыр.

Мануш Налачхэ Духóса

³¹ И Исусо явдя тэлэдыр дро Капернаумо, Галилеякиро фóро, и сыклякирдя лэн дро сáвато.

³² Лэскиро сыклякирибэн дивиндя манушэн, пал-довá со Лэскирэ лавэстыр сыс бари зор. ³³

И сыс екх мануш дрэ синагога, конэстэ сыс налачхо дúхо (фáно), и ёв задья гóдла зоралэс:

³⁴ “Со Ту камэса амэндыр, Исусе Назаретостыр? Ту явдя́н тэ хасякирэс амэн? Мы джина́в, кон Ту дасаво-Ту сан Свэнто Дэвлэскиро!” ³⁵ Исусо зоралэс припхэндя Лэскэ лавэнца: “Яв штыл и выджа лэстыр.” И налачхо дúхо (фáно) радя манушэс машкирал дрэ синагога, выгия лэстыр, и ни савó чорипэн на кэрдя Лэскэ. ³⁶ И ёнэ сарэ зоралэс дивиндлэпэ и ракирдэ екх екхэскэ: “Со дава́ значынэла, со Ёв припхэнэла налачхэ духэнгэ зорьяса и правоса, и дúхи

(фаны) выджана?”³⁷ И розгияпэ мавлын (малва) пал Лэстэ пир сарі пхув и штэты, со сыс пашыл.

Исусо Высастякирэла Бутэ Манушэн

³⁸ Исусо уштыя и гия синагогатыр и явдя дро Симоноскиро кхэр; Симоноскири сасуй (тёшча) сыс пашты хачкирибнаса; и ёнэ мангнэ Лэс пал латэ. ³⁹ Ёв подгия кэ ёй и припхэндя хачкирибнаскэ тэ мэкэл джувля; и дукх мэкця ла; и джувлы адай жэ уштыя и дынариндя Исусоскэ. ⁴⁰ Кэли загия кхам, сарэ, конэстэ сыс насвалэ разномэ дукхэнца, янэна лэн кэ Исусо; и Ёв чхувэлэс упрэ васта пэ кажномэстэ, и высастякирэлас лэн; ⁴¹ и бут налачхэ дүхи адякэ-паць выджанас бутэ манушэндыр годласа и ракирдэ: “Ту сан Христосо, Дэвлэскиро Чхаво.” А Ёв припхэндя лэнгэ тэ на ракирэн, со ёнэ джинуна, со Ёв исын Христосо.

Исусо Роспхэнэла Дэвлэскиро Лав дрэ Синагоги

⁴² Кэли яця дывэс, Исусо выгия форостыр и гия пэ штэто, кай мануша на сыс, а мануша родынэ Лэс; и кэли ёнэ латхнэ Лэс, ёнэ камлэ тэ рикирэн Лэс, соб (кай) Ёв тэ на джал лэндыр. ⁴³ Нэ Ёв пхэндя лэнгэ: “Мангэ трэй и явирэ форьенгэ тэ миштопхэнав пал Дэвлэскиро Кралипэн, ваш дова Мэ и сом бичхадэ.” ⁴⁴ И Ёв роспхэнэлас Дэвлэскиро лав дрэ сарэ Галилеякирэ синагоги.

Шэрó 5

Исусо Прикхарэла Пэровнэ Сыкляибнытконэн

¹ Екхвар Исусо сыс тэрдó пэ брэго пашыл Генисаретоскиро зеро (озеро), а мануша тасавэнаспэ, соб (кай) тэ явэн пашылэдыр кэ Ёв и кэ Дэвлэскиро лав; ² и Ёв дыкхця дуй барки (лодки) пашыл зеро (озеро); а мачхибнарья выгинэ лэндыр и халькирэнас кхудя (сети). ³ Исусо загия дрэ екх барка, сави сыс Симоноскири, и мангдя Лэс тэ пливинэл (тэ дэл плима) криг набут дурэдыр брэгостыр; и кэли Ёв бэсця, лыя тэ сыклякирэл манушэн. ⁴ А кэли Исусо кончынды тэ сыклякирэл, тэды пхэндя Симоноскэ: “Отплавин (дэ плима дурэдыр), кай исын хор и зачхурдэ пэскирэ кхудя, соб (кай) вари-со тэ старэн.” ⁵ И Симоно отпхэндя Лэскэ: “Сыклякирибнаскиро! Амэ кэрдям буты сарі рат, и нисó амэ на ухтылдам; нэ пал-дова, сыр Ту ракирэса, мэ кэрава адякэ.” ⁶ И ёнэ зачхурдынэ кхудя и ухтылдэ адакицы бут мачхэ, со лэнгирэ кхудя лынэ тэ кушэн. ⁷ И ёнэ лынэ тэ сыкавэн вастэнца пэскирэ малэнгэ (другэнгэ) явирэ баркатыр, соб (кай) тэ явэн и тэ дэн васт лэнгэ; кодолэ явнэ и пхэрдякирдэ адякэ дуй барки, со ёнэ лынэ лынэ тэ тасадэн. ⁸ Кэли Симоно дыкхця дава, ёв пыя пэ ангил Исусостэ пэ чанга и пхэндя: “Мэк ман, Раё Дэвла, мэ сом грэхитко мануш!” ⁹ Симоно и явир мануша, савэ сыс Лэса, дивиндлэпэ дараса пэ дасаво мачхэнгиро ухтылыбэн; ¹⁰ Яково и Иано, Заведёскирэ чхавэ, мала Симоноскэ, дивиндлэпэ адякэ-паць. Тэньци Исусо пхэндя Симоноскэ: “На, андырша, Симоне, Мэ кэрава адякэ, со ту явэса тэ старэс манушэн.” ¹¹ И кэли ёнэ вытырдынэ дуй барки пэ брэго, то ёнэ ячкирдэ саро, и гинэ пал Лэстэ. ¹² Екхвар Исусо сыс дро екх форо; сыс одой екх мануш, саво сыс саро дрэ проказа и, кэли ёв дыкхця Исусос, то ёв пыя пэ пхув мо́са, и лыя тэ мангэл Лэс, ракири: “Раё Дэвла, коли Ту камэса, могоинэса тэ высастякирэс ман.” ¹³ Исусо протырдыя васт, чиладя лэс и пхэндя: “Камам, ту какана сан жужо (чысто).” И адай жэ ёв сыс высастякирдо проказатыр. ¹⁴ И Ёв припхэндя Лэскэ никонэскэ тэ на сыкадёл, а тэ джал тэ сыкавэл пэс рашаскэ и тэ янэл свэнто дыибэн пал пэскиро высастякирибэн, со припхэндя Мойза, сыр допхэныбэн манушэнгэ. ¹⁵ Нэ мавлын пал Исусостэ розджалапэ уса бутыр, и бутыр, и бут бут мануша явэна тэ шунэн Лэс, тэ састякирэнпэ Лэстэ пэскирэ насвалыпнэндыр. ¹⁶ И Ёв джалас пир штэты, кай на сыс мануша, и мангдяпэ Дэвлэскэ.

Исусо Высастякирэла Праличитконэ Манушэс

¹⁷ Екхвар, кэли Ёв сыклякирэлас и сыс бэштэ одой Фарисеи и Законоскирэ сыклякирибнарья, савэ явнэ сарэ штэтэндэр Галилеятыр и Юдэятыр и Ерусалимостыр, а Дэвлэскири зор сыс Исусостэ тэ высастякирэл насвалэн, ¹⁸ гада, вари-савэ манушэ яндлэ насвалэ манушэс пэ матрацо и причхудэ зор (стариндлэпэ) тэ залыджан лэс дро кхэр и тэ чхувэн ангил Исусостэ; ¹⁹ и, сыр ёнэ на латхнэ, кай тэ пролыджан лэс пал бутэ манушэндэ, то ёнэ зарэснэ пэ кхэрэскири бэрга и змэкнэ лэс матрацоса пир (скрозь) стрэха (чхакін) машкирал ангил Исусостэ. ²⁰ Кэли Исусо дыкхця лэнгиро патяибэн, пхэндя кодолэ манушэскэ: “Отмэкэнапэ грэхи тырэ!” ²¹ Лылваритка и Фарисеи лынэ тэ ракирэн машкир пэстэ: “Кон да дасаво исын, Саво тэлякирэла Дэвлэс? Кон да сашты (могинэла) тэ отмэкэл грэхи априч екхэ Дэвлэстэ?” ²² Исусо галыя лэнгирэ думы и отпхэндя лэнгэ: “Со тумэ адякэ пал дава думинэна? ²³ Со локхэдыр тэ пхэнав: ‘Отмэкэнапэ грэхи тырэ’, ци тэ пхэнав: ‘Ушты и псир?’ ²⁴ Нэ, соб (кай) тумэ тэ джинэн, со Чхавэстэ Манушэскирестэ исын право пэ пхув тэ отмэкэл грэхи”, и Исусо пхэндя праличитконэскэ: “Тукэ ракирава: Ушты, лэ матрацо пэскиро и джа дро пэскиро кхэр.” ²⁵ И ёв екхатыр (сразу) уштыя ангил лэндэ, лыя дова, пэ со сыс пашто, и гия дро пэскиро кхэр, шариндой Дэвлэс. ²⁶ И ёнэ сарэ страхэдынэ и славиндлэ Дэвлэс: и сыс дрэ дар, и ракирдэ: “Савэ барэ дывы амэ дыкхцям ададывэс.”

Исусо Кхарэла Левиёс

²⁷ Палó дава Исусо выгия и дыкхця мытытконэ (таксытконэ) скэдыибнарис пир лав Левиё, саво сыс бэшто дро мытытко кхэр, и ракирла лэскэ: “Яв Мánца”, ²⁸ Левиё уштыя, мэкця саро и гия пал Лэстэ. ²⁹ И Левиё кэрдя баро свэнкитко скаминд ваш Лэскэ дро пэскиро кхэр: и одой сыс бут мытоскирэ скэдыибнарья и явир манушэ, савэ сыс бэштэ пал скаминд лэнца. ³⁰ Вари-савэ Фарисеи и лэнгирэ лылваритка ракирдэ холямэс Исусоскирэ сыкляибнытконэнгэ: “Ваш со тумэ хана и пьена мытоскирэ скэдыибнарьенца и грэхэнгирэнца?” ³¹ Исусо отпхэндя лэнгэ: “На састэ манушэнгэ трэй састыпнари (докторо), а насвалэнгэ.” ³² Мэ явдём тэ кхарав тэ рисён кэ Дэвлэ на патяибнытконэн, а грэхэнгирэн.”

Пал Пóсто

³³ Ёнэ пхэндлэ Исусоскэ: “Сóскэ Ианоскирэ сыкляибнытка бут мóлы постинэнапэ и мангэнапэ Дэвлэскэ; адякэ-паць кэрэна и Фарисеэнгирэ сыкляибнытка, а Тырэ сыкляибнытка хана и пьена? ³⁴ Ёв пхэндя лэнгэ: “Ци могинэна (сашты) тумэ тэ зачхувэн Тэрнэскирэ малэн (другэн) тэ отпхэнэнпэ хабнастыр, коли ёнэ исын пэ Лэскиро бьяв, кэли Тэрно (Жэнихо) исын лэнца? ³⁵ Нэ явэна дывэса, кэли Тэрно явэла лыно криг лэндэр, тэды ёнэ явэна тэ постинэн дрэ долэ дывэса.” ³⁶ И Ёв пхэндя лэнгэ примéro (сыкаибэн): “Никон на чхувэла пэ пхурано урибэн похтанытко котэр (лапико), саво ёв откошэла нэвонэ урибнастыр; коли ёв кэрэла адякэ, ёв роскошэла нэво урибэн, и нэво похтанытко котэр на подджала кэ пхурано урибэн. ³⁷ И никон на чхувэла нэви мол дрэ пхуранэ цыпитка гонэ: пал-дова со нэви мол (вино) прокошэла гонэ и кокори мол вытхадэла, и гонэ хасэна. ³⁸ Нэ нэви мол трэй тэ чхувэл дрэ нэвэ гонэ, тэды зракхэлапэ и мол, и гонэ. ³⁹ И никон, кон выпьела пхураны мол, адай жэ на закамэла тэ пьел нэви мол; пал-дова со ёв ракирла: “Пхураны мол исын фэдыр”.

Шэрó 6

Пхучибэна пал Савато (Субóта)

¹ И сыс адякэ: пэ явир дывэс дро пэрво савато, пэ явир Патрадякиро дывэс Исусоскэ пригияпэ тэ джал пир гивитко фэлда, и Лэскирэ сыкляибнытка бокхалынэ, и лынэ тэ

рискирэнас колосы и хан лэн, кхосыи лэн вастэнца. ² Вари-савэ Фарисеи пхэндлэ лэнгэ: “Ваш со тумэ кэрэна дова, со нашты тэ кэрэн дро савато?” ³ Исусо отпхэндя лэнгэ: “Наушто тумэ на гиндлэ дро Свэнто Чхиныбэн, со кэрдя крáli Давíдо, кели ёв и лэскирэ мала бокхалынэ? ⁴ сыр ёв загия дро Дэвлэскиро Кхэр, и ёв и манушá лэскирэ ханэ свэнто марó, савó сыс нашты тэ хал никонэскэ, а екхэ рашангэ? ⁵ И пхэндя Исусо лэнгэ: “Чхавó Манушэскиро исын Хулáй и пэ савато.”

Мануш Праличытконэ Вастэса

⁶ И сыс адякэ: Исусóскэ пригияпэ дро явír савато тэ заджал дрэ синагога и тэ сыклякирэл. И сыс одой екх мануш, савэстэ чачó (право) васт сыс шуко. ⁷ Лылварítка и Фарисеи дыкхэнас раххибныткэс пал Лэстэ, ци на састякирэлас Ёв дро савато, соб (кай) тэ латхэн бангипэн пэ Исусóстэ. ⁸ Нэ Исусо джиндя, со ёнэ думиндлэ, и пхэндя манушэскэ шукэ вастэса: “Ушты и тэрдёв машкирал.” И ёв уштыя и тэрдия. ⁹ Тэньци пхэндя лэнгэ Исусо: “Мэ пхучава тумэндьр: со трэй тэ кэрэс дро савато: лачхипэн ци фуипэн, тэ раххэс джибэн ци тэ хасякирэс?” Ёнэ сыс штыл. ¹⁰ Ёв подыкхця пэ лэндэ сарэндэ, и пхэндя кодолэ манушэскэ: “Протырдэ тырó васт.” Ёв протырдья, и насвалó лэскиро васт яця састó, сыр и явír васт. ¹¹ Ёнэ нашадэ пэс тэды холятыр и ракирдэ машкир пэстэ, со лэнгэ тэ кэрэн Исусóса?

Исусо Выкэдэла Дэшудуен Апостолэн

¹² И сыс адякэ: дрэ долэ дывэсá Исусо гия пэ бэрга тэ мангэлпэ Дэвлэскэ и мангдяпэ сарí рат. ¹³ Кели яця дывэс, Ёв кхардя Пэскирэ сыкляибнытконэн и выкэдыя дэшудуен, савэн Ёв кхардя Апостолэнца: ¹⁴ Симонос, савэс Ёв кхардя “Пётри”, и Ендрис (Андреёс), лэскирэ пшалэс, Яковонэс и Ианос, Филипос и Варфаламеёс, ¹⁵ Матфеёс и Фомас, Яковóс, Алфеёскирэс и Симонос, савэс кхарэнас Зилото (Активисто), ¹⁶ Юдас Яковоскирэс и Юдас Искаротос, савó и яця Лэскирэ здыибнариса (Лэскиро здыибнари).

Исусо Сыклякирэла и Высастякирэла

¹⁷ Кели Исусо змэкцяпэ бэргатыр кхэтанэ Апостолэнца, Ёв тэрдия пэ роўно (вóрто) штэто кхэтанэ Лэскирэ сыкляибнытконэнца; и сыс бут манушá Юдэятыр и Ерусалимóстыр, Тироскирэ и Сидоноскирэ штэтэндьр, савэ сыс пашыл мórё (дэрьяв): ¹⁸ ёнэ явнэ тэ шунэн Лэс и тэ высастякирэпэ пэскирэ дукхэндьр; сыс манушэ, савэ мэнчындрлэпэ налачхэ дукхэндьр, и ёнэ высастёнас. ¹⁹ Сарэ манушá камлэ тэ чилавэн Лэс, пал-дова со Лэстыр выджалас зор и Ёв састякирэлас сарэн.

Бахт и Калыпэн

²⁰ И Ёв газдыя пэскирэ якхá пэ Лэскирэ сыкляибнытконэндэ и лыя тэ ракирэл: “Бахталэ исын тумэ, савэ исын чорорэ дро дýхо, пал-дова со тумарó исын Кралипэн дро Болыбнаскиро Раё. ²¹ Бахталэ исын тумэ, конэскиро илó исын бокхало пал Дэвлэскиро лав, пал-дова со Дэвэл пхэрдякирэла тумарó илó. Бахталэ исын тумэ, савэ ровэна, пал-дова со тумэ явэна тэ радынэнпэ. ²² Бахталэ исын тумэ, кели манушá явэна древán тэ бидыкхэн тумэн и, кели ёнэ вытрадэна тумэн и явэна тэ обкхарэн тумэн налачхэ лавэнца и калякирэна тумарó лав пал Манушэскирэ Чхавэстэ. ²³ Явэн бахталэ и радынэнпэ дро дова дывэс, пал-дова со бари мазури (награда) Дэвлэстыр ужакирэла тумэн дро Болыбнаскиро Раё. Адякэ лэнгирэ дада кэрдэ пророкэнца. ²⁴ Бида тумэнгэ, кон исын барвалэ! Пал-дова со тумэндэ ужэ исын локхо джибэн! ²⁵ Бида тумэнгэ, конэстэ исын сарó, со тумэ камэна; тумэ явэна бокхалэ. Бида тумэнгэ, кон салапэ каканá; пал-дова со тумэнгэ явэла бари туга и тумэ явэна

тэ ровэн. ²⁶ Бида тумэнгэ, кэли сарэ мануша явэна тэ ракирэн лачхипэн пал тумэндэ. Пал-дова со адякэ кэрдэ хоханэ пророкэнца дада лэнгирэ.

Паты́в кэ Вэ́рги

²⁷ Нэ Мэ пхэнава тумэнгэ, кон шунэла ман: сыка́в паты́в пэскирэ вэргэнгэ, кэрэн лачхипэн одолэнгэ, савэ кэрэна чорипэн тумэнгэ, ²⁸ мангэ́нпэ пал одолэндэ, савэ кошэна тумэн и мангэ́нпэ пал одолэндэ, савэ нашукар отлыджанапэ кэ тумэ. ²⁹ Кон пэкавэла тут дрэ чам (шчока), рйскир кэ ёв явйр, кон отлэла ту́тыр упратуно урибэн, отдэ лэскэ и гад. ³⁰ Кон мангэ́ла ту́тыр, дэ, и кон исын банго́ ту́кэ, на пхуч лэстыр палэ. ³¹ Кэрэн дова́ явирэнгэ, со тумэ камэна, соб (кай) явйр мануша́ тэ кэрэн тумэнгэ. ³² И ко́ли тумэ сыкавэ́на паты́в одолэнгэ, савэ сыкавэ́на паты́в тумэнгэ, саво парикирибэн тумэнгэ? Пал-дова со и грэхйтка сыкавэ́на паты́в одолэнгэ, савэ сыкавэ́на паты́в лэнгэ. ³³ И ко́ли тумэ кэрэна лачхипэн одолэнгэ, савэ кэрэна лачхипэн тумэнгэ, саво тумэнгэ парикирибэн пал дова́? Пал-дова со и грэхйтка кэрэна до-паць. ³⁴ И ко́ли тумэ дэна дро вужлыпэн (длуго) одолэнгэ, савэндэр тумэ ужакирэна тэ лэн палэ, саво парикирибэн тумэнгэ? Пал-дова со и грэхйтка дэна дро вужлыпэн, соб (кай) тэ лэн палэ адакицык. ³⁵ Нэ тумэ сыкавэ́н паты́в тумарэ́ вэргэнгэ, кэрэн лэнгэ лачхипэн и явэла тумэнгэ бари мазу́ри (награда) Дэвлэстыр, и тумэ явэна Най Вучэдырэскирэ Дэвлэскирэ чхавэ; пал-дова со Ёв исын лачхо́ и ваш одолэнгэ, савэ на парикирэна и ваш налачхэнгэ. ³⁶ Палдава́ явэн тангипны́тка (жалиныбны́тка), сыр тангипны́тко исын тумаро́ Дад.

Ису́со Сыклякирэ́ла, со Нашты́ тэ Сэ́ндякирэ́с Явирэ́ Манушэ́н

³⁷ На сэ́ндинэ́н, и тумэ на явэ́на сэ́ндиндлэ; на бангякирэ́н, и тумэ на явэ́на бангякирдэ; примангэ́н и тумэнгэ́ явэ́ла примангло. ³⁸ Дэ́н и явэ́на тэ дэ́н тумэнгэ́: явэ́на тэ дэ́н тумэнгэ́ пхэрдэ́ мэра, и притасадо саро́ тэ явэл, би тангипнаскиро (жалимакиро), явэ́на тэ чхувэ́н тумэнгэ́ пал брэ́г ада́кицы, ки́цы тумэ́ змогинэ́на тэ лыджан; савэ мераса́ тумэ́ меринэ́на, дасавэ́-паць мераса́ тумэн явэ́на тэ меринэ́н.” ³⁹ Ису́со пхэндя́ лэнгэ́ дава́ примэ́ро: “Ци мого́нэ́ла короро́ ману́ш тэ лыджал явирэ́ корорэ́с? Ко́ли адя́кэ, дуйджинэ́ пэрэ́на дрэ́ ганби́н (яма)?” ⁴⁰ Сыкляибны́тко исын на барэ́дыр сыклякирибнаскирэ́стыр; нэ кэ́ли сыкляибны́тко высклэ́ла саро́, ёв явэ́ла сыр сыклякирибна́скиро. ⁴¹ Со́скэ ту дыкхэ́са пэ́ тыкны́ пхусинка́ дрэ́ якх тырэ́ пшалэскири, а баро́ бэрно́ на дыкхэ́са дрэ́ пэскири́ якх? ⁴² Ци сыр ту мого́нэ́са тэ пхэ́нэс пэ́скирэ́ пшалэ́скэ: ‘Пша́ла, миро! Дэ́, мэ вылава́ пхусинка́ тырэ́ якхатыр,’ кэ́ли ту ко́коро́ на дыкхэ́са бэрно́ дрэ́ тыри́ якх? Дуемуй́тко, вы́лэ англэ́дыр бэрно́ пэ́скирэ́ якхатыр, тэ́ды дыкхэ́са, сыр тэ́ вы́лэс пхусинка́ лэ́скирэ́ якхатыр.

Кашт и Лэ́скирэ́ Барьякирдэ́ (Пло́ды)

⁴³ Нанэ́ лачхо́ кашт (дрэ́во), соб (кай) тэ́ дэл нала́чхэ́ барьякирдэ́ (пло́ды); и нанэ́ на́лачхо́ кашт, соб (кай) тэ́ дэл лачхэ́ барьякирдэ́. ⁴⁴ Пал-дова́ со ка́жно кашт уджинэ́на пир лэ́скирэ́ барьякирдэ́, тумэ́ на скэ́дэна инжы́ро хрустостыр сувьенца, и винаградо́ хрустостыр. ⁴⁵ Лачхо́ ману́ш вы́лыджала́ лачхипэ́н лэ́скирэ́–илэ́скирэ́ кучипна́стыр, на́лачхо́ ману́ш вы́лыджала́ фуипэ́н лэ́скирэ́–илэ́скирэ́ фуипна́стыр; пал-дова́, со исын дро́ ило́, дова́ ушта́ ракирэ́на. ⁴⁶ Со тумэ́ кхарэ́н Ман, ‘Раё́ Дэ́вла! Раё́ Дэ́вла,’ а тумэ́ ко́коро́ на кэрэ́на дова́, со Мэ́ ракира́ва? ⁴⁷ Ка́жно, кон явэ́ла кэ́ Мэ́ и шунэ́ла Мирэ́ лава́, и кэрэ́ла кэ́ ко́нцо/яго́ро (сполнинэ́ла) лэ́н, исын сы́рбы: ⁴⁸ ко́дова́ ману́ш, саво́ газдэ́ла кхэр; и ёв гана́дя хор тэ́ чхувэл́ фунда́менто́ пэ́ бар. И кэ́ли я́ця́ пото́по, и па́ни пэ́кадя́ дро́ до кхэр, кхэр я́ця́пэ́ тэ́ тэ́рдэл, пал-дова́ со лэ́скиро́ фунда́менто́ сыс пэ́ бар. ⁴⁹ А одова́, кон шунэ́ла Мирэ́ лава́ и на кэрэ́ла пир лэ́ндэ́, исын сы́рбы ко́дова́ ману́ш, саво́ газды́я кхэр би фунда́ментоскиро́; кэ́ли пэ́кадя́ па́ни дро́ лэ́стэ́, кхэр ада́й жэ́ пы́я, и роспы́япэ́ сарэ́са.”

Шэрó 7

Исýсо Састякирэла Римóскирэ-Барыдырэскирэ Дынари́с (Слугáс)

¹ Кéли Исýсо кончынды дава́ сарó ракирибэ́н манушэ́нгэ, Ёв явдя́ дро Капернаумо. ² Одо́й екхэ́ шэлэнгирэ́-халадытконэ́ барыдырэ́стэ сыс насвалó лэ́скиро дына́ри, савó сыс лэ́стэ дрэ патыв, и ёв сыс насвалó кэ мэрибэ́н. ³ Кéли барыдырó шундя́ пал Исусóстэ, ёв бичхадя́ кэ Ёв Юдэ́нгирэ́ годэ́пхурэ́н тэ мангэ́н Лэс тэ́ явэл, и тэ высастякирэл шэлэнгирэ́ дынари́с. ⁴ И годэ́пхурэ́ явнэ́ кэ Исýсо и древа́н мангнэ́ Лэс, ракири́: “Кадава́ ману́ш исын мол, соб (кай) Ту тэ́ помогинэ́с Лэ́скэ. ⁵ Пал-дова́ со лэ́скэ исын дро́га амарэ́ мануша́ и ёв чхудя́ синагога ваш амэ́нгэ.” ⁶ И гия́ Исýсо лэ́нца; нэ́, кéли Ёв сыс на́дур лэ́скирэ́ кхэрэ́стыр, то бичхадя́ пэ́скирэ́ малэ́н тэ́ пхэ́нэ́н Лэ́скэ: “Раё́ Дэ́вла! На мэнчын Пэ́с; пал-дова́ со мэ́ на сом мол, соб (кай) Ту тэ́ заджас дро́ Мирó кхэр; ⁷ и мэ́ гинава, со мэ́ на сом мол тэ́ явав кэ́ Ту; нэ́ Ту пхэ́н лав, и явэ́ла миро́ дына́ри нэ́вэ́стыр састó. ⁸ И мэ́ адя́кэ-паць́ сом ману́ш, пэ́ конэ́стэ́ исын барыдырó, и ма́ндэ́ исын халадэ́, савэ́ кандэ́на ман, и мэ́ пхэ́на́ва екхэ́скэ: ‘Джа́’ и джа́ла; и явирэ́скэ: ‘Яв’ и явэ́ла, и кадалэ́скэ́ дынари́скэ́ мирэ́скэ: ‘Кэр дава́,’ и кэрэ́ла.” ⁹ И сыр Исýсо шундя́ дава́, дивиндя́пэ́ лэ́стыр и пхэ́ндя́ манушэ́нгэ, савэ́ гинэ́ пал Лэ́стэ: “Чачо́, Мэ́ пхэ́на́ва тумэ́нгэ: Мэ́ на латхё́м дасаво́ патяибэ́н и дро́ Израилё́.” ¹⁰ И одолэ́ мануша́, савэ́н барыдырó шэлэнгиро́ бичхадя́, рисинэ́ и дыкхнэ́, со дына́ри сыс састó.

Исýсо Отджидякирэ́ла Пивля́кирэ́ Чхавэ́с

¹¹ И сыс адя́кэ: палó дава́ Исýсо явдя́ дро фо́ро Наино́ и бут Лэ́скирэ́ сыкляибны́тка и яви́р мануша́ явнэ́ Лэ́са кхэ́танэ́. ¹² Кéли Исýсо подгя́я пашылэ́дыр кэ́ форо́скири пор́та, ада́й вылыджанас му́лэ́ манушэ́с тэ́ гаравэ́н, савó сыс екхджинó пэ́скирэ́ датэ́; бут мануша́ джа́на́с ла́са. ¹³ Кéли Рай́ Дэвэл́ дыкхця́ ла, Лэ́скэ́ яця́ танго́ (жалко́) ла и Ёв пхэ́ндя́ ла́кэ: “На ров” ¹⁴ И Ёв подгя́я и чила́дя́ насилки́ (трага́чы), и мануша́, савэ́ лыджинэ́, тэ́рдинэ́. Исýсо пхэ́ндя́: “Тэрно́ ману́ш, ушты́, Мэ́ тукэ́ ракира́ва.” ¹⁵ Муло́ ману́ш бэ́сця́ и лыя́ тэ́ ракирэл; и Исýсо отды́я лэ́с лэ́скирэ́ да́кэ. ¹⁶ Пэ́ лэ́ндэ́ сарэ́ндэ́ бари́ дар пы́я и ё́нэ́ славиндлэ́ Дэвлэ́с, ракири́: “Барó проро́ко́ явдя́ тэ́ явэл́ амэ́нца, Дэвэл́ помогинэ́ла Пэ́скирэ́ манушэ́нгэ.” ¹⁷ Адая́ зан (звесё́) гия́ пал Исусóстэ́ пир са́ри́ Юдея́кири́ пхув́ и сарэ́ пашатунэ́ штэ́ты.

Иа́но Болдэ́ипна́ри Бичхавэ́ла Пэ́скирэ́ Сыкляибны́тконэ́н кэ́ Исýсо

¹⁸ И Ианоскирэ́ Болдэ́ипна́рискирэ́ сыкляибны́тка роспхэ́ндлэ́ лэ́скэ́ сарó пал дова́. ¹⁹ Иа́но кхардя́ дуэ́н пэ́скирэ́ сыкляибны́тконэ́ндыр и бичхадя́ лэ́н кэ́ Исýсо тэ́ пхучэ́н: “Ту сан Кодова́, Савэ́скэ́ трэ́й тэ́ явэл, ци́ явирэ́с амэ́нгэ́ тэ́ ужакирас?” ²⁰ Ё́нэ́ явнэ́ кэ́ Исýсо и пхэ́ндлэ́ Лэ́скэ: “Иа́но Болдэ́ипна́ри бичхадя́ амэ́н кэ́ ту тэ́ пхучас: ‘Ту сан Кодова́, Савэ́скэ́ трэ́индя́ тэ́ явэл, ци́ явирэ́с амэ́нгэ́ тэ́ ужакирас?’” ²¹ Дро́ дова́ часо́ Исýсо высастякирэ́лас бутэ́ манушэ́н насвалы́пнэ́ндыр и дукхэ́ндыр и на́лчхэ́ дукхэ́ндыр и Ёв высастякирдя́ якха́ бутэ́ндэ́ корорэ́ндэ́. ²² И отпхэ́ндя́ Исýсо лэ́нгэ́: “Джа́н и пири́пхэ́нэ́н Ианоскэ́, со тумэ́ дыкхнэ́ и шундлэ́: корорэ́ мануша́ дыкхэ́на нэ́вэ́стыр и лангалэ́ псирэ́на: проказы́тка ячэ́на жужэ́, и кашукэ́ мануша́ шунэ́на, му́лэ́ отджидэ́на, и бо́ги роспхэ́нэ́на бахталы́ зан (звесё́); ²³ и бахталó́ исын кодова́, кон на́ хасякирэ́ла патяибэ́н дрэ́ Ма́ндэ́.” ²⁴ Кéли Ианоскирэ́ бичхадэ́ мануша́ гинэ́, Исýсо лыя́ тэ́ ракирэл́ манушэ́нгэ́ пал Ианостэ́: “Со́ псирдэ́ тумэ́ пэ́ чхучи́ пхув тэ́ дыкхэ́н? Сыр тра́стинитко́ кашт́ трински́рлапэ́ балваля́тыр? ²⁵ Ваш со́ тумэ́ псирдэ́ одори́к тэ́ дыкхэ́н? Манушэ́с, савó сыс уридо́ дрэ́ шука́р йдя́? Над, мануша́, савэ́ ури́дэ́ дрэ́ шука́р йдя́, дживэ́на дрэ́ кралитка́ барэ́ фэ́латиня́ (коло́ва). ²⁶ Нэ́, со́ ж тумэ́ тэ́ды́ псирдэ́ тэ́ дыкхэ́н? Проро́кóс? Чачо́, ракира́ва тумэ́нгэ́: ‘Ёв исын барэ́ды́р проро́косты́р.’ ²⁷ Ёв исын кодова́, пал савэ́стэ́ исын чхиндлó: “Гада́, Мэ́ бичхава́ва Мирэ́ выкэ́дынэ́ манушэ́с анги́л Тү́тэ, савó пригото́винэ́ла дро́м Ты́ро анги́л Тү́тэ.”” ²⁸ Палдава́ Мэ́ ракира́ва тумэ́нгэ́: нанэ́ барэ́ды́р проро́кóс Ианóстыр Болдэ́ипна́ристыр машки́р одолэ́ндэ́, савэ́н джувля́ бия́нэ́на, нэ́ най

тыкнэдыр дро Болыбнаскиро Раё исын барэдыр Ианостыр.”²⁹ И сарэ манушá, савэ шундлэ Лэс, и мытоскирэ скэдыибнарья пригалынэ Дэвлэскиро чачипэн и болдэпэ Ианостэ Болдэипнаристэ.³⁰ А Фарисеи и Законоскирэ сыклякирибнарья отпхэндлэпэ Дэвлэскирэ лавэстыр; ёнэ на болдэпэ Ианостэ Болдэипнаристэ.³¹ И ишчо (инкэ) пхэндя Исусо: “Кэ кон Мángэ тэ припарував (тэ роўнинав) адалэ-родоскирэ манушэн? Пэ конэстэ зджана (подджана) кадалэ манушá?”³² Ёнэ исын сырбы чхаворэ, савэ исын бэштэ пашыл тарги и дэна гóдла екх екхэскэ, ракири: “Амэ башадям тумэнгэ пэ свиролька, а тумэ на кхэлдэ; амэ багандям роибнытка гиля, а тумэ на рондлэ.”³³ И Иáно явдя, на хáла, на пьела мол (вино), и тумэ ракирэна: “Лэстэ исын náлaчxo дýхо (фáно).”³⁴ Явдя и Чхавó Манушэскиро, хáла, и пьела, и тумэ ракирэна: “Гада, мануш, савó камэла тэ хал, тэ пьел, исын дрýго (мал) мытоскирэ скэдыибнарьенгэ и грэхэнгирэнгэ”.³⁵ Нэ Дэвлэскиро годьварипэн сыкавэла Пэскиро чачипэн манушэнгирэ рэндэнца (делэнца), сарэнца, кон прилэла дава чачипэн.”

Исусо Исын дро Кхэр кэ Симоно Фарисеё

³⁶ Екх мануш Фарисеендыр мангдя Исусос тэ хал Лэса; и Исусо загия дро кхэр и бэсця кэ скаминд: ³⁷ и, гада, екх джувлы долэ форостыр, сави дживдя сыр грэхитко джувлы, яндя алибастритко кхорó (жбанко) кучипнаскирэ – кхандыпнытконэ макхибнаса, кели ёй уджиндя, со Исусо халас дро Фарисеёскиро кхэр; ³⁸ и ёй тэрдия палал пал Исусостэ пашыл Лэскирэ гэрá и лыя тэ ровэл и тэ киндякирэл Лэскирэ гэрá ясвэнца и тэ кхосэл гэрá лакирэ балэнца; и ёй чамудя Исусоскирэ гэрá и макхця лэн далэ макхибнаса. ³⁹ Кели Фарисеё, савó кхардя Исусос кэ пэ, дыкхця дава, ёв пхэндя пэскэ: “Кóли тэ явэл Ёв прорóко, Ёв джинэлас, кон, и сави джувлы чилавэла Лэс; ёй жа исын грэхитко джувлы.”⁴⁰ А Исусо отпхэндя Лэскэ: “Симоно, Мángэ трэй тэ пхэнав тукэ вари-со.” “Рáкир, Сыклякирибнаскиро”, – ракирла Симоне. ⁴¹ Исусо пхэндя: “Екхэ манушэстэ, кон дэлас ловэ дро вужлыпэн (длуго), сыс дуй манушá, савэ сыс вужлэ; екх сыс вужло панджшэла динарии, явир пандждэшá; ⁴² а пал-дова со лэндэ на сыс сóса тэ отдэн палэ ловэ, дава мануш примангдя лэнгэ дуенгэ. Пхэн мánгэ: “Кон лэндыр бутыр явэла тэ сыкавэл патыв лэскэ?”⁴³ И отпхэндя Симоно: “Мэ думинава, со кодова, конэскэ ёв бутыр примангдя.” Исусо пхэндя Лэскэ: “Чачэс ту пхэндян.”⁴⁴ Тэньци Исусо порисия кэ джувлы и пхэндя Симоноска: “Ту дыкхэса адаля джувля? Мэ явдём дро тырó кхэр, и ту на дыян пани мánгэ ваш гэрá, а ёй мордя Мирé гэрá ясвэнца и кхосця лэн пэскирэ балэнца. ⁴⁵ Ту на чамудян Ман, а ёй на пирияця тэ чамудэл Мирé гэрá долэ часостыр, кели Мэ явдём. ⁴⁶ Ту на макхця Миро шэрó оливитконэ дзэтэса, а ёй макхцын Мирé гэрá кучипнаскирэ-кхандыпнытконэ макхибнаса. ⁴⁷ И палдава Мэ пхэнава тукэ: лакирэ бут грэхи отмэкэнапэ пал дова, со ёй сыкадя бари ласка кэ Мэ; а конэскэ náбут примангэна, кодолэстэ náбут исын ласка.”⁴⁸ Тэды Исусо пхэндя джувлякэ: “Тырé грэхи исын отмэкнэ.”⁴⁹ И одолэ манушá, савэ сыс бэштэ пал скаминд Лэса, лынэ тэ ракирэн машкир пэстэ: “Кон да дасаво исын, Кон и грэхи отмэкэла?”⁵⁰ Тэды Исусо пхэндя джувлякэ: “Тырó патяибэн зракхця тут, джá раманёса (мирóса).”

Шэрó 8

Джувля, Савэ Гинэ Кхэтанэ Сыкляибнытконэнца пал Исусостэ

¹ Палó (после) дава Исусо псирдя форостыр дро явир фóро, гавэстыр дро явир гав; Ёв пхэнэлас лав и миштопхэнэлас манушэнгэ пал Кралипэн дро Дэвлэскиро Раё; сыс Лэса дэшудуй сыкляибнытка; ² и сыс Лэса джувлы, конэс Ёв высастякирдя налачхэ духэндыр и насвалыпнэндыр: Марія, савья кхардэ Магдалина, савьятыр эфта (битринэнгиро дэш) налачхэ дýхи выгинэ; ³ Иана, Хузаскири ромны, савó сыс Иродоскирэ-кхэрэскиро барыдырó; и Сусанна, и бут явир джувля, савэ помогинэнас Исусоскэ пэскирэ миштыпнастыр.

Примéро (Сыкаибэ́н) пал Сеиныбна́ристэ

⁴ Кéли бут манушá скэдынэ́пэ пашы́л Исусо́стэ, пал-довá со явнэ́ манушá сарэ́ форьэндýр, Ёв лы́я тэ ракирэ́л сыкляибны́тконэ́ примероса (сыкаибна́са): ⁵ “Сеиныбна́скиро вы́гия тэ почхувэл пэ́скири зýрка, и, кéли ёв росчхурдэ́лас зýрки, вари-савэ́ зýрки пынэ́ пашэ́ дром и лэн заштакирдэ́ гэрэнца, и болыбны́тка чирикля́ поханэ́ лэн; ⁶ явир зýрки пынэ́ пэ баруно́ штэ́то, и кéли ёнэ́ ўзгинэ́, то зашутинэ́, пал-довá со на сыс пані́ дро пхув; ⁷ явир зýрки пынэ́ машкёр дылыны́ чар, и дылыны́ чар выбра́рия и замардý лэн. ⁸ А явир зýрки пынэ́ пэ лачхí пхув, и ўзгинэ́ и дынэ́ прибарипэн́ дрэ́ шэл мо́лы.” И кéли Исýсо пхэндý далэ́ лавá, Ёв выпхэндý зоралэ́ заня́са: “Конэ́стэ исын канá, мэк тэ́ шунэ́л.”

Смы́сло дрэ́ Исусо́скирэ́ Примéры (Сыкаибэ́на)

⁹ Исусо́скирэ́ сыкляибны́тка пхучнэ́ Лэ́стыр, со дава́ примéро (сыкаибэ́н) значынэ́ла? ¹⁰ Ёв пхэндý: “Тумэнгэ́ исын дыно́ тэ джинэн́ чораханы́бэн (гарадо́ чачипэн́) пал Дэвлэ́скиро Крали́пэн дро́ Болыбна́скиро Раё́, нэ́ ваш явирэ́ манушэнгэ́ ракирлапэ́ примерэнца́ (сыкаибнэ́нца); ёнэ́ дыкхэ́на якхэнца́, и на дыкхэ́на, ёнэ́ шунэ́на канэ́нца, и на галё́на.”

Исýсо Пири́пхэнэ́ла Смы́сло дро́ Примéро (Сыкаибэ́н) пал Сеиныбна́ристэ

¹¹ Га́да, со дава́ сыкаибэ́н значынэ́ла: Зýрка исын Дэвлэ́скиро лав. ¹² Зýрки, савэ́ пынэ́ пашы́л дром, исын сы́рбы манушá, савэ́ шунэ́на, и кэ́ савэ́ коригэ́дыр (позжэ́) явэ́ла на́лачхо́ и лэ́ла криг дава́ лав лэнгирэ́ илэндýр, соб (кай) ёнэ́ тэ на упатýн и тэ на зракхэ́нпэ; ¹³ а зýрки, савэ́ пынэ́ пэ баруно́ штэ́то, исын сы́рбы манушá, савэ́ шунэ́на лав и прилэ́на лэс рады́маса; нэ́ лэндэ́ лав на заджа́ла хор дро́ ило́, ёнэ́ патýна на́гара (длү́гэс), кéли явэ́ла пропатýкирибэн́ пал лав, ёнэ́ мэкэ́на тэ́ патýн; ¹⁴ а зýрки, савэ́ пынэ́ машкёр дылыны́ чар, исын сы́рбы манушá, савэ́ шунэ́на лав, нэ́ джи́ибна́скири суэ́та, барвалы́пэн и джи́ибны́тко лачхипэн́ замарэ́на дава́ лав дро́ лэнгиро́ ило́, а барьякирдó никели́ на доджа́ла кэ́ спялы́ма; ¹⁵ а зýрки, савэ́ пынэ́ пэ лачхí пхув, исын сы́рбы манушá, савэ́ шунэ́на лав и рикирэ́на лэс дро́ лачхо́́ и кандуно́ ило́́ и ёнэ́ вы́рикирэ́на, па́ка дава́ лав дэ́ла барьякирдó́ (плóдо).” Сыр пхэндý Ёв дава́, то ракирдý: “Конэ́стэ исын канá, мэк ёв тэ́ шунэ́л!”

Пал Момо́лы

¹⁶ “Никóн, кон захачкирэ́ла момо́лы, на чхувэ́ла ла тэл пи́ри́ ци тэл чхуи́бэн, а чхувэ́ла ла дро́ шандало́ (подсвечни́ко), соб (кай) манушá тэ́ дыкхэн́ яг, кон явэ́ла яврестýр, ¹⁷ пал-довá со нисó нанэ́ чорахано́, соб (кай) тэ́ на явэл́ шундло́; ни чхакирдó, соб (кай) тэ́ на явэл́ джиндло́́ и сарэнгэ́́ тэ́ на вы́джал́ пэ́ якха́. ¹⁸ Дыкхэн́ жа, сыр тумэ́ шунэ́на, пал-довá со ко́долэ́скэ́, савэ́стэ́ исын, явэ́ла дыно́́, а конэ́стэ́ нанэ́́, лэ́стыр лэ́лапэ́ криг дова́́ на́бут, со исын лэ́стэ́.”

Исусоски́р Дай́ и Пша́ла

¹⁹ И явнэ́ кэ́ Исýсо дай́́ Лэ́скири́ и пша́ла́ Лэ́скирэ́́ и ёнэ́ на мого́ндлэ́́ тэ́ подджан́ кэ́ Ёв, пал-довá со бут манушá́ сыс пашы́л Лэ́стэ́. ²⁰ И Лэ́скэ́ пхэндлэ́: “Ты́ри́ дай́́ и Ты́рэ́́ пша́ла́́ исын тэ́рдэ́́ яври́́, и ёнэ́́ камэ́на́́ тэ́́ дыкхэн́́ Тут.” ²¹ Нэ́ Ёв отпхэндý́ лэнгэ́: “Ми́ри́ дай́́́ и Ми́рэ́́ пша́ла́́́ исын одолэ́́, кон шунэ́ла́́ Дэвлэ́скиро́ лав́ и сполнинэ́ла́ лэс.”

Исýсо Шты́лякирэ́ла́ Што́рмо

²² Екх́́ дывэ́с, Исýсо́ за́гия́ дрэ́́ ба́рка́ Пэ́скирэ́́ сыкляибны́тконэ́́нца́́ и пхэндý́́ Лэнгэ́́: “Пи́ри́плывина́са́́ (да́са́́ плі́ма́) пэ́́ явир́́ зероски́ри́́ риг.” И ёнэ́́ лы́нэ́́ тэ́́ пи́ри́плывинэ́́н. ²³ Кéли́́

ёнэ пирипльвинэнас, Исусо засутя. Бари балвал пый пэ зеро и валны зачхувэнас лэн панэса, ёнэ сýрбы ужэ тасадёнас; ²⁴ и сыкляибнýtка подгинэ кэ Исусо, джангадэ Лэс и пхэндлэ: “Сыклякирибна́скиро! Сыклякирибна́скиро! Амэ хасёваса” Нэ Ёв уштыя, припхэндя балвалыкэ тэ на пхурдэл и панескэ тэ на кунинэлпэ; ёнэ пириячнэ и яця штылыпэн. ²⁵ Тэды Исусо пхэндя лэнгэ: “Кай исын тумаро патяибэн?” Ёнэ сыс дрэ дар и дýво и ракирдэ екх екхэскэ: “Нэ Кон Ёв исын адасаво, со Ёв припхэнэла балвалыкэ и валнэнгэ, и одолэ кандэнас Лэс.”

Исусо Высастякирэла Манушэс, Савэстэ сыс Налачхэ Дýхи

²⁶ Исусо и Лэскирэ сыкляибнýtка припльвиндлэ пэ явёр зероскири риг пэ пхув Гадарино, со исын пэ явёр риг Галилеятыр. ²⁷ Кéли Исусо выгия пэ брэго, пирилыя Лэс екх мануш форостыр, савэстэ гарá сыс налачхэ дýхи (фаны); ёв псирдя би иденгиро, дживдя на дро кхэр, а дрэ магилытка коплцы. ²⁸ Кéли ёв дыкхця Исусос, задья гóдла, пый ангил Лэстэ и пхэндя зоралэ заняса: “Со Ту камэса мандыр, Исусе, Най Вучэдырэскирэ-Дэвлэскиро Чхаво! Мангава древан Тут, на мэнчын ман.” ²⁹ Пал-довá со Исусо припхэндя налачхэ духоскэ (фаноскэ) тэ выджал далэ манушэстыр; налачхо дýхо (фáно) гарá мэнчынды лэс адякэ, со лэс пхандэнас цэпэнца (зандирьёнца) и састырэнца пэ гэрá; и налачхо дýхо (фáно) традэлас лэс пэ чхучй пхув.” ³⁰ Исусо пхуця лэстыр: “Сыр тут кхарэна?” Ёв пхэндя: “Легионо”, – палдовá со бут налачхэ дýхи (фаны) загинэ дрэ лэстэ. ³¹ Налачхэ дýхи лынэ тэ мангэн Исусос, соб (кай) Ёв тэ на припхэнэл лэнгэ тэ джан дро люно (адо). ³² Ада́й жэ пэ бэрга чарадэпэ бут балычэ и налачхэ дýхи мангнэ Исусос, соб (кай) Ёв тэ дэл во́ля лэнгэ тэ заджан дрэ балычэндэ. Ёв мэкця лэн. ³³ Налачхэ дýхи выгинэ манушэстыр, загинэ дрэ балычэндэ; и балычэнгиро гурто чхурдыяпэ брэгоскирэ крутыматыр дро зеро и тасадья. ³⁴ Балычэнгирэ чхупна́рья дыкхнэ дова, нашнэ и роспхэндлэ пир фóро и пир гавá. ³⁵ Манушá выгинэ тэ дыкхэн, со кэрдяпэ и явнэ кэ Исусо, ёнэ латхнэ манушэс, савэстэ сыс налачхэ дýхи (фаны), и саво сыс бэштó кэ Исусоскирэ гэрá уридó и дрэ лачхй годы; манушá страхáдынэ. ³⁶ Кодолэ, савэ дыкхнэ дава, роспхэндлэ кадалэ манушэнгэ, сыр адава мануш высастякирдяпэ. ³⁷ И сарэ манушá Гадариноскирэ пхувьятыр лынэ тэ мангэн Исусос тэ дурьёл лэндыр, пал-довá со ёнэ сыс пиристрахадэ. Исусо загия дрэ барка и рисия палэ. ³⁸ А мануш, савэстыр выгинэ налачхэ дýхи (фаны), мангдя Исусос тэ явэл Лэса. Нэ Исусо бичхадя лэс и пхэндя: ³⁹ “Рисёв палэ дро пэскиро кхэр и роспхэн, со Тýса кэрдя Дэвэл.” Адава мануш гия и роспхэндя пир фóро, со Исусо кэрдя Лэскэ.

Патывалэ-Тэрнэ-Джувлякиро Отджидякирибэн и Насвалэ-Джувлякиро Састякирибэн

⁴⁰ Кéли Исусо рисия палэ, манушá прилынэ Лэс радымáса, пал-довá со сарэ ужакирдэ Лэс. ⁴¹ И, гада, явдя мануш, савэс кхардэ Иаиро, ёв сыс синагогакиро барыдыро. И пый ёв кэ Исусоскирэ гэрá, мангдя Лэс тэ заджал кэ ёв дро кхэр; ⁴² пал-довá со лэстэ сыс екх чхай, дэшудуй бэрш, сави сыс насвалы кэ мэрибэн. Кéли Исусос джалас, манушá тасадынэпэ кэ Ёв. ⁴³ И сыс джувлы, сави дэшудуй бэрш сыс насвалы тхадунэ ратвалыпнаса и, сави розмэкця сарó миштыпэн пэ састыпнарьэндэ, нэ ни екх састыпнари (докторо) на высастякирдя ла. ⁴⁴ Ёй подгия кэ Исусо палалэстыр машкир манушэндэ и чиладя Лэскиро урибэн, и ада́й жэ ратвалыпэн пирияця. ⁴⁵ Исусо пхэндя: “Кон чиладя Ман?” Кéли сарэ отпхэнэнаспэ, Пётри и лэскирэ манушá пхэндлэ: “Сыклякирибна́скиро! Манушá исын трусцял (кругом) Тýtэ, и ёнэ тасавэнаспэ кэ Ту, а Ту пхучэса: ‘Кон чиладя Ман?’” ⁴⁶ Нэ Исусо пхэндя: “Вари-кон чиладя Ман; пал-довá со Мэ чуиндём, сыр зор гия криг Мандыр.” ⁴⁷ Джувлы ж, сыр галыя, со ёй на гарадяпэ, со кэрдя, лыя тэ издрал и пый кэ Исусоскирэ гэрá и роспхэндя ангил сарэ манушэндэ, сóскэ ёй чиладя Лэс и сыр ёй высастия ада́й жэ. ⁴⁸ Исусо пхэндя лáкэ: “Мири́ Чха́е! Патяибэн тыро зракхця тут! Джа бахтыса!” ⁴⁹ Кéли Исусо ракирдя дава, явдя бичхадó мануш синагогакирэ-барыдырэскирэ кхэрэстыр: “Чхай тыри́ мыя, палсó

ишчо (инкэ) тэ пхарьякирэс Сыклякирибнаскирэс?” ⁵⁰ Нэ Исусо шундя дава и пхэндя Иаирокэ: “На андырша, фэни патя, и ёй явэлы зракхны.” ⁵¹ Кэли Ёв явдя дро кхэр, тэды ёв на домэкця никонэс тэ джал Лэса апріч Пэтристэ, Ианостэ и Яковостэ, патывалэ-тэрнэ джувлякирэ дадэстэ и датэ. ⁵² Сарэ ровэнас и дэнас гóдла ясвэнца. Нэ Исусо пхэндя: “На ровэн; ёй на мыя, ёй исын суты.” ⁵³ И ёнэ сандлэпэ Лэстыр, пал-довá со джиндлэ, со тэрны патывалы джувлы мыя. ⁵⁴ Нэ Исусо ж пхэндя сарэнгэ тэ джэн яврі, лыя тэрня патывала джувля пал васт и пхэндя зоралэ заняса: “Патывалы-Тэрны-Джувліе! Ушты!” ⁵⁵ Лáкиро джибнытко дýхо (фáно) рисия палэ дрэ латэ; ёй екхатыр (срáзу) уштыя; Исусо припхэндя тэ дэн лáкэ тэ хал. ⁵⁶ Лáкирэ дадá здивиндлэпэ, нэ Исусо припхэндя лэнгэ ни конэскэ тэ на ракирэн пал довá, со сыс.

Шэро 9

Исусо Бичхавэла Дэшудуэн Апостолэн

¹ Исусо кхардя кхэтанэ дэшудуэн Апостолэн и дыя лэнгэ зоралыпэн и зор пэ сарэ налачхэ дýхи и тэ састякирэн манушэн насвалыпнэндыр, ² и бичхадя лэн тэ пхэнэн лав пал Дэвлэскиро Кралипэн дро Болыбнаскиро Раё; ³ и пхэндя лэнгэ: “На лэн пэса нисó пэ дром: ни дэстó, ни саква, ни марó, ни руп и на лэн дуй гада; ⁴ и дро вари-савó кхэр тумэ заджанас, ячэнпэ одóй и одотхыр тумэ явэна тэ джэн пэскэ; ⁵ а кóли вари-кай тумэн на прилэна, то тэды выджэн яврі, тринскирэн блáта тумарэ гэрэндыр, сыр допхэныбэн пэ лэндэ.” ⁶ Сыкляибнытка гинэ пир сарэ гавá, ёнэ миштопхэнэнас бахталы зан (звесь), высастякирэнас усенде (езде).

Иродо Пиридживэла и Дарэла

⁷ Кэли Иродо, савó сыс хула́й пэ штáрто паш (тетрархо) Юдэнгирэ Кралипинастыр, шундя пал сарó, со Исусо кэрдя, ёв на джиндя, со тэ думинэл: пал-довá со екх ракирдэ, со дава сыс Иáно, савó отджидыя мулэндыр; ⁸ а явир ракирдэ, со дава Илія явдя; а трита ракирдэ, со дава сыс екх гаратунэ пророкэндыр отджидыя. ⁹ И Иродо пхэндя: “Мэ отчингирдём шэро Ианоскэ; а кон исын жа Адава́, пал Конэстэ мэ шунава дасаво?” И ёв родыя тэ дыкхэл Исусóс.

Исусо Чалякирэла Пандж Тысёнцы Манушэн

¹⁰ Апóсто́лы явнэ палэ и роспхэндлэ Исусóскэ пал сарó, со ёнэ кэрдэ. Ёв лыя Пэса лэн и ёнэ дури́нэ пэ чхучó штéто, пашы́л фóро, савó кхардяпэ Вифсаида. ¹¹ Кэли манушá шундлэ пал дава́, ёнэ гинэ пал Лэстэ, и Исусо прилыя лэн и ракирдя лэнца пал Дэвлэскиро Кралипэн дро Болыбнаскиро Раё и высастякирэлас кодолэн, савэнгэ састякирибэн трэиндя. ¹² Нэ дывэс гия кэ бэ́львэ́ль, и дэшуду́й сыкляибны́тка явнэ и пхэндлэ Исусóскэ: “Отмэк манушэн, мэк ёнэ тэ джэн дрэ пашатунэ гавá и гаворэ тэ ратькирэн и тэ латхэн тэ хан; пал-довá со амэ сам ада́й пэ чхучó штéто.” ¹³ Нэ Исусо пхэндя лэнгэ: “Дэн тумэ тэ хан лэнгэ.” И ёнэ пхэндлэ: “Амэндэ бутыр нанэ, сыр пандж марэ и дуй мачхэ, ци амэнгэ тэ джас тэ кинас хабэн ваш сарэ адалэ манушэндэ?” ¹⁴ Пал-довá со сыс лэн пашэ пандж тысёнцы манушá. Нэ Исусо пхэндя Пэскирэ сыкляибнытконэнгэ: “Бэшлякирэн лэн рядэнца пир пандждэша́ манушá.” ¹⁵ И ёнэ кэрдэ адякэ, и бэшлякирдэ сарэн. ¹⁶ А Исусо ж лыя пандж марэ и дуй мачхэ, газдыя якхá пэ болыбэн, бахтякирдя лэн, пхагирдя и дыя сыкляибнытконэнгэ, соб (кай) ёнэ тэ роздэн манушэнгэ. ¹⁷ И ханэ и сарэ чалыне; и ячнэпэ дэшуду́й корзи́ны (кхудэ) котэрэнца, дрэ савэ ёнэ скэдынэ.

Пэтри Пхэнэла ангил Сарэндэ, Со Исусо исын Христосо

¹⁸ Екхвар, кэли Исусо сыс екхджинó и мангдýпэ Дэвлэскэ, а Лэскирэ сыкляибнýtка сыс Лэса, Ёв пхуцý лэндýр: “Пал конэстэ манушá гинэна Ман?” ¹⁹ Ёнэ отпхэндлэ: “Пал Ианостэ Болдэипнаристэ, явír-пал Илиястэ; явír ракирэна, со екх гаратунé пророкэндýр отджидýя.” ²⁰ Ёв пхуцý лэндýр: “Нэ тумэ пал конэстэ Ман гинэна?” Пэтри отпхэндý: “Пал Дэвлэскирэ Христосостэ.”

Исусо Ракирэла пал Пэскирэ Мэньки и Мэрибэн

²¹ Нэ Исусо припхэндý шылалэс ни конэскэ тэ на ракирэн пал дава. ²² И Ёв адýкэ-пацý пхэндý, со Манушэскирэ Чхавэскэ трэй тэ пиридживэл бут мэньки, со Лэс на пригалёна годэпхурэ и рашангирэ барыдырá и лылварýtка, со Ёв явэла замардо, и со пал трин дывэсá Ёв отджидёла. ²³ И Ёв пхэндý лэнгэ сарэнгэ: “Кóли вари-кон камэла тэ джал пал Мándэ, мэк тэ на думинэл бутýр пал пэстэ, мэк тэ лэл трушýл пэскиро и тэ джал пал Мándэ; ²⁴ пал-довá со, кон камэла пэскиро джиибэн тэ зракхэл, одовá хасякирэла лэс, и кон отдэла пэскиро джиибэн пал Мándэ, одовá зракхэла лэс, ²⁵ нэ савó лачхипэн манушэскэ, кóли лэстэ явэла сарó, со Ёв камэла далэ свётóстыр, а кокорó пэс ёв хасякирэла, ци кэрэла пэскэ чорипэн? ²⁶ Пал-довá со кон ладжала Мándýр и Мирé лавэндýр, одолэстыр и Чхавó Манушэскиро явэла тэ ладжал, кэли явэла дрэ Пэскирэ-Дадэскири ярко слáва свэнтонé Янголэнца, ²⁷ Чачэс, Мэ ракирэна тумэнгэ: адáй исын вари-савэ манушá, савэ на мэрэна, кóли ёнэ на дыкхэна Дэвлэскиро Кралипэн дро Болыбнаскиро Раё.”

Исусóскиро Парудыипэн

²⁸ Прогинé вари-савэ охтó (бидуэнгиро дэш) дывэсá, сыр Исусо пхэндý далэ лавá, и Ёв лыя Пэса Пэтрис, Ианос и Яковóс и газдыяпэ пэ бэрга тэ мангэлпэ Дэвлэскэ. ²⁹ Пака Ёв мангдýпэ Дэвлэскэ, Лэскиро муй и мина парудынэ, Лэскиро муй яцý тэ зяинэл и парнёл. ³⁰ И, гада, дуй муршá ракирдé Лэса, савэ сыс Мóйза (Моисеё) и Илiя; ³¹ и савэ сыкадынэ болыбнаскирэ зяиныбнаса; ёнэ ракирдé Исусóса пал Лэскиро мэрибэн, пир савó Лэскэ трэиндý тэ проджал дро Ерусалимо. ³² Нэ Пэтри и лэскирэ малá сыс пхарэс сутэ; нэ кэли ёнэ джангадынэ, тэды дыкхнэ ёнэ Исусóс дро зяиныбэн и дýе муршэн, савэ сыс Лэса. ³³ Кэли адалэ муршá отджанас Исусóстыр, Пэтри пхэндý Исусóскэ: “Сыклякирибнаскиро! Сыр шукáр амэнгэ тэ явас адáй; кэрáса трин шáтры; екх Тýкэ, екх Мойзáскэ, екх Илияскэ – ёв на джиндý, со ракирдý. ³⁴ Пака ёв ишчо (инкэ) ракирдý дава, сыкадыя óблоко и учхакирдý лэн; и ёнэ страхáдынэ, кэли óблоко гарады Мойзáс и Илияс. ³⁵ И сыс шундлы зан облокостыр, савi ракирдý: “Кадава исын Мирó дрогó Чхавó, Лэс шунэн.” ³⁶ Кэли зан пирияцý, Исусо яцýпэ екхджинó. Сыкляибнýtка сыс штыл и на ракирдé ни конэскэ дрэ долé дывэсá, со ёнэ дыкхнэ.

Исусо Высастякирэла Раклорэс Налачхэ Духóстыр

³⁷ Пэ явír дывэс, кэли Исусо сыкляибнýtконэнца гинэ тэлé бэргáтыр, бут манушá пирилынэ Исусóс. ³⁸ И, гада, вари-кон манушэндýр, дыя гóдла: “Сыклякирибнарискиро! Мэ древан мангáва Тут тэ дыкхэн мирé чхавэстэ, ёв исын екх мándэ; ³⁹ нáлaчxo дýхо (фáно) ухтылэла лэс, и ёв адáй жé дэла гóдла и дýхо (фáно) мэнчынэла лэс кэ пена мóстыр; и дýхо (фáно) пэ нáбут отмэкэла лэс, кэли змэнчынэла зоралэс лэс; ⁴⁰ мэ мангдём Тýрэ сыкляибнýtконэн тэ вытрадэл дýхо (фáно), нэ ёнэ на могиндлэ тэ дын рáда.” ⁴¹ Исусо отпхэндý: “О, тумэ сан напатяибнаскиро и пхарэ-манушэнгиро рóдо! Кицы Мэ явáва тумэнца и кицы Мэ явáва тэ вырикирав тумэн? Ян пэскирэ чхавэс адарýк!” ⁴² Кэли тэрнэ-бэршэнтиро джáлас, нáлaчxo дýхо (фáно) радý лэс и лыя тэ издралякирэл лэс; нэ Исусо припхэндý нáлaчxo духоскэ; Ёв высастякирдý тэрнэ-бэршэнгирэс и отдыя палэ лэс дадэскэ. ⁴³ И сарé манушá дивиндлэпэ пэ

Дэвлэскиро райкано барипэн. Кéли сарé дэнаспэ дивоскэ, со кэрдя Исýсо, Ёв пхэндя Пэскирэ сыкляибнытконэнгэ:

Исýсо Ракирэла пал Пэскиро Мэрибэн

⁴⁴ “Рипирэн лачхэс далé лавá: ‘Чхавó Манушэскиро явэла отдынó дрé манушэнгирé вастá.’”

⁴⁵ Нэ сыкляибнытка на галынé далé лавá; лэнгиро смысло сыс гарадо лэндыр адякэ, со ёнэ на джиндлэ, пал со Исýсо ракирдя, а тэ пхучэн Лэстыр пал дава лав ёнэ дарандынэ.

Кон исын Най Барэдыр?

⁴⁶ Дасаво пхучибэн сыс пэ илó сыкляибнытконэндэ: “Кон исын барэдыр машкёр амэндэ?”

⁴⁷ Исýсо джидя, со ёнэ думиндлэ, лыя биятос, чхудя лэс ангил Пэстэ, ⁴⁸ и пхэндя лэнгэ: “Кон прилэла кэ пэ екхэс адасавэ биятос ваш Миро лав, одовá и Ман прилэла, а кон прилэла Ман, одовá прилэла Одолэс, Кон бичхадя Ман, кон исын тыкнэдыр машкёр тумэндэ, мэк тэ явэл ёв сáмо барэдыр.”

Кон нанэ Прóти Тумэндэ, Одовá исын пал Тумэндэ

⁴⁹ Иáно тэды пхэндя: “Сыклякирибна́скиро! Амэ дыкхцям манушэс, савó Тырэ лавэса вытрадэла налачхэ дýхи (фаны) и амэ припхэндям Лэскэ тэ пириячэл, пал-довá со ёв на псирэла амэнца.” ⁵⁰ Исýсо пхэндя лэскэ: “На припхэнэн лэскэ; пал-довá со кон исын на прóти тумэндэ, одовá исын пал тумэндэ.”

Манушá Самариятыр на Прилэна Исусóс

⁵¹ Кéли явнэ пашылэдыр дывэса, дрé савэ Исусóскэ трэиндя тэ газдэлпэ пэ болыбэн далé свэтóстыр, ёв закамдя тэ джал дро Ерусалимо, ⁵² и Ёв бичхадя выкэдынэ манушэн ангил Пэстэ; и ёнэ гинэ и загинэ дро екх Самариякиро гав, соб (кай) тэ кэдэн ваш Лэскэ штэто тэ откхинёл, ⁵³ нэ манушá одóй на прилынэ Лэс, пал-довá со Ёв выдыкхця, сыр о мануш, савó джалас пир дром дро Ерусалимо. ⁵⁴ Кéли Лэскирэ сыкляибнытка Яково и Иáно дыкхнэ дава, ёнэ пхэндлэ: “Раё Дэвла! Кóли Ту камэса, амэ пхэна́са, соб (кай) тэ явэл яг болыбна́стыр и тэ хачкирэл лэн?” ⁵⁵ Нэ Исýсо порисия и выракирдя лэнгэ, пхэни: “Тумэ на джинэна, савó дýхо (фáно) исын тумэндэ. ⁵⁶ Пал-довá со Чхавó Манушэскиро явдя тэ на хасякирэл манушэнгиро джиибэн, а тэ зракхэл.” И ёнэ гинэ дро явёр гав.

Манушá, Савэ Дынé Лав Исусóскэ тэ Джан Лэса

⁵⁷ И сыс адякэ: кéли ёнэ джана́с дромэса, вари-кон пхэндя Исусóскэ: “Раё Дэвла! Мэ джа́ва Тýса, карик и Ту джа́са.” ⁵⁸ Исýсо пхэндя Лэскэ: “Локхнэндэ (лисэндэ) исын норы, болыбна́скирэ чириклендэ гнязды (кúфы), а Манушэскирэ Чхавэскэ нанэ, кай шэрó тэ чхувэл.” ⁵⁹ Ёв пхэндя явирэ манушэскэ: “Яв Ма́нца!” Одовá ж пхэндя: “Раё Дэвла! Мэк ман ангил тэ гаравав Мирé дадэс.” ⁶⁰ Нэ Исýсо пхэндя Лэскэ: “Мэк мулэ тэ гаравэн пэскирэ мулэн; а ту, яв, роспхэн бахталы зан (звесь) пал Дэвлэскиро Кралипэн дро Болыбна́скиро Раё.” ⁶¹ И ишчо (инкэ) явёр мануш пхэндя: “Мэ джа́ва пал Тýтэ, Раё Дэвла! Нэ мэк ман ангил тэ розячавпэ мирé сэмэнцаса.” ⁶² Нэ Исýсо пхэндя Лэскэ: “Ниékх, кон чхувэла пэскиро васт пэ плуго (пхарады) и обдыкхэлапэ палэ, исын на лачхó ваш Дэвлэскиро Кралипэн дро Болыбна́скиро Раё.”

Шэрó 10

Исúсо Бичхавáла Дэшуэфтá Сыкляибнытконэн

¹ Палó давá Рай Дэвэл выкэдýя явír эфтадэшá сыкляибнытконэн и бичхадý лэн пир дуендэ ангíл Пэстэ дро кажно фóро и гав, карик Ёв Кокорó камдý тэ джал. ² Ёв пхэндý лэнгэ: “Убияндыпэн исын барвалó, а бутярнэ исын náбут; мангэн пал давá Рас-Дэвлэс, Кон исын Хулáй пэ фэлды, соб (кай) Ёв тэ бичхавэл бутярнэн пэ Пэскиро убияндыпэн. ³ Джáн! Мэ бичхавáва тумэн, сыр бакрэн машкír рувэндэ. ⁴ На лэн пэса ни муенги́ро (кошэлько), ни саква, ни гэритка, и никонэскэ на дэн ‘добри́дим’. ⁵ И кели́ тумэ заджána дро вари-савó кхэр, англэдýр пхэнэн: “Тэ явэл раманё́ (миро) тумарэ́ кхэрэскэ.” ⁶ И ко́ли одóй явэ́ла ману́ш, савó камэ́ла раманё́ (миро), мэк тэ ячэлпэ́ тумарó лав “раманё́са” пэ лэндэ, кели́ тумэ дынэ ‘добри́дим’ лэнгэ; а ко́ли на адýкэ, мэк тэ рисёл палэ́ кэ́ тумэ́ тумарó лав мангипна́са Дэвлэ́скэ; ⁷ и ячэнпэ́ дро до́ва кхэр, хан и пьен до́ва, со исын лэндэ: пал-до́ва со бутярно́ исын мол плэскирибна́скэ пал пэскири́ бутý. На псирэн кхэрэ́стыр дро кхэр. ⁸ И ко́ли тумэ явэ́на дро вари-савó фóро и тумэн прилэ́на, хан, со тумэнгэ́ чхувэ́на пэ ска́мíнд; ⁹ састяки́рэн насвалэн, савэ́ исын дро кхэр, и раки́рэн лэнгэ: ‘Дэвлэ́скиро Крали́пэн явдý пашылэдýр кэ́ тумэ’. ¹⁰ А ко́ли тумэ заджána дро вари-савó фóро, и тумэн на прилэ́на, тэды, сыр тумэ выджáná яв́ри, пхэнэн: ¹¹ ‘Пхув, со ячя́пэ пэ́ амарэ́ гэрá, тумарэ́ форо́стыр амэ́ трински́раса тумэнгэ́; нэ́ джинэн, со Дэвлэ́скиро Крали́пэн явдý пашылэдýр кэ́ тумэ.’” ¹² Мэ раки́рава тумэнгэ́, со явэ́ла локхэдýр дро сэндоски́ро дывэ́с Содомоскэ́, сыр тумарэ́ форо́скэ.

Фóрья, Кай на Патяндынэ́ Исусóскэ

¹³ Би́да тýкэ, Хоразино! Би́да тýкэ, Вифсаи́да! Пал-до́ва со, ко́ли дасавэ́ дýвы, со сыс кэрдэ́ дрэ́ тумэндэ́, тэ́ явэн кэрдэ́ дро Тíро и Сидоно́, ёнэ́ гарá риско́рэнас пэ́скиро джи́ибэн кэ́ Дэвэл дро ури́бэн балы́тконэ́ гонэ́стыр и дро пепло́; ¹⁴ а Тиро́скэ и Сидоно́скэ явэ́ла локхэдýр дро сэндоски́ро дывэ́с, сыр явэ́ла тумэнгэ́; ¹⁵ и ту, Ка́пернаýме, кэ́ болы́бэн газдэ́сапэ! Кэ́ лю́но (адо) ту́ явэ́са чхурды́но тэлэ́. ¹⁶ Кон шунэ́ла тумэн, одо́ва шунэ́ла Ман, и кон на прилэ́ла тумэн, одо́ва на прилэ́ла Ман; а кон на прилэ́ла Ман, одо́ва на прилэ́ла Ман. Одо́лэс, Кон бичхадý́ Ман.”

Эфтадэшá Сыкляибны́тка Явэ́на Палэ́

¹⁷ И эфтадэшá сыкляибны́тка явнэ́ палэ́ барэ́ радýмáса, раки́ри: “Раё́ Дэ́вла! Кокорэ́ нала́чхэ́ дýхи (фаны) канды́нэ́ амэн, кели́ амэ́ раки́рдýм Ты́рэ лавэ́са.” ¹⁸ Исúсо отпхэндý́ лэнгэ́: “Мэ́ дыкхцём́ нала́чхэ́с, савó пы́я болы́бна́стыр сыр бли́скави́ца; ¹⁹ акэ́, шунэн: Мэ́ да́ва тумэнгэ́ зор тэ́ тэрдён пэ́ сапэндэ́ и скорпионэндэ́ и тэ́ пири́зорýяки́рэн са́ри вэ́ргоски́ри зор и нисавó́ чори́пэн на явэ́ла тумэнгэ́; ²⁰ и тумэ́ на рады́нэнпэ́, со нала́чхэ́ дýхи (фаны) кандэ́на тумэн, а́ тумэ́ рады́нэнпэ́ до́лэ́стыр, со тумарэ́ ла́ва́ исын за́чхиндлэ́ дро болы́бэн.”

Исúсо Рады́нэ́лапэ́

²¹ Дрэ́ до́ва-па́ць мардо́ (штýнда) Исúсо я́ця дре́ва́н радо́ Свэ́нтонэ́ Духо́стыр и пхэндý́: “Мэ́ барýяки́рава Тут, Да́до, Рай Дэвэл Бо́лыбна́скиро и пхувýяки́ро, со Ту́ гара́дян да́ва годýварэндýр и сы́кляки́рдэндýр и откэ́рдýн да́ва ты́кнэ́ чхаворэнгэ́. Ла́чхэ́с, Да́до, мэк тэ́ явэл адýкэ, сыр Ту́ камдýн. ²² Мíро Дад пи́риды́я Ма́нгэ́ са́рэ́ далэ́ кэ́рибэ́на; и кон исын Чхавó, ни́екх на джинэ́ла, екх Дад, и кон исын Дад, ни́екх на джинэ́ла, екх Чхавó, и одолэ́, конэ́скэ́ Чхавó камэ́ла тэ́ роспхэнэл.” ²³ Тэ́ньци́ Исúсо риси́я кэ́ сы́кляибны́тка и пхэндý́ фэ́ни ва́ш лэнгэ́: “Ба́хталэ́ исын тумарэ́́ якхá́ тэ́ дыкхэ́н до́ва, со́ тумэ́ дыкхэ́на! ²⁴ Мэ́ пхэ́на́ва тумэнгэ́, со́ бут проро́ки и крáлья́ камлэ́́ тэ́ дыкхэ́н до́ва, со́ тумэ́ дыкхэ́на, нэ́ ё́нэ на дыкхнэ́; и тэ́ шунэн до́ва, со́ тумэ́ шундлэ́́, нэ́ ё́нэ на шундлэ́́.”

Примéро (сыкаибэн) пал Лачхэ Самарянинóстэ

²⁵ И, гада, екх Законоскиро сыклякирибнари, уштый и ками тэ пропатякирэл Исусóс, пхэндя: “Сыклякирибнарискиро! Со мангэ тэ кэрэв, соб (кай) тэ дорэсав вéчно джибэн?” ²⁶ Исусóс отпхэндя Лэскэ: “Со исын чхиндло дро Законó? Со ту гинэса?” ²⁷ Мануш отпхэндя: “Рикир дрэ пэстэ сыр Дрогима Рас-Дэвлэс тырэс сарэ илэса пэскирэса, и сарэ тырэ духóса (фаноса), и сарэ тырэ зорьяса и сарэ тырэ годьяса, и сыкав патыв пэскирэ пашатунэ манушэскэ, сыр кокорó пэскэ.” ²⁸ Исусóс пхэндя Лэскэ: “Ту чачунэс отпхэндян, кэр адякэ, и ту явэса тэ дживэс.” ²⁹ Нэ Законоскиро сыклякирибнари, ками тэ сыкавэл пэс чачунэса, пхуця Исусóстыр: “Кон исын миро пашатуно мануш?” ³⁰ Исусóс ж отпхэндя: “Екх мануш гия Ерусалимóстыр дро Ерихóно и пынэ пэ лэстэ розмарибнарья; ёнэ злынэ лэстыр урибэн, домардэ лэс и гинэ; и мэкнэ лэс пашдждидэс. ³¹ И сыс адякэ, со екх рашай гия долэ дромэса и, кели дыкхця лэс, гия дурэдыр. ³² И Левито адякэ-паць сыс пэ дова штэто, подгия, подыкхця и гия дурыдыр. ³³ Нэ екх самарянино, савó традыя долэ дромэса, латхя лэс, кели дыкхця лэс, яця лэскэ танго (жалко) далэ манушэс; ³⁴ и ёв подгия кэ дава мануш, пирипхандя лэскирэ фрэнсы (раны), чхудя дзэт (олеё) и мол (вино) пэ раны; тэньчи ёв газдыя далэ манушэс пэ ослостэ, яндя лэс дро затрадыпнытко кхэр (гостиница) и дыкхця пал лэстэ. ³⁵ И пэ явир дывэс, кели ёв траделас пэскэ, ёв вытырдыя дуй динарии, дыя хуласкэ затрадыпнытконэ кхэрэстыр и пхэндя лэскэ: ‘Дыкх пал лэстэ; и, коли тутэ уджана бутыр ловэ, то мэ выплэскирава тукэ, кели явава палэ.’ ³⁶ Кон далэ тринэндыр, ту думинэса, исын пашылэдыр кодолэскэ, пэ конэстэ пынэ розмарибнарья?” ³⁷ Законоскиро сыклякирибнари отпхэндя: “Кодова, кон яцяпэ пашыл адалэ манушэстэ.” Тэды Исусóс пхэндя Лэскэ: “Джа и ту кэр адякэ-паць.”

Исусóс исын кэ Марфа и Мария

³⁸ Кели Исусóс и Лэскирэ сыкляибнытка ишчо (инкэ) гинэ дромэса, Исусóс загия дро екх гав; одой сыс екх джувлы, савья кхардэ Марфа, ей прилыя Лэс радымаса дро пэскиро кхэр. ³⁹ Лэгэ сыс пхэн, савья кхардэ Мария, ей бэсця кэ Исусóскирэ гэрэ и шундя Лэскирэ лавэ. ⁴⁰ А Марфа сыс древан залыны (залыми) бутяса пир кхэр, и ей подгия и пхэндя: “Раё Дэвла! Со Ту думинэса пал дова, со пхэн мэкця ман екхджиня тэ кэрэв сарэ кхэрытко буты? Пхэн лакэ тэ дзн васт мангэ!” ⁴¹ Исусóс отпхэндя лакэ: “Марфе! Марфе! Ту думинэса и кэрэса пхарó пэ ило пэскэ пал бут бутя, ⁴² нэ екх трэй. Мария выкэдыя чачуны паш, сави никон на отлэла латыр.”

Шэрó 11

Исусóс Сыклякирэла тэ Мангэлпэ Дэвлэскэ Дадэскэ

¹ И сыс адякэ: кели Исусóс мангдяпэ Дэвлэскэ дро екх штэто и, сыр пирияця, тэды екх сыкляибнытконэндыр пхэндя Лэскэ: “Раё Дэвла! Сыклякир амэн тэ мангаспэ Дэвлэскэ адякэ-паць, сыр и Иано сыклякирдя лэскирэ сыкляибнытконэн.” ² Исусóс пхэндя лэнгэ: “Кели тумэ мангэнапэ Дэвлэскэ, тэды ракирэн:

‘Дад амарó Болыбнаскиро! Мэк тэ славинэлпэ

Тыро свэнто лав;

Мэк тэ явэл Тыро Кралипэн,

Мэк тэ сполнинэлпэ,

Тыри воля сыр пэ пхув, адякэ пэ болыбэн;

³ Подэ амэнгэ марó пэ кажно дывэс;

⁴ И приманг амэнгэ грéхи амарé,

Сыр амэ примангаса одолэнгэ,

Савэ исын вужлэ амэнгэ;

И на домэк амэн кэ пропатыкирибэн;

Нэ зрэкх амэн налачхэстыр””

⁵ И Ёв пхэндя лэнгэ: “Конэстэ тумэндыр исын дру́го (мал), и кели тумэ явэна кэ ёв дрэ пашрат и пхэнэна лэскэ: ‘Пшáла, дэ дро вужлыпэн (длуго) мангэ трин лабы марó, ⁶ пал-довá со миро мал дромэстыр загия кэ мэ и мангэ нанэ со тэ дав лэскэ; ⁷ и кадавá мал отпхэнэла тумэнгэ: ‘Дэ мангэ тэ откхинёвав! Вудáр исын пхандло и мирé чхаворé исын каканá сутé манца; мэ на могоináва тэ уштав и тэ псиравав (тэ отпхандав) тукэ?’” ⁸ Мэ пхэна́ва тумэнгэ, со мэк (хоць) ёв на уштéла и на дéла тумэнгэ, пал-довá со тумэ сан лэскиро мал, нэ ваш дова́, соб (кай) тумэ тэ на ладжакирэн лэс мангипнаса, ёв уштéла и дéла тумэнгэ ада́кицы, кицýи тумэ камэна. ⁹ И Мэ ракира́ва тумэнгэ: мангэн, и явэла дыно́ тумэнгэ; родэн, и латхэна; марэн дро вудáр, и псиравэна тумэнгэ. ¹⁰ Пал-довá со кажно, кон мангэла, дорэсэла пэскиро; кажно, кон родэла, латхэла; кажнóнэскэ, кон марэла дро вудáр, явэла псирадо. ¹¹ Нэ, ци исын вари-кон тумэндыр сыр дад, со, ко́ли лэскиро чхавó мангэла лэстыр марó, тэ дэл чхавэ́скэ бар? Ци, кели мангэла мачхэс, тэ дэл лэскэ сапэс? ¹² Ци, кели мангэла парноро, тэ дэл лэскэ скорпионос? ¹³ Ко́ли тумэ сан налачхэ и джинэна тэ кэрэн лачхипэн пэскирэ чхавэнгэ, пэ кицýи бутыр тумэндыр тумарó Болыбна́скиро Дад дэла Свэ́нто Ду́хо (Фáно) одолэнгэ, савэ мангэна Лэ́стыр!”

Исúсо и Вельзэвúло

¹⁴ Екхвар Исúсо вытрадэлас náлачхо ду́хо (фáно) немонэ (муто) манушэстыр. Кéли náлачхо ду́хо (фáно) выгия́ лэстыр, немо ману́ш лыя́ тэ ракирэл. И манушá дивиндлэпэ. ¹⁵ Нэ вари-савэ лэндыр ракирдэ: “Ёв вытрадэла налачхэ ду́хи (фаны) Вельзэвулоскирэ зорья́са, савó исын хула́й пэ налачхэ ду́хи.” ¹⁶ А явир манушá пропатыкирэна́с Лэс, трэбинэна́с Лэ́стыр, соб (кай) тэ явэл герты́к (знамéниё) болыбна́стыр. ¹⁷ Нэ Исúсо джидя́, со ёнэ думиндлэ и пхэндя лэнгэ: “Кажно Кра́липэн, кай нанэ екхипэн андрáл, явэла сыр шу́ки пхув; кажно кхэр, кай нанэ екхипэн андрáл, на явэла тэ тэрдéл; ¹⁸ и ко́ли налачхэстэ нанэ екхипэн андрáл, сыр лэскиро кра́липэн явэла тэ тэрдéл? А тумэ ж ракирэна, со Мэ вытрадава налачхэ ду́хи Вельзэвулоскирэ зорья́са. ¹⁹ Нэ ко́ли Мэ вытрадава налачхэ ду́хи Вельзэвулоса, тэды тумарé чхавэ́, савэ зорья́са вытрадэна? Палдава́ ёнэ явэна сэндáрья тумэнгэ, со тумэ ракирэна начачипэн. ²⁰ А ко́ли Мэ вытрадава налачхэ ду́хи Дэвлэ́скирэ зорья́са, тэды Дэвлэ́скиро Кра́липэн явдя́ кэ тумэ. ²¹ Кéли зоралó ману́ш ра́кхэла пэскиро кхэр карэды́няса, лэскиро мишты́пэн никон на чилавэ́ла; ²² нэ кели ману́ш зоралэды́р лэстыр пэрэла пэ лэстэ, и пиризорья́кирэла хула́с, ёв закэдэла сарó лэскиро марды́тко (оружыё), пал савэ хула́й рикирдя́пэ, и роздэла лэскиро чордо мишты́пэн. ²³ Кон исын на Ма́нца, одова́ исын проти Ма́ндэ, и кон на скэдэла Ма́нца, одова́ росчхурдэла.

Сыр Налачхо Дúхо (Фáно) Рисёла

²⁴ Кéли на́лачхо дúхо (фáно) выджáла манушэ́стыр, тэды ёв лодэла пир бипанескирэ штэты, родэла откхиныбэн и на латхэла, и тэньчи раки́рла: ‘Рисевава мэ дро миро кхэр, каты́р мэ явдём.’ ²⁵ И кéли ёв явэ́ла, латхэ́ла, со кхэр нанэ залыно, вышуладо и укэдыно; ²⁶ тэньчи ёв джáла и лэ́ла пэ́са эф́та (битринэнги́ро дэ́ш) яви́р дúхи, со исын фуе́дыр лэ́стыр, и ёнэ заджа́на и дживэ́на одо́й; и ячэ́лапэ ваш далэ манушэ́скэ фуе́дыр, сыр сыс анги́л дава́.”

Чачуны́ Бахт

²⁷ И сыс ады́кэ: кéли Исúсо пхэндя́ дава́, вари-сави́ джувлы́, сави́ сыс машки́р манушэ́ндэ, откхардя́пэ зоралэ́ заня́са и пхэндя́ Лэ́скэ: “Бахталы́ исын джувлы́, сави́ бия́ндя́ и чара́дя колы́нэса Тут.” ²⁸ А Исúсо отпхэндя́: “Чачо́, бахталэ́ исын ко́долэ, савэ́ шунэ́на Дэвлэ́скиро лав и кандэ́на лэс.”

Исусо́стыр Пхучэ́на тэ Кэ́рэл Диво́

²⁹ Кéли мануша́ скэ́дынэ́пэ кхэ́танэ, Исúсо лы́я тэ раки́рэл: “Га́да, исын на́лачхо и напатяи́бнытко ро́до, саво́ родэ́ла герты́к (знаме́ниё); на явэ́ла лэ́нгэ герты́к апри́ч Ионаски́ри герты́к. ³⁰ Ады́кэ, сыр Иона сыс герты́к ваш манушэ́нгэ Ниневия́тыр, ады́кэ-па́ць Чхаво́ Манушэ́скиро явэ́ла ваш дава́ ро́до. ³¹ Паш-Дывэ́сэски́ри (Татэ́-Ригаки́ри) Кра́лица газдэ́лапэ тэ сэнди́нэлпэ манушэ́нца далэ́ родо́стыр и допхэ́нэла пэ́ лэ́ндэ: пал-дова́ со ёй явэ́лас пхувья́кирэ ягору́стыр (краё́стыр) тэ шунэ́л Соломо́носкиро годва́рипэн; и ада́й исын Екх, Саво́ исын барэ́дыр Соломо́ностыр. ³² Ниневия́кирэ мануша́ газдэ́напэ тэ сэнди́нэпэ далэ́ родоса́ и ёнэ допхэ́нэна пэ́ лэ́ндэ, пал-дова́ со ёнэ на риси́нэ грэхэ́ндыр кэ́ Дэвэ́л, кéли Иона пхэндя́ лав; и ада́й исын Екх, Саво́ исын барэ́дыр Иона́стыр.

Пал Дуд Ваш Масá

³³ И кéли захачки́рэна момолы́, на гара́вэна ла ци́ чхувэ́на ла тэл пи́ри, а дро шандало́ (подсвечи́ко), соб (кай) тэ ды́кхэ́н мануша́, савэ́ джа́на андрэ́ дро кхэр. ³⁴ Момолы́тко (свети́льнико) ваш масá́ исын яг. Палдава́, ко́ли якх ты́ри явэ́ла жужы́, то ко́корэ масá́ явэ́на жужэ́; ко́ли якх ты́ри на явэ́ла жужы́, тэды ту ко́корэ явэ́са дро цямлы́пэн (калы́пэн). ³⁵ Ды́кх жа, соб (кай) дуд (свэ́то), саво́ исын дрэ́ ту́тэ, тэ на явэ́л цямло́. ³⁶ Пал-дова́ со, ко́ли сарэ́ тырэ́ масá́ исын свята́ла сыр яг, а нанэ́ пэ́ лэ́стэ́ ни екх цямло́ штэ́тыцо, тэды ту явэ́са тэ зяи́нэс дудэ́са сыр момолы́тконэ́стыр (свети́льнико́стыр), саво́ захачки́рдо.”

Исúсо Бангя́кирэ́ла Фарисе́эн и Лылва́риконэ́н

³⁷ Кéли Исúсо раки́рдя́, екх Фарисе́е кхардя́ Лэс кэ́ хал лэ́стэ; Ёв за́гия́ и бэ́сця́ пал ска́ми́нд. ³⁸ Фарисе́и дивиндэ́пэ, кéли ды́кхнэ́, со Исúсо на мор́дя васта́ анги́л хабэ́н. ³⁹ Нэ́ Рай Дэвэ́л пхэндя́ Лэ́скэ: “Тумэ́, Фарисе́и, ка́канá морэ́на тахта́я (чашы́) и чаре́ явресты́р, а андра́л, дро тумаро́ ило́ исын пхэ́рдэ́ бокх кэ́ чу́жо мишты́пэн и на́лачхэ́ думы́. ⁴⁰ Тумэ́ сан бигодя́кирэ! Ци́ да на Дэвэ́л, Кон кэ́рдя́ дава́ саро́ явресты́р и андрэ́стыр. ⁴¹ Нэ́ тумэ́ фэ́дыр отде́н дыи́бэ́н илэ́стыр долэ́стыр, со тумэ́нде́ исын дрэ́ тахта́я, и тумэ́ явэ́на жужэ́. ⁴² Би́да тумэ́нгэ, Фарисе́и; пал-дова́ со тумэ́ дэ́на дэ́што ме́ра мята́тыр, рута́тыр и ка́жнэ́нэ́ чарья́тыр, нэ́ тумэ́ на думи́нэна пал сэ́ндо́ и Дэвлэ́ски́ри ла́ска; дава́ трэ́индя́ тэ кэ́рэн и ады́кэ-па́ць тэ на би́стрэ́н пал яви́р. ⁴³ Би́да тумэ́нгэ, Фарисе́и: пал-дова́ со тумэ́ камэ́на най́ фэ́дэ́дыр штэ́ты дрэ́ синаго́ги и, соб (кай) мануша́ тэ дэ́н ‘пакло́но’ тумэ́нгэ пэ́ таргитка́ штэ́ты. ⁴⁴ Би́да тумэ́нгэ: пал-дова́ со тумэ́ сан сы́рбы нады́цьлэ́ маги́лы, со мануша́ пси́рэна́ пир лэ́ндэ́ и на джи́нэна́ лэ́н.” ⁴⁵ И екх лы́лваритконэ́ндыр отпхэндя́ Исусо́скэ: “Сы́кляки́рибна́риски́ро! Ко́ли Ту раки́рэ́са ады́кэ, Ту ла́джаки́рэ́са ады́кэ-па́ць амэ́н!” ⁴⁶ И пхэндя́ Исúсо: “Би́да тумэ́нгэ,

лылварйтка: пал-довá со тумэ чхувэна барэ пхарипэна дро джиибэ́н пэ манушэндэ, а кокорэ на камэна ангуштэса тэ чилавэн лэн. ⁴⁷ Бида тумэнгэ; пал-довá со тумэ кэрэна коплицы пророкэнгэ, савэн тумарэ дада́ замардэ. ⁴⁸ Ады́кэ тумэ допхэнэна ж пэ тумарэ дадэндэ, и подрикирэна лэн дро дова́, со ёнэ кэрдэ; пал дава́, со ёнэ замарэна́с пророкэн, а тумэ лэнгэ кэрэна коплицы. ⁴⁹ Ваш дава́ и Дэвлэскирэ годя́са исын пхэндлэ: ‘Мэ бичхава́ва лэнгэ пророкэн и Апостолэн; ёнэ замарэна́ екхэн, а явирэн ёнэ вытрадэна сыр джуклэн’, ⁵⁰ мэк тэ явэл сэ́ндо пэ дава́ родо́ пал пророкэнгирэ рата, савэ прочхудэ свэ́тоскирэ англыпна́стыр ⁵¹ Авелэскирэ ратэстыр кэ Захариэскиро рат, савэ́с замардэ машки́р алта́рэ и Кханги́рьякири паш; чачэс, Мэ, ракира́ва тумэнгэ: явэ́ла пхучно, сыр трэй далэ родо́стыр. ⁵² Бида тумэнгэ, лылварйтка: пал-довá со тумэ гаравэна́ клыдына́ вударэндыр дро джиныбна́скиро кхэр; тумэ ж кокорэ на загинэ́ и на мэкнэ́ явирэн.” ⁵³ И кэ́ли Иису́со пхэндя́ саро́ дава́ лэнгэ, лылварйтка и Фарисе́и лынэ́ тэ рэ́сэн кэ Ёв хо́ляса, соб (кай) Ёв тэ отпхэнэл пэ бут пхучыбэ́на; ⁵⁴ а кокорэ́ ужакирдэ́ чораханэ́с тэ ухтылэн Лэс дро лав, и соб (кай) ёнэ мого́нэна́с тэ бангяки́рэн Лэс.

Шэро́ 12

Пал Дуемуйткима

¹ Дрэ дова́-паць мардо́ (штунда) ада́кицы бут мануша́ скэ́дынэ́пэ кхэ́танэ, со ёнэ лынэ́ тэ тасавэн екх екхэ́с, и Иису́со лы́я тэ ракирэ́л англэ́дыр Лэ́скирэ сы́кляибны́тконэ́нгэ: “Ракхэ́нпэ Фариси́енгирэ́ рошчы́натыр: ра́кхэ́нпэ лэ́нгирэ́ дуемуйткима́тыр; ² нэ́ нанэ́ нисо́ учхаки́рдо, соб (кай) тэ на вы́джал пэ́ якха́ и гарадо́, соб (кай) тэ на явэл джи́ндлэ; ³ пал-довá со саро́, со тумэ́ пхэ́нэна́ дрэ́ калы́ (ця́млы) рат, дова́ явэ́на тэ шунэ́н дро свя́тло дывэ́с, и дова́, со тумэ́ пхэ́ндлэ́ шы́лэс (ти́хэс) пэ́ кан, дова́ явэ́на тэ ра́кирэн пэ́ кхэ́ритка́ стрэ́хи.

Дарэ́н екхэ́ Дэвлэ́стыр

⁴ Нэ́ Мэ ра́кира́ва тумэнгэ́, Мирэ́ дру́ги (мала́): “На анды́ршан ко́долэндыр, савэ́ муля́кирэ́на тумэ́н, нэ́ савэ́ на мого́нэна́ буты́р нисо́ тэ кэрэ́н. ⁵ Нэ́ Мэ сы́кава́ва тумэнгэ́, конэ́стыр трэй́ тэ дарэ́н: дарэ́н ко́долэстыр, конэ́стэ́ исын зо́ралыпэ́н тэ́ чхурдэл́ тумэ́н дро ге́ена. Чачо́, Мэ́ пхэ́нава́ тумэнгэ́: дарэ́нпэ́ лэ́стыр! ⁶ Хай, на дуй́ шпа́ки бикнэ́напэ́ пал екх а́сарие? И ни екх лэ́ндыр нанэ́ бисты́рдо Дэ́влэстэ́. ⁷ Тумэ́ндэ́ аж и бала́ пэ́ шэ́ро сарэ́ гиндлэ́. На анды́ршан жа: тумэ́ сан кучы́дыр, сыр ка́далэ́ бут шпа́ки.

Кон исын пал Христосо́стэ́ и Кон исын пэ́ Лэ́стэ́

⁸ Нэ́ Мэ́ пхэ́нава́ тумэнгэ́: ка́жнэ́с, кон при́галё́ла Ман и́ роспхэ́нэ́ла пал Ма́ндэ́ анги́л манушэ́стэ́, ко́долэ́с Мэ́ при́галё́вава анги́л Дэ́влэ́скирэ́ Янго́лэндэ́; ⁹ и ва́ри-саво́, кон отпхэ́нэла́пэ́ Ма́ндыр анги́л манушэ́ндэ́, ко́долэ́стыр отпхэ́нава́пэ́ и Мэ́ анги́л Дэ́влэ́скирэ́ Янго́лэндэ́; ¹⁰ и ко́ли ва́ри-кон пхэ́нэ́ла лав пэ́ Чха́вэ́стэ́ Манушэ́скирэ́стэ́, лэ́скэ́ грэ́хо явэ́ла отма́кно, нэ́ ко́дова́, саво́ пхэ́нэ́ла лав пэ́ Свэ́нто Ду́хо (Фа́но), лэ́скиро́ грэ́хо на явэ́ла отма́кно ни дро да́ва ве́ко, ни дро ве́ко, саво́ явэ́ла. ¹¹ Кэ́ли ёнэ́ явэ́на тэ́ лы́джан́ тумэ́н дрэ́ синаго́ги и кэ́ бары́дыра́ и пэ́ сэ́нды, на пи́ридживэ́н, сыр и со́ тумэ́ явэ́на тэ́ отпхэ́нэ́н, ци со́ тэ́ пхэ́нэ́н; ¹² пал-довá со́ Свэ́нто Ду́хо (Фа́но) явэ́ла тэ́ сы́кляки́рэ́л тумэ́н дрэ́ дова́-паць мардо́, со трэй́́ тэ́ пхэ́нэ́н.

Примéро́ (Сы́каи́бэ́н) пал Барва́лэ́ Ды́лынэ́стэ́

¹³ Тэ́ды ва́ри-кон манушэ́ндыр пхэ́ндя́: “Сы́кляки́рибна́риски́ро! Пхэ́н Мирэ́́ пшала́́скэ́, соб (кай) ё́в тэ́ росчху́вэл пир па́ша́ (тэ́ ула́вэл) ма́нца́ мэкно́ мишты́пэ́н, со да́д я́чкирдя́́ аме́нгэ́.”

¹⁴ Нэ́ Иису́со отпхэ́ндя́́ Лэ́скэ́: “Мро́́ ману́ш, кон чху́дя́́ ман тэ́ сэ́ндя́́кирав, ци́́ тэ́ росчху́вав пир па́ша́́ (ула́вав) ма́нкиру́ют тумэ́ндэ́?” ¹⁵ И Ё́в ишчо́́ (инкэ́́) пхэ́ндя́́ лэ́нгэ́́ сарэ́́нгэ́́:

“Ракхэмпэ и на традэмпэ тумэ пал барвалыпэн, пал-довá со чачуно Манушэскиро джибэн на дро довá, со ци бут барвалыпэна исын лэстэ.” ¹⁶ И Исусо роспхэндя лэнгэ дасаво примэро: “Екхэ-барвалэскирэ манушэскири пхув дэлас лачхó аплодо: ¹⁷ и ёв думинэлас пэскэ: ‘Со тэ кэрáв мánгэ? Мándэ исын náбут штéто, соб (кай) тэ чхував миро гив.’ ¹⁸ И ёв дурэдýр пхэндя пэскэ: гáда, со мэ кэрáва? Роспхагирава мирí шýрна и чхуáва нэвí шýрна барэдýр, и одóй мэ кэдава сарó миро гив и миро миштыпэн: ¹⁹ Тэды мэ пхэна́ва пэскэ: ‘Барвалó мэ сом пэ бут бэрш: откхинёв, ха, пи, джив, сыр камэса.’ ²⁰ Нэ Дэвэл пхэндя лэскэ: ‘Дылыно́ ту сан! Дрэ да́я рат лэна тýтыр тырó джибэн; конэскэ да́ва сарó ячэлапэ, со ту скэдыан?’ ²¹ Ады́кэ джáла кодолэндэ, савэ скэдэна кучипэн пэскэ, а на скэдэна довá, со исын мишто́ ангил Дэвлэстэ.”

Допатя́нпэ Дэвлэскэ дрэ Джибнýтка Пхарипэна́

²² И пхэндя Исусо Пэскирэ сыкляибнытконэнгэ: “Палда́ва Мэ ракира́ва тумэнгэ: на пиридживэн пал тумарó джибэн, со тумэнгэ тэ хан, ци пал тумарé масá, со тумэнгэ тэ урьен: ²³ на́ушто джибэн исын на бутýр хабнастыр, на́ушто масá исын на бутýр урибнастыр? ²⁴ Дыххэн пэ коракэндэ (воронэндэ), ёнэ на чхувэна дрэ пхув и на счхинэна; лэндэ нанэ ни пиралы́, ни шýрна; и Дэвэл чалякирэла лэн. Пэ кицý фэдыдыр тумэ сан чириклендыр? ²⁵ Нэ кон тумэндýр пиридживи пал джибэн, могоинэла тэ барьякирэл пэ náбут пэскиро барипэн? ²⁶ И ко́ли тумэ на могоинэна тэ кэрэн аж дасаво тыкно́ рэндоро, со́скэ пиридживэна тумэ пал явýр кэрибэна? ²⁷ Дыххэн пэ лилии, сыр ёнэ барьёна: ёнэ на кэрэна бутý, на кхувэна тхава; нэ Мэ пхэна́ва тумэнгэ, со и Соломо́но пэскирэ барвалыпнаса на урьеласпэ ады́кэ, сыр кажно лэндýр. ²⁸ Ко́ли ж дасаво урибэн Дэвэл дэла фэлдытконэ чарьякэ, савí ададывэс исын пэ фэлда, нэ атася́ явэла чхурдыны дро бов, тэды пэ кицý фэдыр Ёв дэла тумэнгэ урибэн, тумэ ж сан набарé – патяибнаскирэ мануша́? ²⁹ На рикирэн екх дро шэрó, со тумэнгэ тэ хан ци тэ пьен, и тумэ на пиридживэн; ³⁰ пал-довá со сарé на́цыи далé свэто́стыр родэна да́ва, и тумарó Дад джинэла, со тумэндэ исын трэбима дро да́ва сарó; ³¹ а родэн Лэскиро Кралипэн, и довá сарó явэла дыно́ тумэнгэ.

Пал Барвалыпэн дро Болыбна́скиро Раё

³² На андыршан, со тумэ сан на барó манушэнги́ро гурто, пал-довá со тумарó Дад дэла ласкаса тумэнгэ Кралипэн. ³³ Бикнэн, со тумэндэ исын и роздэн ловé богэнгэ; кэрэн пэскэ муэнгирэ (кошэ́льки), савэ на ячэна пхуранé, кэдэн пэскэ кучипэн, савó на тыкнёла дро Болыбна́скиро Раё, карик чор на подганавэлапэ, и моль (мэ́ль) на хасякирэла. ³⁴ Палдовá, кай тумарó кучипэн исын, одóй явэла тумарó ило́.

Ця́мка (Ракхунэ) Дына́рья

³⁵ Явэн скэдынé кэ сарó, мэк тэ хачон тумарé яга; ³⁶ тумэ сан сыр мануша́, савэ ужакирэна пэскирэ хулас, кон исын пэ бьяв, кэли ёв джáла палэ свэнкостыр, кэли ёв явэла кхэрé и марэла дро вудáр, соб (кай) тумэ тэды екхáтыр тэ отчхакирэн лэскэ. ³⁷ Бахталé исын одолé дына́рья, конэс хула́й латхэла, со ёнэ на сутé; чачэс, Мэ пхэна́ва тумэнгэ, со хула́й приготовинэлапэ и бэшлякирэла лэн пал сками́нд тэ откхинён; и джáла кэ ёнэ и ячэла тэ подэл лэнгэ. ³⁸ И, ко́ли ёв явэла дрэ пашрат, и явэла коригэдýр (позжэдýр), и латхэла, со ёнэ ады́кэ-паць исын на сутé, явэна бахталé кадалé мануша́. ³⁹ Нэ тумэ зоралэс джинэн, со, ко́ли кхэрэскиро хула́й джинэлас, кэли раты́ явэла чор, ёв явэла тэ ракхэлпэ и на дэлас, соб (кай) чор тэ подганавэлпэ тэл лэскиро кхэр. ⁴⁰ Палда́ва явэн скэдынé, пал-довá со Чхавó Манушэскиро явэла дрэ дасаво мардо́ (штýнда), со тумэ на думинэна.”

Патяибнѣтко и Напатяибнѣтко Писхари

⁴¹ Тэды Пэтри пхэндя Лэскэ: “Раё Дэвла! Ту ракирэса дава примэро (сыкаибэн) амэнгэ ци сарэнгэ?” ⁴² И пхэндя Рай Дэвл: “Кон тэды исын патяибнѣтко и годьваро писхари, конэскэ лэскиро хулай дья зор пэ лэскирэ бутярнэндэ, соб (кай) тэ дэл лэнгэ лэнгири паш марэстыр дро часо, саво трэй?” ⁴³ Бахтало исын кодова писхари, конэскиро хулай сыр явэла, латхэла, со ёв кэрэла адякэ, сыр упхэндло лэскэ; ⁴⁴ чачэс, Мэ ракирава тумэнгэ: ёв дэла лэскэ право пэ саро лэскиро миштыпэн, со исын лэстэ. ⁴⁵ Нэ коли дава писхари пхэнэла пэскэ: ‘Миро рай зарикирэлапэ;’ и ёв лэла тэ марэл дынарьён и дынарицэн, тэ хал и тэ пьел, и тэ матёл, ⁴⁶ тэды явэла писхарискиро хулай дро дова-паць дывэс, дро саво ёв на ужакирэла: и дро дова-паць мардо, пал саво ёв на джінэла и хулай росчингирэла лэс пэ паш и дэла лэскэ дасави судьба, сыр напатяибнаскирэ манушэнгэ. ⁴⁷ И одова писхари, кон джіндя лэскирэ хуласкири воля, а на сыс скэдыно и на кэрдя пир хуласкири воля, явэла зоралэс мардо чупняса, ⁴⁸ а кодова писхари, кон на джіндя, нэ кэрдя адякэ, пал со ёв исын банго, явэла мардо чхупняса тыкнэдыр. Кажноэстыр, конэскэ бут дыно, пхучэна бут; и кажноэ манушэстыр, конэскэ исын бут допатяндло, лэстыр пхучэна бутыр. ⁴⁹ Мэ явдём тэ янав яг пэ дая пхув; и сыр Мэ камам, соб (кай) ёй тэ хачол каканэ? ⁵⁰ Мангэ трэй тэ болавпэ, и сыр Мэ пиридживава, пака дава саро сполнинэлапэ! ⁵¹ На думинэн, со Мэ явдём тэ янав раманё (миро) пэ пхув? Над, Мэ пхэнава тумэнгэ, со на раманё (миро), а Мэ явдём тэ росчхував манушэн: ⁵² ададывэсатунэ дывэсэстыр сэмя панджинэ манушэндыр росчхувэнапэ пэ паша: тринджинэ явэна тэ росчхувэнапэ пэ паша дуйджинэнца, дуйджинэ явэна тэ росчхувэнапэ пэ паша тринджинэнца: ⁵³ дад явэла проти чхавэстэ, и чхаво явэла проти дадэстэ; дай явэла проти чхатэ, и чхай явэла проти борьятэ, и бори явэла проти сасятэ.”

Исусо Сыклякирэла тэ Галён Часо

⁵⁴ И пхэндя Исусо адякэ-паць манушэнгэ: “Кэли тумэ явэна тэ дыкхэн облоко, саво газдэлапэ западостыр (пал-панендыр), тэды тумэ ўраз ракирэна: ‘Брышынд явэла; и адякэ ёв явэла.’ ⁵⁵ И кэли тумэ чуинэна (шунэна), со паш-дывэсытко балвал пхурдэла, тэды тумэ пхэнэна: ‘Хачкирибэн явэла;’ и адякэ ёв явэла. ⁵⁶ Дуемуитка, тумэ сан! Тумэ джінэна, сыр тэ угалён, со исын пэ пхув и пэ болыбэн; а сыр да тумэ на галёна часо, дро саво тумэ дживэна.

Сыр тэ Миринэнпэ Манушэнца

⁵⁷ А соскэ тумэ на роскэдэнапэ ваш пэскэ, со исын чачипэн? ⁵⁸ Кэли ту джаса кэ сэндоскиро барыдыро манушэса, савэса ту сан дрэ холы, тэды спробин тэ уракирэс лэс пир дром, соб (кай) мануш тэ на затырдэл тут кэ сэндари, а сэндари тэ на отдэл тут фандарискэ (истязателёскэ), и одова тэ на чхурдэл тут дро штарибэн. ⁵⁹ Мэ пхэнава тумэнгэ: ту на выджаса одотхыр, пака ту отдэса кэ най тыкнэдыр харкуны гасприн.”

Шэро 13

Рисён Пэскирэ Грэхэндыр кэ Дэвл

¹ Дро дова-паць часо явнэ мануша и роспхэндлэ Исусоскэ пал манушэндэ Галилеятыр, сыр Пилато змешындя кхэтанэ лэнгирэ рата ратэнца, савэ сыс сыр свэнто дыибэн Дэвлэскэ. ² И кэли Ёв отпхэнэлас лэнгэ пэ дава, то пхэндя адякэ: “Со тумэ думинэна, со кадалэ Галилеякирэ мануша сыс барэдыр грэхитка, сыр сарэ явир Галилеякирэ мануша, со ёнэ адакицы мэнчындрлэпэ? ³ Над, Мэ пхэнава тумэнгэ, со, коли тумэ на рискирэна пэскиро джибэн кэ Дэвл, тэды тумэ адякэ-паць хасэна. ⁴ Ци тумэ думинэна, со кодолэ дэшуохто (бидуэнгиро биш) манушорэ, пэ конэстэ пыя Силаамоскири вучарды (башня) и примардя

лэн, сýс бутýр бангý, сыр сарý явýр манушá, савó дживéна кэ Ерусалимо? ⁵ Над, Мэ пхэнава тумэнгэ, со, ко́ли тумэ на рискирэна пэскиро джибэ́н грэхэндýр кэ Дэвэл, тэды тумэ адýкэ-паць хасёна.”

Примéро (Сýкаибэ́н) (Прýтча) пал Кашт (Дрэ́во), Савó на Д́ла Барьякирдó (Плодо)

⁶ И пхэндý Ису́со дасаво примéро (сýкаибэ́н): “Вари-савé манушэ́стэ сýс инжýритко кашт (дрéво), савó сýс чхудо дро винагра́дника, и ёв явдý тэ родéл барьякирдé (плóды) пэ лэ́стэ и на латхэлас ни екх. ⁷ И ёв пхэндý садо́вникоскэ (барьякирэ́скэ): ‘Дыкх, Мэ ужé трýто бэрш, сыр мэ ява́ва тэ родав барьякирдé пэ дава́ инжýритко кашт и на латхава нисó: чингир дава́ кашт тэлé; со́скэ ёв ивья́ (дармэс) залéла пхув?’ ⁸ Нэ барьякирэ́скиро отпхэндý хула́скэ: ‘Раё, мэ́к лэс ишчо (инкэ) пэ бэрш, пака Мэ обганава́ва лэс и чхува́ва упрé гнэ́ (мэ́ста), ⁹ и, ко́ли кашт д́ла фэдýр барьякирдó; а ко́ли над, тэды ту мого́нэса тэ чингирэс тэлé.’”

Ису́со Высастякирэ́ла Ланга́ля Джувл́я дро Са́вато (Субóта)

¹⁰ И Ёв сы́клякирдý дрé екх синаго́га дро са́вато. ¹¹ Одо́й сýс екх джувл́и, сави́ сýс бизорья́кири дэшуохто бэрш на́лчхэ́ духóстыр (фанóстыр); ёй сýс бандь́кирды и на мого́ндý тэ розбандéл. ¹² И кéли Ису́со дыкхц́я ла, Ёв кхард́я ла кэ Пэ́ и пхэндý: “Джувли́е, яв састы́ тырэ́ бизорья́кирибна́стыр.” ¹³ И Ёв чхудý упрé Лэ́скирэ́ вастá пэ ла́тэ; и ада́й жé ёй яц́я ро́уно и сла́виндý пари́кирибна́са Дэвлэ́с. ¹⁴ Нэ синаго́гакиро бары́дыро́ хо́лясы́я, со Ису́со высастя́кирдý дро са́вато, и палдава́ ёв пхэндý манушэ́нгэ: “Исын шов дывэ́са, кéли саштý (можно) тэ кэрэ́н бутý; явэ́н дрé далé дывэ́са́ и састё́н, а на дро са́вато.” ¹⁵ Пал дава́ Рай́ Дэвэл отпхэндý лэ́скэ адýкэ: “Дуемуитко, ту сан! Ци ка́жно тумэ́ндыр на пи́рипхандéла пэ́скирэ́ гурувэ́с ци ослóс катухóстыр и на лы́джалэ́с лэс тэ пана́кирэ́л? ¹⁶ И када́й джувл́и, сави́ исын Авраа́москири пра́чхай, савья́ на́лчхо́ спхандý пэ́ дэшуохто бэрш, со ж, ци на трéиндý ла тэ отмэ́кав далé пханды́пна́стыр саватонé (суботонé)?” ¹⁷ И кéли Ёв пхэндý дава́, сарé Лэ́скирэ́ вэ́рги ладжандýнэ; и сарé манушá рады́ндлэ́пэ́ Лэ́скирэ́ сла́внóнэ́ бутенды́р, савé Ёв кэрдý.

Примéро (Сýкаибэ́н) пал Гарчы́чно Зя́рка

¹⁸ Ису́со ж пхэндý: “Пэ́ со зджа́ла (поджала) Дэвлэ́скиро Кра́липéн дро Бо́лыбна́скиро Раё́. Со́са Мэ мого́нава́ тэ при́парував (тэ при́роу́нинав) лэс? ¹⁹ Ёв исын сы́рбы гарчы́чно зя́рка, сави́ ману́ш чхудý дрé пхув пэ́ пэ́скири бар; и ёй выбра́ия́ и яц́я сыр барó кашт (дрéво), кай чи́рикля́ бо́лыбны́тка гара́дэ́нас дрé лэ́скирэ́ рандý.”

Примéро (Сýкаибэ́н) пал Рошчы́на (Дро́жджы)

²⁰ И нэ́вэ́стыр Ёв пхэндý: “Со́са Мэ мого́нава́ тэ при́парував (тэ при́роу́нинав) Дэвлэ́скиро Кра́липéн дро Бо́лыбна́скиро Раё́? ²¹ Дэвлэ́скиро Кра́липéн дро Бо́лыбна́скиро Раё́ исын сы́рбы дро́жджы (рошчы́на), савé джувл́и лы́я́ и замешы́ндý дрé трин ме́ры я́ржó, пака сарó хумэ́р (цясто) на яц́я шу́тло.”

Ця́сно Вуда́р

²² И джа́лас Ису́со пир фо́рья́ и гава́́ и сы́клякирэ́лас манушэ́н, кéли Ёв джа́лас дро Ерусали́мо. ²³ Вари-кон пхэндý Лэ́скэ: “Раё́ Дэ́вла!” Нау́што́ исын на́бут адасавé манушá, савé зракхэ́напэ́?” Ису́со отпхэндý лэ́нгэ: ²⁴ “Спрóбинэ́н зоралэ́с тэ заджа́н пир ця́сно вуда́р, пал-дова́ со бут манушá, Мэ пхэна́ва тумэ́нгэ, явэ́на тэ родéн, соб (кай) тэ заджа́н андрé, и ё́нэ на д́на ра́да (змого́нэна). ²⁵ Пало́ дава́, кéли кхэ́рэ́скиро хула́й уштéла́ и запхандéла вуда́р, тэды тумэ́ явэ́на тэ тэрдéн яв́ри́ и явэ́на тэ марéн дро вуда́р, ра́кири́: ‘Раё́ Дэ́вла! Раё́

Дэвла.” Псирав (отпхандэ) вудар амэнгэ,” а Ёв отпхэнэла тумэнгэ: “Мэ на джином (на джинав) тумэн, катыр тумэ сан?” ²⁶ тэды тумэ пхэнэна: ‘Амэ хаям и пиям Туса, и Ту сыклякирдян пир амарэ вулицы (гасы);’ ²⁷ нэ Ёв пхэнэла: ‘Мэ на джином тумэн, катыр тумэ сан; джан Мандыр криг тумэ сарэ, кон кэрэла чорипэн.’ ²⁸ Одой явэла роибэн и дандэнгири скрежыма, кели дыкхэна тумэ Авраамос, Исаёс и Яковос и сарэ пророкэн дро Дэвлэскиро Кралипэн дро Болыбнаскиро Раё, а тумэн кокорэн вытрадена яври. ²⁹ И явэна мануша вастокостыр и западостыр, паш-ратитконэ и паш-дывэсытконэ ригэндэр, и ёнэ явэна тэ бэшэн пал скаминд дро Дэвлэскиро Кралипэн дро Болыбнаскиро Раё. ³⁰ И, гада, исын палатунэ, савэ явэна англатунэ; а исын англатунэ, савэ явэна палатунэ.”

Исусо Пиридживэла пал Ерусалимо

³¹ Дрэ дова дывэс явнэ Фарисеи кэ Исусо и пхэндлэ Лэскэ: “Джа адатхыр и джа (пэскэ), пал-дова со Иродо камэла тэ мулякирэл Тут.” ³² Исусо отпхэндя лэнгэ: “Джан и пхэнэн далэ локхнякэ (лисакэ); гада, Мэ традава криг налачхэ дүхи (фаны) и высастякирава ададывэс, атася и пэ трито дывэс Мэ кончынава мирй буты; ³³ нэ Мангэ трэй тэ псирав ададывэс и атася и явир дывэс, пал-дова со нашты тэ явэл, соб (кай) пророко тэ хасёл яври Ерусалимостыр. ³⁴ Ерусалимо! Ерусалимо! Дро саво мулякирэнас пророкэн и шулякирэнас барэнца кодолэн, савэн бичхадя кэ ту. Кицы мо́лы Мангэ исын пэ ило тэ скэдав чхаворэн тырэн, сыр чириклы скэдэла чириклорэн тэл пхак и тумэ на камлэ! ³⁵ Гада, кхэр тумаро явэла мэкно чхучо тумэнгэ; и Мэ ракирава тумэнгэ: тумэ на явэна тэ дыкхэн Ман кадалэ дывэсэстыр, пака тумэ на пхэнэна: “Бахтякирдэ исын Одова, Саво джала ваш Дэвлэскиро лав.”

Шэро 14

Исусо Высастякирэла Насвалэ Манушэс

¹ И сыс адякэ: Исусо загия дро кхэр кэ екх Фарисеёскиро барыдыро тэ хал маро саватонэ (суботонэ), а ёнэ дыкхнэ дрэ сарэ якха пал Лэстэ. ² И екх мануш, конэстэ росшулынэ гэрэ и васта, подгия кэ Исусо. ³ И пхуця Исусо лылваритконэндэр и Фарисеендыр: “Ци сашты тэ высастякирав дро савато?” ⁴ Нэ ёнэ сыс шытл. Исусо лыя манушэс, высастякирдя лэс и отмэкця лэс тэ джал. ⁵ И Ёв пхэндя лэнгэ: “Кон тумэндэр, конэстэ ёсло (мегари) ци гурув пыя дрэ ганьнг, ураз на вытырдэла лэс упрэ дро савато?” ⁶ Нэ ёнэ нисо на могоиндлэ тэ отпхэнэн Лэскэ.

Пал Напхутькирибэн и Лачхэ-илыткима

⁷ Исусо пхэндя притча одолэ манушэнгэ, савэн кхардэ пал скаминд, пал-дова со Исусо дыкхця, сыр ёнэ выкэдэнас англатунэ штэты: ⁸ “Кёли вари-кон кхарэла тут пэ бьяв, на бэш пэ англатунэ штэто, соб (кай) тэ на явэл вари-кон патывалэдыр тэтыр, савэс адякэ-паць кхардэ, ⁹ и хулай, кон кхардэ тут и лэс, соб (кай) тэ на подджал и тэ на пхэнэл тукэ: ‘Дэ штэто лэскэ,’ а тукэ приявэлапэ ладжаса тэ бэшэл палал. ¹⁰ Нэ кели кхарэна тут, тэды бэш пэ палатунэ штэто, соб (кай) кодова, кон кхардэ тут, могоинэлас тэ подджал кэ ту и тэ пхэнэл: ‘Морэ! Пирибэш пэ штэто англэдыр: одой тукэ явэла патыв ангил сарэндэ, савэ исын бэштэ пал скаминд туса; ¹¹ пал-дова со кажно, кон газдэла пэс, лэс Дэвэл чхувэла тэлэдыр, а кон чхувэла пэс тэлэдыр, кодолэс Дэвэл газдэла вучэдыр.’” ¹² Тэньци Исусо адякэ-паць пхэндя кодолэскэ, саво кхардэ Лэс: “Кели ту кэрэса баро скаминд, на кхар ни малэн, ни пшалэн, ни сэмэнцэн пэскирэн, ни барвалэ суседэн (котарьён), соб (кай) и ёнэ тэ на кхарэн палэ тут вари-кёли, и соб (кай) тэ на отплэскирэн палэ тукэ. ¹³ Кели ту кэрэса свэнко, кхар чорорэн, калекэн, лангалэн, корорэн, ¹⁴ и ту явэса бахтякирдэ: пал-дова со лэндэ нанэ со́са тэ

отплэскирэн палэ тукэ; а тукэ, явэла отплэскирдо палэ, кэли чачунэ манушá отджидёна мэрибнастыр.

Примэро (Сыкаибён) пал Барó Свэнко

¹⁵ И екх мануш, кон сыс бэшто Лэса пал скаминд и откхинёлас, кэли шундя дава, то пхэндя Исусоскэ: “Бахталó исын одова мануш, кон явэла тэ хал марó, пал скаминд дро Дэвлэскиро Кралипэн дро Болыбнаскиро Раё.” ¹⁶ Исусо пхэндя Лэскэ: “Вари-савó мануш кэрдя барó скаминд и кхардя бутэ манушэн. ¹⁷ И бичхадя ёв пэскирэ писхарис дрэ дова-паць мардо тэ пхэнэл кодолэнгэ: ‘Явэн, сарó ужэ исын скэдынó’. ¹⁸ Нэ кхардэ манушá, екх пал екхэстэ, лынэ тэ отпхэнэнпэ. Пэрво мануш пхэндя писхарискэ: ‘Мэ киндём пхув, и мангэ трэй тэ джав и тэ дыкхав ла; мангав тут тэ примангэс мангэ’. ¹⁹ И явир мануш пхэндя: ‘Мэ киндём пандж пары гурувэн тэ дэн андрé, и мэ джава тэ спробинав лэн; мангав тут тэ примангэс мангэ’. ²⁰ И трйто пхэндя: ‘Мэ лыём ромня, и палдава мангэ наштý тэ явав.’ ²¹ И явдя писхари кхэрэ и пирипхэндя сарé лава хуласкэ. Тэды кхэрэскиро хулай пхэндя дрэ холы писхарискэ: ‘Джан пир барé вулицы (гасы) и гасыцы, и ян адарик чорорэн, калекэн, лангалэн и корорэн’. ²² И пхэндя писхари: ‘Раё, кэрдó, сыр ту пхэндян зорьяса, и исын ишчо (инкэ) штéто’. ²³ И хулай пхэндя писхарискэ: ‘Джа пир барé дрома и пашé тыны (изгороди) и ракир пир илó лэнгэ тэ явэн, соб (кай) тэ явэл пхэрдó миро кхэр; ²⁴ палдава Мэ пхэнава тукэ, со ниекх одолэндыр, савэн кхардэ, на покоштынэла (на спробинэла) миро хабэн.’”

Со Значынэла тэ Джас пал Христосóстэ

²⁵ И бут бут манушá джана́с Исусоса и Ёв порисия кэ ёнэ и пхэндя лэнгэ: ²⁶ “Кóли вари-кон явэла кэ Мэ и на ячкирэла пэскирэ дадэс и да, и ромня, и чхаворэн, и пшалэн, и пхэнен, и адякэ-паць на явэла тэ раххэл пэскиро джиибэн; кодова на могоинэла тэ явэл Мирó сыкляибны́тко; ²⁷ и вари-кон, кон на лэла трушу́л пэскиро и на джала Мánца, кодова на могоинэла тэ явэл Мирó сыкляибны́тко. ²⁸ Пал-дова со, кон тумэндыр, савó камэла тэ чхувэл кхэр, англэдыр на бэшэла и на розгинэла ловэ, со явэла мол дава, ци ухты́лла (дóси) ловэ лэстэ тэ докончынэл бутý; ²⁹ соб (кай), кэли ёв чхувэла фундаменто и кóли на могоинэла тэ докончынэл, соб (кай) сарé, кон дыкхэла дава, тэ на лэн тэ санпэ лэстыр; ³⁰ ракири: ‘Кадава мануш лыя́ тэ чхувэл кхэр и на дыя рада (змогиндя) тэ докончынэл бутý?’ ³¹ Ци, сыр кра́ли, савó кэдэлапэ тэ джал тэ марэлпэ явирэ кра́лиса, ци на бэшэла ёв и на обракирэла англэдыр, ци могоинэла ёв дэшэ тысёнцэнца тэ тэрдёл проти явирэ кра́листэ, савó джала пэ лэстэ бишэ тысёнцэнца? ³² И кэли на адякэ, тэды пака одова кра́ли исын дур, ёв бичхавэла кэ явир кра́ли выкэдынэ манушэн тэ мангэн, сыр тэ кэрэл раманё (миринэлпэ) долэ кра́лиса. ³³ Палдава кажно тумэндыр, кон на отпхэнэлапэ сарэстыр, со лэстэ исын, на могоинэла тэ явэл Мирó сыкляибны́тко. ³⁴ Лонд исын лачхó, нэ кэли ёв нашавэла пэскиро лондыпэн, со́са сашты́ тэ кэрэс, соб (кай) нэвэстыр лонд тэ явэл лондо? ³⁵ Лэс бутýр ни карик на чхувэса: ни дрэ пхув, ни пэ гнэ; лэс вычхурдэна. Конэстэ исын канá, мэк тэ шунэл.”

Шэрó 15

Пал Бакрýтэ, Сави́ Хасия́

¹ И джана́с пашылэдыр кэ Исусо мытоскирэ скэдыбнарья́ и грэхитка манушá тэ шунэн Лэс: ² и Фарисеи́ и лылваритка ракирдé холяса адякэ: “Кадава мануш прилэла грэхитконé манушэн и хала лэнца.” ³ И Ёв пхэндя лэнгэ дасаво примэро (сыкаибён): ⁴ “Кон тумэндыр, конэстэ исын шэл бакрý, и кóли ёв нашавэла екха, на ячкирэла енядэша пэ чхучи́ пхув и на джала тэ родэл кодоля, сави́ хасия́, пака латхэла ла. ⁵ А кэли ёв латхэла ла, ёв чхувэла ла пэ психэ́ радыма́са; ⁶ а сыр ёв явэла кхэрэ, кхарэла кэ пэ пэскирэ другэн (малэн) и суседэн (котарьён) и пхэнэла лэнгэ: “Радынэнпэ Мánца, пал-дова со Мэ латхём бакрý, сави́ хасия́.”

⁷ Чачэс, Мэ пхэнава тукэ: адякэ-паць явэла бутыр радыма дро болыбэн пал екхэ грэхитконэ манушэстэ, саво рискирдя пэскиро джибэн грэхэндэр кэ Дэвэл, сыр пал енядэша еня чачипнытконэндэ, конэскэ на трэй тэ кэрэл дава.

Пал Гасприн, Со Хасия

⁸ Ци коли екх джувлы, конэстэ сыс дэш рупувэ гаспря (копейки) и ей наставэла екх лэндэр; со ей на захачкирэла момоля и на ячэла тэ шулавэл дрэ штуба и тэ родэл раххибныткэс, пака ей латхэла дай гасприн? ⁹ А кэли ей латхэла ловэ, тэды кхарэла кэ пэ подругэн (малнэн) и суседкэн (котаркэн) и пхэнэла: ‘Радынэнпэ тумэ Мánца, мэ латхэм гасприн, сави нападём.’”
¹⁰ Мэ пхэнава тумэнгэ: адякэ-паць и радынэнапэ Дэвлэскирэ Янгóлы пал екхэ грэхитконэ манушэстэ, саво рискирэла пэскиро джибэн грэхэндэр кэ Дэвэл.”

Примéро (Сыкаибэн) пал Хасибнытконэ Чхавэстэ

¹¹ И ишчо (инкэ) Исусо пхэндя: “Сыс екх мануш, конэстэ сыс дуй чхавэ; ¹² и пхэндя тэрнэдыр чхаво дадэскэ: ‘Дáдо, дэ мánгэ каканá мирí паш миштыпнастыр’. И росчхудя дад миштыпэн машкíр лэскирэ дуге чхавэндэ. ¹³ Сыг палó сарó дава, тырнэдыр чхаво скэдыя сарó и гия пэ дуратуны пхув и одой ёв розмэкця пэскирэ ловэ дро розмэкно джибэн. ¹⁴ Кéли ёв розмэкця сарó, со сыс лэстэ, гада, бари бокх яця пир доя пхув; ёв лыя тэ бокхалёл; ¹⁵ тэды ёв гия и тэрдия пэ буты кхэтанэ явирэнца кэ екх хулай пэ доя пхув, а кодова мануш бичхадя лэс пэ пэскири фэлда тэ чаравэл балычэн; ¹⁶ и ёв явэлас радо тэ хал чалэс балычанэ рошки, со балычэ ханэ, нэ никон на дыя лэскэ. ¹⁷ Тэды ёв догия кэ пэскири годы и пхэндя: ‘Мирé дадэстэ исын адакицы бутярнэ, савэ хана чалэс марó, а мэ адай мэрава бокхатыр! ¹⁸ Уштава мэ и джава кэ пэскиро дад, пхэнава лэскэ: ‘Дáдо! Мэ кэрдём грéхо ангил Дэвлэстэ и ангил тутэ. ¹⁹ Мэ бутыр на сом мол, соб (кай) ту тэ кхарэс ман чхавэса; лэ ман кэ пэ сыр пэскирэ бутярнэс.’ ²⁰ Уштыя ёв и гия кэ пэскиро дад. Кéли ёв сыс ишчо (инкэ) дур пэскирэ кхэрэстыр, дад дыкхця лэс; дадэскирэ илэскэ яця танго лэс и дад прастандыя, обухтылдя чхавэс вастэнца и обчамудя лэс. ²¹ ‘Дáдо, – пхэндя чхаво, – мэ кэрдём грéхо ангил Дэвлэстэ и ангил тутэ. Мэ бутыр на сом мол, соб (кай) ту тэ кхарэс ман чхавэса.’ ²² Нэ дад кхардя пэскирэ писхарьён: ‘Янэн сыгэдыр най фэдэдыр урибэн и урьявэн пэ лэстэ. Урьявэн ангрусты лэскэ пэ васт и тривики пэ гэрá. ²³ Янэн тхулэ целянтос, чхинэн лэс и яваса тэ хас и тэ радынаспэ, ²⁴ пал-дова со кадава миро чхаво сырбы мыя ваш мánгэ и каканá отджидыя, хасия и латхяпэ’. И ёнэ лынэ тэ веселинэнпэ (тэ лошалён). ²⁵ А пхурэдыр лэскиро чхаво сыс пэ фэлда: и кéли ёв джалас палэ и джалас пашыл кэ кхэр, тэды шундя багаибэн и кхэлыбэн. ²⁶ Ёв дыя гóдла екхэ дынарис и пхуця, со дой дасаво сыс? ²⁷ А дынари отпхэндя: ‘Тыро пшал явдя и тыро дад зачхиндя тхулэ целянтос, пал-дова со тыро пшал явдя састó’. ²⁸ Ёв холясыя и на камдя тэ заджал дро кхэр. Нэ дад лэскиро выгия и кхардя лэс. ²⁹ Нэ пхурэдыр чхаво отпхэндя дадэскэ: ‘Мэ адакицы бэрш кэрава буты пэ тутэ и ниэкхвар на пхэндём лав проти тырэ упхэныбэнá. Нэ ту ниэкхвар на дыян мánгэ хоць бузнорэс (козлёнкос), соб (кай) мэ тэ веселинавпэ (тэ лошалёвав) пэскирэ малэнца; ³⁰ а кадава тыро чхаво каканá явдя, кэли розмэкця сарó пэскиро миштыпэн налачхэ джувлэнца; нэ ту ж зачхиндя тхулэ целянтос ваш лэскэ’. ³¹ Дад отпхэндя: ‘Мо чхаворó! Ту сан со дывэс Мánца, и сарó, со мánдэ исын, исын тыро; ³² нэ палдава трэй тэ веселинаспэ (тэ лошалёвас), со кадава тыро пшал сыс сырбы муло ваш амэнгэ и каканá отджидыя, хасия и латхяпэ.’”

Шэрó 16

Пал Мэндронэ-Кхэрэскирэ Барыдырэстэ

¹ И пхэндя Исусо ж и Пэскирэ сыкляибнытконэнгэ: “Сыс екх барвалó мануш, конэстэ сыс кхэрэскиро барыдырó, савэс манушá бангякирэнас хуласкэ, со ёв розмэкэлас хуласкиро

миштыпэн. ² И адава барвалó мануш выхардя лэс и пхэндя: ‘Со да мэ шунава пал тутэ? Подэ мангэ розгиныбнытко папиря, сыр ту хулаиндян мирé миштыпнаса, пал-дова со бутыр тукэ наштý тэ ячэспэ кхэрэскирэ барыдырэса.’ ³ Нэ кхэрэскиро барыдырó пхэндя пэскэ: ‘Со мангэ тэ кэрэв, кэли Мирó рай отлэла мандыр буты пир кхэрýтко миштыпэн? Мэ на могонава тэ ганавав, ладжава тэ мангав. ⁴ Мэ джином (джинав), со мэ явава тэ кэрэв; соб (кай) манушá тэ прилэн ман дрэ пэскирэ кхэрá, кэли ман злэна бутытыр пир кхэрýтко миштыпэн.’ ⁵ И ёв выхардя пир екхэстэ кэ пэ кажнонó манушэс, кон сыс вужло лэскирэ рáскэ, и пхэндя пэвонэскэ: ‘Кицы ту сан вужло мирé рáскэ?’ ⁶ И одовá отпхэндя: ‘Шэл цэбры (меры) дзэт’ (елее). И кхэрэскиро барыдырó пхэндя Лэскэ: ‘Лэ тырó росчихиныбнытко, бэш сыгэс и чхин пандждэша’. ⁷ Тэньци ёв пхуця явирэстыр: ‘А кицы ту сан вужло мирé рáскэ?’ И ёв отпхэндя: ‘Шэл гонé (меры) парно гив.’ И кхэрэскиро барыдырó пхэндя лэскэ: ‘Лэ тырó росчихиныбнытко и чхин охтодэша’. ⁸ И шардя ж рай пэскирэ начачунэ кхэрэскирэ барыдырэс, со ёв адякэ годьварэс кэрдя. Пал-дава со манушá, савэнгэ исын дро́го екх дава свэто, исын годэдыр манушэндýр, савэнгэ исын дро́го духовно (фаноскиро) свэто. ⁹ И Мэ пхэнава тумэнгэ: малынэнпэ барвалыпнаса далé свэтостыр, савó могонэла тэ явэл биба́хт адякэ, сыр исын лачхó Дэвлэскэ, соб (кай), кэли дава барвалыпэн кончынэлапэ, тумэ тэ явэн прилынэ дро вечно кхэр.’” ¹⁰ Кодовá, кон исын патяибнытко дро набарó рэндо, явэла чачунó дро барó рэндо; а кодовá, кон исын начачуно дро набарó рэндо, явэла адякэ-паць начачуно дро барó рэндо. ¹¹ И ко́ли тумэ на сáнас чачунэ дро далé свэтоскиро барвалыпэн, кон тумэнгэ допатяла Болыбна́скиро чачунó барвалыпэн? ¹² И ко́ли тумэ на сáнас чачунэ дро чу́жо барвалыпэн, кон тумэнгэ дэла пэскиро миштыпэн? ¹³ Ниéкх дына́ри (слуга) на могонэла тэ дынарьел дýе рангэ, ци екхэс тэ явэла тэ на камэл, нэ явирэс тэ камэл, ци явэла чачунó кэ екх, а пэ явирэстэ явэла тэ дыкхэл вучипна́стыр. Тумэнгэ наштý тэ дынаринэн Дэвлэскэ и барвалыпнаскэ.”

Исусо Сыклякирэла пал Зако́но

¹⁴ Шундлэ сарó дава и Фарисеи, савэ зоралэс традынэпэ пал барвалыпэн и ёнэ лынэ тэ санпэ Исусóстыр. ¹⁵ Ёв пхэндя лэнгэ: “Тумэ сыкавэна пэс, со тумэ сан чачунэ манушэнца ангил манушэндэ, нэ Дэвэл джинэла тумарó ило́; со манушá гинэна пал бари патыв, исын джунгалыпэн (брыткима) ангил Дэвлэстэ. ¹⁶ Мойзаскиро Зако́но и пророкэнгирэ зачихиныбэна сыс ангил Ианостэ Болдэипнаристэ: далé часостыр бахталы зан (звесь) пал Дэвлэскиро Кралипэн дро Болыбна́скиро Раё миштопхэнэлапэ, и кажно мануш зорьяса заджа́ла андрэ. ¹⁷ Нэ сыгэдыр болыбэн и пхув проджа́на, сыр екх тыкны буквица (литэрка) Законóстыр нашадёла. ¹⁸ Кажно мануш, кон мэкэла пэскирýя ромня́ и лэла явирýя, одовá кэрэла биладжаипэн; и кажно мануш, кон лэла явирýя, савýя ром мэкця́, одовá кэрэла биладжаипэн’.

Пал Барвалэ Манушэстэ и Лазарёстэ

¹⁹ “Гада, сыс екх барвалó мануш и ёв урьеласпэ дрэ порфиритко и най фэдыдыр йдя, хая и пия со фэдэдыр со дывэс. ²⁰ И сыс екх чорорó мануш, пир лав Лазарё, кон сыс пашто́ пашыл барвалэскири порта́ и лэскирэ масá сыс дрэ фрáнсы, ²¹ а адава бо́го сыс радо тэ чалёл котэрэнца, со пэрэнас барвалэ – манушэскирэ скаминдэстыр, и джукэла, кэли явэнас, чэрэнас лэскирэ фрáнсы. ²² И сыс адякэ: кэли мыя́ бо́го Лазарё, тэды Янгóлы залыджинэ лэс тэ явэл пашыл Авраамостэ. ²³ И барвалó мануш адякэ-паць мыя́ и гарадэ лэс. И ёв мэнчындыпэ древа́н дро лóно (адо) и, кэли ёв газдыя́ якхá, тэды дыкхця́ дурал Аврамос и Лазарёс, савó сыс пашыл Лэстэ. ²⁴ И ёв дыя́ гóдла зоралэс: ‘Дадо, Аврааме, потангинэ ман и бичхав Лазарёс, соб (кай) ёв тэ киндякирэл ангу́шт дро пани́ и тэ киндякирэл мирý чиб, со мэ адякэ мэнчынавапэ дрэ да́я хачкирды яг’. ²⁵ Нэ Авра́мо пхэндя: ‘Чха́ва, пририпир, со тутэ сыс лачхó джиибэн, кэли ту сáнас джидó, а Лазарёстэ сыс пхарó джиибэн. А каканá ёв ада́й радынэлапэ, а ту мэнчынэсапэ. ²⁶ И апри́ч дава сарó, машки́р амэндэ исын

бидугноскиро пропэрибэн, со одолэ, кон камэла тэ пириджал адатхыр кэ тумэ, наштý тэ пириджан кэ амэ.’ ²⁷ Тэды барвалó мануш пхэндя: ‘Мэ мангав тут, Дáдо, тэ бичхавэл Лазарёс кэ Мирé-дадэскиро кхэр; ²⁸ одóй мánдэ пандж пшáла, а ёв тэ патякирэл лэн тэ на явэн пэ дава штéто тэ мэнчынэнпэ.’ ²⁹ Нэ Авраáмо пхэндя лэскэ: ‘Лэндэ исын Мóйза и прорóки: мэк тэ шунэн лэн’. ³⁰ А барвалó мануш пхэндя: ‘Над, Дáдо Аврааме! Нэ кóли вари-кон мулэндýр тэ явэл кэ ёнэ, ёнэ рискирэнас пэскиро джиибэн кэ Дэвэл’. ³¹ Нэ Авраáмо пхэндя лэскэ: ‘Кóли ёнэ на кандэна Мóйзас и пророкэн, тэды хоць и вари-кон отджидéлас мулэндýр, ёнэ на упатянас.’”

Шэрó 17

Пал Грэхó

¹ И пхэндя Исýсо Пэскирэ сыкляибнытконэнгэ: “Давá на мoгинéла тэ явэл, соб (кай) тэ на явэл ваш манушэскэ дова, со злыджала лэс дро грэхó, нэ бiда одолэскэ, пир конэстэ грэхó явэла! ² Фэдýр явэлас адасавé манушэскэ, кóли лэскэ урьенас сýвитко (мельницýтко) бар пэ мэн и чхурдэнас лэс дро мóрё (дэрьяв), а на, соб (кай) ёв тэ злыджал дро грэхó екхэ адасавé тыкнэндýр. ³ Дыкхэн пал пэстэ. Кóли кэрэла грэхó тырó пшал ангил түтэ, сыкáв лэскэ лэскири банг; и кóли ёв пригалéла банг, приманг лэскэ. ⁴ И кóли ёв кэрэла грэхó ангил түтэ эфтá (битринэнгиро дэш) мóлы дро дывэс и пригалéла банг эфтá мóлы и пхэнéла: ‘Мэ пригалéва банг,’ трэй түкэ тэ примангэс лэскэ.”

Пал Патяибэн

⁵ И пхэндлэ Апóстолы Рáскэ-Дэвлэскэ: “Кэр, соб (кай) тэ явэл зоралэдýр амарó патяибэн.” ⁶ Нэ Рай Дэвэл отпхэндя: “Кóли тумэндэ явэлас адакицы патяибэн сыр дая гарчыцытко зýрка, тумэ пхэнэнас пэ дава инжýритко кашт: ‘Вытырдэпэ сарé корнэнца (рукхэнца) и пирисодинпэ дро мóрё (дэрьяв)!’ – и ёв покандэлас тумэн.

Пал Писхарýстэ

⁷ Нэ кон тумэндýр, конэстэ исын писхáри, савó пхаравэлас (пашынэлас) пхув ци чаравэлас пэ фэлда, кéли ёв явэла кхэрé фэлдатыр, соб (кай) тэ пхэнéла: ‘Яв и ўраз бэш пал скамýнд?’ ⁸ А тумэ пхэнэна лэскэ: ‘Кэр мánгэ хабэн, и ури янгуны (фартуха) и подэ мánгэ пэ скамýнд тэ хав и тэ пýяв; а тэньчи кокóро ха и пи?’ ⁹ Ци парикирэла дава хулаý пэскирэ писхарýскэ пал дова, со ёв кэрдя сарó, сыр лэскэ сыс припхэндло? Мэ на думинава. ¹⁰ Адýкэ-паць исын тумэнца: кéли тумэ кэрэна сарó, сыр сыс припхэндло тумэнгэ, со ж тумэ пхэнэна: ‘Амэ сам писхáрья сыр сарé; амэ кэрдям, со сыс припхэндло амэнгэ.’”

Исýсо Высастякирэла Дэшé Манушэн

¹¹ И сыс адýкэ: кéли Исýсо джáлас дро Ерусалимо, Ёв гия пир кустýк (граница) машкёр Самáрия и Галилéя. ¹² И кéли Ёв заджалас дро екх гав, дэш манушá насвалэ проказаса пирилынэ Лэс, и ёнэ тэрдинé дурипнастыр. ¹³ Ёнэ дэнас гóдла зоралé занýса: “Исýсе! Раё Дэвла, потангинэ амэн.” ¹⁴ Исýсо дыкхцý лэн и пхэндя лэнгэ: “Джáн, сыкавэн пэс рашáскэ.” И кéли ёнэ джáнас, тэды ячнэ жужэ. ¹⁵ Тэды екх лэндýр, дыкхý, со ёв яцý састó, рисия палэ и славиндя парикирибнаса Дэвлэс зоралé занýса, ¹⁶ и ёв пýя мóса кэ Исусóскирэ гэрá и парикирдя Лэскэ; ёв сыс Самарянино. ¹⁷ И пхэндя Исýсо: ‘Ци на дэш ячнэ жужэ (чыста)? Нэ кай жé ёнэ исын енý (биекхэскиро дэш)?’ ¹⁸ Ёнэ на рисинé палэ тэ парикирэн Дэвлэс апрýч адалé чужонé манушэстэ. ¹⁹ И Ёв пхэндя адалé манушэскэ: “Уштý и джá, тырó патяибэн зракхцý тут.”

Фарисеи Пхучэна Исусостыр пал Дэвлэскиро Кралипэн дро Болыбнаскиро Раё

²⁰ Фарисеи пхучнэ Исусостыр, кели явэла Дэвлэскиро Кралипэн дро Болыбнаскиро Раё. Ёв отпхэндя лэнгэ: “Ниекх мануш на могоинэла тэ пхэнэл пир бицялэ шпэры (приметы), кели явэла Дэвлэскиро Кралипэн дро Болыбнаскиро Раё; ²¹ и никон на пхэнэла: ‘Гáда, адай,’ ци ‘гáда, одой,’ пал-довá со Дэвлэскиро Кралипэн ужэ исын дро тумаро илó.” ²² Тэды Исусо ишчо (инкэ) пхэндя сыкляибнытконэнгэ: “Явэна дывэсá, кели тумэ древáн закамэна хоць пэ екх дывэс тэ дыкхэн Чхавэс Манушэскирэс, кели Ёв сыкадэла, нэ тумэ на дыкхэна; ²³ и пхэнэна тумэнгэ: ‘Гáда, адай,’ ци ‘гáда, одой,’ – на псирэн и на родэн; ²⁴ пал-довá со, сыр блискавица захачола екхэ-болыбнаскирэ ягоростыр (краёстыр) и зяинэла дурэдýр кэ явёр Болыбнаскиро ягóро (кóнцо), адýкэ явэла Чхавó Манушэскиро дро Пэскиро дывэс. ²⁵ Нэ ангил трэй Лэскэ бут мёньки тэ пиридживэл и Лэстыр отпхэнэнапэ манушá далé родостыр, ²⁶ И, сыр сыс дрэ долé дывэсá, кели сыс Ноё, адýкэ-паць дрэ дывэсá явэла Чхавó Манушэскиро: ²⁷ манушá ханé, пинé, лынэпэ, выджáнас палорóм ангил довá дывэс, дро савó Ноё загия дро ковчэго, и яцý потопо и хасякирдý сарэн; ²⁸ адýкэ-паць сыр сыс, кели сыс Лото: ханé, пинé, кинэнас, бикнэнас, чхувэнас дрэ пхув, газдэнас кхэрá; ²⁹ нэ дро довá дывэс, кели Лото выгия Содомостыр, ягитко и дзэвэликанó (серно) брышынд гия болыбнастыр и хасякирдý сарэн; ³⁰ Адýкэ явэла и дро довá дывэс, кели Чхавó Манушэскиро явэла. ³¹ Дро довá дывэс, кон явэла пэ кхэрýтко стрéха (чхакýн), а Лэскиро миштыпэн кхэрé, мэк тэ на зджал тэлé тэ лэл вари-со кхэрэскирэ миштыпнастыр и кон явэла пэ фэлда, мэк тэ на рисёл палé. ³² Рипирэн Лотоскирý ромнý. ³³ И вари-кон, кон закамэла тэ раххэл пэскиро джибэн, одовá хасякирэла лэс, а кон хасякирэла лэс, одовá зраххэла джибэн. ³⁴ Мэ пхэнава тумэнгэ: дрэ доя рат дуй манушá явэна тэ пасён пэ екх чхуибэн: екхэс лэна, явирэс ячкирэна; ³⁵ дуй джувлý явэна тэ сýвинэн (тэ мелинэн) жэрновонэ барэнца; екха лэна, явирýя ячкирэна, ³⁶ дуй мурушá явэна пэ фэлда: екхэс лэна, явирэс ячкирэна. ³⁷ Сыкляибнытка пхучнэ Лэстыр: “Кай, Раё Дэвла?” Исусо отпхэндя лэнгэ: “Кай явэла мулó трупó, одой скэдэнапэ óрлы (киды).”

Шэрó 18

Примéро (Сýкаибэн) пал Пивлýтэ и Сэндáристэ

¹ И Исусо ропхэндя лэнгэ примéро (сýкаибэн) ваш довá, соб (кай) ёнэ тэ мангэнпэ Дэвлэскэ и тэ на обмэкэн шэрé: ² “Дро екх фóро сыс екх сэндáри, савó на дарандыя Дэвлэстыр и на кутякирдý манушэн; ³ дро довá-паць фóро сыс екх пивлы (удова), савý явэлас кэ сэндáри и ракирдý: ‘Затэрдёв пал мáндэ Мирé вэргэндýр!’ ⁴ Нэ сэндáри гарá (длýгэс) на кэрдý нисó, нэ коригэдýр (позжэдýр) пхэндя пэскэ: ‘Мэк мэ и на дарава Дэвлэстыр и на кутякирава манушэн, ⁵ нэ пал-довá со адáя пивлы дохая мáнгэ, мэ затырдёвава пал лátэ, соб (кай) ёй тэ на замэнчынэл сарэса ман!’ ⁶ И пхэндя Рай Дэвлé: “Шунэн жа, со начачуно сэндáри ракирла. ⁷ И со ж, наушто Дэвлé на затырдёла пал одолэндэ, конэс Ёв выкэдýя, савó явэна тэ мангэнпэ роибнаса Лэскэ дывэс и рат, и Ёв явэла тэ тырдэл отпхэныбнаса? ⁸ Мэ пхэнава тумэнгэ, со Ёв сýгэс затэрдёла пал лэндэ. А кели Чхавó Манушэскиро явэла, ци латхэла Ёв патяибэн пэ пхув?”

Примéро (Сýкаибэн) пал Фарисеётэ и Мытóскирэ Скэдыибнаристэ

⁹ И Исусо ропхэндя давá примéро (сýкаибэн) адýкэ-паць одолэнгэ, савó думиндлэ зоралэс, со ёнэ сыс лачхэ и, савó дыкхнэ пхутькирибнаса пэ явирэндэ: ¹⁰ “Дуй манушá явнэ дрэ кхангири тэ мангэнпэ Дэвлэскэ; екх сыс Фарисеё, явёр мытоскиро скэдыибнари. ¹¹ Фарисеё уштыя и мангдýпэ Дэвлэскэ: ‘Дэвла, парикирáв Тýкэ, со мэ на сом адасавó, сыр явёр манушá: розмарибнарья; манушá, савó кэрэна бибáхт явирэнгэ; манушá, савó кэрэна биладжаипэн; ци сыр кадавá мытоскиро скэдыибнари. ¹² Мэ постинава дуй мóлы дро курко,

мэ дава дэшто паш долэстыр, со мэ закэрава дро чхон.’ ¹³ Нэ мытоскиро скэдыибнари сыс тэрдó дурэдыр и ёв на могоиндэ аж тэ газдэл якхэ пэскирэ кэ болыбэн, а мардя пэс дро колын и ракирдэ: ‘Дэвла! Потангинэ ман, грэхитконэ манушэс’. ¹⁴ Мэ пхэнава тумэнгэ, ёв гия кхэрэ бутыр чачунэса, пал-дова со Дэвлэ бутыр отмэкця лэскирэ грэхэ, сыр кодова Фарисеё. Пал-дова со кажно мануш, кон газдэла пэс кокорó, Дэвлэ чхувэла лэс тэлэдыр, а кон чхувэла пэс кокорó тэлэдыр, кодолэс Дэвлэ газдэла вучэдыр.”

Исусо Бахтиякирэла Тыкнэ Биятэн (Чхаворэн)

¹⁵ И манушэ лыджанас кэ Исусо тыкнэ биятэн, соб (кай) Ёв тэ чилавэл (тэ доткнинэл) лэн; нэ сыкляибнытка, кэли дыкхнэ дова, на домэкэнас биятэн кэ Ёв. ¹⁶ Нэ Исусо кхардэ биятэн кэ Пэ и пхэндэ: “Мэкэн биятэн тэ явэн кэ Мэ, и на обрикирэн лэн, пал-дова со Кралипэн дро Дэвлэскиро Раё явэла ваш адасавэ манушэнгэ, савэ сыс сыр кадалэ бияты. ¹⁷ Чачэс, Мэ ракирэва тумэнгэ: кон на прилэла Кралипэн дро Болыбнаскиро Раё адэкэ, сыр адава биято, одова на заджала дро Кралипэн.”

Пал Барвалюкóстэ

¹⁸ И вари-савó барыдырó пхуця Исусóстыр: “Лачхó Сыклякирибнаскиро! Со мангэ тэ кэрэв, соб (кай) тэ дорэсав вечно джибэн?” ¹⁹ Нэ Исусо пхэндэ Лэскэ: “Палсó ту кхарэса ман ‘Лачхó?’ Никон исын лачхó. Лачхó исын екх Дэвлэ. ²⁰ Ту джинэса припхэныбэнá: ‘На кэр биладжаипэн, на замар, на чор, на совлахá хоханэс; кутякир пэскирэ дадэс и пэскирэ да.’ ²¹ Мануш пхэндэ: “Сарó дава мэ зракхцём чхаворипнастыр.” ²² И кэли Исусо шундэ дава, Ёв пхэндэ: “Екх тукэ на ухтылла (надоси): джэ, розбикин сарó пэскиро барвалыпэн, и роздэ ловэ богэнгэ, тэды тутэ явэла кучипэн пэ болыбэн; тэньчи яв, джэ пал Мандэ.” ²³ Кэли мануш шундэ дава, ёв яця древан смэнтно, пал-дова со ёв сыс древан барвалó. ²⁴ А кэли Исусо дыкхця, со мануш яця древан смэнтно, ёв пхэндэ: “Сыр пхарó явэла барвалэскэ тэ заджал дро Кралипэн дро Дэвлэскиро Раё; ²⁵ пал-дова со локхэдыр верблюдоскэ тэ джал пир сувьякиро кан, сыр барвалэскэ тэ заджал дро Кралипэн дро Болыбнаскиро Раё.” ²⁶ И манушэ, кон шундлэ Лэс, пхучнэ: “Кон да могоинэла тэды тэ зракхэлпэ?” ²⁷ Нэ Исусо пхэндэ: “Со манушэнгэ наштэ, одова саштэ Дэвлэскэ.” ²⁸ И Пэтри пхэндэ: “Амэ сарó ячкирдям и гиям пал Тутэ.” ²⁹ И пхэндэ Исусо: “Чачэс, Мэ ракирэва тумэнгэ: нанэ никонэс (нанэ никон), кон ячкирдэ кхэр, ци дадэс, ци да, ци чхаворэн, ци ромня ваш Дэвлэскэ, ³⁰ соб (кай) лэстэ тэ на явэл бут мóлы бутэдыр дро дава джибэн, и дро вечно джибэн, савó явэла.”

Исусо Ракирэла Трито Мóло пал Пэскиро Мэрибэн

³¹ Исусо кхардэ дрэ риг Пэскирэ дэшудуэ сыкляибнытконэн и пхэндэ лэнгэ: “Дыкхэн, амэ заджаса дро Ерусалимо, и сарó, со прорóки чхиндлэ пал Манушэскирэ Чхавэстэ, кэрэлапэ кэ концо/ягóро (сполнинэлапэ); ³² Лэс дэна дро вастá (здэна) Наюдэнгэ; и ёнэ явэна тэ санпэ холямэс Лэстыр, и тэ ладжакирэн, и тэ чунгардэн пэ Лэстэ. ³³ И кэли ёнэ домарэна Лэс, тэды ёнэ мулякирэна Лэс; и пэ трито дывэс Ёв отджидэла.” ³⁴ Нэ ёнэ на галынэ ни екх лав далэстыр. Далэ-лавэнгиросмысло сыс гарадо лэндыр, и ёнэ на джиндлэ, пал со Исусо ракирдэ.

Исусо Высастякирэла Корорé Богóс

³⁵ И сыс адэкэ: кэли Исусо джалас пашылэдыр кэ Ерихóно, вари-савó корорó бóго сыс бэштó пашыл дром и мангдэ богитко дыибэн. ³⁶ И кэли ёв шундэ шумо манушэндыр, савэ джанас пашыл, ёв пхуця, со дава могоинэл тэ явэл? ³⁷ Ёнэ пхэндлэ лэскэ: “Исусо Назаретостыр джалá.” ³⁸ И ёв дыя гóдла: “Исусе, Чхавó Давидóскиро! Потангинэ (пожалин) ман!” ³⁹ Манушэ, савэ сыс ангил лэстэ, лынэ тэ ракирэн лэскэ холяса, соб (кай) ёв тэ явэл штыл, нэ

ёв дэлас гóдла ишчо (инкэ) зоралэдýр: “Чхавó Давидóскиро! Потангинэ ман!” ⁴⁰ Исýсо тэрдий и пхэндя тэ янэн лэс. И кели ёв подгия пашылэдýр кэ Исýсо, Исýсо пхуця лэстыр: ⁴¹ “Со ту камэса, соб (кай) Мэ тэ кэрэв тýкэ?” ⁴² Ёв отпхэндя: “Раё Дзвла, соб (кай) мэ могиनावас тэ дыкхав.” Исýсо пхэндя Лэскэ: “Дыкх жа: тырó патяибэн высастякирдя тут.” ⁴³ Корорó адай жэ лыя тэ дыкхэл и гия пал Лэстэ, и шардя Дэвлэс. И сарэ манушá, кели дыкхнэ дава, славиндлэ парикирибнаса Дэвлэс.

Шэрó 19

Исýсо и Захáриё

¹ И загия Исýсо дро Ерихоно и джалас пир дава фóро. ² И, гада, екх мануш, пир лав Закхеё, кон сыс барыдырó пэ мытытко (таксытко) кхэр и сыс древán барвалó, ³ ёв камдя тэ дыкхэл Исусóс, Савó Ёв исын, нэ ёв на могиндя пал манушэндэ, пал-дова со ёв сыс тыкнó барипнаса. ⁴ Ёв запрастандыя ангил, зарэсця пэ кашт-сикаморо тэ дыкхэл Исусóс, пал-дова со Исусóскэ трэиндя тэ джал далэ дромэса. ⁵ Кели Исýсо подгия кэ дова штэто, Ёв дыкхця упрé, дыкхця Закхеёс и пхэндя Лэскэ: “Закхеё! Рэс тэлé сыгэдýр, пал-дова со ададывэс Мángэ трэй тэ ячавпэ дро тырó кхэр.” ⁶ И Закхеё сыгэс рэсця тэлé и прилыя Лэс кэ пэ радымаса. ⁷ И сарэ, кон дыкхнэ дава, ракирдэ холямэс: “Ёв загия тэ ячэлпэ кэ грэхитко мануш.” ⁸ Нэ Закхеё уштыя и пхэндя Рáскэ-Дэвлэскэ “Раё Дзвла! Мэ отдава богэнгэ паш сарэ Мирé миштыпнастыр и, коли мэ лыём хохаибнаса бутýр вари-савó манушэстыр, мэ дава палэ штар мóлы бутýр.” ⁹ И Исýсо пхэндя Лэскэ: “Ададывэс зракхибэн явдя дро дава кхэр, пал-дова со адава мануш адыкэ-паць исын Авраамóскиро чхавó; ¹⁰ Чхавó Манушэскиро явдя тэ родэл и тэ зракхэл одолэн, савэ хасинэ и отрисинэ Дэвлэстыр.”

Примéро (Сыкаибэн) паш Сувнакунé Ѓалбы

¹¹ Кели манушá шунэнас Исусóс, Ёв пхэндя лэнгэ ишчо (инкэ) екх примéро (сыкаибэн), пал-дова со Ёв сыс наður Ерусалимóстыр и ёнэ думиндлэ, со ёнэ сыг явэна тэ дыкхэн Кралипэн, кай Дэвэл явэла тэ хулаинэл. ¹² Ёв ж пхэндя лэнгэ: “Вари-савó мануш барé родóстыр гия барé дромэса, соб (кай) тэ ячэл кралиса пэ доя пхув и тэ явэл палэ. ¹³ Ёв кхардя кэ пэ пэскирэ дэшэ писхарьён и дыя дэш мины кажнóнэскэ, и пхэндя лэнгэ: ‘Кофаринэн лэнца (мэкэн лэн дро рэндо), пака мэ явава’. ¹⁴ Нэ лэскирэ манушэнгэ сыс древán на пир илó, и бичхадэ манушэн пал лэстэ, соб (кай) ёнэ тэ пхэнэн: ‘Амэ на камаса, соб (кай) ёв тэ явэл амарó крáli’. ¹⁵ И кели адава мануш явдя палэ, ёв припхэндя тэ выкхарэл писхарьён, савэнгэ ёв дыя ловэ, соб (кай) тэ джинэл, кон со закэрдя. ¹⁶ И пэрво писхари подгия и пхэндя: ‘Раё! Мэ закэрдём дэш мины тырэ минаса’. ¹⁷ И мануш пхэндя лэскэ: ‘Миштó, ту сан лачхó писхари; пал-дова со ту сáнас патяибнýтко набарé ловэнца, мэ кэрава тут барыдырэса пэ дэш фóрья’. ¹⁸ Явёр писхари подгия и пхэндя: ‘Раё! Мэ закэрдём пандж мины тырэ минаса’. ¹⁹ Мануш пхэндя адыкэ-паць и лэскэ: ‘Мэ кэрава тут барыдырэса пэ пандж фóрья’. ²⁰ Трýто писхари подгия и пхэндя: ‘Раё! Ѓада, тырэ ловэ, савэ мэ раххцём дро похтан. ²¹ Мэ дарандыём тýтыр, пал-дова со ту сан пхарó мануш: счхинэса одóй, кай на сеиндян, и скэдэса одóй, кай на росчхудян’. ²² Рай пхэндя лэскэ: ‘Ту сан злыдня дынари, тырэ лавэнца мэ явава тэ сэндинав тут: ту джиндян, со мэ сом пхарó мануш и со мэ скэдава, кай на росчхудём и счинава, кай на сеиндём. ²³ Сóскэ ту на чхудян миро руп дро банко, соб (кай) мэ, сыр рисиём, тэ лав палэ пэскирэ ловэ кофоса’. ²⁴ И тэды ёв пхэндя одолэнгэ, савэ сыс тэрдэ пашыл: ‘Лэн лэстыр мина и дэн кодолэскэ, конэстэ исын дэш мины’. ²⁵ Нэ ёнэ пхэндлэ лэскэ: ‘Раё! Лэстэ исын дэш мины’. ²⁶ “Нэ мэ пхэнава тумэнгэ, со кажнóнэскэ, савэстэ исын, явэла бутýр дыно, нэ кодолэстыр, савэстэ нанэ, лэлапэ лэстыр дова, со исын лэстэ.” ²⁷ А адалэ вэргэн, савэ на камлэ, соб (кай) мэ тэ явав крáli пэ лэндэ, янэн лэн адарик и домарэн ангил мандэ.”

Исусóскиро Славúтно Загиибэн дро Ерусалимо

²⁸ Исусо пхэндя дава и гия ангил лэндэ дурэдýр кэ Ерусалимо. ²⁹ И кели Ёв сыс пашыл гавá Вифагия и Вифания, ангил бэрга, савья кхардэ Оливитко (Елеоноскири), Ёв бичхадя дуэн Пэскирэ сыкляибнытконэндýр и пхэндя: ³⁰ “Джáн дро гав, савó исын ангил тумэндэ, и кели тумэ заджана одорик, тумэ дыкхэна припхандлэ тэрнэ ослóс (мегарис), пэ савэстэ никон на сыс бэштó, отпхандэн лэс и янэн адарик. ³¹ Кóли вари-кон пхучэла тумэндýр, ‘Со тумэ кэрэна’, пхэнэн адякэ лэскэ: ‘Ёв трэй Рáскэ-Дэвлэскэ’. ³² Бичхадэ сыкляибнýtка гинэ и латхнэ сарó, сыр Исусо пхэндя лэнгэ. ³³ И кели ёнэ отпхандэнас ослёнкос, лэскирэ хулая пхучнэ лэндýр: ‘Сóскэ тумэ отпхандэна ослёнкос’. ³⁴ Ёнэ отпхэндлэ: “Ёв трэй Рáскэ-Дэвлэскэ”, ³⁵ и отлыджинэ ослёнкос кэ Исусо; и чхудэ упрé пэ лэстэ пэскирэ урибэна, и бэшлякирдэ Исусóс пэ ослёнкостэ. ³⁶ И сыр Ёв традэлас, манушá чхувэнас пэскиро урибэн пэ дром. ³⁷ Кели Исусо подтрадыя кэ Оливитконэ-Бэргакиро склоно, сарэ сыкляибнýtка лынэ тэ славинэн парикирибнаса Дэвлэс радымáса, зоралэ заненца пал сарэ Лэскирэ дивна бутя, савэ ёнэ дыкхнэ; ³⁸ ёнэ ракирдэ: “Тэ явэл бахтякирдó Крáли, Савó джáла ваш лав Дэвлэскиро! Тэ явэл рамáнэ (миро) пэ болыбэн и слáва дрé упратунэндэ.” ³⁹ Тэды вари-савэ Фарисиендыр, кон сыс машкír манушэндэ, пхэндлэ Исусóскэ: “Сыклякирибнарискиро! Припхэн сыкляибнытконэнгэ тэ явэн штýл!” ⁴⁰ И Исусо отпхэндя лэнгэ: “Мэ пхэнава тумэнгэ, со кóли ёнэ явэна штýл, тэды барá явэна тэ дэн гóдла.”

Исусо Ровэла пал Ерусалимо

⁴¹ И кели Ёв явдя пашылэдýр кэ фóро, дыкхця пэ лэстэ и зарондя, ⁴² и пхэндя: “Кóли ту хоць ададывэс джинэсас, со тýкэ трэй ваш тырó рамáнэ (миро)! Нэ дава ишчо (инкэ) гарадó якхэндýр”; ⁴³ пал-довá со явэна дывэсá пэ тýtтэ, со тырэ вэрги газдэна барикады трусцýл тýtтэ и облэна тут сарэ ригэндýр; и стасавэна тут сарэ ригэндýр, ⁴⁴ и роспахирэна сарó пэ пхув и замарэна тырэ чхаворэн: и на ячэла бар пэ бар, пал-довá со ту на уджиндян часо, кели Дэвэл явдя тэ зракхэл тут.”

Исусо Заджáла дрé Кхангири

⁴⁵ И загия Исусо дрé Кхангири и лыя тэ традэл яври сарэн, савэ бикнэнас и кинэнас, ⁴⁶ и ракирдя лэнгэ: “Исын чхиндлó: ‘Миро кхэр явэла тэ кхарэлпэ ‘мангипнытко кхэр,’ а тумэ кэрдэ лэстыр розмарибнарьенгири кирчыма.”” ⁴⁷ И Ёв сыклякирдя лэн со дывэс; рашáнгирэ барыдырá и лылварýtка и годэпхурэ думиндлэ, сыр тэ хасякирэн Лэс, ⁴⁸ и на придуминдлэ нисó, со тэ кэрэн Лэса, пал-довá со манушá тырдынэпэ кэ Ёв тэ шунэн.

Шэрó 20

Рашая Пхучэна Исусóстыр пал Лэскирэ Зорья

¹ Дро екх дасаво дывэс, кели Исусо сыклякирдя дрé Кхангири и пхэндя бахталó лав, рашáнгирэ барыдырá и лылварýtтка кхэтанэ годэпхурэнца явнэ и пхэндлэ Лэскэ: ² “Пхэн амэнгэ, савэ правоса Ту кэрэса сарó дава? Ци кон дыя Тýкэ дасаво право?” ³ И Исусо отпхэндя лэнгэ: “И Мэ пхучава тумэндýр пал екх, и пхэнэн мánгэ: ⁴ ‘Ианоскиро болдэипэн сыс болыбнастыр ци манушэндýр?’ ⁵ Ёнэ ж ракирдэ машкír пэстэ: ‘Кóли пхэнаса, со болыбнастыр’, Ёв тэды пхэнэла: ‘Сóскэ ада тумэ на патяндынэ лэскэ?’ ⁶ нэ кóли пхэнаса: ‘Манушэндýр,’ тэды сарэ манушá явэна тэ марэн барэнца, пал-довá со ёнэ джинэна миштэс, со Иáно сыс прорóко!” ⁷ И ёнэ отпхэндлэ: “Амэ на джинаса, катыр ёв сыс.” ⁸ И Исусо пхэндя лэнгэ: “И Мэ на пхэнава тумэнгэ, савэ правоса Мэ кэрава дава.”

Примéро (Сыкаибэ́н) пал Винаградарьéндэ

⁹ И Исусо лыя тэ ракирэ́л манушэ́нгэ дасаво примéро (сыкаибэ́н): “Екх ману́ш чхудя винагра́днико и дыя лэс дро наймо винаградарьéнгэ, и кокорó традыя пэ барó часо. ¹⁰ И дро пэскиро часо ёв бичхадя писхарис кэ винаградарья, соб (кай) ёнэ тэ дэн лэскэ барьякирдé (плóды) винаградникостыр; нэ винаградарья ухтылдэ лэс, мардэ и отбичхадэ лэс криг нисоса. ¹¹ И нэвэстыр ёв бичхадя явирэ писхарис: нэ ёнэ адякэ-паць мардэ лэс, ладжакирдэ и отбичхадэ лэс криг нисоса. ¹² И нэвэстыр ёв бичхадя тритонэ писхарис; нэ ёнэ домардэ лэс кэ рат, и традынэ яври лэс. ¹³ И тэды винаградникоскиро хула́й пхэндя: ‘Со тэ кэрав ма́нгэ? Мэ бичхавáва Мирé дрогонé чхавэс. Со кэли ёнэ дыкхэна лэс, хай, ёнэ явэна тэ ладжан, соб (кай) тэ чилавэн лэс.’ ¹⁴ Нэ кэли винаградарья дыкхнэ лэс, пхэндлэ екх екхэскэ: ‘Тáда, явэла хула́й миштыпнаскиро – явэн, замараса лэс и лэскиро миштыпэн явэла амэ́нгэ’. ¹⁵ И ёнэ зорьяса лыджинэ лэс яври и замардэ. Со явэла тэ кэрэл винаградоскиро хула́й лэ́нца? ¹⁶ Ёв явэла и мулякирэ́ла адалэ винаградарьен и винагра́днико дэла дро наймо явирэ́нгэ.” И кэли ёнэ шундлэ дава́, тэды пхэндлэ: “Мэк тэ на явэл!” ¹⁷ Нэ Исусо дыкхй пэ лэ́ндэ, пхэндя: “Со дава́ чхиныбэ́н значынэ́ла: ‘Бар, саво на прилынэ́ бутярнэ́, яця шэралэ барэса ваш упрэчхуибэ́н кхэрэскиро.’” ¹⁸ И кажно ману́ш, кон пэрэ́ла пэ дава́ бар, розмарэ́лапэ пэ кокалы́, нэ пэ конэ́стэ ёв пэрэ́ла, ростасавэ́ла кодолэс пэ кокалы́.”

Исусо Ракирэ́ла тэ Плэскирэ́н Мы́то Кесарё́скэ

¹⁹ И раша́нгирэ́ барыдыра́ и лылваритка ды́нэ годы́ пэ́скэ (думиндлэ) дрэ дова́-паць мардó (штóнда) тэ ухтылэ́н Лэс, нэ ёнэ дарандынэ́ манушэ́ндыр, пал-дова́ со ёнэ галынэ́, со Ёв ракирдя́ дава́ примéро (сыкаибэ́н) пал лэ́ндэ. ²⁰ И ёнэ дыкхнэ́ раххибны́ткэс пал Исусо́стэ, подбичхадэ́ чораханэ́ манушэ́н, саво́ причхудэ́пэ чачунэ́ манушэ́нца, соб (кай) тэ ухтылэ́н Лэс дро лав тэ́ здэн Лэс Римóскирэ́ балунитконэ́скэ (правителё́скэ), конэ́стэ сыс зор и право тэ́ сэ́ндинэл. ²¹ И подбичхадэ́ мануша́ пхучнэ́ Лэ́стыр: “Сыклякирибна́скиро! Амэ́ джина́са, со Ту ракирэ́са и сыклякирэ́са чачипэ́н, на дыкхй́, саво́ адава́ ману́ш исын: ²² Ци исын пир Зако́но тэ́ плэскирас мы́то кесарё́скэ ци над?” ²³ Нэ Исусо́ джиндя́ лэ́нгири дуе́муитки́ма и пхэндя́: “Сóскэ́ тумэ́ Ман пропаты́кирэ́на? ²⁴ Сыкавэ́н Ма́нгэ́ динариё́: конэ́скиро муй и лав исын вы́чхиндлэ́ ада́й?” Ёнэ́ отпхэ́ндлэ́ “Кесарё́скирэ́.” ²⁵ Тэды Исусо́ пхэндя́ лэ́нгэ: “Отдэ́н кесарё́скиро Кесарё́скэ, а Дэвлэ́скиро Дэвлэ́скэ.” ²⁶ И ёнэ́ на мого́ндлэ́ тэ́ ухтылэ́н Исусо́с дро лав анги́л манушэ́ндэ́, а дивиндлэ́пэ пэ́ Лэ́скиро отпхэ́ныбэ́н и ячнэ́ шты́л.

Пал Отджидыи́бэ́н Мэри́бна́стыр

²⁷ И явнэ́ вари-савэ́ Садукеи́, савэ́ ракирэ́на́с, со нанэ́ отджидыи́пэн мэри́бна́стыр, явнэ́ кэ Исусо́ и пхучнэ́: ²⁸ “Сыклякирибна́скиро! Мо́йза чхиндя́ амэ́нгэ, со ко́ли мэ́рэла пшал манушэ́стэ, ячкирэ́ла ромня́ би чхаворэ́нгиро, мэк лэ́скиро пшал тэ́ лэл да́ля ромня́ палорóм, соб (кай) тэ́ рискирéл палэ́ рóдо мулэ́ пшалэ́скиро. ²⁹ Сыс э́фтá (битринэ́нгиро дэ́ш) пшáла, и пэрво́ пшал лы́я ромня́ и мы́я би биятэ́нгиро; ³⁰ и яви́р пшал лы́я ла палорóм и мы́я би биятэ́нгиро; ³¹ и трито́ пшал лы́я ла; и сарэ́ э́фтá пшáла адя́кэ-паць, и мы́нэ, и на ячкирдé чхаворэ́н; ³² сыг пал сарэ́ндэ́ и джувлы́ мы́я. ³³ Дро отджидыи́пэн мэри́бна́стыр, конэ́скири ромны́ явэ́ла када́я джувлы́? Пал-дова́ со сарэ́ э́фтá пшáла сыс ла́кирэ́ ромá.” ³⁴ Исусо́ пхэндя́ лэ́нгэ: “Мануша́, савэ́ латхэ́на дро́гима дро екх дава́́ свéто, лэ́напэ́ и вы́джана́ палорóм; ³⁵ нэ мануша́, савэ́ исын лачхэ́ тэ́ дживэ́н пэ́ дова́́ свéто и тэ́ отджидэ́н мэри́бна́стыр, на явэ́на тэ́ лэ́нпэ́ и тэ́ вы́джан палорóм; ³⁶ ёнэ́ на явэ́на тэ́ мэ́рэ́н, пал-дова́ со ёнэ́ явэ́на шэ́ра (ра́внэс) Я́нголэ́нгэ; и ёнэ́ явэ́на Дэвлэ́скирэ́ чхаворэ́, пал-дова́ со ёнэ́ явэ́на сы́рбы чхаворэ́, савэ́ отджиди́нэ мэри́бна́стыр. ³⁷ Нэ сы́р мулэ́ отджидэ́на, Мо́йза сы́кадя́ дрэ пэ́скири лылвари́ пал хру́сто, саво́ хачо́лас яга́са, кэ́ли ёв кха́рэла Рас-Дэвлэ́с Дэвлэ́са Авраа́москирэ́са и Дэвлэ́са Исаа́коскирэ́са и Дэвлэ́са Я́ковоскирэ́са; ³⁸ нэ Ёв исын на Дэвэ́л мулэ́нгэ, а Ёв исын Дэвэ́л джидэ́ манушэ́нгиро; сарэ́ исын джидэ́ ваш Лэ́скэ.” ³⁹ Вари-савэ́ лылваритка́ пхэндлэ́:

“Сыклякирибна́скиро! Ту лачхэс отпхэндян!”⁴⁰ И лэндэ бутыр на сыс муршыпэн тэ пхучэл Исусостыр, пал вари-со Ёв жа пхэндя лэнгэ:

Пхучибэн пал Месиястэ

⁴¹ “Сыр дава ракирэна, со Христосо исын Чхаво Давидоскиро, ⁴² Давидо ж кокоро пхэндя дрэ Псалмэнгири Лылварй: ‘Пхэндя Рай Дэвэл, Мирэ Раскэ-Дэвлэскэ: ‘Бэш пэ чачо васт Мандыр, ⁴³ пака Мэ чхувава вэргэн Тырэн тэл гэрэ тыр’. ⁴⁴ Давидо ж Кокорэ кхардя Лэс ‘Рай Дэвэл’, катыр жа Ёв исын чхаво Лэскиро?’”

Исусо Ангил Ракйрла тэ Ракхэмпэ Лылваритконэндэр

⁴⁵ И кели сарэ мануша шундлэ Исусос, Ёв пхэндя Пэскирэ сыкляибнытконэнгэ: ⁴⁶ “Ракхэмпэ лылваритконэндэр, савэ камэна тэ псирэн дрэ диндыкирдэ урибэна и камэна, соб (кай) мануша тэ дэн ‘паклоно’ лэнгэ пэ таргитка штэты; савэ камэна тэ бэшэн пэ англатунэ штэты дрэ синагоги и пал кхардэ скаминда; ⁴⁷ савэ обхана пивленгирэ кхэрэ и мангэнапэ Дэвлэскэ гарэ (длугэс), соб (кай) лэн тэ дыкхэн. Адасавэн манушэн ужакирэла пхаро сэндыкирибэн.”

Шэро 21

Чорорэ-Пивлякиро Дыибэн

¹ Исусо дыкхця, сыр барвалэ мануша чхувэнас ловэ дрэ Кхангирьякири пиралы (тыкнори); ² и Ёв дыкхця адякэ-паць, сыр вари-савй чорори пивлы (удова) чхудя дуй харкунэ (медитка) ‘гаспря (лепты). ³ И пхэндя Исусо: “Чачэс, Мэ ракирава тумэнгэ: адая чорори пивлы чхудя бутыр сарэндэр; ⁴ пал-дова со ёнэ чхувэнас дыибэн Дэвлэскэ пэскирэ барвалыпнастыр; а ёй пэскирэ чорорипнастыр дыя саро, со латэ сыс; саро со сыс латэ тэ дживэл.”

Пал Кхангирьякиро Роспхагирибэн

⁵ Кели вари-савэ Лэскирэ сыкляибнытка ракирдэ пал Кхангирй, со ёй сыс шукар дрогонэ барэнца и дарэнца, Исусо пхэндя: ⁶ “Явэна дывэса, кели далэстыр, со тумэ дыкхэна, на ячэлапэ бар пэ бар; саво тэ на явэл пхагирдо.”

Пал Пхарэ Пиридживипэна и Традыпэна

⁷ Ёнэ пхучнэ: “Сыклякирибна́скиро! Пхэн амэнгэ, кели дава саро явэла и савй шпэра (примета) явэла ангил, сыр саро дава кэрэлапэ?” ⁸ И пхэндя Исусо: “Ракхэмпэ, соб (кай) никон тэ на хохавэл тумэн, пал-дова со бут явэна кэ тумэ Мирэ лавэса и явэна тэ ракирэн: ‘Мэ сом Ёв,’ и ‘Часо явдя,’ на джан пал лэндэ. ⁹ И кели тумэ шунэна пал марибэна и бунты, на андыршан; пал-дова со саро дава трэй тэ явэл; нэ дава на явэла ишчо (инкэ) концо (ягоро).” ¹⁰ Тэды Ёв пхэндя лэнгэ: “Газдэнапэ мануша пэ манушэндэ и кралипэн пэ кралипэн; ¹¹ пхув явэла тэ тринскирэлпэ дрэ разна штэты, явэна барэ бокха и мэрибнытка франсы, и явэна даранэ сыкаибэна и барэ знамении (гертыка) болыбнастыр. ¹² Нэ ангил саро дава мануша явэна тэ закэдэн тумэн и тэ традэн тумэн, явэна тэ здэн тумэн дрэ синагоги и штарибэна; и явэна тэ лыджан тумэн ангил кральэндэ и балунитконэндэ пал Миро лав; ¹³ нэ дава явэла саштыпэн ваш тумэнгэ тэ роспхэнэн пал патяибэн дрэ Мандэ. ¹⁴ Явэн муршканэ дро тумаро ило тэ на обдуминэн ангил, со тумэнгэ тэ отпхэнэн тэ затэрдэн пал пэстэ; ¹⁵ пал-дова со Мэ дава тумэнгэ лавэ и годы, со тумарэ вэрги на змарэна тумэн дро лав, и ёнэ адякэ-паць на дэна рада (на змогинэна) тэ бангякирэн тумэн дро дова, со тумэ отпхэнэна. ¹⁶ И аж дада и пшала явэна тэ здэн тумэн, и сэмэнцы и други (мала), и вари-конэс тумэндэр замарэна; ¹⁷ и кажно мануш явэла тэ на сыкавэл патыв зоралэс тумэнгэ пал Миро лав. ¹⁸ Нэ

ниёкх бал на хасёла тумарэ шэрэстыр. ¹⁹ Нэ тумарэ вырикирибнаса тумэ зракхэна дүхо (фано) ваш чачунó джиибэн.

Исүсо Ракирэла, сыр Роспахигирэна Ерусалимо

²⁰ Нэ кели тумэ дыкхэна, со халадэ обджана Ерусалимо ригэндэр, тэды джигэн, со сыг явэла голотыня. ²¹ Тэды одолэ, кон исын дрэ Юдэя, мэк тэ нашэн дрэ бэрги, и кон исын дро форо, мэк тэ выджан форобстыр; и кон исын дро гав, мэк тэ на заджал дро форо: ²² пал-дова со дава явэла кара пэ манушэндэ дрэ долэ дывэса, соб (кай) тэ сполнинэлпэ, со исын чхиндло дро Свэнто Чхиныбэн. ²³ Мэнька явэла тэды пэралэ джувленгэ и джувленгэ, савэ чаравэна колынэса биятэн дрэ долэ дывэса; пал-дова со явэла бари бйда пэ пхув и явэла Дэвлэскири кара пэ манушэндэ. ²⁴ И ёнэ пэрэна курталатыр и вари-савэн лэндэр лыджана дро плéно кэ явир нацыи; и Наюды явэна тэ штакирэн Ерусалимо, пака ёнэ явэна тэ рикирэн зор.

Сыр Нэвэстыр Явэла Чхавó Манушэскиро

²⁵ И коригэдыр (позжэ) далэстыр вари-савэ знамэнии (гертыка) явэна тэ кэрэнпэ пэ кхам, пэ чхон и пэ чэргэня, а манушэндэ пэ пхув явэла дукх пэ ило, морёскирэ (дэрьявэскирэ) рёвостыр и валнэндэр, савэ явэна даранэс тэ газдэнпэ; ²⁶ и манушэнгирэ илэ явэна тэ роскошэнпэ даратыр и ужакирибнастыр, со явэла дурэдыр пир сарó свэто, пал-дова со болыбнаскирэ зорья явэна тринскирдэ. ²⁷ И тэды мануша явэна тэ дыкхэн Манушэскирэ Чхавэс, Савó явэла тэ джал тэлэ дрэ облоки зорьяса и ярконэ Дэвлэскирэ слава́са. ²⁸ А кели сарó дава явэла тэ сполнинэлпэ, тэды придыкхэнпэ и газдэн шэрэ, пал-дова со тумарí воля явдя пашылэдыр.”

Сыклякирибэн пал Инжыритко Кашт (Дрэво)

²⁹ И пхэндя Исүсо лэнгэ примéро (сыкаибэн): “Дыкхэн пэ инжыритко кашт и явир кашта; ³⁰ кели ёнэ розмэкэна патря (листы), тэды тумэ джигэна, со лынай (милай) явэла сыг. ³¹ Адякэ-пацэ и тумэ, кели тумэ дыкхэна, со дава сарó адякэ кэрлапэ, джигэн, со Дэвлэскиро Кралипэн дро Болыбнаскиро Раё явдя пашылэдыр. ³² Чачэс, Мэ ракирава тумэнгэ: на проджала (накхэла) дава манушытко рóдо, пака сарó дава кэрэлапэ кэ кóнцо/ягóро (сполнинэлапэ). ³³ Болыбэн и пхув проджана, а лава Мирó на проджана (накхэна).

Припхэныбэн тэ Ракхэнпэ

³⁴ Нэ ракхэнпэ кокорэ пибнастыр и хабнастыр би меракиро, соб (кай) тумарó ило тэ на явэл пхэрдó традыпнаса пал барвалыпэн и джиибнытконэ пхарипнаса, и, соб (кай) дава дывэс тэ на явэл чораханэс пэ тумэндэ; ³⁵ пал-дова со ёв явэла сырбы фэлы (сетка) пэ сарэндэ, кон исын дро дава свэто. ³⁶ Ваш дава дыкхэн и на совэн и мангэнпэ Дэвлэскэ кажно часо, соб (кай) тумэ тэ явэн мол тэ зракхэнпэ сарэстыр далэстыр, со трэй тэ явэл, и тэ тэрдён ангил Манушэскирэ Чхавэстэ.” ³⁷ И Исүсо сыклякирэлас со дывэс дрэ Кхангирí, и тэл рат Ёв джалас яври, кай сыс Ёв пэ бэрга, сави кхардэ “Оливитко Бэрга”; ³⁸ и сарэ мануша кажно злóко (ранко) явэнас кэ Ёв дрэ Кхангирí тэ шунэн Лэс.

Шэрó 22

Зракирибэн тэ Мулякирэн Исусóс

¹ Явэлас сыг Свэнко Апреснокэнгиро, савó кхардэ Патради, ² и рашангирэ барыдыра и лылваритка думиндлэ, сыр тэ мулякирэн Исусóс чораханэс, пал-дова со ёнэ дарандынэ манушэндэр.

Юда Искарियोто Дэла Лав тэ Бикнэл Исусос

³ Тэньци налачхо (сатана) загия дро Юдаскиро ило, савэс кхардэ Искариото и ёв със екх дэшудуэ сыкляибнытконэндэр. ⁴ И ёв гия и ракирдя рашангирэ барыдырэнца и халадытконэ барыдырэнца, сыр тэ дэл Исусос дрэ васта лэнгэ. ⁵ И ёнэ обрадындлэпэ и дынэ лав тэ дэн лэскэ ловэ. ⁶ Юда дыя лав тэ кэрэл дава и лыя тэ родэл лачхи ваканцыя (случаё), соб (кай) тэ здэл Исусос на ангил манушэндэ.

Исусо Кэдэлапэ тэ Хал Патрадитко Хабэн

⁷ Явдя Апруснокэнгиро Дывэс, кэли трэиндя тэ чхинэн Патрадитконэ бакрорэс (Патради). ⁸ И бичхадя Исусо Пэтрис и Ианос, пхэни: “Джан и кэрэн Патрадитко Хабэн ваш амэнгэ, соб (кай) амэ тэ хас лэс.” ⁹ Нэ ёнэ пхучнэ: “Кай камэса, соб (кай) амэ тэ кэрэс?” ¹⁰ Исусо ж пхэндя лэнгэ: “Гáда, кэли тумэ явэна тэ заджан дро фóро, тэды тумэн пирилэла мануш, савó явэла тэ лыджал пири панэса; джан пал лэстэ дро кхэр, дро савó ёв заджала, ¹¹ и тумэ пхэнэн кхэритконэ хулáскэ: ‘Сыклякирибнаскиро ракирла тукэ: ‘Кай явэла штуба, соб (кай) Мэ Пэскирэ сыкляибнытконэнца тэ хав Патради?’ ¹² И ёв сыкавэла упратуны бари штуба; одóй кэрэн скамíнд ваш амэнгэ.” ¹³ И гинэ сыкляибнытка и латхнэ, сыр лэнгэ Исусо пхэндя и кэрдэ Патрадитко Хабэн.

Дэвлэскирэ-Бэльвэлякиро Хабэн

¹⁴ И кэли явдя мардо (часо), Исусо бэсця пал скамíнд кхэтанэ дэшудуэ Апостолэнца. ¹⁵ И пхэндя Ёв лэнгэ: “Мэ древан камдём тэ хав дава Патрадитко Хабэн тумэнца ангил дова, сыр Мánгэ тэ вырикирав мэньки. ¹⁶ И Мэ пхэнава тумэнгэ, со коригэдыр (позжэдыр) далэстыр Мэ бутыр на явава тэ хав дава хабэн, пака дава чачунó смысло ваш Патради кэрэлапэ кэ кóнцо / ягóро (сполнинэлапэ) дро Дэвлэскиро Кралипэн дро Болыбнаскиро Раё.” ¹⁷ Тэньци Исусо лыя тахтай, пхэндя парикирибэн Дэвлэскэ и пхэндя: “Лэн дава и росчхувэн машкир пэстэ. ¹⁸ И Мэ пхэнава тумэнгэ: Мэ на явава сарэса тэ пъяв аплóдо винаградоскирэ хрустостыр, пака явэла Дэвлэскиро Кралипэн дро Болыбнаскиро Раё.” ¹⁹ Тэньци Исусо лыя марó, парикирдя Дэвлэс (Дэвлэскэ), пхагирдя лэс, и дыя лэнгэ; ракири: ‘Гáда, исын Мирé Масá, савэ одэнапэ пал тумэндэ; дава адякэ и тумэ кэрэн тэ рипирэн пал Мándэ.” ²⁰ Адякэ-паць и тахтай (чаша) коригэдыр, сыр ёнэ ханэ марó, Исусо дыя лэнгэ, пхэни: “Кадава тахтай исын нэвó завето дро Миро рат, савó чхувэлапэ пал тумэндэ. ²¹ И дыкхэн: адай исын васт кодолэскиро, кон исын Мánца пал скамíнд, и савó бикнэла Ман; ²² и Чхавó Манушэскиро джала пэ мэрибэн, сыр Дэвлэскэ исын лачхó, нэ бída кодолэ манушэскэ, савó здэла Лэс.” ²³ И ёнэ лынэ тэ допхучэн екх екхэстыр, кон дава мoгинэла лэндэр тэ явэл, соб (кай) тэ кэрэл дава.

Пхучибэн пал Давá, Кон Исын Барэдыр

²⁴ И със пхучибэн машкир лэндэ, конэскэ лэндэр трэй тэ гинэлпэ сыр най барэдыр. ²⁵ И Исусо пхэндя лэнгэ: “Наюдэнгирэ кральэндэ исын право пэ лэндэ, и лэнгирэ барэ рая, савэ хулаинэна, ракирэна, со ёнэ кэрэна лачхипэн манушэнгэ. ²⁶ Нэ тэ на явэн адякэ машкир тумэндэ: савó исын барэдыр тумэндэр, тэ явэл тэрнэдыр; и савó исын шэралó, тэ явэл дынари (слуга). ²⁷ Пал-дова со, кон исын барэдыр; кодова, савó исын бэштó пал скамíнд, ци кодова, савó подэла пэ скамíнд? Кодова, савó исын бэштó пал скамíнд. А Мэ сом машкир тумэндэ, сыр кодова, савó подэла пэ скамíнд. ²⁸ Нэ тумэ вытэрдинэ Мánца кхэтанэ дрэ Мирé пхарипэна. ²⁹ И Мэ пиридава тумэнгэ кралитко право, сыр Миро Дад пиридыя мánгэ, ³⁰ соб (кай) тумэ тэ хан и тэ пьен пал скамíнд дро Миро Кралипэн, и тэ бэшэн пэ троны тэ сэндинэн дэшудуй Израилэскирэ рóды.”

Исүсо Ангилхэла, со Пэтри Отпхэнэлапэ Лэстыр

³¹ [И пхэндя Рай Дэвэл р.с.]: “Симоне, Симоне! Дыхх жа, нalachxo драван закамдя тэ пропатыкирэл тумэн сырбы тэ просеинэл тумэн пир сито (поризэн), сыр просеинэна парно гив, ³² нэ Мэ мангдёмпэ Дэвлэскэ пал түтэ, соб (кай) тыро патяибэн тэ на тыкнёл, и ту, кели рисёса палэ кэ Мэ, тэды подрикирэса тырэ пшалэн.” ³³ И Пэтри отпхэндя Лэскэ: “Раё Дэвла! Мэ сом скэдыно тэ джав Туса и дрэ штарибэн, и пэ мэрибэн.” ³⁴ И пхэндя Исүсо: “Мэ ракирава түкэ, Пэтри: башно на пробагала ададывэс ангил дова, сыр ту трин молы отпхэнэсапэ Мандыр.”

Капшүко, Саква (Торба) и Куртала (Сабли)

³⁵ Тэньци Исүсо пхэндя лэнгэ: “Кэли Мэ бичхадём тумэн би муэнгиро (капшукоскиро), би саквакиро и би гэритконэнгиро, ци сыс трэй тумэнгэ вари-со?” Ёнэ отпхэндлэ: “Над.” ³⁶ Тэды Исүсо и пхэндя лэнгэ: “Нэ каканá конэстэ исын муэнгиро (капшукко), мэк тэ лэл лэс: адякэ-паць и саква, конэстэ нанэ куртала, мэк тэ бикнэл пэскиро урибэн и тэ кинэл куртала, ³⁷ палдава Мэ пхэнава тумэнгэ, со дова, со исын чхиндло, трэй тэ сполнинэлпэ Мэнца: “Ёв сыс чхудо машкёр розмарибнарьендэ”: пал-дова со саро, со исын пал Мэндэ, сыг кончынэлапэ.” ³⁸ Сыкляибнытка пхэндлэ: “Раё Дэвла! Адай исын дуй курталы (сабли).” Исүсо отпхэндя лэнгэ: “Ухтылла (доси).”

Исүсо Мангэлапэ Дэвлэскэ дрэ Гефсимания

³⁹ И гия Исүсо форостыр и сыр Ёв присыкляя, гия пэ Оливитко бэрга, и Лэскирэ сыкляибнытка адякэ-паць гинэ пал Лэстэ. ⁴⁰ И кэли Ёв явдя пэ штэто, тэды пхэндя лэнгэ: “Мангэнпэ Дэвлэскэ, соб (кай) тумэ тэ на пэрэн дро пропатыкирибэн.” ⁴¹ И Ёв отгия лэндыр пэ адакицы, пэ кицы дочхурдэса бар, и тэрдия пэ чанга, и мангдяпэ Дэвлэскэ дасавэ лавэнца: ⁴² “Дáдо! Кóли тэ явэл Тырй воля, лыджа дава тахтай дрэ риг Мандыр; – нэ тэ явэл на Мирй, а Тырй воля.” ⁴³ И Янгóло болыбнастыр сыкадыя Лэскэ и зорякирдя Лэс. ⁴⁴ Исусóстэ сыс пхаро пэ ило и Ёв зоралэс мангдяпэ Дэвлэскэ. Лэскири кхамлын (пото) сыс, сыр ратэскирэ капли (чолыня), со пэрэнас пэ пхув ⁴⁵ И кэли Ёв уштыя мангипнастыр, тэды Ёв явдя палэ кэ сыкляибнытка; и латхя, со ёнэ сыс сутэ пэскирэ тугатыр ⁴⁶ И пхэндя Исүсо лэнгэ: “Со тумэ сан сутэ? Уштэн и мангэнпэ Дэвлэскэ, соб (кай) тумэ тэ на пэрэн дро пропатыкирибэн.”

Исусóс Закэдэна

⁴⁷ И кэли Исүсо ишчо (инкэ) ракирдя, гада, сыкадынэ бут мануша, и акэ, ёв, савэс кхардэ Юда, екх дэшудуедыр сыкляибнытконэндыр, джалас ангил лэндэ, и ёв подгия кэ Исүсо тэ чамудэл Лэс. ⁴⁸ Исүсо пхэндя Лэскэ: “Юдэ! Ту бикнэса Манушэскирэ Чхавэс чамудыпнаса?” ⁴⁹ И сыкляибнытка, савэ сыс пашыл Лэстэ, кэли дыкхнэ, кэ со дава догия, пхучнэ Лэстыр: “Раё Дэвла! Тэ чхинас амэнгэ курталэнца?” ⁵⁰ И екх лэндыр чингирдя писхарис рашангирэ барыдырэскирэс и отчингирдя лэскэ чачо (право) кан. ⁵¹ Нэ Исүсо пхэндя: “Мэкэн, ухтылла (доси)!”, – и Ёв чиладя лэскиро кан и высастякирдя лэс. ⁵² И пхэндя тэды Исүсо рашангирэ барыдырэнгэ и кхангирьякирэ-халадытконэ барыдырэнгэ, годэпхурэнгэ, савэ явнэ пэ Лэстэ: “Сыр пэ розмарибнаристэ тумэ выгинэ курталэнца и килэнца (конкэнца)?” ⁵³ Кэли Мэ сомас со дывэс тумэнца дрэ Кхангирй, тэды тумэ нагаздынэ васта пэ Мэндэ; а каканá – тумаро мардо (штунда) явдя и налачхи зор лэла тэ хулаинэл дро калыпэн (цямлыпэн).”

Пэтри Отпхэнэлапэ Исусостыр

⁵⁴ И ёнэ лынэ Исусос, лыджинэ лэс криг и яндлэ дро пэrvонэ-рашангирэ барыдырэскиро кхэр. И Пэтри ж джалас дурипнастыр. ⁵⁵ И ёнэ кэрдэ яг машкёр грэда (двóро) и бэшнэ кхэтанэ; Пэтри ж бэсця машкёр лэндэ. ⁵⁶ И екх дына́рица, кэли дыкхця лэс пашыл яг, придыкхцяпэ раххунэс пэ лэстэ и пхэндя: “И кадава мануш сыс Лэса.” ⁵⁷ Нэ Пэтри отпхэндяпэ Лэстыр, пхэни: “Джувлие, мэ на джином Лэс.” ⁵⁸ И сыг явёр мануш, сыр дыкхця Пэтрис, пхэндя: “И ту сан екх лэндэр.” Нэ Пэтри отпхэндя: “Морэ, мэ на сом.” ⁵⁹ И кэли прогия (накхця) пашэ мардо, ишчо (инкэ) вари-кон лыя зорьяса тэ допхэнэл: “Чачо, кадава мануш адякэ-паць сыс Лэса, пал-дова со ёв исын адякэ-паць Галилеянино.” ⁶⁰ Нэ Пэтри отпхэндя: “Морэ, мэ на джином, со ту ракирэса.” И адай жэ, пака ёв ракирдя, пробагандя башно. ⁶¹ И Рай Дэвэл рискирдя шэрó, подыкхця пэ Пэтристэ; и пририпирдя Пэтри Исусоскиро лав, сыр Ёв пхэндя Лэскэ: “Ангил, сыр пробагала башно, ту трин мо́лы отпхэнэсапэ Мандыр.” ⁶² И Пэтри, выгии яврёи, рондя киркэс.

Исусо Обсандло и Мардо

⁶³ И мануша, кон рикирдя Исусос, кэрдэ бипатывакиро сабэн (здекиндлэпэ) пэ Лэстэ и мардо Лэс; ⁶⁴ и ёнэ пхандэнас Лэскирэ якха, пхучнэ Лэстыр, пхэни: “Угалёв, прорóко, кон пэкадя Тут?” ⁶⁵ И ёнэ пхэндлэ бут кошыбнытка лавá пэ Лэстэ.

Исусо ангил Синедрионо

⁶⁶ И кэли яця дывэс, годэпхурэ манушэндэр, рашангирэ барыдыра́ и лылваритка скэдынэпэ, и лыджинэ Исусос ангил пэскиро Синедрионо и пхэндлэ: ⁶⁷ “Кóли Ту сан Христóсо, пхэн амэ́нгэ.” Ёв пхэндя лэ́нгэ: “Кóли Мэ пхэна́ва тумэ́нгэ, тумэ на патяна; ⁶⁸ и кóли Мэ пхучава тумэндэр, тумэ на явэна тэ отпхэнэн Мánгэ, и на отмэкэна Ман; ⁶⁹ нэ коригэдыр далэстыр Чхавó Манушэскиро явэла тэ бэшэл пир чачо васт Дэвлэстыр.” ⁷⁰ И ёнэ сарэ пхэндлэ: “Ту, хай, сан Чхавó Дэвлэскиро?” И ёв отпхэндя лэ́нгэ: “Тумэ ракирэна миштэс, со Мэ сом?” ⁷¹ И ёнэ пхэндлэ: “Савэ амэ́нгэ ишчо (инкэ) аканá трэй якхитка, пал-дова со амэ кокорэ шундя́м дава́ Лэскирэ мо́стыр?”

Шэрó 23

Исусо ангил Пилатостэ

¹ [Сарэ адалэ мануша́ уштынэ и лыджинэ Исусос кэ Пилáто]. ² И ёнэ лынэ тэ бангякирэн Исусос, ракири: “Амэ приджиндя́, со адава́ мануш лыджала́ криг амари́ нация́ чачунэ дромэ́стыр и припхэнэла тэ на плэскирэн мыто Кесарёскэ; Ёв допхэнэла, со Ёв Кокорó исын Христóсо Кра́ли. ³ И Пилáто шылалэс пхуця́ Лэстыр: “Ту сан Кра́ли Юдэ́нгиро?” И Ёв отпхэндя: “Адякэ, сыр ту ракирэса.” ⁴ Тэды Пилáто пхэндя́ рашангирэ барыдырэ́нгэ и манушэ́нгэ: “Мэ на латхём ни сави́ банг дрэ кадалэ́ манушэ́стэ.” ⁵ Нэ ёнэ тэрдинэ́ пэ пэскиро бангякирибэн, ракири́ дурэдыр пэ Исусостэ: “Ёв подмарэла́ манушэ́н пэ бунто́ и сыклякирэ́ла адякэ́ пир сари́ Юдэ́я, Галилеятыр аж кэ адары́к.”

Исусос Бичхавэна кэ Ёродо

⁶ Нэ кэли Пилáто шундя́ пал Галиле́я, пхуця́ шылалэс, ци сыс адава́ мануш Галилеятыр; ⁷ и сыр ёв уджиндя́, со Исусо сыс пхувья́тыр, кай Ёродо хулаиндя́, бичхадя́ Лэс кэ Ёродо, савó сыс дро Ерусалимо́ дрэ долэ́ дывэса́. ⁸ И кэли Ёродо дыкхця́ Исусос, ёв древáн обрадындя́пэ, пал-дова́ со ёв гара́ камдя́ тэ дыкхэл Лэс: ёв шундя́ бут пал Лэстэ, и ёв ужакирдя́ тэ дыкхэл Исусостыр вари-савэ́ дивы; ⁹ и Ёродо выпхучэлапэ́ бут Исусостыр, нэ Ёв нисó на отпхэндя́.

¹⁰ Рашангирэ барыдыра и лылваритка уштэнас и зоралэс бангякирэнас Лэс. ¹¹ Иродо пэскирэ халадэнца кэрдэ бипатывакирибэн Лэскэ и сандлэпэ холямэс Лэстыр, урьякирдэ пэ Лэстэ парно кралитко урибэн и бичхадя палэ Лэс кэ Пилато. ¹² А дро дова дывэс Пилато и Иродо ячнэ други (мала) машкир пэстэ, нэ гарэдыр энэ сыс холямэ екх пэ екхэстэ.

Пилато Сэндякирдя Исусос пэ Мэрибэн

¹³ И Пилато кхардя кхэтанэ кэ пэ рашангирэ барыдырэн, и шэралэн, и адякэ манушэн, ¹⁴ и пхэндя лэнгэ: “Тумэ яндлэ адалэ Манушэс кэ мэ сырбы Ёв подмарэлэс манушэн кэ бунто; и, гада, мэ допхуцём Лэс ангил тумэндэ и мэ на латхём ни сави банг дро дова, дро со тумэ бангякирэна Лэс.” ¹⁵ И Иродо пхэндя: “Мэ ж бичхававас Лэс кэ ёв, и, галён, нисо на латхнэ дрэ Лэстэ, соб (кай) Ёв тэ явэл банго кэ мэрибэн. ¹⁶ Палдава мэ камам, соб (кай) Лэс тэ марэн чхупняса сыр кара, и мэ отмэкава Лэс.” ¹⁷ Ёв сыс банго тэ отмэкэл екхэ манушэс штарибнастыр пэ свэнко. ¹⁸ Нэ энэ задынэ гóдла кхэтанэ: “Мэрибэн Лэскэ! Отмэк Варава амэнгэ!” – ¹⁹ адава сыс екх мануш, савэс чхудэ дро штарибэн пал бунто, со сыс дро форо, и пал замарибэн. ²⁰ А Пилато камдя тэ отмэкэл Исусос и нэвэстыр ракирдя лэнца. ²¹ Нэ энэ задынэ гóдла дро отпхэныбэн: “Примар Лэс пэ трушул, примар!” ²² Ёв пхэндя лэнгэ трито мо́ло: “Саво ж чорипэн Ёв кэрдя? Мэ на латхём ни сави банг дрэ Лэстэ кэ мэрибэн: мэ чхувава кара пэ Лэстэ и отмэкава Лэс.” ²³ Нэ энэ дурэдыр дэнас гóдла со исын зор, соб (кай) тэ примарэн Исусос кэ трушул. И сатаки энэ пиризорьякирдэ пэскирэ заненца (глосенца). ²⁴ И Пилато присэндиндя Исусос адякэ, сыр энэ мангнэ. ²⁵ Ёв отмэкця лэнгэ одолэс, саво сыс бэштó пал бунто и замарибэн, пал савэстэ энэ мангнэ лэс, а Исусос дыя дрэ васта лэнгэ пир выкэдыибэн.

Исусос Примарэна пэ Трушул

²⁶ И сыр халадэ лыджинэ Лэс криг, заухтылдэ вари-савэ Симонос, Киренятыр, саво джалас фэлдатыр, и чхудэ пэ лэстэ трушул тэ лыджал пал Исусостэ. ²⁷ Бут мануша джанас пал Лэстэ, и джувля, савэ рондлэ и ракирдэ ясвэнца пал Лэстэ. ²⁸ Исусо рискирдя шэро и пхэндя: “Джувлялэ Ерусалимостыр! На ровэн пал Мандэ, а ровэн пал пэстэ и пэскирэ чхаворэндэ; ²⁹ гада, явэна дывэса, кэли тумэ пхэнэна: ‘Бахталэ исын кодолэ, савэ на могоинэна тэ биянэн, и джувля, савэ на биянэнас, и джувля, савэ на чарадэ колынэса’.” ³⁰ Тэды энэ явэна тэ ракирэн бэргэнгэ: ‘Пэрэн пэ амэндэ’, и бэргицэнгэ: ‘Гаравэн амэн;’” ³¹ Кóли энэ дасаво кэрэна зэлэнэ каштэса, со тэды явэла шукэ каштэса?” ³² И дүе явирэ манушэн, розмарибнарьен, адякэ-паць лыджинэ Исусоса тэ примарэн пэ трушул. ³³ И кэли энэ явнэ пэ штэто, саво кхарэлпэ “Черепнытко”, одой энэ примардэ Лэс пэ трушул и розмарибнарьен екхэс пир чачы риг, явирэс пир зэрво риг. ³⁴ Исусо пхэндя: “Дáдо! Дарин (приманг) лэнгэ, пал-дова со энэ на джинэна, со кэрэна.” Ёнэ ж росчхувэнас пэ паша Лэскирэ урибэна, чхурдыи жрэбиё. ³⁵ Мануша сыс тэрдэ и путравэнас пэскирэ якха. А лэнгирэ барыдыра кхэтанэ лэнца сандлэпэ Лэстыр, ракири: “Явирэн Ёв зракхэлэс; мэк тэ зракхэл Кокорó Пэс, кóли Ёв исын Христóсо, Савэс Дэвэл выкэдыя.” ³⁶ Адякэ-паць и халадэ сандлэпэ бипатывакирэс Лэстыр: энэ подджанас и подлыджанас шутло (укусо), ³⁷ и ракирдэ: “Кóли Ту сан крáli Юдэнгиро, зракх Кокорó Пэс.” ³⁸ И упрé Лэскирэ шэрэстыр сыс зачхиныбэн, саво сыс пир грекитко и юдытко чибá (чибья): “Гáда, исын крáli Юдэнгиро.” ³⁹ Екх розмарибнарьендыр, саво сыс примардо, сандяпэ холямэс Исусостыр: “Ци на сан Ту Христóсо? Зракх Пэс и амэн.” ⁴⁰ Нэ явирэ выракирдя Лэскэ, пхэни: “Ту адякэ-паць на дарэса Дэвлэстыр, кóли ту кокорó присэндиндло пэ дава-паць? ⁴¹ Амэнгэ ж сыс чачунó сэндо, со амэ сам мол пал дова, со кэрдям; нэ Ёв ж ни саво чорипэн на кэрдя.” ⁴² И ёв пхэндя Исусоскэ: “Пририпир пал мандэ, Исусе, кэли Ту явэса сыр Крáli тэ хулаинэс?” ⁴³ Исусо пхэндя Лэскэ: “Чачэс, Мэ ракирава тукэ: ададывэс ту явэса Мэнца дро Болыбнаскиро Раё.”

Исусóскиро Мэрибэн

⁴⁴ Дава́ сыс пашé шов мардэ (штунды), и яця калыпэн пир сарí пхув кэ еня́то (биекхэскиро дэ́што) мардо́. ⁴⁵ Кхам яця ця́мло и шы́рма дрэ́ Кханги́ри́ роскусця́пэ дро́ машкира́л. ⁴⁶ И Ису́со дья́ го́дла зоралé заня́са и пхэ́ндя: “Дадо! Мэ́ отда́ва Пэ́скиро́ ду́хо (фа́но) дро́ Тырэ́ васта́!” И кэ́ли Ё́в пхэ́ндя дава́, мыя́. ⁴⁷ А халадэ́нгиро́ барыды́ро, дыкхí дава́, пхэ́ндя: “Дро́ кадава́ Ману́ш, со мыя́, сыс чачипэ́н”, – и ё́в славиндя́ Дэвлэ́с. ⁴⁸ Кéли сарé ману́ша, савé явнó пэ́ дава́ дыкхибэ́н, дыкхнó дава́, ё́нэ палэ́ лынó тэ́ рисё́н пир кхэ́ра и марэ́нас пэ́с дро́ колы́н. ⁴⁹ А одолé сарé, савé джиндлэ́ Исусóс и джувля́ сыс тэ́рдэ́ на́дур и, савé джа́на́с пал Лэ́стэ́ Галилея́тыр и дыкхнó дава́ сарó. ⁵⁰ И га́да, екх лачхó и патяибнýтко ману́ш пир лав Ё́за (Иосифо), савó сыс ады́кэ-паць екх рай барыдырэ́ндыр дро́ сéндо (совето), ⁵¹ и кон на подрики́рдя сéндо и лэ́нгиро́ приракирибэ́н Исусóскэ́. Ё́в сыс Ари́мафея́тыр, Юды́тконэ́ форóстыр и ужаки́рдя ко́коро́ Дэвлэ́скиро́ Кра́липэ́н дро́ Болы́бна́скиро́ Раё́; ⁵² ё́в гия́ кэ́ Пила́то тэ́ мангэ́л Исусóскиро́ трýпо. ⁵³ И кэ́ли Ё́за злы́я лэ́с, закрэ́нцы́ндя трýпо дро́ жу́жо по́хтан и чху́дя лэ́с дрэ́ ко́пли́ца вы́чинги́рды дрэ́ ска́ла, кай ишчо́ (инкэ́) на сыс пашто́ ни екх ману́ш. ⁵⁴ Дава́ сыс парастивíн (пятница), [дывэ́с ваш пригото́виныбэ́н-ю.о.], и га́да, сы́го трэ́индя́ тэ́ явэ́л са́вато. ⁵⁵ И джувля́, кон гинé пал Исусóстэ́ Галилея́тыр, гинé Ё́заса и подыкхнэ́ ко́пли́ца и, сыр чху́дэ́ Лэ́скиро́ трýпо. ⁵⁶ И кэ́ли ё́нэ явнó палэ́, тэ́ды ё́нэ кэ́дынэ́ аро́маты́тка ча́рья́ и гу́длэ́ драба́ тэ́ кхосэ́н; и ё́нэ ячнэ́пэ́ шы́тыл савато́нэ́ (субото́нэ́), сыр трэ́й пир при́пхэ́ныбэ́н дро́ Зако́но.

Шэ́ро 24

Отджи́дыи́бэ́н Мэ́рибна́стыр

¹ Пэ́ зло́ко, дро́ пэ́рво́ куркэ́скиро́ дывэ́с, ё́нэ явнó кэ́ ко́пли́ца и я́ндлэ́ аро́маты́тка ча́рья́ тэ́ макхэ́н (тэ́ кхосэ́н), савé ё́нэ кэ́дынэ́. ² И ё́нэ дыкхнэ́, со бар сыс риско́рдо криг ко́пли́цатыр. ³ И кэ́ли ё́нэ за́гинэ́ дрэ́ ко́пли́ца, ё́нэ на латхнó Ра́скирэ́-Дэвлэ́скиро́ трýпо. ⁴ И ё́нэ сыс тэ́рдэ́ дрэ́ дар; и га́да, явнó дуй му́рша́ дрэ́ га́да, савé зя́индлэ́. ⁵ Кéли ё́нэ да́ра́тыр по́клони́ндлэ́пэ́ муе́нца кэ́ пхув, му́рша́ пхэ́ндлэ́ лэ́нгэ́: “Со́ тумэ́ родэ́на́ Джи́дэс, кай му́лэ́ исын паштэ́?” ⁶ Лэ́с нанэ́ ада́й, Ё́в отджи́дыя́: рипи́рэ́н, со Ё́в раки́рдя́ тумэ́нгэ́, кэ́ли Ё́в сыс ишчо́ (инкэ́) дрэ́ Галиле́я: ⁷ со Ё́в пхэ́ндя: “Трэ́индя́ Чхавэ́скэ́ Ману́шэ́скирэ́скэ́, соб (кай) Ё́в тэ́ явэ́л зды́но дро́ грэ́хитко́нэ́-ману́шэ́нгирэ́ васта́, тэ́ явэ́л примардо́ пэ́ трушу́л, и тэ́ отджи́дёл пэ́ трýто дывэ́с.” ⁸ И ё́нэ при́рипи́рдэ́ Лэ́скирэ́ лава́; ⁹ и ё́нэ явнó палэ́ ко́пли́цатыр и роспхэ́ндлэ́ сарó дава́ дэ́шуекхэ́нгэ́ и сарэ́нгэ́ яви́рэ́ ману́шэ́нгэ́. ¹⁰ Одо́й сыс Ма́рия́ Магда́лина́ и Иана́ и Ма́рия́, Яковоски́ри дай; га́да, ё́нэ и яви́р джувля́, савé сыс лэ́нца, роспхэ́ндлэ́ сарó дава́ Апосто́лэ́нгэ́. ¹¹ Нэ́ далэ́-джувле́нгирэ́ лава́ зды́нэ́пэ́ Апосто́лэ́нгэ́ сы́рбы́ парамы́ся (сказка), и ё́нэ на патя́ндынó лэ́нгэ́. ¹² Нэ́ Пэ́три ушты́я́ и гия́ кэ́ ко́пли́ца; ё́в бандия́ тэ́лэ́ и дыкхця́ екх по́хтан, савó сыс пашто́ и гия́ палэ́ кхэ́рэ́ здивиндло́ пэ́ дова́, со кэ́рдя́пэ́.

Пир Дром кэ́ Ема́усо

¹³ И, га́да, дро́ дова́-паць дывэ́с дуй Исусóскирэ́ сы́кляибны́тконэ́ндыр джа́на́с дро́ гав, Ема́усо, со сыс пашы́л дэ́шуекх кило́метры (эфта́ вэрсты) Еру́салимо́стыр; ¹⁴ и ё́нэ раки́рдэ́ машки́р пэ́стэ́ пал дова́, со кэ́рдя́пэ́. ¹⁵ И сыс ады́кэ: кэ́ли ё́нэ раки́рдэ́ и обду́минэ́нас екх екхэ́са, га́да, Ко́коро́ Ису́со подгы́я пашы́лэды́р кэ́ ё́нэ и гия́ лэ́нца; ¹⁶ нэ́ лэ́нгирэ́ я́кха́ сыс сы́рбы́ запхандлэ́, соб (кай) тэ́ галё́н Лэ́с. ¹⁷ И Ё́в пхэ́ндя́ лэ́нгэ́: “Савэ́ тумэ́ндэ́ раки́рибэ́на, со́ тумэ́ лы́джана́ пир дро́м? Со́скэ́ тумэ́ сан смэ́нтна?” ¹⁸ И екх лэ́ндыр пир лав Клео́па́ пху́ця́ Лэ́стыр: “Ци́ ту сан екх дасаво́ ману́ш, со́ явдя́ дро́ Еру́сали́мо, и ту на джи́нэ́са, со́ кэ́рдя́пэ́ дро́ фо́ро дрэ́ далé дывэ́са?” ¹⁹ Ё́в пху́ця: “Со́ ж сыс?” И ё́нэ пхэ́ндлэ́ Лэ́скэ́: “Дова́, со́ сыс Исусó́са́ Назаре́тосты́р. Ё́в сыс проро́ко, Савó кэ́рдя́ сарó и раки́рдя́ барэ́ зоры́ся а́нгил Дэвлэ́стэ́ и ману́шэ́ндэ́; ²⁰ сыр ама́рэ́ раша́нгирэ́ барыды́ра́ и барэ́ рая́ зды́нэ́ Лэ́с пэ́

мэрибнытко сэндо и примардэ Лэс пэ трушул. ²¹ Нэ амэ древан патяса, со Ёв исын Кодова, Саво зракхэла Израиле; а кэ саро дава, гада, каканá трито дывэс, сыр дава саро кэрдяпэ. ²² И вари-савэ амарэ джувля дивиндлэ амэн, кэли ёнэ сыс пэ злоко кэ коплица, ²³ и ёнэ на латхнэ Лэскиро трупо, и, кэли явнэ, роспхэндлэ, со ёнэ дыкхнэ, сыр Янгóлы сыкадынэ, савэ пхэндлэ, со Ёв исын джидо. ²⁴ А вари-савэ амэндэр гинэ кэ коплица, и на латхнэ адякэ, сыр джувля пхэндлэ, нэ ёнэ на дыкхнэ Лэс.” ²⁵ И пхэндя тэды Исусо лэнгэ: “Нэ, тумэ сан бигодякирэ и пхарэ-илэскирэ мануша, соб (кай) тэ упатян дро дова, со прорóки пхэндлэ! ²⁶ Ци на трэиндя адякэ тэ вырикирэл Христосóкэ далэ мэньки, соб (кай) тэ заджал дро Пэскиро вéчно Крaлипэн.” ²⁷ И Исусо лыя тэ роспхэнэл лэнгэ сарэ лылваря Свэнтонэ Чхиныбнастыр Мойзастыр кэ пророкэнгирэ зачхиныбэна, со сыс пхэндлэ пал Лэстэ. ²⁸ И ёнэ подгинэ пашылэдыр кэ гав, карик ёнэ гинэ; и Исусо сыкадя, со Ёв, хай, кэдэлапэ тэ джал дурэдыр; ²⁹ Нэ ёнэ зарикирдэ Лэс, пхэни: “Ячпэ амэнца, сыг явэла бэльвэль и дывэс ужэ кончындыпэ.” Исусо загия и яцяпэ лэнца. ³⁰ И сыс адякэ: кэли Исусо сыс пал скаминд лэнца, Ёв лыя марó, бахтякирдя и, кэли пхагирдя, дыя лэнгэ. ³¹ И откэрдэпэ лэнгирэ якхá, и ёнэ галынэ Лэс. И Исусо сырбы хасия лэнгирэ якхэндэр. ³² Ёнэ пхэндлэ екх екхэскэ: “Ци на хачия амарó илó, кэли Ёв ракирдя амэнца пир дром и, кэли Ёв пирипхэнэлас Свэнто Чхиныбэн (Писание) амэнгэ?” ³³ И ёнэ уштынэ дрэ дова-паць мардо (часо) и рисинэ палэ кэ Ерусалимо. И ёнэ латхнэ дэшуекхэ Апостолэн, савэ скэдынэпэ кхэтанэ явирэ манушэнца, ³⁴ савэ ракирдэ: “Рай Дэвэл чачунэс отджидыя мэрибнастыр и сыкадыя Симоноска.” ³⁵ И одолэ дуй мануша пирипхэндлэ, со сыс пир дром, и сыр ёнэ галынэ Лэс, кэли Ёв пхагирдя марó.

Исусо Сыкадэла Пэскирэ Сыкляибнытконэнгэ

³⁶ И кэли ёнэ ишчо (инкэ) ракирдэ сарó дава, Исусо Кокорó екхатыр (сразу) тэрдия, машкир лэндэ и пхэндя лэнгэ: “‘‘‘Раманё (миро), тумэнгэ.” ³⁷ Нэ ёнэ зоралэс страхадынэ и дивиндлэпэ дараса, пал-дова со ёнэ думиндлэ, со дава сыс духóскирэ зданки лэнгэ. ³⁸ Нэ Ёв пхэндя лэнгэ: “Сóскэ тумэ страхадынэ? Сóскэ тумарэ илэ адякэ кунинэнапэ?” ³⁹ Акэ, Мирэ вастá и Мирэ гэра, дыкхэн, гада Мэ сом. Чилавэн Ман и роздыкхэн, пал-дова со дро дýхо (фáно) нанэ ни лоч, ни кокалы, савэ Мандэ исын, сыр тумэ дыкхэна.” ⁴⁰ Исусо пхэндя дава и сыкадя лэнгэ Лэскирэ вастá и гэрá. ⁴¹ Кэли ёнэ ишчо (инкэ) на патяндынэ радыматыр и дивиндлэпэ, Ёв пхуця лэндэр: “Ци исын адай вари-со тэ хас?” ⁴² И ёнэ дынэ Лэскэ котэр пэкно мачхо, и авгін сотэндэр. ⁴³ И лыя Исусо и хая ангил лэндэ. ⁴⁴ И пхэндя Ёв лэнгэ: “Гáда, исын долэ лавá, савэ Мэ пхэндём тумэнгэ, пака Мэ ишчо (инкэ) сóмас тумэнца: со сарó, со исын чхиндлэ дро Мойзаскиро Зако́но и дрэ пророкэнгирэ зачхиныбэна и дрэ псалмы пал Мандэ, трэй тэ сполнинэлпэ (тэ кэрэлпэ кэ кóнцо/ягóро).” ⁴⁵ Тэды Ёв дыя лэнгэ годы тэ галёл Свэнто Чхиныбэн, ⁴⁶ и пхэндя лэнгэ: “Адякэ исын чхиндлэ и адякэ трэй Христосóкэ тэ вырикирэл мэньки, и тэ отджидёл мэрибнастыр пэ трито дывэс; ⁴⁷ и, соб (кай) тэ пхэнэлпэ лав ваш Лэскирэ-Манушэскиро рисибэн грэхэндэр кэ Дэвэл, соб (кай) Ёв тэ отмэкэл грэхи машкир сарэ нáцыи, лыи тэ кэрэл дава Ерусалимóстыр. ⁴⁸ И тумэ сан якхйтка (свидетели) пал дава. ⁴⁹ И, гада, Мэ бичхавава тумэнгэ дова, пал со Миро Дад дыя лав; нэ тумэ ячэнпэ дро фóро, пака тумэ лэна зор упралэстыр.”

Исусо Лыно пэ Болыбэн

⁵⁰ И Ёв вылыджия лэн форóстыр кэ Вифания, газдыя Пэскирэ якхá и бахтякирдя лэн. ⁵¹ И сыс адякэ: кэли Ёв ишчо (инкэ) бахтякирэлас лэн, Ёв лыя тэ дурьёл лэндэр и лыя тэ газдэлпэ кэ болыбэн. ⁵² А ёнэ поклониндлэпэ Лэскэ и явнэ палэ дро Ерусалимо барэ радымаса, ⁵³ и ёнэ сыс сарó часо дрэ Кхангирй, славиндлэ и шардэ парикирибнаса Дэвлэс. Амíнь.

Ев́ангелия Ианóстыр

Шэро́ 1

Англэвекі́тко Джиибна́скиро Лав

¹ Англэды́р сарэ́стыр сыс Лав ^[1], и Лав Кокорó сыс Дэвлэ́са, и Лав сыс Дэвэ́л. ² Ёв (Лав) англэды́р сарэ́стыр сыс Дэвлэ́са. ³ Сарó, со исын, яця́ пир Лэ́стэ, и би Лэ́скиро сарó со исын, на явэ́лас. ⁴ Дрэ́ Лэ́стэ сыс джи́ибэ́н и дава́ джи́ибэ́н сыс Дуд (Свэ́то) ваш манушэ́нгэ. ⁵ Дуд свэнцы́нэла дро калыпэ́н (цемны́ма/ця́млыпэ́н), и калыпэ́н на мурдяки́рдя лэс. ⁶ Дэвэ́л бичхадя́ манушэ́с, лэ́скиро лав сыс Иа́но. ⁷ Ёв явдя́ ваш дова́, соб (кай) тэ́ допхэ́нэл пал Христосóстэ сы́р пал Дуд (Свэ́то), соб (кай) пир Лэ́стэ сарэ́ тэ́ патя́н. ⁸ Кокорó Иа́но на сыс Дуд, а сыс бичхадó Дэвлэ́стыр, соб (кай) тэ́ допхэ́нэл пал Христосóстэ сы́р пал Дуд. ⁹ Давá сыс чачуно́ Дуд, Савó дэ́ла джи́ныбэ́н кажно́нэ манушэ́скэ, савó явэ́ла пэ́ свэ́то (лот). ¹⁰ Ёв сыс дро свэ́то, савó пир Лэ́стэ сыс созды́но, а свэ́то на пригалья́ Лэс. ¹¹ Ёв явдя́ кэ́ Лэ́скирэ, и Лэ́скирэ на прилы́нэ Лэс. ¹² Нэ́ сарэ́нгэ, кон прилы́я Лэс, савэ́ патя́ндынэ́ дрэ́ Лэ́скиро лав, Ёв ды́я право́ тэ́ явэ́н Дэвлэ́скирэ́ чхавэ́нца. ¹³ Давá сыс кадалэ́ чхавэ́, савэ́ бия́ндынэ́ на ратэ́стыр и на пир лочаки́ро камибэ́н на пир манушэ́скири во́ля, а Дэвлэ́стыр сыс бия́ндлэ́. ¹⁴ И Лав яця́ манушэ́са дрэ́ лоч (плоть) и дживдя́ амэ́нца; и амэ́ дыкхця́м Лэ́скиро ярко́ шукари́пэ́н и зор, сави́ сыс Лэ́стэ сы́р Екхэ́бияны́пнытконэ́ Чхавэ́стэ, Савó исын Дадэ́стэ, и Савó исын пхэ́рдó бахталы́пна́са и чачипна́са. ¹⁵ Иа́но допхэ́нэла пал Лэ́стэ и ракирэ́ла рады́маса: “Ёв исын Одо́ва, пал Савэ́стэ мэ́ пхэ́ндэ́м: ‘Савó джа́ла пал Ма́ндэ, исын барэ́ды́р Ма́ндыр, пал-дова́ со ёв сыс англэ́ды́р Ма́ндыр’” ¹⁶ Лэ́стэ сарó сыс пхэ́рдó и пир Лэ́скиро пхэ́рдыпэ́н амэ́ сарэ́ дорэ́сця́м екх бахталы́пэ́н пал екх. ¹⁷ Пал-дова́ со Дэвэ́л ды́я Зако́но пир Мойза́стэ (Моисе́эстэ), а бахталы́пэ́н и чачипэ́н явнэ́ пир Исусóстэ Христосóстэ. ¹⁸ Никóн никели́ на дыкхця́ Дэвлэ́с: Екх Екхэ́бияны́пнытко́ Чхавó, Савó исын усады́/сак (всегда́) кхэ́танэ́ Дадэ́са, Ёв сыка́дя́ Лэс амэ́нгэ.

Ианóскиро-Болдэ́ипна́рйскиро Допхэ́ныбэ́н

¹⁹ Га́да, исын Ианоски́ро допхэ́ныбэ́н, кэ́ли Юды́ Ерусали́мóстыр при́бичхадэ́ раша́н и Левитэ́н тэ́ пхучэ́н Лэ́стыр: “Кон ту сан?” ²⁰ Ёв пхэ́ндя́ маму́й дро якха́ ангил сарэ́ндэ: “Мэ́ на сом Христóсо.” ²¹ Ёнэ́ пхучнэ́ лэ́стыр: “Со ж? Ту со сан Илия́?” Иа́но отпхэ́ндя́: “Над.” “Ци на Проро́ко?” И Ёв пхэ́ндя́: “Над.” ²² Тэ́ды пхэ́ндлэ́ лэ́скэ: “Кон ту дасаво сан? Соб (кай) амэ́ тэ́ роспхэ́нас манушэ́нгэ, савэ́ бичхадэ́ амэ́н, конэ́са ту ко́корó пэ́с гинэ́са?” ²³ Иа́но пхэ́ндя́ лэ́нгэ: “Мэ́ сом зан, сави́ дэ́ла го́дла пэ́ чхучи́ пхув: ‘Чхувэ́н маму́й (пря́мо) дро́м Ра́скэ-Дэвлэ́скэ’ сы́р пхэ́ндя́ проро́ко Исаё́.”” ²⁴ Мануша́, савэ́ сыс бичхадэ́ пхучи́бна́са кэ́ Иа́но, сыс Фарисе́ндыр. ²⁵ Ёнэ́ пхучнэ́ лэ́стыр: “Со (ко́ли) ту на сан Христóсо, на сан Илия́, на сан Проро́ко, тэ́ды со́скэ ту болэ́са манушэ́н?” ²⁶ Иа́но отпхэ́ндя́ лэ́нгэ лавэ́нца: “Мэ́ болава́ панэ́са; нэ́ машкира́л тумэ́ндэ́ исын тэ́рдó Вари-Кон, Савэ́с тумэ́ на джи́нэна. ²⁷ Давá исын Ёв, Савó джа́ла пал ма́ндэ, Савó яця́ ангил ма́ндэ, Савэ́скэ мэ́ на сом мол тэ́ роспханда́в сими́ри пэ́ Лэ́скирэ́ гэ́ритка (обув).” ²⁸ Давá сарó сыс дрэ́ Вифа́ния пэ́ дова́ Иордано́скиро брэ́го, одо́й, кай Иа́но болды́.

Дэвлэ́скиро Бакрорó

²⁹ Пэ́ яви́р дывэ́с Иа́но дыкхэ́ла Исусóс, Савó джа́ла кэ́ ёв и ракирэ́ла: “Га́да, исын Дэвлэ́скиро́ Свэ́нто́ Бакрорó, Савó лэ́ла пэ́ Пэ́стэ́ свэ́тоски́ро грэ́хо. ³⁰ Га́да, исын Ёв, пал Конэ́стэ мэ́ раки́рдэ́м: “Пал ма́ндэ́ джа́ла Му́рш, Савó яця́ ангил ма́ндэ, пал-дова́, со Ёв сыс гарэ́ды́р Ма́ндыр.”” ³¹ Мэ́ Лэс на джи́ндэ́м, а мэ́ явде́м ваш дова́ тэ́ болав дрэ́ пані́, соб (кай) Израилё́ тэ́ уджи́нэл пал Лэ́стэ.”” ³² Иа́но допхэ́нэ́лас, раки́ри: “Мэ́ дыкхце́м Ду́хо (Фа́но),

саво зджалас болыбнастыр сыр голумбо, и Ёв яцяпэ пэ Лэстэ. ³³ Мэ на джидём Лэс: нэ Одовá, Кон бичхадя ман тэ болав дро пани́, пхэндя́ ма́нгэ: “Пэ Конэстэ дыкхэса Дүхо (Фáно), Саво явэла тэ джал тэлэ болыбнастыр и ячэлапэ пэ Лэстэ, Ёв исын Кодовá, Кон явэла тэ болэл Свэнтонэ Духоса.” ³⁴ Мэ дыкхцём дава́ и допхэнава, со Ёв исын Дэвлэскиро Чхаво́”

Пэ́рва Исусо́скирэ Сыкляибны́тка

³⁵ Пэ яви́р дывэс Иáно нэвэстыр (нэвэс) сыс тэрдó дүе Пэскирэ сыкляибны́тконэ́нца. ³⁶ Дыкхи́ Исусо́с, Саво джалас пашыл, ёв пхэндя́: “Гáда, исын Свэ́нто Бакрорó Дэвлэскиро.” ³⁷ Дуй Ианоскирэ сыкляибны́тка шундлэ́ далэ лава́ и гинэ пал Исусо́стэ. ³⁸ Ёв обрисия и дыкхця́, со ёнэ джана́ пал Лэстэ, и ракирэла́ лэ́нгэ: “Со тумэ́ камэ́на?” Ёнэ пхэндлэ́ Лэскэ: “Равви! (со значынэ́ла Сыклякирибна́скиро), кай Ту дживэ́са?” ³⁹ Ёв раки́рла лэ́нгэ: “Джа́н и дыкхэ́н.” Ёнэ гинэ́ Лэ́са и дыкхэ́н, кай Ёв дживэ́ла, и ёнэ сыс кэ́ Ёв дова́ дывэ́с. Сыс пашэ́ дэш мардэ́ (штунды). ⁴⁰ Екх лэ́ндыр, саво́ шундя́ Иано́стыр пал Исусо́стэ и саво́ гия́ пал Лэстэ сыс о́ Ендри, Симоноскирэ-Пэ́трискиро́ пшал. ⁴¹ Англэды́р ёв латхя́ Симонос, пэскирэ́ пшалэс и пхэндя́ лэ́скэ: “Амэ́ латхям́ Месия́с” /со значынэ́ла Христосо́с/. ⁴² Ёв яндя́ лэс кэ́ Исусо́. Исусо́, подыкхи́ пэ лэ́стэ, пхэндя́: “Ту сан Сýмоно, Ианоскиро́ Чхаво́; тут явэ́на тэ кхарэ́н “Кифа” – дава́ значынэ́ла: бар (Пэ́три).

Исусо́ Кхарэ́ла Фили́пос и Нафанаи́лос

⁴³ Пэ яви́р дывэс Исусо́ кэдыяпэ́ тэ джал кэ́ Галилэ́я. Одóй Ёв стрэ́ниндя́ (пири́лыя) Фили́пос и ракирэ́ла лэ́скэ “Джа́ пал Ма́ндэ.” ⁴⁴ Фили́по сыс Вифсаидаты́р, екхэ́ форóстыр Ендри́са и Пэ́триса. ⁴⁵ Фили́по латхя́ Нафанаи́лос и пхэндя́ лэ́скэ: “Амэ́ латхям́ Одолэ́с, пал Конэ́стэ Мóйза чхиндя́ дро Зако́но и проро́ки – Исусо́с, Ёза́скирэ́ чхавэ́с Назаретосты́р.” ⁴⁶ Нафанаи́ло пхэндя́ лэ́скэ: “Назаретосты́р? Ци сашты́ (могинэ́ла) тэ явóл вари-со́ лачхó Назаретосты́р? Яв и дыкх́ ко́корó”, – ракирэ́ла лэ́скэ Фили́по. ⁴⁷ Исусо́ дыкхця́, со Нафанаи́ло джала́ кэ Ёв, и пхэндя́ пал лэ́стэ: “Гáда, исын чачу́но Израильтя́нино, саво́ исын би́ хохаибна́скиро.” ⁴⁸ Нафанаи́ло ракирэ́ла Лэ́скэ: “Ту каты́р джинэ́са ман?” “Ангíл дава́, сыр Фили́по кхардя́ тут, Мэ дыкхцём́ тут тэл инжы́ритко кашт́ (дрéво)”, – отпхэндя́ лэ́скэ Исусо́. ⁴⁹ Тэды́ Нафанаи́ло отпхэндя́ Лэ́скэ: “Равви! Ту сан Дэвлэ́скиро Чхаво́, Ту сан Кра́ли Израилё́скиро!” ⁵⁰ Исусо́ пхэндя́ лэ́скэ: “Пал-дова́ со́ Мэ́ тукэ́ пхэндём́: ‘Мэ́ дыкхцём́ тут тэл инжы́ритко кашт́, ту патя́са? Ту явэ́са тэ́ дыкхэ́с буты́р далэ́стыр.” ⁵¹ И Ёв пхэндя́ лэ́скэ: “Чачэ́с, чачэ́с, Мэ́ ракира́ва тумэ́нгэ́: тумэ́ дыкхэ́на отчаки́рдо (пси́радо) болыбэ́н и Дэвлэ́скирэ́ Янголэ́н, саво́ явэ́на тэ́ газдэ́нпэ́ кэ́ Манушэ́скиро Чхаво́ и тэ́ джа́н тэлэ́ кэ́ Ёв!”

1:1 ^[1] ‘Лав’ ада́й сыкавэ́ла Христосо́с.

Шэ́ро 2

Бья́в дрэ́ Кана́

¹ Пэ́ трýто дывэ́с сыс бья́в дрэ́ Кана́, сави́ сыс дрэ́ Галилэ́я, и Исусо́скири́ Дай́ сыс одóй. ² Исусо́ ады́кэ-паць сыс кхардо́ Пэ́скирэ́ сыкляибны́тконэ́нца пэ́ бья́в. ³ И сыр на́ яця́ буты́р мол (вино), то Исусо́скири́ Дай́ ракирэ́ла Лэ́скэ: “Лэ́ндэ́ нанэ́ буты́р мол” ⁴ И ракирэ́ла ла́кэ Исусо́: “Ваш со́ Ту ракирэ́са дава́ Ма́нгэ, Дро́го Джу́влие? Миро́ мардó (штýнда) тэ́ кэра́в Дэвлэ́скирэ-Дадэ́скири́ во́ля ишчо́ (инкэ́) на́ явдя́. ⁵ Лэ́скири́ Дай́ пхэндя́ дына́рьэ́нгэ: “Со Ёв пхэ́нэла́ тумэ́нгэ́, кэ́рэн дова́.” ⁶ Сыс одóй шов вучэ́ бару́нэ кхорэ́ (жбаны́), савэ́ сыс тэрдэ́ ваш панитко́ обмори́бэн пир Юдэ́нгири́ манера́, дрэ́ савэ́ заджана́с кэ́ шэл тэ́ биш литры́ пани́. ⁷ Исусо́ ракирэ́ла лэ́нгэ: “Чхувэ́н пани́ дрэ́ вучэ́ кхорэ́.” Дына́рья́ чху́дэ пани́ дрэ́ кхорэ́ кэ́ брэ́ги. ⁸ “Какана́ пхэ́рэн и лы́джан кэ́ бья́витко́ пхурэ́ды́р”, – ракирэ́ла Исусо́. И лы́джинэ́.

⁹ Кéли бъявитко пхурэдýр покоштындя пани́, савó яцý сыр мол, /нэ ёв на джиндý, каты́р дая́ мол лыяпэ, екх дына́рья (служытели) джиндлэ́, савэ́ ж чхудэ́ дрэ вучэ́ пирья́ пани́/, Ёв кхарэ́ла Тэрнэс кэ́ пэ, ¹⁰ и ракирэ́ла лэскэ́: “Сарэ́ манушá дэна англыды́р лачхí мол, а сыр матёна́, коригэдýр (позжэдýр) чхувэ́на фуедýр; ту ж лачхí мол рахцян кэ́ дава́ часо.” ¹¹ Адýкэ Исýсо сыкадý пэрво́ дýво пэ́ бъяв дрэ́ Канá. Ёв сыкадý Пэскири́ зор и сла́ва далэ́са, и Лэскирэ́ сыкляибнýтка (учэники) патяндынэ́ дрэ́ Лэстэ́. ¹² Палó дава́ явдý Ёв дро Капернаумо, и Лэ́са сыс Дай, пшáла и Лэскирэ́ сыкляибнýтка и ёнэ́ явнэ́ одóй нáбут дывэ́са.

Исýсо Джáла дрэ́ Кхангири́

¹³ Кéли явэ́лас пир часо́ Юдýтко Патрадý, Исýсо явдý дро́ Ерусалимо. ¹⁴ Ёв латхý дрэ́ Кхангири́ манушэ́н, савэ́ бикнэ́нас гурувэ́н, бакрэн́ и голумбэ́н; явýр сыс бэштэ́ и парувэ́нас ловэ́; ¹⁵ и кэрдý Исýсо чхупны́ шолэндýр, трады́я лэн яври́ сарэ́н Кхангиры́атыр кхэтанэ́ бакрэнца́ и гурувэнца́ и обрискирдý ловэнгирэ́-паруибна́рьенгирэ́ скаминда́ и росчхудý лэнгирэ́ ловэ́. ¹⁶ И пхэндý Исýсо манушэ́нгэ, савэ́ бикнэ́нас голумбэ́н: “Закэдэ́н лэн адатхýр! На кэрэ́н тарго́ Мирэ́-Дадэскирэ́ Кхэрэ́стыр.” ¹⁷ Лэскирэ́ сыкляибнýтка пририпирдэ́, со сыс чхиндлó дрэ́ Свэ́нто Чхиныбэ́н: “Зэвлыныпэ́н (Ревно́сть) кэ́ Тыро́ Кхэр явэ́ла тэ́ хачкирэ́л Ман сыр яг.” ¹⁸ Юды́ лынэ́ тэ́ трэ́бинэн Лэ́стыр отпхэ́ныбэ́н: “Сóса Ту допхэ́нэса амэ́нгэ, со тýтэ́ исын право́ тэ́ кэрэ́с адýкэ?” ¹⁹ Исýсо пхэндý лэ́нгэ дрэ́ отпхэ́ныбэ́н: “Роспхагирэ́н дая́ Кхангири́, и Мэ́ пал трин́ дывэ́са́ газда́ва ла нэ́вэ́стыр.” ²⁰ Тэды́ Юды́ ракирэ́на Лэ́скэ: “Штардэ́шá шов бэрш́ кэрдэ́ дая́ Кхангири́ и Ту пал трин́ дывэ́са́ газдэ́са ла нэ́вэ́стыр?” ²¹ Исýсо ж ракирдý на пал баруны́ Кхангири́, а Лэ́стэ́ пэ́ годý сыс Лэ́скирэ́ масá, Савэ́ исын Кхангири́. ²² Кéли Ёв отджидýя мулэ́ндыр, Лэ́скирэ́ сыкляибнýтка пририпирдэ́ дава́, и патяндынэ́ Свэ́нтонэ́ Чхиныбна́скэ́ и лавэ́скэ́, савó Исýсо пхэндý.

Исýсо Джинэ́ла, Савэ́ Манушá Исын

²³ Дро́ дова́ часо́, кéли Исýсо сыс пэ́ Патрадитко́ свэ́нко дро́ Ерусалимо, бут манушá, савэ́ дыкхнэ́ дýвы, савэ́ Ёв кэрдý, патяндынэ́ дрэ́ Лэ́скиро лав. ²⁴ Исýсо Кокорó никонэ́скэ́ лэ́ндыр на допатя́лас Пэс, пал-дова́ со Ёв джиндý лэн сарэ́н. ²⁵ Лэ́скэ́ на трэ́индý тэ́ пхучэл́ пал манушэ́стэ́, Ёв Кокорó джиндý сарó, со сыс андрáл манушэ́стэ́.

Шэ́ро 3

Исýсо Ракирэ́ла Никадимóса

¹ Сыс ману́ш Фарисеенды́р, екх Юдэ́нгирэ́-тхэмэ́скирэ́ барыдырэ́ндыр, лэс кхардэ́ Никадимо, ² савó явдý ратý кэ́ Исýсо и пхэндý Лэ́скэ: “Равви! Амэ́ джинáса, со Ту сан бичхадó Дэвлэ́стыр сыр Сыклякирибна́скиро, пал-дова́ со дасавэ́ дýвы, савэ́ Ту кэрэ́са, никон́ на мого́нэла́ тэ́ кэрэл́, ко́ли тэ́ на явэл́ лэ́са Дэвэл́.” ³ Исýсо дро́ отпхэ́ныбэ́н пхэндý лэ́скэ: “Чачэ́с, чачэ́с Мэ́ ракира́ва тýкэ: кон на бияндéла нэ́вэ́стыр, на дыкхэ́ла Кралипэ́н дро Дэвлэ́скиро Раё́.” ⁴ Никадимо́ пхучэ́ла Лэ́стыр: “Сыр дава́ барó (стало) ману́ш мого́нэла́ тэ́ бияндéл нэ́вэ́стыр? Ци мого́нэла́ Ёв нэ́вэ́стыр тэ́ заджа́л палэ́ дрэ́ лэ́скирэ́-дакири́ лочови́ (утроба) и тэ́ бияндéл явýр мо́ло?” ⁵ Исýсо отпхэндý: “Чачэ́с, чачэ́с, Мэ́ ракира́ва тýкэ: ко́ли кон на бияндéла панэ́стыр и Духóстыр (Фаностыр), ёв нашты́ тэ́ заджа́л дро Кралипэ́н дро Дэвлэ́скиро Раё́. ⁶ Кодова́, со исын бияндло́ манушы́тконэ́ лочаты́р, исын манушы́тка масá дрэ́ лоч; кодова́, со исын бияндло́ Духóстыр, исын дýхо (фа́но). ⁷ На дивинэ́нпэ́ пэ́ дава́, со Мэ́ пхэндéм, со тумэ́нгэ́ трэй́ тэ́ бияндéн нэ́вэ́стыр. ⁸ Дýхо (Фа́но) пхурдэ́ла, кариќ трэй́ лэ́скэ. Ту шунэ́са ла́кири зан, и на джинэ́са, каты́р ёй́ лэ́лапэ́ и кариќ ёй́ кэрлапэ́. Адýкэ́ исын кажно́нэ́ манушэ́са, кон исын бияндло́ Духóстыр.” ⁹ Никадимо́ пхэндý и пхуцý́ Лэ́стыр: “Ци сашты́ (можно) дасаво́ тэ́ явэл́?” ¹⁰ Исýсо отпхэндý лэ́скэ: “Ту сан Израилэ́скиро Сыклякирибна́скиро и ту на джинэ́са дава́? ¹¹ Чачэ́с, Мэ́ чачэ́с ракира́ва тýкэ: амэ́ ракираса́

пал дова́, со амэ джина́са, и допхэнаса пал дова́, со амэ дыкхцям; а тумэ мануша́, со на пригалёна амаро́ допхэныбэн. ¹² Ко́ли Мэ пхэндём тумэнгэ пал джи́ибэн пэ пхув, и тумэ на патя́на, сыр тумэ явэ́на тэ патя́н, ко́ли Мэ ява́ва тэ ракира́в тумэнгэ пал джи́ибэн дро Болыбна́скиро Раё? ¹³ Никон на сыс пэ болыбэн апрі́ч Одолэ́стэ, кон гия́ тэлэ́ болыбна́стыр, дава́ исын Чхаво́ Манушэ́скиро, Саво́ дживэ́ла дро Болыбна́скиро Раё. ¹⁴ Сыр Мо́йза (Моисеё́) газды́я сапэс пэ чхучи́ пхув, ады́кэ Чхавэ́скэ Манушэ́скирэскэ трэ́индя́ тэ явэл газдыно́, ¹⁵ соб (кай) ка́жно, кон патя́ла дрэ́ Лэ́стэ, тэ на хасе́л, а тэ явэл лэ́стэ ве́чно джи́ибэн. ¹⁶ Дэвлэ́скэ ады́кэ яця́ дро́го свэ́то, со Ёв отды́я Пэ́скирэ Екхэ́бияныпны́тконэ́ Чхавэ́с, соб (кай) ка́жно, кон явэ́ла тэ патя́л дрэ́ Лэ́стэ, тэ на хасе́л, а тэ явэл лэ́стэ ве́чно джи́ибэн. ¹⁷ Дэвэл на бичхадя́ Пэ́скирэ Чхавэ́с дро свэ́то, соб (кай) тэ сэнды́кирэ́л свэ́то, а соб (кай) пир Лэ́стэ свэ́то тэ явэл зракхно́. ¹⁸ Одо́ва, кон патя́ла дрэ́ Лэ́стэ, сэнды́кирдо на явэ́ла, а кон на патя́ла, исын сэнды́кирдо, пал-дова́ со ёв на патя́ндыя дрэ́ Екхэ́бияныпны́тконэ́ Дэвлэ́скирэ-Чхавэ́скиро лав. ¹⁹ Сэндо́ исын дрэ́ дова́, со дуд явды́ дро свэ́то, а манушэ́нгэ буты́р пир ило́ яця́ калыпэ́н (це́мныма), сыр дуд, пал-дова́ со лэ́нгирэ́ рэ́нды (де́лы) сыс нала́чхэ. ²⁰ Ка́жно, кон кэ́рэла фуи́пэ́н, лэ́скэ исын на пир ило́ дуд (свэ́то), и ёв на джа́ла кэ́ дуд, пал-дова́, соб (кай) тэ ячэ́н джидлэ́ нала́чхэ́ рэ́нды лэ́скирэ. ²¹ Нэ́ одова́, кон дживэ́ла пир чачи́пэ́н, джа́ла кэ́ дуд, соб (кай) тэ явэ́н би́цялэ́ лэ́скирэ́ рэ́нды, савэ́ ёв кэ́рэла пир Дэвлэ́скиро лав.” ²² Пало́ дава́ явды́ Иису́со Пэ́скирэ сы́кляибны́тконэ́нца пэ́ Юдэ́якири пхув и одо́й яця́пэ́ лэ́нца и болды́ манушэ́н. ²³ Иа́но дрэ́ дова́-са́мо часо́ болды́ дро Ено́но, со исын пашы́л Сали́мо, кай сыс бут па́ни, и мануша́ явэ́нас и ёв болды́ лэ́н. ²⁴ Дава́ сыс анги́л, сыр Иа́нос чху́дэ дро шта́рибэн. ²⁵ Екхвар Иа́носкирэ сы́клытконэ́ндэ́ вы́гия́ чинга́рд Юдэ́нца пал обмо́рибэн пир Юды́тко ма́нера. ²⁶ Сы́кляибны́тка явнэ́ кэ́ Иа́но и пхэ́ндлэ́ лэ́скэ: “Равви́! Одо́ва́ ману́ш, Саво́ сыс ту́са пэ́ Иорда́но и пал Савэ́стэ́ ту допхэ́нэсас, га́да, Ёв болэ́ла, и сарэ́ джа́на кэ́ ёв.” ²⁷ Иа́но отпхэ́нды́я и пхэ́нды́я лэ́нгэ: “Ману́ш на́шты́ нисо́ тэ́ кэ́рэ́л ко́коро́ пэ́стыр, ко́ли на явэ́ла дыно́ лэ́скэ́ болыбна́стыр. ²⁸ Тумэ́ ко́коро́ сан якхи́тка Ма́нгэ́ дро дова́, со мэ́ пхэ́ндём: ‘Мэ́ на сом Хри́сто́со, мэ́ со́мас бичхадэ́ анги́л Лэ́стэ́’. ²⁹ Тэ́рны́ исын ва́ш Тэ́рнэ́скэ́, а Тэ́рнэ́скиро дру́го (ма́л), саво́ исын тэ́рдэ́ пашы́л, шунэ́ла лэ́с и ра́дынэ́лапэ́, кэ́ли шунэ́ла, со ёв ра́кирэ́ла. Ка́дая́ ми́ри ба́хт явды́ сарэ́са́ кэ́ мэ́. ³⁰ Лэ́скэ́ трэ́й тэ́ барьё́л, а ма́нгэ́ тэ́ ты́кнё́вав. ³¹ Кодова́, Кон явды́ вучи́пна́стыр, исын вучэ́ды́р сарэ́нды́р; а кон би́я́ндыя пэ́ пхув исын пху́витко, и ра́кирэ́ла сыр ману́ш, саво́ дживэ́ла пэ́ пхув. Кодова́, Кон явды́ Болыбна́скирэ́ Раё́стыр, исын вучэ́ды́р сарэ́нды́р. ³² Ёв допхэ́нэ́ла дова́, со Ёв ко́коро́ дыкхця́ и шунды́, а никон на прига́лэ́ла Лэ́скиро допхэ́ныбэн. ³³ Нэ́ кон прига́лэ́ла Лэ́скиро допхэ́ныбэн, одова́ допхэ́нэ́ла, со Дэвэл исын чачу́но. ³⁴ Пал-дова́ со Кодова́, Конэ́с бичхадя́ Дэвэл, ра́кирэ́ла лава́ Дэвлэ́скирэ́, пал-дова́ со Дэвэл дэ́ла Пэ́скиро Ду́хо (Фа́но) Лэ́скэ́ би́ мера́киро. ³⁵ Дадэ́скэ́ исын дро́го лэ́скиро Чхаво́ и Ёв саро́ отды́я дрэ́ Лэ́скирэ́ васта́. ³⁶ Одо́ва, кон патя́ла дрэ́ Дэвлэ́скирэ́ Чхавэ́стэ́, лэ́стэ́ явэ́ла ве́чно джи́ибэн; а кон на патя́ла дрэ́ Дэвлэ́скирэ́ Чхавэ́стэ́, одова́ на дыкхэ́ла джи́ибэн, а Дэвлэ́скири хо́лы явэ́ла пэ́ лэ́стэ́ саро́ ве́ко.”

Шэро́ 4

Ису́со и Самари́якири́ Джувлы́

¹ Иису́со уджинды́, со Фа́рисеи́ шундлэ́, со Лэ́стэ́ исын буты́р сы́кляибны́тка, и со Ёв болэ́ла бутэ́ды́р манушэ́н, сыр Иа́но. ² Ко́коро́ Иису́со на болды́, Лэ́скирэ́ сы́кляибны́тка кэ́рдэ́ дава́. ³ Сыр Ёв уджинды́ дава́ саро́, тэ́ды ма́кця́ Юдэ́якири пхув и риси́я палэ́ дрэ́ Галиле́я. ⁴ И трэ́бинды́я Лэ́скэ́ тэ́ джал пир Самари́я. ⁵ Га́да, Ёв явды́ дрэ́ Самари́якиро́ фо́ро, саво́ кхардэ́ Сиха́рь, пашы́л фэ́лда, сави́ ды́я Яково́ пэ́скирэ́ чхавэ́скэ́ Ёза́скэ́. ⁶ Одо́й сыс Яковоски́ри га́ны́нг (коло́дцо). Иису́со кхи́ныя дро́мэ́стыр и бэ́сця́ тэ́ отки́нёл пашы́л га́ны́нг; га́да, сыс пашэ́ шов ма́рдэ́ (шту́нды). ⁷ Явды́ тэ́ пхэ́рэ́л па́ни́ джу́влы́ Самари́ятыр. ‘Дэ́ Ма́нгэ́ тэ́ пья́в па́ни́’, – ра́кирэ́ла Иису́со ла́кэ́. ⁸ Палда́ва со Лэ́скирэ́ сы́кляибны́тка гинэ́ дро фо́ро тэ́ кинэ́н ха́бэн. ⁹ Самари́янка ра́кирэ́ла Лэ́скэ́: “Сыр? Ту́ сан Юдо́, ма́нгэ́са ма́нды́р, Самари́янка́тыр тэ́ пьес? Рэ́ндо (де́ло) дрэ́ дова́, со Юды́ на пинэ́ екхэ́ кучика́тыр Самари́яэ́нца. ¹⁰ Иису́со пхэ́нды́я

дро отпхэныбэн лăкэ: “Кóли ту джинэсас, со Дэвэл дэла и Кон одова́ исын, Саво ракирэла тукэ: “Дэ Мánгэ тэ пъяв,’ тэды ту кокори мангэсас Лэстыр, и Ёв дэлас тукэ джидо пани́.” ¹¹ Джувлы ракирэла Лэскэ: “Мро Раё! Тútэ нанэ со́са тэ пхэрэс пани́ и ганы́нг исын хор: Каты́р Тукэ тэ лэс джидо пани́?” ¹² Ту, хай, на сан барэды́р амарэ́ дадэстыр Яковостыр, саво́ дый́ дая ганы́нг амéнгэ, пия́ ёв кокорó, и чхавó лэскирэ, и кхэ́рйтка мурдала́ лэскирэ (ското)?” ¹³ Исýсо отпхэндя́ лăкэ: “Одова́, кон пьела́ дава́ пани́, явэ́ла тэ камэл нэвэ́стыр тэ пьел.” ¹⁴ Нэ кон явэ́ла тэ пьел пани́, саво́ Мэ́ да́ва лэскэ, одова́ на явэ́ла тэ камэл тэ пьел сарó ве́ко; а пани́, саво́ Мэ́ да́ва лэскэ, ячэ́ла андрáл манушэ́стэ ганы́нгаса ваш дасаво пани́, саво́ лыджала́ дро ве́чно джи́ибэ́н.” ¹⁵ Джувлы ракирэла Лэскэ: “Раё! Дэ мánгэ дасаво пани́, соб (кай) мánгэ тэ на явав тэ камáм буты́р тэ пъяв и тэ на пси́рав адары́к тэ пхэ́рав пани́.” ¹⁶ Исýсо ракирэла лăкэ: “Джа́, кхар пэ́скирэ ромэс и яв адары́к.” ¹⁷ Джувлы отпхэндя́ и пхэндя́ Лэскэ: “Мáндэ нанэ ром.” Исýсо ракирэла лăкэ: “Чачипэ́н ту пхэндя́н, со тútэ нанэ ром; ¹⁸ тútэ сыс пандж ромá, а одова́ ману́ш, савэ́са ту ка́канá дживэ́са, ёв исын на ром тукэ; да́ва чачипэ́н ту пхэндя́н.” ¹⁹ Джувлы ракирэла Лэскэ “Раё! Мэ́ дыкха́ва, со Ту сан проро́ко.” ²⁰ Амарэ́ дада́ мангнэ́пэ Дэвлэ́скэ пэ́ да́я бэ́рга, нэ́ тумэ́ ракирэ́на, со штэ́то, кай трéй тэ мангэ́спэ Дэвлэ́скэ, исын дро Ерусали́мо.” ²¹ Исýсо ракирэла лăкэ: “Патя́ Мánгэ, джувлы́, со явэ́ла часо (цы́ро), кэ́ли на пэ́ да́я бэ́рга и на дро Ерусали́мо явэ́на тэ мангэ́нпэ́ Дадэ́скэ.” ²² Тумэ́ на джинэ́на, конэ́скэ́ тумэ́ мангэ́напэ́: нэ́ амэ́ джинáса, конэ́скэ́ мангаса́пэ, пал-дова́ со зракхи́бэ́н явэ́ла Юдэ́ндыр.” ²³ Нэ́ явэ́ла, и а́канá явдя́ часо, кэ́ли чачуно́ дэвлы́тка явэ́на тэ́ дэн паты́в пир дýхо (фа́но) и чачипэ́н, пал-дова́ со адасавэ́н дэвлы́тконэ́н родэ́ла Пэ́скэ́ Дэвэл Дад.” ²⁴ Дэвэл исын дýхо (фа́но), и кон мангэ́лапэ́ Лэскэ́, трéй тэ мангэ́лпэ́, сыр подпхэ́нэ́ла Лэ́скиро́ Дýхо (Фа́но) дро чачипэ́н.” ²⁵ Джувлы ракирэла Лэскэ: “Мэ́ джинóм (джина́в), со явэ́ла Месия́, га́да, исын Христóсо; кэ́ли Ёв явэ́ла, тэды Ёв сарó́ распхэ́нэ́ла амéнгэ.” ²⁶ Исýсо ракирэла лăкэ: “Га́да, Мэ́ сом Кодова́, Кон ракирэ́ла тýса.” ²⁷ Дро да́ва часо (цы́ро) явнэ́ Лэ́скирэ сы́кляибны́тка и дивиндлэ́пэ, со Ёв ракирдя́ джувля́са; нэ́ усаéкх никóн на пху́ця́ Лэ́стыр: “Со́ Ту пхучэ́са?” Ци: “Пал со́ Ту ракирэ́са ла́са?” ²⁸ Тэды джувлы́ ячкирдя́ пэ́скиро кхорó́ ваш пани́, и гия́ дро фо́ро, и пхэндя́ манушэ́нгэ: ²⁹ “Джа́н, дыкхэ́н Манушэ́с, Саво́ пхэндя́ мánгэ сарó, со́ мэ́ кэ́рдём, ци на Ёв исын Христóсо?” ³⁰ И ё́нэ гинэ́ форóстыр и гинэ́ кэ́ Исýсо.” ³¹ Дро до́ва́ часо сы́кляибны́тка мангнэ́ Лэс, раки́ры: “Равви́, ха ва́ри-со!” ³² Нэ́ Ёв пхэндя́ лэ́нгэ: “Мáндэ исын ха́бэ́н, пал саво́ тумэ́ на джинэ́на.” ³³ Сы́кляибны́тка лы́нэ тэ ракирэ́н машки́р пэ́стэ: “Ци мо́гинэ́ла тэ́ явэ́л, со ва́ри-кон я́ндя́ Лэ́скэ тэ́ хал?” ³⁴ Исýсо ракирэла лэ́нгэ: “Миро́ ха́бэ́н исын тэ́ кэ́рав во́ля Одо́лэскири, Кон бичхадя́ Ман, и тэ́ кэ́рав Лэ́скиро рэ́ндо.” ³⁵ Ци на тумэ́ ракирэ́на, со пир шта́р чхонá́ явэ́ла гивэ́скиро чхи́ныбэ́н? Нэ́, га́да, Мэ́ ракира́ва тумэ́нгэ: га́здэ́н пэ́скирэ́ я́кха́ и дыкхэ́н пэ́ фэ́лды, сыр Ё́нэ́ я́чнэ́ парнэ́ кэ́ счхи́ныбэ́н.” ³⁶ Кон чхи́нэ́ла, лэ́ла плэ́скирибэ́н и скэ́дэ́ла барья́кирдó (плóдо) дро ве́чно джи́ибэ́н и одова́, кон се́инэ́ла и чхи́нэ́ла, явэ́на кхэ́танэ́ тэ́ рады́нэ́нпэ.” ³⁷ Пал-дова́ со́ дро да́ва исын чачуно́ пхэ́ныбэ́н: ‘Е́кх се́инэ́ла, яви́р счхи́нэ́ла’. ³⁸ Мэ́ бичхадём́ тумэ́н тэ́ чхи́нэ́н до́ва, со́ тумэ́ на се́индлэ́: яви́р одóй се́индлэ́, а тумэ́ лэ́на плэ́скирибэ́н лэ́нгирэ́ бутя́тыр.” ³⁹ Бут ж мануша́ Самария́тыр патя́ндынэ́ дрэ́ Исусóстэ́ пир джувля́киро лав, сави́ распхэ́нэ́лас, со Ёв пхэндя́ лăкэ́ сарó, со́ ё́й кэ́рдя́.” ⁴⁰ И кэ́ли Самаря́ни явнэ́ кэ́ Ёв, ё́нэ лы́нэ тэ́ мангэ́н Лэс тэ́ ячэ́лпэ́ лэ́ндэ, и Ёв я́цяпэ́ одóй пэ́ дуй дывэ́са.” ⁴¹ Кэ́ли Ёв ракирдя́ лэ́нца, бут мануша́ патя́ндынэ́ дрэ́ Лэ́стэ́ пир Лэ́скиро лав.” ⁴² Ё́нэ пхэ́ндлэ́ одолэ́ джувля́кэ: “Ка́канá амэ́ патя́са на екхэ́ тырэ́ лавэ́нгэ, со́ ту амé́нгэ распхэ́ндя́н. Амэ́ шундя́м ко́корэ́ Лэс и джинáса, со́ Ёв исын чачуно́ свэ́тоскиро́ Зракхи́бна́ри.” ⁴³ Пир дуй дывэ́са́ Исýсо́ гия́ Пэ́скэ́ одотхы́р дрэ́ Галиле́я, ⁴⁴ палда́ва, со́ Ёв ко́корó до́пхэ́нэ́лас, со́ проро́кóс на кутя́кирэ́на пэ́ лэ́скири пхув.” ⁴⁵ Нэ́ кэ́ли Ёв явдя́ дрэ́ Галиле́я, Галилея́кирэ́ мануша́ прилы́нэ́ Лэс илэ́са. Ё́нэ ко́корэ́ сыс пэ́́ Свэ́нко́ Патра́ди́ дро Ерусали́мо и дыкхнэ́ сарó, со́ Ёв одóй кэ́рдя́ пэ́́ свэ́нко.” ⁴⁶ А́дякэ́ Исýсо́ нэвэ́стыр явдя́ дрэ́ Галилея́кири́ Кана́, кай Ёв панэ́стыр кэ́рдя́ мол (ви́но). Одо́й сыс ва́ри-саво́ кра́ли́скиро́ ману́ш, савэ́стэ́ дрэ́ Ка́перна́умо сыс насвалó́ чхавó.” ⁴⁷ Кэ́ли ада́ва́ ману́ш шундя́, со́ Исýсо́ рисия́ Юдэ́ятыр дрэ́ Галиле́я, то́ ёв явдя́ кэ́ Ёв и я́ця́ тэ́ мангэ́л Лэс, соб (кай) Ёв тэ́ састя́кирэ́л Лэ́скирэ́ чхавэ́с, саво́ сыс насвалó́ кэ́ мэ́рибэ́н.” ⁴⁸ Исýсо́ пхэндя́ лэ́скэ: “Тумэ́ мануша́ на мо́гинэ́на тэ́ патя́н, па́ка тумэ́ дыкхэ́на знаме́нии (герты́ка) и дивы́.” ⁴⁹ Кра́ли́скирэ́-

кхэрэскиро барыдырo ракирэла Лэскэ: “Раё Дэвла! Яв, пака миро чхаворo на мыя. ⁵⁰ Исусo ракирэла лэскэ: “Джa кхэрэ, тырo чхавo явэла тэ дживэл”, и адава мануш патяндья Исусoскирe лавэнгэ и гия. ⁵¹ Ёв сыс ишчо (инкэ) дро дром, Лэскирe писхарья пирилынэ лэс и пхэндлэ: “Тырo чхавo исын джидо.” ⁵² Ёв пхуця лэндир, дро савo мардо (часo) лэскэ яця локхэдыр. Ёнэ пхэндлэ: “Атася дро эфтато (битринэнгиро дэшто) мардо хачкирибэн пыя. ⁵³ И дад уджиндя, со дава сыс дрэ дова-паць часo, кели Исусo пхэндя лэскэ: “Тырo чхавo явэла тэ дживэл”, и ёв кокорo, и сарэ Лэскирe кхэрэстыр упатяндынэ. ⁵⁴ Давá сыс явир диво, савo кэрдя Исусo, кели Ёв явдя Юдэятыр дрэ Галилэя.

Шэро 5

Исусo Састякирэла пашыл Компиньитко Штэто

¹ Палo сарo дава сыс Юдытко свэнко, и Исусo гия дро Ерусалимо. ² Дро Ерусалимо, нaдур Бакритконэ портатыр, сыс вэндэри (прудо), савo пир Юдытко чиб кхарэлапэ “Вифезда”, паш сави сыс трэмо (коридоро) панджинэ прогиибнэнца. ³ Одой сыс паштэ бут насвалэ: корорэ, лангалэ, шукэ, /ёнэ ужакирэнас панескиро кунипэн/. ⁴ Пал-дова со Дэвлэскиро Янгoло пир дова-паць часo джалас тэлэ и куныкирэлас пани, и кон англэдыр заджалас дрэ вэндэрин (прудо), одова высастэла, савьяса дукхаса ёв тэ на явл. ⁵ Одой сыс екх мануш, савo сыс насвалo трияндаохто бэрш. ⁶ Исусo дыкхця лэс, со ёв сыс паштo и джины, со ёв исын насвалo адякэ гарá (длугэс), пхуця лэстыр: “Ци камэса ту тэ высастэс?” ⁷ Насвало мануш отпхэнэлас Лэскэ: “Раё! Мандэ нанэ мануш, савo чхувэлас ман дрэ вэндэрин, сыр пани куныкирэлапэ; а кели мэ явава пашылэдыр, тэды вари-кон явир змэкэлапэ англэдыр мандыр.” ⁸ Исусo ракирэла лэскэ: “Ушты, лэ пэскиро чхуибэн и псир.” ⁹ Кадава мануш дрэ дава-паць моментo высастия, лыя пэскиро чхуибэн и гия. Адава дывэс сыс савато (субота). ¹⁰ Палдава Юды ракирдэ высастякирдэскэ: “Ададывэс исын савато; түкэ нашты тэ лэс чхуибэн.” ¹¹ Ёв отпхэнэлас лэнгэ: “Одова, Кон ман высастякирдя, пхэндя мангэ: ‘Лэ пэскиро чхуибэн и псир?’” ¹² Ёнэ пхучнэ Лэстыр палдава: “Кон исын Одова Мануш, Савo пхэндя түкэ: ‘Лэ пэскиро чхуибэн и псир?’” ¹³ Нэ мануш, савo высастия, на джиндя кокорo, кон Ёв адасавo сыс, пал-дова со Исусo сыг гарадыя дро манушэнгиро скэдыибэн, савo сыс пэ дова штэто. ¹⁴ Коригэдыр (позжэ) Исусo стрэниндя лэс дрэ Кхангирй и пхэндя лэскэ: “Гáда, ту каканá сан састo: на грешын бутыр, соб (кай) тэ на кэрэлпэ туса вари-со фуедыр.” ¹⁵ Кадава мануш гия кэ Юды и роспхэндя лэнгэ, со мануш, Савo высастякирдя лэс, исын Исусo. ¹⁶ И палдава Юды ячнэ тэ традэн Исусoс пал дова, камй тэ замарэн Лэс, со Ёв кэрдя дасавэ рэнды (дэлы) дро савато. ¹⁷ Нэ Исусo отпхэндя лэнгэ: “Миро Дад кэ каканá кэрэла лачхэ рэнды и Мэ адякэ-паць кэрава.” ¹⁸ Тэды Юды ишчо (инкэ) бутэдыр лынэ тэ родэн Лэс, соб (кай) тэ замарэн Лэс, пал-дова, со Ёв фэни на свэнкиндя савато, нэ и кхардя Дэвлэс Пэскирэ Дадэса, сырбы Ёв гиндя Пэс адякэ-паць Дэвлэса.

Чхавэскиро Право

¹⁹ Нэ Исусo пхэндя лэнгэ: “Чачэс, чачэс, Мэ ракирава тумэнгэ: Чхавo нисo нашты тэ кэрэл Кокорo Пэстыр, коли Ёв тэ на дыкхэл, со кэрэла Дад, пал-дова со дова, со Дад кэрэла, дова-паць кэрэла и Чхавo. ²⁰ Пал-дова со Дадэскэ исын дрогo Лэскиро Чхавo и Ёв сыкавэла Лэскэ сарo, со кэрэла Кокорo; Ёв сыкавэла Лэскэ най бутыр рэнды далэндир, со тумэ явна тэ дивинэнпэ. ²¹ Пал-дова со, сыр Болыбнаскиро Дад газдэла мулэн и отджидякирэла лэн, адякэ-паць и Чхавo отджидякирэла одолэн, конэс исын Лэскэ пир ило. ²² Дад никонэс на сэндинэла, нэ Ёв допатяндья сарo сэндо Чхавэскэ; ²³ соб (кай) сарэ тэ кутякирэн Чхавэс, сыр кутякирэна Дадэс. Кон на кутякирэла Чхавэс, одова на кутякирэла и Дадэс, Савo бичхадя Лэс. ²⁴ Чачэс, чачэс Мэ ракирава тумэнгэ: одова, кон шунэла Миро Лав и патяла Кодолэскэ, Кон бичхадя Ман, лэстэ исын вечно джиибэн и ёв пэ сэндо на явэла, ёв каканá пиригия мэрибнастыр дро джиибэн. ²⁵ Чачэс, чачэс Мэ ракирава тумэнгэ: явэла часo и ёв

аканá явдý, кóли мулэ явэна тэ шунэн Дэвлэскирэ-Чхавэскири зан (глос), и, кон шунэла, отджидёла. ²⁶ Пал-довá со, сыр Дад рикирэла джиибэн Кокорó дрэ Пэстэ, пал-довá со Ёв сыс Кокорó джиибнаскири ганýнг, адýкэ-пацý и Чхавэскэ Ёв дýя зор тэ рикирэл джиибэн дрэ Кокорэстэ Пэстэ; ²⁷ и Ёв дýя Чхавэскэ право тэ сэндинэл, пал-довá со Ёв исын Манушэскиро Чхавó. ²⁸ На дивинэнпэ пэ давá, пал-довá со явэла дасаво часо, дрэ савó сарé мулэ, явэна тэ шунэн Дэвлэскирэ-Чхавэскири зан; ²⁹ и джána яври магилэндýр (кулэндýр): одолэ, савé кэрдé лачхипэн, отджидёна-ваш джиибнытко Кралипэн; а одолэ, савé кэрдé налачхипэн, отджидёна ваш довá, соб (кай) тэ явэн сэндиндлэ.

Исýсо Ракирэла пал Пэстэ и пал Ианóстэ

³⁰ Мэ нашты (на могонава) нисó тэ кэрáв Кокорó Пэстыр, Мэ сэндинава адýкэ, сыр Мángэ исын пхэндлó тэ сэндинав, и Миро сэндо исын чачунó, пал-довá со Мэ на кэрáва пир Пэскири воля, а пир Мирé-Дадэскири воля, Савó Ман бичхадý. ³¹ Кóли Мэ допхэнава Кокорó пал Пэстэ, то допхэныбэн Миро исын на чачунó. ³² Исын Мándэ явир якхитко (свидетелё), савó допхэнэла пал Мándэ, и Мэ джинóм, со сарó, со Ёв ракирэла пал Мándэ, исын чачипэн. ³³ Тумэ бичхавэнас манушэн кэ Иáно и лэскиро допхэныбэн исын чачунó. ³⁴ Мángэ на трэй манушэнги́ро допхэныбэн, а Мэ ракирэла ваш довá, соб (кай) тумэ тэ зракхэнпэ. ³⁵ Иáно сыс момолýтко (светильнико), савó хачолас и дэлас яг и тумэ вари-савó часо радындлэпэ паш лэскири яг. ³⁶ А Мándэ исын допхэныбэн барэдыр Ианоскирэстыр; одолэ рэндý, савé Дад дýя Мángэ тэ кэрáв, и савé Мэ кэрáва, давá исын допхэныбэн, со бичхадý Ман Миро Дад. ³⁷ Пал Мándэ допхэнэла Кокорó Миро Дад, Савó бичхадý Ман, тумэ ниéкхвар на шундлэ Лэскири зан, и на дыкхнэ Лэс. ³⁸ И тумэ на раххэна Лэскиро лав дрэ пэскирэ илэ, палдовá со тумэ на патýна Одолэскэ, Савэс Ёв бичхадý. ³⁹ Тумэ сыклякирэна миштэс Свэ́нто Чхиныбэн, пал-довá со тумэ дэна годы пэскэ думинэна, со пир лэстэ тумэндэ явэла вéчно джиибэн; а Свэ́нто Чхиныбэн допхэнэла пал Мándэ, ⁴⁰ нэ тумэ усаéкх на камэна тэ явэн кэ Мэ, соб (кай) тэ явэл тумэндэ вéчно джиибэн. ⁴¹ Мángэ на трэй, соб (кай) манушá тэ шарэн Ман. ⁴² Мэ джинóм (джина́в) миштэс тумэн, тумэ на рикирэн сыр Дро́гима Дэвлэс дро тумарó илó. ⁴³ Мэ явдём кэ тумэ ваш Мирé-Дадэскиро лав, и тумэ Ман на пригалёна, нэ кэли вари-кон явир явэла кэ тумэ кокорó пэстыр, тумэ пригалёнас лэс. ⁴⁴ Сыр тумэ мого́нэна тэ упатян, кэли тумэ прилэна манушы́тко шарибэн екх екхэстыр, а на родэна шарибэн екхэ Дэвлэстыр? ⁴⁵ Нá дэн годý пэскэ (нá думинэн), со Мэ явáва тэ бангякирав тумэн ангил Дадэстэ: Мóйза явэла тэ бангякирэл тумэн, пэ савэстэ тумэ розгинэна. ⁴⁶ Кóли тумэ патýнас Мóйзаскэ, тумэ и Мángэ патýнас, пал-довá со ёв чхиндý пал Мándэ. ⁴⁷ Нэ сыр тумэ на патýна долэскэ, со чхиндý Мóйза, сыр явэна тэ патýн долэскэ, со Мэ ракирэла тумэнгэ?”

Шэро́ 6

Исýсо Чалякирэла Пандж Тысёнцы Манушэн

¹ Палó давá Исýсо гия́ пэ явир Галилеякирэ ци Тивериадаскирэ-морёскири риг. ² И бут манушá гинэ пал Лэстэ, пал-довá со ёнэ дыкхнэ дýвы, савé Ёв кэрдý, кэли састякирдý насвалэн. ³ Исýсо гия́ упрé пэ бэрга и одóй бэсцý Пэскирэ сыкляибнытконэнца. ⁴ Явэлас сы́гэс Юды́тко свéнко, Патрадý. ⁵ Исýсо газдýя якхá и дыкхцý, со бут манушá джána кэ Ёв, ракирэла Филипоскэ: “Кай амэнгэ тэ кинас марó, соб (кай) тэ чалякирас лэн?” ⁶ Ёв ракирдý давá ваш довá, соб (кай) тэ пропатякирэл Филипос: Ёв кокорó джиндý, со Ёв явэла тэ кэрэл. ⁷ Филипо отпхэндý Лэскэ: “Дуй шэла динарьá на ухты́лла (на́доси) лэнгэ пэ марó, соб (кай) кажно́нэскэ лэндýр тэ дас пир котэр (куско).” ⁸ Екх Лэскирэ сыкляибнытконэндýр, га́да, сыс Ендри (Андреё), пшал Симоноскирэ Пэтрискиро, ракирэла Исусóскэ: ⁹ “Ада́й екхэ раклорэстэ исын пандж гэрстытка (ячменитка) марé и дуй мачхорé; нэ со давá ваш ада́кицы манушэнгэ?” ¹⁰ Исýсо пхэндý: “Пхэнэн лэнгэ тэ бэшэн.” Дрэ довá штéто сыс гэнсто чар. И

манушэн, савэ бэшнэ пэ чар, сыс пашэ пандж тысёнцы. ¹¹ Исусо лыя маро и парикирдя дрэ мангипэн Дэвлэскэ, роздыя сыкляибнытконэнгэ и сыкляибнытка дынэ манушэнгэ, савэ сыс бэштэ, и дова-паць Ёв кэрдя и мачхэнца и дыя кажнёнэскэ, ци бут, кон камдя. ¹² Кэли сарэ мануша чалынэ, Исусо пхэндя Пэскирэ сыкляибнытконэнгэ: “Кэдэн котэра (куски), савэ ячнэпэ, соб (кай) нисо тэ на хасёл.” ¹³ Ёнэ кэдынэ дэшудуй пхэрдэ корзыны (кхудэ) котэрэнца, савэ ячнэпэ палó (после) одолэндэ, кон хая панджэндыр гэрстытконэ марэндыр. ¹⁴ Мануша дыкхнэ, саво диво Ёв кэрдя и ёнэ пхэндлэ: “Дава исын кодова чачуно Пророко, Савэскэ Трэй банго тэ явэл дро свэто.” ¹⁵ Исусо галыя, со ёнэ камэна тэ явэн и тэ зачхувэн Лэс зорьяса тэ явэл кралыса; Ёв нэвэстыр гия лэндыр екхджино пэ бэрга.

Исусо Псирэла пир Пани

¹⁶ Кэли явдя бэльвэль, Лэскирэ сыкляибнытка гинэ кэ морё (дэрьяв). ¹⁷ И ёнэ бэшнэ дрэ барка, и традынэ пэ явир морёскири риг, дро Капернаумо. Яця калó (цёмно), а Исусо на джалас кэ ёнэ. ¹⁸ Пхурдэлас зоралы балвал, и морё (дэрьяв) кунинэласпэ. ¹⁹ Кэли ёнэ отпывиндлэ (дынэ плима дурэдыр) пэ трин ци штар вэрсты, тэды ёнэ дыкхнэ, со Исусо джалас пир морё (дэрьяв) кэ барка, и ёнэ страхадынэ. ²⁰ Нэ Ёв пхэндя лэнгэ: “Гáда, Мэ сом, на андыршан” ²¹ Ёнэ камлэ тэ лэн Лэс дрэ барка, нэ дрэ дова-паць моментó барка подтрадыя кэ брэго, одорык, карик ёнэ пливиндлэ.

Мануша Родэна Исусо

²² Пэ явир дывэс мануша, савэ сыс тэрдэ пэ доя морёскири риг, дыкхнэ, со одой априч екх барка, дрэ сави Лэскирэ сыкляибнытка бэшнэ, явир на сыс, и со Исусо на традыя дрэ доя барка Лэскирэ сыкляибнытконэнца, и со Лэскирэ сыкляибнытка традынэ екхджинэ. ²³ Тэды кэ брэго подтрадынэ и явир барки Тивериадатыр кэ дова штэто, кай ёнэ ханэ маро, саво Исусо бахтякирдя дро Дэвлэскиро мангипэн. ²⁴ И кэли мануша дыкхнэ, со нанэ адай ни Исусо, ни Лэскирэ сыкляибнытконэн, ёнэ бэшнэ дрэ барки и традынэ дро Капернаумо тэ родэн Лэс. ²⁵ Ёнэ латхнэ Лэс пэ явир морёскири риг и пхэндлэ Лэскэ: “Сыклякирибнаскиро! Кэли Ту явдян адарык?” ²⁶ Исусо пхэндя лэнгэ дро отпхэныбэн: “Чачэс, Мэ ракирава тумэнгэ: тумэ родэна Ман на палдова, со дыкхнэ дывы, а пал-дова, со тумэ ханэ маро и чалынэ. ²⁷ На кэрэн буты пал хабэн, саво пэ екх мо́ло, а родэн дова хабэн, саво явэла дрэ вечно джибэн; дава хабэн камэла Манушэскиро Чхаво тэ дэл тумэнгэ, – пал-дова со пэ Лэстэ чхудя Дэвлэ Дад Пэскири чэргэноры, со Ёв бахтякирэла дава.” ²⁸ Ёнэ пхучнэ Лэстыр: “Со амэнгэ трэй тэ кэрас ваш дова, соб (кай) амарэ рэнды (дэлы) тэ явэн лачхэ ваш Дэвлэскэ?” ²⁹ Исусо пхэндя лэнгэ дро отпхэныбэн: “Гáда, исын тумаро рэндо ваш Дэвлэскэ, соб (кай) тумэ тэ патян дрэ Одолэстэ, Конэс Ёв бичхадя.” ³⁰ Ёнэ пхучнэ Лэстыр: “Сави гертык (знамэниё) Ту сыкавэса амэнгэ, соб (кай) амэнгэ тэ дыкхас ла и тэ патяс Тукэ? Со Ту кэрэса? ³¹ Амарэ дада ханэ манново кхурми пэ чхучи пхув, сыр пал дава исын чхиндло дро Свэнто Чхиныбэн: ‘Ёв дыя маро болыбнастыр тэ хан.’” ³² Исусо пхэндя лэнгэ: “Чачэс, Мэ ракирава тумэнгэ: дава исын на Мойза (Моисеё) дыя маро тумэнгэ Болыбнастыр, а Мирó Дад дэла тумэнгэ чачуно маро болыбнастыр. ³³ Пал-дова со Дэвлэскиро маро исын Одова, Саво явэла (джала тэлэ) болыбнастыр и дэла джибэн свэтоскэ.” ³⁴ Тэды ёнэ пхэндлэ Лэскэ: “Раё Дэвла! Дэ амэнгэ ўсады (сак) дава маро.” ³⁵ Исусо пхэндя лэнгэ: “Мэ кокорó сом джибнаскиро маро; одова, кон явэла кэ Мэ, на явэла ниэкхвар бокхало, и одова, кон патяла дрэ Мандэ, ниэкхвар на явэла тэ камэл тэ пьел. ³⁶ Нэ сыр Мэ ракирдём, со тумэ дыкхнэ Ман, и усаэкх тумэ на патяна. ³⁷ Саро, со дэла Мэнгэ Дад, явэла кэ Мэ, и одолэс, кон кэ Мэ явэла, Мэ на традава яври. ³⁸ Пал-дова со Мэ явдём болыбнастыр на ваш дава, соб (кай) тэ кэрав дова, со Мэ кокорó камам, нэ, соб (кай) тэ кэрав пир Мирэ-Дадэскири во́ля, Саво бичхадя Ман. ³⁹ А во́ля Мирэ Дадэскири, Саво бичхадя Ман, исын дасави, соб (кай) нисо одолэстыр, со Ёв дыя Мэнгэ тэ на хасякирав, нэ саро дова тэ отджидякирав дро палатуно (последнё) дывэс. ⁴⁰ А во́ля Мирэ Дадэскири, Кон бичхадя Ман, исын дасави, соб (кай) кажно, кон

дыкхэла Чхавэс и патяла дрэ Лэстэ, тэ явэл лэстэ вэчно джибэн; и Мэ лэс оджидякирава дро палатунó (последнэ) дывэс.”⁴¹ Э Юды ракирдэ холямэс пэ Лэстэ пал дова, со Ёв пхэндя: “Мэ сом марó, савó явдя болыбнастыр.”⁴² Ёнэ ракирдэ: “Ци дава Исусо исын чхавó Ёзаскиро (Иосифоскиро), Савэскирэс Дадэс и Да амэ джинаса? Сыр Ёв могоинэла тэ ракирэл: “Мэ явдем болыбнастыр?”⁴³ Исусо пхэндя лэнгэ дро отпхэныбэн: “На ракирэн холямэс машкёр пэстэ.”⁴⁴ Никон на могоинэла тэ явэл кэ Мэ, коли на притэрдэла лэс кэ Пэ Дад, Савó бичхадя Ман; и Мэ оджидякирава лэс дро палатунó дывэс.”⁴⁵ Акэ, исын чхиндло: ‘Явэна сарэ сыклякирдэ Дэвлэстыр’. Кажно, кон шундя Дадэс и сыкля Лэстыр, явэла кэ Мэ; ⁴⁶ никон и на дыкхця Дадэс, апріч Одолэстэ, Кон явдя Дэвлэстыр, екх Ёв дыкхця Дадэс.”⁴⁷ Чачэс, чачэс Мэ ракирава тумэнгэ: одова, кон патяла дрэ Мандэ, кодолэскэ дэлапэ вэчно джибэн’.”⁴⁸ Мэ сом джибнаскиро марó.”⁴⁹ Маро, савó явэла болыбнастыр, исын дасаво, со кон хала лэс, одова на мэрэла.”⁵⁰ Тумарэ дада ханэ кхурми пэ чхучі пхув и мынó.”⁵¹ Мэ сом джидó марó, савó явдя болыбнастыр; кон явэла тэ хал Миро марó, одолэ манушэскэ дэлапэ вэчно джибэн; марó, савó Мэ дава, исын Мирі лоч (масá), савó Мэ отдава, соб (кай) свэто тэ дживэл.”⁵² Тэды Юды ячнэ тэ чингардэнпэ машкёр пэстэ, и ёнэ ракирдэ: “Сыр да Ёв могоинэла тэ дэл тэ хас амэнгэ Лэскири лоч (плоть)?”⁵³ Исусо пхэндя лэнгэ: “Чачэс, чачэс Мэ ракирава тумэнгэ: коли тумэ на явэна тэ хан Манушэскирэ-Чхавэскири лоч и на явэна тэ пьен Лэскиро рат, тэды тумэндэ на явэла джибэн дрэ пэстэ.”⁵⁴ Одова, кон хала Мирі Лоч и пьела Миро Рат, одолэскэ дэлапэ вэчно джибэн, и Мэ оджидякирава лэс дро палатунó дывэс; ⁵⁵ пал-дова со Лоч Мирі исын чачунó хабэн, и Рат Миро исын чачунó пибэн; ⁵⁶ кон хала Мирі Лоч и пьела Миро Рат, одова дживэла дрэ Мандэ, и Мэ ячавапэ дрэ лэстэ.”⁵⁷ Адякэ-паць, сыр Джидó Дэвлэс Дад бичхадя Ман, и Мэ дживава пал Дадэстэ, адякэ-паць и одова, кон хала Мирі лоч, явэла тэ дживэл пал Мандэ.”⁵⁸ Кадава исын марó, савó явдя болыбнастыр, ёв исын на дасаво, сыр марó, савó ханэ тумарэ дада и мынó: нэ одова, кон хала дава марó, явэла тэ дживэл вэчнэс.”⁵⁹ Давá Ёв ракирдя дрэ синагога, кели сыклякирдя дро Капернаумо.

Лавá пал Вэчно Джибэн

⁶⁰ Бут Лэскирэ сыкляибнытконэндыр, сыр шундлэ Лэс, ракирдэ: “Савó пхарó исын сыклякирибэн! Кон могоинэла дава тэ шунэл?”⁶¹ Исусо джидя, со Лэскирэ лавá холякирдэ сыкляибнытконэн, и Ёв пхэндя лэнгэ: “Ци дава зачхувэла тумэн тэ мэкэн Ман?”⁶² Нэ со явэла, кели тумэ явэна тэ дыкхэн, сыр Чхавó Манушэскиро газдэлапэ одорік, кай Ёв сыс англэдыр?”⁶³ Духó (Фáно) дэла джибэн, а дро манушэтко лоч (плоть) нанэ ни саві зор. Лавá, савó Мэ ракирава тумэнгэ, исын духó (фáно) и джибэн.”⁶⁴ Нэ исын машкёр тумэндэ и адасавэ, савó на патяна.” Пал-дова со Исусо джидя англэдыр, кон дрэ Лэстэ на патяла и кон бикнэла Лэс.”⁶⁵ И Ёв ракирдя: “Ваш дава и Мэ ракирава тумэнгэ, со никон на явэла кэ Мэ, коли дава на явэла дынó лэскэ Мирэ Дадэстыр.”⁶⁶ Пал дава бут Лэскирэ сыкляибнытка мэкнэ Лэс и ёнэ бутыр на псирдэ Лэса.”⁶⁷ Тэды Исусо пхэндя дэшудуенгэ: “Ци на камэна и тумэ тэ джан пэскэ?”⁶⁸ Симоно Пэтри Лэскэ отпхэндя: “Раё Дэвла! Кэ кон амэнгэ тэ джас? Тутэ исын лавá, савó дэна вэчно джибэн.”⁶⁹ Амэ аканá джинаса и патяса, со Ту сан Христóсо, Свэнтó Дэвлэскиро Чхавó.”⁷⁰ Исусо отпхэндя лэнгэ: “Ци на Мэ выкэдыём дэшудуен тумэн, нэ екх тумэндыр исын нalachxo.”⁷¹ Ёв ракирдя пал Юдастэ, Симоноскирэ-Искаріотоскирэ чхавэстэ, савó сыс екх дэшудуендыр, пал-дова, со ёв кэдэласпэ тэ бикнэл Лэс.

Шэрó 7

Исусо и Лэскирэ Пшáла

¹ Палó дава Исусо псирдя пир Галилэя, нэ Ёв на камдя тэ джал дрэ Юдэя, пал-дова со Юды родынэ тэ замарэн Лэс.”² Джáлас Юдытко Свэнко, кели ёнэ чхувэнас бұды (кушчы).³

Лэскирэ пшала пхэндлэ Лэскэ: “Джа далэ штэтостыр и джа дрэ Юдэя, соб (кай) и Тырэ сыкляибнйтка тэ дыкхэн рэнды, савэ Ту кэрэса; ⁴ пал-дова со никон на гаравэла пэскирэ рэнды, кажно камэла, соб (кай) мануша тэ джинэн пал лэстэ; коли Ту кэрэса дасавэ рэнды, адякэ мэк саро свэто тэ джинэл пал Тутэ” ⁵ (Пал-дова со Лэскирэ пшала адякэ-паць на патяндынэ дрэ Лэстэ). ⁶ Исусо пэ дава пхэндя лэнгэ: “Миро часо ишчо (инкэ) на явдя, нэ ваш тумэнгэ кажно часо подджала. ⁷ Свэто на могоинэла тэ бидыкхэл тумэн (тэ ненавидинэл), а свэто бидыкхэла Ман, пал-дова со Мэ допхэнава пал лэстэ, со лэскирэ рэнды исын налачхэ. ⁸ Тумэ джан пэ дава свэнко, нэ Мэ пэ свэнко на джава, пал-дова со Миро часо ишчо (инкэ) на явдя.” ⁹ Адякэ пхэни лэнгэ, Исусо яцяпэ дрэ Галилэя.

Исусо исын пэ Кушчэнгиро Свэнко

¹⁰ Нэ палó дава, сыр Лэскирэ пшала гинэ пэ свэнко, тэды и Ёв гия одорик, нэ на бицялэс, а адякэ, сырбы чораханэс. ¹¹ Юды родэнас Лэс пэ свэнко и пхучэнас: “Кай исын адава мануш.” ¹² Бут чингарда сыс пал Лэстэ машкир манушэндэ: “Ёв исын лачхó мануш,” – ракирдэ екх, а явир ракирдэ: “Ёв хохавэла манушэн.” ¹³ Нэ никон на ракирдя пал Лэстэ мамуй, пал-дова со дарандынэ Юдэнгирэ рандыр. ¹⁴ Нэ дро машкирал свэнко Исусо гия андрэ Кхангирй и яця тэ сыклякирэл. ¹⁵ Юды дивиндлэпэ, ракирй: “Катыр Ёв джинэла Свэнто Чхиныбэн, коли Ёв никай на сыкля?” ¹⁶ Исусо пхэндя лэнгэ: “Миро сыклякирибэн исын на Мандыр, нэ исын Одолэстыр, Кон бичхадя Ман. ¹⁷ Кон камэла тэ кэрэл Лэскири воля, одова явэла тэ джинэл пал дава сыклякирибэн, ци ёв исын Дэвлэстыр, ци Мэ ракирава Кокорó Пэстыр. ¹⁸ Одова, саво ракирэла кокорó пэстыр, мангэла пэскэ слава; нэ кон родэла слава Одолэскэ, кон бичхадя Лэс, Одова сын чачунó, и хохайбэн нанэ дрэ Лэстэ. ¹⁹ Ци Мойза на дыя тумэнгэ Зако́но? И никон тумэндыр на кэрэла пир Зако́но. Пал со ж тумэ камэна тэ мулякирэн Ман?” ²⁰ Мануша пхэндлэ дро отпхэныбэн: “Ци дава налачхо Духо (Фано) исын дрэ Тутэ? Кон камэла тэ мулякирэл Тут?” ²¹ Исусо ракирй дурэдыр, пхэндя лэнгэ: “Мэ кэрдём екх рэндо, и сарэ тумэ дивинэнапэ. ²² Мойза ж тумэнгэ пхэндя тэ обчхинэн чхавэн (чачó, дава на Мойзастыр явдя, а дадэндыр), и дро савато (субóта) тумэ обчхинэна манушэс. ²³ Коли дро савато тумэ обчхинэна манушэс, соб (кай) тэ на явэл парудо Мойзаскиро Зако́но, со́скэ ж тумэ холясона пэ Мандэ, пал-дова, со Мэ екхэ манушэс высастякирдём дро савато? ²⁴ На сэндинэн манушэс пир муй, а сэндинэн чачунó сэндоса.”

Ци исын Исусо Месия?

²⁵ Адай вари-савэ мануша Ерусалимостыр лынэ тэ ракирэн: “Ци Адава исын Мануш, Савэс родэна тэ замарэн? ²⁶ Гада, Ёв ракирэла муршканэс, и никон на ракирэла Лэскэ ничы. Ци на угалынэ барыдыра, со Ёв исын чачунó Христóсо? ²⁷ Нэ амэ джина́са пал адалэ манушэстэ, катыр Ёв исын. Нэ кели явэла Христóсо, никон на явэла тэ джинэл, катыр Ёв явдя.” ²⁸ Тэды Исусо, сыклякири дрэ Кхангирй, пхэндя зоралэ заняса: “И тумэ джинэна Ман и тумэ джинэна, катыр Мэ сом; и Мэ явдём на Кокорó Пэстыр. Нэ Одова, Кон бичхадя Ман, исын чачунó, Савэс тумэ на джинэна. ²⁹ Нэ Мэ джино́м Лэс, пал-дова со Мэ явдём Лэстыр, и Ёв бичхадя Ман.” ³⁰ И ёнэ камлэ Лэс тэ ухтылэн, нэ никон на чиладя Лэс вастэса, пал-дова со Лэскиро часо на явдя. ³¹ Бут манушэндыр упатяндынэ дрэ Лэстэ и ракирдэ: “Кели явэла Христóсо, наушто Ёв кэрэла бутыр дивы, сыр Адава Мануш кэрдя?”

Халадэ исын Бичхадэ тэ Закэдэн Исусо́с

³² Фарисей шундлэ, со мануша ракирдэ холяса машкир пэстэ пал Исусостэ, и бичхадэ Кхангирьякирэ стрэгарьен (стражникэн), соб (кай) тэ ухтылэн Лэс. ³³ Нэ Исусо: “Ишчо нагара яцяпэ Мángэ тэ явав тумэнца, и Мэ джава кэ Одова пхэндя, Кон бичхадя Ман. ³⁴ Тумэ явэна тэ родэн Ман, и на латхэна; и кай Мэ явава, одорик тумэ на могоинэна тэ явэн.” ³⁵ Тэды Юды лынэ тэ ракирэн машкир пэстэ: “Карик да Ёв камэла тэ джал адякэ, со амэ на латхаса

Лэс? Ци на камэла Ёв тэ джал пэ Элинэнгиро штэто и тэ сыклякирэл Елинэн (Грекэн / Баламэн)? ³⁶ Со значынэна далэ лава, савэ Ёв пхэндя: “Тумэ явэна тэ родэн Ман, и на латхэна: и кай Мэ явава, одорик тумэ на могоинэна тэ явэн.”

Рэки Джидэ Панэса

³⁷ Дро палатунэ (последнэ) и само главно свэнкитко дывэс, Исусо тэрдия и пхэндя зоралэ заняса: “Одова, кон камэла тэ пьел, мэк тэ явэл кэ Мэ. ³⁸ Кон патяла дрэ Мандэ, – сыр исын пхэндлэ дро Свэнто Чхиныбэн, – ‘Лэскирэ илэстыр явэна тэ тхадэн рэки (лэня) джидэ панэса.’” ³⁹ Исусо адякэ ракирдя пал Духо (Фано), савэ явэла тэ одолэндэ, кон явэла тэ патял дрэ Лэстэ; пал-дова со на сыс пэ лэндэ Свэнто Духо (Фано), пал-дова со Исусо ишчо (инкэ) на сыс славиндло.

Кошыбэн Машкир Манушэндэ

⁴⁰ Бут манушэндя, савэ шундлэ Лэскирэ лава, ракирдэ: “Ёв исын чачунэ Пророко.” ⁴¹ Явир ракирдэ: “Дава исын Христосо”, нэ вари-савэ ракирдэ: “Наушто Галилеятыр явэла Христосо?” ⁴² Ци на пхэндлэ дрэ Свэнто Чхиныбэн, со Христосо явэла Давидоскирэ родостыр, и со Ёв бияндэла дро форо Вифлеемо, одолэ штэтостыр, катыр сыс Давидо?” ⁴³ Адякэ выгия пал Лэстэ кошыбэн машкир манушэндэ. ⁴⁴ Вари-савэ лэндя камлэ тэ ухтылэн Лэс; нэ никон Лэс на чиладя.

Юдытка Барыдыра на Патяна

⁴⁵ Адякэ Кхангирьякирэ стрэгарья рисинэ кэ рашангирэ барыдыра и Фарисеи, и адалэ пхучнэ лэндя: “Соскэ тумэ на яндлэ Лэс?” ⁴⁶ Э стрэгарья отпхэндлэ адякэ: “Адава мануш адякэ ракирдя, со никон ниэкхвар на ракирдя.” ⁴⁷ Фарисеи пхэндлэ лэнгэ: “Со ж и тумэн Ёв залыджия дро блэндо?” ⁴⁸ Ци упатяндя дрэ Лэстэ вари-кон тхэмэскирэ барыдырэндя ци Фарисеендыр? ⁴⁹ Екх адалэ мануша, савэ на роскэзнапэ дро Законо, Дэвэл прокошэла лэн.” ⁵⁰ Никадимо, савэ явэлас кэ Ёв раты, сыс екх лэндя и ракирэла лэнгэ: ⁵¹ “Ци сэндинэла амарэ Законо манушэс, коли англэдыр на вышунэна лэс и на уджинэна, со ёв кэрдя?” ⁵² Пэ дава пхэндлэ лэскэ: “Ци на сан и ту Галилеятыр? Роздыкх и ту кокорэ галэса, со пророко на могоинэла тэ явэл Галилеятыр.” ⁵³ И сарэ ёнэ гинэ пэскэ пир кхэра.

Шэро 8

Джувлы, Сави Кэрдя Биладжаипэн

¹ Исусо гия пэ Оливитко бэрга. ² И пэ злоко Ёв явдя дрэ Кхангиря, и сарэ мануша гинэ кэ Ёв; и Ёв бэсця и сыклякирдя лэн. ³ Лылваритка и Фарисеи яндлэ кэ Ёв джувля, савья ухтылдэ дро биладжаипэн, чхудэ ла ангил сарэндэ, ⁴ и пхэндлэ Лэскэ: “Сыклякирибнаскиро! Адая джувлы исын ухтылды дро биладжаипэн; кэли ёй кэрдя ладжаипэн пэскирэ ромэскэ. ⁵ Мойза дрэ Законо припхэнэлас амэнгэ, соб (кай) амэ тэ замарас джувлэн барэнца; нэ со Ту пхэнэса?” ⁶ Ёнэ ракирдэ адякэ, соб (кай) тэ пропатякирэн Лэс, соб (кай) тэ латхэн вари-со тэ бангякирэн Лэс. Нэ Исусо бандия кэ пхув, чхиндя ангуштэса пэ пхув? ⁷ Кэли нэвэстыр Ёнэ пхучэнас Лэстыр, Ёв газдыя шэро, пхэндя лэнгэ: “Кон тумэндя ниэкхвар на кэрдя грэхэ, чхурдэ пэрво пэ латэ бар.” ⁸ И нэвэстыр Ёв бандия тэлэ и чхинэлас пэ пхув. ⁹ И кэли ёнэ шундлэ дава, ёнэ лынэ тэ розджанпэ екх пал екхэстэ, англэдыр гинэ пхурыдыра; и яцяпэ екх Исусо и джувлы, сави сыс тэрдэ машкирал. ¹⁰ Исусо газдыя шэро, и Ёв ни конэс на дыкхця априч джувлятэ; Ёв пхуця латыр: “Джувлие! Кай исын ёнэ сарэ? Никон на сэндиндя тут?” ¹¹ Ёй отпхэндя: “Никон, Раё!” Исусо пхэндя лэскэ: “И Мэ тут на сэндинава; джа и на кэр грэхэ бутыр.” ¹² Нэвэстыр Исусо ракирдя манушэнца

и пхэндя лэнгэ: “Мэ сом дуд дро дава свэто: одова, кон джала пал Мандэ, на явэла тэ псирэл дро калыпэн, а явэла лэстэ джибнаскиро дуд.” ¹³ Тэды Фарисеи пхэндлэ Лэскэ: “Ту Кокорó пал Пэстэ допхэнэса, и допхэныбэн Тырó исын на чачунó.” ¹⁴ Исусо отпхэндя лэнгэ: “Кóли Мэ Кокорó пал Пэстэ допхэнава, то Мирé лавá исын чачунé, пал-дова со Мэ джинóм, катыр Мэ явдём и карик Мэ джава; а тумэ на джинэна, катыр Мэ явдём и карик Мэ джава.” ¹⁵ Тумэ сэндинэна пир дова, со тумэ дыкхэна дрэ манушэстэ, нэ Мэ на сэндинава никонэс. ¹⁶ А кóли Мэ и сэндинава, Миро сэндо исын чачунó, пал-дова со Мэ на сом екхджинó; Мánца исын Миро Дад, Савó бичхадя Ман. ¹⁷ Нэ и дро тумарó Законо исын чхиндлó, со дуенгирэ-манушэнгиро допхэныбэн исын чачунó: ¹⁸ Мэ Кокорó допхэнава пал Пэстэ, и допхэнэла пал Мандэ Дад, Савó бичхадя Ман.” ¹⁹ Тэды пхучнэ ёнэ: “Кай исын Тырó Дад?” Исусо отпхэндя: “Тумэ на джинэна ни Ман, ни Мирé Дадэс; кóли тумэ тэ джинэн Ман, тэды тумэ и джинэнас Мирé Дадэс.” ²⁰ Кадалэ лавá Исусо ракирдя пашыл Кхангирьякири пиралы (тыкнорí), кели Ёв сыклякирдя дрэ Кхангирí; и никон Лэс на чиладя, пал-дова со Лэскиро часо на явдя.

Тумэ на Могинэна тэ Джан, Карик Мэ Джава

²¹ Ёв нэвэстыр пхэндя лэнгэ: “Мэ джава, и тумэ явэна тэ родэн Ман, и мэрэна дрэ тумарó грэхó; карик Мэ джава, одорик тумэ на могоинэна тэ явэн.” ²² Палдава Юды ракирдэ: “Ёв со, ци на камэла Кокорó Пэс тэ замарэл, со ракирэла: ‘Карик Мэ джава, тумэнгэ одорик нашты тэ явэн?’” ²³ Ёв пхэндя лэнгэ: “Тумэ сан далэ свэтостыр, савó исын тэлал; Мэ сом вучипнастыр; тумэ сан далэ свэтостыр, Мэ на сом далэ свэтостыр;” ²⁴ палдова Мэ и пхэндём тумэнгэ, со тумэ мэрэна дрэ тумарé грэхí; кóли тумэ на упатяна, со дава сом Мэ, то тумэ сарé мэрэна дрэ грэхí!” ²⁵ Тэды пхэндлэ Лэскэ: “Кон Ту сан? Исусо пхэндя лэнгэ: “Одова, Конэса Мэ ўсáды (сак) сом, сыр Мэ пхэндём ангыпнастыр;” ²⁶ Мэ бут могоинава тэ ракирав пал тумэндэ и тэ сэндинав тумэн; нэ Одова, Кон бичхадя Ман, исын чачунó и дова, со Мэ шундём Лэстыр, Мэ ракирава свэтоскэ.” ²⁷ Ёнэ на галынó, со Ёв ракирдя лэнгэ пал Дадэстэ. ²⁸ Адыкэ Исусо пхэндя лэнгэ: “Кели газдэна Чхавэс Манушэскирэс, тэды тумэ угалёна, со дава сом Мэ, и со Мэ нисó на кэрава Пэстыр; нэ, сыр сыклякирдя Ман Миро Дад, адыкэ и Мэ ракирава. ²⁹ Кон бичхадя Ман, исын Мánца; Дад на ячкирдя Ман екхэс, пал-дова со Мэ ўсáды (сак) кэрава дова, со Лэскэ исын лахчо.” ³⁰ Кели Ёв ракирдя дава, бут мануша упатяндынэ дрэ Лэстэ.

Вольно Мануш и Писхэрья (Рáбы)

³¹ Тэды Исусо пхэндя одолэ Юдэнгэ, савэ упатяндынэ дрэ Лэстэ: “Кóли тумэндэ явэла Миро Лав дрэ пэстэ, тумэ, чачэс, сан Мирé сыкляибнýtка;” ³² и тумэ уджинэна чачипэн, и чачипэн кэрэла тумэн вольнонэнца. ³³ Ёнэ Лэскэ отпхэндлэ: “Амэ сам Авраамóскирэ родóстыр и ниэкхвар никонэскэ на самас слуги (дынарья); сыр Ту ракирэса дава, со амэ ячаса вольна?” ³⁴ Исусо отпхэндя лэнгэ: “Чачэс, чачэс, Мэ ракирава тумэнгэ: кажно, кон кэрэла грэхó, одова кокорó исын дынари грэхоскэ. ³⁵ Нэ дынари на сарó часо явэла тэ дживэл дро кхэр; а чхавó дживэла вэчнэс. ³⁶ Кóли Чхавó кэрэла тумэн вольнонэнца, тэды, чачэс, тумэ явэна вольна. ³⁷ Мэ джинóм (джинав), со тумэ сан Авраамóскирэ родóстыр: и усаэкх тумэ родэна Ман тэ замарэн, пал-дова со Миро лав на яцяпэ дро тумарó илó. ³⁸ Мэ ракирава тумэнгэ дова, со Мэ дыкхцём Мирé Дадэстэ: нэ тумэ кэрэна дова, со тумэ дыкхнэ пэскирэ дадэстэ.” ³⁹ Ёнэ пхэндлэ Лэскэ дро отпхэныбэн: “Амарó дад исын Авраáмо.” Исусо ракирэла лэнгэ: “Кóли тумэ тэ явэн Авраамóскирэ чхавэ, тэды тумэ кэрэнас Авраамóскирэ рэндэ;” ⁴⁰ нэ каканá тумэ родэна тэ замарэн Ман, Манушэс, Савó пхэндя тумэнгэ чачипэн, Савó Мэ шундём Дэвлэстыр; Авраáмо на кэрдя дава. ⁴¹ Тумэ кэрэна дова, со кэрдя тумарó дад.” Ёнэ пхэндлэ Лэскэ: “Амэ на бияндыям блэндостыр; амэндэ исын екх Дад: Дэвэл.” ⁴² Исусо пхэндя лэнгэ: “Кóли Дэвэл тэ явэл тумарó Дад, тэды тумэнгэ явавас бы дрогó Мэ, пал-дова со Мэ и явдём Дэвлэстыр и Мэ явдём на Кокорó Пэстыр, нэ Ёв Ман бичхадя. ⁴³ Сóскэ тумэ на галёна Миро ракирибэн? Пал-дова со тумэ на могоинэна тэ шунэн Миро лав. ⁴⁴ Тумаро дад исын нáлaчxo

и тумэ камэна тэ кэрэн пир тумарэ-дадэскири ласка. Нэ ёв саро джибён сыс манушэнгиरो замарибнари, и ёв на дживдя дро чачипэн, пал-дова со нанэ чачипэн дрэ лэстэ; кэли ёв ракирэла хохаибён, ракирэла пэскиро, пал-дова со ёв исын хохаибнари и хохаибнаскиро дад. ⁴⁵ Нэ кэли Мэ ракирава тумэнгэ чачипэн, тумэ на патяна Мángэ. ⁴⁶ Кон тумэндыр бангякирэла Ман дро грэхо? Кóли Мэ ракирава тумэнгэ чачипэн, сóскэ тумэ на патяна Мángэ? ⁴⁷ Одова, кон исын Дэвлэстыр, одова шунэла Дэвлэскирэ лавá; тумэ палдава на шунэна, пал-дова со тумэ сан на Дэвлэстыр.”

Исúсо и Авраáмо

⁴⁸ Пэ дава́ Юды пхэндлэ Лэскэ: “Ци на чачипэн амэ ракираса, со Ту сан Самарянино и náлaчxo дýхо (фáно) исын бэштó дрэ Тýtэ?” ⁴⁹ Исúсо отпхэндя: “Дрэ Мándэ нанэ náлaчxo дýхо (фáно), нэ Мэ кутякирава Мирé Дадэс, а тумэ калякирэна Ман. ⁵⁰ Нэ Мэ на родава Пэскэ слáва: исын явёр, Одова, Кон родэла и Ёв явэла тэ сэндинэл. ⁵¹ Чачэс, Чачэс Мэ ракирава тумэнгэ: кон зракхэла Мирó лав, одова на дыкхэла мэрибён ниéкхвар.” ⁵² А Юды пхэндлэ Лэскэ: “Каканá амэ угалыям, со náлaчxo дýхо (фáно) исын бэштó дрэ Тýtэ; Авраáмо мыя, мынэ и прорóки, а Ту ракирэса: ‘Кон зракхэла лав Мирó, одова на мэрэла ниéкхвар’. ⁵³ Наушто Ту сан барэдыр дадэстыр амарэстыр Авраамостыр, савó мыя и сарé прорóки мынэ: пал конэстэ Ту Пэс гинэса?” ⁵⁴ Исúсо отпхэндя: “Кóли Мэ Кокорó Пэс славинава, тэды слáва Мирí нисó на мол: нэ Мирó Дад славинэла Ман, пал Савэстэ тумэ ракирэна, со Ёв исын тумарó Дэвэл. ⁵⁵ Тумэ на джиндлэ Лэс, нэ Мэ джинóm (джинав) Лэс; и кóли Мэ пхэнава, со на джинóm Лэс, тэды Мэ явава адасавó-паць хохаибнари, сыр и тумэ сан. Нэ Мэ джинóm Лэс и Мэ ракхава Лэскиро лав. ⁵⁶ Авраáмо, дад тумарó, сыс радо тэ дыкхэл Мирó дывэс: и дыкхця, и обрадындяпэ.” ⁵⁷ Пэ дава́ пхэндлэ Лэскэ Юды: “Тýкэ нанэ и пандждэша́ бэрш, и Ту дыкхця́н Авраамос?” ⁵⁸ Исúсо пхэндя лэнгэ: “Чачэс, чачэс Мэ ракирава тумэнгэ: англэдыр, сыр бияндыя Авраáмо, Мэ сóмас.” ⁵⁹ Тэды ёнэ ухтылдэ барá, соб (кай) тэ марэн Лэс; нэ Исúсо счхакирдяпэ и гия́ яврё́ Кхангирьятыр, гия́ машкёр лэндэ, и гия́ дурэдыр.

Шэрó 9

Исúсо Састякирэла Манушэс, Савó сыс Корорó Бияныпнастыр

¹ Кэли Исúсо гия́ пирó дром, Ёв дыкхця́ манушэс, савó сыс корорó бияныпнастыр. ² Лэскирэ сыкляибны́тка пхучнэ́ Лэстыр: “Равви! Кон лэндыр кэрдя́ грэхо, ёв кокорó, ци дада́ лэскирэ, со ёв бияндыя корорó?” ³ Исúсо отпхэндя: “Ни ёв, ни лэскирэ дада́ на кэрдэ́ грэхо, нэ дава́ исын ваш дова́, соб (кай) тэ явэл пэ лэстэ бицялы (дыщылы) Дэвлэскири зор. ⁴ Пака на прогия́ дывэс, Мángэ трэй тэ кэрав́ Одолэскирэ рэндэ, Кон бичхадя́ Ман; сыг явэла рат, кэли никон́ напты́ нисó тэ кэрэл. ⁵ Дро дава́ часо, сыр Мэ сом дро свэто́, Мэ сом дуд (свэто́) далэ́ светоскэ” ⁶ Кэли Ёв пхэндя́ дава́, чунгардыя пэ пхув, кэрдя́ салатыр (слинатыр) макхибэн и макця́ якхá корорэскэ, ⁷ И пхэндя́ лэскэ: “Джа́, обморпэ́ дрэ Силоамоскири вэндэрин́ (прудо)” /со значинэла “бичхадó!”/. Ёв гия́, обмордяпэ́ и яця́ тэ дыкхэл. ⁸ Лэскирэ пашатунэ́ и явёр мануша́, савэ́ дыкхнэ́, со ёв англэдыр сыс корорó бэштó и мангдя́ дыибён, пхэндлэ́: “Ци да исын на одова́ мануш, савó сыс бэштó и мангдя́ дыибён?” ⁹ Вари-савэ́ ракирдэ́: “Давá ёв исын.” Нэ явёр ракирдэ́: “Над, ёв здэла (подджа́ла) пэ лэстэ.” Ёв ж ракирдя́: “Чачэс, мэ сом.” ¹⁰ Тэды пхучнэ́ лэстыр: “Сыр ту яця́н тэ дыкхэс?” ¹¹ Ёв отпхэндя́ лэнгэ: “Екх Мануш, Савэс кхарэна́ Исúсо, кэрдя́ макхибэн, макця́ мирé якхá и пхэндя́ мánгэ: ‘Джа́ дро Силоамоскиро компиньтко́ и обморпэ́’. Мэ гиём, обмордёмпэ́ и яцём тэ дыкхав.” ¹² Тэды пхучнэ́ лэстыр: “Кай Ёв исын?” Ёв отпхэндя́: “На джинóm (на джинав).”

Фарисеи Допхучэна Высастякирдэ Манушэстыр

¹³ Адалэс манушэс, саво сыс гарэдыр корорó, лыджинэ кэ Фарисеи. ¹⁴ Дава сыс савато, дывэс, дро саво Исуco кэрдя помакхибэн и высастякирдя лэс корорипнастыр. ¹⁵ Адыкэ-паць и Фарисеи лынэ тэ пхучэн Лэстыр, сыр ёв яця тэ дыкхэл. Ёв пхэндя лэнгэ: “Ёв чхудя макхибэн мангэ пэ мирэ якхэ и мэ обмордёмпэ, и мэ каканэ дыкхэва.” ¹⁶ Тэды вари-савэ Фарисеендыр ракирдэ: “Адава мануш на могоинэла тэ явэл Дэвлэстыр, пал-дова со Ёв на ракхэла савато.” Явир ракирдэ: “Сыр могоинэла грэхитко мануш тэ кэрэл дасавэ дивы?” – И яця кошыбэн машкир лэндэ. ¹⁷ Ёнэ нэвэстыр ракирэна корорэскэ: “Со ту пхэнэса пал Лэстэ, пал-дова со Ёв отчхакирдя тукэ якхэ? Кон Ёв исын пир тырó?” Ёв пхэндя: “Ёв исын прорóко.” ¹⁸ Юды усаэкх на патяндынэ, со мануш сыс корорó и яця тэ дыкхэл, ангил дова, сыр ёнэ кхардэ лэскирэ дадэн. ¹⁹ И пхучнэ лэндир: “Ци дава исын тумарó чхавó, пал савэстэ тумэ ракирэна, со ёв бияндыя корорó? Сыр ёв каканэ яця тэ дыкхэл?” ²⁰ Э дада лэскирэ отпхэндлэ лэнгэ: “Амэ джинаса, со ёв исын амарó чхавó и ёв бияндыя корорó; ²¹ а сыр дава ёв каканэ дыкхэла и, кон отчхакирдя лэскэ якхэ, дава амэ на джинаса; ёв кокорó исын дрэ стала бэрша, пхучэн лэстыр кокорэстыр, мэк ёв кокорó тэ роспхэнэл пал пэстэ.” ²² Лэскирэ дада адыкэ отпхэндлэ, пал-дова со ёнэ дарандынэ Юдэндир, со ёнэ ужэ зракирдэпэ, со коли вари-кон пригалёла Лэс пал Христосóстэ, одолэс тэ традэн криг Кхангирьятыр. ²³ Палдава лэскирэ дада и пхэндлэ: “Ёв исын дрэ стала бэрша, пхучэн лэстыр кокорэстыр.” ²⁴ И гада, явир мо́ло ёнэ кхардэ манушэс, саво сыс корорó, и пхэндлэ лэскэ: “Дэ лав ангил Дэвлэстэ, со ту пхэнэса чачипэн: амэ джинаса, со Одова Мануш исын грэхитко.” ²⁵ Ёв отпхэндя лэнгэ: “Ци грэхитко Ёв исын, дава мэ на джино́м; екх мэ джино́м (джина́в), со мэ со́мас корорó, нэ каканэ мэ яцём тэ дыкхэв.” ²⁶ Ёнэ нэвэстыр пхучнэ лэстыр: “Со кэрдя Ёв туса? Сыр ту яцян тэ дыкхэс?” ²⁷ Ёв отпхэнэлас лэнгэ: “Мэ ракирдём ужэ тумэнгэ, тумэ на шундлэ: со тумэ камэна нэвэстыр тэ шунэн? Ци тумэ камэна тэ ячэн Лэскирэ сыкляибнытконэнца?” ²⁸ Ёнэ задынэ гóдла пэ лэстэ и пхэндлэ: “Ту сан Лэскиро сыкляибны́тко, нэ амэ сам Мойза́скирэ сыкляибны́тка. ²⁹ Амэ джинаса, со Дэвэл ракирдя Мойзаса, нэ пал адалэ манушэстэ амэ на джинаса, катыр Ёв исын?” ³⁰ Мануш, саво яця тэ дыкхэл, пхэндя лэнгэ: “Дэва исын барó диво, со тумэ на джине́на, катыр Ёв исын, нэ Ёв отчхакирдя якхэ мангэ. ³¹ Нэ амэ джинаса, со, кон кэрэла грэхó, кодолэн Дэвэл на шунэла, нэ екхэ кодолэн, савэ славинэна Дэвлэс и кэрэна, со Лэскэ исын лачхó, кодолэс Ёв шунэла. ³² Ние́кхвар дро джи́ибэн на сыс шундло, соб (кай) вари-кон манушэскэ, саво бияндыя корорó, тэ отчхакирэл якхэ. ³³ Ко́ли Ёв тэ на явэл Дэвлэстыр, Ёв нисó на могоинэлас тэ кэрэл.” ³⁴ Ёнэ задынэ гóдла пэ лэстэ: “Ту сарó бияндыян дрэ грэхí, и ци на ту сыклякирэса амэн?” И традынэ лэс яври.

Корорипэн дро Пэскиро Духо (Фано)

³⁵ Исуco уджиндя пал дава, со лэс традынэ яври, и латхя лэс и пхучя лэстыр: “Ци патяса ту дрэ Дэвлэскирэ Чхавэстэ?” ³⁶ Ёв отпхэндя и пхучя: “Нэ кон Ёв исын, миро Рай Дэвэл, пхэн мангэ, соб (кай) мэ тэ упатяв дрэ Лэстэ?” ³⁷ Исуco пхэндя лэскэ: “Ту дыкхця́н Лэс, Ёв исын Одова, Кон ракирэла туса.” ³⁸ Тэды мануш пхэндя: “Мэ патя́ва, Раё Дэвла!” И ёв дыя патыв Лэскэ. ³⁹ И пхэндя Исуco: “Мэ явдём пэ сэндо дрэ дава свэто, соб (кай) одолэ, савэ на дыкхэна, тэ дыкхэн, нэ савэ дыкхэна, соб (кай) тэ ячэн корорé.” ⁴⁰ Вари-савэ Фарисеи, савэ сыс тэрдэ пашыл Иусóстэ, сыр шундлэ дава, пхэндлэ Лэскэ: “Нау́што и амэ сам корорé?” ⁴¹ Исуco пхэндя лэнгэ: “Ко́ли тумэ тэ явэн, чачэс, корорé, тэды тумэнгэ на явэла грэхó; нэ ко́ли тумэ ракирэна, со тумэ дыкхэна, тэды грэхó ячэлапэ пэ тумэндэ.”

Шэрó 10

Примéро (Сыкаибэн) пал Чхупна́ристэ (Пастырёстэ)

¹ “Чачэс, чачэс, Мэ ракира́ва тумэ́нгэ: одова́, кон заджа́ла дрэ бакраны грэ́да (дво́ро) на пир вуда́р, а заджа́ла явирэ дромéса, кодова́ исын чор и розмарибна́ри; ² а одова́, саво́ заджа́ла дро вуда́р, исын чхупна́ри бакрэ́нгэ; ³ Ракхибна́ри отчхакирэ́ла вудара́ лэ́скэ, и бакрэ́ шунэ́на лэ́скири зан, ёв кхарэ́ла пирó лав пэскирэ́ бакрэ́н и лыджа́ла лэн явры́. ⁴ И кэ́ли ёв вылыджала́ сарэ́н пэскирэ́ бакрэ́н, ёв джа́ла анги́л лэ́ндэ; бакрэ́ пал лэ́стэ джа́на, пал-дова́ со бакрэ́ джине́на лэ́скири зан. ⁵ Пал чужонэ́стэ ё́нэ на джа́на, на́шэна лэ́стыр, пал-дова́ со ё́нэ на джине́на яви́р зан.” ⁶ Ису́со роспхэ́ндя лэ́нгэ дасаво примéро (сыкаибэн), нэ ё́нэ на галы́нэ, со дасаво Ё́в ракирдя́ лэ́нгэ.

Ису́со исын Лачхо́ Чхупна́ри

⁷ И Ису́со нэвэ́стыр пхэ́ндя лэ́нгэ: “Чачэс, чачэс Мэ ракира́ва тумэ́нгэ, со Мэ сом вуда́р ваш бакрэ́нгэ. ⁸ Сарэ́, ци бут лэн сыс анги́л Ма́ндэ, исын чора́ и розмарибна́рья, и бакрэ́ на канды́нэ лэн. ⁹ Мэ сом дасаво вуда́р: кон заджа́ла пир Ма́ндэ, одова́ явэ́ла зракхно, ёв заджа́ла пир вуда́р и выджа́ла, и латхэ́ла лачхо́ чараибэ́н. ¹⁰ Чор явэ́ла ваш екх, соб (кай) тэ чорэ́л, тэ замаре́л и тэ роспахирэ́л: Мэ явдём ваш дава́, соб (кай) тэ дав лэ́нгэ джи́ибэ́н пхэ́рдэс дро саро́. ¹¹ Мэ сом лачхо́ чхупна́ри: лачхо́ чхупна́ри отдэ́ла пэскиро́ джи́ибэ́н пал бакрэ́ндэ: ¹² а ману́ш, саво́ исын дораки́рдо пэ буты́ пал ловэ́, ёв исын на чхупна́ри, пал-дова́ со далэ́ бакрэ́ исын на лэ́скирэ, ёв дыкхэ́ла, сыр ру́в подджа́ла и мэкэ́ла бакрэ́н и кокоро́ на́шэла, и ру́в чорэ́ла бакрэ́н и ро́страдэ́ла лэн. ¹³ Ё́в исын на чхупна́ри, нэ ё́в исын дораки́рдо пэ буты́ пал ловэ́, и ё́в на́шэла, и ё́в на думине́ла пал бакрэ́ндэ ¹⁴ Мэ сом лачхо́ Чхупна́ри, и Мэ джино́м Мирэ́ бакрэ́н, и Мирэ́ бакрэ́ джине́на Ман. ¹⁵ И сыр Ман Дад джине́ла, ады́кэ и Мэ джино́м (джина́в) Дадэ́с, и Мэ отда́ва пэскиро́ джи́ибэ́н пал бакрэ́ндэ. ¹⁶ Исын Ма́ндэ и яви́р бакрэ́, савэ́ на далэ́ грэдаты́р, и одолэ́н трэ́й Ма́нгэ тэ янав: и ё́нэ явэ́на тэ шунэ́н Мирі́ зан, и явэ́ла екх скэ́дыибэ́н и екх Чхупна́ри. ¹⁷ Палдава́ Мэ сом дро́го Дадэ́скэ, со Мэ отда́ва Миро́ джи́ибэ́н, соб (кай) нэвэ́стыр тэ прилав лэс. ¹⁸ Никон́ Миро́ джи́ибэ́н на отлэ́ла, нэ Мэ Кокоро́ отда́ва лэс: Ма́ндэ исын зор тэ отдав джи́ибэ́н и палэ́ тэ прилав; пал-дова́ со дава́ при́пхэны́бэ́н Мэ дорэ́сцём Мирэ́ Дадэ́стыр.” ¹⁹ Далэ́ лавэ́ндыр нэвэ́стыр вы́гия машки́р Юдэ́ндэ кошы́бэ́н. ²⁰ Бут лэ́ндыр раки́рдэ: “Ё́в згия́ годяты́р и абы́-со ракирэ́ла; со тумэ́ Лэ́с шунэ́на?” ²¹ Яви́р раки́рдэ: “Га́да, лава́ исын на на́лачхэ́скирэ; ци на́лачхо́ ду́хо (фа́но) мого́нэла тэ отчхаку́рэл якха́ короре́нгэ?”

Ису́с на Приле́на

²² Дава́ сыс иванте́/ивэ́ндэ (зимаки́ро), кэ́ли явдя́ дро Ерусали́мо жу́жакирибна́скиро свэ́нко (Ханукка) ваш Кханги́ри. ²³ И псирдя́ Ису́со дрэ́ Кханги́ри, пир Соломо́но́скиро трéмо. ²⁴ Юды́ тэ́рдинэ́ тру́сця́л Лэ́стэ и лы́нэ тэ раки́рэ́н Лэ́скэ: “Ци гара́ (длу́гэс) Ту явэ́са тэ рики́рэс амэ́н дро на́джины́бэ́н? Ко́ли Ту сан Христóсо, пхэ́н амэ́нгэ маму́й (пря́мэс)!” ²⁵ Ису́со отпхэ́ндя лэ́нгэ: “Мэ пхэ́ндём тумэ́нгэ, нэ тумэ́ Ма́нгэ на патя́на; рэ́нды, савэ́ Мэ кэ́рава ваш Мирэ́-Дадэ́скиро лав, – ё́нэ до́пхэ́нэна пал Ма́ндэ; ²⁶ Нэ тумэ́ на патя́на Ма́нгэ, пал-дова́ со тумэ́ на сан Мирэ́ бакрэ́ндыр, сыр Мэ пхэ́ндём тумэ́нгэ. ²⁷ Мирэ́ бакрэ́ шунэ́на зан Мирі́, и Мэ джино́м (джина́в) лэн, и ё́нэ джа́на пал Ма́ндэ; ²⁸ и Мэ да́ва лэ́нгэ ве́чно джи́ибэ́н, ё́нэ на хасэ́на ниéкхвар, и никон́ на чорэ́ла лэн Мирэ́ вастэ́стыр. ²⁹ Дад Миро́, Саво́ Ма́нгэ ды́я лэн, исын най́ барэ́ды́р сарэ́ндыр, и никон́ на мого́нэла тэ отлэ́л лэн Мирэ́-Дадэ́скирэ вастэ́стыр: ³⁰ Мэ и Дад сам Екх.” ³¹ Нэвэ́стыр Юды́ ухты́лдэ́ бара́, соб (кай) тэ марэ́н Лэ́с. ³² Ису́со отпхэ́ндя лэ́нгэ: “Бут лачхэ́ рэ́нды сыка́дём Мэ тумэ́нгэ Мирэ́ Дадэ́стыр; пал саво́ ж рэ́ндо лэ́ндыр тумэ́ камэ́на тэ марэ́н Ман барэ́нца?” ³³ Юды́ пхэ́ндлэ́ Лэ́скэ: “На пал лачхо́ рэ́ндо амэ́ камаса́ тэ марас́ Тут барэ́нца, нэ пал дова́, со Ту тэ́лякирэ́са Дэ́влэс и пал дова́, со Ту сан

мануш, а кэрэса Пэс Дэвлэса.” ³⁴ Исусо отпхэндя лэнгэ: “Ци нанэ чхиндло дрэ тумаро Законо: “Мэ пхэндём: ‘Тумэ сан дэвлэ?’” ³⁵ Кóли Ёв кхардя дэвлэнца одолэн, кэ савэ сыс Дэвлэскиро лав, а Свэнто Чхиныбэн на могоинэла тэ парудёл, ³⁶ то ци ракирэна тумэ Одолэскэ, Савэс Дад свэнцындя и бичхадя пир свэто: ‘Ту тэлякирэса Дэвлэс,’ пал-дова со Мэ пхэндём: ‘Мэ сом Дэвлэскиро Чхаво?’” ³⁷ Кóли Мэ на кэрава Мирэ Дадэскирэ рэнды, тэды на патян Мángэ; ³⁸ нэ кóли Мэ кэрава лэн, тумэ могоинэна Мángэ тэ на патян, а патян тэды дрэ Мирэ рэнды, соб (кай) тумэ тэ джинэн и тэ галён, со Миро Дад исын дрэ Мándэ, и Мэ сом дрэ Лэстэ.” ³⁹ Ёнэ нэвэстыр родынэ тэ ухтылэн Лэс, нэ Ёв вырисия лэнгирэ вастэндыр, ⁴⁰ и Ёв нэвэстыр гия пал Иордано, пэ дова штэто, кай гарэдыр Иано болдя, и яцяпэ одой. ⁴¹ Кэ Ёв явэнас бут мануша и ракирдэ, со Иано на кэрдя нисаво диво; нэ саро, со пхэндя Иано пал Лэстэ, сыс чачипэн. ⁴² И бут мануша упатяндынэ дрэ Лэстэ одой.

Шэрó 11

Лазарёскиро Мэрибэн

¹ Сыс насвалó екх мануш Лазарё Вифаниятыр, гавэстыр, кай дживдя Марія пэскирэ пхэняса Марфаса. ² Марія, савьякиро пшал Лазарё сыс насвалó, сыс одоя-паць джувлы, сави макця Рас-Дэвлэс мирóса и выкхосця Лэскирэ гэрá пэскирэ балэнца. ³ Палдова пхэня бичхадэ тэ пхэнэн Лэскэ: “Раё Дэвла! Гада, кон исын дро́го Тукэ, исын насвалó” ⁴ Кéли Исусо шундя пал дава, Ёв пхэндя: “Дая духх исын на кэ мэрибэн, ёй исын ваш Дэвлэскири слава, соб (кай) Чхаво Дэвлэскиро тэ славинэлпэ пир латэ.” ⁵ Марфа сыс дро́го Исусóскэ, лакири пхэн и Лазарё. ⁶ Кéли Исусо уджиндя пал Лазарёскири духх, Ёв закиридяпэ пэ дуй дывэса пэ дова-паць штэто, кай Ёв сыс. ⁷ Коригэдыр (позжэдыр) Ёв пхэндя Лэскирэ сыкляибнытконэнгэ: “Явэн, джаса палэ дрэ Юдэя.” ⁸ Сыкляибнытка пхэндлэ Лэскэ: “Равви! Ци гарá дава сыс, сыр Юды камлэ тэ марэн барэнца Тут, и Ту усаэкх джаса одорик?” ⁹ Исусо пхэндя лэнгэ: “Ци на дэшудуй мардэ (штунды) исын дро дывэс? Кон псирэла дывэсэ, одова на обштавэлапэ, пал-дова со ёв дыкхэла дуд далэ свэтоскиро; ¹⁰ нэ кóли ёв псирэла раты, тэды обштавэлапэ, пал-дова со нанэ дуд лэса.” ¹¹ Ёв пхэндя дава, и коригэдыр (позжэдыр) ишчо (инкэ) ракирэла лэнгэ: “Амарó дру́го (мал) Лазарё засутя, нэ Мэ джава тэ джангавав лэс.” ¹² Сыкляибнытка Лэскирэ ракирэна: “Раё Дэвла! Кóли ёв засутя, тэды ёв высастёла.” ¹³ Исусо камдя тэ пхэнэл далэса, со Лазарё мыя; нэ ёнэ думиндлэ, со Ёв ракирэла пал чачунó соибэн.” ¹⁴ Тэды Исусо пхэндя лэнгэ мамуй: “Лазарё мыя. ¹⁵ И Мэ радынавапэ пал тумэндэ, со Мэ на со́мас одой, соб (кай) тумэ тэ упатян. Нэ явэн, джаса кэ ёв.” ¹⁶ Тэды Фама, Савэс пэ явир кхарэна ‘Близнято,’ пхэндя сыкляибнытконэнгэ: “Явэн и амэ мэраса лэса кхэтанэ.”

Исусо Отджидякирэла и Дэла Джибэн

¹⁷ Кéли Исусо явдя, Ёв уджиндя, со Лазарё, гада, штар дывэса, сыр ёв исын пашто муло дрэ коплица. ¹⁸ Вифания сыс на́дур Ерусалимóстыр, пашэ дуй вэрсты одотхыр, ¹⁹ и бут мануша Юдэндыр явнэ кэ Марфа и кэ Марія, соб (кай) тэ шылякирэн лэн дро пиридживибэн пал лэнгирэ пшалэстэ. ²⁰ Марфа, сыр шундя, со Исусо джала кэ ёнэ, гия тэ стрэнинэл Лэс; а Марія сыс бэшты кхэрэ. ²¹ Тэды Марфа пхэндя Исусóскэ: “Раё Дэвла! Кóли Ту тэ явэс адай, тэды на мэрэлас бы миро пшал; ²² Нэ и каканá, мэ джинóm (джина́в), со Дэвэл дэла Тукэ саро, пал со Ту Лэс помангэса.” ²³ Исусо ракирэла лэкэ: “Тыро пшал отджидёла.” ²⁴ Марфа пхэндя Лэскэ: “Мэ джинóm (джина́в), со ёв отджидёла дро палатунó (последнё) дывэс.” ²⁵ Исусо пхэндя лэкэ: “Мэ сом отджидякирибэн и джибэн; одова, кон патяла дрэ Мándэ, кóли и мэрэла, усаэкх отджидёла; ²⁶ И кажно, кон исын джидо и патяла дрэ Мándэ, на мэрэла ниэкхвар. Ци патяса ту дро дава?” ²⁷ Ёй ракирэла Лэскэ: “Адякэ, Раё Дэвла! Мэ патява, со Ту сан Христóсо, Чхаво Дэвлэскиро, саво джала дро свэто.”

Исүсо Ровэла

²⁸ И кэли Марфа пхэндя дава, ей чораханэс гия и кхардя пэскирья пхэня Марія, ракири лăкэ: “Сыклякирибнаскиро исын адай, Ёв кхарэла тут.” ²⁹ Кэли ей шундя дава, ей сыгэс уштыя и гия кэ Ёв. ³⁰ Исүсо на загия дро гав, нэ Ёв яцяпэ пэ дова штэто, кай Марфа стрэниндя (пирилыя) Лэс. ³¹ Юды, савэ сыс лăса кхэтанэ дро кхэр и шылякирэнас ла, дыкхи, со Марія сыгэс уштыя и гия яври, гинэ пал лăтэ, и ёнэ думиндлэ, со ей гия тэ ровэл пэ магила одой. ³² Нэ Марія, сыр явдя одорик, кай сыс Исүсо, и дыкхця Лэс, пыя кэ Лэскирэ гэрэ и пхэндя Лэскэ: “Раё Дэвла! Кóли Ту явэсас адай, на мэрэлас миро пшал.” ³³ Кэли Исүсо дыкхця, со ей ровэла и, со Юды адякэ-паць ровэна, савэ явнэ лăса, Ёв Кокорó пыя дро дүхо и Ёв пиридживэлэс. ³⁴ И Ёв пхуця: “Кай тумэ гарадэ лэс?” Ракирэна Лэскэ: “Раё Дэвла! Джэ и дыкх адарик.” ³⁵ Исүсо зарондя. ³⁶ Юды тэды ракирдэ: “Дыкхэн, сыр ёв исын дро́го Лэскэ!” ³⁷ Нэ явир лэндыр пхэндлэ: “Ёв кэрдя, со и корорó яця тэ дыкхэл, ци на могоинэла ёв тэ кэрэл адякэ, соб (кай) и Лазарё тэ на мэрэл?”

Лазарё исын Отджидякирдó

³⁸ Исүсо, нэвэстыр пиридживи андрал, явдя кэ коплица. Давэ сыс гебэр (пешчэра) дрэ бэрга, и бар сыс паштó пэ лăтэ. ³⁹ Исүсо ракирэла: “Укэдэн бар.” Пхэн мулэскири, Марфа, ракирэла Лэскэ: “Раё Дэвла! Одотхыр джала кхан; пал-дова со, гада, штар дывэсá, сыр ёв исын дрэ коплица.” ⁴⁰ Исүсо ракирэла лăкэ: “Ци Мэ на ракирдём тукэ, со кóли явэса тэ патяс, дыкхэса Дэвлэскири слава?” ⁴¹ И, гада, укэдынэ бар одолэ штэтóстыр, кай мулó сыс паштó. Исүсо газдыя упрé якхэ и пхэндя: “Дáдо! Парикирава Тукэ, со Ту кандыян Ман; ⁴² Мэ джиндём, со Ту ўсáды (сак) шунэса Ман; нэ Мэ пхэндём дава ваш манушэнгэ, савэ сыс тэрдэ адай, мэк тэ патян ёнэ, со Ту бичхадян Ман.” ⁴³ И кэли Ёв пхэндя дава, Ёв дыя гóдла зоралэ заняса: “Лазаре! Выджа яври.” ⁴⁴ И выгия мулó, гэрэ и вастá лэстэ сыс спхандлэ гараибнытконэ тханэса, и муй лэскиро сыс пхандло дыхлэса. Исүсо пхэндя лэнгэ: “Роспхандэн лэс, мэк ёв тэ джал.”

Зракирибэн проти Исусóстэ

⁴⁵ Бут Юды явнэ кэ Марія, сыр ёнэ дыкхнэ, со кэрдя Исүсо, патяндынэ дрэ Лэстэ; ⁴⁶ Нэ вари-савэ лэндыр гинэ кэ Фарисеи, и роспхэндлэ лэнгэ пал дова, со кэрдя Исүсо. ⁴⁷ Тэды рашангирэ барыдырэ и Фарисеи кхардэ скэдыибэн и ракирдэ: “Со амэнгэ тэ кэрэс? Адава Мануш кэрэла бут дивы. ⁴⁸ Кóли амэ домэкаса, соб (кай) Ёв тэ кэрэл дурэдыр адякэ, тэды сарэ упатяна дрэ Лэстэ, и явэна Римляни и хасякирэна амари пхув и сарэ манушэн.” ⁴⁹ Екх лэндыр, вари-савó Каиáфа, савó сыс дрэ дова бэрш пэрво рашангиро барыдырó, пхэндя лэнгэ: “Тумэ на джинэна нисó. ⁵⁰ Наушто на галёна тумэ, со ваш амэнгэ явэла фэдыр, кóли екх мануш тэ мэрэл пал сарэ манушэндэ, а соб (кай) сарэ манушá тэ на хасён.” ⁵¹ Давэ ёв пхэндя на кокорó пэстыр, нэ пал-дова со ёв сыс пэрво рашай пэ дова бэрш, ёв ангилпхэндя, со Исүсо мэрэла пал манушэндэ, ⁵² И на пал екхэ адалэ манушэндэ, нэ и ваш дова, соб (кай) тэ скэдэн кхэтанэ сарэн Дэвлэскирэн чхавэн, савэ исын росчхурдынэ пир пхув. ⁵³ И адалэ дывэстыр ёнэ ячнэ тэ думинэн, сыр тэ мулякирэн Исусóс. ⁵⁴ И палдава Исүсо на явэлас муй пэ муй машкир Юдэндэ, а Ёв гия одотхыр дро фóро, савó кхарэна Ефраимо, нáдур пашыл чхучи пхув, и Ёв яцяпэ одой Пэскирэ сыкляибнытконэнца. ⁵⁵ Явэлас сыг Юдытко Патрадi, и бут манушá адалэ ригатыр явнэ дро Ерусалимо ангил Патрадi, соб (кай) тэ обжужакирэнпэ (тэ обчыстинэнпэ). ⁵⁶ Манушá родынэ Исусóс и ракирдэ машкир пэстэ, сыр ёнэ скэдынэпэ дрэ Кхангири: “Сыр тумэ думинэна? Наушто Ёв сарэса на явэла пэ свэнко?” ⁵⁷ Рашангирэ барыдырэ и Фарисеи дынэ упхэныбэн, со кажно, кон уджинэла, кай Ёв исын, тэды мэк тэ пхэнэл пал дава, соб (кай) Ёнэ тэ могоинэн тэ лэн Лэс.

Шэрó 12

Исусóс Помакхнэ дрэ Вифания

¹ Пэ шов дывэса ангил Патради́ Исусо явдя́ дрэ Вифания, дро дова́-паць гав, кай дживдя́ Лазарё, Савэс Ёв отджидякирдя́ мулэндыр. ² Ёнэ кэрдэ хабён ваш Лэскэ, и Марфа подэлас хабён пэ скамíнд, а Лазарё сыс бэшто пал скамíнд кхэтанэ́ Исусóса. ³ Марія дро дова́ часо (цыро), лый кхорó древáн дрогонэ́ мирóса жужэ́ нардостыр, вымакхця́ лэса Исусóскирэ́ гэрá и выкостя́ Лэскирэ́ гэрá пэскирэ́ балэнца; и сарó кхэр пхэрдия́ лачхэ́-сунгáкиро кхандыпна́са миростыр. ⁴ Тэды екх Лэскирэ́ сыкляибнытконэндыр, Юда Искарियो́то, одова́-паць, савó камдя́ Лэс тэ здэл, пхэндя́: ⁵ “Сóскэ́ сыс тэ на бикнас дава́ миро пал трин шэла́ динарии́ и тэ на роздас богэнгэ?” ⁶ Ёв пхэндя́ дава́ на пал-дова́, со ёв думиндя́ дро ило́ пал богэндэ́, нэ пал-дова́, со ёв сыс чор. Ёв лыджалас пэса́ ловэ́ дрэ тыкнори́, савэ́ мануша́ скэдэна́ и бут мо́лы лэлас одотхы́р ваш пэскэ́. ⁷ Исусо́ пхэндя́: “На чилавэн ла; ёй дава́ раххця́ пэ Миро гараибнытко́ дывэс; ⁸ Пал-дова́ со бо́ги ўса́ды (сак) явэна́ тумэнца́, нэ Мэ на ява́ва ўса́ды (сак) тумэнца́.”

Зракирибён пэ Лазарёстэ

⁹ Бут Юдэндыр уджиндлэ́, со Ёв сыс одой́, и явнэ́ одориќ на ваш екхэ́ Исусóскэ́, нэ соб (кай) тэ дыкхэ́н Лазарёс, савэс Ёв отджидякирдя́ мулэндыр. ¹⁰ Тэды раша́нгирэ́ барыдыра́ скэдынэ́пэ тэ мулякирэ́н и Лазарёс. ¹¹ Пал-дова́ со пал лэстэ́ бут Юды́ явэна́с кэ́ Исусо́ и патяндынэ́.

Славўтно Загиибён дро Ерусалимо

¹² Пэ явир́ дывэс́ бут мануша́, савэ́ явнэ́ пэ свэ́нко, сыр уджиндлэ́, со Исусо́ джа́ла дро Ерусалимо́, ¹³ лынэ́ пальматы́р рандя́ и выгинэ́ ангил́ Лэстэ́ и годлэ́нас: “Асанна! Мэк тэ явэл́ бахтякирдó, Савó джа́ла ваш Дэвлэ́скиро лав, Кра́ли Израилё́скиро!” ¹⁴ Исусо́, латхя́ тэрнэ́ ослóс, бэсця́ пэ лэстэ́, сыр ады́кэ́ и исын чхиндлó́ дро Свэ́нто Чхиныбён: ¹⁵ “На андыршан, Сионоскирэ́ манушáлэ! Акэ́, тыро́ Кра́ли традэ́ла кэ́ ту, уклистэ́ пэ тэрнэ́ ослостэ́.” ¹⁶ Лэскирэ́ сыкляибны́тка на галынэ́ дава́; нэ, кэ́ли Исусо́ сыс славиндло́, тэды ёнэ́ рипирдэ́, со ады́кэ́ сыс чхиндлó́ пал Лэстэ́ дро Свэ́нто Чхиныбён, и ады́кэ́ ёнэ́ кэрдэ́ Лэскэ́. ¹⁷ Мануша́, ангил́ савэ́ндэ́ Исусо́ газды́я Лазарёс ма́гилаты́р и отджидякирдя́ мулэндыр, допхэ́нэлас пал дава́; ¹⁸ палдова́́ и выгинэ́́ тэ стрэ́нинэн (тэ пи́рилэн) Лэс мануша́, сыр ёнэ́ шундлэ́, со Ёв кэрдя́́ дасаво́́ диво́. ¹⁹ Фарисе́и ж ракирдэ́́ машкíр пэстэ́: “Ци дыкхэ́на́ тумэ́, со тумэ́́ сан бизорья́кирэ́́ вари-со́́ тэ кэрэн; сарó́́ свэ́то джа́ла пал Лэстэ́.” ²⁰ Машки́р одолэ́ндэ́, савэ́́ явнэ́́ пэ свэ́нко́́ тэ мангэ́́нпэ́́ Дэвлэ́скэ́, сыс и Гре́ки (Баламó); ²¹ ёнэ́́ подгинэ́́ кэ́ Филипо́, савó́́ сыс одолэ́́ штэ́то́стыр Вифса́идаты́р, со исын дрэ́́ Галиле́я, и мангнэ́́ лэс, раки́ри: “Раё! Амэ́́ камас тэ́́ дыкхас Исусóс.” ²² Филипо́́ гия́́ и пхэндя́́ пал дава́́ Эндрискэ́; и ёнэ́́, Эндри́́ и Филипо́́, гинэ́́ дуйджинэ́́́ и пхэндлэ́́́ Исусóскэ́́ пал дава́́. ²³ Исусо́́ отпхэндя́́́ лэ́нгэ: “Явдя́́ мардо́́ ваш дава́́, соб (кай) тэ́́ славинэ́́лпэ́́ Манушэ́́скиро́́ Чхавó. ²⁴ Чачэ́с, чачэ́с Мэ́́ ракира́́ва тумэ́́нгэ: ко́́ли марэ́скири́́ зы́рка, со пы́я́ дрэ́́ пхув, на мэрэ́ла, тэды́́ ёй ячэ́лапэ́́ екх; нэ́́ ко́́ли мэрэ́ла, тэды́́ янэ́́ла бут ба́рьякирдэ́́́ (плóды). ²⁵ Одова́́, конэ́скэ́́́ исын на́́ дро́го пэ́скиро́́ джи́ибэ́н, хася́кирэ́ла́ лэс; нэ́́ конэ́скэ́́ на дро́го пэ́скиро́́ джи́ибэ́н дро́ дава́́ свэ́то, одова́́ лэс ра́ххэла́ ваш вэ́чно́́ джи́ибэ́н. ²⁶ Одова́́, савó́́ Ма́нгэ́́ дына́ринэ́ла, мэк тэ́́ джал пал Ма́ндэ́, и кай Мэ́́ сом одой́́́ и дына́ри́́ Миро́́ явэ́ла; и одолэ́́скэ́́, кон Ма́нгэ́́́ явэ́ла́ тэ́́ дына́ринэ́л, одолэ́́с Миро́́́ Дад славинэ́ла.

Исусо Ракирэла пал Пэскиро Мэрибэн

²⁷ Миро Дүхо (Фано) пыя каканá; и со Мánгэ тэ пхэнáв? Дáдо! Зрáкх Ман далé мардэстыр (штундатыр)! Нэ Мэ ваш дава́ и явдём кэ дава́ мардо́. ²⁸ Дáдо, прославин Тырó лав.” И болыбна́стыр роздыпэ зан: “И Мэ прославиндём, и ишчо (инкэ) Мэ ява́ва тэ слави́нав.” ²⁹ Манушá, савэ сыс тэрдэ одой и шундлэ зан, екх ракирдэ, со дава́ громо грукиндя. Нэ явир ракирдэ: “Давá Янгóло ракирдя́ Лэса.” ³⁰ Исусо пхэндя́ пэ дава́: “На ваш Мánгэ сыс када́я зан, ёй сыс ваш тумэнгэ, манушэнгэ; ³¹ каканá явдя́ сэндо кадалэ свэ́тоскэ; и Крáли адалэ свэ́тоскиро явэ́ла традыно́ яври; ³² Нэ кэли Мэ ява́ва газдыно́ пхувья́тыр, тэды Мэ ла́ва сарэн манушэн кэ Пэ.” ³³ Давá Ёв ракирдя́, соб (кай) ёнэ тэ галён, савэ мэрибна́са Ёв мэрэ́ла. ³⁴ Манушá отпхэндлэ́ Лэскэ: “Амэ уджиндя́м Законóстыр; со Христóсо на мэрэ́ла ниéкхвар; сыр Ту ракирэ́са, со Чхавó Манушэ́скиро явэ́ла газдыно́? И кон адава́ исын Манушэ́скиро Чхавó?” ³⁵ Тэды Исусо пхэндя́ лэнгэ: “Сарэ́са пэ на́бут часо дуд (свэ́то) исын тумэнца. Псирэн, пака исын дуд, соб (кай) тэ на чхакирэ́л тумэн калыпэн (цёмныма). Нэ одова́, кон псирэ́ла дро калыпэн, одова́ на джинэ́ла, карик ёв джа́ла.

Манушэнги́ро Напатяи́бэн

³⁶ Нэ пака дуд свэнцынэ́ла тумэнгэ, патян дрэ́ дуд, и тумэ́ явэ́на дудэскирэ́ чхавэ́.” Далэ лавэнца́ Исусо гия́ и никон на джиндя́, кай Ёв сыс. ³⁷ Хоць Ёв кэрдя́ адаки́цы бут дивы́ ангил лэндэ́, ёнэ уса́екх на патяндынэ́ дрэ́ Лэстэ́, ³⁸ мэк тэ сполнинэ́лпэ́ Исаё́скирэ́-проро́коскиро лав: “Раё́ Дэ́вла! Кон патяндя́ занякэ́ (звеся́кэ), сави́ шундлэ́ амэндыр, и конэ́скэ отчхаки́рдяпэ́ Дэ́влэски́ри зор?” ³⁹ И палдава́ ёнэ на мого́ндлэ́ тэ патян, со и пхэндя́ нэвэ́стыр Исаё́: ⁴⁰ “Адалэ́ манушá ячнэ́ корорэ́ и лэнгирэ́ илэ́ ячнэ́ барунэ́ адя́кэ, со ёнэ на дыкхэ́на пэскирэ́ яххэнца́ и на галё́на годя́са, и на явэ́на, соб (кай) Мэ́ тэ высастя́кирав лэн.” ⁴¹ Кадава́ пхэндя́ Исаё́, пал-дова́ со ёв дыкхя́ Исусо́скири сла́ва, ёв дава́ ракирдя́ пал Исусо́стэ. ⁴² Адя́кэ-паць бут барэ́ рандыр упатя́ндынэ́ дрэ́ Исусо́стэ, нэ ёнэ дарáндынэ́ Фарисеендыр тэ пригалён дава́, соб (кай) кодо́лэ тэ на традэн лэн яври́ Кханги́рья́тыр; ⁴³ пал-дова́ со манушы́тко сла́ва сыс ваш лэнгэ́ дрогэ́дыр, сыр сла́ва Дэ́влэстыр.

Сэндо́ Явэ́ла пир Исусо́скирэ́ Лавá

⁴⁴ Исусо зоралэ́с дыя́ гóдла и пхэндя́: “Одова́, кон дрэ́ Мánдэ́ патя́ла, ёв на дрэ́ Мánдэ́ патя́ла, нэ ёв патя́ла дрэ́ Одо́лэстэ́, Кон бичхадя́ Ман; ⁴⁵ одова́, кон дыкхэ́ла Ман, дыкхэ́ла и Одо́лэс, кон бичхадя́ Ман. ⁴⁶ Мэ́ явдём сыр дуд дро свэ́то, соб (кай) ка́жно, кон патя́ла дрэ́ Мánдэ́, тэ на ячэ́лпэ́ дро калыпэн (цёмныма). ⁴⁷ И кон шунэ́ла лава́ Мирэ́ и на явэ́ла тэ патял, на Мэ́ ява́ва лэ́скэ сэнда́ри, пал-дова́ со Мэ́ явдём на ваш дава́, соб (кай) тэ сэндина́в свэ́то, а Мэ́ явдём ваш дова́, соб (кай) тэ зракхав лэс. ⁴⁸ Одова́, кон Ман на пригалэ́ла и на камэ́ла тэ прилэл́ Миро́ Лав, пэ́ дасавэ́стэ́ исын сэнда́ри: Лав, саво́ Мэ́ ракирдём, ёв явэ́ла тэ сэндинэл лэс дро палатунó (последнё́) дывэ́с. ⁴⁹ Пал-дова́ со Мэ́ на Кокорó́ Пэ́стыр ракирдём, а Миро́ Дад, Кон бичхадя́ Ман, Ёв дыя́ припхэ́ныбэн Мánгэ́, со тэ ракира́в и сыр; ⁵⁰ и Мэ́ джинóм (джина́в), со Лэ́скиро припхэ́ныбэн исын вéчно джи́ибэн. Мэ́ ракира́ва дова́, со Дад пхэндя́ Мánгэ́ тэ ракира́в.”

Шэ́ро 13

Исусо́ Морэ́ла Гэ́ра́ Пэ́скирэ́ Сы́кляибны́тконэ́нгэ́

¹ Ангил свэнко́ Патради́ Исусо́, сыр джиндя́, со явдя́ пашылэ́дыр мардо́ (штунда́) ваш Лэ́скэ́ тэ мэкэл дава́ свэ́то и тэ рисё́л кэ́ Дад, Лэ́скэ́ ячнэ́ древа́н дро́га одолэ́, савэ́ дживдэ́ Лэ́са пэ́ дава́ свэ́то, и каканá Ёв сыка́дя сари́ зор Пэ́скирэ́ ласка́са кэ́ ёнэ. ² Бэ́львэлé, кэ́ли ёнэ ханас, на́лачхо чху́дя мы́сля дро́ ило́ Юда́скэ́, Симо́носкирэ́ чхавэ́скэ́ Иска́риотоскирэ́скэ́ тэ́ здэл

Исусос. ³ Исусо джидя, со Дад саро отдыя дрэ Лэскирэ васта, и со Ёв явдя Дэвлэстыр и рисёла кэ Дэвлэ. ⁴ Исусо уштыя скаминдэстыр, злыя Пэстыр упратуно урибэн, лыя рушника (кхосно) и подпхандяпэ ласа. ⁵ Палó (после) Ёв чхудя пани дро морибнаскиро чарó и лыя тэ морэл гэрá сыкляибнытконэнгэ и тэ кхосэл рушникаса, савьяса Ёв сыс подпхандло. ⁶ Кéли Ёв подгия кэ Симоно Пэтри, одова ракирэла Лэскэ: “Раё Дэвла! Ту явэса тэ морэс гэрá мангэ?” ⁷ Исусо отпхэндя лэскэ: “Со Мэ кэрава, каканá ту на галёса, нэ сарó ту галёса коригэдыр.” ⁸ Пэтри ракирэла Лэскэ: “Ту ниэкхвар на выморэса гэрá мирé.” Исусо отпхэндя лэскэ: “Кóли Мэ на выморава тукэ гэрá, тэды ту на сан Мánца кхэтанé дрэ паш.” ⁹ Тэды Пэтри ракирэла Лэскэ: “Раё Дэвла! Мор, на екх гэрá и вастá мирé, нэ и шэрó.” ¹⁰ Исусо ракирэла Лэскэ: “Жужé (чыстонэ) манушэскэ трэй екх гэрá тэ выморэл, пал-дова со ёв исын жужó; и тумэ сан жужé, нэ на сарé. ¹¹ Пал-дова со Ёв джидя Пэскирэс здыибнарис, палдава адыкэ и пхэндя, со на сарé ёнэ сыс жужé. ¹² Нэ кéли Исусо вымордя лэнгэ гэрá и уридя Пэскиро урибэн, Ёв бэсця пэ Пэскиро штэто и пхэндя лэнгэ: “Ци тумэ на джидяна, со Мэ кэрдём ваш тумэнгэ?” ¹³ Тумэ Ман кхарэна “Сыклякирибнаскиро” и “Дэвлэ”, и миштó кэрэна, пал-дова со Мэ адасавó и Сом. ¹⁴ И кóли Мэ, Дэвлэ и Сыклякирибнаскиро вымордём тумэнгэ гэрá, адыкэ-паць и тумэнгэ трэй тэ морэн гэрá екх екхэскэ. ¹⁵ Мэ дыём тумэнгэ примэро (сыкаибэн), соб (кай) и тумэ тэ кэрэн адыкэ-паць, со Мэ кэрдём тумэнгэ. ¹⁶ Чачэс, чачэс Мэ ракирава тумэнгэ: дынари исын на барэдыр пэскирэ Растыр, и одова, кон бичхадó, нанэ барэдыр одолэстыр, Кон бичхадя лэс. ¹⁷ Кóли тумэ джидяна дава, тумэ явэна бахталэ, кóли и явэна тэ кэрэн адыкэ-паць. ¹⁸ Мэ на пал сарэндэ тумэнгэ ракирава. Мэ джидя (джинав) одолэн, савэн Мэ выкэдыём; нэ мэк тэ сполнинэлпэ Свэнто Чхиныбэн: Одова, кон хала марó кхэтанé Мánца, газдыя гэрóй пэ Мэндэ. ¹⁹ Каканá Мэ ракирава тумэнгэ: ангил, сыр дава сполнинэлапэ, соб (кай) тумэ тэ патян, со дава сом Мэ. ²⁰ Чачэс, чачэс Мэ ракирава тумэнгэ: кон прилэла одолэс, конэс Мэ бичхавава, прилэла Ман; нэ кон прилэла Ман, прилэла Одолэс, Кон бичхадя Ман.”

Исусо Ангилпхэнэла пал Пэскиро Здыибэн

²¹ Кéли Исусо пхэндя дава, Ёв древán пиридживэлэс дро илó и досыкадя и выпхэндя: “Чачэс, чачэс Мэ ракирава тумэнгэ, со екх тумэндыр здэла Ман.” ²² Тэды сыкляибнытка, дыкхй екх пэ екхэстэ, на джидлэ, пал конэстэ Ёв ракирдя. ²³ Екх Лэскирэ сыкляибнытконэндыр, савó сыс дро́го Исусóскэ, сыс паштó пашыл Исусóскиро колын. ²⁴ Симоно Пэтри подпхэндя шпэраса (знакоса) лэскэ, соб (кай) одова тэ пхучэл Лэстыр, пал конэстэ Ёв ракирэла. ²⁵ И сыкляибнытко, сыр приклониндяпэ кэ Исусóскиро колын, пхэндя Лэскэ: “Раё Дэвла! Кон адава исын?” ²⁶ Исусо отпхэндя: “Одова, конэскэ Мэ болавава котэр марó и подава”, и Ёв подыя котэр марó Юдаскэ, Симоноскирэ-Искариотоскирэ чхавэскэ. ²⁷ И тэды палó дава котэр, налачхо загия дрэ лэстэ. Тэды Исусо пхэндя лэскэ: “Со кэрэса, кэр сыгэдыр.” ²⁸ Нэ никон, кон сыс бэштó одóй, на галыя, кэ со Ёв пхэндя дава лэскэ. ²⁹ Вари-савó лэндыр думиндлэ, со, сыр Юдастэ сыс ловитко тыкнори, палдава Исусо ракирдя лэскэ: “Кин, со амэнгэ трэй кэ свэнко, ци соб (кай) тэ дас вари-со богэнгэ.” ³⁰ Юда лыя котэр марó, и адай жэ гия яври; и дава сыс рат. ³¹ Кéли ёв гия, Исусо пхэндя: “Каканá Чхавó Манушэскиро славиндяпэ и Дэвлэ славиндяпэ дрэ Лэстэ. ³² Кóли Дэвлэ славиндяпэ дрэ Лэстэ, тэды и Дэвлэ прославинэла Лэс дрэ Пэстэ, и сыг прославинэла Лэс. ³³ Чхавалэ Мирé! На́бут Мánгэ яцяпэ тэ явав тумэнца. Тумэ явэна тэ родэн Ман, и сыр Мэ пхэндём Юдэнгэ: Карик Мэ джава, тумэ на мого́нэна тэ явэн, адыкэ Мэ и тумэнгэ ракирава. ³⁴ Мэ дава тумэнгэ нэво припхэныбэн: явэн дро́га екх ваш екхэскэ; сыр Мánгэ, адыкэ-паць и тумэ явэн дро́га екх ваш екхэскэ. ³⁵ Пир дава уджинэна сарé, со тумэ сан Мирé сыкляибнытка, кóли явэла ласка машкир тумэндэ.”

Исүсо Ангилпхэнэла пал Лэскиро Отпхэныбэн

³⁶ Симоно Пэтри пхэндя Лэскэ: “Раё Дэвла! Карик Ту джаса?” Исүсо ракирэла лэскэ: “Карик Мэ джава, түкэ нашты (на могойнаса) тэ джас каканá пал Мándэ, нэ коригэдыр джаса пал Мándэ.” ³⁷ Пэтри пхэндя Лэскэ: “Раё Дэвла! Соскэ Мángэ нашты тэ джав пал Түтэ каканá? Мэ чхувава пэскиро ило пал Түтэ.” ³⁸ Исүсо отпхэндя лэскэ: “Чхувэса ило пэскиро пал Мándэ? Чачэс, чачэс Мэ ракирава түкэ: на пробагала башно, сыр ту трин мо́лы отпхэнэсапэ Мандыр.”

Шэрó 14

Пир Исусóстэ исын Дром кэ Дэвэл Дад

¹ “Мэк ило тумарó тэ на страхадёл; патя́н дрэ Дэвлэстэ и патя́н дрэ Мándэ. ² Дрэ Мирé-Дадэскиро кхэр исын бут штэты; нэ ко́ли тэ на явэл адя́кэ, Мэ пхэна́вас тумэ́нгэ: Мэ джава тэ кэдав штэ́то тумэ́нгэ?” ³ И кэ́ли Мэ джава и кэ́дава штэ́то тумэ́нгэ, Мэ ява́ва нэвэ́стыр и лавá тумэн кэ Пэ; соб (кай) и тумэ́ тэ явэ́н одо́й, кай Мэ ява́ва. ⁴ А карик Мэ джава, тумэ́ джине́на и дром одори́к исын джине́дло тумэ́нгэ.” ⁵ Фама пхэндя Лэскэ: “Раё Дэвла! Амэ на джине́на, карик Ту джаса; сыр амэ могоина́са тэ джине́на дром одори́к?” ⁶ Исүсо пхэндя лэскэ: “Мэ сом дром и чачипэ́н и джи́ибэ́н; никон на явэ́ла кэ Дад, сыр екх пир Мándэ. ⁷ Ко́ли тумэ́ тэ джине́н Ман, тэды тумэ́ джине́на́с и Мирé Дадэ́с; и каканá тумэ́ джине́на Лэс и дыкхне́ Лэс.” ⁸ Филипо пхэндя Лэскэ: “Раё Дэвла! Сыка́в амэ́нгэ Дадэ́с, и буты́р амэ́нгэ нисо́ на трэй.” ⁹ Исүсо пхэндя лэскэ: “Ци на гара́” (длу́гэс) Мэ сом тумэ́нца, и ту на джине́на́с Ман, Филипо? Одо́ва, кон дыкхце́ Ман, дыкхце́ и Дадэ́с; сыр ту ракире́са: ‘Сыка́в амэ́нгэ Дадэ́с?’ ¹⁰ Ци ту на патя́са, со Мэ сом дрэ Дадэ́стэ и Дад исын дрэ Мándэ? Лавá, савэ́ Мэ ракира́ва тумэ́нгэ, Мэ ракира́ва на Пэ́стыр; ада́ва Дад, Саво́ исын дрэ Мándэ, Ёв кэ́рэла Пэ́скире́ рэ́нды. ¹¹ Патя́н Мángэ, со Мэ сом дрэ Дадэ́стэ и Дад исын дрэ Мándэ; нэ ко́ли на патя́на Мángэ, тэды патя́н пир ко́корé Мирé рэ́нды. ¹² Чачэ́с, чачэ́с Мэ ракира́ва тумэ́нгэ: Одо́ва, кон патя́ла дрэ Мándэ, явэ́ла тэ кэ́рэл дасавэ́-па́ць рэ́нды, со и Мэ кэ́рава и буты́р одолэ́ рэ́ндэ́ндыр ёв кэ́рэла; пал-до́ва со Мэ джава кэ́ Миро Дад. ¹³ И со тумэ́ тэ на помангэ́н Дадэ́стыр Мирé лавэ́стыр, Мэ са́ро кэ́рава до́ва, и Дад сыка́вэ́ла Пэ́скири сла́ва пир Чхавэ́стэ. ¹⁴ Ко́ли со тэ на мангэ́н Мирé лавэ́стыр, Мэ до́ва кэ́рава.”

Исүсо Дэ́ла Лав Лэ́нгэ тэ Бичхавэ́л Свэ́нто Ду́хо (Фа́но)

¹⁵ Ко́ли тумэ́ рикире́на Ман сыр Дро́гима дро ило́, то кэ́рэн до́ва, со Мэ при́пхэ́нде́м тумэ́нгэ. ¹⁶ И Мэ поманга́ва Дадэ́с, и Ёв дэ́ла тумэ́нгэ яви́рэ Обра́дыпна́скире́с (Утешы́телёс), саво́ ўса́ды (сак) явэ́ла тумэ́нца; ¹⁷ да́ва исын Ду́хо (Фа́но) чачипна́скиро, Савэ́с свэ́то нашты́ тэ при́лэл, пал-до́ва со ёв на дыкхэ́ла Лэс и на джине́ла; нэ тумэ́ Лэс джине́на, пал-до́ва со Ёв исын тумэ́нца и явэ́ла дрэ тумэ́нде́. ¹⁸ Мэ на ячкира́ва тумэн пиротэ́нца (сиротэ́нца), Мэ ява́ва кэ́ тумэ́. ¹⁹ Са́рэса на́бут, и свэ́то Ман на явэ́ла тэ дыкхэ́л, нэ тумэ́ дыкхэ́на Ман, пал-до́ва со Мэ джива́ва, и тумэ́ явэ́на тэ дживэ́н. ²⁰ Дрэ до́ва дывэ́с тумэ́ явэ́на тэ джине́н, со Мэ сом дрэ Мирé Дадэ́стэ, и тумэ́ сан дрэ Мándэ, и Мэ сом дрэ тумэ́нде́. ²¹ Одо́ва, конэ́стэ исын Мирé при́пхэ́ныбэ́на, и кон ра́кхэ́ла лэ́н, одо́ва рикире́ла Ман сыр Дро́гима дро ило́, и Дад Миро сыка́вэ́ла паты́в лэ́скэ, и Мэ адя́кэ-па́ць ява́ва тэ сыка́вав паты́в лэ́скэ, и Мэ сыка́дэ́вава Ко́корé Пэ́с лэ́скэ.” ²² Юда, саво́ на сыс Искарियो́то, ракире́ла Лэскэ: “Раё Дэвла! Сыр да Ту скэ́дэсапэ́ тэ сыка́дэ́с амэ́нгэ, а на свэ́тоскэ́?” ²³ Исүсо отпхэндя лэскэ: “Ко́ли вари́-конэ́скэ́ сом дро́го Мэ, одо́ва ману́ш зракхэ́ла Миро лав; и тэды Мирé Дадэ́скэ́ явэ́ла дро́го ёв, и амэ́ ява́са кэ́ ёв и амэ́ ява́са тэ джива́с кэ́ ёв. ²⁴ Одо́ва, конэ́скэ́ на дро́го сом Мэ, одо́ва ману́ш на ра́кхэ́ла Мирé лавá; нэ лав, саво́ тумэ́ шунэ́на, да́ва исын на Миро, а Дадэ́скиро, Саво́ бичха́дя́ Ман. ²⁵ Мэ пхэ́нде́м тумэ́нгэ да́ва, кэ́ли Мэ со́мас кхэ́танэ́ тумэ́нца. ²⁶ Обра́дыпна́скиро, Саво́ исын Ду́хо (Фа́но) Свэ́нто, Саво́ бичхавэ́ла Дад ваш Миро лав,

высыклякирэла тумэн сарэскэ и саро чхувэла дрэ тумарі годы, пал со Мэ ракирдём тумэнгэ. ²⁷ Мэ ячкирава раманё (миро) тумэнгэ, Миро раманё Мэ дава тумэнгэ: нэ на адякэ, сыр свёто дэла, Мэ дава тумэнгэ, и мэк тэ на страхадёл тумаро ило, и тэ на дарэл. ²⁸ Тумэ шундлэ, со Мэ пхэндём тумэнгэ: ‘Мэ джава криг тумэндыр и явава кэ тумэ. Кóли тумэнгэ Мэ явасас дро́го, тумэ явэнас рада, со Мэ джава кэ Дад; пал-дова со Миро Дад исын барэдыр Мандыр’. ²⁹ И, гада, Мэ пхэндём тумэнгэ саро англэдыр долэстыр, сыр дава кэрэлапэ ваш дова, соб (кай) тумэ тэ патян, кэли дава кэрэлапэ. ³⁰ Мэ каканá на явава бут тэ ракирав тумэнца, пал-дова со джала далэ-свэтоскиро хулай, нэ ёв исын на хулай пэ Мандэ. ³¹ Нэ, соб (кай) свёто тэ джинэл, со Мángэ исын дро́го Дад и, сыр пхэндя Мángэ Дад, адякэ Мэ саро кэрава: ‘Уштэн, джаса адатхыр.’”

Шэро 15

Исусо исын Чачунó Винаградóскиро Кашт

¹ Мэ сом чачунó винаградоскиро Кашт (Лоза), и Миро Дад исын винаградникоскиро Хулай. ² Кажно рандь (вэтка), сави исын дрэ Мандэ, и сави на дэла барьякирдó (плóдо), Ёв обчингирэла; и кажно рандь, сави дэла барьякирдó, Ёв жужакирэла (чыстинэла), соб (кай) ёй бутэдыр тэ дэл барьякирдó. ³ Тумэ каканá сан жужэ Мирé лавэндыр, савэ Мэ ракирдём тумэнгэ. ⁴ Ячэ́нпэ дрэ Мандэ, сыр Мэ сом дрэ тумэндэ. Сыр рандь кокори пэстыр на мого́нэла тэ дэл барьякирдó, кóли ёй на явэла тэ барьёл каштэстыр: адякэ-паць и тумэ на мого́нэна, кóли тумэ на ячэ́напэ дрэ Мандэ. ⁵ Мэ сом Кашт, нэ тумэ сан Мирé рандя́ (вэ́тки): одова́, кон исын на́ дрэ Мандэ, сыр и Мэ сом дрэ лэстэ, одова́ дэла бут барьякирдэ; пал-дова со би Миро тумэ на мого́нэна нисó тэ кэрэн. ⁶ Нэ, кон на дрэ Мандэ, одова́ исын сыр рандь, сави чхурдэлапэ яври, сави зашутёла; нэ адасавэ рандя́ скэдэна и чхурдэна дрэ яг, и одой ёнэ схачона. ⁷ Нэ кóли тумэ ячэ́напэ дрэ Мандэ и Мирé лавá ячэ́напэ дрэ тумэндэ, тэды мангэн, со тумэнгэ трэй, и тумэнгэ явэла дыно́. ⁸ Далэса Миро Дад славинэлапэ, кóли тумэ дэна бут барьякирдэ, и тумэ явэна Мирé сыкляибны́тка. ⁹ И сыр яцём дро́го Мэ Мирé Дадэ́скэ, адякэ-паць и Мángэ ячнэ дро́га тумэ; ячэ́нпэ дро Мирі ласка. ¹⁰ Кóли тумэ явэна тэ раххэн Мирé припхэныбэ́на, то тумэ явэна тэ ячэ́нпэ дро Мирі ласка, адякэ-паць, сыр и Мэ раххцём Мирé-Дадэ́скирэ припхэныбэ́на, и Мэ джива́ва дро Лэскири ласка. ¹¹ Дава́ Мэ пхэндём тумэнгэ, соб (кай) Мирі ра́дыма тэ ячэл тумэнца, и, соб (кай) тумарі ра́дыма тэ явэл пхэ́рды. ¹² Га́да, исын Миро припхэныбэ́н тумэнгэ: явэн дро́га екх екхэ́скэ, адякэ-паць сыр Мэ яцём дро́го тумэнгэ. ¹³ Нанэ барэдыр долэ ласкатыр, кóли вари-кон отдэла пэскиро джи́ибэн пал малэндэ. ¹⁴ Тумэ сан Мирé дру́ги (мала́), кóли тумэ кэрэна дова́, со Мэ припхэндём тумэнгэ. ¹⁵ Мэ каканá на кхара́ва тумэн дынарьэ́нца, пал-дова со дына́ри на джинэла, со кэрэла лэскиро хулай; нэ Мэ кхара́ва тумэн Пэскирэ другэ́нца (малэ́нца), пал-дова со Мэ пхэндём тумэнгэ саро, со шундём Мирé Дадэ́стыр. ¹⁶ На тумэ выкэ́дынэ́ Ман, нэ дава́ Мэ тумэн выкэ́дыём, соб (кай) тумэ тэ джа́н и дэн барьякирдó и, соб (кай) барьякирдó тумаро́ тэ барьёл и тэды, пал со тумэ на помангэ́нас Мирé Дадэ́с Мирé лавэ́стыр, Ёв дэла тумэнгэ. ¹⁷ Га́да, со Мэ припхэна́ва тумэнгэ: сыкавэ́н патыв екх екхэ́скэ.

Свёто Бидыкхэла (На пир Ило́) Дэвлытконэ́н

¹⁸ Кóли свёто на дэла патыв тумэнгэ, джинэн, со ёв Ман англэдыр тумэндыр свёто на дэлас патыв. ¹⁹ Кóли тумэ тэ явэн далэ свэто́стыр, тэды лэ́скэ явэ́нас дро́га тумэ, сыр пэскирэ; нэ адякэ, сыр тумэ на сан далэ свэто́стыр, нэ Мэ выкэ́дыём тумэн далэ свэто́стыр, палдава́ тумэ сан на дро́га свэто́скэ. ²⁰ Рипирэн лав, саво́ Мэ пхэндём тумэнгэ: дына́ри исын на барэдыр пэскирэ хуластыр. Кóли ёнэ Ман тра́дынэ, и тумэн явэ́на тэ тра́дэн; кóли ёнэ Миро лав кандэ́нас, ёнэ явэ́на тэ кандэ́н и тумаро́ лав. ²¹ Нэ саро́ дава́ ёнэ явэ́на тэ кэрэн тумэнгэ пал Миро лав, пал-дова со ёнэ на джинэ́на Одолэ́с, Кон бичхадя́ Ман. ²² Кóли Мэ тэ на явав и тэ на ракирав лэ́нгэ, тэды лэ́ндэ на явэ́лас грэ́хо; нэ каканá лэ́нгэ нанэ отмэ́кибэн дрэ лэ́нгиро

грэхо. ²³ Одовá, конэскэ на дрóго Мэ сом, одолэскэ исын на дрóго и Мирó Дад. ²⁴ Кóли Мэ тэ на кэрáв ангил лэндэ рэндэ, савé явйр никон на кэрдя, тэды лэндэ на явэлас грэхо; нэ каканá ж ёнэ дыкхнэ лэн и усаэкх бидыкхэна (на дэна паты́в) Ман и Мирó Дадэс. ²⁵ Нэ мэк тэ кэрэлпэ лав, савó исын чхиндлó дро лэнгиро Закóно: ‘Ёнэ бидыкхэна Ман ни палсó’. ²⁶ Кéли явэла Обрадыпнаскиро (Утешытеле) кэ тумэ, савэс Мэ бичхавáва тумэнгэ Мирó Дадэстыр, ёв исын чачунó Дúхо (Фáно), Ёв джáла Дадэстыр, Ёв Кокорó явэла тэ допхэнэл пал Мándэ. ²⁷ Нэ адякэ-паць и тумэ явэна тэ допхэнэн, пал-довá со тумэ сáнас Мánца самонэ англыпнастыр.

Шэрó 16

Сыр Явэна тэ Традэн Дэвлытконэн

¹ Мэ пхэндём дава́ тумэнгэ, соб (кай) тумэ тэ на отпэрэн. ² Тумэн традэна яври кхангирьендыр; и явэла дасаво часо (цýро), кéли одовá мануш, савó замарэла тумэн, явэла тэ думинэл, со ёв далэса дынаринэла Дэвлэскэ. ³ Ёнэ явэна тэ кэрэн адякэ, пал-довá со адалэ манушá на джиндлэ ни Дадэс, ни Ман. ⁴ Нэ Мэ пхэндём тумэнгэ дава́ ваш дова́, соб (кай) тумэ, кéли явэла одовá часо, тэ рипирэн, со Мэ ракирдём тумэнгэ пал дава́; Мэ англэдыр на ракирдём тумэнгэ пал дава́, пал-довá со Мэ sóмас тумэнца.

Свэнтонэ-Духóскири Буты

⁵ Нэ каканá Мэ джáва кэ Одовá, Кон бичхадя́ Ман, нэ никон тумэндыр на пхучэла Мándыр: ‘Карик Ту джáса?’ ⁶ Нэ долэстыр, со Мэ пхэндём дова́ тумэнгэ, тумарó илó яця́ тэ пиридживэл. ⁷ Нэ Мэ, чачэс, ракира́ва тумэнгэ: фэдыр ваш тумэнгэ, соб (кай) Мэ тэ джав; кóли Мэ на джáва, тэды Обрадыпнаскиро на явэла кэ тумэ, нэ кóли Мэ джáва, тэды Мэ бичхавáва Лэс кэ тумэ. ⁸ И, кéли Ёв явэла, бангякирэла свéто пал грэхо, и пал чачипэн, и пал сэндо: ⁹ пал грэхо, савó исын дрэ дова́, со манушá на патя́на дрэ Мándэ; ¹⁰ пал чачипэн, со Мэ джáва кэ Мирó Дад, и тумэ бутыр на дыкхэна Ман; ¹¹ пал сэндо, со кадалэ свэтоскиро крáli явэла сэндиндло. ¹² Каканá бут со исын тэ пхэна́в тумэнгэ, нэ тумэ аканá на мого́нэна тэ галён. ¹³ Кéли явэла Ёв, чачипна́скиро Дúхо (Фáно), тэды сыкавэ́ла тумэнгэ чачунó дром дро джи́ибэн; пал-довá со Ёв явэла тэ ракирэл на Кокорó Пэстыр, нэ Ёв пхэнэ́ла тумэнгэ одовá, со шунэ́ла, и Ёв пхэнэ́ла, со явэла ангил. ¹⁴ Ёв славинэ́ла Ман, пал-довá со сарó, со Ёв пхэнэ́ла, Ёв уджинэ́ла Мándыр и роспхэнэ́ла тумэнгэ. ¹⁵ Сарó, со исын Дадэстэ, исын Мирó. Палдава́ Мэ пхэндём тумэнгэ, со Ёв Мándыр уджинэ́ла и роспхэнэ́ла тумэнгэ.

Смэ́тныма (Печаль) и Ра́дыма

¹⁶ Сыг тумэ на дыкхэна Ман, нэ сыг тумэ нэвэстыр явэна тэ дыкхэн Ман; пал-довá со Мэ джáва кэ Дад.” ¹⁷ Ада́й вари-савé Лэскирэ сыкляибнýтка пхэндлэ екх екхэскэ: “Со дава́ Ёв ракирэ́ла амэнгэ: ‘Сыг тумэ на явэна тэ дыкхэн Ман’, а сыг тумэ нэвэс дыкхэна Ман, и: ‘Мэ джáва кэ Дад’?” ¹⁸ И адякэ ёнэ ракирдэ: “Со да дасаво Ёв ракирэ́ла: ‘Сыг?’ Амэ на галёваса, со Ёв ракирэ́ла.” ¹⁹ Исýсо галы́я, пал со ёнэ камэ́на тэ пхучэн Лэстыр, и пхэндя́ лэнгэ: “Ци пал дова́ тумэ пхучэ́на екх екхэстыр, со Мэ пхэндём: ‘Со сыг тумэ на явэна тэ дыкхэн Ман, нэ нэвэстыр сыг тумэ дыкхэна Ман?’” ²⁰ Чачэс, чачэс ракира́ва Мэ тумэнгэ: тумэ явэна тэ ровэн и тэ пиридживэн, нэ свéто явэла тэ радынэлпэ; тумэ явэна тэ смэ́нтнинэн (тэ тугинэн), нэ тумарí смэ́тныма ячэ́ла радыма́са. ²¹ Джувлы́, кéли биянэ́ла, мэнчынэ́лапэ, пал-довá со явдя́ лакиро мардо́ (штýнда); нэ кéли ёй биянэ́ла тыкнорэс, бистрэ́ла радыма́тыр пал мэньки, пал-довá со бия́ндыя мануш пэ свéто. ²² Адякэ-паць и тумэ каканá сан смэ́нтна; нэ Мэ явáва тэ дыкхáв нэвэстыр тумэн, и илó тумарó явэ́ла пхэрдó радыма́са, да́я ра́дыма тумэндыр никон на отлэ́ла. ²³ И дро одовá дывэ́с тумэ на пхучэ́на Мándыр ни пал со. Чачэс, чачэс Мэ ракира́ва тумэнгэ: пал со тумэ тэ на мангэн Дадэс Мирó лавэ́стыр, Ёв дэ́ла тумэнгэ. ²⁴ Кэ

дава́ часо тумэ нисо на мангнэ Мирэ лавэса, мангэн, и дорэсэна, соб (кай) радыма дро тумаро ило тэ явэл пхэрдэ.

Упралыпэн пэ Дава́ Свэто

²⁵ Кэ дава́ часо Мэ ракирдём тумэнгэ притчэнца, нэ сыг явэла часо, кэли Мэ на ява́ва тэ ракира́в тумэнгэ притчы, нэ мамуй (прямэс) Мэ пхэна́ва тумэнгэ пал Дадэстэ. ²⁶ Дрэ одова́ дывэс тумэ явэна тэ мангэн Мирэ лавэстыр и Мэ на ракира́ва тумэнгэ, со Мэ ява́ва тэ мангав пал тумэндэ Дадэс: ²⁷ пал-дова́ со Кокорэскэ Дадэскэ тумэ сан дро́га, пал тумары́ ласка кэ Мэ и пал патяибэ́н, со Мэ явдём Дэвлэстыр. ²⁸ Мэ явдём Дадэстыр дро дава́ свэто; и нэвэстыр Мэ мэкава свэто и джа́ва кэ Дад.” ²⁹ Лэскирэ сыкляибны́тка пхэндлэ́ Лэскэ: “Га́да, кака́на́ Ту ракирэ́са мамуй, и Ту на ракирэ́са нисавэ притчы!” ³⁰ Кака́на́ амэ дыкхаса, со Ту саро́ джину́са англэдыр, и на трэй, соб (кай) вари-кон тэ пхучэл Түтыр; палдава́ амэ патя́са, со Ту явдя́н Дэвлэстыр.” ³¹ Исусо отпхэндя́ лэнгэ: “Кака́на́ тумэ патя́на? ³² Га́да, сыг подджа́ла мардо́ (штунда), и подгя́ кака́на́, со тумэ роспрастана́пэ кажно́ дрэ пэскири риг и Ман тумэ ячкирэ́на Екхэс; нэ Мэ на сом Екхджино́, пал-дова́ со Дад исын Ма́нца; ³³ га́да, Мэ пхэндём тумэнгэ, соб (кай) тумэ тэ явэн дро рама́нэ Ма́нца. Дро свэто́ мэньки́ тумэн ужакирэ́на; нэ рикирэ́нпэ муршканэ́с: Мэ збердындем (пиризорьякирдём) дава́ свэто́”

Шэро́ 17

Исусо Мангэлапэ пал Пэскирэ Сыкляибнытконэндэ

¹ Пало́ далэ лава́ Исусо газды́я пэскирэ́ якха́ пэ болыбэ́н и пхэндя́: “Дадо! Миро мардо́ (часо) явдя́: славин Пэскирэ́ Чхавэс, соб (кай) Чхаво́ тэ славинэл Тут, ² адя́кэ-паць, сыр Ту дыя́н Лэскэ́ право́ пэ кажно́ лоч (плоть), адя́кэ-паць и Ёв дэла́ вечно́ джи́ибэ́н одолэ́нгэ, конэ́с Ту дыя́н Лэскэ́. ³ А вечно́ джи́ибэ́н исын дро дова́, соб (кай) тэ джину́н Тут, Екхэ́с Чачипнаскирэ́ Дэвлэ́с, и Исусо́с Христосо́с, Савэ́с Ту бичхадя́н. ⁴ Мэ славиндем Тут пэ пхув, кэрдём буты́, сави́ Ту допатя́ндыян Ма́нгэ тэ кэра́в. ⁵ И кака́на́, Дадо, славин Ман слава́са, сави́ сыс Ма́ндэ, кэли Мэ со́мас Түтэ́ ангил, сыр свэто́ сыс создыно́. ⁶ Мэ отчхакирдём лав Тыро́ манушэ́нгэ, савэ́н Ту дыя́н Ма́нгэ свэто́стыр. Адалэ́ мануша́ сыс Тырэ́, и Ту Ма́нгэ дыя́н лэн, и ёнэ́ ра́кхнэ Тыро́ лав. ⁷ Кака́на́ ёнэ́ галыно́, со саро́, со Ту дыя́н Ма́нгэ, исын Түтыр; ⁸ пал-дова́ со лав, саво́ Ту Ма́нгэ дыя́н, Мэ дыём лэ́нгэ, и ёнэ́ прилы́нэ лэс и чачуно́с галыно́, со Мэ явдём Түтыр, и ёнэ́ патя́на, со Ту бичхадя́н Ман. ⁹ Акэ́, Мэ манга́ва пал лэ́ндэ: На пал саро́ свэто́ манга́ва, а пал одолэ́ндэ, савэ́н Ту дыя́н Ма́нгэ, пал-дова́ со ёнэ́ исын Тырэ́. ¹⁰ Пал-дова́ со саро́, со исын Ма́ндэ-Тыро́, и Миро саро́, со исын Түтэ́, и дрэ лэ́ндэ́ Мэ прославинде́мпэ. ¹¹ Мэ на сом буты́р дро свэто́, а ёнэ́ исын дро свэто́. Мэ джа́ва кэ Ту, нэ ёнэ́ ячэ́напэ́ дро свэто́. Свэ́нто Дадо! Зра́кх лэн Тырэ́ лавэ́са, одолэ́н, савэ́н Ту дыя́н Ма́нгэ, соб (кай) ёнэ́ тэ явэн пал екх, сыр и Амэ́ сам Тү́са. ¹² Кэли Мэ со́мас лэ́нца дро свэто́, Мэ приракхавас лэн Тырэ́ лавэ́са; одолэ́н, савэ́н Ту дыя́н Ма́нгэ, Мэ приракхце́м, и никон лэ́ндыр на хаси́я апри́ч чхавэ́стэ, савэ́скэ́ трэй тэ хасе́л, мэ́к тэ сполнинэ́лпэ́ Свэ́нто Чхи́ныбэ́н. ¹³ Кака́на́ Мэ джа́ва кэ Ту, и дава́ Мэ ракира́ва, па́ка Мэ сом дро свэто́, соб (кай) лэ́ндэ́ тэ явэл Ми́ри пхэ́рдэ́ рады́ма дрэ пэ́стэ. ¹⁴ Мэ пиридыём лав Тыро́ лэ́нгэ, и свэ́тоскэ́ сыс древа́н на пир ило́, пал-дава́ со ёнэ́ нанэ́ далэ́ свэто́стыр, сыр и Мэ на сом далэ́ свэто́стыр. ¹⁵ Мэ на манга́ва, соб (кай) Ту тэ лэс лэн свэто́стыр, нэ соб (кай) Ту тэ приракхэ́с лэн чори́пна́стыр; ¹⁶ ёнэ́ исын на далэ́ свэто́стыр, сыр и Мэ на сом далэ́ свэто́стыр. ¹⁷ Кэр лэн свэ́нтонэ́нца Тырэ́ чачипна́са. Тыро́ лав исын чачипэ́н. ¹⁸ Сыр Ту бичхадя́н Ман дрэ свэто́, адя́кэ-паць и Мэ бичхадём лэн дро дава́ свэто́. ¹⁹ Мэ отдыём пэ́с Тү́кэ пал лэ́ндэ, соб (кай) и ёнэ́ тэ отдэ́н пэ́с Тү́кэ пир чачипэ́н. ²⁰ Нэ́ Мэ манга́ва на пал екхэ́ндэ́ лэ́ндэ, нэ́ и пал одолэ́ндэ, савэ́ патя́на дрэ Ма́ндэ пир лэ́нгиро лав; ²¹ соб (кай) ёнэ́ тэ явэн сарэ́ сыр екх, сыр Ту, Дадо, сан дрэ Ма́ндэ, и Мэ сом дрэ Түтэ́, адя́кэ-паць Мэ́ и ёнэ́ тэ явэн дрэ́ Амэ́ндэ́, мэ́к тэ упатя́л свэто́, со Ту бичхадя́н Ман. ²² И бари́ паты́в, сави́ Ту дыя́н Ма́нгэ, Мэ дыём лэ́нгэ: мэ́к тэ явэн ёнэ́ пал екх, сыр Амэ́ сам

Туса екх. ²³ Мэ сом дрэ лэндэ, и Ту сан дрэ Мандэ; мэк ёнэ тэ явэн скэдынэ дро екх, и мэк свэто тэ джинэл, со Ту бичхадян Ман, и со Тукэ ёнэ исын дрога, адякэ-паць, сыр и ёнэ ячнэ дрога Мángэ. ²⁴ Дáдо! Савэн Ту дыян Мángэ, ёнэ ячнэ дрога Мángэ, соб (кай) ёнэ тэ явэн одой кхэтанэ Мánца, кай и Мэ; мэк ёнэ тэ дыкхэн Мири бари патыв, сави Ту дыян Мángэ, пал-довá со Тукэ Мэ яцём дрого ангил, сыр свэто сыс создынó. ²⁵ Чачунó Мíро Дáдо! И свэто на уджиндя Тут: а Мэ уджиндём Тут, и ёнэ уджиндлэ, со Ту бичхадян Ман; ²⁶ и Мэ сыкадём лэнгэ Тырó лав и Мэ явáва тэ сыкавав, соб (кай) доя ласка, сави исын Тýtэ кэ Мэ, тэ явэл дрэ лэндэ, сыр и Мэ сом дрэ лэндэ.”

Шэрó 18

Исусóс Закэдэна

¹ Кéли Исусóс мэкця тэ ракирэл, Ёв гия Пэскирэ сыкляибнытконэнца пал Кедронскири сыгно рэкица (лэнорí) пэ дова штэто, кай сыс унта (садо), дрэ сави загия Ёв Кокорó и Лэскирэ сыкляибнытка. ² О Юда, Лэскиро здыбнари, джиндя дава штэто, пал-довá со Исусóс скэдэласпэ бут мóлы Пэскирэ сыкляибнытконэнца одой. ³ И, гада, Юда лыя хевра халадэн и дынарьён, рашангирэ барыдырэндыр и Фарисиендыр, и ёнэ явнэ одорик захачкирдэ ягэнца, ягэнгирэнца и курталэнца. ⁴ Исусóс джиндя сарó, со явэла Лэса, выгия кэ ёнэ и пхуця лэндыр: “Конэс тумэ родэна?” ⁵ Лэскэ отпхэндлэ: “Исусóс Назареёс.” Исусóс пхэндя лэнгэ: “Гáда, сом Мэ.” О Юда, Лэскиро здыбнари, сыс тэрдó кхэтанэ лэнца. ⁶ И кэли Исусóс пхэндя лэнгэ: “Гáда, Мэ сом”, ёнэ дынэпэ палэ и пынэ пэ пхув. ⁷ Нэвэстыр Ёв пхуця лэндыр: “Конэс тумэ родэна?” Ёнэ пхэндлэ: “Исусóс Назареёс.” ⁸ Исусóс отпхэндя: “Мэ пхэндём тумэнгэ, со дава сом Мэ; коли тумэ родэна Ман, мэк тэ джэн адалэ манушá, ⁹ мэк тэ кэрэлпэ лав, савó Ёв пхэндя: “Одолэндыр, савэн Ту Мángэ дыян, Мэ ни екхэс на хасякирдём.” ¹⁰ Сýмоно (Симеоно), адава-паць Пэтри, савэстэ сыс куртáла, вытырдыя ла и чингирдя ласа дынарис рашангирэ барыдырэскирэс и отчингирдя лэскэ чачó кан. Адалэ дынарис кхардэ Малхо. ¹¹ Нэ Исусóс пхэндя Пэтрискэ: “Чхув палэ куртáла; наушто Мángэ тэ на пъяв дава тахтай, савó Дад дыя Мángэ?”

Исусóс ангил Пэронэ Рашастэ

¹² Тэды халадэ и лэнгирэ-тысёнцэнгиро барыдыра́ и Юдэнгирэ дына́рья лынэ Исусóс, и пхэндлэ Лэс: ¹³ англэдыр ёнэ лыджинэ́ Лэс кэ Анна; ёв сыс Каиафаскэ сastro, савó сыс пэрво рашангиро барыдырó дро дова бэрш. ¹⁴ Дáва сыс одовá Каиа́фа, савó подпхэндя Юдэнгэ, со явэла фэдýр, коли екх мануш хасёла пал сарé манушэндэ.

Пэтри Отпхэнэлапэ Исусóстыр

¹⁵ Пал Исусóстэ гинэ Сýмоно Пэтри и явир Лэскиро сыкляибнытко. Нэ одовá сыкляибнытко сыс джиндлó (пинджкирдо) рашангирэ барыдырэскэ и ёв гия кхэтанэ Исусóса дрэ рашангирэ-барыдырэскири грэда (двóро). ¹⁶ Пэтри ж яцяпэ яври пашыл порта. Кори́гэдыр (позжэдыр) явир сыкляибнытко, савó сыс джиндлó рашангирэ барыдырэскэ, выгия и пириакирдя вударэнгирэ раххибнаскирьяса и залыджия́ Пэтрис андрé. ¹⁷ Ада́й вударэнгири раххибнаскири ракирэла́ Пэтрискэ: “Ци на сан ту екх кадалэ Манушэскирэ сыкляибнытконэндыр? Ёв пхэндя: “Над.” ¹⁸ Сыс шылало, слуги (дына́рья) и дынарицы, кэрдэ яг и лынэ тэ татён; Пэтри адякэ-паць сыс тэрдó кхэтанэ лэнца и татия.

Рашангиро Барыдырó Допхучэла Исусóстыр

¹⁹ Рашангиро барыдырó пхуця Исусóстыр пал Лэскирэ сыкляибнытконэндэ и пал Лэскиро сыклякирибэн. ²⁰ Исусóс отпхэнэлас лэскэ: “Мэ ракирдём маму́й (прямэс) ангил сарэндэ; Мэ

ўсады (сак) сыклякирдём дрэ синагога и дрэ Кхангири, одой, кай сарэ Юды скэдэнапэ, и Мэ чораханэс нисо на ракирдём; ²¹ со ту пхучэса Мандыр? Пхуч фэдыр одолэндыр, савэ шундлэ, со Мэ ракирдём лэнгэ: ёнэ джинэна, со Мэ ракирдём.” ²² Кэли Ёв пхэндя дава, екх стрэгарьендыр, саво сыс тэрдó пашыл, пэкадя Исусос пир чам (шчока), ракири: “Сыр Ту отпхэнэса рашангирэ барыдырэскэ?” ²³ Исусо отпхэндя лэскэ: “Кóли Мэ пхэндём саво чорипэн, сыкав Мángэ дрэ со исын чорипэн; нэ кóли сарó лачхипэн, сósкэ ту марэса Ман?” ²⁴ Анна бичхадя пхандлэс Лэс кэ пэрво рашангиро барыдырó Каиáфа.

Пэтри Нэвэстыр Отпхэнэлапэ Исусóстыр

²⁵ Сýмоно (Пэтри) сыс тэрдó пашыл яг и татия. Адай пхэндлэ лэскэ: “Ци на сан и Ту Лэскирэ сыкляибнытконэндыр? Ёв на пригалыяпэ и пхэндя: “Над.” ²⁶ Екх рашангирэ-барыдырэскиро дынари, сэмэнца одолэскэ, савэскэ Пэтри отчингирдя кан, ракирэла: “Ци на тут мэ дыкхцём кхэтанэ Лэса дрэ ўнта (садо)?” ²⁷ Пэтри нэвэстыр на пригалыяпэ; и дрэ дова-паць часо пробагандя башно.

Исусо ангил Пилатостэ

²⁸ Каиафастыр лыджинэ Исусос дрэ Римоскири претория; дава сыс злóко (рáнко). И ёнэ на гинэ дро кхэр, соб (кай) тэ на магирэнпэ, тэды ёнэ на могоинэнас тэ свэнкинэн Патради. ²⁹ Палдава Пилáто гия кэ ёнэ и пхуця: “Дро со тумэ бангякирэна Адалэ Манушэс, Савэс тумэ яндлэ кэ мэ?” ³⁰ Ёнэ отпхэндлэ лэскэ: “Кóли (со) Ёв тэ на явэл бангó, амэ на янакас Лэс кэ ту пэ сэндо.” ³¹ Пилáто пхэндя лэнгэ: “Лэн Лэс тумэ кокóрэ и сэндинэн Лэс пир пэскиро Закóно.” Юды ракирэна лэскэ: “Амэнгэ нашты тэ мулякирас никонэс”; ³² мэк тэ сполнинэлпэ Исусоскиро лав, саво пхэндя Ёв, савэ Ёв дэлас тэ галён, савэ мэрибнаса Ёв мэрэла. ³³ Тэды Пилáто рисия дрэ претория, кхардя Исусос и пхуця Лэстыр: “Ту сан Юдэнгиро Крáли?” ³⁴ Исусо отпхэнэлас лэскэ: “Ци Ту Кокóрэ пэстыр дава ракирэса, ци манушá пхэндлэ тукэ пал Мándэ?” ³⁵ Пилáто отпхэнэлас: “Со Мэ сом Юдо? Тырэ манушá и рашангирэ барыдырá яндлэ Тут кэ мэ; со Ту дасаво кэрдян?” ³⁶ Исусо ракирэла: “Миро Кралипэн исын на далэ свэтóстыр: кóли Миро Кралипэн тэ явэл далэ свэтóстыр, тэды Мирé дынарья явэнас тэ марэнпэ пал Мándэ; соб (кай) Ман тэ на здэн Юдэнгэ; нэ дыкхэн, Миро Кралипэн исын на далэ свэтоскиро.” ³⁷ Пилáто ракирэла Лэскэ: “Акэ, адякэ Ту сан Крáли?” Исусо отпхэнэла: “Ту ж ракирэса, со Мэ сом Крáли. Мэ ваш дава бияндыём и ваш дава явдём пэ свэто, соб (кай) тэ допхэнав пал чачипэн; кажно, конэскэ исын пир илó чачипэн, шунэла зан Мирí” ³⁸ Пилáто ракирэла Лэскэ: “Со да дасаво исын чачипэн?” И пхэни дава, Пилáто выгия кэ Юды и пхэндя лэнгэ: “Мэ нисавí банг на латхём дрэ Лэстэ. ³⁹ Тумэндэ исын присыкляибэн, соб (кай) мэ тэ отмэкав екхэ бэшыбнарис тумэнгэ пэ Патради; ци камэна тумэ тэ отмэкав Юдэнгирэ Крáлис тумэнгэ?” ⁴⁰ Тэды ёнэ ячнэ тэ дэн гóдла сарэ, ракири: “На Лэс, а Варакас.” Адава Варава сыс розмарибнари.

Шэрó 19

Халадэ Уридэ Вянка Хрустóстыр пэ Шэрó Исусóскэ

¹ Тэды Пилáто лыя Исусос и пхэндя, соб (кай) Лэс тэ марэн чупняса. ² И халадэ скхудэ вянка пхусадытконэ хрустостыр Лэскэ пэ шэрó, и уридэ пэ Лэстэ лолó плашчо. ³ И ёнэ ракирдэ: “Яв джидó, Крáли Юдэнгиро!” – и мардэ Лэс пир чама (шчоки).

Пилáто Вылыджáла Исусос кэ Манушá

⁴ Пилáто нэвэстыр выгия кэ манушá и пхэндя лэнгэ: “Гáда, мэ вылыджава Лэс кэ тумэ, соб (кай) тумэ тэ джинэн, со мэ на латхём нисавí банг дрэ Лэстэ.” ⁵ И тэды Исусо выгия дрэ

въянка пхусадытконэ хрустостыр и дро лоло плашчо. И Пилáто пхэндя лэнгэ: “Гáда, исын кадавá Мануш!” ⁶ Кéли барэ рашая и Кхангирьякирэ дынарья дыкхнэ Исусóс, ёнэ задынэ гóдла: “Примар, примар Лэс пэ трушúл!” Пилáто пхэндя лэнгэ: “Тумэ лэн Лэс и кокорэ примарэн, пал-довá со мэ нисавí банг на латхава дрэ Лэстэ.” ⁷ Юды отпхэндлэ лэскэ: “Амэндэ исын Зако́но, и пир амарó Зако́но Ёв исын бангó тэ мэрэл, пал-довá со Ёв кэрдя Пэс Дэвлэскирэ Чхавэса.” ⁸ Сыр Пилáто шундя дава, ёв бутыр страхадья, ⁹ и ёв нэвэстыр гия дро сэндарискиро кхэр, и пхэндя Исусóскэ: “Катыр Ту сан?” Нэ Исýсо нисó лэскэ на отпхэндя. ¹⁰ Тэды Пилáто ракирэла Лэскэ: “Ци на камэса Ту манца тэ ракирэс? Ци на джинэса Ту, со мандэ исын право тэ отмэкав Тут, и тэ примарэн Тут пэ трушúл?” ¹¹ Исýсо отпхэндя. “Тýтэ на явэлас пэ Мандэ ни савó право, ко́ли (со) тэ на явэл тýкэ дыно́ Дэвлэстыр. Пал-довá со барэдыр грéхо исын пэ одолэстэ, кон здья Ман кэ ту.” ¹² Далэ моментостыр Пилáто родэлас, сыр сашты́ тэ отмэкэл Лэс, нэ Юды задынэ гóдла: “Кóли (со) ту отмэкэса Лэс, ту на сан дру́го (мал) Кесарёскэ. Кажно мануш, савó кэрэла пэс кралíса, одовá исын проти Кесарёстэ.” ¹³ Кéли Пилáто шундя далэ лава, ёв вылыджия Исусóс и бэсця́ пэ сэндарискиро штéто, со значынéла пир юды́тко чиб “гавафа”;

Юды и Лэнгирэ Шэралэ Отпхэнэнапэ Исусóстыр, сыр Кралíстыр Палатунó Мóло

¹⁴ сыс парастивíн (пятница) ангíл Патрадí, дава сыс пашдывэс. И пхэндя Пилáто Юдэ́нгэ: “Гáда, тумарó Кра́ли исын!” ¹⁵ Нэ ёнэ задынэ гóдла: “Лэ, лэ, примар Лэс пэ трушúл!” Пилáто ракирэла лэнгэ: “Мáнгэ тэ мулякирав тумарé Кралíс?” Рашáнгирэ барыдыра отпхэндлэ: “Амэндэ нанэ нисавó Кра́ли апрíч Кесарёстэ.”

Исýсо исын Примардо́ пэ Трушúл

¹⁶ Тэды сатаки Пилáто здья Исусóс тэ примарэн пэ трушúл. Римóскирэ халадэ лынэ Исусóс и лыджинэ, ¹⁷ и Исýсо лыджия Пэскиро трушúл и гия кэ дова́ штéто, савó кхарэлапэ “Чэрепны́тко штéто”, пир юды́тко чиб “Голгофа”; ¹⁸ Одóй ёнэ примардэ Лэс пэ трушúл, и кхэтанэ Лэса дүе манушэн, екхэс пир екх риг и явирэс пир явír риг Лэстыр, а Исусóс маши́рал. ¹⁹ Пилáто кэрдя подчихи́нбэн и чхудя́ пэ трушúл и одóй сыс чхиндлó: “Исýсо Назареё, Юдэ́нгиро Кра́ли.” ²⁰ Адава́ надчихи́нбэн бут Юды гиндлэ, пал-довá со штéто, кай Исýсо сыс примардо́ пэ трушúл, сыс на́дур форо́стыр, и сыс чхиндлó пир юды́тко, пир грекíтко (балами́тко), пир римóскирэ чибá (чибья́). ²¹ Юдэ́нгирэ барэ рашая пхэндлэ Пилатоскэ: “На чхин ‘Кра́ли Юдэ́нгиро,’ чхин, со кадавá Мануш кхарэлас Пэс ‘Юдэ́нгирэ Кра́лиса.’” ²² Нэ Пилáто отпхэндя лэнгэ: “Со мэ чхиндём, мэк дова́ тэ явэл чхиндлó.” ²³ Кéли халадэ примардэ Исусóс пэ трушúл, ёнэ лынэ Лэскирэ ризы и росчхудэ́ пэ штар пашá, кажно́нэскэ халадэскэ пир екх паш; ёнэ лынэ и хитоно, нэ хитоно на сыс судо, а ёв сыс кхудо упралэстыр. ²⁴ “Амэ на яваса́ тэ кушас лэс, – пхэндлэ ёнэ екх екхэскэ, – а фэдыр чхурдаса кокалки́цо, сыр жрёбиё.” Мэк тэ сполнинэ́нпэ лава́, савó исын чхиндлэ дро Свэ́нто Чхи́ныбэн: “Ёнэ роскэрдэ Мирé ризы маши́р пэстэ и чхурдэна́с жрёбиё и пал Мирó урибэн.” Ады́кэ и кэрдэ халадэ. ²⁵ Пашы́л трушúл, пэ савó сыс примардо́ Исýсо, сыс тэрдэ́ Лэскири дай, и дакири пхэн Мари́я, хуланы́ Клеопаскири, и Мари́я Магдалина. ²⁶ Исýсо дыкця́ Пэскирья́ да и сыкляибны́тконэс, савó сыс тэрдó пашы́л, савó сыс дро́го Лэскэ, и ракирэла́ Пэскирэ да́кэ: “Дро́го Джувлие! Гáда, исын тыро́ чхаво́.” ²⁷ Тэ́ньци Исýсо ракирэла́ сыкляибны́тконэскэ: “Гáда, исын тыри́ дай!” И одолэ́ моментостыр адава́ сыкляибны́тко лы́я ла кэ пэ.

Исусóскиро Мэрибэн

²⁸ Исýсо джиндя́, со сарó ка́канá кэрдя́пэ, соб (кай) тэ кэрэлпэ́ сарó пир Свэ́нто Чхи́ныбэн, и пхэндя́ Ёв: “Мэ ка́мам тэ пýяв.” ²⁹ Ада́й сыс тэрдó кхорó (жбано), пхэрдó шу́тлэ мо́ляса (вино́са). Халадэ́ киндякирдэ́ губка́ дрэ шу́тлы мол и чхудэ́ ла пэ исопоскирэ – дэ́стоскири

рандь, и подлыджинэ кэ Лэскирэ уштá. ³⁰ Кéли Исýсо коштындя шутлы мол, Ёв пхэндя: “Кэрдяпэ!” Ёв обмэкця Пэскиро шэрó, выпхурдыя Пэскиро дýхо (фáно) и мыя.

Исусóскэ Промарэна Пашварó

³¹ Нэ сыр дава́ сыс парастивин (пятница), и Юды на камлэ, соб (кай) трýпы тэ явэн убладэ дро сáвато (субóта), палдава́ со дро дова́ Сáвато сыс барó свэнко, ёнэ мангнэ Пилатос, соб (кай) тэ пиримарэн лэнгэ гэрá и тэ злэн лэн трушулэндыр. ³² Палдава́ явнó халадэ, пиримардэ гэрá екхэскэ и явирэскэ, савэ сыс убладэ кхэтанэ Лэса; ³³ нэ кéли ёнэ подгинэ кэ Исýсо, ёнэ дыкхнэ, со Ёв мыя, и ёнэ на лынэ тэ пиримарэн Лэскэ гэрá, ³⁴ а екх халадэндыр пхусадя чхурдыпнытконэ бустяса (коп´ёса) Лэскэ дро пашваро, и адай жэ тхадя рат и панй. ³⁵ И дава́ досыкадя ману́ш, савó дыкхця, лэскиро допхэныбэн исын чачунó; ёв джинэлас, со ракирдя чачипэн, соб (кай) и тумэ тэ патян. ³⁶ Пал-дова́ со сарó дава́ сыс, соб (кай) тэ сполнинэлпэ Свэнто Чхиныбэн: “Ни екх Лэскиро кокало на явэла пхагирдо. ³⁷ Адыкэ-паць и дро явйр штэ́то Свэнто Чхиныбэн ракирэла: “И ёнэ явэна тэ дыкхэн пэ Одолэстэ, Конэс ёнэ пхусадэ чхурдыбнытконэ бустяса.”

Исусóс Гаравэна

³⁸ Палó сарó дава́ Ёза Аримафеятыр, Исусóскиро сыкляибны́тко, чораханэс мангдя́ Пилатос, пал-дова́ со ёв дарандыя Юдэндыр, соб (кай) тэ злэн Исусóскиро трýпо: и Пилáто дыя́ во́ля. И гия́ Ёза и лыя́ Исусóскиро трýпо. ³⁹ И явдя́ адыкэ-паць Никадимо, савó гарэдыр явэлас кэ Исýсо раты́, и яндя́ пашэ́ шэл фунты лачхэ-кхандыпны́тко составо (дзэт), дро савó сыс змешындлю миро алоёса. ⁴⁰ Ёнэ лынэ Исусóскиро трýпо и закрэнциндлэ Лэс потханэса, савó сыс помакхно ароматытконэ чарьенца адыкэ, сыр Юды сарэн гаравэнас. ⁴¹ Пэ дова́ штэ́то, кай Ёв сыс примардо пэ трушу́л, сыс у́нта (садо), и дрэ доя́ у́нта сыс нэви́ коплйца, дрэ савй́ никон англиды́р на сыс гарадо́. ⁴² Адыкэ, сыр дава́ сыс дрэ Юдэнгири парастивин ангил Сáвато и коплйца сыс пашы́л, ёнэ одорй́к и чхудэ́ Исусóс.

Шэрó 20

Чхучй́ Коплйца. Исусóскиро Отджидыибэн

¹ Дро пэрво куркэскиро дывэ́с, пэ злóко, кéли сыс ишчо (инкэ́) калó (цёмно), Марй́я Магдалина явдя́ кэ коплйца, и дыкхэ́ла, со бар сыс рискирдо загиибнастыр дрэ коплйца. ² Ёй адай жэ прастындой явдя́ кэ Сймо́но Пэ́три и кэ явйр Лэскиро сыкляибны́тко, савó сыс дро́го Исусóскэ, и ракирэла лэнгэ: “Ёнэ лыджинэ́ Рас-Дэвлэ́с коплйцатыр криг, и амэ на джина́са, карик ёнэ чхудэ́ Лэс.” ³ Пэ́три и явйр сыкляибны́тко гинэ́ кэ коплйца. ⁴ Ёнэ прастанды́нэ дуйджинэ́; нэ явйр сыкляибны́тко прастанды́я сыгэды́р Пэ́тристыр и ёв англиды́р явдя́ кэ коплйца. ⁵ И ёв бандия́ и дыкхця́ паштэ́ похтана, нэ ёв на загия́ андрэ́ дрэ коплйца. ⁶ Палáл пал лэ́стэ припрастанды́я Сймо́но Пэ́три, и загия́ дрэ коплйца, и дыкхэ́ла, со похтана сыс паштэ́, ⁷ и гараибны́тко дыкхло, савэ́са сыс обпхандлю́ Лэскиро шэрó, и савó на сыс кхэтанэ́ паштó гараибны́тконэ похтанэ́са, нэ сыс скрэнцындлю́ пэ явйр штэ́то. ⁸ Тэды́ и явйр сыкляибны́тко загия́, савó ангил припрастанды́я кэ коплйца, ёв дыкхця́, и упатянды́я; ⁹ пал-дова́ со ёнэ ешчэ́ на джиндлэ́ Свэнтонэ́ Чхиныбна́стыр, со Лэскэ́ трэиндя́ тэ отджидёл мулэндыр. ¹⁰ Тэды́ Лэскирэ́ сыкляибны́тка рисинэ́ кхэрэ́.

Исýсо Сыкадэ́ла Марй́якэ́ Магдалина́кэ́

¹¹ Нэ Марй́я сыс тэ́рды пашы́л коплйца́ и рондя́. И кéли ёй рондя́, ёй бандия́ и задыкхця́ дрэ коплйца, ¹² и ёй дыкхця́ дуэ́н Янголэн, савэ́ сыс бэштэ́ дрэ парны́ йдя́ пэ дова́ штэ́то, кай сыс паштó Исусóскиро трýпо, екх дрэ шэрó, явйр пашы́л гэрá. ¹³ И ёнэ ракирэ́на ла́кэ: “Джувлие!

Сóскэ ту ровэса?” Ёй ракирэла лэ́нгэ: “Ёнэ лыджинэ криг мирэ Рас-Дэвлэс, и мэ на джинóm, карик ёнэ чхудэ Лэс.” ¹⁴ Сыр ёй пхэндя дава́, ёй обрисия палэ и дыкхця́ Исусóс, Савó сыс тэрдó ангил латэ; нэ ёй на галыя́, со дава́ сыс Исусó. ¹⁵ Исусó ракирэла лáкэ: “Джувлие! Сóскэ ту ровэса? Конэс ту родэса?” Ёй думиндя́, со дава́ исын бутярно́, савó кэрэла буты́ дрэ бар, и ракирэла Лэскэ: “Хула́ё! Кóли (со) ту вылыджия́н Лэс, пхэн мангэ́, кай ту чхудя́н Лэс, и мэ ла́ва Лэс.” ¹⁶ Исусó ракирэла лáкэ: “Марие!” Ёй обрисия́ и пхэндя́ Лэскэ юдыткэс: “Раввуни!” (со значынэ́ла “Сыклякирибна́скиро!”) ¹⁷ Исусó ракирэла: “На чилав Ман, пал-дова́ со Мэ на рисиём кэ́ Мирó Дад; джа́ кэ́ Мирэ́ пшáла и пхэн лэ́нгэ: “Мэ рисёва́ва кэ́ Мирó Дад и тумарó Дад и кэ́ Мирó Дэвэл и кэ́ тумарó Дэвэл”.” ¹⁸ Мария́ Магдалина́ гия́ кэ́ сыкляибны́тка и пхэндя́ лэ́нгэ, со ёй дыкхця́ Рас-Дэвлэс и ёй роспхэндя́ лэ́нгэ дова́, со Исусó пхэндя́ лáкэ.

Исусó Сыкадэ́ла Лэскирэ́ Сыкляибны́тконэ́нгэ би́ Фамáскиро

¹⁹ Дрэ доя́ пэрво́ куркэскири́ бэ́львэ́ль, кай Лэскирэ́ сыкляибны́тка сыс кхэтанэ́ бэштэ́ палэ́ запхандлэ́ вударá дарáтыр Юдэндýр, явдя́ Исусó, и тэрдия́ машкира́л, и ракирэла лэ́нгэ: “Рамáнэ́ (миро) тумэ́нгэ!” ²⁰ Кéли Ёв пхэндя́ дава́, Ёв сыкадя́ лэ́нгэ вастá и Пэскирэ́ пашварэ́. Сыкляибны́тка древа́н обрадындлэ́пэ, кéли дыкхнэ́ Рас-Дэвлэс. ²¹ Исусó пхэндя́ лэ́нгэ явир мо́ло: “Рамáнэ́ тумэ́нгэ! Сыр Дад бичхадя́ Ман, ады́кэ́ и Мэ́ бичхавáва тумэ́н.” ²² Кéли Ёв пхэндя́ дава́, Ёв пхурды́я пэ́ лэ́ндэ́ и пхэндя́ лэ́нгэ: “Прилэ́н Свэ́нто Дýхо (Фáно): ²³ конэ́скэ́ тумэ́ явэ́на тэ́ примангэ́н грéхи, одолэ́нгэ́ явэ́на приманглэ́, нэ́ пэ́ конэ́стэ́ тумэ́ ячкирэ́на, пэ́ одолэ́ндэ́ ёнэ́ ячэ́напэ́.”

Исусó и Фомá

²⁴ О́ Фамá, екх дэ́шэдуенды́р сыкляибны́тконэндýр, савэ́с кхардэ́ “Близня́ко”, на сыс лэ́нца, кéли Исусó явдя́. ²⁵ Явир сыкляибны́тка пхэндлэ́ лэ́скэ: “Амэ́ дыкхця́м Рас-Дэвлэс.” Нэ́ ёв отпхэндя́ лэ́нгэ: “Кóли (со) мэ́ на дыкхáва шпéра́ гвоздэндýр (карфинэндýр) пэ́ Лэскирэ́ вастá, и мэ́ на чхувáва миро́ ангу́шт дро́ штéто, кай сыс́ гвозды́ (карфина́), и мэ́ на чхувáва миро́ васт дрэ́ Лэскирэ́ пашварэ́, Мэ́ на упатя́ва.” ²⁶ Пир охтó́ (бидуэ́нгиро́ дэ́ш) дывэ́са́ Лэскирэ́ сыкляибны́тка нэ́вэсты́р сарэ́ кхэтанэ́ скэ́дынэ́пэ́ дро́ кхэ́р, и Фама́ сыс лэ́нца. Явдя́ Исусó, кéли вударá сыс запхандлэ́, тэрдия́ машки́р лэ́ндэ́, и пхэндя́: “Рамáнэ́ тумэ́нгэ!” ²⁷ Тэ́ньци ёв ракирэ́ла Фамаскэ́: “Дэ́ ангу́шт (пальцо́) тыро́ адары́к и поды́кх Мирэ́ вастá; дэ́ васт тыро́ и чхув дрэ́ Мирэ́ пашварэ́; и пи́рияч тэ́ кунинэ́спэ́, а патя́.” ²⁸ Фама́ пхэндя́ Лэскэ́ дро́ отпхэ́ныбэ́н: “Раё́ Дэ́вла миро́ и Дэ́вэл миро́!” ²⁹ Исусó ракирэ́ла лэ́скэ: “Ту патя́ндыян, пал-дова́ со́ ту дыкхця́н Ман: нэ́ бахталэ́ исын ко́долэ́, савэ́ на дыкхнэ́ Ман, а ёнэ́ упатя́ндынэ́.”

Ваш со́ Дая́ Лылвары́

³⁰ Бут явир зна́мении́ (герты́ка) кэ́рдя́ Исусó анги́л Пэскирэ́ сыкляибны́тконэ́ндэ́, пал савэ́ нанэ́ чхиндлó́ дрэ́ дая́ лылвары́; ³¹ нэ́ сарó, со́ сыс чхиндлó́ дрэ́ дая́ лылвары́, исын ваш тумэ́нгэ́, соб (кай) тумэ́ тэ́ патя́н, со́ Исусó исын Христóсо, Дэ́влэскиро́ Чхавó, и пир патя́ибэ́н дрэ́ Лэ́стэ́, тумэ́ тэ́ дживэ́н Лэскирэ́ лавэ́стыр.

Шэ́ро́ 21

Отжидя́кирдó Христóсо́ Сыкадэ́ла Э́фта́ (Э́фтанэ́) Сыкляибны́тконэ́нгэ́ и Дэ́ла Припхэ́ныбэ́н тэ́ Дына́рина́с Лэ́скэ́

¹ Палó дава́ Исусó нэ́вэсты́р сыкадя́ Пэ́с Пэскирэ́ сыкляибны́тконэ́нгэ́ пашы́л Тивериадоски́ро мо́рё́ (дэ́рья́в). Акэ́, сыр дава́ сыс: ² Сýмоно́ Пэ́три сыс кхэтанэ́́ Фамаса́,

Савэс кхарэнас “Близняко”, Нафанаило Канатыр Галилеякирьятыр, и Зеведеёскирэ чхавэ, и дуй явир Лэскирэ сыкляибнытка.

Сыр Манушá Кэрэна Буты пир Пэскири Годы

³ Симоно Пэтри ракирэла лэнгэ: “Мэ джава тэ старав мачхэн.” “И амэ кхэтанэ джаса туса”, – ёнэ ракирэна лэскэ. Ёнэ гинэ и бэшнэ дрэ барка, нэ ёнэ нисó на стардэ дрэ доя рат. ⁴ Нэ кэли сыс тасярла, Исусо сыс тэрдó пэ брэго; нэ сыкляибнытка на галынэ, со дава сыс Исусо.

Буты пир Пэскири Годы на Янэла Лачхипэн

⁵ Исусо ракирэла лэнгэ: “Тэрнэ Манушалэ! Ци исын тумэндэ вари-савó хабэн?” Ёнэ отпхэндлэ Лэскэ: “Над.”

Буты пир Исусóскиро Бахтякирибэн и Лачхипэн Лэстыр

⁶ Ёв ракирэла лэнгэ: “Зачхурдэн кхуды (сетка) пир чачи риг баркакири и тумэ ухтылэна.” Ёнэ зачхурдынэ кхуды, и на могоиндлэ тэ вытырдэн ла, пал-дова со одой сыс адакицы бут мачхэ. ⁷ Тэды екх сыкляибнытко, савó сыс дро́го Исусóскэ, ракирэла Пэтрискэ: “Гáда, Рай Дэвэл.” Симоно Пэтри, кэли шундя, со адава сыс Рай Дэвэл, ёв подпхандяпэ идяса, пал-дова со ёв сыс нанго, и чхурдыяпэ дро панй; ⁸ а явирэ сыкляибнытка приплывиндлэ (дынэ плима адарик) дрэ барка, тырдыи пал пэстэ кхуды пхэрдý мачхэнца. Ёнэ сыс надур брэгостыр пашэ шэл метры. ⁹ Кэли ёнэ выгинэ пэ брэго, ёнэ дыкхнэ хачкирдэ вангара, и пэ лэндэ сыс паштэ мачхэ и марó. ¹⁰ Исусо ракирэла лэнгэ: “Янэн мачхэ, савэ тумэ каканá стардэ.” ¹¹ Симоно Пэтри выгий и вытырдыя пэ пхув кхуды (сетка), со сыс пхэрдý барэ мачхэнца, савэн сыс шэл пандждэша́ трин; и на дыкхи пэ дава, со сыс адакицы бут мачхэ, кхуды на прокусяпэ.

Рай Дэвэл Сполнинэла Дова, Со Трэй Лэскирэ Манушóнгэ

¹² Исусо ракирэла лэнгэ: “Явэн тэ хан.” Никонэстэ сыкляибнытконэндýр на сыс муршкипэн тэ пхучэл Лэстыр: “Кон Ту сан?” Ёнэ джиндлэ, со адава сыс Рай Дэвэл. ¹³ Исусо явэлас пашэдыр, лэлас марó и дэлас сыкляибнытконэ́нгэ, адякэ-паць и мачхэ. ¹⁴ Гáда, аканá трýто мóло Исусо сыкадя́ Пэс Пэскирэ сыкляибнытконэ́нгэ, коригэдыр (позжэдыр) Лэскирэ отджидыипнастыр мулэндýр.

Исусо и Пэтри. Ада́й Трэй тэ Дынаринэн Дэвлэскэ Илэса

¹⁵ Кэли ёнэ ханэ, Исусо ракирэлас Симоноскэ Пэтрискэ: “Симоне, Ианоскиро Чхавó! Ци сом Мэ дро́го тукэ бутэдыр лэндýр?” Пэтри ракирэла Лэскэ: “Адякэ, Раё Дэвла! Ту джинэса, со Ту сан дро́го Мánгэ.” Исусо ракирэла лэскэ: “Чарáв Мирэ свэнтонэ бакрорэн.” ¹⁶ И явир мóло нэвэстыр Исусо ракирэла лэскэ: “Симоне, Ианоскиро Чхавó! Ци сом Мэ дро́го тукэ?” Пэтри ракирэла Лэскэ: “Адякэ, Раё Дэвла!” Ту джинэса, со мэ Ту сан дро́го мánгэ.” Исусо ракирэла лэскэ: “Чарáв Мирэ бакрэн.” ¹⁷ И трýто мóло ракирэла лэскэ Исусо: “Симоне, Ианоскиро чхавó! Ци сом Мэ дро́го Тукэ?” Пэтри яця́ смэнтно, со дро трýто мóло Исусо пхэндя́ лэскэ: “Ци сом Мэ дро́го тукэ?”, и ёв пхэндя́ Исусóскэ: “Раё Дэвла! Ту сарó джинэса; Ту джинэса, со Ту сан дро́го мánгэ.” Исусо ракирэла лэскэ: “Чарáв Мирэ бакрэн.” ¹⁸ Чачэс, чачэс Мэ ракирава́ тукэ: кэли ту санас тэрно́, ту кокорó урьявэсаспэ и псирдя́н, карик ту камдя́н; нэ кэли ту ячэса пхуранó, тэды протырдэса пэскирэ вастá, и явир мануш урьявэла тут и лыджáла, карик ту на камэса.” ¹⁹ И пхэни́ дава, Исусо дыя́ лэскэ тэ галёл, савэ мэрибнаса Пэтри прославинэла Дэвлэс. Тэньци Исусо ракирэла лэскэ: “Джá пал Мánдэ.”

Исусо и Явир Сыкляибнйтка

²⁰ Пэтри порисия и дыкхэла, со пал лэстэ джала сыкляибнйтко, савэскэ Исусо сыкадя и саво, кэли ёнэ ханэ, чхудя шэро кэ Исусоскиро колын и пхуця: “Раё Дэвла! Кон здэла Тут?” ²¹ Пэтри дыкхця лэс и ракирэла Исусоскэ: “Раё Дэвла! Нэ со явэла лэса?” ²² Исусо ракирэла лэскэ: “Кэли Мэ камам, соб (кай) ёв тэ явэл джидо пака Мэ явава, со тукэ кэ дава? Ту джа пал Мандэ.” ²³ И гия дава лав машкир пшалэндэ, со одова сыкляибнйтко на мэрэла. Нэ Исусо на пхэндя лэскэ, со ёв на мэрэла, нэ “Кэли Мэ камам, соб (кай) ёв тэ явэл джидо, пака Мэ явава, со тукэ кэ дава?” ²⁴ Кадава-паць кокоро сыкляибнйтко, саво и допхэндя пал дава, и саро дава зачхиндя: и амэ джинаса, со лэскиро допхэныбэн исын чачуно.

Пэ Концо (Пэ Ягоро)

²⁵ Бут сыс адякэ-паць и явир рэнды (делы), со Исусо кэрдя: нэ, коли сыс тэ чхинэн екх пал дава, тэды пир саро свэто на ухтылэлас (надоси) штэто ваш адакицы лылваря. Амíнь.

Апостолэнгири Буты

Шэро 1

Свэнтонэ-Апостолэнгири Буты

¹ Дро пэрво лылварі кэ ту, Феофíле (Теофíле), мэ чхиндём пал саро, со Исусо кэрдя самонэ англывнастыр, и пал со Ёв сыклякирдя, ² кэ/жыко дова дывэс, дро саво Ёв газдыяпэ пэ болыбэн и дыя припхэныбэн пир Свэнто Духо (Фано) одолэ Апостолэнгэ, савэн Ёв Кокоро выкэдыя, ³ и кэ савэ адякэ-паць палэ пал Пэскирэ мёнки, савэ Ёв пирилыджия и отдживдя мэрибнастыр, явэлас Исусо кэ ёнэ чачунэ допхэныбнаса, и Ёв штардэша дывэса псирдя кэ ёнэ и ракирдя лэнгэ пал Дэвлэскиро Кралипэн. ⁴ Екхвар, кэли Исусо хая кхэтанэ Лэскирэ сыкляибнйтконэнца, Ёв припхэндя лэнгэ: “Тэ на джан тумэ Ерусалимостыр, а тэ ужакирэн, кэли явэла Свэнто Духо (Фано), пал саво дыя лав тумэнгэ Дад, и пал саво тумэ шундлэ Манды; ⁵ пал-дова со Иано болдя тумэн панэса, нэ коригэдыр (позжэдыр) далэстыр пир вари-кицы часо Свэнто Духо (Фано) явэла тэ болэл тумэн.” ⁶ Палдава, кэли сыкляибнйтка скэдынэпэ кхэтанэ, ёнэ пхучнэ Лэстыр: “Раё Дэвла! Ци на яця дава часо, соб (кай) Ту тэ кэрэс нэвэстыр Израилёскиро Кралипэн?” ⁷ И Ёв отпхэндя лэнгэ: “На тумаро рэндо (дело) тэ джинэн часо ци дывэса, савэ Дад выкэдыя Лэскирэ правоса; ⁸ нэ тумэндэ явэла зор, кэли Свэнто Духо (Фано) джал тэлэ пэ тумэндэ, и тумэ явэна Мирэ якхйтка (свидетели) дро Ерусалимо и пэ сарі Юдэя и Самарія и адякэ-паць пир сарі пхув.”

Исусо газдэлапэ пэ Болыбэн

⁹ И кэли Ёв пхэндя дава, Ёв газдыяпэ пэ болыбэн ангил лонгирэ якха, и облоко чхакирдя Лэс лонгирэ якхэндэр. ¹⁰ И кэли сыкляибнйтка ишчо (инкэ) дыкхнэ пэ болыбэн, сыр Исусо газдэласпэ, акэ, вари-катыр ангил лэндэ тэрдинэ дуй мануша, савэ сыс уридэ дро парныпэн, ¹¹ и савэ пхэндлэ: “Галилеякирэ Манушалэ! Со тумэ сан тэрдэ и дыкхэна пэ болыбэн? Кадава Исусо, Саво сыс газдыно тумэндэр пэ болыбэн, адякэ-паць и явэла, сыр тумэ дыкхнэ, сыр Ёв газдэласпэ пэ болыбэн.”

Матфеё Замэст (Пашыл) Юдастэ

¹² Палó дава Апóстола явнэ палэ дро Ерусалимо, сыр гинэ тэлэ Оливитконэ (Елеоноскирэ) бэргатыр; дромэса долэ бэргатыр сашты (можно) тэ доджас кэ Ерусалимо пал савато

(субóта). ¹³ И кéли ёнэ явнэ дро фóро, ёнэ скэдынэпэ дрэ бари штóба (комната), кай сýс: Пётри (Пётр) и Яково, Варфаламее и Матфеё, Иáно и Ендри (Андреё), Филипо и Фама, Яково Алфеёскиро и Сýмоно Зилото, и пшал Яковóскиро, Юда. ¹⁴ Ёнэ кхэтанэ скэдэнаспэ тэ мангэнпэ Дэвлэскэ; сýс лэнца вари-киць джувля и Марíя, Исусóскири Дай, и Лэскирэ пшáла. ¹⁵ И дрэ долé дывэсá о Пётри, тэрдíя машкíр сыкляибнытконэндэ (сýс скэдыибэн, пэ савó явнэ пашыл шэл тэ биш манушá) и пхэндя: ¹⁶ “Манушáлэ – Пшалáлэ! Трэиндя тэ сполнинэлпэ дова́, со сýс ангíл пхэндлó дро Свэ́нто Чхиныбэн, дро савó Свэ́нто Дúхо (Фáно) ангилпхэндя пир Давидóстэ пал Юда́стэ, савó сýс лыджаибнаскиро (вождё) одолэнгэ, савé бикиндлэ Исусóс. ¹⁷ Ёв сýс гиндло кхэтанэ амэнца, и адякэ-паць пхэнэлас дова́, со и амэ. ¹⁸ Ёв киндя пэскэ пхув пал ловэ, савé ёв дорэсця пал Исусóскиро здыибэн, пэ дай пхув кокóро и хасíя, и лэскиро трóпо латхнэ роскушнэ пэрэса и выпынэ виндырьэнца. ¹⁹ И пал дава́ сарé манушá, савé дживдэ кэ Ерусалимо, джиндлэ, со доя́ пхув кхардэ пэ лэнгири чиб Акелдама, ци “ратвалы пхув.” ²⁰ Пал-дава́ со исын чхиндлó дрэ Псалмы: “Мэк тэ явэл дава́ кхэр чхучó, и мэк никон одóй тэ на дживэл, и мэк тэ кэрэл лэскири буты́ явíр.” ²¹ Палдава́ амэнгэ трэй тэ выкэдас пэ лэскиро штéто манушэс, савó псирд́я кхэтанэ амэнца сарó часо, кэли дживд́я машкíр амэндэ Рай Дэвэл Исýсо, ²² ги́ны Ианоскирэ болдэипнастыр кэ/жы́ко дова́ дывэс, кэли Исýсо сýс газдынó амэндýр, адалэ манушэскэ трэиндя тэ явэл кхэтанэ амэнца сыр якхítко пал Исусóскиро отджидыибэн мэрибна́стыр, ²³ И ёнэ выкэдынэ дуён: Ё́зас (Иосифос), савэс кхардэ Варсава, и прокхардэ Иустоса, и Матфеёс. ²⁴ И ёнэ мангнэпэ Дэвлэскэ и пхэндлэ: “Дэ́вла! Ту джинэса сарэнгиро илó, сыка́в екхэс кадалэ дуендыр, савэс Ту выкэдыян, ²⁵ соб (кай) тэ залэл штéто, сыр Апостоло тэ дынаринэл замест Юдастэ, савó гíя одорíк, карик лэскэ трэиндя тэ джал пэскэ.” ²⁶ И ёнэ чхурдынэ жрэбиё, и жрэбиё пы́я пэ Матфеёстэ; и ёв сýс прилыно кэ дэшукх Апóстолы.

Шэро́ 2

Свэ́нто Дúхо (Фáно) Зджа́ла пэ Исусóскирэ Сыкляибнытконэндэ

¹ Кéли явд́я Духóскирэ-свэнкитко дывэс (Дúхо), сарé сыкляибны́тка скэдынэпэ кхэтанэ. ² И екхáтыр (сра́зу) болыбна́стыр яця́ шундло глумо, савó сýс сы́рбы зоралы́ балва́л, со зоралэс пхурдэла, и пхэрдякирд́я сарó кхэр, кай ёнэ сýс. ³ И сыкадынэ сыкляибнытконэнгэ чибá (чиб́ья), савé хачинэ яга́са, ёнэ росчхудэпэ и згинэ пир екх пэ кажно́стэ лэндýр. ⁴ И Свэ́нто Дúхо (Фáно) пхэрдякирд́я сарэн и ёнэ лынэ́ тэ ракирэн пэ явíр чибá (чиб́ья), сыр Дúхо (Фáно) ды́я во́ля лэнгэ. ⁵ Кэ Ерусалимо дживдэ́ Юды, савé сýс дэвлы́тка манушá; ёнэ явнэ кажно́нэ ригэндýр сарé парнэ́ свэ́то́стыр. ⁶ Кéли мавлы́н (малва) прогíя (накхця́) пал дава́, скэдынэпэ бут манушá, и сарé ячнэ́ дро на галыибэн, пал-дова́ со кажно́ мануш лэндýр шунд́я, сыр вари-кон дэвлытконэндýр ракирд́я пэ лэнгири чиб. ⁷ Сарé манушá сýс кокóрэ, сыр на дрэ пэ́стэ далэ́ дивостýр, и ракирдэ́ машкíр пэ́стэ: “Адалэ манушá, савé ракирэ́на, со ёнэ исын на Галилеяни? ⁸ Сыр да кажно́ амэндýр мануш шунэ́ла, сыр ёнэ ракирэ́на пэ каждонэскири амэндýр родно́ чиб. ⁹ Машкир амэндэ́ исын ада́й Парфяни, и Мидяни, и Еламиты, манушá, савé дживэ́на кэ Месопотамия; Юдэ́ятыр и Кападокиятыр, Понтиятыр и Асиятыр, ¹⁰ Фригиятыр и Памфилиятыр, Египтóстыр, адякэ-паць сýс манушá Ливиякирэ штéто́стыр, савó сýс на́дур Кирина́тыр, явнэ́ манушá Римостýр, Юды и прозелиты. ¹¹ Критяни и Арабы и амэ́ сарé шуна́са лэн, сыр ёнэ ракирэ́на пал барé Дэвлэскирэ́ рэндý пэ кажно́нэ – манушэнгирэ́ чибá (чиб́ья)?” ¹² И дивиндлэ́пэ сарé, и на галынэ́ нисó и ракирдэ́ екх екхэ́скэ: “Со дасаво сашты́ (могинэ́ла) тэ явэл?” ¹³ Нэ́ явíр ракирдэ́ саиндой: “Ёнэ выпинэ́ бут гудлы́ мол (вино).” ¹⁴ Нэ́ Пётри ушты́я кхэтанэ́ пэскирэ́ дэшудуенца Апостолэнца́ газды́я пэскири зан, и зоралэ́ заня́са пхэнд́я лэнгэ: “Юды́ и сарé манушá, кон дживэ́ла дро Ерусалимо! Мэк тэ́ явэл дава́ джиндлó́ тумэнгэ, и раххибны́ткэс шунэн́ мирé лава́. ¹⁵ Кадалэ́ манушá исын на́ матэ́, сыр дава́́ тумэнгэ́ здэлапэ́, пал-дова́ со кака́на еня́ (биекхэ́скиро дэш) мардэ́ (штунды) дывэ́сэ. ¹⁶ Нэ́ дава́́ исын дова́, со пхэнд́я прорóко́ Иоилё́: ¹⁷ “И дрэ́ палатунэ́ (последня́) дывэ́сá, – ракирэ́ла Дэвэл, – Мэ́ чхува́ва Мирó Дúхо (Фáно)

пэ кажно лоч (плоть), тумарэ чхавэ и чхая явэна тэ ангилпхэнэн и тэрнэ манушá явэна тэ дыкхэн дова, со Дэвэл дэла лэнгэ, а пхурэ манушá явэна тэ дыкхэн сунэ; ¹⁸ и пэ Мирэ писхарьендэ, сыр пэ муршэндэ адякэ-паць и пэ джувлендэ, Мэ чхувава Мирó Духó (Фáно) дрэ долэ дывэсá, и ёнэ явэна тэ ангилпхэнэн. ¹⁹ И Мэ сыкавава дйвы упрáл пэ болыбэн и знамэнии (гертыкá) тэлáл пэ пхув, рат, яг и óблоко тхувэса. ²⁰ Кхам кэрэлапэ дро калыпэн, и чхон дро рат, ангил сыр явэла Дэвлэскиро дывэс, бахталó и лачхó. ²¹ И явэла адякэ: кажно, кон кхарэла Дэвлэскиро лав, зраххэлапэ. Исусóскирэ рэндэ допхэнэна, со Ёв исын Дэвэл. ²² Манушáлэ Израилэскирэ! Шунэн адалэ лавá: Исусóскирэ Назареёскирэ, Манушэс, Савэс Дэвэл выкэдья ваш тумэнгэ, и допхэндя тумэнгэ барэ Лэскирэ рэндэнца (делэнца), гертыкэнца машкёр тумэндэ, савэ тумэ кокорэ джинэна, и дава сыс ангил тумарэ якхá. ²³ Исусó сыс отдынó дрэ тумарэ вастá пэ мёньки пир Дэвлэскиро задуминыбэн, и тумэ грэхитконэ вастэнца мулякирдэ Лэс и примардэ пэ трушúл; ²⁴ нэ Дэвэл отджидякирдя Лэс мэрибнастыр, и отлыя зор мэрибнастыр, пал-дова со ёв на могиндя Лэс тэ рикирэл. ²⁵ Пал-дова со Давидó ракирэла пал Лэстэ: “Мэ ўсáды (сак) дыкхцём ангил пэстэ Рас-Дэвлэс, Ёв исын пир чачй (право) риг мандыр, соб (кай) мэ тэ на кунинавпэ; ²⁶ далэстыр обрадындяпэ миро илó, мирй чиб кажно мóло шарэла Тут и дрэ мирэ масá исын надéя. ²⁷ Пал-дова со Ту на ячкирэса миро духó (фáно) дрэ лóно (адо), и Ту на дэса свэнтонэ Тырэскэ тэ дыкхэл мэрибэн; ²⁸ Ту дыян мánгэ джибнытко дром; и мэ явава тэ радынавпэ ангил Тýтэ.” ²⁹ Манушáлэ-Пшалáлэ! Мэк тэ явэл мánгэ саштыпэн (возможность) тэ пхэнáв тумэнгэ пал дадэстэ Давидóстэ, со ёв мыя и сыс гарадó, и лэскири коплйца исын амэндэ кэ/жыко дава дывэс. ³⁰ Ёв сыс прорóко и джиндя пал дова, со Дэвэл совлахадя лэскэ, со екхэ манушэс лэскирэ родóстыр чхувэла пэ лэскиро трóно, ³¹ ёв ж, Давидó, англэдýр пхэндя пал Христосóскиро отджидыибэн, со и Ёв на сыс ячкирдо дро лóно и трóпо Лэскиро на кирнэла. ³² Дэвэл отджидякирдя Исусóс мэрибнастыр, и амэ сарэ сам якхйтка далэскэ. ³³ Дэвэл газдыя Лэс Пэскирэ най зоралэдýр вастэса, и Ёв прилыя Лэстыр Свэнтó Духó (Фáно), пал савó дыя лав Дад; Дэвэл кэрдя дова, со тумэ каканá шунэна и дыкхэна. ³⁴ Давидó на газдыяпэ пэ болыбэн; нэ ёв кокорó ракирэла: ‘Пхэндя Дэвэл мирэскэ Дэвлэскэ, бэш пир чачй риг Мандыр. ³⁵ Пака Мэ чхувава вэргэн Тырэн кэ гэрá’. ³⁶ И палдава джин миштэс, сарó кхэр Израилэскиро, со Дэвэл кэрдя Кадалэ Исусóса, Рáса-Дэвлэса и Христосóса, Савэс тумэ примардэ пэ трушúл.” ³⁷ Кéли манушá шундлэ сарó дава, ёнэ галынэ пэскирэ илэнца банг и пхэндлэ Пэтрискэ и явирэ Апостолэнгэ: “Со амэнгэ тэ кэрáс, Манушáлэ-Пшалáлэ?” ³⁸ Пэтри пхэндя лэнгэ: “Рискирэн пэскиро джиббэн кэ Дэвэл, мэк кажно мануш тумэндýр тэ болэлпэ дро Исусóскиро Христосóскиро лав, соб (кай) тэ отмэкэнпэ тумарэ грэхí, и тумэнгэ явэла отдыибэн Дэвлэстыр-Свэнтó Духó (Фáно). ³⁹ Пал-дова со пал дава грэхэнгиро отмэкибэн гарá сыс дынó лав тумэнгэ, чхавэнгэ тумарэнгэ и сарэнгэ, адякэ-паць и одолэнгэ, кон дживэла дур тумэндýр, конэс кхарэла кэ Пэ Рай Дэвэл амарó.” ⁴⁰ И бутэ явирэ лавэнца Пэтри допхэнэлас и мангдя лэн, ракирй: “Ракхэнпэ адалэ розмэкнэ манушытконэ родóстыр.” ⁴¹ И одолэ, кон илэса прилэлас лэскиро лав, болдэпэ, и дро дова дывэс упатяндынэ пашэ трин тысёнцы манушá. ⁴² И ёнэ ўсáды (сак) явэнас кхэтанэ пир Апостолэнгиро сыклякирибэн тэ ракирэн екх екхэса, тэ пхагирэн марó и тэ мангэнпэ Дэвлэскэ.

Джиббэн машкёр Патяибнаскирэндэ

⁴³ Сыс дар кажнонэ манушэстэ ангил Дэвлэстэ; и бут дйвы и гертыкá кэрдэ Апóстола дро Ерусалимо. ⁴⁴ И сарэ, кон патяндья, сыс кхэтанэ, и сарó, со лэндэ сыс, сыс пэ сарэндэ; ⁴⁵ ёнэ бикнэнас фэлатиня и сарó пэскиро барвалыпэн, со лэндэ сыс, и роздэнас сарэнгэ пир дова, кон со трэбиндя. ⁴⁶ И кажно дывэс ёнэ кэдэнаспэ кхэтанэ дрэ Кхангири, пхагирэнас марó и ханас кхэтанэ радымáса и чачипнаса дро илó, ⁴⁷ и ёнэ шарэнас Дэвлэс и сарэ манушá сыкадэ патыв лэнгэ; и Рай Дэвэл кажно дывэс янэлас зраххэ манушэн дрэ Кхангири.

2:10 ^[1] Наюды, савэ рисинэ кэ Христосо

Шэрó 3

Апóсто́лы Вы́састякирэ́на Лангалэ́с

¹ Пэ́три и Иа́но ё́кхвар гинэ́ кхэтанэ́ дрэ́ Кханги́ри пэ́ бэ́львэ́литко мангипэ́н: ² и сыс одо́й екх ману́ш, саво́ сыс лангало́ бияны́пнастыр, савэ́с со дывэ́с яне́нас и чхувэ́нас тэ́ бэ́шэл пашы́л Кханги́рьякири по́рта, сави́ кхарэ́на Лолы, соб (кай) ё́в тэ́ мангэ́л дыибэ́н манушэ́ндыр, савэ́ заджанас дрэ́ Кханги́ри; ³ кэ́ли адава́ ману́ш дыкхця́ Пэ́трис Ианоса́ анги́л заги́ибэ́н дрэ́ Кханги́ри, ё́в лыя́ тэ́ мангэ́л лэ́ндыр. ⁴ И Пэ́три ра́кхунэ́с дыкхця́ Ианоса́ пэ́ лэ́стэ́ и пхэ́ндя: “Дыкх по́ амэ́ндэ.” ⁵ И ё́в лыя́ ра́кхунэ́с тэ́ дыкхэ́л пэ́ лэ́ндэ́, ужаки́ри, со ё́нэ́ дэ́на вари-со́ лэ́скэ́. ⁶ Нэ́ Пэ́три пхэ́ндя: “Сувнака́й и руп ма́ндэ́ нанэ́; нэ́ дова́, со ма́ндэ́ исын, мэ́ да́ва ту́кэ: ваш лав И́сусо́скиро́ Христосо́скиро́ Назаре́тостыр, ушты́ и псир.” ⁷ И ё́в лыя́ лэ́с пал ча́чо васт и газды́я; и дрэ́ дова́-па́ць часо́ лангалэ́скирэ́ гэ́ра́ высастинэ́. ⁸ Ману́ш ухтя́ пэ́ гэ́ра́ и лыя́ тэ́ псирэ́л, и кхэ́танэ́ лэ́нца́ гия́ дрэ́ Кханги́ри, ё́в псирдя́ и ухтя́ и шардя́ Дэ́влэ́с. ⁹ И са́рэ́ мануша́ дыкхне́ лэ́с, сыр ё́в псирэ́лас и ша́рэ́лас Дэ́влэ́с; ¹⁰ и ё́нэ́ галыне́ лэ́с, со ё́в сыс дова́-па́ць ману́ш, саво́ сыс бэ́штó пашы́л Кханги́рьякири Лолы по́рта и мангэ́лас дыибэ́н; дар и ди́во облыне́ лэ́н, со кэ́рдя́пэ́ адалэ́ манушэ́са.

Пэ́три́скиро́ Пхэ́ныбэ́н дрэ́ Кханги́ри

¹¹ Нэ́ палдо́ва, со лангало́, саво́ высастия́, на отджалас Пэ́тристы́р Ианоса́, са́рэ́ мануша́ прастанды́нэпэ́ одори́к кэ́ ё́нэ́, пэ́ дова́ штэ́то, саво́ кхарэ́на Соломонóскиро́ трéмо. ¹² И кэ́ли Пэ́три дыкхця́ да́ва, ё́в пхэ́ндя́ манушэ́нгэ́: “Мануша́лэ́ Израилё́скирэ́! Со тумэ́ дивинэ́напэ́ пэ́ да́ва? Со́скэ́ тумэ́ дыкхэ́на ады́кэ́ пэ́ амэ́ндэ́, сы́рбы, акэ́, амэ́ пэ́скирэ́ зорья́са ци́ джи́ибна́са дрэ́ дар анги́л Дэ́влэ́стэ́ кэ́рдям ады́кэ́, со адава́ ману́ш лыя́ тэ́ псирэ́л? ¹³ Дэ́вэл Авраа́мо́скиро́ и Исако́скиро́ и Яковóскиро́, Дэ́вэл ама́рэ́ да́дэ́нгиро́, просла́виндя́ Пэ́скирэ́ Чхавэ́с И́сусо́с, Савэ́с тумэ́ здыне́ и Савэ́сты́р отпхэ́ндлэ́пэ́ анги́л Пила́тостэ́, кэ́ли Пила́то́ отсэ́ндиндя́ тэ́ отма́кэ́л Лэ́с пэ́ во́ля. ¹⁴ Нэ́ тумэ́ Свэ́нтонэ́стыр и Чачу́нэ́стыр отпхэ́ндлэ́пэ́, а вы́мангнэ́, соб (кай) тумэ́нгэ́ тэ́ отма́кэ́н розма́рибна́рис; ¹⁵ нэ́ тумэ́ муляки́рдэ́ джи́ибна́скирэ́ Шэ́рэ́ Рас, Конэ́с Дэ́вэл отджи́дяки́рдя́ мэ́рибна́стыр и амэ́ сам якхы́тка дро́ да́ва. ¹⁶ И патяи́бна́са дро́ Лэ́скиро́ лав кэ́рдя́ зоралэ́ды́р адалэ́с, савэ́с тумэ́ дыкхэ́на и джи́нэ́на, и патяи́бэ́н, саво́ исын Лэ́сты́р, высастяки́рдя́ лэ́с анги́л тумэ́ндэ́ са́рэ́ндэ́. ¹⁷ Пшала́лэ́! Какана́ мэ́ джи́но́м (джи́на́в), со тумэ́ и тумаре́ раё́, кэ́рдэ́ да́ва пир наджи́ныбэ́н; ¹⁸ нэ́ Дэ́вэл са́ро́ кэ́рдя́ кэ́ ко́нцо/яго́ро (сполни́ндя), со ра́кирдэ́ Лэ́скирэ́ проро́ки, со Лэ́скирэ́ Христосо́скэ́ явэ́на ба́рэ́ мэ́ньки. ¹⁹ Риски́рэ́н пэ́скиро́ джи́ибэ́н и рисэ́н кэ́ Дэ́вэл, соб (кай) тумаре́ грэ́хи́ тэ́ явэ́н кхослэ́ тумэ́ндыр; ²⁰ соб (кай) тэ́ бичхавэ́л Рай́ Дэ́вэл тумэ́нгэ́ яви́р лачхо́ часо́ тэ́ подри́кирэ́л тумэ́н, соб (кай) Ё́в мо́гинэ́лас тэ́ бичхавэ́л И́сусо́с Христосо́с, Саво́ сыс ужэ́ вы́кэ́дыно́ тумэ́нгэ́; ²¹ Савэ́с болы́бэ́н сыс банго́ тэ́ при́лэл кэ́/жы́ко да́ва часо́, па́ка Дэ́вэл кэ́рэ́ла са́ро́, и пал Конэ́стэ́ анги́лэ́ды́р ра́кирдя́ пир Пэ́скирэ́ свэ́нтонэ́ проро́кэ́ндэ́ свэ́то́скирэ́ англи́пна́стыр. ²² Мо́йза ж пхэ́ндя: “Тумаре́ Рай́ Дэ́вэл чхувэ́ла тумаре́ пшала́ндыр Проро́ко́с, сыр и ман; канде́н Лэ́с дро́ са́ро́, со Ё́в явэ́ла тэ́ ра́кирэ́л тумэ́нгэ́. ²³ И явэ́ла ады́кэ́, со ка́жно ману́ш, кон на́ явэ́ла тэ́ канде́л одолэ́ Проро́ко́с, лэ́лапэ́ кри́г манушэ́ндыр тэ́ хасэ́л.” ²⁴ Са́рэ́ проро́ки, Самуи́лостыр и савэ́ сыс кори́гэ́ды́р (позже́) лэ́стэ́, са́рэ́ ра́кирдэ́, упхэ́ндлэ́ пэ́ далэ́ дывэ́са. ²⁵ Тумэ́ сан проро́кэ́нгирэ́ чхавэ́ и за́ветоски́рэ́, пал савэ́ндэ́ Дэ́вэл ды́я лав тумаре́ да́дэ́нгэ́; Ё́в ра́кирдя́ Авраа́мо́скэ́: ‘Са́рэ́ мануша́ ты́рэ́ родо́стыр пэ́ пхув явэ́на ба́хтяки́рдэ́ Дэ́влэ́стыр’. ²⁶ Кэ́ тумэ́ пэ́рва, Дэ́вэл отджи́дяки́рдя́ мэ́рибна́стыр Пэ́скирэ́ Чхавэ́с и бичха́дя́ Лэ́с кэ́ тумэ́, соб (кай) тэ́ ба́хтяки́рэ́л тумэ́н, соб (кай) ка́жнэ́нэ́с тумэ́ндыр тэ́ отриски́рэ́л на́лачхэ́ тумаре́ рэ́нде́ндыр.”

Шэрó 4

Пэ́три и Иа́но ангіл Синедріо́но

¹ Кéли Пэ́три и Иа́но ракирдé манушéнгэ, кэ ёнэ подгинé раша́й и раххибнарьенгирé барыдыра́ пир Кхангирí и Садукеи, ² лэ́нгэ сыс пхарó пэ илó, со Апóсто́лы сыклякирэнас манушéн, и пхэ́нэнас лав пал отджидякирибэ́н мэрибна́стыр, сыр сыс Исусóса; ³ и ёнэ закэ́дынэ Пэ́трис и Ианос, и пал-дова́ со дава́ сыс бэ́львэлé, ёнэ чхудé лэн дро штарибэ́н кэ явир дывéс. ⁴ Бут мануша́, савó шундлэ́ лэ́нгиро пхэ́ныбэ́н, упатя́ндынэ; и манушéн, савé лынé тэ патя́н, яця́ буты́р, сыр пандж тысэ́нцы.

Пэ́три Ракирэ́ла Годэ́пхурэ́нца

⁵ И пэ́ явир дывéс скэ́дынэпэ́ дро Ерусали́мо лэ́нгирé барыдыра́, годэ́пхурé и лылварítка (кни́жники), ⁶ одóй сыс пэ́рво раша́нгиро барыдыро́ Анна, и Каи́афа, и Иа́но, и Лександро́ (Александро́) и явир пэ́рвонé-рашаскири сэмэ́нцатыр; ⁷ ёнэ яндлэ́ Пэ́трис Ианоса, чхудé лэн машкира́л, и лынé тэ допхучэ́н лэ́ндыр: “Савé зорья́са ци савé лавéса тумé кэ́рэна сарó дава́?” ⁸ Тэ́ды Пэ́три, савó сыс пхэ́рдó Свэ́нтонé Духóса, пхэ́ндя лэ́нгэ: “Барыдыралé тхэмэ́скирэ и Израилéскирэ годэ́пхурé! ⁹ Кóли тумé пхучэ́на амэ́ндыр пал лачхó рэ́ндó ваш насвалэ́скэ, сыр ёв сыс высастяки́рдо, ¹⁰ мэ́к тэ́ явэл джиндлó тумэ́нгэ сарэ́нгэ и сарé Израилéскирэ манушéнгэ, со Исусóскирэ-Христосóскирэ лавéса, Савó сыс Назаре́ё, и Савэ́с тумé примардэ́ пэ́ трушу́л, Савэ́с Дэвэл отджидякирдé мэрибна́стыр, га́да, адава́ ману́ш исын тэ́рдó састó ангіл тумэ́ндэ. ¹¹ Исýсо исын сы́рбы ‘дова́ Бар, савó на прилынé бутитка́ пэ́ кхэр, савó яця́ вэ́нглоскирэ шэ́ралé Барэ́са.’ ¹² И нанэ́ буты́р ни дрэ́ конэ́стэ́ явирéстэ́ зракхибэ́н, нанэ́ тэл болыбэ́н явир лав, савó дыно́ манушéнгэ, савéса амэ́ мого́на́сас тэ́ зракхаспэ́.”

Пхэ́ныбэ́н дро Исусоски́ро Лав Запхэ́ндло

¹³ Юдэ́нгирé-Синедрионо́скирэ шэ́ралé дивиндлэ́пэ́ пэ́ Пэ́триски́ро Ианоса муршы́пэ́н, и галынé, со Пэ́три и Иа́но сыс насыклé мануша́, савé никай на сыклынэ́, и ёнэ галынé, со ёнэ сыс кхэ́танé Исусóса. ¹⁴ И дыкхí, со высастяки́рдо ману́ш сыс тэ́рдó кхэ́танé лэ́нца, ёнэ нисó на мого́ндлэ́ тэ́ пхэ́нэ́н проти́ лэ́ндэ; ¹⁵ нэ́ ёнэ припхэ́ндлэ́ Апостолэ́нгэ́ тэ́ джа́н яври́ Синедрионо́стыр, а ко́корé лынé тэ́ обраки́рэн машки́р пэ́стэ, ¹⁶ и ракирдé: “Со амэ́нгэ́ тэ́ кэ́рас адалé манушэ́нца? Пал-дова́ со сарé мануша́ джинэ́на, со ёнэ́ кэ́рдé диво́, и амэ́ на мого́на́са дава́ тэ́ на пригалéвас. ¹⁷ Нэ́ соб (кай) бутэ́дыр тэ́ на розджалпэ́ машки́р явирэ́ндэ́ манушэ́ндэ́ пал дава́, трашаваса́ лэн, соб (кай) ёнэ́ тэ́ на раки́рэн никонэ́са манушэ́ндыр пал Исусóски́ро лав.” ¹⁸ Ё́нэ нэ́вэ́стыр кхардэ́ Апостолэ́н и шы́лалэ́с припхэ́ндлэ́ лэ́нгэ, соб (кай) ё́нэ сарé́са тэ́ на раки́рэн и тэ́ на сыкляки́рэн пал Исусóски́ро лав. ¹⁹ Нэ́ Пэ́три и Иа́но отпхэ́ндлэ́ лэ́нгэ: “Нэ́ дэ́н годы́ пэ́скэ́ (подуминэ́н) ко́корé, ци чачунéс дава́́ явэ́ла ангіл Дэ́влэ́стэ́, тэ́ кандэ́с тумэ́н бутэ́дыр Дэ́влэ́стыр? ²⁰ Амэ́нгэ́ нашты́ тэ́ на раки́рас пал дова́, со амэ́ ко́корé дыкх́́ям и шунд́́ям.” ²¹ Синедрионо́скирэ шэ́ралé шы́лалэ́с припхэ́ндлэ́ Апостолэ́нгэ́, и отмэ́кнэ́ лэн; ё́нэ на джиндлэ́, сави́́ кáра тэ́ чхувэ́н пэ́ Апостолэ́ндэ́, пал-дова́ со сарé́ мануша́́ славиндлэ́́ Дэ́влэ́с пал кале́каски́ро высастяки́рибэ́н; ²² пал-дова́ со буты́р, сыр штардэ́ша́ бэ́рш сыс одолé́ манушэ́скэ́, пэ́ савэ́стэ́ кэ́рдя́пэ́ дава́́ дивно́ высастяки́рибэ́н.

Патя́ибна́скирэ́ Мангэ́напэ́ пал Муршы́пэ́н

²³ Кéли отмэ́кнэ́ Пэ́трис и Ианос, ё́нэ явнэ́́ кэ́ пэ́скирэ́ мануша́́ и роспхэ́ндлэ́́ лэ́нгэ́ пал сарó, со лэ́нгэ́ ракирдé́ раша́нгирé́ барыдыра́́ и годэ́пхурé́. ²⁴ И кéли ё́нэ́ вышундлэ́́ пал сарó́ дава́́, тэ́ды́ лынé́́ тэ́ мангэ́́нпэ́́ зоралé́́ заня́́са сарé́́ кхэ́танé́́ Дэ́влэ́́скэ́́ и пхэ́́ндлэ́́: “Раё́́ Дэ́́вла! Ту́́ сан Хула́́й пэ́́ сарэ́́ндэ́́, Ту́́, Савó́́ создья́́н болы́́бэ́́н и пхув́́ и паня́́ и сарó́́, со исын́́ дрэ́́ лэ́́ндэ́́: ²⁵ Ту́́, Савó́́ раки́́рдя́́н Духó́́са Свэ́́нтонэ́́са пир Ты́́рэ́́ писхаристэ́́ и амаре́́́ даде́́стэ́́ Дэ́́видóстэ́́: ‘Сó́́скэ́́

Наюды дынэпэ шумоса тэ холясон и манушá задуминдлэ налächхипэн? ²⁶ Пхувитка крáлья газдынэпэ и тхагáрья (князи) скэдынэпэ кхэтанэ пэ Дэвлэстэ и пэ Лэскирэ Христосостэ. ²⁷ Иродо и Понтиё Пилáто Наюдэнца и Израилёскирэ манушэнца скэдынэпэ кхэтанэ дро дава́ фóро, соб (кай) тэ кэрэн зракирибэн проти Свэнтонэ Чхавэстэ Исусостэ. ²⁸ Соб (кай) тэ сполнинэл дова́, тэ явэл пир Тырó васт и во́ля. ²⁹ И каканá, Раё Дэвла, Ту дыкхэса, со ёнэ амэн страхакирэна и дэ амэнгэ, писхарьёнгэ, муршыпэн тэ на дарас тэ пхэнас Тырó лав; ³⁰ соб (кай) Ту тэ протырдэс Тырó васт тэ састякирэн, ваш гертыка́ и дивы Исусоскирэ лавэса, Свэнтонэ Чхавэса.” ³¹ И кэли ёнэ пириячнэ тэ мангэнпэ Дэвлэскэ, тэды дова́ штэто, кай ёнэ скэдынэпэ, затринскирдяпэ, и гия́ пэ сарэндэ лэндэ Свэнтонэ-Духоскири зор и ёнэ пхэндлэ Дэвлэскиро лав муршыпнаса. ³² Патяибнаскирэ манушá сыс кхэтанэ илэса и годя́са; и никон нисó пэскирэ миштыпнастыр на гиндя пал пэскиро, а сарó, со лэндэ сыс, сыс пэ сарэндэ; ³³ а Апóстолы барé зорья́са допхэнэнас пал Дэвлэскиро, Исусоскирэ-Христососкиро отджидякирибэн мулэндыр; и барó бахтыкирибэн Дэвлэстыр сыс пэ лэндэ сарэндэ. ³⁴ На сыс никонэс машкёр лэндэ; соб (кай) лэскэ трэиндя́ вари-со, пал-дова́ со сарé, конэстэ сыс пэскири пхув ци кхэра́, бикнэнас лэн и янэнас сарé ловé, ³⁵ и чхувэнас лэн кэ Апостолэнгирэ гэрá; и дэнас ловé кажнонэскэ, дыкхí ци бут лэскэ трэй. ³⁶ И, га́да, Ё́за (Иосифо), савэс Апóстолы прокхардэ “Варнава”, со значынэла: ‘Тангипнарискиро чхаво́’, Левито, савó бия́ндыя пэ Кипро, ³⁷ и савэстэ сыс пэскири пхув, бикиндя ла, яндя́ ловé и чхудя́ кэ Апостолэнгирэ гэрá.

Шэрó 5

Ана́ния и Сапфи́ра

¹ Екх ману́ш, савэс кхардэ́ Ана́ния, пэскирэ ромня́са Сапфираса, бикиндя фэлатин, ² и гара́дя пэскэ барэды́р паш ловé, и лэскири ромны́ джиндя́ пал дава́, а паш, сави́ яця́пэ, ёв яндя́ и чхудя́ кэ Апостолэнгирэ гэрá. ³ Нэ Пётри пхэндя́: “Ана́ние! Ваш со ту домэ́кця́н налächхэс тэ хулаинэл, со ту хохадя́н Свэнтонэ́ Духоскэ́ и гара́дян пэскэ́ паш ловé, савé ту дорэ́сця́н пал бикиндлы́ пхув? ⁴ Ци на сыс пхув кэ дова́ часо, сыр ту ла бикиндя́н, тыри́, и ловé, савé ту лыя́н пал ла́тэ, ци на адя́кэ-паць сыс тырэ́, сыр жа ту гия́н пэ дасаво́ рэндо? Ту хохадя́н на манушэнгэ́, а Дэвлэскэ́!” ⁵ Ана́ниё, сыр шундя́ далé лава́, пыя́ муло́; и бари дар лыя́ сарэн манушэн, савé сыс одой́ и шундлэ́ дава́. ⁶ И подгинэ́ тэрнэ́ манушá, закрэнцындлэ́ лэскиро трúпо, лыджинэ́ яври́ лэс и гара́дэ. ⁷ Пир мардэ́ (штунды) трин коригэ́дыр (позжэ́дыр) явдя́ и лэскири ромны́, ёй нисó на джиндя́ пал дова́, со кэрдя́пэ. ⁸ Пётри пхуця́ ла́тыр: “Ци пал дасави́ тимий́н тумэ́ ромэ́са бикиндлэ́ пэскири пхув?” “Адя́кэ, – пхэндя́ ёй, – пал дасави́ тимий́н.” ⁹ Нэ Пётри пхэндя́ ла́кэ: “Сыр да тумэ́ могиндлэ́ тэ зракирэнпэ́ и тэ хохавэн Дэвлэскирэ́ Духоскэ́? Га́да, пашы́л вударá исын гэрá одолé-манушэнгирэ́ гэрá, савé гара́дэ тырэ́ ромэс: ёнэ́ и тут лыджáна яври́.” ¹⁰ И дро дова́-паць часо́ ёй пыя́ мулы кэ лонгирэ́ гэрá. И кэли тэрнэ́ манушá за́гинэ́, ёнэ́ латхнэ́ ла муля́, и лыджинэ́ яври́ ла, и гара́дэ пашы́л ла́кирэ ромэ́стэ. ¹¹ И бари дар облы́я сари́ Кханги́ри́ и сарé манушэн, савé шундлэ́ пал дава́.

Герты́ка́ и Ди́вы

¹² Апóстолы кэрдэ́ бут знамэ́нии (гертыка́) и дивы́ пэскирэ́ вастэнца́ машкёр манушэндэ́; и сарé скэдэ́наспэ́ кхэтанэ́ дро Соломонóскиро трéмо, ¹³ нэ никонэ́стэ явирэ́стэ на сыс муршы́пэн тэ подджáл кэ ёнэ́, нэ манушá кутя́кирэ́нас и барья́кирэ́нас паты́в лэнгэ́; ¹⁴ и уса́ бутыр́ ячэ́нас манушá, савé лы́нэ́ тэ патя́н дрэ́ Растэ́-Дэвлэ́стэ сыр муршэ́н, адя́кэ́ и джувлэ́н, ¹⁵ сыр манушá вы́лыджана́с насвалэ́н пэ вули́ца (га́са) и чхувэ́нас лэн пэ пасинд́ля (постели) и чхуи́бэна, соб (кай) кэли́ Пётри́ явэ́ла тэ джал́ маму́й, тэ пэрэл́ Лэскири́ зэр (тенё́) пэ вари-конэ́стэ лэндыр. ¹⁶ Бут манушá явэ́нас явирэ́ форьэ́ндыр, савé сыс пашы́л Ерусали́мо, ёнэ́ янэ́нас насвалэ́ манушэ́н и адасавэ́н, дрэ́ савэ́ндэ́ сыс бэ́што́ на́лächхо́ дýхо (фа́но), савé сарé́ высастё́нас.

Апостолэн Закэдэна

¹⁷ Пэрво рашангиро барыдырo уштыя, и сарэ, кон сыс кхэтанэ лэса Садукеенгирэ скэдыбнастыр лынэ тэ зэвлынэн, ¹⁸ и закэдынэ Апостолэн, и чхудэ лэн дро штарибэн. ¹⁹ Нэ Дэвлэскиро Янгóло ратякиро псирадя вударá дро штарибэн и вылыджия лэн, пхэни: ²⁰ “Джан дрэ Кхангири, тэрдэн и роспхэнэн сарэ манушэнгэ пал дава нэво джиибэн.” ²¹ Сыр Апóстолы шундлэ дава, ёнэ пэ злóко (ранко) явнэ дрэ Кхангири и сыклякирдэ. Нэ, кели пэрво рашангиро барыдырo кхэтанэ пэскирэ манушэнца явнэ, ёнэ кэдынэ Синедрионо и сарэ годэпхурэн Израилэскирэ чхавэндэр и бичхадя халадэн дро штарибэн, соб (кай) тэ янэн лэн. ²² Кели халадэнгирэ барыдыра явнэ дро штарибэн, ёнэ никонэс одой на латхнэ, рисинэ палэ и роспхэндлэ пал дава, пхэни: ²³ “Штарибэн исын пхандло зоралэс, и раххибнарья исын тэрдэ пашыл вударá, нэ, кели амэ загиям андрэ, одой на латхям никонэс. ²⁴ Нэ кели шундлэ далэ лавá, – пэрво рашангиро барыдырo, раххибнарьенгиро барыдырo и явир рашангирэ барыдыра, ёнэ на могоиндлэ нисó тэ галён, сыр дава сарó могоиндя тэ явэл? ²⁵ Нэ вари-савó мануш явдя и пхэндя лэнгэ: “Гáда, одолэ манушá, савэн тумэ чхудэ дро штарибэн, исын тэрдэ дрэ Кхангири и сыклякирэна манушэн.” ²⁶ Тэды раххибнарьенгиро барыдырo пэскирэ халадэнца гия и лачхипнаса яндлэ палэ лэн, пал-дова со дарандынэ манушэндэр, соб (кай) тэ на домарэн лэн барэнца. ²⁷ И ёнэ яндлэ лэн и чхудэ ангил Синедрионо. О пэрво рашангиро барыдырo пхуця лэндэр, ракири: ²⁸ “Ци на шылалэс амэ припхэндям тумэнгэ тэ на сыклякирэн пал Адалэ-Манушэскиро лав? Нэ тумэ усаэкх розлыджинэ сыклякирибэн пир сарó Ерусалимо, и кэ сарó тумэ камэна тэ чхувэн пэ амэндэ банг пал Адалэ-Манушэскиро рат.” ²⁹ Нэ Пэтри и Апóстолы отпхэндлэ: “Амэ сам бангэ (мусинаса) тэ кандас Дэвлэс, а на манушэн. ³⁰ Амарэ-дадэнгиро Дэвэл отджидякирдя Исусóс мэрибнастыр, савэс тумэ мулякирдэ, ублави Лэс пэ кашт. ³¹ Нэ Дэвэл газдыя Лэс Пэскирэ чачэ вастэса, сыр Шэрэ Рас и Зракхибнарис, соб (кай) Израилэ пир Лэстэ тэ рискирэл пэскиро джиибэн кэ Дэвэл, и соб (кай) тэ отмэкэнпэ грэху. ³² И амэ сам якхйтка далэскэ сарэскэ и Свэнто Дúхо (Фáно), Савэс Дэвэл дыя одолэнгэ, кон кандэла Лэс.” ³³ Нэ кели ёнэ шундлэ дава сарó, лэн лэлас бари холы и ёнэ камэнас тэ замарэн Апостолэн. ³⁴ Машкир лэндэ сыс екх Фарисеё, сыклякирибнари пир Закóно, савэстэ сыс патыв ангил манушэндэ, кхардэ лэс Гамалиило, ёв уштыя ангил Синедрионо и припхэндя тэ лыджан яври Апостолэн пэ вари-савó часо, ³⁵ а лэнгэ пхэндя: “Манушáлэ Израилэскирэ! Миштэс дэн годы пэскэ (подуминэн) пал дова, со тумэ камэна тэ кэрэн адалэ манушэнца; ³⁶ сарэса нагара явдя адарик вари-савó Февда, савó выдыя пэс пал барэ манушэстэ, и пал лэстэ гинэ пашэ штар шэла тысэнцы манушá; ёв сыс замардо, и сарэ, кон гия пал лэстэ, рознашнэпэ и хасинэ. ³⁷ Палó (после) лэстэ газдыяпэ Юда Галилеятыр, ёв явдя дрэ дава часо, кели сыс манушэнгиро пиричхиныбэн, ёв злыджия пал пэстэ бут манушэн, и лэс адякэ-паць замардэ и сарэ, кон сыс лэса, рознашнэпэ. ³⁸ А каканá мэ ракирава тумэнгэ: отячэн адалэ манушэндэр и мэкэн лэн; коли далэ думы и буты манушэндэр, то дава сарó хасёла; ³⁹ а коли Дэвлэстыр, тэды тумэ на дэна рада тэ пиризорьякирэн лэн; раххэнпэ, соб (кай) и тумэ тэ на тэрдэн марибнаса проти Дэвлэстэ.” ⁴⁰ Ёнэ кандынэ лэс и кхардэ Апостолэн, и ёнэ мардэ лэн; и кели ёнэ припхэндлэ лэнгэ тэ на ракирэн пал Исусóскиро лав, отмэкнэ лэн. ⁴¹ Палдава Апóстолы гинэ Синедрионостыр радымáса, пал-дова со лэнгэ приявдяпэ тэ пирилыджан дасаво ладжаипэн ваш Дэвлэскирэ-Исусóскиро лав. ⁴² И со дывэс дрэ Кхангири и пир кхэра, ёнэ на мэкэнас тэ сыклякирэн и тэ роспхэнэн бахталó лав пал Исусóстэ Христосóстэ.

Шэрó 6

Эфтá Манушá Кхангириякирэ Шэралэ

¹ Нэ дрэ долэ дывэсá, кели сыкляибнытка ячнэ бутыр, выгия Елинистэндэр холямо ракирибэн пэ Юдэндэ, со ёнэ бистрэна пал лэнгирэ пивлендэ (удовэндэ), кели роздэна кажнонэ-дывэсытко хабэн. ² Тэды дэшудуй Апóстолы кэдынэ кхэтанэ сарэн

сыкляибнытконэн и пхэндлэ: “Намишто амэнгэ тэ ячкирас Дэвлэскиро лав, а тэ заласпэ скаминдэса. ³ Палдава, пшалалэ, выкэдэн тумэндыр эфта джиндлэ манушэн, савэ тэ явэн пхэрдэ Свэнтонэ Духоса и годяса, соб (кай) лэнгэ и тэ дыкхэн пал дая буты; ⁴ амэ кокорэ яваса бутыр часо тэ отдас мангипнаскэ Дэвлэскэ и тэ роспхэнас Лэскиро лав.” ⁵ Дасаво ракирибэн сыс сарэнгэ пир илэ; и ёнэ выкэдынэ Стехванос (Стефанос), манушэс, савэ сыс пхэрдэ Свэнтонэ Духоса и патяибнаса и Филипос, и Прохорос, и Никанорос, и Тимонос, и Парменос, и Микалаёс (Николаёс), нэвонэ-патяибнаскирэс, Наюдос Антиохиятыр, ⁶ и савэн чхудэ ангил Апостолэндэ, и кэли ёнэ мангнэпэ Дэвлэскэ, тэды ёнэ чхудэ васта упрэ пэ лэндэ. ⁷ И Дэвлэскиро лав розджаласпэ бутыр, и сыкляибнытка дро Ерусалимо ячнэ древэн бут, адякэ-паць и бут рашай упатяндынэ.

Стехванос Закэдэна

⁸ Стехвано (Стефано), савэстэ сыс пхэрдэ бахтякирибэн Дэвлэстыр и зор, кэрдя барэ дивы и знамэнии (гертыка) машкир манушэндэ. ⁹ Нэ вари-савэ мануша Либертийцынэнгирэ синагогатыр, и Киринейцынэнгирятыр и Александрийцынэнгирятыр, и одолэ, савэ сыс Киликиятыр и Асиятыр, лынэ тэ допхэнэн Стехваноскэ. ¹⁰ Адалэ мануша сыс бизорьякирэ ангил Духоскири зор и годы, савьяса ракирдя Стехвано. ¹¹ Тэды ёнэ подракирдэ манушэн тэ пхэнэн: “Амэ шундям, сыр ёв ракирдя налачхэ лава пэ Мойзастэ и пэ Дэвлэстэ.” ¹² Лэнгэ удяпэ хохайбнаса тэ подракирэн манушэн и годэпхурэн и лылваритконэн. Одолэ пынэ и ухтылдэ Стехванос, и лыджинэ лэс ангил Синедрионо. ¹³ И ёнэ яндлэ хоханэ якхитконэн, савэ допхэнэнас: “Адава мануш уса ракирэла проти Свэнто Кхангири и Закэно; ¹⁴ амэ, хай, шундям, сыр ёв ракирдя, со Исусо Назаретостыр роспахгирэла Кхангири и парувэла присыкляибэн, савэ амэнгэ дыя Мойза.” ¹⁵ Сарэ, кон сыс бэштэ дрэ Синедрионо, раххунэс дыкхнэ пэ Стехваностэ, и дыкхнэ, со муй лэскиро зяинэла сырбы муй Янголостэ.

Шэро 7

Стехваноскиро Ракирибэн

¹ Тэды пэрво рашангиро барыдырэ пхуця Стехваностыр: “Чи сарэ дава исын чачипэн, дрэ со ёнэ тут бангякирэна?” ² И ёв отпхэндя: “Пшалалэ мирэ, дадолэ! Вышунэн ман. Славутно Дэвэл сыкадыя амарэ дадэскэ Авраамоскэ дрэ Месопатамия ангил лэскиро пиритрадыпэн дро Харано, ³ и пхэндя лэскэ: ‘Мэк пэскири пхув и пэскиро рэдо, и джэ дрэ доя риг, сави Мэ тукэ сыкавава’. ⁴ Тэды Авраамэ мэкця Халдеенгири пхув и пиритрадыя дро Харано; коригэдыр, сыр лэскиро дад мыя, Дэвэл пирикхардя лэс пэ дая пхув, пэ сави тумэ каканэ дживэна. ⁵ Ёв на дыя лэскэ мэкно миштыпэн ни пэ екх пирэ (стопа) гэрьякиро барипнаса, нэ Ёв дыя лав лэскэ тэ дэл дая пхув сыр лэскири и со лэскирэ-чхавэнгирэ родоскэ чхавэ явэна хулай пэ адая пхув, кэли дро дова часо Авраамостэ сарэса на сыс чхаворэн. ⁶ И гада, Дэвэл пхэндя лэскэ: ‘Со лэскирэ-чхавэнгиро рэдо явэла чужо пэ кодоя пхув и лэндыр скэрэна писхарьён и явэна тэ притасавэн штаршэла бэрш; ⁷ нэ Мэ, – пхэндя Дэвэл, – явава тэ сэндыкирав пхарэс одолэ – нацыякирэ манушэн, ваш конэскэ ёнэ явэна писхарья; и палэ дава ёнэ выджана долэ пхувьятыр и явэна тэ дынаринэн Мэнгэ пэ дава штэто. ⁸ И Дэвэл кэрдя Завето Авраамоса тэ обчхинэнпэ; и адякэ Авраамэ яця дадэса Исаакоскэ и ёв обчхиндя лэс пэ эфатэ дывэс; а Исаако яця дадэса Яковоскэ, и Яково яця дадэса дэшудуенгэ патриархэнгэ. ⁹ И патриархи пир зэвлыныпэн бикиндлэ Ёзас сыр писхарис дро Египто; нэ Дэвэл сыс лэса, ¹⁰ и помогинэлас лэскэ дрэ сарэ лэскирэ пхарипэна, и дыя лэскэ годы и Фараоноскирэ-Египтоскирэ кралыскири патыв, савэ и чхудя лэс балунитконэса пэ Египто и пэ сарэ лэскиро кхэр. ¹¹ Нэ бокх пыя пэ сары Египтоскири и Ханааноскири пхув, и сыс бари бйда; и амарэ дада на латхэнас пэскэ хабэн. ¹² Нэ кэли Яково шундя пал дова, со дрэ Египто исын марэ, ёв бичхадя одорик екх мола амарэ дадэн; ¹³ а кэли ёнэ явнэ явир мола, Ёза (Иосифо) пригалыпэ пэскирэ пшалэнгэ, и Фараоно уджиндя, савэ родостыр сыс

Ёза. ¹⁴ Палó дава Ёза бичхадя пал пэскирэстэ дадэстэ Яковостэ и пал сарí пэскири сэмэнцатэ, а сыс лэн эфгадэша панджджинэ. ¹⁵ Яково явдя дрэ Егíпто, кай ёв мыя кокорó и адякэ-паць амарé дадэ; ¹⁶ и пирилыджинэ лэнгирэ трúпы дро Сихемо и чхудэ дрэ коплíца, савí киндя Авраáмо дро Сихемо Еморэнгирэ чхавэндýр пал руп. ¹⁷ Кéли лыя тэ подджал дава часо тэ кэрэлпэ пхэндлó лав, пал савó дыя лав Дэвэл Авраамóскэ, и Юды барьёнас дро Егíпто и ячнэ бутыдыр, ¹⁸ пака явíр крáli явдя, савó на джиндя Ёзас. ¹⁹ Ёв хохаибнаса отлыджаласпэ кэ амарé манушá и ёв на дéлас джиибэн амарé дадэнгэ; ёв зачхувэлас лэн тэ вычхурдэн пэскирэн тыкнэ биятэн, соб (кай) одолé тэ на дживэн. ²⁰ Дро дасаво часо бияндыя о Мóйза (Моисеё), савэстэ сыс шукарипэн Дэвлэстыр, трин чхонá лэс барьякирдé дрэ лэскирэ-дадэскиро кхэр. ²¹ Нэ кéли лэс тыкниньконэс чхурдынэ явrí, Фараоноскири чхай и лыя лэс кэ пэ и барьякирдя лэс, сыр пэскирэс чхавэс. ²² И Мóйза сыс сыклякирдо дро сарó Египтóскиро годьварипэн, и ёв сыс зоралó дрэ лавá и пир рэнды. ²³ И кéли лэскэ яцá штардэша бэрш, ёв закамдя тэ дыкхэн пэскирэ пшалэн, Израилёскирэ чхавэн; ²⁴ и, дыкхí, сыр екхэскэ лэндýр кэрдé фуипэн, ёв затэрдия пал лэстэ и отхая палэ (отомстиндя) пал лэстэ, со пэкадя Египтянинос и замардя лэс. ²⁵ Ёв думиндя, со лэскирэ пшáла галёна, со Дэвэл лэскирэ вастэса дэла лэнгэ зракхибэн; нэ ёнэ на галынэ. ²⁶ Кéли пэ явíр дывэс ёв дыкхцá, сыр дуй Израильтáни чингардэпэ машкíр пэстэ, ёв камдя тэ раманякирэл (змиринэл) лэн, пхэни лэнгэ: “Тумэ сан пшáла, палсó тумэ кэрэна фуипэн екх екхэскэ?” ²⁷ Нэ екх лэндýр шпулдя (пихниндя) Мóйзас дрэ риг и пхэндя: “Кон чхудя тут сэндариса и рáса пэ амэндэ?” ²⁸ Ци на камэса ту тэ замарэс и ман адякэ-паць, сыр ту замардян атася Египтянинос?” ²⁹ Кéли Мóйза шундя дава отпхэныбэн, ёв насця кэ Мидия, и яцá одóй тэ дживэл сыр чужо мануш, кай бияндынэ лэстэ дуй чхавэ. ³⁰ Кéли прогия (накхцá) штардэша бэрш, Мóйзаскэ сыкадыя Дэвлэскиро Янгóло хрустостыр, савó хачия ягáса пэ чхучí пхув, нэдур бэргáтыр, савí кхардэ “Синаё.” ³¹ Мóйза сыс древán дивиндло, кéли ёв дыкхцá дава, Ёв подгия пашылэдыр тэ роздыкхэл, и шундя Рáскирэ-Дэвлэскири зан: ³² “Мэ сом Дэвэл тырэ дадэнгиро, Дэвэл Авраамóскиро, Исаакоскиро и Яковóскиро.” Мóйза издрандыя дарáтыр и лэстэ на сыс муршыпэн тэ газдэл якхá. ³³ И Рай Дэвэл пхэндя лэскэ: “Сури гэрá, пал-довá со штéто, пэ савó ту сан тэрдó, исын свэнтó пхув. ³⁴ Мэ дыкхцём дро Егíпто, сыр притасадэ Мирé манушэн и Мэ шундём, сыр ёнэ пхарэс дэна гондя и Мэ явдём тэ мэкав пэ воля лэн: джá, каканá, Мэ бичхавáва тут палэ дро Егíпто.” ³⁵ Адалé самонэ Мóйзас, савэс ёнэ на прилынэ и пхэндлэ лэскэ: “Кон чхудя тут сэндариса и рáса?” Кокорó Дэвэл бичхадя лэс, соб (кай) ёв тэ ячэл сэндариса и выракхибнариса Янголоскирэ вастэса, савó сыкадыя лэскэ дро хрúсто. ³⁶ Адава Мóйза вылыджия манушэн Египтóстыр, ёв кэрдя дýвы и гертýкá дро Егíпто пашыл Лолó мóрэ (дэрьяв), и штардэша бэрш пэ чхучí пхув. ³⁷ Гáда, одовá-паць Мóйза, савó пхэндя Израилёскирэ чхавэнгэ: “Дэвэл тумарó бичхавэла тумэнгэ Пророкóс, тумарé пшалэндýр, сыр Ёв бичхадя ман; кандэн Лэс.” ³⁸ Акэ, ёв роспхэнэлас манушэнгэ, савэ сыс кэдынэ пэ чхучí пхув пал дова, со Янгóло лэскэ ракирдя пэ бэрга Синаё, и ёв сыс амарé дадэнца; ёв исын одовá-паць, савó лыя джидэ лавá, соб (кай) тэ пиридэл лэн тумэнгэ; ³⁹ Савэс амарé дадэ на закамлэ тэ кандэн, и на прилынэ лэс, а рисинэ пэскирэ илэнца кэ Егíпто, ⁴⁰ и пхэндлэ Ароноскэ: “Кэр амэнгэ дэвлэн, савэ лыджáнас амэн, пал-довá со Мóйза, савó вылыджия амэн Египтóскирэ пхувьятыр, амэ на джинáса, со лэса кэрдяпэ.” ⁴¹ И кэрдэ ёнэ гурувóрэс дрэ долé дывэсá, ёнэ янлэ свэнта дыибэнá идолоскэ, и радындлэпэ пашыл пэскирэ-вастэнгирэ бутя. ⁴² И Дэвэл отрисия лэндýр и ячкирдя лэн тэ мангэнпэ болыбнаскирэ чэргэненгэ, сыр пал дава исын чхиндлó дрэ пророкэнгири лылварí: “Манушáлэ Израилёскирэ! Ци янэнас тумэ мánгэ чхиндлэ мурдалэн и свэнта дыибэнá пал далé штардэша бэрш пэ чхучí пхув. ⁴³ Тумэ лыджáнас пэса тумарé – дэвлэскири Молохоскири шáтра, Ремфаноскири чэргэн и íдолы, савэн тумэ кэрдэ, соб (кай) тэ мангэнпэ лэнгэ; и Мэ бичхавáва тумэн дурэдыр Вавилонóстыр.” ⁴⁴ Дая шáтра сыс тумарé дадэндэ пэ чхучí пхув сырбы доракирибэн, со пхэндя Дэвэл Мóйзаскэ, тэ чхувэл дасавí шáтра, савí ёв дыкхцá; ⁴⁵ савí амарé дадэ кхэтанэ Исусóса (Ёхошуаса) лынэ Пэса шáтра дрэ дая риг, савí ёнэ заухтылдэ и савьятыр Дэвэл вытрадыя амарé дадэнгирэ якхэндýр манушэн, савэ дживдэ одóй кэ Давидóскирэ дывэсá; ⁴⁶ адава Давíдо яцá дрóго Дэвлэскэ и ёв мангдя

Лэстыр тэ кэрэл шатра Яковоскирэ Дэвлэскэ; ⁴⁷ нэ Соломоно чхудя Лэскэ Кхэр. ⁴⁸ Нэ Сáмо Вучэдыр Дэвлэ на дживэла дрэ кхэра, савэ кэрдэ манушэтка васта, адякэ, сыр ракирэла пал дава пророко: ⁴⁹ “Болыбэн исын Мирó трóно, и пхув исын тэл Мирэ гэрá: саво кхэр тумэ могоинэна Мánгэ тэ кэрэн? – ракирэла Дэвлэ, – ци кай могоинэла тэ явэл штэто Мánгэ ваш откхиныбэн? ⁵⁰ Ци на Мирэ вастэса кэрдó дава сарó?” ⁵¹ Тумэ сан пхарэ-илытка манушá, савэ шунэна Дэвлэскиро лав, а сырбы кашукэ усаэкх кэрэна пир пэскиро! Тумэ сан адасавэ-паць, сыр и тумарэ дада, тумэ ўсады (сак) (усегда) сáнас проти Свэнтó Дúхо (Фáно). ⁵² Конэс пророкэндыр на традынэ тумарэ дада? Ёнэ замардэ (умардэ) одолэн, кон ангил ракирдя пал Христососкиро явибэн, нэ тумэ каканá ячнэ Лэскирэ здыбнарья и замарибнарья! ⁵³ Тумэ, савэ дорэснэ (лынэ) янголэндыр Зако́но, и савэ на зракхнэ лэс.”

Стехванос Домарэна Барэнца

⁵⁴ Кéли ёнэ шундлэ дава, лэнгирэ илэ пхарадынэ холятыр и ёнэ скрежындлэ дандэнца пэ лэстэ. ⁵⁵ Нэ Стехвано, саво сыс пхэрдó Свэнтонэ Духоса, дыкхця упрэ пэ болыбэн и дыкхця Дэвлэскири слава и Исусос, саво сыс тэрдó пир чачи риг Дэвлэстыр, ⁵⁶ И пхэндя ёв: “Дыкхэн! Мэ дыкхава отчхакирдо болыбэн и Манушэскирэ Чхавэс, Саво сыс тэрдó пир чачи риг Дэвлэстыр.” ⁵⁷ Нэ ёнэ задынэ гóдла и закэрдэ пэскирэ канá, и сарэ кхэтанэ чхурдынэпэ пэ лэстэ; ⁵⁸ и ёнэ тырдынэ лэс пал фóро и домардэ лэс барэнца. А якхитка чхудэ пэскирэ йди пашыл тэрнэ-манушэскирэ гэрá, савэс кхардэ Савло. ⁵⁹ Ёнэ ишчо (инкэ) мардэ Стехванос барэнца, а Стехвано мангдяпэ Дэвлэскэ и ракирдя: “Раё Дэвла, Исýсе! Прилэ миро дúхо (фáно).” ⁶⁰ И ёв пыя пэ чангá и зоралэ заняса пхэндя: “Раё Дэвла! На гин дава грéхо пал лэндэ.” И далэ лавэнца Стехвано мый.

Шэро 8

Сáвло Мэньчынэла Дэвлытконэн

¹ Савло сыс одой и подрикирэлас Стехваноскиро замарибэн. Дро долэ дывэса сыс барó традыпэн пэ Кхангири дро Ерусалимо, и сарэ, априч Апостолэндэ, розгинэпэ пир кажно Юдэякирэ и Самариякирэ штэты. ² Дэвлытка манушá гарадэ Стехванос и древáн рондлэ пал лэстэ. ³ Нэ Савло кэрдя бипатыв пэ кхангири, ёв псирдя пир кхэра, закэдэлас мушэн и джувлэн, и чхувэлас лэн дро штарибэн.

Бахталы Зан (Звесь) Пхэнэлапэ дрэ Самáрия

⁴ Дэвлытка манушá, савэн традынэ пэскирэ штэтэндыр, псирдэ пир сарэ ригá и респхэнэнас бахталы зан (звесь). ⁵ Филипо явдя дро Самариякиро фóро, и респхэнэла лэнгэ пал Христосостэ; ⁶ а сарэ манушá рахунэс шундлэ, со ракирдя Филипо, и дыкхнэ, савэ ёв кэрдя дивы и знамэнии (гертыка). ⁷ Пал-дова со бутэ манушэндэ сыс бэштэ бэнгланэ дúхи, савэ джана́с яври барэ годласа; манушá, савэндыр сыс праличо и савэ на псирдэ, высастинэ. ⁸ И манушэнгэ, савэ дживдэ кэ дова фóро, сыс бари радыма. ⁹ Дрэ дава фóро дживдя екх мануш, саво залэлáспэ човаханыбнаса, и лэс кхардэ Симоно и ёв дивиндя сарэ Самариякирэ манушэн пэскирэ рэндэнца, сыкави пэс вари-савэ барэ манушэса. ¹⁰ И сарэ пэ лэстэ дивиндлэпэ, тыкнэстыр кэ барó и ракирдэ: “Адалэ манушэстэ исын бари зор Дэвлэстыр.” ¹¹ Манушá патяндынэ лэскэ, пал-дова со ёв барó часо дивиндя лэн пэскирэ човаханыбнаса. ¹² Нэ, кэли манушá упатяндынэ Филипоскэ, саво респхэнэлас пал Дэвлэскиро Кралипэн и пал Исусоскиро Христососкиро лав, бут мушá и джувля болдэпэ. ¹³ Патяндя и кокорó Симоно и болдяпэ, ёв никарик на отджалас Филипостыр: ёв дивиндяпэ пэ барэ дивы и гертыка, савэ Филипо кэрдя. ¹⁴ И Апóсто́лы, савэ сыс дро Ерусалимо, шундлэ, со Самаряни прилынэ Дэвлэскиро лав и бичхадя кэ ёнэ Пэтрис и Ианос, ¹⁵ савэ явнэ и мангнэпэ Дэвлэскэ пал лэндэ, соб (кай) ёнэ тэ прилэн Свэнтó Дúхо (Фáно); ¹⁶ пал-дова со ни пэ конэстэ лэндыр

Дүхо (Фано) на зджалас, ёнэ екх со сыс болдэ ваш Рáскирэ-Дэвлэскиро Исусóскиро лав. ¹⁷ Тэды Пётри и Иáно чхудэ вастá упрé пэ лэндэ, и ёнэ прилынэ Свэ́нто Дүхо (Фано). ¹⁸ Кéли Сýмоно дыкхцý, со Свэ́нто Дүхо (Фано) дэлапэ пир Апостолэнгирэ-вастэнгиро чхуибэ́н, тэды ёв яндý ловé лэнгэ, пхэни: ¹⁹ “Дэн и мánгэ дасави зор, мангдý ёв, соб (кай) одовá, пэ конэстэ мэ чхувáва вастá, тэ прилэл Свэ́нто Дүхо (Фано).” ²⁰ Нэ Пётри пхэндý лэскэ: “Мэк тырé ловé тэ явэн дро хасибэ́н тукэ, пал-довá со ту закамдян Дэвлэскиро талáно тэ кинэс пал ловé. ²¹ Нанэ тукэ паш и до́ля тэ кэрэс довá, со амэ кэрáса, пал-довá со тырó илó исын на чачунó ангил Дэвлэстэ. ²² Рýскир пэс далé грэхостыр и мангпэ Дэвлэскэ; соб (кай) Ёв тэ примангэн тукэ довá, со сыс дро тырó илó; ²³ пал-довá со мэ дыкхáва, со ту сан пхэрдó киркипнаса и начачипнаса.” ²⁴ И Сýмоно отпхэндý, пхэни: “Мангэнпэ Дэвлэскэ тумэ пал мánдэ, соб (кай) мánца нисó тэ на кэрэлпэ долэстыр, пал со тумэ ракирдé.” ²⁵ Апóсто́лы ж допхэнэнас и роспхэнэнас Дэвлэскиро лав и гинé палé дро Ерусалимо, а пир дром дрэ бут Самариякирэ гавá ёнэ роспхэнэнас бахталы зан (звесь).

Фили́по и Эфиопия́киро Барыды́ро

²⁶ Дэвлэскиро Янгóло пхэндý Филипоскэ: “Уштý и джá пэ паш-дывэсы́тко (южно) риг пир дром, савó Ерусалимóстыр джáла дрэ Газа, давá дром исын чхучó.” ²⁷ И Филипо уштý и гия́ пир дром, стрэниндý (пирилыя) Эфиопиякирэ евнухос, савó сыс барыды́ро пэ Кандакиякиро кхэр, Эфиопиякирэ кралицакиро, савэскэ сыс допатяндло сарó лáкиро кучипэ́н; ёв явэлас дро Ерусалимо тэ мангэлпэ Дэвлэскэ, ²⁸ и ёв каканá традэлас палэ и сыс бэштó пэ пэскири бричка: ёв гиндý Исаёскирэ-пророкоскири лылварй. ²⁹ И пхэндý Дүхо (Фано) Филипоскэ: “Джа пашýл кэ да́я бричка и тэрдёв пашýл латэ.” ³⁰ Филипо подгýя кэ бричка и шундý, со ёв гинéла пал пророкостэ Исаёстэ, пхуцý: “Ци галёса ту довá, со ту гинэса?” ³¹ Ёв отпхэндý: “Сыр мэ могона́ва тэ галёвав, ко́ли вари-кон тэ на роспхэнéла мánгэ?” И помангдý Филипос тэ газдэлпэ и тэ бэшэл кхэтанé лэса. ³² А штéто, савó ёв гиндý Свэ́нтонé Чхиныбна́стыр, сыс дасаво: “Сыр бакрэ́с яндлэ Лэс пэ замарибэ́н, и сыр бакрорó ангил манушэ́стэ, савó лэс обчхинéла, Ёв на отчхакирдý Пэскирэ уштá. ³³ Ёв сыс ладжакирдó и сэндиндло, мэк Лэстэ на сыс нисави банг, кон могоинéла тэ роспхэнэл пал Лэскиро рóдо? Пал-довá со джи́ибэ́н Лэскиро лэлапэ пхувýятыр. ³⁴ Евнухо ракирэ́ла Филипоскэ: “Мэ мангáва тут, пхэн мánгэ: пал конэстэ адáй ракирэ́ла проро́ко? Пал пэстэ, ци пал Конэстэ яви́рэстэ?” ³⁵ Тэды Филипо лы́я лэскэ тэ пирипхэнэл долé Свэ́нтонé-Чхиныбна́скирэ штéто́стыр, савó довá гиндý, и роспхэнэлас бахталы зан лэскэ пал Исусóстэ. ³⁶ Ёнэ гинé пир дром и явнэ кэ панй и евнухо пхэндý: “Гáда, исын панй, со́скэ мánгэ тэ на болавпэ?” ³⁷ Филипо пхэндý лэскэ: “Ко́ли (со) ту патýса сарé илэстыр, саштý.” Ёв пхэндý: “Мэ патýва, со Исýсо Христóсо исын Дэвлэскиро Чхавó.” ³⁸ Ёв припхэндý тэ тэрдýкирэн бричка. И ёнэ загинé дуйджинé дро панй и Филипо болдý лэс. ³⁹ А кéли ёнэ гинé криг панéстыр, Свэ́нто Дүхо (Фано) гия́ тэлé пэ евнухостэ; а Дэвлэскиро Янгóло одотхýр лыджия́ Филипос, и евнухо на дыкхцý лэс бутýр, и ёв радымáса трады́я дурэды́р. ⁴⁰ Филипо сыс кэ Азото и гии пир сарé фóрья, ёв роспхэнэлас бахталы зан, ангил довá, сыр ёв явдý дрэ Кесария.

Шэ́ро 9

Павли́скиро Рисибэ́н кэ Дэв́л

¹ Нэ Пáвли уса́ бутэды́р страхакирдý и камдý тэ мулякирэл Исусóскирэ сыкляибны́тконэ́н и явдý кэ пэрво рашáнгиро барыды́ро. ² И вымангдý лэстыр лы́ла ваш Дамаскоскирэ синагоги, со ко́ли ёв латхéла одóй манушэ́н, савé сыклякирэ́на Исусóскиро лав, му́ршэ́н ци джувлэ́н, ёв могоиндý лэн тэ закэдэл и тэ янэл дро Ерусалимо. ³ Кéли ёв сыс пир дром и джáлас кэ Дамáско, пэ лэстэ екхáтыр (срáзу) засвэнцындý барó дуд (свэ́то) болыбна́стыр, ⁴ и, сыр ёв пы́я пэ пхув, шундý зан, сави́ ракирдý лэскэ: “Сáвле, Сáвле! Со́скэ ту Ман традэ́са?” ⁵ Ёв пхуцý: “Кон Ту сан, Раё Дэв́ла?” “Мэ сом Исýсо, Савэс ту традэ́са”, – отпхэндý зан, ⁶ “Уштý

и джа дро форо, и явэла пхэндлэ түкэ, со трэй тэ кэрэс.”⁷ А мануша, савэ сыс кхэтанэ лэса, на могоиндлэ нисо тэ галён; ёнэ шундлэ зан, нэ никонэс на дыкхнэ.⁸ Савло уштыя пхувьятыр и, кэли лэскирэ якхэ отчхакирдэпэ, ёв нисо сарэса на дыкхця; и лыджинэ лэс пал васт дро Дамаско.⁹ И ёв сыс одой трин дывэса на дыкхи; и нисо на хая, и на пия¹⁰ Сыс екх сыкляибнйтко дро Дамаско, савэс кхардэ Анания. Дэвлэ дро дыкхибён пхэндя лэскэ: “Анание! Ёв отпхэндя: “Гáда, мэ сом Раё Дэвла.”¹¹ И Рай Дэвлэ пхэндя лэскэ: “Ушты и джа пэ вулица (гáса), сави кхарэна “Мамуйтко (Прямо)” и заджа дро Юдаскиро кхэр, пхуч Тарсяниностыр, савэс кхарэна “Савло”; ёв каканá мангэлапэ Дэвлэскэ,¹² и ёв дыкхця дро дыкхибён манушэс, савэс кхардэ “Анания”, саво сырбы явдя кэ ёв и чхудя пэскирэ вастá пэ лэскирэ якхэ, соб (кай) ёв тэ дыкхэл.¹³ И Анания отпхэндя: “Раё Дэвла! Мэ бутэндыр манушэндыр шундём пал лэстэ, сыр бут фуипён ёв кэрдя свэнтонэнгэ дро Ерусалимо;¹⁴ и адарик ёв явдя правоса пэрвонэ-рашангирэ барыдырэстыр тэ закэдэл сарэн, кон явэла тэ ракирэл пал Тыро лав.¹⁵ И Рай Дэвлэ пхэндя лэскэ: “Джа, пал-довá со Мэ выкэдыём лэс, соб (кай) ёв тэ лыджал Миро лав ангил манушэндэ Наюдэндэ, и Израилэскирэ кральэндэ чхавэндэ:¹⁶ пал-довá со Мэ сыкавава лэскэ, ци бут ёв явэла тэ мэнчынэлпэ пал Миро лав.”¹⁷ И гия Анания и загия дро довá кхэр, и чхудя вастá пэ лэстэ, пхэни: “Пшáла, Сáвле! Рай Дэвлэ Исусо бичхадя ман, Саво сыкадыя түкэ пэ дром, Савэса ту гиян адарик, соб (кай) ту нэвэстыр тэ лэс тэ дыкхэс и тэ явэс пхэрдó Свэнтонэ Духóса.”¹⁸ Дрэ довá-паць часо, сырбы шулуа пыя тэлэ лэскирэ якхэндэр, и ёв яця тэ дыкхэл: и, сыр ёв уштыя, болдяпэ;¹⁹ и коригэдыр (позжэдыр), сыр лэскэ дынэ хабэн, кэ ёв рисия зор. И Пáвли яцяпэ вари-кицы дывэса дро Дамаско.²⁰ И ёв екхатыр лыя тэ пхэнэл лав пал Исусостэ дрэ синагоги, со Ёв исын Дэвлэскиро Чхавó.²¹ И сарэ, кон шундя лэс, дивиндлэпэ и ракирдэ: “Ци давá исын на одовá-паць мануш, саво хасякирэлас дро Ерусалимо одолэ манушэн, кон мангдяпэ Исусоскэ, и адарик ёв явдя ваш довá, соб (кай) тэ закэдэл лэн и тэ янэл лэн спхандлэнца кэ рашангирэ барыдыра?”²² Нэ Савло уса бутыдыр бария дрэ зор, и Юды, савэ дживдэ кэ Дамаско, на могоиндлэ нисо проти лэстэ тэ пхэнэн, кэли ёв допхэнэлас, со давá исын Христóсо.²³ Кэли прогинэ (накхлэ) бут дывэса, Юды зракирдэпэ тэ замарэн лэс.²⁴ Нэ Савло угалыя пал лэнгиро зракирибён. Ёнэ рат и дывэс дыкхнэ раххибнйткэс лэс пашыл пórта, соб (кай) тэ замарэн лэс;²⁵ нэ лэскирэ сыкляибнйтка ратякиро мэкнэ тэлэ лэс дро кхудо (корзина) пир ванта.

Сáвло исын дро Ерусалимо

²⁶ И кэли Савло явдя дро Ерусалимо, ёв камдя тэ явэл кхэтанэ Исусоскирэ сыкляибнйтконэнца; нэ ёнэ дарандынэ лэстыр, и на патяндынэ, со ёв исын сыкляибнйтко.²⁷ Нэ Варнава лыя лэс и яндя кэ Апóстола и респхэндя лэнгэ, сыр Савло пир дром дыкхця Рас-Дэвлэс, и со Рай Дэвлэ ракирдя лэскэ, и сыр Савло пхэндя муршканэс Исусоскиро лав дро Дамаско.²⁸ И сыс Савло кхэтанэ лэнца и псирдя пир Ерусалимо и муршканэс респхэнэлас Рáскирэ-Дэвлэскиро лав.²⁹ И ёв ракирдя и допхэнэлас лэнгэ; а ёнэ дынэ годы пэскэ тэ замарэн лэс.³⁰ Кэли пшáла уджиндлэ пал давá, ёнэ лынэ Савлос и отлыджинэ дрэ Кесария и одотхыр отбичхадэ лэс дро Тарсо.³¹ И сыс рамáнэ (миро) дрэ кхангирья пир сарí Юдэя, Галилэя и Самáрия, ёнэ подрикирэнас пэс дро патяибён и дарандынэ Дэвлэстыр пир Свэнтонэ Духоскиро тангипён и подрикирибён.

Пэтри исын дрэ Лída и Ио́пия (Ёпия)

³² Сыс адякэ; кэли Пэтри обджалас сарэн, загия ёв и кэ свэнта, савэ дживдэ кэ Лída.³³ И ёв латхя одой екхэ манушэс, савэс кхарэна Энея, саво охто бэрш сыс пашто пэ чхуибён; сыс лэстэ праличо.³⁴ Пэтри пхэндя лэскэ: “Энеё! Исусо Христóсо састякирэла тут: ушты и кэр пэскиро чхуибён” И ёв давá-паць моментó уштыя.³⁵ И сарэ мануша, савэ дживдэ кэ Лída и кэ Сароно, кэли ёнэ дыкхнэ, со ёв сыс састó, то и прилынэ ёнэ Рас-Дэвлэс³⁶ Дрэ Ио́пия (Ёпия) сыс екх сыкляибнйтко джувлы, савья кхардэ “Тавифа”, со значынэла: “Серна.” Ёй

усады (сак) кэрэлас лачхипэн и помогинэлас (дэлас васт) чорорэ манушэнгэ. ³⁷ И дро долэ дывэсá ёй занасвалыя и мыя; кэли ла обмордэ, чхудэ дрэ упратуны штуба. ³⁸ Нэ сыр Лида сыс нэдур Иопиятыр, и, кэли сыкляибнытка шундлэ пал дова, со Пэтри исын дрэ Лида, ёнэ бичхадя кэ ёв дуге манушэн тэ мангэн лэс, соб (кай) ёв сыгэдыр тэ явэл кэ ёнэ. ³⁹ Пэтри уштыя и гия лэнца. Кэли ёнэ явнэ, лэс лыджинэ дрэ упратуны штуба; сарэ пивля (удовы) кэдынэпэ пашыл лэстэ, ёнэ рондлэ и сыкавэнас лэскэ гада и явир идя, сави “Серна” судя лэнгэ, сыр ёй дживдя лэнца. ⁴⁰ А Пэтри традыя яври сарэн штубатыр, тэрдия пэ чанга и лыя тэ мангэлпэ Дэвлэскэ; тэды ёв порисия кэ мулы и пхэндя: “Тавифие, ушты!” И ёй отчхакирдя якха, дыкхця Пэтрис и бэсця. ⁴¹ Ёв дыя пэскиро васт лэкэ и помогиндя тэ тэрдэл пэ гэрэ и кхардя свэнтонэн и пивлен (удовэн), и чхудя ла джидяса ангил лэндэ. ⁴² Давэ кэрдяпэ джиндлэ пир сари Иопия (Ёпия), и бут мануша патяндынэ дрэ Растэ-Дэвлэстэ. ⁴³ И сыс адякэ: Пэтри бут дывэсá сыс дрэ Иопия кэ Симоно, саво выкэрэлас цыпи.

Шэрó 10

Пэтри и Корнилие

¹ Кэ Кесария дживдя екх мануш, савэс кхардэ Корнилиё, ёв сыс пэ Италийсконэ (Италиякиро) полко шэлэнгиро барыдыр, ² ёв сыс дэвлытко мануш, сарэ пэскирэ сэм’яса (ирьяса) патяндя Дэвлэскэ и дарандя Лэстыр, ёв бут помогинэлас чорорэнгэ манушэнгэ и ўсáды (сак) мангдяпэ Дэвлэскэ, ³ екхвар дывэсэ, пашэ енято мардó (штунда), кэ ёв явдя Дэвлэскиро Янгóло, савэс ёв куч дыкхця, и саво и пхэндя лэскэ: “Корнилие.” ⁴ Ёв дыкхця сыгэс пэ лэстэ и пиристрахадьи, пхуця: “Раё Дэвла?” Янгóло отпхэндя лэскэ: “Тыро мангипэн и дова, со ту дэса васт чорорэ манушэнгэ, явнэ Дэвлэскэ пэ рипирибэн. ⁵ И каканá бичхав манушэн кэ Иопия, соб (кай) ёнэ тэ кхарэн Симонос, савэс кхарэна Пэтри. ⁶ Ёв исын гостё дро Симоноскиро кхэр, саво исын тэрдó пашыл мóрё (дэрьяв), и адава мануш выкэрэла цыпи. ⁷ Кэли Янгóло, саво ракирдя Корнилиёса, отгия, тэды ёв кхардя кэ пэ дуге пэскирэ дынарьэндур (слугэндур) и екхэ халадэс, саво сыс дэвлытко и ўсáды (сак) кхэтанэ лэса; ⁸ и, кэли ёв роспхэндя лэнгэ сарó, тэды бичхадя лэн дрэ Иопия. ⁹ Пэ явир дывэс, кэли ёнэ подгинэ пашылэдыр кэ фóро, Пэтри пашэ шóвто мардó (штунда) гия упрэ пэ кхэр тэ мангэлпэ Дэвлэскэ. ¹⁰ И ёв бокхалыя и закамдя тэ хал. Нэ пака ёнэ кэравэнас хабэн, лэскэ явдя дыкхибэн и ёв издрандыя. ¹¹ И дыкхэла ёв: болыбэн исын отчхакирдо, и вари-со, со подджала пэ бари цэрга, сави сыс припхандлы пал штар вэнглы, мэкэласпэ тэлэ пэ пхув; ¹² и одой сыс сарэ штаргэритка мурдалá (животна), савэ псирэна пир пхув, и савэ ползынэна, и болыбнытка чирикля. ¹³ И зан пхэндя лэскэ: “Пэтрие! Ушты, чхин адалэ мурдалэн и ха” ¹⁴ Нэ Пэтри пхэндя: “Над, Раё Дэвла! Мэ ниекхвар на хаём нисó джунгалыпнастыр (брыткиматыр) и со исын нажужо.” ¹⁵ И сыс явир мóло зан, сави пхэндя лэскэ: “Со Дэвлэ кэрдя жужэса (чыстонэса), дова ту на гин пал нажужэстэ.” ¹⁶ И адякэ сыс трин мóлы и коригэдыр (позжэ) цэрга нэвэстыр газдыяпэ пэ болыбэн. ¹⁷ Кэли Пэтри пиридуминэлас кокорó пэскэ, со дава сарó значынэла, со лэскэ сыкадыя болыбнастыр, ёв дыкхця; гада, адалэ мануша, савэн бичхадя Корнилиё, латхнэ Симоноскиро кхэр, подгинэ кэ пóрта, ¹⁸ и зоралэ заняса пхучнэ: “Ци исын адай Симоно, Савэс кхарэна Пэтри?” ¹⁹ Пака Пэтри думиндя пал дова, со ёв дыкхця, Духо (Фáно) пхэндя лэскэ: “Гáда, трин мануша, савэ родэна тут; ²⁰ ушты и джá тэлэ и джá кхэтанэ лэнца ни палсó на пиридумин; пал-дова со дава мэ лэн бичхадём кэ ту.” ²¹ Пэтри гия тэлэ кэ мануша, савэ сыс прибичхадэ кэ ёв Корнилиёстыр и пхэндя: “Мэ сом одова, конэс тумэ родэна; пал саво рэндо (дело) тумэ явнэ?” ²² Ёнэ отпхэндлэ лэскэ: “Корнилиё бичхадя амэн, шэлэнгиро барыдыр, мануш чачунó и саво дарэла Дэвлэстыр и сарэ Юды лэс шунэна, а свэнто Янгóло пхэндя лэскэ тэ кхарэл тут дро лэскиро кхэр и тэ шунэл тырэ лава.” ²³ Тэды Пэтри кхардя лэн дро кхэр и дыя тэ хал. Пэ явир дывэс Пэтри и вари-кицы пшáла Иопиятыр гинэ лэса кхэтанэ. ²⁴ Пэ атася ёнэ явнэ дрэ Кесария. А Корнилиё ужакирдя лэн, и кхардя кэ пэ сари пэскири сэмэнца и пашатунэ малэн (другэн). ²⁵ Кэли Пэтри заджалас дро кхэр, Корнилиё пирилыя лэс, пыя кэ лэскирэ гэрэ и кэрдя шэрэса

(поклониндяпэ) лэскэ. ²⁶ Нэ Пэтри газдыя лэс, пхэни: “Ушты! И мэ сом адасаво-паць мануш.” ²⁷ И кэли Пэтри ракирдя дурэдыр Корнилиёса, ёв загия дро кхэр и латхя бут манушэн, савэ кэдынэпэ. ²⁸ И ёв пхэндя лэнгэ: “Тумэ джинуна, со пир амаро Законо нашты Юдоскэ тэ ракирэл Наюдэнца, ци тэ явэл кхэтанэ лэнца; нэ Дэвэл сыкадя мангэ, тэ на кхарав ниэкхвар манушэс налачхэса ци нажужэса. ²⁹ Палдава, сыр ман кхардэ, мэ явдём би ловэнгиро; и каканэ мэ тумэндир пхучава: “Ваш саво рэндо тумэ бичхадэ пал мандэ?” ³⁰ Корнилиё пхэндя: “Штар дывэса палэ мэ постиндёмпэ кэ/жыко кадава моменто, дрэ дава-паць часо мэ мангдёмпэ Дэвлэскэ дрэ миро кхэр, сыс еня (биекхэскиро дэш) мардэ; и гада, ангил мандэ тэрдия мануш дрэ зяиндлы йдя, ³¹ и пхэндя: “Корнилие! Дэвэл шундя тыро мангипэн и дова, со ту дэса васт чорорэ манушэнгэ. ³² Бичхав палдова манушэн дрэ Иопия пал Симоностэ, савэс кхарэна “Пэтри”; ёв исын сыр гостё дро Симоноскиро кхэр, саво исын тэрдэ пашыл пани и адава мануш выкэрэла цыпи; ёв явэла и пхэнэла тукэ. ³³ Палдава мэ дрэ дава-паць часо бичхадём манушэн пал тутэ и ту куч кэрдян, со явдэн. Каканэ амэ сарэ адай сам ангил Дэвлэстэ тэ шунас саро, со Дэвэл пхэндя тукэ, соб (кай) ту тэ пхэнэс амэнгэ.”

Пэтрискиро Пхэныбэн

³⁴ Пэтри лыя тэ ракирэл: “Каканэ мэ галёвава, со Дэвэл кутякирэла шэра (равнэс) сарэн манушэн; ³⁵ и Ёв прилэла манушэн сарэ нацыэндир, коли адалэ мануша дарэна Лэстыр и кэрэна пир чачипэн. ³⁶ Ёв бичхадя лав Израилёскирэ чхавэнгэ, саво роспхэнэла пал “раманё” пир Исусостэ Христосостэ, Ёв исын Рай Дэвэл пир саро свэто. ³⁷ Тумэ джинуна и пал дова, со сыс палэ (после) болдэипэн, саво пхэндя Иано пир сарэ Юдэя аж Галилеятыр, ³⁸ пал Исусостэ Назаретосты: сыр Дэвэл дыя Свэнто Духо (Фано) Лэскэ и зор, и, сыр Ёв псирдя пир сарэ пхув, кэрдя лачхипэн и састякирдя сарэн, савэндэ сыс налачхэскири зор, пал-дова со Дэвэл сыс Лэса. ³⁹ Амэ сам якхитка далэ сарэскэ, со Исусо кэрдя пэ Юдэякири пхув и дро Ерусалимо, ёнэ замардэ Лэс и убладэ Лэс пэ трушул. ⁴⁰ Нэ Дэвэл пэ трито дывэс отджидякирдя Лэс мэрибнастыр и дыя Лэскэ саштыпэн, соб (кай) мануша тэ дыкхэн Лэс. ⁴¹ Нэ на сарэ мануша, а амэ, савэн Дэвэл выкэдыя сыр якхитконэн, дыкхэям, амэ, савэ хаям и пиям кхэтанэ Лэса палэ дова, сыр Ёв отджидыя мэрибнастыр. ⁴² И Ёв припхэндя амэнгэ тэ пхэнас лав манушэнгэ и тэ допхэнас пал дова, со Ёв исын Одова, Савэс Дэвэл выкэдыя тэ явэл Сэндарица пэ мулэ и джидэ манушэндэ. ⁴³ Сарэ пророки допхэнэна пал Лэстэ, со одолэскэ, кон патяла дрэ Лэстэ, явэна отмэкнэ грэхи Лэскирэ лавэса.”

Наюды Дорэсна Свэнто Духо (Фано)

⁴⁴ Кэли Пэтри ракирдя далэ лавэ, Свэнто Духо (Фано) гия тэлэ пэ сарэндэ, кон шундя лав. ⁴⁵ И Юдытка дэвлытка, савэ явнэ Пэтриса, дивиндлэпэ, со Свэнто Духо (Фано) гия тэлэ и пэ Наюдэндэ; ⁴⁶ пал-дова со ёнэ шундлэ, сыр одолэ ракирдэ пэ явир чибэ/чибья, и ёнэ барьякирэнас патыв Дэвлэскэ. Тэды Пэтри пхэндя: ⁴⁷ “Кон могинэла (сашты) тэ запхэнэл тэ болэнпэ панэса, одолэнгэ, савэ прилынэ Свэнто Духо (Фано), адякэ-паць, сыр и амэ?” ⁴⁸ И пхэндя лэнгэ тэ болэнпэ дро Исусоскиро Христососкиро лав. Коригэдыр (позжэ) ёнэ мангнэ Пэтрис тэ явэл лэнца вари-кицы дывэса.

Шэро 11

Пэтрискиро Ракирибэн дрэ Ерусалимоскири Кхангирэ

¹ Апостолы и пшала, савэ дживдэ кэ Юдэя, шундлэ, со и Наюды прилынэ Дэвлэскиро лав; ² и кэли Пэтри явдя дро Ерусалимо, дэвлытка Юды, савэ сыс обчхиндлэ, лынэ тэ выракирэн лэскэ, пхэни: ³ “Ту псирдя кэ мануша, савэ исын наобчхиндлэ и хаян лэнца.” ⁴ И Пэтри лыя тэ роспхэнэл лэнгэ саро, сыр сыс: ⁵ “Дро форо Иопия мэ мангдёмпэ Дэвлэскэ и дрэ мангипэн сырбы дрэ сунэ мэ дыкхцём дыкхибэн и издрандыём: мэ дыкхцём, сыр

болыбнастыр змэкэлапэ вари-со, со подджала пэ бари цэрга, сави пал штар вэнглы змэкэлапэ болыбнастыр мамуй (прямэс) одорик, кай мэ сомас: ⁶ мэ задыкхцём рахунэс андрэ и дыкхцём штарэ пхувитконэ – гэритконэ мурдалэн (зверен), савэ псирэна пири пхув и савэ ползынэна, и болыбнытконэ чириклен. ⁷ И шундём мэ зан, сави пхэндя мангэ: “Пэтре! Ушты, замар далэ мурдалэн и ха.” ⁸ Нэ Мэ пхэндём: “Над, Раё Дэвла! Мэ ниэкхвар на хаём нисо джунгалэ (брытко) ци нажужо.” ⁹ И пхэндя мангэ зан болыбнастыр явир мола: “Со Дэвл кэрдя жужэса, дова ту на гин пал нажужо.” ¹⁰ И сыс адякэ трин мола, и коригэдыр (позжэдыр) цэрга нэвэстыр газдыпэ пэ болыбэн; ¹¹ и гада, дро дова-паць часо, трин мануша подгинэ кэ кхэр, дрэ саво мэ сомас, энэ сыс бичхадэ Кесариятыр кэ мэ. ¹² И Духо пхэндя мангэ, соб (кай) мэ тэ джав лэнца, никицы на думины. И адалэ шов пшала гинэ кхэтанэ манца и амэ явдям дро одолэ-манушэскиро кхэр, саво кхардя ман. ¹³ Ёв роспхэндя амэнгэ, сыр ёв дыкхця дро пэскиро кхэр свэнтонэ Янголос, саво и пхэндя лэскэ: бичхав кэ Иопия манушэн и выкхар Симонос, савэс кхарэна Пэтри; ¹⁴ ёв пхэнэла тукэ лавэ, савэнца ту зраххэсапэ и саро тыро кхэр.” ¹⁵ Кэли мэ лыём тэ ракирав, Свэнтэ Духэ (Фано) згия пэ лэндэ, адякэ-паць, сыр англэдыр ёв згия и пэ амэндэ. ¹⁶ И Мэ пририпирдём Рэскирэ-Дэвлэскиро лав, сыр Ёв ракирдя: ‘Иано болдя панэса, а тумэ явэна болдэ Свэнтонэ Духоса’. ¹⁷ Кэли тэды Дэвл дья лэнгэ дасаво-паць талано, сыр и амэнгэ, савэ патяна дрэ Растэ-Дэвлэстэ, Исусостэ Христосостэ, тэды, кон мэ сом адасаво, соб (кай) тэ кэрав вари-со проти Дэвлэстэ?” ¹⁸ Кэли энэ шундлэ саро дава, ячнэ штыл и лынэ тэ славинэн Дэвлэс, ракири: “Бицяло, со и Наюдэнгэ Дэвл дья воля тэ рискирэн пэскиро джибэн кэ Дэвлэс и тэ дживэн.”

Пэрво Кхангирй дрэ Антиохия

¹⁹ А мануша, савэ мэкнэ пэскирэ штэты пал бйда, сави кэрдяпэ Стехваноса, догинэ кэ Финикия, Кипро и Антиохия, энэ никонэскэ на ракирдэ Дэвлэскиро лав, апрйч екхэ Юдэндэ. ²⁰ А сыс машкир лэндэ Кипряни и Киринейцы, савэ, кэли явнэ дрэ Антиохия, лынэ тэ ракирэн и Элинэнгэ (Грекэнгэ/Баламэнгэ), кэли энэ миштопхэнэнас пал Растэ-Дэвлэстэ Исусостэ. ²¹ И сыс Дэвлэскиро васт лэнца, и бут мануша патяндынэ и рисинэ кэ Дэвлэс. ²² И уджиндлэ пал дава дрэ Ерусалимоскири Кхангирй, и одотхыр бичхадэ Варнаvas дрэ Антиохия: ²³ саво, кэли явдя, дыкхця Дэвлэскиро бахталыпэн, и ёв древэн обрадындяпэ и подрикирэлас сарэн, соб (кай) энэ тэ явэн дро патяибэн дрэ Растэ-Дэвлэстэ сарэ пэскирэ илэса; ²⁴ пал-дова со Варнава сыс лачхэ мануш, пхэрдэ патяибнаса и Свэнтонэ Духоса, и пир лэстэ древэн бут мануша рискирдэ пэскиро ило кэ Дэвлэс. ²⁵ Коригэдыр Варнава гия дро Тарсо тэ родэл Савлос. И кэли ёв латхя лэс, то яндя дрэ Антиохия. ²⁶ И саро бэрш Варнава Савлоса кэдэнаспэ дрэ Кхангирй и сыклякирдэ бутэ манушэн: и сыкляибнытка дрэ Антиохия сыс пэрва тэ кхарэнпэ Дэвлытконэнца (Христианэнца). ²⁷ И дро дова часо прорэки Ерусалимостыр явнэ дрэ Антиохия; ²⁸ и екх лэндыр, савэс кхардэ “Агаво”, уштыя и Свэнтонэ Духоса ангилпхэндя, со явэла бари бокх пир сарй пхув, и, гада, бокх яця, кэли Клавдиё сыс кхенинго (кесарё). ²⁹ И сыкляибнытка доракирдэпэ, соб (кай) кажно лэндыр, кичы кон могинэла, тэ помогинэл пшалэнгэ, савэ дживэна кэ Юдэя, ³⁰ И энэ кэрдэ дова, кэли энэ бичхадэ ловэ пхурэпшалэнгэ (пресвитерэнгэ), со скэдынэ Варнава и Савло.”

Шэрэ 12

Традыпэн пэ Яковостэ и пэ Ианостэ

¹ Дрэ дова часо крэли Иродо нэвэстыр лыя тэ традэл дэвлытконэн и закэдыя вари-кицы манушэн лэнгирэ кхангирьятыр, соб (кай) тэ кэрэл фуипэн лэнгэ, ² И мулякирдэ Яковос, Ианоскирэ пшалэс курталаса. ³ Кэли ёв дыкхця, со дава исын пир ило Юдэнгэ, ёв закамдя тэ закэдэл апрйч дова и Пэтрис; а сыс дава пэ Юдытко свэнко, кэли хана би рошчынакиро (дрожджэнгино) марэ. ⁴ И Ёв закэдыя Пэтрис, и чхудя лэс дро штарибэн, и припхэндя халадэнгэ тэ тэрдён дрэ штар ряды пэ штар манушэн дрэ кажно рядо и тэ рахэн лэс; Иродо

кэдэласпэ палó Патрадй тэ лыджал Пэтрис пэ манушы́тко сэндо. ⁵ И адякэ Пэтрис рахнэ дро штарибэн; а манушá Кханги́рьтыр древа́н мангнэпэ Дэвлэскэ пал лэстэ.

Пэтри исын Вольно Штарибнастыр

⁶ Ратя́киро, анги́л дова́, кели Иродо кэдыяпэ тэ вылыджал лэс пэ манушы́тко сэндо, Пэтри сыс сутó машкира́л дуе халадэндэ, пхандло дуенца зандирьенца, и халадэ сыс тэрдэ пашы́л вударá и рахнэ штарибэн. ⁷ И, га́да, явдя́ Дэвлэскиро Янгóло, тэрдий пашы́л, и яг зазяиндя дро штарибэн; Янгóло пэкадя́ Пэтрис дро пашваро, джангадя лэс, пхэни: “Ушты́ сыгэды́р.” И зандирья́ (цэпи) пынэ́ лэскирэ вастэндыр. ⁸ И Янгóло пхэндя́ лэскэ: “Подпхандэпэ и ури гэра́.” И ёв кэрдя́ адякэ. Коригэды́р ракирэ́ла лэскэ: “Ури тыры́ йдя́ и джа́ пал ма́ндэ.” ⁹ И сыр Пэтри выгий штарибнастыр, ёв гия́ пал Янголостэ, на джины́, со сарó дава́, со Янгóло кэрдя́, исын дро чачипэн, а лэскэ здыяпэ, со ёв дыкхэ́ла дыкхибэн сы́рбы дрэ сунó. ¹⁰ Ёнэ прогинэ́ маму́й екхэндэ́ и явирэ́ раххибнарьендэ́ и подгинэ́ кэ са́струны по́рта, сави́ лыджала дро фо́ро, вударá отчакирдэ́пэ анги́л лэндэ́ кокорэ́ пэстыр; ёнэ выгинэ́, и прогинэ́ екх вули́ца (га́са), и ада́й жэ́ Янгóло мэ́кця́ Пэтрис. ¹¹ Кели́ Пэтри явдя́ дрэ пэстэ́, ёв пхэндя́: “Мэ́ какана́, чачэс, дыкха́ва, со Дэвэ́л бичхадя́ Пэскирэ́ Янголос́ и раххя́ ман Иродоскирэ́ вастэндыр́ и сарэ́стыр, со камлэ́ Юдэя́кирэ́ манушá́ тэ кэрэн.” ¹² Кели́ Пэтри кокорó сарó галы́я, ёв явдя́ кэ́ Мариякиро́ кхэр, ёй сыс Ианоскири́ дай, савэс́ кхардэ́ адякэ-па́ць Марко, кай́ бут скэдынэ́пэ манушá́ и мангнэ́пэ Дэвлэскэ́. ¹³ Кели́ Пэтри пэкадя́ дрэ вударá, дына́рица выгий́ тэ уджинэл, савья́ кхардэ́ Рода; ¹⁴ и кели́ ёй уджиндя́ Пэтрис пи́ри зан, ёй ра́дыма́тыр бисты́рдя тэ́ отчакирэ́л вударá, а пра́станды́я палэ́ и пхэндя́, со Пэтри́ сыс тэрдó анги́л вударá. ¹⁵ И ёнэ́ пхэндлэ́ ла́кэ: “Ци́ дрэ пэски́ри годы́ ту сан? Нэ́ ёй сарое́кх раки́рдя́ пэски́ро, со дава́́ исын ча́чо.” Ёнэ́ ракирдэ́: “Давá́ исын лэ́скиро́ Янгóло.” ¹⁶ Нэ́ Пэтри́ ўса́ пэ́кавэ́лас дрэ́ вударá: кели́ отчакирдэ́ вударá, тэды́ дыкхнэ́ лэс́ и дивиндлэ́пэ. ¹⁷ Ёв сы́кадя́ вастэ́са, соб (кай)́ тэ́ на раки́рэн, роспхэндя́́ лэ́нгэ, сыр́ Дэвэ́л вылы́джия́ лэс́ штарибнасты́р и пхэндя́: “Пи́риден́ дая́ зан́ Яковос́кэ́ и явирэ́́ пшалэ́нгэ.” Ёв гия́́ и гия́́ одотхы́р пэ́ яви́р штэ́то. ¹⁸ А́ кели́́ яця́́ дывэ́с, сыс́ бари́ годлы́ма машки́р халадэндэ́́ пал дова́́, со кэ́рдяпэ́́ Пэтриса́. ¹⁹ А́ Иродо́ роды́я Пэ́трис и никай́́ на латхя́́, а кели́́ ёв до́пхуця́́ халадэндыр́, тэды́́ при́пхэндя́́ тэ́ муляки́рэн лэн. Тэ́ньци́ ёв гия́́ Юдэя́тыр́ дрэ́ Кесария́́ и одо́й яця́́пэ.

Иродоскиро Мэрибэн

²⁰ Иродо́ сыс древа́н холямо́́ пэ́ Тираноскирэ́́ и Сидоноскирэ́́ манушэ́ндэ; нэ́́ ёнэ́́ явнэ́́ кэ́ ёв ваш дова́́, соб (кай)́́ ёв лэн́ тэ́ прилэл́́ и подраки́рдэ́́ пэ́ пэски́ри риг Вла́стос, саво́́ сыс кра́ли́скиро́́ штубатуно́́ (пху́рэды́р) и помангнэ́́ “рама́нэ́́ (ми́ро)”, пал-дова́́ со лэ́нгири́́ риг чара́дяпэ́́ кра́ли́скирэ́́ рига́тыр. ²¹ Пэ́ выкэ́дыно́́ дывэ́с Иродо́́ ури́дя пэ́́ пэстэ́́ кра́ли́тко́́ йдя́, бэ́сця́́ пэ́́ трóно́́ и раки́рдя́́ анги́л сарэ́ндэ́. ²² И́ манушá́́ дэ́нас го́дла: “Давá́́ исын зан́́ Дэвлэ́скири́́, а на́́ манушэ́́скири́́.” ²³ Нэ́́ дро́ дова́́-па́ць мо́менто́́ Дэвлэ́скиро́́ Янгóло́́ муляки́рдя́́ Иродос́, пал-дова́́ со́ Иродо́́ на сла́виндя́́ Дэвлэ́с, лэс́ джидэ́с ханэ́́ кирмэ́, и ёв мья́. ²⁴ Нэ́́ Дэвлэ́скиро́́ лав уса́́ буты́р шундэ́лас и́ розджалас́ машки́р манушэ́ндэ́. ²⁵ Варна́ва́ и Савло́́ кэрдэ́́, со лэ́нгэ́́ сыс́ пхэндлэ́́ и явнэ́́ палэ́́ Ерусали́мо́стыр́ дрэ́ Антио́хия; ёнэ́́ лы́нэ́́ Пэ́са́́ Ианос́, савэ́с кхардэ́́ “Марко́.”

Шэро́ 13

Варна́ва́ и Са́вло́ исын́́ Выкэ́дынэ́́ и́ Бичхадэ́́, сыр́́ Мисио́не́ры

¹ Дрэ́ Антио́хия, дрэ́́ штэ́ты́тко́́ кханги́ри́́ сыс́ проро́ки́́ и сы́кляки́рибна́скирэ́́: Варна́ва, и́ Симео́но, савэ́с кхардэ́́ Ниге́ро, и́ Луцы́ё Ки́ринейя́нино, и́ Манаило́, саво́́ бария́́ кхэ́танэ́́ Ирадоса́́ тетрархоса́́ и Савло́. ² Е́кхвар, кели́́ ёнэ́́ мангнэ́́пэ́́ Ра́скэ́-Дэвлэ́скэ́́ и́ постиндлэ́́, Свэ́нто́́ Ду́хо́́ (Фа́но)́́ пхэндя́́ лэ́нгэ: “Отдэ́н Ма́нгэ́́ Варна́вас́́ и́ Савлос́́ пэ́́ рэ́ндо́́ (де́ло), ваш́́

саво Мэ лэн кхардём.” ³ И ёнэ, палó посто и мангипэн, чхудэ упрé вастá пэ лэндэ, и отбичхадэ лэн. ⁴ Варнава и Савло, савэн бичхадя Свэнто Духо (Фáно), явнэ дрэ Селевкия, а одотхыр отпльвиндлэ (дынэ пліма криг) пэ Кипро.

Пэ Кіпро

⁵ Кéли ёнэ явнэ дро Саламино, одой ёнэ роспхэнэнас Дэвлэскиро лав дрэ Юдэякирэ синагоги. Иáно сыс кхэтанэ лэнца и дэлас васт лэнгэ. ⁶ Ёнэ гинэ пир сарó óстро́во (джип) и явнэ дро Пафосо, одой стрэниндлэ манушэс, саво сыс човахано, хоханó прорóко Юдо, лэс кхардэ Вариисусо, ⁷ ёв сыс мал (дру́го) Римóскирэ балунитконэскэ Серьгаскэ Павлискэ, годьварэ манушэскэ. Балунитко кхардэ Варнаvas и Савлос, пал-довá со камдэ тэ шунэл Дэвлэскиро лав. ⁸ Нэ Елимо, човахано (лав лэскиро значынэла “човахано”), сарó кэрдя проти лэндэ; ёв камдэ тэ отрискирэ Римóскирэ балунитконэс патяибнастыр. ⁹ Нэ Савло, савэс адякэ-паць кхардэ Пáвли, сарэ Свэнтонэ Духóскирэ зорьяса, дыкхця мамуй пэ лэстэ, ¹⁰ и пхэндя: “Ту, сан налачхэскиро чхавó и вóрго сарэ чачипнаскэ: ту сан пхэрдó хохаибнаса и калэ рэндэнца; ци пириячэса ту тэ злыджас манушэн чачунэ Рáскирэ-Дэвлэскирэ дромэстыр? ¹¹ И каканá, га́да, Дэвлэскиро васт исын пэ тугэ: Ту явэса корорó и ту на явэса тэ дыкхэс кхам кэ саво трэй часо.” И екхатыр згия пэ лэстэ калыпэн, и ёв лыя тэ чхурдэлпэ пир сарэ ригá, родыи вари-конэс тэ лыджал лэс пал васт.

Кэ Антиóхия дрэ Писидия

¹² Кéли балунитко (консуло) дыкхця, со кэрдяпэ, ёв лыя тэ патял, и ёв дивиндяпэ пэ Рáскирэ-Дэвлэскиро сыклякирибэн. ¹³ Пáвли и лэскирэ малá отпльвиндлэ (дынэ пліма криг) Пафостыр и явнэ дрэ Пергия и Памфилия; нэ Иáно мэкця лэн одой и кокорó рисия дро Ерусалимо. ¹⁴ А ёнэ прогинэ Пергиятыр и явнэ дрэ Писидиякири Антиóхия, саватонэ (суботонэ) ёнэ явнэ дрэ синагога и бэшнэ.

Коригэдыр, сыр Прогиндлэ Пророкэнгиро Законó

¹⁵ Палó (после) гиныбэн Мойзáскирэ Законóстыр и пророкэнгирэ сыклякирибнастыр, синагогакирэ барыдыра бичхадэ лав лэнгэ: “Манушáлэ-Пшалáлэ! Кóли тумэндэ исын лав ваш сыклякирибэн тэ пхэнэн манушэнгэ, то ракирэн. ¹⁶ Пáвли уштыя и сыкадя вастэса, соб (кай) ёнэ тэ шунэн, пхэни: “Манушáлэ Израилэскирэ! Лачхэ явир манушá, савэ кутякирэна Дэвлэс, вышунэн ман: ¹⁷ Дэвэл Израилэскирэ манушэнгиро выкэдыя амарэ дадэн, Ёв кэрдя лэндыр бари и патывалы нацыя, кéли ёнэ сыс дро Египто, и Ёв барэ-зорьякирэ вастэса лыджия лэн одолэ ригатыр, ¹⁸ И пашэ штардэша бэрш Ёв дыкхця пал лэндэ пэ чхучи пхув. ¹⁹ Дэвэл пэ Ханаанóскири пхув хасякирдя охто (бидуэнгиро дэш) нáцыи и отдыя лэнгири пхув, сыр мэкно миштыпэн. ²⁰ И палó дава́, пашэ штаршэла пандждэша бэрш, кэ/жы́ко прорóко Самуило, Дэвэл дэлас лэнгэ сэндарьен. ²¹ Коригэдыр (позжэ) ёнэ лынэ тэ мангэн пэскэ Краліс, и Дэвэл дыя лэнгэ Саулос, Кисаскирэ чхавэс, Вениаминóскирэ родóстыр пэ штардэша бэрш. ²² Дэвэл злыя Саулос кралипнастыр и чхудя лэнгэ Давидос сыр краліс, пал савэстэ и пхэндя дро допхэныбэн: “Мэ латхём Давидос, Есеёскирэ чхавэс, адава́ мануш Мánгэ исын пир ило́, саво кэрэла сарó пир Мирі во́ля. ²³ И Давидоскирэ родóстыр Дэвэл, сыр Ёв дыя лав, яндя Израилэскэ Исусос Зракхибнаскирэс; ²⁴ ангил дава́, сыр Исусо явдя, Иáно пхэнэлас лав тэ рискирэн пэскиро джи́ибэн кэ Дэвэл ваш болдыипэн сарэ Израилэскирэ манушэнгэ.” ²⁵ Дро палатуно́ (последнэ) пэскиро пхэныбнытко лав, Иáно ракирдя: “Пал конэстэ тумэ ман гинэна? Мэ на сом одова́; нэ га́да, джа́ла пал мэ́ндэ Одова́, Савэскэ мэ на сом мол тэ роспхандав Лэскирэ гэритка.” ²⁶ Манушáлэ-Пшалáлэ, Чхавэ Авраамóскирэ, и машкір тумэндэ исын Нáюды, савэ кутякирэна Дэвлэс! Дава́ зракхибнаскиро лав сыс бичхадэ амэнгэ: ²⁷ со манушá, савэ дживдэ кэ Ерусалимо и лэнгирэ барыдыра, на уджиндлэ Исусос, ёнэ сэндиндлэ пхарэс Лэс и далэса-паць кэрдэ дова́, со

ракирдэ прорóки, далэ лавá амэ гинаса кажно саватонé (суботонé), сýрбы сэндинаса Лэс. ²⁸ Ёнэ на латхнэ дрэ Лэстэ нисавí банг ваш мэрибён, и усаёкх мангнэ Пилатос тэ мулякирэн Лэс. ²⁹ Кéли ёнэ кэрдэ сарó, со сыс чхиндлó пал Лэстэ, ёнэ лынэ Лэс трушулэстыр, чхудэ Лэс дрэ магильтко коплицá. ³⁰ Нэ Дэвэл отджидякирдя Лэс мэрибнастыр; ³¹ И бут дывэсá Исусо сыкадёлас кэ одолэ манушá, савэ кхэтанэ Лэса явнэ Галилеятыр дро Ерусалимо, савэ каканá исын Лэскирэ якхйтка ангил манушэндэ. ³² И амэ пиридаса кадая бахталы зан (звесь) тумэнгэ, сыр Дэвэл дýя лав амарэ дадэнгэ, Ёв кэрдя дава ваш амэнгэ, лэнгирэ чхавэнгэ, кéли отджидякирдя Исусóс, ³³ сыр дава исын чхиндлó дро явёр псáлмо: “Ту сан Миро Чхавó: Мэ ададывэс бияндём Тут.” ³⁴ Дэвэл отджидякирдя Лэс мэрибнастыр адýкэ, соб (кай) Ёв бутыр тэ на кирнёл дрэ магила, пал дава Ёв пхэндя адýкэ: “Мэ дава Тýкэ свэнто и чачунó бахтякирибён, савó сыс дынó Давидóскэ.” ³⁵ Палдава Ёв ракирэла и явёр штéто: “Ту на дэса Свэнтонэскэ тэ дыкхэл мэрибён.” ³⁶ Нэ Давидо кэрдя сарó дро пэскиро часо, сыр лэскэ пхэндя Дэвэл, ёв мыя, и лэс гарадэ лэскирэ дадэнца и трýпо лэскиро кирныя. ³⁷ Нэ Одовá, Конэс Дэвэл отджидякирдя, на кирныя. ³⁸ Палдава, Манушáлэ-Пшалáлэ, мэ камám, соб (кай) тумэ тэ джинэн, со тумэнгэ пхэнэлапэ лав пал грэхэнгиро отмэкибэн пир Исусóстэ Христосóстэ, ³⁹ и дрэ сарó, дрэ со тумэ на могиндлэ тэ явэн зракхнэ Мойзáскирэ Законоса, кажно мануш, кон патяла, ячэла чачипнаскиро пир Исусóстэ Христосóстэ. ⁴⁰ Дыкхэн, соб (кай) и тумэнгэ тэ на явэл адýкэ, сыр ракирдэ прорóки: ⁴¹ “Ракхэнпэ тумэ, кон дыкхэла бипатывакирэс пэ явёр манушэндэ, тумэ здивинэнапэ и хасёна; пал-довá со Мэ кэрава дасаво рэндо ваш тумэндэ дрэ тумарэ дывэсá, савэскэ тумэ ниёкхвар на патяна, коли варикон роспхэнэла тумэнгэ пал дава.” ⁴² Кéли Пáвли и Варнава джáнас явирэ синагогатыр, лэн кхардэ, соб (кай) ёнэ тэ явэн дро явёр сáвато и тэ ракирэн дова-паць. ⁴³ Кéли манушá, савэ сыс пэ скэдыибён, лынэ тэ розджанпэ, тэды бут Юды и явёр, савэ прилынэ Юдытко сыклякирибён, гинэ пал Павлистэ Варнаvasa, савэ ракирдэ лэнца и мангэнас, упатякирэнас лэн тэ явэн дурэдýр дро Дэвлэскиро бахталыпэн. ⁴⁴ Дро явёр сáвато сарэ манушá форóстыр явнэ тэ шунэн Дэвлэскиро лав. ⁴⁵ Кéли Юды дыкхнэ, со скэдынэпэ адакицы бут манушá, ёнэ лынэ тэ зэвлынэн и ракирдэ древáн налачхэ лавá пэ сарó дова, со ракирдя Пáвли. ⁴⁶ А Пáвли и Варнава ракирдэ муршканэс и бидаракирэс пхэндлэ: “Амэнгэ трэй англэдýр сарэндýр тумэнгэ тэ роспхэнас Дэвлэскиро лав: нэ сыр тумэ на пригалёна лэс, тумэ далэса сэндинэна кокорэ пэс, со тумэндэ на явэла вéчно джиибён, палдава амэ каканá рискираса Дэвлэскиро лав Наюдэнгэ; ⁴⁷ палдава, со адýкэ амэнгэ ракирдя Рай Дэвэл, сыр Ёв пхэндя: “Мэ кэрава Тут, соб (кай) ту тэ явэс дуд Наюдэнгэ, соб (кай) пир Тýтэ манушá тэ явэн зракхнэ пир сарí пхув.” ⁴⁸ Нáюды, кéли шундлэ дава, радындлэпэ и славиндлэ Дэвлэскиро лав, и упатяндынэ сарэ, савэ сыс выкэдынэ кэ вéчно джиибён; ⁴⁹ И Дэвлэскиро лав розджаласпэ пир сарí доя риг. ⁵⁰ Нэ Юды, подракирдэ дэвлытконэ и барвалэ родóстыр джувлэн и форóскирэ барыдырэн, и газдынэ манушэн проти Павлистэ и Варнавастэ, и традынэ криг лэн пэскирэ ригáтыр. ⁵¹ Тэды Апóстолы тринскирдэ пэ лэндэ прáхо пэскирэ гэрэндýр и гинэ дрэ Икония. ⁵² Сыкляибнýtка сыс пхэрдэ радýмáса и Свэнтонэ Духóса.

Шэрó 14

Дрэ Икóния

¹ Дрэ Икония Пáвли Варнаvasa загинэ дрэ Юдэнгири синагога и ракирдэ адýкэ, со древáн бут Юды и Нáюды патяндынэ. ² Нэ Юды, савэ на патяндынэ, газдынэпэ и подракирдэ Наюдэн проти пшалэндэ. ³ Пáвли и Варнава сыс одóй древáн бут часо, ёнэ ракирдэ муршканэс пал Дэвлэстэ, Савó допхэнэлас пал Пэскирэ-лавэскиро бахтякирибён долэса, со дэлас Апостолэнгэ зор тэ кэрэн знамэнии (гертыкá) и дýвы. ⁴ Дрэ фóро машкёр манушэндэ выгия кошыбён и ёнэ розгинэпэ пэ дуй ригá, екх манушá сыс пэ Юдэнгири риг, а явёр манушá пэ Апостолэнгири риг. ⁵ Кéли Нáюды и Юды кхэтанэ пэскирэ барыдырэнца доракирдэпэ; соб (кай) тэ ладжакирэн и тэ марэн Апостолэн барэнца, ⁶ ёнэ уджиндлэ пал

дава́ и гинэ́ дрэ́ Ликаоноскирэ́ [Ликониякирэ-ю.о.] фóрья́ Листра́ и Дэрвия́ и пэ́ пашатунэ́ лэнгирэ́ штэты; ⁷ и одóй ёнэ́ дурэды́р роспхэнэнас бахталы́ зан (звесь).

Дрэ́ Листра́ и Дэрвия́

⁸ Кэ́ Листра́ дживдя́ екх ману́ш, савэ́стэ́ сыс насвалэ́ гэра́, ёв сыс калека́ бияныпнасты́р и ёв ниéкхвар на псирдя́. ⁹ Ёв шундя́, сыр ракирдя́ Пáвли, савó дыкхця́ сыгэс маму́й пэ́ лэ́стэ́ и дыкхця́, со манушэ́стэ́ исын патяибэ́н, соб (кай) тэ́ явэл высастякирдо́, ¹⁰ и пхэндя́ зоралэ́ заня́са: “Ушты́ пэ́ гэра́ маму́й (ровнэс).” И ёв ухтя́ и лыя́ тэ́ псирэл. ¹¹ Кéли мануша́ дыкхнэ́, со кэрдя́ Пáвли, ёнэ́ зоралэ́ заня́са лынэ́ тэ́ ракирэн пэ́ Ликаоньтко́ чиб: “Дэвэ́ла, савэ́ поджана́ (зджана́) пэ́ манушэндэ́, гинэ́ тэлэ́ болыбна́стыр кэ́ амэ́!” ¹² И ёнэ́ кхардэ́ Варнавос́ Зевсоса́, а Пáвлис Ермиё́са, пал-дова́ со ёв буты́р ракирдя́. ¹³ Ангíл фóро сыс кхангирори́ Зевсоскэ́ и лэнгиро́ раша́й яндя́ гурувэн́ и вянки́ кэ́ форо́скири порта́, ёв камдя́ кхэтанэ́ манушэ́нца тэ́ чхинэн мурдалэ́н, сыр свэ́нто дыибэ́н ваш лэнгэ́. ¹⁴ Нэ́ Апóстолы́ Варнава́ и Пáвли, кéли шундлэ́ пал дава́, то ёнэ́ роскушнэ́ пэ́скирэ́ йди́ и годласа́ чхурдынэ́пэ́ дрэ́ манушэндэ́, ¹⁵ ракири́: “Манушáлэ! Со тумэ́ кэрэ́на? Амэ́ сам дасавэ́-паць мануша́, сыр и тумэ́, и роспхэ́наса бахталы́ зан тумэ́нгэ́, и амэ́ камаса́, соб (кай) тумэ́ тэ́ мэкэн кадалэ́ хоханэ́ йдолы́ и тэ́ прилэ́н джидэ́ Дэвлэ́с, Савó созды́я болыбэ́н и пхув́ и панí, и сарó, со исын дрэ́ лэндэ́; ¹⁶ Савó дрэ́ гаратунэ́ бэрша́, дэлас во́ля сарэ́ нацыенгэ́ тэ́ псирэ́н пэ́скирэ́ дромэ́нца. ¹⁷ Нэ́ Ёв ячкирдя́ пал Пэ́стэ́ допхэ́ныбэ́н и сыкавэ́ла Пэ́скиро лачхипэ́н дрэ́ дова́, со бичхавэ́ла амэ́нгэ́ болыбна́стыр брышы́нд дро аплодоскиро́ часо́; Ёв дэ́ла амэ́нгэ́ хабэ́н и пхэрдякирэ́ла амарэ́ илэ́ радыва́са” ¹⁸ И ракири́ дава́, ёнэ́ пир бари́ зор патякирдэ́ манушэ́н тэ́ на янэ́н лэнгэ́ свэ́нто дыибэ́н. ¹⁹ Нэ́ явнэ́ Юды́ Антиохия́тыр и Икония́тыр и, кéли Апóстолы́ маму́й (прямэ́с) пхэндлэ́ лав, ёнэ́ патякирдэ́ манушэ́н тэ́ отджан лэндыр, ракири́, со ёнэ́ на ракирэ́на нисавó чачипэ́н, а сарó хохавэ́на. И подракирдэ́ манушэ́н и лынэ́ лофо́ пэ́ лэндэ́: ёнэ́ домардэ́ Пáвлис барэ́нца и вытырдынэ́ лэс пал фóро, сыр ёнэ́ гиндлэ́ лэс пал мулэ́стэ́. ²⁰ А кéли сыкляибны́тка скэ́дынэ́пэ́ пашыл́ лэ́стэ́, ёв ушты́я́ и гия́ дрэ́ фóро; а пэ́ яви́р дывэ́с ёв гия́ криг Варнаваса́ дрэ́ Дэрвия́.

Рисибэ́н дрэ́ Антио́хия́ кэ́ Си́рия

²¹ И кéли ёнэ́ роспхэндлэ́ бахталы́ зан (звесь) дрэ́ дава́ фóро и лэндэ́ ячнэ́ сыкляибны́тка древа́н буты́р, ёнэ́ рисинэ́ палэ́ дрэ́ Листра́, Икония́ и Антио́хия, ²² и ёнэ́ подрикирэ́на́с сыкляибны́тконэ́н и патякирэ́на́с лэ́н, соб (кай) ёнэ́ тэ́ явэ́н зоралэ́ дро патяибэ́н и ракирдэ́: “Амэ́нгэ́ явэ́ла трэ́й бут тэ́ пиридживас́ ангíл дава́, соб (кай) тэ́ заджас́ дро Дэвлэ́скиро́ Кралипэ́н.” ²³ Пáвли Варнаваса́ дрэ́ кажно́ кхангири́ чхудэ́ годэ́пхурэ́н пир постины́бэ́н и мангипэ́н и отдынэ́ лэ́н Ра́скэ́-Дэвлэ́скэ́, дрэ́ Савэ́стэ́ ёнэ́ патяндынэ́. ²⁴ И кéли Апóстолы́ гинэ́ пир Писидия́, ёнэ́ явнэ́ дрэ́ Памфи́лия. ²⁵ И коригэ́ды́р, сыр ёнэ́ пхэндлэ́ Дэвлэ́скиро́ лав дрэ́ Пергия́, то гинэ́ дурэды́р дрэ́ Ата́лия, ²⁶ Ата́лиятыр ёнэ́ отпльвиндлэ́ (дынэ́ плы́ма криг) палэ́ дрэ́ Антио́хия, одóй ёнэ́ кэрдэ́ сарí пэ́скири́ буты́, ваш савí ёнэ́ сыс бичхадэ́ и бахтякирдэ́. ²⁷ Кéли Апóстолы́ рисинэ́ палэ́ дрэ́ Антио́хия, ёнэ́ скэ́дынэ́ кхангири́, и пал сарó́ роспхэндлэ́, со Дэвэл́ кэрдя́ пир лэндэ́, и сыр Ёв Наю́дэ́нгэ́ псира́дя вударá ваш патяибэ́н. ²⁸ И ячнэ́пэ́ ёнэ́ одóй кхэтанэ́ сыкляибны́тконэ́нца бут часо́.

Шэ́ро́ 15

Скэ́дыибэ́н дрэ́ Еруса́ли́мо

¹ А вари́-савэ́ мануша́ явнэ́ Юдэ́ятыр дрэ́ Антио́хия, савэ́ лынэ́ тэ́ сыклякирэ́н пшалэ́н: “Кóли (со) тумэ́ на явэ́на тэ́ обчхинэ́нпэ́ пир Мойза́скиро́ Зако́но, тумэ́ на мого́йна́ тэ́ зракхэ́нпэ́.”

² Пал-дова́ со, кéли выгия́ Пáвлистэ́ Варнаваса́ бари́ чинга́рд и пириракири́бэ́н лэ́нца, ёнэ́ пхэндлэ́ Пáвлискэ́ Варнаваса́ тэ́ джа́н яви́рэ дэвлы́тконэ́нца пир дава́ пхучибэ́н кэ́ Апóстолы́

и годэпхурэ (пхурэ) дро Ерусалимо. ³ И адякэ кхангири бичхадя лэн дрэ дром, и кэли ёнэ джанас пир Финикия и Самария, одой ёнэ роспхэнэнас пал дава, со Наюды адякэ-паць лынгэ тэ патян дрэ Исусостэ, дава нэвипэн яндя бари радыма пшалэнгэ. ⁴ И кэли ёнэ явнэ дро Ерусалимо, лэн прилыя Кхангири, Апостолы и годэпхурэ, и Павли Варнааса роспхэндлэ лэнгэ пал саро, со Дэвэл кэрдя лэнца. ⁵ Тэды уштынэ мануша Фарисеэнгирэ сектатыр и пхэндлэ: “Каканэ Наюдэнгэ трэй тэ обчхинэнгэ и трэй тэ зачхувэс лэн, соб (кай) ёнэ тэ кэрэн пир Мойзаскиро Законо.” ⁶ Апостолы и годэпхурэ скэдынэпэ, соб (кай) тэ пириракирэн пал дава рэндо. ⁷ Палó (после) длэнго пириракирибэн уштыя Пэтри и пхэндя лэнгэ: “Манушэлэ-Пшалэлэ! Тумэ джинуна, со Дэвэл англатунэ дывэсэндыр выкэдыя ман ваш дова, соб (кай) мандыр Наюды тэ шунэн лав бахталэ занятыр, соб (кай) ёнэ тэ патян. ⁸ Дэвэл, Саво джинуна манушэнгиро илó, допхэндя, со прилэла Наюдэн долэса, со дыя лэнгэ Свэнто Духо (Фано) адякэ-паць, сыр и амэнгэ, ⁹ и Ёв на кэрдя нисаво выкэдыибэн машкир амэндэ и лэндэ, пал-дова со Ёв патяибнаса выжужакирдя лэнгирэ илэ. ¹⁰ Тэды сósкэ ж тумэ аканэ пропатыкирэна Дэвлэс, чхуви сыкляибнытконэнгэ пэ мэн гамо, саво на могиндлэ тэ лыджан ни амарэ дада, ни амэ? ¹¹ Нэ амэ патяса дрэ дова, со амэ зракхасапэ пир бахталыпэн амарэ Раскирэ-Дэвлэскиро, Исусоскиро адякэ-паць, сыр и ёнэ.” ¹² Тэды саро скэдыибэн яця штыл и ёнэ шундлэ Варавас и Павлис, савэ Дэвэл кэрдя гертыка и дивы пир лэндэ машкир Наюдэнгэ. ¹³ Палó (после) дова, сыр ёнэ пириячнэ тэ ракирэн, Яково отпхэндя: “Манушэлэ-Пшалэлэ! Вышунэн аканэ ман: ¹⁴ Симоно роспхэндя амэнгэ пал дава, сыр Дэвэл англадыр сыкадя пэскири ласка ваш Наюдэнгэ, со Ёв выкэдыя лэндыр манушэн ваш Пэскиро лав. ¹⁵ Адякэ, сыр исын чхиндлó, зджанапэ пророкэнгирэ лавэ: ¹⁶ Палó дава Мэ рисёвава и кэрава роспахирды Давидоскири шатра ваш Дэвлэскэ, и со исын дрэ латэ роспахно, мэ подкэрава, и кэрава ла, сыр нэви, ¹⁷ соб (кай) тэ родэн Дэвлэс и явир мануша и сарэ Наюды, машкир савэндыр явэла джиндлó Миро лав. Адякэ ракирэла Дэвэл, саво кэрдя саро дава. ¹⁸ Векостыр исын джиндлэ Дэвлэскэ сарэ Лэскирэ рэнды. ¹⁹ Мэ палдава думинава, со на трэй тэ кэрэс пхарипэн ваш Наюдэнгэ, савэ камэна тэ явэн кэ Дэвэл; ²⁰ нэ тэ чхинас лэнгэ лыл, соб (кай) ёнэ тэ на хан хабэн, саво янэна сыр свэнто дыибэн идолэнгэ и тэ на кэрэн биладжаипэн и тэ на хан мас затасадэ мурдалэстыр, и тэ на пьен рат. ²¹ Пал-дова со Мойзаскиро Законостыр гаратунэ бэршэндыр пир сарэ форя рашая роспхэнэна и гинэна дава Законо дрэ синагоги саватонэ (суботонэ).”

Лыл Наюдэнгирэ Патяибнаскирэнгэ

²² Тэды Апостолы и годэпхурэ пириракирдэ манушэнца пэскирэ Кхангириягыр и выкэдынэ вари-кицы пэскирэ манушэн ваш дова, соб (кай) лэн тэ бичхавэн дрэ Антиохия Павлиса и Варнааса: Юдас, савэс кхардэ о Варнава, и Силас, савэ сыс лыджаибнаскирэ (шэрэ мануша) (вожди) машкир пшалэндэ, ²³ и ёнэ чхиндлэ дасаво лыл лэнгэ: “Апостолэндыр, кхангириягырэ годэпхурэндыр, пшалэнгэ Наюдэндыр, савэ исын дрэ Антиохия, Сирия и Киликия: тэ явэл раманэ (миро) тумэнгэ. ²⁴ Адякэ, сыр амэ шундым, со кэ тумэ явнэ вари-савэ мануша амэндыр, савэ страхакирдэ тумэн пэскирэ лавэнца и далэса-паць ёнэ яндлэ тумэнгэ бут пиридживибэн, кэли ёнэ ракирдэ: ‘Тумэнгэ трэй тэ обчхинэпэ и тэ раххэн Мойзаскиро Законо,’ савэн амэ на бичхадям дава тэ ракирэн; ²⁵ палдава амэ скэдыямпэ сарэ кхэтанэ и выкэдыям амэндыр вари-кицы манушэн тэ бичхавас лэн кэ тумэ кхэтанэ амарэ дрогонэ Варнааса и Павлиса, ²⁶ адалэ манушэнца, савэ отдэнас пэскиро джиибэн пал лав амарэ Раскирэ-Дэвлэскиро, Исусоскиро Христососкиро. ²⁷ И палдава амэ бичхадям кэ тумэ Юдас и Силас, савэ пиридэна тумэнгэ лавэнца дова, со амэ чхиндым. ²⁸ Пал-дова со Свэнто Духо (Фано) и амэ на яваса тэ чхувас пэ тумэндэ бутыр нисаво пхарипэн априч дава, саво трэй. ²⁹ На хан дова хабэн, саво янэна идолэнгэ сыр свэнто дыибэн и на пьен рат, на кэрэн биладжаипэн, и на хан мас затасадэ мурдалэстыр, и на кэрэн явирэнгэ дова, со тумэ на камэна пэскэ; коли тумэ явэна тэ раххэн пэс сарэ далэстыр, тумэ кэрэна шукэр. Ячэнпэ Дэвлэса.” ³⁰ И кэли выкэдынэ мануша сыс бичхадя дро дром, ёнэ явнэ дрэ Антиохия, и скэдынэ кхангири, и отдынэ лыл. ³¹ И кэли мануша гиндлэ зоралэс дава лыл, ёнэ

обрадындлэпэ далэ нэвипнастыр. ³² Юда и Сила кокорэ сыс прорóки и ёнэ сыклякирдэ пшалэн пэскирэ лавэнца и патякирэнас лэнца лэн. ³³ Кéли ёнэ сыс одóй вари-савó часо, пшáла отмэкнэ лэн раманёса (мирóса) кэ Апóстоны. ³⁴ Нэ Сила закамдý тэ ячэлпэ одóй, а Юда рисиý дро Ерусалимо: ³⁵ Пáвли и Варнава адýкэ-паць ячнэпэ дрэ Антиóхия, одóй ёнэ кхэтанé бутé явирэнца сыклякирдé и пхэнэнас Дэвлэскиро лав.

Пáвли и Варна́ва Джáна пир Рáзна Дромá

³⁶ Нэ пир вари-кицý дывэсá Пáвли пхэндý Варнаваскэ: “Явэн, дыкхаса амарé пшалэн пир сарé фóрья, дрэ савé амэ роспхэнасас Дэвлэскиро лав, сыр ёнэ дживэна.” ³⁷ Варнава камдý тэ лэл пэса и Ианос, савэс кхардэ Марко. ³⁸ Нэ Пáвли сыс проти тэ лэл лэс пэса, пал-довá со ёв мэкцý лэн дрэ Памфилия и на гиý лэнца пэ рэндо, пэ савó ёнэ сыс бичхадé. ³⁹ Палдава машкир лэндэ выгиý бари чингáрд, со ёнэ розячнэпэ екх екхэса; и Варнава лыý Маркос и отпывиндý (дыý плимá криг) дро Кипро; ⁴⁰ а Пáвли, выкэдý пэскэ Силас, пшáла бахтякирдэ лэс и ёв гиý дрэ дром. ⁴¹ Пáвли гиý пир Сирия и Киликия и ёв патякирэлас кхангирия.

Шэрó 16

Хíма (Тимофе́е) Джáла Павлиса и Силáса

¹ Пáвли догиý кэ Дэрвия и Листра: одóй дживдý вари-савó сыкляибнýтко, савэс кхардэ Хима (Тимофе́е), лэскири дай сыс дэвлýтко Юдыца, а дад сыс Гре́ко (Баламó), ² пал Химастэ шука́р ракирдé пшáла, савэ сыс дрэ Листра и Икония. ³ Пáвли закамдý тэ лэл Химас пэса дро дром, и палдава обчхиндý лэс, ёв кэрдý дава ваш Юдэнгэ, савэ дживдэ пэ долé штéты, пал-довá со сарé джиндлэ, со Химаскиро дад сыс Гре́ко (Баламó). ⁴ Кéли ёнэ псирдэ пир фóрья, ёнэ ракирдэ дэвлытконэнгэ тэ рикирэнпэ припхэныбнэнгэ, савэ прилынé Апóстоны и годэпхурé дро Ерусалимо. ⁵ И кхангирия ячэнас зоралэдыр дро патяибэн и манушэн, савэ лынé тэ патян кажнонэ дывэсэса, ячэлас бутэдыр.

Павли́скиро Дыкхиб́эн

⁶ Ёнэ гинé пир Фригия и Галатиякири риг, пал-довá со Свэнто Дýхо (Фáно) на домэкця лэн тэ ракирэн Дэвлэскиро лав дрэ Асия. ⁷ Кéли подгинé кэ Мисия, ёнэ кэдынэпэ тэ джáн дрэ Вифиния, а Исусóскиро Дýхо (Фáно) на домэкця лэн, ⁸ и ёнэ промэкнэ Мисия и явнэ дрэ Троада. ⁹ И ратýкиро сыс дыкхибэн дро сунé Павлискэ: сыкадыý мануш Македониятыр, ёв сыс тэрдó и мангдý лэс: “Яв дрэ Македония и помогин (дé васт) амэнгэ.” ¹⁰ И коригэдыр далэстыр, сыр ёв дава дыкхцý, дрэ дова-паць часо амэ кэдыямпэ тэ джас дрэ Македония, сыр амэ думиндýм, со Дэвэл кхардý амэн тэ роспхэнас лэнгэ бахталý зан (звесь).

Дрэ Фили́пы, кай Лидия Упатýндыя

¹¹ Троадатыр амэ пывиндýм (дыýм плýма) мамúй кэ Самофракия, и одотхýр пэ явёр дывэс кэ Неаполé, ¹² а Неаполéстыр амэ гиям дрэ Филипы: дава англатунó фóро дрэ доý Македониякири паш, савó сыс Римоскири колония. Амэ сáмас дро дава фóро вари-кицý дывэсá. ¹³ Дро сáвато (субóта) амэ гиям яврё пал пóрта кэ рэка (лэнь), кай усады (сак) дэвлýтка кэдэнаспэ ваш мангипэн Дэвлэскэ; амэ бэсцýм и лыýм тэ ракирас джувлэнца, савэ одóй кэдынэпэ. ¹⁴ И сыс екх джувлý, савыý кхардэ Лидия, ёй бикнэлас лолó тхан (материя) дрэ Фиати́ра, адáя джувлý сыс дэвлýтко, и Дэвэл отчхакирдý ла́киро илó тэ галéл, со ракирдý Пáвли. ¹⁵ Палó (после) дава, сыр ёй и ла́кирэ кхэритка болдэпэ, ёй помангдý: “Кóли тумé гинéна ман сыр дэвлыткóна, то заджáн дрэ миро кхэр и дживэн одóй.” И ёй уракирдý амэн.

Дро Штарибэн кэ Филипы

¹⁶ Екхвар, кэли амэ гиям тэ мангаспэ Дэвлэскэ, пир дром амэнгэ стрэниндяпэ джувлы-писхарица, савьятэ сыс човахано дүхо (фано) тэ ракирэл ангил, со явэла, ёй пэскирэ ангилпхэныбнаса янэлас пэскирэ хулангэ барэ ловэ. ¹⁷ Ёй джэлас пал Павлистэ и пал амэндэ, и годлэлас: “Адалэ манушэ исын дынарья Най Вучыдырэскирэ Дэвлэскирэ, савэ роспхэнэна тумэнгэ пал дова, сыр тумэ могоинэна тэ зракхэнпэ.” ¹⁸ И ёй адякэ кэрдя бут дывэса. А Павли, сыр холясыя, рисия и пхэндя налчхэ духоскэ: “Исусоскирэ Христососкирэ лавэса Мэ припхэнава тукэ: выджа латыр.” И дүхо (фано) дро дова-паць часо выгия. ¹⁹ Кэли лакирэ хулая галынэ, со лэнгири надэя ваш кофо (прибыль) гия криг, ёнэ ухтылдэ Павлис и Силас и лыджинэ лэн пэ форуны (плóшча) кэ барыдыра; ²⁰ ёнэ яндлэ лэн кэ Римоскирэ сэндэрья и пхэндлэ: “Адалэ манушэ исын Юды, и ёнэ кэрэна дро амаро форо бизладо (беспорядко), ²¹ и лыджана пэса пэскирэ сыкляибэна, савэ амэнгэ Римлянэнгэ на пир Законо ни тэ прилас, ни тэ кэрас.” ²² Манушэ адякэ-паць газдынэпэ проти Павлистэ и Силастэ; и сэндэрья рискирдэ лэндэр йди, пхэндлэ тэ марэн лэн каштэнца. ²³ И кэли ёнэ пэкадэ лэн бут мóлы, ёнэ чхурдынэ лэн дро штарибэн, и припхэндлэ раххибнаriskэ раххунэс тэ раххэл лэн: ²⁴ кодова, сыр дорэсця дасаво припхэныбэн, чхурдыя лэн дрэ андратуны штуба и замардя лэнгирэ гэрэ дрэ калодки. ²⁵ Дрэ пашрат Павли и Сила мангнэпэ Дэвлэскэ и багандлэ шардытка гия Дэвлэскэ, и штарибнарья шундлэ лэн. ²⁶ Нэ екхатыр (сразу) яця пхув адякэ тэ тринскирэлпэ, со штарибэн лыя тэ кунинэлпэ; дрэ дова-паць часо отчхакирдэпэ сарэ вударэ, и сарэ штарибнарьэндэ пынэ (тэлэ) састыра гэрэндэр. ²⁷ Кэли штарибнаскиро раххибнари джангадыя и дыкхця, со сарэ вударэ дро штарибэн сыс отпхандлэ (псирадэ), ёв ухтылдэ куртала и камдя тэ замарэл кокорэ пэс, сыр ёв думиндя, со сарэ штарибнарья нашенэ. ²⁸ Нэ Павли зоралэс задья гóдла: “На кэр пэскэ нисаво фуипэн, пал-дова со амэ сам сарэ адай.” ²⁹ Тэды ёв мангдя тэ захачкирэн яг, запрастандыя андрэ дрэ бари дар и пыя пэ чанга ангил Павлистэ и Силастэ. ³⁰ И кэли лыджия лэн яври, пхуця: “Райлэ! Со мангэ тэ кэрав, соб (кай) тэ зракхавпэ?” ³¹ Ёнэ пхэндлэ лэскэ: “Патя дрэ Растэ-Дэвлэстэ, Исусостэ Христосостэ, зракхэсапэ ту и тыро кхэр.” ³² И ёнэ роспхэндлэ Дэвлэскиро лав лэскэ и сарэнгэ, кон сыс дро лэскиро кхэр. ³³ И ёв дрэ доя-паць рат обмордя лэнгэ ратвалэ штэты, савэ сыс лэндэ марибнастыр, и ёв и сарэ лэскирэ кхэритка болдэпэ. ³⁴ И ёв яндя лэн кэ пэ кхэрэ, и чхудя лэнгэ тэ хан и обрадындяпэ сарэ пэскирэ кхэрэса пал дова, со патяндыя дрэ Дэвлэстэ. ³⁵ Кэли яця дывэс, сэндэрья бичхадэ провинциякирэ барэ ран, соб (кай) тэ вымэкэн штарибнастыр одолэн манушэн. ³⁶ Раххибнари пхэндя далэ лавэ Павлискэ: “Сэндэрья пхэндлэ тэ вымэкэн тумэн штарибнастыр: и адякэ, выджан каканэ и джан пэскэ Дэвлэса.” ³⁷ Нэ Павли пхэндя лэнгэ: “Ёнэ би сэндоскиро ни пал со домардэ амэн ангил сарэндэ манушэндэ и чхурдынэ дро штарибэн, на дыкхй пэ дова, со амэ сам Римоскирэ джибнарья, и каканэ чораханэс амэн вымэкэна? Адякэ лэндэ на выджала! Мэк ёнэ кокорэ тэ явэн и тэ лыджан криг амэн адатхыр.” ³⁸ Халадэ пиридынэ кадалэ лавэ сэндарьенгэ, и кодолэ страхэдынэ, кэли уджиндлэ, со адалэ манушэ исын Римоскирэ джибнарья. ³⁹ Ёнэ явнэ и примангнэ лэн, вылыджинэ лэн штарибнастыр, и мангнэ, соб (кай) ёнэ тэ джан криг форостыр. ⁴⁰ Кэли ёнэ гинэ яври штарибнастыр, то явнэ кэ Лидия, одой ёнэ стрэниндлэпэ (дыкхнэпэ) пшалэнца, сыклякирдэ лэн и гинэ дурыдыр дро дром.

Шэрó 17

Дрэ Фесалоника

¹ Кэли Павли и Сила прогинэ пир Амфиполэ и Аполония, тэды явнэ ёнэ дрэ Фесалоника, кай сыс Юдэнгири синагога. ² Павли, сыр ёв присыкляя тэ кэрэл, загия дрэ синагога и трин саваты (суботы) ракирдя лэнца Свэнтонэ Чхиныбнастыр, ³ ёв обракирэлас и допхэнэлас лэнгэ, со Христососкэ трэиндя адякэ тэ явэл, соб (кай) Ёв тэ пирилыджал сарэ мэньки и тэ отджидёл мулэндэр, и со: “Кадава-паць Христосо исын Исусо, пал Савэстэ мэ роспхэнава

тумэнгэ.”⁴ И вари-савэ лэндэр патяндынэ и явнэ кэ Пáвли Силаса, и бут дэвлытконэ Грекэндэр (Баламэндэр) и адякэ-паць бут джувля барвалэндэр явнэ.⁵ Нэ Юды, савэ на патяндынэ, холясынэ и лынэ яврестыр вари-савэ пирангачэн форунятыр (плошчатыр) и кэдынэпэ сарэ кхэтанэ и газдынэ сарэ манушэн дро фóро: и ёнэ гинэ пэ Ясоноскиро кхэр, соб (кай) тэ вылыджан лэн кэ манушá;⁶ а кэли одой ёнэ на латхнэ Пáвліс Силаса, тэды лыджинэ зорьяса Ясонос и явирэ пшалэн кэ форитка барыдырá, дыи гóдла: “Кадалэ манушá кэрэна бизладо пир сарó свéто, а каканá явнэ и адарык; ⁷ а Ясоно прилыя лэн дро пэскиро кхэр; и сарэ ёнэ исын проти кхенингоскирэ упхэныбэна́ и ракирэна, со исын явир крáли, Исýсо.”⁸ Манушá и форитка барэ рай, кэли шундлэ сарó дава́, холясынэ. ⁹ Ёнэ лынэ Ясоностыр и явирэндэр сымады́ (залога) и отмэкнэ лэн.

Дрэ Вэрия

¹⁰ Пшáла дрэ дова́-паць часо (моменто) ратякиро отбичхадэ Пáвліс и Силас дрэ Вэрия, а одолэ, сыр явнэ одорык, гинэ дрэ Юдэнгири синагога. ¹¹ Адалэ манушá сыс патывалэдыр Фесалоникийцэндэр, ёнэ барэ якхэнца шундлэ пхэныбнытко лав, кажно дывэс ёнэ рокэдэнас Свэ́нто Чхиныбэ́н, соб (кай) тэ джинэн, ци чачипэн Пáвли ракирдя. ¹² И бут Юдэндэр патяндынэ; адякэ-паць патяндынэ барвалэ Греки́тка (Балами́тка) джувля и му́ршá. ¹³ Нэ кэли Юды Фесалоникатыр уджиндлэ, со и дрэ Вэрия Пáвли роспхэнэлас Дэвлэскиро лав, ёнэ явнэ и одорык тэ подракирэн манушэн. ¹⁴ И тэды пшáла дрэ дова́-паць часо (моменто) бичхадэ Пáвліс дрэ риг кэ морёскиро (дэрьявэскиро) брэ́го; а Сила и Хима ячнэпэ одой. ¹⁵ А манушá, савэ лыджáнас Пáвліс, догинэ лэса кэ Афины, и Пáвли дыя припхэныбэ́н лэнгэ ваш Силаскэ и Химоскэ, сыр сашты́ (можно) сыгэды́р тэ явэн кэ ёв.

Дрэ Афины

¹⁶ И пака Пáвли ужакирдя лэн дрэ Афины, ёв дивиндяпэ и пиридживэлас, дыкхí, со дро фóро сыс пхэрдó йдолы. ¹⁷ Палдава́ ёв ракирдя Юдэнца дрэ синагоги и Наюдэнца (дэвлытконэ манушэнца), и пэ форуны́ (плóшча), кажно дывэс ракирдя манушэнца, савэн ёв стрэнинэлас (пирилэлас). ¹⁸ А вари-савэ Эпикуреинэ и Стоиконэ философэндэр гинэ тэ ханпэ лэса дро ракирибэ́н. И вари-савэ пхучнэ: “Со дава́ балвалитко ману́ш камэ́ла тэ пхэнэл?” А явир ракирдэ: “Ёв, здэлапэ, роспхэнэла пал чужонэ наамарэ дэвлэндэ?” – пал-дова́ со Пáвли роспхэнэлас лэнгэ бахталы́ зан (звесь) пал Христосóстэ и Лэскиро отджидыибэ́н мулэндэр ¹⁹ И ёнэ яндлэ Пáвліс дро Ареопаго и пхэндлэ: “Ци сашты́ (можно) тэ джинас амэнгэ, савó дава́ исын дасаво нэво́ сыклякирибэ́н, со ту роспхэнэса? ²⁰ Пал-дова́ со дова́, со ту ракирэса, амэ ниэкхвар на шундям; и амэ камаса тэ джинас, со дава́ сарó значынэ́ла?” ²¹ Сарэ Афиняни и манушá, савэ дживдэ одой явирэ ригэндэр, нисоса на залэнаспэ дрэ пэскиро вóльно часо, апрíч дова́, со ракирэна́с, ци шунэна́с вари-савэ нэвипэна́. ²² И, га́да, Пáвли уштыя машкирал Ареопаго и пхэндя: “Афиняны́! Пир сарó мэ дыкха́ва, со тумэ древа́н кутякирэна́ пэскирэ дэвлэн: ²³ кэли мэ псирдём и дыкхцём тумарэ свэ́нта штэ́ты, мэ латхём алта́рэ, пэ савó сыс чхиндлó: “Наджиндлэ Дэвлэскэ.” Пал Адалэстэ, Савэс тумэ на джины́, пригалёна, мэ и камáм тумэнгэ тэ роспхэнав. ²⁴ Дэвэл, Савó создыя́ свéто и сарó, со исын дрэ лэстэ, Ёв, Савó исын Дэвэл болыбнаскэ и пхувьякэ; Ёв на дживэ́ла дрэ кхангирья, савэ кэрдэ манушы́тка вастá. ²⁵ Лэскэ на трэй, соб (кай) манушá тэ дынаринэн (тэ служынэн) Лэскэ пэскирэ вастэнца; Ёв Кокорó дэла сарэнгэ джи́ибэ́н и сарó; ²⁶ и Ёв кэрдя сарó манушы́тко рóдо екхэ манушэ́стыр, соб (кай) манушá тэ дживэн пир сарí пхув; Дэвэл выкэдыя́ ваш сарэ манушэнгэ часо и штéто ваш джи́ибэ́н пэ пхув, ²⁷ соб (кай) манушá тэ родэн, тэ камэн тэ явэн пашылэды́р кэ Ёв и тэ латхэн Лэс, пал-дова́ со Ёв исын на́дур амэндэр: ²⁸ со амэ дрэ Лэстэ дживаса и псираса и амэ сам, сыр вари-савэ и тумарэ поэты́ пхэндлэ: ‘Амэ адякэ-паць бияндыям Лэ́стыр’. ²⁹ И ко́ли амэ бияндыям Лэ́стыр, тэды амэнгэ на трэй тэ думинас, со дава́ исын Дэвэл, ци савó исын кэрдó сувнака́стыр ци рупэ́стыр, ци барэ́стыр, савó исын кэрдó манушы́тконэ вастэнца и пир манушы́тко годы́. ³⁰

Палдава Дэвэл промэкця дова часо, кели амэ на джиндям чачипэн, а Дэвэл каканэ ракирэла сарэ манушэнгэ пир саро свэто, соб (кай) ёнэ тэ рискирэн пэскиро джибэн кэ Дэвэл,³¹ пал-дова со Ёв выкэдыя дывэс, кели Ёв явэла тэ сэндякирэл свэто чачунэ сэндоса пир Манушэстэ, Савэс Ёв выкэдыя, Ёв сыкадя дава выкэдыибэн сарэ манушэнгэ, кели отджидякирдя Лэс мулэндэр.”³² И кели ёнэ шундлэ пал отджидякирибэн мулэндэр, вари-савэ лэндэр сандлэпэ, а явир пхэндлэ: “Амэ яваса тэ шунас пал дава тут явир мо́ло.”³³ И Павли гия криг лэнгирэ скэдыибнастыр.³⁴ А вари-савэ мануша пиригинэ пэ Павлискири риг и патяндынэ; машкир лэндэ сыс Дионисиё, Ареопагоскиро барыдыро, и джувлы, савья кхардэ Дамарь, и явир мануша.

Шэрó 18

Дро Коринфо

¹ Палó дава Павли гия Афинэндэр, и явдя дро Коринфо; ² кай ёв стрэниндя (пирилыя) Юдос, савэс кхардэ Акила, и савó бияндыя дрэ Понтия, и ёв нагара явдя Италиятыр пэскирэ ромняса Прискиласа (пал-дова со Клавдио припхэндя сарэ Юдэнгэ тэ джэн Римостыр); кэ ёнэ и явдя Павли, ³ а сыр лэндэ сыс екх буты Павлиса, ёнэ судэ шатры, и палдава Павли яцяпэ лэса тэ кэрэл буты. ⁴ И кажно савато (субóта) ёв ракирдя дрэ синагога и допхэнэлас, сыр Юдэнгэ, адякэ и Грекэнгэ (Баламэнгэ). ⁵ Нэ кели Сила и Хима явнэ Македониятыр, Павли отдыя сарó пэскиро часо, соб (кай) тэ допхэнэл Юдэнгэ, со Исусо исын Христóсо. ⁶ Нэ пал-дова со ёнэ сыс проти и кошнэ лэс, тэды ёв тринскирдя пэскирэ йди и пхэндя лэнгэ: “Рат тумарó мэк тэ явэл пэ тумарé шэрэ: мэ сом жужó; и каканэ мэ джава кэ Наюды.” ⁷ И Павли гия одотхыр и явдя дро дэвлытконэ – манушэскиро кхэр, савэс кхардэ Юста, кон дживдя пашыл синагога. ⁸ А Криспо, синагогакиро барыдыро, патяндыя дрэ Дэвлэстэ сарэнца пэскирэ кхэритконэнца; и бут Коринфяни, савэ шундлэ Павлис, патяндынэ и болдэпэ. ⁹ Экхвар раты дрэ дыкхибэн Рай Дэвэл пхэндя Павлискэ: “На андырша, а ракир, и на яв штыл тэ ракирэс, ¹⁰ палдова со Мэ сом туса, и никон на кэрэла тукэ чорипэн; Мэндэ исын бут чачунэ мануша дрэ дава фóро.” ¹¹ И Павли сыс одой бэрш и шов чхонэ, сыклякири Дэвлэскиро лав лэнгэ. ¹² Кели дрэ Ахая сыс балунитко (проконсуло) Галионо, Юды газдынэпэ проти Павлистэ и яндлэ лэс пэ сэндо, ¹³ ракири: “Адава мануш сыклякирэла тэ патян Дэвлэскэ на пир Закóно.” ¹⁴ Кели Павли кэдыяпэ тэ откэрэл муй, тэды Галионо пхэндя Юдэнгэ: “Кóли кадава мануш тэ кэрэл вари-савó сэндытко проштавибэн (преступлениё) ци чорипэн, тэды, Юды, мэ вышуналас тумэн; ¹⁵ а, кóли машкир тумэндэ джала кошыбэн пал лавэ и кхарибэна и пал тумарó Закóно, тэды роскэдэнпэ кокорé, мэ на камам тэ явав сэндари дро дава рэндо.” ¹⁶ И ёв традыя лэн криг сэндостыр. ¹⁷ И сарэ ухтылдэ Сосфенос, синагогакирэс барыдырэс, и мардэ лэс ангил сэндо. Галионоскэ ж на сыс кэ дава нисавó рэндо.

Рисибэн дрэ Антиóхия

¹⁸ Павли сыс бут дывэсá дро Коринфо, тэньчи ёв розяцяпэ пшалэнца и традыя кэ Сирия, а кхэтанэ лэса гинэ Прискила и Акила, нэ ангил традыпэн Павли обчхиндя балá дрэ Кенхрея, соб (кай) тэ кэрэл пир совлах; ¹⁹ тэды ёнэ явнэ дрэ Ефесо, одой Павли ячкирдя Прискила и Акилас. Ёв кокорó ж гия дрэ синагога и лыя тэ ракирэл Юдэнца. ²⁰ Ёнэ мангнэ лэс, соб (кай) ёв бутыр тэ ячэлпэ кхэтанэ лэнца, нэ ёв отпхэндяпэ, ²¹ а розяцяпэ лэнца и пхэндя: “Мангэ трэй тэ явав пэ свэнко, савó сыг явэла, дро Ерусалимо; мэ рисёвава кэ тумэ, кóли пэ дава явэла Дэвлэскиро воля, и кокорó традыя Ефесостыр.” ²² Кели Павли явдя дрэ Кесария, ёв загия дро Ерусалимо, пхэндя “раманэ” дэвлытконэнгэ дрэ штэтытко кхангирй, и гия дрэ Антиóхия. ²³ Ёв сыс вари-савó часо дрэ Антиóхия, и гия одотхыр пир сарй Галатиякири риг и Фиргия, и подрикирэлас патяибнаскирэн.

Аполосо дро Ефесо и Коринфо

²⁴ Дрэ дова́ часо явдя́ дро Ефесо екх Юдо, Александриятыр и лэс кхардэ́ Аполосо, ёв мишто́ ракирдя́ и мишто́ джидя́ Свэ́нто Чхиныбэ́н. ²⁵ Ёв джидя́ Ра́скирэ-Дэвлэ́скиро Дром и ракирдя́ барэ́ Духо́скирэ патыва́са, ёв роспхэнэ́лас и сыклякирдя́ саро́ чачипэ́н пал Исусо́стэ, а кокоро́ ёв джидя́ екх Ианоскиро́ болдэ́ипэн. ²⁶ Аполосо му́ршканэ́с лыя́ тэ ракирэ́л дрэ́ синаго́га. Кéли Аки́ла и Приски́ла шундлэ́ лэс, ёнэ́ кхардэ́ лэс кэ́ пэ, и пириды́нэ фэдэ́дыр лав дро́ лав Дэвлэ́скиро Дром. ²⁷ И кéли ёв кэ́дыяпэ́ тэ джал дрэ́ Ахайя́, пша́ла бичхадэ́ лы́л долэ́ штэ́тоскирэ́ сыкляибны́тнытконэ́нгэ, соб (кай) ёнэ́ лэс тэ́ прилэ́н; кéли Аполосо́ явдя́ одори́к, ёв помогиндя́ (дыя́ васт) бут одолэ́нгэ, кон патя́ндыя́ пир Дэвлэ́скиро бахталы́пэн. ²⁸ Пал-дова́ со ёв барэ́ зорья́са и ангил сарэ́ндэ́ патя́кирэ́лас Юдэ́н и допхэнэ́лас Свэ́нтонэ́ Чхиныбна́стыр, со Исусо́ исын Христо́со (Месия́).

Шэро́ 19

¹ И сыс ады́кэ: дро дова́ часо (цы́ро), кéли Аполосо́ сыс дро Коринфо́, Па́вли, прогии́ бэ́ргитка штэ́ты, явдя́ дрэ́ Ефесо, и кéли ёв латхя́ одо́й вари-ки́цы сыкляибны́тконэ́н, ² то пхэ́ндя́ лэ́нгэ: “Ци прилы́нэ́ тумэ́ Свэ́нто Ду́хо (Фа́но), кéли тумэ́ упатя́ндлэ́?” Нэ́ ёнэ́ отпхэ́ндлэ́ лэ́скэ: “Амэ́ и на шундя́м, со исын Свэ́нто Ду́хо (Фа́но).” ³ Тэ́ды Па́вли пху́ця лэ́ндыр: “Дро саво́ болдэ́ипэн тумэ́ болдэ́пэ?” Ёнэ́ отпхэ́ндэ: “Дро Ианоскиро́ болдэ́ипэн.” ⁴ И пхэ́ндя́ Па́вли: “Иа́но болдя́ болдэ́ипна́са ваш риско́рибэ́н кэ́ Дэвэ́л, ёв ракирдя́ манушэ́нгэ тэ́ патя́н дрэ́ Одо́лэ́стэ, Кон банго́ тэ́ явэ́л пал лэ́стэ, дрэ́ Исусо́стэ Христо́состэ.” ⁵ Кéли ёнэ́ шундлэ́ пал дава́, ёнэ́ болдэ́пэ́ дро Дэвлэ́скирэ-Исусо́скиро лав. ⁶ И кéли Па́вли чху́дя́ васта́ упрэ́ пэ́ лэ́ндэ, пэ́ лэ́ндэ́ гия́ тэ́лэ́ Свэ́нто Ду́хо (Фа́но), и ёнэ́ лы́нэ́ тэ́ ракирэ́н пэ́ яви́р чиба́ (чибья́) и тэ́ ракирэ́н, со явэ́ла ангил. ⁷ Ёнэ́ сарэ́ сыс мануша́ пашэ́ дэшуду́й мануша́. ⁸ И кéли Па́влиа́ за́гия́ дрэ́ синаго́га, ёв трин чхо́на́ му́ршканэ́с ракирдя́, допхэнэ́лас манушэ́нгэ и патя́кирэ́лас лэ́н дрэ́ чачипэ́н пал Дэвлэ́скиро Кра́липэ́н. ⁹ Нэ́ кéли вари-савэ́ мануша́ лы́нэ́ тэ́ холя́сон и на патя́ндынэ́, а ко́шнэ́ ангил сарэ́ манушэ́ндэ́ Дэвлэ́скиро Дром, тэ́ды Па́вли я́чкирдя́ лэ́н, скэ́дыя́ сыкляибны́тконэ́н и ка́жно дывэ́с ракирдя́ пэ́ Ти́раноскирэ́-сыкля́дякиро́ штэ́то. ¹⁰ Сыс ады́кэ́ дуй бэ́рш, со сарэ́ мануша́, савэ́ дживдэ́ кэ́ Асия́, шундлэ́ Дэвлэ́скиро лав сы́р Юды́, ады́кэ́ и Гре́ки (Бала́мэ). ¹¹ Дэвэ́л кэ́рдя́ пир Па́влисте́ барэ́ дивы́, ¹² со пэ́ насвалэ́ндэ́ чхувэ́на́с дыкхлэ́ и йди́ лэ́скирэ́ масэ́ндыр, и насвалэ́ндэ́ пи́риячэ́на́с дукха́ и нала́чхэ́ ду́хи джа́на́с кри́г лэ́ндыр. ¹³ Вари-савэ́́ Юдэ́нгирэ́ чо́ваханэ́ ады́кэ́-па́ць пси́рдэ́ и тра́дынэ́ нала́чхэ́ ду́хи Дэвлэ́скирэ-Исусо́скирэ́ лавэ́са, раки́ры: “Засовла́хава́ тут Исусо́са, пал Савэ́сте́ лав пхэ́нэ́ла Па́вли.” ¹⁴ Дава́ сыс Юдэ́нгирэ́ – ра́шангирэ́ бары́дырэ́скирэ́ Скева́скирэ́ охто́ (биду́ёнги́ро дэ́ш) чхавэ́. ¹⁵ Нэ́ на́лачхо́ ду́хо (фа́но) пхэ́ндя́ лэ́нгэ: “Исусо́с мэ́ джино́м, и Па́вли ма́нгэ́ джиднло́, а тумэ́ кон сан?” ¹⁶ И чхурды́япэ́ пэ́ лэ́ндэ́ ману́ш, дрэ́ савэ́сте́ сыс на́лачхо́ ду́хо (фа́но) и домардя́ ады́кэ́ лэ́н, со ёнэ́ нангэ́ и сарэ́ дро́ рат на́шнэ́ долэ́ кхэ́рэ́стыр. ¹⁷ Пал дава́ уджи́ндлэ́ сарэ́́ Юды́ и На́юды́, савэ́́ дживдэ́ кэ́ Ефесо́ и бари́ дар облы́я сарэ́́н лэ́н, и Дэвлэ́скирэ́-Исусо́скирэ́ лавэ́скэ́ барья́кирдэ́́ паты́в. ¹⁸ И бут мануша́, савэ́́ упатя́ндынэ́, явэ́на́с, и прига́лэ́на́спэ́ ангил сарэ́́ндэ́ дрэ́ пэ́скирэ́ рэ́нды. ¹⁹ Нэ́ бут мануша́, савэ́́ англэ́ды́р сыс чо́ваханэ́, я́ндлэ́ пэ́скирэ́ лы́лваря́, и хачки́рдэ́ лэ́н ангил сарэ́́ндэ́. И ёнэ́ подгиндлэ́, ци́ бут ловэ́́ сыс мо́л далэ́́ сарэ́́ лы́лваря́; и вы́гия́, со далэ́́ лы́лваря́ сыс мо́л панджшэ́ла́ тысе́нцы́ (бара́) рупу́вэ́ ловэ́́. ²⁰ Дасавэ́́ зорья́са́ уса́́ бутэ́ды́р мануша́́ уджинэ́на́с и пи́ридэ́на́с Дэвлэ́скиро лав. ²¹ Кéли саро́́ дава́́ кэ́рдя́пэ́́, Па́вли скэ́дыя́пэ́́ пир Свэ́нто Ду́хо (Фа́но) тэ́́ джал дро́́ Еру́сали́мо, про́гии́ Македо́ния́ и Аха́ия, и пхэ́ндя́: “Кори́гэды́р (позжэ́) долэ́́стыр, сы́р мэ́́ ява́ва́ дро́́ Еру́сали́мо, ма́нгэ́́ трэ́́й ады́кэ́́-па́ць тэ́́ дыкха́́в Римо́.” ²² И кéли ёв бичхадя́́ кэ́́ Македо́ния́ пэ́́скирэ́́ дуе́́ манушэ́́н, савэ́́́ лэ́́скэ́́ дэ́́на́с васт, Хи́мас и Ера́стос, ёв ко́коро́́ пэ́́ вари-саво́́ часо́́ я́цяпэ́́ дрэ́́ Асия́. ²³ Дрэ́́ одова́́ часо́́ бут мануша́́ газды́нэ́́ проти́́ Ра́скирэ́-Дэвлэ́скиро́́ Дром. ²⁴ Палдова́́ со́́ екх рупу́на́ри, савэ́́́с кхардэ́́ Митра́́ (Дмитри́ё), кэ́́рдя́́ рупу́нэ́́ мангипны́́тка кхэ́́ра́́ Арте́мидакэ́́ и далэ́́́са ёв дэ́́лас буты́́ манушэ́́нгэ́́ тэ́́ за́кэ́́рэн ловэ́́́, ²⁵ савэ́́́н ёв скэ́́дыя́́ яви́́рэ́́ дасавэ́́́ бутя́́кирэ́́ манушэ́́́нца́́ и

пхэндя: “Малалэ, тумэ джинэна, со далэ бутытыр амэ закэраса лачхэ ловэ; ²⁶ и тумэ ж дыкхэна и шунэна, со на дрэ екх Ефесия, а адякэ-паць пир сарй Асия, сыр адава Павли патякирдя и отрискирдя бутэ манушэн дро пэскиро патяибэн и со дэвэла, савэ кэрдэ манушытка васта, исын на дэвэла. ²⁷ И дава исын дар ваш амэнгэ на дро екх дава, со амарй буты на явэна тэ кутякирэн, нэ и ваш кхангири барэ-дэвэлнякири Артемидакири на явэла тэ гинэлпэ ни дро со, и кокори дэвэлны, савьякэ мануша мангэнапэ дрэ Асия и пир саро свэто хасякирэла пэскиро райкано барипэн.” ²⁸ И кэли ёнэ шундлэ саро дава, ёнэ сарэ лынэ тэ дэн гóдла барэ холяса: “Бари исын Артемида Ефесакири.” ²⁹ И пир саро яця конфузо, мануша ухтылдэ Гаёс и Аристархос, савэ кхэтанэ Павлиса явнэ Македониятыр, и тырдынэ лэн дро тиятро. ³⁰ Нэ Павли камдя тэ выштавэл ангил манушэндэ, нэ лэскирэ сыкляибнытка на домэжнэ лэс; ³¹ адякэ-паць вари-савэ барыдыра далэ ригатыр, савэ сыс Павлискирэ други (мала), бичхадя тэ мангэн лэс, соб (кай) ёв тэ на сыкадёл дро тиятро. ³² Бут мануша на джидлэ, палсо ёнэ явнэ адарик, и палдава дрэ скэдыибэн сыс бизладо и кон пэскэ дыя гóдла. ³³ Юды лынэ тэ трэбинэн, соб (кай) Лександро тэ выджал кэ мануша, савэс ёнэ выкэдынэ и тэ выштавэл. Лександро сыкадя вастэса, соб (кай) мануша тэ шунэн лэс, палдова со ёв камдя тэ пхэнэл лав пал пэстэ ангил манушэндэ. ³⁴ Нэ кэли ёнэ галынэ, со ёв сыс Юдо, тэды лынэ сарэ тэ дэн гóдла дрэ екх зан, и пашэ дуй мардэ (штунды) годлэнас: “Бари исын Артемида Ефесоскири!” ³⁵ Тэды фороскиро барыдыро шылякирдя лэн и пхэндя: “Ефесиянэлэ, кон манушэндэр на джидэла, со амаро форо раххэла кхангири барэ-дэвэляныкири Артемидакири и патрин (образо). ³⁶ Кóли нашты тэ пхэнав вари-со проти саро дава, тумэ сан бангэ (мусинэна) тэ явэн шытл и нисаво фуипэн тэ на кэрэн. ³⁷ Тумэ яндлэ адалэ манушэн, савэ на обчордэ амарй кхангири и савэ на кошнэ тумарья дэвэля. ³⁸ Кóли Митрастэ (Дмитриёстэ) и лэскирэ малэндэ исын пир буты пэ вари-конэстэ рэндо проти вари-конэстэ лэндэр, тэды амэндэ ваш дава исын сэнды, и исын балунитка (проконсулы) дрэ сэнды: мэк тэ джан одорик и тэ жалинэпэ екх пэ екхэстэ. ³⁹ Нэ кóли тумэ родэна вари-со явир, тэды далэ рэндэ явэна тэ роздыкхэпэ пэ манушытко скэдыибэна. ⁴⁰ Пал-дова со амэ могонаса тэ явас бангэ пал ададывэсатуно кошыбэн, и амэнгэ нанэ, дрэ со тэ допхэнас пэскиро набангипэн.” ⁴¹ И далэ лавэнца ёв розмэкця скэдыибэн.

Шэрó 20

Кэ Македóния и Асия

¹ Кэли кошыбэн шытыля, Павли кхардя сыкляибнытконэн, облыя лэн, а кокоро гия дрэ Македония. ² И кэли ёв прогия пир далэ штэты, ёв подрикирдя лэн бутэ лавэнца, и явдя дрэ Греция (Баламия). ³ Павли сыс одой трин чхонэ ангил лэскиро традыпэн кэ Сирия, кэли Юды зракирдэпэ проти лэстэ, и ёв пиридуминдя тэ рисёл палэ пир Македония. ⁴ Лэс лыджанас Сосипатро, Пироскиро чхаво, Вериянино, а Аристархо и Секундо Фесалоникийцэндэр, и Гаё Дервянино и Хима (Тимофее), Тихико Трафимоса Асиятыр. ⁵ Ёнэ прогинэ ангил и ужакирдэ амэн дрэ Троада; ⁶ нэ амэ коригэдыр (позжэдыр) Апреснокэнгирэ Свэнкостыр вытрадыям Филипинэндэр, и пир пандж дывэса явдям кэ ёнэ дрэ Троада, кай самас охто (бидуэнгиро дэш) дывэса.

Павлискиро Палатунó (Последнё) Затрадыпэн кэ Троада

⁷ Дро пэрво куркитко дывэс, кэли амэ скэдыямпэ тэ пхагирас маро, Павли ракирдя лэнца, а пэ явир дывэс ёв кэдэлэспэ тэ джал дро дром. И ёв ракирдя дурэдыр кэ пашрат. ⁸ Дрэ упратуны штуба, кай амэ скэдыямпэ, хачинэ бут яга. ⁹ Пэ фэнштра сыс бэштó тэрнó мануш, савэс кхардэ о Евтихо, адякэ сыр Павлискиро ракирибэн сыс длэнго (гара), Евтихо засуця и пыя тэлэ пэ пхув тритонэ вучыпнастыр (этажостыр), и лэс газдынэ пхувьятыр мулэс. ¹⁰ Павли гия тэлэ, бандия пашыл лэстэ и облыя лэс, пхэни: “На пиридживэн, пал-дова со лэскиро дүхо (фано) исын дрэ лэстэ.” ¹¹ И кэли Павли газдыяпэ упрэ, ёв пхагирдя маро, хая,

и ракирдя лэнца сарі рат кэ/жыко злоко (рэнко), а тэды гия дурэдыр. ¹² А тэрнэ манушэс яндрэ джидэс, и ёнэ сарэ сыс дрэвэн рада.

Троадатыр кэ Милето

¹³ Амэ гиям ангил пэ парма (корабле) и пливиндям (дыям пліма) дро Асо, соб (кай) тэ лас одотхыр Павліс: пал-дова со ёв кокорэ адякэ камдя, ёв кэдыяпэ одотхыр тэ джал пэзал. ¹⁴ Кэли ёв стрэниндяпэ (дыкхцяпэ) амэнца дро Асо, тэды амэ лыям лэс кэ пэ и явдым дрэ Митилина, ¹⁵ И одотхыр пэ явир дывэс амэ традыям дурэдыр и явдым дро Хиосо, а пэ явир дывэс догиям кэ Самосо, и пир явир дывэс притрадыям дро Милето: ¹⁶ пал-дова со Павли задуминдя тэ на затрадэл дро Ефесо, соб (кай) лэскэ тэ на зарикирэлпэ дрэ Асия, пал-дова со ёв камдя, сыр сашты сыгэдыр тэ пэрэл одорик ангил Духоскиро Свэнко дүхо дро Ерусалимо.

Павли Ракирэла Пхурэпшалэнгэ кэ Ефэсо Ангил, Сыр тэ Розячэнпэ

¹⁷ Милетостыр ёв бичхадя манушэн, соб (кай) одолэ тэ кхарэн кхангирьякирэ годэпхурэн. ¹⁸ И кэли ёнэ явнэ кэ ёв, ёв пхэндя лэнгэ: “Тумэ джинэна, сыр мэ англатунэ дывэсэстыр, кэли явдём дрэ Асия, сарэ дава часо сомас тумэнца, ¹⁹ и мэ кандыём сарэскэ, и мэ кэрдём буты ясвэнца ваш Дэвлэскэ, на дыкхы пэ сарэ, со мангэ пригияпэ тэ пиридживав пал Юдэнгиро зракирибэн проти мандэ; ²⁰ и сыр мэ на промэкцём нисо тэ пхэнав лав пал Исусостэ тумэнгэ, со тумэнгэ явэла трэй, и ракирдём ангил сарэндэ и псирдём пир кхэра, ²¹ мэ и сыр ракирдём Юдэнгэ и Грекэнгэ (Баламэнгэ), со ёнэ сыс бангэ (мусиндрэ) тэ рискирэн пэскиро джибэн кэ Дэвэл и тэ патян дрэ Растэ-Дэвлэстэ, амарэ Исусостэ Христосостэ. ²² И, гада, каканэ мэ, сыр Дүхо (Фано) лыджала ман, мэ джава нэ Ерусалимо, и мэ на джином, со одой манца явэла; ²³ а екх Свэнто Дүхо (Фано) пир сарэ форя пхэнэла мангэ пал дова, со ман ужакирэна мёнки и штарибэн. ²⁴ Нэ мэ ни пэ со дава на дыкхава, и мэ на дарава пал пэскиро джибэн, екх мангэ трэй тэ проджав миро дром и тэ кэрав рэндо (дело), саво дыя мангэ Рай Дэвэл, Исусо Христосо, тэ лыджав бахталы зан (звесь) манушэнгэ пал Дэвлэскиро бахталыпэн. ²⁵ И каканэ, гада, мэ джином, со бутыр тумэ на дыкхэна ман сарэ, конэса мэ сомас кхэтанэ и конэскэ мэ пхэндём лав пал Дэвлэскиро Кралипэн. ²⁶ Палдава мэ и ракирава тумэнгэ дава ададывэс, со нанэ мирі банг пал рат, коли кон тумэндыр хасэла, ²⁷ пал-дова со мэ нисо на промэкцём тэ роспхэнав тумэнгэ пал Дэвлэскири воля. ²⁸ И адякэ раххэн пэс и сарэ дэвлытконэ манушэн, савэн Свэнто Дүхо (Фано) чхудя тэ явэн кхангирьякирэ барыдырэнца (дыкхибнаскирэнца), соб (кай) тэ раххэн Дэвлэскири Кхангирі, саві Ёв дорэсця Пэскэ Лэскирэ-Чхавэскирэ Ратэса. ²⁹ Мэ джином, со кэли ман на явэла, кэ тумэ явэна холямэ мануша, сыр рува, савэ на явэна тэ тангинэн (жалинэн) дэвлытконэн; ³⁰ адякэ-паць и машкир тумэндэ явэна мануша, савэ явэна тэ ракирэн хоханэ сыкляибэн, соб (кай) тэ злыджан пал пэстэ сыкляибнытконэн. ³¹ Палдава дыкхэн и раххэнпэ и рипирэн, со мэ на пириячавас тэ сыклякирав кажнэс тумэндыр сарэ трин бэрш а раты и дывэсэ ясвэнца. ³² И каканэ, мэ пиридава тумэн Дэвлэскэ и Лэскирэ бахтыкирибнаскирэ лавэскэ, савэ явэла тэ зорьякирэл тумэн и дэла джибэн кхэтанэ свэнтонэнца. ³³ Мэ никонэстыр на камдём тэ лав ни руп, ни сувнакай, ни идя. ³⁴ Тумэ кокорэ джинэна, со мэ пэскирэ вастэнца закэравас пэ джибэн пэскэ и одолэ манушэнгэ, савэ сыс манца. ³⁵ Дро сарэ, со мэ тэ на кэрав, мэ сыкадём тумэнгэ, со амарі буты исын дро дова, соб (кай) тэ помогинас чорорэнгэ, и тэ рипирас Рэскирэ-Дэвлэскирэ Исусоскирэ лавэ; савэ Ёв Кокорэ пхэндя, со мануш, савэ дэла, явэла бахталэдыр одолэстыр, савэ лэла. ³⁶ Кэли Павли пхэндя дава, ёв тэрдия пэ чангэ кхэтанэ сарэнца и мангдяпэ Дэвлэскэ сарэнца. ³⁷ И ёнэ сарэ рондрэ, облэнас лэс и обчамудэнас, ³⁸ и ёнэ дрэвэн пиридживэнас пал лэскирэ лавэ, савэ ёв пхэндя, со ёнэ бутыр ниэкхвар на дыкхэна лэс. И ёнэ лыджинэ лэс пэ парма (кораблэ).

Шэрó 21

Пáвли Традэла кэ Ерусалимо

¹ И кэли амэ розяцямпэ лэнца, тэды амэ отплывиндям (дыям пліма крйг) и мамуй явдям дро Косо, и пэ явйр дывэс амэ самас кэ Родосо, и одотхыр дьямпэ кэ Патара. ² Одой амэ латхям парма (кораблэ), савй гйя дрэ Финикия, бэсцям пэ латэ и традыям пэ латэ дурэдыр. ³ Амэ протрадыям (нахцям) Кипро, и ячкирдым ла пир зэрво (лёво) риг, и дурэдыр традыям дрэ Сирия и дрэ Тиро подтрадыям кэ брэго, пал-довá со адай трэиндя тэ злэл пармáтыр пхарипэн (грузо). ⁴ И кэли одой амэ латхям сыкляибнытконэн, тэды яцямпэ лэнца охто (бидуэнгиро дэш) дывэсá, а ёнэ, пир Духоскиро упхэныбэн, ракирдэ Павлискэ, соб (кай) ёв тэ на джал дро Ерусалимо. ⁵ Нэ кэли амарэ дывэсá кончындрлэпэ, амэ традыям дурэдыр, и сарэ сыкляибнытка пэскирэ ромнэнца и чхавэнца лыджинэ амэн пал форо. А пэ брэго амэ тэрдиям пэ чанга и мангдымпэ Дэвлэскэ. ⁶ Амэ розяцямпэ екх екхэса и бэсцям пэ парма, а ёнэ рисинэ кэ пэ кхэрэ. ⁷ Тиростыр амэ явдям дрэ Птолемаида, одой амэ пхэндям “рамáнэ” (миро) и дыкхцямпэ пшалэнца и самас лэндэ екх дывэс. ⁸ Пэ явйр дывэс амэ явдям дрэ Кесария, и загиям дрэ Филипоскирэ – евангелистоскиро кхэр, екхэ эфта дьяконэндыр, и яцямпэ лэстэ. ⁹ Лэстэ сыс напалоромитка патывалэ штар чхая, савэ ангилпхэнэнас. ¹⁰ Амэ одой самас бут дывэсá, и дрэ дова часо Юдэятыр явдя пророко, савэс кхардэ Агаво, ¹¹ и ёв подгйя кэ амэ и лыя Павлискири кустык, пхандя пэскэ гэрá и вастá и пхэндя: “Адйкэ ракирэла Свэнто Духо (Фáно)”, – манушэс, конэскири исын дая кустык, адйкэ пхэндэна Юды лэс дро Ерусалимо и отдэна лэс дрэ вастá Наюдэнгэ.” ¹² Кэли амэ шундым дава, тэды амэ, и сарэ штэтытка, лыям тэ мангас Павлис тэ на джал дро Ерусалимо. ¹³ Нэ Пáвли отпхэндя: “Со тумэ кэрэна? Соскэ тумэ ровэна и кушэна миро илó? Мэ камáм тэ явав на со пхандло, нэ и тэ мэрав дро Ерусалимо пал Дэвлэскирэ-Исусоскиро лав. ¹⁴ Кэли амэ галыям, со на могонаса лэс тэ отракирас, амэ пирияцям лэс тэ отракирас и пхэндям: “Мэк дро сарó тэ явэл Дэвлэскири воля.” ¹⁵ Палó дава часо, савó амэ самас лэндэ, амэ кэдыямпэ и гиям дро Ерусалимо. ¹⁶ Амэнца гинэ вари-савэ сыкляибнытка Кесариятыр, ёнэ яндлэ амэн дро кхэр кэ Мнасоно Киприянино, ёв сыс екх гаратунэ сыкляибнытконэндыр.

Пáвли Джáла тэ Дыкхэлпэ Яковóса

¹⁷ Кэли амэ явдям дрэ Ерусалимо, пшáла прилынэ амэн радымáса. ¹⁸ Пэ явйр дывэс амэ Павлиса явдям кэ Яково, одой скэдынэпэ сарэ кхангирьенгирэ годэпхурэ. ¹⁹ Пал дава, сыр Пáвли дыя “добридим” лэнгэ, ёв лыя тэ роспхэнэл сарó пал дова, со Дэвэл кэрдя машкйр Наюдэндэ пир лэскиро дынарибэн. ²⁰ Кэли ёнэ вышундрлэ лэс, ёнэ прославиндрлэ Дэвлэс, нэ коригэдыр (позжэ) ёнэ пхэндлэ Павлискэ: “Ту дыкхэса, пшáла, со бут тысёнцы Юды лынэ тэ патян, и сарэ ёнэ шылалэс рахэна Мойзаскиро Закóно; ²¹ лэнгэ роспхэндлэ пал дова, со ту сыклякирэса сарэн Юдэн, савэ дживэна машкйр Наюдэндэ, тэ отджан Мойзаскирэ Законóстыр, соб (кай) ёнэ бутыр тэ на обчхинэн пэскирэ чхаворэн и тэ на дживэн пир амарó сыкляибэн. ²² Со амэнгэ тэ кэрáс? Давá трэй тэ джйнэс, со кэдэнапэ бут манушá, сыр шунэна пал дова, со ту явдын. ²³ Палдава, кэр дова, со амэ тукэ пхэнаса: исын амэндэ штар манушá, савэндыр исын пэ пэстэ совлэх; ²⁴ лэ лэн, и прилэ кхэтанэ лэнца жужакирибэн и заплэскир пал лэндэ, соб (кай) ёнэ тэ обмуравэн пэскэ шэрó, тэды сарэ уджинэна, со сарó, со ракирдэ пал тутэ, на чачипэн, и со ту кокорó дживэса пир Закóно. ²⁵ А пал дэвлытконэ Наюдэндэ амэ лэнгэ чхиндым, со лэнгэ сыс нашты тэ на хан дова хабэн, савó янэна сыр свэнто дыибэн идолэнгэ, и рат, адйкэ-паць и мас мурдалэндыр, савó исын затасадо и тэ на кэрэн биладжаипэн.” ²⁶ Тэды Пáвли лыя одолэн манушэн и кхэтанэ лэнца прилыя жужакирибэн, нэ пэ явйр дывэс ёв загйя дрэ Кхангирй и пхэндя, кэли проджана (нахэна) жужакирибнаскирэ дывэсá и пал кажнóнэстэ лэндыр явэла яндло свэнто дыибэн.

Павліс Лэна дрэ Кхангирі

²⁷ Кэлі далэ эфті дывэса кончындрлэпэ, Юды Асиятыр дыкхнэ лэс дрэ Кхангирі, и газдынэ манушэн и ухтылдэ лэс, ²⁸ и лынэ тэ дэн гóдла: “Израилёскирэ Муршáлэ! Дэн васт! Давá исын кадава мануш, савó сарэн и пир сарó свэто сыклякирэла проти амарэ манушэндэ, проти Закóно, и проти дава штэто; априч сарó ёв и Грекэн (Баламэн) яндя дрэ Кхангирі и магирдя дава свэто штэто.” ²⁹ Пал-дова со ёнэ англэдыр дыкхнэ Трафимос Ефесянинос кхэтанэ Павлиса дрэ фóро: ёнэ думиндрлэ, со Пáвли яндя лэс дрэ Кхангирі. ³⁰ Дрэ фóро газдыпэ бизладо и скэдынэпэ бут манушá; и ёнэ ухтылдэ Павліс, тырдынэ яврі Кхангирьятыр, и дрэ дова-паць часо чхакирдэ вударá. ³¹ Ёнэ камлэ тэ замарэн лэс, кэли халадэнгирэ – тысёнцэнгирэ барыдырэскэ пиридынэ зан (звесь) пал дова, со пир сарó фóро манушá кэрэна бизладо. ³² Ёв дро дова-паць часо, лыя халадэнгирэн барыдырэн и халадэн и гия пэ лэндэ. Кэли ёнэ дыкхнэ тысёнцэнгирэ барыдырэс и халадэн, то пириячнэ тэ марэн Павліс. ³³ Тэды барыдырó подгія, закэдыя лэс и припхэндя тэ пхандэн лэс дуге зандирьенца, ёв пхуця манушэндир, кон ёв сыс и со ёв кэрдя? ³⁴ Манушá, кон пэскэ дынэ гóдла, и адякэ, сыр пир дасаві гóдла, ёв нисó на могоиндя тэ уджинэл, припхэндя тэ лыджан лэс дрэ казарма. ³⁵ Кэли ёв сыс пэ ‘гэруня (ступеньки), халадэнгэ приявдяпэ тэ лыджан Павліс, манушá на дэнас лэнгэ тэ проджан. ³⁶ Пал-дова со бут манушá гинэ палал, и дынэ гóдла: “Мэрибэн лэскэ!”

Пáвли Пхэнэла Лав пал Пэстэ

³⁷ Ангил дова, сыр тэ заджал дрэ твэрдыма (диз), Пáвли ракирэла тысёнцэнгирэ барыдырэскэ: “Ци сашты (можно) мангэ тэ пхэнáв вари-со тукэ?” И одова пхэндя: “Ту джінэса Грекитко (Баламитко) чиб?” ³⁸ Адякэ, со ту на сан одова Египтянино, савó нагара газдыя и лыджия пэса пэ чхучі пхув штар тысёнцы розмарибнарьен?” ³⁹ Нэ Пáвли отпхэндя: “Мэ сом Юдо, Тарсянино, мануш Киликиякирэ барэ форóстыр; и мэ мангáва тут тэ дэс воля мангэ тэ пхэнáв манушэнгэ.” ⁴⁰ Кэли тысёнцэнгиро барыдырó дыя воля лэскэ тэ ракирэл, Пáвли тэрдия пэ стылба (лесвица), сыкадя вастэса манушэнгэ, соб (кай) ёнэ тэ шунэн; и, кэли сарэ ячнэ штыл, ёв лыя лэнгэ тэ ракирэл пэ Юдытко чиб, ракирі:

Шэрó 22

¹ “Муршáлэ, пшалáлэ, дадолэ! Шунэн каканá миро лав тэ чачакирав (тэ опрадынав) пэс ангил тумэндэ.” ² Кэли манушá шундрлэ, со ёв лыя тэ ракирэл лэнца Юдыткэс, ёнэ лынэ тэ явэн штылэдыр. ³ И ёв пхэндя: “Мэ сом Юдо, бияндыём дро Киликиякиро Тарсо, а выбаріём мэ дрэ дава фóро, мэ сом лачхэс высклякирдо дрэ амарэ дадэнгиро и выставиндрлэ пашыл Гамалиилогэ дро Закóно, и адякэ-паць мэ патява дрэ Дэвлэстэ, сыр и сарэ тумэ ададывэс; ⁴ мэ кэрдём бипатыв (здекиндёмпэ) пэ манушэндэ, савэ гинэ далэ дромэса, пхандавас и чхуавас дрэ штарибэн муршэн и джувлэн; ⁵ дава сарэскэ исын якхйтка, пэрво рашангиро барыдырó, сарó пхурыдырэнгиро скэдыибэн, савэндир мэ дорэсцём (лыём) лыл пшалэнгэ, савэ дживэна кэ Дамáско, мэ гиём одорік ваш дова, соб (кай) тэ закэдав кодолэн манушэн дрэ састыра и тэ янав лэн дро Ерусалимо пэ мэньки.

Пáвли Ропхэнэла, Сыр Ёв Упатяндия

⁶ И сыс дава сарó адякэ: кэли мэ гиём пир дром одорік и пашыл подгиём кэ Дамáско, сыс дава дро пашдывэс, сыр болыбнастыр зазияндя пашыл мандэ барó дуд (свэто). ⁷ Мэ пыём пэ пхув и шундрлэ зан, саві ракирдя мангэ: “Сáвле, Сáвле! Сóскэ ту Ман традэса?” ⁸ И мэ отпхэндём: “Кон Ту сан, Раё Дэвла?” И Ёв отпхэндя мангэ: “Мэ сом Исусо Назареё, Савэс ту традэса.” ⁹ Манушá, савэ сыс манца, дыкхнэ свэто, нэ ёнэ на шундрлэ зан Одолэскири, Кон мангэ ракирдя. ¹⁰ И мэ пхэндём: “Раё Дэвла! Со мангэ тэ кэрáв?” Рай Дэвлэ пхэндя

мангэ: “Уштý и джá дро Дамáско и одóй тýкэ пхэнэна сарó, со явэла трэй тýкэ тэ кэрэс.” ¹¹ Нэ сыр мэ одолэ ярконэ дудэстыр корориём, тэды манушá, савэ сыс манца, яндлэ пал васт ман дро Дамáско. ¹² И одóй сыс екх мануш, савэс кхардэ Анания, ёв дарэлас Дэвлэстыр пир Закóно, а сарэ Юды, савэ дживдэ одóй, кутякирдэ лэс, ¹³ и ёв явдя кэ мэ и пхэндя мангэ: “Сáвле, Пшáла, дыкх!” И дрэ дова-паць часо (моменто), мэ яцём тэ дыкхáв и дыкхцём лэс. ¹⁴ И ёв пхэндя мангэ: “Дэвэл амарэ дадэнгиро выкэдýя тут, соб (кай) ту тэ уджинэс Лэскири воля и тэ дыкхэс чачунэс и тэ шунэс лавá, савэ Ёв кокорó тýкэ пхэнэла, ¹⁵ пал-дова со ту явэса якхйтко Лэскэ ангил сарэ манушэндэ пал дова, со ту дыкхцýн и шундýн. ¹⁶ И со ту каканá ужакирэса? Уштý, джá тэ прилэс болдэипэн, и соб (кай) тэ морэмпэ криг грéхи тырэ, кэли помангэсапэ Дэвлэскэ ваш Рáскирэ-Дэвлэскиро, Исусóскиро лав.”

Дэвэл Бичхадя Павлис кэ Нáюды

¹⁷ И кэли мэ рисиём дро Ерусалимо и мангдёмпэ дрэ Кхангири, мэ явдём дро дивно пиридживибэн и мангэ сыс дыкхибэн, ¹⁸ кэли мэ дыкхцём Рас-Дэвлэс, Савó пхэндя мангэ: “Сыгэдýр джá криг Ерусалимóстыр, пал-дова со адай на прилэна тырó допхэныбэн пал Мándэ.” ¹⁹ И мэ пхэндём: “Раё Дэвла! Адалэ манушá джинэна, со мэ чхудём дро штарибэн и мардём дрэ синагоги одолэн, кон патýла дрэ Тýтэ; ²⁰ и кэли чхувэлáспэ рат тырэ-якхитконэскирэ Стехваноскиро, мэ кокорó одóй сóмас тэрдó, и подрикиравас лэскиро марибэн, мэ адýкэ-паць раххцём лэскирэ – умарибнарьенгирэ йди.” ²¹ И Ёв пхэндя мангэ: “Джá, пал-дова со Мэ бичхавáва тут дур кэ Нáюды.” ²² Кэ дава лав манушá шундлэ Павлис, нэ сыр ёв адýкэ пхэндя, ёнэ лынó тэ годлэн: “Лэс трэй тэ злыджас свэтóстыр, адасавэскэ нашты тэ дживэл.” ²³ И кэли ёнэ дэнас гóдла, ёнэ тринскирдэ пэскирэ иденца и чхурдэнас упрé прáхо дро фáно (воздухо). ²⁴ И тысёнцэнгиро барыдырó пхэндя тэ лыджán Павлис дро штарибэн и припхэндя тэ марэн лэс чхупняса, соб (кай) тэ джинэн, сóскэ манушá адýкэ пэ лэстэ исын холямэ. ²⁵ Кэли лэс припхэндэнас, соб (кай) тэ марэн, Пáвли пхэндя шэлэнгирэ барыдырэскэ, савó сыс тэрдó пашýл: “Ци сашты тумэнгэ тэ марэн Римóскирэ манушэс би сэндоскиро?” ²⁶ Кэли дава шундя шэлэнгиро барыдырó, ёв гия и роспхэндя тысёнцэнгирэ барыдырэскэ, пхэни: “Со ту кэдэсапэ тэ кэрэс? Кадава исын Римоскиро мануш.” ²⁷ Тэды тысёнцэнгиро барыдырó выгия кэ Пáвли и пхуця лэстыр: “Пхэн мангэ, ци чачó, со ту сан Римоскиро мануш?” Ёв пхэндя: “Чачó.” ²⁸ И тысёнцэнгиро барыдырó пхэндя: “Соб (кай) тэ ячав Римóскирэ манушэса, мангэ приявдяпэ тэ плэскирав барé ловз.” Пáвли отпхэндя: “А мэ бияндыём Римóскирэ манушэса.” ²⁹ Тэды одолэ манушá, савэ кэдынэпэ тэ допхучэн лэстыр, ураз гинэ; а тысёнцэнгиро барыдырó страхадыя, сыр уджиндя, со ёв запхандя дрэ састырэ кодолэс, савó сыс Римоскиро мануш.

Пáвли исын Ангил Синедрионо

³⁰ И пэ явир дывэс, ёв закамдý тэ джинэл, дрэ со Юды бангякирэнас лэс и ёв злыя лэстыр састырэ и припхэндя ваш дава сарэ рашáнгирэ барылырэнгэ и сэндарьенгэ (Синедрионоскэ) тэ скэдэнпэ, и кэли яндя Павлис, чхудя лэс ангил лэндэ.

Шэрó 23

¹ Пáвли дыкхця мамýй пэ манушэндэ, савэ кэдынэпэ, и пхэндя: “Муршáлэ, пшалáлэ, дадолэ! Мэ лачхэ и чачунэ илэса дживдём пэскиро джибэн ангил Дэвлэстэ кэ/жýко ададывэсатуно дывэс.” ² Нэ рашáнгиро барыдырó Анания припхэндя манушэнгэ, савэ сыс тэрдэ пашýл Павлистэ тэ марэн лэс пир уштá. ³ Тэды Пáвли пхэндя лэскэ: “Дэвэл явэла тэ марэл тут, вáнта подмакны ту сан! И бэштó ту сан одóй, ваш дова, соб (кай) тэ сэндякирэс ман пир Закóно, а кокорó ту кэрэса на пир Закóно, кóли припхэнэса тэ марэн ман?” ⁴ Одолэ, кон сыс тэрдó пашýл Павлистэ, пхэндлэ лэскэ: “Ту кошэса Дэвлэскирэ-рашáнгирэ барыдырэс.” ⁵ И Пáвли отпхэндя: “Мэ на джиндём, пшалáлэ, со ёв исын рашáнгиро барыдырó, пал-дова со

дро Свѣнто Чхиныбѣн ракирѣлапэ: ‘На кош манушѣнгирѣ барыдырѣс.’”⁶ Нэ Пáвли джидѣ, со екх паш лѣндыр сыс Садукеи, а явѣр паш Фарисѣи, палдава́ ѣв лыя зоралѣс тѣ ракирѣл Синедрионоскѣ (сѣндоскирѣ скѣдыбнаскѣ): “Пшалалѣ мирѣ! Мѣ сом Фарисѣѣ, чхавѣ Фарисѣѣскиро; и сѣндинѣна ман пал миро лачхѣ ужакирибѣн дро отджидыибѣн мулѣндыр.”⁷ Кѣли ѣв пхѣндѣ дава́, машкѣр Фарисѣендѣ и Садукеендѣ выгѣя кошыбѣн, и манушѣ Скѣдыбнастыр розгинѣпѣ пѣ дуй ригѣ.⁸ Пал-дова́ со Садукеи ракирѣна, со нанѣ отджидыибѣн мулѣндыр, ни Янголѣн, ни дѣхо (фáно); а Фарисѣи патѣяна дрѣ сарѣ дава́.⁹ И газдыяпѣ бари гѣдла, и уштынѣ лылварѣтка Фарисѣѣнгирѣ ригѣтыр и лынѣ тѣ ракирѣн: “Амѣ нисавѣ чорипѣн на латхям дрѣ адалѣ манушѣстѣ; кѣли дѣхо (фáно) ци Янголѣ ракирдѣ лѣскѣ?”¹⁰ Нѣ адѣкѣ, сыр кошыбѣн яцѣ барѣдыр, тѣды тысѣнцѣнгиро барыдырѣо страхадыя, соб (кай) ѣнѣ тѣ на роскушѣн Павлѣс, и припхѣндѣ халадѣнгѣ тѣ джѣн и тѣ лѣн лѣс одотхѣр зорѣяса и тѣ отлыджан дро штарибѣн.¹¹ Дрѣ явѣр рат кѣ ѣв явдѣ Рай Дѣвѣл и пхѣндѣ: “Яв муршканѣ; пал-дова́ со сыр ту сáнас Миро якхѣтко дро Ерусалимо, адѣкѣ-пацѣ ту явѣса якхѣтко и дро Римо.”

Зракхибѣн Проти Павлѣскиро Джиибѣн

¹² Кѣли яцѣ дывѣс, Юды зракирдѣпѣ машкирѣл пѣстѣ и дынѣ совлѣх, тѣ на хан и тѣ на пѣен, пака ѣнѣ замарѣна Павлѣс.¹³ Дро дава́ зракирибѣн сыс бутѣр, сыр штардѣшѣ манушѣ,¹⁴ и ѣнѣ явнѣ кѣ рашѣнгирѣ барыдырѣа и кѣ годѣпхурѣ и пхѣндлѣ: “Амѣ дыям пѣскѣ совлѣх тѣ на хас нисѣ, пака амѣ замараса Павлѣс.¹⁵ Тумѣ и сѣндоскиро скѣдыибѣн мангѣн тысѣнцѣнгиро барыдырѣс, соб (кай) тѣ янѣн лѣс кѣ тумѣ, сѣрбы ваш дова́, соб (кай) фѣдѣдыр тѣ роздыкхѣс лѣскиро рѣндѣ, а мѣ явѣса тѣ тѣрдѣвас пѣ стрѣга и дѣса мулѣ (мулякираса) лѣс англѣдыр, сыр ѣв доджѣла адарѣк.”¹⁶ Кѣли пал дава́ зракирибѣн шундѣ Павлискирѣ – пхѣнякиро чхавѣ, ѣв явдѣ дро штарибѣн и роспхѣндѣ лѣскѣ и пал дава́.¹⁷ Тѣды Пáвли кхардѣ екхѣ шѣлѣнгирѣ барыдырѣс и пхѣндѣ лѣскѣ: “Лѣджа кадалѣс тѣрнѣ манушѣс кѣ тысѣнцѣнгиро барыдырѣо, пал-дова́ со ѣв камѣла вари-со тѣ пхѣнѣл лѣскѣ.”¹⁸ Одова́ лыджѣя лѣс кѣ тысѣнцѣнгиро барыдырѣо и ракирѣла: “Штарибнаскиро Пáвли, кхардѣ ман и мангдѣ тѣ янав кѣ ту кадалѣ тѣрнѣ манушѣс, савѣ камѣла вари-со тѣ пхѣнѣл тѣкѣ.”¹⁹ Тысѣнцѣнгиро барыдырѣо лыя лѣс пал васт, лыджѣя лѣс дрѣ риг и пхуцѣя: “Со ту дасавѣо камѣса мѣнгѣ тѣ пхѣнѣс?”²⁰ Ёв пхѣндѣ: “Юды скѣдынѣпѣ тѣ мангѣн тут, соб (кай) атасѣя ту тѣ янѣс Павлѣс пѣ скѣдыибѣн, сѣрбы ваш дова́, со ѣнѣ камѣна фѣдѣдыр тѣ роскѣдѣнпѣ дрѣ лѣскиро рѣндѣ.²¹ Нѣ тумѣ на патѣян лѣнгѣ, пал-дова́ со лѣс подракхѣна бутѣр, сыр штардѣшѣ манушѣ, савѣ дынѣ совлѣх тѣ на хан и тѣ на пѣен, пака ѣнѣ замарѣна лѣс; и ѣнѣ каканѣа исын тѣрдѣ пѣ стрѣга и ужакирѣна тырѣо упхѣныбѣн.”²² Тысѣнцѣнгиро отмѣкѣя тѣрнѣ манушѣс, и припхѣндѣ лѣскѣ: “Никонѣскѣ на рѣкир пал дава́, со ту роспхѣндѣян мѣнгѣ.”

Павлѣс Бичхавѣна кѣ Балунѣтко Фѣликсо

²³ И кѣли ѣв выкхардѣ дуѣн пѣскирѣ барыдырѣн и припхѣндѣ лѣнгѣ: “Кѣдѣн дуйшѣлѣ халадѣн тѣ джѣн кѣ Кесарѣя, охтодѣшѣ уклѣстѣ пѣ грѣндѣ и дуйшѣлѣ халадѣ лукѣнѣца пир трин мардѣ коригѣдыр (позжѣдыр) долѣстыр, сыр калѣла яврѣ дрѣ енѣ (биекхѣскиро дѣш) мардѣ (часы).²⁴ И дѣн Павлискѣ ослѣс, соб (кай) ѣв тѣ бѣшѣл уклѣсто/ѣ пѣ лѣстѣ и тѣ янѣн джидѣс лѣс кѣ балунѣтко (правѣтелѣ) Фѣликсо,²⁵ И ѣв чхиндѣ адасавѣо лыл: ²⁶ “Клавдиѣстыр Лѣсиѣстыр Най Фѣдыдырѣскѣ балунѣтконѣскѣ Фѣликсоскѣ, лачхѣ дывѣс! ²⁷ Кадалѣ манушѣс ухтылдѣ Юды и кѣдынѣпѣ тѣ мулякирѣн; мѣ явдѣм халадѣнѣца и зракхѣѣм лѣс, адѣкѣ сыр мѣ уджиндѣм, со ѣв бѣяндыя дро Римо.²⁸ Пал-дова́ со мѣ закамдѣм тѣ уджинав, дрѣ со исын лѣскири банг ангѣл лѣндѣ, мѣ яндѣм лѣс ангѣл лѣнгиро сѣндоскиро скѣдыибѣн;²⁹ и мѣ галѣѣм, со банг лѣскири исын спхандлы лѣнгирѣ Законоса, и со нанѣ дрѣ лѣстѣ нисавѣ банг, соб (кай) ѣв тѣ явѣл мол мѣрибнѣскѣ ци тѣ чхувѣс лѣс дро штарибѣн.³⁰ А сыр мѣ уджиндѣм, со Юды зракирдѣпѣ тѣ мулякирѣн адалѣ манушѣс, мѣ дрѣ дова́-пацѣ часѣо бичхадѣм лѣс кѣ ту и припхѣндѣм манушѣнгѣ, савѣ бангѣкирѣна лѣс, тѣ ракирѣн проти лѣстѣ ангѣл тѣтѣ. Яв састѣо.”

³¹ Палдава халадэ пир упхэныбэн, саво лэнгэ сыс дыно, лынэ Павлис и гинэ раты кхэтанэ лэса дрэ Анципатрида, ³² и пэ явир дывэс, ёнэ бичхадэ халадэн, савэ традынэ уклистэ пэ грэндэ, тэ лыджан Павлис, а кокорэ рисинэ дрэ казарма. ³³ И одолэ, кели явнэ дрэ Кесария, пиридынэ балунитконэскэ лыл и адякэ-паць чхудэ Павлис ангил лэстэ. ³⁴ Балунитко гиндя лыл и пхуця Павлистыр, савэ ёв сыс штэтостыр, и кели ёв уджиндя, со ёв сыс Киликиятыр, тэды пхэндя: ³⁵ “Мэ вышунава тут пхэрдэс, кели адарик явэна мануша, савэ бангякирэна тут.” И ёв припхэндя халадэнгэ тэ рикирэн лэс пэ Иродоскири грэда (двóро).

Шэрó 24

Юды Бангякирэна Павлис Ангил Феликсостэ

¹ Пир пандж дывэса рашангиро барыдырó Анания явдя годэпхурэнца, и вари-савэ слаутнонэ пхарэ-лавэскирэса (оратороса/ритороса) Тертулоса, и ёнэ пхэндлэ пал Павлискири банг ангил балунитконэстэ Феликсостэ. ² Кели ёнэ яндлэ Павлис, о Тертуло лыя тэ допхэнэл Павлискири банг, ракири: “Парикираса тукэ, со, сыр ту яцян балунитконэса, амари риг яця раманёно (мирноо) и яця миштó тэ дживэл и амарэ-манушэнгиро джибэн яця фэдэдыр, пир тырэ паруибэна. ³ Савэ амэ приласа, Най Фэдыдыр Феликсо, дро сарó и пир сарó свэто сарэ парикирибнаса. ⁴ Нэ, соб (кай) тут гарá (длугэс) тэ на кхинякирас, мэ мангава Тут тэ вышунэс набарó мангипэн пир тырó ковло илó. ⁵ Амэ джинаса, со адава мануш исын сырбы франсо и ёв газдэла бунто машкир сарэ Юдэндэ и пир сарó свэто, ёв исын шэралó пир Назареёскири секта; ⁶ ёв камдя тэ магирэл амари Кхангири, палдава амэ лэс зарикирдям и кэдыампэ тэ сэндякирас пир амарó Закóно; ⁷ нэ тысэнцэнгиро барыдырó Лисо явдя и отлыя зорьяса лэс амарэ вастэндыр и бичхадя кэ ту, ⁸ и ёв припхэндя амэнгэ тэ джас и ангил тутэ тэ допхэнас лэскири банг, а кели ту допхучэса лэстыр, ту кокорó явэса тэ джинэс, со амарó допхэныбэн пэ лэстэ исын чачуно” ⁹ И Юды подрикирдэ лэнгиро допхэныбэн, ракири, со сарó дава, со ёнэ ракирдэ пэ лэстэ, сыс чачипэн.

Павли Затэрдэла пал Пэстэ Ангил Феликсостэ

¹⁰ Кели балунитко сыкадя вастэса Павлискэ тэ ракирэл, ёв отпхэндя: “Пал-дова со Мэ джино́м, со ту сан сэндари бут бэрш пэ адалэ манушэндэ, мэ гинава дава пал бари бахт и древан сом радо, со мангэ сашты тэ отпхэнав ангил тутэ пал миро рэндо (дело). ¹¹ Сыр ту могоинэса дава сарó тэ пропатяс, дэшудуй дывэса палэ мэ явдём ваш мангипэн Дэвлэскэ дро Ерусалимо, ¹² и адалэ мануша, савэ ангил тутэ допхэнэна мирí банг, ёнэ ние́кхвар ман на дыкхнэ ни дрэ Кхангири ни дрэ синагога, соб (кай) мэ вари-конэса тэ лыджав чингáрд, ци тэ газдав манушэн пэ бунто дро фóро, ¹³ адякэ-паць ёнэ на могоинэна тэ допхэнэн мирí банг пир рэндо, дро савó ёнэ каканá бангякирэна ман. ¹⁴ Нэ мэ дрэ екх могоинава тэ пригалёвавпэ тукэ, со мэ дынаринава амарэ-дадэнгирэ Дэвлэскэ и джа́ва пир дава Дром, савó ёнэ кхарэна “ересь (секта),” мэ патя́ва сарэскэ, со исын чхиндлó дро Закóно и Прорóки; ¹⁵ и мандэ исын лачхó ужакирибэн Дэвлэстыр, со явэла отджидякирибэн мулэндыр, сыр чачунэн, адякэ-паць и начачунэ манушэн, дова-паць ёнэ и кокорэ ужакирэна. ¹⁶ Ваш дава мэ кокорó дыкха́ва пал дова, соб (кай) мандэ ўса́ды (сак) тэ явэл жужы патыв ангил Дэвлэстэ и манушэндэ. ¹⁷ Коригэдыр (позжэ), сыр гинэ бэрша, мэ явдём дро Ерусалимо, ваш дова, соб (кай) тэ отдав скэдыибнытко дыибэн мирэ манушэнгэ, и соб (кай) тэ янав свэто дыибэн Дэвлэскэ; ¹⁸ тэды ёнэ и латхнэ ман, кели мэ кэрдём жужакирибэн пир Закóно дрэ Кхангири, и на сыс мануша пашыл мандэ, на сыс ни савó бунто. ¹⁹ Нэ адай жа трэиндя тэ явэн Юдэнгэ Асиятыр, тэ явэн кэ ту и тэ допхэнэн мирí банг, ко́ли вари-со исын лэндэ проти мандэ; ²⁰ ци мэк ёнэ кокорэ тэ пхэнэн, дрэ со ёнэ латхнэ мирí банг, кели мэ явдём ангил сэндоскиро скэдыибэн, ²¹ а сыс екх дава лав, савó мэ зоралэс пхэндём, кели мэ со́мас тэрдó машкир лэндэ: “Пал отджидякирибэн мулэндыр тумэ сэндинэна ададывэс ман!” ²² И Феликсо, савó миштэс джиндя дава Дром, отчхудя Павлискиро рэндо и пхэндя: “Кели явэла тысэнцэнгиро

барыдырo Лисo, мэ роздыкхавa тырo рэндo”; ²³ и припхэндя шэлэнгирэ барыдырэскэ тэ раххэн Павлис, нэ тэ дэл лэскэ бутыр воля, и тэ на запхэнэл никонэскэ лэскирэ пашатунэндыр тэ дынаринэн лэскэ.

Павли Ангил Феликсостэ и Друзилатэ

²⁴ Пир вари-кицы дывэса Феликсо явдя пэскирэ ромняса Юдыцаса, савья кхардэ Друзила, и ёв бичхадя пал Павлистэ, соб (кай) тэ джинэн бутыр пал лэскиро патяибэн дрэ Исусостэ Христосостэ. ²⁵ И пал-дова со Павли ракирдя пал чачипэн, и пал-дова, соб (кай) тэ обрикирэл пэс дро джибэн ангил сэндо, саво ангил явэла, о Феликсо страхадыа и пхэндя: “Каканá джá, нэ сыр явэла мандэ часо, мэ кхарáва тут”; ²⁶ лэстэ сыс лачхó ужакирибэн, со Павли дэла лэскэ ловэ: пал-дова ёв бичхавэлас адыкэ-паць пал лэстэ бутыр и ёв ракирдя лэса. ²⁷ Нэ прогинэ (накхлэ) дуй бэршá, и Порцыё Фесто парудя Феликсос, а Феликсо закамдя тэ явэл куч Юдэнца, палдава мэкця Павлис дро штарибэн.

Шэрó 25

Павли Камэла тэ Явэл Ангил Кхенингостэ

¹ И палдава, кэли Феликсо явдя пэ дай риг, ёв пир трин дывэса гия Кесариятыр дро Ерусалимо. ² Дро Ерусалимо рашангирэ барыдыра и Юдэнгирэ шэралэ явнэ бангякирибнаса пэ Павлистэ кэ ёв и мангнэ лэс, ³ соб (кай) ёв тэ отпхэнэл пэ лэнгиро мангипэн и тэ выкхарэл Павлис дро Ерусалимо; а кокорэ ёнэ камлэ тэ подракхэн лэс пир дром и тэ замарэн. ⁴ Нэ Фесто отпхэндя лэнгэ, со Павли сыс бэштó дро штарибэн дрэ Кесария, и со ёв сыг кокорó джáла одорик. ⁵ “Палдава, – пхэндя ёв, – кон тумэндыр исын барыдыра, мэк тэ джáн кхэтанэ манца, и тэ допхэнэн одой лэскири банг, коли ёв кэрдя саво фуипэн.” ⁶ Ёв яцяпэ машкир лэндэ эфтá (битринэнгиро дэш) ци дэш дывэса, а тэды рисия дрэ Кесария, и пэ явир дывэс бэсця пэ сэндарискиро штэто и пхэндя тэ янэн Павлис. ⁷ Кэли Павли явдя, Юды, савэ явнэ Ерусалимостыр, тэрдинэ трусцял лэстэ и лынэ тэ чхувэн пэ Павлистэ древáн бари банг, нэ тэ допхэнэн ла ёнэ на могоиндлэ. ⁸ Тэды Павли отпхэндя пал пэскиро чачипэн: “Мэ на кэрдём ни саво чорипэн ни проти Юдытко Зако́но, ни проти Кхангирí, ни проти кхенингостэ (кесарёстэ).” ⁹ О Фесто камдя тэ заджал дрэ патыв Юдэнгэ, и палдава пхуця Павлистыр: “Ци ту камэса тэ джас дро Ерусалимо, соб (кай) мэ одой тэ сэндинав тут дрэ дова, дрэ со тут бангякирэна?” ¹⁰ Нэ Павли пхэндя: “Мэ сом тэрдó ангил кхенингоскиро сэндо, и адай ман исын бангэ тэ сэндинэн; мэ на кэрдём нисаво чорипэн Юдэнгэ, сыр и ту кокорó шукáр джинэса миштó дава. ¹¹ Тэды, коли мэ сом бангó и кэрдём вари-со, пал со мэ сом мол мэрибна́скэ, тэды мэ на давапэ палэ мэрибна́стыр; нэ коли нисó дава́ нанэ, дрэ со ёнэ бангякирэна ман, тэды никон на могоинэла тэ выдэл ман лэнгэ. Мэ трэбинава кхенингоскиро сэндо.” ¹² Тэды Фесто пириракирдя пэскирэ манушэнца скэдыибна́стыр и отпхэндя: “Ту мангдя́н, соб (кай) тут тэ сэндинэл кхенинго, кэ кхенинго ту и джаса.” ¹³ Пир вари-кицы дывэса крáли Агри́па и Вереника явнэ дрэ Кесария тэ дэн “паклоно” Фестоскэ. ¹⁴ И адыкэ, сыр ёнэ сыс одой бут дывэса, Фесто роспхэндя пал Павлискиро рэндó кралы́скэ: “Адай исын екх ману́ш, савэс Феликсо чхудя дро штарибэн, ¹⁵ пэ савэстэ, кэли мэ со́мас дро Ерусалимо рашангирэ барыдыра и Юдэнгирэ годэпхурэ явнэ бангякирибнаса пэ лэстэ; ёнэ мангнэ, соб (кай) мэ лэс тэ сэндинав: ¹⁶ а мэ отпхэндём лэнгэ, со Римля́нэндэ адыкэ на лыджалапэ, соб (кай) тэ выдэс вари-савэ манушэс пэ мэрибэн; кэ/жы́ко дова́ часо, пака лэскэ явэла допхэндлы лэскири банг муй кэ муй и явэла сашты́ (можно), соб (кай) ёв тэ ракирэ́л пал пэскиро чачипэн. ¹⁷ И кэли ёнэ явнэ адары́к кхэтанэ манца, и мэ тэды на отчху́дём, нэ пэ явир дывэс, бэсцём пэ сэндарискиро штэто и пхэндём тэ янэн адалэ манушэс: ¹⁸ лэс обштадэ мануша́, савэ явнэ тэ бангякирэн лэс и никон лэндыр на допхэндя дрэ долэ налачхэ рэнды, пал савэ мэ думиндём; ¹⁹ а лэндэ сыс пхучибэна кэ ёв пал лэнгирэ патяибна́скири шта́ма (свóдо), и пал вари-савэ Исусостэ, саво мыя́, нэ пал Савэстэ Павли допхэнэлас, со Ёв исын

джидо. ²⁰ Мэ на джиндём, сыр мангэ роскэдавпэ дрэ дава рэндо, мэ пхуцём лэстыр, ци камэла ёв тэ джал дро Ерусалимо и тэ явэл сэндиндло одой? ²¹ Нэ адякэ, сыр Павли мангдя, соб (кай) лэс и лэскиро рэндо ячкирав пэ Августоскиро роздыкхибэн, мэ припхэндём тэ рикирэн лэс дрэ штарибэн, пака мангэ явэла сашты тэ бичхавав лэс кэ кхенинго.” ²² Агрипа пхэндя Фестоскэ: “Мэ и кокоро камам тэ шунав кадалэ манушэс.” Одова отпхэндя: “Атася шунэса лэс.” ²³ Пэ явир дывэс, кэли Агрипа и Вереника барэ пхутькирибнаса гинэ андрэ сэндоскиро кхэр кхэтанэ тысёнцэнгирэ барыдырэнца и патывалэ манушэнца, пир Фестоскиро припхэныбэн яндлэ Павлис. ²⁴ И Фесто лыя тэ ракирэл: “Крэлэ Агрипа! Сарэ мануша, кон исын кхэтанэ амэнца, тумэ дыкхэна кадалэ манушэс, пал савэстэ бут Юды явэнас кэ мэ дро Ерусалимо и адай годласа и мангипнаса, со кадава мануш на мол бутыр тэ дживэл. ²⁵ Нэ мэ роскэдыёмпэ, со ёв на кэрдя нисо дасаво, соб (кай) тэ явэл мол мэрибнаскэ, и сыр ёв кокоро мангдя Августоскиро сэндо, мэ кэдыёмпэ тэ бичхавав лэс кэ ёв; ²⁶ нэ мэ на дыкхава нисо дасаво, со тэ чхинав пал адалэ манушэстэ мирэ Раскэ. Палдава мэ яндём лэс кэ тумэ, нэ бутыр сарэстыр кэ ту, крэлэ Агрипа, соб (кай) коригэдыр (позжэ), сыр ту лэстыр допхучэса, мангэ тэ джинав, со мангэ тэ чхинав. ²⁷ Мангэ здэлапэ, со нашты тэ бичхавэс штарибнаскирэс, коли мэ тэ на упхэнав пэ лэскири банг.”

Шэрó 26

Павли Ракирэла пал Пэстэ Ангил Агрипастэ

¹ И пхэндя Агрипа Павлискэ: “Тукэ сашты тэ ракирэс пал пэстэ.” Тэды Павли газдыя васт и лыя тэ ракирэл, соб (кай) тэ затэрдёл пал пэстэ: ² “Крэлэ Агрипа! Мэ гинава пал бахт, со мэ ададывэс моги́нава тэ тэрдёвав ангил түтэ и тэ ракирав пал саро, дрэ со Юды бангякирэна ман, ³ палдава фэдыр сарэндэр дова, со ту джинэса саро Юдэнгиро сыкляибэн и пхучыбэна, пир савэ ёнэ чингардэнапэ; палдава Мэ мангава тут тэ вышунэс ман дро саро. ⁴ Мирó джи́ибэн тэрнэ бэршэндэр, саво англэдыр мэ дживдём, сыс машкир мирэ манушэндэ дро Ерусалимо, и сарэ Юды джинэна; ⁵ ёнэ, савэ гарэ джинэна ман, и мо́гинэна тэ явэн якхитка, со мэ дживдём, сыр Фарисеё пир сарі амарі патяибнаскири строгима. ⁶ И каканá мэ сом тэрдó ангил сэндо пал лачхó ужакирибэн (надеиныбэн), пал саво Дэвэл дыя лав амарэ дадэнгэ, ⁷ и ваш да́я надёя, амарэ дэшудуй манушэнгирэ рóды, дывэс и рат дынаринэна Дэвлэскэ, и пал да́я надёя, крэлэ Агрипа, Юды ман бангякирэна. ⁸ Соскэ тумэ адякэ на патяна дро дава, со Дэвэл отджидякирэла мулэн? ⁹ Мэ, чачо, адякэ-паць думиндём, со проти Исусоскирэ Назареёскиро лав мангэ трэй бут со тэ кэрав. ¹⁰ Мэ и кэрдём дава-паць дро Ерусалимо; пир рашангирэ – барыдырэнгиро упхэныбэн, мэ бутэн дэвлытконэ манушэн чхудём дро штарибэн; а кэли лэн замарэнас, мэ ракирдём мирó лав пал дава. ¹¹ Мэ бут мо́лы мэнчындём лэн пир сарэ синагоги, и мэ за́чхува́вас лэн тэ тэлякирэн Исусос. Мандэ сыс бари холы пэ лэндэ, мэ псирдём ваш дава дрэ явир дуратунэ форя.

Павли Роспхэнэла, Сыр Ёв Рисия Грэхэндэр кэ Дэвэл

¹² И кэли мэ дорэсцём (лыём) право и упхэныбэн рашангирэ барыдырэндэр, мэ гиём дро Дамаско. ¹³ Пир дром дро пашдывэс, крэлэ Агрипа, мэ дыкхцём дуд (свэто) болыбнастыр, саво хачия зоралэдыр кхамэстыр, дова дуд озьяндя ман и манушэн, савэ гинэ манца. ¹⁴ И кэли амэ сарэ пыям пэ пхув, и мэ шундём зан, сави ракирдя мангэ пэ Юдытко чиб: “Савле, Савле! Со ту Ман традэса? Пхаро исын тукэ тэ джас проти Дэвлэстэ. ¹⁵ Мэ пхуцём: “Кон Ту сан, Раё Дэвла?” Рай Дэвэл пхэндя: “Мэ сом Исусо, Савэс ту традэса: ¹⁶ нэ ту газдэпэ и ушты пэ гэра, Мэ палдава явдём, соб (кай) тэ кэрав тут дынариса и якхитконэса долэскэ, со ту дыкхцян Ман, и дро дова, со Мэ тукэ бутыр сыкавава, ¹⁷ Мэ зракхава тут – манушэнгирэ вастэндэр и Наюдэндэр, кэ савэ Мэ каканá бичхавава тут,

Павли Ракирэла пал Свѣнто Буты Машкир Юдэндэ и Наюдэндэ

¹⁸ тэ отчхакирэс лѣнгирэ якхѣ, соб (кай) ѣнэ тэ рисѣн калыпнастыр кэ дуд и налачхэскирэ зорѣтыр кэ Дэвэл, соб (кай) тэ явѣн отмѣкнэ грѣхи лѣнгирэ, и соб (кай) ѣнэ адѣкѣ-паць тэ явѣн машкир одолѣндэ, конѣс Мѣ кѣрдѣм свѣнтонѣнца пир лѣнгиро патѣибѣн дрѣ Мѣндѣ.” ¹⁹ Палдава, крѣлѣ Агрѣпа, мѣ на мѣгиндѣм тѣ на кандав дова, со мѣ дыкхѣм болыбнастыр; ²⁰ а англѣдыр манушѣнгѣ, савѣ дживдѣ кѣ Дамѣско и кѣ Ерусалимо, коригѣдыр пир сарѣ Юдѣякири пхув и Наюдѣнгѣ мѣ пхѣналас лав, соб (кай) ѣнэ тѣ рискирѣн пѣскиро джибѣн кѣ Дэвэл и, соб (кай) лѣнгиро рискирѣбѣн тѣ явѣл мол пир лѣнгирѣ лачхѣ рѣнды. ²¹ Пал дава Юды и ухтылдѣ ман дрѣ Кхангирѣ и камлѣ тѣ замарѣн. ²² Нѣ Дэвэл кѣ/жѣко ададывѣсатуно дывѣс мѣогинѣла мѣнгѣ, и, гѣда, мѣ сом тѣрдѣ адай и допхѣналас сарѣнгѣ, тыкнѣнгѣ и барѣнгѣ, мѣ нисѣ бутыр на ракирава, апрѣч дова, пал со прѣроки и Мѣйза ракирдѣ пал дова, со явѣла, ²³ со Христосѣскѣ трѣиндѣ тѣ пирилыджал сарѣ мѣньки и англатунѣскѣ тѣ отджидѣл мулѣндыр, и со Ёв джѣла пир свѣто и роспхѣнѣла пал дуд ваш зракхѣбѣн Пѣскирѣ манушѣнгѣ и Наюдѣнгѣ.” ²⁴ Кѣли Павле адѣкѣ ракирдѣ тѣ затѣрдѣл пал пѣстѣ, о Фѣсто зоралѣ занѣса пхѣндѣ: “Ту згѣян годѣтыр, Павли! Барѣ сыкляибѣн долыджѣя тут, со ту здылнандѣян.” ²⁵ “Над, Най Дрогѣдыр Фѣсто, – пхѣндѣ Павли, – мѣ на здылнандѣѣм, мѣ сом дрѣ пѣскири годѣ и лавѣ, савѣ мѣ ракирава, исѣн чачунѣ. ²⁶ Крѣли джѣнѣла сарѣ пал дава, ангѣл савѣстѣ и мѣ ракирава муршканѣс. Мѣ на патѣва, соб (кай) со тѣ на явѣл и пал дава тѣ на джѣнѣл крѣли; пал-дова со дава на сыс кѣрдѣ дро вѣнгло. ²⁷ Ци патѣса ту, крѣлѣ Агрѣпа, прѣрокѣнгѣ? Мѣ джѣном (джѣнав), со ту патѣса.” ²⁸ Агрѣпа пхѣндѣ Павлискѣ: “Сарѣса нѣбут, и ту патѣкирэса ман, соб (кай) мѣ тѣ ячав христѣянинѣса.” ²⁹ И Павли отпхѣндѣ: “Мѣ мангѣва Дэвлѣс, соб (кай) ци нѣбут, ци бут, нѣ на екх ту, а сарѣ, кон шунѣла ман ададывѣс, тѣ ячѣн дасавѣ, сыр мѣ сом, соб (кай) фѣни ѣнэ тѣ на явѣн дрѣ зандѣрьѣ (цѣпи), сыр мѣ.” ³⁰ Кѣли Павли пхѣндѣ дава, крѣли и балунѣтко и Верѣника уштынѣ, и сарѣ, кон сыс бѣштѣ, кхѣтанѣ лѣнца, ³¹ и ѣнѣ гѣнѣ дрѣ рѣг, и ракирдѣ машкир пѣстѣ: “Адава мануш на кѣрдѣ нисѣ дасавѣ, соб (кай) тѣ явѣл мол мѣрибнѣскѣ ци тѣ явѣл дрѣ зандѣрьѣ (цѣпи).” ³² Агрѣпа пхѣндѣ Фѣстѣскѣ: “Адалѣ манушѣс саштѣ (мѣжна) явѣлас тѣ мѣкас пѣ воля, кѣли ѣв тѣ на мангѣл кхѣнингѣскиро сѣндо.”

Шѣрѣ 27

Павли Отплывинѣла кѣ Рѣмо

¹ Кѣли сыс прилыно тѣ плывѣнас (дас плѣма) дрѣ Италия, тѣды Павлис и явѣрѣн штѣрибнаскирѣн здынѣ тысенцѣнгирѣ-халадѣнгирѣ барѣдырѣскѣ, савѣс кхардѣ Юлиѣ, ѣв исѣн Аугустѣскирѣ полкѣстыр. ² Амѣ бѣсѣям пѣ Адрамѣтѣскири пѣрма (кораблѣ), савѣскѣ трѣиндѣ тѣ традѣл пашыл Азѣякирѣ штѣты и традѣям, амѣнца сыс Аристархо, Македонѣнино Фесалоникѣндыр. ³ И пѣ явѣр дывѣс амѣ прѣтрадѣям дро Сидѣно. Юлиѣ отлыджаласпѣ илѣса кѣ Павли, дѣлас воля лѣскѣ тѣ псѣрѣл кѣ дрѣугѣ (малѣ), соб (кай) ѣнэ тѣ дыкхѣн пал лѣстѣ. ⁴ И традѣи одѣтхѣр, амѣ традѣям пашыл Кѣпро балвалѣякирѣ рѣгѣтыр, пал-дова со яцѣ бари балвал мамѣуй (прѣмѣс) дрѣ амарѣ рѣг. ⁵ Кѣли амѣ пириплывѣиндѣям (дыям плѣма) мѣрѣ (дѣрьѣв) Кѣликиѣякирѣ и Памфилиѣякирѣ брѣгѣстыр, амѣ прѣтрадѣям дрѣ Ликиѣякирѣ Мирѣ: ⁶ одѣй халадѣнгирѣ барѣдырѣ, латхѣ Алексѣндѣриѣякири пѣрма, савѣ традѣя кѣ Италия, и чхѣдѣ амѣн пѣ лѣтѣ тѣ традѣс. ⁷ Амѣ бут дывѣсѣ и пѣ нѣбут плывѣинасѣс (дасѣс плѣма), и пир бари зор амѣ догѣям кѣ Кнѣдо адѣкѣ, со пир бари балвал амѣ на мѣгиндѣям тѣ плывѣинас дурѣдыр, и амѣ подтрадѣям кѣ Крѣто Салмонѣскирѣ рѣгѣтыр. ⁸ И барѣ пхарѣпнаса амѣ традѣсѣ пашыл Кѣпрѣскиро брѣго, и явѣям кѣ екх штѣто, савѣ кхарѣнас Лачхѣ Пристѣни (Зѣтоки), нѣдур одѣтхѣр сыс фѣро Ласѣя. ⁹ Нѣ адѣкѣ, сыр прѣгѣя дрѣван бут часѣ, и тѣ плывѣинѣс сыс дарѣно, пал-дова со и постѣ прѣгѣя, тѣды Павли лыѣ тѣ патѣкирѣл лѣн, ¹⁰ и ѣв ракирдѣ лѣнгѣ: “Муршѣлѣ! Мѣ дыкхѣва, со дава плывѣиныбѣн явѣла бѣдѣса и барѣ хѣсякирѣбнаса на екх ваш екх пхарѣпѣн (грузѣ) и пѣрма, нѣ и ваш манушѣнгирѣ джибѣн.” ¹¹ Нѣ халадѣнгирѣ барѣдырѣ бутѣдыр патѣндыѣ манушѣскѣ, савѣ

лыджалас пәрма и лэскирэ хулáскэ, а на Павлискирэ лавэнгэ. ¹² И пал-довá со, сыр кадавá затоко на подджалас, соб (кай) одóй тэ явас сарó/й ивант (зима), и бут манушá сыс пал довá, соб (кай) тэ традас криг одотхýр, и, кóли тэ явóл саштыпэн тэ докэдаспэ кэ Финика и одóй тэ дживáс ивантэ (зимакиро), Финика сыс Критоскиро порто, карик могоиндлэ тэ заджáн пáрмы, и сыс зачхакирдо балвалытыр паш-дывэсытконэ-западнонэнгирэ и паш-ратитконэ-западнонэ ригэндýр.

Штóрмо пэ Мóрө (Дэрьяв)

¹³ И кéли яцý набари балвáл паш-дывэсытконэ ригáтыр, ёнэ подуминдлэ, со ёнэ дорэснэ довá, со лэнгэ трэй, газдынэ якорё тэ пливинэн (тэ дэн плима) нáдур брэгостыр пашýл Крито. ¹⁴ Нэ сыг газдыпэ пэ Крито барó штормо, савó кхарэлапэ Евроклидоно. ¹⁵ И пал-довá, со амарí пáрма подухтылдý балвáл, ёй на могоиндý тэ пливинэл (тэ дэл плима) дурэдýр проти балвáл, амэ мэкцям пáрма тэ пливинэл (дэл плíма) балвалýса и амэн чхурдэлас дрэ сарé ригá. ¹⁶ А кéли амэ сýрбы пириурняндыям мамúй набарó котэр пхув, савó кхарэна Клавда, одóй амэ барé пхарипнаса пиризорьякирдýм (збердындыям) тэ рикирас пармакири бáрка (лодка), ¹⁷ савýя газдынэ пэ пáрма, кéли протырдынэ шолэ трусцýл и тэл пáрма и обпхандлэ ла; ёнэ дарáндынэ, соб (кай) тэ на явэн вычхурдынэ балвалýса пэ прáхо дрэ Сирто, палдавá ёнэ эмэкнэ балвалунэ (пáрусы) и дурэдýр ёнэ адýкэ традэна. ¹⁸ Нэ пал барó штормо, савó зоралэс чхурдэлас амарí пáрма дрэ сарé ригá, пэ явёр дывэс амэ лыям тэ вычхурдас пхарипэн (грузо) дро пани́, ¹⁹ а пэ трýто дывэс ёнэ пэскирэ вастэнца вычхурдынэ сарó пармакиро миштыпэн (оснашчэниё) дро пани́. ²⁰ И сыр бут дывэсá на сыс бицýлó ни кхам, ни чэргэня́, и штормо на пириячэлас тэ штылёл; амэ хасякирдýм кажно надéя тэ зракхаспэ. ²¹ Палдавá со дрéвáн гарá на ханэ нисó, ёнэ хасякирдэ зор, то Пáвли тэрдия машкирál лэндэ, и пхэндý: “Тумэнгэ трéиндý тэ кандэн ман: тэ на традас Критостыр, тэды амэ на пиридживасас дасавí бýда и хасибэн. ²² Каканá Мэ мангáва тумэн, тэ на дарэн, пал-довá со ни екх манúш тумэндýр на хасёла апрíч пáрма. ²³ Палдовá со дрэ дая-паць рат Дэвлэскиро Янгóло явдý кэ мэ, Конэскиро мэ сом и Конэскэ мэ дынаринава, ²⁴ и пхэндý: “На андырша, Павле! Ту явэса тэ тэрдэс пэ сэндо ангíл кхенингóстэ (кесарёстэ); и, гáда, Дэвэл даринэла джиибэн сарэнгэ, кон пливинэла (дэла плима) тýса.” ²⁵ Палдавá на дарэн, пал-довá со мэ патýва Дэвлэскэ, со сарó явэла адýкэ, сыр Ёв пхэндý мánгэ. ²⁶ Амэ сам бангэ тэ явас вычхурдынэ пэ вари-савó óстро́во (джип).” ²⁷ Нэ кéли яцý дэшуштарто рат, сыр амэн традэлас балвáл пир Адриатикоскиро (Адриатическо) мóрө (дэрьяв), пашýл пашрат манушá лынэ тэ галён, со сыг ёнэ джáнас пашылэдýр кэ вари-савí пхув, ²⁸ ёнэ и лынэ тэ спробинэн, ци хор сыс пани́, и выгия́, со панескиро хорипэн сыс пашэ штардэшá охтó метры, тэды ёнэ нáдур змериндлэ и латхнэ, со хорипэн сыс пашэ триянда метры; ²⁹ ёнэ дарáндынэ, соб (кай) тэ на попэрэн пэ барунэ штэты, и мэкнэ тэлэ пармáтыр штар якори, и ёнэ ужакирэна, кéли ячэла дывэс. ³⁰ Кéли матросы скэдынэпэ тэ нашэн пармáтыр и ёнэ мэкнэ тэлэ бáрка пэ пани́, пэфроми, со ёнэ сýрбы камэна тэ мэкэн тэлэ пармакирэ накхэстыр якорё, ³¹ нэ Пáвли пхэндý тысёнцэнгирэ барыдырэскэ и халадэнгэ: “Кóли адалэ манушá на ячэнапэ пэ пáрма, тэды и тумэ на могоинэна тэ зракхэнпэ.” ³² Тэды халадэ пиричингирдэ шэлэ, савэ рикирдэ бáрка, и ёй пы́я дро пани́. ³³ Ангíл сáмо дывэс, Пáвли лы́я тэ кхарэл сарэн манушэн тэ хан и пхэндý: “Ададывэс дэшуштарто дывэс, сыр тумэ ужакирэна, тумэ сарэса нисó на хána. ³⁴ Палдавá мэ мангáва тумэн тэ лэн тэ хан; давá трэй тумэнгэ ваш довá, соб (кай) тумэ тэ явэн джидэ; ни конэстэ тумэндýр ни екх бал на хасёла тумарэ шэрэстыр.” ³⁵ Пхэни́ давá, Пáвли лы́я марó, парикирдý пал лэстэ Дэвлэскэ ангíл сарэндэ, роспахгирдý и яцý тэ хал. ³⁶ Тэды сарэ манушá пириячнэ тэ дарэн и лынэ тэ хан. ³⁷ Сарэн амэн сыс пэ пáрма дуйшэла охтодэшá шов манушá. ³⁸ Кéли манушá ханэ чалэс, ёнэ лынэ тэ кэрэн локхэдýр пáрма, вычхурдыи гив дро мóрө (дэрьяв).

Пáрма Пхадёла

³⁹ Нэ кэли яця дывэс, ёнэ на галынэ пхув, а дыкхнэ екх прахитко брэго, саво сыс зачхудо панёса, кэ саво ёнэ и скэдынэпэ, ко́ли явёла сашты́ (можно), тэ традён пашылэды́р пармаса. ⁴⁰ И ёнэ газдынэ якори, мэ́кнэ тэлэ́ лэн дро пани́, дрэ дова́-паць часо ёнэ роспхандлэ́ шолэ́ руленды́р и, кэли газдынэ́ упратуно́ балвалуно́ (парусо) пир балва́л, ёнэ традынэ́ кэ брэго. ⁴¹ Пáрма попья́ пэ прахитко́ штэто́, ёнэ чхудэ́ лэс одо́й. Накх за́гий пхарэ́с дро пра́хо и па́рма тэрдия́, а корма́ пхадёлас валнэнгирэ́ зорья́тыр. ⁴² Халадэ́ кэдынэ́пэ тэ замарён сарён́ штарибнаскирэн, соб (кай) никон́ лэндыр тэ на выплывинэл (тэ на дэл плима пэскэ́ криг) и тэ на нашёл. ⁴³ Нэ тысе́нцэнгиро́ барыдыро́ камдя́ тэ зракхэл́ Павли́с и на домэ́кця лэн тэ кэрён́ дава́ и припхэндя́́ одолэнгэ́, кон джине́ла тэ пльивинэл, тэ ухтэн дро пани́ и тэ выджан́ пэ пхув, ⁴⁴ а ко́долэнгэ́, со я́чнэ́пэ, тэ выкэдэ́нпэ кэ па́рма, конэ́скэ пэ пхаля́, а конэ́скэ пэ дова́, со я́цяпэ́ парма́тыр, и а́дякэ́ вы́гия, со сарэ́ зракхнэ́пэ панэ́стыр пэ пхув.

Шэро́ 28

Пэ Ма́льта

¹ И кэли амэ́ зракхця́мпэ и гия́м пэ брэго́, тэды́ амэ́ уджиндя́м, со дава́ штэто́ кхардя́пэ Мелита́. ² А чу́жа штэ́тытка́ мануша́ сыкадэ́ амэ́нгэ́ древа́н бари́ пшала́йтко́ патыв́: ёнэ кэрдэ́ бари́ яг и прилы́нэ амэ́н, пал-дова́ со сыс шы́лало́ и гия́ баро́ брышы́нд. ³ И кэли́ Па́вли скэ́дыя́ бут хру́сты (кусты) и чхудя́ пэ́ яг, тэды́ выухтя́ сап ягаты́р и ухты́лдя́пэ пал лэ́скиро васт. ⁴ Кэ́ли адалэ́́ штэ́тытка́ мануша́ дыкхнэ́, со пэ́ Павли́скиро́ васт сыс убладо́ сап, ёнэ лы́нэ́ тэ раки́рэн екх екхэ́скэ: “Чачо́, кадава́́ ману́ш исын́ розмари́бнари, пало́ дава́, сыр ёв́ зракхця́пэ мо́рёстыр (дэ́рьявэ́стыр), Дэ́влэ́скиро́ сэндо́ на дэ́ла лэ́скэ́ тэ дживэ́л.” ⁵ Нэ ёв́ стрински́рдя пэ́стыр са́пэс дрэ́ яг, и ёв́ на кэ́рдя́ лэ́скэ́ нисаво́ фуипэ́н. ⁶ А ёнэ́ ужаки́рдэ, со ёв́ явё́ла тэ шулё́л ци сы́г пэ́рэла́ муло́; нэ а́дякэ́, сыр ёнэ́ ужаки́рдэ́ гара́ и дыкхнэ́, со нисаво́ фуипэ́н на кэ́рдя́пэ́ лэ́са, тэды́ ёнэ́ пи́риячнэ́ фуес́ тэ думи́нэн пал лэ́стэ́, и лы́нэ́ тэ раки́рэн, со ёв́ сыс Дэ́вэл. ⁷ Пашы́л дова́́ штэто́́ сыс фэ́латиня́ екхэ́ барыды́рэстэ́, саво́ сыс хула́й пир дава́́ о́строво́ (джип), конэ́с кхардэ́́ Публиё́; ёв́ при́лыя́ амэ́н и амэ́ дыкхця́м лэ́скиро лачхо́́ ило́. ⁸ Лэ́скиро́ дад сыс пашто́́ дро́ чхуи́бэн́ насвало́́, лэ́стэ́ сыс хачки́рибэн́ и дукханды́нэ винды́рья; а Па́вли́ гия́́ кэ́ ёв́, пома́гдя́пэ́ Дэ́влэ́скэ́, чхудя́́ васта́́ пэ́ лэ́стэ́́ и высастя́ки́рдя лэ́с. ⁹ Пало́́ (после)́ дова́́, сыр дава́́ кэ́рдя́пэ́, сарэ́́ насвалэ́́ далэ́́ штэто́́стыр́ явэ́нас и сыс высастя́ки́рдэ: ¹⁰ ёнэ́ сыкадэ́́ бари́ патыв́́ амэ́́нгэ́, и кэ́ли амэ́́ скэ́дыя́мпэ́ тэ́ традас́ ду́рыды́р, ёнэ́ ды́нэ́ амэ́́нгэ́́ пэ́са́ дро́ дро́м саро́́, со амэ́́нгэ́́ трэ́индя́́. ¹¹ И пир́ трин́ чхона́́ амэ́́ тра́дыя́м пэ́ Алекса́ндря́кири́ па́рма, сави́́ сыс тэ́рды́ одо́й ивантэ́́ (зима́киро) и сави́́ кхардэ́́ Диаску́ры. ¹² Амэ́́ явдя́́м дрэ́́ Сираку́зы, и я́ця́мпэ́ одо́й трин́́ дывэ́са́. ¹³ Одо́тхы́р амэ́́ пльивиндя́́м (ды́я́м пли́ма) тру́сця́л и дрэ́́ Ригия́, и пал-дова́́ со, сыр пир́́ дывэ́с газды́я́пэ́ паш-дывэ́сы́тко́ балвал, амэ́́ пэ́ яви́р дывэ́с затра́дыя́м дрэ́́ Пу́теолы́, ¹⁴ кай́́ амэ́́ латхя́́м пшала́́н, и ёнэ́́ мангнэ́́ амэ́́н тэ́ явас́ пашы́л лэ́ндэ́́ э́фта́́ дывэ́са́. Тэ́ньци́́ амэ́́ гия́́м дро́ Римо́. ¹⁵ И кэ́ли́ пшала́́ дро́ Римо́́ шундлэ́́ пал амэ́́ндэ́́, ёнэ́́ гинэ́́ амэ́́н тэ́ стрэ́нинэ́́н кэ́́ Апиё́скиро́́ Форумо́́ и кэ́́ Трин́́ Кирчы́мы, а кэ́ли́ Па́вли́ дыкхця́́ лэн, ёв́́ пари́ки́рдя́́ Дэ́влэ́скэ́́ и я́ця́́ му́ршканэ́́дыр. ¹⁶ Кэ́ли́ амэ́́ явдя́́м дро́ Римо́́, тэды́́ тысе́́нцэнгиро́́ барыды́ро́́ ды́я́ во́ля́́ Павли́́скэ́́ тэ́ дживэ́́л пэ́скэ́́ кхэ́танэ́́ бахталэ́́дыр пэ́скирэ́́ халадэ́́са-ра́кхи́бна́риса. ¹⁷ Пир́́ трин́́ дывэ́са́́ Па́вли́ кхардя́́ кхэ́танэ́́ патыва́́лэ́́ Ю́дэ́н, и, кэ́ли́ ёнэ́́ скэ́дынэ́́пэ́, ёв́́ пхэ́ндя́́́ лэ́нгэ́́: “Ману́шала́́-Пшала́́лэ́́! Мэ́́ со́мас за́кэ́дыно́́ дро́ Еру́сали́мо́́ и отды́но́́ дрэ́́ Римля́́нэнгирэ́́ васта́́, хо́ць мэ́́ нисаво́́ чори́пэ́́н на кэ́рдём́́ проти́́ амарэ́́́ ману́шэ́́ндэ́́́ ци́́ амарэ́́́ даде́́нгирэ́́́ сы́кля́ибэ́́на; ¹⁸ савэ́́́ до́пхучнэ́́́ ма́ндыр́́́ и ка́млэ́́́ тэ́́ отма́́кэ́́н, пал-дова́́́ со́ ёнэ́́́ на латхнэ́́́ пал ма́ндэ́́́ нисави́́́ ба́нг, соб (кай)́́́ мэ́́́ тэ́́ ява́́в мо́л мэ́́рибна́́скэ́́. ¹⁹ Нэ́́ палдо́́ва́́, сыр́́ Ю́ды́́ раки́́рдэ́́ пэ́́ ма́ндэ́́́, ма́нгэ́́́ буты́́р ничы́́ на я́чэ́ласпэ́́, сыр́́́ тэ́́ ма́нга́́в сэ́́ндо, и мэ́́́ кэ́́рдём́́́ дава́́́ на ва́ш дова́́́, соб (кай)́́́ тэ́́ ба́нгя́́ки́рав ми́рэ́́́ ману́шэ́́н. ²⁰ Палда́́ва́́ мэ́́́ и кхардэ́́́м ту́мэ́́н, соб (кай)́́́ тэ́́ дыкха́́в и тэ́́ ра́ки́ра́в ту́мэ́́нца; пал-дова́́́ со пал́́́ Израи́́лё́скири́́ на́де́я ка́далэ́́́ за́нди́рья́́́ (цэ́́пи)́́́ исын́́́ пэ́́ ма́ндэ́́́ ада́ды́вэ́с.” ²¹ И ёнэ́́́ пхэ́́ндлэ́́́

лэскэ: “Амэ нисавэ лыла на дорэсцям пал түтэ Юдэятыр, и никон пшалэндыр, савэ явэнас кэ амэ, на ракирдя нисаво чорипэн пал түтэ.”²² Нэ амэ камаса кокорэ түтыр тэ шунас, сыр ту думинэса, пал-довá со амэ шундым пал дова сыкляибэн, пал саво машкír бутэндэ манушэндэр джана чингарда.”²³ Ёнэ доракирдэпэ Павлиса пал дывэс, и древán бут мануша явнó кэ ёв кхэрэ; ёв злокостыр кэ/жыко бэльвэль ракирдя лэнгэ пал Дэвлэскиро Кралипэн, и допхэнэлас лэнгэ пал Исусостэ Мойзаскирэ Законостыр, и пророкэнгирэ чхиныбнастыр.²⁴ Пáвли упатякирдя вари-савэн манушэн дро дова, со исын пхэндлó, а явír на патяндынэ.²⁵ Ёнэ на сыс дрэ екх годы машкír пэстэ, и лынэ тэ джэн пэскэ коригэдыр долэстыр, сыр Пáвли пхэндя лэнгэ екх лав: “Чачипэн пхэндя Свэнто Дúхо (Фáно) тумарэ дадэнгэ пир пророкостэ Исаёстэ, ракири: ²⁶ “И джá кэ адалэ мануша и пхэн: ‘Тумэ явэна канэнца тэ шунэн и на галёна, и тумэ явэна тэ дыкхэн и нисó на дыкхэна. ²⁷ Пал-довá со кадалэ манушэнгиро илó яця пхарó тэ галёл, и ёнэ нáбут шунэна канэнца, и ёнэ зачхакирдэ якхá пэскирэ, соб (кай) тэ на дыкхэн якхэнца и тэ на шунэн канэнца, и ёнэ на галёна илэса и на явэна кэ Мэ, соб (кай) Мэ тэ высастякирав лэн’.”²⁸ Палдава мэ камам, соб (кай) тумэ тэ джинэн, со Дэвлэскиро зракхибэн сыс бичхадó Наюдэнгэ; ёнэ и ушунэна.”²⁹ Кéли Пáвли пхэндя далэ лавá, Юды лынэ тэ джэн пэскэ, и ёнэ древán кошнэпэ екх екхэса. ³⁰ Пáвли дживдя кэ Римо дуй бэрш дро кхэр, саво ёв злыя, прилэлас сарэн, кон явэлас кэ ёв, ³¹ и ёв муршканэс и псирэс (откэрдэс) пхэнэлас лав пал Дэвлэскиро Кралипэн и сыклякирдя манушэн, ракири лэнгэ пал Растэ-Дэвлэстэ, Исусостэ Христосостэ.

Павліскиро Лыл Римлянэнгэ

Шэрó 1

¹ Пáвли, Исусоскиро Христососкиро писхари (рабо), савэс Дэвэл кхардя кэ Пэ тэ явэл Апостолоса и выкэдыя тэ роспхэнэл Дэвлэскири бахталы зан (звесь), ² пал савэстэ Дэвэл англэдыр дыя лав пир Пэскирэ пророкэндэ дрэ Свэнта Чхиныбэна, ³ пал Пэскирэ Чхавэстэ, Саво пир Пэскиро манушытко бияныпэн яця Давидоскирэ родостыр, ⁴ отджидыя мулэндыр, амарó Рай Дэвэл Исýсо Христóсо, Саво сыс свэнто бияныпнастыр и допхэндя барэ зорьяса, со Ёв исын Дэвлэскиро Чхавó; ⁵ пир Лэстэ амэ дорэсцям (долыям) Дэвлэскиро бахталыпэн тэ явас Апостолэнца, соб (кай) дрэ Лэскиро лав тэ сыклякирас патяибнáскэ и кандыпнáскэ сарэ нáцыи, ⁶ машкír савэндэ и тумэ сан, конэс кхардя Исýсо Христóсо: ⁷ сарэнгэ, кон дживэла кэ Римо, савэ ячнó дрога Дэвлэскэ и савэ исын кхардэ тэ явэн Лэскирэ свэнтонэнца: бахталыпэн и рамáнэ (миро) тумэнгэ Дэвлэстыр Дадэстыр амарэстыр, и Рáстыр-Дэвлэстыр, Исусостыр Христосостыр.

Парикирибнýтко Мангипэн (Пáтери)

⁸ Англыдыр сарэстыр мэ парикирава Дэвлэскэ Мирэскэ пир Исусостэ Христосостэ пал сарэндэ тумэндэ, пал-довá со патяибэн тумарó исын джиндлó сарэ свэтоскэ. ⁹ Пал-довá со Дэвэл исын якхýтко (свидетелё) мánгэ, Савэскэ мэ дынаринава (служынава) мирэ духóса и роспхэнава бахталы звесь пал Лэскирэ Чхавэстэ, со мэ сарó часо дрэ пэскиро мангипэн Дэвлэскэ рипирава пал тумэндэ, ¹⁰ мэ ўсáды (сак) мангавапэ, соб (кай) тэ явэл Дэвлэскири воля, вари-кэли тэ явав кэ тумэ. ¹¹ Пал-довá со мэ древán камам тэ дыкхав тумэн, и тэ подрикирав тумэн Духóса и розделинав тумэнца духовно талáно: явэн зоралэдыр дрэ патяибэн; ¹² соб (кай) фэдýр сарэстыр амэ тэ помоги́нас и тэ подрикирас екх екхэс дро амарó патяибэн. ¹³ Нэ мэ камам, мирэ пшáла, соб (кай) тумэ тэ джинэн, со мэ бут мóлы скэдаваспэ тэ явав кэ тумэ, нэ вари-со ман на домэкэлас, соб (кай) мánгэ тэ дыкхав миштыпэн мирэ бутýтыр и машкír тумэндэ, адýкэ-паць сыр и машкír явír нáцыи. ¹⁴ Мэ сом бангó сыр Элинэнгэ (Грекэнгэ), адýкэ-паць и насыклэ манушэнгэ, савэ на шундлэ, адýкэ-паць

годьварэнгэ и бигодякирэнгэ: ¹⁵ адякэ-паць и мэ ужакирава, ко́ли сашты́, соб (кай) тэ роспхэнав бахталы зан (звесь) и тумэнгэ, кон дживэла кэ Римо.

Евангелиякири Зор

¹⁶ Мэ на ладжава тэ роспхэнав бахталы зан (звесь), пал-довá со ёй исын Дэвлэскири зор ваш зракхибэн кажнонэскэ дэвлытконэскэ: англэдýр Юдэнгэ, нэ коригэдýр (тэньчи) Элинэнгэ (Грекэнгэ/Баламэнгэ): ¹⁷ пал-довá со дрэ Евангелия отчхакирэлапэ Дэвлэскиро чачипэн патяибнастыр дро патяибэн: сыр пал дава́ исын чхиндло́: “Ману́ш чачунэ́ патяибна́са явэ́ла тэ дживэ́л.”

Манушыпна́скири Банг

¹⁸ Пал-довá со болыбна́стыр зджа́ла Дэвлэскири холы́ пэ кажно бидэвлыткима и пэ манушэнгиро хохайбэн, савэ́ пэскирэ́ начачипна́са хасякирэна́ чачипэн. ¹⁹ Саро́, со сашты́ джиндло́ тэ джинэн пал Дэвлэстэ́, ёнэ́ джинэна́, пал-довá со Дэвлэ́ сыкадý дава́ лэнгэ. ²⁰ Пал-довá, сыр Дэвлэ́ создýя́ свэто́, Лэскири́ векоскири́ зор и Дэвлыткима́ бицялэ́ дрэ́ Лэскирэ́ рэнды́ (дэлы́), кэли́ ману́ш шука́р думинэ́ла пал дава́; адякэ́ со манушэнгэ́ нанэ́ примангипэн, ко́ли ёнэ́ ракирна́, со ёнэ́ на джинэна́ Дэвлэ́с. ²¹ Ёнэ́ джиндлэ́ Дэвлэ́с, нэ́ ёнэ́ на славиндлэ́ Лэс, сыр Дэвлэ́с, и на парикирэна́с Лэскэ́: ёнэ́ ячнэ́ тэ́ кошэнпэ́, кэли́ пириракирэна́с, и лэнгирэ́ нагодьварэ́ илэ́ тасадынэ́ дро́ калыпэн: ²² кэли́ ёнэ́ гиндлэ́ пэс годьварэнца́, нэ́ сыр выгийя́, ячнэ́ дылынэнца́, ²³ и ёнэ́ парудэ́ бимэрибна́скири Дэвлэ́скири́ слава́ пэ́ манушýткó образо́, саво́ мэрэ́ла, и чириклыткó, и мурдалыткó и одолэнгиро́, савэ́ ползынэна́. ²⁴ Палдава́ Дэвлэ́ отды́я́ лэн пир лэнгирэ́-грэхэнгиро́ камибэн дро́ ило́ и ёнэ́ лынэ́ тэ́ магирэн пэ́скирэ́ маса́ екх екхэ́с: ²⁵ кадалэ́ мануша́ парудэ́ Дэвлэ́скиро́ чачипэн хохайбна́са, ёнэ́ мангэнапэ́ и дынаринэна́ (служынэна́) одолэ́скэ, конэ́с ёнэ́ выдуминдлэ́ кокорэ́, бутýр сыр Кодолэ́скэ, Саво́ кэрдý дава́ саро́, Саво́ исын мол вечнонэ́ славакэ́. Амýнь. ²⁶ Палдава́ Дэвлэ́ отды́я́ лэн биладжайпнытконэ́ камибна́скэ: и лэнгирэ́ джувлýя́ парудынэ́ тэ́ дживэн пэ́скирэ́ ромэнца́ адякэ́, сыр натрэ́й; ²⁷ адякэ́-паць и мурша́, пириячнэ́ тэ́ дживэн джувлэнца́, сыр трэ́й, а ёнэ́ хачона́с камибна́са екх пэ́ екхэ́стэ́, и лынэ́ тэ́ кэрэн магирипэн мурш муршэ́са, и ёнэ́ дорэ́сэна́ (долэ́на) кокорэ́ дрэ́ пэ́стэ́ ка́ра пал пэ́скиро́ блэндо́. ²⁸ И пал-довá, сыр ёнэ́ на камлэ́ тэ́ джинэн пал Дэвлэ́стэ́, тэ́ды Дэвлэ́ и мэ́кця́ лэн, соб (кай) ёнэ́ тэ́ кэрэн пир нала́чхи годý, нэ́ со лэнгэ́ камэлапэ́; ²⁹ и ёнэ́ исын пхэ́рдэ́ кажнонэ́ начачипна́са, злы́днимаса́, бокхаса́ кэ́ ловэ́, чори́пна́са, зэ́влыны́пна́са, розма́рибна́са, выпробинэ́на екх екхэ́с, обра́кирибна́са, плéткэнца́; ³⁰ ёнэ́ хохавэ́на екх екхэ́с, и ёнэ́ на рикирэ́на сыр Дро́гима́ Дэвлэ́с дро́ пэ́скиро́ ило́; биладжайпны́тка, пху́тькирдэ́, ша́рибны́тка; ёнэ́ уса́ кэрэ́на нэ́во́ фуипэн, на кандэ́на пэ́скирэн да́дэн. ³¹ Ёнэ́ исын бигодякирэ́, нашты́ лэнгэ́ тэ́ патяс, нанэ́ лэ́ндэ́ ни ла́ска, ни тангипэн; ³² ёнэ́ джинэ́на чачуно́ Дэвлы́ткó сэндо́, со мануша́, савэ́ кэрэ́на дасавэ́ рэнды́ исын мол мэ́рибна́скэ, нэ́ ёнэ́ на, со кокорэ́ дурэдýр кэрэ́на грэ́хо, нэ́ ёнэ́ и шарэ́на яви́рэн, кон кэ́рэ́ла дова́-паць.

Шэро́ 2

Дэвлэ́скиро́ Сэндо́

¹ Нанэ́ тýкэ́ примангипэн, кажно́ ману́ш, саво́ сэ́ндинэ́ла яви́рэс, одолэ́-паць сэ́ндоса́ ту ко́коро́ явэ́са сэ́ндиндло́, пал-довá со, ко́ли ту сэ́ндинэ́са яви́рэ манушэ́с, ту кэрэ́са дова́-паць ко́коро́ пэ́скэ. ² Нэ́ амэ́ джинэ́са, со пэ́ адалэ́ манушэ́ндэ́, кон кэрэ́ла дасаво́-паць, исын чачуно́ Дэвлэ́скиро́ сэ́ндо. ³ Ману́ш, ту со думинэ́са, со обджала́ Дэвлэ́скиро́ сэ́ндо, кэли́ ту сэ́ндинэ́са манушэ́н, савэ́ кэрэ́на дасавэ́ рэнды́ и ко́коро́ дова́-паць кэрэ́са? ⁴ Ци́ ту на гинэ́са Дэвлэ́скиро́ лачхипэн, вы́рикирибэн и ужа́кирибэн, и, хай, ту на галэ́са, со Дэвлэ́скэ́ трэ́й, соб (кай) ту тэ́ рискирэ́с пэ́скиро́ джи́ибэн кэ́ Ёв? ⁵ А пир ты́ро́ на́канды́пэн и на́пориски́рдо

кэ Ёв илó, ту кокорó пэскэ кэдэса бутыр холы пэ дывэс ваш Дэвлэскири холы, кели Ёв откэрэла Пэскиро сэндо, ⁶ кели Дэвэл отдэла кажнонэ манушэскэ пхэнэла пал лэскирэ рэнды: ⁷ одолэнгэ, кон сарó часо кэрэла лачхэ рэнды и пир дава́ родэла сла́ва, чачипэн и бимэрибнаскиро кóнцо (ягóро), Ёв дэла вéчно джиибэн. ⁸ Нэ одолэн, кон кэрэла пир пэскири годы́ и на пригалёла чачипэн, а кэрэла фуипэн, кодолэс ужакирэла холы́ и холямипэн Дэвлэстыр, ⁹ туга и калыпэн явэна кажнонэ (сваконэ) манушэскирэ илэскэ, савó кэрэла фуипэн, англэдыр Юдэнгэ, и адякэ-паць и Элинэнгэ (Грекэнгэ/Баламэнгэ): ¹⁰ а сла́ва и патыв, и раманё кажнонэ манушэскэ, савó кэрэла лачхипэн, англэдыр Юдэнгэ, и адякэ-паць и Элинэнгэ (Грекэнгэ): ¹¹ Пал-дова́ со Дэвэл кутякирэла шэра́ (ра́внэс) сарé манушэн. ¹² Одолэ мануша́, савó на джиндлэ Зако́но и кэрдэ грэхи, ёнэ на пир Зако́но и хасёна; нэ одолэ, савэ джиндлэ Зако́но и кэрдэ грэхи, ёнэ пир Зако́но и явэна сэндиндлэ; ¹³ пал-дова́ со, на одолэ мануша́ исын чачунó ангил Дэвлэстэ, савэ шунэна Зако́но, а кодолэ, савэ кэрэна пир Зако́но, ёнэ явэна зракхнэ. ¹⁴ Пал-дова́ со, кели Наюдэндэ нанэ Зако́но, ёнэ кэрэна кокорé пэстыр, сы́рбы пир Зако́но, тэды ёнэ, савэндэ нанэ Зако́но, исын Зако́но кокорé пэскэ; ¹⁵ ёнэ и сыкавэна, со Зако́но исын сы́рбы чхиндлó дрэ лэнги́ро илó, лэнги́ри патыв и годы́ допхэнэла пал дава́, екх мо́ло ёнэ затэрдёна екх пал екхэстэ, а явир мо́ло бангякирэна екх екхэс; ¹⁶ дро дова́-паць дывэс, кели Дэвэл пир бахталы зан (звесь), сави́ мэ роспхэндём, явэла тэ сэндыкирэл сарé чораханэ манушэнгирэ рэнды пир Исусóстэ Христосóстэ.

Юды и Зако́но

¹⁷ Кóли ту пэс гинэса Юдоса и розгинэса пэ Зако́но, и шарэсапэ Дэвлэса, ¹⁸ и джинэса Лэскири во́ля, и галёса, со исын фэдэдыр, сыклыми Законóстыр; ¹⁹ и ту сан твардо, со ту сан лыджаибнаскиро корорэнгэ и ту сан дуд ваш одолэ манушэнгэ, савэ псирэна дро калыпэн (цямлыпэн); ²⁰ ту сан сыкляри (наставнико) ваш дылынэнгэ и сыклякирибна́скиро бияторэнгэ, конэстэ исын дро Зако́но сарó, со дасаво исын джиныбэн и чачипэн: ²¹ Сыр ту сыклякирэса явирэ манушэн, а англэдыр ту кокорó на сыклёса? ²² Ту ракирэса тэ на кэрэн биладжаипэн, а ту кокорó кэрэса биладжаипэн? Тукэ, хай, древа́н на пир илó йдолы, а кокорó ту обчорэса лэнгирэ кхангирья? ²³ Ту, савó шарэсапэ, со ту джинэса Зако́но, а кокорó кэрэса на пир Зако́но, – далэса ту ладжакирэса Дэвлэс? ²⁴ Палдава́ исын чхиндлó: “Пал тумэндэ Наюды явэна тэ тэлякирэн Дэвлэскиро лав.” ²⁵ Палдава́ обчихиныбэн янэла тукэ лачхипэн, кóли ту раххэса Зако́но: нэ кóли ту кэрэса на пир Зако́но, тэды тыро́ обчихиныбэн нисó на мол. ²⁶ И кóли мануш, савó исын наобчихиндло, кэрэла сарó, со исын чхиндлó дро Зако́но, ци на явэла лэскиро наобчихиныбэн тэ гинэлпэ лэскэ дро обчихиныбэн? ²⁷ И мануша́, савэ бияныпнастыр на сыс обчихиндлэ, а кэрэна пир Зако́но, ци ёнэ явэна тэ сэндинэн тут, савó на кэрэла пир Зако́но и джинэла Свэ́нто Чхиныбэн? ²⁸ Пал-дова́ со, на одова́ исын Юдо, кон исын Юдо яврестыр, и на дова́ обчихиныбэн, савó исын кэрдó пэ маса́ яврестыр; ²⁹ нэ одова́ исын чачунó Юдо, савó андрал исын дасаво, и дова́ исын обчихиныбэн, савó исын дро илó, пир дүхо (фа́но), а на пир Зако́но, дасавэскэ манушэскэ явэла ша́рибэн на манушэндыр, а Дэвлэстыр.

Шэро́ 3

¹ Тэды, сави́ льгóта (преимушчэство) исын Юдэндэ явирэ манушэндыр, ци савó лачхипэн исын обчихиныбнастыр? ² Юдэндэ исын бари льгóта дро сарó: бутыр сарэстыр дрэ дова́, со лэнгэ сыс допатыкирдо Дэвлэскиро лав. ³ И со ж? Кóли бут лэндыр на упатя́ндынэ дрэ Дэвлэстэ, тэды ци мого́нэла лэнги́ро начачипэн тэ хасякирэл Дэвлэскиро чачипэн? ⁴ Над, нисыр. Дэвэл исын чачунó, а ка́жно мануш исын хоханó, сыр исын чхиндлó: “Чачунó исын Тырэ лава́, и дро сэндо Тыро́ исын чачипэн.” ⁵ Нэ кóли амарó начачипэн сыкавэла Дэвлэскиро чачипэн, тэды со амэ пхэна́са? Нау́што явэла Дэвэл начачуно пэ амэндэ дрэ Пэскири холы́? Мэ ракира́ва пир манушы́тко годы́. ⁶ Над, кóли адякэ дава́ тэ явэл, тэды сыр Дэвэл явэла тэ сэндыкирэл свéто? ⁷ Кóли миро начачипэн кэрэла бицялэдыр Дэвлэскиро

чачипэн и далэса кэрэла барэдыр Лэскири слава, тэды пал со ишчо (инкэ) ман тэ сэндинэн, сыр грэхитконэ манушэс? ⁸ Соскэ амэнгэ тэды дурэдыр тэ на кэрэс фуипэн, соб (кай) бутыр тэ барьёл лачхипэн, сыр вари-савэ мануша кошэна амэн и ракирэна, со амэ адякэ сыклякираса? Чачунó сэндо явэла пэ кадасавэ манушэндэ.

Никон Нанэ Чачунó

⁹ Со ж тэды? Ци исын амэндэ вари-сави льгота ангил явирэ манушэндэ? Нисави; палдова со амэ каканá допхэндям, со сыр Юды, адякэ-паць и Элины (Грэки/Баламэ), амэ сарэ сам тэл грэхитко зор: ¹⁰ сыр и исын чхиндло: “Нанэ ниэкх чачунó мануш; ¹¹ нанэ никон, соб (кай) тэ галёл и тэ родэл Дэвлэс. ¹² Сарэ мардэпэ дрэ риг дромэстыр, и со кэ екх исын хасибнытка, нанэ ни екх мануш, кон кэрэла лачхипэн; нанэ никон: ¹³ лэнгиро кирло исын отчхакирды магила, ёнэ пэскирэ чибаса (чибьаса) ракирэна екх хохаибэн; сапитко трута (ядо) исын пэ лэнгирэ ушта: ¹⁴ лэнгирэ лавэндыр исын екх кошыбэн и киркипэн; ¹⁵ лэнгирэ гэрэ лыджана сыгэс тэ прочхувэн манушэнгиро рат; ¹⁶ бизладо и хасибэн одой, кай ёнэ гинэ, ¹⁷ ёнэ на галынэ дром кэ раманё (миро). ¹⁸ И ёнэ на кутякирэна и на дарна Дэвлэстыр.” ¹⁹ Нэ амэ джинаса, со дова, со вари-кэли Зако́но ракирэла, ёв ракирэла одолэ манушэнгэ, савэ исын тэл Зако́но адякэ, соб (кай) кажна лавá тэ запхэнэн тэ ракирэн, и сарó свёто тэ явэл бангó ангил Дэвлэстэ. ²⁰ Кон кэрэла пир Зако́но, усаэкх ниэкх на приджинэлапэ чачунэса ангил Дэвлэстэ, пал-дова со Зако́но дэла амэнгэ тэ джинас, со да дасаво исын грэхо.

Сыр Дэвэл Приджинэла Чачунэнца Манушэн Ангил Пэстэ

²¹ Нэ каканá Дэвэл отчхакирэла Пэскиро чачипэн манушэнгэ, савэ исын вольна Законóстыр, а дава́ джала чачипнастыр, пал савó допхэнэна Зако́но и Прорóки; ²² дава́ Дэвлэскиро чачипэн исын пир патяибэн дрэ Исусóстэ Христосóстэ, савó дэлапэ сарэ манушэнгэ би выкэдыибнаскиро, кон патяла. ²³ Пал-дова со сарэ мануша кэрдэ грэхо и ёнэ дуринэ Дэвлэскирэ славатыр. ²⁴ Нэ лэнгирэ грэху отмэкэнапэ пир Дэвлэскиро бахталыпэн, пир выкиныбэн Исусóскирэ Христосóскирэ ратэса; ²⁵ Савэс Дэвэл чхудя ангил сыр свэнто дыибэн ваш тангипэн пир патяибэн дро Лэскиро рат, кон патяла, адякэ Дэвэл сыкадя пэскиро чачипэн и примангдя грэху манушэнгэ, савэ ёнэ кэрдэ англэдыр; ²⁶ пэскирэ гаратунэ (длугонэ) вырикирибнаса сарó дава́ часо, соб (кай) Ёв каканá тэ сыкавэл пэскиро чачипэн, и со Ёв кокорó исын чачунó, и приджинэла чачунэнца сарэн, кон патяла дрэ Исусóстэ. ²⁷ Соса амэнгэ каканá тэ шараспэ? Нанэ соса. Кóли екхэ Зако́носа? Над, а патяибнаса пир Зако́но; ²⁸ пал-дова со амэ гинаса, со мануш приджинэлапэ чачунэса пир патяибэн, на дыкхи, сыр ёв ракхэла Зако́но. ²⁹ Наушто Дэвэл исын екх ваш Юдэнгэ? Ци нанэ Ёв Дэвэл и Наюдэнгэ? Ёв исын Дэвэл адякэ-паць ваш сарэ манушэнгэ пэ свёто: ³⁰ пал-дова со исын екх Дэвэл, Савó приджинэла чачунэнца одолэн, кон кэрдя обчхиныбэн пир патяибэн и кодолэн, савэ патяна, нэ савэ исын наобчиндлэ. ³¹ Ци дава́ на значынэла, со амэ хасякираса Зако́но патяибнаса? Сарэса над, амэ кэрэса Зако́но зоралэдыр.

Шэрó 4

Авраамóскиро Примéро (Сыкаи́бэн)

¹ Со амэ пхэна́са, пал амарэ прададэстэ пир лоч (плоть) Авраамостэ, со ж лэстэ сыс, сыр ёв исыс джидó. ² Пал-дова со, кóли Авра́амо исыс приджиндло чачунэса рэндэнца (делэнца), ёв могиндя́ тэ шарэлпэ ангил манушэндэ, нэ на ангил Дэвлэстэ; ³ палдава́ со ракирэла Свэнто Чхиныбэн? “Авра́амо упатяндья дрэ Дэвлэстэ, и пир дава́ Дэвэл злыя́ сарэ лэскирэ грэху, и лэскиро упатяибэн загиндя́пэ дро чачипэн лэскэ.” ⁴ Дэвлэскиро приджиндлыпэн чачунэса на загинэлапэ одолэ манушэскэ, савó кэрэла лачхэ рэнды на пир бахталыпэн, а пир вужлыпэн; ⁵ а одолэскэ, кон на кэрэла лачхэ рэнды, а кон патяла дрэ Одолэстэ, Кон

приджинэла чачунэнца грэхитконэ манушэн, лэскиро патяибэн явэла загиндло лэскэ дрэ чачипэн. ⁶ Адыкэ-паць, сыр и Давідо ракирэла пал бахтыкирибэн, саво дорэсэла (долэла) мануш, савэс Дэвэл гинэла чачунэса, на дыкхй пэ лэскирэ рэнды: ⁷ “Бахталэ исын одолэ, конэскирэ налачхэ рэнды исын примангнэ и конэскэ грэх исын чхакирдэ; ⁸ бахталэ исын одовэ мануш, конэскэ Дэвэл на загинэла грэхо.” ⁹ Ци отлыджалапэ дава бахтыкирибэн кэ обчхиндлэ мануша, ци кэ наобчхиндлэ мануша? Амэ ж ракираса пал дова, со Авраамоскэ сыс загиндло патяибэн дро чачипэн. ¹⁰ Сыр тэды дава сыс загиндло? Ангил обчхиныбэн ци палэ (после) обчхиныбэн, нэ на коригэдыр (позжэ) обчхиныбнастыр, а ангил обчхиныбэн. ¹¹ И ёв дорэсця (долыя) обчхиныбнаскири шпэра (знако) сыр допхэныбэн долэскэ, со ёв сыс чачуно патяибнаскэ ангил лэскиро обчхиныбэн, соб (кай) ёв тэ явэл дад ваш сарэ патяибнаскирэнгэ, савэ исын дасавэ би обчхиныбнаскирэ, соб (кай) и лэнгэ тэ явэл загиндло лэнгино патяибэн дро чачипэн; ¹² и соб (кай) тэ явэл дад и ваш обчхиндлэнгэ, нэ фэни, савэ исын обчхиндлэ, нэ и одолэнгэ, савэ джана патяибнаскирэ дромэса, савэса гия амаро дад Авраамо ангил, сыр ёв на сыс обчхиндло.

Лав пир Патяибэн

¹³ Палдовэ со на пир Законо Авраамо и лэскиро родо дорэсця (долыя) Дэвлэстыр лав тэ явэл свэтоскирэ хуласа, а пирдал патяибнаскиро чачипэн. ¹⁴ Коли тэ явэн свэтоскирэ хуланца одолэ, кон дживэла пир Законо, тэды патяибэн явэла чхучо (пусто) и лав нисо на явэла мол. ¹⁵ Пал-довэ со пир Законо явэла Дэвлэскири холы, кай нанэ Законо, одой и нанэ грэхо. ¹⁶ Патяибэн ваш дова трэй, соб (кай) амэнгэ Дэвэл тэ примангэл пир тангипэн, и соб (кай) дыно лав тэ явэл екх ваш сарэ Авраамоскирэ родоскэ, а ваш екхэ одолэнгэ, кон отлыджалапэ кэ ёнэ пир Законо, нэ и ваш сарэнгэ, кон исын Аврамоскирэ чхавэ пир патяибэн и саво исын дад амэнгэ сарэнгэ, ¹⁷ и сыр исын чхиндло: “Мэ чхудём тут дадэса ваш бутэ-манушэнгирэ нацыи” ангил Дэвлэстэ, дрэ Савэстэ Авраамо упатяндья, Саво отджидякирэла мулэн, и ракирэла пал долэ рэнды, со каканэ нанэ, нэ адыкэ сырбы ёнэ исын; ¹⁸ кэли на сыс нисави надэя Авраамоскэ, усаэкх ёв на хаськирдя надеиныбэн и патяндья, палдава ёв и яця дадэса бутэ манушэнгирэ нацыэнгэ, сыр лэскэ сыс пхэндло: “Адыкэ явэла баро тыро родо.” ¹⁹ И лэскиро патяибэн на тыкныя, хоць ёв джидя, со дрэ лэскирэ масэ нанэ ни сави джибнытко зор, пал-довэ со лэскэ исыс пашыл шэл бэрш и ромны лэскири Сара сыс древэн пхури ваш дава, соб (кай) тэ биянэл, ²⁰ и ёв на куниндяпэ дрэ Дэвлэскиро дыно лав, а ёв сыс твардо дро патяибэн и славиндя Дэвлэс, ²¹ Ёв древэн патяндья, со Дэвлэстэ исын зор, и ёв кэрэла дова, пал со Ёв дыя лав; ²² дава и сыс загиндло лэскэ дро чачипэн. ²³ А лава, савэ исыс чхиндлэ пал лэстэ, отлыджанапэ на кэ екх Авраамо. ²⁴ Нэ ёнэ адыкэ-паць отлыджанапэ и кэ амэ, савэнгэ явэла загиндло чачипэн, кон патяла дрэ Одолэстэ, Кон отджидякирдя мулэндир, амарэ Рас-Дэвлэс, Исусос, ²⁵ Саво сыс здыно пал амарэ грэх и Саво отджидыя, соб (кай) тэ приджинэл амэн чачунэнца бангипнастыр ангил Дэвлэстэ.

Шэро 5

Раманё Дэвлэса

¹ И пал-довэ со амэн пригалынэ пал чачунэндэ пир патяибэн, амэндэ исын раманё (миро) Дэвлэса пир амарэ Растэ-Дэвлэстэ, Исусостэ Христосостэ, ² пир Савэстэ амэ сам домэкнэ пир патяибэн кэ дава бахтыкирибэн, дрэ саво амэ каканэ дживаса, и амэ радынасапэ, со амэндэ исын надэя пэ Дэвлэскири слава. ³ Нэ на дрэ екх дава исын амары радыма, а амэ адыкэ-паць радынасапэ дрэ амарэ пхарипэна, пал-довэ со амэ джинаса, со пир пхарипэн барьёла амаро вырикирибэн. ⁴ Пир вырикирибэн амэ ячасапэ твардэдыр дро характеро, а характеро дурэдыр дэла надэя. ⁵ И амары надэя на подлыджала амэн, пал-довэ со Дэвлэскири ласка пир Свэнто Духо (Фано) пхэрдякирдя амарэ илэ ласкаса, сави дыны амэнгэ: ⁶ пал-довэ со Христосо, кэли амэ самас грэхитка, дро часо, Саво Дэвэл упхэндя, мыя

пал надэвлытконэндэ. ⁷ Ци мэрэла вари-кон пал чачунэ манушэстэ? Сашты (могинэла) тэ явэл, со пал вари-савэ лачхэстэ, вари-кон и скэдэла муршыпэн тэ мэрэл, ⁸ нэ Дэвэл допхэнэла Пэскирэ ласкаса кэ амэ, со Христосо мыя пал амэндэ, кэли амэ ишчо (инкэ) самас грэхитка. ⁹ Палдава каканá, кэли амэ сам приджиндлэ чачунэнца Лэскирэ ратэса, амэ бутыр патяса дрэ дова, со амэ зракхасапэ пир Лэстэ Дэвлэскирэ холятыр. ¹⁰ Кóли англэдыр амэ самас вэрги Дэвлэскэ и каканá амэ яцям дро раманё (миро) Лэса пир Лэскирэ Чхавэскиро мэрибэн, тэды бутыр сарэстыр каканá, сыр амэ яцям дро раманё, амэ надеинасапэ тэ зракхаспэ Лэскирэ джибнаса. ¹¹ И на екх дава, нэ амэ и радынасапэ пир амарэ Растэ-Дэвлэстэ, Исусостэ Христосостэ, пир Савэстэ амэ дорэсцям (долыям) каканá раманё Дэвлэса.

Адамо и Христосо

¹² Палдава, сыр пир екхэ манушэстэ грэхо загия дро свэто, и пал дава грэхо яця мэрибэн, адякэ мэрибэн яця пэ сарэ манушэндэ, пал-дова со сарэ кэрдэ грэхо: ¹³ пал-дова со грэхо сыс дро свэто англэдыр Законостыр, нэ грэхо на гинэлапэ, кóли нанэ Законо; ¹⁴ нэ мэрибэн рикирдя зор пэ манушэндэ Адамостыр кэ Мóйза, адякэ-паць и пэ одолэндэ, кон на кэрдя дасаво грэхо, сыр Адамо, саво сыс, сыр образо Одолэскэ, Конэскэ трэиндя тэ явэл. ¹⁵ Нэ Дэвлэскиро талáно пир бахталыпэн, дава нанэ ж дова-паць, сыр Адамоскиро грэхо? Пал-дова со, кóли пир екхэ-манушэскиро проштавибэн бут манушá мынэ, тэды ци пэ бут бутыр манушá дорэсэна Дэвлэскиро бахталыпэн и талáно пир бахталыпэн екхэ Манушэстыр Исусостыр Христосостыр дэлапэ ваш сарэнгэ. ¹⁶ Нэ Дэвлэскиро талáно исын на сырбы сэндо пал екхэ манушэстэ, саво кэрдя грэхо; пал-дова со грэхо, саво кэрдя екх мануш, лыджала кэ сэндо, нэ Дэвлэскиро талáно пир бахталыпэн исын сырбы чачипнаскиро приджиныбэн пал бутэнгирэ-манушэнгирэ грэхэ? ¹⁷ А кóли пир екхэ-манушэскиро проштавибэн мэрибэн лья тэ рикирэл лофо (зор), тэды ци пэ бут бутэдыр вольно чачипнаскиро даро и бут бут бахталыпэн явэна тэ кралинэн дро одолэнгиро джибэн, савэ прилэна лэн пир Екхэстэ Исусостэ Христосостэ: ¹⁸ палдава, сыр екхэскиро манушэскиро грэхо яндя сэндо сарэ манушэнгэ, адякэ-паць екхэ Манушэскиро чачунó рэндо приджинэла сарэ манушэн чачунэнца ваш джибэн, саво дэла джибэн сарэнгэ. ¹⁹ Пал-дова со, сыр пал екхэ манушэскиро накандыпэн кэрдэпэ бут манушá грэхитконэнца, адякэ-паць и пал Екхэ Манушэскиро кандыпэн бут манушá ячэнапэ чачунэнца. ²⁰ А Законо сыс дыно, соб (кай) тэ явэл бутыр и бицялэдыр грэхоскиро галыибэн; нэ одой, кай сыс бутыр грэхо, одой сыс и бутыр бахталыпэн; ²¹ пал-дова со, сыр грэхо рикирдя зор пэ мэрибэн, адякэ-паць и бахталыпэн явэла тэ лыджал тэ рикирэл лофо (зор) пэ чачипэн, саво янэла кэ вечно джибэн пир Исусостэ Христосостэ, амарэ Растэ-Дэвлэстэ.

Шэрó 6

Амэ Мыям ваш Грэхо, Нэ Амэ Дживáса дро Кхэтаныпэн Исусóса Хрисосóса

¹ Со ж амэ пхэнаса? Ци тэ ячаспэ амэнгэ дро грэхо, соб (кай) тэ барьёл Дэвлэскиро бахталыпэн? ² Над. Амэ мыям ваш грэхо, сыр амэ могонаса дурэдыр тэ дживас дрэ лэстэ? ³ Ци тумэ на джинэна, со сарэ амэ, кон болдяпэ дрэ Исусостэ Христосостэ, дрэ Лэскиро мэрибэн болдымпэ? ⁴ И адякэ амэ мыям кхэтанэ Лэса пир болдыипэн дрэ мэрибэн, соб (кай), сыр Христосо сыс отджидякирдо мулэндыр Дэвлэскирэ славаса, адякэ и амэнгэ тэ дживас дрэ нэво джибэн. ⁵ Пал-дова со, кóли амэ кхэтанякирдымпэ Лэса дро Лэскиро мэрибэн, тэды амэ сам бангэ (мусинаса) тэ явас адасавэ-паць, сыр екх Лэса и дро Лэскиро отджидыибэн, ⁶ и амэ джинáса, со мануш, саво англэдыр сырбы дживдя дрэ амэндэ, сыс примардо пэ трушул Лэса ваш дова, соб (кай) амарэ грэхитка маса тэ хасякирэн пэскири зор ваш чорипэн, и соб (кай) амэ тэ на явас бутыр дынарья грэхóскэ. ⁷ Пал-дова со, кон мыя, бутыр на могоинэла тэ кэрэл грэхо. ⁸ Кóли амэ мыям Христосóса, тэды амэ патяса, со и тэ

дживас яваса Лэса, ⁹ и амэ джинаса, со Христосо отджидыя мулэндыр, и каканá бутыр мэрибэн на рикирэла зор пэ Лэстэ. ¹⁰ Пал-довá со, кели Ёв мыя, тэды Ёв мыя ёкхвар ваш грэхо, нэ Ёв каканá дживэла ваш Дэвлэскэ. ¹¹ Адыкэ-паць и тумэ гинэн пэс мулэнца ваш грэхо, нэ тумэ гинэн пэс джидэнца ваш Дэвлэскэ дрэ Исусостэ Христосостэ. ¹² Пал-довá со, мэк тэ на дживэл грэхо дрэ тумарэ масá, савó дживэла на вэчнэс, соб (кай) тумэнгэ тэ на поддэнпэ лэскирэ тырдыпнаскэ. ¹³ И на отдэн тумарэ масá грэхоскэ сырбы дрэ вастá ваш начачипэн, а тумэ отдэн фэдыр пэс Дэвлэскэ, сыр тумэ сырбы отджидынэ мулэндыр дрэ джибэн, и отдэн тумарэ масá дрэ Дэвлэскирэ вастá ваш чачипэн. ¹⁴ Пал-довá со грэхо на явэла бутыр пэ тумэндэ тэ хулаинэл: пал-довá со тумэ каканá сан на тэл Зако́но, а тэл бахталыпэн.

Писхáрья ваш Чачипэн

¹⁵ И тэды, ци яваса амэ тэ кэрás грэхо, пал-довá со каканá амэ сам на тэл Зако́но, а тэл бахталыпэн? Над. ¹⁶ Ци на джинэна тумэ, со конэскэ тумэ отдэна пэс сыр дына́ри дрэ кандыпэн, тумэ сан и дына́рья одолэскэ, конэс тумэ кандэна: ци тэ явэл дава́ грэхо, савó лыджáла кэ мэрибэн, ци тэ явэл дава́ грэхо пир кандыпэн, савó лыджáла кэ чачипэн? ¹⁷ Нэ парикираса Дэвлэскэ, со тумэ ж са́нас англэдыр бутярнэ ваш грэхо, а тумэ каканá лынэ тэ шунэн сарэ илэстыр дова́ сыкляибэн, савэскэ тумэ отдынэ пэс. ¹⁸ А кели тумэ гинэ криг грэхостыр, и тэды тумэ ячнэ писхарьёнца ваш чачипэн. ¹⁹ Мэ ракира́ва тумэнгэ пал дава́ манушытконэ лавэнца, ваш дова́, соб (кай) тумэ тэ галён. Адыкэ, сыр тумэ англэдыр отдэнас тумарэ лочакирэ масá дрэ магирдо писхарибэн и проти Зако́но, то каканá отдэн тумарэ масá дрэ писхарибэн чачипнаскэ пэ свэнта рэнды. ²⁰ Пал-довá со, ко́ли тумэ и са́нас грэхоскирэ писхáрья, тэды тумэ са́нас вольна чачипнастыр. ²¹ Савэ лачхэ рэнды тумэ тэды кэрдэ? Долэ, савэндыр тумэ каканá кокорэ ладжана, пал-довá со лэнгиро ко́нцо (яго́ро) исыс мэрибэн. ²² Нэ каканá, кели тумэ сан вольна грэхостыр и ячнэ Дэвлэскирэ писхарьёнца, тумэндэ исын свэнто отдыибэн Лэстыр и тумэндэ исын ко́нцо (яго́ро) пэ дава́, савó исын вэчно джибэн. ²³ Пал-довá со плэскирибэн пал грэхо исын мэрибэн, а Дэвлэскиро талáно пир бахталыпэн исын вэчно джибэн дрэ Исусостэ Христосостэ, амарэ Растэ-Дэвлэстэ.

Шэро́ 7

Примéро (Сыкаи́бэн) Палоромипна́стыр

¹ Ци на джинэна тумэ, пшалáлэ, со (мэ ракира́ва одолэнгэ, кон джинэла Зако́но): Зако́но рикирэла зор пэ манушэстэ, пака ёв исын джидо́? ² Пал-довá со палоромитко джувлы исын спхандлы Зако́носа джидэ ромэса; нэ, ко́ли ла́киро ром мэрэла, ёй ячэла вольно палоромитконэ Зако́ностыр. ³ Кели джувлы выджáла палором пал явирэстэ, ко́ли ла́киро ром исын джидо́, ла явэна тэ кхарэн биладжакуняса; нэ ко́ли ла́киро ром мэрэла, тэды ёй исын вольно Зако́ностыр, и ёй на явэла тэ гинэлпэ биладжакуняса, кели ёй выджáла палором пал явирэстэ. ⁴ Адыкэ и тумэ, пшáла мирэ, тумэ на сан тэл Зако́носкири зор, пал-довá со тумэ сан паш Христососкирэ масэндыр, соб (кай) тумэ тэ явэн трэй Явирэскэ, Савó отджидыя мулэндыр, и соб (кай) амэ тэ янас вари-савó лачхó дыибэн Дэвлэскэ. ⁵ Пал-довá со, кели амэ дживдым пир лочакиро тырдыпэн, тэды Зако́но джангавэлас амэндэ грэхйтка камибэна, савэ сыс дрэ амарэ масэнгирэ пашá и далэса амэ яна́сас дыибэн мэрибна́скэ; ⁶ а каканá, амэ я́цям вольна Зако́ностыр, кели амэ мыям ваш дава́ Зако́но, савэса амэ са́мас спхандлэ, соб (кай) тэ дынарина́с амэнгэ Дэвлэскэ пир нэво́ Ду́хо (Фа́но), а на пир пхурано́ Зако́носкиро чхиныбэн.

Закóно и Грэхo

⁷ Со ж амэ пхэна́са? Нау́што Закóно исын грэхo? Нисыр над! Нэ мэ на джинавас, со дава́ дасаво исын грэхo, ко́ли тэ на явэл Закóно: мэ на сом Законоскиро, со дава́ исын дасаво тэ причхувэс ило́ кэ дова́, со на трэй, ко́ли Закóно тэ на ракирэл: “На кам.” ⁸ Нэ грэхo латхя́ саштыпэн пир запхэныбэн и подмардя́ дрэ ма́ндэ кажно тырдыпэн, саво́ на трэй, пал-дова́ со би Законоскиро грэхo исын муло́. ⁹ Мэ вари-кэли дживдём би Законоскиро: а кэли явдя́ запхэныбэн, тэды и грэхo отджиды́, ¹⁰ а мэ мыём. И выгия́, со запхэныбэн, саво́ исын дыно́ ваш джи́ибэн, яндя́ ма́нгэ мэрибэн: ¹¹ пал-дова́ со грэхo пир запхэныбэн хохадя́ ман и мулякирдя́ лэса ман. ¹² Палдава́ Закóно исын свэ́нто, и запхэныбэн исын свэ́нто, и чачуно́ и лачхо́. ¹³ Ци ады́кэ выгия́, со лачхипэн яця́ ваш ма́нгэ мэрибна́са? Над. Нэ грэхo, соб (кай) тэ явэл бицяло́ сыр грэхo, ёв яндя́ ма́нгэ мэрибэн пир лачхипэн, соб (кай) грэхo пир запхэныбэн тэ явэл даранэс грэхиткэдыр, со исын буты́р. ¹⁴ Амэ джина́са, со Закóно исын свэ́нто, а амэ сам грэхитка́, и амарэ́ маса́ исын бикиндло́ грэхоскэ́ дро дынарибэн.

Марибэн Андрал Манушэстэ

¹⁵ Мэ кокоро́ на галёвава, со мэ кэра́ва; пал-дова́ со мэ кама́м, мэ дова́ на кэра́ва, нэ со мэ древан́ на кама́м, мэ дова́ кэра́ва. ¹⁶ А ко́ли мэ кэра́ва дова́, со ма́нгэ на пир ило́, тэды мэ сом дро екхипэн Законоса, со ёв исын лачхо́. ¹⁷ Палдава́, акэ на мэ кокоро́ кэра́ва, а дава́ грэхo кэрэла́, саво́ дживэла́ дрэ ма́ндэ. ¹⁸ Палдова́ мэ джино́м, со нисаво́ лачхипэн на дживэла́ андрал ма́ндэ; пал-дова́ со мэ кама́м тэ кэра́в лачхипэн, нэ мэ на мого́нава. ¹⁹ Пал-дова́ со мэ кэра́ва на дова́ лачхипэн, саво́ мэ кама́м, а чорипэн, саво́ мэ на кама́м, а мэ дова́ кэра́ва. ²⁰ Ко́ли мэ кэра́ва дова́, со мэ на кама́м, тэды дава́ на мэ кэра́ва, а грэхo, саво́ дживэла́ дрэ ма́ндэ. ²¹ И ады́кэ мэ галыём, со дасаво исын Закóно, ко́ли мэ кама́м тэ кэра́в лачхипэн, а ма́ндэ выджала́ чорипэн. ²² Палдава́ мэ радынавпэ́ Дэвлэскирэ́ Законóстыр, саво́ дживэла́ дрэ манушэстэ́: ²³ нэ дрэ мирé масэнгирé паша́, мэ дыкха́ва яви́р Закóно, саво́ исын проти Закóно мирé годя́киро и саво́ кэрэла́ ман грэхоскирэ́ писхариса, саво́ исын дрэ мирé-масэнгирé паша́. ²⁴ Саво́ бэдо́ мэ сом ману́ш! Кон тэ зракхэлас ман далé мэрибна́скирэ́ масэ́ндыр? ²⁵ Парикирава́ Дэвлэскэ́ пир Исусо́стэ́ Христосо́стэ́, амарэ́ Растэ́-Дэвлэ́стэ́. И га́да, мэ кокоро́ годя́са дынарина́ва Дэвлэскирэ́ Законóскэ́, нэ масэнца́ мэ дынарина́ва (служынава) грэхоскирэ́ Законóскэ́.

Шэро́ 8

Джи́ибэн дро Ду́хо (Фа́но)

¹ Тэды, нанэ ка́канá нисаво́ обракирибэн ваш одолéнгэ, саво́ дживэ́на дрэ Исусо́стэ́ Христосо́стэ́ на пир лоч (плоть), а пир Ду́хо (Фа́но). ² Пал-дова́ со джи́ибна́скиро́ Духоскиро́ Закóно пир Исусо́стэ́ Христосо́стэ́ кэрдя́ ман вольно́нэса грэхоскирэ́ Законóстыр и мэрибна́стыр. ³ Пал-дова́ со, сыр Закóно на мого́ндя́ тэ пиризорьякирэ́л манушэскири́ лоч, и хасякирдя́ пэскири́ зор, тэды Дэвэл бичхадя́ Пэскирэ́с Чхавэ́с, Саво́ сыс дрэ лоч (плоть), сыр грэхитко́ ману́ш, соб (кай) Ёв тэ явэл сыр свэ́нто дыибэн (жэ́ртва) пал грэхo и тэ сэнды́кирэ́л грэхo дрэ манушэстэ́, ⁴ ваш дова́, соб (кай) дова́ чачипэн, саво́ Закóно трэ́бинэла́, тэ сполнинéлпэ́ пхэрдэ́с дрэ манушэ́ндэ, саво́ дживэ́на на пир лоч, а пир Ду́хо (Фа́но). ⁵ Пал-дова́ со, кон дживэ́ла пир лоча́киро тырдыпэн, одова́ и думинэ́ла пал лоч, а кон дживэ́ла пир Ду́хо (Фа́но), одова́ думинэ́ла и пал Ду́хо (Фа́но). ⁶ Пал-дова́ со лоча́кирэ́-грэхоскирэ́ Манушэскиро́ тырдыпэн лы́джала́ кэ мэрибэн, а Духоскиро́ тырдыпэн дэ́ла джи́ибэн и рама́нё (миро). ⁷ Пал-дова́ со лоча́кирэ́-грэхоскирэ́-манушэскиро́ тырдыпэн исын проти Дэвлэ́стэ́: ёнэ ж на кандэ́на Дэвлэ́скиро́ Закóно, и ёнэ на мого́нэна́ тэ кандэ́н; ⁸ и ко́долэ́, кон дживэ́ла пир пэ́скирэ́-грэхоскиро́ тырдыпэн, на мого́нэна́ тэ явэн лачхó́ Дэвлэ́скэ́. ⁹ Нэ ко́ли тумэ́ дживэ́на на пир лоча́кирэ́-грэхоскиро́ тырдыпэн, тэды, чачэ́с, Дэвлэ́скиро́ Ду́хо (Фа́но)

дживэла дрэ тумэндэ; а, коли вари-конэстэ нанэ Христососкиро Дүхо (Фано), одова исын на Лэскиро: ¹⁰ коли Христосо дживэла дрэ тумэндэ, то тумарі лоч исын мулы ваш грэхо, нэ Дүхо (Фано) исын джидо пирдал чачипэн. ¹¹ А коли Одолэскиро Дүхо (Фано), Кон отджидякирдя мулэндыр Исусос, дживэла дрэ тумэндэ, тэды Одова, Кон отджидякирдя Христосос мулэндыр, отджидякирэла и тумарэ маса, савэ исын на вечна, Пэскирэ Духоса, саво дживэла дрэ тумэндэ. ¹² И тэды, пшалалэ, амэ на сам бангэ грэхоскирэ лочакэ, соб (кай) тэ дживас пир лочакиро тырдыпэн; ¹³ пал-дова, со коли тумэ дживэна пир лочакиро тырдыпэн, тэды тумэ ж мэрэна, нэ коли тумэ мулякирэна тумарэ свэтытка рэндэ Духоса, тумэ явэна тэ дживэн: ¹⁴ пал-дова со сарэ, кон кэрэла пир Дэвлэскиро Дүхо (Фано), исын чачунэ Дэвлэскирэ Чхавэ. ¹⁵ Палдова со тумэ на прилынэ Дүхо (Фано), Саво кэрэла тумэн писхарьэнца, соб (кай) нэвэстыр тэ дживэн дрэ дар, а тумэ прилынэ Дүхо (Фано), Саво кэрдя тумэн пэскирэ чхавэнца, савэса амэ кхараса Дэвлэс: “Авва, Дáдо!” ¹⁶ Дэвлэскиро Дүхо (Фано) допхэнэла кхэтанэ амарэ духоса пал дова, со амэ сам Дэвлэскирэ чхавэ. ¹⁷ Нэ коли амэ сам Лэскирэ чхавэ, тэды амэндэ исын паш дро мэкно миштыпэн Дэвлэскиро и паш дро Христососкиро мэкно миштыпэн, коли амэ чачунэс Лэса мэнчынасапэ, соб (кай) кхэтанэ Лэса адякэ-паць тэ прославинаспэ.

Слава, Саві Явэла

¹⁸ Палдава мэ думинава, со ададывэсатуно амаро пиридживибэн нисо на мол ангил дай слава, саві отчхакирэлапэ амэнгэ. ¹⁹ Палдава кажно джидо создыибэн пэ пхув, барэ надеяса ужакирэла, кели Дэвлэскирэ чхавэ явэна хулая пир свэто: ²⁰ пал-дова со саро джидо создыибэн пэ пхув гия тэл бизладоскири зор на пир пэскиро выкэдыибэн, нэ пир Одолэскиро выкэдыибэн, Кон кэрдя адякэ и дрэ Савэстэ исын надэя пэ дава, ²¹ со дава саро джидо создыибэн кокоро явэла вольно мулыканэ писхарибнастыр, ваш дова, соб (кай) тэ явэл дова-паць слаўтно вольныма, саві исын Дэвлэскирэ чхавэндэ. ²² Палдава амэ джинаса, со саро дава джидо создыибэн кэ дава часо дэла гóдла дрэ мэньки, сырбы ангил дова, сыр чхаворó бияндéла. ²³ И на екх ёнэ, нэ и амэ кокорэ, савэ уджиндям англэдыр явирэндыр Духоскиро талано, адякэ-паць амэ андрал пэстэ ужакираса и пхарэс даса гондя (уздыхинаса), соб (кай) Дэвэл тэ прилэл амэн пал пэскирэ чхавэндэ, кели амарэ маса явэна выкиндлэ мэрибнастыр. ²⁴ Палдава амэ самас зракхнэ надеяса; нэ надэя, кели исын бицялы, дава нанэ надэя: пал-дова со, коли кон вари-со дыкхэла, сóскэ лэскэ адякэ-паць тэ надеинэлпэ? ²⁵ Нэ кели амэ надеинасапэ пэ дова, со амэ на дыкхаса, тэды амэ гарá (длүгэс) ужакираса. ²⁶ Адякэ-паць и Дүхо (Фано) подрикирэла амэн дрэ амаро бизорьякирибэн; амэ на джинаса, пал со и сыр трэй тэ мангаспэ Дэвлэскэ, нэ Дүхо кокоро мангэла Дэвлэс пал дова, со амарэ лава исын на дрэ зор тэ пиридэл. ²⁷ А Одова, Кон пробинэла илэ, джинэла, пал со Дүхо (Фано) мангэла, пал-дова со Ёв мангэлапэ пал свэнтонэндэ пир Дэвлэскири воля. ²⁸ Нэ амэ джинаса, со кон рикирэла сыр Дрógима Дэвлэс дро пэскиро ило и конэс кхардэ пир Лэскиро упхэныбэн, одолэн Дэвэл лыджала сарэн кэ бахт. ²⁹ Палдова со, конэс Ёв кокоро англэдыр выкэдыя, одолэн и освэнцындя тэ кэрэн, соб (кай) ёнэ тэ подджан пэ Лэскирэ Чхавэстэ, адякэ, соб (кай) Ёв тэ явэл англатуно машкир бутэндэ пшалэндэ. ³⁰ А конэс Дэвэл освэнцындя англэдыр, одолэн Ёв и кхардя, нэ конэс Ёв кхардя, одолэн и приджиндя пал чачунэндэ, и барьякирдя.

Дэвлэскири Ласка дрэ Исусóстэ Христосóстэ

³¹ Со амэ тэды пхэнаса пэ дава? Коли Дэвэл исын пал амэндэ, тэды кон исын проти амэндэ?

³² Одова, Кон на тангиндя Пэскирэ Чхавэс, нэ Ёв отдыя Лэс пал сарэндэ амэндэ, ци на даринэла Ёв адякэ-паць амэнгэ кхэтанэ Лэса саро? ³³ Кон могинэла тэ бангякирэл одолэн, конэс Дэвэл выкэдыя? Дэвэл приджинэла лэн чачунэнца: ³⁴ кон явэла тэ сэндякирэл? Исусо Христосо, Саво мыя, нэ и Саво отджидыя мулэндыр? Ёв, Саво каканá исын пир чачуны Дэвлэскири риг? Ёв и мангэла пал амэндэ. ³⁵ Кон тэрдéла машкир амэндэ и Христососкири

ласка? Пиридживибэн, ци пхарипэн, ци традыпэн, ци нангипэн, ци дар, ци мэрибэн? ³⁶ Сыр исын чхиндло: “Пал Түтэ амэ сам тэрдэ кажно дывэс муй пэ муй мэрибнаса; и дыкхэна пэ амэндэ, сыр пэ бакрэндэ, савэн сыг чхинэна.” ³⁷ Нэ саро дава амэ пиризорьякираса Одолэскирэ зорьяса, Конэскэ адякэ древан амэ яцям дрога. ³⁸ И мэ миштэс джином, со ни мэрибэн, ни джибэн, ни Янгóлы, ни ангыпына, ни дова, со исын какана, ни дова, со явэла ангил; ³⁹ ни вучипэн, ни хорипэн, нисó явир, со исын джидó пэ сарó парно свэто, на могоинэла тэ тэрдэл машкир амэндэ и Дэвлэскири ласка дрэ Исусостэ Христосостэ, амарэ Растэ-Дэвлэстэ.

Шэрó 9

Дэвэл и Лэскирэ Манушá

¹ Мэ ракирава чачипэн дрэ Христосостэ и мэ на хохавава, мирí патыв допхэнэла пал дава Свэнтонé Духóса; ² со исын мандэ барó пиридживибэн, и на пириячэла тэ дукхал миро ило; ³ пал-дова со мэ камамас кокорó тэ явав тэл Дэвлэскири прокошыбэна (арманя), соб (кай) ман тэ чхувэн дрэ риг Христосостыр пал мирé пшалэндэ, савэ исын сэмэнца мангэ пир рат; ⁴ гада, ёнэ исын Израилэскирэ манушá, лóнгэ сыс дыно тэ ячэн Дэвлэскирэ чхавэнца тэ прилэн миштыпэн, исын дыно и слава и завето, и Зако́но тэ прилэн, и мангипэн Дэвлэскэ, и лав ангил; ⁵ ёнэ исын чхавэ пэскирэ дадэнгирэ, савэндыр пир лоч и выгия́ Христóсо, Ёв исын Дэвэл пэ сарэ манушэндэ, Ёв исын бахтякирдó пэ сарэ бэршá. Амíнь. ⁶ Нэ адякэ дава на могоинэла тэ явэл, соб (кай) Дэвлэскиро лав тэ хасякирэл зор; пал-дова со на сарэ манушá, савэ дживэна кэ Израилё, исын Дэвлэскирэ манушá; ⁷ и на сарэ Авраамóскирэ чхавэ, савэ исын бияндлэ Авраамóскирэ родóстыр, екх дава на кэрэла лэн Авраамóскирэ чхавэнца; а сыр исын чхиндло: “Исаакостыр дэлапэ түкэ родо!” ⁸ Явирэ лавэнца, на сарэ кадалэ чхавэ, савэ бияндлэ Авраамóскирэ родóстыр, исын Дэвлэскирэ чхавэ: нэ кодолэ исын чхавэ, пал савэндэ Ёв дыя лав. ⁹ Нэ лав, савó Дэвэл дыя, исыс дасаво: “Дро дасаво часо (моменто) Мэ явава и явэла чхавó Саратэ.” ¹⁰ И на екх дава; нэ адякэ-паць сыс и Ревекаса, кели ёй пхария дро екх часо близнятэнца Исаакостыр, амарэ дадэстыр, ¹¹ и ангил лэнгиро бияныпэн, кели ёнэ ишчо (инкэ) на кэрдэ нисавó лачхипэн ци фуипэн, Дэвэл кэрдя пэскиро выкэдыибэн, ¹² и дава на сыс спхандло рэндэнца, а сарó кэрэла Одова, Кон прикхардя, тэды Ревекакэ сыс пхэндло: “Пхурэдыр пшал явэла тэ дынаринэл тыкнэдырэскэ”: ¹³ и, сыр исын чхиндло пал дава: “Мангэ яця дро́го Яково, а Исавос Мэ древан на камдём тэ дыкхав.” ¹⁴ Со амэ тэды пхэна́са пэ дава? Наушто начачипэн исын Дэвлэстэ? Над. ¹⁵ Дэвэл ракирэла Мойзаскэ: “Мэ примангава одолэнгэ, конэс трэй тэ примангав, и конэс трэй тэ тангинав, Мэ потангинава.” ¹⁶ Тэды джинэн, со примангипэн манушэскэ на пир лэскиро ило ци стариныбэн, а пир Дэвлэскиро тангипэн. ¹⁷ Свэнто ж Чхиныбэн ракирэла Фараонóскэ: “Ваш дова Мэ тут и чхудём раса, соб (кай) тэ сыкавав пэ түтэ Мирí зор, и соб (кай) тэ явэл джидло́ Миро лав пир сарí пхув.” ¹⁸ Тэды джинэн, со Дэвэл тангинэла одолэс, конэс Ёв кокорó выкэдэла, и Ёв пхарьякирэла ило одолэскэ, кон исын дро́го Лэскэ.

Дэвлэскири Ласка и Тангипэн (Жáлима)

¹⁹ Вари-кон тумэндыр могоинэла тэ пхэнэл мангэ тэды: “Пал со, Дэвэл бангякирэла амэн? Пал-дова со, кон могоинэла тэ явэл проти Лэскири воля?” ²⁰ А кон ту сан адасавó мануш? Соб (кай) түтэ тэ явэл отпхэныбэн Дэвлэскэ? Ци могоинэла дова, со исын кэрдó, тэ пхэнэл одолэскэ, кон кэрдя лэс: “Сóскэ ту кэрдян ман дасавэса?” ²¹ Ци нанэ право одолэ манушэстэ, савó кэрэла пирья глэятыр (глина́тыр), соб (кай) екхэ замесостыр тэ кэрэл пирí ваш свэнкитко дывэс, и явир ваш кажно дывэс? ²² И ко́ли Дэвэл камэла тэ кэрэл чачуно́ сэндо и тэ сыкавэл Пэскири зор, Ёв тангинэла гарá манушэн, савэ исын создынэ ваш хасибэн; ²³ соб (кай) ты сыкавэл Пэскиро барвалыпэн дрэ слава тангипнаса пэ манушэндэ, савэн Ёв выкэдыя́ ваш слава, ²⁴ и пэ амэндэ, савэн Ёв адякэ-паць кхардя на екхэ Юдэндыр, нэ и

Наюдэндэр? ²⁵ И Ёв адякэ-паць пхэндя Осияскэ: “На Мирэ манушён Мэ явава тэ кхарав Мирэ манушёнца, и одолья, савья Мэ на покэрдём (сави на яця пир илэ Мэнгэ), Мэ явава тэ кхарав ‘мирэ дрогонаса.’ ²⁶ И явэла пэ дова штэто, кай сыс пхэндлэ лэнгэ: ‘Тумэ сан на Мирэ мануша, одой ёнэ явэна тэ кхарэнпэ джидэ Дэвлэскирэ чхавэнца.’” ²⁷ Исаё ракирэла роибнаса пал Израилё: “Мэк Израилёскирэ чхавэ тэ явэн адакицы бут, кицы исын морёскиро (дэрьявэскиро) прахо, а усаэкх набари паш лэндыр зракхэлапэ: ²⁸ пал-дова со Дэвлэ зрикирэла Пэскиро лав кэ концо (кэ ягёро); Ёв кэрэла далэ пхувьяса дова, со Ёв пхэндя.” ²⁹ Сыр и англэдыр Исаё пхэндя пал дава: “Кёли болыбнаскирэ-янголэнгиро Рай Дэвлэ тэ на ячкирэл амэнгэ рёдо, то амэнца явэла дова-паць, со яця Содомёскирэ и Гоморакирэ манушёнца.”

Павлэскиро Мангипэн Дэвлэскэ пал Израилё

³⁰ Со амэ тэды каканэ пхэнаса? Наюды, савэ на камлэ тэ родэн чачипэн, дорэснэ (долынэ) чачипэн пир пэскиро патяибэн. ³¹ А Израилё, савэ родыя Закёно пир чачипэн, адякэ ёв на догия кэ Закёно. ³² Сёскэ? Палдова со ёнэ на дыкхнэ пэ патяибэн, а пэ Законёскирэ рэнды. Ёнэ обштадэпэ пал бар, савэ лэн на домэкэла, ³³ сыр и исын чхиндлэ пал дава: “Гёда, Мэ чхувэва пэ Сиёно бар, пал савэ бут мануша обштавэнапэ и пэрэна: и кажно, кон патяла дрэ Лэстэ, одова ниэкхвар на явэла тэ ладжал.”

Шэрэ 10

¹ Пшалалэ! Шук мирэ илэскири и мангипэн кэ Дэвлэ исын пал дова, соб (кай) Израилё тэ явэл зракхно. ² Мэ сом лэнгиро якхитко (свидетёлэ), со ёнэ зоралэс рикирэна сыр Дрогима Дэвлэс дро пэскиро илэ кэ зэвлыныпэн, нэ на пир джиныбэн. ³ Пал-дова со ёнэ на уджиндлэ Дэвлэскиро чачипэн, и чхувэнас зорьяса ёнэ пэскиро чачипэн, пал-дова ёнэ на чхудэ пэс тэл Дэвлэскиро чачипэн. ⁴ Закёно кончындыпэ Христосёса, соб (кай) кажно, кон патяла, тэ явэл приджиндлэ чачунэса.

Зракхибэн ваш Сарэнгэ

⁵ Мёйза (Моисеё) чхинэла пал чачипэн пир Закёно: “Со мануш, савэ явэла тэ кэрэл пир Закёно, явэла тэ дживэл Лэса.” ⁶ А чачипэн, савэ исын патяибнастыр, ракирэла адякэ: “На ракир дро пэскиро илэ: ‘Кон джала упрэ пэ болыбэн?’” (Соб (кай) одотхыр тэ янэл тэлэ Христосёс упралыпнастыр) ⁷ ци ‘Кон мёгинэла тэ змэкэлпэ тэл пхув?’ (Соб (кай) тэ газдэл Христосёс мулэндэр). ⁸ Со ракирэла Свэнто Чхиныбэн? “Лав исын дыно тукэ, ёв исын дрэ тырэ уштэ и дрэ тырэ илэ”, гёда, исын дова лав, савэса амэ пхэнаса лав, ⁹ пал-дова со, кёли ту пригалёса тырэ уштэнца и явэса тэ ракирэс сарэнгэ, со ‘Исусо исын Дэвлэ’ и явэса тэ патяс тырэ илэса, со Дэвлэ отджидякирэ Лэс мулэндэр, тэды ту зракхэсапэ. ¹⁰ Пал-дова со, кон патяла илэса, дава патяибэн лыджала кэ чачипэн, а кон пригалёла уштэнца, дава лыджала кэ зракхибэн. ¹¹ Палдава Свэнто Чхиныбэн ракирэла: “Кон патяла дрэ Лэстэ, одолэскэ на явэла ладжаво.” ¹² Пал-дова со нанэ нисавэ выкэдыбэн машкир Юдэндэ и Элинэнгэ (Грекэнгэ/Баламэнгэ); пал-дова со екх Одова-паць Дэвлэ исын ваш сарэнгэ, и Савэ бахтякирэла барвалэс сарэн, кон прикхарэла Лэс. ¹³ Пал-дова со со екх мануш, кон прикхарэла Дэвлэскиро лав, зракхэлапэ. ¹⁴ Нэ сыр сашты тэ прикхарэс Одолэс, дрэ Конэстэ ёнэ на упатяндынэ? И сыр лэнгэ тэ упатян дрэ Одолэстэ, пал Конэстэ ёнэ нисэ на шундлэ? И сыр ёнэ мёгинэна тэ шунэн, кёли никон на явэла тэ пхэнэл лав лэнгэ? ¹⁵ Нэ сыр вари-кон явэла тэ пхэнэл лав лэнгэ, кёли ёв на явэла бичхадэ? Сыр исын чхиндлэ пал дава: “Савэ бахталэ исын гэрэ одолэ манушэнгирэ, савэ псирэна пир свэто и роспхэнэна бахталы зан пал раманё, пал Лэскирэ лачхэ рэнды.” ¹⁶ Нэ на сарэ Юды прилынэ бахталы зан (звес). Палдава Исаё ракирэла: “Раё Дэвла! Кон патяндыя дрэ амари бахталы зан (звес).” ¹⁷ Патяибэн явэла шуныбнастыр, а шуныбэн явэла Дэвлэскирэ лавэндэр. ¹⁸ Нэ мэ пхучава:

“Наушто (неужэли) ёнэ на шундлэ? Шундлэ, чачэс; лэнгири зан прогия пир сарі пхув, и лэнгирэ лава сыс шундлэ пэ свэтоскирэ ягёры (краи).” ¹⁹ Нэ мэ нэвэстыр ракирава: “Ци могоинэла адякэ тэ явэл, соб (кай) Израилё тэ на джинэл дава? Мойза пэрво ракирдя: ‘Мэ джангавава тумэн, соб (кай) тумэ тэ зэвлынэн пир одолэ манушэндэ, савэ на гинэнапэ пал нацыя: мэ газдава дрэ тумэндэ холы пир манушэндэ, савэ на джинэна Ман.’” ²⁰ Исаё муршканэс ракирэла: “Ман латхнэ одолэ, савэ на родынэ Ман; Мэ сыкадём пэс одолэнгэ, савэ на пхучнэ пал Мандэ.” ²¹ А Израилёскэ Ёв ракирэла: “Саро дывэс Мэ протырдавас мирэ васта кэ адалэ мануша, савэ на кандэна и кэрэна проти Мандэ.”

Шэро 11

Дэвлэскиро Тангипэн (Жалима) кэ Израилё

¹ Палдава мэ пхучава: “Ци Дэвэл мэкця Пэскирэ манушэн?” Над. Мэ кокорó сом Израильтянино, Авраамóскирэ родóстыр, Вениаминóскирэ ригатыр. ² Дэвэл на могоиндя тэ мэкэл Пэскирэ манушэн, савэн Ёв англэдыр приджиндя. Ци тумэ на джинэна, со ракирэла Свэнто Чхиныбэн пал Илиястэ, сыр ёв тангинэлапэ (жалинэлапэ) пэ Израилё ангил Дэвлэстэ? ³ “Раё Дэвла! Ёнэ замардэ (умардэ) Тырэ пророкэн, респхагирдэ Тырэ Свэнтонэ-дыибнытка штэты и мэ яцёмпэ екхджинó, и ёнэ родэна тэ замарэн ман.” ⁴ Нэ со ракирэла Дэвлыкано отпхэныбэн? “Мэ рахцём Пэскэ эфта тысёнцы манушэн, савэ на тэрдинэ пэ чанга ангил Ваалостэ.” ⁵ Адякэ-паць и дро амарó часо пир Дэвлэскиро выкэдыбэн пир бахталыпэн исын выкэдыны паш. ⁶ Кóли пир бахталыпэн-дава нанэ бутыр пал рэнды, то бахталыпэн пириячэлас тэ явэл бахталыпнаса, сыр Дэвлэскиро дыибэн. ⁷ Нэ со ж тэды? Со Израилё родыя, одова ёв на латхья (ластя), нэ одолэ, савэ сыс выкэдынэ, латхнэ, а явир сырбы короринэ холятыр. ⁸ Сыр и сыс чхиндло пал дава: “Дэвэл дый лэнгэ дасаво дүхо (фано), со лэнгири годы исын суты, лэнгирэ якха на дыкхэна и канá на шунэна кэ ададывэсатуно дывэс.” ⁹ И Давидо ракирэла: “Мэк тэ явэл скаминдэнгиро пибэн лэнгэ сыр кхуды (сеть), сыр мирежа, сыр фэлы (петля) тэ попэрэнпэ и пхарó отдыибэн ваш лэнгэ: ¹⁰ мэк тэ корьён лэнгирэ якха, соб (кай) ёнэ тэ на дыкхэн, и мэк тэ явэн збандькирдэ лэнгирэ думэ пэ сарó джибэн.” ¹¹ Тэды мэ пхучава: Наушто ёнэ обштадэпэ, соб (кай) сарэса тэ пэрэн? Сарэса над: Дова, со ёнэ пынэ, яндя Наюдэнгэ зракхибэн, соб (кай) тэ выкхарэн зэвлыныпэн дро Израилё. ¹² Кóли дава, со ёнэ пынэ, янэла свэтоскэ барвалó бахтякирибэн, и кóли лэнгиро хасякирибэн янэла барвалó бахтякирибэн Наюдэнгэ, тэды ци пэ бут бутыр Юдэнгэ кокорэндэ явэла барвалó бахтякирибэн пэ кóнцо (пэ ягóро).

Зракхибэн ваш Наюдэнгэ

¹³ Палдава мэ ракирава, тумэнгэ, Наюдэнгэ: сыр мэ сом тумарó Апостоло, мэ древán кутякирава миро дынарибэн (служэниё); ¹⁴ ци на газдава мэ зэвлыныпэн дрэ мирэ пшалэндэ, савэ исын мангэ пир рат, соб (кай) тэ зракхав вари-савэ лэндыр? ¹⁵ Кóли лэнгиро отгибэн янэла свэтоскэ рамáнэ (миро) Дэвлэса, тэды со ж явэла, кэли Дэвэл прилэла лэн нэвэстыр? А дава явэла сырбы отджидыибэн мулэндир. ¹⁶ Кóли исын свэнто англатунó хумэр (тясто), тэды свэнто явэла и сарó марó. Кóли исын свэнто кокорó кашт (дрéво), тэды свэнта явэна и лэскирэ рандя (вэтки). ¹⁷ А кóли вари-савэ рандя отпхадинэ, а тут сыр хрустэнгири маслина приборьякирды пэ лэнгиро штэто, и каканá адякэ-паць, сыр и ёнэ, ту чаравэсаспэ (хахавэсаспэ) явирэ рандэнца тхулэ-оливитконэ каштэстыр, ¹⁸ то на шарпэ ангил явир рандя; а кóли ту шарэсапэ, тэды на бистыр, со на ту чаравэса (хахавэса) кашт, а ёв хахавэла тут. ¹⁹ Ту могоинэса тэ пхэнэс каканá: “Рандя отпхадинэ ваш дова, соб (кай) ман тэ приборьякирэн.” ²⁰ Миштó: ёнэ отпхадинэ пал пэскиро напатяибэн, а ту рикирэсапэ пал пэскиро патяибэн. Ракх кокори пэс, нэ дар: ²¹ пал-дова со, кóли Дэвэл на потангиндя ранден, савэ выбаринэ кадалэ каштэстыр, тэды дыкх, Ёв на явэла тэ тангинэл и тут. ²² И адякэ, дыкх Дэвлэскиро тангипэн и строгима: кэ одолэ, кон отпыя, – строгима, нэ кэ ту – Дэвлэскиро

бахталó лачхипэн, кóли ту явэса тэ дживэс Лэскирэ бахталé лачхипна́са, пал-довá со, кóли на адя́кэ, тэды и ту явэса чингирдо криг. ²³ Нэ и адя́кэ-паць одолé, савó на явэна тэ дживэн дурэды́р пэскирэ патяибна́са, явэна нэвэсты́р приборьякирдэ; пал-довá со Дэвлэ́стэ исын зор нэвэсты́р тэ приборьякирэл лэн. ²⁴ Палдава́ со, кóли ту са́нас чингирдо криг оливитконé каштэ́стыр пир бияныпэн, и на пир пэскиро бияныпэн, и тут приборьякирдэ кэ лачхí оливитко раслина, то фэды́р сарэ́стыр приборья́ена долé рандя́ кэ пэскиро оливитко кашт (дрéво), савэ́стыр ё́нэ сыс отчингирдэ.

Дэвлэ́скиро Тангипэн (Жа́лима) пэ Сарэ́ндэ

²⁵ Палдава́ мэ на кама́м, пшала́лэ, тэ ячкирав тумэн дрэ наджиныбэн пал чораханыбэн, соб (кай) тумэ́ тэ на думинэн вучэс пал пэ́стэ, вари-савó Юды я́чнэ пхарэ́илытка и дава́ явэ́ла кэ одова́ часо, пака, ки́цы трэй Наю́дэн, рисёна кэ Дэвэл; ²⁶ и адя́кэ сарó Израилё́ зракхэ́лапэ. И сыр исын чхиндло́ пал дава́: “Зракхи́бнари явэ́ла Сионо́стыр; и Ёв отрискирэ́ла бидэвлы́ткима Яковосты́р. ²⁷ И дава́ Манды́р лэ́нгэ доракирибэн, кэ́ли Мэ злава грéхи лэ́ндыр.” ²⁸ Дро отлы́джаибэн кэ бахталы́ зан (звесь), ё́нэ я́чнэ вэ́ргэнца ваш тумэ́нгэ; нэ со отлы́джалапэ кэ выкэ́дыибэн, ё́нэ исын Дэвлэ́скирэ най дрогэ́дыр мануша́ пир лэ́нгирэ дадэ́ндэ. ²⁹ Дэвлэ́скирэ таланы и Лэ́скиро прикхарибэн на парудё́на. ³⁰ Палдава́ адя́кэ-паць, сыр и тумэ́ вари-кэ́ли на канды́нэ Дэвлэ́с, нэ ка́канá Дэвэл потангиндя́ тумэн, пир дова́ со Юды на лы́нэ тэ кандэ́н, ³¹ адя́кэ-паць и ё́нэ ка́канá на канды́нэ ваш дова́, соб (кай) и лэ́нгэ тэ явэ́л ла́ска пир Дэвлэ́скиро тангипэн, савó адя́кэ-паць сыс дыно́ тумэ́нгэ.

Шари́бны́тко Сла́ва Дэвлэ́скэ

³² Дэвэл пролы́джия сарэ́н манушэ́н пир на́кандыпэн, соб (кай) тэ сы́кавэл Пэ́скиро тангипэн пэ лэ́ндэ. ³³ Акэ, савó барó барвалы́пэн и годы́, и джины́бэн Дэвлэ́стэ! Сыр нашты́ тэ галёс, сыр Ёв сэ́ндинэла и нашты́ тэ джине́с Лэ́скирэ дрома́! ³⁴ Кон уджиндя́, со Дэвэл думинэ́ла? Ци мого́ндя вари-кон Лэ́скэ тэ ра́динэл? ³⁵ Ци ды́я вари-кон пэ́рво Лэ́скэ дро ву́жлыпэн, соб (кай) ёв тэ мого́нэл тэ дорэ́сэл (тэ долэ́л) палэ́? ³⁶ Пал-довá со сарó джа́ла Лэ́стыр и пир Лэ́стэ и ваш Лэ́скэ. Мэ́к тэ явэ́л сла́ва Лэ́скэ дрэ ве́ки! Ами́нь.

Шэ́ро 12

Ману́ш Джи́ибна́са Дына́ринэ́ла Дэвлэ́скэ

¹ Палдава́, пшала́лэ, мэ манга́ва тумэн Дэвлэ́скирэ тангипна́са, тэ отдэ́н пэс сарэ́са сыр свэ́нто джидо́ отды́ибэн и савó трэй Дэвлэ́скэ ваш тумарó годьварó дына́рибэн (служэ́ние) Лэ́скэ годя́са и илэ́са. ² На дживэ́н адя́кэ, сыр адалé-векоскирэ́ мануша́ дживэ́на, нэ парувэн пэс, нэвякирэ́н тумарí годы́, соб (кай) тумэ́нгэ тэ джине́н, со Дэвлэ́скири во́ля исын лачхí, бидошэ́нгири и чачуны́. ³ Палдава́ мэ ра́кира́ва кажно́нэскэ тумэ́ндыр: на думинэн пал пэ́стэ бутэ́дыр, сыр трэй тэ думинэ́с; нэ думинэн годьварэ́с пир тумарó патяи́бэн, савó Дэвэл ды́я кажно́нэскэ тумэ́ндыр. ⁴ Палдава́, сыр манушэ́стэ исын екх маса́ и бут паша́ дрэ лэ́стэ, нэ на сарэ́ паша́, со кэ екх, кэ́рэна дова́-паць; ⁵ адя́кэ-паць и амэ́ сарэ́ кхэ́танэ́ сам сы́рбы екх маса́ дрэ Христосó́стэ, а кóли амэ́ на сам кхэ́танэ́, тэды амэ́ сам паша́ екх екхэ́скэ. ⁶ Нэ палдова́, сыр амэ́ндэ́ исын ра́зна таланы пир бахталы́пэн, савó исын дыно́ амэ́нгэ, тэды явэ́са тэ дына́рина́с Дэвлэ́скэ лэ́нца, конэ́скэ исын дыно́ талáно: тэ явэ́л проро́ко, мэ́к тэ ра́кирэ́л пир патяи́бэн, савó исын лэ́стэ: ⁷ кóли вари-конэ́скэ дыно́ тэ помогинэ́л яви́рэ́нгэ, мэ́к одова́ ману́ш тэ помогинэ́л; ци, кóли вари-конэ́скэ дыно́ тэ явэ́л сы́клякирибна́скиро, мэ́к одова́ ману́ш тэ сы́клякирэ́л. ⁸ Ци, кóли вари-конэ́скэ дыно́ тэ подри́кирэ́л манушэ́н, мэ́к одова́ ману́ш тэ подри́кирэ́л; кóли вари-конэ́скэ дыно́ тэ роздэ́л чорорэ́нгэ, мэ́к одова́ ману́ш тэ на тангинэ́л, мэ́к тэ дэл сарэ́ илэ́стыр; ци кóли вари-конэ́скэ дыно́ тэ явэ́л ра́са, мэ́к одова́ ману́ш тэ кэ́рэл миштэ́с пэ́скири буты́. Кóли вари-конэ́скэ дыно́ тэ дыкхэ́л пал яви́рэ́ндэ, мэ́к одова́

мануш тэ кэрэл дава радываса. ⁹ Мэк тэ явэл чачуны тумары пшалытко патыв; рисен криг фуипнастыр и кэрэн лачхипэн: ¹⁰ сыкавэн патыв екх екхэскэ пшалытконэ патываса и тангинэн екх екхэс: кутякирэн (важынэн) екх екхэс; ¹¹ на явэн кирнэ-масэнгирэ, хачон духоса, кели тумэ дынаринэна Дэвлэскэ. ¹² Радынэнпэ дро тумары надёя: явэн зоралэ (тварда) дро пиридживипэн; ўсады (сак) мангэнпэ Дэвлэскэ; ¹³ помогинэн (подэн васт) Дэвлытконэ манушэнгэ, кели лэндэ исын трэбима, дыкхэн илэса пал одолэ манушэндэ, савэ явэна кэ тумэ. ¹⁴ Бахтякирэн одолэ манушэн, савэ традэна тумэн; бахтякирэн, а на кошэн. ¹⁵ Радынэнпэ кхэтанэ одолэ манушэнца, савэ радывэнапэ, и ровэн кхэтанэ одолэ манушэнца, савэ ровэна. ¹⁶ Дживэн сыр малá (дру́ги) машкёр пэстэ; на пхутён, а явэн кандунэ; на думинэн пал пэстэ, со тумэ сан древáн годьварэ: ¹⁷ на кэрэн чорипэн палэ пал холы никонэскэ, кэрэн лачхипэн сарэ манушэнгэ; ¹⁸ коли дава сашты тумарэ ригатыр, дживэн дро раманё (миро) сарэ манушэнца. ¹⁹ Мирэ малá, на кэрэн нисаво чорипэн никонэскэ пал пэстэ, пшала мирэ, фэдыр ячкирэн штэто ваш Дэвлэскири холы; пал-дова со, сыр исын чхиндло: “Ячкирэн дава Мánгэ, Мэ кэрава”, – ракирэла Рай Дэвэл. ²⁰ И коли тыро вэрго (врого) исын бокхало, чарав лэс; коли ёв камэла тэ пьел, дэ тэ пьел лэскэ; пал-дова со, коли ту кэрэса адякэ, ту кэдэса лэскэ пэ шэрó хачкирдэ вангара. ²¹ На домэк, соб (кай) холы тэ лэл лóфо (зор) пэ тутэ, нэ кокорó пиризорьякир холы лачхипнаса.

Шэрó 13

Сыр тэ Отлыджáнпэ кэ Барыдыра

¹ Кажно мануш исын бангó (мусинэла) тэ кандэл тхэмэскирэ барыдырэн, пал-дова со нанэ дава, соб (кай) тэ на явэн ёнэ Дэвлэстыр, и сарэн барыдырэн, савэндэ исын право пэ манушэндэ, чхудя Дэвэл. ² Палдава одова, кон исын проти барыдырэндэ, исын проти одолэстэ, савэс чхудя Дэвэл; и кон адякэ кэрэла, одова кокорó янэла сэндо пэ пэстэ. ³ Пал-дова со барыдыра исын даранэ на ваш одолэнгэ, кон кэрэла лачхипэн, на ваш одолэнгэ, кон кэрэла фуипэн. Ци камэса ту тэ на дарэс барыдырэндэ? Кэр лачхипэн и тукэ явэла лэнги́ро шарибэн; ⁴ пал-дова со барыдыро исын Дэвлэскиро дына́ри ваш дова, соб (кай) тукэ тэ явэл лачхипэн. А коли ту кэрэса фуипэн, тэды даро, пал-дова со лэстэ на ивья́ (на на́прáснэс) исын куртáла; пал-дова со ёв исын Дэвлэскиро дына́ри, савэс Дэвэл чхудя ваш кáра одолэ манушэскэ, савэ кэрэла фуипэн. ⁵ Палдава трэй тэ кандэс на пал екх дар ангил кáра, нэ и пал патыв. ⁶ Палдава тумэ и плэскирэна намирья (подати): пал-дова со ёнэ исын Дэвлэскирэ дына́рья, и га́да, исын лэнги́ри буты́. ⁷ Палдава отдэн кажно́скэ дова, со лэскэ трэй: конэскэ трэй намирья (подати), отдэн одолэскэ намирья; конэстыр трэй мыто (оброко), отдэн одолэскэ мыто; конэстыр трэй тэ дарэн, дарэн одолэстыр; конэскэ трэй кутякирибэн, кутякирэн одолэс.

Сыр тэ Отлыджáнпэ Екх кэ Екх

⁸ На явэн дро вужлыпэн ни конэстэ апрíч сыр вужлыпэн тэ сыкавэн патыв екх екхэскэ: пал-дова со, кон сыкавэла патыв пэскирэ пашатунэ манушэскэ, одова сполнинэла Зако́но. ⁹ Пал-дова со припхэныбэна: “На кэр марки (биладжаипэн), на замар, на чор, на хохав, на зэвлын,” и, коли исын вари-саво явёр припхэныбэн, то лэскиро смысло дрэ далэ лава: “Сыкав патыв пэскирэ пашатунэ манушэскэ, сыр кокорó пэскэ.” ¹⁰ Кон сыкавэла патыв, одова на кэрэла чорипэн пашатунэ манушэскэ, пал-дова со, кон сыкавэла патыв, одова сполнинэла Зако́но. ¹¹ Кэрэн адякэ, сыр тумэ тэ джинэн часо, со каканá явдя мардо́ (штýнда) тумэнгэ тэ уштэн соибнастыр; пал-дова со каканá исын пашэдыр амарó зракхибэн, сыр тэды, кели амэ лыям тэ патяс. ¹² Рат джáла криг сыг и дывэс ячэла, палдава мэкаса калэ рэндэ и урьесапэ дро парныпэн. ¹³ Сыр и дывэсэ, яваса тэ лыджас пэс шукáр, на яваса тэ хас на пир мэра, и на яваса тэ матёвас, на яваса тэ кэра́с марки и тэ кэра́с ладжавэ рэндэ, на яваса тэ выпробинас

екх екхэс и тэ зэвлынас. ¹⁴ Дживэн и кэрэн саро пир Исусоскиро Христососкиро чачипэн, амарэ Раскирэ-Дэвлэскиро, на отдэн кокорэ пэс ваш тумарі лоч и лакиро тырдыпэн.

Шэро 14

Нашты тэ Сэндинэс Пэскирэ Пшалэс

¹ Манушэс, савэстэ нанэ зоралó патяибэн, прилэн би пхучибнаскиро. ² Пал-довá со екхэскиро патяибэн дэла воля лэскэ сарó тэ хал, а мануш, савэстэ нанэ зоралó патяибэн, мэк фэни ёв тэ хал шаха (овощы). ³ Одовá, кон хáла, на сэндыкир одолэс, кон на хáла; и кон на хáла, на сэндыкир одолэс, кон хáла, пал-довá со Дэвэл прилыя и лэс. ⁴ Кон ту адасавó сан, со ту сэндыкирэса явирэ – хуласкирэ писхарис? Ёв исын тэрдó ци пэрэла ангил пэскирэ хуластэ. И ёв нэвэстыр уштэла, пал-довá со Дэвэл могоинэла тэ чхувэл лэс, соб (кай) ёв тэ явэл тэрдó. ⁵ Екх мануш гинэла, со екх дывэс исын бутыр свэнто, сыр явир, а явир мануш гинэла екх дывэс адякэ-паць, сыр и явир. Мэк кажно мануш тэ кэрэл сарó пир пэскиро патяибэн. ⁶ Одовá, кон гинэла, со екх дывэс исын главнэдыр явирэстыр, гинэла ваш Дэвлэскэ. И одовá, кон хáла, хáла ваш Дэвлэскэ, пал-довá со ёв парикирэла Дэвлэскэ пал давá; и одовá, кон на хáла, ёв кэрэла давá ваш Дэвлэскэ, и парикирэла Дэвлэскэ. ⁷ Пал-довá со никон амэндыр на дживэла ваш пэскэ и никон на мэрэла ваш пэскэ. ⁸ Палдава, ко́ли амэ дживаса, амэ дживаса ваш Дэвлэскэ; а ко́ли амэ мэраса, амэ мэраса ваш Дэвлэскэ: а палдава, ци амэ мэраса, амэ ўсады (сак) сам Дэвлэскирэ. ⁹ Ваш давá и мыя Христóсо, и отджидыя, соб (кай) Лэскэ тэ явэл Раса-Дэвлэса и пэ джидэндэ и пэ мулэндэ. ¹⁰ Нэ со ту сэндыкирэса пэскирэ пшалэс? Ци и ту, со ту обракирэса пэскирэ пшалэс? Пал-довá со амэ сарэ яваса тэ тэрдэвас ангил Дэвлэскиро сэндо.

Нашты тэ Змарэс Пшалэс Дромэстыр

¹¹ Палдава исын чхиндло: “Мэ дживáва, – ракирэла Рай Дэвэл, – ангил Мандэ тэрдэна пэ чанга манушá кажнонэ родóстыр и манушá пэ кажна чибá (чибья) приджинэна, со Мэ сом Дэвэл.” ¹² Тэды кажно амэндыр явэла тэ отпхэнэл кокорó пал пэстэ ангил Дэвлэстэ. ¹³ На яваса бутыр тэ сэндыкирас екх екхэс; нэ фэдýр яваса тэ думинас пал довá, сыр тэ на домэкас пшалэскэ тэ змарэлпэ дромэстыр, тэ на злыджас пшалэс кэ грэхó. ¹⁴ Мэ джинóм и патява дрэ Растэ-Дэвлэстэ Исусóстэ, со нанэ нисó, соб (кай) тэ явэл нажужо кокорó пир пэстэ; нэ ко́ли мануш гинэла вари-со нажужэса, тэды ваш лэстэ довá исын нажужо. ¹⁵ Ко́ли тырó пшал холясóла пал хабэн, тэды ту кэрэса на пир ило́. На хасякир тырэ хабнаса одолэс, пал конэстэ Христóсо мыя. ¹⁶ Мэк манушá тэ на ракирэн чорипэн пал тумарó лачхипэн; ¹⁷ пал-довá со Дэвлэскиро Кралипэн-давá исын на хабэн и пибэн, а чачипэн, рамáнэ и ráдыма пир Свэнто Дýхо (Фáно). ¹⁸ Пал-довá со, кон адякэ дынаринэла Христососкэ, одовá исын дрэ ráдыма Дэвлэскэ и ёв исын мол шарибнаскэ манушэндыр. ¹⁹ Тэды яваса тэ причхувас зор тэ кэрáс довá, со лыджáла кэ рамáнэ (миро) и кэ екх екхэскиро галыибэн. ²⁰ На хасякир Дэвлэскирэ рэндэ ваш хабэн. Сарó хабэн исын жужó (чысто); нэ фуес одолэ манушэскэ, кон хáла и далэса лыджáла явирэ манушэс кэ грэхó. ²¹ Фэдýр тэ на хас мас, и тэ на пьес мол и тэ на кэрэс нисó дасаво, сóстыр тырó пшал могоинэла тэ змарэлпэ дромэстыр, соб (кай) тэ на злыджас пшалэс, ци тэ на кэрáс довá, сóстыр ёв на могоинэла тэ зрикирэлпэ. ²² Патяибэн, савó исын тýтэ, исын ваш пэскэ ангил Дэвлэстэ. Бахталó исын одовá мануш, кон на сэндыкирэла пэс пал довá, со ёв выкэдыя. ²³ Нэ одовá, кон пиридуминэла, ко́ли ёв хáла, явэла сэндыкирдо, пал-довá со ёв кэрэла на пир патяибэн; а сарó, со на пир патяибэн, исын грэхó. [²⁴ А Дэвлэскэ, савó дэла зор тумэнгэ тэ патяс пир мирі бахталы зан (звесь) и пир пхэныбэн пал Исусóстэ Христосóстэ пир чораханыбнаскиро откэрибэн, Савó сыс гарадо́ гаратунэ бэршэндыр, ²⁵ нэ Савó аканá дыно́ тумэнгэ пир пророкэнгиро чхиныбэн и пир Дэвлэскиро вечно́ упхэныбэн и сыс роспхэндлы сарэ нацыэнгэ, соб (кай) сарэ могоиндлэ тэ упатян и тэ

кандэн, ²⁶ Екхджинэскэ и Най Годьварэдырэ Дэвлэскэ, пир Исусостэ Христосостэ тэ явэл слава пэ сарэ веки. Аминь.-р.с.]

Шэрó 15

Кэрэн Екх Екхэскэ Лачхипэн пир Пэскиро Илó

¹ Амэ, савэ сам зоралэдыр, сам бангэ (мусинаса) тэ примангас доша одолэ манушэнгэ, савэндэ нанэ зор, а на тэ кэрэс екх со пир пэскиро илó. ² Кажнонэ амэндэр трэй тэ думинэл пал пэскирэ пашатунэ манушэстэ ваш дова, соб (кай) ёв тэ барьёл дрэ дүхо (фáно). ³ Палдава́ и Христóсо на кэрдя́ екх со пир Лэскиро илó, нэ, сыр исын чхиндлó: “Одолэ-манушэнгиро кошыбэн, савэ кошэна Тут, пынэ пэ Мándэ.” ⁴ Палдава́ сарó, со исыс чхиндлó англэдыр, сыс чхиндлó ваш амэнгэ, соб (кай) амэ тэ сыклёвас, соб (кай) амэндэ тэ явэл надёя вырикирибнаса и подрикирибнаса Свэнтонэ Чхиныбнастыр. ⁵ Мэк Дэвэл, савó дэла вырикирибэн и подрикирибэн, тэ дэл тумэнгэ, соб (кай) тумэ тэ явэн кхэтанэ дро дүхо (фáно) машкёр пэстэ пир Исусóскирэ-Христосóскиро сыкляибэн,

Бахталы́ Зан (Звесь) ваш Наюдэнгэ

⁶ соб (кай) тумэ сарэ кхэтанэ екхэ уштэнца тэ славинэн Дэвлэс и амарэ Рáскирэ-Дэвлэскирэ Дадэс. ⁷ Палдава́, прилэн екх екхэс, сыр и Христóсо прилыя́ тумэн, ваш слава́ Дэвлэскири. ⁸ Палдава́ мэ ракира́ва, со Исýсо Христóсо яця́ дына́ри (слýга) обчхиндлэнгэ ваш Дэвлэскиро чачипэн, соб (кай) Лэскэ тэ сполнинэл дыно́ лав, савó Ёв дыя́ дадэнгэ; ⁹ и соб (кай) Наюды́ тэ славинэн Дэвлэс пал Лэскиро тангипэн, сыр исын чхиндлó: “Пал дава́ мэ ява́ва тэ славинав Тут машкёр Наюдэндэ, и мэ ява́ва тэ багáв гилия́ Тырэ лавэскэ!” ¹⁰ И нэвэстыр Исаё ракирэла: “Радынэнпэ Наюды́ кхэтанэ Лэскирэ манушэнца.” ¹¹ И нэвэстыр пхэндлó: “Шарэн Рас-Дэвлэс, сарэ Наюды́ и мэк сарэ манушá тэ шарэн Лэс.” ¹² И нэвэстыр Исаё ракирэла: “Ёв явэла Есеёскиро родóстыр и Ёв явэла тэ хулаинэл манушэнца: пэ Лэстэ Наюды́ явэна тэ розгинэн.” ¹³ Дэвэл, Савó дэла надёя, – мэк тэ пхэрдякирэл тумэн кажнонэ радымаса́ и раманёса́ дро тумарó патяибэн, соб (кай) надёя тэ барьёл Свэнтонэ Духóскирэ зорья́са дрэ тумэндэ.

Пáвли Пирипхэнэла, Сóскэ Ёв Чхинэ́ла (Писынэ́ла) Адя́кэ Муршканэ́с

¹⁴ Мэ кокорó джино́м пал тумэндэ, мирé пшáла, со тумарé илэ исын пхэрдэ́ лачхипна́са, и тумарó джиныбэн дэла саштыпэн тумэнгэ тэ сыклякирэн екх екхэс. ¹⁵ Нэ мэ чхиндём тумэнгэ муршканэдыр пал вари-савэ рэнды, соб (кай) тумэ тэ рипирэн пал бахталыпэн, савó Дэвэл дыя́ мангэ, ¹⁶ тэ явав Исусóскирэ-Христосóскиро дына́ри ваш Наюдэнгэ́ и сыр рашáскэ тэ сыклякирав Дэвлэскири бахталы́ зан, соб (кай) дава́ Наюдэнгиро свэ́нто дыибэн тэ янэл Дэвлэскэ ра́дыма́ и тэ явэл посвэнцындло́ Свэнтонэ́ Духóса. ¹⁷ И палдава́ пир Исусóстэ Христосóстэ мэ мого́нава́ тэ шаравпэ́ мирé дынарибнаса́ ангил́ Дэвлэстэ. ¹⁸ Пал-дова́ со мándэ нанэ муршыпэн тэ ракира́в пал вари-со, со на кэрдя́ Христóсо пир мándэ, ваш дова́, соб (кай) тэ янэл Наюдэн кэ патяибэн, лавэ́са и рэндоса, савэ Ёв кэрдя́, ¹⁹ гэ́ртыкакирэ зорья́са и дивэнца, Дэвлэскирэ́ Духóскирэ́ зорья́са адя́кэ, со мэ пхэрдэ́с роспхэндём Христососкири бахталы́ зан (звесь) Ерусалимóстыр и пашы́л дава́ фо́ро кэ Илирика; ²⁰ и мэ причхудём зор (стариндёмпэ) тэ ракира́в на одóй, кай сыс пхэндлó́ Христосóскиро лав, соб (кай) тэ на чхував пэ дава́ фунда́менто, савó кэрдэ́ ангил́ мándэ; ²¹ нэ сыр исын чхиндлó: “Одолэ́, конэ́скэ на сыс роспхэндло́ пал Лэстэ́, одолэ́ кокорé дыкхэ́на, и одолэ́, савэ́ на шундлэ́, уджинэ́на.”

Павліскіро Задуміныбэн тэ Джал кэ Рімо

²² Палдава мандэ сыс бут тэрдэ пэ дром, со на дэлас мэнгэ саштыпэн тэ явав кэ тумэ. ²³ Нэ каканá, мандэ нанэ бутыр рэндэ пэ далэ пхувья, нэ сыр мандэ гаратунэ бэршэндэр сыс бари ласка тэ явав кэ тумэ, ²⁴ каканá, кэли мэ явава тэ традав дрэ Испания, мэ затрадава кэ тумэ, пал-дова со мандэ исын надэя тэ дыкхав тумэн, и со тумэ ман пролыджана дрэ дром коригэдыр (позжэдыр) долэстыр, сыр Мэ чалёвава радымаса тэ ракирав тумэнца, ²⁵ нэ каканá мэ джава дро Ерусалимо тэ дынаринав свэнтонэнгэ; ²⁶ пал-дова со Македония и Ахия закамлэ тэ скэдэн тэ дэн ловэ илэстыр свэнтонэнгэ Ерусалимостыр. ²⁷ Ёнэ кокорэ закамлэ дава, пал-дова со ёнэ исын вужлэ ангил лэндэ, коли Наюды ячнэ кхэтанэ Юдэнца дро Духоскиро бахтыкирибэн, тэды лэнгэ трэй тэ помогинэн лэнгэ и пэ джиибэн. ²⁸ Сыр мэ кэрава дава, мэ отдава лэнгэ, со скэдыно, тэды мэ джава пирдал тумарэ штэты дрэ Испания. ²⁹ Мэ джином, со кэли мэ явава кэ тумэ, мэ явава дро пхэрдэ Христососкиро бахтыкирибэн. ³⁰ Нэ, аканá мэ мангава тумэн, пшала, амарэ Раса-Дэвлэса, Исусоса Христососа и Духоскирэ патываса тэ явэн манца дро хор мангипэн пал мандэ кэ Дэвэл; ³¹ соб (кай) мэнгэ тэ зракхавпэ Юдэндэр, савэ на патяна дрэ Исусостэ и, соб (кай) миро дынарибэн дро Ерусалимо тэ явэл шукар прилыно свэнтонэнца; ³² соб (кай) мэнгэ дрэ радыма, коли Дэвлэскэ дава явэла трэй, тэ явав кэ тумэ и кхэтанэ тумэнца тэ откинёвав. ³³ Мэк Дэвэл, Саво дэла раманё, тэ явэл сарэнца тумэнца. Амíнь.

Шэрó 16

Павліскіро “Добри́дим” Выкэдынэ Манушэнгэ

¹ Мэ камам тэ пхэна́в тумэнгэ лав пал амарьятэ пхэнятэ Фиватэ, ёй исын диакониса дрэ Кенхреенгири кхангирі; ² соб (кай) тумэ тэ прилэн ла сыр Дэвлэскирья манушня, сыр трэй тэ прилэс свэнтонэн, и помогинэн лакэ, дрэ со ёй явэла тэ мангэл тумэн, пал-дова со ёй кокори помогинэлас бутэнгэ, адякэ-паць и мэнгэ. ³ Пиридэн “раманё” (миро) Прискилоскэ и Акилоскэ, адякэ-паць мирэ манушэнгэ, савэ кхэтанэ манца кэрдэ буты ваш Исусоскэ Христососкэ, ⁴ савэ пал миро джиибэн отдэнас кокорэ пэскиро шэрó; мэ парикирава лэнгэ наекхджино нэ и сарэ Наюдэнгирэ кхангирья, ⁵ адякэ-паць пиридэн “раманё” и кхангирьякэ, саві скэдэлапэ дрэ лэнгиро кхэр. Пиридэн “раманё” Епенетоскэ, адякэ-паць мирэ дрогонэ малэскэ, саво англэдыр сарэндэр упатяндые дрэ Христосостэ дрэ Асия. ⁶ Пиридэн “раманё” Мариякэ, саві кэрдя адякэ бут лачхипэн ваш тумэнгэ. ⁷ Пиридэн “раманё” Андроникоскэ и Юниёскэ, мирэ сэмэнцакэ, савэ сыс бэштэ кхэтанэ манца дро штарибэн; ёнэ исын джіндлэ машкір Апостолэндэ и англэдыр мандыр упатяндынэ дрэ Христосостэ. ⁸ Пиридэн “раманё” Амплияскэ, саво исын древан дро́го мэнгэ сыр пшал пир патяибэн дрэ Растэ-Дэвлэстэ. ⁹ Пиридэн “раманё” Урбаноскэ, саво кхэтанэ амэнца кэрэла буты ваш Христососкэ, и мирэ дрогонэ малэскэ Стахиёскэ. ¹⁰ Пиридэн “раманё” Апелесоскэ, саво сыкадя, со ёв чачуно патяибнаскиро дрэ Христосостэ, сарэнгэ Аристовулоскирэ кхэрэстыр. ¹¹ Пиридэн “раманё” Иродионоскэ, мирэ сэмэнцакэ, “раманё” патяибнаскирэнгэ дрэ Растэ-Дэвлэстэ Наркисоскирэ кхэрэстыр. ¹² Пиридэн “раманё” Трифенакэ и Трифосакэ, савэ кэрэна буты ваш Дэвлэскэ. “Раманё” дрогонэ Персидакэ, саві бут кэрдя ваш Дэвлэскэ. ¹³ Пиридэн “раманё” Руфаскэ, савэс Дэвэл выкэдыя, и лэскирэ дакэ, саві сыс сыр дай и ваш мэнгэ. ¹⁴ Пиридэн “раманё” Асинкритоскэ, Флигонтоскэ, Ермаскэ, Патровоскэ, Ермияскэ и явирэ пшалэнгэ, савэ исын кхэтанэ лэса. ¹⁵ Пиридэн “раманё” Филологоскэ и Юлияскэ, Ниреёскэ и лэскирэ пхэнякэ, и Олимпаноскэ и сарэ дэвлытконэнгэ, савэ исын кхэтанэ Лэса. ¹⁶ Дэн “добри́дим” екх екхэскэ Свэнтонэ чамудыпнаса. Сарэ Христососкирэ кхангирья пиридэна “раманё” тумэнгэ.

Палатунэ Припхэныбэна

¹⁷ Нэ мэ мангáва тумэн, пшалáлэ, тэ раххэнпэ одолэ манушэндýр, савэ кэрэна дрэ кхангирья роскэрибэна и пхарипэна, и камэна тэ лыджáн криг тумэн далэ сыкляибнастыр, савэскэ тумэ высылынэ. ¹⁸ Палдава адасавэ манушá дынаринэна на амарэ Рáскэ-Дэвлэскэ, Исусóскэ Христосóскэ, а пэскирэ налачхэ камибнаскэ; ёнэ хахавэна (дэна дукхá) лачхэ-илытконэ манушэн гудлэ и хоханэ лавэнца. ¹⁹ Тумаро кандыпэн патяибнаскэ исын джиндлó сарэнгэ; палдава мэ сом древáн радо пал тумэндэ, мэ камáм, соб (кай) тумэ тэ явэн годьварэ дро лачхипэн и тэ на явэн бангэ дро фуипэн. ²⁰ Нэ Дэвэл, Саво дэла рамáнэ, хасякирэла налачхэс тэл тумарэ гэрá. Мэк тэ явэл бахталыпэн амарэ Рáскирэ-Дэвлэскирэ, Исусóскиро Христосóскиро тумэнца! Амíнь. ²¹ Пиридэла “рамáнэ” тумэнгэ Хима (Тимофеё), саво кэрэла буты кхэтанэ мánца, и Луцыё, Иасоно, и Сосипатро, мирí сэмэнца. ²² Мэ, Цэрцыё, саво чхиндём дава лыл, пиридава “рамáнэ” тумэнгэ, сыр пшал пир патяибэн дрэ Растэ-Дэвлэстэ. ²³ Пиридэла “рамáнэ” тумэнгэ Гаё, саво прилыя ман и сарí кхангирí. Пиридэла “рамáнэ” тумэнгэ Ерасто, раххибнáри пэ форýтко тыкнорí (сокровишчýтко) и пшал Кварто. ²⁴ Мэк бахталыпэн Рáскирэ-Дэвлэскирэ, амарэ Исусóскирэ Христосóскиро тэ явэл сарэнца тумэнца. Амíнь.

Пэрво Павлýскиро Лыл Коринфянэнгэ

Шэрó 1

¹ Павлýстыр, савэс Дэвэл прикхардя тэ явэл Исусóскирэ Христосóскирэ Апостолоса пир Пэскири воля, и амарэ пшалэстыр Сосифаностыр, ² Дэвлэскирэ кхангирьякэ, со исын дро Коринфо, сарэ свэнтонэ манушэнгэ, савэ исын прикхардэ тэ ячэн и тэ явэн Дэвлэскирэ манушэнца пир патяибэн дрэ Исусóстэ Христосóстэ; сарэнгэ, кон мангэлапэ Исусóскирэ Христосóскирэ лавэса пир сарэ штэты, Саво исын лэнгиро и амарó Рай Дэвэл: ³ Мэк Дэвэл Дад амарó и Рай Дэвэл, Исýсо Христóсо, тэ дэн тумэнгэ бахталыпэн и рамáнэ (миро).

Бахтякирибэна пир Христосóстэ

⁴ Мэ ўсáды (сак) парикирава Дэвлэскэ пал тумэндэ пал бахталыпэн, саво исын дыно́ тумэнгэ пир Исусóстэ Христосóстэ. ⁵ Пал-довá со пал Лэстэ тумэ барвалынэ кажно́ лавэса и джиныбнаса, ⁶ и пал-довá сыр амарó допхэныбэн пал Христосóстэ яцá дасаво твардо дрэ тумэндэ, ⁷ палдава тумэндэ нанэ ни саво наухтылыбэн ни дро вари-саво талáно (дарованиё), кэли тумэ ужакирэна зоралэс Христосóс тэ явэл, ⁸ Ёв адякэ-паць подрикирэла тумарó зоралó патяибэн кэ кóнцо (кэ ягóро), соб (кай) тумэ тэ явэн бидошакирэ дро дывэс, кэли амарó Рай Дэвэл, Исýсо Христóсо, явэла явír мо́ло. ⁹ Дэвлэскэ, Саво прикхардя тумэн дро кхэтаныбэн Лэскирэ Чхавэса, Исусóса Христосóса, Амарэ Рáса, трэй тэ патян сарэса. ¹⁰ Мэ древáн мангáва тумэн, мирé пшалáлэ, Исусóскирэ Христосóскирэ лавэса, амарэ Рáскирэ-Дэвлэскирэ, тэ ракирэн екх, и тэ на явэл тумэндэ ракирибэна екх проти явирэстэ, соб (кай) тумэ тэ явэн кхэтанэ дро екх дýхо (фáно) и дрэ екх годы. ¹¹ Пал-довá со мэ уджиндём Хлоякирэ сэм'ятыр, пшалáлэ мирé, со машкír тумэндэ исын кошыбэна. ¹² Мэ пхэна́ва пал дава адякэ, со тумэ ракирэна: “Мэ сом Павлýскиро”, “мэ сом Аполососкиро”, “мэ сом Кифаскиро”, нэ “мэ сом Христосóскиро”; ¹³ со ци роспыапэ Христóсо пэ групы? Ци Пáвли сыс примардо пэ трушýл пал тумэндэ? Ци тумэ болдэпэ дро Павлýскиро лав? ¹⁴ Мэ парикирава Дэвлэскэ пал дова́, со мэ на болдём никонэс тумэндýр апрíч Криспостэ и Гайостэ, ¹⁵ соб (кай) ниéкх мануш тэ на пхэнэл, со мэ болдём тумэн дро миро лав (мирé лавэса). ¹⁶ Мэ болдём адякэ-паць Стехванос (Стефанос) и лэскирэ сэм'я (ирí), нэ ци мэ болдём ишчо (инкэ) вари-конэс, мэ на джинóм (на джинáв). ¹⁷ Христóсо на бичхадя ман тэ

болав. Ёв бичхадя ман тэ роспхэнав бахталы зан (звесь), и тэ роспхэнав пал дава назбит годьварэ лавэнца, соб (кай) Христососкиро мэрибэн пэ трушул тэ на хасякирэл пэскири зор.

Христосо исын Дэвлэскиро Зор и Годьварипэн

¹⁸ Пал-дова со лав (сыклякирибэн) пал Христососкиро мэрибэн пэ трушул исын дылныпэн ваш одолэнгэ, кон исын хасибнытко, а амэнгэ, кон исын зракхно, дава дэла Дэвлэскири зор. ¹⁹ Дро Свэнто Чхиныбэн ракирлапэ: “Мэ хасякирава годьварипэн годьварэнгиро и Мэ отчхувава дрэ риг галыибэн сыклякирдэнгиро.” ²⁰ Кай исын годьварюко? Кай исын лылварытко (книжники)? Кай исын допхэныбнари (споршчыко) дро дава веко? А Дэвлэ пирикэрдя далэ свэтоскиро годьварипэн пэ дылныпэн. ²¹ Палдава Дэвлэ пир Пэскиро годыпэн кэрдя адякэ, соб (кай) мануша тэ на галён Дэвлэс пэскирэ годяса би патяибнаскиро; Дэвлэскэ сыс лачхó тэ зракхэл одолэн, савó патяна, пир пхэныбнытко лав, савó исын сырбы дылныпэн. ²² Палдава Юды пхучэна пал шпэры (знаки), и Греки (Баламэ) родэна годьварипэн; ²³ нэ амэ роспхэнаса пал Христосостэ, Савэс примардэ пэ трушул; дава пхэныбэн исын сырбы бар пэ дром, савó пропатякирэла Юдэн и исын сырбы дылныпэн ваш Наюдэнгэ, ²⁴ нэ Христосо исын Дэвлэскири зор и Дэвлэскиро годыпэн одолэнгэ, савó исын прикхардэ: сыр ваш Юдэнгэ, адякэ-паць и ваш Грекэнгэ (Баламэнгэ). ²⁵ Пал-дова со Дэвлэскиро нагодыпэн исын годьварэдыр манушытконэ годьварипнастыр и Дэвлэскиро назоралыпэн исын зоралэдыр манушытконэ зоралыпнастыр. ²⁶ Палдава рипирэн, пшалалэ, кон тумэ сáнас ангил дова, сыр Дэвлэ прикхардя тумэн: náбут тумэндýр сáнас годьварэ пир манушытко годы, náбут тумэндýр сáнас барэ мануша, náбут тумэндýр сáнас славутоноэ родóстыр; ²⁷ нэ Дэвлэ выкэдыя пэфроми дова, со свéто гинэла пал дылныпэн, соб (кай) тэ ладжакирэл годьварэн, и дова, со свéто гинэла пал назоралыпэн, соб (кай) тэ ладжакирэл зоралыпэн, ²⁸ и Дэвлэ выкэдыя бутýр дова, со свéто гинэла пал наджиндлыпэн и дыкхэла вучипнастыр и гинэла ни палсó, тэ чхувэл тэлэ свэтоскиро раипэн, ²⁹ соб (кай) ниéкх мануш тэ на шарэлпэ ангил Дэвлэстэ. ³⁰ Нэ адава Дэвлэ чхудя тумэн дро кхэтаныпэн Исусóса Христосóса амарэса и Ёв кэрдя Христосóс сыр амарó годыпэн, чачипэн; пал Лэстэ амэ яцям Дэвлэскирэ свэнтонэ и вольнонэ манушэнца, ³¹ соб (кай) тэ явэл адякэ, сыр исын чхиндлó: “Мэк одова, кон шарэлапэ, тэ шарэлпэ Дэвлэса.”

Шэро 2

Зан (Звесь) пал Христосостэ, Савó сыс Примардó пэ Трушул

¹ Сыр мэ сомас кэ тумэ, пшалалэ, мэ явдём на ваш дова, соб (кай) тэ роспхэнав Дэвлэскиро чорахано чачипэн пхутькирдэ лавэнца ци барэ годьварипнаса. ² Палдава мандэ пэ годы сыс тэ на джинав нисó, апрíч Исусостэ Христосостэ, Савэс примардэ пэ трушул. ³ И кэли мэ сомас тумэнца, мандэ на сыс зор, мэ дарандыем и издрандыём; ⁴ дрэ мирí зан и пхэныбэн на сыс годьварэ лава, нэ ёнэ сыс сыр допхэныбэн пал Дэвлэскирэ-Духоскири зор; ⁵ соб (кай) тумарó патяибэн тэ на рикирэлпэ пэ манушытко годьварипэн, а пэ Дэвлэскири зор.

Дэвлэскиро Годыпэн

⁶ Нэ амэ ракираса пал годьварипэн машкíр бидошакирэ патяибнаскирэндэ, нэ на адякэ, сыр дава свéто гинэла, ци, сыр тхэмэскирэ барыдыра далэ свэтостыр галёна годьварипэн, савó сыг кончынэнапэ. ⁷ А амэ ракираса пал Дэвлэскиро чорахано годыпэн, савó Дэвлэ гарадя и выкэдыя ваш амарí слава ангил, сыр свéто сыс создынó (кэрдó): ⁸ ниéкх адалэ свэтоскирэ барэ рандыр на галыя дава, пал-дова со, кóли ёнэ тэ галён, тэды ёнэ на примарэнас Рас-Дэвлэс, Савó исын пхэрдó слава́са, ⁹ нэ сыр исын чхиндлó: “Кодова на дыкхця якх, на шундя кан, на сыс пэ илó манушэстэ, со Дэвлэ кэдыя одолэнгэ, конэскэ яця дро́го Ёв; ¹⁰ нэ Дэвлэ откэрдя дава Пэскирэ Духóса, пал-дова со Дýхо (Фáно) доджáла кэ сарó, аж кэ дýмы

Дэвлэскирэ, со исын гарадэ манушытконэ годятыр.”¹¹ Палдава, кон манушэндыр джинэла, со исын дрэ явирэ манушэстэ, екх дава манушытко Дүхо (Фано), саво дживэла дрэ манушэстэ? Адыкэ-паць и екх Дэвлэскиро Дүхо (Фано) джинэла екх пал Дэвлэстэ.¹² Нэ амэ прилыям дүхо (фано) на кадалэ свэтостыр, а амэ прилыям Дүхо (Фано), Саво Дэвэл бичхадя, соб (кай) амэнгэ тэ галёвас саро дова, со Дэвэл адыкэ дыя амэнгэ:¹³ пал со амэ ракираса лавэнца, савэ на манушытконэ-годьварипнастыр, а лавэнца, савэ свэнто Дүхо (Фано) сыклякирдя, кели амэ пирипхэнаса Духоскиро одолэнгэ, конэстэ исын Дүхо (Фано).¹⁴ Мануш, савэстэ нанэ Дүхо (Фано), на прилэла илэса таланы Дэвлэскирэ Духостыр, пал-дова со ёв гинэла лэн пал дылныпэн; и ёв на могоинэла тэ галёл лэн, пал-дова со лэнгэ дэна чол (тимин) мануша, конэстэ исын Дүхо (Фано);¹⁵ нэ мануш, савэстэ исын Дүхо (Фано), дэла чол сарэскэ, нэ лэскэ ниэкх на могоинэла тэ дэл чол.¹⁶ Пал-дова со, кон галыя Дэвлэскири годы, соб (кай) тэ сыклякирэл Лэс? А амэндэ исын Христососкири годы.

Шэро 3

Дэвлэскирэ Дынарья

¹ Пшалалэ, мэ на могоиндём тэ ракирав тумэнца сыр манушэнца, конэстэ исын Дүхо (Фано), а сыр одолэнца, савэ дживэна пир лочакиро (плотякиро) тырдыпэн, сыр бияторэнца (чхаворэнца) пир патяибэн дрэ Христосостэ.² Мэ чалякирдём тумэн тхудэса, а на масэса, пал-дова со тумэ санас бизорьякирэ, и каканэ ишчо (инкэ) тумэндэ нанэ зор;³ пал-дова со тумэ сан ишчо (инкэ) мануша, савэ дживэна пир лочакиро тырдыпэн. Палдава, коли машкир тумэндэ исын зэвлыныпэн, и кошыбэн, тэды, ци на сан тумэ мануша, савэ дживэна пир лочакиро (плотякиро) тырдыпэн; и савэ лыджана пэс сыр мануша кадалэ свэтостыр?⁴ Пал-дова со, кели вари-кон пхэнэла: “Мэ сом Павліскиро”, ци явир: “Мэ сом Аполососкиро”, тэды, ци на сан тумэ мануша, савэ дживэна пир лочакиро тырдыпэн?⁵ Кон тэды исын Павли? Кон исын Аполосо? Ёнэ ж исын екх Дэвлэскирэ слуги (дынарья), пир конэстэ тумэ упатяндынэ, сыр и дыя Дэвэл буты кажнонэскэ (сваконэскэ).⁶ Мэ чхудём дрэ пхув, о Аполосо панякирдя, нэ Дэвэл дыя приборипэн.⁷ Палдава, кон чхудя дрэ пхув, кон панякирдя, дава нисо на мол, а саро джала Дэвлэстыр, Кон дыя приборипэн.⁸ Нэ кон чхудя дрэ пхув, и кон панякирдя-дава усаэкх, а кажно дорэсэла (долэла) отдыибэн пир пэскири буты.⁹ Пал-дова со амэ кхэтанэ кэрэса буты ваш Дэвлэскэ, а тумэ, сан Дэвлэскири фэлда, Дэвлэскиро Кхэр.¹⁰ Мэ чхудём фундаменто пир талано (дарованиё) бахталыпнастыр, саво Дэвэл дыя мангэ сыр годьваро архитекторо, а явир мануш кэрэла кхэр пэ дава фундаменто. Нэ кажно дыкх, сыр ёв кэрэла кхэр.¹¹ Палдава ниэкх мануш на могоинэла тэ чхувэл явир духовно фундаменто априч одолэстэ, саво исын Исусо Христосо ваш кхангири пир саро свэто.¹² А коли вари-кон кэрэла кхэр пэ дава фундаменто сувнакастыр, рупэстыр, дрогонэ барэндыр, каштэстыр, чарьятыр, пхусэстыр,¹³ тэды кажно манушэскири буты сыкадэла дро Христососкиро дывэс, пал-дова со яг сыкавэла саро, и яг спробинэла кажно буты, сави ёй исын.¹⁴ Коли вари-конэскири буты, сави ёв кэрдя пэ дава фундаменто, вытэрдэла, тэды адава мануш дорэсця отдыибэн.¹⁵ А коли вари-конэскири буты схачола, тэды адава мануш хасякирэла пэскиро отдыибэн, нэ ёв зракхэлапэ сырбы одова, кон прогия пир яг.¹⁶ Тумэ джинэна, со тумэ сан Дэвлэскири Кхангири, и со Дэвлэскиро Дүхо (Фано) дживэла дрэ тумэндэ.¹⁷ Коли вари-кон хасякирэла Дэвлэскирэ-кхангирьякиро скэдыибэн кэрибнаса, саво нанэ лачхо Дэвлэскэ, тэды одолэс хасякирэла Дэвэл; пал-дова со Дэвлэскирэ-кхангирьякиро скэдыибэн исын свэнто и тумэ патяибнаскирэ, сан дасавэ.¹⁸ Мэк ниэкх тэ на хохавэл кокоро пэс; коли вари-кон думинэла пэскэ, со ёв исын годьваро машкир тумэндэ пир дава свэтоскиро годьварипэн, тэды мэк адава мануш тэ ячэл дылынэса, соб (кай) ёв могоинэлас тэ явэл годьварэса.¹⁹ Пал-дова со годьварипэн кадалэ свэтоскиро исын дылныпэн ангил Дэвлэстэ; палдава исын чхиндло: “Ёв ухтылэла годьварэн дро лэнгири фротыма.”²⁰ И нэвэстыр: “Рай Дэвэл джинэла саро, со годьварэ думинэна, и со дрэ лэндэ нанэ ни сави льгота.”²¹ Мэк никон тэ на шарэлпэ манушэнца; пал-дова со саро-исын тумаро.

²² Ци Пáвли, ци Аполосо, ци Кифа, ци дава́ свѣто, ци джибѣн, ци мэрибѣн, ци саро́, со амѣндѣ исын каканá; ци саро́, со явѣла амѣнца ангил, саро́-исын тумаро́: ²³ и тумэ сан Христосóскирѣ, а Христóсо исын Дэвлэскиро.

Шэрó 4

Христосóскирѣ Апóсто́лы

¹ Тэды мэк манушá тэ галѣн амэн сыр Христосóскирѣ дынарьѣн и кхэритконѣ барыдырѣн пир Дэвлэскирѣ чораханѣ чачипѣна. ² Екх со трэй ваш кхэритконѣ барыдырѣскѣ, соб (кай) ѣв тэ явѣл патяибнѣтко пир саро́. ³ А ваш мánгэ дава́ исын набаро́ рѣндо, сыр тумэ дѣна чол (тимѣн) мánгэ, ци манушѣтко сѣндо дѣла. Нэ мэ адя́кэ-паць на дава́ чол пѣскѣ. ⁴ Пал-дова́ со ни саво́ чорипѣн нанэ пал мánдэ; нэ дава́ на допхѣнѣла, со мэ на сом банго́: дава́ Рай Дэвэл, Саво́ дѣла чол мánгэ. ⁵ Тэды на сѣндыкирѣн ангил дова́, сыр Рай Дэвэл явѣла, Саво́ дудвалякирѣла (обсвѣнцынѣла) и калѣ (цѣмна) чораханыбѣна и откэрѣла пѣ якхá адя́кэ-паць гарадѣ мысли дро манушѣтко ило́; и тэды свáко (кажно) ману́ш дорѣсѣла (долѣла) шарибѣн Дэвлэстыр. ⁶ Ѓáда, дава́ саро́, отлыджалапѣ кѣ мэ и кѣ Аполосо ваш тумаро́ миштыпѣн, соб (кай) тумэ тэ сыклѣн амѣндыр тэ на думинѣн вучыдыр кодолѣстыр, со исын чхиндлѣ, и тэ на пхутѣн екх ангил екхѣстѣ. ⁷ Палдава́, кон жа выкѣдѣла тут явирѣндыр? И со исын тѣтѣ, со на сыс дыно́ тѣкѣ? Тэды со́скѣ ту шарѣсапѣ, сѣрбы ту на дорѣсѣян (на долыян) дава́ сыр талáно? ⁸ Тумэ ужѣ чалынѣ, тумэ аканá ячнѣ барвалѣ, тумэ ужѣ ячнѣ кральѣнца би амаро́; и мэ камáм, соб (кай) тумэ чачунѣс тѣ кралинѣн, и амѣнгѣ адя́кэ-паць тѣ кралинав тумѣнца. ⁹ Палдава́ мэ думинава, со Дэвэл чхудя́ амэн тѣ явас Апостолѣнца пѣ сáмо ко́нцо (яго́ро) палатунѣндыр, савѣн Ёв выкѣдыя́ тѣ мэрас, сыр и Христóсо мыя́. Палдава́ амѣ яцям сѣрбы ладжакирдѣ сыкаи́бѣн (примѣро) пѣ свѣтоскирѣ якхá и Янголѣнгѣ, адя́кэ-паць и манушѣнгѣ. ¹⁰ Амѣ сам дылынѣ пал Христосѣтѣ, а тумэ сан годьварѣ дро екхипѣн Христосѣса; амѣ сам бизорѣя́кирѣ, а тумэ сан зоралѣ; тумѣн славинѣна, а амѣ сам дрѣ ладж. ¹¹ Кѣ дава́-паць мардо́ (штѣнда) мэ ишчо (инкѣ) сам бокхалѣ и амѣндѣ исын смѣга (труш) и амѣ сам дрѣ патавѣ и домардѣ, и амѣ псираса сыр бикхѣритка, ¹² нэ амѣ кѣра́са буты́ пхарѣс пѣскирѣ вастѣнца. Амѣн кошѣна, а амѣ бахтякираса; амѣн традѣна, а амѣ пирилыджаса; ¹³ амѣн кошѣна, а амѣ отпхѣнаса лачхѣ лавѣнца, амѣ сам сыр далѣ-свѣтоскиро гнѣ́ (мѣста), амѣ яцям сыр блáта далѣ пхувѣя́кири кѣ/жы́ко каканá. ¹⁴ Мэ на чхинáва дава́, соб (кай) тѣ ладжакирав тумѣн, а соб (кай) тѣ дав годы́ тумѣнгѣ, сыр мирѣ дрогонѣ пшалѣнгѣ. ¹⁵ Палдава́, ко́ли тумѣндѣ исын дѣш тысѣнцы сыклярьѣн (наставникѣн) пир патяибѣн дрѣ Христосѣтѣ, нэ усаѣкх тумѣндѣ исын екх дад; пал-дова́ со мэ яцѣм сѣрбы дад ваш тумѣнгѣ пир бахталѣ лав, со мэ яндѣм. ¹⁶ Палдава́ мэ мангáва тумѣн, тѣ кѣрѣн адя́кѣ, сыр мэ кѣра́ва. ¹⁷ Пал-дова́ мэ бичхадѣм кѣ тумѣ Тимофеѣс (Химас), мирѣ дрогонѣ и патяибнѣтконѣ сѣрбы чхавѣс пир патяибѣн дрѣ Растѣ-Дэвлѣстѣ, саво́ долыджала кѣ тумарѣ́ годы́ миро джибѣн дро екхипѣн Христосѣса, адя́кѣ сыр мэ и сыклякирава дрѣ кхангирѣя. ¹⁸ И пал-дова́ со мэ каканá на джáва кѣ тумѣ, то вари-савѣ тумѣндыр пхутинѣ. ¹⁹ Нэ мэ сыг явáва кѣ тумѣ, ко́ли Рай Дэвэл дѣла, и мэ уджинава ваш пѣскѣ на дова́, со адалѣ пхутькирдѣ манушá ракирѣна, а Духоскири зор, савѣ исын лѣндѣ. ²⁰ Пал-дова́ со Дэвлэскиро Кралипѣн рикирѣлапѣ на лавѣнца, а Духоскирѣ зорѣяса. ²¹ Со ж тэды тумѣ камѣна? Ци мánгэ тѣ явав кѣ тумѣ дѣстѣса ци ласкаса и тихонѣ Духосá?

Шэрó 5

Нáлaчxo Лыджаипѣн-Пѣс дро Кхангирѣ́

¹ Исын мавлѣ́н (малва), со машкѣ́р тумѣндѣ исын биладжаипѣн и дасаво биладжаипѣн, саво́ аж на сыс джиндлѣ машкѣ́р Наюдѣндѣ, со екх ману́ш рикирѣ́ла лѣскирѣ-дадѣскирѣ ромня́ пал ромня́тѣ. ² И тумѣ ишчо (инкѣ) пхутѣна, замѣст дова́, соб (кай) тѣ ровѣ́н пал дава́, и соб

(кай) тэ джал криг тумэндэр одова мануш, кон кэрдя дасаво рэндо (дело). ³ Мэк мэ на сом тумэнца, нэ мэ сырбы думинава пал тумэндэ и придуминдём хась (кара) одолэскэ, кон кэрдя дасаво рэндо, ⁴ ваш Рáскирэ-Дэвлэскиро лав, кэли тумэ скэдэнапэ кхэтанэ дрэ кхангирй и сырбы пир миро дүхо (фáно) и Рáскирэ-Дэвлэскирэ зорьяса амарэ Исусóскирэ Христососкирьяса, ⁵ тэ отдэн адасавэ манушэс налачхэскэ тэ мэнчынэл лэс лэскири лоч (плоть), сави исын дро грэхо, соб (кай) тэ зракхэн лэскиро дүхо (фáно) дро Рáскирэ-Дэвлэскиро дывэс, амарэ Исусóскиро Христосóскиро. ⁶ Давá исын нашукар, со тумэ шарэнапэ. Ци тумэна джинэна, со тыкнэ рошчынапыр шутолэла сарó хумэр (цясто)? ⁷ Палдава выжужакирэн пхуранэ-грэхоскири рошчына, соб (кай) тумэ тэ явэн нэвонэ хумэрэса, пал-дова со тумэ ж сан жужо хумэр, би рошчынакиро, пал-дова со амарó Христóсо, Патрадитко Бакрорó, сыс мулякирдо сыр свэнто дыибэн пал амэндэ. ⁸ Палдава яваса тэ свэнкинас свэнко на пхуранэ рошчынаса, савэ сыс пхэрдý грэхоса и песьцёнымаса, а би рошчынакирэ марэса, савó исын пхэрдó жужыпнаса (чыстотаса) и чачипнаса. ⁹ Мэ чхиндём тумэнгэ дро миро лыл, соб (кай) тумэндэ тэ на явэл нисó кхэтанэ манушэнца, савэ дживэна джувлэнца би сэвлакиро. ¹⁰ Нэ на напатьябнаскирэнца, савэ исын свэтóстыр, и, савэ дживэна джувлэнца би сэвлакиро, ци сквамнымарьенца ци прахарьенца, ци идолэ-мангипнаскирэнца, пал-дова со тумэнгэ трэиндя тэ джэн далэ свэтóстыр. ¹¹ Нэ каканá мэ чхиндём тумэнгэ тэ на кэрэн нисó кхэтанэ одолэ манушэса, савó кхарэлапэ пшалэса, а кокорó дурэдыр дживэла джувлэнца би сэвлакиро, ци ячэлапэ сквамнымариса, ци идолэ-мангипнаскирэса, ци кошыбнариса, ци матымариса, ци прахариса; кадасавэса и тэ на бэшэн тэ хан кхэтанэ. ¹² Со ж мánгэ тэ сэндинав (тэ сэндякирав) одолэн, савэ нанэ кхангирьятыр? Ци на трэй тумэнгэ тэ сэндинэн, савэ исын кхангирьятыр? ¹³ Нэ одолэн, савэ исын на кхангирьятыр, Дэвэл сэндякирэла! Палдава традэн криг тумарэ кхангирьякирэ скэдыибнастыр дошалэ манушэс.

Шэрó 6

Пшáла Сэндинэнапэ Екх Екхэса

¹ Сыр дава нанэ ладжаво, кóли вари-кон тумэндэр, кэли лэстэ исын холы пэ явирэстэ, тэды тэ джал пэ сэндо ангил напатьябнаскирэ манушэндэ (Наюдэндэ), замест дова, соб (кай) тэ джал кэ свэнта? ² Ци тумэ на джинэна, со свэнта явэна тэ сэндинэн сарó свэто? Кóли тумэнгэ тэ сэндинэн свэто, тэды со ж тумэ на сан мол, соб (кай) тэ сэндинэн набарэ рэндорé (дэлыцы)? ³ Ци тумэ на джинэна, со амэнгэ тэ сэндинас Янголэн? Тэды со тумэ на могоинэна тэ роскэдэнпэ дрэ далэ джиибнаскирэ рэнды? ⁴ А кэли тумэндэ исын далэ джиибнаскирэ рэндорé, тэды сóскэ тумэ чхувэна пэскирэ сэндарьенца дасавэ манушэн, савэн на кутякирэна манушá кхангирьятыр. ⁵ Мэ пхэнава тэ ладжакирав тумэн. Ци нанэ ниекхэс годьварэ манушэс машкёр тумэндэ, соб (кай) ёв могоинэлас тэ роскэдэлпэ дро рэндо машкёр тумэндэ? ⁶ Дыкхэн: пшал сэндинэлапэ пшалэса, и дава исын ангил напатьябнаскирэндэ! ⁷ И дава исын бутыр блатуно рэндо ваш тумэнгэ, со тумэ сэндинэнапэ екх екхэса. Сóскэ тумэнгэ тэ на пирильджас пхарипэн ни пал со? Тумэнгэ фэдёр тэ дэнпэ дукхá? ⁸ Нэ тумэ ж кокорé кэрэна чорипэн и хохавэна явирэн, и кэ тумарй ладж, хохавэна тумарэ пшалэн. ⁹ Ци тумэ на джинэна, со начачунэнгэ на явэла паш дро Кралипэн дро Болыбнаскиро Раё? На хохавэнпэ: ни одолэ, савэ кэрэна блэндо, ни идолэ-мангипнаскирэ, ни одолэ, савэ кэрэна марки, ни одолэ муршá, савэ исын сырбы джувля, ни одолэ, савэ дживэна муршэнца сыр джувлэнца, ¹⁰ ни чорá, ни сквапнымарья, ни матымарья, ни кошыбнарья, ни прахарья-лэнгэ на явэла паш дро Кралипэн дро Болыбнаскиро Раё. ¹¹ Вари-савэ тумэндэр сáнас адасавэ. Нэ тумэ сан обмордэ, освэнцындлэ, нэ тумэ сан приджиндлэ сыр чачунэ амарэ Рáскирэ-Дэвлэскирэ лавэса, Исусóскирэ Христососкирэса и амарэ Дэвлэскирэ Духóса.

Дживэ́н Ады́кэ, Соб (кай) Тумэ́ тэ Славинэ́н Дэвлэ́с

¹² Мánгэ саро́ сашты́, нэ лы́гота (польза) исын на саро́стыр; мánгэ саро́ сашты́, нэ нашты́, соб (кай) вари-со тэ лэл упралыпéн пэ мánдэ. ¹³ Хабéн исын ваш пэр, и пэр исын ваш хабéн, нэ Дэвэл хасякирэ́ла и екх, и явир: нэ маса́ исын дынэ на ваш биладжаипéн, а маса́ исын дынэ ваш Рáскэ-Дэвлэ́скэ и Рай Дэвэл исын ваш маса́. ¹⁴ Дэвэл отджидякирдя́ Рас-Дэвлэ́с, и Ёв ады́кэ-паць отджидякирэ́ла амэн Пэ́скирэ зорья́са. ¹⁵ Ци тумэ́ на джинэ́на, со тумарэ́ маса́ исын сы́рбы паша́ Исусо́скирэ масэ́ндыр? Со ж, тэды, мэ отлава паш Христосостыр, соб (кай) тэ кэра́в далэ пашатыр паша́ биладжакунэ́ джувля́кэ? Тэ на явэл ады́кэ. ¹⁶ Ци тумэ́ на джинэ́на, со одова́, кон исын кхэтанэ́ биладжакунэ́ джувля́са, ячэ́лапэ ла́са сыр екх маса́? Палдава́ ж, исын пхэндлэ́: “Дуйджинэ́ явэ́на сыр екх лоч.” ¹⁷ Нэ одова́, кон исын кхэтанэ́ Дэвлэ́са, исын сы́рбы дро екх ду́хо (фа́но) Ра́са-Дэвлэ́са. ¹⁸ Нашэ́н биладжакунэ́ рэндэ́ндыр. Кажно ману́ш, кон кэрэ́ла явир грéхо, кэрэ́ла сы́рбы на ваш пэ́скэ, нэ одова́, кон дживэ́ла джувлэ́нца би сэвлакиро, кэрэ́ла грéхо пэ́скирэ масэ́нгэ. ¹⁹ Ци тумэ́ на джинэ́на, со тумарэ́ маса́ исын сы́рбы кханги́рй ваш Свэ́нто Ду́хо (Фа́но), Саво́ дживэ́ла дрэ́ тумэ́ндэ́ и исын Дэвлэ́стыр; и со ж тумэ́ на сан хула́я пэ́скирэ масэ́нгэ? ²⁰ Тумэ́ сан киндлэ́ пал бари тимй́н (кимин); палдава́ славинэ́н тумэ́ Дэвлэ́с пэ́скирэ масэ́нца и Духо́са, савэ́ исын Дэвлэ́скирэ.

Шэро́ 7

Со Апóстоло́ Думинэ́ла пал Лыибэ́н (Жэ́ниныбэ́н) и пал Палоромипэ́н

¹ Пал дова́, со тумэ́ чхиндлэ́ мánгэ: манушэ́скэ фэдýр тэ на чилавэл (тэ на джинэл) джувля́; ² нэ палдова́, соб (кай) тэ на явэл биладжаипéн, мэ́к кажно ману́ш тэ лэл пэ́скэ ромня́, мэ́к ка́жнэ (свако́нэ) джувля́тэ тэ явэл екх ром. ³ Ромэ́скэ трэ́й тэ явэл лачхо́ и тангипны́тко ваш пэ́скирэ ромня́кэ; ады́кэ-паць и ромня́кэ ваш ромэ́скэ. ⁴ Ромны́ исын на хула́ны пэ́скирэ маса́, нэ исын ла́киро ром; ады́кэ-паць и ром исын на хула́й пэ́скирэ маса́, а ромны́. ⁵ На отпхэнэ́нпэ екх екхэ́стыр, ко́ли фэ́ни (то́ка) екх пир доракирибэ́н екх екхэ́са пэ́ вари-саво́ часо, соб (кай) тэ́ньчи тэ́ отдэ́н пэ́с постоскэ́ и патерья́кэ (мо́литвакэ) Дэвлэ́скэ ваш дова́, соб (кай) на́лачхо́ тэ на злы́джал тумэ́н пал дова́, со тумэ́ на рикирэ́на пэ́с дрэ́ васта́. ⁶ Нэ мэ́ пхэ́на́ва дава́ тумэ́нгэ́ на сыр при́пхэныбэ́н, а тумэ́ ж ко́корэ́ дыкхэ́н. ⁷ Мэ́ кама́м, соб (кай) сарэ́ мануша́ тэ́ явэ́н ады́кэ, сыр мэ́ сом: нэ ка́жнэ (свако́нэ) манушэ́стэ́ исын пэ́скиро тала́но Дэвлэ́стыр, екх исын дасаво́, явир нанэ́ дасаво́. ⁸ Нэ мэ́ пхэ́на́ва напалоромитко́нэ́ джувлэ́нгэ́ и пивленгэ́ (удовэ́нгэ́): дава́ исын шука́р ваш лэ́нгэ́ тэ́ ячэ́нпэ́ ады́кэ, сыр мэ́ сом. ⁹ Нэ́ ко́ли ё́нэ на рикирэ́на пэ́с дрэ́ васта́, мэ́к тэ́ кэрэ́н бя́ва; пал-дова́ со фэдýр тэ́ кэрэ́н бя́ва, сыр тэ́ мэ́нчы́нэлпэ́ камибна́стыр тэ́ джал палором, ци́ тэ́ лэлпэ́. ¹⁰ Нэ́ одолэ́нгэ́, ко́нэстэ́ исын ромны́ ци́ ром, мэ́ на при́пхэна́ва, а Рай Дэвэл; ромня́кэ тэ́ на розджалпэ́ ромэ́са; ¹¹ а́ ко́ли ж ё́й розджала́пэ, тэ́ды мэ́к ё́й тэ́ ячэ́лпэ́ биромэ́скирья́са, ци́ мэ́к ё́й тэ́ рисе́л кэ́ пэ́скиро ром; и мэ́к ром тэ́ на мэ́кэл пэ́скирэ ромня́. ¹² Нэ́ мэ́ ракира́ва явирэ́нгэ́, а на Рай Дэвэл: ко́ли вари-савэ́ пшале́стэ́ пир патяи́бэ́н дрэ́ Христосо́стэ́ исын на́патяибна́скири ромны́, и ё́й кама́ла тэ́ дживэ́л ла́са, тэ́ды мэ́к ё́в тэ́ на мэ́кэл ла́. ¹³ И́ джувля́, савья́тэ́ исын на́патяибна́скиро ром, и ё́в кама́ла тэ́ дживэ́л ла́са, тэ́ды мэ́к ё́й тэ́ на мэ́кэл лэ́с. ¹⁴ Пал-дова́ со на́патяибна́скиро ром сы́рбы освэ́нцы́нэ́лапэ́ ваш Дэвлэ́скэ́ пир Лэ́скирэ́ ромня́тэ́, и на́патяибна́скири ромны́ сы́рбы освэ́нцы́нэ́лапэ́ ваш Дэвлэ́скэ́ пир ла́кирэ́ ромэ́стэ́; а́ ко́ли тэ́ на явэл ады́кэ, тэ́ды тумарэ́ чхаворэ́ явэ́нас сы́рбы идо́лэ-мангипна́рьенгирэ́; нэ́ ё́нэ ж ка́кана́ освэ́нцы́ндлэ́ ваш Дэвлэ́скэ́. ¹⁵ Нэ́ ко́ли вари-саво́ на́патяибна́скиро уджала́, мэ́к ё́в (ё́й) тэ́ джал пэ́скэ́, пшал ци́ пхэ́н пир Ра́стэ́-Дэвлэ́стэ́ исын на́спхандлэ́́ дрэ́ дасавэ́ ваканцы́и (случа́и), а́ Дэвэл кхард́я́ амэн тэ́ джива́с дро рама́нэ́ (ми́ро). ¹⁶ Палдава́, ту, со́ джинэ́са, ромни́е, со́ ту зракхэ́са тырэ́ ромэ́с? Ци́, ту, со́ джинэ́са, рома́, со́ ту зракхэ́са тырэ́ ромня́?

Дживэн, сыр Дэвэл Дыя

¹⁷ Нэ мэк кажно (свако) мануш тэ дживэл, сыр Дэвэл дыя кажнонэ манушэскэ, а сыр Рай Дэвэл прикхардя кажнонэ манушэс: адякэ-паць мэ сыклякирдём пир сарэ кхангирья. ¹⁸ Ци сыс вари-кон прикхардо, саво сыс обчхиндло? Мэк ёв тэ на укэдэл обчхиныбнаскири шпэра: ци сыс вари-кон прикхардо, кэли сыс наобчхиндло? Мэк ёв тэ на обчхинэлпэ. ¹⁹ Обчхиныбэн на мол нисо, и наобчхиныбэн на мол нисо; нэ бари значыма исын тэ раххэс Дэвлэскирэ припхэныбэна (заповеди). ²⁰ Мэк кажно мануш тэ ячэлпэ пэ пэскиро штэто машкир манушэндэ, савэстыр ёв сыс кхардо. ²¹ Ци сáнас ту кхардо писхариса, на ладжа зоралэс, а ко́ли тэ мого́нэса тэ ячэс вольно́нэ манушэса, тэды кэр дава. ²² Палдава писха́ри, савэс Рай Дэвэл кхардя кэ Пэ, исын во́льно мануш ангил Растэ-Дэвлэстэ; адякэ-паць и во́льно мануш, савэс Рай Дэвэл кхардя кэ Пэ, исын Христосо́скиро писха́ри. ²³ Тумэн киндлэ пал Христососкири тимин; на явэн манушытконэ писхарьёнца. ²⁴ Пшалалэ, мэк кажно мануш, сыр ёв сыс кхардо кэ, адякэ тэ ячэлпэ ангил Дэвлэстэ.

Пхучыбэна пал Напалоромитконэндэ и Пивлэндэ

²⁵ А со пал патывалэ чхаендэ, ма́ндэ нанэ ни саво припхэныбэн Дэвлэстыр; нэ дава мэ ракирава пир пэскири годы сыр мануш, савэскэ Дэвэл дыя патыв пир Пэскиро тангипэн. ²⁶ Мэ думинава, со пал дава пхаро джи́ибэн, со исын кака́на, фэдыр ваш манушэскэ тэ ячэлпэ адякэ, сыр ёв исын. ²⁷ Исын ту́тэ ромны́? На ро́дэ, соб (кай) тэ розджаспэ. Нанэ ту́тэ ромня́? На ро́дэ пэскэ ромня́. ²⁸ А ко́ли ту лэсапэ, адякэ-паць на кэрэса грэхо, и ко́ли чхай выджала палором, ёй адякэ-паць на кэрэла грэхо: нэ кадасавэндэ явэна мёньки дро палоромитко джи́ибэн, палдава мэ ангил приракхава тумэн. ²⁹ Нэ мэ пхэна́ва, пшалалэ, со часо нанэ бут. Пал явирэндэ ж; конэстэ исын ромны́, явэн сы́рбы тумэ сан биромненгирэ; ³⁰ и одолэ, кон ровэла, явэн сы́рбы тумэ на ровэна; и одолэ, кон радынэлапэ, явэн сы́рбы на радынэнапэ; и одолэ, кон кинэла, явэн сы́рбы лэндэ нанэ ничы́; ³¹ и одолэ, кон лэла вари-со далэ свэто́скирэ джи́ибнастыр, явэн сы́рбы ёнэ на залынэ пхэрдэс далэса; пал-дова со дава свэто́, саво ёв исын кака́на, джа́ла криг сы́гэс. ³² Мэ кама́м, соб (кай) тумэ тэ явэн во́льна пиридживипнастыр. А нарoмандуно мануш пэкэлапэ (заботисола) пал дова́, со исын Ра́скиро-Дэвлэскиро, сыр тэ явэл лачхо Ра́скэ-Дэвлэскэ; ³³ нэ одова́, кон исын романдуно, пэкэлапэ пал далэ-свэто́скирэ джи́ибнытка рэндэ, сыр тэ явэл лачхо пэскирэ ромнякэ. ³⁴ Исын рознь машки́р палоромитконатэ и патывалэ чхатэ. Напалоромитко пэкэлапэ пал дова́, со исын Ра́скиро-Дэвлэскиро, соб (кай) тэ отдэлпэ Дэвлэскэ Духо́са и масэнца; а палоромитко пэкэлапэ пал далэ-свэто́скирэ джи́ибнытка рэндэ, сыр тэ явэл лачхо пэскирэ ромэскэ. ³⁵ Нэ мэ пхэна́ва дава ваш тумаро́ миштыпэн, соб (кай) тэ на чхував фэлы́ (петля) ангил тумэндэ, соб (кай) тумэ тэ отдэн пэс бутякэ ваш Ра́скэ-Дэвлэскэ и тэ на уджан дрэ риг. ³⁶ Нэ ко́ли вари-кон думинэ́ла, со ёв нашукар отлыджалапэ кэ пэскири патывалы́ чхай, кэли ёй исын дрэ бэрша́ и нанэ палором; мэк ёв тэ кэрэл, сыр камэ́ла-дава́ нанэ грэхо, мэк ёв тэ отдэл ла палором. ³⁷ А одова́, кон исын твардо дро пэскиро ило́ и лэстэ нанэ трэбима, а пир пэскири во́ля ёв кэдыапэ дро пэскиро ило́ тэ раххэл пэскирэ чха, ёв шука́р кэрэла. ³⁸ Палдава одова́, кон отдэла пэскирэ чха палором, кэрэла шука́р; а кон на отдэла, одова́ кэрэла фэдэдыр. ³⁹ Ромны́ исын сыс спхандлы пэскирэ ромэса пэ ада́кицы, пака ла́киро ром исын джидо́; нэ ко́ли ёв мэрэла, тэды ёй исын во́льно тэ джал палором, пал конэстэ ёй камэ́ла, нэ фё́ни пал патяибнаскирэстэ дрэ Растэ-Дэвлэстэ. ⁴⁰ Нэ ёй исын бахталэдыр, ко́ли ёй адякэ ячэлапэ би ромэскиро пир мири́ годы́; нэ мэ думинава, со мэ ради́нава (мэ дава́ годы́) дава́ пир Дэвлэскиро Ду́хо (Фа́но), саво адякэ-паць исын дрэ ма́ндэ.

Шэрó 8

Пхучыбэн пал Хабэн, Савó Янэна, Сыр Свэнто Дыибэн Идолэнгэ

¹ Пал дова́, со хабэн янэна сыр свэнто дыибэн идолэнгэ, амэ джина́са (амэндэ сарэндэ исын джиныбэн): нэ джиныбэн пхутькирэла, а ласка (паты́в) кэ явир мануша́ подрикирэла дро патяибэн. ² Кóли вари-кон думинэ́ла, со ёв джинэ́ла вари-со, ёв на джинэ́ла ничы́ адя́кэ, сыр трэиндя́ лэскэ тэ явэл. ³ А кóли вари-кон рикирэ́ла сыр Дро́гима Дэвлэ́с дро пэскиро ило́, то Дэвэл джинэ́ла лэс: ⁴ пал хабэн, савó янэна сыр свэнто дыибэн идолэнгэ, амэ джина́са, со идоло́ дава́ исын хоханó дэвлоро́ дро свэто́, со Дэвэл фэ́ни Екх исын, и явир нанэ. ⁵ Палдава́, кóли исын ишчо́ (инкэ́) вари-савэ́ хоханэ́ дэвлорé, со кхарэ́напэ “дэвлэнца́”, ци дро болыбэн, ци пэ пхув (палдова́ со исын бут дэвлорé и исын бут ра́я), ⁶ нэ амэндэ ж исын екх Дэвэл Дад, Савó создýя сарó и ваш Савэ́скэ амэ дживаса; и исын екх Рай Дэвэл, Иису́со Христóсо, пир Савэ́стэ сарó яця́ и пир Савэ́стэ амэ дживаса. ⁷ Нэ дасаво джиныбэн нанэ сарэндэ: вари-савэ́ манушэндэ далэ́ йдолы́ адя́кэ исын бэштé дрэ лэнгири́ годы́, со ёнэ хана́ жэртвенно хабэн сы́рбы свэнто дыибэн идолэнгэ; а лэнгири́ годы́, сави́ ишчо́ (инкэ́) исын бизорья́кири, сы́рбы магирэ́лапэ хабнасты́р. ⁸ Нэ мас на чхувэ́ла амэн пашылэ́дыр кэ Дэвэл; ци хаса́ амэ лэс, ци амэ на хася́кираса́ ничы́, ци на хаса́ амэ лэс, нанэ ни сави́ льгóта амэндэ. ⁹ Нэ ра́кхэ́нпэ, соб (кай) тумарó́ право́ тэ хан тэ на явэл сы́рбы бар пэ́ дром одолэндэ́, савэндэ́ исын назорало́ патяибэн. ¹⁰ Палдава́, кóли вари-кон дыкхэ́ла тут, конэ́стэ исын джиныбэн, со ту сан бэштó пал ска́мýнд дро идолэнгирэ́-мангипны́тко кхэр, со ж тэды́, ци на подпхэ́нэла́ годы́ одолé манушэ́скэ, савэ́стэ нанэ зорало́ патяибэн, тэ хал дава́ жэртвенно хабэн сы́рбы свэнто дыибэн идолэнгэ? ¹¹ И хасё́ла тыро́ пшал дро дýхо (фа́но), савэ́стэ нанэ зорало́ патяибэн пал тыро́ джиныбэн. ¹² Нэ кéли тумэ́ кэрэ́на грéхо́ проти пшалэ́стэ пир Растэ́-Дэвлэ́стэ далéса, со тумэ́ сы́рбы ды́лнякирэ́на лэскири́ бизорья́кири годы́, тэды́ тумэ́ кэрэ́на грéхо́ проти Христосóстэ. ¹³ Палдава́, кóли мас исын сы́рбы фэ́лы ваш грéхо́ пэ́ дром мирé пшалэ́скэ, тэды́ мэ ниé́кхвар бутýр на ява́ва тэ хав мас, соб (кай) ма́нгэ тэ на явав сы́рбы фэ́лы кэ грéхо́ пэ́ дром мирé пшалэ́скэ.

Шэрó 9

Апостоло́скирэ́ Льгóта и Буты́

¹ Ци на сом мэ во́льно? Ци на сом мэ Апосто́ло? Ци на дыкхцём мэ Иису́сoс Христосóс, амарé Рас-Дэвлэ́с? Ци тумэ́ на сан сы́рбы отдыибэн мирé бутя́тыр ваш Ра́скэ-Дэвлэ́скэ? ² Кóли мэ на сом Апосто́ло ваш явирэ́нгэ, нэ мэ сом Апосто́ло ваш тумэ́нгэ; пал-дова́ со тумэ́, савэ́ исын дро екхипэн Иису́сoсa Христосóсa, тумэ́ сан сы́рбы допхэ́ныбэн пал ми́ри Апостоло́скири́ буты́. ³ Мэ затэ́рдёва́ва пал пэ́стэ ваш одолэнгэ́, савэ́ пропаты́кирэ́на ман дро дава́: ⁴ “Ци нанэ амэндэ́ право́ тэ хас и тэ пýяс? ⁵ Ци нанэ амэндэ́ право́ тэ лас палорóм патяибна́скирýя пхэ́ня пир Растэ́-Дэвлэ́стэ сыр ромня́, адя́кэ-паць сыр явир Апо́сто́лы кэрдэ́, мирé пшáла, пир Растэ́-Дэвлэ́стэ, и Ки́фа? ⁶ Ци ма́ндэ́ ко́корэ́стэ и Варна́вастэ́ нанэ право́ тэ на кэ́рас буты́? ⁷ Савó халадо́ (ру́лдо) лы́джáла ма́рибэн пал пэ́скирэ́ ловé? Кон исын, савó чхудя́ винагра́днико, соб (кай) тэ на хал му́ри? Кон исын, савó чаравэ́ла гурто, соб (кай) тэ на пýел тхуд лóндыр? ⁸ Ци мэ ра́кира́ва пир манушýтко́ годы́? Ци на дова́ ра́кирэ́ла и Зако́но? ⁹ Ци нанэ адя́кэ за́чхиндло́ дро Мойза́скиро́ (Моисеё́скиро) Зако́но: “На за́кэр муй бутя́рнэ́ гурувэ́скэ пэ́ гив.” Ци пал гурувэ́ндэ́ адя́кэ думинэ́ла Дэвэл? ¹⁰ Ци адя́кэ-паць Дэвэл на ра́кирэ́ла ваш амарó лачхипэ́н? Палдава́ исын пхэ́ндло́ ваш амарó лачхипэ́н, со одова́, кон па́хинэ́ла (пхара́вэ́ла) пхув, мэ́к ёв тэ па́хинэл лачхэ́ ужа́кирибна́са, и одова́, кон ма́рэла гив, мэ́к тэ ма́рэл лачхэ́ ужа́кирибна́са тэ лэл пэ́скири́ паш далэ́стыр. ¹¹ Кóли амэ чхудя́м Ду́хоскири́ зýрка дро тумарó́ ило́, ци барó исын дава́ рéндó (дéло), кóли амэ скэ́даса́ тумэ́ндыр дова́, со исын трéй ваш джидé маса́? ¹² Кóли явирэ́ндэ́ исын право́ пэ́ тумэ́ндэ́ ваш

дава́, ци нанэ амэндэ бутыр правы? Нэ амэ на лыям нисо пир дава́ право, а амэ пирилыджаса саро́, соб (кай) амэ́нгэ тэ на кэра́с вари-сави́ ванта ангил роспхэныбэн пал Христососкири бахталы́ зан (звесь). ¹³ Ци тумэ на джинэна, со одолэ́, кон кэрэ́ла свэ́нто буты́, чалякирэнапэ далэ́стыр, со исын яндло сыр свэ́нто дыибэ́н дрэ Кхангири́; одолэ́, савэ́ дынаринэна пашыл алта́рэ, лэна пэскири паш долэ́стыр, со янэлапэ пэ алта́рэ. ¹⁴ И адя́кэ-паць Дэвэ́л дыя́ упхэныбэ́н одолэ́нгэ, кон роспхэ́нэла бахталы́ зан (звесь), тэ дживэ́н далэ́ буты́тыр, со ё́нэ кэрэ́на. ¹⁵ Нэ мэ на́ ла́вас нисо́ дасаво. Га́да, мэ чхиндём дава́ на ваш дова́, соб (кай) адя́кэ тэ явэ́л ма́нца; пал-дова́ со фэды́р бы сыс ваш ма́нгэ тэ мэрав, соб (кай) вари-кон тэ на шарэл ман, со мэ кэрдём дава́ би ловэнги́ро. ¹⁶ Палдава́, ко́ли мэ роспхэ́нава бахталы́ зан (звесь), ма́ндэ нанэ со́са тэ шаравпэ́; пал-дова́ со дава́ исын ми́ри трэ́бима; дава́ явэ́лас пхарипэ́н ма́нгэ, кэ́ли мэ тэ на роспхэ́нав бахталы́ зан (звесь). ¹⁷ Пал-дова́ со, ко́ли мэ кэра́ва дава́ пир пэскири во́ля, ма́нгэ исын отдыибэ́н, а ко́ли на пир пэскири во́ля, тэды мэ кэра́ва допхэндлы ма́нгэ буты́. ¹⁸ Саво́ ж тэды ма́нгэ мазу́ри (награ́да)? Дро дова́, со кэ́ли мэ роспхэ́нава бахталы́ зан (звесь), тэды мэ джиндя́кирава бахталэ́ заня́са би ловэнги́ро, мэ на лава́ льго́та ми́рэ правэ́ндыр роспхэ́ныбна́стыр. ¹⁹ Палдава́, кэ́ли мэ сом во́льно сарэ́ндыр, мэ кэрдём пэс писхариса ваш сарэ́нгэ, соб (кай) ма́нгэ тэ кэдав лэн со бутыр ваш Христососкэ́. ²⁰ И мэ яцём Юдоса ваш Юдэ́нгэ ваш дова́, соб (кай) ма́нгэ тэ кэдав лэн ваш Христососкэ́: ваш одолэ́нгэ, кон исын тэл Мойза́скиро Зако́но, мэ со́мас сы́рбы тэл Мойза́скиро (Моисе́скиро) Зако́но, соб (кай) ма́нгэ тэ кэдав тэл-Законоски́рен ваш Христососкэ́: ²¹ ваш одолэ́нгэ, конэ́стэ нанэ Зако́но, мэ со́мас сы́рбы би Законоски́ро (нэ мэ на гиём тэлэ́ Дэвлэ́скиро Зако́но́стыр, а мэ сом пир чачипэ́н тэл Христососки́ро Зако́но) ваш дова́, соб (кай) ма́нгэ тэ кэдав ко́долэ́н, конэ́стэ нанэ Мойза́скиро Зако́но. ²² Мэ яцём сы́рбы бизорья́киро дро патяибэ́н ваш одолэ́нгэ, конэ́стэ нанэ зорало́ патяибэ́н ваш одова́, соб (кай) ма́нгэ тэ кэдав одолэ́н, конэ́стэ нанэ зорало́ патяибэ́н. Ваш сарэ́ манушэ́нгэ мэ кэрдёмпэ́ сы́рбы кажно́нэса лэ́ндыр ваш дова́, соб (кай) ма́нгэ тэ зракхав вари-конэ́с, сыр фэ́ни сашты́. ²³ И мэ кэра́ва дава́ саро́ ваш бахталэ́-заня́киро лачхипэ́н, соб (кай) ма́нгэ тэ явав бутя́рнэса пир ми́ри паш лэ́нца. ²⁴ Ци джинэ́на тумэ́, со сарэ́, кон прастала пэ стадионо́, праста́на со исын сы́гэды́р екх ангил екхэ́стэ, нэ фэ́ни екх лэ́ла призо. Палдава́, прастан сарэ́, соб (кай) тумэ́нгэ тэ выбашавэ́н призо. ²⁵ Нэ ка́жно ману́ш, кон марэ́лапэ́ пал призо, обрики́рлапэ́ сарэ́стыр, со исын нами́што ваш лэ́скиро прастаибэ́н: ко́долэ́ мануша́ ваш дова́, соб (кай) лэ́нгэ тэ лэн вья́нка (ко́ро́на), сави́ кирне́ла, а амэ ваш ко́доя вья́нка, сави́ на кирне́ла. ²⁶ И палдова́ мэ прастава на сы́рбы ману́ш, конэ́скэ́ нанэ смы́сло, палдава́ мэ маравпэ́ пал призо на сыр ману́ш, саво́ пэ́кавэ́ла пир фа́но (возду́хо). ²⁷ Нэ мэ кхиня́кирава ми́рэ маса́ и рики́рава лэс дрэ васта́, соб (кай) кэ́ли мэ ява́ва тэ роспхэ́нав бахталы́ зан яви́рэ́нгэ, ма́нгэ тэ на ячавпэ́ нала́чхэ́са ваш прастаибэ́н.

Шэро́ 10

Приракхи́бэн Проти́ Йдолы́

¹ Мэ на кама́м, пшала́лэ, тэ ячки́рав тумэ́н дро наджины́бэн, со сарэ́ амаре́ дада́ сыс тэл о́блоко (синэ́по), и сарэ́ проги́нэ пир мо́рэ (дэ́рьяв); ² и сарэ́ болдэ́пэ сыр Мойза́скирэ сы́кляибны́тка дро о́блоко и дро мо́рэ (дэ́рьяв); ³ и сарэ́ ханэ́ екх Духоски́ро маро́, ⁴ и сарэ́ пинэ́ екх Духоски́ро пи́бэн, пал-дова́ со сарэ́ пинэ́ екхэ́ Духоски́рэ бэ́ргаты́р: да́я бэ́рга сыс Христо́со; ⁵ нэ на сарэ́ сыс лачхэ́ Дэвлэ́скэ́, палдава́ лэ́нгирэ́ тру́пы сыс росчхурды́нэ пир чхучи́ пхув. ⁶ Нэ амэ́нгэ трэ́й тэ сы́клэ́вас сарэ́стыр далэ́стыр, соб (кай) амэ́ тэ на явас галка́ (жа́дна) пэ нала́чхэ́ рэ́нды, сыр ё́нэ сыс. ⁷ Адя́кэ-паць тумэ́ тэ на ма́нгэ́нпэ́ идолэ́́нгэ, сыр вари-савэ́ лэ́ндыр; сыр исын чхиндло́: “Мануша́ бэ́шнэ́ тэ хан и тэ пьен, и ушты́нэ́ тэ кхэлэ́н.” ⁸ И на ява́са тэ кэра́с била́джаипэ́н, сыр вари-савэ́ лэ́ндыр кэ́рдэ, и биш тэ трин ты́се́нцы лэн хаси́нэ пал екх ды́вэс. ⁹ И на ява́са тэ пропаты́кирас Рас-Дэвлэ́с, сыр вари-савэ́ лэ́ндыр кэ́рдэ, и ё́нэ хаси́нэ сапэ́ндыр. ¹⁰ И на раки́рэн хо́ляса, сыр вари-савэ́ лэ́ндыр кэ́рдэ, и ё́нэ хаси́нэ Мари́бны́тконэ́ Янго́лосты́р. ¹¹ Дава́ саро́ сыс лэ́нца, соб (кай) мануша́ тэ сы́клэ́н, и дава́ сыс чхиндло́ сыр приракхи́бэн ваш амэ́нгэ, савэ́ дживэ́на дро палату́но часо. ¹² Кон думи́нэла, со

ёв исын тэрдó твардэс, мэк тэ раххэлпэ, соб (кай) лэскэ тэ на пэрэл дро грэхó. ¹³ Тумэ пынэ тэл дасаво пропатыкирибэн сыр и сарэ манушá; нэ Дэвэл исын патяибнйтко, и Ёв на домэкэла, соб (кай) тумэн тэ пропатыкирэн бутыр тумарэ зорьятыр тэ пирилыджан; а кэли явэла пропатыкирибэн, Дэвэл дэла зор тумэнгэ, соб (кай) тумэ могоиндлэ тэ пирилыджан лэс. ¹⁴ Палдава, мирэ дрога пшалалэ, нашен криг мангипнастыр идолэнгэ. ¹⁵ Мэ ракирава тумэнгэ, годварэ манушэнгэ; тумэ ж кокорэ сэндинэн, палсó мэ адякэ ракирава. ¹⁶ Бахтыкирдó тахтай (чаша), пал савó амэ парикираса Дэвлэскэ, ци дава нанэ чачипэн; со амэ кхэтаниякирасапэ пашэнца Христосóскирэ Ратэса? Маро, савó амэ пхагираса, ци дава нанэ чачипэн, со амэ кхэтаниякирасапэ пашэнца Христосóскирэ Масэнца. ¹⁷ Пал-дова со амэ сам бут, нэ амэ сам сырбы екх лабо марó, сырбы екх масá; пал-дова со исын екх лабо марó, савэстыр амэ сарэ ласа пэскирэ пашá. ¹⁸ Дыххэн пэ Израилёскиро манушэндэ: ци нанэ ёнэ одолэ манушá, кон хала свэнто дыибэн, и савó лэла пэскири паш алтарёстыр? ¹⁹ Со тэды мэ пхэнава? Ци дова, со идоло исын мол вари-со? Ци свэнто дыибэн идолоскэ исын мол вари-со? ²⁰ Над. А дова, со кэли Наюды янэна лэнгирэ свэнта дыибэна, ёнэ янэна лэн налачхэ духэнгэ, а на Дэвлэскэ. Нэ мэ камám, соб (кай) тумэ тэ на кхэтаниякирэнпэ пашэнца налачхэ духэнца. ²¹ Тумэ на могоинэна тэ пьен Рáскирэ-Дэвлэскиро тахтай, и налачхэ-духэнгиро тахтай: тумэ на могоинэна тэ лэн пашá Рáскирэ-Дэвлэскирэ скаминдэстыр и налачхэ-духэнгирэ скаминдэстыр. ²² Наушто амэ яваса тэ муршкинаспэ тэ холякирас Дэвлэс? Наушто амэ сам зоралэдýр Лэстыр? ²³ Сарó сашты (можна), нэ на сарó кэ лачхипэн амэнгэ; сарó сашты, нэ на сарó кэ подрикирибэн дро патяибэн. ²⁴ Мэк ниэкх мануш тэ на родэл бахт екх пэскэ, а мэк кажно мануш тэ родэл бахт ваш явирэскэ. ²⁵ Сарó, со манушá бикнэна пэ тарги, сашты тэ хан, на пхучэн нисó, и на издран ладжатыр. ²⁶ Пал-дова со пхув исын Дэвлэскири и сарó, со исын пэ пхув, исын Дэвлэскиро. ²⁷ Нэ кóли вари-савó напатяибнаскиро кхарэла тумэн кэ пэ, и тумэ камэна тэ джэн, хан сарó, со исын чхудо ангил тумэндэ, на пхучэн нисó и на издран ладжатыр. ²⁸ Нэ кóли вари-кон пхэнэла тумэнгэ: гада, исын яндло сыр свэнто дыибэн, на хан ваш одолэ манушэскэ, савó пхэндя дава лав тумэнгэ, соб (кай) адалэ манушэскири ладж тэ явэл штыл; ²⁹ мэ ракирава дава на пал тумарí ладж, а пал дая манушэскири ладж: сóскэ явирэ манушэскири ладж явэла тэ сэндякирэл мирí вольныма? ³⁰ Кóли мэ лава хабэн парикирибнаса, палсó тэ ракирэн чорипэн пал мандэ, пал дова со мэ парикирава. ³¹ Палдава, кóли тумэ вари-со хана, ци пьена, ци кэрэна вари-со, сарó дава кэрэн адякэ, соб (кай) тэ барьякирэн кэ вучипэн Дэвлэс. ³² На чхувэн бар пэ дром сыр Юдэнгэ, адякэ-паць и Грекэнгэ (Баламэнгэ), и Дэвлэскирэ кхангирьякэ. ³³ Адякэ-паць сыр и мэ кэрава, со исын зор, тэ явав лачхó сарэнгэ дро сарó; и мэ на родава лыгóта пэскэ, а лачхипэн сарэнгэ, соб (кай) ёнэ тэ зраххэнпэ.

Шэрó 11

Пал Дыххлó пэ Джувлякиро Шэрó пэ Скэдыибэн

¹ Кэрэн адякэ-паць, сыр и мэ, пал-дова со мэ кэрава адякэ-паць, сыр Христóсо. ² Мэ шарава тумэн, пшалалэ, со тумэ рипирэна пал мандэ; и пал дова, со тумэ рикирэна далэ упхэныбэна, сыр мэ и сыклякирдём тумэн. ³ Нэ мэ камám, соб (кай) тумэ тэ джинэн, со Христóсо исын Шэралó пэ сарэ муршэндэ, а ром исын шэралó пэ ромнйтэ, и Дэвэл Дад исын Шэралó пэ Христосóстэ. ⁴ Мурш, савó мангэлапэ Дэвлэскэ, ци ангилпхэнэла запхандлэ вари-сóса шэрэса, сырбы подчхувэла лэскиро шэрó ваш Христосóскиро ладжаипэн. ⁵ Нэ джувлí, савí мангэлапэ Дэвлэскэ, ци ангилпхэнэла назапхандлэ нисоса шэрэса сырбы подчхувэла пэскиро шэрó ваш Христосóскиро ладжаипэн; пал-дова со кадава исын адякэ, сырбы ёй тэ явэл мурадэ шэрэса. ⁶ Палдава, кóли джувлí на запхандэла нисоса пэскиро шэрó, мэк лáкирэ балá тэ явэн обчхиндлэ. ⁷ А кóли исын ладжаво джувлякэ, соб (кай) лáкирэ балá тэ явэн обчхиндлэ ци тэ явэн мурадэ, мэк ёй тэ запхандэл вари-сóса шэрó. Палдава муршэскэ на трэй тэ запхандэл шэрó, пал-дова со мурш исын сырбы Дэвлэскири патрín (óбразо) дрэ манушэстэ, и мурш сырбы зяинэла Дэвлэскирэ ярконэ славаса, а джувлí сырбы зяинэла

лакирэ-ромэскирэ славаса. ⁸ Пал-дова со мурш нанэ создыно джувлятыр, а джувлы исын муршэстыр. ⁹ И мурш нанэ создыно ваш джувлякэ, а джувлы исын создыны ваш муршэскэ. ¹⁰ Палдава джувлякэ трэй тэ лыджал шпэра (знако) пэ шэрó, со ёй исын вари-конэскири ваш Янголэнгэ. ¹¹ Нэ усаэкх ромны нанэ вольно ромэстыр, ни ром исын вольно ромнятыр дро джибэн, савó исын дро кхэтаныпэн Исусóса. ¹² Палдава, сыр ромны исын ромэстыр, адякэ-паць ром пир ромнятэ, нэ усаэкх сарó исын Дэвлэстыр. ¹³ Сэндинэн кокорó: ци дава исын шукáр джувлякэ тэ мангэлпэ Дэвлэскэ назапхандлэ шэрэса? ¹⁴ Ци свэто кокорó на сыклякирэла тумэн со, коли ром барьякирэла бала, дава исын ладж лэскэ? ¹⁵ Нэ джувлы, коли барьякирэла бала, дава исын слава лэкэ; пал-дова со длэнгэ бала исын сырбы дыкхло. ¹⁶ А коли вари-кон камэла тэ чингардэлпэ, амэндэ нанэ дасаво присыкляибэн, адякэ-паць и пэ Дэвлэскирэ скэдыибэна.

Рáскирэ-Дэвлэскири Вечэря

¹⁷ Нэ, сыр мэ дава упхэныбэн тумэнгэ, мэ на шарава тумэн; пал-дова со тумэ кэдэнапэ на ваш лачхипэн, а сырбы бутыр ваш чорипэн. ¹⁸ Палдава, дро пэрво, кели тумэ явэна пэ скэдыибэн, тумэ распэрэнапэ пир группы тэ чингардэспэ, сыр мэ шундём, и мэ náбут патява дро дава. ¹⁹ Ваш дава трэй, соб (кай) тэ явэн рáзна группы машкír тумэндэ, соб (кай) тэ сыкавэн пэс одолэ манушá, кон исын тэрдэ пэ чачуно дром машкír тумэндэ. ²⁰ Кели тумэ кэдэнапэ дро екх штэто, дава на подджала, соб (кай) тумэ тэ хан Рáскирэ-Дэвлэскири вечэря. ²¹ Палдова – со кажно мануш камэла сыгэдыр тэ хал пэскиро хабэн англедыр явирэндыр и екх мануш исын бокхало, а явír исын мато. ²² Наушто нанэ тумэндэ кхэрá тэ хан и тэ пьен? Ци тумэ дыкхэна вучипнастыр пэ Кхангирьякиро скэдыибэн, со тумэ ладжакирэна чорорé манушэн. Со мангэ тэ пхэнав тумэнгэ? Тэ шарáв мангэ тумэн? Над, мэ на шарава тумэн. ²³ Пал-дова со мэ Кокорэстыр Рáстыр-Дэвлэстыр прилыём дова сыклякирибэн, савó мэ пиридава тумэнгэ, со Рай Дэвэл дрэ кодоя рат, кели Ёв сыс здыно, лыя марó, ²⁴ парикирдя Дэвлэскэ, пхагирдя лэс и пхэндя: “Давá исын Мирé Масá, савэ исын отдынэ ваш тумэнгэ: кэрэн адякэ тэ рипирэн Ман.” ²⁵ Адякэ-паць и тахтай палó вечэря и пхэндя: “Давá тахтай исын нэвó Дэвлэскиро завето пир миро рат: кэрэн дава адакицы мóлы, кицы мóлы тумэ явэна тэ пьен лэстыр (латыр), соб (кай) тэ рипирэн Ман.” ²⁶ Пал-дова со адакицы мóлы, кицы мóлы тумэ явэна тэ хан дава марó и тэ пьен дава тахтай, тумэ пирипхэнэна чачипэн пал Рáскирэ-Дэвлэскиро мэрибэн, пака Ёв явэла. ²⁷ Палдава, коли вари-кон хала марó ци пьела Рáскирэ-Дэвлэскиро тахтай би патывакиро (би дарáкиро) ангил Лэстэ, одовá мануш явэла бангó, со ёв на кутякирэла Рáскирэ-Дэвлэскирэ масá и рат. ²⁸ А мэк кажно мануш тэ пропатыкирэл пэс и пир дава хала марó и пьела тахтастыр. ²⁹ Палдава, кон хала и пьела тахтастыр би дарáкиро ангил Дэвлэстэ, одовá мануш сырбы хала и пьела Дэвлэскиро сэндо пэ пэстэ, и сырбы отлыджалапэ би патывакиро кэ Христосóскирэ Масá. ³⁰ Палдава бут тумэндыр исын бизорьякирэ и насвалэ, и бут мынэ. ³¹ Палдава, коли амэ сэндинасас пэс, тэды амэн на сэндинэнас. ³² Нэ Дэвэл сэндыкирэла и чхувэла хась (кара) пэ амэндэ, соб (кай) амэн тэ на сэндинэн кхэтанэ свэтоса. ³³ Палдава, пшалалэ мирé, кели тумэ скэдэнапэ тэ хан вечэря, ужакирэн екх екхэс. ³⁴ Коли вари-кон исын бокхало, мэк ёв тэ хал кхэрэ, соб (кай) тумэ тэ на скэдэнпэ пэ Дэвлэскиро сэндо. А сарó явír мэ кэрáва, сыр трэй, кели мэ явáва кэ тумэ.

Шэрó 12

Свэнтонé-Духóскирэ Талáны

¹ Мэ на камáм тэ ячкирав, пшалалэ, тумэн дро наджиныбэн пал таланы, савэ исын Свэнтонé Духóстыр. ² Тумэ джинэна, со ангил дова, сыр тумэ ячнэ тэ патян Христосóскэ, тумэ псирдэ екхэ немонé идолóстыр кэ явír, савэ сырбы лыджинэ тумэн. ³ Палдава мэ упхэнава тумэнгэ, со ниэкх, кон ракирэла Дэвлэскирэ Духóса, на пхэнэла кошыбэн пэ Христосóстэ; адякэ-паць

и ниёкх на пхэнэла “Рай Дэвэл Ису́со”, ко́ли ёв на кэрэла дава́ Свэ́нтонэ́ Духо́скирэ́ зорья́са. ⁴ Нэ́ исын ра́зна Духо́скирэ́ таланы́ (даровании́), а исын екх Свэ́нто Ду́хо (Фа́но), Саво́ дэ́ла далэ́ таланы́; ⁵ исын ра́зна служэ́нии (дынарибэ́на) Дэвлэ́скэ, а исын екх Рай Дэвэл; ⁶ исын ра́зна саштыпэ́на (возможности́) тэ́ дынаринэ́н, а исын кадава́-паць екх Дэвэл, Саво́ хулаинэ́ла пир саро́ и пэ́ сарэ́ндэ. ⁷ Нэ́ Ду́хо (Фа́но) сыкава́ла пэ́с разнэ́с пир кажно́нэ́ манушэ́стэ́ ваш сарэ́нгири́ льгота́. ⁸ Екхэ́ манушэ́скэ́ Ду́хо (Фа́но) дэ́ла тала́но тэ́ пхэнэ́л годьваро́ лав, и дава́-паць Ду́хо (Фа́но) дэ́ла явирэ́ манушэ́скэ́ тэ́ джинэ́л лав. ⁹ А явирэ́ манушэ́скэ́ дэ́лапэ́ далэ́-паць Духо́са патяибэ́н, а явирэ́ манушэ́скэ́ Ду́хо (Фа́но) дэ́ла тала́но тэ́ высастякирэ́л; ¹⁰ а явирэ́ манушэ́скэ́ тэ́ кэрэ́л дывы́, явирэ́-манушэ́скэ́ тэ́ ангилпхэ́нэ́н, явирэ́ манушэ́скэ́ тэ́ галё́л рознь машки́р лачхэ́ и налачхэ́ дү́хи, явирэ́ манушэ́скэ́ тала́но тэ́ ракирэ́л пэ́ наджиндлэ́ чибá (чибья́), и явирэ́ манушэ́скэ́ тала́но тэ́ пирипхэ́нэ́л, со ракирлапэ́ пэ́ чибá (чибья́). ¹¹ Дава́ исын екх и дава́-паць Ду́хо (Фа́но) кэрэ́ла саро́ дава́; Ёв дэ́ла разнó тала́но кажно́нэ́ манушэ́скэ́, сыр Ёв Кокоро́ выкэдэ́ла.

Екх Масá, Бут Пашá

¹² Палдава́, сыр исын екх ману́ш, лэ́стэ́ исын ра́зна пашá, нэ́ сарэ́ пашá исын екхэ́ манушэ́скирэ́, мэк лэ́н исын бут, и ё́нэ́ кэдэ́напэ́ дро екх масá, – ады́кэ-паць Христо́со исын сы́рбы Екх. ¹³ Пал-дова́ со амэ́ болдя́мпэ́ екхэ́ Духо́са дро екх масá, – Юды́ ци Гре́ки (Баламэ́), – писха́рья ци вольна́ мануша́, и сарэ́нгэ́ амэ́нгэ́ сыс дыно́ тэ́ прилас екх Ду́хо (Фа́но). ¹⁴ Масá исын на екхэ́ пашаты́р (пашэ́стыр), а бутэ́ндыр. ¹⁵ Ко́ли гэрóй пхэнэ́ла: “Мэ́ на сом далэ́ масэ́ндыр, пал-дова́ со мэ́ на сом васт”; тэ́ньчи нау́што ё́й нанэ́ масэ́нгири́ паш? ¹⁶ И ко́ли кан пхэнэ́ла: “Мэ́ на сом далэ́ масэ́ндыр, пал-дова́ со мэ́ на сом якх”, тэ́ньчи, нау́што ё́в нанэ́ масэ́нгири́ паш? ¹⁷ Ко́ли сарэ́ масá исын сы́рбы екх якх, кай жа́ исын шуныбэ́н? Ко́ли сарэ́ масá исын сы́рбы екх шуныбэ́н, кай жа́ исын сунгипэ́н (обоняни́ё)? ¹⁸ Дыкхэ́н, сыр Дэвэл́ росчху́дя́ ка́жно разнó паш пэ́ масá пэ́ пэ́скиро́ штэ́то, сыр Лэ́скэ́ трэ́индя́. ¹⁹ Ко́ли амэ́ явасас сы́рбы екх паш, савэ́ бы́ явэ́лас цэ́ла тэ́ды масá? ²⁰ Нэ́ какана́ исын бут пашá, а исын екх мануша́. ²¹ Якх на́ мого́нэ́ла тэ́ пхэнэ́л вастэ́скэ́: “Ту на́ трэ́й ма́нгэ́”; ци ады́кэ-паць шэ́ро гэрэ́нгэ́: “Тумэ́ на́ трэ́й ма́нгэ́.” ²² Дава́ исын на́ ады́кэ: масэ́нгирэ́ пашá, савэ́ сыкаде́на сы́рбы бизорья́кирэ́, буты́р трэ́й; ²³ и долэ́ масэ́нгири́ пашá, савэ́ амэ́ кутяки́раса буты́р, пал лэ́ндэ́ амэ́ дыкхаса́ буты́р; и на́гожа́ амарэ́ пашá амэ́ за́чхаки́раса буты́р лэ́н, соб (кай) ё́нэ́ тэ́ на́ явэ́н би́цялэ́; ²⁴ а амарэ́ го́жонэ́ пашэ́нгэ́ дава́ на́ трэ́й. Но́ Дэвэл́ ады́кэ́ чху́дя́ кхэ́танэ́ масá, соб (кай) амэ́ тэ́ дыкхас́ буты́р пал долэ́ пашá, савэ́нгэ́ дава́ трэ́й; ²⁵ соб (кай) тэ́ ячэ́лпэ́ екхипэ́н дрэ́ масá, и, соб (кай) сарэ́ пашá тэ́ дыкхэ́н екх пал екхэ́стэ́, ады́кэ-паць, сыр пал пэ́стэ́. ²⁶ И ко́ли екх паш мэ́нчынэ́лапэ́, сарэ́ пашá мэ́нчынэ́напэ́ кхэ́танэ́ ла́са; и ко́ли шарэ́на́ екх паш, сарэ́ пашá ра́дынэ́напэ́ ла́са. ²⁷ Ка́жно́ тумэ́ндыр кхэ́танэ́ исын Христо́со́скирэ́ Масá и ка́жно́ тумэ́ндыр исын паш далэ́ Масэ́нгири́. ²⁸ И Дэвэл́ чху́дя́ сарэ́н пэ́ пэ́скиро́ штэ́то дрэ́ кханги́ри: Апосто́лэ́н пэ́ пэ́рво́ штэ́то, проро́кэ́н пэ́ яви́р штэ́то, сы́клякири́бна́скирэ́н пэ́ трй́то штэ́то; тэ́ды Ё́в ды́я зор яви́рэ́нгэ́ тэ́ кэрэ́н дывы́; ады́кэ-паць таланы́ тэ́ састяки́рэ́н, тэ́ помогинэ́н; тэ́ хулаинэ́н; тэ́ раки́рэ́н пэ́ наджиндлэ́ чибá (чибья́). ²⁹ Ци сарэ́ ё́нэ́ исын апосто́лы, ци проро́ки, ци сы́клякири́бна́скирэ́ на сарэ́ мого́нэ́на тэ́ кэрэ́н дывы́; ³⁰ ци тэ́ састяки́рэ́н, ци тэ́ раки́рэ́н пэ́ наджиндлэ́ чибá (чибья́), ци тэ́ пирипхэ́нэ́н, со дава́ ракирлапэ́ пэ́ далэ́ чибá (чибья́)? ³¹ Отдэ́н пэ́скиро́ ило́ ваш ба́рэ́ таланы́, и мэ́ сыкава́ва́ тумэ́нгэ́ най́ фэ́дыды́р дро́м кэ́ дава́.

Шэ́ро́ 13

Ла́ска / Пшальы́тко́ Патыв́ кэ́ Яви́р Мануша́

¹ Ко́ли мэ́ раки́рава́ манушы́тконэ́, ци Я́нголы́тконэ́ чибэ́нца́ (чи́бьенца́), нэ́ ма́ндэ́ нанэ́ пшальы́тко́ патыв́ кэ́ яви́р мануша́, тэ́ды миро́ ракири́бэ́н исын сы́рбы харко́ма́ (медь), со куду́някирэ́ла (звени́нэ́ла), ци кимва́ло, со дэ́ла зан. ² И ко́ли ма́ндэ́ исын тала́но тэ́

ангилпхэнав, и мэ джинóm сарé чораханыбэна и мánдэ сыс джиныбэ́н и дасаво патяибэ́н, со мэ моги́нав тэ пирикхарáв (пиричхувáв) бэ́рги, а мánдэ нанэ пшалы́тко паты́в, тэды мэ сом никóн. ³ И кóли мэ роздава сарó миро миштыпэ́н и отдáва мирé масá пэ яг, а мánдэ нанэ пшалы́тко паты́в – нанэ мánгэ ни савó лачхипэ́н далэстыр. ⁴ Пшалы́тко паты́в бут вырикирэ́ла и исын лачхó; пшалы́тко паты́в на дэ́ла якхало; пшалы́тко паты́в на задэ́лапэ и на пхутё́ла; ⁵ Пшалы́тко паты́в на халапэ́, на родэ́ла лы́гота пэ́скэ, на холясóла, на думинэ́ла фуипэ́н; ⁶ пшалы́тко паты́в на радынэ́лапэ начачипастыр, а радынэ́лапэ пал чачипэ́н; ⁷ сарó пирилыджала, патя́ла сарэ́скэ, ужакирэ́ла лачхипэ́н дро сарó, затэрдэ́ла пал сарó. ⁸ Пшалы́тко паты́в исын вéчно, мэк ангилпхэ́ныбэ́н тэ кончынэлпэ́, мэк чибá (чибья́) тэ явэ́н штыл (циха), мэк джиныбэ́н тэ проджал. ⁹ Пал-довá со амэ нáбут джинáса и нáбут ангилпхэ́наса: ¹⁰ а кéли довá, со исын бидошакиро явэ́ла, тэды кодовá, со исын нáбут, пириячэ́ла тэ явэ́л. ¹¹ Кéли мэ сóмас бия́то, мэ ракирдём сыр бия́то, мэ думиндём пэ́скэ сыр бия́то, мэ галё́вавас сыр бия́то; кéли мэ яцём барэ́ манушэ́са, мэ буты́р на сом бия́то ни дро со. ¹² Пал-довá со амэ каканá дыкхаса сы́рбы пир нáлачхо гиндало, а тэды амэ явáса тэ дыкхас муй кэ́ муй; каканá мэ джинóm нáбут, тэды мэ явáва тэ джинáв адáкицы, пэ ки́цы Рай Дэвэ́л джинэ́ла ман. ¹³ Каканá ячэ́напэ́ трин чачипэ́на: патяибэ́н, лачхó ужакирибэ́н, пшалы́тко паты́в (лáска); и пшалы́тко паты́в исын най барэ́дыр сарэ́стыр.

Шэрó 14

Ишчó пал Духóскирэ́ Талáны

¹ Мэк тумары́ пшалы́тко паты́в кэ́ манушá тэ пиризоря́кирэл сарó, и отдэ́н пэ́скиро илó зэвлыны́пныткэ́с (ревно́снэс) ваш Духóскирэ́ таланы, нэ́ буты́р пал довá, соб (кай) тумэ́нгэ тэ ангилпхэ́нэ́н. ² Пал-довá со одовá ману́ш, кон ракирэ́ла пэ́ наджиндлы́ чиб, ёв ракирэ́ла на манушэ́нгэ, а Дэвлэ́скэ, пал-довá со ниéкх на галё́ла лэс, ёв ракирэ́ла пал чораханэ́ чачипэ́на́ Духóскирэ́ зорья́са. ³ Нэ́ одовá, кон роспхэ́нэ́ла Дэвлэ́скиро лав, одовá ману́ш подрикирэ́ла манушэ́н дро патяибэ́н, дэ́ла лэ́нгэ твáрдыма дро илó, дэ́ла рамáнэ́ (миро) манушэ́скирэ́ Духоскэ́. ⁴ Одовá, кон ракирэ́ла пэ́ наджиндлы́ чиб, подрикирэ́ла пэс дро патяибэ́н; а одовá, кон роспхэ́нэ́ла Дэвлэ́скиро лав, подрикирэ́ла Кханги́рья́киро скэ́дыибэ́н. ⁵ Мэ́ камáм, соб (кай) тумэ́ тэ ракирэ́н пэ́ наджиндлэ́ чибá (чибья́), нэ́ буты́р, соб (кай) тумэ́ тэ ангилпхэ́нэ́н (тэ роспхэ́нэ́н) Дэвлэ́скиро лав. Ману́ш, кон ангилпхэ́нэ́ла (пророчынэ́ла) Дэвлэ́скиро лав, янэ́ла буты́р лачхипэ́н манушэ́нгэ, сыр кодовá, савó ракирэ́ла пэ́ наджиндлэ́ чибá, кóли ёв на пирипхэ́нэ́ла, со сыс пхэ́ндлó, соб (кай) тэ подрикирэ́л Кханги́рья́киро скэ́дыибэ́н дро патяибэ́н. ⁶ И, гáда, пшáла, кóли мэ явáва кэ́ тумэ́ и явáва тэ ракирэ́в пэ́ наджиндлэ́ чибá (чибья́), савó лачхипэ́н явэ́ла тумэ́нгэ, кóли мэ на роспхэ́нава тумэ́нгэ сыкадыибэ́н Дэвлэ́стыр, ци джиныбэ́н, ци роспхэ́нава Дэвлэ́скиро лав/сы́клякирибэ́н? ⁷ Аж башаибны́тка струмэ́нты, ци да́ва исын свироль, ци да́ва исын арфа, савэ́ндэ нанэ джи́ибна́скиро дýхо (фáно), кóли ёнэ́ на явэ́на тэ дэ́н я́снэс то́но, кон да галё́ла, со ёнэ́ башавэ́на? ⁸ Палда́ва адя́кэ-па́ць исын рогоса (трубаса); кóли ёй башавэ́ла, со никóн на галё́ла, тэды кон халадэ́ндыр (рулдэ́ндыр) явэ́ла тэ кэдэлпэ́ пэ́ марибэ́н? ⁹ Тэды адя́кэ-па́ць исын наджиндлэ́ чибáса (чибья́са): кóли тумэ́ на пхэ́нэ́на адя́кэ, соб (кай) манушá тэ галё́н, тэды кон галё́ла, со исын пхэ́ндлó пэ́ наджиндлэ́ чиб? Да́ва тумэ́ явэ́на тэ ракирэ́н сы́рбы пэ́ балва́ля. ¹⁰ Гáда, ки́цы исын бут манушы́тка ла́ва дро свéто, и со дро екх лав исын пэ́скиро галы́ибэ́н. ¹¹ Палда́ва, кóли мэ на галё́вавас чибакирэ́ ла́ва; пэ́ савы́ ракирэ́на, тэды мэ сом яви́рэ-пхувья́киро ману́ш ваш ко́долэ́ манушэ́скэ, савó ракирэ́ла, и ёв адя́кэ-па́ць исын сы́рбы яви́рэ-пхувья́киро ману́ш ваш мánгэ. ¹² Пал-довá со тумэ́ адя́кэ-па́ць отдэ́на пэ́скиро илó Дэвлэ́скирэ́ таланэ́нгэ, соб (кай) тумэ́ тэ лэ́н лачхипэ́н лэ́ндыр тэ подрикирэ́л Кханги́рья́киро скэ́дыибэ́н. ¹³ Палда́ва одовá ману́ш, кон ракирэ́ла пэ́ наджиндлы́ чиб, мэк ёв тэ мангэ́лпэ́ Дэвлэ́скэ пал талáно тэ пирипхэ́нэл. ¹⁴ Пал-довá со, кóли мэ мангавáпэ́ Дэвлэ́скэ пэ́ наджиндлы́ чиб, миро дýхо (фáно) мангэ́лапэ́, нэ́ тэды ми́ры годы́ ячэ́лапэ́ би бутя́киро. ¹⁵ Со ж тэды? Мэ́ явáва тэ мангавпэ́ Дэвлэ́скэ́ Свэ́нтонé́ Духóса, нэ́ мэ адя́кэ-па́ць

явава тэ мангавпэ Дэвлэскэ годяса; мэ явава тэ багав Свэнтонэ Духоса, нэ мэ адякэ-паць явава тэ багав годяса. ¹⁶ Тэды, ко́ли ту явэса тэ барьякирэс Дэвлэс Духоса, сыр просто ману́ш, конэстэ нанэ талано и саво исын тэрдó пэ скэдыибэ́н, пхэнэ́ла “аминь” пэ тыро́ бахтякирибэ́н, пал-дова́ со ёв на галёла, со ту ракирэса? ¹⁷ Палдава́, мэк ту и бахтякирэса Дэвлэс лачхэс, нэ ту на подрикирэса явирэ манушэ́н дро патяибэ́н. ¹⁸ Мэ парикирава Дэвлэскэ, со мэ ракирава́ пэ наджиндлэ́ чибá (чибья́) буты́р, сыр кажно́ тумэндýр: ¹⁹ нэ пэ Кхангирья́киро скэдыибэ́н мэ камáм тэ пхэнáв пандж лавá мирé годяса́ тэ сыклякирав адякэ-паць явирэ манушэ́н, сыр мэ пхэнáва дэш тысёнцы́ лавá пэ наджиндлэ́ чибá (чибья́). ²⁰ Пшалáлэ! На явэ́н чхаворэ́нца пир пэскири́ годы́, а явэ́н чхаворэ́нца пэ холы́: нэ явэ́н барэ́ манушэ́нца дрэ́ пэскири́ годы́. ²¹ Исын чхиндлó дро́ Зако́но: “Мэ явава́ тэ ракира́в адалэ́ манушэ́нца пэ явир́ чибá (чибья́) и явирэ́ уштэ́нца, нэ и тэды́ ёнэ́ на явэ́на тэ́ кандэ́н Ман, ракирэ́ла Рай́ Дэвэл.” ²² Палдава́, талано́ тэ ракирэ́н пэ́ явирэ́ чибá (чибья́) дава́ исын допхэныбэ́н на патяибнаскирэ́нгэ, а одолэ́нгэ, кон на патя́ла; нэ ангилпхэныбэ́н Дэвлэскиро́ исын на ваш напатяибнаскирэ́нгэ, а одолэ́нгэ, кон патя́ла. ²³ Ко́ли тэды́ сарó Кхангирья́киро скэдыибэ́н скэдэлапэ́ кхэтанэ́ пэ́ екх штэ́то и сарэ́ явэ́на тэ́ ракирэ́н наджиндлэ́ чибэ́нца (чибьенца), и заджа́на проста́ мануша́, напатяибнаскирэ́, ци на пхэнэ́на ёнэ́, со тумэ́ здылнанды́нэ. ²⁴ Нэ ко́ли тумэ́ сарэ́ ангилпхэ́нэна Дэвлэскиро́ лав, и заджа́ла просто́ ману́ш ци напатяибнаскиро́, тэды́ сарэ́ мануша́ сы́рбы сыкавэ́на и сэндинэ́на лэ́скиро грéхо; ²⁵ и лэ́скирэ-илэ́скирэ́ гарадэ́ думы́ откэрэ́напэ́ пэ́ яхха́, и ёв пэрэ́ла тэлé мо́са, и пхэнэ́ла маму́й “Чачэс, исын Дэвэл́ тумэ́нца.”

Лáдо дрэ́ Кхангирй́

²⁶ Со ж тэды́, пшалáлэ? Кéли тумэ́ мого́нэна тэ́ скэдэ́нпэ́ кхэтанэ́, кажно́э манушэ́стэ́ исын, ци пэскиро́ псáлмо, ци сыклякирибэ́н, ци сыкадыипэ́н (откэрибэ́н) Дэвлэсты́р, ци тэ́ пирипхэ́нэл дова́, со исын пхэндлó́ пэ́ наджиндлы́ чиб, мэк сарó́ дава́ тэ́ явэл, соб (кай) тэ́ подрикирэ́н патяибнаскирэ́н дро́ патяибэ́н. ²⁷ Ко́ли вари-кон ракирэ́ла пэ́ наджиндлы́ чиб, мэк дуйджинэ́ тэ́ ракирэ́н, а тринджинэ́ ужэ́ бут, нэ кажно́ ману́ш пир екх, а явир́ ману́ш тэ́ пирилыджал (тэ́ пиричхувэл); ²⁸ а ко́ли нанэ́ пирилыджаибнаскиро́, то тэ́ бэшэл́ одова́ ману́ш штыл пэ́ Кхангирья́киро скэдыибэ́н, и тэ́ ракирэ́л пэ́скэ́ и Дэвлэскэ́. ²⁹ Мэк прорóки тэ́ ракирэ́н дуй ци́ трин, а мэк явир́ мануша́ тэ́ роскэдэ́нпэ́, со ёнэ́ ракирэ́на. ³⁰ А ко́ли явирэ́ манушэ́стэ́, кон исын бэштó́ пэ́ скэдыибэ́н, явэ́ла сыкадыипэ́н тэ́ пхэнэл́ лав Дэвлэсты́р, тэды́ одова́, савó ракирэ́ла, мэк ёв тэ́ бэшэл́ штыл. ³¹ Палдава́ тумэ́ сарэ́ мого́нэна тэ́ ангилпхэ́нэн ваш дова́, соб (кай) тумэ́ сарэ́ тэ́ сыклéн и тэ́ дорэ́сэн подрикирибэ́н дро́ патяибэ́н. ³² И пророкэ́нгирэ́ дү́хи кандэ́на пророкэ́н. ³³ Пал-дова́ со Дэвэл́ на прилэ́ла бизладо́, а прилэ́ла рама́нэ (миро), сыр дава́ исын пир сарэ́ Кхангирья́кирэ́ скэдыибэ́на. ³⁴ Мэк тумарэ́ джувля́ тэ́ явэ́н штыл пэ́ Кхангирья́киро скэдыибэ́н, пал-дова́ со нашты́ тэ́ ракирэ́н лэ́нгэ, пал-дова́ со лэ́нгэ трэй́ тэ́ кандэ́н пэ́скирэ́ ромэ́н, адякэ́ сыр исын пхэндлó́ дро́ Зако́но. ³⁵ А ко́ли ёнэ́ камэ́на тэ́ сыклéн, тэды́ мэк ёнэ́ тэ́ пхучэ́н пэ́скирэ́ ромэндýр кхэрэ́; пал-дова́ со дава́ ладжаипэ́н ваш джувля́кэ́ тэ́ ракирэ́л пэ́ Кхангирья́киро скэдыибэ́н. ³⁶ Ци вы́гия́ тумэндýр Дэвлэскиро́ лав, ци ёв до́гия́ фэ́ни (то́ка) кэ́ тумэ́? ³⁷ Ко́ли вари-кон гинэ́ла пэ́с пал пророкостэ́, ци лэ́стэ́ исын вари-савó́ Духоскиро́ талано́, мэк ёв тэ́ галёл, со дова́, со мэ́ чхинáва тумэ́нгэ, исын Ра́скирэ́-Дэвлэ́скирэ́ припхэ́ныбэ́на. ³⁸ А ко́ли вари-кон лэ́н на прилэ́ла, мэк ёв тэ́ на галёл. ³⁹ Палдава́, пшалáлэ́, отдэ́н пэ́скиро́ илó́ ваш дова́, соб (кай) тэ́ ангилпхэ́нэн Дэвлэскиро́ лав, нэ на запхэ́нэн тэ́ ракирэ́н наджиндлэ́ чибэ́нца (чибьенца). ⁴⁰ Нэ мэк сарó́ тэ́ явэл́ патывалэ́с и адякэ́-паць сыр исын прилы́но, тэ́ явэл́ пэ́ Кхангирья́киро скэдыибэ́н.

Шэрó 15

Христосóскиро Отджидыип́н

¹ Нэ тумэ рипирэ́н, пшалáлэ, бахталы́ зан (звесь), сави́ мэ роспхэндём тумэ́нгэ, сави́ тумэ́ адя́кэ-паць прилы́нэ, пэ сави́ тумаро́ патяибэ́н адя́кэ-паць рикирлапэ́; ² да́я Ева́нгелия исын Ра́скиро-Дэвлэ́скиро лав, со мэ роспхэндём тумэ́нгэ, пир саво́ амэ́ зракхасапэ́, кэ́ли тумэ́ рикирэ́на зоралэ́с дава́ чачипэ́н, и ко́ли тумэ́ фэ́ни на ивья́ (на на́праснэ́с) упатя́ндынэ. ³ Палдава́ мэ роспхэндём тумэ́нгэ англэ́дыр сарэ́стыр дова́, со мэ адя́кэ-паць прилы́ём, со Христóсо́ мыя́ пал амарэ́ грэ́хи, сыр исын пир Свэ́нто Чхиныбэ́н; ⁴ и дова́, со Ёв сыс гарадо́, и со Ёв отджиды́я пэ́ трито́ дывэ́с, сыр исын пир Свэ́нто Чхиныбэ́н; ⁵ и со Ёв сыка́дя пэ́с Кифаскэ́, тэ́ньчи дэ́шудуэ́ Апостолэ́нгэ. ⁶ Тэ́ньци Ёв сыка́дя пэ́с буты́р, сыр панджшэ́ла пшалэ́нгэ дро екх-паць часо́ савэ́ндыр бутэ́дыр паш исын джидэ́ кэ́ ададывэ́с, а вари-савэ́ ужэ́ мынэ́. ⁷ Тэ́ньци Ёв сыка́дя Пэ́с Яковóскэ́, тэ́ньчи и сарэ́ Апостолэ́нгэ; ⁸ и коригэ́дыр (позжэ́дыр) сарэ́ндыр Ёв сыка́дя Пэ́с ма́нгэ, манушэ́скэ́, саво́ сы́рбы бия́ндыя на дро пэ́скиро часо́. ⁹ Палдава́ мэ сом най тыкнэ́дыр мол сарэ́ явирэ́ Апостолэ́ндыр, и мэ на сом лачхо́ тэ́ кхаравпэ́ Апостолоса́, пал-дова́ со мэ трада́вас Дэвлэ́скиро скэ́дыибэ́н. ¹⁰ Пир Дэвлэ́скиро бахталы́пэ́н мэ сом адасаво́, сыр исын, и бахталы́пэ́н, саво́ Ёв ды́я ма́нгэ, на сыс ивья́; нэ́ мэ кэ́рдём буты́ буты́р лэ́ндыр сарэ́ндыр; нэ́ дава́ на адя́кэ сыс ми́ри буты́, а сыр Дэвлэ́скиро бахталы́пэ́н, со сыс ма́нца. ¹¹ Палдава́, ци да ми́ри буты́, ци да лэ́нгири, дава́ исын уса́екх, нэ́ главны́ма исын дро дова́, со амэ́ пхэ́на́са лав пал дава́, и тумэ́ адя́кэ упатя́ндынэ.

Амаро́ Отджидыибэ́н

¹² Нэ ко́ли пхэ́нэ́лапэ́ лав, со Христóсо́ отджиды́я мэрибна́стыр, сыр тэ́ды вари-савэ́ тумэ́ндыр ракирэ́на, со нанэ́ отджидыипэ́н мэрибна́стыр. ¹³ А ко́ли нанэ́ отджидыипэ́н мэрибна́стыр, тэ́ды и Христóсо́ на отджиды́я мэрибна́стыр: ¹⁴ нэ́ ко́ли Христóсо́ на отджиды́я мэрибна́стыр, тэ́ды, чачэ́с, амаро́ пхэ́ныбны́тко лав исын чхучо́ (пусто), и чхучо́ исын тумаро́ патяибэ́н. ¹⁵ И амэ́ тэ́ды явасас адя́кэ-паць хоханэ́ якхы́тка пал Дэвлэ́стэ́, пал-дова́ со амэ́ допхэ́на́сас пал Дэвлэ́стэ́, со Ёв отджидяки́рдя́ Христосóс, Дэвэл сы́рбы на отджидяки́рэлэ́с, ко́ли дава́ исын чачипэ́н, со мулэ́, хачи, на отджидэ́на. ¹⁶ Палдава́ ко́ли мулэ́ на отджидэ́на, тэ́ды и Христóсо́ на отджиды́я; ¹⁷ а ко́ли Христóсо́ на отджиды́я, тумаро́ патяибэ́н исын чхучо́; тумэ́ сы́рбы ишчо́ (инкэ́) сан тэл хась (ка́ра) пал пэ́скирэ́ грэ́хи (тумэ́ ишчо́ (инкэ́) сан дрэ́ пэ́скирэ́ грэ́хи). ¹⁸ Палдава́ дава́ исын дова́-паць, со патяибна́скирэ́ дрэ́ Христосóстэ́, савэ́ мынэ́, исын адя́кэ-паць сы́рбы тэл сэ́ндо пал пэ́скирэ́ грэ́хи. ¹⁹ Ко́ли амаро́ лачхо́ ужаки́рибэ́н пэ́ Христосóстэ́ исын лачхо́ фэ́ни ваш дава́ джи́ибэ́н, тэ́ды амэ́ сам най бибахталэ́дыр сарэ́ манушэ́ндыр. ²⁰ Нэ́ Христóсо́ отджиды́я мэрибна́стыр, са́мо пэрво́ одолэ́ндыр, кон мы́я. ²¹ Палдава́, ко́ли мэрибэ́н явдя́ пэ́ свэ́то пир екхэ́ манушэ́стэ́, адя́кэ-паць и отджидыипэ́н мулэ́ндыр явэ́ла пир екхэ́ манушэ́стэ́. ²² Палдава́, сыр сарэ́ мануша́ мэ́рэна пал дова́, со ё́нэ́ исын дро екхипэ́н Адамоса́, адя́кэ-паць сарэ́ отджидэ́на пал дова́, со ё́нэ́ исын дро екхипэ́н Христосóса́. ²³ Нэ́ ка́жно ману́ш пир пэ́скиро штэ́то: англэ́дыр Христóсо́, тэ́ньчи Христосóскирэ́, кэ́ли Ёв явэ́ла. ²⁴ Тэ́ды явэ́ла ко́нцо (яго́ро), кэ́ли Христóсо́ здэ́ла саро́ крали́пэ́н Дэвлэ́скэ́ Дадэ́скэ́; тэ́ды, кэ́ли, сыр Христóсо́ чхувэ́ла саро́ тэлэ́: ран, право́ и зор. ²⁵ Палдава́ Христосóскэ́ трэ́й тэ́ крали́нэл, па́ка Дэвэл Дад на чхувэ́ла сарэ́ вэ́ргэ́н тэл Христосóскирэ́ гэ́ра, ²⁶ Палатунó (последнэ́) вэ́рго, саво́ хасэ́ла, явэ́ла мэрибэ́н. ²⁷ Пал-дова́ со Дэвэл Дад чхувэ́ла тэлэ́ саро́ тэл Христосóскирэ́ гэ́ра (пирэ́), кэ́ли Ёв ракирэ́ла, со “саро́ Ёв чхувэ́ла тэлэ́ тэл Лэ́скирэ́ гэ́ра”, дава́ значы́нэ́ла, со дава́ саро́ апри́ч Кокорэ́стэ́ Дэвлэ́стэ́ Дадэ́стыр, Саво́ чху́дя тэлэ́ саро́. ²⁸ Нэ́ кэ́ли саро́ явэ́ла чхудо́ тэлэ́ тэл Христосóскиро крали́пэ́н, тэ́ды и Чхаво́ Кокоро́ чхувэ́ла тэлэ́ Пэ́с анги́л Дэвлэ́стэ́ Дадэ́стэ́, Саво́ чху́дя тэлэ́ саро́ анги́л Лэ́стэ́, ваш дова́, соб (кай) Дэвэл Дад тэ́ крали́нэл пхэ́рдэ́с пэ́ саро́. ²⁹ Со́ ж тэ́ды кэ́рэ́на адалэ́ мануша́, савэ́ болэ́напэ́ пал мулэ́ндэ́? Ко́ли мулэ́ мануша́ на отджидэ́на сарэ́са, со́скэ́ ж ё́нэ́ тэ́ды далэ́ мануша́ болэ́напэ́ пал мулэ́ндэ́? ³⁰ Со́скэ́ ж амэ́ со

дывэс пэраса тэл дар? ³¹ Мэ со дывэс мэрава: мэ совлахава, со дава чачипэн шарибнаса, со исын мандэ, пал тумаро патяибэн дрэ Исусостэ Христосостэ, амарэ Растэ-Дэвлэстэ. ³² Кóли мэ пир манушýтко годý мериндёмпэ зорýяса rischiрибнаскирэ мурдалэнца дро Ефесо, тэды сави́ исын льгóта (кóфо) мánгэ, кóли мулэ манушá на отджидёна? А кóли исын адýкэ, со ж тэды джáса тэ хас и тэ пýяс, пал-довá со усаёкх амэ мэраса атася. ³³ На хохавэнпэ: налачхó кампании розмэкэна лачхó характеры. ³⁴ Лэнпэ пал годý, сыр исын трэй и на кэрэн грэхí; мэ пхэна́ва тэ ладжакирав тумэн, со вари-савэ тумэндýр на джинэна Дэвлэс.

Пал Масэнги́ро Отдждиякирибэн

³⁵ Нэ вари-кон пхэнэла сыр мулэ манушá отджидёна? Савэ масá явэна лэндэ? ³⁶ Бигодякиро ту сан: одовá, со ту чхувэса дрэ пхув, на отджидёла, пака на мэрэла. ³⁷ И дова́, со ту чхувэса дрэ пхув, нанэ чачунý зýрка, а да́я исын нанги зýрка: ци дава́ тэ явэл джов, ци дава́ тэ явэл парно́ гив, ци тэ явэл вари-сави́ яви́р зýрка: ³⁸ и Дэвэл дэла лáкэ форма, сыр Ёв Кокорó камэла, и дрэ кажно зýрка исын пэскири форма. ³⁹ Лочá (плóти) исын рáзна: манушэстэ исын екх лоч (масá), мурдалэндэ исын яви́р лоч, чириклендэ ишчо (инкэ́) исын яви́р лоч, и мачхэндэ исын яви́р лоч. ⁴⁰ И исын болыбны́тка формы и исын пхувитка формы, а рáзна исын болыбны́тконэ-формэнги́ри гóжыма и пхувитконэ-формэнги́ри гóжыма: ⁴¹ кхамэстыр исын пэскири гóжыма, чхонэстыр-яви́р гóжыма, чэргэнендыр-яви́р гóжыма: екх чэргэнятыр нанэ дасави́ гóжыма, сыр яви́рьятыр. ⁴² Адýкэ-паць явэла, сыр мулэ явэна тэ отджидён. Тру́по чхувэлапэ дрэ пхув тэ кирнёл, кéли ёв отджидёла, то явэла тэ дживэл вéчнэс. ⁴³ Кéли тру́по чхувэлапэ дрэ пхув, ёв исын джунгалó (бры́дко) и бизорýякиро, кéли отджидёла, явэла шука́р и зоралó. ⁴⁴ Чачунó тру́по чхувэлапэ дрэ пхув, а кéли отджидёла, ёв явэла сы́рбы дэвлыкано и Духоскиро. ⁴⁵ Адýкэ, сыр исын чхиндлó: “Пэ́рво ману́ш Адамо сыс создыно́ сыр джидó ди, палатунó Адамо яцý отджидиякирибны́тконэ духóса.” ⁴⁶ Нэ ангíл на Ду́хо, а чачунó ману́ш, а Ду́хо коригэдýр (позжé): ⁴⁷ пэ́рво ману́ш сыс создыно́ пхувýякирэ прахостýр, а яви́р ману́ш исын Рай Дэвэл, Болыбна́скирэ Раёстыр. ⁴⁸ Савó исын пэ́рво пхувýякиро ману́ш, дасавэ-паць исын пхувýякирэ манушá, савó исын Болыбна́скиро Ману́ш, дасавэ-паць исын Болыбна́скирэ манушá. ⁴⁹ И, сыр амэндэ сарэндэ исын пхувýякирэ-манушэскири патрин (óбразо), адýкэ-паць амэндэ явэла Болыбна́скирэ-Манушэскири патрин (óбразо). ⁵⁰ Нэ мэ пхэна́ва тумэнгэ, пшалáлэ, дова́, со исын лочáтыр и ратэстыр, на заджáла дро Дэвлэскиро Крали́пэн дро Болыбна́скиро Раё; и амарэ масá, савэ кирнёна, на явэна тэ дживэн вéчнэс. ⁵¹ Га́да, мэ пхэна́ва чораханыбэн тумэнгэ: амэ на сарэ мэраса, нэ сарэ парудёваса, ⁵² Екхáтыр, сыр фэни якх марэла, кéли башавэла палатунó рóго (горно), мулэ отджидёна, соб (кай) ниéкхвар бутýр тэ на мэрэн, а амэ сарэ парудёваса. ⁵³ Пал-довá со дова́, со кирнёла, исын бангó (мусинэла) тэ парудёл дро дова́, со на кирнёла, и дава́, со мэрэла, бангó тэ парудёл дро дова́, со на мэрэла. ⁵⁴ А кéли дава́, со кирнёла, парудёла дро дова́, со на кирнёла; и дава́, со мэрэла, парудёла дро дова́, со на мэрэла, тэды кэрэлапэ кэ ко́нцо/ягóро (сполнинэлапэ) зачхиндлó лав: “Збердыма (победа) пиризорýякирэла мэрибэн.” ⁵⁵ Кай исын ты́ри дукх, мэрибэн? Мэрибэн, кай исын ты́ри збердыма? ⁵⁶ Мэрибэн лэла дукх грэхостýр, а грэхó лэла зор Законостýр; ⁵⁷ нэ парик Дэвлэскэ, Савó дýя збердыма амэнгэ пир амарэ Растэ-Дэвлэстэ, Исусостэ Христосостэ. ⁵⁸ Адýкэ, мирэ дро́га пшалáлэ, явэн зоралэ дро ду́хо (фа́но) тумарó, на кунинэнпэ, усады (сак) (всегда) кэрэн миштэс Рáскирэ Дэвлэскири бутý, пал-довá со тумэ джинэна, со тумари́ бутý на ивýя (напрáснэс).

Шэро́ 16

Пал Кханги́рьякирэ Ловэ ваш Яви́рэ Патяибнаскирэндэ

¹ Пал дова́, сыр тэ кэдэн ловэ ваш свэнтонэнгэ, кэрэн адýкэ, сыр мэ упхэндём пир Галатиякирэ кханги́рья. ² Дро пэ́рво куркитко дывэс мэк кажно тумэндýр тэ отчхувэл дрэ риг и тэ ра́кхэл ада́кицы ловэ, пэ ки́цы лэскиро миштýпэн выбарýела, соб (кай) тумэ тэ на

кэдэн ловэ, кэли мэ явава кэ тумэ. ³ И кэли мэ явава, тэды кодолэ манушэн, савэн тумэ выкэдынэ, мэ бичхавэва лылэнца тэ лыджэн тумарэ ловэ, со исын скэдынэ пир тумарэ лачхэ-илыткима дро Ерусалимо: ⁴ и коли дава явэла куч, соб (кай) адякэ-паць и мангэ тэ явав, тэды ёнэ могойна тэ джэн манца.

Павліскирэ Мысли

⁵ Нэ мэ явава кэ тумэ, кэли мэ проджава пир Македония; пал-дова со мэ джава пир Македония. ⁶ Нэ мангэ здэлапэ, со мэ явава тэ дживава на́бут (куты) кэ тумэ, ци аж ячавпэ пэ ивант (зима), и тэды тумэ пролыджана ман, карик мангэ трэй тэ джав. ⁷ Пал-дова со мэ на камам тэ дыкхавпэ тумэнца сырбы пир дром, пал-дова со мэ ужакирава лачхипэн тэ ячавпэ кэ тумэ пэ вари-саво часо, коли явэла пэ дава Рáскирэ-Дэвлэскири во́ля. ⁸ Нэ мэ ячавпэ кэ Эфесо кэ Духоскиро свэнко. ⁹ Пал-дова со баро и бугло вудар сырбы псирадыя ваш мирі буты, а исын бут вэрги. ¹⁰ Коли Хима (Тимофеё) явэла кэ тумэ, кэрэн, сыр исын фэдыр, соб (кай) ёв тэ явэл би дарáкиро кэ тумэ, пал-дова со ёв кэрэла буты ваш Рáскэ-Дэвлэскэ, адякэ-паць, сыр и мэ. ¹¹ Мэк никон тэ на дыкхэл пэ лэстэ барэ минаса, а бичхавэн лэс раманёса, соб (кай) ёв тэ явэл кэ мэ; пал-дова со мэ ужакирава лэс пшалэнца. ¹² Ё́ада, пал пшалэстэ Аполосостэ, мэ бут мангавас лэс тэ джал пшалэнца кэ тумэ, нэ ёв ишчо (инкэ) нанэ скэдынэ дро д́хо (фа́но) тэ джал, а явэла тэды, кэли лэстэ явэла лачхі ваканцыя (случаё).

Палатунэ Лавá

¹³ Ракхэнпэ, рикирэн патяибэн; явэн му́ршканэ, явэн зоралэ. ¹⁴ Мэк саро тэ кэрэлпэ тумэндэ ласкаса и патыва́са. ¹⁵ Мэ манга́ва тумэн, пшалалэ, тумэ ж джинэна Стэхфаноскири сэм'я (ири), савэ исын пэрва патяибнаскирэ дрэ Ахайя, и со ёнэ отдынэ пэс, соб (кай) тэ дынаринэн свэнтонэнгэ; ¹⁶ соб (кай) тумэ тэ кандэн лэн и кажно́нэ манушэс лэндыр, кон лэнца кэрэла буты и дынаринэла. ¹⁷ Мэ радынавпэ, со явнэ Стехвано, Фартунато и Ахаико; пал-дова со ёнэ сырбы парудэ тумэн, кэли на сыс тумэн. ¹⁸ Пал-дова со ёнэ подрикирдэ сыр миро адякэ-паць и тумаро д́хо (фа́но): кутякирэн (патывакирэн) кадасавэн. ¹⁹ Пири́дэна “рама́нэ” тумэнгэ кханги́рьякирэ скэдыибэна Леиятыр. Акила и Прискила пири́дэна “рама́нэ” сарэ илэстыр Рáса-Дэвлэса лэнгирэ кхэритконэ скэдыибнаса. ²⁰ Сарэ пшала пири́дэна “рама́нэ” тумэнгэ. Пири́дэн “рама́нэ” екх екхэскэ свэнтонэ чамудыпнаса. ²¹ Мэ чхиндём пэскирэ вастэса “рама́нэ” тумэнгэ мандыр. ²² Коли вари-кон на рикирэла сыр Дро́гима Рас-Дэвлэс дро пэскиро ило́, Исусо́с Христосо́с, тэ явэл лэскэ Анафема (Мара-Тафа). ²³ Мэк бахталыпэн амарэ Рáскирэ-Дэвлэскирэ, Исусо́скирэ Христосо́скиро тэ явэл тумэнца. ²⁴ Мэк мирі патыв кэ явир мануша́ пир Христосостэ Исусостэ тэ явэл сарэнца тумэнца. Амíнь.

Явир Павліскиро Лыл Коринфянэнгэ

Шэро́ 1

¹ Павлістыр, Исусо́скирэ Христосо́скирэ Апостоло́стыр пир Дэвлэскири во́ля, и Хима́стыр (Тимофеёстыр), пшалэстыр, Дэвлэскирэ кханги́рьякэ, со исын дро Коринфо, сарэ свэнтонэнца пир сарі Ахая. ² Мэк Дэвэл Дад амаро́ и Рай Дэвэл Исусо́ Христосо́ тэ дэн тумэнгэ бахталыпэн и рама́нэ (миро).

Павли Парикирэла Дэвлэскэ

³ Тэ явэл бахтякирдó Дэвэл и амарé Раскирэ-Дэвлэскиро Дад, Савó дэла тангипнýtко (жалосно) илó; Дэвэл, Савó подрикирэла дро сарó; ⁴ Савó подрикирэла амэн дрэ сарé амарé пиридживипэна ваш дова́, соб (кай) амэ могиначас тэ подрикирас одолэн, дро савó пхарипэн ёнэ тэ на явэн, подрикирибнаса, савó амэ кокорé дорэсцям Дэвлэстыр: ⁵ Пал-дова́ со, сыр амэ бутýр мэнчынасапэ пал Христосóстэ, адякэ-паць амэ бутýр дорэсаса подрикирибэн Лэстыр. ⁶ Кóли амэ пиридживаса, амэ пиридживаса ваш тумарó подрикирибэн и зракхибэн; кóли Дэвэл подрикирэла амэн, тэды и амэ подрикираса тумэн, кéли тумэ пирилыджана дасавэ-паць мэньки, савэ амэ вырикираса, ⁷ и амарó лачхó ужакирибэн пал тумэндэ исын зоралó: кóли Дэвэл подрикирэла амэн, дава́ исын ваш тумарó подрикирибэн и зракхибэн: амэ джина́са, кóли тумэ пирилыджана дасавэ-паць мэньки, сыр и амэ, тэды Дэвэл подрикирэла тумэн, адякэ-паць сыр и амэн. ⁸ Палдава́ амэ камаса, соб (кай) тумэ тэ джигэн, пшалалэ, со амэ пиридживдям дрэ Асия, кай амэнгэ сыс одóй адякэ пхарó на пир зор, со амэ хасякирдям лачхó ужакирибэн тэ ячаспэ джигэнца. ⁹ А амэ чуиндям пэс сы́рбы амэ сам приакирдэ кэ мэрибэн, соб (кай) амэ тэ на розгинас пэ кокорэндэ, а пэ Дэвлэстэ, Савó отджидякирэла мулэн, ¹⁰ Савó зракхцý амэн мэрибнытконé дарáтыр (дарыатыр), и Кон зракхэла; пэ Лэстэ амэ чхудям амарó лачхó ужакирибэн, со Ёв ишчо (инкэ) адякэ-паць зракхэла; ¹¹ пал-дова́ со тумэ адякэ-паць мангэнапэ Дэвлэскэ ваш дова́, соб (кай) бут манушá парикирэнас Дэвлэскэ пал амарó бахтякирдó зракхибэн пир патерья (молитвы) Дэвлэскэ бутé манушэндýр.

Павли Парувэла Пэскирэ Дромá

¹² Пал-дова́ со амэ радынасапэ далэстыр, кéли амарý ладж патякирэла амэн, со амэ свэнтýмаса и Дэвлытконé чачипна́са на пир манушýtко годý, а пир Дэвлэскиро бахталыпэн дживдям пэ дава́ свэто, и бутýр сарэстыр, сыр амэ отлыджиямпэ кэ тумэ. ¹³ Палдава́ амэ чхина́са екх дава́, со тумэ джигэна и галёна; и мэ ужакирава лачхипэн, со тумэ галёна хор; ¹⁴ и адякэ-паць, сыр тумэ сы́рбы галынé паш, со тумэ мого́нэна тэ радынэнпэ пал амэндэ, адякэ-паць, сыр и амэ радынасапэ пал тумэндэ дро дывэс, кéли Рай Дэвэл Исýсо явэла нэвэстыр. ¹⁵ Палдава́ мандэ сыс дасаво зоралó патяибэн тэ явав гарэдыр кэ тумэ, соб (кай) тумэ мого́ндлэ тэ прилэн бахталыпэн явýр мо́ло; ¹⁶ соб (кай) мэ тэ джав кэ Македония пир тумарé штэты, и нэвэстыр Македониятыр тэ явав кэ тумэ, и соб (кай) тумэ тэ лыджан ман дурэдыр кэ Юдэя. ¹⁷ Палдава́, кóли мэ адякэ камамас тэ кэрав, ци мэ лыджиём пэс балвалýткэс? Ци дова́, со мэ скэдапэ тэ кэрав, мэ кэрава кокорó пэстыр сы́рбы мэ ракирава усаэкх “нэ, нэ”, и “над, над”? ¹⁸ Нэ Дэвэл исын патяибнýtко, амарó лав “нэ”, исын на дова́-паць, со лав “над.” ¹⁹ Пал-дова́ со Дэвлэскиро Чхавó, Исýсо Христóсо, пал Конэстэ амэ пхэна́сас лав тумэнгэ – мэ, Силуано, Тимофеё (Хýма) – на сыс Одова́, Конэстэ лав “нэ” исын дова́-паць, со и лав “над”; а Лэстэ сыс лав “нэ”: ²⁰ Ёв кэрэла кэ кóнцо/ягóро (сполнинэлас) сарó, со Ёв ракирдý. Пал-дова́ со Дэвлэскирэ дынэ лавá сполнинэнапэ пир Лэскиро “нэ”, пир Лэстэ амэ ракираса “амýнь” ваш Дэвлэскири слава. ²¹ Давá исын Кокорó Дэвэл, Кон чхувэла зоралыпэн машкýр амэндэ дро екхипэн Христосóса и Кон свэнцякирэла амэн, ²² дава́ исын Дэвэл, Кон сы́рбы чхудý чэргэнорý (печать), со амэ сам Лэскирэ, и дыя́ Дýхо (Фáно) амэнгэ сы́рбы сымады. ²³ Нэ мэ ява́ва тэ кхарав Дэвлэс тэ допхэнэл, со исын пэ миро илó, со мэ ваш тумарó миштыпэн на псирдём дро Коринфо. ²⁴ Амэ на рикираса упралыпэн пэ тумарó патяибэн, нэ амэ кэра́са бутý кхэтанэ ваш тумарý радыма, пал-дава́ со тумарó патяибэн исын зоралó.

Шэрó 2

¹ Палдава́ мэ россэндиндём пэскэ тэ на джав кэ тумэ нэвэстыр барé пиридживипна́са. ² Кóли мэ яна́ва тумэнгэ барó пиридживипэн, кон жа исын одова́, кон адякэ-паць и обрадынэла ман,

кóли на одовá-паць, конéскэ мэ янáва барó пиридживипэн? ³ И мэ чхиндём давá-паць тумэнгэ дарáтыр (дарьятыр), со кéли мэ явáва, тэды, соб (кай) мánгэ тэ на пиридживав пал одолэндэ, конéскэ трэй тэ радынэл ман, мэ зоралэс патява дрэ тумэндэ, со мирí рáдыма исын рáдыма ваш сарé тумэнгэ.

Примангэн Манушэнгэ

⁴ Пал барó пиридживипэн и дукхано илó мэ чхиндём тумэнгэ барé ясвэнца на ваш довá, соб (кай) тумэ тэ пиридживэн, а соб (кай) тумэ тэ уджинэн мирí бари пшалытко патыв кэ тумэ. ⁵ Нэ кóли вари-кон яндя пиридживипэн вари-конéскэ, ёв яндя пиридживипэн на ваш мánгэ, а на ракирí бут, сарэнгэ тумэнгэ. ⁶ Ваш кадасавé манушэскэ ухтылла (дóси) выракирибэн, со сыс лэскэ бутэндыр тумэндыр; ⁷ соб (кай) тумэ пэ проти фэдыр тэ примангэн лэскэ и тэ подрикирэн лэс, соб (кай) ёв тэ на явэл стасадó пиридживипнаса. ⁸ Палдавá мэ мангáва тумэн тэ прилэн лэс ласкаса. ⁹ Пал-довá со мэ чхиндём, соб (кай) тэ пропатякирав тумэн, ци кандэна тумэ дро сарó. ¹⁰ А вари-конéскэ тумэ примангэна и мэ адякэ-паць примангава; пал-довá со, кóли мэ примангдём вари-со, мэ примангдём давá пал тумэндэ пир Христосóскиро право; ¹¹ соб (кай) нáлачхо тэ на пиризорякирэл амэн, пал-довá со амэ джинáса, со ёв камéла.

Павлíскиро Пиридживипэн дрэ Троáда

¹² Кéли мэ явдём дрэ Троада тэ рoспхэнав Христососкири бахталы зан (звесь), кéли Дэвэл псирадя вудáр ваш мирí буты, ¹³ мánгэ сыс пхарó дýхо (фáно) пэ илó, кéли мэ на латхём Титос, мирé пшалэс, палдавá мэ розяцёмпэ лэнца и гиём дурэдýр кэ Македония. ¹⁴ Нэ парик Дэвлэскэ, Савó ўсáды (сак) лыджáла вучэс амэн дро екхипэн Христосóса и пиридэла пир амэндэ джиныбэн пал Христосóстэ, савó амэ сунгаса (сунгаваса) сыр гудлó кхандыпэн.

Збёрдыма (Побéда) пир Христосóстэ

¹⁵ Пал-довá со амэ сам сырбы гудлó тхув (дымо), со Христóсо янэла Дэвлэскэ ваш одолэнгэ, савé исын зракхнэ и ваш одолэнгэ, савé хасёна; ¹⁶ ваш екхэ манушэнгэ давá исын мэрибнаскиро кхандыпэн, ваш явирэ манушэнгэ давá исын джиибнаскири сунг. Кон жа, тэды, исын лачхó пэ давá? ¹⁷ Пал-довá со амэ на янаса дош Дэвлэскирэ лавэскэ, сыр бут манушá адякэ кэрэна, нэ амэ сарé илэстыр, Кокорé Дэвлэстыр ракираса Христосóскирэ зорьяса ангил Дэвлэскирэ якхá.

Шэрó 3

Нэвонé-Заветóскирэ Дынарýя (Служы́тели)

¹ Ци нэвэстыр амэ явáса тэ шарас пэс, савé амэ сам? Ци амэнгэ трэй допхэныбнýtка (рекомендýтка) лылá кэ тумэ ци тумэндыр? ² Тумэ сан кокорé сырбы амарó лыл, зачхиндлó дро амарó илó, соб (кай) сарé манушá тэ уджинэн и тэ гинэн давá лыл; ³ тумэ сыкавэна пэс, со тумэ сан Христосóскиро лыл, савó амэ бичхадям; давá лыл исын чхиндлó на чэрниласа, а Джидé Дэвлэскирэса Духóса, и на пэ барунé плиты, а пэ манушýtка илэ, дрэ савé амэ зоралэс патяса. ⁴ Амэ зоралэс патяса дрэ Дэвлэстэ пир Христосóстэ: ⁵ пал-довá со амэ кокорé на мoгиндям тэ думинас давá кокорé пэстыр, нэ амарó талáно исын Дэвлэстыр; ⁶ Савó дыя амэнгэ талáно тэ службынас (тэ дынаринáс) рoспхэныбнаса Нэвонé Заветóскэ, нэ на мамýй (прямэс), сыр буква ракирэла, а сыр Дýхо (Фáно); пал-довá со буква Законóстыр янэла мэрибэн, а Дýхо (Фáно) дэла джиибэн. ⁷ А кóли тэ дынаринэн (тэ служынэн) буквэнгэ, савé сыс вычхиндлé пэ барунé плиты, и савé янэнас мэрибэн, сыс подынэ адякэ Дэвлэскирэ славáса, со Израилёскирэ чхавé на мoгиндлé тэ дыкхэн пэ Израилёскиро муй пал

Мойзаскирэ-москири яркима, саво джалас кэ концо (кэ ягоро), ⁸ то ци пэ бут бутыр явэла слава Духоскирэ бутытыр! ⁹ Коли тэ дынаринэн скэдыбнаскэ сыс слаўтно, тэды дынарибэн (служэниё) тэ приджинэл манушэн чачунэнца явэла бутыр слаўтно. ¹⁰ Пал-дова со слава, со исын каканá, барэдыр долэ славатыр и палдава ёй исын яркэдыр долэ славатыр. ¹¹ Пал-дова со, коли дова, со сыс пэ кротко часо, исын дрэ слава, тэды бутыр дрэ слава дова, со ячэлапэ вэчнэс. ¹² Палдава амэ ракираса муршканэс пал дасаво лачхó ужакирибэн, со исын амэндэ: ¹³ амэ на сам дасавó сыр Мойза сыс, кон учхакирдя пэскиро муй, соб (кай) Израилёскирэ чхавé тэ на дыкхэн сыр славакири яркима мурдэлас. ¹⁴ Нэ лэнгири годы шылыя, пал-дова со кэ ададывэс дова-паць похтан на злэлапэ, кели ёнэ гинэна Пхуранó Завето, пал-дова со екх мануш, саво патяла дрэ Христосостэ, могоинэла тэ злэл дава похтан. ¹⁵ Нэ кэ/жыко ададывэсатуно дывэс, кели ёнэ гинэна Мойзаскиро Зако́но, похтан сырбы зачхакирэла лэнгири ило́. ¹⁶ Нэ коли вари-кон рисёла кэ Рай Дэвэл, тэньчи дова похтан (учхакирибэн) пэ шэрó злэлапэ. ¹⁷ Рай Дэвэл исын Духо (Фáно). Кай исын Рáскирэ-Дэвлэскиро Духо (Фáно), одой исын вольныма. ¹⁸ Нэ амэ сарé откэрдэ муэнца сырбы дро гиндало (зеркало) пиридаса Рáскирэ-Дэвлэскири слава и парудёваса дрэ Лэскири патрын (образо) екхэ славатыр дро явир пир Духо (Фáно), Саво джала Рáскирэ-Дэвлэскирэ, Духостыр.

Шэрó 4

Духоскири Дро́гима дрэ Глэяна Пирья

¹ Коли Дэвэл сыкадя Пэскиро лачхипэн кэ амэ и дыя дасави буты амэнгэ, тэды амэ на пэраса илэса. ² Нэ амэ дурьёваса гарадэ ладжаипнытконэ рэндэндыр, амэ на мэндринаса, на пирикэраса Дэвлэскиро лав, а амэ ракираса чачипэн и сыкаваса пэс, сыр амэ сам, пэ манушытка якхá ангил Дэвлэстэ. ³ А коли амарí Евáнгелия исын гарады, тэды ёй исын гарады ваш одолэнгэ, савэ исын хашибнытка, ⁴ пал-дова со лэндэ, напатьябнаскирэндэ, дава свэтоскиро хоханó дэвлоро шытыякирдя лэнгири годы, соб (кай) ёнэ тэ на дыкхэн дуд (свэто) и тэ на галён роспхэныбэн пал бахталы зан (звесь) пал Христососкири ярко слава, а Христосó исын Дэвлэскири патрын (образо). ⁵ Пал-дова со амэ на роспхэнаса пал пэстэ, а пал Христосостэ, амарé Растэ-Дэвлэстэ, и амэ сам Христососкирэ писхэрья. ⁶ Адава исын Дэвэл, Саво пхэндя: “Тэ зяинэл дуд (свэто) цямлыпнастыр”, исын дова-паць Дэвэл, Кон зачхудя дава дуд тэ зяинэл дро амарó ило́, соб (кай) амэ тэ галёвас Дэвлэскири ярко слава, сави зяинэла Исусостыр Христосостыр. ⁷ А дава кучипэн амэ рикираса дрэ глэяна (глинытка) пирья, соб (кай) тэ сыкавас зорьякиро барипэн, саво исын Дэвлэстыр, а на амэндыр: ⁸ амэн тасавэна сарé ригэндыр, нэ амэнгэ нанэ цясно (танго); амэ кунинасапэ, нэ амэ на пэраса Духоса; ⁹ амэн традэна, нэ амэ на сам бистырде; амэн вычхурдэна яври, нэ амэ на хасёваса. ¹⁰ Амэ дрэ масá ўсады (сак) лыджаса Христососкиро мэрибэн дрэ пэстэ, сыр Исусо мыя ваш дова, соб (кай) тэ явэл бицяло Исусоскиро джибэн пир духо (фáно) дрэ амэндэ. ¹¹ Амэн джидэн ўсады (сак) здэна пэ мэрибэн пал Христосостэ, соб (кай) тэ сыкадёл Христососкиро джибэн пир амарí лоч (плоть), сави мэрэла. ¹² Мэрибэн, чачэс, кэрэла буты дрэ тумэндэ, а джибэн дрэ амэндэ. ¹³ Нэ амэндэ исын дасаво-паць патяибнаскиро духо (фáно), сыр исын чхиндло́: “Мэ упатяндыём, палдава мэ ракирдём” и амэ адякэ патяса, палдава амэ адякэ-паць и ракираса, ¹⁴ и амэ джинаса, со Одова, Кон отджидякирдя Рас-Дэвлэс, Исусос Христосос, адякэ-паць отджидякирэла и амэн пир Исусостэ Христосостэ и чхувэла амэн тумэнца кхэтанэ ангил Пэстэ. ¹⁵ Пал-дова со сарó дава исын ваш тумарó лачхипэн ваш дова, соб (кай) Дэвлэскиро бахталыпэн, саво доджала кэ бут-бут манушытка илэ, тэ янэл парикирибэн ваш Дэвлэскири слава.

Джибэн пир Патяибэн

¹⁶ Палдава́ амэ ние́кхвар на пэ́раса дро ило́. Нэ хо́ць амарэ́ маса́ явресты́р хасякирэ́на зор, то амарэ́-Духоскири андратуны́ паш со дывэ́с зоралёла. ¹⁷ Пал-дова́ со амарэ́ кро́тка и локхэ́ пиридживибэ́на янэ́на бут-бут барэ́дбыр вечно́ сла́ва, ¹⁸ и амэ́ думина́са на пал дова́, со исын бицяло́, а пал дова́, со нанэ́ бицяло́; пал-дова́ со саро́ бицяло́ исын пэ́ наборо́ (кратко) часо́, а набицяло́ исын вечно́.

Шэро́ 5

¹ Пал-дова́ со амэ́ джина́са, со, кели́ да́я ша́тра – со исын амаро́ кхэр пэ́ пхув, пхадёла, то Дэвэл́ дэ́ла кхэр дро́ Болыбна́скиро Раё́ тэ́ джива́с амэ́нгэ, дава́ кхэр исын вечно́, и на мануша́ чхудо́ лэс. ² Палдава́ амэ́, чачэ́с, пхарэ́с даса гондя́ (уздыхина́са) дро дава́ Кхэр пэ́ пхув, пал-дова́ со амэ́ древа́н камаса́ тэ́ дорэ́сас (тэ́ долас) кхэр Болыбна́скирэ́ Раё́стыр, соб (кай) сы́рбы тэ́ урьявас лэс пэ́ пэ́стэ; ³ ко́ли амэ́, чачэ́с, урьяваса́ лэн, тэ́ды амэ́ на ява́са нангэ́. ⁴ Палдова́ со, кели́ амэ́ дживаса́ дрэ́ да́я пхувитко́ ша́тра, амэ́ даса гондя́ (уздыхина́са) пхарипна́стыр; дава́ на значы́нэ́ла, со амэ́ камаса́ тэ́ выджас пэ́ во́ля амарэ́ чачу́нэ́ масэ́ндыр, нэ́ амэ́ камаса́, соб (кай) тэ́ явэл́ болыбна́скири фо́рма пэ́ амэ́ндэ́, соб (кай) амарэ́ маса́, савэ́ исын хасибны́тка, тэ́ парудён дро́ вечно́ джибны́тко пало́ (после) отджидякирибэ́н. ⁵ Дава́ Дэвэл́, Кон скэ́дыя́ амэ́н ваш дава́ парудыи́бэ́н и ды́я ады́кэ-паць амэ́нгэ́ Пэ́скиро́ Ду́хо (Фа́но) сыр сымады́ (залого́). ⁶ Палдава́ амэ́ ўса́ды (сак) зоралэ́с патя́са и амэ́ джина́са, со па́ка амэ́ сам кхэрэ́ дрэ́ чачу́нэ́ маса́, амэ́ сам дур Ра́скирэ́-Дэвлэ́скирэ́ Кхэрэ́стыр, ⁷ пал-дова́ со амэ́ дживаса́ пир патяи́бэ́н, а на пир дова́, со амэ́ дыкхаса́, ⁸ и амэ́ зоралэ́с патя́са и амэ́ фэ́дыр камасас тэ́ мэ́кас амаро́ кхэр ваш маса́ и тэ́ явас кхэрэ́ Дэвлэ́са. ⁹ Пал дава́ амэ́ древа́н камасас тэ́ кэ́рас дова́, со исын лачхо́ Дэвлэ́скэ́, ци, кели́ амэ́ сам дро́ амаро́ кхэр ада́й, ци, сыр амэ́ ява́са одо́й. ¹⁰ Пал-дова́ со амэ́нгэ́ сарэ́нгэ́ трэ́й тэ́ сыкавас пэ́с анги́л Христосо́скиро сэ́ндары́тко штэ́то, соб (кай) амэ́ мого́наса тэ́ дорэ́сас (тэ́ долас) пал дова́, со амэ́ кэ́рдям пал пэ́скиро джибэ́н дрэ́ маса́: лачхипэ́н ци фуипэ́н.

Тэ́ Кутяки́рас (Тэ́ Патываки́рас) Дэвлэ́с пир Исусо́стэ́

¹¹ Палдава́, сыр амэ́ джина́са, со дава́ значы́нэ́ла тэ́ дарас Дэвлэ́стыр, то амэ́ патяки́раса́ яви́рэ́ манушэ́н дро дава́ чачипэ́н; Дэвэл́ джине́ла амэ́н сарэ́са, и ма́ндэ́ исын лачхо́ ужакирибэ́н, со и тумэ́ джине́на саро́ пал амэ́ндэ́. ¹² Амэ́ на шараса́ пэ́с нэ́вэ́стыр анги́л тумэ́ндэ́, нэ́ амэ́ да́са сашты́пэ́н (возмо́жность) тумэ́нгэ́ тэ́ шарэ́н амэ́н, соб (кай) тумэ́ мого́нэ́нас тэ́ отпхэ́нэ́н одолэ́нгэ́, кон шарэ́лапэ́ саво́ манушы́тконэ́ явриту́нэ́ лачхипна́са, а на лэ́скирэ́ характероса́. ¹³ Ко́ли амэ́ сам сы́рбы бигодяки́рэ́, дава́ исын ваш дова́, соб (кай) тэ́ сла́вина́с Дэвлэ́с, а ко́ли амэ́ сам дрэ́ пэ́скири годы́, дава́ исын ваш тумэ́нгэ́. ¹⁴ Пал-дова́ со Христососкири́ ла́ска пропатяки́рэ́ла амэ́н, савэ́ приджине́на дава́, со; ко́ли Е́кх мы́я пал сарэ́ндэ́, тэ́ды сарэ́ мы́нэ́ ваш пхура́но́ джи́ибэ́н; ¹⁵ Ё́в мы́я пал сарэ́ндэ́, соб (кай) джидэ́ мануша́ тэ́ на дживэ́н ваш пэ́скэ́, нэ́ ваш Лэ́скэ́, Кон мы́я пал лэ́ндэ́ и отджиды́я ваш лэ́нгиро лачхипэ́н. ¹⁶ Палдава́ ка́кана́ амэ́ на сэ́ндинас манушэ́н пир далэ́-свэ́тоскиро манушы́тко; а ко́ли амэ́ и сэ́ндинды́м Христосо́с, сыр сарэ́ сэ́ндинэ́на, тэ́ды амэ́ буты́р на кэ́раса́ ады́кэ́. ¹⁷ Палдава́, кон исын дро́ екхипэ́н Христосо́са, ко́дова́ ячэ́лапэ́ сы́рбы нэ́во́ ману́ш: пхура́но́ ду́хо (фа́но) лэ́стыр гия́, нэ́во́ за́гия; ¹⁸ саро́ дава́ исын Дэвлэ́стыр, Саво́ зми́риндя́ (кэ́рдя́ рахманонэ́нца) амэ́н Пэ́са пир Христосо́стэ́ и ды́я за́дыибэ́н амэ́нгэ́ тэ́ прими́рина́с яви́рэ́н: ¹⁹ пал-дова́ со Дэвэл́ пир Христосо́стэ́ прими́риндя́ свэ́то Пэ́са и примангдя́ лэ́нгирэ́ грэ́хи, и Ё́в чху́дя дро́ амаро́ ило́ лав, соб (кай) амэ́ тэ́ ячас Лэ́скэ́ рахманонэ́ манушэ́нца. ²⁰ И амэ́ сам бичхадэ́ мануша́ Христососы́тр сы́рбы Дэвэл́ раки́рэ́ла Лэ́скиро лав пир амэ́ндэ́, и амэ́ мангаса́ ваш Христосо́стэ́: ячэ́нпэ́ рахмана́ (явэ́н кхэ́танэ́) Дэвлэ́са. ²¹ Пэ́ Христосо́стэ́, Савэ́стэ́ на сы́с грэ́хо, Дэвэл́ чху́дя сарэ́ амарэ́ грэ́хи сыр свэ́нто отды́ибэ́н, соб (кай) амэ́ тэ́ ячаспэ́ чачу́нэ́нца анги́л Дэвлэ́стэ́ пир Христосо́стэ́.

Шэрó 6

¹ Сыр амэ кэрáса буты кхэтанé Дэвлэса, амэ мангáса тумэн тэ на бистрэн пал Дэвлэскиро бахталыпэн, со тумэ прилынé лэс на ивя́ (на напáснэс): ² и, гáда, Дэвэл ракирэла: “Кéли лачхó часо явдя́, мэ шундём тумэн: и кéли явдя́ дывэс тэ зракхав тумэн, Мэ дыём васт (помогиндём) тукэ.” Гáда, исын лачхó мардó (штýнда); гáда, исын дывэс тэ зракхэспэ: ³ амэ на чхуваса бар пэ дром ниекхэскэ, соб (кай) никон тэ на бангякирэл амарí буты; ⁴ нэ дро сарó амэ сыкаваса пэс сыр Дэвлэскирэ бутярнэ: зоралó вырикирибэн дро пиридживибэн, дрэ трэбима, дро пхарипэн; ⁵ кéли марэна амэн чупняса, чхувэна дро штарибэн, газдэна манушэн пэ амэндэ, кéли кэрáса буты пхарэс, би соибнаскиро, бокхалэ; ⁶ дро жужыпэн, дро джиныбэн, дро длэнго вырикирибэн, дро лачхипэн пир Свэ́нто Дýхо (Фáно), пир чачунý пшалы́тко паты́в; ⁷ пир чачипна́скиро лав, Дэвлэскирэ зорья́са, чачипна́скирэ марды́тконэса дро чачó и дро зэрво (лéво) васт; ⁸ славáса и ладжакирибнаса, пир нáлачхо лав и шарибэн; амэн гинэна пал хоханэ манушэндэ, нэ амэ ракираса чачипэн; ⁹ амэ сам сы́рбы наджиндлэ и сам джиндлэ сарэнгэ, сы́рбы манушá кэ мэрибэн, нэ гáда, амэ сам джидэ; чхувэна хась (кáра) пэ амэндэ, на ишчо (инкэ) на мулякирдэ; ¹⁰ амэ сам сы́рбы смэ́тна (скучна), нэ амэ ўса́ды (сак) радынасапэ; амэ сам сы́рбы бóги, нэ амэ кэрáса бут манушэн барвалэнца; амэндэ нанэ ничы́, нэ адя́кэ-паць амэндэ сы́рбы сарó исын. ¹¹ Амарэ́ уштá ракирэна чачипэн тумэнгэ. Коринфиня́лэ, амарó илó исын откэрдо. ¹² Амарэ́ ригáтыр амэ сам сарэ́ илэ́стыр кэ тумэ́, а тумэ́ сы́рбы запхандлэ пэскиро илó амэндыр, ¹³ нэ отлыджанпэ адя́кэ-паць кэ амэ́ (мэ да́ва ракира́ва сыр чхавэ́нгэ): отпхандэн пэскиро илó буглэс, сыр и амэ́.

Приакхибэна́ прóти Идолы

¹⁴ На кэрэн буты кхэтанé напатыибнаскирэнца; пал-довá со савó исын кхэтаныпэн машкíр чачипэн и грэхó? Со исын кхэтанé машкíр дуд (свэто́) и калыпэн? ¹⁵ И савó доракирибэн исын машкíр Христосóстэ и Велиарóстэ? Ци савó кхэтаныпэн исын машкíр патяибнаскирэстэ и напатыибнаскирэстэ? ¹⁶ Савó кхэтаныпэн исын машкíр Дэвлэскири кханги́ри и идолэнгирэ – мангипны́тко кхэр? Пал-довá со тумэ́ сан кханги́ри джидэ Дэвлэскири, сыр Дэвэл Кокорó пхэндя́: “Мэ явáва тэ дживáв машкíр лэндэ́ и Мэ явáва тэ псирав машкíр лэндэ́. И Мэ явáва лэнгиро́ Дэвэл, и ё́нэ явэ́на Мирé манушá.” ¹⁷ “Палдава́ мэкэн адалé манушэн и явэн дрэ́ риг, – ракирэла Рай Дэвэл, – и тэ на явэл тумэндэ́ ничы́ кхэтанé нажужэса, и Мэ прилава́ тумэн; ¹⁸ и Мэ явáва ваш тумэнгэ́ и тумэ́ явэ́на мирé чхавэ́ и чхая́, – ракирэла Рай Дэвэл Сарэ́зорья́киро.”

Шэрó 7

¹ Палдава́, ко́ли амэнгэ́ сыс ды́нэ дасавé лавá, мирé дро́га, жужакираса пэс сарэ́стыр, со мэлякирэла амарí лоч (плоть) и дýхо (фáно) и явáса тэ дживáс сарэ́са свэ́нтонэс дро дар анги́л Дэвлэстэ́.

Павли́скири Ра́дыма

² Откэрэн пэскиро илó ваш амэнгэ́: амэ ниекхэс на холякирдям, амэ никонэскэ на кэрдям чорипэн, амэ никонэстыр на лы́ям ко́фо (процэ́нто) ваш пэскэ́. ³ Мэ на ракира́ва дава́, соб (кай) тэ сэнди́нав тумэн; пал-довá со тумэ́ сан дро́га амарé́ илэ́скэ, сыр мэ́ гарэ́дыр пхэндём, соб (кай) тэ дживáс и тэ мэ́рас кхэтанé. ⁴ Мэ зоралэ́с патя́ва тумэнгэ́; мэ зоралэ́с шара́ва тумэн; мэ чуина́ва лачхó подрикирибэн; мэ древа́н радына́впэ, на дыкхí пэ сарэ́ амарé́ пиридживипэ́на. ⁵ Пал-довá со, чачэс, кéли амэ́ явдя́м дрэ́ Македония́, амарí лоч (масá) на откхи́ныя, а амэн тасавэ́нас сарэ́ ригэндыр: чингарда́ яврестыр, дар дро илó андра́л. ⁶ Нэ Дэвэл, Савó подрикирэла манушэн, савэ́ исын сы́рбы притасадэ́, подрикирдя́ амэн и бичхадя́

Титос амэнгэ; ⁷ нэ на адакицы, со Тито явдя, а бутыр пир дова, со ёв подрикирдя амэн и роспхэндя амэнгэ, со тумэ древан камэна тэ дыкхэн амэн; сыр тумэ рондлэ, сыр тумэ сан тэрдэ пал мандэ, со далэстыр мэ бутыр обрадындёмпэ. ⁸ Пал-дова со мэ хоць и яндём смэнтныма (печаль) тумэнгэ мирэ лылэса, мэ на давапэ палэ; коли мэ и даваспэ палэ, со миро лыл яндя смэнтныма, фэни (тока) пэ набаро часо. ⁹ Нэ каканэ мэ радынавапэ на пир дова, со тумэ са́нас дрэ смэнтныма, а пир дава, со тумарі смэнтныма зачхудя тумэн тэ парувэн пэскиро джи́бэ́н (тэ рискі́рэн тумаро́ джи́бэ́н кэ Дэвэл), пал-дова со тумарі смэнтныма сыс пал Дэвлэстэ, адякэ со на сыс ни саво чоріпэн амэнгэ. ¹⁰ Пал-дова со смэнтныма (ту́га) пал Дэвлэстэ лыджала манушэс, соб (кай) ёв тэ зракхэлпэ, а смэнтныма, саві ісын пир годы́ дро дава́ свэто́, лыджала кэ мэрибэн. ¹¹ Дыкхэн! Дая-паць смэнтныма пал Дэвлэстэ, – со яндя тумэнгэ? Саво ілэскиро хачкирибэн тэ рисён грэхостыр! Саво ілэскиро допхэныбэн пал пэстэ! Саві холы! Саві дар! Саві ласка ілэстыр! Саво зэвлыныпэн! Саво сэндякирибэн! Тумэ сыкадэ, со тумэ сан набангэ дро дава. ¹² Палдава, коли мэ чхиндём тумэнгэ, дава на сыс сы́рбы манушэстыр, саво кэрдя биба́хт, ци одолэ манушэстыр, савэскэ кэрдэ биба́хт; нэ ваш дова, соб (кай) тумэ тэ дыкхэн ангил Дэвлэстэ, сыр амэ хачкирдэ ілэса отлыджасапэ кэ тумэ. ¹³ Пал дава́ амэнгэ сыс лачхо́ подрикирибэн. Нэ амэ бутыр радынасапэ Титоскирэ радыма́тыр, пал-дова со сарэ́ тумэ подрикирдэ лэскиро ду́хо (фа́но). ¹⁴ Пал-дова со коли мэ шардём тумэн лэскэ, мэ на со́мас ладжакирдэ, нэ, сыр амэ пхэндям тумэнгэ саро́ чачіпэн, тэды адякэ-паць и амаро́ шарібэн ангил Титостэ сыс чачуно́; ¹⁵ и лэскиро іло́ бутыр пхэрдэла ласкаса, кэли ёв пририпи́рэла, сыр тумэ кандынэ́ лэскиро лав, сыр тумэ дарэнас и издранас, кэли тумэ прилынэ́ лэс. ¹⁶ Палдава́ мэ радынавапэ, со мэ зоралэс патя́ва дрэ тумэндэ́ пир саро́.

Шэро́ 8

Християнэ́нгиро Лачхипэн

¹ Мэ кама́м, соб (кай) тумэ тэ джінэн, пшалалэ, пал Дэвлэскиро бахталыпэн, со дыно́ кхангирья́кирэ скэдыибнэнгэ дрэ Македония, ² сыр ёнэ прогінэ́ зорало́ пропатякирибэн пхарэ́ пиридживібна́са, нэ ёнэ сыс древан́ рада, со кэли ёнэ отдынэ́ саро́ сарэ́ ілэстыр, хоць ёнэ ісын древан́ чорорэ́, ³ палдава́ мэ совлахава, со ёнэ дынэ́ адакицы, ки́цы мого́ндлэ, и бутыр далэстыр, ёнэ ишчо́ (инкэ́) дынэ́ пир пэскири во́ля, ⁴ и ёнэ древан́ мангнэ́ амэн, соб (кай) амэ тэ прилас лэ́нгири паш тэ помогінэн (тэ подэн васт) свэ́нтонэнгэ́ тэ кэрэн Дэвлэскири буты́. ⁵ Нэ ёнэ кэрдэ́ фэды́р, сыр амэ ужакирдям лачхипэн; ёнэ ангил отдынэ́ пэс Ра́скэ-Дэвлэскэ́, а коригэды́р амэнгэ́ пир Дэвлэскири во́ля. ⁶ Палдава́ амэ мангдям Титос, саво лы́я тэ кэрэл дая́ буты́, соб (кай) ёв адякэ-паць тэ кончынэл дава́ лачхо́ рэндо́ тэ помогінэн явирэнгэ́ машкі́р тумэндэ́; ⁷ и соб (кай) тумэ, сыр тумэ сан лачхэ́ и барвалэ́ пир талано́ (даровани́е): дро патяи́бэн, дро лав, дро джины́бэн и дро ка́жно ілэскиро хачкирибэн и дрэ ласка́ и патыв́, савэ́ ісын кэ амэ́ тумэндыр, адякэ-паць тэ явэн лачхэ́ и пир дава́ лачхо́ рэндо́ тэ ден васт явирэнгэ́. ⁸ Мэ на ракира́ва дава́ сыр припхэны́бэн, нэ пир ілэскиро хачкирибэн кэ дава́ рэндо́, саво ісын явирэ́ манушэ́ндэ, мэ пропатякирава́, савэ́ чачуно́ ісын тумарэ́ ласка́ и патыв́. ⁹ Тумэ джінэ́на бахталыпэн́ амарэ́ Ра́стыр-Дэвлэсты́р, саво ісын Ісусо́скиро Христосо́скиро, Саво́ сыс барвалэ́, нэ я́ця чорорэ́, соб (кай) тумэ тэ явэн барвалэ́ Лэ́скирэ чороріпна́стыр. ¹⁰ И мэ ду́минава, со фэды́р ваш тумэнгэ́ тэ кончынэн дава́, со тумэ лы́нэ тэ кэрэн бэрш палэ́, пал-дова со тумэ са́нас пэрва́ на фэни со пир буты́, нэ адякэ-паць и пир тырды́пэн тэ дэн васт. ¹¹ Каканэ́ кончынэн́ дая́ буты́: соб (кай) тумэ адякэ-паць сыр тумэ са́нас скэдынэ́ тэ лэн тэ кэрэн дова́, адякэ-паць тумэ́ и тэ кончынэн дава́ рэндо́, дыкхі́ пир дова́, со ісын тумэндэ́. ¹² Коли́ ісын дасаві́ мы́сля пэ́ годы́ тэ дэл, Дэвэл прилэ́ла тумаро́ да́ро пир дова́, со ісын тумэнгэ́, а на пир дова́, со нанэ́ тумэндэ́. ¹³ Палдава́ со дава́ ісын на пир чачіпэн, коли́ дава́ кэрлапэ́ адякэ́, соб (кай) лэ́нгэ́ тэ явэл локхэ́ды́р, а тумэнгэ́ пхарэ́ды́р, нэ соб (кай) тэ явэл сарэ́нгэ́ роу́ня, ¹⁴ соб (кай) каканэ́ тумарі́ паш мишты́пна́стыр тэ дэл васт лэ́нгэ, конэ́стэ каканэ́ нанэ́, а коригэды́р, соб (кай) лэ́нгири паш мишты́пна́стыр тэ дэл

васт тумэнгэ ваш дова, соб (кай) тэ явэл сарэнгэ шэра (равнэс). ¹⁵ Сыр исын чхиндло: “Одолэстэ, кон скэдыя бут, на явэла нисо лишнэ; и кодолэстэ, кон скэдыя набут, на явэла на ухтылэл (на явэла надоси).”

Тито и Лэскирэ Мала

¹⁶ Амэ парикираса Дэвлэскэ пал дова, со Ёв дыя дасаво илэскиро хачкирибэн Титоскэ тэ дэл васт тумэнгэ. ¹⁷ Пал-дова со ёв на фэни прилыя кэ ило амаро мангипэн (просьба), нэ ишчо (инкэ) бутыр пир пэскиро илэскиро хачкирибэн, ёв гия кэ тумэ кокоро пэстыр; ¹⁸ нэ амэ бичхадям лэса пшалэс, савэс шарэна пал дова, сыр ёв роспхэнэла бахталы зан, ¹⁹ и на екх пал дова, а адякэ-паць и пал дава, со кхангирьякирэ скэдыибэна выкэдынэ лэс тэ джал кхэтанэ амэнца пир дава лачхó рэндо, саво амэ кэрэса ваш Рэскирэ-Дэвлэскири слава; и, соб (кай) тэ сыкавас амаро хачкирибэн тэ дас васт; ²⁰ и амэ камаса тэ на пэрас тэл вари-конэскиро выракирибэн пал дасаво барвалó даро, со амэ скэдыям; ²¹ пал-дова со амэ кэрэса буты, со исын зор, соб (кай) саро тэ явэл пир чачипэн на со екх ангил Дэвлэстэ, нэ адякэ-паць и ангил манушэндэ. ²² И амэ бичхадям лэнца амарэ пшалэс, конэскиро илэскиро хачкирибэн амэ пропатякирасас дрэ бут рэнды, а каканá ёв ишчо (инкэ) зоралэдыр пир илэскиро хачкирибэн пал тумаро твардо патяибэн. ²³ Кóли тэ пхэнáв пал Титостэ, адава исын миро мал, кон кэрэла буты кхэтанэ манца машкир тумэндэ; и ёнэ исын бичхадэ манушá кхангирьендыр, кон янэла слава Христососкэ. ²⁴ Палдава сыкавэн пэскиро ило кэ ёнэ ангил кхангирьякирэ скэдыибэна сыр допхэныбэн, со амэ пир чачипэн шараса тумэн.

Шэро 9

Дэн васт (Помогинэн) Пшалэнгэ пир Христосостэ

¹ Мэ думинава, со на трэй тэ чхинав пал дынарибэн (служэниё) тэ дэн васт свэнтонэнгэ; ² пал-дова со мэ джинóm тумаро хачкирибэн тэ помогинэн (тэ дэн васт), сóса мэ шардём тумэн манушэнгэ дрэ Македония, пал дова, со Ахаия ^[1] сыс скэдыно бэрш палэ и тумаро илэскиро хачкирибэн тэ дэн васт сырбы газдыя бутэ-манушэнгиро ило. ³ Нэ мэ бичхадём пшалэн кэ тумэ, соб (кай) амаро шарибэн пал тумэндэ тэ на явэл чхучо (пусто), соб (кай), сыр мэ пхэндём, тумэ тэ явэн скэдынэ, ⁴ а со, кэли манушá Македонияыр явэна манца и дыкхэна, со тумэ на сан скэдынэ, саво ж ладжаипэн явэла амэнгэ (на ракири пал тумэндэ) пал амаро твардо шарибэн. ⁵ Палдава мэ придуминдём тэ мангав пшалэн, соб (кай) ёнэ тэ джан англэдыр кэ тумэ и тэ докончынэн тэ скэдэн ловэ ваш бахтякирдó даро, пал со сыс дыно лав, соб (кай) ёв тэ явэл бахтякирдó даро илэстыр, а на сырбы тырдэна зорьяса. ⁶ Дава исын чачипэн, со, кон чхувэла гив набут, одова и кэдэла аплóдо набут, а кон чхувэла гив бут, одова и кэдэла аплóдо бут: ⁷ мэк кажно мануш тэ дэл адакицы, кицы исын лэскэ пир ило, а на пир зор; пал-дова со Дэвлэскэ исын дрóго кодова мануш, кон дэла радымаса. ⁸ Палдова со Дэвлэс могоинэла тэ бахтякирэл тумэн адакицы дро саро, соб (кай) тумэндэ тэ ухтылэл (тэ явэл дóси) саро, со трэй тумэнгэ, и упрэдыр далэстыр, соб (кай) тумэ тэ явэн скэдынэ пэ кажно лачхó рэндо: ⁹ сыр исын чхиндло: “Ёв роздыя саро, дыя богэнгэ, Лэскиро чачипэн явэла пэ сарэ бэршá.” ¹⁰ И Дэвлэс, Саво дэла зярки тэ чхувэн дрэ пхув и маро тэ хан, дэла тумэнгэ саро и барьякирэла саро и явэла барвалó аплóдо тумарэ чачипнастыр: ¹¹ Дэвлэс кэрэла тумэн барвалэ илэнца пэ сарэ лачхó рэнды, со бут манушá явэна тэ парикирэн Дэвлэскэ пал тумарэ дары, савэ ёнэ дорэсэна (долэна) амэндыр. ¹² Пал-дова со дасаво лачхó дынарибэн на со фэни помогинэла свэнтонэнгэ дрэ лэнгири трэбима, нэ ишчо (инкэ) бутэдыр выкхарэла лэндыр баро парикирибэн Дэвлэскэ; ¹³ и ёнэ славинэна Дэвлэс, дыкхí пэ дасаво лачхó дынарибэн, пал-дова со, сыр тумэ приджинэна, адякэ-паць и тумэ кэрэна сарэ илэстыр пир Христососкири бахталы зан (звесь); и пал тумарэ илытка дары лэнгэ и явирэнгэ, ¹⁴ и ёнэ дрэ пэскирэ патерья (молитвы) Дэвлэскэ тырдэнапэ илэса кэ тумэ пал

барвалó Дэвлэскиро бахталыпэн, савó Ёв сыкадя пир тумэндэ. ¹⁵ Парикираса Дэвлэскэ сарэ годятыр и илэстыр пал Лэскиро талáно, савó нашты́ тэ выпхэнас.

9:2 ^[1] Ахаия – основание

Шэрó 10

Пáвли Затэрдёла пал Пэскиро Дынарибэн

¹ А мэ, Пáвли, кокорó, мангáва тумэн пир напхувитко ковлыпэн Христосóскиро, мэ, савó сом ковлé-илы́тко тумэнца, нэ савó сом муршканó, кéли мэ на сом тумэнца; ² мэ мангáва тумэн, кéли мэ явáва, соб (кай) мánгэ тэ сыкавав муршыпэн дасавэ-паць зорьяса, савьяса мэ думинава пэскэ тэ сыкавав вари-савэ манушэнгэ, кон ракирэла, со амэ, хачи, кэрáса пир далé свэтóскирэ-манушы́тко годы́. ³ Пал-довá со амэ дживаса пэ давá свэто, нэ амэ на марасапэ далé-свэтóскирэ годяса. ⁴ И амарó марды́тко (оружыё), савэса амэ марасапэ, исын на далé свэтóскирэ-манушы́тконé годятыр, нэ амэ сам зоралé Дэвлэскирэ зоралыпнаса, савьяса амэ пхагираса фóрóскирэ рикирибэна; ⁵ хоханé допхэныбэна и сарó, со пхутёла проти Дэвлэскиро дынарибэн; амэ пхандаса кажно годякири мы́сля, соб (кай) тэ явэл кандуны Христосóскэ; ⁶ и амэ сам скэдынé тэ чхувас хась (ка́ра) пэ кажно накандыпэн палó (после) довá, кéли тумэ допхэнэна пэскиро кандыпэн. ⁷ Ци дыкхэна тумэ пэ манушы́тко муй? Кóли вари-кон зоралэс патя́ла дро довá, со ёв исын Христосóскиро, мэк ёв нэвэстыр тэ пиридуминэл пал довá; лэскэ трэй тэ галёл, со амэ дасавэ-паць сам Христосóскирэ. ⁸ Нэ, кóли мэ буты́р явáва тэ шаравпэ пэскирэ правоса, савó Дэвэл дыя́ тэ дав васт, соб (кай) тэ барьёл тумарó патяибэн, а на ваш довá, соб (кай) тэ чхував тэлé тумэн, тэды мánгэ на явэла ладжаво; ⁹ мэк давá тэ на здэлпэ тумэнгэ, со мэ камдём тэ дарьякирав (тэ страхакирав) тумэн лылэнца: ¹⁰ вари-савэ ракирэна, со мирé лыла́ исын строга и зорьякирэна дýхо (фáно), нэ кéли ёв исын амэнца, нэ лэстэ масá исын бизорьякирэ и лэскиро лав исын наджиндло. ¹¹ Мэк дасаво ману́ш тэ думинэл пэскэ, со, савэ амэ сам дрэ лыла́, сыр амэ чхиндя́м дур тумэндэр, адасавэ-паць амэ сам пир рэндо, кéли амэ сам тумэнца. ¹² Палдавá амэндэ нанэ муршыпэн тэ дас чол (тимýн) пэскэ ци тэ припарувас (тэ зроўнинáс) пэс вари-савэ явирэ манушэнца; нэ кон дэла чол и припарувэла пэс кокорó пэса, исын бигодякиро ману́ш. ¹³ И амэ на явáса тэ шараспэ би меракиро, нэ пир мéра бутякири, сави́ Дэвэл выкэды́я ваш амэнгэ и сави́ доджáла кэ тумэ. ¹⁴ Амэ на выджаса зорьятыр, со амэ сы́рбы на догиям кэ тумэ, пал-довá со амэ догиям кэ тумэ Христосóскирэ бахталé заня́са (звесяса); ¹⁵ и амэ на шарасапэ буты́р мерáтыр явирэ-манушэнгирэ бутяса, нэ амэндэ исын лачхó ужакирибэн, со, кóли тумарó патяибэн выбарьёла, то и амэ могоинаса тэ кэрáс буты́ буты́р машкёр тумэндэ, нэ амэ на пириджаса мéра, сави́ Дэвэл выкэды́я ваш амэнгэ, ¹⁶ тэды, соб (кай) амэнгэ тэ роспхэнас бахталы́ зан (звесь) пир ригá, савэ исын дур пал тумэндэ, пал-довá со амэ на камаса тэ шараспэ бутяса, сави́ ужэ кэрды́ пир явир ригá. ¹⁷ А одовá, кон шарэлапэ, мэк ёв тэ шарэлпэ долэса, со Рай Дэвэл кэрдя́. ¹⁸ Пал-довá со на кодовá ману́ш исын лачхó, кон шарэла пэс, а кодовá, конэс Рай Дэвэл шарэла.

Шэрó 11

Пáвли и Хоханé Прорóки

¹ Мэ камамас, соб (кай) тумэ мэк náбут тэ вырикирэн миро бигодякирибэн; тэды вырикирэн и ман. ² Пал-довá со мánдэ сыс илэскиро хачкирибэн пал тумэндэ Дэвлэскирэ хачкирибнаса, пал-довá со мэ дыём лав (ангрустякирдём тумэн) Екхé Манушэскэ, Христосóскэ, соб (кай) тумэ тэ явэн ангил Лэстэ сы́рбы патывалы́ тэрнорй. ³ Нэ мэ дарава, со, сыр сап хохадя Ева

пэскирэ фротымаса, адякэ-паць, соб (кай) и тумарі годы тэ на пошкодинэлпэ и, соб (кай) тумэ тэ на отрисён простонэ патяибнастыр дрэ Христосостэ. ⁴ Пал-довá со, ко́ли вари-кон явир, чачэс, явэлас кэ тумэ и роспхэнэлас пал сы́рбы явирэ Христостэ, конэс амэ на роспхэндям, ци ко́ли тумэ прилынэ явир Ду́хо (Фа́но), Савэс тумэ гарыдыр на прилэнас; и тумэ прилэнас явир бахталы зан (звесь), сави́ тумэ гарэдыр на приджинэнас, – дыкхэн: сыр тумэ локхэс прилэнас дасавэ манушэс! ⁵ И мэ гинава, со мэ ни дро со на сом тэлэдыр кадалэ барэ Апостолэндыр ⁶ И ко́ли миро ракирибэн исын нагожо, нэ ма́ндэ исын джиныбэн дро дова́, со мэ ракира́ва: тумэ ж кокорэ дыкхнэ дава́ пир саро́. ⁷ Нау́што кэрдём мэ грэ́хо, ко́ли мэ чху́дём пэс тэлэдыр, соб (кай) тэ чхував тумэн вучэдыр, кэ́ли мэ роспхэна́вас Дэвлэскири бахталы зан (звесь) и мэ на лавас ловэ лэндыр? ⁸ Мэ обкэдыём явирэ-кхангирьякирэ скэдыибэна, со мэ лавас ловэ лэндыр пал пэскири буты́, соб (кай) тэ дынарина́в тумэнгэ. И кэ́ли мэ со́мас тумэнца и ма́ндэ сыс трэ́бима дро вари-со, ма́ндыр на сыс ни саво́ пхарипэн тумэнгэ, ⁹ пал-довá со пшáла Македониятыр ды́нэ ма́нгэ саро́, дро со ма́ндэ сыс трэ́бима, и мэ причху́дём зор дро саро́ и мэ дурэды́р ява́ва тэ причхував зор, соб (кай) тэ на явэл ни саво́ пхарипэн ма́ндыр тумэндэ. ¹⁰ И пир Христососкиро чачипэн, саво́ исын дрэ ма́ндэ, мэ на́ пири́яча́ва тэ шаравпэ сыр биловэнгиро дына́ри пир Ахаякирэ рига́. ¹¹ Со́скэ адя́кэ? Ци тумэ на сан дро́га ма́нгэ? Дэвэл джине́ла, со мэ кэра́ва. А со мэ кэра́ва, мэ дурэды́р ява́ва тэ кэра́в, ¹² соб (кай) ма́нгэ тэ на дав саштыпэн (возможность/ваканция) одолэ́нгэ, савэ́ шарэ́на пэс, со ё́нэ кэре́на адя́кэ-паць, сыр и амэ. ¹³ Пал-довá со кадалэ мануша́ исын хоханэ́ Апосто́лы, начачу́нэ бутярнэ́, савэ́ выдэ́на пэс пал Христососкирэ Апостолэндэ. ¹⁴ И дава́ нанэ́ баро́ диво́, пал-довá со на́лачхо кокоро́ выдэ́ла пэс пал Я́нголостэ́ дудэ́стыр (свэто́стыр). ¹⁵ Дава́ исын набаро́ рэндо, ко́ли лэскирэ́ бутярнэ́ выдэ́на пэс пал дынарьэ́ндэ пир чачипэн; нэ ё́нэ дорэ́сэна пэскиро́ пир лэнги́ри буты́ дро ко́нцо (дро яго́ро).

Павлі́скиро Мэ́ньки пир Апосто́лы́тко Буты́

¹⁶ Нэвэ́стыр мэ пхэна́ва: мэ́к никон́ тэ на думинэл пал ма́ндэ сыр пал дылынэ́стэ, приле́н ман адасавэ́са, саво́ мэ сом – сы́рбы дылынэ́са, соб (кай) ма́нгэ на́бут тэ шаравпэ. ¹⁷ А дова́, со мэ ка́канá ракира́ва, дава́ исын на пир Дэвлэскиро чачипэн, а сы́рбы пир дылыно́ муршы́пэн. ¹⁸ Пал-довá со бут мануша́ шарэ́напэ пир далэ́-свэто́скирэ́ манушы́тко годы́, тэды́ и мэ адя́кэ-паць ява́ва тэ шаравпэ. ¹⁹ А тумэ́ ж сан годьва́рэ́ мануша́, и тумэ́ локхэ́с вышунэ́на дылынэн. ²⁰ Ци вы́рикирэ́на тумэ́, кэ́ли вари-кон лэ́ла упралы́пэн пэ́ тумэндэ́, ци дживэ́ла пал тумарэ́ ловэ́, ци обчорэ́ла тумэн, ци пхутё́ла, ци марэ́ла тумэн пир муй? ²¹ И мэ ракира́ва дава́ кэ ми́ри ладж, со на ухты́лдя амэ́ндэ зор ваш дава́; а ко́ли вари-конэ́стэ исын муршы́пэн пэ́ дава́, то адя́кэ-паць исын муршы́пэн и ма́ндэ на пир бари́ годы́. ²² Исын ё́нэ Юды́? Мэ адя́кэ-паць сом. Исын ё́нэ Израилё́скирэ́? Мэ адя́кэ-паць сом. Исын ё́нэ Авраа́москирэ́ родо́стыр? Мэ адя́кэ-паць сом. ²³ Исын ё́нэ Христососкирэ́ дына́рья? Пир миро́ бигодя́кирибэн пхэна́ва, со мэ буты́р сом дасаво́: буты́р дрэ́ пха́ри́ буты́, дрэ́ фра́нсы (ра́ны) би мера́киро, мэ буты́р со́мас дро́ штари́бэн, и частэ́с мэ сом дрэ́ дар кэ́ мэри́бэн. ²⁴ Юды́ мардэ́ ман пандж мо́лы пир штардэ́ша́ пэ́каи́бэна би екхэ́скиро. ²⁵ Трин мо́лы ман мардэ́ каштэ́нца, ё́кхвар ман шуля́кирдэ́ барэ́нца, трин мо́лы мэ тасадё́ва́вас пэ́ пха́гирды́ па́рма (кораблэ́), мэ со́мас дывэ́с и рат пэ́ са́мо тэни́бэн (дно́) дро́ морё́скири пани́: ²⁶ мэ со́мас бут мо́лы дрэ́ дро́ма́, дрэ́ дар пэ́ рэ́ка (лэ́нь), дрэ́ розмари́бнэнгирэ́ васта́, дрэ́ дар пэ́скирэ́ манушэ́ндыр, дрэ́ дар Юдэ́ндыр, дрэ́ дар Наю́дэ́ндыр: дрэ́ дар дро́ фо́ро, пэ́ чхучи́ пхув, дрэ́ дар пэ́ мо́рэ (дэ́рьяв), дрэ́ дар хоханэ́ пшалэ́ндыр; ²⁷ мэ бут кэрдём́ буты́ и со́мас залы́но (залы́мо) пха́рэ́ бутя́са, со́мас бисои́бна́скиро, бокхало́. Ма́ндэ сыс труш́ (смэ́га); мэ пости́ндём пир шы́л и би и́дякиро. ²⁸ Апри́ч далэ́ сарэ́ пи́ридживи́бэна рига́тыр, ма́ндэ со́ дывэ́с сыс пхэ́рдó мануша́́ и мэ пха́рэ́с ду́мина́вас пал кхангирья́кирэ́ скэды́ибэна. ²⁹ Ко́ли вари-кон исын бигодя́киро, тэды́ и мэ сом бигодя́киро; кэ́ли вари-кон кэ́рэ́ла грэ́хо, тэды́ и миро́ ило́ хачо́ла пи́ридживи́пнастыр. ³⁰ Ко́ли ма́нгэ трэ́й тэ́ шаравпэ́ вари-со́са, мэ ява́ва тэ́ шаравпэ́ долэ́са, дро со́ мэ сом бизо́рья́киро. ³¹ Дэвэл́ и Дад́ амаре́́ Ра́скирэ́-Дэвлэ́скиро, Исусо́скирэ́ Христососкиро́ – га́да, Ё́в, тэ́ явэл бахтя́кирдó, тэ́ явэл Лэ́скиро́ лав пэ́ сарэ́́ бэрша́́, джине́ла, со мэ на хо́хава́ва. ³²

Дро Дамаско Краліскірэ Аретаскиро рикирэлас стрéга пир Дамаско, камі тэ запхандэл ман; ³³ [дава́ стихо нанэ дрэ-р.с.], и пир фэнштра дро кхудó (корзина) ман змэкнэ упралэстыр и адякэ мэ насцём лэнгирэ вастэндыр.

Шэрó 12

Дэвэл Бахтякирэла Павліс Дыкхибнэнца и Сыкадыипнэнца

¹ Ѓада, нанэ ни саві лы́гота ма́нгэ тэ шаравпэ. Нэ мэ распхэнава пал дыкхибэна и сыкадыипэна ма́нгэ Ра́стыр-Дэвлэстыр. ² Мэ джино́м екхэ патяибнаскірэс дрэ Христосóстэ (дэшуштар бэрш палэ, ци ёв сыс дро пэскірэ маса́, мэ на джино́м, ци дова́ сыс лэскиро д́ухо (фа́но), мэ на джино́м, Дэвэл джину́ла); адасаво́ ману́ш сыс газдыно́ кэ тріто́ болыб́эн. ³ И мэ джино́м (джина́в) дасаво́ манушэс, (ци ёв сыс дро пэскірэ маса́, ци дова́ сыс лэскиро д́ухо (фа́но) мэ на джино́м, Дэвэл джину́ла:) ⁴ со ёв сыс газдыно́ дро Болыбна́скиро Раё́, и шундя́ дасаво, со нашты́ тэ пиридэл лавэнца, савэ́ манушытконэ́ уштэнца́ фэд́ыр тэ на выпхэнэн. ⁵ Кадасаво́ манушэса́ мэ ява́ва тэ шаравпэ, нэ на пэса́ кокорэса, а екх со екхэ́ мирэ́ бизоралыпна́са. ⁶ Пал-дова́ со, ко́ли мэ камамас тэ шаравпэ, тэды́ мэ на ява́ва дылынэса. Пал-дова́ со мэ пхэна́ва чачип́эн, соб (кай) ни́екх ману́ш тэ на подуминэл кучэдыр пал ма́ндэ далэстыр, со ёв дыкхэ́ла дрэ ма́ндэ и шунэ́ла пал ма́ндэ. ⁷ Соб (кай) ма́нгэ тэ на пхутё́вав дивоскирэ́ дыкхибна́са, ма́нгэ исын дыны́ пхусады́ буст (колючка) дрэ́ лоч сы́рбы дына́ри (сл́уга) налачхэ́стыр, соб (кай) ёв тэ мэнчынэл ман ваш дова́, соб (кай) ма́нгэ тэ на пхутё́вав. ⁸ Палдава́ мэ и мангдём́ патыв́ Ра́стыр-Дэвлэстыр трин мо́лы, соб (кай) Ёв тэ дурья́кирэл буст ма́ндыр. ⁹ И Ёв пхэндя́ ма́нгэ: “Ухты́лла (до́си) ваш ту́кэ Мирó бахталып́эн, саво́ сыкавэ́лапэ со най́ фэдэды́р, кэ́ли мэ сом бизорья́киро!” Палдава́ ма́нгэ буты́р пир ило́ тэ шаравпэ́ мирэ́ бизоралыпна́са, соб (кай) Христососки́ри зор тэ заджа́л дрэ ма́ндэ. ¹⁰ Палдава́ мэ радына́впэ пэскірэ́ бизоралыпна́стыр, со ман ладжа́кирэна; трэ́биматыр, трады́пнастыр, пхарэ́ джи́ибнастыр ваш Христососкэ́, пал-дова́ со, кэ́ли мэ сом бизорья́киро, тэды́ мэ сом зорало́.

Павліскірэ Мы́сли пал Коринфянинэндэ

¹¹ Мэ яцём́ дылыно́, тумэ́ зачхудэ́ ман: пал-дова́ со тумэ́нгэ́ трэ́индя́ тэ шарэ́н ман; мэ на сом ни дро со фуеды́р кадалэ́ барэ́ Апостолэндыр, хоць мэ и адякэ́-паць на сом мол ни́чы. ¹² Чачэс, гэ́ртыка (знаме́нии), савэ́ допхэ́нна, со мэ сом Апосто́ло, сыкадэ́ пэс барэ́ вырикирибна́са, дивэнца́ и зорья́са пир д́ивна́ бутя́. ¹³ Сыр жа́ тэды́ кэ́ тумэ́ тэ отлы́джавпэ́ фуеды́р яви́рэ кханги́рьендыр, апри́ч дова́, со мэ на яндём́ пхари́пэн тумэ́нгэ. Примангэ́н ма́нгэ, со мэ выпхэ́ндём́ дасави́ холы́. ¹⁴ Ѓада, мэ скэ́дыёмпэ́ тэ джав кэ́ тумэ́ тріто́ мо́ло. И мэ на яна́ва пхари́пэн дрэ́ ловэ́ тумэ́нгэ, пал-дова́ со мэ на рода́ва вари-сави́ лы́гота тумэ́ндыр, а тумэ́ кокорэ́ трэй́ ма́нгэ. И на чхавэ́ скэдэ́на ловэ́ ваш да́дэ́нгэ, а да́да ваш чхавэ́нгэ. ¹⁵ Какана́ мэ фэды́р ява́ва тэ розмэ́кав пэскиро́ и тэ отда́в пэс пал тумаро́́ ило́. Ко́ли мэ кама́м тумэ́н бутэды́р, нау́што тумэ́ явэ́на тэ сыкавэ́н патыв́ ма́нгэ ку́тэдыр (набу́тэдыр)? ¹⁶ А ко́ли тэ явэ́л адякэ́, ци мэ яндём́ пхари́пэн тумэ́нгэ? Нэ вари-кон́ пхэ́нэла, со мэ сом мэ́ндро, и мэ, хай, лы́ём вари-со́ тумэ́ндыр хо́хаибна́са? ¹⁷ Ци лы́ём мэ вари-со́ тумэ́ндыр пир вари-конэ́стэ, конэ́с мэ бичхадём́ кэ́ тумэ́? ¹⁸ Мэ мангдём́́ Титос́ и бичхадём́́ пшалэ́с лэ́са: ци лы́я́ Тито́ вари-со́ тумэ́ндыр? Ци на кэ́рдям́́ амэ́ дро екх́́ д́ухо (фа́но)? Ци на псирдя́м́́ амэ́ екхэ́́ дромэ́́са? ¹⁹ Ци думинэ́на тумэ́, со амэ́, хачи́, затэ́рдёваса́ пал пэ́стэ? Дава́́ амэ́ ра́кираса́ анги́л Дэвлэ́стэ дро́ екхип́́эн Христососа́ пир са́рэ рэ́нды ваш тумаро́́ подри́кирибэ́н. ²⁰ Пал-дова́ со мэ дара́ва, со, кэ́ли мэ нэ́вэ́стыр ява́ва, мэ мого́на́ва тэ латхав́́ тумэ́н адасавэ́нца, сыр мэ на кама́м, и тумэ́ мого́нэ́на тэ латхэ́н ман адасавэ́са, сыр мэ на кама́м: мэ дара́ва, со мого́нэ́на тэ явэ́н кошы́бэна, зэ́влыныпэ́на, хо́лякирибэ́на, распэ́рибэна́ пэ́ группки́, гу́ндякирибэ́на, пху́тькирибэ́на, бизла́ды; ²¹ соб (кай) мирó́ Дэвэл тэ́ на́ чхувэ́л тэ́лэ́ ман пал тумэ́ндэ́, кэ́ли

мэ явава нэвэстыр, и, соб (кай) мангэ тэ на ровав пал бутэндэ тумэндэ, саво кэрдэ грэхо и на отрисинэ нажужыпнастыр, биладжаипнастыр, ладжавэ рэндэндэр, савэнца ёнэ залэнаспэ.

Шэро 13

Палатунэ (Послэдня) Приракхибэнэ и Розячибэн Дэвлэса

¹ Давá явэла трито мо́ло мэ джа́ва кэ тумэ. “Трэ́й дуй ци трин якхитка (свидетели), соб (кай) тэ чхувэн зор (твардыма) пэ лав пир дава́ рэндо.” ² Мэ пхэндём тумэнгэ гарэдыр и мэ пхэна́ва анги́л кака́на (адя́кэ-па́ць, сыр мэ ракирдём, кели мэ со́мас кэ тумэ яви́р мо́ло, кака́на мэ на сом тумэнца чачу́нэс) одолэ́нгэ, кон кэрдя́ грэхо анги́л и сарэ́ яви́р манушэ́нгэ, со кели мэ ява́ва нэвэ́стыр, мэ на потангина́ва (на пожа́линава) лэн. ³ Ци родэ́на тумэ допхэ́ныбэн, со Христо́со ракирэ́ла пир ма́ндэ? Ёв исын на бизорья́киро ваш тумэнгэ, а Ёв сыкавэ́ла Пэски́ри зор машки́р тумэндэ; ⁴ пал-дова́ со Ёв сыс примардо пэ трушу́л Пэски́рэ бизоралы́пнаса, нэ Ёв исын джидо́ Дэвлэ́скирэ зорья́тыр; пал-дова́ со амэ, чачэс, сам бизорья́кирэ дро екхипэн Лэ́са; нэ амэ ява́са тэ джива́с Лэ́са пир Дэвлэ́скири зор, сави́ исын дыны́ тумэнгэ; ⁵ пропаты́кирэн пэс, ци дживэ́на тумэ пир патяи́бэн; отпхэ́нэн ко́корэ пэ́скэ: ци джине́на тумэ ко́корэ, со тумэ сан Христо́со́скирэ? Ко́ли на адя́кэ, тэды тумэ на сан лачхэ́. ⁶ Ма́ндэ исын лачхо́ ужаки́рибэн, соб (кай) тумэ тэ джине́н, со тумэ сан лачхэ́. ⁷ Нэ мэ мангавпэ́ Дэвлэ́скэ, соб (кай) тумэ тэ на кэрэн чорипэн на ваш дова́, соб (кай) амэнгэ тэ сыкавас, со амэ прогия́м пропаты́кирибэн, нэ соб (кай) тумэ тэ кэрэн пир чачипэн, – ничы́, ко́ли амэ и на ява́са приджиндлэ́ сыр лачхэ́. ⁸ Пал-дова́ со амэндэ́ нанэ зор проти́ чачипэн, а пал чачипэн. ⁹ Палдава́ амэ радына́сапэ, кели амэ сам бизорья́кирэ, а тумэ сан зоралэ́. И амэ адя́кэ-па́ць мангаса́пэ Дэвлэ́скэ, соб (кай) тумэ тэ явэн бидоша́кирэ. ¹⁰ Палдава́ мэ чхиндём дава́, со, па́ка мэ на сом тумэнца; а кели мэ ява́ва кэ тумэ, ма́нгэ тэ на отлы́джавпэ́ строгимаса́ тумэнца пир право́, саво́ Рай Дэвэл́ дыя́ ма́нгэ тэ подри́кирав тумэн, а над, соб (кай) тэ хас тумаро́ ило́. ¹¹ Палатуно́ лав, пшала́лэ: радыне́нпэ, явэн бидоша́кирэ, подри́кирэн екх екхэ́с, явэн екхэ́-годя́кирэ, явэн дро рама́нэ (миро) екх екхэ́са. ¹² Пири́дэн “рама́нэ” екх екхэ́скэ свэ́нтонэ́ чамуды́пнаса. ¹³ Сарэ́ свэ́нта пири́дэна “рама́нэ” тумэнгэ. ¹⁴ Мэ́к бахталы́пэн амарэ́ Ра́скирэ-Дэвлэ́скиро, Иису́со́скирэ-Христо́со́скиро, Дэвлэ́скири ла́ска и патыв́ и Свэ́нтонэ́ Духо́скиро кхэтаны́пэн тэ явэн тумэнца. Ами́нь.

Павли́скиро Лыл Галатэ́нгэ

Шэро 1

¹ Апосто́лостыр Павли́стыр, саво́ сыс вы́кэдыно на пир манушэ́ндэ и на пир манушы́тко годы́, а пир Иису́со́стэ Христо́со́стэ и Дэвлэ́стэ Да́дэстэ, Саво́ газды́я Лэ́с муле́ндыр, ² и сарэ́ пшале́ндыр, кон исын ма́нца, Галатия́кирэ кханги́рьякэ. ³ Тэ явэл бахталы́пэн и рама́нэ (миро) тумэнгэ́ Дэвлэ́стыр Да́дэстыр и амарэ́ Ра́стыр-Дэвлэ́стыр, Иису́со́стыр Христо́со́стыр, ⁴ Саво́ отды́я Пэ́с Ко́корэ пал амарэ́ грэх́и, соб (кай) тэ зракхэ́л амэн далэ́ хоханэ́ свэ́то́стыр пир Дэвлэ́скирэ-Да́дэскири во́ля, ⁵ тэ явэл сла́ва Дэвлэ́скэ Да́дэскэ́ пэ сарэ́ бэ́рша́ и ве́ки. Ами́нь.

Екх Евáнгелия

⁶ Мэ дивина́вапэ, со тумэ адя́кэ сы́гэс рисё́на Лэ́стыр, Саво́ кхардя́ тумэн пир Христо́со́скиро бахталы́пэн кэ яви́р бахталы́ зан (звесь), ⁷ сави́ нанэ яви́р Евáнгелия, а дава́ исын вари́-савэ́ яви́р мануша́, савэ́ ды́лнякирэ́на тумэн и ка́мэна́ тэ пири́риски́рэн Христо́со́скири Евáнгелия. ⁸ Нэ ко́ли амэ, ци аж Янго́ло Бо́лыбна́стыр явэ́лас и явэ́лас тэ роспхэ́нэл яви́р

бахталы зан (звесь), нэ на дасави, со амэ роспхэндям; мэк ёв тэ явэл прокошнó. ⁹ А сыр амэ пхэндям англэдыр, адякэ-паць и мэ каканá пхэнава: ко́ли вари-кон роспхэнэла вари-сави явир бахталы зан (звесь), и на дасави, со амэ роспхэндям, мэк ёв тэ явэл прокошнó. ¹⁰ Наушто мэ патякирава манушэн ци Дэвлэс? Ци мэ родава вари-со, соб (кай) мэ тэ явав лачхó манушэнгэ? Пал-довá, со ко́ли мэ тэ явав лачхó манушэнгэ, тэды мэ на явава Христосóскиро писхари.

Сыр Пáвли Яця Апостолоса?

¹¹ Нэ соб (кай) тумэ тэ джинэн, пшалáлэ, со бахталы зан (звесь), сави мэ роспхэнава тумэнгэ, исын счхуды на пир манушы́тко годы. ¹² Пал-довá со и мэ на прилыём ла манушэндыр, и ниéкх мануш на сыклякирдя ман пал бахталы зан (звесь), а Екх Исусо Христóсо сыкадя́ мэнгэ, со тэ пхэна́в. ¹³ Тумэ, хачи, шундлэ пал дова́, сыр мэ дживдём пир Юды́тко сыклякирибён, сыр мэ пхагирдём мэра, кели мэ традавас Дэвлэскирэ кхангирьякирэ манушэн и причхудём зор тэ хасякира́в лэн; ¹⁴ и мэ со́мас славутнэдыр явирэ тэрнó Юэндыр мирэ бэршэса пир Юды́тко сыклякирибён, мэндэ сыс бутыр илэскиро хачкирибён пал амарэ-дадэнгиро присыкляибэн. ¹⁵ А кели сыс лачхó Дэвлэскэ, Саво выкэды́я ман тэды, кели мэ ишчо (инкэ) со́мас дрэ дакири лочови́ (утроба); и Саво прикхардя ман пир Пэскиро бахталыпэн, ¹⁶ и откэрдя Пэскирэ Чхавэс дрэ мэндэ, соб (кай) мэ могиनावас тэ роспхэнав бахталы зан Наюдэнгэ, и тэды мэ на лыём тэ радинавпэ манушэнца, ¹⁷ и мэ на гиём дро Ерусалимо кэ одолэ мануша́, савэ ячнэ Апóстолы (Апостолэнца) англэдыр мэндыр, а мэ гиём дрэ Аравия, и тэды явдём палэ дро Дамáско. ¹⁸ Тэньци, палó (после) трин бэрш мэ гиём дро Ерусалимо тэ дыкхавпэ Пэтриса, и мэ яцёмпэ лэса дэшупандж дывэса́; ¹⁹ нэ мэ на дыкхцём ни савэ явирэ Апостолос, екхэ Яковос, Рáскирэ-Дэвлэскирэ пшалэс. ²⁰ А дова́, со мэ чхинáва тумэнгэ, га́да, – ангил Дэвлэстэ, мэ на хохавава. ²¹ Тэньци мэ гиём пир Сириякирэ и Килиякирэ пхувья́. ²² Нэ патяибнаскирэ дрэ Христосостэ кхангирьякирэ скэдыибнастыр дрэ Юдэя на джиндлэ ман дро муй; ²³ екх, со ёнэ шундлэ пал мэндэ, сыс дова́, со одова́ мануш, кон традэлас лэн вари-ке́ли, роспхэнэла бахталы зан (звесь), сави ёв, хачи, гарэдыр хасякирэлас: ²⁴ и ёнэ сарэ славиндлэ Дэвлэс пал мэндэ.

Шэро́ 2

Пáвли и Явир Апóстолы

¹ Тэньци палó дэшустар бэрш мэ нэвэстыр гиём дро Ерусалимо Варнаваса, и лыём адякэ-паць мэ́нца Титос; ² и мэ гиём одорик пир Дэвлэскиро упхэныбён и пирипхэндём бахталы зан (звесь), сави мэ роспхэна́вас ангил Наюдэндэ, нэ екх пэ екх ко́долэнгэ, кон сыс дрэ патыв машки́р манушэндэ, пал-довá со, ци на ивя́я (напрáснэс) мэ сыклякиравас манушэн и гарэдыр сыклякирдём; ³ нэ аж Тито, кон сыс мэ́нца, саво сыс Гре́ко (Баламо́), на сыс зачхудо тэ обчхинэлпэ; ⁴ дава́ сыс пал хоханэ́ пшалэндэ, савэ явнэ чораханэ́с тэ уджинэн пал амари́ вольныма, со амэ́ндэ исын пир екхипэн Исусóса Христосóса ваш дова́, соб (кай) тэ кэрэн амэн писхарьёнца; ⁵ а лэнгэ амэ на поддыампэ, ни пэ екх мардоро (штундыца), соб (кай) бахталэ-занякиро (звесякиро) чачипэн тэ ячэлпэ ваш тумэнгэ. ⁶ И ко́долэ, савэ сыс дрэ патыв, – савэ ёнэ тэ на явэн, – ваш мэ́нгэ ёнэ сарэ́ исын сыр екх – Дэвэл на дыкхэла пэ манушы́тко муй, – на пхэндлэ́ ни саво нэво́ лав кэ миро роспхэныбэн; ⁷ а пэфроми (хроми), кели ёнэ дыкхнэ́, со Дэвэл ды́я буты́ мэ́нгэ тэ роспхэнав бахталы зан (звесь) Наюдэнгэ, адякэ-паць сыр и Пэтрискэ́ Юдэнгэ; ⁸ пал-довá со Дэвэл чхудя́ Пэскирэ зорья́са ман Апостолоса Наюдэнгэ, адякэ-паць сыр Пэтрис Апостолоса ваш Юдэнгэ, ⁹ и кели Яково́, Пэтри́ и Иа́но, конэс гиндлэ́ пал шэралэндэ, шундлэ́, со мэ́нгэ сыс дыно́ бахталыпэн пэ дасави́ буты́, ёнэ подынэ́ васт ваш кхэтаныпэн мэ́нгэ и Варнава́скэ, соб (кай) амэ́ тэ джас кэ На́юды, а ёнэ́ тэ джа́н кэ Юды́; ¹⁰ нэ екх ёнэ помангнэ́ амэн, соб (кай) амэ́ тэ на бистрас пал чорорэндэ, со мэ адякэ-паць и причхудём зор тэ кэра́в.

Павли Выракирэла Пэтрискэ дрэ Антиохия

¹¹ А кэли Пэтри явдя дрэ Антиохия, мэ выштадём мамуй (проти) лэстэ, сыр ёв сыс бангó: ¹² пал-довá со ангил дова́, сыр явнэ манушá Яковостыр, ёв халас Наюдэнца; а кэли ёнэ явнэ, ёв дыяпэ палэ и рикирдя пэс дро риг, пал-довá со ёв дарандыя Юдэндыр; ¹³ и явйр Юды адякэ-паць сыс кхэтанэ лэса дрэ дуемуиткима, со аж и Варнава упатяндыя дрэ лэнгири фрэнтыма. ¹⁴ Нэ кэли мэ дыкхцём, со ёнэ кэрэна на сыр трэй пир чачипён бахталэ занятыр (звесятыр), мэ пхэндём Пэтрискэ ангил сарэндэ: “Кóли ту сан Юдо, сóскэ ту дживэса сыр Наюдо, а на сыр Юдо; сóскэ ту зачхувэса Наюдэн тэ дживён сыр Юдэн?”

Юды и Наюды Зракхэнапэ пир Патяибён

¹⁵ Амэ сам Юды пир рат, а амэ на сам грэхйтка Наюды, ¹⁶ нэ амэ джина́са, со Дэвэл пригалёла чачунэса манушэс на пир Законóскирэ бутя́, а пир патяибён дрэ Исусóстэ Христосóстэ; амэ адякэ-паць упатяндыям дрэ Исусóстэ Христосóстэ, со амэ могинаса, соб (кай) Дэвэл тэ пригалёл чачунэнца амэн пир патяибён дрэ Христосóстэ, а на пир Законóскирэ бутя́, пал-довá со пир Законóскирэ бутя́ Дэвэл на пригалёла чачунэса пир лоч (плоть) ни екхэ манушэс. ¹⁷ Нэ кóли амэ родаса саштыпэн (возможность/ваканцыя), соб (кай) Дэвэл тэ пригалёл чачунэнца амэн пир Христосóстэ, нэ выджáла, со амэ сам грэхйтка манушá, то наўшто Христóсо дынаринэла грэхоскэ? Мэк ниэкхвар дава́ тэ на явёл! ¹⁸ Пал-довá со, кэли мэ нэвэстыр пирикэрава Законóскиро сыклякирибён, со мэ распхагирдём, мэ сыкава́ва пэс, со мэ сом проштавибнари (преступнико). ¹⁹ Мэ сырбы мыём пир Законóскиро сыклякирибён, соб (кай) тэ дживáв дурэдýр пир Зако́но, соб (кай) ма́нгэ тэ дживáв Дэвлэ́са. ²⁰ Мэ со́мас примардо пэ трушýл Христосóса, и мэ бутýр сырбы на дживáва, нэ дава́ Христóсо дживэ́ла дрэ ма́ндэ; нэ дова́, со мэ дживáва дрэ лоч (плоть), мэ дживáва пир патяибён дрэ Дэвлэ́скирэ Чхавэ́стэ, Савэ́скэ яцём дро́го мэ, и Савó отды́я Пэс пал ма́ндэ. ²¹ Мэ на отпхэнавапэ Дэвлэ́скирэ бахталыпнастыр, нэ, кóли Дэвэл пригалёла амэн чачунэнца пир дова́, со амэ раххаса Зако́но, тэды ивьá (напрáснэс) мы́я Христóсо.

Шэро́ 3

Мойза́скиро Зако́но ци Патяибён

¹ Нэ, Галаты, савэ́ тумэ бигодякирэ сан! Кон дава́ човаханякирдя тумэн, соб (кай) тумэ тэ на кандэн патяибён; ангил жа тумарэ якхá Христóсо сыс сырбы сыкадо примардо пэ трушýл? ² Екх рэндо (делó), со мэ камáм тэ уджинав тумэндыр: ци тумэ дорэ́снэ (долынэ) Дýхо (Фáно) пир Законóскирэ бутя́? Ци шуныбнастыр пир патяибён? ³ Савэ́ тумэ сан бигодякирэ! Тумэ лынэ́ тэ дживён нэвэстыр пир Дýхо (Фáно), а каканá тумэ кончынэна пир пэскирэ-лочакири зор. ⁴ Ци тумэ пирилыджинэ ада́кицы ивьá (напрáснэс)? Кóли тэ явёл дава́ чачунэс ивьá? ⁵ Дэвэл ды́я Дýхо (Фáно) тумэ́нгэ и кэрдя́ дýвы машкёр тумэндэ́, ци сыс дава́ пир Законóскирэ бутя́, ци шуныбнастыр пир патяибён? ⁶ Адякэ́ Авраáмо патяндыя Дэвлэ́скэ и Дэвэл прилы́я лэс чачунэса пал лэ́скиро патяибён. ⁷ Палдава́, джинэн, со одолэ́, кон исын патяибнастыр, ёнэ исын Авраáмоскирэ чхавэ́. ⁸ И Свэ́нто Чхиныбён ангил дыкхця́, со Дэвэл приджинэла чачунэнца Наюдэн пир патяибён, и ангил распхэндя́ бахталы́ зан (звесь) Авраáмоскэ: “Дэвэл бахтякирэла сарэ́ манушён пир тýтэ.” ⁹ Палдава́, сарэ́, кон исын патяибнаскирэ, исын бахтякирдэ́, сыр Ёв сыс. ¹⁰ А сарэ́, кон розгинэла пэ Законóскирэ бутя́, исын прокошнэ́, пал-довá со исын чхиндлó: “Кажно́ ману́ш, кон на рикирлапэ сарэ́скэ, соб (кай) сарó тэ кэрэл, со исын чхиндлó дрэ Свэ́нтонэ́-Чхиныбнаскири лылварй́, соб (кай) тэ явёл прокошнó!” ¹¹ а ни екхэ манушэс Дэвэл на приджинэла чачунэса ангил Лэ́стэ, пал-довá со: “Чачунó ману́ш дживэ́ла пир патяибён.” ¹² Дро Зако́но нанэ ни савó кхэтаньпэн патяибна́са, екх со дова́: “Кон сполнинэла сарó Зако́но, одова́ явэ́ла тэ дживёл.” ¹³ Христóсо выкиндя́ амэн Законóскирэ прокошыбнастыр, кэли Ёв лы́я Законóскиро прокошыбён пэ

Пэстэ, сыр исын чхиндло дро Зако́но: “Кажно ману́ш, кон исын убладо пэ кашт, тэ явэл тэл Дэвлэскиро прокошыбэн”, ¹⁴ соб (кай) Авраамоскиро бахтякирибэн тэ явэл пэ Наюдэндэ пир патяибэн дрэ Исусостэ Христосостэ ваш дова́, соб (кай) амэ могоинасас тэ дорэсас (тэ долас) Ду́хо (Фа́но), пал Саво́ Дэвэл дыя лав пир патяибэн.

Зако́но и Дыно́ Лав

¹⁵ Пшалалэ! Мэ ракирава пир манушы́тко годы́: ни́екх ману́ш дуендыр на отпарувэла ци дочхувэла вари-со кэ подчхиндло завето, саво ангил сыс счхудо машки́р дуендэ. ¹⁶ Нэ Дэвэл дыя Лэскиро лав Авраамоскэ и лэскирэ-чхавэнгирэ чхавэнгэ: дро Свэнто Чхиныбэн ракирлапэ на пал “сэмэнцэндэ” сы́рбы пал бутэ манушэндэ, а пал екхэ “сэмэнцатэ”, пал Христосостэ. ¹⁷ Мэ пхэна́ва кака́на: Зако́но, саво сыс дыно́ штаршэла́ трийнда бэрш коригэды́р (позжэды́р), на отпарувэла завето, саво Дэвэл дудвалякирдя (утвердиндя), и лэскиро дыно́ лав на хасякирэла зор. ¹⁸ Ко́ли мэ́кно миштыпэн исын пир Зако́но, тэды нанэ буты́р пир дыно́ лав, а Дэвэл дыя лэс Авраамоскэ пир дыно́ лав. ¹⁹ Ваш со тэды сыс дыно́ Зако́но? Ёв сыс дочхудо, соб (кай) тэ сыкавэл, со дасаво чорипэн исын, пака на явэла Авраамоскирэ-родоскири сэмэнца, ваш конэскэ сыс дыно́ лав; Янгóлы пиридынэ Зако́но пир машкиратунэстэ (посредни́костэ) – Мойзастэ. ²⁰ Нэ Дэвлэскэ на трэиндя машкиратуно, кэли Ёв дыя лав Авраамоскэ екх пэ екх.

Ваш со исын Зако́но

²¹ Со ж тэды Зако́но исын проти Дэвлэскирэ дынэ лава́? Сарэса над! Пал-дова́ со, ко́ли тэ явэл дасаво Зако́но, саво могоинэлас тэ дэл вечно́ джи́ибэн, тэды амэ могоинасас тэ дорэсас чачипэн Законóстыр; ²² нэ Свэнто Чхиныбэн ракирэла, со сарэ мануша́ исын тэл грэхоскири зор, палдава́ бахталыпэн, пал саво Дэвэл дыя лав, пир патяибэн дрэ Исусостэ Христосостэ, тэ явэл дыно́ одолэнгэ, савэ патя́на. ²³ Нэ ангил патяибэн дрэ Исусостэ Христосостэ, амэ са́мас сы́рбы запхандлэ тэл Законоскиро ра́кхибэн ваш дова́, соб (кай) тэ ужакирас, кэли откэрэлапэ патяибэн. ²⁴ Палдава́ Зако́но дыкхця́ пал амэндэ и сыс сы́рбы сы́кляибна́ри (воспитателё), саво лыджия́ амэн кэ Христóсо ваш дова́, соб (кай) Дэвэл тэ приджинэл амэн чачунэнца пир патяибэн. ²⁵ А кэли явдя́ Христóсо, амэнгэ кака́на буты́р на трэй сы́кляибна́ри тэ дыкхэл пал амэндэ; ²⁶ пал-дова́ со амэ сарэ сам Дэвлэскирэ чхавэ́ пир патяибэн, дро екхипэн Исусóса Христосóса. ²⁷ И сарэ тумэ, савэ болдэпэ дро екхипэн Исусóса Христосóса, тумэ сы́рбы кхэтанякирдэпэ Христосóса пир Свэнто Ду́хо (Фа́но). ²⁸ Нанэ ни Юдос, ни Гре́кос; нанэ ни писхарис, ни вольно́нэ манушэ́с; нанэ ни му́ршэс, ни джу́вля; пал-дова́ со тумэ сарэ сан екх дро екхипэн Исусóса Христосóса. ²⁹ А ко́ли тумэ сан Христосóскирэ, тэды тумэ сан Авраамоскирэ родóстыр; мануша́, савэ дорэсэ́на дова́, пал со Дэвэл дыя лав.

Шэро́ 4

¹ И мэ ишчо (инкэ́) пхэна́ва: пака дадэскиро чхаво́, савэскэ дад мэ́кэла пэскиро миштыпэн, исын тыкно́, кэ ёв отлыджанапэ ады́кэ-паць сыр и кэ дадэскиро писха́ри, мэ́к ёв исын сы́рбы хула́й пэ саро́ миштыпэн; ² нэ пака ёв барьёла, пашы́л лэстэ псирэ́на ра́зна хулаибны́тка и кхэрэскирэ барыды́ра кэ/жы́ко кэ долэ́ бэрша́, савэ дад упхэнэла. ³ Ады́кэ-паць и амэ сам, кэли амэ са́мас сы́рбы бияторэ́ пир патяибэн, тэды амэ са́мас сыр писха́рья ангил далэ́ свэ́тоскирэ – духо́скири зор; ⁴ а кэли явдя́ часо, саво Дэвэл выкэ́дыя, Ёв бичхадя́ Пэскирэ Екхэ́ Чхавэ́с, Савэс джу́влы́ бияндя́ и Саво́ дживдя́ тэл Юды́тко Зако́но, ⁵ ваш дова́, соб (кай) Ёв могоинэлас тэ вы́кинэл одолэн, савэ исын писха́рья ангил Зако́но, соб (кай) амэ могоинасас тэ ячас Дэвлэскирэ чхавэнца. ⁶ Нэ пал-дова́, со тумэ сан Лэскирэ чхавэ́, Дэвэл бичхадя́ Лэскирэ-Чхавэ́скиро Ду́хо (Фа́но) дро амаро́ ило́, Саво́ дэла́ го́дла: “Авва! Да́до!” ⁷ Палдава́

ту на сан каканá буты́р писха́ри, а чхаво́, а ко́ли чхаво́, тэды Дэвэл дэла түкэ саро́, со исын Лэстэ ваш чхавэнгэ.

Павлі́скірэ Мы́сли пал Галатэ́ндэ

⁸ А тэды, гарэдыр (вагэдыр), кэли тумэ на джиндлэ Дэвлэс, тумэ са́нас писха́рья ангил одолэ дэвлорэндэ, савэ сарэса нанэ натуралэ дэвлэ́; ⁹ а каканá тумэ приджиндлэ Дэвлэс, а фэды́р тэ пхэнас, со Дэвэл приджиндя тумэн; сыр дава́ тумэ нэвэсты́р рисинэ́ кэ бизорья́кирэ и бэ́да дү́хи, савэнгэ́ свэто́ поклонинэ́лапэ, сы́рбы тумэ́ камэ́на тэ́ ячэн нэвэсты́р писха́рьэ́нца ангил кадалэ́ дү́хи. ¹⁰ Тумэ́ ра́кхунэс (дрэ́ дуй́ якха́) приды́кхэнапэ́ кэ́ дывэ́са, чхона́, часы́ и бэ́рша́. ¹¹ Мэ́ дарава́, со́ ци на́ ивья́ (напра́снэс) мэ́ кэрдём́ буты́ машки́р тумэ́ндэ. ¹² Пшалалэ́! Мэ́ манга́ва тумэн, соб (кай) тумэ́ тэ́ явэн́ дасавэ́, сыр мэ́ сом, пал-дова́ со́ мэ́ сом дасаво́, сыр тумэ́ сан: тумэ́ на кэрдэ́ мангэ́ ни саво́ чорипэ́н. ¹³ Нэ́ тумэ́ джине́на, со́ мэ́ со́мас насвало́, кэ́ли мэ́ роспхэндём́ бахталы́ зан (звесь) тумэ́нгэ́ дро́ пёрво́ мо́ло, ¹⁴ а́ тумэ́ на́ гиндлэ́ ман фуе́дыр пэ́стыр, на́ рисинэ́ манды́р, кэ́ли ды́кхнэ́ миро́ бизоралы́пэн, а́ тумэ́ прилы́нэ ман сыр Дэвлэ́скірэ́ Янго́лос, сыр́ Иису́с Хри́стосос. ¹⁵ Савэ́ ж бахталэ́ тумэ́ са́нас! И́ мэ́ пхэна́ва сыр́ якхитко́ (свидетелё́), со́ ко́ли тэ́ явэл́ трэ́бима, тумэ́ вы́лэнас пэ́скірэ́ якха́ и отдэ́нас лэн ма́нгэ. ¹⁶ Со́ ж, ци́ мэ́ яцём́ вэ́ргоса́ тумэ́нгэ́, ко́ли мэ́ пхэндём́ чачипэ́н тумэ́нгэ́? ¹⁷ Лэ́ндэ́ исын илэ́скиро́ хачкири́бэн пал́ тумэ́ндэ́, нэ́ дава́́ ё́нэ кэ́рэна́ на́ сарэ́ илэ́стыр, а́ ё́нэ камэ́на тэ́ пириты́рдэн тумэн́ кэ́ пэ́, соб (кай) тумэ́ндэ́ тэ́ явэл́ дасаво́ илэ́скиро́ хачкири́бэн пал́ лэ́ндэ. ¹⁸ Дава́́ исын ми́што́ ўса́ды (сак), соб (кай) тэ́ явэл́ илэ́скиро́ хачкири́бэн пал́ чачипэ́н, а́ на фэ́ни тэ́ды, кэ́ли мэ́ сом тумэ́нца, ¹⁹ мирэ́ чхаворэ́нца, ваш конэ́скэ́ мэ́ кэрдём́ буты́ дасавэ́ дукхэ́нца, со́ исын джу́вля́тэ, кэ́ли ё́й бия́нэла́ ты́кнорэ́с, па́ка дро́ тумаро́́ джи́ибэн на́ явэ́ла би́цяло́ Хри́стососки́ро ба́хтякири́бэн: ²⁰ мэ́ ка́мамас тэ́́ я́вав кэ́ тумэ́ и тэ́́ пару́вав ми́ри́ зан, пал-дова́ со́ мэ́ на́ джине́дём, со́ сыс тумэ́нца.

Пхэ́ныбэ́н пал Ага́рьятэ́ и Сара́тэ

²¹ Пхэ́нэ́н тумэ́ ма́нгэ, савэ́ древа́н камэ́на тэ́ канде́н Зако́но: ци́ шунэ́на тумэ́, со́ Зако́но ра́кирэ́ла? ²² Пал-дова́ со́ исын чхиндло́, со́ Авраа́мостэ́ сыс дуй́ чхавэ́, екх писха́рицатэ́, екх вольно́нэ́ джу́вля́тэ. ²³ Нэ́ одова́, саво́ сыс писха́рицатэ́, бия́ндыя, сыр́ и сарэ́́ бия́нде́на, а ко́дова, саво́ сыс вольно́нэ́ джу́вля́тэ, бия́ндыя пир́ Дэвлэ́скиро́ дыно́ лав. ²⁴ Кадалэ́́ дуй́ чачипэ́на́́ исын сы́рбы сы́каи́бэн: пал-дова́ со́ исын дуй́ за́веты – екх пэ́́ Бэ́рга́́ Синаё́́, пир саво́́ бия́нде́на писха́рья́ и саво́́ упхэ́нэла́ пэ́́ Ага́рьятэ́. ²⁵ Палдава́́ Ага́рь́ значине́ла́ Бэ́рга́́ Синаё́́ дрэ́́ Аравия́́ и исын сы́рбы́ а́канату́но Еру́сали́мо, саво́́ исын дро́́ писха́ри́бэн пэ́́скірэ́́ манушэ́́нца, ²⁶ а́ Еру́сали́мо, саво́́ исын дро́́ Болы́бна́скиро́́ Раё́́ исын во́́льно, – дава́́́ фо́ро́́ исын ама́́ри́ дай. ²⁷ Пал-дова́ со́ исын чхиндло́: “Ра́дынпэ́, джу́влие́ бичхавэ́́нгири, конэ́́стэ́ на́ сыс никели́́ чхаворэ́́; дэ́́ го́дла́ ра́дыма́́са и выпхэ́́н ло́шалэ́́с (весё́́лэс), сави́́ на́ джине́́ла бия́ны́пны́тка́́ дукха́́; пал-дова́ со́́ джу́вля́́тэ, савья́́ ром мэ́́кця́́, явэ́́на бутэ́́дыр чхаворэ́́, сыр ко́доля́́тэ́́ джу́вля́́тэ, савья́́тэ́́ исын ром.” ²⁸ Нэ́́ тумэ́́, пшалалэ́́, а́́дякэ́́-па́́ць сыр́́ и амэ́́ сам, сан Дэвлэ́́скірэ́́ чхаворэ́́ пир́́ дыно́́ лав, а́́дякэ́́-па́́ць сыр́́ и Иса́́ако́́ сыс. ²⁹ Сы́́р сыс́́ и тэ́́ды, кэ́́ли чхаворэ́́, саво́́́ бия́ндыя́́ пир́́ лоча́́киро́́ ками́́бэн, тра́́дыя́́ яв́́ри́ одолэ́́с, саво́́́ бия́ндыя́́ Дэвлэ́́скірэ́́́ Ду́хо́́стыр. ³⁰ Нэ́́ со́́ ра́́кирэ́́ла́́ Свэ́́нто́́ Чхи́́ны́́бэн? “Вы́́традэ́́́ писха́́рица́́ ла́́кирэ́́́ чхавэ́́́са, пал-дова́ со́́ писха́́рица́́кирэ́́́ чхавэ́́́скэ́́ на́́ явэ́́ла́́ паш́́ Да́́дэ́́скирэ́́́ мэ́́кнэ́́́ ми́́шты́́пна́́стыр кхэ́́танэ́́́ вольно́́нэ́́ – джу́́вля́́кирэ́́́ чхавэ́́́са.” ³¹ Палдава́́, пшалалэ́́, амэ́́ на́́ сам писха́́рица́́кирэ́́́ чхаворэ́́, а́́ амэ́́́ сам вольно́́нэ́́-джу́́вля́́кирэ́́́ чхаворэ́́.

Шэрó 5

Ракхэн Пэскири Вольныма

¹ Тэды, рикирэнпэ зоралэс сыр вольна манушá, пал-довá со Христóсо мэкцá пэ вóля амэн и, соб (кай) тумэ нэвэстыр тэ на урьен писхарискиро гáмо. ² Шунэн! Мэ, сом Пáвли, пхэнава тумэнгэ, со, кóли тумэ обчхинэнапэ, на явэла ни савó лачхипэн тумэнгэ Христосостыр. ³ И мэ допхэнава кажнонó манушэскэ, со ёв (исын) бангó (мусинэла) тэ рикирэл сарó Закóно. ⁴ Тумэ дурина Христосóскирэ лачхипнастыр, кóли камэна тэ явэн приджиндлэ чачунэнца ангил Дэвлэстэ пир Закóно; тумэ ж отпынэ бахталыпнастыр. ⁵ Пал-довá со амэ пир Свэнто Дúхо (Фáно) ужакираса зоралэс, кéли Дэвэл приджиндя амэн чачунэнца пир патяибэн. ⁶ Пал-довá со, кéли амэ сам дро екхипэн Исусóса Христосóса, ни обчхиныбэн, ни наобчхиныбэн на мол ничы́, а сарó смысло исын дро патяибэн, савó сыкавэла пэс пир патыв кэ явир манушá. ⁷ Тумэ кэрдэ адякэ шукáр сырбы прастáндынэ чачипнаса пир стадионо! Кон отрискирдя тумэн, соб (кай) тумэ тэ на кандэн чачипэн. ⁸ Кадасавó отрискирибэн нанэ Дэвлэстыр, Савó прикхардя тумэн. ⁹ Тыкны дрожджа (рошчына) газдэла сарó хумэр (тясто). ¹⁰ Мэ джинóm зоралэс, со тумэ адякэ думинэна, кон исын дро екхипэн Христосóса, и кодолэскэ, кон ладжакирэла тумэн, явэла кáра, на дыкхí, кон бы ёв тэ на явэл. ¹¹ Нэ палсó ж манушá традэна ман, пшалáлэ, кóли мэ роспхэнава лав пал обчхиныбэн? Тэды бар, со исын паштó пэ дром ангил манушэндэ, тэ патян дро зракхипэн пир Христосóскиро трушúл, исын кэдыно криг. ¹² Мэ камáм, соб (кай) манушá, савó ладжакирэна тумэн, аж тэ почхинэн пэскэ масá. ¹³ Тумэ, пшалáлэ, сáнас кхардэ тэ явэн вольна. Екх со, соб (кай) тумарí вольныма тэ на дэл саштыпэн тэ кэрэн пир лочакирэ-налачхэ камибэна. ¹⁴ И сарó Закóно рикирлапэ пэ екх припхэныбэн: “Сыкáв патыв пэскирэ пашатунэ манушэскэ, сыр кокорó пэскэ.” ¹⁵ А кóли тумэ кошэнапэ и ханапэ машкíр пэстэ, тэды ракхэнпэ, соб (кай) тумэ тэ на хасякирэн екх екхэс.

Дúхо (Фáно) и Манушýтко Натýра

¹⁶ Нэ мэ пхэнава, дживэн пир Свэнто Дúхо (Фáно), и тумэ на явэна тэ кэрэн пир налачхэ-лочакиро камибэн. ¹⁷ Пал-довá со лочакэ на трэй довá, со Духоскэ трэй, и Духоскэ (Фаноскэ) трэй на довá, со лочакэ трэй: кадалэ дуй камибэна исын вэрги екх екхэскэ; палдава тумэ на кэрэна довá, со тумэн тырдэла, ¹⁸ нэ кóли Свэнто Дúхо (Фáно) лыджáла тумэн, то тумэ на сан тэл Закóно. ¹⁹ Ѓáда, со кэрэна манушá пир лочакирэ камибэна: ёнэ кэрэна биладжаипэн, дживэна джувлэнца би сэвлакиро, лыджáна пэс сыр мурдалá (животна); ²⁰ мангэнапэ идолэнгэ, човаханыкирэна, на сыкавэна патыв явирэ манушэнгэ, кошэнапэ, зэвлынэна, замарэна манушэн, причхувэна зор тэ явэн фэдэдýр явирэ манушэндýр, роспэрнапэ холяса пэ группы, кандэна хоханэ сыклякирибэна, ²¹ жалинэна лачхипэн явирэнгэ, пьена сыр матыбнарьá, гулинэна бирипирибнаскирэс и бут явир; пал кадасавэндэ мэ пхэнава ангил, сыр и ракирдём англэдýр, со, кон адякэ кэрэла, на дорэсэла паш дро Дэвлэскиро Кралипэн. ²² А пир Свэнто Дúхо (Фáно) манушá дживэна патывáса кэ явир манушá, радымáса, спокойнымаса, длугонэ вырикирибнаса, лачхэ-илыткимаса, лачхипнаса, чачипнаса; ²³ ёнэ исын штыл (тиха), обрикирэна пэс, – кадасавэ манушэн притырдэла кэ пэ Закóно. ²⁴ И адалэ манушá, савэ исын Христосóскирэ, примардэ пэскири манушýтко грэхýтко натура пэ трушúл пэскирэ налачхэ камибнаса и грэхоскирэ тырдыпнаса. ²⁵ Кóли амэ дживаса пир Свэнто Дúхо (Фáно), амэнгэ трэй и тэ кэрáс пир Свэнто Дúхо (Фáно). ²⁶ На явáса тэ рикирас вучэс нахх, на явáса тэ дас зор холякэ екх пэ екхэстэ, соб (кай) тэ на дас якхало екх екхэс.

Шэрó 6

Помогинэн (Дэн Васт) Екх Екхэскэ

¹ Пшалалэ, коли мануш исын ухтылдо дро вари-саво náлaчxo рэндо (дело), тэды тумэ, савэ дживэна пир дүхо (фáно), подэн васт (помогинэн) лэскэ тэ тэрдёл палэ пэ чачунó дром ковлэ илэса, и дыкхэн пал пэстэ, соб (кай) тумэ кокорé тэ на пэрэн пэ пропатякирибэн. ² Помогинэн екх екхэскэ тэ лыджан пхарипэн, и далэса тэды тумэ сполнинэна Христосóскиро Закóно. ³ А коли вари-саво мануш гинэла пэс вари-конэса, кели ёв кокорó ничы на мол пэстыр, тэды ёв хохавэла пэс; ⁴ нэ мэк кажно мануш тэ дэл чол (тэ спробинэл пэс) пэскэ, тэды ёв явэла тэ радынэлпэ кокорó пэскирэ кэрибнастыр, а на явирэ манушэндыр. ⁵ Пал-довá со кажно мануш лыджáла пэскирэ джиибна́скиро пхарипэн. ⁶ Мэк мануш, саво сыклёла, тэ дэл паш пэскирэ миштыпна́стыр кодолэскэ, кон сыклякирэла лэс. ⁷ На дэнпэ дукхá: Дэвлэс нашты́ тэ хохавэл; дова́, со мануш чхувэла дрэ пхув, дова́-паць ёв и скэдэла. ⁸ И кон чхувэла дрэ пхув ваш пэскири лоч (плоть), одовá чхинэла криг аплодостыр Духоскиро мэрибэн, а кон чхувэла дрэ пхув ваш Дүхо (Фáно), кодовá счхинэла аплодостыр вечно джиибэн Свэнтонé Духóстыр: ⁹ кели амэ кэрáса шукáр, тэды амэнгэ тэ на кхинёвас, пал-довá со амэ явáса тэ скэдас аплодо дро пэскиро часо, коли амэ на пэрáса дро дүхо (фáно). ¹⁰ Палдава́, коли исын часо/саштыпэн, то явáса тэ кэрáс лачхипэн сарэнгэ, и древáн фэдýр кодолэнгэ, савэ исын пшáла пир патяибэн. ¹¹ Дыкхэн, савэ барэ буквэнца мэ чхиндём тумэнгэ мирé вастэса. ¹² А одолэ, савэ камэна тэ сыкавэн пэс пир лоч манушэнгэ, зачхувэна тумэн тэ обчхинэнпэ, екх ваш дова́, соб (кай) лэн тэ на традэн пал Христосóскиро трушу́л. ¹³ И ёнэ кокорé, савэ исын обчхиндлэ, на рикирэна Закóно, нэ ёнэ камэна, соб (кай) тумэ тэ обчхинэнпэ ваш дова́, соб (кай) тэ шарэнпэ, со ёнэ кэрдэ обчхиныбэн пэ тумэндэ. ¹⁴ Нэ мánгэ тэ на шаравпэ нисоса, екх амарé Рáскирэ-Дэвлэскирэ, Исусóскирэ Христосóскирэ трушулэса, пир Конэстэ свэто́ исын примардо пэ трушу́л ваш мánгэ, и мэ адякэ-паць ваш дава́ свэто́. ¹⁵ Пал-довá со, кон исын дро екхипэн Христосóса, на значинэла нисó: ни обчхиныбэн, ни наобчхиныбэн, а нэвó мануш. ¹⁶ И кодолэнгэ, кон дживэла пир дава́ упхэныбэн, тэ явэл пэ лэндэ рамáнэ (миро) и тангипэн (лáска) и пэ сарé Дэвлэскирэ манушэндэ. ¹⁷ Палдава́ адякэ: мэк никон тэ на пхарьякирэл ман, пал-довá со мánдэ исын Исусóскиро шрамы (морима) пэ масá. ¹⁸ Мэк бахталыпэн амарé Рáскирэ-Дэвлэскирэ, Исусóскирэ Христосóскиро тэ явэл тумарé Духóса, пшáла. Амíнь!

Павлі́скиро Лыл Эфесянэнгэ

Шэрó 1

¹ Павлі́стыр, Исусóскирэ Христосóскирэ Апостолостыр, савэс Кокорó Дэвэл выкэдыя, Свэнтонé манушэнгэ, савэ дживэна кэ Эфэсо, и патяна дрэ Исусóстэ Христосóстэ: ² Мэк тэ явэл бахталыпэн и рамáнэ (миро) тумэнгэ Дэвлэстыр Дадэстыр амарэстыр, и Рáстыр-Дэвлэстыр, Исусóстыр Христосостыр. ³ Мэк тэ явэл бахтякирдó Дэвэл и Дад амарé Дэвлэскиро Исусóскиро Христосóскиро, Савó бахтякирдя́ амэн дро екхипэн Христоса кажно́нэ Духóскирэ бахтякирибна́са дро Болыбна́скиро свэто́ ⁴ Ёв выкэдыя амэн дрэ Лэстэ англэдыр, сыр создыя свэто́, соб (кай) амэ тэ явас свэнта пир екхипэн Христосóса и бидошакирэ ангил Лэстэ пир патыв кэ явир манушá; ⁵ Ёв выкэдыя амэн пир Исусóстэ Христосóстэ, соб (кай) амэ тэ явас Лэскирэ чхавé пир Пэскиро выкэдыибэн и во́ля, ⁶ соб (кай) тэ славинас Лэскиро шукáр бахталыпэн, савó Ёв дыя амэнгэ пир Пэскирэ Дрогонé Чхавэстэ: ⁷ дрэ Савэстэ и пир Савэскиро Рат амэ сам выкиндлэ (выракхнэ), амарé грэх́и исын отмэкнэ пир Лэскиро барвалó бахталыпэн; ⁸ Савó Ёв би тангипна́скиро дыя амэнгэ сарé годя́са и джиныбна́са, ⁹ пир Пэскиро цэлё/рэс (чачипэн) Дэвэл отчхакирдя́ амэнгэ Лэскирэ-

волякиро чораханыбэн, саво Ёв гарэдыр задуминдя тэ кэрэл пир Христосостэ, ¹⁰ ваш дова, кели явэла пхэрдэ часо, соб (кай) тэ кхэтаниякирэл саро, со исын пэ болыбэн и пэ пхув, пир Христосостэ, ¹¹ пир екхипэн Лэса и амэ яцям Дэвлэскирэ манушэнца пир Лэскири мысля, кели Ёв выкэдыя амэн и Саво кэрэла саро дро свэто пир Пэскири воля самонэ англывнастыр, ¹² соб (кай) амэ, савэ пэрва дорэсцям (долыям) лачхó ужакирибэн Христосостыр, тэ шарас Дэвлэскири слава; ¹³ дрэ Лэстэ и тумэ адякэ-паць шундлэ чачунó лав, бахталы зан (звесь) пал тумарó зракхибэн, сыр тумэ упатяндынэ дрэ Лэстэ. Тумэндэ исын якхитко (печать), саво сыс Свэнтонэ Духостыр, Савэс тумэ гарá ужакирдэ, ¹⁴ Саво дэла лав сыр сымады (залого) пал амарó англатунó джиибэн и Дэвлэскирэ-манушэнгиро выракхибэн ваш Дэвлэскири слава.

Павліскиро Мангипэн

¹⁵ Палдава и мэ адякэ-паць, кели амэ шундём пал тумарó патяибэн дрэ Исусостэ и пал ласка кэ сарэ свэнта, ¹⁶ ниэкхвар мэ на пириячава тэ парикирав Дэвлэскэ пал тумэндэ, и мэ рипирава тумэн, кели мэ мангавапэ Дэвлэскэ пал тумэндэ, ¹⁷ соб (кай) Дэвлэс амарэ Рэскирэ-Дэвлэскиро, Исусоскиро Христососкиро, слаўтно Дад, тэ дэл тумэнгэ пир Духо (Фано) годы и тэ сыкавэл, соб (кай) тумэ фэдыр тэ уджинэн Лэс, ¹⁸ и соб (кай) Дэвлэс тэ ковлякирэл тумарэ илэ и тэ отчхакирэл тумэнгэ якхэ, соб (кай) тумэ тэ уджинэн дова лачхó ужакирибэн, кэ саво Ёв тумэн кхардя, и саво барвалó исын мэкно миштыпэн пир дыно лав, Лэскирэ славакиро, ваш свэнтонэнгэ, ¹⁹ и саво бимеракиро исын Лэскиро барипэн зоралывнаскиро ваш амэнгэ, саво Ёв дэла сарэ свэнтонэнгэ, савэ патяна дро Лэскирэ-зоралывнаскиро кэрибэн, ²⁰ Саво Ёв сыкады дрэ Христосостэ, кели Ёв отджидякирдя Лэс мулэндэр и чхудя пир чачуны риг Пэстыр дро Болыбнаскиро Раё, ²¹ вучэдыр барэ рандыр, сарэ зорьендыр и кажнонэ зорьятыр дро дава свэто и кажнонэ лавэстыр, со исын на екх дро дава веко, нэ и дро веко, саво ангил явэла; ²² и Дэвлэс чхудя саро тэлэ тэл Исусоскирэ гэрэ, и чхудя Лэскэ зор тэ явэл Шэрэ Хуласа пэ саро, Шэралэса ваш Кхангирі. ²³ Саві исын Лэскирэ маса, Лэскиро пхэрдэпэн, Саво пхэрдякирэла Пэса саро.

Шэрó 2

Мэрибнастыр кэ Джиибэн

¹ И тумэн, савэ сáнас мулэ пал тумарэ налачхэ рэндэ и грэхі, ² дрэ савэ тумэ англэдыр адякэ дживдэ, пир дава свэтоскиро веко, пир кхенингоскиро упхэныбэн, саво сыс хулай дро фано (воздухо), пир духо (фано), саво хулаинэла сарэнца, кон на кандэла Дэвлэс: ³ амэ адякэ-паць сарэ вари-кели и сáмас кадасавэ и дживдыам пир náлачхо лочакиро (плотякиро) тырдыпэн и кэрдям дова, со амэнгэ подпхэнэла náлачхо камибэн и со явэла пэ годы, и амэ сáмас пир бияныпэн сырбы чхавэ, пэ конэстэ пэрэла Дэвлэскири холы, сыр и явир мануша: ⁴ нэ Дэвлэс, Саво исын барвалó тангипнаса, и Саво пир бари Пэскири ласка, савьяса Ёв притырдыя амэн, ⁵ амэн, савэ сыс мулэ пал амарэ налачхэ рэндэ, Ёв отджидякирдя дро екхипэн Христососа, пир бахтыкирибэн, савэса тумэ сан зракхнэ, ⁶ и Ёв отджидякирдя амэн пир амарэ екхипэн Христососа и дыя амэнгэ штэто дро Болыбнаскиро Раё Исусоса Христососа, ⁷ соб (кай) тэ сыкавэл дрэ веки, савэ ангил явэна, най барэдыр барвалыпэн Пэскирэ бахтыкирибнастыр пир тангипэн кэ амэ дрэ Христосостэ Исусостэ. ⁸ Палдава со тумэ сан зракхнэ бахталывнаса пир патяибэн, и дава исын на долэстыр, со тумэ причхувэна зор, дава тумэнгэ исын дыно Дэвлэстыр; ⁹ зракхибэн дэла Дэвлэс на пал рэндэ (дэлы), пал-дова, соб (кай) никон тэ на могоинэл тэ шарэлпэ. ¹⁰ Пал-дова со амэ сам кадасавэ, савэнца Дэвлэс созддыя амэн дро амарэ екхипэн Исусоса Христососа ваш дова, соб (кай) амэ тэ кэрэс лачхэ рэндэ, савэ Дэвлэс гарэдыр выкэдыя ваш амэнгэ. ¹¹ Палдава рипирэн, со тумэ пир бияныпэн сан Наюды, савэн кхардэ наобчхиндлэнца одолэ, савэ исын обчхиндлэ манушытконэ обчхиныбнаса, саво кэрэлапэ вастэнца; ¹² тумэ и сáнас дро дова часо би Христососкиро, тумэ на сáнас кхэтанэ

Израилёскирэ манушэнца, тумэндэ на сыс паш дро Завето, тумэндэ на сыс лачхó ужакирибэн, тумэ сáнас би Дэвлэскиро дро свэто: ¹³ нэ каканá тумэ сан дро екхипэн Христосóса Исусóса, тумэ, савé гарэдыр сáнас дур, ячнэ пашыл, пир Христосóскиро Рат, савó сыс прочхудо пал тумэндэ. ¹⁴ Пал-довá со Ёв исын амарó рамáнё (миро), Савó кэрдя дуендыр екх и роскэдыя вáнта, савí сыс тэрды машкирал амэндэ. ¹⁵ И Ёв Пэскирэ мэрибнаса пэ трушул парудя Законóскирэ упхэныбэнá сыклякирибнаса ваш довá, соб (кай) дуендыр тэ кэрэл дрэ Кокорé Пэстэ екхэ нэвонé манушэс, и далэса тэ янэл манушэнгэ рамáнё (миро), ¹⁶ соб (кай) дуэн (Юдэн и Наюдэн) дро екх масá тэ примиринэл Дэвлэса пир трушул, хасякири кажно вэргима пэ Лэстэ, ¹⁷ и кели Христóсо явдя, Ёв роспхэндя бахталы зан (звесь) пал рамáнё (миро) сарэнгэ тумэнгэ, на дыкхí пэ довá, кон сыс Лэстыр дур ци пашыл, ¹⁸ пал-довá со пир Лэстэ амэ Юды и Наюды сам домэжнэ дро екх Духó (Фáно) кэ Дад. ¹⁹ Палдавá тумэ на сан бутыр чужа, и тумэ на сан манушá, савé на гарá явнэ, нэ тумэ сан пал екх Свэнтонé манушэнца, и тумэ сан екх Дэвлэскири сэм'я(ири), ²⁰ савэн чхудэ пэ Апостолэнгиро и пророкэнгиро сыклякирибэн, и савэндэ Кокорé Исусó Христóсо исын вэнглытко бар ваш давá фундаменто, ²¹ Савó сырбы рикирла сарó кхэр кхэтанэ, барьёла дрэ свэнто кхангири Рáскирэ-Дэвлэскири, ²² дро екхипэн Лэса и тумэ явэна кхэтанэ явирэнца тэ дживэн дро Дэвлэскиро Кхэр пир Свэнто Духó (Фáно).

Шэрó 3

Павлíскири Буты ваш Наюдэнгэ

¹ Ваш давá мэ, Пáвли, сом Исусóскиро Христосóскиро мануш дро штарибэн ваш тумэнгэ, Наюдэнгэ. ² Кóли тумэ шундлэ пал Дэвлэскирэ-бахтякирибнаскири буты, савí сыс дыны мánгэ ваш тумэнгэ, сыр кхэритконé барыдырэскэ, ³ пал-довá со мánгэ отчхакирдяпэ чораханыбэн, пал со мэ англэдыр чхиндём náбут тумэнгэ, ⁴ тэды, кели тумэ явэна тэ гинэн давá, тумэ могоинэнас тэ галён, со мэ джинав Христосóскирэ чораханыбэна, ⁵ савé на сыс англэдыр джиндлэ ни екхэ манушытконэ родóскэ адякэ, сыр ёнэ каканá исын отчхакирдэ Лэскирэ Свэнтонé Апостолэнгэ и пророкэнгэ пир Свэнто Духó (Фáно), ⁶ соб (кай) и Наюдэнгэ тэ явэн кхэтанэ Юдэнца дро Дэвлэскиро бахтякирибэн и, соб (кай) ёнэ тэ ячэн пашэнца екхэ масэндыр, адякэ-паць и дыно лав отлыджалапэ лэнгэ, савó сыс дыно дро Исусóстэ Христосóстэ пир бахталы зан. ⁷ И мэ яцём дынари (служытелё) ваш дая бахталы зан пир Дэвлэскиро бахтякирибэн, савó сыс дыно мánгэ Лэскирэ зорьяса. ⁸ Мánгэ, кон исын най тыкнэдыр сарэ дэвлытконэндыр, сыс дыно давá бахтякирибэн тэ роспхэнав Наюдэнгэ пал Христосóскиро барвалыпэн, савó ниекхвар на хасёла. ⁹ И тэ роспхэнав сарэнгэ, пал давá чорахано кэрибэн, савó сыс чхакирдо векэндыр дрэ Дэвлэстэ, Савó сарó кэрдя пир Исусóстэ Христосóстэ. ¹⁰ Соб (кай) каканá тэ явэл джиндлы пир Кхангири барыдырэнгэ и хулангэ дро Болыбнаскиро Раё бари Дэвлэскири годы, ¹¹ адякэ, сыр Дэвэл задуминдя англэдыр свэтоскирэ созддыбнастыр, савó Ёв создыя дрэ Исусóстэ Христосóстэ, амарé Растэ-Дэвлэстэ, ¹² дро екхипэн Савэса амэндэ исын муршыпэн и надёя тэ явас пашылэдыр кэ Дэвэл пир патяибэн дрэ Лэстэ. ¹³ Палдавá мэ мангáва тумэн, тэ на пэрэн илэса пал мирé пхарипэна пал тумэндэ, савé исын ваш тумари слáва.

Христосóскири Лáска

¹⁴ Ваш давá мэ и сом тэрдó пэ чангá ангíл амарé Рáскирэ-Дэвлэскирэ, Исусóскирэ Христосóскирэ Дадэстэ, ¹⁵ Савэстыр кажно рóдо дро Болыбнаскиро Раё и пэ пхув дорэсэла пэскиро лав, ¹⁶ мэк тэ дэл Дэвэл тумэнгэ пир Лэскирэ-славакиро барвалыпэн, тэ ячэн зоралэдыр Лэскирэ Духóскирэ зорьяса дрэ андратунэ манушэстэ, ¹⁷ соб (кай) тэ дживэл Христóсо пир патяибэн дрэ тумарé илэ, и соб (кай) тумэ тэ явэн зоралэ дрэ патыв екх кэ екх, ¹⁸ и соб (кай) тумэ могоиндлэ тэ уджинэн сарэ свэнтонэнца, со дасаво исын буглыпэн и длэнгипэн, и хорипэн, и вучипэн, ¹⁹ и тэ галён, со исын барэдыр сарэстыр пэ свэто

Христососкири ласка ваш дова, соб (кай) Дэвэл тэ явэл сарэ пэскирэ пхэрдьпнаса дро тумаро джибэн. ²⁰ Нэ Одолэскэ, Конэскири зор исын дрэ амэндэ, и сави могоинэла тэ кэрэл бутэдыр долэстыр, пал со амэ мангаса, ци амэ думинаса, ²¹ тэ явэл Лэскэ слава дрэ Кхангири и дрэ Исусостэ Христосостэ сарэ родэнгэ дрэ сарэ веки. Аминь.

Шэро 4

Кхэтаныпэн пир Масá машкир Патяибнаскирэндэ

¹ Мэ, саво сом пхандло мануш пал Растэ – Дэвлэстэ, мангава тумэн тэ дживэн чачунэ (мольнонэ) джибнаса, савэса Дэвэл кхардя тумэн, ² тэ явэн тумэ штыл (тиха) и кандыпнытка и ковлэ-илытка, тэ отлыджанпэ екх кэ екх длугонэ вырикирибнаса и патыва́са, ³ тэ причхувэн зор тэ зракхэн екхипэн, саво Ду́хо (Фа́но) дэла пир рама́нэ (миро), со кхэтаниякирэла тумэн. ⁴ Исын екх маса́ и екх Ду́хо (Фа́но), сыр исын и екх наде́я, кэ сави Дэвэл кхардя тумэн; ⁵ исын екх Рай Дэвэл, екх патяибэн, екх болдыипэн. ⁶ Исын екх Дэвэл и Дад сарэнгэ, Саво исын вучэдыр сарэндыр и пир сарэндэ и дрэ амэндэ сарэндэ. ⁷ Сарэнгэ амэнгэ сыс дыно́ бахтиякирибэн ада́кицы, ци бут Христосо́ Кокоро́ выкэды́я тэ дэл кажно́эскэ амэндыр, ⁸ палдава́ Свэ́нто Чхиныбэн ракирэла: “Ёв газды́япэ пэ вучыпэн, отмэ́кця́ пленонэн и ды́я бахтиякирибэн манушэ́нгэ”, ⁹ нэ дова́, со Ёв “газды́япэ”, нау́што значы́нэла на дова́, со Ёв англэды́р гия́ тэлэ́ дрэ люноскирэ (адоскирэ)-пхувья́кирэ паша́. ¹⁰ Палдава́ Ёв, Саво́ гия́ тэлэ́, исын Одова́-Паць, Кон и газды́япэ вучэды́р сарэ́ Болыбна́скирэ Раё́стыр, соб (кай) тэ пхэрдья́кирэ́л саро́; ¹¹ и Ёв чхудя́ вари-конэ́с Апостолэ́нца, вари-конэ́с пророкэ́нца, вари-конэ́с тэ роспхэ́нэн манушэ́нгэ бахталы́ зан, вари-конэ́с Дэвлы́тконэ́-манушэ́нгирэ́ раххи́бнарьэ́нца и вари-конэ́с сы́клякирибна́скирэ́нца, ¹² соб (кай) тэ фэды́рья́кирэ́н Дэвлы́тконэ́ манушэ́н тэ роспхэ́нэн Дэвлэ́скиро лав тэ зора́ля́кирэ́н Кханги́ри, Сави́ исын Христосо́скирэ-духо́скирэ маса́; ¹³ пака амэ сарэ́ ява́са дро екхипэ́н кэ екх патяибэ́н и амэ уджи́наса Дэвлэ́скирэ Чхавэ́с, и амэ яча́са барэ́ (стала) му́рша и доджаса́ кэ най́ сталэды́р (сама́ стала) Христосо́скирэ ба́рша́; ¹⁴ ваш дова́, соб (кай) амэ тэ на явас бу́тыр сыр бия́торэ́ (тыкно́рэ), савэ́ кунинэ́напэ и могои́нэна тэ зма́рэ́нпэ чачу́нэ дроме́стыр манушы́тконэ́ мэ́ндри́пнаса и хо́хаибна́са; ¹⁵ а соб (кай) амэнгэ́ тэ рики́рас ча́чипэ́н дрэ па́ты́в екх кэ екх, пир саро́ тэ барьё́вас тэ зджа́с (тэ подджа́с) пэ Христосо́стэ, Саво́ исын Хула́й пэ саро́: ¹⁶ Лэ́стыр сарэ́ Духо́скирэ маса́ (Кханги́ри) исын спхандлэ́ и кхэ́таня́кирдэ́ машки́р пэ́стэ джидэ́ спханды́пнаса и пир дова́, со сарэ́ паша́ подри́кирэ́на екх екхэ́с и ка́жно па́ш кэ́рэ́ла пэ́скири бу́ты, и сарэ́ маса́ барьё́на и я́чэ́напэ зора́лэды́р пир па́ты́в кэ яви́р мануша́.

Нэво́ Джи́ибэ́н дрэ́ Христосо́стэ

¹⁷ Палдава́ мэ раки́рава, и манга́ва анги́л Растэ – Дэвлэ́стэ, соб (кай) бу́тыр тумэ́ тэ на кэ́рэ́н, сыр кэ́рэ́на на́цыи пир пэ́скири кро́тко го́ды, ¹⁸ лэ́нгири го́ды калы́я, ё́нэ ха́сякирдэ́ Дэвлэ́скиро джи́ибэ́н пир пэ́скиро била́джаипэ́н и хо́лына́киро ило́, ¹⁹ лэ́нгири го́ды кашта́лыя, ё́нэ лы́нэ тэ залэ́нпэ на́шукаро́нэ рэ́ндэ́нца а́дякэ, со кэ́рэ́на ка́жно ма́гири́пэ́н бокхалы́пнаса. ²⁰ Нэ тумэ́ на а́дякэ вы́сыкы́нэ Христосос́тыр, ²¹ а тумэ́ шу́ндлэ́ пал Лэ́стэ и гинэ́ пал Лэ́стэ, пал-дова́ со ча́чипэ́н исын дрэ́ Исусо́стэ Христосо́стэ. ²² Мэ́кэ́н пэ́скиро пхура́но́ джи́ибэ́н и на поддэ́нпэ́ грэхо́скэ, кэ саво́ злы́джала́ грэхы́тко ты́рды́пэ́н; ²³ нэ лэ́н тэ думи́нэ́н нэво́нэ́-манушэ́скирэ-го́ды́са дро Ду́хо (Фа́но); ²⁴ и пи́рипарудэ́н дрэ́ нэво́нэ́ манушэ́стэ, савэ́с Дэвэл́ созды́я пир Пэ́скиро дро патяибэ́н и свэ́нто ча́чипэ́н. ²⁵ Палдава́ мэ́кэ́н хо́хаибэ́н, ка́жно тумэ́нды́р тэ раки́рэ́л ча́чипэ́н пэ́скирэ па́шатунэ́скэ, пал-дова́ со амэ́ сам екхэ́ масэ́нгирэ́ паша́ екх екхэ́скэ. ²⁶ Ко́ли тумэ́ хо́лясо́на, на кэ́рэ́н грэхо́: на явэ́н хо́лына́кирэ́ саро́ ды́вэс, ²⁷ и на дэ́н штэ́то ба́нгэ́скэ дро тумаро́ джи́ибэ́н. ²⁸ Кон чо́рдя, мэ́к бу́тыр тэ на чо́рэ́л, нэ мэ́к фэ́ды́р тэ кэ́рэ́л бу́ты, кэ́ри пэ́скирэ ва́стэ́нца ла́чхипэ́н, соб (кай) тэ явэ́л со́стыр тэ дэл одо́лэ́ манушэ́нгэ, савэ́ исын чо́рорэ́. ²⁹ На раки́рэ́н нисавэ́ кирнэ́ лава́, а екх ла́чхэ́ лава́, ваш подри́кирибэ́н дро патяибэ́н, соб (кай) да́ва́ тэ я́нэл бахтия́кирибэ́н

одо́лэнгэ, кон шунэла. ³⁰ И на кэрэн фуипэн Дэвлэскирэ Свэнтонэ Духоскэ, Саво чхудя чэргэнорй пэ тумэндэ дро выкиныбнаскиро дывэс. ³¹ Мэк кажно киркипэн, холы, чингáрд, и гóдла и налачхэ лавá тэ отджан тумэндýр кхэтанэ сарэ тумарэ фуипнаса. ³² Явэн лачхэ екх кэ екх, тангипнýtка (жалосна), примангэн екх екхэскэ, сыр и Дэвэл пир Христосóстэ примангдя тумэнгэ.

Шэрó 5

Дживэн дро Дуд

¹ И палдава́ причхувэн зор тэ кэрэн, сыр Дэвэл кэрэла, сыр чхавэ, савэ исын Лэскэ древа́н дрóга, ² дживэн дрэ патыв кэ явйр манушá, сыр и Христóсо сыкадя́ патыв амэнгэ и отды́я Пэс пал амэндэ, сыр гудлó кхандыпэн и свэ́нто дыибэн, саво исын лачхó Дэвлэскэ. ³ Нэ биладжаипэн, ци явйр вари-саво магирипэн, ци бокхалыпэн, мэк кадалэскэ тэ на явэл штэ́то машки́р тумэндэ, сыр исын машки́р свэнтонэндэ; ⁴ и адя́кэ-паць бэды́тка лавá и чхучо́ ракирибэн и дылынó сабэн на джáла ваш тумэнгэ, фэды́р отдэн пэскиро часо тэ парикирэн Дэвлэскэ. ⁵ Джинэн дова́, со ни екх биладжаипна́ри, ци магирдо́, ци бокхалó кэ явйр фуй рэнды (дэлы), саво исын сы́рбы идолóскиро дына́ри (слуга), лэстэ на явэла паш дро Христосóскиро Дэвлэскиро кралипэн. ⁶ Мэк никон тэ на хохавэл тумэн чхучэ́ (пустонэ) лавэнца, пал дава́ явэла Дэвлэскири холы́ пэ чхавэндэ, савэ на кандэ́на. ⁷ На явэн кхэтанэ адасавэ́ манушэнца;

Псирэн дро Дуд

⁸ Вари-кэли тумэ са́нас дро калыпэн (тёмныма), а какана́ тумэ сан дуд дрэ Растэ-Дэвлэстэ: дживэн сыр дудэскирэ (свэ́тоскирэ) чхавэ, ⁹ пал-дова́ со Духоскиро барьякирдó (плóдо) исын дро кажно лачхипэн, чачипэн и патяибэн, ¹⁰ уджинэн, со трэй Дэвлэскэ; ¹¹ соб (кай) тэ на явэл тумэндэ нисó кхэтанэ дрэ чхучэ́ калэ́ (тёмна) рэнды, нэ фэды́р сыкавэн банг, ¹² пал-дова́ со, со адасавэ́ манушá кэрэна чораханэс, ладжаво-исын тэ ракирас. ¹³ Нэ сарó дава́ явэла дыцьло ангй́л дуд (свэ́то), пал-дова́ со дуд сыкавэ́ла сарó, со исын дыцьло. ¹⁴ Палдава́ исын пхэндлó: “Уштý, кон исын сутó, и отджидёв, и явэла тэ свэнцынэл тýкэ Христóсо.” ¹⁵ И палдава́ ра́кхэн лачхэс, дживэн на сыр бигодякирэ, нэ сыр годьварэ́ манушá. ¹⁶ Ра́кхэн часо (цы́ро), пал-дава́ со далэ́ дывэса́ исын хоханэ́. ¹⁷ И на явэн дылынэ́, а фэды́р причхувэн зор тэ галён, со Дэвэл ужакирэ́ла амэндýр. ¹⁸ И на пьен кэ матыбэн мол, савья́тыр джáла на́лачхо джи́ибэн, нэ фэды́р пхэрдякирэн пэс Духоса́, ¹⁹ сы́клякирэн екх екхэс псалмэнца, бахталэ́ лавэнца и Дэвлы́тконэ́ гиленца, бага́н и славинэн Рас-Дэвлэс сарэ́ илэстыр, ²⁰ усады́ (сак) парикирэн пал сарó Дэвлэскэ и Дадэ́скэ, ваш амарэ́ Ра́скирэ-Дэвлэскирэ, Исусóскиро Христосóскиро лав, ²¹ кандэн екх екхэс пир дар ангй́л Дэвлэстэ.

Ромня́ и Рома́

²² Джувлялэ, кандэн пэскирэн ромэн сыр Рас-Дэвлэс, ²³ пал-дова́ со ром исын хула́й ромня́кэ, сыр и Христóсо исын Кханги́рьякиро хула́й. Ёв исын Зракхи́бнари ваш Кханги́ри пир маса́ дро дýхо (фа́но). ²⁴ Нэ, сыр Кханги́ри кандэ́ла Христосóс, адя́кэ-паць и ромненгэ трэй тэ кандэн дро сарó пэскирэ ромэн. ²⁵ Мурша́лэ, сыкавэн патыв пэскирэ ромнэнгэ адя́кэ, сыр Христóсо сыкадя́ патыв Кханги́рьякэ и отды́я Пэс пэ мэрибэн пал ла́тэ, ²⁶ соб (кай) тэ кэрэл Кханги́ри свэ́нтонаса, тэ выжу́жакирэл ла панэ́са и Дэвлэскирэ лавэ́са, ²⁷ соб (кай) Лэскэ тэ чхувэл ангй́л Пэ́стэ Кханги́ри дро славно́ го́жыма, дрэ сави́ нанэ ни саво́ макхипэн, ни сави́ дош, а соб (кай) ёй тэ явэл свэ́нто и бидошэнгири. ²⁸ Адя́кэ-паць и рома́ исын бангэ́ тэ сыкавэн патыв пэскирэн ромнэнгэ сыр пэскирэ масэнгэ: конэ́скэ исын дрóго пэскири ромны́, ко́долэ́ манушэ́скэ исын дрóго ко́корó ёв. ²⁹ Пал-дова́ со ние́кхэскэ ние́кхвар на сыс джунга́ло (бры́тко) ваш пэскири лоч (плоть), нэ ёв чаравэ́ла и татькирэ́ла лэс сыр и Христóсо

Кхангири: ³⁰ пал-дова со амэ сам паша Лэскирэ масэндыр; амэ сам Лэскирэ лочатыр и Лэскирэ кокалэндыр. ³¹ “Палдава мэкэла мануш пэскирэ дадэс и да, и явэла тэ дживэл пэскирэ ромняса, и ёнэ дуй явэна сырбы екх лоч.” ³² Кадава гарадо чачипэн Свэнтонэ Чхиныбнастыр исын баро; мэ ракирава, со дава адякэ-паць отлыджалапэ кэ Христосо, сыр и кэ Кхангири. ³³ Нэ и адякэ-паць мэк кажно амэндыр тэ сыкавэл патыв пэскирэ ромнякэ, сыр кокоро пэскэ; и мэк джувлы тэ дарэл пэскирэ ромэстыр.

Шэрó 6

Чхавэ и Пхурыдыра

¹ Чхаворалэ, кандэн пэскирэн дадэн, савэ исын Растыр-Дэвлэстыр, пал-дова со дро дава исын чачипэн. ² “Кутякир (дэ патыв) пэскирэс дадэс и да”, дава исын англатунó запхэныбэн дынэ лавэса, ³ соб (кай) ту явэс бахталó и тэ дживэс гарá пэ пхув. ⁴ И тумэ, дада, на хан пэскирэ чхаворэн, нэ барьякирэн лэн пир Раскирэ-Дэвлэскиро сыклякирибэн и приракхибэн.

Писхарья и Хулай

⁵ Писхарьялэ(рабы), кандэн пэскирэ хулан пэ пхув пир лоч, кутякирибнаса (вагаса) и дараса сарэ тумарэ илэстыр, сыр Христосóс; ⁶ на кэрэн дава ваш сыкаибэн, ваш манушэнгиро шарибэн, нэ сыр Христосóскирэ писхарья, савэ сарэ пэскирэ илэстыр кэрэна пир Дэвлэскири воля, ⁷ дынаринэн илэса сарэ илэстыр, сыр Раскэ-Дэвлэскэ, а на, сыр манушэнгэ; ⁸ джинэн тумэ, со кажно мануш, коли саво кэрэла лачхипэн, то ёв дава-паць и дорэсэла палэ Растыр-Дэвлэстыр, мэк ёв тэ явэл писхари ци вольно. ⁹ И тумэ, хулайлэ, адякэ-паць отлыджанпэ шукар кэ пэскирэ писхарья и на страхакирэн лэн, джинэн, со дро Болыбнаскиро Раё исын Хулай ваш лэнгэ и ваш тумэнгэ и Ёв кутякирэла шэрá (равнэс) сарэ манушэн. ¹⁰ И дро кóнцо (дро ягóро) мирэ пшáла, мэ камам тэ пхэна́в тумэнгэ, явэн зоралэдыр дро екхипэн Раса-Дэвлэса и Лэскирэ барэ зорьятыр. ¹¹ Урьен пэ пэстэ сарэ Дэвлэскирэ марды́тко, соб (кай) тумэ мого́ндлэ тэ тэрдён проти налачхэскирэ фрэнта рэндорэ (делыцы): ¹² пал-дова со амэ сам на проти манушэндэ, а проти барыдырэндэ и свэто́скирэ тхагарьэндэ (князьэндэ), савэ хулаинэна пэ дава ця́мло (тёмно) свэто́, проти бэнгланэ д́ухи, савэ исын дро Болыбнаскиро свэто́. ¹³ Палдава урьен сарэ Дэвлэскирэ марды́тка, соб (кай), кэли явэла на́лачхо дывэс, тумэ мого́ндлэ тэ тэрдён проти, и саро́ тэ пиризорьякирэн и тэ вырикирэн. ¹⁴ И палдава́ тэрдён сарэ зорьятыр, подпхандэнпэ сими́рыса чачипнастыр и опхандэн пэс патяибна́са сыр са́струнэ шчы́тоса, ¹⁵ и урьен пэскирэ гэ́ра, соб (кай) тэ явэн скэ́дынэ тэ джа́н и тэ роспхэ́нэн бахталы́ зан пал рама́нэ (миро): ¹⁶ Нэ фэды́р сарэ́стыр, лэн пэ́са шчы́то патяибна́стыр, савэ́са тумэ мого́нэна тэ мурдякирэн сарэ́ налачхэскирэ хачкирдэ ма́рибны́тка бустя́ (стрэ́лы). ¹⁷ И лэн адякэ-паць зракхибнаскиро шлемо, и Духоскири курта́ла, со исын Дэвлэскиро лав, ¹⁸ и дро кажно часо мангэ́нпэ дро Д́ухо (Фа́но) кажно́ патерь́яса (мо́литваса), адякэ-паць саро́ часо мангэ́нпэ Дэвлэ́скэ пал сарэ́ дэ́влытконэ́нэ; ¹⁹ адякэ-паць мангэ́нпэ Дэвлэ́скэ и пал ма́ндэ, соб (кай) ма́нгэ тэ явэн дынэ́ лава́, савэ́ трэ́й тэ ракира́в му́ршканэ́с гарадо́ чачипэн пал бахталы́ зан, ²⁰ ваш дава́ мэ и сом бичхадо́ дрэ са́стыра́, соб (кай) мэ тэ ракира́в му́ршканэ́с, сыр и трэ́й ма́нгэ тэ ракира́в. ²¹ Нэ соб (кай) и тумэ адякэ-паць тэ джи́нэн пал дава́, со отлыджалапэ кэ мэ и пал мирэ́ рэ́нды, дова́ роспхэ́нэла тумэ́нгэ пал саро́ Тихико́, амаро́ дро́го пшал и чачуно́ Раскирэ-Дэвлэ́скиро дына́ри; ²² савэ́с мэ и бичхаде́м кэ тумэ́ ваш дова́-паць, соб (кай) тумэ́ тэ уджинэн пал амэ́ндэ, и, соб (кай) ёв тэ подрикирэ́л тумарэ́ илэ. ²³ Мэк тэ явэл рама́нэ (миро) пшалэ́нгэ и патыв кэ яви́р мануша́ патяибна́са Дэвлэ́стыр Даде́стыр и Ра́стыр-Дэвлэ́стыр, Исусо́стыр Христосо́стыр. ²⁴ Мэк тэ явэл бахталы́пэн сарэ́нгэ, кон сарэ́ илэ́стыр рикирэ́ла сыр Дро́гима амарэ́ Рас-Дэвлэ́с, Исусо́с Христосо́с дро пэскиро ило́. Ами́нь.

Павліскиро Лыл Филипийцэнгэ

Шэрó 1

¹ Павлістыр и Химастыр (Тимафеестыр), Исусóскирэ Христосóскирэ писхарьендыр, кэ сарé свéнта манушá дрé Филипы, кон патяла дрé Исусóстэ Христосóстэ сарé епископэнца (кхангирьякирэ барыдырэнца) и диаконэнца; ² мэк тэ явэл бахталыпэн и раманё (миро) тумэнгэ амарé Дэвлэстыр Дадэстыр и Рáстыр-Дэвлэстыр, Исусóстыр Христосостыр.

Павліскиро Мангипэн (Пáтери) пал Патяибнаскирэндэ

³ Мэ парикирава мирé Дэвлэскэ, кéли кажно мóло рипирава пал тумэндэ, ⁴ сарó часо дро миро мангипэн Дэвлэскэ, барé радымáса мэ мангавапэ Дэвлэскэ пал тумэндэ, ⁵ пал-довá со тумэ роспхэнэнас бахталы зан (звесь) пэrvонé дывэсэстыр и адякэ-паць кэ ададывэсатуно дывэс, ⁶ мэ патява зоралэс дро довá, со Дэвэл, Кон лыя тэ кэрэл дрé тумэндэ давá лачхó рэндо, явэла тэ кэрэл кэ/жыко довá Дывэс, кéли нэвэстыр явэла Исусó Христóсо: ⁷ чачэс, давá трэй мánгэ тэ мыслинав пал сарэндэ тумэндэ, пал-довá со тумэ сан дро миро илó и каканá дро штарибэн (бэшыбэн), адякэ-паць, кéли мэ затэрдёвава пал сарэндэ тумэндэ и допхэнава патяибэн пал бахталы зан (звесь), сарэн тумэндэ, савé сан кхэтанé мánца дро Дэвлэскиро бахталыпэн. ⁸ Дэвэл исын яххитко мánгэ, со тумэ сан дрéвán дрóга мánгэ сарé тумэ, Исусóскирэ Христосóскирэ ласкаса. ⁹ И мэ мангавапэ Дэвлэскэ пал довá, соб (кай) тумарí патыв кэ явír манушá усá бутыр и бутыр тэ барьёл пир джиныбэн и кажно хор галыибэн, ¹⁰ соб (кай) тумэ могоинэнас тэ розлэн (тэ розгалён), со исын фэдýр ваш тумэнгэ, соб (кай) тумэ тэ явэн жужé и бибангипнаскирэ дро Дывэс, кéли Христóсо явэла, ¹¹ соб (кай) тумарó джиибэн тэ явэл пхэрдó чачипнаса, савó исын пир Исусóстэ Христосóстэ, ваш Дэвлэскири слáва и шарибэн.

Тэ Дживэл ваш Павліскэ Значынэла тэ Явэл Сыр Христóсо

¹² Пшалалэ, мэ камáм, соб (кай) тумэ тэ джинэн, со сарó, со кэрдяпэ мánца, и со помогиндя мánгэ миштó тэ роспхэнав бахталы зан, ¹³ адякэ, со яця джиндлó халадэнгэ дрé претория и явирэнгэ, со мэ сом бэштó дро штарибэн пал патяибэн дро Исусóстэ Христосóстэ, ¹⁴ со барэдýр паш пшалэндýр пир Растэ-Дэвлэстэ, пир давá, со мэ сом бэштó дро штарибэн пал патяибэн, ячнэ зоралэдýр дро патяибэн дрé амарé Растэ-Дэвлэстэ и тэ ракирэн Дэвлэскиро лав би дарáкиро. ¹⁵ Чачó, со вари-савé лэндýр роспхэнэна Христосóскиро лав пир зэвлыныпэн и пир довá, со выпробинэна екх екхэс, нэ явír роспхэнэна лав пал Христосóстэ патывáса. ¹⁶ Екх манушá роспхэнэна Христосóскиро лав далэстыр, со ёнэ спробинэна зорья дро лав екх екхэса, а на илэстыр, ёнэ камóна тэ кэрэн, соб (кай) тэ явэл мánгэ пхарэдýр дро штарибэн. ¹⁷ Нэ явír манушá роспхэнэна лав пир лáска; ёнэ джинэна, со мэ сом чхудо тэ затэрдёвав пал бахталы зан. ¹⁸ Нэ со исын далэстыр? Сырбы тэ на роспхэнэн Христосóскиро лав дуемуиткэс (притворнэс) ци сарé илэстыр, мэ и далэскэ сом радо и мэ адякэ-паць явáва тэ радынавпэ; ¹⁹ пал-довá со мэ джинóm, со давá явэла мánгэ дынó ваш зракхибэн пир тумарó мангипэн и подрикирибэн Исусóскирэ-Христосóскирэ Духóстыр. ²⁰ Мэ джинóm зоралэс и мэ патява, со мánгэ ни дро со на явэла ладжаво, а мэ, сыр гарэдýр, адякэ-паць и каканá би дарáкиро, явáва тэ барьякирав патыв Христосóскэ мирé джиибнаса, ци явáва мэ джидó, ци мулó. ²¹ Палдавá со джиибэн ваш мánгэ исын Христóсо, и мэрибэн давá исын бутыр джиибэн Христосóсо; ²² нэ коли мánгэ тэ дживáв дрé лоч (плоть), довá дéла рáдыма пал мирí буты, тэды мэ на джинóm, со фэдýр мánгэ тэ выкэдав. ²³ Ман тырдэла и екх и явír: мánдэ исын выкэдыибэн тэ розячавпэ джиибнаса и тэ явав кхэтанé Христосóсо, пал-довá со давá исын фэдýр сарэстыр, ²⁴ нэ тэ ячавпэ джидó, давá исын бутыр трэй ваш тумэнгэ; ²⁵ и мэ чачэс, джинóm давá, со мэ ячавапэ и мэ явáва сарэнца тумэнца кхэтанé ваш тумарí бахт и

радыма дро патяибэн; ²⁶ соб (кай) тумарó шарибэн дро екхипэн Христосóса тэ барьёл пир мандэ, кели мэ ява́ва явир мо́ло кэ тумэ. ²⁷ Дживэн гожэс адя́кэ, соб (кай) тэ явэн лачхэ Христосóскирэ – бахталэ занякэ (звеськэ), соб (кай) мэ, кели ява́ва и дыкха́ва тумэн, ци на ява́ва, нэ соб (кай) тэ шунав тумэндэ, со тумэ сан тэрдэ зоралэс дро екх дýхо (фа́но), со тумэ марэнапэ кхэтанэ пал патяибэн дрэ бахталы зан (звесь), ²⁸ и соб (кай) тумэ тэ на дарэн ни дро со манушэндýр, савэ исын сцял (проти) тумэндэ, дава́ ваш лэ́нгэ исын дыно́ сыкаибэн кэ хасибэн, а ваш тумэнгэ кэ зракхибэн, и дава́ саро́ исын Дэвлэстыр; ²⁹ пал-дова́ со тумэнгэ сыс дыно́ ваш Христосóскэ на со тэ патя́н дрэ Лэ́стэ, нэ и тэ пиридживэн мэньки пал Лэ́стэ, ³⁰ дасавэ-паць пхарипна́са, саво́ тумэ вари-ке́ли дыкхнэ́ дрэ мандэ, и какана́ тумэ шунэна пал мандэ.

Шэро́ 2

Христосóскиро Кандыпэн и Барипэн

¹ И ко́ли ваш тумэнгэ исын вари-саво́ подрикирибэн дрэ Исусо́стэ, ко́ли исын вари-сави́ бахт тумарэ́ патыватыр кэ явир мануша́, ко́ли исын вари-саво́ илэскиро кхэтаныпэн пир Дýхо, ко́ли исын вари-саво́ тангипэн и жалима, ² тэды пхэрдякирэн мирй́ радыма, соб (кай) тумэ тэ явэн кхэтанэ́, тэ явэн тумэндэ́ екх дова́-паць выкэдыибэн, и дживэн екх екхэ́са дро ладо, и тэ кэрэн рэнды (дэ́лы) пир екх рэс (цэ́лэ); ³ и тэ на кэрэн ничи́ пир холы́, ци пир пэскиро шарибэн, а тэ кандэн екх екхэ́с, тэ гинэн явирэ манушэн фэды́р пэстыр; ⁴ на екх пал пэ́стэ кажно ману́ш исын банго́ тэ дыкхэл, нэ и пал явирэндэ́. ⁵ Палдава́ трэй, соб (кай) тэ явэл тумэндэ́ доя́-паць годы́, сави́ исын дрэ Исусо́стэ Христосо́стэ; ⁶ Савэ́стэ сыс андратуно кхэтаныпэн Дэвлэ́са, нэ Ёв на гиндя́ Пэс тэ сыкавэл адасавэ́са-паць, сыр Дэвэл, ⁷ а Ёв чхудя́ дрэ риг Пэ́скири Дэвлы́ткима, Ёв яця́ сыр писха́ри, саво́ зджа́ла пэ манушэндэ́, и пир дыкхибэн – Ёв яця́ сыр ману́ш; ⁸ Ёв чхудя́ Пэс тэлэды́р, кандыя́ кэ мэрибэн, и мэрибэн пэ трушу́л. ⁹ Палдава́ адя́кэ-паць и Дэвэл газды́я Лэс и дыя́ Лэ́скэ лав вучэды́р сарэ́ лавэндýр, ¹⁰ соб (кай) ваш Исусо́скиро лав, саро́, со исын пэ болыбэн, пэ пхув, и тэл пхув, тэ бандэл пэ чанга́, ¹¹ и, соб (кай) кажно чиб тэ ракирэ́л, со Рай Дэвэл, Исýсо Христóсо, исын Рай Дэвэл ваш Дэвлэ́скирэ-Дадэ́скири сла́ва.

Зяинэн Сыр Дуд дро Свэто́

¹² И палдава́, мирэ́ дро́га, сыр тумэ саро́ часо, кели мэ сом тумэнца, нэ буты́р сарэ́стыр какана́ дро дава́ часо, кели ман нанэ тумэнца, причхувэн зор дараса́ и издраныпна́са тэ кэрэн буты́ ваш пэскиро зракхибэн, ¹³ пал-дова́ со адава́ исын Дэвэл, Саво́ выкхарэ́ла дрэ тумэндэ́ во́ля и рэнды пир Пэ́скиро выкэдыибэн. ¹⁴ Саро́ кэрэн би холя́мэ ракирибна́скиро и би кунипна́скиро, ¹⁵ соб (кай) тумэнгэ́ ни дро со тэ на явэл банг и, соб (кай) тумэ тэ явэн жужэ́ (чы́ста) Дэвлэ́скирэ чхавэ́ и бидошакирэ машки́р манушэндэ́, савэ́ исын биладжаипны́тка и розмэ́кнэ, кай тумэ зяинэ́на сыр чэргэ́ня дро свэто́, ¹⁶ кели ра́кхэна джи́ибна́скиро лав ваш миро шарибэн дро Христосóскиро дывэ́с, со мэ на ивя́я (на на́праснэс) псирдём и кэрдём буты́. ¹⁷ Нэ ко́ли ма́нгэ приявэ́лапэ́ тэ отдав пэ́скиро джи́ибэн сыр свэ́нто дыибэн пал тумаро́ патяибэн, то мэ сом радо, и мэ ява́ва тэ радына́впэ кхэтанэ́ сарэ́нца тумэнца. ¹⁸ И адя́кэ-паць тумэ радынэ́нпэ, и радынэ́нпэ ма́нца. ¹⁹ Нэ мэ радына́ва пэс дрэ Растэ́ – Дэвлэ́стэ Исусо́стэ тэ бичхавав сыг кэ тумэ Химас, соб (кай) и мэ, сыр мэ уджина́ва нэ́випэн пал тумэндэ́, тэ явав адя́кэ-паць подрики́рдо дро дýхо (фа́но). ²⁰ Пал-дова́ со ма́ндэ нанэ никонэ́с адасавэ́с (никон а́дасаво́), сыр ёв исын, кон сарэ́ илэ́стыр пэ́кэлапэ́ (дэ́ла туги) пал тумарэ́ рэнды (дэ́лы). ²¹ Сарэ́ пэ́кэнапэ́ (заботисона) пал пэ́стэ, а на пал дова́, со трэй Исусо́скэ Христосóскэ. ²² Нэ сыр ёв (Хима) пэс сыка́дя, тумэ ко́корэ́ джинэ́на, пал-дова́ со ёв сыс кхэтанэ́ ма́нца, сыр чхаво́ даде́са, дына́риндя́ ваш бахталы́ зан (звесь). ²³ Палдава́ мэ кама́м тэ бичхавав лэс кэ тумэ, сыр мэ ява́ва тэ джи́на́в, со явэ́ла дурэ́ды́р ма́нца: ²⁴ нэ мэ древа́н патя́ва дрэ Растэ́-Дэвлэ́стэ, со мэ и ко́коро́ ява́ва кэ тумэ; ²⁵ нэ мэ выкэ́дыём, со трэй тэ

бичхавав кэ тумэ Епафродитос, пшалэс и мирэ малэс (другос) пир буты, савэс тумэ бичхадэ тэ пэкэлпэ пал мандэ; ²⁶ пал-дова со ёв древан мангдя тэ дыкхэл сарэн тумэн и пхарэс пиридживэлэс пал дова, со тумэ шундлэ пал лэскиро насвалыпэн; ²⁷ а ёв древан сыс насвалó, гин кэ мэрибэн, нэ Дэвэл потангиндя лэс, и на екхэ лэс, нэ адякэ-паць и ман, соб (кай) тэ на явэл мандэ туга пэ туга. ²⁸ И палдава мэ сыгэдёр бичхадём лэс кэ тумэ, соб (кай), кэли тумэ лэс нэвэстыр дыкхэна, тэ обрадынэнпэ, и мэ явава нэбут тэ тугинав. ²⁹ Прилэн лэс палдава радымаса дро екхипэн Раса-Дэвлэса и кэрэн патыв адасавэ манушэнгэ, сыр ёв исын; ³⁰ пал-дова со ёв на тангиндя пэскиро джибэн кэ мэрибэн и кэрдя буты би даракиро ваш Христосокэ, соб (кай) тэ дэл васт мангэ, сыр тумэ на могоиндлэ дава тэ кэрэн.

Шэро 3

Чачунó Патяибэн

¹ Каканá, пшалалэ мирэ, радынэнпэ дро екхипэн Раса-Дэвлэса: мангэ нанэ пхарó тэ чхинав тумэнгэ пал дава-паць, нэ ваш тумэнгэ дава исын сыкляибэн. ² Ракхэнпэ манушэндир, савэ кэрэна бибáхт, сыр джукэла, раххэнпэ холямэ манушэндир, раххэнпэ хоханэ обчихиныбнастыр. ³ Пал-дова со обчихиныбэн дава исын амэ тумэнца, савэ мангэнапэ Дэвлэскэ Лэскирэ Духóса, и шарасапэ дро екхипэн Исусóса Христосóса, и амэ на древан патяса дрэ лоч (плоть), ⁴ мэк и мэ адякэ-паць древан патява дрэ лоч; а кóли вари-кон явир камэла тэ патял древан дрэ лоч, тэды мандэ исын бутёр саштыпэн: ⁵ мэ сóмас обчихиндло пэ охтóто (бидуэнгиро дэшто) дывзс, сыр бияндыём, мэ сом Израилёскирэ родóстыр, и мэ сом Вениаминóскирэ родыцóстыр, Юдо Юдэндир, и мэ сом Фарисее пир сыклякирибэн; ⁶ мэ сóмас барó вэргó и хачкирдэ илэса традыём Христососкири Кхангирí и пир Законоскиро чачипэн мэ сом бидошакиро; ⁷ нэ со ваш мангэ сыс льгóта, мэ льём тэ гинав пал хашибэн ваш Христосокэ. ⁸ И мэ гинава сарó явир пал хашибэн ваш дова, соб (кай) бутэдыр тэ уджинав мирэ Рас-Дэвлэс, Исусóс Христосóс, ваш Лэскэ мэ сарэстыр отпхэндёмпэ, мэ сарó гинава пал шума (смети), соб (кай) мангэ екх тэ явав дро екхипэн Христосóса; ⁹ и тэ явав сарэса дро екхипэн Лэса на пэскирэ чачипнаса; савó исын Законóстыр, нэ чачипнаса, савó исын пир патяибэн дро Христосостэ, чачипнаса, савó исын Дэвлэстыр пир патяибэн, ¹⁰ соб (кай) тэ уджинав Лэс и Лэскирэ отджидякирибнаскири зор, и тэ явав кхэтанэ дрэ Лэскирэ мэньки, и тэ мэрав, сыр Ёв. ¹¹ Соб (кай) фэни (тóка) тэ дорэсав отджидякирибэн мулэндир кэ джибэн.

Прастаибэн кэ Рэс (Цэлё)

¹² Нэ пал-дова, со мэ ничы сарó дава на дорэсцём, и мэ на сом каканá бидошакиро, нэ мэ причхувава зор тэ латхав, ци на латхава и мэ дова, пал со и латхя ман Исусó Христóсо ваш Пэскэ. ¹³ Пшалалэ, мэ гинава, со кокорó мэ на латхём, нэ екх, со мэ бистрава дова, со яцяпэ палэ, и мэ джава ангил, ¹⁴ мэ праства кэ цэлё, кэ най вучэдыр патыв, ваш сави Дэвэл кхардя ман пир Христосостэ Исусостэ. ¹⁵ И адакицы, пэ кицы амэндир исын бидошакирэ манушá, лэнгэ адякэ трэй тэ думинэн, а кóли тумэ пал дава пэ явир думинэна, то и дава Дэвэл отчхакирэла тумэнгэ. ¹⁶ Нэ дова, со амэ прильям, адякэ и амэ яваса тэ думинас и тэ дживас. ¹⁷ Пшалалэ, причхувэн зор тэ кэрэн адякэ-паць сыр мэ, и дыкхэн пэ одолэ манушэндэ, савэ кэрэна дова-паць, сыр и тумэ думинэна пал амэндэ; ¹⁸ пал-дова со бут манушá, пал савэндэ мэ частэс ракирдём тумэнгэ, а каканá и ясвэнца мэ ракирава, кэрэна сыр вэрги Христосóскирэ мэрибнаскэ пэ трушыл: ¹⁹ ёнэ исын тэрдэ пэ дром кэ хашибэн, лэнгиро дэвэл исын кужум (жэлудко), и лэнгири слава исын дрэ ладж, ёнэ думинэна екх пал далэ свэтóскирэ рэндэ: ²⁰ пал-дова со амэ сам джиибнарья тхэмэстыр (штэтóстыр), савó исын дро Болыбнаскиро Раё, одотхыр амэ ужакираса и амарэ Зракхибнарис Рас-Дэвлэс, Исусóс Христосóс, ²¹ Савó парувэла амарэ хашибнýtка масá адякэ, со ёв явэла тэ зджал пэ Лэскирэ масá зорьяса, савьяса Ёв чхудя тэлэ сарó ангил Пэстэ.

Шэрó 4

Упхэныбэна

¹ И адякэ, мирé дрога, савэн мэ камам тэ дыкхав, тумэ сан мирí ráдыма и бахт, тэрдён зоралэс дро пэскиро джибён дрэ Растэ – Дэвлэстэ. ² Мангава Еводия, и Синтихияс тэ думинэн адякэ-паць дрэ Растэ-Дэвлэстэ; ³ и мэ мангава и тут, миро чачунó мал пир буты, тэ дэс васт лэнгэ, адалé джувленгэ, савé лынэпэ тэ роспхэнэн бахталы зан (звесь) кхэтанé мánца, и Климентоса и явирэ мирé малэнца пир буты, савэнгирэ лавá исын дрэ Дэвлэскирэ-джибнаскири лылварí. ⁴ Радынэнпэ ўсады (сак) дро тумарó екхипэн Раса-Дэвлэса: и мэ нэвэстыр пхэнава: “Радынэнпэ.” ⁵ Мэк сарé манушá тэ джинэн тумарé-илэскиро ковлыпэн, Рай Дэвэл исын сарэса пашыл. ⁶ На пхагирэн шэрó пэскэ ни пал со, нэ кажно мóло, кэли тумэ мангэнапэ Дэвлэскэ, мангэнпэ парикирибнаса тэ отчхакирэн пэскирэ патерья (молитвы) ангíл Дэвлэстэ; ⁷ и Дэвлэскиро рамáнэ (миро), савó исын вучэдыр кажнóнó амарé джиныбнастыр, явэла тэ раххэл тумарé илэ и годы дро екхипэн Исусóса Христосóса. ⁸ И акэ, пшалалэ мирé, сарó, со исын чачунó, со нанэ хоханó, со исын патяибнýтко, со исын жужó, со исын мол тэ сыкавэл паты́в, со исын патывало, кóли исын вари-савó лачхипэн и вари-савó шарибён, екх пал дава́ тумэ думинэн. ⁹ Сарó, со тумэ высылынэ, и со прилынэ и шундлэ, ци со тумэ дыкхнэ дрэ мánдэ, дова́ и кэрэн, и Дэвлэскиро рамáнэ (миро) явэла тумэнца.

Парикирибэн пал Талáно

¹⁰ Мэ дрéвэн обрадынэмпэ дро екхипэн Раса-Дэвлэса, со тумэ каканá лынэ тэ пэкэнпэ (тэ заботисон) пал мánдэ, тумэ и англэдыр пэкнэпэ, нэ тумэнгэ на сыс саштыпэн (возможность/ваканция). ¹¹ Мэ ракирава дава́ на палдова́, со мánгэ вари-со трэй; нэ палдова́ со мэ присыклым тэ явав радо сарэскэ, со мánдэ исын. ¹² Мэ джина́в тэ дживáв и дро чорорипэн и дро миштыпэн, мэ высылым сарэскэ и дро сарó, тэ явав чало и тэ вырикирав бокх, тэ явав дро миштыпэн и тэ явав дро наухтылыбэн. ¹³ Мэ сарó могона́ва тэ вырикирав зорья́са, савí Христóсо дэла мánгэ. ¹⁴ Нэ тумэ шукáр кэрдэ, со дынэ васт, кэли мánдэ сыс бйда. ¹⁵ Нэ и тумэ джинэна, Филипийцалэ, со сыр мэ лыём тэ роспхэнав бахталы зан (звесь), кэли мэ выгийём Македониятыр, ни екх кхангирí на сыс кхэтанé мánца и на помогиндя мánгэ ловэнца пшалэндыр и на прилы́я ман апрíч екхэ тумэндэ; ¹⁶ Тумэ адякэ-паць и дрэ Фесалоника на екх мóло бичхавэнас мánгэ пэ джибён. ¹⁷ Мэ ракирава дава́ на ваш дова́, со мэ родыём ловé пшалэндыр, нэ мэ камам, соб (кай) тумэ тэ кэрэн дова́, со янэла тумэнгэ лачхипэн. ¹⁸ Мэ дорэсцём бутыр, сыр мánгэ трэй, мэ сом радо, кэли дорэсцём Епафодитостыр сарó, со тумэ бичхадэ мánгэ сы́рбы гудлó аромато, сыр дрóго свэнто дыибён, савó исын лачхó Дэвлэскэ. ¹⁹ Нэ мэк миро Дэвэл тэ пхэрдякирэл сарó, со тумэнгэ трэй пир Пэскиро барвалыпэн дрэ слáва пир Исусóстэ Христосóстэ. ²⁰ Мэк тэ явэл слáва амарé Дэвлэскэ и Дадэскэ пэ сарé вéки. Амíнь.

Павліскиро Палатуно́ Пиридыибэн “Рамáнэ”

²¹ Пиридэн “рамáнэ” сарé Исусóскирэ Христосóскирэ свэнтонэнгэ. Адякэ-паць сарó пиридэна ‘рамáнэ’ тумэнгэ сарé пшáла, савé исын кхэтанé мánца, пиридэна “рамане” тумэнгэ. ²² Пиридэна “рамáнэ” тумэнгэ сарé свэнта, нэ най бутыр кхенингоскирэ (кесарёскирэ) кхэрэстыр. ²³ Мэк бахталыпэн амарé Рáскирэ-Дэвлэскиро, Исусóскирэ Христосóскиро тэ явэл сарэнца тумэнца. Амíнь.

Павліскиро Лыл Колосянэнгэ

Шэро 1

¹ Павлістыр, Исусоскирэ Христососкирэ Апостолостыр, савэс выкэдыя Дэвэл, и пшалэстыр Химастыр (Тимофеёстыр), ² свэнтонэ и патяибнытконэ пшалэнгэ пир екхипэн дрэ Исусостэ Христосостэ, савэ исын кэ Колосы. Мэк тэ явэл бахталыпэн и раманё (миро) тумэнгэ амарэ Дэвлэстыр-Дадэстыр; Растыр-Дэвлэстыр, Исусостыр Христосостыр. ³ Амэ парикираса Дэвлэскэ, амарэ Раскирэ-Дэвлэскирэ, Исусоскирэ Христососкирэ Дадэс, кажно мо́ло, кэли амэ мангасапэ Дэвлэскэ пал тумэндэ, ⁴ амэ шундям пал тумаро патяибэн дрэ Исусостэ Христосостэ и пал патыв кэ явир мануша́, сави тумэндэ исын кэ сарэ свэнта мануша́, ⁵ ваш надёя, со ужакирэла тумэн дро Болыбна́скиро Раё, пал со тумэ англэдыр шундлэ дрэ чачунэ лавá бахталэ занятыр (звеса́тыр), ⁶ сави явдя́ и кэ тумэ и сави розджалапэ пир саро́ свэто́ и янэла бахтякирибэн и барьёла, сыр и машки́р тумэндэ, долэ-паць дывэсэстыр, кэли тумэ шундлэ и уджиндлэ Дэвлэскиро бахталыпэн, саво́ исын дро чачипэн; ⁷ сыр тумэ высыклынэ Епафрасостыр, амарэ дрогонэ малэстыр-писхаристыр пир буты́, саво́ исын чачуно́ Христососкиро дына́ри (служытелё) ваш тумэнгэ, ⁸ саво́ и роспхэндя́ амэнгэ пал патыв кэ явир мануша́, сави Ду́хо (Фа́но) дыя́ тумэнгэ. ⁹ Палдава́ и амэ долэ дывэсэстыр, сыр шундям пал дава́, саро́ часо мангасапэ Дэвлэскэ пал тумэндэ, и амэ мангаса, соб (кай) Дэвэл тэ дэл тумэнгэ тэ уджинэл Лэскирэ во́ля, годы́ и галыибэн, со дэла́ Свэ́нто Ду́хо (Фа́но). ¹⁰ Соб (кай) тумэ тэ дживэн, сыр исын лачхо́ Дэвлэскэ, и дро саро́ тэ кэрэн кучэс Лэскэ, и тэ кэрэн лачхипэн дрэ сарэ рэнды́ и тэ уджинэс бутыр пал Дэвлэстэ, ¹¹ соб (кай) Лэскири бари зор тэ дэл тумэнгэ и тэ кэрэл тумэн зоралэнца, волякирэнца и бахталэнца, ¹² парикири́ Дадэскэ, Саво́ кхардя́ тумэн кэ дуд кхэтанэ сарэ свэнтонэ манушэнца, ¹³ Саво́ зракхця́ амэн камлыпнаскирэ (цямыпнаскирэ) зорья́тыр и яндя́ дро Лэскирэ-Дрогонэ Чхавэскиро Кралипэн: ¹⁴ Саво́ выкиндя́ (выракхця́) амэн Пэскирэ Ратэ́са и отмэ́кця́ амарэ грэ́хи;

Христосо́ и Лэскири Буты́

¹⁵ Христосо́ исын Дэвлэскири патрин (о́бразо). Ёв сыкавэ́ла Пэскирэ андратунэ чачипна́са набицялэ́ Дэвлэс. Христосо́ сыс бияндло́ англэдыр сарэ́стыр, со сыс создыно́; ¹⁶ пир Лэстэ́ Дэвэл создыя́ саро́ пэ болыбэн́ и пэ пхув, саро́, со исын дыцьло́ (бицяло́) и дова́, со нанэ дыцьло, ци троны́, кай кра́лья исын бэштэ́, ци кхени́нги, ци барэ́ рая, ци свэ́тоскиро зоралыпэн; саро́ пир Лэстэ́ и ваш Лэскэ́ исын создыно́. ¹⁷ И Ёв Кокоро́ сыс англэдыр сарэ́стыр, сыр саро́, со сыс создыно́, исын дро екхипэн́ Лэ́са и пир Лэстэ́ саро́ рикирэ́лапэ. ¹⁸ Ёв исын Кханги́рьякирэ́ – Духоскиро́ Шэро́, Ёв исын Англатуно́, Екх, Саво́ отджиды́я, соб (кай) Лэскэ́ тэ рикирэ́л упралыпэн́ дро саро́: ¹⁹ пал-дова́ со дава́ сыс лачхо́ Дадэ́скэ, соб (кай) дрэ́ Чхавэ́стэ́ тэ явэл саро́ Дэвлэскиро́ пхэ́рдыпэн, ²⁰ и соб (кай) пир Лэстэ́ тэ кэрэл рама́нэ (миро) Пэ́са дро саро́, со исын пэ пхув, и дова́, со исын пэ болыбэн́, Лэскирэ́-Чхавэ́скирэ ратэ́са, саво́ Ёв прочху́дя пэ трушу́л. ²¹ И тумэн, савэ́ са́нас вари-кэ́ли дур Дэвлэ́стыр и вэ́рги Дэвлэ́скэ, кэли ты́рдыя тумэн́ тэ кэрэн́ бэды́тка рэнды́. ²² Нэ́ ка́канá Дэвэл́ кэ́рдя рама́нэ (миро) тумэнца́, кэ́ли Христосо́́ Пэскирэ́ масэ́нгирэ́ лочаса́ про́гия́ пир мэ́рибэн, соб (кай) тэ́ чхувэ́н тумэн́ анги́л Лэстэ́́ свэ́нтонэнца́, и би́бангя́кирэнца́ и би́доша́кирэнца́, ²³ ко́ли тумэ́ сан зоралэ́ дро́ ду́хо (фа́но) тэ́ дживэ́н пир патяи́бэн и на́ отджана́ дрэ́ надё́я бахталэ́ занятыр (звеса́тыр), сави́ тумэ́ шундлэ́, и сави́ роспхэ́нэлапэ́ пир саро́́ джидо́, со сыс создыно́́ тэл болыбэн́, сави́ Мэ́, Па́вли, лы́ём тэ́ роспхэ́нав.

Павліскири Буты́ дрэ́ Кханги́ри

²⁴ Ка́канá мэ́ рады́навапэ́ дрэ́ мирэ́́ мэ́ньки пал тумэндэ́, ко́ли Христососкирэ́ мэ́ньки на́ ухты́лдэ́ ма́нгэ, тэ́ды лэ́н мэ́ дочху́вава мирэ́́ лочаса́ ваш Лэ́скирэ́ мэ́ньки Лэ́скирэ́ Масэ́нгэ́,

Савэ исын Кхангири. ²⁵ Мэ яцём Дэвлэскирэ-кхангирьякиро дынариса пир Дэвлэскиро задыибэн, саво Ёв дый мангэ ваш тумэнгэ, соб (кай) мэ тэ кэрэв саро пир Лэскиро лав; ²⁶ дава исын гарадо чачипэн, саво сыс наджиндло манушэнгэ сарэ родэндур и векэндур, нэ каканэ Дэвлэ сыкадя Пэскирэ манушэнгэ; ²⁷ савэнгэ камдя Дэвлэ тэ пиридэл джиныбэн, саво исын славакиро барвалыпэн машкир Наюдэндэ дро кадава гарадо чачипэн, саво исын Христосо дрэ тумэндэ, Ёв исын тумарэ надёя дрэ слава: ²⁸ Савэскиро лав амэ роспхэнаса, амэ даса годы кажнонэ манушэскэ и сыклякираса кажнонэ джиныбнаскэ, соб (кай) амэ тэ чхувас кажнонэ сталонэ патяибнаскирэс дро екхипэн Христососа. ²⁹ Ваш дава и мэ адякэ-паць кэрэва буты и кэрэва Лэскирэ зорьяса, сави исын мандэ Лэстыр, и сави кэрэла буты дрэ мандэ.

Шэро 2

¹ Мэ камам, соб (кай) тумэ тэ джинэн, сыр мэ маравпэ пал тумэндэ и пал одолэндэ, савэ дживэна кэ Лаоикия и пал сарэндэ, савэ на дыкхнэ ман, саво мэ сом, ² соб (кай) лэнгирэ илэ тэ явэн подрикирдэ, соб (кай) ёнэ тэ явэн кхэтанэ дрэ патыв кэ явир мануша ваш кажно барвалыпэн, тэ уджинэн пхэрдэс Дэвлэскиро гарадо чачипэн пал Христосостэ, ³ дрэ Савэстэ исын гарадо саро кучипэн пир годварипэн и пир джиныбэн. ⁴ И мэ пхэнава дава ваш дова, соб (кай) никон тэ на хохавэл тумэн пэскирэ хоханэ лавэнца. ⁵ Мэк мэ на сом тумэнца каканэ, нэ мэ сом тумэнца мирэ духоса.

Джибнаскиро Пхэрдэпэн про Екхипэн Христососа

⁶ Палдава, сыр тумэ уджиндлэ Исусос Христосос сыр Рас-Дэвлэс, адякэ тумэ и дживэн дро екхипэн Лэса, ⁷ Явэн би кунипнаскирэ (тварда) дрэ Лэстэ и барьён пир патяибэн дрэ Лэстэ, сыр тумэн сыклякирдэ, ячэмпэ дрэ патяибэн парикирибнаса. ⁸ Дыкхэн кучэс, соб (кай) ниэкх тэ на злыджал тумэн патяибнастыр философияса и хохаибнаса, савэ придуминдлэ мануша, и савэ счхудэ пэ свэтоскирэ думы, а на пэ Христососкиро сыклякирибэн. ⁹ Пал-дова со дрэ Лэстэ дживэла Дэвлэтко пхэрдэпэн дрэ манушэтка маса пир духо (фано), ¹⁰ и тумэндэ исын пхэрдэ джибэн дро екхипэн Лэса, Саво исын Шэрало пэ сарэ барэ рандэ и свэтоскиро зоралыпэн, ¹¹ дро екхипэн Лэса тумэ санас обчхиндлэ на манушэтонэ вастэнца, кели лэнапэ криг грэхоскирэ лочакирэ маса обчхиныбнаса, а Христососкирэ-духоскирэ обчхиныбнаса; ¹² кели тумэ болдэпэ, то тумэ сырбы мынэ кхэтанэ Лэса, дрэ Лэстэ тумэ и отджидынэ пир патяибэн дрэ Дэвлэскири зор, Саво отджидякирдэ Христосос мулэндур. ¹³ И тумэн, савэ сыс мулэ дрэ тумарэ грэхэ и дрэ тумарэ-лочакиро обчхиныбэн, Дэвлэс отджидякирдэ кхэтанэ Лэса и отмэкця амарэ сарэ грэхэ; ¹⁴ Ёв отпарудя сыкляибнаса сарэ припхэныбэнэ Законостыр, со сыс чхиндлэ вастэса, савэ сыс проти амэндэ, и Ёв укэдыя дава саро, и примардя лэс кэ трушул; ¹⁵ Христосо откэдыя зор барэ рандыр и свэтоскирэ зоралыпнастыр и отдыя лэн пэ манушэтко ладж, и трушулэскирэ зорьяса лыя зор пэ лэндэ. ¹⁶ Мэк никон тэ на сэндинэл тумэн пал хабэн ци пал пибэн, ци пал вари-саво свэнко, ци савато (субота), ¹⁷ Саро дава исын сырбы зэр (тенё) долэстыр, со явэла ангил, нэ чачипэн исын дрэ Христососкирэ Маса. ¹⁸ Мэк ниэкх тэ на злыджал тумэн пэскирэ хоханэ кандыпнаса и мангипнаса Янголэнгэ, и саво патяла дро дова, со ёв на дыкхця, – дасавэ мануша пхутёна ивяя (дармэс) пэскирэ манушэтонэ годварипнаса, ¹⁹ и ёнэ на рикирэнапэ пал Христосостэ, Саво исын Шэро сарэнгэ, Саво рикирлапэ и чалякирэлапэ Пэскирэ джидэ спхандыпнаса и пашэнца, и, Саво барьёла адякэ, сыр трэй Дэвлэскэ.

Мэрибэн и Джибэн Христососа

²⁰ Кóли тумэ мынэ кхэтанэ Христососа ваш далэ свэтоскирэ-джибнытка присыкляибэна, тэды сósкэ тумэ усаэкх адякэ-паць спхандэна пэс манушэтонэ припхэныбэнца? ²¹ “На кэр, на ха, на лэ”, ²² саро дава кокорó пэстыр хасякирэла зор: пал-дова со саро дава исын

пир манушйтко припхэныбэн и сыклякирибэн, ²³ Дава лэндэ исын екх дыцьло годьварипэн дро манушэнгиро выдуминдло дынарибэн, дро хоханó кандыпэн и пэскирэ-масэнгирэ мэньки, нэ ёнэ исын ничы на мол тэ обрикирэн лэнгирэ-лочакиро выкэдыбэн.

Шэрó 3

¹ И адякэ, коли тумэ отджидынэ мулэндыр Христосóса, тэды причхувэн зор тэ дживэн пир чачипэн, савó исын дро Болыбнаскиро Раё, кай Христóсо исын бэштó пир чачó (право) васт Дэвлэстыр Дадэстыр. ² Думинэн (дэн годы пэскэ) пал дова, со исын дро Болыбнаскиро Раё, нэ на пал дова, со исын пэ пхув. ³ Пал-дова со тумэ мынэ ваш дава свэтоскиро джиибэн и каканá тумарó джиибэн исын гарадо Христосóса дрэ Дэвлэстэ. ⁴ Кéли явэла Христóсо, дрэ Савэстэ исын тумарó джиибэн, тэды и тумэ явэна кхэтанé Лэса дрэ слава.

Пхуранó и Нэвó Джиибэн

⁵ Мулякирэн тумарэ налачхэ пхувитка рэнды: джиибэн дро блэндо, магирипэн, тырдыпэн кэ грэхó, налачхэ мысли и зэвлыныпэн, сарó дава исын дынарибэн идолэнгэ. ⁶ Палдава и явэла Дэвлэскири холы пэ одолé манушэндэ, савé Лэс на кандэна. ⁷ Вари-кэли и тумэ адякэ-паць кэрдэ, кэли тумэ дживдэ дрэ кадалé грэхí. ⁸ Нэ каканá тумэ мэкэн сарó: холякирибэн, мижэхипэн (ярось), обракирибэн, ладжаипнытка лавá тэ на пхэнэн тумарэ уштá. ⁹ На хохавэн екх екхэскэ, пал-дова со тумэ отпхэндлэпэ пхуранé пэскирэ джиибнастыр сарé лэскирэ рэндэнца. ¹⁰ Тумэ пирикэрдэ пэскиро пхуранó джиибэн пэ нэвó, савó ячэлапэ нэвó пир джиныбэн пал Кодолэстэ, Савó создýя лэс пир Пэскири патрýн (óбразо); ¹¹ палдава нанэ бутýр ни Елинос (Баламэс), ни Юдос, ни обчхиныбэн, ни наобчхиныбэн, ни бэдонэ-нацыякирэ манушэс, ни Скифос, ни дынарыс, ни вольнонэ манушэс, нэ сарó и дро сарó исын Христóсо. ¹² И палдава пирикэрэн пэс дрэ манушэндэ, савэн Дэвэл выкэдыя: явэн свэнта, дрóга, явэн тангипнытка и лачхэ-илытка, бишарибнаскирэ, ковлé-илытка, длугонэ вырикирибнаса; ¹³ явэн ковлé екх кэ екх и примангэн екх екхэскэ, коли вари-кон пэ вари-конэстэ рикирэла холы; то сыр Христóсо примангдя тумэнгэ, адякэ-паць и тумэ кэрэн. ¹⁴ Кэ сарó дава дочхувэн патýв кэ явýр манушá, савý исын фундаменто ваш чачунó сарэнгиро кхэтанякирибэн. ¹⁵ И мэк тэ явэл дрэ тумарэ илэ Дэвлэскиро рамáнэ (миро), кэ савó тумэ сáнас кхардэ сыр пашá Екхэ Масэндýр, парикирэн пал дава. ¹⁶ Мэк тэ дживэл дрэ тумэндэ сарé барвалыпнаса Христосóскиро лав, кэли тумэ сыклякирэна и дэна годы екх екхэскэ псалмэнца, лачхэ лавэнца, дэвлытконé гиленца, багáн Дэвлэскэ парикирибнаса дрэ тумарэ илэ. ¹⁷ И сарó, соб (кай) тумэ тэ на кэрэн, лавэса ци рэндоса, сарó кэрэн ваш Рáскиро-Дэвлэскиро, Исусóскирэ Христосóскиро лав, парикирэн Дэвлэскэ Дадэскэ пир Лэстэ.

Сыр тэ Дживэн дро Христианэнгиро Кхэр

¹⁸ Джувялэ, кандэн Пэскирэн ромэн, сыр дава трэй тэ явэл дрэ Растэ – Дэвлэстэ. ¹⁹ Муршáлэ, явэн лачхэ кэ Пэскирэ ромнý, и на явэн пхарé лэнца. ²⁰ Чхавé, кандэн пэскирэ дадэн дро сарó, пал-дова со дава трэй Рáскэ Дэвлэскэ. ²¹ Дадолэ, на газдэн холы дрэ пэскирэ чхавэндэ, соб (кай) ёнэ тэ на пэрэн дро дýхо (фáно). ²² Писхарьялэ, кандэн дро сарó пэскирэ пхувýякирэ хулан дрэ лоч, дынаринэн (служынэн) лэнгэ, на ваш дова, соб (кай) тэ шарэн манушá, нэ кэрэн дава сарé илэстыр. ²³ И сарó, со тумэ кэрэна, кэрэн сарé илэстыр, сыр ваш Рáскэ-Дэвлэскэ, нэ на, сыр ваш манушэнгэ, ²⁴ и джинэн, со Рай Дэвэл отдэла лачхипнаса тумэнгэ, со Ёв скэдыя ваш Пэскирэ манушэнгэ; пал-дова со тумэ дынаринэна Рáскэ-Дэвлэскэ Христосóскэ. ²⁵ Палдова со, кон кэрэла фуипэн, дорэсэла кáра пал фуипэн, со ёв кэрдý, на дыкхí пэ дава, кон адава мануш исын.

Шэрó 4

¹ Раялэ, явэн чачунэ кэ писхάρья (рабы), рипирэн пал дова, со и тумэндэ исын Хула́й дро Болыбна́скиро Раё.

Упхэныбэна́

² Мангэ́нпэ Дэвлэ́скэ сарó часо, явэн пэ стрéга парикирибна́са; ³ мангэ́нпэ Дэвлэ́скэ кхэтанэ́ адя́кэ-паць пал амэ́ндэ, соб (кай) Дэвэл тэ пси́равэл (тэ отпхандэл) амэ́нгэ вудáр ваш лав тэ ропсхэ́нас Христосóскиро гарадо́ чачипэ́н, пал саво́ мэ сом бэ́штó дро штарибэ́н, ⁴ соб (кай) мэ тэ мого́нав тэ раки́рав манушэ́нгэ, адя́кэ сыр трэй. ⁵ Дживэ́н и лыджáн пэс годьварэ́с напатьяи́бнаскирэнца, причхувэ́н ило́ кэ ка́жно ва́канцыя (случаё). ⁶ Мэк тэ явэл тумаро́ лав сарó часо бахталы́пнаса и причхудэ́ лондэ́са, соб (кай) тумэ́ тэ джине́н, сыр ка́жнóнэ манушэ́скэ тэ отпхэ́нэ.

Палатунэ́ (Послédня) Лавá тэ Пири́дэн “Рамане́”

⁷ Пал ма́ндэ сарó ропсхэ́нэла тумэ́нгэ Тихико, дро́го пшал и патяи́бнýтко кханги́рья́киро дына́ри и дру́го (мал) пир буты́ дрэ Растэ́-Дэвлэ́стэ, ⁸ савэ́с мэ бичхадéм кэ тумэ́ ваш дова́, соб (кай) ёв тэ уджинэ́л пал тумарэ́ рэ́нды (дэлы) и, соб (кай) тэ подри́кирэ́л тумарэ́ илэ, ⁹ ёв явэ́ла кэ тумэ́ кхэтанэ́ Анисимоса, амарэ́ патяи́бны́тконэ́ и дрогонэ́ пшалэ́са, саво́ исын тумэ́ндыр: ё́нэ ропсхэ́нэна тумэ́нгэ пал сарó, сыр амэ́ ада́й сам. ¹⁰ Пири́дэла “рамане́” тумэ́нгэ Аристархо, саво́ исын бэ́штó кхэтанэ́ ма́нца, и Марко Варна́васкиро плимени́ко (бано), пал савэ́стэ мэ тумэ́нгэ чхиндéм; ко́ли ёв явэ́ла кэ тумэ́, прилэ́н лэс, ¹¹ и Иису́со, савэ́с прокхардэ́ Иусто, ё́нэ тринджинэ́ исын Юдэ́ндыр машкíр бутэ́ндэ малэ́ндэ пир буты́, савэ́ кэрдэ́ буты́ ваш Дэвлэ́скиро Кра́липэ́н, и савэ́ подри́кирэ́нас ман. ¹² Пири́дэла “рама́нэ” тумэ́нгэ тумаро́ Епа́фрасо, Иису́со́скирэ-Христосóскиро писха́ри, саво́ сарó часо мангэ́лапэ́ Дэвлэ́скэ зоралэ́с пал тумэ́ндэ, соб (кай) тумэ́ тэ явэн тварда́ и зоралэ́ дро патяи́бэ́н и тэ кэ́рэн сарó пир Дэвлэ́скири во́ля. ¹³ Палдава́ мэ допхэ́нава пал лэ́стэ, со ёв кэ́рэла древа́н пха́ри буты́ пал тумэ́ндэ и пал одолэ́ндэ, савэ́ дживэ́на кэ Лаоди́кия и кэ Иера́полё, ¹⁴ пири́дэла “рама́нэ” тумэ́нгэ Лука, амаро́ дро́го састы́пнари (врачо), и адя́кэ-паць Димасо. ¹⁵ Пири́дэн “рама́нэ” и мирэ́ пшалэ́нгэ дрэ Лаоди́кия, и Нимфа́носкэ, и лэ́скирэ́ кхэ́ритконэ́ кханги́рьякэ, ¹⁶ кэ́ли явэ́на тэ гинэ́н дава́ лы́л тумэ́ндэ, мэ́к тэ про́гинэ́н лэс и дрэ кханги́ри Лаоди́кийцэ́нгэ, а дова́ лы́л, саво́ Лаоди́киятыр, про́гинэ́н и тумэ́. ¹⁷ И пхэ́нэ́н Архи́поскэ́, мэ́к ёв тэ кэ́рэ́л сыр трэй дына́рибэ́н, саво́ ёв при́лыя́ дрэ Растэ́-Дэвлэ́стэ. ¹⁸ Давá пири́дыибэ́н “рама́нэ” исын чхиндлэ́о мирэ́, Павли́скирэ́ вастэ́са. Рипирэ́н, со мэ сом бэ́штó дро штари́бэ́н. Мэк тэ явэл бахталы́пэ́н сарэ́нца тумэ́нца. Ами́нь.

Пэ́рво Павли́скиро Лы́л Фесалони́кийцэ́нгэ

Шэрó 1

¹ Павли́стыр и Силуано́стыр и Химасты́р, Фесалони́кийцэ́нгирэ́-кханги́рья́кирэ́ скэ́дыибна́скэ, саво́ исын Дэвлэ́скирэ́ Дадэ́скиро и Ра́скирэ́-Дэвлэ́скиро, Иису́со́скиро Христосóскиро: мэ́к тэ явэл бахталы́пэ́н тумэ́нгэ и рама́нэ́ (миро). ² Амэ́ ўса́ды (сак) парики́раса Дэвлэ́скэ пал сарэ́ндэ́ тумэ́ндэ, и рипира́са тумэ́н дро амаро́ мангипэ́н Дэвлэ́скэ, ³ кэ́ли амэ́ рипира́са тумэ́н анги́л амарэ́ Дэвлэ́стэ́ Дадэ́стэ́ пал тумари́ буты́ пир тумаро́ патяи́бэ́н и паты́в кэ́ яви́р мануша́, амэ́ джине́на пал тумаро́ вы́рикирибэ́н тэ у́жаки́рас

лачхипэн амарэ Растыр-Дэвлэстыр, Исусостыр Христосостыр ангил амарэ Дэвлэстэ-Дадэстэ, ⁴ амэ джинаса, мирэ дрога, со Дэвлэскэ ячнэ дрога тумэ, и Ёв выкэдыя тумэн, ⁵ пал-дова со амарэ роспхэныбэн пал бахталы зан (звесь) със тумэндэ на со екхэ лавэнца, нэ и зорьяса и Свэнтонэ Духоса бутэ допхэныбнаса, сыр тумэ кокорэ джинуна, савэ амэ самас ваш тумэнгэ. ⁶ И тумэ лынэ тэ кэрэн адякэ, сыр и амэ, и сыр Рай Дэвэл, и прилынэ Дэвлэскиро лав бутэ пхарипнэнца и радымаса, саво дыя тумэнгэ Свэнто Дүхо (Фано), ⁷ адякэ, со тумэ ячнэ примероса (сыкаибнаса) ваш сарэ патяибнаскирэнгэ кэ Македония и кэ Ахаия. ⁸ Пал-дова со тумэндэр яця джидлэ манушэнгэ Дэвлэскиро лав на дрэ екх Македония и Ахаия, нэ тумарэ патяибэн дрэ Дэвлэстэ яця джидлэ пир сарэ штэты, пал-дова со амэнгэ ни палсо на трэй тэ роспхэнэн; ⁹ пал-дова со ёнэ кокорэ роспхэндлэ пал амэндэ, сыр тумэ прилынэ амэн, кэли амэ явдям кэ тумэ: и сыр тумэ рисинэ кэ Дэвэл идолэндэр, соб (кай) тэ кэрэн свэнто буты джидэ и чачунэ Дэвлэскэ, ¹⁰ и тэ ужакирэн Лэскирэ Чхавэс, саво явэла Болыбнаскирэ Раёстыр, Савэс Ёв отджидякирдя мулэндэр, Исусос, Саво зрахэла амэн Дэвлэскирэ холятыр, сави явэла.

Шэрэ 2

Павліскири Буты дрэ Фесалоника

¹ Пшалалэ, тумэ джинуна, кокорэ, со амарэ явибэн кэ тумэ на със ивяя (напраснэс), ² а сыр тумэ джинуна, со ангил дава амэнгэ пригияпэ бут тэ пиридживас мэньки и ладжаипэн дрэ Филипы, нэ Дэвэл дыя амэнгэ зор тэ роспхэнас Лэскири бахталы зан, на дыкхы пэ сарэ пхарипэн проти амэндэ. ³ Пал-дова со дро амарэ сыклякирибэн нанэ нисави дош, ни нисави нажужы мысля, ни хохайбэн, ⁴ нэ, сыр Дэвэл выкэдыя амэн ваш дава, соб (кай) тэ роспхэнас бахталы зан (звесь), адякэ амэ и ракираса на ваш манушэнгиро илэ, нэ сыр трэй Дэвлэскэ, Саво пропатякирэла амарэ илэ. ⁵ Тумэ джинуна, со амэ ниэкхвар на самас ангил тумэндэ хоханэ ракирибнаса, ци вари-савэ бокхаса кэ ловэ ваш пэскэ: Дэвэл исын якхитко (свидетелё) далэ сарэскэ. ⁶ Амэ на родаса манушытко шарибэн, ни тумэндэр, ни явирэндэр, ⁷ амэ могиндям тэ явас кэ тумэ минаса сыр Христососкирэ Апостолы, нэ амэ самас шытл (тиха) машкир тумэндэ, адякэ сыр дай ласкаса отлыджалапэ пэскирэ чхавэнца, ⁸ адякэ амэ, барэ тырдыпнастыр кэ тумэ, закамдям тэ пиридас тумэнгэ на екх со Дэвлэскири бахталы зан (звесь), нэ и амарэ джибэн, адякэ тумэ сан дрога амэнгэ. ⁹ Пал-дова со тумэ рипирэна амари буты и кхыныпэн: амэ кэрдям буты раты и дывэсэ, соб (кай) тэ на явас дро пхарипэн тумэнгэ, амэ роспхэнаса Дэвлэскири бахталы зан тумэнгэ. ¹⁰ Тумэ и Дэвэл сан якхитка амэнгэ, со сыр амэ самас машкир тумэндэ, сарэ кэрдям сыр свэнта и чачунэ и бидошэнгирэ. ¹¹ Пал-дова со тумэ джинуна, кэли амэ отлыджасепэ тумэнца, сыр дад джинула пэскирэ чхавэн: амэ сыклякирдям кажнэ тумэндэр и подрикирдям и мангдям тумэн; ¹² соб (кай) тумэ тэ дживэн, сыр трэй Дэвлэскэ, Саво кхардя тумэн дрэ Лэскиро Кралипэн и слава. ¹³ Палдава и амэ адякэ-паць ўсэды (сак) парикираса Дэвлэскэ, со тумэ прилынэ Дэвлэскиро лав, саво амэ роспэндям, тумэ прилынэ лэс на сырбы манушэнгиро лав, нэ сыр Дэвлэскиро лав, пир чачипэн, саво кэрэла буты дрэ тумэндэ патяибнаскирэнгэ. ¹⁴ Палдава со тумэнца, пшалалэ, кэрдяпэ дова-паць, со и Дэвлэскирэ кхангирьенца, савэ исын кэ Юдэя дрэ Исусостэ Христосостэ, адякэ-паць и пэскирэ мануша мэнчындрэ тумэн, сыр и лэн Юды, ¹⁵ кадалэ мануша замардэ (мулякирдэ) и Рас-Дэвлэс, Исусос и пророкэн, и амэн, ёнэ нанэ лачхэ Дэвлэскэ, и исын вэрги (вроги) сарэ манушэнгэ, ¹⁶ савэ със тэрдэ пэ дром тэ ракирас Наюдэнгэ пал зрахибэн, и пир дава сарэ кэрэна барэдыр пэскирэ грэхи: нэ каканэ Дэвлэскири холы явдя пэ лэндэ.

Павли Нэвэстыр Мангэла тэ Явэл кэ Ёнэ

¹⁷ Нэ амэ, пшалалэ, сыр розяцямпэ тумэнца пэ набарэ часо (цыро) мёса, нэ на илэса, амэ причхудям зор, и кэрасас сарэ, соб (кай) тэ дыкхаспэ тумэнца; ¹⁸ палдава мэ древэн камдём

тэ явас кэ тумэ, аж мэ, Павли, екх явир мо́ло скэдаваспэ тэ явав кэ тумэ, нэ на́лачхо на мэкця́ амэн. ¹⁹ Кон мого́нэла тэ явэл амарэ лачхэ ужакирибнаса, ци радыва́са, ци ша́рибнытконэ вянкаса (корона́са)? Ци дава́ исын на тумэ анги́л амарэ Растэ – Дэвлэ́стэ, Исусо́стэ Христосо́стэ, сыр Ёв явэ́ла. ²⁰ Тумэ сан амари́ сла́ва и ра́дыма.

Шэро́ 3

¹ Пал-дова́ со амэ на мого́ндям буты́р тэ вы́рикирас, амэ за́камдям тэ яча́спэ кэ Афины́ екхджинэ́, ² и бичхадя́м Химас, амарэ пшала́с и малэс пир буты́ тэ роспхэ́нэл Христососкири́ бахталы́ зан (звесь), соб (кай) ёв тэ подри́кирэл зоралэ́дыр тумэн и тэ подри́кирэл тумаро́ ду́хо (фа́но) дро патяи́бэн, ³ соб (кай) ни́екх тумэндýр тэ на куни́нэлпэ дрэ далэ́ биды: пал-дова́ со тумэ ко́корэ джи́нэна, со амэ́нгэ а́дыкэ трэ́индя́ тэ явэл пир Дэвлэ́скири во́ля; ⁴ пал-дова́ со, кэ́ли амэ са́мас кэ тумэ, за́гарэдыр ра́кирды́м тумэ́нгэ, со амэ́ндэ явэ́ла бари́ бída, сыр и вы́гия, и тумэ ко́корэ джи́нэна пал дава́. ⁵ Пал-дова́ и мэ а́дыкэ-па́ць на мого́ндём тэ вы́рикирав буты́р и бичхадё́м Химас тэ уджи́нэл пал тумаро́ патяи́бэн, соб (кай) тэ на злы́джал тумэн на́лачхо и са́ри амари́ буты́ ваш Дэвлэ́скэ тэ на явэл ивья́ (напра́снэс). ⁶ Нэ ка́канá, кэ́ли Хима́ явдя́ тумэндýр кэ амэ, ёв роспхэ́ндя́ амэ́нгэ лачхэ́ нэ́випэн пал тумаро́ патяи́бэн и паты́в кэ явир́ ману́ша́, и со тумэ са́ро часо́ рипи́рэна пал амэ́ндэ, и а́дыкэ-па́ць нэ́вэсты́р ка́мэна тэ ды́кхэн амэн, сыр и амэ́ тумэн, ⁷ Тэ́ды, пшала́лэ, амэ са́мас древа́н подри́кирдэ́ пир тумаро́ патяи́бэн дрэ́ амари́ бída и пха́ро́ джи́ибэ́н, ⁸ Палдава́ амэ ка́канá сам ча́чунэ́с джи́дэ, ко́ли тумэ́ сан тва́рдэс тэ́рдэ дро тумаро́ патяи́бэн дрэ́ Растэ-Дэвлэ́стэ. ⁹ Пал-дова́ со, сыр ка́канá амэ мого́наса тэ па́рикирас Дэвлэ́скэ пал тумэ́ндэ, пал са́ри ра́дыма, савья́са амэ ра́дынаса́пэ пал тумэ́ндэ анги́л амарэ́ Дэвлэ́стэ, ¹⁰ рат и ды́вэс амэ́ мангаса́пэ Дэвлэ́скэ пал-дова́, соб (кай) нэ́вэсты́р тэ ды́кхаспэ́ тумэ́нца и буты́р тэ да́с дова́, со на ухты́лла тумаро́ патяи́бнаскэ. ¹¹ Нэ мэќ амаро́ Дэвэ́л и Дад Ко́коро́ и амаро́ Рай́ Дэвэ́л, Исýсо Христóсо тэ чху́вэл дро́м амэ́нгэ кэ́ тумэ. ¹² Нэ мэќ Рай́ Дэвэ́л тэ пхэ́рды́кирэл тумаро́ ило́ екх кэ́ екх и кэ́ са́рэ́ ману́ша́ ишчо́ (инкэ́) ба́рэды́р ласка́са, сави́ амэ́ндэ исын кэ́ тумэ, ¹³ соб (кай) тэ подри́кирэл тумаро́ илэ́ тэ явэ́н тумэ́ бидоша́кирэ́ и свэ́нта анги́л амарэ́ Дэвлэ́стэ́ и Дадэ́стэ, кэ́ли явэ́ла амаро́ Рай́ Дэвэ́л, Исýсо Христóсо са́рэ́ Пэ́скирэ́ свэ́нтонэ́нца. Ами́нь.

Шэро́ 4

Джи́ибэ́н, Сава́́ исын́ Лачхó́́ Дэвлэ́скэ́

¹ Пшала́лэ, ка́канá амэ́ мангаса́ и при́мангаса́ тумэн ва́ш Исусо́скэ́ Христосо́скэ́, со дова́, со ка́канá тумэ́ вы́сыклынэ́ амэ́ндыр, сыр трэ́й тэ́ джи́вэн и тэ́ кэ́рэн пир ча́чипэн́ Дэвлэ́скэ́, соб (кай) а́дыкэ́ и ду́рэды́р тэ́ джи́вэн. ² Тумэ́ джи́нэна, савэ́ при́пхэ́ныбэ́на́ амэ́ дья́м тумэ́нгэ амарэ́ Ра́стыр-Дэвлэ́стыр Исусо́стыр. ³ Дэвэ́л вы́кэдэ́ла, соб (кай) тумэ́ тэ́ явэ́н свэ́нта́ и тэ́ ра́кхэ́нпэ́ джи́ибна́стыр би́ совла́киро; ⁴ соб (кай) ка́жно ма́нуш тумэ́ндыр тэ́ джи́нэл, сыр тэ́ зри́кирэл пэ́скиро́ кхо́ро́ на́лачхэ́ ты́рды́пна́стыр дрэ́ свынты́ма́ и жу́жыпэн́ (чы́стота), ⁵ и тэ́ на поддэ́нпэ́ грэхитко́нэ́ ты́рды́пна́скэ́, сыр дава́́ кэ́рэна́ На́юды, савэ́ на́ джи́нэна́ Дэвлэ́с, ⁶ соб (кай) ни́екх тумэндýр тэ́ на кэ́рэл чо́рипэн́ пэ́скирэ́ пшала́скэ́́ и тэ́ на ба́рвалё́л пал лэ́скиро́ до́патяи́бэн, пал далэ́́ грэх́и Дэвэ́л чху́вэ́ла ка́ра, сыр англэ́ды́р амэ́ ра́кирды́м тумэ́нгэ́́ и до́пхэ́на́сас. ⁷ Дэвэ́л кха́рдя́́ амэн на́ кэ́ на́жужо́́ джи́ибэ́н, нэ́ кэ́ ча́чунó. ⁸ И ко́ли ва́ри-ко́н на при́лэ́ла дава́́ сы́клякири́бэн, ёв при́лэ́ла на, со́ ма́нушэ́с, а́ Дэвлэ́с, Сава́́́ и ды́я́ тумэ́нгэ́́ Пэ́скиро́́ Свэ́нто́́ Ду́хо́́ (Фа́но). ⁹ Мэ́́ гина́ва, со́ пал пшала́́нгири́́ паты́́в на трэ́́й тумэ́́нгэ́́ буты́́р тэ́́ чхи́́нав, пал-дова́́ со́ Дэвэ́́л сы́кляки́рдя́́ тумэн ко́́корэ́н тэ́́ сы́кавэ́́н паты́́в екх екхэ́́скэ́. ¹⁰ Тумэ́́ а́дыкэ́́-па́́ць и кэ́́рэна́ са́рэ́́нгэ́́ пэ́́скирэ́́ пшала́́нгэ́́́ пир са́́ри Македо́́ния; нэ́́ амэ́́ при́мангаса́́ тумэн, пшала́́лэ, тэ́́ кэ́́рэн а́́дыкэ́́́ бутэ́́ды́р; ¹¹ и тэ́́ при́чху́́вэн зор тэ́́ джи́́вэн шы́́лэс, тэ́́ ды́́кхэн ка́́жно пэ́́скиро́́ рэ́́ндо, и тэ́́ кэ́́рэн бу́́ты пэ́́скирэ́́ ва́́стэ́́нца, сыр амэ́́ ра́́кирды́́м тумэ́́нгэ́́́ англэ́́ды́́р; ¹² тэ́́ джи́́вэн паты́́валэ́́с а́́дыкэ́́, соб (кай) ма́нуша́́, савэ́́́ исын

надэвлытка, тэ кутякирэн тумэн, и соб (кай) тумэ тэ на явэн вужлэ ни дро со явирэ манушэнгэ.

Сыр Рай Дэвэл Явэла

¹³ Пшалалэ, мэ камам, соб (кай) тумэ тэ джинэн саро чачипэн, пал манушэндэ, савэ мынэ, соб (кай) тумэ на тугинэн, сыр явир мануша, савэндэ нанэ надэя пал вечно джибэн. ¹⁴ Нэ коли амэ патяса, со Исусо мыя и отджидыя мулэндыр, тэды и манушэн, савэ мынэ патяибнаса дрэ Исусостэ, Дэвэл янэла палэ кхэтанэ Лэса. ¹⁵ Амэ ракираса дава тумэнгэ Раскирэ-Дэвлэскирэ лавэса, со амэ, савэ яваса джидэ кэ / жыко Христососкиро явибэн, усаэкх на яваса англэдыр одолэндыр, кон мыя; ¹⁶ пал-дова со Рай Дэвэл Кокорэ явэла Болыбнаскирэ Раёстыр и Лэскиро явибэн сыкавэла сарэнгэ тэ шунэн Архангелоскири зан, зоралы сыр Дэвлэскиро ро́го (труба), и кон пэрво мыя патяибнаса дрэ Христосостэ, отджидэла мулэндыр; ¹⁷ тэньчи амэ, савэ явэна джидэ дро дова часо, яваса газдынэ пхувьатыр, кхэтанэ лэнца пэ облоки тэ стрэнинас (тэ пирилас) Рас-Дэвлэс и амэ саро часо яваса кхэтанэ Лэса. ¹⁸ Подрикирэн екх екхэс далэ лавэнца.

Шэро 5

Явэн Скэдынэ, Кэли Рай Дэвэл Явэла

¹ Пшалалэ, амэнгэ на трэй тэ чхинас тумэнгэ, кэли и дро саво часо дава явэла, ² пал-дова со тумэ лачхэс джинэна, со дывэс, кэли явэла Христосо, никон на джинэла, Ёв явэла сыр чор ратякиро. ³ Кэли мануша явэна тэ ракирэн: “Раманё исын и на трэй тэ дарэс ни состыр”, сыр екхатыр (сразу) явэла пэ лэндэ хасибэн, сыр дукха джувлятэ, сави мэнчынэлапэ, кэли биянэла тыкнэ биятос, и никон лэндыр на менинэла хасибэн. ⁴ Нэ тумэ, пшалалэ, на сан дро калыпэн (цямлыпэн), соб (кай) Дывэс тэ на ухтылэл тумэн сыр чор: ⁵ пал-дова со тумэ сарэ сан дудэскирэ и дывэсэскирэ чхавэ, амэ на сам ратякирэ и цямлыпнаскирэ чхавэ. ⁶ И адякэ, яваса тэ раххаспэ, сыр явир мануша дава кэрэна, раххэмпэ и явэн пэ стрэга, ⁷ пал-дова со одолэ, савэ исын сутэ, ёнэ исын сутэ ратякиро, и одолэ, кон пьела, матёна ратякиро; ⁸ Нэ амэ, савэ сам дывэсэскирэ чхавэ, яваса тэ явас пэ стрэга, и яваса тэ урьявас пэ пэстэ бронь патяибнастыр и патыватыр и, сыр шлёмо урьяваса пэ шэро лачхо ужакирибэн пал зракхибэн; ⁹ пал-дова со Дэвэл на выкэдыя амэн ваш холы, нэ соб (кай) амэндэ тэ явэл зракхибэн пир амарэ Растэ-Дэвлэстэ, Исусостэ Христосостэ, ¹⁰ Саво мыя пал амэндэ, соб (кай) тэ дживас кхэтанэ Лэса, ци яваса амэ тэ раххаспэ, ци яваса сутэ. ¹¹ Палдава подрикирэн и сыклякирэн екх екхэс, сыр тумэ адякэ и кэрэна.

Палатунэ Упхэныбэнэ и Пиридыибэн “Раманё”

¹² Пшалалэ, амэ мангаса тумэн, кутякирэн (патывакирэн) одолэ манушэн, савэ кэрэна буты тумэндэ, и кон исын шэрало пэ кхангирэ, и сыклякирэла тумэн, ¹³ кутякирэн лэн барэ ковлыпнаса пал лэнгира буты, сави ёнэ кэрэна. Мэлынэмпэ (друзынэн) машкир пэстэ. ¹⁴ Амэ примангаса тумэн, пшалалэ, сыклякирэн одолэ манушэн, савэ на камэна тэ кэрэн буты, подрикирэн дүхо (фано) одолэнгэ, савэ на зоралэс патяна, дэн васт одолэнгэ, савэндэ нанэ зор, вырикирэн сарэн. ¹⁵ Дыххэн, соб (кай) никон тэ на кэрэл никонэскэ чорипэн палэ пал чорипэн, нэ ўсады (сак) кэрэн лачхипэн екх екхэскэ и сарэ манушэнгэ, ¹⁶ тумэ усады (сак) радынэмпэ; ¹⁷ Мангэмпэ Дэвлэскэ саро часо; ¹⁸ парикирэн Дэвлэскэ пал саро, пал-дова со дава исын Дэвлэскири воля пал тумэндэ, сави исын дро екхипэн; ¹⁹ на мудькирэн Свэнтонэ-Духоскири яг, ²⁰ на дыкхэн вучипнастыр пэ пророкэнгиро лав; ²¹ нэ спробинэн саро, рикирэн зоралэс кэ лачхипэн. ²² Раххэмпэ кажнонэ фуипнастыр. ²³ Мэк Дэвэл, Саво дэла раманё, тэ кэрэл тумэн свэнтонэнца дро саро, соб (кай) тумаро дүхо (фано), ило и маса тэ явэн бидошакирэ, кэли явэла амаро Рай Дэвэл, Исусо Христосо. ²⁴ Одова, Кон кхарэла

тумэн, исын патяибнѣтко и кэрэла дова. ²⁵ Пшалалэ, мангэнпэ Дэвлэскэ пал амэндэ. ²⁶ Пиридэн “добридим” и “раманё” сарэ пшалэнгэ свэнтонэ чамудыпнаса. ²⁷ Мэ совлахава тумэн Раса-Дэвлэса тэ прогинэн кадава лыл сарэ свэнтонэ пшалэнгэ. ²⁸ Мэк бахталыпэн амарэ Раскирэ-Дэвлэскиро, Исусоскирэ Христососкиро тэ явэл тумэнца.

Явѣр Павліскиро Лыл Фесалоникийцэнгэ

Шэрó 1

¹ Павлістыр, Силуаностыр и Химастыр (Тимофеёстыр) Фесалоникийцэнгирэ-кхангирьякирэ патяибнаскирэнгэ, савэ исын Дэвлэскирэ, амарэ Дадэскирэ и Раскирэ-Дэвлэскирэ, Исусоскирэ Христососкирэ мануша. ² Мэк бахталыпэн и раманё Дэвлэстыр амарэ Дадэстыр и Растыр-Дэвлэстыр, Исусостыр Христосостыр тэ явэл тумэнца.

Сэндо, Сыр Христосо Явэла Явѣр (Второ) Мóло

³ Пшалалэ, амэнгэ трэй сарó часо тэ парикирас Дэвлэскэ пал тумэндэ пир чачипэн, пал-дова со тумарі патыв кэ явѣр мануша барьёла и тумарі патыв екх кэ екх ячэла бутэдыр; ⁴ адякэ, со амэ кокорэ шарасапэ тумэнца пир Дэвлэскирэ кхангирья тумарэ вырикирибнаса и патяибнаса дрэ сарэ традыпэна и биды, савэ тумэ пиридживдэ; ⁵ дава исын допхэныбэн долэскэ, со явэла чачунó Дэвлэскиро сэндо, соб (кай) тумэ тэ явэн мол тэ заджан дро Дэвлэскиро Кралипэн, ваш савó тумэ и мэнчынэнапэ; ⁶ Дэвэл исын чачунó, и Ёв чхувэла бѣда пэ одолэ манушэндэ, савэ кэрдэ бѣда тумэнгэ; ⁷ и тумэнгэ, савэ пиридживдэ бѣда пал патяибэн, Дэвэл дэла раманё (миро) кхэтанэ амэнца, кели явэла Рай Дэвэл, Исусо Болыбнаскирэ Раёстыр, Лэскирэ зорьякирэ Янголэнца, ⁸ ягаса, саві явэла тэ хачол, Ёв отдэла палэ сэндоса одолэ манушэнгэ, савэ на прилынó Дэвлэс и на кандынó амарэ Раскирэ-Дэвлэскири, Исусоскирэ Христососкири бахталы зан (звесь); ⁹ пэ лэндэ явэла кара Дэвлэстыр вечнóнэ хашибнаса и угиибнаса Растыр-Дэвлэстыр и Лэскирэ славакирэ зорьятыр: ¹⁰ дро дова дывэс, кели Ёв явэла, соб (кай) Ёв тэ явэл славиндло машкір Пэскирэ свэнтонэндэ и машкір сарэндэ, кон упатяндыа, пал-дова со тумэ упатяндынэ амарэ допхэныбнаскэ. ¹¹ Ваш дава амэ сарó часо и мангасапэ Дэвлэскэ пал тумэндэ, соб (кай) амарó Дэвэл тэ кэрэл тумэн тэ явэн мол далэ джиибнаскэ, ваш савó Ёв приххардя тумэн и тэ кэрэл Пэскирэ зорьяса пир Пэскири ласка кажно лачхó рэндо пир патяибэн дрэ Лэстэ, ¹² соб (кай) тэ явэл славиндло амарэ Раскирэ-Дэвлэскиро Исусоскиро лав дрэ тумэндэ, адякэ-пацэ и тумэ дрэ Лэстэ пир бахталыпэн амарэ Дэвлэскиро и Раскирэ-Дэвлэскиро, Исусоскирэ Христососкиро.

Шэрó 2

Хоханó Лыджаибнари

¹ Амэ древан мангаса тумэн, пшалалэ, тэ на кунинэнпэ дро дова, со амарó Рай-Дэвэл, Исусо Христосо явэла, соб (кай) тэ скэдэл амэн кэ Пэ. ² И соб (кай) тумэ тэ на сыгнён тэ зджан годятыр ци и тэ на пиридживэн пал духоскиро сыкаибэн, ни лавэстыр, ни лылэстыр, сырбы дава амэ бичхадям, савэ выпхэнэна, со Раскирэ-Дэвлэскиро дывэс каканá явдя. ³ Дыкхэн, соб (кай) ниэкх тэ на хохавэл тумэн: пал-дова со кадава дывэс на явэла кэ / жыко дова часо, пака явэла отгиибэн Дэвлэстыр и явэла сыкадо грэхэнгиро мануш, савэскэ трэй тэ хасёл; ⁴ ёв явэла тэ джал проти сарó свэнто, со ххарэна Дэвлэса ци свэнтымаса, адякэ, со ёв бэшэла

дрэ Дэвлэскири Кхангири сýрбы Дэвэл и явэла тэ выдэл пэс пал Дэвлэстэ. ⁵ Наушто тумэ на рипирэна, со мэ, кели сомас кэ тумэ, ракирдём тумэнгэ пал дава? ⁶ И каканá тумэ джинэна, со на домэкэла лэс тэ сыкавэл пэс дро лэскиро часо. ⁷ Пал-довá со чораханы бизладоскири зор каканá кэрэла буты, и екх пака обрикирэла сарó дава, и ёв явэла тэ кэрэл дава кэ/жýко дова часо, пака лэна лэс криг. ⁸ И тэды би законоскиро грэхэнгири мануш сыкавэла пэс, савэс Рай Дэвэл Исýсо замарэла (мулякирэла) Пэскирэ уштэнца, кели явэла. ⁹ Бизаконоскиро мануш явэла налачхэскирэ зорýса, ёв явэла тэ сыкавэл бари зор, и хоханэ знамэнии (гертыка) и дýвы, ¹⁰ ёв явэла сарé хохайбнаса ваш манушэнгэ, савэ хасэна пал дова, со ёнэ на прилынэ чачуны патыв ваш пэскиро зракхибэн. ¹¹ И пал дава Дэвэл бичхавэла зор лэнгэ, соб (кай) ёнэ тэ пэрэн тэл дошвалэ сыклякирибэн и тэ патян хохайбнаскэ. ¹² Мэк тэ явэн сэндиндлэ сарé, кон на закамдý тэ патял чачипнаскэ, нэ выкэдыя начачипэн.

Тумэ Сан Выкэдынэ ваш Зракхибэн

¹³ Нэ амэнгэ трэй, пшалалэ, сарó часо тэ парикирас Дэвлэскэ пал тумэндэ, савэн Рай Дэвэл выкэдыя, пал-довá со Ёв англэдыр выкэдыя тумэн ваш зракхибэн пир Духоскири зор и патяибэн дро чачипэн; ¹⁴ кэ савó Ёв и кхардý тумэн пир амарó роспхэныбэн пал бахталы зан (звесь), соб (кай) тумэндэ тэ явэн паш дрэ слава амарé Рáскирэ-Дэвлэскири, Исусóскирэ Христососкири. ¹⁵ И палдава, пшалалэ, явэн зоралэ пир дýхо (фáно) и рикирэнпэ упхэныбнаскэ, савэскэ тумэ сáнас высыклякирдэ, ци пир лав, ци пир амарó лыл. ¹⁶ Мэк Кокорó амарó Рай Дэвэл, Исýсо Христóсо, и Дэвэл амарó Дад, Савэскэ яцýм дрóга амэ и дыя пир бахталыпэн вéчно подрикирибэн и лачхý надéя, ¹⁷ тэ подрикирэл тумарé илэ и тэ кэрэл зоралэдыр тумэн дро кажно лав и лачхó рэндо.

Шэрó 3

Мангэнпэ Дэвлэскэ пал Амэндэ

¹ Каканá, амэ мангаса тумэн, пшалалэ, тэ мангэнпэ Дэвлэскэ пал амэндэ, соб (кай) Рáскирэ-Дэвлэскиро лав тэ розджалпэ сýгэс и тэ славинэлпэ адýкэ-паць, сыр и тумэндэ; ² и соб (кай) амэ тэ явас зракхнэ налачхэ и хоханэ манушэндýр, пал-довá со на дрэ сарэндэ исын патяибэн. ³ Нэ патяибнýтко исын Рай Дэвэл, Савó дэла тумэнгэ зор и зракхэла налачхэстыр. ⁴ Амэ би кунипнаскиро (твардэс) джинáса пир патяибэн дрэ Растэ – Дэвлэстэ, со тумэ кэрэна и дурэдыр явэна тэ кэрэн дова, со амэ пхэндýм тумэнгэ. ⁵ Мэк Рай Дэвэл тэ отчхакирэл тумарé илэ кэ Дэвлэскири ласка и кэ Христососкиро вырикирибэн.

Сарэнгэ Трэй тэ Кэрэн Буты

⁶ Пшалалэ, амэ припхэнаса тумэнгэ, амарé Рáскирэ-Дэвлэскирэ, Исусóскирэ Христосóскирэ лавэса, соб (кай) тумэ тэ рикирэнпэ криг адасавэ пшалэстыр, савó дживэла на кэри буты, а на пир сыклякирибэн, савó тумэ прилынэ амэндýр. ⁷ Пал-довá со тумэ кокорé джинэна, со тумэнгэ трэй тэ дживэн адýкэ, сыр и амэ, пал-довá со амэ на сáмас кирнэ-масэнгирэ, кели амэ дживдýм кэ тумэ; ⁸ амэ на хаям никонэскиро марó, а кэрдýм пхарý буты рат и дывэс, соб (кай) тэ на явас дро пхарипэн никонэскэ тумэндýр: ⁹ амэ на дыкхцýм пэ дава, со амэндэ сыс зор тэ лас ловэ тумэндýр, нэ амэ камдýм тэ сыкавас примéро (сыкаибэн) тумэнгэ, соб (кай) и тумэ адýкэ-паць тэ кэрэн дурэдыр. ¹⁰ Пал-довá со, кели амэ сáмас кэ тумэ, амэ ракирдýм тумэнгэ дава: “Кóли вари-кон на камóла тэ кэрэл буты, мэк и тэ на хал.” ¹¹ Нэ амэ шунаса, со вари-савэ манушá машкёр тумэндэ дживэна биладжаипнýткэс дро бýнто проти Дэвлэстэ: ёнэ на кэрэна нисавý буты, а екх со дыкхэна, со явёр манушá кэрэна. ¹² Амэ припхэнаса кадасавэ манушэнгэ и приракхаса амарé Рáскирэ-Дэвлэскирэ, Исусóскирэ Христосóскирэ лавэса, соб (кай) ёнэ тэ кэрэн буты штылэс и тэ хан пэскиро марó. ¹³ А тумэ,

пшалалэ, на кхинён тэ кэрэн лачхипэн. ¹⁴ Кóли вари-кон на явэла тэ кандэл амарó лав, савó исын чхиндлó дро дава́ лыл, одолэс манушэс зарипирэн, на малынэнпэ (на дружинэн) лэса, соб (кай) лэскэ тэ явэл ладжаво; ¹⁵ Нэ и тэ на гинэн лэс пал вэргостэ, а сыклякирэн лэс сыр пшалэс.

Палатунэ (Послédня) Лавá, Савэ Дэна ‘Рамáнэ’

¹⁶ Мэк Рай Дэвэл Кокорó, тэ дэл тумэнгэ рамáнэ (миро) ўсады (сак) дро сарó. Мэк тэ явэл Рай Дэвэл сарэнца тумэнца. ¹⁷ Мэ сом Пáвли, мэ чхинáва и пиридава “рамáнэ” мирé вастэса, адякэ-паць, сыр мэ кэра́ва дрэ сарé мирé лыла́ сыр шпэра (знако), со кадава́ лыл исын мэндыр, мэ адякэ чхинáва: ¹⁸ Мэк тэ явэл бахталыпэн амарé Рáскирэ-Дэвлэскиро, Исусóскирэ Христосóскиро сарэнца тумэнца. Амíнь.

Пэ́рво Пáвли́скиро Лыл Химаскэ (Тимофеёскэ)

Шэро́ 1

¹ Пáвлистыр, Исусóскирэ-Христосóскирэ Апостолостыр, савэс выкэды́я Дэвэл, амарó Зракхибна́ри (Спасителё) и Рай Дэвэл, Исýсо Христóсо, пэ савэстэ мэ надеинасапэ, ² Химаскэ, чачунé чхавэ́скэ дро патяибэн: мэк тэ дэл бахталыпэн, тангипэн и рамáнэ тукэ, амарó Дэвэл Дад и амарó Рай Дэвэл, Исýсо Христóсо.

Ракхэнпэ Хоханé Сыклякирибна́стыр

³ Кéли мэ скэдаваспэ тэ традав кэ Македония, мэ зоралэс мангдём тут тэ ячэспэ дрэ Ефесия и тэ припхэнэс одолэ манушэнгэ тэ на сыклякирэн явёр сыклякирибэн, ⁴ и тэ на шунэн лэнгирэ парамысы́тка и роспхэныбэна пал вари-конэскиро рóдо би концоскиро (би ягороскиро), савэ кэрэна бутыр чингáрд, сыр сыклякирэна пал Дэвлэскиро патяибэн. ⁵ Давá припхэныбнаскиро чачипэн исын дро патыв кэ явёр манушá жужэ илэстыр и лачхэ патыватыр и чачунé патяибнастыр, ⁶ вари-савэ манушá ду́ринэ далé дромэстыр, и лынэ тэ залэнпэ чхучэ́ (пустонэ) ракирибнаса, ⁷ ёнэ закамлэ тэ явэн Законóскирэ сыклякирдэ, нэ ёнэ кокорé на джинэна ни дова́, пал со ёнэ ракирэна, ни дова́, со ёнэ допхэнэна. ⁸ Нэ амэ джинáса, со Законó исын лачхó, кóли вари-кон кэрэла пир Законó, ⁹ амэ джинáса, со Законó исын счхудэ на ваш патяибны́тконэ манушэ́скэ, а ваш одолэнгэ, савэ кэрэна на пир Законó, и савэ на кандэна, и савэ на патяна Дэвлэ́скэ, и савэ кэрэна грэ́хи, и савэ исын бидэвлы́ткаря, и савэ исын магирдэ, и савэ газдэна васт пэ пэскирэ дадэ́стэ ци датэ, и савэ мулякирэна манушэн, ¹⁰ савэ дживэна джувлénца би сэвлакиро, савэ дживэна му́ршэнца сыр джувлénца, савэ чорэна манушэн, савэ исын хохайбна́рья, савэ совлахана хоханэс сыр якхы́тка. ¹¹ Адякэ упхэнэла пэ лэндэ славу́тно бахталы зан амарé бахтиякирдэ Дэвлэ́скири, сави́ сыс допатяндлы мэ́нгэ тэ роспхэнав. ¹² И мэ парикирава мирé Рáскэ-Дэвлэ́скэ, Исусóскэ Христосóскэ, Савó ды́я мэ́нгэ зор, со Ёв пригалы́я ман патяибны́тконэса и ды́я мэ́нгэ тэ дынаринав Лэ́скэ, ¹³ мэ́нгэ, савó англэды́р тэлякирдэ Дэвлэ́с, и трады́я дэвлы́тконэ манушэн, и кэрдём чорипэн лэнгэ: нэ Дэвэл примангдя мэ́нгэ, пал-дова́ со адякэ кэрдём пир наджины́бэн и пир напатяибэн. ¹⁴ Нэ бахталыпэн амарé Рáскиро-Дэвлэ́скиро сыс сыкадо кэ мэ дро сарó ла́киро барвалы́пэн, выкэды́йнаса и илэ́са дрэ Исусóстэ Христосóстэ. ¹⁵ Кадава́ лав исын патяибны́тко, со Исýсо Христóсо явдя дро свéто тэ зракхэл грехи́тконэн, савэндыр мэ сом най фуе́дыр. ¹⁶ Нэ ваш дава́ мэ́нгэ сыс примангнэ грэ́хи, соб (кай) Исýсо Христóсо тэ сыкавэл дрэ мэ́ндэ пэ́рвонэстэ сарó длуго вы́рикирибэн, соб (кай) тэ дыкхэн одолэ́, савэ явэна тэ патян дрэ Лэ́стэ кэ вéчно джи́ибэн. ¹⁷ Вечно́нэ Крали́скэ, савó ниéкхвар на мэ́рэла

и дживэла дрэ сарэ веки, Набицylэскэ и Екхджинэскэ Дэвлэскэ, мэк тэ явэл патыв и слава дрэ сарэ веки. ¹⁸ Мэ дава тукэ дава упхэныбэн, чхава миро Хима, сыр ангил сыс пхэндло пал тутэ, соб (кай) тэ рикирэспэ кэ далэ лава и тэ могоинэс тэ лыджас свэнто марибэн, ¹⁹ и тэ раххэс патяибэн и лачхй патыв, сави вари-савэ мануша хасякирдэ, и лонгиро патяибэн роспыапэ, ²⁰ машкйр лэндэ сыс Именё и Лександро (Александр), савэн мэ отдыём налачхэскэ, соб (кай) ёнэ тэ на тэлякирэн Дэвлэс.

Шэро 2

Сыр тэ Мангэнпэ дрэ Кхангири

¹ Англэдыр сарэстыр, мэ древан мангава тумэн, саро часо тэ мангэнпэ Дэвлэскэ, тэ мангэн и тэ мангэнпэ Дэвлэскэ пал явирэндэ тэ парикирэн Лэскэ пал сарэ манушэндэ, ² пал кральэндэ и пал сарэ манушэнгирэ барэ рандэ, соб (кай) амэнгэ тэ явэл саштыпэн (возможность/ваканция) тэ дживас штылэс и раманёнэс (мирнэс) сарэ дэвлыткимаса и тэ лыджан пэс пир чачипэн; ³ пал-дова со дава исын лачхо и лачхо Зракхибнарискэ, амарэ Дэвлэскэ, ⁴ Саво камэла, соб (кай) сарэ мануша тэ зракхэнпэ и тэ джинэн чачипэн. ⁵ Пал-дова со Дэвлэс исын Екх, и екх исын машкиратуно (посреднико) машкйр Дэвлэстэ и манушэндэ, адава мануш исын Исусо Христосо, ⁶ Саво отдыя Кокорó Пэс, сыр выкиныбэн пал сарэ манушэндэ, Ёв сыс Дэвлэскиро допхэныбэн свэтоскэ, саво сыс дыно дро пэскиро часо; ⁷ ваш дава мэ сомас чхудо сыр Дэвлэскиро пхэныбнаскиро и Апостоло, – мэ ракирава тумэнгэ чачипэн, мэ на хохавава, и мэ сом сыклякирибнари пир патяибэн и чачипэн Наюдэнгэ. ⁸ Мэ палдава камам, соб (кай) мурша тэ мангэнпэ Дэвлэскэ пэ кажно штэто, и соб (кай) тэ газдэн свэнта, отдынэ Дэвлэскэ васта би холынакиро и би куниныпнаскиро. ⁹ И адякэ-паць мэк джувля тэ урьенпэ патывалэс, и лэндэ тэ явэн ладж, тэ на пхутён екх ангил екхатэ дрогонэ идяса, сувнакаса, ци кучонэ барэнца, ци балэнгирэ гожымаса, ¹⁰ нэ соб (кай) ёнэ фэдыр тэ кэрэн лачхэ рэнды, савэ и трэй тэ кэрэл джувлякэ, сави отдыя пэс Дэвлэскэ. ¹¹ Мэк тэ сыклёл джувлы штылэс, и тэ кандэл; ¹² нэ тэ сыклякирэл джувлякэ мэ на дава воля, ци тэ хулаинэл ромэса, нэ тэ явэл ёй штыл дрэ кхангири; ¹³ пал-дова со англэдыр сыс создынó Адамо, а коригэдыр (позжэ) Ева. ¹⁴ И сыс хохадó на Адамо, а джувлы, пал-дова со ёй поддыапэ хохаибнаскэ и пиригия Дэвлэскиро Закóно. ¹⁵ Нэ ёй явэла зракхны пир дава, со ёй биянэла чхаворэн, коли ёй явэла дурэдыр дро патяибэн и дрэ патыв кэ явйр мануша и дрэ патыв лачхэ рэндэнца (делэнца).

Шэро 3

Дыкхибнаскирэ/ Пхурэдыра (Барыдыра) дрэ Кхангири

¹ Чачуно исын лав, коли кон зоралэс камэла тэ явэл кхангириякиро барыдыро (епископо), адава мануш мангэла тэ кэрэл лачхй буты. ² Нэ кхангириякирэ барыдырэскэ трэй тэ явэл бидошакирэскэ, екхэ – ромнякиро ром, саво джинэл пэс тэ рикирэл дрэ васта, годьварó, тэ явэл лэстэ патыв кэ пэ, саво прилэла манушэн илэса, и тэ явэл лачхо сыклякирибнаскиро (учителё); ³ тэ на явэл матымари, тэ на явэл захало, нэ тэ явэл ковлэ-илытко, тэ явэл раманёно (мирно), тэ на явэл галко кэ ловэ, ⁴ саво исын хулай пэ пэскиро кхэр, конэс чхавэ кандэна, лыджана пэс пир чачипэн; ⁵ пал-дова со, коли вари-кон нанэ хулай дро пэскиро кхэр, сыр адава мануш явэла тэ дыкхэл пал Дэвлэскири Кхангири? ⁶ Тэ на явэл кхангириякиро барыдыро одолэ манушэндыр, савэ нагара упатяндынэ дрэ Дэвлэстэ, кадава саво мануш могоинэла тэ запхутёл, и тэ пэрэл тэл сэндо сыр налачхо. ⁷ Лэстэ трэй тэ явэл лачхо допхэныбэн машкйр манушэндэ, савэ нанэ кхангириятыр, соб (кай) лэскэ тэ на попэрэл тэл холямо сабэн и дрэ налачхэскири фэлы.

Манушá, Савэ Помогинэна дрэ Кхангирí

⁸ Кхангирьякирэ бутярнэнгэ (диаконэнгэ) адякэ-паць трэй тэ явэн чачунэ, тэ на явэн ёнэ дуемуйтка, тэ на пьен бут мол, и тэ на явэн галка (жадна) кэ ловэ, ⁹ ваш дова, соб (кай) ёнэ тэ раххэн сыкадо патяибнаскиро гарадо чачипэн жужэ патыва́са, саво́ сыс сыкадо. ¹⁰ И адасавэ манушэн адякэ-паць англэдыр трэй тэ пропатыкирэс, и ко́ли лэндэ нанэ нисави́ дош, тэды ёнэ мого́нэна тэ дынаринэн (тэ служынэн). ¹¹ Адякэ-паць и лэнгирэ джувленгэ трэй тэ лыджан пэс пир чачипэн, тэ на бангякирэн никонэс хоханэс, тэ на пьен, и тэ явэн патяибнытка дро саро́. ¹² Кхангирьякирэ бутярнэскэ трэй, соб (кай) ёв тэ явэл екхэ-ромнякиро ром, саво́ исын лачхо́ хула́й пэскирэ чхавэнгэ и кхэрэскэ: ¹³ пал-дова́ со одолэ манушá, савэ шука́р дынаринэна, кэ ёнэ исын баро́ кутякирибэн и ёнэ муршканэс ракирэна пал патяибэн дрэ Исусо́стэ Христосо́стэ.

Баро́ Чораханыбэн

¹⁴ Кадава́ лыл мэ чхина́ва ту́кэ, и думина́ва, со мэ сыг ява́ва кэ ту; ¹⁵ нэ ко́ли мэ зарикиравпэ, соб (кай) ту тэ джине́с, сыр трэй тэ лыджас пэс дрэ Дэвлэскиро Кхэр, саво́ исын джидэ – Дэвлэскири Кхангирí, сави́ исын шэрало́ бар и фунда́менто ваш чачипэн. ¹⁶ И сарэ пригалынэ, со баро́ гарадо́ чачипэн исын дро амаро́ дэвлыткимакиро патяибэн: Дэвэл явдя́ дрэ манушы́тко лоч (плоть), Ду́хо (Фа́но) пригалыя Лэс чачунэса, сыкады́ Пэс Янголэнгэ, пал Лэ́стэ респхэндлэ машки́р сарэ манушэндэ, дрэ Лэ́стэ упатяндыя свэ́то и Ёв сыс лыно́ упрэ́ дрэ сла́ва пэ болыбэн.

Шэро́ 4

Хоханэ́ Сыклякирибна́рья

¹ Ду́хо (Фа́но) маму́й ракирэ́ла, со дро палатуно́ (последнё) часо́ бут манушá мэ́кэна тэ патя́н, лэ́на тэ кандэн хоханэ́ ду́хи и тэ шунэн бэнгланэ́-духэнгиро сыклякирибэн; ² кадава́ сыклякирибэн респхэнэна дуемуйтка хохайбна́рья, савэ́ хасякирдэ́ сарí ладж, сы́рбы вари-кон схачкирдя́ ла, ³ и адалэ́ манушá запхэнэна тэ лэнпэ, и тэ на хан саро́, со создды́ Дэвэл ваш дова́, соб (кай) патяибнаскирэнгэ, и кон уджиндя́ чачипэн, тэ хан саро́ парикирибна́са. ⁴ Пал-дова́ со саро́, со создды́ Дэвэл, исын лачхо́ и сашты́ саро́ тэ хас, ко́ли амэ парикираса пал хабэн, ⁵ пал-дова́ со саро́ хабэн ячэ́ла жужо́ пир Дэвлэскиро лав и мангипэн.

Пал Лачхо́-Кхангирья́кирэ́ Дынари́стэ

⁶ Ко́ли ту явэ́са тэ сыклякирэс кадава́ упхэныбэн пшалэнгэ, ту явэ́са лачхо́ кхангирья́киро дына́ри Исусо́скэ Христосо́скэ, и ту явэ́са чарадо́ патяибнаскирэ лавэнца́ и сыклякирибна́са, саво́ ту пхэрдэ́с кэрдян кэ ко́нцо/яго́ро (сполниндя́н). ⁷ Ракхпэ́ магирдэ́ ракирибнэндыр, и пхурэ́-джувленгирэ́ парамысендыр, нэ сыклёв тэ дживэ́с дарáса ангíл Дэвлэ́стэ. ⁸ Пал-дова́ со, кон залэ́лапэ́ пэскирэ́ мускулэнца́ и масэнца́, дава́ лэ́скэ зорья́кирэ́ла лэ́скирэ́ маса́-дава́ исын набаро́ лачхипэн, нэ кон дживэ́ла дарáса ангíл Дэвлэ́стэ, одова́ янэ́ла лачхипэн пир саро́ и дэ́ла надéя дро дава́ свэ́то и дрэ дова́, со явэ́ла ангíл. ⁹ Кадава́ лав исын патяибны́тко, ёв исын мол тэ прилэл лэс, ¹⁰ ваш дава́ амэ́ и кэра́са да́я буты́ и сы́рбы мараса́пэ, со амэ́ чхуваса́ надéя пэ́ джидэ́ Дэвлэ́стэ, Саво́́ исын сарэнгирэ́-манушэнгиро́ Зракхи́бна́ри, нэ буты́р ко́долэнгэ, кон патя́ла дрэ́ Лэ́стэ. ¹¹ Пхэн зоралэ́с дава́́ манушэнгэ́ и сыкля́кир лэн. ¹² Мэ́к ниé́кх тэ на дыкхэл вучипна́стыр пэ́ ту́тэ пал тыро́ тэрны́пэн; нэ сыка́в пэс дэвлы́тконэ́са патяибнаскирэнгэ́ дро лав, дро джи́ибэн, дрэ́ паты́в кэ́ яви́р манушá, дро́ ду́хо (фа́но), дро́ патяибэн, дрэ́ жужы́ма. ¹³ Гин Свэ́нто́ Чхины́бэн, подрики́р манушэн, и сыкля́кир лэн кэ́ дава́́ часо́, па́ка мэ́ ява́ва. ¹⁴ Прилэ́́ илэ́са талáно, со́ исын дрэ́ ту́тэ, саво́́ сыс дыно́́ ту́кэ́ пророкэндыр, пир саво́́ кэрдэ́́ раша́я, кэ́ли ёнэ́́ чхудо́́ упрэ́́ васта́́ пэ́ ту́тэ. ¹⁵ Дыкх пал дава́́,

отдэ пэс пхэрдэс далэскэ, соб (кай) тэ явэл бицялы тырй буты ваш сарэнгэ. ¹⁶ Дыкх цямкэс пал пэскиро джибэн и сыклякирибэн, кэр дава саро часо, коли ту адякэ явэса тэ кэрэс, зракхэса пэс и кодолэ манушэн, савэ шунэна тут.

Шэро 5

Патяибнаскирэ Отпхэнэна Екх пал Екхэстэ

¹ На сыкав банг пхурэ манушэскэ, нэ отлыджапэ кэ ёв, сыр кэ пэскиро дад, а кэ тэрнэ отлыджапэ, сыр кэ пэскирэ пшала, ² отлыджапэ кэ пхури джувлы, сыр кэ дай, кэ тэрнэ джувля отлыджапэ, сыр кэ пхэня сарэ жужымаса.

Кутякирибэн кэ Чачунэ Пивля (Удóвы)

³ Кутякир (уважын) пивлэн (удовэн), савэ ячнэпэ би ромэнгино чачунэс; ⁴ коли вари-савьятэ пивлятэ исын чхавэ ци ўнуки ^[1], то мэк ёнэ англэдёр тэ сыклён тэ сыкавэн дэвлыткима кэ пэскири сэм'я (ирй) и кэ дада, дава исын лачхó Дэвлэскэ. ⁵ А чачуны пивлы и савй исын екхджины, ужакирэла лачхипэн Дэвлэстыр и мангэлапэ Дэвлэскэ и мангэла Дэвлэс дывэс и рат. ⁶ Нэ, одоя, савй дживэла ваш пэскиро камибэн, исын сырбы мулы, на дыкхй, со ёй исын джиды. ⁷ И дава пхэн зорьяса манушэнгэ, соб (кай) ёнэ тэ явэн бидошэнгирэ. ⁸ А коли вари-кон пал пэскирэ манушэндэ и бутыр сарэстыр пал кхэритконэндэ на дыкхэла, одова мануш отпхэндяпэ патяибнастыр и ёв исын фуедыр одолэстыр, саво на патяла. ⁹ Мэк ни екх пивлы тэ на зачхинэлпэ дрэ кхангирьякири лылварй тэ помогинэн лэкэ, пака лэкэ нанэ шовдэша бэрш, соб (кай) латэ тэ явэл екх ром, ¹⁰ савья джинэна пир лакирэ лачхэ рэнды, коли ёй выбарьякирдя лачхэнца пэскирэ чхавэн, коли ёй прилэлас чужонэ манушэн, савэндэ на сыс, кай тэ дживэн, мордя гэрэ свэнтонэнгэ, и помогинэлас одолэнгэ, конэстэ сыс бйда, и коли ёй каканэ кэрэла дурэдёр лачхэ рэнды. ¹¹ На прилэ тэрнэ пивлен дрэ кхангирьякири лылварй тэ помогинэн лэнгэ дрэ кхангирй, пал-дова со, кели лэнгирэ-масэнгино камибэн ячэла зоралэдёр тырдыпнастыр кэ Христосо, ёнэ нэвэстыр камэна тэ джан палором. ¹² Ёнэ кокорэ ячэнапэ бангэ, со ёнэ мэкнэ англатуно патяибэн и дыно лав. ¹³ И ёнэ адякэ-паць на кэрэна нисо, а псирэна пир кхэрэ, злыджана плётки, рэсэна на дрэ пэскирэ рэнды тэ ракирэн дова, со налачхэс тэ ракирэн. ¹⁴ И палдава мэ камам, соб (кай) тэрнэ пивля, тэ джан палором тэ биянэн чхаворэн, и тэ лыджан кхэритко хулаибэн, тэ на дэн нисаво саштышэн тумарэ вэргоскэ, соб (кай) тэ ракирэл фуипэн. ¹⁵ Пал-дова со вари-савэ лэндёр змардэпэ патяибнаскирэ дромэстыр и гинэ пал налачхэстэ. ¹⁶ Коли вари-савэ патяибнаскирэ джувлятэ исын пивля (удовы) кхэрэ, мэк ёй тэ дэл васт лэнгэ, и мэк ёй тэ на чхувэл пхарипэн пэ кхангирй, соб (кай) ёй дэл васт чачунэ пивленгэ.

Кутякирибэн кэ Годэпхурэ

¹⁷ Мэк годэпхурэ (пхурэдёр пшала), савэ шукэр дынаринэна ваш Дэвлэскэ, тэ явэн дрэ бари патыв, бутыр сарэстыр одолэ, савэ роспхэнэна Христососкиро лав и сыклякирэн; ¹⁸ пал-дова со дрэ свэнто чхиныбэн исын пхэндлэ: “На закэр муй бутярнэ гурувэскэ пэ гив, и бутярно исын мол тэ лэл плэскирибэн пал пэскири буты.” ¹⁹ На прилэ бангякирибэн пэ годэпхурэстэ (пхурэдёрэ пшалэстэ) ни дро со, сыр ангил дуендэ ци тринэндэ якхитконэндэ/ якхалэндэ (свидетелендэ). ²⁰ Манушэн, савэ кэрдэ грэхо, бангякир мамуй ангил сарэндэ, соб (кай) явйр тэ дарэн. ²¹ Мэ засовлахава тут ангил Дэвлэстэ и Растэ – Дэвлэстэ, Исусостэ Христосостэ и Янголэндэ, савэн выкэдынэ, тэ зракхэс далэ упхэныбэнэ и адякэ нисо тэ на парувэс ваш вари-конэскэ, соб (кай) ничы тэ на кэрэс пир пэскиро илэ. ²² На сыгнёв (на яв сыгно) тэ чхувэс упрэ васта ни пэ конэстэ, соб (кай) тумэ тэ на явэс кхэтанэ манушэнца, савэ кэрэна грэхо и на чхув упрэ васта пэ манушэстэ, савэ нагара лыя тэ патял, ракх пэс набангэса (жужэса) ²³ Дурэдёр на пи екх панй, нэ выпи набут мол (вино) ваш тыро кужум и тыро часто

насвалыпэн. ²⁴ Вари-савэ манушэнгирэ грэхи исын адякэ бицялэ, со ёнэ янэна пэ пэстэ сэндо англэдыр одолэ часостыр, саво явэла, нэ явир манушэнгирэ грэхи пака исын набицялэ, ёнэ джана лэса, карик и ёв джала. ²⁵ Адякэ-паць и лачхэ рэнды исын бицялэ; коли ёнэ нанэ дасавэ, на могоинэн тэ явэн гарадэ.

5:4 ^[1] Дрэ явир диалекты пхэнэлапэ “непоты”

Шэрó 6

Кутякирибэн кэ Хулай

¹ Мэк писхэрья, савэ исын сырбы тэл гамо, тэ кутякирэн пхэрдэс пэскирэ хулан, соб (кай) Дэвлэскиро лав и Лэскиро сыклякирибэн тэ на калякирэн. ² И одолэ, савэндэ исын патяибнаскирэ хулай, мэк ёнэ тэ на дыкхэн вучипнастыр пэ лэндэ, пал-довá со ёнэ исын лэнгирэ пшала, нэ мэк ёнэ фэдэдыр тэ дынаринэн лэнгэ сыр писхэрья, пал-довá со чачунэ и дрóга исын одолэ, савэнгэ исын лэндыр лачхипэн. Сыклякир и пхэн зорьяса манушэнгэ пал дава.

Хоханó Сыклякирибэн и Чачунó Барвалыпэн

³ Коли вари-кон сыклякирэла явир и на патяла дрэ чачунэ амарэ Рáскирэ-Дэвлэскирэ, Исусóскирэ Христосóскирэ лавá, соб (кай) дро сыклякирибэн тэ дарэл Дэвлэстыр, ⁴ то одовá мануш исын пхутькирдо, ёв нисó на джинэла, лэстэ исын налачхи мысля бут тэ роздуминэл и тэ лыджал сырбы марибэн пал лавá, савэндыр джала зэвлыныпэн, кошыбэн, калякирибэн, надопатяибэн, ⁵ и чхучэ ракирибэна машкир манушэндэ, савэндэ нанэ бари годы, и, савэ дарнапэ чачипнастыр, ёнэ думинэна, со дар ангил Дэвлэстэ-дава исын дром тэ барвалён. ⁶ Нэ исын бари льготá, коли манушэстэ исын дар ангил Дэвлэстэ и ёв исын древán радо сарэстыр, со исын лэстэ. ⁷ Пал-довá со амэ нисó на яндям дро дава свэто: дава чачó, со амэ нисó на могоинаса тэ лас лэстыр. ⁸ Нэ коли амэ сам чалэ и уридэ, амэнгэ трэй и пал дава тэ парикирас Дэвлэскэ. ⁹ А манушá, савэ камэна тэ розбарвалён, подэнапэ пэ пропатякирибэн и пэрэна дрэ фэлы, и дрэ бут дылынэ и грэхитка тырдыпэна, савэ лыджана лэн кэ бэдытко пэрибэн и кэ хасибэн. ¹⁰ Пал-довá со зоралó тырдыпэн кэ ловэ-дава исын пэрво дром, со янэла кажно фуипэн, исын бут манушá, савэ пир бари галкима кэ ловэ отрисинэ патяибнастыр и отдынэ пэс пэ бари бйда.

Упхэныбэнá Екхэ Химáскэ

¹¹ Ту сан Дэвлытко мануш, наш далэ сарэстыр, рódэ чачипэн, рódэ тэ кэрэс лачхипэн, яв дро патяибэн, яв дрэ патыв кэ явир манушá, яв вырикирибнытко и ковлэ-илытко. ¹² Марпэ пал лачхó патяибэн и вечно джиибэн, кэ савó тут Дэвэл кхардэ, и пал савó ту патывалэс пригалыян ангил бутэ якхитконэндэ (свидетелендэ). ¹³ Мэ упхэнава тукэ ангил Дэвлэстэ, Савó дэла сарэскэ джиибэн, и ангил Исусóстэ Христосóстэ, Савó лачхэс пригалыя Лэскиро патяибэн ангил Понтиёстэ Пилатостэ, ¹⁴ тэ раххэс припхэныбэн бибангыкиро и бидошэнгиро ангил дова, сыр амарó Рай Дэвэл, Исусó Христóсо явэла, ¹⁵ дава явэла дро дова дывэс, савó упхэндя Лэскэ Дэвэл Дад, Бахтякирдó и Екхджинó, сарэнгирэ-кральенгиро Крáли и Рай Дэвэл пэ сарэ рандэ, ¹⁶ Савó исын Екхджинó, Кон на мэрэла ниэкхвар, Савó дживэла дро дуд (свэто), карик ниэкх на явэла, Савэс никон манушэндыр на дыкхцá и тэ дыкхэл на могоинэла. Мэк тэ явэл Лэскэ вечно патыв и вечно зор. Амíнь. ¹⁷ Упхэн далэ свэтоскирэ барвалэнгэ, соб (кай) ёнэ тэ на газдэн пэс и тэ на патян дро пэскиро барвалыпэн, нэ фэдыр тэ патял дрэ джидэ Дэвлэстэ, Савó пхэрдэс дэла сарó, со трэй ваш амарí бахт, ¹⁸ соб (кай) ёнэ тэ кэрэн лачхипэн, тэ барвалён лачхэ рэндэнца, тэ дэн васт илэстыр явирэнгэ

тэ делинэнпэ пэскирэ барвалыпнаса явирэ манушэнца, ¹⁹ скэдыи пэскэ кучипэн; дава́ исын лачхо́ фундаменто и тэ скэдэн ваш часо, со явэ́ла ваш дова́, соб (кай) лэндэ́ тэ явэл вечно́ джи́ибэн. ²⁰ Химэ, зра́кх, со сыс допатындло́ ту́кэ, дурьёв магирдэ́ ракирибнэндыр и чхучэ́ ракирибнэндыр, и захалэ́ лавэндыр, савэ́ выджана́ джиныбнастыр, саво́ гинэ́на пал чачуно́, ²¹ и саво́ вари-савэ́ мануша́ пригалынэ́ лэс и палдава́ ёнэ́ отгинэ́ патяибнастыр. Мэк тэ́ явэл Дэвлэ́скиро бахталыпэн ту́са. Ами́нь.

Яви́р Павли́скиро Лыл Химаскэ́ (Тимофеёскэ́)

Шэро́ 1

¹ Павли́стыр, Исусо́скирэ Христосо́скирэ Апостолостыр, савэ́с Дэвэл выкэ́дыя пир Пэскири во́ля тэ́ роспхэнэл пал пхэндло́ джи́ибэн дро екхипэн Исусо́са Христосо́са. ² Химаскэ́, мирэ́ дрогонэ́ чхавэ́скэ: мэк тэ́ явэл бахталыпэн, тангипэн, рама́нэ Дэвлэ́стыр Дадэ́стыр и амарэ́стыр Ра́стыр-Дэвлэ́стыр, Исусо́стыр Христосостыр.

Парикирибэн и Подрикирибэн

³ Мэ́ парикирава́ Дэвлэ́скэ, Савэ́скэ́ мэ́ дынаринава́ (служынава́) адя́кэ, сыр дава́ кэрдэ́ и мирэ́-дадэнгирэ́ дада́ сарэ́ жужэ́ патыва́са, палдава́ мэ́ рипирава́ пал ту́тэ дро миро́ мангипэн Дэвлэ́скэ́ раты́ и дывэ́сэ, ⁴ древа́н ками́ тэ́ дыкхав́ тут и мэ́ рипирава́ тырэ́ ясва, соб (кай) ма́нгэ́ тэ́ явэл далэ́стыр бари́ ра́дыма; ⁵ мэ́ рипирава́ пал тыро́ чачуно́ патяибэн; адя́кэ патянды́я тырэ́-дакири́ дай Лои́да и тыри́ дай Евника́, мэ́ джино́м, со дасаво́ патяибэн исын адя́кэ-паць и дрэ́ ту́тэ. ⁶ Пир да́я причи́на мэ́ пхэна́ва ту́кэ тэ́ рипирэ́с и тэ́ рикирэ́с дрэ́ пэ́стэ Дэвлэ́скиро тала́но, саво́ ту́кэ ды́я Дэвэл, кэ́ли мэ́ чхудём упрэ́ васта́ пэ́ ту́тэ. ⁷ Пал-дова́ со Дэвэл ды́я амэ́нгэ́ ду́хо (фа́но) тэ́ на дарас, а соб (кай) тэ́ зоралёвас, и паты́в кэ́ яви́р мануша́, и годы́. ⁸ И палдава́ на ладжа́ тэ́ допхэнэ́с пал амарэ́ Ра́стэ-Дэвлэ́стэ, ни ма́ндыр, со мэ́ сом дро шта́рибэн пал Лэ́стэ, нэ́ яв кхэ́танэ́ ма́нца дрэ́ ма́ньки пал бахталы́ зан, пал-дова́ со Дэвэл ды́я зор пэ́ дава́, ⁹ Ёв, Саво́ зракхця́ и кхардя́ амэн кэ́ свэ́нто джи́ибэн на пир амарэ́ рэ́нды, а пир Пэ́скири дума́ и бахталыпэн, саво́ сыс дыно́ амэ́нгэ́ пир Исусо́стэ́ Христосо́стэ́ анги́л, сыр свэ́то я́ця, ¹⁰ Саво́ сыка́дя пэ́с ка́канá амэ́нгэ́ пир дава́ бахталыпэн, сыр явдя́ пэ́ пхув амаро́ Зракхи́бнари, Исусо́ Христосо́, Саво́ хасяки́рдя мэ́рибэн и отчхаки́рдя дуд (свэ́то) и ды́я вечно́ джи́ибэн пир бахталы́ зан (звесь); ¹¹ ваш сави́ Дэвэл чхудя́ ман тэ́ явав Апостоло́са и сы́клякирибна́скирэ́са тэ́ роспхэ́нав бахталы́ зан ваш Наю́дэ́нгэ. ¹² Пал дава́ мэ́ и мэ́нчынава́пэ́ ка́канá адя́кэ; нэ́ мэ́ на ладжа́ва далэ́стыр, пал-дова́ со мэ́ джино́м дрэ́ Конэ́стэ́ мэ́ упаты́ндыём и мэ́ зоралэ́с (твардэ́с) джино́м, со Ёв мо́гинэ́ла тэ́ зракхэ́л дова́, со ёв ма́нгэ́ допаты́ндыя анги́л дова́ Дывэ́с, кэ́ли Ёв явэ́ла. ¹³ Рики́р сыр примéро (сы́каибэ́н) чачуно́ лава́, савэ́́нгэ́ мэ́ сы́кляки́рдём тут, выкэ́дыибна́са и патяи́бна́са дро екхипэн Исусо́са Христосо́са. ¹⁴ Ракх дова́ кучипэн, саво́ допаты́ндыя ту́кэ́ Свэ́нто́ Ду́хо (Фа́но), Саво́ дживэ́ла дрэ́ амэ́ндэ. ¹⁵ Ту́ джи́нэ́са, со сарэ́ мануша́ Асия́тыр мэ́кнэ́ ман, и кхэ́танэ́ лэ́нца́ Фигело́ и Ерма́гено. ¹⁶ Мэк Рай́ Дэвэл тэ́ тангине́л Ани́сифоро́скиро кхэ́р, пал-дова́ со ёв бут мо́лы при́лэлас ман, и на ла́джалас, со мэ́ сом дро шта́рибэн; ¹⁷ а кэ́ли ёв сыс кэ́ Римо́, одо́й древа́н роды́я ман и латхя́ ман; ¹⁸ мэк Рай́ Дэвэл тэ́ тангине́л лэ́с дро Пэ́скиро́ Дывэ́с, сыр Ёв явэ́ла; ту́ фэ́ды́р джи́нэ́са, ци́ бут ёв ды́нариндя́ ма́нгэ́ дро Ефе́со.

Шэрó 2

Исусóскиро Христосóскиро Лачхó Дына́ри

¹ Мíро чхáво, барьёв бутэды́р дро бахталыпэн, савó исын дыно́ амэнгэ дро екхипэн Исусóса Христосóса, ² дова́ сыклякирибэн, со ту шундя́н ма́ндыр анги́л бутэндэ якхитконэнгэ, роспхэн патяибнытконэ манушэнгэ, савэ́ явэ́на тэ сыклякирэн адя́кэ-паць явирэн. ³ И палдава́ пирилыджа пэскири до́ля дрэ мэньки, сыр лачхó Исусóскиро Христосóскиро халадо. ⁴ Нисавó халадо на спхандэла пэс джибнытконэ рэндэнца, пал-дова́ со лэскэ трэй явэ́ла тэ явэл лачхó кодолэскэ, савэ́стэ ёв дынаринэла. ⁵ И ко́ли адя́кэ-паць вари-кон и лэлапэ тэ марэлпэ дрэ атлетика, уса́екх ёв на выбашавэ́ла (на выкхэлэла) вя́нка, ко́ли ёв явэ́ла тэ кэрэл на пир упхэныбэн. ⁶ Гавитконэ манушэскэ, савó кэрэ́ла буты́ пэ фэ́лда, трэй англи́дыр сарэндыр тэ хал барьякирдó (плóдо), со ёв кокóро выбарьякирдя. ⁷ Дэ го́ды пэскэ (подумин) пал дова́, со мэ пхэна́ва, и Рай́ Дэвэл дэ́ла галыибэн ту́кэ дро сарó. ⁸ Рíпир Исусóс Христосóс, Давидóскирэ родóстыр, Савó отджиды́я мулэндыр, сыр исын чхиндлó дрэ Ева́нгелия, савí мэ роспхэнава, ⁹ пал дава́ мэ и мэ́нчынавапэ, и пал дава́ мэ аж сом дрэ састыра́ сыр розмарибна́ри: нэ Дэвлэ́скиро лав исын на запхандло дрэ састыра́. ¹⁰ Палдава́ мэ сарó вырикирава ваш манушэнгэ, савэн выкэ́дыя Дэвэл, соб (кай) и ё́нэ тэ дорэ́сэн зракхибэн, савó явэ́ла пир Исусóстэ Христосóстэ вечнóнэ слава́са. ¹¹ Патяибны́тко исын кадава́ лав: “Ко́ли амэ мы́ям Лэ́са, тэ́ды амэ адя́кэ-паць ява́са и тэ джива́с кхэ́танэ Лэ́са; ¹² ко́ли амэ вырикираса мэ́ньки, тэ́ды амэ адя́кэ ява́са тэ кра́линас кхэ́танэ Лэ́са, а ко́ли отпхэна́сапэ Лэ́стыр, тэ́ды и Ё́в отпхэнэлапэ амэндыр; ¹³ ко́ли амэ на сам патяибны́тка, Ё́в ячэлпэ патяибны́тко, пал-дова́ со Ё́в на мого́нэла тэ отпхэнэлпэ Кокóро Пэ́стыр.”

Лачхó Бутя́рно ваш Дэвлэ́скэ

¹⁴ Пхэн сарэнгэ тэ рипирэн пал дава́; совлаха́ анги́л Дэвлэ́стэ, соб (кай) тэ на лы́джан сы́рбы ма́рибэн пал лава́, со на со екх на яндэ́ла нисавó лачхипэн, а чхувэ́ла тэлэ́ одолэн, кон шунэ́ла. ¹⁵ При́чхув зор, соб (кай) ту тэ явэ́с лачхó анги́л Дэвлэ́стэ, и тэ явэ́с лачхó бутя́рно, савэ́скэ на трэй тэ ладжал, савó чачунэ́с сыклякирэ́ла манушэн пал Дэвлэ́скиро лав. ¹⁶ А дылы́нэ и чхучэ́ лавэндыр джа́ криг, пал-дова́ со ка́дасавэ́ мануша́ уса́ дурэ́дыр отджана Дэвлэ́стыр, ¹⁷ и лэ́нгиро лав, сыр кирмо (рако), явэ́ла тэ розджалпэ бутэды́р, машки́р лэндэ́ исын Имене́ё, и Филито; ¹⁸ савэ́ ду́ринэ цэлэ́стыр (рэса́тыр) кэ́ чачипэн и ракирэ́на, со отджидякирибэн мулэндыр ужэ́ сыс, и далэ́са ё́нэ сы́рбы пха́гирэ́на патяибна́скиро фунда́менто дрэ вари-савэ́ манушэнгирэ́ илэ́. ¹⁹ Нэ́ уса́екх зорало́ чачы́пна́скиро фунда́менто, со Дэвэл чху́дя анги́л, исын тэ́рдó, пэ́ лэ́стэ исын чху́ды чэ́ргэнори́ чхиндлэ́ лавэнца: “Рай́ Дэвэл джи́нэла Пэ́скирэн манушэн, ка́жно, кон рипирэ́ла Ра́скирэ-Дэвлэ́скиро лав, мэ́к тэ ду́рьёл нача́чипна́стыр.” ²⁰ Дрэ ба́ро кхэр исын кхорэ́ на со екхэ́ сувна́ка́стыр и рупэ́стыр, нэ́ адя́кэ-паць исын и каштэ́стыр и глэ́ятыр (глина́тыр); и екх ча́рэ ваш свэ́нко, а яви́р ваш ка́жно дывэ́с, ²¹ ко́ли вари-кон вы́жу́жакирэ́ла пэ́с ка́далэ́ грэхэндыр, ё́в явэ́ла сыр ча́ро, савó лэ́на ваш свэ́нко и савó трэй лэ́скирэ Ра́скэ́ пэ́ ка́жно лачхó рэндо. ²² Наш пэ́скирэ – тэ́рнэнгирэ́ грэхитконэ́ ты́рды́пна́стыр, а ро́дэ чачипэн, рíки́рпэ патяибна́скэ, патыва́кэ кэ́ яви́р мануша́ и мэ́к тэ явэл ра́мане манушэнца, савэ́ кха́рэна Дэвлэ́скиро лав сарэ́ илэ́стыр. ²³ Наш дылы́нэ и чхучэ́ спрэ́чкэндыр, ту́ ж джи́нэса, со далэ́стыр джа́ла чинга́рд. ²⁴ А Ра́скирэ-Дэвлэ́скиро писха́ры́скэ на́шты́ никонэ́са тэ марэлпэ́ пал лава́, а лэ́скэ трэй тэ явэл шты́л (тихо) сарэ́ манушэнца, тэ́ джи́нэл тэ сы́клякирэ́л и тэ явэл ра́хмано (бихо́лына́киро); ²⁵ тэ сы́клякирэ́л пал патяибэн ко́влэ́ илэ́са одолэ́ манушэн, савэ́ исын проти́ лэ́скиро сы́клякирибэн, пал-дова́ со дава́ са́шты́ тэ́ явэл, со Дэвэл дэ́ла са́шты́пэн (возмо́жность/ва́канцыя) лэ́нгэ́ тэ при́галён лэ́нгирэ́ грэ́хи и тэ у́джинэн ча́чипэн, ²⁶ соб (кай) ё́нэ тэ вы́джан на́лачхэ́скирэ́ фэ́лятыр, савó ухты́лдя́ лэн, и за́чхувэ́ла лэн тэ кэрэн пир лэ́скири во́ля.

Шэрó 3

¹ Джин, со явóла пхарó часо дрé палатунé (последня) дывэсá. ² Манушá на явóна тэ сыкавэн патýв екх екхэскэ, явóна тэ традэнпэ пал барвалыпэн, явóна шарибнытка, пхутькирдé, явóна тэ калякирэн екх екхэс, и на явóна тэ кандэн пэскирэ кхангирыякирэ пхурыдырэн, лэндýр на шунэса парикирибэн, ёнэ явóна магирдэ бидэвлыткарья; ³ лэндэ на явóла патýв кэ явýр манушá, ёнэ явóна захалé, явóна тэ бангякирэн явирэ манушэн хоханэс, явóна тэ на зрикирэн пэс, холынакирэ, на явóла пир илó лэнгэ лачхипэн; ⁴ ёнэ явóна бикибнарья, нахрата, явóна тэ газдэн накх барипнаса, ёнэ явóна тэ рýкирэн сыр дрогима пэс бутýр Дэвлэстыр; ⁵ ёнэ явóна тэ сыкавэн ангýл манушэндэ, со дарэна Дэвлэстыр, нэ ёнэ дэнапэ палэ Лэскирэ зорýятыр. Джá адасавé манушэндýр криг. ⁶ Пал-довá со кэ адасавé манушá отлыджанапэ кодолé, савé заджána дро кхэр хохайбнаса и злыджана джувлэн, савé исын сарé дро грéхо, и савэн тырдэна грэхýтка камибэна, ⁷ Кадалé джувлý сарó часо сыклéна и ёнэ ниэкхвар на могоинэна тэ уджинэн чачипэн. ⁸ Сыр Яниё (Ианниё) и Ямвриё (Иамвриё) сыс проти Мойзастэ, адýкэ-пацý и ёнэ исын проти чачипэн, набарé-годякирэ ёнэ исын манушá, савé рисинé думэса пэ патяибэн дрé Христосóстэ. ⁹ Нэ лэнгэ яцýпэ нáбут часо адýкэ тэ дживэн, пал-довá со лэнгиро дýлныпэн явóла бицýлó сарэнгэ, сыр дава сыс одолé манушэнца, савé сыс проти Мойзастэ: Яниёса и Ямвриёса

Палатунé Упхэныбэна

¹⁰ Ту гýян пир миро дром дро сыклякирибэн, дро джиибэн, дро чачипэн, дро патяибэн, дро длэнго вырикирибэн, дрé патýв кэ явýр манушá, дрé зор пир дýхо (фáно), ¹¹ дро традыпэн, мýньки, сыс савé мánгэ дрé Антиóхия, дрé Икония, дрé Листра, савé традыпэна мэ вырикирдём, и сарэстыр Дэвэл зракхцý ман. ¹² И сарé, кон камéла тэ дживэл дарáса ангýл Дэвлэстэ пир патяибэн дро екхипэн Исусóса Христосóса, кадасавэн явóна тэ традэн. ¹³ А фýй манушá и хоханé сыклякирибнарья явóна бутýр тэ хохавэн и тэ залыджан дро хохайбэн явирэ манушэн и тэ хохавэн кокорé пэс. ¹⁴ Нэ ту яв дурэдýр дро довá, дро со тут сыклякирдé и дро довá, со исын допатяндло тýкэ, пал-довá со ту джинэса, кон тут сыклякирдý. ¹⁵ Ту тыкнорал (детствостыр) джинэса Свэнто Чхиныбэн, савó дéла тýкэ годý и лыджала тут кэ зракхибэн пир патяибэн дрé Исусóстэ Христосóстэ. ¹⁶ Сарó Свэнто Чхиныбэн исын пир Дэвлэскиро Дýхо (Фáно) и дéла лачхипэн ваш сыкляибэн, ваш вырикирибэн – кон дéлапэ дукхá, сыклякирéла тэ уджинэл чачипэн. ¹⁷ Мэк Дэвлэскиро мануш тэ явэл скэдынó, и тэ джинэл кэ кэрэл кажно лачхó рэндо.

Шэрó 4

¹ И палдава мэ зоралэс мангáва тут ангýл Дэвлэстэ и Исусóстэ Христосóстэ, Савó явóла тэ сэндякирэл джидэн и мулэн, кéли Ёв явóла тэ хулаинэл сыр Крáли, ² роспхэн Дэвлэскиро лав манушэнгэ, дро кажно часо и кéли нанэ часо, выракир дошá, сыкав банг, приракх сарé длэнгэ вырикирибнаса и сыклякирибнаса. ³ Палдава со явóла часо, кéли манушá на явóна тэ пирилыджан чачунó сыклякирибэн, ёнэ кокорé явóна тэ выкэдэн пэскэ сыклякирибнаскирэн пир пэскири годý, савé явэнэ тэ ракирэн лэнгэ кодовá, со ёнэ кокорé камэна тэ шунэн. ⁴ Ёнэ отрискирэна пэскирэ канá тэ шунэн чачипэн, а ёнэ рискирэна канá тэ шунэн манушэнгирэ парамыси. ⁵ Нэ ту яв ракхунó дро сарó, пирилыджа сарó чорипэн, роспхэн бахталý зан (звесь), кэр пхэрдэс пэскиро дынарибэн. ⁶ Пал-довá со каканá миро рат прочхувэла, сыр мол ваш свэнто дыибэн Рáскэ-Дэвлэскэ и явдýа миро часо тэ уджав кадалé свэтóстыр. ⁷ Мэ мардёмпэ лачхэс пал чачипэн ваш Рáскэ-Дэвлэскэ, мэ кончиндём джиибнытко дром, и мэ зракхцём патяибэн. ⁸ А каканá ман ужакирéла вýнка чачипнытко, савý Рай Дэвэл дéла мánгэ, чачунó Сэндáри дро Дывэс, савó Ёв выкэдýя, нэ на екхэ мánгэ, нэ и одолé манушэнгэ, кон ужакирéла откэрдэ илэса, кéли Ёв явóла.

Лавá пал Манушэндэ

⁹ Кэр сарó шукар, причхув зор, соб (кай) тэ явэс кэ мэ сыгэс; ¹⁰ пал-довá со Димасо мэкця ман, лэскэ яця дро́го кадалэ – векоскиро джиибэн, и ёв гия дрэ Фесалоника, Крискенто гия дрэ Галатия, а Тито дрэ Далматия. ¹¹ Екх Лука яцяпэ манца. Лэ Маркос и ян пэса, пал-довá со ёв мангэ трэй ваш дынарибэн Дэвлэскэ. ¹² А Тихикос мэ бичхадём кэ Ефесо. ¹³ Кéли ту явэса тэ джас кэ мэ, ян миро бушлато, савó мэ ячкирдём кэ Троада Капростэ, и лылваря, бутыр сарэстыр кодолэ, савэ исын пэ цыпа. ¹⁴ Лександро, фаирнари пир харкóма (меднико), кэрдя бут чорипэн, мэк Дэвэл тэ отдэл лэскэ пал лэскирэ рэнды (дэлы). ¹⁵ Ракхпэ и ту лэстыр, пал-довá со ёв сыс древán проти амарэ пхэныбнаскирэ лавá. ¹⁶ Кéли мэ пэрво мóло затэрдёвавас пал пэстэ, ниéкх на сыс пашыл мандэ, а сарэ мэкнэ ман. Мэк дава́ тэ на явэл лэ́нгэ загиндло дрэ банг. ¹⁷ Нэ Рай Дэвэл сыс пашыл мандэ, Ёв дыя мангэ зор, соб (кай) пир мандэ тэ ячэл пхэныбэн пал Дэвлэстэ зоралэдыр и соб (кай) ман тэ шунэн сарэ манушá, савэ исын Наюды, и соб (кай) мангэ тэ зракхавпэ шчэрэскирэ (левóскирэ) дандэндыр. ¹⁸ И Рай Дэвэл зракхэла ман кажно́у фуипнастыр и янэла ман бидошакирэс дро Лэскиро Кралипэн дро Болыбна́скиро Раё. Тэ явэл Лэскэ сла́ва пэ сарэ ве́ки. Ами́нь. ¹⁹ Пиридэ “рама́нэ” Прискилакэ и Акилоскэ и Анисифороскирэ сэмякэ. ²⁰ Ерасто яцяпэ дро Коринфо, а Трофимос мэ ячкирдём насвалэс дрэ Милита. ²¹ Причхув зор тэ явэс сыгэдыр адары́к ангил ивант (зима). Евуло пиридэла тукэ “рама́нэ”, и Пудо, и Лино, и Клавдиё, и сарэ явир пшáла. ²² Мэк тэ явэл Рай Дэвэл Исусо Христóсо тырэ духóса. Мэк тэ явэл Дэвлэскиро бахталыпэн сарэ́нца тумэ́нца. Ами́нь.

Павлі́скиро Лыл Титоскэ

Шэро́ 1

¹ Павлістыр, Дэвлэскирэ писхаристыр и Исусóскирэ Христосóскирэ Апостолостыр. Мэ со́мас бичхадó тэ розлыджав манушэнгиро патяибэн, савэн Дэвэл выкэдыя, и тэ янав лэн кэ чачипэн, соб (кай) ёнэ тэ дживэн дарáса ангил Дэвлэстэ; ² дава́ чачипэн дэла надéя пэ вéчно джиибэн, пал савó Дэвэл дыя лав амéнгэ ангил, сыр свéто сыс создýно, а Дэвэл ниéкхвар на хохавэла, ³ а, кéли явдя́ Лэскиро часо, Ёв сыкадя́ Лэскиро лав дро пхэндлó лав, савó сыс допатяндло мангэ пир Дэвлэскиро упхэныбэн, амарэ́ Зракхибна́рискиро Дэвлэскиро, – ⁴ Титоскэ, мирэ́ чачунé чхавэ́скэ пир патяибэн, савó сыс екх кхэтанé манца, тэ явэл бахталыпэн лáска и рама́нэ Дэвлэстыр – Дадэстыр и Ра́стыр-Дэвлэстыр, Исусóстыр Христосостыр амарэ́ Зракхибна́ристыр.

Титóскири Буты́ Ваш Дэвлэ́скэ пэ Крýто

⁵ Мэ ячкирдём тут пэ Крито ваш дова́, соб (кай) ту дурэдыр тэ докэрэс буты́, сави́ ту на кэрдян кэ кóнцо (кэ ягор) и тэ чхувэс пхурэдыр пшалэн дро кажно́ фóро, сыр мэ тукэ припхэндём: ⁶ соб (кай) кадасавó мануш тэ явэл бидошакиро, екхэ-ромнякиро ром, соб (кай) тэ явэн лэстэ чхавэ́, савэ патя́на Дэвлэскэ, савэ исын наро́змэкнэ, и савэ кандэ́на. ⁷ Пал-довá со пхурыдырэ пшалэ́скэ трэй тэ явэл бидошакирэскэ, сыр Дэвлэскирэ-кхэ́ритконé барыдырэскэ, соб (кай) ёв тэ на гинэл пэс древán годьварэ́са, тэ на явэл холынакиро, матымари, пхутьки́рдо, розмарибна́ри, тэ на явэл ёв гáлко кэ барвалыпэн; ⁸ а тэ прилэл манушэн илэ́са, савэндэ́ нанэ пэскиро кхэр и тэ явэл дро́го лэскэ лачхипэн, тэ джинэл тэ рикирэ́л пэс дрэ вастá, тэ явэл ёв чачунó, савó обрикирэ́ла пэс, ⁹ савó рикирэ́лпэ патяибны́тконэ лавэ́скэ, сыр лэс сыклякирдэ́, соб (кай) ёв мoгинэ́лас тэ сыклякирэ́л явирэ манушэн чачунé сыклякирибна́скэ, и тэ сыкавэл кадалэ манушэн, савэ исын проти чачунó сыклякирибэн. ¹⁰ Пал-довá со исын бут манушá Юдэндыр, савэ ракирэ́на чхучэ́ лавá и хохавэ́на явирэн, ¹¹ трэй, соб (кай) тумэ́ тэ запхандэн муй лэ́нгэ, савэ змарэ́на чачунé

дромэстыр бут сэм'и (ирья), а ваш пэскиро биладжаипнытко тырдыпэн кэ ловэ ёнэ сыклякирэна одова, со на трэй. ¹² Екх лэндыр лэнгино пророко пхэндя: “Критяни исын ўсады (сак) хоханюки, фуй, бўса (дика) мурдала и кирнэ-масэнгирэ мануша, савэ ханас, сыр на дрэ пэстэ.” ¹³ Кадава допхэныбэн исын чачунó; пир дава бангякир шылалэс лэн, соб (кай) лэнгино патяибэн тэ явэл чачунó, ¹⁴ тэ на шунэн Юдэнгирэ парамыси (сказки) и манушэнгирэ припхэныбэна, савэ дурьёна чачипнастыр. ¹⁵ Ваш жужэ манушэнгэ – сарó исын жужó, нэ ваш манушэнгэ, савэ исын нажужэ пир грэхó, и савэ на патяна Дэвлэскэ, ваш лэнгэ нисó нанэ жужó, пал-дова со лэнгири годы и ладж исын нажужэ. ¹⁶ Ёнэ ракирэна, со ёнэ джинэна Дэвлэс, нэ пэскирэ рэндэнца ёнэ сыкавэна, со ёнэ отпхэнэнапэ Лэстыр, ёнэ исын джунгалэ и на кандэна, ёнэ нанэ лачхэ ни кэ савó лачхэ рэндо.

Шэрó 2

¹ А ту ráкир дова, со трэй ваш чачунó сыклякирибэн; ² соб (кай) пхурэ мурша тэ явэн ракхунэ, соб (кай) ёнэ тэ джинэн, сыр трэй пэс тэ лыджан, тэ явэн годьварэ и зоралэ дро патяибэн, дрэ патыв кэ явир мануша, дро вырикирибэн; ³ соб (кай) пхурэ джувля адякэ-паць тэ ладжан пэс патывалэс, сыр трэй свэнтонэнгэ, тэ на злыджан плётки, и тэ на пьен бут мол, а тэ сыклякирэн лачхипнаскэ явирэ манушэн; ⁴ соб (кай) ёнэ могоинэнас тэ сыклякирэн тэрнэ джувлэн тэ сыкавэн патыв пэскирэ ромэнгэ, и тэ сыкавэн патыв пэскирэ чхавэнгэ; ⁵ соб (кай) ёнэ тэ явэн свэнта, жужэ, тэ рикирэн лачхэс кхэритко хулаибэн; тэ явэн лачхэ, тэ кандэн пэскирэ ромэн, соб (кай) тэ на явэл кошно Дэвлэскиро лав. ⁶ Тэрнэ манушэн сыклякир адякэ-паць, соб (кай) ёнэ тэ обрикирэн пэс: ⁷ сыкав пэс кокорó пир сарэ лачхэ рэнды, соб (кай) явир мануша тэ дыкхэн и адякэ-паць тэ кэрэн лачхипэн, сыклякир жужыпнаскэ дро илó, патывалыпнаскэ; ⁸ ráкир чачунэ лава, соб (кай) адалэ манушэнгэ, савэ исын вэрги тумарэ, тэ явэл лэнгэ ладжаво, и ёнэ тэ на могоинэн тэ пхэнэн нисавó чорипэн пал амэндэ: ⁹ соб (кай) писхэрья тэ кандэн пэскирэ хулан дро сарó, тэ кэрэн пир илó и тэ на обракирэн лэн палал; ¹⁰ тэ на чорэн нисó пэскирэ хуландыр, а тэ сыкавэн лачхó патяибэн и тэ явэн патяибнытка дро сарó, мэк ёнэ тэ кэрэн адякэ, соб (кай) сарэ тэ кутякирэн амарэ Зракхибнарискирэ-Дэвлэскиро сыклякирибэн. ¹¹ Пал-дова со явдя Дэвлэскиро бахталыпэн, савó зракхэла сарэ манушэн; ¹² савó сыклякирэла амэн, соб (кай) амэ тэ на кэрас магирипэн и тэ дурьёвас свэтоскирэ тырдыпнастыр, тэ дживас дрэ дава véко пир чачипэн и дараса ангил Дэвлэстэ, ¹³ и тэ ужакирас лачхí надэя, кэли явэла барó Дэвлэс славаса и амарó Зракхибнари, Исусó Христóсо, ¹⁴ Савó отдыя Пэс пал амэндэ, соб (кай) Ёв тэ зракхэл амэн сарэ начачунэ рэндэндыр, тэ кэрэл амэн жужэ манушэнца, соб (кай) амэ тэ явас екх Лэскирэ манушэнца, савэ древэн тырдэнапэ тэ кэрэн лачхипэн. ¹⁵ Сыклякир дава и сыкав манушэнгэ лэнгири банг сарэ правоса, соб (кай) никон тэ на дыкхэл вучипнастыр пэ тугэ.

Шэрó 3

Сыр Тэ Лыджан Пэс Христианэнгэ

¹ Пхэн ишчо (инкэ) манушэнгэ пал дова, соб (кай) ёнэ тэ кандэн ран и барыдырэн, и тэ явэн скэдынэ тэ кэрэн кажно лачхó рэндо (дело); ² тэ на калякирэн никонэс, а тэ явэн раманёнэса (мирнонэса), тэ явэн штыл (тиха), ковлэ-ильйтка кэ сарэ мануша. ³ Пал-дова со и амэ самас вари-кэли бигодякирэ, на кандыям и амэн; амэ самас писхэрья пэскирэ-масэнгирэ тырдыпнаскэ, амэ дживдым дро холы и зэвлыныпэн, древэн бидыкхцям екх екхэс. ⁴ А кэли амарó Дэвлэс, Зракхибнари, сыкадя Пэскири лачхэ-ильйткима и ласка, ⁵ на пал чачунэ рэнды, савэ амэ кэрасас, а пал Пэскиро тангипэн, тэды Ёв зракхця амэн пир панескиро болдэипэн кэ нэвó джиибэн и нэвякирдя амарí годы Свэнтонэ Духóса, ⁶ Савó Ёв пхэрдэс дыя амэнгэ пир Исусóстэ Христосóстэ, амарэ Зракхибнаристэ, ⁷ соб (кай) Дэвлэс тэ пригалёл амэн чачунэнца пир Пэскиро бахталыпэн тэ ячас Лэскирэ чхавэнца дро вэчно джиибэн, ваш савó

амэндэ исын надёя. ⁸ Дава лав исын патяибнѣтко, и мѣ камам, соб (кай) ту тѣ ракирѣс пал дава сарѣ зорьяса дро дѹхо (фáно) ваш дова, соб (кай) одолѣ, савѣ упатяндынѣ дрѣ Дэвлѣстѣ, причхувѣн зор тѣ кэрѣн лачхѣ рѣнды. Дава сарѣ исын лачхипѣн и трѣй манушѣнгѣ. ⁹ Джѣ криг (дурьѣв) дурѣдыр дылынѣ пхучибнѣндыр и роспхѣныбнѣндыр пал вари-конѣскиро рѣдо, ци спрѣчкѣндыр ци марибнѣндыр пал лава Законѣстыр; пал-дова со дава на трѣй ни конѣскѣ и дасаво ракирибѣн исын кротконѣ годятыр. ¹⁰ Рисѣв криг манушѣстыр, савѣ причхувѣла зор тѣ розчхувѣл патяибнаскирѣн пѣ группы палѣ (после) дава, сыр ту сыклякирѣса лѣс екх ци дуй мѣлы, ¹¹ ту джинѣса со адасавѣ мануш исын розмѣкно и кэрѣла грѣхи, кадалѣса ѣв сѣндякирѣла кокорѣ пѣс.

Титѣскирѣ Палатунѣ Упхѣныбѣнѣ

¹² Кѣли мѣ бичхавѣва кѣ ту Артѣмос ци Тихикос, прилѣ зор сыр сыгѣдыр тѣ явѣс кѣ мѣ дро Никаполѣ, пал-дова со мѣ скѣдыѣмпѣ тѣ явав одѣй сарѣ ивант (зима). ¹³ Зинас, савѣ исын сыклякирѣдо пир Законѣ, и Апѣлос, бичхѣв дро дром сыр трѣй, соб (кай) лѣнгѣ сарѣ тѣ ухтылѣл; ¹⁴ и мѣк амарѣ манушѣ адѣкѣ-пацѣ тѣ сыклѣн тѣ кэрѣн лачхѣ рѣнды, соб (кай) тѣ сыклѣн тѣ дѣн рѣда пѣ дава, со трѣй амѣнгѣ, соб (кай) лѣнгиро джиибѣн тѣ на явѣл чхучѣ. ¹⁵ Пиридѣна “паклоно” тѣкѣ сарѣ, кон исын мѣнца. Пиридѣ “паклоно” сарѣнгѣ, конѣскѣ сам дрога амѣ дро патяибѣн. Тѣ явѣл бахталыпѣн сарѣнца тумѣнца. Амѣнь.

Павлѣскиро Лыл Филимонѣскѣ

Шѣрѣ 1

¹ Павлѣстыр, савѣ исын дро штарибѣн пал патяибѣн дрѣ Исусѣстѣ Христосѣстѣ и пшалѣстыр Химастыр, Филимонѣскѣ, амарѣ малѣскѣ пир бутѣ, ² и пхѣнѣкѣ пир патяибѣн Амфийкѣ, и Архимѣскѣ, савѣ исын амарѣ мал – халадѣ пир бутѣ, и кхангирѣякѣ, савѣ скѣдѣлапѣ дро тырѣ кхѣр. ³ Мѣк тѣ явѣл бахталыпѣн и рамѣнѣ (миро) тумѣнгѣ амарѣ Дэвлѣстыр Дадѣстыр и Рѣстыр-Дэвлѣстыр, Исусѣстыр Христосѣстыр.

Филимоноскири Патѣв и Патяибѣн

⁴ Мѣ парикирава Дэвлѣскѣ Мирѣскѣ каждо мѣло, кѣли мѣ рипирава тут, сыр мѣ мангавапѣ Дэвлѣскѣ, ⁵ пал-дова со мѣ шундѣм, сыр ту зоралѣс сыкавѣса патѣв сарѣ дѣвлытконѣ манушѣнгѣ и патѣса дрѣ Растѣ-Дэвлѣстѣ Христосѣстѣ. ⁶ Мѣ мангавапѣ Дэвлѣскѣ, соб (кай) тырѣ патяибѣн, савѣ кхѣтанякирѣла амѣн, тѣ дѣл сарѣ лачхипѣн, кѣли амѣ дживаса дрѣ екхипѣн Исусѣса Христосѣса. ⁷ Пал-дова со тырѣ патѣв кѣ явѣр манушѣ, миро пшѣл, дрѣвѣн обрадындѣ и подрикирдѣ ман; ту зорьякирдѣн дѣвлытконѣнгирѣ илѣ. ⁸ Палдава, мѣк мѣндѣ исын бари вѣля дрѣ Христосѣстѣ тѣ припхѣнав тѣкѣ, со трѣй тѣ кэрѣс, ⁹ нѣ мѣ фѣдыр мангѣва тут илѣса, мѣ, Пѣвли, сом пхурѣ, и каканѣ сом дро штарибѣн пал патяибѣн дрѣ Исусѣстѣ Христосѣстѣ. ¹⁰ Мѣ дрѣвѣн мангѣва тут сарѣ илѣстыр пал Анисимостѣ, мирѣ чхавѣстѣ пир патяибѣн, савѣскѣ мѣ яцѣм сѣрбѣ дад, адѣй, дрѣ састырѣ, ¹¹ савѣ гарѣдыр на сыс трѣй тѣкѣ, а каканѣ ѣв трѣй тѣкѣ и мѣнгѣ: ¹² мѣ и бичхавѣва лѣс палѣ кѣ ту: ѣв исын дрога ваш мѣнгѣ, сыр миро илѣ: ¹³ савѣс мѣ дрѣвѣн камдѣм (мангдѣм) тѣ ячкирав лѣс паш пѣстѣ, соб (кай) ѣв замѣст тѣтѣ тѣ помогинѣл мѣнгѣ, пака мѣ сом дрѣ састырѣ, пал-дова, со мѣ роспхѣनावас бахталѣ зан (звѣсь); ¹⁴ нѣ мѣ на камдѣм тѣ кѣрѣв дава би тырѣ-лавѣскиро, соб (кай) тѣ явѣл тырѣ лачхипѣн на пир дова, со тут зачхувѣна, а пир илѣ; ¹⁵ палдава мѣгинѣла тѣ явѣл, со ѣв ваш дава на сыс тѣса вари-савѣ часо, соб (кай) ту тѣ прилѣс лѣс нѣвѣстыр пѣ сарѣ джиибѣн; ¹⁶ нѣ на бутѣыр сыр екхѣ дынарѣс (слугас), а барѣдыр дынарѣстыр, сыр пѣскирѣ дрогонѣ пшалѣс, ѣв исын дрѣвѣн дрога мѣнгѣ, нѣ бутѣыр тѣкѣ, сыр мануш и сыр пшѣл пир патяибѣн дрѣ Растѣ-Дэвлѣстѣ. ¹⁷ И палдава, кѣли ту гинѣса ман пал пѣскирѣ малѣстѣ (другѣстѣ), тѣды прилѣ лѣс адѣкѣ, сыр

ту прилэсас ман: ¹⁸ и, ко́ли ёв вари-со́са дукхадя тут ци яцяпэ вужло ловэ, чхув саро пэ мандэ. ¹⁹ Мэ, кокоро́ Пáвли, чхиндём дава́ мирэ вастэ́са, мэ плэскирава́ тукэ́ саро́: ма́нгэ трэй тэ пхэна́в тукэ́ пал дова́, со ту и кокоро́ сан банго́ ма́нгэ пал тыро́ нэво́ джиибэ́н, кели ту упатяндэ́ян дрэ́ Христосо́стэ. ²⁰ Палдава́, пшала́, ма́нгэ трэй тыри́ ра́дыма ваш Растэ́-Дэвлэ́стэ; зорьяки́р миро́ ило́, сыр пшал пир патяибэ́н дрэ́ Христосо́стэ.

Палатунэ (Последня) Паклоны

²¹ Мэ зоралэ́с патя́ва, со ту кандэ́са ман, и чхина́ва тукэ́, со мэ джино́м, со ту кэ́рэса буты́р, сыр мэ манга́ва тут. ²² А пал екх латх штуба́ (камора́) ма́нгэ, пал-дова́ со мэ древа́н патя́ва, со пир тумаро́ мангипэ́н Дэвэл отма́кэ́ла ман штарибна́стыр кэ́ тумэ́. ²³ Епафрасо́ пириде́ла “паклоно́” тукэ́, саво́ исын бэ́што́ кхэ́танэ́ ма́нца пал патяибэ́н дрэ́ Исусо́стэ́ Христосо́стэ: ²⁴ а́дякэ́-па́ць Марко́, Аристархо́, Димасо́, Лука́ – мирэ́ малá пир буты́. ²⁵ Мэ́к тэ́ явэл бахталы́пэ́н амаре́ Ра́скирэ́-Дэвлэ́скиро́, Исусо́скирэ́ Христосо́скиро́ тумаре́ духо́са. Ами́нь.

Лыл Юдэ́нгэ

Шэро́ 1

Дэвлэ́скиро́ Лав Пир Лэ́скирэ́ Чхавэ́стэ

¹ Дэвэл на́ е́кхвар и пир саро́ гары́м-гара́ (ва́го) ракирдя́ амаре́ прададэ́нгэ пир пророкэ́ндэ́, ² а дрэ́ далэ́ палатунэ́ (последня́) дывэ́са́ Ёв ракирдя́ амэ́нгэ пир Пэ́скирэ́ Чхавэ́стэ́, Савэ́с чху́дя хула́са тэ́ прилэл Лэ́стыр саро́, и пир Савэ́стэ́ Ёв созды́я свэ́то (лот): ³ а Чхаво́, Саво́ зяинэ́ла Дадэ́скирэ́ слава́са, сыкава́ла Пэ́са чачипэ́н пал Дэвлэ́стэ́, и рикирэ́ла Пэ́скирэ́ зоралэ́ лавэ́са саро́ свэ́то, и кели Ёв выжужаки́рдя саре́ амаре́ грэ́хи, тэ́ды бэ́сця́ пир чачи́ риг Дэвлэ́скирэ́ Барипна́стыр дро́ Болыбна́скиро́ Раё́.

Дэвлэ́скиро́ Чхаво́ исын Баро́

⁴ Ёв я́ця пэ́ ада́кицы фэ́дыр Янголэ́ндыр, пэ́ ки́цы лав, саво́ Ёв прилы́я Дадэ́стыр, исын най фэ́дэды́р лэ́нгирэ́ндыр. ⁵ Пал-дова́ со никонэ́скэ́ ишчо́ (инкэ́) Янголэ́ндыр на пхэ́ндя́ Дэвэл: “Ту сан́ Мирó Чхаво́, адады́вэс мэ́ яцём Ты́рэ́ Дадэ́са (Ты́ро́ Дад).” Ци: “Мэ́ ява́ва Лэ́скэ́ Дад, и Ёв явэ́ла Чхаво́ Ма́нгэ́”? ⁶ а́дякэ́-па́ць, кели Ёв нэ́вэ́стыр (нэ́вэс) янэ́лас Пэ́скирэ́ Пэ́рвонэ́ Чхавэ́с, со латхя́пэ пэ́ свэ́то, Дэвэл ракирэ́лас: “И мэ́к саре́ Дэвлэ́скирэ́ Янго́лы тэ́ клонинэ́нпэ́ (тэ́ кэ́рэн шэ́рэ́са) паты́ва́са Лэ́скэ́.” ⁷ Пал Янголэ́ндэ́ Ёв ракирэ́ла: “Ёв кэ́рдя́ Пэ́скирэ́ Янголэ́н тэ́ явэ́н сыр балва́л и Пэ́скирэ́ дэ́влытконэ́ дына́рьэ́н (слугэ́н) тэ́ явэ́н сыр я́г, со хачо́ла”, ⁸ а пал Чхавэ́стэ́: “Дэ́вла, Ты́ро́ трóно, исын пэ́ саре́ ве́ки и Ту кра́линэ́са чачипны́ткэ́с. ⁹ Тукэ́ пир ило́ чачипэ́н и Тукэ́ исын на пир ило́ дова́, со исын проти́ Зако́но, пал-дова́ со Дэвэл, Ты́ро́ Дэвэл ды́я паты́в и ра́дыма Тукэ́ буты́р, сыр Ты́рэ́ малэ́нгэ́ (дру́гэ́нгэ).” ¹⁰ И ишчо́ (инкэ́) пхэ́ндя́ Ёв пал Чхавэ́стэ́: “Ту, Раё́ Дэ́вла, англэ́дыр саре́́стыр созды́ян пхув, и болы́бэ́н, дава́ кэ́рдэ́ васта́ Ты́рэ́. ¹¹ Ё́нэ́ хасё́на, а Ту явэ́са тэ́ дживэ́с, ё́нэ́ саре́ пху́рьё́на, сыр упрату́но урибэ́н; ¹² и сыр баро́ ды́кхло́ Ту скрэ́нцы́нэ́са лэ́с и парувэ́са пэ́ нэ́во́, нэ́ Ту явэ́са ада́саво́-па́ць и Ты́рэ́ бэ́ршэ́нгэ́ на явэ́ла ни́е́кхвар ко́нцо́ (яго́ро).” ¹³ Кели конэ́скэ́ Янголэ́ндыр Дэвэл пхэ́ндя́: “Бэ́ш пэ́ чачо́ васт Ма́ндыр, па́ка Мэ́ чхува́ва вэ́ргэ́н ты́рэ́н тэ́л гэ́ра́ ты́рэ́.” ¹⁴ Ци ё́нэ́ исын на саре́ ду́хи, ка́далэ́ Янго́лы, саво́ дына́ринэ́на (служы́нэ́на) одолэ́нгэ́, кон дорэ́сэ́ла пэ́скири́ паш дро́ зракхи́бэ́н.

Шэрó 2

Барó Зракхибэн

¹ Палдава́ амэнгэ трэй тэ рикираспэ древа́н ра́кхунэс кэ дова́, со ракирэ́на, соб (кай) тэ на джан криг чачунэ́ дромэ́стыр. ² Пал-дова́ со, ко́ли лав, саво́ Янгóлы пхэндлэ́, исын сполниндло́ (кэрдó кэ ко́нцо (кэ ягóро)), и мануша́ дорэсэ́на ка́ра пал дова́, со ёнэ́ кэрдэ́ проти Зако́но и пал дова́, со ёнэ́ на кандынэ́, ³ нэ сыр тэды́ амэ менина́са ка́ра, ко́ли амэ на приласа́ илэ́са дасаво́ барó зракхибэн, саво́ англэ́дыр пхэндя́ Дэвэл, и допхэндлэ́ амэнгэ́ одолэ́, кон ко́ро шундя́ Лэ́стыр; ⁴ со Дэвэл и допхэндя́ Пэ́скирэ знамени́енца (гертыкэ́нца), и дивэ́нца и кажно́нэ зоры́енца, и Свэ́нтонэ́ Духо́скирэ таланэ́нца, саво́ Ёв дэ́лас манушэ́нгэ пир Пэ́скири во́ля. ⁵ Пал-дова́ со Дэвэл на чхудя́ Янгóлэнгэ́ тэлэ́ тэл гэрá свэ́то, саво́ явэ́ла, пал саво́ амэ ракираса́: ⁶ нэ вари-кон допхэнэ́лас вари-катэ́: “Кон адава́ ману́ш исын, со Ту рипирэ́са лэс? Ци со да дасаво́ манушэ́скиро чхаво́ исын, со Ту дыкхэ́са пал лэ́стэ? ⁷ Ту лэс на́бут тыкняки́рдян ангил́ Янгóлэндэ́, ту прославин́дян и кутяки́рдян лэс, Ту чхудя́н хула́са лэс пэ́ дова́, со Тырэ́ вастá кэрдэ́, ⁸ Ту чхудя́н сарó тэлэ́ тэл лэ́скирэ гэрá. Кéли Ту чхудя́н сарó тэлэ́ тэл Лэ́скирэ гэрá тэ хулаинэ́л, тэды́ ничы́ на яця́пэ, соб (кай) тэ на явэ́л лэ́скиро. Нэ́ амэ ишчо́ (инкэ́) на дыкхаса́, соб (кай) сарó тэ́ явэ́л лэ́скиро”, ⁹ нэ́ амэ дыкхаса́ Исусо́с, Савэ́с Дэвэл на́бут тыкняки́рдя ангил́ Янгóлэндэ́, и Саво́ исын прославин́дло и кутяки́рдо, пал-дова́ со Ёв пи́ридживдя́ мэньки́ и мэрибэ́н; Ёв пи́ридживдя́ мэрибэ́н пал сарэ́ манушэ́ндэ́ пир Дэв́лэскиро́ бахталы́пэн. ¹⁰ Пал-дова́ со, чачэ́с, трэин́дя, соб (кай) Дэвэл, Саво́ созды́я сарó и дурэ́дыр ра́кхэла, тэ́ сполнинэ́л сарó пир Лэ́стэ́ пир Лэ́скирэ мэньки́, Саво́ исын Лы́джаибна́скиро, соб (кай) тэ́ янэл сарэ́н тэ́ зракхэ́нпэ. ¹¹ Пал-дова́ со Одо́ва, Кон отма́кэла́ манушэ́нгирэ́ грэ́хи, и одолэ́, савэ́нгэ Ёв отма́кця́ грэ́хи, сарэ́ исын Да́дэскирэ́ чхавэ́, палдава́ Исусо́скэ́ нанэ́ ладжа́во тэ́ кхарэ́л лэн пшалэ́нца; ¹² и Ёв ракирэ́ла: “Мэ́ ява́ва тэ́ пхэна́в зан пал Тыро́ лав Ми́рэ пшалэ́нгэ, и Мэ́ ява́ва тэ́ бага́в шарды́тко гилы́ Тукэ́ машки́р сарэ́ндэ́ дрэ́ Кханги́ри.” ¹³ И ишчо́ (инкэ́): “Мэ́ ява́ва тэ́ патя́в зоралэ́с дрэ́ Лэ́стэ. И ишчо́ (инкэ́): “Га́да, Ми́рэ чхавэ́ исын, савэ́н Дэвэл ды́я Ма́нгэ.” ¹⁴ Пал-дова́, со сыр сарэ́-манушэ́нгирэ́ чхавэ́ндэ́ исын рат и лоч́ (плоть), а́дякэ́-паць и Ёв при́лыя сарó, сыр ману́ш, кéли бия́ндыя, соб (кай) пир Пэ́скиро мэрибэ́н Ёв мо́гиндя́ тэ́ хасяки́рэл на́лчхэ́скири зор пэ́ мэрибэ́н; ¹⁵ и тэ́ дэл во́ля сарэ́нгэ́ ко́долэ́нгэ, савэ́ дарáндынэ́ мэрибна́стыр и сыс писха́рья ангил́ мэрибэ́н сарó пэ́скиро́ джи́ибэн. ¹⁶ Пал-дова́ со исын би́цяло́, со Ёв помо́гинэ́ла на Янгóлэнгэ́, а Авраа́мо́скирэ́ родо́скэ. ¹⁷ Ваш да́ва Христо́со́скэ́ трэин́дя́ тэ́ явэ́л адасаво́-паць, сыр Лэ́скирэ́ пшала́, соб (кай) ёв тэ́ явэ́л лачхэ́-илэ́скиро и чачуно́ Англатуно́ Ра́шай тэ́ дына́ринэ́л ангил́ Дэв́лэстэ́, соб (кай) Ёв тэ́ отма́кэл манушэ́нгирэ́ грэ́хи; ¹⁸ пал-дова́ со, сыр Ёв ко́ро мэнчин́дяпэ́ и на́лчхо́ про́патяки́рэлас Лэ́с, то́ Ёв ка́канá мо́гинэ́ла тэ́ помо́гинэл одолэ́нгэ́, конэ́с про́патяки́рэна.

Шэрó 3

Ису́со исын Барэ́дыр Мойза́стыр

¹ Палдава́, пшала́лэ свэ́нта, савэ́н Дэвэл а́дякэ́-паць при́кхардя́, дыкхэ́н пэ́ Исусо́стэ́, Савэ́с Дэвэл би́чхадя́ тэ́ явэ́л англатуно́ Ра́шаса́ пир ама́ро́ патяи́бэн, ² Саво́ исын патяи́бны́тко Одо́лэскэ́, Кон чхудя́́ Лэс пэ́ да́я буты́, сыр и Мойза́ а́дякэ́-паць пир сарó Дэв́лэскиро́ Кхэр. ³ Пал-дова́ со Лэ́стэ́ сыс барэ́дыр сла́ва, сыр Мойзастэ́, а́дякэ́-паць сыр манушэ́стэ́, саво́ чхудя́́ кхэр, кутяки́рэна (дэ́на паты́в) буты́р, сыр ко́ро кхэр. ⁴ Пал-дова́ со ка́жно кхэр вари-саво́́ ману́ш чхувэ́ла, а Кодова́́, Кон чхудя́́ сарó, исын Дэвэл. ⁵ И Мойза́ сыс чачуно́ дына́ри пир сарó Дэв́лэскиро́ Кхэр ваш допхэ́ныбэ́н пал дова́, со трэй тэ́ явэ́л ангил́; ⁶ а Христо́со́ сыр Дэв́лэскиро́ Чхаво́, сыс Хула́й пир Лэ́скиро́ кхэр; амэ́ сам ко́ро́ мануша́́ Лэ́скирэ́

кхэрэскирэ, коли зорало патяибэн и надея, савьяса амэ шарасапэ, явэла амэндэ кэ концо (кэ ягоро).

Откхиныбэн ваш Дэвлэскирэ Манушэндэ

⁷ Палдава Свэнто Дүхо (Фано) ракирэла: “Кóли ададывэс тумэ шунэна Лэскири зан, ⁸ на отрискирэн пэскиро ило, сыр да тумэ газдынэпэ пэ Дэвлэстэ, кели тумэ санас пэ чхучи пхув; ⁹ кай тумарэ дада пропатыкирэнас Ман, мэк ёнэ и дыкхнэ, со Мэ кэрдём штардэша бэрш. ¹⁰ Палдава Мэ и холясыём пэ адалэ манушэндэ и пхэндём: ‘Саро часо ёнэ хохавэна пэс дро пэскиро ило, и ёнэ на джинэна Миро дром’; ¹¹ палдава Мэ совлахадём дрэ холы: ‘Ёнэ ниэкхвар на заджана дро Миро штэто тэ откхинён Мánца’. ¹² Пшалалэ, дыкхэн, соб (кай) тэ на явэл пхутькирдо ило ни дрэ конэстэ тумэндыр, саво на кандэла Дэвлэс, соб (кай) тумэ тэ на отджан джидэ Дэвлэстыр. ¹³ А подрикирэн екх екхэс со дывэс кэ/жыко дова часо, пака сашты тэ ракирэс “ададывэс”, соб (кай) грэхо тэ на хохавэл тумэн и тэ на отрискирэл тумаро ило. ¹⁴ Пал-дова со амэ ячасапэ кхэтанэ Христососа, коли зракхаса дова зорало патяибэн кэ концо (кэ ягоро), со амэндэ сыс англэдыр. ¹⁵ Палдава исын пхэндло: “Кóли тумэ ададывэс шунэна Лэскири зан, на отрискирэн пэскиро ило, сыр тумарэ дада дава кэрдэ, кели газдынэпэ пэ Дэвлэстэ”; ¹⁶ кон сыс одолэ мануша, со, кели шундлэ, газдынэпэ пэ Дэвлэстэ? Наушто на сарэ лэндыр выгинэ Египтостыр Мойзаса? ¹⁷ и пэ конэстэ Дэвлэс сыс холямо штардэша бэрш? Ци на пэ одолэндэ, савэ кэрдэ грэху, и конэскирэ кокалы ячнэпэ тэ пасён пэ чхучи пхув? ¹⁸ И конэскэ Ёв совлахадя, со ёнэ на заджана пэ штэто тэ откхинён Лэса, наушто на одолэнгэ, кон на кандыя Лэс? ¹⁹ И амэ дыкхаса, со ёнэ на могоиндлэ тэ заджан пэ Лэскиро штэто тэ откхинён, пал-дова со ёнэ на патяндынэ.

Шэро 4

Лав пал Штэто тэ Откхинён

¹ Палдава, пака пхэндло лав амэнгэ тэ заджан пэ доя пхув тэ откхинён Лэса, на хасия, тэды яваса тэ рахаспэ, соб (кай) тэ на явэл адякэ, со вари-кон явдя древан кориг (пóзнэс). ² Бахталы зан (звесь) сыс пхэндлы амэнгэ, адякэ-паць сыр и лэнгэ, нэ лэнгэ доя зан, сави ёнэ шундлэ, на яндя ни саво лачхипэн, пал-дова со ёнэ на прилынэ дава пхэныбэн патяибнаса. ³ Нэ амэ, савэ патяса, заджаса пэ доя пхув тэ откхинёвас Лэса, адякэ, сыр Дэвлэс пхэндя: “Мэ совлахадём дрэ Мирй холы: “Ёнэ ниэкхвар на заджана тэ откхинён Мánца”, на дыкхи пэ дова, со Лэскирэ бутя сыс сарэ кэрдэ ангил дова, сыр Ёв создыя свэто. ⁴ Палдава Дэвлэс пхэндя вари-катэ дро Свэнто Чхиныбэн пал эфэто (битринэнгиро дэшто) дывэс адякэ: “И откхиныя Дэвлэс пэ эфэто дывэс сарэ Пэскирэ бутендыр”; ⁵ и нэвэстыр исын пхэндло: “Ёнэ ниэкхвар на заджана тэ откхинён Мánца.” ⁶ Нэ Дэвлэскиро лав, саво Ёв дыя, ячэлапэ, и вари-савэ мануша заджана тэ откхинён Лэса; а кодолэ, савэнгэ сыс пхэндло лав пал Христосостэ, на заджана, пал-дова со ёнэ на кандынэ, со пхэндя Дэвлэс, ⁷ и Ёв выкэдэла нэво дывэс, саво Ёв кхардя “ададывэс.” Палó (после) дова, сыр прогия (накхця) бут бэрш, Дэвлэс пхэндя Давидоскирэ уштэнца адякэ, сыр Ёв ракирдя гарэдыр: “Ададывэс, кели тумэ шунэна Лэскири зан (глос), на пхарьякирэн пэскирэ илэ.” ⁸ Палдава, коли Исусо-Навино дэлас Дэвлэскирэ манушэнгэ тэ откхинён Дэвлэса, тэды Дэвлэс на ракирэлас коригэдыр (позжэдыр) пал явир дывэс. ⁹ Палдава савато (субота) ячэлапэ ваш Дэвлэскирэ манушэнгэ тэ откхинён. ¹⁰ Кóли вари-кон заджала тэ откхинёл Лэса, ёв адякэ-паць откхинёла пэскирэ бутятыр, сыр Дэвлэс откхиныя Пэскирэ бутятыр. ¹¹ И палдава яваса амэ тэ причхувас зор тэ кэрас бутыр, соб (кай) амэнгэ тэ заджас тэ откхинёвас Лэса, соб (кай) пир дова-паць примэро (сыкаибэн) амэ тэ на пэрас, сыр одолэ мануша, савэ на кандынэ. ¹² Дэвлэскиро лав исын джидо и пхэрдó зорьяса, вострэдыр (чолалэдыр) любонэ курталатыр, сави чхинэла пэ дуй ригá, Дэвлэскиро лав заджала хор машкир ило и дүхо (фано), машкир кокалы и трушул, кай исын думо, и сэндинэла манушэнгирэ рэндэ и мысли пэ ило. ¹³ Нисó дро свэто, со Дэвлэс

создыя, нанэ гарадо Дэвлэстыр; нэ сарó исын нанго и бицялó ангил Лэскирэ якхá, ангил Конэстэ амэ явáса тэ отпхэнас пал сарó.

Исúсо исын Най Барэдыр Рашáй

¹⁴ Пал-довá со амэндэ исын сáмо барэдыр Англатунó Рашáй Исúсо, Дэвлэскиро Чхавó, Савó прогия болыбэн кэ Дэвэл, амэ явáса тэ рикираспэ зоралэс пал амарó патяибэн. ¹⁵ Амэндэ исын на адасавó англатунó рашáй, савó на могоинэла тэ помогинэл (тэ подэл васт) амэнгэ дро амарó бизорьякирибэн, нэ Адасавó Англатунó Рашáй, Савó сыс пропатиякирдо дро сарó, нэ сыр и амэ, нэ Савó на кэрдя грэхó. ¹⁶ Палдава́ амэ явáса тэ джас пашылэдыр муршыпнаса кэ Дэвлэскиро трóно, Кон дэла бахталыпэн, соб (кай) тэ дорэсас тангипэн и бахталыпэн тэ помогинас (тэ подас васт) екх екхэскэ.

Шэрó 5

Савэскэ Трэй тэ Явэл Англатунó Рашáскэ

¹ Пал-довá со кажно англатунó рашáй лэлапэ манушэндыр и чхувэлапэ ваш манушэнгэ, соб (кай) тэ дынаринэл Дэвлэскэ: тэ янэл свэнто дыибэн и дары пэ алтáрё ваш грэхэнгиро отмэкибэн; ² а пал-довá, со адасавó рашáй кокорó нанэ зоралó пир сарó, Ёв могоинэла тэ сыкавэл ковлыпэн кэ манушá, савэ на джинэна и одолé, савэ змардэпэ чачунé дромэстыр, ³ и пал лэскиро бизорьякирибэн лэскэ трэй тэ янэл свэнта дыибэнá, сыр пал пэскирэ, адякэ-паць и пал манушэнгирэ грэхí. ⁴ И ниéкх на могоинэла (на дэла рáда) тэ лэл патýв тэ кэрэл дая бутý ваш Дэвлэскэ кокорó пэстыр, а кодовá, конэс Дэвэл чхудя, адякэ-паць, сыр и Аронос (Ааронóс). ⁵ Адякэ-паць и Христóсо на Кокорó Пэскэ дыя дая слáва тэ ячэл Англатунé Рашáса, нэ дава́ кэрдя Дэвэл, Кон пхэндя́ Лэскэ: “Ту сан Миро Чхавó, Мэ яцём ададывэс Тырэ Дадэса (Тыро́ Дад).” ⁶ Ёв адякэ-паць ракирэла дро явёр штэто: “Ту явэса Рашáй пэ сарé вéки, адасавó-паць пир рашаипэн, сыр Мелхисэдэко сыс.” ⁷ Кéли Христóсо дживдя́ пэ пхув, Ёв барé годлáса и ясвэнца мангдя́ и мангдя́пэ Дэвлэскэ, Кон могоиндя́ тэ зракхэл Лэс мэрибнастыр. Дэвэл шундя́ Лэс пал Лэскири дар ангил Лэстэ; ⁸ мэк Ёв сыс Дэвлэскиро Чхавó, Ёв высылыя тэ кандэл пир Пэскирэ мёнъки; ⁹ и кéли Христóсо кэрдя́ кэ кóнцо / ягóро (сполниндя́) дава́ сарó, Ёв яця́ и тэ зракхэл манушэн пэ сарé вéки, савэ кандэна́ Лэс, ¹⁰ и Дэвэл пригалыя́ Лэс Англатунé Рашáса адасавэса-паць, сыр сыс прилыно́ пир рашаипэн Мелхисэдэко.

Нá Пириячэн тэ Патя́н дрэ Христосóстэ

¹¹ Амэнгэ трэй тэ ракирас бут пал дава́, нэ дава́ исын пхарó тэ пирипхэнас тумэнгэ, пал-довá со тумé галёна повóлинькэс (насыгэс). ¹² Пал-довá со тумэнгэ пал дава́ часо трéиндя́ кокорэнгэ тэ сыклякирэн манушэн; нэ тумэн нэвэстыр трэй тэ сыклякирас пал англатунé чачипэнá пал Дэвлэскиро лав, и тумэнгэ ишчо (инкэ) трэй тхуд тэ пьен, а тэ на хас чачунó хабэн, пал-довá со тумé сан сы́рбы чхаворé. ¹³ Кажно, кон дживэла́ пэ тхуд, на галёла сыклякирибэн пал чачунó лав, пал-довá со кадасавó ману́ш исын сы́рбы бия́то (чхаворó), ¹⁴ нэ стала манушá могоинэна́ тэ хан чачунó хабэн, пал-довá со ёнэ высылынэ джиибнастыр и пир годý тэ пхэнэн рознь, кай исын лачхипэн и кай исын фуипэн.

Шэрó 6

Зоралó Патяибóн

¹ Палдава́ мэкаса амэ пёрва лавá пал Христосóстэ и явáса тэ пириджас тэ причхувас зор кэ дасаво сыклякирибóн, савó трэй ваш сталонэ дэвлытконэнгэ; нэ амэ на явáса нэвэстыр тэ сыклякирас пал дасаво джиибóн, со янэла манушэн кэ мэрибóн, а пал патяибóн дрэ Дэвлэстэ; ² пал болдэипэн, пал вастэнгиро чхуибóн упрэ пэ манушэстэ, пал отджидякирибэн мулэндыр и пал вéчно сэндо. ³ И амэ кэрáса дава́, ко́ли явэ́ла пэ дава́ Дэвлэскири во́ля. ⁴ Дава́ на могоинэ́ла (шашты) тэ явэл ваш одолэнгэ, конэскэ сыс роспхэндлю чачипэн пал Дэвлэстэ, и савэ́ уджиндлэ́ Болыбна́скиро талáно (дáро), и дорэснэ́ (долынэ́) пэскири паш явирэ́ манушэнца́ Свэнтонэ́ Духóстыр; ⁵ и савэ́ уджиндлэ́ лачхипэн́ Дэвлэскирэ́ лавэ́стыр и векоскири зор, сави́ явэ́ла ангил, кэ́ли Дэвэл́ явэ́ла тэ хулаинэл; ⁶ и савэ́ мэкнэ́ тэ патя́н; кадасавэн́ манушэн́ нашты́ нэвэстыр тэ сыклякирас, соб (кай) ё́нэ тэ́ рискирэ́н пэскиро́ джиибóн кэ́ Дэвэл́, пал-дова́ со ё́нэ сы́рбы нэвэстыр́ примарэ́на кэ́ трушýл Дэвлэскирэ́ Чхавэ́с и отдэ́на Лэс пэ́ сабэн́ манушэнгэ́. ⁷ Дэвэл́ бахтякирэ́ла дасави́ пхув, сави́ лэ́ла пани́ брышындэ́стыр и савья́тыр гив барьё́ла ваш одолэ́ манушэнгэ́, кон кэрэ́ла буты́ пэ́ латэ́; ⁸ а ко́ли екх хрýсто сувьёнца́ (дылыны́ чар) и пхусадýтко хрýсто (гарь) барьё́на пэ́ да́я пхув, тэ́ды ёй́ исын́ налачхи́ ни кэ́ со, и Дэвэл́ могоинэ́ла тэ́ прокошэл́ ла, а яг схачкирэ́ла да́я чар дро́ концо́ (дро́ ягóро). ⁹ Дро́га амарэ́, на дыкхи́ пэ́ дава́, со амэ́ ракираса́ адя́кэ, амэ́ патя́са дрэ́ тумэндэ́, со тумэ́ сан фэ́дыр и пашылэ́дыр кэ́ дова́, соб (кай) Дэвэл́ тэ́ зракхэл́ тумэн. ¹⁰ Пал-дова́ со́ Дэвэл́ нанэ́ напатяибна́скиро и Ё́в на бистрэ́ла тумари́ буты́ и паты́в кэ́ яви́р манушá, савэ́ тумэ́ кэрдэ́ ваш Лэ́скиро лав, кэ́ли тумэ́ помогинэ́нас (дэ́нас вастá) и каканá́ помогинэ́на дэвлытконэнгэ́. ¹¹ Амэ́ камаса́, соб (кай) ка́жно ману́ш тумэндыр тэ́ патя́л хачкирдэ́ илэ́са кэ́ концо́ (кэ́ ягóро), ¹² соб (кай) тумэ́ тэ́ на явэн́ кирнэ́-масэнгиро́, а тумэ́ тэ́ кэрэ́н адя́кэ-паць, сыр́ кодолэ́ манушá, савэ́ пэ́скирэ́ патяибна́са и длугонэ́ ужакирибна́са дорэ́сэна́ дова́, пал со́ Дэвэл́ ды́я лав лэнгэ́.

Дэвлэскири́ Совла́х исын́ Чачуны́

¹³ Кэ́ли Дэвэл́ ды́я лав Авраамóскэ, пал-дова́ со Ё́в на могоинд́я ни пэ́ конэ́стэ вучэ́дыр Пэ́стыр тэ́ совлахал, тэ́ды Ё́в совлахад́я Кокорó пэ́ Пэ́стэ, ¹⁴ и пхэнд́я: “Мэ́, чачэ́с, бахтякирава́ Тут и Мэ́ да́ва бут бут чхавэн́ тýкэ”; ¹⁵ а Авраáмо́ ужакирд́я гарá (длýгэс) и дорэ́сця́ дова́, пал со́ Дэвэл́ ды́я лав лэ́скэ. ¹⁶ Манушá́ совлахана́ пэ́ вари-конэ́стэ, кон́ исын́ барэ́дыр лэндыр и совла́х исын́ сы́рбы допхэ́ныбóн, со лэ́скэ трэй́ тэ́ сполнинэл́ и тэ́ чхувэл́ концо́ (ягóро) пэ́ сарэ́ лэнгирэ́ чингарда́. ¹⁷ Палдава́́ Дэвэл́ выкэ́дыя́ зоралэ́дыр тэ́ сыкавэл́ Пэ́скири на́паруибнýтко во́ля тэ́ кэрэл́ кэ́ концо́ (кэ́ ягóро) лав, со́ Ё́в ды́я одолэ́ манушэнгэ́, савэ́ прилынэ́́ Лэ́скиро пхэндлó́ лав, и Ё́в допхэнд́я совлахаса́. ¹⁸ Дэвэл́ кэрд́я адя́кэ пир дуй чачипэ́на́: Дэвэл́ на́ парувэ́ла пхэндлó́ лав и на́ хохавэ́ла. Амэ́нгэ, савэ́ чхурды́ямпэ́ кэ́ Ё́в тэ́ ухтыласпэ́ пал надéя, со́ сыс ды́ны амэ́нгэ, явэ́ла зоралó́ подыно́ васт (помошш) тэ́ зракхаспэ́. ¹⁹ Када́я надéя подрикирэ́ла амарó́ илó дрэ́ зор бидаракирэ́с и исын́ сы́рбы якрé́ ваш ди, савó́ рикирэ́ла амэн, и ёй́ заджа́ла дро́ най́ свэнтэ́дыр штéто пал шы́рма, дро́ Болыбна́скиро Раё́, ²⁰ одориќ за́гия Иису́со ангил́ амэ́ндэ, и я́ця Англатунэ́́ Рашáса пэ́ сарэ́ ве́ки, пир дасаво-паць титuló, сыр́ и Мелхисэдэ́ко.

Шэрó 7

Рашáй Мелхисэдэ́ко

¹ Пал-дова́ со́ Мелхисэдэ́ко сыс Салимоскиро́ кра́ли, рашáй Най́ Вучэ́дырэскирэ́ Дэвлэ́скиро, одова́, кон́ стрэ́нинд́я (пири́лыя) Авраамос́ и бахтякирд́я лэс, кэ́ли одова́ рисéлас палэ́, сыр́

мулякирдя кральён; ² и конэскэ Авраамо адякэ-паць отдыя дэшто паш сарэстыр, пал-дова со лав Мелхисэдэко значынэла “чачипнаскиро Крáli”, и пал-дова со ёв сыс Салимоскиро крáli, лэскиро лав адякэ-паць значынэла “Раманэскиро (Мироскиро) Крáli”; ³ ёв сыс бидадэскиро, бидакиро, никон на джиндя пал лэскиро родо; дава исын наджиндло адякэ-паць, кели ёв бияндыя и кели мыя, Ёв исын сырбы Дэвлэскиро Чхаво и рашай пэ сарэ веки. ⁴ Дыкхэн, саво баро мануш сыс Мелхисэдэко, конэскэ аж баро рашай Авраамо дыя дэшто паш пэскирэ миштыпнастыр, саво ёв яндя марибнастыр. ⁵ А кодолэ Левиэскирэ чхавэ, савэ ячэнапэ рашанца пир Законо, и ёнэ скэдэна дэшто паш Израилэскирэ манушэндир, лэнгирэ пшалэндир; мэк ёнэ исын Авраамоскирэ родостыр. ⁶ Кадава мануш нанэ Левиэскирэ родостыр, нэ ёв лыя дэшто паш Авраамостыр и бахтякирдя лэс, манушэс, саво гарэдыр дорэсця лав Дэвлэстыр. ⁷ Давэ исын чачипэн, со кодова мануш бахтякирэла, кон исын барэдыр одолэстыр, савэс ёв бахтякирэла. ⁸ Рашая, савэ лэна дэшто паш, мэрэна, а пал Мелхисэдэкоэсэ исын пхэндло, со ёв лэла дэшто паш, и дживэла. ⁹ Сашты (можна) тэ пхэнас, со аж кокорэ Левиё, кон лэла дэшто паш, плэскирдя дэшто паш Мелхисэдэкоэсэ пир Авраамостэ. ¹⁰ Пал-дова со, кели Мелхисэдэко стрэнидя (пирилыя) Авраамос, тэды Левиё на сыс ишчо (инкэ) пэ свэто Авраамостэ. ¹¹ Кóли могоинэнас Левитэнгирэ рашая тэ кэрэн кэ кóнцо (кэ ягóро) пэскири буты, сыр рашая ангил Дэвлэстэ, пал-дова со пир дая буты Законо сыс дыно манушэнгэ, тэды ваш со трэиндя тэ явэл явир Рашай дасаво-паць сыр Мелхисэдэко, а на дасаво-паць, соб (кай) тэ кхарэлпэ, со ёв пир Ароноскиро рашаипэн (титуро). ¹² Пал-дова со, кóли парувэна рашан, тэды трэй и тэ парувэн Законо. ¹³ Амаро Рай Дэвлэ, пал Конэстэ амэ ракираса каканá, сыс явирэ родостыр, савэстыр никон и ниэкхвар на дынариндя пашыл алтарё. ¹⁴ Амэ джинаса, со амаро Рай Дэвлэ сыс Юдаскирэ родостыр, пал Савэстэ Мойза (Моисеё) нисó на пхэндя пал рашандэ кадалэ родостыр.

Явир Рашай, Сыр Мелхисэдэко

¹⁵ Каканá амэ бутыр джинаса, со исын явир рашай, саво исын адасаво-паць сыр Мелхисэдэко, ¹⁶ Саво яця рашаса на пир манушэнгиро упхэныбэн, сыр дада, а пир джибнаскири зор, сави нашты тэ мулякирэс. ¹⁷ Пал-дова со Свэнто Чхиныбэн ракирэла: “Ту сан Рашай пэ сарэ веки, кадасаво-паць, сыр и Мелхисэдэко сыс.” ¹⁸ Палдава адякэ исын, со пхуранэ-манушэнгиро припхэныбэн отпарувэна, пал-дова со ёв исын налачхо и лэстыр нанэ нисаво кучипэн. ¹⁹ Пал-дова со Мойзаскиро Законо на кэрдя нисó, соб (кай) вари-со тэ явэл бидошакиро; и, гада, амэндэ исын фэдэдыр надэя, пир сави амэ яваса пашылэдыр кэ Дэвлэ. ²⁰ Адава саро исын пир Дэвлэскири совлах, ²¹ пал-дова со сарэ явир рашая ячнэ тэ кэрэн Дэвлэскири буты би совлахакиро, а Христóсо яця Рашаса (яця Рашай) пир Дэвлэскири совлах, пал-дова со пал Лэстэ исын пхэндло: “Рай Дэвлэ совлахадя, и Ёв на дэлапэ палэ: “Ту сан рашай пэ сарэ веки””, ²² палдава Исусо исын сырбы дудвалó (поручителё), со нэво завето исын фэдыр. ²³ И кадасавэ рашая сыс бут гарэдыр пир пхуранó завето, ёнэ мэрэнас и ёнэ на могоинэнас тэ ячэппэ пэ пэскири буты. ²⁴ Нэ Исусо ячэлапэ Рашаса пэ сарэ веки, и Лэскири буты на пиридэлапэ ни конэскэ. ²⁵ Палдава Исусо могоинэла тэ зракхэл сарэ манушэн, савэ явэна пашылэдыр кэ Дэвлэ пир Лэстэ; Ёв исын ўсады (сак) джидó тэ мангэл Дэвлэс пал лэндэ. ²⁶ Пал-дова со адасавó Англатунó Рашай и трэй амэнгэ: свэнто, лачхэ-илытко, на магирдó грэхоса; Дэвлэ чхудя Лэс дрэ риг грэхитконэ манушэндир и газдыя Лэс вучэс дро Болыбнаскиро Раё. ²⁷ Лэскэ на трэй тэ янэл свэнто дыибэн кажно дывэс, сыр явир рашая кэрэна адякэ, савэ гарэдыр янэнас свэнта дыибэнá пал пэскирэ грэхэ, и палэ пал манушэнгирэ грэхэ. Христóсо кэрдя дава ёкхвар, кели отдыя Кокорó Пэс сыр свэнто дыибэн пал амарэ грэхэ. ²⁸ Пир Мойзаскиро Законо чхувэна англатунэ рашанца манушэн, савэ исын грэхитка; нэ Дэвлэ чхудя Пэскирэ Чхавэс пир совлах, со сыс палó (после) Законо, Лэс, Саво исын бидошакиро пэ сарэ веки.

Шэрó 8

Исúсо исын Амарó Англатунó Рашáй

¹ Главныма исын дро дова́, пал со амэ ракираса, исын дасави́: амэндэ исын адасавó Англатунó Рашáй, Савó исын бэштó пэ болыбэн пир чачó васт Дэвлэскирэ най вычэдырэскирэ троностыр; ² Ёв исын Рашáй пэ Свэ́нто Штэ́то, сави́ исын чачуны́ шáтра тэ мангэ́нпэ Дэвлэскэ́, сави́ счхуда́ кхэтанó Дэвэл, а на манушá. ³ Кажно рашáй исын чхудо ваш дова́, соб (кай) тэ янэл свэ́нто дыибэн и да́ро, пал-дова́ со трэиндя́, соб (кай) и кадалэ́ Рашастэ́ тэ явэл вари-со тэ янэл. ⁴ Кóли Христóсо тэ ячэласпэ́ тэ дживэл пэ пхув, Ёв на явэлас Рашáса, пал-дова́ со исын ада́й кадасавэ́ рашая́, савэ́ ишчо (инкэ́) янэна́ свэ́нта дыибэна́ пир Мойзáскиро Закóно; ⁵ савэ́ кэрэна́ Дэвлэскири́ буты́ пир патрин (óбразо) и сы́рбы пир зэр (тенё́), савэ́ исын чачунэ́с дро Болыбна́скиро Раё́. Кéли Мóйза лыя́ тэ кончынэл буты́ пэ шáтра, то Дэвэл пхэндя́ лэскэ́: “Дыкх, кэр сарó, соб (кай) тэ явэл дасаво-паць, сыр сыс сыкадо́ тукэ́ пэ бэ́рга.” ⁶ Нэ каканá Христóсо дорэсця́ фэдэды́р буты́ сыр Англатунó Рашáй, сави́ исын пэ бут фэдэды́р кадалэ́-рашáнгирэ́ бутяты́р, адякэ́-паць, сыр фэды́р исын и Завето́, савó Ёв пириды́я Дэвлэсты́р манушэ́нгэ, сыр Машкиратуно́, пал-дова́ со дро Завето́ исын фэды́р дынэ́ дава́. ⁷ Кóли тэ явэл пэрво́ завето́ бидошакиро́, тэды на трэиндя́ тэ родэн штэ́то ваш явир. ⁸ Нэ Дэвэл бангякирэ́ла Пэскирэ́ манушэ́н, кéли Ёв ракирэ́ла пир пророкостэ́: “Гáда, явэ́на дывэ́са”, – ракирэ́ла Дэвэл, – “кéли Мэ́ кэра́ва Нэвó Завето́ Израилэ́скирэ́ и Юдáскирэ́ манушэ́нца; ⁹ нэ нанэ́ дасаво́ завето́, савó Мэ́ кэрдём лэ́нгирэ́ дадэ́нца дро дова́ часо́, кéли Мэ́ лыём пал васт лэн, соб (кай) тэ вылыджав Египтóскирэ́ пхувья́тыр. Ёнэ на ячнэ́пэ зоралэ́ дро патяибэн и Мэ́ на прилыём илэ́са лэн. ¹⁰ Адава́ исын Завето́, савó Мэ́ кэра́ва пэ далэ́ дывэ́са́ Израилэ́скирэ́ манушэ́нца, – ракирэ́ла Дэвэл. ‘Мэ́ пиридава́ Мирé Закóны дрэ́ лэ́нгири́ годы́ и Мэ́ чхина́ва лэн пэ лэ́нгирэ́ илэ́, и Мэ́ ява́ва лэ́нгиро́ Дэвэл, а ёнэ́ явэ́на Мирé́ манушá. ¹¹ И никон на явэ́ла буты́р тэ сыклякирэ́л явирэ́с и пшал на явэ́ла тэ сыклякирэ́л пшалэ́с и тэ ракирэ́л лэскэ́: “Уджин Дэвлэ́с”, пал-дова́ со сарé́ манушá тыкнэндыр кэ́ барэ́, явэ́на тэ джинэ́н Ман. ¹² Пал-дова́ со Мэ́ примангава́ лэ́нгэ́ дова́, со ёнэ́ сыс проти́ Закóно, палдава́ Мэ́ ниéкхвар на пририпирава́ буты́р лэ́нгэ́.” ¹³ Дэвэл ракирэ́лас дова́ пал Нэвó́ Завето́, пир дава́ Ёв пригалы́я со пэрво́ завето́ исын пхуранó́. А дова́, со исын пхуранó́ и нанэ́ кэ́ джи́ибэн, сы́гэс отпарувэ́лапэ́.

Шэрó 9

Сыр тэ Мангэ́нпэ́ Дэвлэскэ́ пэ́ Пхув и дро Болыбна́скиро Раё́

¹ Дро пэрво́ завето́ сыс пхэндлó, сыр трэиндя́ тэ мангэ́лпэ́ Дэвлэскэ́, и пал свэ́нто штэ́то, савó кэрэ́лас ману́ш пэ да́я пхув. ² Сыс чхуды́ Свэ́нто Шáтра: дрэ́ пэрво́ паш сыс момолы́тко (свети́льнико) и скамы́нд свэнцононé́ марэ́са, дава́ штэ́то кхардя́пэ́ Свэ́нто Штэ́то. ³ Пал явир шы́рма сыс явир паш дрэ́ Свэ́нто Шáтра, дава́ штэ́то кхардя́пэ́ Най Свэ́нтэды́р Штэ́то. ⁴ Одóй сыс сувнакуно́ алта́рэ, кай хачкирэ́нас лачхэ́-кханды́пна́скири́ смóла, и Ковчэ́гóскиро Мохтó́/Мохтэ́н (Яшчы́ко) заветóса, савó сыс обчхудо́ сувнака́са сарé́ ригэ́ндыр. Дро дава́ Свэ́нто Мохтó́ сыс сувнакуно́ чарó манна́са, Ароно́скиро дэ́стó, савó вылени́ндя. И сыс одóй адякэ́-паць барунé́ табли́цы, кай сыс вычингирдэ́ заветоскирэ́ припхэ́ныбэ́на. ⁵ А упрáл пэ́ Ковчэ́гóскиро Мохтó́ сыс тэрдé́ слава́кирэ́ херувимы́. Ёнэ́ зачхакирэ́нас пэ́скирэ́ пхакэ́нца штэ́то, кай грéхи́ отмэкэ́наспэ́; нэ каканá нанэ́ дова́ часо́ тэ ракирас буты́р пал дава́. ⁶ Дава́ адякэ́ сарó сыс счхудо́: рашая́ кажно́ мо́ло заджанас дрэ́ пэрво́ Свэ́нто Шáтра тэ мангэ́нпэ́ Дэвлэскэ́, сыр трэиндя́ буты́ пир Закóно, ⁷ а дрэ́ явир Свэ́нто Шáтра, сави́ сыс андра́л, заджалас екх Англатунó Рашáй, éкхвар дро бэрш, ратэ́са и свэ́нтонé́ дыибна́са пал манушэ́нгирэ́ грéхи, савэ́ ёнэ́ кэрдé́ пир пэ́скиро наджины́бэн. ⁸ Свэ́нто Дúхо́ (Фáно) сыкавэ́ла далéса, со пака́ исын пэрво́ Свэ́нто Шáтра, дром нанэ́ отчхаки́рдо дро Най

Свэнтэдыр Штэто; ⁹ кадая пэрво Свэнто Шатра исын сырбы примэро (сыкаибэн), со кэрэлапэ дро амаро часо, дро саво янэна дары, и свэнта дыибэна, саво на могоина тэ кэрэн бидошакирэса кодолэс, кон мангэлапэ Дэвлэскэ, сыр трэй пир Законо, ¹⁰ пал-дова со ёнэ отлыджанаспэ кэ упхэныбэна, со сашты тэ хас, и со тэ пьес, сыр со тэ морэс (тэ халавэс), кэ амарй лоч (плоть), лэндэ исын зор кэ/ жыко дава часо, пака Дэвэл кэрэла нэво ладо (порядко). ¹¹ Нэ Христосо явдя, сыр Англатуно Рашай ваш лачхипэн, саво явэла ангил барыдыршонэ и фэдыдыршонэ шатраса, савй кэрдэ на манушэнгирэ васта, и савй нанэ далэ свэтоскири, со исын кэрдэ, ¹² и на бузнэнгирэ (козлэнгирэ) и целянтэнгирэ ратэса, а Пэскирэ ратэса Ёв загий ёкхвар дро Най Свэнтэдыр Штэто, и дорэсця вечно выкиныбэн пал амарэ грэхи. ¹³ Пал-дова со, коли бузнэнгиро ци целянтэнгиро рат и тэрнэ-рэцакири (тёлкакири) праска (пепло), со кропинэлапэ пэ манушэндэ, савэ исын нажужо тэ клонинэнпэ патываса Дэвлэскэ, кэрэла жужаса (чыстонаса) лэнгири лоч, ¹⁴ то ци пэ бут бутэдыр выжужакирэла амэн Христососкиро рат, Саво пир вечно Дүхо (Фано) яндя Пэс бидошакирэс, соб (кай) тэ выжужакирэл амарй патыв мулэ рэндэндир тэ дынаринас джидэ Дэвлэскэ? ¹⁵ И палдава Христосо яндя Нэво Завето, соб (кай) одолэ мануша, савэн Дэвэл кхардя кэ Пэ прикхардя, могоиндлэ тэ дорэсэн вечно штэто дро Болыбнаскиро Раё, пал со Ёв и дыя лав. Лэскиро мэрибэн исын сырбы выкиныбэн пал грэхи, савэ кэрдэ мануша, кели пхурано завето рикирдя зор. ¹⁶ Коли исын завето, саво мануш ячкирэла явирэнгэ палó (после) пэскиро мэрибэн, трэй тэ допхэнэн, со кодова мануш мыя. ¹⁷ Пал-дова со завето фэни явэла тэ рикирэл зор палó (после) мэрибэн, и дава завето нисо нанэ мол, пака исын джидо мануш, саво счхудя лэс. ¹⁸ Адыкэ-паць и пэрво завето на прилыя зор би ратэскиро. ¹⁹ И палдава, кели Мойза пхэндя сарэ припхэныбэна Законостыр сарэ манушэнгэ, ёв лыя целянтэнгирэ и бузнэнгиро (козлэнгиро) рат панэса, лолэ балэнца и исопоскирэ ранденца, и кропиндя лэнца сыр кокори лылварй-свйтко, адыкэ-паць и сарэ манушэн. ²⁰ И пхэндя: “Дава исын рат заветоскиро, кэ саво Дэвэл припхэндя тумэнгэ тэ рикирэнпэ.” ²¹ И адыкэ-паць ёв кропиндя ратэса и шатра и сарэ кхорэ (сосуды), со трэй тэ лэн, кели мангэнапэ Дэвлэскэ. ²² И набут со на саро жужакирэлапэ грэхостыр ратэса, и би ратэскиро прочхуибэн на отмэкэлапэ грэхо.

Христососкиро Свэнто Дыибэн Отмэкэла Грэхи

²³ Трэиндя, соб (кай) дова, со сыс создыно пэ пхув пир болыбнаскири патрин (образо), адыкэ тэ жужакирэлпэ, а дова, со исын Болыбнаскиро чачунэс, трэбинэла фэдыр свэнта дыибэна, сыр кодолэ. ²⁴ Пал-дова со Христосо загий на дрэ Свэнто Штэто, саво кэрдэ манушэнгирэ васта, и саво исын патрин (копия) долэ Штэтоскиро, со исын дро Болыбнаскиро Раё. Ёв загий дро Болыбнаскиро Раё, соб (кай) тэ тэрдэл пал амэндэ ангил Дэвлэстэ: ²⁵ на ваш дова, соб (кай) тэ янэл Пэс бут мóлы, сыр Юдэнгиро англатуно рашай заджала дро Най Свэнтэдыр Штэто на пэскирэ ратэса; ²⁶ тэды Христоскэ трэиндя тэ мэнчынэлпэ кажно мóло, сыр свэто сыс создыно. Нэ каканá, ёкхвар пэ векоскиро кóнцо (ягóро), Ёв сыкадя Пэс и отдыя Пэс сыр свэнто дыибэн, соб (кай) тэ отпарувэл грэхи. ²⁷ И сыр ужакирэла манушэс ёкхвар тэ мэрэл, а палó дава сэндо; ²⁸ адыкэ-паць и Христосо сыс ёкхвар яндло сыр свэнто дыибэн пал бутэ-манушэнгирэ грэхи. Нэ Ёв явэла явйр мóло кэ одолэ, савэ древáн ужакирэна Лэс тэ зракхэл лэн, нэ на ваш дова, соб (кай) тэ отмэкэл грэхи.

Шэрó 10

¹ Юдэнгиро Законо исын сырбы зэр (тенё) пал дова чачипэн, саво явэла ангил, дава нанэ кокори патрин (образо). Палдова со Законо кокорó на кэрэла манушэн бидошакирэнца, савэ явэна тэ мангэнпэ Дэвлэскэ, кели ёнэ со бэрш янэна дасавэ-паць свэнта дыибэна пэ алтарё. ² И мануша пириячэнас тэ янэн свэнта дыибэна (жэртвы), коли ёнэ, кели мангэнапэ Дэвлэскэ сыр трэй пир Законо, явэнас выжужакирдэ грэхостыр екх мóло и пэ сарó джиибэн, и грэхо на ячэласпэ дрэ лэнгири годы.” ³ Нэ амэ со бэрш рипираса пал грэхи, кели янаса свэнта дыибэна пэ алтарё. ⁴ Пал-дова со нашты, соб (кай) целянтэнгиро и бузнэнгиро

(козлэнгиро) рат тэ отмэкэл грэхо манушэстыр. ⁵ Палдава, кели Христосо явдя пэ свэто, Ёв пхэндя Дэвлэскэ: “Тукэ исын на пир ило ни дары, ни свэнта дыибэна; нэ Ту пригатовиндян маса (лоч) ваш Мангэ. ⁶ А цэлонэ-хачкирибнаскирэ яныбэна и свэнта дыибэна пал грэхо нанэ тукэ дрэ радыма. ⁷ Тэды Мэ пхэндём: “Гада, Мэ джава, сыр исын чхиндло ангил дрэ лылварй пал мандэ; соб (кай) тэ сполнинав, Дэвла, воля Тырй.” ⁸ Англедыр Христосо пхэндя: “Ту на мангдян ни даро, ни свэнто дыибэн, ни цэлонэ-хачкирибнаскирэ яныбэна, ни дары пал грэху, савэ янэна пир Законо.” ⁹ Тэньци Ёв пхэндя: Гада, Мэ явдём, соб (кай) тэ сполнинав Тырй воля.” Ёв чхувэла криг англатунó мангипэн (пáтери) Дэвлэскэ, соб (кай) тэ чхувэл и подрикирэл явйр; ¹⁰ и пир Дэвлэскири воля амэ сам свэнцындлэ Исусоскирэ Христососкирэ мэнькэндыр дрэ маса, савэ сыс яндлэ сыр даро ёкхвар, пал сарэндэ. ¹¹ И кажно (свако) рашай дывэс дро дывэс кэрэла Дэвлэскири буты и янэла бут мóлы одолэ-паць свэнта дыибэна, савэ ниёкхвар на могоинэна тэ злэн грэху, ¹² а Ёв, Христосо, отдый Пэс ёкхвар дро свэнто дыибэн пал грэху и бэсця пэ сарó часо пир чачй (право) риг Дэвлэстыр, ¹³ кай каканá Ёв ужакирэла, кели Лэскирэ вэрги явэна чхудэ тэл Лэскирэ гэрá. ¹⁴ Пал-дова со Ёв екхэ свэнтонэ яныбнаса кэрдя бидошакирэнца пэ сарó часо одолэн, савэ исын выжужакирдэ грэхэндыр. ¹⁵ И Свэнто Духо (Фáно) допхэнэла амэнгэ: палó (после) дова, сыр Дэвлэ пхэндя: ¹⁶ “Гада, исын дава завето, савó Мэ кэрава лэнца палó одолэ дывэса, – ракирэла Рай Дэвлэ: – Мэ пиридава Мирé Законы дрэ лэнгирэ илэ и Мэ чхинава лэн пэ лэнгири годы”; ¹⁷ и лэнгирэ грэху и дова, со ёнэ кэрдэ проти Законо, Мэ на пририпирава ни екх мóло. ¹⁸ А кели грэхо исын отмэкно, тэды на трэй бутыр нисó тэ янэн сыр свэнто дыибэн пал лэндэ.

Палдава Яваса Пашылэдыр кэ Дэвлэ

¹⁹ Палдава, пшалалэ, амэ могоинаса муршканэс тэ заджас пэ Свэнто Штэто, пал-дова со Исусо прочхудя Пэскиро рат; ²⁰ Ёв дыя зор амэнгэ тэ проджас пир шырма нэвонэ и джидэ дромэса, савó исын пир Лэскири лоч (плоть); ²¹ Ёв исын амарó Барó Рашай пэ Дэвлэскиро Кхэр, савó исын дро Болыбнаскиро Раё; ²² палдава явэн пашылэдыр кэ Дэвлэ чачунэ илэса, пхэрдэ патяибнаса, соб (кай) тэ явэн амарэ илэ выжужакирдэ грэхэндыр и тэ на чуинас фуес, со амэ сам бангэ; тэ явэн амарэ маса обмóрдэ жужэ панэса. ²³ Яваса тэ рикираспэ зоралэс пал надэя, савй амэ приджиндям би кунипнаскиро, пал-дова со Дэвлэ, Кон дыя лав, исын патяибнытко; ²⁴ явэн тэ дыкхас екх пэ екхэстэ, соб (кай) тэ сыкавэн патыв екх екхэскэ и тэ кэрэн лачхипэн екх екхэскэ; ²⁵ и на яваса тэ мэкас тэ скэдаспэ дрэ кхангирй, сыр дава присыклынэ явйр мануша, а яваса тэ сыклякирас екх екхэс бутэдыр, коли тумэ дыкхэна, со Рáскирэ-Дэвлэскиро Дывэс явэла сыг. ²⁶ Пал-дова со, коли амэ уджиндям чачипэн, нэ усаёкх кэраса грэхо кокорэ пэстыр, тэды нанэ бутыр нисавó свэнто дыибэн тэ злэл далэ грэху, ²⁷ нэ амэнгэ ячэлапэ барэ дараса тэ ужакирас сэндо и яг, савй хачкирэла сарэ Дэвлэскирэ вэргэн. ²⁸ Кóли кажно мануш, кон на дэла патыв Мойзаскирэ Законóскэ, мэрэла битангипнаскиро пир лавá дуэ ци тринэ якхитконэнгиро (свидетеленгиро): ²⁹ то, сыр тумэ думинэна, ци пэ бут пхарэдыр явэла кáра пэ одолэ манушэстэ, савó сырбы штакирэла гэрэнца Дэвлэскирэ Чхавэс и на гинэла пал свэнто заветóскиро рат, савэса ёнэ кокорó сыс свэнцындло, и ракирэла налачхэ лавá пэ Духо (Фáно), Савэстыр амэ лыям бахталыпэн? ³⁰ Амэ джинáса Одолэс, Кон пхэндя: “Мэ отхава палэ (Мэ отомстинава), и Мэ явава тэ чхував бйда” – ракирэла Рай Дэвлэ.” И нэвэстыр: “Рай Дэвлэ явэла тэ сэндыакирэл Пэскирэ манушэн.” ³¹ Давá исын дарано тэ пэрэн дрэ джидэ Дэвлэскирэ вастá. ³² Пририпирэн тумарэ пэрва дывэса, кели тумэ уджиндлэ и патяндынэ дрэ Христосóстэ, тумэ сáнас зоралэ пир духо (фáно) дрэ пхарэ мэньки; ³³ екхэ ригатыр, мануша холямэс сандлэпэ тумэндыр ангил манушэндэ, кэрдэ бйда тумэнгэ; явирэ ригатыр, тумэ кокорэ сáнас кхэтанэ явирэ манушэнца, савэ адыкэ-паць дживэнас и мэнчынэнаспэ. ³⁴ Тумэ пиридживэнас кхэтанэ манушэнца, савэ сыс бэштэ дро штарибэн, и кели лынэ зорьяса тумарó миштыпэн, тумэ дава прилынэ радымаса, пал-дова со тумэ джинэна, со тумэндэ исын дро Болыбнаскиро Раё фэдэдыр миштыпэн, савó ячэлапэ вéчнэс. ³⁵ На мэкэн тумарó патяибэн, пал со тумэ дорэсэна барó отдыибэн Дэвлэстыр. ³⁶

Тумэнгэ трэй тэ вырикирэн, соб (кай) тэ кэрэн саро пир Дэвлэскири воля и тэ дорэсэн дова, пал со Ёв дыя лав тумэнгэ. ³⁷ Пал-дова со сарэса набут яцяпэ тэ ужакирас, и Одова, Кон джала, на зарикирэлапэ. ³⁸ Мирэ чачунэ мануша явэна тэ дживэн пир пэскиро патяибэн, нэ коли вари-кон дэлапэ палэ, тэды одова мануш нанэ лачхо Мирэ илэскэ. ³⁹ Нэ амэ на сам одолэ манушэндур, савэ дэнапэ палэ пэскирэ патяибнастыр и джана кэ хашибэн; нэ амэ патяса, со Дэвэл зракхэла амэн.

Шэрó 11

Патяибэн

¹ Патяибэн – дава исын зоралó (твардо) джиныбэн дро дова, пэ со амэндэ исын надёя, со одова кэрэлапэ пхэрдэс, и зоралó патяибэн дро дова, со исын вари-савэ чачипэна пэ свэто, мэк амэ на дыкхаса лэн, ² пир дава патяибэн Дэвэл приджиндя допхэныбэн амарэ годэ-пхурэнгири. ³ Екхэ патяибнаса амэ галёваса, со саро свэто исын создыно Дэвлэскирэ лавэса, и со саро, со амэ дыкхаса, сыс кэрдó долэстыр, со нанэ бицялó. ⁴ Патяибнаса Авелё яндя Дэвлэскэ фэдэдыр свэто дыибэн, сыр Каино; пир патяибэн ёв дорэсця допхэныбэн Дэвлэстыр, со ёв исын чачунó мануш, кели Дэвэл ракирдя пал лэскиро свэто дыибэн и пир Пэскиро патяибэн, сыр и англэдыр, Авелё ракирэла амэнгэ, мэк ёв ужэ мыя. ⁵ Патяибнаса Енохо сыс лыно пэ болыбэн, и ёв на дыкхця мэрибэн, и лэс никон на могоиндя тэ латхэл, пал-дова со Дэвэл лыя лэс. Нэ ангил, сыр Дэвэл лыя лэс, ёв дорэсця допхэныбэн, со ёв кэрдя кучэс Дэвлэскэ. ⁶ Нэ нашты тэ кэрэс кучэс Дэвлэскэ би патяибнаскиро, пал-дова со трэй, соб (кай) мануш, саво явдя кэ Дэвэл тэ патял, со Ёв и ваш одолэнгэ, кон родэла Лэс, Дэвэл отдэла лачхипнаса. ⁷ Патяибнаса Ноё дорэсця подракхибэн пал дова, со на сыс джидлó ни конэскэ; ёв свэнтонэ дараса кэрдя ковчэго и зракхця пэскири сэм'я (ири). Патяибнаса ёв сэндиндя свэто, и Дэвэл пригалыя лэс чачипнаскирэ чхавэса пал лэскиро патяибэн. ⁸ Патяибнаса Авраамо, саво сыс кхардо тэ кандэл и сыс бичхадó тэ джал пэ дова штэто, пал саво сыс лэскэ дыно лав тэ дорэсэл паш; ёв гий и на джидя, карик ёв джалас. ⁹ Патяибнаса ёв лыя тэ лодэл сыр явирэ – ригакиро мануш пир пхув, пал сави Дэвэл дыя лав лэскэ; и ёв дживдя шатрэнца Исаакоса и Яковоса, савэнгэ адякэ-паць сыс дыно лав тэ дорэсэн паш кхэтанэ; ¹⁰ ёв ужакирдя форо, саво сыс бангó (мусиндя) тэ явэл пэ зоралó фундаменто, савэскиро Дэвэл Кокорó явэла архитекторо и явэла тэ кэрэл лэс. ¹¹ Патяибнаса Саара, савьятэ на сыс чхаворé, сави адякэ-паць дорэсця састыпэн, соб (кай) тэ явэн чхаворé латэ, бияндя тэл пхурипэн, пал дова со ёй допатяндя Одолэскэ, Кон дыя лав. ¹² Палдава екхэ кадалэ Авраамостыр, саво сыс пхурó кэ мэрибэн тэ явэл дадэса, бияндынэ адакицы бут мануша, адакицы ци бут исын чэргэня пэ болыбэн и сыр нашты тэ гинэс саро прахо пэ морэскиро (дэрьявэскиро) брэго. ¹³ Сарэ кадалэ мануша мынэ патяибнаса, ёнэ на дорэснэ дова, пал со Дэвэл дыя лав лэнгэ, ёнэ дыкхнэ саро дава дурал и пхэндлэ “раманё” (миро) долэскэ и приджиндлэпэ, со ёнэ сыс чужа мануша и лодэна пир доя пхув. ¹⁴ Пал-дова, со одолэ мануша, савэ ракирэна адякэ, сыкавэна, со ёнэ родэна пэскиро тхэм (отечэство). ¹⁵ И коли ёнэ припириэнас пэскэ пал дова тхэм, савэстыр ёнэ выгинэ, лэндэ явэлас часо одорик тэ рисён; ¹⁶ нэ ёнэ каканэ зоралэс мангэна фэдэдыр тхэм, саво исын дро Болыбнаскиро Раё, палдава Дэвлэскэ нанэ ладжаво, кели ёнэ кхарэна Лэс пэскирэ Дэвлэса; пал-дова со Ёв приготивиндя форо ваш лэнгэ. ¹⁷ Патяибнаса Авраамо яндя Исаакос дро свэто дыибэн, кели Дэвэл пропатякирэлас лэс; Дэвэл дыя лав и ёв скэдыпэ тэ янэл дро свэто дыибэн пэскирэ екхорэ чхавэс; ¹⁸ пал савэстэ сыс пхэндлэ: “Исаакостыр явэла тэ джал дурэдыр тырó родо”; ¹⁹ ёв думиндя пэскэ, со Дэвлэстэ исын зор и мулэндур тэ отджидякирэл лэскирэ чхавэс, и сырбы Авраамо дорэсця лэс палэ. ²⁰ Патяибнаса Исаако бахтиякирдя Яковос и Исавос. ²¹ Патяибнаса Яково ангил, сыр тэ мэрэл, бахтиякирдя Ёзаскирэ (Иосифоскирэ) чхавэн, тэрдия пэ чангэ и помангдяпэ Дэвлэскэ, кели рикирдяпэ пал пэскиро дэстó. ²² Патяибнаса, со явэла ангил, Ёза ангил пэскиро мэрибэн припириэлас Израилэскирэ чхавэнгэ пал выгиибэн Египтостыр и припхэндя, со тэ кэрэн лэскирэ кокалэнца. ²³

Патяибна́са Мойза́скирэ дада́ гаравэна́с лэс трин чхона́ палó лэскиро бияныпэн, пал-дова́ со ёнэ дыкхнó, со ёв сыс шукáр, и ёнэ на дарандынэ кралі́скиро припхэныбна́стыр. ²⁴ Патяибна́са Мойза, кэ́ли яця́ барó, отпхэндяпэ́ тэ кхарэлпэ́ Фараонóскирэ-чхакирэ́ чхавэ́са; ²⁵ и выкэды́я фэдэды́р тэ пирилыджал мёньки́ (муки) Дэвлэ́скирэ манушэ́нца, сыр лэстэ́ тэ явэл бахт пэ́ набарó часо грэхоса, ²⁶ и холямо́ сабэн пал/пэ́ Месия́стэ (Христосóстэ), саво пы́я пэ́ Лэстэ́ коригэды́р (позжэды́р), ёв гиндя ваш пэ́скэ дрогэды́р сарэ́ Египтóскирэ кучипна́стыр, пал-дова́ со ёв дыкхця́ наде́яса, со лэс ужакирэ́ла отдыибэ́н Дэвлэ́стыр. ²⁷ Патяибна́са ёв гия́ Египтóстыр и на даранды́я кралі́скирэ холя́тыр; ёв вырикирэ́лас дурэды́р сарó, пал-дова́ со ёв дыкхця́ ангил пэ́стэ́ Одолэ́с, Кон на сыс биця́ло. ²⁸ Патяибна́са ёв свэнки́ндя Патради́ и обмакхця́ ратэ́са вударэнгирэ́ касяки́, соб (кай) Мэрибны́тко янгóло, савó мулякирэ́лас пэ́рвонé биятэ́н, тэ на чилавэл лэн. ²⁹ Патяибна́са ёнэ пиригинé Лолó мо́рэ (дэрья́в), сыр пир шу́ки пхув; и кэ́ли Египтóскирэ мануша́ спробиндлэ́ ады́кэ-паць тэ пириджан мо́рэ (дэрья́в), ёнэ тасады́нэ. ³⁰ Патяибна́са пы́нэ Ерихоно́скирэ ванты́ палó (после) дова́, сыр мануша́ обджанас трусця́л фóро пал э́фта́ дывэ́са. ³¹ Патяибна́са Раав (Рахаб), биладжакуны́ джувлы́, на мы́я кхэтанé одолé манушэ́нца, савé на кандынé Дэвлэ́с, пал-дова́ со ёй прилы́я Израилё́скирэ поддыкхи́бна́скирэ́н (чораханэ́н), сыр пэ́скирэ́ малэ́н. ³² И со мэ́ мого́нава́ буты́р тэ пхэна́в? На ухтылэ́ла (на́доси) ма́нгэ́ часо, ко́ли мэ́ ява́ва тэ ракира́в пал Гедеоно́стэ, Варако́стэ, Салосоно́стэ, Ефаё́стэ и Давидо́стэ и Самуило́стэ и пал явирэ́ пророкэ́ндэ: ³³ савé пэ́скирэ́ патяибна́са пиризорья́кирэ́нас явир крали́пэ́на, кэ́рэнас пир чачипэ́н, дорэ́сэнас дова́, пал со Дэвэл ды́я лав лэ́нгэ, пхандэ́нас му́я шчэ́рэ́нгэ (левэ́нгэ), ³⁴ мурдя́кирэ́нас барé-зорья́кири́ яг, зракхэ́наспэ́ куртала́кирэ́ войстрима́тыр (чолы́пна́стыр); лэ́нгиро́ бизорья́кирибэ́н кэ́рдя́ лэн зоралэ́нца, ёнэ мардэ́пэ́ зоралэ́с пэ́ мэрибэ́н и вытрадэ́нас чужо́нэ халадэ́н, савé явэ́нас марибна́са пэ́ лэ́ндэ́ явирэ́ ригэ́ндыр. ³⁵ Джувля́ лэ́нас палэ́ пэ́скирэ́ мулэ́н, савé сыс отджидя́кирдэ́; явир мануша́, савé на за́камлэ́, соб (кай) лэн тэ отмэ́кэ́н кэ́ во́ля, сыс замэ́нчиндлэ́ пэ́ мэрибэ́н, соб (кай) тэ дорэ́сэн фэдэды́р отджидя́кирибэ́на, ³⁶ пэ́ явирэ́ манушэ́ндэ́ сыс холямо́ сабэ́н, лэн мардэ́ чхупня́са, лэн пхандэ́нас дрэ́ састыра́ и чхувэ́нас дро́ штари́бэ́н. ³⁷ Лэ́н домаре́нас барэ́нца, про́патя́кирэ́нас пэ́ мёньки́ тэ пирилыджан, лэ́н пили́нэ́нас (ризи́линэ́нас) пэ́ дуй па́ша; ёнэ мэ́рэнас куртала́тыр, псирэ́нас дрэ́ бакра́нэ́ и бу́зны́тка (козы́тка) цы́пи, ёнэ дживдэ́ дро́ наухтылы́бэ́н, дрэ́ мёньки́; страды́ндлэ́ манушэ́ндыр, ³⁸ адаса́вэ́ мануша́, савэ́н сарó́ свéто на сыс мол, дживдэ́ пэ́ чхучэ́ прахи́, дрэ́ бэ́рги, пир геба́ра́ (пешчэ́ры), пир лошчы́ны пэ́ пхув. ³⁹ И сарэ́́нгэ́ лэ́нгэ́ исын лачхó́ до́пхэ́ныбэ́н пал лэ́нгиро́ патяибэ́н, нэ́ ниé́кх лэ́ндыр на дорэ́сця́ дова́, пал со Дэвэл ды́я лав лэ́нгэ. ⁴⁰ Пал-дова́ со Дэвэл при́думиндя́ ангил тэ́ кэрэ́л ваш амэ́́нгэ́ вари-со́ фэдэды́р, соб (кай) ёнэ́ кхэ́танэ́ амэ́́нца́ тэ́ ячэ́н бидоша́кирэ́нца.

Шэ́ро́ 12

Дэвэл исын Амарó Дад

¹ Пал-дова́ со трусця́л амэ́́ндэ́ ады́кэ-паць́ исын ада́кицы́ бут́ якхі́тка/якхалé (свидетели), явэ́н чхурдаса́ пэ́стыр́ любо́ га́мо пхари́пна́са и грэхó, савó при́пхандэ́лапэ́ кэ́ амэ́ сыр фэ́лы (сетка) и ява́са со́ исын зор тэ́ вы́рикирас, ява́са тэ́ причху́вас зор тэ́ джас пир́ амарó́ джи́ибны́тко́ дром, савó́ исын ангил́ амэ́́ндэ́; ² и ява́са тэ́ дыкхас́ пэ́ Исусóстэ́, Савэ́стыр́ исын́ амарó́ патяибэ́н, и Савó́ кэрэ́ла́ амэ́́н бидоша́кирэ́нца, Савó́ замéст ра́дыма, сави́ явэ́лас ваш́ Лэ́скэ́, и Савó́ вы́рикири́бна́са пири́дживдя́ трушу́лыбэ́н кэ́ мэрибэ́н, на дыкхи́ пэ́ ладж, и бэ́сця́ пир́ чачó́ (право) васт́ Дэвлэ́стыр. ³ Обду́минэ́н хор пал́ Исусóстэ́, Савó́ пири́лыджия́ вэ́ргитко́ бипаты́вакиро́ сабэ́н грэхитко́нэ́ндыр, дава́ сарó́ дэ́ла васт́ тумэ́́нгэ́ тэ́ на хася́кирэ́н зор дро́ ду́хо (фа́но) и тэ́ на здэ́н зорья́са. ⁴ Тумэ́́ ишчо́ (инкэ́) на мардэ́́пэ́ кэ́ рат, кэ́ли́ тумэ́́ са́нас тэ́рдэ́ проти́ грэхó. ⁵ И тумэ́́ бисты́рдэ́ лава́, савé́ Дэвэл́ раки́рдя́ тэ́ подри́кирэ́л тумэ́́н, сыр́ Пэ́скирэ́ чхавэ́́н: “Чхаво́а миро́, на лэ́ пэ́ ило́ локхэ́с, кэ́ли́ Дэвэл́ сы́кля́кирэ́ла тут, и на́ здэ́пэ́ духо́са, кэ́ли́ Ё́в пхэ́нэ́ла зорья́са́ банѓ тукэ́; ⁶ Дэвэл́ сы́кля́кирэ́ла́ одолé́ манушэ́́с, конэ́́с Ё́́в выкэ́дэ́ла, и марэ́́ла́ ка́жнó́нэ́ манушэ́́с, савэ́́с Ё́́в при́лэ́ла, сыр́ Пэ́скирэ́ чхавэ́́с.” ⁷ Явэ́́н

вырикирдэ, кэли Дэвэл сыклякирэла тумэн, дава сыкавэла, со Дэвэл дыкхэла пэ тумэндэ, сыр пэ Пэскирэ чхаворэндэ. Ци исын вари-кай адасаво чхаво, савэс лэскиро дад на сыклякирэла? ⁸ Кóли тумэн на сыклякирэна, сыр трэй ваш сарэ чхаворэнгэ, тэды тумэ сан кхэлбы, а на чачунэ Дэвлэскирэ чхавэ. ⁹ И ишчо (инкэ): кэли амэндэ сыс дада пир амаро рат, савэ сыклякирдэ амэн, и палдава амэ кутякирдям лэн, тэды ци пэ бут бутыр амэнгэ трэй тэ кандас амарэ Дадэс пэ дүхо (фано), соб (кай) тэ дживас? ¹⁰ Амарэ дада сыклякирдэ амэн набут дывэса, нэ Дэвэл сыклякирэла ваш амаро миштыпэн, соб (кай) амэнгэ тэ явэл паш кхэтанэ Лэса дрэ Лэскири свэнтима. ¹¹ Кажно сыклякирибэн дро акаканатуно часо исын ваш амэнгэ на дрэ радыма, а дро пиридживибэн, нэ палó (после) дова, кон высыкляла далэ сыклякирибнастыр, дорэсэла палэ раманё (миро) чачипнаскирэ джиибнастыр.

Упхэныбэна и Приракхибэна

¹² Рикирэн мамуй (прямэс) пэскирэ васта и тэрдён сыр трэй пэ пэскирэ гэрэ, савэ кхинынэ. ¹³ Псирэн тумарэ гэрэнца пир мамуй (пряма) дроморэ, соб (кай) одолэ манушэскэ, саво исын лангало, тэ на змарэлпэ гэрэндэр, а соб (кай) ёв тэ джал мамуй (прямэс). ¹⁴ Причхувэн зор, соб (кай) тумэнгэ тэ явэн дро раманё (миро) сарэнца и дрэ свэнтима, би савэскиро никон на дыкхэла Рас-Дэвлэс. ¹⁵ Дыкхэн миштэс, соб (кай) никон тумэндэр тэ на хасякирэл Дэвлэскиро бахтякирибэн, соб (кай) тэ на явэл машкир тумэндэ киркó рукх (корнё), саво могоинэла тэ янэл фуипэн, и соб (кай) лэса тэ на явэн магирдэ бут явир мануша; ¹⁶ соб (кай) машкир тумэндэ тэ на явэл мануш, саво дживэла джувлэнца би сэвлакиро, ци бидэвлыткар, сыр Исаво, саво пал екх чаро хабнаса бикиндя пэскири лыгота, сави исын пэрвонэ биятостэ. ¹⁷ И тумэ ж джинэна, со палó (после) дова ёв мыслиндя, соб (кай) дад тэ бахтякирэл лэс, нэ кодова на пригалыя лэс, пал-дова со ёв на могоиндя тэ рискирэл палэ дова, со кэрдя. ¹⁸ Тумэ на явнэ пашылэдыр кэ бэрга Синаё, сави сашты (можно) тэ чилавэн вастэса, и сави хачола барэ ягаса, и на кэ калыпэн (тьма), на кэ мигла (мрако), на кэ холями балвал, ¹⁹ тумэ на явнэ пэ рогоскиро (трубакиро) башаибэн, и пэ зан, сави ракирэла дасаво лавá, со мануша, савэ шунэна лэн, мангэна пал дова, соб (кай) лэнгэ бутыр далэ лавá тэ на шунэн; ²⁰ пал-дова со ёнэ на могоиндлэ тэ шунэн дова, со лэнгэ сыс пхэндлó: “Кóли и саво rischiрибнаскиро мурдал (зверё) дочилавэлапэ кэ дая бэрга, ёв явэла замардо (мулякирдо) барэнца”; ²¹ пэ саро дава сыс адякэ дарано тэ дыкхэс, со Мóйза пхэндя: “Мэ древан издрава даратыр; ²² а тумэ явнэ кэ бэрга Сионо, кэ Болыбнаскиро Ерусалимо, кэ джидэ-Дэвлэскиро фóро, кай исын Янгóлы, Савэ скэдынэпэ кхэтанэ, ²³ тумэ явнэ пашылэдыр кэ Кхангирé, кай скэдынэпэ радымаса чхаворэ, савэ пэрва бияндэна, конэскирэ лавá исын зачхиндлэ дро Болыбнаскиро Раё, и кэ Дэвэл, Саво исын Сэндари пэ сарэндэ и кэ манушэнгирэ дүхи, со ячнэ бидошакирэнца; ²⁴ и кэ Исусо, Саво пиридыя амэнгэ Нэво Завето Дэвлэса и кэ дрого рат, со сыс прочхудо, саво исын зоралэдыр Авелёскирэ ратэстыр. ²⁵ Дыкхэн, на отрисён криг Одолэстыр, Саво ракирэла тумэнгэ. Кóли одолэ мануша, савэ отрисинэ криг тэ шунэн Лэс, Саво ракирдя лэнгэ Болыбнастыр пэ пхув, на мениндлэ кáра, тэды бутыр сарэстыр и амэ на менинаса ла, савэнгэ Ёв ракирэла Болыбнастыр: ²⁶ Конэскири зан затринскирдя сарé пхув, и Кон дья лав каканá: “Мэ ишчо (инкэ) мóло триинскирава на екх пхув, нэ и болыбэн. ²⁷ Нэ лав “ишчо (инкэ) мóло” сыкавэла пэ дова, со Дэвэл кэрдя, и со могоинэла тэ хасёл, соб (кай) тэ ячэлпэ дова, со ниэкхвар на тринскирлапэ. ²⁸ Пал-дова со амэ приласа кралипэн, саво ниэкхвар на триинскирэлапэ, яваса тэ ракхас бахталыпэн, савэса амэ могоинаса тэ кэрás буты ваш Дэвлэскэ дараса ангил Лэстэ и ворохóса (барэ дараса). ²⁹ Пал-дова со амаро Дэвэл исын яг, сави саро хачкирэла.

Шэрó 13

Сыр тэ Явэс Лачхó Дэвлэскэ

¹ Сыкавэн патыв дурэдыр екх екхэскэ, сыр пшала. ² Прилэн илэса манушэн, савэ явэна кэ тумэ, пир дава тумэ кхардэ дро кхэр Янголэн, мэк ёнэ на джиндлэ лэн. ³ Рипирэн манушэн, савэ ханэ мэньки, сырбы и тумэ кхэтанэ лэнца сáнас дро штарибэн; манушэн, савэ страдынлэ, сырбы и тумэ кокорэ страдынэнас масэнца. ⁴ Мэк тэ явэл романдунó (супружэско) джибэн дрэ патыв пир сарó, и чачипэн машкёр лэндэ тэ на явэл магирдó; Дэвэл явэла тэ сэндыкирэл биладжакунэ манушэн и манушэн, савэ дживэна джувлэнца сыр ромá би совлакиро. ⁵ На явэн гáлка (жадна) кэ ловэ, парикирэн Дэвлэскэ пал сарó, пал-дова со Ёв пхэндя: “Мэ на ячкирава и на мэкава тут.” ⁶ Палдава амэ зоралэс ракираса: “Дэвэл помогинэла мánгэ, и мánгэ нанэ сóстыр тэ дарав, со могинэла тэ кэрэл мánгэ мануш?” ⁷ Рипирэн пэскирэ сыклякирибнарьен (наставникэн), савэ лыджинэ тумэн и сыклякирдэ тумэн Дэвлэскирэ лавэскэ, дыкхэн пэ лэнги́ро джибэн кэ кóнцо (кэ ягóро); явэн дасавэ-паць дро патяибэн, сыр ёнэ исын. ⁸ Исусо Христóсо исын Адасавó-паць атася, ададывэс и пэ сарэ вéки. ⁹ И на дэнпэ, соб (кай) явёр наджиндлэ сыклякирибэна тэ змарэн дромэстыр тумэн, пал-дова со фэдёр сарэстыр, соб (кай) тэ подрикирэл тумарó илó Дэвлэскиро бахталышэн, а на хабэна, савэ на яндлэ нисавó шукарипэн одолэнгэ, савэ залэнапэ далэса. ¹⁰ Амэндэ исын алтáрэ, савэстыр на могинэна тэ хан одолэ манушá, савэ кэрэна буты ваш Дэвлэскэ дрэ шáтра; ¹¹ пал-дова со rischiрибнаскирэ-мурдалэнгирэ трóпы, савэнги́ро рат Англатунó Юдэнги́ро Рашáй янэла дро Свэнто Штэто сыр свэнто дыибэн пал грэхó, хачкирэна пал дава стáно (лод), ¹² палдава и Исусо, соб (кай) тэ свэнцынэл манушэн грэхэндэр Пэскирэ ратэса, мэнчындыпэ пэ мэрибэн пал фóро: ¹³ и палдава выджаса кэ Ёв пал фóро, соб (кай) и амэнгэ тэ лыджас пэ пэстэ дасаво холямо сабэн манушэндэр, сыр Ёв: ¹⁴ пал-дова со амэндэ пэ дая пхув нанэ стало фóро, и амэ родаса фóро, савó явэла вéчно дро Болыбнаскиро Раё. ¹⁵ Палдава яваса сарó часо пир Исусóстэ тэ слави́нас Дэвлэс лавэнгирэ-свэнтонé дыибнаса, – дава исын амарэ лавá, кэли амэ приджинаса, со Ёв исын амарó Рай Дэвлэ. ¹⁶ На бистрэн тэ кэрэн лачхипэн явирэ манушэнгэ и тэ делинэнпэ (тэ улавэнпэ) (тэ дэн котэр (куско) илэстыр) явирэ манушэнца, пал-дова со дасавэ лачхэ рэндэ, сырбы свэнто дыибэн исын лачхó Дэвлэскэ. ¹⁷ Кандэн пэскирэ сыклякирибнарьен, савэ лыджáна тумэн, кэрэн сарó, со ёнэ пхэнэна тумэнгэ; пал-дова со ёнэ сарó часо пэкэнапэ (заботисона) пал тумарó дóхо (фáно), ёнэ исын сырбы манушá, савэ явэна тэ отпхэнэн ангил Лэстэ, соб (кай) ёнэ тэ кэрэн радымáса дава, а на тэ дэн гондэ (на тэ ўздыхинэн), тэды на явэла фэдэдыр тумэнгэ. ¹⁸ Мангэнпэ пал амэндэ: амэ зоралэс патяса, со амэ сарó кэрáса жужэ патываса и дживаса пир чачипэн. ¹⁹ Мэ дрéвэн мангáва тумэн тэ мангэнпэ, соб (кай) мэ могиндём сыгэдыр тэ рисёвав кэ тумэ.

Мангипэн пэ Кóнцо (Ягóро)

²⁰ Дэвэл, Савó дэла рамáнэ (миро), Савó отджидякирдя мулэндэр амарэ Рас-Дэвлэс, Исусóс Христóс, Барэ Чхупнарис пир рат вечнóнэ Заветостыр, ²¹ мэк тэ дэл Ёв зор тумэнгэ тэ кэрэн буты лачхэс, соб (кай) тэ кэрэн сарó тумэ пир Лэскири вóля. Мэк Ёв пир Исусóстэ Христóсостэ тэ кэрэл дова дрэ амэндэ, со исын лачхó Лэскэ, Савэскэ тэ явэл слáва пэ сарэ вéки. Амíнь.

Бахтякирибэн пэ Кóнцо (пэ Ягóро)

²² Мэ дрéвэн мангáва тумэн, пшалáлэ, тэ прилэн миро лав сыр подрикирибэн, мэ нáбут и чхиндём тумэнгэ. ²³ Джинэн, со амарэ пшалэс Химáс вымэкнэ штарибнастыр; кóли ёв явэла сыг адарик, мэ явáва кхэтанэ лэса кэ тумэ. ²⁴ Пиридэн “паклоно” тумарэ

сыклякирибнарьенгэ, савэ лыджана тумэн, и сарэ свэнтонэ манушэнгэ. Пиридэна “паклоно” тумэнгэ мануша Италиятыр. ²⁵ Мэк тэ явэл бахталыпэн сарэнца тумэнца. Амйнь.

Яковоскиро Лыл

Шэрó 1

¹ Яково, саво исын Дэвлэскиро и Рáскирэ-Дэвлэскиро, Исусóскирэ Христосóскиро писхари (рабо), бичхавэла миро (раманё) Юдэнгирэ дэшудуэ родэнгэ, савэ исын росчхурдынэ пир свэто машкирал Наюдэндэ. ² Пшалалэ мирэ, гинэн пал бари радыма, кели тумэн пропатыкирэна пир явир (разнэс), ³ и джинэн тумэ, со пропатыкирибэн кэрэла тумаро патяибэн зоралэдыр.

Кай тэ Лэс Патяибэн и Годы?

⁴ Тумаро зоралó патяибэн тэ вырикирэл кэрэла бидошакиро рэндо (дело), соб (кай) тумэ тэ явэн лачхэ и бидошакирэ пир сарó, соб (кай) тэ на явэл ни саво наухтылыбэн тумэндэ. ⁵ Кóли вари-конэстэ тумэндэр на ухтылэл (надоси) годы, то мэк ёв тэ мангэл Дэвлэстыр, Савó дэла сарэнгэ, кон камэла, и Савó на выракирэла, а дэла лэскэ: ⁶ нэ мэк ёв тэ мангэл патяибнаса; мэк ёв тэ на кунинэлапэ. Пал-довá со кон нанэ зоралэс тэрдó дро пэскиро патяибэн, одовá исын сырбы морёскири вална (вэлна), сави балвал газдэла, и нэвэстыр чхурдэла палэ: ⁷ мэк тэ на думинэл адасавó мануш, со ёв дорэсэла вари-со Рáстыр-Дэвлэстыр; ⁸ адасавó мануш исын балвалитко и чхурдэлапэ пэ дуй ригá, нанэ зоралó пир дýхо (фáно) дрэ сарэ пэскирэ дромá.

Чорипэн и Барвалыпэн

⁹ А пшал, саво исын притасадо, мэк тэ шарэлпэ ёв долэса, со исын лэскэ дыно вучипнастыр, ¹⁰ и барвалó мануш, мэк ёв тэ шарэлпэ, кели мануша ладжакирэна лэс, пал-довá со явэла часо и лэскиро барвалыпэн хасёла, сыр фэлдытка лулудя (цвэты) пир чар. ¹¹ Пал-довá со уштэла кхам и шутькирэла чар пэскирэ хачкирибнаса, и лáкирэ лулудя (цвэты) пэрэна, и сарó шукарибэн хасёла, адякэ-пацэ и хасёла барвалó мануш сарэса, со ёв кэрдя. ¹² Бахталó исын одовá мануш, савó зоралэс вырикирэла пропатыкирибэн, пал-довá со, кóли ёв вырикирдя пропатыкирибэн, ёв дорэсэла джиибнаскири вянка, пал сави Дэвэл дыя лав сарэ манушэнгэ, конэскэ исын дрого Ёв.

Кéли Злыджана Дромэстыр и Пропатыкирэна

¹³ Кéли пропатыкирэна тумэн, мэк никон тэ на ракирэл: “Адава Дэвэл пропатыкирэла ман”, пал-довá со холы на могоинэла тэ пропатыкирэл Дэвлэс, а Дэвэл Кокорó на пропатыкирэла никонэс. ¹⁴ Нэ кажно мануш пропатыкирэла пэс пэскирэ масэнгирэ тырдыпнаса, савó на трэй, и савó затырдэла лэс дрэ фэлы; ¹⁵ палó дава злыджаибэн, савó на трэй, и савó лыджала кэ грэхó, савó явэла кэрдó и савó лыджала кэ мэрибэн. ¹⁶ Дрога мирэ пшалалэ, дыкхэн, соб (кай) никон тумэн тэ на дэл дукхá (тэ на хохавэл): ¹⁷ кажно лачхипэн и кажно бидошакиро талáно бичхадэ амэнгэ вучипнастыр, дудэнгирэ (свэтэнгирэ) Дадэстыр, Савó на парудэла, и на пирикэрэлапэ. ¹⁸ Ёв выкэдыя пир Пэскири воля тэ дэл джиибэн амэнгэ чачунэ лавэса, соб (кай) амэнгэ тэ явас Лэскирэ пэрвонэнца, савэн Ёв создыя.

Со тэ Шунэн, и Со тэ Кэрэн

¹⁹ Джинэн, мирэ дрога пшалалэ: мэк кажно мануш бутыр тэ шунэл лэнтэс/поволинькэс (насыгэс) тэ ракирэл, лэнтэс тэ холясол. ²⁰ Пал-дова со манушэскири холы на кэрэла манушэс чачунэдыр, сыр дава трэй Дэвлэскэ. ²¹ Ваш дава отчхувэн пэстыр сарэ ладжавэ кэ магирипэн рэнды и песьцёныма, савэ ишчо (инкэ) ячнэпэ андрэ тумэндэ и прилэн лав ковлэ илэса, саво мэкця корнэ (рукх) дро тумаро ило и могоинэла тэ зракхэл тумэн. ²² Кэрэн саро пир Дэвлэскиро патяибэн, и, коли тумэ фэни шунэна, а на кэрэна адякэ, тэды тумэ хохавэна кокорэ пэс. ²³ Пал-дова со, коли вари-кон шунэла лав и на кэрэла саро, сыр исын пхэндло, одова исын сырбы мануш, саво роздыкхэла пэскирэ-москири гожыма дро гиндало, ²⁴ а адасаво мануш роздыкхэла пэс и джала криг и адай-паць бистрэла, саво ёв сыс. ²⁵ Нэ мануш, саво лачхэс сыклякирэла Законо, саво исын бидошакиро, и саво дэла воля; кадава мануш кэрэла пир Законо, и на бистрэла, со ёв шундя, и явэла бахтало дро дова, со ёв кэрэла. ²⁶ Коли вари-кон тумэндэ гинэла пэс, со ёв исын зорьяса патяибнаскиро, а на пхэндэла пэскири чиб, ёв хохавэла кокоро пэс, и кадасавэскирэ-манушэскири строгима на трэй ни конэскэ. ²⁷ Жужэ-патяибнаскири и намагирды строгима ангил Дэвлэстэ Дадэстэ исын дро дова, соб (кай) тумэ тэ джан тэ дыкхэн пал пиротэндэ (сиротэндэ) и пивлендэ (удовэндэ), кэли ёнэ пхарэс пиридживэна и тэ зракхэн пэс бидошакирэнца далэ свётостыр.

Шэро 2

Приракхибэн тэ Сэндинэн Шэра (Равнэс)

¹ Пшалалэ мирэ! Коли тумэндэ исын патяибэн дрэ Исусостэ Христосостэ славутинонэ Растэ-Дэвлэстэ, сэндинэн шэра (равнэс) сарэн: ² пал-дова со, коли дрэ тумары синагога заджала мануш сувнакунэ ангрустяса и уридо дро зяиндло урибэн, и адякэ-паць заджала чороро мануш дро кушно урибэн, ³ и тумэ дыкхэна патыва са манушэстэ, саво исын уридо дро зяиндло урибэн и пхэнэна лэскэ: “Тукэ явэла куч тэ бэшэс адай, а чорорэскэ пхэнэна “Ту тэрдёв одой”, ци “Бэш адай пашыл мирэ гэра”: ⁴ тэды тумэ сырбы кокорэ сэндинэна манушэн, далэса-паць тумэ ячэна налачхэ сэндарьенца? ⁵ Шунэн, мирэ дрога пшалалэ: Ци на выкэдыя Дэвлэс одолэ манушэн, савэ исын чорорэ дро дава свэто тэ кэрэл барвалэнца лэн дро патяибэн и кралипнаскирэ чхавэнца, пал саво Ёв дыя лав сарэ манушэнгэ, конэскэ дроого исын Ёв? ⁶ А тумэ ладжакирдэ чорорэс. Ци на сан тумэ тэл барвалэнгири зор, и ци на ёнэ тырдэна тумэн тэл сэндо? ⁷ Ци на кошэна ёнэ лачхо лав, савэса кхарэна тумэн? ⁸ Коли тумэ сан патяибнытка кралискирэ Законоскэ, саво исын чхиндло дро Свэнто Чхиныбэн: “Рикир сыр дрогима дро ило манушэс, саво исын пашыл тутэ, сыр кокоро пэс, тэды тумэ кэрэна миштэс.” ⁹ Нэ коли тумэ сэндинэна манушэн на шэра (равнэс), тэды тумэ кэрэна грэхо и тумэ сан бангэ ангил Законо. ¹⁰ Пал-дова со, коли вари-кон раххэла саро Законо и обштавэлапэ дро вари-со екх, со исын на пир Законо, одова мануш явэла банго дро саро. ¹¹ Пал-дова со Одова, Кон пхэндя: “На кэр биладжаипэн”, адякэ-паць пхэндя: “На замар.” Коли ту на кэрэса биладжаипэн, а замарэса, тэды ту адякэ-паць сан банго ангил саро Законо. ¹² И ракирэн и кэрэн адякэ сырбы мануша, савэн могоинэна тэ сэндинэн пир Законо, саво дэла воля; ¹³ пал-дова со ваш одолэ манушэнгэ, кон на сыкадя тангипэн (жалима) кэ явир мануша, сэндо явэла би тангипнаскиро адякэ-паць кэ ёв, нэ тангипэн исын вучэдыр сэндостыр.

Кэрэн пир Патяибэн

¹⁴ Пшалалэ мирэ, саво исын проко (лыгота) адалэстыр, коли мануш ракирэла, со ёв патяла, нэ ни савэ лачхэ рэнды ёв на кэрэла? Ци могоинэла дасаво патяибэн тэ зракхэл лэс? ¹⁵ Акэ, коли тумаро пшал ци пхэн исын нангэ и бокхалэ, ¹⁶ а вари-кон тумэндэ пхэнэла лэнгэ: “Джан раманэса (миросэ) и кокорэ урьявэнпэ и чаравэнпэ” и тумэ на дэна лэнгэ ничы ваш

довá, со исын трэй ваш лóнгэ, тэды савó проко явóла кадасавó патяибнастыр? ¹⁷ Адякэ-паць исын и патяибóн, кóли нанэ нисавó рéндó лэстыр, тэды дасаво патяибóн исын мулó кокóро пир пэстэ. ¹⁸ Нэ вари-кон пхэнóла тумэндýр: “Тýтэ исын патяибóн, а мáндэ исын рéнды (дэлы).” Сыкáв мáнгэ тырó патяибóн би рэндэнгиро, а мэ сыкавáва миро патяибóн мирé рэндэндýр. ¹⁹ Ту патýса, со Дэвóл исын екх. Ту кэрэса миштэс. И аж налачхэ дýхи патýна и издрана. ²⁰ Ци камэса ту тэ джинэс, нагодо манúш, со патяибóн би рэндэнгиро исын чхучó (пусто)? ²¹ Ци на пир рéнды Дэвóл приджиндя чачунэса дадэс амарэс Авраамос, кéли ёв яндý сыр свéнто дыибóн пэскирэ чхавэс Исаакос пэ алтáрэ? ²² Ци дыкхэса ту, со патяибóн исын кхэтанé лэскирэ рэндэнца и пир рéнды лэскиро патяибóн яцý бидошакиро. ²³ И лав, савó исын чхиндлó дро Свéнто Чхиныбóн, кэрдýпэ пхэрдэс (сполниндяпэ): “Авраáмо патяндýя Дэвлэскэ, пал давá Дэвóл приджиндя лэс чачунэса”, и ёв сыс кхардо Дэвлэскиро Мал. ²⁴ Ци дыкхэса ту, со Дэвóл приджинэла чачунэса манушэс пир рéнды, нэ на пир екх патяибóн? ²⁵ Адякэ-паць и Рахáв, савý сыс биладжакуны джувлы, ци на пал лáкирэ рéнды Дэвóл приджиндя чачунýса ла, кéли ёй прилыý Израилэскирэ поддыкхибнаскирэн и бичхадý лэн явирэ дромэса. ²⁶ Пал-довá со, сыр джидэ масá би духоскиро исын мулэ, адякэ-паць и патяибóн исын мулó би рэндоскиро.

Шэрó 3

Манушýтко Чиб

¹ Пшалáлэ мирé! Мэк тумé тэ на сарé гинэн пэс сыклякирибнаскирэнца, пал-довá со тэды амэн явóна тэ сэндинэн барé строгимаса. ² Пал-довá со амэ сарé частэс обштавасапэ пир грéхо. Кóли вари-кон на кэрэла грéхо лавэса, одовá манúш исын бидошакиро, савó могоинéла тэ пхандэл сырбы цугленца сарé пэскирэ масá. ³ Ёáда, амэ чхуваса цугли (удилы) дрэ муý грэнгэ, соб (кай) ёнэ тэ кандэн амэн, и тэды амэ рикираса зор пэ сарé лéнгирэ масá. ⁴ Адякэ-паць и пáрмы (корабли), савэ ёнэ тэ на явэн барé и савý зоралý балвэл лэн тэ на традэл, лэн лыджáла набарé рулэса (стэроса) пармакиро стэритко (рулитко), карик ёв закамéла. ⁵ Адякэ-паць и чиб исын, хай, набари паш амарé масэнгири, нэ бут шарéлапэ. Дыкх, савý исын набари яг, нэ сыр барó вэш ёй хачкирэла. ⁶ Чиб-давá исын сырбы доя-паць яг, савýтыр могоинéла тэ явэл бут фуипэн; чиб исын машкирál амарé масэнгирэ пашá, со калякирэла сарó и могоинéла тэ схачкирэл сарó амарó джиибóн ягáса, савý джáла люностыр (адостыр). ⁷ Пал-довá со сарэн мурдалэн и чириклен, сарэн джидалэн, савэ исын пэ пхув и дро панý, манúш лéла зор пэ лэндэ, соб (кай) ёнэ тэ кандэн лэс. ⁸ Нэ чиб никон манушэндýр на могоинéла тэ пхандэл; давá исын чорипэн, савó наштý тэ урикирэс, ёй исын пхэрдý мэрибнытконэ трутаса (ядоса). ⁹ Чибаса (чибýяса) барýякираса амэ Дэвлэс-Дадэс, и кошаса манушэн, савэн Дэвóл создýя пир Пэскиро дыкхибóн. ¹⁰ И кадалé-паць уштэндýр джáла лавэнгири бари патýв и кошыбóн. Пшалáлэ мирé, на трэй, соб (кай) адякэ тэ явэл. ¹¹ Ци могоинéла тэ тхадэл екхэ ганынгатыр гудлó и кирко панý. ¹² Пшалáлэ мирé, на могоинéла инжýритко кашт тэ биянэл маслины, ци винаградоскири рандé инжýро? Адякэ-паць и екхэ ганынгатыр на могоинéла тэ тхадэл лондо и гудлó панý.

Савó Годыпэн исын Вучипнастыр

¹³ Кон исын тумэндýр тэ явэл годýварó и тэ джинóл сарó; мэк ёв тэ сыкавóл давá пэ рéндó пэскирэ лачхэ джиибнаса и ковлé-илытконэ годыпнаса; ¹⁴ нэ кóли дро тумарó илó тумэндэ исын кирко зэвлыныпэн и тумé кэрэна пир холý, тэды на шарэнпэ вучэс и на хохавэн пэ чачипэн. ¹⁵ Давá нанэ годыпэн, савó джáла болыбнастыр, ёв исын пхувýякиро, бидухоскиро и джáла налачхэстыр. ¹⁶ А кай исын зэвлэныпэн и холý, одóй явóла сыр бýнто машкёр манушэндэ и сарó чорипэн. ¹⁷ Нэ годыпэн, савó джáла болыбнастыр, англэдыр сарэстыр ёв исын жужó грэхостыр, раманёно, штыл (тихо), вырикирэла бут, на пхандэла манушэс, исын пхэрдó тангипнаса и лачхэ рэндэнца, сэндинэла шэрá (рáвнэс) манушэн, нанэ дуемитко. ¹⁸

А чачипэн дэла аплодо одолэ манушэнгэ, савэ кокорэ кэрэна раманё (миро) и причхувэна зор ваш дава.

Шэрó 4

На Дживэн Адякэ, Сыр Свэто Кэрэла

¹ Катыр явэла марибэн пал лавá и чингардá машкír тумэндэ? Ци дава на тумарé масэнгирэ тырдыпнастыр, савó марэлапэ андрé тумэндэ? ² Тумé камэна вари-со, нэ тумэ на дорэсэна дава, и тумэ замарэна (мулякирэна) екх екхэс пир дова, со тумэ дэна якхало и тумэ на могоинэна тэ дорэсэн ни савó лачхипэн, тумэ чингардэнапэ и марэнапэ пал лавá и ничы́ тумэндэ нанэ, пал-дова со тумэ на мангэна Дэвлэс. ³ Мангэна и на дорэсэна, пал-дова со тумэ мангэна на пэ лачхэ рэнды, нэ ваш дова, соб (кай) тэ розмэкэн ваш пэскирэ маса. ⁴ Напатяибнытка муршá и джувля! Ци на джинэна тумэ, со малыпэн (дружба) грэхитконé манушэнца свэто́стыр исын проти Дэвлэстэ? И адякэ, кон выкэдэла пэскэ малэс (другос) адалэ свэто́стыр, одова́ явэла проти Дэвлэстэ. ⁵ Со тумэ думинэна, хай, Свэто Чхиныбэн ракирэла ивьá лавá: “Духо (Фáно), Савó дживэла дрэ амэндэ, кэрэла пэскэ, соб (кай) амэ фэни тэ явас Лэскирэ?” ⁶ Нэ Дэвлэс дэла барэдыр бахтякирибэн. Пал-дова со и исын пхэндлó: “Дэвлэскэ исын на дро́га пхутькирдэ, а Ёв бахтякирэла напхутькирдэ манушэн.” ⁷ И палдава́ отдэн пэс Дэвлэскэ, явэн проти налачхэстэ и Ёв нашэла криг тумэндыр. ⁸ Явэн пашылэдыр кэ Дэвлэс, и Ёв явэла пашылэдыр кэ тумэ. Выжужакирэн грэхитка, тумарé вастá. Выжужакирэн тумарó джиибэн, тумэ сан дуемитка. ⁹ Пиридживэн кэ хасибэн, тугинэн зоралэс и ровэн, мэк тумарó сабэн тэ рисёл кэ тумэ дрэ ясва, тумарí ráдыма дрэ туча. ¹⁰ Чхувэн пэс тэлэдыр ангил Дэвлэстэ, и Ёв газдэла вучэс тумэн.

На Сэндякирэн Пэскирэ Пшалэс

¹¹ Пшалалэ, на ракирэн чорипэн екх пэ екхэстэ. Мануш, савó ракирэла чорипэн пэ пэскирэ пшалэстэ, ци сэндинэла пэскирэ пшалэс, одова́ мануш ракирэла чорипэн пэ Зако́но и сэндинэла Зако́но. Нэ ко́ли ту сэндинэса Зако́но, тэды ту на кэрэса пир Зако́но, а ту сан сэнда́ри. ¹² Исын Екх, Кон дыя́ Зако́но и исын Сэнда́ри, Савó могоинэла тэ зракхэл и тэ хасякирэ́л: нэ кон жа ту сан адасавó, соб (кай) тэ сэндинэс пхарэс явирэ манушэс?

Приракхибэн, Соб (кай) тэ на Шарэнпэ

¹³ Каканá шунэн тумэ, савó ракирэна: “Ададывэс ци атася́ традаса кэ дасаво фóро, и яваса́ тэ дживас одóй екх бэрш, и яваса́ тэ кофаринас и явэла амэндэ сарó; ¹⁴ а тумэ ж на джинэна, со явэла атася́, и со дава́ исын тумарó джиибэн? Ёв исын сы́рбы тхув, савó явэла пэ набарó часо, нэ коригэдыр (позжэ) хасёла; ¹⁵ замест дова, соб (кай) тэ пхэнэн тумэнгэ: “Кóли тэ явэл пэ дава́ Дэвлэскири во́ля, и, ко́ли амэ яваса́ джидэ, тэды кэраса́ дава́ и явир.” ¹⁶ А тумэ шарэнапэ пэскирэ пхутькирибнастыр: сарó дасаво шарибэн исын фуипэн. ¹⁷ И палдава́, кон джинэла тэ кэрэл лачхипэн и на кэрэла, одолэ манушэскэ явэла грэхо.

Шэрó 5

Приракхибэн Барвалэнгэ

¹ Каканá шунэн тумэ, барвалэ́ манушáлэ, ровэн и годлэн зоралэс ангил хасибэн, савó явэла пэ тумэндэ. ² Барвалышэн тумарó кирныя, и урибэн хая мэль (моль) ³ Пэ тумарó сувнака́й и руп иржа лыя́ упралыпэн, дая́ иржа явэла сыр допхэныбэн пэ тумэндэ, и схала тумарé маса́ сыр яг. Тумэ скэдынэ́ пэскэ кучипэн пэ палатунэ́ дывэса́. ⁴ Ё́ада, исын мазу́ри (награда), савí

тумэ на доплэскирдэ бутярнэнгэ, савэ укэдэнас марó тумарé фэлдатыр, далэ ловé дэна годла ясвэнца и лэнгири гóдла догий кэ болыбна́скирэ-янголэнгиро Рай Дэвэл. ⁵ Тумэ дживдэ дро барвалыпэн пэ пхув ваш пэскирэ-масэнгиро камибэн; тумэ чалякирдэ тумарó пэр пэ хасякирибэн; ⁶ тумэ сэндиндлэ и мулякирдэ манушэн, савоэ сыс чачуноэ; ёнэ на сыс проти тумэндэ.

Вырикирэн и Мангэнпэ Дэвлэскэ

⁷ Пшалалэ, вырикирэн гарá (длүгэс), пака явэла Рай Дэвэл. Ѓáда, гавитко мануш ужакирэла аплодо пхувьятыр и ваш лэскэ ёв ужакирэла гарá (длүгэс), пака явэла тасярлуно (раннё) и коригуно (позднё) брышынд. ⁸ Тумэ адякэ-паць вырикирэн гарá (длүгэс): явэн зоралэдыр пэскирэ илэнца дро патяибэн, пал-довá со Дэвэл явэла сыг пашылэдыр. ⁹ Пшалалэ, на дэн гондý (на уздыхинэн) холяса екх пэ екхэстэ, соб (кай) тумэ тэ на явэн сэндиндлэ. Ѓáда, исын тэрдó Сэндáри пашыл вудáр. ¹⁰ Пшалалэ мирé, сыклён пророкэндýр, сыр ёнэ страдынлэ и сыр гарá ёнэ ужакирдэ, савэ ракирдэ Дэвлэскирэ лавэстыр. ¹¹ Ѓáда, амэ гинаса бахталэнца одолэ манушэн, савэ сыс зоралэс тэрдэ дрэ мэньки. Тумэ шундлэ пал Иоваскири твáрдýма дрэ мэньки и дыкхнэ, со ёв дорэсцý дро кóнцо (дро ягóро) Дэвлэстыр, пал-довá со Дэвэл дрéвáн тангинэла и жалинэла манушэн. ¹² Ангýл сарэстыр, мирé пшалалэ, на совлахан ни болыбнаса, ни пхувьяса, и нисавэ явирé совлахаса; нэ мэк тэ явэл тумарó лав “ны, ай”, сыр “ны, ай”, а тумарó лав “над” сыр “над”, и тумэ на явэна тэл сэндо. ¹³ Ци вари-кон тумэндýр мэнчынэлапэ? Мэк ёв тэ мангэлпэ Дэвлэскэ. Ци исын вари-кон радо тумэндýр? Мэк ёв тэ багал псалмы. ¹⁴ Ци исын вари-кон насвалó тумэндýр? Мэк ёв тэ кхарэл кэ пэ годэпхурэн Кхангиры́тыр, и мэк ёнэ тэ мангэнпэ Дэвлэскэ пэ лэстэ, и мэк ёнэ тэ макхэн лэс оливитконэ дзэтэса ваш Дэвлэскиро лав; ¹⁵ и мангипэн Дэвлэскэ патяибна́са высастякирэла насвалэс и Дэвэл кэрэла зоралэса лэс; а кóли ёв кэрдý грэхи, тэды сарó явэла отмэкно лэскэ. ¹⁶ Приджинэн пэскирэ грэхи екх ангýл екхэстэ, соб (кай) тумэ тэ высастён: чачунé манушэскиро мангипэн кэрэла бари бутý. ¹⁷ Прорóко Илýя сыс адасавó-паць мануш, сыр и амэ сам, нэ ёв сарé илэстыр мангдýпэ Дэвлэскэ, соб (кай) тэ на явэл брышынд; и на сыс брышынд пэ пхув трин бэрш и шов чхонá, ¹⁸ и нэвэстыр мангдýпэ Дэвлэскэ ёв, и болыбэн дыя брышынд, и пхув нэвэстыр лыя тэ дэл аплодо. ¹⁹ Пшалалэ мирé, кóли вари-кон тумэндýр змарэлапэ чачунé дромэстыр, нэ явир мануш рискирéла лэс палэ кэ Дэвэл, ²⁰ мэк тэ джинэл одовá мануш, со кодовá мануш, кон рискирéлас палэ кэ Дэвэл грэхитконé манушэс, ёв зракхэла лэс мэрибна́стыр, и бут лэскирэ грэхи явэна гарадэ.

Пэрво Пэтрискиро Лыл

Шэрó 1

¹ Пэтристыр, Исусóскирэ Христосóскирэ Апостолостýр, манушэнгэ, конэс Дэвэл выкэдýя, савэ лодэна и исын росчхурдынэ пир свéто, дро Понто, Галатия, Кападокия, Асия и Вифиния, ² пир Дэвлэскирэ-Дадэскиро задуминыбэн ваш довá, соб (кай) тэ кандэн Исусóс Христосóс, Савó отмэкцý грэхи Лэскирэ Духóса, соб (кай) тумэ тэ явэн помакхнэ Лэскирэ Ратэса: мэк бахтякирибэн и рамáнэ (миро) тэ явэн бут бут тумэнгэ.

Сó Амэ Ужакирэса

³ Мэк тэ явэл бахтякирдó Дэвэл Дад амарé Рáскирэ-Дэвлэскиро, Исусóскирэ Христосóскиро, Савó пир Пэскиро барó тангипэн дыя амэнгэ явир джи́ибэн, кели отджидякирдý Исусóс Христосóс мулэндýр, соб (кай) амэндэ тэ явэл джиды надéя, ⁴ соб (кай) тэ явэл амэндэ паш дро нэвó джи́ибэн дро Болыбна́скиро Раё, савó исын вéчно, намагирдо, бигрэхэнгиро, савó Дэвэл ракхэла ваш тумэнгэ. ⁵ Пал савэндэ Дэвэл Пэскирэ зорýяса явэла тэ дыкхэл ваш

зракхибэн, саво исын пригатовиндло амэнгэ и явэла сыкадо дро палатунó часо. ⁶ Пал дава радынэнпэ каканá, мэк вари-саво часо тумэнгэ приджалапэ тэ пиридживэс мэньки и тумэн явэна тэ пропатыкирэн разнонэ ригэндэр, ⁷ соб (кай) дава пропатыкирибэн тэ допхэнэл, со тумарó патяибэн исын чачунó и дрогэдыр сувнакастыр, саво усаэкх исын хашибнытко, мэк ёв тэ явэл пропатыкирдо ягаса, тэды тумарó патяибэн янэла тумэнгэ шарибэн и слава, кели явэла нэвэстыр Исусо Христóсо: ⁸ Савэс тумэ ниэкхвар на дыкхнэ, нэ Ёв исын дро́го тумэнгэ, и Савэс кэ дава часо на дыкхнэ, нэ тумэ усаэкх патяна дрэ Лэстэ и пир дава тумэ адякэ древан радынэнапэ, со наштý тэ пхэнас лавэнца, и Савэс тумэ прославиндлэ, ⁹ пал-дова со тумэ зракхэна пэскиро дýхо (фáно) пал тумарó патяибэн. ¹⁰ Кадава зракхибэн родэнас пхарэс и сыклякирэнас лачхэс прорóки, савэ англэдыр пхэнэнас тумэнгэ пал бахтыкирибэн, саво явэла дыно́ тумэнгэ. ¹¹ Ёнэ сыклякирдэ миштэс тэ уджинэн, кели и пэ саво часо (цыро) упхэндя Христосóскиро Дýхо (Фáно), кели Ёв ангилпхэнэлас пал Христосóскирэ мэньки и пал Лэскири слава, сави явэла коригэдыр (позжэ). ¹² Лэнгэ сыс сыкадо, со ёнэ дынаринэнас (служынэнас) на пэскэ, а тумэнгэ, пал-дова со тумэнгэ роспхэндлэ бахталы зан (звесь) Духóскирэ зорьяса, а пал дава аж Янгóлы сыклякирэнас миштэс.

Трэй тэ Дживэн Свэнтэс

¹³ Ваш дава рискирэн пэскири годý тэ кэрэн лачхипэн, на совэн, рикирэн пхэрдэс надéя пэ бахтыкирибэн, саво явэла дыно́ тумэнгэ, кели явэла Исусо Христóсо; ¹⁴ явэн сыр чхавэ, савэ кандэна пэскирэ дадэн, и на дживэн пир пэскирэ-масэнги́ро тырдыпэн, саво сыс гарэдыр дрэ тумэндэ, кели тумэ на джиндлэ сыр тэ дживэн; ¹⁵ нэ пал-дова со Ёв исын Свэ́нто, Саво кхардý тумэн, явэн кокорэ свэ́нта дро сарó, со тумэ кэрэна; ¹⁶ пал-дова со исын чхиндлó: “Явэн свэ́нта, пал-дова со Мэ сом Свэ́нто.” ¹⁷ И ко́ли тумэ кхарэна Дадэ́са Кодолэ́с, Саво шэ́ра (ра́внэс) сэндякирэла сарэ манушэн, на дыкхí, кон мануш исын, тэды дживэн дарáса ангíл Лэстэ дава часо, пака тумэ дживэна пэ пхув; ¹⁸ джины, со на рупэса ци сувнака́са, савэ усаэкх нанэ важнэдыр сарэстыр, тумэ сан выкиндлэ чхучэ (пустонэ) джи́ибнастыр, саво тумэ дорэснэ пэскирэ дадэндэр; ¹⁹ а тумэ сан выкиндлэ дрогонэ́ Христосóскирэ Ратэ́са, Саво сыс сыр Свэ́нто Бакрорó, Конэ́стэ на сыс банг и дош. ²⁰ Христóсо сыс выкэдыно англэдыр, сыр яцý свэ́то и Саво явдý дро палатунó часо ваш тумэнгэ; ²¹ пир Лэстэ тумэ лынэ́ тэ патян дрэ Лэстэ, Саво оджди́якирдý Лэс мулэндэр и дыя слава Лэ́скэ, соб (кай) тумэндэ́ тэ явэл патяибэн и надéя пэ Дэвлэ́стэ. ²² Сыр тумэ лынэ́ тэ кандэн чачипэн, тэды тумэ выжу́жакирдэ пэскирэ дий ваш чачуны́ пшалы́тко патыв, палдава сыкавэн патыв екх екхэ́скэ сарэ́ илэ́стыр. ²³ Тумэ сан нэвэстыр бияндлэ, на тумарó дадэндэр, а Дэвлэ́скирэ лавэ́стыр, саво исын джидó, и саво вэ́чнэс зракхэ́лапэ. ²⁴ Пал-дова со “кажно мануш исын сы́рбы чар, и лэнги́ри слава исын сы́рбы фэлды́тка лулудý (цвэты), чар зашутёла и ла́кирэ лулудý отпэрэна. ²⁵ Нэ Дэвлэ́скиро лав ячэ́лапэ пэ сарэ́ вéки.” Адава́ исын дова́ лав, саво пхэндяпэ́ тумэнгэ.

Шэро́ 2

Джидó Бар и Свэ́нто На́цыя

¹ Тэды мэкэн кажно холы́, фрэнты́ма, дуемуитки́ма, зэвлыныпэн и кажна хоханэ́ лавá, ² а явэн тумэ сы́рбы бияты, савэ фэ́ни со бияндынэ, и тумэ тырдэнпэ́ кэ лавитко́ тхуд (Дэвлэ́скиро лав), соб (кай) тэ чаля́кирэнпэ́ лэ́са и тэ барьён кэ зракхибэн, ³ пал-дова со тумэ уджиндлэ́, со Дэвэл исын лачхó. ⁴ Явэн пашылэ́дыр кэ Ёв, Саво исын сы́рбы джидó бар, Савэс манушá на прилынэ́, а Савэс Дэвэл выкэ́дыя сыр Дрогонэ́с Лэ́скэ, ⁵ и кокорэ́ тумэ, савэ сан сы́рбы джидэ́ бара́, кэрэн пэ́стыр духовно́ кхэр тэ мангэлпэ́ Дэвлэ́скэ, соб (кай) тумэ тэ явэн свэ́нта раша́я, соб (кай) тэ янэн свэ́нто дыибэн, савэ́скэ явэ́ла радо́ Дэвэл пир Исусóстэ́ Христосóстэ́. ⁶ Палдава́ исын пхэндлó́ дро Свэ́нто Чхи́ныбэн: “Гáда, мэ чхува́ва вэнглы́тко бар пэ Сио́но, Саво́ Мэ выкэ́дыём и Ёв исын дро́го Ма́нгэ: одова́ мануш, саво́

явэла тэ патял дрэ Лэстэ, на явэла тэ ладжал: ⁷ и адякэ Ёв исын дро́го ваш тумэ́нгэ, кон патя́ла, а ваш одолэ́нгэ, кон на патя́ла, Ёв исын бар, саво́ бутярнэ́ на прилы́нэ, нэ саво́ яця́ шэра́лэ барэ́са, пал саво́ мануша́ обштавэ́напэ́ и пэ́рэна; ⁸ пал саво́ мануша́ обштавэ́напэ́, пал-дова́ со ё́нэ на кандэ́на Дэвлэ́скиро лав, пал-дова́ со адякэ́ лэ́нгэ сыс задуми́ндло. ⁹ Нэ тумэ́ сан выкэ́дынэ́ бияны́пнастыр, кралитка́ раша́я, свэ́нта мануша́ Дэвлэ́скирэ́ мишты́пнастыр, соб (кай) тэ́ выпхэ́нэн лачхи́пэн пал Лэ́стэ, Саво́ кхард́я тумэ́н калы́пнастыр дро́ дивно́ Лэ́скиро дуд (свэ́то); ¹⁰ тумэ́н, савэ́ на сыс Лэ́скирэ́ мануша́, а кака́на тумэ́ ячнэ́ Лэ́скирэ́ мануше́нца, гарэ́дыр тумэ́н на тангиндлэ́ (на жали́ндлэ), ака́на исын Дэвлэ́скиро танги́пэн кэ́ тумэ́.

Дэвлэ́скирэ́ Писха́рья

¹¹ Дро́га мирэ́! Мэ́ древа́н манга́ва тумэ́н, сыр мануше́н, савэ́ нагара́ явнэ́ пэ́ да́я пхув́ и савэ́ лодэ́на пир да́ва свэ́то: дурьё́н тумарэ́́ лочаки́рэ́ камибна́стыр, саво́ исын проти́ тумаро́́ ди; ¹² и дживе́н пир чачи́пэн машки́р Наю́дэ́ндэ, соб (кай) одолэ́, кон раки́рэ́ла чори́пэн пэ́ тумэ́ндэ, со тумэ́ сан фуй, тэ́ дыкхэ́н тумарэ́́ лачхэ́ рэ́нды и тэ́ слави́нэн Дэвлэ́с, кэ́ли Ёв явэ́ла. ¹³ Кандэ́н кажно́э́ ран мануше́ндыр ваш Ра́скэ-Дэвлэ́скэ: ци крале́с сыр най упрату́нэдыр зорья́кэ, ¹⁴ ци балунитко́нэс (правите́лэс), савэ́с крэ́ли бичха́дэ́ тэ́ чхувэ́л ка́ра пэ́ одолэ́ мануше́ндэ, савэ́ кэ́рэна́ фуи́пэн, и тэ́ шарэ́н одолэ́н, савэ́ кэ́рэна́ лачхи́пэн. ¹⁵ Пал-дова́ со пэ́ да́ва исын Дэвлэ́скири во́ля, соб (кай) тэ́ кэ́рас лачхи́пэн и пир да́ва тэ́ явэ́н шы́л ушта́ дылы́нэ мануше́нгирэ́, кэ́ли ё́нэ явэ́нас тэ́ раки́рэ́н грэхитка́́ лава́. ¹⁶ Дживе́н сыр во́льна мануша́; нэ́ тэ́ на явэ́л да́я во́ля ваш до́ва, соб (кай) тэ́ приуча́кирэ́н грэхо́, а дживе́н сыр Дэвлэ́скирэ́ писха́рья. ¹⁷ Дэ́н патыв́ саре́нгэ, сыка́вэн патыв́ пшале́нгэ и пхэ́нэн пир патяи́бэн дрэ́ Дэвлэ́стэ, дарэ́н Дэвлэ́стыр и кутя́кирэ́н крале́с.

Сыр Христо́со Страды́ндя́

¹⁸ Дына́рьялэ, кандэ́н и дарэ́н пэ́скирэ́ хула́ндыр, на со екхэ́ лачхэ́н и ковлэ́-илы́тконэ́н, нэ адя́кэ-па́ць и кодо́лэн, савэ́ би́лыткэ́с (шы́лалэ́с) отлы́джана́пэ́ кэ́ тумэ́. ¹⁹ Пал-дова́ со да́ва исын лачхо́́ Дэвлэ́скэ, ко́ли вари-кон пир пэ́скири патыв́ ваш Дэвлэ́скэ́ пири́дживэ́ла мё́ньки, пхари́пэн на пир чачи́пэн. ²⁰ Пал-дова́ со, пал со тэ́ шарас́ тумэ́н кэ́ сла́ва, ко́ли тумэ́ мэ́нчы́нэнапэ́, кэ́ли тумэ́н марэ́на пал тумарэ́́ грэх́и? А кэ́ли тумэ́ кэ́рэна́ лачхи́пэн и страды́нэна пал да́ва, тэ́ды тумэ́нгэ́ явэ́ла бахтя́кирибэ́н Дэвлэ́стыр. ²¹ Пал-дова́ со тумэ́ са́нас кхардэ́́ ваш да́ва, пал-дова́ со и Христо́со́ адя́кэ-па́ць страды́ндя пал тумэ́ндэ, Ёв ячки́рдэ́ сыкаи́бэн (приме́ро) амэ́нгэ, сыр трэ́й тэ́ кэ́рас, соб (кай) амэ́ тэ́ джас́ пир Лэ́скири шпэ́ра (сля́до): ²² “Ёв на кэ́рдэ́ нисаво́́ грэхо́, и на сыс нисаво́́ хохаи́бэн дрэ́ Лэ́скирэ́ лава́”, ²³ пэ́ Лэ́стэ раки́рдэ́ фуи́пэн, нэ́ Ёв ни пэ́ конэ́стэ́ на пхэ́ндэ́ фуи́ лав, и кэ́ли Ёв страды́нэлас, Ёв на страха́кирдэ́ вари-ко́нэс, а Ёв са́ро до́патия́кирдэ́ Кодолэ́скэ́, Кон исын Чачу́но́ Сэ́нда́ри; ²⁴ Христо́со́ Кокоро́́ Пэ́скирэ́ Масэ́нца́ газды́я́ амаре́́ грэх́и пэ́ трушу́л, соб (кай) амэ́ тэ́ явас́ му́лэ́ ваш грэхо́́ и тэ́ джива́с пир чачи́пэн: Лэ́скирэ́́ фрэ́нсы (ра́ны) высастя́кирдэ́́ тумэ́н. ²⁵ Пал-дова́ со тумэ́ са́нас ха́сибны́тка бакрэ́, савэ́ блэ́нды́нэнас, нэ́ кака́на тумэ́ риси́нэ кэ́ тумаро́́ Чхупна́ри (Пасты́рэ) и кэ́ Кханги́рья́киро́́ Дыкхи́бна́скиро́́ (Блю́стителё́), Саво́ ра́кхэ́ла тумаро́́ ди.

Шэ́ро́ 3

Рома́́ и Лэ́нгирэ́́ Ромня́́

¹ Адя́кэ-па́ць и джу́вля́лэ, кандэ́н пэ́скирэ́ ромэ́н, со ко́ли вари-кон лэ́ндыр на патя́ла Дэвлэ́скирэ́ лава́́скэ, тэ́ды тумэ́́ пэ́скирэ́́ джи́ибна́са сы́рбы́ пи́рикэ́рэ́на лэ́н, со ё́нэ би лава́́скиро́́ явэ́на́ тэ́ патя́н Дэвлэ́скэ́, ² и кэ́ли рома́́́ явэ́на́ тэ́ дыкхэ́н тумаро́́́ дэ́влы́тко́́ джи́ибэ́н, и до́ва, со тумэ́́ дэ́на́ патыв́́ лэ́нгэ́́ и дарэ́́н Дэвлэ́стыр; ³ мэ́к тэ́́ явэ́л тумаро́́́ шу́кари́пэн на дро́́

балэнгиро закхувибэн и на дро сувнакай, со исын пэ тумэндэ и на дро барвалó урибэн; ⁴ а мэк тэ явэл тумарó шукарипэн дро тумарó илó, савó исын надыцьло (набицяло), пэскирэ штылонé и ковлé-илэскирэ шукарибна́са, савó на кирнёла и исын древа́н шука́р ангил Дэвлэ́стэ. ⁵ Пал-дова́ со адя́кэ-паць вари-ке́ли и свэ́нта джувля́, савэ́ндэ сыс надéя пэ Дэвлэ́стэ, шука́р прике́дэнас пэс, нэ англэ́дыр сарэ́стыр ё́нэ кандэ́нас пэскирэ ромэ́н; ⁶ адя́кэ-паць и Сара кандэ́лас Авраамос и кхард́я лэс пэскирэ хула́са, а тумэ́ ж сан ла́кирэ чхая́, ко́ли тумэ́ кэрэ́на лачхипэ́н, тэды́ тумэ́ на дарэ́н нисавэ́ трашаибна́стыр. ⁷ Адя́кэ-паць и тумэ́, му́ршалэ́, дживэ́н и галё́н пэскирэ ромне́н, пал-дова́ со джувлендэ́ исын тыкне́дыр зор и отлыджанпэ́ адя́кэ кэ́ ё́нэ, сыр кэ́ бизоры́кирэ, кутя́кирэн (уважы́нэн) лэ́н, пал-дова́ со ё́нэ лэ́на паш дро ве́чно джи́ибэ́н Дэвлэ́стыр, сыр и тумэ́. Кэрэ́н адя́кэ, тэды́ ни сави́ ва́нта (сця́на) на явэ́ла пэ́ дром тумэ́ндэ́ тэ́ мангэ́нпэ́ Дэвлэ́скэ.

Страдынэ́н и Кэрэ́н Лачхипэ́н

⁸ Явэ́н дрэ́ екх годы́ екх екхэ́са, подэ́н васта́ екх екхэ́скэ дро пхари́пэ́н, тангинэ́н (жали́нэн) екх екхэ́с, сыр пша́ла, малы́нэнпэ́ (дружы́нэн) и явэ́н ковлé-илы́тка, ⁹ на отде́н палэ́ фуипна́са пал фуипэ́н, ци́ фуй ра́кирибна́са пал дова́, со ра́кирэна́ фуипэ́н пэ́ тумэ́ндэ́: а пэ́ яви́р мангэ́нпэ́ Дэвлэ́скэ, пал-дова́ со тумэ́ са́нас кхардэ́, соб (кай) тэ́ дорэ́сэн Дэвлэ́скиро бахтя́кирибэ́н. ¹⁰ Палдова́ со: “Конэ́скэ исын дро́го джи́ибэ́н и тэ́ дыкхэ́л лачхэ́ дывэ́са, одова́ ману́ш мэк тэ́ обри́кирэл пэ́скири чиб фуе́ лавэ́ндыр и пэ́скирэ ушта́ хоханэ́ лавэ́ндыр, ¹¹ мэк ё́в тэ́ ра́кхэл пэс тэ́ кэрэ́л фуипэ́н, а мэк ё́в тэ́ кэрэ́л лачхипэ́н; мэк ё́в тэ́ родэ́л рама́нэ (миро) и тэ́ причхувэл зор тэ́ латхэл лэ́с; ¹² пал-дова́ со Дэвэ́л дыкхэ́ла чачуно́ манушэ́н и шунэ́ла лэ́нгиро мангипэ́н Лэ́скэ; нэ́ Дэвэ́л исын проти́ одолэ́ндэ́, кон кэрэ́ла фуипэ́н.” ¹³ И кон дукхавэ́ла тумэ́н, ко́ли тумарó илó хачо́ла тэ́ кэрэ́н лачхипэ́н? ¹⁴ Нэ́ ко́ли тумэ́ злыджана́ пхари́пэ́н пал чачипэ́н, тэды́ тумэ́ сан бахталэ́, на дарэ́н, мэк нисó тэ́ на траша́кирэл тумэ́н; ¹⁵ а ри́кирэ́н дро илó Христо́сoс сыр Свэ́нтыма́ и дэ́н патыв́ Лэ́скэ, сыр Ра́скэ-Дэвлэ́скэ дрэ́ тумарэ́ илэ́, уса́ды / сак (всегда́) явэ́н скэ́дынэ́ тэ́ затэ́рдэ́н лавэ́са, ке́ли вари-кон явэ́ла тэ́ пхучэ́л тумэ́ндыр пал тумари́ надéя, нэ́ кэрэ́н дава́ ковлé илэ́са и дарáса; ¹⁶ тэ́ явэ́л тумэ́ндэ́ лачхи́ патыв́, соб (кай) одолэ́ мануша́, савэ́ ра́кирэна́ проти́ тумэ́ндэ́, тэ́ явэ́н ладжа́кирдэ́, ке́ли ё́нэ на́шукар отлыджана́пэ́ кэ́ тумэ́ пал тумарó лачхó джи́ибэ́н дрэ́ Христо́сoстэ́. ¹⁷ Пал-дова́ со, ко́ли пэ́ дава́ исын Дэвлэ́скири во́ля, фэ́дыр тэ́ лыджас пхари́пэ́н пал лачхипэ́н, сыр пал дова́, ке́ли амэ́ кэра́са фуипэ́н; ¹⁸ пал-дова́ со и Христо́со, соб (кай) тэ́ янэл амэ́н кэ́ Дэвэ́л, э́кхвар мы́я пал амаре́ грэ́хи, чачуно́ пал начачу́нэ́ндэ́, Лэ́скирэ́ Масá сыс отды́нэ́ пэ́ мэрибэ́н, а Лэ́скиро́ Ду́хо (Фа́но) сыс риско́рдо кэ́ джи́ибэ́н; ¹⁹ кадалэ́ Ду́хо́са Христо́со́ гия́ и пхэ́ндя́ лав одолэ́ духэ́нгэ́, савэ́ сыс дро штари́бэ́н; ²⁰ савэ́ вари-ке́ли на канды́нэ́ Дэвлэ́с, и савэ́н Дэвэ́л вы́рикирибна́са ужа́кирдя́ сарó дава́ часо́, па́ка Ноё́ кэрэ́лас ко́вчэ́го (мохто́), дро савó за́гине́ на́бут мануша́, охто́джинэ́ (биду́энгиро́ дэ́ш), савэ́ зракхнэ́пэ́ панэ́стыр: ²¹ дава́ пани́ исын сы́рбы́ ко́пия́ долэ́скэ, ке́ли амэ́ боло́сапэ́ и со зракхэ́ла амэ́н. Дава́ нанэ́ мэлалэ́-ло́ча́киро обмори́бэ́н, а тумэ́ дэ́на лав лачхэ́ патыва́са Дэвлэ́скэ́ пир Иису́сoскирэ́-Христо́сoскиро́ отджи́дыипэ́н, ²² Савó газды́япэ́ дро Бо́лыбна́скиро́ Раё́ и исын пир чачó васт Дэвлэ́стыр, и Лэ́скэ́ дына́ринэ́на сарэ́ Я́нгóлы, Лэ́стэ́ исын сарэ́ правы́ и сарэ́ зоры́я.

Шэ́ро 4

Джи́ибэ́н Парудэ́ла

¹ И палдава́, сыр Христо́со́ пи́рилыджалас пхари́пэ́н дрэ́ лоч, адя́кэ-паць и тумэ́нгэ́ при́явэ́лапэ́ тэ́ лы́джан пхари́пэ́н; пал-дова́ со кон злы́джала́ пхари́пэ́н лоча́са, одова́ ману́ш мэкэ́ла тэ́ кэрэ́л грэ́хи, ² соб (кай) пала́туно́ (последне́) часо́, савó я́цяпэ́ лэ́скэ́ тэ́ дживэ́л дрэ́ маса́, тэ́ дживэ́л адава́ ману́ш на пир пэ́скирэ́-ло́ча́киро ты́рдыпэ́н, а пир Дэвлэ́скири во́ля. ³ Пал-дова́ со ухты́лла (до́си) дова́, со тумэ́ англэ́дыр кэрэ́нас, сыр На́юды́, савэ́ камэ́на тэ́ кэрэ́н: ке́ли тумэ́ ри́кирдэ́ пэс дрэ́ на́гожа́ рэ́нды (де́лы), дро на́лачхо́ ками́бэ́н дрэ́ маса́, дро

пибэн магирибнаса, дро дылыно хабэн и пибэн би меракиро, дро биладжакуно мангипэн идолэнгэ. ⁴ Палдава ж адалэ Наюды дивинэна, со тумэ бутыр на прастана кхэтанэ лэнца пэ нагожа рэнды, и калякирэна тумэн, ⁵ нэ лэнгэ трэй явэла тэ дэн отпхэныбэн ангил Одолэстэ, Кон явэла сыг тэ сэндыкирэл джидэн и мулэн. ⁶ Ваш дава и мулэнгэ сыс пхэндлэ пал бахталы зан (звесь), соб (кай) ёнэ, савэ сыс сэндиндлэ, кэли ёнэ дживдэ дро манушытко лоч, соб (кай) ёнэ тэ дживэн дро дүхо (фано), сыр Дэвлэскэ исын лачхó.

Дэвлэскирэ Таланы ваш Лачхипэн

⁷ Нэ сыг сарэскэ явэла кóнцо (ягóро): палдава раххэнпэ и дживэн годьварэс, кэли тумэ мангэнапэ Дэвлэскэ; ⁸ а бутыр сарэстыр сыкавэн патыв екх екхэскэ сарэ илэстыр, пал-дова со патыв зачкакирэла бут грэхи; ⁹ прилэн манушэн сарэ илэстыр, савэ явэна кэ тумэ би холямэ ракирибнаскиро; ¹⁰ дынаринэн екх екхэскэ долэ таланоса, саво тумэ дорэснэ Дэвлэстыр сырбы лачхэ кхэритка барыдыра тэ пиридэн манушэнгэ рэзна Дэвлэскирэ бахтыкирэна. ¹¹ Кóли вари-саво мануш ракирэла, мэк ёв тэ ракирэл Дэвлэскирэ лавэнца; одова кон дынаринэла, мэк ёв тэ дынаринэл пир зор, сави Дэвлэ дэла лэскэ, соб (кай) тэ барьякирэлпэ Дэвлэ дро саро пир Исусóстэ Христосóстэ, Савэскэ тэ явэл слáва и зор пэ сарэ вéки. Амíнь.

Пирильджан Мёньки Сыр Христóсо

¹² Мирэ дрога! На дурьен ягитконэ пропатякирибнастыр тэ пропатякирэл тумарó патяибэн, дро дава нанэ нисавó дíво; ¹³ а сыр тумэ пирильджана пхарипэн, сыр и Христóсо, радынэнпэ, пал-дова со тумэ бут бутыр обрадынэнапэ, кэли отчкакирэлапэ Лэскири слáва. ¹⁴ Кóли обракирэна тумэн пал Христосóскиро лав, тэды тумэ сан бахталэ, пал-дова со Дэвлэскирэ-славакиро Дүхо (Фано) згия пэ тумэндэ: (одолэ мануша калякирэна Лэс, а тумэ славинэна). ¹⁵ Соб (кай) ниéкх тумэндыр тэ на злыджал пхарипэн сыр замарибнари (умарибнари), ци чор, ци мануш, саво кэрэла фуипэн; ци сыр мануш, саво исын гáлко кэ чүжо миштыпэн; ¹⁶ а кóли тумэ пирильджана пхарипэн сыр Христиани, тэды на ладжан, а славинэн Дэвлэс, пал-дова со тумэн кхарэна адякэ. ¹⁷ Пал-дова со подгия часо, со явэна тэ сэндинэн манушэн дро Дэвлэскиро Кхэр, и кóли амэ яваса пэрва мануша пэ сэндо, тэды, со явэла одолэ манушэнгэ, савэ на кандэна Дэвлэскири бахталы зан (звесь)? ¹⁸ И кóли чачунэ манушэскэ древán пхаро явэла тэ зракхэлпэ, тэды, со явэла надэвлытконэнца, и грэхитконэ манушэса? ¹⁹ И палдава мануша, савэ пирильджана пхарипэн пир Дэвлэскири воля, мэк ёнэ тэ отдэн пэскиро ди Лэскэ, Кон исын чачунó, и Кон создыя лэн, и мэк ёнэ дурэдыр тэ кэрэн лачхипэн.

Шэро 5

Дэвлэскиро Ёурто

¹ Мэ, кокорó сом годэпхурó и пастырё (чхупнари), мангáва тумарé кхангирьякирэ годэпхурэн и пастырен, пал-дова со мэ сом якхýтко, сыр Христóсо пирильдгия пхарипэн, адякэ-паць мáндэ исын паш дрэ слáва, сави явэла сыкады: ² раххэн Дэвлэскирэ манушэн, савэ исын машкíр тумэндэ, кэрэн дава на пир трэбима, а сыр трэй Дэвлэскэ и на пал дова, со тумэ сорбы сан бокхалэ кэ ловэ, а пал-дова со тумэ камэна дава илэстыр; ³ и на хулаинэн пэ одолэ манушэндэ, савэн Дэвлэ допатяндыя тумэнгэ, а сыкавэн пэс лачхэ ригáтыр. ⁴ И кэли явэла Сáмо Барэдыр Пастырё (Чхупнари), Христóсо, тэды тумэ дорэсэна славакири корóна, сави явэла тэ зяинэл вéчнэс. ⁵ Адякэ-паць, тэрнэ манушáлэ, кандэн пэскирэ годэпхурэн, явэн ковлэ-илытка екх кэ екх, на шарэн пэс екх ангил явирэстэ, пал-дова со Дэвлэ исын проти одолэндэ, кон гинэла пэс вучэдýр явирэндыр, а одолэнгэ, кон на шарэла пэс, Ёв дэла васт. ⁶ Кандэн и бандён тэл зоралó Дэвлэскиро васт, соб (кай) Ёв тэ газдэл вучэс

тумэн дро Пэскиро часо; ⁷ чхувэн упрэ сарэ пэскирэ пхарэ думы пэ Лэстэ, пал-дова со Ёв дыкхэла пал тумэндэ. ⁸ Явэн трезва (нырна), раххэнпэ. Тумаро вэрго, налачхо, псирэла сыр шчэр (лёво), саво рыкинэла и родэла, конэс тэ хал. ⁹ Тэрдён проти лэстэ зоралэ патяибнаса, джінэн, со адякэ-паць пиристрадынлэ тумарэ пшала, савэ дживэна пир свэто. ¹⁰ Нэ Дэвэл, Саво бахтякирэла, и Саво кхардя тумэн дрэ вечна Пэскири слава, коли тумэнгэ и приявэлапэ набаро часо тэ страдынэл, Ёв Кокорó кэрэла тумэн зоралэдыр и дэла зор, соб (кай) тумэ тэ на кунинэнпэ дро пэскиро патяибэн; ¹¹ мэк тэ явэл Лэскэ слава и зор пэ сарэ веки. Амíнь.

Палатунэ (Послédня) Паклоны

¹² Мэ чхиндём дава набаро лыл тумэнгэ пир Силуаностэ, саво исын чачунó тумарó пшал, сыр мэ думинава, соб (кай) тэ подрикирав тумэн, рипири тэ допхэнав, со дава исын чачунó Дэвлэскиро бахтякирибэн, дро саво тумэ зоралэс сан тэрдэ. ¹³ Пиридэла “паклоно” тумэнгэ кхангири, со исын дро Вавилоно, Сави выкэдыя Дэвэл, адякэ-паць, сыр тумэн. Адякэ-паць пиридэла “паклоно” миро чхавó Марко. ¹⁴ Пиридэн “паклоно” и чамудэн екх екхэс Христосóскирэ ласкаса. Мэк тэ явэл рамáнэ (миро) тумэнгэ сарэнгэ, савэ исын Христосóскирэ. Амíнь.

Явíр Пэтрискиро Лыл

Шэрó 1

¹ Симоностыр Пэтристыр, Исусóскирэ Христосóскирэ писхаристыр и Апостолостыр, сарэ манушэнгэ, кон прилыя дасаво-паць дро́го патяибэн кхэтанэ амэнца пир чачипэн амарэ Дэвлэскиро и Зракхибнарискиро, Исусóскирэ Христосóскиро, ² мэк бахт и рамáнэ (миро) тэ явэл дыно́ бут бутыр тумэнгэ, сыр тумэ уджиндлэ Дэвлэс и Исусóс, амарэ Рас-Дэвлэс,

Дэвэл Прикхарэла и Выкэдэла

³ Дэвэл, Лэскирэ Дэвлэскирэ зорьяса дыя сарó амэнгэ, со трэй ваш дэвлы́тко джиибэн, соб (кай) тэ уджинас Дэвлэс, Саво кхардя амэн кэ Пэ слава́са и лачхипна́са, ⁴ савэнца Ёв дыя най барэдыр и дрогэдыр лав, соб (кай) пир дава тумэ тэ ячэн пашаса (пашэса) Дэвлы́тконэ духóстыр и тэ джан криг Духóскирэ хасибнастыр, саво джала налачхэ мыслятыр дро свэто соб (кай) пир дава тумэ тэ дживэн сыр трэй Дэвлэскэ. ⁵ Нэ палдава тумэ адякэ-паць причхувэн зор, соб (кай) тэ сыкавэн тумарэ патяибнастыр лачхипэн, а лачхипнастыр джиныбэн, ⁶ джиныбнастыр сыклён тэ обрикирэн пэс, обрикирибнастыр явэн вырикирдэ (тривала), кели амэ вырикираса, тэды ячасапэ дэвлы́тконэнца, ⁷ дэвлы́ткиматыр сыкавэн пшалы́тко патыв екх екхэскэ: ⁸ и коли сарó дава исын дрэ тумэндэ и барьёла бутэдыр, тэды тумэ на ячэнпэ чхучэ вастэнца и би рэндоскиро, коли тумэ явэна тэ причхувэн зор тэ уджинэн амарэ Рас – Дэвлэс, Исусóс Христосóс; ⁹ а коли дрэ конэстэ сарó дава нанэ, одова мануш исын корорó и ёв зачхакирдя пэскирэ якха, бистырдя пал дова, со Дэвэл отмэкця лэскирэ гаратунэ грэхи. ¹⁰ Палдава, пшалалэ, причхувэн зор уса бутыр тэ кэрэн зоралэдыр тумарó Дэвлэскиро кхарибэн и выкэдыибэн; коли тумэ адякэ явэна тэ кэрэн, тэды тумэ ниэкхвар на обштавэнапэ; ¹¹ и палдава тумэнгэ дэлапэ пхэрдó право тэ заджан дро вечно кралипэн амарэ Дэвлэскирэ и Зракхибнарискирэ, Исусóскиро Христосóскиро. ¹² Ваш дава мэ ниэкхвар на пириячава тэ рипирав ишчо (инкэ) тумэнгэ пал дава, на дыкхí пэ дова, со дава тумэ миштэс джінэн, и тумэ зоралэс рикирэнапэ пал чачипэн аканá. ¹³ Нэ мэ чхинáва пал чачипэн, пака мэ сом джидó сы́рбы дрэ шáтра тэ джангавав тумэн далэ рипирибнаса, ¹⁴ пал-дова со мэ джинóм (джина́в), со мэ сыг/сы́гэс ячкирава да́я шáтра, кели мэ мэра́ва сыр амарó Рай Дэвэл, Исýсо Христóсо сыкадя мангэ; ¹⁵ нэ мэ ява́ва тэ причхував зор, соб (кай) тумэ и коригэдыр (позжэ), кели мэ джа́ва тумэндыр, тэ рикирэн дава пэ годы́ сарó часо.

Якхйтка пал Христосóскири Слава

¹⁶ Амэ роспхэнасас тумэнгэ джиныбэн пал зор, и со сыг явэла амарó Рай Дэвэл, Исýсо Христóсо на парамысенца, со манушá счхудэ годэс, нэ амэ кокорé сам якхйтка пал Лэскиро барó райканыпэн. ¹⁷ Пал-довá со Ёв прилыя Дэвлэстыр Дадэстыр патыв и слава, кели догия кэ Ёв райканэ славытыр зан: “Давá исын Миро Чхавó, Савó Мánгэ яця Дро́го, дрэ Савэстэ исын Мири́ радыма”, ¹⁸ и кадая зан, сави амэ кокорé шундя́м Болыбна́скирэ Раёстыр, кели амэ самас кхэтанэ Лэса пэ свэнто бэрга. ¹⁹ И апрйч дова́, сарó амэндэ исын най чачунэдыр пророкэнгиро лав, и тумэ миштэс кэрэна, со тумэ раххибны́ткэс шунэна дава́ лав, савó исын сы́рбы дава́ дуд (свэто), со хачола дро цямло штэ́то, пака на явэла палатунó злóко (ра́нко) и газдэлапэ злокоскири чэргэн дрэ тумарé илэ, ²⁰ и англэды́р сарэстыр джинэн дова́, со нисавó ангилпхэныбэн дро Свэнто Чхиныбэн на сыс чхиндло́ пир пророкэнгиро джиныбэн, ²¹ пал-довá со манушá ни́екхвар вагэдыр (гарэдыр) на ангилпхэнэнас пир пэскири во́ля, а дава́ ракирдé свэнта Дэвлэскирэ манушá, кели Свэнто Ду́хо (Фа́но) лыджия́ лэн.

Шэро́ 2

Хоханé Сыклякирибна́скирэ

¹ Нэ сыр сыс хоханé проро́ки машки́р манушэндэ, адя́кэ-паць явэна и хоханé сыклякирибна́скирэ машки́р тумэндэ, савэ явэна чораханэс тэ ракирэн хасибны́тка сыклякирибэна пэскирэ кампаниендыр и на явэна тэ пригалён Рас-Дэвлэс, Савó выкиндя лэн, далé ракирибна́са ёнэ янэна кокорé пэскэ сы́гно хасибэн; ² и бут манушá джа́на палал пал лэндэ пир на́гожа рэндэ (дэлы), и пал кадалé манушэндэ дром, савó исын чачунó, явэла калякирдо. ³ И кадалé хоханé сыклякирибна́рья пал пэскири скэмпима явэна тэ барвалён тумэндыр пэскирэ фрэнтонэ лавэнца, сэндо гарá ужакирэла лэн и лэнгиро хасибэн исын насуто. ⁴ Пал-довá со ко́ли Дэвэл на потангиндя Янголэн, савэ кэрдé грэ́хи, а отдыя́ лэн дро люно́ (адо), и бэшлякирдя лэн састыренца дро цямлыпэн, кай ёнэ ужакирэна сэндоскиро дывэс; ⁵ и Ёв на потангиндя (на пожалиндя) англатунó свэто, а зракхця́ охто́ (бидуэнгиро дэш) манушэн и машки́р лэндэ Ноёс, савó роспхэнэлас ангил сарэнгэ чачипэн и Дэвэл яндя́ пото́по пэ адалé надэвлытконэ манушэндэ; ⁶ и Ёв сэндыкирдя Содомóскирэ и Гоморакирэ фо́рья кэ хасибэн, кели хачкирдя́ лэн кэ праска́ (пепло). Кадалэ́са Дэвэл сыка́дя манушэнгэ, со явэла надэвлытконэ манушэнца; ⁷ и Ёв зракхця́ Лотос, савó сыс чачунó ману́ш и древа́н змэнчындо́ далé нагожонэ рэндэндэдыр, со ко́долэ манушá кэрдé, ⁸ пал-довá со кадава́ чачунó ману́ш, савó дыкхця́ сарó и дживдя́ машки́р лэндэ, мэнчынды́пэ со дывэс пэскирэ чачунó духо́са, кели ёв дыкхця́ и шундя́ лэнгирэ́ рэндэ, со сыс проти Зако́но. ⁹ И екх Дэвэл джину́ла, сыр тэ зракхэл дэвлытконэ манушэн, кели пропатыкирэна лэн, и Ёв раххэла кадалé начачунэ манушэн кэ / жы́ко сэндоскиро дывэс, соб (кай) тэ чхувэл ка́ра пэ лэндэ; ¹⁰ и дава́ буты́р сарэстыр чилавэ́ла одолé манушэн, савэ джа́на пир на́лачхо лочакиро камибэн и пхагирэна Дэвлэскиро право. Кадасавэ хоханé сыклякирибна́скирэ хасякирдé ладж, ёнэ кэрэна, со исын пир годы́ лэнгэ и на дарэ́на тэ калякирэн ду́хи, савэ исын дро Болыбна́скиро Раё. ¹¹ А Янго́лы, савэ исын пэ бут зоралэды́р кадалé духэндэдыр и лэндэ исын буты́р право, на ракирэна проти и на калякирэна далé зорья́ ангил Дэвлэстэ. ¹² А кадалé манушá исын сы́рбы бигодякирэ мурдала́, савэ на ракирэна, савэ бия́ндынэ, соб (кай) лэн тэ ухтылэн и тэ замарэн; ёнэ калякирэна дова́, со кокорé на джину́на, и адя́кэ-паць сы́рбы мурдала́, ёнэ и хасэ́на, ¹³ ёнэ явэна тэ пирилыджан пхарипэн пал начачипэн, пал дова́ со ёнэ дживэ́на пхэрдэс пир пэскиро на́лачхо камибэн со дывэс. Ёнэ исын замакхнэ и домагирдэ манушá; ёнэ залэнапэ битукоскиро пэскирэ хохаибна́са, кели свэнкинэна пал ска́мйнд тумэнца; ¹⁴ а лэнгирэ́ якха́ исын пхэрдэ́ биладжаипна́са и ёнэ на пирия́чэна тэ кэрэн грэ́хи, а затэрдэ́на дрэ фэ́лы кэ грэ́хо манушэн, конэскиро ду́хо (фа́но) исын назорало дро пэскиро патяибэн, а лэнгиро ило́ исын присыклякирдо кэ скэмпима, и Дэвэл проко́стя кадалé чхавэн; ¹⁵ ёнэ мэ́кнэ чачунó дром, ёнэ я́чнэ хасибны́тка; ёнэ гинэ́ палал пир Валамоскиро, Васороскирэ-чхавэскиро

дром, саво тырдыяпэ кэ ловэ пал дова, со ёв кэрдя начачунэс, ¹⁶ а лэскэ сыс выракирдо пал дова, со ёв кэрдя на пир Закóно, кели ослица выпхэндя банг (пининдя) лэскэ манушытконэ заняса, ёй и тэрдякирдя пророкóс дро лэскиро бигодякирибэн. ¹⁷ Кадалэ манушá исын сырбы ганынгá бипанескирэ и сырбы миглы и óблоки, савэ традэла балвэл, Дэвэл раххэла штéто ваш лэнгэ дро калó цямлыпэн. ¹⁸ Палдава со ёнэ пэскирэ вучэс-шардунэ лавэнца затэрдэна сырбы дрэ фэлы пир нáлачхо лочакиро камибэн и кэ нáгожа рэнды одолэ манушэн, савэ барэ пхарипнаса гинэ криг одолэ манушэндэр, савэ дживэна дро грéхо; ¹⁹ ёнэ дэна лав лэнгэ пал воля, а кокорэ ёнэ исын сырбы писхэрья хашибнытконэ присыкляибнаскэ, пал-дова со мануш исын писхэри одолэскэ, кон чхудя лэс тэлэдыр. ²⁰ Пал-дова со, коли одолэ манушá, савэ вари-кели гинэ магирипнастыр, саво кэрэлапэ дро свéто, пир дова, со ёнэ уджиндлэ Рас-Дэвлэс и амарэ Зракхибнарис Исусóс Христосóс, нэвэстыр спхандэнапэ магирипнаса и поддэнапэ магирипнаскэ, то кадасавэ манушэнгэ каканá явэла фуедыр, сыр сыс англэдыр. ²¹ Пал-дова со лэнгэ явэлас фэдыр тэ на джинэн чачунó дром, сыр ёнэ уджиндлэ и рисинэ палэ свэнтонэ припхэныбнастыр, саво сыс дынó лэнгэ. ²² Нэ лэнца кэрдяпэ дова, со сыр ракирэна манушá: “Джукэл рисёла кэ пэскиро чадыпэн”, и “выморды балышны джáла нэвэстыр тэ катынэлпэ дрэ блáта.”

Шэро 3

Сыр Явэла Рай Дэвэл

¹ Дрога мирé! Гáда, явир лыл мэ чхинáва тумэнгэ. Мэ сырбы джангавава далé лылэнца тэ рипирэн чачипэн и тумарé жужы годы, ² соб (кай) тумэ тэ рипирэн лавá, савэ англэдыр свэнта прорóки пхэндлэ и пал припхэныбэн амарэ Рáскирэ – Дэвлэскиро и Зракхибнарискиро, со дынэ тумарэ Апóстоны. ³ Нэ англэдыр сарэстыр джинэн, со дрэ палатунэ (последня) дывэсá явэна нахрата манушá, савэ явэна тэ санпэ холямэс тумэндэр, а кокорэ ёнэ явэна тэ кэрэн дурэдыр, со лэнгэ пир годы пир налачхэ-пэскирэ масэнгиرو тырдыпэн, ⁴ и ёнэ явэна тэ ракирэн: “И кай жа Лэскиро лав, со Ёв дыя, кели Ёв явэла? Пал-дова со долэ поратыр, кели мынэ амарэ дадá нисó на парудыя, сыр сыс создынó свéто.” ⁵ Кадасавэ манушá думинэна и сырбы на джинэна дова, со гарá Дэвэл припхэндя и кэрдэпэ болыбэн и пхув панэстыр и панéса, ⁶ палдава и гаратуно свéто сыс зачхудо панéса кэ хашибэн. ⁷ Кэ дава болыбэн и пхув, со исын каканá, раххэнапэ Дэвлэскирэ лавэса ваш яг кэ/жýко сэндоскиро дывэс и кэ хашибэн ваш надэвлытконэ манушэнгэ. ⁸ Нэ екх дывэс на могоинэла тэ явэл гарадó тумэндэр, дрога мирé, со Дэвлэстэ екх дывэс исын сыр бар (тысёнцо) бэрш, и бар бэрш исын, сыр екх дывэс. ⁹ Дэвэл на зарикирэлапэ тэ кэрэл дова, пал со Ёв дыя лав, сыр вари-савэ манушá гинэна, со дава явэла на сыг, нэ Ёв гарá вырикирэла тумэн, и на камэла, соб (кай) вари-кон тэ хасёл, нэ соб (кай) сарэ тэ рисён кэ Дэвэл. ¹⁰ Нэ Дэвлэскиро дывэс явэла сыр чор ратý, и тэды болыбэн грукимаса джáла криг якхэндэр и сарэ болыбнытка котэрá схачона, и пхув и сарó, со исын пэ латэ, явэна чхучэ (пуста). ¹¹ Пал-дова со коли сарэ частыра (предметы) явэна биладэ, то тэды тумэнгэ трей тэ дживэн свэнтэс и тэ отдэн пэс Дэвлэскэ; ¹² и тэ ужакирэн и тэ тырдэнпэ зоралэс, соб (кай) сыгэдыр тэ явэл дова дывэс, кели явэла Дэвэл, дывэс, дро саво болыбэн явэла схачкирдо и сарэ котэрá, со исын пэ болыбэн, явэна розбиладэ ягáса. ¹³ Нэ пир Дэвлэскиро дынó лав амэ ужакираса нэво болыбэн и нэви пхув, кай явэла тэ дживэл чачипэн.

Зоралэ дро Дýхо (Фáно)

¹⁴ Палдава, дрога мирé, коли ужакирэна тумэ сарó дава, причхувэн зор тэ явэн ангил Лэстэ бибангякирэ и бидошэнгирэ и тэ явэн дро рамáнэ; ¹⁵ и прилэн дрэ годы дова, со Рай Дэвэл гарá вырикирэла амэн и дэла саштыпэн тэ зракхаспэ, сыр дова-паць и амарó дрога пшал Пáвли, савэскэ дыя годы Дэвэл, чхиндя тумэнгэ пал дава, ¹⁶ адякэ-паць Пáвли ракирэла пал дава дрэ сарэ пэскирэ лылá; дрэ лэндэ исын вари-со, со исын пхарó тэ галёс, и манушá, савэ

исын тэмпа и нанэ зоралэ дро патяибэн, бут пириriskирэна, со ёв чхиндя дрэ лыла, сыр и дрэ явир паша Чхиныбнастыр. Кадасавэ мануша сырбы кокорэ пэ пэстэ лыджана хасибэн.
¹⁷ И палдава тумэ, дрога мирэ, сыр тумэ аканэ англедыр джинэн дава, раххэнпэ, соб (кай) тумэ тэ на кэрэн грэхо и тэ на патян дрэ фрэнтыма кхэтанэ кадалэ манушэнца и тэ на отпэрэн хоралэ патяибнастыр ¹⁸ а тэ барьён дро бахтыкирибэн и тэ уджинэн фэдёр амарэ Рас-Дэвлэс, и Зракхибнарис (Спасителёс) Исусос Христосос. Тэ явэл Лэскэ слава каканэ и пэ сарэ веки. Амйнь.

Пёрво Ианоскиро Лыл

Шэро 1

¹ Пал дова, со сыс англыпнастыр, пал дова, со амэ шундям, со дыкхцям пэскирэ якхэнца, со амэ роздыкхасас, и со чилавэнас амарэ васта, дова и амэ пхэнасас пал Джиибнаскиро лав, –
² дава джиибэн сыс сыкадо, и амэ дыкхцям дава и амэ сам якхитка и амэ пхэнаса тумэнгэ пал дава вечно джиибэн, саво сыс Дадэса, и саво сыс сыкадо амэнгэ, ³ акэ, дова-паць, со амэ дыкхцям и шундям, и пхэнаса тумэнгэ, соб (кай) тумэндэ тэ явэн кхэтаныпэн амэнца, а амаро кхэтаныпэн исын Дадэса, и Лэскирэ чхавэса, Исусоса Христососа. ⁴ И дава амэ чхинаса тумэнгэ, соб (кай) тумарі радыма тэ явэл пхэрдэ.

Дэвэл исын Дуд (Свэто)

⁵ И, гада, пал со исын мавлын (малва), саві амэ шундям Чхавэстыр и пхэнаса тумэнгэ: Дэвэл исын дуд (свэто) и нанэ нисаво калыпэн дрэ Лэстэ. ⁶ Кóли амэ ракираса, со амэндэ исын кхэтаныпэн Лэса, а кокорэ псираса дро калыпэн, тэды амэ хохаваса и на псираса пир чачипэн. ⁷ А кóли амэ псираса дро Дэвлэскиро дуд, адякэ-паць сыр Христосо исын дуд, тэды амэндэ исын кхэтаныпэн екх екхэса, и Исусоскиро Христососкиро рат, Лэскирэ чхавэскиро, жужакирэла (чыстинэла) амэн кажнонэ грэхэндэр. ⁸ Кóли амэ ракираса, со амэндэ нанэ грэхо, тэды амэ хохаваса кокорэ пэс, и нанэ амэндэ чачипэн. ⁹ Кóли амэ пригалёваса амарэ грэхі ангил Дэвлэстэ, тэды Ёв выжужакирэла амаро начачипэн, пал-дова со Ёв исын патяибнытко, и чачунó. ¹⁰ Кóли амэ ракираса, со амэ на кэрдям грэхі, тэды амэ кэраса Лэстыр Хохаибнарис, и нанэ Лэскиро лав амэндэ.

Шэро 2

Христосо Помогинэла Амэнгэ

¹ Чхаворалэ мирэ! Мэ чхинава дава тумэнгэ, соб (кай) тумэ тэ на кэрэн грэхо, и кóли варикон кэрэла грэхо, амэндэ исын Екх тэ тэрдэл пал амэндэ ангил Дадэстэ-Исусо Христосо, Чачипнаскиро; ² и Ёв исын Кодова, Кон пирилыджия пхарипэн кэ мэрибэн Пэскирэ ратэса пал амарэ грэхі сырбы свэто дыибэн, и на фэни (тока) пал амарэ, а адякэ-паць пал грэхі сарэ свэтоскирэ. ³ И адякэ амэ уджинаса, со амэ джинаса Лэс, кóли амэ раххаса Лэскирэ припхэныбэнá. ⁴ Кон ракирэла: “Мэ уджиндём Лэс” и на раххэла Лэскирэ припхэныбэнá, одова мануш исын хохайбнари, и нанэ нисаво чачипэн дрэ лэстэ; ⁵ а кон раххэла Лэскиро лав, кодолэстэ исын бидошакиры патыв кэ Дэвэл. Адякэ амэ уджинаса, со амэ сам дро кхэтаныпэн Дэвлэса. ⁶ Кон ракирэла, со ёв дживэла дро екхипэн Дэвлэса, кодолэскэ трэй адякэ-паць тэ дживэл сыр Христосо дживдя. ⁷ Дрога мирэ! Мэ чхинава на нэво припхэныбэн тумэнгэ, а пхурано припхэныбэн, саво исын тумэндэ англыпнастыр. Пхурано припхэныбэн исын лав, саво тумэ шундлэ англыпнастыр. ⁸ Нэ дава исын дава-паць и нэво припхэныбэн, со мэ чхинава тумэнгэ, пал-дова со дава чачипэн сыс бицяло и дрэ Христосостэ и дрэ

тумэндэ: пал-довá со калыпéн проджáла и чачунó дуд каканá хачола. ⁹ Кон ракирэла, со ёв исын дро дуд, а лэскэ исын надрого пэскиро пшал, одовá исын ишчо (инкэ) дро калыпéн. ¹⁰ Конэскэ исын дрóго лэскиро пшал, одовá ячэлапэ дро дуд, и нанэ бар пэ дром лэстэ, соб (кай) ёв тэ пэрэл дро грéхо; ¹¹ а конэскэ исын надрого пэскиро пшал, одовá исын дро калыпéн, и псирéла дро калыпéн, и ёв на джинéла, карик ёв джáла, пал-довá со калыпéн корьякирдя якхá лэскэ. ¹² Мэ чхинáва тумéнгэ, чхаворé, пал-довá со отмэкнэ тумарé грéхи пир Христосóскиро лав. ¹³ Мэ чхинáва тумéнгэ, дадá, пал-довá со тумé прилынэ Одолэс, Савó исын англýпнáстыр. Мэ чхинáва тумéнгэ, тэрнэ манушáлэ, пал-довá со тумé пиризорьякирдэ нalachхэс. Мэ чхинáва тумéнгэ, бияталэ, пал-довá со тумé приджиндлэ Дадэс. ¹⁴ Мэ чхиндём тумéнгэ, дадолэ, пал-довá со тумé уджиндлэ Одолэс, Кон исын усады (сак) англýпнáстыр [Дадэстэ-ю.о.]. Мэ чхиндём тумéнгэ, тэрнэ манушáлэ, пал-довá со тумé сан зоралэ; и Дэвлэскиро лав ячэлапэ дрэ тумэндэ и тумé пиризорьякирдэ нalachхэс. ¹⁵ На дэн патýв свэтоскэ, и довá, со исын дро свéто: кон дóла патýв свэтоскэ, кодолэ манушэскэ исын надрого Дад: ¹⁶ пал-довá со сарó, со исын дро свéто: лочакиро тырдыпéн кэ грéхо, грэхоскиро камибэн дрэ якхá, пхутькирибэн пэскирэ джибнаса, давá сарó нанэ Дадэстыр, а джáла свэтостыр. ¹⁷ Свéто проджáла и адýкэ-паць и грэхоскирэ камибэна, нэ одовá, кон кэрэла пир Дэвлэскири воля, явэла тэ дживéл вéчнэс.

Христосóскиро Вэрго

¹⁸ Тэрнэ манушáлэ! Давá исын палатунó (последнэ) часо. И пал-довá со тумé шундлэ, со явэла антихристо и каканá явнэ пэ якхá бут антихристы, амэ джинáса далэстыр, со явдý палатунó часо. ¹⁹ Ёнэ выгинэ амэндýр, нэ ёнэ на сыс амарé; пал-довá со, кóли ёнэ тэ явэн амарé, тэды ёнэ ячэнас амэнца, нэ ёнэ выгинэ амэндýр ваш довá, соб (кай) тэ явэл сыкадо, со ниéкх лэндýр нанэ амарó. ²⁰ Нэ тумé дорэснэ Свэнто Дýхо (Фáно) Христосостýр, и тумé джинэна сарó чачипэн. ²¹ Мэ чхиндём тумéнгэ на палдовá со тумé на джинэна чачипэн, нэ пал-довá со тумé джинэна лэс, адýкэ-паць сыр и довá, со кажно хохаибэн нанэ чачипнастыр. ²² Кон хохавэла? Адавá исын одовá манýш, кон на пригалéла, со Исýсо исын Христóсо? Давá исын антихристо, савó на пригалéла ни Дадэс, ни Чхавэс. ²³ Кажно манýш, кон на пригалéла Чхавэс, лэстэ нанэ и Дадэс, а кон пригалéла Чхавэс, одолэ манушэстэ исын и Дад. ²⁴ Тэды тумé, со тумé шундлэ англýпнáстыр, мэк довá тэ явэл дрэ тумэндэ; кóли явэла дрэ тумэндэ, довá, со тумé шундлэ англýпнáстыр, тэды тумé явэна дро екхипэн Чхавэса и Дадэса. ²⁵ И, акэ, исын довá, пал со Христóсо Кокорó дыя лав, давá исын вéчно джибэн. ²⁶ Давá чхиндём мэ тумéнгэ пал одолэндэ, савэ камэна тэ лыджán тумэн дро блэндó: ²⁷ нэ помакхибэн, Свэнто Дýхо (Фáно), Савó тумé дорэснэ Христосостýр, ячэлапэ дрэ тумэндэ, и тумэндэ нанэ трэбима, соб (кай) вари-кон тэ сыклякирэл тумэн. И давá Свэнто Дýхо (Фáно) сыклякирэла тумэн, и Ёв сыс чачунó и нанэ хоханó. И сыр Свэнто Дýхо (Фáно) высыклякирдя тумэн, ячэмпэ дро екхипэн Христосóса. ²⁸ Ѓáда, бияты, ячэмпэ дро екхипэн Христосóса, соб (кай) Ёв, кéли сыкадéла, тэ явэл амэндэ зоралó патýибэн и тэ на явэл ладжаво ангýл Лэстэ, кéли Ёв явэла. ²⁹ И кóли тумé джинэна, со Христóсо исын чачунó, джинэн и довá, со кажно манýш, кон кэрэла пир чачипэн, исын Дэвлэскиро чхавó.

Шэрó 3

Дэвлэскирэ Чхаворé

¹ Дыкхэн! Савý бари рáдыма дыя амéнгэ Дад, соб (кай) тэ кхарэн амэн Дэвлэскирэ чхаворэнца. Палдавá свéто на джинéла тумэн, пал-довá со на пригалыя Лэс. ² Дрóга мирé! Амэ сам каканá Дэвлэскирэ чхавэ, нэ ишчо (инкэ) на сыкадыя амéнгэ, савэ амэ явáса ангýл. Амэ екх джинáса, со кéли Христóсо сыкадéла, амэ ячасапэ кадасавэ-паць, сыр Ёв исын, пал-довá со амэ явáса тэ дыкхас, савó Ёв явэла. ³ И кажно манýш, конэстэ исын надéя пэ Лэстэ, выжужакирэла (вычýстинэла) пэс, пал-довá со Христóсо исын жужó. ⁴ Кажно (свáко)

мануш, кон кэрэла грэхи, кэрэла проти Дэвлэскиро Закóно; и грэхо исын дова, кели пхагирэна Закóно. ⁵ И тумэ джинуна, со Ёв явдя ваш дова, соб (кай) тэ лэл амарэ грэхи, и со нанэ грэхо дрэ Лэстэ. ⁶ Кажно мануш, кон дживэла дро екхипэн Исусóса, на кэрэла грэхи, а кажно, кон кэрэла грэхи, кодова мануш на дыкхця Лэс и на пригалыя Лэс. ⁷ Бияторалэ! Мэк никон тэ на лыджал тумэн дро блэндо. Кон кэрэла пир чачипэн, одова исын кадасаво чачунó, сыр Ёв исын чачунó. ⁸ Кодова, кон кэрэла грэхи, исын налачхэстыр, пал-дова со налачхо кэрдя грэхи англывнастыр. Ваш дава и явдя Дэвлэскиро Чхавó, соб (кай) тэ пхаравэл налачхэскирэ бутя. ⁹ Кажно мануш, саво яця Дэвлэскирэ чхавэса, на кэрэла бутыр грэхи, пал-дова со Дэвлэскири зярка исын дрэ Лэстэ, и ёв на могоинэла тэ кэрэл грэхи, пал-дова со Дэвлэс яця лэскирэ Дадэса. ¹⁰ Гада, сыр Дэвлэскирэ чхавэ и налачхэскирэ чхавэ исын бицялэ: кажно (свако), кон кэрэла на пир чачипэн, одова нанэ Дэвлэстыр и адякэ-паць, сыр кодова, кон на кэрэла патыв пэскирэ пшалэскэ. ¹¹ Палдава дасави исын мавлын (малва), сави амэ шундям англывнастыр, соб (кай) амэ тэ дас патыв екх екхэскэ, ¹² нэ на адякэ, сыр Каино, саво сыс налачхэстыр и саво замардя (мулякирдя) пэскирэ пшалэс. Пал со ж ёв замардя лэс? Пал-дова со лэскирэ рэнды сыс фуй, а лэскирэ-пшалэскирэ рэнды сыс чачунó. ¹³ На дивинэн, пшала мирэ, коли мануша свэтостыр явэна тэ бидыкхэн (тэ ненавидинэн) тумэн. ¹⁴ Амэ джинуна, со амэ пиригиям мэрибнастыр дро джибэн, пал-дова со амэ даса патыв пшалэнгэ. Кон на дэла патыв пшалэскэ, кодова исын ишчо (инкэ) тэл мэрибнаскири зор. ¹⁵ Кажно (свако) мануш, кон на дэла патыв пэскирэ пшалэскэ, исын замарибнари (умарибнари), а тумэ джинуна, со ни екхэ замарибнарискэ на явэла вечно джибэн. ¹⁶ Амэ уджинаса пшалытко патыв дро дава, со Христóсо отдыя Пэскиро джибэн пал амэндэ; и амэ сам бангэ тэ отдас пэскиро джибэн пал пшалэндэ. ¹⁷ А коли вари-конэстэ исын сарó, со трэй ваш джибэн дро дава свэто, а ёв дыкхэла, со лэскирэ пшалэскэ трэй вари-со ваш джибэн и ёв зачхакирэла пэскиро ило лэстыр, тэды сави жа исын Дэвлэскири ласка дрэ Лэстэ? ¹⁸ Бияталэ, яваса тэ дас патыв на лавэса ци чибаса, а рэндоса (делоса) и чачипнаса. ¹⁹ И пир дава, сыр амэ кэраса, амэ уджинаса, со амэ сам чачипнаскирэ и штылякираса амарэ илэ ангил Лэстэ; ²⁰ пал-дова со, коли амарó ило ракирэла мамуй проти амэндэ, тэды Дэвлэс джинуна сарó, пал-дова со Ёв исын бутэдыр илэстыр, и Ёв джинуна сарó. ²¹ Дрога мирэ! Коли амарó ило на ракирэла мамуй проти амэндэ, тэды амэндэ исын мурыпэн тэ рисэвас кэ Дэвлэс. ²² И со амэ тэ на помангас Лэстыр, явэла дыно амэнгэ, пал-дова со амэ рахаса Лэскирэ припхэныбэна и кэраса дова, со исын пир ило Дэвлэскэ. ²³ А припхэныбэн Лэскиро исын дасаво: соб (кай) амэ тэ патяс дро лав Лэскирэ-Чхавэскирэ, Исусóскирэ Христóскиро, и соб (кай) тэ дас патыв екх екхэскэ, сыр Ёв припхэндя амэнгэ. ²⁴ И кон рахэла Лэскирэ припхэныбэна, одова дживэла дро екхипэн Лэса, и Дэвлэс исын дро екхипэн Лэса. И дова, со Дэвлэс дживэла дро екхипэн Лэса, амэ уджинаса пир Духó (Фано), Савó Ёв дыя амэнгэ.

Шэрó 4

Чачунó и Хоханó Духó (Фано)

¹ Дрога мирэ! На патян кажнóнэ духоскэ, а спробинэн (пропатякирэн) дүхи, ци Дэвлэстыр исын ёнэ, пал-дова со бут хоханэ прорóки явэна дро свэто. ² Тумэ уджинэна Дэвлэскиро дүхо (фано) адякэ: кажно дүхо (фано), саво пригалёла Исусóс Христóс, со Ёв явдя дро манушытко лоч (плоть), исын Дэвлэстыр; ³ а кажно дүхо (фано), саво на пригалёла Исусóс Христóс, со Ёв явдя дро манушытко лоч, нанэ Дэвлэстыр, дава исын антихристоскиро дүхо (фано), пал савэстэ тумэ шундлэ, со ёв явэла и каканá Ёв ужэ исын дро свэто. ⁴ Бияталэ (чхаворэ)! Тумэ сан Дэвлэскирэ и пиризорьякирдэ лэн, пал-дова со Дүхо (Фано), Савó дживэла дрэ тумэндэ, исын зоралэдыр духóстыр, саво исын дро свэто. ⁵ Кадалэ хоханэ прорóки исын свэтостыр: ёнэ и ракирэна пал свэтоскирэ рэнды, и свэто шунэла лэн. ⁶ Амэ сам Дэвлэскирэ: кон джинуна Дэвлэс, одова шунэла амэн; кон на Дэвлэскиро, одова на шунэла амэн. Пир дава амэ уджинаса чачунó дүхо (фано) и хоханó дүхо (фано).

Чачуны Ласка исын Дэвлэстыр

⁷ Дрога мирэ! Яваса амэ тэ дас патыв екх екхэскэ, пал-дова со пшалытко патыв исын Дэвлэстыр и кажно (свако), кон исын лачхо кэ явир, исын Дэвлэскиро чхаво и джинэла Дэвлэс. ⁸ Одова, кон исын налачхо кэ явир мануш, на джинэла Дэвлэс, пал-дова со Дэвлэс исын пшалытко патыв. ⁹ Дэвлэскири ласка кэ амэ сыс сыкады дро дова, со Дэвлэс бичхадя дро свэто Лэскирэ Екхорэ Чхавэс, соб (кай) амэ тэ дорэсас (тэ долас) вечно джибэн пир Лэстэ. ¹⁰ Акэ, дро со пшалытко патыв исын: дава нанэ, со амэнгэ яця дрога Дэвлэс, а дава исын, со Лэскэ яцям дрога амэ и Ёв бичхадя Пэскирэ Чхавэс тэ страдынэл (тэ пирилыджал пхарипэн) кэ мэрибэн пал амарэ грэхи. ¹¹ Дрога мирэ! Коли Дэвлэскэ яцям дрога амэ, тэды амэнгэ адякэ-паць трэй тэ дас патыв екх екхэскэ. ¹² Ниэкх мануш ниэкхвар на дыкхця Дэвлэс. Коли амэ сам лачхэ екх кэ екх, тэды Дэвлэс дживэла дро екхипэн амэнца, и Лэскири ласка исын пхэрдэ дрэ амэндэ. ¹³ Пир дава амэ уджинаса, со амэ дживаса дро екхипэн Лэса, и со Ёв исын дрэ амэндэ, пал-дова со Ёв дыя амэнгэ Пэскиро Духо (Фано). ¹⁴ И амэ дыкхцям и сам якхитка (якхалэ), со Дад бичхадя Чхавэс тэ зракхэл свэто. ¹⁵ Кон пригалёла, со Исусо исын Дэвлэскиро Чхаво, кодова мануш дживэла дро екхипэн Дэвлэса, и Дэвлэс исын дро екхипэн лэса. ¹⁶ И амэ уджиндям ласка и упатяндям, сави ласка исын Дэвлэстэ кэ амэ. Дэвлэс исын дрэ пшалытко патыв кэ явир мануша, и одова мануш, кон исын лачхо кэ явир, дживэла дро екхипэн Дэвлэса и Дэвлэс исын дро екхипэн лэса. ¹⁷ Пир дава екхипэн Дэвлэса пшалытко патыв ячэлапэ пхэрдэ дрэ амэндэ, соб (кай) амэндэ тэ явэл муршыпэн дро дывэс, кэли явэла сэндо, пал-дова со амэ дживаса дро дава свэто адякэ, сыр Христосо дживдя. ¹⁸ Коли амэ сам лачхэ кэ явир мануша и амэ на дараса ни конэстыр, пал-дова со пхэрдэ патыв вытрадэла дар, а кон дарэла, кодова сырбы ужакирэла кара. А кодова, кон дарэла, дрэ лэстэ нанэ пхэрдэ патыв. ¹⁹ Амэ сам лачхэ екх кэ екх, пал-дова со Дэвлэскэ англэдыр яцям дрога амэ. ²⁰ Коли вари-кон пхэнэла: “Мангэ исын дрога Дэвлэс”, а корорэ нанэ лачхо кэ пэскиро пшал, одова исын хохайбнари; пал-дова со кон нанэ лачхо кэ пэскиро пшал, савэс ёв дыкхця, на могоинэла тэ дэл патыв Дэвлэскэ, Савэс ёв на дыкхця? ²¹ И дава исын дасаво припхэныбэн, саво амэндэ исын Христосостыр, со одова мануш, конэскэ дрога исын Дэвлэс, исын банго (мусинэла) адякэ-паць тэ явэл лачхо кэ пэскиро пшал.

Шэро 5

Амэ Пиризорьякирдям Свэто

¹ Кажно (свако) мануш, кон патяла, со Исусо исын Христосо (Месия), исын Дэвлэскиро чхаво, и кажно мануш, конэскэ исын дрога Дад, лэскэ адякэ-паць исын дрога Лэскиро Чхаво. ² Пир дава амэ уджинаса, со амэнгэ исын дрога Дэвлэскирэ чхавэ: коли амэ рикираса сыр Дрогима дро ило Дэвлэс и кэраса пир Лэскирэ припхэныбэнэ. ³ И амарэ патыв и ило кэ Дэвлэс исын кадасавэ; соб (кай) амэ тэ рахас Лэскиро припхэныбэн. И Лэскирэ припхэныбэнэ исын напхарэ. ⁴ Пал-дова со кажно мануш, кон исын Дэвлэскиро чхаво, пиризорьякирэла свэто. И амэ пиризорьякираса дава свэто амарэ патяибнаса. ⁵ Кон исын кодова, саво пиризорьякирэла свэто: гада (акэ), исын одова, кон патяла, со Исусо исын Дэвлэскиро Чхаво.

Допхэныбэн пал Исусостэ Христосостэ

⁶ Давэ исын Ёв, Исусо Христосо, Саво явдя панэса, кэли Ёв болдяпэ: и ратэса, кэли Ёв мыя. Ёв явдя на фэни (тока) панэса, нэ панэса и ратэса. И Духо (Фано) Корорэ допхэнэла пал дава, пал-дова со Духо (Фано) исын чачипэн. ⁷ Палдава исын трин якхитка пэ болыбэн: ⁸ Дад, Лав и Свэнтэ Духо (Фано), и адалэ трин исын сыр екх допхэныбэн. ⁹ И коли амэ приласа манушытко допхэныбэн, тэды Дэвлэскиро допхэныбэн исын зоралэдыр, пал-дова со Дэвлэс допхэнэла пал Пэскирэ Чхавэстэ. ¹⁰ Кон патяла дрэ Дэвлэскирэ Чхавэстэ,

кодолэстэ исын допхэныбэн дро пэскиро ило. А кон на патяла Дэвлэскэ, одова кэрдя Лэс Хохаибнариса, пал-дова со ёв на упатяндья дро допхэныбэн, савэса Дэвэл допхэнэла пал Пэскирэ Чхавэстэ. ¹¹ Дава допхэныбэн исын дро дова, со Дэвэл дыя амэнгэ вечно джибэн и дая джибнаскири ганынгори исын дрэ Лэскирэ Чхавэстэ. ¹² Конэстэ исын Чхаво, кодолэстэ исын дава джибэн; конэстэ нанэ Дэвлэскирэ Чхавэс, кодолэстэ нанэ джибэн.

Вечно Джибэн

¹³ Далэ чачипэна мэ чхиндём тумэнгэ, кон патяла дро Дэвлэскирэ-Чхавэскиро лав, соб (кай) тумэ тэ джинэн, со тумэндэ исын вечно джибэн. ¹⁴ И гада, исын муршыпэн, саво исын амэндэ дрэ Дэвлэстэ, со коли амэ мангаса вари-со пир Лэскири воля, Ёв шунэла амэн. ¹⁵ И коли амэ джинаса, со Ёв шунэла амэн, пал со амэ мангаса, амэ джинаса и дова, со Ёв кандэла амаро мангипэн, кели амэ мангдям Лэс. ¹⁶ Коли вари-кон бидыкхэла пэскирэ пшалэс, саво кэрэла грэхо на кэ мэрибэн, мэк ёв тэ мангэлпэ Дэвлэскэ, и Ёв дэла одолэскэ джибэн. Дава исын ваш одолэнгэ, кон на кэрэла грэхо кэ мэрибэн. Нэ исын грэхо кэ мэрибэн: и мэ на ракирава пал дава, соб (кай) ёв тэ мангэлпэ Дэвлэскэ пал дасаво грэхо. ¹⁷ Кажно хохаибэн исын грэхо, нэ исын грэхо, саво исын на кэ мэрибэн. ¹⁸ Амэ джинаса, со кажно мануш, кон исын Дэвлэскиро чхаво, на кэрэла грэхи, нэ кон исын Дэвлэскиро чхаво, кодова рахэла пэс, и налачхо на чилавэла лэс. ¹⁹ Амэ джинаса, со амэ сам Дэвлэскирэ, и со саро свэто исын тэл налачхэскири зор. ²⁰ Амэ джинаса, со Дэвлэскиро Чхаво явдя и дыя амэнгэ годы, соб (кай) амэ тэ уджинас, кон исын чачунэ Дэвэл, и соб (кай) амэнгэ тэ явас дро екхипэн чачунэ Дэвлэса, Лэскирэ Чхавэса, Исусоса Христососа. Дава исын чачунэ Дэвэл и вечно джибэн. ²¹ Чхаворалэ! Ракхэн пэс идолэндыр. Аминь.

Явир Ианоскиро Лыл

Шэро 1

¹ Пхурэстыр, – Ранякэ, Савья Дэвэл выкэдыя, и Лэкирэ чхавэнгэ, савэ исын дрога мангэ чачунэс, нэ на со мэ екх, а сарэ, савэ уджиндлэ чачипэн, ² пал дава чачипэн, саво исын дрэ амэндэ и явэла амэнца пэ веки: ³ мэк тэ явэл бахтякирибэн, тангипэн, и раманэ тумэнца Дэвлэстыр Дадэстыр и Растыр-Дэвлэстыр, Исусостыр Христосостыр дро чачипэн и ласка.

Чачипэн и Пшалытко Патыв

⁴ Мэ сомас древан радо, кели Мэ латхём машкир Тырэ чхавэндэ кадасавэн, савэ дживэна дро чачипэн пир дава, сыр Дэвэл Дад припхэндя амэнгэ. ⁵ И каканэ Мэ древан мангава Тут, дрога Ранори; яваса тэ явас лачхэ екх кэ екх. Мэ чхинава дава на нэво припхэныбэн, а дава припхэныбэн сыс амэнгэ ангыпнастыр. ⁶ Дая пшалытко патыв значинэла дова, соб (кай) амэ тэ дживас адякэ, сыр Дэвэл припхэндя амэнгэ. Дава исын дова-паць припхэныбэн, саво тумэ шундлэ ангыпнастыр, соб (кай) амэ тэ дживас пир дава припхэныбэн. ⁷ Пал-дова со бут хохаибнарья загинэ дро свэто, савэ на пригалёна, со Исусо Христосо явдя дро манушытко лоч. Кадасавэ мануш исын хохаибнари и вэрго (врого) Христососкэ. ⁸ Дыххэн пал пэстэ, соб (кай) амэ тэ на нашавас дова, ваш со амэ кэрдям буты, а соб (кай) тумэ тэ дорэсэн пхэрдэ мазури (награда) Растыр-Дэвлэстыр. ⁹ Кажно мануш, кон пириджала Христососкиро сыклякирибэн и на ячэлапэ дро дава сыклякирибэн, кадасавэ манушэстэ нанэ Дэвэл. Кон ячэлапэ дро Христососкиро сыклякирибэн, кадасавэ манушэстэ исын и Дад и Чхаво. ¹⁰ Коли вари-кон явэла кэ тумэ и на янэла дова, со Христосо сыклякирдя, тумэ тэ на прилэн лэс дро тумаро кхэр и тэ на дэн ‘добридим’ лэскэ. ¹¹ Пал-дова со, кон дэла ‘добридим’ лэскэ, одова мануш исын пал екх лэса дрэ лэскирэ фуй рэнды.

Палатунэ Лавá

¹² Мándэ исын бут, со трэй тэ чхинав тукэ, нэ мэ на камám тэ кэрáв дава́, пэ папира чэрниласа. Амэндэ исын надéя тэ явав тумэнца тэ ракирав муй кэ муй, соб (кай) амари радыма тэ явэл пхэрдý. ¹³ Чхаворé тырэ-пхэнякирэ, савья адыкэ-паць Дэвэл выкэдыя, пиридэна “паклоно” тукэ.

Трýто Ианоскиро Лыл

Шэрó 1

¹ Пхурэстыр, мирé дрогонé Гаёскэ, кон исын дрóго мánгэ чачипна́са. ² Дрóго миро! Мэ мангавапэ Дэвлэскэ, соб (кай) тэ явэл кóфо (польза) пэ сарó, со ту кэрэса, соб (кай) тэ явэс ту састó, адыкэ-паць сыр тырó дýхо (фáно) барьёла. ³ Пал-довá со мэ древáн обрадындёмпэ, кéли дэвлы́тка пшáла явнэ и допхэндлэ пал тырó чачипэн, сыр ту и дживэса пир чачипэн. ⁴ Ваш мánгэ нанэ барэдыр радыма, сыр тэ шунав, со мирé чхаворé дживэна пир чачипэн.

Пал Гаёскири Лачхí Буты ваш Дэвлэскэ

⁵ Дрóго миро! Ту кэрэса патяибныткэс сарó, со кэрэса ваш дэвлытконé пшалэнгэ и чужонé манушэнгэ, ⁶ савé допхэнэнас ангил кхангири пал тыри пшалы́тко патыв, кéли ту бичхавэсас лэн дро дром, сыр трэй и, сыр исын лачхó Дэвлэскэ, тэды ту кэрэса лачхэс; ⁷ пал-довá со ёнэ гинé пал Христосóскиро лав, ёнэ на лынé нисó Наюдэндýр. ⁸ Палдава́ амэнгэ трэй тэ прилас шукáр адасавé манушэн, соб (кай) амэ могоинасас тэ кэрáс буты кхэтанé ваш чачипэн. ⁹ Мэ чхиндём кхангириякэ, нэ Диатрефо, савэскэ явдý пэ годý тэ явэл лэнгирэ шэралэса, на прилэла дова́, со мэ чхина́ва. ¹⁰ Палдава́, кéли мэ ява́ва, мэ да́ва лэскэ тэ рипирэл пал дова́, со ёв кэрэла, сыр ёв злыджала плётки пэ амэндэ. Нэ ёв адыкэ исын гáлко кэ дава́, со ёв и кокорó на прилэла дэвлытконé пшалэн, и адыкэ-паць кэрэла проти одолэндэ, кон камэла тэ прилэл и ишчо (инкэ) ёв традэла яври лэн кхангирия́тыр. ¹¹ Миро дрóго! На яв ту адасавó, соб (кай) тэ кэрэс чорипэн, а яв адасавó, соб (кай) тэ кэрэс лачхипэн. Кон кэрэла лачхипэн, одова́ исын Дэвлэстыр, а кон кэрэла чорипэн, одова́ на дыкхцý Дэвлэс. ¹² Сарé допхэнэна лачхипэн пал Дмитриёстэ (Митрастэ), и чачипэн адыкэ-паць пал лэстэ; амэ адыкэ-паць дочхуваса амарó допхэныбэн и тумé джинэна, со амарó допхэныбэн исын чачунó.

Палатунэ Пакло́ны

¹³ Мándэ бут трэиндý тэ чхинав тумэнгэ, нэ мэ на камám тэ кэрáв дава́ чэрниласа и порэса; ¹⁴ нэ мэ патя́ва, со сыг мэ дыкхаво тумэн, и амэ яваса тэ ракирас муй кэ муй. ¹⁵ Тэ явэл рама́нё (миро) тукэ. Пиридэна “паклоно” тукэ малá. Пиридэ “паклоно” малэнгэ (другэнгэ), кажно́нэскэ пир лав. Амíнь.

Юда́скиро Лыл

Шэрó 1

¹ Юдастыр, Исусóскирэ Христосóскирэ писхаристыр, Яковóскирэ пшалэстыр, манушэнгэ, савé ячнэ дрóга Дэвлэскэ Дадэскэ, и савэн Ёв прикхардя, и савэн зракхцý Исýсо Христóсо: ² мэк тангипэн, и рама́нё (миро), и пшалы́тко патыв тэ явэл дыно́ бут бутýр тумэнгэ.

Хоханэ Сыклякирибна́рья

³ Дро́га мирэ! Мэ камдём хачкирдэ илэса тэ чхинав тумэнгэ пал амаро кхэтано зракхибэн, мэ гиндём, со трэиндя тэ чхинав тумэнгэ, соб (кай) тэ подрикирав тумэн тэ тэрдён пал патяибэн, саво ёкхвар и ваш сарэнгэ Дэвэл дый свэнтонэ манушэнгэ. ⁴ Пал-довá со вари-савэ манушá чораханэс попынэ машкир тумэндэ, савэ гарá сыс отдынэ пэ сэндо. Ёнэ исын бидэвлыткарья, ёнэ пириriskирдэ Дэвлэскиро бахтякирибэн дро вольныма тэ кэрэн, со камэна, и ёнэ на пригалёна Екхэ Рас-Барэс, амарэ Рас-Дэвлэс, Исусос Христосос. ⁵ Мэ камам тэ ракирав, соб (кай) тумэ тэ рипирэн, мэк тумэ ёкхвар джидлэ саро дава, со Рай Дэвэл зракхця манушэн Египтоскирэ пхувьятыр, а коригэдёр (позжэ) одолэн, савэ на патяндынэ, Ёв мулякирдя. ⁶ И Янголэн, савэ на зракхнэ пэскиро англатунó право дрэ патыв, а ячкирдэ пэскиро штэто тэ дживэн, Ёв раххэла лэн дро калыпэн дрэ вечна састыра пэ баро Дывэс, кели лэн явэла Ёв пхарэс тэ сэндыкирэл; ⁷ адякэ сыр Содомо и Гомора и пашатунэ форицы, савэ адякэ-паць, сыр одолэ Янголы отдынэ пэс пэ блэндо и ваш тырдыпэн кэ явир манушйтко лоч: далэ форя сыс схачкирдэ вечнóнэ ягаса сыр примэро (сыкаибэн) тумэнгэ. ⁸ Нэ адякэ-паць явэла кадалэ манушэнца, савэ дыкхэна сунэ и магирэна пэскири лоч; ёнэ на пригалёна Дэвлэскиро право и калякирэна зорья, со исын дро Болыбна́скиро Раё. ⁹ Нэ Михаило Архангело выракирдя налачхэскэ, кели ёнэ ракирэнас екх екхэса пал Мойзаскирэ маса, Михаило на сыс муршканó тэ калякирэл налачхэс, нэ пхэндя: “Мэк Дэвэл тэ припхэнэл Тукэ.” ¹⁰ А кадалэ манушá калякирэна дова, со ёнэ на джидэна, и дова, со ёнэ галёна фэни сыр билавэнгирэ мурдала; дро дова ёнэ поддэнапэ грэхоскэ. ¹¹ Бида лэнгэ! Пал-дова со ёнэ гинэ Каиноскирэ дромэса и пал барвалыпэн ёнэ кокорэ отдынэ пэс грэхоскэ, сыр Валамо и ёнэ мэрэна дро бунто, сыр Карее. ¹² Кадалэ манушá сырбы макхэна тумарэ дэвлыкэнэ свэнки: ёнэ свэнкинэна тумэнца би дарáкиро и чалякирэна фэни кокорэ пэс. Ёнэ исын сырбы облоки бипанескирэ, савэ балвал традэла. Ёнэ исын сырбы восенякирэ кашта бибарьякирдэскирэ, савэн выкошнэ и, савэ мулынэ дуй мóлы; ¹³ ёнэ исын сырбы морёскирэ (дэрьявэскирэ) холямэ валны (вэлны), учхакирдэ пенаса пэскирэ ладжаипнытконэ рэндэндэр (делэндэр); ёнэ исын сырбы чэргэня, савэ на джидэна дром, савэнгэ исын раххно калыпэн (цямлыпэн) пэ веки. ¹⁴ И Енохо, эфэто Адамостыр, ангилпхэндя пал лэндэ: гада, Рай Дэвэл джала тысэенцэнгирэ дэшытконэнца Пэскирэ свэнтонэндэр, ¹⁵ тэ кэрэл сэндо пэ сарэ манушэндэ и тэ бангякирэл сарэн надэвлытконэн машкир лэндэ пал лэнгирэ надэвлытка рэнды, савэ ёнэ кэрдэ и пал сарэ пхарэ налачхэ лава, савэ кадалэ бидэвлыткарья-грэхитка манушá ракирдэ проти Дэвлэстэ. ¹⁶ Ёнэ исын холямэ ракирибна́рья, савэ рикирэна холы пэ сарэндэ, ёнэ кэрэна пир пэскиро грэхитко тырдыпэн; ёнэ явэна вучэс тэ марэн пэс лавэнца, ёнэ явэна гудлэс тэ дивинэнпэ пэ манушэндэ ваш пэскири лы́гота.

Ракхэнпэ и Шунэн

¹⁷ Нэ тумэ, дро́га мирэ, рипирэн лава, савэ гарэдыр ракирдэ Апóсто́лы амарэ Рáскирэ – Дэвлэскирэ, Исусоскирэ Христососкирэ, ¹⁸ со ёнэ пхэндлэ тумэнгэ: “Явэна манушá дро палатунó часо, со явэна тэ санпэ холямэс тумэндэр, савэ явэна пир пэскиро грэхитко тырдыпэн.” ¹⁹ Адалэ исын манушá, савэ кэрэна группы машкир манушэндэ проти екх екхэстэ, ёнэ кэрэна пир пэскири годы, лэндэ нанэ Духо (Фáно). ²⁰ Нэ тумэ, мирэ дро́га, барьён дро пэскиро свэнто патяибэн, мангэнпэ Дэвлэскэ Свэнтонэ Духоса, ²¹ раххэн пэс дро Дэвлэскири ласка, ужакирэн амарэ Рáскиро – Дэвлэскиро тангипэн тэ дэл тумэнгэ вечно джибэн. ²² Тангинэн манушэн, савэ кунинэнапэ дро патяибэн, ²³ нэ зракхэн явирэн дараса, кели тумэ лэна тэ вытырдэн лэн сыр лэн сырбы ягатыр, нэ ладжан (брыдинэн) лэнгирэ урибнастыр, саво исын магирдо лочаса (плотяса).

Слава Дэвлэскэ

²⁴ И каканá Екхэскэ, Лэскэ, Кон могоинэла тэ зракхэл тумэн, соб (кай) тумэ тэ на пэрэн дро грэхо, и кон могоинэла тэ чхувэл тумэн ангил Пэскири слава бидошэнгирэнца и дрэ бари радыма, ²⁵ Екхэскэ Дэвлэскэ, амарэ Зракхибнарискэ пир Христосостэ, амарэ Рáскэ-Дэвлэскэ тэ явэл слава, барипэн, зоралыпэн и право ададывэс и пэ сарэ веки. Амíнь.

Сыкадыипэн (Апокалипсисо)

Шэрó 1

¹ Сыкадыипэн (об'явлениё) Исусóстыр Христосостыр, Савó Дэвэл дыя Лэскэ тэ сыкавэл Пэскирэ писхарьёнгэ (рабёнгэ), со трэй сыг тэ явэл. И Христóсо пхэндя зорьяса дава, кели Ёв бичхадя Пэскирэ Янголос кэ Пэскиро писхари Иáно (Иоано), ² савó пхэнэлас зорьяса Дэвлэскиро лав и Исусóскиро Христосóскиро допхэныбэн и дова сарó, со Иáно дыкхця. ³ Бахталó исын одова, кон гинэла и шунэла лавá кадалэ ангилпхэныбнастыр и рикирэлапэ долэскэ, со исын чхиндлó дро дая лылварí, пал-дова со часо явэла сыг, кели сарэ далэ чачипэнá кэрэнапэ.

“Паклоно” Эф́та Кхангирьёгэ

⁴ Ианóстыр эф́та (битринэнгирэ дэшэ) кхангирьёнгэ, савэ исын дрэ Азия: Мэк бахталыпэн и раманё (миро) тэ явэл тумэнгэ Одолэстыр, Савó исын, Савó сыс, и Савó явэла, и эф́та духэндыр, савэ исын ангил Лэскиро трóно; ⁵ и Исусóстыр Христосостыр, Савó исын патяибнйтко Якхйтко (Свидетелё), Савó исын Пэрво, кон уштыя мулэндыр и Савó исын Барыдырó пэ кральёндэ пир пхув. Лэскэ, Савэскэ яцям дрога амэ, Ёв отмэкця амарэ грэхи Пэскирэ ратэса, ⁶ Савó создья амэндыр рашангиро Кралипэн тэ дынаринэл Лэскирэ Дэвлэскэ и Дадэскэ, мэк слава и зоралыпэн тэ явэл пэ сарэ веки. Амíнь. ⁷ Акэ, Ёв явэла облокэнца, и кажно (свако) мануш удыххэла Лэс, и кодолэ, савэ пхусадэ Лэс чхурдыбнытконэ бустяса (копёса) и сарэ пхувьякирэ рóды явэна тэ дэн гóдла ясвэнца ангил Лэстэ. Мэк адякэ тэ явэл. Амíнь.” ⁸ “Мэ сом Альфа и Омега, Англыпэн и Кóнцо (Ягóро), ракирэла Рай Дэвэл, Сарэзорьякиро.” ⁹ Мэ сом Иáно, тумарó пшал, и мал (дру́го), кон исын кхэтанэ тумэнца дрэ бйда и дро кралипэн и кхэтанэ вырикирэла пал Исусóстэ Христосостэ. Мэ сомас пэ óстро́во (джи́п), савó кхарэлапэ “Патмосо” пал Дэвлэскиро лав и пал дова, со мэ допхэна́вас манушэ́нгэ пал Исусóстэ Христосостэ. ¹⁰ Дро Рáскирэ-Дэвлэскиро дывэс Дýхо (Фáно) лыя упралыпэн пэ мандэ и мэ шундём палал зоралы зан, савí сы́рбы рогóстыр (труба́тыр) ракирдя: ¹¹ “Мэ сом Альфа и Омега, Англыпэн и Кóнцо (Ягóро), дова, со ту дыкхэса, чхин дрэ лылварí и бичхав эф́та кхангирьёнгэ, савэ исын [кэ Асия-р.с.]: дро Ефесо, дрэ Смирна, дро Пергамо, дрэ Фиати́ра, дро Сардисо, дрэ Филадэльфия и дрэ Лаоди́кия.” ¹² Мэ рисиём палэ тэ дыкхав, кон ракирдя ма́нца, и дыкхцём эф́та сувнакунэ момолы́тка (светильники), ¹³ и машки́р эф́та момолы́тка сыс вари-кон, Савó здэласпэ (сыс похожо) пэ Манушэ́стэ, Савó сыс дро длэнго урибэн кэ гэра́, и сыс сувнакуны́ ку́стык тру́сцял (кругом) Лэстэ: ¹⁴ шэрó и балá Лэскирэ сыс парнэ сыр са́мо парно́ тхан ци сыр ив, и Лэскирэ якхá зяиндлэ сыр яг; ¹⁵ и Лэскирэ гэра́ сыс сыр харкóма (медь), савí сыс пробиндлы дро бов, и Лэскири зан сыс сыр бутэ-паненгирэ шоля; ¹⁶ и сыс Лэстэ эф́та чэргэня́ дро Лэскиро чачó васт, и Лэскирэ мо́стыр выджáлас востро (чолалы́) дуэ-ригэнгири курта́ла (мечо), и Лэскиро муй зяинэлас сы́рбы кхам сарэ пэскирэ зорьятыр. ¹⁷ И кели мэ дыкхцём Лэс, мэ пыём ангил Лэскирэ гэра́ сыр муло́. Ёв чхудя́ Пэскиро чачó (пра́во) васт пэ мандэ, и пхэндя: “На дар! Мэ сом Пэрво и Палатунó (Последнё), ¹⁸ Мэ сом джидó: и Мэ сомас муло́, и, га́да, Мэ ява́ва тэ джива́в пэ сарэ бэрша́, Ма́ндэ исын клыдына мэрибнаскирэ люно́стыр (адостыр). ¹⁹ Палдава́ чхин (рандэ), со ту дыкхця́н, со исын каканá, и кодова́, со явэла тэ кэрэлпэ палó дава́, ²⁰ акэ,

исын гарады знáчыма пал дова́, со ту дыкхэса дро миро чачо васт и пал эф́та сувнакунэ момолытка: эф́та чэргэня-дава́ исын Янгóлы эф́та кхангирьендыр, и эф́та момолытка-дава́ исын эф́та кхангирья.

Шэро́ 2

Лыл Ефесянэ́нгэ

¹ Чхин Янгóлоскэ Эфесоскирэ кхангирья́тыр: “Давá исын лавá Одолэ́стыр, Кон рикирэ́ла эф́та чэргэня дро Лэскиро чачо́ (право) васт, Кон псирэ́ла машки́р эф́та сувнакунэ момолытка: ² “Мэ джино́м (джина́в) Тыри́ буты́ и сыр бут ту кэрдя́н буты́, и тыро́ вырикирибэ́н, и дова́, со ту на мого́нэса тэ пирилыджас чорэ́ манушэ́н, и со ту пропатыкирдян ко́долэ́н, савэ́ пхэ́нэна пэ́ пэ́стэ “Апо́столы” и савэ́ нанэ́, со ту латхян, со ё́нэ исын хохаибна́рья; ³ и со ту вырикирдян, и со ту пиризорякирдян мэ́ньки пал Мирó лав и на ивья́ (на дармэс) кэрдя́н дава́: ⁴ нэ́ Мэ бангякирава тут пал дова́, со ту́кэ нанэ́ дро́го буты́р, со сыс ту́кэ са́мо дро́го гарэ́дыр. ⁵ Тэды́ рипир дова́ лачхипэ́н, саво́ ту мэ́кця́н; пригалё́в банг, и кэр дова́, со ту кэрдя́н ангил дова́. Ко́ли ту на пригалё́са банг, тэды́ Мэ́ ява́ва кэ́ ту и Мэ́ ла́ва тыро́ момолы́тко (свети́льнико) лэ́скирэ́ штэ́тосты́р, пака́ ту пригалё́са банг. ⁶ Екх, лачхипэ́н со исын дрэ́ ту́тэ исын, дова́, со ту́кэ древа́н исын на пир ило́ дова́, со Никалаиты́ кэ́рэна, дова́ и Ма́нгэ́ ады́кэ-па́ць древа́н на пир ило́. ⁷ Конэ́стэ́ исын кана́, мэ́к ё́в тэ́ шунэ́л дова́, со Ду́хо (Фа́но) пхэ́нэ́ла кхангирьэ́нгэ. Одолэ́стэ́, кон лэ́ла упралыпэ́н, Мэ́ да́ва лэ́скэ́ право́ тэ́ хал джиибна́скирэ́ каштэ́стыр (дрэ́восты́р), со барьё́ла дро́ Дэвлэ́скиро Раё́.”

Лыл Кхангирья́кэ́ дрэ́ Смирна

⁸ И чхин Янгóлоскэ́ Смирнакирэ́ кхангирья́тыр: “Давá ракирэ́ла Пэ́рво и Палатунó, Кон исын муло́ и Кон отджиды́я: ⁹ Мэ́ джино́м (джина́в) тырэ́ рэ́нды (дэ́лы), тыро́ калыпэ́н (ту́га), нэ́ ту сан барвалó и Мэ́ джино́м (джина́в), сыр калякирдэ́ тут одолэ́, савэ́ ракирэ́на, со ё́нэ исын Юды́ и савэ́ нанэ́, а ё́нэ исын нала́чхэскирэ́ скэ́дыня́тыр (ске́дыибна́стыр). ¹⁰ На дар нисосты́р, пал со ту́кэ приявэ́лапэ́ тэ́ мэ́нчы́нэспэ́. Га́да, на́лачхо́ явэ́ла тэ́ чхурдэ́л вари-савэ́н тумэ́ндыр дро́ штарибэ́н (бэ́шыбэ́н); соб (кай) тумэ́н тэ́ пропатыкирэ́н и тумэ́ндэ́ явэ́ла пхари́пэ́н дэ́ш дывэ́са́. Яв патяи́бны́тко кэ́ мэ́рибэ́н, и Мэ́ да́ва ту́кэ джиибна́скири́ вя́нка (коро́на). ¹¹ Конэ́стэ́ исын кана́, мэ́к ё́в тэ́ шунэ́л дова́, со Ду́хо (Фа́но) пхэ́нэ́ла кхангирьэ́нгэ: Одолэ́скэ́, кон пиризорякирэ́ла (зберды́нэла), яви́р мэ́рибэ́н на кэ́рэла́ биба́хт.”

Лыл Кхангирья́кэ́ дро́ Перга́мо

¹² И чхин Янгóлоскэ́ Пергамоскирэ́ кхангирья́тыр: “Давá ракирэ́ла Одо́ва, Конэ́стэ́ исын востро́ (чолало́) дуе-ригэ́нгири ку́рта́ла (мечо): ¹³ Мэ́ джино́м тыри́ буты́, и, кай ту дживэ́са, одо́й, кай на́лачхо́ исын бэ́што́ пэ́ пэ́скиро́ трóно. Ту рикирэ́сапэ́ пал Мирó лав и ту на отпхэ́нды́нпэ́ пэ́скирэ́ патяи́бна́стыр дрэ́ Ма́ндэ́ аж дрэ́ долэ́ дывэ́са́, кэ́ли Анти́по, миро патяи́бна́скиро́ якхы́тко, сыс замардо́ машки́р тумэ́ндэ́ одо́й, кай на́лачхо́ дживэ́ла. ¹⁴ Нэ́ ма́ндэ́ исын вари-со́ проти́ ту́тэ; ту́тэ исын кадасавэ́ мануша́, савэ́ рикирэ́напэ́ пал Валаамоскиро́ сы́клякири́бэ́н, саво́ сы́клякирдя́ Валакос́ тэ́ чхурдэ́л бар пэ́ дром тэ́ обштавэ́лпэ́ ангил Израилэ́скирэ́ чхавэ́ндэ́, соб (кай) ё́нэ тэ́ хан свэ́нто дыи́бэ́н идо́лэ́нгэ́ и тэ́ дживэ́н джувле́нца́ би сэ́влакиро́. ¹⁵ И тумэ́ндэ́ ады́кэ-па́ць исын мануша́, савэ́ рикирэ́напэ́ пал Никалаитэ́нгиро́ сы́клякири́бэ́н [саво́ мэ́ биды́кха́ва-р.с.]. ¹⁶ Палда́ва́ пригалё́в пэ́скиро́ грэ́хо: ко́ли ту на пригалё́са, тэды́ Мэ́ ява́ва кэ́ ту сы́г, и Мэ́ ява́ва тэ́ маравпэ́ тумэ́нца́ курта́ласа, со вы́джала́ Мирэ́ мо́стыр. ¹⁷ Конэ́стэ́ исын кана́, мэ́к ё́в тэ́ шунэ́л дова́, со Ду́хо (Фа́но) пхэ́нэ́ла кхангирьэ́нгэ. Одолэ́скэ́, кон пиризоря́кэ́ла, Мэ́ да́ва вари-ки́цы́ манка, сави́ исын гарады́. Мэ́ ады́кэ-па́ць да́ва лэ́скэ́ парно́ бар, пэ́ саво́ явэ́ла́ чхиндло́ нэ́во́ лав, саво́ никóн на джи́нэла, апри́ч ко́долэ́стэ́, кон дорэ́сэ́ла да́ва́ бар.”

Лыл Кхангирьякэ дро Фиатира

¹⁸ И чхин Янголоскэ Фиатиракирэ кхангирьятыр: “Дава ракирэла Дэвлэскиро Чхаво, Конэстэ якхэ исын сырбы ягакири чиб, и Лэскирэ гэрэ исын сырбы зяиндлы харкома (медь):
¹⁹ Мэ джином тыри буты, тыро лачхипэн кэ явир мануша, и тыро патяибэн и тыри буты ваш Дэвлэскэ, и тыро вырикирибэн. Тыри буты каканэ исын бутыр кодолятыр, сави сыс гарэдыр (вагэдыр).
²⁰ Нэ Мэндэ исын вари-со проти тутэ: пал-дова со ту домэкэса, со адая джувлы Езавель, сави кхарэла пэс пророчица, сыклякирэла и затырдэла сырбы дрэ фэлы (петля) мирэ писхарьен тэ дживэн джувлэнца би сэвлакиро, и тэ хан свэнто дыибэн (жэртва) идолэнгэ.
²¹ И Мэ дыём лэкэ часо тэ пригалёл лакиро биладжаипэн, нэ ей на камэла тэ пригалёл пэскирэ грэхэ.
²² Адякэ Мэ чхурдава ла пэ чхуибэн, кай ей кэрдя нагожа рэнды явирэ манушэнца, соб (кай) энэ тэ страдынэн, пака энэ пригалёна грэхэ, саво сыс лэндэ ласа,
²³ и Мэ мулякирава лакирэ чхавэн, соб (кай) сарэ кхангирья тэ джинэн, со Мэ сом Одова, Кон джинэла, со мануш думинэла, и со ёв мангэла, Мэ дава палэ кажнонэскэ тумэндыр пир дова, сави буты тумэ кэрдэ.
²⁴ А кадалэ манушэнгэ тумэндыр дрэ Фиатира, савэ на рикирэнапэ пал дава сыклякирибэн и, савэ на джинэна хорипэн, со кхарэлапэ “налачхэскири зор”, Мэ пхэнава: Мэ на чхуава пэ тумэндэ явир пхарипэн;
²⁵ а тумэ рикирэнапэ пал дова, со исын тумэндэ, пака мэ явава.
²⁶ Одолэскэ, кон пиризорьякирэла и рахэла дова, со Мэ кэрава кэ концо (кэ ягоро), Мэ дава лэскэ зор пэ Наюдэндэ,
²⁷ и ёв явэла тэ хулаинэл пэ лэндэ саструнэ дэстэса: энэ пхарадэна пэ котэра сыр глэяна (глинытка) пирья, и лэскири зор пэ лэндэ явэла дасави-паць, сави мэ дорэсцём (долыём) Мирэ Дадэстыр,
²⁸ и Мэ дава лэскэ злокоскири чэргэн.
²⁹ Конэстэ исын канэ, мэк ёв тэ шунэл, со Духо (Фано) ракирэла кхангирьэнгэ.”

Шэро 3

Лыл Кхангирьякэ дро Сардисо

¹ И чхин Янголоскэ Сардисоскирэ кхангирьятыр: “Дава ракирэла Одова, Конэстэ исын эфта Дэвлэскирэ дүхи и эфта чэргэня: “Мэ джином (джинав) тыри буты, и со мануша дэн годы пэскэ (думинэна), со ту сан джидо, нэ ту сан муло.
² Ракхпэ и зоралыкир дова, со яцяпэ тутэ и со мэрэла сыг, пал-дова со Мэ на латхём, соб (кай) тыри буты тэ явэл пхэрдэ ангил Мирэ Дэвлэскирэ якхэ.
³ Палдава припирир дова, со ту сыклякирдян, со ту шундян, рахх дава и рйскир пэскиро джиибэн кэ Дэвэл. Коли ту на явэса тэ раххэспэ, тэды Мэ явава пэ тутэ сыр чор, и ту на явэса тэ джинэс, кели мэ явава.
⁴ Нэ исын набут мануша тутэ дро Сардисо, савэ на мэлякирдэ пэскирэ урибэнэ грэхэнца, и энэ явэна тэ псирэн Мэнца дрэ парнэ урибэнэ, пал-дова со энэ исын лачхэ.
⁵ Кон лэла упралыпэн, одова урьела парнэ ризы, и Мэ на кхосава криг лэскиро лав джиибнытконэ лылварьятыр (книгатыр), и мэ пригалёвава лэскиро лав ангил мирэ Дадэстэ и ангил Лэскирэ Янголэндэ,
⁶ Конэстэ исын канэ, мэк ёв тэ шунэл, со Духо (Фано) ракирэла кхангирьэнгэ!”

Лыл Кхангирьякэ дрэ Филадэляфия

⁷ И чхин Янголоскэ Филадэляфиякирэ кхангирьятыр: “Дава ракирэла Одова, Кон исын Свэнто, Чачуно. Лэстэ исын Давидоскиро клыдын и Ёв псиравэла (отпхандэла) вудар, и никон на пхандэла, и кели Ёв пхандэла, ниэкх на псиравэла.
⁸ Мэ джином тыри буты. Дыхх: Мэ чхудём ангил тутэ псирадо вудар и никонэскэ нашты тэ пхандэл дава вудар. Тутэ исын набут зор, и ту зракхцян Миро лав и ту на отпхэндянпэ Мэндыр.
⁹ Акэ, мэ дава тукэ одолэн, савэ исын налачхэскирэ скэдыибнастыр, савэ ракирэна, со энэ исын Юды, а дава нанэ чачипэн, энэ исын хохаибнарья; гада, Мэ кэрава адякэ, соб (кай) энэ тэ дэн “паклоно” патыва са ангил тырэ гэрэ, тэ джинэн, со Мэнгэ яцян ту дрого.
¹⁰ Палдава со ту раххцян лав тэ вырикирэс, то и Мэ адякэ-паць раххава тут мардэстыр (штундатыр), кели явэна тэ

пропатыкирэн сарó свѣто, соб (кай) тэ пропатыкирэн кажнонѣ манушѣс, кон дживѣла пэ пхув.
¹¹ Дыхх, Мэ сыгѣс явѣва. Рикир, со исын тѹтѣ, соб (кай) вари-кон тэ на лэл тѹтыр тырѣ вѣнка (корѡна), кѣли ту лыян упралыпѣн. ¹² Кон лѣла упралыпѣн, кодолѣстыр Мэ кѣрава важно стѣлбо дрѣ Мирѣ-Дѣвлѣскири Кхангири, и ѣв бутѣр на выджѣла яврѣ. И Мэ чхинѣва пэ давѣ стѣлбо Мирѣ Дѣвлѣскиро лав, и Мирѣ-Дѣвлѣскирѣ форѡскиро лав “Нѣвѡ Ерусалимо.” Давѣ нѣвѡ Ерусалимо явѣла тэ джал тѣлѣ Болыбнѣскирѣ Раѣстыр, Мирѣ Дѣвлѣстыр. И Мэ чхинѣва пэ лѣстѣ Мирѡ нѣвѡ лав. ¹³ Конѣстѣ исын канѣ, мѣк ѣв тэ шунѣл, со Дѹхо (Фѣно) ракирѣла кхангириѣнгѣ.”

Лыл Кхагириякѣ дрѣ Лаодикия

¹⁴ И чхин Янголоскѣ Лаодикиякирѣ кхангириятыр: “Давѣ ракирѣла “Амѣнь”, патяибнѣтко и чачунѡ Якхѣтко, Савѡ исын англыпѣн сарѣскѣ, сѡстыр Дѣвѣл создѣя свѣто: ¹⁵ Мэ джинѡм (джинѣв) тырѣ бутѣ, со ту на сан шылало, и со ту на сан хачкирдо. Фѣдыр явѣлас, соб (кай) ту тѣ явѣс хачкирдо ци шылало. ¹⁶ Палдава со ту сан тато, а ту на сан шылало ци хачкирдо, мѣ чунгардава тут Мирѣ мѡстыр. ¹⁷ Пал-довѣ со ту ракирѣса: ‘Мэ сом барвалѡ и мѣ барвалыѣм и мѣнгѣ на трѣй ничѣ, нѣ ту на джинѣса, со ту сан бѣдо и бибахталѡ; чорорѡ, корорѡ и нанго;’ ¹⁸ палдава мѣ подпхѣнава тѹкѣ тѣ кинѣс сувнакаѣ Мѣндыр, савѡ сѣс пробиндло ягѣса. Кин адѣкѣ-пацѣ парнѣ йдѣ тѣ урьеспѣ, соб (кай) тѣ сыкавѣс ладж пѣскирѣ нангипнаскири; и помакх пѣскирѣ якхѣ якхитконѣ макхлуныса (мазяса), соб (кай) тѣ дыкхѣс. ¹⁹ Сарѣнгѣ, кон исын дрѡго Мѣнгѣ, Мэ пхѣнава зорѣяса лѣнгири банг и сыклякирава лѣн кѣ дукхѣ. Палдава яв хачкирдѣ илѣса кѣ Дѣвѣл и рѣскир пѣскиро джибѡн кѣ Ёв. ²⁰ Дыхх! Мэ сом тѣрдѡ пашѣл вудѣр и марава дрѣ лѣстѣ; кѡли вари-кон шунѣла Мири зан и псиравѣла (отпхандѣла) вудѣр, тѣды Мэ заджава андрѣ кѣ ѣв и явѣва тѣ хав бѣльвѣлякиро хабѣн лѣса и ѣв Мѣнца. ²¹ Одолѣс, кон лѣла упралыпѣн, Мэ бѣшлякирава лѣс тѣ бѣшѣл Мѣнца пѣ трѡно, сыр и Мѣ, кѣли Мѣ лыѣм упралыпѣн и бѣспѣм Мирѣ Дадѣса пѣ Лѣскиро трѡно. ²² Конѣстѣ исын канѣ, мѣк ѣв тѣ шунѣл, со Дѹхо (Фѣно) ракирѣла кхангириѣнгѣ.”

Шѣрѡ 4

Сыр Явѣна тѣ Мѣнгѣнпѣ Дѣвлѣскѣ дро Болыбнѣскиро Раѣ

¹ Палѡ (после) давѣ мѣ дыкхѣѣм, – гѣда, со вудѣр исын псирадо (отпхандло) дро Болыбнѣскиро Раѣ. И доѣ-пацѣ зан, со гарѣдыр мѣ шундѣм, хай, рѡгоскири (трубакири), савѣ ракирдѣ мѣнца, пхѣндѣ: “Яв упрѣ адарѣк, и Мѣ сыкавѣва тѹкѣ, со сыг явѣла палѡ давѣ. ² Екхѣтыр Дѹхо (Фѣно) лыѣ упралыпѣн пѣ мѣндѣ. И, акѣ, сѣс трѡно дро Болыбнѣскиро Раѣ, и пѣ давѣ трѡно сѣс бѣштѡ Вари-Кон. ³ И Одовѣ, Кон сѣс бѣштѡ, зѣиндѣ сыр бар ясписо и сардисо, и сѣс брышынѣскири банги (радуга) трусѣял трѡно сѣрбы смарагдо. ⁴ И трусѣял кадава трѡно сѣс биш тѣ штѣр явѣр трѡны и биш тѣ штѣр годѣпхурѣ сѣс бѣштѣ пѣ кадалѣ трѡны дрѣ парнѣ урибѣнѣ и пѣ шѣрѣ сѣс лѣндѣ сувнакунѣ вянки (корѡны). ⁵ И трѡностѣр джѣнас блискавѣцы, и занѣ, и грѡмы и ѣфтѣ шандалѣ (подсвѣчники) хачѡнас ангѣл трѡно, савѣ исын ѣфтѣ Дѣвлѣскирѣ дѹхи. ⁶ Ангѣл трѡно сѣс стѣклѣтко (балуналѡ) мѡрѣ (дѣрѣяв) сыр кристалѡ, и машкирѣл и трусѣял трѡно сѣс штѣр джидалѣ (живѡтна), савѣндѣ сѣс пхѣрдѡ якхѣ палѣл и ангѣл; ⁷ и пѣрво джидало сѣс сыр шѣр (лѣво), явѣр джидало сѣс сыр гуруворо, и трѣтонѣстѣ джидалѣстѣ сѣс манушѣтко мѹй, и штѣрто джидало сѣс сыр вурняибнѣтко ѡрло (кѣдо). ⁸ И кажнонѣ джидалѣстѣ сѣс шѡв пхѣка (крылы) пѣ сарѣ рѣгѣ, и андрѣ сѣс пхѣрдѡ якхѣ и дывѣсѣ и рѣты ѣнѣ ракирѣнас: “Свѣнто, Свѣнто, Свѣнто исын Рай Дѣвѣл, Сарѣзорѣякиро, Савѡ сѣс исын, и Савѡ трѣй исын тѣ явѣл.” ⁹ И кѣли штѣр джидалѣ (живѡтна) славѣнѣна, дѣна патѣв и парѣкирѣна Одолѣскѣ, Кон исын бѣштѡ пѣ трѡно и Савѡ дживѣла вѣчнѣс пѣ сарѣ вѣки, ¹⁰ тѣды дѣшуштар годѣпхурѣ клонѣнѣнапѣ патѣвѣса ангѣл Кадалѣстѣ, Кон исын бѣштѡ пѣ трѡно, и Савѡ дживѣла вѣчнѣс пѣ сарѣ вѣки. Ёнѣ чхурдѣна пѣскирѣ вянки

(короны) ангил трону, пхэни: ¹¹ “Амаро Рай Дэвэл и Дэвэл! Ту сан мол тэ прилэс слава, патыв и зор, пал-дова со Ту создьян саро и пир Тыри воля саро със создыно и дживэла.”

Шэро 5

Лылварй и Свэнтó Бакрорó

¹ И Мэ дыкхцём скрэнцындло свйтко дро чачó (право) васт Одолэстэ, Кон със бэштó пэ трону, дрэ савó със зачхиныбэна яврий и андрé. Ёв със запхандло пэ эфтá чэргэнорья (печати). ² И мэ дыкхцём зоралé Янголос, савó пхэнэлас ангил сарэндэ зоралé заняса: “Кон исын мол тэ отпхандэл лылварй и тэ пхагирэл чэргэнорья?” ³ И на със никон ни дро Болыбнаскиро Раё, ни пэ пхув, ци тэл пхув, конэскэ със мол тэ отпхандэл свйтко и тэ дыкхэл андрé дрэ лэстэ. ⁴ И мэ рондём киркэс бут, со на със никон, савó със мол тэ отпхандэл свйтко и тэ дыкхэл андрé дрэ латэ. ⁵ И екх годэпхурэндэр пхэндя мангэ: “На ров! Дыхх! О Шчэр (Лéво) Юдаскирэ родóстыр, Давидóскирэ ратэстыр, сэмнца, лыя упралыпэн, соб (кай)/ёв тэ дэл рада тэ отпхандэл свйтко и лэскирэ эфтá чэргэнорья.” ⁶ И мэ дыкхцём Свэнтонé Бакрорэс, Савó със сырбы нагара зачхиндло машкир трону и штар джидалэндэ и годэпхурэндэ. Свэнтонé Бакрорэстэ със эфтá шингá (роги) и эфтá якхá, савé исын эфтá Дэвлэскирэ Духи и със бичхадé пир сарй пхув. ⁷ Свэнтó Бакрорó подгия и лыя свйтко чачé вастэстыр Одолэстыр, Кон със бэштó пэ трону. ⁸ И кэли Ёв лыя свйтко, штар джидалэ (животна) и биш тэ штар годэпхурэ пынэ пэ чангá ангил Свэнтонé Бакрорэстэ. Кажнонэстэ лэндэр със гусли и сувнакунé тахтая (чаши), савé със пхэрдé фимиамоса дрогонé-смолакирэ тхувипнаса (фимиамоса), со исын патерья (молитвы), кэли свэнта мангэнапэ Дэвлэскэ. ⁹ И ёнэ багандлэ нэви гилы, пхэни: “Ту сан мол тэ прилэс кадава свйтко и тэ отпхандэс чэргэнорья (печати), пал-дова со Ту санас зачхиндло и Ту выкиндян манушэн ваш Дэвлэскэ Пэскирэ ратэса кажнонэ екхэ-чибакирэ ирьятыр (сэм’ятыр) и кажнонэ родыцóстыр, и манушытконé нациятыр и кхэритконé родóстыр. ¹⁰ И Ту кэрдян лэндэр рашангиро Кралипэн, савé явэна тэ кралинэн пэ пхув.” ¹¹ И нэвэстыр мэ дыкхцём и шундём заня бутэ-Янголэнгирэ, савé със милионы пашыл трону и штарé джидалэндэ и биш тэ штар годэпхурэндэ, ¹² и ёнэ ракирдé зоралé заняса: “Свэнтó Бакрорó исын мол, Савó със мулякирдо тэ прилэл зоралыпэн и барвалыпэн и зор, и патыв, и слава и манушэнгиро шарибэн.” ¹³ И мэ шундём, сыр кажно джидало, савэс Дэвэл создья, савó исын дро Болыбнаскиро Раё, пэ пхув и тэл пхув, и пэ мóрё (дэрьяв), и сарó, исын андрэл дрэ лэндэ, пхэнэнас: “Одолэскэ, Савó исын пэ трону, и Свэнтонé Бакрорэскэ, мэк тэ явэл шарибэн, и патыв, и слава и зоралыпэн пэ вечна вéки.” ¹⁴ И штар джидалэ (животна), савэн Дэвэл создья, пхэндлэ: “Аминь!” И годэпхурэ пынэ пэ чангá и поклониндлэпэ патываса.

Шэро 6

Якхйтка (Свидетели)

¹ И мэ дыкхцём, кэли Свэнтó Бакрорó отпхандя пэрво чэргэнорий эфтá (эфтанэ) чэргэнорьендыр и мэ шундём сыр екх штарé джидалэндэр пхэндя дасавэ заняса сыр громо: “Яв и дыкх!” ² И мэ дыкхцём, и, акэ, парно грай. И кон със уклисто пэ лэстэ, рикирдя луко и вянка (корона) със дыны лэскэ. Ёв традэлас яврий, сыр кодова, кон лэла упралыпэн, соб (кай) тэ лэл упралыпэн. ³ И кэли Свэнтó Бакрорó отпхандя явир чэргэнорий, мэ шундём, сыр явир джидало пхэндя: “Яв и дыкх!” ⁴ И выгия явир грай, лоло. Кодолэскэ, кон със бэштó уклисто/э, със дыны зор тэ лэл раманé (миро) пхувьятыр, соб (кай) манушá тэ мулякирэн екх екхэс и със дыны лэскэ бари куртала (сабля). ⁵ И кэли Свэнтó Бакрорó отпхандя трито чэргэнорий, мэ шундём, сыр трито джидало пхэндя: “Яв и дыкх!” И мэ дыкхцём, акэ, калé грэс и екхэс, кон със бэштó уклисто/э пэ лэстэ, савэстэ със убладытка (весы) дрэ васт. ⁶ И

мэ шундём зан штарé джидалэндьр, со пхэндя: “Литра парно́ гив пал дынариё и трин литры гэрсто (ячменё) пал динариё. И на хасякир оливи́тко дзэт (елеё) и мол. ⁷ И кели Свэ́нто Бакрорó отпхандя штáрто чэргэно́ри, мэ шундём, сыр штáрто джидало пхэндя: “Яв и дыкх!” ⁸ И мэ дыкхцём: Акэ! Сыво грай и одова́, кон сыс бэштó уклистó/э нэ лэстэ, кхарэласпэ мэрибэ́н, и люно (адо) гия́ пал лэстэ. Лэ́нгэ сыс дыны́ зор пэ штáрто пхувья́кири паш тэ муляки́рэн курталáса и бокхаса, мэрибна́са и rischiрибна́скирэ мурдалэ́нца, савэ исын пэ пхув. ⁹ И кели Свэ́нто Бакрорó отпхандя пáнджто чэргэно́ри, мэ дыкхцём тэл алтáрэ манушэ́нгирэ дия́, савэ сыс муляки́рдэ пал Дэвлэ́скиро лав и пал дова́, со ёнэ патяибны́ткэс допхэнэ́нас пал Христосóстэ; ¹⁰ и ёнэ дэна́с гóдла зоралэ́ заня́са: “Раё, Свэ́нто и Чачуно́! Ци бут амэ́нгэ тэ ужаки́рас, пака Ту явэ́са тэ сэндяки́рэс и тэ чхувэ́с кáра пал амарó рат пэ манушэ́ндэ пир пхув?” ¹¹ Кажно́эскэ лэ́ндыр сыс дыно́ парно́ урибэ́н и сыс пхэндлó лэ́нгэ, соб (кай) ёнэ ишчо (инкэ) нáбут тэ откхинё́н, пака лэ́нгирэ малá (дру́ги) пир буты́ и лэ́нгирэ пшáла явэ́на муляки́рдэ, сыр и ёнэ, соб (кай) тэ явэл пхэ́рдó кицыпэ́н (количэ́ство). ¹² И кели мэ дыкхцём, сыр Свэ́нто Бакрорó отпхандя шóвто чэргэно́ри, тэды я́ця пхувья́киро трински́рибэ́н, и кхам я́ця калó сыр гонó балэ́ндыр, и чхон я́ця лолó сыр рат; ¹³ и болыбна́скирэ чэргэ́ня пы́нэ тэлэ́ пэ пхув сыр инжы́ритко кашт чхурдэ́ла тэлэ́ наспя́ла барья́кирдэ (плóды), кели бари балва́л трински́рэла лэн. ¹⁴ И болыбэ́н хасия́, розгия́пэ сыр скрэ́нцындло свй́тко, ка́жно бэ́рга и о́строво (джип) кхардэ́пэ (двигиндлэ́пэ) криг пэ́скирэ штэтэ́ндыр. ¹⁵ И крáлья пхувья́кирэ, и барэ́ ра́я, и тысе́нцэ́нгирэ-халадэ́нгирэ барыды́ра, барвалю́ки, и зоралэ́ манушá, и ка́жно писха́ри, и ка́жно во́льно ману́ш гарады́нэ дрэ́ гебара́ (пешчэ́ры) и машки́р бэ́ргитка штэ́ты, ¹⁶ и ёнэ раки́рэна́с бэ́ргэ́нгэ и ска́лэ́нгэ: “Пэ́рэн пэ амэ́ндэ и гаравэ́н амэ́н якхэ́ндыр Одо́лэ́стыр, Савó исын бэштó пэ трóно, и Свэ́нтонé Бакрорэ́скирэ хо́лятыр, ¹⁷ пал-дова́ со явд́я ва́жно дывэ́с ваш Лэ́скири хо́лы и конэ́скэ исын пир зор тэ тэ́рдэл му́ршканэ́с анги́л дава́?”

Шэро́ 7

Чэргэно́ри пэ Дэвлэ́скиро Писха́рьэ́ндэ

¹ Палó дава́ мэ дыкхцём штарé Я́нголэ́н, Савэ сыс тэ́рдэ пэ штáр вэ́нглы пэ пхув и рики́рэна́с штáр балва́ля, соб (кай) тэ на пхурдэл ни сави́ балва́л ни пир пхув, ни пир мо́рё (дэ́рьяв), ни пир вари-савó кашт (дрэ́во). ² И мэ дыкхцём яви́рэ Я́нголóс, Савó джа́лас долэ́ рига́тыр, кай кхам уштэ́ла и савэ́стэ сыс Джидэ́-Дэвлэ́скири чэргэно́ри. Ёв ды́я гóдла зоралэ́ заня́са штáрэ Я́нголэ́нгэ, конэ́скэ Дэвэл ды́я зор тэ кэ́рэл чори́пэ́н пэ пхув и пэ мо́рё (дэ́рьяв) и пхэндя: ³ “На кэ́рэн чори́пэ́н ни пэ пхув, ни пэ мо́рё (дэ́рьяв), анги́л дова́, сыр амэ́ чхуваса́ чэргэно́ри пэ чэ́кат писха́рьэ́нгэ Амарé Дэвлэ́скирэ.” ⁴ И мэ шундём одолэ́нгирэ-манушэ́нгиро кицыпэ́н (количэ́ство), конэ́скэ чху́дэ чэргэно́ри: 144000 манушá, савэ сыс сарé Израилэ́скирэ-чхавэ́нгирэ родэ́ндыр (чангэ́ндыр): ⁵ 12 тысе́нцы Юда́скирэ родóстыр, 12 тысе́нцы Рувимóскирэ родóстыр, 12 тысе́нцы Гадóскирэ родóстыр (чангэ́ндыр); ⁶ 12 тысе́нцы Асиро́скирэ родóстыр, 12 тысе́нцы Нефали́москирэ родóстыр, 12 тысе́нцы Манасия́кирэ родóстыр; ⁷ 12 тысе́нцы Симео́носкирэ (Семё́носкирэ) родóстыр, 12 тысе́нцы Леви́скирэ родóстыр, 12 тысе́нцы Изаха́роскирэ родóстыр; ⁸ 12 тысе́нцы Завуло́носкирэ родóстыр, 12 тысе́нцы Ёза́скирэ (Иосифо́скирэ) родóстыр, 12 тысе́нцы Вениа́минóскирэ родóстыр.

Бут исын Дэвлэ́скирэ Манушá

⁹ Палó дава́ сарó мэ дыкхцём, и, га́да, исын бут бут манушá, со никонэ́скэ на сыс пир зор тэ гинэл лэн, сарé кхэ́ритконé родэ́ндыр, сарé родэ́ндыр, сарé манушы́тконé нацыэ́ндыр, сарé екхэ́-чибаки́рэ ирьэ́ндыр (сэм’э́ндыр/чибэ́ндыр/чибье́ндыр), савэ сыс тэ́рдэ анги́л трóно и анги́л Свэ́нтонé Бакрорэ́стэ. Ёнэ сыс ури́дэ дрэ́ парно́ урибэ́на́, и дрэ́ вастá сыс лэ́ндэ пальми́тка рандя́ (вэ́тки). ¹⁰ И ёнэ дэна́с гóдла зоралэ́ заня́са и пхэнэ́нас: “Зракхи́бэ́н явэ́ла амарé Дэвлэ́стыр, Савó исын бэштó пэ трóно и Свэ́нтонé Бакрорэ́стыр.” ¹¹ И сарé Я́нго́лы,

со сыс тэрдэ трусцял трено, и годэпхурэ и штар джидалэ (животна) пынэ пэскирэ муэнца ангил трено и поклониндлэпэ патываса (кэрдэ шэрэса) Дэвлэскэ,¹² и пхэнэнас: “Амíнь! Мэк манушэнгиро шарибэн, и слава, и годыпэн, и парикирибэн, и патыв, и зоралыпэн, и зор тэ явэл амарэ Дэвлэскэ пэ сарэ веки. Амíнь.”¹³ Екх годэпхурэндэр отпхэндя мангэ, пхэни: “Кон исын кадалэ мануша, савэндэ исын парнэ урибэна, катыр ёнэ исын?”¹⁴ И мэ пхэндём лэскэ: “Раё Миро, Ту ж джинэса.” И ёв пхэндя мангэ: “Давá исын кодолэ мануша, со явнэ барэ страдицостыр (бидатыр), вымордэ пэскирэ урибэна и парнякирдэ лэн Свэнтонэ Бакрорэскирэ ратэса.¹⁵ Ваш давá ёнэ исын ангил Дэвлэскиро трено и дынаринэнас (служынэнас) Лэскэ дывэсэ и раты дрэ Лэскири Кхангирй. Одова, Кон исын бэштэ пэ трено, росчхувэла пэскири шáтра пэ лэндэ сырбы зракхэла лэн.¹⁶ Ёнэ на явэна бутыр тэ бокхалён, на явэна тэ тырдэнпэ тэ пьен: кхам и вари-саво хачкирибэн на пэрэла пэ лэндэ;¹⁷ сыр Свэнто Бакрорé, Саво исын машкирал трено, явэла тэ чалякирэл лэн и тэ лыджал кэ ганынгорья джидэ-панескирэ. И Дэвлэ выкхосэла кажно ясвин лэнгирэ якхэндэр.”

Шэрó 8

Эфтáто Чэргэнорй (Якхйтко)

¹ Кéли Свэнто Бакрорé отпхандя эфтáто (битринэнтиро дэшто) чэргэнорй, тэды яця штылыпэн пэ болыбэн пэ паш мардó (штунда).² И мэ дыкхцём эфтá Янголэн, савэ сыс тэрдэ ангил Дэвлэстэ, и лэнгэ сыс дынэ эфтá рóги (трубы).³ И явдя явйр Янгóло и тэрдия ангил алтарё. Лэскэ сыс дыны тхувэнгири тыкнори (кадила), кай сыс бут фимиáмо соб (кай), кай ёв тэ чхувэл кхэтанэ мангипнэнца свэнтонэ манушэндэр пэ сувнакуно алтарё, со сыс тэрдó ангил трено.⁴ И фимиáмо газдыяпэ кхэтанэ мангипнэнца Дэвлэскэ свэнтонэ манушэндэр ангил Дэвлэстэ Янголоскирэ вастэстыр.⁵ И Янгóло лыя тхувэнгири тыкнори (кадила), пхэрдякирдя ла ягáса алтарёстыр и чхурдыя ла пэ пхув: и сыс заня и грóмы, и блискавицы, и пхувьякиро тринскирибэн.

Башаибнйтка Рóги

⁶ И эфтá Янгóлы эфтá (эфтанэ) рогэнца (трубэнца) скэдынэпэ тэ пхурдэн дрэ рóги.⁷ И пэрво Янгóло пхурдыя дро пэскиро рóго; яця градо и яг, савэ сыс змешынлэ ратэса и сыс чхурдынэ пэ пхув. Трýто паш пхувьятыр хачия и трýто паш каштэндэр (дрэвэндэр) хачия, и кажно зэлэны чар хачия.⁸ И явйр Янгóло пхурдыя дрэ пэскири рóго и вари-савó дова, со сыс сырбы бари бэрга ягáса, со хачолас, сыс чхурдынó дро мóрэ (дэрьяв). Трýто морёскири паш кэрдяпэ ратэса;⁹ и мыя трýто паш джидалэндэр, савэ дживэна дро мóрэ (дэрьяв), и трýто паш пармэндэр (кораблендыр) пхадия.¹⁰ И трýто Янгóло пхурдыя дрэ пэскиро рóго: и бари чэргэн пыя тэлэ болыбнастыр, савй хачолас сыр момолытко (светильнико), и пыя пэ трýто паш рэкэндэр (лэнорьэндэр) и панескирэ ганынгорьэндэр.¹¹ Адалэ-чэргэнякиро лав исын Пóлыно (Вэрмуля); и трýто паненгири паш яця киркэ чарьяса, и бут мануша мынэ панендыр, пал-дова со ёнэ ячнэ киркэ.¹² И штáрто Янгóло пхурдыя дрэ пэскири рóго: и трýто паш кхамэскири сыс отмарды, и трýто паш чхонэскири, и трýто паш чэргэненгири, со калынэ; на сыс дуд (свэто) ни дро трýто паш дывэсытко, ни адякэ-паць ратытко.¹³ И мэ дыкхцём и шундём екхэ орлос (кидос), савó вурнялас вучэс дро болыбэн, ракири: “Бида, бйда, бйда одолэнгэ, кон дживэла пэ пхув, сыр явйр трин Янгóлы явэна тэ пхурдэн дрэ рóги.”

Шэрó 9

Панджо Рóго

¹ И пándжто Янгóло пхурдыя дрэ пэскиро рóго; и мэ дыкхцём чэргэн, со пыя болыбнастыр пэ пхув, и лákэ сыс дынó клыдын люноскирэ ганынгатыр (безнатыр). ² И чэргэн псирадя (отпхандя) люноскири ганынг и тхув (дымо) выгия ганынгатыр, сыр тхув барé бовэстыр: кхам и фáно (воздухо) калынэ ганынгакирэ тхувэстыр. ³ И пхакитка скочки (саранча) выгинé пэ пхув тхувэстыр и сыс дыны лэнгэ зор, сави исын пхувитконэ скорпионэндэ. ⁴ Лэнгэ сыс пхэндлó тэ на кэрэн чорипэн ни пхувитконэ чарьякэ, ни савé зэлэнэ раслинакэ, ни савé каштэскэ (дрэвоскэ), а екх манушэнгэ, савэндэ на сыс Дэвлэскиро тавро пэ лэнгирэ чэката: ⁵ и пхакитконэ скочкэнгэ сыс дынó тэ на мулякирэн лэн, а тэ мэнчынэн манушэн пандж чхонá; и лэнгири мэнька сыс сыр скорпионо мэнчынэла, кели дукхавэла манушэс. ⁶ И дрэ долé дывэсá манушá явэна тэ родэн мэрибэн, нэ ёнэ на латхэна; ёнэ явэна тэ мангэн, соб (кай) тэ мэрен, нэ мэрибэн нашэла лэндыр. ⁷ Кадалé пхакитка скочки (саранча) сыс сыр грая, савé кэдынэпэ пэ мэрибэн; и пэ лэнгирэ шэрэ сыс вянки (короны) сырбы сувнакастыр, и лэнгирэ муя сыс сырбы муя манушытка. ⁸ И лэнгирэ балá сыс сырбы балá джувликанэ, и лэнгирэ дандá сыс сырбы шчэрэндэ (левэндэ), ⁹ и сыс лэндэ саструнэ колына сыр саструнэ панцыри, и лопотымо лэнгирэ пхакэндыр сыс сыр лопотымо гаратунэ вурдэнэндыр, кели грая прастáна пэ мэрибэн; ¹⁰ и сыс лэндэ порья сыр скорпионэнгирэ жалы и дрэ кадалé порья сыс зор тэ дукхавэн манушэн пэ пандж чхонá. ¹¹ Люноскиро (Адоскиро) Янгóло сыс крáli пэ лэндэ. Лэскиро лав пир Юдытко чиб сыс “Абаддон”, а грэкйткэс (баламйткэс) “Апполион.” ¹² Пэрво бйда гия криг, акэ, ишчо (инкэ) дуй биды, со джána пал пэрвонатэ. ¹³ И шóвто Янгóло пхурдыя дрэ пэскиро рóго и мэ шундём зан штартонэ вэнглэндыр сувнакунэ алтарёстыр, со сыс ангил Дэвлэстэ, ¹⁴ гада, зан пхэнэлас шовтонэ Янголоскэ, савэстэ сыс рóго: “Роспхандэ штарé Янголэн, савé исын пхандлэ пашыл рэка (лэнь) Евфрато.” ¹⁵ И штар Янгóлы сыс роспхандлэ, савé сыс скэдынэ ваш штунда и дывэс, и чхон, и бэрш тэ мулякирэн трýто паш манушэндыр; ¹⁶ и сыс дуй милионы халадэн пэ грэндэ и мэ шундём лэнгиро кицыпэн (количество). ¹⁷ И, гада, мэ дыкхцём грэн сырбы дрэ сунэ и одолэн, савé сыс бэштэ уклистэ пэ лэндэ; лэндэ сыс саструнэ панцыри, лолэ сыр яг, цёмна-синэ сыр гиацынто, жылта сыр сэра (дзэвэля). Грэнгирэ шэрэ сыс сыр шчэрэнгирэ (левэнгирэ) шэрэ, и лэнгирэ мóстыр джалас яг, тхув и сэра (дзэвэля). ¹⁸ Трýто паш манушыпнастыр сыс мулякирды далé тринэ франсэндыр: ягáса, тхувэса и дзэвэляса, со джánaс яврi грэнгирэ муендыр. ¹⁹ Пал-довá со грэнгири зор сыс дрэ муя и порья лэнгирэ: и лэнгирэ порья сыс сыр сапа шэрэнца, савэнца ёнэ дукхавэнас. ²⁰ И явiр мануш, савé на сыс мулякирдé кадалé франсэнца, аж на рискирдэ палэ долэстыр, со ёнэ кэрдэ пэскирэ вастэнца. Ёнэ на пириячнэ тэ бандякирэн шэрэ налачхэ духэнгэ, хоханэ дэвлэнгэ сувнакастыр, рупэстыр и харкомáтыр, барэстыр и каштэстыр, савé на могоинэна ни тэ дыкхэн, ни тэ шунэн, ни тэ псирэн. ²¹ И ёнэ на приджиндлэ пэскири банг дрэ мэрибэна, ни дрэ човаханыпэна, ни дрэ биладжакунэ рэнды, ни дрэ чорибэна.

Шэрó 10

Янгóло и Тыкны Лылварi

¹ И мэ дыкхцём явирэ зоралé Янголос, Савó джалас тэлé болыбнастыр и Савó сыс сырбы уридо дро óблоко. Пэ лэскиро шэрó сыс брышындытко банги (радуга) и лэскиро муй сыс сырбы кхам и лэскирэ пирé (подэшвы) сыс сырбы ягакирэ стылбы, ² и лэстэ сыс дро васт тыкно свiтко, савó сыс отпхандлó. И ёв чхудя пэскири чачi (право) гэрóй пэ мóрэ (дэрьяв), а зэрво (лёво) гэрóй жа пэ пхув, ³ и ёв дыя гóдла адьякэ зоралэс, сыр шчэр (лёво) рыкинэла. И кели ёв дыя гóдла, тэды эфтá грóмы пхэндлэ пэскирэ заненца (глосенца). ⁴ И кели эфтá

громэ пхэндлэ, тэды мэ скэдыёмпэ тэ чхинав. И мэ шундём зан болыбнастыр, со пхэндя: “Гарав дава пэ чэргэнорй, савй пхэндлэ эфта грóмы и на зачхин дава.” ⁵ И Янгóло, Савэс мэ дыкхцём, тэрдиндой пэ море (дэрьяв) и пэ пхув, газдыя пэскиро чачо васт кэ болыбэн, ⁶ и совлахадя Одолэса, Кон дживэла пэ сарэ веки, Саво созддыя болыбэн и дова, со исын дро Болыбнаскиро Раё, и пхув и дова, со исын пэ пхув; и мórё (дэрьяв) и дова, со исын дро мórё (дэрьяв). И пхэндя дава Янгóло, со бутыр на явэла тэ отчхувэлпэ дывэс, ⁷ кэли дрэ дывэса, сыр эфта́то Янгóло пхурдэла дрэ пэскиро ро́го, тэды Дэвэл кэрэла пир Лэскиро гарадо задуминыбэн. Давá сарó явэла адыкэ, сыр Ёв миштó пхэндя пэскирэ писхарьёнгэ, пророкэнгэ. ⁸ И зан, савй мэ шундём болыбнастыр, нэвэстыр ракирдя манца и пхэндя: “Джа́, лэ свйтко, со исын отпхандло дро Янгóлоскиро васт, саво исын тэрдó пэ мórё (дэрьяв) и пэ пхув.” ⁹ И мэ гиём кэ Янгóло, ракири́ лэскэ тэ дэл мангэ тыкно́ свйтко. И ёв пхэндя мангэ: “Лэ и ха лэс. Ёй явэла кирко дро тыро́ кужум (жэлудко), а дро тыро́ муй ёв явэла гудло́ сыр авгін.” ¹⁰ И мэ лыём дава́ тыкно́ свйтко Янгóлоскирэ вастэстыр и хаём лэс. Ёв сыс гудло́ сыр авгін дро миро муй. И кэли мэ наххадём лэс, ёв яця́ кирко дро миро кужум (жэлудко). ¹¹ И сыс пхэндлó мангэ: “Тýкэ трэй нэвэстыр тэ ангилпхэнэс ангил манушы́тка рáсы, кхэритка ро́ды (плéми), екхэ-чиба́кирэ ирья́ (чиба́/ чибья́), ангил кральёндэ.”

Шэрó 11

Дуй Якхитка (Свидéтели)

¹ И сыс дыно́ мангэ тришчынитко кашт (трость) сыр дэсто́ тэ меринав, и сыс пхэндлó: “Ушты́ и вымерин Дэвлэскири Кхангири́ и алтáрё и одолэн манушэн, савэ клонинэнапэ патываса одой. ² А грéда (двóро), савй исын яврестыр пал Кхангири́, мэк ла и на мерин ла. Ёй сыс дыны́ Наюдéнгэ. Ёнэ явэна тэ штакирэн гэрэнца Свэ́нто Фóро штáрдэша́ дуй чхона́. ³ И мэ дава зор мирé дүе Якхитконэ́нгэ и ёнэ явэна тэ ангилпхэнэн тысё́нцо дуй шэла́ шовдэша́ дывэса́, савэ явэна уридэ́ дрэ гонэ́ балэндыр.” ⁴ Далэ́ дуй Якхитка исын оливитка кашта́ и дуй момолы́тка (светильники), савэ исын тэрдэ́ ангил Дэвлэ́стэ пир пхув. ⁵ И ко́ли вари-кон выкэдэ́ла тэ кэрэл чорипэн лэ́нгэ, тэды яг выджáла лэ́нгирэ мо́стыр и хасякирэ́ла лэ́нгирэ вэргэн. И ко́ли вари-кон закамéла тэ кэрэл чорипэн лэ́нгэ, тэды адыкэ́-паць одолэ́скэ трэй тэ мэ́рэл. ⁶ Адалэ́ Якхитконэ́ндэ исын зор тэ пхандэн болыбэн, соб (кай) тэ на джал брышы́нд, кэли ёнэ явэна тэ ангилпхэнэн (тэ пророчынэн). И ёнэ рикирэ́на зор, соб (кай) паня́ тэ пирикэрэ́нпэ дро рат и тэ мулякирэ́н лэн франсэ́нца ада́кицы бут мо́лы, кицы́ ёнэ выкэдэ́на. ⁷ И кэли ёнэ кончы́ндлэ пэскиро допхэ́ныбэн, тэды драконо́, саво выджáла люностыр, явэла тэ марэ́лпэ лэ́нца, и лэ́ла упралы́пэн пэ лэ́ндэ и мулякирэ́ла лэн. ⁸ И явэна лэ́нгирэ тру́пы пэ барэ́-форóскирэ ву́лицы (гáсы). Давá фóро пир дýхо (фа́но) явэла тэ кхарэ́лпэ Содóмо и Египто́, кай адыкэ́-паць амарó Рай Дэвэл сыс примардо́ пэ трушу́л. ⁹ И мануша́ манушы́тконэ́ нацы́ёндыр, екхэ-чиба́кирэ ирьё́ндыр (сэм'ё́ндыр), кхэритконé родэ́ндыр и явирэ манушэ́ндыр явэна тэ дыкхэн пэ дуй далэ́ тру́пы трин пашэ́са дывэса́ и на домэкэ́на тэ заганавэн лэн дрэ пхув. ¹⁰ И одолэ́, савэ явэна тэ дживэ́н пэ пхув, явэна тэ радынэ́нпэ лэ́нгирэ мэрибна́стыр. Ёнэ явэна тэ радынэ́ппэ зоралэ́с и тэ бичхавэн да́ры екхэкэ́скэ, пал-дова́ со ко́долэ́ дуй проро́ки древа́н мэ́нчы́ндлэ манушэн. ¹¹ И палó трин пашэ́са дывэса́ джи́ибна́скиро дýхо (фа́но) Дэвлэ́стыр за́ги́я дрэ лэ́ндэ. Ёнэ тэрди́нэ пэ пэскирэ́ гэрá и бари дар пы́я пэ одолэ́ндэ, савэ дыкхнэ́ пэ лэ́ндэ. ¹² И ёнэ шундлэ́ зоралы́ зан болыбна́стыр, со ракирдя́ лэ́нгэ: “Джа́н упрé адары́к.” И адалэ́ дуй проро́ки гинэ́ упрé пэ болыбэн дро óблоко, и лэ́нгирэ вэ́рги дыкхнэ́ пэ лэ́ндэ. ¹³ И дро дова́-паць мардо́ (штóнда) кэрдя́пэ древа́н барó пхувья́киро тринскирибэн и дэ́што форóскири паш пы́я, и эфта́ тысё́нцы манушэн сыс замардэ́. И одолэ́, савэ ячнэ́пэ, страха́дынэ́ и славиндлэ́ Дэвлэ́с, Саво исын дро Болыбна́скиро Раё. ¹⁴ Яви́р бй́да гия́ криг: дыкх, трй́то бй́да джа́ла сы́гэс.

Эфтáто Рóго (Тру́ба)

¹⁵ И эфтáто (битринэнтиро дэшто) Янгóло пхурдыя дрэ пэскиро рóго (труба): и сыс зоралэ заня пэ болыбэн, со ракирдэ: “Свэтытко Кралипэн амарэ Рáскирэ-Дэвлэскиро и Лэскирэ Христосóскиро явдя и Ёв явэла тэ кралинэн пэ сарэ вéки.” ¹⁶ И биш тэ штáр годэпхурэ, савэ сыс бэштэ пал пэскирэ троны ангил Дэвлэстэ пынэ пэ пэскирэ муя и поклониндлэпэ патываса Дэвлэскэ, пхэни: ¹⁷ “Амэ парикираса Тýкэ, Барó Раё Дэвла, Сарэзорьякиро, Екх, Кон исын и Кон сыс, пал-довá со Ту лыян Тырó зоралыпэн и яцян тэ кралинэс. ¹⁸ Нájуды холясынэ долэскэ, со явдя Тырй холы дро часо тэ сэндякирэс мулэн, и тэ отдэс палэ Пэскирэ писхарьэнгэ, пророкэнгэ, и свэнтонэнгэ и одолэнгэ, савэ дарэна Тырэ лавэстыр, барэнгэ и тыкнэнгэ. Тэ мулякирэс одолэн, савэ хасякирэна пхув.” ¹⁹ И псирадыя (отпхандяпэ) Дэвлэскири Кхангирй, савй исын дро Болыбнáскиро Раё и Ковчэго (Мохтó) Дэвлэскирэ заветóса сыс дыщэло дрэ Кхангирй. И ячнэ блискавицы, и заня (глюсэ), и грóмы, и пхувьякиро триинскирибэн и барó градо.

Шэрó 12

Джувлы и Драко́но

¹ И сыс дыщэлы/бицялы дрэвáн бари гертык (знамэниё) пэ болыбэн: сыс джувлы сырбы уриды дро кхам и чхон сыс тэл лáкирэ гэрá, и вянкa (корóна), савй сыс чхуды кхэтанэ дэшудуэ чэргэнэндыр, сыс пэ лáкиро шэрó. ² Адая джувлы сыс пхарй: ёй дэлас гóдла дукхэндыр и ёй мэнчындыпэ сыр джувлы, савй биянэла. ³ И сыс явйр гертык дыщэлы/бицялы пэ болыбэн: и, акэ, барó лолó драконо эфтá (эфтанэ) шэрэнца и дэшэнца шынгэнца и пэ далэ шэрэ сыс эфтá диадэмы; ⁴ и лэскири пори тырдэла трйто паш болыбнáскирэ чэргэнэндыр и ёв чхурдыя тэлэ лэн пэ пхув. И драконо тэрдия ангил джювлятэ, савьякэ трэиндя тэ биянэл, соб (кай), сыр ёй биянэла, ёв могоиндя тэ хал тыкнорэс. ⁵ И ёй бияндя мушорэс, савó явэла тэ хулаинэл пэ сарэ манушытка рóды саструнэ дэстэса. А лáкиро тыкноро сыс чхудо ваш Дэвлэскэ и Лэскиро трóно. ⁶ Джувлы насця пэ чхучй пхув пэ штэто, савó Дэвлэс пригòтовиндя лáкэ, соб (кай) ёнэ тэ чалякирэн ла екх бар и дуйшэлá шовдэшá дывэсá. ⁷ И кэрдяпэ марибэн дро Болыбнáскиро Раё. Михаилó и лэскирэ Янгóлы мардэпэ драконоса. А драконо и лэскирэ Янгóлы мардэпэ палэ и лэнца: ⁸ и ёнэ на пиримардэ, и на латхяпэ аж штэто ваш лэнгэ дро Болыбнáскиро Раё. ⁹ И барó драконо сыс чхурдынó тэлэ, пхуранó сап, савэс кхарэна нáлaчxo ци бэнг, савó хохавэлaс сарó свéто. Ёв сыс чхурдынó тэлэ пэ пхув и лэскирэ Янгóлы сыс чхурдынэ тэлэ. ¹⁰ И мэ шундём зоралы зан болыбнáстыр, со ракирдя: “Каканá явдя зракхибэн и зор и Кралипэн Дэвлэстыр Дадэстыр. Каканá исын Лэскирэ-Христосóскири зор, пал-довá со бангякирибнаскиро пэ амарэ пшалэндэ, савó бангякирэлас лэн ангил Дэвлэстэ дывэсэ и раты, сыс чхурдынó тэлэ. ¹¹ И амарэ пшáла лынэ упралыпэн пэ лэстэ свэнтонэ Бакрорэскирэ ратэса и лавэса лэнгирэ допхэныбнэндыр и ёнэ на дэнас чол (цэниндлэ) пэскиро джибэн бутыр мэрибнáстыр. ¹² Палдава радэппэ, Болыбнáскиро Раё! Радэнынпэ одолэ, кон дживэла одой! Нэ бйда пэ пхув и пэ мóрё (дэрьяв), пал-довá со нáлaчxo гия тэлэ даранэ холяса, джининдой, со яцяпэ лэскэ нáбут часо. ¹³ И кэли драконо дыкхця, со лэс чхурдынэ тэлэ пэ пхув, тэды ёв лыя тэ традэл джувля, савй бияндя мушорэс. ¹⁴ И лáкэ сыс дынэ барэ-орлóскирэ (кидóскирэ) дуй пхакá (крылы), соб (кай) ёй тэ вурнял пэ чхучй пхув пэ пэскиро штэто, кай ла чаравэнас трин пашэса бэрш криг сапэстыр. ¹⁵ И мэкця сап мóстыр пани сыр рэка (лэнь), соб (кай) рэкакири (лэнякири) пани тэ лыджáл криг ла. ¹⁶ Нэ пхув помогиндя джувлякэ и псирадя (отпхандя) пхув пэскиро андрыпэн сырбы муй и затырдыя рэкакиро (лэнякиро) пани, савó драконо мэкця мóстыр. ¹⁷ А драконо зоралэс холясыя пэ джувлятэ и гия пэ марибэн явирэ лáкирэ биятэнца, савэ ячнэпэ лáкирэ родóстыр, кон приракхэлaс Дэвлэскирэ припхэныбэнá и рикирэлас Христосóскирэ лавá.

Шэрó 13

Дуй Рискирибна́скирэ Мурдала́ (Звэ́ри)

¹ И мэ со́мас тэрдó пэ морёскиро (дэрьявёскиро) пра́хо. И мэ дыкхцём рискирибна́скирэ мурдалэс (зверёс), савó газдэласпэ морёстыр (дэрьявэстыр), савэстэ сыс эфта́ шэрэ и дэш шынгá (ро́ги). Пэ кажно лэскиро шынг сыс диадэма, а пэ кажно шэрó сыс лав тэ калякирэн Дэвлэс. ² И рискирибна́скиро мурдал, савэс мэ дыкхцём, сыс сы́рбы леопардо, а гэра́ (пирé) сыс лэстэ сы́рбы ричэскирэ гэра́, а муй лэскиро сыс сы́рбы муй шчэрэстэ (левостэ). И драконо дыя́ лэскэ пэскири зор и трóно и бари зор. ³ И екх шэрó рискирибна́скирэ – мурдалэскирэ шэрэндýр сыс хасякирдо кэ мэрибён, нэ дава́ мэрибны́тко ф́рансо (рана) сыс састякирдо. И сарí пхув дивиндяпэ и гия́ пал рискирибна́скирэ мурдалэстэ. И ёнэ клониндлэпэ драконоскэ, савó дыя́ зор рискирибна́скирэ мурдалэскэ. ⁴ И ёнэ клониндлэпэ патыва́са рискирибна́скирэ мурдалэскэ, ракири́: “Кон исын адасавó, сыр дава́ рискирибна́скиро мурдал? Кон мого́нэла (саштынэла) тэ марэлпэ лэса?” ⁵ И мурдалэскирэ москэ сыс дыны́ во́ля тэ пхэнэл пхутькирдэ лава́ тэ калякирэл Дэвлэс, и лэскэ сыс дыны́ зор тэ кэрэл пэскири буты́ штардэша́ дуй чхона́. ⁶ И ёв отпхандя́ пэскиро муй тэ калякирэл Дэвлэс и тэ калякирэл Лэскиро лав и штéто, кай Ёв дживэ́ла и одолэн, савé дживэ́на дро Болыбна́скиро Раё. ⁷ И лэскэ сыс дыно́ тэ джал марибна́са пэ свэнтонэндэ и тэ лэл упралыпэн пэ лэндэ, и лэскэ сыс дыно́ право пэ кажно ро́дыцо (колéно) и пэ манушы́тко на́цыя (наро́до), и пэ кажно екхэ-чиба́кири ири́/сэм’я (чиб), и пэ кажно кхэри́тко ро́до (племё). ⁸ И сарé, кон дживэ́ла пэ пхув, явэ́на тэ клонинэнпэ патыва́са далэ рискирибна́скирэ мурдалэскэ, кон исын на за́чхиндло́ дрэ джи́ибна́скири лы́лвары́, сави́ исын Свэнтонé Бакрорэстэ, Савó сыс мулякирдо свэто́скирэ англýпна́стыр. ⁹ Конэстэ исын канá, мэк ёв тэ шунэл. ¹⁰ Конэскэ трэй тэ лыджáл дро плéно, одова́ кокорó джáла дро плéно. Кон замарэ́ла курталáса, одова́ кокорó явэ́ла замардо курталáтыр. Ада́й трэй вы́рикирибэн и патяи́бэн Дэвлэ́скирэ манушэ́нгэ.” ¹¹ И мэ дыкхцём явирэ рискирибна́скирэ мурдалэс, савó джáлас яври́ пхувья́тыр. Лэстэ сыс дуй шынгá сыр бакрорэстэ и ёв ракирдя́ сыр драконо. ¹² И ёв кэрэ́лас сарó пэ́рвонé-мурдалэ́скирэ правóса. Ёв за́чхувэ́лас сарí пхув и одолэн, савé дживэ́на пэ ёй, тэ клонинэнпэ патыва́са пэ́рвонé рискирибна́скирэ мурдалэскэ, савэстэ мэрибны́тко ф́рансо сыс састякирдо. ¹³ И ёв кэрэ́лас барé знамéнии (гертыка́), со аж лыджалас тэлé яг болыбна́стыр пэ пхув ангýл манушэ́ндэ. ¹⁴ И ёв хохавэ́лас одолэн, савé дживэ́на пэ пхув ко́долэнца гертыкэ́нца, со лэскэ сыс дыно́ тэ кэрэл ангýл пэ́рвонé-рискирибна́скирэ мурдалэстэ, ракири́ сарэ́нгэ, кон дживэ́ла пэ пхув, тэ кэрэн да́й партýн (о́бразо) адалэ́ мурдалэ́скири, савэстэ сыс ф́рансо курталáтыр и савó дживдя́. ¹⁵ Адалэ́ явирэ-рискирибна́скирэ мурдалэскэ сыс дыны́ зор тэ дэл джидó дýхо (фа́но) дрэ да́й патрýн (о́бразо) пэ́рвонé мурдалэ́скири адя́кэ, соб (кай) да́й патрýн (о́бразо) тэ лэл тэ ракирэ́л и создýя́ адя́кэ, соб (кай) сарé, кон на клонинэна́пэ патыва́са мурдалэ́скирэ патриня́кэ (образоскэ), тэ явэн мулякирдэ́. ¹⁶ И кадава́ явирэ рискирибна́скиро мурдал кэрэ́лас адя́кэ, соб (кай) сарé манушэ́нгэ, тыкнэ́нгэ и барэ́нгэ, барвалэ́нгэ и богэ́нгэ, вольно́нэ и писхарьэ́нгэ тэ дорэ́сэн шпэ́ра (знако) пэ чачó (право) васт ци пэ лэ́нгиро чэ́кат; ¹⁷ соб (кай) никóн на мого́нэ́лас тэ кинэл, тэ бикнэл а́прич одолэ́стэ, савэстэ исын шпэ́ра; ци мурдалэ́скирэ лавэ́са ци лэ́скирэ-лавэ́скирэ гинэ́са (чы́слоса). ¹⁸ Ада́й исын годы́пэн. Конэстэ исын пэ́скири годы́, мэк ёв тэ вы́гинэл мурдалэ́скиро гин (чы́сло): дава́ исын манушы́тко гин (чы́сло), лэ́скиро гин (чы́сло) исын шовшэ́ла́ шовдэ́ша́ шов.

Шэрó 14

Свѣнто Бакрорó и Лѣскирѣ Манушá

¹ И мэ дыкхцѣм и, акэ, Свѣнто Бакрорó исын тѣрдó пѣ бѣрга Сионо, и сыс Лѣса шѣл тѣ штардѣшá штар тысѣнцы манушѣн, савѣндѣ Лѣскиро лав и Лѣскирѣ-Дадѣскиро лав сыс чхиндлѣ пѣ чѣкат. ² И мэ шундѣм зан болыбнастыр, сыр бутѣ-панѣнгирѣ шоля и сыр барó громо. И мэ шундѣм, сыр башаибнаскирѣ башавѣнас пѣ пѣскирѣ гусли. ³ И ѣнѣ баганас нѣвѣ гилы ангил трено и ангил штарѣ джидалѣндѣ (животнонѣндѣ) ангил годѣпхурѣндѣ. И никон на могиндѣ тѣ сыклѣл дая гилы апрѣч кадалѣ шѣл тѣ штардѣшá-штар-шѣлá тысѣнцы манушѣндѣ, савѣн Христóсо выкиндѣ сарѣ манушѣндыр пѣ пхув. ⁴ Давá исын манушá, савѣ на магирдѣ пѣс джувлѣнца; ѣнѣ сыс нáромандунѣ ^[1] муршá. Ёнѣ джáнас палáл пал Свѣнтонѣ Бакрорѣстѣ, карик на джáлас Ёв. Ёнѣ сыс выкиндлѣ машкѣр манушѣндѣ, и ѣнѣ исын пѣрва манушá пхувѣятыр ваш Дэвлѣскѣ и Свѣнтонѣ Бакрорѣскѣ. ⁵ И на сыс латхно хохайбѣн дро лѣнгиро муй, ѣнѣ сыс бидошáкирѣ.

Трин Янгóлы

⁶ И мэ дыкхцѣм явирѣ Янгóлос, савó вурнялас вучѣс дро фáно (воздухо), машкирál болыбѣн, конѣстѣ сыс вѣчно Евáнгелия, соб (кай) тѣ миштопхѣнѣл одолѣнгѣ, савѣ дживѣнас пѣ пхув, кажнóнѣ кхѣритконѣ родóскѣ и родыцóскѣ и екхѣ-чибáкирѣ ирѣякѣ/сѣм'якѣ (чибакѣ/ чибьякѣ) и кажнóнѣ-манушытконѣ нацыякѣ. ⁷ Ёв пхѣндѣ зоралѣ занѣса: “Дарѣн Дэвлѣстыр, выпхѣнѣн слáва Лѣскѣ! Лѣскиро мардó (штýнда) тѣ сѣндякирѣл явдѣ. Поклонинѣнпѣ патывáса Одолѣскѣ, Кон создѣя болыбѣн и пхув, и мóрѣ (дѣрѣяв) и панѣнгирѣ ганынгорѣя.” ⁸ И явѣр Янгóло, савó джáлас палáл пал Пѣрвонѣстѣ, пхѣндѣ: “Пыя тѣлѣ, бари Вавилония, пыя тѣлѣ! Ёй панякирдѣ сарѣ нáцыи пѣскирѣ-камибнаскирѣ моляса (виноса) тѣ кѣрѣн зоралѣс биладжаипѣн.” ⁹ И трѣто Янгóло, савó джáлас палáл пал лѣндѣ, пхѣндѣ зоралѣ занѣса: “Кон клонинѣлапѣ патывáса rischiрибнаскирѣ мурдалѣскѣ и лѣскирѣ патринѣякѣ (образóскѣ), и прилѣла шпѣра пѣ пѣскиро чѣкат ци васт, ¹⁰ кодовá явѣла тѣ пѣел Дэвлѣскирѣ-холякири мол, со исын нарoзлыджими панѣса дрѣ кучик Лѣскирѣ зорѣякири! Кон создѣя давá, явѣла тѣ мѣнчынѣлапѣ дрѣ яг и дрѣ сѣра (дзѣвѣля) ангил свѣнтонѣ Янгóлѣндѣ и ангил Свѣнтонѣ Бакрорѣстѣ. ¹¹ Тхув (дымо) лѣнгирѣ мѣнькатыр газдѣлапѣ пѣ сарѣ вѣки. На явѣла ни дывѣс, ни рат тѣ откхинѣн одолѣнгѣ, савѣ клонинѣнапѣ патывáса ангил rischiрибнаскирѣ мурдалѣстѣ ци ангил лѣскири патрѣн (óбразo), и кажнóнѣскѣ (сваконѣскѣ), кон прилыя шпѣра лѣскирѣ лавѣса. ¹² Ёáда, трѣй вырикирибѣн свѣнтонѣнгѣ, савѣ приракхѣна Дэвлѣскирѣ припхѣныбѣнá и патяибѣн дрѣ Исусóстѣ. ¹³ И мэ шундѣм зан болыбнастыр, савѣ пхѣндѣ: “Зачхин: ‘Бахталѣ исын одолѣ, савѣ мѣрѣна дро екхипѣн Дэвлѣса ададивѣсѣстыр!’” “Чачó”, – ракирѣла Дýхо. “Ёнѣ дѣна рáда тѣ откинѣн пхарѣ бутѣятыр и лѣнгирѣ рѣнды джана палáл!”

Аплóдо пѣ Пхув

¹⁴ И мэ дыкхцѣм, акэ, парнó óблоко, и вари-кон сыс бѣштó сѣрбы Чхавó Манушѣскиро. Пѣ Лѣскиро шѣрó сыс сувнакунѣ вѣнка (корóна) и дро Лѣскиро васт сыс востро (чолалó) серпо (чхиндлó). ¹⁵ И явѣр Янгóло выгия Кхангирѣятыр и дыя гóдла зоралѣ занѣса одолѣскѣ, кон сыс бѣштó пѣ óблоко: “Бичхáв пѣскро востро (чолалó) серпо и чхин, пал-довá со мардó (штýнда) тѣ счхинѣс, явдѣ, гивá пѣ пхув исын спѣяла.” ¹⁶ И Одовá, Кон сыс бѣштó пѣ óблоко, чхиндѣ чхурдыпнаса пир пхув и аплóдо пѣ пхув сыс счхиндлó. ¹⁷ И явѣр Янгóло выгия Кхангирѣятыр дро Болыбнаскиро Раѣ, савѣстѣ сыс адѣкѣ-пацѣ востро (чолалó) серпо. ¹⁸ И явѣр Янгóло выгия алтарѣстыр, савѣстѣ сыс зор пѣ яг, и, савó ракирдѣ зоралѣ занѣса одолѣ Янгóлоскѣ, конѣстѣ сыс востро (чолалó) серпо, и пхѣндѣ: “Бичхáв пѣскро востро (чолалó) серпо и скѣдѣ винаградоскирѣ рандѣ пѣ пхув, пал-довá со винаградѣтка мýри ячнѣ спѣяла.” ¹⁹ И Янгóло ухтылдѣ пѣскро серпо и скѣдыя винаградо (дракх) пѣ пхув и чхурдыя тѣл барó

пресо Дэвлэскирэ холятыр: ²⁰ и сыс штакирдэ (стопчындрэ) мури дро пресо, палó фóро, и рат тхадья пресостыр кэ грэнгирэ шварья ручаёса пэ трин шэла километры (вэрсты) длэнгипнаса и пашыл дуй шэла мэтры дро хорипэн.

14:4 ^[1] мурша́, савэ на́ наджиндрэ́ джувлэн

Шэро́ 15

Янгóлы и Палатунé (Последня) Франсы (Язвы)

¹ И мэ дыкхцём явир бари и дивно герты́к (знамэниё) пэ болыбэн: сыс эфта́ Янгóлы эфта́ (эфтэ) палатунé франсэнца, савэнца Дэвлэскири холы кончындрэ. ² Тэды мэ дыкхцём вари-со сы́рбы стéклýтко (балуналó) мóрё (дэрья́в), савó сыс змешындрэ ягáса. И сыс тэрдэ́ пэ мóрё (дэрья́в) кодолé, савé лынé упралыпэн пэ rischiрибна́скирэ мурдалэ́стэ, пэ лэскири патрин (óбразо) и лэскирэ-лавэскиро чýсло (гин). Ёнэ рикирдэ́ Дэвлэскирэ гусли. ³ И ёнэ баганас Мойзаскири гилы́, Дэвлэскирэ писхарискири, и Свэнтонé Бакрорэскири гилы́, пхэни́: “Савэ барé и дивна тырэ́ бутя́, Раё́ Дэвла, Сарэзорья́киро! Тырэ́ дромá исын чачунé и чачипна́скирэ, Кра́ли манушэнгиро! ⁴ Кон исын одовá, саво на дарéла Тýтыр, Раё́ Дэвла, И кон на славинéла Тыро́ Лав? Пал-довá со Ту сан Екх Свэ́нто, пал-довá со сарé манушá явэ́на, и ёнэ поклонинэ́напэ патывáса ангил Тýтэ пал-довá, со Ту чачунéс приджинэ́са манушэн ангил бангипэн!” ⁵ И палó (после) сарó давá мэ дыкхцём Свэ́нто Шáтра, дрэ Сави́ псирадя́пэ Кхангирé. ⁶ И выгинé эфта́ Янгóлы далé Кхангирья́тыр, савэндэ́ сыс эфта́ фрáнсы, и савé сыс уридé дрэ жужé, парнэ́, похтаны́тка урибэ́на и ёнэ сыс пирипхандрэ́ кэ колýн сувна́кунé кустыкэнца. ⁷ И екх штáрэ́ джидалэндýр (животнóнэндýр) дыя́ эфта́ Янгóлэнгэ́ эфта́ сувна́кунé кучика, со сыс пхэрдé Дэвлэскирэ холя́са, со явэ́ла тэ дживéл пэ сарé вéки. ⁸ И Кхангирé яця́ пхэрдý тхувэ́са Дэвлэскирэ славатыр и зоралы́пнастыр и никонéскэ́ сыс наштý тэ заджáл дрэ Кхангирé, пака кончынэ́напэ эфта́ фрáнсы Янгóлэнгирэ́.

Шэро́ 16

Тахтая́ Дэвлэскирэ Холя́са

¹ И мэ шундём зоралы́ зан Кхангирья́тыр, сави́ пхэндя́ эфта́ (эфтэ) Янгóлэнгэ́: “Джáн и вычхувэн пэ пхув эфта́ тахтая́ (чашы) Дэвлэскирэ холя́са.” ² И пэрво́ Янгóло выгия́ и вычхудя́ пэскиро тахтай́ пэ пхув: чорé и фуй фрáнсы (ра́ны) ячнэ́ пэ манушэндэ́, пэ савэндэ́ сыс rischiрибна́скирэ-мурдалэ́скирэ (зверё́скирэ) шпэры, и, савé поклониндрэ́ патывáса ангил лэскири патрин (óбразо). ³ И явир Янгóло выгия́ и вычхудя́ пэскиро тахтай́ дро мóрё (дэрья́в): и пани́ кэрдя́пэ сы́рбы мулэ́-манушэ́скиро рат и кажно́ джидó ди (созды́ибэн) мыя́ дро мóрё (дэрья́в). ⁴ И трýто Янгóло вычхудя́ пэскиро тахтай́ дрэ рэ́ки (лэ́ня) и паненгирэ́ ганынгорья́: и ёнэ кэрдэ́пэ ратéса. ⁵ И мэ шундём Янгóлос, савó рикирдя́ зор пэ пани́, пхэни́: “Чачунó сан Ту, Савó сан и Савó сáнас, Свэ́нто сан Ту, со Ту сэндя́кирэ́са адя́кэ”, ⁶ Пал-довá со ёнэ прочхудэ́ рат Трэ́ свэнтонэнгирэ́ и пророкэнгиро, И палдава́ Ту дыян лóнгэ́ рат тэ пьен, сыр ёнэ исын мол давá. ⁷ И мэ шундём зан алтарéстыр, со пхэндя́: “Чачó, Раё́ Дэвла, Сарэзорья́киро Дэвэл, чачунé и чачипна́скирэ исын Тырэ́ сэнды!” ⁸ И штáрто Янгóло вычхудя́ пэскиро тахтай́ пэ кхам: и сыс дыно́ кхамэ́скэ́ тэ хачкирэ́л манушэн ягáса. ⁹ И манушá сыс хачкирдé барé хачкирибна́са и ёнэ каля́кирэ́нас Дэвлэ́скиро лав, Савó рикирдя́ зор пэ далé фрáнсы. Нэ́ ёнэ на rischiрдé́ пэскиро джи́ибэн грэхэндýр кэ Дэвэл и на выпхэндрэ́ слáва Лэ́скэ. ¹⁰ И пáнджто́ Янгóло вычхудя́ пэскиро тахтай́ пэ rischiрибна́скирэ-мурдалэ́скиро (зверё́скиро) алтáрэ: и калы́пэн чха́кирдя́ rischiрибна́скирэ-мурдалэ́скиро кра́липэн и манушá дандырэ́нас пэс пал пэ́скирэ́ чибá (чибья́) дукхэндýр; ¹¹ и ёнэ

калякирэнас Болыбнаскірэ Дэвлэс пал пэскирэ дукхэ и фрэны. Нэ ёнэ на рискірде пэскиро джибён грэхэндэр кэ Дэвлэ долэстыр, со ёнэ кэрдэ. ¹² И шовто Янгóло вычхудя пэскиро тахтай дрэ бари рэка (лэнь) Евфрато: рэка (лэнь) вышутя, соб (кай) тэ явэл скэдыно дром кральенгэ долэ ригатыр, кай кхам уштэла. ¹³ И мэ дыкхцём трин бэда дүхи, савэ сыс сыр цапня (жамбы). Ёнэ джана́с яврі мо́стыр драконо́стыр, риско́рибна́скирэ мурдалэ́стыр и хоханэ́ пророко́стыр. ¹⁴ И далэ́ бэнгланэ́ дүхи, со кэ́рэна герты́ка (знаме́нии), джа́на англэ́ кэ кра́ля пэ дава́ саро́ свэ́то, кай исын мануша́, соб (кай) тэ кэдэ́нпэ кхэ́танэ́ марибна́са пэ Дэвлэ́стэ Сарэ́зорьякирэ́стэ пэ баро́ Дывэ́с. ¹⁵ “Акэ́, мэ джа́ва сыр чор. Бахтало́ исын одова́, кон исын насуто́ и раххэ́ла пэскиро урибён, соб (кай) тэ на псирэл нанго́ и, соб (кай) тэ на дыкхэл лэ́скири ладж!” ¹⁶ И кадалэ́ бэнгланэ́ дүхи кэ́дынэ́ кхэ́танэ́ кра́льён пэ штэ́то, со кхарэ́лапэ́ Юды́ткэс “Армагедо́но.” ¹⁷ И эф́та́то Янгóло вычхудя пэскиро тахтай пэ фа́но (возду́хо): зоралы́ зан явд́я троно́стыр, саво́ сыс дрэ́ Кханги́ри, сави́ пхэ́ндя: “Дава́ кэрдя́пэ.” ¹⁸ И сыс блискави́цы, грóмы и заня́, и я́ця баро́ пхувья́киро тринскирибён, со на сыс ангил дова́, сыр ману́ш лы́я тэ дживэл пэ́ пхув-дасаво́ зорало́ сыс пхувья́киро тринскирибён. ¹⁹ И баро́ фо́ро роспы́апэ́ пэ трин паша́, и фо́рья, кай напатьяибна́скирэ, пы́нэ. Дэвлэ́ рипирдя́ бари пхув́ Бари Вавилония́ и ды́я ла́кэ́ тэ пьел мол Лэ́скирэ тахта́стыр – мол (вино) Лэ́скирэ хо́ляса, кэ́ли Ё́в древа́н хо́лясо́ла. ²⁰ И ка́жно о́стро́во (джи́п) ха́сия́, и бэ́рги на сыс дыщлэ́. ²¹ Барэ́-градо́скирэ гири́ла, савэ́ сыс пашэ́ пандждэ́ша́ кило́ пхари́пна́са, пы́нэ болыбна́стыр пэ манушэ́ндэ́, савэ́ калякирэ́нас Дэвлэ́с пал фрэ́ны градо́стыр, пал-дова́ со древа́н дарано́ сыс дава́ фрэ́нсо.

Шэро́ 17

Сэ́ндо пэ́ Биладжакунэ́ Джувля́тэ

¹ И вы́гия́ екх э́фта́ (эф́танэ́) Янго́лэндэр, савэ́стэ́ сыс э́фта́ тахта́я, и раки́рдя́ ма́нца и пхэ́ндя: “Яв, мэ сыкава́ва ту́кэ́ сыр барья́ розмэ́кнэ́ джувля́ явэ́на тэ сэ́ндинэ́н, сави́ сыс бэ́шты́ пир бут па́ня́, ² савья́са кра́ля пэ́ пхув кэ́рдэ́ биладжа́ипэ́н и мануша́ пхувья́тыр ма́те́нас мо́лятыр ла́кирэ́ биладжа́ипна́стыр.” ³ И Ду́хо (Фа́но) лы́джия́ ма́н пэ́ чхучи́ пхув. И мэ дыкхцём джувля́, сави́ сыс бэ́шты́ пэ́ лолэ́-рискори́бна́скирэ мурдалэ́стэ́. Дава́ мурда́л сыс саро́, сы́рбы́ счхиндло́ лавэ́нца, савэ́ калякирэ́нас Дэвлэ́с. Лэ́стэ́ сыс э́фта́ шэ́рэ́ и дэ́ш шы́нга́ (ро́ги). ⁴ И джувлы́ сыс уриды́ дро сли́витко́ (кхила́витко́) и я́рко́ лоло́ тхан, со зя́инэ́лас сувна́ка́са, кучо́нэ́ барэ́нца́ и му́тина́са (жэмчу́госа). Ё́й рики́рдя́ дро пэ́скиро васт сувна́куно́ тахта́я, саво́ сыс пхэ́рдэ́ джунгальпна́са (бры́ткимаса́) и на́жужы́пна́са ла́кирэ́ биладжа́ипна́стыр. ⁵ И пэ́ ла́киро́ чэ́кат сыс чхиндло́ лав, со значы́ндя́ чора́ханэ́с: “Бари Вавилония́ – исын дай́ розмэ́кнэ́ джувленгэ́ и ка́жнэ́нэ́ джунгальпна́скэ́ пэ́ пхув.” ⁶ И мэ дыкхцём, со ада́я джувлы́ сыс маты́ свэ́нтонэ́-манушэ́нгирэ́ ратэ́стыр и мэ́нькэ́нгирэ́-я́кхитко́нэ́нгирэ́ ратэ́стыр, савэ́н зама́рдэ́ пал Христо́состэ́. И кэ́ли мэ дыкхцём ла́, мэ древа́н дивиндэ́мпэ́. ⁷ И Янгóло пхэ́ндя́ ма́нгэ́: “Со́скэ́ ту́ дивинэ́сапэ́? Мэ́ пхэ́на́ва ту́кэ́ када́ля-джувля́киро́ и далэ́-рискори́бна́скирэ-мурдалэ́скиро́ чора́ханы́бэ́н, саво́ лы́джала́ ла́ и савэ́стэ́ сыс э́фта́ шэ́рэ́ и дэ́ш шы́нга́ (ро́ги). ⁸ Риско́рибна́скиро́ мурда́л, савэ́с ту́ дыкхця́н, сыс и бу́тыр на́нэ́ лэ́с, и ё́в вы́джала́ лю́но́стыр (адо́стыр) и джа́ла́ пэ́ ха́сякирибён. И мануша́, савэ́ дживэ́на пэ́ пхув, савэ́нгирэ́ лава́ на́нэ́ за́чхиндлэ́ дрэ́ джи́ибна́скири́ лы́лвары́ свэ́то́скирэ́ ангы́лпна́стыр, явэ́на тэ́ дивинэ́нпэ́, сыр дыкхэ́на, со риско́рибна́скиро́ мурда́л сыс, и на́нэ́ лэ́с, нэ́ ё́в нэ́вэ́стыр явэ́ла. ⁹ Ваш да́ва́ трэ́й бари́ годы́ и годы́пэ́н. Еф́та́ шэ́рэ́ исын э́фта́ бэ́рги, пэ́ савэ́ джувлы́ исын бэ́шты. ¹⁰ Далэ́ э́фта́ шэ́рэ́ а́дякэ́-па́ць исын сы́рбы́ э́фта́ кра́ля, пандж кра́ля пы́нэ́ зорья́тыр, екх кра́ли́ исын, я́ви́р кра́ли́ ишчо́ (инкэ́) на явд́я; кэ́ли ё́в явэ́ла, тэ́ды на́бут ча́со лэ́скэ́ тэ́ явэл. ¹¹ И риско́рибна́скиро́ мурда́л, саво́ сыс и савэ́с бу́тыр на́нэ́, исын охто́то (биду́э́нгиро́ дэ́што) кра́ли, кон исын екх кадалэ́ э́фта́ (эф́тэ́) кра́льенды́р, и кон джа́ла́ пэ́ ха́сякирибён. ¹² И дэ́ш шы́нга́, со ту́ дыкхця́н, да́ва́ исын дэ́ш кра́ля, савэ́ндэ́ ишчо́ (инкэ́) на́нэ́ кра́липэ́н, нэ́ ё́нэ́ до́рэ́сэ́на зор пэ́ екх ма́рдэ́ (шту́нда), сыр кра́ля́ риско́рибна́скирэ мурдалэ́са. ¹³ Кадалэ́ дэ́шэ́ кра́льэ́ндэ́ исын екх мы́сля, и ё́нэ́

пиридэна пэскири зор и право rischiрибнаскирэ мурдалэскэ. ¹⁴ Ёнэ явэна тэ марэмпэ проти Свэнтонэ Бакрорэстэ и Свэнто Бакрорэ лэла упралыпэн пэ лэндэ, пал-довá со Ёв исын Крáli Кральэндыр, Рай Дэвэл рándыр, кхэтанэ пэскирэ выкэдынэ и патяибнытконэ манушэнца, савэ исын пашыл Лэстэ. ¹⁵ И Янгóло пхэндя мánгэ: “Паня, со ту дыкхэса, пэ савэ розмэкны джувлы исын бэшты, дава – манушýтка рóды, и манушýтка нáции (народы), кхэрýтка рóды (плéми) и екхэ-чибáкирэ ирьá (языки). ¹⁶ И дэш шынга, савэ ту дыкхцян пэ rischiрибнаскирэ мурдалэстэ, явэна дрéвáн тэ на сыкавэн патыв розмэкнэ джувлякэ: ёнэ лэна сарý зор лáтыр и мэкэна ла нангяса и хána сарэса лáкири лоч (плоть) и хачкирэна ла ягáса. ¹⁷ Пал-довá со Дэвэл дыя лэнгирэ илэнгэ тэ кэрэн пир Лэскири годý, тэ кэрэн екх задуминыбэн и тэ дэн лэнгиро Кралипэн rischiрибнаскирэ мурдалэскэ, пака сполнинэнапэ Дэвлэскирэ лавá. ¹⁸ И джувлы, савья ту дыкхцян, исын сырбы барó фóро, савó кралинэла пэ кральэндэ пэ пхув.”

Шэрó 18

Барý Вавилóния Пхадия

¹ Палó (после) дава мэ дыкхцём явирэ Янгóлос, савó джáлас тэлэ болыбнастыр. Лэстэ сыс бари зор и пхув зяинэлас сыр дуд (свэто) лэскирэ ярконэ славатыр. ² Ёв дэлас гóдла зоралэ заняса, пхэни: “Пыя, бари Вавилония, пыя бари биладжакуны, и яця джибнытконэ штэтоса бэдэ духэнгэ и бэшыбнаса кажнонэ бэнгланэ духоскэ, и штарибнаскирэ клеткаса кажнонэ джунгалэ (гидконэ) чириклэскэ; долэскэ со сарэ нáции пинэ лáкири мол, зоралó матыбэн лáкирэ блэндостыр. ³ Крáлья пэ пхув кэрдэ ладжаипэн лáса и кúпцы (тылгáрья) пир пхув барвалынэ лáкирэ зоралэ-бимеракирэ барвалыпнастыр.” ⁴ И мэ шундём явир зан болыбнастыр, савý пхэндя: “Выджán лáтыр мирэ манушáлэ; соб (кай) тэ на явэн кхэтанэ дрэ лэнгирэ грэхы, соб (кай) тумэ тэ на дорэсэн лáкирэ фрáнсы: ⁵ пал-довá со скэдынэпэ кхэтанэ лáкирэ грэхы кэ болыбэн и Дэвэл рипирэла лáкири банг. ⁶ Кэрэн палэ лáкэ адякэ, сыр ёй создýя тумэнгэ. Отдэн палэ лáкэ дрэ дуй мóлы бутýр пир лáкири бутý. Змешынэн лáкэ дуй мóлы матэдыр мол дрэ лáкиро тахтаý; ⁷ пэ кичы ёй пэс славинэлас и сыс дро бимеракиро барвалыпэн, пэ адакицы дэн лáкэ мэньки и калы смэнтныма. Пал-довá со ёй шарэла пэс пхэныбнаса: “Мэ бэшава сыр крáлица. Мэ на сом пивлы (удова). Мэ ниэкхвар на явава дрэ калы смэнтныма”: ⁸ палдава фрáнсы, мэрибэн, смэнтныма роибнаса и бари бокх явэна дро екх дывэс пэ латэ. Яг хачкирэла сарэса ла, пал-довá со Рай Дэвэл исын зоралó, Савó сэндякирэла ла. ⁹ Крáлья пир пхув, савэ сыс кхэтанэ лáса дро блэндо и дживэнас бимеракиро барвалэс лáса, кэли дыкхэна тхув ягатыр, со хачкирэлас ла, тэды ёнэ явэна тэ ровэн пхарэс и тэ дэн гóдла ясвэнца пал латэ. ¹⁰ Тэрдиндой дур лáкирэ ягатыр, пал-довá со ёнэ дарэндынэ лáкирэ мэнькатыр, ёнэ пхэнэнас: “Бида, бýда тýкэ, бари и зоралы Вавилония! Акэ, пал мардó (штýнда) явдý сэндо пэ тýtэ.” ¹¹ И кúпцы (тылгáрья) пэ пхув адякэ-паць явэна тэ ровэн пхарэс и тэ дэн гóдла ясвэнца пал латэ, пал-довá со никон бутýр на явэла тэ кинэл лэнгиро товаро (арцикуло), ¹² ни арцикуло сувнакастыр, ни рупэстыр, ни кучонэ барэндыр, ни мутиятыр, ни бисеростыр висонытконэ тханэстыр, ни сливитконэ (кхилавитконэ) тханэстыр, ни кэжэстыр, ни ярконэ лолэ тханэстыр, ни кажно товаро (арцикуло) шукаронэ-кхандыпнаскирэ каштэстыр, ни кажно товаро (арцикуло) слонытконэ кокалэстыр, ни кажно товаро (арцикуло) кучонэ каштэстыр, ни харкомáтыр, ни састырэстыр, ни мраморостыр; ¹³ ни бахэстыр (корицатыр), ни ароматнонэ индиитконэ рухэндыр (корнэндыр), ни фимиамостыр, ни миростыр, ни ладаностыр, ни молятыр, ни оливитконэ дзэтэстыр, ни яржэстыр, ни парнэ гивэстыр, ни кхэрýтконэ мурдалэндыр (жывёлáтыр), ни бакрэндыр, ни грэндыр, ни вурдэнэндыр, ни писхарьэндыр, ни манушытконэ диэндыр. ¹⁴ И барьякирдэ (плóды), кэ савэ тырó ди адякэ тырдыяпэ галкимаса, джáла криг тýтыр, сарý тырý шук и зяиндло миштыпэн хасинэ тýтыр, и ту бутýр лэн на латхэса. ¹⁵ Тылгáрья (кúпцы) пир дава, савэ барвалынэ далэ фóростыр, явэна тэ тэрдэн дур, пал-довá со ёнэ дарэна лáкирэ мэнькатыр. Ёнэ явэна тэ ровэн пхарэс и тэ дэн гóдла ясвэнца, ¹⁶ и пхэнэна: “Бида, бýда, барэ

фороскэ! Ту присыкляян тэ урьеспэ дрэ висоньтко тхан, сливитко (кхилавитко) и ясно лолы йдя и гожакирэс пэс сувнакаса, и кучонэ барэнца, и мутинаса (жэмчугоса)! ¹⁷ Пал-дово со дрэ екх мардо дасаво миштыпэн хасия.” И кажно пармакиро (кораблэскиро) лыджаипнари (кормчо) и кажно мануш, кон пливиндя (дыя пліма) пэ пармы (корабли), и моряки, и сарэ бутярнэ пэ мөрё (дэрьяв), тэрдинэ дурал; ¹⁸ и ёнэ дэнас гóдла, кели дыкхнэ тхув фороскирэ хачкирибнастыр, пхэни: “Ниекхвар на сыс дасаво баро форо, сыр кадава.” ¹⁹ И ёнэ чхурдэнас пыло пэ лэнгрэ шэрэ, дэнас гóдла, ровэнас и дэнас гóдла ясвэнца, пхэни: “Бида, бйда, барэ фороскэ! Дро саво сарэ барвалынэ, конэстэ сыс пармы (корабли) пэ мөрё (дэрьяв), фороскирэ кучипнастыр! Пал-дова со дро екх мардо (штунда) дасаво миштыпэн хасия.” ²⁰ Радынпэ фороскирэ пхагипнастыр, Болыбнаскиро Раё, свэнта, Апостолы и пророки! Долэскэ, со Дэвэл сэндыкирдя ла пал тумэндэ. ²¹ Тэды екх зоралó Янгóло газдыя баро бар барипнаса, сыр жэрново бар (бэлэдин) сязэстыр/пхуртэстыр (мельницатыр) и чхурдыя лэс дро мөрё (дэрьяв), пхэни: “Адйкэ зоралэс барэ-форитко Вавилония явэла чхурдыны дро мөрё (дэрьяв), и сарэса на явэла бутыр ла. ²² Бутыр на явэна тэ шунэн дрэ тутэ гусленгиро башаибэн и багаибнаскирэ (музыкантэнгирэ) заня, и одолэн, кон башавэла пэ свирольки и рóги (трубы) ниекхвар. На явэла бутыр ни саво спецo пир вари-сави буты (графари/художнико) дрэ тутэ. На явэла бутыр шундло пармакиро лопотымó дро сяз/пхурт (мельница) дрэ тутэ. ²³ Бутыр на явэла тэ зяинэл момолытконэскиро (лампакиро) дуд дрэ тутэ, и бутыр на явэна шундлэ тэрнэскирэ и тэрнякирэ заня дрэ тутэ. Тырэ кúпцы (тылгарья) сыс най барэдыр пэ пхув, пал-дова со тырэ човаханыпнаса ёнэ хохавэнас сарэ манушытка нáцыи (народы).” ²⁴ И дрэ Вавилония латхнэ рат пророкэнгиро и свэнтонэ-Дэвлэскирэ манушэндыр и сарэ манушэндыр, конэс мулякирдэ пэ пхув.

Шэрó 19

Болыбэн Радынэлапэ Вавилониякирэ Хасибнаскэ

¹ Палó дава мэ шундём зан, сырбы бутэ-манушэнгиро народо (ра́са) болыбнастыр, сави пхэнэлас: “Аллилуя! Тэ явэл зракхибэн и слава, патыв и зор амарэ Дэвлэскэ.” ² Чачунэ и чачипнаскирэ исын Лэскирэ сэнды. Ёв сэндыкирдя барья розмэкна джувля, сави калякирдя пхув пэскирэ блэндóса. Дэвэл чхудя хась (ка́ра) палэ пэ латэ пал рат Лэскирэ писхарьенгиро лакирэ вастэстыр.” ³ И явир мо́ло ёнэ пхэндлэ: “Аллилуя! Тхув, со газдэлапэ латыр, сыр ёй хачолас, явэла пэ сарэ ве́ки.” ⁴ Тэды биш тэ штар годэпхурэ и штар джидалэ (животна) пынэ и клониндлэпэ патыва́са Дэвлэскэ, Саво сыс бэштó пэ трóно и пхэнэлас: “Ами́нь! Аллилуя!”

Бакрорэскиро Бьяв

⁵ И зан троностыр явдя, пхэни: “Шарэн амарэ Дэвлэс! Сарэ тумэ-Лэскирэ писхарья и тумэ, барэ и тыкнэ, савэ дарэна Лэстыр.” ⁶ И мэ шундём зан сырбы бутэ-манушэнгирэ народостыр, сырбы бурэ-панэнгирэ шоля (шумо), сырбы барэ громэнгиро, со пхэнэнас: “Аллилуя! Пал-дова со амарó Рай Дэвэл, Сарэзорьякиро кралинэла! ⁷ Явэн тэ радынаспэ и ява́са древа́н ра́да; барьякираса Лэс слава́са, пал-дова со явдя Свэнтонэ-Бакрорэскиро бьяв, и Лэскири джувлы приготовиндя пэс!” ⁸ Лакэ сыс дыно́ ярко, жужо висоньтко тхан тэ урьел: “пал-дова со висоньтко тхан сыкавэла свэнтонэ-Дэвлэскирэ манушэнгиро чачипэн.” ⁹ И Янгóло пхэндя ма́нгэ: “Зачхин: ‘Бахталэ исын одолэ, савэн кхардэ пэ Свэнтонэ-Бакрорэскиро бьяв.’” И Ёв ишчо (инкэ) допхэндя: “Гáда, исын чачунэ Дэвлэскирэ лавá.” ¹⁰ И мэ пыём ангил лэскирэ гэра́ тэ поклонинавпэ патыва́са лэскэ. Нэ ёв пхэндя ма́нгэ: “Дыкх жа, на кэр дава. Мэ сом дасаво-паць писхари, сыр ту сан, и мэ сом кхэтанэ тырэ пшалэнца тэ досыкавав пал Христосóстэ. Дэ патыв Дэвлэскэ, пал-дова со допхэныбэн пал Христосóстэ исын Христосóскиро лав.” ¹¹ И мэ дыкхцём псирадо (отпхандло) Болыбнаскиро Раё и, акэ, сыс парно́ грай. Пэ лэстэ сыс бэштó уклистó/э Кодовá, Кон кхарэлапэ Чачуно́ и Патяибны́тко, Саво сэндыкирэла чачунэс и марэлапэ пал чачипэн. ¹²

Лэскирэ якх сыс сыр ягáнгири чиборí и бут диадэмы сыс пэ Лэскиро шэрó. Лэстэ исын зачхиндлó титуло (лав), со никóн на джиндя апрíч Лэстэ,¹³ и Ёв исын уридо дро урибэн, савó сыс макхно ратэса. Лэскиро титуло исын “Дэвлэскиро Лав.”¹⁴ И халадэ болыбнýtка джáнас пал Лэстэ, савэ сыс пэ парнэ грэндэ и уридэ дро парнó и жужó висонýtтко тхан.¹⁵ И Лэскирэ мóстыр джáла яврí востро (чолалы) куртáла и Ёв явэла тэ мулякирэл расы (народы). Ёв явэла тэ чалякирэл лэн саструнó дэстэса, и Ёв явэла тэ штакирэл молякиро (виноскиро) пресо барэ холятыр, кели Сарэзорьякиро Дэвэл древáн холясóла.¹⁶ Пэ Лэскиро урибэн и пэ Лэскири статя (стёгны) сыс зачхиндлó титуло: “Крáли кральёнги́ро, Рай раёнги́ро.”¹⁷ И мэ дыкхцём явирэ Янголóс, савó сыс тэрдó пэ кхам. Ёв дэлас гóдла зоралэ заняса сарэ чирикленгэ, савэ вурняна машкíр фáно (воздухо) дро болыбэн: “Явэн, скэдэнпэ пэ бэльвэлякиро хабэн барэ Дэвлэскиро,¹⁸ соб (кай) тумэнгэ сашты́ тэ хан кральёнги́рэ-трупэнги́ро мас, и капитанэнги́рэ, и тысёнцэнги́рэ-халадэнги́рэ барыдырэнги́рэ, и лоч зоралэ манушэнги́рэ, и грастанó мас и трупóскиро мас одолэнги́ро, савэ исын бэштэ пэ грэндэ, и сарэ-манушэнги́ри трóпы: вольнонэ манушэнги́рэ и адякэ-паць писхарьёнги́рэ, тыкнэнги́рэ и барэнги́рэ.”¹⁹ И мэ дыкхцём rischiрибна́скирэ мурдалэс и кральён пэ пхув лэнги́рэ халадыбнэнца, савэ скэдынэпэ пэ марибэн ангíл Одолэстэ, Кон исын бэштó пэ грэстэ и ангíл Лэскиро халадыбэн.²⁰ И rischiрибна́скиро мурдál сыс лыно́ и кхэтанэ лэса хоханó прорóко, савó кэрдя́ дíвы ангíл лэстэ, савэнца ёв хохавэлас манушэн, савэ дорэснэ rischiрибна́скирэ-мурдалэскири шпэра сыр клеймо́ и клониндлэпэ патывáса мурдалэскирэ патриня́кэ (образóскэ). Ёнэ сыс чхурдынэ джидэнца дро зеро (озеро) ягáса, со хачолас дзэвэляса (сераса).²¹ А лэнги́рэ явирэ манушэн, савэ ячнэпэ, замардя́ Одолэскиро, Савó сыс бэштó уклистó/э пэ грэстэ курталáса; савí джáлас яврí Лэскирэ мóстыр и сарэ чирикля́/э чалынэ лэнги́рэ трупэндýр.

Шэрó 20

Тысёнцо Бэрш

¹ И мэ дыкхцём Янголóс, Савó джáлас тэлэ Болыбна́стыр Раёстыр и Савэстэ сыс клыдын люностыр (адостыр), и сыс бари заньдír (цэпо) дро Лэскиро васт.² Ёв ухтылдя драконос, пхуранэ сапэс, кон исын náлaчxo ци сатана и пхандя лэс пэ бар (тысёнцо) бэрш;³ и Янголó чхурды́ лэс дро лóно и пхандя лэс пэ чэргэнорí (печать) пэ лэстэ, соб (кай) ёв бутыр тэ на хохавэл манушэн пака кончынэлапэ тысёнцо (бар) бэрш. Палó дава́ ёв явэла отпхандло пэ набарó часо.⁴ И мэ дыкхцём троны и одолэн, савэ бэшэнас пал скамíнд, савэнгэ сыс дыно́ тэ сэндякирэн. И мэ дыкхцём дия́ одолэнги́рэ, конэскэ чингирдэ шэрэ, палдовá со ёнэ допхэнэнас пал Христосóстэ и пал Дэвлэскиро лав. Ёнэ на клониндлэпэ патывáса ангíл rischiрибна́скирэ мурдалэстэ ци ангíл лэскири патрин (óбразо), ёнэ на прилынэ клеймоскири шпэра пэ чэкáт ци пэ лэнги́ро васт. И ёнэ отджидынэ и кралиндлэ Христосóса бар бэрш.⁵ Явír дия́ мулэндýр на отджидынэ, пака бар бэрш кончынэлапэ. Давá исын пэрво отджидыипэн мэрибна́стыр.⁶ Бахталэ́ и свэнта́ исын одолэ́, савэнгэ́ явэла́ штэто́ дро пэрво отджидыипэн мэрибна́стыр. Явír мэрибэн на явэла́ тэ рикирэл зор пэ лэндэ́, а ёнэ́ явэна́ рашая́ Дэвлэскэ́ и Христосóскэ́, и ёнэ́ явэна́ тэ кралинэн Лэса́ бар бэрш.

Сатанáскиро (Налачхэскиро) Хасибэн

⁷ И кели́ бар (тысёнцо) бэрш кончынэлапэ, тэды́ сатанас (налачхэс) отпхандэна лэскирэ штарибна́стыр,⁸ и ёв джáла ангíл тэ хохавэл манушýtтка náцыи (народы), савэ исын пэ штар пхувья́кирэ вэнглы, Гога́ и Магога́. Náлaчxo явэла́ тэ кэдэл кхэтанэ́ лэн пэ марибэн, лэнги́ро кицыпэн (количэство) явэла́ барó-сыр морёскиро (дэрьявэскиро) прáхо.⁹ И яг пы́я болыбна́стыр и хая́ лэн. И ёнэ́ гинэ́ сарэ́са пир пхувья́киро буглыпэн и облынэ́ свэнтонэ́ Дэвлэскиро фóро, со сыс дрóго́ Дэвлэскэ́.¹⁰ И náлaчxo, кон хохадя́ лэн, сыс чхурдынó дро

зеро (озеро) ягаса и дзэвэляса (сераса), кай сыс адякэ-паць rischiрибнаскиро мурдал и хоханэ пророки. И ёнэ явэна тэ мэнчынэнпэ раты и дывэсэ пэ сарэ веки.

Палатунó (Послédнè) Сэ́ндо

¹¹ И мэ дыкхцём барó парно́ тронó и Екхэс, Кон сыс бэштó пэ лэстэ. Пхув и болыбэн нашэнас криг Лэскирэ мо́стыр и штéто на сыс латхно лэнгэ. ¹² И мэ дыкхцём мулэн, барэн и тэрнэн, савэ сыс тэрдэ ангил тронó и лылваря свиткостыр сыс отпхандлэ. Явир лылварй сыс отпхандлы, савй сыс джиибнаскири лылварй, и мулэ сыс сэндиндлэ пир дова́, со ёнэ кэрдэ пал пэскиро джиибэн, и со сыс зачхиндлó дрэ лылваря. ¹³ И мо́рё (дэрьяв) отдыя́ пэскирэ мулэн, со сыс дрэ лэстэ. Мэрибнаскиро штéто и люно́ (адо), со исын тэл пхув, дынэ палэ пэскрэ мулэн, савэ сыс дрэ лэндэ. Лэн сэндиндлэ со екхэс пир дова́, со ёнэ кэрдэ. ¹⁴ Мэрибнаскиро штéто и люно́ (адо) сыс чхурдынэ дро зеро ягаса. Дава́ исын явир мэрибэн-зеро ягаса. ¹⁵ И ко́ли вари-кон на сыс латхно дрэ джиибнаскири лылварй, ёв сыс чхурдынó дро зеро (озеро) ягаса.

Шэро́ 21

Нэво́ Болыбэн и Нэви́ Пхув

¹ И мэ дыкхцём нэво́ болыбэн и нэви́ пхув. Пёрво болыбэн и пёрво пхув хасинэ и мо́рё (дэрьяв) бутыр нанэ. ² И мэ, Иа́но, дыкхцём Свэ́нто Фо́ро, нэво́ Ерусалимо, саво́ джалас тэлэ Дэвлэстыр болыбна́стыр. Фо́ро сыс скэдынó и шукар уридо́ сырбы тэрны́ ваш лакирэ ромэскэ. ³ И мэ шундём зоралы́ зан троностыр, со пхэндя́: “Акэ, исын Дэвлэскири шатра кхэтанэ манушэнца! Ёв явэла тэ дживэл лэнца, и ёнэ явэна Лэскирэ мануша́. Кокоро́ Дэвлэ явэла лэнца и Ёв явэла лэнги́ро Дэвлэ. ⁴ И Дэвлэ выкхосэла кажно́ ясвин лэнгирэ́ якхэндыр. Мэрибэн бутыр на явэла, ни туга, ни роибэн, ни дукх. Пал-дова́ со саро́, со сыс ангил, хасий.” ⁵ И, Кодова́, Кон сыс бэштó пэ тронó, пхэндя́: “Акэ, мэ кэра́ва саро́ нэво́.” И адякэ-паць пхэнэла ма́нгэ: “Зачхин, пал-дова́ со кадалэ́ лава́ исын чачунэ́ и патяибнытка.” ⁶ И Ёв пхэндя́ ма́нгэ: “Кэрдя́пэ кэ ко́нцо (яго́ро) (сполниндя́пэ). Мэ сом Альфа́ и Омега́, Англыпэн и Ко́нцо (Яго́ро). Одолэскэ, конэ́стэ исын смэга́ (жажда), Мэ да́ва тэ пьел джиибна́скирэ-панё́скирэ ганынгорья́тыр би ловэнги́ро. ⁷ Одова́, кон лэ́ла упралыпэн, прилэ́ла дава́ мэ́кно миштыпэн Ма́ндыр: Мэ ява́ва лэскэ́ Дэвлэ, и ёв явэ́ла Мирó Чхаво́. ⁸ А даранду́ки, напатяибна́скирэ, магирдэ́ дро вари-со, замарибна́рья; одолэ́, кон кэрдя́ биладжаипэн, човаханэ́, кон клониндя́пэ патыва́са (кэрдэ́ шэ́рэса) идолэнгэ́, хохаибна́рья-лэнги́ри паш явэ́ла кхэтанэ́ дро зеро́ (озеро), со хачо́ла ягаса́ и дзэвэля́са (сераса); дава́ исын-явир мэрибэн.”

Нэво́ Ерусали́мо

⁹ И га́да, екх эф́та (эфтэ́) Янго́лэндыр, савэ́ндэ сыс эф́та тахта́я (чашы), со сыс пхэ́рдэ эф́та палатунэ́ франсэ́нца, подгы́я кэ, мэ и пхэндя́: “Яв! Мэ сыкава́ва ту́кэ тэрня́ Свэ́нтонэ́-Бакрорэ́скирья ромня́!” ¹⁰ Мэ со́мас дро ду́хо (фа́но) и Янго́ло газды́я ман пэ бари́ и вучи́ бэ́рга и сыкады́я ма́нгэ свэ́нто фо́ро, Ерусалимо, со джалас тэлэ́ болыбна́стыр, Дэвлэстыр. ¹¹ Дава́ фо́ро зяиндя́ Дэвлэскирэ́ ярконэ́ слава́са. Лэски́ро дуд, саво́ зяиндя́, сыс сы́рбы древа́н куч бар, со зяинэ́ла, сыр бар ясписо́, дыцьло́ сыр кри́стало. ¹² Дро дава́ фо́ро сыс бари́ и вучи́ ва́нта дэшуду́е портэ́нца (вратэ́нца) и дэшуду́й Янго́лы сыс пашы́л далэ́ порты́, а пэ далэ́ порты́ сыс зачхиндлэ́ дэшуду́й лава́, со исын дэшуду́й титу́лы-дэшуду́е Израилё́скирэ родэ́ндыр. ¹³ Пэ чачи́ риг сыс трин порты́, трин порты́ пэ за́падно паш-раты́тко (северно) риг, трин порты́ пэ паш-дывэсы́тко (южно) риг, трин порты́ пэ пал-панитко́ (за́падно) риг. ¹⁴ Форóскиро́ ты́но рики́рдяпэ́ пэ дэшуду́й тэлатунэ́ бара́, пэ савэ́ сыс дэшуду́й лава́ Свэ́нтонэ́-Бакрорэ́скирэ́ Апостолэ́ндыр. ¹⁵ И Янго́лостэ́, саво́ раки́рдя ма́нца, сыс сувнаку́но

дэсто тэ меринэл форо, порта (враты), лэскиро тыно (ванта). ¹⁶ И форо сыс сыр квадрато: лэскиро длэнгипэн сыс дасаво-паць сыр буглыпэн. И Янгóло змериндя форо дэстэса: дуй бара штар шэла километры (вэрсты), длэнгипэн, и буглыпэн, и вучипэн исын дасавэ-паць. ¹⁷ И ёв мериндя фороскири бар: шовдэша мэтры штар шэла пир манушэнгири мэра, дава исын и Янгóлоскири мэра. ¹⁸ Фороскири ванта (бар) сыс кэрды ясписостыр, а форо сыс жужэ сувнакастыр сыр жужо стёкло (балун). ¹⁹ И тэлатунэ бара, пэ савэ сыс фороскири ванта, сыс гожакирдэ кажнонэ куч барэнца: пэрво тэлатуно бар сыс ясписостыр, явир – сапфиростыр, трито – халкидоностыр, штарто – зумрудостыр; ²⁰ пэнджто – сардониксостыр, шовто – сардисостыр, эфтаго-хризолитостыр, охто – бирилостыр, енято – топазостыр, дэшто – хриstopразостыр, дэшупэрво – гиацынтостыр, дэшудуйто – аметистостыр. ²¹ И дэшудуй порты сыс кэрдэ дэшудуэ мутиэндыр (жэмчугэндыр), кажно порта екх мутинатыр. Фороскирэ вулицы (гасы) сыс жужэ сувнакастыр сыр прозрачно стёкло (балун).

Нэвонэ Ерусалимóскири Ярko Слáва

²² Нэ мэ на дыкхцём Кхангири дро дава форо, пал-дова, со Рай Дэвэл, Сарэзорьякиро, и Свэнтó Бакрорó Кокорó исын дая Кхангири. ²³ Фороскэ на трэй ни кхам, ни чхон тэ дэл дуд (свэто), соб (кай) тэ зяинэл дро лэстэ. Дэвлэскири ярко слáва зяинэла дудэса дро форо и Бакрорó исын сырбы момолытко (светильнико). ²⁴ И манушытка народы явэна тэ псирэн фороскирэ дудэстыр, а крálья пэ пхув янэна пэскиро миштыпэн. ²⁵ И фороскири порта на захандэлапэ ни дывэсэ, пал-дова со рат на явэла одой. ²⁶ И манушытка расы (народы) янэна дро форо слáва и патыв. ²⁷ Ни савó магирдо, и кодова, кон кэрэла джунгалыпэн (брыткама) и хохавэла нашты тэ заджал дро дава форо, а екх одова, кон исын зачхиндло дрэ джибнаскири лылвари Бакрорэстэ.

Шэрó 22

Джибнаскири Рэка

¹ И Янгóло сыкадя мангэ рэка (лэнь) джибнаскирэ панэса, сави сыс жужы, сыр кристало. Ёй тхадэлас Дэвлэскирэ и Бакрорэскирэ тронóстыр. ² Машкир фороскири гаса (вулица), пэ екх и пэ явир рэкакири (лэнякири) риг сыс джибнаскиро кашт (дрéво), со дэлас дэшудуй барьякирдэ (плóды), кажно чхон пэскиро барьякирдó. И каштэскирэ патрý (листы) сыс тэ састякирэн манушытка нáции (народы). ³ И бутýр на явэла нисó прокошнó. И Дэвлэскиро и Свэнтонэ-Бакрорэскиро трóно явэна дро дава форо и Лэскирэ писхáрья явэна тэ дынаринэн Лэскэ, ⁴ и ёнэ явэна тэ дыкхэн Лэскиро муй. И Лэскиро титуло явэла пэ лэнгирэ чэката. ⁵ И рат на явэла бутýр и лэнгэ на явэла трэй лампакиро дуд (свэто) и дуд кхамэстыр, пал-дова со Рай Дэвэл явэла тэ дэл лэнгэ дуд. И ёнэ явэна тэ кралинэн пэ сарэ вéки.

Сыр Исýсо Явэла

⁶ И Янгóло пхэндя мангэ: “Кадалэ лава исын патяибнытка и чачунэ. И Рай Дэвэл, Кон дэлас дýхо (фáно) пророкэнгэ [свэнтонэ-р.с.], бичхадя Лэскирэ Янгóлос тэ сыкавэл Лэскирэ писхáрьэнгэ дова, со трэй тэ явэл сыг. ⁷ И, акэ, Мэ явава сыгэс”, – ракирэла Христóсо. “Бахталó исын кодова, кон раххэла пророчытка лава лылварьякирэ пхэныбнастыр пал дова, со явэла ангил.” ⁸ Мэ сом, Иáно, савó дыкхця и шундя кадава. И кэли мэ шундём и дыкхцём, тэды мэ пыём мóса тэ поклонинавпэ патываса ангил Янгóлоскирэ гэрá, Савó сыкавэлас мангэ сарэ далэ рэндy. ⁹ Нэ ёв пхэндя мангэ: “Дыкх! На кэр дава! Мэ сом дасаво-паць писхáри, сыр ту сан. Мэ адýкэ-паць сом писхáри, сыр и тырэ пшáла, прорóки, савэ раххэна лава далэ лылварьякирэ свиткостыр: “Кэр шэрэса (клонинпэ) патываса Дэвлэскэ!” ¹⁰ И ёв пхэндя мангэ: “Нá чхув чэргэнорí пэ лава пхэныбнастыр пал дова, со явэла ангил (со исын дро лылварьякиро свитко), пал-дова со часо исын пашыл. ¹¹ Мэк начачуно дурэдýр тэ кэрэл

начачипэн, мэк ладжакирдó кэ магирибэн дурэдýр тэ кэрэл ладжаипэн. Мэк чачунó дурэдýр тэ кэрэл чачипэн; мэк свэнто дурэдýр тэ явэл Свэнтонэса.”¹² “Акэ, Мэ явава сыгэс (ракирэла Христóсо), – соб (кай) Мэ тэ отдав палэ кажнонэскэ пир дова, со ёв кэрдя.”¹³ Мэ сом Альфа и Омега, Пэрво и Палатунó, Англыпэн и Кóнцо (Ягóро).¹⁴ Бахталэ исын одолэ, савэ рикирэнапэ кэ Лэскирэ припхэныбэна, соб (кай) лэндэ тэ явэл право кэ джиибна́скиро кашт (дрéво), и соб (кай) тэ заджал дро фóро пир пóрта.¹⁵ А яври пал фóро исын джукэла, човаханэ, и кон дживдя джувлэнца сыр ромняса би сэвлакиро, замарибна́рья, и кон мангдяпэ идолэнгэ, и сарэ явир, конэскэ дава́ сыс пир илó тэ ракирэл хохаибэн.¹⁶ Мэ сом, Исýсо, бичхадём Мирэ Янголос тэ допхэнав тумэнгэ дава́ пир кхангирья. Мэ сом Давидóскирэ ратэстыр и лэскирэ-чхавэнгиро чхавó, ярко Злокоскири Чэргэн.”¹⁷ Дýхо (Фáно) и тэрны пхэнэна: “Яв!” И мэк о одова́, кон шунэла, тэ пхэнэл: “Яв!” И мэк одова́, конэстэ исын смéга, тэ пьел джиибна́скиро пани́ би ловэнгиро.¹⁸ Мэ допхэнава кажнонэскэ, кон шунэла лава́ далэ лылварьякирэ пхэныбна́стыр пал дова́, со явэла ангил, со исын дро свйтко тэ раххэлпэ: кóли вари-кон пхэнэла лишнима кэ дава́ пхэныбэн, со явэла ангил, тэды Дэвэл бичхавэла фр́ансы пэ кодолэстэ, пал со исын чхиндлó дро дава́ лылварьякиро свйтко.¹⁹ И кóли вари-кон отлэла вари-со далэ лылварьякирэ пхэныбна́стыр, со явэла ангил, тэды Дэвэл отлэла лэскиро штéто джиибна́скирэ каштэстыр (дрэвостыр) дро свэнто фóро, пал со исын чхиндлó дро дава́ лылварьякиро свйтко.²⁰ Одова́, Кон допхэнэла сарó кадава́, ракирэла: “Чачó. Мэ явава сыг.” Амíнь. Яв, Раё Дэвла, Исýсо.²¹ Мэк бахталыпэн Рáскирэ-Дэвлэскирэ, Исусóскиро Христосóскиро тэ явэл тумэнца.